

# ZACCVTI LVSITANI OPERA OMNIA,

In duos Tomos diuifa.

*PRIORE CONTINENTVR*

De-Hiftoria principum Medicorum Libri VI.

*POSTERIORE,*

Prais Hiftoriarum Libri V.

Intritus ad Praxin.

Pharmacopœa.

Prais Medica admiranda, multis Obferuationibus ab  
Authore locupletata.





En ZACVTVM, lusitanæ fulgidum sidus p̄læ,  
Principem chori medentū, sæculi miraculū.

CAR. SPONIUS DM.

Audran fecit



Philippus Loquet Doctor Medicus Abbailla

ZACVTI

LVSITANI,

MEDICI ET PHILOSOPHI

PRÆSTANTISSIMI,

Opus Tomus primus,

IN QVO


DE MEDICORVM

PRINCIPVM HISTORIA

LIBRI SEX:

VBI MEDICINAE OMNES HISTORIAE,  
de morbis internis, quae passim apud Principes Medicos occurrunt, concinno  
ordine disponuntur, Paraphrasi, & Commentariis illustrantur:  
necnon Quaestionibus, Dubiis, & Observationibus  
exquisitissimis exornantur.

Edito postrema, à mendis purgatissima.



LVGDVN.

Sumptibus IOANNIS ANTONII HVGVEIAN, Filij;  
& MARCI ANTONII RAVAVD.

M. DC. XLI. X.

CVM PRIVILEGIO REGIS CHRISTIANISS.





IMPERATORI  
IMPERATORVM.  
REGI REGVM.  
DOMINO DOMINANTIVM.

ÆTERNO VERITATIS PATRONO,  
Sacrosancto Archiatro, & Iudici æquissimo,

*Zacutus Lusitanus Medicorum minimus.*

**C**ONSUEVERUNT qui Imperatori-  
bus, Regibus, Magnatibus lucubratio-  
nes suas nuncupant, in eo potentissi-  
mum versari, ut eorum Genealogiam,  
laudes, facinora, eleganti scribendi stylo  
prosequentes, plenissimis (ut aiunt) tibiis iactent, præ-  
dicent, ad sidera euehant, & extollant. Ego verò ab  
his recensendis supersedens, ad securissimum sapien-  
tiæ tuæ portum confugio, cuius laudes canant Ar-  
changeli, cuius Maiestatem tremant potestates, &  
omnis Prophetarum laudet exercitus. Nam quis hu-  
mano ore id fieri posse arbitratur, licet illi centum  
linguæ, oraque centum, ferrea vox? nullus sanè, nisi  
insanæ mentis compos. Concessisti ergo Misericor-  
diosissime Domine, his in omnes MEDICORVM  
PRINCIPVM HISTORIAS commentariis, coroni-  
dem imponi: sed qua studii sedulitatē, quibus vigi-  
liis factum sit hoc indefessi laboris opus, in mediis



occupationum fluctibus natum, illustratúmque, Tu qui renes, ac corda perscrutaris, probè nosti. Et quamquam difficilis hic nostrarum lucubrationum exitus in Phyſica, & Medica scientia, à promulgatione veritatis, retrahere hominem meticulosum, & inconstantis animi posset: me tamen, cùm continuò foueas, certóque promittas, instituti nostri scopum, veritatem scilicet à te ortam, mendacij tenebris non ofuscandam, futurum polliceris, vt non multos post annos, vel peritissimi acceptam referant; & Iuniorum Placita increpata, æqui, bonique consulant. Quo factum est, vt nostri labores dulcissimi, ex amarissimis reddantur: & maximè, si te supremum veritatis tribunal, vnicum habeam propugnaculum, & defensorem. Accipe igitur, quas tibi libentissimè studiorum nostrorum debitas offerimus primitias, & humillimum seruum tuum (quem ab ineunte ætate, paréntibus orbatum, pauperem, egenum, humano prorsus destitutum auxilio, tua diuina tutela protectum, Pietate, & Clementia adiutum, altum ad Medicinæ culmen, & optatum scientiæ gradum feliciter perduxisti, à Zoilorum calumniantium iniqua linguâ, virulentis morsibus, ac liuidâ proteruiâ, tuere, tege, defende.





# LVDOVICO IVSTO,

HVIVS NOMINIS XIII.

GALLIARVM ET NAVARRÆ REGI,

Christiani Orbis moderatori Inuictissimo, semper Augusto.



V M Principes vniuersi Orbis contemplor, CHRISTIANISSIME SIMVL, AC POTENTISSIME LVDOVICE, quorum patrocinio hanc rudem opellam commendarem, nullam, excepto te Monarcha tanto, inueni, quo auspice, & patrono publicum indispiscatur hic liber, quem iam maturum, subactum exercitatione multa, sparsum veluti fruge bona veterum lectionum, & illustrium quæstionum floribus decoratum tibi libenter offero, securus quid tentet inuidia, quid moliatur calumnia: nam Herculeo tuo clypeo permunitus, virulentorum hominum morsus rabidos coërcebo. Cùm enim amorem tuum erga studiosos, & litterarum cultores beneuolentiam, quam vel extremum Orbis finem habitantes, plenissimis, vt aiunt, tibiis iactant, prædicant, & buccinantur, attenta mentis acie considero, clariora iudico opera tua, quæ nulla humana lingua vix lustrari queunt, aut ferrea doctorum hominum, atque adamantina signari voce possunt. Sed quid plura confector, ac colligo, quando tu solus diuino afflatus Spiritu, Galliarum populosissimas prouincias, tot illarum sinus, tot promontoria, tot littora, tot insulas, tot portus, tot maritimas, easque bellicosissimas oras, tot oppida, tot vrbes, tot instructissimas arces, tot minutissima castella, tot fortissima præsidia, incredibili dexteræ tuæ fortitudine in vnâ communissimam cōcordiam redegisti, quæ antea armis, intestinisque bellis exardentia, erant æquata solo, & flammis prorsus exusta? Quid commemorem Rupellenfes indomitos, quorum superbiam, & diram rabiem, pacis, armorumque arbiter, sola maiestate prosternens, solo nomine, solo virtutis miraculo infrænasti, & vno veluti pugillo conclusisti? Tu totius veluti mundi sequester, & Ianitor; Galliam, cui tanquam Sol aureus præfides, multis antea calamitatibus obsitâ, grauibz hostium ærumnis oppressam recreasti, & in amplissimum securitatis, seu tranquillitatis portum ex angusto vitæ discrimine nunc reuocas. Quo ergo nomine hi syncerioris Medicinæ flosculi prodibunt fortunatiores? aut quem huius libri fautorem comparabo sublimiorem? nam, vt omittam tui sermonis suauitatem, clementiam, mansuetudinem, morum comitatem, Imperatoriam, & indicibilem gratiam, qua splendes, ita hæc cum maiestate, maiestas cum dignitate, gloria, & auctoritate certant, vt te omnes certatim nuncupent, clament, velint, & communi voto totius Orbis Gubernatorem sibi cunctæ Nationes expostulent: non enim laboribus, non industriæ, non diligentia, non solertia pro gloria comparanda pepercisti vnquam, nihil inconsultè tentasti, nil nisi cum laude peregisti. Ob hæc remotissimi Reges, illustres Magnates tua gestiunt adorare vestigia, tuisque se genibus aduoluere festinant, immò Orbis vniuersus tua splēdidissima facinora hæreditario iure acquisita admiratur. Quod si hæc præexcelsa animi, & corporis insignia retexere velim, nunquam præ multitudine, & affluentia illorum finis futurus esset orationi meæ. Denique cùm hoc tempore tota fremat Germania bello, ferueat vehementius Anglia, æstuet Hispania, armis accendatur Italia; nec Polonia, aut Scotia, Brasilienses, India Orientalis, Occidentalis, Persia, Armenia,



& tota Græcia, aut Abissinorum vastissimum regnum pace fruantur, & nobis circumcirca hostis immineat, tamen in Galliam tuam, nullis veluti finibus coërcitam, diuersorum multitudine numerosa refertissimam, singulari prudentia, maturo consilio, pietate, æquitate, Iustitia, non tam armorum, quàm beneuolentiæ vinculis, quæ sunt verè Principum fortissima tela, conseruas, quod nec alij bellicosissimi Reges ante te assequi vnquam potuerunt. O verè strenuum, & Heroicum Principem ! ô præclarissimum sapientiæ æternâ memoriâ celebrandæ nullo vnquam tempore intermoriturum specimen ! ô felices, atque beatos populos, quibus talem Regem, Moderatorem scientissimum, atque Iustissimum habere contingit ! Ergo triumphantissime Rex, Christianæ molis Atlas constantissime, Zacutum Lusitanum, huius libri auctorem, mille calamitatum fluctibus agitatam, ad Regios tuos pedes deuolutum, tuasque munificentissimas, & liberalissimas manus exosculantem, foue, tuère, & à nasutulis censoribus, ne nomen eius suggillationis contagio polluatur, defende, & in clientelam tuam admitte. Hoc si feceris, pulchriora fortè, & maiora, quæ iam prælo gemunt, te fautore, lucis vsurâ fruentur. Æternum totius Orbis Conditorem, qui te tantis virtutum condecorauit titulis, suppliciter, obnoxiè, & indefinenter, omni que votorum nuncupatione precor, vt te Inclytum Principem in longissimos annos, Gallis tuis, nobis, toti Orbi, immò & posteris semper felicissimum, inuictissimum, triumphatorem conseruet, & augeat.

Manus tuas Regias exosculor, Augustissimæ Majestati tuæ addictus, humillimus seruus,  
ZACVTVS LVSITANVS M. D.

## Priuilege du Roy.

**N**OVVS PAR LA GRACE DE DIEV ROY DE FRANCE ET DE NAVARRE, A nos amez & feaux Conseillers les Gens tenans nos Cours de Parlement, Maistres des Requestes Ordinaires de nostre Hostel, Baillifs, Seneschaux, Preuosts, leurs Lieutenans, & à tous autres de nos Iusticiers, qu'il appartiendra, Salut. Nostre cher & bien amé JEAN ANTOINE HVG VETAN LE FILS, Marchand Libraire en nostre ville de Lyon, Nous a fait remonstrer qu'il desireroit imprimer les Oeuures de ZACVTVS LVSITANVS, sur vne copie cy deuant imprimée, mais parce qu'il ne les peut faire sans vne grande despence qui luy seroit onereuse au lieu de luy estre vtile, si quelqu'un les contrefaisoit, il nous a treshumblement supplié de luy accorder nos lettres de Permission necessaires, pour luy assseuer les fraix qu'il a fait, & qu'il sera obligé de faire. A ces causes, & desirant gratifier l'exposant qui s'efforce de contribuer tous les iours par l'exercice de son art à l'vtilité de nos suiets, Nous luy auons permis & permetrons par ces presentes d'imprimer, faire imprimer, vendre & debiter en tous les lieux de nostre obeïssance lesdites Oeuures de Zacutus en vn ou plusieurs Volumes, en telles marges, en tels caracteres, & autar de fois qu'il vouldra, durant l'espace de sept ans accomplis, à compter du jour que chascun Volume sera acheué d'imprimer. Et faisons tres expresse defences à toutes personnes de quelque qualiré & condition qu'elles soyent d'en imprimer, vendre, ny debiter aucune chose en pas vn lieu de nostre obeïssance, sans le consentement de l'exposant ou de ceux qui auront son droit, sous pretexte d'augmentation, correction, changemét de titres, fausses marques, ou autrement en quelque maniere que ce soit, à peyné de trois mille liures d'amende payables sans deport, par chacun des contreuens, & applicables vn tiers à Nous, vn tiers aux Hostels Dieu où se feront les saisies, de confiscation des Exemplaires contrefaits, & de tous despens, dommages & interests; à condition qu'il en sera mis deux Exemplaires en nostre Bibliotheque publique, & vn en celle de nostre tres cher & feal le Sieur Seguier, Cheualier, Chancelier, de France, auant que de les exposer en vente à peyne de nullité des presentes. Du contenu desquelles, nous voulons & vous mandons que vous fassiez iouir l'exposant & ceux qui auront droit de luy, sans souffrir qu'il leur soit donné aucun empeschement. Voulons aussi qu'en mettant au commencement de chacun desdites Oeuures vn extrait des presentes, elles soyent tenues pour deüement signifiées & que foy y soit adioustée, & aux copies d'icelles, collationnées par l'un de nos amez & feaux Conseillers & Secretaires, comme à l'Original. Mandés au premier nostre Huissier ou Sergent sur ce requis de faire pour les executer tous exploits & actes necessaires, sans demander autre permission; C A R tel est nostre plaisir, Nonobstât oppositions, ou appellations quelconques, & sans prejudice d'icelles, Clameur de Haro, Chartre Normande, Coustumes, Statuts, & Reglemens, ou Cōfirmation d'iceux, permission, priuileges obtenus ou à obtenir, & autres lettres à ce contraires, auxquelles nous derogeons pour ce regard seulement. DONNE' à Paris, le vingt-sixiesme iour de Iuillet, l'an de grace, mil six cens quarante-neuf; Et de nostre Regne le septiesme, Par le Roy en son Conseil. Signé, C O N R A T.

*Acheué d'imprimer le 2. Octobre 1649.*

Et ledict JEAN ANTOINE HVG VETAN Fils, a associé au present Priuilege Marc-Antoine Rauaud, pour en iouir conformement au traité fait entr'eux par leur Societé.

ZACVTI





# ZACVTI LVSITANI,

A D

BENIGNVM LECTOREM,

omnis Literaturæ cultissimum, artis-  
que Phœbææ præstantissimum  
alumnum,

TOTIVS OPERIS PRÆFATIO.



INTER multas, præstantissimâsque Artes à Deo Optimo hominibus datas, nulla est quæ vel originem illustriorem, antiquioremve habeat, quàm Medicina. Nam eam à cœlo ortam, elapsamque, & nobis ab Altissimo commendatam, omnes antiquissimæ historiæ, tam Diuinæ, quàm humanæ, & Poëtæ, vetustissimi omnium scriptores, memoriæ prodiderunt.

Hanc esse Medicinæ originem, siue Hebræos, Arabes, Ægyptiôsve sequamur, nulli non est manifestum. Illi enim Adam primum humani generis Parentem, Diuino eam numine accepisse ferunt, vt elegantissimè scribit Platoniorum Princeps Marsilius Ficinus *lib. 4. suarum epistolar.* Reliqui primos Medicinæ inuentores Deos assignarunt, Cœloque dicarunt: Quare ipsa à Deorum oraculis multifariam petita est, auctore Plinio *lib. 29. natur. histor.* adeò vt veteres omnes vix crederent, Medicinam ab humanis potuisse ingeniis inueniri, cum ipsa, vt refert Quintilianus Auus *declamat. 268.* res sit sacra, donumque Dei appellari mereatur.

Deinde, quis secum pensitet, quàm multiplex sit in humanis corporibus diuersitas: Quanta ex ætatibus, cælo, sexu, regionibusque varietas: Quàm infinita in tot millibus herbaram discrimina: Quàm innume-



## PRÆFATIO TOTIVS OPERIS

rabilia morborum genera, quæ supra 300. nominatim fuisse prodita refert Plinius *lib. 26. cap. 1.* Quot sint venenorum mille pericula: Quot infidiæ, quibus mortales quati solent: quibus omnibus ars Medica variis sanè munita auxiliis, promptissimè opem fert, & mirabiliter opitulatur.

Denique quis cogitet quanta sit in corporum cœlestium obseruatione varietas, quam nisi cognoueris, sæpenumquid venenum erit, quod in remedium datur: Ne interim commemorem sæpè fallaces morborum notas siue colorem habitus spectes, siue lotij signa rimeris, siue pulsus harmoniam obserues, vt non immeritò Hippocr. *in limine Aphorismorum* pronunciauerit Iudicium esse difficile: velut hoc agentibus malis, vt hostem Medicum fallant, & imponant: tantus vndique sese offundit difficultatum tenebricosus labyrinthus, vt arduum planè sit, omnes, vel oratione prosequi, vel mente complecti laboriosum videatur.

Hæc omnia ingenio assequi, industria peruincere, esset profectò fibras terræ, & abscondita eius viscera penetrare; A deò innumerabilia sunt, quæ Medicina, artium omnium nobilissima, hominem solùm contemplans, inquirat, & rimatur, vt nihil sit sub pedibus eius, vel supra eum in toto orbe, quod ipsa sagacissimè, vel ipso digito non ostendat, patefaciat, ac vndique exploratum reddat. Herbarum enim, fruticum, suffruticum, arborum, plantarum, foliorum naturam exactissimè perpendit. Animalium arcana subtilissimè insequitur. Omnium denique quæ hominum vitæ conferre possunt, (quæ propemodum sunt infinita) aut illi nocere queunt, perscrutatur.

Ad hæc, nullum ita sæuum extat malorum genus, nullum ita pestilens, nullum ita contagiosum, cui non sint à Medicis saluberrima excogitata auxilia: sic enim deambulare claudos, balbutientes loqui, & insanos, stultosve resipiscere videmus: Quæ res par miraculo (si miraculum non sit) Diuinitati solùm adscribenda videtur. Ita Deus Opt. Max. humani generis misertus homines natura perductos, Medicorum arte, cura, ac diligentia tuetur.

Deus nobis vitam dedit, Medici ipsam prosperam, & incolumem seruant, & iam iam labascentem retinent, ac multò efficiunt diuturniorem.

Ea est huius excellentissimæ Artis dignitas, præstantia, ac necessitas, vt ad vitam mortuos (quod solius Dei proprium est) reuocet, ac restituat: Quod persæpè Æsculapium, ac Podalirium, summos Medicos, fecisse experientia compertum est.

Empedocles etiam Philosophus, & Medicus celeberrimus maximam ex eo gloriam consecutus est, quòd mulierem defunctam, viuam dimiserit, vt testis est Heraclides Ponticus, *in eo libro, cui titulus est, De deperdita respiratione.*

Asclepiades etiam inter Medicos magni nominis, hominem exanimatum, elatum; comploratùmque, è rogo in domum viuum reduxisse traditur à Plinio *lib. 3. cap. 37. & lib. 26. cap. 3.* Quot censet, inquit ille, homines ante diem sepultos fuisse, priusquam Medicorum solertia, morborum vires, & remediorum naturas deprehenderit. Quot hodie mortalium millia viuunt, qui ne nati quidem essent, nisi eadem ars tot nascendi discriminibus, remedia, & obstetricandi rationem, exactamque viam reperisset? Adeò, vt pariens simul, & nascens, statim in ipso vitæ limine Medicorum opem miserabili vo-



ce implorent; & qui nondum vitam acceperunt, dum per eam prohibentur abortus, dum mulieri seminis retinendi, & elaborandi vis confertur, dum pariendi facultas datur. Ea est Medicinæ vis, & in curandis, præservandisque humani corporis malis efficacia, ac potestas.

Hanc etiam tota commendat antiquitas, & eam primam omnium reperit necessitas: Si quæris scientiam: auctores illustrant. Si quid auctoritatis addit honos: non alia tam passim, ac tamdiu honores diuinos meruit. Si magni fiunt, quæ summis viris probantur: hæc summos Reges, hæc Primates non solum delectauit, verum etiam illustrauit. Si difficilia quæ sunt, ea sunt & pulchra: nihil hac operosius, quæ tot disciplinis, tantarum rerum peruestigatione, vsuque constat. Si dignitate rem æstimamus, quid excellentius quam ad Dei benignitatem proximè accedere? Si potestate: quid potentius, aut efficacius, quam totum hominem certo exitio periturum, sibi posse restituere? Si necessitate: quid æquè necessarium, atque id sine quo nec viuere, nec nasci licet? Si virtute: quid honestius, quam seruare genus humanum? Si vtilitate: illius vsu neque maior est, neque latius patet. Si compendio: aut hæc imprimis frugifera sit oportet, aut ingratiissimi mortales. De cuius origine, antiquitate, necessitate, honore, difficultate, dignitate, potestate, vtilitate, lege, quæ eloquentissimè, ex omnium auctorum sententia scripsit Petrus Andreas Canonherius, *in suis politicis, & medicis ad lib. septem Aph. commentariis, in præfat. in cap. 1. à num. 1. usque ad num. 83.* & non siluit Lipsius elegantissimus *in orat. utrum Iurisperitia, an Medicina plus boni hominibus attulerit.*

In hac ergo celeberrima Arte, celeberrimi, & famigeratissimi Medici extitere. Inter quos fuit ille primus, Diuinus sanè, ac Venerandus senex Hippocrates Coüs, fulgentissimum Medicinæ lumen veriùs nuncupandus, De cuius laudibus sat plura veteres, & iuniores ferè omnes, cuius genealogiam, viuendi genus, librorum æstimationem & numerum, graphicè, solertèrque descripserunt Ludovicus Lemosius Lusitanus eruditissimus, *in tract. De iudicio operum Magni Hippocr.* & nuper Mercurialis *eadem titulo.*

Post Hippocr. non defuere Viri, ingenio, acutie, & medendi scientia clari, qui ipsius doctrinam eleganter illustrarunt; de quorum cœtu fuere Diocles, Archigenes, Asclepiades, Apollonius, Ruffus, Polybius, Moschio, Cleopatra, Musa, Thucydides, Sabinus, Dioscorides Anazarbæus, Lycus, Pelops, Mantias, Herodotus, Democrates, Herophilus, Antyllus, Celsus, Crito, Philotimus, Praxagoras, Soranus, Domnus, Attalio, Capito, & alij, de quibus Galenus memorabilem, honestamque semper fecit commemorationem. Quorum volumina reposita in templo, Romæ incendio conflagrarunt, quando Pacis delubrum totum, & ingentes Palatii Bibliothecæ exustæ fuerunt, vt Gal. *lib. 1. per gener. cap. 1. & lib. de lib. prop. cap. 2. & 11.* latissimè retulit.

Sed hos omnes longo interuallo superauit Galenus fortissimus Medicorum Antesignanus; qui sexcentis post ipsos annis, ita vniuersam Medicinam veterem, Hippocratica breuitate obscuram, & demonstrationum firmamentis orbam, mira ingenij solertia, ardua scribendi libertate, ingenuo, ac venusto in capita certa ordine disposuit, atque digessit; & adeò purè, eleganter, copiosè, & doctè omnia proposuit, rationibus stabiliiuit, eadem expoliuit, locupletauit, atque perfecit, vt eum, artem hanc primò instituisse, ac genuisse sit dicendum.



## PRÆFATIO TOTIVS OPERIS

Duobus hisce Medicinæ luminibus accessere Principes Græci, veræ, saniorisque medicæ peritiæ professores, fidelissimi, exercitatissimi, ac scientissimi.

Inde linguarum, disciplinarumque liberalium, densa per Græciam ac Latium oborta caligine, ad Arabes deuoluta sunt studia: quibus excolendis Arabum maximus Auicenna, & post hunc, cæteri Mauritanicæ familiæ procures doctissimi, qui Hipp. Galenique vestigiis inhærentes, obscuriora quædam plenius, clariùsque prodere, & pro virili sua parte scientiam hanc singuli amplificare studuerunt.

Sed cum homines non solum sibi, sed & aliis nati esse videantur, Post hos non defuere viri præstantis ingenij, acutissimi, ac peritissimi, qui superiorum doctrinam explanare, rationibus fulcire, argumentis munire conati sunt, & aliqua proprio Marte adaugere, & nouare, cum summa sui nominis & famæ celebritate ausi sunt.

Sicque primis illius Parentis obscuras Aphoristicas dictiones, tanquam ex Delphico tripode, prædicentis, ac prædiuinantis explicarunt Philotheus, Oribasius, Dinus Florent. Vgo Senensis, Iacobus Forliu. Thadæus, Marinellus. Sequuti sunt Hieremias Thriuerus, Fuchsius, Barochius, Cardanus, Hollerius, subtilis Argenterius, Capiuacius, Christophorus à Vega, Vallesius, Brasauolus, Mercurialis, Guilielmus Plantius, Anutius Foësius, Benedictus Buthemantinus, Butinus, Rodericus à Fonseca, Ambrosius Nunius, & nuper Ioannes Heurnius practicis breuib. obseruationibus egregiè; & post omnes nuperrimè Petrus Andreas Canonherius Antuerpiensis, omnes septem particulas, moralibus, politicis, medicis, & theologicis commentariis elegantissimè.

Libros Epidemiôn subtilissimè exposuere Vallesius, & Musa Brasauolus: lib. secundum Iacobus Esteue Valentinus: sextum Fuchsius: & historias epidemicas, variæ lectionis vir Mercurialis.

Coacas Prænotiones Hollerius, Desiderius Iacotius, & subtilissimus Durerus.

Libros muliebrium morborum felicissimè Mauricius Cordæus explanauit. In eisdem morbis insudarunt Gynæciorum auctores, quos primò Gasparus Bauhinus in quatuor tomos; deinde Israël Spachius in vnum volumen collegit; hos sequuti sunt solertissimus Rodericus à Castro, Petrus Forestus, Akakia, Marinellus, Massaria, Sennertus, Varandæus, Ioannes Heurnius, Hucherus, & Nicolaus Fontanus, & vltimò Raphaël Moxius Gerundensis, qui nuper foeminarum morbos acutos curandos per venæ sectionem, graphicè delineauit: fecit etiam Ranchinus.

Libros de rat. vict. in morbis acutis Brasauolus, Brachelius, Vallesius, Mercurialis, & Ioannes Heurnius doctissimè explanarunt.

Libros 22. Hipp. Theodorus Zuñingerus tabulis suis eruditissimis poliiuit, & exornauit.

Omnia opera Hipp. Anutius Foësius succinctis scholiis illustrauit, & Hippocrati conlexicon construxit admirandum.

Lib. de insomniis clarissimus Iul. Cæsar Scaliger explanauit.

Libros Prognosticôn Vgo, Iacobus Forliuius, Benedictus Victorinus, Henricus Cuelhar, Brauius Petrasitanus, Mercurialis, Antonius Musa, Christophorus à Vega, & Ioannes Heurnius succinctè, eleganter, & doctè.

Lib.



## AD LECTOREM.

Lib. de nat. humana Iacobus Segarra, & Heurnius. Prorrhetica Mercurialis, Iacob. Scutellarius, & Sebastianus Paparella.

Lib. de capitis vulneribus Vidus Vidius Florent. & acutissimus Fallopius, fecit etiam Blasius Hollerius.

Lib. de octimestri partu, & de Medicamentis purgantibus Christ. à Veiga, & Allemantius Heduus. Lib. de flatibus Valleriola. Lib. de loc. in hom. Lazarus à Sotto. Lib. de alimento Vallesius. Lib. de art. & lege Rodericus à Fonscca, & Heurnius. Lib. de carnibus, Præceptionum, de veteri Medicina, Elegantiâ, & iusiurandum, idem Heurnius Paraphrastica versione, & breuib. commentariis appositissimè illustravit.

Tenebricosa Galeni monumenta non defuerunt, qui strenuam nauantes operam eruditissimè fuerint interpretari. Artem Medicinalem Thomas Rodericus à Veiga, Medicus & Philosophus insignis, Argenterius, Vgo, Iacobus Montanus, Akakia, & Sarmoneta.

Libros de loc. affect. idem Thomas à Veiga, Vallesius, Ioannes Agricola Ammonius, Iulius Alexandrinus, & nuper Petrus Garcia Carrearius intricatissimas disputationes in omnes hos libros subtilissimè enucleauit.

Lib. de dif. feb. Vega, & Veiga, Gibaltus, Ioannes Brauus Petrasitanus, & elegantissimus Trincauellius.

Lib. de temp. Gaspar Lopus Canarius, & eruditissimè Segarra, & Vallesius.

Lib. de curandi rat. per sanguinis missionem Fuchsius, Ferdinandus Mena, & Hieronymus Nunius Ramires Olyssip. doctissimè emedullarunt.

Lib. de symp. causis, & diff. explicuere foeliciter Fuchsius, & ingeniosissimus Valleriola, & Segarra.

Lib. 7. de Methodo medendi Fabius Paccius doctissimè. Libros solum 12. elegantissimè Ludouicus Lemosius. In quibus enarrandis insudarunt Iulius Alexandrinus, & Ammonius. Hos omnes è Latina lingua in Hispanicam transtulit fideliter Hieronymus Grillus Syracusanus.

Lib. de simpl. Med. facult. Vallesius exposuit. Lib. quos, quibus, & quando curare conueniat ingenuè Mena enucleauit.

Libros de placitis Hip. & Plat. Alexandrinus. Lib. de natural. facult. Ludouic. Lemosius, & acutissimus Ioubertus.

Lib. de constit. art. med. Valleriola. Lib. de inæquali intemper. Prosper Calanus, & Ioannes Agricola Ammonius.

Lib. de composit. medic. sec. loc. Ianus Cornarius, & Vazæus foeliciter explicarunt. Lib. de Anatomicis administrat. insignis Anatomicus Andreas Vesalius explanauit.

Aurelij Cornelij Celsi præclarissima opera, Scholiis, & paraphrasi illustrarunt Brachelius, & Balduinus Ronsseus doctissimè: fecit etiam Petrus Pauuius eruditissimè.

In Theophrasti monumenta de historia, & causis plantarum scripsit diligentissimè Iulius Cæsar Scaliger: fecit etiam Turnebus.

Dioscoridem, totius sanè naturæ interpretem mirabilem, explanarunt Marcellus Virgilius, Cornarius, Mathiolus, Andreas à Lacuna, Amatus Lusitanus, Ruellius, Brunfelsius, Ioannes Rodericus Albicastroensis, & Hermolaus.

Paulum Æginetam Scholiis, & annotationibus ornarunt Ioannes Guinterius Andernacus, Ianus Cornarius, Iacobus Goupylus, & Iacobus Dalecampius.



## PRÆFATIO TOTIVS OPERIS

In Auicennæ Arabum Principis scripta ab Andrea de Alpago Bellunense, & Gerardo Cremonense, ex Arabica lingua in Latinam translata, extat illud indefessum & laboriosum Gentilis Fulginatis, & Iacobi de Partibus opus, subtilium dubiorum, difficultium quæstionum copia, ac necessaria, vtilissimâque doctrina refertum. In Cantica scripsit Auerrhoës. Ipsius postea mentem explicarunt Iacobus de Forliuio, Dinus Florent. Vgo, Antonius Maria Betta; Et post hos ornatè, succinctè, & breuiter Paulus Mongius, & Ioannes Costæus doctissimè. His addas Petrum Garciam Carrero, & Antonium Poncium à Cruce Hispanos, qui Fen. Primam, Lib. primi, & fen. 14. de feb. subtilissimis disputationibus illustrarunt.

Rasium, Arabicæ Scholæ strenuum ducem, interpretati sunt Matthæus Peritus, Ioannes Tornamira, Guainerius, Harculanus, Leonardus Iacchinus, & Vesalius elegantissimè.

Mesuem in componendis pharmacis vigilantissimum, enuclearunt Saladinus, Platearius, Christophorus de Honestis, Mundinus, Siluius, Andreas Marinus, elegantissimus Manardus, Costæus, & Paulus Mongius doctissimè.

Isaac Israelitam Petrus Hispanus copiosissimis Scholiis illustrauit: fecit etiam Albanus Hyllus, Britannus diligenter.

In Plinium, & Solinum luculentissimas apposuit exercitationes Claudius Salmasius, qui velut alter Varro Galenium, Dalechampium, & Pintianum Plinij interpretes longo interuallo superauit, scientiarum Phoenix appellandus.

Sed cum Medici Iuniores, scribendi, disputandi, & augendi hanc artem studio, scriptis suis certatim inter se debaccharentur, in varias dispersi sunt sectas. Quidam enim quæstiones Medicas, contradictiones, Controuersias, aut differentias amplius æstimarunt: de quorum numero sunt Conciliator, Tarraga, Ioubertus, Cardanus, Ioannes Baptista Syluaticus, Franciscus Vallesius, Iulius Cæsar Claudinus, Turinus, & Petrus Vaëzius. Paradoxa celebrarunt Fuchsius, & Ioubertus.

Centurias Curationum, exemplis raras, & varietate doctrinæ refertas, primus omnium adinuenit Antonius Beniuenius, sequuti sunt eum Amatus Lusitanus, Frambesarius, Hieronymus Montanus, Antonius Mizaldus, Reinerus Solenander, Alexander Trajanus, Coiterus, Rulandus Frisinus, & Alzarius à Cruce Vicentinus.

Epistolarem scribendi styllum, iucundum & grauem amarunt Manardus, eruditus Langius, Victor Trincauel. Nicol. Massa, Baptista Theodos. Leonicens, Saporta, Dalechampius, Ioubertus, Ronssæus, Salustius Saluianus, Cæsar Claudinus, Donatus Santorus, Mundella, Thomas Erastus, Crato, & Horatius Augenius doctissimus.

Observationes instruxerunt Abraham è Porta leonis, Cornelius Gemma, Rembertus Dodonæus, Erastus, Crato, Laurentius Scholtzius, Aloysius Bellocatus, Iacobus Othæus, Carolus Piso, Valleriola, & vltimò Petrus Forestus Belga, latissimè.

Consilia fecerunt Hugo Senensis, Matthæus Gradus, Montagnana, Ioannes Crato, Solenander, Trincauellius, & Fernellius Neotericorum facile princeps, Gulielmus Ballonius, Guarinonius, & Matthias Cornax acutissimè.

Consultationes celebrarunt Iul. Cæsar. Claudinus, Mercurialis, Ludouicus Mercatus, Rodericus à Fonseca, Lælius à Fonte, & Zoroaster Tinellus.

De varia rei Medicæ lectione disputarunt Garcia Lopus, Lupeus, Cardanus,



## AD LECTOREM.

danus, & graphicè Mercurialis. Ideam Medicinæ veterum nuper descripsit Beuerouicius elegantissimè.

In enarrationibus explicandis plurimus honos debetur Alphonso Lupeo Cureleano, & ingeniosissimo Valleriolæ.

Locorum communium epitomen fecit idem. De locis manifestè pugnantis egerunt Peletarius, Vallesius, Lacuna, & Nicolaus Rorarius ingenuè, qui omnium Medicorum Principum loca inter se pugnantis retulit, & ad vnguem explicuit.

De morbis puerorum peculiarem fecerunt tractatum Sebastianus Austruus, Leonellus Fauentinus, Ludouicus Mercatus; & Mercurialis de iisdem disputauit eloquentissimè.

De febre stigmatica, purpurea, pulicari, pediculari, lenticulari, & maligna Fracastorius Medicus, & Poëta Veronensis celeberrimus; Lupeus, Gerardus Columba, Cornarius, Fabius, Paulinus, Thomas Iordanus, Paræus, Andreas Gallus, Aloysius Toreus, Mercurialis, Petrus Salius, Petrus Paul. Pereda, Michaël Ioan. Paschalius, Angelucius, Petrus Vaëzius, Vvierus, Simon Simonius, Fumanellus, Lud. Mercatus, & post omnes Ioan. Colle de morbis malign. appositissimè differuit, cum Iacobo Cahagnesio prop. tract. de febrib.

De morbo gallico extat volumen plurimis auctoribus insignitū, qui huius atrocis mali naturam, & veram curationem descripserunt. Licet in hoc explicando argumento maximus sit concedendus honos Nicolao Massæ, Andreæ Matthiolo, Leonicensi; & post hos Mercuriali, Mercato, Capiuacio, Ludouico Islæ Guarinonio, Petro Toreo, qui de eo ex professo agitarunt.

De metallis Fallopius, Georgius Agricola, præter Dioscoridis interpretes, qui fossilium naturam diligentissimè exararunt: quorum naturam, & causas nuperrimè at exactissimè, ex Medicorum arcanis, exarauit Bernardus Cæsius, libris quatuor de mineralibus, elegantissimis.

De thermis, earumque apparatu est volumen duodecim auctoribus illustratum. De Balneis Ioan. Michaël Sauonarol. Mercurial. Ludou. Mercat. & Ioan. Bauhin. doctissimè disputarunt.

De decoratione & fucis, Mercurialis, & Forestus.

De venenis Sanctes de Arduynis, Greuinius, Geberus, Conciliator, Gordonius, Gilbertus Anglicus, Rabbi Moses de Ægypto, Ioannes Gadesden, Ponzettus, Nicolus, Dioscor. interpretes. Eustachius Rudius, Paræus, Cardanus, Antonius Carthaginienensis, Fallop. Valleriol. Angelus Sala Vicentinus, Mercurialis, Forestus, & Schenckius eruditissimè controuertère.

De Indiæ vtriusque aromatibus primus omnium Garzias ab Horto pertractauit. Eum sequuti sunt Christophor. à Costa, & Monardus, cuius opera ex Hispanica lingua in Latinam fidelissimè transtulit Carol. Clusius, & succinctis, vtilibusque Scholiis adornauit; de eisdem egit etiam Vvekerus, & Ioannes Fregosus in lib. de Aromatibus Indicis explicuit.

De re cibaria Antonius Gazius, Ioannes Bruyerinus, & clarissimus Ludouicus Nonnius eleganter.

De visus organo argutissimè egit Montalto, & Fortunatus Plempius subtilissimè. De visu acutissimè Ioubertus. De octimestri partu Federic. Bonauentura. De discursu Medico Ioan. Bap. Persona. De arte gymnastica Mercurial. & Marsilius Cagnatus. De different. animal. Eduardus Vvottonus. De occultis natur. miracul. Leuin. Lemnius. De abdit. rer. caus. Fernel. De præfixo vitæ termino eruditissimè Ioannes Beuerouicius cum sociis. De occultis



## PRÆFATIO TOTIVS OPERIS

rerum propriet. Ant. Ludou. Olyf. De loc. Medic. selectis Iul. Gualtau. De remed. ad Tyron. Aguilera. De perfecto Medic. Geor. Henricus. De Medico politico, Roderic. à Castro. De meteor. Microcosmi Stephanus Roder. Castrenf. ingenuè disputavit, doctè, solidè.

De morbo nouo scorbutico Langius, Balduinus Ronfseus, & Forest. De noua lue Morauia Iordanus, & Crato. De Plica Polaca Hercules Saxonia latissimè.

De iis quæ physicè scripta sunt in libris sacris, primus omnium disceptauit Vallesius: eum sequuti sunt Franciscus Ruës, Leuin. Lemn. & omnium postremus Ioan. Camara Busthemantinus, qui de reptilibus, verè animantibus Scripturæ sacræ appositissimè differuit.

De Aquatilibus Bellonius, Gillius, Oppianus, Hippolytus Saluianus, & Rondeletius. De quibus etiam, sicut de auiibus, reptilibus, & quadrupedibus extant rara illa Conradi Gesneri Tigurini, & Vlyssis Aldroandi opera, miris sanè encomiis celebranda.

Quæstiones medico-legales agitauit omnium nouissimus Paulus Zachias, Romanorum decus politè, ornatè, & doctè. De plantarum historia, præter citatos Dioscorid. Interpretes, scripserunt Ioan. Ruellius, Fuchsius, Lonicerus, Clusius, Pena, & Lobellius, Rembert. Dodonæus, Ioan. Bauhin, & Ioan. Henric. Cherlerus eruditissimè.

De humani corporis fabrica Mundinus, Carpus, Thom. de Zerbis, Syluius, Fallop. Vesalius. Iacob. Guillemæus, Archangelus Picolhomineus, Varolius, Arantius, Felix Platerus, Carolus Stephanus, Seuerinus Pinæus, Andreas Laurentius, Realdus Columbus, Gaspar Bauhinus, Petrus Pauuius, Ioannes Vazæus, Valuerda Hispanus, Alphonsus Gueuara, Andernacus, Volcherus, Coiter, & post omnes Casserius Placèt. de quinque sensu anatome, diligentissimè conscripserunt, & post omnes Ioann. Riolanus filius, eloquētissimè.

De internis medendis humani corporis malis, extant innumeri, inter quos hi sunt præcipui: Alexander Massaria, Mercurialis, Hollerius, Ludouicus Mercatus, Donatus ab Altomari, Heurnius, Rondeletius, Victor Trincauellius, Montaltus, Petrus Salius, Eustachius Rudius, Vidus Vidius Florent. Gordonius, Valescus Tarentinus, Benedictus Victorius, Rembertus Dodonæus, & alij, quorum numerum, longum esset recensere.

In Chirurgica Medicinæ parte post Hipp. & Gal. extant fortissimi duces. In primâ acie inueni neruosissimos huius artis milites, qui pluribus bellicis instrumentis, gladiolis, nouacula, lanceolis, ferra, cultellis, & omni chirurgico ornatu instructi, & muniti, me ab scribendi munere eliminabant, ac repellebant: De quorum numero sunt Albucasis, Guido Cauliacensis, quem Ioannes Falco, & Ioubertus Monspeliensis, scholiis vtilissimis adornarunt. Hos sequuti sunt Ioannes Vigonius, Vidus Vidius Florentinus, Carpus, Berengarius, Lanfrancus, Theodoricus, Brunus, Argelata, Iesu Haly, Nicolus, Dinus, Franciscus Arcæus, & Aluarus Nonnius eius interpres, Fallopius, Paræus cum sociis, Tagaultius, Eustachius Rudius, Andreas Alcar, Ioannes Brauus Chamicus, Andreas à Cruce, Gaspar Tagliacotius, Petrus Forestus. Sequuti sunt Hispani, qui longè omnium optimè simul, & copiosissimè scripserunt idiomate suo, Ioannes Fragosus, Ioannes Caluus, Anton. à Cruce, Frâciscus Dias, Petrus Toreus, Dionysius Dacia, Hidalgo de Aguero, Hieronymus Grillus, si quis horum vtilia, & erudita opera in Latinum sermonem conuertat. Adde Hildanum clarissimum, qui in suis centuriis chirurgicis, rara, & vtilia exempla proponit.



Et si iterum ad scribendum animum conuertebam, Artem totam à pluribus diligentissime exaratam videbam, de quorum albo sunt omnis cius Cardanus, Nicol. Nicolaus Florent. Fernellius Ambianus, Vidus Vidius, Vveckerus, Riolanus, Christophor. à Vega, Ludou. Mercatus, Ioannes Gorraeus Amafortius, Georgius Bertinus Campanus, qui inceptum opus non infelicer compleuere. Omitto Andr. à Lacuna. & Alphons. Lupeum Cureleanum; ille enim Galenum fecit abbreviatum: Hic omnia huius auctoris opera succincte, dilucidèque scholiis illustrauit; quem Iulius Alexandrinus sequutus est. Adde Iacob. Fontanum, Barth. Perdulcem, Danielelem Sennertum, qui in suis operibus vniuersam Medicinam descripserunt. Sileo quamplurimos qui de variis argumentis varia opera euulgarunt, quos legat qui velit apud versatissimum Lindanum, Medicum Amstelodamensem eximium, qui post Schenckium, duobus libris, De scriptis Medicis, nuperrime, eos stilo grandiloquo proposuit: nam nos compedium fecimus auctorum, non tractatum.

Visis, his & voce, & animo, & viribus ad scribendum defeci; Et perpensis omnibus, quæ in tanta scribentium varietate, & argumentorum medicinalium veluti exhausto fonte, ab aliis argutissime dicta sunt, parum abfuit, quin obstupescerem: Sed id, in tardum meum ingenium reiciebam, quod vt aliud naturale agens, vltra metas actiuitatis suæ agere non potest.

Cum ergo duo sint, (humanissime lector,) quæ hominum animos ex toto deprauare solent, otium videlicet, & veritatis remissus amor, doctissimi & subtilissimi ingenij tui, (qualiscunque sis, qui hæc attento animo perlegeris) subire periculum non dubitauit, cum pro veritatis tutela pugna sit habenda. Pro hac enim (docente Arist. 1. *Ethic.* 3.) quemque sua decreta tollere æquum est: Sic aduersus Hippocratem sæpe Galenus: Contra Platonem Aristoteles: Aduersus Medicos Gnidos Hipp. pro veritate decertarunt. Sic Gal. lib. 6. *epid. sect. 2. com. 25.* non in Hipp. solum scriptis, sed in aliis omnibus antiquorum libris obseruat, vt non temere, quæ quisque ipsorum dixerit, approbet, sed experientia, & ratione, verumne, an falsum sit, quod scripserunt, examinet. At qui se vnius auctoris doctrinæ veluti seruos aut libertinos addixerunt, simul atque ab eo scriptum inuenerunt, inconsiderate, ac temere credunt. Nam veritas est potentissima, inexpugnabilis, ac triumphantissima res totius mundi: quod 3. Esdræ comprobatur. Nam, vt hoc loco ait Zorobabel: Forte est vinum, Fortior est Rex, Fortiores sunt mulieres, sed supra omnia vincit Veritas: omnis enim terra inuocat veritatem, Cælum ipsam benedicit: hæc valet, vincit, & viuit in æternum.

Quare excusso otij, & negligentiae somno, (plura enim mala docuit otiositas, Ecclesiast. 33.) qua nihil est deterius, teste Cicerone, 4. *Rhet.* 2. ne de vitio illo desidia arguerer, in palæstram literariam, licet tantorum virorum eximii operibus perterritus, descendere non recuso, ne in legem incidam Atheniensium, ignauos homines, & languore marcescentes, in forum protrahentium, & vt flagitiosos supplicio plectentium, vt refert Guilielmus Leporinus Heduenfis, lib. 4. *art. memorat. cap. 10.* Desidia enim, vt Menander affirmat, absumit ingenium, vt rubigo ferrum: quoniam cum sit animis periculosa, atque miserabilis, mentem corrumpit, & cum sit nouerca eruditionis, omnia lædit atque profligat. Exercitatione namque roborari solet ingenium, virtus studiorum augetur, memoria conseruatur, & pigri, oscitantésque animi fiunt vegetiores; Nam ignauia, teste Celso lib. 1. *cap. 1. corpus bebetat, labor firmat.*

## PRÆFATIO TOTIVS OPERIS

Quæ omnia mecum tacitè perpendens, & à iuuentute, alta mente reuoluens, in animum induxi meum, me non posse meliùs hominù salutem (quæ nihil mihi fuit vnquam optabilius) consulere, quàm si deposito timore, affectantibus Medicinam, viam quandam non iniucundam, minimè salubrosam, à meis antecessoribus intactam demonstrarem, in qua velut in lucidissimo speculo, *Principum Medicorum Theoriam & Praxim per Historias methodicè concinnatam*, à nemine visam, ab omnibus desideratam planam facerem, vt in ea omnes seriatim morbos à capitis vertice vsque ad imum calcanei possint Medici intueri; & sic docti, luce meridiana, hoc est, horum Principum facundissima doctrina suffulti, & illustrati, manu velut ducti, morborum impetum coërcere, & ægros ab Orci faucibus liberare queant: nam in his historiis, earumque interpretatione inuenies vniuersam penè Medicinam explicatam, & per suas partes methodicè distinctam.

Quare illud mihi feliciter menti occurrisse reperi, & non negligendum duxi, si super *Principum Medicinales Historias* insudando, curiosè animum ad scribendum appulissim. Et sic ad horum Auctorum historiales campos excolendos me conuerti: In quibus exornandis si fortè defecerim, sat sit, me omnium in hoc argumento primum aliis viam aperuisse, vt in eo deinceps feliciùs insudent.

Et licèt in Auctorum mente explicanda, sæpe iunioribus obstrepuisse potius, quàm modulatè cecinisse videar; ab Hippocr. tamen, Galeni, Auicenn. Principumque placitis nunquam discedens, horum præcepta confirmare, & consentanea veritati, contra illorum mentem, loqui non dubitavi. Sunt enim in hoc opere plurima noua dogmata, quæ in historiarum explanatione (commentarij instar) attexo, quæ quàm vtilia sint, & vsui; Auctorumque lectioni accommodata, & per se verissima, nullus probatæ doctrinæ vir, ingenuusque artifex ibit inficias. Noli ergo mirari, me temerè & inconsultè tantum facinus aggredi: cùm nihil classicorum Auctorum carpserim, quod indissolubilibus, (nô fallor) rationibus, validissimisque machinis non oppugnem.

Scio non defuturos æmulos, & obrectatores, qui hoc nostrum scribendi genus renuant, improbent & auersentur, redarguendi miserabili morbo laborantes. Sed fuge istarum muscarum, & cantharidum mores: Sicut enim in læta fata hæ, & illæ in suauissima conuolant vnguenta. Sic multi, ingenium, geniùmque naturalem ad scribendum non habentes, aliorum laboribus detrahare non desistunt: maiorem honorem, & gloriam ex aliorum dedecore aucupari sibi persuadentes. Non cessat pasci malcuolentia in viuis.

Abeant ergo spinosi Medici, nec mihi vitio vertant, insolentiaque insimulent, quod nouus homo, vix intra proprios Lares notus, doctissimos scriptis lacessiuerim, qui auctoritatem sibi iam pluribus annorum sæculis præscripserunt. Ego, (vt vno verbo respondeam) cùm ex ignauia, & nimia in Neotericos obseruantia factum esse cognoscam, cur hætenus non solum nihil arti, indies magis ac magis à nostratibus sit adiectum, sed ipsorum commentaria, sine delectu, velut oracula suscepta sint, horum deprauatas opiniones, (in veritatis gratiam) ad viuum resecare, & penitus delere decreui, & maximè cùm ex eorum reprehensione, damnum aut iactura non sequatur, sed præteritum, & dignitas.

Tu verò benigne ac candide Lector, istorum nebulonum vitilitigatorumque oblatrantium furiosos impetus coërce, linguam eorum mordacem, & ad maledicendum



## AD LECTOREM.

maledicendum promptissimam refræna: ne glorientur in malitia, ne tota die cor eorum iniustitiam cogitet. Quia lingua eorum sicut nouacula acuta facit dolum, & diligit malitiam supra æquitatem; & amat magis loqui iniquitatem, quàm benignitatem, & præcipitanter alios inquinat, vt Psalmographi verbis vtat *Psalmo 51.*

Quantum enim laboris subeat, hoc indefessi laboris opus, ex Principum historiis 388. constructum in suum locum vertere, vtili, & Laconico ordine disponere: Galeni Historias 200. Aliorum verò Principum 188. dilucidè interpretari: Classicorum controuersias dirimere ( quibuscum certamen in eo, inter cuius suauissimos flores plura senticosa delitescencia inueniuntur: ) docta Barbarorum dicta, luce orationis exornare, expositorum errores detegere, nodos difficultatum soluere, experietur qui periculum facere tentet: si fecerit, non dubito quòd æquior futurus sit iudex studiis nostris: Nam prouincia ardua est, & difficilis, quam ad vmbilicum perducere superni mihi fuit, & arbitrij, & auxilij, in qua varietas & vbertas quæstionum, à doctis & probis viris, spero vt candidè probentur.

Nec mireris lucubrationes has ex Barbarorum etiam lectione coagmentatas. Nam hi, licèt barbarè ( ob malè traduentium culpam ) Medicinam literis mandauerint, plura tamen scitu digna, & vtilia posteris tradidère. Ipsorum verba sic fideliter posui, ne sensuum corruptorem, aut deprauatorem me appellarent: Sciens morbos non eloquentia, sed auxiliis curari, teste Celso: *Æger enim presidium querit, non ornatum.* Horum historias cum Græcis, & Latinis coniunxi, vt vnanimis constaret Medicina. Omnium Auctorum productas aliquas historias in compendium redegì, ne legentibus tædiosa oratio esset, necessaria tamen proponens, superflua euitans. Quòd si sub vna historia, alias videris comprehensas, id me fecisse existimes, quia eæ de eodem argumento agunt, in eundem scopum diriguntur, ac eandem curandi methodum expostulant. Si tamen in aliquam historiam fortè incidas Principum, à nobis non exaratam, eam vel Chirurgicam esse, vel parui momenti, vel ad aliquam ex præenarratis reducendam, vel ex aliorum mente Principes loquutos fuisse, intelligas velim. Nam & ego in his colligendis historiis, conferendis, transcribendis, per multos annos magna alacritate insudaui.

Vniuersum opus in sex libros diuisi.

Primus de capitis affectibus agit.

Secundus de vitalibus, & naturalibus organis disputat.

Tertius de partium genitalium, & inferiorum morbis pertractat.

Quartus de febribus ratiocinatur.

Quintus de venenis, & antidotis sermonem instituit.

Sextus de iis quæ certam sibi sedem non determinant, verba facit.

In quæstionibus explicandis, in causis, & differentiis morborum exponendis, in auctorum mente explananda eum ordinem seruo, vt in iis, quæ ab aliis rectè dicta sunt, nullum tempus inutiliter consumam: In iis quæ mediocriter agitata inuenio, ea me tenuis ingenij limâ, lucidiora reddita ad vmbilicum perduco. Plurima etiam quæ ab auctoribus nullo modo dicta sunt, (sunt enim multa) ea puriori scribendi stylo omnium nouissimus controuerto. Ne mireris, dat siquidem meliora dies, nec omnia possumus omnes. Nam, vt bonus dicebat Guido Cauliacensis, *sumus pueri in collo gigantis.*

Accipe


## PRÆFATIO TOTIVS OPERIS AD LECTOREM.

Accipe igitur Principum Medicorum palantes quidem, & longè dispersas historias miro ordine coactas, dispositas, & explicitas. Quod opus à nullo meæ professionis homine, (absit à verbo superbia) nec inceptum, ne dicam absolutum, nec prior, nec nostra ætas vnquam vidit. Quod si tibi placere annuis, In *Chirurgicas omnes Medicorum Principum Historias*, quæ sunt plusquam 300. accurata tibi pollicemur commentaria, vno tantum præmisso opere, quod *De Iuniorum Medicorum in Theoria, & Praxi erroribus* disputabit, plurima lectione, vtili & vario argumento illustratum. Hæc erant, Lector optime, quæ tibi in vestibulo huius ædificij nostri differenda habui.

OPERIS



# OPERIS AVCTORES.



**E**XPLICANDVM primò qui sint huius operis auctores: Quæ utilitas. Auctor primus fuit *Galenus*, natione Græcus, Niconis illius Geometræ atque Astronomi filius. Apud Pergamum Asiæ ciuitatem ortus, pius, gratus. Medicus sua tempestate clarus, apud posteros multò clarior. Floruit Athenis, & Romæ Antonino Pio imperante. Vixit annis 77. aut, vt alij referunt, 90. Et cum ad videndam Hierosolymæ magnificentiam, & sumptuosissimum templi apparatus contemplandum accederet, licet speciosissimo, & robustissimo esset corporis habitu, mari mortuus est, febre quadam insidiosissima, quæ adeò in humores, & viscera grassata est, vt nullum non medicamentorum adhibitum genus contempserit.

Is Medicus fuit summus, & cum adhuc iuuenis esset, ad Athenas mittitur, ibique sub Thelio præceptore, Medicinæ ita operam vehementissimam dedit, vt non solum medicarum, sed omnium præterea rerum humanarum, visibilium, sempiternarum, occultarum, terrestrium, cumulatissimam scientiam fuerit assecutus, & quod perpaucis contingit, præter Germanum sermonem, Italicum, Græcum, Arabem, Syrum, & denique Ægyptium est amplexus.

Qua de causa factum est, vt ex libris, quos de re medica hætenus nostra probauit ætas, nullus sit, quem omnes crebrius, aut maiori cum voluptate versent, quàm Galeni monumenta. Nec immerito: Nam summus auctor, incredibili rerum omnium scientia affluens, & abundans, totam artem medicam compleuit, non perfunctoriè, sed firmissimis rationibus, eleganti stylo, scientia exactissima, ingenio raro, iudicio admirando, præexcellenti rerum usu, stupenda rerum omnium cognitione præditus. Singulari polens virtute, constantia, pietate, & aliis mirabilibus dotibus insignitus.

Verumenimuerò, si Galeni ingenium, si iudicij acrimoniam, si doctrinæ & prudentiæ magnitudinem, si rerum omnium peramandam veritatem, si ex reconditis etiam fontibus habitam subtilitatem, si docendi suauitatem, si incognitarum rerum demonstrationem, si ardentissimam diligentiam, si fidelem memoriam, si naturam ad Medicinæ studia procliuem, (qua repugnante, irrita sunt omnia) si laborum inenarrabilem patientiam spectes, nullibi proculdubio nisi in recondita illa, ac penè diuina de *usu partium* tractatione euidentius apparet; & maximè cum adhuc balburians esset Medicina, in qua non modò alios, verum seipsum etiam superauit. Immò si argumenta similis momenti, de *pulsuum diff. præseg. util. respirationis*, ad vnguem contempleris, in his, acutissimi ingenij abstrusam eruditionem reperies. Sed quis has, & alias mirabiles dotes, altiori gradu in hoc auctore sitas, narrando, aut saltem minimam earum parrem perstringendo, non deficiet? etsi ipsi Demostheni, aut Ciceroni hoc munus deferretur, quanquam alterum Græci eloquij, alterum Latini principem dicant.

Nec refert quòd aliqui, gloriæ Gal. parum studiosi eò dementiæ deueniant, vt dicant, eum in expositione Hipp. grammaticum egisse, & Latinæ linguæ præsus ignarum, philosophiæ arcana non penetrasse: hos enim rabie quadam percitos, ac miserabili inuidiæ vitio occæcatos, & malis auib. initiatos, in sua ignorantia sepultos hallucinari, & putauit, & puto, quorum plurimi, quum pedem in Medicina vix promouerint, à Galenique facundissima doctrina penitus ieiuni sint, in foro, in consultationibus, in medicis sermonibus, aduersus eum blaterare non erubescunt: cum is in eliciendis summi Dictatoris reconditis sensibus mirabile ingenium, consummatum iudicium, incomparabilem perspicuitatem, cum curandi mira dexteritate coniunctam semper ostenderit: sed vt ipse dicebat, 6. epid. 4. 19. *Illiteratorum, flagitiosorumque hominum latratus euitari non potest.*

Eiusdem laudes decantant, qui primum in Medica facultate locum tenent. Alexander enim Trallianus, cum nonnisi cum epitheto, & cognomine Divinissimum appellat. Oribasius *lib. 1. collect. in præfat.* refert Galenum Medicinam, via, ratione, & distinctione pertractasse ita eleganter: ut cæteros omnes antecelluerit, cum principia, & sententias Hipp. fuerit imitatus. Haly Abbas *lib. 1. theor. & Rabbi Mosses 25. part. aph.* dicunt Galenum in Medicina plus sciuisse, quàm alium cuius famam audiuerint, aut scripta legerint. Auerroës *lib. 5. collect.* philosophandi scientia, atque ingenij facunda clarum, ipsum vocat. Arnald. *in lib. de diuers. intent. Medicor.* eum nuncupat virum grauis ponderis, recti iudicij, & exquisitæ perscrutationis prout exigit necessitas.

Et ne putes hoc à Medicis solum esse assertum, cum non desint ex alienis Auctori-  
bus grauissimi viri, quibus veritatem hanc lubet planam facere: ipse enim, omnes su-  
periores Medicos (Hipp. semper excipio) & ingenij acumine, & præstanti doctrina su-  
perauit. Nam Iustinianus *in præem. ff.* parentem omnis virtutis cognominauit. Eusebius  
Cæsariensis *lib. 5. hist. Eccles. cap. ult.* Angelus *consil. 9.* in verbo sanctissima Regina. Antonius  
Cocceius *lib. 4. Æneid. 7.* Hermanus Skedel Nurembergensis, *in suis temporum hist.* Dio-  
genes Laërtius, Georgius Valla, Placentinus, & alij, eum miris laudibus efferunt. Quid  
plura? nonne cunctis Medicis Doctoribus extitit gloriosior? homo alioquin minimè  
superbus, aut popularis gloriæ amator. In cuius laudibus proferendis non est cur amplius  
immoremur, cum de eo sat plura dixerunt veteres, & iuniores ferè omnes. Videndi Cæ-  
lius Rhodiginus *lib. 30. lect. Antiq. cap. 12.* Andreas Tiraquellus *lib. 1. de nobilit. & iure primog.*  
*cap. 31. num. 69.* Fumanellus *lib. de vita & moribus Gal.* Symphorianus Campegius *tract. de*  
*genealogia Gal.* De cuius vita Ioannes Gæmusæus, Andreas à Lacuna, & Mercurialis la-  
tissimè pertractarunt.

Cornelius Celsus, (Licet multo tempore Galenum præcesserit) secundo loco ob id ve-  
nit numerandus, quoniam non ita amplè Hipp. doctrinam explanauit. Hic enim La-  
tinus Hippocrates meritò nominandus, ob singularem doctrinam, & accuratam scri-  
bendi facundiam, Princeps Medicinæ, hoc est præcipuus, seu primarius dictus est. Is  
ergo Consularis fuit ex Quiritium ordine vir, vixit sub Imperatore Tiberio, vel fortè  
sub Tiberio natus, vsque ad Trajani Imperium vitam produxit: Prout Genebrardus  
*lib. 2. chronicon,* Rabbi Abraham *in hist. Cabala, & lib. de temp. ætatis, cap. 5.* assignarunt, Fuit  
ergo Celsus, Medicus sui temporis illustrior, medicamque artem octo libris compre-  
hendit, ita graphicè, eleganter, ornatè, & breuiter, ut nihil ad eius perfectionem deesse  
possit: Et non solum hoc volumen huius argumenti eloquentissimum scripsit. Sed etiam  
præcepta Rhetorices, Rei quoque militaris, & Rusticæ plurima reliquit: dignus, vel ipso  
proposito, ut eum sciuisse omnia illa credamus, ut memoriæ prodidit Quint. *lib. vlt. Inst.*  
*Orat. cap. ult.* Sed & hunc, Columella testis locupletissimus *lib. 9. cap. 6.* dicit, non solum  
agricolationis, sed vniuersæ naturæ prudentem virum: eum citat Plinius *lib. 21. cap. 30.* &  
Gal. *lib. 9. sec. loc. cap. 5.*

Demum nullus est, qui Celsum, elegantissimum, & neruossimum auctorem esse non  
fatèatur. Nam pomæria Romanæ eloquentiæ profert ingenuè, & Medicinam, suauissi-  
mo ore, cunctis cultioribus ingeniis commendat. Mirum dictu quàm pressè, vbi licet,  
illo progreditur! quàm luculenter causas morborum enarrat! Certè rem planè admira-  
dam præstitit, ut cum muta hæc ars nata sit, minimèque eloquentiæ capax: Is tamen  
tanto splendore eam condecorauit, ut non aliunde, quàm ab hoc vberissimo fonte, totius  
exactæ medicinæ rationem mutueris. Nam in hoc fulget verborum pressa proprietas, sen-  
tentiarum concisa subtilitas elucet, micat sermonis veneranda antiquitas, adeò ut cum  
fuisse artificiosissimum iure meritò dicere possimus, qui felici penicillo, Hipp. mentem  
explicuit ad vnguem; quem rectè ipsius interpretem nuncupare fas erat. Is denique fuit  
qui suo ornatissimo stylo, maiorum placita ita commendauit, & Romanorum cætus ita  
in admirationem euexit, ut Medicinam sexcentis annis explosam denuò ex animo re-  
ciperent, Nam præter eloquentiam, quam duobus libris ostenderat, adeò in omnibus  
aliis artificiosè Medicinæ præcepta tradit, ut maxima necessitate illos coëgerit, Medicinæ  
partem practicam amplecti. De cuius laudibus videndus Vidi. *lib. 1. Instit. cap. 7.*



*Scribonius Largus* sequutus est Celsum : & omnia quæ à præcipuis Medicis ante eum dicta sunt , ad partem curatricem pertinentia , in vnum volumen redegit , & rediuiuas antiquorum curationes , easque edacis temporis iniuriis deletas , posteritatis memoriæ commendauit. Fuit Medicus eximius , ab omnibusque ita celebratus , vt Tiberij Cæsaris fuerit primarius , vt ipse sibi testis est fidelissimus , *com. 163.* Eum Gal. non probat modò , & eius præsidia summè amplectitur , sed suo nomine eum appellans , plurima ex eius libro , in vsus medicos commutat , vt constat ex *lib. 7. de comp. med. sec. loc.* nam ad stomachi dolorem , & inflationem , varia ex eius mente auxilia parare docet. Artem ergo medicam scientiam sanè sanandi , non nocendi , quum iste celeberrimus Auctor tradiderit , meritò ab omnibus illius Princeps dicendus est.

*Paulus Ægineta* ita Galeni documenta obseruauit , vt ab eo , nec latum , vt aiunt , discesserit vnguem. Is fuit omnium primus , qui Medicinam in compendium redegit , idque tam scitè concinnaui , vt quæ in latissimo Galeni campo diffusè sunt scripta , ea in hoc auctore artificiosè contexta , & miro quodam ordine lucubrata liceat inuenire , adeoque fidè , & verè tenebrosa Galeni loca fuit interpretatus , vt eum huius auctoris simiam , hoc est , religiosissimum Galenicæ doctrinæ imitorem appellare fas sit.

*Aëtius* Abidenus , hos summæ eruditionis viros amplexus est. Quem alij dicunt Amidenum Antiochenum , qui Constantini Magni temporibus , Medicorum priorum dicta libris sexdecim coniunxit. Quos ipse in tetrabiblos distinxisse videtur , id est quaterniores ; quorum quilibet , quatuor sermones continet , quos libros alij vocant. Hunc autem Cappadocem appellat Paul. *lib. 4. cap. 1. in princ.* nisi illic Aretæum pro Aëtio scribere liceat , provt in emendatissimis Pauli codicibus animaduertitur. Si ergo reconditam doctrinam quæris , eam ex veterum peritissimis depromptam , & veluti in epilogum redactam , Aëtium lege : vt qui totum Galenum contractum , omnes antiquorum speciales normas , raras tam per pharmaca , quàm per Chirurgiam animaduersiones , ad plerasque ægrotudines summè necessarias , solerti cura , ac vigilantia , explicatissimas exhibuerit : rectèque à plurimis Medicinæ promptuarium dici solet.

*Oribasius* his annumerandus venit , Iuliani Imperatoris Archiater , qui Libros 70. ad eundem eorùmque Epitomen in *lib. 9.* ad Eustathium filium emisit , fecit etiam lib. vnum Euporistôn , & libros 3. de *virtut. simpl. & morb. curat. & alterum de loc. affect. curat.* ad Eunapium. Huius quoque nomine circunferuntur commentarij in Aph. Hipp. Quo autem in honore fuerit habitus constat ex Suida , & Eunapio *lib. Sophist.* nam Quæstor Constantinopolitanus fuit creatus : ipsum tamen inuidia succedentium Imperatorum , bonis suis spoliatum , in exilium ad barbaros fuisse demandatum , in quo , animo virili , ac philosophico permansit ; tantæque apud eos gratia , & auctoritate fuit , vt Deorum loco haberetur. Et cum diu hoc viuendi genere perseuerasset ; placatis tandem Principibus rediit , & bona recuperauit. De eo extat Epigramma , in *lib. 4. Epigram.* Græcorum , quod è Græco in Latinum translatum , hoc modo sonat.

*Juliani Regis , Medicus Celeberrimus hic est*

*Diuus Oribasius , dignus honore coli.*

*Providus instar apis , Veterum monumenta pererrans ,*

*Ex variis vnum nobile scripsit opus.*

*Cælius Aurelianus* sequitur , ab aliis dictus Soranus Latinus. Cuius licèt solum libros de acutis , & Chronicis ægrotudinibus conscriptos habeamus ; sunt tamen alij plurimi ab ipso compositi , si fides ipsi auctori est habenda in *lib. 2. Chroniôn , cap. 4. in fin.* Scripsisse autem libros responsorum medicinalium , patet ex ipso *lib. 1. eiusdem oper. cap. 1. & lib. 2. cap. 4.* Fecisse etiam libros mulieb. passionum constat ex *lib. 3. eiusdem , cap. 4.* Composuisse libros specialium adiutoriorum , & epistolarum Græcarum ad Prætextatum , ipse refert *lib. 2. eiusdem , cap. 1.* Fuit ergo Cælius Aurelianus Siccensis , vir nulli Græcorum secundus , immò celeberrimus , & in recitandis fidè antiquorum sententiis admirandus.

*Trallianus* hos famigeratissimos Medicos sequutus , raros , & admirabiles in hac

arte progressus fecit. Quare eius in scribendo exactum iudicium, fidem, diligentiam, artificium, & ordinem librorum suorum satis admirantur Medici: cum vniuersam Medicinam, paruo satis volumine accuratè tradiderit. Licet enim hic auctor in multis à Galeni doctrina (quam multoties capere videtur) discedere iudicetur; tamen si intimiùs explicetur cum Gal. maximè concordat, quicquid plurimi, (falsò tamen) contra sentiant. Dicitur Iatrosophista, ab aliis Sophista, & aliquando Iatros simpliciter nuncupatur. Quae de causa Iacobus de Partibus, & Simon Genuensis, clarissimi eius interpretes, ita cum appellant: vel quòd Iatros idem sit ac Medicus, excellentiæ nomine vocatus; vel quòd hoc cognomentum internotionis gratia sit adiectum, quoniam multi tunc Alexandri dicerentur. Si ætatem qua hic floruit inquiras, Oribasio, Aëtioque posteriorem fuisse constat; nam eorum nominatim sæpe mentionem facit: Paulo autem priorè fuisse arbitror, quòd hic, illius ut optimi scriptoris meminerit. Atque ita Trallianus veluti medius inter illos, non multo post Iuliani Imperatoris tempora vixisse perhibetur. Hic ergo auctor, ut excellentior euaderet, in patria sua, Tralle, ciuitate Lydiae celeberrima, licet liberalibus studiis, & humanioribus literis affluente, non esse commorandum in animum suum induxit, sed omnes Græciæ partes peragrandas sibi proposuit: & post longas peregrinationes ad scribendum se contulit, & experimenta, quæ longo vsu & periclitatione ex morbis collegerat, in 12. commentarios reduxit: in quibus, quo intervallo alios superauerit, omnibus norum esse reor. De cuius laudibus sat multa Ioannes Guinterius Andernacus, & Ioannes Molinæus in eius vita, adamussim exararunt.

*Aretæus* imitatus Trallianum, librum non inelegantem de acutis, & chronicis ægitudinibus conscripsit: & licet varij viri nomine Cappadocis fuerit insigniti, tamen noster auctor Cappadox fuit. Insuper alij, aliis de argumentis scripserunt, ut fuit Aretæus Sabinus, qui Hippocr. commodissimè fuit interpretatus. Noster citatur à Paul. lib. 4. cap. 1. Licet in nonnullis codicibus Aëtius scribatur (sed prauè) pro Aretæo: Neque enim Aëtius Cappadox fuit, sed Antiochenus: & Aretæum simpliciter citat Aëtius *tetrab. 2. ferm. 4. c. 46. & tetr. 3. ferm. 3. cap. 1.* Is ergo Auctor propria Minerua artem medicam stabilire conatus est, appositè, & doctè, ita ut nihil ad eius perfectionem deesse possit.

*Aëtianus* Zachariæ filius, Græcorum postremus, non tamen postremæ notæ fuit; nam totum quod habemus de causis, iudiciis, & prælag. vrinarum, illi, omnium, in hoc negotio elegantissimo auctori verè debemus, in quo condendo opere, nitet Latinorum verborum pura indagatio: subtile iudicium, ac sententiarum summum momentum perspicuè clucent: Librum etiam de actionibus, & affectibus spiritus animalis luculentissimum construxit.

Græcorum mentem, non defuere viri sapientia illustres, doctrina per celebres, sententiarum pondere diserti & graues, qui dilucidè, & satis distinctè explanauerint. De quorum gremio fuit Arabum maximus *Auicenna*. Hic enim totam artem medicam, in vnum volumen sempiternæ memoriæ commendandum congeffit. Cuius auctoris doctrina, quo in pretio sit habenda, non est cur ampliùs demonstremus: cum eius vitam, candidissimos mores, eximiam doctrinam, viuendi rationem doctissimus Nicolaus Massa, sicut & eius præceptores, patriam, negotia, legem, Andreas Bellunensis, & nuper Henricus Vacca de Alfaro Hispanus *tract. de origine, & patria Auic.* eruditissimè descripserint.

*Rasîs* Auicennæ vestigia sequutus, fuit speculatione clarus, opere promptus, experientia probatus. Vocatur Albubater, aut, ut alij scribunt, Abubater, filius Zachariæ, filij Azahi, aut, ut alij volunt, Errasis, aut, ut alij putant, Rasîs. Is est, quem Medicorum cœtus Rasim vocare consuevit. Huius habemus 12. libros. Elhau, aut, ut alij dicunt Helchaui, aut sine aspiratione Achau, siue Elkau, id est, ut interpretantur, totum continentis; quare eos libros Continentis vocant. Opus quidem ingens, sed necessarium, etsi sit ineleganter admodum versum. Scripsit præterea decem libros ad Almanforem, & alios plurimos qui periire. Vir sanè hic est, longæuæ memoriæ commendandus, ut ait Auer. lib. 4. cap. 40. Nam Græcorum, & Medicorum celebrium mentem aperuit, & eorum doctrinam intimiùs explicuit.

*Auenzoar* Gloriosus cum his venit numerandus, qui summa cum sui nominis gloria, & artis honore, per tot annorum curricula honorificentissimè Medicinam exercuit.

Quem



Quem mirabilem Auerrhoës appellat *loco nuper cit.* Cui, ex huius auctoris sententiâ, debet in hac scientia concedi corona: quoniam *vixit 135. annis, & in hac arte in 40. anno operari incepit, & in bono obiit statu, & in habitu scientiæ vidit, quanta videre, & cognoscere potuit.* Eius ergo libri auidè legendi sunt: nam admirando præditus ingenio, longæuôque fultus experimento, plurima arti adiecit, quæ ante eum nec visa prorsus sunt, nec cogitata quidem.

*Alzabaranius* his postponendus non est, nam inter Mauritanicæ Familiæ Professores, primas obtinere creditur. Partem enim Medicinæ practicam diligenter explicuit, eamque non empirico modo, sed acuto & ingenuo, in vasto vno volumine edocuit, & mirâ quadam ingenij felicitate in lucem euulgauit.

*Albucaſis* in Chirurgica scientia admirandus, superioribus, & ingenij acumine, & mentis perspicuitate non fuit inferior. Nam præterquam quod in materia prorsus inculta, lib. 3. Chirurgicos, stylo graui syncerôque conscriptos miro & succincto ordine dispositos, in lucem dedit, in quibus alios, & vel seipsum superauit, dignus vt hac de causa summo honore colatur; in Medica facultate plurima addidit, in abstrusis tenebris abscondita & latentia.

*Auerrhoës* plusquàm commentator, seu malleus Medicorum veriùs appellandus, dictus Arabicè *Abenraſt*: vir acutissimus, subtilissimus, & Philosophandi scientia clarus adeò vt priscorum Philosophorum, & Medicorum dicta, exacto examine, non solum ad Aristophanis, sed Cleanthis lucernam pensata explicuerit. Constat hoc apertè ex vasto illo, quod super omnia Aristot. opera conscripsit, volumine ingeniosissimo, & laboriosissimo, sed ob temporis tunc incuriam ineleganter admodum traducto. Scripsit opus Colliget, (Latinè sonat vniuersale) in septem distinctum libros; in quibus summam eruditionem, rarum ingenium, reconditamque doctrinam palam fecit. Dignus certè, vt cum priscis illis comparetur.

*Haly Abbas* postremo loco reponendus, licèt postremum nomen inter Mauritanæ Familiæ proceres haud mereatur, quum libros Theoricæ, & Practicæ Medicinæ, stylo suauissimo, Laconico quidem, & non vulgari conscriptos dederit in lucem, & plures alias delineauerit ægritudines, ab aliis nec visas, nec somnias quidem. Quare inter Principes Medicos ab omnibus habitus, eorum numerum non immeritò claudit.

Descripsi singulos vniuersi huius Operis auctores, primos sane artis nostræ Parentes, scientissimos, & medendi peritia dexterrimos, vsu atque multifaria eruditione refertissimos: Quorum Historiæ, & exempla, veritate ipsa (si ita loqui licet) veriora, utpote à viris bonis, & veritatis amatoribus prolata, auro, gemis, & Regum thesauris amplius præferenda, æstimandaque sunt.

Omissi Magnum Hippocratem, nostræ artis Legislatorem, cum is Diuinus Auctor, non Princeps, sed Princeps Principum Medicorum meritò nuncupari debeat: & maxime cum ante me, omnes illius historias, plures suprâ citati. Auctores eleganter fuerint interpretati; quare illorum gloriæ haud inuidus, ab hoc labore supersedere satius duxi.

Silui Magnum illum Dioscoridem Anazarbæum, totius naturæ interpretem mirabilem, Nicolaum Myrepsum, Marcellum Empiricum, Rufum, Mesuëm, Serapionem, Ishach, inter præcipuos Medicinæ Principes, & primarios duces numerandos: quippe qui historias non conscripserunt, quæ nostris possint inseri commentariis: Aliorum ergo exemplis si quis adhæserit, eaque attenta mente fuerit contemplatus, & illorum rectissima curandi methodo fultus, sanctam Medicinæ scientiam exercuerit, non minimam famam, & honorem merebitur apud eos, qui Hipp. aut Gal filios se esse gloriantur.

Fructuosa est Historiæ utilitas in medica facultate, & nonnisi pluris facienda: nam non solum cum sit varia delectat, & reddit Medicum in antiquorum monumentis versatissimum: sed cum sit certa, prodest, & docet quo pacto Gal. splendidissimum Medicinæ iubar, & Artis Proceres in suis medicationibus se gesserint, vt horum firmissima nos instructi doctrina, non à turbidis & cœnosis iuniorum riuis, sed à limpidis & perennibus fontibus aquam scaturientem haurientes, quid agendum sit non ignoremus. Scis enim

quantum interfit inter vniuersalem methodum, & particulare vocatum experimentum. Licet enim plerique varium scribendi stylum refugiant, historiam tamen nemo non amplectitur, nulli non libenter audiunt, vt Daniel Heinsius, Belgicus Varro, efficacissimis rationibus *Oratione 10. de historiae praestantia & dignitate*, eloquenter comprobauit. Quare suus, isque supremus honos Historicis defuit nunquam, vt de Flauio Iosepho, Antipatro Hieropolitano, Clitarcho, Quinto Curtio, refert Rauizius Textor *in praefat. ad suam Officinam*, quos Romanos Imperatores, ob historiae dignitatem, tantopere honorasse; illisque statuari erexisse, à veterum peritissimis saepius est proditum: vt Beroaldus refert eloquenter *in Orat.* per eum habita in enarratione Titi Liuij.

Maxima ergo est historiae utilitas, & eò magis in Medicina, dum eorum vitam legimus, qui culpa sua, praeposteroque viuendi ordine in aliquod discrimen inciderunt. Sic enim aliena fruimur infania, & pedè ab aliis reuocamus, in quibus alij naufragiū fecere. Nonne suaue est alieno infortunio sibi praecauere? Scribit enim Auenz. *lib. 1. theiz. tr. 16. c. 6.* Se suas, & aliorum historias enarrasse, vt essent exemplū in omnibus aliis similibus. Hoc consilio ductus Gal. in seipso aliquas aegritudines subortas, per historias patefacere non erubescit. Non enim possumus effugere pericula, nisi praeterita nobis sint nota, & quasi per manus scripta posteris relinquantur. Quoniam non solum necesse est artem Medicam cognitam habere, sed etiam exercitatione, atque obseruatione eam firmare oportet, vt elegantissimè retulit Gal. 3. *meth. 7. & lib. 1. eiusd. cap. 4.* & alibi saepe. Lege quæ de Historiae dignitate scripserunt luculenter, Marcus Antonius Muretus *in Sallustium*. Politian. *in praef. in Sueton.* Adam Kellerius *lib. 1. cap. 8. de Officiis iur. politic.* Polybius *lib. 1. Historiar.* Natalis Comes *lib. 1. hist.* & Ioan. Antonius Viperanus *cap. 3. de scribenda historia* eruditissimè. Deinde praefenda est Historia ædibus, statuis, colossis, trophæis, arcubus: nam non vertitur, non immutatur, non incenditur, non frangitur, non exceditur, non innouatur. Legitur omnibus cum voluptate omnia aperit, enarrat res incognitas, mira praestat exempla, nec habet quicquam hominis vita pretiosius, quia quæ absunt longissimè, in oculis esse videntur, vt refert Antonius Campanus *lib. 1. epist. 5.*

Demum docet nos Medica Historia, quomodo se debeat gerere Medicus cum Medicis prouectioris ætatis, eruditis, indoctis, morosis, ceruicosis: cum Magnatibus, diuitibus, pauperibus, cum delicatulis, ministris, & adstantibus: denique cum omni hominum sorte. Quæ omnia maturum in Medico prudente iudicium, exactam scientiam, & longum vsum præsupponunt.

Protuli de materia hac vtilissima, non quæ historiae dignitas, ac utilitas, excellentiæve exigebant, sed quæ ingenij mei in medium proferre tenuitas fuit. Patere tamen ex ipsis opinor, in omnibus actionibus, cunctis consiliis, ac medicis consultationibus, plurimum utilitatis historiarum exemplum afferre: Rectèque à Cicerone affirmari, Historiam testem esse temporum, lucem veritatis, magistratam vitæ, vitam memoriæ, ideoque bene studiis suis eos consulere, qui cum aliarum artium, atque disciplinarum cognitione, etiam hanc coniungere minimè dubitant. Huius enim ope narratio curationum gestarum cum laude, aut infelici eventu, abditorum morborum causa, & exitus, cum temporum & locorum ordine, ac descriptione, tanquam viuæ quædam pictura, ante oculos proponuntur. De quo argumento Melchior Iunius Vvittebergensis *liu. 1. de oration. de hist. dignitate*, & Henricus Cornelius Agrippa *lib. de vanit. scient. 5.* eximiè disputarunt & non siluiri eruditissimus Mercurialis. *in praefat. ad epidemicas historias Hippocratis*, cum Cornelio Gualthero *in praefat. ad Hist. Hegeſippi.*

Quare Principes Medici in suis libris scriptas reliquerunt historias. Hos imitati sunt Rabbi Moses de Ægypto, in omni scientiarum genere admirandus, qui in *particula 24. De miraculis in medicinalibus libris repertis*, exempla rara à se obseruata ad vnguem retulit. Idem etiam negotium agitarunt Latino-barbari. Valeſcus Tarentinus, Gulielmus Placentinus, Nicol. Flor. Marcus Gattinaria, & Harculanus, qui exempla illustria, stylo tamen horrido conscripta, & in densissimis eorundem commentariis delitescencia ad nos transmiserunt. Quorum energiam sapiunt Matthæus Gradius, Guainerius, Gentilis




Gentilis Fulg. & Iacobus vterque. His accessere nostræ ætatis Medici doctissimi, & exercitatissimi, Symphorianus Campegius, & Ioan. Baptist. Syluaticus, qui superioribus annis, historias ex Galeni solum monumentis, paucas tamen, & citra ordinem congeffere.

Post hos non defuere viri percelebres, & eruditi, qui Medicam supellectilem locupletare enixe studuerunt. Omnium in hoc argumento primus extat Beniuenius. Sequuti sunt Amatus Lusitanus, Paræus, Alex. Benedict. Rembert. Dodon. Fernel. Vvier. Langius, Vesalius, Cornel. Gemma, Scaliger, Valleriol. Holler. Iacotius, Solenander, Alexander, Traianus, Trincauel. Columbus, Pet. Poterius, Cardanus, Eustachius Rudius, Mercurial. Saxonia, Thomas à Veiga, Brasauolus, Vallesius, Rondelet. Heurnius, Matthias Cornax, Laurentius Scholtzius, Menzelius, & Osvaldus Gabelchouerus, qui omnes sparsim, & aliud negotium agentes, miras rarâsque historias descripserunt. Omnium postremus Marcellus Donatus de Historia medica mirabili scripsit succinctè, eleganter, & doctè. Sequuti sunt Martinus Rulandus, Frisinus, & Petrus Forestus Belga. Ille enim historias Empyricas, arcanis Chymicis absolutas in lucem dedit: Hic obseruationum medicarum longam fatis, & laboriosam farraginem construxit. Et vt nouissimè, sic eloquentissimè omnium, Ioannes Schenckius à Graffemberg, stupendæ lectionis vir, ex omnium ferè Neotericorum scriptis, & ex suo etiam ingenuo Marte, peregrinas, memorabilésque historias euulgauit in lucem.

Sed nullus superiorum Auctorum, vt optimè nôsti, nostrum attigit institutum, nec Historiales Medicorum omnium Principum, amœnissimos, & frugiferos campos excoluit, vtilibus commentariis ornauit, paraphrasi poliuit, dubiis, & seriis disputationibus illustrauit, & peculiaribus obseruationibus locupletauit.



ZACVTVS LVSITANVS,  
BENEVOLO LECTORI, Salutem.

 *LVRES* sunt percelebres Viri, qui nostro auro in Europa tota, in inclytis Academiis, & nobilissimis Ciuitatibus, Medicinam honorifice profitentur, & maxima cum sui nominis gloria praxin exercent, qui argumentum de Medicorum Principum Historia, tanquam Reipubl. Medicae summè necessarium, utile, ac salutis mortalium frugiferum valde, datis ad me literis eruditissimis palam contestantur, imò vehementer laudant, & indefessum laborem meum, in Historiis ordine compendiofo proponendis, illustrandis, & interpretandis, plenissimis (ut aiunt) tibus iactant, predicant, & buccinantur: quarum paucas è multis electas, laconicè proponere visum fuit ad maiorem huius Operis commendationem.

EPISTOLÆ CLARORVM VIRORVM.

*Daniël Beckerus Borussus, Academia Regiomontana Primarius Professor,  
Zacuto Lusitano. S.*

**M**agne Medicorum Princeps, Doctissime ZACVTE, Fautor honorande. O! me felicem tanto patrono, tanto amico! Vix ergo narrare possum, quo gaudio, qua vtilitate, quo applausu, tota hæc Academia Regiomontana, imò omnis Prussia, & aliæ regiones Poloniæ & Moscouiæ confines, in quibus Hippocratica ars in pretio est, Historias tuas tot dubiis exornatas, & Praxin illam mirabilem venerentur. Professores eas colunt, & versant, Practici in ore promptas habent. Demum in subselliis ZACVTVS honoratur, qui tantopere dimicauit pro doctrina Galeni. Sed quid honoribus & laudibus te macero, cum sis honoratissimus, & laudatissimus? Dabam Regiomonti, 28. Octob. 1628.

*D. Benedictus à Castro Hamburgensis, Roderici à Castro, Medici insignis  
Filius, D. Zacuto acutissimo. S.*

**D**electet hominum oculos opulenta tellus, animantium copia frequentata, sylvarum viriditate vestita, fontium perennitate, altitudine montium, camporum æquore, ac nemorum opacitate variata. Me, celebre tuum Opus, *De Medicorum Principum Historia*, (solertissime ZACVTE) tanta voluptate affecit, ut si his doctis commentariis (quæ potius deuoravi, quàm legi) rerum varietate, lectione multa, acutarum, novarumque disputationum copia refertis, quod suum est tribuerem, essem ab ipsa eloquentia, scientiæque mutuaturus facundiam. Attamen solum debitum meum admiratione persoluam, ne parum sufficiens deficiat lingua. Sat sit mihi intelligere, quod à te, omnium in hoc argumento primo, altiori scribendi stylo, suavi dictionis contextu, miro dispositionis artificio ventilatum legi. Quo factum est, ut in eorum album adamantinis literis te potius sculpsim, quàm scripsim, qui cum selectissimis disciplinis, veritatem sine fucis, & fallaciis emedullatam sibi coniungere, quod ut rarum hoc nostro infelici sæculo est, ita amplius æstimari debet. Magna laus, & grata hominibus, vnum hominem elaborare in ea scientia, quæ sit multis profutura.

Non



# EPISTOLÆ CLARORVM VIRORVM.

Non enim qui hiant ore, patulisque auribus populi semper laudes excipiunt, easdemque inanes affectant; non qui pecorum more, ac beluarum instar, vitam silentio misere transigentes, vilia, sordida, & abiecta persequuntur; sed qui proprii ingenij monumenta immortalis posteritatis memoriae consecrant, quorum præclara æterni nominis gloria, raris virtutum dotibus, variæque rerum experientia parita, magnam vniuersi orbis partem implet, nobis ansam præbent, ut illos debitis, mirisque laudum encomiis ad cælum usque extollamus. Prisci illi Romanivtimmarcessibilem nanciscerentur famæ amaranthum, magna, & incredibilia facinora perpetrantes, nihil honestius, nihil egregio viro dignius esse sibi persuasere, quam de vniuerso hominum genere benè mereri. Quis quæso doctrina absoluta, eruditione exquisita, scientia multifaria, fortunæ aleam te præstantius superauit? qui dum me consulis, me doces, ut à te edoctus, haud superbus approbem quod differis. O foelix ætas! quæ tam ingeniosum virum nobis genuit, atque creauit, qualem te ex Lusitanis aruis exisse meritò gloriamur. Quid enim in hac parte excogitari, aut desiderari potest, quod ab hoc tuo vberissimo opere, tanquam à perennissimo optimarum disciplinarum fonte nequeat hauriri? Nam in explicanda auctorum mente es acurus, & grauis, solers in arguendo, multiplici rerum usu, atque experimento insignis, in abditarum controuersiarum explanatione facilis, venustus, & elegans: sic denique vetustis nouitatem, nouis auctoritatem tribuis, ut ex ore tuo veterum dicta, tanquam è domestico penario deprompta liceat audire, & in nouis antiquorum disciplina reluceat. Obelisco, (si fas est tanto, tamque bellè elaborato operi iudicium meum interponere) perfodiendum nihil: Asterisco decorandum totum inueni. Gratulor tibi, & sæculo nostro. Gratulor mihi, quod tuarum lucubrationum me feceris participem, in quibus, & argumenti nouitas, & inuentionis subtilitas, & variarum rerum cognitio facile elucet. Perge igitur alacri animo, & reliquos similis argumenti libros, quos summa cum voluptate obuiis vlnis excipient docti, prælo committendos cura, ut sic feliciter medentium omnium desiderio expleto, medicinæ decora è faucibus tenebrarum erepta ad nos longo postliminio redeant. Adderem plura, nî vereretur, quod fucosæ orationis suspicio, fidem candidæ arctissimæque nostræ amicitiae detraheret. Vale medicinæ scholæ splendor, & gloria, & me, ut soles, ama. Hamburgi, 15. Ianuarij, anno 1629.

*Viro Præstantissimo D. D. Zacuto Lusitano, Medicorum nostro auro celeberrimo, eminentissimo.*

**V**ir maxime, vidi, & summa cum voluptate perlegi opus à te concinnatum **MEDICVM, THEORIPRACTICVM, HISTORIALE**, in quo admirabundus cerno, non vnius ætatis, aut vitæ humanæ à te exantlatum laborem, sed sæculi. Certare video diligentiam cum materiæ fertilitate, iudiciū cum difficultatum ambiguitate. Certè veluti triumphali in curru te celsissimo loco eminentem intueor, trahentem longum medicarum difficultatum captiuum agmen, acutissimi iudicij tui acie domitum, quod Medicinæ dictator Hippocrates *lib. 1. Aphor. 1.* in medicina difficillimum esse pronuntiat. Non autem ut magnus illæ Macedoniæ Rex Gordium nodum, cuius lora contorta, & in semetipsa implicata dissoluere non poterat, gladio discindebat; ita ut præcipiti iudicio rumpis intricatas & vincula celantes quæstiones: sed rationis manu leniter singulos nexus, aliis inexplicabiles, extricatas, totasque tandem difficultates dissolutas, nudas, & expansas proponis. Sed quid ego paruo & opaco verborum fumo tanti operis splendorem offusco? rem ipsam genuino suo colore exprimam. Ut olim Roma sub Consulū imperio triumphans, delicias orbis terrarum vndique corrasas continebat, ibique Ægyptius doctrinæ suæ mysteria in obeliscis legebat: Græcus Phidiæ, & Appellis miracula spectabat: Gallus, Hispanus, & extremus Britannus, trophæa de gente sua in Capitolio reposita, singuli admirabundi contemplabantur: ita, excellentissime **ZACUTE**, quæ longo sæculorum tractu olim in Medica Praxi cimelia Græci cum Ægyptiis cauta prudentia obseruarunt: Arabes singulari solertia collegerunt: Latialis linguæ cultores ærumnabili diligentia notarunt, omnia in tuo hoc medicinæ sacrario egregia industria simul congesta

gesta, eximia solertia enucleata, & discussa, hodie maximo cum oblectamento cernimus: summa cum vtilitate præsens æuum leget, & consequentium sæculorum omnium candidi Medicinæ cultores grato animo amplectentur. Quare, Vir eximie, tot à te longa die medicas opes accumularas iam tandem in publicum profunde, vt animus alumnorum Æsculapij hoc nectare irroratus, veluti cardiaco præstantissimo à fastidiosa lipothymia recreetur, quam tot auctorum dispersa nauseabunda varietas, longa & rædiosa indagatione in ferre consuevit. Vnus tu repertus es hoc æuo, quo Medicorum nomine tenus, vberimus, sed vilissimus existit prouentus: parcissimus autem eorum qui dicta factis in praxi æquent. Vnicus, inquam, inuentus es, qui in vita priuata, publico generis humani bono propriam vtilitatem postposueris: & non fallendo, ac per cuniculos alios subruendo, aurumque corradendo loculos tuos explere studuisti: sed incredibili virtute, & alacritate, ad gloriam virtutis via grassatus es: trophæa tua Theorico-practica, pro face Galeni aliorumque Principum Medicorum, historiis inferens, eandemque omnibus sæculis, omni æuo, & in qualibet mundi plaga, artis Machaoniæ veritatem existere, per historias, & dogmaticas illustrationes probans. Quippe inde vsque à vetusto æuo orsus Galeni Historiis Practicæ Medicinæ scientiæ veritatem stabiliuisti: quibus imitatorum Galeni historias adiunxisti, nimirum magni illius Arabis Rhasis, qui per annos centum praxim medicam exercuit, & centum ac viginti annos vita expleuit, quem Arnaldus de Villanoua dicit, theoria fuisse clarum, praxi promptum, & experientia probatum. Adeo vt tuo merito, Vir maxime, hodie vnum in thesaurum congestas cernamus, Medicinæ (quæ Regina sanitatis existit) opes, & cimelia vniuersa, quæ tot præclarorum virorum, inde à Galeno, ad nostram vsque ætatem, indefesso labore & studio coaceruata fuere. Quare perge maiore impetu in gloriosissimo tuo instituto, & simili conatu CHIRURGICAS Principum omnium HISTORIAS publicæ vtilitati largire: ac quod iam à te satis nectare, & ambrosia saturatum est opus, DE NEOTERICORVM MEDICORVM IN THEORIA AC PRAXI ERRORIBVS, in gloriosæ famæ stadium emitte. Precor Deum omnipotentem, vt tibi ingenij vigorem, animum ad laborem subeundum alacrem, & sanitatem diuturnam concedere velit, quò laudabile hoc studium cum publica mortalium vtilitate, & lucro tuo priuato decurrere queas. Vale, Leydæ in Academia, anno 1629 Maij 5.

O T H O H E V R N I V S.

*Joannis Fil. Medicina, Anatomia, & Chirurgia Professor.*

*Rodericus à Castro, Medicus Hamburgensis, Zacuto Lusitano S.*

Clarissime, ac sapientissime Vir. Literis tuis copia, aut eruditione non satisfaciam: nam ætas grauis, continua studia, & maximi labores, ita animi vigorem debilitarunt, vt iam nec amicis satisfacere, nec ea præstare possim, quæ maximè vellem. Omissis igitur laudibus, quas pro tua in me beneuolentia, nec vllò tamen meo merito, mihi tribuis, pro commentariis quos in libros de vniuersa mulierum medicina conscripsimus, Exemplar de Medico politico, ad te potissimum Medicum transmittito. Fuit senectutis lusus, in quo quæ inter seria studia occurrerunt, quæve longa dies mihi monstrauerat, posteritati communicare decreui. Immortales verò tibi præsto gratias, pro primo de Medicorum Principum Historia libro; in quo alios quinque de eodem argumento polliceris. O! quam suavis, elegans, & Reipubl. medicæ utilis est! Professoribus iucundus, Praxin exercentibus necessarius! Dubia sunt electa, quæstiones nouæ, arduæ, difficiles, explanatio Historiæ certa. Demum si codices, & testimonia vetera Galeni, incursum barbarorum, vel omnia pereant, pro cunctis vnum te habeat Medicorum natio, secuta quasi nihil amiserit, quem libentissimè legat, imitetur, & colat. Me ergo tui studiosissimum solita beneuolentia prosequi non desistas. Hamburgi, 16. Iul. 1629.



*Paulus Zacchias, Medicus Romanus, Zacuto Lusitano. S.*

**D**Oleo literas tuas, datas tertio Idus Nouemb. anni præteriti, tam serò ad manus meas peruenisse, nempe decimo Calendas Maïas anni præsentis: nam facile timere possem, ne me aut negligentia, quod abest; aut minimæ in doctos viros obseruantia, quod nollem, insimulare valeas. Sed iam tuæ Epistolæ responsum dandum. Cum ea recepi librum de Medicorum Principum Historia primum, quem Stephanus Rodericus Castrensis, mei amantissimus, mihi dono misit. Hic ergo prior liber tantum desiderium videndi alia opera tua, & in me, & in omnibus doctissimis Medicis huius nobilissimæ Curia excitauit, vt inde multam tibi euenisse gloriam, ob tuam admirabilem doctrinam, illi mecum vnanimiter sibi persuadeant. Cura ergo, ac totos neruos intende, vt quoscunque publici iuris facis, huc omnino perueniant libri; erunt enim auspiciis bonis apud omnes acceptissimi. Vale Vir Excellentiss. & Medicinam, vt facis, illustrare perge. Romæ a. d. Calend. Maïas 1630.

*Balthazar Azeredo, Conimbricensis Academiae Primarius Professor emeritus.  
Zacuto Lusitano. S.*

**P**ost discessum tuum ab hac vrbe, Musæum meum relictum est vacuum eruditione & doctrina: nam illud præsentia tua ornabas, & me, etsi militem veteranum, profitendique munere iam defessum, ad dubia ardua dissoluenda instigabas. Quæ omnia absentia tua languent omnino, immò (vt veriùs loquar) pænè sunt emortua. Vidi te iuuenem in consultationibus, & conclusionibus publicis de re medica disertè differentem. Nunc tuarum Historiarum, quas ad me humanissimè misisti, dulcedine delinitus, facundiam admirror, stylum laudo, quæstionum rararum numerum, flosculis illustratum & radiantem diurna verso manu, legoque nocturna. His enixè insiste, vt te fauore Medicina in dies magis ac magis niteat, & efflorescat. Vale Medicinæ Phoenix. Olysiptime, 10. Oct. 1634.

*Doctori Zacuto Lusitano, Medicorum oculo, Doctor Gladiola Granatensis,  
in Inclita Academia Seguntina, olim primarius  
Medicinæ Professor*

**M**isit ad me ex Antuerpia illustrissimus Digus Antonius à Sylua, Portalegrensis Comitatus filius, mei, si quis alter, amantissimus, epistolam tuam ad me scriptam. Eam cum legerem, dici non potest quantoperè sim delectatus; nam ita & verbis, & sententiis, & concinnitate erat absoluta, vt planè appareret Musis eam dictantibus fuisse exceptam. Cogita igitur quàm mihi nunc placeam, quàmque ipse me mirer, qui in ea sum arte, Medicorum coryphæo, summis encomiis, nullis tamen meis meritis perlaudatus. Hanc comitabatur liber *De Medicorum Principum Historia* primus, quem tua rara disciplina, acutissimæque doctrina constructum, mihi quasi recoquendum, & opimioribus (vt ais) opibus cumulandum emisisti. At non est, SOLERTISSIME ZACUTE, quòd calculos doctorum viritim expetas, quum fama magnus sis, scriptis certè maior. Eum cum legi, & reuisi, in eam opinionem adductus sum, vt existimem eum te fore, qui non solum Medicis omnibus, verum etiam eruditis artis Professoribus emolumentum, tibi verò gloriam immortalem sis allaturus. Non me adulandi studium fallit, à quo tanquam intestino morbo semper abhorruì. Nihil truncum, nihil mutilum inueni, immò subactū lectione multa, sparsumque illustribus sententiis; quin stylo suauì, grandiloquo, vtilissimo decoratum: in quo opere, vix possum iudicare, an subtilitas & acuties ingenij, quæstionum nouitatem antecellat, in quibus explicandis primus omnium, post tot medicinæ fortissimos duces, qui superiori, & nostro sæculo vixerunt, strenuam industriam imponis. Quamobrem, si librum secundum huius instituti, quem elaboratum, & maturum, acrique tua minerua illustratum seruare affirmas, & alios successiue in lucem

lucem proferas, Medicorum chorus vniuersus, iamdiu mœstus, sed tandem lætus, tibi viro incôparabili, summo Medicinæ Antistiti; & synceræ methodi vndici accerrimo, congratulabitur valdè. Ego à longo tempore artis huius, alioqui præstantissimæ ruinam augurabar, ob ignorantiam eorum qui eam exercent: Nec irritum fuit augurium: video enim hoc nostro calamitoso sæculo, eam Vromantum præstigiis, Strophis Sycophantarum, versutiis nebulonum, omnium vnà freméntium, (miserabile dictu) immò garrulorum & mendacium senum, iuuenúmque loquacium, superba caterua comitatam, qui dente leonino, linguæque virulenta doctos lacerant, & quod peius est, se esse Galeni filios, inflatis buccis iactant, & Principum, magnatúmque esse medicos vulgaribus falsò imponunt, & iactabundi gloriantur. Hos omnes impostores scriptis tuis eruditissimis, velut Herculeæ claua domas, & infrænas. Doctorum verò virorum luxuriantem in Principes Medicos redarguendi licentiam firmissimis machinis debellas. Quare nunc conuersus est Medicinæ mortalis ille prior vultus, in immortalem, & nunquam periturum decorem. Conuersa Medicinæ nox in diem. Conuersus Medicorum mœror, in gaudium. Gaudete ergo artis Phœbææ dulcissimi alumni, quibus iam pro nocte, Sol geminus oritur: quia non flammis tantum, sed radiis geminatis, flammæ medici chori hodie manifestè corruscant. Ob hæc dignus es, vt medica Schola te in summo pretio retineat, amplexetur, obseruet: non enim in hoc opere solùm subtilia, & ardua proponis, sed in alio eximio, cui de *Praxi Medica admiranda* titulum dedisti, in quo exempla rara, mira, nouis, & non antea cognitis præfidiis confirmata, humanóque generi vtilissima conscribis, quæ omnia lemnisco ornari merentur. Ne ergo censoriam reprehensionem, me iudice, pertimescas vllam: nam clauum rectum tenentibus, & Hippocratica via incedentibus theoninus dens obstaculo esse non potest. Nunc desinant histriculi iuuenes, fastidiosi, & insulsi senes, quibus putet sæpè vnguenti plena Alabastrus, quorum semper in obelo mens, & fescennium virus, tua acuta concepta fidere immitiùs conuellere: nam rectè sentientibus non est partus hic omnino hypenemios. Vale medici nominis splendor: & me, celebris famæ tuæ vocalissimum præconem, licèt inconcinuum futurum, amare ex animo perge. Adderem plura, nî obstaret incurabilis morbus quo premor, ætas sanè decrepita, ob quam nescio quomodo non vacillat mens, calamus torpet. Ex augusta Granatensi ciuitate, anno 1635, die verò Februar. 15.

D. Doctori Zacuto Lusitano, Medico summo, Ioan. Antonius Sigismundus  
Cracouiensis Academia Rector, & Medicina  
primarius Professor.

Miraberis, INGENIOSISSIME ZACUTE, cur tuæ, tam affabrè, tam doctè conscriptæ epistolæ seriùs responderim: at distantia locorum in causa fuit, ob quam licèt tanto interuallo disiuncti simus, animo tamen, & litterarum amore sumus valde cõiuncti: nam à pueritia humanos viros, doctos, & omnigèna variæque lectione ornatos mirificè sum amplexus, quoniam aut insulsus, aut stupidus essem, si scriptorum tuorum, quæ à peritissimis viris pleno ore laudantur, facunda doctrina non delectaret, quando Poloni nostri, Germani, Itali, cum quibus est mihi frequens per literas conflictus, te, tanquam fulgorem sæculi nostri, & optimarum disciplinarum magnum, grauémque magistrum cuncti obstupescunt, imò te tanto medicinæ Doctore læta est tua Lusitania tota. Cum epistola librum tuum *De Medicorum Principum Historia* secundum, attulit Lusitanus quidam nomine Iosephus Vallescus, qui ex Veneta ciuitate Cracouiam lustrandi causa huc appulit, cùm antea in amplissima vrbe, triennio, munere Agentis Regis Hispaniarum honorificè functus esset. Perlecto libro, imò iterum atque iterum reuiso, inueni commentaria, & quæstiones, omni cultu, labore, studiòque refertissimas, selectas sententias, cothurnata verba, quæ omnia phrasim illam dicendi acutam redolent, quam in libro primo eiusdem instituti, & in aureo florilegio rararum obseruationum (quæ omnia superioribus annis magnacum tui nominis gloria, & mortaliù commodo in lucem emisisti) non rudioribus modò, verùm etiam prouectioribus, & eruditissimis in argumento nouo aperuisti



aperuisti, quæ ut seria, vtilia, & abstrusa, lemnisco sunt ornanda, cum ipsa sint dignissima cedro. Quod verò addiste tertium habere sub prælo eiusdem argumenti librum, in quo de vteri, genitalium, & inferiorum partium morbis disceptas, gaudeo, & tibi gratulor, ob tanta, quibus rempublicam medicam illustras, beneficia; quibus omnium voto Hippocratica tribus fœcundatur: in quorum librorum limine, ut hæc præfigatur, obnixè oro, ut sciant docti, me illos ex corde venerari. De cætero, si me diligis, quem ob præclaras tuas animi, & corporis dotes, imò celebrem, & nunquam perituram nominis famam, summè colo, & obseruo, cætera opera citissimè in lucem emittes: nam Historiæ ZACVTI adeò reipublicæ medicæ plausibiles sunt, & vtilis, & cum vtili miscent perdulce, ut illi harum lectione deliniri veluti inebrientur. Quare, te nostro ævo esse Medicorum præcipuum, horum Schola vnanimè iurat: quoniam in tuis eruditissimis scriptis solùm his est pro Principum, imò veritatis tutela. Gratias denique tibi vberes ago, & habeo pro honorifica illa mei nominis menciónē, quam peramanter nimis epistolæ inseruisti. Quæ enim mihi potior laus, & verior, contingere potest, quàm laudari à laudatissimo nostri temporis, eruditissimoque? Sed tamen hoc ita interpretor, vnam mihi laudem hanc, esse laudem omnium maximam, quòd abs te etiam falsò merui laudari. Neque culpam in me reiicias, si in posterum tibi rarenter scribam: nam terrarum intervallum, publicum docendi munus, & priuatarum occupationum acervus, quibus iugiter distineor, animum meum ita distrahunt, ut nec scribendi tempus concedant, præsertim in hac vrbe, ex qua ad tuam vnicus est per Venetias tabellarius. Te officiosus saluto. Vale. Ex Cracouia, aula inuictissimi Regis Polonia, idib. Aprilis, anno 1636.

*Ludovicus Nonnius, Medicus Antuerpiensis, Zacuto Lusitano. S.*

**M**Orbus grauiissimus aliquot mensibus me exercet, ob quam causam hætenus tibi non rescripsi. Cum hodie conualescens meam conueni Bibliothecam, in qua cum paulisper amicos, hoc est, libros reuiderem, ecce ingressi sunt aliqui Viri docti, qui in hac splendida vrbe medicinam exercent felicissimè, inter quos erat Venerandus, longoque senio confectus, D. Doctor Pax, Vir clarissimus, & Archiducis Austriaci dignissimus Archiater: Et cum inter nos de Medicis nostri sæculi incidisset sermo, Tu in cœtu peritissimorum, ex illorum voto, principatum obtinuisti: cuius ingenium & doctrinam hic Clarissimus Medicus valde miratur, & laudat; addens se ad Medicos primarios Regis Hispaniæ opera tua misisse, inter quos esset *Antonius Ponce à Sancta-Crux*, Vir doctissimus, ut eius scripta testantur. Historiæ enim tuæ cunctis Medicis admirationi fuere. Quapropter seriò te rogo, ut Spartam hanc exornare strenuè pergas egregiis tuis laboribus. Viuent illi, mihi crede,

*Dum domus Æneæ, Capitoli immobile saxum*

*Accolet, imperiumque pater Romanus habebit.*

Vale Præstantissime ZACUTE, & Nonnium tuum amare perge. Antuerpiæ 16. Feb. 1637.

*Zacuto Lusitano, Medico celeberrimo, artis medicæ Atlanti fortissimo, Principum Medicorum historias affabrè explananti.*

Doctor Vega, Medicus Hamburgensis.

**O**pera tua, clarissime ZACUTE, incessanter lego: nam quæ à te scribuntur, tuum sapiunt salem, & te referunt. Cum enim tuum polychrestum, & polydædalum Iatrologicum opus euoluo, videor mihi, in amplissimo, & venerabili Mineræ templo reperiri. Quot enim in eo polymyxæ lucernæ, intuentium oculos illuminantes, & simulacra illustrantes, tot in hoc aureo spectamine clarissima documenta ad vsum humani generis, ex inexhausto diuinæ sapientiæ fonte depròpta lustrò. Pressus aër latissimè seipsum diffundit; ignis vi magna clusus, quæ data porta ruit; proruit & aqua ruptis aggeribus: sic mihi natura taciturnissimo, & aliàs laudum parcissimo cuenit, ut vix contineri pos-

# E P I S T O L Æ

sim, quin grandi, & insolita admiratione instigatus, & quasi poëtico furore percitus, in Rempublicam medicam carmina moduler:

*Miratus? mirare magis: ZACUTVS acutus*

*Paucis in chartis dogmata rara refert.*

*Magna illi ingenij vis est, sapientia mira,*

*Aeternum medica nomen in arte feret.*

Explore quis Iatrophilus sui ingenij vires, atque accensa face, singula in hac ampliuaga variarum, abstrusarum, & vtilium quæstionum sylloge, & controuersiarum sylua inspicat, & omnia sæpe trutinata, pensitataque examinet, reuocetque ad lancem, nil vtrique offendet Philosopho indignum, nihil obelisco perfodiendum, imò asterisco decorandum totum inueniet: Deinde facundia mira dissertas, dubia inuia explanas, in argumento historiarum nouissimo, nouissima, & à nullo hæcenus conscripta graphicè proponis. Omitto sententiarum pondus, verborum, & auctoritatum delectum, dicendi ornatum, & lenocinia, quibus palatium Iatrohistoricum tuum passim condecorasti, & veluti ad facundissimum, & beneolens paratum, siue (vt potius dicam) ad Ambrosiam mensam medicophysicam, opiparo, & sumptuoso apparatu Appollineæ artis alumnos recreas, & refocillas, imò in verba auctorum indiscretè non iurans; non ignorans quantum distent æra lupinis à chimæricis Neotericorum placitis declinas, illorum reprobas opiniones pro Principum Medicorum, ceu Magistrorum nostrorum tutela extirpans, veritatem è mediis tenebris, velut aurum à pallida plumbagine secreuisti, & exarenasti. Quamobrem mihi quidem, & vniuersæ reipublicæ literariæ, quin & tibi Medicorū Lusitanorum splendori, & Iuniorum decori, & ornamento, non semel gratulor, ob insigne beneficium, & emolumentum, quod non rudioribus modò, sed eruditissimis Medicis, & acutissimis etiam Philosophis attulisti, vt propterea cum bene meritis de arte medica, qui præclaro ornamento illam auxerunt, & exornarunt, nunquam obliterandis characteribus signari, & posteritati commendari, tuum nomen mereatur. Munus librorum tuorum ingenti me voluptate affecit, nam etsi à syncerioris medicinæ studiis iam pridem feriatum sim, gaudeo tamen à doctissimis, & omnium calculo celebratissimis viris mihi aliquando occasionem præstari ad studia redeundi, quæ me in adolescentia maximè recrearunt. Inueni in iis non modò quæ ad medicinæ cognitionem plurimùm conferunt, sed Philosophorum sententias doctè, atque eleganter abs te explicatas, & in veriore lucem eductas, quàm in classicorum libris perlegantur. Quæ res non mediocrem mihi spem affert, fore vt aliquando medicina vniuersa, quæ iam pridem apud Chymicos, chymica existit, Zacuti acutissimi opera, Hippocratica, & Galenica sit facta, imò ouans, & triumphans efflorescat, & reuiuifcat. Cum enim Zacutina opera, die noctèque perlustro, attentè pensito, perlego ad vnguem, non ex illis solùm, sed ex ipsa tua ratione scribendi, falsum illud reperiò, quod iactauit Lucretius de senibus:

*Claudicat ingenium, delirat linguaque, mēsq̃ue*

Imò contrà verissimum illud alterum, boni poëtæ veteris:

*Quod periti sumus in vita, atque usu callemus magis*

Te in iuuentute strenuum medicinæ militem agnoui, in curatiua methodo gratiosum, dexterrimum, foelicissimum: nunc ad sidera vectum recognosco, inter eruditissimos, & peritissimos nostræ artis duces, & coryphæos, primipilum, cuius elaborata opera cum applausu sunt accepta in tuo Belgio, in Europa, imò in orbe toto. Cura ergo vt valeas, vt vnà tecum, sanitatis columna, valeamus semper. Vale ergo lectissime, & amicissime ZACUTE, cui foelicissimos exitus & opto, & spero. Hamburgi, anno 1637. mensis Martij die 17.

## CLARORVM VIRORVM

*Franciscus Mondragon Salmanticensis, Cathedram Medicinæ vespertinam  
Vicegerens. Zacuto Lusitano S.*

**I**N inclyta Salmanticensi Academia, toto orbe celeberrima, per multos annos moratus, legi auctores Medicos perdoctos, qui scriptis suis eruditissimis artem nostram certatim locupletare studuerunt. Sed qui de argumento tam utili disliceret, inueni neminem. Nam dum fecundos, facundos, & tempestiuos incessabilis, imò insatiabilis studij tui foetus placidissimo gustu exploro, in iis Historiarum tuarum mellificum, deliciosumque libamen palato arridet, animum refocillat, cuius Elysio veluti oblectamento, absque dubio perfusus, fabulosum illum Ambrosiæ videor experiri saporem, sed non fabulosam colligo doctrinam. Est enim tibi in forma dicendi, elegans & cothurnata methodus; in eleganti methodo sententiosa doctrina, & in sententiis, quibus quasi flosculis ratiocinia inspergis, mira sanè grauitas. Vale Phœbæ facultatis micantissime radi, & me tuis dilectissimis frequenter saluta. Salmanticæ, 13. Maij, 1637.

*Antonius Remington Londinensis, Regis Angliæ Archiater, Zacuto Lusitano S.*

**D**omine ZACVTE colendissime Medicorum decus. Accepi, Vir clarissime, hebdomada superiore, cera filoque integris, literas tuas eleganti stylo conscripras. Agnoui in ipso limine humanitatem singularem, perfractisque sine mora repagulis, ipsa penetralia subire iuuat, vbi merum mel, meras delicias, omnia vrbauitatis ac doctrinæ plena inueni. Vix mihi tempero, quin me felicem & beatum nimis prædicem, cui tantus Apollo venit, Musarum & Gratiarum stipatus comitatu, ZACVTVS scilicet, mihi iam multò pridem, totique Reipubl. literariæ, ob doctrinam qua pollet summam notissimus, & clarissimus, humanitate quoque eximia innotescere dignatur. Librum primum, & secundum de Medicorum Principum Historia, atque tres alios de Praxi admiranda conscriptos, hic in manibus habemus, & in pretio, vti merentur, maximo. Quatuor quos polliceris alios, Viri docti vnà mecum expectant, cupiuntque vehementer, vt illos Bibliopòlis nostris committas, ne Anglia tanti ingenij monumentis diutius carere possit. Interim Vale, Vir multiugæ lectionis, scientiæ omnigenæ. Atque si quâ in re mea opera tibi grata esse possit, impera confidenter. Londini è Musæo, pridie Non. Iulij 1637.

*Joannes Antonides Vander-linden, Academiæ Franeckeranæ Professor,  
Zacuto Lusitano S.*

**H**esterno fortè die in diuini illius Medicinæ parentis Hippocratis, (quem non sine grauissimis caussis suspicit mundus, antiquitas venerata est, & nostrum sæculum admirari satis nequit) suauissimo, omnisque doctrinæ flosculis constitissimo horto, animum pascens, Sphyn gem offendo progressum negantem, nî quæstioni suæ respondeatur. Retrocedo mentem intento ænigmatis solutioni: ea hæret. Adeo fidissimos, tutissimisque Interpretes, Galenum, Hollerium, Iacotium, Duretum: satisfacit nemo: Doleo. Mox occurrit inexhaustus reconditæ eruditionis tuæ thesaurus: Eum adire statuo. Auocat prohibetque negotiosissimum tuum semper otium, quod rumpere non licere arbitror. Contrà suadet, vrget, iubet singularis tua in omnes humanitas, cuius mihi constare documenta noui, à qua & hoc impetraturum me, mihi polliceor, vt per otium voto satisfiat, de quo non dubito, imò spero. Tu enim in his arduis antinomiis dissoluendis, nouisque difficultatibus extricandis, in tuis elegantissimis Historiis locupletissimum specimen præbuiisti. O! quàm comptæ sunt, facundæ, politæ, neruosæ, succulentæ, & vtilis! Sed de his aliàs, accedo ad negotium, &c. Amstelodami, 12. Iulij 1637.



## E P I S T O L Æ

*Emanuel Picbardus, Scholæ Valentinae Professor Ordinarius.  
Zacuto Lusitano. S.*

**L**ætare summe Medicinæ Antistes. Ego enim ætati nostræ gratulor valde; habemus enim præsentī sæculo, quod admirari possimus, ne semper veterum ingenia suspiciamus. Quoniam in tuis Historiis es tersus, politus, & grauis, & eximia doctrina instructus, quam non ex cœnosis riuulis, sed ex limpidissimis Apollinis fontibus, mira industria exhaustisti. Ego certè in media nocte Solem, in medio Sole Lunam, in timido ægroto lætitiā, in furenti insano quietem, nodūque in scirpo facilius inueniendum arbitror, quā minimum in tuis scriptis deliquium, lyncæis oculis prorsus inuisibile. Vale Medicinæ fortissime Dux. Valentia, 20. Augusti. Anno 1637.

*Renatus Moreau, Scholæ Parisiensis Professor Regius, & Christianissimi Regis  
Consiliarius. Zacuto Lusitano. S.*

**H**istoriæ tuæ, Solertissime ZACUTE, adeò aures meas impleuerunt, ut in earum Hæctione meum omne studium, atque otium per hos continuos dies collocauerim, in quibus præter elegantiam, concinnitatēque Hippocratici sermonis, sententiarum, ac quæstionum nouissimarum varietatem, illud inprimis non solum præcipua laude, sed etiam singulari admiratione dignissimum conspiciatus sum, quod dubiis subtilibus, & obseruationibus miris abundat; ut in hoc argumento exornando, insignes Medicinæ Professores tibi celsisse videantur. De Praxi admiranda, quid? In ea, seruata ubique veræ Historiæ maiestate, nihil est, quod ad candorem, aut sublimitatem, aut ad Operis vtilitatem, abs te desiderari posse videatur. Quamobrem ex tuis foetibus futurum ominamur, ut magnos, atque vberes fructus, nec minorem voluptatem, sint cunctis Medicinæ Professoribus, praximque exercentibus, succisuis temporibus allaturæ. Datum Lutetia Parisiorum, 4. Nouembr. 1637.

*Zacuto Lusitano, Medicorum Primipilo, Doctor Andreas Antonius, Medicus  
Galenicus, Serenissimi Ducis Briganini Archiater.*

**C**um illustres nostri æui Medicos contemplor, (Vir laboribus præclarissime) Reipublicæ Medicæ cerno coruscantia sidera, inclytæ nostræ artis Mystas, & antesignanos animo verso, inter eos te primatum obtinere peritissimi omnes vnanimiter iurant, qui puram illam, & ineffabilem medendi methodum, ex Hippocratis, & Galeni ore, imò ex tua doctrina suauissima, de limpidissimis Principum fontibus hausta combibere solent. Quid ultra? Scripta tua disertissima venerantur, colunt, obseruant. Nam immortalis, & nunquam peritura tui nominis fama, ingenium tuum, & Galenicæ doctrinæ studium eximium, industria, eloquentia, styli facundia, ita Medicam Scholam rapiunt in admirationem, ut te in supereminenti loco constituent illorum, qui operibus suis admirandis, certatim artem nostrā condecorare studuerūt. Quid enim gratius, vtilius, iucundius Medicis, quā in his historiis amplissimis, tecū Polyhistore solertissimo versari? O! quā suauiter reprobas opiniones insectaris: quā acriter priscorum partes tueris, acrimoniæ miram miscens dulcedinem, dulcedini acrimoniā, quod in suauissimis saporibus natura solet: & quoties acrimonia tua contra luniores fortiùs acescit, toties aceti maluatici instar, dulcius quā dulce redolet. Sol matutinus congregat nebulas: meridianus ipsas disgregat. Virtus adolescens inuidiam concitat, adulta sedat. Liuorem domat tandem, qui omnem prius vicit opinionem. Inuidiā quasi omnem in admirationem conuertisti. Quare laudant nunc multi palam, qui hactenus inuidebant. Sed quamuis laudent penè nullus de ZACUTO mentitur; vident enim te tam feliciter singula profitentē, & post Hippocratem,

& Galenum te politum recognoscunt, magnūque artis magistrum. Tua ergo præstantissima doctrina commotus, personam tuam in me diligo, meam in te amo, laudo te in arte, artem in te probo, in natura te veneror, naturam in te miror, tuam eruditionem suscipio, amplector, amo. Vale ergo suauissime ZACVTE, & ea perge, qua instituisti via, vt editis eloquentissimis lucubrationibus tuis, & tibi gloriam sempiternam parias, & omnibus mortalibus ægris vitam, salutemque concilies. Ex villa amœna, oppido Lusitanæ celebri, aula illustri Excellentissimi nostri Principis Brigantini, ann. 1638. die verò 15. Febr.

*Clarissimo, atque Excellentissimo viro, D. Zacuto Lusitano, Medicinæ Doctori celeberrimo,  
Ioannes Isaacus Pontanus, Medicus, in illustri Gelrorum gymnasio Professor,  
Serenissimi Regis Danie, & Ducatus Gel. Historiographus.*

Clarissime, atque Excellentissime ZACVTE. Reddidit mihi litteras tuas amplissimus noster Consul, Ernestus Brinchius, quas ego semel atque iterum, seriōque sum exosculatus, amoris, atque affectus erga nos tui plenissimas, vt omittam laudes, quibus ea qualiacunque nostra, quæ in publicum literarum bonum emoliti, conatūque sumus, nimum sanè extollis, magnūque facis. Sed ego amoris illius, qui cæcutire vulgò dicitur, etiam in vero, atque oculato subinde amore, imaginem quandam agnoscens, me pede meo metior. Interea vbi ad opuscula tua respicio, quæ non vna, sed varia multipliciaque, Medicorum filiis communia esse iampridem voluisti, me summoperè cepit, atque affecit, quod inter alia Consul idem ornatissimus mihi inspiciendum tradidit, *De Praxi Medica admiranda*. Illud etenim dum voluo, reuoluoque plenum exemplis, vt vtilissimis, ita oppidò mirandis, memorandisque, in mentem mihi venit, ac opere in illo tuo reuiuiscere, mihi visus Præceptor olim meus, quem Basileæ sum veneratus, sectatusque, præstantissimis Felix Platerus, in his haud proleteriè versatus. Sed ille suis in obseruatis quod agere instituerat, peregisse hîc tu, ac summam (vt ita dicam) manum addidisse videri poteris, vt iure nunc sæculo, tibi que gratulemur, qui hæc tam præclara latere vltèrius noluisti. Quod autem litteræ ipsæ tuæ, quas dixi à Consule mihi redditas, certiores nos faciant libri, quem modò sub manibus, seu prælo potiùs habes, super Medicorum Principum Historiam, ordine quintum, de venenis (vt addis) dissertantem, eum eximium, & nihil à prioribus recedentem, sed omnia summa, & post Hieronymum Mercurialem, & alios, quæ in eo argumento desideramus, allaturum, nōsque in intima eius rei penetralia deducturum plurimāque egregia docturum cunctos, nullus ambigo. Maxime cum me in admirationem adegerint acutissima opera tua, quæ ita admirabilia sunt, & nouissimis quæstionibus, arduisque inuentis referta, vt immortalis, & nunquam peritura fama tua, in omnium doctissimorum virorum pectoribus viuat, omnium linguis celebrerur. Quare præstantissime ZACVTE ignosce, haud ignarus etiam caprarum pilos ad altare olim delatos, pro gratis, acceptisque habiros. Dabam Harderuici Gelrorum, 16. Iunij 1638.

*Franciscus Vallasques Matricensis, Domus Regiæ Medicus ordinarius  
Zacuto Lusitano. S.*

LIBRVM tuum de Praxi medica admiranda, ad nostros Bibliopolas, ex Lugduno Gallorum allatum, simul cum Historiis Principum emi auidè, cunctanter legi, vidi, relegi, in quo argumento nec Medicorum veterum, aut recentiorum insudauit quisquam. In arduis quæstionibus explicandis excellis cæteros, vt horum Coryphæus & Antesignanus sis appellandus. Vale Vir eruditissime. Matriti, 13. Nouemb. 1638.

## E P I S T O L Æ

*Doctōri Zacuto Lusitano, nostro æuo Medicorum coryphæo, Doctōr Moranus, Philosophus,  
& Medicus Lusitanus, apud Aquenses Gallos praxim  
fœlicissimè exercens.*

**C**Um amicitia, quod nemo dubitat, solertissime ZACUTE, ab amore, vim, nomén-  
que accipiat, nihil enim aliud est amicitia, quàm mutuus amor stabili quadam, id  
est, honesta consuetudine confirmatus, consentaneum est vt qualis est ipse amor à quo  
amicitia ducitur, & dicitur, talis quoque sit amicitia. Qualem igitur nostram fore  
ZACUTE dicemus? Certè cùm non aliunde, quàm ab amore Hippocratico, & Gale-  
nico cœperit, haud aliter vnquam, quàm Hippocraticam, & Galenicam appellare fas erit.  
Siquidem cùm tu omnium nouissimus, in exponendis commentariis in Medicorum Prin-  
cipum Historias præclarissimas nuper esses occupatissimus, & in hoc argumento strenuè  
insudans, plura ingenij tui acutissimi monumenta in Medicorum manus euulgares, sic  
interim te amare incepti, vt quam Galenus in Hippocratem veri amoris idéam fingit, ipsi  
iam in nobis effinxisse, atque perfecisse videri possimus. Ergo ne dubites vltèrius ZACU-  
TE de amicitia nostra, quæ trabalibus clauis infixæ est in pectore nostro. Amo insuper te  
ex corde roto, & tanquam centrum animæ meæ, colo, veneror, & obseruo. Sed dices  
tu, cur ita? quia nihil in operibus tuis scribis non bonum, nihil perpendis non subtile,  
nihil examinas Medicis non iucundum, non delectabile, non vtile. Hæc omnia sunt in  
causa, vt scripta tua sitienter desiderem. Illud est, quod in illis cum doctrina tua facunda,  
fœcunda sententiarum grauitas, quæstionumque abstrusarum dignitas perspiciantur, vt  
si attentè considerentur, omnia scientiæ medicæ reconditæ plena videantur; quæ ita suc-  
culenta, & benè fermentata lectione sunt referta, vt omnes in te suum recognoscant Apol-  
linem. Dic mihi, quis eloquitur te elegantius? quis probat acutius? quis mulcet dulcius  
quis respondet argutius? quis obiicit subtilius? quis interpretatur fœlicius? quis explicat  
facilius? Quapropter nullus dubitat te esse præcipuum, vel acumine disserendi, vel expla-  
nandi auctores tantos facultate: Delphico enim oraculo videris instinctus. Hinc factum  
est, ( quod omnes qui huc conueniunt, plenissimis, vt aiunt, tibiis iactant, & bucci-  
nantur ) vt plures tam longis terrarum, marisque tractibus, pascendorum oculorum,  
auriumque, & animorum gratia, Amstelodamum, emporium totius orbis celeberrim-  
um, veniant, omnis voluptatis obliti te adeant, te intueantur, in te perinde atque in  
amœnissimo bonarum artium, præsertimque medicæ scientiæ diuersorio conquiescant.  
Sed hæc per se notissima post terga mittamus. Reliquum est, vt ad gratias redeam, ne  
amplius hoc scribendi genere vtaris. Si enim gratias quas agis, tuæ non sunt, nihil om-  
nino nobis tribuis; si tuæ, scito superioribus rationibus, tecum iampridem te mihi om-  
nia tua tradidisse. Vale ergo Medici chori fulgentissimum iubar: Rogo, vt te ipsum  
amēs: quod si feceris, me quoque amabis; ita enim vulgaris noster amor exigit. Raptim  
aquis. Anno 1639.

*Antonius Gueuara, Medicus Hispalensis. Zacuto  
Lusitano. S.*

**C**Um ex virtutis admiratione, quasi balance apprehensas diuersorum hominum con-  
ditiones contemplor: cùm collationem inter clarissima hoc nostro sæculo coruscantia  
sidera tentare propono: cùm eorundem ingenij, dignitatis gradum adumbrare  
statuo, Nonne par, aut maius quid molior, ac si Anthém, intra vlnas opprimerem?  
Columnas in Oceano figerem? Vel aurea Hesperidum mala raperem? Ex iis occurris tu  
primus, audacis naturæ miraculum, cuius illustriores animi dotes, sapientiæ, virtutis, &  
candoris monumentis expressæ, promptissimè sacram Medicinam affectantibus, sua-  
uissimam, sanissimam, & reconditam doctrinam instillant. Quate **CELEBRIME**  
ZACUTE, omnem mihi dubitandi ansam deponis: nam tibi publicatis Historiis, ex-  
celsum & præminentem, in sublimi immortalitatis fano, diu locum iam comparasti,  
non



non populari trutina, sed Medica statera honorificè adiudicatum. Vale ergo chori Medici fulgentissimum iubar, & me ama. Hispali, 10. Martij 1639.

*Fortunatus Plempius, Louaniensis Scholæ Professor,  
Zacuto Lusitano, S.*

**C**Um præterito mense, Bruxellas, aulam Serenissimi Principis Austriaci conuenirem, humanissimum D. Doctorem Pax inuisi, obtulique tuum quintum, & sextum de Medicorum Principum historia librum, quem non semel exosculatus est, addens hæc honorifica verba: O! operosissime ZACUTE, Medice Consummatissime! Ego verò etsi non esset necesse, currenti calcaria addere, in tuas laudes cecidi pronus, omnesque qui etiam aderant Medici famigerati, eas iactant, & summè extollunt: nam Historiæ tuæ lemnisco ornari merentur, quum ipsæ sint dignissimæ cedro. Louanij, 11. Iul. 1639.

*Michaël Rupertus Besler, Medicus Noribergensis,  
Zacuto Lusitano. S.*

**Q**Uamuis variæ me à scribendo deterrerent causæ, chori Medici Antesignane Excellentissime, amica tamen in libris iamper aliquot annos egregiis in lucem editis affabilitas, quæ quasi magnetismo Medicinæ Cultores nolentes volentes allicit atque inuitat, omnis generis obstacula remouet. Hinc factum est vt te ex toto corde redamem, tua scripta incessanter legam. Omnes Praxin historiarum sub libri sexti calcem promissam, auidè anhelantes expectant, ex qua Excell. V. immortalem sibi nominis famam conciliabit. Quid demum de cæteris indefesso labore, ac industria singulari iam in lucem emissis Historiis dicam? In earum enim lectione cor meum quasi præ gaudio exultat, & non immeritò: gazophylacium enim in iis eruditionis tuæ præstantis adinueni. Altissimus de cælo, infinita suæ diuinitatis clementia & misericordia, Excell. V. conaribus deinde egregiis in ipsius laudem, & Reipubl. Medicæ vtilitatem insignem vergentibus, adsit, senilemque ætatem ad Nestoreos perducatur annos. Vale ad votum, lumen, & decus Medicorum. Dabam in Imperiali Ciuitate Noribergensi. Die 15. Iul. 1636.

*Ioannes Beuerouicius, Archiater, & Senator Dordrechtanus  
Zacuto Lusitano. S.*

**Q**Uo tot nominibus tibi obstrictus sum, Vir celeberrime, quod officij mei est & boni debitoris, soluere incipio. Mitto tibi vltimam partem epistolice quæstionis, de vitæ termino. Tu vt diu viuas, illustrandæ nostræ arti, Deum rogo, simulque moneo, vt septimum librum, cui Praxis Historiarum titulum dedisti, citò in lucem emittas. Nam cæteri adeò animum Medicorum recrearunt, vt nulla alia scripta tam laudabiliter versentur in eorum manibus quàm tua, in quibus miscuisti vtile dulci. Dordrecht, 11. Calend. Octobr. 1639.

Ad celeberrimum præstantissimúmque Dominum

# D. ZACVTVM LVSTANVM MEDICVM EXPERTISSIMVM

Fautorem & Amicum suum summè  
honorandum.



*N* laudes, ZACVTE, tuas mea Musa  
vocatur,

Applausum meritis addere prompta tuis

Haecenus huic vni studio qui totus inhæres,

Te duce, quò stabili stet Medicina loco.

Non modò felici pellis medicamine morbos,

A prasente manu cùm petit ager opem:

Sed quoque maiorem quæ cura meretur honorem,

Diuitis ingenij promissis, & edis opes.

Non velut hoc auo multos temerarius ardor

Urget, ut artis opus prodeat ante diem.

Quæ nondùm didicere, docent; & ab arte remoti

Splendida parturiunt. stultitiámque terunt.

At bene ZACVTVS studio vigilante tot annis

Haustra libris, vsu docta subacta docet.

Hinc hominũ manibus tot scripta probata teruntur,

Compositi mira sedulitate libri.

Non secus ac variis pomis & floribus hortus

Lumina, lectorem, sic tua scripta tenent.

Et velut hortorum, spectanti, copia prabet

Quod legat, aut isthac, aut magis illa probet:

Sic ZACVTE iuuas lectorem quemlibet, & dum

Quod legit, aduertit, non nisi lecta legit.

Et licet immensum volitet tua fama per orbem,

Nititur ulterius mens generosa tamen.

Tum demum statuens requiem, finemque labori,

Cùm sibi, quod promat, nil superesse videt.

Hoc animo prasens proferis in luminis oras,

Egregium studij dexteris opus,

Multiplices formas, quas hepate, corde, liene,

Exhibet, & quidquid sustinet intus homo,

Digerit iste liber. Rerum stupet ipsa creatrix,

Et cupit esse suum, quod videt artis opus.

Pergero, factis ornans præstantibus artem,

Et cupidas adeant fac tua scripta manus.

Sic noua Consiliis, noua sic tibi gloria libris

Crescet, & alta tuum nomen ad astra feret.

Exiguum magnæ obseruantia, & singularis  
affectus testimonium

L. M. Q. scribebar Iohannes Cristenius IC.  
Amstelod. 22. Ianuarij 1636.

Ad clarissimum Virum D. Dominum Zacutum  
Lustitanum, Medicinæ Doctorem  
expertissimum.

*Q*ui volet intuitu raros cognoscere in vno  
Morborum casus, quos mille volumina tales  
Vix deterint, multo quamuis perlecta labore;  
ZACVTI legat historias, qui quidquid in arte  
Paoniâ inuenias vsquam, quo faucibus orci

Erepti innumeri, largo offert omnia cornu.

Thaumata quinetiam, siue admiranda resoluat,

Non alibi dabitur tot mentem ubi dogmata pascant.

Rumoldus Rombout. Reipub.

Sylueducensis Medicus.

D. Doctori Zacuto Lusitano, Medicinæ Phœnici

Doctor Rosales, Hamburgensis, Medicus,

Philosophus, & Mathematicus.

Clio in auctoris gloriam, carmina hæc  
æternitati deuouet.

*E*xponam dubium, ô Musa, quo quaeritur, utrum  
Doctus, & expertus, doctrina, atq; arte valebit.

Res aperire nouas: utrum experientia doctum,

Et mens artificem faciat; rerumque profunda

Mysteria ex his, & natura arcana, duobus.

Fontibus exirent quondam, quæque alma vocantur

Principia in Sophia, contra qua haud vlla ciere

Argumenta datur: nomen quod robora dictis

Confirmant, cuncti concordia pace sequuntur.

Ast ergo, quæ nunquam iuravi in docta magistri

Verba, negatiuam potius defendere partem

Verius esse reor: medicinam condere sacram

Nec Sophiam potuit, quamuis prædiuite mente

Humanum ingenium, multa experientia rerum.

Sed cuncta à Domino reuelata, & tradita primo

Adamo, ac priscis genitoribus, vnde docendo

Vnusquisque suum natum, peruenit ad illos.

Qui primum scriptis medicinam tradere visi,

Sic omne antiquum: nihil atas inuenit vlla;

Atque nihil sub Sole nouum, hoc res ordine caput.

Principio Omnipotens hominem sine crimine fecit,

Perfectum in scibili, & rerum penetralia doctum:

Postquam autem poma labem contraxit acerbam,

Subiacet, heu! morbi causa, & langoribus atris.

Ast Deus humanam sortem miseratur iniquam,

Donum insigne homini infundit, traditque medendi

Arte ministerium, quo cum producere vitam

Contra causarum, morborumque agmina possit.

Hac docet Adamus natos, natique nepotes

Ore tenus, Sophiamque omnem, voluentibus annis,

Hac serie ad primos certum est venisse parentes,

Sic Chaldaea sapit, sic quondam Ægyptia tellus,

Floruit imperio doctrina, ac denique puram

Agnoscent Persæ Magiam; & sapientia Græcis

Sat doctis steterat: nam cuncti à flumine doctas

Hauferunt undas, primisque docentibus illos

Antiquis patribus, quibus ipsa scientia nata est.

Hoc fuit antiquum natale, & origo sciendi,

Hinc medicina fluit, dicta ars, quæ antiqua resarcit

Non noua quæ condit, cùm nil sub Sole nouetur,

Inuentem, medicina, nouum nullum, omnia quondam

Tradiderant prisci, sed dens consumpserat aui

Fortassis

## Epigrammata in laudem Zacuti Lusitani.

*Fortassis multa, atque idè medicina labascit,  
Et Sophia in peius: nam tempore perditæ rerum  
Cognitio est, longèque sumus (quod cernis) ab ipsa,  
Quam quondam Hippocrates sciuit, tenuitque Ga-  
lenus,*

*Sed quæ firma satis fuit hæc sententia menti,  
Vnus, qui medicam scribendo restituit rem  
ZACVTVS dubium fecit; namque ecce nitorem  
Doctus, & expertus medicina reddit orantem:  
Mille inuenta nouat, nouitèrque en perficit artem;  
Ingeniòque suo natura arcana recessa,  
Illustrare valet: quæ hucusque obscura latebant,  
Sic nudat, quod penè oculis ea cernere possis:  
Ergo viri menti concessa scientia rerum,  
Quin alibi adueniat. Dubium sed soluitur omne  
Si dicas propria ZACVTOS esse scientes  
Natura, an mirum si tali è stirpe creatus.  
ZACVTVS tanta exponat, doceatque vicissim.  
Plura referre potest; nam plura è semine tanto  
Spiritus intus habet, doctæque è mente manebunt  
Quæis medicina noua auxiliis ditescere possit.*

Clio, suauissimo plectro sic iterum cecinit, in  
Zacuti laudes prorumpens.

**D***icite Iò Paan, & Iò his dicite Paan,  
Victa à Zacuto morbida causa iacet.  
In morborum aciem doctissima moueat arma,  
Curat præceptis, hisque triumphat ouans.  
Ergo Pierides Zacutum extollite cælo.  
Phœbææ Sophiæ tollite, & artis herum:  
Illum immortal, ne atro feriat ab auro,  
Carmine, & astrifero concelebrate choro.  
Viuat in æternum, Sophia nam maximus Altas,  
Zacutus, medici sustinet astra poli.*

D. Doctori Zacuto Lusitano, Medico per celebri,  
& viro non minùs illustri, quàm docto.

**Q***uem nemo prudens viuere sentit.  
Non ille vixit. Si neque publicis.  
Nec utilis suisque rebus,  
An benè dicitur, ille uiuit?  
Num qui latebris gaudet in abditis,  
Vitæ huncce credant ducere posteri?  
Est vera vita quam coronat  
Mystica fronde virente Laurus.  
Si docta virtus, nescia funeris,  
Ignara mortis, sidera vertice  
Fulgente tangit; solui ad astra.  
Fertque viros metuentes pennæ:  
Erit Zacutus nominis inclyti  
Quantusque splendor, quantaque gloria?  
In principum commenta scripsit  
Historias, medicamque praxin.  
Qui gnarus artis, magna volumina,  
Et pulchra præstat, dignus honoribus  
Est: namque summos, & molestos  
Gloria consequitur labores.  
Ergo beato lumine fulgidus  
Splendet Zacutus, vir sapiens, bonus.  
Hunc Ister admiratur algens,*

*Hunc Italus, calidusque Gallus,  
Seu perspicacis mentis acumina,  
Dictique cernas eloquium graue,  
Seu gratiam, & styli leporem;  
Omnibus est adamandus auctor.*

In gratitudinis, & oblectantia pignus,  
scribebat, Doctor CORNELIVS  
LOVIVS. M.

Carmen Hispano Idiomate conscriptum, in laudem

**D. ZACVTI LVSITANI,**  
Lusitanorum Medicorum gloriæ  
celebris.

**H***ippocrates despues que desta amarga.  
I fragil vida conosco los danos,  
Com sutil pluma em sus postreros annos,  
Dixo la vida es breue, el arte es larga.  
Diuino aliuio ala pexada carga,  
Del mal que augmentan medicos enganos,  
Procura quien con medios tam estranos,  
Abrenia el arte que la vida alarga.  
Isidolor terrible ja la tiene,  
Com ancia mortal de sauziado,  
Quien para socorrelle sera parte?  
Zacuto insine à vos solo conuiene,  
Pues au eis que Hippocras mas alcancado.  
Como es larga la vida, I breue el arte.*

Amicus amico.

IN LAUDEM  
**D. ZACVTI LVSITANI,**  
Medicinæ Atlantis fortissimi.

**Z***ACVTVS doctus cælesti nomine dignus,  
Qui Medicorum nunc dicitur esse decus.  
Inter Lusitadas clara de stirpe creatus,  
Qui sibi congestis tot medica artis opes.  
Ipse ZACVTVS enim Musarum dulcis alumnus,  
Splendet, & in tenebris lucet, ut ipsa dies.  
Explosit docto affirmantes reproba libro,  
Quare ei cingant florida ferta caput.  
Res Medica en vernat, maioraque robora sumit,  
Vt potè mire opera iam recreata tua:  
Ne dubita: Liber hic, totus quem suspicit orbis,  
Viuat in æternum, Liber ab interitu.*

Antonius Correa Lusitanus, Superordinarius  
in Curia Romana Aduocatus, olim in ce-  
lebertima Bononienli Academia Iuris Cæ-  
sarei Professor.

In Zoilum inuidumque obtrectatorem,

**I***nuide, cur acuis dentes, & rodere tentas  
Quidquid Apollineo, Mome, fauore nitet!  
Cuius id instinctu molire, an suasis Erimus.  
Aut alia ex furiis, quæ te agitare solet?  
Desine, Mome, tuis superest nil dentibus hæc  
Immunis vitio, prorsus amomus hic est.  
Hippocratem*



## Epigrammata in laudem Zacuti Lusitani.

*Hippocratem potius, clarumque Machaona carpat,  
Quam tu ZACUTVM strinxeris Archiatrum.  
Eius namque labor non consumetur ab aeo,  
Te invito vivet, vivet & artis honos.*

Amoris ego posuit Nicolaus  
Fontanus. Med.

Aliud Iacobi Gomesij à Costa, D. à Costæ  
Medici Rothomagensis clarissimi, filij,  
in laudem Auctoris epigramma

**F**acunda eloquij dum fundis flumina, gentes.  
Aurea pellectis mentibus unda rapit.  
Dum Medicos dignis prastantes laudibus ornas,  
Ad famam duro marmore non opus est.  
Nam tua scripta Viros altis sublimius astris,  
Per mare, per terras non peritura ferunt.  
Quicquid agas, ceu dum Galeni abstrusa resolvis.  
Nomine ZACUTVS, Tu mihi acutus eris.

Aliud Hieronymi Ferdinandi Lusitani, Iuris  
Cæsarei Doctoris peritissimi

**Q**uas gremio celavit opes natura latenti,  
Has tibi dispensas: littera diues opes.  
Physica sensa patent sælici pradita partu:  
Qua tenebris latitant dogmata, Lector habes.  
Ingenium viuax, rerum facundia mira,  
Vinxit Apollineos docta minerva Viros.  
En iterum terris, mira medicaminis arte.  
Corpora restituens languida, Phæbus ad est.  
Ardua soluuntur veterum argumenta virorum,  
Hac tibi si comes est sarcina, diues eris.

Dauid de Haro, Philosophiæ in celeberrima  
Leidenf Academia Studiosus, in  
Operis laudem.

**T**anta molis opus, quod tentas docte ZACUTE,  
Miratur Pallas, Pieridumque chorus,  
Quid tibi carmen ego, quid versus scribere coner?  
Vix Maro, vix Naso carmina digna canant.  
Quid celebrare iuvat, quod laudat propria virtus,  
Quod nemo doctus rodere dente potest?  
Historias veteri medicorum promiss ab aeo,  
Primus ne pereant nomina tanta caues.  
Huc igitur geminos, huc flectas Lector ocellos,  
Mentis enim fructus carpere falce potes.  
Vos igitur Musas, & numina celsa Minerua,  
Cultori vestro pramia ferte, precor.

In Principes Principum Medicorum Historias,  
elegantissime concinnitas, & luculentissimis  
Scholiis illustratas, à Perillustri & Excel-  
lentissimo viro, Zacuto Lusitano, Medico  
celeberrimo.

**Ω**ς ἔστιν ἱστορίας Μῶμου μεγάλου ΖΑΚΟΥΤΟΥ,  
καὶ σχολία σχολοῖς ὁμιλοῦν ἱστορίων.  
Ζαχάριαν μωμωῆαν διήγησας, & ἐν τῇ ἐκδόσει  
οὐδὲ μωμωῆαν ἐπαύσατο, Μῶμου ἔστιν.

Ὅσα δ' ἱστορίας ὁμῶς νέος, ἢ δὲ παλαιός  
καλὰ ἐδιδάχθητο, καλλίον ἔτι ἔχει.  
καὶ πάλιν ὅς ἡμῶν ὁμῶς νέος, ἢ δὲ παλαιός  
πάντα καλὰ ἀνέγχευ σφάλματ' ἐπισκευῆς.  
ταῦτα μὲν οἰμώζας, ὅτ' ἀμυνήσῃσι δίδωκε  
πρώτας ΖΑΚΟΥΤΟΥ ἱστορίων σελίδας.  
ἐμπερέας δ' ἄλλας ὡς λαῶσιν, ἐκ τῇ βίβλῳ  
ἀνέσχετο, ἀλλὰ βροχῇ Μῶμον ἀναλάμβανον.

Egediaste

IOH. BEVEROVICIUS, Senator  
ac Medicus Dordrechtanus.

Idem Latinè.

**V**idisti Historias, ut magni, Mome, ZACUTI,  
Lustrasti obliqua luminibusque Notas.  
Errorem quarens perstringere, si quis inesset;  
Dicebas: Nihil hic carpere Momus habet.  
Nam quacunque unquam Medici veteresque nouiq;  
Monstrarunt nobis, hic meliora dedit.  
Quidquid peccarunt Medici veteresque nouique,  
Detexit nobis, cunctæque plana dedit.  
Atque hac cum lacrymis, ubi docti, Mome, Zacuti  
Vidisti tantum principium Historia:  
Integram quod si conspexeris, haud mihi libri,  
Sed laqueus, dices, ecce paratus adest.

IAE. ROVERIVS I.C. vertebat.

Carmen Hispano sermone conscriptum in lau-  
dem Zacuti Lusitani, Medici & Phi-  
losophi præclari.

**E**nfermo el hombre del primo peccado  
Exprimenta su mal, muriendo muere,  
Alia piedad, que su flagelo infiere,  
El bien te ofrece de su antiguo estado.  
Mirando arriba alcanza el mismo grado,  
Que ya perdiera, el alma quando quiere,  
Y el cuerpo, porque el dan e se modere,  
Mira en plantas secreto reservado.  
Estas virtudes dos enti contemplo.  
Sabio ZACUTO, al nombre merecidas,  
Con que adquieres desde cy premio infinito.  
El camino enseñando de dos vidas,  
La eterna con diuino y santo exemplo,  
La humana, con la lengua, y con lo escrito,  
Y pues en lo finito.  
Con tu saber lo radical dilatas,  
Son al sumo obrador tus obras gratas.

In obseruantia, & amoris gratiam scribebas,  
amicissimus, & perdoctus IOANNES  
PINTVS DELGADO.

In laudem Perillustri, & Excellentissimi viri,  
D.D. Zacuti Lusitani, Philosophi, &  
Medici doctissimi.

**N**on ego Castaliis immerfi fontibus ora,  
Nec mihi Parnassus somnia lata dedit.  
Ludicra res, tantum verbis tenuis esse poetam;  
Seria, rimari quidquid in orbe latet.

Ludicra

## Epigrammata in laudem Zacuti Lusitani.

Ludicra res, muti iurare in verba magistri;  
 Seria, natura facta stupenda sequi.  
 Omnibus una sat est genitrix fecunda fluentis  
 Ordinis, & rerum, quas capit ipsa, sinu.  
 Omnia naturam qui dixerit, & tamen unam,  
 Mente reuelata rem faciemque tenet.  
 Nam vi multiplici; variis induta figuris,  
 Vnica producit, quæ vagus orbis habet.  
 Mirum sæpe scholas vario certasse tumultu,  
 Si se unam cunctis scit variare modis?  
 Hinc plures quoque in orbe Deos finxere poeta,  
 Nam res una omnes, spiritus unus alit:  
 Sed variis formis cunctos prorumpit in actus,  
 Scenarumque strophis sufficit una Dea.  
 Hancce Deam ingenio, ZACUTE sequutus acuto.  
 Eiusdem latebras detegis arte noua.  
 Quod sapit Hippocrates, quicquid Galenus ab ipso,  
 Hac duce per libros digeries arte tuos:  
 Sic & Apollinea stabilis fundamina gentis,  
 Et mortis docta tempora voce trahis.  
 Sic Medicis puras fundis de fontibus undas  
 Qui de natura fonte bibere prius  
 Tusætorum vestigia cuncta sequutus  
 Ne quis ab occulta falleret arte sapor;  
 Prasenti memoras instructus imagine vocum  
 Quicquid Apollineus scripsit in arte chorus.  
 Sic pergas soboles Epidauri numine digna,  
 Te sic Iia colet, non minus atque Tagus.

Amicissimus Belga, Poëta Laureatus, amico  
 suo Zacuto Lusitano, Medico incompara-  
 abili.

Doctor Gallindus, Medicus Hispalensis, in  
 laudem Zacuti Lusitani, Medicorum  
 Primarij.

**D**ulce sapit granida quod pendet in arbore, po-  
 mum:  
 Et mel fructus apis, non nisi dulce sapit.  
 Vna (quis ignorat?) pectus dulcedine complet:  
 Plurima lac purum dulciter ora rigat.  
 Quilibet exoptat dulci gaudere sapore,  
 Quilibet & dulci membra fouere mero.  
 Dulcia non mihi sunt hæc: quod ZACVTVS adornat,  
 Historiæ medicæ dulce volumen amo.  
 Hoc mihi dulce sapit, nam longè dulcius exit  
 Pomo, melle, vna, lacte, sapore, mero.

In laudem, & æternam famam Zacuti Lusitani,  
 Andreas Rodericus Caldeira Medicus apud  
 Lusitanos, Setobricæ praxin exercens.

**C**ymbala dulce sonant digito percussa volanti:  
 Testudo dulces reddit & ista sonos:

Fistula dulciloquas fundit per iugera voces:  
 Et spargit placidum chorda canora melos:  
 Ipse tubæ clangor dulcis se ad sidera tollit,  
 Et vocat ad nutus Martia castra suos.  
 ZACVTI dictus meritò iam Musica cedant,  
 Cymbala, testudo, fistula, chorda, tuba.

Camillus Richardus Ultraiectinus, in laudem  
 acutissimi Zacuti, medicas Principum  
 Historias scientissimè inter-  
 pretantis.

**M**ors Zacuti cernens venerandæ dira senectæ,  
 Tantum orbis sternam, dixit iniqua, decus.  
 Ast Deus omnipotens calo sic fatus ab alto,  
 Quid certas demens? Quò te agit iste furor?  
 Cur fera tela, paras, arcum, falcemque recurvam,  
 Crudelis? tanto hæc non metuenda viro.  
 Nam licet æterna claudantur lumina nocte,  
 Et tristes rumpant stamina pulla Dea:  
 His tamen Historiis, Medici quas corde recondunt,  
 Viuet, nec vita terminus ullus erit.

DOCTORIS  
 IACOB. ROSALIS,  
 Hamburgensis, Medici Hebræi,  
 Poculum Poëticum in ZACVTINAS Laudes.

Accipe, mi ZACUTE, tui tibi poculum Poëta  
 quo tibi in æternum Clio sat grata propinat,  
 te vocat Sacra Ambrosia, labraque fige grata,  
 Nec timeas illo pocula sæua necis,  
 nā cum sis supero numine conditus,  
 Integer vita, sophiaque plenus  
 hoc donaris optimo  
 munere tanta  
 premia mentis.  
 Hic est ille Magister,  
 qui nihil inuidens sibi,  
 ò Clio, sed cuncta docens  
 illustrat omnes ingenij focos  
 quare iam dapibus mensa Poëticis  
 à Pelopis nato libera, mortis iners  
 sternitur tanto domino, nectare sempiterno  
 vescatur, nostròque caput madefacta liquore,  
 membra ferat, si quidem æternis æterna meretur,  
 ZACVTVS meritis, Elyseis ruribus imperet  
 vate me; Nam Magna queunt, Hæc quoque habere  
 vates. Ast cum efficacem condidisti scientiam  
 ZACVTVS, & scriptis fulgeat aureis,  
 laurea doneatur Apollinari,  
 exempla fert, profundo  
 pectore, sæpè discas,  
 mentèque serua,  
 condèque praxi,  
 His firmantur artes,  
 Beatus ergo qui visibus firmus suis  
 exercet populos, usque quiricibus  
 huius iussa viri, & cura salutis olympi;  
 Tuncque ad æthereos latice, nectareosque olympi  
 Accedat conuiua, bibat, nec vina nocebunt,  
 Nam sunt ingenij, & ZACVTVM tollat ad astra.

ZACVTI LVSITANI,  
MEDICI AC PHILOSOPHI  
PRÆSTANTISSIMI,  
VITA, AC ELOGIVM.

AVTHORE

D. LVDOVICO LEMOSIO,  
OLYSIPPONENSI, AVLÆ REGIÆ  
MEDICO ORDINARIO.



VM in tota Asclepiadarum natione sit nemo paulò saltem humanior, qui ZACVTVM LVSITANVM, Operis huius auctorem, Virum publico rei Medicæ bono vnice natum, non habeat in votis propius cognoscere: eam ob rem tam inclyti capitis prosopographiam, rudi penicillo, velut in tabella adumbratam proponere, Diuzque Mnemosynes tholis palàm appendere, operæpretium duxi.

ZACVTVS LVSITANVS apud Olysiipponenses huiusce lucis vsuram capeffuit, ex perantiquo, nobilissimoque ZACVTORVM stemmate: quo fit vt siquid loci natalis claritudo, siquid gentilitiæ familiæ splendor, ad germanam mortalium commendationem faciant, habeat meritò noster Heros, quo plurimùm gloriari liceat. Enimuerò quis ignorat, Olysiipponem, Occiduarum ciuitatum reginam incedere, cum immani mercium opumque vi polleat, mirabili πολυανθρωπία scateat, Lusitanici Imperij maiestatem vna sustentet ac tueatur, terra marique tot præclara & olim gesserit, & adhuc cottidie gerat? Familia autem vnde noster oriundus, quàm multos omni virtutum, omni eruditionis cultu præstantissimos Viros protulerit, operosissimum foret per censere. Vt reliquos omnes, Laconisimi studio, præteream, conscius est vniuersus literatorum orbis, quantam nominis famam Zacutus quondam Mathematicus (qui Nostrum, agnoscit trinepòtem) sibi met pepererit, ob singularem matheseôs, ac inprimis astricæ scientiæ peritiàm, cæterâsque stupendi planè ingenij dotes, propter quas non tantùm patriæ toti charus apprimè fuit, non tantùm incredibilem variorum Dynastarum, Principumque virorum fauorem, ac beneuolentiam prolixè meruit experiri, sed etiam summum gratiæ locum obtinuit ipsummet apud Regem, gloriosissimum scilicet illum, omni que laude maiorem Emanuèlem, cuius florebat temporibus.

ZACVTVM ergo nostrum, prædicto sermone dignissimum, ac minimè degenerem trinepòtem, in Vitæ proscenium feliciter induxit, Annus superioris sæculi LXXV. Cumque in ipso certissimi egregiæ cuiusdam indolis igniculi, à prima statim ætarula explendescere obseruarentur, non temerè sagacissimi Parentes, de suauissimo hoc alumno maturè bonis imbuendo literis, cepere consilium. Sic visum, sic factum. Idoneo Præceptori commissus, tam feruidè Camœnarum sacris operatus est, tam bellè quæ docebantur cunque arripuit, tam altè, tamque fideliter animo infixit, pauculis vt post annis, à Grammaticorum, & Rhetorum subselliis, ad Philosophiæ ac Medicinæ studia plenis velis se conuertere necessum habuerit: cuius rei gratia, tum illustre Lycèum Salmanticense, tum inclytam Conimbricensem Academiam accedens breui temporis spatio tantoperè profecit, vt ipsa omnium pænè vota, nedum expectationem multis præuerteret parasangis: ita vt vndeicesimo ætatis anno, Seguntinæ (quæ celeberrima est apud Hispanos academia) ad Doctoratus apicem, magno amplissimo eius loci Professorum applausu, promoueri potuerit.

Porro impetrato perhonorificæ huius laureæ Apollinaris brabéo, recordatus quantum quisque patriæ dulcissimæ, quantum suis debeat conciuibus, Olysiipponè reuerti constituit: vbi aduentans gratulatoriis omnium vocibus exceptus fuit, non immeritò augurantium illucescens nouitium istud fidus, Lusitanæ cælum mirificè recreaturum, saluberrimâque εὐμηνίᾳ largiter beaturum esse. Neque profectò suus augurio defuit euentus: ita namque se gessit Zacutus, totos triginta per annos, quibus Iatricam praxin ibidem exercuit, vt omnes in magnam sui admirationem pertraxerit, laudantibus aliis singularem polydædali sermonis facundiam, aliis insignitam iudicii perspicaciam, his inexhaustas omnigenæ scientiæ gazas, illis indefessam tot auctorum lectionem. Iam alius morum candorem cōmendare, temperantiâ alius, hic diligentia, ille modestia, ita vt sincera, & expressa consummati medendi artificis



artificis idæa, nusquam alibi querenda videretur: vtpote cum suos inter Symmistas, omni licet ex parte præstantissimos, haud aliter ac ipsa Luna reliquum inter stellarum vulgus, plurimum emineret; & siue disputandum, siue consilium ineundum, siue medendum, siue scriptis agendum, palmam omnibus facile præriperet.

Sed ô! nimis veram Stoici magistri sententiam, ubi clemente locus non est, vicinum esse occasum pronuntiantis: cum enim ad Zacuti felicitatem, nihil amplius adiici posse videretur, ecce tibi repentinum Fortunæ reflantis turbinem, quo velur in momento, cuncta viri optimi præsidia dilapsa ac disturbata fuere, ipsæque ex sublimi illo felicitatis culmine, quod sua illum merita subuexerant, in præceps ruere coactus est. Atroci namque Principis edicto, qui tunc Lusitaniam ditione premebat, Hebræorum quotquot aderant stirpes, incolatu Regni fuerunt interdictæ, quæcunque tandem vel *exordium*, vel causæ, durum istud consilium suggererint, in quas hoc tempore penitiùs inquirere mihi nullus assumo. Quicquid sit, afflauit etiam Zacutum communis ista vis maior: At ipse cum parendum sibi esse probè intelligeret, proindeque à patriæ conspectu procul emigrandum, ingens cordolium ex genuina *σπυγ* profectum non potuit non perferre; quod ipsum tamen illico inuicta animi constantia repressit, omisâque omni quiritatione ac *μεταμέλησι*, rerum humanarum vanitatem, imò *ἐδύνατο* attentè secum reputans, diuino se suâque cuncta permisit arbitrio. Profectò ita est, Virtutis magnitudinem, mentisque bonitatem nihil æquè patefacit, ac ingruentes calamitates, planè sicut luminis & colorum præstantiam, vmbre iuxta positæ luculentiorē reddere solent. In crepero itaque isto casu, Amstelodamum sese obtulit, quod destinauit cursum inflectere, si fortè inibi senectæ suæ nidum constituere, & sedem quietam nancisci posset. Fauere votis propitia fata, propositum iter fortuna uerere, & extorrem suo cum Antistite, Medicinæ genium, Belgarum finibus incolumem sistere voluerunt. Eò delatus Clarissimus Zacutus, ubi paulisper à præteritis ærumnis respirare datum fuit, & solaria non poenitenda ex humanissimæ gentis erga nuperum aduenam officiis recepit, mirum dictu quanta alacritate desuetum iamdiu seueriorum Musarum commercium reperierit, pristinosque suos latrici fundi augendi ac locupletandi conatus instaurauerit. Ira factum, ut media etiam in negotiorum tam publicorum quàm priuatorum turba, qua mirè distinebatur vexabaturque assiduè, quibus accedebant ætatis iam prouectioris incommoda, tot immensæ molis Opera parturierit: quibus describendis, nedum excogitandis digerendisque, vix scio an quisquam alius par esse possit, cui non suppetat, vnâ cum liberrimo secessu orium benignius, adsitque vegeta oppidò corporis viriditas.

Possemus hoc loco gemmeos de Praxi medica admiranda, quos dudum euulgauit, libellos commemorare: possemus, quæ de Praxi Historiarum sub prælo gemunt, dum hæc scribimus, volumina. Possemus item libros de Chirurgorum Principum historiâ nominare: necnon de Regimine Principum: de Iuniorum Medicorum erroribus: de Medica doctrina selecta: Hippocratis & Galeni epitomen, & plures huiusmodi feracissimi ingenij foeturas, partim inchoatas, partim affectas, aut etiam perfectas, quas ex secretiore sapientiæ penu paulatim depromptas, publico impertire parabat. Verùm vnâ duntaxat, omnium instar, attingere libet, de Medicorum scilicet Principum historia lucubrationem, ut intrepidè ac strenuè susceptam, ita ex animi sententia ad vmbilicū ab auctore perductam: quæ cum circa argumentum versetur omnibus superioris æui Machaonibus illibatum, (quanquā vsus cuiusdam eximij, ac propè dixerim diuini) filo nihilominus eo contexta visitur vniuersa, nil ut elegantius, neruosius, eruditiusve hoc in genere queat exoptari. Sicubi namque primiceriorum Medicorum sensa obscuriora vidit, ea commodè paraphrasis aut commentarij beneficio, tanquam accensa face clarissimâ, continuò collustrauit, & cæterorum siue Interpretum, siue Commentatorum errores comiter indicauit. Obuias apud istos Medicinæ auctores primarios antinomias amicè composuit. Grauiissimas quæstiones pro re nata occurrentes, perspicuè solidèque suis momentis librauit, ac enodauit. Multifarias iniurias Pergameno præceptoris, à Clasicorum plurimis, ex mera cauillandi libidine, aut rerum nouandarum studio, illatas, acriter (provt flagitabat pietas, ac veritatis cura) vindicauit; ipsosque iaculis suis omnibus, quibus præcipuè fisci proteruius exultabant, tam facile exar-mauit, quàm pyrum vulpes comest: idque semper vnâ Principum doctrina munitus, quam ægidis instar *ἐκ τῆς ἀπολύτης ἀραρυίας*, quocunque obuertens, irritos planèque brutos efficere solebat aduersariorum omnium impetus. Nullam denique artificij medici partem, hoc in opere passus est inornatam ac neglectam iacere, quinimò in singulas aliquam symbolam effatu dignam, ad nitorem ipsis conciliandum, studiosissimè contulit.

Quantà verò sit vtilitas, aut potius necessitas Historiarum, & obseruationum medicarum, nulli non conicere proclive est, qui modò in mentem reuocauerit, cuiusmodi natalitia medendi ratio iam olim fuerit sortita: siue cum plerisque dicendum sit (quod tamen satis credibile non puto) ipsam ex votiuis tabellis in *Ἀσκληπιδίου* prostantibus, ab Hippocrate fuisse elicitam, nihil aliud sanè, quàm medicas complectentibus historias: siue (quod malim) asseramus, pluribus ante Hippocratem natum retrò sæculis, experientiarum auspiciis (quæ ipsæ dubio procul medicæ erant historię) fuisse constitutam. Ut iam non dicam, quantum vtilitatis ac voluptatis, illi qui in puluere practico versantur, ex rarioribus hisce Verustatis cimeliis percipere valeant; quæ propterea cunctis actuosæ Medicinæ procis de meliore nota volumus esse commendata: cum ne quidem maiorum gentium Asclepiadas quosque hoc æuo superstites, in his assiduè versandis pigeat incumbere; quod tam priuatim per litteras familiares, (quarum promulsidem author in lucem emitti iussit) quàm publicitùs, varios per libros editos professi sunt, dum Zacuti Lusitani Historiarum ac Obseruationum perhonorificam faciunt

commemorationem : nominatim verò perillustres qui sequuntur scriptores. Paulus Zacchias Medicus Romanus *lib. 5. quæst. medico-legal. titul. de monstru.* Ioannes Gerardus Vossius *lib. 2. de Idololatria orig. & augment. cap. 3.* Daniel Beckerus Regiomontanus *libello de cultriuoro Prusiano.* Ioannes Beuerouicius Belga *lib. de calculo.* Ioannes Loffelius *tract. de podagra.* Nicolaus Fontanus Amstelodamensis *in Florilegio suo & lib. respons. & curat medicin.* Iacobus Primrosius *lib. 2. de vulgi in medic. error.* Anton. Vander Linden *in præfat. ad lib. de scriptis medic.* Benedictus à Castro Hamburgensis *in suo flagello calumniant.* Doctor Rosales, Medicus Hamburgensis *in Panegyrico poetico ad lib. de Vita termino, Manasseh Ben Israël.* Petrus Monroja Granatensis Hispanus *lib. 2. de laudib vini.* Daniel Sennertus Professor Vittebergensis *lib. 6. præct. medic.* Lazarus Riuerius Regius Professor Monspelienfis *in sua praxi medica, passim :* & alij non pauci, quorum meas in manus haur dum peruenere exemplaria.

Dum autem maximus hic Medicorum Coryphæus, ad nouas subinde promerendas anhelaret adoras, posthumâque illa de vita, quam nominis fama perennis constituit, plus æquo sollicitus, sese nullus respiceret, (ingenuum ferè omnium animarum exemplo) iisque studiorum indulgere pergeret laboribus, qui vel adamantinæ etiam compaginis corpus, nedum fragilitatis penè vitreæ conquassare potuissent, maximo tandem studiosorum omnium dispendio, nec minore ipsorum dolore, proprii festi *יום המנוח*, Christianæ, Liliani qui nunc voluitur, anni c<sup>1</sup>10. 10 c. XLII. diem cheu! clausit ultimam, terrisque fuit ereptus, si tamen ereptus censerì debeat, qui tantum sui desiderium apud haut ingratos *יהוה נאמא* superstites relinquit, & qui præclaris suis in monumentis, tanquam in augustiore Mausolæo recubans, non modò adhuc conspicitur, sed etiam æternum conspici, suspicique poterit: imò (verius vt loquar) in quibus maior *מונחם* herois pars, à longæui temporis secura genuino, Libitinam expertura est nullam:

*Dum tellus homines, dum feret astra polus.*



# ELENCHVS AVCTORVM, QVIBVS TOTVM HOC OPVS CORROBORATVR.

## SCRIPTVRA SACRA

### Primi Medicina parentes.

#### AGTVARIYS.

**A**eschion.  
Æsculapius.  
Aërius.  
Alcmaeus Crotoniata.  
Alexandrinus.  
Antyllus.  
Apollonius.  
Appuleius.  
Archigenes.  
Aretzeus Cappadox.  
Aristoteles.  
Athenæus.  
Cælius Aurelianus.  
Calistus.  
Cleopatra.  
Constantinus Africanus.  
Cornelius Celsus.  
Demetrius.  
Democritus.  
Diocles.  
Diogenes Apolloniata.  
Dioscorides Anazarbaeus.  
Erasistratus.  
Eudemus.  
Euelpistus.  
Galenus.  
Gorgias. Heraclides.  
Herodotus.  
Herophilus.  
Hieron.  
Hippocrates.  
Lucius.  
Lycus.  
Machaon.  
Marcellus Empiricus.  
Meges.  
Merinus.  
Moschios.  
Musa.  
Nicolaus Myrepsus.  
Nicander.  
Oribasius.  
Paulus Ægineta.  
Pelops.  
Philagrius.  
Philaretus.  
Philotheus.  
Philotimus.  
Philoxenus.  
Podalirius.  
Polybius.  
Posidonius.  
Possidonius.  
Praxagoras.  
Priscianus.  
Quintus.

Ruffus.  
Sabinus.  
Scribonius Largus.  
Softratus.  
Theophilus.  
Theophrastus.  
Theotropus.  
Thucydides.  
Trallianus.  
Trotula.  
Tryphon.

### Hebraeorum Coryphæi.

**A**braham Eben-ezra.  
Abraham Ezra.  
Ælianus Montalto.  
Biniamin Mussaphia.  
Dauid de Pomis.  
Dauid Propheta.  
Elizeus Propheta.  
Hieremias Propheta.  
Iacobus Martinus.  
Iacob Patriarcha.  
Iob Propheta.  
Iosephus.  
Iosippus.  
Isaias Propheta.  
Leo Hebraeus.  
Moses Propheta.  
Philo.  
Rabenna Salomon Ephraïm.  
Rabbi Abraham.  
Rabbi Agueda.  
Rabbi Dauid Kimhi.  
Rabbi Ishaac Abrabanelius.  
Rabbi Ishac Arias.  
Rabbi Manasseh Ben Israël.  
Rabbi Moses de Ægypto.  
Rabbi Rafis.  
Rabbi Salomon.  
Salomon Rex.  
Saül Rex.

### Arabum maximi.

**A**bderamen.  
Abenragel.  
Abhenguesir.  
Abinbitar Auenzoar.  
Abocali.  
Albitizar.  
Albucasis.  
Albumazar.  
Algazar.  
Almansor.  
Alzaharaius.  
Auencladis.  
Auenzoar.  
Auerroës.  
Auicebron.

Auicenna.  
Haly Abbas.  
Haly-Rhodoam.  
Heben Mesues.  
Iesu Haly.  
Rafis.  
Saladinus.  
Serapio.  
Theomnestus.  
Tiphafi.

### Superioris sæculi Medici eruditi.

**A**ntonius Gazius.  
Antonius de Gradis.  
Arnaldus Villanouanus.  
Aquilanus Astarius.  
Barfisius.  
Bayrus.  
Bertrucius.  
Brunus Longoburgensis. Carpus.  
Chyrandus.  
Falco.  
Dinus Florentinus.  
Dionysius Fontanonus.  
Gabriel de Tarraga.  
Gabriel de Zerbis.  
Garbius.  
Gattinaria.  
Gentilis Fulginas.  
Gerardus Cremonensis.  
Gerardus de Solo.  
Gilbertus Anglicus.  
Gordonius.  
Guainerius.  
Guido Cauliacus.  
Gulielmus Placentinus.  
Gulielmus de Saliceto.  
Gulielmus Varignana.  
Harculanus.  
Hortus Sanitatis.  
Hugo Senensis.  
Iacobus de Foroliuio.  
Iacobus de Manliis.  
Iacobus de Partibus.  
Ioannes Damascenus.  
Ioannes de Sancto Amando.  
Ioannitius.  
Lanfrancus Mediolanensis.  
Leonardus de Bertapalia.  
Lumen Apothecariorum.  
Luminare Maius.  
Luminare Minus.  
Macer.  
Magninus.  
Manipulus Medicinarum.  
Marianus Sanctus.  
Marsilius de Sancta Sophia.  
Dominic. Massaria.  
Matthæus de Gradi.  
Montagnana.  
Mundinus.



Nicolaus Nicol. Flor.  
 Pandectarius.  
 Petrus de Abano.  
 Petrus de Argelata.  
 Petrus de Tusignano.  
 Platearius.  
 Ponzertus.  
 Præpositus.  
 Proprietarius.  
 Richardus.  
 Rogerius.  
 Rolandus Capellutus.  
 Santes de Arduynis.  
 Sarmoneta.  
 Sauanarola.  
 Simon Geruenfis.  
 Silnaticus.  
 Thadæus Flor.  
 Theodoricus. Ceruifienfis.  
 Theomnestus.  
 Theophilus.  
 Thesaurus Aromatariorum.  
 Thomas de Zerbis.  
 Tornamira.  
 Turifanus.  
 Valefcus Tarentinus.  
 Vigonius.

*Juniores elegantes & docti.*

**A**

**A**braham è porta leonis.  
 Acakia.  
 Accorombonus.  
 Achillinus.  
 Acron.  
 Adrianus Toll.  
 Anulius.  
 Agathinus.  
 Agricola.  
 Aicholtzius.  
 Albericus Londinenfis.  
 Albertinus.  
 Salomon Albertus.  
 Albofius.  
 Alcazar.  
 Aldinus.  
 Aldroandus.  
 Adr. Alemanus.  
 Iac. Alemanus.  
 Francisc. Alexander.  
 Alexius.  
 Almenar.  
 Alpagus.  
 Alphonsus à Carranca.  
 Alpinus.  
 Donat. Ant. ab Altomari.  
 Alzarius à Cruce.  
 Amasfortius.  
 Guinter. Andernach.  
 Christ. Andreas.  
 Andreas à Lacuna.  
 Andromachus.  
 Franc. Antonius.  
 Antonius ab Aquilera.  
 Angelucius.  
 Anglicus.  
 Antonides Van Linder.  
 Arantius.  
 Arcæus.  
 Areteus Sabinus.  
 Argenterius.  
 Arlenius.

Artemidorus.  
 Asellius Cremonensis Medicus.  
 Aubertus.  
 Aubrius.  
 Augeniùs.  
 Augustini Medici.  
 Aurifaber.  
 Austrafius.  
 Auftrius.

**B**

**B**acchalenus.  
 Bacchio.  
 Bacehius.  
 Baccho.  
 Baccius.  
 Balamius.  
 Balbianus.  
 Baldinius.  
 Balduinus.  
 Baldus.  
 Ballonius.  
 Barcinonenses Medici.  
 Baricellus.  
 Barochius.  
 Bartholinus.  
 Basilus.  
 Bricius Bauderonus.  
 Ioan. Bauderonus.  
 Gaspard. Bauhinus.  
 Ioan. Bauhinus.  
 Beckerus.  
 Belifarius.  
 Bellichocus.  
 Bellocatus.  
 Bellonius.  
 Benedictus Veronenfis.  
 Alexand. Benedictus.  
 Hieron. Benedictus.  
 Benedictus Viçt. Fauentinus.  
 Beniuenius.  
 Berengarius.  
 Bertinus.  
 Bertholdus.  
 Berera.  
 Beueruicius.  
 Biefius.  
 Bimbiollus.  
 Bocangelinus.  
 Bodæus.  
 Boëtius.  
 Bokellius.  
 Bonaciolus.  
 Bonanentura.  
 Iac. de Bondis Aggregator dictus,  
 Latino. Barbarus.  
 Bononienfes Medici.  
 Bonuinius.  
 Bornettus.  
 Boscus.  
 Botallus.  
 Botera.  
 Bottonus.  
 Bpuffuerus.  
 Anton. Mufa Brafaul.  
 Brauerus de Braueriis.  
 Brauus Petraft.  
 Brinder.  
 Brifforus.  
 Brucetius.  
 Bruellius.  
 Bruggranius.  
 Brunfelsius.  
 Brunus.

Bruschius.  
 Bruyerinus.  
 Bucoldianus.  
 Budæus.  
 Burgundus.  
 Buridanus.  
 Bustamente.  
 Bustus.  
 Butinus.

**C**

**C**aballus.  
 Cabrolus.  
 Cæfalpinus.  
 Calcagninus.  
 Cahagnefius.  
 Calanus.  
 Caluus.  
 Camara Buthera.  
 Camenicens.  
 Camerarius.  
 Campanella.  
 Campegius.  
 Campolongus.  
 Capitaurus.  
 Capiuaccius.  
 Caprius.  
 Caranta.  
 Cararius.  
 Cardanus.  
 Carmona.  
 Carolus Stephanus.  
 Garcia Carrerius.  
 Carrietherus.  
 Carthaginenfis.  
 Cassalenus.  
 Cassanus.  
 Casserius.  
 Cassius.  
 Castellanus.  
 Cecius.  
 Ceckius.  
 Chalmeteus.  
 Charterius.  
 Cherlerus.  
 Chiochus.  
 Christophorus à Costa.  
 Christophorus de Honeftis.  
 Christophorus à Vega.  
 Claudinus.  
 Clementius Clementinus.  
 Clufius.  
 Cobeus.  
 Codronchius.  
 Coiterus.  
 Collado.  
 Collardus.  
 Colle.  
 Collinutius.  
 Collutius.  
 Colonienfes Medici.  
 Columba.  
 Columbus.  
 Petr. Conarcchinus.  
 Thom. Conarcchinus.  
 Confortus.  
 Conradinus.  
 Constantinus Cæsar.  
 Constantinus.  
 Contarenius.  
 Cornarius.  
 Cornax.  
 Cordæus.  
 Cordus.

# *Elenchus Auctorum.*

Cortefius.  
Costæus.  
Condembergius.  
Crato.  
Crescentius.  
Crollius.  
Crucerius.  
Cruceus.  
Cuelhar.  
Cuneus.  
Curio.  
Curtilio.  
Curtius.

## D

**D**Acæ.  
Dalechamp.  
Damascenus.  
Daniel Daniels.  
Dardanus.  
Decretus.  
Democrates.  
Dempferus.  
Dessenius.  
Dias Valent.  
Diomedes.  
Diophanes.  
Dodonzus.  
Donatellus.  
Donatus.  
Dornæus.  
Dortonianus.  
Doruereilius.  
Douynetus.  
Duncanus.  
Dunus.  
Durerus.  
Dryander.

## E

**E**Phæstius.  
Epiphanius.  
Erastus.  
Ernestus Bruggravius.  
Esteue.  
Eueratius.  
Euonymus.  
Eustachius.  
Evvichius.

## F

Bacch.  
**F**abricius.  
Guill. Fabricius  
Hildanus.  
Hieron. Fabricius.  
Fæsius.  
Fallopius.  
Fauorinus.  
Felicianus.  
Ferdinandus.  
Fernelius.  
Ferrandus senior.  
Ferrarius.  
Ferrerius.  
Ferreus.  
Fienus.  
Fuera.  
Fincellius.  
Fleckius.  
Florentini Medici.  
Follinus.  
Fonseca.

Fontanus.  
Forestus.  
Fracastorius.  
Fracastus.  
Fragosus.  
Frambesarius.  
Francus.  
Fraicatus.  
Freitagius.  
Frideuallis.  
Fridericus Vvendembergius.  
Freitzschius.  
Fuchsius.  
Fuillius.  
Fumanellus.  
Vitalis de Furno Medic. Latino-Barbarus.

## G

**G**Abelchouerus.  
Gabucinus.  
Gadaldinus.  
Gadesdenus.  
Galeatius Latino-barbarus.  
Gallego de la Serna.  
Gallus.  
Garetus.  
Gargantus.  
Gariopontus.  
Garnerus.  
Gaudanus.  
Geberus.  
Gegarra.  
Gemma Geminus.  
Gentilis de Florentia.  
Gerardus Burgenfis.  
Gerson.  
Gesnerus.  
Geufæus.  
Ghinus.  
Gibaltus.  
Gucaferius.  
Georg. Gomez.  
Gorræus.  
Goupilus.  
Gourmelenus.  
Gratarolus.  
Gratiolus.  
Grevinus.  
Gryllus.  
Guardineus.  
Guarinonius.  
Guaftauinius.  
Guanafterius.  
Guaninerus.  
Gueuara.  
Guillemaus.  
Guillelmus Lauremburgius.

## H

**H**Agius.  
Harucus.  
Harerius.  
Hebenstreon.  
Helidæus Paduanus.  
Heluetius.  
Hennemannus.  
Henricus à Bra.  
Henricus ab Heer.  
Herbonensis.  
Herlitius.  
Hessius.  
Heurnius.  
Hildebrandus.

Hildestheim.  
Hoë.  
Hofouannus.  
Hollerius.  
Hopmannus.  
Horatianus.  
Hornius.  
Horstius.  
Hubnerus.  
Hucherus.  
Humerus.  
Hunerus.  
Hydalgo de Agüero.  
Hyllus.

## I

**I**Acchæus.  
Iacchinus.  
Iacotius.  
Iafon Pratenfis.  
Ianarra.  
Iebizius.  
India Veronensis.  
Ingraffia.  
Insulanus.  
Ioannes à Bello forti.  
Ioannes de Mediolano Latino-barbarus.  
Ioëlius.  
Ionftanus.  
Iordanus.  
Iosephus de Aromatariis.  
Ioffenius.  
Ioffius.  
Iosterius de Iosteriis.  
Ioubertus.  
Ionftonius.  
Iozzius.  
Ishac Hollandus.  
Iulius Alexandrinus.  
Iuuenis.

## K

**K**Entmannus.  
Kinalochus.  
Kinckius.  
Kleinfedius.  
Knoblochius.  
Krantzzius.  
Kunradus Cunradus.

## L

**L**Alemantius.  
Lamandus.  
Landus.  
Lauelleus.  
Laucellius.  
Launæus.  
Laurentianus.  
Laureus.  
Lazarus à Sotro.  
Lebon.  
Lemnius.  
de Lamoniere.  
Leo.  
Leonellus Fauentinus.  
Leoniceus.  
Leonicus.  
Leonus.  
Lefchius.  
Libanius.  
Licetus.

Liddolius.  
Liebantius.  
Limanus.  
Linacer.  
Lobellius.  
Lobera.  
Lomnius.  
Londinenses Medici.  
Lonicerus.  
Lofolius.  
Lopius.  
Lucius.  
Luisinus.  
Lupus.  
Lydiatus.  
Lygeus.

**M**

**M** Acbellus.  
Magirus.  
Magister.  
Magius.  
Magliorattus.  
Magnardus.  
Magnatus.  
Manardus.  
Ianochius de Maneclis.  
Mannus.  
Mantias.  
Manrinus.  
Maranta.  
Marcellus Virg,  
Mardobæus.  
Marinellus.  
Marinus.  
Marrus.  
Anton. Massa.  
Nicol. Massa.  
Massaria.  
Massinius.  
Mathiolus.  
Mathisus.  
Meichlnerus.  
Melchiodus.  
Mena.  
Menxelius.  
Menzelius.  
Mercenarius.  
Mercatus.  
Mercurialis.  
Merindolus.  
Michinus.  
Minadous.  
Minderctus.  
Misaldus.  
Molinæus.  
Mollerus.  
Monachi.  
Monardus.  
Monauius.  
Mongius.  
Montanus.  
Montefianus.  
Montius.  
Morales.  
Renat. Morellus.  
Morellus.  
Moufcor.  
Mouferus.  
Moxius.  
Mullerus.  
Mundella.  
Mundinus.

Murgelius.  
Muronus.  
Mylius.  
Mynsicht.  
Mythobius.

**N**

**N** Affius.  
Neander.  
Neemias.  
Nicander.  
Nicandri interpres.  
Nicolaus Alexandrinus.  
Niddanus.  
Nola.  
Nonnius.  
Nouocampius.

**O**

**O** Cco.  
Oddus de Oddis.  
Oddus.  
Opianus.  
Opratus.  
Othæus.  
Quiedó.

**P**

**P** Accius.  
Palmarius.  
Panca.  
Pandeclarius.  
Paparella.  
Paracellus.  
Paræus.  
Parifanus.  
Parrius.  
Pascasius.  
Pafchal.  
Paternus.  
Paulinus.  
Pecetus.  
Franc. Pedemontanus.  
Peletarius.  
Pennottus.  
Pepagomerus.  
Perdulcis.  
Pereda.  
Perlunus.  
Pernumia.  
Perrellus.  
Persona.  
Petraus.  
Petronius.  
Petrus Hispanus.  
Peucerus.  
Phauorinus.  
Pharmacopœa Amstelod.  
Philadelphus.  
Philaretus.  
Philippus de Lignamine.  
Philostratus.  
Philorheus.  
Picolhominaus.  
Pichorus.  
Pictorius.  
Pigræus.  
Pilleterius.  
Pincierus.  
Pineus.  
Pinnus.  
Pintor.

Pifo.  
Pifonellus.  
Placortomus.  
Plancius.  
Planerius.  
Platerus.  
Plempius.  
Plierus.  
Pleucerus.  
Pœna.  
Pollux.  
Polydorus Virgilius.  
Poncius à Cruce.  
Pons.  
Pontanus.  
Porcelle.  
Porta.  
Portus.  
Posthius.  
Praxagoras.  
Primorofius.  
Proprietarius.  
Prosper Aquitanicus.  
Protospatarius.  
Pronankerius.  
Ptolomæus Medicus.  
Puluerius.  
Puteanus.

**Q**

**Q** Vintilius.  
Quercetanus.

**R**

**R** Anchinus.  
Ramnusius.  
Ranzouius.  
Rafarius.  
Rauvvolphius.  
Reifius.  
Remellinus.  
Rescrius.  
Renodæus.  
Renfnerus.  
Rhenanus.  
Rhodius.  
Richardus.  
Riffius.  
Rimateurs.  
Rinius.  
Riolanus pater.  
Riolanus filius.  
Riplæus.  
Robertus de Fluctibus.  
Robertus Vallenfis.  
Roboretus.  
Rochæus.  
Roganus.  
Rogerius.  
Romani Medici.  
Rondelerius.  
Ronffeius.  
Rorarius.  
Rosellus.  
Rora.  
Rouffellus.  
Rouffetus.  
Rouilius.  
Rubandus.  
Rubeus.  
Ruellius.  
Rucus.  
Rulandus pater.  
Rulandus filius.  
Rumfius.  
Rungius.



**S** Acchetus.  
 Salius.  
 Saluianus.  
 Sanctorus Sanctorus.  
 Sanctorus.  
 Saporra.  
 Santorellus.  
 Santor.  
 Sanzedo.  
 Saxonia.  
 Scacchus.  
 Scaliger.  
 Scanarolius.  
 Schenckius.  
 Schillerus.  
 Scholtzius.  
 Schroterus.  
 Saluus Sclanus.  
 Scottus.  
 Scribonius.  
 Scrophia.  
 Scutellarius.  
 Sebastianus Roth.  
 Schifius.  
 Segarra.  
 Seidelius.  
 Sennertus.  
 Sepulveda.  
 Serenus.  
 Scuerus.  
 Sextus Empiricus.  
 Siccus.  
 Sillanus de nigris.  
 Siluaricus.  
 Siloius.  
 Simon Simonius.  
 Henricus Smetius.  
 Ioann. Smetius.  
 Solenander.  
 Spachius.  
 Sperlinger.  
 Sphaericius.  
 Sphronius.  
 Spigelius.  
 Sporichius.  
 Starkius.  
 Stelliola.  
 Stephanus.  
 Stephanus Atheniensis.  
 Strutius.  
 Storterus.  
 Scipanius.  
 Summerus.  
 Suterius.  
 Synanius.

T

**T** Agaulcius.  
 Tagliacotius.  
 Talpa.  
 Tamaio.  
 Tanchius.  
 Tectander.  
 Terillus.  
 Thareus.  
 Theodosius.  
 Theotropus.  
 Thesaurus.  
 Thomaius.  
 Thucydides Scholiastes.  
 Tilefius.  
 Tinellus.

Tolctus.  
 Tomitanus.  
 Toreus.  
 Torrella.  
 Torres.  
 Toxaris.  
 Tragus.  
 Traianus.  
 Tranconius.  
 Traffelmanus.  
 Trauus.  
 Trincauellius.  
 Tucca.  
 Turinus.  
 Turnerus.  
 Turnefius.

V

**H** Enr. Vacca de Alfaro.  
 Valdufius.  
 Valentinus.  
 Valla.  
 Valleriola.  
 Vallesius.  
 Valletius.  
 Valuerdus.  
 Varandæus.  
 Variolus.  
 Vasquius.  
 Vassæus.  
 Vazæus.  
 Vcles.  
 Vclescus.  
 Venustus.  
 Vergefacus.  
 Vesalius.  
 Victor de bona gentibus.  
 Vidus Vidius Senior.  
 Vidus Vidius Iunior.  
 Villarinus.  
 Vinarius.  
 Vischerus.  
 Vlmus.  
 Vestadius.  
 Vntzerus.  
 Volcherus Coiter.  
 VVarnefidus.  
 VVeckerus.  
 VVercheliu.  
 VVillichius.  
 VVierus.  
 VVinthemi.  
 VVirr.  
 VVolphiu.  
 VVortonus.

Z

**Z** Acchias.  
 Zecchius.  
 Zenardus.  
 Zillerus.  
 Zinckius.  
 Zonellus.  
 Zuingerus.

*Lusitani periti.*

**A** Luarus Nonnius.  
 Ambrosius Nunnus.  
 Amarus.  
 Andreas Antonius.  
 Antonius Ludou. Olyffip.

Antonius à Cruce Olyffip.  
 Benedictus à Castro.  
 Brudus.  
 Conimbricensis Curfus.  
 Didacus Lopus.  
 Didacus Moranus.  
 Emmanuël de Morais.  
 Emmanuël Nunnus Olyffip.  
 Emmanuël Gomez Antuerp.  
 Ferdinandus Roder. Cardozus.  
 Ferdinandus Sola.  
 Franciscus Aluarez.  
 Franciscus Lopus.  
 Gaspar Lopus Canarius.  
 Garzias ab Horro.  
 Garzias Lopus.  
 Georgius Gomes.  
 Georgius è Saâ.  
 Georgius Henricus.  
 Gondicalus Rodericus Cabreira.  
 Hieronymus Nunius Ramires.  
 Hieronymus Oforius.  
 Hieronymus Tonar.  
 Ioannes Rodericus Albicaf.  
 Ioannes Brau. Chamicus.  
 Ioannes Barrus Historic.  
 Ioannes Fonseca.  
 Isidorus Barrerius.  
 Ludonicus Isla.  
 Ludonicus Lemofius.  
 Maffeus.  
 Martinus Henr.  
 Nonnius à Costa.  
 Petrus à Fonseca.  
 Petrus Lopus.  
 Petrus de Peramato.  
 Petrus Vaëzius.  
 Petrus Vascus Castellus.  
 Raphaël Vaësius.  
 Rodericus à Castro.  
 Rodericus à Fonseca.  
 Rosales.  
 Stephanus Roderic. Castrensis.  
 Thomas à Veiga.  
 Thomas Aluares.  
 Thomas à Valle.  
 Valla.  
 Valuerda Olyffip.

*Diuerfarum facultatum atque  
 linguarum Auctores  
 varij.*

A

**A** Bbas Vilpergienfis.  
 Abulensis.  
 Accus.  
 Achillinus.  
 Adonis Viennensis.  
 Egidius.  
 Egidius Romanus.  
 Elianus.  
 Emilianus.  
 Eneas Silvius.  
 Eschines.  
 Agellius.  
 Corn. Agrippa.  
 Albericus.  
 Alciatus.  
 Alcmæus.  
 Alexand. Alensis.  
 Alexander ab Alexandro.

Alexander Aphrodisæus.  
Alphonſus à Cruce.  
Alphonſus Rex.  
Aluaradus.  
Amantius.  
Ammianus Marcellinus.  
Ioan. Amſeldius.  
Anacharſis.  
Anacreon.  
Andreas Florenſis.  
Ioan. Andreas.  
Angelus Politianus.  
Angelus de Geruaſiis.  
Anicius Seuerus.  
Antigenes.  
Antipater Hieropolitanus.  
Antiphanes.  
Antipus Comicus.  
Antonius Nebriffenſis.  
Anulus.  
Apollinaris.  
Apollodorus Athenienſis.  
Apuleius.  
Ariſtæus Athenienſis.  
Ariſtoxenus.  
Aratus.  
Ariſtænetus.  
Ariſtobulus.  
Ariſtophanes.  
Ariſtoteles.  
Arrianus.  
Athenæus.  
Auctor lib. Sapientiæ.  
Auenus.  
Auienus.  
Aulus Gellius.  
Aufonius.  
Azpilcueta Nauarr.

**B**

Aldus.  
Baldus Angelus Abbatius.  
Bannus.  
Barbarus.  
Odoard. Barboſa.  
Baretus.  
Barlæus.  
Baronius.  
Barorius.  
Bartholus.  
Baſilius.  
Baſſianus Landus.  
Becmanus.  
Bellantius.  
Bembus.  
Benedictus Veronenſis.  
Beroaldus.  
Theod. Beza.  
Bion.  
Biſciola.  
Blondus.  
Bodinus.  
Boëmius.  
Boëthicus.  
Boëtius.  
S. Bonauentura.  
Bonfinius.  
Brodæus.  
Brucardus.  
M. Brutus Orator.  
Buccaſerrens.  
Bucius.  
Budæus.  
Buterus Beneſſe.  
Buxtorſius.

**C**

Aballus.  
M. Cæcilius.  
Cælius Rhodiginus.  
Cæſar Crenonius.  
Cæſarius.  
Cæſius.  
Caietanus.  
Calepinus.  
Calliſtes.  
Callimachus.  
Calliſthenes.  
Campanus.  
Pet. Andr. Canonherius.  
Capreolus.  
Caracalla Imper.  
Carpentarius.  
Calaubonus.  
Caſſanæus.  
Caſſanus.  
Caſſiodorus.  
Catanaus.  
Cato.  
Caro Paruus.  
Catullus.  
Cauffinus.  
Cedrenus.  
Cenſorinus.  
Chalcidius.  
Chilo.  
Chinenſis Historia.  
Chryſippus.  
Petr. Cieza Leo.  
Cicero.  
Ciruelus.  
Clavius.  
Cleans.  
Clemens.  
Alex. Clemens.  
Clemens Alexandrinus.  
Cleobulus.  
Clitarchus.  
Clinias.  
Coccius.  
Codretus.  
Columella.  
Commandinus.  
Commanus.  
Conradus.  
Conſtantine Imperator.  
Rob. Conſtantine.  
Copernicus.  
Leon. Coquæus.  
Cornelius Seuerus.  
Cornelius Tacitus.  
Cortefius.  
Petr. Crinitus.  
Criſermus.  
Ioan. Criſpianus.  
Criſpinus.  
Cromerus.  
Crucius.  
Cyrus.

**D**

Marc. Damaſcenus.  
Decianus.  
Democritus.  
Demofthenes.  
Didimus.  
Dinomachus.  
Diodorus Siculus.  
Diogenes Apolloniata.

Diogenes Laërtius.  
Dionyſius Arcopagita.  
Dionyſius Carthufianus.  
Diophanes.  
Diotimus.  
Diſarius.  
Ludouic. Dorleans.  
Theod. Douza.  
Dubrauius.  
Durandus.

**E**

Gnatus.  
Empedocles.  
Ennius.  
Epaminondas.  
Epicharmus.  
Epictetus.  
Epicurus.  
Epiphanius.  
Eraſmus Roterod.  
Eratofthenes.  
Eriximachus.  
Euagrius.  
Euclides.  
Eunapius.  
Euripides.  
Euplius.  
Eufebius Cæſarienf.  
Eufebius.  
Eufachius Homeri interp.

**F**

Abrius.  
Farinaceus.  
Fauorinus.  
Ferrarienfis.  
Ferrerius.  
Feſtus Pompeius.  
Marci. Ficini.  
Laëtant. Firmianus.  
Firmicus.  
Flaccius Marc. Ant. Flaminus.  
Florus.  
Franciſcus de Veru-Lamio.  
Fromundus.  
Fulgofius.

**G**

Abriel.  
Galenus.  
Galindus.  
Gambara.  
Theod. Gaza.  
Genebrardus.  
Geraldus.  
Germanus Valenſ.  
Gomez.  
Gorgias Leontinus.  
Gothus.  
Ioan. Grammaticus.  
Gratius Poëta antiquus.  
Gregorianus Granerus.  
Gregorius Tolofanus.  
Gregorius Turonenſis.  
Grotius.  
Guaginus.  
Gualterus.  
Guillandus.

**H**

Aræus.  
Hegeſippus.

Heinsius.  
Heliodorus.  
Hennemannus.  
Henricus Gandauensis.  
Heraclides Ponticus.  
Heracitus.  
Hermolaus Barbarus.  
Herodorus.  
Ant. de Herrera.  
Hesiodus.  
Heritreus.  
Herophilus.  
Heynsius.  
Hieracites.  
Hieroëles.  
Homerus.  
Horatius Flaccus.  
Horus.  
Hyginus.

I

**I** Ambilicus.  
Iandunus.  
Ioannes de Laërt.  
Iosephus Castillienus.  
Ionius.  
Iphicrates.  
Isidorus.  
Isocrates.  
Iulianus Imper.  
Iulius Caesar.  
Iulius Clarus.  
Iulius Pollux.  
Iustinianus Imper.  
Iustinus Hist.  
Iuuenalis.

K

**K** Eckermannus.  
Kellerius.  
Keplerus.  
Kützschius.

L

**L** Essens.  
Lambinus.  
Ioseph. Langus.  
Lærtius Poëta.  
Lærtius.  
Lentulus.  
Ioan. Leo.  
Petr. Leo.  
Leporinus.  
Leucippus.  
Iust. Lipsius.  
Liranius.  
Lucanus.  
Lucianus.  
Lucillus.  
Lucius.  
Lucretius.  
Ludouicus Romanus.  
Luitprandus.  
Conr. Lycosten.  
Lycurgus.

M

**M** Acer.  
Macrobius.  
Magasthenes.  
Maiolus.

Ioan. Maior.  
Malleus Maleficarum.  
Manilius.  
Mannus.  
Mantuanus.  
Marcellinus.  
Marinellus.  
Marfilius.  
Martialis.  
Mascardus.  
Matrus.  
Maximus Tyrius.  
Mechonius.  
Mich. Medina.  
Mejerus.  
Melchior Iunior.  
Meleager.  
Menander.  
Mercenius.  
Merula.  
Messia.  
Minutius Felix.  
Mithridates Rex.  
Modius Nouantius.  
Moretus.  
Murerus.  
Musæus.  
Munsterus.

N

**N** Atalis Comes.  
Naudæus.  
Neemesius Poët.  
Neemesius Phil.  
Nemesius.  
Nicephorus Calistus.  
Nicephorus Phil.  
Nicephorus Hist.  
Nicocles.  
Nicomus.  
Nicostratus.  
Niphas.  
Nunnesius.  
Nymphes.

O

**O** Chamus  
Olaus Magnus.  
Olympiodorus.  
Origenes.  
Ortelius.  
Olorius.  
Ouidius.  
Ferd. de Oviedo.

P

**P** Alladius.  
Pallas Poët.  
Papinianus.  
Parmenides.  
Lud. Rod. Patricius.  
Paulus Æmiliius.  
Paulus Venetus.  
Pausanias.  
Ben. Peterius.  
Persij vetus interp.  
Petisius.  
Petrarcha.  
Petrus Tolosanus.  
Petrus Hispalensis.  
Philarchus.  
Philemo.

Philippus Cominens.  
Philæbus.  
Philomenus iunior.  
Philoponus.  
Phocycles.  
Phocylides.  
Pictorius.  
Picus Mirandul.  
Pierius Valer.  
Pindarus.  
Pintianus.  
Pintus.  
Pirtalus.  
Platina.  
Platonicus.  
Plato.  
Plautus.  
Plinius.  
Plinius Secundus.  
Plorinus.  
Plutarchus.  
Policletus.  
Polizæus.  
Polybius.  
Polydorus Ripa.  
Pomponius Lætus.  
Pomponius Mela.  
Pomponius.  
Iac. Pontanus.  
Iouianus Pontanus.  
Poponarius.  
Porphyrius.  
Porta.  
Posedispus.  
Praxagoras.  
Proclus.  
Procopius.  
Prodicus.  
Propertius.  
Prolomæus Rex.  
Pyrrho.  
Pythagoras.

Q

**Q** Vintilianus.  
Quintilius Auus.  
Quintus Ænnius.  
Quintus Curtius.

R

**R** Aderus.  
Ramires del Prado.  
Raymundus Iulius.  
Raymundus Lullus.  
Richardus.  
Rifus.  
Rinertus.  
Ann. Robertus.  
Rosa.  
Iac. Fr. Rota.  
Rugius.

S

**S** Abellius.  
Salmatius.  
Samius.  
Th. Sanctius.  
Saxonia.  
Saxo.  
Scaliger.  
Scharondas.  
Schreckenfuchsius.  
Schuitzerus.



**T**

Anna Maria à Schurman.  
 Scotus.  
 Secundus.  
 Seneca.  
 Servius Tullius.  
 Servius Virg. interp.  
 Senerus Sulpitius.  
 Corn. Seuerus.  
 Sigismundus.  
 Silius Italicus.  
 Iac. Simancha.  
 Simoneta.  
 Simon Portias.  
 Simplicius.  
 Herm. Skedel.  
 Ioan. Smetius.  
 Soncinas.  
 Sorio.  
 Socrates.  
 Solinus.  
 Sophocles.  
 Soranus Ephesius.  
 Sphærus.  
 Statius.  
 Stobæus.  
 Strabo.  
 Stromatæus.  
 Stumpfius.  
 Suarez.  
 Suetonius.  
 Suidas.  
 Surius.  
 Syluius.  
 Synesius.

**T** Arius.  
 Terentius.  
 Terrullianus.  
 Rau. Textor.  
 Thales Milefius.  
 Themistius.  
 Theocritus.  
 Theodoretus.  
 Theognides.  
 Theophrastus.  
 Theopompus.  
 Theuerus.  
 Thomas Maurus.  
 Thuanus.  
 Locrenus Thymæus.  
 Tibullus.  
 Tiberius Imper.  
 Timplerus.  
 Tiraquellus.  
 Titinnius.  
 Titus Liuius.  
 Fran. Toletus.  
 Tomitanus.  
 Torquemada.  
 Tzerzes.  
 Tritemius.  
 Turnebus.  
 Turpilius.  
 Tyanaus.

**V**

**V** Acius.  
 Valerius Flaccus.

Valerius Maximus.  
 Geor. Valla.  
 Varro.  
 Vegetius.  
 Maff. Vigius.  
 Veronenfis Gabriel.  
 Villanus.  
 Viperanus.  
 Virgilius.  
 Vitruuius.  
 Lud. Vines.  
 Vlpianus.  
 Volaterranus.  
 Voffius.  
 Inlian. VVanderus.  
 VViteberg.  
 VVolphius.

**X**

**X** Anthus.  
 Xenophon.  
 Ximenus.

**Z**

**Z** Abarella.  
 Zalcucus.  
 Zeno.  
 Zimara.  
 Zonaras.  
 Zoroaster.  
 Zuerius.



# LEMMATA HISTORIARVM HVIVS OPERIS HISTORIÆ LIBRI I.

## De Capitis affectibus.

### PROOEMIUM.

- |  |  |
|--|--|
| <p><b>HIST. 1.</b> <b>ALOPECIA</b>, sola purgatione sanata. Gal. <i>lib. 1. de compos. med. sec. loc. cap. 2.</i> pag. 2</p> <p><b>2</b> Alopecia, topicis medicamentis curata. Rasi<sup>us</sup> <i>lib. de mirabilibus curis.</i> 3</p> <p><b>3</b> Rusticus achoribus scatens, locali auxilio per<sup>se</sup>sanatus. Galen. <i>lib. 1. de compos. medic. sec. loc. c. 8. in princ.</i> 4</p> <p><b>4</b> Tinea, hirudine super partem affectam imposita, curata. Rasi<sup>us</sup> <i>lib. 36. contin. tract. 3. cap. 2.</i> 5</p> <p><b>5</b> Quinquagenarius dolore capitis vehementi oppressus, sanguinis missionis ope, liberatur. Galen. <i>1. 2. lib. meth. cap. 1.</i> 8</p> <p><b>6</b> Dolor capitis in febriente, ex vini odore adauctus. Galen. <i>lib. 6. epid. sect. 4. com. 9.</i> 9</p> <p><b>7</b> Hemisrania experimento muliebri sanata. Paul. <i>lib. 3. cap. 5. rubris. 2.</i> 11</p> <p><b>8</b> Synciput, medicamentorum quæ capiti imp<sup>er</sup>untur, applicationi aptissimum. Gal. <i>lib. 1. 3. meth. cap. 22.</i> 14</p> <p><b>9</b> Phrenitis, sanguinis missione vsque ad animi deliquium, curata. Rasi<sup>us</sup>, <i>lib. 3. suor. aphorism.</i> ibid.</p> <p><b>10</b> Phrenitis, sectâ ingeniosè in fronte vena, &amp; aliis auxiliis per<sup>se</sup>sanata. Trallian. <i>lib. 1. cap. 13. de cura phreniticorum.</i> 21</p> <p><b>11</b> Phrenitici nonnulli de iis que oculis offeruntur, rectè quantum ad sensitivam notitiam iudicant, cogitando verò à naturali iudicio aberrant. Galen. <i>lib. 4. de loc. cap. 1. &amp; lib. de diff. sympt. cap. 3.</i> 23</p> <p><b>12</b> In phreniticis aliquando est errans imaginationis motus, illæsa cogitatione. Galen. <i>lib. 4. de loc. affect. cap. cit.</i> ibid.</p> <p><b>13</b> Vigilia superflua, nenupharino naribus apposito, &amp; lactucarum esu per<sup>se</sup>sanata. Rasi<sup>us</sup> <i>lib. 3. suor. aphorismor. in fin.</i> ibid.</p> <p><b>14</b> Somnus amissus lactucarum esu restitutus. Gal. <i>lib. 2. de alimentor. facul. cap. 40.</i> 24</p> <p><b>15</b> Galenus noctambulus. Galen. <i>lib. 2. de motu musculor. cap. 4.</i> 28</p> <p><b>16</b> Lethargus, Castorei potu curatus. Trallian. <i>lib. 1. cap. 14.</i> ibid.</p> <p><b>17</b> Lethargus balneo curatur. Trallian. <i>lib. 1. c. 14. in fin.</i> 29</p> <p><b>18</b> Epilepsia ex tibia originem ducens. Gal. <i>lib. 3. de loc. affect. cap. 7. prop. initium.</i> 30</p> <p><b>19</b> Miræ epilepsiæ species aphrodisiasticæ, quarum paroxysmi feminis profluvio solvuntur. Aliæ variis, horrificisque imaginibus, &amp; anxietatibus ægros torquentes. Alzakaravius <i>tract. 1. sect. 2. cap.</i> 34. 31</p> <p><b>20</b> Ex pede suscitata epilepsia, caustico medicamento in parte affecta imposito, curatur. Trallianus <i>lib. 1. cap. 15. tit. de curation. eorum qui ex stomachi affectu, comitiali morbo corripiuntur.</i> ibid.</p> <p><b>21</b> Ex ore ventriculi suscitata epilepsia, eo roborato, sanata, Gal. <i>lib. 5. de loc. affect. cap. 5.</i> 35</p> | <p><b>22</b> Pæonia collo suspensa ab epilepsia liberat. Galenus, <i>lib. 6. simpl. rit. de pæonia.</i> 38.</p> <p><b>23</b> Epilepticus sanguinis humani potu sanatus. Cornelius Celsus, <i>lib. 3. c. 27. de comitial. morbi curatione.</i> 40</p> <p><b>24</b> Epilepsia, ebore assumpto, curatur. Scribonius Largus <i>lib. de compos. medic. composit. 16.</i> 41</p> <p><b>25</b> Epilepticus assumpto medicamento melanagogo, præservatus. Rasi<sup>us</sup> <i>in lib. de mirabilibus curis.</i> 42</p> <p><b>26</b> Frequens epilepsia ex sanguinis copia suborta, venæ sectione curata. Rasi<sup>us</sup> <i>in lib. de mirabilibus auscultationibus.</i> 45</p> <p><b>27</b> Fœmina epilepsia prehensa, confectio<sup>n</sup>e anacardina, &amp; aliis auxiliis curatur. Rasi<sup>us</sup> <i>in lib. de mirabilibus auscult.</i> ibid.</p> <p><b>28</b> Puer epilepticus, variis remedium generibus præservatur. Galenus <i>in lib. consilij, de puer. epilept. à cap. 1. vsque ad. 9.</i> 49</p> <p><b>29</b> Mel scilliticum ad epilepsiæ præse<sup>rv</sup>ationem utilissimum. Galenus <i>in consilio de puero epileptico à c. 9. vsque ad finem cap. 10.</i> 56</p> <p><b>30</b> Epilepsiam quartana sanat. Galenus <i>lib. 1. epidemior. sect. 3. com. 4.</i> 57</p> <p><b>31</b> Epilepsia rutæ odore curatur. Trallian. <i>lib. 1. cap. 15.</i> 58</p> <p><b>32</b> Epilepsia gravidarum, post partum cessare solet. Paul. <i>lib. 3. cap. 13. in initio.</i> ibid.</p> <p><b>33</b> Apoplexia à sanguine orta, cucurbitula supra collum imposita, curata. Rasi<sup>us</sup> <i>lib. 3. aphorism. in med.</i> 63</p> <p><b>34</b> Apoplectici pro mortuis habiti interdum reuiviscunt. Quare intra tres dies non sunt sepeliendi. Avicenna <i>feh. 1. lib. 3. tract. 5. cap. 12.</i> 64</p> <p><b>35</b> Seruus morore affectus, &amp; tabescens, Galeni industria liberatur. Galenus <i>lib. de præcognit. ad Posthum. cap. 6.</i> 66</p> <p><b>36</b> Melancholia ex potu vitiosæ aquæ cōtracta, cardiacis assumptis, &amp; tandem ingenio miro curata. Auenzoar <i>lib. 1. Theizir, tract. 9. cap. 9.</i> 67</p> <p><b>37</b> Melancholicæ mulieris historia mira. Trallian. <i>lib. 1. cap. ult.</i> 74</p> <p><b>38</b> Melancholia antiqua radice bryoniæ curata. Rasi<sup>us</sup> <i>lib. 1. contin. tract. 18. cap. 2.</i> 76</p> <p><b>39</b> Melancholia ex suppressis hæmorrhoidibus orta, annua vacuatione curata. Galenus <i>lib. 6. aph. 47. &amp; lib. 3. de humorib. com. 26.</i> 77</p> <p><b>40</b> Ex amore admirabilis insania inducta, casuque cognita. Galenus <i>lib. de præcognit. ad Posthum. cap. 6.</i> 79</p> <p><b>41</b> Catalepticus hæmorrhagia copiosa sanatur. Aëti<sup>us</sup> <i>tetrab. 2. ferm. 2. cap. 4.</i> 80</p> <p><b>42</b> Catalepsis ex nimio studio subortæ historia. Galenus <i>lib. 1. prorrhetic. sect. 2. com. 56.</i> 81</p> <p><b>43</b> Memoria amissa ex inedia, labore, ac vigiliis, humectantibus præsidij restituta. Galenus <i>lib. 3. de loc. affect. cap. 5. prop. initium.</i> 85</p> |
|--|--|

- 44 Ex peste sua, memoria amissa, Galenus lib. de. dif. sympt. cap. 3. in fin. & lib. 2. de caus. sympt. cap. ult. ibid.
- 45 Paralysis ex colico dolore contracta. Haly Abbas lib. 9. Theoric. cap. 8. & Paulus lib. 3. c. 18. & 4. tit. de resolutione ex colico, dolore contracta. 83
- 46 Paralysis, frigidis medicamentis persanata. Trall. lib. 1. cap. 16. rubric. 6. ibid.
- 47 Paralysis ex vehementi frigore contracta, calida vntione persanata. Auenzoar lib. 1. Theizir, tract. 10. cap. 7. 84
- 48 Ex vehiculo decedens quidam, dorsi initium affixit, unde duobus digitis, & medietate medij, sensum illaeso motu amisit, qui medicamentis digitis frustra impositis, tandem iisdem dorso alliso applicitis conualuit. Galenus lib. 3. de loc. affect. c. 10. 85
- 49 Mortificatio à frigore ora. Galenus lib. 3. de usu part. cap. 5. 86
- 50 Conuulsio canina, cataputia sanatur. Rasis lib. 1. continent. tract. 11. cap. 2. 87
- 51 Conuulsio, gelidæ perfusione sanata. Auicenn. fen. 2. 3. tract. 1. cap. 7. in med. ibid.
- 52 Conuulsio ex æruginoso humore, in ore ventriculi sito, pronata, vomitu concitato, curata. Gal. lib. 12. met. cap. ult. prope fin. & lib. 5. aph. com. 1. 89
- 53 Sæna ophthalmia, copiosa venæ sectione sanata. Rasis lib. de mirabilibus curis. 90
- 54 OEconomus ab inflammatione oculorum, ac cæcitatibus periculo, sanguinis missionis beneficio liberatus. Contra Erasistratos. Galenus lib. de curand. rat. per sang. mis. cap. 17. ibid.
- 55 Oculorum inflammatio, sola purgatione sanata. Galenus lib. 13. meth. cap. 11. 94
- 56 Lippitudo, balnei vsu curata. Galen. lib. 6. aph. com. 3. 1. 95
- 57 Adolefcens, potu meraciori vsus, à lippitudine liberatur. Galenus lib. 6. aph. com. 3. 1. 97
- 58 Oculi densitas mullæ beneficio curata. Trallianus lib. 2. cap. 4. 98
- 59 Aurium inflammatio cum acuto dolore, oleo ex vitellis ouorum in aurem injecto persanatur. Auenzoar lib. 1. Theizir, tract. 4. cap. 1. ibid.
- 60 Aurium dolor à frigiditate ortus, calidis auxiliis persanatur. Rasis lib. 3. continent. tract. 2. cap. 2. 100
- 61 Aurium dolore laborans, injecto in aurem opio, vocem, & sensum amisit. Trallianus lib. 3. cap. 2. ibid.
- 62 Laborantium puerorum fistula, ad parotidem subsequuta, emplastro ex argenti spuma, & aliis auxiliis persanata. Galenus lib. 1. de compos. medicament. sec. gener. cap. 7. 104
- 63 Solutio febris ardentis ad parotidem criticam suppuratam, sed deinceps reciduantem morbo mors subsequuta. Rasis in lib. de mirabilibus curis 105
- 64 Criticæ hæmorrhagiæ præsensio. Galenus lib. de præcognit. ad Posth. cap. 13. 112
- 65 Odorandi sensus è diuturna tum grauedine, tum distillatione læsus, & restitutus. Galenus lib. de instrument. odorat. cap. 4. 116
- 66 Dolor dentium quidam correptus, niuis in ore dentæ vsu persanatur. Aëtius retrab. 2. serm. 4. c. 27. 117
- 67 Dentes sentiunt. Galenus lib. 5. de compos. medic. sec. loc. cap. 8. 119
- 68 Dentium dolor, applicitis remediis calidis, & sequuta mandibularum inflammatione sanatur. Rasis lib. 5. contin. tract. 2. cap. 2. ibid.
- 69 Linguae, morbi vitio, portentosa magnitudinis curatio. Galenus lib. 14. meth. cap. 8. 120
- 70 Lapis in lingua pronatus sermonis vsu intercipiens. Auenzoar lib. 2. Theizir, tract. 2. cap. 2. 122

- 71 Lingua abscessa sine valetudinis noxa. Galenus lib. de dif. morb. cap. 8. 123
- 72 Ex scarificatione malè administrata linguae paralysis sequuta. Auic. 6. 3. tract. 1. cap. 11. ibid.
- 73 Menti glabrities Gallica, Galeno, Hippocr. priscisque aliis maximè nota. Galenus lib. 3. epid. sect. 3. com. 25. 124
- 74 Angina, leonicis, & cephalica sectis, & dato forti medicamento eodem die: tamen ægrum intra paucas horas enecauit. Trallian. lib. 4. cap. 1. tit. de sang. misfione. 132
- 75 Angina sæua, cephalicis sectis, & forti eodem die cathartico propinato, curatur. Trallianus lib. 4. cap. 1. tit. de sanguinis misf. 133
- 76 Angina periculosa, iugularibus sectis persanata. Trallian. lib. 4. cap. 1. 134
- 77 Angina ex suppressis mensibus orta, tali sectione persanata. Trallian. lib. 4. cap. 1. tit. de sang. misf. ibid.
- 78 Detegitur error Medici, acria, & caustica in oris affectibus imponentis. Galenus lib. 6. de compos. medic. sec. loc. cap. 1. 139
- 79 Diacaryon, celeberrimum ad affectus oris auxilium, Gal. lib. 6. de compos. medicam. sec. loc. cap. 1. rubr. 2. tit. de stomac. ex nucib. ibid.
- 80 Puer trimus ab angina oppressus, venæ sectionis ope, à morte liberatur. Auerroës lib. 7. collect. cap. 3. 141
- 81 Humani stercoris aduersus anginam facultas admiranda. Galenus lib. 1. de simpl. medicam. facult. tit. de stercore humano. 143
- 82 Celebre ad anginam auxilium. Gal. lib. 10. simpl. tit. de stercore canino. 144
- 83 Fauis inflammationis ex pulsu dignotio & curatio, contra Thessalicos. Gal. lib. de præcognit. ad. Posth. cap. 12. 147
- 84 Struma, anguis esu sanata. Cornel. Celsus lib. 5. cap. 28. rubric. 6. tit. de strum. & eius curat. 148

## HISTORIÆ LIBRI II.

- HIST. **G**VLæ abscessus curatio. Galenus lib. 5. de loc. PRIMA. affect. cap. 5. pag. 160
- 2 Vlcis in aspera arteria post pestem relictæ, commodis auxiliis, curatio. Galenus lib. 5. meth. cap. 12. 162
- 3 Vlcis in trachea arteria, sanatio. Galenus lib. 5. meth. cap. 12. 163
- 4 Os in dorso adnatum, purgatione celebrata eximitur. Auenzoar lib. 2. Theizir, tract. 6. c. 5. de ingrossatione ossis præter naturam. 169
- 5 Sanguinis sputum ab spiritalibus partibus ortum, lapidis hæmatitis vsu persanatum. Trallianus lib. 7. cap. 1. rubric. 17. in med. 172
- 6 Sanguinis sputum ex frigida distillatione ortum, candenti ferro in capite appposito, curatur. Trallianus lib. 7. sui operis cap. 1. rubric. nuper citata. 173
- 7 Curatio mulieris, quæ ex falsa distillatione sanguinem expuerat. Galenus lib. 5. meth. cap. 13. 174
- 8 Adolefcens refrigeratis vitalibus organis ruffim contraxit, quam sanguinis ad heminam dimidiam, sputio consequuta, & curata. Galenus lib. 5. meth. cap. 13. in fin. 179
- 9 Sanguinis sputum exhausta hirudine contractum. Galenus lib. 4. de loc. affect. cap. 6. in fin. 182
- 10 Spleneticus, sanguinis nigri vomitu, sanatur. 183
- 11 Sanguinis vomitus, herbæ hæmagogæ lethalis vi excitatus. Galenus lib. de purgant. medicamentor. facult. cap. 4. 184
- 12 Antipater ex obstructione lenium arteriarum pulmonis,



- monis, emoruns. Galenus lib. 4. de loc. affect. cap. ult. 187
- 13 Seruus Barbarus cohibita sponte respiratione, mortem sibi intulit. Gal. lib. 2. de motu musculor. cap. 6. 192.
- 14 Aphonia, ad strumarum incisionem sequuta Gal. 1. de loc. cap. 6. in med. 194
- 15 Vocis lætio ex recurrentium nervorum infrigidatione, suborta. Galenus 1. de loc. affect. cap. 6. in med. 196.
- 16 Ex casu quidam dorsi initium terræ allidens, aphonus factus, crurum resolutionem incurrit, qui dorso applicitis auxiliis conualuit. Gal. 1. de loc. cap. 6. 200
- 17 Axillarum fœtor in Medico præsertim execrandus. Galenus, lib. 6. epid. sect. 4. com. 9. 201
- 18 Pleuritidis notha tumore extrinsecus excitato, & suppurato, incisione curatur. Auenzoar lib. 1. Thei-zir. tractat. 16. capit. 4. de apostemate lateris. 202
- 19 Pluritis sæuissima cum febre valida, intra quantum diem interficiens, Rhafis lib. 10. continenti. tract. 2. cap. 2. 203
- 20 Sæua pleuritis, cum maxima debilitate, lethalis, Rhafis incontinent. lib. de mirabilibus curis quas expertus fuit. 213
- 21 Pleuriticus in declinatione positus, lentium casu emortuus. Gal. lib. 1. de rat. viñ. in morb. acut. comment. 27. 218
- 22 Pleuritis mitissima, citra venæsectionem perfanata. Galenus lib. 6. epidem. section. 3. comment. ultim. 219
- 23 Inflammatio mediastini, copiosa venæsectione curata. Auenzoar lib. 1. Thei-zir. tractat. 16. cap. 6. 223.
- 24 Quidam ex periculosa septi transuersi inflammatione, tutus euasit. Galenus lib. 4. de loc. affect. cap. 5. 226
- 25 Empyematis historia mira. Auicenna 10. 3. tract. 4. cap. 15. & 5. de loc. cap. 2. 228
- 26 Pulmonis vomica aliquando per vrinam purgatur. Galenus 6. de loc. c. 4. in fin. 229
- 27 Suppuratio citra febrim possibilis. Aërius tetrab. 2. serm. 4. cap. 65. de pectore suppuratis. 301
- 28 Mulier cancrum in mamilla habens, annua purgatione leuata. Galenus lib. 6. aphorismor. 47. & lib. quos, quib. & quando cap. 4. & lib. 2. ad Glauco. c. 10. 232
- 29 Vlcus cancriforme, elleboro assumpto curatur. Oribasius lib. 7. collectan. cap. ultim. prope finem. 233
- 30 Pilus ebibitus mammarum facit inflammationes. Al-zaharaius tract. 14. cap. 2. practica. 234
- 31 Reprobum lac infantes vlcerebus conspurcat. Galenus lib. 3. de aliment. facult. c. 15. 235
- 32 Phthisis, panis bene fermentati cum oleo. & saccharo rosaceo, vsu perfanata. Auenzoar lib. 1. Thei-zir. tract. 11. cap. 2. post. med. 237
- 33 Phthisica, solius sacchari rosacei vsu, omnino perfanata. Auic. 10. 3. tract. 5. c. ult. & cap. 18. iuxta finem. 239
- 34 Quidam vlcere pulmonis laborans, lacte, & pane similæ victitans, conualuit. Rhafis lib. 9. continenti. cap. 2. 242
- 35 Quidam à phthisi lactis vsu præseruatus. Trallianus lib. 7. cap. 1. in fine. ibid.
- 36 Exemplum eorum qui tabe consumpti interierunt. Galenus de loc. affect. cap. ult. & lib. 3. epid. sect. 1. comment. 4. in initio, & 6. epidem. sect. 3. comment. 36. 244
- 37 Calculus tussi proiectus. Paulus lib. 3. cap. 31. Trallianus lib. 5. cap. 4. 248
- 38 Duplex cor. Galenus lib. 7. de anatomis. administr. c. 11. 250
- 39 Quidam palpitatione cordis quotannis vexatus, venæsectionis vi, præseruatus. Galenus lib. 5. de loc. affect. cap. 2. 251
- 40 Cordis palpitatio calidis medicamentis curata. Rhafis lib. de mirabilibus curis. ibid.
- 41 In pericardio Simiæ, & Galli, tumores scirrhomides visui, qui analogia quadam etiam ad homines transferri possunt. Galenus lib. 5. de loc. affect. cap. 2. 255
- 42 Arteria vulnerata, & medicamentis conglutinata. Galenus lib. 5. meth. cap. 7. 258
- 43 Arteriotomia plurimis morbis proficua, Galenus lib. de curand. rar. per sang. mis. c. ult. 260
- 44 Pulsus intermittentis, sed naturalis cognitio. Galenus lib. de præcognit. ad Posthum. c. 14. 262
- 45 Syncope ex nimia euacuatione suborta, alimentis vires recreantibus curata. Rhafis lib. 3. suor. Aphorismorum. 264
- 46 Syncope ex longa mora in balneo contracta. Galenus lib. 2. Aph. com. 41. 266
- 47 Syncope ex vteri affectu suborta. Galenus lib. 2. Aph. com. 41. ibid.
- 48 Syncope ex diutina ante balneum inedia, concitata. Galenus lib. 2. Aph. 41. 268
- 49 Quidam ob vitalis facultatis atoniam & cordis palpitacionem, syncope cardiaca correptus, subito emortuus. Galenus lib. 2. Aph. 41. 299
- 50 Adolescens ob syncopen sudans, à Medico in balneum ductus, protinus emoritur. Galenus lib. 1. prog. com. 3. ibid.
- 51 Ex euacuatione vsque ad animi deliquium quidam interiit. Gal. lib. 9. meth. c. 10. & lib. de curand. rar. per san. mis. cap. 12. 270
- 52 Manus ex pondere inflammata, altero pondere in altera manu gestato, perfanatur. Oribasius lib. 8. collectan. c. 19. 274
- 53 Ventriculi debilitas, ob pituitæ copiam, vomitu ex radica parato, curatur. Paulus lib. 1. c. 41. 275
- 54 Ex ventriculi debilitate, & gulæ refrigeratione mors subsequuta. Galenus lib. 7. meth. cap. 8. 276
- 55 Ventriculi debilitas, ex calida siccaque intemperie suborta, frigidis medicamentis perfanatur. Galenus lib. 7. meth. cap. 8. 280
- 56 Ventriculi imbecillitas ex inæquali intemperie quomodo sit curanda. Contra Empiricorum amentiam. Galenus lib. 7. meth. c. 4. 281
- 57 Ventriculi laborantis ab inuasionē febris dignotio eiusque curatio. Gal. lib. de præcognit. ad. Post. c. 11. 284
- 58 Ventriculi languor, vini Absinthithes potu curatus. Galenus lib. de iheriac. ad Pison. cap. 2. 285
- 59 Ventriculi debilitas ex abscissione omenti suborta, quomodo curetur. Galenus lib. 4. de vsu pars. cap. 9. 286
- 60 Dolor ventriculi ex bile, & melancholia ortum ducens, congruis auxiliis curatur. Rhafis lib. 11. continenti. tract. 1. cap. 2. 288
- 61 Dolor stomachi diuturnus ex frigore originem ducens, vini generosi potu curatus. Rhafis in lib. de mirabilibus curis. 289
- 62 Dolor ventriculi ob pituitæ copiam, medicamentis ipsam incidentibus curatus. Idem ab acris succis subortus, iisdem assumptis exacerbatus. Galenus lib. 1. de alimentor. facult. cap. 1. 290
- 63 Quidam ex suppurata ventriculi inflammatione, conualuit. Rhafis lib. 12. continenti. tract. 3. c. 2. 291
- 64 Tumor in ventriculo natus mali punici magnitudine, ægrum cum sæuissimis symptomatibus interficiens. Auenzoar lib. 1. Thei-zir. tract. 15. cap. 4. 292
- 65 Verruca ventriculi cum virium debilitate, & diuturna sanguinis profusione ægrum ad obitum perducens. Auenzoar lib. 1. Thei-zir. tract. 15. cap. 3. 293
- 66 Ventriculus vulturis ad debilem coctionem iuuantdam, strenuum auxilium. Oribasius lib. 14. collect. cap. 37. 495

- 67 Miua cydoniorum ad deiectionem appetentiam mirabilis. Galenus *lib. 2. de alimentor. facult. c. 23.* 302
- 68 Fames canina ob lumbricum. 12. cubitorum concitata, Hieræ beneficio sanata. Alexander Trallianus *lib. 7. sua medicina c. 4.* 303
- 69 Fames canina, copioso vini generosi potu curata. Galenus *lib. 2. aph. com. 21.* 306
- 70 Calus pituitosi quotidie omentis bilem. Galenus *lib. art. medicinal. c. 74. & lib. 2. acut. com. 29.* 309
- 71 Saturitas post transactam famem, nocentissima. Auicenna *3. 1. doct. 2. cap. 7. in princip.* 310
- 72 Siti enectorum historiz. Galenus *1. de caus. sympt. c. 7. ibid.*
- 73 Situs orta ex phlegmate falso, falsis cibis curata. Rhasis *lib. 1. 1. cont. tract. 1. cap.* 315
- 74 Meri potus sitim auget, non placat. Galenus *lib. 4. acut. 1.* 317
- 75 Singultus ex caliditate ortus, frigidis curatus. Traillanus *lib. 7. cap. 13.* ibid.
- 76 Alui fluxus ex debilitate vnius brachij subortus, auxilio corroborante persanatur. Auerrhoës *lib. 4. collig. cap. 45.* 318
- 77 Alui fluxus cerebrialis, sinapismo in capite adhibito, curatur. Rhasis *lib. 3. suorum Aphorismorum.* 319
- 78 Deiectionio nigra ab affante calore ortum ducens, non semper pessima. Actuarius *lib. de caus. vinar. c. 10.* Galenus *lib. de atra bile cap. 3. & lib. 4. Aphor. 2. 1.* 321
- 79 Alui fluxum Galeni prædicentis historia. Galenus *lib. 3. de diff. puls. cap. 3.* 323
- 80 Adstringentia in prima mensa sumpta aluum sistunt, in vltima aluum prouocant. Galenus *lib. 2. de alimentor. facult. cap. 22.* 324
- 81 Celer à mordicatione excretio inferiorum intestinorum dispositionem significat. Galenus *lib. 1. de loc. affectis. cap. 4.* 327
- 82 Alui fluxus, nec alia vacuatio in febribus tentanda, priusquam ventriculi læsionem, ac debilitatem auferamus. Galenus *lib. 1. ad Glaucon. cap. 13. in principio.* 328
- 83 Cæliaca commoda purgatione curata. Aëtius *tetrab. 2. serm. 1. cap. 37.* 330
- 84 Dysenteria ab intermissa vacuatione, aut ab asperitate annuli denorati concitata. Galenus *3. de caus. sympt. cap. 2. & 4. de articulis com. 40. & 3. de facult. nat. 4. Aëtius tetrab. 3. serm. 1. cap. 46.* 331
- 85 Dysenteria ex fordido vlcere concitata, clystere ex causticis parato persanatur. Rhasis *13. continent. tract. 3. cap. 2.* Galenus *lib. 4. de usu part. c. 17. in fin.* 333
- 86 Quidam cæpæ esu, & muria per clysterem iniecta, plurimos à dysenteria liberauit, alios interfecit. Galenus *lib. 12. meth. cap. 1.* 334
- 87 Quidam dolorem animosè ferentes, nullis applicitis lenientibus auxiliis viriliter emortui. Gal. *lib. 12. meth. cap. 1.* 335
- 88 Dysenteria cum tæbe, balneis, & refrigerantibus auxiliis, curata. Trallianus *lib. 8. cap. 9.* ibid.
- 89 Colicus dolor pestilens, ac contagiosus, frigidis curatus. Paulus *lib. 3. cap. 43.* 336
- 90 Colicus dolor ex vitiosis humoribus, curatur. Galenus *12. meth. cap. 7.* 343
- 91 Colicus dolor à mordacibus succis pronatus, Hieræ assumpta curatur. Galenus *1. de loc. affect. c. 4. præpe fin.* 344
- 92 Colico dolore quidam sæpè tentatus, accepto scammonio, vehementissimè ab eodem dolore postea vexatus, adstringentibus auxiliis, theriaca & aliis præsidis curatur. Galen. *12. meth. cap. 7. in fin.* 346
- 93 Colicus dolor à bile pronatus, frigida portione curatur. Galenus *12. meth. cap. 7. in fin.* 351
- 94 Colici doloris species rara, ex vitrea pituita suborta, perforantis doloris sensum inferens: & quomodo Galenus pro eo dignoscendo fuerit deceptus. Galenus *2. de loc. affect. cap. 3.* ibid.
- 95 Rusticus colico dolore correptus, alij esu sanatur. Galenus *12. meth. cap. ult.* 355
- 96 Stercus lupinum ad colici doloris præseruationem, & curationem vtilissimum. Galen. *lib. 10. de simpl. medic. facult. sit. stercus lupinum.* 356
- 97 Colicus dolor, clysteri, ex oleo, prius ruta, & aphronitro decocto, parato, curatur. Scribonius Largus *lib. de compos. medicamentor. composition. 118* 357
- 98 Dolor iliacus à gelidæ portione suboritur, calidis medicamentis, curatur. Auenzoar. *lib. 2. Theizir. tract. 1. cap. 2.* 358
- 99 Auriculæ muris succus, aduersus ascarides, celebre auxilium. Oribasius *lib. 1. Synopsis cap. 19.* 360
- 100 A lumbricis quidam exesi, & conuulsi interierunt. Paulus *lib. 4. cap. 33.* 261
- 101 Medicus Siculus plenitudo se affectum falso credens, iecoris vitio laborare à Galeno conuictus est. Galenus *lib. 5. de loc. affect. c. 7.* 362
- 102 Theagenes Cynicus inflammatione hepatis laborans, ab Attalo Medico relaxantibus medicamentis interfectus. Galen. *14. meth. cap. 15.* 363
- 103 Topica in iecoris vitis imponenda, roborantia esse oportet. Galenus *11. meth. cap. 16.* 366
- 104 Hepatis inflammatio pro colico dolore habita, copiosa phlebotomia, & refrigerantibus exhibitis curata. Rhasis *lib. de mirabilibus curis in medicinalibus libris repertis.* 367
- 105 Hepatis scirrhus exquisitus, lethalis. Galenus *2. ad Glaucon. cap. 5.* 371
- 106 Debilitatis, hepatis, ex tenui, & alba vrina, præcognitio. Gal. *lib. 1. prorrhetic. sect. 2. com. 17.* 372
- 107 Hepatis dolor, vnguento ex oleo nucum, & de vitellis ouerum facto persanatur. Auenzoar *lib. 1. Theizir. tract. 13. cap. 14.* 374
- 108 Abscessus musculorum hypochondrij cognitio. Galenus *5. de loc. affect. cap. 7.* 375
- 109 Murmur hypochondriorum, sero lactis mitescit. Galenus *lib. 5. aphorism. com. 64.* 376
- 110 Dextri hypochondrij dolor, cum paruitatem quandam iecoris tum meatuum angustiam ostendit. Galenus *lib. art. medicinal. cap. 70.* 377
- 111 Spleneticus, vrina sua epota sanatur. Auicenna *lib. 2. tract. 2. cap. 725. de vrina.* 378
- 112 Lienis scirrhus, purgatione, & aliis auxiliis curatur. Trallianus *lib. 8. cap. 13. in initio.* 379
- 113 Morbus regius citra naturalium viscerum affectum, sæpè generatur. Galenus *lib. 5. de loc. affect. cap. ult.* 381
- 114 Vrina passæ auriginosi morbi est indicium. Actuarius *lib. de præuidentis vinarum cap. 8.* 385
- 115 Morbus regius sola purgatione sæpè sanatur. Galenus *1. de facult. naturalib. cap. 13. prope finem. & lib. de purgant. medic. facult. cap. 5.* 387
- 116 Hydrops ex consueta menstrua, vel hæmorrhoidali vacuatione suppressa, vel nimium excurrente, sæpè subortus. Galenus *lib. de ven. sect. aduersus Erasistratum cap. 6. in fine. & 6. epid. sect. 1. comm. 29.* 392
- 117 Hydrops victu attenuante, & aliis auxiliis curatus. Rhasis *1. cont. tract. 19. cap. 2.* 394
- 118 Hydrops, venæsectione sæpè curatur. Galenus *lib. de ven. sect. aduersus Erasistratum cap. 5.* 397
- 119 Hydrops ex frigida potu subortus, medicamento diacurcuma dicto, persanatur. Rhasis *lib. 1. cont. tract. 19. cap. 1.* 399
- 120 Hydrops, laureolæ vi, persanatur. Rhasis *lib. 1. continem. tract. 19. cap. 1.* 400
- 121 Ex Orthopnæa, hydrops. Aëtius *tetrab. 3. serm. 2. cap. 20.* 401
- 122 Hydrops, frigidis auxiliis sæpè curatur. Auicenna *14. 3. tract. 4. c. 13. iuxta finem.* 404
- 123 Hydropica pluribus auxiliis non leuata, expulsa per vuluam copiosa aqua, conualuit. Rhasis *lib. de mirabil. curis in med.* 405

HISTORIÆ LIBRI III.

De uteri, genitalium, & inferiorum partium affectibus.

PRÆFATIO.

439

HIST. F. OEmina extenuatissima, diuturna menstrui PRIMA. F. suppressione laborans, copiosissima sanguinis missione curata. Galenus lib. 6. epid. sect. 3. com. 29. 440

2 Fœmina retentione menstrui laborans, neglecta phlebotomia, ob Erasistratorum incuriam, difficultate spirandi oborta, interiit. Galenus lib. de ven. sect. aduers. Erasistratores cap. 1. 445

3 Fœmina ex retento menstruo febricitans, spreta phlebotomia, hemorrhagia sanatur. Gal. lib. de ven. sect. aduers. Erasistratores c. 1 447

4 Fœminæ aqua frigidissima ex niue hausta, menstrui retentione laborantes, vena secta ruro curantur. Gal. lib. de ven. sect. aduers. Erasistr. c. 3. in med. 449

5 Fœmina, menstrui violenter adstringentium vi re- tentis, in grauissima damna & mortem incurrit. Actuarius lib. de præidentius vrinarum. c. 12. 454

6 Vterus extra prolapsus, putrefactus, & citra pericu- lum totus ferè abscissus. Rhafius lib. de mirabilibus curis. 464

7 Mulier sine utero diu vivere potest. Auenzoar. lib. 2. Theizir. tract. 5. cap. 4. Paul. lib. 6. cap. 88. & lib. 3. cap. 72. Aëtius tetrab. ferm. 4. cap. 76. 465

8 Caro in orificio uteri quandoque adnascitur, vt virile pudendum mentiatur. Albucasis lib. 2. c. 71. 466

9 Uteri strangulatio & alia symptomata sæuissima in fœminis & viris, ex Veneris abstinencia sequun- tur. Galenus lib. 6. de loc. affect. c. 5. in med. & lib. 2. de ferm. c. 1. 468

10 Ad corrosionem matricis mors subsequuta, Auen- zoar. lib. 2. Theizir. tract. 5. c. 3. 478

11 A desperato uteri profluvio, mulier Galeni opera, li- beratur. Galenus lib. de præcognit. ad Posthumum, cap. 7. 479

12 Fœmina inuenta imaginatione formosum puerum de- pictū inuita, in concubitu non patri, sed picto si- milem peperit. Gal. lib. de theriac. ad Pison. c. 14. 486

13 Fœmina utero gerens, sanguine misso ex vena non semper abortit. Galen. lib. 3. epid. sect. 2. com. 8. 488

14 Grauida per errorem cathartico expurgata, citra fœ- tus, vel matris incommodum feliciter peperit. Auenzoar. lib. 2. Theizir. tract. 3. c. 1. 499

15 Mola sanguinea prouocantibus menstrua expellitur, Aëtius tetrab. 4. ferm. 4. c. 80. 507

16 Sterilitas præ calore eueniens, frigidorum vsu perla- natur. Auenzoar. lib. 2. Theizir. tra. 3. c. 1 508

17 Fœtus mortuus, & putridus aliquandiu gestatus, & putrescente utero, circa vmbilicum tumorem ex- citans, ex quo sponte, vel arte suppurato putridus fœtus cum ossibus est exemptus, & consolidato vlcere, mulier absque sterilitatis noxa conualuit. Albucasis lib. 2. c. 76. 512

18 In coitu non semen, sed ventris crepitus aliquando excernitur. Aëtius tetrab. 3. ferm. 3. cap. vlt. 515

19 In coitu semine destituti ob gonorrhæam in somno, Aëtius tetrab. 3. ferm. 3. c. vlt. 518

20 Coitus assiduus, camphoræ vsu minuitur. Rhafius lib. 24. continent. tract. 3. c. 1. 521

21 Colis palpitatio carminantibus auxiliis curata. Galen. lib. 6. de loc. affect. c. vlt. 525

22 Priapismo laborantes, vena secta, & frigidis impositis lumbis, persanantur. Gal. lib. 6. de loc. affect. c. vlt. & lib. 14. meth. cap. 7. 526

23 Ex priapismo senex quidam, veretrum, cornu instar, intensum aliquot mensibus sustinuit, nihil profi- cientibus medicamentis. Cælius Aurelianus lib. 3. 526

- 124 Hydropis species rara, à Græcis, aliisque omnium ætatum Medicis, Aretæo excepto, incognita. Aretæus lib. 2. de signis, & causis diuturnar. morbor. cap. 1. 406
- 125 Hydropicus sibi indulgens, vrina sua epota interiit. Cellus lib. 3. cap. 1. 407
- 126 Lumborum dolor cum febris nocturna à melancholico humore suppressio pronata, excreta vrina nigra cessant. Rhafius in lib. de mirabilibus curis. ibid.
- 127 Renum dolor, cum vrina nigra, à frigiditate sub- ortus, calidis curatus. Actuarius lib. 1. de causis vri- nar. cap. 13. 410
- 128 Renum calculus, Balsami ope, excretus. Auenzoar lib. 2. Theizir. tract. 2. c. 7. 411
- 129 Ad lapidem renum, passerculus Trogloditicus, re- medium laudatissimum. Aëtius tetrab. 3. ser. 3. c. 11. Trallianus lib. 9. cap. 3. 414
- 130 Vlceris vesicæ dolor, opiatu lenitus. Rhafius. 23. continent. tract. 3. cap. 1. ibid.
- 131 Dolor ex vlcere vesicæ exortus, ouis crudis recentibus mitigatus. Trallianus lib. 9. cap. 5. 416
- 132 Vrinæ nigræ interdum mortiferæ, aliquando salu- briter, & criticè excretæ. Actuarius lib. 1. de indi- ciis vrinar. c. 20. Galenus lib. 3. epid. sect. 3. com. 73. ibid.
- 133 Vrina alba, in delirantibus lethalis. Galenus lib. 4. aph. com. 72. 417
- 134 Pilorum in vrina generationis descriptio, causa, cu- ratio. Galenus lib. 4. aph. 76. 418
- 135 Trichialis renum, qua cum vrina pili excernuntur, Actuarius lib. 3. de caus. vrinar. c. 21. 419
- 136 Vrina oleosa, interdum crisis ratione excernitur. Ga- lenus lib. 3. epid. sect. 3. com. 74. 420
- 137 Diabetes, rarus affectus, bis à Galeno visus. ibid.
- 138 Diabetes refrigerantibus supra dorsum adhibitis mitigatur. Rhafius 23. continent. tract. 2. c. 3. 422
- 139 Mictus sanguinis à nimia meri potione subortus, phlebotomia curatus. Rhafius in lib. de mirabilibus curis. 423
- 140 Saniosam vrinam expellens quidam mundificantibus, & abstergentibus curatur. Rhafius in lib. de mi- rabilibus curis. 424
- 141 Verræ carunculæ per vrinam excretæ nunquam à Ga- leno visæ. Galenus lib. 4. aph. com. 76. 425
- 142 Vrinæ incontinentia, enematis, & aliis adstringen- tibus auxiliis curata. Rhafius lib. 23. continent. tract. 2. cap. 1. 427
- 143 Vrinæ incontinentia ex luxatione externa vertebra- rum, suborta. Galenus lib. 6. de loc. affectis cap. 4. ibid.
- 144 Vrinæ difficultas ex siccitate glandularum vesicæ ad- iacentium natæ humectantibus internis, & exter- nis persanata. Galenus 14. de vsu parti. cap. 11. 428
- 145 Vrinæ suppressio ex grumo, eo extracto æger vri- nam mixit. Galenus lib. 6. de loc. affect. cap. 4. 431
- 146 Ex torpido vesicæ sensu, vrinæ suppressio contingit. Galenus lib. 6. de loc. affect. c. 4. 432
- 147 Vrinæ, & alni excrementa quibusdam inuitè flue- bant. Galenus lib. 4. de loc. affect. c. 5. 433
- 148 Ex concreto pure, aut lapide, vrina supprimitur. Galenus lib. 6. de loc. affect. c. 4. ibid.
- 149 Vrinæ retentionis, ex perinæi inflammatione sub- ortæ curatio. Galenus lib. 1. de loc. affect. cap. 1. 434
- 150 Vrinæ suppressio ex vesicæ inflammatione ortum ducens, curata inflammatione cessauit. Galenus lib. 6. de loc. affect. c. 4. ibid.
- 151 Vrinæ suppressio ex lapide in virgæ extremitate im- pacto, glandis incisione curatur. Galenus in lib. de ren. dignos. & medic. c. 3. Aëtius tetrab. 3. ferm. 3. c. 4. 436



- 24 *acut. passion. cap. 18.* 528  
 24 Gonorrhæa nocturna Balneo persanata. Rhasius lib. 24. continent. tract. 3. cap. 1. Galenus lib. 6. de sanit. tuend. cap. 15. 530  
 25 Fœmina herpete in malleolo laborans topicis auxiliis exacerbata, purgatione tandem adhibita conualefcit. Galenus lib. 4. meth. cap. 17. 535  
 26 Testiculorum inflammatio vomitu curata. Rhasius lib. 24. continent. tract. 3. cap. 1. 536  
 27 Sphincteris resolutio curatur, obquam alui excrementa inuitè fluebant. Aëtius tetrab. 2. serm. 1. c. 36. 544  
 28 Ischiadicus dolor tempestiuo enematum acrium vsu, & linapismo excitato, persanatur. Rhasius lib. de mirabilib. curis. 548  
 29 Vstio Ischiadicis salutaris. Aëtius tetrab. 3. serm. 4. c. 3. 560  
 30 Anchæ dolor, clysteri ex muria parato, curatur. Rhasius in lib. de mirabilib. curis. 562  
 31 Coxendicis dolor, colocynthidis vsu curatur. Rhasius lib. de mirabilib. curis. 564  
 32 Coxendicis dolor à sanguine ortus, vena secta, curatur. Galenus lib. de curand. rat. per sang. mis. cap. 18. in fin. Rhasius 26. continent. tract. 1. cap. 2. 569  
 33 Genu tumor antiquus, emplastro ex stercore caprino parato curatur. Aëtius. tetrab. 1. serm. 2. cap. 94. 570  
 34 Genuum dolor antiquus, acuto enemate, & prouocantibus vrinam persanatur. Rhasius lib. 24. contin. tract. 1. cap. 2. 572  
 35 Genu rigor, ex frigore natus, caustico medicamento curatur. Galenus lib. 3. de compos. medicam. sec. gener. c. 2. post princip. 576  
 36 Dolore articulorum laborantes quidam, ossium humanorum puluere assumpto curantur. Gal. lib. 11. simpl. tit. de ossibus. 578  
 37 Articulorum tophi, caseo acri in cruris suilli salis decocto macerato, discussi. Galenus lib. 10. simpl. c. 9. de Caseo. 579  
 38 Antidorum, ad curandum, & præseruandum à tophis præstantissimum Trallian. lib. 11. cap. 1. 582  
 39 Quidam gracili corpore præditus, calidissimis medicamentis ab Empiricis siccatus, & in vehementissimos dolores, & tophos incidens, Galeni industria liberatur. Galenus lib. 6. de sanit. tuend. cap. 11. 584  
 40 Podagricus mediocriter incedens, Medici imperitia, medicamento applicito, in totum sine motu remansit. Galen. lib. 1. simpl. 27. 584  
 41 Arthriticus, hermodactylorum ope, curatur. Paulus lib. 7. cap. 78. rubric. 2. ibid.  
 42 Femoris tumor durus, ex erysipelate malè curato ortus, emollientibus, & resoluentibus, curatus Gal. lib. 2. ad Glaucon. cap. 4. 585  
 43 Pedum œdema, salis fomento, curatum. Trallianus lib. 11. cap. 1. 587  
 44 Podagricus, frigido balneo, leuatus. Aëtius tetrab. 3. serm. 4. c. 28. tit. de his qui ob bilis influxum laborant. 589  
 45 Podagricus, opiatas applicitis, curatur. Aëtius tetrab. serm. 4. cap. 28. eodem titulo. ibid.  
 46 Asininum lac ad Arthritidis præseruationem vtilissimum. Celsus lib. 4. cap. 24. 590  
 47 Quidam abstinencia vini & veneris, in perpetuum à cruciatu arthritico præseruati. Celsus loc. nuper citato. 591  
 48 Podagrici, annuis vacationibus, & attenuante victu præseruati, Rhasius lib. 26. continen. tract. 1. cap. 2. Galenus lib. de curand. rat. per sang. mis. cap. 7. & lib. 6. aph. 47. & lib. de attenuanti. vict. rat. cap. 1. 592

## HISTORIÆ LIBRI IV.

De febrium essentia, differentiis, causis, signis, prognost. & curatione.

### PROOEMIUM.

597

- HIST. **D**iaris febri ex ebrietate orta, aquæ frigida PRIMA. potu sanata. Corn. Celsus in præfat. ad libros suos de re medica circa finem. 598  
 2 Diariz ex meatuum constipatione curatio, & historia illustris, contra Diatritarios. Galenus lib. 8. meth. c. 2. in med. & lib. de causis procatarcticus c. 1. 601  
 3 Premigenes Mitylæneus à balneo abstinens, febricitabat. Gal. lib. 5. de sanit. tuend. cap. 11. in med. 605  
 4 In calidis naturis exercitij intermissio, febrem accendit. Gal. lib. 5. de sanit. tuend. cap. 11. 610  
 5 Diariz febris, ex motu, & exercitio subortæ; balnei ope curatio. Gal. lib. de caus. procatarct. c. 1. post. anst. 615  
 6 Casus febricitis ex copiosa cœna. Gal. lib. 8. meth. c. 6. 618  
 7 Galenus ex lassitudine in diariam febrem incurrit. Gal. lib. 5. de sanit. tuend. cap. 1. 624  
 8 Synochus imputris, sola sanguinis missione vsque ad animi deliquiū persanatur. Gal. lib. 1. meth. c. 4. 627  
 9 Synochus putris venæ sectione vsque ad animi deliquium curatur. Gal. lib. 9. meth. cap. 4. 635  
 10 Causus in corpore calido sicco assumpto cibo in accessione, contra Diatritariorum errorem, à Galeno curatur. Galen. lib. 10. meth. cap. 3. & lib. de caus. procatarct. cap. 1. in initio. 659  
 11 Febris ardens, gelidæ potu sanatur. Gal. lib. 10. meth. cap. 5. Rhasius lib. 3. continent. tract. 1. cap. 2. 663  
 12 Febris ardens, purgatione sanata. Trallian. lib. 12. c. 3. 667  
 13 Galenus, acutam, putridamque febrem ex fugacium fructuum vsu expertus, vena secta curatur. Galen. lib. de succor. bonis. & vitio. c. 2. in fin. & lib. de tremor. rigor. & palpit. cap. 7. in fin. 670  
 14 Valida febris, materia noxia ad actus transmissa, sanatur. Auerrhoës lib. 7. collig. cap. 31. 672  
 15 Febris ardens vigente bruma, citra coctionem, & viribus infirmis, lethalis. Aëtius tetrab. 2. serm. 1. c. 78. 674  
 16 Causo correptus, expulso humore ad partes extremas, sanatur, facta tamen deinceps phlebotomia intèpestiua, emoritur. Rhasius in lib. de mirabil. curat. 684  
 17 Febris ardens ex humore turgenti originem ducens phlebotomiæ ope curatur. Rhasius in lib. de mirabilib. curis. ibid.  
 18 Puer mero epoto acutè febricitans, suborto delirio, & vigiliis interiit. Gal. lib. 2. de loc. affect. c. ult. 687  
 19 Quidam ob copiosum vini potū, alij ob salsoresum, æstū, exercitium, irā, vigilias, in causū inciderūt. Gal. lib. 4. de ratione victus in morbis acutis com. 4. 691  
 20 Quibus artibus Cyrillum Boëthii filium, clam cibum sumere deprehenderit Galenus in febre. Galen. lib. de præcognit. ad. Posth. c. 7. ibid.  
 21 Recidivæ febris præcognitio, & illius per sudorē diffusus, historia. Gal. lib. de præcog. ad Posth. c. 10. 692  
 22 Rigor sine febri à crassis eduliis subortus, medicamentorum calefacientium ope sublatus. Galen. lib. de tremore palpit. convuls. & rigore. c. 7. 693  
 23 Febris exacerbatio, balneis naturalibus curata. Oribasi. lib. 20. collectaneor. c. 5. de aquis sp̄cie nascentibus. 699  
 24 Febris ardentis accessio suco peponum curata. Trallianus. lib. 12. cap. 6. 701  
 25 Annua tertiana solā præcautoria purgatione, sanata. Gal. lib. 1. aphor. 47. ibid.  
 26 Exemplum illustre serui exquisita tertiana laborantis, frigido & humido victu contra aliorum opinionem persanati. Trallianus lib. 12. cap. 6. 704  
 27 Febris tertianæ memorabile exemplum. Galen. lib. 1. ad Glaucon. cap. 8. 707

- 28 Historia adolescentis triplici tertiana laborantis. Galenus lib. 2. de crisi- bus, cap. 9. 712
- 29 Exquisita semitertianæ historia celebris. Galen. lib. 2. de crisi- bus, cap. 9. 714
- 30 Semitertiana maligna, & diuturna, pristana, & aliis commodis auxiliis sanata. Rhafis in lib. de mirabilib. curis, quas ipse expertus est. 717
- 31 A quotidiana, calidæ & siccæ temperaturæ sunt immunes. Galenus lib. 1. ad Glanc. cap. 7. 718
- 32 Quartana, purgatione curata. Trallianus lib. 12. cap. 8. tit. de vomitu. 722
- 33 Quartanam theriaca sanat. Galenus lib. de Theriaca ad Pisonem. 724
- 34 Admirandum Galeni circa duplicem quartanam præ- sagium. Galen. lib. 2. de præcognit. ad Posthum. c. 2. 728
- 35 Quo pacto Galenus, Eudemi curatione suscepta, præ- dixerit quo die è tribus quartanis liberaretur. Ga- len. lib. de præcognit. ad Posthum. cap. 4. & lib. 1. ad Glanc. cap. 11. 729
- 36 Quartana ex liene suborta, ferè lethalis. Galenus lib. 1. epid. sect. 3. com. 4. 731
- 37 Quintana febris sæpe animaduersa. Auicenna 1. 4 tract. 2. cap. 68. 732
- 38 Febris typhica gelidæ potu sanata. Aëtius tetrab. 2. ferm. 1. c. 89. de typhica hoc est, de ignis sacri circa vi- scera affectione. ibid.
- 39 Quidam febris syncopali laborans, nimia frictione, & tenuissima victus ratione vsus, resolutus interiit. Trallianus lib. 12. c. 3. titulo de iis qui syncope peri- clitantur. 734
- 40 Ex inflammationibus internis diuturnis, febris hectica generatur. Galenus lib. 1. de diff. febr. cap. 9. in fine 736.
- 41 Hectica febris ex balneis naturalibus intempestiue applicitis, concitata. Galenus lib. 1. ad. Glanc. cap. 9. 738
- 42 Extenuatio tabifica ex intempestiuo theriacæ vsu ad- aucta, mortem inducens. Galenus lib. 1. de theriaca ad Pisonem, cap. 17. 740
- 43 Hecticæ febris cum putrida complicatio possibilis. Galenus lib. 10. meth. c. 5. in med. & lib. 1. feb. c. 10. 741
- 44 Quidam marasmo laborans, lacte, balneo, & aliis hu- mectantibus auxiliis, Galeni ope restitutus. Galen. lib. 7. meth. cap. 6. 743
- 45 Hectica senectutis iuuenis laborans, medicinæ auxilio, vitam in longum tempus produxit. Galen. lib. 10. meth. cap. 10. prope finem. 748
- 46 Pestis horribilis. Galenus lib. 3. de usu part. cap. 3. 753
- 47 Galenus peste sæua affectus, cæterique omnes illius exemplo, cruribus scarificatis, ab ipsa euaserunt. Galenus lib. de cucurbitul. & scarification. &c. c. 20. 756
- 48 Iuuenis phlegmone pestifero correptus, phleboro- miz, purgationis, & antidotorum ope liberatur. Auenzoar lib. 3. Theizir, tract. 3. cap. 1. 759
- 49 Theriacæ ad pestis tum præseruationem, tum cura- tionem vis mirabilis. Galen. lib. de theriac. ad Piso- nem cap. 16. 763
- 50 Armeniacæ terræ ad pestem vis mirabilis. Galen. lib. 9. simpl. tit. de terra Samia. 775
- 51 Febris maligna, signis maleficentissimis comitata, sex- to die interficiens. Aëtius lib. 1. de præuidentis urinarum, cap. 14. 778
- 52 Auenzoar correptus variolis, assumpto melle, & exa- cerbato morbo, naturæ tamen beneficio à morte euasit. Auenzoar lib. 2. Theizir, tract. 7. cap. 3. 780
- 53 Variolis correpti licet in initio videantur melius ha- bere, in declinatione tamen sæpissimè pereunt. Rhafis lib. 30. cont. tract. 13. cap. 1. 780
- 54 Variolarum symptomatibus oppressus quidam in de- clinatione, leui assumpta purgatione curatur. Rha- fius lib. de mirabilib. curis prope finem. 786

# HISTORIÆ LIBRI V

## De venenis, morbis venenosis, & antidotis.

### PROOEMIUM.

pag. 787

- HIST. **V**IPERA ictus, si partem commorsam abscede- rit, aut ligauerit, sanus euadet. Galenus lib. 3. de loc. affect. cap. 8. 788
- 2 Stercus caprinum ad viperæ morsum, auxilium cele- berrimum. Aëtius tetrab. 1. ferm. 2. c. 94. de stercore caprino. 792
- 3 Serpentinum quorundam perniciosissimum venenum. Galenus lib. de theriaca ad Pison. c. 5. 796
- 4 Ab scorpione ictus, frigidum exudans, debitis auxiliis difficulter tamen curatur. Galenus lib. 3. de loc. af- fect. cap. 7. 800
- 5 Qui tetigerit Basiliscum emoritur. Auicenna 6. 4. tract. 3. cap. 22. de morsu Basilisci. 804
- 6 Puer ab aspide ictus, aceto superbibito, liberatur. Cor- nelius Celsus lib. 3. cap. de Aspidis ictu. 807
- 7 Aspidum venenum celeriter interficit, quod illustri Cleopatrz Reginæ exemplo comprobatur. Gale- nus lib. de theriac. ad Pison. c. 8. 810
- 8 Ictus scorpæ marinz virulentus, eiusque curatio. Alzaharaius tract. 30. sect. 2. c. 21. 823
- 9 Cantharidum noxia vis, ex quarum assumptione, plu- res emortui. Galenus lib. 4. de rat. vict. in morb. acut. com. 122. 835
- 10 Ictus ab apibus, cinere superposito curatus. Alzahara- uius lib. 29. pract. sect. 2. cap. 29. 836
- 11 Ex Coturnicum esu, conuulsio frequenter generatur. Galenus lib. 6. epid. sect. 5. com. 35. 838
- 12 Sarricis clamidem scissam rabidis moribus lamben- tis, & rabidæ factæ, stupendum, & memorabile exemplum. Cælius Aurel. lib. 3. acut. morb. c. 9. 840
- 13 Aquæ timor, inseparabile est rabiosorum symptoma. Rhafis lib. 20. continet. cap. 2. 842
- 14 In vrina rabientium, corpusculum catulis similia con- spiciuntur. Alzaharaius tract. 30. pract. sect. 2. cap. 30. 844
- 15 Philosophus rabiens, generosè citra timorem bibens, seruatus est. Aëtius tetrab. 2. ferm. 2. c. 24. ibid.
- 16 Ex hydrophobia, alij moriuntur, alij euadunt. Galenus lib. 1. prorrhetic. sect. 2. com. 17. & lib. de sectis ad eos qui introducuntur, cap. 15. 845
- 17 Præter canem alia animalia in rabiem aguntur. Auen- zoar. lib. 9. Theizir, tract. 9. c. 16. 846
- 18 Auxilium ad rabiem præstantissimum, cuius vsu nemo mortuus est. Aëtius tetrab. 2. ferm. 2. c. 24. Galenus lib. 11. de simplic. medicament. facult. tit. de cancri vitiis. 847
- 19 Theriaca tam foris vlceribus illita, quàm intrus assum- pta, rabiosos valentissimè curat. Galenus lib. de theriac. ad Pison. c. 19. 848
- 20 Humor aliquando in corpore progignitur, veneno ra- bientum canum simillimus. Galenus lib. 1. prorrhetic. sect. 2. com. 17. ibid.
- 21 Mellis venenati esu quidam emortui. Galenus lib. 10. de simpl. medicament. facult. rubrica 1. aduersus Xe- nocratem. 864
- 22 Lolij malefica vis. Galenus lib. 1. de aliment. facultatib. cap. vlt. 871
- 23 Syncops, & alia grauissima symptomata ex esu fungo- rum suborta, eorumque curatio, Aëtius tetrab. 1. ferm. 2. cap. 98. 772
- 24 Venena nutrire queunt, quod anus Atheniensis, & puellæ nutritæ veneno historiis comprobatur. Ga- lenus lib. 3. de simpl. medicament. facult. c. 18. Aui- cenna 6. 4. tract. 1. c. 2. 873
- 25 Dacorum, & Dalmatarum, elleboro tela venenantium sagacitas. Galenus lib. de theriac. ad. Pison. cap. 10. 874

- 26 Mithridates Rex assuetus assumere Antidotum Mithridaticum, à veneno vel violentissimo interfici non potuit, quo hausto plures interiere. Galenus. *lib. de theriac. ad Pison. cap. 16. in fin.* — *ibid.*
- 27 Aduersus venenum lacertæ, theriaca est admirabile auxilium. Auenzoar *lib. 2. Theizir, tract. 7. cap. 10.* 875
- 28 Opium extra appositum interficit. Auicenna *16. 3 tract. 1. cap. 4.* 898
- 29 Morbus Regius ex viperæ morfu, aut alio veneno contractus, Belzaarticiis medicamentis curatus. Galenus *lib. 5. de loc. affect. c. 7.* Aueuzoar *lib. 1. Theizir tract. 13. cap. 16.* *ibid.*
- 30 Dysenteria venenosa, smaragdò supra ventrem imposita, curatur. Auenzoar *lib. 1. Theizir, tract. 2. cap. 5.* 901
- 31 Plurima experientia ad theriacæ compositionem est necessaria, quod egregio exemplo comprobatur. Galenus. *lib. 1. de antidot. cap. 7. & 8.* 902
- 32 Salua humana aduersus mortiferos animalium ictus, præsentaneum est auxilium. Galenus *lib. 10. simpl. cap. 16. de salua.* *ibid.*
- VLT. Venenum à Medico, nullo modo propinandum, vel indicandum, quod illustri exemplo comprobatur. Auenzoar *lib. 1. Theizir, tract. 2. cap. 5.* Galenus *lib. de caus. procatart. cap. ult. in med.* 903

## HISTORIÆ LIBRI VI.

- HIST. A Belephantiasi, quidam fortuito, alij obvi-  
PRIMA. perarum, & remediorum vim, arte curati.  
Galenus *lib. 11. simpl. cap. 1. & lib. 6. apb. com.* 47.  
907
- 2 Abelephantiasi, musto viperino largissimè sumpto quidam mirabiliter conualuit. Aretæus *lib. 2. de signis & causis diuturn. morb. cap. ult.* 912
- 3 Morbus nouus, caro ex naturalibus partibus prolapsa

- Cornelius Celsus *in præfat. post med.* 919
- 4 Sceleti doctrina, Medico est valde necessaria. Galenus *lib. 1. de anatomicis administrationib. cap. 2.* 921
- 5 Flatus furiosi historia mira. Albucasis *lib. 2. cap. 93.* 946
- 6 Ex nimio tritici cocti esu sæua symptomata sequuntur. Galenus *lib. 1. de alim. facult. cap. 7.* 947
- 7 Corporis obesitas, victu extenuante, frictione, exercitio, & alijs auxilijs perianatur. Galenus *14. meth. cap. 15. & lib. 6. de sanit. tuend. cap. 8.* Rasiu *lib. 14. contin. tract. 3. cap. 2. de cura ingrossationis.* 948
- 8 Mannæ, seu mellis aerei historia elegans. Galenus *lib. 3. de aliment. facult. cap. 39.* 949
- 9 Vita in æternum propagari non potest. Galenus *lib. de Marcote, cap. 2.* 952
- 10 Hominis irati correctio. Galenus *lib. de dignoscendis curandisque animi morbis, cap. 4.* 953
- 11 Medicamenti, clam assumpti præcognitio. Galenus *lib. 1. de præsagijs ex pulsibus cap. 1. in fin.* *ibid.*
- 12 Extremè refrigeratus, vini poru sanatus. Galenus *lib. 3. de simpl. medicament. facult. cap. 20.* 954
- 13 Vinum seni cuidam ægrotanti in gratiam exhibitum. Galenus *lib. 3. de rat. vict. in morbis acutis cap. 20.* 955
- 14 Caro suilla humanæ carni simillima. Galenus *lib. 10. de simpl. medicament. facult. sit. de sanguine suillo.* 957
- 15 Lutum Ægyptiacum plurimis morbis vtilissimum. Aëtius *tetrab. 1. ferm. 2. cap. 3.* *ibid.*
- 16 Mel quibusdam noxium, alijs salutare alimentum. Galenus *lib. 1. de alimentor. facult. cap. 1. post med.* 958
- 17 Quidam lac perpetuò esitans longæuam vitam produxit, alius hunc imitatus perpetuò grauabatur. Galenus *lib. 5. de sanit. tuend. cap. 7.* 961
- 18 Quidam morbo calido correptus, frigida inassuetus compellentibus Medicis, epota ipla interiit. Galenus *lib. de consuetudine cap. 1. in med.* 963
- 19 Septimus dies omnium criticorum maximus. Galenus *lib. 2. de dieb. decretor. cap. 7.* 967







# INDEX

## QVÆSTIONVM

### LIBRI PRIMI.

QVÆST.  
PRIMA.



Vōd pilularum vsus à Græcis,  
& non ab Arabibus sit inuen-  
tus. Contra Mercurialem do-  
ctissimum. pag. 3

2 Quodd in morborum cura-  
tione, remedium immu-  
tatio sit ex vsu. 4

3 Quodd hircines non solum sanguinem cutaneum  
trahant, sed ex profundis corporis partibus peccan-  
tem humorem educant, vt voluit Auic. Contra  
Menam, Mercurialem, Augem. & communem Me-  
dicorum sententiam. 5

4 Quodd antiqui venis hæmorrhoidalibus hircines  
imposuerint. Contra communem Medic. senten-  
tiam. 7

5 Quodd vini odor, nec cerebro, nec nervis nocere  
possit, vt voluit Horatius Flaccus. 9

6 Quodd aqua pluuialis ad conseruandam sanitatem, cæ-  
terisq; medicamentoſis vsus sit purissima fonta-  
na præstantior. Contra communem Medicorum  
sententiam. 12

7 Quodd ad syncopen vsque sanguis sit aliquando emit-  
tendus, vt voluit Auic. Contra Ludouicum Lemo-  
sium doctissimum. 15

8 Quodd odor nutriet. Contra Aristotelem. 17

9 Quodd spiritus vera nutritione, aëre, aut odoribus nu-  
triantur, vt cum Gal. voluit Auic. Contra Genti-  
lem Medicum acutissimum. 18

10 Quodd odor spiritus solum, & non solida membra nu-  
trire possit. Contra Manard. & Ioannem Brauum  
Petrasit. doctissimos. ibid.

11 Quodd in omni phrenitide vena sit secanda. Contra  
Gentilem, Harculanum, & Eustachium Medicos  
doctissimos. 22

12 Quodd præter humoris copiam mala qualitas, epilep-  
siæ causa non sit statuenda. Contra Fernel. &  
alios Medicos doctissimos. 30

13 Quodd smaragdus optimum sit contra epilepsiam, ven-  
enosoſq; morbos auxilium. Contra Mundel-  
lam, & Ioannem Gallego de la Serna Medicos  
præstantissimos. 38

14 Quodd sanguis humanus ad curandos morbos sit ex  
vsu. Contra Ioannem Rodericum eruditissimum. 41

15 Quodd Hip. Galenique sententia eadem sit cum  
Auic. opinione, quodd medicamenta purgantia si-  
militudine substantiæ humores attrahant. Contra  
communem Medicorum sententiam. 42

16 Quodd theriaca epilepsia correptos iuuat, & sanos ab  
ea præseruare possit. Contra Paschaliū. 47

17 Quodd recens theriaca stupefaciat. Contra Gentilem  
acutissimum. 48

18 Quodd suilla caro calida sit & humida. Contra Ishac,  
& Petrum Hispanum eius fidissimum interpretem. 54

19 Quodd saxatiles pisces ægrotantibus concedi pos-  
sint. Contra Rouſſeum, & Conciliarorem do-  
ctissimos. 55

20 Quodd quintana febris non sit pessima omnium.  
Contra Vegam, & Brauum Petrasit. Medicos exi-  
mios. 57

21 Quodd in grauidis è talo sit sanguis aliquando emit-  
tendus. Contra communem Medicorum senten-  
tiam. 59

22 Quodd primus omnium Hipp. sanguinis missionem  
in grauidis exercuerit. Contra communem malè  
hactenus de eo conceptam Medicorum opinio-  
nem. 61

23 Quodd febris pro morborum curatione sit aliquando  
excitanda. Contra Fuchſ. Mercat. & Ambrosium  
Nunnium Medicos præstantissimos. 66

24 Quodd aurum cardiacum sit. Contra Manard. & pro-  
leuanda melancholia inter alimenta sit decoquen-  
dum. Contra Musam, Picum Mirandul. Cardan.  
Plater. & Brauum. Petrasit. eruditissimos. 68

25 Quodd lapis Belzaar calidus sit, & humidus: & ad-  
uersus melancholiam, putridas, venenatasque fe-  
bres sit turissimum alexipharmacum, vt voluit  
Arabes. Contra Lupeum, Augem, & Saxoniam  
Medicos probatissimos. 71

26 Quodd in affusione gelidæ pro tetani curatione Hip-  
& Paul. sint concordēs. Contra Cardanum, Co-  
stam, & Lupeum Medicos doctissimos. 88

27 Quodd saluarellæ lectio in affectibus oculorum, je-  
coris & lienis sit exercenda. Contra Menam, Sil-  
uaticum, Augem, & Columbum. Et quare  
tanopere proſit. Contra Vallesium, & Veigam  
Medicos insignes. 90

28 Quodd vitellus oui ad caliditatem declinet. Contra  
Mathiol. Acakiam, & Amatū Medicos probatissi-  
mos. 99

29 Quodd opium incorrectum possit aliquando in po-  
tum exhiberi. Contra communem Medicorum  
sententiam. 101

30 Quodd sanguinis missio ex Auic. mente cholerico-  
rum ebullitionem facere possit. Contra Fernel. Iac-  
chin. & alios doctissimos Medicos. 108

31 Quodd purgatio ex Gal. mente in febribus sit cele-  
branda. Contra Thomam à Veiga Medicum insi-  
gnem. 109

32 Quodd expurgantia in phrenitidis medela sint ex  
vsu. Contra Gentilem, & Matthæum Peritum  
Medicos eximios. 111

33 Quodd sanguinis è naribus fluxus morbos iudicare  
possit: & quare hic rubidus semper appareat. Con-  
tra Fernel. Medicum insignem. 114

34 Quodd ad crism per sanguinis fluxum necessaria sit  
concoctio. 115

35 Quodd morbus Gallicus vetustissimum sit morbi ge-  
nus. Contra Manardum, Peredam, & communem  
ferè Medicorum sententiam. 125

36 Quodd morbus Gallicus ab immodico Veneris vsu  
oriri possit. Contra communem Medicorum sen-  
tentiam. 126

37 Quodd ante sudorifica auxilia calor natius sit at-  
temperandus. 127

38 Quodd bubo Gallicus non solum in inguinibus, sed  
retro aures, aut sub alis apparere possit. Contra  
communem Medicorum sententiam. 128

39 Quodd in initio bubonis Gallici, non solum è talo  
contra Fallopiū, & Dacam, sed è brachio sit  
emittendus sanguis. Contra communem Medi-  
corum

- corum sententiam. ibid.
- 40 Quòd vnguenta Mercurialia pro morbi Gallici curatione sint admittenda. Contra Fernel. Montan. Paracell. Ferrer. Brachel. Langium, & alios doctissimos. 129
- 41 Quòd Hydrargirium in potum sit assumendum. contra Mundellam, & Lacunam, Medicos doctissimos. 130
- 42 Quòd vnguenta Mercurialia recenter confecta sint applicanda. Contra communem Medicorum sententiam. 131
- 43 Quòd morbus Gallicus sit contagiosus, ad distans. Contra Mercurialem, & communem Medicorum sententiam. ibid.
- 44 Quòd in initio anginae valida expurgantia sint ex usu. Contra Hoiler. Mercurial. & Massariam Medicos praestantissimos. 133
- 45 Quòd in suppressis menstruis semper è talo sit hauriendus sanguis. Contra Sanctorum, Riolanum, Bottonum, Montuum, Vaëzium, Altimarum, Mercat. & alios Medicos praestantissimos. 135
- 46 Quòd in seua angina, aliisque inflammationibus internis, è suppressis mensibus ortis, è cubito aliquando sit sanguis emittendus. 137
- 47 Quòd secundum Galeni doctrinam in pueris ante 14. annum sanguinis missio sit celebranda. Contra communem Medicorum sententiam. 141
- 48 Quòd Galenus veram malignitatem à iunioribus depictam cognouerit. Contra ipsorum communem opinionem. 146
- 49 Quòd strumæ sint contagiosæ. 148
- 50 Quòd putredo sit de essentia contagij. Contra Valeriolam doctissimum. 150
- 51 Quòd detur diaria febris putrida, pestilens, ac contagiosa. Contra Conciliatorem, Peredam, & Brau. Petrasitan. Medicos doctissimos. 151
- 52 Quòd in peste, pulsus, & vrina videantur esse secundum naturam cum ægri morte, & quæ sit huius eventus causa. Contra Auic. interpretes, Gentil. Nicol. Amat Mercurial. Altimarum, & alios Medicos praestantissimos. 153
- 53 Quòd verba non naturali vi, sed summi Omnipotentis potentia, aut accita Dæmonum ope, strumas, aut alios morbos sanare possint. 156
- 54 nus, & Aërius sint concordēs. Contra communem Medicorum sententiam. 177
- 7 Quòd balneum cruentæ ipuitioni sit ex usu. Contra Fabium Pacium eruditissimum. 179
- 8 Quòd in vulneribus thoracis primo statim die sit sanguis emittendus. Contra Alphonsum Ferreum, & Hidalgum Hispanum, Chirurgo famigeratissimos. 180
- 9 Quòd detur medicamentum electiuè sanguinem euacuans. Contra Ioannem Baptistam Syluaticum, Medicum eruditissimum. 184
- 10 Quòd in temperata constitutione, maior copia bilis generetur, quàm melancholiæ. Contra Gentilem, Fernelium, Brauum, Riolanum, Poncium, Medicos eximios. 186
- 11 Quòd Galenus in explicandis differentiis, causis & essentia collecticæ inæqualitatis cæteros antecellar. 188
- 12 Quòd contraria contrariis curentur. Contra Vallesium acutissimum. 197
- 13 Quòd putredo sit immediata causa fætoris. 202
- 14 Quòd pleuritis ascendens sit deterior descendente. Contra Vascum Castellum Lusitanum, Medicum doctissimum. 204
- 15 Quòd febris pleuritidis exquisitæ aliquando sit diaria, interdum nulla. Contra communem Medicorum sententiam. 205
- 16 Quòd ex sanguine corrupto sumatur indicatio ad sanguinem mittendum. Contra Fernelium, & Augenum. 207
- 17 Quòd in pleuritide à parte affecta sit emittendus sanguis. Contra plurimum Iuniorum decreta. 208
- 18 Quòd vigente coctione, tam in pleuritide, quàm in febribus, possit sanguis tutissimè mitti. Contra Fernelium. & Augenum. Medicos eruditissimos. 211
- 19 Quòd pleuritis sinistra sit acutior, deterior, & periculosior dextra. Contra Vallesium. Peredam, Mercurialem, Massariam, & alios Medicos praestantissimos. 214
- 20 Quòd lypiria Arabum valdè distet à lypiria Græcorum. Contra Iacobum, Vgonem, Mercatum, Costzum, Fonsecam, Medicos per celebres. 216
- 21 Quòd lentes in biliosa pleuritide concedi possint, ut voluit Auicenna. Contra Matthæum Gradium, Costzum, Fuchsum, Amatrum, & communem Medicorum sententiam. 218
- 22 Quòd pleuritis aliquando impediatur venæ sectionem, ut voluit Hippocrates. Contra Fuchsum, Nicolaum Rorarium Medicos eximios. 219
- 23 Quòd in initio descendente pleuritidis veræ, non ratione causæ conjunctæ, sed antecedentis, sit purgatio celebranda. Contra Vallesium, Augenum, Mercurialem, Heurnium, & Durerum, Medicos celeberrimos. 220
- 24 Quòd inflammatio sit de essentia phrenitidis. Contra Iacchimum, Vallesium, Pererium, Carrerium, Medicos doctissimos. 224
- 25 Quòd ex inflammatione septi transuersi delirium oriatur perpetuum. Contra Carrerium, & Vallesium Medicos acutissimos. 227
- 26 Quòd pus in cavitæ thoracis contentum per vrinam, & alium commodè expurgari possit. Contra Fernelium, Matthiolum, & Matthæum Herbornensem, Medicos clarissimos. 229
- 27 Quòd cancer vlceratus non sit affectus contagiosus ad distans. Contra Cardanum doctissimum. 232
- 28 Quòd in curatione tabidorum non errauerit Galenus, & cum Tralliano sit conformis. Contra peritissimum Lusitanum, & communem Medicorum sententiam. 247
- 29 Quòd efficiens calculi causa, frigiditas esse non possit. Contra Vallesium, Cardanum, Mercurialem

## INDEX QUESTIONVM Lib. II.

- QVÆST. PRIMA. **Q**uòd febris non à calore solum præter naturam, sed aliquando ab vnione caloris innati, secundum Galeni doctrinam oriatur. Contra communem Medicorum sententiam. pag. 161.
- 2 Quòd Hippocrates, & Galenus, cæterique Græci, variolas, & morbillos agnouerint. Contra Gomezium Pererium, Valleriolam, Fonsecam, & alios Medicos doctissimos. 165
- 3 Quòd Græci, priscique Medici, puncticularem febrem venenatam agnouerint. Contra Toreum, Colle, Peredam, Carmonam, Septalium. Zerosastrum Tinellum, Mercurialem, & alios Medicos probatissimos. 166
- 4 Quòd Arabum dogma de exanthematum causa, ut verum sit admittendum. Contra Fernelium, Hollerium, Iouberium, Mercurialem, & alios Medicos praestantissimos. 167
- 5 Quòd ossa, non sanguine melancholico, sed immediate nutriantur medullâ. Contra Iacobum de Partibus, Spigelium, & Petrum Hispanum Ishaac fidelissimum interpretem. 170
- 6 Quòd in imponendo medicamento caustico in syncipite pro curanda distillatione, Galenus, Tralli-

- 21 Quòd lentes in biliosa pleuritide concedi possint, ut voluit Auicenna. Contra Matthæum Gradium, Costzum, Fuchsum, Amatrum, & communem Medicorum sententiam. 218
- 22 Quòd pleuritis aliquando impediatur venæ sectionem, ut voluit Hippocrates. Contra Fuchsum, Nicolaum Rorarium Medicos eximios. 219
- 23 Quòd in initio descendente pleuritidis veræ, non ratione causæ conjunctæ, sed antecedentis, sit purgatio celebranda. Contra Vallesium, Augenum, Mercurialem, Heurnium, & Durerum, Medicos celeberrimos. 220
- 24 Quòd inflammatio sit de essentia phrenitidis. Contra Iacchimum, Vallesium, Pererium, Carrerium, Medicos doctissimos. 224
- 25 Quòd ex inflammatione septi transuersi delirium oriatur perpetuum. Contra Carrerium, & Vallesium Medicos acutissimos. 227
- 26 Quòd pus in cavitæ thoracis contentum per vrinam, & alium commodè expurgari possit. Contra Fernelium, Matthiolum, & Matthæum Herbornensem, Medicos clarissimos. 229
- 27 Quòd cancer vlceratus non sit affectus contagiosus ad distans. Contra Cardanum doctissimum. 232
- 28 Quòd in curatione tabidorum non errauerit Galenus, & cum Tralliano sit conformis. Contra peritissimum Lusitanum, & communem Medicorum sententiam. 247
- 29 Quòd efficiens calculi causa, frigiditas esse non possit. Contra Vallesium, Cardanum, Mercurialem

# Index Questionum Libri II. & III.

- lem, & Costum, Medicos scientissimos. 249
- 30 Quòd cor, vera, & legitima palpitazione laborer. Contra Eustachium Rudium, & Petrum Væzium Lusitanum, Medicos celeberrimos. 252
- 31 Quòd vera cordis palpitatio à flatuoso, frigido, crassio- que spiritu, vt voluit Galenus, & non à calida in- temperie ortum ducat. Contra communem Me- dicorum sententiam. 254
- 32 Quòd arteriotomia vsque ad animi deliquium possit celebrari, vt voluit Aëtius. Contra communem Medicorum sententiam. 261
- 33 Quòd vterus propria substantia ad superas partes ascendere possit. Contra Fernelium, Eustachium, Laurentium, & Augenium, Medicos præstantissi- mos. 268.
- 34 Quòd syncope, propria cordis affectio, non ex immi- natione spirituum, sed ex eorum repentina aggre- gatione in corde, tanquam à causa perpetua, & immediata oriatur. Contra plurimum Iuniorum opiniones. 270
- 35 Quòd aqua minimè nutrire possit, contra Rondeletium, Cardan. Marcel. Augen. Guastavin. Conci- liator. Rorar. Bacchium, & Mercat. doctissimos. 278
- 36 Quòd ex decidentia mucronatæ cartilaginis, homi- nes non solum debilitatem ventriculi, & alios morbos pati, sed contabescere possint. Contra Laurentium, Columb. Sanctorum Sanctorum, & com. Medicor. sententiam. 286
- 37 Quòd calor naturalis, non sit elementarius, sed cæle- stis, æthereus, atque diuinus. Contra Peramar. Argenter. Scaliger. Conimbricenses, Poncium, & communem Medicor. & Philosoph. senten- tiam. 297
- 38 Quòd non detur ignis ad Lunæ concavum. Contra Peramarum, Mercat. Conimbricenses, Scaliger. Magirum, & communem Medicor. & Philosoph. sententiam. 300
- 39 Quòd dulcia tam ad præseruationem, quàm ad cura- tionem lumbricorum reprobata sint. Contra Gabu- cinum doctissimum. 305
- 40 Quòd Galenus, vinum Creticum, Maluaticum, & Moschatelinum agnouerit. Contra Vegam, & Mercatum, Medicos doctissimos. 307
- 41 Quòd ebrietas nulli curando morbo sit ex vsu. Con- tra Philonem Hebræum, Platoniorum faciliè prin- cipem. 313
- 42 Quòd pituita falsa fieri possit permixta cum dulci pi- tuita, ex vsta bile. Contra Gentilem, Amatum, & Manardum, Medicos doctissimos. 316
- 43 Quòd plenius in melancholica, quàm pituitosa ple- nitudine sit emittendus sanguis. 322
- 44 Quòd alimenta tenuia debeant præcedere crassa. Con- tra Conciliatorem & Gentilem, Medicos. acutissi- mos. 325
- 45 Quòd in alui fluxu sanguinis missio sit ex vsu, vt vo- luit Galenus. Contra Peredam, & communem Me- dicor. sententiam. 327
- 46 Quòd lac in diarrhæa, aut dysenteria biliosa, præsentè remissa febris, salubre sit. Contra Amatum, Medi- cum præstantissimum. 333
- 47 Quòd colicus dolor, pestilens, ac contagiosus, sit morbus nouus. 336
- 48 Quòd ad præcautionem, curationemve pestis, venena supra cor gestare non conueniat. Contra Baptist. Theodof. Mercat. Fallop. Paræum Merindolum, & com. Medicor. sententiam. 339
- 49 Quòd cadauera peste enecta, valde sint contagiosa. Contra Fracastorium, & Rondeletium eruditissi- mos. 340
- 50 Quòd in morbis, victus ratio procedat attenuando, Contra Gentilem, Iacobum, Vgon. Dinum, Bra- ckelium doctissimos. 348
- 51 Quòd Hip. & Gal. colicum dolorem à nephritico re- Æè distinxerint, Contra Vallesium, Gentilem, &

- Matthæum, Medicos celeberrimos. 352
- 52 Quòd plures ab affecto hepate, quàm à cerebro oriantur ægitudines. Contra Fernel. acutissimum 369
- 53 Quòd vrina præstantius signum sit, quàm pulsus. Contra Mercatum doctissimum. 373
- 54 Quòd auriginosus morbus citra iecoris vitium, in omni iudicatorio die eueniens, salubris sit. Contra Plinium. 382
- 55 Quòd medicamenta purgantia, certos, & determina- tos humores attrahant. Contra Erasistratum, Arist. & Cardanum. 388
- 56 Quòd medicamenta purgantia integros humeres quantitate peccantes euacuant, natura verò putri- dos excernat. Contra communem Medicor. sen- tentiam. 390
- 57 Quòd in omni hydropis specie interdum sanguis emitti possit. Contra communem Medic. senten- tiam. 397
- 58 Quòd in hydropis pulmonis, thoracis, sectio sit cele- branda. Contra Petrum Salium, & Mercat. doctis- simos. 402
- 59 Quòd in lumborum morbis venæ sectio ex talo ex- terno sit celebranda. 407
- 60 Quòd vrina nigra à frigiditate oriri possit, vt voluit Galenus. Contra Mercurialem, & Brauum Petra- sitranum doctissimos. 410
- 61 Quòd mulier sit calidior viro, vt voluit Hippocrates. Contra Macrob. Parmenidem, Laurentium, Ve- gam, Peramarum, & alios Neotericos præstantis- simos, 429
- 62 Quòd vrinæ retentio actio sit animalis, excretio verò naturalis. Contra Andreæ Laurentium Medicum celeberrimum. 436

## INDEX QUESTIONVM Lib. III.

- QVÆST. Vtrum antiqua menstrui suppressio sit cura- PRIMA. bilis, vt voluit Hippocrates. 441
- 2 Vtrum diuturna mensium suppressio, sit recenti pe- riculosior, vt putauit Hippocrates. 442
- 3 Vtrum extenuatis sit vena secanda, vt monuit Gale- nus. 443
- 4 Vtrum in sanguinis missione iterata, prima vice sit sanguis copiosius hauriendus. 444
- 5 Vtrum pleuritidis orta ex menstruo retento, sit mitis, an periculosus affectus, 446
- 6 Vtrum sanguinis è naribus profluium, menstruæ re- tentioni superueniens, utile sit, vt fatetur Hippo- crates. 447
- 7 Vtrum in suppressione menstruum primò medica- mentum purgans exhibendum, vt rentur Iuniores 451
- 8 Vtrum ad prouocanda menstrua vnguentum de cha- lybe possit esse ex vsu. 453
- 9 Vtrum pus rubrum, liuidum vel nigrum aliquando ad bonum iudicet. 456
- 10 Vtrum confecto pure illico abscessus aperiendus. 457
- 11 Vtrum ante perfectam suppurationem, abscessus apertio molienda. 458
- 12 Vtrum abscessus in nervosis partibus, cauterio, an scalpello aperiendi, vt prædixit Celsus. 459
- 13 Vtrum in morbo diuturno alui fluxus utilis sit. 460
- 14 Vtrum alleuatio prope mortem interdum Medicos deludat, vt docuit Galenus. ibid.
- 15 Vtrum Galenus symptomata ex suppressis mensibus orta rectè descripserit. 461
- 16 Vtrum fœminæ in viros verti possint, vt contra Plin. Laurentius. Mercatus & Pinzus asseuerant. 467
- 17 Vtrum vteri strangulatus symptomata oriantur ab vna radice, vt voluit Fracastorius. 471
- 18 Vtrum



## Index Questionum Libri III. & IV.

- 18 Vtrum feminæ semen fecundum generent, vt contra Aristotelem asseruit Galenus, 475
- 19 Vtrum yteri vlcera sint insanabilia. 478
- 20 Vtrum virtus, an morbus victum indicet. 481
- 21 Vtrum in muliebri profluuiò vterus lædatur, vel vniuersum corpus, & an hoc affectu grauidæ tententur. 484
- 22 Vtrum in grauidis aliquando è talo mittendus sit sanguis, vt contra meam sententiam acriter contendunt Plemplius, Fontanus, & Bruschius, Medici eximij. 488
- Quòd vtero gerentibus venæsectio ex talo non sit ex vsu. Plemplij ad Zacutum epistola. ibid.
- Zacuti responsio. 491
- Alia Nicolai Fontani Medici, Ioannis Filij, Zacuto Medico incomparabili. 493
- Zacuti responsio. 494
- 23 Vtrum venæ sectio in grauidis, sit periculosior in vltimis mensibus, quàm in primis, aut mediis, vt prædixit Hippocrates. ibid.
- 24 Vtrum venæ sectio in grauidis sit periculosior in mediis mensibus, quàm in primis, vt contra Hippocratem Fernelius voluit. 495
- 25 Vtrum trimestris fœtus iniuriis magis resistat, & citius feruetur, vt voluit Galenus. 496
- 26 Vtrum venæ sectio in grauidis nullo præfente morbo, solùm ad præcautionem abortus, sit celebranda, vt monent Iuniores. Contra Donatum. Antonium ab Altomari, Medicum Galenicum peritissimum. ibid.
- 27 Vtrum venæ sectio in grauidis sit periculosior purgatione. 498
- 28 Vtrum detur aliquod certum, & infallibile conceptionis signum, vt Fernelius, Ioëlius, Varandæus, & alij Classici arbitrantur. 499
- 29 Vtrum purgatio vtero gerenti commoda vt contra Galenum, Salius, Mercatus, & alij confirmant. 501
- 30 Vtrum in pica, similia, an dissimilia edulia appetantur, vt contra Auicennam Vallesius probat. 506
- 31 Vtrum fascinatio sterilitatem inducat, vt firmant. Theologi, Iurisperiti, Medici, & Philosophi, 509
- 32 Vtrum sint plures causæ in viris impediētes coitum, & generationem. 517
- 33 Vtrum inter causas voluptatis in coitu præcipua sit, repentinus reditus ad naturalem statum, vt contra Galenum firmanit Turisanus. 519
- 34 Vtrum camphora frigida sit, an calida, vt contra Auicennam Mathiolus tenet. 523
- 35 Vtrum flatuum generatio oriatur à debilitate caloris innati, vt opinatur Galenus. 525
- 36 Vtrum spiritus turbidus sit admittendus, vt voluit Hippocrates. 528
- 37 Vtrum sani debeant obseruare varium ordinem in assumendo cibo, vt opinantur Græci. 532
- 38 Vtrum vomitus, salubris sit, & an sit motus naturalis animalis, ac præter naturam, vt docuit Vallesius. 538
- 39 Vtrum secundum Galeni doctrinam, in morbis sit constituenda causa continens, vt contra eum, Curtius, Leoniceus, Fuchsius, & alij confirmant. 541
- 40 Vtrum musculus, præcipuum sit, & immediatum morus voluntarij instrumentum, vt contra Galenum statuit Auerrhoës. 546
- 41 Vtrum dolor, sit sensatio tristis, an sensibile, vt contra Galenum tenet Conciliator. 549
- 42 Vtrum dolor, & voluptas in motione consistent, vt contra Aristotelem acriter contendit Galenus. 552
- 43 Vtrum intemperies sola, citra solutionem continui, sit immediata causa doloris, vt contra Galenum asserunt Auerrhoës, & Cardanus. 555
- 44 Vtrum ab omni qualitarum intemperie dolor concitari possit. 559

- 45 Vtrum vna sit Arthritidis causa, coniuncta, & efficiens, vt contra Galenum Fernelius asseruerat. 561
- 46 Vtrum morbi improporionati sint periculosiores proportionatis, vt prædixit Hippocrates. 565
- 47 Vtrum commoda ægri habitatio ad morborum curationem sit necessaria. 572
- 48 Vtrum frigus alicui functioni sit ex vsu, vt contra Recentiores firmat Conciliator. 577
- 49 Vtrum rationi citra experimentum, magis, quam experimento citra rationem sit fidendum, vt hactenus Medici sunt opinati. 579
- 50 Vtrum in celebranda phlebotomia in erysipelate posito inter duas cutes, errauerit Auicenna, vt tenet Valleriola. 586
- 51 Vtrum in imponendis topicis in erysipelate frigidis, & siccis, Auicenna fuerit deceptus, vt retur Valleriola. 687
- 52 Vtrum in veris initio, an fine, vacuatio præcautoria celebranda, vt prædixere Hippocrates, & Galenus. 594

## INDEX QUESTIONVM Libri IV.

- QUEST. Vtrum possit dari febris absque calore, vt PRIMA. contra Galenum arbitrat Fernelius. 600
- 2 Vtrum ad febris essentiam necessaria sit caloris naturalis intensio, vt contra Galenum, Gentilis, Vega, & Vgo asseuerant. 604
  - 3 Vtrum caloris intensio ad febrem requisita, ad aliquod ex quatuor temperamentis sit referenda. 606
  - 4 Vtrum febrilis calor sit idem cum naturali, vt contra Galenum, Gentilis asseuerat. 611
  - 5 Vtrum febris sit intemperantia simplex calida, an composita ex calore, & siccitate, vt contra Galenum voluit Altimarus. 616
  - 6 Vtrum Galenus Ephemeræ signa rectè descripserit, vt contra eum existimant Harculanus, Vega, Brauus, Mercatus, Iacobus Foroliuiensis, & alij Medici doctissimi. 620
  - 7 Vtrum possit ab aliquo principali corporis membro præterquam à corde, febrilis caliditas proficisci, vt contra Medicinæ proceres Ioannes Brauus contendit. 624
  - 8 Vtrum ad integram febris essentiam requiratur immodica calidas in toto, an sufficiat in corde. 626
  - 9 Vtrum aucto, aut minuto vsu aliquis feruetur ordo in pulsuum differentiis comparandis, & amittendis, vt contra Galenum, plurimi Barbarorum cum Fernelio opinantur 631
  - 10 Vtrum putredo ab Aristotele, & Galeno, rectè definiatur, vt contra eos, Argenterius, Thomas à Veiga, & alij peritissimi opinantur. 641
  - 11 Vtrum putredo præter varias causas perpetuò à prohibita transpiratione oriatur, vt contra Galenum asseuerant, Gentilis, Dinus, Vgo, Harculanus, Lemosius, Vallesius, Thomas à Veiga, & alij Medici scientissimi. 644
  - 12 Vtrum Galenus, & Auicenna, signa febrium putridarum rectè proponant. 649
  - 13 Vtrum ex sanguine putrescente generetur febris sanguinea, distincta à pituitosa, biliosa, & melancholica, vt contra Galenum, Turisanus, Conciliator, Fernelius, Vallesius, Veiga, & alij opinantur. 652
  - 14 Vtrum tempora morborum, penès essentiam, symptomata, & coctionē perpetuò simul concurrant. 655
  - 15 Vtrum in constituendo temperamento magis parato ad febres, Galenus, & Auicenna sint concordēs, vt

## Index Questionum Libri V.

- vt perperam plures Auicennæ interpretes arbitrantur. 662
- 16 Vtrum in biliosis febribus, aquæ potus, sensim, aut affatim sit concedendus. 664
- 17 Vtrum plura dentur vera attractionum genera, à facultate, vacuo, calore, dolore, & siccitate, vt contra Galenum rentur Puteanus, & Vallesius, & contra me grauitè decertant Francasianus, Galilindus & Lopus Medici præclari. 667
- 18 Vtrum nomen crisis, iudicium significet, an separationem humoris, & excretionem; vt contra Galenum Langius opinatur. 673
- 19 Vtrum coctio rectè à Philosopho finiatur, vt contra eum voluerit Argenterius, & Manardus, & an sit dicenda alteratio secundum qualitates, an secundum substantiam. 675
- 20 Vtrum omnia per coctionem fiant crassiora, calidiora, suauiora, & dulciora, vt contra Aristotelem Conciliator, Gentilis, & Garbius opinantur, 679
- 21 Vtrum humor noxius medicamentis calidis attenuantibus, vt voluerit Græci, an frigidis incrassantibus sit præparandus, & concoquendus, vt Arabes confirmant. 481
- 22 Vtrum humores turgeant, & ante coctionem expurgandi sint, vt contra Hipp. & Galenum asserunt Mercatus, Toreus, & Cardanus, Medici eruditissimi. 685
- 23 Vtrum vinorum plures sint differentiæ. 689
- 24 Vtrum in rigore moueatur humor per partes internas vel externas, & an hic à flatibus, vel humoribus ortum ducat, vt contra Galenum Fernelius, & Thomas, à Veiga assenerant. 694
- 25 Vtrum in putridis febribus balneum possit esse ex usu. 699
- 26 Vtrum in tertiana exquisita, ante tres accessiones vena sit secanda, vt contra mentem Galeni, & Auicennæ opinantur Fernelius, Vidus Vidius, Hollerius, Palchafius, Eustachius, Brauus, & alij Medici præstantissimi. 702
- 27 Vtrum seni, & iuueni æqualiter febricitantibus, seni minùs frigida remedia offerenda, vt voluit Auerrhoës. 705
- 28 Vtrum tertiana exquisita sit morbus salubris, & acutus, vt reretur Altimarus. 706
- 29 Vtrum necessarium sit Medico breuitatem, & longitudinem morbi præcognoscere, vt docent Galenus, & Auicenna. 708
- 30 Vtrum tertiana notha sit longior quotidiana, vt contra Galeni, & Auic. mentem, Vega, Brauus, Gentilis, & alij arbitrantur. 713
- 31 Vtrum febres continuæ rectè ab intermittentibus, à Galeno, & Auicenna distinguantur. 715
- 32 Vtrum causa circuituum in febribus intermittentibus, & aliis morbis, referenda sit ad motum Lunæ, planetarum, occultam proprietatem, actionem naturæ, an ad multiplicatam humoris congestionem, vt contra Galenum arbitrantur Conciliator, Gentilis Garbius, Fernelius, Veiga, Valleriola, & alij Medici præstantissimi. 718
- 33 Vtrum in quartanæ accessione sit aliquando purgatio celebranda, vt voluit Hippocrates. 722
- 34 Vtrum Minera febrium intermittèntium perpetuò sit constituenda in prima corporis regione, vt contra Galenum opinantur Fernelius, Mercatus, Thomas à Veiga, an in habitu corporis, vt docuit Galenus, an aliquando in aliis partibus possit reperiri. 724
- 35 Vtrum in febre syncopali humorosa, sanguis missio, & frictions sint ex usu, vt contra Galenum firmavit Trallianus. 735
- 36 Vtrum calor febris hecticæ sit independens à causa conseruante, vt contra Galenum, Pererius, & Lemosius opinantur, & an ea in species tres sit diuidenda, vt contra eum firmat Argenterius. 737
- 37 Vtrum incalescentia à cibo, sit febris hecticæ proprium, & inseparabile signum, vt contra Galenum contendit Mercatus. 739
- 38 Vtrum hectica in principio nulla alia febre præcedente inuadere possit. 742
- 39 Vtrum balneum tepidum, vel frigidum pro curanda febre hectica sit ex usu, vt contra Galenum Barbari, & alij assenerant. 746
- 40 Vtrum quatuor humiditates secundæ absumptæ, medicæ artis ope reparari possint. 749
- 41 Vtrum solidæ partes resiccatæ humectari possint. 751
- 42 Vtrum sit aliquis morbus crudelior peste. 754
- 43 Vtrum in peste, ex partibus inferioribus sit aliquando emittendus sanguis, vt contra Galenum opinantur Fracastorius, Fernel. Paræus, alius, Cardanus, Palmarius, & plurimi Medici eruditissimi. 756
- 44 Vtrum in peste, in initio purgatio celebranda, vt contra Galenum ruerentur Crato, Valleriola, Paræus, Forestus, Massaria, Salius, Pereda, & alij Medici præstantissimi. 760
- 45 Vtrum theriaca fermentata diuersam naturam habeat ab actione simplicium quibus constat. 766
- 46 Vtrum aer sit frigidus, aut calidis, an tam in actiuis, quàm passiuis temperatus, vt contra Galenum asserunt Stoici, Peripaterici, Mercatus, Conimbrienses, Brauus, Carrerius, Peramatus, Carmona, & alij Neoterici celeberrimi. 768
- 47 Vtrum solus aer, an cætera elementa pestem generent, vt contra Hippocratem, & Galenum Sepralius, & Valleriola affirmarunt. 771
- 48 Vtrum vniuersalia morbi tempora variis signis distinguantur, vt contra Galenum contendit Argenterius. 782
- 49 Vtrum in declinatione vniuersali variolarum possit æger mori, vt voluit Auicenna. 784

## INDEX QUESTIONVM Libri V.

- QVÆST. Vtrum definitio veneni, à Galeno, & Auicenna tradita sit optima. pag. 790
- 2 Vtrum venenorum diuisio à Dioscoride tradita, sit perfecta. 794
- 3 Vtrum homo inter cætera animalia, venenorum & morborum insidiis magis sit obnoxius. 797
- 4 Vtrum facultas vitalis, & animalis qualitate diffundantur per neruos, an cum substantia spiritus, vt contra Arabes perperam contendunt Vallesius, & Argenterius. 801
- 5 Vtrum motu seruato possit aboleri sensus, & è contra, vt voluit Galenus. 803
- 6 Vtrum reperiatur Basiliscus in rerum natura, contra Mathiolum, Hermolaum Barbarum, & Cardanum doctissimos. 805
- 7 Vtrum acetum, virulentis animalium moribus, aliisque venenosis morbis relictetur. 808
- 8 Vtrum cor, omnium facultatum sit principium, contra Aristotelem, Peripateticos, & Celsæm Cremonium Philosophos eximios. 811
- 9 Vtrum vis à cerebro, & corde influens, sit animæ potentia, temperamentum, aut modus ad operandum. 814
- 10 Vtrum venæ à iecore, an à corde oriantur, contra Conciliatorem, & Vesalius doctissimos. 815
- 11 Vtrum cor sit fons innati caloris, & vitæ principium, 816
- 12 Vtrum mors sit passio cordis. 817
- 13 Vtrum ad quamuis cordis intemperiem vel ad solam frigidam siccam mors sequatur. 819
- 14 Vtrum sinister cordis ventriculus sit præstantior dextro, contra Aristotelem. 820
- 15 Vtrum

# Index Questionum Libri VI.

- 15 Vtrum cor, vita superflite, abſceſſus patiatuꝛ, validas intemperies, & morbos omnes vt Galenus contra Ariſtotelem confirmat. 821
- 16 Vtrum præter cauſas a Galeno numeratas, ſint aliæ ob quas videndi ſenſus amittatur, vt falſo contra eum ſibi perſuaſit Gentilis. 824
- 17 Vtrum ex qualibet oculorum perversione, læſio in viſu contingat, & cur v. ſine duplex appareat. Contra Conciliatorem, Gentilem Iacobum, & alios Auicennæ interpretes doctiſſimos. 825
- 18 Vtrum ad oculorum cuſtodiam palpebræ inferiores cum maiori commoditate immobiles ſint creatæ, vt voluit Galenus. Contra Forrunatum Plem-pium, Louanienſis Academiæ Profeſſorem incly-tum, 829
- 19 Vtrum viſio quæ ſit per imagines, & viſa, ſit illuſoria an certa, & vera, & an intra oculum contenta per propriam ſpeciem videri poſſint. Contra Thomam Garbium Medicum acutiſſimum. 831
- 20 Vtrum viſus organum præſtantius, & vtilius ſit orga-no auditus. 833
- 21 Vtrum Hæmodia ſit propria dentium paſſio. 336
- 22 Vtrum præter hominem ſolæ coturnices epilepſia tententur. Contra Plinium. 839
- 23 Vtrum Rabies ſit morbus contactu, & ad diſtans con-tagioſus. Contra Conciliatorem, Petrum Salium, Fracaſtorium, & Amatam Medicos doctiſſimos 841
- 24 Vtrum aquæ timor ab intenſa ſiccitate, deprauata imaginatione, aut antipathia occulta oriatur. Con-tra Mathiolum, Salium, & Brauum Petraſitanum Medicos eximios. 842
- 25 Vtrum vrina ſit mixtum de nouo genitum habens diſtinctam formam ab humore ebibito, an alteratus popus. 849
- 26 Vtrum vrina ſubruſa, ſubſaua, vel citrina omnium ſit optima, vt voluit Galenus. 851
- 27 Vtrum triplex ſit vrinarum turbidarum differentia, vt prædixit Galenus. Contra Brachelium. 852
- 28 Vtrum inter renues vrinæ primum locum ſibi ven-dicet aquoſa, & alba, & malum portendat. Contra Valleſium. 855
- 29 Vtrum vrina rubra, viridis, liuida, nigra à calore ſem-per ortum ducant. 857
- 30 Vtrum materia ſedimenti in ſanis ſit portio chyli in-conſecta, & diuerſa à materia ſedimenti ægrorum. Contra Turifanum, Ferneliū, Caſſianum, Carda-num, Santorellum, & alios Medicos doctiſſimos, 859
- 31 Vtrum ſedimenti albedo oriatur à calore naturali an præter naturam. Contra Turifanum, & Cardanum Medicos eximios. 862
- 32 Vtrum morbi venenati ad aliquod ex triplici morbo-rum ſimplicium genere, in temperamento, confor-matione, & ſoluta vnitæte, an ad morbos formæ, & materiæ ſint reducendi. Contra Ferneliū, Argen-terium, Riolanum, Conciliatorem, Sennertum, & Ioannem Sperlingium, Medicos præſtantiſſimos. 864
- 33 Vtrum Galenus pulſum rectè definiuerit. Contra Ar-genterium, Ioubertum, Thomam à Veiga, & Lu-peum. Medicos eximios. 876
- 34 Vtrum pulſus ſit morus naturalis, an animalis, vel im-mediate ab anima, aut potentia aliqua emanet. Contra Ariſtotelem, Turifanum, Cardanum, Medi-cos doctiſſimos. 878
- 35 Vtrum facultas vitalis pulſifica, ſit pars animæ ſen-

- tientis, vel vegetantis, vel ex vtraque compoſita. Contra Mercatum, Conciliatorem, Ferneliū, Valleſium, Euaſtadium, Sanctorellum, & alios Me-dicos præſtantiſſimos. 882
- 36 Vtrum morus, & quietes pulſus, & reſpirationis ſibi proportionem reſpondeant, & num in illis diſtento præcedat. Contra Fracaſtorium, & Santorellum, Garbium, Veſaliū, Gentilem, & Thomam Cam-panellam, Medicos erudiſſimos. 884
- 37 Vtrum dilatato corde, dilatentur arteriæ, & conſtri-cto conſtringantur, & prodeant hæ æctiones à fa-cultate. Contra Gentilem, Conciliatorem, Gar-bium, Turifanum, Iacobum Foroliuienſem, & Valleſium, Medicos illuſtriſſimos. 886
- 38 Vtrum omnes partes pulſus à Medico cognoſci poſ-ſint. 887
- 39 Vtrum decem pulſuum differentiæ ſint assignandæ, vt Galenus, & Auicenna aſſeuerant. Contra Ferne-lium, & Valleſium, doctiſſimos. 888
- 40 Vtrum nona differentia pulſus, æqualis, & inæqua-lis, ſit admitrenda. 891
- 41 Vtrum præter cauſas generantes pulſus, aliæ alteran-tes ſint assignandæ. Contra Menam, & Valleſium, Medicos excellentiſſimos. 893
- 42 Vtrum ceruus, os ex eius corde, & aliæ partes ha-beant nativam proprietatem aduerſus venenum. Contra Veſaliū, anatomicum inſignem. 899
- Vltima. Vtrum Toxicum, & venenum ad conuertentiam dicantur. Contra Caſalpinum, Medicum præſtantiſſimum. 903

## INDEX QUESTIONVM Lib. VI.

- QVÆST. Vtrum fortuna ſit conſtituenda in rebus, PRIMA. & conferat aliquid in curandis morbis, vt ſapientes veteres opinantur. 910
- 2 Vtrum vitæ humanæ conſervatio ampliùs ſit collo-canda in vigilia, quàm ſomno. Contra Ariſtote-lelem, & Plinium. 912
  - 3 Vtrum ſomnus ab alimenti vapore, an ab anima agen-te oriatur. Contra Ariſtotelem. 914
  - 4 Vtrum refrigeratio primi ſenſorij, ſit perpetua ſom-ni cauſa, vt voluit Galenus. 916
  - 5 Vtrum ſomnus inter res non naturales reponendus. 917
  - 6 Vtrum morbus Gallicus ſit appellandus Syphilis, vt cenſuit Fracaſtorius. 920
  - 7 Vtrum Anatomica ſcientia ad Medicum, vel Chirur-gum ſpectet. 945
  - 8 Vtrum brevitatis, & diuturnitatis hominum vitæ variæ ſint assignandæ cauſæ, vt Philoſophi, Medi-ci, & Aſtronomi ſunt opinati. 961
  - 9 Vtrum conſuetudo ſit adſcitiū temperamentum, an habitus. Contra Peramarum, Valleſium, Chri-ſtophorum à Vega, Mercatum, Medicos præſtan-tiſſimos. 965
  - 10 Vtrum dies ſeptimus ſit præſtantiſſimus decimoquarto, & vigefimus ſit dignior vigefimo primo. Contra Conciliatorem. 976
  - 11 Vtrum Galenus cauſam dierum criticorum ex ſua, vel aliorum ſententia ad aſtra reduxerit. Contra Picum Mirandulam, Cardanum, Fracaſtorium, Manardum, Amatam, Carthagenam, & commu-nem Medicorum ſententiam. 979



# INDEX DVBIORVM

## LIBRI PRIM I.

- DVB. PRIM. **N**VM maximus fit hirudinum ad morbos leuandos vsus. pag. 5.
- 2 Num senibus sit detrahendus sanguis, 9
- 3 Num aqua per plumbeos canales deriuata, dysenteriam facere possit, Contra Fallopiū. 13
- 4 Num nutritio per pororum contactum possit celebrari. Contra Casmannum. 19
- 5 Num infusa per clysteres nutrire possint. Contra Mundellam, & Casmannum Philosophum eximium. 20
- 6 Num somnus sit ligamentum sensus. 25
- 7 Num somnus sit ligamentum morus. 26
- 8 Num somnus opus sit naturæ, an affectio. 27
- 9 Num balneum pro curatione lethargi sit ex vsu. 29
- 10 Num occiput vtendum. 35
- 11 Num biliosus humor epilepsiæ causa sit. Contra Lupenū eruditissimum. 36
- 12 Num Aloës vis ventrem transcendat. 37
- 13 Num Aloë succotrina omnium sit optima. Contra Iuberam doctissimum. ibid.
- 14 Num theriaca nostris temporibus perfectè parari possit. 46
- 15 Num in Epilepsia capiti oxyrrhodina apponenda. 51
- 16 Num pepo bonis cibis si annumerandus, vt voluerit Arabes. 53
- 17 Num detur Apoplexia periodica, vt voluit Auic. 63
- 18 Num detur Apoplexia à sanguine orta. ibid.
- 19 Num repellentia in Apoplexia sint ex vsu. 64
- 20 Num Apoplexia fortis curari possit. Contra Brachellium, & Cardanum Medicos præstantissimos. 65
- 21 Num Appiana poma sint nostra Camusia. 68
- 22 Num vacuatio per epicrasin sit utilis. 76
- 23 Num vere præcautoria, vacuatio sit celebranda. 78
- 24 Num Autumno fiat pulsus vehementissimus, vt voluit Gal. Contra Vallesium, Costæum, & Mercatum Medicos eximios. ibid.
- 25 Num paralyfis ex colico dolore fieri possit. 83
- 26 Num intemperies calida sicca possit esse immediata causa paralyfis. Contra Mercurialem. ibid.
- 27 Num certis signis pars præ frigore emortua à paralytica distinguatur. Contra Dionysium Dacam, & Crucium, Chirurgo famigeratissimos. 85
- 28 Num humor veneno similis in corpore innascatur. 89
- 29 Num in affectibus oculorum humeraria semper ferienda, & num visum debilitet. 91
- 30 Num purgatio lippienti commoda. 94
- 31 Num tentatiua curatio admittenda. Contra Mercurialem, 96
- 32 Num vrgente necessitate stupefacientia intra oculum imponenda. ibid.
- 33 Num medicamenta actu frigida oculis imponenda. Contra Matthæum, & Paræum Medicos eximios. 97
- 34 Num incorrecto opio extrà apposito sit vtendum. 101
- 35 Num opium frigidum sit. Contra Marhiolum. 102
- 36 Num Narcotica tutius in causa calida, quàm in frigida propinentur. Contra Amatū, & Ludouic. Lemosium Medicos eruditissimos. 103
- 37 Num solutio febris per parotidas sit fida, & secu-

- ra. 104
- 38 Num parotidum curatio debeat fieri per resoluentia, repellentia, aut suppurantia. 106
- 39 Num recidiua sit peior sua radice. 107
- 40 Num surditas febribus superueniens ferè semper ad bonum iudicet. ibid.
- 41 Num desperatis sit adhibenda manus. Contra Augenum. 111
- 42 Num sit aliquis niuis in Medicina vsus. 118
- 43 Num topica ante totius vacuationem applicanda. 121
- 44 Num lapides, & arenæ in qualibet nostri corporis parte gigni possint. 122
- 45 Num in omni angina vena sit secanda, Contra Gentilem, & Costæum Medicos eruditissimos. 132
- 46 Num in angina vsque ad animi deliquium, sanguis sit emittendus, ibid.
- 47 Num iugularium venarum sectio sit celebranda. Contra Vascum Castellum eruditissimum. 134
- 48 Num in antiqua mensium suppressione è talo sit vena secanda. Contra Fonsecam eruditissimum. 136
- 49 Num in initio Anginæ gargarismata actu frigida assumenda. 139
- 50 Num vtile sit in Medicina, Medicos, proprios errores confiteri. 140
- 51 Num chalybs præparatus ad curandos morbos sit ex vsu, Contra Christoph. à Vega, & Ludouic. Lemosium Medicos doctissimos. 145
- 52 Num ad Theriacæ, aliorumque medicamentorum compositionem, cauda viperæ sit semper amputanda. Contra Lacunam, Vallesium, & Pelletarium Medicos eximios. 149
- 53 Num sanguis arterialis putrescere possit. Contra Crucium Olysi. doctissimum. 152
- 54 Num febris maligna, aut pestilens intermittens esse possit. Contra Mercatum. 153
- 55 Num vitrea pituita putrescere possit. 155
- 56 Num putredo sit causa caloris. ibid.

### DVBIA LIBRI II.

- DVBIVM PRIMVM. **N**VM mala punica cruentæ spuitioni sint ex vsu. pag. 172
- 2 Num in cruento sputo sit hauriendus sanguis. 176
- 3 Num refrigeratis sit vena secanda. 181
- 4 Num Hippocrates pulsum notitiam habuerit. 188
- 5 Num curatio obstructionis leuium arteriarum à tuberculo facta sit difficilis, 191
- 6 Num ira repente interimat. 193
- 7 Num ira consistat in feruore sanguinis in corde, Contra Fracastor. Medicum celeberrimum. ibid.
- 8 Num ira sit quædam furoris species. ibid.
- 9 Num oleum, neruorum vulneribus applicandum. 196
- 10 Num curatio fiat per contraria æqualia. 198
- 11 Num sputum in pleuritide, coctionis, & cruditatis signum sit. 206
- 12 Num pleuritidis cognitio, sit scientifica, an coniecturalis. 214
- 13 Num oculus dexter sinistro sit obtusior. Contra Amatū, & Fortunatum Plempium, doctissimos. 216

- 24 Num possint internæ partes, extremis calentibus, frigeri. 217
- 25 Num sputum cruentum pleuritidis minimæ signum sit, contra Ronseum eruditissimum. 220
- 26 Num detur morbus infansilis. 225
- 27 Num aqua hordei, vel prissana in pleuritide propinanda. ibid.
- 28 Num morbus pilaris à pilo hausto originem ducat. Contra Plinium, Cardanum, Veigam, & Manardum, Medicos excellentissimos. 234
- 29 Num licitum sit nutricem menstruantem eligere, Contra Christoph. à Vega Medicum doctissimum. 236
- 30 Num nutrix pro infantium curatione expurganda, Contra Brauum Petrasitanum, Donatum Sanctorum, Medicos doctissimos. ibid.
- 31 Num panis azimus sit melior fermentato, vt voluit Celsus, Contra Bruyerinum, & Siluaticum, Medicos eximios. 238
- 32 Num phthisis aliquando curabilis. 239
- 33 Num saccharum frigidum sit. 240
- 34 Num phthisis, febribusque curandis Saccharum rosaceum sit ex usu, Contra Septalium Medicum præstantissimum. 241
- 35 Num lac animalis nigri sit suauius, & vtilius. Contra Amarum doctissimum. 243
- 36 Num tabes pericardij sit periculosus, & veluti incurabilis affectus. 255
- 37 Num simias in partibus intestinis homini simillimas, & non humana corpora secuerit Galenus. Contra Vesalium Anatomicum insignem, 256
- 38 Num imminentes morbi præcauendi, 258
- 39 Num ad sistendum sanguinem arterialem, præter obturancia, aliæque præsidia, arteriarum futura sit ex usu. 259
- 40 Num arteriopromia celebranda, Contra Hollerium doctissimum. 260
- 41 Num sudoris absterasio prouocet sudorem. Contra Lemosium, & Cardozum, Medicos eruditissimos. 263
- 42 Num pulli columbini bonis cibis sint annumerandi. 265
- 43 Num vterus odoribus delectetur. 267
- 44 Num frigida potus ad satietatem ante coctionem concedendus. 277
- 45 Num intemperantiæ calidæ, & frigidæ, citius, & facilius humidis, & siccis curentur. 282
- 46 Num frigidis ventriculi doloribus, meri potus salubris sit. 289
- 47 Num pulsus ferrinus perceptibilis. 294
- 48 Num coctio putredini contraria. 295
- 49 Num alimentum sup an ventriculi calore coquatur. Contra Vallesium. ibid.
- Num sanitas hominis sani communicetur corpori ægro. Contra Arist. & Montanum. 301
- An canina fames à vermibus aliquando ortum ducat. 303
- Quod dulcia, tam ad præseruationem quàm ad curationem Lumbricorum reprobata sint. Contra Gabucinum doctissimum. 305
- Num solus ventriculus, an membra etiam fameſcant. 306
- 40 Num vas cholidocum ad ventriculi fundum implanteretur. Contra Argentarium, Medicum acutissimum. 309
- 41 Num sitis immediata causa, sit siccitas in ore ventriculi percepta. Contra Thomam à Veiga, Medicum insignem. 311
- 42 Num vipera calida sit. Contra Mercurialem doctissimum. 312
- 43 Num vinum viperinum sit venenosum. ibid.
- 44 Num singultus, sit pulmonis passio. Contra Lupem, Medicum eximium. 317
- 45 Num somnus vacationes omnes cohibeat. 320
- 46 Num prohibitum effluuium, seu vicinia rei calidæ sit causa caloris. 321
47. Num futuri alui fluxus apud Hip. aliquod sit signum. 324
- 48 Num varietas ciborum pro sanitatis tutela, vtilis sit 326
- 49 Num in alui fluxu, expurgantia torrefacta sint ex usu. Contra Amatam, Hollerium, Rondelet, & Sclanum: eruditissimos. 330
50. Num in conclamata dysenteria, caustica per sedem infundenda. Contra Rondelet, doctissimum. 332
- 51 Num balneum in dysenteria aliquando possit esse ex usu 335
- 52 Num possit dari pestis citra perniciem. 338
- 53 Num veneno eneata, aut nutrita esui esse possint. Contra Langium, & Pareum doctissimos. 341
- 54 Num in inflammationibus pestilentibus internis è cubito mittendus sit sanguis. Contra Manardum doctissimum. 343
- 55 Num in colico dolore purgatio celebranda, Contra Massariam, & Sepralium doctissimos. 344
- 56 Num per frequentem ciborum adiectionem possit fieri curatio pei epierasin. 345
- 57 Num pituita vitrea in corpore gigni possit. 355
- 58 Num intempestius frigida potus nocere possit. 359
- 59 Num in phlegmone hepatis aliquando è talo ferienda vena. 368
- 60 Num hepatis scirrhus ab eius inflammatione oriri possit. Contra Fernel, doctissimum. 372
- 61 Num serum lactis hypochondriis murmurantibus sit ex usu. 376
- 62 Num yrinæ potus morborum curationi possit esse ex usu. 378
- 63 Num lien aliquando vrendus. 380
- 64 Num vitiosus oculi color, morbus sit, an symptoma. Contra Fernel, Argenter. & alios neotericos præstantissimos. 384
- 65 Num mæror, febrem, tabem, & mortem concitare possit. 385
- 66 Num solennium vacationum suppressio, vel vacuatio nimia hydropem & alia vitia concitare queat. 392
- 67 Num Cantharides hydropi sint ex usu, & num toto corpore sint venenosæ. Contra Lacunam, Amarum, Fuchsum, Langium, & Mercurialem doctissimos. 395
- 68 Num ex causa calida per se hydrops oriri possit. Contra Cardanum, Marcel, Iacchinum doctissimos. 404
- 69 Num venæ sectio ex talo plus debilitet, quàm basilica, vt voluit Auicenna. Contra Lazarum à Soro Medicum doctissimum. 409
- 70 Num solus homo inter cætera animalia calculo laboret. 412
- 71 Num pueri vesicæ calculis, senes, renum lapillis magis sint obnoxij. 413
- 72 Num vrina nigra aliquando ad bonum iudicet. 416
- 73 Num in Diabete intensior concitetur sitis, quàm in hydrope, aut causo. 422
- 74 Num mitia expurgantia in curatione diabetis sint ex usu. 423
- 75 Num fursuracum contentum sit deterius squammoso. 426

OBSERVATIONVM  
LIBRI PRIMI.OBSERVAT.  
PRIMA.LOPECIA, succo Nico-  
tiana curata. pag. 32 Tinea, aqua sublimati  
curata. 43 Pustula in facie inuete-  
rata, hirudinibus in ipsa impositis, sanantur. 54 Temporum immanis dolor, hirudinum succu saepe  
curatur. 65 Phrenitis ex puerperio retento, hirudinibus in-  
terna uteri parti applicitis, curatur. ibid.6 Ut venarū sedis orificia ad hirudinum impositio-  
nem melius emineant, optimum praesidium. ib.7 Hirudo per anum casu ingrediens, auxilio quo-  
dam semimortua extracta. 78 Hirudo incuria Chirurgi per nasum ingrediens,  
hominem interfecit. ibid.9 Septuagenarius phlebotomatus fluente actu san-  
guine, emoritur. 9

10 Ab odore vini Apoplexia sequuta. 10

11 Phrenitis confirmata, cucurbitula in syncipite  
scarificata curatur. 15Septimestris septem diebus, emplastris nutrientibus  
alta, vitam produxit. 20

12 Phrenitis sana, artificiosa vacuatione curata. 22

13 Vigilia importuna, narcoticis curata. 24

14 Noctambulus balneo curatus. 28

15 Epilepsia à pollice excitata, caustico pollicis labo-  
ranti imposito, sanatur. 3216 Exitiales cerebri affectus, cauterio ad bregma  
indito, curantur. 3317 Iuuenis quidam Lusitanus ulceribus in facie diu  
miserrimè concussus, fontanella in crure aper-  
ta, & aliis auxiliis tempestivè adhibitis cura-  
tur. ibid.18 Fontanellis in inguine sponte apertis, quidam à  
saxo morbo gallico evasit immunis, 3419 A frequenti abortu, fontanella celebrata fami-  
na liberantur. 3520 Diarrhaea venenosa, smaragdo assumpta cura-  
tur. 40

21 Eboris ad plurimos usus vis mirabilis. 42

22 Quidam epilepsia saevissima frequenter concus-  
sus, secta ex intervallis saphena, ab ea praefer-  
natur. 45

23 Epileptici syrupo Nicotiana curati. 57

24 Decimana febris possibilis. ibid.

25 Femina septimestris, repetita sapius ex talo  
phlebotomia, feliciter peperit. 5926 Gravida epilepsia ab utero correpta, secta in  
brachio vena periere, è contra è talo secta re-  
viviscunt. 6027 Nonimestris, epilepsia, melancholiaeque correpta,  
hirudinibus sedi applicitis curatur. ibid.28 Pseudohydrops uteri in gravida pronatus, pro-  
funda scarificatione, curatur. ibid.29 Gravida bubonem pestiferum in inguine habent-  
es, secta vena in talo tuto curantur. ibid.30 Gravida in omni gestationis mense copiosè phle-  
botomata, feliciter pepererunt. 6231 Apoplexia ritè fluentibus menstruis, repetita ce-  
phalica sectione curatur. 64Desperata apoplexia, cucurbitula bis in occipite  
scarificata, curatur. ibid.32 Apoplecticus pro mortuo habitus, post duorum  
dierum spatium, revixit. 63

33 Diutinus moror, auri potabilis Vsu, curatur. 70

34 Melancholia profunda, lapide belzaartico, va-  
rio modo exhibito, curatur. 7135 Lapis belzaarticus in maiori quantitate assum-  
ptus, potentius venenum extinguit. ibid.

36 Lithiasis, lapidis belzaartici usu, curatur. 72

37 Cachunde ad flatus melancholicos medicamen-  
tum praestantissimum. 7338 Melancholicus se algidum perpetuò existimans,  
miro ingenio curatus. 75

39 Melancholicus artificio curatus. ibid.

40 Iuuenis ex suppressis haemorrhoidibus melan-  
cholia laborans, his venis apertis scalpello, illi-  
cò citata haemorrhagia emoritur. 7841 Ophthalmia sana, copiosissima vena sectione  
curata. 9142 Ophthalmia diuturna, dextra saluatella sectio-  
ne, curata. 9443 Immanis inguinum dolor, saluatella sectione cu-  
ratur. ibid.44 Quidam auris dolore laborans, imposito intra  
aurem opio, emortuus. 10145 Umbilici dolor saevissimus cum valida febre, opio  
epoto curatus. 10346 Dentium dolor saevissimus niue circumposita  
ablatus. 11847 Lingua portentosus tumor, hirudinum succu  
curatus. 121

48 Ingens lingua tumor ipsa scarificata, sanatur. ib.

49 Lapis supra mucronem lingua enatus 122

50 Panus Gallicus sub alis & retro aures pronatus.  
128

51 Ex Mercurij usu, mors subsequuta. 129

52 Mercurius in potum assumptus Gallicatis pra-  
stantissimum auxilium. 13053 Saeuus morbus Gallicus, unguento Mercuriali  
antiquo non succumbens, recenter facto cura-  
tur. 13154 Angina canina, cucurbitula sub mento scarifi-  
cata, curatur. 13255 Angina acutissima, iugularibus venis sectis, cu-  
ratur. 13456 Morbosa femina ob menstruum retentum, secta  
vena in cubito, subito percutit, secta in talo,  
convalescunt. 137

## Elenchus Obseruationum Libri II.

- 57 Suffocante angina post partum oppressa femina  
superis venis scissis, & scarificata in occipite  
cucurbitula, reuixit. 139
- 58 Stercus humanum, celebre aduersus venena alexipharmacum. 144


### Obseruationes Libri I I.

- OBSERV. **G**rauidæ variolis etiam corripiuntur.  
PRIMA. pag. 168
- 2 Hemorrhagia mira. 183
- 3 Quidam ira percitus violentas manus sibi intulit. 194
- 4 Lateris dolore correptus vena secta illico occubuit. 203
- 5 Pleuritidis fraudulenta intra duos dies interficiens. 214
- 6 Pleuritica adstringentium usu emortua. 219
- 7 Phthisis Ebeni decocto curatur. 239
- 8 Globus crystalliformis tussi proiectus. 249
- 9 Palpitatio saua, hyrudinibus supra cor affixis, curatur. 251
- 10 Importunus ventriculi dolor, vini absinthites potu, curatur. 285
- 11 Tania admiranda. 303
- 12 Vermis admirandus, absinthij ope interfectus. 305

- 13 Ad singultum ex calore subortum, eximium auxilium. 318
- 14 Diarrhæa biliosa, sola saluatella sectione, curata. 328
- 15 Dolori nephritico, fonticulus in crure utilissimus. 354
- 16 Ad desperatum voluulum, optimum enema. 358
- 17 Epilepsia ex vermibus orta, theriaca curata. 361
- 18 Dolor Hippochondriorum, sæpè lethalis. 377
- 19 Ex mirachiali affectu Symptomata sequuta, Ebena curata. ibid.
- 20 Icterus à veneno, non semper flauus. 388
- 21 Pro hydrope curando fontanella mirabiles. 401
- 22 Ambuena medicamentum exoticum, hydropi valde salutare. ibid.
- 23 Hydropica, foramine in pollice dextri pedis aperto, excretâ copiosâ aquâ, conualuit. 405
- 24 Ascite laborans, perforato natura vi umbilico, integrè curatur. 406
- 25 Hydrops mirabilis. ibid.
- 26 Cruenta deiectio, critica. 424
- 27 Vesica vlcus mirabile lacte curatum. 425
- Obseruat. Lib. V. Lapis Belzaar ex cantho oculorum cerui extractus contra venena efficax antidotum. 901
- Spicilegium Anatomicum, in quo partes omnes corporis humani breuiter & compendiosè ac dilucidè describuntur. 921







# DE MEDICORVM PRINCIPVM HISTORIA.

LIBER PRIMVS,

*De capitis effectibus.*

PRÆLVDIVM.

**A**NIMALIVM omnium princeps homo, (miraculum magnum) licet in se, ob præclara tam animi, quam corporis insignia nobilissimus ac diuinissimus sit, tum ex mirabili eius dignitate ac structura, tum ex temperie, quam (præ cæteris animantibus) exactissimam, symmetramque obtinuit: tamen cum à discordi quatuor primarum qualitatum concordia, ab elementorum ab inuicem inter se pugnantium discordia, tanquam à principio interno; à rebus naturalibus, contra naturam, & non naturalibus, velut à causa vrgentissima, & vehementissima oppugnetur, cum sit mixtorum vltimum, subit maiorem varietatem compositionis, quam cætera omnia, ita vt cum eodem ad sensum temperamento, varias & affectiones, & passiones experiatur.

Eas ergo à capite potissimum auspicari libuit. Est enim caput rationis domicilium, facultatis animalis, ac cerebri receptaculum, quod velut galea ipsum regit, & ab externis iniuriis defendit. Et cum sit caminus vniuersi corporis, & cucurbitulæ instar, trahat continuo, sorbeatque partium inferiorum expirationes, cum sit in altissima sede, tanquam in suprema arce locatum, non potest non crebris vaporum, & fuliginum haustibus repleri, & inebriari; licet per plures cauernas, os, nares, aures, excrementa sua ab infernis partibus ascendentia à se depellat.

Quare fit, vt mutua dimicatione, & pugna cerebrum afficiatur, & ex eo in subiectas partes sese exonerante, emanet innumerabilium morborum acervus. Et quod caput sit omnium ægritudinum radix, atque origo. Ex qua scaturigine, sæui, periculosi, & lethales dimanant affectus, quos recensere esset valde laboriosum.

Ad hæc, Cerebrum in capite receptum, membrum est diuinissimum, & quod figuram dat vniuerso corpori: nam ex capitis magnitudine reliquorum ossium naturam putat pendere Hipp. Pars ergo est præstantissima, in qua principes animæ facultates resident, diuiniore, ac excellentiores, ratiocinatrix, morrix, sentiens, rectrixque facultas in ea sitæ sunt.

Siue ergo eius præstantiam ex situ, siue ex operationum dignitate, siue ex functionum robore rimeris: ab hac parte, has medicinales principum Medicorum historias ordiri commodissimum fuit. Est enim cerebrum corde nobilius, præstantius, ac excellentius; nam memoriæ, iudicij, & cogitationis est vberima officina. Sed & cerebro omnia famulantur, eiusque gratia totum corpus constructum est. Est ergo nobilitate cæteris præcipuis partibus præferendum. Cuius affectiones, ad vitales partes vsque, in hoc primo libro, fauente Altissimo, delineabimus.

# HISTORIA I. GALENI, DE ALOPECIA.

Alopecia, sola purgatione, sanata.



**A**DOLESCENS quispian bona habitudinis, & exercitijs assuetus, hanc affectionem in capite habebat. Erat autem satis familiaris mihi, ut victus rationem etiam ipsius, qua iam per tres, aut quatuor menses usus erat, probè nossem: explebat enim se quotidie fermè fungis. Hunc itaque sola hiera ex Colocynthide purgavi, bis in quinque diebus: in prima sanè purgatione, quatuor ex ea drachmis, in secunda, quinque exhibitis. Priusquam verò ad has purgationes devenirem, catapotia ex Aloë undecim ei prabui,\* ciceribus ferè magnitudinè parem habentia. Habent enim catapotia hac Colocynthidis partem unam, Aloës, & Scammonia, viriusque partes duas. His ego partem unam succi Absinthij misceo; ante verò etiam Mastichen Chiam, & Bdellium adieci: hoc enim modo Quintus utebatur. Verum propter quid ea reiecerim postea, alio sermone explicabitur, quem in compositionis purgantium pharmacorum libros referuo. Cum itaque post has tres purgationes, homini pituitam è capite deducere per apophlegmatismos vellem, atq; deinde pharmacum quoddam ad affectam partem adhibere, contigit ipsum derepente in profectionem quandam ablegari, in qua cum boni succi cibis, de quibus à me audieras, viveretur, post dies fortè viginti rediit, ab affectione circa capillos penitus curatus, &c. Galenus lib. 1. de compos. Med. secund. loc. c. 2.

## PARAPHRASIS IN PRIMAM Historiam Galeni.

**D**E Alopecia est in hac historia sermo. Est autem sic vocata, quòd vulpi, quæ Græcè dicitur *ἀλώπηξ*, frequenter accidat. Eius autè causa, auctore Auic. 7. 4. tract. 1. c. 5. est materia mala, radicum pilorum originibus adhærens, easque corrodens. Humorem autem, qualis sit, ex colore cutis facile agnosces: aliquibus enim albidior apparet, alijs nigrior, aut pallidior. In hoc autem ægro, ubetiorè adfuisse pituitæ copiam victus præcedens manifestè indicavit: Nam diu usus est fungis, qui crassum, tenacem, frigidumque suctum gignunt, ex Gal. 2. de alim. facult. cap. 69. qui non concoctus, tum ob crassitiem, lib. de bon. & vit. suc. c. 7. tum ob deleteriam, & perniciosam vim, ex Dioscorid. lib. 6. cap. 23. & alijs, ab officinis compositionis tanquam onerosus ad caput expellitur, radicesque pilorum corrumpit, & alopeciam facit. Hic cum alienus sit à sanguinis natura, vacuandus est, ne deinceps maius negotium facessat. Quod opus commendat summopere Gal. Medico curaturo; nam citra vniuersalis auxilij rationem frustra topica imponuntur auxilia.

Qua de causa purgavit ægrum Colocynthide, medicamento sanè violento, & forti, quantitate drachmarum quatuor exhibito, quoniam humores erant crassi, tenaces, & lenti, naturâ suâ ad purgationem inepti, & in parte siti, à viis ductuum valdè remota, qui ut educantur, valentiori egent medicamento, & in maiori quantitate assumpto.

Et licet in initio morbi, in prima vice deberet propinari in maiori quantitate, quam in secunda, tum quoniam vires erant fortiores, humorumque copia liberalis: tamen ut citius incederet, minorem in prima vice, medicinali alioquin effrænis, quantitatem exhibuit: ex quo

A felici euentu factus audacior, quantitatem illius auxit in secunda.

Purgavit autem bis in quinque diebus, quoniam multi, viscosique succi simul vacuari nequeunt, & si subitò educere tentes, robur partis præstantis nimium exolues, & maximè cum à crudorum humorum sarcina, debilis & onerata natura, simultaneam vacuationem ferre non possit; quare ij paulatim sunt coquendi, & paulatim vacuandi.

Concoxit autem, & præparauit (licet expressè de medicamentis non loquatur) exhibitis catapotijs ex Aloë, Mastiche, Bdellio, Absinthio, & alijs: hæc enim calida cum sint, & tenuium partium, crassos humores incidunt, attenuant, secant, & coquunt, ut probat Aëtius tetrab. 1. serm. 3. c. 115. Utebatur autem singulis diebus, ex hac antidoto (loquetur de hiera Ruffi ex Colocynthide,) faba magnitudine, non purgationis gratiâ; magnoperè enim confert ad purgationes, & statim discit, &c. Dedit autem non concoctoria, sed expurgantia, ut alius quadantenus moueretur, & humores fortè redundantes in primis viis subducerentur, ut sic leuata natura, & detracta copia, corpus fieret fluidum.

Neque mireris Gal. ad domandam Scammonia & Colocynthidis malitiam, correctoria non miscuisse, reieciſſeque Mastichen, quam Quintus iniiciendam affirmabat, Nam Bdellium, & Mastiche suo lentore, & crassitie, acrimoniam horum medicamentorum obtundunt nimis; hac de causa miscuit Aloëm, quod medicamentum, prærogatiuam quandam habere super omnia medicamenta Gal. cæterique Græci, & Arabes confirmant: Nam pleraque omnia ventriculum labefactant: sola Aloë eum roborat, & non solum effrænium medicamentorum vires corrigit, atque emendat, sed ab horum iniurijs ipsum, cæteraque viscera tuetur, ac defendit; neque illorum facultatem purgatricem debilitat, sed adauget. Quare veteres, præsertimque Arabes cum medicamentis validis pilulas componentibus Aloëm miscere consueverunt.

Compositionem ergo à Gal. allatam, optimè esse confectam iudicabis. Nam licet pituitosus humor, causa mali, esset educendus, & Aloë, & Scam. bilem primò expurgent: tamen, quoniam erat bonæ habitudinis, qui curabatur, iuuenis, & in quo ratione ætatis & temperamenti, bilis ferè semper copia inest, exhibuit cholagoga, quæ etiam secundariò pituitam expurgant, cum iis etiam miscens Colocynth. & alia, quæ crassos humores vacuare nata sunt.

Post quæ, ad apophlegmatismos accedere conabatur, hoc est, ad ea, quæ pituitam è capite per os euacuant, teste Paul. lib. 5. cap. 1. quæ ex medicamentis parantur calidissimis, veluti Negilla, Pyrethro, & alijs cum cera permixtis, quibus utendum capite inclinato, ex Gal. 2. sec. loc. cap. 2. ut sic masticatione, deducta in palatum pituita, melius expurgari possit. Sed cum per frequentem vacuationem hic humor esset exhaustus, factum est, ut æger citra topicum auxilium fuerit curatus.

Quantum intersit, Medicos in ciuitate populosissima curatricem scientiam exercere, ut in pluribus ægris varios casus, & admirabiles possint intueri, palam facit Gal. lib. 1. de articul. com. 22. Gloriatur enim eo loco, quòd non solum in urbe Roma, terra habitata compendio, medicam artem exercuerit, sed etiam quòd omnia, quæ abstrusa accidebant

accidebant in proximis orbibus, ab amicis explorata habuerit: Quare ne mireris, inquit ipse, si plures hactenus inuenerim casus, quam Hsp. Nam urbes, quæcum ipse meminisse, ubi diutius egit, non plures incolunt, quam Roma vicum unum. Sic ego in nobilissimis Europæ ciuitatibus, Phœbæam artem exercens, in faciendâ medicina occupatissimus, plura morborum, & curationum exempla notavi, quæ cum scitu digna sint, nec infrugifera, & pro nostrarum virium captu absoluta, ea huic operi alternatim inserere non dubitanti.

## Observatio I.

### Alopecia succo Nicotianæ curata.

Illustrissimus quidam Lusitanus, cuius nomen decoris causa, consulto reticere licet, toto corpore, & capite depilis factus, cum corruptis humoribus scateret, neque sudorificis ex similace aspera (erat enim Gallicæ luis suspicio) iuuaretur: vnguento tamen vtens mercuriali, nulla sequuta per os, aut aliam regionem vacuatione, opem vix sensit ullam. Tandem succo Nicotianæ, (vulgò vocant Tabaco) toto corpore vnctus, pili geniti sunt, pristinumque nitorem recuperant. Miror autem quod aromatum diligentissimi scriptores, de huius vi ex professo differentes, vt Monardus, Christoph. à Costa, Fragosus, Clusius, de hac facultate non meminerint, quam ego aduersus Alopecia sæpe felicissimè sum expertus: Et plurimis experimentis firmavit Ioannes Meander Bremanus lib. de Tabacologia, ferè per totum.

## QVÆSTIO I.

Quod pilularum vsus à Græcis, & non ab Arabibus sit inuentus. Contra Mercurial. doctiss.

### COMMENTARIUM.

Ciceribus ferè magnitudinem parem habentia. Explicata Galenica serie, nodos solum, & spinas rimari decreui, præsertim in vita breui, artèque longa. Nam interpretis officium solum circa orationes obscuras versatur: auctore Gal. lib. 1. epid. sect. 2. com. 56. & lib. 3. aph. in præfat. Taxat enim Gal. lib. 1. epid. sect. 3. com. 5. in fin. sui temporis Medicos, quod verum artis vsum negligentes, in interpretando Hipp. nullius frugis sapientiam commentarentur: Nam obscura sunt quæ illustrent prorsus Medicum. Sophista verò, dum de vocibus, & significatis contendit, suum, & discipulorum tempus consumit. Quoniam logica quæstiones prætereundæ sunt, ex Gal. lib. 1. de loc. c. 4. quum in iis, quæ ad artis vsum conferunt, diu immorandum esse, & prætermittenda quæcumque sophisticè sunt tradita Gal. proclamat sæpe, in lib. 6. epid. sect. 5. com. 14. nam hæc nihil ad melius sanandum conferunt: vt disertè probat Gal. lib. 6. prorrhet. sect. 1. com. 33. In quibus seriis controuersis explicandis, vt veritas, in Democriti puteo latitans, & à Iunioribus, tot contradictionum labyrinthis obscurata, velut alter Sol, purior euadat, necesse est contra hos acriter disceptare. Et primò sic pro textus expositione.

Quod pilularum vsus à Græcis, & non ab Arabibus sit inuentus, contra Mercurialem. Is enim lib. 1. de cap. affect. cap. 3. ei se adstrinxit opinioni, vt crederet, pilularum vsum à Græcis minimè fuisse cognitum. Sed opinionem eius redargunt plurima, passim in Gal. & Medicorum libris conscripta. Nam Græci pilulas vocare coccia, vt ait Arnaldus in Mesuem, tract. de pilul. Quid enim euidentius dici potest, quam quod à Gal. profertur hoc loco, nempe medicamenta solida ad expurgandum, facta fuisse ciceris magnitudine: quod etiam facit lib. 7. sec. loc. cap. 2. sit. de arteriacis ab Asclep. conscriptis, dum ea, erui magnitudine in somnum euntibus concedit, & sit. de confectionibus ad tussim, ea simili forma exhibet, & lib. 8. eiusd. cap. 8. ea præbet nucis Ponticæ magnitudine: & lib. 10. eiusd. sit. de Nephrit. compos. tria catapotia exhibet Lib. I.

ciceris magnitudine. Insuper lib. 14. Meth. 8. pro linguæ tumefactæ medela pilulas (sic enim loquitur) vesperti sumendas consulit. Paul. libr. 7. cap. 5. Catapotia conficit in modum ciceris, quorum vndecim vnica vice præbet. Demum Tral. lib. 2. cap. 4. solida medicamenta in globulos efformare docet, quod etiam facit Celsus, lib. 5. cap. 25.

Pilulæ ergo, quæ à Græcis granula, coccia, catapotia, globuli dicuntur, ab illis cognitæ sunt, & maximè cum dicat Scribonius Largus, comp. 87. & Marcellus Empiricus, quod cataportium, medicamentum est, quod non diluitur, sed in globulos efformatum, integrum detoratur, vt eleganter probat Trincauel. lib. 1. de compos. medic. cap. 17. de pilul. Quæ medicamenta in hac forma in varios vsus antiquitas construebat, de quo argumento videndus Ant. Musa Brasauol. in examine cataportiorum, in fin. præfat. Lege Quintum Serenum cap. 55. qui pilulas, glomeramina vocat.

Dilue præterea glomeramina, quæ gerit intus  
Clausula Aries, inter gemina coxendicis umbram.

## HISTORIA II. RASIS, De Alopecia.

### Alopecia, topicis medicamentis, curata.

Ir quidam diues, & de genere Ducum, incepit pati alopecia in capite, & ceciderunt de capillis in quantitate duorum digitorum: & venit ad me, & præcepi quod fricaretur locus cum panno aspero, vsque quò esset rubificatus, deinde fricaui ipsum cum capis, & fecit sibi hanc curam pluries reiterari, donec ampullatus esset locus, & mandauit ipsum lenire cum adipe gallina ad mirigandum feruorem, & cessauit, & spatio vnus mensis orti sunt pili, &c. Rasis in lib. de mirabilibus curis.

### PARAPHRASIS.

Valia debeant esse medicamenta ad generandos pilos aptissima, docent latè Gal. lib. 2. sec. loc. cap. 2. & Aëtius terrab. 2. ferm. 2. cap. 55. Nam discutiant necesse est, partes profundas penetrent, sanguinem optimum pilorum generationi accommodum ad cutem attrahant, vt doctè explicat Mercurial. lib. 1. de morb. cutan. c. 4. in quem vsum rubificantia sunt inuenta, vt firmat Gal. lib. 1. sec. loc. cap. 2. hæc enim medicamenta, partem cui applicantur rubram faciunt, tumentemque: ita enim acris sunt, vt suo calore, ab internis, ad externas sedes, quidquid reconditum est, traducant, transponantque, vt lib. 6. simp. cap. de Zingib. affirmat Gal. de quorum numero sunt Elenium, iberis, sinapis, & cœparum genus omne. Quoniam tamen sæpissimè contingit, vt ad caput, ratione caloris, & doloris, confluant excrementa, ne inflammatio concitari possit dolorem lenire necesse est, iis, quæ tum acrium humorum prouentum cohibent lentore suo, tum illorum caliditatem, mulcebre qualitate, & anodyna obtundunt: quam facultatem habere adipem gallinæ inter cæteros tradit Paul. lib. 7. sit. de adipe.

Medicamenta ergo ad gignendos pilos accommodata, ea lege imponenda sunt, vt cum eis vrinus adeps misceatur semper: quod auxilium huic affectui esse nulli secundum, cum Gal. firmat Amatus 4. cent. 4. Nam à proprietate iuuat, vt ex veterum & iuniorum mente doctè probat Conradus Gesnerius, lib. 1. de quadrup. sit. de Vrsu, litera G. Cuius loco, leonis, pardalis, & hyænz adeps substitui potest.

Pro parandis tamen vnguentis hæc sunt præcipua: Apes viuæ, vel mortuæ vstæ, capil, veneris, Abrotan. Absinth. semen apij, cortices nucum pinearum, auellan. amygdal. castaneæ, stercus muris, & capræ, spuma nitri, capita muscarum vsta, folia hederæ, radix arundinis, lauendulæ, & lapathi acuti, Euphorb. Pyrethrum, Zingib. rosmarinus, ex quibus cum pilis Vrsi vstis, A 2 axungia

4  
 axungia vrsina, oleomastich. vel lentiscino, ladano, & A  
 melle, possunt in hunc vsum varia parari vnguenta. Vide  
 Gal. lib. 14. Meth. cap. 18. Et varia remedia quære apud  
 Gondicalnum Rodericum Cabreira, in suo libello de Chi-  
 rurgia, Lusitano idiomate conscripto.

## HISTORIA III. GALENI,

### De tineæ.

Rusticus achoribus scatens, locali  
 auxilio perlanatus.

Porrò cum aliquando ruri degenti mihi pharmacum ex  
 charta ad manum non esset, conspecta in agri domo, inutili  
 alias charta, faculam postulanti, exustaque charta, ac aceto di-  
 luta, locum affectum illeni, hominemque postridie ad me veni-  
 re iussi: sciebam enim quod cum dura carnis esset, pharmacum  
 ferre posset. Qui ubi venisset, parum aberat quin curatus esset:  
 quare \* ad aliud pharmacum non transiui, sed eodem vi-  
 ussum, postera die perfecte sanitati restitutum ab achoribus  
 conspexi, &c. Hæc Gal. lib. 1. de compos. med. sec. loc. cap. 8.  
 in princ.

### PARAPHRASIS.

QVæ Medicorum vulgus, à continuo saniei fluxu,  
 manantia capitis vlcerà vocat, ea Græci, Achoras, &  
 iuniores barbari, quoniam vestium tineis simillima sunt,  
 tineam appellare consueuerunt, & Paul. lib. 3. cap. 3. vlcerà  
 esse dicit, tenuissimis foraminibus cutem perforantia, ex  
 quibus glutinosa sanies effluere solet. Originè verò præ-  
 sentis mali, ad nitrosam, salisamque pituitam refert Ægi-  
 neta. Et Gulielmus Placentinus lib. 3. cap. 8. hunc morbum  
 cum vdis pustulis euenire sibi persuasit. Et Rasis ex san-  
 guinis copia, vnà cum cutis humiditate accidere tenet.  
 lib. de puer agritud. Constat autem apud omnes, istiusmodi  
 vitium ex humoribus prauis, salis, nitrosi, acutis, exeden-  
 tibus, ortum ducere, & non solum in capite, facie, sed &  
 vniuerso corpore contingere, vt refert Theodor. Priscian.  
 lib. 1. ad Timoth. De tineæ speciebus, signis, & prognosi  
 cõsule Arabes, & post hos Mercurial. lib. 1. de morb. cutan.  
 c. 9. & 10. Ludou. Mercat. lib. de puer. morb. c. 21.

In quorum vlcerum curatione præter vniuersalia au-  
 xilia, cum ipsa contumacia ad sanandum existunt, empla-  
 strum ex charta combusta imponere vtilissimum iudica-  
 uit Gal. cum enim rusticus esset, qui curabatur homo, &  
 duræ carnis, acius poterat tolerare medicamentum: quo  
 imposito, factum est vt siccato vlcere, ad alia auxilia de-  
 uenire non cogeretur. Plurimum autem laudasse Gal. inter  
 cætera hoc medicamentũ, ex ipso constat manifestè lib. 5.  
 sec. gen. c. 14. tit. arida cicatricem indecentia, &c. quo loco,  
 ex Lucij, Theotropi, Ptolemæi, Moschionisque sententia,  
 vitur ad nomas diachartu, (sic enim hoc medicamentum  
 à Græcis appellatur) & vlcerà sordida repurganda; effeque  
 hoc huic vsui validissimum asseuerat 9. sec. loc. c. 8. & lib. 8.  
 simp. tit. de papyro. Quo sæpissimè vsum fuisse tradit lib. 5.  
 meth. cap. 15. cum felici euentu, idque per celebri historia  
 confirmat, cum sit ad vlcerà exiccanda præstantissimum.  
 Cuius medicamenti compositionem, licet æris squamma,  
 sulphur viuum, auripigmentum, plumbum crematum, in-  
 grediantur, ex Paul. sententia lib. 7. cap. 13. in princip. hoc  
 valentissimam habere exiccandi vim existima, si vnà char-  
 ta combusta misceatur his: Quo in diuturnis malis, cor-  
 pore sæpius iam purgato, vti fas est. At verò in nostro  
 ægto, quoniam vitium solum erat in parte externa, citra  
 internarum partiũ læsionem, solum sufficiens fuit ex char-  
 ta combusta cum aceto, pro miti affectu emplastrum adhi-  
 bere; quamuis enim cum rosaceo præparet. Paul. Acetum  
 nimis superfluum exiccet humiditatem, & humoris acuti  
 impetum refrænât, penetrat, & impensè fluxionem arcer.

Alium etiam affert Plinius modum, quo id veteres fa-  
 ciebant, lib. 13. nat. Hist. cap. 11. & 12. Erat autem papyrus  
 genus quoddam iunci, quod habet strenuam desiccandi  
 vim; Nos iuncum Indicum vocamus: quo cum careamus,

papyrus crassam, vstam, & aceto maceratam loco illius  
 possumus substituere; qua deficiente, chartam nostram eli-  
 gere oportet: quæ cum ex pannis lineis confusis, & mace-  
 ratis fiat, exiccare potest. Nos easdem vires non obtinere  
 chartam nostram cum antiqua affirmamus, sed ferè similes  
 habere putamus: Vt sic satisfaciamus Mathiol. & Lacunæ,  
 qui lib. 1. in Dioscorid. cap. 95. ex nostra charta non posse  
 fieri id celebratissimum auxilium, quo ad exiccanda vlcerà  
 antiquitas utebatur, sibi persuadent. Sed immeritò. Nam si  
 panni linei apud Gal. 1. sec. loc. cap. 2. exiccant, cur papyrus  
 nostra ex eisdem confecta non exiccabit?

### Observatio II.

Tineæ, aqua sublimati curat.

B Contumacissimus morbus tineæ est, qua quum septem  
 annorum spatio iuuenis laboraret, & varia vniuersa-  
 lia, topicæque ex elleboro, sulphure viuo, auripigmento,  
 calce viua, alumine, mercurio, & aliis violentis conflata  
 experiretur incassum, aqua calida, quantum ferre poterat,  
 in qua prius sublimatum infundebatur, singulis diebus,  
 bis, toto capite lotus, (prius tamen bellè purgato corpo-  
 re) sanitatem obtinuit. Erat enim quantitas sublimati 3. ij.  
 ad lb. ij. aquæ. Hoc enim medicamentum pro hoc Hercu-  
 leo debellando morbo præ cæteris est præstantissimum.  
 Experietis & miraberis effectum. Et non cesses lauare ca-  
 put, quousque vlcerà omnino mudentur, & rubescant.

### QUESTIO II.

Quod in morborum curatione, remediorum  
 immutatio sit ex vsu.

### COMMENTARIUM.

A D aliud pharmacum non transiui, &c.] Dubitant Me-  
 dici, num in morborum curatione remediorum im-  
 mutatio sit ex vsu, & pro parte negat. Hipp. in sui subsi-  
 dium afferre solent, lib. 2. aph. 5. 2. dicentem, non esse trans-  
 eundum ad aliud auxilium, licet id secundum rationem  
 non eueniat. Quoniam reperiuntur morbi, qui præ sui  
 contumacia auxiliis medicis non succumbunt; quales  
 sunt ex crassis humoribus orti, in quibus (ait Gal. 2. sec. loc.  
 cap. 1.) rationabiliter secundum indicationem præsidii  
 vitur, etiam si nullum à principio commodum sequa-  
 tur; Nam, vt doctè inibi Gal. aduertit, sicuti aqua sæpè ca-  
 dens, durum lapidem longo tempore excauat: sic morbi  
 pertinaces, ex diuturna auxiliorum applicatione iuari  
 solent; in quibus, qui recta ratione inuenerit quod con-  
 ducit, non discedat ab illo, quod primò faciendum existi-  
 mauit. Ex quo constat plurimum esse vituperandos, qui  
 permanente eadem morbi dispositione, assidue præsidia  
 immutant, quos summopere carpit Gal. lib. 1. de dieb. decret.  
 c. 11. cum nihil sit quod plus sanitatem impediât, quàm reme-  
 diorum crebra mutatio, auctore Seneca lib. 1. epist. 2. Non  
 enim venit vulnus ad cicatricem, inquit ipse, in quo crebra  
 medicamina tentantur.

Contrà facit Gal. 5. de sanit. cap. 9. docens enim auxilia,  
 quibus ad ciendam aluum senes vti debent, monet vt iis  
 variè vti possimus: Nam assuefacta natura, eorum vim con-  
 temnit; quoniam, vt inquit Auic. 4. 1. cap. 1. ab assuetis non  
 fit passio, & unicuique corpori, imò omni membro, in vna ho-  
 ra, & non in altera, inest proprietas ab vna medicina pati, &  
 non ab alia. Quod etiam confirmat Paul. lib. 3. cap. 78. At  
 in quibus obscura morbi est origo, hæc semel experiri abundè  
 fuerit, modò ad consimilia transendum est, modò ad contra-  
 ria: Neque tamen eis diutius immorari licet, si nullum ex iis  
 solatium perceperit: Hæc quotidie in artis operibus fieri vi-  
 demus, vt idem medicamentum vni articulo profuerit, al-  
 teri in eodem agrotante, similiter inflammato, non modò  
 non opituletur eodem tempore, sed aliquando (quod maxime  
 est mirum) offenderit, &c. Quod repetit Haly 8. præf. cap.  
 ult. iuxta fin. cum diutius vno curaueris medicamine, nec  
 prodest, ad contrarium transit, quoniam huius fortasse natu-  
 ra,



ra, non conuenit huiusmodi natura passionis, &c. Sunt enim plurimæ proprietates occultæ, quæ exprimi nequeunt, ob quas accidit, ut plus hoc membrum hoc auxilio, quam alio adiunetur.

Licet ergo immutare auxilia, dummodò in eis eadem virtus remaneat. Quare Auer. lib. 1. c. 2. sic asserit. *Concedo quòd Medicus de una medicina ad aliam transire potest, & debet; quoniam si sola una uteretur medicina, possibile esset, quòd natura in habitum conuerteretur, &c. Quo pacto Auic. 2. 3. tract. 2. cap. 7. permutationem consulit medicinarum. Et scias, ut permutatio fiat cum medicinis: quandoque enim est medicina conferens uni membro, & non aliis, & quandoque confert in una hora, deinde post illud nocet, & mouet dolorem, &c.* Nam in vno membro proprietas est, ut ab vno auxilio iuuetur, & non ab alio. Quare permutatio remediorum optima est, dummodò sint eadem in virtute. Et hoc est quod docuit Hip. lib. de loc. in hom. n. 50. ut medicamento vno non conferente, ad aliud transeundum sit. De quo argumento inter omnes lege acutissimum Gentilius in com. nuper citati loc. Auic. & Antonium Mariam Bettum in com. cap. 3. Auic. fen. 4. lib. 1.

## HISTORIA IV. RASIS, De tineæ.

### Tineæ, hirudine super partem affectam imposita, curata.

**E**Terat in capite, & facie cuiusdam tineæ rufa, supra quam  
\* suspendi feci sanguisugam, & sanata fuit penitus, &c.  
Rasis lib. 36. cont. tract. 3. c. 2.

## PARAPHRASIS.

**I**nter sex tineæ differentias, positas ab Haly 8. theor. 5. Iquædam est, in qua eminet quidpiam simile papillis vberum mulierum cum rubore, & emanat cruor rufus. Pro cuius curatione plurima solent machinari auxilia, quæ præterquam quòd humorem fouentem euacuant, impactum etiam ex ipsamet parte exhauriunt. Cum ergo morbus ab auctore descriptus, ab hoc humore ortum duceret, nullum hirudine in affecta parte imposita, præstantius poterat excogitari auxilium.

Quo fere pro topico utebatur antiquitas: nam post celebrata præsidia vniuersalia, ad hoc, tanquam ad sacram anchoram, veteres necessitate quadam coacti, accedebant. Sic in omni arthritico dolore, siue manus, coxam, artusque infestet, fidissimo experimento confirmatum est, hirudines super affectam partem imponere, ut auctor est Cælius Aurel. lib. 5. sard. pas. cap. 15. Hirudines etiam adhibendæ, quas Græci bdellas appellant, &c. Et Theodoricus lib. 4. cap. 5. de gutta. Douynettus 4. apolog. 3. postea confirmarunt.

Priscorum doctissimi apud Aretæum lib. 2. acut. 6. plus commendant hirudines, quam scarificationes, quoniam ab ipsa ægra parte peccantem humorem altius educunt: & lib. 3. cap. 3. in anginæ curatione, vbi ab ægro formidatur cuspis ferri, sanguisugam apponere imperat. Oribas. 7. collect. cap. 21. pluribus nostri corporis partibus eas adhibet Paul. lib. 2. cap. 44. in dolore capitis in febribus, eas occipiti affigere iubet. Et lib. 3. cap. 77. super coxam eas applicare suadet, quando malum cucurbitulis incisa cute locuari non potest.

Deinde usu diuturno compertum est, præsentaneum auxilium esse, sub lingua eas affigere in canina, & suffocante angina, & in ipsa lingua ipsas apponere, quando intumescent nimis, & periculum suffocationis perferentis æger, ut humor in ipsa imbibitus, harum suctu possit exhauriri.

Sic eas, summa cum utilitate in ipso splenis loco imponit Aëtius tetr. 3. ferm. 2. cap. 11. Sic in abcessibus, cutis fœditatibus, malignis tumoribus, vulneribus, moribus virulentis sæpissime cum felici euentu imponuntur. Sic in exitialibus capitis affectibus in venis nasi, frontis,  
Lib. 1.

temporum, retrò aures, eis vimur frequenter, ut sic humor in intimis cerebri sedibus delitescens extrahatur. Quapropter summè admiror Mercurialem, virum alioquin in veterum scriptis valde versatum, qui in com. hist. 2. Epidemica, huius auxilij vsum, à Principibus Medicinæ fuisse ignoratum confirmat, quoniam id inuile prorsus, & periculosum existit. Si enim morsus, & foramen attendantur, quod facit animalculum istud, vsque adeò angustum est, ut solum tenuior sanguis exire possit, relicto crassiori, qui totius mali fomes existit. Sed vir iste grauitèr deceptus est: Nam præterquam quòd, ut vidisti, in morbis à crasso humore subortis, eis in parte affecta impositis antiquitas utebatur; foramen ab eis factum, ita est amplum ut per id sordes emanet crassissima, & copiosa sæpè fiat sanguinis vacuatio, quæ ut sistatur, plurima exigit adstringentia auxilia.

## Observatio III.

*Pustule in facie inueterate, hirudinibus in ipsa impositis, sanantur.*

**I**uuenis quidam, pustulis vlcerosus in facie diu, importunèque vexatus, multiplicia expertus fuit auxilia, in quorum numero sunt, præter vacuantia, balnea, fontanellæ in brachiis, & crure dextro apertæ, vnguenta mercurialia parti ipsi, & toti corpori administrata, (erat enim Gallicæ virulentia suspicio) serum caprinum multiplici vacuantium bilem retorridam (à qua vitium ortum ducebat) sylua confectum. Sed cum habitualis adesset in facie calida intemperies, ob quam, vel optimum alimentum, calor partis in reprobum humorem conuertebat: neque refrigerantia, & siccantia medicamenta possent esse ex vfu; quater applicitis 40. hirudinibus in facie, & extracto crasso, multo, & fædo sanguine, ita leuatum est malum, ut paucis post diebus, pustulis euanescentibus, nunquam recrudesceret.

## QVÆSTIO III.

*Quòd hirudines non solum sanguinem cutaneum attrahant, sed ex profundis corporis partibus peccantem humorem educant. Contra Menam, Mercurial. & Augenum, & communem Medicorum sententiam.*

## COMMENTARIUM.

**S**uspendi feci sanguisugam. Explicanda modò celebris quæstio est, num hirudines sanguinem cutaneum solum attrahant, ut voluit Gal. An ex profundo corporis peccantem humorem educant, ut firmat Auic. Et pro vtraque parte paria videntur esse argumenta. Gal. enim lib. de hirudinib. cap. 1. sic ait: Illud quoque compertum habere debes, hirudines ipsas sanguinem illum extrahere qui carnibus adiunctus est, non qui in imo corpore continetur, &c. Idem etiam legimus dixisse Antyllum apud Oribas. 7. coll. 21. in fin. Contra Auic. 4. 1. c. 22. dum sic ait: Extractio præterea sanguinis à sanguisugis facta, profundior est extractione, quæ fit cum ventosis, &c. Quòd prius insinuauit Aret. lib. 2. acut. cap. 6. sic enim inquit: Nonnullis autem hirudines, quàm scarificationes magis placent; nam eius bestiola morsus altius penetrat, &c. Quare si hirudines ex profundiori loco sanguinem euacuant, quàm cucurbitulæ, non solum sanguinem cutaneum extrahunt.

Placet vtilem quæstionem examinare ad vnguem, primò seorsim, deinde ex collatione ponderare vires, & efficaciam vtriusque, hisque tam repugnantibus locis veram conciliationem apponere.

## D V B I V M I.

*Num maximus sit hirudinum ad morbos leuandos vsus.*

**H**irudinum, & cucurbitularum vsum in affectibus plurimis, esse saluberrimum auxilium, nostro, & antiquorum

quorum et confirmatum est. De illis dicebat Plin. lib. 32. *A morrhoidalem subsequi veteres protulerunt, ut patet ex Hip. 6. aph. 11. & 12. & 4. eiusd. com. 25. & lib. 6. epid. sect. 2. com. 14. & sect. 5. com. 25. & sect. 6. com. 8. Actio, reprab. 2. ser. 1. cap. 29. Quam ob causam in pestiferis, malignisque febribus, præcipueque in pulicari, miro sunt auxilio, ut non minus late, quam seipse docent Petrus Salius lib. de feb. pestil. cap. 21. ad fin. & Ioannes Colle lib. 6. de morb. malign. cap. 7.*

Licet Antiquitas ferè vsa sit hirudinibus in cutaneis affectibus: Fecunda tamen manus Domini, quæ nec effœra est, nec abbreviata, multa alia in posterum effusura, alios vsus commodiores, & vniuersaliores, ex perenni liberalitate edocuit. Nam non solum plurimi in cutaneis affectibus pro particulari auxilio administrant, sed pro vniuersali, admodumque præsentaneo vti solent: nam post duo illa, tertio, quartoque loco, ordine succedunt & potestate.

Electæ ergo hirudines, rectè præparatæ, exhaustæ, inæritæ, pleno corpori, grandiori venæ, partique molli applicitæ, ut inquit Fernel. 2. *Meth.* 19. qualis communis, vel basilica sub flexura cubiti, quæ cum caua, amplaque venæ maximam communionem habet; seu turgentibus ani venulis, multo & crassiori sanguine refertis, vel similibus locis applicentur, ibique trisido vulnere inflicto, cuti tenacius adhæreant, sugunt avidissime, & vniuersi corporis plenitudinem, præsertim melancholicam, à distantissimis corporis partibus deponunt, ut est apud Plin. loco cit. Sanguinem enim quasi siphonibus exhauriunt.

Sic suris affixæ reuellunt à capite, & à corde in palpitatione, quod frequenti experimento confirmat Ludou. Marcat. lib. 1. *Indicar. cap. 4.* Idem moliuntur in pueris dysenteria laborantibus, brachiis affixæ; in quorum periculosissimis morbis, sedi appositæ mirificè iuuant, sanguinem serosum; (quo pueri scarent) exhaurientes, ut dilertè probant Cardanus lib. 2. *contradict. tract. 1. com. 16.* & Ludouic. Mercat. tom. 1. lib. 1. *quest. 169.* Insuper in morbis oculorum, post aures, vel nasi venulis affixæ summopere iuuant.

#### Observatio IV.

*Temporum immanis dolor, hirudinum sucu saepe curatur.*

IN temporibus arterias secandas esse consuluere prisce, licet ob vasa insignia per tempora excurrentia, tum vulnera earum partium lethalia sint, tum arteriotomia valde periculosa. Cumque ad hanc partem suapte natura (ob multas causas) debilissimam, ab infernis partibus, præsertimque ab utero, crassi, sæculentique sanguinis copia irruat, intolerabilis dolor, vnà cum frequenti temporum palpitatione, sæpe concitatur, ut multorum præsidiorum, vel etiam narcoticorum efficaciam contemnat. Tamen fidissimo experimento à me compertum est, in ipsis temporibus 10. aut 12. hirudines circulariter imponere; sic enim extracto sanguine crasso, & multo, ægri à sæuo cruciatu leuantur, & est securius arteriotomiæ auxilium.

Ob quem vsum cordi palpitanti plures apponere, sæpe semper iudicauimus. Hemorrhoidum verò & varicum tumores; & omnium quæ sub cute sunt infectionum labe discutiunt. Sic sedi appositæ, non solum ad leuandam naturam, & iuuandam coctionem, sed ad corporis transpirationem moliendam, factis vniuersalibus auxiliis, in omnibus venosi generis morbis, quando vires languent, & residuum humoris, ab igneo calore adusti deponere conamur, mirabilem opem præstant. Tunc enim non solum fit à distantissimis partibus huius sædi humoris reuulsio, vnàque vacuatio; sed incitatur sic natura, ut ad extremas, minisque præcipuas corporis partes illum expellere possit. Quare in febribus à crassis humoribus originem ducentibus, ut quartana, felicissima utilitate eas imponere, ratio, vsusque demonstrant; cum eadem præsent commoda, quæ ad spontaneum fluxum hæ-

morhoidalem subsequi veteres protulerunt, ut patet ex Hip. 6. aph. 11. & 12. & 4. eiusd. com. 25. & lib. 6. epid. sect. 2. com. 14. & sect. 5. com. 25. & sect. 6. com. 8. Actio, reprab. 2. ser. 1. cap. 29. Quam ob causam in pestiferis, malignisque febribus, præcipueque in pulicari, miro sunt auxilio, ut non minus late, quam seipse docent Petrus Salius lib. de feb. pestil. cap. 21. ad fin. & Ioannes Colle lib. 6. de morb. malign. cap. 7.

Quare in melancholicis affectibus admirabiles pariunt utilitates, ut maniâ, melancholiâ, ut proprio experimento obseruauit Amatus 2. com. 64. Probat eleganter Satorrel. lib. 19. *Aniepraxis cap. 13.* Qua de causa in retentis menstruis, eas hæmorrhoidibus venis affigere non est abs re; nam inter anum, & uterum mutuus adest consensus ob viciniam, ex Hip. 5. aph. 58, & ob vasorum communionem; à ramo enim hypogastrico, riui venarum ad uterum, & rectum intestinum perueniunt, ut notat Laurent. lib. 7. *de re anatomic. qu. 11.* & magis si à partu, aut abortu inuaserit morbus, periculosaque symptomata excitaucrit; Cum enim rectum intestinum superiaceat utero, & vacuatio à partu melancholica sit, si vires non constant, tutissimum est, his partibus eas adhibere, ut venenati vapores ex suppressis lochiis eleuati, cor, cæteraque præcipua viscera inficientes, ad infernas, minisque momentaneas deturbentur corporis partes. Quicquid, (falsò tamen) contra sentiat Albertinus Bottonus lib. 1. *de morb. mulieb. cap. 35.* & ita sæpissime miseras scæminas, atroces morbi ex suppresso puerperio suborti affligunt, ut noua excogitare præsidia, necessitate compulsi Medici cogantur.

#### Observatio V.

*Phrenitis ex puerperio retento; hirudinibus interna vteri parti applicitis, curatur.*

FOeminam à partu, ex menstruo retento orta febris inuasit, quæ nec tali sectionibus, tibiarum, coxarumque scarificationibus, aut apertis hirudinum vsu mariscis, aut aliis auxiliis mitescens, in phrenitidem abiit. Et cum totius curationis cardo in prouocanda suppressa vacuatione versaretur, & omnia reuellentia iam essent celebrata auxilia, nec aliud restaret exequendum, nisi ob vrgens ex inflammatione periculum, ex supernis partibus sanguinem extrahere, cum affectus videretur iam esse factus communis. Prius ad originem mali, & occasionis principium deuenire consultius iudicauimus; sicque quatuor hirudines, internæ parti vteri, filo appensas, apponere iubeo, ex quarum sucu sequuta larga vacuatione, resipiscere ægra cœpit, & sedato delirio melius habuit.

Demum nullum est tam sæuum morbi genus, quod huius auxilij vi non mitescat, atque succumbat, maxime si ani venis internis hirudines affigantur. Nam vel hæ venæ à caua originem ducunt, ut inter omnes ex Antiquorum mente late probat Altimarus lib. *de medend. hum. corp. malis, cap. 76.* vel è ramo splenico venæ portæ, per mesarum, circa colon, & intestinum rectum extensæ, in anumque terminatæ progrediuntur, ut docent Vesalius lib. 3. *fab. corp. cap. 5.* And. Laurent. lib. 4. *de re anat. cap. 4.* Realdus Columb. lib. 6. *anat. Scholiograph. ad cap. 55 lib. 1.* Holler. *de morb. inter.* Atque adeò è profundo corporis peccantem humorem educunt. Si verò sæpe citissimam utilitatem non attulerunt, in causa fuit, quod ani venis internis non adaptantur. Quod opus ut exequi possimus, præter lotionem sedis, cum aqua calida celebratam, necesse est prius sequens præsidium exercere.

#### Observatio VI.

*Ut venarum sedis orificia ad hirudinum impositionem melius emineant, optimum præsidium.*

AVrifer ditissimus cum hæmorrhoidū dolore ex interuallis immaniter vexaretur, cessaretq; semper ad humoris nigri expulsionem: Ecce huius consuetæ vacuatio-

nis defectu, in melancholiam incidit. Pro qua lenanda, A varia tentata sunt auxilia, quæ diminutam, aut retardatam illam vacationem supplerent, vel prouocarent, inter quæ numerare oportet, quæ ex his venis sanguinem exhaurirent, & primo loco hirudinum impositionem, quæ cum ter incassum iam essent applicitæ, propterea quod ab externis ani venulis animalcula suggerent. Superueniens ego prius bene pensata re, iterum eas affigere consulo, admodum tamen prius cucurbitula, quæ totum anum comprehenderet; tanti fuit momenti hæc inuentio, ut venarum orificiis, quæ intus latebant, eminentibus, largum sequeretur sanguinis effluuium: & sic ratione peccantis humoris vacuati, æger in posterum pancreaticè vixit.

## QVÆSTIO IV.

Quod antiqui venis hæmorrhoidalibus hirudines B imposuerint. Contra communem Med. sententiam.

NEque fidas Medicorum dictis, qui hoc auxilium, nostra ætate solum fuisse adinuentum vnanimes contendunt, neque hæmorrhoidalibus venis, præfatos illos imposuisse hirudines, pugnaciter assenerant. Sed ut videant, qua in caligine versentur, audiant Actuarius, inter Græcos non postremæ notæ virum lib. 3. Meth. cap. 3. dum sic ait. Quippe in omnibus morbis applicantur, in quavis parte corporis, facie, renibus, interdum in recto intestino, cum iam pridem ora venarum fuerint occacata, atque eapropter negotium faecessunt, &c. Idem firmat apertius lib. 4. cap. 6. iuxta finem hoc modo. Quod si obfirmata fluxio, neque reuulsionibus cedat, neque episthematis lenitur, metusque est, ne temporis spatio abscessum abeat, hominemque in aliud genus morbi deducat, hirudines cæcis hæmorrhoidibus admoenda: ubi enim ierit sanguis, æger melius deget, &c. Gal. deinde, aut quispiam huius libri antiquus Auctor libr. de Dynamid. cap. 173. sic ait: & pulvis radicis taxi id facit, & sanguisuga profunt ano apposita, &c. Et Plinius forsitan omnium primus, huius animalis in extrahendo sanguine ab his venis usum explicuit loco cit. nam eundem usum eas præstare ad extrahendum sanguinem, quam cucurbitulas, tradit; illas tamen id vitij habere testatur, quod relinquant remedij desiderium singulo anno in eisdem partibus. Quæ res certè dicta fuit ab ipso de hæmorrhoidibus. Ex quibus constare arbitror, quantoperè aberrant omnes, qui hoc præsidium ani venis applicitum, recentiorum inuentum esse sibi persuadent. Sed quoniam in huius auxilij administratione incommodum sequi pluries consuevit, quod terrorem maximum incutere potest, ad id euitandum, sequens exemplum audire ne graueris,

## Observatio VII.

Hirudo per anum casu ingrediens, auxilio quodam semimortua extracta.

NObilissimus quidam ex quartana diu malè habens, cum verno tempore, Medicorum consilio, attritus humoris vacationem pararet, & hac de causa, ano hirudines sibi apponendas curaret. Ecce Chirurgi digitos hirudo subterfugiens, & per rectum intestinum ingrediens, alius penetravit. Conuocati Medici, obstupuerunt omnes, præsertim cum apud auctores, nullum huius exempli haberent scriptum vestigium. Accedens ego nihil mali expectandum fore prædixi. Sicque sterco bouinum siccum, modicè calidum, irroratum prius cimicum puluere, (vel loco huius castorium est optimum) ano admovente impero, cuius fumo, & clystere ex solius capæ succo confecto, ipsa semimortua cum facibus est eiecta.

\* \*

## Observatio VIII.

Hirudo incuria Chirurgi per nasum casu ingrediens, hominem interfecit.

VIdimus nos etiam aliquando hirudinem, (quam anteriori narium parti, Chirurgus adaptare volebat) quæ per nasum ingrediens, ministri incuria, ad cerebrum penetrans, biduo hominem interfecit, cum nullo posset remediorum genere, nec extrahi, nec necari.

Sed quoniam in terris frigidis, ferè riui, lacusque, in quibus hæc animalcula viuunt, gelu obducuntur, idcirco vnum proferam auxilium, quo ipsæ hirudines postquam sanguine plenæ extrahuntur, cruorem expuere possint. Eas ergo turgidas, cinere combustorum lignorum obuolue. Miraberis. Illic enim cinis sanguinem exugit. Et ipsas exiles, tenuisque in vase iterum ad medicos vsus serua. Et hoc toties facies, quoties ipsis uti opus fuerit.

Restat explicandus cucurbitularum vsus. Sed quoniam ex his aliæ integræ, aliæ incisa cute administrantur; ex quarum distinctione, maximam lucem cum suscipiat præfata difficultas, idcirco de incisionibus pauca quædam sunt annotanda.

Propositio prima. Vbi virtus, ætas, timiditas, aliudve obstaculum, vel nullo modo mitti sanguinem, vel reiterari ex vena patiatur, magno auxilio succedunt cucurbitulæ; nam hoc, ut minus vehemens, ita magis tutum præsidium est, & quolibet tempore, vel etiam accessionis commodius, ut lib. 2. cap. 11. Cornelius firmat.

Proposit. 2. Scarificatio citra validam totius corporis commotionem, etiam à toto vacuare potest, præsertim in adultis, & in pueris, in quibus vno crure laborante, alterum scarificamus. Quam cruris scarificationem, in albis & crassis scæminis, in mensium suppressione, phlebotomia ex poplite, vel saphena Gal. præfert lib. de curand. rat. per sang. miss. cap. 11. & Auic. 4. 1. cap. 20. post med. In omnibus verò laudabiliter menses, hæmorrhoidalesque suppressas prouocat, remoratas accelerat. Sic in pleuritide, vel hepatis inflammatione, post cessatam fluxionem, & deposita plenitudine, ingentem dolorem discutimus, cum Gal. 13. Meth. cap. 19. Auic. 10. 3. tract. 5. cap. 2. Aëtio, tetrah. 2. ferm. 4. cap. 68. Paul. lib. 6. cap. 33. Tral. libr. 6. cap. 1. Rasio lib. 9. ad Alm. cap. 117. & prius dixit Gal. 11. Meth. 17. Sic in tumoribus duris ex scarificatione aperiente, medicinis viam patefacimus, quæ antè, paruum, aut nullum præsidium attulerunt.

Proposit. 3. Scarificatio triplex est, ex Gal. 2. ad Glauco. cap. 7. alia leuis, & tenuis in superficie, quæ debile auxilium affert, in tenui sanguine, & pueris utilis, solumque euacuat ab ea parte, ubi vlcuscula facta sunt. Secundà longa, & profundà, quæ plurimum sanguinis exhaurit, & aliquando ferè vsque ad animi deliquium euacuat, quæ Gal. sibi ipsi, crute scarificato duas ferè libras sanguinis extraxit, ut de eo refert Oribasius lib. 7. collect. cap. 20. & eam miris laudibus effert Ioannes Carmona, lib. de pest. & puncticulis cap. 1. Cum enim vehemens pestilentia Asiam prehenderet, seque morbus attigisset, factò hoc auxilio vitauit periculum, sicuti & plerique alij, qui illud fecere, euasere: erant enim plenitudinis signa. Ex qua observatione, ut refert Lud. Mercat. tract. de feb. maligna, nostri, magni faciunt crurum scarificationes in pestilenti, pulicariæ febri. Nam à partibus præcipuis, corde, & cerebro, noxios, venenatosque humores in crura reuellere possunt. Tertia scarificatio est inter leuem, & profundam media, omnia moderata faciens, quam, ut tutiorem Gal. præfert, nisi ubi ad profundam accedere necessitas cogat, hæcque vtpote vicaria venæ sectionis, ex Gal. 2. aph. 17. in medendi usum frequentius venit recipienda.

Proposit. 4. Humidæ cucurbitulæ siccis sunt fortiores, tum ex maiori tractu ratione vacui, tum ex maiori calore flammæ fundente, & iuuante tractionem; quicquid (perperam tamen) arbitretur Conciliator diff. 195. Nam cucurbitulæ siccæ in humorum attractione, debile auxilium præstant. Sic Gal. 3. de loc. 4. Scarificatas, validiores siccis definit. Et Celsus lib. 2. cap. 11. inquit, Cucurbitula, siccis

8  
*conciſa cute adminiſtratur, ſanguinem extrahis, ſi integra, ſpi-* A  
*ritum. Et apud Auic. 4. 1. c. 21. ſcarificatz vbiq; foriores*  
*aſſeruntur.*

Hæ ergo cum mediocribus ſcarificationibus factæ, præſtans auxilium efficiunt, cum profundis verò, admodum efficaci. Nec deſuere viri uſu, experientiaque inſignes, ut ſunt Valleriol. 4. *enarrat.* 6. Amat. 6. *cent.* 35. qui in deponenda plenitudine vniuerſali, nulla præcedente phlebotomia admiſerunt, laudantque ſcarificatas cucurbitulas: Quod ut in grandi plenitudine, aut paulò ſuppari phlebotomiz neceſſitate, temerarium arbitror; ſic in particulari plenitudine, vel morbo, vel ætate, vel ſimilibus aliquando laudauerim, quod modò non controuerto: hæ verò potentiùs operantur, & multò quàm hirudines efficaciùs. Si verò cum leuibus ſiant ſcarificationibus, (quas probabile eſt admiſiſſe Auic. & frequentius commen- daſſe, potiſſimum in regione calidiori, vbi poroſiora corpora, humorum etiam tenuium exhalationi erant promp- tiſſima) debile auxilium præſtant. Quare extractio quæ fit cum ſanguifugis, profundior eſt extractione, quæ fit cum ventolis leui ſcarificatione applicitis.

Et hæc eſt potior, & ſubtilior expoſitio, quàm inter- pretum *ibi*, Gentilis ſcilicet, Dini, Hugonis, Iacobi de Forſiugio, & de Partib. Nam conſiderant duos terminos, & duo loca, vel illum cui applicantur immediatè, vel eum à quo vacuant mediatè. Si primum, dicuntur hiru- dines profundius agere, quoniam cucurbitulæ ſolam epi- dermidem, cutiſve florèm, facièmque attingunt: at hiru- dines roſtrum altiùs figunt ſub cute, & intra carnem, & ſic intellexit de euacuatione hirudinum Auic. Si verò conſideretur locus, vel terminus à quo euacuant, qui me- diatus eſt, & longinquior, tunc quoniam cucurbitulæ ex C profundiori loco ſanguinem trahunt, dicuntur profun- diùs agere: quem modum non tetigit Auic. Sed hæc ſo- lutio indiſtincta eſt, & multis ambagibus plena, qua in- tricatus Ferdinandus Mena in *com. cit. cap. de hirudinibus* Gal. (quem ſequutus poſteà fuit Mercurialis in *com. hiſt.* 2. *epid.*) Auicennæ ſententiã falſiſſimam eſſe, apertis, in- ſtaſisque buccis effutire non erubeſcit, cuius conſilio edo- cta Medicorum ſchola, hunc contextum mendosum eſſe pronuntiat, & tanto auctore indignum.

Tu autem ſolue ſecundò antinomiam, & fortasſe me- liùs, ſi dicas, extractionem factam cum ſanguifugis, ſi ve- nis hæmorrhoidalibus applicentur, profundiorẽ eſſe extractione, quæ fit cum ventolis: his autem venis conſue- iſſe veteres, ad leuandam plenitudinẽ hirudines appo- nere, & ſuperioribus conſtat manifeſtè.

Sunt qui contextum Auic. latiſſimè exponant, ſed non ad mentem ipſius, quod ipſi putant effeciſſe. De quorum numero ſunt Horatius Augẽnius lib. 10. de *ſang. miſ.* c. 8. & ab eo edoctus Antonius ab Aguilera lib. 3. de *varia cu- rand. rat. cap.* 8. Dicunt enim quòd Gal. pro topico appli- cabat cuti in qualibet parte, & ſic intellexit ſolùm vacua- re ſanguinem qui carnibus adiacet. Auicennam verò eis vtentem in vniuerſaliores uſus, pronuntiaſſe profundius agere. Sed hæc ſolutio præterquam quòd quæſtionem Auic. non ſoluit, comparatione facta de euacuatione hiru- dinum, ad euacuationem ex cucurbitula; eſt etiam ad librum prolata: neque enim oſtendit ex antiquis aucto- ribus vllum, qui in vniuerſaliores uſus, ut ipſe inquit, hiru- dines imponendas conſuluerit. Tu verò noſtram con- ciliationem amplecterè, qua nixus, tutiſſimè, ut vidisti, hos inter ſe longè diſſidentes auctores, in veram amicitiam reducere poteris, & Auic. auctorem tantum, à Juniorum calumniis liberare, quibus ita eum laceſſunt ac pre- munt, ut ob hæc, & alia ab ipſis perperam intellecta, illius doctrinam ſiculneam eſſe, & nullius uſus, petulan- ter aſſeuerent.

\* \* \*

## HISTORIA V. GALENI,

## De dolore capitis.

Quinquagenarius dolore capitis vehe-  
 menti oppreſſus, ſanguinis miſſio-  
 nis ope, liberatur.

M Edicus quidam\* quinquagenarius, cum iam ſeptimam noctem agrotaret, nec viribus admodum valëtibus eſſet, dolore illi capitis vehementi, in dextro potiſſimum tempore oborto, non expectans dum amicorum quiſpiam ad ſe veniret, ſibiipſi nocte venam incidit. Itaque dolor illi protinus conque- uir: cæterum longo tempore, tum decolor, tum viribus imbecil- lis, tum exilis manſit, aliq; corpus eius deſiit, (atrophian Græci vocant) ſic ut vix priſtinum habitum receperit, & c. Gal. lib. 12. Meth. cap. 1.

## P A R A P H R A S I S.

R Elietis his, quæ diſſuſe à pleriſque tum veterum, tum iuniorum peritiſſimis, de dolore, eiùſque cauſis dicta ſunt, de quo argumento fuſe, at graphicè lib. 3. in *com. Hiſt.* 28. ad hiſtoriæ explicationem accedo. Quæ, cum memoranda ſit, & præ oculis in conſultationibus ſemper habenda, docet nos quantum oporteat eſſe ſolicitos in curatione ſenium; & quibus erroribus, & periculis ſe exponant, qui in hac ætate illicò ſanguinem imperant emittendum. Quo pacto ſummopere laudo illos, qui plenitudinis maioris parte depoſita, ad cacoehymie reſiduum accedunt, vera Gal. præcepta obſeruantes.

Huic ergo, ſanguinem ſibiipſi mittenti, cum debilis eſſet, ne mireris plurima damna ex phlebotomia eueniſſe, quòd pro doloris vehementis medela, priùs alia auxilia, cucurbitulas, medicamenta purgantia, & plura reuellentia, & vacuantia præſidia non fuerit expertus. Licet enim ſe- datus eſſet dolor, attractis videlicet & vacuatis, ſanguinis miſſionis vi, qui in caput irreperant humoribus; ta- men ex hoc auxilio intempeſtiuò, non contemnenda noxa eſt ſequuta: Quam, & alia plurima incommoda ab eo oriri poſſe, elegantiffimè ſequenti oratione proſequitur Gal. 9. Meth. 10. dum ſic inquit. Quinetiam aliqui in mor- bos inciderunt longos, poſtquam immodica inanitione reſoluta naturalis vis fuit. Aliis, cum immodica vacuationis noxam D ſarcire non potuiſſent, in omne reliquum vita tempus, totius corporis temperamentum redditum eſt frigidius. Ex qua refri- geratione, facile ex quauis occaſione laſi, alij decolorati, ac ma- lo corporis habitu vixerunt: alij ex eo ipſo in morbos decide- runt exitiales, aquam intercutem, & orthopnoeam, & iecinoris, ac ventriculi imbecillitatem, & apoplexiam, & deliria, & c. Quamobrem ab his vacuationibus, niſi ſumma neceſſi- tas vrgeat, in curandis morbis ſenium, abſtinere oportet; quòd enim affectus remedium eſt, id cum virtutis custo- dia pugnat.

In quem ſenſum intelligendus eſt Auic. 4. 1. cap. 20. quòd ſanguinis miſſio facit febrem, & putrefactionem, reſolu- endo ſanguinem, & ſpiritum, quibus corpus ad ſui ali- tionem, & operationes obeundas opus habet. Qua de cauſa multa phlebotomia apud Auic. 1. 3. tract. 5. cap. 12. Apoplexiam parit, & maximè in debilibus ſenibus, in qui- bus Gal. lib. 1. ad Glauc. ultim. primò parti imponit auxi- lium, deinde ſedato dolore humorem reuellit: frictioni- bus, ligaturis, enemate, & aliis attrahentibus auxiliis.

Cum ergo dolor ſenem hunc fatigans citra febrem eſ- ſet, & corpus opprimeret ſuapte natura frigidum, & à fla- tu, frigidòque ſucco eſſet ſubortus, venæ ſectione curan- dus non erat; nam vacuato ſanguine, in quo calor no- ſter perſeuerantiam habet, & exhausto ſpiritu, quo facul- tates munia ſua obeunt, decolor remanſit, exilis, & vix incedere potuit, & coctionis officinis calore exhaustis, & impenſè ſic debilitatis, corpus ali deſiit. Sanguis enim eſt nectar viuificum, quo partium omnium viuacitas recrea- tur, & ad vitæ, ac animalitatis conſeruacionem, diuturni- tatẽque



tatēque maximè necessariū, ut inter omnes subtilissimè firmat Duretus in *Coacas*, cap. 13. in *com. sext. 4.* Quoniam sanguinis missio, saluberrimum alioquin auxilium, plurimū nocet, si intempestuè administratur. Quae de causa dicebat Rasiū lib. 6. *suorum Aph. in fin.* eos qui in iuuentute multoties phlebotomantur, paralytici incurrere. Nam ex frequenti phlebotomia, sunt complexionis malitia, hydropisis, festina senectus, tremor, Apoplexia, & alia damna, ut ipse refert 4. ad *Almans.* 14. Explicat cruditi Fernel. 2. *Metb. cap. 16.* Lege si placet Ludou. Lemosium, & Iulium Alexandrinum in *com. huius loci*, qui eloquenter de intempestuæ venæsectionis noxa disputarunt.

## DVBIUM II.

Num senibus sit detrahendus sanguis.

## COMMENTARIUM.

**Q**uinagenarius.] Grauiissimus auctor Celsus, & Hippocraticæ doctrinæ interpres lib. 2. cap. 10. scriptum reliquit, robustum senem posse tūto phlebotomari. Quam sententiam intelligendam esse, de senē non decrepito affirmat Rasiū lib. 7. ad *Almans.* cap. 21. edoctus à Gal. in *lib. de curand. rat. per sang. mis.* 13. Quo loco in senibus cum pulsu magno (robustarum virium signum minimè fallax) venam secandam præcipit: Nam in hac ætate sunt multi, qui plurimum sanguinem congerunt, virēsque vegetas habent. Quare si affectus & vires adsint, ille si vigeat, hæc si permittant, venæsectionem moliri oportet.

Licet enim senes frigidi sicci sint, debiles, & ob sanguinis, & spirituum penuriam, venæsectionis noxam vehementer persentiant; ob quam causam Gal. 4. *acut.* 19. & lib. *de curand. rat. per sang. mis.* cap. 5. in ipsis tantopere venæsectionem reformidat: tamen de copiosa vacuatione venit intelligendus. Nam 1. ad *Glauc.* 14. hanc seniores sine noxa non tolerant. Hosce igitur, ubi affectiones vacuationem hortantur, neque semel, neque copiosè vacuare oportet. Ob quam causam Auic. 4. 1. cap. 20. præcipit cauendum esse à phlebotomia in ætate senum, nisi in figura confisi fuerimus musculorum, & venarum amplitudine, & earum repletionē. Quo pacto, nisi ineuitabilis necessitas nos ad hoc perducatur, in hac ætate non est exequenda sanguinis missio, monente sic Paulo lib. 6. cap. 40. & cum eo consentiunt Aëtius *tetrab.* 1. *serm.* 3. cap. 11. Oribas. 7. *collect.* cap. 4. Auer. 7. *colliget.* cap. 13. Vrgente ergo morbo, parçè tamen, & cautè in iis sanguis detrahendus est, ex quo auxilio sæpe non contemnenda utilitas est sequuta. Hos ergo senes quinquagenarios, medios inter subsistentes, & decrepitos ex Gal. 3. *Aph.* 20. & 1. *Aph.* 13. summa cum præmeditatione phlebotomare audebis. De quo argumento inter omnes lege Valleriol. lib. 6. *obseruat. ult.*

## Observatio IX.

Septuagenarius phlebotomatus, fluente actus sanguine emoritur.

**E**xorta inter duos Medicos lite; Iunior senem septuagenarium, cephalalgia laborantem, phlebotomia curandum esse, alta voce clamabat, pulsui magno, & inflatis venis animum adhibens. Senior pulsus flatu plenum, & sic fallacem esse prædicabat. At adstantes iunioris eloquentia forsitan ducti, consentiunt: aperta vena, iunior pulsus tangente, cum aliquantulum sanguinis emanaret, in ipso venæsectionis actu, æger ipse, animo deficiens emoritur. At Medicus fistibus veluti, & stimulis agitarus, è domo pudibundus citò discessit.

## HISTORIA VI. GALENI,

## De dolore capitis.

Dolor capitis in febriente, ex vini odore adauctus.

**Q**uinto sanè civi nostro, Roma medicinam exercenti id contigit. Aprandio diuitem quendam, ac præpotentem hominem, vini odorem vehementer spirans inuisti. Eger itaque cum capitis dolore magnam febrem habens, atq; idèò vinè odorem exeuntem aggrè ferens, Quintum ut longius aliquantò recederet, rogauit; quoniam vinum immoderatus redolens ipsum \* contristaret: & hac quidem agrotus modè dicere videbatur. At Quintus ipsi stolidius respondens, odorem ut equo animo ferret, præcepit; nam & se quoque agrotum, ex febris malè olentem sustinere dicebat. Multum autem interesset, febrienne quis an vinum redoleret, &c. Gal. lib. 6. *Epid.* sect. 4. com. 9.

## PARAPHRASIS.

**F**Aceta est Historia hæc. Quantum autem decens, ac decorum sit Medico, probos mores habere, beneuolè cum ægroto se gerere, suauiter spirare, neque tetrum odorem ex se emittere, docet latè Gal. *loc. cit.* & Hip. prius pronuntiauit lib. *de Medico*, & de *decenti ornatu*. Explicant Heurnius in *cit. Hip. contextu*. Rodericus à Castro lib. 3. *de Medico politico*, cap. 4. Roderic. à Fonseca in *com. Hipp. in lib. de lege* ferè per totum, Georgius Henricus lib. *de perfecto Medico*, c. 7. Petrus Andreas Canonherius in *prolegomen. ad lib. 7. aph.* qui omnes veri Medici, ingenui, & politici dotes graphicè delineant.

## QVÆSTIO V.

Quòd vini odor, nec cerebro, nec nervis nocere possit, ut voluit Horatius Flaccus.

## COMMENTARIUM.

**C**ontristaret.] Hoc est, dolorem capitis, ipsi ægroto, eiusdem partis dolore laboranti inferret. Quaritur hac de causa, Num odor vini, dolorem capitis facere, cerebro, nervisque nocere possit. Famigeratissimus Poëta Horatius Flaccus *Satyra 4. lib. 1.* partem tenet affirmatiuam, dum sic ait.

*Massica si celo supponas vina sereno,  
Nocturna, & siquid crassi est, tenuabitur aura,  
Et decedet odor nervis inimicus.*

Tanti viri sententiam non desunt plurima quæ confirmant. Nam si vinum cerebro, & nervis est inimicum, 3. *de temp.* 2. Et lib. 6. *aph.* 28. inter causas podagricæ affectionis, vini numerat potum, potissimum meracioris, cur eius odor, nocuus cerebro & nervis, dolorem capitis facere non poterit? Quæ omnia atque alia animo voluens Auic. 22. 3. *tract.* 2. cap. 7. usque adèd illud formidat in affectibus articulorum, ut vinum consulat dimittendum, quousque æger sanetur sanatione vltima, & veniant super eum quatuor tempora. Quare constat nervis nocere vinum. Et 2. 3. *tract.* 1. cap. 4. *de cura paralytis*, sic ait: Et scias quòd aqua melior est quam vinum; vinum enim materias penetrare facit, & plurimum quidem ipsius quandoque accescit in corporibus eorum, & fit acetum: acetum verò est ex rebus quæ nervis sunt nocibiliores, &c. Addit rationem Gal. lib. 5. *aph. com.* 8. quia facilè nervos replet vinum, utpote calidum temperamento, tale siquidem natura promptè penetrat, feruentēque, si qui adsunt in corpore, secum defert humores, ut ait Gal. 3. *acut.* 31. & magis si sit odoriferum; cum enim hoc sit alijs calidius, fortius, ac robustius, lib. 3. *acut.* 20. sic cæteris plus caput tentat, nervosque ferit, lib. *de attenuant. vici. rat.* 12.

Cur ergo si vinum, & præsertim odoriferum tantopere nocet.

nocet cerebro & nervis, vini etiam odor non nocebit? A Maxime cum odores caput grauent, apud Hipp. 5. aph. 28. licet sint boni, & aromatici, vt Costi, Casia, Ambra, qui feriendo cerebrum & nervos, illorum firmitudinem dissolunt, vt fatetur Auic. in lib. de erroribus qui accidunt in regimine Sanit. tract. 2. c. 5. de eo qui lesus est ex odoribus bonis.

Vltimo, frequenti experimento comprobatur eorum, qui in cellam vinariam ingressi, vini odore percepto, ebrii fiunt, & stupidi; & eo maxime, cum odor nimiam spirituum copiam gignat, ex qua dolor (sicut ex ingenti plethora) oriri consuevit. Quare vini odor percellendo cerebrum & nervos, dolorem capitis excitabit, ipsisque vehementer nocere poterit.

## Observatio X.

### Ab odore vini Apoplexia sequuta.

**A** Vlicus quidam, è regia stirpe oriundus, cum in villam voluptatis causa concederet, in cellam vinariam fortè ingressus, ita ab odore vini percussus est, vt in terram sideratus, ac si fulmine esset ictus, cadens, intra tres horas exanimis, apoplexiæque correptus, stertens, vitam cum morte commutavit.

Licet autem apud plurimos, quos legerim, auctores, nullum huius quæstionis, nec vestigium inuenire potuerim, eam ego omnium primus in hunc modum dirimendam puto. Sit prima conclusio. Odor vini nec cerebro, nec nervis nocere potest. Patet: Nam odor bonus corroborat, sicut gravis subuertit, ex Gal. lib. 8. sec. loc. cap. 3. Insuper cerebrum vigorat, ex Auic. loco nuper cit. cum ait: Omnis odor bonus, per hoc quod est bonus, & odoriferus, confortat cerebrum, &c. Si ergo odor vini optimi, suavis est, vt experientia patet, & Cælius Rhodiginus lib. 28. antiq. lect. cap. 35. de odoris vini præstantia agens, latè confirmat cur nervis erit inimicus, & cerebro? quin potius spiritui in cerebri ventriculis contento erit familiaris, prout de suavi, & grato odore profert Gal. libr. 4. Simpl. cap. 22.

II. Odor nutrit, non vt est obiectum adæquatum sensus odoratus, sed prout ex substantia & accidente est aggregatum, sicque spiritus instaurat & refocillat, vt ait Hipp. in lib. de alim. num. 10. & firmat Gal. in lib. 2. aph. 11. Et inter suaues odores, cerebrum recreantes, spiritus nutriendos, nervos corroborantes, potentias velociter demulcentes, cum voluptate sensum afficiente numerat. Vallesius in cit. lib. Hipp. de alim. vini odorem, quem plus cæteris odoribus, nempe mellis, panis recenter è furno extracti, carniū assarum, in roborandis cerebro, & nervis excellere probat Platoniorum Princeps Marsilius Ficinus lib. 2. de studios. sanit. tuend. c. 18. de nutrimento spiritus, & conseruatione vite per odores. Consule eruditissimum Alphonsum Lupeum libello de vini commoditatibus, qui odorem vini omnium morborum esse potissimum medicamentum asseuerat.

III. Odorem vini suauem, ex eo possumus dicere corroborare cerebrum & nervos, quoniam plurimum in peste obtinet momenti: Siquidem hæc roborata, cerebrum nempe, nervi, & partes aliæ principes, aeris corrupti, ac putris contagia à se arcent. Qua de causa ignibus odoratis, conflatis ex olentibus coronis, vnguentisque pinguis, & odoriferis, aeris putredinem absumi, atque aboleri inuenit Hipp. vt Gal. de eo refert lib. de theriac. ad Pis. cap. 16. Sic nonnulli iuniorum peritissimi, de quorum numero est Manardus lib. 5. epist. 3. pilam parant ad huiusmodi effectum foraminulentam, in qua spongia vino cretico, aqua rosacea, & aceto sit imbuta, vt sic suavis vini odor ambienti permixtus, ac deinde per narium inspirationem in cerebrum delatus sensum moueat, animalem facultatem recreet, nervosum genus roboret, putredinem arceat, & putris aeris qualitatem venenosam ac corrupticem, mirum in modum corrigat & emendet. Ex quo fit, (Manardus ait) vt ad præseruationem pestilentis luis plurimum prosit, faciem & os, vino odorifero abluere; nam hoc non paruum robur corpori

præbet ad resistendum. Quamobrem aditissimam spiritus generationem, Marsilius Ficinus lib. 3. de vita calidum comparanda, cap. 24. in fin. consulit vini odorem frequentius haurire, partim os colluentes, partim lauantes manus, partim naribus & temporibus id admouentes. Ea est in roborando partes principes odoris vini præstantia ac excellentia. Ita Toxaris Medicus, teste Luciano, Athenienses à peste liberauit, solo vsus vini odore. Artianus, & Simplicius in prædicamento Qualitatis, referunt natam esse pestem, quæ præter oleum, & vinum, quibus omnes sanabantur, cætera præsidia respuebat.

Secunda conclusio. Odor vini, vt calefacit & humectat, nec nervis, nec cerebro nocere potest. Nam licet aliarum rerum odores, quæ odores, non noceant: tamen quatenus eleuantur è materia pingui, oleosa, & crassa, suo vapore implent caput, cum famosam, & valde sensui perceptibilem effundant euaporationem, & caliditate inflammando, pituitam liquent, & sic cerebri & neruorum robur dissoluant, & capitis pariant grauitatem, vt de aromatatum suffitu Hipp. firmat loc. cit. aph. & Gal. in com. & Auic. loc. cit. confirmant: Nam quæcumque satis calefaciunt, omnia capitis faciunt grauitatem, utpote calido suapte natura superiora petente; calida autem est sufficienter omnium aromatatum natura, vt costi, amomi, cinammomi, ambari, moschi, zibetti, styracis, xyloaloes, caryophylli, laserpitij. Alia enim frigiditate densando, cerebrum lædunt & nervos vt camphora. Quæ doctrina est Auic. loc. cit. Atque hæc omnia pinguisima sunt, & in crassa substantia constituta. At verò odor vini imperceptibilis est, & veluti immaterialis, & humiditate sua, ac modica caliditate, cerebri & neruorum tonum conseruat.

Neque multum operosum est, contrariæ factionis argumenta demoliri. Et in primis quoad maiorem machinam, Horatium nempe, sic dupliciter respondeo: vel enim per Massica vina, intelligit Massica, vel Massiliensia. Si primum: licet vina illa sint generosa, utpote extracta ab vuis montis Massici, qui in Campania est optimi vini ferax, vt refert Plin. lib. 14. c. 6. Certant Massica aquæ ex monte Gaurano, &c. & Horat. lib. 1. carmin.

Est qui nec veteris pocula Massici Spernit.

Et Virgil. lib. 7. Eneidos.

Vertunt felicia Baccho Massica.

Et Silius lib. 7.

Massica viniferis addebat nomina glebis.

Tamen cum hæc vina essent posita sub cælo sereno, hoc est sub dio, (quod explicat per verbum nocturna) non dubito, quod eorum odor nervis nocere possit, accepta nempe à radiis lunaribus qualitate humida, ac nervos feriente: quare sub eius lumine dormire, malum; nam pallor, & capitis grauitas subsequuntur, vt doctè ait Gal. 2. de dieb. decret. cap. 2. Ob quam causam Plutarch. decad. 3. probl. sympos. 10. ait quod Luna radij, dum dormientes feriunt, stupidos, & sensibus obtorpent reddunt, vt docet Macrobius. 7. Saturnal. vlt. & sic conuulsiones ex decubitu sub dio contractas, se vidisse refert Iacchin. in libro 9. Rasis cap. 13.

Si verò intelligit vina Massiliensia, eorum odor, cerebro ac nervis erit inimicus. Sunt enim hæc vina fumo inueterata, & cocta, quæ insaluberrima sunt, apud Plin. lib. 23. cap. 1. prope fin. & Galen. lib. 1. de antidot. cap. 3. Licet enim firmiora sint, & diutius seruentur incorrupta, capitis tamen faciunt grauitatem; cum ea ex fumo qualitate prauam acquirant, & sic suo odore caliginem inducere, & cerebro, nervisque nocere possint. Consueuisse autem veteres ad inducendam vinis vetustatem, vina fumo exponere, vt sic blando & continuo calore, fumus aqueas vini partes absumeret, præter Galeni sententiam loco cit. exhibentis de patre suo sic faciente testimonium. Horatius 3. carmin. ode 8. sic confirmat.

Hic dies anno redeunte festus.

Corticem astrictum pice dimouebit

Amphora fumum bibere instituta

Consule Tullo.

Et Martialis lib. 3.

Vel cocta fumis vina Massilianis.

Et lib. 10.

*Improba Massilia quicquid sumaria cognunt. :  
Accipit artem quisquis ab igne cadunt.*

Et lib. 13.

*Cum tua centenos expugnes sporula cinea,  
Fumea Massilia ponere vina pota.*

Et lib. 14.

*Massilia fumos miscere rivalibus undis,  
Parce puer, pluri ne tibi constet aqua.*

Et quamvis vinum caput repleat, odor eius id efficere non potest : Nam vinum corpulentiores habet substantiam, qua granare caput natum est, ut ait Gal. 5. *Aph. com. 5.* Substantia igitur copia, vinum nervis affert contusionem, &c. nec vinum tantopere nocet nervis, ut auctores sentiant, neque ita in articulorum doloribus interdicendum, ut probant Reinerus Solenader *sect. 4. conf. 24.* Petrus Monanius in *epist. med. 2. 10.* Qui vero cellam vinariam subito ingrediuntur, & ex vini odore veluti stupent, vertiginosi fiunt, & cerebri letales experiuntur morbos; hoc, vel ad dissuetudinem reiciendum puto : vel quod aer, à copiosa & continua vini exhalatione crassior factus, inspiratus, veluti tenebrosus & densus, potentiis caliginem inducat, & spiritibus opacitatem conciliet, canales obstruat, & fumoso vapore strangulet, ac demum pungat nervos, cerebrumque percellat. Et licet sine intermissione, frequenterque, vinum suave ad alendos spiritus odorremur, cum exhalatio in spiritus vertatur reficiendos, horum copia, nec cerebro, nec nervis nocere potest. Sanguis enim auctus supra modum, plethoram facit, & morbos creat. Spirituum copia aucta minimè nocet, cum ij citissime obtenuitatem, & assiduam facilèque in operibus resolutionem evanescent, & exhalent. ut eleganter probant Thom. à Vega *lib. 4. de loco affect. in com. cap. 1. verb. Cum igitur.* Carerius *cap. 1. disp. 26. ad libros de loco affect.* quicquid contra senserit Matthæus Gradius *lib. 9. ad Alm. cap. de imbecillitate visus*, censens solam lucidorum spirituum nimiam quantitatem, citra aliud vitium, visui nonnunquam officere : cuius dogmatis falsitatem coarguit Petrus Vaczius *cap. 10. sui med. commentarij.* Cur autem reliquarum rerum odores, licet boni, lædant, in 2. *conclusionem* explicauimus. Vini ergo odor, non in detrimentum, sed in excellentissimas hominum commoditates est comparatus, ut Ianus Cornarius eleganter probat *lib. de re vinitoria.* Quare baculo nodoso indiget, qui sensus negare contendit : nam odore vini cerebrum firmissimum euadit, & animales potentia, imò vitales, & naturales strenuè firmantur, ut perdoctus asseuerat Vallesius *lib. de sacra philosophia. c. 17.*

## HISTORIA VII. PAVLI,

## De Hemicrania.

## Hemicrania experimento muliebri sanata.

**M**ulier quidam in hemicranicis, hoc etiam quod sequitur epithemate usa, mirandum in modum inclauit. Radicem cucumeris sylvestris viridem minutim concisam, absinthiumque cum hydreleo incoquebat, dum intabesceret : ac hydreleo calente mediocriter partem affectam irrorabat : radicem vero & absinthium, in puluerem contrita oblinebat. Atque hoc solo medicamento hemicranicas, (id est, altera capitis parte dolentes) & cum febre, & sine ipsa curabat. &c. Paulus *lib. 3. c. 5. Rubr. 2.*

## PARAPHRASIS.

**P**lurimas extitisse feminas Medicas, Gal. Principumque placitis, & aliorum testimonio est comprobatum. Ille enim *lib. 4. sect. loc. cap. 7.* Regine Cleopatre Medicæ meminit. Quæ etiam citatur ab Aëtio *terrab. 2. ferm. 4. c. 6.* quam etiam non semel citat Gal. *lib. 1. sect. loco cap. 1.* & referunt Paul. *lib. 3. cap. 2.* & Aëtius *terrab. 2. ferm. 2. c. 56.* Auic. *lib. 5. sum. 2. tract. 2.* describit collyrium à muliere compositum : & Aëtius *cap. 68. loci nuper cit.* tradit mulie-

A rem quandam, achoras certo medicamento perlassisse Aspasiam sæpissime citat ipse, & præsertim *terrab. 4. ferm. 2. cap. 3.* Scribonius Largus *lib. de compos. Medic. cap. 12. & 122.* Romæ honestam Matronam, aliquot ægrotantes medicamento quodam, à morbo comitiali liberasse refert. Theodor. Priscianus *lib. 3. & 5. gynæsiar. in præfat.* Victoriam mulierem Medicam fuisse refert. Elephantis quoque Medica fuit, ut testatur Plin. *lib. 28. cap. 7.* & ab ea dicitur emplastrum Elephantium descriptum à Celso *lib. 5. c. 19.* Artemisia Mausoli Regis Cariz vxor Medica fuit, ut firmat Plin. *lib. 5. cap. 7.* à qua, artemisia herba cognominata est, & inuenta. Circe etiam, testante Diodoro Siculo *lib. 5. Bibliot.* ad omnis generis venenorum curam, plurium herbarum varias, mirabilisque vires adinuenit, vnde Circea herba dicta est.

Quæ omnia, & alia animo voluens Hipp. *lib. de septim. part. num. 2.* fidem mulieribus præbendam esse consuluit, & præsertim illis, quæ iudicio præditæ sunt. Quare Apponensis in *additionibus ad lib. Mesu. cap. de indigestione stomachi*, ait, se vidisse plurimos morbos deploratissimos à feminis Medicis perlassatos.

Quo factum est, inquit Hyginus *fabular. cap. 274.* ut apud Athenienses fuerit sancitum, ut ingenue femine artem medicam addiscerent. Qua de causa à Legistoribus Medicina feminis non est interdicta, quoniam plurimæ hanc artem non infelicitè exercuerunt, ut apertè colligitur ex Iustiniano *lib. ult. ne autem versicul. sin autem notarius sit. cap. de com. ferm. man. ut* expendit Albertus Rosia in suo indice *fœcundo, in vers. Medica potest esse mulier.* Et est etiam text. in *l. ult. post princip. ibi. & Medicis utriusque sexus. C. com. de legatis.*

Non est ergo negandum, mulieres artem medicam sapienter coluisse, quæ, ut ait Plato in *lib. 5. de repu.* sicuti viri, ad Medicinæ artem aptæ sunt, & ad alias disciplinas capeffendas idoneæ, in quibus non solum clariuiss, sed viros antecelluisse, Suidas apud Volaterranum refert, easque citat Rauissius Textor in *officina, titulo, de mulieribus doctis.* Et nostro sæculo viuit hodie, & floret in nostro Belgio, Ultraiecti, nobilissima virgo, appellata Anna Maria à Schurman, ingenua, polita, & solers, quæ ita raris prædita est omnium scientiarum dotibus, ut duodecim linguas calleat apprimè, & nuper splendidissimum sui ingenij præbuit specimen, in *tract. de fatali viue termino, ad Ioannem Beneroniciu, Medicum scientissimum.*

Quare ne miremur feminam hanc à Paulo in hac historia relatam, hoc salubri medicamento hemicraniam perlassasse, quod ex radice cucumeris asinini, & absinthio constat, in hydrelæo, quousque contabescant, concoctis, quo deinceps partem fouere oportet, puluere absinthij desuper insperfo. Cum enim hæc passio sæpissime à frigore ortum ducat, ex Gal. 3. *de loco cap. 9. & lib. 2. sec. loco cap. 5.* & Auic. 1. 3. *tract. 3. cap. 37.* & hæc medicamenta calida sint, crassos succos attenuare, flatu discutere, & partem robore nata sunt. Nam radix cucumeris asinini abstergit, resoluit, & exiccat, ex Dioscorid. *lib. 4. cap. 155.* & Gal. 8. *simp. c. 96.* cuius vires pro hemicranicis doloribus perlassandis, siue ex succo caput purgium fiat, siue fronti imponatur linimentum, decantat Auic. *lib. 2. tract. 2. cap. 180.* Quas facultates habere Absinthium firmat Dioscorid. *lib. 3. c. 24.* cum Gal. 6. *simp. 69.* & Auic. *lib. 2. tract. 2. cap. 2.* Quod auxilium, si prius vniuersalia celebrentur, est excellentius, cæterorumque præstantissimum.

Hydrelæum autem constat ex duabus partibus aquæ, & tribus olei, ut notat Gal. 2. *de Amid. cap. 6.* & *lib. de Dynamid. tit. de Hydrelæo.* Quo calente partem affectam irrorabat, ut actuali calore promptè vires medicamentorum in altum penetrarent. Oleum autem aquæ admiscuit, ut illius ratione, vis medicamentosa diutius hæreret, quo titulo ad humectandam instrumentorum siccitatem utitur dulcis aquæ lauacro, in quo olei copia sit iniecta, *lib. 3. simp. cap. 25.* Cum enim aqua quæ foris circumfunditur facile defluat, & quæ in poros ingressa corporis, nullam habens ansam promptam, effluat, in hoc sanè ipsum vtiliter miscetur oleum : maximèque iuuat, si ex utroque quis diu fricetur.

Et



Et licet in febriculosis hoc etiam uteretur auxilio, id ob causam doloris; quæ ferè frigida & crassa est, & febrem, quæ diatarum modo hemicraniam comitatur, factum fuisse intelligas. Quamvis autem febris esset intensa, eo uti fas erat, ad maius periculum evitandum; quod ex doloris acutie contingere solet. Nam melior est noxa à medicamento illata, quam mors, quæ ex immani dolore plerumque contingere solet, ex Gal. 1. 1. Meth. cap. 1.

## QVÆSTIO VI.

Quod aqua pluuiæ ad conservandam sanitatem, cæterosque medicamentosos usus, sit purissima fontana præstantior, contra communem Medic. sententiam.

### COMMENTARIUM.

**H**ydrelæo]. Dubium esse solet, apud eos qui Gal. scripta indefensè perlustrarunt; Quæ aqua ad hydrelæi, cæterorumque medicamentorum compositionem, aut salutis conservationem aliis sit præstantior. Pluuiæ siue, an fontana. Et pro utraque parte valida sunt momenta rationum. Nam quidam fontanam, alij imbrium aquam laudare consueverunt.

Illam extollit Hipp. in lib. de loc. aer. & aq. n. 14. Optima verò sunt quæ ex sublimibus locis, ac terreis collibus fluunt: hæ enim dulces sunt, & alba; & vinum modicum ferre possunt, & hyeme calide fiunt, æstate verò frigida; tales enim fuerint ex profundissimis fontibus. Maxime verò laudare eas oportet, quarum fluxiones ad Solis exoritur erumpunt, & præsertim ad æstivos, &c. Subscribit Gal. 10. Meth. 1. 1. ubi in frigote, & tepore mediam constituit, tantamque facultatem ei tribuit, utiis qui minime exercentur, summa æstate eam propinare non vereatur. lib. de bonis. & vit. succor. cap. 1. 1. & lib. 1. de sanit. cap. 1. 1. plurimum verò sit copia fontanæ recentis, cui nulla aliunde vitiosa qualitas sit communicata. Firmat Auic. 2. 1. doct. 2. c. 16. aqua verò quæ sunt omnibus meliores sunt aquæ fontium, &c. quam sententiam veterum doctissimi confirmarunt. Hæc enim aqua nullam vel gustu, vel odore qualitatem representat, sed protinus bibenti suavis est, grata, pura, lucida, sincera, levis, epota hypochondria facilius penetrat, & facile ad frigidum, & calidum alteratur, in hoc enim aquæ præstantiam consistere tradit Hipp. lib. 5. aph. 26. & Gal. in com. latissime confirmat; & præsertim si hæc è fonte emanet, qui in sublimibus, & terreis locis per loca pura, non cœnosa scaturit. Hanc enim esse optimi fontis notam, tenent cum Hipp. loc. cit. Aëtius tetrab. 1. serm. 3. cap. 165. Paul. lib. 1. cap. 50. Gal. de bonis. aq. cap. 2. 1. Ex quibus constat, ad sanitatis custodiam; nullam aliam fontana esse præstantiorem. Consule Costæum in com. cap. 16. Auic. 1. 1. doct. 2.

Aquarum autem omnium, ad compositionem medicamentorum, immò ad salutis conservationem, pluuialem esse præstantissimam, acerrimè contendere potest. Hæc enim dulcissima est, tenuissima, & leuissima, auct. Hipp. lib. de loc. aer. & aq. num. 4. & lib. 6. epid. sect. 4. text. 19. quo loco aquam ab æthere excretam summè laudat, quoniam minus est putredini obnoxia. Qua de causa Gal. loco cit. oculariis medicamentis ipsam permiscet, ex eaque lib. 7. loc. cap. 2. parat diacodion, ut minus putredini obnoxium sit pharmacum; & Gal. lib. 4. de sanit. 6. præparat nullam cum aqua pluuiæ. Sequuntur Auic. loc. cit. Ex aquis verò laudabilibus sunt aqua pluuiæ, & præcipue illa quæ in æstate eueniunt, & ex nubibus cum quibus accidunt tonitrua, &c. Auer. in 1. part. cantic. in com. text. 131. melior ex aquis pluuiælibus munda, &c. Qua de causa Auic. 10. 3. tract. 5. c. 5. & Paul. lib. 3. cap. 23. phthisicis potandam suadent: hæc enim aqua ob maiorem tenuitatem, cæteras penetrando antecellit, faciliè ab hypochondriis secedit, & omne leguminum genus in hac citius, quam in alia excoquitur.

Plinius eam ad omnes usus saluberrimam commendat, lib. 31. cap. 3. Adeoque probatissimam iudicat Columel. lib. 1. de rer. rust. cap. 5. ut venenati liquoris ablucere permiscem asseneret manifestè. Cum enim tenuissima sit, me-

dicamentorum vires faciliè in se inbibit. Esse autem tenuissimam præter Celsi auctoritatem lib. 2. cap. 17. Paul. lib. 1. c. 50. Oribal. lib. 4. cap. 41. confirmat Vitruvius lib. 8. c. 9. dum pluuiam laudat his verbis. Quæ ex imbris aqua colligitur, salubriora habet virtutes, eo quod eligitur ex omnibus fontibus, leuissimis, subtilibusque raritatibus; deinde per aeris excretionem percolata, tempestatibus liquecendo, peruenit ad terram, &c. Nam Sol de aquis omnibus tenuiorem, & suaviorem portionem resolutam in vapores attollit sursum, ut Riolan. lib. de diet. sanor. exactè explicuit. Nam leuissimæ in omni genere rariiores sunt, & ferius putrescant; sunt enim minus humidæ, & magis concoctæ à cœlesti calore, ut lib. 2. de subtil. in fin. Cardan. dicebat.

Quapropter hoc affirmandum est contra communem Medicorum sententiam, qui excepta fontana, nullam aliam medicamentorum compositioni, immò sanis & ægris, utiliorem esse sibi persuadent, cum pluuiæ usus assiduus maximè salubris sit censendus, dummodò hæc temporaria sit; & cum tonitru excreta, ut inter omnes aduertunt Vidusvicius lib. 6. de curas. memb. tit. de rar. vit. cap. 4. de aqua. Valles. in com. text. 19. sect. 4. lib. 6. epid. & lib. 3. de rar. vit. in com. 40. Mathiol. lib. 5. in Dioscorid. cap. 14.

I. Omnia pluuiæ appellatur optima ad stirpes atendas: Nam tenuitate sua viscera terræ penetrando, absconditas plantarum radices intimius humectat, & adstrictione sua terram ab externis, ventorum, pruina, grandinis, & nebulæ iniuriis defendit, ut Ioubert. de cæd. 1. paraor. 5. Bruyer. lib. 6. de re cib. c. 9. Ant. Gazius cap. 257. scite annotarunt, & non sinit elegantissimus Ludeuicus Nonnius Medicus Antuerpiensis, lib. 4. Dietæ. ric. c. 1.

II. Ad medicamentorum compositionem aqua pluuiæ cæteras antecellit. Tum quod omnium tardissime putrescat, ex Gal. simp. & Cels. infra, quorum mentem dilucidè explicarunt Lapeus 2. enchirid. 2. & Brachel. in com. text. 26. lib. 5. aph. tum quod vires medicamentorum citissime ad omnes partes tenuitate sua deferre possit, & amplius adstringens cum sit, ex Paul. lib. 7. cap. 16. vires eorum maximè conferuet. Neq; adstrictio modica penetrationi obesse poterit, ex Gal. 3. simp. cap. 16. nam exigua est, & huic operi summopere prodest. Cætera de aquæ pluuiæ utilitate, lege apud Auger. rom. 1. epist. lib. 1. epist. 1. de ptisanæ præparatione elegantissime disputantem.

Sed in eam non possunt plurimi non infimæ notæ viri abire sententiam, aut sentiant aquam pluuiam ad medicamentorum compositionem esse cæteris excellentiorem, cum odorem malum pluuiæ aqua habeat, & citissime putrescat. Sic enim ait Hipp. lib. de aer. & aq. numer. 18. Quapropter etiam ex omnibus aquis hæc citissime putrescunt: & odorem malum pluuiæ aqua habet, eo quod ex plurimis congregata est, ac permixta, ut citissime putrescas, &c. Subscribit Gal. lib. de bonis. aq. Plurimum enim substantiarum commixtio ad putredinem maximè parat, præsertim si hæc suapte natura sint putredini obnoxia. Illud sane in deuorantibus simul nimis varia edulia palam conspicitur, quibus fecalia recrementa multo amplius putrent. Paratissima itidem, obnoxiaque corruptioni illa sunt, quæ ob tenuitatem substantiæ promptissime ab ambiente alterantur. Quæ fortè ductus ratione Auic. cap. 16. 2. 1. pluuiam, non quia facta est ex pluribus, & diuersis humiditatibus, sed quia tenuissima est, faciliè putrescere assenerat.

Dic cum Paul. lib. 1. cap. 50. Auic. loc. nup. cit. in fin. aqua pluuiæ citò aduenit putredo, cum sit aqua melior, &c. Pluuiam deterrimam non esse, quod putredini sit maximè opportuna; Nam mutationis facilitas virtuti potius, quam vitio attribuenda est. Ea enim aqua quæ optimas notas habet, licet promptè alteretur, ea censetur saluberrima. Tenuissima enim cum sit, citò refrigeratur & calet, quam esse bene alterabilem inficiabitur nemo. Sicut enim cibi virtus in hoc consistit, quod faciliè in ventriculo alteretur, sic etiam & aquæ, siquidem faciliè transmutari volumus, quidquid concoqui rectè ab instrumentis, quibus



quibus est coctionis munus demandatum, desideramus, A  
vt lib. 5. aph. 26. Gal. edocuit.

Quo pacto ergo tanti auctores inter se è diametro repugnantes secum consentient, dum quidam pluuiam tardè, alij citissimè putrescere asseuerant? Solue primò ad mentem Hipp. in lib. 6. epid. dum sic inquit. *Aquarum arte carèrium, quæ ab æthere excreta est, aut cum tonitru opportuna: Procellosa verò mala, &c.* Qua distinctione à plurimis prauè hætenus intellecta, qui pluuiam, ad medicamentorum compositionem, & sanitatis vsum, non esse præferendam purissimæ fontanæ sibi obnixè persuaserunt, toram dubitationem euanesceere putamus. Procellosa enim aqua, & nimbofa citissimè putrescit, & odorem prauum habet. Temporaria verò cum tonitru ab æthere æstatis tempore excreta, omnium tardissimè putrescit. Nostram positionem probat Cels. lib. 2. cap. 30. quæ tardè putrescit, ideòque pluuiam potissimum, &c. Licet (perperam tamen) Balduinus Ronseus in com. citra necessitatem mutare contextum ausus sit, per pluuiam, putealem intelligens: rem ita se habere fortè ratus, propterea quòd viderat puteales aquas diutissimè conseruari, tardèque fœtere.

Sed grauitèr deceptus est. Apertum enim est profiteri Celsum, ex pluuiam inter coquendum minùs acquiri putredinosam, & alienam qualitatem phærmaco, cum hæc tenuior, purior; cæterisque sit simplicior. Annuit Gal. lib. 7. secund. loc. 2. *Verum in aqua pluuiam quidam capitum cocturam fecerunt, ne videlicet ipsa ad alienam putredinosam qualitatem transmutetur, &c.* Ideò enim putealis aqua diu incorrupta seruetur, quia frigiditas terræ profundissimæ à calore extraneo putrefaciente tuetur eam. Idque magis æstate, quàm hyeme, quoniam tunc temporis terræ frigidiora longè sunt viscera. Sed age, hauri aquam illam, & exterius reponere: Planè sic perpendes, aquam putealem citò putrescere, est enim immunda, & crassa, & non ita, vt oportet, ventilata.

Solue secundo; Aqua pluuialis cruda omnium citissimè putrescit: cocta verò, & colata putredini minimè est obnoxia. Hæc enim coctione purior euadit, & cum sit à fæcibus munda & repurgata, externo ambientis calori resistit valde. Quæ solutio menti Hipp. plurimùm est conformis. Subdit enim ille loc. cit. de aère. *Atque hæc quidem aqua optima sunt secundum hanc rationem, verum opus habent, vt coquantur, & transcolentur, sin minus odorè prauum habent, & rancidines, & grauedines inde accidere par est, &c.* Et Gal. lib. 6. epid. coctione eam ad meliorem statum transmutat, & sic ait: *In quibus omnibus melius fuerit, quemadmodum legumina multa praelixantes idonea esui præparamus, & olera, & fructus, & animalium partes: eadem ratione & aquam prius elixatione ad meliorem naturam permutantes ita propinare, &c.* Causa verò ob quam sit decoquenda, infra explicuit, dicens, crudas aquas bibentes hoc esse obseruatuos, vt limosam, lutulentam aquam decoctione præparent, sic enim putor, quem ex putredine plerunque contraxerunt, abiicitur, omnisq; terrea pars facile subsidet, quæ cum tota aqua, priusquam incaluisse, erat permixta, vnàque cum ipsa epòta haud contemnendam eladem infert.

Instabis, & meritò sanè, aquam minimè coqui posse, quum coctio mixti sit, & non elementi. Responde, aquam minimè concoqui posse, elixari tamen, idque per metaphoram dici potest; nam nihil habet sicci, quod cum humido possit commisceri, & humidi plurimum possidet, ita vt à calore, quem aut exiguum, aut nullum habet, coërceri queat. Et hæc est causa quare aqua ex humidis solum non crassescit. Quo pacto eorum succorum, qui in humano corpore congesti, aquæ sunt in modo substantiæ omnino similes, vt incoctiles expurgandi sunt protinus, cuiusmodi sunt hydropicorum aqua, aliique tennes, crudi, & aquosi humores. Qua de causa Gal. lib. quos, quib. & quando; aquosos humores inter initia illicò expurgat; cum ij nulla expectata coctione, quam recipere non possunt, sint vacuandi.

Aqua verò pluuiam, licet purà videatur ad sensum, decoquenda est; nam limpida absolurè, & pura nò est, quoniam ex pluribus commixta est humiditatibus, prout Hipp. & Gal. cit. loc. docuere: dicitur autem pura, fontanæ, aut

alterius cœnosæ collatione facta, ex quo patet coctionem mixti esse, & non elementi. Quare vnum potissimum eliximus, perperam carpi Auic. 2. 1. doct. 2. c. 16. Radium 3. ad Almanf. 4. & alios probatæ fidei auctores, à Ioubert 1. de cad. paradox. 5. Ludou. Mercat. lib. indicat. 2. Ferdinand. Roder. Cardozo, c. 4. de sex reb. non nat. quest. 3. qui aquam pluuiam etfi limpidissimam, immò & fontanam, & reliquas aquas, ad vsum sanitatis, & alios medicamentosos vsus non esse decoquendas, contra hos proceres pugnaciter contendunt, futilibus innixi rationibus.

Aqua ergo pluuialis ad omnes vsus est vel purissima fontana præstantior. Si verò hanc sæpè auctores commendarunt, respectu nimbofæ, fluuiatilis, aut alterius, id pronunciasse asserendum est. Nam pluuialis, à Sole, qui puriores aquæ portiones sursum attrahit, elaborata, iucundiorque reddita, coctionem iuuat, vrinam mouet, iecur & renes moderatè refrigerat, pectus dilatat, excretionem prouocat: vt inter omnes notauit Balthazar Pisanellus lib. de escul. & potulent. facult. sit. de aq. nat. & effect. u.

## DV B I V M III.

*Num aqua per plumbeos canales deriuata, dysenteriam facere possit, contra Fallopium.*

AT licet hæc vera sint, & tantorum virorum probata testimoniis, vnus restat eximendus scrupulus, ne aqua pluuiam noxam aut corpori, aut medicamentis cum quibus decoquitur, inferre possit, vt scilicet per canales plumbeos in cisternam non excurrat. Fictiles tubos vt salubriores laudamus. Quapropter Septentrionalium regionum incolæ vehementer admiror, qui ob fontium, & fluuiorum penuriam, aqua pluuiam vtuntur, non nisi in cisternam per canales plumbeos deriuata. Hos coarguit Gal. libr. 7. sect. loc. cap. 2. dum sic inquit. *Satis est ipsam mundam esse, & omnis mixtura exortem, ob quam rem, ea quæ per plumbeos canales deriuatur, fugienda erit: limus enim ex plumbo in ea continetur, unde & qui aquæ huiusmodi faciem combibunt, dysenterici euadunt, &c.* Subscribit Aëtius terrab. 3. ferm. 1. c. 45. qui in dysenteria pluuiam concedit, quæ non sit ex domibus plumbo intectis delapsa: nam huius potus hunc affectum præcipuè gignit. Sequitur Auic. 2. 1. doct. 2. c. 16. dum sic ait: *Et ex illis illa sunt deteriores, quibus ex plumbo via facta fuerunt, quoniam ex eius virtute aliquid assument, & frequenter ad dysenteriam ducunt.* Quæ autem sit huius euentus causa, nunc audi.

Eruditissimus Fallopius tract. de metal. cap. 22. in fin. sic philosophatur. Plumbum frigidum est & humidum ex Gal. lib. 6. simpl. cap. 50. & Dioscorid. lib. 6. cap. 41. & sic reddit aquam his qualitatibus affectam, quæ frigida cum sit, humores incrassat, obstructions gignit, quæ de causa excrementa retenta acris redduntur, & exulcerant. Sed non aduertit vir doctissimus, quòd hoc pacto alimenta omnia frigida & humida dysenteriam facerent, quod non est dicendum.

Sed certior huius euentus causa metallorum naturæ est tribuenda, quæ ita comparata est, vt plurimum in se habeat igneæ substantiæ, auctore Gal. lib. 9. Simpl. cap. 26. explicat luculenter Alb. Magn. lib. 3. de metal. tract. 2. c. 4. hocque euenire ex sulphuris, & argenti viui permixtione certum est, sunt enim hæc metallorum omnium communia principia: ita vt quò metallum est purius, vt aurum, & argentum, minus de his principiis participet, impurum verò, vt ferrum, plumbum, magis. Quo fit vt hac de causa, docente Plin. libr. 34. cap. 17. aqua per plumbum excurrens reddatur ignea, acris, & exulcerans, & dysenteriam facile gignat. Qua ratione plumbea lamina scrophulas, ganglion, tumoresque duos dissipat, & resoluit, si fides est habenda Paul. libr. 7. sit. de plumb. Auic. lib. 2. tract. 2. c. 12. Auer. lib. 5. collect. c. 43. Vide pulchra de hoc argumento apud Iacob. Forol. in com. c. 16. Auic. 2. 1. Doc. 2. & Mercurial. 2. variat. 9.

Aliam excogitauit Vitruuius rationem libr. 9. cap. 11. Nam aqua per plumbum ducta ex eo videtur vitiosa, quòd

ex cerusa fit & nascitur. Cerusa enim plumbo creatur at-  
 trito, quæ corporibus nocet humanis, auctore Palladio  
*lib. 9. rei rustic. tract. 21.* Qua de causa diarrhææ, & dy-  
 senteriæ frequentes eueniunt, vt probat Riolan. *lib. 2. sua  
 medic. cap. 9.* Denique si plumbi limatura pota, aut  
 scobs similia inuehit pericula, quæ ex argenti spuma,  
 lithargyro, & cerusa accidere solent, vt concors est aucto-  
 rum sententia, & referunt Paul. *lib. 5. cap. 63.* Auic. 6. 4.  
*tract. 1. cap. 3.* Cur aqua per plumbum decurrens, noxia  
 non erit, & saluti humanæ valde infesta? Maxime quia  
 plumbum est metallum inimicum vitæ proprietate sua,  
 & sic Saturno assimilatur, quum septem metalla septem  
 planetis comparent Astrologi, plumbum est Saturninum,  
 & melancholicum, ob colorem nigrum. Vide Galeorum  
*Mart. lib. de promiscua discip. c. 14.* Quare vt receptui ca-  
 nam, aqua pluuiæ ad omnes vsus omnium est saluberrima,  
 & præstantissima, dummodò per plumbeos canales in  
 cisternam non excurrat. Sin minus, linguam & pa-  
 risthmia aspredine exulcerat, siccam tussim, & singul-  
 tum mouet, & ex ventriculo nauseabundo perniciosum  
 halitum eructat, caligine oculos suffundit, corpus vacil-  
 lare cogit. Vltimò, Quis plumbum lethalia symptomata  
 parere negabit? cuius solo viroso vapore, dum funditur,  
 artifices plumbarios pallere, artus & sanguinem exuri  
 testatur Plin. *lib. 34. cap. 17.* dum (inquit) plumbum co-  
 quitur, munienda sunt spiritus foramina, alioquin plumbi  
 & fornacibus noxius halitus, & pestilens sentitur. Qua-  
 propter siphones, aut fistulæ plumbeæ ad aquæductus  
 merito sunt reprobandæ, sed eligendi tubi à figulo dili-  
 genter vitrati, ne aquarum limus illis hæere possit. Lege  
 Langium *lib. 1. epist. 44.*

## HISTORIA VIII. GALENI, De dolore capitis.

Sinciput, medicamentorum quæ capiti im-  
 ponuntur, applicationi aptissimum.

**S**ed quoniam etiam suture, & in his præcipue coronaria,  
 non solum medicamenti impasti qualitates, sed etiam sub-  
 stantiâ, si tenuis est, facili intro transmittitur: merito multa circa  
 cerebrum vitia ab extrinsecus applicatorum remedium fa-  
 cultate iuuantur. Ipse enim in meipso expertus memini, cum  
 infunderetur rosaceum frigidum, citissime, clarissimeque sen-  
 sisse me in sincipitis loco: eius intro penetrationem, & c. Gal.  
*lib. 13. meth. c. 22.*

### PARAPHRASIS.

**C**erebrum cum membrum sit humidissimum, friabile,  
 molle, laxum, medullosum, & in altissima parte loca-  
 tum, velut operculum quoddam ebullienti vasi superpo-  
 situm, rectum domus calidæ appellatur, Auctore Magi-  
 stro 9. de usu part. 2. Qua ratione, multa incrementorum  
 indiget expurgatione, cum continuò ex inferioribus par-  
 tibus ( cucurbitulæ ritu ) attrahat, exhaustiatque vapores.  
 His enim ne obrueretur, prouida natura fabricauit suturas,  
 quarum via liberè fuliginum copiam expurgare posset.

Suturaram, pro varia capitis figura, varius quoque est  
 numerus. In figura ergo naturali tres veræ suturæ repe-  
 riuntur: prima anterior est, & coronalis dicitur, quod ea  
 capitis parte coronæ gestari soleant. Hæc à temporibus  
 vtrinque in summum verticem, per transversum, viam  
 capessit. Præter plurimas suturarum utilitates, illa est à  
 Gal. hoc loco descripta, vt scilicet medicamentorum ex-  
 ternorum vis altius penetrer. Cum enim ante cerebrum  
 sit crassa membrana, quæ corio externo assimilatur, & post  
 hanc cranium: si capiti auxilia adhiberentur, minimè pro-  
 desse poterunt, cum per hæc dura corpora medicamentorum  
 vires impartiri facultatem minimè queant. Quare  
 topica suturarum regioni imponantur, oportet.

In parte ergo anteriori (sinciput vocatur) suturæ sunt  
 laxissimæ, & liquidò in iunioribus moueri eo loco appa-  
 rent, & cranium est ibi tenuissimum, & rarissimum; quam-  
 obrem apposis inibi externis medicamentis, illicò pa-

tiens eorū qualitatem persentiscit; quo factum est, vt cum  
 medicamenti cuiuspiam vim vehementer descendere est  
 in animo, hoc maxime loco imponere oporteat; quod ita  
 esse quodianum suadet experimentum: Nam in puerulis  
 anterior eorum pars, membranea potius, ceræque est, cum  
 sit humidissima; nec prius bregma, quo tegitur, in os mu-  
 tari potest, quam cerebrū hac parte liccius euaserit, quo-  
 niam in hac parte futuræ omnium rarissimæ sunt, & debi-  
 lissimæ. Caput enim hac in parte, ob venarū, & arteriarum  
 copiam plurima indiguit vaporazione, quare ob hanc cau-  
 sam sinciput topicorū, quibus ad cerebri affectiones quo-  
 tidie vitimur, applicationi, est inter omnes capitis partes  
 aptissimum. Explicat eleganter Gal. 2. lib. sec. loc. c. 1. Rub. 3.

Sed cuius ægritudinis causa oleum rosaceum frigidum  
 imposuerit, ex ipsius doctrina satis non constat, fortè non  
 expressit, quoniam leuissimus fuit, quo corripiebatur, affe-  
 ctus. Sed quomodo duram, membranofamque cranij sub-  
 stantiam, oleum rosaceum actu frigidum potuerit pene-  
 trare, ita vt illius frigiditas mox sentiretur, merito percon-  
 taberis. Maxime cum illud adstringat, & occlusis meatibus  
 in altum penetrare non possit.

Aduertas tamen oleum rosaceum in duplici esse diffe-  
 rentia; nam aliud ab alta, immaturaque olea expressum,  
 omphacinum, crudum, incompletumque vocatum à Plin.  
*lib. 12. cap. 27.* cæteris præstat apud Dioscorid. *lib. 1. cap. 31.*  
 refrigerat enim, & adstringit, quæ qualitas tam congener  
 illi est, & cognata, vt per eam solum, quale oleum sit, se  
 cognouisse fateatur Gal. 6. simpl. rit. de oleo, & 3. de sanit.  
 tuend. 6. Nam vt, eodem lib. simpl. Gal. ait, quantum hoc oleū  
 habet adstrictionis, tantum habet frigiditatis; quapropter  
 inflammationes arcet, humorum impetum refrænât, om-  
 nis generis fluxiones sistit, ventriculū roborat, gingiuas  
 contrahit, dentes firmat, sudorem cohibet. Hoc, quò ve-  
 rustius, ac pinguius, eò ad medicamenta vtilius. Ex colib. 1.  
 simpl. 6. & 10. meth. 9. suum refrigerans parabat vnguen-  
 tum, in adurentibus febribus, dorlo, iecorūque apponen-  
 dum, cuius compositionem ex Mesuè petere potes.

Aliud completum, seu maturum nuncupatur, ex oliuis,  
 rosisque maturis sic dictum; hoc roborat, resoluit, lenit, do-  
 lorem sedat: Et licet olei quantum voluerimus iubeat Mesuè  
 accipere, tamen Palladius *lib. 6. rei rustic. tit. 15.* purgatarū  
 rosarum vncias singulas, singulis olei libris committit qui-  
 dam tamen vnguentarij rosas aliquantulum siccare prius  
 consueuerunt, vt odorem in vnguento synceriores, effi-  
 cacioremque relinquant, moniti ( vt reor ) sententia Theo-  
 phrasti sic consulentis, *lib. 6. de caus. plantar. c. 23.* At Paul.  
*lib. 7. rit. de rosacei confectiōe,* id ex rosas exungulatis con-  
 ficit. Est enim vnguis in rosa, teste Dioscorid. *lib. 6. c. cit.*  
 candida ipsius pars, pedi rosæ magis vnita.

Gal. autem de incompleto loquentem intellige, quod  
 licet modicè frigidum sit, tamen eius partes acree, à stypti-  
 cis intro propulsæ intimius penetrant: scis enim leuem  
 stypticitatem in tenui substātia, iuuare ad penetrationem,  
 vt de eodem rosaceo *cit. simp.* protulit Gal. Num autem  
 aliquando posteriori parti capitis, frigida topica possint  
 applicari, contra Holler. c. de dol. c. Theodorus Collado in-  
 surgit c. 10. de errorib. Holler. leuissimis nixus rationibus,  
 quas dissoluere facile est ex dictis, illi, qui huius auctoris  
 rationes ad amissim pensitauerit.

## HISTORIA IX. RASIS, De Phrenitide.

Phrenitis, sanguinis missione vsque ad  
 animi deliquium, curata.

**C**asus accidit Errisidæ Regi: Scilicet iuxta cerebrū apo-  
 stema, & cognoscebat me. Extraxi ei sanguinis libras tres,  
 vsque quò syncopisauit syncope timorosa, & postmodū cogita-  
 re cepi, & inunxi corpus eum ex Algalia, & \* ex ea posui ad  
 naves. Et libram vnā vini odoriferi temperavi cum equali pō-  
 dere ex iure pullorum gallinarum, & columbarum, in quo mos-  
 chum posueram, & hoc in os eius misi successivè, & à syncope  
 fuit liberatus. Rasis lib. 3. in suis Aphorismis.

## PARAPHRASIS.

**O**Riri iuxta cerebrum apostema, aut, vt rectius loquar, meninges inflammari, notius est, quàm vt explicari queat, immò Gal. 4. de caus. puls. cap. 14. affirmat, phrenitidem potius à tenui meninge incipere. Hæc enim membrana, ab aliis, pia mater, vel meninx vocata, mollis est, multis venis, arteriisque circumdata; licet hunc affectum à dura matre aliquando ortum ducere non sit negandum, quæ cum capacior sit, & ignobilior, faciliè fluxionem suscipiat. Sed in hac re nihil certi statui potest, quoniam partes duræ non ita frequenter inflammantur: exemplo sint ossa, & ligamenta. Sicque fortunatum est, vnam potius, quàm aliam meningem inflammari. Illud certissimè, quod phrenitis quæ ducit originem à tenui meninge, multò acerbior & periculosior sit, quàm quæ à dura suboritur; tum quia illa acutiori sensu prædita est, tum quia cum cerebro maiorem consensum habet, & cognationem: Nam tenuis nullum patitur affectum, quin cerebrum patiatur, & è contra. Hæc enim non solum circumuoluit cerebrum, sed in illius substantiam sese insinuat, vt 8. de usu part. 8. docuit Gal. At verò dura, quoniam à cerebro est separata, sola affici potest, auctore Magistro, 4. de præfag. ex pulsib. cap. 9. citissimè tamen suum affectum cerebro communicat, illi enim aliquibus propaginibus coniungitur, vt 8. de usu part. 9. Gal. edocuit.

Inflammari has membranas, & phrenitidem concitari, quæ nihil est aliud, nisi inflammatio cerebri, aut membranarum eius, auctore Gal. 2. de caus. sympt. ultim. est verissimum. Quas, etsi ob soliditatem, & duritiem earum, humor non ita penetret, à bilioso tamen, tenuique humore inflammantur, vt de pleura dicebat Gal. 6. Aph. 33. iisdem autem signis inflammatas membranas agnosces, quibus adesse phrenitidem iudicamus, quæ cum acciderit, vt phrenitidis curanda est, teste Paul. lib. 3. cap. 6.

Confestim ergo secanda vena, 13. meth. 21. & alia exequenda auxilia, quæ ab auctoribus vnanimè proficua esse censentur. Licet autem affectus hic in principe parte esset subortus, cuius vis, cum præ cæteris sit infirma, tam copiosa vacuatione non erat ita infirmenda, cum satis sit virtutem non exoluere, quàm sanguinem vacuare redundantem, vt 2. acut. 10. in fin. monuit Galenus, tamen, quia inflammatio fuit ex feruenti sanguine concitata, & non potest vehemènti morbo, nisi vehemens auxilium succurrere, sic docente Celso 2. c. 11. & qua celeriter exequi debent, celeriter peragere oportet, ex Hipp. lib. 1. acut. text. 8. idcirco, vt simultanea fieret humoris calidissimi vacuatio, quæ fluxurum, fluentem, & fluxum humorem vacuaret, tam aceruatam vacuationem celebrare, morbi exitialis coëgit necessitas. Neque putes errasse auctorem, vsque ad syncopen sanguinem emittentem: nam præterquam quod extremum & nimium auxilium, extremo & acutissimo morbo est consentaneum, vt millies Hipp. prædixit; de syncope reparabili, (Barbarorum more loquor) quæ cum animi deliquio coincidit, est intelligendus. Sed quoniam expositor pro scopo habet, singulas dictiones prosequi, auctore Gal. lib. 1. acut. 8. idcirco de galia, & cæteris odoramenti generibus aliqua prælibabimus. Illam enim naribus apposuit, vt odoris suauitate, vires collapsæ refici, & spiritus exhausti reparari possent. Est enim galia, sordes quædam odoratissima, quæ è genitalibus locis feræ cuiusdam eruitur, quam peregrino vocabulo Zibetrum appellamus. Animal est, feli qui in veteribus ædificiorum ruinis oberrat, non absimile: Sordes hæc præcipuè purgari solet, cum pars hæc ea scæter vligine, quæ recet ab animali euulsa, tetrū, insuauemque spirat odorem; cæterum vase vitreo recepta, & diu insolata, miram sibi odoris conciliat suauitatem.

De illa, quæ calidum & siccum in 2. excessu sortitur temperamentum, loquitur Auic. lib. 2. cap. 326. cui mirabiles tribuit qualitates. Nam præterquam quod medicamentum, siquod alterum est cardiacum, eas quas Moschus & Ambarum præstant facultates, excellentiori suauitatis, & virtutis medicamentosæ gradu elargitur, quas ad plenum de cribunt Serap. de simpl. cap. 54. Mathiol. lib. 1. in Dioscorid. in com. c. 20. Ruell. lib. 2. de nat. stirp. c. 27. Bernar.

A Dessenius lib. 7. de compos. med. in fin. & latissimè Contad. Gesner. lib. 1. quadruped. sit. de fel. Zibetti. Explicat eruditissimè Vlysses Aldroandus tom. 4. de quadrup. c. de Zibetto.

## Observatio XL

*Phrenitis confirmata, cucurbitula in syncipite scarificata, curatur.*

**C**Um inflammatio meninges cerebri occupat, eo modo quo phrenitis curanda est. Formina quædam, febri acuta laborans, neglecta phlebotomia, (ob incuriam Medicorum) ex vigiliis, & dolore capitis, attracto sanguine ad partes superas, in sæuam incidit phrenitidem, adeo vt iam captaret muscas, & ad pedes lectuli iacens, continuo delirans, in horas moritura speraretur. Huic opem ferens, cucurbitulas dorso, occipiti que scarificatas apponendas impetro. Ex fronte, nasique venulis sanguinem exhauro, & alia reuellentia auxilia procuro. Sed cum debilis esset, nec ad ferendam cephalicæ sectionem, aut purgantium medicamentorum usum, vires essent satis, & nullus videretur esse remedij locus, in casu conclamato, ad cucurbitulam in syncipite scarificatam accessi, ex qua cum sanguis copiosè emanaret, contra Medicorum vota ad mentem rediit.

## QVÆSTIO VII.

*Quod ad syncopen vsque sanguis sit aliquando emittendus, vt voluit Auic. contra Ludouicum Lemosium doctissimum.*

## COMMENTARIUM.

**S**yncope timorosa.] Quod ad Syncopen, aut animi deliquium sit emittendus sanguis, hoc loco disputandum est. Licet enim plures ante me hoc argumentum satis acutè agitarint; pulchra tamen multa, ex tenebrosa Gal. doctrina deprompta prætermittunt, quæ seueriori lima indigere videntur. Auer. lib. 7. collig. 8. contra Hipp. sic insurgit: Hanc vacuationem vt erroneam accusans, & damnans, quod in ea plus boni putat decedere, quàm mali. Hoc ex ipso animi defectu colligit: consuevit enim natura noxij humoris expulsionem lætissimè tolerare, & utilis ac innoxij vacuationem ægerimè ferre. Deinde natura rectè operantis exemplo, similes vacuationes nunquam promouentis, nititur redarguere. Nam debilitata sic natura humores à putredine defendere hæud poterit in posterum. Quare in bona crisi, ipsa vsque ad animi deliquium non euacuat, sed in mala, in qua omnia præcipitantur.

**V**acuandum esse sanguinem vsque ad animi deliquium in febribus ardentissimis; vehementissimis doloribus, & maximis inflammationibus, docuere cum Hipp. 1. aph. 23. & Galeno passim, præsci, & iuniores Medici. Reddit causam Gal. 9. meth. 4. & 5. lib. de curand. rat. per sang. mis. 1. 2. & 4. de sanit. tuend. cap. 4. Quoniam ex hac copiosa vacuatione non solum feruentis sanguinis plenitudo deponitur, sed refrigeratur totius corporis habitus, corpus ad naturalem ducitur temperiem, & leuata natura, recreataque eo, quo velut sarcina premebatur, copiam peccantis humoris, per vomitum, aluum, & sudorem expellere tentat, & sic doloris, febris, aut inflammationis vehementia remittitur.

**N**eque obstat Auer. argumentum; nam supponit falsum, ex vtilis humoris vacuatione solum animi deliquium oriri posse existimans, quum contrarium firmer experimentum: suppurati enim, aut aquam intercutem patientes, si urantur, aut secantur, & pus, aut aqua vniuersim effluxerint, moriuntur, iuxta Senis edictum. 5. aph. 27. in his enim subito, & repente vacuare, malum, cum euestigio deficiat anima, viresque concidant; nec postea debilitas ita facile remedium habeat. Deinde ars, cum ducatur ratione, multa solet efficere, quæ natura non efficit. Et in bona crisi etiam, ob inutilis humoris vacuationem subitam, vnà cum vili, perterrita natura, & calore ex improviso conflucte ad cor,

oritur animi deliquium. Et licet hæc repentina vacuatio A plurimum debilitet, & calore diminuto videatur deinceps maiorem putrefactionem posse induci; si tamen cum conditionibus seruandis celebretur, sitque corpus validum, & robustum, viresque constent, tantum abest vt debilitet, quin potius dempra copia, natura recreata peccantem humorem aggrediatur. Et licet nimia vacuationi annexus sit semper casus virtutis, adhuc tamen caloris natui ea portio remanebit, quæ vitam conseruet, & ab imminenti periculo, putredineque defendat; quare lipothymia correpti facillè vires recuperant.

Sed Ludouicum Lemosium fortioribus machinis insurgentem audiamus. Is enim in *com. cap. 4. lib. 9. meth. Gal.* huius auctoris, immò Hipp. doctrinam in *disp. 6.* temnit, & damnat, putatque annotandum Gal. nullòque B modo imitandum. Et primò sic. Si hæc vacuatio ex eo iuuat, quoniam corpus in contrarium statum deducit, & sequuta refrigeratione febris illicò extinguitur, cur hoc etiam non faciet partita vacuatio, nimiam plenitudinem exhaustiens, & ex accidenti corpus refrigerans? Et sic Gal. *4. de sanit. 10. partitè in hac sectione euacuat.* Secundò, Omnis nimia vacuatio est periculosa, ex Hipp. *lib. 1. aph. 3. & 2. eiusd.* § 2. ergo non est exercenda, quum ex vniuersali præscripto *12. meth. 1. terminus sit agrotantibus, quem non transibit, qui ex arte generosè morbo oppugnat, vt tuto medicetur, vbi verò ultra pergitur, crudelis hominis officium facit, qui simul cum morbo, vitam quoque hominis aufert.* Quo auxilio petiisse plures narrat. Gal. *lib. 9. meth. 10. & lib. de curand. rat. per sang. miss. 12.* Tertio. Si hæc vacuatio est necessaria in febribus, in putridis est exequenda, ex C Gal. *9. meth. 4.* Sed in his vires languent, (diminuto enim calore interno vires fatiscunt, & putredo inducitur,) & sanguis in alios humores abiit per putredinem: ergo ij non hoc auxilio, sed purgatione sunt educendi. Quarto, Gal. experimentum nritur redarguere, sudores, aluique deiectionem post celebratam hanc vacuationem fortuitò euenire sibi persuadens: nec enim iuuenis alter seruus citatus à Gal. *cir. nup. loc. sudore, & alui profluuium est liberatus.* Ergo non sunt hæc imitanda, cum sint recta ab errore: hoc enim modo, vini potu pleuritides, & melongenarum esu quartanæ soluuntur. Quintò, Contemnit istam vacuationem, quoniam ex ea natura non leuatur, immò oppressa, sui muneris oblita manens, ad reliqua opera perficienda incapax, & insufficiens reddita occumbit. Sextò, Principum auctoritate suam videtur munire sententiam. Celsus enim *lib. 2. cap. 10.* affirmat, semper finem facien- D dum esse antequàm anima deficiat.

Contrà docuere omnes, qui facundissimam illam, germanamque medendi methodum, ex limpidissimis Gal. fontibus exhaustam combibere solent. Is enim summus auctor in hac artificiosa vacuatione ingenuus fuit, & elegans, hocque pacto grauiter errasse Lemosium, tanti viri iudicium contemnentem, leuiculis rationibus impulsam, dubitat nemo. Ad primam dic. Non esse eandem partitæ, & simultaneæ venæ sectionis vtilitatem: licet enim vtraque calidam substantiam extrahendo corpus refrigeret, subitò tamen & repentè facta plures affert vtilitates, quæ in partita venæ sectione deficiunt. Mutuo enim illo, & reciproco motu à partibus extimis ad cor, & rursus à corde ad extimas, ventilatione hac non solum refrigeratur corporis habitus, sed cor, visceraque interna transpirant, ac recreantur, & vacuata copia, qua velut sarcina gravabantur, ad superflui expulsionem insurgunt, & peccantem succum per varias corporis regiones emittunt. Neque arguas ex hoc confluxu humorum ad cor, ipsum caleferi; nam ij ibi non immorantur, sed celeriter ad partes exteriores regurgitant, quo motu internæ roboratæ humorem noxium à se depellunt per sudorem, vomitum, & alui fluxum. Ad instantiam tamen (de qua nostri temporis illustriores Medicinæ proceres, ne verbum quidem protulerunt, licet hoc argumentum agitaerint ingenuè,) est textus eximius *lib. 4. de sanit. cit.* quo loco, tenuam, & phlegmonosam lassitudinem venæ sectione vsque ad animi deliquium persanans, iteratè detrahit, ac primò ita mittere expedit, vt animi defectum homo non

adeat: secundò verò ne defectus quidem ipse est formidandus. Quippe, qui priori detractione resolutus est, secundam sustinere haud poterit. Vides vt Gal. in euacuatione vsque ad animi deliquium, partitè sanguinem emittat, & secunda vice liberalius? quum contrarium esset exequendum: nam in initio vires sunt fortiores, & copia maior. Sed si hoc modo Gal. explicaueris, tutus incedes; bis enim sanguinem emisit, quoniam lassitudini phlegmonosæ medebatur, in qua plurima sanguinis quantitas in carnes, & corporis molem delata est, nec aderat multa copia vacuanda in venis, quare prima detractio parciore fuit: altera verò copiosior, vt per eam residuum plenitudinis vacuaretur vasorum, & quod post primam detractionem ex carnibus in vasa migravit, cuius ratione copiosa detra- C tio est necessaria.

Ad 2. Hipp. non verat vacuationes ad extremum factas, sed solum periculosas esse pronunciat: ab eis ergo abstinere debemus, nisi magna necessitas incumbat; qua existente, satius est aliquid cum periculo tentare, quàm suffocato ob copiam ingentis plethoræ calore, spe adempta ægrum certò perire. Sic intelligendus est Hipp. dicens, & vbi ad animi defectionem expedit ducere, faciendum, hoc est, vbi necessitas vrgeat, non dubitandum de hac vacuatione, quæ licet parca respectu videatur nimia, ex se tamen immodica non est, quum summæ repletioni è directo repugnet: Et licet debilitet, (nos vires robustas supponimus) minori damno maior vtilitas est compensanda: nam melior est noxa, quàm mors, ex Gal. *12. meth. 1. iuxta fin.*

Ad 3. in putridis febribus ad animi deliquium esse mittendum sanguinem, cum Gal. affirmant omnes, qui in *lib. 9. meth. cit.* in seruo eam exercendam suaserit: alioqui timor est, ne præ sanguinis copia vasa rumpantur, natiuus calor suffocetur, aut in aliquam partem principem decumbant ij, qui per corpus vagantur humores. In his ergo ad animi deliquium vsque sanguis mittendus est, cum virium robore magno: quæ licet non ita vigeant, ac in imputri Synocho ob dictas causas, tamen eæ possunt esse valentes, quum sanguis solum sit putris, nec in alios humores conuersus, neque putredo facta, qua tantum incipiente vires validas posse reperiri Gal. inibi inculcat.

Ad 4. ad libitum Gal. reprobat experimentum, alui profluuium aliis, sudorem plurimis, vomitum quibusdam, ex hac vacuatione oriri pronuntiantis; Nam iudicium Medici docti magnificandum est, cum sit dignum consideratione D ex Gal. *lib. 1. epid. sect. 3. com. 1.* à quo sumitur probabile argumentum ad omnia, ex Valles. *ibi, & lib. 5. epid. 87. & 7. eiusd. 26.* quis ergo Gal. experimentum in curando temnere audebit, quum diuturna sit ægrorum meditatione confirmatum?

Non ergo fortuitò hæc vacuationes, facta hac venæ sectione sublequantur, sed leuata natura, tenuiorem sanguinis portionem, per vomitum, & sudorem; crassiorē verò per yrinam, & secessum euacuante, & expellente, hæc accidere cum Gal. omnes vnanimiter docuere.

Celsi verò locus nos cautos reddit in hac generosa vacuatione exequenda, vt scilicet ad eam, non nisi urgente magna necessitate accedamus: Nobis enim virium statum non ita exactè contemplantibus, multoties pro animi deliquio mors obrepit; vel si de debili corpore ipsum intelligas, non errabis: lege pro Celsi explanatione, Balduinum Ronssseum in *com.* varias ad hunc locum expositiones afferentem, & Petrum de Peramato *lib. de vacuand. rat. c. 25. eleganter.*

Maior tamen lis est, & controuersia pro vno conciliando Auic. licet enim omnis Medicorum Schola ad animi vsque defectum sanguinem emittendum præcipiat, ille solum ad syncopen vsque imperat extrahendum. Sic enim ait *1. 4. tract. 2. cap. 46. Et non cesses phlebotomare, quousque æger appropinquet syncopa, aut cadat in syncopen.* Scio quam multa in huius textus expositione antiqui machinentur interpretes, Gentil. Dinus, Hugo, Iacobus vterque. Dic ergo per syncopen, animi deliquium intellexisse. Paret hoc euidenter: nam Arabes, qui magistrum suum Auicennā amplectuntur, ad syncopen vsque sanguinem emittentes, E in



in sui confirmationem afferunt Gal. qui solum de animi deliquio loquutus est. Quoniam verò lipothymia, syncope quædam differentia est, barbari vnam pro alia confundunt, ut inter omnes notauit Ambrosius Nunnius in com. text. 41. lib. 2. aph. in Paraphrasi ad com. Gal. Neq; sibi contradicit iste Auctor, 1. 4. tract. 2. c. 7. post med. cum dicit. *Et non euacuetur plurimum simul, ut cadat virtus; & consilium meum in phlebotomia est, ut dimittatur quantum possibile est: quod si non est possibile, tunc multiplicatio numeri melior est multiplicatione quantitatis, &c.* Nam melius est infra subsistere, quam exquisitissime vacuare, ex ipso 4. 1. cap. 3. Sequitur Rastus 3. Contin. sect. 4. cap. 2. Verum hæc minimè nos ab hac vacuatione deterrent; sed solum cautos reddunt in hoc præstantissimo præsidio celebrando, quum virium statum non nisi coniectura quadam artificiosa, & veritati proxima metiri possimus, Vel si Aut. de reuulsione intelligas, vera dices; nam quantum maiorem in numerum particulares auxeris reuulsiones, tantò efficacior rem efficies, ex Gal. lib. de curand. rat. per sang. mis. 1. 2. Alter verò locus de alui fluxu explanandus est; in hoc enim prouocando, infra subsistere optimum est consilium, ex Gal. loco nuper cit. *Quod enim semel deuoratum est medicamentum, quominus omne deuoratum sit, fieri non potest, neq; possibile est, ubi plusquam conueniat iam purgetur homo, partem oblatis auferre.* Num autem purgatio vsque ad animi deliquium sit facienda, disputant Brachel. in com. 23. lib. 1. aph. & Horat. Augenus tom. 2. suor. oper. lib. 8. epistol. 50. doctissime, cuius dubij solutionem quaere lib. 4. in com. bist. 9.

## QVÆSTIO VIII.

*Quod odor nutriat, contra Aristotelem.*

**A**ndreas Cæsalpinus inter omnes, & meritò contendit, lib. 1. de medic. facult. c. 14. ad recreandas vires, optimum esse, odorifera non solum carpo, temporibus, plantis pedum, & testiculis, sed vniuerso corpori, ut fecit auctor noster, apponere, ut sic continuo arteriarum motu deferatur ad cor vapor, spiritui gignendo materia aptissima, qua exhausta hæc tenuissima, leuissimæque substantia, & omnium maximè resolubilis, citissime reparetur. Nutriti spiritus odoribus dilucidè comprobatur Hip. in lib. de alim. n. 6. in hunc modum; *Qui celeri adiectione opus habent, his humidum nutrimentum ad reparandas vires aptissimum est: qui autem adhuc celeriori per odoratum nutrirī debent.* Quam sententiam citat, & probat fidissimus eius interpret. lib. 2. aph. com. 1. 1. Hoc ita esse satis ostendit illa passio, syncope nuncupata, qua correpti odoribus promptissime reficiuntur, & reuiuiscunt. Hinc fit, ut esurientes atq; famelicos, nutriendos odores summopere delectent (his enim spiritus animales, & vitales instaurantur: ) atque hoc magis facere possint, dum sunt naribus propinquiore, tunc enim magis reseruant naturam rei à qua deciduntur, quam quum per longius spatium vagantes, multo aëri commixti, in multas partes dissipantur.

Aristot. lib. de sens. & iis quib. sentiuntur, cap. 5. odorem non nutrire confirmauit. Primò sic. Alimentum oportet compositum esse, velut & ipsum quod alitur; sed odor est qualitas simplex; igitur nutrire non potest. Secundò. Aqua immixta non nutrit, quoniam simplex, fluida, tenuis, nullam corpulentiam habens; nutrimentum autem corpulentum esse oportet, quemadmodum & id quod nutritur; ergo minùs aër nutrire poterit, qui aqua tenuior est, & adhuc multò minùs odor, qui merum accidens, ac qualitas habetur. Tertiò. Ex alimento necesse est separari superfluum, ex odore nullum tale secerni apparet. Quartò. Omnibus animalibus locus est receptiuus cibi, qualis ventriculus existit, in quo concoquitur.

Sed aduertere debes, Platonem in dialogo de natur. existimasse, odorem fumum esse, aut caliginem, à cuius mente non est alienus Gal. 4. simp. 12. quo loco odorabilem vaporosam esse substantiam, diffusa oratione contendit: quod placitum plurimi, & Medici, & Philosophi efficacissimis rationibus comprobarunt. Sed excusari potest

Lib. I.

**A**rist. Nam loco cit. odorem non sumpsit pro effluxu vaporoso, sed pro simplici qualitate odorabili, quæ cum sit accidens, nutrire non potest, quum nutritio corporeis perficiatur rebus, sitque vacuati repletio; ac vacuatam corporeum erat; ergo quod implet & nutrit, corporeum sit necesse est. Rursus omnia nutriuntur ex iis, quibus fiunt, teste Philos. 2. de gen. & corrup. sex. 50. sed corpora nostra non constant ex odoribus, hoc est ex simplicibus illis odorabilibus qualitatibus: non ergo ex iis nutrirī poterunt. Hipp. autem, & Gal. qui per odorem, non solum illam simplicem qualitatem, olfaciendi sensorium alterantem, sed fumidam vaporationem intelligunt, ab ea refici, & instaurari corpora pronunciant. Hoc modo sumptus odor, corporeum quid est, non qualitas solum; hæc enim corpora non nutrit, sed vaporosa substantia, quam Medici communi, ac recepto vocabulo odorem vocant. Hæc enim fumalis vaporatio, effluxus quidam corporeus est, qui verè spiritus, tam animales, quam vitales nutrit & reficit.

Licet autem Philosophus excusari hoc modo à calumnia possit, tamen ex multis ipsius locis cum constet diuersam cum Galeno habere sententiam, non video quo pacto quispiam cum hoc auctore eum possit conciliare. Nam 13. probl. lib. prob. 15. odoris naturam, vaporem quendam, & delationem esse scriptum reliquit. Et lib. de sens. & sensil. cap. 2. odorem per fumosam enaporationem definit. Vnde Auer. in paraph. eiusd. lib. cap. 5. non alia ratione probat odorabilem naturam fumosam esse, nisi quod multa non habentia odorem igni approximata illum recuperant. Quæ sanè cuncta manifestè ostendunt, ex Arist. mente, odorem corporeum esse defluxum, & vaporosam quampiam substantiam, quæ à re odorabili deducitur. Sed argumenta Philosophi eò tendunt, ut probent, animalia odorem sentire, non quidem per vaporosam diffusionem, sed per intentionalem qualitatem, per aërem ab ipso corpore odorato multiplicatam, non secus quam rei visibilis speciem. Num verò hoc verum sit, an odores per vaporosæ substantiæ defluxum ad organum odoratus deferantur, an semper ad certam vsque distantiam cum fumali vaporatione disseminentur, qui deinceps per solam speciem ad longius spatium procedunt, acriter inter se debacchantur Philosophi, & Medici, nec adhuc capere discordia finem. De quo argumento legendi Costæus, & Mōgius in sen. 3. Auic. tract. 1. com. cap. 1. qui Plotini, Heracliti, Arist. Plat. Hipp. Gal. Auer. Auic. & aliorum illustrium Philosophorum proferentes sententias, eam videntur amplecti, quæ affirmat ex obiecto odorabili corpuscula quædam odorata exire ambienti permixta, quæ per narium inspirationem in cerebrum delata sensum mouent. Sic Ludouic. Mercat. tom. 1. part. 5. clas. 6. q. 158. num. 5. Mercurial. lib. de decorat. cap. 29. Ioan. Brau. Petrasitan. lib. de odor. & sapor. dif. cap. 12. Otto Casmannus part. 2. psycholog. cap. 24. quæst. 2. Montanus, in sen. 2. & plures alij, Arist. argumenta exactè dissolunt.

Præterea si fœtor spiritus labefactat, atque prostermit, ex omnium sententia, cur odor eos non instaurabit, atque augebit? ut eorum confirmant exempla, qui ad coctarum carniū vaporem, ad recentis & calidi panis exhalationem diu vitam conseruant, ut auctor est Conciliator in com. 12. part. 2. probl. Arist. & dif. 155. quod miram videri non debet, quum aër solus per se, id ipsum efficere queat, ex Gal. 12. meth. c. 3. dicente, *animalis spiritus, cerebrum veluti originem esse, illumque partim ex inspirando, partim ex eo quod reticularis plexus suppeditat, irrigari, atq; ali. & subdit, Spiritus non aequè euidentem demonstrationem haberi: sed tamen in corde, & arteriis eum contineri, cogitare alienum à ratione non esse, eundemque nutritum ex inspirando, &c.* Ex quo constat, aëre spiritus nutrirī, & odoribus: quos licet Arist. lib. 1. probl. 49. nullam corpulentiam gerere affirmer, de illa quæ sensibus perceptibilis est, illum esse intelligendum omnes asseuerant. Spiritus ergo odoribus nutriuntur, prout latè explicant Horat. Augenus tom. 1. epist. lib. 3. epist. 2. Conimbricenses in lib. 1. de generat. cap. 5. q. 7. art. 1. Boëmius lib. 2. de morib. gent. c. 8. Arsenius in aphor. Saluus Sclanus lib. 2. aph. 11. Ambr.

B 3

Nunnius

Nunnius ad cit. loc. aph. & alij, qui odores non omnium esse simplices asseruerant, Lege Sebastianum Nassium, *tra-*  
*ctau de spiritibus.*

## QVÆSTIO IX.

*Quod spiritus vera nutritione, aëre, aut odoribus  
nutriantur, ut cum Galeno voluit Auicenna,  
contra Gentilem Medicum  
acutissimum.*

**A**N tamen spiritus vera nutritione odoribus nutrian-  
tur, altiori indiget speculatione. Aërem spirituum  
necessarium esse pabulum, passim Gal. conlatur, tum  
*lib. 7. de usu part. 8. & lib. 8. eiusd. c. 1. tum 12. meth. cap. 5.*  
*& 5. simpl. cap. 9. lib. aduers. Lycum cap. 7.* Sed longè ac-  
commodatius, vberiùsque alimentum spirituum est odor. **B**  
*Auic. 16. 3. tract. 1. cap. 1.* propria, veràque nutritione  
spiritus aëre non nutriri sibi persuasit, eo solùm muni-  
tus argumento, quoniam res simplices, vt aër, & aqua  
verè nutrire non possunt; nam sicuti aqua membra solida  
non alit, sed vehiculum tantùm est nutrimenti, quo ea  
nutriantur: ita & inspiratum hunc aërem non nutrire  
quidem spiritus, sed veluti vehiculum præstare sese illi  
spiritui, quo demum vitales aluntur. De aqua, quod soli-  
dam corporis substantiam non nutriat, cum Gal. fatentur  
omnes; aër verò minimè nutrire potest spiritus, quum  
substantiæ sint compositæ. Sed licet dispar sit exemplum  
*Auic. de attracto spiritu, ac de indigesta aqua,* quum hæc  
à solida corporum substantia plurimùm differat, & in-  
spiratus aër cum spiritu, quoad modum substantiæ, ma-  
ximam conuenientiam habeat, & nihil prohibeat  
quominus hic, illo inspirato nutriatur, tamen placet  
*Auicennam cum Galeno concordem reddere, ita vt*  
*existimet, inspiratum aërem non statim nutrire, sed*  
*postquam cum internis cæteris spiritibus commistus*  
*fuerit.*

Gentilis fidissimus *Auic.* interpret. vtrò, citroque  
discursans, tenui, imbecillique argumento fidem man-  
cipauit, quo munitus à Galenica sententia abscedit, *1. 3.*  
*tract. 2. cap. 3.* dum sic ait: *Cuiuscumque determinata forma*  
*introductio presupponit sibi determinatam materiam: si igitur*  
*verè aluntur spiritus sanguine, non nutriuntur aëre, cuius*  
*longè diuersissima est materia.* Hoc itaque argumento  
factus est Gentilis, se satis Gal. sententiam euertisse, cuius  
mens hæc esse videtur: vnica forma substantialis vnā  
tantùm informat materiam primā; alioqui daretur  
compositum ex forma vnica substantiali, & pluribus  
materiis primis: At forma spiritus verè introducit in  
materiam, quæ antea fuit sanguis, quia verè nutritur  
spiritus ex sanguine: igitur non potest simul informare  
materiam, quæ antea fuit aëris, proindeque non nutri-  
tur ex aëre. Quod si in vtramque materiam forma spiri-  
tus introducit, assignatur ergo compositum ex forma  
vnica substantiali, & variis materiis primis: Materia enim  
prima, ex primis philosophiæ rudimentis, ingenerabilis  
est, & incorruptibilis.

Sed huic rationi, inter alias ab ipso positas (vt ipse re-  
gitur) firmissimæ, facillè respondebis hoc modo. Vna de-  
terminata forma vnica dumtaxat informat materiam to-  
talem, sed illam nonnunquam constare ex pluribus ma-  
teriis primis, apud philosophos in confesso est, vt quan-  
do ex materia carnis, panis, aut lactucæ in ventriculo  
vnica constatur materia prima totalis cremorosa substan-  
tiæ, haud corruptis aliis materiis primis. Sic sanè & vnica  
prima materia in plures interdum abit, vt quando ex ca-  
dauere fiunt quatuor elementa. Nutriuntur itaque vera  
nutritione spiritus aëre, sed vberiùs vaporosa odoris sub-  
stantia, quæ per aërem inspirata, præparata in plexibus, &  
superioribus ventriculis, excocta in tertio, & perfecta ac  
magis elaborata in posteriore, propinquissima sit animalis  
spiritus materia, qui tandem in nervos, & deinde in totum  
cerebri corpus diffunditur. Quidquid nullum dari ani-  
malem spiritum tenaciter contendat *Iacob. Aubert.*  
*exercit. 7. contra Fernel. & contra Gal. Argentæus lib. de*

*sonn. & vigil. cap. 8. vers. med. & in com. cap. 9. art. medic.*  
*Gal. explosi iam ab omnibus, & præsertim ab Andræa*  
*Laurent. lib. 10. de re anatomic. quest. 8. cuius materiam sa-*  
*tis diffusè assignat Gal. in pluribus locis, quos referunt*  
*Altimarus quest. de spirit. natural. Ludou. Mercat. lib. vnic.*  
*disp. 2. Reliquas verò Gentilis rationes, vt quæ minùs va-*  
*loris habent, vide doctè solutas ab Ottono Casmanno*  
*part. 2. psycholog. cap. 2. qu. 5. & Marcel. lib. 4. de medic. hist.*  
*mirab. c. 12. in med.*

## QVÆSTIO X.

*Quod odor spiritus solum, & non solida membra nu-  
trire possit, contra Manardum, & Ioan. Bra-  
uum Petrasitanum doctissimos.*

**E**T ex ea posui ad nar. ] Spiritus odoribus nutriri, ex  
dictis supra manifestè patet. Hos, non solùm illos,  
sed solidas nostri corporis partes alere posse, contem-  
dit *Manardus doctissimus lib. 18. epist. 6.* quem postea se-  
quutus est *Ioannes Brauus Petrasitanus in suo de sapor. &*  
*odor. different. non ineleganti libello, cap. 14.* qui præfa-  
ram sententiam pluribus stabilire conatus est. Verè er-  
go solida nostri corporis membra odoribus nutriri, co-  
qui & pistores abundè declarant, qui ex obsoniorum  
odoribus assiduè saginantur, & reficiuntur: quæ cau-  
sa est, cur esurientes, atque famelicos, nutrientes odo-  
res summopere delectent, Hoc ita esse, exemplo de-  
monstrauit *Democritus*, qui septuagesimum annum  
agens, vt refert *Hipparchus*, panis odore triduo vi-  
tam protraxit. Quod nemo mirabitur, qui apud *Plin. in*  
*lib. 7. cap. 2. legerit, ad extremos fines India ab Oriente circa*  
*fontem Gangis, Astomorum gentem sine ore, corpore toto hir-*  
*sutam, vestiri frondium lanugine, halitu tantùm viuientem, &*  
*odore quem naribus attrahunt, nullum illis cibum, nullumque*  
*potum: tantùm radicum, florumque varios odores, & sylue-*  
*strum malorum, quæ secum portant longiori itinere, ne desit*  
*olfactus, grauiore paulò odore haud difficulter exanimari, &c.*  
*Rursus, Si solida membra ex odore solùm refocillaren-*  
*tur, & non verè nutrirentur, non posset odor vino, aut*  
*humido alimento in nutriendo comparari, quorum vi,*  
*partes solidæ non solùm refocillantur, sed verè nutriun-*  
*tur, & implentur. Demum: Si cibi in ventriculo nu-*  
*per ingesti pars in vapores fusa per cæcos meatus, &*  
*alios sensui inconspicuos ductus, quoquouersum in om-*  
*nè corpus delata, partes solidas verè nutrit: cur odor,*  
*qui halituosa quædam substantiæ existit, easdem non re-*  
*ficiet? & maximè cum hæc, sit corporeum quid, & non*  
*merè spirituale & simplex; ex odore ergo verè ali solida*  
*verum est. Non eguit tamen odor ad sui coctionem*  
*promptuario aliquo, qualis ventriculus est, quo solida*  
*alimenta opus habuerunt: sed satis illi fuere pulmones,*  
*& anteriores cerebri ventriculi, & meatus aliqui sensi-*  
*bilis non conspicui, quibus tota exterior cutis plena est,*  
*in quibus vaporosa odoris substantia ob sui tenuitatem*  
*facile, expeditè, & sine multo negotio alteratur, & in*  
*aliti substantiam transmutatur: in qua concoctione, &*  
*alteratione separari superfluum est necesse: verum hoc*  
*inuisibile est, quemadmodum & ipsa fumida vaporatio.*

Huius dogmatis falsitatem coarguit *Arist. in lib. de sens.*  
*& sens. per plura capita,* quoniam solidarum partium ali-  
mentum, solidum debet esse, constans & crassum, humido  
primigenio, viscido & lento quàm simile, ex *Gal. 7. meth.*  
*6. Qua ratione Philosoph. 12. sect. problem. 12. & 13. dice-*  
*bat, triticum esse cibum proprium, & familiarem omni-*  
*bis hominibus, non alia ratione, quàm quia succum visci-*  
*dum, lentum & crassum, qui anima ipsius est, habet, cuius*  
*merito in partes solidas cōuertitur. At odor vaporosa quæ-*  
*dā substantia est, imperceptibilis veluti, tenuissima, & quæ*  
*membris affigi nullo modo potest. Deinde. Si verum est, in*  
*vera partium solidarum nutritione, vsque ad certum ter-*  
*minum vitalis periodi, animalia secundum trinā dimensio-*  
*nem augeri; cur spiritus has partes nutrient, si hoc non po-*  
*test fieri, nisi ab alimento, quantitate, mole, duritie, & reli-*  
*quis qualitibus naturæ partiū conuenientibus prædito?*  
*Denique*

Denique aqua non nutrit solida, quia corpus simplex, A. fluidum, tenue, nullam corpulentiam gerens; ergo odor aqua simplicior, non nutrit.

Manardi verò, & aliorum rationes sic dilues. Democritum, & alios per aliquot dies & annos vitam sine alimento produxisse, certa res est, firmantque Plin. lib. 11. cap. 54. Athenæus lib. 2. Dipnosoph. Albert. Magn. lib. 7. de animalib. Diogen. Laërt. de vit. Philosoph. Carol. Clus. ex Garciz ab Horto sententia, lib. aromat. c. 3. Matth. de Grad. part. 2. prax. cap. 12. Francisc. Petrarch. lib. 4. de mirabilib. tract. 1. c. 22. Beniu. cap. 118. & alij citati ab Schenckio, lib. 3. Obseruat. vit. de asitis, quod etiam testatur rarissimæ alata Historiæ à Ioanne Matth. Hesse in enodas. quest. med. 46. Henric. Smetio lib. 10. Miscell. medic. Quercetan. sect. 2. diates. polyhist. cap. 4. Lang. lib. 2. epist. 27. Ioubert. de cad. 2. paradox. 2. Gregorio Horstio lib. 7. de med. histor. mirab. cap. 1. Fortunio Liceto, peculiari libro de iis, qui sine alimento viuunt. Sed hos, solis odoribus vitam prorogasse non est dicendum. Democrito autem, & aliis eiusmodi accidit inedia, quia illis humor erat pituitosus, multus, & crassus, qui à debili senum calore diu, importunèque excoctus & elaboratus, versus in sanguinem nutrit. Sic senes faciliè ieiunium ferant, ex Hip. lib. 1. aph. 13. quod illis calor minor, & languidior insit, collectamque pituitosorum copiam habeant, corpusque hebes, pigrum, & ad quosuis motus, & exercitia ineptissimum sit. Hinc fit ut naturæ frigida humidæ, senum temperamento similes, parum appetant, & faciliè paucis, vel nullis alimentis vitam transigant, ut animalia exanguia, & alia, quibus ob caloris paucitatem frigus est infestissimus; hæc enim tota hyeme latitant, & in locis tepidioribus subterraneis vitam sine alimento transigunt, auct. Plin. lib. 8. cap. 25. Et si nobis liceat ab animalibus ad plantas rem deducere, sunt ad manum quamplurima huius generis experimenta. Cæpæ enim, & allium post multos menses à terra separata, sine vlllo terræ alimento germinant, non modò nutriuntur, quia humorem multum crassumque habent, qui marcori, & siccitati plurimum resistit.

Coqui autem & pistores ex odoribus faginantur, & famelici reficiuntur, quoniam in illis multi, purique spiritus gignuntur, quorum copiam qui habent, obesi fiunt & ouantes; in his ex morbo exhausti spiritus citissime reparantur ex odoribus, & sic vires fiunt vegetiores, & nostri corporis partes munera sua promptissime exequuntur. Quod verò à Plin. de Astomorum gente refertur, fabulosum est, quicquid annuat Marf. Ficinus lib. 2. de triplici vita, c. 18. dum sic ait: *Ferunt in calidis quibusdam regionibus, & odore plurimo passim fragrantibus, multos gracili corpore, & imbecillo stomacho, quasi solis odoribus vesci, fore quoniam ipsa natura loci, tum herbarum, & frugum atque pomorum succos ferè totos redigit in odores, tum corporum humanorum humores illic resoluit in spiritum. Quod si est, quid verat vaporibus tantum ali, quum simile simili nutriatur, &c.* Qui tantus auctor Plinij solum retulit sententiam, quum incredibile sit pomorum succos totos redigi in odores, & incredibilius corporum humanorum humores in spiritum resolui durante vita.

Comparat autem Gal. vinum cum odoribus in nutriendi celeritate, ambo enim celerrimè nutriunt, hi, spiritus; illud solida membra. Pars autem tenuior alimenti alit corpus, quia crassior est, & lentorem habet quo affigi possit: odor autem cum sufficientem corpulentiam non habeat, partium nutritioni aptissimam, licet vires corporis, vitæ spiritus conferuet, calorem congenitum foueat, naturalium functionum organa adaugeat, solidas tamen nostri corporis partes nec minimùm alere potest. Ut videas quàm bono fundamento nixa fuerit Conciliat. sententia diff. 55. contra quem spicula iecerat Manardus, quàmue malo huius auctoris munita, ac fulra. Imò mirari subit Philosophum, & Medicum doctissimum tam tenui, imbecillique argumento munitum, dicta Gal. ita præcipitasse, contra quem scripsit Musa in com. 2. aph. 11. & postea Brachei. ad cit. loc. Augen. tom. 1. epist. lib. 3. epist. 2. elegantissime differuere.

Num nutritio per pororum contactum possit celebrari, contra Casmannum Philosophum eximium.

Vni odoriferi.] Dubitari potest, & merito sanè, cur expertissimus Rasis in præsentis acutissimi huius symptomatis angustis, omnia præsidia, ad citissimam spirituum resolutionem reparandam, & ad alimoniam celerissimam solidis partibus præbendam non tentauerit; quum nullus tunc videretur esse remedio locus, nisi ocysimè vires collapsæ oblato victu refocillarentur. Sicque ubi æger vel nullo modo, vel parum cibum deglutire potest, ut in suffocante angina, vteri suffocatione, fastidio summo, frequenti vomitu, mentis læsione, syncope, aut quouis animi defectu sæpissime contingit, consultissimum semper visum fuit emplastra vmbilico, aut stomacho apponere, quando ægrotantes nec alimentum attrahere ob multas causas, nec retinere queunt, & sic præceps timeretur virium lapsus, ut sæpè in grauidarum curatione, vel præseruatione ab abortu experimur. Hæc enim medicamenta his partibus admota, præterquam quod foetum retinent, stomachum firman, ac spiritus, partèscque solidas verè nutriunt, ac roborant: hanc nutritionem, peritiores Medici per pororum contactum celebrari affirmant.

Hunc nutritionis modum primus omnium adinuenit Hipp. lib. de aliment. n. 5. ubi extrinsecus positum alimentum ab extrema superficie ad intima peruenire posse asseuerat, cuius mentem doctissime explicat Valles. in com. Neque enim negandum est aliquem succum tam tenuem, & multi habitus esse posse, ut coctione ventriculi non prægressa, verè partes carnosas nutrire possit; & maxime si sit facilis coctionis, & promptè penetret. Quo pacto summopere eorum approbo consilium, qui urgente necessitate, ad leuandas vires, ad hoc auxilij genus accedere consueverunt. Quod enim obstat quominus alimentum stomacho, aut vmbilico appositum, ibique, ob partium circumstantium calorem, & membrorum tractricem vim, ad interiores sedes raptum, & elaboratum nutrire possit? Cum enim ex Hipp. lib. de natura puer. foetus non per os, sed per vmbilicum attrahat alimentum, & comprimens labra ex vtero matris sugat, præstat vmbilico potius, quàm vtero apponere, nam in hac parte nervola difficilius penetrat alimenti vis.

Sicque his partibus emplastra nutrientia adaptare abs re non est, quorum sylvam audire ne graueris. Primum locum sibi vendicat ossa vino odorifero, rosacea, nardino vnguento aut spicato irrorata. Succus carnum per distillationem, aut expressionem exactus. Gallinæ, aut animalis alterius suauissimi caro modicè assa, & puluer. ros. santal. coral. diamarg. aromat. ros. diarrhod. margarit. præparat. Mastich. lapid. Belzaatt. lign. aloës, eboris, aut vnicornu rasura aspersa. Vitella ouorum recentissima vnà cum sanguine columbino recenter extracto, & aqua naphæ, aut meliss. commixta. In hunc usum sanguine humano, vel suillo calente fouere has partes, maximum & strenuum est auxilium, ut inter omnes notat Platoniorum Princeps Marfil. Ficin. lib. 2. de studios. sanit. tuend. 11. Summopere etiam profunt poma redolentia cum aq. cinnamom. conseru. citonior. aut pyror. pulu. ambr. mosch. odorat. ziber. calam. aromatic. Absinth. permixta. Caro vaccina semiaffa, succisque Absinth. citonior. ros. & puluere spicæ, vinoque Cretico irrorata mirificè prodest: nam ob siccitatem firmat, ac retinet, ob odorem nutrit. Animalia item viuà ut columbæ, capones, gallinæ, per dorsum scissa, & calida partibus his admota vehementer commendantur.

## Observatio XI.

*Septimestris, septem diebus, emplastrum nutrientibus  
alta vitam produxit.*

Septimestrem vidi, quæ igni correpta, septem diebus sine ullo cibo assumpto, nutrientibus emplastris umbilico assidue admotis, ad octauum diem, scuitiem morbi subterfugiens, vitam produxit, & euasit.

Insurgit contra hæc Otto Casmannus lib. 2. *Psycholog. cap. 12. quest. vls.* absonam Medicorum sententiam deridens, quum vanum putet assumi ex iis aliquid per poros, quod postea ingressum venas, & arterias nutritioni aptetur; nam hæc potius ex naturæ suæ constitutione, ad motum cordis, & aliarum partium ex se foras propellunt, quæ continent, quàm forinsecus aliquid impositum ad se proliciant. Emplastrorum verò natura ea non est, ut sua sponte in corporis penetralia progrediantur sine aliquo attrahente.

His persuasus à communi, omnibusque confirmata sententia discedere non erubescit, quæ soluere valde operosum non est. Succus ex impositis emplastris tenuissimus, ob circumiacentium partium calorem, pororum amplitudinem, & naturæ indigentiam, per venam umbilicalem (de his autem quæ ventriculo apponuntur, minor est hæsitatio) ad poræ ramos attrahitur, ab his in ventriculum, ubi in substantiam cremori similem transmutatur, mox per mesenterij venas ad hepar delatus in sanguinem vertitur, qui deinceps & matri, & foetui optimam præstat alimoniam, qui ex illius purissimo sanguine nutritur, auctore Gal. 1. *de caus. sympt. 7. & 3. epid. sect. 3. com. 73.* tantum enim abest ut motus arteriarum penetrationem impediat, ut hac de causa apertis amplius poris, actualique emplastrorum, & partis calore, melius promptiusque intro in abditas sedes sese insinuet. Neque obstat (hoc enim obiici potest) quod in vena matris umbilicali, ubi apponitur alimentum, coctio fieri non possit, quum venæ non sanguificent, albæ enim sunt, sanguis autem ruber. Nam licet demus in vena umbilicali, ab ipsius calore, & vi à iecore demandata, tenuem hanc substantiam attractam percoqui, & in sanguinem conuertere, non errabimus, nam venæ sanguificant ex Gal. 4. *de usu part. 12. & 17.* nec rubedo est necessaria ad alendum, nam interdum sanguis albet prout ipsa caro, & ab illo, qui à iecore dimanat, deinde rubescit, ut latè probat Fernel. 6. *phys. 2.*

## D V B I V M V.

*Num infusa per clysteres nutrire possint, contra  
Mundellam, & Casmannum.*

Ut Rasis pro reparanda huius ægri debilitate, viribusque exhaustis recuperandis, clysterium nutrientium non meminerit, quæret quispiam, & merito sanctum: cum infusa per clysteres nutrire possint; quod auxilium, ubi æger parum, vel nihil assumit, ad conseruandas vires est præstantissimum. Huius præsidij primus auctor fuit Cornel. lib. 3. *cap. 18.* Confirmarunt deinde Oribas. lib. 8. *cap. 24. & 34.* de clysteribus qui vim habent alendi eos, qui alioqui non nutriuntur, Aëtius *tetrab. 3. serm. 1. cap. 1.* quorum sententiam Iuniorum peritissimi amplectuntur. Cardan. lib. 1. *contrad. tract. 6. contrad. 6.* Valles. lib. 8. *cont. cap. 3.* Ludou. Mercat. 1. *ind. 3.* & alij docti ab Auenzoar lib. 1. *theiz. tract. 10. cap. 18.* qui inter Arabes nutrientium clysterium vsum miris encomiis celebravit. Hoc autem esse verum, duplici ratione factum puta; & quod partes tenuiores eorum quæ per sedem infunduntur, trahantur à ventriculo necessitatis tempore; nam ventriculus famelicus crudos, & planè incoctos succos, & quoslibet iniectos liquores, imò fæces ipsas sæpè prolecat, quo loco portio infusorum ad ventriculi fundum attracta in chylum vertitur: & quod venæ mesaraicæ ramificantur ad intestina, rectum, colon, ileon, nonoculum, auct. Gal. 6.

A. *de anatom. administ. 6. & firmat Vessal. 6. lib. de fabric. c. 3.* Sed ubi sunt eiusmodi venæ, ibi est attractio iecoris ex intestinis. Igitur nutrimentum existens in intestinis nutrit.

Præterea: Non solum alimentum à ventriculo demandatum concoquunt intestina, sed etiam chylum conficere possunt: nam intestinorum, & ventriculi eadem est substantia, siue temperiem, siue colorem, siue tunicarum contextum spectemus, ut 4. *de us. part. 17.* latissimè retulit Gal. Cur ergo si coctio quæ fit in ventriculo, agi potest in intestinis, infusa per clysteres concoquere, & in verum chylum transmutare non poterunt intestina: & cum chylificent, cur succum infusum tenuissimum, tum suo, tum viscerum circumstantium calore, non coquent, & concoctum per vasa distribuent; & maxime si is sit concoctus facillimus, ut vinum, ouorum vitelli contrusum, carniarum electarum liquor stillatitius, prissanæ cremor, &c.

Neque Mundellæ rationibus fidem adhibeas, in *epist. lib. epist. 10.* quem videtur fuisse sequutus Otto Casmannus loco *sup. cit.* qui iniecta per clysteres nutrire non posse asseuerant: & quod ex Gal. doctrina, 4. *de us. part. 1. & 1. de facult. natural. 10.* cibariis ut nutrire possint, vnicus sit ingressus per os, & quod, monente Magistro 3. *de temp. 2.* vinum, & quodlibet alimentum nutrire non possit, nisi tres illas celebratissimas coctiones pertranseat. Et quod clysteres neque ad ieiunum, neque ad ventriculum subire possunt, immodò si admodum nitaris, fortasse tantum tenuia attingunt, ut affirmat Gal. 13. *Metb. 16. 5. eiusd. 11. & 4. aph. 12.*

Sed hæc facilem habent explicationem. Nam fatemur vnicum esse ingressum per os, si de viis communissimis, & à natura constitutis loquendum sit, non autem de arte paratis. Neque negamus, aliturum alimentum tres coctiones subire oportere, sed nomine primæ intelligendam esse eam quæ fit in intestinis, arbitramur. Fatemur quoque corpore naturaliter se habente, nihil trahi posse ab intestinis: Cæterum tempore indigentiae, vi coacta, ab ipsis ad ventriculum, portiones tenuissimas rapi non negamus: Nam multa violento motu ab illis ad ventriculum ascendunt; in voluulo enim clysmatis, & stercoris nonnunquam portio per os reicitur, ut 3. *de caus. sympt. 2. & 3. epid. sect. 2. com.* Gal. confirmat. Cur ergo Rasis his, in præcipiti virium lapsu non fuerit vsus, nulla alia potest addi excusatio, nisi quia æger alimenti aliquid capiens, in horas melius habere videbatur.

*Moschum.* Portentosum naturæ miraculum videre est, nempe animal quoddam Indicum, pretiosissimum odoris genus ex umbilici vomica quotannis expromens (cum in reliquis animalibus erumpentes abscessus, non nisi quidpiam olidum, ac foetens eructent) quod communi vocabulo *moschus* appellatur. De quo licet antiquiores Græci non meminerint, ut Theoph. Dioscorid. Plin. & Gal. Iuniores tamen, ut Aëtius *tetrab. 4. ser. 4. cap. 12.* eius vires non ignorarunt. Nam hic auctor ex eo præparat compositiones, quas moscharas vocat. Paul. autem (quicquid Ruel. hunc auctorem de eo egisse asseueret) nullibi de moscho odorato verba fecit, licet de musco herba, & musco marino, eum pertractasse in *libr. 7.* non eam inficias.

Arabes de eius præstantia ac facultate plurima memoriarum consignarunt. Auic. enim lib. 2. *c. 460. & Serap. 181.* sic inquirunt. *Moschus omnis in umbilico cuiusdam animalis gignitur, quod capra simile est, unico aromatum cornu, prægradi corpore, agile valde, & acuti sensus; quam capram incolæ, gazelam vocant: hoc in venerem imperuosè ruens, umbilicum habet tumidum, & vomica congesto inibi sanguine crassiore, & concreto refertam, quo tempore à potu, & pastu ferè abstinet, in terramque continuo deuoluitur, qua deuolutatione umbilicum, retro faculentoque sanguine plenum, & turgidum exprimit: Emissaque sanies, & humo fusa colluies, candentique sole resiccata, post aliquod tempus magnam sibi odoris adsciscit suauitatem, & ita latè fundit odorem, ut eius momentum confestim domos impleat, hincque diutissime seruant quacumque eo fuerint imbuta.* Quare moschus multo venundatur pretio, dignus quo Principes, Regesque exorhantur



exornentur: nam in pretiosa venit odoramenta, & sic quotidianis vestium suffimentis est dicatus. Cæterum indigenæ, qui locum, vbi huiusmodi feræ habitant, satis agnoscunt, laxa facile deprehendunt, quibus diffusa sanies cohæsit, quam in vitreis vasis recondentes, in aliarum caprarum folliculis referuant, & ad nos asportant, vt eleganter retulit Scal. exercit. 21. in Cardan.

Calidum & siccum esse moschum in 2. excessu, cit. auctores asseuerant, qui admirandas illi tribuunt facultates. Summè enim roborat cor, spiritus odore nutrit ac refocillat; quare syncopæ, & trementi cordi mirificè opitulatur, ac cardiacas leuat affectiones, vt proprio experimento hîc Rarius ostendit. Cerebrum munit, sensus omnes viuificat, mirum in modum exhilarat, hepar frigidum sanat, ventriculum firmat, & demum omnibus frigidis humidis vitiis, tam epotus, quàm illitus remedio est; adeò vt nullus sit morbus contumax, ac rebellis, qui huius medicamenti auxilio non mitescat. Tanta est illius vis, potestas ac efficacia.

Qua de causa edoctus Mesuè compositiones celebres, moschatas ob id appellatas, quòd maiorem, præ cæteris medicamentis moschi quantitatem recipiant, composuit, quas palpitanti cordi, subtristibus, melancholicis, hominum consortium fugientibus, omnibus frigidis neruorum, & aliarum partium ægitudinibus, plurimum prodesse faretur. Quamobrem Medici eum cum vnguentis, emplastrisve roborantibus permiscere consueuerunt. Denique ita est excellens medicamentum hoc, vt Auic. 6. 4. tract. 1. cap. 1. & lib. de virib. cord. tract. 2. cap. de moscho, id esse inter theriacalia pharmaca præstantissimum asseueret. Quo pacto semper mihi arrisit eorum vsus, qui pastillos & globulos ex odoriferis, alexipharmacisque medicamentis, vnà cum moscho constructos, ad contagiosos, venenatosque morbos arcendos odorare solent. Cætera de moschi viribus, vide apud Gesnerum lib. 1. de quadrupedib. sit. de moschi capreolo, & Balth. Fabric. in orat. de excremento seu stercore moscho, qui de eo luculentissimè, disputarunt.

Moscho viribus simile est ambarum, (suauissimum odoris genus) de cuius generatione auctores varia prodiderunt; sicut de eius præstantia, & vsu sat multa congestere Math. Syluatic. Platear. Serap. Garzias ab horro, Christoph. à Costa, Mathiol. Carol. Clus. Manard. Monard. & latè Auic. lib. 2. cap. 62. Quod medicamentum easdem, quas moschus præbet, ex se promere vtilitates, supra citati vnanimiter affirmant. Qui omnes de ambaro citrino (Officinæ succinum vocant) peculiarem etiam fecere commemorationem: hoc enim mulieres decoris causa gestare solent; quædam monilium vice, aliæ in orbiculos, & verticilla effingunt, & collo, brachiisque certè modò ferunt: quod infantibus alligatum, amuleti ratione, contra epilepsiam, veneficia, falcinationem opitulari, iidem memoriæ commendarunt. Hoc paleas, vestium floccos, fimbrias, & alias quamplurimas quisquilias ad se allicit; hâsque vires præstare, totius substantiæ similitudine, & proprietate norunt, qui occultas virtutes, in rerum natura esse adstruendas sibi persuadent: à quibus, naturales concordias & amicitias proficisci, initoque scelerate celebrari iure optimo arbitrantur.

## HISTORIA X. TRALLIANI, De Phrenitide.

Phrenitis, secta ingeniosè in fronte vena,  
& aliis auxiliis persanata.

Go autem magna adeò phrenitide correptū curauit, & nisi multi fortèsq; famuli eum continuissent, & vinculis vnde quaq; constrinxissent, neuiquam ne \* in fronte quidem venam secare potuissent: adeò ferociter agitabatur, omniâque faciebat, qua insanientes solent: atque si gladium habuisset, non paucos qui aderant ingulasset. Quia vero sanguinem detrahere bis molestum est visum, ideò tantum initio vacuauimus, quan-

tum ei satis erat futurum, etiamsi secunda vice iterum emississemus. At hic quidem celeriter curatus est, alia quoq; ratione, ac cura conuenienter adhibita. Alexander Trallianus lib. 1. c. 13. de curat. phreniticorum.

## P A R A P H R A S I S.

Vocat hic auctor phrenitidem magnam, quæ vel ex magna cerebri, aut meningum inflammatione originem ducit; vel est facta, firmata atque constructa, in qua oculi apparent squalidi, & rubentes, inuoluntariisq; lacrymis perfusi, & eorum venulæ plenæ videntur, ob compressionem ab inflammatione inductam, lucem ægri abhorrent, sanguis è naribus distillat, arida febri torquentur, lingua est aspera, alui excrementa alba, vrinæ, & alui suppressio contingunt, manuum tremor, & gesticulatio apparent, mæsti sunt ægroti, & vix ad quæsitâ respondent, nihil sentientes, quoniam iis mens ægrotat. De delirij gradibus vide Ludouic. Mercat. tom. 1. q. 180. n. 30.

Quibus signis si affectum firmatum esse cognoueris, cum vrgeat acutie sua, nec præbeat inducias, cunctandum non est ab affecta parte sanguinem detrahere, etiamsi totum corpus vacuatum non sit, ob certum ex procrastinatione periculum. Et licet methodicè in affectibus inflammatoriis prius fluxio, & causa fluxionis sit amolienda, de cura tamen coacta, illegitima, & extraordinaria, (sic Fernel loquitur lib. 1. meth. 6.) & in qua ab affectu incipienda curatio est, ab ipsamet patiente particula sanguinem illicò exhaurire præstat. Sic in suffocante angina, ex cephalica, leonicis. In Apoplexia, & quouis alio acutissimo cerebri affectu, ex nasi, frontis, & occipitis venis. In phrenitide ex his, & præsertim ex frontis vena, tantoperè ab auctoribus, & maximè Auic. 4. 1. cap. 20. laudata, licet vacationem celebrare, de cuius vtilitate lege Nicol. Pison. lib. 1. de curand. morb. c. 10. in med.

Taxat summa cum ratione acutissimus Valesius, sui temporis Medicos, tum lib. 2. epid. sect. 6. com. 29. tum lib. 4. com. 43. Quod nunquam ad affectæ partis auxilium deueniunt, nisi postquam totum corpus exquisitissimè est exhaustum: vulgares enim nostri temporis Medici, in affecta parte auxilia imponere formidantes, ea nonnisi moribundis consulunt applicanda.

Meritò ergo Trallianus in morbo periculoso, & in quo ob ægri feroces morus, phlebotomia ex cubito celebrari non poterat, ad sectionem venæ frontis illicò accessit. Quo casu Paul. lib. 3. cap. 6. Rarius lib. 3. ad Almans. 3. ante sectionem aliarum venarum, ex frontis, aut nasi venis sanguinem euacuant. Vel quando phrenitis ad alios morbos est sequuta; cum enim iam sit vacuatum corpus, periculum nouæ fluxionis imminere non potest. Quo autem tempore vacatione vniuersali non præcedente, sectio venæ frontis debeat administrari, explicat eleganter Gentilis 3. 1. tract. 3. cap. 3. dub. 2. cum hæc ex cerebro euacuans, capitis grauitates, & omnes ex plenitudine morbos leuet, ex Gal. libr. de curand. rat. per sang. mis. cap. 19.

Sed cum factò hoc præsidio, ex toto æger sanitatem non recuperaret, alia via curatus conualuit. Quæ autem fuerit hæc via, auctor non explicat. Per eam autem, si purgationem intellexeris, non errabis. Quod præsidium tam Græci quàm Arabes vnanimiter confirmant. Et licet Paul. & Aëtius solius phlebotomiæ faciant mentionem, id forsan fecerunt, quoniam expurgantium vsum timebant, quæ suapte natura, in calidissimo humore plus inflammare, & nocere, quàm prodesse nata sunt, ex Gal. 2. acut. 1. 2. & lib. 6. epid. sect. 6. com. 5. Quamuis autem hæc vera sint, & Medicum cautum reddant, ne passim, sed maximò cum consilio purgationem in phrenitide consulat assumendam: tamen mitissimis catharticis, humor non solum fluens, fluxurusue, sed impactus educendus est, quoniam, monente Magistro lib. 1. aph. 24. Non propter febrem purgamus ægrum, sed propter humores facientes febrem. Quare multo maiorem oportet ex noxiarum humorum vacatione fieri vtilitatem, quàm sit quod ex purgantibus medicinis sequitur detrimentum;

*detrimetur, erit autem utilitas maior, si humor absque no- A*  
*xa, & molestia vacuetur, &c. De quo argumento infra in*  
*com. hist. 63. latius peragemus.*

## Observatio XII.

### *Phrenitis sua, artificiosa vacuatione curata.*

**D**Vx strenuus cum phrenitide magna laboraret, & ob  
 ferocissimos, validosque corporis morus, ex siccita-  
 te neruorum contractos, illi nulla reuellentia possent ad-  
 ministrari auxilia, quidam ex adstantibus suauiter eum  
 demulcens, pennam ad radicem mulnium fissam, (nostro  
 consilio) & in stellæ effigiem paratam intra nares impro-  
 uiso intromisit, ac fortiter circumduxit: quo facto, tanta  
 sequuta est ex nare dextra sanguinis vacuatio, (erat enim  
 iuuenis quadratus, & sanguine turgens) ut copiosissimam  
 æquaret phlebotomiam; qua copia eiecta, natura à sar-  
 cina leuata, residuum per sudorem, alique fluxum ex-  
 creuit, & æger paulisper ad se rediens, conualescere cepit.

## QVÆSTIO XI.

*Quod in omni phrenitide vena sit secanda, contra*  
*Gentilem, Harculanum, & Eustachium*  
*Medicos doctissimos.*

### COMMENTARIUM.

**I**N fronte quidem venam secare. Maximalis est, & con-  
 trouersia de secanda vena in phrenitide. Nam in hac,  
 summopere digladiantur auctores omnes, ita ut varias se-  
 ctas condant, & nouas leges. Sed pro affirmat. parte, ex-  
 tat auctoritas Galeni, qui 13. meth. cap. 21. in omni phre-  
 nitide venam esse secandam confirmat; cuius sententiam  
 amplectuntur Aëtius tetrab. 2. serm. 2. cap. 2. Paul. libr. 3.  
 cap. 6. Cels. lib. 3. cap. 18. Cælius lib. 1. acut. cap. 10. Nec de-  
 sunt ex Arabum familia doctissimi, qui eandem argumen-  
 tis muniant, & defendant, quorum asserta magni facienda  
 sunt, ut quæ antiquorum dicta exactè explanent. Primus  
 est mirabilis Auenzoar lib. 1. sheizir, tract. 3. c. 6. Sequun-  
 tur Rasis lib. 9. ad Almanf. 3. Serap. lib. 2. breuiarij. 20. Haly  
 5. pract. 15. Auic. 3. 1. tract. 3. cap. 3. ex quibus solum Auic.  
 & Serap. verba adducere placuit, ut videant quo in erro-  
 re versentur, qui contrariam partem defendere conati  
 sunt. Ille sic ait: *Communis quidem cura specierum eius, est*  
*phlebotomia ex cephalica, extractio sanguinis conueniens, imò*  
*multa valde, & sit festinatio ad illam immediatè, &c. Hic sic*  
*loquitur. Oportet ergo, ut in omnibus in quibus euenit hac*  
*egritudo, extrahatur sanguis cum velocitate, si virtus est sana,*  
*& non est illic prohibens quod prohibeat, quod est, quia iuuu-*  
*mentum huius est plus, quam reliquorum iuuamentorum, &*  
*magis festinum, quam omne quod in ea administratur, &c.*

Hanc sententiam defendunt Matthæus Gradius lib. 9.  
 ad Alm. c. 4. Mercurial. lib. 1. praxis, cap. 15. Capiuac. libr. 1.  
 de morb. intern. cap. 9. Massaria lib. praxis, cap. 11. Ludouic.  
 Mercat. lib. 1. eiusd. c. 11. Forest. lib. 10. obseruat. 5. Iacchin.  
 lib. 9. ad Alm. 7. Nicolaus Piso tract. de feb. cap. 8. Holler.  
 lib. 1. de morb. intern. 16. Horat. Aug. lib. 4. de sang. mis. c.  
 7. Sauanarol. tract. 6. c. 5. Bacchanel. lib. 2. de consens. medic.  
 c. 5. Gordon. part. 2. de passionib. cap. 22. Vallescus Taren-  
 tinus lib. 1. empiric. 5. Camillus Thomaius lib. 4. meth.  
 Montaltus tract. 3. de cerebri morbis, cap. 15. Christophor. à  
 Vega 3. art. med. c. 6.

Nec desunt his auctoribus rationes. Hip. enim in qua-  
 cunque maxima inflammatione, vel etiam vsque ad ani-  
 mi deliquium euacuat; 1. aph. 23. Quare si in ea, quæ à  
 frigido humore originem ducit, 13. meth. 21. Gal. venæ se-  
 ctionem admittit; cur hæc in inflammatione à calidissi-  
 mo humore suborta securissimè non administrabitur? &  
 maximè cum ipse lib. 4. meth. 6. & lib. 4. acut. 19. eam con-  
 sulat exequendam, præseruationis gratia, in ictu, casu,  
 dolore, & quouis vel leuissimo affectu. Quare admit-  
 tendæ est in phrenitide phlebotomia, prout experientia

confirmat, cui fidendum magis, quam rationi, ex Gal.  
 lib. 1. de facult. natural. 13. & lib. 4. simpl. 18. etiam si inflam-  
 matio ab humore vel merè biliolo sit pronata, & si pos-  
 sibile sit, in totum à natura sanguinis separato, si consent  
 vires. Hæc enim refrigerat: quoniam in biliosa maior est  
 necessitas refrigerij, calidum, & effervescentem humo-  
 rem, vel sanguinem conuertendum in bilem euacuat.  
 Fluentem reuellit, qui in partem principem decumbere  
 debet. Licet enim reuulsio aliis auxiliis perfici possit,  
 nullo proprius, aut efficacius venæ sectione celebra-  
 tur. Eam ergo illic, & sine cunctatione impera ex-  
 ecendam, ne fortè nobis contingat, quod accidit illi Me-  
 dico, citato à Guianerio tract. 3. de agriud. c. 6. qui in ro-  
 busto ægrotante, cerebri inflammatione occupato, venæ  
 sectionem distulit, donec combustio Lunæ transacta es-  
 set; propter quod, inquit ipse, phrenesi confirmata, ita  
 vehementer symptomata aucta sunt, quod bonus homo  
 vitam cum morte commutauerit.

Qua ergo ratione Mesuè doctissimus tract. de agritudi-  
 nib. cereb. sit. de phrenesi, Gentil. supra Auic. loc. cit. dub. 2.  
 Harcul. 9. ad Alm. 3. Leonus Lunensis lib. 2. art. med. 1.  
 Barth. Eustach. lib. 1. praxis, cap. 2. in purè biliosa non mit-  
 tunt sanguinem, ignoro prorsus; cò maximè cum phre-  
 nitis sit morbus acutus; in quo sanguinem extrahendum  
 esse, oraculo quodam prædixit Hipp. 4. acut. 19. Et licet  
 illi reclament, in omnibus acutis cum sanguinis præsen-  
 tia, Hipp. esse intelligendum: eorum expositionem omni-  
 nò redarguit Rabbi, Moses 12. part. aph. 19. cum sic ait: *Si*  
*agritudo fuerit fortis, & difficilis, & virius agri fortis, quicun-*  
*que exercuit artem medicine, & laborauit circa ipsam, non*  
*debet extractionem sanguinis prohibere, nec ab ea cessare, etiam si*  
*repletionis signa non ostendant, sed tantummodò agritudinis*  
*fortitudinem, & difficultatem sui videre.*

Et ne pures Mesuëm in biliosa, à sanguinis missione  
 abstinuisse, quamuis minus mittat in hac, quam in ea  
 cui sanguinis copia adiungitur. Nam loco venæ sectio-  
 nis, hæmorrhoidum apertionem procurat; qua vacua-  
 tione prouocata, in initio initiant, quando adest maior  
 necessitas reuulsionis, à capite reuellit, sequutus forsan  
 Actuarium lib. 4. meth. 2. & Haly loc. cit. qui hac de causa,  
 primò è saphena sanguinem emittunt, quorum mentem  
 explicat Nicol. serm. 3. tract. 2. sum. 5. c. 2.

Insuper illorum rationes expendere opus est, qui à Ga-  
 lenica sententia discedere non erubescunt, cholerico-  
 rum ebullitionem pertimescentes; ex qua putant bilis exan-  
 descentiam, euacuato sanguine, qui est frænium bilis, se-  
 quuturam, cum hoc à ratione alienum sit: nam omnes  
 pariter in venis existentes humores venæ sectionis bene-  
 ficè vacuantur; præsertim cum multa bilis portio extra-  
 hatur, aut sanguis biliosus in bilem statim conuertendus;  
 cum hic humor, tenuitate sua proprius secta veña edu-  
 catur. Si verum est Gal. edictum 3. de facult. 15. successio-  
 ne ad id quod vacuatur, prius trahi quod leuius est. Hoc-  
 que pacto exire sanguinem aperto foramine omnes  
 norunt.

Denique sola bilis flaua separata à sanguine (hoc enim  
 ipsi affirmant) non fluit ad cerebrum, sed cum sanguine  
 permixta & confusa; dicitur tamen syncera, non synceri-  
 tate vera, sed apparente, quoniam minimum alterius hu-  
 moris admittit, ex Gal. lib. de dif. morb. 12. & 2. prog. com. 38.  
 Explicat eleganter Auenzoar. lib. 1. sheizir, tract. 3. c. 5. per  
 hæc verba. *Et scias quod non generatur apostema in hoc pan-*  
*niculo, nec in alio loco, ex vno simplici humore, cui etiam alius*  
*humor non sit adiunctus, sed denominatio fit à maiori: v. g.*  
*quando dicimus quod est ex cholera, non intelligas quod est ex*  
*cholera pura, sed cum aliis humoribus mixta; sed eam chole-*  
*ram nominamus, quia aliis humoribus preualet in quantitate,*  
*virtute, & natura, &c.*

Neque quod in erysipellate non mittat sanguinem  
 Gal. 14. meth. 3. & 2. ad Glauc. 2. ex eo in phrenitide, hoc  
 est cerebri erysipellate, condemnandum hoc auxilium est.  
 Nam inibi Gal. de erysipellate agit externo, nos de inter-  
 no, & magis periculoso. Sic in pleuritide, quæ à bile ferè  
 originem ducit, 6. aph. 31. & lib. de constit. art. med. 15. co-  
 piose sanguinem educit: quo auxilio celebrato, felicitior  
 multò

multò deinceps subsequitur curatio. Quare si in pleuritide, quæ non est ita sæua inflammatio, prisci, & recentiores omnes, ut Brissotus, Turinus, Curtius, Cæsar Optatus, Georgius Gomes, & alij, quos refert Renatus Morellus Medicus consummatissimus, in appendice Brissoti, sanguinem vnanimiter emittunt, cur in phrenitide eam illicò non exequemur?

## HISTORIA XI. GALENI, De Phrenitide.

Phrenitici nonnulli de iis quæ oculis offeruntur, rectè quantum ad sensitiuam notitiam iudicant, cogitando verò à naturali iudicio aberrant.

**C**um Rome quidam domi cum lanifici puero contineretur, surgens à cubili venit ad fenestram, per quam ipse videri, & praterentes videre potuit. Itaque ex vitreis vasis singula ostendens, interrogauit, imperarentne ut ea proiceret: illi verò ridentes, plaudentesque ut ea proiiceret, rogabant, tum ipse deinceps omnia arripiens proiecit. At illi magnis acclamationibus riserunt. Postea inherente puerum quoque proici cum eos interrogasset, atque id illi inuissent, illicò ipsam deiecit, quem ab alto cadentem videntes, suppresso statim risu accurrerunt, & confractum iam puerum sustulerunt. Galenus lib. 4. de loc. c. 1. & lib. de dif. sympt. c. 3.

## HISTORIA XII. GALENI, De Phrenitide.

In phreniticis aliquando est errans imaginationis motus, illæsa cogitatione.

**C**ontrariam affectionem nō solum in aliis, verum in meipso, cum adolescens adhuc essem, expertus sum: cum enim per aestatem ardenti febre laborantem, & festucas atro colore ex cubili eminere, & floccos similiter in vestibus esse putabam, quos auferre tentans, nihilque sub digitis eductum inueniens, accuratius, vehementiusque id efficere conatus sum, audiens itaque duos ex amicis, qui tum aderant, dicentes: Vidēsne hunc iam, & floccos euellere, & festucas colligere? statim intellexi, quod dicebant, me fecisse. Cum verò sic animo constarem, ut rationalis in me facultas nō vacillaret, rectè inquam, dicitis: proinde ne phrenitis me arripiat, auxilio estote. Illi autem cum idoneis rigationibus caput fouerent, tota die, sequentiq; nocte, grauibz insomniis turbatus sum, ut interim & clamare, & exilire viderer. Verum postero die mitigata erant omnia accidentia. Galenus lib. 4. de loc. affect. c. nuper citato.

### PARAPHRASIS.

**P**otentias reëtrices posse lædi singulas per se seorsim, aliis non læsis, Galenus his Historiis latè confirmat. Et in alia quadam de Theophilo Medico ægrotante, lib. de dif. sympt. c. 3. in fin. & in alia, de quodam per tredecim dies delirante, 2. de motu muscul. cap. 6. in quibus exemplis, salua cogitatione, imaginationem lædi posse confirmat, ex triplici facultatum reëtricum læsione, triplicem speciem phrenitidis distinguens. Quicquid Petrus Fonseca lib. 5. Metaphys. cap. 24. quæst. 7. sect. 4. ex hac distinctione facultatum, non posse colligi has phrenitidis species affirmet, cuius sententiam sequitur Ludou. Mercat. libr. 1. praxis, cap. 11. quorum argumenta ad plenum soluunt citandi auctores.

Ratum ergo sit & firmum Galeni dogma, has potentias sedibus, locisque distinguendis. Pro varietate itaque affectæ primariæ potentia, triplex accidere delirium usu compertum est. Interdum enim imaginatio, seu sensus communis afficitur, superstitibus ratione, & memoria.

Affecti hoc modo sensilia falsa imaginantur, nempe videre, audire, vel aliis sensibus percipere, quæ non sunt: quandoque autem sola ratio afficitur: & nonnunquam sola memoria. Quam veritatem his exemplis Galen. illustrat.

Auicenna (eximius sanè Philosophus) 3. 1. cap. 2. huius rei causam inquirens, has potentias sedibus quadantenus disungi assenerat: atque ita fieri posse, ut vna afficiatur, cæteris illæsis. Suum placitum experimento facili confirmat: vulnerata enim, aut aliter affecta cerebri anteriore parte, sensus communis potissimum affici solet: media verò ratio: postica affecta, memoria aboleri, aut imminui solet. Quare imaginationem in anteriori præsertim collocat cerebri ventriculo, in medio cogitatuam, in postremo memoriam, quam sententiam firmat Aëtius tetrab. 2. serm. 2. cap. 2.

Non diffitemur in cæteris etiam partibus fieri principes actiones: præcipuè tamen in ventriculis oboriri, experientia, ratione, atque auctoritate muniti asserunt Recentiorum peritissimi, qui has facultates, sede, atque loco inter se differre acerrimè contendunt. De quorum numero sunt Argent. in com. cap. 47. art. med. Gal. num. mobilitas quoque, & c. Valles. 2. com. 22. Ioannes Lupus lib. 4. ad tyron. dialog. 15. Peramatus lib. de anim. facult. c. 13. Licet non desint Fernel. 5. Physiolog. 14. & lib. 6. cap. 15. Lupeus lib. 1. enchirid. fol. 50. Altimarus in quæst. de princip. facult. Montalt. tract. 1. de cereb. Physiol. cap. 13. Otto Casmannus part. 1. de Psycholog. hom. c. 21. q. 3. qui contrariam sententiam ex priscorum mente defendere conati sunt, quorum argumenta diluunt Petr. Vaëzius in comp. c. 22. med. & Marc. Don. l. 2. de hist. med. mira. c. 2. prope fin. De quo argumento pulchra lege lib. 7. praxis Historiarum, c. 4. de phrenitide.

Ex quibus constare arbitror, cur esse possit, ut has operationes diuissim lædi contingat, vel etiam aliquando plures, vel omnes; cum videlicet vna sedes afficitur, aut duæ, aut omnes patiuntur. Posse autem imaginandi, & cogitandi facultatem, utrasque simul lædi, exemplo ostendit Valleriol. ad c. 3. lib. de sympt. caus. Gal. dum puellam virginem, ex metu & mœrore, in hoc ægritudinis genus prolapsam, à se curatam ostendit.

Sed quæres, quare Gal. non fecerit mentionem delirij, seu erroris in memoria, quasi ea sola lædi non possit, quin alia lædantur? cuius contrarium quotidiano experimento conspicimus: Nam ægri postulata macula meiere obliuiscuntur, ex respirare præ obliuione plerunque desinunt; cuius læsionis memoriæ fecit mentionem Auic. 1. 3. tract. 4. cap. 12. dum inquit. Et fortasse erit ex caliditate & siccitate, & erit cum ea permixtio rationis, & c. Cum sit proprium caloris confundere species, & agitare. Dic, bene posse reperiri deprauationem in memoria. Quod si Gal. illius non recordatur, in causa fuit, quoniam sub læsionibus aliarum partium comprehendere potest. Nam ratiocinatrice læsa, simul & memoriam lædi affirmat Gal. 3. de loc. cap. 5. idque ob ventriculorum, in quibus facultates istæ sedem habent, læsionem euenire puto; quoniam Gal. 8. de usu part. 11. ab vno ex his ventriculis ad alium, meatum quandam ostendit, per quem spiritus animalis in anteriori confectus, ad posteriorem permeat. Pro cuius dubij exacta solutione, lege Tirisan. 2. Tech. Gal. ad com. 76. Mercat. lib. 1. de morb. intern. 11. in med.

## HISTORIA XIII. RASIS, De Vigilia.

Vigilia superflua, nenupharino naribus appposito, & lactucarum esu, perfanata.

**C**um essem sollicitus plurimum circa Medicinam, me oportebat vigilare, & tandem feci, donec omnino somno caruis, & usus fui rebus diuersis, quæ nihil profecerunt, & non inueni melius, quàm apponere naribus oleum nenupharinum, & lactucas comedere; quibus usus fui omni tempore iuuentutis meæ. Rasis lib. 3. suor. aphor. in fin.

PARAPHRASIS.

**E**X nimia & diuturna meditatione, exhaustis spiritibus depauperari cerebrum, & debilitari, ita ut somnus possit amitti, omnibus compertum esse reor. Diuturna enim mentis intentio, assiduum studium, & intensa cogitationes, collecto ad intus calore, spiritus exagitant; ex quorum motu irrequieto. ipsi ob tenuitatem, & mobilitatem, impensè resoluuntur; quo dato, nec actiones internæ rectè perfici possunt, nec animal frui potest iis utilitatibus, quas præstare somnus, fatentur omnes: Quippe cerebrum hac de causa vehementer exiccatur, cum ex animalium spirituum regeneratione continua, robur sibi conciliet (quod opus vigiliæ tempore commodè fieri nequit; ) & humido magna ex parte absumpto, cerebri natura frigida siccaque euadit, vnde vigilia; quoniam somnus accidit, quum cerebrum vtilium humorum copia irrigatur: at vigilia ex caliditate, & siccitate partis sentientis contingit, ex Gal. 2. *prorrh. 29.*

Et licet vigilia, cùm modica est, vtilis sit, cùm excre-  
menta halituosa, & vacuationes omnes ferè excitet ac-  
promoueat, æquabiliter sanguinem, & spiritum per to-  
tum corpus distribuat: quando tamen immodica est, spi-  
ritus substantiam digerit, & absumit; sanguinem adurit  
& corrumpit, ex Hipp. 6. *epid. sect. 1. text. 6.* haud secus  
quàm dolor, quoniam priuatur homo attemperatone  
commoda, citra quam humores actiores efficiuntur ac  
biliosiores, caput incalcescit & resiccatur, corpus inflam-  
matur, & denique concitatis febribus acutis, sæpè men-  
tis perturbatio, delirium, phrenitis, & conuulsio contin-  
gunt, vt scitè pronunciat Hipp. 7. *aph. 18.* & tandem exo-  
luta viribus, imminuto calore, & resoluto humido, læ-  
ditur facultas alteratrix, & debilitato calore, & auctis  
cruditatibus, morbi frigidi accidere solent: nam *fortis vi-*  
*gilia*, dicebat Hipp. 2. *acus. ult. pons cibosque, tum crudos,*  
*rum incoctos reddat:* & tandem dissipato humido mors con-  
tingit. De quo argumento Fernel. 1. *path. 17.* pulchra  
edocuit, & Mercurialis in *com. cit. loc. Hipp. proposuit non*  
*indigna scitu.*

Quapropter necessarium fuit, omni vi, somnum amissum, in quo vitæ nostræ duratio consistit, recuperare; cum hic, teste Auic. 1. 3. *tract. 4. cap. 1.* plurimas secum afferat utilitates; eius enim opera quiescunt ab opere facultates, animalis spiritus reparatur, cōctiones fiunt perfectiores, & collecto ad interiores partes calore viscera omnia roborantur, ac reuiuiscunt.

- Sed cum causa communis somni, apud probatos auctores, sit retrocessus caloris, & spiritus, & impedita distributio horum ad sensoria, & partes externas, sit ut ferè, quæ sua frigida vaporazione cerebrum humectant, copia halituum vias replent, substantiam caloris incrassant, pigramque ad motum efficiunt, & tandem motum ac impetum sedant ac demulcent, & nimiam siccitatem inductam domant ac compescunt, ea somnium concitare possint. Huius census sunt, balneum, lotiones refrigerantes, decocta, epithemata, embrochæ; & irrigationes, linimenta, emplastra, odoremata, pulueres, suffumigia, conserua, tabellæ, electuaria, & denique opiata, & narcotica. Quorum omnium syluam passim inuenies apud auctores. Vide Langium 2. *epist.* 45. Mercat. *rom.* 2. *q.* 165. n. 19. & *q.* 210. n. 9.

Quibus forſan cūm vteretur anchor, (vacuantibus ne-  
glectis, quoniam adiectione potiùs opus erat, non va-  
cuatione, nullūque commodum perirentir, ad nenu-  
pharis oleum acceſſit cum vtilitate maxima, quod quouis  
modo vtrius, cūm prædictas dotes obtineat, mirabilem in  
conciliando ſomno opem præſtat, ex Dioſcorid. lib. 3.  
cap. 1 & 2. & Gal. lib. 8. ſimp. Raſio in Antidotario, Meſue, eo-  
dem tit. cuius compoſitionem deſcribit inter omnes Phar-  
macopœa Pariſienſis, tract. de oleis, tit. de Nenupharino. Sic-  
que volis, fronti, internæ narium parti applicitum, cere-  
bri bilioſas leuat affectiones. In quem viſum, crudæ, co-  
ctæque lactucæ celebrantur à Gal, 2. de alim. fac. 4. ita vt ſi  
in magna copia aſſumantur, grauem ſomnum inducant. 3.  
de loc. 5. & 2. de loc. 5. & 6. Cur autem hoc ita eueniat, ex-

Aplicar ipse 2. de temp. 2. in med. dum calido quodammodo  
victo, grauatoque humoris copia, Papauer, Mandragor-  
am, & lactucam, & frigidiori, humidiorique temperie  
prædita, somnifera esse pronunciat; quam facultatem,  
oleum lactucæ, aquam eius, decoctum, & consernam  
habere nullus it inficias. Cætera de vigilæ curatione,  
vide apud Gal. lib. 1. ad Glau. 1. 4. Paul. lib. 1. cap. 8. & lib. 2.  
cap. 42. Auic. 1. 3. stræß. 4. c. 6. Ioan. Heurnium lib. de morb.  
cap. 16.

## Observatio XIII.

*Vigilia importuna, narcoticis curata.*

**I**nvisperitiæ Doctor insignis, diutino cum literarum studio corpus maceraret, quatuor menses inconiunctis oculis egit. Ita ut amens iam, & fatuus ab omnibus, qui eum conueniebant, putaretur. Cumque nullis præfidiis ad somnum perducì posset, tandem Philonio Persico bis exhibito, drachmæ quantitate cum vino maluatico, ad somnum rediit.

HISTORIA XIV. GALENI,  
De Vigilia.

Somnus amissus, lactucarum esu  
restitutus.

**Q**uidam enim meorum sodalium, confpicatus olus id iam  
 Colim quidem mihi esse consuetum, nunc vero difficile ha-  
 bere manducationem, auctor mihi fuit, ut ipsum coquerem:  
 atate vero iuuenili cum mihi ventriculus bili assidue infestare-  
 tur, lactuca, quod ipsum refrigerarem, utebar, cum vero ad a-  
 tatem declinantem perueni, hoc olus fuit mihi aduersus vigilias  
 remedio. Tunc enim contra ac in iuuentute \* somnum mihi  
 dedita opera conciliabam. Itaque lactuca vesperi commansa,  
 unicum mihi in somnia erat alexipharmacum. Galenus lib. 2.  
 de alim. facult. c. 40.

## PARAPHRASIS.

**D**E lactuca est in hoc loco sermo, de cuius vi plerique scriptionum peculiarem fecerunt commemorationem, quæ licet ab antiquis olus innoxium nuncupetur: ipsum tamen, neque multum sanguinem generare, neque optimi succi esse, inter omnes contendit Valeriol. *lib. 2. enarrat. 9.* quamuis inter reliqua sui generis primum locum obtinere dicatur. Lactuca ergo, etsi humidum frigidumque sit olus, multa tamen secum commoda affert, quæ describunt Dioscorid. *lib. 2. c. 129.* Auic. *lib. 2. tract. 2. cap. 448.* Rasis *lib. 3. ad Alm. cap. 18.* Nam urinam prouocat, stomachi morsus à bile exortos mitigat, capitis dolorem leuat, lac foeminis auget, sanguinem creat quantitate & calore moderatum, cataplasmaris modo imposta calidis inflammationibus est ex usu, ex Gal. 2. *alim. 43.* & somnum conciliat.

Ob quam causam eius thyrſi ſaccaro conditi tanto-  
perè febrientibus opiculantur : earum præſertim quæ  
candidiores, & conglobatæ viſuntur : nam in varios me-  
dicamentofos uſus venire ſolent ; ſitim enim compe-  
ſcunt, ardorem febrilem leniunt, veſicæ, renûmque calo-  
ri præcipuè auxiliantur : cuius ſemen, præter hæc, ſan-  
guinis undequeque manantis profluuium compeſcit, &  
libidinoſi æſtus incendium miſericè coërcet atque infræ-  
nat iuuenibus, ventriculo æſtuantî vnicum eſt auxi-  
lium, quoniam calidiſſimi humoris impetum mitigat at-  
que retundit.

Sed si hæc vera sunt, quo pacto legimus apud Anic.  
*loco nup. cit.* lactucam ablutam, inflammationem parere?  
quod à veritate alienum videtur: nam per ablutionem  
partes subtiliores, & nitrosæ euanescent. Quo pacto,  
nisi per verbum *inflammationem*, [inflationem] intelli-  
gas, ignorare non possit Bellunenſis translatio admitti, ut  
legitur



legitur in castigatis, & correctis Auic. codicibus. Sic ergo A illotas laudat Dioscorid. *loc. cit.* quoniam optima quædam facultas superficiei inhaerens, lotionem abstergitur, qua sublata, lactuca flatulentam naturam sibi adiscit. Cætera verò de vigilæ curatione Laconicè proposuit Nicolaus Pilo *lib. de curandis febrib. c. ult.*

## COMMENTARIUM.

**S**omnum.] Licet Arist. lib. de somno, & vigilia pulcherrimum, arduis Philosophiæ labyrinthis, & occultis naturæ arcanis inuolutum dederit in lucem, quem fidissimus eius interpretes Auer. & alij expositores subtilissimè emedullarunt. Et licet idem argumentum agitarint, qui in explanando Auic. *in cap. 12. 2. 1. doct. 2.* primas tenent. Et ante me Thom. à Veiga *in com. cap. 84. lib. art. med. Argent. prop. tract. de somn. & vigil.* Ludouic. Mercat. *tom. 1. libr. 2. clas. 2. q. 165. art. 3.* Carcerius *disp. 7. ad libros de loc. affect.* Gal. Vallesius *lib. 4. controu. 13.* ingenuè, & doctè intricatissimas de hac re quæstiones enuclearint, tamen quum plurima inexplicata reliquerint, quæ Philosopho è regione pugnant ea incudi reddere operæpretium duxi.

Et primò, quid sit somnus. Nullum dari animal quod perpetuò vigilet, cum Arist. contendunt omnes; quicquid Mœcenatem, referente Plin. *lib. 7. cap. 51.* triennio sine somno permansisse Seneca etiam scribat *in lib. de providentia*, & nobilem matronam 35. annorum spatio, sanam, & citra noxam, insomnem fuisse affirmet Montuus *lib. 1. Anasc. cap. 27.* & Fernel. *lib. 5. patholog. 2.* quendam mente captum, menses 14. insomnes duxisse asseueret, & Nizolium illum Ciceronianum decennio somnum non vidisse narret Heurnius *lib. de morb. cap. 16.* Sed hæc rara sunt, & naturæ limites excedunt. Illud verum, animalia alternatim, & vigilare & dormire. Omnis enim potentia quæ actum habet determinatum, quando excedit modum in operando, fatiscit & lassatur; & nisi quiescat, aut ab opere cesset, dissolvitur, ac tandem corrumpitur. Necessè est ergo, ut sensus, cum sit potentia huiusmodi, quiescat: hæc autem quies sensuum in suis actionibus somnus est, quo reciproce cum vigilia egent animalia, ut in suo esse naturali persistant, ac conseruentur. Sic apud Hip. *2. prog. 11.* legimus, ut *sanus homo interdum vigilet, dormiat noctu.* Ut Henricus Cuelhar, Conimbricensis Academiae olim primarius professor insignis explicat inter omnes; & post eum non siluere Christoph. à Vega, & Ioan. Brauns *in suis com. ad hunc locum.* Quare somnus, & vigilia, utrumque si modum exceßerit, malum; *2. aph. 3.* quoniam plurima damna ex horum immoderantia, & plerumque mors subsequi solent. Sed hæc quæ ob vigiliam accidit, dissolutis viribus, & dissipato nativo calore, tardior est quàm quæ ob immodicum somnum, retentis excrementis; & suffocato nativo calore contingit.

## DVBIUM VI.

*Num somnus sit ligamentum sensus.*

**S**omnus ab Arist. *loc. cit.* est ligamentum, aut immobilitas, copula, aut nodus primi sensorij. Quæ definitio reiiicitur ab ipso *lib. 6. topic. cap. 3.* quum enim affectus definitur, debet poni in eius definitione susceptivum illius; at verò susceptivum somni non est primum sensorium: nam hoc, siue sit cerebrum, siue cor, non est quod dormit, sed totum animal. Quare *in eodem loco iuxta fin.* dicit esse antiperistasis, seu retractionem caloris ad interiora, propter humiditatem descendentem ex cerebro ad cor, & firmat Auerroës *2. collig. cap. 21.*

Auic. *1. 3. tract. 4. cap. 1.* sic definit: Somnus est reditus animalis spiritus ab organis motus & sensus, præterquam ab instrumentis, quæ vitæ necessaria sunt, qualia sunt instrumenta respirationis. Cum enim respiratio vitæ sit necessaria, non solum in somno, sed in apoplexia excitatur natura, & assidue cum virtute animali transmittit spiritum, ut *2. aph. 42.* docuit Gal.

Si tamen in rigore dialectico, & secundum leges opti-  
Lib. I.

mæ definitionis loquendum sit, Arist. & Auer. præsertim definitio est imperfecta, licet ad explicandam naturam somni, Medicis & Philosophis utilis sit valde. Patet aperte. Nam natura somni, & formale illius non consistit in motu, sed potius in quiete, idèoque per reditum spiritus, aut retractionem caloris, cum sint motus, non rectè defini-ri, certum est. Amplius, in ultima parte somni dormiunt animalia; at tunc non retrahuntur spiritus & calor, sed qui erat retractus, incipit iam expandi, & excitatur animal à somno.

Rectè tamen somnum defines, si dicas esse ligamentum, & quietem natam ex impotentia primi sensorij. Quare Gal. *1. de sympt. caus. c. 8.* Somnum esse quietem facultatis animalis non integram, sed velut remissionem vigoris actionum sensuum pronunciauit: nam in dormientibus sensus obscurè & exiliter agunt, & percipiunt ingentia sensibilia, & hæc est causa quare vocantes audiunt, tangentes sentiunt, & ad portato lumine excitantur, ut *2. de motu muscul. cap. 4.* notavit Gal. Deinde natura somni non consistit in impotentia primi sensorij, nascitur tamen ex illa; nam vigilia, quæ est actus sensuum, tunc accidit, quando soluitur sensus communis, qui externorum sensuum fons est & origo, quo soluto hi etiam solvuntur, & sunt in actu, & animal vigilat. Tunc verò soluitur sensus communis, quando primum sensorium, videlicet cerebrum bene affectum est. Igitur quum somnus, & vigilia privatiuè opponantur, sicuti hæc ex potentia primi sensorij, hoc est ex optima illius dispositione, & aptitudine ad agendum oritur, sic somnus ex impotentia primi sensorij originem ducit.

Sed plura sunt quæ contrà obiici possunt. Quorum primum est, quare somnus non insit plantis: nam si necessitas somni ea est, ut potentia fatigata, & dissoluta quiescant, quum plantæ potentias habeant finitas, deficiant ab opere necesse est. Solue primò. Somnum non inesse plantis, sed solis animalibus, quoniam est ligamentum sensuum, sensu autem carent plantæ: nam si hunc haberent, potirentur dolore, delectarentur, & haberent motum localem, & ex consequenti appetitum. Si verò in suis operationibus defatigantur, hic defectus, non somnus, sed corruptio, & mors in illis dicitur. Solue secundò. Animalia, & plantæ in potentiis naturalibus conveniunt, quia forma sensitiva virtute vegetativam, & omnes huius potentias continet, sunt tamen perfectiores in animalibus, quàm in plantis. Nam sicuti forma sensitiva est perfectior vegetativa, sic plures, & perfectiores habet operationes, & perfectiorem substantiam desiderat; sic corpus animalis est magis mixtum, & magis elevarum ab elementis, calidius, & rarius, & ad suas operationes instrumento calidiori, tenuiori, & perfectiori utitur. Et hæc est causa quare animalium substantia ampliùs resolvitur, quàm substantia plantarum: nam in animalibus quod dissolvitur, reparatur à cibo & potu; quare reciproco transpirationis, & respirationis motu indigent, tum ut recrementa fuliginosa ob excessum caloris coaceruata expurgentur, tum ut calor innatus temperetur, & spiritus vitalis in corde generetur. Plantæ autem quum alimento crasso, copioso, & sibi idoneo à terra suppeditato conseruentur, ut *4. de usu part. 7. & 1. de sympt. caus. 7. in princ.* non ita in opere defatigantur, cum sint terræ affixæ.

Secunda dubitatio. Si potentia vitalis, & naturalis, absumptis spiritibus vitali, & naturali, & resoluta calore nativo fatigantur & dissolvuntur, cur somnus non erit etiam communis potentiis naturalibus? Nec refert si solvas dicendo, potentias animales non esse semper in actu secundo, nam spiritu animali tenuissimo, veluti instrumento utuntur, ob cuius facilem resolutionem propriissimè dissolvuntur, & ab opere cessant. Contrà tamen naturales potentia spiritu crassiori utuntur, & minùs dissolubili, & idcirco possunt esse semper in actu secundo. Quoniam licet spiritus naturalis sit crassior animali, est tamen suapte natura tenuissimus, & ad resolutionem paratissimus, cum sit corpus quoddam calidum, leuissimæ substantiæ, ex aère, & subtilissima, magisque elaborata ac sincera sanguinis, & seminis parte progenitum, ut *5. simpl. cap. 9. advers. Lycum, cap. 7.*

cap. 7. 3. de pot. nat. 14. 6. de usu part. 17. 11. meth. cap. 3. 12. eiusd. 5. 14. de us. part. 9. & 10. & alibi passim : explicant Fernel. lib. 4. physiolog. ferè per totum, Altimarus tract. de spiribus. quibus in locis, spiritum vitale celerrimè dissolui asseuerant. Neque effugies dubium, si asseras, potentias animales idèo lassari, quoniam operantur cum labore & resistentia, quum instrumenta animalia sint molesta facultati mortici, & operentur cum delectatione & dolore, impetumque & conatum assumant ad agendum; indigent ergo quiete ut recreentur: è contrà potentiæ naturales; nam accretio, & nutritio, quæ sunt earum operationes, non fiunt cum labore. Licet enim hæc solitudo acuta sit, dubitationem tamen minimè soluit. Nam corpus cordis, & arteriarum graue est facultati vitali; nunquam tamen facultas vitalis lassitudinem patitur, aut ab opere cessat. Præterea quando alimentum ad partes superiores distribuitur, quum sit graue, attrahitur & expellitur cum labore. Denique facultas animalis in respirando lassitudinem patitur nunquam, licet instrumenta respirationis graua sint facultati animali, quoniam urgente necessitate assidue natura facultatem, & spiritum transmittit, & ea quæ in respiratione, & pulsu reperitur quies, ex ea non accidit causa, quod facultas animalis lassetur in opere, sed quoniam ob motuum contrarietatem necessariò quies intercedit.

Dicerem potius, somnum in animalibus, pro omnibus potentiis esse necessarium, illius tamen necessitatem ab operationibus animalibus incipere; nam si hæc non essent, potentiæ naturales non indigerent somno: illæ enim non solum spiritus animales absumunt, sed & vitales, & substantiam caloris innati resoluunt; quoniam distrahunt, & à partibus inferioribus calorem auertunt: quoniam animales potentiæ, quando in agendo excedunt modum, nec reparant quod dissolutum est, defatigantur, quare otio, & quiete, ut reficiantur, indigent. Contrarium potentiis accidit naturalibus; idèo somnus illis magis necessarius est. Et licet animalia per potentias & actiones naturales, reparent id quod dissoluitur: quum tamen semper quod reparatur deterius sit, & siccus; & ex mutua actione, & reactione, calor naturalis imminuto sanguine & spiritu, tandem fatiscens, peruenit ad tempus, in quo potentiæ naturales deficiant in agendo, & quiescant; tamen hæc quies non somnus, sed mors, aut corruptio debet appellari.

## D V B I V M VII.

### Num somnus sit ligamentum motus.

Consequenter dubitandum. Num somnus sit ligamentum motus. Nam si facultas animalis est motiua, & sensitiua, quare potius somnus est ligamentum sensus, & non motus? Ex aduerso repugnat experimentum. Nam in dormientibus operatur potentia motiua, quoniam animalia respirant, homines loquuntur dum dormiunt, in lecto à latere in latus se mouent, exurgunt, ambulant, & non solum figuram mediam seruant, sed extremam, quæ indiget actione tonica, quæ validissima facultatis motiue actio est, auctore Magistro lib. 2. de mor. muscul. c. 4. Quare si per eosdem nervos ab spinali medulla subortos, facultas motiua, & sensitiua communicatur, & pro motu, maiori influxu opus est, quàm pro sensu, (ille enim agendo perficitur, sensus verò patièdo) ut 1. de caus. symp. 5. in fin. & 1. de loc. c. 6. Gal. edocuit; sit ut somnus, sicut est sensus, sic motus ligamentum sit. Imò videtur quod sicut non ligatur motus, sic nec sensus: Nam dormientes, colores, sapores, & reliquas qualitates sensibiles se percipere somniant. Si ergo sensus communis, externorum sensuum origo & radix, horum formas sensibiles percipiens & discernens, soluitur, quid mirum si cæteri soluantur? Somnus ergo non est ligamentum sensus.

Ita anceps hoc dubium est, ut Galeni ope egere videatur. Aduerte tamen potentiam sensitiuam à motiua differre: Quoniam hæc agit imperata ab appetitu, & actio illius libera est; E contrà sensitiua; Nam præsentè obiecto, virtute, & organo rectè dispositis, illius actio impediri minimè potest, agentium naturalium instar, quæ quando impedita

A non sunt, statim in suos actus exeunt, suamque naturaliter eliciunt operationem. Sensitiua autem à potentiis internis impeditur sæpe. Sic qui ecstasi, (quæ alienatio est imaginationis ab omnibus rebus, cum detentione, in alicuius rei consideratione,) & vehementi imaginationi sunt intenti, posita ante oculos non vident. Sic delirantes causas dolorificas non sentiunt, auctore Hipp. 2. aph. 6. anima enim tunc variis phantasiis occupata, & distracta, externorum sensuum alterationes non aduertit, ut 1. de diff. respir. cap. 12. Gal. edocuit. Appetitus, ut Arist. ait 3. de anim. 10. mouetur ab imaginatiua, & ratione: quia hæc potentiæ quum cognoscant obiectum appetitus, & illud sub ratione iucundi, vel iniucundi appetitui proponant, ipsum ad prosecutionem mouent, vel ad fugam; & quoniam accidit sæpe, ut in dormientibus, ligato sensu communi, imaginatio soluat, sit ut hæc, quum non reprimatur à ratione, validissimè moueat; quare tunc motus soluitur, & non sensus.

Nec argumentum propositum quicquam concludit. Licet enim viis non omnino obstructis, spiritum animale cum facultate ex cerebro, organis motus & sensus communicari per easdem vias concedamus, tamen sensum tunc ligari constanter fatemur. Nam verum est animale spiritum multò maiorem dispositionem pro sensu requirere, quàm pro motu: (licet minor spirituum quantitas pro illo sit necessaria, quàm pro motu:) nam cum potentia sit cognoscitiua, perfectiorem puritatem, & temperiem exoptat: quare licet in dormientibus, expeditis viis, in initio, & medio somni, animalis spiritus communicetur ad motum, quum sit impurus, fumosus, calidiórque quàm par sit, & minimè elaboratus, non est idoneus pro sensu. Res patet exemplo. Sicut enim flamma multitudine, & congerie lignorum obruta & suffocata, in principio crassa est & nebulosa, accensis tamen lignis minimè fuliginosa splendet, & fulget. Sic animalis spiritus, ob copiam vaporationis à partibus infernis, & ipsius retentionem in cerebro, redditur caliginosus, crassus, & impurus, qui tunc etsi communicetur, ineptus est sensui, quousque attemperatus, lucidus magis fiat, ac magis purus. Ex his deduces rationem, quare phrenitici, & maniaci ob caliditatem irritantem, siccantem, & roborantem partes, vehementer mouentur, quum obtusè sentiant: quod non ob imaginationis distractionem, sed ob spiritus animalis naturam, qui calidior & impuriór est quàm sensui conueniat, euenire, dubitat nemo.

Deinde. Somnus naturalis semper fit, quibus cerebrum D opprimitur, obstruitur, & sanguinis, alimentique vaporatone repletur. Sicque accidit ut pro euaporationis diuersitate, potentias internas magis aut minus ligari contingat. Si multa est, & crassa, ut accidit post copiosum cibum, & vini potum, omnes ligantur, & non apparent insomnia; si è contrà contingat, à ligato sensu communi, potentia imaginatiua aliquo modo soluitur: quo tempore phantasmata distorta, & inordinata representantur, insomnia terribilia apparent. Quando tamen vaporatio modica est, & magis extenuata, solet omnino solui imaginatiua cum cogitatiua, & memoria, velut in fine somni contingit. Si tamen exigua est, & tenuis, non solum soluitur imaginatiua, sed & sensus communis, ad cuius solutionem cæteri quoque sensus soluiuntur; & tunc somnus non est integra quies potentiæ sensitiuæ, agit enim tunc sensus exiliter, & obsecrè. Et quia potentia sensitiua, quæ tunc communicatur organis sensuum, exigua est: torpet in actionibus, & neque à paruo, aut mediocri excitatur sensibili, sed à magno; tunc exit in operationem, & excitatur animal; & hæc est causa, quare ex magno clamore, strepitu, aut lumine intromisso dormientes excitentur; quum enim viæ non sint omnino obstructæ, communiceturque spiritus cum virtute, homines à magno sensibili excitantur. Ex qua doctrina constat insomnia etiam ad sensum communem pertinere, quia interdum dormientes insomnia patiuntur circa formas sensibiles; verum quoniam sensus communis non omnino soluitur, idèo decipitur in illis. Definatur ergo rectè somnus, quod sit ligamentum sensus. Ex quibus ad argumenta, solutio patet.

## DUBIUM VIII.

*Num somnus opus sit naturæ, an affectio.*

**I**llud etiam explanationem desiderat, num somnus sit naturæ opus, an affectio. In hoc enim dubio explanando Gal. lib. de instrum. odorat. c. 5. maximam difficultatem inuenit. An scilicet somnus sit actio animæ, quæ mediante aliqua potentia perficitur, an affectio, ex vaporazione, compariante cerebro. Pauci dubium enucleatè explicarunt. Nos in vnam veritatem intenti, rem ipsam, nullius auctoris verbis adstricti, aprius, explicatiùsque quàm breuissimè proponemus.

Arist. lib. de somno & vigil. somnum in impotentia, & immobilitate constituens, affectionem potiùs, quàm actionem animæ esse insinuat, & Gal. quum dicit esse quietem, huic opinioni fauere videtur; satius enim erat animali sensus perpetuò agere: sed quum hoc citra ipsorum ingentem noxam, & corruptionem fieri non posset, idèò opus fuit, vt ipsi ab opere cessarent. Auic. 2. 1. doct. 3. cap. 3. post med. de octauo genere signorum verba faciens, somnum non esse ex summa operationum naturalium, quæ directè, & primaria ratione à natura intenduntur, asseuerat. Sicut enim senectus, & mors opera naturæ non dicuntur, & idèò naturales operationes non censentur, sic accedit somno.

Auer. loc. cit. somnum opus esse naturæ, & effici ab anima, mediante potentia regitiua, latè confirmat. Quum enim somni causa finalis, salus animantis constituatur, fit ratio, vt somnus opus sit primaria ratione à natura institutum, vtile cum sit animali, & necessarium.

Sed hoc modo soluenda est antinomia hæc. Somnus & affectio, & opus naturæ meritò dici potest; quia affectio nihil aliud ex Gal. 2. de motu muscul. c. 9. in princ. importat, nisi priuationem, & ab opere vacationem. Sic Gal. loc. sup. cit. expirationem vocat affectum, quoniam quando decedit thorax, & redit ad pristinam sedem, otiaur veluti, & ab opere cessat. Eodem modo, quando in suis actionibus feriantur sensus & quiescunt, fit somnus, & dicitur affectus. Quoniam tamen hæc caloris & spiritus retractio, actio est à natura præcipuè intentæ, & ab anima, mediante aliqua potentia, quam Auer. regitiuam appellat, efficitur, idèò somnus opus est naturale, in commodum animalis institutum.

Sed meritò insurges contra Auer. hic enim auctor hanc regitiuam potentiam, non esse naturalem, sed sensitiuam (alioquin plantis esset communis) asseuerat, eamque sensui communi attribuit, à reliquisque potentiis sensitivis distinguit: quoniam hæc ab opere cessare solent, neque semper sunt in actu secundo; hæc verò facultas regitiua modò spiritum transmittendo, modò colligendo, semper est in actu secundo, in animantisque vtilitatem continuò vigilat. Sed hoc videtur falsum, quoniam virtus hæc prouida non minùs cerebro, quàm cordi videtur attribuenda. Hoc enim in animi affectibus, imò & ipsum cerebrum, huius regitiuæ ope, calorem, spiritum vitalem, & animalem retrahunt, & expandunt; sed hæc opera anima mediante facultate expultrice, & attractrice, exequitur. Non est ergo citra necessitatem pro somno, & vigilia, hæc potentia regitiua constituenda.

*Dedita opera mihi conciliabam.* Ex valdè conferentibus conseruationi senum esse somnum, firmat cum Gal. 5. de sanit. cap. 3. Auic. 3. 1. doct. 3. cap. 1. nam aridum senum corpus humectat, regeneratione sanguinis & spiritus, vires fouet, recreat & refocillat, ærumnas quibus hæc ætas scater, mitigat: quum malorum obliuionem inducat, coctiones iuuat, calorem exacuat, hilaritatem conciliat, & demum corpus impinguet; quare ab omnibus *vita senum* solet appellari. Ne ergo mireris Gal. hic, lactucam vesperi ad somnum prouocandum esam, multo fuisse ex vsu. Quia vigilia in hac ætate plura, eaque irreparabilia damna accersit; quoniam siccitate inducta, hæc de causa, humidòque vel depopulato, vel expresso, innatum conterit calorem, & citissimè eos ad mortem deducit. Quomodo autem alimenta frigida in somnum animalia dedu-

Lib. I.

A cant, *suprà* explicuimus. Nunc de causis somni disputandum est.

Mirum est insignem doctrinam virum Argenterium, in artisque operibus tamdiu exercitarum, contra Arist. Galenique sententiam ad rauim vsque debacchantem, inanis gloriæ stimulo percitum, tantoperè hallucinari: quum in horum auctorum doctrina, plana, expeditaque sint omnia; cuius auctoris reprobas opiniones eneruare si aggrediar, in libellum accrescet oratio. Quare rem totam clariùs in hanc angustam contrahemus summam, ex probatæ fidei auctoribus somni causas prælibantes. Scripserat Gal. 2. aph. 1. & lib. 3. de caus. puls. 9. cum Hip. 6. epid. sect. 4. text. 13. caloris motum ad intra, & ad extra, vigiliæ, & somni causam esse constituendam: & 3. de caus. puls. 10. somnum tunc fieri, quando calor natius fatigatus, natia humiditate egens intrò colligitur. Et 2. prorrh. 29. quando cerebrum vtilium humorum copiâ irritatur; & vigiliam ob caliditatem, & siccitatem partis sentientis fieri asseuerat: quod repetit lib. 1. de caus. symp. 8. Arist. lib. de somn. & vigilia, prætermittens formalem, & efficientem causam, solum finalem, & materialem proponit: finalis, inquit, est animalis salus; & materialis, est euaporatio alimenti. Auer. *super Arist.* quinque esse causas somni pronunciauit. Prima est vehemens cogitatio, animalem spiritum distrahens à sensuum organis. Secunda, Necessitas coquendi alimentum; nam quum anima habeat plures potentias, & operationes: & vnum instrumentum, naturalem calorem; hoc ad coctionem retracto, sensus eo destituti quiescere solent, & torpent. Tertia, Vaporatio alimenti cerebrum humectans, replens, neruorum vias obstruens. Quarta, Spirituum in quantitate imminutio, & remissio in qualitate; ergo vt hi reparentur, natura duce, retrahitur calor, & obrepit somnus. Quinta, Quoniam spiritus animalis est caliginosus, crassus, & motionibus ineptus, ac expansioni: quum verò extenuatus est, & purior redditus, euolat extrà, & animal vigilat.

Sed acrius re ipsa inspecta, causas somni sic colligas velim. In somno omne causarum genus reperitur. Materialis adest, quæ non est materia ex qua somnus componitur, quia accidens est, & accidentia sunt formæ simplices, quæ non habent materiam ex qua componantur, sed solum subiectiuam, vt docet Arist. 8. metaph. 8. in fin. posito exemplo in eclipsi, & somno; in illo est Luna, quæ patitur defectum luminis: in hoc, est primum sensorium. Causam somnus etiam formalem habet; nam etsi priuationis nulla sit forma, quia illa potiùs est defectus, & absentia formæ: non enim est ens positium & reale, sed rationis, non potest habere causam formalem, quæ constituat essentiam ipsius. Tamè Arist. 8. metaph. cit. docet, quòd sicuti in his quæ per defectum, & priuationem fiunt, reperitur materia subiectiua: sic debet poni species, & ratio, quæ est illius definitio; quæ tunc conspicua apparet, quando simul in finitione causa efficiens numeratur. Nam si dicamus, *somnus est ligamentum sensus ob vaporationem alimenti*; in somno causam formalem constituimus apertè. Nam forma, species, ratio, & definitio dicitur; priuatio enim sic definita, suam rationem habet, & causam formalem: nec habet definitionem essentialem, nec descriptiuam, sed causalem, quæ per causas extrinsecas tradi solet. Rectè

igitur dicebat Aristot. loc. cit. definitiones priuationis & defectus, nunquam esse conspicuas, nisi causa addatur efficiens. Hæc autem est anima, quæ mediis suis potentiis colligit, & retrahit spiritum & calorem ad principia sua. Euaporatio alimenti, causa est coadiuuans. Finalis causa somni, salus est animalis; nam potentia in opere dissoluta, & fatigata, indigent quiete, & otio. Et licet Aristot. 8. metaph. cit. in iis quæ propter defectum fiunt, non esse constituendum finem asseueret, quoniam is solum in agentibus reperitur: priuationes autem cum non sint entia realia, agere non possunt, neque finem habere: tamen cum ex Auic. constet, 1. 3. tract. 4. cap. 1. triplicem esse somni vtilitatem: nam quiescunt ab opere sensus, ne ampliùs resoluantur, spiritus animalis absumptus reparatur, & collecto calore ad viscera iuuantur coctiones, fit vt in somno reperiri operationem naturæ

C 2 fit

fit dicendum ad quam sensuum consequitur quies. Quare licet somnus primaria ratione à natura non intendatur, & directè, indirectè tamen, & secundariò propter conditionem materiæ, vt animalia diu conseruari possint, ab ipsa prouocatur.

Ad hæc. Causa communis somni, est retrocessus caloris & spiritus, & impedita expansio ad extra. Nam, non potest esse obiectorum defectus, quoniam in horum præsentia somnus corripit. Non potest esse vitium potentiz, aut organi, quia homines indispoti dormiunt. Nec obstructio meatuum est causa somni, quippe titillatio pedum, & suavis cantus somnum efficiunt: quæ omnia cerebri, neruorumque canales minimè obstruere posse, omnes norunt. Calor enim & spiritus cum substantiæ sint mobiles, intrò, & extrà, subito & celeriter moueri possunt. Insuper. Plura sunt quæ diuersimodè somnum hac de causa prouocant. Labores, vigilæ, venæ sectio, veneris vsus, vacuationes aliæ somnum acterunt: quoniam resoluta natura, absumptis spiritibus, retrahitur vt reparetur. Alia substantiam spiritus incrassant, refrigerant, pigram ad motum reddunt, expandique prohibent, vt lotiones extremorum, opiata. Alia repellendo calorem ad partes internas, vt aëris ambientis frigiditas. Quædam cerebri meatus constipando, & spiritus expansionem impediendo ad sensuum organa. Sic alia quum ab ambitu corporis, sanguinem & spiritum attrahunt, somnum conciliant, vt internæ inflammationes. Alia, quoniam animum demulcent, eumque cum sanguine & spiritu, à sensationibus externis auerunt, vt Musica, frictio lenis, currentis aquæ strepitus, & tenebræ: in his enim ob defectum obiectorum, potentiz ad suos actus non excitantur. Adde ex Aristot. 1. probl. 1. & 7. cogitationem, & lectionem circa difficilia; quum enim homo hæc non assequitur, contristatur, & ob tristitiam, reuocato calore obdormiscit. Hæc omnia tanquam coadiuuantia ad somnum parant.

De differentiis somni. Alius est longus, profundus, aut grauis; alius brevis, levis, & tenuis. Quæ differentiæ ex vaporatationis varietate dimanare solent: sæpe hæc est copiosa, & crassa; aut pauca, & tenuis. Grauis & profundus dicitur, quando homo difficulter excitatur. 2. aph. 3. Alius est naturalis, causas naturales habens, & modum seruat in longitudine, & profunditate. Alius præternaturalis, illi contrarius, causas habens violentas. Alius non naturalis, inter prædictos medius. Is habet causas naturales, immodicas tamen, qualis accidit ebriis.

De effectibus somni. Auic. 2. 1. cap. cit. præter alias, binas propositiones proponit vsui medico viles valde: Primam qua asserit, somnum omnes operationes fortes efficere: explicant Thom. à Veiga, & Ludou. Mercat. loc. cit. eleganter. Secundam, somnum omnes vacuationes retinere, excepto sudore quem magis prouocat, latissimè in secundo tomo in com. hist. 77. de fluxu cerebri agentes, dilucidabimus. De minuti, diurnique somni noxis, sat plura dixere auctores: sicut de superflui, & immodici incommodis: locoque ad somnum aptissimo, plurima lectu digna exararunt. Lege Ferdinand. Roderic. Cardos. cap. 6. de sex reb. non natur. q. 3. Clarissimum Montan. part. 2. de reb. non naturalib. tit. de somno: & Cardan. in com. 1. 2. & 3. sent. lib. 2. aph. Hip. Tu verò cætera, quæ in hoc de somno desunt, lege lib. 6. in com. hist. 2.

sum, quàm in lapidem impegerim. Et id est profectò quod non permittit dormientibus iter facere longum, quia non possunt exactè lauem viam nancisci, & c. Galenus 2. de motu musculor. c. 4.

## PARAPHRASIS.

**A** Nimiam corpori imperare, hocque illi imperanti obtemperare, non solum ex animi præstantia, sed ex iis quæ sensu apparent, euidenter constat. Videmus enim vigilantium opera, interdum dormientes obire, illos quidem ætate florentes, viuidisque spiritibus præditos, (nam senes extincto penè calore natiuo, tale quidpiam moliri nequeunt) qui ob ipsorum tenuitatem & subtilitatem, neruorum ac musculorum robur, ad similes actiones impelluntur ac incitantur: quibus si fortem adas imaginationem earum passionum quibus sunt irriteri, hi tunc omnia intrepidè audent, nec quicquam timent: vis enim discernendi sensus communis, vaporum caligine consopita iacet. Quoniam autem fortis hæc imaginatiua vis plerumque in melancholicis adest, idcirco ij ad hanc passionem sunt procliuiiores: nam omnia noctambulorum opera imaginationi esse adscribenda, firmat Ioustonus clas. 10. Thaum. c. 7. art. 2.

Miserabilis est affectio hæc, & plurimis periculis, calamitatibusque obnoxia; nam hac prehensi, dormiendo possunt ad præcipitia deduci, vel ad aliqua peragenda concitari, ex quibus mors, aut aliquod imminens periculum subsequantur.

Pro cuius morbi curatione, duo à Medico sunt peragenda. Primum. Nimiam spirituum corrigere tenuitatem, ipsos incrassando, inspissando alimentis, quæ similes vires obtineant. Secundum. Imaginationis tenacitati, ac robori occurrere; cerebrum ex cuius intemperie sicca dependet, humectando, conuenienti victus ratione, embrochis, lotionibus, & similibus vnguentis. At temperamento deinceps opus est, facto iis alimentis, quæ benignos humores, non adustos retorridosque gignant. Hoc opus complent aquæ dulcis lauacra, somnifera fercula, lenia illa quidem, & quæ blandè facultatem sensitiuam, ac motiuam demulceant, ac sopiant, spiritus crassent, & somnum profundorem allicere queant. Si ad amussim inuestigare velis causas, & differentias eorum, qui dormientes ambulant, vigilantiumque opera exequuntur, cerasque huius affectus præseruatrices normas scire cupis: lege Lang. 2. epist. 44. Salium lib. de affect. paric. cap. 18. Iacobum Horstium proprio libel. de noctambulis, inter alios de hac re eruditè disputantes.

## Observatio XIV.

### Noctambulus, balneo curatus.

**I** Vuenis biliosus, & gracilis, inter dormiendum, repente è lecto surgebat, arma capiens, foris que aperiens, furiosus veluti, & multa obmurmurans, in plateam exibat, & solus rixabatur; hostes imperuosè confodere imaginatus, donec in solum irruens, parum absuit quin contorto gladio, vulnere sibi in pectore inflicto, vitam adimeret. Expergefactus, timorèque percussus, ne eodem modo noctu obambulans, maiora pericula experiretur, me ad sui vocat curationem. Cui præter incrassantem victum, & retorridi humoris vacuationem, balneum maximo fuit auxilio.

## HISTORIA XV. GALENI, De Noctambulis.

### Galenus Noctambulus.

**S**ic seruant alij figuram in dormiendo, vt sedentes sapè quidam dormiuerint, & nonnulli deambulantes: & hoc equidem audiens antea, non credebam. Cum autem fuit opus aliquando per totam noctem iter facere, experientia rem ipsam edoctus, coactus sum credere; ferè enim stadium integrum dormiendo, & somnia videndo peregi: nec prius excitatus

## HISTORIA XVI. TRALLIANI, De Lethargo.

### Lethargus, castorei potu curatus.

**A** Tsi affectus inueterascit, capillos adimito, vngitque eum caput iis, quæ exasperare, ac vellere cutem possunt, vnà cum castoreo, datoque ipsis potui castoreum præ omnibus: idque faciendum est, præsertim hora vna ante accessionem: etenim extenuat, & corpus quod perfrixit, & prope



propè est ut emoriatur, recalcificat, fouetque. Ego sanè noui multos lethargo victos, hoc solo remedio mortem euasisse, &c. Trallianus lib. 1. c. 14.

## PARAPHRASIS.

**C** Vrat hic Trallian. Lethargum, affectum phrenitide secundum speciem contrarium. Sicut enim in phrenitide facultates consopire oportet, sic in lethargo excitare opus est. Quod opus, licet aliis præditiis perfici possit, nullo tamen citius, securius, ac peculiari quadam virtute, quam castoreo, multiplici forma exhibito præstare possumus. Magna enim est huius medicamenti pro frigidis morbis leuandis vis, atque potestas, ab auctoribus summo perè celebrata. Nam Archigenes, referente Galeno lib. 1. 1. simpl. de eius vsu integrum librum conscripsit.

Quod si gustui, odorique adueras animum, licet aduersissimam corpori humano videatur habere facultatem, tamen experimento comprobatum est, morbis perniciosissimis auxilio esse: quoniam ad lethargum, cæterosque soporosos affectus præcipuam habet prærogatiuam. Cum enim incidendi, extenuandique vim habeat, caliditate, & siccitate sua, neruorum morbos, ex crassa frigidâque materia subortos mirificè curat, flatus discutit, tormina sanant, singultui prodest, frigidis & humidis cerebri vitiis præsidio est, menses prouocat, secundinas pellit, & in summa venenis aduersatur, & ut hoc loco inquit Tral. corpus totum quod perfixit, & propè est ut emoriatur, recalcificat, fouetque: cuius laudes vnanimes decantant auctores, de quorum numero sunt Plin. lib. 3. 2. cap. 3. Arist. 8. de hist. anim. 5. de fibro. Dioscorid. 2. c. 23. Paul. lib. 7. tit. de castor. Aëtius terr. 1. serm. 2. c. 177. Cels. lib. 3. c. 20. Aret. lib. 1. acut. 2. Gal. cit. simpl. eodem tit. Rondelet. lib. de Amphibiis, c. ult. Mathiol. & Lacun. supra cit. Dioscorid. loc. Musa in examine testiculorum castoris. Bernard. Dessen. 8. de comp. med. sit. de ol. cast. Conrad. Gesner. lib. 4. de Hist. anim. sit. de cast. & lib. 1. eod. tit. lit. G. Brayus Petrasitan. lib. 3. de curand. rat. per medic. purg. exhibitionem, c. 18. Fallop. Tagautius, & Massaria, prop. tract. de medic. simplicib.

Demum concoctioriam habet facultatem induratarum affectionum, ex Gal. 3. sec. loc. c. 1. sit. de iis qua Apollon. ad auris dolores scripsit: quod iterum repetit lib. 4. eiusd. c. 1. & lib. de theriac. ad Pis. c. 9. Cuius medicamenti varium assumendi modum, præter Dioscorid. exactè docet Auic. lib. 2. tract. 2. x. 125.

Et ut in summa dicam, tanta est calefaciendi præditum facultate hoc medicamen. ex Gal. 3. sec. loc. cap. 1. & lib. 8. eiusd. 3. ut opij vim refringere possit, cuius malitiam retundit, atque infrazpat. In potum ergo assumptum, calefaciendo, & vacuando soluere aliud aptum est, ut lib. de ven. sect. aduers. Erasistrataos, 3. cap. Gal. affirmat. Quò factum est, ut Diacastorium (compositio à Castoreo dicta) mirabiles ex se promat facultates, quibus easdem ægritudines discutere valet: cuius compositionis descriptionem referunt Nicol. Præpos. Luminare maius, Thesaurus aromatariorum, Vveckerus, Valer. Cord. Iacobus de Manliis, & prius dixit Actuarius in suo Antidotario. Cui similes vires ad neruorum affectus habere castorei oleum. Gal. passim, & alij supra citati auctores confirmarunt.

Obiicies, medicamentum hoc eximiè calidum, & extenuans, non rectè in affectu cui febris coniungitur, fuisse exhibitum. Sed cum Gal. cit. simpl. hoc medicamentum porrigere non dubitauerit, quoniam, teste Paul. lib. cit. Lethargicorum febris tepida est, idè Tral. sententia venit confirmanda. Sic in hydrope, quartana, & aliis frigidis vitiis, quæ cum mediocri febris affligunt, calida medicamenta maioris virilitatis causa exhibemus.

Cætera, quæ de expergefactione lethargicorum enarrat auctor, iubetque adimere pilos, cutem exasperare, fricare, ac vellere, explicuit prius Gal. 13. meth. c. 21. Cur autem, ante medicamenti potum, venæ sectionem Gal. tantoperè loco cit. commendatam, exequendam non consulerit. Dic: quoniam in tanta succorum crudorum copia, vires fortè non aderant, sed corpus propè erat, ut succumberet. Tunc enim fugienda venæ sectio est: sed alia renel. Lib. 1.

Alentia auxilia, per cucurbitulas, vincula, ligaturas, & purgantis medicamenti administrationem sunt imperanda. Reliqua præditiis pro curatione lethargi, ex variis auctoribus congesta, lege apud Nicol. Pison. 1. lib. de curand. morb. cap. 11.

HISTORIA XVII. TRALLIANI,  
De Lethargico.

## Lethargus balneo curatur.

**E** Go certè noui, me quosdam Lethargo laborantes, neque suspicere præ multo sopore potentes, neque hoc ipsum quod lauarentur percipientes, postquam à septem diebus in balneum duxissem, magis ab eo excitatos inuenisse, ut respicere, loqui, nonnullisque adstantium agnoscere potuerint. Quare si vires robustæ appareant, in balneo lauandum est: sin imbecilliores, ut eger lassitudinem, aut calorem balnei ferre nequeat, domi lauare, vase quodam aqua calida repleto, in quo eger collocetur, ita ut sedeat capite aquam excedente. Alexander Trallianus lib. 1. c. 14. in fin.

## PARAPHRASIS.

## DVBIUM IX.

Num. balneum pro curatione Lethargi sit ex vsu.

**D** E balneo pro lethargicis curandis, est in hoc loco sermo; Num scilicet huic affectui possit esse ex vsu. Sed quæ fieri potest, ut hoc morbo correptos, debiles, & præ inexpugnabili dormiendi necessitate, ad motum incertos, in balneum ducat, aut domi lauandos persuadeat? Nonne maius incommodum ex lotionem sequetur, quam ex crassorum humorum attenuatione, & ægri expergefactione commodum? Neque asseras vires adesse robustas: nam præterquam quod omnis æger debilis est, ex Gal. lib. 1. cris. cap. 11. balneum pituitosam cerebri inflammationem, à qua lethargus, incrudat, & humorem crudum & crassum resolutioni contumacem reddit: Balnei enim aqua, licet calida sit actu, potentia tamen refrigerat, teste Gal. lib. 1. ad Glauc. 9. & lib. 6. epid. sect. 5. com. 36. & humorem tenacem impingit, ex Gal. lib. 1. de vsu part. cap. 13. & lib. 1. de temp. 2. Ad hæc. Balneum, somnum profundum facit, 4. de sanit. tuen. 4. in fin. Argumento est, quod ad conciliandum somnum, partium inferiorum lauacra maxime conducunt, substantiam enim caloris refrigerant, inertem ad motum reddunt; & sic eleuato vapore ad cerebrum, impeditur spiritus distributio ad sensoria, & partes externas, & somno corripitur æger. Cur ergo, si lethargicorum salus in expergefactione consistit, ut 13. meth. 21. Gal. confirmat, balneum suapte natura somniferum, ad impediendum somnum consuluit?

Approbandum tamen est hoc præsidium, quod huic morbo esse præsentaneum, præter Tral. Auic. 13. tract. 4. cap. 5. Aret. lib. 2. acut. 3. in fin. Paul. lib. 3. c. 9. Aëtius terr. 2. serm. 2. cap. 3. cæterique confirmant. Nam cum concoctio incœperit, nihil obstat lauare ipsos, præsertim cum sanguinis missio, purgatio, & mediocri cerebri vacuatio præcesserint: Balneum enim timeri debet, cum excrementorum copia subest: Sed quoniam rarissimè contingit, annotante sic Iacobo de partib. in supra cit. Auic. context. ut hæc ex capite, & corpore sufficienter vacuari possit, tum ob obliuionem, & somnū profundū; tum quia ob has causas, & renitentiam morbi, humor in cerebri latebris cōclusus commodè educi non potest, sit ut virtus ægri cōsopita medicamenti ad actū deducere non possit. Quamobrè balneū in initio morbi rarè administrari solet, ut inter omnes notat Mercur. lib. 1. prax. c. 17. in fin. succos enim crudos liquat, & extenuat, qui fusi frigidos periculososq; affectus parere nati sunt. Si tamen fiat declinante morbo, calore transpirante, maiori parte humoris peccantis discussa, tunc viribus alacrioribus factis, coctoque amplius humore,

optimum pro huius morbi curatione præsidium præstat; nam coquit, resoluît, lentum humorem digerit in hali-  
tum: & detracta maiore fuliginum parte, somnum ar-  
cet, neque debilitat, cum vires iam, vincente natura, sint  
robustiores factæ.

Quod si Tral. sententiam de balneo actu, & potentia  
calido, hoc est, ex discutientibus medicamentis parato,  
explices, hac via, argumentorum vim facillè effugies, cum  
hæc solutio, auctorum menti sit valdè conformis. Nam  
Cels. lib. 3. c. 20. in hæc verba prorumpit: *Medendi autem  
causa caput radendum, deinde postea fouendum est aqua, in  
qualaurus, aut rursus decocta sit, &c.* Quod apertius deinde  
exposuit Haly lib. 1. præf. 15. dum sic ait: *Et cum signa ma-*  
*turæ apparuerint, agro balneum induc, & super eius cor-*  
*pore aquam instilla calidam; qua minimè fortis sit caloris, sed*  
*& in concha, cuius in aquis camomillam, melilotum, maiora-*  
*namq; decoxeris, sedere facias, eiusmodiq; aqua caput eius in-*  
*stilla, manifestissimè proderit, &c.* Quod auxilium præter  
cæteros, luniorum peritissimi confirmant, de quorum nu-  
mero sunt Holler. & eius Scholiast. lib. 1. de morb. intern. 8.  
Rondelet. in method. cap. 19. Eustach. lib. 1. de capit. vitiis,  
cap. 1. Ioubert. lib. de cereb. affect. c. de Letharg. qui omnes,  
ex Antiquorum mente, hoc, pro hoc affectu leuando, esse  
mirabile auxilium asseuerant. De cuius morbi essentia,  
signis, & curatione, & aliis dubiis, pro huius affectus ener-  
gia enucleanda, post citatos, lege Ludou. Mercat. lib. 1. de  
morb. internis, 12. Massariam c. de Lethargo, & Iacchinum,  
Matthæum Gradium, Guainerium & Harculanum in lib. 4.  
Rasis ad Almanf. cap. 8. Montaltum lib. cap. affect. lib. tract.  
12. cap. 3. Erastum part. 4. disputat. contra Paracels. Montan.  
conf. 50. Valleriol. 3. obs. 7. Cardanum libel. de malo medend.  
vfu c. 46. Beniuen. cap. 97. de abdit. & Rembertum in annot.  
ad prædictum caput. Et nos pulchra proponemus lib. 7. Pra-  
xis Histor. c. 5.

## HISTORIA XVIII. GALENI, De Epilepsia.

### Epilepsia ex tibia originem ducens.

**A**tque hoc genus primum vidi in puero, qui 13. ætatis an-  
num agebat: quum equidem adolescens etiamdum, cum  
optimis eius tempestatis Medicis conuenissem, ad ipsius cura-  
tionem: audiui igitur tum narrante puero dispositionem ipsam  
ex tibia initium capere: mox illinc recta ascendere per femur,  
& superposita illi ilia, ac per latera ad cernicem, donec ad ca-  
put perveniret, quod cum primum tangeret, ipsum haudqua-  
quam sibi constare. Interrogantibus autem Medicis, quale es-  
set id quod ferebatur ad caput, nihil habuit puer quod respon-  
deret.

Alius deinde adolescens compos mentis (quippe satis pote-  
rat sentire quod fiebat, & alteri enarrare) dicebat veluti \* fri-  
gidam quandam auram esse, id quod ascendebat. Galenus lib.  
3. de locis affect. c. 7. propenitium.

## QVÆSTIO XII.

Quod præter humoris copiam, mala qualitas, epilep-  
sia causa non sit statuenda, contra Fernel. Tho-  
mam à Veiga, Montaltum, & alios Medicos do-  
ctissimos.

### COMMENTARIUM.

**F**rigidam auram. ] A Medicis quæri solet, num nuda  
qualitas epilepsiam possit concitare. Vallesius negat  
in huius loci commento, ea ductus ratione, quoniam hæc  
vim obstruendi non habet. Contrà est Gal. hic: nam si hæc  
cerebro communicetur, ipsum vellicet, pungat, & concu-  
tiat, non negandum est, hoc ad expellendam noxam sensa-  
tam insurgere, & concidentibus ventriculorum ipsius  
parietibus obstructionem fieri, & epilepsiam concitari.  
Sic à venenato, & corrupto spurcissimæ cuiusvis substan-

tiæ vapore dimanat, & à quacunque alia re cerebro in-  
fensa, è qua aura quædam, fomes mali à qualibet parte  
eleuata ascendit, epilepsiam effectura.

Num autem hæc nuda aura ferè ab humore eleuata,  
necessariò sit venenata, & semper epilepsie causa sit, du-  
bitant interpretes. Fernel. vir apprimè doctus, & elegans,  
lib. 5. pathol. 4. & lib. 2. de abdit. cap. 15. præter humoris co-  
piam, venenatam qualitatem, & cerebri substantiæ gra-  
uiter infensam, omnis epilepsie perpetuam causam agno-  
scit. Plurimisque rationibus ita inducitur opinari. Nam si  
esset omnis ex crassis humoribus orta, perpetuò apople-  
xiam antecederet, & post accessionem illi succederet voca-  
ta paralytis, quod non obseruamus. Deinde. Si cerebri  
ventriculi crasso humore obstruerentur, & transitus ani-  
malis spiritus ad cæteras partes impediretur, cessaret mô-  
tus, aut saltem minor fieret, cuius contrarium experimur.  
Ad hæc. Si crassus humor epilepsie causa est, cur tot au-  
xiliis affectus hic non succumbit? Aut quæ mali huius  
scaturigo est hæc, ex qua toto vitæ curriculo dimanat, &  
in meatus cerebri insilit hic humor? quod fidissimò fir-  
mat experimento: Nam sæpè cerebri abscessum, inter-  
dum corruptam meningis portionem caluæ adhærentem,  
mali huius fuisse causam, ipse in dissectis corporibus ad-  
inuenit. Additque plurimos se vidisse, qui sine ventricu-  
lorum cerebri obstructione, hoc morbo interiøre, qui à  
corrupto vapore ortum duxit, in cerebrum profligente, &  
citra obstructionis noxam, epilepsiam concitante.

Quocirca præter humoris copiam, venenata, & cerebri  
substantiæ grauiter molesta, atque inimica qualitas, epi-  
lepsie causa statuenda est, quæ quories exagitur ac pro-  
rumpit in cerebrum, ea quidem feriente, hoc autem con-  
trà pugnante, quasi colluctatione quadam ac dimicatio-  
ne, epilepsia fit. Quam opinionem inter antiquos sequen-  
tus est Auer. 3. collig. ult. & post eum amplexi sunt Vale-  
scus Tarentinus in suo Philonio, cap. de epileps. Gerard.  
Cremonens. prop. cap. Rondelet. cap. 3. de epilepsia, Iacchin.  
in 9. ad Alm. in com. cap. 14. Thomas à Veiga 3. de loc. in  
com. c. 7. Marcel. Donat. lib. 2. de hist. med. mirabil. 4. Mon-  
taltus tract. 17. de cereb. morb. c. 4. & 6.

Sed ob hæc non est deserenda sententia Gal. quam ipse  
3. de loc. cit. 2. de caus. sympt. ult. 6. epid. sect. 1. com. 1. & mil-  
lies promulgauit. Fatemur ergo à crasso succo epilepsiam  
concitari; neque negamus à qualitate occulta, & imma-  
teriali causa quandoque oriri posse, prout hic affirmat  
Gal. Sed in omni epilepsia, hanc causam, eamque vene-  
natam esse constituendam, falsum esse contendimus. In  
omni ergo epilepsia causa immediata effectiua, obstructio  
est ventriculorum cerebri, citra quam nulla alia causa  
hunc affectum excitare potest; in ea verò quæ à quali-  
tate sit immateriali, hæc etiam reperitur, modo superius  
explicato.

Fernelij verò argumenta non est multò operosum re-  
fellere. Constat enim apoplexiam tam repente concitari,  
vt necessariò fatendum sit, totam simul obstructionem  
fieri, quare epileptica symptomata illam præcedere non  
possunt. Ad secundum dic, quod licet eadem materia in  
utroque affectu redundet, eundemque locum, & ventri-  
culos afficiat, diuersa tamen ratione hoc contingit: nam  
in apoplexia confestum, & integrè sit obstructio, quare  
cerebrum non potest seipsum contrahere, & materiam  
obstruentem à se depellere; & sic illam ad spinalem me-  
dullam, aut alterum latus deponit, & oritur paralytis. At  
verò in epilepsia, obstructio est longè minor, neque inte-  
gra, adeò vt cerebrum possit citra obstruentem humorem  
contrahi, illumque per amplas narium, & palati vias ex-  
purgare. Quo posito, cum minùs impedita via, spiritus  
possit ad membra deferri, nulla cogit necessitas, epilep-  
siam in paralytim finiri, quæ est constans Gal. doctrina  
lib. 3. de loc. cap. 7. & 2. aph. 45. Si autem hic auctor 4. acut.  
27. & Auic. 1. 3. tract. 5. c. 8. in fin. aliquando ad epilepsiam,  
paralytim fuisse sequutam asseuerat, de magna, & finitima  
apoplexie intelligendi sunt.

Quòd autem hic affectus auxiliis medicis non suc-  
cumbat, ex hoc, in eo venenatam qualitatem semper  
adesse, asserendum non est: nam id in humoris crassitiam,  
&

& pertinaciam reduci potest. Alioquin Scirrhus, affectus sanè curationi obnixè renitens, diceretur venenosus, quod est absurdum. Quid, quæso, quartana, articularum doloribus, asthmate, orthopnoea, hemicrania, bocio, nata, testudine, talpa, & aliis duris & dolore carentibus tumoribus ad sanandum rebellius, & contumacius? in quibus, nulla, præter humoris crassitiem, venenositas adest. Neque nego, ex corrupta meningum portione, aut frigida, mala qualitate frequenter epilepsiam oriri, sed in omni, semper esse constituendam, contra Fernel. & alios huius opinionis sequaces, qui à flatu, prauaque qualitate perpetuò excitari contendunt, pedibus manibusque renuo: quorum argumenta ex dictis sunt refutanda, & soluit diligentissime Carterius c. 10. ad libros de loc. affect. disp. 17. Lege Gentilem in com. c. 8. Auic. 1. 3. tract. 5.

## HISTORIA XIX. ALZAHARAVII, De Epilepsia.

Miræ Epilepsiæ species aphrodisiasticæ, quarum paroxysmi, feminis profluuiis soluuntur, Aliæ variis, horrificisque imaginibus, & anxietatibus ægros torquentes.

**Q**uidam sunt quibus videtur, quasi mulier eos quarens ad coitum, & festinanter furit ad eam, & agunt cum ea, & post emissionem seminis, cessat eorum paroxysmus, & surgunt: ego quidem iam vidi cui hoc accidit. \* Aliqui vero sentiunt gravitatem capitis, & iactationem ante sui aduentum, & vocant alios ut ipsos teneant, donec cesset eius paroxysmus: & ego iam vidi quendam puerum mentem patientem hanc agnitionem, qui dixit mihi, quod videbatur mulier nigra accedens ad eum, habens supra ipsam corium, quod dicitur parua, & quando accedebat ad eum, mox cadebat. Et studui ego erga sui curationem, & cessauit illud phantasma ab eo, & alleuata est agnitionem, & c. Alzaharavius lib. pract. tract. 1. sect. 2. c. 34.

### PARAPHRASIS.

**B**ipartita est Historia hæc. Prima describit morbum mirum, & à nullo, quem viderim, delineatum, quem ex seminis corrupti, in venenum abeuntis, & cerebrum deleteria qualitate lancinantis copia originem habuisse verisimile est: quoniam hoc correpti vitio, indefinenter ad coitum incitantur, prout de vidua illa refert Gal. lib. 6. de loc. cap. 5. Quæ cum esset semine turgida, crasso, & multo, utriusque opprimeretur strangulatu, factis ab obstetrice frictionibus, & titillationibus intra vterum, expulso eo humore conualuit. Semen autem retentum in naturam veneno finitimam abire, pluribus exemplis exemplificat Gal. loc. cit. & nos infra, in hoc libro, ex eius mente latius exarabimus in com. hist. 5. 2. & latè lib. 2. in com. hist. 47. & lib. 3. in com. hist. 9.

A testibus autem oriri posse Epilepsiam suadet ratio, ob maximum cum cerebro consensum. Sic enim, inquit Dominicus Leonus Lunensis lib. art. Medic. 14. à testibus, & vasis spermaticis, quando in iis sperma corrumpitur, infrigidaturque, & sibi induit naturam veneni, eius vapor ascendens cerebrum ledit, & Epilepsiam inducit. Firmat eius placitum Iacchinus 9. ad Alm. 14. & ex aliorum mente probat Marcellus Donatus lib. 4. de Med. Hist. Mirab. 11. & nos hæc de causa in foeminis, ab vtero, ferina sæuæque pluries vidimus pathemata, quæ non nisi excreto semine sunt mitigata. In viris etiam oriri hæc, & alia similia symptomata, & non nihil hysterici simile, testis est Thomas à Veiga lib. 6. de loc. in com. cap. 5. verbo, mulieribus. Nam licet raro hæc accendant, quoniam vitia similia impropotionalia sunt calido, virilique semini, & in foeminis maior adest spurcicies humoris, frequensque corruptio, ex maiori caloris natui debilitate contracta; tamen in iis progigni ali-

quando, non est dubitandum. Nihil ergo minus si vacuato corrupto semine, metuenda hæc symptomata cessent.

In secunda Historia, à verbo [Aliqui vero sentiunt], describit signa, quæ Epilepsiam præcedere solent: quæ latè citat Paul. lib. 3. cap. 13. ea sunt; Obliuio eorum quæ præcesserunt, inordinatus linguæ morus, capitis dolor, pallor faciei, turbulentæ insomniorum imagines, capitis rotatio, tenebræ oculorum: sed cum hic morbus esset ab humore melancholico excitatus, & vapores à partibus inferioribus eleuari, & ob nimium calorem adurentem, & succi terri copiam, nigri & caliginosi reddit, spiritus animales obscurarent, factum est, ut imaginatiua potentia læsa, terribilia insomnia contingerent. Similis profecto fuit hic affectus illi, quem veteres Incubum appellare consueverunt: cuius notas describunt Paul. lib. 3. cap. 15. Auicena 1. 3. tract. 5. cap. 5. qui, ut Fernel. inquit 5. Patholog. 4. c. crassiori pituita, aut melancholia circa præcordia inherente, & suo vapore crasso, & terro, fauces, diaphragma, pulmones, cerebrum, sensusque omnes visis tristibus offendente originem ducit, ut latè Christoph. à Vega lib. 3. art. Med. sect. 1. cap. 13. Altimar. lib. 1. prax. 16. Ludouic. Mercat. lib. 1. de morb. intern. 10. asseruere. Cuius morbi exactam historiam, & essentiam depingunt graphicè Marnardus lib. 3. epist. 3. & Iason de morb. cerebri, cap. 26. quod malum licet plurimis præsidiiis cedat, purgatione tamen, quæ crassum & melancholicum succum vacuet, commodissime curatur, ut referunt Douynetus lib. 3. apolog. cap. 2. & Scholiograph. ad cap. 13. lib. 1. Holler. de morb. intern. quam vacationem ab Alzaharavio hic fuisse celebratam non dubito, quum hæc ad hoc vitium curandum sit potentissima. In quo, vel alio affectu huic affini, procrastinanda præsidia non esse, quoniam ex eo Apoplexia, vertigo, paralytis, & alij acutissimi cerebri affectus suboriri consuevere, citati confirmant auctores. De quo affectu lege pulchra apud Mercurial. lib. 1. de cereb. affect. cap. 22.

## HISTORIA XX. TRALLIANI, De Epilepsia.

Ex pede suscitata Epilepsia, caustico medicamento in parte affecta imposito curatur.

**E**go sane vidi quendam lectorem in hunc morbum incidisse, qui cum ei euenturus eras, auras quasdam frigidæ à superiori pedis parte ad cerebrum ascendentes percipere se dicebat: Cum igitur hunc catapotium, pituitam, & melancholicum humorem vacuantibus antea purgasset, imposui parti affecta etiam qua exulcerare illam, extenuare, & calefacere possit, ut hinc ipsa & sudauerit, & humida quadam non pauca \* ex eadem manifestò emanauerint. Atque hoc ubi nos fecissemus, Adolescens sanus euasit. Erat autem auxilium quod ei impositum erat, sanaueratque, lepidium herba. Trallianus lib. 1. c. 15. titulo, de curatione eorum qui ex stomachi affectu, comitiali morbo corripiuntur.

### PARAPHRASIS.

**S**imilem Historiam narrat Gal. lib. 3. de loc. affect. nuper Scir. de puero, cuius morbus comitialis à tibia originem ducebat. Pro cuius curatione, Medici qui ad curationem conuenerant, eoque aspirabant, si prius vacuato corpore, medicamen ex thapsia, aut sinapi parti adhiberent, quo auxilio celebrato, accessionem reuerti prohibuerunt, quamuis antea quotidie puerum infestare consueuisset.

Et ut omnia intimius perscrutemur, Quid obstat, quominus spiritalis aliqua, vel fluida substantia, per continuas partes, ab aliqua parte eleuata, & nervosam aliquam partem occupans, usque ad nervorum principium vim suam transmittat, & epilepsiam concitet, compressis fortiter cerebri ventriculis, & ad expellendam noxam sensatam

vehementer incitatis? Similem narrat se vidisse epilepsiam A  
*Erastus in Anatom. libror. supra Montan. & Montan. ipse*  
*consil. 48. Iacchin. 9. ad Almans. cap. de Epilep. Scholiast.*  
*Holler. lib. 1. de morb. intern. in com. cap. 13. Cardan. lib. de*  
*caus. sig. part. cap. 1. Trincauel. lib. de rat. curand. particul.*  
*corp. affect. cap. 6. Immo è Brachio excitatam vidit Haly*  
*Rhodoham, com. ad lib. 3. rechn. Gal. text. 191. E labro su-*  
*periore pronatam curauit Donynetus caustico ipsi labro*  
*admoto, lib. 3. Apolog. cap. 2. E digito eoque minimo fini-*  
*stræ manus, dextro brachio, ab articulo humeri subortam*  
*obseruauit Fanentinus cap. 11. de morb. medend. & Scho-*  
*liastes Holler. in com. cap. 16. lib. 1. de morb. intern. è mamma*  
*vidit Marcel. Donat. lib. 2. de Histor. mirabil. cap. 4. è sum-*  
*mo vertice profectam expertus est Fernel. 5. Pathol. cap. 3.*  
*è corde idem Marcel. Donat. eodem cap. Ab vteri vitio eue-*  
*nire enarrant Beniuen. cap. 97. de abdit. & Dodonæus in*  
*annot. ad cap. prædict. qui omnes, excitatis vlcerebus, escha-*  
*roticorum ope, in parte affecta conualuere.*

## Observatio XV.

*Epilepsia à pollice excitata, caustico pollicis laboranti*  
*imposito, sanatur.*

Vidi casum mirabilem. Quidam pollicis sinistrae ma-  
 nus tremorem diu habebat: Quo cessante, (aura  
 venenata è pollice ad cerebrum ascendente) illicò Epi-  
 lepsia corripiebatur, cumque sapias hoc vitium cum op-  
 primeret, & pro eo propulsando, plura machinarentur  
 Medici incassum, tandem cauterio actuali, (ad priscorum  
 morem) pollicis laboranti appposito curatus est. Nam ex  
 vlcere saniosus ichor copiosè emanauit.

Cumque ex pedis superiori parte humor cum vapore  
 ascenderet Epilepsiam facturum, oportuit primò expurga-  
 re eis, quæ à partibus inferioribus noxium humorem va-  
 cuare nata sunt, de quorum genere catapotia esse censetur,  
 sua enim crassitie decenter in stomacho, à remotissimis  
 etiam partibus superfluum succum eradicant. Sed cum  
 expurgantia multoties non sint satis, quoniam pars affe-  
 cta, hectica veluti, diuturna & habituali intemperie labo-  
 rat, quam curare & corrigere arduum est & laboriosum,  
 idcirco ad peccantis venenati humoris continuò regeniti  
 expulsionem accedere necessitas cogit; impositis in parte  
 affecta medicamentis, quæ ipsam exulcerent, syoque calo-  
 re attractionem moliantur, vt sic ad originem fluxionis  
 auocato humore, qui in dies magis ac magis assidue pro-  
 creatur, & ichore ab vlcere emanante, vacuetur ille, qui  
 in caput suopre impetu insilire consuevit.

Sed cum multa sit, & varia horum vesicantium medi-  
 camentorum sylua, ab auctoribus, qui de cauteriis dispu-  
 tarunt, passim exarata: In nostro exemplo, Lepidium  
 herba satis fuit, quæ, vt notat Dioscorid. lib. 2. cap. 180. à  
 Latinis nasturtium syluestre nuncupatur, èstque ita acra  
 & exulcerans, vt præ nimio feruore & caliditate, poten-  
 tissima polleat ad partes externas attrahendi facultate.  
 Quare arthriticis impositum, præsentaneum auxilium  
 præstat, apud Paul. lib. 3. cap. 77. & Gal. 10. sect. loco cap. 2.  
 eo pro ischiadicis, loco sinapismi, aut thapsiæ vsus est.  
 Quam esse huius pertinacis mali veram medendi nor-  
 mam, cum è parte quapiam vitium excitatur & inua-  
 lescit, nullus ignorat; & firmat Sauonarol. tract. 6. de agri-  
 tud. capit. cap. 20. in fin. qui se vidisse, & curasse rusticum  
 gloriatur, qui ex caula particulari, in brachium circa  
 finem musculi versus manum, incidit in Epilepsiam, &  
 adhibitis cantharidibus, & forri ligatura, à paroxysmorum  
 sæuitie liberatus est.

## COMMENTARIUM.

**E**x eadem manifestè emanauerint. ] De medicamento-  
 rum vlcera facientium, (ex quibus fontanellæ, fon-  
 ticuli, setonæve parantur) vtilitate, èst in hoc loco pau-  
 lisper disceptandum: cum constet ex hoc exemplo, cau-  
 stico potenciali, in parte affecta imposito, fuisse hunc Her-  
 culum, dirum sanè, & immedicabilem morbum supera-

tum. Hoc enim efficacissimo præsidio, Medici à plurimis  
 exitiosissimis morbis ægros vendicare conueuerunt. Cum  
 enim antiqua partium debilitas adest, frustra pharmaca, aut  
 alia remedium genera tentantur, vt rectè notat Holletius  
 consil. 1. quoniam sunt ferro, & igne pugnandum est, & Senis  
 edicto, lib. 8. aph. 6. Quamobrem ad expurganda, quæ ex par-  
 tium imbecillitate quotidie gignuntur excrementa, lum-  
 ina cum vtilitate fonticulos, per quos putris & noxius  
 humor vacuaretur, prisca sagacitas adinuenit, iuniorum  
 creberrimo experimento confirmata.

Enimuerò cum non possimus medicamentorum pur-  
 gantium ope peccantem humorem à nobilibus partibus,  
 ad ignobiles & minùs præcipuas detrudere, cum illa de-  
 bilitent, & inueterent, vt Auic. more loquar, 3. 1. doct. 2.  
 cap. 2. quoniam cum inutili, vtilis humoris portio vacua-  
 tur, ex Gal. 6. aph. com. 27. fit raturum, vt continua expur-  
 gatione per fonticulos celebrata vtendum sit; nam fontanella  
 supplet vicem purgationis & phlebotomie, vt doctissimè Gui-  
 do asseuerat tract. de cauter. doct. 1. cap. 6. Taxat enim Ga-  
 lenus sui tēporis Medicos, lib. 1. de humorib. sect. 1. com. 12.  
 in med. quòd solùm de vacuando humore essent solliciti,  
 nulla de particulis roborandis habita consideratione. Sic  
 enim ait. Quo pacto cernere est commune Medicorum erratū,  
 quod in pluribus affectibus plerumque committitur, nam quod  
 supernacaneum est, euacuant illi quidem, sed tamen ne ei quod  
 vacuatum sit, quid per simile gignatur, nullo modo sibi curan-  
 dum proponunt, &c.

Neque hoc, ab alio, nisi ab vberissimo illo, ac perenni  
 Medicinæ fonte, Hipp. dimanauit auxilium, vt inter om-  
 nes eruditissimè probat Amarus lib. 5. cent. 7. Ille enim in  
 lib. 2. de morb. num. 15. post diætam mulcram, & varia me-  
 dicamenta applicita, à capite varios morbos curaturus, ad  
 cauterium, tanquam ad lacram anchoram confugit, vbi  
 crustas octo vitione (cauterium actuale modò vocant)  
 fieri iubet, duas circa aures, duas in occipitio, hinc atque  
 hinc ad cervicis vertebra, duas in naso, & alias ad oculo-  
 rum magnos angulos. Et in lib. de intern. affect. num. 3. va-  
 rias vitiones adhibet ad acetalum coxæ, ad scapulam ad  
 nates, ad medium femur, ad genu, ad malleolum. Demum  
 lib. de morb. & de internis affectionibus, plura habet ægritu-  
 dinum genera, cauterio curanda, quàm lineas: in quibus  
 citandis lentè spatatur Amarus loc. cit.

Hippocratem sequitur Galenus hinc, & in lib. 13. meth. 6.  
 in fin. quo loco, pro dolore curando ex medicamentorum  
 noxa concitato, cauterio vsus est. Et lib. 5. meth. cap. 13.  
 Thapsiam capiti imponit pro diuertendo humore in pe-  
 ctus delapsuro. Denique cum hoc negotium totum, ex  
 veterum monumentis sit haustum, vt Herculus Saxonia in  
 suo illo eleganti de phænigmis libro, sect. 1. in præf. confirmat,  
 non est cur fidè adhibeas Cardano, qui in tract. de spirand.  
 diff. hoc auxilium illis fuisse ignotum asserere ausus est.

Nam caput est in suprema nostri corporis parte lo-  
 catum, velut rectum domus calidæ, ex Gal. 9. de vsu part.  
 cap. 1. & cucurbitulæ instar attrahit ex inferioribus parti-  
 bus humores, quos, sicut & alimentum sibi demandatum,  
 præ imbecillitate concoquere, & discutere, neque per ca-  
 nales amplios, os, nares, & aures à se depellere potest; quare  
 excrementa onerosa ad partes subiectas detrudit, nempe  
 oculos, fauces, nasum, dentes, tēpora, maxillas, paristhemia,  
 laryngem, asperam arteriam, & alias citatas à Gal. 2. feb. 1. 1.  
 & 5. de sanit. tuend. 9. & sæpius in pulmonem: Explicat  
 elegantissimè Fernel. 5. path. 4. Demum nulla est pars  
 inferior, in quam cerebrum superfluos humores non pro-  
 trumat; nec aliqua, & maximè neruosa, cum qua ipsum  
 maximam non habeat sympathiam, ita vt affectionem di-  
 gitū pedis illicò persentiat, sic monente Magistro lib. 1.  
 progn. com. 80. Quæ omnia, & alia acutissima vitia repul-  
 lant, si noxius humor in ipso, tanquam in centro remaneat,  
 & inhæreat, ex quo apoplexia, epilepsia, carus, vertigo,  
 & alij exitiales dimanant capitis affectus.

Quapropter summa cum ratione veteres, in his mor-  
 bis curandis & præseruandis, ad cauteria accedunt, quo-  
 rum vtilitatem eximiam miris celebrant laudibus, & en-  
 comiis, Guid. loco cit. Vigo lib. 2. tract. 1. cap. 19. Auicena.  
 4. 1. cap. 29. Rasius 9. ad Alm. Albucasis prop. lib. de  
 suauamentis



inamento canter. Brunus in Chirurg. magna, libr. 2. cap. 18. rubr. 2. Lanfranc. tract. 3. doct. 3. cap. 18. Argelata libr. 6. tract. 4. de canter. quorum mentem intimius explicarunt Capiuac. prop. lib. Terillus de vesicantibus. Michaël Guaiass-fetius lib. de nativ. canter. c. 15. Fallop. eodem tit. Ludovic. Mercat. lib. 1. indicat. 16. eleganter. Qui omnes admiranda cum ægrotantium utilitate, in his affectibus præceptis periculum minantibus, ad hoc diuinum propè præsidium, tanquam ad certum salutis asyllum confugiunt, & firmat Petrus Pichottus lib. de rheumatismo, fol. 73. Valsus Castellus tract. 1. cap. 8. dis. 3. de thorac. affect.

## Observatio XVI.

*Exitiales cerebri affectus, cauterio ad bregma indito, curantur.*

**V**Ir quidam vertigine tenebricosa adeo ferociter vexabatur, ut ferè continuò in gyrum cerebrum ageretur. Cumque illi plura essent factitata auxilia, & de apoplexia futura adesset timor, nullo alio præsidio, (præter celebratas in variis partibus fontanellas, & setonem ad nucham inditum) quàm cauterio bregmati imposito potuit perianari. Quo solo, innumeros cerebri mortiferis morbis correptos, præter Medicorum votum, ad sanitatem, vlcerebus diu fluidis permanentibus, perduxit.

In morbo comitali mirificam opem præstat, auctore Celso lib. 3. c. 23. dum sic inquit: *Quod ad medicum verò pertinet, ultimum est iuxta talum ex utroque crure paulum sanguinis emittere, occipitium incidere, & cucurbitulas admo- uere, ferro candente in occipitio quoque, & infra, quâ summa vertebra cum capite committitur, adurere duobus locis, ut per ea perniciosus humor enadat, &c.* lib. 4. c. 2. & 22. pro curandis morbis qui à capite oriuntur, candentibus ferramentis, ubi dolor est, vlcera excitat. Epilepsiam autem, & maximè in pueris ac infantibus, fontanellis, & setonibus mirabiliter curari, tenent Iacchin. 9. ad Almans. 14. Rondelet. cap. 36. meth. Montan. conf. 50. Baptist. Theodof. epist. 45. Monuus lib. 1. anascen. 16. Piso lib. 1. de curand. morb. cap. 9. Eraſt. part. 4. disp. contra Paracels. De quo argumento lege Mercurial. lib. 2. variar. 2. de antiquo pueros vrendi more aduersus puerilem morbum.

In resolutione, cæterisque conuulsoriis affectibus summo perè iuuat. Extat textus eximius apud Aëtium, terrab. 2. serm. 2. c. 28. sic enim ait. *Ego etiam crustas inurere non dubitauerim, per ignem, aut per medicamentum: unam quidè circa occipitis cavitatem, quo loco spinalis medulla initium habet: duas autem ab utraque ipsius parte: tres aut quatuor in vertice, unam ex his in medio capitis, tres circum ipsum. Vlcerebus enim diutius fluidis permanentibus, non despero perfectâ restitutionem.* &c. Sententiam amplificat Mercurial. lib. 1. prax. cap. 20. ad cæteros conuulsorios, frigidòque cerebri affectus; in quibus plurimum auxilium præbere, citati auctores asseuerant; præcipuè si ex humoris in cerebro siti, & ex qualibet occasione ad inferas partes delapsi, ruinam imminentem cauterio antevertere necessitas cogit, ut hoc celebrato, humor noxius à partibus nobilibus ad minùs præstantes auerti possit.

Sic in oculorum affectibus variis, (quorum sylvam describit Manardus lib. 7. epistol. 2.) in narium, linguæ, gingivarum, palati, oris morbis inueteratis præsentaneum auxilium exhibent. Sic in spiritalium partium ægritudinibus, sua vi perniciem minantibus, laudabiliter aperiuntur fonticuli, ut in raucedine, catarrho, tussi, tabe ob distillationem à capite suborta, de qua Hipp. libr. 2. de morb. num. 54. & Gal. 4. de loc. 8. Quando spiritum multum, liquidum, durumque ut grando, per tussim excernitur. In phthisiad prodecedam vitam, ne ampliùs vlcus sordescat, fontanellas brachiis affigere optimum est consilium, quod probant Capiuac. in praxi, cap. de phthisi. Fracast. lib. 3. de curat. morb. contag. cap. 8. Mercurial. lib. 2. prax. 7. & exemplo confirmat Helidæus Paduanus, consil. 7. lib. 3. conf. & epist. per Laur. Scholizium publicatæ. Sic asthmatis, & cuilibet difficultati respirationis multum prodesse Paul. docet, lib. 6. cap. 2. dum

A pro suspiriosis curandis, candentibus ferramentis cauteria adhibet iuxta occiput.

In oris ventriculi vitiis cum cerebro maximum consensum habentis, commodissimè in utroque crure aperiuntur fontanellæ: hoc enim præstanti beneficio auertitur noxius vapor, epilepsiam, verriginem, & alia grauiora damna effecturus.

In lienis morbis fidissimo experimento comperum est, vehementer opitulari in læuo crure affixas; plurimos enim imminentes morbos ab hoc membro pronatos præcauere solent: de quorum genere censentur esse cordis tremor, hypochondrij sinistri palpitatio, futurum delirium prænuncians, apud Hipp. in prognost. à crassiori flatu, melancholicòque humore pronata. Melancholia Hypochondriaca, cum insolita mæstitia & metu, immò delirio coniuncta, ut tenent Aëtius, terrab. 2. serm. 2. cap. 9. Fernel. 5. pathol. 2. Iacchin. 9. ad Alm. 15. & Haly. Quare si huius tetri humoris copiam, ad inferiores partes quominus in cerebrum irruat, auertere velis, fontanellam in altero crure aperiendam consule. Et si hoc præsidio affectio non mitescat, tunc ad fonticulum, setonem, aut vltionem suprasplenis regionem confugere oportet, ut moner inter omnes Ludon. Mercat. lib. 1. de morb. intern. c. 17. in fin. & lib. 2. de morb. mulier. c. 4.

In hepatis calidis morbis, ab eius nimia calida intemperie subortis, nempe cutis scedratibus, quorum nomina ex professo describit Manardus lib. 7. epist. cit. & eorum curationem graphice apposuit Mercurial. in duobus de hoc argumento libris, eas in variis partibus efficere à ratione alienum non est, præsertim quando aliis auxiliis non succumbunt hi pertinaces morbi. Et ut horum cutem depascentium curationem affabrè delineatam intropicias, sequens exemplum iam exaudi,

## Observatio XVII.

*Iuuenis quidam Lusitanus pustulis vlcerosis in facie miserrimè concussus, fontanella in crure aperta, & aliis auxiliis tempestiuè adhibitis, facillimè curatur.*

**I**uuenis Lusitanus, pulcher facie, & decorus aspectu, hyberno tempore, calore ad interiores sedes retracto, annorum quinque spatio pustulas vlcerosas, totam faciem deturpantes patiebatur, à quibus ichor emanabat flauus, ita acris & mordax, ut ob nimiam caliditatem, carnem exederet. Verno tempore pancreaticè viuebat, patentibus cum poris transpiraret corpus. Incidit in hoc vitium, ex assiduo piperis usu, quo in puluerem redacto vescebat, qua de causa impensè iecur incaluit. Et cum timor esset ne in Elephantiasim commigraret affectus, ipsèque tantæ turpitudinis molestia afflictus, subtristis vitam duceret, me consulit. Auxilia actitata inquirens, ea fuisse inueni phlebotomiam ex iecoraria sæpiùs repetitam, vacuationem per purgantia medicamenta, & refrigerantia apoze-mata celebratam, serum lactis caprini simplex, & nescio quæ localia exiccantia in facie applicita vnguenta. Quibus, ut & balneo cum non leuaretur, immò recrudesceret affectus, Medicus tandem, tanquam cum incurabili morbo laboriosè luctatus, ab eo recessit. Ego autem quum à iecore nimium excafacto, & retortido, velut à prima origine promanare hunc morbum intelligerem, & habitualem intemperiem calidam deprehenderem, ob quam hepar, vel ex purissimo alimento, calidum, biliosum, exasfarumque humorem generabat, in auxiliis vehementioribus, & alio modo paratis insisto. Et quæ non solum adustum succum vacuare, sed viâ rotare viscus nata essent. Qua de causa sero lactis caprini, priùs tamen medicato, alternis diebus, vel rhab. myrobal. senæ fol. epith. polypod. pulpa cass. syrup. fumar. maioris, cichor. Nicolai, & endiu. Gentil. pluribus diebus usus sum. Post quæ, iterum in balneum misimus, & duabus horis à balneo, syrupum ex pullo gallinaceo, priùs refrigerantibus medicamentis saginato, & decocto confectum offerē-bamus.

hamus. Hirudines bis sunt ano applicitæ; quarum succu, A sanguinem æger super vas aqua calida plenum sedens emisit grumolum, faculentum, & nigrum. Verum cum malum iis celebratis ferocius insoleceret, vt humor necessario ex partium diuturna debilitate gignendus ad imas deferretur corporis partes, & spiraret iecur, suaque excrementa ad ignobiles partes detruderet, fontanellam in dextro crure aperiendam curauit, ex qua cum impura fordes manaret, in totum exiccatiss vlceribus obefior factus, pristinum nitorem recuperauit, neque vnquam ipse malum amplius persensit. Hæc fuit huius Lernæi morbi, qui iuuenem miserè diu, importunèque cruciauerat, Herculeæ claua.

Lege Mercurial. lib. de decorat. cap. 13. de maculis faciei. Sic enim inquit: *Præter hæc, si in ullo casu usus cauteriorum utilis est, proculdubio in hoc, vt viderim solis cauteriis cruribus affixis, rubedines faciei penitus esse deletas, &c.* Hæc ratione in cancro, dolosis vlceribus, manantibus fistulis, scabie fœda, virulenta Elephantiasi saluberrimum censetur auxilium, fontanellas aperire: in quo affectu, ob causam humoris nimium adusti, in crure eas affigere oportet, ex sententia Albucacis, lib. 1. cap. 49. Vgon. consil. 100. Nicoli, serm. 7. sum. 1. tract. 5. cap. 40. Valleriol. 6. enarrat. 5. Si verò Paul. lib. 4. cap. 1. & Gordon. lib. 1. cap. de lepra, crustas, seu cauterium in capite exequi imperarunt, de incipiente sunt intelligendi; in hac enim caput, & facies potius læduntur, sicut in inueterata totum compatitur corpus, vt fidei auctores aduertunt.

Sic in morbo Gallico eas aperire vtilissimum puto. Nam si huius peruicacis morbi reliquias contere non potueris, fonticulum aperire summopere præstat, per quem partes internæ spirent, & putridus noxiûsque vapor exhalet, irreparabile damnum toti corpori allaturus, nisi hoc generoso auxilio succurras. Sicque dum iecur exæstuat, in crure ad aperta fontanella præsidio est; dum caput compatitur, in brachio affixa plurimum emolumentum asferre solet. Licet enim morbi huius curatio in iecoris, & venosi generis correctione consistat, & inutile sit hoc præsidium in eo exercere, cum frequentissimo experimento constet, plurimos vlceribus pluribus fœdatos, è quibus fœda manabat illuies, nullam ex hoc opem sensisse, vt inter omnes notat Ludouic. Mercat. lib. 1. indicat. ult. attamen cum hoc malum inueteratur, aut aliquam regionem, aut partem prolixa fluxione fœdat & inquinat, in eo istud exercere, summum est præsidium, vt idem Mercatus inquit, lib. 1. de morb. Gallic. cap. ult. in fin. & lib. 2. eiusdem, c. 1. in princ. & Alcaçar, lib. 5. de morb. Gall. 23. Capinac. lib. de lue Vener. 6. docuere.

## Observatio XVIII.

*Fontanellis in inguine sponte apertis, quidam à sæuo morbo Gallico euasit immunis.*

**N**Ota infrequens exemplum. Dux Hispanus, sæuis dolosisque miserabiliter quassus vlceribus, quæ totum corporis ambitum conspurcabant, sæpius vinctus hydrargyro, & sudorificis auxiliis immaniter cruciatus, ex iis vllum vix sensit commodum. Apertis tamen sponte in vtroque inguine fontanellis, per quas veluti per emunctoria, putores illi, corruptique humores paulatim vacuari cœperunt, omnino à tantis malis immunis euasit.

Sic in suppressis hæmorrhoidibus, quæ diu fuerunt apertæ, & alterius noui morbi periculum minantur, iuxta Senis legem, 6. aph. 12. aut in cæcis, ex quibus ob retentum faculentum sanguinem, dolor ingens, inflammatio, & alia miseranda vitia suboriri solent, commodissime fiunt in vtroque crure in parte domestica ob rectitudinem fontanellæ: quod de antiquis fistulis, vlceribus manantibus, albis vteri purgamentis suppressis intelligendum est: hæc enim per fonticulos vacatione, veterem illam supplere oportet. Hoc consilium opere ipso obseruauit Amat. 4. cent. 5. 6. illud confirmant Alcaçar, lib. 5. de morb. Gallic. 22. Ludonic. Mercat. lib. 3. de morb. intern. cap. ult. in fin. Hoc pacto in nimis, ac diu fluentibus hæmorrhoidibus hoc

præsidium exercere, extra rationem non est. Nam si ex sanguinis vbertate ac copia, vel ex ipso plus satis seroso, tenui, fluxili, & aquoso hic affectus concitetur, & neque sistentibus auxiliis, venæque sectione in brachio celebrata, reuulsionis causa leuetur hoc malum, quam in hoc casu esse præstantissimam, ex veterum dictis contra quendam Medicum contendit in sua Apologia Didacus Moran. eruditissime, tunc fontanellæ in cruribus apertæ deriuationis gratia summopere profunt.

In articularum doloribus etiam suam vtilitatem præbent: nam præterquam quod partes cauterio roborantur, cum quicquid mucosum est, vitione absumatur, etiam articuli laxi igne fiunt robustiores: quare 6. Aph. text. 60. Hipp. in diuturno coxendicis dolore, crure tabescente, cauterio prohibuit claudicationem. De quo argumento elegantissime Ludou. Mercat. lib. 1. indicat. ult. disputauit: & lib. 4. de morb. intern. ult.

In vteri vitiis efficacissimum censetur auxilium, in crure, in parte domestica fontes aperire: cum enim ad vterum, tanquam ad totius corporis cloacam, natura superflua recementa detrudat, ob vteri imbecillitatem inibicissimè in deteriore labem abeunt, & sic corrupta, dira perniciæ partes superas concutere solent: vt notat Roderic. à Castro eruditissimus lib. 2. de morb. mulier. c. 2. eloquenter:

*Vteri omnium muliebrium morborum causa sunt*, dicebat Hipp. in libr. de loc. in hom. num. 59. Mirabilis enim est vteri cum omnibus partibus sympathia, cum nulla sit pars, cum qua non habeat consensum. Consentit cum cerebro per neruos, tum per membranas spinalis medullæ, hinc occipitis, & syncipitis dolor contingit: de quo Gal. 6. Epid. sect. 1. com. 2. agit eximie. Hinc virginum, & viduarum melancholia, de qua Hipp. in lib. de virg. morb. Explicat Ludouic. Mercat. lib. 2. de virg. & viduar. affect. cap. 4. Hinc variæ cerebri ægritudines, mitæ epilepsiæ, & innumera deliramenta oriuntur, provt lib. 2. de praxi medica admiranda, pluribus allatis raris exemplis proposuimus.

Consentit cum corde, tum per arterias spermaticas, tum hypogastricas, hinc cordis dolor, syncope, liporhythmia, palpitatio, anxietas, exolutio, respirationis & pulsus priuatio, sublato vsu à venenata aura ab vtero ascendente, quæ innatum ignem impensè exoluit. Cum mammis euidentem seruat societatem: hinc tubercula, durities, carcinomata dira suboriuntur. Hunc humorum ab vtero ad mammas refluxum, & à mammis ad vterum explicat Gal. ex Hipp. sententia, 14. de vsu part. 4. & 8. & exemplificant Andreas Laurent. lib. 7. quæst. anatomic. 11. Ludouicus Durerus in Coac. in appendic. de vulnerib. ad com. text. 44. disertissime:

Cum hepate suam etiam habet proprietatem, quæ de causa vterus malè affectus, icterum, cachexiam, hydropemque accersit. In quo affectu, ab hac causa, vel ab intemperamento hepatis frigido, pronato, optimum est excitare cauteria in cruribus; nam natura hoc malo vexata hoc vtitur auxilio apertis vlceribus in tibiis, vt notant Rogerius tract. 1. cap. 45. & Theodoric. lib. 3. cap. 45. de inuamentis cauterior. in fin. & firman Cels. libr. 3. cap. 21. Aëtius tetrah. 3. serm. 2. c. 30.

Vterus etiam consentit ventriculo, & renibus. Sympathiam renum cum vtero, grauidarum & virginum, dum menstrua patiuntur, symptomata, dolores ad tormina lumborum satis indicant. Vesicæ, & recti intestini consensum, maximè inter has partes communio ostendit; nam inflammatio vtero, ex Hipp. 5. aph. 58. tenemus, & vrinæ stillicidium excitantur. Denique nulla est pars, cum qua vterus admirandum consensum non exerceat.

Si ergo vterus morbosus est, totique corpori tot tantæque mala impertiat, & alia non profunt auxilia, quoniam habitualis in eo adest intemperies, ex qua spurci humores generantur, ex sanguine menstruo, & retento semine eleuati, fontanellas in cruribus cur non aperiemus, per quas tetri, virulentique vapores, ex fœdissimis his substantiis elati, ratione venarum, cruribus & vtero communium spirent, & vacuentur?

Calamo non possum comprehendere numerum earum, quæ diuersissimis omnium partium morbis, ab vtero, tanquam à prima origine concitatis correptæ, non nisi hoc facili auxilio conualuere: & præsertim virgines, & viduæ, in quibus ex lege naturæ in vtero plurima redundant excrementa; quibus cum virorum cohabitatio, tantoperè ab Hipp. commendata lib. de virg. morb. n. vlt. licita non esset, fontanellæ mirabili fuerunt præsidio.

## Observatio XIX.

*A frequenti abortu, fontanellâ celebratâ, fœmina præseruantur.*

**I**nsuper felicissimo experimento adinueni, frequentem abortum ex vitiosis humoribus ad vterum à toto de-  
mandatis, suâque praua facultate, aut copia, fœtum enecantibus, hoc solo præsentaneo auxilio impediri. Fœminæ plures, pluries hac ipsa de causa frequenter abortiebant; ex iis quædam fœtum septimestrem, quadrimestræmve, lacerum tamen, & omni putrilagine infectum sæpius enixæ, non nisi hoc præsidio, tam in brachiis, quam cruribus, semper tamen ad originem fluxionis celebrato, à tantis malis leuari potuerunt: quo factò debito & constituto tempore fœtus sanos, labæque nulla fœdatos in lucem edidere.

In pestiferis, malignisque febribus, vlcera & cauteria in variis nostri corporis partibus excitare commendant plures. Hoc enim auxilio deleteria qualitas, & venenosa, cor fatigans auocatur ad externas, minúsque præcipuas corporis partes, à quibus non ita promptè aura venefica in cor insilit, visceraque interiora conspurcare potest labe dira. Quod exequendum esse monent in omni maligno affectu, qui sui malitia innatum calorem extinguit; quare fidissimo experimento compertum est, vlcera in toto corpore excitare, quorum beneficio putridus, & tabidus ichor exhalet, vt scitè docent Terillus lib. de vesicantib. Octavianus Robertus prop. lib. Salus, Mercurial. Saxonia, & alij. Hæc enim vstiones, (cucurbitulæ, aut frictionum validarum instar) venenum ad extra potentissime eliciunt.

Fiunt etiam fontanellæ iuxta principium spinalis medullæ, quod auxilium Latini, setones appellare consueverunt, quod exercendum est, quando in partibus anterioribus humor peccans negotium facessit, vt in suffusione, nubeculis, nerui optici obstructione, & in omnibus oculorum diuturnis affectibus, vt notarunt Guido, tract. 7. doct. 1. s. 3. de cauteriis. Aëtius tetrab. 2. serm. 3. c. 48. in fin. Mercurial. tom. 3. consult. 67. & post omnes Guilhelmus Fabricius Hildanus Cent. 1. obseruat. Chirurg. 40. & 41. Nam sicut posteriore capitis parte dolente, secta vena in fronte inuat, ex Hipp. 5. 4. aph. 68. Sic etiam anteriore malè affecta, occipitis icaificatio est salutaria, ex Gal. 2. sect. loc. 2. & 13. meth. 19. & Auic. 4. 1. cap. 29. Quare in ea parte auxilia vacuantia adhibere, salubre est.

## D V B I V M X.

*Num occiput vrendum.*

**Q**ua ratione vbi morbus perseverat, nil est vtilius, quam cutem occipitis, vbi caput cum prima cervicis vertebra coniungitur, caustico: aut candenti ferramento inurere, seu traicere; & postmodum cicere, seu viridi cera perforatum, sericeoque funiculo traiectum locum diu apertum conseruare; vt sic promptè humor is emanet, qui in capite alioquin imbecilli assidue colligitur, & in oculos, nasum, aures, os, & inferiores partes delapsus, inibi posthac exitiales morbos gignere consuevit.

Neque obstat Gal. locus lib. 2. sec. loc. 2. cum sic ait: Neque enim facile exurit ea pars, quæ à Græcis ινιον appellatur, aut occipitium, &c. Ex quibus patet non esse vrendum occiput. Accedit, non licere per nucham, & cerebellum humores noxios purgare, quum vstio hæc, neruis, & spinali medullæ plurimum obstat; quod timuit Auic.

loc. cit. dum ait: *Cauterizator præterea sibi cauere debet, ne fortitudo cauterizationis ipsius ad nervos perveniat, neque ad chordas, neque ad ligamenta, &c.*

Cum tamen Aëtium cit. loc. cæterosque videam affirmantes in initio fontanellas apertas, salubre pro leuandis morbis præstare auxilium, à probata medendi norma discedere non possum. Neque Gal. verba, etsi intricabilia nos deterrent: non enim ex iis colligitur, cauterium inibi esse prohibendum; solum ergo voluit ostendere, hanc partem non esse ita aptam vstioni, hoc est caliditati ambientis. Insuper vstionem vocari ab eo caliditatem ambientis, pater ex lib. 1. de diff. feb. 4. ibi: *Veluti statim vstio, siue ipsa solis operatio.* Et lib. 8. meth. 4. caliditatem emendans picrocholorum, eam vocat vstionem. Deinde cur non erit possibile naturæ, vt crassam, immò tenacem sordem, viscosumque humorem per spinam dorsii expellat, si per cor, iecur, & cerebrum, immò per ossis medullarum sine vlla noxa succum excrementitium extrudit, vt monuit Gal. lib. 7. aph. 54. & cur nocebit cerebro, si in parte solum, cauterium suam efficit operationem, quod disertissimis verbis notat Albucasis lib. cit. c. 1. dum inquit. *Et scitote quidem filij, quod ex secreto curationis per cauterium cum igne, & bonitate ipsius super medicinam comburentem, est quia ignis est simplex, & eius actio non pervenit ad membrum, quod cauterizatur, & non nocet membro aliq. coniuncto cum eo, nisi superfluat, &c.* Quare constat perito artifice operante, nullum subsequi posse incommodum.

Ea tamen servata lege hoc consule auxilium exequendum, quando morbus non est ita firmatus, nec radices egit, vt nullus sit remedio locus, cum iam habitualis sit. Quæ ratione tabescentes statim urere, suadet Hipp. lib. 6. Epid. sect. 7. text. 11. Nam, vt scitè notat Gal. in com. *Si adhibere remedium non festines, priusquam robur deficiat, & vires prosternantur, omnis frustra deinceps suscipietur labor.* Quo tẽpore nihil aliud sit, quam quod qua tempestivè suscepta contulissent, suscepta serius infamantur auxilia. Vt explicat Valles. in com. Tu verò lege quæ de setonum vi admirabili scripsit Paschal. lib. 1. de curand. morb. 14. Quem sequitur Petrus Væcius in compend. cap. 10. & non siluit Thomas Fienus prop. tract. de Cauteriis, quem Hermannus Follinus, Medicus perdoctus in compendium redegit.

## HISTORIA XXI. GALENI,

### De Epilepsia.

*Ex ore ventriculi suscitata Epilepsia, eo roborato sanata.*

**I**gitur Grammaticus quidam inuenis quoties nimis vehementer doceret, aut cogitaret, aut \* in ediam sustineret, aut irasceretur, comitiali morbo corripiebatur. Perpendi quidem in hoc, os ventriculi (vt pote quod facile sentiret) affectum esse, ac deinde per consensum totum cerebrum, & corpus uniuersum conuulsione concutit. Iussi igitur ei probam coctionem accuratè procurare, ac tertia, vel quarta hora, panem optimè preparatū exhibere, atque hunc quidem solum, si non sitiret; si verò siti cruciaretur, ex vino diluto, & quidem albo, atque modicè adstringente: nam huiusmodi vinum, vt ventriculum robustum efficit, ita handquaquam tentat caput, id quod facere solent ea, quæ vehementes vires obrinent. Quum igitur hac victus ratione utens, non vt antè afficeretur, exactam iam notitiam me habere arbitratus sum eorum, quæ prius sola coniectura consequebar: Itaque quolibet anno, bis, aut etiam ter, medicamentum amarum ex Aloë ei exhibui \* totum enim ventrem à superfluitatibus purgat, & ad proprias actiones roborat: atque ita vir ille plus quam viginti annis, quibus postea superstes permansit, integra, inculpataque valetudine vitam exegit, &c. Gal. lib. 5. de loc. affect. c. 5.

## P A R A P H R A S I S.

**H**anc historiam iterum recenset Gal. lib. de ven. sect. Haduvs. Erasistratus, cap. 9. qua subiungit alios se vidisse

vidisse Epilepsia, ob oris ventriculi vitium correptos, A cum aut non probè concoxissent, aut vini, & quidem meracioris plurimum potassent: aut ubi Veneri immodicè operam dedissent: quinetiam per febres, quosdam se conspexisse refert de repente conuulsione prehenso, nullo, quod eam prælagiret, prægresso indicio, qui bilioso superueniente vomitu, protinus ab omni noxa liberati sunt.

Propter stomachi vitium, præsertim languoribus, & inediis cruciatos incidere homines in epilepsiam, maximus huius partis cum cerebro consensus manifestè demonstrat. Nam hoc ventriculo, & hic cerebro suas affectiones transmittit; idque propter nervorum à cerebro ad os ventriculi descendendum magnitudinem, per quos B etiam sensus huic particulæ, quàm vlli reliquarum partium corporis acutior est: vt bellissimè lib. 3. de loc. cap. 5. explicat Gal. Quare ore ventriculi malè affecto desipientia, & conuulsio oriuntur, 5. Aph. 1. Immo epilepsia & melancholia, ex Gal. 5. de loc. cap. 5. Duobus enim magnis nervis à cerebro descendentibus os ventriculi præditum est, ex Gal. 3. prog. 30. Nam in ipsum inseritur effatu digna coniugatio, 6. Aph. com. 50. quæ ratione maximè nervosum existit 2. de articul. com. 20. & sensile, 3. prorrh. 38. & 2. l. acut. com. 11. De cuius partis cum cerebro connexionem summa, vide Langium l. 1. Epist. 22. doctè disputantem.

Inanito ergo, ac famelico ventriculo, & veluti arescente & exiccato, ortam fuisse in hoc ægro epilepsiam, non potest alia ratione probari, nisi quia in ventriculo squalido humor acris tum gignitur, tum ad ipsum, ob exactum sensum confluit illico: quod 2. ad Glauco. c. 1. aduertit Gal. sub his verbis. *Quidam, etiam si paucillus quidam humor in ventre, & præsertim circa os ipsius congregetur, statim caput dolent ob id, si diutius famem tolerent, offenduntur, augetur enim in ipsis inediam patientibus, huiusmodi humorum malitia, &c.* Iuvenile enim corpus, utpote calidum & siccum, difficulter inediam fert, quoniam deficiente humido nutrimentali, gliscit & bilefcit, & maximè quum scribendi, legendi, docendique frequentia corpus exalfaciât, nimique exiccet, vt Gal. 5. de sanit. tuend. 11. Premigenis Peripateticæ disciplinæ Professoris exemplo edocuit. Non ergo mirandum, si ob meditationes assiduas & inediam, belis ad os ventriculi moveri possit, illudque vehementer lædere, irritare & pungere. Ex quo motu, facta vaporazione per canales amplos, quorum ratione cum cerebro communicat, hoc trahitur in consensum, stimulat & concussus, quod vt nocentissimum à se expellat, fortiter comprimitur, & cerebri ventriculi in se arctè adstringuntur, & Epilepsia fit. Quam adstrictionem, connuentionem, seu obstructionem appelles, nihil refert; dummodò cõster, obstructa & impedita via, prohiberi aliquantulum transitum spirituum animalium, & epilepsiam concitari. Non intelligas autem totam cavitatem ventriculorum obstrui, quod in Apoplexia cõtingit; alioquin enim, totali spirituum transitu denegato, nullus fieret animalis morus, nec brevissimo tẽporis spatio accessio solui posset.

A ventriculo autem Epilepsiam pronatam ob cerebri consensum cognosces, quod post epilepticam accessiorem, parua aut nulla adsit obliuio, nec mentis obtusio, capitique grauitas vehementius infestent; adgrunt deprauata concoctio, vomitus, nausea, & ructus. Præcedunt cogitationes, inedia & ventriculi mordicatio frequens.

Cum ergo ex cogitatione, & docendi assiduitate, bilis ad os ventriculi conflueret, necessum fuit, tum eam expurgare iam genitam, tum efficere ne iterum ad ipsum conflueret. Hoc opus duplici præsidio perficitur, & roboratione ventriculi, & excrementi vacuatione. Quod nullo alio melius, quàm medicamento amaro ex Aloë præstari potest. Vigorat autem id viscera interna, vt constans est Medicorum sententia. Quidquid Iulius Cæsar Scaliger, exercitat. 160. dist. 3. ex Mesuæ præscripto, se per annos amplius quadraginta compertum habere cõtrarium, falsò asseueret, cum plures ab empiricis, pharmacariis, & Galenistis, in pericula & morbos, Aloës vñ coniectos exemisse è perniciè manifesta gloriatur. Sed si Auic. 1. 4. 3. tract. 4. cap. 13. lædere hepar affirmer cum Mesuë, calidum, vel sic cum iecur supra modum intellige cum Manardo in com.

cit. cap. Mesuë, nam calidam, & siccam intemperaturam exasperare affirmat Gal. & sec. loc. c. 2. Optimum ergo fuit, bilem ad os ventriculi moram, illumque vellicantem, & mordentem, & hac de causa cerebro in consensum ducto, Epilepsia concitata, extra corpus educere medicamento suauis, ac leni, & ventriculo robur conciliante, hoc enim ad excrementorum sarcinam extrudendam est eximium, vt meth. c. 11. & 8. sec. loc. c. 2. admonuit Galenus.

Panem obtulit optimè præparatum, non oua, aut aliquid aliud, ne forte in bilioso ventriculo corrumpetur. In pauca quantitate, vt melius amplexus ab stomacho feliciter coqueretur. Hora tertia, aut quarta exhibuit, quæ cum nostri temporis decimanona coincidit, vt colligitur ex Gal. 5. de valet. tuend. c. 4. Ne igitur æger noster vsque ad horam decimanonam ieiunus perseueraret, & ob id Epilepsia corripere, hora quarta diei cibum offerebat. Cum autem sitis, in biliosis naturis valde molesta, sit causa, vt moueatur iterum bilis ad ventriculum, & Epilepsiam excitet, vinum superbibendum consuluit: non vinolum, caput tentans, sed album, & minimè sitim inducens, quod manifestam non obtinet caliditatem ex Gal. de sanit. tuend. 5. 3. acut. 20. & alibi sæpè Non simpliciter dilutū, cum hoc ventriculi firmitudinem labefactet, ex Gal. 2. acut. 28. sed cum adiectione adstringens, quod ventriculum firmat, & vaporum ad caput ruentium impetum refrænât. Ad dilutū, nam hoc amplius sitim extinguit, apud Gal. lib. 1. simpl. c. 31. vino scilicet aquam ad distributionem promouente. Quare Hip. lib. de salub. vict. rat. n. 30. sitientes iubet arcere à laboribus, & vinum aquosum bibere. Amari autem medicamenti vñ à Gal. singulis annis imperatum fuisse iudicabis, vt ventrem ab excrementis repurgaret, ipsumque firmaret, maximè cum studiosus esset, cuius sortis hominibus & superflui humoris copia inest, & ventriculi infirmitas necessariò adest, vt inter omnes probat Marcellus Ficinus, lib. 1. de studios. sanit. tuend. ferè per totum.

## D V B I V M X I.

*Num biliosus humor Epilepsia causa sit, contra Lupeum Cureleanum, Medicum eruditissimum.*

### COMMENTARIUM.

[Nediam sustineret.] Num biliosus, aut acris humor epilepsie causa sit, dubitant iuniores. Nam quid fieri potest, vt bilis in pauca quantitate in corpore redundans, & vim obstruendi non habens, cerebri temperiei improporionalis valde, ventriculos cerebri exiccans, ita vt difficulter comprimi possint, epilepsie possit esse causa? Accedit Gal. doctrina 3. aph. 29. Hipp. mentem valde admirantis, vt qui inter iuuentutis morbos numeret epilepsiam. Quibus nixus Lupeus Cureleanus lib. 3. enchirid. c. prop. de epilepsia, hanc à bilioso humore oriri non posse asseueravit.

Sed Grammatici huius historia aliter nos cogit opinari. Et id expressè docet Gal. aliorum referens exempla, qui in febribus epilepsia oppressi, bilioso solum vomitu ab ipsa sunt liberati. Præterea hic affectus oritur ab ira, vaporum acrimonia, nimia cogitatione, inedia, quæ humores exacuit, à prauis vaporibus à ventriculo, aut vtero eleuatis. Insuper solutio epilepticæ accessionis repentina humorem paucum, eundemque tenuem, biliosum esse arguit. Demum. Res multæ ac variæ epilepsiam efficiunt, vapor, humor acris & mordax, exhalatio putrida, sanies foetida, halitus graueolens, fames, vigilie, quæ omnes mordicando & vellicando cerebrum, eam concitant, vt Roudel. lib. 1. de curand. morb. c. 36. edocuit.

Licet enim cum Gal. vñanimitè concedant omnes epilepsiam à crasso, viscoso, & ferè semper frigido humore procreari, cerebri ventriculos obstruente, ita vt interceptis viis, spiritui ad nervos non pateat aditus, à bilioso tamen & acri euenire, extra rationem non est. Firmant Auic. 1. 3. tract. 5. cap. 8. Auerr. lib. 3. collig. cap. 4. Et licet bilis in parua copia redundet, & cerebri temperamento sit improporionalis, exiccet, & ventriculos ineptos compressioni



compressioni reddat, hoc infrequentiam denotat, non impossibilitatem; quod explicuit Auic. per verbum, [ & est parum valde ] ac si diceret. Epilepsia causa potest esse bilis, sed hæc est rara, quoniam hic humor in parua copia abundat. Hoc modo intelligendus est Gal. 4. de caus. puls. 12. dicens, à bile non fieri pulmoniam, hoc est, non ita frequenter, quoniam in molli, laxoque pulmone consistere non potest, sed illico defluit ob tenuitatem, ut Auic. 10. 3. tract. 4. cap. 10. significat hoc modo. Et peripneumonia quidem fit ab omni humore, verum plurimum eius fit à phlegmate, quoniam in membro raro, raro continetur humor subtilis, &c. Explicat ingenuè Costeus in com. & quamuis bilis cadida sit, & sicca, deobstruat potius, quam obstruat, tamen cum mordax sit & acris, vellicando epilepsiam parit, modo superius explicato. Si tamen cum Fernel. 5. pathol. cap. 3. asseras, sæpe in corpore in ea quantitate posse redundare flauam bilem, ut copia obstruat, & nervos vellicando contrahat, ac cogat, non errabis. Gal. autem 3. aph. cit. Hipp. admiratur, quod inter iuuentutis morbos, epilepsiam recenseat, cuius potius causa, explicante Gal. in com. ad errorem victus reduci debet. Licet in illis, ab hoc humore oriri, in cit. sem. com. explanet Cardanus.

## DVBIUM XII.

Num Aloës vis ventrem transcendat.

**T**otum enim ventrem. [ Si doctrinam Gal. intimius perscrutemur, eum solum aloën in effectibus materialibus ventriculi, exhibuisse semper inuenimus, ut 7. meth. 11. & 8. sec. loc. cap. 2. & alibi, & si admodum nitaris, eamque ampliore pondere propines, ex vicinis iecoris locis humores noxios vacuare asseuerat. Subscribit Actuarius 1. 5. de compos. med. 8. in princip. dum ait. Aloë igitur non totum corpus inanit, sed insidentem stomacho, ventri, & interaneis bilem citra noxam, cum herentibus ibidem recrementis per aluum exigit, &c. Quod fulcit Aëtius terr. 1. serm. 3. cap. 24. Contra lib. de iheriac. ad Pison. cap. 4. totum corpus purgare contendit. Sequitur Auicen. lib. 2. tract. 2. cap. 66. quo loco excrementa in capite contenta vacuare confirmat.

Vidit istam antinomialam Doctissimus Mathiol. lib. 1. epist. 1. in init. Quam insolutam reliquit Iulius Alexandrinus in eod. lib. epist. 4. eo solum nixus argumento, quod 1. de theriac. ad Pison. nothum sibi persuaserit. Sed à veritatis semita recta longè abest vir hic eximius. Nam Paul. lib. 7. in tit. Saryrion trifolium, plurimas recentè compositiones, quæ in lib. de theriac. Gal. expressè habentur, & nos alibi latius comprobabimus.

Solue primò. Aloë per se sola sumpta primam regionē euacuat: ex accidenti tamen, & consecutione ad id quod vacuatur, vniuersum corpus expurgat. Dic secundò, & fortasse melius. In mediocri quantitate assumptam, stomachum, in maxima verò propinatam, totum expurgare: Sic Paul. lib. 7. tit. de iis, quæ bilem vacuant, inquit, ipsam copiosè deuorant vniuersum vacuare. Quod prius dixit Dioscorid. lib. 3. cap. 21. Dum eam bino cochleario exhibitam stomachum, & trium drachmarum pondere, perfectè purgationem efficere pronunciat. Quare Mesuë vix pertransire hepatis, nisi quantitate exuberet, memoriæ cōmendauit, tract. de simpl. cap. de Aloë. Pro cuius loci explicatione lege Marnardum in com. huius loci, qui nullo alio modo: posse solui antinomialam hanc sibi persuasit.

Roborat. [ Inter varia, celeberrimaque medicamenta, quæ conseruandæ salutis causa, natura rerum omnium parens produxit, nullum est adeò excellens, vti Aloë, adeò ut propria experientia edocti veteres, & iuniores ferè omnes, affirmare non vereatur, Aloë frequenter vtentes in magnos morbos non incidere. Quare apud eos magnis celebratur laudibus & encomiis, quæ ex professo retulere Dioscorid. lib. 3. cap. 22. Plin. lib. 4. cap. 27. Gal. loc. cit. sup. & ubique passim. Paul. lib. 7. c. 4. Auicen. lib. 2. c. 66. Serap. tract. de simpl. cap. 201. Mesuë eod. tract. c. 1. Dioscorid. interpretet. Nicol. Biesus Gandauensis lib. theoremat. Lib. 1.

tit. de Aloë. Tagautius lib. 2. simpl. cap. 1. Ioannes Brav. Pertrafit. lib. 3. de purg. rat. 7. Fallop. & alij. Nam non solum partes roborat, & ad proprias actiones obtundas munit, & defendit, verum etiam, flauam bilem, & pituitam expurgat, caput, stomachum, iecur, sensuumque instrumenta mundificat, & vterum à mucosis, superfluisque humoribus repurgat.

Licet autem hoc medicamentum sit in secundo genere calidum, auctore Gal. 3. simpl. cap. 14. partes præstanti vi sua vigorat. Nam potenter adstringit, sinus enim glutinat, & vlcera sanat; pro quo complendo opere mirabile præstat auxilium, ita vt eius ope fracta vasa solidari possint. 5. meth. cap. 4. quo loco, se nullum aliud ad hæmorrhagias membranarum cerebri, medicamentum inuenisse asserit melius, quàm id quod ex aloë parari solet. Demum ad enecandos lumbricos præsentaneum est antidotum, ex quo varia solent machinari auxilia, illis interficiendis aptissima: de quibus inter omnes lege Gabucinum, lib. prop. de lumbric. cap. 21. & 22.

Eligitur optima Aloë. Dioscorid. testimonio, sincera, pinguis, nitida, transparent, arenularum & calculorum expers, iecinoris modo coacta, facile liquefcens: odore grauis, ut myrrha sapore, primo gustu dulcis, & postea intentissimæ amaritudinis: pondere levis, substantia friabilis.

## DVBIUM XIII.

Num Aloë succotrina omnium sit optima. Contra Iuberam doctissimum.

**S**ed quæ optima sit censenda, adhuc sub iudice lis est, pro qua dirimenda, Arabum schola, cui maior fides adhiberi solet, triplicem aloës differentiam constituens, caballinam, hepaticam, & succotrinam, hanc exc. Illeuorem cæteris affirmat; quam sententiam omnes postea sunt amplexi, qui de Aromatum, & medicamentorum, quæ ab Indiis adportantur, natura scripserunt. Vno excepto Iubera Medico, & leplasiario doctissimo, qui in lib. simpl. Hispano idiomate conscripto, cap. 43. & hepaticam cum succotrina confundit, (duas solum aloës species assignans) & illam hac multo excessu præstantiorum esse sibi persuasit. Quorū primum impugnandū non est, cum apud citatos constet esse aperte fallum. Monet enim Gal. 1. 2. de usu part. 3. ut, in arduis, & discordantibus sententiis interpretandis, rationabilius existimemus, unum potius deerasse, quàm omnes alios.

Secundum autem esse à probata auctorum mente alienum, sequentes probant rationes. Ea Aloë optima est, quæ rufum habet colorem, ex Dioscorid. lib. 3. cap. 21. ibi. Eligi debet rufi coloris, &c. Et ex Mesuë loc. cit. ut si coloris citrini, &c. Sed Aloë hepatica non rufum, sed rubrum habet colorem, ob idque hepatica dicitur, ex Placeto lib. de simpl. medic. cap. 1. ibi. Hepaticam colori hepatis ipsius assimilatur, habet autem colorem ipsum hepatis subnigrum, &c. Ergo hepatica Aloë non est optima iudicanda.

Deinde Aëtius terrab. 1. serm. 1. cap. 196. tit. de Aloë, eam eligit valde splendentem, cui subscribit Auic. lib. 2. c. 66. Qui Aloën habere colorem aquæ croci asseuerant: Aloën tamen hepaticam non habere colorem transparentem, probat Serap. loc. cit. vbi eam eligit cum colore ad rubrum declinante, qui color quo intervallo distet à colore aquæ croci, & valde transparente, nullus ignorat.

Aloë ergo succotrina præ cæteris est eligenda. Quod ita esse firmat Garzias ab Horto, colloq. 1. de aromatis. Christoph à Costa eodem tit. cap. 25. ex sua, & Medicorum Persarum sententia. Ioannes Fragolus eod. tit. discurs. 5. manip. medicinar. tract. de simpl. lib. 1. A. Matthæus Siluaticus lib. 1. de simpl. cap. 31. & alij supra cit.

Iubera autem horum auctoritates temnit, & damnat quod Dioscorid. loc. cit. Aloën laudet ad hepatis imaginem vergentem, dum sic ait: Duo succi genera, quoddam arenosum, quod sedimenium purissima esse censetur, alterum ad iecoris imaginem vergit, &c. Et Aëtius laudet eam hepatis colore, quorum sententiæ accedit Oribas. lib. 1. collect. tit. de

de Aloë. Sed hi auctores non laudant aloë ad iecoris formam vergentem; quod eius debeat habere colorem, sed quod sit iecoris forma coacta, & ad eius colorem aliquantulum declinet. Rursus hepatica non ex eo est optima iudicanda, quod Nicolaus in *compos. pilul. sine quib. & Haly 10. pract. cap. de pilul. stomachic.* Aloë hepatica vtantur: nam hanc pro succotrina substituunt, quæ quia rarissime inuenitur, idcirco frequenter hepatica vtuntur auctores.

## HISTORIA XXII. GALENI,

### De Epilepsia.

#### Pæonia collo suspensa ab Epilepsia liberat.

**E**quidem vidi puellum quandoq; octo totis mensibus morbo comitiali liberum, ex quo \* hanc radicem gestauit. At postea fortè fortuna, quum quod à collo suspensum erat, decidisset, protinus denuò conuulsione correptum, rursusque suspensum in locum illius alio inculpatè postea egisse. Porro visum est mihi satius esse rursus id collo detrudere, certioris experientia gratia: id cum fecissem, ac puer iterum esset conuulsus, magnam recentis radices partem ex collo eius suspendimus, ac deinceps prorsus sanus effectus est puer, nec postea conuulsus est, &c. Galenus lib. 6. simpl. tit. de pæonia.

#### PARAPHRASIS.

**H**anc Historiam citant, & confirmant Aëtius *tetr. 1. serm. 1. tit. de pæonia*, Auic. lib. 2. *tract. 2. cap. 50. Fernel. lib. 2. de abdit. cap. 17. Leuinus lib. 8. de occult. cap. 3. Hieronym. Tragus lib. 1. Histor. stirp. cap. 200. Montuus libr. 1. cap. 8. haloseos febrium. Camerarius in hortio. Pæonia ergo tantæ facultatis fuit apud veteres, vt ex illa pararent antidotum, aliis omnibus pro hoc propulsando morbo pretiosius, vt de antidoto pæonia refert Aëtius *tetrab. 4. serm. 1. c. 102.* Nam præterquam quod miram obtinet in resciscendo facultatem, qua, partibus quibusdam à radice defluentibus, ac deinde per inspirationem attractis, cerebrum à superfluis mundat humiditatibus, vt hoc cap. Gal. affirmare videtur, etiam ab occulta qualitate hunc leoninum, ac timendum morbum persanare opinatur Gattinaria *cap. de cura epilepsia.* Alioquin plura alia auxilia ficciora, & calidiora id efficerent, quod non experimur: vt 2. *de abdit. 17. in fin. eleganter Fernel. notat.**

Dari autem in rebus occultas, quas vocant, proprietates Gal. passim, & iuniorum clarissimi confirmant. Sic succinum paleas, quisquiliæque omnes, & leuissima quæque rapit, ocymi tamen surculos, & alia oleo imbuta à se abigit. Magnes ferrum trahit, & medicamenta humores: belzartica venenis aduersantur. Quæ omnia substantiarum similitudini, imparibusque elementorum miscellis sunt referenda, quæ hos cæcos effectus, seu naturales concordias, & inimicitias, inito veluti quodam fœdere pariunt: de quo argumento acutissime disputarunt Fracastor. *lib. prop. de consensu, & dissensu rerum*, Ruell. lib. 1. *de natur. stirp. cap. 22. Scaliger exercit. 344. in Cardan. dist. 2. & sequentibus.*

Sed qui fieri potest, vt huius radices, pro hoc morbo domando, tam excellens vis, & apud veteres tantoperè celebrata, nostra tempestate fuerit amissa? cuius mirabiles dotes miris euehant præconiis Dioscorid. *lib. 3. c. 140. Basis vlt. com. tract. 1. cap. 545. & lib. 9. ad Almans. prop. cap. Ruell. lib. 3. de nat. stirp. cap. 70. Iustus Mollerus in sua fasciculo remediior. tit. de epileps. & ex ea rara parant medicamenta, huic vsui valdè proficua, multiplicique lege confecta, recitata à Valleriol. 3. obseruat. 7. Holler. 1. de morb. intern. cap. 15. Michaël Ioanne Paschal. libr. 1. de curand. morb. c. 8.*

Certè nos indigni sumus hoc munere, vt notat Mercurialis *lib. 2. de effect. cap. 26.* Infinitos enim vidi, hoc morbo miserimè correptos, quos Pæonia, nec collo suspensa, nec deuorata, nec aliis medicamentis permixta iuuare potuit.

**A** Neque ob hæc mendacij arguendus est Gal. qui tantam vim illi in tam difficili morbo attribuit. Non enim nos ea vtimur legitimo tempore, & certa siderum obseruatione collecta; colligi namque debet die, ac hora solaribus, Sole Leonem occupante: Non ergo est mirum si supradicto affectui ex voto non respondeat, vt notat Manabenus *lib. de Alce, c. 7. & maxime cum Mathiol. cit. loc. in Dioscor.* huius radices effectum à multis obseruatum cōmemoret. Multis ergo de causis cum possit accidere, aliquem à medicamento quopiam non sanari, propterea medicamento facultas statim in dubiū non est reuocanda, præsertim cum hic contumax, ac rebellis morbus aliorum medicamento- rum salubrium ferè semper vim temnat, & respuat. Pæonia ergo tam mas, quàm fœmina, tum tenellis, tum adultis, varia forma exhibita plurimum pro curatione, & præseruatione huius morbi prodest, vt ex auctorum mente dilucidè patet: & rectè animaduertit Franciscus Hildeheim, *lib. de morb. intern. tit. de Epilepsia.*

## QVÆSTIO XIII.

*Quod Smaragdus optimum sit contra epilepsiam, venenososque morbos auxilium contra Mundellam, & Ioan. Gallego de la Serna, Medicos præstantissimos.*

#### COMMENTARIUM.

**H**anc radicem.] Ex plurimis, iisque præstantissimis auxiliis, quæ Medicorum solertia pro epilepsia debellanda parare solet, quæ passim referunt auctores, vnum est celebratissimum, firmissimoque experimento confirmatum, quod ex smaragdo desumi solet. Tanra enim, & tam eximia pro hoc domando morbo est huius lapidis vis, vt pæoniæ facultatem longo intervallo antecellat, & sic ab auctoribus miris celebratur laudibus ac præconiis. Quapropter ergo de eius excellentia disputare satius duxi, cum videam quosdam Medicos hanc veritatem tenaciter, immeritò tamen, impugnasse. Mirum enim est quod multi volunt, & ferè apud magnates receptissimum est, smaragdum collo gestatam ab imminente epilepsia præcauere, eamque iam factam curare. Hoc inter omnes confirmant Aristot. & Albert. Magnus, qui hunc pretiosissimum lapidem collo adalligatum impedire, & quandoque penitus curare epilepsiam asseuerant. Sequuntur Garzias ab Horto *lib. aromat. colloq. 44. Ioan. Fragosus lib. aromat. discurs. 1. Francisc. Ruellus lib. 1. de gemmis, cap. 4. Cardan. lib. 7. de subtilitat. edocti à Serapione, cap. 384. qui tantam, ac tam eminentem virtutem ei attribuit, vt ipsam epileptici collo ligatam, miro quodam modo ab hoc morbo liberare affirmet: Quare smaragdorū theriaca, facta præsertim secundum manipulum medicinarum, non solum neruos roborat, crassum, lentumque succum huius mali causam discutit, & attenuat, sed malam qualitatem huic morbo infidentem domat, & refranat. Hæc ergo in omni ætate securissime concedi potest, & maxime in pueris, in quibus eximias vires ostendit. Cōtradicat licet Lapeus in suis animaduersionibus, futili nixus argumento, quod hic lapis, frigidus & siccus cum sit, minimè proderit in epilepticis conuulsionibus propulsandis: & maxime in tenello infantis ventriculo, vbi maximum negotium faceffit. Sed hic auctor belzarticam smaragdi facultatem non respexit, quæ Herculeum hunc morbum coercere nata est.*

Majoris verò negotij est Mundellæ, viri alioqui doctissimi refringere opinionem, qui in multis machinis probare intendit, smaragdi vsum omnino esse vanum, & prorsus nullum, iudicatque supersticiosum Arabum sententias, à quibus hoc auxilium emanauit, consulere. Quare in prima epistola, seu potius libello, (sic enim diffuse loquitur) totis viribus pugnat, pro venenatis, malignisque febribus, epilepsia, aliisque capitis effectibus abominandū esse auxilium. Quo forsàn ductus voto Ioan. Gallego de la Serna, vir doctus, vt eius testatur opera, & Regis Hispaniarū Archiater, *tract. de morbis pueror. tit. de Epilepsia*, sibi persuasit Theriacam smaragdorū pro hoc morbo domando, reprobam esse

esse. Sed quia hic eisdem ferè vitur argumentis, hæc ad A amussim soluenda sunt. Et primò sic.

Smaragdus frigida & sicca cum sit, febrilem calorem, qui humidis, & non siccis curatur, conseruat, & non extinguit; & cum sit dura substantiæ, arque terrestris, obstructionis causa est, non remedium.

2. Smaragdo exhibita, ea non eneniunt commoda, quæ terra Lemnia deuorata sequi dicit Gal. 9. *simpl. cap. 7.* Nam peste affecti hausto medicamento, omne prorsus venenum vomuerunt, neque postea vllum eis contingit symptoma, qualem leporem marinum, aut cantharides assumentes sequi consuevit. Qua de causa neque antiqui Arabum, aut Græci periti, in curatione putridarum febrium, hunc lapidem propinant.

3. Smaragdus à Gal. inter eos lapides non numeratur, B qui cotis, aut mortarij attritu in fuscum soluuntur; sed cum duram habeat substantiam & crassam, accuratè læuigari non potest, vt suam corpori largiatur facultatem. Et si sine contritione opitulari potest, cur, inquit, frangitur, aut teritur, si sua viriditate, aut grata pulchritudine custodita, aut cordi apposita, aut collo pro amuleto appensa, aut deuorata suam vim largiri potest? Et si teritur, non videt, quo pacto ad cor deferri possit farina illa ab ægrotis assumpta, etiam tenuissimè trita, quum crassis constet partibus, & per corpus distribui nequeat.

4. Putat solum ea tristitiam abigere, quæ suapte natura corpus alere nata sunt, bonumque sanguinem generant, spiritus instaurant, ac viuificant.

5. Cur si cæca quadam vi operatur, exteriori corporis parti non admouetur? Sed quid opitulabitur tantis malis C smaragdus, si à plurimis seplasiariis vitrum pro smaragdo vendi solet?

6. Pulueres smaragdi flocci facit, quum mortariò pistillòque plumbeis, vel ex ære conflatis conterantur, quæ quantam perniciem afferant, ignorat nemo.

7. Huius auxilij auctores condemnat, quoniam nullam de hora, forma, & quantitate assumendi faciunt mentionem, sed in hoc confusi, euariant, & perplexi sunt. Deinde si in iure aliquo, liquorève assumatur, notabilis illius portio, oris, fauciumque parietibus adhæret: quare optatam valetudinem subsequi sperandum non est. Et si admirandam sanandi vim inesse putant smaragdo, cur alia tentant auxilia, maluntque ægros aliis præfidiis excarnificare, quando hoc solo ipsos conualescere sperant.

Vltimò. Non cessat accusare Gal. virum omnium rerum acerrimum indagatorem, & qui pro variis agnoscendis simplicibus multas orbis partes peragrauit, smaragdi substantiam, quum passim haberetur, ignorasse. Neque similiter priores, aut iuniores Græcos, nec verbum quidem de mirabili huius lapidis proprietate scripsisse. Quod si Arabum maximi pollere contra venenum affirmarunt, hanc contra febres præsentaneum esse auxilium dicere sunt veriti: cuius etiam fuit opinionis Fracastor. *lib. 3. de contag. cap. 6. de feb. cum lenticul. in med.*

Sed hæc figmenta sunt, & meræ nugæ. Nam præter rationem improbat antidorum, quod ad epilepsiæ, cæterorumque morborum præseruationem Auctores tantoperè celebrarunt. Nam lapides pretiosos, vt Sapphirum, Carbunculum, Hyacinthum, Rubinum, gemmas omnes, & Smaragdum pollere contra venenum, hancque præcipuam contra epilepsiam habere prærogatiuam firman Lacun. *lib. 5. in Dioscorid. cap. 114.* Scaliger *exercit. 33. in Cardan. distinct. 2.* Castro *lib. 4. de meteor. Microscop. cap. 4.* edocti ab Auic. *lib. de virib. cord. prop. c. 5.* hæcque vires cæca quadam, & latenti vi demonstrare nouit ille, qui facundissimam Gal. doctrinam fuerit perscrutatus. Quare Smaragdus habet vim, & occultam quandam proprietatem iuuandi cerebrum, & partes neruolas, qua etiam flaccido, debilique cordi, & aliis præcipuis partibus iam iam labascentibus mirificam opem præstat, siue collo appensa, aut integra voretur, in annulo gestetur, aut ore sugatur, vel tenuissimè trita assumpta, vel denique exterioribus partibus admota. His enim omnibus modis medicamenta ab occulta qualitate operantia posse virtutem suam largiri, non ignorarunt antiqui.

Lib. 1.

Hoc tam multis auctorum testimoniis sit manifestum. Nam Corallus è collo patientis supra stomachum appensus dolorem leuit, ex Auic. *lib. 2. canon. cap. 123.* Sapphirus auctore Dioscorid. *lib. 5. cap. 114.* & Gal. *5. simpl. cap. 27.* ictos à Scorpione iuuat. Stercus lupinum collo gestatum miro quodam modo colicos sanat, ex Gal. *9. simpl. cap. 21.* lapides reperti in ventre pullorum paruorum hirundinis, corio vituli ligati, antequam terram tangant, collo appensi epilepsiam persanant, teste Dioscorid. *lib. 2. cap. 49.* Electrum paleas, & quisquilias omnes ad se trahit. Magnes ferrum, & concatenatas acus è longinquo. Medicamenta humores. Vipera quàm plurimis linis, & maximè marinæ purpuræ suffocata, eaque ægrotum collo suspensa mirificè prodest tum paristhmiis, tum omnibus iis quæ in collo expullulant inflammationibus, ex Gal. *6. simpl. cap. 96.* Si ergo hæc vera sunt, quod infortunium nostræ Smaragdo contingit, vt inter alexipharmaca recenseri non possit? quam virtutem illi attribuit auctor *lib. de incantation. cap. 2.*

Quare rerum occultæ proprietates minimè negandæ sunt. Nam & 11. *simpl. 30.* ad has recurrit, Pelopem accusans, quia causam redderet; cur cancri commotis à cane rabido medeantur. Nam & ipse eodem loco se scripturum pollicetur, de iis quæ ab innata & occulta qualitate operantur. Quid plura? nonne herbæ cuiusdam succus apud urbem *Posto* vocatam, artubus, vel cuilibet parti illitus merum sanguinem sudoribus eliciebat; pro vt refert Monardus *lib. aromat. c. de hordeol. in med.* Nonne Dæmones fugantur radice quadam nata in oppido, cui *Machernus* nomen est, altissimo vertice supereminens, quæ appellatur *Baaras*, quæ, (vt 7. de bello Iudaico, cap. 25. Iosephus refert) circa vesperam velut iubar fulgurans; flammæque colore similis apparet, euellere eam cupientibus reluctatur atque refugit, nec prius sistatur, euellentemque sequatur, quàm si quis vrinam muliebrem, menstruumue sanguinem super eam fuderit. Quin & tunc, si quis eam tetigerit, certa mors est.

Describit Ioannes Barrus Lusitanus Historicus insignis, *decad. 2. lib. 6. c. 2. hist. Oriental. fol. 82.* & retulit Ioannes Buretus Benesse in sua *relat. vniuersal. part. 1. volumin. 2. de Insula, lib. 1.* Historiâ, quâ Massæus eleganti stylo latinitate donauit, cuiusdâ Ducis, qui in bello, licet plurimis esset confossus vulneribus, nunquam per ea nec sanguinis guttatim emittere potuit, quousque detractum est monile, quod gestabat in brachio ex auro fabricatum, in quo intus D inclusum erat os animalis cuiusdam vocati *Cabal*. nati in regno *Iahua*, cuius ossis, dum tangeret carnem, tanta erat vis in retinendo sanguine, vt ipsum per vulnera exire non permetteret. Quod brachiale Prorex Indiæ ad Lusitaniam Regem miserat in nauî, quæ naufragio miserè fuit submersa, magnum profectò sympathiæ cum nostro sanguine argumentum, quas vires hoc os non nisi ab occulta proprietate exercere, ita est notum, vt probari non debeat.

Quid dubitandum? nonne paruissimus pisciculus, *Remora* dictus (naturæ portentum omnem fidem excedens) nauem plenis velis currentem remoratur, ex Arist. *lib. 2. de Hist. animal. 14.* Nonne torpedo tam longè piscatoris manum stupefacit? Nonne apud Gal. *lib. de purg. medic. facult. cap. 4.* Herba illa, infausta auctoris sorte adinuenta, ex iecore suillo è longinquo riuulum sanguinis proprietate quadam natua suxit? Quidquid Ioan. Baptist. Siluaticus hanc Historiam, (quàm Peramarus, Conciliat. Musa, Marcello Donat. Valles, & plures alij veram esse affirmant) fabulosam, falsam, non credendam, tanto auctore indignam, operi insertam, à Gal. libris expungendam, inflatis buccis effutire non erubescat: Cuius argumenta, vt inania, & prorsus nulla, in *com. Hist. 11. lib. 2. Hist. latius* ex probatorum auctorum mente refutabimus. Inrerim constet Smaragdum, & lapides pretiosos ab occulta quadam prodesse proprietate. De qua lege eruditissimum Feinel. *lib. 2. de abdit. cap. 17.* Cardan. *lib. 2. contrad. tract. 1. contrad. 2. & 1. de venen. 25.* Marcell. Donat. *lib. 6. de hist. Medic. mirabil. 3.*

Nunc Mundel. rationes singulatim expendendæ. Dic ad prim. Licet Smaragdus frigida, & sicca sit substantiæ,

D 2

non

non proinde calorem febrilem conseruabit, sed exstinguet; A his enim qualitatibus putredo, malignitas, atque contagium arcentur; humidis verò insoleant, & exasperantur. Crassam verò huius lapidis substantiam non curo: nam occulta qualitate plus iuuat, quam substantia sua nocere possit; illa autem Smaragdum polleere contra venenum probat Nicol. lib. de pest. cap. 42. Sicut enim duritie, & soliditate Adamas, alacritate Carbunculus, Sapphirus splendore, varietate Opalus, nitore Chrysolitus, diuersitate Actates antecehant; sic pulchritudine sua Smaragdus est præstantissima, & hominis salubritati confert exitiis, & perspicuitate sua spiritus substantiam recreat, vna cum humidi concocti abundantia. Subscribit Auer. 5. collig. cap. de Smaragdo, vbi ipsam contra omne venenum polleere affirmat.

Ad 2. dic. Smaragdo assumpta ea sequi commoda, quæ ad potum Lemniæ terræ subsequi præsci confirmarunt. Extat non inelegans historia apud Auenzoar lib. 2. thes. tract. 1. cap. 5. qua confirmat se ex vsu herbæ venenosæ passum dysenteriam, appositæque supra ventrem Smaragdo, & detenta in ore abique trituratione, ex improviso fuisse liberatum, & supra in eod. cap. & in præfat. sui operis, in cura fluxus venenosi, non nisi ad hoc auxilium; tanquam ad sacram anchoram accedit. Quod esse præstantissimum firmarunt Guainer. prop. cap. de fluxu venenoso. Antonius Carthaginienf. lib. 1. de febr. pestil. tract. 13. rubric. 2. Lang. lib. 2. epist. 49. Maxime si in modica, sex vel nouem granorum quantitate, vt inquit Auenzoar loco cit. propinetur. Quoniam si a principio sciueris morbum esse ex veneno, citissime tunc dare debes infirmo ex optima Smaragdo pondus nouem granorum hordei, ex Smaragdo trita, & cribellata subtiliter, cum aqua calida ieiuno stomacho, & videbis in operatione huius, & in effectu rem mirabilem, &c.

Ad 3. dic. Smaragdum, & alios pretiosos lapides accuratè laeuigari, & in pollinem tenuissimum verti posse, quorum puluerem, citissime ob substantiæ subtilitatem cordi trementi, flaccidoque promptius opitulari posse non minus inficiās, quàm si integra pro amuleto suspendantur. Licet hoc modo etiam mirabiliter prodesse posse, Zoar, supra retulerit his verbis. Et confert Apoplexia si collo suspendatur, & si teneatur in ore, dentes confortat, & stomachum, &c. Neque ab hac via te recedere cogat, quod videas plurimos, & non infimæ notæ viros, Occidentales Smaragdos, vt corrosiuam, & perniciosam naturam habentes condemnasse, de quorum numero sunt Lacuna lib. 5. in Dioscorid. cap. 14. Garzias ab horto, colloq. 44. de arom. India, Fragosus discursu 1. eod. tit. Horum enim opinio fabulis est plena, ac meris nugis: Nam seplasiarum pro parandis antidotis ferè cum vtilitate summa Occidentalibus vtuntur.

Ad 4. Negandum est solùm ea triticiam abigere, quæ corpus sanguine & spiritu reficiunt; quum plura id etiam efficere possint, prout Auic. lib. de virib. cord. manifestè edocuit; cuius generis censentur esse gemmæ omnes, lapides pretiosi, & alij quos latente vi, humanæ naturæ conferre auctores celebrant.

Ad 5. Ab occulta qualitate hunc lapidem prodesse contra venenum, præter citatos auctores locupletissimi testes confirmarunt, de quorum numero sunt Rabbi Moses de Aegypto 22. part. aph. 30. Fallop. lib. 2. de tumorib. præter natur. 27. de bubone pestifero, qui suo, & Medicorum Venetorum consilio; Smaragdum contra pestem plurimum polleere arbitratur. Et Marsil. Ficin. in sua epidem. antidoto, tantam, tamque cardiacam vim in hoc lapide sitam esse refert, vt tyris eius aspectu statim lumina cadant: de quo argumento sat multa congeffit Vinarius, qui tam mirabilem Smaragdo virtutem concedit, vt ipsius puluerem iniectum super bubonem pestiferum, omne venenum arcesse sibi persuadeat, quod etiam confirmant Lacuna in præfat. in lib. 6. in Dioscorid. Patres censur. 3. in Mesuem, tit. de Smaragdo. Ridiculum autem est vsum Smaragdi saluberrimum condemnare, quod vitrum pro ea vendatur: nam calumnia hæc, ipsius excellentiam non obscurat, nos enim de adulterata non loquimur.

Ad 6. Rectè arguit, plurima subsequi posse incommoda, si lapides pretiosi pistillo, mortarioque plumbeis conterantur: nam ex iis perniciosam virtutem acquirere non est dubitandum, prout notat Mathiol. lib. 5. in Dioscorid. cap. 114. Ex impuro enim metallo medicamenta acquiruntur acrimoniæ; qua de causa aqua per plumbeos canales deriuata dysenteriam facere potest, ex Gal. lib. 7. sec. loc. cap. 2. Nam metalla plurimum participant de sulphure, & argento viuo. Parentur ergo mortaria, pistillaque ex auro purissimo, vel argento; fiatque curiosa trituration, lenis, sine motu & agitatione; hæc enim virtutem medicamenti non exoluit.

Ad 7. Inani fundamento nixus, Antiquorum dicta condemnat, quod de quantitate propinanda huius lapidis nihil mentione dignum fuerint commentati: Nam, vt supra vidisti, Arabes in hoc negotio sunt conformes, qui pondere granorum nouem, aut sex assumendam consulunt. Qua quantitate epota, quum sit aliquo liquore cardiaco dissoluta, oris, fauciumve parietibus adherere non potest. Neque hoc auxilium repudiandum est, quod Gal. Græcique eius vsum ignorauerint, quum plurima Arabes inuenerint, partim ab ipsis ignorata, partim prætermissa, quæ vt notissima prætereo.

Ex quibus illud colligas oportet, in febribus venenosis, & pestiferis hunc lapidem securissimè administrari, præsertim si diarrhœa adsit, qua præsentè huius auxilij vsus tutissimus est, vt Historia quadam probat Ioan. Mich. Paschal. meth. curand. lib. 1. cap. 36. Quod si in putridis exhibeas, non errabis: nam roborata natura antidoti vsu, putridum, noxiūque humorem citissime expeller. Quam mirabilis sit eius virtus, explicat ex sententia Marbodæi, Doctissimus Renodæus lib. 2. Instit. Pharmaceut. sect. 2. c. 6. his carminibus.

Omne virens superat forma viridante Smaragdus,  
Collo suspensus dirum fugat hemiurium,  
Et sanare potest ipsa ratione caducis,  
Fertur lasciuos etiam comescere morsus.

## Observatio XX.

### Diarrhœa venenosa Smaragdo assumpta curatur.

Nobilis quidam Lusitanus in fluxum incidit ventris diutinum, quo miserabiliter cruciatus; in tabe quum esset pronus, (erat enim gracilis, & excarnis) Medicorum opem implorat, nariæque se ab Amasia, pyra tria oblata deuorasse, quibus assumptis illico alui profluuium cum diris torminibus fuisse expertum. Plurima ex abstergentium primò, deinde adstringentium sylua medicamina parantur. Per sedem infusa, & per hos exhibitæ, quæ cum aliis veneni vim infringentibus auxiliis essent commixta. Sed in cassum omnia tentantur, nam suborta febricula, vires absumebantur magis. Tandem cum de veneno suspicio esset, propinantur cardiaca, & Alexipharmaca. At malum solùm Smaragdo tenuissimè trita, & conserua Cydoniorum obuoluta conquieuit; quam alternis diebus ieiuno ventriculo assumebat, superbibita aqua in qua prius tragacanthum coquebatur. Smaragdi quantitas erat pondus 12. granorum, quam cum quinquies deuorasset, a fluxu immunis euasit.

## HISTORIA XXIII. CELSI, De Epilepsia.

### Epilepticus, sanguinis humani poru sanatus.

Quidam ingulari gladiatoris calido sanguine epoto, tali morbo sese liberarunt, apud quos miserum auxilium, tolerabilem ferius malum fecit, &c. Cornel. Celsus, lib. 3. c. 23. de comitial. morb. curat.



## QVÆSTIO XIV.

Quòd sanguis humanus ad curandos morbos sit ex  
vfu. Contra Ioan. Rodericum eruditissimum.

## PARAPHRASIS.

**H**anc Historiam repetit Aretæus lib. 1. de curat. morb. diurnum. cap. 4. Licet enim auxilia ex humano sanguine parata, ficulnea esse, & nullius vsus plurimi iudicauerint cum Gal. lib. 10. simpl. tit. de sanguine, qui nunquam eo vsus est, immò vana eius experimenta censens, timuit ne curiosus, aut stolidus videretur, si tantis, tamque probatis auxiliis non fidens, sanguinem animalium plus posse præstare opinaretur. Quare si quis hæc experiri velit, certò sciat, damnaturum se non modò eos qui talia scripserunt, sed se delusum facto periculo inueniet, & præstigiatoris opinionem incurret, ut ait Aët. ex ipsius doctrina terrab. 1. serm. 2. c. 85. Neque ut verum fatear, ipse Gal. lib. 2. de antidot. neque Paul. lib. 7. nec Myrepsus tract. de antidot. antidot. 439. electuarium ex sanguinibus describentes, humanum sanguinem iniiciendum curarunt, & Barbari, à quibus auxiliorum multiplicium sylua emanauit, ne verbum quidè de humani sanguinis vsu retulerunt. Neque Dioscorid. lib. 2. c. 72. animalium sanguini tantas attribuens vires, de humani sanguinis vsu vllam fecit commemorationem.

Attamen cum multa reperiantur auxilia, quæ post veterum memoriam, humani ingenij sagacitas adinuenit, quibus, Ars nostra clarior indies magis ac magis fit, & amplius efflorescit, placet pro expositione historiarum, aliqua de sanguinis humani vsu ex probatis auctoribus prælibare. Nam quid obstat sanguinem bibi, deferri ad venas, ibique alere, & in perfectissimam substantiam còuerti? Sicut enim lac si ab vbere sugatur, & cum sacchari, aut mellis momento, ne concreascit, assumptum, nutrire aptum, & ad extremam maciem redactos impinguare potest: sic sanguis, si ex fissâ modicè vena exhauriatur, aut recenter eductus assumatur, macie, aut senio iam confectos reficere potest.

Cur hectica febrili, aut senili exesi, omnique auxilio destituti, sanguinem adolescentis non sugent more hircinorum auarissime? valentis inquam adolescentis, sani, læti, temperati, non rufi, (huius enim sanguinem venenum esse auctores passim tradiderunt) cui sanguis sit optimus, sed fortè nimius: non biliosus, nam calefacit: & si ad intemperiem declinet, ad pituitosam vergat satius est, ut affirmat Rondeler. lib. de ponderib. & mensur. cap. 21. quoniam præ lentore promptius affigitur partibus, & citius extenuatos instaurat, & refocillat. Lege de sanguinis humani vsu pro reficiendis senibus, Marcellum Ficinum lib. 2. de studiis. sanit. tuend. cap. 11.

Denique tanta est sanguinis humani efficacia pro sanandis morbis, ut ex ipso oleum ad plurimos vsus distillare cogantur Medici, ex quo ad ignem apposito, liquor quidam suauissimus emanat, contra comitalem, aliòque exitiales morbos mirabilis; prout asserit Ioannes Guinterius Andernacus tract. de oleis, tit. de ol. ex sang. hum. Vide quæ de aquæ ex sanguine humano destillatæ dignitate, ac excellentia dixit Guainerius ex Montagnanæ sententia, c. de hectica: nam contra Elephantiasim, & Epilepsiam miram præstat opem; quam in alendis, restituendisque corporibus plurimum prodesse confirmat Hieronym. Rubeus in pharmacop. tit. de aquis ab occulta qualitate operantibus, & prius Arnald. Villanov. in lib. de distillat. elegantissime differuit: Denique sanguinem gladiatorum mederi aperi & epilepsiæ, firmat Plin. lib. 28. cap. 1.

Quid plura? nonne hæc vera sunt, & tantorum viro- rum firmata testimoniis? Cur ergo Ioannis Roderici opinioni standum est, qui lib. 2. in campos Historiales Dioscorid. philologia 19. illorum auctoritatem contemnit, futili solum nixus argumento, quòd Gal. sanguinis humani vsum nunquam fuerit expertus? Nam hoc modo hydrargyri vsus mirabilem, & ad plurimos arcendos, curandòsque morbos ab omnibus summopere commendatum dānabimus, quòd Gal. eius nec intus assumpti, nec extrâ appositi, vllam fecerit experientiam, ut aperte docet lib. 9. Lib. 1.

A simp. tit. de hydrargyro. Sic Antimonium aduersus exitiales ægitudines efficacissimum in vacuando, cōdemnabimus, quòd veteres de illius præstantia mira, nec verbum vllum protulerint. Sic plurimorum medicamentorum quæ ab Indiis adportantur, vires eximias vituperabimus, quòd de eis nihil mentione dignum scripserit prisca vetustas. Sed de his satis, ad alia gradum faciamus.

HIST. XXIV. SCRIB. LARGI,  
De Epilepsia.

Epilepsia, ebore assumpto, curatur.

**S**cio Romæ quandam honestam matronam aliquos morbo comitiali liberasse hoc medicamento: Ebore scobis hermina, mellis Attici pondo libra hac in unum miscetur, utere, &c. Scribonius Largus, libro de compos. medicament. compositione 16.

## PARAPHRASIS.

**F**œminas plurimas apud veteres Medicinam liberaliter exercuisse, supra in explicatione Historiarum 7. latius demonstrauius. Nunc ad Ebur, nobile sanè, & proficuum medicamentum, & pro variis propulsandis morbis celeberrimum, immò ad comitalem morbum refranandum, eiusque immanissima symptomata coercenda præstantissimum, nostra conuertatur oratio, cuius medicamenti ab auctore descripti compositio, ex ebore, & melle constat. Hoc constat vnanimiter apud auctores, pro frigidis morbis cerebri summo præsidio esse; nam flatus discutit, humiditatem areet, crassos, viscosos, tenacesque humores coquit, attenuat, incidit, & pituitosum humorem, in accommodum vertit alimentum, de cuius præstantia, electione, & vsu sat plura dixere veteres.

Ebore scobis, hoc est materiæ minutissimæ, quæ ex mutuo serræ, vel alterius instrumenti ferrei attritu decidit, (Latini vocant elimatam scobem, auctore Plin. lib. 11. cap. 37.) Hemina iuber assumendam, hoc est, uncias nouem cum sit eadem cum cotyla, apud Manard. 12. epist. 1. & cotyla nouem contineat uncias, ex Gal. 6. sec. gener. cap. 6. Quæ eboris, ut ita dicam, farina crassior (hanc enim & colore, & crassitie repræsentat) cum libra mellis commixta optimum electuarium parat. Ex quo terna cochlearia assumenda sunt in die per duos menses continuos. Cætera quæ in eodem loco miscet, nempe sanguinem testudinis masculæ, si puer fuerit, è contra fœminæ, si puella laboret, & sanguinem palumbi masculi, clauo Cyprij aris acuto iugulari, utpote superstitiosa, & extra Medicinæ professionem, ut ipse inquit, cadentia consultò omittimus.

De eboris vtilitate, ac pro curandis morbis vi mira, veterum & iuniorum plurimi multa literis consignarunt. Illud enim mirificè adstringit, roborat, visceraque flaccida confirmat, ventriculum debilem tuetur, cordis prodest affectionibus, cardiaca vi præditum est eximia, qua melancholiam abigit diurnam, lætitiā procurat, splendidos reddit spiritus, fœminas fœcundat, & ad concipiendum aptissimas reddit, semen vniendo; spiritus viuificos cogit, & resolutioni ineptos facit. Alba sistit vteri purgamenta, pro vermibus necandis optimum si quod alterum est auxilium, cum mirum in modum venenis, venenosisque morbis resistat: quare in præstantissima venit antidota. Diurnis opitulatur obstructionibus, menses mouet, & demum cerebrum, lienemque corroborat, pro cuius morbis debellandis vnicum est propugnaculum. Neque fidas Lacunæ dictis lib. 2. in Dioscorid. com. cap. 50. ipsum fossile, & minerale reperiri pronunciantis, cum hoc merum sit figmentum; nam omnes, qui de eius historia & vi latissime scripserunt, quos longum esset recensere, hoc tanquam falsum silentio prætermittunt. Accepit, ut reor, Lacun. à Clusio, ad cap. 14. lib. 1. Garziz ab Horto, lit. 2.

*Eboris ad plurimos morbos vis mirabilis.*

**I**nter præstantissima præsidia, quæ ad viscera roboranda ab auctoribus quotidie, passimque proponi solent, nullum adeo ebore est excellentius; licet eius vsum, ut rem paruo pretio æstimatam, & contemptibilem parui pendant Medici. Fidissimo mihi experimento compertum est, eius vtilitatem ad flaccidum, resolutumque ventriculum firmandum, cardiacam, mirachialem, cæterasque obstructions esse maximam; quam mirabilem, tentatis omnibus alijs auxilijs, in deploratis morbis, semper inueni. Eius tenuissimam scobem, aut ramenta subtilissima, in pollinem redacta, cum saccharo: in pari quantitate permixta, in tabellas formata: diluculo vnam, quâtitate drachmæ assume, desuper merû generosum pota, aut naphæ, melissæ distillatam aquam. Si febris, aut calida adsit partiû intemperies, rosacea satis esto; experiaris, & miraberis effectum.

## HISTORIA XXV. RASIS, De Epilepsia.

*Epilepticus, assumpto melanagogo medicamento, præservatus.*

**Q**uidam Epilepticus consuluit nos, sed cum esset macilentus, cogitavimus quod morbus non esset ex abundantia phlegmatis, sed ex melancholia, & fecimus sibi vomitum pronocari, & dedimus postea medicinam \* purgantem melancholiam, & per tres menses præservatus est à casu, &c. Rasis, in libro de mirabilibus auscultationibus, quas expertus est.

### P A R A P H R A S I S.

**E**crasso succo, eoque vel pituiroso, vel melancholico oriri Epilepsiam, auctor est Gal. 3. de loc. affect. cap. 7. quod cæteri deinceps confirmarunt. Ab hoc tamen crasso, terrenoque humore hunc morbum pronatum, curatu esse difficiliorem nullus dubitavit: tum quoniam humor iste pertinax est, & rebellis, maxime quum per minus actiuam qualitatem emenderetur, qualis est humiditas, quæ in agendo iners esse solet; tum quoniam lapsus ob siccitatem, est cerebri temperamento impropotionalis valde.

Cur ergo, si hic affectus à melancholico humore ortum duxit, per inferiora purgando, iuxta Senis sententiam latam lib. 4. aph. 9. Vomitum ut salutarem consuluit? quem in quartana prouocandum imperat lib. 1. ad Glau. cap. 11. præsertim cum iste humor grauis, suo pondere ad imas vergat corporis partes, per quarum ductus communes, & amplos promptius expurgatur. Respondet Argent. in com. cit. Aph. vomitum non imperari melancholicis, huius humoris habita ratione, sed ad pituitam expurgandam; quæ in his sæpe in ventriculo ob multas rationes gigni consuevit, cerebri, & aliarum partium diros effectus paritura; velut in quartana, in qua ob humoris motum in accessionibus quarto quoque die ad ventriculum confluit; quæ nisi vomitu expurgeretur, grauiora damna efficere apta est. Quibus autem notis humor melancholicus cognoscatur, explicat inter omnes Alzarius à Cruce lib. 3. de epileps. lect. 24. Quæ autem sint medicamenta melancholiam expurgantia, passim reperies apud Auctores, & præsertim apud Mercat. lib. 1. de morb. intern. cap. 17. Nicol. Pison. lib. 1. de cognoscend. & curand. morb. cap. 23.

### QVÆSTIO XV.

*Quod Hipp. Galenique sententia eadem sit cum Auic. opinione, quod medicamenta purgantia similitudine substantia humores attrahant. Contra communem Medicorum sententiam.*

**P**urgantem melancholiam. ] Num dentur medicamenta, melancholiam, aliisque humores à proprietate vacuantia, quæstio est dissensionis, litigijque plenissima. Inter omnes audiamus primò Auic. Philosophum grauissimum: Is enim, licet Gal. se esse fidissimum interpretem profiteatur passim, in hoc dogmate ab ipso dissentit, carpitque ipsum 4. 1. cap. 4. alientem, purgantia humores attrahere à similitudine substantiæ, eo solum fretus argumento, quoniam si attractio fieret cum conuenientia, & similitudine, maius ferrum attraheret minus, & maius aurum attraheret minus aurum, cum ista sint valde similia inter se. Quo pacto autem hic auctor cum Gal. consentiat, difficile est enucleare: Hoc enim quæsitum, & olim & nunc, multorum diu malè torsit ingenia, nec adhuc capit discordia finem, tunc acceptura cum Ioue missus ab alto interpret diuum tulerit responsa, aut superiori Dei numine afflata Sibylla panderit, adeo anceps, intricabilèque dubium est; nec dubita, nam vera fides. Conabor tamen, etsi non definire, quod impossibile, saltem proximè collimando, subodorari veritatem; illud vnum veritus, ne infatiabilis larè vagandi ardor, plus ingerere compellat, quàm conficere posse videamur.

Purgans medicamentum humorem communi quodam tractu prolicere, consecutione ad id quod vacuatum est, ne vacuum quicquam subsistat; & omnes promiscuè, hirudinis, aut cucurbitæ vice attrahere, primò tenuiorem, deinde crassissimum, cum Erasistrato censuerunt multi, explosi à Gal. lib. de medic. purg. facult. cap. 2. & lib. 2. de element. ult. & alibi.

Rursus. Purgans medicamentum in humorem prius conuercti, conuersum expelli, imprudentis Asclepiadis puerile dogma conuellit Galen. lib. de ther. ad Pison. cap. 3.

CORDATISSIMUS Mesuè è temperamentorum labyrintho cœlestes implorat opes; Nam ut Gal. lib. de theriac. ad Pis. cit. Deus enim est ille, sicut in hominibus natura, prout sentit Homerus, qui similia similibus adducendo, diuinas eo pacto suas vires ostendit.

Nuper Puteanus ingeniosissimus integro opere Gal. deludens, medicamenta inquit, calore, vel offensione quam naturæ inferunt, vel quia substantiam habent à nostro calore minimè coctilem, purgationes obire, Arist. sequutus lib. 1. probl. 42. quorum argumenta larè refutabimus lib. 4. in com. hist. 12. modò habenas calamo præstare oportet, ne in libellum tractatus accrescat.

Ante omnes admirandus Senex lib. 1. de nat. hum. sect. 31. probat, similitudines rerum in substantia, & medicamentorum tractiones, & alimentorum nutritiones efficere, stirpium, & seminum exemplo, nam sicuti quædam attrahunt dulcia, alia insipidum, amarum, aut saluginosum, vipore sibi simile, sic medicamenta sibi familiarem humorem educunt. Sequitur Gal. 3. simpl. 24. 25. & lib. de purg. med. facult. ferè per totum, & 3. de facult. nat. 7. 8. & alibi sæpe.

Ad eandem deducit particulares rerum amicitias, (sympathias vocant) ad contrarietatem verò in substantia, antipathiam, & deleteria venena. Hanc similitudinem vocat substantiarum temperamentum, sæpe qualitatem, vel proprietatem, certum, vel occultum temperamentum, virium subiectum, naturam, animam, calorem natium; quæ nominum varietas doctissimos solet decipere, existimantes diuersa illis significari.

Hæc similitudo non est sita in mixtione primarum qualitarum elementorum, à qua quidpiam vel calidum, vel frigidum dicitur: non in modo substantiæ, à quo quidpiam repuis, vel crassæ substantiæ; rarioris, vel densæ dicitur, quam multi vitium vocant materiæ, sæpius materiæ copiam, vel paucitatem, puritatem, aut sorditiem; in quibus non sunt recipiendi qui hoc putant, quia istæ secundæ sunt qualitates, primarumque variam mixtionem significant. Consistit ergo dicta similitudo in modo mixtionis quatuor elementorum, ex quorum variamixtione, imparique mensura, rerum consurgunt innumeræ

innumeræ proprietates, ex Gal. 4. simpl. 24. Quæ verò sit, & quomodo adaptentur elementa ad istam mixtionem, vix exponi potest, rectius mente concipi.

Secantur secundum minimas portiones elementorum substantiæ; illæ minimæ portiones, & fragmenta miscentur, vniunturque in compositum. Illa mixtio est varia, & in variis compositis; idcirco variæ insurgunt, & innumeræ proprietates, quod aliquibus exemplis euadet manifestius. Sicuti enim ex eisdem literis, quæ nominum sunt elementa, variè aptatis, variæ voces exurgunt, scilicet Roma vrbs, Maro poëta, Aaron Pontifex, Amor, Mora, &c. Et sicuti ex diuersis metallis, ære, stanno, argento, auro, simul liquatis in impari mensura, diuersa à prioribus, & totidem quoties liquabuntur. Sic ex iisdem elementis variè concurrentibus, vnitis, & mixtis, variæ manant proprietates, & innumeræ similitudines & dissimilitudines rerum insurgunt.

Ex his Plinij admiratio lib. 7. cap. 1. cum in facie, vultuque nostro decem sint, aut paulo plura membra, nullas duas in tot millibus hominum indiscretas effigies existere. Hinc illa Toranij versuti mangonis delusio, qui Marco Antonio iam trimuiro, eximie formæ pueros, tantæque vnitatis, vt tanquam geminos sexcentis sestercii venderet, cum tamen in Asia genitum vnum, alterum trans Alpes, sermo detegeret fraudem, & Antonio de magnitudine preterij conquerenti, Respondit Torasius, ob id se tantum vendidisse, quoniam non esset mira similitudo in illis eodem vtero genitis: diuersarum quidem gentium natales tam concordia figura reperiri, supra omnem esse taxationem.

Illud ergo temperamentum quod ex elementorum substantiis in minimas partes diuisis, agentibus inuicem resultat, temperamentum substantiarum dicitur. Refert autem scire, quod & qualitatibus, & substantiarum manent virtutes, quarum illæ primum constituunt temperamentum, istæ secundum substantiarum, cui Gal. attribuit actiones alimentorum, medicamentorum tractiones, sympathias rerum mutuas: Contrarietati mixtionis, antipathias, deletaria venena, morbos à tota substantia, quos Fernel. & Argent. ad quartum morborum genus deducunt.

Et ne in refutandis auctorum opinionibus de causa attractionis medicamentorum simus multiloqui, breuibus sic rem perstringamus. Qui formam, eiusque similitudinem cum humore attractionis causam concedunt, coguntur asserere vnum simplex medicamentum, vnum tantum humorem attrahere, vi & proprietate formæ, alios verò si educat, naturæ fieri irritamento. Quis enim validissimo sibi grano non sic censuit: priores etiam ad sensum Galeni etiam simplicissimo medicamento, contrarias per se operationes, seu diuersas tribuit, quoniam medicamentum ex mixtionis modo cum multis humoribus similitudinem potest habere: Si namque similitudo proportio est, atque relatio, possibile esse censent, in re vna plures reperiri proprietates; sic in vocibus vna vox cum aliis consonantiam habet, scilicet bellum, cælum, duellum, telum, sacellum. Tam anceps hoc argumentum est, vt ex eo mirari subeat artis incertitudinem, nullo veterum idem censente, nec iuniorum ad amussim exarante. Inter Musarum aues celeberrimas, & tot lusciniæ suauiter modulantes, iudicium proferre Phaëtonæ temeritatis plenum existit, assueto præsertim in triuis stridenti miserum disperdere carmen.

Nam nec adhuc Vario videor, nec dicere Cinna.

Digna, sed argutos inter strepere anser olores.

Proponam tamen quædam per se nota, solida rerum fundamenta, ex quibus Galano, Auicennæ, vsuque medico probabiliorem possimus deducere conclusionem.

Recipiunt omnes actiones à forma fieri; tanquam à primo, præcipuoque agente; ab eadem cum particularibus proprietatibus particulares etiam actiones fieri, & omnes actiones instrumento operari, quod temperamentum vocant. Hoc instrumentum in medicinis à proprietate operantibus, calor est medicamenti in plerisque, humores fundens, meatus aperiens, motum accelerans, omnibus nostri corporis partibus magnū præstans auxilium, &

emolumentum. Secundum instrumentum, naturæ noster calor est, calida in actum suscitans, frigida comminuens: vtrorumque tenuiores partes in vapores solutas ad purgandum humorem deducens: Quæ ratione partis natura irritata, ad expulsionem humoris peccantis promouetur, relictis in ventriculo crassioribus: idcirco frigida medicamenta lenius operantur.

Illud tamen non omnes recipiunt, vtrum illa proprietates attractiua, similitudini tantum mixtionis sit tribuenda, an formæ similitudinis, vel influxui cœlesti, illi similitudini mixtionis, vel formæ demandato: Concedunt tamen omnes, attrahentia, similia attrahere; non tamen omnia similia proprietatem habere attrahendi. Quibus præhabitis, nostram mentem aliquibus propositionibus reddemus firmiorem.

Sit prima propositio. Quæ sit similitudo temperamentum primarum qualitatibus tribui non potest. Quia Cnicus calidus siccus trahit pituitam frigidam humidam; nec secundis qualitatibus, quia Agaricus, & Colocynthis, tenuis substantiæ cum sint, educerent crassiorem pituitam; neque solidum, adstringensque rhabarbarum, tenuem bilem, & odora Aloë, ferentem bilem. Ergo vel in forma, vel in mixtione secunda elementorum ponenda est.

Secunda propositio. Certis mixtionibus naturalibus, quæ Dei opera sunt & naturæ, & certæ & specificæ formæ ab initio datæ sunt, Creatoris beneficio omnia suauiter disponentis. Sic illi mixtioni equi forma illi piscis data est: omnibus in posterum se propagantibus ex semine ea benedictione imbuto.

Tertia propositio. Sicut certis mixtionibus datæ certæ formæ specificæ, sic illis datæ sunt certæ, & specificæ proprietates, scilicet alimentorum, in quæ sine doctore feruntur: Sic illi herba victus est, huic os, illi caro, huic palca, huic elleborus, illis cicuta, aliis vipera, scorpius, stercus, sanguis.

Quarta propositio. Sicut certis mixtionibus certæ formæ, certæ alimentorum proprietates, sic datæ sunt certæ amicitie (sympathiam vocant) inter ferrum, & magnetem, electrum, & paleas, inter arbores, animalia, pisces, aues, & hæc inter mixta ex elementis, & etiam inter non mixta. Ex iis Gallus orientem solem, Heliotropius herba illum vertentem, Mirus flos illum occidentem respiciunt. Magnes Arctici poli stellas rimatur. Quæ tanta ista rerum amicitia, quæ etiam mixtio elementalibus in cœlo, vel sole, vt istis mixtionibus inferioribus simuletur? Certas verò inimicitias rerum certis mixtionibus demandari, certius est quàm vt exemplis egeat. Posuit Deus inimicitiam inter viperam, & mulierem, & semen eius. Sic omnis vipera omni homini, omnis hominis ieiunia salua omni viperæ venenum. Gallum miluus, leporem canis odit. Demum sunt alia innumera, inter quæ mutuis adest dissensus, quorum innumera ferè exempla proposuit clarissimus Ruellius lib. 1. de nat. stirp. cap. 22.

Quinta propositio. Sicut datæ certæ alimentorum proprietates, certæ amicitie specificis mixtionibus; sic certæ proprietates venenorum illis è diametro oppositæ mixtionibus aliis tribuuntur, quæ deleteria sunt venena: inter metalla Arsenici species, Aconiti inter herbas; Lepus marinus inter pisces, Vipera, Aspis, Basiliscus, Scorpius inter animalia, & pleraque alia.

Sexta propositio. Pare est, verisimile, & rationi consentaneum, dari rebus aliis in subsidium hominis proprietates certas, certis mixtionibus congruas, quas in medicamenti proprietates attractrices vocamus. Sic apud Plinium, Terra nobis malorum genuit remedium. Proprietates hæc ex summi Omnipotentis facultate suprema multis herbis, & aliis rebus datæ sunt, vt similes humores è corpore trahant, quibus potestatem dedit trahendi illos, & similitudinem ad attractionem constituit, non identitatem. In obsequium itaque, & potestatem hominis, medicinas creauit similes humores è corpore proprietate attrahentes, vt attrahere natæ sint, non trahi: Sic dedit vim trahendi humores ex vi mixtionis similes medicamento, non eosdem specie. Sic præbuit vim magneti trahendi ferrum, non alterum magnetem. Illam proprietatem medica-

mentis dedit, aliis in potentia, ut suscitamentum è corpore adepta in actum deducerentur, aliis in actu dedit. Sic herbæ illi apud Thraces Bithyniam incolentes inueniunt, potestas trahendi sanguinem data est, quam tanquam venenum mortiferum. Gal. refert, & nostri cognoscunt, sed occultant. Sic succino data potestas trahendi paleas, & quilibet omnes. Sic succo cydoniorum data actus potestas est, ut iuxta positum venenum ex succo Ellebori albi confectum perimat, seu debilitet, quod aliis pluribus contingere potest.

Septima propositio. Similis proprietas, potestasque iuuandi, & perdendi mixtis huius mundi, aliis etiam extra mundum inferiorem data est, in quibus nulla inuenitur similis, vel dissimilis mixtio, ut ex sola similitudine, vel mixtionis, vel formæ, rerum amicitia, vel inimicitia deduci possit: Quæ quæso similitudo, vel mixtionis, vel formæ, data est inter magnetem, & polum Arcticum; Gal. Tum, & Solem; Heliotropium, & alia?

Approbant omnes ex certis siderum coniunctionibus, in cœli certis partibus mutuo concurrentibus miracula, & bella, & mutationes ingentes, & miserandas pestes; quos aspectus Auic. vocat cœli formas, dicens, *sunt forma ex formis cœli, &c.* quarum euentus ignoratur, quod ab Hipp. videtur accepisse lib. 1. de natur. human. text. 7. Quæ horrenda calamitas interdum toti penè orbi communis, aliquando climati, interdum prouinciæ obseruata est, ut experientia firmat Amat. 7. censur. 27. & ultra hæc, rarissimis, & exitalibus symptomatibus comitata, circumscripta tamen diebus, & termino quem non præterit, inæstificat autem sudore, stertimento, grauedine, ut Ioannes Bochellius, Salius, Mercurial. Laurent. Scholtzius lib. 2. consil. & epist. Craton. confirmant. Sunt & alia mathematicis obseruationibus ab orbe condito obseruata, & siderum inimico concursu, vel aspectu oborta, ex quibus aëri venenata qualitas communicata, etiam citra corruptionem, aërisque putredinem, per respirationem, transpirationemque, corpus humanum, & multorum etiam uiuentium subingressa, natiuam mixtionem dissoluit, naturalem calorem extinguit, & tandem perimit.

Octaua propositio. Sic expertum est certis mixtionibus non specificis solum, sed indiuiduis, proprietates aliquas indiuiduas vni indiuiduo demandari, aliis in eadem specie denegatas, & illas quidem à cœlo demandatas, ex particulari influxu, semini in utero, vel embryoni cum motum susceperit, vel primò nascenti communicatas, & mira, seu monstrosa illa quidem, vel iuuandi, vel perdendi, vel mirabilia operandi; quæ sunt Mathematicorum obseruationibus diu explorata, de quibus dicebat Auic. *Et cõplexionibus insunt res extra rationem, & hoc quidem obseruandum est, & oportet ut experimentum rationem vincat. Cuiusque enim, quod dicebat Gal. 3. meth. cap. 7. proprietates ineffabiles est, nec exaltâ scientia comprehensibilis.* In quem sensum multi recipiunt illud ex Auic. in proœm. *Quod superadditum est, incomprehensibile est,* de quibus proprietatibus indiuidualibus plura exempla dicta sunt. Ex dictis tamen propositionibus præsentem deduco assertionem.

Purgantia medicamenta ab electione, à creatione ipsa receperunt proprietates generosas trahendi humores sibi similes, siue per secessum, vomitum, vel quamuis aliam corporis regionem humores vacuare nata sunt, in hominis obsequium, salutemque, ut excedentibus humoribus proprium inueniretur auxilium. Hanc similitudinem penes mixtionem substantiarum attendendam potius, quam circa formam, mihi videtur: Sic enim Medico artifice sensuali agnitio commodior est, quod aliquando etiam dixit Auic. dicens, *Medici sermo est manifestior; Philosophi verò quum magis attenditur, veracior, &c.* Et esse eam vim, & potestatem datam ad attrahendum similem humorem, non ad alia medicamenta eadem in specie, sicut magneti data vis est trahendi ferrum, non alium magnetem, Gal. est sententia, qui de facultatibus, proprietatibus, & functionibus agens ad vñs medicos trahendorum medicamentorum actiones mixtioni tribuit, non formæ; licet prima sit in eis obeundi forma, & proprietates quæ omnia

acutissimè, tanquam insignis Philosophus, & nouit, & docuit, & indicauit, sed non audet definire, dicens nihil tractationis medicæ interesse, siue functionis opifex temperamentum, an superior forma animæ temperamento imperans; cum verò ea forma seruari non possit præsens, nec restitui absens, sed solum temperamentum, frustra quaeritur ab artifice.

Ex quibus miror doctissimum Fernelium 2. meth. 4. ex sua propria doctrina, calumniam Gal. prætexentem, quasi formarum actiones non nouerit, putantem se quidpiam noui reperisse, & quod à Gal. acceperit, gloriatur quasi non acceperit; cum tamen eius auspiciis educatus tam insigniter in arte promouerit. Foret, credo, illustrius gratam soluere nutritionis mercedem, & fateri per quem profecerit, & mutuum reddere, cum præsertim fors fiat ex vñura, quam in furto deprehendi.

Cum facultas ducendi humores medicamento data sit, aliis per vomitum, ut elleboro albo, dicente Plin. lib. 25. cap. 5. aliis per inferiorem ventrem, ut nigro; aliis vtraque parte, ut stibio; (licet ob secundas causas, grauitatis, & leuitatis, & particulares sumentium naturas, & conditiones aliquando frustretur) aliis per vñram, ut Cantharidi, aliis per os, ut Mercurio: hinc tantum de natura ducentium per aluum agitur. Et licet in quatuor classes ea diuidat Gal. in purgantia leniendo, ut pruna; lubricum faciendo, ut mucilago psyllij; adstringendo, ut Rhabarb. & Myrobal. & attrahendo: præsens quaestio de medicinis vi, & proprietate attrahentibus, venit intelligenda.

Medicamentum ergo commodè exhibitum excedentem sibi familiarem humorem educit. Si fortè autem contingat tam exiguum medicamenti portionem exhiberi, ut ab humoris copia obruatur, ea omnino facultate purgandi frustrabitur, & in alienam vertetur naturam, ex Gal. 3. simpl. 24. In corpore namque valido, & inedia exhausto, benigni medicamenti exigua portio in corporis naturam facit. Maligni verò portio vel exigua, opere frustrata in putredinem veneno simillimam secedit: mediocri autem in humorem vacuandum, qui è superuacaneorum est genere, alendo corpori minimè idoneus: Seu quia prius in chylum, gignendo tamen humori proportionalem, vertitur, vel potius in humorem ipsum immediatè: humores enim naturales ex cibis naturæ opera generantur; præter naturam verò non tantum ex cibis, sed etiam ex medicamentis, ac aliis rebus, quæ medicamenta non sunt: Sic è cimolia, testa, extinctis carbonibus, in malacia pessimi humores generantur, calore præter naturam ad id agente: Seu quod parua medicamenti quantitas à multitudine excedentis humoris obruatur, sicuti gutta aquæ vberiiori vino infusa ex impari mensura in vinum conuertitur, ex Arist. lib. 1. de generat. & corrupt. ult. Quomodo aquæ vñs in acutis reprobus est. 3. acut. 40. quoniam in biliosis, & picrocholis bilem facit, auctore Gal. 3. de fract. 49. Mediocris verò medicamenti portio opere frustrata, ab humoreque cuius, mediatè, vel immediatè in humorem vertitur, quod Gal. edocuit; maligni verò in putredinem veneno finitimam.

Hæc est doctrina Hipp. & Gal. multorum opinionibus aduersa, variisque argumentis obnoxia, quæ latè, & argutè proponunt, & soluunt Antonius Ludou. Olyssipon. lib. 2. de occult. propriet. à cap. 11. vsque ad 15. Fallop. l. 1. de simpl. med. purg. cap. 1. Ludouic. Lemosius lib. 7. meth. Gal. in com. cap. 11. diff. 5. Christoph. à Vega lib. 2. art. med. sit. de medic. purg. Cardan. lib. 2. contradict. tract. 1. contr. 3. Mena in com. cap. 1. Gal. lib. quos, quib. &c. Costæus in com. cap. 44. lib. 1. & in com. canon. 1. Mæsuë, Valleriol. eloquentissimè in com. cap. 21. Gal. lib. de const. art. medic. Hi ergo omnes Gal. laudant, Auic. temnunt, & damnant, nunquam tamen ipsum Gal. componere potuerunt.

Dicam tamen libenter quid in re tanta censuerim dicendum. Similia nempe, alia habere totalem similitudinem, quam proprius identitatem vocamus; alia partialem, quæ verisimilitudo debet appellari. Priora nequaquam se possunt trahere, quomodo ferrum non attrahit ferrum. Hoc enim excussum iam à Gal. est, 3. simpl. 25. cum inquit, *Purissimum autem esse oportet quod attrahitur, non purissimum*



etenim similitudinem inesse substantiis diximus, non identitatem, &c. Nec obstat quod apud Conciliat. diff. 61. ferrum à contactu Magnetis, aliud ferrum trahat, quoniam illud non virtute & proprietate ferri, sed magnetis virtute ferro communicata accidere certum est. Cur autem Plin. 36. nat. hist. cap. 16. dicat Æthiopicum magnetem, alium magnetem attrahere, & Cato de re rustic. cap. 160. scribat, arundinis medietatem, aliam trahere, & plura alia, consultò explicanda prætermittimus; nam si omnium vellem cumulos aduoluere rerum, nostra in immensum progredietur oratio, & nos cit. lib. 4. ad vnguem referemus. Vide Ioan. Brauu. Petrasitan. lib. 1. de purg. rat. cap. 11. & 12. pro horum mente explicanda diligenter: & Ferdinand. Roderic. Cardoso lib. de sex reb. non natur. q. 11. Verisimilia se possunt trahere, de quibus intelligendus Gal. quem sequitur Auic. tantum abest vt ei contradicat, quin potius eius approbet sententiam. Solum enim monet, quod quamuis Gal. videatur sentire quod medicamenta trahant similitudine, non intelligamus de totali. Patet, quoniam exemplo de ferro vitur. Et est potior expositio, quam interpretum ibi, Iacobi, Dini, Antonij, Mariz Bertæ, & Conciliat. 1. diff. 14. qui huc, illucque Euripi modo agitati, varios fingunt soluendi modos, & meras tricas. At nos ex facundissima Gal. penu epilogum fecimus, non tractatum. Et tantos auctores inter se discordes in veram reduximus amicitiam, quorum dicta hostiliter non sunt redarguenda, & quauis de causa respuenda, sed amice interpretanda, auctore Magistro 2. de caus. sympt. 5. semper enim insudandum, vt Medicinæ Principum inter sese repugnantia dogmata, non futilibus ac inanibus subterfugiis, miserorum refugiis verius nominandis, sed congruis, probabilibus, ac apparentibus rationibus & fundamentis ad veram concordiam reducantur, sicut alias ad iuris antinomiam omnino euitandam, iura iuribus concordare oportere obseruatissimum est apud Legum Professores, eiusdem iuris axioma.

## HISTORIA XXVI. RASIS, De Epilepsia.

Frequens Epilepsia ex sanguinis copia suborta, venæ sectione curatur.

NAtiph consuluit me de morbo caduco, & ego totaliter posui intentionem meam in eius morbo, & inueni ambas partes quideg repletas, & facies eius erat vehementis rubedinis & inflationis, & oculi rubei, & corpus eius repletum, & carnosum; & præcepi cuidam Medico Occidentali, quod phlebotomaret ipsum de saphæna, & Medicus phlebotomauit eum de basilica, & extraxit multum sanguinem, & illo anno non fuit passus epilepsiam, &c. Rasis in lib. de mirabil. auscult. quas expertus est.

### PARAPHRASIS.

SVboriri aliquando à sanguine epilepsiam nouum non est, quum id testetur Gal. lib. 4. acut. 27. quo loco, conuulsionem, vertigines, aphoniam, capitis grauitatem, & epilepsiam, à sanguinis copia grauante, spiritus infrigidante, obruente, & cerebri ventriculos suo lentore, & multitudine obstruente proficisci confirmat, & repetit 3. aph. 20. ad stipulatur Auic. 1. 3. tract. 5. c. 8. dum ait. Et hæc quidem materia, aut est sanguis dominans, aut plurimus, &c. Explicant eleganter Salius de curat. morb. part. cap. 3. Ludouic. Mercat. lib. 1. prax. cap. 16. in fin. Ab hoc autem humore subortam Epilepsiam, signis ab Auctore positis venaberis manifestè, quæ si adsint, sanguinem mittere ne cuncteris, ex eius præscripto 9. ad Alm. cap. de Epilepsia, Quod si accessio epileptica acutissima sit, vel symptomatum frequentia præceps exitium minetur, è cubito post accessionem sanguis mittatur, sic monente Paul. libr. 3. cap. 13. Quem sequuntur Valleriol. 3. obseruat. 7. Vega lib. 3. art. Med. cap. 12. sect. 1. Michaël Ioan. Paschal. & eius

A Scholiast. Pereda lib. 1. de curand. morb. c. 8. & alij ferè omnes, qui ad accessionem leuandam, quum à plurimo sanguine venas intercipientes, & occludentes, præsertim in ventriculis cerebri infixo, duxerit ortum, ab externa aut humeraria sanguinem emittendum consulunt.

Secus faciendum est, iuxta Gal. lib. de curand. rat. per sang. mis. cap. 19. & Cell. lib. 3. cap. 23. præceptum, in præseruatione, quod consilium Rasis hic obseruat. Sic enim ad maximè distantes partes, à præcipuis visceribus diuersio fit, & lenta crassaque sanguinis copia ad infernas suo impetu ruit corporis partes; quapropter in infanientibus hæmorrhoides si superueniant, bonum 6. aph. 21. His conuictus Bartholomæus Montagnana consil. 126. in initio, suadet, vt in præseruatione affectuum supra iugulum, inferiores venæ secantur, quod Auic. monet 4. 1. cap. 20. dum has venas secandas iubet in agnitudinibus factis ex materiis ad caput declinantibus. Et licet in nostro ægro alter Medicus sanguinis missionem ex basilica exercuerit, signorum syndromen in genere venoso sanguinis copiam attestantium considerans, non ob id reprobanda est sectio tali, quæ facta citius & securius à cerebro, vasisque internis reuellimus, & vacuamus. Quare si plures in præseruatione è cubito sanguinem emittunt, de quorum numero sunt Ioan. Baptista. Theodos. epist. 6. Benedict. Victor. empiric. cap. 2. ne miretis: Nam diuersam hi originem, focumque respiciunt, à quo sanguis ebullire potest, Epilepsiam suo motu, copiaque effecturus, præsertim cum qualibet vena secta totum corpus exhauriatur, sic docente Magistro lib. 2. acut. com. 1. 1.

### Obseruatio XXII.

Quidam Epilepsia senissima frequenter concussus, secta ex interuallis saphæna, ab ea præseruatur.

VIr quidam carnosus, & rubicundus, tanta violentia Epilepticis conuulsionibus miserè, vel septies multoties in die torquebatur, vt timor esset, ne ex accessionum repetitione in apoplexiam incideret. Huic cum omnia in ipsa accessione, & extra eam, reuellentia essent facta auxilia, & pituitosus humor, qui mali causa purabatur, crebris vacuationibus esset expurgatus, præiens accessione oppresso sæuissima, opem fero ex vtraque cephalica sanguinem demens. Cessante verò malo, vt transpiraret corpus, sanguinem, ex nimis sanguifico hepate genitum, secta saphæna singulis mensibus minuendum impetro. Et sic mutato regimine, in posterum omninò sanus euasit.

## HISTORIA XXVII. RASIS, De Epilepsia.

Fœmina Epilepsia prehensa, confectione anacardina, & aliis auxiliis curatur.

MVlieri accidit paralytis, & postea epilepsia, & signa dispositionis eius erant certa, simplicia, & manifesta. Purgauit phlegma cum medicinis violentis, & præcepi ipsam assiduare theriacam, & speciarium in mei absentia exhibuit sibi anacardinam, & fuit liberata mirabili liberatione, &c. Rasis in lib. de mirabilibus auscultationibus.

### PARAPHRASIS.

EX pituitoso humore in diuersis cerebri partibus congesto, diuersos morbos oriri Gal. sapius inculcatnam si in origine neruorum fuerit imbibitus, accidit paralytis; & si in ventriculis cerebri sit impactus, sequitur epilepsia. Quum morbus caducus accessionum violentia sit manifestus, cuiusque causa certissime cognoscatur, quod sit pituita crassa, viscida & mucosa, hanc eradicare difficile & arduum existit; hoc enim opus non nisi violentè, & fortiter attrahentibus medicamentis perfici potest, præsertim

præsertim cum humor sit tenaciter infixus, & in parte distante situs, à viis ductuum valde remota: Nam humor calidus, qualis est flava bilis, facile vacuatur; pituita verò, ac potissimum ea, quæ crassior, glutinosiorque est, itémque nigra bilis difficillimè, auctore. Gal. 14. meth. 17.

Hoc facto, & toto vacuato, necesse fuit cerebrum roborare, flatus resolvere, ne fortè debile ipsum, & diuturna intemperie affectum, iterum crassos humores generando, imminenti epilepsiæ præberet occasionem. Pro quo complendo opere Theriaca est mirabilis, sed loco eius data est confectio Anacardina, pro roborando cerebro præstantissima. Nam, auctore Mesuë, partes nervosas mirandum in modum roborat, cuius frigidis & humidis vitiis summopere opitulatur, quum flatus discutiat, crassos tenuet humores, & sanguinem ab horum spurcitie mundet, & repurget: quæ de causa spiritus animales purificat, acuit intellectum, sensus viuificat, & memoriam iamiam labascentem efficit tenaciorem. Et si alia à Nicolao composita vtaris in hoc affectu, quæ ad firmandum partes nervosas, vnaque vacuandos noxios succos prodest eximie, ex arte facies: nam pituitam, ob componentium vim, clementer purgat; & vnà robur maximum corpori indit.

Si hæc deficiat, mel anacardinum ex usu sit, quod ex Albucasis, & Alzarauij sententia, eisdem affectionibus mirabiliter auxiliatur. Hoc modo id conficies. Anacardos septem diebus in aceto macerabis prius cōcristos, coques, donec tertia pars absumatur, ac refrigerare sinito, quod supernatat oleosum, mel est anacardinum. De Anacardorum vi, & facultate lege Serap. Actuar. Paul. Mathiol. & eos qui de aromatum Indicorum historia scripserunt, inter quos Christoph. à Costa palmam præripuit, lib. de India aromatib. cap. 30.

#### COMMENTARIUM.

[*Assiduare theriacam.*] Theriaca (donum Dei) ad frigidos cerebri affectus, partes nervosas roborandas, ad veneni, ferarumque noxiarum morsus tum præcautionem, tum curationem, mirabilem habet vim, & potestatem; Nam igni purifici instar, inquit, Gal. lib. de theriac. ad Pis. 16. lentos, viscososque coquit succos, & exitiabilibus venenis eximie aduersatur. Quare inueteratis confert capitis doloribus, vertigini, aurium grauitati, comitialibus, attonitis, apoplecticis, resolutis, oculorum hebetudini, voci amissæ, asthmaticis, suspiriosis, diuturnæ tussi, hæmoptoicis, ægrè excreantibus, ventriculi debilitati, ac inflationi mirè auxiliatur, durum lienem emollit, calculos renum comminuit. Vrinæ difficultati, & vesicæ exulcerationibus medetur. Menstrua mouet, fœtum mortuum expellit, articulorum morbis remedio est. Tristes exhilarat, melancholicis & rabiosis vnicè succurrit, & in pestifera lue vnicum est alexipharmacum. Hanc enim hydram, seu truculentam belluam sola ipsa Theriaca coercet, ac infrenat, siue ea vtaris intus assumpta, & prius cardiacis admixta; siue abscessibus pestiferis eam imponas; siue epithematis modo sinistro cordis ventriculo approximes, quocunque enim modo eam experiaris, citissimam conspicias utilitatem. Miror solum antiquos scriptores, Cornelium, Archigenem, Dioclem, & alios grauissimos viros, de huius facultate nec verbum quidem protulisse, excepto Galeno, Medicinæ parente, viro sanè pietate, miraque in genus humanum beneuolentia affecto, qui tantum, tamque pretiosissimum præsidium subticere non est passus, de cuius vi eximia sat plura veteres, & iuniores literarum monumentis tradidere. Explanant Auic. lib. 4. sum. 1. tract. 1. cap. 1. & fidiissimi eius interpretes Gentilis, & Iacobus vterque. Mercurialis lib. 1. de venen. & morb. venenosis, cap. 20. Medici Romani, & Bononienses in pharmacop. iur. de Theriaca; Pharmacopœa Amstelodamensis tract. de opiatis, iur. de theriaca. Cardan. lib. 2. de venen. c. 10. Constant. 7. viatic. cap. de morsu viper. Alb. Mag. lib. 2. de animalib. tract. 2. Gilbert. Anglic. 7. cōpend. c. de morsu viper. Santes de Arduinis lib. 6. de venen. c. 1. Haly lib. de regal. disp. cap. 4. Chyrandus in chyranida

A lib. 2. c. 1. Raf. 8. ad Alm. cap. de morsu vip. & eleganter proposuit Nicolaus Fontanus Medicus percelebris lib. instit. pharmaceuticar. sect. 8. cap. 3.

Tanta denique est aduersus veneni, & præsertim viperini vim, huius antidoti præstantissimi efficacia, vt hoc solo epoto plurimos ab hoc animali ictos perfunasse gloriantur Gal. lib. 3. de loc. cap. 8. Paræus lib. 20. c. 14. vt referunt Greuinius lib. 1. de venen. cap. 10. Firmant Bellon. lib. 2. obs. singul. c. 54. & Bodin. lib. 3. theat. natur. pag. 316. Ioan. Camar. Buthemant. in lib. de reptil. Sac. Scrip. tit. de viper. & eius veneno. Gesner. lib. 5. de rept. c. de viper. lit. G. Vlis. Aldrouand. lib. 5. de serpent. cap. 17. 18. & 20. Cuius Alexipharmaci exactam compositionem pete ex Barthol. Maranta, qui in eius præparatione strenuè operam nauauit.

#### DVBIVM XIV.

Num theriaca nostris temporibus rectè parari possit.

Hæc tamen intelligas velim, dummodò theriaca sit veterum more parata, & ex selectissimis medicamentis composita. Hæc enim est causa, ob quam nostro sæculo easdem non præstet facultates, quas de eius vi veterum peritissimi prodidere. Res pater exemplo. Nam si theriacam, quam Seuero Imperatori confecerat Gal. imbecilliolem persensit, illa pro salute Marci Antonij constructa, quod cinnamomi pars ab illa arbore esset deprompta, quæ Traiani, ac Adriani tempore in arca quadam seruabatur; quoniam temporis diuturnitate vis cinnamomi euanuerat: sit manifestum multò imbecilliolem nostro æuo fore construendam, quum multa deficient, quæ non nisi in Imperatorum, Regumque thesauris reperiri possunt. Solum namque illis conficiebat Romæ Gal. (quasi aliis non posset) qui vel Imperatorum amici, vel diuites essent: iis namque facile erat vel ab illis petere, vel verum emere cinnamomum, vt lib. 1. de antid. 4. Gal. ostendit. Nam si medicamenta omnia theriacæ compositionem ingredientia præstantissima non sint, illa multò deterior euadet, cum vnus medicamenti improbitas reliqua omnia sæpè corrumpat, sic monente Magistro lib. de theriac. ad Pis. cap. 12.

Ex dictis euidenter patet, theriacam nostris temporibus constructam, plurimis carere dotibus, aut saltem debilioribus constare, cum deficient multa, eaque nobilissima medicamenta: quorum loco si alia substituantur, cum similia non sint, imò in secundis, & tertiis qualitatibus diuersa, iisdem facultatibus, ac virtutibus carebunt.

Videretur enim impossibile inueniri medicamentum quod alteri omnino simile sit. Si enim difficile est valdè reperire in specie humana indiuiduum habens temperiem, in qua alteri associetur, vt voluit Auic. 2. 1. doct. 3. cap. 1. cum speciei humanæ vnica, ac eadem sit forma, cur dabitur in simplicibus, quæ diuersis constant formis, quorum magna est dissimilitudo, & varietas? Prætermittito modum substantiæ & temperamenti proprietatem ex impari elementorum miscella emanantem ex Gal. 4. simp. 15. naturam denique in illis inuentam, à superna, & plenissima influentia deductam iuxta materiæ præparationem, & mixtionis modum, ex Auic. lib. de virib. cord. tract. 1. & 2. 1. doct. 2. sum. 1. cap. 25. quorum ratione, ipsa theriaca fortiores, ac potentiores effectus producere potest, quàm simplicia ex quibus componitur, vt insinuat Gal. lib. de theriac. ad Pison. c. 16. Quam doctrinam amplificat Auic. lib. 5. canonic. tract. 1. cap. 1. & in vniuersum de omnibus compositis medicinis intelligendam arbitrat lib. de virib. cord. tract. 2. cap. 4.

Quare cum medicamina simplicia theriacam adornantia, alia sint incognita, quædam factitia, reproba alia, vix credere possum perfectam hoc tempore posse parari. Ea sunt, Balsamum verum, Myrrha, Rheon, Amomum, Cinnamomum, Casia, Scordium, Nardus Indica, Malobathrum; Lemnia, Cardamomum, Dictamnium, Petroseelinum, radix pentaphylli, thlaspi, atque in hedychroo magmare;

magmatē, quod *Alindaracaron* Arabes vocant, aspalathon, calamus odoratus, xylobalsamum, Maron.

Tor igitur existentibus pharmacis, vel penitus ignotis, vel valde dubiis, nescio quomodo parari recte theriaca possit: quod ita esse, vocatis in examen dictis medicamentis confirmat Manard. doctissimus lib. 6. epist. 3. & post eum non siluere Bapt. Theodol. epist. 12. Bernard. Desse-  
nius, lib. 6. de compos. medic. siui. de trochisc. de thyro.

## QVÆSTIO XVI.

*Quod theriaca epilepsia correptos iuuet, & sanos ab ea præseruare possit, contra Paschalium.*

**P**orro hæc ut decet parata, epilepticos sanat, ita ut qui eius usum assidue frequentauerit, ab epilepsia tutus euadat: Quod auxilium auctor hic assidue propinandum consulebat. Quare speculatione dignum est querere: Num sicut theriaca epilepsia correptos iuuat, sic sanos ab ea præseruare possit Michaël Ioan. Paschal. lib. 1. de curand. morb. c. 8. sic ait. *Theriaca magna veneno affectos curat, & sanos veneno afficit, &c.* Poterat tamen hic auctor opinionem stabilire suam, Auerrois dictis, qui ei se addixit opinioni, ut crederet, theriacam magnam, sanos à veneno, cæterisque morbis non posse præseruare, imò illis esse præsentaneum venenum confirmauit. Sic enim ait lib. 5. collect. c. 23. *Et ista medicina bezoardica non curant, nisi recipiantur, cum est in corpore dispositio venenosa facta à veneno, & tunc dant corpori unam virtutem, qua est contraria virtuti veneni, & sic curatur venenum quasi per accidens: Propterea quando comedit illas homo sanus, sunt sicut venenum, exceptis granis citri, & similibus illis, &c.* & infra sic ait. *Et causa quare bezoar occidit sanum, non est nisi quia non habet prodesse, nisi quando in corpore est dispositio venenosa; & alia est inuatrix quando in corpore est dispositio venenosa; &c.* Ex quo patet, peste, venenoque affectis, theriacam salubre esse auxilium, sanis verò incommodum & detestandum. Quod de aliis belzaarticis similiter pronuntiandum existimat: non secus ac medicamenta purgantia, quæ ægros iuuant, sanos lædunt, auctore Hipp. 2. aph. 36. & 4. eiusd. 16.

Multis autem ita inducitur opinari; tum quoniam theriacam, ex simplicibus quibus componitur, prorsus venenatam putat; tum quoniam ratione extremæ contrarietatis venenum corrumpit, sicut & cætera belzaartica. Cùmque extrema non solum sibi murum, sed medio pariter aduersentur, medium autem sit corpus sanum, illi omnino aduersabitur theriaca, eritque sanitatis destructiua, & omnia perinde medicamenta quæ medentur veneno, (sunt enim multò efficaciora) nec diuersa statuuntur causæ, quæ sanitatem custodiunt, & efficiunt, hoc est conseruatrices, & curatrices, salubres nuncupatæ, in c. 84. art. medic. nisi quia sanum corpus in mediocritate constituunt; vnde cùm pariter distet ab excessu morbi, & medicamenti, seruari nequit per ea, quibus cùm ægrotat, curatur. Sic ratiocinatur Philosophorum acutissimus Auerroës.

At præter rationem improbat antidotum, quod summis laudibus celebrant cæteri auctores in subsidium pestis, & venenosorum morborum, imò ad affectuum frigidorum præcautionem tantoperè commendarunt: dummodo tamen, ut suprà diximus, probata sit theriaca, & more veterum parata. Turos enim reddere assumentes, & in pestifero acris statu à tanto malo præseruare, tenet latissime Gal. lib. de theriac. ad Pison. c. 6. ex *Andromacho*, ibi:

*Ne te dira lues, neu ladat noxius aer,*

*Hanc cape.*

Et lib. 1. de antid. cap. 1. sic ait. *Quod si quis singulis diebus, quemadmodum tempestate nostra Aurelius Antoninus Imperator, vel, sicut olim Mithridates solebat, antidotum accipiat, nullis noxiis porionibus ledetur, id quod ipsi Mithridati contrigisse ferunt, qui cùm potius veneno mori, quàm in potestatem Romanorum venire decreuisset, nihil inuenit quo se necare posset, &c.* Nam corpus eius, assiduo Mithridaticæ confectio-  
nis usu ita erat munitum, ut à venenis non læderetur;

quum haberet in se vim eorum corrupticem. Firmat Gal. lib. de syriac. ad Pison. cap. 16. licet Plinius lib. 25. c. 2. ad usum potius venenorum, quàm antidotorum referat, consonat illud Martialis.

*Profecit poro Mithridates sepe veneno,*

*Toxica ne possent sua nocere sibi.*

Possent autem quempiam alluescieri veneno, eoque nutrirī, testes sunt Auic. 6. 4. tract. 1. cap. 2. & Ruffus citatus ab Auic. ib. qui puellam nutritam fuisse napello sunt arbitrati, cuius concubitu homines veneno inficiebantur, & animalia eius saluam degustantia interficiebantur. Quam historiam esse veram firmat Gentil. in com. Approbarunt postea Conciliat. tract. de venen. Lang. lib. 1. epist. 69. Arist. lib. de regim. Princ. ut refert Auer. in proem. lib. 3. physic. Ille enim Alexandrum Regem hortatus est, ut ab huius puellæ concubitu abstineret, licet omni puellari veneris decore, ac venustate prædita esset, quam Rex Indorum, ut illius contagione inficeretur, Alexandro dono miserat. Hoc ita esse firmat Ioan. Iuuenis in epistol. ad Brachele-  
mum. Mortales autem educatione fieri veneficos, probant Mizaldus cent. 1. memorabil. aph. 59. Cardan. lib. 2. contrad. tract. 2. contrad. 7. Scalig. exercit. 175. ad subtil. Cardan. Clusius ad cap. 25. lib. 1. Garzia. de aromai. hist. Qua tamen ratione venena digerantur, alant, & non noceant, scitè docet Theoph. lib. 9. de caus. plantar. cap. 18. & nos in com. hist. 26. lib. 5. huius operis diligenter explicabimus. Interim lege Mercurial. lib. 1. de venen. cap. 9.

Verum enimvero, ut ad institutum accedamus, Gal. lib. de theriac. ad Pison. 16. theriacam pro præseruatione pestilentis luis miris laudibus effert. Sequuntur Auic. lib. 4. sup. præ cit. dum sic ait. *Et illi qui vritur in hora sanitatis, non nocent venena, & non impetunt in eo nociuētia, & sit securus ab agriudinis pestilentia, &c.* Et lib. de virib. cord. tract. 2. c. 4. sic inquit. *Homo autem temperata complexionis, quando vritur altero ipsorum, tempore temperato, aut frigido, & in quantitate etiam moderata, non frequenter, tunc cum eis ambobus maius sit inuamentum in confortatione cordis, & conseruat sanitatem in ipso, atque securum efficit à malignitate putrefactionum, & à prauis humorum moribus, atque lesionibus obuiis venenorum, cunctasque virtutes eius conseruat, & vita longitudo præstat ei; &c.* Raluis 21. part. aph. 51. dum dicit: *& qui non occupatus erat morbo, & theriacam sumpsit, à morbo præseruatus est, &c.* Horum mentem dilucidat Aëtius tetr. 4. ferm. 1. c. 96. Vix enim ad pestiferæ luis, frigidorumque cerebri morborum aliud præstantius, magisque idoneum præsidium ipsa inueniri potest.

Experimento suffragatur ratio. Nam si cor roborat, & ex iis quibus componitur, resultat vna alexiteria facultas, seu virtus, quæ à proprietate agit contra venenum, cur pestifero, & cuius veneno, imò facultate sua cerebrum eximè vigorando, frigidis morbis non resistit? Eadem siquidem vi & impediuntur contraria induci, & supprimuntur inducta. Quare hoc pretiosissimum antidotum, non ab Andromachi mente, Galeni Marte ingenuo, Principum Medicorum assiduo experimento: sed à supremo obiectorum omnium opifice, bonorum omnium datore, originē duxisse verè affirmandum est, qui humani generis miseratus, maximo honoris culmine, & fulcro in hominum mentem, tam sacrum, tam præstans, tam excellens alexipharmacum introduxit, ut in iis, & similibus operibus, eius maiestas, benignitas, & philanthropia à nobis palpari, illustrari, & veritatis, sapientiæ, miraculique elogio concelebrari queat.

Superest ut Auer. argumenta dissoluamus. Negamus enim theriacam post fermentationem venenosam esse, aut nociuam, saltem ratione theriacalis potentia, qua venenis resistit: Vel quoniam venena ex quibus componitur, prius corriguntur, quàm illius compositionem ingrediantur, ut constat de carne viperina, lib. 1. de antid. 1. Vel quoniam cum aliis permixta vim amittit veneni. Reprimuntur enim lædentium noxæ aliorum coniunctione, & vel superest proficua vis, vel de nouo comparatur, prout illa theriacæ, quæ permixtionem adepta, ab specifica forma dissimilis, & contraria euacuat veneno: corpori autem proficua, utilis, & simillima.

Neque

Neque obstat, quòd multi ex Auic. 6.4.tract.3.cap.33. A ipsam purgantibus commiscant, quum ea pharmaci vim exoluat, ac purgationem inhibeat. Quare ratione Antoninus Imperator, ut refert lib. 1. de antidot. cap. 2. quotidie theriacam assumens, succum papaueris eximi iussit, quoniam profundissimo somno corripiebat; postea verò quum plurimam noctis partem in somnum duceret, coactus est denuò ipsam accipere, quæ succum papaueris haberet aliquo modo inueteratum. Nam opium, auctore Discorid. lib. 2. cap. 55. erui magnitudine assumptam, somnum potenter allicit, ita ut lethargicos efficiendo interimat. Recens ergo theriaca stupefacit, opij vi; fermentata tamen & antiqua, quæ pro epilepsia, frigidorumque morborum medela, & præseruatione exhiberi debet, vigiliam mouet, attenuat, penetrat, & incidit: in hac enim opij virtus iam est vehementer deuicta, ac refracta.

Ad 2. Licet theriaca, & cætera alexiteria quæ liberant à veneno, contrarietatis, & dissimilitudinis ratione, hoc est potentia cuiusdam veneni corruptiua agant in ipsum venenum, & corpus: Alexipharmaca autem media inter illa dicantur, non per participationem, sed per abnegationem, nempe quia neutri omnino dissimilia, aut similia.

5. simpl. 18. Ideò neque absolute corrumpunt ut venenum, neque absolute conseruant ut cibus, quemadmodum in multis experimur. Verum tamen est magis dissimilia esse, & contraria veneno, quàm corpori similia: & quanquam veneno analogæ, non tamen venenum. Quare corpus quidem sanum immutabitur, alterabitur theriaca, maxime si puerile sit: quoniam ipsius magnitudo puerorum corpus facile dissoluit, & complanatum spiritum celeriter extinguit; non aliter atque lucernæ flammam plusquam conueniat infusum oleum, ut percelebri Historia Gal. confirmat. lib. de theriac. ad Pison. cap. 17. cuiusdam pueri, qui ab assiduo theriacæ vsu in maciem, eadem, mortemque incurrit. Quo pacto in hac ætate, summa cum præmeditatione propinandum est hoc medicamentum, & non nisi cum morbi scintilla id postulat manifestè, epilepticæque conuulsiones vehementer urgeant. De qua re lege Amat. 2. cent. 43. Anton. Carthaginens. lib. de fascinat. tract. 2. cap. 9. Bapt. Siluatic. cont. 91.

Demum. Noxius erit Alexipharmacorum vsus præsertim immodicus: Hæc enim Gal. 5. simpl. 18. ea moderatione iubet assumenda, ut nec præ exiguitate vincantur, nec præ copia lædant. Ex quibus ad Auer. argumenta solutio patet, quæ puriori respondendi stylo sunt soluta, licet ardua sint, quàm à Gentil. in com. cit. cap. Auic. in tract. de theriacis Antonio Carthag. tract. de peste, cap. 2. Mercurial. lib. 1. de morb. venen. cap. 20. qui hoc negotium ex professo disputant.

Obiiciet quispiam Gal. facundissima doctrina munitus, theriacam epilepticis minimè posse esse vtilem, si incrassat, arctat, impingit, & crassum, tenacemque humorem, qui est epilepsia causa, sistit, & indurat. Est textus eximius apud ipsum lib. 5. meth. cap. 13. quo loco ad sistendum sanguinis fluxum, se theriaca vsum fuisse in curatione illius splendoris Romanæ asseuerat. Quoniam hoc medicamentum fluxiones rum siccât, tum leuiter incrassat. Explicat ingenuè Fabius Paccius in com. Idem docet Gal. 12. meth. cap. 7. Paul. lib. 3. cap. 40. Aëtius 1. 2. serm. 4. cap. 6. Auic. 16. 3. tract. 2. cap. ult. dum dicit. Et scias quòd theriaca est valde conferens omni ventris fluxui laborioso & laxanti, & deficienti virtutem, &c. Idem sentit 4. 1. cap. 30. in med. quod Mesuè non siluit in canonib. vniuersal. sic enim ait. Impingere enim, & stupefacere, est vltimū ad id quod insiti debet, & propriè tunc, quando omnino iam non consulerunt supra dicta, & res est posita sicut in desperatione, tunc quoque narcotica præsumendum est, & medicamentis fortibus viendum, sicut est theriaca, &c. Ex quibus patet theriacam medicamentum esse stupefaciens, fluxiones sistens ac incrassans.

Galenus 1. 5. meth. cap. 13. soluit dubitationem hoc modo, dum theriacam recentem, circiter quatuor menses antè confectam. somnum inducere affirmat, quoniam in hac ætate adhuc prævalentem habet papaueris succum, cuius ratione dictas operationes efficere est apta. De hac intelligendus est ipse lib. de theriac. ad Pison. 2. dum exhibitio medicamento alium subducit, si qui assumpsit non purgatur data theriaca, iudicat hanc esse optimam, quoniam purgationem prohibuit illius, qui purgantem medicinam sumpsit, quæ theriacæ probatio nunquam eum fecellit. Ex quo intelligitur errasse eos, qui in peste

## QVÆSTIO XVII.

Quòd recens theriaca stupefaciat, contra Gentilem acutissimum.

Q Vomodo tamen recens theriaca stupefaciat, si maior copia calidorum in ipsius compositionem ingreditur, quæ potius vigiliam, quàm somnum facere est apta, pauci explicauerunt. Easunt pyrethrum, piper longum, album, nigrum, cardamomum, balsamum, zingiber, costum, caryophyllum, sagapenum, castoreum, bacca latri, chamædrys, Galbanum, opopanax, semen dauci, & alia quæ licet calida sint, non tamen ita intensum gradum caloris participant. Omnia ergo hæc quum qualitate sint opio multo excessu calidiora, & in maiori quantitate theriacæ compositionem ingredientur, cur vnum non adiuuat aliud, si calores sunt eiusdem speciei, & simile additum simili facit ipsum furere? ut si vinum acutè febrienti exhibeas, maxime intendetur febris, intensa autem tanta calidorum vi, iam tunc opij vis remissior multò erit, quum sit in minori quantitate. Quare si actio physica ab excessu proficiscitur agentis, ut passim Philosophus firmat, & qualitati, cum ab hac actio procedat, tribuitur, si alia in actione multò sunt opio efficaciora, cur ab horum excessu & vehementia, actio non procedet?

Maiorem negare huius argumentationis propositionem, nihil est aliud quàm in philosophia suam fateri incertitiam, ac philosophorum dictis maxime repugnare. Minorem non concedam, cum Opium, auctore Gal. lib. de theriac. ad Pison. cap. 10. ita in actione vehemens sit, tamque qualitate deleterium, ut si absque aliis medicinis propinetur, interficiat; quòd nullum ex illis simplicibus, quæ prædictam ingrediuntur compositionem poterit efficere, nullum enim ex iis veneni naturam sortitur. Nam opium intra corpus assumptum, sine eo quod à corpore immutetur, illud immutat, & corrumpit, ut 3. de temper. 4. & Auic. 2. 1. doct. 2. cap. 15. manifestè pronunciant. Quare opium reliquis medicamentis adhuc non deuictis in agendi vehementia præcellit: maxime cum opij vehementia non sit superata ab illis. Adde opij formam vehementissimæ esse actiuitatis, & qualitatem ab opio directam validissimam, cuius substantia est densa, vnita, & difficile resoluibilis. Mirari ergo desinas, si tam parua opij quantitas, cæterorum simplicium respectu, hæc euincere possit: nam exhibita drachma vna philonij, somnus, sopor, & indolentia sequuntur, vnde sensui fidem exhibere debemus, ut monet Gal. lib. de caus. procat. cap. ult. & 2. de mor. muscul. 7. lib. de rigor. 18. Fernel. lib. 1. de abdit. 10.

Insuper, si aliquod ex iis cum opio in paritate actiuitatis posset decertare, esset castoreum, aut piper, quæ non solum superioritatis imperium non reportare, imò potius inferiora, ac imbecilliora remanere, cum nutrimenta ac medicamenta simul existant, constat ex Gal. 3. de temp. 4. dum sic ait. Quòd si castoreum quoque spatio concoquitur, erit id quoque simul nutrimentum, & medicamentum calidum; ad eundem modum sinapi, & piper, &c. Rursus 8. de comp. med. sec. loc. cap. 4. sic ait. Quòd verò vehementem opij frigiditatem compositor corrigeret, castoreum ipsi



ipſi adiecit oppoſitū ſermē in facultate, eadē ratione & piper A com. ſen. i. lib. 5. traſt. i. dub. 2. prop. ſin. & in extrauagantib. admixtum eſt, a quibus in aſtione inuatur, &c. vt conſtat ex ipſo lib. 9. eiusd. oper. cap. 2. Dum ſic loquitur. Quò verò ci- uis diſtribuerentur, & affectorum corporū profundum pene- trarent, calfacientia admiſcuſ, pyrethrum, euphorbiū, & pi- per. &c. Vides quanta ſit opij poteſtas apud Gal. vt exiſti- met in hac, cæteriſque compoſitionibus, in quas opium ingreditur, non tolli eius efficaciam reliquis medica- mentis, ſed corrigi. Et hæc de qualitatū vehementia ſint ſatis, quibus acquieſcere quiſpiam debet, cum ex ſyn- cera, & præclara Gal. doctrina ſint non paruo labore deprompta.

Quamuis deinde multa, maiori in quantitate calida medicamenta præcellant, cum ab illa aſtio non procedat, ipſa in præſentia opij vires exercere non poterunt. Obtru- des. Quare vnum medicamentum calidum non adiuuat aliud, cum ſimile additum ſimili faciat ipſum furere? Dic. Similia in gradu, & agendi vehementia inter ſe agere non poſſe, quoniam aſtio proficiſcitur à proportionē maioris inæqualitatis, quæ inter perfectæ ſimilia reperiri non po- teſt, auctore Philoſopho lib. 1. de generat. & corrupt. cap. 7. Qua ratione calidum in materia denſiori non agit in ca- lidum ſimile in materia rariori: Nec duo corpora calida in quarto gradu ſeſe inuicem intendere poſſunt.

Hoc ſuppoſito. Cum illa medicamenta ſimplicia quæ theriacæ ingrediuntur compoſitionem, alia ſint quarto gradu ſimilia, alia tertio: nec calida quarto, ſimilia quarto ad maiorem perfectionem poterunt perducere, cum in illa vt pote ſimilia agere non poſſint, quæ nec à tertio gradu calidis intenduntur. Quumque nihil poſſit agere vltra ſuam perfectionem, nec poſſit reduci ad actum, niſi ab eo quod actu tale eſt, docente Philoſopho 3. phyſ. 2. & 1. de gen. 9. ſit manifeſtum, ſi huiusmodi ſimplicia calida ſe non poſſunt intendere, aſtionem magis intenſam producere non poſſe. Quare licet multa ſint, nihilominus ſolum quartum gradum caloris producere poterunt.

Ad illud tandem quod obiciebatur, ſimile additum ſimili facere ipſum furere. Dic. Similitudinem poſſe cõſi- derari aut in ſpecie, & non in gradu; aut in ſpecie, & gra- du. Secundò. Huiusmodi aſtionis furorem, hoc eſt maio- rem actiuitatem intelligi poſſe, vel ſecundum maiorem effectus intentionem, vel ſecundum maiorem actiuita- tem. Si namque agens ſimile ſit in ſpecie, & non in gra- du ita vt plures ſortiatuſ gradus, quàm illud cui additur, certum eſt iſtud in aſtione furere, hoc eſt intēſiorem pro- ducere effectum. Si verò ſit ſimile in ſpecie, & in gradu, non faciet furere illud cui additur ſecundum maiorem ef- fectus intenſionem: faciet tamen ſecundum maiorem actionis celeritatem, præſertim ſi materiæ adſit diſpoſitio. Quo pacto intelligendus eſt Gal. 8. de compoſ. med. ſect. loc. 3. dum aſſerit: in calfacientium, & refrigerantium op- poſitione, vtrorumque oſtendere quantitatem prædomi- nantem, pharmaci aſtionē. Quæ de cauſa carbonēs acrius & celerius vrunt, quàm flamma, & glaciēs plus refrigerat quàm aqua ſoluta. Vnde ſi detur corpus luſinoſum, quod ſeruata eadem extenſione, per diuinam potentiam, duplo maiorem denſitatem, & congeminationem luſinis ac- quireret; nihilominus non produceret lumen intenſius, quàm antea producebat, cum denſitas ſubiecti non ſit po- tens intenſiuam qualitatis virtutem adaugere. Sic ſi detur luſinoſum, & addatur illi alterum, non intenderet lu- men; ſiquidem eadem multitudo graduum poſita in di- uerſis ſubiectis, nō poſteſt magis intenſam producere qua- litatem, quàm ſi in vno, eodēque ſubiecto coaleſceret. De quo argumēto Valleſius lib. 9. cont. 9. acutē diſceptauit.

Eadem denique ratione licet multa, eaque calida ſim- plicia, in theriacæ compoſitionē ingrediantur, nihilomi- nus tamen intenſior non produceretur caliditas, quàm illa qua talia medicamenta prædita ſunt, quæ cum non ſit æqualis, immò inferior opij frigidityte, non eſt mirum ſi huiusce præualeat aſtio: cuius ratione theriaca recens ſom- num mouet, fluxiones ſiſtit, & leuiter craſſat. Et hæc ſint ſatis de hac ardua controuerſia, cum de ea peritiſſimi noſtri temporis Medici ne verbum quidem protulerunt. Vno ex- cepto Gentili, Auic. nunquam ſatis laudato interprete, in

com. ſen. i. lib. 5. traſt. i. dub. 2. prop. ſin. & in extrauagantib. queſt. 43. qui licet latē dubium agitauerit, argumentorum tamen difficultati, dilucidē ſatisfacere non potuit.

## HISTORIA XXVIII. GALENI

## De Epilepſia.

## Puer Epilepticus variis auxiliis præſeruatur.

E Go te, Caciliane, exiſtimabam ad agritudinē ſilij tui no- ſtris admonitionibus baudquaquam indigere, licet vnum tantum audiuerim, puerū tuum epilepſia accēſſionibus inſeſta- ri: Conabor tamē, quantiū fieri poſteſt, manifeſtiſſimē enarrare, B quam utens puer diēta non parū inuuetur, & ab accēſſionibus quotidie ipſum inopinatē inuadētib. minimē ladata. Nam- que puerū neceſſe eſt \* interdum occurrere magnis frigōribus, immenſis caloribus, vētis validis, balneis malis, cibariis caput tētantibus, rotarum obuolutionibus, coruſcationibus, tonitruis, vigiliis, cruditatibus, triſtitia, iracundia, laſſitudini, & aliis C huiusmodi reb. a quibus corpus vehementer moueri ſolet.

Accedente vere puerum purgandum aſſerim \* mediocri pur- gatione. Manē mediocri deambulatione utatur. Nā ſūma cu- rationis in his duobus conſiſtit, in uſu videlicet à me tibi dato pharmaci, \* & in exercitiū modo. Sit autē ſcopus in exercēdo, quò calefaciat: ad quantitatem quidem, vt puerū non fatiget, calefaciat corpus, nec corporis habitum colliquet. In qualitate, vt omnes partes, caput præſertim, & ventriculus roborentur.

Post hac ad prandium eat, & prius quidpiam ventrē mol- liens aſſumat, vel otus, vel ſaſamentum, vel priſſanā, vel oli- uas, cum tertia parte panis: reliquas verò duas \* in cœna tem- pus ſeponat cū valētoribus obſoniis. \* Ex oleribus igitur, nec à lactucis, nec à malua, nec ab atriplice, nec à bliſo prorsus il- lum prohiberi inbeo, non tamen idem ſemper capiat volō, ve- rùm aliās aliud moderatē. Ex eodem eſt genere beta, braſſica: Porrum, quin & apium, & ſmyrniū deguſtare conferet. Et de horariis fruſtibus quicunq; non ſunt penitus crudi, aut ſuapte natura diſſiculter concoquuntur, ij nāque & ſuas ipſorū ſuper- ſuitates, & aliorum etiam eſculentorum retinere conſueuerūt.

Ergo & mora, & qua præcocia nominantur, & ficus, & ſi qui ſunt eiſmodi nota ſine moleſtia descendunt, & cucurbi- ta: Itēque \* pepones cucumerini, matura etiam vna, mala verò, & pyra rarò, & in parua quantitate deguſtet: quin etiam & ficus, & dactylos moderatē. Caueat ab iis eſculentis, D qua pituitam generant: Quare in cibariis, craſſos, frigidos, viſcoſosque humores generantibus non eſſe immorandum cen- ſeo, vt atriplex, bliſum, & malua, qua ſanē vt deguſtes non prohibeo, aſſiduū autem eorum uſum vehementer damno. Ex hoc genere ſunt cucurbita, cucumeres, poma, pyra, & qua humorem craſſum, pituiſiſſimūque gignunt, vt fungi; ab iis enim omnino abſtinere conſulo, ſicut à rapis, radicibus: ex- ceptis iis, qua acrimoniā quandam, & caliditatem in ſe ha- bent, vt dauci, raphani. Et alia qua acria ſunt, & incidunt, dummodò non ſint mali ſucci, caputque non repleant, vt vi- num, ſinapi, capæ, ſmyrniū: nam licet lentos ſuccos incidant, ſentant tamen caput ob caliditatem.

E Obſonium ex capparibus cum oxymelite parare poſteſt, quod eſt veluti huius morbi medicamentum, præcipue ſi ſis acetum ſcilla conditum, quod, ſi quod alterum, ſummopere laudo.

Igitur poſt cibum, ubi paululū temporis intermiſerit, prius quam ad ſtudia diſciplinariū accedat, leniter deambulet cen- ſeo: & ante cœnam hoc faciat: & carnes ex omnium ani- malium genere præter paluſtres aſſumat. Ab omnium autē quadrupe- dum eſu præcipue abſtineat. Cogente tamen neceſſitate, \* do- meſtici ſuis extremitatibus, & ſtomacho utatur; ſylueſtris verò carnibus benē uti poſteſt: hædorum carnes deguſtet, & nonnunquam leporum, vel conditas anetho, porro, ſale, oleo vel aſſas.

Ex marino genere cruſtacea incommoda, cartilaginea no- cua, oſtea, & ſquamis carentia peſſima. \* Ex piſcibus ſaxariles, & pelagici, optimi ſunt.

De leguminibus præcipua eſt priſſana, hæc ſequitur lēs, alica, piſum, alia omnia mala, & quacunque diſſicilis ſunt coſtionis, craſſumque ſuccum acernare conſueuerunt, vt oua indurata,

*caseus, & reliqua, &c. Gal. in historia, siue consilio de A puero epileptico, à cap. 1. vsque ad cap. 9.*

# P A R A P H R A S I S.

**P**lacuit hanc Historiam, siue consilium de puero epileptico in duas partes diuidere. In prima victus quotidiani rationem abundè enarrat, & alia circa res non naturales præcepta obseruanda præcipit. Illud præfari primò oportet huius historię dignitatem esse maximam, & præstantiam multam; Nam hoc consilium germanum est, & ab officina Galenica depromptum: hoc autem ita esse, præter Auic. testimonium 1. tract. 5. cap. 11. omnia ex hoc libro in suos canones documenta mutuantis, vt testatur Costæus in com. suadent plures, &que euidentissimæ rationes; Nam loquendi modus genuinam Gal. doctrinam sapit manifestè, cui dicendi stylus, sententiarum pondus, veritas dictionum, & utilitas maximè consentiunt, ex quibus librum alicuius grauis auctoris, certis veluti coniecturis venari docet Gal. lib. 7. Aph. com. 64. Phrasis etiam à Galeni methodo tradita in alijs libris minimè distat, quum accuratè salubria consilia, pro huius, sicut & reliquorum morborum præseruatione proponat. Quapropter Historia hæc sententiarum plena est pondere, compositionis venustate, & elegantia præclara. Quidquid (falsò tamè) Ioannes Baptista Syluaticus in com. Hist. 10. Gal in fin. aliquorum locorum contrarietate perterritus, aliter contendat.

Tu verò in huius non abeas sententiam, quòd videas in hoc libro plurima, quæ contradictionem maximam, ingentemque scrupulum ingerere videntur. Graue epim est, &, vt ita dicam, piaculo plenum, imò ab omni priscorum doctrina abhorret, malum epilepticis, pro præseruatione propinasse in hoc documento, dum sic ait, *Ex oleis igitur minimè eum prohiberi iubeo à malua, &c.* Cum ab ipsa, vt potè crassos succos gignente absteineat infra, in verbo: *Vnde etiam alijs, quæ viscosos, frigidos, aut crassos humores generant, haudquaquam esse immorandum censeo, huiusmodi autem sunt blitum, malua, &c. & maximè cum malua lentor insit ex Gal. 2. de alim. facult. cap. 42. cuius vi lentum succum gignere nata est.*

Secundò. Si epilepsia à crasso humore ortum ducit, cur concedit pepones. & lactucas, quæ frigidum humidum præbent alimentum? 2. alim. 4. & 40.

Tertiò. Cur vinum in hoc affectu prohibet, vt pote caput tentans, & ultra modum æstum inducens, quum caput roborat, coquat humores, & crudorum humorum generationem impedit? Firmat. Gal. lib. 5. Aph. com. 5. dum inquit. *Substantia igitur copia vinum nervis cõuulsionē cõciliat, sua verò qualitate nervos calfaciēdo & exiccādo, rursus eam affectionē sanat, quam effecerat, &c.* Quare vinū in frigidis neruorum affectionibus potest esse ex vsu: Nam exiccat, coquit, emollit, discutit. ex Gal. 2. de frast. 72. omnes humores bonos reddit, 7. Aph. com. 56. virtutem animalem refocillat, ex Auic. 3. 1. doct. cap. 8. dum sic ait: *Virtutes alleniat animales, & requiescere facit, &c.* Et omnibus cerebri frigidis ægri tudinibus remedio est. Ex Gal. 7. meth. 6. Audi ipsum in lib. 8. sect. loc. cap. 7. *optimè enim in ipsis faciunt, quoniam cum hoc quòd intemperiem curant, etiam alere possunt, & ob id etiam vinum convenientissimum est, modò non febricitet, aut sit erysipelas, aut abscessus, aut calida intemperatura agrotantibus; nam & nutrit, & cõcoquit, & roborat, & putrefactioni resistit: etsi intemperies facta sit ex frigidityte, vel humiditate, etiam contra molestiam, & securrere persanas, &c.* Deinde si vinum negat, quoniam ob æstum caput tentat, cur non porrigit aquosum, ab aquæ qualitibus, colore & substantia non dissimile? nam hoc caput non ferit ex Aetio. retrab. 1. serm. 2. cap. vlt. imò tantum abest, vt calorem inducat, vt refrigeret. 3. acut. com. 2. & 6. & 12. meth. 4. 16. nec enim inuenies ex alborum genere calidum ullum, &c.

Quartò. Cur ab oliuis epilepsia prehenso non arcet, si crassum, & melancholicum præbent alimentum, 3. de loc. 7. & difficulter coquuntur, ex Auic. lib. 2. tract. 2. cap. 531.

Quintò. Quare lentes concedit, si eas illicò repro-

bat, quòd crassos generent humores, & nigros, 3. de loc. 1. & alibi passim? Nõne vereberis in frigido morbo, frigidum exhibere edulium, quale est lens? apud Hipp. 6. epid. sect. 5. text. 32.

Sextò. Si in hoc morbo purgationem vt salubrem instituit, cur sanguinis missionem summopere necessariam prætennit? quam, post eum ceteri, vt præsentaneum auxilium approbarunt, edocti ab eo, in lib. de curand. rat. per sang. mis. cap. 19. comitiali morbo obnoxios, sectis venis in cruribus perlante.

Vltimò. Cur ad inuadentem accessionem oxyrrhodonis esse pugnandum non edocuit, quum iis applicitis roboretur caput, & influxus humorum impediatur: vt consulit Rasis 9. ad Alm. 8. nam repellendus à capite humor est, quisquis is fuerit. Sic in lethargo frigidus planè affectus, 13. meth. 21. horum vsum approbat. Interta ergo sunt plurima huic Historię, quædam falsa, alia adulterina, & vt ad libitum prolata, quæ tanto auctore videntur indigna.

Nec tamen videantur, qui contrariam tuentur sententiam, etsi argumentis minimè stabilitam, de nobis victoriam reportasse, rationes singulæ obiectæ (has enim tantum, vt reor, obtrudere possunt) ordine sunt diluendæ. Nam malua vsus non prohibet moderatum, sed assiduum Gal. vehemente condemnat, quam assumendam consulit, vt medicamentum suapte natura aluum emolliens. Quod esse pro hoc, & alijs præcauendis morbis necessarium, auxilium vnanimiter prisca docuere: Plurima enim mala quæ in animalis perniciem generantur, propinat ventris suppressio. Ex hac sequuntur capitis grauitas, vertigo, stomachi subuersio, lancinatio, vomitus, nausea, prostratus appetitus, oris siccitas & amaritudo, ructus iniucundi ac virosi, spiritus graueolens, somni suspensi, inflationes, tormina, voluuli, & æmism plenitudines, articulares morbi, omniaque mala oriri possunt. Neque malua sua deest caliditas, vt cit. de alim. lib. retulit Gal.

Ad secundam facilius est responsio. Nam si lactucas, & alia frigida alimenta epilepticis dixeris concessisse Gal, quando hic morbus à calido humore, bile nempe, & sanguine originem ducit, vera propones, à quibus succis oriri posse supra demonstrauimus. Quam positionem dilucidè approbat Auic. loc. cit. cap. 11. quo loco lactucam, & coriandrum suapte natura stuporem inducens, ex Dioscorid. lib. 3. cap. 67. summopere vetat, nisi quum comitialis morbus à causa calida habuerit ortum. §. *Et ex his quidem cõceditur lactuca, ego verò non plurimum eā laudo, & conceditur eis coriandrum, quia prohibet vaporem, ego verò vitupero eis ipsum, & eius multiplicationem, nisi in sanguinea, & cholERICA, &c.*

Tertiam verò facillimè dilues, si dicas: Ex eo vinum interdiceret, quoniam partibus neruosis est inimicissimum, ex Gal. 3. de temp. 2. qua de causa, inter ea, quæ Podagricam concitant affectionem, connumeratur à Gal. 6. aph. 28. Auic. 2. 3. cap. 4. Quo loco aquam vino meliorem esse contestatus est, & præsertim in principio, vbi magis potest officere, quàm iuuare. Si tamen in capitis affectibus id facit in manifesta declinatione, & corpore sape iam, & exquisitè repurgato: Quam sententiam firmat. Auic. 2. 2. 3. tract. 2. cap. 7. qui ad eò formidat vinum in cerebri affectibus, vt id omittendum censeat, quovsq; sanetur æger sanatione integra, & veniant super eum quatuor tempora: & præsertim pueris, quorum neruos emollit. aph. 5. & semictudos humores ad caput defert, ex Auic. 3. 1. doct. 2. cap. 7. Quo nomine aquosum, quum promptè penetrat, condemnandū: in impuro enim corpore aciecit, ex Auic. 2. 3. cap. 4. Denique vinum vt alimentum copiosè sumptum nocere potest, vt medicamentum modicè exhibitum, confert. ex Auic. loco nup. cit. §. & vinum antiquum parum valde confert ægri tudinibus neruorum omnibus, &c.

Ad quartam. Plurima à Medicis in ægrotam gratiam conceduntur, quæ licet in optimorum alimentorum genere non reponantur, quum tamen grata sint, suauia, & ab ipsis valde expetita, in parua quantitate offerri possunt, iuxta Senis legem 2. aph. 38. cibus enim cū voluptate, & iucunditate assumptus, vt ait Gal. in com. si non sit multum deterior, tantum abest vt maneat peior, vt quandoque melior reddatur,

reddatur, amplectitur enim melius à natura; & sic coquitur A  
facilius: vt explicant inter omnes Brudus lib. 3. de reg. febr.  
cap. 23. Ludovic. Mercat. lib. 1. indicat. cap. 1. in fin. Quo fit,  
vt oliuz, etfi præstent alimentum paucum, & melancho-  
licum, caputque tentent, ex Dioscorid. lib. 1. c. 117. tamen si  
parcè, & voluptatis gratia assumantur, & in postrema  
mensa, plus iuuent, quàm noceant; superiorem enim ven-  
triculi partem stipicitate sua cum roborent, vaporum ad  
caput exhalatione impediunt. Vide de suavis alimentis, li-  
cèt reprobis, vtilitate Gal. 6. de sanit. 3. & 6. epid. sect. 4. com. 8.  
& Ambrosium Nonnium in com. cit. sent. Hipp. lib. 2. Aph.

Quinta non temerè, & citra meditationem venit inter-  
pretanda. Videtur enim Hipp. lentes frigidissimas consti-  
tuisse, cum Gal. renuat in com. affirmas, ipsas, calidas habe-  
te partes, quarum vi attenuare, & alium subducere pos-  
sunt: ex ipso 3. simp. 4. & lib. 8. eiusd. cap. 53. Non erunt ergo  
frigidissimæ, prout quispiam inferuit, qui haud rectè de le-  
tium viribus opinatus est: Libérque non est legitimus, sed  
magno Hipp. adscriptus, cuius sententiam sugillat Gal. in  
com. & vel à Thessalo eius filio compositus, ex Gal. lib. de  
diff. resp. 3. & 6. ep. d. in præm. & eodem lib. sect. 1. com. 2. &  
sect. 2. com. 44. Nisi cum Valles. in com. dicas, ipsas frigidis-  
simas esse, quoniam pauci sunt nutrimenti; paucumque  
sanguinem generant: calidum autem est, quod sanguinem,  
& calorem adauget. Exhibet autem eas infrequenter, &  
benè decoctas; sic enim paratæ, omnem flatulentiam depo-  
nunt. Vel earum primum ius in prima mensa acceptum,  
propinat, quod naturà ad excretionem proritare solet, quod  
opus ad morbos cerebri arcendos summopere præstat.

Ad sextam. Sanguinem non emisit, nam hoc auxilium  
vires debilitat, & puerorum facultates ad ferendum tan-  
tum remedium collapsas eneruat, & labefactat: & maximè  
cum à pituita, & crudis succis oriatur hoc malum, in quo-  
rum præsentia vires adesse non possunt. Si tamen cum iis  
sanguis permixtus abundaret, sanguinem exhaurirer, vt  
cit. locis ipse consuluit: cuius mentem sunt imitati Paul.  
Oribas. & Auic. qui in hoc morbo, si adsint plenitudinis  
signa, sanguinem fundendum esse imperarunt, vt supra  
in com. Histor. 26. discernimus.

## D V B I V M X V.

*Num in Epilepsia capiti oxyrrhodina apponenda.*

**D**E septima dubitatione maior potest esse lis, & con-  
trouersia: cui prisca occasionem dederunt, quoniam  
nullam oxyrrhodinorum pro hoc leuando affectu fecerunt  
mentionem, excepto Rasio, qui lib. 9. ad Alm. 8. imponenda  
consulit, dummodo à sanguine originè ducat. Hæc est cau-  
sa, quare Gal. hîc, recentioresque omnes hoc auxilium in  
hoc morbo curando, sicco pede pertranseunt, quia à frigi-  
do humore ferè originem ducit, quem repellèria amplius  
impingunt & arctant, & media compressione ad cerebri  
ventriculos protrudunt, & obstructionem augent. Hæc  
ergo solum profuiss, quum à calido humore, vapore mor-  
daci, aut venenata qualitate proficiscitur: quorum vi, acris  
humor temperatur, roboratur cerebrū, & sic facilè noxios  
succos à se depellit. Hoc tamen intelligas velim de epilep-  
sia quæ per consensum fit; nam quando cerebrum, pri-  
maria affectione laborat, in certum damnum ruet auxi-  
lium. Hæc enim capiti admouentur ad impediendum hu-  
morem ad cerebrum influentem; in dicto autem casu nul-  
lus humor ab aliis partibus transmittitur, cum in illa sit à  
qua dependet affectus. Dispar autem est ratio in lethargo,  
in quo solum adest impedimentum quoddam humor possit  
includari; in epilepsia verò præter hoc damnum, alia sub-  
oriuntur incommoda, quibus maximè affectus ingrauescit,  
& ad ventriculos pulso, obstructio fit maior, & inopinatæ  
Apoplexiæ periculum imminet.

## C O M M E N T A R I V M.

**I**nterdu[m] occurrere. ] Repetit Auic. loco cit. nam frigus  
nimium, cerebrum impensè debilitat, penitissimè ir-  
Lib. 1.

ruens animales spiritus extinguit, & humorem crassum  
resolutioni contumacem reddit. Calor autem æstuans, &  
feruidus ambientis, tum extrahit innatum ad extrà, re-  
soluitque, tum spiritum animale[m], natura sua tenuissi-  
mum rarefacit, & minuit, & lentum succum intempe-  
stiuè attenuat, & liquat; quo titulo damnantur balnea  
mala, hoc est nimis frigida, vt ferrea, aut calida, vt sul-  
phurea. Insuper vetat quæ caput tentant, vt allia, cæ-  
pæ, nutrimenta calidissimis aromatis condita, lac, sinapi,  
porrum; ex cuius assiduo vsu concitatum, & eius absti-  
nentia sublatam vidit epilepsiam Douynetus lib. 3. apolog.  
cap. 2.

Demum vitanda præcipit quæcunque subito alterare  
possunt. Ob terrorem enim pueros epilepsia facilè corripi  
refert Christoph. à Vega lib. 3. art. med. cap. 12. Quapropter  
laudandus Plato lib. 2. de reipublic. monens ne matres fig-  
mentis, & fabellis filios terreat: ex qua causa puellam  
factam fuisse epilepticam narrat Mercurial. lib. 2. de morb.  
puer. cap. 3. Refert enim Matthæus Gradius lib. 9. ad Alm.  
cap. de phrenitid. filium suum epilepsia fuisse correptum  
ex inopinato tubarum clangore, & post intrà decem ho-  
ras occubuisse. Ne ergo pueri repentino pauore terreatur,  
sic enim sensuum instrumenta subito impulsu con-  
quassantur, quod solet efficere incondita hominis voci-  
feratio; animantis mugitus, ceu grauis cœli tonantis fra-  
gor, vt cap. 24. de morb. cereb. Iason edocuit. Quod ma-  
lum tristitiæ subito obortæ accersere solent, vt Montan.  
consil. 50. & Lusit. 2. cent. curat. 9. scripserunt. Sic vigilæ,  
immodicè resoluendo innatum cerebri calorem, & crudi-  
tates gignendo, ita insitum cuiusque partis ignem dimi-  
nuunt, vt succis frigidis, hac ipsa de causa, mirum in mo-  
dum auctis; amplius deinceps sæuiat morbus, & de nouo  
ferocius exacerbetur. Sic etiam ira, aliique animi affectus,  
commotis spiritibus, & agitatibus humoribus, & sic sursum  
plurimo vaporum prouentu commeante, epilepsiam concit-  
ant. Quæ animi pathemata, non solum morbos, sed &  
mortem improuisam facere posse apud omnes est mani-  
festum: vt explicat inter omnes Petrus de Peramato, lib.  
de animi facult. in med.

*Mediocris purgatione.* ] In morbis materialibus partium  
principum, paulatim vacuationem esse exercendam, ne ha-  
rum robur confestim dissoluatur, ostendit Gal. lib. 7. meth.  
cap. ult. eleganter. In pueris autè mediocriter, nō copiose,  
hoc auxilium esse exercendum præter Gal. hoc loco aucto-  
ritatem plurimæ suadent rationes, tum quia insitam ha-  
bent peculiarem ex transpiratione contractam vacuatio-  
nem, qua assidue resoluuntur; tum quia debilissimam ha-  
bent facultatem animale[m], ob cuius imbecillitatem illico  
fatiscunt: ergo purgantia, nisi magna necessitate vrgente,  
exhibenda non sunt; quibus si vt liceat, ea in minori  
quantitate quàm affectus, & cacochymia desiderant, sunt  
offerenda. Quibus autem medicamentis pituitosus hu-  
mor expurgeretur, passim inuenies apud auctores.

*Accedente vere.* ] Verno tempore, quoniam tunc hu-  
mores moueri contingit, esse celebrandam præseruatio-  
nem morborum, qui licèt non sint geniti, ob morbo-  
sam tamen causam in corpore latentem imminet, am-  
bigit nemo. Nam præstantius est, futurum morbum præ-  
cauere, quàm factum curare, sicut melius est naui gu-  
bernatori, antequam in tempestatem incidat, iter absol-  
uere, quàm fluctuantem, periclitatūque euadere, vt lib.  
E introduct. cap. 8. & lib. de curand. rat. per sang. mis. cap. 9. do-  
cuit. Gal. sic apud Iurisperitos, satius esse ante tempus  
occurrere, quàm post vulneratam causam remedium  
querere, est vulgatissimum axioma. Quare Si quispiam  
sanus, paratus ad morbum, vacuatione non præseruetur, agro-  
tabit. 6. aph. com. 46.

Præcautoria ergo vacuatio ineunte vere est exercenda;  
præsertim quum melancholici, crudique succi copia abun-  
dat, à qua chronici morbi oriri consueverunt; cum enim  
hic humor in hyeme acernatus, sit vixit cōcretus, aduen-  
tante vere fundi, liquarique solet, morbosque inducere: Nē  
biliosum humorem excipias, qui cum in hyeme nō gene-  
retur, sed in fine veris, aut æstatis principio, hoc tempo-  
re educendus est. In morbo autem à sanguine orto, & in

principio veris, & in fine facienda est; Nam sæpe sanguis A genitus in hyeme est crassius, vere autem aduentante agitur, interdum etiam ob veris temperiem in corpore accrescit, & præ calore ebulliens, morbos inducit: quare in fine veris, sanguis est detrahendus, de quo argumento plura leges lib. 3. in com. hist. ult.

Et in exercitij modo.] Exercitationem non solum esse B vtilem pro conseruatione sanitatis, sed necessariam, diuino illo oraculo ostendit Hipp. 6. epid. sect. 4. text. 22. dum salutis humanæ basim, & fundamentum in laborum, exercitijque tolerantia constituit. & lib. 1. de diata, num. 1. sic ait: Homo edens sanus esse non potest nisi labores. Sic Arist. lib. 1. probl. 46. salutare esse retulit, & sanitati conseruandæ accommodum valde imminuere cibum, & augere laborem. Sic Plato in Phædro, & Cels. lib. 1. cap. 1. otio, & ignauia marcescere corpora, labore firmari, & fieri vegetiora affirmarunt, quod prius prædixerat Hipp. lib. de offic. med. text. 28. & lib. 3. de articul. 32. firmavit Gal. lib. de cib. bon. & mal. succ. 2. & 6. epid. sect. 5. com. 10. Hic ergo auctor lib. 1. de sanit. tuend. 8. contra Asclepiadem, & Erasistr. acriter contendit, exercitationem pro conseruanda sanitatē esse vtilem, & necessariam, quorum pueriles rationes soluit, & refert inter omnes Ludouic. Mercat. tom. 1. lib. 2. clas. 2. quæst. 166. num. 23.

Cum enim exercitium sit motus vehemens, voluntarius, immutans respirationem, & ex multiplici coctione varia recrementa fuliginosa, vaporosa, & crassa relinquuntur, quæ ob dissimilitudinem, nec assimilari, nec à facultate expultrice partium, cui hoc munus est demandatum, expelli potuerunt, idē fuit opus exercitio, vt compleretur actio naturæ; illud enim motu valido calorem adauget, dilatat vias, excrementa resoluit, & reserando meatus liberat ab infarctu, excrementa detruddit, ex Gal. 2. de sanit. 2. & Auic. 3. 1. doct. 2. cap. 1. Quæ omnia, à sola præstari possunt exercitatione. Nam nec balnea, nec fomenta sufficiunt, quum hæc solum ex cute, & non ex solidis, & carnosus partibus euacuent. Et medicamenta purgantia, etsi omnes superfuitates vacuare possint, horum tamen copia singulis diebus collecta, minor est, quam vt requirat expurgantis opem. Adde quod hæc licet initia sint, nocent, & imbecillant, si assidue sumantur, & vtilem benignamque partium humiditatem absorbendo, ad interitum deducunt: Quare valde indigentibus, & ex longis interuallis, sunt ex vsu 6. aph. 27. quum corpus in prauam consuetudinem ducant: natura enim redditur ignaua & pigra, & oblita muneris sui non excernit, quousque medicamento excitetur. Magna est ergo exercitij dignitas, & ad actiones naturæ obeundas valde necessaria: argumento est, quod villici alimento vtentes pessimo, illius ope vitam inculpata pertransigant, quum nobiles multi, victu alti probissimo, ægerrimam ducant. Quod membra inexercitata inualida fiant, gracilescent, & extenuentur; exercitata verò roborentur, & crescant: quo exemplo ars edocta, pro impinguandis corporibus tabidis, piscationibus, & frictionibus summa cum vtilitate vsa est, vt Medicinæ proceres confirmant. Quod homines carcere detenti, pallidi breui, & facie cachectica euadant: & demum animalia, pisces, aues, quæ exercentur sint meliora; otiosa reprobæ, insalubria, insipida, apud Auer. 6. collig. 2.

Ex quo constat homines consueta exercitia relinquentes, omni morborum generi esse obnoxios, ex Gal. lib. 1. de diff. feb. 2. Nam exercitatio speciei est vacationis vniuersalis, 2. aph. com. 17. & 4. aph. com. 2. idē dimissio exercitij consueti corpora replet prauis humoribus. Cum enim vtilitas exercitationis sit excitare, & augere calorem, cuius vi & incremento homines acquirunt meliorem distributionem alimentii, perfectiorem coctionem, & præstantiorem nutritionem adipiscuntur, vt monet Gal. 2. de sanit. cap. 2. fit vt hoc relicto, torpescerētque hac de causa calore, refrigerato totius corporis habitu, omnes partium coctiones reddantur deteriores, & sic tractu temporis extincto veluti insito cuiusvis partis calore, & ob recrementorum copiam suffocato, ex defectu alimenti marcescant, & contabescant. In quem sensum dicebat Auic. 3. 1. doct. 2. cap. 1.

in fin. Dimittens exercitium incidit in hecticam, per quam non intelligit febrem, quam hecticam vocamus, sed potius hecticam senectutis, quæ est tabes sine febre, iuxta ipsum, 1. 4. tract. 9. cap. 9. Et Gal. lib. 1. de diff. feb. cap. 11. & 12. febres, atque alios morbos ex intermissa exercitatione conuocari scribit: & 3. de caus. sympt. 2. 5. de loc. affect. 7. & in lib. de articul. com. 4. hæc de causa dysenterias suboriri affirmat.

Gal. 2. de sanit. 2. in fin. docet exercitationes hoc modo esse adhibendas. Antequam homines incipiant exerceri, debent prius leuibus motionibus moueri, deinde sunt fricandi, & vngendi, vt partibus fluxilibus redditis, in valida exercitatione, sine noxa contrahi possint, & distendi; sicque hac præparatione facta, debilitate & cunctanter incipiant exerceri, paulatimque ad summum exercitio- nis perueniant: cessent non subito, sed remissa exercitio- nis vehementia, leuiter breui tempore moueantur, abster- sioneque sudore balneum ingrediantur, à quo, sedata agita- tione ad cibum accedant; aliter enim, si statim exhibeatur cibus, quum distracto calore ad partes extremas, ipse nec retineri, nec coqui possit, noxas inemendabiles facit, ex Gal. 3. acut. 55. Nostis tamen temporibus, in quibus balnea, frictiones, vntiones, & ministri deficiunt, satis est ante validas exercitationes, prius leuibus motionibus moueri, deinde mutata tunica, & absterfo sudore, debito inter- posito tempore quiescere, & edere.

Porro. Exercitatio, vt sanitati vtilis sit, plures requirit C condiciones, sine quibus non solum non confert, sed nocere potest: ex quibus præcipua est, mensura & determinata quantitas exercitij, quæ cum coniecturalis sit, diffi- culter, præsertim primis diebus cognoscitur, vt 1. de sanit. tuend. 7. in med. Gal. edocuit. Ceteram tamen exercitij quan- titatem definiunt plura, quæ latè reperunt Hipp. lib. 3. de diat. num. 5. Gal. 1. de sanit. 2. & lib. de consuetud. 4. Paul. lib. 1. cap. 16. & 17. Aëtius tetrab. 1. serm. 3. cap. 2. & 3. Auic. 3. 1. doct. 2. cap. 2. ea sunt corporis rubor, color floridus, venarum intumescencia, sudor cum vapore calido apparens, concinnitas, æqualitas, & iucunditas motus actionum. Quando exercitatio hos terminos non attingit, imperfecta est; nam perfectè calorem non auget, neque integrè expurgat excrementa, sed humidum natium, calorem, viresque dissoluit. Immodica his signis agnoscitur, non cessat rubor, cutis contrahitur, non apparet ordo, iucunditas, æqualitasque in actionibus, sed è contra molestia, lassitudo, & mutatio in quantitate, & qualitate sudoris con- D spicitur, ita vt ex multo paruus, ex calido frigidus erumpat: hæc exercitatio solida membra colligat.

Exercitationis differentiarum plures sunt, nam quædam est multa, alia parua; quædam est velox, alia tarda; quædam est fortis, alia debilis; quædam est vehemens, & alia remissa. Rursus exercitatio aut est continua, aut interrupta: illa aut est æqualis, aut inæqualis; inordinata, aut ordinata. Deinde, aut tota est motus, aut ex motu, & quiete composita, quas omnes differentias Galen. 2. de sanit. cap. 8. cum sequentibus. Auicenna loco cit. exemplis explicat, & illustant. Quæ omnes cuilibet sano corpori non sunt aptæ; sunt enim nonnulli, qui ab eis vehementer læduntur: quare quisquam exercitationem sibi iucundam eligere debet, vt lib. de salub. diat. text. 26. scitè docet Hipp.

E Qua tamen diei hora debeat celebrari exercitium Hipp. non explicuit: solum docuit labores debere præcedere cibos lib. 6. epid. sect. 6. text. 4. Gal. 2. de sanit. 2. tempus exercitationi accomodum præscribit, quando cibus externus duplici coctione fuerit immutatus, in ventriculo, iecore, & venis, quod ex calore, & substantia vrina venari docet. Nam si fuerit tenuis & alba, nondum vtraque coctio perfecta est; signum, quod flaua bilis nondum est genita, cuius vi tingitur vrina: & quando rufa, aut flaua est, iam constat secundam coctionem fuisse perfectam: at verò quando pallida est, nuper factam esse coctionem in iecore significat. In rufa, aut flaua bilis præsentia exercitatio non cōuenit, nam bilem flauam accersit. At verò quum vrina est tenuis & alba, inutile est exercitium, nam cibi crudi intempestiue à partibus rapti, cruditates pariunt, obstructionem &



& putredinem gignunt. Solùm ergo corpora exerceri A possunt, quando urina pallida est.

Veteres quoniam semel singulis diebus cibum accipiebant, in æstate horam matutinam, ut aptiorem, & temperatorem eligebant; vere, & autumnino meridianum ob eandem causam; in hyeme vespertinam, antequam Sol occideret: Nam ob breuitatem diei, reliquas horas in publicis negotiis, disputationibus, studiisque absument. Noctris temporibus quum consuetudine antiqua sancitum sit, bis comedere in die, tempus exercitio opportunum est matutinum; corpora enim ex somno, & coctione sunt validiora: excrementa tamen alui, vesicæ, & cerebri per nares, os, & aures prius deponere oportet; hæc enim delectata, commota, & extenuata, ventriculo, cerebro, & cordi nocere solent.

Hoc solùm obserues, ut in corporibus debilibus, loco exercitij frictiones consulas: Nam frictio incidit, attenuat, crassos succos discutit, habitum corporis roborat, vegetiores coctiones procurat, dummodò inter mollem & duram modum seruet; quoniam multa, & dura corporis molem deprimit; modica verò, & mollis implet, caloremque naturalem suscitatur, & refocillat, ut docent Paul. lib. 1. cap. 18. Cels. lib. 2. cap. 14. Auic. 3. 1. doct. 2. cap. 4. Quorum vim, & differentias breuissimè complexus est Hipp. lib. de offic. medic. sect. 3. text. 25. & fusè explicat Gal. 2. de sanit. 3. 4. 5. 6. & lib. 5. eiusd. cap. 3. & lib. 6. cap. 2.

Quæres, cur ludum paræ pilæ à veteribus inter omnes exercitationes tantoperè commendatum, & pueris familiarem, pro pueri epileptici præseruatione prætermisit? nam præterquam quòd eius apparatus facilis est, delectationem pueris affert, & commoda multa; cum enim in eo omnes corporis partes æqualiter moueantur, calorem viuificat, & auget, ex quo caloris incremento omnes naturales functiones felicius perficiuntur; succi crassi, huius morbi causa, attenuantur, coquuntur, repurgantur, ut Gal. lib. de lud. paru. pil. ferè per totum, & Oribas. 6. collect. 31. manifestè edocent. Dic: Prehensis hoc malo ludum hunc valde esse incommodum; in eo enim adsunt saltus, cursus, brachiorum agitatio, celerior erectio, atque depressio corporis, ceruicis firmitas, oculorum intentus aspectus, ex quibus moribus, caput, oculi, & animalis spiritus in gyrum, vertiginis in modum, aguntur, unde epilepsiæ timor subitus imminere solet, quum cerebrum veluti roretur, & humores irrequieto motu circumagantur. Si de aliis exercitationum generibus plura videre cupis, lege quæ Mercurialis elegantissimus in lib. de arte gymnastica, seu exercitatoria, ex prætorum mente conscripsit.

In cœna tempus se ponat.] Ex diametro pugnat locus Auic. 1. 3. tract. 5. cap. 21. de curâ epilepsiæ: Et ille cuius consuetudo non tolerat, ut semel reficiatur, diuidat cibum suum, qui sit minor saturitate sua in tres partes, & sumat duas tertias in prandio, & tertiam eius in cœna, post exercitiū subtile, &c. Quam sententiam sequitur Actuarius. lib. 2. de act. & affect. spirit. cap. 10. Sed conciliari possunt: nam vterque sui temporis consuetudinem respexit. Gal. enim cœnam copiosiorē consuluit, somno & quiete alimētum perfectius coquendum sperans, & maximè quòd eo tempore cœna, nona hora esset constituta, ita ut tres à cibo horæ superessent, quibus crudi halitus per vigilias discuti queunt, quominus caput tentent. Auicennæ verò, & nostro tempore, quum ad multam noctem cœna differatur, tantum temporis inter somnum, & cibum non intercedit.

Ex oleribus igitur.] Demum vitanda consulit, quæ crassos succos, lentos, & mucilaginosos gignere nata sunt, caputque tentant; de quorum genere censentur esse ab ipso relata alimenta, præcipuè tamen legumina, quæ melancholica esse, & flatulenta ratio dicitur; Cum enim folia plantarum, quæ primo vere ex nuper madente terra germinant, aquea sint; flores anni progressu, aqua iam caloris vi dissipata, ærei; postremò verò fructus: Legumina melancholica, & terrena sunt: ex materia enim per æstatem exulta, ac arfacta terra prodierunt.

Olera 4. collig. 41. Apud Auic. à tota substantia ad melancholiam parant, sed videtur potius legendum ad crudos, aquososque humores: sola brassica melancholica est,

Lib. I.

(cui adde Cynaram, & Melongenam) ob copiam terræ; & flatulenta, ob debilem coctionem, quæ status multiplicat, sicut perfecta dissipat: quo titulo reprobantur fructus, abundant enim humido aqueo, & magis præcoces, ob breuem moram sub coquente sole: incolumiores sunt autumnales, ob contrariam causam, ut ficus, & vua.

## D V B I V M XVI.

Num. Pepo bonis cibis sit annumerandus, ut voluere Arabes.

**P**epo.] Cur pepones concedit in epilepsia quòd alium emolliant? Si crassum gignunt succum, & ad epilepsiam generandam quàm aptissimum, quum frigidum, aquei, & mali cibi, quorum succus æstuantibus solùm, & biliosis, in parua tamen quantitate concedendus: vitiosum enim pariunt humorem, & corruptioni paratissimum. Si tamen de sanguinea epilepsia intelligas, Gal. à calumnia defendes. Nam aliàs pepones subuertunt stomachum, & cholera morbos efficere consueverunt. Mathiol. vir apprime doctus, faciliè ab hac dubitatione se extricaret, quippe qui in apologia in Amatum, censura 11. nimio fortè furore in eum sæuens, & exandescens, pepones, biliosos morbos generare affirmat, & id quidem, ut Simæon Serhi asserit, sua dulcedine. Ex cuius sententia constat, eorum succum in bilem conuerti in ventriculo, quæ ad epilepsiam propulsandam, aliòque frigidis morbos debellandos confert eximiè. Sed Mathiolum, sicut & Medicos Romanos multò antea coarguerat Tral. lib. 12. cap. 6. dum sic ait. Offendi autem ego pleròque Roma Medicos, qui nec nomen quidem peponum, tanquam bilem procreantiū proferre audebant: quum itaque ego cuidam aliquando, & sitienti vebementer, & æstu flagranti, defatigatoque iniunxissem, ut peponem assumeret, quidam præfens Medicus exclamauit, homo cur agrum magis vis occidere? annon didicisti, quòd pepo bilem producit? Lege Gal. lib. de alimētis, ubi dicit manifestò peponem comestum cholericos efficere. Laborant igitur non parum, ut illis persuaderem qui intellectu assequi poterant, Gal. non dicere hic pepones bilem creare, sed cholera efficere: Cholera autem voco stomachi subuersionem, cum vomitu, & perturbatione ventris, &c. Ex quibus euidenter constat, quàm à Gal. mente, & veritate Mathiolus distet.

Per pepones autem intelligimus Angurias, cum Lacuna in com. cap. 124. lib. 2. in Dioscorid. quas fuisse à Gal. vocatas pepones, plurimis ex Gal. doctrina desumptis argumentis comprobare conatus est. Quicquid Per. Væzius eruditissimus in com. medic. Lacuna reprobet sententiam, quòd pepones sub cucumerum genere contineantur; anguriæ autem minimè, quum magnis melopeponibus sint similes. Nam quum Gal. sub cucumerum genere contineri scribit, semper cognominauit pepones cucumerinos. Neque fidem adhibeas Mathiol. qui loc. cit. in Dioscorid. cum Fuchsio angurias veteribus fuisse ignotas tenaciter contendit; quum hic Botanicae artis Professor eximius, ita in hoc negotio statuendo dubius ancipisve appareat, ut quid Gal. per pepones intellexerit, ingenuè se ignorasse fateatur.

Sunt ergo Pepones à Latinis Anguriæ, à Lusitanis Balancias, ab Hispanis Sandias, à Flandris Meloen-VVater, seu alio nomine Ronde platachtige Pompoenen dictæ, Melones aquei, magni, ventricosi, lucidi, colore virides, læues, quorum succum cum interiori medulla, & præsertim adiecto saccharo, Hispani & præsertim Mauritani, æstatis tempore pro leuanda siti, & refrigerando bilioso stomacho ad satietatem vsque deuorare solent. Quòd quàm sit à ratione alienum, non tam sanitatis tempore, quàm vrgente febris, affirmabit qui sequentes legerit rationes, non nisi ex Gal. facundissima penu depromptas. Num succus huius fructus aquosus est, minimè coctus, nec lentus, ut partibus adhærere, aut nutrire queat: Quo fit ut relictus à regimine naturæ, tanquam nutritioni partium valde ineptus, putrescat, & morbos committat inemendabiles. Quoniam Pepones, ex Gal. doctrin. 2. de alim. facult. 4. & lib. de ven. sect. aduers. Erasist. cap. 3. copiosam habent humiditatem,

E 3

qua

quæ innatant in ventriculo, cuius officium aquosa Ina A substantia relaxant, laxant, & imbecillant; sicque nauseam, vomitum, & sanissimam concitant cholera. Quapropter sanis reprobum alimentum, minimè constans, immò maxime fluidum præbere solent, & ad gignendas febres quàm aptissimum: ægris verò noxium, & mortiferum, & à venenorum natura non dissimilem, vt *lib. de bonis, & vit. succor. cap. 8.* Gal. confirmat: sequuntur Paul. *lib. 1. cap. 80.* Actius *terrab. 1. serm. 1. tit. de Peponis.* Cuius succus licet ætatis tempore non noceat, cum ob maiorem transpirationem noxius vapor exhalet; hyberno tamen tempore, calore ad interiora redacto, impeditaque ventilatione adeò putret, & corrumpitur, vt febres malignas accendat, quod de cucumeribus Gal. pronuntiat *lib. 2. alim. cap. 6.*

Si verò plurimi febricitantibus ex bile, sincerisque tertianis Peponem concedunt, quod biliosum ventrem refrigeret, furentem bilem refrænet, & impetuosos eius motus coërceat, & sic eius aquam propriam esse omnibus febribus, quæ sunt in vltima caliditate, asseuerant; de quorum numero præcipui sunt Arabicæ familiæ sectatores, vt Auic. *1. 4. tr. 2. cap. 43.* Serap. *lib. de simpl. cap. 244.* Auer. *7. collig. 12.* Hi, vel de eo assumpto in paruissima quantitate; vel sitis demulcendæ causa; vel ad præcauendam futuram siccitatem in ardentibus febribus frequentissimam, cuius lapsus ferè immedicabilis est; vel voluptatis gratia exhibitio, sunt intelligendi: quare in re torridis febribus syrupum ex succo eius cum saccharo concinnare soleo. qui præterquam quòd mirè sitim leuat, ardorem compescit, somnum conciliat, & aridum corpus humectat, per vrinam, & aluum biliosum humorem clementer euacuat; eoque loco syrupi de lactis sero frequentissime vtor.

Non negamus tamen in vrentibus febrilibus eius ramenta linguam scabram, & siccam demulcere: cuius vlcera, aphthas, pustulas ab igneo calore concitatas abstersione emendat, & sanguine sua, palatum, & paristhemia ab omni sorditie mundificat; cuiusque succum obsitam pædore cutem illustrare, ex quo cum farina subacto smegma sit ad nitorem in facie conciliandum, ad delendos alphas præstantissimum, De quo fructu plura lege apud Alzarium à Cruce Vicenzinum *2. cent. tit. de Pepomib.*

*Domestici quidem suis.* A quadrupedum eum epilepticos arcendos consulit: Nam ob exercitij paucitatem prauis sunt succi; veluti ouina, caprina, hircina, bubula, quoniam difficulter coquuntur & distribuuntur, & sic ad succi probitatem omnium sunt ineptissimæ carnes, crassum enim succum, & melancholicum generare consueverunt. Leporinam euitet. huic enim Arist. *2. de partib. animal. 5.* magnam vim tribuit in augenda melancholia. Neque obstat quòd sanguine pollet tenuissimo probissimoque: nam perpetuò non consentiunt cum sanguine membra; sic vaccina ius pinguisimum suauissimumque, caro arida. Sic lac vaccinum butyro abundat contra carnis naturam. De quo argumento lege Manard. *13. epist. 4.* Si verò *lib. de attenuante vict. & alibi,* ad diurnos elegit affectus, frigidos & humidos intelligas, vt idem notauit Manard. *16. epist. ult.* Siluestria conueniunt. quum enim magis exerceantur, sunt sicciora, & biliosiora.

## QVÆSTIO XVIII.

*Quòd suilla caro calida sit & humida, contra Isahac, & Petrum Hispanum, eius fidissimum interpretem.*

**M**Itor autem epileptico puero Gal. concedere domesticum suem. cuius carnis alimentum frigidum, mucosum, tenax, & humidum esse retulit ipse *lib. 3. alim. cap. 2. & 7. meth. cap. 6.* Nam siue loquamur de porcello, aut veteri sue, vtrumque præstare nutrimentum pessimum, & lentum patet manifestè: Ille enim cum valde pinguis sit. humidissimam carnem habet. auct. Gal. *4. acut. 103. & lib. 3. de alim. facult. 1.* Hic quoniam veteris victimæ ætatem habet, exigue nutrit.

Accedit auctoritas Isahac, qui adeò frigidam facit suillam, vt nullam frigidiorē constituat, in *lib. diar. vniuersal. lect. 34. cap. 31. §. Concordant antiqui in hoc, quòd nulla animalia ambulantiæ, & corporis humani nutritina, porcinis sunt frigidiora, &c. & cap. de carne, §. Caro porcina ceteris omnibus animalibus est frigidior, &c.* Cuius sententiam Petrus Hispanus fidissimus eius interpres in *4. part. diet. partic. cap. de carne porcina,* libenter amplectitur, sequentibusque rationibus munit ac defendit. Nam sues sunt pingues, & hoc denotat multam humiditatem. Et eorum caro crassa cum sit, morbos frigidos gignit, ex Gal. *3. alim. cit. & 2. aph. 18.* Fauet. Gal. *lib. de aura bile, cap. 6. §. sicuti contra, omnia temperaturam quàm illa frigidiorē nascit, vt sues, &c.*

Deinde eius sententia corroborari potest hoc modo. B Sus animal est excrementosum, amicum luro, & locis vliginosis, in quibus se volutat, & oblectat, & sic frigidam carnem incoctilem, & coctioni contumacem habens; iacircò grandini, tuberculis, scrophulis, variisque tumorum, & pustularum generibus est obnoxium, testes sunt Plutarch. *4. sympos. probl. 5.* Arist. *8. de natural. auscult. c. 21.* Plini. *lib. 8. cap. 51.* Antonius Gazius *de natur. carn. porcine, cap. 83.* Bruyer. *13. de re cibaria, cap. 11.* Et hæc est causa communiter assignata, quare (vltrà quàm quòd immundi sint) Hebræis Deuteronomij *14.* Suillæ carnis vsus fuerit interdictus. Si ergo sues frigidi sunt, & pluribus frigidis morbis obnoxij, cur alteri sanitatem præstare poterunt? Immò eorum caro raucedines, strumas, grandines, & alui profluvia concitat.

Aduertas tamen oportet, à Gal. suillam carnem dici optimam. Sicque exquisita febre tertiana affectis præter testiculos, & alas gallorum, porcorum pedes, & cerebra, ac porcellorum carnes in iure albo liquefactas præbet *lib. 1. ad Glanc. cap. 9. & 7. meth. 6.* conualecentium vires suillæ esu reficere studet: vnde Cels. *lib. 3. cap. 18.* suillam, leuissimam esse affirmat; de quo argumento pulchra scripsit Mercurial. *3. variar. 8.* Si autem Gal. hoc loco sues epilepticis concedit, non de lactente porcello loquutus est, cuius esum ob viscidos, excrementitios, crudosque carnis humores ipse *cit. de aliment. facult. lib.* tantopere improbat. Quòd si de sue, condito sale, & deinde cocto anetho, & porro, ipsum loquentem intelligas, pronunciabis vera, Nam hoc modo hæc caro salsamento, croco, & pipere præparata minùs nocere solet; vt Gal. hoc loco aduertit, & Christoph. à Vega explicuit. *lib. 2. art. med. sect. 3. cap. 9.* Vltimò, Gal. vocat optimam suillam carnem, non porcina: nam suem à porco differre probat auctor non vulgaris Athen. *lib. 9. dipnosophistar. cap. 5.*

D Num autem hæc caro sit frigida, vt voluit Isahac, an calida, nec veterum, nec iuniorum peritissimi satis explicarunt. Calidam esse Gal. *10 simpl. tit. de sanguine suillo,* insinuare videtur, dum suillam magnam cum humana carne affinitatem habere, apposita Historia ostendit, illorum qui hanc pro suilla vendiderunt, quam edentes, ab hac, odore, sapore, aut calore discernere non potuerunt. Quare si caro suilla humanæ simillima est, vtrique pariter calida & humida erit. Deinde Gal. *lib. 4. acut. 103.* temperatam facit. *§. in moderatis verò tum caliditate, tum frigiditate, cuiusmodi suilla carnes sunt, &c.* Et in *lib. 5. meth. cap. 12. §. quadrupedum verò laudabilius est porcina, in caliditate, & humiditate temperata, &c.* Eius sententiam sequitur Auic. *lib. 2. canon. cap. 610. §. Sanguis porci, & sanguis hominis sunt similes in omni re, sicut & carnes amborum sunt similes in omni re, &c.* Cum ergo sanguis humanus sit calidus & humidus, suillum sanguinem, sicut & suis carnem, eandem qualitatem habere non est dubitandum. Et quoniam in caliditate, & humiditate parum recedit à temperamento, iacircò temperata dicitur ab antiquis. Hanc sententiam probant Auer. *5. collig. 32.* Halyab. *5. theor. 21.* Rabbi Moyses. *24. part. aph. 46.*

Hoc ita arguunt multa. Primò, quòd suilla caro, auct. Hipp. in *lib. de vict. acut. sect. 4. particul. 101.* omnium sit optima, & alimentum optimum, & ad probos, optimosque gignendos humores aptissimum præstet, ex Gal. *lib. 3. alim. cit. & lib. de bonis, & vit. succor. 4. & cap. 22. §. ex animalibus, quorum natura ad bonos humores gignendos aptissima, sues*

sues iam mediocris etatis habentur, &c. Et infra §. ex pedestribus animalibus suilla caro probatissimus cibus, &c. Et Haly loc. cit. §. Suis cibus plurimus, & sanguis ab ea generatus multus, & melior sanguine omnium carniū; est namque corpori magis conueniens, & homini conferentior, &c. Secundò. Sus animal est fecundum, ex Plin. lib. 8. cap. 51. & Varron. lib. 2. c. 4. Fecundiora calidiora sunt, ut probat Theoph. 1. de caus. plantar. 27. qui ex sue numerosiores partus oriri affirmat. Tertio. Sus animal est audax, fortis pugna, & audaciæ magna, auctore Arist. 1. de Hist. animal. 1. & lib. 6. eiusd. 18. Hoc autem manifestum caliditatis est indicium, ex Auer. 5. collig. 30. §. quia animalia audacia sunt calida, & pusillanimitia sunt frigida, &c. Quarto. Quoniam sues ferè pilos habent nigros, pilorum autem nigredinem caliditatis esse notam probat Gal. in art. medic. 5. 2. & 2. de temper. 5. Quare Gal. 6. epid. sect. 2. com. 44. nigriora animalia calidiora esse asseruit, quod etiam docuerunt. Aët. tetr. 1. serm. 2. cap. 88. Auic. lib. 2. tract. 2. cap. 145. Rasis, ult. cont. sect. 2. c. 172. Theoph. 3. de caus. plantar. 27. Quintò. Accedit Arist. auctoritas 10. probl. 23. ubi quærens rationem, cur sues pilos non amittant, præter alias causas proponit & hanc, quod sint calidissima animalia.

Contrariæ verò rationes commodissimam habent explanationem. Nam pinguedo frigiditatem non arguit, sed humiditatem; quo nomine animalia pingua censet reprobanda, ut sues, 4. acut. 103. Neque Gal. cit. loc. de arrab. bile, absolutè porcina frigidam dicit, sed facta collatione ad animalia calida & sicca, de quibus suprà loquebatur, qualia esse commemorat, quæ dentes pectinatim inserunt. Si autem suilla morbos gignit, id ex accidenti euenire puta, cæterorum eduliorum more, quæ si rectè non coquantur, id efficiunt. Non ergo est suilla caro frigida, ut Isahac, & eius interpretes arbitrantur.

## QVÆSTIO XIX.

Quod pisces saxatiles agrotantibus possint concedi.  
Contra Ronseum, & Conciliatorem  
doctissimos.

**E**X piscibus saxatiles.] Non prætercunda est hoc loco inter Gal. Hipp. Cell. & Arabes, circa saxatiliū præstantiam celebris contradictio, quæ hætenus scribentes excruciat, atque fatigat. Cur, si pisces saxatiles optimi sunt succi, sanguinem laudabilem & temperatum gignunt, Celsus, vberissimus Hippocraticæ doctrinæ interpret, inter mali succi cibaria eos, connumerat lib. 2. cap. 21. §. Pisces quoque saxatiles, &c. Cur Arabes, hos pisces, prauos humores creare, & corruptioni paratissimos asseuerant, si alibi horum vires eximias celebrant? Quare si saxatiles reprobū præstant alimentum; cur à Gal. epilepticis hoc loco conceduntur? Horum omnium exactam solutionem ad Principum mentem sic accipe.

Pisces omnes frigidiore ex eo colligit Gal. 6. de usu part. 9. quod eorum cor magna non egeat refrigeratione, & quod sanguinem nullum, aut certè paucissimum habeant. Hos item humidus valde esse illud manifestè ostendit; nam vitam in aqua degunt perpetuam, & præsertim saxatiles, quos ut humidiores febricitantibus concedit, 8. meth. 2. & lib. 1. ad Glauc. 9. tertia correpris commendat: & in cap. 11. quartanariis exhibet, quoniam sunt molli carne præditi, nihilque tenax habentes. Quo pacto in continua febre 4. de sanit. 8. & in cancro 2. ad Glauc. cap. 12. eos propinare non veretur. Adde enim hos præfert ut carnibus anteponat, quum boni succi sint, & non glutinosi, 4. de sanit. cit. & minimè noxium succum generent. lib. 2. sec. loc. cap. 7. Nutrimētum enim ab eis genitum, consistentia est lenius eo quod ex pedestribus desumitur, adeò ut non adfluenter nutriat, & celeriter discutiatur, auctore Magistro, 3. alim. 25. Hi enim sunt in symmetria quadam constituti, quamobrem omnes perpetuò sunt inculpati, ex cit. alim. 29. quum neque tennes, neque crassi sint, neque loca, neque alimenta murent. Sunt autem pelagici, littorales, gobij, murænæ, buglossa, aselli, & simpliciter pisces omnes, qui neque insuauis, neque

mali odoris, neque glutinosum quidquam gestu repræsentant, ij inculparum cibum præstant. lib. de bonit. & vit. suc. cap. 5. Ob quam causam in catarrho, & sputo sanguinis viles sunt, 5. merib. 13. Quoniam quod ex iis paratur, non modò ad coquendum est facile, sed etiam corporibus iucundum, & saluberrimum ex Gal. 3. alim. 28. culpa enim omni carent, quicunque versantur in mari dulcis aquæ experte, cuiusmodi sunt pelagij, & saxatiles, qui reliquos, & succi probitate, & suauitate antecellunt. Eos igitur sumpsisse perpetuò tutissimum erit, ut ait Gal. lib. de bonit. & vit. succor. 9. & lib. de attenuam. diæt. 8.

Nam si piscium electionem, & præstantiam pondere-mus, ij cæteris sunt longo excessu præferendi. Cum enim ab auctoribus laudentur, qui in pura aqua degunt, arenosa, aut petrosa currente, qui velociter mouentur, medij inter magnos & paruos, colore albi, carne molles, gustu suaves, nec multa pinguedine respersi, ut Auic. lib. 2. tract. 2. cap. 53. scitè edocuit, Saxatiles, omnes has habere conditiones, suprà cit. loc. Gal. ostendit. Quare sanguinem generant temperatiorem, ex Auic. cit. loc. §. Quoniam illi, &c. & ad bonos humores gignendos sunt laudabiles, ex Oris. lib. 3. collect. 15. Vnde Auic. 1. 3. tract. 4. cap. 20. pro melancholico affectu demulcendo eos miris laudibus effert: ij enim selectiori, meliori quæ gaudentes pabulo, & minùs noxiis alimentis vescentes, præstantiores, & salubriores habentur: musco enim aliisque herbis aluntur, & hac de causa, proxima saxi domicilia parant, & in illis salubriora, purioraque pascua carpentes consenscunt.

Neque mireris quod pisces nutriantur herbis, contra Philosophi dogma 8. de hist. animal. 2. asserentis eos aqua nutriri & viuere; quam opinionem vallare nixus est Rondeler. lib. 1. de piscib. cap. 12. & postea confirmauit Ioan. Lupus ad tyron. lib. 1. de re medic. dialog. 4. ad fin. Immo aquam nutrire carnosum genus sibi persuasere Cardan. ad lib. Hipp. de aere, & aq. & Aug. 2. epist. lib. 2. epist. 3. contra Gal. mentem 4. aph. 13. & 3. acut. 17. & 4. de usu part. 5. Tral. lib. 6. cap. de pleurit. rit. de vit. Auer. 7. collig. 2. Haly 5. theoric. 29. Isahac lib. diæt. ar. part. rit. de aq. Auic. 2. 1. doct. 2. cap. 16. Nam aqua friabilis est, fluida, nihil habet lenti, quo affigi, aut adhærere membrīs possit, ut 10. simpl. rit. de sudore Gal. edocuit. Nutritioni autem summè esse necessariam affixionem, probat Gal. 2. alim. 64. & latè lib. 1. de nat. fac. 11. Quare aqua non nutrit, ut multis rationibus planum faciemus lib. 2. in com. hist. 54.

Si autem pisces aqua nutriri asseuerat Arist. ita intelligendus est, ac si non sola alantur, quoniam eos nutriri aliis piscibus, esca, luto, arena, carne, corno, vermibus, herbis, radicibus, stercore, terræ excrementis, ibi Philosophus inculcat. Quare alij pisces quum non habeant hæc salubria pascua, non ita præferuntur; saxatiles verò optimi sunt, & subtilis carnis, quod ita esse docuerunt Isahac lib. diæt. vniuers. cap. 59. Auer. lib. 5. col. 31. Serap. tract. 1. cap. 22. Rasis 9. ad Alm. 13. Haly 5. theor. 25. Paul. lib. 1. cap. 50. Aët. tetrab. 1. ser. 2. cap. 131. Firmarunt recentiores, de quorum numero sunt Hippolyt. Saluian. & Boussuetus in lib. suis de pisc. Rondel. lib. 1. de piscib. marin. cap. 6. Ludou. Lemos. in com. cap. 2. lib. 8. meth. Gal. Aloyf. Torcus lib. de feb. punct. fol. 127. Vega 2. art. med. sect. 3. cap. 111. Anton. Merind. exerc. 8. & Conrad. Gesner. tom. 3. lib. de piscib. saxatil.

Sed si hæc vera sunt, & ex summi dictatoris, & Arabum promptuario decerpta, cur Auic. lib. 2. cit. Raf. 3. ad Alm. 16. Auer. 6. collig. 18. hos difficilis coctionis esse, ventriculo molestiam inferre, sitim gignere, prauos humores generare, celeriter corrumpi asseuerant? Quos à superiorum auctorum mente, imò à sua doctrina distare, nullus est vel mediocriter in arte versatus, qui non agnoscat. Piscis ergo saxatilis si cum aliis probi alimenti cibis conferatur, mali succi dicendus est; si tamen cum cæteris piscibus compareretur, optimum alimentum generat. Sic lactucam profert Gal. 2. alim. 40. succum omnium olerum præstantissimum præbere, cum tamen ipsa humorem non omnino laudabilem gignat. Vel si Celsum & Arabes, Saxatiles inter prauos succi cibaria numerantes, intelligas de Saxatilibus sine squammis, qui crassi sunt, & viscosi, scitè

diffoluis. Ex quo patet errasse Ronsseum in *com. Cels.* A *loc. cit.* qui pro saxatilibus legit stagnantes, quos summè detestatur Celsus *infra* §. *mali succi sunt pisces quos stagna ferunt, &c.* Qua de causa saxatiles epilepticis concedi possunt, quum sanguinem laudabilem generent, & inculpant. Dic secundo Epilepticis Gal. concessisse saxatiles conditos aliis cibariis, quæ attenuare crassum succum queunt. Si eos concedit in *pleurit. lib. 1. acut. com. 27. §. quod si ager aqua mulsam, prissandamque fastidierit, pisces saxatiles sunt maximè idonei, ex aqua, & porro, & anetho, & sale, & modico oleo parari, &c.* Hoc enim modo parari saxatiles abstergunt, & incidunt: Pro cuius loci maiori explicatione, lege eruditissimum Nicol. Rorat. in *contradict. 111. Gal.*

Neque fidem adhibeas Conciliatori *diff. 60.* saxatiles non omnino in febris approbanti, quod hi sint frigidi, difficilis coctionis, aquosi; nam præterquam quod modo superius explicato hæ rationes sint solvendæ: Gal. febricitantibus concedit, quoniam humectant, refrigerant, ab ægris gratiam ineunt, & suauitatem. Quorum argumentorum solutionem vide explicatam apud Cardan. *lib. 2. contradict. tract. 5. com. 24.* Si verò saxatiliū nomine, natura, cōdiendi modo, alimento, præstantia plura scire cupis, lege Oppian. *lib. 1. de piscib.* Paul. Iouiū *lib. 20. de piscib.* Roman. Athenæum *lib. 7. de piscib.* 12. Mercat. *tom. 1. q. 164. n. 49.* Amat. 2. in *Dioscorid. 21.* Vlyf. Aldrouand. *lib. 1. aquaril. 22.* Iulium, Alexand. 20. *lib. salub. 1.* Garziam Lopium *lib. de varia rei medic. lect. 12.* Rauif. Text. *lib. 1. sua officin. tit. de piscib. diuers.* Lang. *lib. 1. epist. 60.* & Clarissimum Ludouic. Nonnium *lib. 3. de piscibus ferè per totum.*

Desinant ergo posthac Medici, locorum quorundam repugnantia perterriti in Gal. summum Medicinæ Magistrum, & veritatis constantissimum assertorem, spicula, telaque directissima iaculati, neque ei falsi notam inurant, ex grandi hac cum Hercule pugna, maiorem sibi inesse gloriam arbitrantur, quum in eius fecundissima doctrina, plana sint omnia, ut cæcus sit qui veritatem hanc luce clariorem non agnoscat.

## HISTORIA XXIX. GALENI, De Epilepsia.

### Mel scilliticum, ad epilepsiae præseruationem, præstantissimum.

**M**edicamento autem ex scilla, purgatione præmissa, singulis diebus securè filius tuus utatur, priusquam ad palæstram accedat. Nam si magna valde fuerit ægritudo, & octalluerit, sperandum sanè est in quadraginta dierum spatio, hoc medicamento illam perfectè cessaturam: quoniam iam innumeros pueros nulla ellebori opera sic curavi; Verum post purgationem, priusquam hoc utatur pharmaco, semel, aut bis absinthium sumere potest. Verum quoniam ple-  
rarumque scilla succum non rectè conficiunt, huic ego sermone ad-  
lib. iungam, quoniam modo illum efficere sin solitus. Vas quodpiam  
accipio à quo extractum fuerit mel, in quod scillam conicio,  
manibus prius illam in exiguas discernens particulas, postea  
bene apto operculo illud obstruans, extrinsecus pelle circumdās,  
& per quadraginta dies caniculares soli exponatur: quo tem-  
pore exacto, reperire soleo succum ex scilla expressum, quem  
colligens, quam optimo melle concinno. Huius singulis die-  
bus cochlearis pleni mensuram præbeo, pueris quidem mi-  
noris, adultis verò maioris. Ceterum qui istud ipsum ex  
aceto faciunt, pharmacum quidem validum admodum con-  
ficiunt, verum nervis non innoxium, &c. Galenus in Hi-  
storia de puero epileptico, cap. 9. usque ad finem 10.  
cap.

#### P A R A P H R A S I S.

**D**ifferit prius de oxymelite Gal. quo pueros penitus liberaſſe aſſeuerat. Nam humores crassos, & visci-  
dos tenuat, & incidit hoc medicamen ob scillam, lentos  
& crudos coquit, mellis vi. Sed in hoc opere perficiendo,

& hoc morbo efficacissimo domando, excellentem, ac ad-  
mirandam melli scillitico tribuit potestatem. Nam scil-  
la apud Dioscorid. Gal. cæterisque primates Medicos  
vim exurentem, acrem, ac feruentem habet; cuius faculta-  
tis ope impensè calefacit, stomachicis, suspiriosis, epi-  
lepticisque summo remedio est. At cum in agendo validis-  
sima sit, mirumque in modum subtiliet, incidat, sangui-  
nemque attrahat ad exteriora, ut ait Auic. *lib. 1. tract. 2. cap. 596.* hoc medicamentum assumendum non est, ante-  
quam corpus exquisitissime vacuetur, ne fortè humores  
crassi illius vi intempestiuè fusi, & agitati, ad aliquam par-  
tem principem decumbentes, acutissimos, & exitiales pa-  
riant effectus, primariis morbis longè grauiores. Quare pur-  
gato corpore, tum ad partium robur conseruandum, tum ad  
lentorum humorum incisionem, semel aut bis, absinthium  
assumendum consulit, priusquam ad mellis scillini vsum  
quispiam accedat, tanta est scillæ vis ac fortitudo: de cuius  
vfu multiplici Dioscorid. *lib. 2. cap. 164. & 165.* Gal. 3. *de medic. facil. parabil. cap. 205. & 206.* Gal. 8. *simpl. Paul. lib. 7. Auer. 5. collig. cap. 42.* late differuerunt. Si autem ex aceto  
fuerit pharmacum compositum, potentissimum est ad di-  
ctos vsum, sed nervosis partibus incommodum. Nam ace-  
tum suapte natura nervos offendit, (hi enim exangues  
sunt, & frigidi,) quum enim refrigeret, & sit tenuium par-  
tium, in nervorum mergitur profundum, atque in omnes  
ita penetrat partes, ut minimum quidem ex eis illæsum  
maneat, ut eleganter docet Gal. 3. *acut. com. 39.* quo fit ut  
partes facile ab aceto refrigeratæ, si nervosæ, fibrosæve  
sunt, purgamenta expellere nequeant, sicque hæc retenta  
dolorem afferunt, & fluxionem de nouo accersunt. Quare  
prudentissimè dicebat Hipp. 3. *acut. text. in pr. cit.* quod ace-  
tum, vterum, ut pote nervosum, dolore afficit, menstrua re-  
tinet: quæ suppressa, in cor, cerebrum, aliasque præcipuas  
partes feruntur & grauissima, & perniciosissima mala in-  
ducunt, ut docet in *com. Valles. & Mercurial. docuerunt.*

Caue tamen ne incautè infantibus, aut pueris usque ad  
quintum annum, hoc medicamentum propipes; illorum  
enim ætas inualida, non fert huius auxilij valentem vim,  
quo, infantem, & canem, recens natos subito mori vidit  
Michaël Ioan. Pâschal. *lib. 1. de curand. morb. cap. 7. in fin.*  
Quare tutius est ab hoc anno usque ad 14. dimidium co-  
chlearij exhibere, hoc est drachmæ dimidium: Nam co-  
chlearis capacitas minor est quàm integræ drachmæ, ut  
ex Dioscorid. priscorumque sententia probauit Manard.  
doctissimus *lib. 11. epist. 1.*

Nec mireris Gal. epilepticos persanasse, quum pueri es-  
sent, qui mutatione ætatis curationem accipiunt, ex Hip.  
5. *aph. 7. & 6. epid. sect. 1. text. 4.* Prisci enim vnanimiter do-  
cuere omnes, hunc morbum curationi aliàs contumacem,  
& rebellem, in puerulis progrediente ætate sanari. In  
adultis sæpe curatum fuisse perfectè testantur. Erast.  
*pari. 4. disp. contra Paracels. Douynet. lib. 3. apolog. cap. 12.*  
Quid plura? Iacchinus in *lib. 9. Rasis, cap. 14. in fin.* plu-  
rimos ligni Indi potione, victuque extenuante, & exiccante  
à se curatos gloriatur. Immo plures iam supra citati  
auctores, setonibus ad nucham inditis, & excitatis in di-  
uersis corporis partibus, fontanellis, multos epilepsia pre-  
henſos, vel etiam senes sanasse aperte confitentur. Nescio  
ergo quod infortunium acciderit Gordonio viro grauissi-  
mo, qui *cap. de epilepsia* aſſeuerat, toto vitæ suæ curriculo  
nunquam se vidisse epilepsiam persanaram, etsi plura au-  
xilia fuerit exequutus. Licet autem in adultioribus, &  
post mutationem ætatis, sit difficilis curationis, quo-  
niam morbus, qui tempore quo facultates erant robustæ,  
ex toto eradici non potuit, ostendit morbum à vehe-  
mentissima causa excitari, quæ sicut apta fuit præter na-  
turam quodammodo morbum inducere, ita quoque po-  
tens est morbum ipsum fouere, & conseruare; & maximè  
cum progrediente ætate plurima humiditas congenita sit  
exhausta; & ex defectu caloris natiui humorum crasso-  
rum copia ingrauescat, quam, hac ipsa de causa, natura  
nec discutere, nec vacuare potest: tamen hos congruis  
auxiliis, sanitatem perfectam fuisse adeptos, citati refe-  
runt auctores.



## Observatio XXIII.

## Epileptici syrupo nicotiana curati.

**M**irabilia sunt quæ de nicotianæ utilitate referunt auctores, præsertim Monardus & Clusius: Sed mirabilius est quod de ipsius efficacia pro hoc debellando morbo expertus sum. Plures grâdes natu vidi, quibus plurima auxilia, nec cauteria in capitis ambitu aperta, diuque seruata opitulari potuerunt, immò, malo in peius ingravescente, vitam cum morte commutassent, accessionibus sæuissimis epilepticis prehensi, nisi hoc excellens, aut, ut melius loquar, antidotum præstantissimum, tantum malum extinxisset. Fuit autem serapium ex melle, & succo foliorum nicotianæ paratum, quo, lambitui modo, bellè prius purgato corpore, tribus horis post cœnam, quadraginta dierum spatio, quantitate vnciarum trium vsi sunt, & nullus vnquam passus est reciduiam.

## HISTORIA XXX. GALENI,

## De Epilepsia.

## Epilepsiam \* quartana sanat.

**A**tque ita nouimus morbos comitiales fuisse à quartana diu infestante discussos, &c. Galenus lib. 1. epidem. sect. 3. com. 4.

## PARAPHRASIS.

**F**requentissimus morbus epilepsia est, contumax, & qui vix auxiliis medicis succumbit. Pro cuius curatione frustra Medici sæpe plurima machinantur auxilia. Contingit tamen hunc morbum, alioqui importunissimum à quartana curari. Extat Senis edictum 6. epid. sect. 6. text. 7. & lib. 5. aph. text. 70. A quartanis capiti non admodum à conuulsionibus capiuntur; si verò prius capiantur, & quartana superueniat, liberantur. Vberimus interpres hæc verba proponit in com. Morbi comitialis causa, frigidus crassusque humor est in cerebri sinibus collectus, nervorumque originem, ac præcipue dorsæ medullæ primum principium occupans. Huic igitur humori, & alia quidem febres prosunt, sed maxime diuturna, & ex iis omnibus quartana potissimum: itémque eai ipsa quartana, quæ longissima sit, & cum rigore inuadat. Cum verò horum humorum duplex sit sanatio, excretio scilicet, & coctio, ambas habet quartana: excretionem quidem ex rigore, (hæc enim sola agitatio sufficiens est crassum excernere humorem) coctionem verò caloris febrilis ratione, qui rigorem consequitur. Nam febrilis caliditas attenuat, discutit, & temperaturâ frigidam humidam ad calidius sicciusque redigit. Has autem dotes in curanda conuulsione vniuersali, quæ epilepsia est, & prærogatiuas, inter ceteras diuturnas febres obtinet quartana, tum quod diu infestat, & sit longissima, & humor iste terrestris & crassus, ut extenuetur & concalfiat, requirit validum agens & importunum: tum quod quartana ex natua sorte, hunc melancholicum frigidumque humorem expurgat. Natura autem duobus malis oppressa, epilepsia & quartana, duobus intermediis diebus roborata, & facta vegetior, contra causam morbificam insurgit. Quare omnibus frigidis & humidis affectibus superueniens quartana, remedio est, & maxime epilepsiz, qui diuturnorum omnium est maximus, testantibus sic Vallesio, & Fuchio in com. cit. sent. epid. quo fit, ut utile aliquando sit morbum morbo depellere.

## QVÆSTIO XX.

Quod quintana febris non sit pessima omnium contra Vegam, & Brauum Petrasitanum, doctissimos.

## COMMENTARIUM.

**Q**uartana sanat.] De quartana, ut dixi, nulla potest esse dubitatio. Cur tamen Quintana febris epilepsiam,

**A** aliisque cerebri frigidos affectus non cures, quum rigore, febrili calore, lentos succos concoquere possit, merito quispiam dubitare potest. Et maxime, quoniam pluribus diebus intermediis natura in quintano circuitu recreatur. Quo pacto quintana omnium febrium securissima videtur censenda, & frigidis morbis superueniens, amplius quartana æstimanda, Contra est Hipp. edictum, qui lib. 1. epid. sect. 3. text. 9. contrariam sententiam ut verissimam pronuncians, sic inquit. Quintana omnium febrium est pessima, etenim ante tabem, & tabidis superueniens perimittit.

**B** Sed hæc sententia plurimas patitur obiectiones. Nam si hoc loco com. 4. affirmat Gal. quartanam febrem securissimam esse, quoniam intermediis diebus natura ab accessione liberata & expedita, munia sua obire potest: cur hæc etiam ratione quintana securior non erit? Rursus si Gal. in com. ait, eandem esse rationem securitatis in quartana quam in septimana, & nonana, quid amplius habet, ut omnium pessima iudicetur? Demum hanc doctrinam Gal. non exponit in com. Sed, ut Gentilis ait in com. cap. 64. Auic. 1. 4. tract. 2. eam sicco pede pertransit. Denique nulla ratio cogit, quintanam constituere omnium febrium pessimam, quum inter quartanam & septimanam, tanquam inter ipsius extrema constituitur, quæ febres, salubres & minime lethales existunt. Ad hæc, cur quintana erit pessima omnium, si omnis intermittens non est periculosa? 4. aph. 43. Quod autem Hipp. ante tabem, & tabidis superuenientem perimere asseuerat, id non quintanæ, sed corpori tabefacto, ac summè languido est referendum, quod ephemera febris, nedum quintana superueniens perimittit.

**C** Auget suspicionem incerti auctoris Galenus lib. 3. epid. sect. 3. com. 64. §. Memoria itaque repetamus etiam, quod cum & primo libro, & secundo morborum vulgarium, tum multos separatim agros adduxerit, tum integras sit tempestatem prosequutus, nunquam nec quintanam, nec sepsimanam scripsit, vel etiam febrem multorum dierum: nec verò in tertio libro vulgarium morborum, neque antea, neque posthac ad finem usque. Vnde mihi in mentem venit, illa, quæ primo libro vulgarium morborum tradita sunt, inserta ab aliquo suspicari, ubi alias esse plurium dierum, quam sit quartana statuit, &c. Repetit lib. 2. de diff. respirat. cap. 8. Sicuti nec in tertio epid. nec in prognost. nec in aphorism. unquam harum febrium meminere, &c.

**D** Sed cum Gal. 1. epid. sect. 3. com. 2. & lib. 1. feb. 5. & Auic. loc. cit. febrium circuitum viderint ultra quartanam, præfatam Hipp. doctrinam amplecti cogor. Nam ex eodem humore, pauciore tamen & crassiore, quo generatur quartana, quintanam fieri testatur Auic. loc. cit. Quid nonne quintanum circuitum vidit Gentil. in com. loc. cit. Auic. & Ioan. Herculan. eodem loc. Octonam expertus est Valles. 5. contron. 25. Amat. 7. centur. 75. Salius cap. 12. annotat. ad Altomar. pract. Nonanam viderunt Cornel. Gem. lib. 1. cosmocrit. cap. 1. Thomas à Veiga ad com. cap. 4. lib. 2. de diff. feb. Gal. Hebdomadariam febrem vidit Hector Gibaldus in com. cap. 7. lib. 1. Gal. de diff. febr.

## Observatio XXIV.

## Decimana febris possibilis.

**E** Sexagenarius duobus annis decimanam expertus, vacuata sæpius viscida pituita, & vasis deobstructis (aliquantisper enim illi intumuerat venter) assiduo aperientium vsu conualuit.

A decimo quinto in 15. diem, inuadentem febrem se vidisse testatur Gentil. loco cit. in Bernardino de Perussio. Menstruam febrem vidit idem loco cit. Scribit Anton. Beniu. lib. de abdit. cap. 84. Ioannem Architectum singulis annis statò die, hoc est quo natus fuerat, febris corripit solitum, quæ ex putrescente bile genita, suum circuitum seruans, 14. non transgrediebatur diem, donec senio confectus, & ab eadem, ex more implicitus febrì, natali suo die, vi morbi prostratus occubuit. Antipatrum similiter poetam singulò anno, in die suo natali, febris correptum, senio confectum, eodem die à febre fuisse extinctum, Plin.

Plin. lib. 7. *hist. nat.* 51. & Valer. Max. lib. 1. *memorab. ult.* A contestantur. Concedendus ergo est circuitus ultra quartanum, qui ob materię paucitatem, & maiorem crassitiem consuetos terminos transgreditur. De quibus circuitibus (exceptis Arabibus) ut pote raris, & incognitis, auctores peculiare caput non constituerunt; quoniam harum febrium cura appropinquat curę quartanę phlegmaticę, ut 1. 4. *tract. 2. cap. 69.* docuit Auic. De quo argumento lege Costzum in *com. cap. 68.* Auic. *loc. nuper cit.*

Quapropter si hæc vera sunt, & probatorum auctorum fulta testimoniis, cur quintanum circuitum negabimus, aut Hipp. sententiam operi insertam esse ab aliquo dicemus? quod de correctissimis codicibus conqueritur Gal. in *lib. acut. de nat. hum. de humorib. & alibi passim.* Hanc tamen sententiam, ut germanam, & Hipp. dignam, qui nihil scriptis mandauit temerè, Vallesius approbat in *com.* & exemplis illustrant Anton. Maria Venust. in *consil. pro Ioan. Heluetio. Forest. 3. lib. obs. 43.*

Non ergo adulterina prædicta Hipp. sententia, prout falsò sibi persuadent Christ. à Vega, & Ioan. Bray. Petrasit. in *com. cap. 4.* Gal. lib. 2. *de diff. febr.* Quintana enim ex se salubris est, immò salubrior quartana, ut Gentil. affirmat ob rationes dictas, quoniam minùs affligit naturam. Aliqua tamen quintana est vna species febrium deterior, & ista quintana est illa quę vel præcedit hecticam, vel ad illam producit. Hanc solutionem primus omnium proposuit Auic. *loc. cit.* qui Hippocraticam meliùs subodoratus est veritatem, 5. & dixit Hipp. quòd *Quintana est deterior febrium, quoniam sit ante phthisim, & post ipsam, & dicit Gal. in ea sicut scitis.* Et ego opinor huic sermoni modum quendam, & est, ut per phthisim intelligatur hectica, & sit sermo eius; *Quintana subiectum propositionis indefinita non significans communitatem: ergo est quasi dicat, quòd quintana est vna species deterior febrium, quoniam ipsa est ante hecticam, & post eam, & c.*

Ex cuius dictis totam litem evanescere putamus; quem soluendi modum Gentil. & Iacob. *de partib.* approbant in *com.* Vel si mauis (sub explicato sensu) sub nomine quintanę intelligere omnes febres à pituitoso, tenacique succo subortas, asseres rectè; solet namque Hipp. sub vno exemplo cætera comprehendere, ex Gal. lib. 1. *acut. 33.*

Solue secundò. Quintana licet in se salubris sit: cæterarum tamen febrium intermittentium ipsam antecedentium facta collatione, nempe tertianę, quotidianę, & quartanę, est pessima, quoniam difficiliùs eradicatur, quum fiat ab humore magis adusto, ut probant Saunarol. *cap. 15. de feb. rubric. 8.* Petrus Mercatus *tract. 9. de febr. cap. 3.* edocti ab Haly lib. 3. *pract. 19.* Sed percontaberis, & merito, cur hic sermo non possit etiam verificari de sextana, septana, octana, & nonana? illa est ratio, quòd quintana his faciliùs repetat per circuitum & frequentius naturam fatiget. Quintana ergo est etiam saluberrima, & à magnis morbis, epilepsia, & aliis frigidis affectibus liberare potest, si cum phthisi, aut hectica febre non complicetur. De hac tamen ambigua quæstione liberum sit cuique quòd velit opinari, monente sic Gal. lib. 1. *prorrhet. sect. 2. com. 36.*

## HIST. XXXI. TRALLIANI, De Epilepsia.

### Epilepsia rutę odore curatur.

**H**oc in Thuscia à rustico quodam accepi, qui dicebat aliquem casu morbo liberatum fuisse. Rutam enim syluariam, quam rure habebat, contundebat: & ubi conseruus eius lunaticus concidebat, ipse rutę odore plenus, aggressus, naves egri continebat: unde ille excitatus, non amplius comitiali morbo laborabat. Experius autem erat hoc etiam in alio, & morbo eum liberauerat. Atque ego sæpius ista hunc affectum curavi. Mirabile igitur, & maximum medicamentum est, & c. Trallian. lib. 1. *cap. 15.*

**E**pilepsiam lunaticum morbum, puerilem ecstasim ab Arist. 30. *prob. 31.* ab Hipp. 6. *epid. sect. 1. sext. 5.* fulgorem. Ab Auic. Arabibusque puerilem morbum, matrem puerorum, morbum sacrum, caducum, Herculeum, comitalem, fonticum nuncupari traditum est ab omnibus, præsertim tamen à Matthæo lib. 9. *ad Alm. 8.* Mercurial. lib. 2. *de morb. puer. cap. 3.* qui horum nominum etymologiam ad amussim explicarunt.

Cum ergo conuulsio epileptica inuasit, necesse est sensus excitare, torporem discutere, crassos lentosque humores extenuare, secare, flatus resolvere: quæ omnia à rutę odore efficacissimè præstantur; cuius laudes proprio experimento extollit Iason, 6. 23. *de morb. cereb.* quam non modò ad profligandum paroxysmum, sed ad morbum radicatus euellendum prodesse, tenet Valleriol. 3. *obs. 7.* siue eius odorem æger inspiret, siue succù deglutiat, vel per se, vel cum melle scillitico permixtum. Demum omnibus propemodum vitiis ruta remedio est, ut auctor est Paul. lib. 7. *cap. de ruta.*

Sed quid fieri potest, ut rutę graueolens odor epilepticam sanet conuulsionem, si fœtida cerebrum concutunt, labefactant, & epilepsiam concitant, quum cerebro maxime sint aduersa, ex Gal. 8. *secund. loc. cap. 3.* nam fœtet est vapor quidam ex putrescentibus corporibus subleuatus, aërem inficiens, & odorandi sensum contristans. Et Plat. in *Timæo*, fœtorem, molestam sensationem ex putredine vti plurimum ortam, & naturalem eius symmetriam inimicò quodam, contrariòque ingressu euerrentem protulit. Quo nomine lapidis gagatis suffitus epilepsiam illicò accersit, apud Plin. lib. 3. *c. 18.* Dioscorid. lib. 5. *c. 103.* Aëtium *teir. 2. serm. 2. cap. 14.* Cæl. Aurel. lib. 1. *cardar. 4.* Aret. lib. 1. *de caus. & sign. diuurn. cap. 5.* Auic. lib. 2. *tract. 2. cap. 322.* Qui omnes, huius lapidis suffitum, ob fœtorem plurimos prosterere, & in epilepsiam præcipientes dare assenerant: quod similiter de bdellio, bitumine, cornu ceruini vsti suffitu, & aliis graueolentibus est dicendum. Solue, hoc modo. Nam licet fœtida spiritus labefactent, atque prosternant, quum putrida sint, ab extraneo calore corrupta, & cerebro inimica, ex Gal. *prog. vlt. & lib. 2. eiusdem operis, 22. & lib. 1. de cris. 11. & lib. de diff. sympr. 4.* Sicque homines in fonticum morbum præcipient, tamen quā calida, & tenuiū partium, epilepsiam factā curant ratione dicta; instar vini, quòd etsi replendo neruos, eosque emolliendo conuulsionis sit causa, rursus qualitate sanat eam quā fecit dispositionem, neruos calefaciendo atque exiccando, ut disertè monuit Gal. 5. *Aph. com. 5.* Sic fœtida, quā cerebro inimica epilepsiam concitant, factam tamen, sua caliditate persanant.

Ad hæc ruta præter peculiare, ac manifestas dotes, aduersus venena, præsentaneum est antidotum. Narrat enim Plin. lib. 8. *cap. 21.* & Arist. lib. 9. *de histor. animal. cap. 6.* mustelam contra Basiliscum, aliosque venenosissimos serpentes pugnaturam, rutę esu munitam atque armatam, intrepidè cum eis pugnam inire; & nisi ipsa, demortuò serpente confestim se subducatur, pastūque rutę rursus reficiatur, ex aëris fœdari contagione suffocatur. Tanta est huius herbę aduersus venenum excellentia, repetit Auic. lib. 2. *tract. 2. cap. 578.* Et Gal. 2. *de alim. facult. 18.* & lib. *de cibis bon. & mal. suc. cap. 8.* rutam ad pestiferam lucem potentissimam esse asseuerat, si quis cum caricis, & nucibus permixtam edat, nam ab aëris inquinamenti superstes euadet.

## HISTORIA XXXII. PAVLI, De Epilepsia grauidarum.

### Epilepsia grauidarum, post partum evanescere solet.

**I**nsuper visus est morbus comitialis quandoque prouenire etiam ab utero in quadam muliere, quo tempore esset grauida, \* à partu autem cessauit, & c. Paulus lib. 3. *cap. 13.* in initio.

## P A R A P H R A S I S.

**C**oncitari epilepsiam ab vtero probant ex antiquorum mente Duretus, & Desiderius Iacotius *ad aph. 24. sect. 2. lib. 4. Coacar. Ludou. Mercat. lib. 2. de vteri morb. cap. 5.* Quid enim obstat, quominus aura quædam venenosa ab vtero, ex menstruo, aut semine retentis eleuata, cerebroque infensa, vel in propria substantia, vel alteratis per continuum partibus, ipsi communicetur, epilepsiam paratura? concidētibz ventriculorum parietibus, dum ferientem, noxiāque auram à se depellere conatur natura. Rursus quod incōueniens est eleuari ab vtero sanguinem ad cerebrum, ( cum quo maximè consentit ) & fieri obstructionem ventriculorum eius, & epilepsiam concitari? quam posse oriri ex sanguine, suprà ex veterum & iuniorum mente, affatim *in cum. hist. 26.* probauimus.

Hac de causa epilepsiam ab vtero in gravidis suboriri ( quoniam tunc putria excremeta coerceri solent ) testis est Fernel. *lib. 5. de part. morb. & sympt. cap. 3.* Idem dicendū de vteri sœuissima suffocatione, quam gravidas ( licet rarò ) posse pati, & non nisi à vaporibus prauis ab vtero ascendētibz concitatam, tenet inter omnes Mercurial. *lib. 4. de morb. mulier. c. 22. rubric. 3. Iuxta fin.* Cognosces autē hæc mala in gravidis ab vtero oriri, ex ructu, strepitu circa ventrem, lumborum tumore, & dolore circa renes, & coxas, ex diuina mensuum vacuatione. In plurimis, quæ licet vtero gerant, eam habent, præsertim in primis mensibus, satis copiosam, ex adiunctis aliis vterinis symptomatis, & maximè, si epilepsia infestabat antea ab vtero, antequam conciperent. Ex mœstitia, taciturnitate, & timore, ortis ab hoc spurco, sæculentoque sanguine in vtero retento. In hac conuulsione, nulla, aut quàm paucissima spuma per os erumpit. Demum sœminæ sic affectæ, etiāsi reliquis sensibus orbentur, frequenter tamē auditum superstitē habent.

## Q V Æ S T I O X X.

*Quod in gravidis aliquando è talo sit emittendus sanguis. Contra communem Medicorum sententiam.*

## C O M M E N T A R I V M.

**A** Partu autem cessauit. ] Quando epilepsia accidit in gravidis, auctores, qui de hoc argumento scripserunt, leuibus auxiliis solum contenti partum expectant, post ipsum tot mala cessatura, vacuato sanguine mensali, sperantes; vt hic Paul. insinuat: & Auic. firmat *1. 3. tract. 5. cap. 8. prop. fin.* Et similiter, inquit, aduenit mulieri pregnantī epilepsia in impregnatione: quūque deponit, & euacuat materiam illam menstrualementem, remouetur illud, &c. Et sic Iacchin. *in lib. 9. ad Alm. 14.* se vidisse refert gravidas epilepsia prehenfas, quas post partum sanatas fuisse commemorat. Et Desider. Iacot. *ad cit. loc. Coac.* in gravidis sopores, deliria, conuulsiones, epilepsiam suscitari affirmat, quæ vitia faciliè conualescere, discusso eo vapore per sternutamenta, aut audito partu assenerat. Et Ludouic. Mercat. *lib. 1. de vteri morb. cap. 5. de varietate epilepsie ex vtero.* Roderic. à Castro. *lib. 2. de vniuers. mulier. medicin. cōd. tit. cap. 2.* qui de morbis gravidarum egere eximie, nil aliud in hoc ancipiti casu consulunt exequendum, nisi roborantia vtero, & naribus suffumigia apponere.

Hoc intelligendum est si levis sit epilepsia. & breui duret, qua derentæ sœminæ, fœtum vique ad maturitatem gestarunt, vt ait, Horat. *Augen. lib. 5. epist. cap. 6.* Si verò vehemens sit, & propinqua Apoplexiæ, & conuulsionum vehementia, & diuturnitate agram diuexet, timorūque sit ne ex his causis fetus suffocari possit, ex quo abortus, & alia plurima matri damna contingunt, quid faciendum sit, non explicant viri peritissimi, licet arduum sit, & variis intricacionibus plenum. Nam opitulandum esse vehementibus auxiliis, morbi sœuities indicat manifestè. Si tamē auxilia è superioribus partibus celebres, malum ab vtero est: si ab inferiori regione facienda imperes, cōuocato humore

A ad vterum, timor est ne fœtum præcipites, suffoces, & abortum procures. Quid ergo faciendum in agone tanto? quomiserimæ, diro hoc morbo oppressæ ob Medicorū ignauiam, nullis factis præsidis, partum expectantium, vitam sæpè cum morte commutarunt. Et magis si sint vicinæ partui, in quibus vltimis mensibus, maior adest copia sanguinis impuri, qui si non exhauriatur, in cerebri sedes expirans epilepsiam committit, & in vtero coercitus fœtum suffocat. Dicam tamen libenter quæ sentio, fidissimo experimento fretus, & ea auctorum lectione confirmata.

Conuenerunt vnanimiter Medici, nunquam in gravidis inferiores venas esse secandas, propter certum abortus periculum, quum fœtum & vna matrem perire sit necessesse. Ego verò cum contrarium verissimum esse existimem, asseuero eos, qui urgente necessitate in epilepsia gravidarum, ( in vltimis mensibus ) ab vtero orta, sanguinem non esse è talo mittendum sibi persuadent, euidenti rationi, & doctorum virorum suffragiis aduersari. Si enim sœmina sit in 7. 8. v. mense constituta, & acutissima epilepsia, truculentissima vteri strangulatione corripiatur, quæ vitia ab vtero tanquàm à primæua origine scateant, & oriantur, quis superiores venas tundere audebit, quum nullum iuuamentum è brachij venis sectis consequi possimus? nam ad occasionem necesse est deuenire, & occasionis initium, vt perbellè *lib. de vena sect. adu. s. Erasistratū. cap. 5. & lib. de rigor. cap. 8.* Gal. notauit, doctus ab Hipp. *lib. 2. epid. sec. 5. in fin.* cuius sententiam Iacobus Esteue, & Valles. *suis doctissimis commentariis* illustrarunt.

Quare satius est sœminas, tot tantisque malis obsitas, scissis venis tali, à mortis faucibus liberare, quàm spe adempta, vnà fœtum, & matrem perire. Neque in hoc loco celebrata phlebotomia ex se abortiua est; quod enim poterat timeri, infantis est emissio, quæ quum naturalis sit, partus, & non abortus censi debet, quoniam sœmina in mensibus à natura destinatis, 7. 8. & 9. est constituta. Et tantum abest, vt sequi possit abortus, vt potius dempra plenitudine, qua fœtus non indiget, hic vegetior fiat ac robustior. Maximè si sœmina sit optimo corporis habitu prædita, iuuenis, neque dissolabilis, sed densa carnē constas, venas latas habeat, plurimo laudabilique sanguine referas: In hoc enim casu, in vltimis mensibus, urgente necessitate, feriendas esse venas inferiores, felici experimento docet Othæus *lib. de obseruat. prop.* Quod si vires inualidas esse conieceris, quales in albidioribus sœminis conspiciuntur, vtilius, & securius scarificationes in cruribus fient. ex Gal. *lib. de curand. rar. per sang. mis. 11.* quas plenitudinem minuere tenet Gal. *2. ad Glanc. 7. & 8. de sanit. 4. & 2. aph. com. 17.* ea tamen seruata lege, vt non tantum educatur, quantum affectus, & plenitudo desiderat, quum mulieri prægnanti post curationem viribus opus sit, non solum ad se, sed etiam ad partum sustinendum, vt scitè docet Cels. *lib. 2. cap. 10. in init.*

Insuper obseruatum est prauas quasdam sœminas, vt celarent vteri gestationem, bis, ter, & pluries sanguinis missionem citra abortum, immò noxam ex talo procurasse: & maximè quum sint multæ, quæ sanguinis fluxum per varias corporis regiones, immò per ipsum vterum, cum vtilitate magna vique ad partum patiuntur.

## O b s e r u a t i o X X V.

*E Septimestris sœmina, repetita sæpius ex talo phlebotomia feliciter peperit.*

**M**Ala quædam sœmina, iuuenis, biliosa & gracilis, quum septimi mensis fœtum in vtero gereret, ob merum absentis mariti abortum procurat, plurima auxilia parat, assumit purgantia valida, applicat vtero fortissima vnguenta, pessaria violenta, & fœtum necantia. Demum omni prorsus destituta auxilio, exactissima inedia, incassum tamen corpus macerat: tandem quasi desperata, vitibus licet inualidis, ad saphænæ phlebotomiā tredecies ex interuallis celebraram, & hirudines in sede ter applicitas se conuertit: sed nunquam voti sui compos euadere potuit, immò geminos in nono mense obesos, & ouantes ( mirum

(mirum dictum) edidit in lucem. Ac Chirurgorum testimoniis apud Magistratum accusata, meritis, truncato capite adulterij pœnas luit.

Deinde si Hipp. 4. aph. 1. turgente materia grandis cathartica propinanda iubet, cur nos non imperabimus, postulante periculoso affectu, venæ sectionem ex talo? quod auxilium, quo intervallo distat à purgatione, constat; nam illud tutius est: at medicamenta mouent, violentè educunt, & agitant humores, naturam perturbant, & conuocata ad vterum fluxione fœtum præcipitant.

Quo pacto in hoc casu, in robustarum virium præsentia, intrepidè sanguis è talo mitti potest, prout Iacobus Tamaio Hispalensis, *tract. prop. de epilepsia gravidarum sectione tali persananda*, obiter tamen exarauit, & postquam hæc scripsimus, vidimus appunxillè Raphaelem Moxium Gerundensem, eruditissimum lib. 3. de morb. mulier. acutis, curandis per venæ sectionem. c. 50. Quod auxiliū ea cōditione exequendum puto, vt si primæ phlebotomiæ non cessauerit malum, alia & alia, pro virium tenore iteretur, æstimata tamen semper natura locorum & regionum. Nam Hispani ob soli, cælique clementiam, & alimētorum maximè nutrientem vim, liberales ferunt vacationes. Sicut è contra regiones impensè calidas incolentes, aut summè frigidas, citissimè ab euacuationibus exoluuntur, in his enim ob frigus penitissimè irruens, & copiam sanguinis crudi & aquosi, calor innatus illic, vel parca venæ sectione fatiscit; in illis, ob bilioli humoris excessum, & amplitudinem pororum, insito innato ad extēnas partes extracto, confestim viriū sequitur dissolutio, Quare prudentissimè aduertit Celsus in præf. lib. 1. rei med. differre pro natura locorū genera medicinæ, & aliud opus esse Romæ, aliud in Ægypto, aliud in Gallia. Rursus phlebotomia in 8. mense, cum maiori fiat præmeditatione, quoniā hic mēsis ex omnium Medicorum decreto, omniū est infelicitissimus, & ad ferēdas vacationes maximè ineptus, & idcirco in eo partus sunt minū vitales, vt ait Hipp. lib. de octim. part. n. 1.

## Observatio XXVI.

*Gravida epilepsia ab utero correpta, secta in brachio vena perierit: è contra è talo secta reuiuiscant.*

**E**go veritatem referre non gravabor. Fœminæ plures in vltimo gravidationis mense constitutæ, epilepsia fœuissima ab utero sunt correptæ, optimo erāt præditæ corporis habitu, aderat febris non ignaua, ex effervescente sanguine, in utero retēto excitata: ex decreto Medicorum sanguis è gibbero extrahitur. Binæ, reuocato ad superas partes sanguine, subitò apoplexia periere. Reliquæ ingruesscente in peius epilepsia, fœuitie accessiōnū sunt extinctæ. Plures aliæ, epilepsia acutissima prehensæ, secta iterū atque iterū in talo vena, citra abortum feliciter pepererunt.

Nec desunt rationibus auctoritates, quibus veritatem hanc lubet planam facere. Mathæus Gradius in consil. 77. pro vteri pruritu sanando in hæc verba prorumpit. *Ob causā cōiunctā, nisi foret pregnantis: valeret singulariter phlebotomia saphænarum, quoniā per eam, dicta causa parim vacuaretur, sed quoniā ea est provocativa, eam nō laudare nisi in tēpore proximo partui, quoniā tunc talis phlebotomia iuaueret, &c.* Vides vt peritus auctor, vel etiam in miti morbo, sectionem tali in postremis mensibus imperet faciendā. Sequitur Magninus lib. 2. de regimin. pregnant. *Amplius curare debes phlebotomiam, & specialiter de saphænis, nisi in casu magna necessitatis, &c.* Firmat Rondelet. cap. de epilepsia gravidarum, in quibus, pro curanda accessione epileptica, applicat cucurbitulas in inguinibus.

## Observatio XXVII.

*Nonimestris epil. p̄sa correpta hirudinibus sedi applicitis curatur.*

**F**œmina gravida nonimestris, carnosa & inuenis, ex consueta hæmorrhoidali vacatione diu suppressa in

A grauissimam incidit epilepsiam, qua cessante, melancholicum patiebarur delirium. Hæc, præter acria enemata, & partium inferiorum diuersiones, & sictas in vtroque talo venas, non nisi hirudinibus sedi ter applicitis conualuit, & felicissimè peperit.

## Observatio XXVIII.

*Pseudohydrops uteri in gravida pronatus, profunda scarificatione curatur.*

**V**idi quinquies exemplum mirabile in gravidis octimestribus, & nonimestribus; hæ omnes crura quum tumida, & aquoso humore plena haberēt, & œdematosa labia vteri simili inflatione, ab ipso crudo aquosoque sanguine pronata, in tam grandem molem increuere, & ex vtraque parte spongiæ modo ita prominebant, vt vteri hydropem repræsentarent. Consulti Medici, & ad diuertendum sanguinem è brachio mittendum imperant, adstantes renuunt, me vocant. Qui, ne pars præ copia mucosi humoris obruta suffocetur, scalpello scarificandam toram profundè prædixi, desuper emplastro ex præseruantibus fatinis posito: quo factò, tanta humoris aquosi copia vacuata est, vt intra vnius horæ spatium, tota derumesceret pars, & in suum statum naturalem rediret, & citra abortum (hunc enim alij ex scarificatione certò præfagierant) ita leuata sunt, vt fœtum vsque ad maturum tempus reseruarent. Lege Aëtium 1. 4. serm. 4. cap. 110. de hernia aquosa mulierum. Fragosum gloss. de apost. q. 56.

**C** Ne ergo in faciendis vacationibus inferioribus, pro gravidarum curatione, dum morbus grauis & periculosus infestat eas, sis meticulosus, nam harum sectio sæpe magnum leuamen afferre solet.

Quid plura? Nōne in utero gerentibus, bubone pestifero in inguine correptis, è talo mittendus est sanguis? Quoniā malitia & venenositate, matrem & fœtum interimere potest, prout Sauzedo Hispanus, & Antonius Poncius à cruce Vallesoletanus, Petrus Vazius *tract. de pest. memoriz commendarunt*. Sic enim detracta humoris deleterij copia, & euocatis ad partes ignobiles pestiferis vaporibus, fœtus alacrior redditus reuiuiscit; & suo tempore editur in lucem.

## Observatio XXIX.

*Gravida bubonem pestiferum in inguine habentes, secta vena in talo tuto curantur.*

**I**n vasta illa pestilentia, quæ anno 1600. maxima cum mortalium clade, totam Europam, præsertimque Hispaniam afflixit, Innumera gravida in primis, mediis, aut vltimis mensibus, bubonibus in inguine, genu, tibia, seu aliqua inferiore parte adnatis laborarunt. Quæ omnes, ob imminens ex veneno periculum, celebrata sæpius tali sectione, summam vtilitatem sentientes, leuata sunt.

**E** Cur ergo si hæc vera sunt, & ex veterum monumentis exhausta, in acutissimis ab utero morbis, venam in talo scindere dubitabimus? Nonne ob dictas causas gravidis bubone Gallico correptis è saphæna mittendus est sanguis? Nam huius sectionis beneficio, atrocis huius morbi venenum ad imas, minūque præcipuas auocatur corporis partes. Hunc autem morbum esse à tora substantia talem Fernel. firmat. lib. de lue vener. 13. & 2. de abdit. 14. Quod præsidium in hoc casu esse valde proficuum, sæpissimè sum citra abortus periculum expertus. Quidquid auctores de morbo Gallico, simulque de gravidarum morbis eruditè disputantes, de hoc generoso auxilio in talo celebrando nec verbum quidem protulerint. Quibus & aliis nouissimis, ars nostra in dies magis ac magis, Doctorum suffragiis, & assiduis laboribus aucta efflorescit, & decoratur. Lege, si placet, Gynæsiarum auctores, quos Israël Spachius in vnum volumen congeffit, immò Rodericū à castro virum doctissimum, & qui in curandis fœminarum morbis strenuè nauauit operā, & in nullo inuenies institutum. Non ignoro plures illustres Medicos hanc methodū reprobasse



reprobasse obnixè, quorum epistolas, & argumenta ad vnguem soluta iuuenies, lib. 3. in com. hist. 10. nam in hunc commodiorem locum, in quo de morbis agimus mulierum, hæc explicanda distulimus.

## QVÆSTIO XXII.

*Quod primus omnium Hipp. sanguinis missionem in gravidis exercuerit. Contra communem male hætenus de eo conceptam Medicorum opinionem.*

**S**ed obtrudes fortasse, & meritò sanè, piaculum esse in gravidis in cubito, nedum in talo, sanguinem exhausti, quum Hipp. & Galen. primi sanè Medicinæ parentes id auxilium renuerint semper. Eia age, tu quisquis es, cui ignea vis in pectore flagrat, expende Hipp. mentem hac breui philura explanatam, atque adeò veritatem ipsam, nondum ab excellentissimis iunioribus in re tam seria satis promulgatam. Res sanè ardua est, ait Plin. in præfat. ad Vespasianum, vetustis nouitatem dare, nouis auctoritatem, obsoletis nitorem, obscuris lucem, fastiditis gratiam, dubiis fidem, omnibus verò naturam, & natura sua omnia. Quoniam verò erubescimus cum sine lege loquimur, ut ait Iustinian. in autent. de triem. & semissib. collat. 3. §. Consideremus, & maiorem fidem accipiunt quæ comprobantur, ex Gal. lib. 6. epid. 2. 25. idcirco allatis in medium Hipp. testimoniis hoc confirmare intendo. Nam quæ nostro labore, & industria parauimus noua, nunquam dubitauimus, omnium studiosorum vsui fieri in propatulo. Sic ergo me dicentem audias rogo. Diuinum Hipp. in gravidis nunquam sanguinis missionem exercendam imperasse, firmiter iurant recentiores, moti illo oraculo lato ab ipso 5. aph. 31. mulierem vtero gerentem sanguine missio abortire prædicente. Fidissimus interpres causam reddit in com. quoniam subtrahitur alimentum fœtui, quo exhausto perit fœtus, & sequitur abortus. Secundò. Si Gal. 5. aph. 55. docet non posse Medicos in gravidis validum auxilium exercere, imò nec exquisitam victus rationem præscribere, constabit planè eum non admittere venæ sectionem, cum sit vnum ex vacuantibus auxiliis. Terriò. Si quæcunque vacuatio est causa abortus, ut alui fluxus vel etiam spontaneus, ut 5. aph. 34. dicebat Hipp. multò magis sanguinis missio, cuius vi alimentum fœtui detrahitur. Quarto. Si inedia est causa abortus, ex Gal. 1. epid. sect. 3. com. penult. quoniam in gravidis acuto morbo correptis, exactam victus rationem præscribere difficillimum est; nam si eas parcè nutrias, perditur fœtus, si huius habita ratione liberaliùs cibes, in discrimen ipsam matrem adducis. Si ergo tenui victu exhibito, fœtus denegato pabulo perit & corrumpitur, cur promptiùs celebrata phlebotomia abortus non sequetur?

Quibus rationibus conuicti Medici, & tanto Hipp. edicto perterriti, certa quadam lege ratum firmumque præceptum sanxerunt. Hipp. primam Medicinæ Magistrum, in gravidis nunquam sanguinis missionem exercuisse. Sed hi facundissimam Hipp. doctrinam non aduertunt. Est locus eximius apud ipsum lib. 2. epid. sect. 2. in med. qui sic se habet. *Sanata est veratri potione Lycia: postremum splen magnus, & dolores, & febris, & ad humerum dolores. Et vena quæ in splene est in cubito secabatur: & saliebat quidem sæpè: aliquando verò etiam non est secta, sed vnà cum sudore sanguis penetravit, aut sua sponte. Ex quo autem prodibat, splen ex dextra parte intendebatur, spiritus intus duplicabatur, non tamen magnus: mente mouebatur, contegebatur, flatu inerat, non prodibat infernè quicquam, neque mingebat. Mortua est ante partum, &c.* Vides quomodo in vtero gerente, lienis inflammatione laborante, aliquoties venam in cubito secuit Hipp.

Neque dicas ex venæ sectione mortuam fuisse ægram, nam factis auxiliis necessariis ægri occumbunt, neque enim Medicus omnes quos præ manibus habet, sanos potest facere, ex Hipp. lib. 1. prog. 3. Sed sufficit facere id quod ratio, & experientia suadent, ex Gal. 6. epid. sect. 8. com. ult. hoc pacto tempore Galeni, ut ipse refert 3. epid. sect. 2. com. 8. iam Medicis mos erat secare venas in gravidis, quas

Lib. I.

**A** non omnes abortum fecisse ait. §. *Iam etiam propter sanguinis missionem quedam abortierunt, &c.* edocti Celsi, tanti auctoris consilio: & si abortus contingeret, hunc, ex vi morbi accidere, & ex sæuitie febrilis caloris oriri, existimare rationabilius est: nam *febris fœtum occidit*, ex Gal. lib. 5. aph. 30. Hoc modo ante partum mortua est Lycia, licet ab Hipp. tempestiuè secta esset vena, & sanguis calidissimus exhaustus, ut Valles. virsanè cyclicè doctus, & qui in interpretandis lib. omnibus epidemion inter cæteros palmam præripuit, confirmat in com.

**B** Miror tamen eruditissimum, in cit. loc. epid. interpretem Petrum Iacobum Esteue Valentinum, hunc locum non animaduertisse, cum aliis qui hoc argumentum ex professo agitarunt. Et licet hic liber secundus epid. Thessali filij Hippocratis magni esse dicatur, à Gal. 2. de diff. respir. 8. & lib. 3. eiusdem oper. cap. 1. suspicante aliqua esse ab ipso adiecta, quæ puriorem illam Hipp. limam non redolerent, ut notant Ludou. Lemosius, & Mercurial. in tract. de iudicio operum magni Hipp. Tamen parum refert paterne, an filius huius libri auctor sit, ut scitè docet Fuchs. in præfat. ad l. 6. epid. Nam Thessalus vir fuit in arte præclarus, & qui in nullo suo libro vllum omnino Hipp. placitum labefactare visus est, ut de eo in proæm. com. 1. in lib. Hipp. de natur. human. retulit Gal.

**C** Nonne idem Hipp. sanguinem in gravidis è malleolis imperat emittendum, in lib. 1. de morb. mulier. num. 100. ad accelerandum partum? §. *Si verò pragnans multo tempore cohibeatur, & parere non possit, sed diebus pluribus ex partus doloribus laboret: sit autem iuuenis, in vigore, & multo sanguine referta: secare oportet venas in malleolis, & sanguinem detrahere, virium respectu habito, &c.* Et quamvis hunc librum Mercur. lib. 4. de morb. mulier. cap. 22. & Ioan. Bapt. Montan. lib. de intern. affect. in init. ceu nothum explodant: Grauiissimus tamen vir, Mauric. Cordæus in suis ad hunc librum doctissimis commentariis, ut partum Hipp. dignum illustrat, & ceu germanum, ac natium amplectitur, styllum, ac doctrinam Hippocraticam haud dubiè redolentem Firmat Ludou. Mercat. lib. 4. de nutrit. & puerper. affect. cap. 3. quo loco hanc sententiam miris celebrat encomiis, tanquam ad facilitandum partum summopere proficuum, ac necessariam.

**D** Quo factum est, ut Cornel. Cels. nulli Principum secundus lib. 2. cap. 10. ipsius mentem interpretetur, hoc modo. *Nam licet in gravidis videretur periculosum, non tantum ad fœtum, quantum ad partum sustinendum, sanguinem emittere; Tamen cum nostra ars conceptionem solam non videat, sed vires æstimet, non dubitandum in gravidis, constantibus viribus, sanguinem exhausti.* Quoniam usus ostendit non esse perpetuum, gravidam phlebotomia curatam abortum esse facturam. Ut ita pateat Medicos facundissima doctrina Hipp. instructos, tempore Celsi, imò, ut vidisti, Galeni ævo consueuisse in vtero gerentibus hoc generosum auxilium exercere.

**E** Hipp. Celsique sententiam sequuti postea sunt non incelebres viri Auic. 4. 1. cap. 20. Rasis lib. 4. ad Almanf. 27. Haly Abbas lib. 1. præf. 19. Qui urgente necessitate in illis sanguinem mittere nō recusant. Ob quorum salubre consilium iam omnibus ventum est in vsum secare venas in gravidis, si morbi acuti & periculosi, necessitas adsit, ut referunt Iacchin. lib. de acut. morbor. curat. Musa, & Fuchsius in com. sent. 3. l. 1. 5. aph. Fernel. lib. 2. merb. 12. Salius cap. 22. de affect. partic. Ludou. Mercat. l. 3. de gravid. morb. ult. Valles. 7. contron. 7. Augenius tom. 1. lib. 5. epist. 1. cap. 11. Christoph à Vega lib. 2. de art. med. sect. 5. cap. 2. in med. Roderic. à Castro lib. 2. de vniuers. mulier. medic. part. 2. cap. 23. Raphaël Moxius lib. 2. de morb. mulieb. curandis per ven. sect. cap. 7. & plures alij id confirmant, & nuper explicuit Santorellus doctissimus lib. 19. antepraxis, cap. 10. & 11.

Neque desunt plura quæ eiusdem Hipp. mentem illustrent. Nam si Hipp. urgente materia catharrica gravidis propinanda iubet, cur non imperabit venæ sectione? Hoc autem auxilium longo intervallo distare à purgatione, nulli est non manifestum; quum tutius sit, & medicamenta accendant febrem caliditate sua, vehementi motu humores expurgent, in maiorem putredinem eos coniecent,

F naturam

naturam à coctione deturbent, crifim præuertant, ægri A vires debilitent, quæ poſtea decretorio perficiendo minime ſufficiunt. Periclitatur denique ægra aſſumptis medicinis violentis, quarum efficaciam ac actionem deinceps coëtere non poſſumus. Et quod maiorem timorem accerſit, humores deorſum impellendo fœtum præcipitant. Venæ autem ſectio reuellit ab vtero, & deſtructa copia fœtum retinet.

Inſuper ſi naturæ legibus ars medica eſt conſentanea, arbitror naturam, quid agendum ſit, nos docere. Obſeruatum enim eſt grauidas plenitudinis morbo vexatas, euacuatione facta ab ipſa natura per fluxum ſanguinis è naribus, hæmorrhoidibus, ore, atque ab ipſo vtero per multos dies, citra diſcrimen fœtus fuiſſe liberatas. Quod experti ſunt Iodocus Lommius ſect. 1. de curand. febrib. continem. Reiner. Solenand. ſect. 5. conf. 15. Braſauol. 5. aph. 60. Ioubert. lib. 2. de facult. natural. in com. cap. 3. Columb. 1. 2. anatom. & alij exercitatiſſimi viri non ſiluerunt, qui plurimas fœminas, toto geſtationis tempore, purgationes habuiſſe menſtruas citra abortus periculum confirmant. Hoc enim vel ipſe Hipp. nos monuit 5. lib. aph. text. 60. vtero gerentes ſingulis menſibus ab vtero expurgari poſſe aſſeuerans. Quare ſi abortum non facit vteri expurgatio ab vtero, cur faciet venæ ſectio, quæ nimium & redundantem ſanguinem exhaurit?

### Obſervatio XXX.

*Grauida in omni geſtationis menſe copioſè phlebotomata feliciter pepererunt.*

M illies me curaffe recordor plurimas in variis geſtationis menſibus conſtitutas, acutiſſimis morbis deſectas, quæ quum valentes eſſent, & largam, ſuppreſſo menſtruo, ſanguinis copiam aceruat conſueuerant; non niſi larga, copioſa, & iterata phlebotomia à tantis malis euafere immunes, & deinceps ſuo tempore feliciter pepererunt.

Sed quid Hippocrati reſpondebimus, dicenti mulierem abortire miſſo ſanguine? Chriſtoph. à Vega loc. cit. quem alij ſuprà citati amplectuntur, à tanto dubio ſe extricaffe putat, ſequutus Iacobum in expoſitione cit. ſent. Hipp. dum grauidam copioſè ſecta vena abortire pronunciat: ſecus ſi parçè dematur, abortum non accidere ſibi perſuaſit. Quam copioſam ſanguinis vacuationem cum veteres ſemper fuerint exequuti, non eſt mirum ſi vtero gerentes abortire miſſo ſanguine aſſeuerent. Sed hi immeritò accuſant Gal. & multipliciter peccant. Primò. Quoniam ex illorum mente nec parçè Hipp. ſanguinem in grauidis emiſit vnquam. Secundò. Quia ſicut Græci audaciſſimi fuerunt in ſanguine mittendo, ita etiam moderati & iuſti, vt ſuprà probauimus. Quo pacto demiror Mercurialem doctiſſimum, qui ſe hac ſolutione, priſcorum dicta conciliaſſe putat, in lib. 5. aph. com. 29. & in Hiſtor. Piſan. 1. 3. Sic ut enim illi ad libras ſanguinem extrahebant vrgente morbo, ſic ad corylam, & dimidium eius exhauriebant, vt conſtat ex cap. 1. 3. lib. de curand. rat. per ſang. miſ. Coryla autem ex Vegæ ſententia loco nuper cit. continet vncias ſeptem. Vt videas Gal. aliquando tres vncias, & huius dimidium ſanguinis emittendas imperaſſe.

Quapropter dicendum eſt, grauidationem prohibere ratione ſui venæ ſectionem, non tanquam vnum ex præcipuis ſcopis, qui eam dehortantur: ſed eſſe ex iis qui indicant detractiōis quantitatem, hoc eſt minùs detrahendum eſſe, quàm affectus, & plenitudo deſiderant, ob indicationem quæ ab vteri geſtatione deſumitur; nam hæc habenda eſt loco ſymptomatis vires diſſoluentis, quoniam *ſatura eſt ſpecies vacuationis*, ex Gal. lib. de ven. ſect. aduerſ. Eraſiſtratum, cap. 5. Maximè cum inter ſcopos venæ ſectionis ſolum virinum robur, morbi magnitudinè, & florentem ætatem connumeret Hipp. 4. acut. 19. Qui cum in grauidis poſſint reperiri ex antiquorum mente, in his venæ ſectio celebrari debet. Ergo vtero gerens ſanguine miſſo pro multitudinis ratione, ſerè abortit, vt cit. loc. Hipp. probat.

Solue ſecundò. Grauida ſanguine miſſo ex vena intrer-

na frequentius abortit. Quoniam ſecta hac promptius defraudatur fœtus ſuo paſtu, quum à partibus internis, truncòque corporis peccantem humorem, effuſa multa ſpirituum copia, educat, ex Gal. 2. acut. 11. Quod non contingit, ſi media, aut externa ſecentur; hæ enim minùs debilitant, & veluti furum, & inſenſibiliter ſanguinem exhauriunt, vt eleganter Acrius monet *terrab. 3. ſerm. 1. cap. 45.* Non negauerim, quod ſidiſſimo experimento experiuntur docti, in ſumma plenitudine, vrgenteque inflammatione interna baſilicam eſſe tundendam, ex Amat. 1. cent. 37. Mercat. lib. 3. de mulier. morb. cap. 22. Melius enim eſt parciſſimè ex hac vena ſanguinem exhaurire ob ingens periculum, quàm copioſiori facta ex aliis venis phlebotomia, nihil aut vix leuare ægrum, cauſa morbi non ita, vt oportet, depoſita: Quum interna maximum cum vaſis maximis habeat conſilium, ex Gal. lib. de curand. rat. per ſang. miſ. 16. & 4. de ſanit. cap. 4.

Solue tertio. Vtero gerens facta phlebotomia intempeſtiuè in talo abortit: vt in com. cit. loc. Hipp. Heurnius ſcitè edocuit, & probat Mercurial. ad com. hiſt. 1. 3. epidem. Hæ enim venæ inferiores magis vterum perreptant, & ſic ſanguinem ex propinquiſſimis, & viciniſſimis vtero partibus educunt. Quare promptius exhaustis coryledonibus, & laxatis vinculis, ob ſanguinis penuriam cadit fœtus. Maximè quoniam humoribus deorſum conuerſis fœtus perturbatur, ex Gal. lib. de ven. ſect. aduerſ. Eraſiſtratum, cap. 11.

Solue quarto. Vtero gerens ſanguine miſſo non ſemper abortit. Si quis enim Auctore Gal. 6. aph. 58. rem aliquam, quam aphoriſmus enunciat, euenire viderit, non perpetuam Hipp. veritatem eſſe exiſtimet, intelligatque commune eſſe aphoriſtica ſententiæ, vt perpetuam quandam dicendi figura indicet, quamvis res ipſa non ſemper eodem modo eueniant, ſed raro, aliquando tamen, aliter accidat. Nam in Medicina, frequentia pro perpetuis habentur; cum ex iis quæ ſemel, aut bis homo videt, non debeat pronunciata medica conſicere, ex Gal. lib. 2. de ſævus format. 2. Sic intelligendū exiſtimo Hip. 5. aph. 31. grauidā capi ab acuto morbo, lethale eſſe pronunciantem, hoc eſt magna ex parte, quum lethale ſit periculofum, & quod non tanquam ex neceſſitate ac ſemper, ſed tanquam admodum crebrò mortem afferat, ex Gal. lib. 5. aph. 2. Ab vteri ergo geſtatione magna ſumitur indicatio ad prohibendam venæ ſectionem. Si ergo in illis coacta neceſſitate ſecetur vena, magna ex parte non ſequitur abortus.

Sed contrariæ ſactionis argumenta oportet demoliri. Ad primum, dic. Gal. 5. aph. 31. non denegare in vtero gerentibus venæ ſectionem, ſed ſolum aduertere illam eſſe vnam ex cauſis abortus; quod nos concedimus, affirmantes ex ea non ſemper ſequi abortum, quod innuit Hipp. cum addit, & *magis ſi fœtus ſit maior.* Solum ergo reddit cautos Medicos, ne in grauidis tantum ſanguinis emittamus, quantum affectus, & plenitudo deſiderant, quum fœturæ aliquid ſit condonandum. Ex quibus colligi videtur, corruptum eſſe Auer. locum, 7. collig. 4. 5. Dicis. Hipp. *mulier prægnans non debet phlebotomari, niſi quando embryonis virius fuerit fortis, à 4. uſque ad ſeptimum, &c.* Hoc enim de purgatione lib. 4. aph. docuit Hipp.

Ad ſecundum, dicendum eſt. Gal. ibi velle ſolum, non poſſe Medicos in grauidis exquiſita vacuatione vti pro redundantiz ratione, & id intelligere, cum ait, non poſſe Medicos validum aliquod auxilium mulieri grauidæ adhibere: non verò in totum venæ ſectionem denegat, quod patet aperte: *Infra* enim ait, *gravidæ exquiſitam vitam rationem non ferre*, per quam omnimodam inedia intelligit, nam mediocrem poſſunt tolerare.

Ad tertium, dic. Ex quacunque larga vacuatione ſequi in grauidis abortus periculum, quam nos non admitimus, non tamen ex parca, præſertim ſi ſanguis abundet, & vires conſtent, quemadmodum non ſequitur ex inedia, niſi ſit diuturna, nec ex alui fluxu, niſi ſit immodicus. Nam grauidæ citra periculum abortus hunc ſæpiſſimè patiuntur, cuius vi vitioſi expurgantur humores: licet enim ex euacuatione quæ fit cum medicamentis purgantibus, demùs ſequi abortum, non ideo ex venæ ſectione æque timendus

timendus est. Et quamvis fateamur in gravidis venam secari cum abortus periculo, non tamen prætermittenda est, sed ad maius damnum evitandum celebranda. Plurima enim auxilia licet periculosa prisci summopere commendant, ut sanguinis missionem usque ad animi deliquium. Balneum frigidum in hæctico debili, cui ob corporis gracilitatem summopere aduersatur, id tamen 10. meth. 10. miris laudat encomiis; consilium Thucydidis sequutus, qui in ancipiti casu maluit aliquid agens periclitari, quam ægros spe adempta certo perire: quum satius sit potentibus præsidii pugnare, quam nihil agere, quoniam *melior est noxa, quam mors.* 1. 2. meth. 8. Sic cum febre valida, præsentem inflammationem interna, cathartica violenta concedit, 1. aph. 24. & 2. acut. 11. Licet ea renuat 4. acut. 12. Hoc modo concedit gelidæ potum citra humoris coctionem adstante inflammatione interna, ad præcauendam futuram siccitatem, & imminenti hæcticæ timorem, lib. 10. meth. c. 6. Quoniam satius duxit spernere vnam indicationem propter aliam vrgentiorem.

Num autem venæ sectio in gravidis sit periculosior in vltimis mensibus, quam in primis, & medijs; vel periculosior sit in medijs, quam in primis. Et num in vtero gerentibus ad præcauendum abortum phlebotomia salubris sit, contra Altimarum, & num trimestris fœtus (ut lib. 1. epid. sect. 3. com. 30. voluit Gal.) cæteris, citius seruetur, & magis vacuationibus resistat, contra Manardum, Augenum, & Mercatum in lib. 3. com. hist. 13. latissime disputabimus. Interim hæc sint satis de tam seria controuersia.

## HISTOR. XXIII. RASIS,

### De Apoplexia.

Apoplexia à sanguine orta, cucurbitula supra collum imposita, curata.

**A**poplexia accidit Regi Hamet, filio Haly, & in principio Medici eius \* miserunt eum sicut erat, & nullus ex eis aliud præcepit fieri, nisi inungi corpus cum rebus odoriferis, & suffumigari, quod sufficiens ei non credidi, sed feci ventosam eius collo apponere, & velociter ab illa egritudine exiuit: & est res, in qua confidentia esse debet; & in nasum eius oleum nenupharinum proieci, & Rasis lib. 3. aphorism. in med.

## COMMENTARIUM.

**P**lurima sunt quæ in huius Historiæ explicatione veniunt enucleanda. Primò. Cur hunc affectum vocat apoplexiam, si tandiu durauit? Nam si fortis est, citissime interficit; si debilis, ferè in paralysem finitur, 2. aph. 42. Hunc tamen morbum fuisse chronicum constat, ex verbo [ & demiserunt eum sicut erat. ] Secundò. Si humor fecit hunc morbum, cur cucurbitulam collo imposuit, siccam, si hæc spiritum extrahit? apud Celsum lib. 2. cap. 11. Tertio. Si concisa scalpello cutis fuit, cur in frigido morbo, & à causa frigida pronato sanguinem exhaust? Quarto. Si necessaria erat sanguinis extractio, cur aperta ampliori vena eam non exercuit; ut sic, per canales magnos, & non per tuiulos, extracto sanguine, citissimum æger leuamentum sentire possit. Quintò. Si opus est in soporosis affectibus, torpentem facultatem excitare, ex Gal. 13. meth. 21. cur in nasum ægri, oleum nenupharinum proiecit, suapte natura somnum concilians, ex Auic. lib. 2. tract. 2. cap. 515. §. facit somnum, & c. Hæc sunt quæ explanationem desiderant.

## D V B I V M XVII.

Num detur Apoplexia periodica, ut voluit Auicenna.

**I**c ad primum. Non negandum est hunc morbum fuisse chronicum, & periodicum: Nam Regij Medici tempus habuerunt vngendi corpus rebus odoriferis. Lib. 1.

**A**feris, ut spiritus, in quibus nostræ vitæ duratio consistit, refocillarent, & nutrent; & parandi suffumigia, quæ ex medicamentis fœtidis fuisse confecta, veluti assa fœtida, castoreo, galbano, ut facultas contopita excitaretur, nulli puto non inmanifestum. Hic ergo affectus non fuit apoplexia, sed huic similis; in quo æger sine motu & sensu remansit, nullum habens, penes variam respirationis immutationem signum, latum à Gal. 2. aph. 42. & alibi sæpè. De hoc intelligendus est Auic. 1. 3. tract. 5. cap. 12. in fin. §. præparatio vero apoplexie periodice, & c. Hoc enim loco per apoplexiam periodicam, intelligit paroxysmos similes apoplexiæ, qui intermittentium febrium instar suas faciunt accessiones, de quibus Paul. lib. 3. cap. 9. & inter omnes elegantissime Aëtius terrab. 2. ferm. 2. cap. 3. & Auic. 1. 3. tract. 4. cap. 2. & 3. Hoc modo explicabis Galen. lib. de curand. rat. per sang. misf. cap. 7. dum enim inibi morbos venæ sectione anteuertit, hoc auxilio nullum esse præstantius asseuerat, pro præseruandis iis, qui in apoplexiam promptè incurrunt. Et 6. aph. com. 47. apoplexiam facit diurnam affectionem. Verum ergo sit non dari apoplexiam periodicam; hæc enim, vel mortem, ut Paul. ait lib. 3. cap. 18. minatur præcipitem, vel si remedia inuent, ut plurimum cum partis cuiusdam corporis resolutione discedit, ut 4. de loc. 2. & 4. acut. 27. & Theodor. Priscian. cap. 7. lib. 2. ad Timoth. cæterique præcipui Medici monuerunt. Cætera de Paraplexia seu comatosa febre, vide apud Carol. Pison. obs. 16. & 20.

## D V B I V M XVIII.

Num detur Apoplexia à sanguine orta.

**A**d 2. & 3. Licet simpliciter asserat auctor se cucurbitulam imposuisse, eum humidam applicuisse est certissimum: nam ut Cels. loco cit. dicebat, *Vbi materia quæ intus est, ladii, scarificata; ubi inflatio, integra est vitendum.* Apertum autem est non à flatu, sed ab humore multo, & crasso æquabiliter ventriculos cerebri obstruente, hunc concitari affectum, Mirari autem desinas in eo, sanguinis missione usum fuisse, quoniam à sanguine erat: à quo humore fieri etiam aliquando, tum veterum, tum iuniorum peritissimi confirmauerunt; de quorum numero sunt Petrus Salius, lib. de affect. particul. cap. 2. Iacchin. in lib. 9. ad Alm. cap. 9. Plater. lib. de obseruat. prop. Ludovic. Mercat. lib. 1. de morb. intern. cap. 13. Petrus Væzius, in com. medic. cap. 4. contra Fernel. & Lupeium. Petrus Garcia Carrero disput. 8. ad lib. de loc. affect. cap. 3. Hi enim omnes ex priscorum mente, non esse negandam apoplexiam à sanguine orram demonstrant. Fit ergo quum à sanguine multo pituitoso, vel calidissimo ascendente per iugulares, apoplecticas, aut qualuis alias venas, cerebrum comprimitur, & penitus obstruitur, spiritus animalis ferè extinguitur, sensusque priuatur animal, & motu. Quis enim dubitat cerebri ventriculos, secundum partem posticam & anticam, à sanguinis crassi copia posse repleti? prout inflammatorijs affectionibus, aut tumoribus præter naturam non raro contingit: De quo argumento Iacobus Berengarius disputauit in Isagog. anatom. de venis: & extat non inelegans Historia apud Fernel. lib. 2. de abdit. 15. de quodam ex apoplexia mortuo, cui anteriores oculi venæ per contusionem disruptæ sunt, à quibus sanguinis cochlearia duo in cerebri basin defluentia; & concreta, arterias retiformes, & choroidem plexum obstruxerunt. Vide Michæ. Ioan. Paschal. & eius scholiastem Peredam, Massariam, Mercurial. & alios, qui pulchra de hac re in lib. de morb. intern. sunt commentati.

Ab hoc humore oriri etiam apoplecticas passiones, affectus nempe valde confusiles apoplexiæ, non ibo inficias. Hæ autem sunt, ut in com. sect. 82. lib. 7. epid. explicat doctissime Vallesius, vertigo magna, aponia, ignorantia omnium rerum, stupor mentis, obliuio, & delirium, quæ omnia vel singula seorsim, quum à sanguine fiunt, eo extracto mirifice leuantur & conualescunt; ex multis vero exemplis hoc sit præcipuum.

## Observatio XXXI.

A fuit adiumento, ut illic loqui cœperit, & tandem purgatione exhibita omnino à morbo immunis euaserit.

*Apoplexia ritè fluentibus menſtruis, cephalica ſeſſione curatur.*

**N**obilis quædam ſcœmina, iuuenſcula, in omnium rerum obliuionem, deinde in veram apoplexiam cum menſtrui effluuium incidit: cui quum plurima tam in ſuperioribus, quàm inferioribus partibus eſſent celebrata auxilia, per ligaturas, acres clyſteres, ſacrificatas cucurbitas dorſo applicitas, neglecta indicatione, quæ à menſtruo actu fluente deſumitur; ob virgens ex procrasti- natione periculum, cum viribus eſſet valentibus, factis frictionibus crurum, & cucurbitulis femoribus appoſitis, octo horarum ſpatio, quater è cephalica copioſè ſanguinem mitto: à quo præſidio loqui cœpit, & conualuit.

Ad 4. Verum eſt illud Hipp. oraculum *lib. 4. acut. rex. 23.* quo monet, ut homine repente obmutefcente ſanguinem illicò extrahamus, cuius auxiliij vi, & poteſtate interceptiones vaſorum, ſeu oppleſiones à ſanguinis copia pronatæ, virtutem grauantes, & innatum calorem ſuffocantes & extinguentes, promptè ſanantur: quo caſu, ſi interceptis venis cerebri, malum oriatur, & apoplexia vel imminet, vel facta ſit, externa, aut cephalica eſt ſecunda. Vt Raphaël Moxius rectè aduertit, *lib. 1. de morb. mulieb. c. 34.* velociſſimè enim & plurimùm caput, quod princeps pars vocatur à Gal. 8. *de uſu part. 6.* quia principes exercentur in eo facultates, vacuat, & ab humoris ſarcina leuat. Si verò ob vitium instrumentorum reſpirationis, ut in vulneribus thoracis, & neruorum recurrentium læſione, vel oppleſis vaſis maioribus, interceptio accidat, interna vena ſecta citiſſimè ſuccurrit; de quo interceptionis modo Gal. *cir. loc. acutè Hippocratem explicuit.* Et interpretatur Vallef. *in com.* Quòd ſi ab vtero, à praua ex ſæculento ſanguine aura, eoque craſſo & multo eleuetur, & corrupto ſanguine nequeuntibusque ſpiritibus naturales pertranſire meatus, aſtonia fiat, tunc in talo vena ſecta commodiſſimè opitularur, ut Brachel. notat *in com.* Ne ergo cum Moxio ſuprà cit. pro vena interna, legas apud Hipp. indiſtinctè externā, quum interceptionis venarum varij ſint modi, qui ex partibus affectis deſumuntur.

Et quamuis ſanguinis miſſio in aſtonia, affectuque alio apoplexiæ ſimili ſit præſtantiſſima, ob quam cauſam, eius ſolùm Hipp. meminit; qua conſtat Androphanem paſſione apoplectica correptum, fuiſſe leuatum, apud Hipp. *lib. 7. epid. num. 43.* tamen ſi vires debiles ſint, & ex præcedente morbo, (ut in ſoporofis affectibus accidit frequenter) virium aliquale diſpendium adſit, vel firmata fluxio aliis auxiliis non ſuccumbat, & neceſſe ſit peccantem humorem ex propinquiſſimo loco exhaurire, tunc iuxta ſententiam Raſij hîc feliciffimo experimento, cucurbitula ſcarificata in collo, hoc eſt, colli parte poſtica, ſeu occipite, à mortis faucibus liberare ſolet, præſertim ſi profundis ſcarificationibus celebratur: Nam hoc auxilium particularem plenitudinem demere poteſt. Quare in acutiſſimis cerebri affectibus id ſummiopere laudauit antiquitas; ut conſtat ex Gal. 13. *met. 19. 2. ſec. loc. c. 2. & 5. aph. 58.* De cuius vtilitate mira, ſat plura dixere, Conciliat. *pro cõplemento Meſuè. c. de apoplex. Iaſon. lib. de curand. morb. cereb. c. 17.*

## Observatio XXXII.

*Deſperata Apoplexia cucurbitula bis in occipite ſcarificata curatur.*

**H**æc dum ſcriberem, ad curandum iuuenem apoplexia correptum vocor, qui velut ſideratus ex impro- uiſo cadens in terram, virium omnium animalium penè iactura facta, reſoluto pulſu, exanimis, in horas moriturus ſperabatur. Huic ad ferenda vehementiora auxilia incapaci, cucurbitulam profundè ſcarificaram, poſt enema acre, occipiti imponi iubeo. Quo auxilio, poſt duas horas æqualitatem ſeruauit reſpiratio. Sed quoniam innatus calor à copia humoris obrutus languebat valde, iterum in eadem parte admota cum ſcarificatione cucurbitula tanto

## D V B I V M XIX.

*Num repellentia in Apoplexia ſint ex uſu.*

**A**D 5. Nulli dubium eſt quandoque copioſum adeò, calidumque ſanguinem contineri in cerebri venis, ut præ nimia ipſarum turgentia, & repletionem, cerebri ventres coarctentur, quòd nullus ſit ſpiritibus, ad ſenſoria & morus instrumenta liber aditus. Quapropter ex hoc copioſiori ſanguine, minimè putrido, retento atque exal- facto, & aciori reddito, diſpoſitionemque inflammationi ſimilem committente, oriri apoplexiam, dilucidè. 2. *aph. 42.* Gal. admonuit. Si ergo ex phlegmonoso tenuis meningis affectu ea concitetur, repellentia erunt ex uſu; non ſtricta quidem, & quæ propriè talia dicuntur: nam adſtrictione ſua impingunt humorem, excernique prohibent; ſed quæ impropriè, & largo modo vocantur reprimentia, quæ frigiditate ſua, ſanguinis acrimoniam attemperare, & humiditate cum ab aſſante calore præ mora concretum, laxare poſſunt; ſic enim craſſiuſculus ſanguis in parte firmatus promptius vacuationibus cedit. Rectè ergo nenupharinum oleum, hac de cauſa, in naſum ægri proiecit; ut eleuato vapore per narium foramina, facultas medicamenti intra cranium penetraret in odorum ſenſorium, quòd in anterioribus cerebri ventriculis contineri, *infra in com. hiſt. 65.* ex Gal. mente comprobabimus. Quod tamen auxilium conſulo faciendum in iis, qui aliquam, licet inæqualem, & inordinatam ſeruant reſpirationem. In acutiſſima verò, in qua & ipſa impeditur reſpiratio, nullo modo exequendum puto, quum citra morbi leuamen adminiſtre- tur; ſi verum eſt quod dixit Ariſt. 2. *de anim. 9. & lib. de ſenſ. & ſenſibil. cap. 5.* animalia reſpiratione vtentia citra reſpirationem olſacere non poſſe, hominemque tantum inſpirando odorem ſentire. Ex his conciliabis auctores, quorum quidam in hoc affectu reprimentia concedunt, alij negant. Hi enim de apoplexia orta ex craſſo, tenaciſſimo ſucco; illi de ea à calido ſanguine, & multo originem ducente, ſunt intelligendi, quæ licet non ita frequenter eueniat, dari tamen poſſe ſuprà conceſſimus. Quibus autem ſignis à vera cerebri inflammatione diſtinguatur, citati auctores luculenter explicarunt.

**D HISTORIA XXXIV. GALENI,**  
*De Apoplexia.*

**Apoplectici pro mortuis habiti interdum reuiuſcunt. Quare intra tres dies non ſunt ſepeliendi.**

**A**Liquando autem accidit, ut homo apoplexiam incurrat, & non ſit differentia inter ipſum, & mortuū, & non appareat in ipſo aliquid anhelitus, deinde reuiuſcit, & ſanatur. Et nos plurimos eorum vidimus, quorum diſpoſitio hac erat. Et in iſtis quidem anhelitus non apparet, & ipſorum pulſus integrè e cadit, & videtur quòd calor innatus in eis nō vehemēter indiget euēatione, & expulſione vaporis ſuſi à ſe anhelitu magno, propter id quod accipit ei ex frigore, & propter hoc volūt ut tardetur ſepultura ambigni ex mortuis, donec perpendatur eius diſpoſitio, & neque ſit minis ſeptuaginta duabus horis, &c. Auicenna ſen. 1. lib. 3. tract. 5. cap. 12.

## P A R A P H R A S I S.

**I**N apoplecticiſ remanere reſpirationē, omnium muſculorum actione ceſſante (eſt enim priuatio ſenſus, & motus) dubitant plurimi, quum illa ſine opere muſculorum thoracis fieri non poſſit. Reſpondet Gal. 2. *aph. 42.* dicens, reſpirationem ad vitam tam neceſſariam excitare neruorum vim ad huiusmodi edendam operationem; nam *uiuentem non reſpirare, & reſpirantē non viuere eſt impoſſibile.*



vt 4. de loc. 7. & 6. insid. oper. 5. Gal. confirmat. Sed quum Apoplexia acutissima sit, in qua nulla adest respiratio, viuantque ægri sine pulsu vllō, & exiguus calor ad cor, tanquam ad arcem conuolans, ibique obrutus, & à crudorum humorum copia suffocatus, & veluti extinctus, sola transpiratione alatur, & conseruetur (nulla vel insensibili superstitie respiratione) quod accidit quando nimia cerebri, & ventriculorum obstructio adest, ita vt non possit animalis spiritus permeare; sit, vt mortui, & suffocati appareant ægrotantes. Quicquid obnixè, falsò tamen, contrà sentiat Mercurialis lib. 1. prax. 19.

Ex qua læuissima ægritudine aliqui, licet rarò, euadere solent: ij præsertim qui cerebrum debile, & facultatem morticem imbecillè, cum corde frigido habent: Nam & minore egent respiratione, & pusillus calor in corde coercitus, aëre per transpirationem attracto, refrigeratur, & nutritur; & morbus, ob cerebri, & facultatum morticem imbelles vires, à minùs vehemente causa progenitus, promptius discutitur, quàm in ijs, qui robustas animales potentias, cum cordis æstu, ac incendio sortiuntur. Citius enim pereunt, quum calor nimius cordis, pauxillo refrigerio sufficienter non vtilitatus marcescat, & extinguatur.

Quare cum inter apoplecticum, & mortuum nulla sit differentia, & plures pro mortuis habiti, ad fontemque delati, vitam, & sanitatem recuperarint, vt Leuin. Lemn. lib. 2. cap. 3. de oculis. Amat. 4. cent. 23. Michael Ioan. Pasch. lib. 1. cap. 13. de curand. morb. Carp. in tract. suo aureo de fract. cran. appositis exemplis confirmant; saluberrimum est Auic. consilium, vt hi non sepeliantur, quousque spatiū 72. horarum pertranseat, aut ad minus 48. vt Rasis lib. 1. contin. tract. 1. cap. 4. animaduertit.

Causam autem cur hunc terminum liceat obseruare, varij variè assignarunt. Conciliat. diff. 182. hoc esse exequendum affirmat, quoniam trino dierum spatio omnes corporis humores mouentur, quo transacto, aut mortis, aut vitæ certum signum apparet. Nam natura sui muneris oblita, & veluti consopita, ex commixtione illa, & tandem vltimo conatu, vi caloris natiui exsuscitanti atque accensi, illius scilicet qui in corde, quasi suffocatus præerat in foco, crassos, lentos, viscidosque humores cerebri ventriculos penitus obrutantes, attenuat, incidit, digerit, & in halitum resoluit, vel, (quod frequentius contingit) in alterum latus, oborta paralyti, transmittit. Lege Nicol. Pison. l. 1. de morb. cognosc. & curandis cap. 16.

Hæc præstia in vltimo vitæ stadio calorem innatū præstare posse, quum nimium exagitatus, & commotus suas vires exerit, adeò notum est, vt probari opus non sit. Nam hic, vehemente impetu in vniuersum corpus actus, subindèque in partes affectas profiliens, quidquid in illis sensum, motūque voluntarium impediēbat, discutit, absūmitque; vt quæ non onerosa medentium manus, non accurata Medicorum diligentia, nec vlla medicamentorum genera curare potuerunt, solus calor naturalis exagitatus potuerit persanare. Naturas enim morborum esse mediatrices, cum Hipp. conclamant omnes: vt patet ex 6. epid. sect. 2. text. 2. Gal. 1. aph. 14. & 15. 4. aph. 37. 5. aph. 32. Neque enim aliud natura nostra est, quàm natiuus hic calor, omnium auctor atque effector.

Huius ergo potestate, apoplectici, qui in horas morituri videbantur, natura vires suas ad noxij expulsionem viuentem, sanantur, & reuiuiscunt. Mirabiles sunt effectus, quos vnio natiui caloris præstare solet. Sic plures diu claudos, resolutos, & contractos, ira, timore, vel incendij metu percitos, repente sanos factos fuisse, eleganti exemplo refert Valleriol. lib. 2. obseruat. 4. quorum euentuum causa statuenda est, aggressus naturæ ad expellendum humorem noxium. Sic in apoplecticis, ob conatum vniti caloris, si aliquis humorum ebullit & feruet, ex cuius agitatione natura concitata, ad vincendam causam morbosicam insurgit, fieri potest, vt vel discusso, vel expulso humore sanentur. Quare antetres dies, in quibus omnium humorum commotio contingit, non sunt sepeliendi. Quod præceptum non in his solum, sed in omnibus repentinijs affectibus vteri, nempe strangulatu, syncope cardiaca, caroticis, catalepticis, epilepticis, & alijs est obseruandum. Lege

Lib. 1.

A Gregor. Horst. l. 7. apud Marcel. Hist. med. mirabil. 9. de suffocatis adhuc viuētibz.

## Observatio XXXII

*Apoplecticus pro mortuo habitus, post duorum dierum spatium reuixit.*

Ego mirum quid in quodam piscatore vidisse testari bona fide possum. Qui cum 20. horis apoplecticus iaceret, toto corpore frigidus, lineo panno ad sepulturam inuolutus, & consutus, in terra iacisset, dum vespillones, pro more, cadauer terræ mandaturi, ad sepeliendum deferrent, raucum & ignotum clamorem audientes, feretrum ab humeris in terram deponunt, pannum circa os madidum & spuma plenum conspiciunt, corpus detegunt. Ecce me, & duos socios Medicos, fortè ad consultationē transeuntes magna acclamatione vocarunt, vt de vita hominis iudicium proferremus, accessimus, eius prius in metacarpio arteriarum motiones explorantes, eas vigere deprehendimus. Sicque adhibitis reuulsorijs auxilijs per cucurbitulas siccās, acriā enemata, paulatim ad se redire cœpit, & post paucos dies sanus euasit.

Contrarium accidisse legimus in vita Scoti, qui similiter viuus sepultus, habita rei cognitione, à sepultura extractus, sanguinis copia obrutus, suffocato natiuo calore, negatoque cordis refrigerio, & cohibita respiratione miserè occubuit. Lege prodigiosam historiam apud Paræum lib. 13. cap. 46. de vtero strangulata, quæ pro mortua habita, in tabula anatomica secta, ad secundam nouaculæ impressionem repente cum infamia Medici summa ad se rediit.

## D V B I V M XX.

*Num Apoplexia fortis curari possit. Contra Brachel. & Cardanum, Medicos præstantissimos.*

### COMMENTARIUM.

**R**Eniūscit.] Aut arte, aut natura. Illa celebratis omnibus auxilijs, quæ in accessione apoplectica acutissima auctores exequenda suadent. A natura, aut vnito calore natiuo ad expellendam noxam sensatam, vt diximus supra, aut superueniente febre. Videtur ergo, quod apoplexia fortis curari possit, cōtra Senis edictum lib. 2. aph. 42. Nam ipse sic prædixit lib. 6. aph. 51. Quicumque sani dolore capitis repente capiuntur, & statim muti fiunt, & stertunt, in septem diebus pereunt, nisi febris apprehenderit. Firmat Gal. in com. Nam febris superueniens soluit dispositionē, calefacit, extenuat, atque resoluit spiritum flatuosū, & pituitosos absūmit humores.

Hieremias Brachelius, & Cardanus in com. vt vitarent calumniam istam, Hippocratisque loca dissentientia conciliarent, sententiam hanc non de apoplexia, sed de sopore intelligendam esse asseuerant, hoc placitum plurimis rationibus confirmant. Prima. Apoplexia non producit usque ad septimum, sed intra quartum interficit, aut cessat. Secunda. Apoplexia est morbus acutus sine febre, 2. aph. 19. & aliqui passim. Et quando superuenit febris, ea solum materiam flatuosam, & vaporolam, non crassam, & viscidam discutere potest. Tertia. Quoniam apoplexia repente sanos non inuadit; accidit enim iis qui comestationibus, & crapulæ sunt dediti, & succis crudis scatent, qui sani non sunt. Quarta. Apoplexiam non antecedit capitis dolor, sed sensuum obrusio, aut stupor; nam illius causa plus offendit quantitate, quàm qualitate. Quinta. Quod nullus apoplecticus videtur à febre liberari, quin imò quum maxima difficultate spirandi laborent, celerius febre correpti intereunt. His conuicti, Gal. interpretationem mirantur valdè, qui Hip. de attonito morbo dicentem intelligit.

Sed magis ego horum mentem vehementer admiror, qui futilibus rationibus irretiti, à summi Gal. iudicio sic deuiare coguntur, cuius doctrinam in varios sensus distortunt: Quum ipse expressè contrarium protulerit, dum ait in com. Videtur autem nunc fortis apoplexia indicium ap-  
posuisse, quod stertere dixit, &c.

Tu verò solue difficultatem cum Gal. 6. *aph.* 58. commune scilicet esse omnibus sententiis aphoristicis, ex figura dictionis semper perpetuum significare, licet ad veritatem sententiæ non requiratur, quod res eodem semper modo eueniant; nam veritates Hippocraticæ casus raros non excludunt, qui si eueniant, non tollunt aphoristicam doctrinam, nec problematum medicorum firmitudinem labefactant. Solum ergo id verum est, quod frequenter, & magna ex parte accidere solet, ex Gal. 4. *aph.* 44. & 2. *aph.* 43. Non enim ex his que semel aut bis homo videt, debet pronunciata medica conficere, vt l. 2. *de fac. format.* 2. dictauit Gal. Sic apoplexia fortis magna ex parte non recipit curationem, quum aliquando, raro tamen curari possit, vt supra ostendimus.

Neque obstant supra citata in contrarium adducta fundamenta. Quoniam apoplecticus cor frigidum habens, & maximè si debilis sit, vique ad septimum produci potest. Ad secundum dic: quod licet hic affectus ex humore crasso, ac frigido accidat sine febris, ex corruptione tamen sanguinis, & aliorum humorum, aut ob medicamenta calida, intus & extrà applicita superuenire solet; quæ si sit acuta & vehemens, crassam flatuosamque substantiam discutere potest. Tertium verò, & quartum dirimes, si dicas, apoplexiam sanos repente inuadere, non solum quum ex plenitudine, sed cum ex ebrietate ortum ducit. Tunc enim cerebro vaporibus vini repleto, distento, ac intemperato accidit dolor, qui apoplexiam præcedere solet. Quintum explica hoc modo. Quamuis enim superueniens febris apoplexiam videatur concitare, adaucto respirationis usu, deteriolem; extenuando tamen humorem crassum, & sic discussa copia, sublataque ventriculorum cerebri obstructione plus iuuat; hæc enim erat causa læsionis respirationis, influxu facultatis, & spiritus animalis impedito, quare minor noxa maiori utilitate compensatur.

## QVÆSTIO XXIII.

*Quod febris pro morborum curatione sit aliquando excitanda. Contra Fuchsum, Mercat. & Ambrosium Nunium, Medicos præstantissimos.*

**E**T sanatur.] Aut à natura, superueniente febris, aut febris suscitata ob artis usum. Euidens sanè argumentum à natura rectè operante deductum: nam si apoplecticus sanatur superueniente febris, cur illa excitata medicamentorum ope, non reuiuiscet; illud manifestissimo oraculo docuit Hipp. 6. *aph.* 51. firmat Gal. lib. 14. *meth. cap.* 15. vbi præter alia auxilia ad obesum corpus persanandum numerat febrem, à medicamentis, aut à nimio exercitio excitatam; quam ad extenuandum corpus non alienam esse, si Medicus rectè omnia faciat; inibi inculcat edoctus ab Hipp. 2. *Coac. cap.* 12. *text.* 11. si referente Dureto, qui superuenientem febrem acutam conuulsioni, hanc sanare dicere non erubuit. Firmat lib. 2. *aph.* 26. & 5. *aph.* 70. explicante sic, Gal. in *com. & lib.* 6. *epid. sect.* 6. *com.* 8. Quo loco loquutum fuisse Hipp. de omnibus frigidis, & humidis morbis asseuerat, nec immerito: nam omnes indicationes curatrices solo febris accessu complentur; hæc enim calefacit frigida, siccatur humida, flatulentam materiam discutit, tenuat crassos succos, lentos separat, viscidos fundit, & absumit, vt *cit. epid. com.* 7. asserit Gal. Medicamentis ergo exhibitis febrem excitare salubre est consilium, quando acuti morbi frigidi læuities vrget; ex qua calefactione si oriatur febris, poterit desperato morbo mederi, nam, vt inquit Cels. lib. 3. *cap.* 9. Quos ratio non iuuat, semeritas sanat, quum circumscripti hominis sit, quandoque febres accendere. Hoc enim Plato innuit in *Timæo*, dicens; suborta febres curant tensiones. Quare Gal. lib. 1. *proorrh. sect.* 2. *com.* 50. in omnibus nervosi generis affectibus, qui à pituitosis humoribus oriuntur, febrem superuenientem adiumento esse maximo confirmat: & 6. *aph.* 40. frigidos dolores à flatu subortos, febris accedente sanari asseuerat. A quorum mente alienus non est Paul. lib. 3. *cap.* 20. Sequitur Auic. 2. 3. *cap.* 7. & 1. 3. *tract.* 5. *cap.* 12. qui apoplexiam

A interficere asseuerat, nisi accidat febris; nam ea suborta est spes, vt cum ea soluantur superfluitates. Eius sententiam amplectuntur Meisius *cap. de spasmo.* Rasius 9. *ad Alm.* 7. Eorum mentem explicant Harculan. & Iacchin. *ibid.* Sequuntur Matthæus *consil. vlt.* Valles. 8. *comrou.* 10. Brachel. in *com.* 26. *sent. lib.* 2. *aph.* & lib. 4. *com.* 57. Iacotius, & Hol. lib. 7. *Coac. sect.* 2. in *com. text.* 4. Christoph. à Vega. lib. 3. *art. med. sect.* 1. *cap.* 21. Fuchsius, & Ambrosius Nunius in *com. cit. sent.* 26. lib. 2. *aph.* & Ludouic. Mercat. lib. 1. *de morb. internis.* c. 15. superiorem doctrinam temnunt, & damnant. Primò, Quoniam licet morbus morbo aliquando curetur, ex Gal. lib. 6. *epid. sect.* 6. *com.* 8. morbus, tamen superueniens non ita debet esse magnus, & periculosus, nec ita lædere actiones, aut immutare corpus, vt febris; quæ si sit diaria, & mitis succos crassos nec attenuare, nec dissoluere poterit, ita promptè vt acuties morbi multoties efflagitat. Quare Hipp. *cit. lib.* 1. *proorrh.* subitaneas apoplexias solutas post febrem superuenientem perniciosas esse asseuerat, vt Numenij filio euenit. Et quum in nostra potestate non sit solum diariam excitare; quin putridam, & acutam in corpore præsertim plethorico suscitemus, tutissimum est ab eius prouocatione abstinere; & eo maximè quum non sint faciendæ malæ, vt inde eueniant bonæ. Accedit quod medicamenta attenuantia multo potentiùs absumunt crassam pituitam, & cathartica ipsam vacuabunt, quàm febris: quum magis irritent facultatem onere pressam ad expellendum. Demum plurimum periculum hæc curatio secum importat; nam hac celebrata, febrilis intemperantia alteri additur, quæ summopere vires prostermit, quæ ductus ratione Galenus lib. *de curand. rat. per sang. mission.* *cap.* 10. in præsentia crudorum succorum omnino arceat ægros à phlebotomia, si superuenerit febris, quum hæc proportionatum naturæ calorem, quo lenti humores coqui debent, euertat ampliùs. Quare vnicus natiuus calor, isque à febrili labefactatus, complicatos affectus regulare non potest, neque Medicus conuenientem victus rationem vtrique præscribere.

At hi Galeni mentem non satis sunt assecuti, quorum argumenta non est multò operosum refringere. Licet enim in nostra potestate non sit, solum diariam excitare, quod timuit Sauonarola *tract.* 6. *c. de paralyti*; tamen si putrida, & acuta accendatur, nocere non poterit, sed subito, & periculoso malo, auxilio erit. Hanc positionem firmat Ioan. Costæus cum Mongio in *com. cit. cap. Auic.* qui cum Alexandro Aphrodis. in *com. problem.* 131. lib. 3. Arist. intelligendum esse Hippocratem de febris acuta, & vehementer asseuerant. Neque intemperantia hæc superaddita debilitate poterit, quum frigidi morbi præexistentis intemperiem corrigit, atque emendet. Si autem Numenij filius ab Hipp. citatus, superueniente febre occubuit, id non ex addita febris, sed ex lethali apoplexia accidisse existima. Neque medicamenta calida, ea celeritate, qua febris, crassos succos attenuant, aut tenuatos extra corpus pellere nata sunt; Nam febris, incensis spiritibus, aut humoribus per vniuersum corpus vagantibus, succorum lentorum copiam æqualiter incidit extenuat, & expulsionem paratam reddit. Ex quibus vide quàm malo fundamento innixa sit horum sententia, quàm verò nostra, solido ac bono fulta. Lege pro maiori explicatione Vidium lib. 2. *de curat. membrat. cap.* 16. Sennertum *tract.* 1. *de capit. affectib. sit. de Apoplexia.* Iason. c. 17. *de curand. morb. cerebri.*

## HISTORIA XXXV. GALENI, De Melancholia.

Seruus mœrore affectus, & rabescens,  
Galenii industria liberatur.

**A**D hunc modum, & alterius cuiuspiam diuitis seruus Atriensis, mihi cognitus est simili morbo laborare. Nam cum mastitia afficeretur ex eo, quia rationem pecunia-

rum quas administrauerat, redditurus esset, summæque non parum deesse sciret. præ morore vigilabat, animûque despondens tabescebat. Prius itaque illius domino, seruû nullo corporis morbo laborare asseruit; deinde ut animû animaduerteres, monui Atriensem propter fatimere, quia rationem eorû que administrerat, exposciturus esset: tristitiâque idcirco ipsam angî, scientem haud parum deesse. Vt igitur me bene cõiectasse dominus respondit, maioris notitia gratia consului, ut Atriensi diceret, se id tantum arguî quod haberet reperiisse, ne commissæ alteri seruo, quem nondum experiri esset, domestica gubernatione, hic inexpectata morte periret. Nam ab eo postea rationes exposcere non oportere. Vt autem hæc ei exposui, credens se administrationis sue rationes non redditurum, atque idcirco tristitiâ animo deponens, pristinum corporis habitum tertio die recepit, &c. Galenus lib. de præcognit. ad Posthum. cap. 6.

## PARAPHRASIS.

**A** Nimi mororem diutinum, vniuerso calore confectum ad vitæ penetralia confugientem, ibique vnito, conculcato, ac penè extincto, externarum partium refrigerationem, vultus pallorem, atrophiam, ac sæpè mortem parere, testis locupletissimus est Valer. Maxim. lib. 9. tract. 42. de morte non vulgari. Firmant Plin. lib. 7. cap. 32, & 57. Aul. Gell. noct. Attic. lib. 3. c. 15. Valleriol. lib. 5. de morb. & sympt. cap. 5. in med. Quum enim ob vehementem imaginationem ab officiis cõtionis calor ad cerebrum distrahatur, & ob vigilias corpus non nutriatur, sanguine, nutritionis & sanguificationis organa deferente, fit ut corpus tabescere incipiat, probo cum partes priuentur alimento, ut sicali desinant, loquentibus nobis sub latissimo tabis significato, quo Cels. lib. 3. cap. 22. atrophiam, tabem vocat, quando videlicet corpus non nutritur, & naturaliter aliquibus semper decedentibus, nullis verò in eorum locum subeuntibus, macies oritur. Quum verò seruus iste ob animi mœstitiâ nimis vigilans, non nutritus indies magis ac magis extenuatus contabesceret, mirari non debemus, illum deposita tristitiâ, recuperato somno, & meliori facta nutritione, redintegratis viribus, tridui spatio ad pristinum sanitatis statum rediisse.

Ex præfata historia, simulque altera amantis mulieris (quam infra commodiori loco describemus) mira industria à Gal. præcognita coniicies, quàm gloriosum, & honorificum sit Medico, occulta, & in ægrotum intimo pectore latentia, & abscondita rimari, agnoscere, & patefacere; nam cum utilitate maxima citius, facilius, & iucundiù sanitatem ægri adipiscuntur, quos in peius ruere est necesse, si ab eis causa morbi præ pudore, aut timore celata à Medicis non cognoscatur. Summè ergo oportet laudare Galenum, acerrimi iudicij virum, qui præfente corporis cõsiderata sanitate: animi morbum collegit, & natiua prudètia vsus talis tristitiæ causam deprehendit. Docens hoc exemplo quàm necessarium sit, pro curandis abditis & occultis morbis, omnia inquirere & percontari, illorumque exactam notitiam, rationemque retinere: Sunt enim plurima, quæ ægri præ verecundia patefacere recusant, pro quibus inquirendis Medicum sagacem, & natura prudentem, arte & industria insudare oportet.

HIST. XXXVI. AVENZOAR,  
De Melancholia.

Melancholia ex potu vitiosæ aquæ contracta, cardiacis assumptis, & tandem ingenio miro, curata.

**E**tiam recordor, cum essem cum patre meo studens corâ ipso in Medicina. Vocatus fui ad fratrem de. Benjamin, Dominum Sibilis, & inueni eum quod iam cogitauerat quod mors ipsû detinuerat, & non poterat loqui, nec se mouere motu locali. Sed pulsus eius minime manifestauit priuationem motus ipsius,

**A** immò complexionem calidâ ex humore calido existente in stomacho demonstrabat. Cui propinavi ad bibendum aquam rosaceam, \* cum succo pomorum, & aquam mentha, cum modica quantitate pulueris santalorum, & mastichis, & indelenuatus est aliquantulum ab egritudine. Tamen illa imaginatio phantastica non recessit, & ego non poteram cogitare quid hoc esset. Et continuavi stare cum eo, die ac nocte, & cognoui quod egritudo ipsius aliquando augmenabatur, & aliquando alleniabatur; quare autumaui quod hoc esse non poterat nisi a re extrinseca, & quarens eam cum posse, non poteram inuenire. Sed quadam die querens bibere, porrexerunt mihi potum in vase ipso, cui quo frater Benjamin bibere consueuerat, & percepi in aqua illa extraneum saporem, quare ipsam non modicè abhorui, & dicta aqua erat aromata cum modico odore horribili: quare non cessavi fortiter exclamare, dicens, quomodo poterit iste dominus liberari, cum quotidie eum potetis toxico? Vnde quidam ex ministris suis mihi cepit fortiter supplicare, ut facere deberem, & non abstinui propter hoc, eo quod si tacuissim, maxima fuisset perditio. Quare scitum fuit, quod in aquam, cum qua ipsum potabant, ponebant carnem putridam fortiter exsiccatâ, & tritam, & ligatam in peria; & quando aqua illa putrida morabatur in stomacho, ascendebar ab ipsa vapores mali ad cerebrum, & perturbabant intellectum, & Medici omnes illius regionis laborabant circa curationem illius, & non potuerunt illû curare, donec frater eius elongauit eum à Sibilis: & pro certo remota fuerunt ab eo illa accidentia mala, quoniam illud faciebant sub spe auferendi pecuniâ ipsius, &c. Auenzoar lib. 1. Thezir, tract. 9. cap. 9.

## PARAPHRASIS.

**A** Vaporibus prauis in ventriculo multiplicatis ascendentibus ad cerebrum, ægros in grauissima periculâ, deprauatas imaginationes, & innumeras delirij sortes incidere, probat Aëtius ietrab. 2. serm. 2. cap. 9. & posito exemplo in hypochondriacâ melancholia firmant Gal. 5. de loc. 7. Fernel. 5. patholog. 2. Iacchinus in lib. 9. Rasis ad Almanf. 15. Ludouic. Mercat. lib. 1. de morb. intern. 17. Carcerus cap. 7. ad libros de loc. affect. disp. 6. Quare atro, caliginosoque humore ab his partibus eleuato, metum succrescere, & alia melancholica deliramenta oriri, asserit Gal. 2. de caus. sympt. 7. & annuunt post eum cæteri. Quidquid Auer. collig. 46. ex atro melancholiæ colore, aut vaporum ascendentium nigredine, non posse hæc fieri, contra Gal. asseueret. Cuius argumenta inter alios Laconicè solunt Valles. 5. controuers. 14. Montaltus de cereb. affect. lib. 4. cap. 7. Andreas Laurent. lib. 2. de Melanch. cap. 5. Christophi. à Vega lib. 3. art. Medic. sect. 1. cap. 14. Nam tetto vapore, nigro, & tenebroso, opacum spiritum, causam euerfionis sanitatis, progigni, nulli est non manifestum. Ex qua origine, ut 2. de caus. sympt. ult. & 3. de loc. 7. ait Gal. in cerebro ipso obtenebrantur facultates, & spiritus suapte natura lucidi, atro melancholiæ, & vaporum ascendentium colore opaci redduntur. Quo fit, ut anima tristeretur, & pertimescat, ex concepta semel mali præsentis, aut futuri opinione, & mille deliramenta contingant, ut in nostro ægro fit manifestum, qui se iam à morte opprimi, arbitrabatur.

Sic Burgundus, teste Interprete Holler. lib. 1. de morb. intern. cap. de melanch. multis Medicis adstantibus moriturum se affirmabat, & ipsos precabatur, ne amplius animæ impedimento essent, quominus è purgatorio euolaret ad Deum, aliquando imitabatur moribundum, quasi efflaret animam, monebat ut spectarent expiratum; postea summò timore, & desperatione corripiebatur. Alij nolunt loqui, nec se mouere volunt, quum non ex debilitate, sed ex læsa imaginatione, & delirio hoc signum contingat: nam pulsus, robur & animalium facultatum firmitudinem significabat, quum maior, celerior, & crebrior esset, qui pulsus à temperamento calido proficiscuntur, ut Gal. 2. de caus. puls. cap. 3. scitè aduertit. Illa ergo omnia accidentia supra relata, de metu imminentis mortis, præterquam quod ab humore illo calido existente in stomacho, & adusto, & superas partes suo sæculento vapore, insufficiente originem ducebant, crescebant & fouebantur ab alia causa, nempe



ab odore carnis putridæ, cum qua decocta clām malefici homines aquam potandam exhibebant.

Tanta enim est foetidi odoris noxa, ut inspiratus spiritus omnes labefacit, quum putridus sit adsciticiis, & præter naturam: quare vires comminuit, tristitiam inducit, febres excitat pestilentes, aliasque, & præsertim putridas generat, recidivas facit, ventriculum subuertit, nutritionem vitiat: hocque non solum præstat inspiratus, verum etiam arteriarum motu per cutem intus attractus. Nam affirmari se audivisse, scribit Syluius in *com. in l. prior. de dif. febr. c. 6.* robustum quendam, dum à parua sphaera exercita calens, in peristerotrophio, quod in summis ædibus habebat, obdormivisset, tractis à calido corpore, corde, & arteriis etiam calidioribus largo aëre putri, non multo post elephantiscum evasisse. Sic qui in stabulis animalium (præsertim mero fimo) versantur, in febres pravas, aliæque morborum genera promptè dilabuntur ac recidunt. Ex quo colligitur, quàm noxium sit, & periculosum, aërem foetidum, per inspirationem, aut transpirationem, quæ per totam agitur cutem, attrahere. Quomodo autem foetor arcendus sit, & bonus odor conciliandus, explicat Mercurialis ingenue *lib. de decorat. cap. 29. probl. 3.*

Quoniam foetor nemini frugiferus est. Cui enim ex cadaveribus detentis, aut putrescentibus corporibus, aut ex barathris, specubus, sentinis, latrinis, graueolentiæ, pestilentemve auram inspirare conducet? Quocirca Gal. *lib. 1. de sanit. tuend. cap. 11.* Optimum aërem in pulmones attrahere, omnibus iuxta salubre esse scriptum reliquit; talemque fore, si nec stagni, nec paludis halitu sit perturbatus, nec ex profundo specu pestilentem auram spirante infectus: nec qui ex cloacis, quæ magnam aliquam urbem, aut numerosum exercitum purgant, vitium contraxit; nec qui ex animalium, olerum, aut leguminum putredine, aut fimo coinquinatur; nec qui propter stagnum, aut flumen vicinum nebulosus est: nec qui editis undique montibus in cauo loco inclusus, nullum recipit perflatum: suffocans enim putrisque est, similis ei qui in domibus quibusdam est inclusus, in quibus ob putredinem, & diffusus defectum omnino noxius est. Cur ergo, si clarè colligitur periculosum esse, in corpore per inspirationem, aut transpirationem, foetentes vapores attrahere, ab aqua illa, horribili, putridoque odore infecta, posse spiritus inquinari, & mentem perturbari, ibimus inficias? immò ab hac causa morbum hunc habuisse ortum non fatebimur? Ex quo exemplo docemur, quantum oporteat Medicum omnia, quæ ægro offeruntur, speculari, & de iis suum iudicium proferre.

Merito ergo ad prohibendos vapores cerebrum impetentes, humorem siccu demulcendum, succum calidum in stomacho situm refrænandum, aquam rosaceam exhibuit. Vnà cum santalis, mastiche, & aqua menthæ. Nam frigida hæc medicamenta, rosacea nempe, & santalum utrumque, robur, & citrinus alacritatem, lætitiæque in hoc affectu summopere necessariam, conciliant, purificant spiritus, temperant, roborant, & quum cardiaca sint medicamenta, ex Avic. *lib. de virib. cord. tract. 2. cap. prop.* symptomata melancholica valdè mitigant & leniunt. Mastiche autem & mentha, licet prædictos effectus non obtineant, status tamen in melancholicis redundantes discutiunt.

Et maxime si cum succo pomorum fuerint prius permixta. Nam omne pomum, (Matianum vocat Avic. *lib. de virib. tract. 2. lit. M.*) summè leficat, roborat cum suavitate sua, spiritum nutrit, temperat. Et cum auctore Dioscorid. *lib. 1. c. 126.* sit stypticum, sigillat os ventriculi, clauditque ita, ne vapores ab stomacho ad superiores partes exhalent. Et maxime si stillatitia rosarum aqua, pomi succus sit permixtus. Nam ista quum refrigeret, adusti humoris efficaciam retundit, spiritus recreat, & omni exolutionis generi mirè succurrit. Quæ licet multis modis, vi nempe ignis, & plurimis ac diuersis instrumentis parari possit, suavior tamen, ac præstantior habetur, ut Mathiol. inquit in Dioscorid. *cap. de rosa*, quæ per balneum calentis aquæ vitreis organis elicitur: quæ enim plumbeis, aut aliis metallicis instrumentis, lignorum, vel carbonum igne extrahitur, humidum virus, nidoremque reddit: Qua de

causa, aquæ hoc modo distillatæ amaræ fiunt, fumidæ, ac nidorolæ, molestiam, & noxam pectori, ventriculo, iecino-ri, visceribusque omnibus inferunt.

Adde etiam, aquas distillatas non seruire vim plantarum suarum, ut eleganter disputant Montanus 2. *consil. 133.* & Brau. *lib. 2. de simpl. med. delect. 14.* Quippe dulces, amaræ redduntur, quum partes tenuës calore ignis dissoluantur, terree, vi ignis extenuentur. Melius ergo est vi decoctionibus, aut infusione, in quibus vis herbarum manet, ut Græci præstantissimi fecere. Si tamen aqua vitreis organis per balneum calentis aquæ fuerit distillata, plurimos vsus conferre potest, adeo ut distillatarum aquarum vsus, in affectibus quibusdam, decoctis non parum antefertur debeat. Siquidem rosacea hoc modo extracta, in ardentibus febribus, & æstiuis feruoribus sitim valenter restringere, & potantis gustum oblectare potest; præsertim si cum aliquo iulapio permixta ebibatur, Idem præstat in malignis, pestiferisve febribus, cor enim, & præcipua viscera roborat, oculorum inflammationes arcet, capitis dolorem demulcet, hepatis, & cordis æstum incendiūque attemperat; quos vsus, nec herbarum succi, nec decocta præbere possunt; aut si præstant, non ita aptè, commodèque id faciunt.

## D V B I V M XXI.

*Num Appiana Poma sint nostra Camusia.*

### COMMENTARIUM.

**C**um succo pomorum.] Altioris doctrinæ gratia, indagandum est quæ sint hæc poma, quæ hic auctor ad melancholiam arcendam commendat. Hæc alia non esse, nisi Camusia vocata à Barbaris, à nostris odora; seu Appiana, ut cū Musa loquar, *tract. de syrupis, tit. de syrup. de pomis*, in animum induco meum: Nam hæc ex horum auctorum decreto cardiaca sunt, & præstantiorem cæteris pomis succum gignunt, ex Ludou. Mercat. *rom. 1. l. 2. quest. 164. n. 71.* & Christoph. à Vega *lib. 3. art. med. sect. 3. c. 5. tit. de fruct. arbor.* & odore suauissimo cor recreant, & refocillant, ex Lacun. *lib. 1. in Dioscorid. cap. 131.* & Amato *eod. loc.* Quare vitalem virtutem firmanant, & humorem melancholicum contemperet, ut docet Rembert. Dodon. *lib. 3. de re herbar. Pempt. 6. cap. 1.* Esse autem hæc poma odorifera, constat: Si enim eorum cortices ignitis prunis iniicias, odorem ex se moscharulum fundunt. Insuper arrident gustui, & cum palato maximam ineunt gratiam. Miror tamen ego, neminem tot sæculis exitisse, qui de huiusmodi Camusiis meminert. Nec dicas Melimela Dioscorid. *cap. 132. lib. 1.* & Horat. *satyra ult. eadem esse cum nostris*; quoniam illa sunt æstuosa, calida, & dulcia, ut mel; nostra autem sunt temperata in calore, & modicè dulcia. Appiana ergo dicta à Plin. *lib. 15. c. 14.* ab Appio inuentore sic vocata, nostra sunt Camusia; quare ab Italis mallapia, quasi mala Appia appellantur; Nam Appianis malis Plinij, odor est coroneorum, & color rubeus, quæ proprietates nostris Camusiis insunt. Si tamen de huius fructus facultate plura videre concupiscis, lege Aloysium Toreum Placentinum *tract. de febre puncticulari, fol. 64.* & Hermolaum Barbarum *lib. 1. corollar. in Dioscorid. cap. 169. de malis.*

## Q V Æ S T I O XX.

*Quòd aurum cardiacum sit. Contra Manard. & pro leuanda melancholia inter alimenta sit decoquendum. Contra Musam, Picum Mirandulam, Platerrum, & Brauum doctissimos.*

**P**lueris santalorum.] Inter plurima cardiaca, quæ ex professo Avic. refert in *lib. de virib. cord.* Santala numerari, ita notum est, ut probatione alia non indigeat; de quorum vi eximia pro leuanda melancholia, sat plura dixere veteres, & iuniores ferè omnes, qui de aromatum facultate eruditissime conscripserunt; quorum loco illud est celebratissimum, Aurum nempe, quod pro demulcenda melancholia ab auctoribus miris encomiis celebratur. Quare



hanc controuersiam reddere modò incudi consultiſſimū A iudicari; video enim Medicos hoc tantum auxilium obnixè reprobasse.

Enimuerò si probatæ fidei auctoribus sit habenda fides, Aurum aduersus melancholiam, summum, & præstantiſſimum esse præſidium, aſſeremus: Cùm enim temperatum sit, ex Auic. lib. 2. tract. 2. cap. 78. cor innata vi tuetur, natiui caloris ſymmetriam conſeruat, viſcera roborat, ſplendidos generat ſpiritus & perſpicuos, quorum penuria qui laborant, triſtes, cogitabundi, & melancholici eſſe còlueuerūt, ſanguinem purificat, corpus à ſuperfluo humore repurgat, cor tremulum firmat, vires reſicit, inuat palpitantes, & omnes qui attris, & caliginosis humoribus ſcaſent, aut melancholicis morbis ſapiffimè corripiuntur, & aduersus cardiacam paſſionem mirificum eſt auxilium: propt. Auic. lib. de virib. card. cap. prop. de auro, Serap. tract. de ſimp. cap. 425. Platearius lib. de ſimpl. medic. cap. 3. memoriæ prodiderunt: B & firmat eloquenter Geberus antiquiſſimus auctor, lib. 1. de Alchymia, cap. 30. & 31.

Horum ſententiam ſequuntur Mathiol. lib. 4. epiſt. 9. & lib. 5. in Dioſcorid. in com. c. 70. Quercetanus in ſuo alexica. co. Leuin. Lemn. lib. 3. de occultis, 6. Ficinus lib. 2. de ſtudioſ. ſanit. auend. c. 9. & libel. de peſt. cap. 10. Libavius in ſua Alchymia. Valsus Caſtellus tract. 4. de affectibus thoracis, c. 8. difficult. 5. Qui de auri potabilis mirabili efficacia doctè conſcripſerunt.

Inſuper in venenatis morbis, contagioſis, & malignis celebre eſt auxilium; nam præterquamquòd putria vlcera terrique odoris, tactu ſuo einendat, tamen proprietate quadam cor defendit, ſic aſſerentibus Syluio lib. 1. meth. cap. de metallis. Scalig. exercit. 272. Hieronym. Rub. lib. de diſtil. ſect. 11. c. 10. Borheto in ſuo Iatrochymico. Lang. lib. 2. epiſt. 49. Philip. Viſtadio in ſuo celo Philoſoph.

Hos effectus ipſius limaturam præſtare, prodiderunt citati auctores: Quare auri quàm tenuiſſimam ſcobem, hoc eſt ſubtiliſſima ramenta, quæ ex limatura decidunt, vel auri puriſſimi folia, aduersus Hydrargyrum epota plurimum pollere, citati auctores vnanimiter conſirmant. Quo pacto eorum approbo conſilium, qui poſt vnguenta mercurialia ad refrænandam malitiam Mercurij in corpore latentis, aurum exhibent in potum, quod Fallop. firmat eleganter lib. 2. de foſſil. 6. cap. 37. Et Capiuacius lib. de lue ven. cap. 1. poſt vnguenta ex argento viuo adminiſtrata, vtitur vnguentis neruos roborantibus, in quæ ingreditur aurum, Mercurij antidotum. Et nos proprio exemplo firmauimus lib. 2. de praxi medica admiranda, obſ. 136. Ex quibus patet quàm malo fundamento nixa ſit Mundellæ opinio lib. 1. D epiſt. 1. Monard. in dialogo de ferro, in fin. exiſtimantium aurum ſolùm ad decorem eſſe neceſſarium: quæ opinio quàm futili ſit ſtabilita ratione, docent Sebaſtianus Papparella lib. 2. de calid. innat. 3. Patres in Meſuëm. cenſ. 3. Licet enim pretioſa res ſit aurum, & ad mulierum, hominumque cultum magno luxu expetatur, ad medicamentorum tamen compoſitionem ſummoperè præſtat. Nam Meſuë tract. de elect. tit. de elect. de gemis, & Alcherm. Immo Manipul. Medicinar. Conſect. Hyacinth. cū multis auri foliis parare doceat, quod non feciſſent, ſi aurum cardiacam, belzaarticamque virtutem non obtineret.

Demum pro præſeruando corpore à corruptione, vita producenda, roborando corde, aurum ipſum alimentis immixtum decoquere, non eſt abs re; immò pro leuandis, extirpandiſque morbis melancholicis vnicum eſt ſubſidium. Sed plurimi argumentis quibuſdam conuiſti coguntur aliter opinari. Primò, quoniam aurum, metallum cūm ſit, coctionem non admittit, neque dum coquitur liquori vim aliquam tam denſa ſubſtantia impartiri poteſt, monente ſic Philoſopho lib. 1. probl. 22. §. 2. ar. verò, & argenti, & cætera generis eiufdem, concoqui quidè à calore animalium non poſſunt, ſed reſolui à ventribus nequeunt, & c. Auger ſuſpicionē, quòd dicat Aët. retrab. 1. ſerm. 3. c. 165. aquam auri malam eſſe, quum omne metallum igneam habeat ſubſtantiam, ex Gal. lib. 9. ſimp. 26. & maxime aurum, ſublimiri plurimum in ſe continens: nam ſine huius ope liquari non poteſt; ſicut nec etiam ab argento in vaſe auri fuſorio ſeparari, ſine aquæ argenteiorum adminiculo, quæ quot damna

efficiat, non eſt opus demonſtrare. Hæc ſunt quibus conuiſti plures, ab auctorum recepta ſententia diſcedere coguntur. De quorum numero ſunt Mundel. & Monard. loc. cit. Muſa tract. de examine metal. tit. de auro. Cardan. l. 1. de malo medend. uſu, c. 58. Platerus paradox. 91. Brau. Petraſit. lib. 1. de ſimpl. medic. delect. 11. Franciſc. Picus Mirandul. l. 1. de auro, c. 4. Marinus Marcenius c. 2. in Genef. verſ. 12. art. 5. qui ad ravam vſque contendunt medicamenta ex auro parata ſiculnea eſſe, & nullius vſus.

Sed ceſſent infamare tam nobile metallum, quod priſci & iuniores, in ſubſidium venenorum & melancholiæ, tantis laudum præconiis celebrarunt. Dioſcorid. enim metallorum explorator ſedulus, in lib. 5. cap. 70. aduersus venena auxiliari putat; in cuius enarratione tam multa de auri viribus referunt Lacuna, & Amarus. Siue ergo Græci antidotorum ex auro, ſiue Mauritani (vt Fuchſius inquit) ſint auctores, huic murallo lætificandi, roborandi, & veneno reſiſtendi plurima vis ineſt, vt ex multorum mente probat Ioannes Ionſtonus ingenioliſſimus. claſſe 4. rhaumatographia, c. 26. de auro.

Deſinant calumniari præſidium quod multis fuit ſaluti. Ita enim aurum naturæ noſtræ amiſſiſſimum eſt, virèſque roborat, vt cutem (quam aperire non niſi coactos neceſſitate monuit Gal. 3. de fract. 43.) perforandam ſolùm eſſe in ſuppuratis exanthematis, auro aliquo penicillo conſulat Ludou. Mercat. lib. 7. de feb. peſtil. cap. 3. edoctus ab Auic. 4. l. c. 29. & lib. 2. cap. cit. & Albucali lib. 1. de Caſter. cap. 1. in fin. qui cauterium ex auro factum omnium eſſe probariſſimum aſſeuerant, quod vlcus exortum citiùs conſaneſcat. Licet enim metalla propriè non coquantur, vim tamen cardiacam liquoribus in quibus coquantur communicare, non eſt denegandum.

Quid plura? nonne Auic. 16. 3. tract. 1. auro aquam chalybeare prodeſſe ſolutioni ventris affirmauit? quem ſequitur Platear. in com. Nicol. in aura conſectione, qui aquam ex auro decoctam probatiſſimam eſſe aſſeuerat. Quo pacto eorum approbo conſilium, quod tanti fecere Mercat. tract. de feb. malig. & Theodor. Angeluc. l. 3. de feb. malign. cap. 5. Petrus Vaëzius tract. de epidemia peſtilent. c. 6. qui in peſtiferis, maleſcentiſſimiſque febribus aquam auro candente calybeare iubent: redditur enim hoc modo aqua guſtui gravior, & affectibus curandis multo vtilior. Nonne communis Medicorum vſus chalybem, ſeu ferrum ignitum, multoties in aquam, ſeu decoctum appropriatum morbo infundere, & extinguerè conſulit, ad adſtringendum, aperiendum, & deobſtruendum? prout docuere Gal. 9. ſec. loc. cap. 2. rubr. 8. Aëtius tetrab. 3. ſerm. 2. c. 13. Sic enim euadit aqua calidior, attenuans, & incidens, quoniam aquæ communicat ferrum ſuam vim, vt ait Auic. lib. 2. tract. 2. cap. 251. Cur ergo ſi ferrum, & aurum ipſum denſiſſima metalla, ſuam facultatem aquæ impartiuntur, hoc aquæ vel alimentis cum quibus decoquitur, cardiacam virtutem ſuam tribuere poſſe negabimus? quod ita eſſe præclara hiſtoria firmant Schnitzerus epiſt. 5. & Zacharias à Puteo, in clauis medica ſpagyrica & chirurgica; qui in pectore, & ventriculo gallinarum inuentos fuiſſe aureos nummos penè abſumptos aſſeuerant. Ergo à robusto ventriculi calore aurum coqui poteſt, & vim ſuam cardiacam largiri.

Rurſus. Cur Bernardum Deſſenium accuſabimus, lib. 1. in com. elect. de gemmis Meſuë. Conſtantin. lib. de gradibus medic. Ficinum loc. cit. Nicol. in ſuo antidotario, Auræ conſectionem, ab auro eius compoſitionem ingrediente ſic appellatam, deſcribentes, quæ ad caput, cæteraque viſcera roboranda conſert eximie? aut alios, vt Mathiol. Andernac. qui in ſimiles vſus, id candens in ſculis, aliſve ſuccis vel diſtillatis intingunt? Vel in puluerem reductum, vel in oleum conuertunt, & ſic in potum exhibent, de cuius excellentia, ac vi admiranda referunt Hieronymus Rubens, Quercetanus, Andernac. ex Paracelſo, Geſnerus, qui auri potabilis, auxilij penè diuini, varias aſſerunt deſcriptiones. Cur, inquam, hos damnabimus, qui Principum, Magnatum, diuitumque ſalutem, aureis medicamētis conſeruant? quum hæc cor exhilarent, & mortem retardent, vt ſcitè Benediſt. Perer. lib. 1. de magia, q. 13. docuit in fin.

Neque

Nempe te moueat, quod asserat Gal. metalla igneam habere substantiam; si aurum excipias, quod cum putum sit, à metallorum principiis, sulphure nempe, & argento uiuo est maximè defæcatum. Quod verò in vase ad ignem fundatur, iniectionis sublimato, & aqua argentatiorum, malitiam eius non arguit, nam paucillimum sublimari, & aqua, ignis vi sensim abeunt in vapores. Aqua verò auri, hoc est, illa quæ decurrit per mineras auri, mala, ut Aëtius ait; per illas enim scaturiens aqua, aliquam ex plumbo, aut ferro, quæ in aurisodinis sæpè oriuntur, vim prauam sibi adsciscit.

### Observatio XXXIII.

*Diutinus moror, auri potabilis usu, curatur.*

**B**aro quidam Illustris melancholicis imaginationibus diu vexatus, pluribus auxiliis adhibitis conualescere haud potuit. Melanagoga ex multiplici medicamentorum sylua parata sunt exhibitæ; iisdem serum lactis caprini medicatum, apozemata, balnea, hirudines sæpius ano applicitas, cardiaca medicamenta, fontanellas, cruribus adiungas; quibus nec tantillum leuatus, ad auri potabilis usum se conuertit. Auri enim scobem porphyrite prius optimè læuigatam; aut liquidum & potabile, velut oleum, ipsum alternis diebus vino matriæ permixtum ieiunio stomacho assumebat. Liquidum sex guttæ, pulueris scrupuli dimidium satis erant: quo auxilio quum per mensem vteretur, omnino à tantis malis euasit immunis. Tanta est auri vis, & efficacia, & pro curandis grauissimis morbis mira potestas. De cuius facultate eximia plura dixere Ioan. Daniel Mylius in sua *Anatomia auri, part. 2. de medic. aureis, & part. 4. de auri potabil. usu.* Abraham è porta Leonis in suis *dialog. de auro*, & nuper Stephan. Roderic. Castrensis *lib. 4. de Meteor. Microcosm. 3. de antidosis ex auro eruditè disseruit.*

Ne tamen de hoc argumento quidquam intactum relinquamus, placet curiositatis gratia, de quinta essentia auri ab Alexandro Quintilio, natione Italo, nunc Martiti apud Hispanos habitante, composita, verba facere, qui eam in hominum animos introduxit opinionem, ut crederent, se pulueres ex auro purgatiuos efficere, qui variis morborum generibus possent esse ex usu. Et ut suum experimentum testimoniis plurium illustrium virorum, immò & Protomedicorum voto confirmaret, licellum composuit. Anno 1600. Hispano idiomate conscriptum, cui *De quinta auri essentia* titulum dedit, in quo de illius vi & efficacia mirabili in purgando solum egit, puluerum præparationis secretum sibi ipsi reseruans. His ergo pulueribus sex granorum pondere assumptis, omnes tam acutas, quàm chronicas ægitudines curasse, vacatione excitata per vomitum, & aluum gloriatur. Exhibet pulueres non in substantia ipsa, sed infusos per noctem in iure auis, vino, liquore aliquo, ut vitello oui. Matutino tempore præbet infusionem, quantitate vnciarum duarum exhibitam. Et tanta est huius medicamenti efficacia, ut iidem pulueres qui semel infusi sunt, possint bis, & ter iterum ad similes vsus infundi, quibus nunquam æger vacatione frustratur. Propinati possunt in quolibet sexu, ætate, temperamento, regione, & tempore, delicatulis fœminis, senibus debilibus, pueris, vterum gerentibus, fastidiosis, & nauseabundis, qui vel ob debiles vires, aut pharmacorum tardium, medicamenta nec possunt, nec volunt assumere, tutissimè exhibentur, ut proprio experimento sæpissimè sum expertus. At tanti fuit æstimata, & apud Hispanos celebrata inuentio hæc, ut in vniuersam ferè Europam, immò in vtramque Indiam certatim libræ multæ, singulis annis deferantur; eo tamen ordine, ut sex granorum quantitas singula, papyro sit vnica obuoluta, & ipsius Quintilij signaculo diligenter obsignata.

Porro si res hæc non populari trutina, sed aurificis statè examinanda, profectò pulueres hos, nec aurum, nec quintam eiusdem auri essentiam esse reperiemus. Licet enim laudandus sit auctor (quempiam enim honore suo defraudare impium est, & ab ingenuo viro alienum) qui

A subtili Minerua, & arte Chymica valde peritus, tam suaue, minimèque molestum medicamentum expurgans euulgauit in lucem, quod per vtramque regionem, tam biliolos & tenues, quàm crassos & tenaces humores promiscuè expurgat, tamen aurum vim purgatricem obtinere, nec veterum, nec recentiorum confirmauit quisquam.

Quod si Plin. *lib. 3. cap. 1. in fin.* aurum vmbilico illitū expurgatricem vim habere dicenti; fides est adhibenda, de nutissima loquutus est, ut ipse refert illis verbis: *Aluum leniter soluit, &c.* Rursus. Si aurum purgandi vim non obtinet, aut si Plinij voto standum, ea est leuis, & exigua, cur horum puluerum infusio tam potenter purgabit, non solum prima vice exhibitæ, sed iidem pulueres iam infusi, si bis aut ter deinceps infundantur, eisdem præstabunt operationes? Quis ergo has auri vi tribuendas esse affirmabit? nullus quidem, nisi rudis mentis compos. Secundò. Aurum in tam parua quantitate corpus non expurgat, hoc enim effrænum, & violentorum medicamentorum est indicium. Tertiò. Si hi pulueres essent ex auro confecti, maiori pretio essent vendendi. Constat autem auctorem singulam papyrum sex grana reportantem, paruo pretio vendere solitum. Quarto. Ex officina eius singulis mensibus, 20. 30. & plures horum puluerum libræ in varias orbis oras transportantur. Deus bone! Vnde tanta auri quantitas?

Quare hanc quintam essentiam stybium esse præparatum, superioribus nixus rationibus teneo firmiter; hoc enim medicamentum, si rectè calcinetur, & præparetur, ut facit Quintilius, mirabiles vires præbere posse, affirmare iuniores, & maximè Theoph. Paracelsi, qui primus omnium in eius præparatione insudauit. Sanè. deiectionem viam præstantissimam sortiri, simulque per vtrumque ventrem corpus ab omnibus recrementis expurgare, non secus ac reliqua omnia metalla ab omnibus sordibus mundificat, iidem literarum monumentis consignarunt: cuius etiam oleum, quod ratione rubedinis vocatur sanguis stybij, vlcera cancrofa, maligna, serpentina vnice abstergit, & repurgat, cuius conficiendi modum docuit Fallop. *tract. de metal. cap. 29.*

Deinde stybium præparatum in affectibus melancholicis, & pestilentibus, propè diuinam vim obtinere, fidissimo experimento compertum est. Vteri vitii, arquato, Gallico, comitialique morbis mirabiliter opitulatur, & aliis omnibus, qui à crassiori bile; tenacique pituita originem ducunt. Cæterum in præparatione eius diligenrer aduertere oportet, ut illud sit certa quadam lege, & exquisita ratione præparatum; etenim stybium calcinatum, Chymistarum more, sæpè propinavi pluribus, qui nihil egresserunt. Sed cum horum puluerum basis, & fundamentum chrysolita sit (boracem officinæ dicunt) & hæc violentam habeat vomitoriam purgandi facultatem, ex Dioscorid. *lib. 5. cap. 64.* tam exigua portio, eaque mira industria prius exusta, & cum stybio ad ignem exactè permixta, additur à Quintilio, ut eius valida vis facile mitescat, & suauiter, clementerque deinceps aluum expurget.

Insuper. Cum hi pulueres sint antimonij, & hoc medicamentum secundum Mathioli censuram, & præparationem quam sequimur *lib. 5. cap. 59.* sit ad eradicandos morbos contumaces præstantissimum, sit ut pluris æstimandi sint. De cuius medicamenti vi eximia, præter Quercetan. Rubeum, Ripleum, Isach Hollandum, & alios, lege Geber. *lib. 1. part. 4. de magna perfect.* Massar. *lib. 9. de medic. purg. c. 30.* Chymicas verò formulas selectiores Basilius Valentin. Medicus Chymicus exactissimè promulgauit.

Abeant ergo Greuin. *lib. 2. de venen.* Lupeus Curelean. in *animaduers. in inis.* Mercurial. *3. conf. 6.* qui contra experimentum, stybij usum vehementer condemnant; cuius rationes ex dictis facile solui possunt. Abeat & Quintilius ipse cum commento suo, qui hos pulueres callidè, ut amplius æstimentur, aureos persuadere conatur: quum tamen nihil aliud verè sint, quàm stybium ipsum exactè, & ut decet præparatum. Sed hæc retigisse libuit, pro illis qui hanc auream suppellestem curiosis oculis perspexerint. Interim, de viribus & efficacia Antimonij, lege Ramnusium *tom. 1. nauigat. part. 9. Africa pag. 95.* Ludouicum

unicum Launzum lib. prop. de facultate, & admirabili vi A grantem nominat malignum: quod etiam facit 2. feb. 9.

## QVÆSTIO XXV.

Quod lapis Belzaar, calidus sit, & humidus, & aduersus melancholiam, putridas, venenatasque febres tutissimum alexipharmacum, ut voluerunt Arabes. Contra Lupeum, Augonium, & Saxoniā, Medicos præstantissimos.

SEquitur lapis Balzaar, vnicum pro domando humore melancholico subditiū, de cuius vi in manifestis qualitatibus tantisper modò differendum est, cum in huius dubij explicatione ieiuna sit recentiorum lectio, qui de huius lapidis vi excellenti ex professo disputarunt, de quorum numero sunt Garzias ab Horto Colloquio 45. de rebus Indicis Christoph. à Costa, cap. 21. eiusdem tract. Amar. lib. 2. in Dioscorid. in com. cap. 39. & 3. censur. 74. Monard. lib. de virtute lapid. Belzaar. Ioan. Fragosus tract. de reb. indic. in lit. P. discursu 3. Thom. Jordan. tract. de pest.

Mirum est omnes Medicos, fidissimo experimento fretos, vnanimiter statuere (hoc enim illius maiorem arguit excellentiam) hunc lapidem esse vniuersale venenorum antidotum, ac cæteris alexipharmacis pretiosius alexiterium. Vt ex omnium Medicorum Indorum voto refert Acoſta lic. cit. & Mathiol. firmat. in com. cap. 72. Dioscorid. lib. 5. qui id longè magis præstare aduersus deleteria venena; quàm cætera non modò simplicia huiusce facultatis medicamenta, sed etiam theriacam ipsam, & alia quæuis antidota, luculenter explicuit. Non enim solum in extirpanda venenosa qualitate, malignis, pestiferisque febribus debellandis summè confert; verum etiam sanitatis tempore assumptus collapsas vires reparat, iuuentutem refarcit, vitam diuturniorem reddit, senes repuerascere facit, naturalem calorem vigorat, excrementorum promouet expulsionem, præcipua corporis viscera, maxime cor, vitæ domicilium, ab omnibus noxis, ac incommodis tutatur, ac defendit. Insuper spiritus reficit, humorum malitiam refrænât, appetentiam suscitât, animi nocentem demulcet, cordis affectibus remedio est.

Quid plura? Estne aliquod præstantius, sublimius, aut ad salutem mortalium conseruandam, vitæque durationem propagandam, aut refræanda omnis generis venena, ab Auctore naturæ conditum excellentius medicamen? quod non solum in acutis putridisque febribus, ad roborandam naturam; in pestiferis, & maleficis, ad deleteriæ qualitatibus sanitatem domandam; sed in diuturnis, & præfertim melancholicis, ad terri nebulosique humoris malitiam retundendam, præsentaneum salutiferumque censetur præsidium, Bel enim Arabica, & Persica lingua idem est ac Dominus, Zaar venenum significat: ita vt lapis Belzaar, dicatur lapis Dominus venenorum; horum enim lethalem vim mira quadam proprietate coërcet ac frænât, vt eruditè asserunt Nicol. serm. 4. tract. 4. cap. 9. in fin. Conciliator tract. de venen.

Quare in melancholia, ad mulcenda sæua ipsius symptomata, ex vno aut altero liquore cardiaco assumptū hunc lapidem, strenuissimum esse præsidium, vsus ostendit. Nam omnes morbi ex melancholico humore prognati, vt curanei affectus, malignam quandam induunt naturam. Quo fit vt omnibus atræ bilis speciebus, secundum totam substantiam, non secundum vnam aut alteram qualitatem, opitulari possit. Subinde ad ferinam illam atram bilem omnibus longè deteriorem, quæ ex assata flaua bile progignitur, summo perè etiam prodesse, ab illis comperitum est. Tantò enim hæc bilis atra perniciosior est ea, quæ ex atro humore superaffato fit, quantò nimirum flaua bilis efficacior succo melancholico. vt Gal. lib. de atra bile, c. 3. differrauit. Omnem autem humorem superaffatū, malignū esse constat, ex Gal. lib. 6. aph. 56. & 1. epid. sect. 2. com. 26. pustulas nigras malignas vocat. Et 3. epid. sect. 3. com. 26. tumores in melancholicis ortos, malignos appellat; immò & carbunculum eo loco malignum dicit, Et 1. prorrhæc. sect. 4. com. 14. sanguinem in atram bilem commi-

## Obseruatio XXXIV.

Melancholia profunda, lapide belzaartico, vario modo exhibito, curatur.

QVædam fœmina cum ex retento menstruo in tremorem cordis, summam tristitiam, metum, taciturnitatem, acidemum inexplicabilem melancholiam incideret, vix omnibus auxiliis, quæ à Medicis præscribi solent, celebratis, opem sensit vllam: quæ solo belzaartici lapidis vsu, omnino sana est facta. Aquam ipsius frustulis coctam poter, ipsum interdum diutissimè in ore detentum fortiter exugat impero. Annulum auro incrustatum paro, in quo lapis erat inclusus, ita vt carnem tangeret, in proximo minimo læuæ manus digito gestatum. Sacculum ex eius puluere cum aliis cardiacis supra cor gestandum construo. Tabellas ex eo cum electissimo saccharo, aliisque pulueribus immixto conficio: ex quibus vnam ieiuno ventriculo, alteram tribus horis post cœnam deuorabat, stillatiua scorzonæræ aqua superbibit. Quibus omnibus cum quadraginta dierum spatio vsa esset, & à mœstitia conualluit, & menstrua recto ordine fluxerunt.

Nam lapis hic scirrholas affectiones comminuit; quæ de causa in febre alba, & virginum obſtuctionibus aperendis confert eximie, ex Ludou. Mercat. lib. 2. de virg. & viduar. melanch. cap. 6. in fin. Insuper aduersus canis rabidi, aliorumque virulentorum animalium ictus, ad vulnera venenatis rehis inflata, ad venenosa apostemata, emplastri modo applicitum, valdè conducere iidem auctores contestantur; quod fidissimo deinde experimento comperitum est, & contrarietatis ratione omne pestilens fugat inquinamentum, ex Marſi. Ficino in sua epidem. antidot. cap. 24. & à veneno præseruare omnes confirmant, vt refert Claudius Richard. in append. ad lib. de pest. Thom. Jordan. Omnes lapidem tritandum imperant tenuissimè. Sed cum moru, & trituratione virtus exhalet, & euanciscat, satius existimo cultello ex auro aut argento parato, vel ex purissimo chalybe constructo ipsum radere, quàm vel per leuam triturationem, ipsius virtutem resolvere.

De quantitate variant Doctores. Nam Auenzoar lib. 1. Theſis, tract. 13. cap. 6. narrans Historiam Aci filij Haly laborantis icteritia ex veneno, quem huius lapidis beneficio se curasse gloriatur, tria grana hordei exhibet. Serapio dosim instituit 12. granorū. Garzias ab Horto Indiæ Magnates, ad robur vitale conseruandum, 10. grana in stillatiua rosarum liquore, assumere, & nonnullos ad triginta vsque, nimia sanè quantitate, deuorare affirmat, nec sine periculo liberalius sumi dicit, cum ex eius in maiori quantitate vsu, quendam mortuum fuisse idem enarret auctor. Licet enim nullam noxiam qualitatem contineat hic lapis, tutius tamen existimo præceptum Gal. dicentis. simpl. 18. alexiteria ea moderatione esse assumenda, vt nec præ nimia copia corpus obædant, neque præ exiguitate à deleteriis vincantur. Quare ferè in diuturnis, & aliis non ita acutis, & periculosis morbis, septem, aut octo grana exhibere salubrius est, vt notat Lazarus à Sotto in suis animaduers. fol. 27. & Steph. Roderic. Castrenſ. lib. 4. de Meteor. Microcosmi. cap. 4. scitè edocuit. Si verò sua acutie, malitiæque vrgeat affectus, multò maiorem quantitatem porrigere non dubitamus, si verū est auxilia debere contendere cum morbo in magnitudine, & contrarietate. Quamuis enim maiores nostri maxime fuerint in eius quantitate nimia propinanda timidiore, hoc ad infrequentem vsu, & ad magnam pretium quo æstimabatur, referendum puta.

## Obseruatio XXXV.

Lapis belzaar in maiori quantitate assumptus, potentiùs venenum extinguit.

LEonora, fœmina calidissimi temperamenti, in febrem incidit maleficientissimam, deterrimis signis concomitantam,

tatam, adeò vt angore summo tribus diebus continuis per A morb. pueror. 7. Roderic. à Cast. lib. 2. de morb. mul. 5. Ergo os viuos 62. eiiceret lumbricos. Ex contagio clientes omnes eodem correpti sunt morbo. Omnibus ea administrata sunt auxilia, quæ & inutilem vacuarent humorum copiam, vnaque maleficam qualitatem retunderent. At illi, quibus Belzaar in parua dosi est exhibitus, omnes interiere: Domina autem maximam assumens quantitatem, interdum vnico hauſtu drachmam felici euentu reuixit; & non solum hæc, sed alij plures hac curati via euaserunt: nam vehementi veneno vehemens antidotum succurrit.

De temperamento in qualitatibus manifestis, priores non fuerunt solliciti, scientes hunc lapidem solum qualitate occulta suas exercere operationes. Sed cum multum interſit ſcire num operantia è tota substantia calida sint, aut frigida, quum teste Gal. 5. simpl. 17. alexiteria calidiora B potentius agant, quoniam auxiliarium ſibi adiungere calorem, idcirco ego omnium nouissimus ad hoc argumentum explicandum descendo. Et primò quòd sit frigidus.

Belzaar est lapis ex omnium auctorum decreto. Lapis est corpus terreum, crassum ex Gal. lib. 4. simpl. 19. durissimum, quòd ab humido irrigatum non emollitur, ex Gal. lib. 9. simpl. tit. de lapidibus. ac proinde frigidum siccum ex Gal. lib. 9. meth. 17. §. lapidum substantia constans, stabilisque propter siccitatem, & frigus, &c. Ergo lapis Belzaar frigidus est & siccus.

Secundò. Lapis Belzaar gignitur intra ventriculum cuiusdam animalis, vt de eius ortu Auctores affirmant. Sed lapides in renibus, & aliis corporis partibus reperti, sunt frigidi, sicci, ex frigido, lento, mucilaginosoque humore procreati: Ergo.

Tertiò. Ex secundis qualitatibus pariter, & ex tertiis, nullæ sunt quæ medicamentorum temperamenta ita nobis ostendant, & primas qualitates denotent, vt sapores ipsi, quoniam magis perunt sensus nostros cum materia. Sed lapis Belzaar habet saporem insipidum, teste Serapione loc. cit. & hic sapor aquosus est, & subfrigidus, 2. aliment. 68. & Auic. 1. part. canticor. text. 3. 1. §. Purè insipidū, frigidū est, & humidum, &c. Ergo lapis Belzaar frigidus est, vt sunt Hyacinthus, Sapphirus, Smaragdus, Rulinus, Carunculus, Sarda, Granatus, quos frigidos esse auctores contestantur.

Quartò. Quæ superfluum vomitum curant, & alui profluium adstringunt, sunt frigida sicca. Sed lapis Belzaar cohibet vomitum, & retinet ventrem. Ergo frigidus est & siccus. Maior patet ratione, & experimento. Minorem probat Garzias ab Horto. Colloq. 17. de Costo, vbi contra cholericam passionem, strenuum esse auxilium asseruit. D Sequitur Ludou. Mercat. 10m. 2. lib. 7. cap. 2. de feb. malig. qui aduersus nimium alui fluxum in hac febre eueniente, approbat alexipharmaca, inter quæ primo loco hunc lapidem connumerat.

Sed his relictis, veram sententiam proponamus, quam defendit Ioan. Serap. tract. de simpl. cap. cit. §. Ex est lapis molli tactu, multa humiditatis, & caliditas eius est sine superfluitate. Cuius sententiam refert Nicol. loc. cit. & probat Franciscus Francus lib. de pest. & morb. contagios. cap. de lapid. Belzaar. & licet temperatum faciat in actiuis, Serapionis sententiam summopere laudat, quum modicè calidum, temperatum dici possit, & è contra. Vt Gal. 6. simpl. cap. de triphlice, & 2. alim. 42. doctè admonuit.

Nec defunt pro hac confirmanda sententia rationes: quarum prima est. Lapis Belzaar prouocat sudorem, ex Serap. loc. cit. §. Liberat namque à morte, & expellit venenum per sudorem, &c. Sed prouocantia sudorem sunt acria, & tenuis essentia. 4. simpl. 19. in initio. Ergo lapis Belzaar calidus est. Nec dicas, refrænata mala qualitate, & natura robustiore facta ex eius vsu, sudorem prouocari, destruetis, & euocatis ad cutem contagionis seminariis, vnde sudor emanat. Nam præterquam quod hac de causa non solum hanc, sed aliam vacuationem, pro humoris natura contingere est asserendum, etiam per se, & caliditate sua hunc lapidem vacuationes promouere non ibo inficias.

Secundò. Deobstruentia, quæ talia, sunt calida, ex Gal. 6. simpl. cap. de cicere, & 8. simpl. cap. de prassio. Sed lapis Belzaar deobstruit, ex Mercat. lib. 2. de morb. mulier. 6. & 2. de

calidus est. At calidior censendus est alius lapis, quem vnice venenis resistere tradit Garzias ab Horto. loc. cit. hic enim reperitur in felle histricis, est rotundus, gustu amaro, tangenti læuis, colorem habet dilutioris purpure, vt Gallicus sapo. Excellentiori modo veneno aduersatur, & supra dictis affectibus, præsertim malignis summopere auxiliatur: quod ita esse, præter citatos firmant Ferrus Vaczius lib. de epidem. pestil. c. 6. Castro lib. 4. de meteor. Microcosm. cap. 4. Vocant Malacenses, vbi inuenitur, lapidem de porquo spino. Aqua solum, aut liquidum in quo infunditur, propinari debet, quod breuissimo temporis spatio amarum reddit. Caueas tamen ne cum intensa febre propines: nam impensè calefacit, inflammat, sitim prouocat, etiamsi cardiacis frigidis permisceatur. Prouocat sudorem, & mirandum in modum deobstruit ob amarorem.

Tertiò. Expurgantia renes, lapidèmq; comminuentia sunt calida, ex Gal. 6. simpl. cap. de bdellio, sed lapis Belzaar renem, vesicæque calculos comminuit, ex Lacuna lib. 5. in Dioscorid. cap. 72. Ergo calidus est, & vt res illustrior fiat exemplo, sequentem obseruationem audire ne pœniteat.

## Obseruatio XXXVI.

### Lithiasis, lapidū Belzaartici vsu curatur.

Q Vidam in vrinæ suppressionem sæpissimè incidebat, à crassiusculis arenis, fabulosæque materia subortam, quæ in viis vrinæ ita tenaciter hærebant, vt medicamentis vllis abstergi minimè possent: at cum variis huic operi idoneis medicamentis vacuantibus & diureticis curatus esset, aucto tamen quotidie malo immaniter vexabatur; sed lapide Belzaartico, duorum mensium spatio, octo granorum pondere deuorato cum iure auis, à tanto malo conualeſcere cœpit. Hoc ergo auxilium inter præstantissima, & efficacissima præiudicia huic vsui Medici celebrent est necesse.

Partis contrariæ argumenta sic dilues. Ad primum responder Fallop. tract. de metal. cap. 7. asserens, multum differre lapides communes, ab iis qui concoctione intra animalia facti sunt, in quibus succus concoquitur, & partes terræ attenuantur, & nimia humiditas absimitur; velut apparet in gemmeis lapidibus, & lapide Belzaar, qui splendent hac de causa. Deinde non omnes lapides sunt frigidi; nam lapis hæmatites calefacit, & extenuat, apud Dioscorid. lib. 5. cap. 101. Lapis pyrites calefacit, & valenter abstergit, ex ipso eod. lib. cap. 100. Alumen calidum est, eodem auctore lib. 5. cap. 82. Chrysocolla calida est & sicca in quarto gradu, ex Platear. lib. de simpl. medic. cap. 6. & Serap. cap. 423.

Ad secundum dic. plurimùm diuersos esse lapides, in humano corpore præter naturam in variis partibus repositos, ab iis qui secundum naturam in animalibus fiunt; vt in capitibus cochlearum, bufonum, in ventriculo pulorum hirundinaceorum. Sic etiam in gallinaceorum pulorum ventriculis gignuntur lapides quidam virescentes, qui calidi sunt. Quid plura? Etiam in ostreis generantur E vniones ( appellant margaritas ) quæ temperatæ sunt, ex Serapione cap. 397. Quare negandum non est, lapides in pluribus corporis partibus progenitos, calidos esse.

Ad tertium responder Gal. 3. simpl. 3. ex sapore nos non posse exactè vires medicamentorum agnoscere. §. Interim verò & illos castigabimus, qui ex consistencia, colore, odore, sapore, gravitate, leuitateque, cuiusvis medicamenti facultatem inuenire autumant, &c. Et repetit etiam 4. simpl. 4. Nam opium amarum, ex Dioscorid. lib. 4. cap. 6. ita acre est, vt paululum in ore detentum linguam exulceret; quod frigidum esse, in 4. gradu testatur Auic. lib. 2. tract. 2. cap. 526. Sapor enim insipidus, quæ est insipidus, aquosus & frigidus est; sed fit sæpe in mixtione, vt multæ materiæ frigidæ adiuncta sit alia materia calida, & nitroſa, in qua non modica caliditas adest. Hoc modo radix vocata Mechoaca est insipida, quum sit tertio ordine calida



caſida, vt de ea Chriſtoph. à Coſta, & Monardus ſcribunt.

Ad Quartum dic. Lapidem Belzaar vomitum coërcere, & alui fluxum, quoniam cicurat venenum, & roborat naturam; vt proprio experimento Garzias ab Horto cit. loc. confirmat. Adde diarrhœæ, & cholericæ affectioni opitulari, quando ex venenato humore ortum ducunt, eūſus malam qualitatem domat, ac refrænât. Sic Auer. vir acerrimi iudicii, lib. 5. collig. cap. 23. maniſteſſimis verbis aſſeruit, medicamentum belzaarticum, expellere & extirpare venenum; non quia agar in ipſum, ſed quoniam clam furſimque, in corpus humanum agens, ipſum fouet, & roborat in tantum, vt veneno fugando, & expellendo ſufficere poſſit. Sed de temperamento ſatis.

Hac de cauſa in ſanis ad morborum præcautionem ſaluberrimum cenſetur auxilium, quoniam vires refocillat, & ab imminente malo ipſas defendit. Quidquid contra ſentiat Horat. Augen. rom. 1. lib. 9. epiſt. 1. Nam ſi in ſanis ad præcautionem mirificè prodeſt, cur in putridis febribus ad morborum curationem non conducet, & in malignis febribus ſecuriſſimè non adminiſtrabitur? Abeat cum ſuo comento Lupeus lib. de morb. puſtuloſo, lapidis huius vires eximias ad libitum temnens & dampnans, cuius ſocius in hac opinione fuit Hercuſ. Saxonia lib. 10. de plica Polonica, cap. 59. eo ſolum ductus argumento; quòd hic lapis, cum eſſet probatus, & verus, & propriis manibus extractus ab animalis ventre, à Medicis qui eo uſi ſunt, nullum ægrotis attulit iuuamentum. Hac ratione condemnabit Theriacam, aliâque pretioſiſſima antidota, quibus aſſumptis perire ægros ſapiſſimè contingit. Nam venenum antidoto eſt vehementius. Quam enim medicinam, inquit Gal. 3. de præſag. ex puſib. 3. inuenies, quando putredo, aut venenum cor occuparunt? Quæ autem de excellētis tantæ antidoti Laconicè perſtrinximus, ſunt intelligenda, dummodo probatus ſit & verus lapis. Nam hoc tempore ex Orientali India ea prouenit quantitas, vt maiori ex parte legitimi non exiſtant. Quibus autem notis veri à falſis dignoſcantur, citati, latè retulere auctores. Tu verò ſi latiùs de huius lapidis admirandis facultatibus plura ſcire aues, lege librum clarifſimi Bauhini, qui de lapide Belzaartico inſcribitur.

Post duo hæc inſignia alexipharmaca, pro leuandis melancholicis præſtantiſſima, tertio loco Margarita ſuccedunt, ordine & poteſtate, quas, eaſdem ad ſimiles mitigandos affectus, vires obtinere, ſuprà citati auctores memoriæ commendarunt, præſertim Arabes, qui his mirabilem vim cardiacam aduerſus melancholiæ ſymptomata vnanimiter tribuunt. Quarum magiſteria apud multos reperies, præcipuè apud Quercetanus, qui modū ingenioſum ſeparandi margaritas à ſuo diſſolvente propoſuit. De harum virtute eximia pro roborando corde, & mulcendâ melancholia, lege Ludou. Septalium lib. de margaritis.

His annumerandum venit Vnicornu, licet multa fabuloſa ab auctoribus de eo paſſim proferantur. Audiui enim quosdam qui vnicornu pro curandis melancholicis ſymptomatis, & refrænanda cuiuſuiſ veneni potentia, aliis Belzaarticis, medicamentis antepoſendum eſſe crediderunt. Sed quum uſus illius adhuc ſit incognitus, quum verum vnicornu in domibus magnatum vix reperiatur, vt reſert Geſner, lib. 1. de quadruped. cap. de Vnicornu. & paſſim pro eo boum, aut equorum oſſa vendantur, in eorum opinionem deſcendere non poſſum. Nam licet Monoceros multò quidem antea innotuerat, non tamen uſus illius ad Medicos uſus peruenerat. Plinium enim expreſſè de hoc animali loqui ſciimus lib. 11. cap. 37. qui auctor annis ſerè 150. Galenum præceſſiſſe perhibetur, quantum ſcilicet inter Titum Veſpaſianum, Plinij coæuum, & Antoninum Pium, cuius circiter è vita diſceſſum Galenus primò Romani venit.

Sunt qui Indicum aſinum eſſe velint, quòd Philoſtr. lib. 8. de Apollonij vita. omnia, quæ de Monocero Plinij auctoritate vulgus credit, retulerit de Indico. Sic enim inquit: Aſinos ſilueſtres in viciniis paludibus multos capi dicunt: eſſe autem huiuſmodi ſeris in fronte cornu, quot aurorum more generoſiſſimè pugnant, & conſicere Indos ex

Lib. I.

illis cornibus pocula; & ſic aſſerunt nullis morbis eo die affici, qui ex huiuſmodi poculis biberint; nec ſi vulnerati fuerint, dolere; & ex igne etiam incolumes egredi, nec ullis affici venenis, quæcunque nocendi gratia in potu dantur: idcirco Regi eſſe eadem pocula, quibus tantum & fera venatio permittitur, &c. Iſidorus etiam cap. 12. reſert, tantæ ſcilicet animal eſſe fortitudinis, vt nulla venantium diligentia capi poſſit. Alij Ælium illud laudat ſe putant. Hic enim Auctor aſſerit, in India quosdam eſſe equos, qui vnicum cornu in fronte gerunt, affirmatque eſſe relatum, vim habere contra venenum.

Sed quum præter hos equos ſint etiam boues in Æthiopia vnicornes, quos Ludouicus Rodericus patritius non multo ante noſtram ætatem vidiffe gloriatur, viuos Sultrano ex Æthiopia muneris gratia emiſſos, qui circa templum Mechæ ſeptis erant incluſi: explicare debuiffent, qui tanti hoc cornu faciunt, ex quo animali id eſſet deſumendum. O vrinam explicuiſſent, ne in re tanta tora periclitaretur Medicina, & maximè quum in hoc ſibi non conſtent, qui modò ſolum aſinum Indicum eſſe vnicornem, modò in Æthiopia eſſe boues vnicornes ſcribunt. Quæ ambiguitate intricati plures, plus alia viliora præferunt antidota, quàm rem pretioſiſſimam, theſauris Regum antepoſendam, quæ vix in Principum domibus reperitur. Si tamen legitimum habeatur, (quod puto ſerè impoſſibile) non dubito mirabiles ex ſe contra melancholiam, & quoduis venenum præſtare vtilitates. Quod enim à circulatoribus paſſim circumfertur, nullius momenti eſt, nec commoditatem vllam parere poteſt. Loco huius cornu ſalubrius conſulo præbere cornu ceruinum, de cuius viribus tam multa dixerunt Paul. lib. 7. tit. de cornu ceruin. Auic. lib. 2. tract. 2. cap. 281. Serap. cap. 468. Plin. lib. 8. cap. 22. Gal. lib. 11. tit. de corn. ceruin.

Vltimò. Ad melancholiam, eiùſque ſymptomata ferina mitiganda, os de corde cerui, ſaluberrimum eſſe auxilium affirmant vnanimiter Recentiores, & ſic ex eo celebres parant confectiones, pro melancholicis, venenatiſque morbis valdè ſalutares, quorum ſententiam ego quoque libenter amplector. Nam hoc os inueniri in corde cerui, fabuloſum non eſt, ſi fidè Ariſtor. adhibemus lib. 2. de hiſt. animal. cap. 4. ſignat Gal. 6. de uſu part. 9. Ne ergo approbes Veſaliū lib. 1. de fabric. 20. Braſauol. in exam. ſimpl. Rondelet. in aurea Alexand. qui hæc oſſa in corde reperiiri negant. Quorum hac in re ignorantiam, & circa anatomen imperitiā coarguerat multo antè Gal. lib. 7. de Anatomic. adminiſt. cap. 10. diſcipulos ſuos monens, vt hoc ſecretum non patefacereſt illis, qui aded ſunt improbi, vt ignorantiam ſuam non incuſent, ſed veritatem negent, ac eos qui ſua induſtria adinuenerint, irrideant. Et 6. de uſu part. 19. in grandioribus animalibus venarum, & arteriarum radices oſſuoſas eſſe affirmat. Viſ eius eſt mira. Cor tremulum firmat: mærori & timori remedio eſt; veneno reſiſtit: in peſtilenti conſtitutione maximo eſt ex uſu, vel cum alexiteriis aſſumptum, vel epithematum modo cordi applicatum. De quo latè Geſnerus lib. 1. de quadruped. cap. de ceruo, liſtera G.

Sed vt medicamenti cardiacis, & pro propulſanda melancholia celeberrimis vltimam manum imponam, non præteribo deſcriptionem cuiuſdam, quod pro diſcutiendis flatibus melancholicis, roborando ventriculo, & vigorando natiuo calore eſt primarium, cuius virtus hoc exemplo fiet manifeſta.

## Obſeruatio XXXVII.

Cachunde, ad flatus melancholicos, medicamentum præſtantiſſimum.

Illuſtriſſimus Marchio de Fereira, è Luſitanorum Regum ſtirpe oriundus, frigido cum eſſet vetriculo præditus ex improſpera coctione, quotidie per vomitum, aquæ naphæ calidiſſimæ hauſtu, duas ſerè libras mucosæ, lentæ, albæque pituitæ, & deinceps humoris terri, nigri, & fætidii præiiciebat. Poſtea de tremore cordis, metu, triſtitia, anxietudine, ruſtu importuno, inappetentia, ventriculi nauſea,

G

ſingultu,

Singula, flaribusque melancholicis, & inferioris ventris rugitu querebatur. Eum melancholia hypochondriaca correptum diceret. A suis cubiculariis Medicis plura celebrata fuerunt auxilia. Vacuationes repetitæ, fomenta, ex oleis, decoctionibus, vnguentisque parata. Culcitra ex lana purpurea, & pulueribus cardiacis composita. Clysteres inditi qui viscidam pituitam, vnaque humorem melancholicum vacuarent. Apertæ sunt per hirudines marilicæ. Sæpius exhibitum Balsamum, verum cum aquâ floris cinnamoni permixtum. Assumpsit omnis generis cardiaca. Imperatum balneum: à quo sulphurea balnea fuit expertus. Fontanellæ in cruribus apertæ. Sudorifica ex ebena viginti dierum spatio illi sunt imperata, & per interualla decocto radiceis chymarum pro quotidiano potu vsus est. Sed omnia incassum sunt celebrata. Quatuor Medici per literas sumus consulti. Quidam rectè prius vacuato corpore, totam salutis spem in assiduo radiceis mechoacanæ vsu sitam esse dicebat, quæ & flatus dissolui, & crassos tenacisque humores vacuandos sperabat. Alius vini Absinthitis vsum consiluit. Alter, aquæ aluminosæ potum per interualla assumendum, præstantissimum esse asseruit. Ego cum calorem natium flaccidum, & ex longo morbo, quo antea fuerat oppressus, debilitatum, ex cuius imbecillitate nimia, simulque hepatis caliditate, omnium symptomatum varietas oriebatur, inspicerem, in roborando innato calore, discutendiisque flaribus melancholicis insisto, sicque ad generosum auxilium descendendo, quod ab Indis, & Chinenibus *Cachunde*, hoc est roborans, appellatur. Non pertransierat mensis post assumptam antidotum, quando omnium malorum dira sæuities conquieuit.

Sed quoniam de hoc Indico medicamento, nec aromatum diligentissimi scriptores, nec peritissimi iuniores quicquam memoriæ commendarunt, eius compositionem summo labore comparatam, & à Medicis, qui Proregum Orientalis Indiæ, aliorumque Principum per plures annos curam gessere, receptam, hoc loco palam facere operæ pretium duxi, quæ est huiusmodi.

*℥. Terra Cimolia, aut alterius luti optimi, lb. ij. Ambari lib. i. Muschi, & Gallia an. ℥iij. Ligni Aloës optimi (Lusitani calambucum vocat) ℥x. Margaritar. preparat. ℥iij. rubin. sinaragdi. granator. Hyacinthor. preparat. an. ℥iij. Santalor. rubeor. lb. iij. Santalor. citrinor. ℥iij. Masthic. calam. aromat. galang. cinnamom. Aloës lora cum succo ros. Rhab. elect. myrobalanor. Indor. chebul. belleric. absinth. coral. rubri, boli armæ. an. ℥ij. folior. auri ℥j. lapidis Belzæar. ℥xx. serici vsti ℥viij. Eboris vsti lb. iij. Puluerisanda pulueriscentur tenuissimè, irroratæque cū balsami, vini odoriferi, & aq. flor. cinnamom. guttulis, exiccentur ad umbram: & deinceps excipiantur cum sacchari purissimi, & albiissimi sufficiente quantitate, & cum gummi tragacanthi, & Arabici mucilagine, omnia malaxentur, quouique fiat lutum tenacissimum, viscidissimum, & valde rubrum.*

Ex hoc (sicut ex porcellanis fieri solet) variz figuræ construuntur, quas Mercatores in varias mundi plagas, præcipuè verò Olyssipponem, eraporium totius orbis celeberrimum, conuehere solent. Hac antidoto vtuntur Principes Indiæ, & Chineses Magnates in hunc modum. Frustulum parvissimum lentis magnitudine in ore interdum retinere solent. Liquor emanat dulcissimus, odoriferus, & sensum, ac sine sensu, vt è saccharo candido, per fauces in stomachum stillat, adeò suavis, ac fragrans, vt eius iucundum odorem vel adstantes etiam perferant. Medicamentum cerre dignum, quod Reges, Illustrésque omnes ad natui caloris symmetriam conseruandam perpetuò in ore gestent.

Nam corpus à corruptione præseruat & tuetur, ne à pestifero aëre obledatur. Melancholiæ, & flaribus discutendis confert eximie, & affectibus melancholicis mirabiliter succurrit. Cor tremulum firmat. Cardiacæ, morbo attonito & epilepsiæ medetur. Spiritus animales, viralesque recreat, facultates omnes roborat, ventriculum vigorat Venenis omnibus auxiliatur. Cerebrum firmat, & aduersus oris fetorem vnicum est subsidium. Demum ad Venerem incitat, & genitalem vim robustiorem efficit, quapropter vtrique sexui in India est vstatissimum. Deni-

que est medicamentum Regium; nam vitam producit mortemque retardat: & sic multo venundatur pretio. Vtere eo, & miraberis effectum.

Sileo quàm plurima auxilia, quæ aduersus melancholiam ab omnibus proponuntur. Sæpe fuit, de iis quæ celebriora apud auctores sunt, & magis controuersa, paucula quædam prælibare. Nam melancholiæ conferunt Melissa, flores cordiales, Ozymum flumiale, lingua bouis, scorzone, de qua mirabilia refert Monardus *proprio libel. de scorzone vi eximia*. Argentum, rosa, sericum, santala, aloë, agari, cum, epithymum, corallum, ebur, coriandrum, camphora, crocus, doronicum, charabe, lapis Armenus, myrobalani, lignum aloës, Lilium, lapis Lazuli, Malum granatum, Moschus, Ambra, Gallia, Mentha, Zedoaria. Composita sunt Theriaca, Mithridatium, confectio hyacinthor. Alchermes, electuarium lætificans, quod sub Galeni nomine circumfertur, electuarium de gemmis, lætificans Rasis, Diambra, diamargariton frigidum, diamolschum, electuariū Regium Mesuës, & siquæ aliæ ab auctoribus confectioes cordiales pro propullanda melancholia describuntur, quorum catalogum legat, qui velit apud Mercat. *lib. i. de morb. internis, cap. 17.*

## HISTORIA XXXVII. TRALLIANI, De Melancholia.

### Melancholicæ mulieris Historia mira.

**E**Go mulierem vidi quæ ea\* imaginatione vexabatur, ut medium manus suæ digitum constringeret, tanquàm in ipso totum gestaret orbem. Plorabat autem illa quoque, verita nequando digitum suum in se cerneret, & totus orbis corrueret, omnia statim intrerent, &c. Trallianus lib. i. cap. vlc.

### P A R A P H R A S I S.

**P**Rodigiosa sunt historia, quæ de melancholicis, ab auctoribus circumferuntur. Narrat Gal. *lib. 3. de loc. 7.* quendam fuisse, qui testam se factum putauit: atque idcirco obuiantibus cedebat, ne collideretur. Alter gallos cantare audiens, & hi alarum ante cantum, sic ille brachiorum applausu latere quatiens, animantium sonum imitatus est. Fuit alter, timens ne Athlas, qui mundum sustinere dicitur, grauatus sub tanto onere, ipsum à se excuteret, atque ipse cum illo collideretur. Aëtius *reirab. 2. ferm. 2. cap. 9.* refert, Philodorum Medicum, quendam qui sibi caput amputatum esse putabat, curasse imposito repente capiti ipsius plumbeo pileo. Trall. hoc loco narrat, eundem Medicum curasse mulierem hoc pacto: quum putaret illa serpenter se deuorasse, vomitum medicamento citauit, atque in id quod reiectum fuit, paruam bestiam per omnia imaginationi illius similem imposuit: qua visa sanata est mulier. Aræteus *lib. 1. de caus. & sign. diutur. morb. cap. 6.* firmat, Carpentarium quendam in loco, vbi cum aliis operatoribus versabatur, mente constare; vbi verò instrumenta deponebat, & in forum descendebat, illico suspirare, & postea è seruorum, fabricæ, locique illius conspectu abeuntem, penitus in insaniam, & furorem rapi solitum; quod si ad eundem locum celeriter recurrisset, iterum ad se rediisset. Et licet Aræteus dicat hoc accidisse ex sympathia loci, & mentis Carpentarij quod non reprobamus: quum tamen melancholicorum infinitæ sint imaginationes, mirum non est, vt sicut melancholicus hunc cibum vitat, deuorato alio, sic in vno loco conquiescat amplius, quàm in alio. Hic ergo ob deprauatam imaginationem insaniat, quum extra locum illum morari contingeret: quare, egrediens furientis actiones edebat.

Alter quidam opinatus est ex vitro sibi conflatas clunes, sic vt omnia sua negotia, atque actiones stando perficeret, metuens ne si in sedile se inclinaret, nates confringeret, ac vitri fragmenta hinc inde dissilirent, vt tradit Leuin. Lemn. *lib. 2. cap. 6. de complex.* Refert vnius historiam Auenzoar. *lib. 1. Theiz. tract. 9. cap. 9.* Qui cum probus esset, armis minabatur seruos, vt farinam in putrem iniice

iniicerent, & pedibus malaxarent, & facerent placentulas : A  
qui ligatus, deinde curatus est. Miræ sunt melancholicorum  
historiæ, quas latissimè referunt Schenkius lib. 3. ob-  
feruat. *de melancholia*, & Marcell. Donat. lib. 2. *de med. Hi-*  
*stor. mirab. cap. 1.* Quidam enim metuunt, tristantur, odio ha-  
bent homines, illachrymant, lugent, rident, deserta loca ap-  
petunt, teste Theodor. Prisc. lib. 2. *cap. 5.* Sic alij varias fin-  
gunt figuras, & imaginationis varios componunt modos.  
Quidam inferni pœnas se luere putant, & se condemnatos  
esse conclamant: Alij phreniticis similes sunt, torpent alij,  
mortem sibi inferunt, horrent, loqui putant cum Angelis,  
fingunt se esse Reges, & Imperatores, paupertatem me-  
tuunt ditissimi cum sint murmurant, cantillant, cum Dæ-  
mone loqui putant: Denique quispiam id exequitur ma-  
nus, quod dum sanus erat, exercebat. Nam qui amoris le-  
nociniis erat irretitus, perditè amat; alius se numine affla-  
tum existimat; quidam futura prædicat, & alieno sermone B  
loquitur; alius de acquirèdis nummis cogitat perpetuò; &  
alij mille monstra fingunt, & meras nugas, quæ ad corporis  
dispositionem, & studium quo quispiam antea maximè  
delectabatur, sunt referendæ. Demum morbus hic omni-  
uarius est, & non facillè enumerabilis. De quo si faceras hi-  
storias audire vis, lege præter cæteros Marcum Gattina-  
riam, Vallesc. Tarent. *Aggregat. in cap. de melancholia.* Ioan.  
Gerson. lib. *de passionib. anim.* Conciliat. *dis. 179.* Hieronym.  
Magiū lib. 4. *Miscellan. c. 12.* Gentil. *in extranag. quaest. 55.*  
Andream Laurent. lib. 1. *de melanch. c. 7.* Thomam Fienum  
*prop. lib. de vir. imaginat.* Quomodo autem hi possint alieno  
sermone loqui, & futura prædicere, ex veterum, & recen-  
tiorum mente Carreus *ad cap. 7. lib. 1. de loc. affect.* Gal.  
*disp. 7.* disputat eloquentissimè.

### Observatio XXXVIII.

*Melancholicus se algidum perpetuò existimans,  
miro ingenio curatus.*

Q Vidam in vanam incidit imaginationem, ut se frige-  
re perpetuò arbitraretur, sicque ardente Sirio, ad  
ignem continuò accedens, calefieri non posse prædicabat,  
nisi toro corpore ureretur. Quumque clam furtimque ter  
in ignem se projiceret; tandem vinctus catenis, sedens  
semper iuxta ignem, hac miserabili imaginatione detentus,  
diem noctemque insomnis ducebat. Pro cuius curatione  
(quum irrita essent amicorum, & Medicorum consilia) hoc  
sum machinatus auxilium. Eum à capite usque ad pedes  
summos pelle lanigera cooperio, quæ aqua vitæ prius bene  
maduerat eumque sic vestitum, totum comburo. Accensa  
flamma, ipse per dimidiæ horæ spatium conflagrans, & ex-  
ardescens, saltu, tripudiis lætabatur, ut illicò se sanum; &  
nimis calidum esse exclamaret, sicque deposita hac imagi-  
natione intra paucos dies sanus euasit.

### Observatio XXXIX.

*Melancholicus artificio curatus.*

Nobilis quidam Lusitanus, iuuenis, gracilis, hirsutus,  
niger, cogitabundus, & tristis, sponte, nullòque præ-  
cedente affectu, in eam incidit melancholicam imagina-  
tionem, ut peccata sua nunquam à Deo esse remittendâ  
côtinuò exclamaret: cumque in hoc agone mœstus, & ma-  
cilentus octo mensium spatio perseveraret; nullumque ex  
muliercularum auxiliis, quæ ipsum ligatum, & pessimarum  
fœminarum præstigiis, incantamentisque irretitum prædi-  
cabant acciperet iudamentum, Medicos conuocat, eosque  
obnixè precatur, ut tantis malis excogitarent auxilia, quo-  
rum beneficio peccata à Deo soluenda fore sperabat; in  
hoc enim salutis iux cardinem situm esse alta voce adstan-  
tibus, interdum nocturne inculcat. Sin minùs, cum dæmo-  
ne, quem quotidie alloquebatur, vitam æternam in medijs  
inferni pœnis transacturum se affirmat. Consulti Medici  
de huius morbi causa, auxiliisque disputantes, in eam vna-  
nimes conuenerunt sententiam, ut sæpius melanagogis  
purgato corpore, hiudinibus ano appositis, balnea, (affixis  
prius in crucibus fontanellis) adhiberent, & alia experien-  
Lib. I.

tur auxilia, quæ ad insomnium, maciem, tristitiam, facitari  
solent; nec contempnere confabulationes, salubria amico-  
rum consilia, ludos, & alia quæ animum eius, variis imagi-  
nationibus distractum, possent demulcere. At nos, visis his  
prudenter, incassum tamen celebratis, alio artificioso præ-  
sidio vsi sumus. Nec irritum fuit consilium. Nam cubiculo  
rectè clauibus occluso, intempesta nocte, in lecto, detractis  
prius regulis, Angelus artificialis apparuit, dextera gla-  
dium, læua accensam facem ostentans, qui sic eum ter suo  
nomine vocat, (retro enim homo erat exili voce sermo-  
nem pronuncians) quo audito, illicò ille è lectulo surgit,  
Angelum facie decorum, aspectu pulchrum, simplici alba  
veste ornatum circumspiciens, humi prostratus adorat, il-  
lius sermoni vehementer intentus. Qui scelera & peccata  
omnia, quæque in vita sua perpetraverat, Omnipotentis  
misericordia esse remissa illi denunciat. Et sic extincta face  
nil ampliùs locutus recessit. Ille lætabundus ostium ru-  
multuosè ferit. Adsunt affines, historiam narrat. Antelucano  
tempore vocantur Medici, quos hilari excipit vultu.  
Gratulantur illi, iustum eum appellantes. Edere incipit,  
dormit, & sani hominis munia exequutus, nullum ampliùs  
malum persensit. Melancholici ergo, si arte curari non pos-  
sunt, industria, & fallacis opus est, quibus sanari experien-  
tia confirmat.

### COMMENTARIUM.

I *Maginatione vexabatur.* In melancholia lædi solùm ima-  
ginationem ex doctrina Gal. lib. 2. *de caus. symp. 7.* Actij  
*tetrab. 2. serm. 2. cap. 9.* Paul. lib. 1. *cap. 12.* & aliorum probat  
C Altimarus lib. *de curand. hum. corp. mal. cap. 7.* Sed cur solùm  
lædatur, pauci explicarunt. Respondent quidam, humores  
melancholicos suapte natura omnibus nostri corporis  
partibus infensos, facillè in anteriorem cerebri partem, in  
qua imaginationem vigere asserunt auctores, decumbere,  
quòd hæc, cæteris alijs cerebri partibus sit ignobilior, &  
debilior. ex Gal. 3. *de loc. 5. §.* *Spiritus animalis in cerebri vè-*  
*tricularis, maximèque in posteriori continetur, quamvis non con-*  
*temnendus sit medius, proinde quasi non sit nobilissimus, mul-*  
*tis enim rationibus adducimur ut hunc amplectamur, duos*  
*verò anteriores deseramus, &c.* Et lib. 7. *de placit. cap. 7.*  
*§.* *Postremi quidem vulnus maximè animal ladit, secundo*  
*loco medij, minima ex anterioribus virisque noxa contrahi-*  
*tur, &c.*

Non placet solutio. Nec enim partium cerebri nobili-  
tas ex ventriculorum pendet nobilitate. Hi enim non at-  
tendunt ad proprias, & peculiare harum partium consti-  
tutiones, facultates, vsus, & vtilitatem, quarum ratione illæ  
nobiles, aut ignobiles extitere: Quomodo namque fieri  
potest, ut cerebrum, facultatis animalis principium, ex  
D Gal. 7. *meth. ult. & 2. ad Glauc. 2.* facultatūque rectorum  
sedes, quarum ratione reliquis nobilior existit, à ventri-  
culis suam nobilitatem, & præstantiam desumat; quo-  
rum vsus, vtilitas, actio quàm diuersa sit à cerebri actio-  
nibus, quàmque inferior, ambigit nemo, quibus, ipsi  
cerebro famulantur. Anteriores namque duo ventriculi  
inspirationem, expirationem, afflationemque efficiunt,  
conficiuntque ac præparant ipsi cerebro spiritum anima-  
lem, docente Gal. 8. *de usu part. cap. 10.* Quare nec anterior  
nobilior erit media, nec hæc posterior: Si enim hoc esset  
verum, prædicti ventriculi de principatu partium possent  
E meritò decerrare.

Deinde. Dici non potest prædictam partem imbecillio-  
rem extitisse. Nam vel illa imbecillitas est naturalis, à pri-  
mordiis generationis ex intentione naturæ acquisita, vel  
aliqua occasione contracta. Illud à natura, quæ frustra non  
solet operari, fieri non potuit, quia sic reliquæ cerebri par-  
tes in illam suas deponerent superfluitates, quum vnaquæ-  
que naturale habeat robur, quod id quod superfluum est  
transmittit: quo fit, ut si aliqua particula, à natura imbecil-  
lior fuerit reddita, in hanc omnes superfluitates confluere  
sit necesse, sic Magistro docente, 3. *de facultat. nat. 13.* Ex  
quo perpetua dabitur imaginationi hallucinandi occasio,  
frustraque natura, tot excretioni superfluitatum cerebri  
organa machinaretur, declives videlicet cerebri meatus,

tum per palatum in os, tum per corpus narium conspicuis orificiis, quibus sensibilia, ac crassa eructat excrementa, ex Gal. 9. de usu part. 1. Alterum etiam ductum, ex fundo videlicet medij cerebri: Alterum à meatu qui cerebrum cerebello connectit; peluim denique ac infundibulum, hos ductus excipientia: frustra demum loca illa, quæ retrò aures sunt, cerebri emunctoria, expurgationi cerebri dicata, ex Hipp. 6. aph. 10. fabricassent.

Non debuit ergo sagacissima natura partem anteriorem cerebri debiliorem efficere, ne vehementi humorum fluxu, non solum ab aliis, sed à toto corpore tentaretur, præcipue quum caput sit veluti rectum domus calidæ, omnibus corporis partibus superpositum, ex Gal. 9. de usu part. cit. Si tamen hæc debilitas ex aliqua occasione sit contracta, quod etiam aliis partibus commune est, ut patet in memoria deperdita, & catalepsi, tunc concedi potest, humores nocuos magis hanc partem affecturos, ipsius meatus, porositates, ventriculos occupando, ut doctè insinuat Gal. 4. de loc. 2. §. Quod si anterior pars cerebri fuerit affecta, supremum ipsius ventrem ei consentire necesse est, atque cogitandi actiones visitari, &c. Ex hoc non colligas, reliquum cerebri corpus in melancholia non affici intemperie, quum humor anteriorem illius partem obsidens, alteratione per continuum facta, reliquum afficere valeat. Ultimò. Si Auic. doctrina 1. 3. tract. 4. cap. 18. standum est, docentis melancholiam oriri posse ex malitia complexionis frigidæ, & sicæ sine materia, permutante substantiam cerebri, & complexionem spiritus luminosi ad tenebras, nihil faciet prædicta imbecillitas, ad hoc ut magis anterior cerebri pars, quàm reliqua afficiatur, quum non sit materia quæ confluere possit.

Dic tu. Anteriorem cerebri partem, in qua residet imaginatio, reliquis esse capacior, ex Gal. 8. de usu part. 11. & 12. Quoniam materiales magis substantias recipit, hoc est, spiritum crassiorum continet, ut notat Andr. Laurent. lib. 10. hist. Anatom. c. 10. qui similitudine humoris melancholici magis deturpatus, consequenter imaginationem, cui famulatur, lædit, & inquinat.

Sed si ex mente Gal. in melancholia læditur imaginatio, cur dicit Auic. loc. cit. melancholiam esse mutationem æstimationum & cogitationum: dubium est gravissimum, à quo te extricabis si dicas, hoc ita pronunciari ab Auic. propter maximam varietatem sententiarum, de numero, officio, ac nominibus sensuum interiorum, ita ut multoties vna potentia pro alia accipiat, quo pacto fecit Gal. qui cum lib. de diff. sympt. cap. 3. tres constituerit internas facultates, imaginationem videlicet, rationem, & memoriam, 4. de loc. cit. pro imaginatione, cogitationem accepit, ut ex verbis suprâ relatis constat, quam in parte anteriori constituit, in qua imaginationem consistere, liquet manifestè. Si verò plura de vi, & efficacia imaginationis scire affectas, Lege Matthæum Villan. lib. 5. hist. cap. 52. Gaudentium Merulam lib. 4. memorab. 18. Themist. lib. 3. de anim. 68. Algazar. cit. à Gentil. in com. c. 14. 11. 3. doct. 1. Plutarch. 5. de plac. Philos. 12. Albert. Magn. lib. 9. de nat. anim. 7. Ioann. Camaram Bushemant. lib. 2. de reptil. bibl. cap. 4. Alexand. Alenf. 2. part. quæst. 89. memb. 4. Iuuenal. Satyr. 6. Abulens. in cap. 30. Genes. Bartol. & Bald. in l. Gal. ff. de liber. & posthum. Henric. Gandauens. in suis quodlibet. Thadæum Flor. in com. ad Isagog. Ioannis. Masseum Vegium lib. 2. de educat. lib. 9. Iacob Forliu. 3. ars. med. quæst. 11. & alios, qui de imaginatricis facultatibus mirabilia exempla proponunt, & nos aliqua memorabilia proponemus lib. 3. in com. hist. 12.

## HISTORIA XXXVIII. RASIS,

### De Melancholia.

Molancholia antiqua, Radice Bryoniæ curata.

Quidam Medicus narrauit mihi, quod quadam mulier consanguinea sua, passa est fortem permixtionem an-

quam cum dolore magno, & fuit curata à multis Medicis, & non potuit liberari. Demum sumpsit \* per aliquot dies de radice vitis alba, & conualuit, &c. Rasis lib. 1. cont. tract. 18. cap. 2.

## P A R A P H R A S I S.

PER permixtionem, intelligendam esse permixtionem rationis, quam delirium Medici vocant, testis est locupletissimus Auic. 1. 3. tract. 4. cap. 8. 9. 11. & 12. à quo hunc modum loquendi accepit hic auctor: definiturque à Gal. lib. 2. de caus. sympt. vli. & lib. de diff. sympt. 3. ad fin. quod sit error, seu motus deprauatus principum facultatum. Delirium aut est cum febris, vel citra ipsam; de hoc præsens historia venit intelligenda; quod si cum febris eueniat, acutissimus est affectus, (phrenitum vocant) ex Gal. 1. Epid. sect. 3. com. 1. & l. 3. eiusd. sect. 3. com. 75. & Auic. 1. 3. tract. 3. cap. 2. ad fin. Cum autem triplex sit delirium sine febris, melancholicum, lycanthropicum, & maniacum, de hoc exponendum esse auctorem, patet, tum quoniam habuit forte, dolore cum magno, delirium, quæ omnia ab humore melancholico, aut flaua bile præstatis originem ducunt, si fides est adhibenda Gal. 2. de caus. sympt. cit. & 3. de loc. 7. & 6. Aph. 53. & 56. Quod deliramenti genus ferox quidem, & ferinum, ab aliis furor, seu insania dictum, periculosum est, & valde exitiale, utpote iurgiis, clamoribus, iracundia, rixa, horrido aspectu, fortiori corporis impetu, vehementiori mentis perturbatione laborantes exercens.

Sæpissimè diu, & importunè lacessit hoc vitium, & nullis præsidii succumbens sine intermissione affligit, & vigiliis, atque fastidio, seu potius alimenti odio, corpus macerat, cruciat, & contabefacit. Antequam ergo hoc irreparabile damnum, prostratis iam viribus, contingere possit, humorem peccantem expurgare oportet. Sed cum hæc ægra à pluribus Medicis, & omni medicamentorum genere curata, sanitatem obtinere non posset, ad fortiora deuenire cœgit necessitas, in quorum albo vitem albam (Bryoniā vocant officinā) esse numerandam censent cum Dioscorid. eius interpretes lib. 4. cap. 182. Calida enim quæ sit in tertio gradu, generosissima pollet purgandi vi, quæ non modò pituitolos, sed aquosos humores vacuare potest: siue radice succum, aut eius decoctum propines. Qua de causa hydropicis, comitialibus, vertiginosis, melancholicis, & aliis affectibus à crasso, terrestrique succo subortis, miro est auxilio: de cuius viribus & facultate plura literis consignauit Iacobus Theodoretus Taberisæmontanus, præp. c. de Bryonia.

## D V B I V M XXII.

Num vacuatio per epicrasin sit utilis.

## COMMENTARIUM.

PER aliquot dies.] De vacatione paulatina nobis est hoc loco paulisper agendum, de qua extat latissima Gal. doctrina. Nam 12. meth. 7. in homine, præsertim debili, & dolore iamdiu vexato non ausus est, nisi parcè, & ex intervallicis vacationem exercere; quoniam si in virium debiliū præsentia, subito & confestim eam moliamur, in maius periculum ægrum ducemus: Oportet ergo moderatè expurgare, & pauculo interposito tempore vires reficere, sic docente Gal. lib. 9. meth. c. 10. Quæ vacuatio constat, paulatina vacatione inutilis, & paulatina refectione eius quod vtile est, & secundum naturam; præcipuumque locum habet, quando cum virium imbecillitate humorū corruptio coniungitur: quoniam, quod alienum à natura est, vel venæ sectione, vel purgatione auferendum est. Verum non tolerant imbecilles vires, quia, quod affectus remedium est, id cum virtutis custodia pugnat: & quum indicationes sibi inuicè aduersentur, ne incurabilis affectus relinquatur, debet hæc curatio, licet ægrè, & longò temporis spatio celebrari.

Hanc curationem instituendam esse docet Auic. 4. 1. cap. 20. propè princ. §. Et cum alicuius malus sanguis fuerit paucus, aut declinauerit ad membrum aliquod, quod eius declinatio vehementer impedit, & fuerit necessarium, ut ipse

minuatur.



minuatur, ex eius sanguine parum erit assumendum, & cibo bono erit alendus, deinde erit minuendus iterum post dies, propterea ut malus sanguis ab eo extrahatur, & bonus restitueretur, &c. Et infra, quum ait. Cum autem phlebotomia necessaria fuerit cum debilitate virtutis, causa febris, aut aliorum humorum, partire phlebotomiam, sicut prädiximus, &c. Quo pacto quum vires sunt inualidæ, & non possunt auxiliorum vim, aut aliam subito factam vacationem tolerare, tunc paulatim vitiosum oportet vacuare, & paulatim inuicem, quod salubre est pro eo reponere. Similem curationem instituit Gal. lib. 5. meth. cap. 14. in acri ad pulmonem distillatione, dum sic ait. Caterum de mittendo sanguine scire illud licet, quicumque parum habere sanguinis videbuntur, iis ad quemlibet succum probiorem, sicut prädixi, reductis, deirahere sanguinem poteris, tunc rursus reficere, demumque si res suadet, sanguinem mittere, præsertim, quibus veluti limus quidam vitiosus, & crassus totus est sanguis, & qui validi sunt, multique sanguinis, statim iis à principio sanguis est deirahendus.

Hunc curandi modum insinuant etiam Hipp. lib. 3. de morb. num. 17. 5. Quum autem vacuatus fuerit, & corpore debilis, infernam aluum tertio quoque die deorsum comoueto, quo & corpus potens sit, & superne regiones humoris exortas, &c. & lib. 2. aph. 36. dicens. Qui sanitate corporis fruuntur, medicamenta purgatoria assumentes dissoluuntur, & qui prastantur cibo, &c. Hi enim quum vitiosis, & corruptis humoribus scateant, viribus non constant, & sic copiose vacuari non debent, sed indigent paulatina vacatione, & paulatina refectione. Quæ doctrina etiam locum habet, ut docet Gal. in com. in iis, in quibus prauorum humorum datur abundantia, non ex prauo victu, sed ob prauam viscerum dispositionem contracta, ut docet Gal. 4. de sanit. tuend. cap. 4. Hoc modo in patientibus morbum Gallicum, in quibus tota sanguinis massa est inquinata, spurcæque labe fœdata, copiosas non possumus exercere vacationes, quoniam in tanta humorum copia vires haudquaquam possunt esse valentes. Simili modo curandi sunt ij, qui ob habituales partium intemperiem, prauos succos acernare consueverunt, de quorum numero sunt scabiosi, pruriginosi, vlcera, pustulas, & alios cutaneos affectus patientes: qui omnes per epicrasin sunt curandi: nam vacationibus copiose factis dissoluuntur. De quo argumento lege Ludou. Mercat. lib. 1. indicat. 8.

Exercenda etiam hæc curatio est, quando humores sunt crassi, lenti, & visceri, qui, quum nec validissimis medicamentis semel extrahi possint, paulatim sunt coquendi, incidendi, & extenuandi, & paulatim vacuandi. Sic enim viribus præcauemus, quæ diutius cum morbo sunt pugnantur. Quare parum, & sæpe vacuare debemus. Sic Auic. 1. 4. tract. 2. cap. 5. de cura phlegmatica periodica, hanc curationem exercendam monet, cum inquit, Ego verò non diligo nisi expectationem digestionis, & lenificationem cum iis, qua diximus prius, immò oportet ut vacuetur ex ea aliquid, & expectetur in reliqua usque quò digeratur, & fiat illud cum facilitate paulatim absque superfluitate, &c. Quod accepit à Trall. lib. 1. 2. c. de quotidiana. In his ergo morbis pituitosis, & melancholicis curatio est instituenda per medicamentum forte, debile, ut ait Auic. 1. 4. tract. 2. cap. 7. forte, quoniam humor pertinax, & crassus non cedit medicamento benigno ex natura, debile, quia in parua quantitate humor est expurgandus. Sic celebranda est hæc curatio in capitis, pulmonis, & thoracis affectibus, in articulorum morbis, in inueteratis obstructionibus, & in aliis diuturnis vitiis, quoniam tutò, & citra facultatum dispendium, quod in penitioribus abditum est, ac infarctum, facile exhauritur. Sic in debilibus, conualescentibus, in iis in quibus recidiuum, aut animi deliquium veremur, cumulata, vniuersimque facta vacatione vti non licet, sed paulatim, & partitè vacationes moliri oportet.

Habet etiam locum curatio ista in materialibus partium principum morbis, quoniam quum membra principalia sint principia alicuius virtutis, cuius actio toti necessaria est, confestim, & subito non est vacuandus humor, ne harum partium robur dissolui possit. Solet etiam hæc curatio administrari, quando medicamenta purgantia per

Lib. 1.

A internalla adhibentur, & diebus intermediis vires reficiuntur, vel quando diebus continuis exhibentur, ita ut modicè aluum deiciant: Rectè ergo Rasis hic fecisse arbitraberis, si exhibita per aliquot dies radice vitis albæ, melancholiam persanauerit, sequutus Dioscorid. lib. 4. cap. 182. cit. de vit. alb. qui ad curandam vertiginem, epilepsiam, & vteri strangulatum, optimum ait esse auxilium, per totum annum, singulis diebus puluerem radices bryoniæ assumere. De qua curatione, vide elegantissimum Matthiol. lib. 3. epist. 19.

Percontaberis, & meritò sanè, cur expertissimus Rasis, in hoc morbo propinet medicamentum tantopere calidum & siccum, & violenter potentissimèque expurgans, ac validam naturæ vim inferens, si humor melancholicus exustus, acris, & mordax, humidis, & non siccis curari, & vacuari debet, ex Gal. 3. de loc. 7. Dic, quòd quando affectus leuibus auxiliis non succumbit, fortibus est debellandus; nam tunc à leuibus inchoare præsidii est inutile: licet enim siccitate suæ humorem melancholicum exasperare possit, hæc noxa, vacuato prauo humore facillè redimitur, ut scitè lib. 1. aph. 24. protulit Gal. Sic in hunc vsum varià ex elleboro, turpeto, stybio, & aliis fortissimis medicamentis, ad hunc pertinacem humorem vacuandum auxilia, multiplici lege confecta parari solent, quæ si propinare verearis ob dictam causam, in deterius ruet affectus, Maior ergo utilitas minore noxa est compensanda, quum nihil sit quod tam magnificè prosit, quod aliqua ex parte non noceat, ut docet monebat Magister lib. 1. 1. meth. cap. 1. 1.

## C HISTOR. XXXIX. GALENI, De Melancholia.

### Melancholia ex suppressis hæmorrhoidibus orta, annua vacatione curata.

V Elut quidam singulis annis incidit in melancholiam nisi purgetur? & est res mira, quomodo morbo iam inchoante, statim homo presentis primam eius generationem: & me aduocato, purgatis humoribus attris, cesset protinus melancholia: huic homini ex purgatione duo hæc optima enueniunt; quòd & superfluitates expelluntur, & quòd ex acritudine eorum, qua excernuntur, parumper aperitur os vene, quam hæmorrhoida vocant, per quam excernitur pars aliqua sanguinis vitiosi cõsueti vacuari: quo reieto superuenit melancholia. Purgò igitur ipsū \* non solum vere, \* sed etiam autumnò; nam si ex contemptu purgationem aliquando omiserit, & morbum non anticipauerit, symptoma morbi persentis, &c. Galenus lib. 6. aph. 47.

D Cum essem Rome primum, vir quidam erat præclarus ac fortunatus L. Marius, qui quotannis incidere in melancholiam consueverat: Erat porro admirabile videre dementiam simul, & inscitiam ac temeritatem illorum Medicorum, quibus eo tempore cuncti principem locum tribuebant: Alij enim pituitosos, alij biliosos humores euacuabant. At Lucius cum nihil proficeret, nec meliusculum esse inciperet, ac de me esset ad ipsum perlatum, statim me aduocandum censuit, ut ego quoque & de origine, & de curatione morbi differerem. Ego verò accessi, & ex solo colore feci de noxio humore coniecturæ, ipsūque esse melancholicum cognoui. Itaque eum ipsum euacuavi, & statim Lucius est melancholia liberatus. Hoc præterea illi consilium dedi, ut singulis annis verno tempore, ac, si opus etiam fuisset, autumnò, idem faceret, &c. Galenus lib. 3. de humorib. com. 26.

## P A R A P H R A S I S.

D E ea parte, quæ à prouidendo, à Græcis prophylactice dicta est, agit hoc loco Gal. quæ absentium morborum causam tantum respicit: cuius quanta sit dignitas, præstantia, ac necessitas, nulli puto non manifestum. Huius enim sine mortales vitæ producant, & inculpara valetudine diu fruuntur, Maximè quum à primo ortu, ob multas causas inuitabiles ita deterior efficiatur salus, plurimis ægritudinum miseriis, ærumnisque obnoxia, ut absumpta laudabili

materia, parum superfit, quo calor foueri possit. Huius A enim artis beneficio, noxas ex sex non naturalium rerum ordine indebito contractas deuiare, & praesentem tueri sanitatem nobis est concessum.

Proponit ergo hominem, qui ex suppressis hæmorrhoidibus, sanguine fecali retento ad superas partes regurgitante, aut vapore suo terro eas inquinante, singulis annis incidebat in melancholiam. Nam vacuatio quæ fit per mariscas repetens per circuitus, non solum à melancholicis morbis, sed ab omnibus aliis præseruat: per has enim venas educendo sanguini melancholico destinatas, huius humoris sarcina expurgari solet, ex Hipp. 6. Epid. sect. 3. text. 37. Contrà tamen quando cessat, aut suppressitur sponte, aut præsidiiis adhibitis, corpora ad perniciosos morbos disponit, ex Hipp. cit. Epid. sect. 38. & lib. 6. Aph. 12. & alibi passim. Et si deinde recurrat, morbos ex suppressione earum subortos soluere solet, ex Hipp. 6. Aph. 11. & 21. Quare pro curanda melancholia hanc vacuationem summopere commendat, cuius vi, & vsu sæculentus atetque sanguis solet expurgari, ex Gal. 4. aph. 25. Nam, ut dicebat Hipp. 6. Epid. sect. 4. text. 40. Decubitus, & vacuationes quæ morbos futuros fieri prohibent, eosdè factos tollunt. Cum ergo corpus sanguine esset onustum melancholico, nigro, & crasso, sensum paulatimque progenitos, & genus venosum, patresque superiores illius copia turgent, præstantius fuit hunc purgatione, quàm saphænæ sectione, huic retentæ vacuationi valde proficua, ex Gal. lib. de curand. rat. per sang. mis. 19. vacuare, quoniam quum valde crassus sit, & in motu, commodius vacuatione facta per aluum eximitur medicamentis celebrata, melancholicum humorem vacuantibus. Posse autem hæc certos humores vacuare certum est. Legè quæ dicenda sunt lib. 2. in com. Histor. 115. Et maximè quum conuocatis acerbis humoribus ad aluum, venæ hæc tumeant, ex quibus sanguinis limosi quantitas effluere potest, quæ licet si mole parua, ratione tamen talis humoris vacuari, plurimum emolumentum præstare potest.

Si tamen fortè contingat, ut natura hoc auxilio leuata non sit, tutissimum est his venis hirudines, bis terve apponere; Nam præter quàm quòd Melancholici humoris sarcina deponitur, assuefit natura, ut crassum sanguinem ad has ignobiles, minùsque præcipuas partes emittere possit. Caue tamen ne mariscatum ora scalpello aperias, nam fistula remanet incurabilis, irreparabilisque sequitur sanguinis fluxus, (quidquid Franciscus Frissimellica aliter contendat apud Baptist. Theodol. epist. 27.) & alia non contemnenda pericula subsequuntur. Hoc facto auxilio, nempe apertis his venis cum phlebotomo, mortuum fuisse. D. Dominum Joannem Austriacum, Principem Potentissimum, Caroli Quinti Imperatoris filium, refert Dionysius Daza Hispanus in suo lib. 3. de apostemat. cap. 188. Qui ad cæcarum hæmorrhoidum dolorem dirum demulcendum, scalpello scissis his venis, largo sequuto sanguinis fluxu, in manibus Medicorum infortunatè occubuit.

## Observatio XL.

*Iuuenis suppressis hæmorrhoidibus melancholia laborans, his venis apertis scalpello, illicò citata hæmorrhagia emoritur.*

Robustus quidam iuuenis, melancholia ex suppressis hæmorrhoidibus orta laborans, plurima expertus fuerat auxilia, ex quibus vix leuamen senserat; Medicorum consilio hirudines ter ani venis applicandas curat, sed incassum. Chirurgi tamen consilio, (ut sanguis crassus purgaretur promptius) has venas aperit lanceola. Sed quo euentu audi. Vix sectione facta tantum sanguinis emanauit effluuium, ut nullis vnquam auxiliis, nec cauterio sisti posset, sed sanguine nimium fluente, viribusque exhaustis, exanimis æger occubuerit.

## D V B I V M XXIII.

*Num vere præcautiora vacuatio celebranda.*

### COMMENTARIUM.

Non solum vere.] Præcautioriam vacuationem verno tempore celebrandam, suadet hic, & lib. de curand. rat. per sang. mis. cap. 7. hanc sententiam experimento fulcis, exemplis roborat, & ratione defendit. Nam veris temperiem arguunt multa, auctore Magistro 3. de caus. puls. cap. 6. Status veris mediocris, calor moderatus, quo facultates sunt vegetiores, & instrumenta optimè valent: tunc enim corpora frigore non algent, nec calore languescunt, aut resoluuntur. Pulsus tunc sunt maximi, & vehementissimi, partes nostri corporis in mediocritate constitutæ conseruantur, roborantur, ac perficiuntur, auctore Gal. 3. aph. 9. Quare hoc tempore sanguis omnium humorum mitissimus, familiarissimùsque increfcit, & abundat, ex Hip. lib. 1. de nat. hum. 33. hoc ita esse, frequens sanguinis è naribus profluium manifestè demonstrat; quæ de causa morbi vernaes, & saluberrimi sunt, & inter omnes mitissimi, ex Gal. 3. aph. 20. quoniam in eo nulla excedit qualitas, lib. 1. de temp. 4. Maxima adest inter noctes, dièscque æqualitas, nam Sol non accedit sicut in æstate, cuius accessus est causa caloris; nec recedit sicut in hyeme, cuius recessus, frigoris solet esse causa.

Neque obstat quòd inter vernaes morbos plurimi acutissimi numerentur; quoniam id, ver ex natura sua non habet, cum tempus sit saluberrimum, sed ex accidenti. Si enim corpus sanum inuenit, inculpatis humoribus præditum, id in pristino statu conseruat; si tamen corpus vitiosis humoribus est onustum, tunc præ calore commouens, & liquefaciens, grauissimorum sæpe morborum est causa; in modum exercitationis, quæ licet ex natura sua saluberrima sit, si tamen intempestiue fiat, corpore malis succis repleto, quàm plurimis morbis præbet occasionem. Sic intelligendus est obscurus Hipp. contextus, 6. epid. sect. 7. text. 19. ver tabidis esse noxium pronunciantis: Nam hæc sententia, de prima veris parte est interpretanda, quæ tum ob inæqualitatem ab hyeme contractam, tum ob lentum calorem humores ex frigore præcedente, velut in latibulis concretos fundentem, tabidis valde est aduersa, quoniam pectoris humores liquefacit, & extenuat, ut firmat Haly 5. theoric. cap. 4.

## D V B I V M XXIV.

*Num autumnosiat pulsus vehementissimus, ut voluit Galenus. Contra Vallesium, Costæum, & Mercatum, Medicos eximios.*

Sed etiam autumnos.] Miror Gal. pluribus in locis, autumnum, tanquam tempus præcautioris vacuationibus aptissimum, laudantem, quum eius malitiam vbique ipse patefaciat. Nam eius inæqualitatem ostendunt plurima. In eo enim modò calor, modò frigus vigent, à quibus contrariis moribus, extra expanso, & intus reuocato calore, naturam summè imbecillitati fateretur Gal. 3. aph. 4. & 2. de caus. puls. 14. quibus locis inæqualitatem valde esse naturæ nostræ aduersam, & contrariam pronunciat. Insuper hoc tempore maxima fit in actiuis qualitatibus mutatio, vnde grauissimi morbi oriri solent. Sanguis quo facultates recreatur & gaudent, imminuitur, cum sit tempus vitæ principis, sua frigida sicca qualitate, omnino aduersum & repugnans, de cuius malitia sat plura congesse Cellus lib. 1. cap. 1. & Thomas à Veigal. 1. febr. com. cap. 4. qui ad omnes lethales morbos, immò ad pestem, tempus esse paratissimum cæterorum diligentissimè comprobarunt, quia est tempus intemperatum, & illius intemperamentum varium, 1. de temp. cap. 4. & Auic. 1. 1. doct. 2. cap. 3. vnde in illo eueniunt morbi periculosi, inconstantes, mali moris, & difficilis eradicationis, ex Hipp. 2. epid. sect. 1. parum post principium, & Balduinus Rondeus in cii. Cornel. cap. explicat. &

& confirmat. Dic. Autumnale tempus præcautioni morborum non esse absolute accommodatum : quoniam si morbus non vrget, ad commodius vernum tempus differenda curatio est. Si verò Gal. huic operi ut idoneum admittit, causa fuit, quòd in eo nec frigus sit intensum, nec calor tantus vrgeat, ut operationes lædere possit.

Sed si autumnus, tempus est inæquale, & insaluberrimum. Ex Hipp. & Gal. 3. aph. 9. & alibi sæpe, & sequitur æstare, ob quam vires sunt debiles, & instrumentum inobediens, cur 3. de caus. puls. cap. 5. Gal. affirmat, medio autumno pulsus esse maximos, & vehementissimos, quemadmodum medio vere : cuius auctoris sententiam multiplicibus telis oppugnant plurimi, commoti iis quæ de autumnal malitia supra retulimus. Auer. enim lib. 4. col. lig. 20. §. Et qui opinantur, quòd pulsus autumnus est similis pulsui veris, in fortitudine, frequentia, aut temperie, penitus errant, propterea quia in illo tempore vires sunt diminutæ propter paucum calorem spirituum: imò isto tempore est quasi similis senum virtuti, quia istud tempus, temporis senectutis assimilatur, &c. Et Vallesius 3. controu. 14. & lib. de pulsib. cap. 19. Gal. hominem sanè acutissimum, & in pulsum doctrina admirandum cauillari, & conuictis accusare, ac lacefferè non desistit. Sed immerito: nam eius rationes contra Galenum facillimè solui possunt: nam ex solùm probant pulsus autumnus non esse ita vehementem, sicut pulsus veris; neque enim Galenus fecit collationem ad reliqua tempora, sed simpliciter loquitur. Ioannes Costæus, & Paul. Mongius, doctissimi Auic. interpretes, in com. cap. 9. fen. 2. 1. doct. 3. loca proponunt; Sed ad tantam antinomiam, suam adicere expositionem veriti, eam intactam hoc pacto reliquerunt.

Lud. Mercat. lib. 2. de caus. puls. tract. 3. c. 19. affirmat. Gal. non fuisse loquutum absolute, sed cõparatione ad reliquas partes autumnus. In quo ipse etiam venit reprehendendus: nam quo magis autumnus accedit ad hyemem, magis participat de hyeme, ac proinde maius robur erit in fine, quàm in principio. Scio quid (frustra tamen) ratiocinentur Gentilis, & Iacobus de Forliuio supra cit. cap. Auic. Dicerem ego, solùm velle Gal. in celeritate, & crebritate esse autumnus moderatos pulsus, non verò in vehementia; clarissimum quippe erat, hoc esse aperte falsum: hoc enim tempus non ita est calidum, aut frigidum, sicut cætera, & ex pugnantia temperamentorum fit moderatus pulsus, ex Gal. 3. de pres. ex puls. c. 4. Si verò hoc modo Gal. interpretari non placeat, quo pacto secum consentiat, & ab aliis defendi possit, qui eius sensum peruertunt, & impugnant, haud facile intueor; si enim antiquorum dicta amice non receperimus, damnabimus, ex ipso, 2. de caus. symp. 5. Consule pro huius dubij solutione Ferdinandum Menam. lib. de pulsib. ad tyrones, cap. 12. Cuius, sicut & Vallesij, rationes explosumus lib. 5. in com. Histor. 27. quæst. 41.

## HISTORIA XL. GALENI, De Melancholia ex amore.

Ex amore admirabilis infania inducta,  
casuque cognita.

**V**ocatus ut inuiderem feminam noctu vigilantem, & ex una iacendi figura in aliam crebro se transferentem. Ut ipsam sine febre reperi, percontatus sum, quacunque sigillatim illi contigisse poterant, ob qua vigilias euenire scimus: illa autem vix, & interdum nihil respondebat, proinde atque frustra se interrogari significaret: demum auersa, stragulis adducta, se totam operuit, & quodam paruo velo supra caput adducto, in morem eorum qui dormire volunt, cubare cepit. Id videntis discessi, duorum alterum mecum ipse colligens, vel atra bilis vitio mulierem animi deiectione pati, vel rei quam fateri nollet, mæstitia laborare: quamobrem postero die tunc diligenter observare proposui; cum itaque accessissem, ex ancilla quæ ipsi assistebat comperi, fieri non posse, ut tunc agram dominam inuiderem: abij igitur, & deinde rediens, ut idem denuò com-

Aperi, tertio reuersus sum, & solus cum ancilla variis de rebus colloquutus, aperte mæstitia quadam laborare dominam, cognovi: quæ casu postea reperi, opinor quomodo Erasistrato quoque obrigit. Nam quum prius noscerem, nulla corporis parte mulierem affligi, verum animi molestia sanum quapiam perturbari, contigit, ut quo tempore feminam inuiderem, istud ipsum quod esse suspicabar, mihi confirmaretur: Nam quidam è theatro quum venisset, & narraisset se Pyladem saltantem conspexisse, statim mulieris vultus, & faciei color immutatus est; quod cum viderem, brachio manum statim admoni, subitoque pulsus variis modis agitarum inueni; id quod animi perturbati indicium est: talem enim pulsus, & qui de aliqua re certat, habere solent. Quocirca sequenti die cuipiam ex his qui me sequebantur præcepi, ut cum ad mulierem venissem, me parum post subsequeretur, nunciaretque Morphum eo die saltasse, quod cum fecisset, nullam in pulsu mutatione obseruauit: Sequenti die quum inuissem, ut idem annuntiaret Histrionem, qui ex tribus reliquis erat, saltasse, similiter pulsus non se mutauit. Quarto die quum ad multam noctem de industria expectassem, ubi renunciaturus esset Pyladem saltasse, diligenter annotavi pulsus variis modis subsaltasse. Atque ita mulierem Pyladis amore captam deprehendi, &c. Galen. in lib. de præcognit. ad Posthū. cap. 6. Arateus lib. 1. de caus. & signis diuturnor. morbor. cap. 5.

### PARAPHRASIS.

**S**agacissimo ingenio, mirabilique prudentia est descripta Historia hæc. Qua, miro artificio feminam hanc amore captam inuenisse narrat, eamque, ut vidisti, festiuissimè delineat. Si de amore, mirabili in hominum animis affectu, quidquid scribere tentarem, prius animus deficiet, quàm eius fascinum, & illaqueationes varias ad viuum depingere possim. Præsertim quum eius multiplicia blandimenta, irritamenta inaudita, amoris vulgaris in infanum conuersionem, signa, prælagia, & curationem inter tantos graphicè explicauerint Plot. Aeneid. 3. lib. 5. cap. 4. de amore. Plato in conuiuium de amore, & in Phædro, & eius nunquam satis laudatus interpres Ficinus in com. ad conuiuium. Lucret. Medicus & Poëta celeberrimus lib. 4. de natur. rer. Virgil. lib. 4. Aeneid. fascinatæ Didonis ab amore modum explicans. Ouid. elegantif. lib. 1. de art. amand. Repetunt Auic. l. 3. tract. 4. cap. 23. Haly 9. theoric. cap. 3. Alzaharaius lib. præf. sect. 2. cap. 17. Paul. lib. 3. cap. 17. Niculus ferm. 3. tract. 11. sum. 5. cap. 9. Leonus Lunenf. lib. 2. sect. 1. cap. 11. Langius lib. 1. epist. 24. Forest. lib. 10. obseruat. 29. & 30. & Carerius cap. 4. ad libros Gal. de loc. affect. disput. 14. satis ingenuè explicuit.

Ex quibus tibi clarissimè fiet manifestum, quæ læuissimi huius pathematis signa sint, quis pulsus, quem amatorum vulgo appellat, ex Gal. 1. prog. 8. Huius amantis mulieris verba faciens, eum inæqualem, & inordinatum esse asseruerat, quoniam secundum diuersimodos, variisque affectus, quos amor inducit in conspectu rei amatæ, aut facta illius commemoratione, virtus, nullo seruato ordine, solet defatigari, aut perturbari. Disces etiam quis sit amantium in vultu, & facie color; nam qui amore inriante opprimuntur, colorem ad rubrum mutatum habere, ex eo facile colligere possumus, quòd dictæ mulieris pulsus tales effectos esse, ille dixerit, quales in certantibus contingunt: hi verò ob exandescentiam, quæ necessario certamen sequitur, erubescunt manifestè, ebullientibus præ motu & calore, ad partes externas, sanguine & spiritu. Si verò amor hic diutius infestat, ac torquet, cum sit res plena timoris, & ægri melancholica tristitia contabescant, ac dissoluantur, nulli dubium est, quin reuocato calore, palleat omnis amans; quum color hic, amanti, vigiliis, nimio studio, curis, anxietudineque confecto, & veluti exanguis sit familiaris. Notes tamen per transfennam Gal. hic vultus, & faciei colorem immutatum fuisse asserentem, licet nulla inter faciem, & vultum videatur adesse differentia. Nam sumitur interrim facies, pro sola ea parte capitis, quæ sub tota fronte est, auribus, oculis, naso, & ore, ad mentum usque circumscripta, à superciliis incipiens, auctore Gal. lib. introduct. cap. 10. Vultus verò sumitur ab Hipp. lib. 1. prog. 5.

pro tota anteriori capitis parte, comprehendens etiam A frontem, supercilia, & tempora; quæ omnia in hac muliere, audito Pyladis nomine, colorem mutasse, & Galenus animaduertit.

Sed quoniam ex huius occultri amoris cognitione, maxima sequitur utilitas, citius enim, facilius, & iucundius ægrotantes sanitatem consequuntur, quos morbi causa à Medicis non rectè cognita, & ab eis præ timore, pudore, aut verecundia celata, ac simulata, peiorem indies conditionem acquirere, prorsus est necesse; idcirco, quomodo Erasistratus veterum Medicorum nobilissimus, (ita enim eum appellat Macrobius *lib. ult. Saturnal.* 15.) ex cuius solertia edoctus Galen. scæminam hanc amore laborare cognouit, deprehenderit morbum Antiochi, ex amore Stratonices noueræ prodeuntem, operæ pretium erit explicare. Quam historiam utpote iucundiotem mihi, nouoque modo adinuentam in hunc locum subtexere statui, licet eam graphicè, & luculenter depingant Plutarch. in *Demetrio*; & Valer. Maxim. *lib. 5. cap. 7.* Appianus in *Syrio*, Lucianus in *lib. de Syria Dea*, & meminit Gal. *Prog. com. 7. & 10. lib. cit.*

Igitur cum Antiochus ipsius noueræ, quam Seleucus pater ei superinduxerat, infando amore corripere, non immemor quàm improbis facibus arderet, impium peccatoris vulnus pia dissimulatione contegebat: At inualecente magis, magisque amore, diuersi affectus iisdem visceribus, ac medullis inclusi, videlicet summa cupiditas, ac maxima verecundia, ad vltimam tabem corpus eius redegerunt, ut iam esset moribundo similis. At verò Erasistratus solus inter plerisque Medicos, quos Seleucus pater magnis propositis præmiis ad curandum filium conuocauerat, percipere potuit, hanc, animi amore ardoris non malè affecti corporis, ægritudinem esse: Nam cum iuxta adolescentem grauitè laborantem federet, & curiosius illius vultum, & totius corporis gestum obseruaret; tandem cognouit ad introitum Stratonices, tantam repente perturbationem Antiochum occupare, ut defectum vocis, ruborem vultus, subsultum oculorum, sudores acutos, motum incredibilem venæ, cunctaque alia: quæ à Sappho de amatoribus referuntur, intueri in adolescente liceret; statimque post hæc, dum videlicet Stratonice discederet, deficiente pedetentim sensu, ingens pallor toto corpore diffundebatur, fiebatque anhelitus liberior; ex quibus deprehendit nullius amore, quàm Stratonices captum esse Antiochum. Cui morbo ut mederetur, hac arte vsum ferunt: ut Seleuco patri diceret, illum nouo morbo implicitum, videlicet nimio amoris incendio, quo nisi expleretur sanari non posse, at eius quidem mulieris amore correptum, quam consequi minime posset. Stupefactus Seleucus, Cur, inquit, si huius ægritudinis amor causa est, languenti filio opitulari non possumus? ingenium nobis, an facultates desunt? quænam quæso, tanta cupiditas; aut qualis amor adolescentem corripuit, qui omnes nobis rationes deliberandi excludat? At verò Erasistratus, meam, inquit, uxorem ardet adolescens, tunc Rex multis eum lacrymis, & precibus, mirisque pollicitationibus rogat Erasistratum, ut illam in coniugium daret filio, cui tantum regnum deberetur: cui respondens Erasistratus, hoc facile tu pater nobis enarras, verum fortè aliter sentias, si Stratonicen tuam amaret Antiochus. O vrinam, aut Dij, aut homines facultatem darent, ut hunc amorem permutare meo arbitrio possem! Deos enim testor, quod si ea quæ charissima sunt, in vnum conferantur, omnia libenter adicerem pro tuenda vnius Antiochi vita. Hæc vehèmentè affectu, multisque lacrymis dicente Seleuco, Erasistratus non ampliùs cunctandum ratus, prehensa dextera, nihil esse dixit, cur Erasistrato ampliùs indigeret: Non enim coniugem suam, sed Stratonicen, filium deperire, & quemadmodum id deprehendisset, declarauit: quæ re cognita Seleucus charissimam sibi coniugem filio cedere non dubitauit, quod in amorem incidisset, fortunæ acceptum referens: quod usque ad mortem dissimulasset, ipsius pudori imputans.

Ex quo exemplo constat, quàm durum sit hoc amoris

parhema: ex quo quosdam in furem adactos, alios verò sibi ipsis manum consciuisse pluries obseruatum est. Narrat Matthias Cornax *lib. 1. consulti. Med. cap. 3.* adolescentem, adamatæ suæ assidentem, vena secundum tempora sua sponte disrupta, feruidissimi simul, ac copiosi sanguinis profluvium, passum. Quod rarum amoris signum ex ebulliente sanguine, & feruido spiritu concitatum, suis oculis conspexisse refert idem Auctor. Quo loco aliam amoris vi puellam occubuisse commemorat, & firmat Petrus Crinitus *lib. 3. de honest. disciplin. cap. 9.* & binarum scæminarum recordatur Amat. *cent. 3. curat. 56.* & *centur. 5. curat. 84.* quæ ex amore vitam cum morte commutarunt. Quod Antonius Bonfinius *lib. 3. Vngaricar. rerum; decad. 3.* memorabili duorum amantium exemplo illustrauit. Si verò plura exempla legere cupis, eorum qui sibi amoris causa manus intulerunt, adi Iou. Pontan. *lib. de fortis. 1. cap. 29.* & Stobæum. *serm. 62.*

Huius atrocissimi, & miserabilis morbi illico aggredienda curatio est, quem cum terribilia symptomata comitentur, nempe curæ, insomnia, ærumnæ, error, terror, fuga, ineptia, stultitia, temeritas, inconstancia, immodestia, petulantia, cupiditas, malevolentia, & virium debilitas summa; exhaustis enim his corpus exangue pallet, oculi intra supercilia conduntur, cibum stomachus fastidit, pulmo longo suspirio ex imo pectore ingemiscit, mens vacillat, cor languet, & tandem corpus contabescens vitali spiritu orbatur. Quare protinus amoris est relictandum: Nam, ut Ouidius dicebat, *lib. 1. de remed. amor. & lib. epistol. 16.* mora dat vires, quum parua recens flamma, pauxilla aqua illico extingui possit.

Huius clandestini, Herculeique morbi pharmaca varij varia assignant; Alij orium, ut Veneris fomitem, dissuadent, & nouis amoribus, ac honestis aliò traducere curis præcipiunt: quod Lucret. *lib. 4. in fin.* inadet, dum ait,

*Sed fugitare decet simulacra, & pabula amoris,  
Absterre sibi, atque aliò conuertere mentem.*

Rasis *lib. diuisionum*, remedia amoris, ut naturæ aduersæ, non probat. Quod verò plus optandum est, ut si fieri possit, amore insanus, eius quam exarserat, coniunctione curetur. Extat celebris Historia Aretæi *lib. 1. de caus. & sig. morb. diurnum. cap. 5.* quam idcirco inexplicatam reliqui, quoniam superioribus similis est. Sic enim ait. *Fama est quempiam insanabiliter se habentem, cum puellam deperiret, Medicis nihil proficientibus, ab amore fuisse sanatum; Ego verò suspicor eum ab initio in puellam exarsisse, inde tristitiam & languenti animo, quod ea non potiretur euasisse, suisque popularibus melancholicum visum esse. At iste ubi puella amata se coniunxit, tristitia recessit, & animi languor discussus est & mens ab amore medico prorsus sanata est.*

Si tamen fieri non possit, ut amore inescatus desiderio aliquando fruatur, tunc apro congruentique auxilio est medicandus, cuius medelam luculenter delineatam, & graphicè descriptam legat qui velit, apud doctissimum Valleriol. *lib. 2. obseruat. 7.* qui de hoc argumento inter omnes eloquentissimè disputauit. Quæ autem insani amoris sint signa, quanta eius vis in rebus, quæ ad vitandum remedia parata, explicant vbertim, luculenter, & ingeniosè, ex alienis omniscius Biscoliæ, *tom. 2. horar. successuar. lib. 3. cap. 1.* Tiraquellus de *legibus connub. lib. 15. num. 36.* & lege 1. gloss. 2. part. 2. n. 1. Leo Hebræus *dialog. 3. de amore, in princ.* Aristanetus *lib. 2. de amore, epist. 2.* Anacreon, Musæus in *Leandro*, Theocritus, qui de Amore insano eleganter conscripserunt. Ex nostris clarissimus Paulus Zacchias, *Medicinæ Phoenix, lib. 2. quest. medicolegal. tit. 1. quest. 10.*

## HISTORIA XLI. AETII, De Catalepsi.

Catalepticus hæmorrhagia copiosa sanatur

Quandoque etiam ob sanguinis multitudinem confectum caput occupans, & ipsum superimplens, sit hæc affectio:



affectio: quemadmodum vidimus in adolescente quodam multo sanguine referto, qui cum triduum exegisset, neque claudens palpebras, neque ad vehementes vociferationes transmutans oculos, neque respondens, quarta die sanguinis eruptione larga per nates facta, ab omnibus molestiis confestim liberatus est, &c. Aetius tetrab. 2. serm. 2. cap. 4.

## P A R A P H R A S I S.

**C**ataleptis affectus est, in quo vniuersum corpus cogitur, & stupetur, sensuque ac motu priuatur, relectisque oculis, & inconnientibus, in eadem æger permanet figura, qua fuit correptus. Cuius varia sunt apud Medicos Galeno antiquiores nomina, ut notauit Cælius lib. 2. c. 10. dicens. *Vicina, atque similis Lethargia passio est, quam Græci catalepsi appellant, nos apprehensionem, vel oppressionem vocamus, &c.* Diocles lib. sententiar. aphoniam appellat. Praxagor. lib. peregrin. passion. catochen vocauit. Veteres hanc passionem non ignorarunt, sed facile, sicuti etiam nunc plurimi, Lethargiam esse censuerunt. Alij hos sequuti, pauci quidem Asclepiadis sectatores hanc passionem à Lethargo separarunt.

Rursus synonyma videntur esse catochus, & cataleptis, quum iisdem nominibus eadem affectio significetur, quicquid contra, falsò tamen opinentur Amat. 2. cent. 15. & Langius 1. epistol. 25. explosi iam à Gal. lib. de pulsib. ad tyr. 8. & 4. de caus. puls. 16. & 3. de loc. 4. & 4. eiusd. 3. & Paul. lib. 3. cap. 10. Quod si aliquando Gal. vocem catochi ad alios affectus videtur accommodare, id propterea fit, quòd veteres Medici huiusmodi vocis proprietatē non ita exactè seruarunt, ut notat Montalt. tract. 14. de cereb. affect. c. 1.

Cuius morbi causa, licet à Fernel. 5. patholog. 2. statuatur pituita cum bili flaua permixta, quum in cerebro simul immoderatiùs exuperant, tamen hoc dogma potius irritandum, quàm confutandum esse docet passim Gal. Nomine enim, & causis confundit cataleptim cum vigilante sopore, quem ex bile & pituita nasci Galen. assencrat, sicut cataleptim ex frigida, & sicca cerebri intemperie. 2. aph. 3. Quæ vel simplex est, ab externis potissimum causis contracta, vel ex facie sanguinis (succum melancholicum vocant) ortum ducit, ut inter omnes notat Alexand. Massar. lib. 1. de morb. intern. 15. Hocque modo intelligo Aëtium, qui iuuenem hoc morbo detentum sanguinis è naribus eruptione larga liberatum fuisse refert. Quo pacto vel de illegitima catalepsi est intelligendus, ut probant Altimarus lib. de cur. hum. corp. mal. cap. 4. Ludou. Mercat. lib. 1. de morb. intern. cap. 12. Mercurial. lib. 1. de capis. affect. cap. 8. vel dicendum, Aëtium eam habuisse sententiam, ut fiat quandoque cataleptis à sanguine: sed magis ab humore melancholico.

Et quamuis sanguis sit calidus & humidus, & tensionem efficere non possit: tamen replendo sua copia, & subitò caput occupando, hanc affectionem efficere valent. Sicut & alios committere affectus soporosos, tenet Gal. 3. de temp. 5. firmantque Iacotius com. ad aph. 7. lib. 2. Coac. Hip. & Scholiogr. ad c. 9. lib. 1. de morb. intern. qui catochū à sanguine crasso concretòque, maiores venas, à posteriore capite ad synciput rectà decurrentes, occupante oriri, per anatomen deprehendisse gloriantur. Licet à flatu, (rarò tamen) prout notat Erasit. part. 4. disputat. aduers. Paracels. à vermibus, ex Benedict. lib. 1. de curand. morb. 16. & à pituita multo cum sanguine permixta concitari queat, ut inter omnes narrat Dodonæus observat. medic. c. 4. Si de huius morbi causa còtradictiones serias scire affectas, vide Petrum Garciam, Carcerium disput. 1. 2. ad lib. Gal. de loc. affect. c. 4.

## HISTORIA XLII. GALENI,

## De Catalepsi.

Cataleptis ex nimio studio subortē, historia.

**Q**uidam etiam ex nostris condiscipulis, cum assiduo disciplinarum studio se farigaret, malo hoc correptus est. Iace-

bat enim velut lignum prorsus inflexus, rigidusque, atque extensus, videbaturque oculis apertis nos ita intueri, ut ne contineret quidem, nihil tamen loquebatur. Is quoque tempore eodem, que loqueretur audisse se dixit, quanquam non euideret, clarèque. Nonnulla item & memoria tenens referebat, presentis quoque omnes sese conspexisse dixit, ita ut quorundam actiones recordari exponeret, sed neque loqui potuisse, neque membrum ullum mouere, &c. Galenus lib. 1. Prothet. lect. 2. com. 56.

## P A R A P H R A S I S.

**S**tudiosos, & literatos plurimis tentari ægritudinibus Tres est manifesta, probatque Platoniorum Princeps Marfil. Ficinus lib. 1. de studios. sanit. iuend. cap. 1. & 7. Nam studia assidua, dissipatis spiritibus, & exoluto calore innato, partes omnes, præsertim naturales, in quarum robore perfectæ nutritionis symmetria consistit, prosterunt, & labefactant: quare ventriculi calore diminuto, & hepatis calore adaucto, & exiccato, si accedat cerebri ab studio, & vigiliis debilitati ad recipiendum promptitudo, non solum hic, sed innumeri repullulant huius partis diri, exitialesque affectus. Galeni ergo condiscipulus, ob studij labores multos, cerebro ob agitationem mentis vehementer exiccato, humilitate primigenia magna ex parte consumpra, debilitatis coctionis officinis, quum natura in contemplatione, cerebro, cordique prorsus intenta, stomachum hepàque destituat, sanguine densato, redditòque sic crasso & nigro, subtilibus, clarioribusque sanguinis partibus penè absumptis, facto spiritu atro, frigido & melancholico, & acruatis ob has causas, pluribus terrestribus excrementis, in morbum incidit rarum, & periculosum, quem catochum, seu cataleptim vulgus Medicorum vocare consuevit. Multa humoris crudi, & melancholici ad cerebrum imbecille transmissa portione, atque eius posteriorem partem præcipuè occupante, ex Gal. 4. de loc. cap. 2.

Deinde communicata nervis ibi existentibus læsione, totius corporis rigiditas euenit, maximè quæ hæc posterior cerebri pars (cerebellum dictum) inter reliquas cerebri partes densissima, sit, & durissima, duabus membranis circumsepta, faciliùs possit exiccari: neruorumque principio vnà læso, vniuersum illicò corpus rigescit, & gelatur, & in eo statu permanet, in quo fuit correptum, auctore Paul. lib. 3. cap. 10. Quem graphice depingit Fernel 6. Pathol. 2. dum sic ait, *Vnus dum literis, & charact. sedulo innigilat, repente catalepsi percussus, ita quidem obrigitur ut sedens, calamumque digitis premens, oculis in libros defixis putaretur in eorum studia incumbere, donec vocatus, & impulsus, deprehensus est omni sensu, motuque carere.* Amat. 2. centur. 14. Iacot. com. ad aph. 7. lib. 2. Coac. Hipp. Ioan. V Vierus lib. 5. de prestig. demon. cap. 35. Salius ad cap. 4. præf. Alom. Adamus Lonicer. in explicat. morb. c. de congelat. Hol. lib. 5. Coac. Hip. ad aph. 13. varias & horribiles hoc morbo correptorum formas proponunt.

Riguit ergo huius ægri corpus totum tanquam gelu, quoniam facultas motrix læsa erat, quum morbi huius essentia in hoc consistat, quòd sit symptoma in genere noxæ functionum principum facultatum, ut firmat Gal. lib. de dif. symp. cap. 3. & sit velut paralytis quædam, seu resolutio imaginatricis facultatis; nam si catochi causa potentior sit, tota aufertur imaginationis actio; si imbecillior, perturbatur illa tantum. Licet reliquæ quodammodò facultates animæ vitentur, illæsa respiratione, ut in Caro, auctore Gal. 4. de loc. cit.

Sed inquisitione dignum est, cur hic audiret, præteritorum recordaretur, præsentis conspiceret, & quorundam actiones recordatus exponeret, si cataleptici ex Gal. Paul. & Aët. sententia, altissimo, & inexpugnabili sunt detenti sopore, voce ac sensu priuantur, & inaudientes minime respondent, neque alio sensorio quicquam agunt: quin ob frigidum & siccum humorem, posticam cerebri partem irrigantem, memoriam abolitam habent, cuius functiones in posteriore cerebri ventre fiunt, ex Gal. lib. 4. de loc. cit. Dic. Hoc vitium ex Gal. lib. 1. de symp. caus. 7. non semper

semper cerebro affecto per essentiam contingere, sed aliquando per consensum ab aliqua corporis parte, utpote ventriculo, concitati, communicata noxa cerebro mediis nervis. Hoc aliquando remitti, aliquando intendi res est aperta; quod fit ut tempore intermedio, noxa non ita cerebro communicata, sed magna ex parte cessante, sensitivæ, & animales potentia leue nocumentum recipere, & sic omnia, quæ agerentur, audierit, & viderit, eaque soluto morbo recitarit. De cuius affectus curatione videndi Dodon. *observat. medic. cap. 4. & in annor. ad c. 46. Benivenij. Eustach. Rud. lib. 1. prax. 8. Forest. lib. 10. observat. 42. Rondelet. lib. de curand. morb. 20. Ioan. Hieronym. Pulverinus art. med. cap. 9. & ex veterum mente selecta præsidia exaravit Vidus Vidius lib. 2. de curat. memb. cap. 17.*

## HISTORIA XLIII. GALENI De Memoria amissa.

Memoria amissa ex inedia, labore, ac vigiliis, humectantibus præsiidiis restituta.

**E**quidem novi quendam, qui ob laborem in studiis atque vigiliis, memoriam penè amiserat, læsa etiam ratione. Item agricolam, qui ob labores, quos vites colendo subierat, ac tenuem victum, eodem modo affectus est. Atque ij, certum est, quod exiccantibus, calorificisque omnino ladebantur: madescentia verò, quæ calefaciendi vim habent, haud mediocri ipsis erant præsidio, &c. Galen. lib. 3. de loc. affect. cap. 5. prope initium.

### PARAPHRASIS.

**P**osse lædi memoriam, læsa vel illæsa ratione, illis dubium non est, qui potentias rectrices sedibus esse distinctas necessariò statuunt. Quidquid ex hoc argumento, non concludi, facultates principes, varias in cerebro sedes obtinere, contrarij arbitrentur, sed quoddam vna sit altera vegetior, vel imbecillior, & irruenti causæ magis aut minus resistere possit. Vtunque tamen sit, (quod à peritissimis iuniorum citatis in com. hist. 12. sup. cit. ad nauseam usque est controuersum) apud omnes constat memoriam tunc amissam dici, quum quispiam omnium eorum, quæ prius nouerat fuerit oblitus, ipsa verò affectio, est symptoma in genere noxæ functionum animalium principum, in qua memorandi facultas omnino abolita est; hæc enim stoliditati, ac rationis amissioni similia parit symptomata, quod virtutes rectrices non habeant copiam specierum, quibus actus sibi commissos exequi possint; quia nullæ adseruantur in memoria, & ob id non iudicant, quia adhuc præsentia obiecta non agnoscunt, vel debilitate de eis iudicant: quo fit, ut stolidi videantur, & infantibus similes, non autem delira loquentes.

Oriri autem hoc vitium præcipuè à frigida intemperie, præsens historia manifestè demonstrat. Huic nonnunquam humidam, aliquando siccam associari, ex curatione hinc à Gal. proposita satis liquet. Licet enim in vinatore, ex magnis laboribus, atque exercitiis memoriam fuisse amissam referat: Et Hipp. lib. 7. epid. text. 82. Androphalum ex biliosa admodum affectione, ignorantia per multos annos fuisse correptum asseueret, non ob id amissæ memoriæ iacturam ab intemperantia calida oriri asserendum est: Nam ingentes animi, corporisque labores, indefessa studia, assidua vigilia, quibus calefaciendi vis inest nimia, hoc per accidens efficiunt, consumptis, & dissipatis spiritibus, qui huic operi erant ex usu, & resolutio humido primigenio, narium calidum refrigeratur, ac marcescit. Addiderim memoriæ abolitionem non nisi à causa in operando efficaci oriri posse, qualis est caliditas, aut frigiditas; Illa quum nullam actionem tollat, aut minuat, quin potius deprauet; hæc actiones primò minuat, tandem adauget aboleat; ab hac recordatricis po-

tentia omnimodam abolitionem semper fieri, dicendum est. Nam calor adauget idolorum perturbationem parit: immodicum verò frigus, nulli functioni proficuum, eorum extinctionem, & interitum: id quod animalia quæ præ frigore latitare coguntur, haud obscure declarant; perinde enim ac si mortua essent, hyeme ob frigoris vim manent. Neque ob hæc opineris ineptè calida in proposita historia reprobasse Gal. Nam ea non repudiat, nisi quando cum medicamentis siccis sunt permixta, quoniam tenui nimis victu maceratum corpus, & vigiliis, laboribus, studiisque exhaustum, ampliùs resoluunt, exiccant, & adaugeta ariditate sunt in causa, quominus idola facilem faciant impressionem.

Curatio, optimo roborantèque victu, calido & humido perficitur, quo exhibitio, recreatisque viribus, vegetior alacriorque anima redditur, & facultates munia sua obire queunt. Cibi sint succulenti, & euchymi, qui facile nulloque negotio à calore superentur: vinum sit rubrum, maturum, dilutum: exercitia sint moderata: prolixè dormiant, molliter cubent, æstuarium vident, tepentis aquæ balneis vtantur, iurulentia assumant, & quæ calidum & humidum sanguinem gignendi vim habent: quorum syluam ex professo citat Leuin. Lemn. 2. de complexionib. 4. in fin. Demum purgantia vitanda sunt, & ea exhibenda censeo, quæ hecticis corporibus, exhaustis & resolutis proficua esse omnes norunt. Cetera pete ex Capivac. lib. 1. prax. 13. Eustach. lib. 1. de curand. morb. cap. 6. Vido Viddio lib. 2. de curat. membrar. cap. 11. & aliis qui hoc argumentum late disputarunt.

## HISTORIA XLIV. GALENI, De perperita memoria.

Ex peste sæua, memoria amissa.

**V**idimus enim quosdam, qui & litteras, & artem omnino fuerant obliti, immò nec propria nomina meminere: cuiusmodi aliquid Athenis in peste accidisse memorat Thucydides: quosdam enim ex iis qui euaserant, & seipsos, & suos ignorauisse, &c. Galenus lib. de diff. sympt. cap. 3. in fin. & lib. 2. de caus. sympt. cap. ult.

### PARAPHRASIS.

**A**B ægritudine sæua non fieri euasione abscque contractione membri, rectissime ab Auic. proditum est 1. 4. tract. 2. cap. 2. Per morbum autem sæuum, interpretes legunt febrem acutam interficientem, ut in correctissimis Costæ, & Mongij codicibus animaduerti solet, quæ pestis est, morbus sanè perniciosus, & plures quos corripit, interimens: de cuius vi dira, & efficacia, lib. 2. in com. Hist. 89. & lib. 4. latius agemus: quam probat Gal. 3. epid. sect. 3. com. 23. 24. & 25. vbi statum pestiferum describens, ait, multis excidisse ossa, nervos, & pedes, ob nimiam humoris putrefactionem ad eas partes delapsi; quare ægros, claudos, & mancos extitisse refert: & 3. de usupart. 5. in vehementi quadam pestilentia, multis pedes abscissos fuisse, & claudos, incedere sine baculo non potuisse, asseuerat. Et Auenzoar lib. 3. theizis. tract. 3. cap. 3. plurimis peste correptis remansisse colli dislocationes affirmat. Quid plura? nonne vlcera à peste derelicta ita praua, maleficaque sunt, ut partes non tantum humoris affluxu erodant, sed mala, deleteriaque qualitate ipsas lancinent, & labefactent; quo fit, ut neque serpigio cohiberi, præterquam membri abscissione possit? Quare genitalibus exectis, oculis excavatis, pedibus, manibusque truncatis, vitam plures Thucydidis tempore redimebant, ut eruditissime explicat Fabius Paulinus in com. fol. 252. & Thom. Iordan. tract. 2. de pest. Phenom. disertissime exposuit. Mirum enim esset recensere mirabilia, quæ frequenter in hac truculenta lue euenire comperimus, quæ omnia in compendium redegit Schenkijus variæ lectionis vir lib. 6. observat. medic. sis. de peste.

Si ergo hæc ita se habent, quid mirum, si ex pestiferis humoribus in cerebrum delapsis, suaque copia ipsum inter partes præcipuas debilissimum suffocantibus, & venenosa qualitate spiritus animales tenuissimos (quibus anima tanquam instrumento ad opera vitur) extinguentibus, memoria deperdatur, omniumque rectorum facultatum, exteriorumque sensuum ruina contingere possit? Vnde imaginatricis potentiae affectiones miras, deliramenta varia, cæcitatem, surditatem & alia damna, in malignis pestiferisque febribus non raro oriri conspiciamus.

Nam præterquam quod ex morbo quouis, dissipato calore innato exhaustis viribus, & sic potentiis debilitatis, & corpore frigidior reddito, memoria lædi potest, ut probat Aëtius *teirab. 2. ferm. 2. c. 23.* & illustrat exemplis Beniuen. *c. 47. de abdit ex peste ut à propriissima causa, extinctis spiritibus. hoc accidere est certissimum, quod Lucret. ex Thucyd. lib. 2. Hist. confirmat. in calce lib. 6.*

Atque etiam quosdam cepere obliuia rerum  
Cunctarum, neque se possent cognoscere ut ipsi.  
Quæ omnia optima victus ratione, roboratis viribus, & quandoque adhibitis præsidii cessare solent, ut appposito exemplo confirmat Christoph. à Vega *lib. 3. de art. medend. cap. 10.*

*luc Morania. Andernac. in com. Paul. lib. 3. cap. 18. Qui ex magno, diuturnoque colico cruciari, artuum resolutionem se vidisse contestantur, quicquid lentam pituitam illuc migrare non posse, asserat Ludou. Mercat. lib. 1. de morb. intern. cap. 14. Sed quàm falsum sit hoc dogma, ostendi ex Paulo potest loco nuper citato, ex colico dolore, crisi quadam, paralyfim oriri confirmante. Quo pacto autem colicus dolor in paralyfim, & è contra hic affectus in illum transmutetur, explicat ingenuè, Andreas Laurent. l. 4. anatomic. quest. c. 20. quest. 8. & notat Costæus in Auic. 2. 1. tract. 1. c. 1.*

Curabitur is affectus tam vniuersali, quàm particulari vacuatione, facta iis quæ crassos, lentosque humores educere sint nata, & tum discutere, roborareque partem affectam queant; in quem usum ampla ab omnibus passim describitur sylua fomentorum, vnguent. balnearum lauacrorum, sudationum, & aliorum nobilium medicamentorum: quorum materiam peculiarem si legere concupiscis, eam exaratam diligentissime inuenies apud Hofmannum *lib. 3. consil. Cratonis, & aliorum per Laurent. Scholizium publicatorum pag. 116 à consil. 71. usque 75. Monauium lib. 2. epistol. pag. 315. ad Ioannem Vreidnerum ex sententia Cratonis. Valleriol. lib. 1. obseru. 3. Theod. Colad. lib. de præct. errorib. c. 79. erro. 3.*

## HISTORIA XLV. HALTABBATIS,

## De Paralyfi.

## Paralyfis ex colico dolore contracta.

**V**Idi nonnullos colicam patientes grauē, & difficilis noximenti, quorum utrumque euulsum est genu, quorundam autem, & genu unum, & ancha, & c. Halyabbas, *lib. 9. theoric. cap. 9. Paulus lib. 3. cap. 38. & 43. tit. de resolutione ob colicum dolorem contracta.*

## DVBIVM XXV.

## Num paralyfis ex colico dolore fieri possit.

## PARAPHRASIS.

**F**ieri paralyfim ex colico dolore testis est Paul. *loc. cit.* dum sic ait. Nostra atate colicus quidam dolor incruduit, ex quo præsertim superstitus futuros, consummata artuum motus priuatio comitabatur, tactus sensu, ut videbatur incolumi seruato, cœu critica quadam ex alio oborta transmutatione, unde motus plerisque spatio temporis sponte rediit, & c. Neque mirum est quod humor existens circa intestina ad superas partes detrusus à natura, vel penetret originem nervorum, vel cerebrum occupet, & maxime spinalis medullæ partem inferiorem, à qua nervi crurum, & pedum oriuntur, vel ad artus expulsi, eorum resolutionem committat, ut notat Puluerin. *lib. art. Med. cap. 55.* Quis enim negare poterit, humorem noxium ab vna in aliam partem à natura posse transmitti, quum omnia omnibus consentiant? Verumque enim variis auctorum testimoniis confirmatum inuenio. Narrat Gentil. *in com. lib. 3. fen. 16. tract. 3. cap. 6. dub. 9.* se vidisse paralyfim ex duro, & effatu digno lienis tumore subortam, ad cuius exortum tumor ipse enauit, corpore toto, scæda, nigræque scabie conspurcato, & huius melancholici humoris vacuatione, à paralyfi, & scabie liberatum ægrum. Scribit Holler. *lib. 1. de morb. in Schol. cap. 41.* Sacerdotem quendam ex assiduo colico dolore in paralyfim incidisse, cessantēque dolore remansisse paralyfim annis aliquot. Affirmat Niccolus *ferm. 5. tract. 8. cap. 40.* se vidisse transitum à colica in paralyfim in Ioanne Lorio, qui colica correptus, & phlebotomatus per quendam, incurrit in paralyfim, & mortuus est. Quod ipse etiam refert *ferm. 3. tract. 3. cap. 6. de paralyfi.* Viderunt etiam, Triquaet *lib. 3. de rat. curand. par: hum. corp. affect. cap. 1.* Coiterus. *in lib. obseru. Chirur. & Anat. Exalt. part. 4. disput. contra Paracels. Iordan pag. 51. de*

## HIST. XLVI. TRALLIANI,

## De paralyfi.

## Paralyfis frigidis medicamentis perfanata.

**N**Oui sanè ego quendam, resolutionem ex morore, multa sollicitudine, & inedia experiri: deinde sumpta hiera adeò lasum, ut totus ipse immobilis fieret, & propemodum interirer: nisi in contrarium mutatus fuisset; & h. cætantibus omnibus, tum potionibus tum cibis, & aliis quæ temperatum ipsum reddidissent, usui fuisset maxime verò balneis compluribus, vntione ex hydrelao: mutatione aeris temperati, & omni hilaritate. Etenim tristis erat, ad iram procliuus, à medicamento nimirum excitatus, & qui flauam bilem collegisset. Hæc sanè ratione, si qualitas fuerit, præsertim intemperies calida, vitari debent cibi acriores: adhuc autem magis, quæ medicamentum vim, purgantēque obinent. Nam præter id quod nihil inueniant, quod ex corpore euacuent, magis adhuc aliam intemperiem regenerant, & c. Trallianus, *lib. 1. cap. 16. rubric. 6.*

## DVBIVM XXVI.

## Num intemperies calida sicca possit esse immediata causa paralyfis. Contra Mercurialem.

## PARAPHRASIS.

**R**atum paralyfis exemplum Trallianus describit, qui affectus licet frequenter à frigida & humida, vel cum frigidorum humorum, ac crassorum copia, dimanet cerebri intemperie, alteram cerebri partem, aut particularem nervum occupante, ut concors est omnium Medicorum sententia; à calida tamen & sicca humores nimium exassante, & torrefaciente oriri quandoque, cum Tral. grauissimi auctores confirmant; lic enim obturata via à crasso præ calore humore, impeditur transitus spiritus animalis ad nervos, unde paralyfis.

Sed clarioris doctrinæ gratia, dubitandum num intemperies calida sicca per se possit esse immediata causa paralyfis. Dico per se, quoniam nihil vetat, quominus pars præ calore, & siccitate imbecillis, & defraudata nativo calore, probè non concoquat, & generetur mucosus humor, qui paralyfis est immediata causa. Deinde, quid obstat, quominus calor pituitosum humorem attenuando, & dissoluendo eum multiplicet, ita ut nervos obstruat, & paralyfim committat, aut nimium assando, ipsos

iplos induret & incrasset, vt obsuere possint: prout ex A. Tral. ostendit. Hol. lib. 1. de morb. intern. cap. 10. in schol.

Negantem partem sequitur Auic. 2. 3. cap. 2. dum sic ait. *Et videtur quidem, quod calidum non prohibet impressionem sensus in eis, dum non consequitur finem; quemadmodum vides in habentibus extenuationem, & hecticis; in ipsis enim cum caliditate eorum non destruitur motus ipsorum, & sensus ipsorum, & siccum propinquum est etiam iudicio ipsius, &c.* Cuius opinionis fuit etiam Ralius lib. 1. contin. tract. 2. cap. 1. Ex quibus colliges paralytim, quæ est priuatio sensus & motus, ab intemperie hac fieri non posse: & maxime quum laxitas (symptoma paralytis) ab ea excitari non possit, sed contractio laxitati contraria, à calida siccaque intemperie prognata.

Vidit istam controuersiam doctissimus Marcellus Donat. lib. 2. de Med. hist. mirabil. cap. 5. qui oppositam sententiam, pro huius historię confirmatione iudicat probabiliorem. Licet enim Tral. ab hac intemperie, humores velde torrefaciente & assante, fieri paralytim confirmet, vnde inferri potest, quod humores, & non intemperies, sint causa paralytis; tamen à simplici intemperie fieri posse in fine historię asseuerat manifestè, dicens vitanda esse medicamenta, quæ medicantem vim, purgantemque obtinent; nam præterquam quod nihil inueniant in corpore vacuandum, ipsam intemperiem adaugent. Ex quo subit mirari doctissimum Mercurialem, qui lib. 1. Prax. cap. 20. Trall. intelligit, quasi solum exasari humores paralytim committant, quod ex supra dictis constat esse aperte falsum. Et eius opinionem præter Trall. dicta, redarguit Auenzo. lib. 1. tract. 10. Theizir. cap. 3. §. Sed nos dicimus, quod possibile est priuationem sensus & motus fieri in corpore temperato, & etiam in illo cui caliditas modum exedit, &c. Nam si paralytis sit densato neruo, & sic impedita virtutis communicatione, cur à siccitate condensante fieri non poterit? & Gal. 6. de san. tu. 1. 1. ab exiccantibus medicamentis in gracili corpore adhibitis, factam fuisse leuem sensus & motus priuationem scribit.

Standum ergo est Trall. dictis, & argumenta contraria soluenda. Nam in hecticis, & aliis non reperitur siccitas ita intensa, vt fiat paralytis, quemadmodum nec fit conuulsio. Auic. verò à frigida & humida intemperie paralytim oriri pronuncians, secundum plurimum intelligendus est, ita vt ab hac frequentius, à calida & sicca rarius, aliquando tamen fieri posse concedat. Neque laxitas, hoc est membri elongatio, est symptoma necessarium in paralyti, sed necesse est cavitatem obstrui, in qua secundum naturam detinentur spiritus. A calida ergo, & sicca intemperie (licet raro, vt notat Rondelet. cap. 23. de curand. morb.) oriri posse paralytim non imus inficias.

Quæ quum acciderit, calida tum medicamenta, tum alimenta sunt vitanda; nam calorem adaugent, & siccitatem aciunt. Præcipiendaque sunt balnea ex oleo & aqua parata, ex Gal. 2. de antidot. 7. in habitu squalenti, & sicco summopere vitilia, ex Gal. 3. de sanit. tuend. cap. 4. & eleganter 2. simpl. 25. Quoniam dulcium aquarum lavacra, humiditate sua instrumentorum corrigunt siccitatem, & caliditate modicâ, tenuem acremque ex partium debilitate suboritur humorem digerunt: At si corporibus inhaerere posset aqua, nec facile desuiceret, ipsa quidem per se sufficeret; at qui quum ea qua foris circumfunditur, facile desuat, atque in poros ingressa corporis, nullomodo adhereat, idcirco miscetur oleum, maximeque inuat, si quis ex viroque diutius fricetur.

Demum instituenda curatio est humidis, quorum ampliam sylvam plerique proponunt, curationem conuulsionis ex inanitione describentes.

Legge Rod. à Fons. lib. 1.

conf. 17. de paral.

\* \*

## HISTORIA XLVII. AVENZOAR.

### De Paralyti.

Paralytis ex vehementi frigore contracta, calida vnctione perianata.

**E**T mihi iam accidit, id quod dicam tibi, scilicet quod eundo præcepto Regis cum frigore vehementi, & forti pluuia, & vento, qui quidē ventus mihi adueniebat à parte sinistra, pede meo ex illa parte existente discooperito, durante illa tempestate sic per totum diem, cecidit mihi calcens de pede, & non potui ipsum intus reducere, ex eo quod non poteram mouere coxam, quare alius mihi posuit ipsum in pede; iterum cecidit, & reiteratus fuit mihi; & tertio iterum cecidit, & mihi ab alio impositus fuit: eo quod minime coxam, & crur mouere poteram, & tunc cognoui quod à pede, crure, & coxa priuatus erat sensus, & cum veni ad patrem meum, non potui ire, sed ductus fui ab aliis. Quare vnctus fui coxa, & spondylis inferioribus cum oleo illo, quod apportaueram causa illius infirmi propter quem veneram, qui quidem erat paralyticus, & in quo priuatus erat sensus, & motus, & in illo oleo erat Balsamum, & feci mihi aerem rectificari cum forti igne, & magno, & adueniente die fui liberatus, &c. Auenzoar. lib. 1. Theizir. tract. 10. cap. 7.

### P A R A P H R A S I S.

**N**ullus est morbus, de cuius essentia, causis, & signis Nauctores celebriorem faciant commemorationem, quam paralytis. Apud quos constat præ frigore vehementi auferri sensum, & modum, (paralytim vocat Gal. 3. de loc. affect. 10. & 1. de caus. simpl. 5. in fin.) quum scilicet ab intemperamento frigido partes nostri corporis, dum neruus aliquis caliginoso aliquo spiritu imbuitur, beneficio animalis potentie destituuntur, priuatione cuius, à cerebro tanquam à primo principio mediis neruis, ac per spinalem medullam, tanquam per semitas, ad sensus, & motus instrumenta delegatæ, particulares nerui, ab spinali medulla orti resoluntur, & veluti mortificantur. In hoc autem ægro crur, coxam, & pedem fuisse resoluta, ex historia facile constat. Signum profectò certum in vertebis (veteres spondylos appellant) lumborum, & iuxta inguina factam fuisse affectionem. Cum enim medullæ extra caluariam prodeuntis mira sit in neruis propagandis fecunditas, & triginta eorum paria obseruent peritiores Anatomici, septem cervicis, duodecim dorfi, quinque lumborum, sex ossis sacri, vt inter omnes Columb. lib. 1. de re anatomic. à cap. 1. 5. usque ad 18. explicat ingenuè, sit vt à vertebis lumborum, & ossis sacri, per totum pedem, coxam & crur, nerui quatuor insignes diffeminantur, qui ex tribus infernis paribus lumborum, & quatuor superioribus ossis sacri nascuntur, qui si refrigerati fuerint valde, resoluntur. Nam si pars ob frigoris excessum mortificatur, extincto calido innato à frigiditate summa, & omnino pereunt vt à contrario, 2. de loc. 2. cur non resolueretur? aut quia in ipsis neruis viger mali causa, aut quia frigido humore inundantes refrigerantur impensè, & spiritu influente destituuntur, quum laxiores sint, & molliores, ad motum. illustrationemque recipiendam valde inepti.

Refert Gal. lib. de caus. morb. 9. moderatam frigiditatem, stuporem inducere, immodicam verò, motum, & sensum auferre, per hæc verba. Nam stupor ob refrigerationem fit, vt planè videre est in his, qui in hyeme per frigora proficiuntur, atque in refrigerantibus quoque medicamentis; Nam si extrinsecus immodicè adhibeantur, particula ipsa stupida euadit, qua deinde sensum omnino amittit: Si vero vehementissimè refrigeretur, idque non solum à medicamento, sed etiam à circumfuso nobis aere: equidè noui quosdam adeo refrigeratis pedibus, vt primū quidem sensus periret, sequentibus verò diebus emortui pedes pureficerent, &c. Quod celebri quadam Historia lata 3. de usu part. 5. inferius explicanda confirmat Gal. & 2. de sanit. tuend. 5. & 7. ab ingenti frigore homines pigros reddi ad motum, & ignauos asseuerat.

Cognita



Cognita ergo huius mali causa, à frigido intemperamēto ortum ducētis, vñctionem calidam sibi parauit auctor, qua tanto morbo resistere posset, motus fortan. Gal. edicto, 2. de sanit. tuend. 13. in med. afferentis, ad vitia ex frigore, vehementer suborta, vñctionem saluberrimum esse præsidiū, præsertim si fuerit ex calidis medicamentis, Euphorbio videlicet, & Adarce parata. Sicque vñctus oleo illo quod apportauerat causa illius ægri resoluti, ad quem curandum fuerat vocatus, sanus euasit. Oleum autem illud, ut cuiuslibet coniecturanti facile apparebit, nullum aliud poterat esse, nisi vulpinum, laurinū, de castoreo, aut his simile aliud: aut in quo aliqua maduerint prius medicamenta, ut saluia, ruta, betonica, stœchas, rosmarinus, permixto etiam Balsamo, quod medicamentum ad nervorum frigidos affectus est accommodum valde; cuius vi mira latius disputabimus, quum renū historiam 128. lib. 2. fuerimus interpretati. Interim de eius efficacia, præter Græcos; & Arabes lege Iustinum Historic. lib. 36. Pet. Leopert. 2. Hist. Peruan. c. 35. Strab. l. 16. Geograph. Sebastian. Munster. in descript. Iericho. & lib. 6. cap. prop. & lib. 1. cap. 31. Pausaniam in Bæoticis. Fallop. lib. 1. in Dioscor. cap. 19. Ruel. lib. 1. de nat. stirp. cap. 35. Prosp. Alpin. in suis dialog. de Balsam. Scaliger. exercit. in Cardan. 157. Mathioll. lib. 1. in Dioscor. cap. 18. Laurentium Ananiam tract. 3. fabric. mund.

Neque miretis hunc auctorem in morbo magno, topico auxilio, citra totius vacuationem, fuisse vsum; nam quādo affectus à causa externa ortum ducit, & solum paucissimus in parte affecta impactus est humor, tunc à locali præsidio incipiēda curatio est, & medicamentis calidis roborantibus, frigidamque intemperiem corrigentibus pugnare oportet, quæ calorem natium debilitatum foueant & restaurent, & quod positiuo frigore concretū est colliquant: quod verò priuatiuo rigidum, & immobile factū, corrigant, attracto spiritu, calore, & humore, hoc enim humiditatem reficimus, quam positiuum frigus expressit.

Neque item miretis Auenzoarem paralyticum, tam citò sanitatem recuperasse: licet enim paralysis productus sit morbus, ut ex Celsi mēte lib. 3. c. 27. ceteri confirmant, hoc de illa resolutione intelligendum est, quæ fit cerebro, aut spinali medulla affectis; & de antiqua, in qua pars læsa habitum contraxit, & debilitatem summam, non de recenti, quæ ob frigidum, vi causæ externæ, intemperamentum simplex, cum paucissimæ materiæ affluxu est suborta.

## HISTORIA XLVIII. GALENI, De paralyfi.

Ex vehiculo decidens quidam dorsi initium afflixit, vnde duobus digitis, & medietate medij, sensum illæso motu amisit, qui medicamentis digitis frustra impositis, tandem iisdem dorso alliso applicitis conualuit.

**S**ane Pausanias Syrus Sophista, quum Romam aliquando venisset, secundum duos minores sinistrae manus digitos, atque medij partem dimidiam, sensum in primis quidem difficile habebat: postea male curantibus Medicis sensum omnino amisit. Quibus equidem cognitis, omnia quæ præcesserunt, inuestigauit, atque ipsum quum per viam duceretur, vehiculo excidisse, atque in dorsi initio læsum, mox partem læsam breui quidem curatam, sed auctū in digitis sensu virum audiri. Igitur remedia quæ illi digitis adaptauerant, læsæ parti adhibere iussit: atque sic vir ille celeriter sanitati restitutus est, &c. Gal. lib. 3. de loc. affect. cap. 10. & 4. de loc. affect. cap. 4. & 5.

### P A R A P H R A S I S.

**P**lures de hoc argumento in hoc capite Gal. Historias enarrat, & eius nimirū, qui reliquis omnibus partibus Lib. I.

A resolutis, nullam faciei partium actionem amisit, conseruata etiam respiratione, vrinæ & alui excrementa inuicē fluctant: & illius, cui propter casum, partes omnes inferiores, demptis naribus, erant resolutæ: & alterius (huius meminit Gal. 4. de loc. 4.) qui sub multa pluuia, & vento impetuoso ambulans, madefacto pallio, circa ceruicem, vehementi frigore est affectus, cui Empirici medicamenta, quæ ceruici admoueri debebant, capiti magno errore applicarunt: In illis enim primariò affectam fuisse illā spinalis medullæ partē, quæ paulò inferior est processu nervorum ad septum transuerium tendentium, Gal. stabiluit: In hoc ex primis spinæ vertebra quatuor, nervos ad caput ascendentes, à quibus pellis ipsum ambiens sensum accipit, esse affectos determinauit, quæ sanata, capitis quoque pellis sanata est, quæ nulla primaria affectione laborabat. Medici verò neque huiusmodi nervos, neque eos, qui per singulas cutis partes dispersi sunt, cognoscentes, cū in promptu eis esset minimæ particulæ iuxta nervi initium adhibere remedia, partes illas multo negotio molestant. Insuper meminit alterius ægri Gal. 4. de loc. 5. qui ex vehementi pulmonia, brachiorū & manū torporem passus, celeriter sanatus est, adhibito medicamēto ei loco, vnde nervi prodeunt, iuxta primū ac secundū intercostale spatium.

**Q**uæ omnes Historiæ sub hoc exemplo Syri Sophistæ proposito, & comprehendī, & explicari possunt. Ex quibus constat manifestè, quantopere ad morborum medelam iuvet intellecta consensus species: Cū enim ex casu facta fuisse in dorsi initio inflammatio, concurrentibus ob dolorem, & partis debilitatem sanguine & spiritu, sicque facta obstructione, & impedimento sequuto transitus spirituum ad sentientes partes, facta est in hoc ægro, de quo in præsentia sermo, in sensu læsio, illæso motu; quoniam diuersi nervi, sensifici, aut motorij sunt affecti; & sic musculorum nervis læsis perire morum; & læsis iis, qui ad cutem perueniunt, tangendi sensum corrūpi est necesse, sicut nonnunquam simul & motū, & sensum aboleri contingit. Quæ omnia docuit Magister lib. 1. de loc. c. 6. & 12. & lib. 1. de caus. symp. c. 5. & post eum ex facundissima eius doctrina elegantissime explanarunt Valles. lib. 5. contr. c. 10. Marcel. Donar. lib. 2. de Medic. hist. mirabil. c. 5. Mercat. Iacchin. Massar. Piso. & Altimar. prop. c. de resolutione: De quo argumento pulchra congeffit Andreas Laurent. lib. 4. de Hist. anatomic. quæst. 11. Vnum solum constet, exquisitā resolutionem appellari, quum partes, tum sensus, tum motus vim amiserint; non veram autem, nec exquisitam dici, quum aut solus motus, aut sensus deperditur, si fides adhibenda Paul. lib. 3. cap. 18. Alexandrō lib. 1. cap. 16. Aëtio, & aliis. Vt cumque sit, vtilitas mirabilis est sequuta, quodd digiti manus adhibitis spinæ medicamentis, essent tractati; illi inquam spinæ parti, quæ affectæ particulæ maximè consentiebat, & à qua originem ducebat, erat autem hæc in primo exortu nervi post septimam vertebra prodeuntis collocata.

**S**ed cur dixerit partem læsam breui quidem curatam, sed auctum fuisse in digitis sensus vitium, si ab spinæ læsione digitorum affectus oriebatur; cur nempe parte læsa curata, ille adhuc remansit, & postea curatus est? Dic duplicem fuisse spinæ læsionem, in situ vnam, quodd esset vertebra aliqua loco dimota, in nervis alteram, quodd essent contusi, & inflammati. Quare vertebrarum læsio citò curata est, quum facile sit dimotas, & luxatas vertebrae statim initio in suum locum reponere: nervorum autem læsionem, digitorum affectus præcipuam causam, remansisse, & scirrhi naturam recepisce, quæ deinceps auxiliis adhibitis curata est. Quæ autem fuerint hæc, explicat 6. meth. 3. dum nervos contusos sine cutis vlcere, oleo calente, cui facultas insit euacuandi, esse sæpè madefaciendos inculcat: nam quum nervus frigidus sit, calidis gaudet, & fouendus est, & maximè si sit refrigeratus; nam tunc cataplasmata parat ex oxymelite, farina fabar. erui, pice liquida, & iride Illyrica conflata. Est igitur valde obseruanda Historia hæc, cuius curationem à Galeno propositam, ut ingenue, & tanto viro maximè dignam, inter omnes postea laudarunt Aëtius tetrab. serm. 2. c. 32. Halyab. 5. pract. 26. Amat. 2. cen. 19. Forest. 10. obseru. 90. & 91.

# HISTORIA XLIX. GALENI, De Mortificatione.

## Mortificatio à frigore orta.

**V**Idi autem & alios quosdam, quorum digiti \* mortificati à nive exciderant, &c. Galeus lib. 3. de vſu part. cap. 5.

### PARAPHRASIS.

**A**B ingenti frigore auferri ſenſum & motum ſuprà latè oſtendimus. Cuiuſlibet partis, immò totius corporis ab eadem cauſa ſequi mortificationem, & interitum Gal. pluribus locis conſtitetur, tum lib. de cauſ. morb. 9. de inæqual. intemp. 7. de cauſ. procat. 1. & 2. & lib. de diff. morb. cap. 5. 5. In extremis quandoque partibus uſque adeò potens diſpoſitio contingit, ut ipſa emortua decidant, nec minus vniuerſum aliquando patitur corpus, ſicuti iter agentibus in valido frigore accidit: Nam plerique ex his in ipſa via commoriuntur: plerique verò antequam domum perueniant, ad hoſpitiū algidi, ac ſemianimes deferuntur, &c. Frigus enim ſi ſit excellens, innatum ignem contrarietate quadam extinguit, & corrumpit, quoniam aër frigidus inſpiratione, tranſpirationeque attractus, in viſcera penitiſſimè irruens, ac ſeſe inſinuans, ea mortificat. Licet interna membra, præſertimque cor validiſſima viſgeant facultate, eaque ita intenſa, ut, aſſerente Gal. lib. de inæqual. intemp. 5. ſi in ſiniſtrum cordis ſinum, viuente animali, digitum immittas, vebementiſſimum ſenties calorem. Si ergo hæ valentiſſimæ partes extremo frigori ſuccumbunt, ac pereunt, quid mirum ſi digiti pedum, partes frigidæ, calore deſtitutæ, & exanguæ, putreſcant ab eo, minuto nativo calore, & ad patibiles qualitates regendas inepto, & expreſſo humido, in cuius duratione calor noſter perſeuerantiam obtinet, victoque innato calido, pereant, & emoriantur, ſpiritu influenti, & inſito denſato, ac immobili facto, in cuius actione mutua vitæ perfectio conſiſtit. Quid plura? nonne noxam faciliùs perſentiſcent partes remotæ à fonte caloris? & humor in illis ſemel inſixus, ob facultatem earum debilem, & nerueam naturam haud ita citò poterit ſuperari? qua de cauſa dicebat Ariſt. 2. probl. 26. pedes minimè ſudare, ob impotentiam abſumendi humores, & Hipp. cum Gal. 2. prog. 3. citiùs inter reliquas partes intymefcere aſſirmat. Inſtabis, cur ſi hæc vera ſunt, priùs reſoluta crura, quàm brachia conſaneſcunt, ut experientia demonſtrat, qua præſente litigatium rationes ceſſant, firmantque eam Holler. lib. 1. de morb. intern. cap. 10. & Rondel. lib. de curand. morb. c. 28. qui ex eo putant euenire, quia pedum nerui ſicciores, & robuſtiores obſinent naturam, & ſic ob robur citiùs in his partibus malum ceſſare contingit. Sed quum ob multorum oſſium, neruorum, & aliarum partium ſiccitatem, durarumque complexum, humor impactus in eis difficulter elidi poſſit, horum rationi acquieſcere nō poſſum. Dic. Manuum neruos ob maiorem calorem, ex cordis, & aliorum viſcerum vicinia contractum, ampliores eſſe, & patentioribus meatibus præditos, propinquiore ad recipiendum, quo ſit ut maiorem humoris quantitatem imbibentes difficiliùs hac de cauſa ſanentur, quàm pedes, qui ob contrarias cauſas faciliùs ſanitati reſtituuntur.

### D V B I V M XXVII.

*Num certis ſignis pars præ frigore emortua, à paralyſi diſtinguatur. Contra Dionyſium Dacam, & Crucium Chirurgoſ Hiſpanoſ doctiſſimoſ.*

**M**ortificati. ] Quo pacto membrum præ frigore emortuum à paralytico diſtinguatur, explicatū difficile eſt. In utroque enim vitio membrum ſtupidum eſt, non habens ſenſum, neque motum. Oriri mortificationem à nimia caliditate, ut in inflammatoriis affectioni-

A bus paſſim contingit, firmant cum Gal. 2. ad Glauc. 9. & alibi, Guido traſt. 2. doct. 1. de apoſtemaſ. cap. 2. Vigo lib. 2. traſt. 1. de apoſtemaſ. cap. 16. quando videlicet à nimia humoris copia in affectam partem decumbente, naturalis calor ingenti humoris mole ſuffocatur, & extinguitur, veluti ignis à plurima lignorum congerie obrutus perit, & emoritur. Hæc, ſi confirmata ſit, in qua membrum non eſt viuum; neque vſlo modo ſentit, ac mouetur, neque eſt præparatum, ut ſenſum, & motum recipere poſſit, quoniam in eo vis non remanſit vitalis, ſed illico debet putreſcere, & corrumpi (ſphacelum dicunt) ut Paul. notauit lib. 4. cap. 19. à paralyſi diſtinguitur. Nam membrum, hæc correptum, licet non habeat ſenſum, neque motum, viuum tamen eſt, ut perbellè docuit Auic. 1. 1. doct. 6. c. 4. 5. Ideoque licet virtutes animales alicuius membri deſtruantur, viuum tamen membrum adhuc exiſtit, &c. Si verò mortificatione integra non eſt (Græcis Gangræna vocatur) ſenſum obtinet, & in hoc à paralyſi diſtinguitur, in ea autem repetiri ſenſum patet ex Auic. 3. 4. traſt. 1. cap. 15. qui tradens differentiam inter ſphacelum, & Gangrænā, huic tribuit ſenſum, illi denegat, quod priùs notauit Aëtius retrab. 3. ſerm. 2. cap. 56.

Insuper vtraque mortificatione à paralyſi, ex colore diſtinguitur, nam quæ mortificatur pars neceſſariò liuida, aut nigra manet, ex Gal. 2. ad Glauc. cit. 5. Quod ita affectum eſt, denigratur, &c. Et Guidon. loco. cit. 5. Nigrum ergo efficitur membrum, molle, & putridum cum ſetore cadauerali, &c. Gal. lib. 7. aph. com. 50. 5. Tale enim quid carnoſis partibus accidit, quas Gangrænā pari dicimus, quum ob magnitudinem inflammationis, inſenſibilitatē, nigritiem, ac denique morticinū quendam colorem intruſit, &c. à quo deſumpſit Auic. loc. cit. 5. Cum vides membri colorem alterari, &c.

Quibus non obſtat celeberrima illa Vigonis Hiſtoria lata loc. cit. qua confirmari poteſt in mortificatione à cauſa calida nullo modo colorem alterari. Refert enim ſe viſiſſe mulierem, Saluaginam de Grimaldis nominatam, cui poſt agritudinem chronicam in extremitatibus tibiærum accidit mortificatio, nulla precedente liuiditate, aut nigredine loci. Nam iſthæc rara ſunt, & tanquam rarò contingentia ab vſu medico explodenda; nam & Hipp. id quod crebrò oculis vſurpauit, (nihili faciens id quod rarò euenit) pronunciat, ut 2. de dieb. decret. cap. vlt. fatetur Gal. ſolū ergo frequentia, ut perpetua amplectenda, ex Gal. lib. 4. aph. 44. & lib. 6. com. 58.

Quo tamen ſigno pars præ frigore emortua, à paralytica diſtinguatur, & num in illa color immutetur, diſſentiunt auctores. Dionyſius Daça Hiſpanus Chirurgus famigeratiſſimus, lib. 2. de apoſtemaſ. cap. 34. de eſtiomeno, quem ſequitur Antonius à Cruce Olyſipponenſis, traſt. 2. Chirurg. cap. 4. ei ſe addixit opinioni, ut credat in mortificatione à frigore orta, non eſſe eſſentiale ut color immutetur. Placitum ſuum ex Nicol. confirmat, qui ſerm. 7. traſt. 3. ſum. 2. cap. 20. arbitrat in eſtiomeno nullo modo colorem alterari. Sed non placet opinio; nam ſi pars eſt emortua, extingui illico colorem ad abſentiam ſpiritus, & calidi innati eſt neceſſe, quoniā pars nigreſcit, quia emoritur, ex Gal. lib. 2. prog. 29. vnde Albucatiſ proprio cap. de eſtiomeno, in parte mortificata illico extingui calorem contendit; & lib. de diff. ſympt. cap. 6. in gangrænæ coloreſ immutari confirmat: per quas non ſolū eas quæ à magnitudine inflammationis oriuntur, ſed à frigore nimio, innatum calorem extingente, enatas intelligere cuiuſlibet eſt manifeſtū.

Deinde ex calore inter ſe diſtinguuntur; nam facultatis vitalis in parte paralytica inſidentis, mitis, ſenſatūſque calor, ſignum eſt certiſſimum; quæ verò in emortuo membro ad tactum ſentitur, vel nulla eſt, vel acris & mordax. Neque obſtat, quòd experiamur membra frigida viuencia, quæ non ſunt mortificata; nam iſta frigiditas ſtatim ceſſat, in parte verò emortua, diuturna eſt, & eſſentialis.

Mortificationem autem à frigore natam ſic curabis. Primò namque videbis, num pars ad priſtinum ſtatum medicamentiſ reduci poſſit: quod opus tentabis, calidis vnguentis, lauacris, emplaſtris, & aliis quæ tum frigidam partis intemperiem corrigere, tum innatum calorem roborare queant. Si tamen ompino membrum eſt mortuum,

ut punctum, vel sectum, vel adustum non sentiat, statim A recidere oportet. Num autem incisio per partem corruptam, an per sanam debeat celebrari, in nostro de Chirurgorum Principum Historia libro, quem post medicinales Principum Historias in lucem edere properamus, Deo duce latius explicabimus, quo loco controuertemus: quàm malo fundamento nitantur, qui cum Celso lib. 7. cap. ult. incisionem esse exequendam ex sana parte pugnatiter contendunt, quum Gal. loc. cit. ad Glauco. aliique Chirurgiæ proceres manifestè confirmant, per eam partem hoc opus esse exercendum, quàm vicinam attingit. Vt Hipp. text. 36. lib. 4. de articul. expressè confirmat.

At instabis, & merito sanè, cur, si pars emortua grauius non afficit, illic eam Gal. cæterique præcidendam consulant? Illud affirmat Gal. lib. 4. de articul. com. 37. §. Vbi enim pars aliqua ex toto emortua sit, non amplius grauius afficit, quàm vicina sunt. Hanc si præcidas, cauens ne dum manus curatio adhibetur, anima defectio sequatur, malum aliud non afferes ullum, &c. Non desunt qui hoc modo explicent contextum: coniungunt enim antecedentem Hipp. dictionem cum proposita; nam in textu præcedenti 36. sic ait Hipp. Nam ubi qui secatur, dolet, quum nondum quàm secatur, emortuum corpus fuerit, maximum periculum est, ne sub dolore anima deficiat: Eiusmodi autem anima defectio plurimos repente iam sustulit, &c. Et in hoc text. 37. addit, accipiendas esse eiusmodi sanationes, quum magis terreant, dum accipiuntur, quàm dum adhibentur, &c. tunc prorumpit Gal. in dubium explicandum, ut nos securos, audacesque reddat, dicens, ubi pars aliqua ex toto emortua sit, si præcidatur, non amplius grauius afficit. Minime quadrat solutio. Neque enim Gal. adiecit verbum, (si præcidatur) textus enim non sunt inuertendi citra necessitatem. Dic tu, & fortasse melius, partem emortuam, semper vicinam grauius afficere, quoniam putredine, & fæda illuue ipsam inquinat, & serpendo illic extinguit, eiusque calorem depopulatur; sed non ita grauius, neque eo modo quo afficiebat, quum erat inflammata, aut gangræna affecta: tunc enim affligebat dolore nimio, calore, anxietudine, & aliis quæ ex professo com. 17. præcedenti citat Galen. ipse. Cum verò emortua est eo quod est insensibilis, non amplius grauius afficit. Lege Hualdum de Hualdum lib. 1. contra Fragosum, cap. 7.

## HISTORIA L. RASIS,

### De oris tortura.

#### Conuulsio canina, cataputia sanatur.

Dico quòd quidam passus fuit torturam, & usus est di-  
cta medicina, pars tortura cessauit, sed illud parum  
quod remansit, fuit sibi inueteratum, &c. Medicina autem  
fuit quantitas vnius grani piperis de superiori cortice cata-  
putia maioris, inromissa in nasale patientis trita, quolibet die  
semel per tres dies liberat, &c. Rasis lib. 1. continent. tract. 1. r.  
cap. 2.

#### P A R A P H R A S I S.

Fieri in nostris corporibus eam affectionem, quàm Græci E conuulsionem caninam, Medicorum vulgus, oris torturam appellat, oriturque ab eisdem causis, & iisdem curari auxiliis; quibus resolutio, ambigit nullus, qui Gal. sensa intimius fuerit perscrutatus. Quod vitium sedulam opem expostulat, si enim negligatur, fortasse desperanda est curatio eius. Quibus autem prædiis, aggredienda curatio sit, & cui parti, sanæ, an læsæ sint applicanda remedia, plures plurimum disceptant. Vnum apud omnes vnanimi consensu comprobatur, caloris prociens medela semper fuisse ex vi, quæ crassos succos attenuare, roborare cerebrum, & meatus aperire queant, per quos animalis facultas ad mandibulares musculos perueniat.

Inter plurima tamen ab auctoribus summopere commendata, numerantur, quæ à capite per nares, fluxiones

Lib. I.

mouere nata sunt, & per emunctoria, cerebrum ab humoris copia expurgare valent; hæc autem sunt oculi, nares, aures, & palatum. Per quas partes æquè tutò exinanire cerebrum non possumus; nam oculi, sensus tactus plurimum participant, & si per has vias vacuationes moliri tentemus, in visu aliquod vitium excitabimus. Pari quoque modo per aures; nam per hos canales angustos detrahere humorem citra aliquod euident periculum non licet. Per palatum, ob viarum commoditatem securius expurgatur cerebrum, & eo maximè, quod in nares medicamenta indita, non tantum vi sua, sed copia, cerebrum agitent, commoueant & laceessant.

Quare in capitis affectibus, ad vrgens periculum euitandum, eis vi licet, præsertim si illi sint à frigido, crassoque humore prægnati: errhina autem debent constare ex calidis medicamentis, irritantibus, aperientibus, tenaces succos fundentibus, & ex iis quæ à tota substantia, mucosam, lentamque pituitam attrahere possunt: hæc enim sua acutie irritant, vellicant, seseque in cerebri membranas inferunt ita tenaciter, ut sternutamento moto, natura stimulata, sponte sua deinceps superfluos humores impetu propellat. Ea sunt elleborum, castoreum, piper album, elaterium, nitrum, & zingiber, quæ non nisi purgato corpore sunt concedenda, quam purgatione, ut par erat, exercuisse Rasis hic non ibo inficias, led eam, ut rem notissimam si luit: quæ enim sunt manifesta, prætereunda, ex Gal. 4. acur. 1. 2. & lib. 6. epid. sect. 2. com. 30. Nam quæ omnibus Medicis, & vel idiotis patent, Hip. prætermisit obscura solū, & quæ optimos artifices sæpè latere solent, euulgauit in lucem, ut de eo retulit Gal. lib. 2. de diffic. respir. cap. 7. in med.

C Errhinis addere est cataputiam, fortissimum sanè medicamentum, quod non solum tritum, naribus impositum, vi sua acri, valide sternutamenta mouens, cerebrum à viscido humore repurgat; sed intrus assumptum, vomitu, & secessu valenter pituitam, serosamque humores educit. Est autem cataputia maior apud Diosc. lib. 4. cap. 158. arbor quædam parua sicus altitudine, folio platani, maiori, læniori, ac nigriore, caudicibus constans in morem arundinis cauis, cortex eius exuctus, ricinum animal representat; vnde arbor, ricinus ab huius animalis similitudine nomen accepit. Hæc varias ex se promit utilitates, si Gal. adhibemus fidem, 7. de simp. Med. fac. rit. de ricino. Mesue tract. de simpl. eodem rit. Plin. lib. 15. cap. 7. & lib. 16. cap. 22. & lib. 23. cap. 4. Rembert. Dodonæo lib. 2. de natur. stirp. pempt. 3. cap. 11. Monard. part. 1. Aromat. eod. rit. Sed quum malum hoc præ sui sæuitie, & capitis habituali debilitate continuò ad affectam partem noxios humores expellente, ex toto non succumberet, idcirco aliquid de tortura inueteratum remansit. Quod si contingat, in usu est partem roborantibus medicamentis tractare, ut sunt olea, vnguenta, lauacra: cerebrum firmare iis, quæ vel extrà adhibita eius frigidam intemperiem, à quâ malum magis ac magis fouetur, tollere queant; vel intus assumpta crassos humores educant, & vna vigorem cerebro concilient. Ea sunt pituitam vacuantia, roborantia, ut salu. Rosmarin. ruta, stœchas, chamædrys, chamæpitys, nux Myristic. zingib. acor. costum, cinnamom. & si quæ plura alia. Hoc opus complent balnea sulphurea, sudorifica auxilia ex Ebena, Smilac. asper. Chinæque parata, Theriaca Mithridatica antidorus, & alia innumera. Et si his affectio omnino non conquieuerit, in altero brachio fontanellam aperientem cura, ut humor suapte vi, ex debilitate cerebri necessariò gignendus, ad minus momentaneas detrudatur corporis partes.

## HISTORIA LI. AVICENNÆ,

### De Conuulsione.

#### Conuulsio, gelidæ perfusione, sanata.

EX his autem, quæ iuuant habentem spasmus communem, qui nominatur tetanus, & tensio, factus à materia frigida, est ut subito in aqua demergatur frigida, secundum quod

H 2



quod dixit Hipp. nam corporis exteriora inspissantur, & innatus calor in interioribus clauditur, quare confortatur, & resoluitur materia: Non est tamen omne corpus tolerans hoc, à timore tutum, sed corpus iuuenile, carnosum, quod ulcera non habet, & in ætate. Plures enim per hoc iam euaserunt, & c. Auicenna fen. 2. 3. tract. 1. cap. 7. in med.

## QVÆSTIO XXVI.

Quòd in affusione gelida pro tetani curatione, Hipp. & Paulus sint còcordes. Contra Cardanũ, Costæum, & Lupeum, Medicos doctissimos.

### C. O M M E N T A R I V M.

**T**etani frigidæ affusione curari, testis est Hipp. 5. aph. 21. dum sic ait, *Est autem ubi in tetano sine ulceratione, iuvene bene carnosum, ætate media, frigida aqua multa per fusio calorem reuocat, calor autem hac soluit.* Repetit lib. 3. de morb. num. 14. Explicat, & amplectitur Gal. in com. quem æmulatus est Auic. Quum enim iuuenes plurimo, eoque intenso polleat nativo calore, hic ob frigidæ aquæ perfusionem reuocatus, & occlusis poris cutisque meatibus, intro veluti coërcitus & vnitus, conuulsionem sanat, crassos, frigidósque humores absumendo, à quibus ferè conuulsio ex repletione oriri consuevit, vt millies Gal. ostendit. Sed hoc negotium tentandum est, adhibitis prius illis, quas Gal. & Auic. afferunt conditionibus, vt scilicet sit corpus iuuenile, carnosum, conuulsio sit sine ulcere, & curatio æstiuo anni tempore, ac regione calida celebretur. Quas conditiones Gal. cæterique Medicinæ Principes, & iuniores ferè omnes amplectuntur, & explanant, qui aphorismorum ambages adamussim sunt interpretati, & duobus exëplis confirmat Iason, cap. 21. de morb. cereb. & Ioan. Liebaux, in Schol. ad aph. Hipp. inter omnes eruditè explicauit.

Nescio tamen quo fato, aut qua malè fauente fortuna ferè semper euenire animaduertamus, præstantissimos viros quò magis excellunt, quantòque cæteris viris satisfaciunt, tanto importunius à multis laceffiri calumniis, iniuriis concuti ac premi. Qua de causa summo nostræ artis Antesignato, & Coryphæo Hipp. nunquam sine honoris & laudis commendatione nominando dolendum cenfeo, cum ipse quoque eruditissimus in lustranda ac perficienda Medicina, post tot consumptos labores, hominum iuclementiam euadere non potuerit. At ex plurimis, quæ in eum iaciunt, spiculis, hoc est fortissimum, ex Pauli auctoritate desumptum, qui auctor licet Hipp. Galenique doctrinam in omnibus tueatur, & defendat, in hoc dogmate aduersus hos eximios viros, Hipp. præsertim, perfricta fronte debellare non erubescit: quum lib. 3. cap. 20. tit. de curat. tetanor. in hæc verba prorumpit. *Frigida affusio (quemadmodum ait Hipp.) cum maxime temeraria sit, & ob id à posteris prætermissa, & vituperata, & nos damnamus denitamusque, & c.* Hæc est tenebrosa Pauli sententia, quam plurimi ante nos doctissimi proponentes in explicatam reliquerunt, de quorum numero fuerè omnicius Cardanus in com. cit. aph. Hipp. acutissimus Costæus, ad cit. cap. Auic. Lupeus ingeniosissimus in suis animaduersionibus medicis, tit. de iis auctoribus qui ab Hipp. tempore, usque ad nostrum æuam Gal. contradixere. Mercatus lib. 1. de morb. intern. 15. qui citra rationem nititur tantum auxilium contra Hipp. mentem peruertere.

Sed quum Principes inter se oporteat esse concordēs, vt vnanimis scientia constet, necesseque sit, vt illorum dogmata inter se consentiant, ex Iustinian. Instit. de testam. §. Sed cum paulatim, ibi in vnā consonantiā, & c. Rudi meo Martè hanc sic componere litè satius duxi. Maximè quum Cælius Aurelianus, Paulo antiquior, Hipp. sententiā reprobare visus sit. In corpore ergo carnosum (quadratum vocat Celsus lib. 2. cap. 1. in init.) aliisque suprà citatis conditionibus prædito, distentioneque neruorum occupato, tutissima est curatio hæc. Si verò Paul. eam vituperatè videtur, id ex aliorum potius sententia factum puta, vt patet ex verbo [ob id à posteris prætermissa]. Secundò. Dic-

Hipp. loquutum de distentione ex repletione orta, quam gelidæ multa perfusio ex accidenti soluit. Paul. autem de ea, quæ ab Arabibus non proportionata ad materiam appellatur; quam dari Gal. 3. de loc. 7. & 5. aph. 1. & 11. merb. ult. asseuerat, cui gelidæ perfusio est inutilis. Quum enim ex venenata qualitate, alteratis per continuum partibus, ad neruorum principium delata originem ducat. Si infusio frigidæ administretur, partem densando, & veluti solidando, venenum repellit ad interiora, quod est nociuum valde, quoniam non est aliquid magis iuuariuum, quam medicamen quod trahit venenum ad exteriora, & prohibet ipsum penetrare ad interiora, & partem dilatat, vt Auic. verbis utar, 6. 4. tract. 3. cap. 1. & tract. 4. cap. 9. de cura morsus animalium venenosorum. Cur ergo, si pro hoc complendo opere, vtimur cucurbitulis, frictionibus, suctione, cauterio, & calidis auxiliis, vt venenosa qualitas altis in corpore fixa radicibus ad extrā possit euocari, vtimur gelidæ affusione, contrarium opus huic intentioni faciente? Solue Tertio. Curationem hanc tetani, frigidæ perfusione celebratam, quoad Hipp. summè esse proficuum, maximisque præconiis commendandam; sed quoad nos videri temerariam, reprobam, & nullius vsus. Ille enim exacto iudicio, vsu, exercitationeque clarus, tempus accommodatum præsidii inueniebat; nos verò ab eius vera methodo, ingenique sagacitate longè discedentes, tempus aptissimum remediis minimè reperire possumus. Quo factum est, vt plurima auxilia, nulla vnquam obliuione delenda, quæ tantopere laudauit prisca vetustas, vsu, experimentoque fidiſſimo comprobata, ab vsu medico penitus recesserint, habeanturque contempnui, & ob ignorantiam eorum qui ea exercent, despiciantur ab omnibus, quæ tempore Hipp. & Gal. administrata, quam plurimis fuere saluti. Ea sunt sanguinis missio vsque ad animi deliquium, & frigidæ potus ad satietatem vsque, quibus, vt decet, & commodo tempore celebratis, febres magni feruoris, & incendij, penitus iugulasse, ipsi appositis exemplis contestantur sæpe. Et Hipp. lib. 5. epid. num. 2. virum in Oeniadis tabescentem, & consumptum, ab aliis pharmacis non adiutum, secta vena in vtraque manu, vliquedum exanguis redderetur (mirum dictu) à morbo liberasse gloriatur. Quotus enim quisque Medicus non abstinuisset à venæ sectione nimia & copiosa, ob virium imbecillitatem summam, carniū extenuationem, ob penuriam alimenti, & reliqua symptomata? neque tamen temerè id huic ægroto, sed prudenter factum esse putes, vt doctè ingenuus Vallesius explicat in com. Nec inſtes antiquo tempore fuisse homines fortiores, quum hoc manifestè constet esse apertè falsum, vt eleganter probat Christ. à Vega lib. 2. art. medic. in præfatione, post med. Sic hodierno tempore crises peruertuntur, quoniam Medici quoties accedunt ad ægros, toties peccant, quod Medicis sui temporis obiicit Gal. 3. de dieb. decret. cap. 9. Gal. verò sæculo omnes morbi crisi ferè soluebantur. Quoniam ipse motum naturæ, certis veluti legibus operantis, expectabat, vt plurimis appositis Historiis in lib. de præcognit. ad Posthum. ipse confirmat. Vt est illa iuuenis febris correpti, hæmorrhagia sanati, & illa de triplici quartana, & altera Imperatoris attritione ventriculi laborantis; Quos omnes ægros, præpostera medicorum auxilia cruciauerant. Omitto alia fortissima præsidia, quorum nos nec nomen memoriter tenemus, tantum abest vt eis vtamur, aut exequenda permittamus: quoniam eorum exactam notitiam non habemus, quin ægri naturam & vires, morbi statum, & acutiem ignorantes, eorum occasionem, quæ præcepta est, ex Hipp. 1. aph. 1. prætermittimus. Aquæ ergo affusio pro tetani curatione, quoad Hipp. & Galen. est saluberrima; quoad nos, valde reprobata & noxia, immò temeraria censenda. Porro de hac quæſtione ambigua, & incerta satis, vtpote ardua, liberum sit cuique quod velit opinari, monente sic Magistro, lib. 1. prorrh. sect. 2. com. 36. Quum nulla lex sit transcribentibus posita, ex Gal. 7. aph. 65.



## HISTORIA LII. GALENI,

## De Conuulsione.

Conuulsio ex æruginoso humore, in ore ventriculi sito, pronata, vomitu concitato, curata.

**V**eluti dudum illi contigit, qui paulo post æruginosum humorem euomuit. Satius verò sit non æruginosum ipsum dicere, sed exactam planè æruginem: talis namque erat, qualis arugo pulcherrima. Verum huic adolescenti cum conuulsione, & syncope, etià gutta quadà frigida, & pulsus in summo gradu parui erant. Ex quibus cum conicerem in ore ventriculi, quem publice stomachum vocant, mordentem aliquem contineri humorem, dedi illi aquam tepidam bibere: post quam protinus tale quid euomuit, quale si ipse facere velles, \* floridissimam æruginem aqua misceres, &c. Galenus lib. 1. 2. meth. cap. vlt. prop. fin.

## P A R A P H R A S I S.

**H**anc Historiam repetit Gal. lib. 5. aph. 1. addit solum, iuuenem hunc febris fuisse correptum, & vomitu ex aqua tepida concitato statim conuulsisse vacuata causa. Ab humoribus acerbis, mordacibus, præsertim quum in ore ventriculi sunt inacti, plura damna, crebras, vehementesque conuulsiones suboriri, pluribus locis manifestissime confirmat Gal. dum enim nerui in hac parte existentes multi, ab humore hoc calidissimo affliguntur & molestantur, alij omnes corporis nerui trahuntur in consensum, sicque totius corporis conuulsio sequitur, & miri oriuntur ab hac parte, & immedicabiles affectus. Quoniam os ventriculi cum omnibus præcipuis nostri corporis partibus summum obtinet consensum, ut lib. 1. de sympt. caus. 7. & 2. acut. 47. 3. de loc. cap. 7. ait Gal. Sic ab hac origine cardiogmon, syncopen, pulsus paruitatem omnimodam, angorem, cordis saltum, extremorum frigiditatem, & mortem repentinam, humore hoc, veneni ritu, cor, aliæque præcipua viscera occupante, frequentissime conspicimus. Non enim hic dirus humor solum sua vi erodente has partes pungit, lancinat, & laceffit, sed deleteria qualitate cæteras partes vellicat, & prosternt, cum sit ita à natura alienus, ut in venenorum numero eum reponat Auic. 1. doct. 4. cap. 1. prop. fin. §. Hac autem species qua dicitur Zinnaria, omnibus cholera speciebus calidior existit, & peior, & magis perniciofa, & dicitur quod est de substantia venenorum, &c. Emulatus Gal. 3. epid. sect. 2. com. 1. & lib. 1. eiusd. oper. sect. 2. com. 54. qui hunc humorem veneno esse persimilem pronunciat manifestè: de cuius malitia inter plures disputarunt Vega lib. 2. prog. 39. & Ludouic. Lemos. in com. cap. 9. lib. 2. de naturalib. facult. Galen. Ludouic. Mercat. tom. 1. lib. 1. part. 3. q. 85. in fin.

Hunc ergo humorem vomitu citissime vacuare oportet, ne ab eius acrimonia, & inala qualitate, partibus præcipuis concussis, retracto, ac quasi victo innato calore, tanquam à promptissimo veneno, cum extremorum frigiditate, sudore frigido, anxietate, ac aliis sævis symptomatis æger resoluatur. Cum autem leuia vomitoria sint, præstana cremor, mulla, syrupus acetosus simplex, & alia, aquam tepidam potius elegit: hæc enim ob præcipitè occasionem, paratu tum est facillima, & tanquam temperatissima, humoris huius effrænis, & acuti efficaciam retundit. Quare eius balneo acres, & erodentes humores ad oculum defluentes contemperat, 6. aph. 1. & calidos vapores, intemperiem capitis fouentes ipsius lauacro demulcet, 6. de sanit. 9. Dedit autem tepidam, quoniam tepida relaxando ventriculum, eius firmitudinem dissoluunt, & vomitum concitant, auctore Gal. lib. 8. meth. 5. sequitur Auic. 1. 4. tract. 1. c. 26. & ne fortè à frigiditate aquæ humor iste noxius in ventriculi tunicis retentus, præ mora læderet magis: quo euomito febris ex efferuescente bile, & conatu naturæ concitata, & conuulsio cessauit. De cuius causa, generibus, & differentia à resolutione, plurimi scribentium suas fecere quæstiones. Lege Mercurial. lib. 1. Praxis, cap. 25.

Lib. I.

Num humor veneno similis in corpore innascatur.

## C O M M E N T A R I V M.

**F**loridissimam æruginem. ] An humor veneno similis nascatur in corpore, dubitant Iuniores: Nos dubium commaticè explicabimus. Sunt qui negent; quoniam dum calore corpus regitur, humor benignus in corpore gignitur, corpus innoxie aliturus. Nec calor innatus deleterium humorem in corpore innasci permittit, cum sit auctor vitæ, corpus tueatur, & ab iniuriis defendat. Neque à præternaturali fieri est affirmandum: nam nihil agit ultra suam actiuitatem, vis autem veneni maior est quam potentia præternaturalis caloris.

Sed contra est Gal. auctoritas. Is enim pluribus in locis venenosum humorem adnasci in corpore asseuerat. lib. enim 3. de loc. affect. cap. 7. Sententiam Pelopis confirmans, dicit possibile esse, ut in parte quadam genitus sit quispiam veneficus humor, & adeo deleterius, ut perniciosarum ferarum instar corpus immuter, & alteratis per continuum partibus, aut spiritali quapiã substantia transmissa, non accedente causa extranea, partes principes veneni præoptissimi modo oppugnet, & labefactet: hoc apertissimis exemplis confirmat, in iis qui aura frigida à tibia usque ad cerebrum ascendente, epilepsia correpti sunt, quod aperte significauit. Auic. loco cit. Insuper id constat in hysteris scæminis sapissimè, quæ ex retentis sanguine & semine, in grauissima, eaque lethalia incidunt symptomata, auctore Magistro 6. de loc. cap. 5. ex semetipsis accepto suæ originis impetu; & adeo menstruum, & semen in malignam degenerant naturam, ut similia ex se prodant ægri signa, & accidentia, iis quæ ex epoto præsentaneo veneno oriri solent. Quo factum est, ut plurimi, sanorum munia obeuntes, repente veluti siderati concidant, & emoriatur, quoniam veneno similis in corpore genitus humor, sua vi dira, cor ex improviso premit, & extinguit. Sic ab origine plures emanant exitiales morbi, qui nullis deinceps auxiliis compefci possunt. Sic mortuus est Phreneticus 3. lib. epid. sect. 3. com. 75. quoniam humor vitiosus in corpore coaceruatus erat veneno lethali adsimilis, in corporibus vicinis aliquid paulatim agens, quæ quando vitio iam aliquo pacto opportuna erant, humorque ipse euascerat malignissimus, lethale repente apparuit symptoma, notante sic Magistro in com.

Humorem ergo veneno finitimum oriri in corpore, non est dubitandum, qui paulatim tractu temporis principalium partium aliquam immuter, & deinde occupet vniuersum corpus, unde mors subita, aut sæuissima damna contingunt. Patet in multis præter cætera euidenter; ad sanguinis enim grumefacti præsentiam, pulsus fit paruus, frequens, & æger cum anxietate resoluatur, monente Gal. 6. de loc. 4. & lib. de bonis & vit. succor. cap. 4. ex lactis coagulati in stomacho noxa, venefica apparent symptomata & terroris plena, ex Dioscorid. lib. 6. cap. 26. & alijs. Cur ergo si ex probissimis alimentis, qualitas repullulat deleteria, non magis euadet ex corruptis excrementis? quod ipse lib. 1. prorrh. sect. 2. com. 17. confirmat. §. Non est igitur absurdum, ut talis in corpore paulatim progenitus sit humor, qualis est rabientium canum, & medicamentorum tractu temporis longiore corrumpentium, &c. Et lib. de suc. bonis & vit. cap. 2. dementem vocat, qui nescit quàm malum sit humores corporis ad venenosam qualitatem conuerti. Eius doctrinam firmat Auic. 1. 3. tract. 5. cap. 8. §. Et fit causa illius, retentio sanguinis; aut humoris in transitu, cui iam accidit oppilatio, & absconditur ab eo calor innatus & emoritur in ipso, & putrefit, & conuertitur ad malam qualitatem, & procedit ex eo secundum resolutionem, vel per indicationem materia vaporosa, aut qualitas venenosa, aut fit casus super ipsum quorundam venenorum, & imprimis in neruis, sicut imprimis punctura scorpionis, &c. quod prius notauit Aëtius tetrab. 2. ferm. 2. cap. 11.

Quid plura? nonne bilis æruginæ, de qua tot mala Gal. prædicat. lib. 1. prorrh. 10. veneni naturam sapit? maxime

H 3

si in

si in ore ventriculi sit infixa: tunc enim sua erodente vi, A  
vniuersum corpus conuelleret, & in consensum ducere  
nata est. Calor autem innatus hæc fieri non permittit,  
quando robustus est: nam tunc sua vehementia, robore, ac  
temperantia humores regit, & ab omni labis, putredinisve  
vitio defendit; sed quum debilis est, & ad patibiles gu-  
bernandas qualitates ineptus, & sic ad propria munera  
obunda insufficiens. Quo pacto putrescunt à regimine  
naturæ derelicti humores, & in malignam abeunt natu-  
ram, venenique perniciosissimi ritu corpus ad interitum  
deducunt. De quo argumento si plura legere cupis, adi  
Gent. in com. nup. cit. cap. Auic. Thom. à Veiga 3. de loc. in  
com. cap. 7. verbo, In corpore. Mercurial. lib. de morb. venen.  
14. Cardan. lib. 1. de venen. cap. 6. Carterium diss. 66. ad  
libros Gal. de loc. affect. Petr. de Peramat. lib. de plenit. cap. 8.  
qui de hoc dubio eloquenter disputarunt.

## HISTORIA LIIL. RASIS, De Ophthalmia.

Sæua Ophthalmia, copiosa venæ  
sectione curata.

C Vidam accidit ophthalmia, mādani ipsum phlebotomare  
de cephalica, & noluit obedire; & sequenti die dolor au-  
gmentatus est ita, quod nunquam vidi tam difficilem ophthal-  
miā, & periculosam, & dubitavi ne scinderentur tunica oculo-  
rum, & egrederetur aliquid de ipsorum substantia: & nihil  
quasi mansit de cornea, quod non esset coopertum, nisi in quanti-  
tate vnius lentis propter subleuationem apostematis coniuncti-  
ua: & cum incæpit granari à morbo, rediit ad me: & ego feci  
ipsum phlebotomari bis, & extraxi duabus vicibus quantitatē  
triū rotulorum sanguinis, & plus, & absterxi oculos suos à lip-  
pitudine, & pulverizavi de super pulverem album, & dormiuit  
eo die, & cessauit dolor, & in sequenti die liberatus est omni-  
no, &c. Rasis lib. de mirabilibus curis.

### PARAPHRASIS.

Magna fuit inflammatio hæc, de qua dubitauit au-  
ctor ne præ copia, distenta vasa rumperentur. Nar-  
rat enim grauissimus auctor Cels. lib. 6. cap. 6. sect. 8, quod  
tam ingens inflammatio aliquando oculos exercet, vt  
ipso à sua sede propellat. Pro qua curanda, sanguinis co-  
piosa extractio fuit è directo laborantis oculi celebrata:  
de cuius, in hoc affectu, vtilitate infra latius agemus. Ex-  
traxit autem ita liberaliter, vt bis, triū rotulorum quan-  
tatem sanguinis exhauriret. Est autem Rotulus apud  
Rasim lib. 2. contin. cap. 2. & Serap. 3. breuiarij, cap. 15.  
idem, ac libra. Nam ille 5. contin. 2. facit medicamento-  
rum coctionem in rotulo vno. Et Serap. cap. 26. eiusd. ait.  
quod coquantur in libra, Et Rasis, 12. contin. cap. 1. Stra-  
phidis agriz assignat quantitatem rotuli, ad parandum  
quoddam emplastrum coxendicis morbo proficuum. Et  
Auic. 22. 3. tract. 2. cap. 10. in fin. idem emplastrum descri-  
bens, ponit libram, vt rectè notat Dominic. Massaria Vi-  
centin. lib. 2. de ponderib. & mensur. Qua vacuata copia ad  
sedandum dolorem accessit; huius enim quandoque tan-  
ta est immanitas, vt vires prosternat, qua de causa ei soli  
insistere cogitur Medicus. In quem vsum, puluis al-  
bus, (ab Arabibus sief album, à nostris collyrium al-  
bum, nuncupatur) intra oculum fuit immixtus, cuius  
descriptionem affert ipse lib. 9. ad Almanf. cap. 15.

Videtur autem quod in hoc casu cum

Opio esset imponendus, nam ma-  
xima erat doloris sedandi  
necessitas.

## HISTORIA LIV. GALENI, De Ophthalmia.

OEconomus ab inflammatione oculorum,  
ac cæcitatis periculo, sanguinis mis-  
sionis beneficio liberatus, contra Era-  
sistrataeos.

I Taque ego rogatus à diuite quopiam, vt rerum suarum aco-  
nomus inuiserem, cui cæcitatis periculū imminebat, magno  
dolore diebus iam viginti vexatum, quem Medicus secta Era-  
sistratae curabat, anxie semper vena sectionem refugienti: Vbi  
ergo laborante inspecto, eum iuuenem multi sanguinis cognouis-  
sem: ac oculos quidem nondū ulceratos habere, ceterū phle-  
gmonem maximam, fluxionemque, tum in ambabus palpebris  
densitatem, atque in altera quasdam etiā asperitates, à quibus  
oborta caligine, agrotus magis magisque dolebat, ac phlegmone,  
fluxionemque exacerbabatur. His inquā, conspectis, cognitaque  
omni ratione curationis, qua Medicus ille vsus fuerat, prima  
protinus detractione tres sanguinis libras exhausti, deinde hora  
nona aliam: à quibus mirifice refectus, inunctus est postero die  
mollium collyriorum quopiam, cui admixtum erat quod vinum  
habet, sillen sub palpebris facto, specilli cuspi de in summo medi-  
camentum impositum ferente. Id primum quidem manē faciebam,  
deinde ad horam tertiam, postea ad nonam, post quas inunctio-  
nes, sub occasum Solis in balneum ductus est. Postero die pal-  
pebris extra versis, inunctus est maiori copia collyrij illius quod  
vinum recipit, molli illi collyrio admixta, dein ad vespertam  
horam est. Postridie manē oculos aperuit, qui ante biduum, illos  
ne aperire quidem præ fluxione, atque dolore potuerat. Qua res  
incantationi similis visa est. Porro ex palpebris restabant ex-  
tergenda laboranti, tum densitates illæ, tum asperitates: cate-  
rion id fieri non poterat citra medicamentum mordax. atqui  
ferre illud neuiquam potuisset, nisi prius vacuatus foret, &c.  
Galenus lib. de curand. rat. per sang. mis. cap. 17.

### PARAPHRASIS.

Memoranda est Historia hæc, & sapissimè in consul-  
tationibus præ oculis habenda, in cuius enarratio-  
ne summopere gloriatur Gal. ostendens contra pseudo-  
medicos, Erasistrati sectatores quàm necessaria sit ad le-  
uandos oculorum morbos venæ sectio. Quare ne sis timi-  
dus, in his morbis sanguinem aperta vena emittere. Imi-  
tator Gal. qui veritatem medicam docuit ad vnguem, sine  
fucō, & fallaciis expositam. Fidem adhibe ipsi, qui in Vr-  
be Roma, hominum multitudine refertissima, longo ni-  
xus experimento, ductus ratione multa, vsu dexterrimus,  
ac felicissimus, scientiam nostram exercuit.

Hic ergo summus Auctor, quum iuuenem conspice-  
ret oculorum dolorifica inflammatione, à plurima san-  
guinis copia suborta vexatum, oculos nondum ulcera-  
tos habentem, cui fluxio valida, palpebrarum asperitas,  
oculorum caligo adiungebantur: quæ omnia, à sanguinis  
sarcina nimia, in vniuerso corpore existente, vel in aliqua  
oculorum parte sita euenire, norunt omnes, copiosa va-  
cuatione vsus est, vt enim rectè Senex aduertit 1. Aph. 23.  
& 2. eiusd. 22. & alibi sæpè, nimis repletioni, similis va-  
cuatio conuenit, & maxime si illa sit ex maxima inflam-  
matione concitata. Hoc enim præsidio affecti oculi, in  
superiori corporis parte positi, & à venis maioribus, in  
quibus vberior sanguinis copia existit, valde distantes,  
subito exinaniuntur: quod si iteretur, (vt hic fecisse Gal.  
constat) securissimam præstabit reuulsionem; quanto enim  
maiores in numerum particulas auxeris detractiones, tan-  
to efficacior effeceris, vt lib. de curand. rat. per sang. mis.  
cap. 12. in fin. notauit Gal.

Duo tamen hic notanter aduerte. Primum Galen. ho-  
ram in qua auxilium hoc exercuit, adnotasse, exemplo hoc  
demonstrans, quàm ridiculum sit, quod quidam faciunt,  
à secunda diei hora, vsque ad quintam, aut sextam solum  
sanguinem

sanguinem mittentes, ut cit. mox loco retulit Gal. quum A. *cris. cap. 10. & 2. prog. 33.* Hic ergo pensatis, tam iis quæ à Medico Erasistrato, qui ante Gal. curationi præfuerat, quique venæ sectionis loco, aliqua topica, inflammationi proficua instituerat; rû considerato iuuenis tēperamento calido humido, plurimæ sanguinis copię gignendæ aptissimò, ocyssimè sanguinem mittere non recusauit.

Qua facta vacuatione, simulque collyrio molli imposito, vnà cum illo quod vinum habet, sanatus est. Dicitur autem molle collyrium, siue humidum, medicamentum oblongum, rotundum, ex liquoribus, succis, seminibus, fructibus, & metallicis compositum, quo ad fistulas in quauis corporis parte existentes, ad narium affectus antiquitas utebatur, si Galen. fidem adhibemus 2. de compos. medic. sect. gen. cap. 19. Cels. lib. 5. cap. 8. Oribas. 10. collect. 23. Quod medicamentum soliditatem, ac firmitatem habet, quo diuersimodè utebantur Medici, vel in eadem forma, vocabantque collyrium siccum; aut eius portione in puluerem redacta, vel eo in puluerem contrito, sed humore aliquo adiecto, dicebantque humidum, siue molle collyrium. De cuius multiplici differentia sat plura Gal. in lib. de compos. med. sect. loc. & per gener. Nam quædam refrigerant, humectant, excalfaciunt, exiccant, obstupefaciunt, fluxiones reprimunt, & sistunt. At in hoc casu verisimile est vsum fuisse Gal. collyrio, quod inflammationem extinguere, fluxos humores absumere, fluentes reprimere aptum erat. Huius fit cit ipse peculiarem commemorationem, lib. 4. de comp. medic. sec. loc. cap. 7. quod recipit Spodium, Tragacanthum, Amylum, Cerasum, & Opium torrefactum. Ut autem palpebrarum asperitati consuleret, collyrij quod vinum continet, portionem illi alteri immiscuit: nec vini caliditatem est verius; quum iam maiori ex parte sedata inflammatio esset, & illud aliis refrigerantibus permisceret. Quare necessum fuit addere collyrium ex vino, quod humorem impactum resolveret, corpore præsertim, venæ sectionis beneficio vacuato. De cuius collyrij multiplici differentia, plura Gal. Paul. & Aëtius conscripserunt. Ea tamen medicamenta singulis sex horis oculis applicuit, ut sic assidue adhibita proficere possent, alioquin minimè iuuarent, quum ob perpetuum eorum motum, & decliuem firum adhærere nequeant.

Sedatis ergo inflammatione & dolore, ac fluxione repressa, ad palpebrarum detergendas densitates, & asperitates accessit: quod opus cum sine mordaci medicamento fieri non possit, & ex acrimonia, dolor, nona fluxio, & alia damna contingant, necesse fuit prius vacuationem celebrare dato pharmaco, quod humorem illum residuum in oculis contentum, & in toto abundantem, adustum mordacemque vacuare posset. Tunc enim localia iuuant, aliàs non expurgato corpore reprobantur ab ipso, 13. Meth. 22. & 4. de compos. med. cit. maxime si non abluantur, & in magna quantitate applicentur. De quorum multiplici differentia, vide inter omnes Trincauel. lib. 4. de compos. medic. 11. ex antiquorum doctrina, & de varia collyriorum forma ex professo, doctèque disputantem Lege Saluum Sclanum in com. Gal.

## Observatio XLI.

### Ophthalmia sæua, copiosissima venæ sectione, curata.

Monachum vidi gracilem & excarnem, ætatis 45. annorum, & in victu, ut cæteri solent in communitatibus, sobrium & abstemium, qui singulis mensibus oculorum inflammatione aded sæua cruciabatur, ingenti dolore oppressus, ut non expectato Medici aut Chirurgi aduentu, sibi ipsi venam in eodem die humerariam, aut nigram absunderet, & imposito vulnere digito, iterum atque iterum fluere sineret, quousque dolor, rubedo, tumorque euanescerent; & ita immanis dolor hominem exercebat aliquando, ex feruentis prurientisque sanguinis copia in has partes delapsi, concitata, ut multoties (res mira) 24. horarum spatio 10. faceret phlebotomias, in animique deliquium sæpè incideret. Is licet plurima præseruationis causa fuerit expertus auxilia, aperuerit fontanellas, balnea admiserit, purgantia clementer assumpserit sæpius, & hæmorrhoidales venas hirudinibus exhauserit frequentius, tamen se nullo alio præsidio, quàm hac copiosa, iterataque vacuatione iuuari confessus est. Nec miraris, nam, ut dicebat Philosophus Cordubensis, *Monstra accidunt in arte, quemadmodum in natura.*

Cæterum hanc copiosam vacuationem præsertim exercendam intellige, quum oculi non sunt vlcæati: nam si vlcus adesset, sedata inflammatione, æger à Gal. propositus non euasisset; cum vlcæis sanatio exiccantibus perfici debeat, quæ inflammationem augere nata sunt, & palpebrarum densitatem, hoc est crassitiem ac duritiem, ab humore sicco ac condensante pronatam, simulque asperitatem ipsarum, à sanguinolento humore profectam, ex Gal. introduct. 15. irritare valent. Ex quibus omnibus certior factus, ad hoc generosum præsidium accessit, & magis, oborta caligine, eaque non à frigidioribus succis, aut crassioribus originem ducente, à quibus vertigo, epilepsia, aut apoplexia oriuntur ferè, ut lib. introd. 13. notauit Gal. sed ab vberissima sanguinis copia in vniuerso corpore, aut in aliqua oculorum parte reposita, à qua multus, crassiusculusque eleuatur vapor, meatus obferans, & caliginem efficiens, Gal. lib. 1. prog. 28. & sic caligo oculorum inter signa hæmorrhagiæ ab ipso reponitur, lib. 3.

## D V B I V M XXIX.

Num in affectibus oculorum humeraria ferienda, & num visum debilitet.

## COMMENTARIUM.

**T** Res sanguinis libras exhausti. ] In affectibus supra iugulum humerariam esse tundendam, præter experimentum Rasis supra in proxima Historia, summa utilitate sanguinem ab ea extrahentis, docuit Gal. in lib. de curand. rat. per sang. mis. 16. & 17. in quo loco, quando superiores pectore partes laborant, eam, è directo laborantis partis, esse feriendam manifestè confirmat: reperit 2. acut. 19. & 4. de sanit. tuend. cap. 10. Adeoque ab hac vena celebratum istud auxilium citissimam opem attulit semper, ut harum partium vehementissimos affectus intra vnus horæ spatium persanauerit, ut refert Aëtius, retrab. 2. ferm. 3.

cap. 8. & Trallian. lib. 2. cap. 1. confirmat. Attamen nostri A temporis Medici in affectibus partium supra iugulum, ad huius venæ sectionem accedere non solent, nisi vel quando necessitas urget; vel totum corpus exquisitissime vacuatum est: Si enim hæc, priusquam basilica, aut communis secetur, timent, ne secta statim cephalica, affectio forsan denuò inualescat, & quod plus est, visum & caput debilitari, aut saltem periculum sectionis arteriæ, aut puncturæ nervi pertimescunt.

Sed tutius est in affectibus partium supra iugulum, à sectione venæ communis incipere, quando affectus ortum habet ex defluxione adiuncta plenitudini: Nam etsi humeraria maiorem habeat consensum cum capite, & ceruice, & minorem vena communis; quoniam tamen ordo curationis exigit, ut ante partis affectæ curationem, subueniamus fluxioni, cuius causa est totius plenitudo, præstat prius secta communi, aut basilica, hanc deponere, quam partem affectam inanire secta cephalica. Nam in affectu ex fluxione suborto, prius fluxio ipsa, & fluxionis causa amolenda est, quam pars affecta vacuetur. Et licet partes supra iugulum secta cephalica non solum possint exinaniri, sed totum corpus, si larga vacuatio fiat, ex Gal. 2. acut. 10. quoniam tamen hæc copiosæ vacuationes vires deiciunt, nec citra virium dispendium tolerari possunt, parcè tamen ex dicta vena non deponunt plenitudinem ex totius corporis mole, securius est à sectione communis, aut basilicæ incipere: quam doctrinam observant Auic. 1. 3. tract. 1. cap. 29. & Mesuè cap. de vertig. Secus autem est faciendum, quando plenitudo est solum in partibus supra iugulum, aut affectus urget acutie sua, & præ sui vehementia, & periculo auxilij celeritatem exoptat. Velut in hoc exemplo à Rhasio proposito accidere observamus: nam *qua celeritate desiderant, celeriter peragere oportet*, ex Hipp. 1. acut. 8. celer autem, & tuta curatio fit, si à parte laborante, & è propinquiore loco vacuatio celebretur, qua causa morbi elidi possit. Quod exequendum consulo in suffocante angina, acutissima apoplexia, aut alio cerebri affectu periculosissimo, ex inflammatione cerebri concitato.

Neque opinio vulgi timentis ex cephalicæ sectione, visum, caputque lædi, est contemnenda: Nam licet securior sit, si spectetur periculum sectionis arteriæ, aut puncturæ nervi, hoc enim frequentius contingit, quum secantur basilica, aut communis, ex Auic. 4. 1. cap. 10. & Rasio 13. contin. cap. 6. summopere lædit intempestivè secta. Nam cerebro, & oculis insigne quandoque attulit detrimentum: quod in aliarum venarum sectione euenire non conspicimus. Cuius rei ea est ratio. Quum enim phlebotomia omnes nostri corporis facultates imbecillitet, quæ inter has penuriâ sanguinis extracti amplius persentiscit, cerebrum est, utpote molle, friabile, exangue, & maxime quum spirituum animalium ope indigeat, quibus ut instrumento vititur, ob quorum tenuitatem, & citissimam resolutionem, ipsum illico qualibet vacuatione facta fatiscit, & labascit. In hunc sensum intelligendus est Gal. 2. Aph. 19. dicens, morbo consistente abstinendum esse à vacuatione, tum propter alia, tum quia vis animalis magna ex parte eo tempore est debilitata, licet dua alia, vitalis, & naturalis, maxime fortes persistant. Quare prudenter Hipp. 6. epid. sect. 6. 18. ad tolerantiam fluxus sanguinis è naribus, firmum caput requirit. Explicat eleganter Valles. in com. Maxima ergo præmeditatione, cephalica est ferienda, nam pluries fuimus experti, ex huius intempestiva sectione, ægros obcæcatos extitisse, præsertim debiles, in quibus sanguinis copia non ita redundat; alioquin hæc sectio visum non debilitat, & hebetat, sed viuaciorem reddit, sic docente Gal. lib. de curand. rat. per sang. mis. cap. 7. De quo argumento videndus Ioan.

Bacchanel. lib. 1. de consens. medic. tract. de vacuat. per vena sect. in respons. ad 5. & Leonard.

Boral. lib. de curand. rat. per vena

sect. cap. 19,

\* \*

## Q V Æ S T I O XXVII.

*Quod saluatella sectio in affectibus oculorum, iecoris & lienis sit exercenda. Contra Menam, Siluatic. Augen. & Columb. & quare tantopere profit. Contra Valles. & Veigam, Med. insignes.*

**H**Oranona aliam.] Oculorum dolores, & inflammationes à calidiusculo humore ferè semper esse subortas, suadet experimentum, Illorum vitia difficilè con-  
fanescere, tum quoniam in suprema corporis parte siti sunt & inferiorum viscerum fuligines absorbent, tum quia è cerebro debili in ipsos assiduè emanat extremitatum pronentus, ita certa res est ut probatione non indigeat. Necessarium esse auxilium pro dolore mitigando, quod fluxionem arceat, teuellat, & vacuet, heparque, unde damni frequens scaturigo est, refrigeret, & contemperet, nullus ibit inficias, qui hanc historiam ad vnguem fuerit perscrutatus. Sed quum tam multa sint, quæ in hunc usum ab auctoribus commendantur, nullum mihi fidissimo experimento, & aliis compertum est præstantius, quam è vena, eaque saluatella sanguinem emittere. Sic Christoph. à Vega lib. 3. ars. medic. sect. 8. cap. 4. Holler. lib. 1. de morb. intern. cap. 5. Ludouic. Mercat. lib. 3. de morb. intern. cap. 2. in initio. magna cum laborantium utilitate in hepatis inflammatione, vel dolore, sanguinem ex hac vena detrahere consulant in morbi principio: licet ob virgens ex procrastinatione periculum, in hoc tempore celebratam, inutilem iudicet Duretus in annotat. Holl. & meritò sanè, hæc enim vena longius abest à fonte caloris, & veluti per riuulos sanguinem exhaurit. Sed illi intelligendi sunt, si non tanta adsit plenitudo, & si vires ad maiorem ex ampliori vena ferendam vacuationem non ita consent. Sed quoniam in hoc auxilio exequendo Medicæ Scholæ Professores eximij inter se non sunt ita conformes, de eius usu, utilitate maxima, & cur tantopere iuuet, ex Veterum, & Iuniorum decretis contra horum mentem aliqua proferre oportet.

Secantur in summa manu inter digitum minimum & annularem, venæ quædam parvæ quæ saluatellæ appellantur, quoniam ægri ab aliis auxiliis non adiuti, sanguine ab his venis extracto ab ægritudine saluantur; quarum quæ in manu sinistra secatur, dicitur splenetica; quæ verò in manu dextra, dicitur iecoraria, quoniam in morbis iecoris, & lienis conferunt cum utilitate maxima.

Ferendas esse has venas affirmauere Galenus, posteriores Græci, Arabes, & Iuniores ferè omnes. Galen. enim ex sua, & aliorum sententia, harum sectionem esse utilem manifestè pronunciat, lib. de curand. rat. per sang. mis. c. 16. §. Sic affecto liene haud æquè inuerit circa annularem digitum sinistra manus incisa vena, atque si internam cubiti secueris, multum eximiuat afflitum lienem sanguinis ex sinistro brachio detractio; & c. & cap. 14. antecedenti, ita ait. Sicut nec si quis summa in manu, aut pede venam secet, quemadmodum putant qui lienem curari aiunt, à vena qua ad secundum digitum est sectione, & c. Repetit 8. de anatomic. administ. cap. 5.

Sequuntur Paul. lib. 3. cap. 49. de curat. lien. inflammat. & in eod. lib. cap. 50. de curat. morb. regij. & lib. 6. cap. 40. Quibus locis non solum in manu sinistra, sed dextra, inter minimum & annularem, has venas secat. Trall. firmat lib. 8. cap. 12. dicens, omnem ab istis venis sanguinis missionem iuuare. Subscribunt Aëtius terrab. 1. serm. 3. cap. 12. Oribal. 7. collect. 5. & lib. 1. synopsis. cap. 10. Aëtuar. lib. 7. meth. 1. Rasis 9. ad Almans. cap. 70. Haliabbas lib. 7. præct. 40. Serap. tract. 6. cap. 15. Albuc. part. 2. Chirurg. cap. de utilitas phlebotom. Rabbi Moses de Ægypto particul. 12. suor. aphor. Auic. 4. 1. cap. 20. prop. fin. docens dextri lateris sectionem in extrema manu, doloribus hepatis conferre, & in sinistra factam doloribus splenis opulari. & 22. 3. tract. 2. cap. 24. conferens venam quæ est in pede, inter digitum minimum & annularem, cum vena ischiatica, docet illius venæ sectionem esse vtiliorem, quam sit sectio ischiaticæ; sicut saluatella magis iuuatiua est quam basilica, in splenis,



splenis, & hepatis ægritudinibus. Huius sententiam approbant, qui in iplo interpretando primas tenent. Gentilis enim harum venarum sectionem vt incantamentum prodesse, esseque expertorum iuamentorum inibi. inculcat.

Quo factum est, vt in productis venosi generis morbis, febre ardenti, tertiana, & erraticis, harum venarum sectio plurimum prosit. In oculorum morbis, qui à partium interiorum lualore, & viscerum calida intemperie ferè dimanant & fouentur, proficuum sit auxilium, quo, ventilato iecore, plurimos quibus cæcitatis periculum imminet, ad sanitatem restitutos felici experimento conspexi. Sic in grauidarum vomitu, à bilioso acrique humore pronato, sectio huius venæ non leue subsidium præstat; nam iecori, affectionis origini, plurimum confert, ex Mercat. lib. 3. de morb. mulier. cap. 12. in fin. Sic in obstructione hepatis, cutaneis, & melancholicis affectibus, sordidis vlcibus, cutis fœditatibus, & præsertim in malignis febribus, & pestiferis præmissa tamen copiosiori ex aliis venis phlebotomia; non contemnendam attulit vtilitatem, vt latè docent Ludouic. Mercat. lib. 1. Indicet. cap. 4. num. 100. Lupeus 2. enchirid. cap. 6. Ioan. Colle. lib. 6. de morb. malig. cap. 5. Demum ex Lupei sentent. in annotat. in omnia opera Gal. in com. 89. lib. 4. de rat. viſſ. in ascite & tympanite, quando ex hepatis æstu, & inflammatione oritur hoc malum, ex his venis, ad remittendum iecoris feruorem, sanguinis detractio utilis est: firmat Petrus de Peramat. lib. de vacuand. rat. cap. 29. Hæc enim sectio celebratis prius vniuersalibus vacuationibus summè iuuat, quæ, vt ipse refert, non sinistrè succedere solet. Quod etiam confirmat Arnald. in com. cap. 103. regiminis Salernitani. Sequitur Amarus. 7. centur. 49. Cardan. lib. art. paru. fol. 113. Montuus lib. 4. halof. feb. c. 9. & post hos Hieronymus Nunius Ramires in com. cap. 16. Gal. de curand. rat. per sang. mis. eruditè explicuit.

Hanc doctrinam oppugnant, viri in palæstra literaria alioquin peritissimi, Ferdinand. Mena in com. cap. 4. Gal. de curand. rat. per sang. mis. Sequuntur Horat. Auger. lib. 9. de sang. mis. cap. 6. & 8. epistol. epist. vlt. Ioan. Baptist. Siluatic. controuers. 43. Qui pluribus opinionem suam stabilire nixi sunt. Primò. Quod hæ venæ rami sint venæ cephalicæ, licet angeantur ex ramo venæ basilicæ, qui ramus per partem internam fertur decliuus, & in carpo reuertitur ad partem externam, iuxta digitum minimum & annularem, vbi plerunque coit cum ramo venæ cephalicæ, vt notant Vesal. lib. 3. de fabric. cap. 5. Valuerda lib. 6. anatomia. c. 8. Quare asserunt in affectibus iecoris, & lienis, parum, vel nihil harum venarum sectionem prodesse posse, aut certè non esse secandas in manu, sed in carpo, vbi ramum cephalicæ non admittunt. Secundò. Quod nullibi de eis venis mentionem faciat Gal. aut si facit, dubius ancepsve apparet, idque ex aliena mente pronunciat, & non æquam, ac sectionem basilicæ vtilitatem asserre docet. Terriò. Quod ex iis venis nihil effluat mentione dignum, quum paræ sint, exiles, & à visceribus longè distantes: Et cum maximè spectetur in secandis venis reſtitutio à veteribus tantoperè celebrata, secta vena latiori, & ex qua plus sanguinis effluit, maiorem seruari reſtitutionem asseuerant. Qua de causa tenues ramusculi per plures anfractus delati, non sunt quærendi. Quapropter satius putant basilicam tundere, quàm eas venas, quarum sectionem plurimis obfuisse ipsi asseuerant. His fortè conuictus Columbus lib. 6. anatom. in med. errasse Arabes affirmat, qui saluatellæ venas in affectibus lienis auxiliari putant.

Sed hæc virorum eruditissimorum opinio inutilis procul dubio est, & ficulinea, vt cuiuslibet veritatem expendenti constabit facile. Licet enim basilica, & illius ramus maiorẽ habeant cum hepate per vasorum communionem consensum, ramen maiorẽ cum eo habent saluatellæ symparhiam, & cognationem, vt infra ex Paul. doctrina latius explicabimus: quamuis enim videatur Gal. harum sectionem non magni fecisse, eam tamen nunquam reprobasse inuenimus. Locus autem Gal. citatus ex c. 16. lib. de sang. mis. non videtur legendus negatiuè sed affirmatiuè, & sic particula illa [haud] tollenda est, vt in margine emendatorum codi-

cum rectè animaduertitur. Quod si particulam hanc auferre displiceat, Dic. Gal. ibi velle sectionem saluatellarum non æque iuuare ac sectionem basilicæ, factam in initio morborum. Quo tẽpore huius sectio vtilior est, quod nos concedimus. Et cum hæ venæ exiles sint, videanturque non posse multum sanguinis euacuare, verum quidem id est, si ad Gal. morem attendamus, priores enim Græci secare venas extremarum partiũ in balneo ignorarunt: quod argumentum in lib. 3. huius operis, Histor. 1. agitabimus, qui vltus apud Mauritanos frequentissimus, vt constat ex Auic. 4. 1. cap. 20. Ratio tract. 7. ad Alm. c. 21. prop. fin. & nostro æuo est celebratissimus. Hæ enim cum pro more in balneo secantur, copiosissimum sanguinem effundunt, & si sanguine exire permittas, prius vita deficiet, quàm sine ligatura sisti possit. Si autem harum sectionem plurimis obfuisse asseuerant, ex hoc capite auxilium condemnandum non est, videndum enim num experientia sit bona. Nam verum illud erit, si hæc sectio intempestiuè, & non præcedentibus prius vniuersalibus auxiliis fuerit celebrata. Quare, vt receprui canam, hæc vena non est ramus cephalicæ, vt 3. de fabric. cit. Vesal. ait, sed basilicæ, vt 1. 1. doct. 5. docuit Auic. c. de ea vena, qua distribuitur per manum.

Nam hæc sectio est exercenda, quando iam remota fuerit plenitudo, in fine morbi; quoniam exiguo humori intus manenti, exigua vacuatio ad partem valde distantem summopere prodest. Ex hac enim sectione facultas visceris excitatur ad expellendum, ventilatur iecur, & internæ partes refrigerantur: quare hæc sectio citra virium dispendium morbum leuat, ea enim secta non ita enervantur vires. Celebranda etiam est, quando venæ aliæ natura sua sunt occultæ. Vel quia viriũ aliqualis infirmitas adest: vel ex præcedentibus scissionibus cubitus ad vltiorem ferendam vacuationem est ineptus: tunc enim tempestiuo tempore celebrata maximum emolumentum asserre solet. Et vel ipse Mena, veritate ipsa, qua nihil est fortius, coactus, lib. de medend. febrib. cap. 27. de curat. tertian. hanc sectionem maximè prodesse existimat, quum non quidem vacuare conamur, sed feruentes in corpore humores, in partibus nostri corporis profundioribus, & prope membra principalia sitos, ad extremas corporis partes deriuare contendimus, sequutus forsan doctrinam Soran. Ephes. in introduct. c. 1.

Qua tamen de causa tantam hæ venæ secū afferant vtilitatem, deinceps explicandum est. Insignis Thomas à Veigal. art. med. in com. c. 95. idcirco has venas secare, in iecoris & lienis vitis, ex Paul. & Trallian. dictis, quàm alias scindere, magis esse proficuum asseuerat, quia seruata reſtitutione, extremus distantissimisque locus magis ad euacuationes utilis est: longinquo enim reuulsio securior multò est, atque præstantior. Non placet solutio. Nam tunc esset exercenda in morbi initio, tunc enim maior fluxio irruit, & sic adest maior reuulsionis necessitas. Quare quum experimento omnium ratum sit, huius venæ sectionem non nisi in processu morbi esse celebrandam, & maiori humoris parte vacuata; huic opinioni standum non est.

Responderi posset, quæriti causam esse, quod huius venæ sectionis beneficio tenuis sanguis extrahatur, quo fit vt multi spiritus non effundantur, quod in aliarum venarum scissione non contingit. Non satisfacit responsio. Nam ad vacuationem tenuis, vel crassi sanguinis, & ad dissolutionem paucorum spirituum, non ita confert tenuitas venæ, quàm tenuitas, vel amplitudo scissuræ. Quare facilius erit ex vena cubiti interna tenuem sanguinem educere, & paucos spiritus resolvere facta breui & angusta scissione; sicut etiam facile erit lato foramine aperto, iniecta in balneum manu, ex saluatella crassum sanguinem exhaurire.

Notissimus Vallesius l. 7. com. 5. & 2. epid. sect. 2. in com. sent. 19. in eam abiit sententiam vt dicat, huius rei causam esse, quoniam manus dextra est emunctorium iecoris, & sinistra lienis. Excrementa enim ab intimis partibus suapte natura confluunt in hæc loca. Hac ratione squallido qui sunt præditi hepate, in volis manuum crustosam scabiem, & scissuras patiuntur. Et quia quæducere oportet, quò maximè natura vergit, per loca conferentia ducenda sunt,

sunt, ex Hipp. doctrina lib. 1. aph. 1. ideò hepate laborante A dextram saluatellam tundere licet, & liene malè affecto, sinistram ferire oportet. Sic enim facillimè auocatur ad has partes humor, qui suapte natura ad eas confluere solebat, quod in processu morbi, iam deonerata natura, felici euentu contingere, autumat ipse.

Sed hæc opinio reproba est ob causas multas. Prima. Quoniam solum partes principes emunctoria habent, ex quarum numero lien non est. Secunda, Emunctorium est pars ignobilis, manus autem est pars nobilis, & à Gal. lib. 1. de us. part. 4. organum organorum nuncupatur. Tertia. Emunctoria debent esse propinqua membris, quorum excrementa emungunt, qua ratione emunctorium cerebri est retrò aures, cordis ad axillas, iecoris ad inguina. Manus autem à quacunque parte principe valde distat. Quarta. Emunctoria debent habere compositionem recipiendis fluxionibus idoneam, quare substantia constant laxa, & adnosa: manus autem dissimilem ab his naturam habent. Vltima. Emunctorium vile est ad recipiendum humorem, & non ad ipsam vacuandum, qua ratione in illis non secatur venæ, rectè tamen cucurbitulæ applicantur, & medicamentâ calida attrahentia imponuntur. Manus autem in harum venarum sectione euacuationi inferuiunt, sed non ita tractioni humorum, vel recrementorum inferuire possunt. Fortunatum autem est, quod iecur, & lien in manus excrementa sua deponant, nam quum hæ partes incedio nimio exestuât, potius in os, labia, & nares ea transmittunt, auctore Auic. 1. canic. text. 479. qui in tertiana febris, in qua ob igneum calorem accēsa bilis, inter omnes humores calidissima ebullit, & feruet, pustulas in naribus, & labiis cum vtilitate summa euenire asseruit, cuius mentem subtiliter interpretatur Auer. in com.

Standum ergo Paul. dictis in lib. 3. cap. 49. Hic enim auctor videns insufficientem esse allatam à se rationem maioris vtilitatis huius venæ, desumptam ex præstantiori reuulsione, quæ per eam ob maiorem distantiam perficitur, addit id contingere propter maiorem, quam habet, cum hepate naturalem cognationem. Nec mireris huc nos confugisse; nam multi in nostri corporis partibus reperiuntur consensus, quorum causa non satis patet; qualis est labij inferioris ad diaphragma: nam illo attacto, aut titillatis blandè plantis pedum, ridemus, quod ad tenuitatem cutis referri non potest, quia cutis plantarum pedum non est tenuis. Sic cauterium in aurium extremitatibus, vel retrò ipsas factum, Ischiadicis plurimum prodesse solet, quum ab vna parte ad aliam magnus non videatur adesse consensus, vt notat Lupeus ad cap. 13. Gal. lib. de curand. rat. per. sang. mis. Consensus deprehenditur, quoniam quum viscera illa malè habent, statim manus afficiuntur, dextra quidem, malè habente iecore, sinistra, malè affecto liene. Quare ex structura manus, dispositionem hepatis conatur arguere Auic. 4. 3. tract. 2. cap. 3. & 30. & 2. 1. doct. 3. sum. 1. tract. 1. cap. 20. & Rasis 17. com. cap. 1. & 2. Non est ergo denegandum, saluatellarum sectionem, ob plurimum cum hepate, & liene consensum, & naturalem sympathiam, in omnibus morbis à iecoris caliditate, vel lienis intemperie calida subortis, summè prodesse posse. Sicque in oculorum affectibus mirabilem præstare opem, & vtilitatem maximam, quam citati auctores tantis laudum encomijs celebrarunt.

## Observatio XLII.

*Ophthalmia diuturna, dextrâ saluatella  
sectione curata.*

**O**phthalmia, plurium mensium spatio laborauerat iuuenis, qui omnium auxiliorum vim fuerat expertus: post quæ ad cauterium in nucha accessit; à quo vix leuatus, arterias in temporibus ter secare coactus est, sed incassum. Nam ex temporum interuallis, calidissima suborta de nouo fluxione, doloris sæuitie opprimebatur immaniter, adeò vt oculus è propria sede exilire videretur. Dolor vniuersalium, & particularium præsidiorum vires contemplerat. Secta deinde fuit vena frontis, hirudines tempori-

bus bis applicitæ, apertæ mariscæ, administratum balneum, & parti dolenti diuersimoda lauacra, & anodyna imposita, propinata pharmaca. Quibus cum quiesceret malum, de nouo deinceps ferocius exacerbabatur. Quæsitâ fuit scaturigo mali. Eam in hepate squallido sitam esse inuenimus. Quumque hæc pars, nec epithematum infrigidantium ope, nec aliis auxiliis roborari posset, quin calidum, acrem, biliosumque humorem gigneret, ad oculumque tanquam ad partem debiliorem transmitteret, dextram saluatellam tundere præstantissimum consilium iudicauimus: qua bis secta, humore ad longinqua auocato ventilotque hepate, æger ipse nunquā ampliùs dolorē persensit.

Quid de diarrhœa, dysentericiæ referam, quum ab hac causa originem ducunt: in quibus affectibus leuandis eximiam opem præbet, aliisve curancis pertinacibus affectibus, vteri pruritu, labiorum scissuris, vnguium scabritie, rubedine faciei, prauis vlceribus, gutta rolacea, igne sacro, dolore hepatis, pilorum decidentia, sudore superfluo, ardore vrinæ, assiduo abortu frequenti singultu, tussi sicca, & aliis, quæ à iecoris excandescencia, phlogosive interna originem ducunt. Quibus leuandis harum venarum sectio tantopere iuuat.

## Observatio XLIII.

*Immanis inguinum dolor saluatella  
sectione curatus.*

**S**tudiosus quidam Belga cum assiduâ vigiliis, sedulasque librorum lectione corpus maceraret, essetque calidissimi temperamenti, in febrem incidit ardentissimam: qua curata, ita de inguinis dextri dolore immaniter questus est, vt nullis vnquam auxiliis leuari posset. Applicita anodyna, imperati refrigerantes clysteres, qui adustum calidumque humorem ab hepate confluentem mitigare, & leniter vacuare possent. Venæ tam superiores, quam inferiores sectæ sunt. Impositæ in ano, & parte affecta hirudines. Tandem in balneum ex modicè discutientibus paratum ingressus, nihil adiumenti persensit, sed dolore aucto duobus diebus inconniuis oculis ob doloris sæuitiem perseuerans, veluti amens de salute sua desperabat. De narcoticis in potum assumendis consilium fuit inter curantes celebratum. Sed secta fuit primò saluatella dextra, post cuius sectionem ita incantamenti modo à dolore leuatus est, vt iecinore epithematis roborato, post paucos dies omnino sanus euaserit. Mira ergo est in productis hepatis, & venosi generis morbis saluatellarum vtilitas, assiduo experimento comprobata.

## HISTORIA LV. GALENI, De Ophthalmia.

*Oculorum inflammatio, sola purgatione sanata.*

**N**on enim ratio solum, verum etiam usus ipse indicat aliam aly parti vacationem congruere: Siquidem ex iis, quibus oculi tentari phlegmone ceperant, nonnullos solâ purgatione per aluum, uno die sanatos vidisti; &c. Gal. 13. meth. cap. 11.

## D V B I V M XXX.

*Num purgatio lippienti commoda.*

## P A R A P H R A S I S.

**I**N hoc capite eleganti, & verè aureo, longa & diserta oratione confirmat Gal. quàm longissimè à parte tentata fluxione, hoc est à parte, quæ fluxione tentari inceperit, redundantem humorem reuellendū; idque in omnibus nostri corporis particulis manifestè demonstrat. Nam in quibus oculi incipiunt phlegmone tentari, ad contrariâ, & valde longinquam regionem, humorem attrahere conuenit iuxta

iuxta Senis edictum 6. *aph.* 17. Quo, lippientem corripit alui profluuium optimum iudicauit, quoniam humorum abundantia simul vacuatur, & ad inferiora retrahitur. Merito ergo Hipp. Galenus imitatus, incipientem oculorum inflammationem purgatione persanat, desumpto exemplo ab iis quæ vtiliter, & sponte à natura fiunt, vacuationibus. Firmat Cels. *lib. 6. cap. 6. sit. de mydriasi oculorum*, quo loco cæcitatem sine vlla manifesta causa euenientem, repentina alui profusione fuisse sanatam scribit. Quare necessum est medicamentis moliri deiectiones, quæ omnem noxiam materiam in inferiora depellant. Quam methodum obseruant Paul. *lib. 3. c. 22.* & ceteri Græci, Arabesque confirmant, qui in inflammatione oculorum, hoc est phlegmone coniunctiua, ex Gal. 4. *de compos. med. sec. loc. 2.* à Latinis lippitudine dicta, vacuationem per aluum, vt salubrem commendant, ad sistendam fluxionem, retracta ad inferiores partes humorum copia; cuius ope, vel inflammatio cessat, vel remisso eius incremento, impeditur, ne in magnitudinem effatu dignam commigret affectus.

Sed plurima sunt quæ explanationem desiderant. Primum. Cur expertissimus Galen. in hoc casu non admiserit venæ sectionem, inflammatis oculis valde vtilem, ex ipso *suprà in ipsa historia*, & alibi passim. Secundò. Si ad inferiores partes exoptat vt vacuetur humorum momentum, cur è talo ad impediendam omnimodam inflammationem, sanguinem non emittit? Nam si in interna, & maximè periculosa pleuræ inflammatione, è talo Arabum familia emittit, edocta à suo Magistro Auicenn. *10. 3. tract. 5. cap. 1.* Cur in externa, & non ita acuta securissimè non administrabitur? Tertiò. Si impactus humor inflammationem committens, cum sit extra venas, iterum ad eas remigare non potest, vt per secessum vacuetur, cur tam breuiter inflammatio ad humoris vacuationem cessare potuit?

Dicad primum. Non esse semper necessariam in hoc affectu venæ sectionem, nisi solum quum redundauerit sanguis, aut cum aliis humoribus fuerit exactè permixtus, ex Galen. 4. *de sanit. 4.* Quum autem sunt à sanguinis natura valde alieni humores, biliosi, tenues, erodentes, & acres, tunc purgatione ij sunt expellendi. Neque enim admodum difficile est cacochymiam à plethora distinguere. Neque omnis lippitudo venæ sectione ob hanc rationem curari potest: quem modum explicat Galen. *in com. aph. 31. in fin. lib. 6. aph.* Auicenn. autem ratio in hoc exemplo locum non habet, nam nos cum Galen. venæ sectionem non esse necessariam supponimus, quam purgatio supplet.

Ad ult. dic. Galen. *13. meth. 9. & lib. art. Medic. 95. & 4. de sanit. ultim. in fin.* admittere, humores qui sunt extra venas in corporis habitu, posse iterum ad venas remigrare. Res pater exemplis. Hipp. *5. aph. 65. & 2. prog. 68.* reprobatur tumores repente euanescentes. Galen. *3. de facult. nat. 13. in mediu.* adducit locum Hipp. *lib. de alim.* comprobantem, humores ab extimis ad interiores sedes remeare posse, aut quoniam impelluntur à parte compressa: vt in variolis: & morbillis euenire quotidie experimur, quæ ob ambientis frigiditatem, cute densata, & represso humore ad partes internas retrocedunt. Aut quia attrahuntur à partibus internis indigentibus, sic in vulneribus, aut vlceribus tumores euanescere perniciosum; Cor enim molestia quadam, & angore vexatum, opes suas, sanguinem nempe & spiritum, ex vniuerso corporis habitu, & consequutione, noxios humores ad intimas partes recondit. Hoc pacto humor, vel tenacissimè in partibus exterioribus impactus, à quo talpa, nata, aliæque Gallicani tumores oriri solent, validissimi expurgantis vi, vt stybij, aut pulueris Ioannis Vigonis assumpti efficacia, aut applicito Mercuriali vnguento euanescent; quoniam horum tuberculorum causa, ad interiores partes à medicamento violentia attracta, sputo, vomitu, & secessu vacuatur. Quod autem causa coniuncta actu committens inflammationem, vel etiam extra vasa posita possit purgatione vacuari, testis est Auicenn. *10. 3. tract. 5. cap. 2. §.* Et si dolor declinat ad partem hypochondriorum, tunc necessaria est solutio sola, aut cum phlebotomia, secundum quod necessarium facit

A illud, quod testificatur; & illud ideò, quoniam phlebotomia sola ex basilica, non trahit de hoc loco aliquid, de quo sit curandum, &c. Vides quomodo purgationis beneficio, melius humor extra vasa positus ad venas possit deduci, quàm venæ sectionis ope: de quo argumento in *2. lib. in com. hist. 22.* Deo dante affatim disputabimus, quum pleuritidis historias fuerimus interpretari. Interim lege Thom. à Veiga, *in com. cap. 95. art. Medic. Galen. in initio*, de hoc argumento graphicè disputantem.

Vnum solum constet, purgationem non solum humorem fluentem, aut paratum fluere, sed contentum in venis partis affectæ, ibique impactum, & extravasatum posse euacuare: Quo expulso, natura partis potentior reddita, residuum concoquit, & resoluit, & magis si inflammatio sit recens, & humor non ita impactus. Si verò phlegmone diuturna sit, & humor crassiusculus valde sit inbibitus, quum non sit aptus, vt remeare possit ad venas, tunc per eandem partem vacuari debet. Quibus autem auxiliis id fieri possit, in suis præceptis ad oculorum dolores saluberrimis, elegantissime describit; Quiratus Serenus Sammonicus explicuit diligenter, & post eum inter omnes eruditè explanarunt Mercatus *lib. 1. de morb. inter. mis. cap. 6.* Valleriol. *lib. 1. obs. 5. & lib. 6. obs. 2.*

## HISTOR. LVI. GALENI,

## De Ophthalmia.

## Lippitudo, balnei vsu curata.

C A primum quidem Adolescentem\* balneauit, cui Medicus non absque ratione ab initio venam secuerat, & deinceps curauerat medicinis, quas experientia cognouerat, quum inflammatio sola obsideret oculos. Dolebat autem vehementissimè per quosdam insultus, in quibus aiebat se sentire acutos humores, qui vniuersim fluebant ad oculos, quibus excretis, licet vehementia doloris sedaretur, non tamen dolor omnino cessabat. Et hoc illi, per totam quintam accidit diem, maius semper habens incrementum. Cum igitur dolorem non posset tolerare, me, & quendam alterum ex ocularibus Medicis aduocauit, tunc in vrbe Roma probatissimum. Illi itaque videbatur, utendum esse collyrio quodam ex iis quæ emplastica id est, meatus obducentia nominant, & anodyna, cuiusmodi sunt, quæ ex cerusa lota, & papaueris succo componuntur: Nam sic maximè sperabat posse reprimi per emplastica id quod influebat, & simul sensum per stupefacientia torpescere. Ego verò ab initio \* suspecta habui talia medicamenta; neque enim vehementes reprimunt fluxiones, sed excerni prohibent: atque ideò si humores fluentes acres extiterint, corneam erodi contingit: si verò multi, extendi, ac vehementer irritari, ac si rumperetur: ex quibus nisi medicamentum fuerit magnopere stupefaciens, vt ex eo oculi maximam inflammationem non sentiant, necessarium est vim visoriam adeò ladi, vt cessante inflammatione, vel debilitate, vel nihil omnino videant; simul autem quandam praduram affectionem, & qua difficultè sanari possit, in oculorum tunicis relinqui. Cum igitur ista nouissem, atque animaduertterem humorem influentem non paucum, valdeque acrem, & calidum, primum fomento utendum censui, experientia gratia, tanquam ex ea certius cogniturus, qualisnam foret affectio. Solet enim in his fomentum parumper quidem dolorem lenire, sed alteram fluxionem aduocare: qua enim ratione potest id quod in oculis continetur discutere, eadem ratione alteram quoque ex vicinis locis attrahere valet. Verum quamprimum \* aquam calidam, & spongiam afferri iussi, ager ipse dixit se expertum esse sepius tota die id remedium, ac primum dolorem imminuere, sed paulo post maiorem adducere. Quæ ego cum audiuissem Medicum ocularem dimisi, promittens me absque frigido medicamento egrum dolore liberaturum. Cum autem solo balneo vsus essem, ita dolorem sedauit, vt tota nocte dormiret ager, nec sepe aliquem eorum qui iuxta dormiebant, aduocaret. Atque hinc in reliquis, in quibus per signa cognoui influere quidem humores acres ad oculos, non tamen corpus esse plenum

plenum, balnei usu dolorem sedauit, &c. Galenus lib. 6. aph. A com. 31.

## PARAPHRASIS.

**I**N oculorum dolentium medela, procrastinanda non esse venæ sectionem docet Gal. latissimè in *l. de curand. rat. per sang. mis. cap. 17.* Nam balneum, citra hoc auxilium, non tolerat plethorica dispositio, ex Gal. *l. 7. aph. 46.* Si enim hæc adsit, prius inter lauandum disrumpentur oculorum tunicae. Quo pacto quum propter multitudinem dolor esset concitatus, non absque ratione alius Medicus venam secandam consuluit, maximè cum dolor immanis ægrum excrucietur, quo casu non esse differendum auxilium, partis affectæ præstantia manifestè demonstrat. Nam oculus pars est nostri corporis pretiosissima, quæ lucis usu mortem à vita distinguit, diuinissima, æthereæ, vt cum Platone loquar. Gal. organum lucidum appellat, nunc solarem animalis particulam, & meritò sanè; nam maxima vis est oculorum, cui etiam omnes aliorum sensuum functiones tribuuntur; omnes enim externi, interni que affectus indicantur oculis, ex Hipp. *6. epid. sect. 4. text. 28.* Explicat Vallesius in *com. & luculenter Cælius Rhodigin. lib. 3. lect. antiq. 28. & lib. 14. cap. 19.* quoniam oculi duo sunt microcosmi lumina, fulgentia sidera, quæ dignitate, & usu ipsi Soli non cedunt, de quorum excellentia, & structura mirabili, Gal. *lib. 10. de usu part. Andreas Laurent. lib. 9. de hist. anatom. cap. 3. & lib. de visu, cap. 3. Montalt. lib. opt. cap. 3. Philo Iudæus lib. de specialib. leg. Curs. Conimb. sec. 1. prob. de anim. 13. Plempius lib. 1. de Ophthalmographia, & alij diligenter disputarunt.*

Quapropter pulchrè dictum est ab Oribas. *lib. 4. ad Eunap.* Cum inflammatio, & dolor oculos obsident, si Medicus adsit, fac vt ipse medeatur: si non adsit, fac tu ea quæ possis, quousque Medicus accedat, ne quid deterius contingat. Vnum tamen aduertat ex Gal. *hic*, quòd licet digerentia medicamenta in corpore pleno inflammatis oculis applicita nocua sint, quoniā implere potius, quàm vacuare possunt, *13. meth. ult. & in art. med. 95.* Tamen cum per quosdam insultus vehementer dolor increveret, huius solius habita ratione balneum imperauit; nam hoc acrem fluxionem demulcet, & contemperat, modicè impactum humorum digerit, attenuat, rarefacit, & æqualiter vertit in halitum, calorem partis innatum mirificè roborat ac refocillat, vires præ doloris acutie maceratas fouet ac restaurat, & dolorem lenit, vt veteres, & post eum omnes vnanimè confirmant. Neque fidem adhibeas Lupeo Auicennam & Gentil. *3. 3. tract. 1. dub. 21.* carpenti, quòd balneum non in biliosa solùm lippitudine, sed in facta à materia crassiori approbarint, quum ij nihil ampliùs faciant, quàm Galeno subscribere, tum *hic* tum *7. Aph. 46.* nam balnei usus crassum sanguinem tenuat, fundit, & eundem liquatum reuellit ad extra. Firmat Cels. *lib. 6. cap. 6. rubric. 7.* pituitosa ophthalmia id commendans, licet magis conducibile sit in biliosa. Habes Galen. sententiam euidentissimam contra Lupeum in Historia sequenti, qui in crassi, melancholicique sanguinis præsentia, oculorum venas distendente, & inflammante, balneum summopere approbat. In omni ergo lippitudine balneum est saluberrimum.

## DVBIVM XXXI.

*Num tentatiua curatio admittenda.*

### COMMENTARIUM.

**B**Alneau.] De tentatiua curatione agit hoc loco Gal. Cum enim inter eum, & alium Medicum, circa localium impositionem esse dissensio, illius consilio balneum (fomentum, lauacrum, seu particulare balneum intellige) tentandi gratia fuit applicitum. Auxilium sanè curatorium, & diagnosticum. Nam si adhibito fomento, dolor augetur, signum maximum, quòd in corpore lateat

humorum redundantia, insigni vacuatione curanda; si tamen contra contingit, fomenti usus est accommodus valde De qua re vide pulchra apud Gal. *2. acut. com. 1.* & Antonium Musam in *com.*

Neque dicas Gal. vel decessisse, vel dubitasse, num in corpore adesset plenitudo. Nam si certus erat de ea, cur illico sanguinem non emisit? nam *lateris, vel cuiusvis partis dolorem, siue is per exordia fiat, siue postea, sentire calidis fomentis, primum dissoluere, non abs re existit, vt cit. sup. l. acut.* docuit Hipp. Multò rectius (mea quidem sententia); ingeniosus quique carpere Mercurialem poterat, alioqui doctum, qui in *com. huius loci, verbo, lateris autem dolorem*, miratur, quomodo Hipp. oculatissimus omnium Medicorum velit curare lateris dolorem, hoc est pleuritidem, morbum scientificis signis cognitum, *12. meth. 7* tentatiuo modo, incerto. At Hipp. non obseruat morbi naturam, sed quantitatem plenitudinis explorat: maximè in inflammatione qualibet, quantò magis in pleuritide, cuius dignotio omnis coniecturalis est, & non scientifica, nec certa, compertaque; præsertim vbi in corporis imo sita sit, quæ dolore afficitur particula: tunc enim ab iis inchoare oportet, quæ magis auxilio esse tibi videbuntur: vt Gal. *1. acut. com. 2. in fin.* affirmat. Num autem pleuritidis agnitio sit certa, an coniecturalis, in *lib. 2.* latius explicabimus, in *com. hist. 20.*

Insupertentatiuam curationem esse celebrandam in plurimis morbis doctissimè inter omnes Trallian. edocuit, *lib. 2. cap. 3.* & Gal. eam denuò confirmat, quando morbus indiget vacuatione, vires autem eam non patiuntur, vt in melancholia sæpissimè accidit; pro cuius morbi medela, maxima debet esse de sanguine mittendo prouidentia, quoniam corpus humectationem requirit. Si tamen suspicio sit, quòd in vniuersi corporis venis, sanguinis melancholici adsit abundantia, tunc tentatiuè sanguinem exhauriendum imperat *3. de loc. cap. 7.* eumque ita iubet emitte, vt si incisa vena prauus; nigretque sanguis extrahatur, exire permittatur; si verò purus, supprimatur: quod consiliū probant Haly *5. pract. 23.* Rasis *9. ad Almanf. 13.* Manard. *9. epistol. 2.* Si verò Auic. *1. 3. tract. 4. cap. 20. de cura melanchol.* aliter sentire visus est, hunc cum Gal. concilia, ex Costzo in *com. cit. loc. Auic. num. 4.*

Similem curationem exequendam imperat in quarantalib. *1. ad Glauc. 11.* qua correpti; calore sanguinis indigent, quo in posterum crassus, sæculentusque humor, huius mali causa, coqui possit; & maximè, quum in morbo diuturno timor sit, ne extracto sanguine vires deficient. Quare in his morbis à crasso humore subortis, sanguinis missio nihil mediocre facit, si quidem si conuenit, necessariè est, iuuat iuamento maximo; si verò necessaria non est, tunc eis est nociua valde, vt *1. 4. tract. 2. cap. 64.* monuit Auic. in quantum debilitat, & in quantum educit contrarium melancholiz. Quapropter si in hoc morbo, & in aliis, in quibus terrestres, crassi & lenti abundant humores sanguinis benignitate coercendi, hic autem paucus est, venæ sectio non fiat, nisi cum præmeditatione summa, tentatiuèque celebretur; nam deiectis viribus, citra morbi leuamen æger postea remedium non habet. De quo argumento vide Alphons. Barochium in *com. cit. aph.*

## DVBIVM XXXII.

*Num urgente necessitate stupefacientia intra oculum imponenda.*

**S**tupefacta habui talia medicamenta.] Stupefacientium collyriorum usum in oculorum morbis cautè esse administrandum Gal. auctor est in multis locis. Nam si intestinis dolentibus eorum usum tantopere formidat, *12. meth. 8.* quoniam ab eorum assumptione noxæ sunt inemendabiles, & mors contingit sæpe, vt ex Veterum & Iuniorum mente, plurimis allatis in medium historiis firmat Marcel. Donat. *lib. 4. de medic. hist. mirabil. cap. 18.* quoniam licet ad tempus minus dolentes ægri reddantur, affectus sit maior deinceps, & immanior; nam & intestinorum tunicæ frigiditate medicamenti densiores euadunt, minusque transmi-



transmittendo flatui aptiores, & ipse humor tum crassior, A  
tum ineptior euadit: Cur nos ex Galen. mente intra ocu-  
lum stupefacientia imponemus? Nam præterquam quod  
hæc pars ad vitam maximè est necessaria, non est parenti-  
bus cavitatibus prædita, per quas excrementa expellere  
possit; quo sit vt suspecta sint, & periculi plena; vis enim  
visoriam horum vi, & frigiditate summè habetur, spiritusque  
infrigiditari, velut immobiles fiunt, operibusque inepti &  
incomodi, & cerebrum hoc modo cõpatitur valde. Qua-  
re prudenter ob hæc Auic. 4. 1. cap. 30. satius duxit ea per  
os assumere, quàm oculo imponere. Quæ in omni par-  
tium vehementissimo dolore solùm, vel in intensa vigilia,  
violenta ferinæque tussi, in potum esse exhibenda assue-  
rat ipse, lib. 9. de comp. med. sec. loc. cap. 4. Rursus. Si ab opio  
extrà appposito plurima damna, & mors accidit frequenter,  
vt infra in hoc lib. in com. Hist. 61. latius comprobamus cur,  
intra oculum stupefacientia imponentur?

Sed licet hæc vera sint, præstat in desperato casu an-  
ceps auxilium experiri, quàm nullum; quum melior sit,  
& magis opranda noxa ex stupefacientibus illata, quàm  
mors, ex Gal. lib. 12. meth. c. 1.

Hic ergo auctor extrema necessitate coactus, stupefa-  
cientium vsum intra oculos concedit, 1 2. meth. cap. ult. per  
hæc verba. *Tam verò collyria, quæ ex opio fiunt, vehementissi-  
mos oculorum dolores remittere omnes norunt: utendumque  
(vt prædiximus) his est; quum maxima necessitas urget, illud  
minimè ignorantibus, particulas ipsas nonnihil lædèdas, imbe-  
cillioresque in reliquam vitam ex refrigeratione futuras; cate-  
rùm saluti hominis in præsens, ipsam futuram postea noxam  
posthabentibus. Siquidem non paucos eorum, qui his sunt vti, eò  
infirmis venisse; vt alij ferè nihil viderent, alij propemodùm  
surdi forent, id omnibus iam notum est. Itaque nos, siquando  
cogimur his vti, postmodum in sanitatis tempore particulas  
ipsas excalfacimus, nempe auribus oleũ id, quod solum casto-  
rium habet infundentes: oculis verò collyria, quæ tantum excal-  
faciant: ad quod scilicet munus maximè id probamus quod ex  
Cinnamomo conficitur, &c. Quæ eleganti oratione dubium  
absoluit. Cuius mentem explanat Paul. lib. 3. cap. 22. §. Si  
magna doloris necessitas est, etiam opij paucillũ adiicitur; vbi  
dolor abest, stupefacientia vitari debet, &c. Firmat Auic. 3. 3.  
tract. 1. c. 9. prop. fin. §. Et quandoque doloris vehementia facit  
necessariam stupefacientium adhibitionem, sicut succi pomorum  
mandragoræ, & lactucæ, & papaueris, & aliquid ex sumach;  
& prætermittantur illa quantum est tibi possibile: quod si ali-  
quid eorum administras propter necessitatem, administra  
ipsum secundum cautelam, &c. Reprobant ergo supra ci-  
tati auctores, citra necessitatem stupefacientium vsum:  
quum tamen hæc adest, cautè, & cum modo admittunt.  
Quam distinctionem Iuniorum doctissimi confirmant,  
de quorum numero sunt Eustach. lib. 1. prax. cap. 20. Hol-  
ler. lib. 1. de morb. intern. cap. 19. Mercurial. lib. 1. prax. c. 38.  
Iacchin. in com. cap. 16. lib. 9. ad Almanf. & eruditissimè ante  
omnes Matthæus ad cit. cap. Rasis, lib. 9. ad Almanf. pa-  
tefecit.*

## DVBIVM XXXIII.

*Num medicamenta actu frigida oculis imponenda.  
Contra Matthæum, & Paræum, Medicos  
eximios.*

**A**quam calidam.] Cur aquam calidam exoptat, si me-  
dicamenta oculis imponenda, actu frigida debent  
admoueri, sicuti in auribus calida? vt ait Mesuè, cap. 1.  
de curis egritudinum aurium. §. Post hanc autem non præter-  
mittimus, quod medicamenta quæ distillantur in oculos, sæper  
actualiter frigida immittenda sunt; quæ autem in auriem, tepi-  
da, aut calida sunt apponenda, &c. Patet manifestè. Nam à  
frigidis oculi non læduntur ob pinguedinem multam; &  
conuersationem cum aère externo: at calida applicita  
mouent fluxionem in membro molliissimo; & maximè  
cum apud Arist. 31. part. problem. 23. oculi in sanitatem  
nunquam rigeant, quoniam opimi sunt, & adipe copio-  
so circumfusi; accedit spirituum animalium copia, &  
perpetuus eorum motus. Præterea spiritus visiorius ab  
Lib. I.

oculo propter raritatem facillè exhalat; quare frigida con-  
ferunt retinendo spiritum: & eò amplius quum medica-  
menta actuali calore non indigeant ad penetrationem,  
sunt enim oculi nudati. Ex quo patet graniter deceptos  
fuisse Matth. lib. 9. ad Almanf. in com. c. 15. & Paræum lib. 9.  
cap. 24. medicamenta oculis apponenda semper debere  
esse calida, affirmantes. Si tamen Gal. 10. simpl. rit. de sero  
lactis, lac. ab vbere recens oculis imponit, cum Aëtio  
tetrab. 2. ferm. 3. cap. 7. & hic Gal. aquam tepidam, sedandi  
doloris causa id efficiunt. Ipse enim totam dirimit con-  
trouerfiam lib. 4. comp. med. sec. loc. cap. 2. de Ophthalmia,  
ibi enim lac ab vbere recenter extractum oculo adhi-  
bet, nonnisi in vehementi dolore, aut ab inflammatio-  
nis magnitudine, vel influentium humorum acrimonia  
concitato.

## HISTOR. LVII. GALENI,

## De Ophthalmia.

**Adolescens potu meraciori vsus, à  
lippitudine liberatur.**

**A**dolefcens item alius fuit, qui quod vicinus vrbi non  
erat, oculorum inflammatione pluribus iam diebus ruri  
passus fuerat. Hunc, quia in eodem statu persenerat, in vr-  
bem profectum intuitus habere oculos squallidos quidem, sed  
valde tumidas, ac plenas sanguine eas, quæ in ipsis venas erant,  
iussit vt cūse lauisset, potu vteretur meraciori, & ita se somno  
traderet, quod & factum est. Somnus enim profundus eum in-  
uasit, & manè sine dolore surrexit, &c. Galenus lib. 6. aph.  
com. 31.

## PARAPHRASIS.

**L**icet Gal. non solùm in Hip. scriptis, sed in aliis omni-  
bus antiquorum libris obferret, vt non temerè, quæ  
quisque ipsorum dixerit, approbet, sed experientia & ra-  
tione, verumne an falsum sit, quod scripserunt, examinet;  
Nam qui se vnus auctoris doctrinæ veluti seruos, aut li-  
berrinos addixerunt, simulatque ab eo scriptum aliquod  
inuenerunt, inconsideratè ac temerè credunt, vt ipse re-  
fert 6. epid. sect. 2. com. 25. quum incredibile sit, quod pro-  
batione caret, epid. sect. 4. com. 19. quæ enim comprobantur,  
maiorẽ fidem accipiunt, ex ipso, lib. 1. epid. sect. 1.  
in præfat. Tamen hic auctor ita Hippocraticæ doctrinæ  
fuit addictus, vt rationem aliquam inuenire cogatur, quæ  
quis sibi persuadere possit, dictionem Hipp. maximè esse  
veram: in cuius rei confirmationem, præsentem historiam  
adduxit, cuius fides, ratione, experimentoque stabilitur,  
aliàs in his quæ euidenter repugnant, in multis ab ipso  
arguitur, cuius doctrinam sugillat aliquando, vt doctè ad-  
uertit Valleriol. 5. enarrat. 2. Licet plurima loca, quæ hic  
auctor ex Gal. serie contra Hipp. recenseret, commodam in-  
terpretationem patiantur, provt aduersus hunc auctorem  
in nostro libro, De Iuniorum Medicorum, in theoria & praxi  
erroribus, latius, Deo auspice, demonstrabimus.

**E** Mirum enim est, & difficile existimare, merum ali-  
quando in oculorum doloribus posse esse ex vsu, quum  
hoc à veritate alienum esse appareat; nam noxium est, &  
inflammatis oculis maximè infestum: caput enim tentat,  
oculos vaporibus implet, capitis grauitatem, palpitatio-  
nemque venarum mouet, ex Gal. 2. acut. 34. sitim vehe-  
mentem excitat, 6. epid. sect. 4. com. 23. & suo nimio feruo-  
re, innatum calorem exacuit, temporumque facit pulsa-  
tionem, lib. 4. de dif. puls. cap. 1. demum inflammationem  
ab acri, squallidoque sanguine concitatam irritat, & ex-  
acerbat, & alia damna parit, quæ ab eius potu, in capitis  
oculorumque morbis calidis oriri auctores prodiderunt,  
& Auic. non siluit, 22. 3. tract. 2. cap. 7. promptè enim sem-  
crudos humores ad caput, oculosque defert, vt Gal. 5. aph.  
com. 5. latè ostendit.

Si tamen conditiones, quas Galen. supposuit in com.  
I animaduer

animaduertas, rectum fuisse Hipp. consilium indicabis. A Quorum prima est, ut non adsit corporis plethorica dispositio. Corpus sit exquisitè vacuatum. Feruor magna ex parte sit extinctus; quæ omnia in declinatione contingunt. Tunc enim exhibendum esse merum, non ibo inficias cum Aëtio; qui *trab. 2. ferm. 2. cap. 22.* hoc argumentum lucidiùs explanauit. Hoc enim tempore mero assumpto, sanguis crassus in oculorum venis impactus, distendens, & excitans dolorem, attenuatur, resoluitur, & spiraculis apertis, euanescentibusque obstructionibus, dolor con- quiescit, Insuper vinum concoquit, exiccat, emollit, & discutit, ex Gal. 2. *de fract. 72.* & sua qualitate, humorem absumendo, & exiccando, sanat eam affectionem, quam effecerat, ex Gal. 5. *aph. 5.* Denique somnum conciliat, 3. 1. *doct. 2. cap. 8.* & sic calore adactò, & viribus recreatis, natura noxium humorem, inflammationis causam vertit in halitus. Quare rectissimè à Gal. imperatum, ut post bal- neum, merique potionem, æger capesseret somnum. Fri- gida autem si in hoc casu exhibeas, nocent, nam incru- dant, humorem suapte natura crassiusculum arctant, im- pactumque reddunt, obstructiones impingunt, dolorem augent. Ex quibus facillimè possunt solui obiecta.

Sed cur vtatur meraco, si magis exiccat, quàm dilu- tum, & vigilias parit, ex Gal. *supra*, explicat Cœlius 3. 3. *tract. 1. in Schol. cap. 9.* Auic. dum meracum copiosius hauitum vigilias parere, moderatè verò sumptum, dicta ratione prodesse affirmat. Quid autem sit vinum mera- cum, vel dilutum, explicat Gal. *lib. 5. de valet. tuend. vlr. dñ* ad differentiam diluti, merum vocat: illud autem dicitur, cuius calor, & robur, multæ aquæ permixtione retundi- tur. Quare id pueris concedit Hip. *lib. de salub. diet. text. 52.* quum sit infirmum, debile, & ventrem superiorem humi- diorem reddat, 2. *acut. 34.* De quo argumento, sat plura di- xere Alphons. Lupeus Cureleanus, & Valles. *in com.* Me- rum ergo huic contrarium, inter alia medicamenta oculis accommoda, præsuppositis conditionibus, est connume- randum. Vide Gentil. *in com. nup. cit. loc.* Auic. Holler. *in com. c. 4. Gal. lib. 4. de compos. med. sec. loc.* Ioan. Bacchanel. *lib. 2. de consens. medic. cap. de ophthalmia.*

## HISTORIA LVIII. TRALLIANI

### De oculi densitate.

#### Oculi densitas, mulsæ beneficio, curata.

**E**Go sanè quendam densitate oculi laborantem, mulsæ cura- ui, quum nullum ex iis qua mitigant, doloremque leniunt, sapere cruciatum posset, sed etiam maiorem, quàm antea fuerit, excitaret, & c. Trallian. *lib. 2. cap. 4.*

### PARAPHRASIS.

**I**ngentibus, variisque ægritudinibus patent oculi nostri (inquit Cels. *lib. 6. cap. 6. in inir.*) qui cum magnam par- tem ad vitæ simul & vsum, & dulcedinem conferant, summa cura tuendi sunt: quorum permagnum esse in no- stro corpore vsum, 10. *de usu part. 6.* Gal. edocuit. Omnia enim ad illos attententiā admirabilem quandam præ se fe- runt prouidentiam: quare magni momenti esse illis eue- nientes morbos, negari haud potest. Vix enim reperies membrum, quod tot morborum genera patiatur, & in quorum agnitione plus Medici hallucinentur, quum sit inter instrumentalia membra quàm minimum. De quo- rum numero Bernard. Gordon. *paris. 1. c. de hebetudine vi- sus.* Ioan. Manard. 7. *epist. 3.* Ludou. Mercat. *lib. 1. de morb. in- tern. cap. 10.* ex professo disputarunt.

Ex plurimis ergo affectibus, quibus obnoxij sunt ocu- li, quidam est, qui densitas oculorum nuncupatur, crassiori, densiorèque facta tunica cornea; impedita namque natu- rali perspicuitate, ac trāsparentia, subiectus ipsi cæruleus color non ampliùs translucet, & tenebrosa visio fit; cuius causa putat laborans se per nebulam, per vaporem, caligi- nem, aut fumum omnia intueri: quod vitium vel ex oph-

thalmia, epiphoræ renascitur; vel ex proprio fit humore crasso, concreto, ac lento; vel ex nebuloso ipiritu, ac diffi- culter resolubili originem ducit, qui inter membranam corneam, & vneam tenaciter est impactus: de quo morbo Aëtius, Paul. Cels. & Arabes ferè omnes proprium caput descripserunt.

Pro quo affectu curando, plurima ab illis præter vni- uersalia, topica etiam solent administrari præsidia. Illis au- tem priùs, ut par erat, vsum fuisse Trallianum, non ibo in- ficias, si verum est axioma medicum, primò curandum esse totum, deinde partem. Inter ea tamen, quæ piritam cras- sam in quacunque oculorum parte innascentem suauiter, ac sine colore abstergunt, neque iterum sinunt eam pro- creari, mulsæ est; quoniam excrementa intrus impacta, ea proiecta manere intus nequeunt: mirificè enim ea re- purgat, & abstergit, minimè adstringens, densans, exasperans, torporem, aut frigiditatem inducens, non actis, aut mordax, imò meatus aperit, flatus dissipat, humorem re- soluit, ac à dolore liberat. Ea vtendum non solum, ut spe- cillo vsus eam instilles: sed melius est si vitreo angusti oris vase, mulsæ repleto id efficias. Vtere meraca & crassa, ita ut exiguum obscurumque dulcedinis sensum ex se præbeat. Loco eius mel, rhodomel, aut syrupus rosa- ceus substitui possunt. De mulsæ viribus, eius differen- tiis, parandi modo, sat plura Hipp. cum Gal. 3. *acut. à text. 9. usque ad 23.* Paul. *lib. 1. cap. 96.* Dioscorid. *lib. 1. c. 8.* Auic. *lib. 5. sum. 1. tract. 6. tit. de aq. mellis*, disputarunt. De cuius ad frigidos neruorum, & aliarum partium, pectoris, ven- triculi que morbos propulsandos, efficacia, lege Bernard. Desseium *tract. de syrupis, tit. de melicrato*, qui huius exi- mias dotes; Laconicè exarauit.

## HIST. LIX. AVENZOAR.

### De inflammatione auris.

Aurium inflammatio cum acuto dolore, oleo ex vitellis ouorum in aurem iniecto, persanatur.

**E**tiam recordor, quòd misit pro me Haly, ut ad eum Cordu- bam irè, causa vnius apostematis, quod ei in aure accide- rat, & inueni eum cum dolore fortissimo, & tremore appe- rente mortem, vel quòd ab aliquo occideretur, propter dictum dolorem; & hoc erat quia ipsum apostema erat in radice nervi venientis à cerebro ad sensum auditus, & iam spasmi incipiebat; & tunc impleni statim aurem ex oleo vitellorum ouo- rum tepido; & cum permansisset sic per magnam horam, in- cepit dolor mitigari: & cū pertransissent tres hora, tota sanie inde emanauit: & postea incepti ablueri aurem cum aqua mel- lis, facta deinde decoctione corticum subrilium glandium, & cauda equina; & postea precepi abluitionem fieri cum aqua de- coctionis limatura ferri colata, & ipsam abluitione faciebam cum penna cauda gallina, & voluendo eam circum vice una post aliam, donec totum euacuabatur, & optimè mundificaba- tur, & sic consumpta sanie fuit curatus perfectè, & c. Auenzoar *lib. 1. Theizir. tract. 4. c. 1.*

### PARAPHRASIS.

**A**urium dolorem acutum, & maximè cum febris con- tinua, ac vehementi, periculosum esse, memoranda quadam sententia edocuit Hipp. *lib. 3. prog. 13.* præsertim cum auditorius meatus internus inflammatione fuerit af- fectus; periculum enim delirij, mortisque imminet, nam ob sæuos aurium dolores, plurimi perducto in consensum cerebro, conuelluntur, delirant, & moriuntur, subitò, an- tequam humor vel discutatur, vel suppuret. Quoniam, ut inquit Auic. 4. 3. c. 6. *Peruersior dolorum auris est ille, qui ex apostemate calido, profundo, inflammatio, & illud est cum fe- bri inseparabile, & propriè cum perducit ad permixtionem in- tellectus.* & c. Quæ omnia Cels. *lib. 6. cap. 7.* Gal. 3. *de compos. med. per loc. cap. 1.* Paul. *lib. 3. cap. 23.* Tral. *lib. 3. c. 1.* doctis- simè explanant.

Adfuisse inflammationem auris internam in hoc ægro, A ex contextus serie dilucidè patet; non abfuisse febrem, ab illa fere inseparabilem, cuiusmodi erit manifestum, qui partis huius præstantiam, magnum cum cerebro nervisque consensum habentis, exactè agnoscit, in qua acer tenuissimusque sanguis, ab internarum meningum, vel aliarum partium veris eò irruens, tandem computrescit: præsertim dum pus conficitur; extenta simul, ac concalfacta particula, ex naturæ conatu, vnionèque natiui caloris ad coquendum, ex humoris impacti feruore, & ebullitione, & ex nouo ob hanc causam, ad partem debilem humoris confluxu: ex his enim omnibus causis febrem, suppuratis particulis euenire, omnes norunt, & magis si sint internæ, cordique proximæ, aut alicui parti principi vicinæ: alteratione enim per continuum facta, & fuligine putrida cordi communicata, hoc præternaturaliter concalfaciunt, febremque inducunt, cuius ut frequentissimæ in hoc morbo non meminit.

Dum ergo humor in patte affecta impactus, membranas sua acrimonia pungit, copia distendit, mordaci qualitate ferit, nervos vellicat & lancinat, tracto in consensum cerebro, sæpe fit conuulsio, meatu auditorio phlegmone obfesso, qui breuissimo intervallo cerebro sociatur, qua in parte fuisse excitatam inflammationem, ex vehementissimo ægri dolore patere potest. Ab hac enim parte profundiori, & intimiori, humor calidus, mordax, & mobilis per parentes aditus conuolat in cerebrum, ipsum in sui consensum citissimè ducens, plurima deinde damna pariturus. Nervi enim auditorium à quinta coniugatione exoriri, Anatomici fatentur omnes, qui sonorum omnium imagines, ad sensum communem, tanquam iudicem, & censorem vehit. Contra Philosophum lib. 1. de hist. animal. 11. aditum cerebro in nervum auditorium denegantem. De quo argumento Andreas Laurent. lib. 11. de sens. organ. cap. 13. Iulius Casserius Placentin. lib. de quinque sensuum anatomia, cap. 5. de sens. auditus. Coiterus lib. de instrum. audit. ex Fallop. Vesal. & Eustach. sententia, cap. 17. eruditè disputarunt. Maxima ergo est huius partis cum cerebro sympathia. Nam exterior, aut nunquam vehementer dolet, aut quamuis doleat, non inde imminet mortis periculum. 3. prog. 14. Hæc enim pars præcipua non est, neque parti cuius primari continua.

Cumque dolor immanis vires dissolueret, illi occurrere tanquam symptomati grauissimo satius iudicauit; quum vehemens esset (æger enim se ab aliquo interfici arbitrabatur) & diurnus, qui non solum animi deliquium, sed syncopen inducit, ut docent Gal. 12. meth. cap. 1. & Auic. 2. 1. doct. 2. sum. 2. cap. 22. Non quod dolor formaliter id efficiat, sed quoniam quum sit tristis quædam sensatio, naturali partium substantiæ, & dispositioni valdè contraria, ad sui expulsionem, cum sit res noxia & molesta, facultatem expultricem excitat; ex cuius irritatione non solum in parte dolente, sed in reliquis ob condolentiam, fit agitatio multa; ex qua inordinata commotione, sanguis & spiritus concalfacti, attenuantur, & promptius resolvuntur. Et hæc est causa potissima, quare Auic. loc. nup. cit. affirmat, in principio dolorem partes concalfacere, quia nimium spiritus exagitat & mouet; in fine verò refrigerare, quoniam dissipatis spiritibus, & viribus exhaustis corpus frigescit. Deinde dolor distrahit naturam à coctione, & sanguinem auertit à fonte caloris; quo dato, nec spiritus commodè generantur, nec facultates perturbatæ omnia exercere possunt, & sic fatiscunt vires. Quapropter Auic. rectissimè dixit, 4. 1. cap. 1. in fin. ut dolorem coniunctum cum aliqua ægritudine, (acerbus si sit, & intensus) prius curemus, quoniam vocat ad se curationem, & gerit vicem causæ, sine qua alter affectus curari non potest. Quando verò est mediocris, nec ita perturbat naturam, nec fluxiones mouere potest, tunc soli morbo opitulari licet, quo remoto, symptoma aufertur, ut Gal. præcipit, 11. meth. 12. & 12. eius. cap. 1. Hoc modo intellige Auic. 1. 4. tract. 2. c. 7. ad fin. 5. Et quando dolor capitis coniungitur cum febre, dignior est curatio febris, & non doloris, & c.

Merito ergo oleum ex vitellis ouorum in aurem immittitur, inter cætera anodyna præstantissimum, nam calidum

est in primo ordine, tenuem, maximè iucundam, & mulcebre habens substantiam, qua modicè calefacit, penetrat, rarefacit, digerit, concoquit, partem æquabiliter demulcet, & dolorem lenit, quæ omnia in anodynis medicamentis, quæ reuera talia dicuntur à Gal. 5. simpl. 18. reperiri debent. Tepidum iniecit, ne fortè partem nervosam, & suapte natura frigidam, exactissimèque sensu præditam, cuius pathemata vehementia esse, solent, læderet. Quo pacto, licet æger tanquam desperatus esset, morbusque veluti conclamatus, narcotica censuit omittenda, ut valdè nocua, & repudiata ab Auic. 4. 3. cap. 8. quousque timeatur syncope, maximè quoniam aderant signa suppurationem prælagientia; nam tunc timor erat, ne his impositis, impensè adstrictus humor perfectam deinceps non admitteret suppurationem. Qua etiam de causâ ipse Auctor à calumnia liberandus est, si phlebotomiam, aliæque reuellentia auxilia in hoc præcipiti casu necessaria celebranda non imperauerit, ne fortè congelaretur materia, quæ erat habitura collectionem, iuxta præceptum Auic. 10. 3. tract. 5. c. 2. præsertim quum soli mitigando dolori esset intentus, nixus Hipp. oraculo lib. 6. epid. sect. 5. text. 13. dolori auris, lana oleo calente inuoluta. blandissimè auxiliantis.

Satius tamen hoc prius experiri auxilium iudicauit. Licet non negandum sit, hoc non conferente, & urgente violento dolore, ipsum, ea quæ leuiter sensum stupefaciunt, experturum: prout Gal. lib. 3. de compos. med. per loc. cap. 1. Paul. lib. 3. cap. 23. Alexand. lib. 3. cap. 1. asseuerant: nam non mediocriter periculum est, ne cerebrum nervo per quem facultas audiendi erogatur vicinum, consortij lege afficiat. Magna autem inest, in sedando dolore, vitello oui efficacia, quæ in mitigandis nervorum doloribus est præcipua, qua esse præditum oleum ab ipso extractum, firmat Auer. 5. collig. 48. Auic. 1. 5. tract. 10. ut de ol. ex vitel. ouor. Mesuè eod. tit. Scrap. tract. 7. cap. 25. Monachi in Mesuism. Franciscus Veles, Gratian. Bauderonus, Londinenses eod. tit. Cuius laudes eximia, & paradi modum descripserunt Montagnan. antid. c. 6. Petrus Coudebergus in Cordu, tit. de ol. ex vitel. ouor. Berturcius tract. 8. c. 4. Valer. Cord. & Conrad. Gesner. lib. 3. de auib. tit. de Gallin. part. 2. de viol. ouor. latissimè.

Quo factum est ut hoc præsidio recreata natura, & sopito dolore, viribus redintegratis alacrior facta, subiectum humorem coqueret, & in pus verteret. Tunc enim facto emissario sanie abluere oportet. Hisque celebratis ad sicca agglutinantiaque medicamenta descendere necesse est: (quod opus complere ab auctore narrata medicamenta, & maximè ferrum, fatentur omnes cum Auic. lib. 2. tract. 2. c. 25.) Summè autem siccantia medicamèta purulentis auribus esse adhibenda, allata celebri historia contra Thessalicos acriter contendit Gal. lib. 5. meth. cap. 10.

## QVÆSTIO XXVIII.

Quod vitellus oui ad caliditatem declinet, contra Mathiol. Acakiam, & Amatam Medicos præstantissimos.

### COMMENTARIUM.

Vitellorum ouorum.] Offert sese hoc loco non inelegans de vitelli oui temperamento disceptatio. De hac enim auctores rapim differentes inuenio. Frigidum esse ex Gal. probari potest lib. 11. simpl. 27. qui postquam albumen ad mitigandos dolores esse optimum asseruit, licet frigidum sit, huic assimilem esse vitellum manifestè edocuit, & ipse vitellus ad similes est nature, & c. Et lib. 1. ad. Glau. c. 9. tertiana exquisita correptis ipsum concedit. Et 12. meth. c. 6. in febrili syncopali orta ex crudis succis eum exhibere non dubitauit. Et lib. 2. de com. med. sec. loc. c. 5. Idè confirmat Auic. 1. 3. tract. 2. cap. 24. 5. Et pone cibum eorum qui infrigidati, & humectati, aut qui est ei subtilis, sicut est vitellus oui, & c. Et 1. 4. tract. 2. cap. 39. de tertiana exquisita. 5. Et vitellis ouorum, & c. Et in tract. 3. cap. 7. de cibatione habentium besticæ. 5. Aut vitello oui sorbilis, & c. Idem sentit Tral. lib. 10. c. 1. tit. Curatio colici doloris ex calidis humoribus.

His fortè conuicti Mathioli lib. 4. epist. in epistol. Maranthe dicata. Acaki in com. cap. 9. lib. 1. ad Glauc. Amari lib. 2. in Dioscorid. in com. cap. 44. & lib. 6. centur. 100. vitellum oui, frigidum & humidum esse sibi persuadent. Sed immerito. Eos enim redarguit Auic. sententia lata lib. 2. tract. 2. cap. 527. de ouis. §. Sunt ad equalitatem tendentia, sed eorum albumen ad frigiditatem, & vitellus ad caliditatem, & ambo sunt humida, &c. Sequitur Isahac lib. diatar. uniuers. c. 54. de ouis. §. Vitella sunt calori viciniora, &c.

Hoc ita esse plures demonstrant rationes. Prima. Vitellus oui citissime in sanguinem conuertitur, ex Auic. 2. 1. doct. 2. cap. 15. §. Quemadmodum ipsorum nutrientium alia sunt, quorum natura est vicinior substantia sanguinis, ut sunt vitelli ouorum, &c. Promptissima enim conuersio in sanguinem, caliditatis notam demonstrat, &c.

II. Vitellus oui pinguis est, hinc in illo elementum æereum dominari, & caliditatem vigere negari haud potest, & Gal. 3. de temp. 5. aperte ostendit. Hac ratione pinguedinem calidam iudicat Gal. 4. de usu part. 9. quia promptè in flammam conuertitur. Legendus Gal. 2. simpl. 10. Explanant Vallesius 1. com. 10. Carreus disp. 3. in cap. 4. de loc. affect. Laurentius lib. 6. de anatom. quest. 5.

III. Vitellus oui suppurat, & hoc non solum lentore suo, & viscositate poros constringendo facit, quod suppurantium proprium est, 5. simpl. 8. sed quoniam caliditate & humiditate calorem partis adauget & fouet, inuâtque innatum calidum ad coquendum, quas dotes suppurantibus tribui Gal. tum loco nup. cit. tum lib. de remed. parat. facil. c. de parotid. & 4. meth. c. 5.

IV. Vitellus oui apodynum medicamentum est, ex Gal. 11. simpl. 27. & quum sit tenuium partium, calefacit, euacuat, digerit, rarefacit, extenuat, coquit, & æquabile reddit, quidquid in partibus, aut dolore vexatis, aut humorum acrium, lentorum & crassorum inest; aut multorum tenuibus spiramentis infarctorum; aut etiam vaporosi, crassi, aut admodum frigidi spiritus exitum commodum non habentis, inhæsit atque inclusum est: itaque nihil adstrictionis habeat est necesse. Verè ergo ad hanc anodynorum classem, quæ sua temperie, & moderato calore tollere dolorem nata sunt, est redigendus. Cæterum horum medicamentorum facultas, est eorum quæ primo ordine excalfaciunt, ex Gal. 5. simpl. 18.

Neque Gal. lib. 11. simpl. cit. absimilis esse naturæ pronunciauit in manifestis qualitatibus, sed in mitigando dolore, vitellum oui candido ad similem esse statuit, ut legenti patebit: miscetur enim vitellus ceratis morsus expertibus. ut Aëtius, tetrab. 1. serm. 2. c. 131. Paul. lib. 7. tit. de ouo. Serap. cap. 419. Matthæus Syluatic. & alij prodiderunt. Vel si vitellum similem esse naturæ humanæ proferas, non repugnam, quum omnium celerrimè partes solidas nutriat, sanguinem generet in omnibus qualitatibus moderatum, & naturæ humanæ vires exhaustas reficiat.

Tertiana verò correptis Galen. & Auic. ipsum, tanquam alimentum humectans cōcedunt, ut probat Conciliat. diff. 101. & Garzias Lopus lib. de varia rei medica lectione, c. 20. edocti ab Auic. cit. loc. c. 39. §. & scias quod intentio in eo quo cibantur, aut est humectatio, sicut datur eis in fine de extremitatibus althaiugi, & de testiculis gallorum, & cerebellis hædorum, quibus non est nausea, & vitelli ouorum, &c. In synopali verò propinat Gal. alendarum vitium causa. Hæctici Auic. & Rasis exhibent 4. aph. lib. tit. de ouis. §. humectant, & hæctici conferunt, &c. Hi enim auctores ad siccitatis lapsum respiciunt, qui immedicabilis est.

Deinde si frigidum vitellum constituunt, id respectu testæ, aut albuminis intelligendum est, quæ ipso, multo excessu sunt frigidiosa. Auic. verò simpliciter esse frigidum asseuerat, quoniam in caliditate non multum excedit; quod enim remissum obtinet calorem, frigidum dici potest, & è contrà. Sic soluit Gal. 6. simpl. cap. 67. vbi id quod parum frigidum est, calidum vocat. §. Arriples humida & frigida temperie est, humida quidem secundi ordinis, frigida verò primi, quam utique repida caliditate esse posuimus, &c. Interim vide quid Laconicè proferat Costæus, ex Auer. Arist. & Alexand. mente, in com. cap. 527. Auic. in lib. 2. tract. 2. de vitelli oui temperamento. Hi enim auctores

superioribus pugnant manifestè, dum luteum oui frigidum; candidum, calidum constituunt. Sed quàm falso niantur fundamento, alibi contra Plin. 10. natural. hist. 53. Aristot. 3. de generat. animal. 1. & Auer. eodem loco. Alexand. lib. 2. probl. 84. pro Hipp. lib. de natur. puer. ex luteo pulli produci, & ex albo alimentum concedi existimante, latissime in lib. de Iunior. errorib. patefaciemus.

## HISTORIA XL. RASIS,

### De dolore auris.

**Aurium dolor à frigiditate ortus, calidis auxiliis perlanatur.**

**D**ico quod passus est quidam ventum boreale valde frigidum in capite, & auribus, & conquestus est de aures, & ingrediendo balneum, & calefaciendo aurem exterius, postea imposito in eam guttatim oleo radicis, mitigata fuit passio eius. &c. Rasis lib. 3. continent. tract. 2. cap. 2.

## PARAPHRASIS.

**A**vres utpote cartilaginosa, & frigida, à frigido facile lædi, testis est Gal. 3. sec. loc. cap. 1. & maxime à vëto Borea, suapte natura frigida, ex Gal. lib. 1. de temp. 2. in med. Si per ergo à nuda intemperie concitaretur dolor, seu compressione à frigore facta humores ex capite exprimerentur in aures, balneum profuit (prius, ut decet, purgatis corpore, & capite) ex calidis, & roborantibus medicamentis confectum, nempe ex lauro, absinth. puleg. menth. sampluc. porro, organ. alliis, additis oleis huic vsui accommodis, amygdal. amar. dulc. rutac. adipe vulpino; quem mille laudibus auctores commendant. Sicque hoc particulari balneo; circa & intus aurem celebrato, mitigata fuit affectio; quæ si sola sit, & non inueniat in corpore morbosum apparatus, permanentem morbum facere non potest.

Ad auris dolorem frigidum Gal. cit. loco, plurima auxilia connumerat. Rabbi Moses 22. particul. aph. text. 52. oleum de semine cannabis proprietate quadam prodesse refert. Quorum auxiliorum syluam multiplicem passim inuenies apud auctores. Inter ea tamen quæ extrinsecus induuntur in aures, ad surditatem, tinnitum, & dolorem à frigiditate contractum, efficacissimum esse, vaporem calentis amurcæ per mearum auditorium recipere, sibi persuasit Lupeus lib. suo de art. curat. cap. de surditate. Scribon. Larg. compos. 29. picis florem laudat, quo, felici experimento, in seipso dolore vexato esse usum, apposita Historia confirmat quæ à superiori minimum distat, idcirco eam inexplicatam relinquimus.

## HISTORIA XLII. TRALLIANI

### De aurium dolore.

**Auris dolore laborans, injecto in aurem Opio, vocem & sensum amisit.**

**E**go enim noui quendam \* solo usum opio, & vocem & sensum agro ademisse, ut ne opobalsamo quidem, aut alio quibusdam calidis injectis homo amplius restitui posuerit: quocirca si etiam quis ob multum dolorem opio, aut alio quodam torporis faciendi vim habente vi coactus fuerit, semel ipsum aut iterum offerre conuenit: postea verò castoreum cum oleo repido iniicere, & extrinsecus lanam oleo calido, aut nardine, quod adipem anserinum habeat, imbutam, omni ex parte circumdare, si torporem ex frigidis contractum curare moliaris, &c. Trallianus

lib. 3. cap. 2.

\* \* \*



## D V B I V M XXXIV.

A opij vires promptè ad cor defert, vt eleganti historia probat Leuinus Lemnius lib. 2. de occult. cap. 51.

Num incorrecto opio extra appositionem sit utendum.

## PARAPHRASIS.

**Q**uot damna afferat opij incorrecti vsus, quum id coacti necessitate parti cuiuspiam dolore afflictæ imponimus, docet hîc Trallian. Et Gal. ad eò timidus est in eius vsu, vt lib. 2. sec. loc. c. 1. sit. de capitis dolore ex plaga, in hæc verba prorumpat. Rarò cogimur pharmacis ex opio vi, quum videlicet præ doloris vehementia homo de vita periclitatur: Sic ex opio collyria multis detrimento fructu, ad eò vè debilem oculum reddiderint, & visus hebetudinem, auditus etiam grauitatem induxerint, &c. Et lib. 3. eiusd. oper. c. 1. sit. de auricularibus compositis. Sic ait. Ego verò quemadmodum dixi, in unaquaque affectione proprio vtor medicamento, semperque papaueris succum fugio, neque nisi urgente necessitate ad eius usum peruenio, &c. lib. etiam 8. eiusdem, c. 3. opio iubet admisceri calefacientia, vt ipsum reddat innocentius, quum corpora viuentium mortificationi simile quidpiam perpetiatur, ab omnium ex opio, & hyoscyamo, & mandragora compositorum medicamentorum vsu. Ideoque Medicis mos est, illis admiscere piper, castorium, & crocum.

Denique ad eò vsus opij super affectas particulas est timendus, vt non nisi summa cum præmeditatione eo utendum sit, quum ex eius impositione innumera damna euenisse confirmant auctores. Refert Marcus Gattinar. cap. de cura sode colerica, se vidisse mulierem nobilem, quæ cum steteret plures dies sine somno, imposito supposito opiato, supremo somno correpta est. Narrat Nicol. serm. 2. c. 1. se vidisse puerum, cui suppositum fuit opium propter tenasmonem, qui extinctus fuit illicò ab ipso imposito. Antonius Maria Betta in suis com. in 4. sen. lib. 1. Auic. scribit feminam quandam per multos dies vigilantem, assumpto opio, ad eò profundè obdormiisse, vt non nisi plurimis auxiliis leuari potuerit, & tandem stupidam, & amētem remansisse tradit. Idem affirmat Auic. 16. 3. tract. 1. c. 4. §. Vidimus qui supposuit sibi collyrium, & mortuus est, &c.

Narrat quoque idem Nicol. serm. 2. sum. 2. tract. 2. c. 15. se vidisse puerum cui immisum fuit enema cum opio, doloris sedandi causa, & mortuum fuisse. Scriptum reliquit Alexand. Benedict. lib. 3. cap. 6. sua praxis. Patauij accidisse, quòd Iustinianus in dentis cruciatu conuellere iussit molarem vnum, & quum dolor ingens perseueraret, suadentibus nonnullis, opio sæpius in cauum indito. Supremo somno correptus fuit. Literis mandauit Cardan. lib. de subtili. 18. equitem quendam victorem, deposita galea vt respiraret, ab inuidis copioso intus illito opio extinctum fuisse.

## Observatio XLIV.

Quidam auri dolore laborans, imposito intra aurem opio, emortuus.

**H**ispanus quidam, auri vehementissimo oppressus dolore, plurimos dies insomnis egit, in quibus vniuersalia, & topica omnis generis auxilia sunt celebrata, sed incassum: quo cruciatu miserabiliter afflictus, pseudomedicorum opem implorat; hi vt sunt ignari, & audaces medicamenta ex opio ad prouocandum somnum, sedandumque dolorem intra aurem imponenda consuluerunt: quo iniecto, post horam paulò quieuit, illicò tamen ingenti tremore concessus, stupidus veluti & amens remansit, & præcedente vertigine, potentiis omnibus deinde extinctis, veluti sideratus perpetuò obdormiuit.

Semper ergo cum opio miscere debemus, quæ illius efficaciam retundant, vt piper, pyrethrum, & castorium, quod Gal. & Tral. hoc loco summopere commendant Medico curaturo; nam hæc crassitie sua in ventriculo morantur, sicque actionem opij retundunt: quæ magis probo, quàm supra ingestum vinum, quod tenuitate sua

Lib. 1.

## Q V Æ S T I O XXIX.

Quòd opium incorrectum possit aliquando in potum exhiberi. Contra communem Medicorum sententiam.

## COMMENTARIUM.

**S**olo vsus opio.] De damno ex opio extrà appposito satis multa. De noxis ex eo intus sine correctione assumpto, sic fatur Gal. 6. epid. sect. 6. com. 5. Quineriam ad hæc modus alius indolentia effector est, scilicet qui sensum hebetat, ac stupefacit, in quo prudentia nõ vulgaris est, stupefactorio medicamento alia permiscere, neque opio solo vi, &c. Et maximè quum medicamentum sit exitiale, auctore Gal. lib. de theriac. ad Pison. c. 10. §. Papaueris succum per se ebibitum, qui letalem nesciat, est nemo, &c. Nam valdè refrigerat, & vsque ad stuporem, & mortem perducens interimit, vt ait Gal. 7. simpl. tit. de papauer. Esse autem venenum substantia tale, iudicat Gal. lib. 4. simpl. c. 18. §. Multa verò ipso statim odore aliena sunt, pleraque pugnantiam cum homine indicant, veluti & hac ipsa quæ nunc dicta sunt, & cicuta, & papaueris, & mandragora, & hyoscyami succum, &c. Et lib. 2. eiusd. cap. 12. §. Vi autem succi papaueris, atque aliorum huiusmodi multorum, quæ nobis, & viribus, & substantia corpus perimere nata sunt, &c. Si ergo est venenum, cur sine præparatione, & correctione, per os exhibendum? Si rarò cogimur pharmacis ex opio vi, quum videlicet præ doloris vehementia homo de vita periclitatur, vt 2. sec. loc. c. 1. sit. de capitis dolore ex plaga, & 8. eiusd. 2. Gal. affirmat; quoniam interiores partes ex eorum vsu nimis læduntur: quantò magis opij solius incorrecti vsus timendus est? Quam sententiam Medicinæ proceres amplectuntur, & iuniores omnes confirmant.

At contraria sententia licet omnibus Medicis, Galen. tamen doctrinam oscitanter scrutantibus, absurda videatur, ea tamen amplectenda est ob causas multas. Nam vigente necessitate opium per se solum sine correctione propinari per os posse, Dioscorid. lib. 4. sui operis, cap. 60. sic confirmat. §. Opium refrigerat, inspissat, siccaturque sumptum erui magnitudine, dolorem finit, somnum allicit, concoquit, ruffi, atque celiacorum valetudini auxiliatur, &c. Sequitur Gal. lib. 2. acut. com. 12. §. Vi autem succi papaueris, mandragora, & hyoscyami, atque aliorum huiusmodi multorum, quæ nobis & viribus, & substantia aduersa, corpus perimere nata sunt, portionem exiguan affumentes, magnam percipimus commoditatem, &c. Et lib. 3. sec. loc. cap. 1. sit. auriculares compositiones Andromachi. §. Ego verò quemadmodum dixi, in unaquaque affectione proprio pharmaco vtor, semperque papaueris succum fugio, nec nisi urgente necessitate ad eius usum peruenio, &c. Quorum sententiam Arabes amplectuntur. Auic. lib. 2. tract. 2. cap. 526. §. Et potius ipsius sit quantitas lenticula magna, &c. Serap. c. 374. de opio. Rasis lib. 23. contin. tract. 3. cap. 1. ad vlcus vesicæ dolorificum, cum semine hyoscyam. & lactuc. exhibuit in potu etiam opij, cerat. 1. quæ quantitas, vt notat Apuleius lib. de mensuris, idem est ac semiobolus. Obolus autem est pondus medij scrupuli, auctore Saladino lib. 3. de ponderib. & mens. ex quibus constat Ras. sex grana in potu felici euentu propinasse.

Deinde si videmus quotidiano vsu semine papaueris vefcentes plurimos ad saturitatē vsque immixto placentis, qui, vt cit. loc. in Dioscor. Mathiol. notat, nec diuturniore somno corripiuntur, nec veteriosi fiunt; ex quo Medici edocti, intrepidè seminis papaueris cremorem, hordei decocto expressum in ardentibus febribus, ad extinguendam sitim, somnūque conciliandū ægris exhibere non verentur, cur nos cogente necessitate opium incorrectū in potum nõ exhibebimus in parua dosi? quod cordatè affirmat Gentil. ex mente Rasij 1. 3. tract. 3. cap. 3. dub. 14. dicens: inuentū esse in theriaca Caesaris, quod opium per se datū in potu, habenti virtutem solutam, hoc est debile ex vigiliis auxiliatur,

& liberat, quoniam inducit somnum, & facit redire virtutē, A  
&c. Quare in ardentibus febribus opium per se solum  
exhibere salubrius multò indico, quàm alias opiatas com-  
positiones, in quibus calidissima medicamenta ingrediun-  
tur, quæ feruorem febris acuere, & exasperare possunt.  
Hæc autem stupefacientia licet merito à Gal. 12. meth. 1. 7.  
sec. loc. 3. & 9. eiusd. 4. & alibi passim, in causa calida tutò  
possint administrari; vel cùm æger ex tenui distillatione, vi-  
giliis, & vehementi tussi urgetur, vel phrenitide, ex Gal. lib.  
de theriac. ad Pis. 10. & 15. quoniam non solum, vt sensui  
torporem inducentia salutaria sunt, sed etiam vt humorum  
tenuitatem cogentia, atque incrassantia, & vehementem  
calorem refrigerantia, vt cap. 8. lib. nup. cit. meth. docuit Ga-  
len. Tamen in biliosis febribus opio solo vti tutius mihi  
semper visum est. Quod cit. loc. Gentil. admonuit, in his fe-  
bribus Philonis antidotum ob calidorum mixturam pertri-  
mescēs; quum enim ex nimia caloris præternaturalis actio-  
ne vis opij euanescat, necessarium est, vt medicamentorum  
calidorum intensa caliditas, febrem exacuat, atque ac-  
cendat. Securius ergo erit in acutis febribus opio incorre-  
cto vti.

## DVBIVM XXXV.

*Num Opium sit frigidum. Contra Matthiolum.*

**A**ddiderim Opium non esse ita frigidum medi-  
camentum, vt ibidem notat Matthiol. in com. cit. cap.  
Dioscor. Nam non modò gustu amarum, sed & acre per-  
cipitur, aded vt paullulum in lingua detentum, os, pala-  
tum, ipsamque exulceret, quare haud dubiè putandum  
est, calidissimas illi inesse qualitates. Nec possum non  
mirari Paulum lib. 7. tit. de papauer. Auic. lib. 2. cap. cit. &  
omnes ferè de opio scribes, qui ipsum in quarto gra-  
du frigidum esse vnanimè affeuerant; quod & Gal. 8.  
sec. loc. 3. & Auic. 4. 1. cap. 3. & lib. 2. cap. cit. confirmant, id  
omnibus stupefacientibus fortius esse existimantes; qua de  
causa mortificare corpora, & ad immedicabilem frigidi-  
tatem deducere affirmant, supremam ac excellentem fri-  
giditatem illi concedentes. Sed quum opium amarissi-  
mum sit, vt fatentur omnes, & amara omnia, & exulce-  
rantia calida sint, vt pore à caloris excessu pronata, vt 4.  
simpl. 17. 21. & alibi docuit Gal. cur opium erit frigidum,  
& non calidum?

Vidit istam intricatissimam antinomiam Mathiol. ad  
cit. lib. 4. Dioscorid. qui superiori victus argumento, cali-  
dum esse opium confirmat. Lustrarunt eam ingeniosissi-  
mus Costæus, & subtilis Mongius in com. cit. loc. lib. 2.  
tract. 2. Auic. Sed dubij difficultate perterriti, Auer. solum  
de hac re sententiam legendam monent. Hic ergo au-  
ctor lib. 5. collig. cap. 27. saporem amarum non perpetuò  
oriri ex caliditate, sed ex frigidity pronunciat, & posito  
exemplo in opio id confirmat: quem deinde sequutus  
fuit Valleriol. lib. 5. enarrat. 4. Sed quàm falsum hoc sit,  
nemo non videt. Nam Gal. lib. 5. simpl. 26. amara, meatus  
repurgare, abstergere, extenuare, incidere humorum  
crassiciem affirmat. Insuper ab infarctu expediunt, extra  
verò admota, sordida vlcera repurgant, lichenas, impeti-  
gines, alphas, lentigines, & cætera quæ cutem inficiant,  
delent, vt ait Auic. 1. 2. tract. 1. cap. 3. & Gal. 4. simp. 18. 19.  
prouocant menstrua, conferunt excreationi saniei è pe-  
ctore, & pulmone, phlegma crassum, & induratum ab-  
stergunt; quæ operationes quàm contrariæ sint affectibus  
ortis ex frigidity, patet: nam frigidum impingit, obtu-  
rat, retinet, incrassat, & cohibet.

Occurrit Valles. lib. 9. controu. cap. 5. dicens, nihil impe-  
dire rem aliquam posse existere excellenter frigidam, quæ  
tamen nonnullas calidas sortiatur partes, quarum occasio-  
ne amara fiat; vt cicuta, quæ frigidissima cùm sit, amari-  
tudinem non exiguam obtinet: est enim amarum quate-  
nus amarum, calidum, licet alia ratione possit esse valde  
frigidum. Non satisfacit responsio. Nam hoc intelligen-  
dum non est de iis quæ summè sunt amara, sed de aliis,  
quæ cum aliquali amaritudine, aliis etiam saporibus con-  
stant; nam cichorium, rosa, aliæque quàm plura inue-

niuntur, quæ cum amaritudine frigiditatem obtinent  
exuperatiorem; hæc enim, velut dulcia, & acria quum  
sint, mixta aliis saporibus refrigerantibus, actionem suam  
exercere non possunt; ab illis enim vincuntur, & obum-  
brantur. Hoc manifestè voluit Gal. lib. 4. simpl. cap. 7. in  
hunc modum scribens. *Corpus omne adstringens ab aliis*  
(quod sensu animaduerti posset) *qualitatibus syncerum, perpe-*  
*tuo comperi experiendo frigidum: quineriam nonnulla ex iis*  
*quæ qualitatibus mixta erant, nempe quæ modicè dulcia, aut*  
*amara aut acria, aperte quoque refrigerantia reperi, scilicet*  
*cum in eis adstringendi refrigerandique facultates ita vince-*  
*rent, vt alas obscurarent, &c.*

Dic ergo, & fortasse meliùs, Opium medicamentum  
licet frigidissimum, habere tamen amaritudinem in parte  
externa, & superficiali, ratione cuius vlcera, & calefacit,  
B. maximè quoniam amaritudo excellens cùm sit qualitas,  
poterit vbicunque fuerit, elucescere, etiam si pluribus  
contrariæ qualitatibus partibus sit admixta: Nam si in he-  
minæ aquam, aloës momentum iniicias, totam ipsam  
amaram reddes. Sic vomitus pituitosus amarus percipi-  
tur, ob exiguam bilis portionem illi permixtam. Sic psyl-  
lium in internis partibus non mediocrem habet calidita-  
tem, & in externis, & superficialiis, valenter infrigidat,  
ex Auic. lib. 2. tract. 1. cap. 1. & Mesuè tract. de simpl. medic.  
tit. de psyl. Sic plurima alia ob varias, quæ illis insunt,  
contrarias qualitates in diuersis partibus sitas, contrariis,  
& valde inter se distantibus pollent facultatibus. Sic len-  
tes in superficie nitrosam habent, calidam, & expurgan-  
tem vim, quum medulla frigida sit, & sicca. Sic brassica,  
squamma aris, Rhabarb. laxante, & adstringente con-  
stant facultate. Sic lacti triplex inest substantia, triplex  
temperamentum, & triplex actio, ex Gal. 3. alim. 15. &  
sæpe alibi; præter quas tres temperies particulares, vnam  
demum habet, cuius gratia lactis naturam seruat: id in  
rebus accidit, quæ miscentur omnibus. Sic de Opio di-  
cendum, id cum ingenti amarore posse esse summè fri-  
gidum. De quo argumento vide doctissimum Mercurial. lib.  
2. de venen. cap. 7. de opio.

Sed ad pensum redeuntē dicimus, quod non debea-  
mus ita veteri opij vsum, quum quotidiano auctorum ex-  
perimento compertum sit, plurimos magnam opij quan-  
tatem sine noxa deuorasse, prout scribunt Garzias ab  
Horto in l. de histor. aromat. à Carolo Clus. latinitate donato,  
Geuzfrazus l. hist. cit. Monard. part. 2. tract. de iis quæ ab India  
adspportantur. Ludouic. Duret. in Schol. c. 5. lib. 2. Holler. de  
morb. intern. Hi enim scribunt se vidisse multos, qui  
D. opium 20. ḡ. quantitate; vsque ad 40. ḡ. hord. & inter-  
dum drachmæ & semunciæ quantitate (mirum dictum) sine  
villo damno, aut læsione deuorasse: quod etiam affirmant  
Bellonius lib. 3. obseruat. 15. Ioan. Fragosus tract. de simpl.  
tit. de bangue. Christoph. à Costa, eod. tit. cap. vlt. Et Heur-  
nius lib. 3. cap. 20. meth. ad praxim, vidit seruos, qui ingen-  
tem Meconij copiam deuorabant, quod Indis, Turcis,  
& Mauritanis frequenti est in vfu. Hi enim (Indi vocant  
amphyonistas) opium frequentant, quia huius causa, fla-  
tibus abundantes crassis & frigidis, tætigine detenti, &  
satyriaci commoti ad libidinem incitantur, & in actu ve-  
nereo, flatu crasso ex opio turgent, diu perseverant, vt  
doctè notat Thomas à Veiga in com. c. 40. lib. art. med. Gal.  
in init.

E. Et licet hi auctores ad consuetudinem referant, &  
opium istud sit minùs frigidum, vt pote in eminentioribus  
locis pronatum, & ex papaueris albi succo confectum,  
vt refert Scalig. exercit. 154. & 175. quod vt satiuum est,  
sic cæteris papaueris speciebus minùs refrigerat, (ex quo  
Francisc. Alexand. in suo Apolline, rad. 1. cap. de papau. ait  
Neapoli fieri pulmentaria, quibus ad satietatem vsque  
plures vescuntur) & minùs stupefacit, tamen intensam  
habet refrigerandi, & stupefaciendi facultatem. Opio  
ergo, vel è papaueris nigri succo extracto, (hoc enim ve-  
rum opium nuncupamus, ex Auic. lib. 2. cap. 5. 26.) in exi-  
gua quantitate tutò vtī possumus. Quod ego felicissimo  
euentu in pluribus sum expertus, qui vigiliis, doloribùs-  
que cum intensa febre oppressi, solius incorrecti opij vsu  
immunes euasere. Obiicias cum Gal. lib. 6. epid. sect. 6.  
com. 5.

com. 5. in medi. 5. Stuporē verò, siue torporē papaueris succus, & alterci semē efficiunt. Hæc si sola per pauca exhibeantur, dolorem sedare non poterunt: quod tantum ex istis detur, quantum acceptū sedare dolorem possit, insigni noxa membrū dolens afficietur. Igitur ne ipsū magnopere offendatur, neque sensus obtorpeat, aliorum medicaminum permistio à Philone excogitata est, &c. Ergo opium incorrectum neque in parua, aut magna quantitate exhibendum. Dic. Opium in valde exigua quantitate assumptum, dolorem sedare nō posse, ita ex improviso, ac multa quantitate oblatū, & hoc est quod vult insinuare Gal. At melius est dolorem cum tutiori auxilio aliquantisper sedare, vt leuata deinceps natura residuum debellare possit, quā multa opij ingesta copia ægrum citò perire, qua assumpta plurimos fuisse interemptos narrat Plin. lib. 20. c. 18. Medicaminibus autem opiatīs & stupefacientibus licet securē vti possimus, securiùs tamen multo ægris ardentissima febris oppressis ob dictam causam, opium incorrectum in parua quantitate exhibitum opitulabitur. In qua licet sit assumptum vehementissimè operabitur; nam huius facultas est valentissimæ actiuitatis, & qualitas ab eo directā potentissima est, & diu in agendo persistit. Habet enim opium substantiam densam, vnitam, & difficulter resolubilem. Quare ne mireris, si tam parua opij quantitas, in Theriaca, Philonio, & aliis, cæterorum simplicium respectu, quæ calidissima sunt, ea vincere possit. Nam exhibita drachma vna Philonij, somnus, sopor, & indolentia sequuntur, & hæc accidere ob valentem opij vim expressè monuit Galen. lib. 5. meth. 15. & sic sensui fidē adhibere debemus, vt docet Gal. lib. de caus. procatart. cap. ult. 2. de motu muscul. 7. lib. de rigor. 18. Fernel. lib. 1. de abdit. 10.

### Obseruatio XLV.

*Vmbilici dolor sauisissimus cum valida febre, opio epoto, curatur.*

**F**OEmina biliosa, & fortis, in fœdum Gallicum incidit vteri profluvium, quo quum esset afflicta, ad putridi humoris exiccationem, mulierum consilio, imprudens, aqua aluminosa, muliebres partes, inguinæque multoties abluit. Post lotionem, restricta fluxione, in tam dirum incurrit vmbilici dolorem, vt plures noctes in somnis ducens, in horas moritura speraretur. Illicò sectæ saphænæ, hirudines ano impostæ, cucurbitulæ scarificatæ sæpius femoribus applicitæ, in cruribus viscantia admota, clysteras omnis generis imperari, vnguenta, forus, emplastra varia adhibita. Supra vmbilicum hirudines, vstiones, & scarificationes admotæ, purgatio diuersis medicamentis celebrata, tandem in semicupium ex medicamentis anodynis constructum ingressa, assumptoque ter per intervalla Philonio, nullo modo leuata est. Demum quum in agone esset, & dolor ferociùs inualesceret, opium incorrectum quantitate 12. ḡ. hord. in iure pulli potandum offero: assumpto eò in veterum mox incidit, & vnus diei spatio obdormiscens, expergefacta sine dolore salua remansit.

Quare licet negotium hoc sit plenum ambiguitatis, & controuersie: nos huic firmiter adharemus sententiæ, vt dicamus, opium incorrectum quandoque vtiliter posse esse ex vfu. Neque nos terrent contrariæ factionis argumenta. Neque quod Gal. in opio solo exhibendo semper ferè fuerit meticulosus, quare calidissimis medicamentis illud immiscuit. Sed Gal. verba sunt diligenter perpendenda. Nam ipse non dicit opium toto genere, tota substantia, & totis viribus esse naturæ nostræ contrarium, quod est de ratione veneni à tota substantia talis. Neque nos negamus, venenum esse, si in multa quantitate assumatur, qua corpus perimere natum est, vt scribit Gal. 5. simpl. 19. 5. Velui papaueris succus, & myrrha, & styrax, & crocum. Siquidem hæc si largius bibantur, quadam demerant, quadam mortem inferunt, &c. Nam, vt ipse 3. simpl. 18. & passim edocuit, eorum quæ frigore interimūt, nullum genere lethale est, sed quantitate solum. Quo fit vt in ardentibus febribus, vrgente symptomate, cuius causa, noxa, & mors timeri

possunt, tutò opium incorrectum possit exhiberi; nam præterquam quod febris, aut biliosa, acris erodentisve humoris efficaciam retundit, dolores, symptomataque summopere demulcet, quibus lenitis, ægri leuati reuiuiscunt, & conualescunt.

### D V B I V M XXXVI.

*Nū Narcotica tutius in causa calida, quàm in frigida sint assumenda Contra Amatum & Lemosium, Medicos eruditissimos.*

**S**Ed quoniam in hunc de opio, stupefacientibusque locum incidimus, non silenda est magna contradictio, quæ ex Gal. doctrina depromi solet. Is enim in lib. 12. meth. cap. 8. de narcoticis verba faciens, illa, in causa calida securiùs, in frigida non ita tutò posse propinari affirmat. 5. Nam quum mordens humor affligit, aduersissima sunt quæ extenuant & calefaciunt; postulat namque huius generis affectus, si modò curandus est, vt ea quæ contristant, vacuentur: si id omnino fieri nequeat, vt per epicrasin sanetur: sin id quoque fieri non possit, vt quæ torporem inferant, medicamenta exhibeantur. Quæ quanquam sunt reliquorum communia, minus tamen hos affectus, quàm alios ledunt: quippe tenuis consistentia, & calidarum virium, plurimi talium humorum sunt. Quæ autem ex papaueris succo, & alterco, & eo modo frigidis composita medicamenta sunt, simul omnino & refrigerant, & siccant: quæ ratione non solum, vt sensui torporem inducentia salutaria sūt, sed etiam vt humorum tenuitatem cogentia, atque crassantia, præterea vehementer calorem refrigerantia. Vbi verò crassi, glutinosique humores exuperant, alienissima sunt quæ torporē inducunt: canendisque magnopere in eiusmodi affectibus eorum usus est, &c. Hanc Gal. sententiam omnes deinceps plenis, vt aiunt, vlnis amplectuntur. Solum tamen sibi Gal. ex directo repugnat, cit. 12. meth. cap. 1. qui narcotica, in frigida causa, cum maiori fiducia, & audacia, & securiùs exhibenda esse quàm in causa calida asseuerat. Dum sic ait: Et talium quidem medicamentorum usus, eorum qui aduersus symptoma pugnant, est proprius, potissimū vbi ex frigida causa dolor fuerit concitatus, obsunt enim talia plurimum toti affectui & curationi contumacem eum reddunt.

Amatus Lufit. 4. centur. Schol. 94. multis vltro citroque rationibus ductis concludit, tutius in frigida, quàm calida causa narcotica esse propinanda. Cuius opinionem ex aduerso redarguit Gal. 12. meth. 8. cit. Ludouic. Lemosius in com. huius 8. cap. Gal. loca pugnantia proponit, eaque conciliare intendit hoc modo. Gal. scilicet soli symptomati opitulari, videlicet dolori, non causæ morbi; quia inibi solum curat demulcere symptoma relicto affectu, quando virium robur non adest; & hoc potissimum locum habet in eo dolore qui à causa frigida concitatur, quoniam tunc non solum contemnitur affectus, sed augetur: in affectu tamen calido aliter se res habet. Quorum opinio falso nititur fundamento. Nam contradictio versatur in eo, quod in vno loco Gal. narcotica in causa calida securiùs propinanda censeat, quàm in frigida; in alio loco tutius in hac, quàm in calida exhibenda asseueret. Quæ quàm manifestè inter se pugnent, ille solus non videbit, qui in vertice, non autem in fronte oculos habuerit. Nam aduertere debebant, auxilium narcoticum causæ morbi semper obesse, tuncque auxilium non vocari, quia quantum minuit dolorem, tantum auget causam, & vt dicebat Gal. ad tempus leuantur ægri, prorsusque indolentes redduntur, quoniam stupefacientia sua frigiditate meatuum spiracula, per quæ sentiendi vis distribuitur, densant, & occludunt: deinceps tamen aucta causa in peius ægri ruunt. Ergo narcoticorum vsus securior est, & magis proprius, vbi ex calida causa dolor fuerit concitatus, & non frigida, vt in contrario textu Gal. aperte demonstrat.

Si tamen veteres scripturæ intimiùs perspiciantur, quas obseruandas monet Gal. 6. epid. sect. 3. com. 31. licet difficilius explicentur, ego Galenica verba hoc modo adaptarem, quæ cum codice Græco veteri ampliùs consentiunt, faciuntque hunc sensum. Et talium quidem medicamentorum usus, eorum qui aduersus symptoma pugnant, est proprius,

ubi ex frigida causa dolor fuerit concitatus; obsum enim talia A  
potissimum toti affectui, & eum curationi contumacē reddunt.  
Ex quibus, ut vides, nulla superesse potest difficultas.

## HISTORIA LXII. GALENI, De Parotidibus.

Laborantium puerorum fistula ad paroti-  
dem subsequuta, emplastro ex argenti  
spuma, & aliis auxiliis perfunata.

**N**am quum quis in febre ex parotide suppurata\* iudicatus B  
fuisse, parua relicta est fistula, quam post sex menses à  
principio in agro mihi ostenderunt: erat enim puer filius agri-  
cola, annos natus circiter quindecim. Huic cum ex emplastro  
illo, quanta tunc mihi copia aderas, imponendum dedissem, ipse  
in urbem reuersus sum, ac pluribus negotiis medicis occupatus,  
oblitus sum eius, qui pharmacum acceperat: sed post duos certè  
menses in urbem venit incolumis, quum ego euenturum non ad-  
modum sperassem; immittentibus enim nobis suillum pilum per  
fistulam, ad articuli commissuram vsque procedere videbatur.  
Non multos post dies quum alius puer fortè fortuna eiusdè cum  
priorè aetate, eodèque morbo laborans, mihi esset ostensus, em-  
plastrum hoc impesui, quo ille pariter sanitati restitutus est.  
Ab eo tempore plurimos eodem vicio laborantes, huius medica-  
menti virtute liberaui, tum pueros, tum adulescentes, tum  
mulieres, &c. Hec Galenus lib. 1. de compos. medic. sec.  
gener. cap. 7.

### PARAPHRASIS.

**E**X tribus parotidum differentiis narratis à Gal. lib. 3.  
sec. loc. cap. 2. quandam esse dolorosam, ex copioso ma-  
teriæ affluxu constantem, fatentur omnes, qua hunc  
ægrum laborasse, satis est manifestum; quoniam subse-  
quuta est fistula, quæ non nisi ex inflammatione dolorosa,  
ex acri, erodentēque humore conflata oriri consuevit.  
Morbus ergo fuit fistula post aures, ex parotide suppurata  
pronata, cuius multas constituunt species Aëtius terrab. 4.  
serm. 2. cap. 55. Gal. 2. ad Glauco. 8. Actuar. 4. meth. ult. Paul.  
lib. 4. cap. 49. Cell. lib. 5. cap. 28. Quorum mentem explicat  
eruditè Hieronymus Fabricius ab Aqua pendente lib. 3. de  
ulcerib. cap. 11. quarum prima est fistula callosa, ex densa,  
dura, solida, sicca, indolentēque materia constans, cui plu-  
rima pituitæ reficcatæ, & humoris melancholici adusti  
copia est adiuncta, quæ omnia calli naturam constituunt,  
ex Gal. lib. art. medic. 9. 1. & lib. 1. de fract. 4. 1. Paret hoc esse  
verum, nam Gal. exiccantibus, carnem gignentibus, agglu-  
tinantibusque medicamentis vsus est, quæ omnia callosum  
generationi maximè sunt aduersa. Si enim cum callo fuerit  
fistula, calli remotio primo loco requiritur, quod opus ab-  
stergentibus, attenuantibus, erodentibus, vel etiam ferro,  
& igne perficitur. Ex quo aperte constat, fistulam, de qua  
hic Gal. callum durum non habuisse, & eo ampliùs quòd  
puer breui temporis spatio fuerit sanatus.

Morbus hic contumax, & rebellis est, & qui præ sui  
fæuitie auxiliis medicis non succumbit, de quo sanitatem  
haud polliceri voluit Gal. quoniam immisso in fistulam F  
suillo pilo, (non ferreo, aut argenteo, ne dolorem excita-  
ret) ut intimiùs fistulæ obliquitatem indagaret, ad articuli  
commissuram vsque accedere videbatur, ossisque corro-  
sionem timens, de salute ægri erat incertus; præsertim  
quoniam in ea parte apertio maior exerceri non poterat,  
si os fuisset labefactatum: & sine hac, ferro, aut causticis  
medicamentis, nos non posse perfectam curationem exer-  
cere omnibus compertum esse reor, qui, quo pacto ossa  
corrupta sint tractanda, non ignorant.

Emplastrum autem parauit mediocriter exiccans, de-  
scriptum in cap. hoc. Si tamen olei & aceri duplo maior sit  
portio, quàm argenti spumæ, exiccabit valde: & adhuc va-  
lentius, si verus sit oleum, & duplum, aut triplum vtriuf-  
que fuerit mensura, illòque bituminis instar nigro, &

splendido effecto, maximam vim exiccantem suscipere,  
Gal. inibi inculcat. Acerum acerrimum sit oportet, ex solo  
vino confectum, sine aqua, quæ illius acrimoniam, & effi-  
caciā refringere possit, quod teste Gal. lib. 1. simpl. 17. ma-  
gnam habet exiccantem vim ad tertium ordinem vsque.  
Et licet omnium refrigerantium tenuissimum sit, 10. meth.  
9. adstringit tamen lib. 1. simpl. 18. 19. & 20. & exiccat,  
quia repellendo, subiectum humorem enacuat, lib. cit.  
simpl. 24.

Oleum sit ex oliuis maturis expressum, 2. sec. gener. 2. sa-  
litum, vetustissimum; hoc enim & calidius est, & magis  
exiccat. Et ut facultatem adaugeret exiccantem, argenti  
miscuit spumam, quæ, si fidem præstatum Dioscorid. lib. 5.  
cap. 62. & Galen. lib. 1. sec. gener. 5. adstringit, emollit, explet  
caua, excrecentias reprimat, refrigerat, occludit, ad ci-  
atricem ducit, & citra manifestam qualitatem exiccat.  
Hac ratione vlcera difficilia sanat, fistulas, vulneraque  
cruenta glutinat. 9. simpl. tit. de argent. spum. Hoc ergo  
generoso medicamento, in his, cum Gal. vtire, & effectum  
miraberis. Cuius laudes celebrant omnes qui post illum  
primas tenuere.

### D V B I V M XXXVII.

Num solutio febris per parotidas sit fida, & secura.

### COMMENTARIUM.

**I**udicatus esset. Num febris per parotidas solui possit, &  
num hæc solutio sit fida, & secura, meritò dubitari po-  
test. Venerandus Senex lib. 1. epid. sect. 1. text. 10. In quadà  
tempestate multis euenisse affirmat post febrè tubercula  
iuxta alterutram aurem, sed citra incommodum omnibus  
extincta fuisse asseuerat. Et Gal. in com. Hipp. rationem  
confirmans, dicit, parotidas in febre fieri, quando humores  
crassi, crudi, multi, ob febris vehementiam caput infestant,  
quos in adenibus aurium deponit natura: & 4. aph. 74. bre-  
uem admodum solutionem fieri pronuntiat, immò bre-  
uiorem quàm per vrinas, si parotides, aut abscessus iuxta  
aures in febribus fiant, critico modo euenientes, quoniam  
à magnis morbis liberare solent, prout Paul. lib. 3. cap. 28.  
Trall. lib. 3. cap. 7. confirmat, cum Auic. 1. 3. tract. 4. cap. 8. &  
4. 3. tract. 1. cap. 24. qui lethargo, ceterisque cerebri affecti-  
bus correptos, ut plurimum liberari transmissa materia re-  
tro aures, non semel inculcat.

**V**erum hæc solutio firma non est, neque secura, neque  
certam salutem promittit; grauis enim affectio est, quæ  
febris laboriosis superueniens, viribus iam debilibus,  
validum virtutis robur exoptat, si ad salutem debet finiri  
affectus: & licet hi abscessus crisis ratione eueniant, non  
sunt minùs lethales, quàm febris ipsa cui superueniunt;  
nam sæpius apparent, & non accrescunt, sed retroce-  
dunt, quòd est timoris & periculi plenum, ut 6. epid. sect. 4.  
text. 1. monuit Hipp. hoc enim si accadat, monente Gal. in  
com. recidiuam expectare oportet. Rursus. Si augeantur,  
remanet tamen ita tensa febris sicut antea, & æger tanta  
virium imbecillitate laborat, ut magnum aliquod auxi-  
lium tolerare, vel humorem suapte natura malignum, &  
cerebrum inficientem regulare, & ad suppurationem de-  
ducere nequeat. Accedit etiam quòd multoties eueniunt  
morbo existente crudo, ob quam causam ægrum sæpius  
mori contingit. Sic parotidibus suppuratis mors subse-  
quuta Cratistopactæ qui apud Heraclium decumbebat, &  
pictoris ancillæ lib. 1. epid. sect. 2. text. 84. Licet enim humor  
intra venas sit concoctus, parotis non æquabiliter matu-  
rescit, quòd 6. epid. sect. 1. text. 13. condemnat Hipp. Nam  
tubercula non æquabiliter suppurantia, aliis statim suppu-  
rantibus sunt diuturniora, & difficilius curantur; aliis enim  
auxiliis suppurantes partes egent, aliis non suppurantes:  
Adde quòd non infrequenter abeunt in scirrhum, in  
vlcera praua & fistulas, prout nostro ægrotanti contigit,  
aliquando neque subsistunt, neque suppurant, quum  
eueniant in inconstanti, & non absoluto iudicio, ut 1.  
epid. sect. 3. text. 27. Clazomeniq. accidit. Quare hanc  
morbi solutionem neque veram, neque securam, immò  
pericu



periculofam, & plurimis symptomatis comitatam esse A sunt multi sacci, crassi & crudi, qui propter vehementiam acrimoniâque, & febrilis caloris abundantiam, sursum ad caput feruntur, eos in narium glandes deponit natura, & à grauissimis morbis sese exonerat, vt lib. 1. epid. sect. 1. com. 10. retulit Gal. qui conuerti, ac in pus versi, & facto vel ab arte, vel à natura emissario, magnum ægris præbere solent solarium, causa morbi extra propulsa, præsertim quum à principio vniuersalia auxilia essent celebrata.

## HISTORIA LXIII. RASIS,

## De Parotidibus.

Solutio febris ardentis ob parotidem criticam suppuratam, sed deinceps recidiuante morbo, mors subsequuta.

**E**Mergai paratus erat ad sirssem, & priusquam fuisset vocatus ad eum, incidit in sirssem, & fuit liberatus ab ea, quia materia fluxit ad aurē, & ortū fuit apostema in radice auris, & ductū est ad saniem, & ultimò curauit eum, & cessauit: & remansit aliquod residuum mali humoris primi morbi, quia non fuerat mundificatus fori mundificatione, nisi solum per deriuationem factam ad aurem. Et hic comedit post hunc morbum capita, & laborauit multum, & incidit in febrem continuā, nauſeam, murmurationem, & ventris stipticitatem, & sumpsit aquam fructuum, & lenia, & eiecit ea per os: & accessi ad eū die tertia, & inueni quod superuenerat ei vehemens soda, & fugiebat aspectum lucis, & habebat rubedinem in oculis, & patiebatur surditatem, & plurimum lachrymabatur, & tunc phlebotomauit eum, & non extraxi multum sanguinem, & intentionis mea erat sequenti die laxare eius ventrem, sed eodē die lenatus est maiori ex parte eius quod patiebatur, & tunc apparere ceperūt signa sirssem, & idē nolui exhibere ei medicinam violentam, sed exhibui ei medullā cassie fistula, & non assellauit. Et deinceps est deterioratus, & morbus factus fuit fortificatus, & eius urina tendebat ad croceitatem, & facies erat inflata, & intentionis mea fuit educere sanguinem de naribus, & abstinni occasione vulgariū, & non fuit mihi visum aliud tunc sibi administrare nisi aquā hordei, sperans laxare eius ventrem, & bibita nihil profuit, sed morbus augmentatus est, & incēperunt signa mala apparere, unus oculus diminutus est, & lingua vehementer denigrata, & ingrossata, est, & mortuus est eo die, &c. Hac Rasis in librum de mirabilibus curis.

## PARAPHRASIS.

**I**N laboriosis, malignisque febribus, ab acris mordicibusque succis circa vasa maxima ebullientibus, & vapore suo cerebrum lancinantibus fieri dolorem capitis, & vigiliam, doctrina est ab antiquorum peritissimis sæpius promulgata, quam passim Hipp. in Coacis proposuit. Qui ergo hæc signa in febribus fortibus habuerit, paratus est incidere in sirssem calidum, hoc est (vt barbarorum more loquar) in cerebri, ac membranarum eius inflammationem internam, vt ex Auic. constat, 1. 3. tract. 2. cap. 1. Nam sirssem est nomen Persicum, sirs enim est caput, & sen est apostema. Ab his enim vehementibus symptomatis diu perseverantibus, cerebrum, resolutis spiritibus animalibus, quum flaccescat & debilitetur, ob calorem & dolorem, (cucurbitulæ instar) ex inferis partibus, in quibus præest morbosus apparatus, humores ad se attrahit, vel hi in caput viribus iam exhaustum, & ab humorum acrimonia concussum, & imbecille irruunt, & fit phrenitis. Compaciente autem cerebro, ac humorum copia onerato, fit vt frequenter natura, transmissa quantitate humoris, in glandulas retro aures constitutas, tanquam in propria emunctoria, excrementa sua detrudat. Illæ enim quum sint satis insignes & crassæ, quibusdam cerebri superfluitatibus suscipiendis deseruiunt; propterea cerebri emunctoria appellantur. Nam sunt raræ, & laxæ, superuacuosque humores, spongiæ instar absorbent, ebibuntque, vt lib. de Glandul. n. 1. & 2. Hipp. monuit, & lib. 9. de Glandul. Columb. confirmat, fulcitque demonstratione eleganti Laurent. lib. 5. de hist. anatomic. cap. 3.

Quo factum est, vt hic ab hac sæua ægritudine euaserit, quoniam materia fluxit ad aurem, quippe caput ex propria natura validum erat, ac firmum. In quibus enim aceruati

Graue enim, & periculo plenum existit, si primis diebus præsidia prætermittantur. Vbi enim morbus vrget, suique vehementia periculum minatur, à leuibus inchoare præfidiis est inutile, lib. 1. aph. 6. & 5. meth. 15. Sunt autem magna auxilia, venæ sectio, & purgatio 2. aph. 29. Postposita namque in initio morbi phlebotomia nequit corpus difflari, sicque granata natura futuris malis deinceps repugnare non potest. Quo dato deleteria qualitas per vniuersam sanguineam massam dispersa, cordi, & solidis partibus adhæret; vnde difficillimum est, aut ferè impossibile deinceps morbo ferociter sæuienti resistere, quoniam transacta fuit occasio, quæ præceps esse solet. 1. aph. 1. quum enim postponitur à principio, non est ampliùs intentio, vt 4. 1. cap. 20. docuit Auic.

Sed quæres Si parotides ferè ex multo constant succo crudo, & crasso, cui apud Hipp. lib. nuper cit. epid. & Gal. ibi, parotidum natura in quadam tempestate laxa fuit, ex aëreo, & frigido humore constans, quæ phlegmonem citra dolorem omnibus euanescentem, minimè inflammationis participem creauit? Dic. Ex triplici parotidum genere, lato à Gal. lib. 1. sec. loc. 2. grauissimo vno, valde doloroso, & cum copioso materiæ affluxu; leuissimo alio, hoc est, cum pauca, eaque benigna materia, & absque dolore constante; tertio ab his æqualiter distante: in Epedemiū de secundo genere loquutum fuisse Gal. constat. Nam in his parotidibus, aëreus adest humor, hoc est, subtilis, solutu facilis, non contumax, neque rebellis, qui licet suapte natura crassiusculus sit, aliarum parotidum collatione est spirituosior; eas namque ex biliosiori sanguine, & tenuiori oriri interdum, testis est Alexander. lib. 3. cap. 13.

Sed quum solum excretionem emissa ad aurium glandulas morbus finiretur, & residuum humoris relictū in corpore vacuatum non esset, neque hoc ab omni vitio humorum esset perfectè mundificatum, immò reliquæ intus manerent coaceruatæ, ægèrque debitum non obseruaret regimen, sed reprobò vteretur alimento, euenit, vt grauius recidiuaret: nam, vt merito dicebat Hipp. 7. aph. 65. alimentū, vt sano robur, sic febrienti morbus. Notum autem est in doctrina Gal. 1. de dieb. decretor. cap. 1. & Auic. 1. 4. tract. 4. cap. ult. recidiuam, hoc est, lapsum in eundem morbum, similem præexistenti iam sanato, deteriore esse sua radice. Nam licet in nostro ægro à causa externa, hoc est, ex praua victus ratione duceret ortum, quæ omnia non ita fixam, & radicatam in corpore sedem habent: Tamen semper est peior recidiua sua radice, immò sæuior, & periculosior, quoniam virtus debilis ex præcedente morbo, denudè reuertenti succumbet noua læsione labefactata; & magis si prior morbus fuerit malignus, & lethalis; tunc enim virtus ampliùs deiecta, victa prosternitur, & maximè si recidiua diu perseveret, & ab humore firmo & stabili originem ducat.

Quæ omnia quum hic concurrerent, & malum ex toto non fuisset eradicatum, sed adesset semper vestigium prioris morbi, verisimile est recidiuam hanc, vnum fuisse morbum cum sua radice. Ex apparatu ergo morboſo, ex copia humoris in genere venoso relictū, suborto, accedente causa externa, ob reprobum victum recidiuauit, inciditque in febrem continuam ex bilioso humore putrido concitatam, qui ad ventriculum corruaratus subuersione quadam, & irritatione cogebat ad vomitum; factoque feruore maiori, & incendio aucto, debilitato iam valdè calore innato, & occupato ab extraneo, murmur aderat ob copiam flatuum in ventre, & aluina excrementa ob adustionem, & exiccationem expelli non poterant; ebullientēque magis ac magis humore, & superas partes quatiente, soda ingens ægrum inuasit, ex vaporibus acris, caputque intemperantibus concitata.

Sic debilitato capite à feriente aura, lachrymæ inuoluntariæ manabant, maximum facultatis retentivæ cerebri languorem significantes, & extremum periculum portendentes, iuxta Senis oraculū, *lib. 4. aph. 5 2. & 6. epid. sect. 1. text. 21. & lib. 1. prog. 10. & lib. 2. Coacar. 36.* Explicat eleganter Desiderius Iacorius, Holler. & Ludouic. Duretus in com. Aderat oculorum rubedo, ob humorum calidorum ad cerebrum inflammandum raptum; & quoniam ob inflammationem, facta compressione, sanguis ab intimis cerebri sedibus ad oculos exprimitur, lucem etiam effugiebat, nequeunte natura propter imbecillitatem ferre splendorem. Sicut etiam non rectè audiebat, ob humoris ad cerebrum, meatumque auditorium, confluxum.

In cuius morbi medela, ad diuertendum humorem, vacuandumque per aluum, exhibuit aquam decoctionis fructuum, nempe prunorum, Sebesten, Tamarindorum, & aliorum, quæ præterquam quod humoris acrimoniam temperarent, lubricum ventrem efficerent. Sed quum æger nauseabundus, medicamentum euomeret, necesse fuit ad complendas easdem indicationes, sanguinem aperta vena emittere; ne fortè hoc præsidio omisso, efferuescente sanguine, & maiore labe conspurcato, vehementior fieret ad cerebrum iam imbecille euaporatio, & excitato feruore, copia humorum in superas partes conuolante, inflammatio cerebri denuò ferocius inualesceret.

Cumque celebrata phlebotomia non posset impediri quominus humor in partem rueret affectam, ducere aluum necessarium fore putauit, quod auxilium huic vsui est præstantissimum, si medicamenti suauibus, clementibus, & non violentis fuerit administratum, quæ reuellant, vacuent, humoris mordacitatem retundant, & infrangent; alioquin si fortia propinentur, ob calidissimorum viscerum, hepatis & renum feruorem, ob agitationem ab istis medicamenti excitatam, excandescit bilis, humor natura calidissimus, & irritatur magis, & sic æger non purgatur: aut si purgatur, bilis furens, feruidaque, calore semel concepto, in cerebrum conuolat, & febris fit intensior, & inflammatio exacerbatur, ductoque sic ad imbecillitatem corpore, æger postea remedium non habet, ut *lib. acut. cit.* retulit Hipp.

Exhibuit ergo siliquæ Egyptiæ liquorem interaneum, qui ex Actuarij, Arabum, Iuniorumque sententia, retortidam bilem clementer educit, & humoris biliosi impetum coërcet, ut patet ex Actuario *lib. de compos. medicamentor. Auic. lib. 2. cap. 193. Rhaf. 9. ad Almās. cap. 15. Haly 2. pract. cap. 38. Auer. 5. collect. 35. Serap. lib. de simpl. tract. 1. cap. 12. Ruellio lib. 1. cap. 24.* Humores enim sursum elatos, deorsum versus purgatione retrahere oportet, sic monente Magistro, *6. epid. sect. 2. com. 9. in fin.* Sed cum debile esset medicamentum, & ad humorem in cerebro contentum vacuandum, & à partibus remotis à viis ductuum attrahendum insufficiens, commotabile, & non vacuata, æger in peius ruere visus est. Morbum factum sœuiorem demonstrabant symptomata. Urina crocea, ex iecore nimis excoacta, & humoris biliosi, synceri calidissimi copia originem ducens. Inflata facies ex flatu, genito ex debilitate innati caloris ab extraneo depopulati, ac resoluti. Firmato autem iam in cerebro morbo, ad peculiare volebat accedere præsidium, ut morbi causa coniuncta elideretur, quod opus vena secta in lepore nasi, hoc est, ipsius extrema parte perficitur, cuius vi humor biliosus in cerebro impactus promptissime inducitur. In quem vsum Gal. 2. *sec. loc. cap. 2.* in dolore capitis eam feriendam iubet, & Auic. 4. 1. *cap. 20. in fin.* Eius sectionem in rubore, & pruritu faciei commendat Rasis 7. *ad Almanf. 21.* vbi qua parte secanda sit, expressit; nam hæc vena manifesta non est. Secatur autem, cum locus qui palpatur inter duas cartilagineas digito pressas, & separatas, lanceola punctim vulneratur ob profunditatem. Sed quoniam fortasse æger debilis erat, & cuilibet vacuationi annexus est calus virtutis, timens hæc de causa, ne sanguine, vel ex his venis effuso, æger viribus deficeret, ab eo recedere satius iudicauit, ne si fortè mors cōtingeret, curantis errori adscribi posset. Quare eius loco præsanam exhibuit, cuius beneficio, aluum prouocandam, simulque temperandum humorem sperabat.

Deinceps symptomata apparere periculosa, & timoris plena, nempe vehemens linguæ nigredo, ab affante calore suborta, quod signum in ardentibus est pessimum, iuxta Gal. sententiam *lib. 1. cris. 12. in prog.* & alibi passim. Oculi diminutio, ob huius organi retractionem contracta; vel quoniam partes internæ, affectionem mortificationi similem patientes, proximæ erant extinctioni, & sic visorio spiritu, qui ampliationis oculi solet esse causa, ex toto veluti resolutio, oculi minutio facta est, sicque vitio in maius malum mutato, natiuo calore extincto, mortuus est.

Nec detertere nos hæc exempla debent, quominus ita affectis manum admoueamus, sed excitare potius, ut ingenium exacuamus, quod oprata consequamur: Siquidem tunc nostro officio functi sumus, cum omnia effecimus, quæ ratio nobis suppeditat, & longus vsus, peritiæque commonstrant, ut non minus scitè, quàm doctè docuit Gal. *lib. 6. epid. sect. 8. com. vlt.* nec enim potest Medicus omnes ægros, quos curandos suscipit, sanos facere, auctore, Hipp. *lib. 1. prog. 3. Solus Deus languores sanat*, ut in præfat. sua Mesuë dicebat. Quare Rex & Propheta David *Psal. 103.* Dei spiritu afflatus, ita cecinit: *Aperiente te manum tuam omnia implebuntur bonitate; auertente autem te faciem, turbabuntur, & Psalm. 102. Ipse sanat omnes infirmitates tuas, & redimit de interitu vitam tuam.* Quod alludit illud Salomonis, *Sapient. 16. Neque herba, neque malagma sanare, sed Domini sermonem, qui sanat omnia; tu, inquit idem, es Domine, qui vita, & mortis habes potestatem, & deducis ad portas mortis, & reducis.*

## D V B I V M XXXVIII.

*Num parotidum caratio debeat fieri per resoluentia, repellentia, aut suppurantia.*

### COMMENTARIUM.

**D**Uctum est ad saniem. ] In parotidum curatione, adiuvandum esse motum naturæ, & pharmaca attractoria adhibenda, ut humor infixus ex profundo ad cutem attrahatur, latissime docuit Gal. *lib. 3. sec. loc. c. 2.* Quapropter euitanda repellentia sunt, cum ij abscessus iuxta membrum princeps, crisiisque ratione contingant: nam si aliter fecerimus, vehemens dolor ægrotos infestat, oriuntur vigiliæ, febres intenduntur, ac labuntur vires, ut *serap. 2. cap. 89.* docuit Aëtius. Solis ergo mitigatoriis pugnandum est, quæ non solum moderatam habeant caliditatem, verum humorem coquere nata sint.

Sed quid respondēbimus Celso, *lib. 6. cap. 16.* reprimentia in isto casu apponenti? Illum, hæc cum discutientium copia permixta admisisse, non nego. Vel si Celsum intelligas de parotidibus, quæ à manifesta causa ortum ducunt, tutus incedes, quod ex ipsius contextu patet apertè, ex verbo [ *cum sine morbo intumuit.* ] Ita intelligendus est Gal. 3. *sec. loc. cit.* dum in parotidibus aquam frigidam, & oxycratum imponit. Hos ergo auctores si hoc modo non interpreteris, eos à manifesta contradictione tueri haud poteris.

Humorem itaque lenientibus ad suppurationem ducere oportet, quum enim ferè crassus sit, & impactus, resoluentibus auxiliis minimè cedit: in cuius humoris præsentia suppuratio magis opranda, auctore Hipp. *lib. 6. epid. sect. 3. text. 11* quoniam est sine recidiva; ipsa enim est concoctio, indicatio simul, & abscessus: *ulceri enim pus generari nihil mali contingere potest, si Gal. fides est adhibenda, 5. aph. com. 22.* In ulcere enim pus apparere, magnum est ad securitatem indicium, quoniam suppuratio minus est reuersiva, quàm resolutio. Huius enim vi, tenuis pars humoris discutitur, reliqua prorsus manente indurata. Et licet resolutio sit præstantior, quoniam robustiorem præsupponit natium calorem, qui subiectum humorem vertere potuit in halitum, & cum minori molestia, læsionēque perficitur: est tamen curatio eius ope celebrata, fallax, nisi humorem tenuem, flatuosum, benignum, aëreūque excipias, qui insensibili resolutione evanescit; quas moderatas, & benignas

gnas parotidas, plurimis in quadam tempestate euenisse A  
affirmat Hipp. lib. 1. epid. cit. quas citra febrem, incom-  
modum, suppurationemve extinctas fuisse ibidem. in-  
culcat.

## D V B I V M XXXIX.

*Num recidiua sit peior sua radice.*

**I***ncidit in febrem continuam.* Dubitari potest, num reci-  
diua sit peior sua radice. Negatiua pars ex eo videtur  
esse vera, quoniam causa primaria, & vniuersalis plus im-  
primit, quàm secundaria, & particularis. 2. phys. 3. & quo-  
niam in primo morbo materia iam erat vacuata, aliter  
enim morbus non quiesceret; vnde recidiua cum mino-  
rem arguat causam, est leuior priori: & maximè quum ob  
assuetudinem prioris morbi, æger facilius ferat morbum,  
minúsque ab illo lædatur.

Pars tamen affirmatiua habetur apud Gal. 3. cris. 2. in  
princ. §. Quicumque enim morbi aliter quieuerint, malignius  
retrocedunt, &c. Et lib. 1. de dieb. decretor. cap. 1. dū dicit, re-  
cidiuam timendam esse in morbis, qui citra excretionem,  
vel insignes abscessus finiuntur: vbi verbum illud [*timere*],  
maius aliquod periculum habere recidiuam, quàm mor-  
bum antea præexistentem, importat. Quod etiam disertè  
faretur Auic. 2. 4. tract. 1. cap. vlt. §. Recidivatio est deterior  
radice, & consiliū quidē est vt in ea non fiat festinatio ad eu-  
randū, donec manifestus sit modus egritudinis, nam secundum  
plurimum est seua, hoc est, terribilium, & periculosorū sym-  
ptomatum, & de morte suspecta, vt doctè interpretatur Ia-  
cobus in com. & ratio est, nam virtus ægri iam debilis ex  
priori morbo, nouo aduenienti velut prostrata succum-  
bar est necesse.

Hæc pars pluribus eget limitationibus. Quarum prima  
est. Recidiua vera, (quæ reditus est similis morbo præexi-  
stenti iam curato) seu falsa, (lapsus in alium morbum diffi-  
milem) siue causam habeat materiam intra corpus reli-  
ctam, 2. aph. 12. siue ex errore aliunde commissio oriatur,  
tantò deterior est sua radice, quantò hæc in se malignior  
fuit, & magis exitialis: virtus enim tam debilis, & deie-  
cta remansit, vt nouum morbi accessum superare non pos-  
sit. Recidiua autem, cuius radix etsi periculosa est, ab ea  
tamen plures euadunt, si debitum regimen obseruent,  
simile periculum importat, quàm sua radix, & paulo am-  
plius, quoniam superuenit illi, cuius virtus antea fuerat  
prædebilitata. Denique recidiua quæ affert secum ægritu-  
dines prolixas, cachexiam, hydropem, febrem hecticam,  
ex se tuta non est.

II. Limitatio. Stante paritate in sæuitie symptoma-  
tum, recidiua quæ propinquior est suæ radici multo peri-  
culosior, & deterior est, quoniam accidit virtute existente  
debiliore, morbus namque debili virtute existente pericu-  
losior est, quàm forti, firmante Auic. 2. 4. tract. 1. cap. 95.  
de iudiciis recidivationis. Explicant eleganter Valles. 10.  
controuers. 3. Ludouic. Mercat. rom. 1. clas. 4. quæst. 202.  
part. 2. art. 9. num. 8.

III. Recidiua diu perseuerans deterior est sua radice,  
ab humore enim dependet magis fixo, sæuo, maligno, &  
qui in præexistente morbo ob inobedientiam, & rebel-  
lionem à natura inuictus, recidivante morbo, debilibus  
iam existentibus viribus, plurimum calori coquenti facer-  
sit negotium.

IV. Data æqualitate symptomatum, recidiua ex inde-  
bito regimine orta, timenda minùs, quàm ea quæ ob ali-  
quam causam latentem fieri consuevit. Hæc enim mate-  
riam intus magis radicatam, firmam, ac stabilem obtinet.  
Illa è contra. Hæc tamen ferè intelligas velim. Nam mul-  
tories contingit, recidiuam esse minùs sæuam sua radice.  
Nam sæpe post fortes & periculosas febres, contingunt  
aliæ vnus diei, quæ sponte sua facillè conquiescunt, quum  
sint ex infauusta coctione subortæ. Accedit, quòd sæpe ma-  
teria est valde minor, quàm radice, & magis edomita, &  
error aliunde commissus non est ita insignis.

Cognoscitur autem recidiua futura, si morbus sine va-  
cuatione notabili cessauit. Si crisis fuit imperfecta, aut in

die non critico seruata, si virtus ægri debilis perseueret, si  
nausea adsit, languidus appetitus, diminuta concoctio, cor-  
ruptio ciborum, inflatio hypochondriorum, abolutus som-  
nus, vehemens sitis, tumor faciei, palpebrarum, & aliarum  
corporis partium; si æger ex accepto alimento non recu-  
peret vires, si prauo colore sit affectus, vt hic alia omittam  
quæ reperit Auic. 2. 4. tract. 1. cap. 96. cuius mentem  
Gentilis intimiùs exposuit.

Ad argumenta autem facilis est responsio. Nam causa  
vniuersalis plus imprimit, quàm particularis, id est, vni-  
uersaliùs, non verò intensiùs. Nam sol, v. g. quamuis vni-  
uersaliùs agat in generatione hominis, ac leonis, non ta-  
men intensiùs ac homo, & leo. Et licet necessarium sit  
concedere, materiam præexistentis morbi antea fuisse va-  
cuatam, saltem secundum maiorem sui partem, portio ta-  
men illa humoris relicta fouetur, & conseruatur ab in-  
gesto cibo. Quare virtute debili existente, maius ex reci-  
diua periculum impendet. Assuetudo autem ferendi mor-  
bum, recidiuam minùs periculosam faceret, nisi virtutis  
obstaret debilitas, quæ symptomatum immanitatem ferre  
non potest.

## D V B I V M XL.

*Num surditas febribus superueniens ferè semper  
ad bonum indicet.*

**E***T patiebatur surditatem.* Comaticè dubium quoddam  
perfringere licet. Num in febribus malignis, & ar-  
dentibus, surditas superueniens ferè semper ad bonum iu-  
dicet. Contra facit Hipp. lib. 1. prorrh. sect. 3. 2. surditatem  
in acutis febribus euenientem reprobans vehementer. Fir-  
mat in Coacis, cum dicit, In febre acuta aures obsurdescere,  
furiosum est: & infra. Valde surdi, in accipiendō tremuli, lingua  
resolui, torpidi, malum. Patet hoc euidenter. Nam surditas  
cerebrum esse affectum significat: ex Gal. lib. 1. prorrhetic.  
com. 3. 1. §. Surditas autem vnum est signum eorum, quæ cerebrū  
affectum indicant, &c. Idcirco bonum, & fidum esse non  
potest, cum sit maximè suspectum, ex Gal. 3. de compos. med.  
sec. loc. cap. 1. maximè cum ad aures inflammationem sæpius  
sequatur, auctore Auic. 4. 3. tract. 1. cap. 3. Insuper surditate  
mortuus est Hermocrates apud Hipp. 3. epid. sect. 1. text. 5.  
etiam Philiscus obiit, eodem lib. sect. 2. text. 1. Demum cur  
ad bonum iudicabit surditas, si abscessus iuxta aures, delirij,  
aut maioris mali est occasio, asserente Hipp. in Coacis. §. Ex  
cacitate leniter abscessus iuxta aurem fiunt: & infra. Acce-  
dente egritudine surditas, & vrina subrubicunda, substan-  
tiam non habens, &c.

Contra tenet commune, & multis abhinc sæculis quasi  
per manus latum experimentum, quo frequentissimè ob-  
seruamus surdastrōs, acuta & lethali febre laborantes, vbi  
in declinatione morbi, crassi & copiosi vapores, vna cum  
humorum lentorum copia, à cerebro in auditorios meatus,  
facultatis sensitricis receptionem impediētes, propellun-  
tur, saluos superstitesque euasisse, quare in malignis, dolo-  
sisque febribus, surditatem, ferè salutis esse prænunciam  
affirmamus, cum Hipp. lib. 2. epid. sect. 3. text. 3. Sic enim de  
punctulari febre verba faciens, inquit: Nulla autem mu-  
lier mortua est, cui hæc accidissent, auditu erat graui, & coma-  
tosa, &c. Sic vixit Herophilus, lib. 1. epid. sect. 3. text. 20. Sic  
Epicratis vxor, eodem lib. & sect. text. 22. Sic Abderæ vir-  
go igni correpta, lib. 3. epid. sect. 3. text. 80. Sic Abderæ  
Heropytus causone prehensus lib. 3. epid. sect. 3. text. 80.  
circa 100. diem superueniente surditate integrè est iudi-  
catus. Quoniam surditas in declinatione eueniens, est  
signum bonum, vt inter omnes notauit Ludouic. Mercat.  
lib. 7. de feb. pestil. & maligna, cap. 2. elegatè, & doctè, titulo,  
de signis prognosticis, & maximè si præcedant delirium, aut  
sopor; significat enim naturam deuincere morbum, quo-  
niam humores noxios ab intimis cerebri sedibus, ad vici-  
nas, minúsque præcipuas detrudit corporis partes, & sic  
caput à vitiosis humoribus crisi quadam repurgat, &  
mundificat.

Hanc litem post Hipp. diremit Auic. loco supra cit. dum  
sic ait. Nocuum est praterca audire, quandoque accidit se-  
cundum

candum semitam crissum, & secundum semitā permutationis A  
materie in fine agnitudinum acutarum, &c. Idem affirmat  
2.4.tract.1.cap.14. de signis crisis, quæ sit cum permuta-  
tione materie ad superiora. §. Significant illud gravitas ca-  
pitis, & sensuum, & propriè auditus, ita ut quandoque per-  
ducatur ad surditatem, &c.

Surditas ergo in febribus, quum crisis quædam sit, in  
initio morbi apparere non debet, signorum decretoriorum  
ritu, quæ statim adesse non debent, quoniam sunt indicato-  
ria, non indicatæ, quæ aut lethalia sũt, aut difficilis indicationis,  
apud Hipp. lib.2.epid.sect.2. Nihil enim in initio ad bonum  
vacuari potest: nam si quid tunc excernitur, non sit natura indi-  
cantis ratione, sed sunt omnia casus præter naturam earum quæ  
sunt in corpore dispositionum; prius enim oportet præire conco-  
ctionem, subsequi discretionem, & vacationem, ut bona fiat crisis,  
atque iudicium, ita monente Magistro, lib.4.aph.22. Nam in  
principio nunquam fit crisis nisi perniciofa, imbecillita-  
tem retentricis ob humorum copiam ostendens, & humo-  
rum malitiam expultricem irritantium significans, ex Gal.  
1.aph.12,3,eris.5. Auic.2.4.tract.1.cap.2.

Sic mortui sunt Hermocrates, atque Philiscus, & alij  
qui extincta iam, & emortua audiendi facultate obiere;  
quam surditatis causam mortiferam iudicat Hip.lib.1.pror-  
rhetic. text.31. Nam in turbulentis febribus, in quibus, ut  
rectè notat Mercurial. ad hunc locum, ægri vehementer tur-  
bantur, exiliunt, clamant, & quasi furii agitantur, & in  
quibus virtus iam extinguatur cerebri, surdi penitus fiunt;  
ob sensificæ facultatis omnimodam iacturam, & obeunt, de  
his loquitur Hip.4.aph.49. Si agro debili existente surditas  
adfit, proximam esse mortem ostendit. Hac de causa surditatē  
euenientem in febribus reprobaute auctores. Sicut quan-  
do in initio morbi, vel ab aurium inflammatione contingit.  
Neque ex eo erit semper reprobanda, quoniam cere-  
brum affectum esse demonstrat: Nam hoc modo hæmor-  
rhagiam in febribus tantoperè laudatam, sternutamentum,  
& alias, per os, palatum, & nares vacationes condemnabi-  
mus, quarum vi superflui, & excrementitij in capite hu-  
mores impacti à natura, vtiliter expelluntur.

### QVÆSTIO XXX.

Quod sanguinis missio ex Auicenna mente cholerico-  
rum ebullitionem facere possit. Contra Fernel.

Iacchin. & alios Medicos doctissimos.

**E**T non extrahi multum sanguinem.] In biliosis ardenti-  
busque febribus non esse plurimam sanguinis quanti-  
tatem, per venam sectam extrahendam, ne cholerico-  
rum ebullitio sequi possit, hoc exēplo Rasis edocuit, quod ita  
faciendum esse ob multas causas, auctores præsci unanimi-  
ter affirmarunt. Auic. enim 4.1.cap.20. summopere cauend-  
um esse præcipit à venæ sectione in febribus magni in-  
cendij, & feruoris, ne scilicet ægri extracto sanguine ad  
cholerico-  
rum ebullitionem duci possint. Per quas febres  
intelligere exquisitè biliosas nullus dubitauit. Nam bilis  
cum humor sit calidissimus, & siccissimus omnium qui in  
nostro corpore continentur, ex Gal.10.simpl.cap.12.&11.ad  
Glauc. cap.9. cum immodicè calet, calorem concitat insua-  
uem, & acrem, sicque feruet, furit, & ebullit. In qua sanè  
effervescentia venæ sectionem summopere arcer, dicens.  
4.1.cap.20. Urina subtili, & ignea, hoc est, valde biliosa, exis-  
tente, cauendum esse à phlebotomia. Nam si fiat, timetur vi-  
ctoria bilis, & illius effervescentia, quia extracto sanguine,  
qui est biliosi humoris frænum, & qui sua benignitate suc-  
corum acrimoniam temperabat, bilis gliscit & exande-  
scit. Quam rationem assignat 1.4.tract.2.cap.7. per hæc  
verba: Quod si fuerit foris virtus, & fuerit illud quod vincit  
sanguis, tunc phlebotomia est magis conueniens, & propriè  
quum urina est rubra, & grossa, non citrina, ignea, ex qua  
timetur victoria bilis, & acuitas eius, &c.

Hanc Auic. sententiam acriter reprehendunt Fernel.  
lib.2.meth.cap.3. Iacchin. prop. libel. de errorib. Auic. eamque  
falsissimam, & inconsiderantiz plenissimam appellant,  
multisque argumentis victi coguntur aliter opinari, qui-  
bus ego alia non contemnenda in legentium gratiam, &

utilitatem adiungam, quæ contra Auic. facere videntur.  
Primò. Secta vena exeunt omnes humores, in ea propor-  
tione qua in venis erant: Neque enim serum prius quàm  
bilis; neque hæc prius quàm pituita, vel melancholia; ne-  
que inutilis, & deprauatus humor antè quàm integer, &  
familiaris elabitur. Secundò. Febris ardens soluitur hæmor-  
rhagia, ex Hip.4.acut.10. Inepè ergo in illa prohibet Auic.  
venæ sectionem, si Medicus naturam rectè operantem  
imitari tenetur. Terriò. In omnibus febribus putridis &  
acutis, concedunt Hipp. & Gal. venæ sectionem. Ergo sine  
ratione Auic. eam in illis denegat: quam summopere pro-  
bant illi 4.acut.19.&11.meth.15. Quartò. In ardentissimis  
febribus non solum mittit sanguinem Gal. sed vsque ad  
animi deliquium. 1.aph.23. & alibi passim. In biliosis ergo  
hæc vacuatio est exercenda, quia nullæ istis sunt ardentio-  
res. Nec obstat si dicas, per febres ardentissimas non intel-  
ligere biliosas, sed tantum sanguineas: Nam Gal. in iis san-  
guinem, ut totius corporis habitus refrigeretur, & prohi-  
beatur decubitus in partem principem, ex Gal. lib. de cu-  
rand. rat. per sang. mis. 12. quæ pericula cum magis vigeant  
in biliosis, quia in eis maior necessitas refrigerij, & maior  
adeft timor decubitus in partem principem, ob bilis cali-  
ditatem & tenuitatem, videntur hæc potius, quàm sangui-  
næ, sub ardentium nomine intelligendæ. Pater. Nam 4.  
aph.59. Solam continentem biliosam, ob intensissimam ca-  
liditatem, ardentem vocat, non sanguineam. Ergo multo  
magis illa quàm hæc, ardentis nomine est intelligenda.  
Quintò. Sanguinis missio semper est remedium valde re-  
frigerans, quamuis ex accidenti tale sit, quatenus substan-  
tiam calidam è corpore educit, sanguinem videlicet, cum  
qua etiam humor biliosus exactè cum sanguine permixtus,  
& reliqui etiam extrahuntur. Ex quibus mirari subit Aui-  
cennam, tantopere venæ sectionem cauentem in febribus,  
in quibus vtilis, & necessaria est refrigeratio.

Sed necesse est, ut prius Auic. sententiam, mentemque  
intimè perpendamus, quam Gal. doctrinæ esse maximè  
cōformem inueniemus. Hic enim lib.6.epid.sect.3. sext. ult.  
sic inquit: Impedimentum in cruenta spuentibus, tempus anni,  
phlegmone lateris, bilis, &c. in cuius com. Gal. per impedimē-  
tum, intelligit prohibitionem venæ sectionis. Bilis ergo  
redundantia in affectu etiam sanguinis missionem expo-  
stulante, venam secari prohibet. Gal. etiam lib.4. de sanit. 4.  
sic inquit, quod, quando humores recedunt à natura sanguinis  
parū, audacter sanguis mittendus est: si verò magis distent, cō-  
sideratius agendū: si verò valde distent, nullus omnino sanguis  
mittendus est. In febribus ergo biliosis, in quibus superat  
bilis, à natura sanguinis longè aliena, meritò cauet Auic.  
venæ sectionem: Præterea idem Gal.9.meth. cap.5. recen-  
sens indicationes, quæ venæ sectionem dehortantur, absti-  
ner à venæ sectione, in quibus os ventris amara bile re-  
dundat, iis verò similes sunt, qui febribus biliosis labo-  
rant, in quibus, rectè sanguinis missionem vetat Auic.  
Deinde 2. ad Glauc. 2. in erysipelate, & herpete exquisitis,  
interdicit venæ sectionem, & ventrem tantummodo ex-  
purgare consulit. Idem facit in tertiana exquisita lib.1. ad  
Glauc. c.9. licet sit morbus acutus. 1.acut.3. & 3.aph.29. &  
ardentem febrem, eam appeller. 8. de placis. 6. & lib. de rigor.  
cap.7. Id exequendum imperat in omni alio affectu, qui  
est germen biliosæ fluxionis, ut patet ex Paul. lib.2.cap.2.  
& Actio retrah. 2. ferm. 1. c.8. hoc faciendū monet in omni  
alio affectu, in quo bilis plurimum à natura sanguinis re-  
cedit, ut videlicet, si sit nimis mordax, calida, aut te-  
nuis; quæ talis maximè sit, quum omnia adsunt bilem  
coaceruantia: natura scilicet calida & sicca, anni tempus,  
ætas, regio, & consuetudo, quæ bili gignendæ sunt ac-  
commoda valde.

In his enim virium robur non adest, nam abundè cali-  
dum siccūque corpus cum febricitat, oportet viribus esse valē-  
tibus, ex Gal. lib.10. meth. cap.5. & iis maximè ob eandem  
causam inedia nocet, quia deficienti humido nutrimen-  
tali, exiccata ampliùs excandescunt, & sic febris non cessat  
ante cibationem. Ita etiam in sanguine per venæ sectio-  
nem extracto, plus exiccantur & inflammantur, qua ebul-  
litione facta humores gliscunt, & effervescent: quod fontē  
fuit in causa, ut 1. ad Glauc. 14. dicat Galen. in locis supra  
modum



modum calidis verendam esse sanguinis missionem, ita ut si regio, & temporis status consentiant, omnino sit à venæ sectione abstinendum. Quod etiam docet *1. meth. 4.* præsertim si sanguis sit in pauca quantitate, bilis verò plurimum abundet: tunc enim humores licet venæ secta promiscuè effluant, & sub eadem proportionem reliqui maneat, sequitur evidens noxa citra manifestam utilitatem, quoniam multa sanguinis quantitas, pauca autem bilis educitur, & dissolvitur virtus, quæ humorem biliosum regere debet, qui derelictus à regimine naturæ deinceps effervesceat, & putret. Ex quo patet intempestivam sanguinis missionem cholicorum ebullitionem facere posse.

Auicennæ autem sententia intelligenda est, quando humor biliosus vel in prima corporis regione, vel in ambitu, seu habitu corporis consistit: Venæ enim sanguinis missionis beneficio exinanitæ loco sanguinis extracti rapiunt ex prima corporis regione, vel ex habitu corporis humorem biliosum, cuius mixtione massa sanguinea conspurcatur, acriorque fit? Quo casu venæ sectio non refrigerat, sed calefacit, cuius loco competit purgatio, vel saltem venæ sectionem debet antecedere. Sic fieri febres ardentes, venis æstivo tempore exsiccatis, & acres humiditates ad se trahentibus, monet cum Hipp. *Gal. 4. acut. 1.* & tertianas ex bile in genere carnoso congesta ortu ducere fateretur, *lib. 1. epid. sect. 2. com. 20.* Tunc enim, cum cacochymia in habitu corporis consistat, venæ præ calore inanitæ & exsiccatae amplius venæ secta inaniuntur, & acris attractis ichoribus effrænis fit calor, effervesceat bilis, & febris fit vehementior, timorque est ne in partem principem bilis furens, tenuis, & calida irrequiere motu decumbat; ex cuius etiam agitatione, delirium, cardialgia, syncope, & nausea concitentur.

Neque enim, si mens Gal. attentè introspectiatur, alio modo hi auctores inter se possunt conciliari. Nam in omnibus febribus, in quibus bilis syncera redundat, potius Gal. expurgat, quàm minuit. Sicque in exquisita tertiana, in qua bilis per membra sentientia defertur, *2. feb. 3. & 2. cris. 3.* hoc auxilium celebrandum non imperat. Bilem autem hanc simplicem esse, natura eius manifestat. Quod si pura non sit, sed alterum humorem participet, tertiana ab eo excitata non amplius exquisita erit; sed tantum impuritatis, quantum cum humore alio mixtionis obtinebit, quam simplicem bilem, aut si manis vocare biliosum humorem, è venis in habitum corporis propulsum, præstat purgatione potius, quàm venæ sectione extrahere: sic enim facillimè biliosus humor educitur, ad cuius absentiam refrigerari corpus est necesse.

Hoc præcipuè intelligendum est, si sit tertiana exquisitissima, in qua omnia adsunt bilis exuperantis signa: tunc enim nullo modo sanguis mittendus est, iuxta præceptum Paul. & Aëtij *loc. cit.* Trallian. *lib. 2. cap. 6* Haly *3. præf. 12.* Isahac. *3. præf. 31.* Auer. *7. collig. 11.* Rasij *17. corin. c. 3.* Serapion *tract. 3. cap. 13.* Qui omnes veram Gal. sequentes doctrinam, sic faciendum suadent, qui licet *lib. 2. ad Glauc.* in aliis intermittentibus sanguinem mittere imperauerit, in exquisita tamen tertiana de hoc auxilio nec verbum quidem attulisse visus est, censens causam huius febris coniunctam, nempe exedentem bilem, vomitu & sudore, antecedentem verò alui secessu vacuandam, ut probat Augustinus Vasquez *quæst. 7.*

Hæcque de causa in febribus biliosis tantoperè Auic. reformidat venæ sectionem, cum sint vehementis calefactionis, & inflammationis: sicque in cura causi ait, & non phlebotomentur, fortasse enim inflammabit eos. Insuper, Auic. in totum in his febribus venæ sectionem non reformidat, sed cautos reddit nos, ne sine maxima consideratione, ne intempestivè, ne quantum plenitudo commonet, sanguinem emittamus; quum aliquid virium resolutioni, quæ in his biliosis, calidis, & succis corporibus, maxima esse solet, sit condonandum.

Immeritò ergo, & petulanter nimis Auic. à Fernel. & Iacchino reprehenditur, quorum argumentis ex sequentibus plenissimè satisfiet. Dic ad primum. Naturam in febribus ardentibus sæpè cum utilitate maxima moliri vacationem per sanguinis è naribus profluuium, quum scilicet febris ex sanguine ortum ducit. At verò in ardentibus è

bile syncera subortis, soluere alium præsentaneum præsidium est, præsertim cum in prima corporis regione, aut ambitu corporis cacochymia consistit.

Ad secundum. Quod licet venæ secta omnes simul effluant humores, & deinceps remaneant sub eadem proportionem: quando tamen sanguis paucus est, bilisque multa, cum semper maior quantitas illius, quàm huius extrahatur, in prima præsertim, & tertia corporis regione abundantis, fit ut hac de causa, virtute debilitata, & agitata commotæque bile, sequatur illius effervescentia.

Ad tertium dic. Per febres ardentes intellexisse Galenum febres sanguineas præcipuè, & biliosas, si cum sanguinis præsentia bilis redundet. Illæ namque ob feruorem & copiam, sunt ardentissimæ, & plurimam caliditatem habere dicuntur, ex Gal. *2. feb. c. 9. post. med.* In qua febre subitam, & acuatam exoptat vacationem. *9. meth. 4. 1. aph. 23. lib. de curand. rat. per sang. mis. cap. 2.* Ad primam instantiam sic responde, quod licet in febribus biliosis, in quibus prohibetur sanguinis missio, necessaria sit refrigeratio, & decubitus in aliquam partem principem timeri possit, non præstari hanc refrigerationem per sanguinis missionem, nec humoris decubitus impediri: Tunc enim bilis feruor auxiliis refrigerantibus, & humectantibus compescendus, accommodata, lenique purgatione mitescit. Ad secundam instantiam dic: febrem sanguineam posse dici ardentissimam, sumpto videlicet nomine adiectivè, id est, feruens, vel multi feruoris, & sic Gal. *2. cris. 6.* eam de genere deurentium appellat. Potest ergo dici ardens adiectivè, quod Græcè dicitur *causodes*, non tamen substantivè, quod nominatur *causos*. Gal. autem per ardentissimas, intelligit febres validas, & multi feruoris, in quibus sanguinis copia adest, siue sanguineæ sunt, siue biliosæ, in quibus, quum sint acutæ & putridæ, præsentem sanguinis copia, sanguinem Gal. emittit.

Ad ultimum responde. Non semper sanguine extracto corpus refrigerari, sed in biliosis febribus sæpe inflammari, & calefieri, quum exhaustæ venæ biliosis repleantur humoribus: præsertim si corpus sit calidum siccum, facile resolubile, & omnia adsint quæ gignendæ bili sunt accommodata. In his ergo celebrata phlebotomia, multoties facit febrem, & multoties facit putrefactionem, apud Auic. *4. 1. cap. 20.* In febribus ergo biliosis, venæ sectio, extracto sanguine, qui sua benignitate ac temperie humoris biliosi acrimoniam retundebat, cholicorum ebullitionem facere potest. Sed hæc Laconicè dicta sufficiant de argumento, in quo ita perplexè auctores, indistinctèque sunt spatiati. De quorum numero sunt Gentil. Iacob. de partib. Dinus, Vgo, & Thadæus, in *com. loci Auic. cit. in init. Amat. 1. cent. schol. 91.* Valler. *2. enarrat. 7.* Petrus de Peramato *lib. de vacuand. rat. 17.* Augenius *lib. 4. de sang. mis. 12.* & alij præstantes viri non siluere.

## QVÆSTIO XXXI.

Quod purgatio, ex Galeni mente, in febribus sit celebranda. Contra Thomam à Veiga Medicum insignem.

**L** Axare eius ventrem.] Conimbricensis Academiae decus Thomas à Veiga in *com. c. 89. lib. art. medic.* illius fuit opinionis, ut crederet, Galenum discurrentem per omnium vacationum differentias vniuersales, & particulares, intactam omisisse frequentem, celebrem, multique vsus purgationem in febribus celebrandam: Nam in methodo cum polliceretur tradere integram, & particularem febrium omnium curationem, ad minimaque auxilia descendit, de purgatione nec semel meminit, solùmque eligit medicamenta, quæ sine calore vacuare nata sunt, recésèque mulsam, prissanam, & clysterem. Nec in *lib. ad Glauc.* continuorum curationem proponens, purgationis fecit mentionem, nec in aphorismis, nisi materia turgear. Quo pacto autem coniectanti liberum sit arbitrari, scriptam esse à Gal. omisam tamen librarij vitio. Eius placitum in legentium gratiam sequentibus rationibus probare conabimur.

Primò. Medicamenta purgantia suapte natura calida sunt, & febrem accendunt, ex Gal. *4. acut. 7.* quare non paruum

paruum periculum est eis vti in morbis acutis, quum febris refrigerantibus egeat, 1. *aph.* 2. 4. & 2. *acut.* 11. illorum administrationem, præsentē validissima febre, summopere verat; quoniam facta à medicamentis agitatio magnas in morbis offensas parit, quæ non ita facile, vt in his qui non febricitant, emendantur, vt scire notabat Hip. *lib. de med. purg.* 4. 4. *S. Carnes enim ipsorum, & ventres cum calidi sint, medicamentū assumunt, & nihil depurgantur, & febris maior fit, & color euertitur, & morbi regij speciem præ se ferunt: commota enim bilis, & non vacuata, non sorbere vult ager, neque bibere, sed omnia abominatur, & plerūque perit. Si verò desinet medicamentum ante meridiem, nihil purgatur, à meridie verò nihil purgatur, & perit: at si hac die superstes maneat, & una cum purgatione dimittat febris, sanus fit. Quo pacto in febribus ardentibus medicamenta purgatoria dare non oportet, donec remiserit febris, &c.* Hæc Hipp. ex Cornarij, Mercur. Vegæ, & Heurnij versione. Idem docet 1. *aph.* 2. 4.

Secundò. Hipp. 4. *aph.* 5. Sub cane, & ante canem difficiles iudicat purgationes, ob continentis æstum. Ergo ob vehementiam febris multò difficiliore erunt in æstuante corpore. Nam exusta ex ardore febris natura, illarum calorem ferre non poterit, quin potius furentibus humoribus, & ebullientibus, & sic debilliori facto innato calore, ad residui expulsionem minimè sufficiet. Sic Auic. 4. 1. *cap.* 3. & Gal. 1. *ad Glauc.* 14. in ingenti febris calore purgantia renuunt; quoniam coniunctio duorum calorum intolerabilis, vires labefactat, & oppugnat.

Tertiò. Purgantium omnium natura, corporum quæ purgantur naturis contraria est, ac aduersa, ex Gal. 2. *acut.* 12. & alibi passim.

Quartò. Purgantia coctionem humorum perturbât, hæc enim coctione perficitur. Quare si ventrem moueris, ait Hip. 4. *acut.* 44. *urina non maturabitur, febrisque, tum citra sudorem, tum indicationem, in longum prorabatur tempus.*

Quintò. Vel purgantibus vtendum est in initio morbi, aut in augmento, statu, vel fine. Non in principio, cruda enim passio non cedit, obsequiturve, monente Hip. 4. *acut.* 22: quo tempore adhibita expurgantia colliquant carnem, & sanguinem: maximè cum initio nihil ad bonum vacuari sit possibile. 4. *aph.* 22. Non in augmento, nam in hoc non adest perfecta coctio. 1. *cris.* 17. Nec in statu, in quo, si purgas, naturam à coctione perturbas; coctio enim perfecta fit in statu. 3. *cris.* 5. tunc enim melius est quietem habere. 2. *aph.* 29. Non in declinatione, nam in hac nullus æger emoritur. 3. *cris.* 5. & natura quæ auxiliis leuata potuit concoquere, poterit expellere. 11. *meth.* 15. In omni ergo tempore reprobanda purgatio est, ob calidissimorum viscerum, hepatis, & renum feruorem, ob calorem ex motu humorum contractum, ob deleteriam qualitatem expurgantium, qua præcipua membra inficiuntur, vt *lib.* 12. *cap.* 3. protulit Trall.

Vltimò facit, quod natura raro febres ventris deiectione persanat: hæc enim sudoribus, vomitibus, vrinis, hæmorrhagiis, & abscessibus iudicantur. 3. *cris.* 3. In febribus ergo expurgantia secundum Gal. mentem, & veram methodum reprobata sunt, & nullius vsus. Veigæ sententiam sequuti sunt Ludouic. Lemosius in *com. cap.* 9. *lib.* 11. Galen. *de method. medend. disp.* 4. Fuchsius *lib.* 1. *aph. com.* 24. Tacchin. *lib. de acut. morb. curat. fol.* 595. ex Donzellini versione. O pessimum sæculum! O miseram hominum conditionem! quando cogimur in his etiam, in quibus de salute hominum agitur, quasi mancipia obmutire, vel ad paucorum aliquot libidine loqui: Vidisti namque hos, balantum more. Veigam. virum alioqui insignem, contra Senis, & Gal. edictum, sequutos, quos grauiter errasse quilibet vel mediocriter in arte versatus animaduertet, qui plurimū semper fuerit detestatus eos, qui Galenum falsitatis accusare non erubescunt. Quare liceat sic nobis contra hos Medicinæ proceres debacchari, & Galeni, priscorumque partes defendere ac tueri.

Nam præterquam quod Rasis hoc loco huic detento febrifrigente, medicamenta purgantia propinat, quod præceptum tota barbarorum schola amplectitur, Gal. in febri, & intermittentibus, expurgantibus sapissime vsus est. Nam 1. *aph.* 22. *Costa medicinari iuber, hoc est, vti medica-*

mento purgante, ex Gal. 4. *aph.* 1. Ibi enim agit de febribus, continuis, in quibus præsertim iudicationes sunt. Et Gal. 1. *aph.* 21. inter loca vacationibus accommodata, primum locum defert deiectioni per intestina: & merito sanè: humores enim innata grauitate descendunt ad intestina, præcipue cum ad hæc à porta, plures, latiorisque melsarica venæ sint, & natura has vias excrementorum susceptioni paratit, vt ait Mesuë in *canonib. vniuers. inter.* 1. *cap.* 2. & refert perdoctè Auer. 6. *collig. cap.* 11. Vnde Fernelin *meth. general. cap.* 8. inter crises febrium, primum locum illi concedit, quæ per alui deiectionem celebratur.

Insuper Gal. 11. *meth.* 10. continentium curationem ex professo proponens, §. *Vbi autē ea qua obstruunt, &c.* humorem peccantem per aluum vacuare tentat: & in *cap.* 8. antecedente, §. *Deiectiones verò, vomitus, & sudores molimur, &c.* idem auxilium imperat exequendum. Nec est audiendus Lemosius, qui has deiectiones per clysteres fieri posse contendit; nam quæ sunt in venis, nec extra venas, non possunt ita commodè per enemata vacuari, quum electiue vacuantia huic operi solam sint destinata.

Deinde nihil est à Gal. tantopere celebratum, quàm humores qualitate peccantes purgatione esse vacuandos: peccare autem qualitate in continuis, & intermittentibus febribus, nullus ignorat.

Adde Gal. *lib.* 1. *ad Glauc. cap.* 9. Absinthium in tertiana exquisita propinare, vt bilis vacuetur. Paret, quia signa coctionis exoptat: hoc enim medicamentum bilem vacuare, certares est illi, qui lustrauerit Dioscorid. *lib.* 3. *cap.* 24. Gal. 6. *simpl.* 69. & 6. *de sanis.* 10. & 8. *sec. loc.* 3. Auic. 1. 2. *tract.* 2. *cap.* 2. Paul. *lib.* 2. *cap.* 20. Aëtiū *teirab.* 2. *serm.* 1. *cap.* 80. qui in tertiana notha molliter ventrem subducentia exhibenda esse, sibi persuasit: & in quartana purgat iis, quæ vacuandi humores artos potestatem habent.

Et si eadem est ratio præcautionis, & curationis, Gal. tertianam tempore æstiuo futuram, purgatione circa veris initium adhibita præcauit *lib.* 6. *aph. com.* 4. mitibus, clementibusque medicamentis assumptis, quæ ipsi notissima fuere, vt sunt, serum, mercurialis, pruna, epithymū, polypodium, manna, ab ipso vocata mel æreum. 3. *alim.* 39. Agaricum 6. *sec. loc. cap.* 10. & Rhabarbarum à Paulo cognitum, vt constat *lib.* 1. *cap.* 43. & *lib.* 7. *cap.* 11. Casæ fistularis interaneus liquor, cuius descriptionem exactissime tradit Aëtuar. *lib. de compos. medic. ab init. tit. de porionibus medicamentariis, aduersus affectus qui febres comitantur.* Vt videas priscos illos, medicamenta lauiissima, & benignissima in vsu habuisse, quæ pro curandis febribus, cæterisque morbis sunt utilia, & non solum fortia & venenata, vt vulgus Medicorum opinatum est, de quorum numero sunt veratrum, turbit, colocynthis, scammonium, & huius generis multa.

Rursus non negandum est Galenum fuisse Hippocratis vigilantissimū sectatorem, quem, vt totius Medicinæ parentem summè laudat, & admiratur *lib.* 1. *meth.* 2. *lib.* 1. *de elem.* 6. & alibi passim. Hipp. autem *lib.* 2. *de morb. num.* 8. sic ait. *Si tertiana febris tenuerit, siquidē non omittis tribus inuasionibus quarta corripiat, pharmacum deorsum purgans bibendum dato, &c.* Idem refert *lib. de affect. num.* 2. 5. Si ergo is auctor in febribus purgationem imperat, cur Galen. eam non exercuisse asseremus? Rursus in tertiana purgat, cur in ardente febre, quæ ab illa, humorem faciente non differt 4. *aph. com.* 59. non expurgabit?

Demum Gal. expressè in *lib. quos, quib. & quand. in fin.* in febre non intense acuta, Elleborum, & hieram propinat. §. *Cum ergo febris vehemens non sit, ægrique naturam noueris, medicamentum dabis, elleborum nigrum, aut aliud quid simile, quorum est diacolocynthis idos appellata confectio, quam nunc vsuato nomine hieram, hoc est sacram appellant, &c.*

Vidisti quod in febribus continuis, & intermittentibus, purgatio secundum Gal. mentem sit exequenda. Neque enim omnia pharmaca, quibus antiquitas utebatur, vt iam prædictis argumētis pateat responsio, sunt calida, febrémque accedunt, quidquid inter omnes aliter sentiat Peramatus *lib. de vacuand. rat. cap.* 5. quæ arguit Gal. 3. *simpl.* 24. plurimis pharmacis vim venenosam denegans. Nam plurima ibi numerat medicamenta, quæ præterquam quod nullam vim corpori inferunt, etiam alimentum homini præbent.

præbent. Et licet medicamentum apud antiquos non A quodlibet, sed validum designet, notante Philotheo lib. 4. aph. com. 1. tamen id si in minori quantitate exhibeatur, & temperatum eis quæ illius malitiam retundant, nocere non poterit. Sic Hipp. 2. acut. 11. & 12. fortia medicamenta, etiam in pleuritide, affectu sanè calidissimo, permixta cum odoriferis exhibebat superbibita pristinâ, quæ medicamenti efficaciam infrenat. Et licet omnia calida essent, eis uti conuenit ad maius periculum euitandum. Hanc litem diremit Gal. lib. 1. aph. 24. §. Non igitur ob igneam febris caliditatem, purgatione exhibemus, (hanc enim scimus sui ratione nociuam) sed propter humores illam efficientes: Quare maiore oportet ex noxiorum humorum vacuatione fieri utilitatē, quàm id quod necessario cōsequitur ex purgationibus medicinis nocumētum: erit autē utilitas maior, si humor absque noxa, & molestia vacuetur, &c. Ex hoc loco duo collige. Primum, Gal. in febribus ægros expurgasse. Secundum, id fecisse ad maius periculum euitandum.

Falsum item est, medicamenta humorum coctionem perturbare: quoniam expulso noxio humore, natura veluti deonerata, eo quo velut sarcina, premebatur, melius deinceps coquit. A ratione autem alienum est, coctionem fieri quiete melius quàm motu; nam frustra Gal. exercitationem laudaret, quod coctionem maximè iuuat. Quies quidem prodest, ubi calor multus est, at verò ubi paucus, itque ab extraneo obrutus, motus ventilando, melioris coctionis est causa: quare si sanguis crassus est, humoresque multi, ij extenuari mouerique desiderat. Sic laudat mille in locis Gal. ad horum subtiliationem, frictionem, animi & corporis motum, & balnea. Sic ubi febrilis est calor, purgatio adhibenda est, & motus qui fit per purgationem, plurimum confert, quia fit cum vacuatione putridi humoris. Atqui si yerentur illi turbare coctionem, ob motum quem in purgatione fieri contendunt, cur purgationem exercent in materia turgente, ut toties monuit Gal. quæ cum ex se mobilis sit, expurgationis motu amplius furibunda euadit?

Quo verò tempore purgatio in febribus sit exequenda, (hoc enim alterum argumentum postulabat) iam dicam, vera Gal. doctrina munitus. Purgat Gal. in initio, antequam humores firmentur in parte. 4. acut. 76. vel dolor partis augeatur, vel febris caliditas increseat, vel ad aliquā partē principē decumbant ij, qui per corpus vagantur humores. Purgat in augmento, & in statu, quando materia est vrgens, sæua, maligna, nam tunc euacuatur solum pars humoris iam concocti. Nec dubites, quia in augmento fit crisis bona, licet incompleta: quæ de causa 4. acut. 44. purgatio solum prohibetur præsentē summa cruditate: & in rext. 43. conceditur purgatio vrina nebulosa, & crassa existente, quæ morbi augmentum notat. Neque obstat quod Gal. 1. aph. 22. ad purgationem expectat vltimam partem status: nam loquitur de morbis saluberrimis: in periculosis tamen iuuat. Purgat in fine status, quum humores ad maturitatem peruenerint, edoctus ab Hipp. lib. de med. purg. num. 4. §. Quicunque à febribus fortibus corripitur, ijs medicamentâ purgatoria dare non oportet, donec remiserit febris: sin minus, saltem intra quatuordecim dies id non facio, &c. Scis autem 14. diem esse terminum acutorum. 2. aph. 23. Quare si febris vehemens non fuerit, ad medicamenti purgantis potum te conferes. 2. acut. 11. & hoc contingit in fine status, cum iam febris incipit remitti. Habet enim status tres partes, & in fine, qui coincidit cum principio declinationis, ex Gal. lib. de morb. temp. 5. residuum humoris suauissimè expurgare oportet.

Quod verò addunt, rarò febres acutas deiectione sanari, falsum est; & contra Gal. mentem assertum, qui omnes febres solui alui fluxu 3. lib. cris. asseuerat. Quare secundum Gal. præcepta, in febribus celebranda purgatio est.

## QVÆSTIO XXXII.

Quod expurgantia in phrenitidū medela sint ex usu. Contra Gentilem, & Mattheum peritum, Medicos eximios.

E Xhibui ei medullâ casia fistularis, &c.] Maxima lis est, & controuersia apud scriptores, num in biliosa phrenitide Lib. 1.

de purgantia sint exhibenda. Alij consulunt lenientia solum, ex cathartici vehementia bilis agitationem timentes valde: alij ea reprobant; licet enim hæc quadantenus subducant, humorem tamen biliosum à toto ad cerebrum confluentem minimè reuellunt, quoniam eorum vis corporis molem vix pertingit. Alij aded subductiua pharmaca pertimescunt scammonium recipientia, ut asserant haud esse porrigenda, nisi dumtaxat, quibus consuetudo est non solui à lenientibus. Hanc opinionem habet Gentilis 1. 3. tract. 3. u. 3. dub. 26. Sequitur Matthæus 1. 9. ad Almahs. cap. prop. Accedit quod Gal. 13. meth. 11. agēs de curatione phrenitid. purgationem prætermisit, medicamentâ calida, quibus ipse ferè utebatur 2. acut. 11. & 6. epid. sect. 6. com. 6. reuens omnino, quæ in inflammationibus internis, ardentibusque febribus, à calidissimo humore concitatis, tantopere reformidat. 1. aph. 24. Nam si hæc assumantur, intenditur febris, vires resoluuntur, & morbus superior euadit, & ided in acutis morbis, omissa purgatione, venæ sectio, ut tutior & mitior consulitur ab ipso, cit. nuper de vult. rar. libro.

Quare cordatè Arabes toto tempore principij in phrenitide imperant purgationem medicamentis benignis, aut clementer, electiueque purgantibus celebratam, quæ non solum humorem intra venas contentum miguant, sed & fluentem, & fluxurum reuellant: nam sicuti venæ sectio reuellit, sic etiā purgatio, ut 4. 1. cap. 25. retulit Auic. Humor autem ille qui est extra vasa impactus, actu inflammationem committens, utpote crudus, & purgationi ineptus, in initio educi non debet, sed post peractam coctionem, quem si citra hanc vacuare tentes, quum hæc medicamento debeat fieri valido, ut sic humor renitens, & longè à viis ductuum semotus expurgeretur, noxam committens inemendabilem: forte enim, & in maiori quantitate ob hanc causam exhibitum pharmacum agit, mouet, & febrem accendit, ut eleganter cecinit Hipp. 4. acut. 22.

Reuulsua ergo purgatio in initio inflammationis cerebri debet celebrari; nam dempra maiore parte humoris, qui actu in venis consistens inflammationem fouet, pars phlegmone obfessa diffatur, & leuata sarcina partis corruptio impenditur. In hunc enim vsum partem externam inflammatam scarificamus, ut sic corruptionem, aut mortificationem ventilatione euehemus, ex magnitudine inflammationis, aut eius malignitate necessario securam. Expurgantia sint mitissima, quæ audacter sunt propinanda, nam & ardentibus offerebat 4. aph. 2. & 2. acut. 11. Hipp. violenta & calida, maiorem expectans noxio vacuato humore vtilitatem, quàm sit quod ex calore sequitur detrimentum. Illa sunt electuarium de psyllio, succo rosarum, præstantissimum rosatum Mesuæ, in quibus scammonij acrimonia nimium est edomita, quæ Gentilis citra rationem condemnat. Sed & Rhab. calorem veretur Matthæus, quasi in causode accommodatum medicamentum non sit. Quare vel statim ab initio, priusquam humores firmentur in parte, medicandum, vel postquam concocti sint, & ad maturitatem peruenerint, ut perdoctè ex Hip. notauit Gal. lib. 4. acut. 76. perinde ac si annueret Gal. in principio phrenitidis, & cuiusvis inflammationis internæ, indicatione sumpta ab abundantia affluentium humorum, purgatione reuellendum esse; quum verò humores firmati & impacti sunt, tunc vacuationem eradiciua purgatione esse administrandam.

## D V B I V M XLI.

Num desperatis sit adhibenda manus, Contra Augenum.

E T abstinnit occasione vulgariū.] Medicum debere esse animosum, generosum, sæuientibusque malis minimè perterriti, in lib. de dieb. decretor. passim confirmat Gal. ut videas quod sæpe rustico timore curantium, plurimi è vita discedant, prætermisiss insignibus auxiliis, quæ alioqui, si exquerentur, maximè essent profutura, à quorum administratione Medici ob vulgi calumniam supersedent. aggredienda ergo curatio est in conclamatis morbis, ij licet acutie sua, efficacia & malefica vi, lethales sint prorsus,

ac penè diri, vulgique fama contemnenda. Nam quibus saluta via est unica, eaque dubia, necessu arbitror his est aduersis periculis ire: quoniam quanto satius est aliquod nonnulla fiducia, vel cū periculo facere, quam spe adempta certò perire. Iam profectò satius est potètibz præsidiis pugnare, quam nihil agere, &c. 10. meth. c. 10. monuit Gal. quum melius sit anceps remedium experiri, quam nullum, monente sic Cello lib. 2. cap. 10. Cum multi citra spem mirabiliter sanentur, ex Auic. 4. 4. tract. 2. c. 10. & sepè accidunt monstra in arte, quemadmodum in natura, iuxta Auer. dictum, 7. collig. cap. 31.

Non ergo leuia auxilia in gratiam amicorum solùm sunt applicanda, ne infamemus præsidia quæ multis fuere salutis, ut ait Gal. 11. meth. 19. Neque morituri solis præsagiis sunt relinquendi, ut videtur insinuare Gal. 1. aph. 8. & 2. aph. 29. edoctus ab Hipp. lib. de art. 4. sic pronunciant: Medicinam esse, morbos ab agris in totum tollere, & morborum vehementes impetus obrundere, & eorum qui à morbis victi sunt curationem non aggredi, cum id in cōfesso sit, quòd Medicina tales sanare non potest, &c. Nam ut loc. cit. monuit Auic. multoties egreditur pars hepatis, & aliquid de siphac, quod est supra ventrem, & zirbum & matrix tota, & non accidit inde mors, ut lib. 6. cap. 88. Paul. confirmat.

Quare decorum est Medico, relicta vulgi calumnia, & fama tantopere à Gal. neglecta, 7. meth. 1. præsato prius mortis periculo, desperatis auxiliaries adhibere manus. Sic enim Medicus præsagiens culpa vacabit, ex Hipp. 1. prog. 4. quod dilucida oratione edocuit Cels. lib. 5. cap. 26. tit. 1. dum sic ait. Est enim prudentis hominis primum eum qui seruari non potest non attingere, nec subire speciem eius, ut occisi, quæ fors ipsius peremit. Deinde ubi grauis metus, sine certa tamen desperatione est, indicare necessarius periclitatus in difficili spem esse, ne si victa ars malo fuerit, vel ignorasse, vel fefellisse videatur, &c. Quod consilium transtulit Auic. loc. cit. Deplorati ergo solis præsagiis non sunt relinquendi, quoniam, ut ait Cels. 2. cap. 6. interdum deserti a Medicis conualescunt. Et plures sanantur, de quibus Medicus desperat, ex Cels. ibid. quidquid cōtrariocinetur Augenius rom. 1. epistol. lib. 8. epist. 1. Cuius rationes ex dictis facile solui possunt.

## HISTORIA LXIV. GALENI, De Hemorrhagia.

### Criticæ Hæmorrhagiæ præsentio.

Quintum morbi diem iuuenis quidam agebat: ac licet idoneum tempus sanguini detrahendo præterisse videretur, quia tamen nec anni tempus, nec agrotantis ætas, nec virtutis imbecillitas, nec denique vitium, qui morbum antecefferat, aduersabatur, sed uno consensu sanguinis missionem significabat, Medici\* venam incidere decreuerunt, idque tempestiuum fore ceteri arbitrabantur. Ego verò diligenter omnia contemplatus, quæcumque ab Hipp. tradita sunt signa, illorū quibus fluxurus est sanguis, bene quidem eos in opinionem mittendi sanguinis venisse dixi, \* verum naturam id quod se grauaret expellere festinantem breui admodū etiamsi ipsi nihil egerint, idem vltro facturam. Dum Medicis hac admiranda videntur, ager è lecto se sustulit, tanquā profiliturus, interrogatusque cur exilire voluisset, cum nihil adesset, ob quod id facere debuisset, rubri coloris serpentem per laquearia repentem à se visum expanisse, respondit, ne si aliquo modo aberrasset, supra se ferretur, atque idcirco se è lectulo aufugere velle: reliquis nihil hoc ad sanguinis fluxum conferre visum est: mihi verò cum alia signa perpendenti, tum ruborem qui prius in dextra nasi parte ad malam usque obscurus visus fuerat, auctum valde intuenti, sanguinis paulo post è dextra nare fluxuri manifestum id attulit indicium; atque idèò cuidam ex agrotantis familiaribus submissa voce præcepi, ut vas aptum sanguini excipiendo sub veste promptū haberet; atque ita ad Medicos conuersus, alia voce dixi, si parumper expectaueritis, \* sanguinem à dextra nare fluentē videbitis, riserunt illi, quòd antedictis, è dextra nare adiecissim: At, inquam, vtrumque eueniat oportet, aut aliterurum me decipias, nam & quòd sanguis fluxurus sit, & quòd è dextra

nare venturus, arte medica præsciri potest. His dictis, enim, qui vas sub veste occultum habebat, inter obseruandum admonui, mentem adhiberet, quid agrotus ageret: ut cum sanguinem erumpentem videret, accurrens vas supponeret. Vix hæc dixeram, cum ecce digrum è naso sanguinolentum iuuenis extraxit; tum familiaris accurrens vas subiecit: quod dum fieret, magno, ut scis, oborto clamore Medici quidem omnes delapsi sunt. Ego vero tibi mearū rerum studio quo pacto id præscissem, idque ex Hipp. præstantissimi Asclepiada scriptis, & monumentis exposui; atque insuper illud etiam addidi, vehementem sanguinis fluxum expectandum, eo quòd & natura impetus vehemens, \* & morbus adhuc crudus esset. Consequisse verò hisce de causis immoderatas exinanitiones fieri. Atque idèò cum parumper adhuc morari utilius esse laboranti cognoscerem, puerum qui me sequebatur ad accipiendam magnam cucurbitulam misi, idque reliquis insciscare iussi. Celeriter itaque cum multum sanguinis in vase collectū vidissem, altero vase postularo, sanguinem qui fluxerat accipi, quem ut compari librarum quatuor, & dimidia pondus aquare, agrum capite in scapulas demisso collocaui, ac naribus frigidam poscam attraheret præcipi, fronti spongiam aqua mulsam madentem imposui, brachia & crura vinculis obstrinx: quæ cum minus conferre viderentur, postremo cucurbitulam in extremis præcordiorum ad dextrum latus adégi, statimque sanguinis fluxum cohibui, &c. Galen. lib. de præcognit. ad Posthum. cap. 13.

### P A R A P H R A S I S.

Hæc memoranda historia, quam in lib. de caus. procat. cap. 1. initio, iterum Gal. retulit, Medicorum satis frequentem detegit errorem, qui contra Hipp. præcepta, nulla iudicantis dieti præmeditatione facta, auxilia sapissimè exercent cum ægri damno. Quo fit non rarò, ut natura ob remediorum præposterum vsum facta debilior, morbi causam per varias regiones elidere nequeat. Cur igitur tot erroribus admissis iudicium eueniet vnquam, aut bona crisis? Si quis enim introgressus ad agrum, succingens se, vel cataplasma non imposuerit, vel perfuderit, vel clysteres indiderit, vel venā secuerit, vel cucurbitulas adiunxerit, vel cōfricauerit, vel nutrituerit, aut eiusmodi aliquid facitauerit, nihil esse ab ipso gestum artificiosè arbitrantur: hi enim quoties accedunt ad agros, toties peccant, ut lib. 1. de dieb. decretor. cap. 11. protulit Gal.

Ex horum numero fuisse hos in præsentis historia numeratos, qui signa critica non obseruantes, sanguinem mittere tentarunt in critico die, res est manifesta, quos summopere obiurgat Gal. diligenter omnia contemplatus, quæcumque ab Hipp. tradita sunt signa illorum, quibus è naribus fluxurus est sanguis, monens naturam ipsam tunc vltro facturam, quam illi celebrare instituerant, vacationem, sequutaque hæmorrhagia ægrum à morbo immunem euasurum. Huius imminentis vacationis signa sunt lata ab Hipp. lib. 3. prog. 3. Explicata plenè à Magistro 3. cris. vlt. Auic. 2. 4. tract. 1. cap. 5. Christoph. à Vega, & Henric. à Cuelhar, doctissimè in com. Suntque in quatuor classes distincta. Primum est, si caput pulsante, distendentēque dolore vexetur, ab acribus, calidis vaporibus, & humoribus eleuatis suborto. Secundum. Si habetudo oculorum infestet ægrum, id est, obrusio visus, quoniam multus, & torus simul elatus ad superiora spiritus meatus obserat. Tertium. Oculi splendor, quia sanguis, humor splendidus est. Quartum. Si ilia distenta sint absque dolore, tunc enim cum hepatis, aut lienis adsit inflammatio, ex qua sanguinis, ebullitio, euaporatio, & feruor oriuntur, ipso ad caput ascendente, & meatus, per quos visoria facultas defertur, obserante, suprā citata signa oriri testantur auctores.

Quare factum est, ut in ægro è lecto assurgente, & rubri coloris serpentem conspiciente, in dextra nasi parte rubore conspecto, instare hæmorrhagiam prædiceret. Alij vident fila rubra, lucentia, splendentia, qui splendores ob flantiam, & splendorem sanguinis ad caput, oculosque è vasis magnis elati contingunt. His ergo exactè consideratis, & perpensis aliis signis instantē hæmorrhagiā significantibus, sine



sine dubio hanc vacationem euenturam pronunciauit. A  
Alia autem signa quæ ipse reticuit, primus omnium edocuit Hipp. lib. 1. epid. sect. 2. text. 5. 2. & 5. Suntque respirandi difficultas, ex transitu sanguinis per thoracem concitata, inuoluntarius lachrymarum fluxus, maxillarum rubor, narium pruritus, & maxime si corpore existente sano sanguis per nares erumpere, consueuerit. Hanc crism passus est Meton. lib. 1. epid. sect. 3. text. 14. Hac iudicata est virgo Larissa, 3. epid. sect. 3. text. 83.

Si ergo hæc vera sunt, & ex Hipp. fecundissimo promptuario decerpta, hæmorrhagiâque futuram pollicentur, utpote à calidissimo sanguine ad superas partes ascendente suborta, cur illi ad consilium vocari Medicastri non solum non aduertebant, sed ridentes & illudentes, ex arte Hipp. hæc prædici non posse contra Gal. votum contendebant? Commune pseudomedicorum asylum, ut ex aliorum dedecore suam velint augere supellestem, doctosque, & in operibus artis valde exercitatos conuiciis laceessere non cessent, naturam ab opere suis præposteris auxiliis perturbantes.

Hæc est causa quare nostris temporibus non ita frequenter crises contingant, quemadmodum tempore Hipp. & Gal. Quoniam plurima peccata ab istis Medicis admirandis sapientissime committuntur, qui medicamentis purgantibus temerè, & intempestiuè exhibitis, cibis etiam nimis, & aliis rebus non naturalibus, pessimè, nec ut decet, administratis, crises impediunt, artis corruptores verius appellandi. Præstaret igitur aliquando solam relinquere naturam, quàm imprudenter eam adiuuare, ne dicam impedire, ac perturbare.

At contra hos intrepido, constantique animo Gal. pugnare est ausus, cuius præsagium verissimum, euentus postea confirmauit. Quum enim æger digitum è naso sanguinolentum extraxisset, ij pudore ac verecundia suffusi, magno clamore oborto, stimulis veluti agitati, è domo discessere, postquam cum ægritudine laboriosè luctati sunt.

Sed cur vehementem sanguinis fluxum expectauit, quoniam sanguinis impetus vehemens erat, & morbus crudus, inquisitione dignum videtur? Dicerem ego, impetum naturæ ad expellendum sanguinem, vehementem, ipsius robur ostendere manifestè, ex quo (adstantibus aliis signis ingentem repletionem indicantibus) Gal. sanguinis exitum quantitatem nimiam venari potuit. Adiectam verò cruditatem, sanguinei fluxus futuram vehementiam, ob id Galeno indicasse dixerim, quia acrior, & calidior tunc esset sanguis, non coctus, aut edomitus, naturam ipsam ad excretionem stimulans, maxime cum impetus incepisset vehemens, & sanguinis esset in corpore copia multa.

Sanguinis igitur quatuor libras cum dimidia effluxisse cum obseruasset, & æger fortè ex nimia vacatione debilis esset, à leuioribus incipere voluit prius, non à venæ sectione, in hoc casu valde proficua, ad suppressendum fluxum, & aliis auxiliis anteponenda, ex lib. de curand. rat. per sang. mis. 11. nec à cucurbitula præcordiis affixa, sperans aliis sanguinem non vacuantibus fluxum cohibere posse. Quare adolescentem capite in scapulas dimisso collocauit, ut facilius eâ nare, à qua sanguis effluebat, frigidam poscam attraheret. Cum enim hæc, aceto & aqua simul mixtis constet, ex Aët. retrab. 1. serm. 1. cap. 1. Illud cum adstringat, lib. 1. simpl. 18. ad sanguinis fluxiones optimum est: aqua verò, quia frigida, repellit, & eo magis si ambo actu sint frigida.

Spongiam autem aqua multa madentè fronti apposuit, ut adstringenti spongiæ facultati, & aquæ refrigerationi vias pararet faciles; medicamenta enim adstringentia sibi ipsis vias præcludunt. Brachia, & crura vinculis ligauit, ut sic dolore excitato, retracto ad distantissimas partes, easque contrarias fieret validissima. Quibus omnibus maturo consilio celebratis, minimè tamen proficientibus, cucurbitulam præcordiis ad dextrum latus affixit, auxilium pro hoc complendo vsu, ab Hipp. 6. epid. sect. 2. text. 9. summo perè commendatum. Sic enim ad originem fluxionis, quæ ferè hepar esse censetur, retractio fit, ex Gal. 13. meth. 19. & 5. meth. cap. 4. & lib. 1. ad Glauc. ult. quo præsidio ex quo sanguinis fluxus illicò cohibitus est.

Lib. I.

V Enam incidere decreuerunt. Si quis miser in Methodici tanquam in alterius belluæ manus incidat, proculdubio morietur, ex consequutione dogmatis ab eo interfectus, quoniam ut à secta non recedat, inuestigare causas omnino recusat. At bene fortunatus ille, qui ad rationalem Medicum accesserit, neque enim tam malis symptomatis faciliè capietur, neque ob artem rationalis Medici mortem incurreret, ut lib. de theriac. ad Pison. cap. 4. Gal. affirmat. Medicus ergo inscius egrotanti altera fera, qui ita remedia agris præscribit, ac illi qui aleam iaciunt, quorum inutilia præcepta magnum agrotis afferre solent detrimentum, ex Gal. lib. 1. epid. sect. 3. text. 50. Morbus enim horum negligentia, maior sæpe efficitur, ut inquit Hipp. lib. de art. num. 1. Hos lib. de veter. medicin. num. 2. nauium rectoribus comparat, sic dicens. Quare plerique Medici, idem quod mali gubernatores faciunt. Etenim illi cum in tranquillitate gubernantes delinquant, non sunt manifesti: cum verò deprehenderit ipsos magnus ventus, palam iam conspiciuntur omnibus hominibus, quod ignorantia, & culpa erroris sui nauem perdididerint. Sic sanè plurimi Medici dum curant homines nihil graue patientes, in quos si quis etiam maxime delinquat, nihil graue faciet, (sunt autem plures tales morbi, & multo sæpius, quàm graues hominibus accidunt,) in talibus verò delinquentes, non sunt manifesti idiotis hominibus. Vbi verò obtigerit magnus, & fortis, tunc ipsorum delicta omnibus conspiciuntur, &c.

Ex quo constat, quantopere profit, ad curationem optimos, & expertos Medicos conuocare, & quo in periculo versentur hi, qui hos idiotas, pseudomedicos, aut potius sycophantas de sui salute consulere audent, quum isti audaciam habeant, & temeritatem vsu ipso confirmatam, & omnes eodem calceent calopodio, ut 9. meth. cap. 16. & 11. meth. 15. monuit Gal. Exhibentur ergo hi inscij Medicastri, stupidi, & malè feriat nebuloes, qui nudis verborum formulis instructi, & Medici titulo luxuriantes, & insolentes, sibi licere purant impunè homines occidere: qui licet à limine vix Medicinæ initia salutauerint, incurabiles morbos ex faciliè curabilibus reddere consueuerunt, ut 6. aph. 45. testulit Gal.

Explodantur à consiliis hi garruli planè, & omnino fatui lenes, immò deliri, insulsi, iactabundi & gloriosi; sicut & loquaces iuuenes, impostores, agyrtæ, cacozeles, solæcones, qui donum summi Dei salutare, nugis, incantamentis, superstitionibus, & cauillationibus conspurcant. Sed hoc quis pio, æquòque feret animo? ut quispiam rustico ingenio, immò obruta mente, hebetique minerva, ad arandum magis, quàm ad curandum apta polens, falcem suam in segetem alienam, hoc est, in præclarissimæ Medicinæ amœnissimos campos, iucundissima vireta, splendidissima prata immittat, & vilis pecuniæ victus cupidine, ambiguis responsis, Apollinis Delphici oraculo longè obscurioribus, de ægritudinis natura, ægri salute, ac interitu diuinare, & præter ingenui viri officium nugari non erubescat. Sic enim infestus humani generis hostis, ut corpus, animamque vna perderet, pro veris cælitus datis morborum remediis, per quæ Deus, Sacrosanctus Archiater, glorificaretur, nefarias, per hos impostores, incantationes adinuenit.

O execranda Magistratum avaritia, quid enim hos ardeliones, tantam sibi potestatem medendi arrogantes, ciues vestros pharmacis, & infauis auxiliis perdere permittitis? & tot, per ciuitates nobilissimas, oppida, fora, agros, incantatrices, & pythonissas medicam artem, ad cuius finem nec ipse Hip. peruenit, exercere conceditis? Quare Plin. lib. 29. c. 1. auream de hac re protulit sententiam, sic dicens. Nulla est lex, qua puniat capitale inscitiam Medicorum, nullum exemplum vindictæ: discunt periculis nostris, & experimenta per mortes agunt, Medicòque tantum hominem occidisse summa impunitas est, quando in hac artium sola eueniat, ut vniuique Medicum se profitenti statim credatur. Idcirco tot quotidie adsunt delusores, in populis, foris, tabernis, plateis, tot arioli, vaticini, salutatores, quoniam nulla pœna, ut inquit Hipp. in sua lege, num. 1. in Rebus publicis statuta est, præterquam ignominia: Verum hæc non

K 3

non afficit, nec contingit eos, quæ ex cõpositio personam Medici induerunt; simillimi enim sunt, hi personis quæ in tragædijs introducuntur; quemadmodum enim illi figuram, habitum, & personam eorum quos referunt, habent, illi ipsi autem verè non sunt: sic Medici, fama quidè, & nomine multi, re verò, & opere valde pauci, Refert & alia eleganter infra, num. 3. §. Imperitia vero malus thesaurus est.

Hinc est quòd cùm Medicina, omnium artium præstantissima sit, eò iam deuenierit, vt omnium vilissima censetur tum ob ignorantiam eorum qui eam exercent, tum etiam ob vulgi rudiratem, quòd tales pro Medicis iudicet, & habeat. O vrinam Principes, & senatores, qui ciuium suorum sunt amantissimi, & non nisi ad salutem reipublicæ sunt proclines, & auidi, hos salutis humanæ acerrimos hostes supplicijs afficerent! sic enim effrenis eorum trucidandi humana corpora retunderetur licentia, neque ita dolosè & fraudulentè in hominum vitam, vt Parcæ, manus iniicerent, & docti Medici, quæ nocte dièque, ob ægrotum salutem, veterum monumenta assidue, & sine vlla intermissione versant, & sui, suorumque obliti certatim inter se disputare solent, & Hipp. Gal. summorumque Medicorum doctrinam amant, colunt & amplectuntur, non cogentur sortem iniquissimam fortiri.

Puniantur ergo hi cauillatores, qui miseram solum, rudemque plebeculam imposturis, fallacijs, & mendacijs fallere intendunt. Sed quorsum in horum moribus depingendis sum multiloquus? Quum Gal. lib. de præcog. ad Posth. ferè per totum, & lib. 1. meth. multa pronunciet. Quorù stupiditatem nec Appollo cum Musis sanabit vnquam. Nec Europa deteriore experitur pestilentiam, nec sensit ipsa Cranon. De quibus illud, Gennadio Medico à Pallade inculcatum, festiuum carmen optimè dici potest,

*Judicium melius fuerit subisse latronia,  
Gennadij medicas quam petisse manus.  
Ille etenim cades sanctè execratur, & odit,  
Hic pretium capis, & ducit ad Elysios.*

Verum naturam. Medicum naturæ operum gnarum esse pluribus in locis firmavit Hipp. Cùm enim naturæ sint morborum medicatrices, ex ipso 6. epid. sect. 5. text. 1. Et harum ope concoctiones fiant, noxij humores expellantur, & curentur morbi; & Medicus huius naturæ sit minister: oportet vt summo studio huius actiones conuenientes scrutetur, vt suo tempore eas adiuuare, & sua opera probè administrare queat; qui si aliter se gerat, & intempestiujs auxilijs crism morbi ignoras, ipsam perturbet, vt 1. de dieb. decret. 1. & hinc cõtra Medicos Romanos, ad huius iuuenis curationem vocatos, actiter insurgit Gal. iudicium in se primo, ad quem paratum erat, fieri non poterit, tot interea erroribus admissis.

Si enim huius naturæ, quam Hipp. & Arist. vegetatiuam animam in plantis, & potentiam vegetatiuam in homine vocarunt, vestigia, ordinem, & vias, exacto iudicio, ex nullo, vrina, actionibus principibus, & non principibus fueris contemplatus, rarum erit quod in præfagiendo erres, & ex consequenti nihil eorum, quæ in Aphorismis conigeruntur, falsum esse inuenies. At naturalem oportet esse Medicum, & natura prudentem, vt Gal. retulit 1. 8. meth. 9. in med. & 2. acut. 36. & in omnibus valde exercitatu 2. de dieb. decretor. cap. 2. Nam Medicus debet habere naturam, ex Hipp. lib. de lege, num. 2. hoc est, naturalem quandam potentiam, habilitatem, genium, ac propensionem in artem medicam, vt in comm. huius loci, Rodericus à Fonseca notauit egregiè. Nam quod ex libris acquiritur multum est, quod verò superadditum est, infinitum, & incomprehensibile est, vt dicebat Auic. 1. 1. cap. 1.

Si ergo Medicus proprio genio, natiuæque ratiocinatione ductus, persuasum sibi habeat naturam prorsus sufficere, & summa quadam prouidentia corpori nostro prospicere, & proprijs motibus ordinatis vt, intelligeret ipsam crism auctorem esse, & omnino ad eas celebrandas summo conatu, totis viribus, vnito calore, quo veluti instrumento vitur, & reffectis spiritibus se accingere, quousque causam morificam è corpore excernat. Propterea dicit Hipp. 6. epid. 5. in princ. Natura omnino sufficit, hoc est, natura, præcipua, maximæque est morborum medicatrix, dū se-

parata parte vilis ab inutili, hanc varijs vacuationibus pro humoris vergentia foras propellit, sicque morborum crises à natura fieri docet Gal. 2. de usu part. 17. & 2. aph. 13. §. Crisis fit natura separante à bonis mala, & ad excernendum properante, &c.

Quapropter disertissimè Hipp. monet 1. de alim. num. 8. Naturas omnium nullo doctore vis, quem locum Vallesius acutissimè explanauit; & primò Gal. 6. de loc. 6. exemplo hædi lactentis appositissimè explicuit. Et lib. 1. de natur. facult. 13. idem repetens, in hunc modum scribit. Atque Hipp. omnium quos nouimus, Medicorum, Philosophorumque primus, vt qui primus natura opera norit, hanc semper sū admiratur, tum prædicat, quam & iustam nominat, & solam animalibus ad omnia sufficere assenerat, ipsamque per se sine doctore, qua opus sunt agere, & non solum iustam, sed iustissimam appellauit, lib. 1. de fract. 1. propterea quòd de omnibus nostri corporis partibus prouidentiam habeat, & vni cuique alimentum præbeat, secundum vniuscuiusque naturam. De quo argumento sæpè congersere Gal. 5. de usu part. 4. & Auic. lib. 2. tract. 1. c. 4.

Ad hæc. Natura, inquit Arist. 2. de generat. animal. 4. est paterfamilias prudens; ira enim dispensat in cuta rei familiaris, vt cibus optimus detur liberis, deterior seruis, vilissimus animalibus: sic natura alimentum præstantins partibus præcipuis, & nobilioribus, peius mediocribus, pessimum alijs tribuit. Est insuper natura opulenta, ac diues, vt 15. de usu part. 5. testatur Gal. & sic plures habet vias, ac modos, quorum ope, ac beneficio, varios vsus operatur, ac opera mirabilia præstat, & exequitur.

Hæc enim cùm potens, docta, prudens, diues, iusta, & semper sui similis in actionibus sit, quid mirum si hanc, crism esse auctorem pronunciemus? quæ cùm genere vna sit, specie verò multiplex, nulla alia nisi expultrix esse potest; sic statuit Gal. 2. de natur. hum. 21. dū sic inquit. Facultas igitur qua aliena expellit, ea est, qua indicationes in morbis facit: id quod facere consueuit, quum ipsa vel à Medico, vel ab ijs qua in corpore continentur, irritatur, &c. & lib. 7. aph. com. 21. sic ait. Ostensum quidè est in commentarijs de potentijs naturalibus, quod est quadam in ipsis vis aliena excernens, qua & sudores criticos, id est, indicatorios facit, & profusum sanguinis, & alui inferioris deiectiones, & quæcūque alia huiusmodi. Secundum hanc igitur vim nonnunquam vehementius natura operans, magnum, & violentum arteriarum efficit motu appetens illa que molestant expellere, atque ita profusum sanguinis facit, &c. quod repetit 4. aph. 21. & 3. de cris. 13. & 1. 3. de dieb. decret. 8. Hæc ergo vis expultrix est, quæ primo & per se indicationes in morbis facit, secundariò verò copia humorum, accessio, & morbus ipse: quæ iudicationes secundum maius, vel minus naturæ robur, diuersimodè contingere solent.

Quare ne mireris Galenum virum in facienda medicina dexterrimum naturæ motum ex certis signis sedulo explorantem, futuram hæmorrhagiam præfagiisse, quod non ex diuinandi scientia, vt alij proteruè augurabantur, sed ex ipsissimis medicæ facultatis abstrusis arcanis, & reconditis labyrinthis accidisse, euentus postea confirmauit.

## QVÆSTIO XXXIII.

*Quod sanguinis è naribus fluxus morbos indicare possit: & quare hic rubidus semper appareat, Contra Fernel. Med. cum insignem.*

**S**anguinis fluxum expectaueris. Nullum est priscorum stam firmum inuentum, quod reproba Classicorum non impugnet opinio: inter quos Fernel acutissimi alioquin ingenij vir, & post Hip. Gal. Auic. primariosque Medicinæ Duces nulli secūdus, horum præclaros conatus obscurare intendens, plurima in ipsos, in multis directissima tela, acutissimæque spicula coniecit, ex quibus illud euulgauit 1. 2. de ven. sect. c. 1. Nullum, scilicet sanguinis è naribus profusum licet criticum, salubre esse; quoniā licet deliria, vigilias, capitis dolorem, & reliqua symptomata demulceat, vix tamen propriā morbi essentiam, atque radicem euellit, nisi immoderatio succedat

succedat profusio, summa virium dissolutione, qua tamen nusquam videtur optanda. Vitiosus enim sanguis per nares postremus elabitur, nec nisi quum uelioris magna vis erit effusa. In his igitur febribus tamen si nares multo stillent sanguine, uena tamen cubiti secunda; quandoquidem deprehensus est è naribus, tum colore, tum substantia laudabilis, quum impurus ex cubito, sordidisque detrahatur. Hæc Fernel. Cuius opinionis falsitatem plures ante me reprobaui, quam esse vsui frequenti, & auctorum decretis maximè aduersam nullus ignorat, & eam omnino subuertunt Christoph. à Vega, & Brau. Patrasit. in com. sent. 3. 2. & ut temerariam, salutique humanæ infestam, damnat Augenius, tom. 2. epistol. lib. 2. epistol. 9. Nam monente Gal. lib. 4. acut. com. 10. In acutis febribus, quod ex sanguine feruet, ad cap. fertur. Cum igitur rescissis ruptisque uenis, natura idipsum unà cum acernatis vaporibus effuderit, ceteris promptius dominatur, & imperat, soluiturque morbus. Reperit 3. cris. ult. & alibi passim. Sequitur Auic. 1. 4. tract. 1. cap. 73. quam sententiam cuncti unanimiter postea confirmant.

Videant ergo omnes, quor habeat ars nostra difficultates, si vna ratione malè intellecta, auctor iste grauissimus à præfata Hipp. mente, perfricta fronte recedere non erubescit. Ignorauit enim eruditissimus Fernel. causam, ob quam fere in omnibus morbis, licet totus sanguis per uenam sectam, & cucurbitulas extractus, vitiosus, putridusque sit, solus è naribus profluens rubidus emanet; ob quam causam debilitari vires, laudabili sanguine eiectione, affirmat ipse.

Sanguinem rubidum è naribus emanare sensus indicat, firmatque assiduum experimentum; his enim positis litigantium rationes cessant, ex Gal. lib. de rigor. 18. Et licet Gal. lib. 1. epid. sect. 3. com. 18. in morbo exitiali rarè visam fuisse stillā rubri sanguinis, sed atrī semper affeueret, cum Auic. 2. 4. tract. 1. cap. 74. hoc non de largo sanguinis profluvio, sed de stilla intelligendum puta. In qua vacuatione sanguis cum lentè per uasa ad nares excurrat, per moram ob caloris abundantiam tostus & assatus, colorem muta, li uet, & nigrescit.

Enimuerò non intelligo per putredinem, motum & propensionem ad putrendum; nam certum est sanguinem ita lumpum, adhuc putridum non esse; ac proinde mirum si in illius missione putridus, & non mirum si naribus effluens, purus, ac rubidus appareat: in quo cum non detur mutatio secundum formam, sed solum secundum alterationes qualitates, calorem uidelicet, immutatus apparere poterit, quum suum adhuc obtineat colorem. Scis namque sanguinem dum putrescit, suam obtinere formam, in aliisque humores non degenerare. Sed intelligo terminum putredinis, corruptionem, quando sanguis in aliorum humorum formas degenerarit, suamque amiserit, (tunc namque illius pars transit in bilem, crassa uero in melancholiam, 2. feb. 9.) quò tempore si per nares exeat sanguis, licet putridus sit, coloremque mutauerit, appareat semper rubidus, sine in amplo, angusto, fastigiato, aut lato vase excipiat: sine, (ut fere fit) super solum decidat.

Cur uero hoc ita accidat, explicatu difficile est. Responderi potest huius euentus causam esse, quoniam sanguis è naribus eiectionis tenuis est, & exit ueluti colatus, & per angustissimos anfractus defertur, crassiori parte intus manente, terrestri, & magis fæcali, quæ sursum eleuari nequit. Non placet solutio, nam si morbus soluitur ad solutionem causæ, & putridæ febres à crasso, multo, & lento humore originem ducentes hæmorrhagia soluuntur, ex Gal. loc. cit. supra, terrenum succum huius vacuationis vi etiam educi, negandum non est.

Quare me in hoc argumento primum paulisper exaudi. In peluiculis cum sanguis emittitur, fit manifesta partium eius separatio: nam quicquid lutosum, fæculentum, fibrosūve est, subside; innatat quod summè leue, putrefactum, biliosum, aut ichorosum est; in medio residet pituitosum; & iuxta summum, sanguineum; hocque fieri ratione diuersarum partium sanguinis, & caloris post uenam sectam perseverantis beneficio, certum est. Nam calor cum non sit ab influenti spiritu gubernatus, quæ

A calor, diuersas partes separat & disiungit, licet quæ naturalis in uenis uniat. Sanguis ergo qui effluit è naribus, putridus licet sit, & maximè corruptus, utpote manifestè putridam febrem soluens, laudabilis & rubidus apparet, quia guttatim exit, & in uasis ferè non colligitur, & ita eius calor paulatim ab ambiente licet calidissimo (minus enim caler quam sanguis, ex Gal. 8. de usu part. 2.) refrigeratur, & obrunditur, ut eius vi, ac ope partes diuersæ segregari non possint, quare sanguis è naribus emanans ita concretus, ac confusus rubedinem seruat: è contrà accidit in eo qui ex phlebotomia extrahitur, qui cum celeriter, & maiori impetu prorumpat, non ita refrigeratur, & sic in uase reueruatur, & unitus, diu colorem conseruat, cuius vi partes dissimiles separari possunt. Argumento est sanguis extra peluim, aut in uase lato collectus, hic enim cum expansus sit, promptiusque ab aëre alteretur, rubidus etiam perseverat magis, quam sit in pelui ipsa, aut uase fastigiato receptus. Quæ causa cum lauerit Fernel. ingenium, idcirco in medicinæ proceres debacchari pro more suo non erubescit.

## QVÆSTIO XXXIV.

Quod ad crism per sanguinis fluxum, necessaria sit concoctio.

ET morbus adhuc crudus esset.] Dubitari potest, num ad crism per sanguinis fluxum necessaria sit concoctio, ut bona sit crisis, atque iudicium. Gal. enim huic dubitationi ansam dedit: nam de hac vacuatione sæpe cum loquatur, concoctionem, ad illam non præsupposuit. Fauet dubitationi similitudo quam ars, & natura inter se habent. Sicut enim ars redundandem sanguinem citra coctionem vacuare conatur: sic natura per sanguinis fluxum è naribus, aut quamlibet regionem, materiam peccantem extra corpus sine coctione utiliter elicere tentabit; & maximè cum sanguis non sit de genere eius, in quo expectatur digestio, apud Auic. 1. 4. tract. 2. c. 7.

Ad sanguinis fluxum, exquisitam coctionem esse necessariam, ad hoc ut indicatorius sit, penitusque malum finiat, Gal. explicuit. Tradidit enim lib. 3. cris. normas quasdam uniuersales, futuram bonam crism significantes, eaque tam ad alui fluxum, sudorem, vomitum, sputum, quam hæmorrhagiam, & quamlibet aliam vacuationem adaptauit: & particulariùs ad minima quæque descendens, fluxum sanguinis è naribus approbat, si cocto morbo superuenerit, 4. acut. com. 10. quod etiam aduertit 2. de humorib. com. 14. dum inquit: Sudores, vomitus, & sanguinis profluvia, si in principio appareant, non possunt morbum soluere, non ob aliud, nisi quia indicantia in melius non statim apparent: & opus est concoctione præcedere, &c. Deinde si hæmorrhagia febres ardentes soluuntur, cur ad hanc vacuationem coctio necessaria non erit, & ceteræ aliæ conditiones, quas ad crism exoptat Gal. passim? Nam si citra illam hæc contingat, reproba est, illisque signis adscribi debet, quæ decretoria sunt non decernentia, quæ partim lethalia sunt, partim difficilis iudicationis; quæ quam pessima sint, docuere Hipp. lib. 1. epid. sect. 1. 2. & 3. & lib. 1. prorrh. sect. 3. text. 48. & 56. & Gal. 4. aph. 22. & alibi sæpè.

Neque multum operosum est, opposita argumenta dissoluere. Neque incuriæ, aut erroris accusandi sunt præsci, neque omnes Medici, qui illorum facundissimam doctrinam amant, & amplectuntur, quod in morbi initio, absque vlla præcedente concoctione, sanguinem imperant emittendum; nam hoc exequendum iubent, quando sanguis feruidus est, benèque coctus, sola multitudine abundans, ebulliens, & uenas distendens, cuius efferuescentem copiam ocysimè vacuare conantur.

Quando tamen qualitate peccat, ita ut sit calidus, vel frigidus valdè, crassus, nimis tenuis, & serosus, attemperandus est, & attenuandus. Sic à parca sanguinis missione curationem in febre sanguinea auspicatur mox à principio, quando uidelicet sanguis cum aliis simul humoribus peccat, qui cum eo permixti non sunt. Copiosius tamen

extrahere iubet notis coctionis euidenter apparentibus, A  
quidquid Fernel. 2. meth. 13. Iulius Cæsar Claudinus lib.  
respons. medicinal. 2. & Prosper Calanus lib. de melanchol.  
flauosa, acriter acculent Auic. & eius intérpretes, cuius  
rationes sunt suo loco persoluendæ.

Quare sanguis qui crassus est, attenuari desiderat, prius-  
quàm venæ sectione exhaustur, auctore Auic. 4. 1. cap.  
20. & 1. 4. tract. 2. cap. 45. necesséque est prius, vt æger  
balneetur, fricetur, exerceatur, vt lentus sanguis liquari,  
fundique possit. Sic docet faciendum Gal. lib. de curand. rat.  
per sang. mis. 12. quo loco sanguinem crassum, & crudeum,  
extenuat, & coquit hyssopo, origano, nepita, pulegio, &  
aliis, & tandem ipsum minuit: & 4. acut. com. 28. edoctus  
ab Hipp. concretum sanguinem, difficultérque effluentem  
fomentis præparat: & 6. epid. sect. 5. com. 29. idem lotioni-  
bus opus exercet: & pluribus in locis quos graphicè  
proponunt Ferdinand. Mena, Hieronymus Nunius Ra-  
mites in com. cit. cap. Gal. lib. de curand. rat. per sang. mis. Ioan.  
Brau. Petrasitanus lib. 2. de purg. rat. cap. 10. Sanguis ergo  
cum purus, & integer est, & alicuius mixturæ expers, non  
est de genere in quo expectatur digestio, vt retulit Aulc.  
Verùm interdum adest cacochymia, & vitium in sangui-  
ne, & ipse crudus est, quia maior copia pituitæ in eo est  
quàm par sit: hic coquendus est, non vt sanguis est, sed  
quatenus ingens crudi, pituitosique humoris portio in eo  
adest, quæ sanguinem vitiosum reddit; de quo priscos  
loquutos fuisse existimo, qui sanguinis eruptiones non  
posse penitus morbum absoluere, nisi præcedente co-  
ctione, assueverant. Neque ratio à similitudine sumpta  
multum vrget, quum plurima non fiant à natura, quæ  
artis ope cum animantis ope perficiuntur. Videmus enim  
Hippocratem plurimos enarrasse in Epid. qui turbata al-  
mo, & aberrante natura in initio morbi obiere, vtilibus  
potius (irritata ob sæuitiem morbi, natura) propulsis hu-  
moribus. At Hipp. ipse inchoantibus morbis, medica-  
menta humores noxios attrahentia propinare iubet, vt à  
maiori noxa corpus præseruet, morbumque infestan-  
tem curet.

## HISTORIA LXV. GALENI, De Olfactus læsione.

### Odorandi sensus à diuturna tum grauedine tum distillatione læsus, & restitutus.

Cum hac igitur olim nobiscum cogitarem, fortè contigit,  
vt quidam, cui odorandi sensus, à diuturna tum grauedi-  
ne, tum distillatione læsus esset, ad nigellam remedij causa cõ-  
fugeret. Quam, vt ratio medicamenti postulat, cum contudis-  
set diligenter, & in puluerem liquasset, veterique oleo immi-  
scuisset, iterum eandem cum eo humore minutissimè trinit, mox  
aquam ore excepit, & supino capite non minimā medicamēti  
partem sibi naribus instillatam adducto spiritu vehementius  
attraxit; eodémque modo triduum medicamento utens, ma-  
gnum ex eo iuuenis ille adiuuentum cepit. Quarto autem die  
cum eodem medicamento sic usus esset, vt spiritum violentius  
quàm antea attraheret, grauem in intimo capite morsum perce-  
pit, qui tamē cum sensim leniretur, postera die prorsus sedatus  
est. Qui euentus mihi argumento fuit, nigella paulum vsque ad  
cerebri ventriculos esse attractum, quod aut membrana, qua se-  
cundarum modo, quibus innouuntur fœtus, intertexta est, aut  
fortasse ipse cerebro inherens, dolorem intulit. Atque hoc idem  
illius rei consensu approbatum apparet, quod vaporis quodam-  
modò simile proprium odoratus instrumentum esse oportet. Ex  
quibus rebus ego cõmotus, alijs quibusdam, alijsque alijs, mul-  
tisque deinceps famulis eodem medicamēto in nares instillato;  
eos spiritum vehementer trahere iussi: quorum alij nullum,  
alij leuem; alij grauem morsum aliè in capite  
senserunt, &c. Galenus, de instrument.

odorat. cap. 4.

\* \*

## P A R A P H R A S I S.

Historiam hanc adducit Galen. vt probet odorandi  
sensum in anterioribus cerebri ventriculis fieri,  
hocque triplici probat argumento, quod etiam facit 8. de  
usu part. cap. 6. & 7. de placit. cap. 5. 8. de loc. affect. vlt. & 4.  
simpl. 22. Licet enim odoratus instrumentum esse pro-  
cessus illos mammillares appellatos, iuxta cerebri ventri-  
culos locatos (hos enim primus omnium inuenit Auic.  
5. 3. tract. 1. cap. 4. quamuis 2. cont. 24. perperam tamen  
contradicat Vallesius) non concedat: sufficit quod intra  
caluariam fieri odorandi sensum pluribus assueveret. Cum  
enim citatis locis elegantem faciat demonstrationem ex  
singularium partium nasi enumeratione, nec ossa, cartila-  
gines, membranam, aut neruum per membranam expan-  
sum, verum odoratus organum esse, concludit: ergo sunt  
processus mammillares, quum nullæ partes ibi aliæ con-  
tineantur; vt colligas Gal. licet de his processibus non  
meminerit, in hac parte fieri, ac collocari olfactum cum  
eo existimasse.

Enimvero plures licet de hoc argumento ad rari-  
um vsque disceperint, de quorum numero sunt Andreas.  
Laurentius, lib. 11. de re anatomic. cap. 12. Fernel. lib. physio-  
log. 9. Versal. lib. 1. fabric. cap. 6. & 12. & lib. 4. cap. 3. Conci-  
liat. dif. 45. Realdus Colub. lib. 8. cap. 2. Iulius Cæsar. Pla-  
centin. lib. 3. de organo odorat. cap. 15. & 16. Bauhin. lib. 3.  
rheat. anatomic. cap. 19. Emanuël Nunius Olysiopon. in lib. de  
instrum. act. in med. Gaspar Tagliacotinus lib. 1. de Curtorum  
chirurgia, cap. 6. Otho Casmannus part. 2. psycholog. cap. 24.  
quæst. 24. Constant. Varolius in epistol. ad Mercurial. Licet  
tamen mihi succinctè inter tam varias Philosophorum, &  
Medicorum sententias, meam proferre in medium, & an-  
tiquorum mentem dilucidè, Laconicèque explanare. Pri-  
mo, quod sit olfaciendi organum. Quæ illius natura. Ac  
vbi secundum Philosophi, & Galeni asserta collocetur  
instrumentum sensus, id est, per quod sentiens facultas  
propria sensibilia dignoscit. At cum inspirantes tantum  
olfaciamus, inuestigandum est, qua parte earum, per quas  
spiritus permeat, odores dignoscamus. Hanc verò non  
esse palati tunicam, certum est; quandoquidem obstru-  
ctis naribus, aut digito sic compressis vt claudantur, spiri-  
tu ore adducto, nullus odoris sensus mouetur. Eandem  
ob causam, nec faucium, nec asperæ arteriæ tunicæ hoc  
munus concessum est. Plurimi Philosophorum opinan-  
tur, Arist. putasse vim odorum sensutricem naribus inesse.  
Sed hi citra rationem interpretantur. Nam lib. 2. de anim.  
cap. 9. & lib. de sens. & sensibil. cap. 5. apertè docet, animalia  
respiratione vtentia, citra respirationem olfacere non  
posse, hominèque inspirando tantum odorem sentire,  
non expirando, quod certè necessarium non foret, si sen-  
sus odorum in naribus exponeretur. Maxime quum asserat  
Gal. lib. de instrum. odorat. cap. 5. Arist. locum sensorij odo-  
ratus, & eiusdem sensorij foraminum non manifestasse.

Hoc sensorium non esse in naribus locatum, tum par-  
tis ipsius constitutione, tum propriis actionis accidenti-  
bus Gal. probat euidenter hoc modo: quia si naribus ex-  
poneretur, id certè esset aut in illarum ossibus, aut in tu-  
nica ossa ipsa obducente; nec pars tertia in naribus re-  
linquitur, cui illud adscribi possit (nam cartilago in eo-  
dem cum osse censu collocatur: sed neutri illorum at-  
tributum est; quoniam ossi non modò non odorandi, sed  
nec tangendi quidem sensus datus est. Non esse autem  
in naris tunica odorum sensum positum patet, quum ea-  
dem siccum illa, quæ linguam, palatum, & reliquas oris  
partes vestit: Quare si illa odoratus existeret instrumen-  
tum, necesse esset, omnes eodem sensu odoris esse præ-  
ditas, eundemque affectum cunctas participare, cuius  
contrarium experimur.

Si verò rem à propriis actionis accidentibus inuesti-  
gare velimus, nullum odoris sensum, nisi spiritu naribus  
attracto moueri videbimus: reliquo autem tempore odo-  
ris sensu caremus, etiam si nares vapore odorifero repleta  
sint. Ex quibus perspicuum est, instrumentum odoratus  
intra cranium esse locatum, prout superioribus locis  
confirmat



confirmat Gal. Insuper sensorium oportet esse sensibili simile: et sensibile est vaporosum. Vaporosum igitur olfactus sensorium esse necesse est: tale autem sunt ventriculi anteriores, non tunica narium, quæ frigida, sicca, ac terrea est, & à vaporis natura longè diuersa. Denique hic inuenis, qui odorandi sensum à diuturna grauedine læsum habeat, à nigella in puluerem redacta, veterique oleo mixta, & per nares vehementius adducto spiritu attracta, adiutus est, quæ historia argumento est, odoris sensum in anterioribus cerebri ventriculis collocari. Nam si non tam intimè, sed in narium tunica existeret, levis spiritus adductio sufficeret, nec vehementi opus esset attractione.

Sed in qua parte sensus odorum collocetur, adhuc querendum est. Auic. cit. loc. Vesalius, cæterique periti Anatomici, instrumentum odoratus esse duo additamenta mammillaria in anteriore cerebro locata assueuerant. Sunt autem processus isti mammillares, auctoribus Gal. lib. de instrum. odorat. cap. 2. & Actio terrar. 2. serm. 2. cap. 96. germina duo oblonga, & caua, principium quidem ex anterioribus ventriculis habentia, progredientia autem ad illam caluariæ partem, vnde nasus initium habet. Suntque ista vera odoratus instrumenta: nam omnia quæ ad illius naturam requiruntur, obtinent. Consistunt siquidem intra cranium; quare fit, vt citra respirationem olfacere non possimus. Sunt essentia vaporosæ, & cum odoribus similitudinem habent. Sentiant exactius, quàm cerebrum; nam licet de cerebri substantia sint, nerueam tamen speciem præ se ferunt.

Præterea sunt ante cerebri ventriculos positi, maximum sanè indicium, naturam in ipsis sensum odorum constituisse, tanquam exploratoribus halituum cerebrum subeuntium, qui futuri sunt animalium spirituum materia. Et licet odor sicci sit, teste Philosopho lib. 2. de anim. 9. in fin. & nimis humidum sensorium, ægrè, difficultèque odores percipiat; & processus mammillares, cum de cerebri substantia sint, humiditatem non exiguam præ se ferant: (est enim cerebrum humidissimum, teste Arist. 1. de hist. anim. 16. & 5. de gen. anim. 3. & 2. de part. anim. 14.) idcirco remissè olfacit homo, & ob superfluam humiditatem, non nisi extremas odorum differentias percipere potest.

Munitur instrumentum odoratus à noxis extrinsecus occurrentibus, osse cribroso, & dura meninge, hac in parte pluribus foraminibus traiecta. Oportebat enim, inquit Gal. 8. de usu part. cap. 6. huius sensus proprium sensibile cerebri portionem alterare: oportebat etiam ei operimentum quoddam eiusmodi esse circumiectum, quod tum conseruare ipsum posset, tum transitum vaporum ipsorum sensibilibus non impediret. Cur verò os cribrosum prædicta foramina reiecta non habeat, vt cribra, sed in eo quemadmodum in spongia, meatus sibi ipsis è directo non respondeant, nec recti sint omnes, causam attulit Gal. 8. de usu part. cap. 6. in fin. dicens. At quoniam operimentum eius oportebat esse foraminulentum simul, & rarum, vt ad cerebrum quidem ærem respirationis causa celeriter deduceret, vaporem autem, dignotionis odorum: tum autem vacuaret repente ac semel, si quando necessitas inciderit, excrementorum copiam, magna autem ipsius operimenti facilitas ad patiendū, constructionem ipsius necessariò sequebatur; magna præterea visceris principalissimi, cerebri scilicet offensio: Natura os variè pertusum velut spongiam ipsi apposuit, simul ne aliud corpus durum quoddam extrinsecus incidat, simul ne viribus integris aer frigidus inspirantibus nobis rectè in cerebri ventriculos sese insinuet. Non enim semper eramus inspiraturi ærem moderatè frigidum, sed nonnunquam vel frigidissimum, qui si rectè in cerebrum incideret, ipsum profectò immodicè refrigeraret, omnemque vitam in periculum adduceret, &c. hæc Galenus.

Aristot. lib. 2. de anim. cit. & lib. de sens. & sensoris, cap. 5. probat instrumentum odoratus foramina quædam ad ipsum pertinentia habere, quæ non semper aperta sunt, sed operculis quibusdam membranz similibus, tenuibusque teguntur, quæ ab impetu attracti aeris referantur, vt ad eam partem, in qua vis odoris posita est, proprium eius sensibile perueniat. Hanc opinionem duplici

A medio condemnat Gal. lib. de instrum. odorat. cap. 5. Nam si talia essent opercula, aeris exterioris impulsu referantur: sed non ita fit; quoniam etsi aer vehementi impulsu in nares mittatur, nisi inspiratus nullū prorsus odoris sensum mouebit. Rursus dici non debet, talia velamina nostra voluntate moueri: nam si ita esset, quoties vellemus ea referare, etiam nullo spiritu adducto aperiremus, & clauderemus. Quod non ita accidere experientia docet. De quo argumento legè Ludou. Mercat. tom. 1. lib. 1. part. 5. clas. 6. g. 158. Costæ in com. cap. 1. Auic. 5. 3. tract. 1. Curs. Conimb. in lib. 2. Aristot. de anim. cap. 9. quest. 4. Thom. de Garb. in sum. quest. 69. Albert. Magn. 2. part. in sum. de homine, Algazellum, & Philoponum in lib. cit. Arist. de anim. & Hieronymum Cardan. lib. 2. contradict. tract. 6. contradict. 10. graphicè differentes.

B Odoratus instrumentum lædi vt plurimum à frigida & humida intemperie certum est, à qua crassi viscosique humores oriuntur, ex quibus grauedo, distillatio, & odoratus offensio, obturatis meatibus, ob detenta excrementa, sequi solent. Quibus autem indiciis olfaciendi læsio dignoscatur, plures explicarunt. Curabitur autem factis prius vniuersalibus vacationibus; post quas, ad ea quæ per nares crassum humorem expellunt, deuenire oportet: hæc enim hunc mucum attrahendo, sunt in causa, vt morbus sanetur omnino. Inter hæc (errhina dicuntur) numerantur primò maiorana, saluia, rosmarinum, carpesium, elleborus albus, & niger, castorium, & nigella, de qua Gal. hic, quæ cum tertio ordine excalfaciat, ex Gal. 7. C simpl. cap. prop. de melanthio, assidue olfacta, morbos ex distillatione subortos sanat, caput à superfluis humoribus repurgat, sensus viuificat, mucum per nares expellit, & facultatem cerebri irritando, facit, vt ipsa insurgens contra morbum, lentos humores grauantes detrudere possit per nares. De qua peculiari vacatione, vide inter omnes Mercatum lib. 2. indicat. 1. eloquenter disputantem.

## HISTORIA LXVI. AETII.

## De dentium dolore.

Quidam dolore dentium correptus, niuis in ore detentæ vsu, persanatur.

D Ego autem aliquando cuidam huiusmodi temperamenti existenti, & in hanc affectionem delapso, oleum rosaceum, & myrtæ in ore detinendum exhibui, & sanè vri sibi videbatur hic homo, tanquam à face accenderetur: niuem itaque cum melle rosaceo miscui, & moderatè reperfeci, quò frigoris vehementia frangeretur: & ore detinendam exhibui, & à dolore liberavi, &c. Aetius tetrab. 2. serm. 4. cap. 27.

## COMMENTARIUM.

D Entes fluxionibus, & dolori sunt parati valdè, habent enim venulas, & arteriolas, sicque ob attritionem necessariam indiguerunt alimèto copioso, & assiduo: hoc enim facit ipsos suscipiendis excrementis opportunos; iisdem enim viis recipiunt redundantes succos, quibus & nutriuntur. Itaque ob hæc solent dolere dentes, non tamen semper dolent ab eadem causa; sed nunc ab intemperie calida dolor incipiens conuocat fluxionem, à qua deinde fouetur, & augetur. Atqui fluxio ipsa, siue dolorem antecedit, siue sequatur, sæpè calida est, & acris, & dolor ab ea concitatus nonnunquam incipit à gingiuis, & coarctat dentes; nonnunquam à dentibus, & refunditur in gingiuas. Et tumor gingiuarum aliquando crescit cum ipso dolore, aliquando tumescitibus gingiuis dolor sedatur, quod fluxio conuertatur ad externa.

Insuper dolere dentes, vel ob substratum neruum, vel ob inflammata gingiuas latissimè probant Thomas à Veiga, 2. de loc. in com. cap. 1. verbo, quæquam. Costæ in com. cap. 1. Auic. fen. 7. 3. tract. 1. Felix Platerus quest. 50. patholog. A causa calida dentes dolorem pati, ex multis signis

signis venari licet, nempe ex intenso dolore, subrubra facie, temperamento calido, florente ætate, tempore anni, regione, æris statu, & antea acta vita.

Enimvero pro dolendi causa aliis, aut aliis medicamenti opus est. Horum triplex genus esse censeo. Quædam enim adstringentia sunt, ad arcendas fluxiones, & firmandos dentes: quædam resoluëtia ad absumentâ fluxionem status: quædam stupefacientia ad tollendum dolorem cum sensu. Quo pacto necessarium est, sopiendi doloris causa, dentibus nimis frigoris adhibere; maximè si à prægressis auxiliis non iuuetur æger. Quare quum ob nimium partis calorem, applicitis, oleo myrtino, & rosaceo increveret ardor, & dolor (promptè enim hæc ob pinguedinem inflammanur:) ad frigida devenire coëgit necessitas. At cum hæc, quædam sint quæ torporè inducunt, & non nisi summo urgente dolore ipsis dentibus applicanda, meritò ad niuis vltimū devenit, relictis pluribus quæ similem effectum præstare nata sunt: de quorum numero sunt hyoscyamus, solani succus, capita papaeris, altercum, & ipsum Philonis antidotum denti circumlitum, auctore Paul. lib. 3. cap. 26. firmant Tral. lib. 3. cap. 13. & Celsus lib. 6. cap. 9. Quo factum est, ut cum dentis dolor maximis tormentis annumeretur, plurima excogitata sint auxilia, quæ affectum tantisper leuare queant, inter quæ, niuis, aut aquæ niualis vsus in ore detentæ summopere prodest, mixtis etiam iis quæ huius medicamenti efficaciam retundere possunt, ut sunt vinum, acetum, rhodomel, aqua vitæ, quum commune sit omnibus quæ pro dentibus parantur, indigere aliquo quod in altum deducat, alioqui nihil præstiterit nervorum radicibus, quæ intra ipsa officula sunt, apponere. Nam Auic. tract. 2. lib. 2. cap. 524. Aquam niuis ledare dolorem dentium calidum asseuerat, & 7. 3. tract. 1. cap. 8. de medicinis stupefactiuis sic ait: *Et quandoque dantur in potu etiam narcotica, sicut Philonium, quoniam sanat eum qui de dente suo conqueritur, & accipit ex ipso in ore suo, & dormit, & maturatur aegritudo eius, & quiescit dolor eius, & ex eorum summa quæ stupefaciunt absque nocumento, est aqua infrigidata cum niue in vltimo, & ponitur in ore acceptio post acceptionem, donec stupefiat deus: quare quiescit dolor omnino, &c.* Tanta est niuis in calidis affectibus, tam intus, quàm extra applicitæ potestas, ut ad retundendam veneni inflammantis malitiam, sola niuali aqua consulat vtendum Auic. 6. 4. tract. 1. cap. 4.

## Obseruatio XLVI.

*Dentium dolor sauisissimus, niue circumposita ablatus.*

Milles strenuus quum à multis annis dentium dolore, Mex distillatione suborto per intervalla quateretur, ita vno die, æstatis tempore, liquatis succis crudis, in tribus molaribus superioribus dextri lateris immani dolore est concessus, ut velut amens vociferans è domo exire vellet, rabie quadam, & furore percitus doloris. Huic reuellentia primò omnia facta sunt præsidia, mox anodyna, soporifera, immò ipsum opium dentium cauo applicitum. Sed incassum omnia tentata, nam vehementius ægrum dolor vexabat. Demum niue, qua aquam bibendam refrigerabat, fortuitò in ore detenta conuiescere cepit, eaque iterum, atque iterum accepta à dolore intra horam euasit immunis, & plures alij qui hoc præsidium sunt experti, doloris sauitiem effugere.

## DVBIVM XLII.

*Num sit aliquis niuis in Medicina vsus.*

### COMMENTARIUM.

DE niuis vsu paulisper agendum est, de cuius generatione varia pronunciant Philosophi. Medici aquam ea refrigerare solenter docuere. Licet enim apud Gal. 6. epid. sect. 4. c. 10. Mercurial. lib. 1. variar. 8. Ludovic. Mercat. lib. 1. indicat. 2. Ludovic. Lemos. lib. 9. meth. Gal. cap. 5. disput. 8. diuersi sint refrigerandi modi: nam alij in pa-

teum aquam demergunt; alij in subterraneis specubus recondunt; alij in altis domum locis pernoctare sinunt, tamen niuem vasculo circumponere salubre est præceptum, & ab antiquorum peritissimis promulgatum. Nam præterquam quod tempore Gal. ob Romanum luxum frequens fuit vius, & Neroni Romanorum Principi valde acceptus, auctore Plin. lib. 31. cap. 3. Hunc etiam mirum in modum commendat Gal. 6. epid. cit. firmat. Auic. 2. 1. tract. 2. cap. 19. §. erit melius, ut cum ea infrigidetur aqua exterius, prohibendo ipsam à permixtione eius, &c. Sic enim aqua frigidior redditur, & sicim amplius compescit, quo fit, ut frigida porio, ob oris ventris cortugationem, appetitum ad cibum excitet, calorem naturalem robustiorem efficiat, actiones omnes roboret, ciborum assationem impediatur, præcipua viscera temperet, per totum corpus citissime permeans illud humectet, humorem illum assidua vaporazione transpirantem, ac decidentem restauret, minori potus quæritate sicim extinguat. Demum frigidus potu membra nostri corporis diutius in opere persistunt, & eius vsu facultates ad functiones suas vegetius obeundas excitantur, roborantur, perficiuntur: quas vires sortiri aquam niue refrigeratam, quum suauior sit, & bibentibus gratissima, Sacra pagina docet lib. Proverb. cap. 25. in hunc modum. *Sicut frigus niuis in die messis, (hoc est, æstate) ita legatus fidelis, ei qui misit eum, animam eius requiescere facit, &c.* Et paulo infra. §. *Aqua frigida anime sitienti, &c.* Per animam verò ipsa respiratio intelligitur, sine qua vita in corpore durare non potest, ut in lignis Vallesius notauit ad hunc locum. Porro. Tanta fuit consuetudo apud Galenum aquam niue vasculo circumposita refrigerandi, ut non solum illam, sed alimenta, & medicamenta hoc modo esse refrigeranda consuluerit, ut 2. sec. loc. cap. 1. & 7. meth. cap. 4. & lib. de succor. bonis. & vit. 13. & alibi sæpè ipse affirmat. Quare aqua niue refrigerata non modò utilis, immò ad salutem conseruandam salubris est censenda. De quo argumento plura referunt Plurarch. 3. sympos. 2. & 3. de placit. 4. & lib. 4. eiusd. cap. 4. Nicol. Monardus tract. de niue, eleganter Nicol. Massinius lib. de gelida potus abusu, Cardosus cap. 4. de sex reb. non naturalib. quest. 3. Cætera verò damna quæ de niuis vsu Hipp. Galen. reliquique haud postremæ notæ circumferunt auctores, de aqua intempestiuè à niue refrigerata, & assumpta ieiunio ventriculo, hyberno tempore, à debilibus, in exercitatis, obstructis, ægrotis, praua corporis intemperie præditis, inassuetis, Veneri deditis, vel de niuis vsu, seu niuali aqua veniunt intelligenda, ut Aul. Gellius lib. 19. noct. Atticar. cap. 5. scitè confirmat: & non siluit Gal. cit. cap. lib. de bonis. & vit. succor. §. Nam tamen si ipsa statim nix, noxa sensibili non videatur iuueni corporibus officere, incremente tamen temporis processu occulto, paulatim noxa, urgente nepe ætate, articuli his, nervique, ac viscera morbis corripuntur, vix aut nunquam sanandis, &c. Explicant eloquenter Lang. lib. 1. epistol. 31. Balthazar Pisanelius Bononiensis lib. de esculentor. & potulentor. facult. cap. vlt. ab Arnoldo Freisingio Embricensi latinitate donato, Lege Macrobi. 7. Saturnal. 12. quest. 13 de vario niuis vsu, & utilitate, Thymon. in com. cap. 11 lib. 1. meteor. quest. 16. Isaac. lib. 2. diatar. partic. tit. de niue. Plin. lib. 17. cap. 2. Curs. Conimbric. in com. lib. meteor. tract. 7. à cap. 5. vsque ad 8. Ferdinand. Solam Hispanensem tract. prop. de niuis vsu.

Vnus solum de niuis facultate restat eximendus scrupulus, ob contrarias sententias, quas supra citati auctores hactenus conciliare non intendunt. Quæ nempe sit causa, cur si nix infrigidat, apud Hipp. vrantur pedes à circumfusa niue, lib. de veter. medic. num. 29. & Galen. lib. 9. simpl. cap. 1. §. Nix visa est quandoque pedes diutius per eam ambulantium adussisse, &c. Et cur vruntur à niue segetes, si niues fecundant agròs, apud Plin. loc. cit. Theophrast. lib. 3. de caus. plantar. 28. Huius quæsitæ veritas ostenditur. Nam redactò ad intus calorem, præ frigore niuis plantas circumdantis, hæc emoriuntur, & vruntur. Sic cadens pruina ad stirpium germina, exurit ea; vapor enim plantæ acervatus, nec dissolutus, præ niuis siccitate & densitate externa, producit calorem intensum videntem plantam, videlicet parte ignea in vapore contenta intense calente

calente, vt deurat. Idem efficit vapor mitis in pernione A contentus. Idem levis vapor in aceruo tritici, aut milij vrens fermentum non ventilatum. Insuper segetes depopulato, ac expresso à siccitate niuis humido, vel ob nimium ipsius frigus calorem plantæ enecantis, & extinguentis, vel algidissimo niuis humore relaxatæ plantarum radices marcescunt, & moriuntur, auctore Lemnio lib. 4. de occultis, cap. 4. Sic nix facit firim, apud Radium lib. 21. contin. tract. 5. cap. 179. quoniam detinet vapores in anterioribus partibus, & vrit, quia coadunat caliditatem, apud Auic. lib. 2. tract. 2. cap. 524.

Contrarium, & omnino aduersum affectum niuis legimus apud Plin. loc. cit. his verbis. Verum quod liquorem semper præbent purum, præterea lenissimumque, quando nix aquarum caelestium spuma est, &c. Sequitur Theoph. loc. cit. hoc modo. Iuuat etiam nix, quando terram fermentet, & rarefaciat, & pabulum præbeat, & calore concluso radices aulescere, corroborarique faciat, &c. Et lib. 2. de caus. plantar. cap. 1. multitudo niuis magnopere prodest, vt paulatim colliquescens subeat solum, nec vniversus humor influxu corruens vniuo dilabatur, ita & terra fermentari optime potest calore circumcluso, atque coercito, &c. Et non hoc modo hoc accidit, vt rectè notat Scalig. exercit. 54. ob calorem hyeme percussum, nam sic ab aëre frigido obsidente, atque intus calorem cohibente hoc eueniret, sed à pingui niuis humore terram fermentante, vt firmat Seneca lib. 4. natural. quest. 3. & 13.

Hoc autem verum esse probat Plin. lib. 11. natural. hist. 35. qui ab humore vermes in niue generari confirmat, sic enim ait. Quippe cum & in niue candidi reperiuntur, & vtriusque vermiculi, in media quidem altitudine rutili, (nam & ipsa nix verustate rubescit) hirti pilis, gravioribus, torpentisque. Quod accepit ab Arist. 5. de hist. animal. 9. vers. fin. Sed hæc oriri non possunt, nisi multus humor adsit in niue. Sicut enim in paludibus, locisque cœnosis, vel alicubi ex putrescente materia colubri, pulices, vermes, rubetæ, mures, & quæ plurima terræ monstra gerunt, passim oriuntur: nihil mirum si concurrentibus in niue consimilibus causis vermium ortus contingat. Quod autem multo humore vermes in niue orti scateant, probat Cælius Rhodig. lib. 18. lect. antiq. lect. 29. qui in iis multum humorem à niue acceptum contineri potulentum, gentibus illis, vbi oriuntur, gratissimum assenerat. Licet contra sentiat Mercurialis. 3. variar. lect. 14. explosus iam à Marcello Donat. lib. 4. de hist. mirabil. cap. 26. in mēd. cuius argumenta inibi soluit ingenuè. Nam in generatione niuis tenuissima aëris portio, & non aqueus humor exprimitur, quod Gellius, & Macrobius loc. cit. confirmant. §. Causa; ibi adscripta est huiusmodi, quoniam cum aqua frigore aëris duratur, ac coit, necessum est fieri vaporisationem, & quandam quasi auram tenuissimam exprimi ex ea, & emanare: id autem in ea tenuissimum est quod euaporatur, manet autem quod est grauius, & sordidius, & insalubrius, atque id impulsu aëris verbaratū in modum, colorēque spuma candida oritur, &c. Nix ergo etsi temperamento sit frigidissima, in ea reperitur calidum naturale, quod in humido conseruatur, cum ex vapore fiat, ab aqua, & aëre eleuato, quare habet nix calorem respectu aëris, & humiditatem respectu vtriusque. Quotiescunque itaque à calore externo ambientis, natius hic calor niuis extrahitur, nix ipsa ob frigiditatem propriam, hoc est, defectum caloris innati, & ob dominantē calorem extraneum facile parietur, & putrebit (Omnia enim putrescunt, excepto igne, ex Arist. 4. meteor. 1. ac niuem non dices ignem.) Neque obstat Arist. dictum hoc in loco, in frigoribus res minùs putrescere, quàm caliditatibus asseuerantis, hic enim non de frigiditate, aut caliditate rei putrescibilis, sed de calore, & frigore ambientis venit intelligendus. Minimè ergo impossibile est, vermes in niue generari, non verò è terra emanantes in illam sese inuoluere, vt ineptè censet Mercurialis: Nam nix eorum est proprius locus; nam si à niue emoucantur, torpent, difficulter mouentur, & emoriuntur, vt lib. 2. de generat. animal. 2. retulit Arist. Quare copiosa nix redacto ad intus plantæ calore deurit. Pauca verò & in aquam soluta, ob humidum pingue fermentat, & terram fecundat.

## HISTORIA LXVII. GALENI,

## De dentium dolore.

## Dentes sentiunt.

**E** Tenim cum ego aliquando dolerē, diligentē super meipso animaduersionem habui, vixit qui iam audieram de hac dubitatione, percepique manifestē non dolentem modō, sed etiā pulsantem dentem, quēmadmodum carnosæ partes inflammatione vexata consueuerunt. Quare mirum mihi videbatur, quod & hac affectio, quam phlegmonem, siue inflammationē appellamus, in dente oriri posset; qui lapideam, & duram substantiam habet. Atqui cum etiam alio tempore dente dolerem manifestē sensi, non ipsius dentis, sed gingivarum dolorē eum esse, inflammatis videlicet ipsis, vt etiam citra coarctationem dolerent. Quin & ob vicinitatem dentium natura durorum, aucto dolore ob coarctationem. Quapropter vtriusque doloris sensum expertus, alium quidem in gingiua, alium in ipsius dentis substantia esse clarē scio, & id afferentibus testimonium præbeo, quod ipsi aliquando dentes dolent, &c. Galenus lib. 5. de compos. medic. sec. locos, cap. 8.

## PARAPHRASIS.

**S**entire dentes hac historia confirmat Gal. Sed an hoc saccidat ratione membranæ internam, & cauam partem vestientis; aut nerui causa ad dentem delati, orti à tertia coniugatione, qui spiritum animale in totum illius corpus, & cum eo sensum diffundit; an ipsi dentes corpora durissima, & crassissima, per se, & citra alterius interuentum, sicut ingenito calore viuunt, sic per eundem calorem sentire possint; diffusè admodum, & eruditè ante me agitarunt Iacobus Segarra, Valles. Liebauius, Veiga, & Vega, Capiuaccius, Argenterius, Conciliator, citati à Petro Garzia, cap. 2. disput. 33. ad libros de loc. affect. Gal. qui agens de ore, & partibus eius de hoc negotio ex professo disputauit. Vtrum autem totum dentis corpus sentiat, an pars, explicat eleganter Laurentius lib. 2. de re anatomic. cap. 20. quest. 12. Sentiunt ergo dentes, & animalis spiritus radiis melius illustrantur, quàm cætera ossa, quia & molles neruos in suas cauitates admittunt, & membranam tenuissimam, vt Realdus Columb. lib. 1. de ossibus, cap. 10. & Ioan. Valuerda lib. 1. cap. 7. subtiliter exposuere. De quo argumento ingeniosissimus Costæus, in com. cap. 1. Auic. in fen. 7. 8. tract. 1. appositissimè plura literis consignauit. Et nos lib. 5. in com. Hist. 10. pulchra descripsimus: & lib. 7. Praxis Historiarum, cap. ult. de dolore dentium, addemus aliqua non indigna scitu.

## HISTORIA LXVIII. RASIS,

## De dolore dentium.

Dentium dolor, applicitis remediis calidis, & sequuta mandibularum inflammatione sanatur.

**D**ico quod quidam passus est dolorem vehementem dentiū, & curatus est, calefaciens, & epithemans mādibulas eius frequēter rebus calidis, donec rubea fuerunt, soleum calefactum supra dentem dolentem instillauit multoties, dando illi ad mordendum panem calidū egredientē statim ex fornace, & inde apostematizata sunt mandibula, & statim mitigatus fuit dolor, &c. Rasis lib. 5. continent. tract. 2. cap. 2.

## PARAPHRASIS.

**I**nter varios dentium morbos, corrosionem nempe, commotionem, attritionem, denigrationem, perforationem, rupturam, vermiculationem, coloris alterationem, stridorem, stuporem, vacillationem, & alios numeratos

ratos ab Auic. loc. cit. Vigon. lib. 5. de morbo Gallico, cap. ult. A Manard. lib. 7. epistol. 3. dolorem inter maxima tormenta esse annumerandum, tenet Cels. lib. 6. cap. 9. qui ex humorum defluxu à capite ferè originem ducit. Quum autem humor affligens esset lentus, mucosus, & frigidus, oportuit calida, sedandi doloris causa super dentem impingere, eaque anodyna, quæ non modò mitigare dolorem, sed intemperiem frigidam corrigere, sinæque tepida caliditate impactum resolvere queunt: de quorum numero sunt oleum, & panis calidus recenter è furno extractus; ex quorum appositione, conuocata fluxione ad mandibulas, & ab ipsa dentium substantia, pulso vi naturæ ad ipsas humore, & sequuto tumore, sedatus est dolor, nimirum, ut in aliis omnibus articulis doloribus solet accidere: Qui enim sine tumore cœperunt, superueniente tumore, & inflammatione solent quiescere, quod fluxio conuertatur ad externa. Mandibularum autem inflammatio si perseverauerit, bono victu, aptis localibus, repetitis vacuationibus, missione sanguinis, expurgatione accommodata, curanda est. Nec curatio despicienda, præsertim in impuris corporibus, & maxime si iterum ingruit dolor: nam Metrodori filio ex dentis dolore, sphacelus genæ, & gingivarum hyperfarciosis, mediocriter suppuratus est, exciderunt dentes molares, & ipsa maxilla, auctore Hip. lib. 5. epidem. prope fin.

## HISTORIA LXIX. GALENI,

### De linguae tumore.

#### Linguae, morbi vitio, portentosa magnitudinis, curatio.

**S**Anè linguam ita tumefactam cuidam vidimus, ut ore hominis contineri non posset. Huic nec vena unquam incisa fuerat, & sexagenarius iam erat, horaque diei ferè decima erat, cum ad eum primùm accessi, & vidi. Ac visus mihi est, usitatis mihi pilulis, quæ ex aloë, scammonia, & colocynthide constant, vespere datis purgandus. Ipsi tamen particula affecta suavis refrigerantium aliquid imponere, saltem in initio. Post enim, inquam, applicabimus, prout suadebit euenus. Verùm id vni Medicorum non placebat, ac propterea pilulas quidè sumpsit, de locali tamen remedio deliberatio in diem posterum est dilata, quo tempore etiam efficacius aliquid præstaturum, quidquid probatū fuisset, sperabatur, & purgato scilicet toto corpore, & humoribus ad inferna reuulsis. Ceterum evidentissimè per quietem insomnium, nostrum homini consilium approbauit, ac materiam ipsam medicamenti definiuit, lactuca succo collui iubens, quo ille solo usus, prorsus est sanatus, &c. Galenus lib. 14. meth. cap. 8.

#### PARAPHRASIS.

**L**inguam, sicut reliquas nostri corporis partes tumefieri posse, auctorum testimoniis comprobatur. Omne enim quod nutritur, & augmentatur, sicut ob defectum nutrimenti marcescit, & extenuatur, sic ob illius copiam solet repleti, & præternaturaliter intumescere, ac proinde omne tumorum genus pati: quæ ratio desumitur ex Auic. 1. 3. tract. 3. cap. 1. in initio. 9. Dicimus quod omne quod nutritur, extenditur, & augmentatur cum nutrimento, & similiter est possibile quod extendatur, & augmentetur cum superfluitate, & illud est apostema, &c. Deinde ad generationem tumoris requirit Gal. venas, & arterias, in lib. de inequal. intemp. 3. quas linguam habere ex anatome constat: habet enim duas à iugulari externa exortas, quas Medicorum vulgus raninas appellat; eas, totidem arteriæ à carotidibus prodeuntes comitantur, & tandem muscoli sese offerunt decem, quorum opera, sursum, deorsum, antrosum, & in latera mouetur. Rectè autem nosti, quàm hæc ad tumoris generationem sint necessaria, ex Gal. loc. cit. Insuper linguae inest caro mollis, rara, laxa, glandulosa, inani substantia spongiam referens, & sic ad luscipiendos humores quàm aptissima, ut notat Gal. 6. epid. sect. 3. com. 14.

explicante Valles. in com. Lingua ergo omne tumoris genus pati potest, ex Auic. 6. 3. tract. 1. cap. 14.

Hunc autem ægrum non fuisse passum inflammationem, constat ex Auic. loc. cit. Halyab. 9. theor. 16. Vallesco Tatentino lib. 2. cap. 67. Forest. 1. obs. 2. nec enim habuit febrem ab oris inflammationibus inseparabilem, dolorem, pulsationem, clamorem, ruborem, & alia quæ perperuò linguae inflammationes, vel exiguas consequi solent, ut principes, iunioresque vnanimiter confirmant, edocti à Gal. lib. 2. ad Glauco. cap. 1. nec ætas calidis fluxionibus erat obnoxia. Fuit ergo morbus in numero adaucto, à crassis, viscidisque humoribus linguae meatibus impactis, subortus, quem nec mollis tumor, neque durus, inflammatio, aut renitentia ingensue dolor præter immodicam magnitudinem comitabatur, prout se vidisse testatur Gal. lib. de diff. morb. cap. 9.

**S**ed dubitari potest, cur oculatissimus Gal. pro hoc leuando affectu sanguinem non emisit, ut à parte recelleret, vnaque impactum humorem celerrimè vacuaret, momentibus Auic. 6. 4. tract. 3. cap. 15. Serap. tract. 2. cap. 14. Ratio. 7. comin. tract. 1. cap. 1. Facilis est responsio. Nam licet id verum sit, tamen in hac ætate timorosum est sanguine emittere, ut 1. ad Glauco. 14. Gal. consuluit. Inedia, frictions solum coquunt, absumuntque lentos succos, sed non, ut opus est, euacuant. Clysteres licet acuti sint, & potenter renellant, non tamen celeriter à parte longinqua, & à viis ductuum semota euacuant. De cucurbitulis humidis (nam siccae spiritum solum extrahunt) maior poterat esse dubitatio, nam maximum leuamen in hoc affectu afferre solent, ut proprio experimento Ioan. Marquardus edocuit lib. praxis, cap. de magnitudine lingua. At hæc humores glutinosos, in linguae porositatibus pertinaciter hærentes non exhauriunt; quæ est causa ob quam post sexagesimum annum earum impediatur impositio-nem Auic. 4. 1. cap. 20. quoniam ob debilitatem caloris innati, in hac ætate alij redundant humores, alijs auxilijs extrahendi, ut inter omnes in com. huius loci notauit Iulius Alexandrin.

In sene ergo incisioni venæ non assueto soluere alium satius indicauit; huius enim auxilij vi tenaces succi à viis ductuum valde remoti vacuantur, & eò amplius, quonià peccans humor à sanguinis natura erat valde alienus; quo casu phlebotomia celebranda non est. 4. de sanit. 4. Deinde si inflammatis oculis sola vacuatio per alium sufficit, ex Gal. 13. meth. 11. & 6. aph. 17. quoniam ea humorum exuperantia vacuatur: cur in tumefacta lingua, cuius tunica communis est ventriculo, in quo medicamentum ad actum deducitur, securissimè non ministrabitur? Exhibuit autem medicamentum pilulari forma, hæc enim per moram in stomacho diutius detenta, vehementius, importunèque à capite, partibusque remotis peccantem materiam exhaurit. Elegit autem scammon. aloë, & colocynt. quoniam hæc cum valida sint, à distantibus locis potentissimè omnes humores expurgant, ut lib. 5. meth. 6. & lib. 1. secund. loc. cap. 5. Galen. memoriz commendauit.

**E**xpurgans autem medicamentum, pasto, & non ieiunio ventriculò exhibuit, contra commune præceptum latum ab Auic. 4. 1. cap. 5. quoniam vrgebat necessitas. Nam si quidpiam sit quod impellat, & ad purgandum corpus vehementer cogat, quacunque hora sumi pharmacum potest. Impediunt in electa hora (de qua intelligendus Auic.) administrari medicamentum, plura. Quando accessiones manè, ac interdiu infestant, noctè intermittunt, ac remittuntur, ut in duplicibus tertianis euenire quotidie solet, quo casu noctis initio bibi medicamentum debet, & potest: quod præceptum in alijs morbis exequendum est, qui sui vehementia mortis periculum minantur, & sæuitie, acutièque sua ex improviso interficere nati sunt. Hunc curationis modum imitatur Tral. lib. 4. cap. 1. qui in suffocante angina manè venam aperuit, & deinde linguae venas subiectas secuit, vespere verò ex cremore prillanæ lachrymam scammonij exhibuit, ac his laqueum ex inflammatione subortum vix dissoluere potuit.

Adstringens tamen, & refrigerans in hoc affectu imponendum



imponendum esse, partis affectus situs manifestè demonstrat; quum enim rarior sit, ac mollior superficies tunicae oris, non paulo quàm est cutis, quæ totum corpus ambit, sit, ut quæcunque adstringendi natura prædita sunt, efficacior vim habeant influxum humorum citius repellendi, cum cogant, ac densent partem corporis cui adhibetur, & vnde partes laxiores roborandi vim habeant, prout latissimè docuit Gal. 6. simpl. 1. Quare lactucæ succus cum refrigeret, mollem linguæ carnem roborare modica astringione potest. Huius medicamenti materiam per insomnium fuisse acceptam refert. An verò insomnia liceat obseruare, inter omnes agitant Leuin. 2. de occult. 31. Peuce-  
rus lib. de diuinat. ex insomn. in fin. Benedict. Pererius lib. 2. de obseruatione somnior. quest. 1. & 7. Plurimos enim per insomnium sanitatem recuperasse narrat Fulgosius cap. 5. & 6. Sed quoniam medicamentum locale, maximè in initio, nõ vacuata causa suspectum est, idcirco eius impositionem in sequentem diem distulerunt. Cætera de magnitudine linguæ, eiusque curatione, vide apud Auic. 6. 3. tract. 1. cap. 10. Guidon. tract. 6. doct. 2. part. 4. cap. 2. de excessu magnitudin. lingua. De reliquis verò linguæ affectibus, inter omnes lege Manard. 7. epistol. 2. Petrum Garziam Carcerium cap. 1. ad libros Gal. de loc. affect. diffus. 32.

### Obseruatio XLVII.

*Lingua. portentosus tumor hirudinum  
suctu curatur.*

**C**Vratio mira. Illustri cuiusdam Gallo post quam poculis more patrio cum pluribus decertasset, ex nimio meri potu adeo lingua in portentosam magnitudinem aucta est, ut vix deglutire, aut respirare posset, & sic toto corpore liuidus, nigricantēque facie, ac tumida, velut strangulatus; cum in horas moriturus speraretur, & plura vacuantia, reuellentiaque non iuuarent auxilia, impero, ut quatuor magnæ hirudines linguæ (quam exertam habebat) affigantur. Sed quo euentu audi: ita enim adhærentes fluxerunt, ut brevissimo tempore, copiosa sanguinis vacuatione sequuta, ipsam exilem, tenuemque relinquerent, & sic æger à periculo summo euasit immunis.

### Obseruatio XLVIII.

*Ingens lingua tumor, ipsa scarificata, sanatur.*

**D**ecem annorum puero ex catarrhosa fluxione, adeo lingua in ingentem magnitudinem accreuit, ut ipsius ore contineri non posset, cui cum reuellentia per venam sectam, collo, dorsoque impositas scarificatas cucurbitas, & acres clysteres essent acta auxilia, & linguæ tumor mollis, laxusque esset, scarificare linguam profundè, salubrius mihi visum est præsidium; quo celebrato, linguæque salita aqua abluta (ne glutinaretur scissuræ) tanta aquosi humoris vacuatio facta est, ut illico sanitatē æger recuperauerit.

Hoc exemplum notauit prius Ioachim. Camerarius lib. obs. suarum: narrat enim quendam tumente lingua suffocatum, ipsam sibi acuto cultello decussatim incidisse, multoque sanguine effluente fuisse persanatum. Adeo enim ingens est malum linguæ tumor, cum difficili respiratione, & stertore coniunctus, ut citò auxiliari oporteat: in quem usum, si suffocationis periculū imminet, & materia collectim in linguam prorumpat, sub mento scarificationes profundas exercent Medicorum peritissimi, ut Paulus, Cornelius, Trallian. in locis dictis.

### DVBIVM XLIII.

*Num topica ante totius vacuationem applicanda.*

### COMMENTARIUM.

**E**T purgato iam toto corpore. ] Offert sese in hoc loco utilis dilcepratio. Num Topica ante totius vacuationem  
Lib. I.

**A** sint ex usu? & pro utraque parte paria sunt momenta rationum, ex purissimo Gal. fonte deprompta. Nam si localia frigida sunt, intrò humores impellunt, quos plenū corpus non admittit. Si calida, fluxionem accerunt; quæ enim calefaciunt, suapte natura hoc habent, ut, quod in iis continetur partibus, digerant, sic & id quod redundat, ex propinguis trahant, vnde dolores maiores, fluxione noua increfcere par est, ut elegantissima oratione Gal. explicuit in art. medic. c. 95. explanante Planerio in com. Repetit. 12. meth. 3. §. Sanè dictum a me etiam in superioribus est, qui cataplasmas, & perfusionibus assidue præcordia vexant, ipsos in eiusmodi affectibus phlegmonas accersere. Minime igitur eis est uiendum, priusquam supernacanea magna ex parte partim vacuata sint, partim concocta, &c. Confirmat Auic. 3. 4. tract. 2. cap. 55. §. Et non oportet ut fiat inunctio cum vnguentis resolutiuis, nec embrochatio fiat cum embrochis subiliatiuis, quum ægrotudo est in principio, & humor est in corpore ambulans; ipsa enim mollescent viscera sua calefactione humida, &c.

**B** Pro altera parte est textus optimus apud Gal. 1. ad Glauc. 14. qui ante vacuationē ventriculo applicat auxilia. Quicunque enim, (ait ipse,) ventriculi affectiones curare tentarunt, antequam os ventriculi corroborarent, in grauiora pericula agros duxerunt. & lib. 1. de diff. feb. cap. 4. inungit iecur, & ventriculum in iis, qui cruditate laborant, ne in febrem incidant. & lib. 4. acut. com. 28. ex mente Hipp. in corpore pleno prius adhibet fomenta, ut concretus sanguis liquatus promptius effluat ex secta vena. Idem consulit exequendum ante vniuersalia præsidia, lotionibus, & irrigationibus calidis, 6. epid. sect. 5. com. 29. & lib. de curand. rat. per sang. mis. cap. 12. & 7. aph. 46. Et lib. 1. sec. loc. 8. in alopecia ante totius vacuationem localia applicat: quod prius dixerat 4. acut. 44. ibi enim inter initia febris, tenuibus vrinis existentibus, corpus vngendum præcipit. Et Auic. 4. 1. cap. 1. cum ad vniuersum locum trahit humorem, dolorem prius sedat. Et Trall. lib. 1. cap. 1. Medicorum errorem detegit, qui vniuersalibus vacuationibus corpori negotium faciunt, quæ & vacuant vtilem humorum copiam, & vires debilitant, & dum turbant, fluxionem concitant citra affectus partis leuamen. Demum licet multoties præponere particularem vacuationem vniuersali, ut scitè Mesuè docet cap. 1. de cura fada: Aut quia materia non multum in quantitate exuperat, quare sufficit à parte emunctoriorum illius membri abduci, in quo est ægrotudo. Aut quia membrum dans non est forte in dando, nec membrum recipiens aprum in recipiendo. Aut quia membrum non recipit à membris communitatem eius. Aut quia corpus, & alia membra non sunt posita sub dominio materiei facientis ægrotudinem in illo membro.

**S**ingula tamen veniunt expendenda. Gal. enim in omnibus suæ doctrinæ locis, dum prohibet in affecta parte localium usum, de omnibus loquutum fuisse non intelligas, sed de iis quæ nimis calefaciunt, relaxant, & fluxionem ad membra proritant; hæc enim, quoniam ex toto corpore humores ad viscera euocant, ad moueri non debent, antequam coctionis signa se ostendant, & maior redundantium humorum pars fuerit vacuata. Nam calfacere præcordia, (inquit ipse 1. 1. meth. cap. 15. in init.) cataplasmas, aut perfusionibus non est perperuo tutam, sed in iis tantum ægris, quibus in toto corpore nullum erat superfluum: ceteris omnibus extrema est perniciēs.

**C**æterum quæ adstringendi, & roborandi vim participant, & lenire dolorem nata sunt, cuius causa fluxiones concitantur, & temperato prædita sunt calore, & coctioni suffragari queunt, in initio imponenda esse non negat. Merito ergo citati auctores, ante totius vacuationem, ad maius periculum euitandum, topicis vtendum consulunt, nam si non adsit aliquid, quod curationem præuerrere possit, nempe ingens dolor, partis affectus debilitas, quorum causa de nouo fluxiones commouentur, ea ante vniuersalia auxilia imponenda non sunt.

Explicat luculenter Valles. lib. 6.

epid. in com. sent. 6.

sect. 2.

## HISTORIA LXX. AVENZOAR, De lapide in lingua pronato.

### Lapis in lingua pronatus sermonis vsum intercipientis.

**E**T ego vidi \* lapidem generatum sub lingua cuiusdā viri, prohibentem ei loquutionē, & eo remoto lapide, habuit vir loquelam, &c. Auenzoar lib. 2. theizir. tract. 2. cap. 2.

#### P A R A P H R A S I S.

**N**ulla est pars quæ promptius vapores, ac fluxiones, ex capite, pulmone, atque adeo ex toto interno corpore suscipiat, quam lingua, mollis cum sit, rara, laxa, & spongiæ instar, in qua excrementa crassa ad inuicem inter se durata tandem concreverunt in lapidem, quem, non solum in ipsamet lingua, sed circa ipsam, & sub ipsa generari, fidissimi auctores memoriæ prodiderunt. Extat Senis sententia lib. 2. epid. sect. 3. text. 19. circa linguam, exiguos lapillos hac de causa oriri affirmantis, licet in com. huius loci, non veros lapides, sed tumores quosdam lapideos, hoc est, duros, & tophaceos, congestis excrementis proprii alimenti ipsius linguæ, in ipsa renasci affirmet Vallesius, cuius opinionem, præter Iacobi Esteue hunc locum eruditissime interpretantis sententiam, redarguit plurimum, haud postremæ classis virorum auctoritas.

Gentilis enim, referente Nicol. serm. 4. tract. 1. cap. 6. sub lingua lapidem ad quantitatem fabæ generatum se vidisse affirmat. Subscribunt Iacobus Foroliuiensis lib. 4. aph. com. 79. Montuus lib. 4. cap. 1. Kentmannus lib. de calcul. n. 3. Gemma lib. 1. Cosmocris. cap. 6. Ioubert, decad. 2. paradox 3. Forest. lib. 14. obs. 16.

### Observatio XLIX.

#### Lapis supra mucronem linguæ enatus.

**N**obilis quidam catarrhosis fluxionibus valdè obnoxius, cum in parte linguæ externa iuxta mucronem, tumore insigni, & dolorifico quateretur immaniter, aphonus quasi factus, Chirurgum vocat, hic lauacra lenientia, & emollientia consuluit, factaque incisione, lapillus sese prodidit citra speratum pus, durissimus, lævis, ad magnitudinem nucis auellanae, quo, vossella vi summa, extracto, tumor evanuit, & vulnere integrè sanato, æger perfectam consequutus est sanitatem.

#### D V B I V M XLIV.

Num Lapides, & arena in qualibet nostri corporis parte gigni possint.

#### COMMENTARIUM.

**L**apidem generatum sub lingua. ] Non in lingua solum, sed in qualibet alia nostri corporis parte, lapides, & arenulas, gigni posse, post priscorum memoriam, locupletissimi testes confirmant. In capite natos calculos vidit Holler. in schol. cap. 45. lib. 1. de morb. intern. Cornel. Gem. lib. Cosmogr. c. 6. Ludou. Morales lib. 3. de propriet. lapid. prior. Scalig. exercit. 108. in Cardan. In pulmonib. lapidosum corpus genitum fuisse, refert Gal. lib. 4. de loc. cap. ult. obseruauerunt postea Fernel. lib. 5. pathol. 10. Scalig. exercit. 108. num. 3. Beniuen. de abdit. 24. Rembert. Dodonæus exempl. medic. cap. 23. Veros calculos per rissim fuisse eiectiones, referunt Trallian. lib. 5. cap. 3. Aret. lib. 1. chronion, cap. 12. Trincauel. lib. 10. de affect. part. cap. 6. In corde enatos vidit Abrahamus Murgelius lib. suarum obser. duos, nigricantes, rotundos pondo drachmarum aliquot: & Holl. lib. 1. de morb. cap. 27.

In ventriculo generari, testis est Gentilis, referente Ni-

A colo serm. 5. tract. 4. cap. 53. Quo in loco oriri lapidem Belzzar, in capris syluestribus affirmat Garzias ab Horro, & plures alij qui de eius generatione scripserunt: & refert Hol. Coac. sect. 2. aph. 52. In hepatis tunica repertos lapillos, se vidisse testantur Beniuen. cap. 3. de abdit. Cælius Rhodig. lib. 4. antiq. sect. 17. In folliculo fellis vidit Duret. schol. 45. in Hol. & Beniuen. cap. 54. In liene candidum, & durum inuenit Vesal. lib. 5. fabric. 9. In intestino colo gigni tradidit Auic. 16. 3. tract. 3. cap. 3. In intestinis reperiunt firmant Fernel. 6. pathol. 9. Matthæus 2. part. in 9. ad Almanf. cap. 11. Musa lib. 4. aph. 79. Duretus schol. 52. in Hol. Guainer. tract. de calculosa passione, cap. 1. & quod plus est, ab intestinis sequutum fuisse fluxum lapidosum, testantur Sauonarol. tract. 6. cap. 16. rubric. 20. Harcul. 9. ad Almanf. tract. 3. cap. 3. In duodeno plures nucis moscharæ magnitudine, plumbeo colore vidit Ioan. Frideric. Traklmannus lib. suar. obser.

In vtero gigni auctor est Aët. tetrab. 4. serm. 4. cap. 98. Marfil. de sancta Sophia in suis ad Auic. com. Thom. à Veiga lib. 1. de loc. affect. in com. cap. 5. VVierus lib. 3. cap. 11. Georgius Garnerus lib. obser. Salius ad cap. 113. Altimari. Nicol. serm. 5. tract. 9. cap. 12. Et primus omnium notauit Hipp. 5. epid. text. 24. firmat Valles. in com. In parastatis inuenisse refert Marcel. Donat. lib. 4. de medic. hist. mirabil. cap. 30. Denique ex materia seminali in castis viris, & mulieribus conglomerari posse lapides, asseruit Ioan. de Tornamir. in 9. ad Alm. cap. 73.

Neque nos id contingere posse inficiamur: cum enim materia lapidum in corpore nostro sit mucus, seu humor viscosus, & lentus, & crassus, ut passim Gal. edocuit, si adsit torridus calor, quis dubitat in quouis loco, vbi hæc reperiuntur, gigni posse? Sic in podagricis tophi, gypseique lapilli inueniuntur. Quin & in abscessibus arenas, lapillosque generari testatur Marcel. loc. cit. qui à femoris notabili tumore dissecto extractum fuisse lapidem album, oui gallinacei magnitudini proximam asseuerat.

Quid plura? nonne in venis, & arteriis generantur lapides? prout notant Gemma, vbi supra. Fernel. 5. pathol. ult. In vena porta oriri auctor est Columb. lib. 15. de iis quæ raro in anatome fiunt. In venis hepatis, in parte caua progigni affirmant Iacobus Camenicenus, & Mathiol. lib. 5. epist. 2.

Demum in omnibus venis oriri arenulas, docent Iacob. de part. in com. cap. 17. Auic. 18. 3. tract. 3. Matthæus Gradius ex Gal. sententia lib. 4. aph. com. 7. arenas ex vitione sanguinis in veuis, & in hepate gigni confirmat. 9. ad Alm. 14. Quam sententiam apud Gal. mihi nunquam videre licuit. Sic enim ait Matthæus. Quoniam in urinis emittitur interdū materia arenosa subtilis, cum urina substantia multum permixta, & non est residuus, immo saepe adherens superficiei urinae, & de hac non possumus prognosticare supra futurum lapidē, quoniam eius materia magis pendet ex adustione humorū in toto, quam ex adustione materiae in determinatis membris, ut renibus, & vesica: & hæc arenula saepe contingunt in multis cholericis, etiā in pueritia, ut contigit in me Ioan. Matthæo. Etiam apparent in declinatione febrium, & post longas febres, & distinguuntur etiam tales arenae, ab eis quæ significant super lapidem, quoniam si fricentur, digitis comprimendo faciliè dissoluntur, &c.

Hæc est docta, longaque huius viri sententia, ex qua causam, & differentiam arenularum in venis ortarum, ab eis quæ in renibus, & vesica generantur colligere licet. Nam ut ait Ludou. Mercat. lib. 4. de morb. intern. cap. 10. arenæ quæ generantur in venis subtiliores sunt, raroque aut nunquam subsident, sed cum urina innatant sedimento immerse. In renibus verò; aut vesica subortæ subsident. Cuius rei causam vterque auctor non expressit, sed ea est. Nam in determinatis locis mucosus humor retentus, in angustiori loco per moram ab affante calore diutius torretur, & ab humiditate spoliatus, in grauiores vertitur arenas, quæ subsident; in vasis verò è contra, ab vno enim loco ad alium cum remeet humor, non ita aduri potest, & exiccari. Quare vasorum arenæ non absumpta ex toto humiditate innatant.

Denique arenas generari in venis propinquis matri & arenas

arenas nigras ex retentione sanguinis menstrui, & hæmorrhoidalis in leprosis per viam adustionis, testatur vidisse Tornamir. 9. ad Almanf. 75. firmat Carrerius disp. 62. ad libros de loc. affect. cap. 3. §. 14. & Scholiograph. ad c. 48. lib. 1. Hol. de morb. internis.

## HISTORIA LXXI. GALENI, De amputatione lingua.

### Lingua abscissa sine valetudinis noxa.

**N**uper verò quidam in magna nervorum distensione, quæ totum corpus oppresserat, lingua partem anteriorem mordicis abscidit, qui demum ex spasmo sanitati restitutus, minus facile sermonem potuit explicare, &c. Galenus lib. de diff. morb. cap. 8.

### PARAPHRASIS.

**I**n vniuersali conuulsione, totum corpus opprimente, notabili dentium fragore, linguam dilacerari, & sæpe portionem eius abscindi non est denegandum. Nam si horribiles adsunt interdum spasmi, in quibus summa violentia maxillæ conuelluntur, ita ut immissum oris cochlear, ne respiratio intercipiatur, in frustula illico ægri comminuant, quæto magis mollissimam linguam, prout in coniuge sua, conuulsione sœuissima vexata, expertum fuisse Schenckium lib. 1. obs. de spasmo legimus. Accedit etiam quod cum in forti nervorum distensione, lingua conuulsio & vario motu moueatur, sit ut carnea eius substantia, stridore dentium ingenti possit comminui, & atteri.

Hac ergo historia Galen. nos commonefacere videtur, ut si forte conuulsione vehementi quis corripatur, (ut in epilepsia quotidie contingit) intra dentes durum aliquod corpus, ut lignum, aut frustulum argenteum immittamus, ad futurum periculum euitandum: quorum primum est, ne scilicet intercepta respiratione æger suffocatus pereat, aut lacerata lingua, vlcera deinceps succrescant, dolosa & maligna: neve ipsa dentium attritu abscindi possit.

De primo damno euitando plurimum solliciti esse debemus, in atrocissimis enim conuulsionibus, quum videlicet oculi distortionem omnino inuertuntur, os, nasus, labia in latera mirabili & irrequieto motu torquentur, & musculosæ omnes partes palpitantes tremunt, clauiculatis dentibus ægri respirationem commodè ad ventilandum cor inspirato aëre attrahere hac de causa nequeunt: quare pusillus ille calor ad cor, velut ad arcem confluens, sufficienter diffilari nequit, sed fuliginum copia obrutus: denegato refrigerij usu perit, & exstinguitur.

De secundo. Quotidiano experimento compertum est, hac de causa vlcera oriri ferè immedicabilia: quum enim hæc pars continuè madescat, salubralisque humiditas vlcerum curationi sit maximè aduersa, & ob dolorem, à capite, ventriculoque multa suggeratur humoris copia, sit ut vlcera amplius sordescant, & in cacoëthicam naturam sæpe degenerent, quæ ad sui curationem multum deinde negotium faceffunt.

De tercio. Curandum omni ingenio est, ne lingua amputari possit; nam hæc ad sermonem, vocemque articulatam summopere confert, ex Gal. 4. de loc. 6. Siquidem, inquit ipse, vox vocalium instrumentorum munus est, sermo verò eorum quæ sermoni deputata sunt, inter quæ lingua principatum obtinet: Cui non parum conferunt & nares, & labra, & dentes. Sic etiam vocis instrumenta sunt guttur, & musculi ipsum mouentes, atque nervi, qui à cerebro ipsis vim deferunt, &c.

Demum, licet citra valetudinis noxam lingua præcidi possit, cum hæc in numero naturalium membrorum non reponatur, sine quorum ope & præsidio, partes functionas suas obire non possunt, quod in equis, & hominibus sit manifestum, in quibus citra sanitatis dispendium sæpe prima linguæ præciditur pars: tamen si hoc accadat, in

multa damna incurrere animal est necesse. Est enim nobilissimus, ac penè diuinus linguæ usus, & ad vocem promendam, & articulandam organum necessarium; quare à veteribus voluntatis nuncia dicta est: nam pusillum quidè est membrum, sed magna iactat, animi enim omnes conceptus exprimit. Propterea multis custodiis, dentibus, labiis, fræno, naturæ Auctor eam muniuit atque firmavit, & ob hoc mirabile loquendi ministerium, organum dialecticum nuncupatur. Insuper saporum differentias omnes agnoscit, eiusque beneficio & motu esculenta traduntur in gulam, ut ait Gal. 16. de usu part. 3. & firmat Arist. 1. de Histor. anim. 15. & 2. de part. animal. 17. Cæterum leuia possunt ista censeris, si cõsideret quis humanæ linguæ incomparabile prorsus donum, in quo bonitas Dei infinita inæstimabili munificentia, nos ut legitimos filios, est amplexata: nam vix explicari potest, quantam in humanis rebus lingua habuit excellentiam. Huius siquidem facultate post mentem, quæ nos ex æquo ferè cum cælitibus constituit, constat præcipuè illa Regina rerum eloquentia. Illius ope cohortamur, persuademus, perterritos timore abducimus, iram restinguimus: hæc nos iuris, legumque societate deuinxit. Denique usu linguæ possunt morrales omnia consequi, percipere, impertiri, addiscere, patefacere commoditate multa.

Sed cum deperdita, & abscissa lingua non reparetur, quoniam pars omnis à corpore viuente, à quo vitam, spiritum, sanguinemque ducebat, distracta, & reuulsa, vitam statim amittit, & à priuatione ad habitum non sit regressus, & maximè in parte, quæ licet laxa, carnea, & spongiosa sit, nervis tamen, musculis, membranis, venis, & arteriis constat, quæ cum partes spermaticæ sint, vix reparari possunt. Tamen fissa in longum, latum, atque transuersum, quomodo suo corpori adhuc viuenti adherere possit, & sit restauranda, facillimoque negotio futura restituenda, explicat Ambros. Paræus lib. 2. cap. 27. diligentissimè.

## HISTORIA LXXII. AVICENNÆ, De Linguae paralyssi.

### Ex scarificatione malè administrata, linguæ paralyssis sequuta.

**Q**uidam homo iam ventosus fuit, & percussus est cum scalpello villus nervi in substantia panniculi coniuncti cum lingua, quare mollificata est lingua, &c. Avicenna, 6. 3. tract. 1. cap. 11.

### PARAPHRASIS.

**L**inguæ resolutio symptoma est morticis facultatis, quam oriri posse (cæterarum partium resolutarum modo) vel ab humorum copiosa inhibitione, vel ob obstructionem nervorum ad eam venientium, à multitudine, lentore, ac visciditate humorum spirituum transitum prohibente subortam, dubitat nemo. Hoc tamen malum in historia citatum ab hac causa non duxisse ortum, ex relatione satis constare arbitror. Omnes has resolutionis causas notauit Avic. loco nuper cit. cap. 6. de mollificatione linguæ. §. Et quandoque est propter causam primam in cerebro, aut quandoque est propter causam primam in nervo mouente eam, aut ramo veniente ab ipso ad eam, &c.

Huius enim villus cum fuerit percussus ob malè administratam scarificationem, profundèque celebratâ, & sic incisus, in substantia panniculi, (Barbari panniculum carnosum vocant, nos membranam quandam crassissimam, cuti & pinguedini subiectam, vniuersum corpus à capite ad pedes regentem dicimus) qui est coniunctus cū panniculo linguæ, qui cū nerveus & membranofus sit, si præcidatur ex toto, illustratio ob continui separationem euanesceat, intercepto videlicet medio per quod vis mortrix deferretur ad linguam, unde eius resolutio accidere solet. Sūt enim villi (alio nomine fibræ, lineæ, filamenta, striz, segmēta dicuntur)

partes similes, frigida, sicca, genitæ ex semine, albæ, solida, oblongæ, exilium filamentorum instar, ad motum destinatæ, quarum ope voluntarius motus perficitur.

Non te lateat, linguæ motum & sensum apud omnes Anatomicæ artis magistros, à nervis è septima coniugatione prodeuntibus fieri, qui hæc ferè ab occipitio, & spinali medulla exortam, in linguæ musculos efferti, ipsamque mouere pronunciant, vt Fallop. in suis obseru. Laurent. lib. 4. de hist. anatom. cap. 17. ingenuè annotarunt. Addunt alij prodire è cerebro, particulatim à cerebello, postica capitis parte, velut à radice, caudice, & trunco, per spinam dorsii (quam spinalem medullam, seu cerebellum oblongum nuncupamus) & per latera vertebrarum, nervorum myriades, & in numerum copiosissimum disseminari. At triginta nervorum paria præcipuè ab ipsis obseruantur. Septem ceruicis, 12. dorsii, quinque lumborum, sex ossis sacri. Sicut enim in cauda equina pili ferè omnes à superiori parte exorti, alij in supremam caudæ partem, alij in medium desinunt, alij ad extremam vsque feruntur: ita prorsus nervorum omnium spinalis medullæ propagines, ab eodem puncto enatæ, aliæ in cerebrum, aliæ in thoracem, aliæ in lumbos desinunt. Septimum tamen par ferè ab occipitio, & spinali medulla exortum in linguæ musculos efferti, & ipsam mouere, certa res est.

Hoc par in lumbis situm cum scalpello diuisum esset, paralyfim dicta causa attulit immedicabilem; nam quæ à nervi diuisione oritur resolutio, insanabilis est, teste Paul. lib. 3. cap. 18. nam, vt ait Rasius lib. 9. ad Almanf. cap. 7. hac nunquam sanabitur. signum enim est manifestum, nuchæ, & nervis qui ad linguam mittuntur, incisionem, aut contritionem accidisse, vt inter omnes notauit Halyabbas lib. 5. præct. cap. 26. de enervationis medela. Cuius rei hæc est causa. Nam licet non deesset medium per quod illustratio fiat, eamque nervus possit continere adhuc, sanitate restituta nervus post vulnus cicatrice dura, & maxima obductus, & obstructus, facultatem influentem recipere commodè non potest: quare sequitur paralyfis à Cælio Aurel. lib. 2. chronion, cap. 1. ex conductione, vocata. Ab aliis causis linguæ resolutæ curationem, lege apud Cels. lib. 4. cap. 2. Rondelet. cap. prop. de paralyfi linguæ. Christ. à Vega lib. 3. de art. medend. cap. 20. Ludouic. Mercat. lib. 1. de morb. intern. cap. 14.

## HISTORIA LXXIII. GALENI, De Morbo Gallico.

Menti, & capitis glabrities Gallica, Galeno,  
Hippocrati, priscisque aliis  
maximè nota.

**H**umorum putredo, cuius est commune munus, vt illas partes in quas impingat, corrumpat, \* terribiliorem in capitis partibus speciem præbuit, propterea quod licet vel paulum de natura hic deflectant, maior fiat suggillatio, quam cæteris partibus multum à natura diuergentibus. Nam à femore, vel brachio, vel tibia, vel cubito si cutis recesserit, minorem præbet mali speciem: at si capitis vnà cum cute crines defluerint, atque adeo menti cum illis, visus sit facies magna, periculum verò minus, quam si is pudenda affectus teneat, aut guttur, aut thoracem, aut aliam principem partem. Neque tamen quæ caput ita tentabant, formidabilia magis erant, quam peiora: verum etiam quæ cuilibet aliarum partium decidebant. Peiora enim erant, in quibus in profundum secessit humor, ignem sacrum efficiens, cum in viscera se, & in principes partes conferens, præter alia symptomata, \* febres etiam acutas generabat. Quibusdam tamen, quibus \* in superficie erat eiusmodi putredo, partes etiam citra febres marcescebant: quorum quidam hac de re præcipuè incolumes euaserunt, vitiosis humoribus simul cum ipsis partibus, quas in putrefecerant, emissis, &c. Gal. lib. 3. epidem. sect. 3. com. 25.

## PARAPHRASIS.

**T**otum hoc est de morbo Gallico memorabile exemplum, quo Galenus Hipp. hunc morbum exactè depingentis historiam exponit. Morbus sanè Herculeus, leoninus, insuperabilis, Miserabile scortatorum flagellum veriùs nominandus, endemicus, hoc est, collactaneus, regionalis, patrius, publicus, vernaculus à Latinis dictus, qui quouis tempore, in aliqua regione abundat, & inualefcit. Ne ergo mireris in epidemica constitutione inualuisse: Monardus enim in tract. de medicam. quæ ex Indiis adportantur, tit. de smilace aspera, affirmat hunc morbum, patrium, & familiarem esse Indis, veluti sunt variolæ apud nos: quod confirmat Rondelet. tract. prop. in princip. qui hac de causa vocari variolam magnam, seu Indicam edocuit. Subscribunt Hernandus de Ouuiedo in generali Indiarum historia, cap. 17. & Ferdinandus Cortesius in 3. Indiar. relatione, qui hanc luem ab occiduis fuisse adportatam, illis regionibus antiquissimam scripserunt.

Est ergo morbus Gallicus, morbus endemialis, pustulis primùm partes obscenas, deinde reliquum corpus cum magno plerumque dolore, atque ipsam plerumque faciem occupantibus, ex varia humorum corruptione genitis, propter nimiam aëris in calore, atque humiditate præsertim intemperiem. Hoc placitum defendit Leonicens in lib. de morb. Gallic. Contrà insurgit Manard. lib. 7. epist. 2. nihil huic morbo cum aëris vel humore, vel qualitate alia esse commune asseuerans, præter cõtadium. Falsum quidem hoc est, nihil enim obstat quominus ex immutatione aëris præternaturali, valida ac diuturna morbus popularis possit originem ducere, & deinceps per cõtadium disseminari. Obseruatum enim est innumeros sine vlla contagione per se infectionem illam fuisse perpeffos, vt notat Fracast. lib. 2. de contag. 12. in med.

Quæ autem his Gallicatis acciderunt, hæc sunt. Abscessus qui in suppurationem deueniebant, carniū, nervorum, & ossium elapsus magni, totius capitis, & menti glabrities, pudendi, gutturis, aut alterius partis principis vlcus malignum, brachij, aut torius cubiti effluxus, femoris, tibiar, pedisque totius denudatio: erant hæc horrenda magis quam mala, quæ in febribus, & sine febre euenerunt. Horum singulatum est reddenda ratio. Fiebant abscessus, & fluxio collecta in vomica, non erat bono puri similis, quale ex bono sanguine in parte conculcato, & concocto fieri consuevit, sed sanies ex putrescentibus, & in pus resolutis particulis; & sic carniū, nervorum, & ossium elapsus magni: ex qua fluxione glabrities etiam torius capitis, & menti facta est, putrescentibus radicibus pilorum; & ossium denudationes exelate & subiecta carne, à vitioso succo, à quo vlcera aliarum partium contigerunt. Externa verò mala, quæ exteriores partes opprimebant, horribilia magis erant quam periculosa. Peiora autem erant, & maiorem perniciem importabant, quando internas partes, quæ suapte natura præstantes sunt, affligebant: neque mirum; nihil enim periculosius esse potest, quam confluere intus excrementa: omnia enim membra præcipua periclitantur; nam calor præternaturalis illico accenditur in iis, & feruentibus humoribus timor est, ne in aliquam partem decumbant ij, qui per corpus oberrant, & veluti furenti motu mouentur humores. At si in habitu corporis oriatur computrescentia, quum partes hæc remotæ sint à fonte caloris, non ita febrem concitant initiant morbo, sed veterascente, vlcerebusque factis sordidioribus, à quibus vapor exhalat partes internas diu inficiens tæbe dira. Hoc tempore externæ partes solidæ, humido quotidiana resolutione ob febrem lentam & tabidam absumpto, citra febrem marcescebant, & extenuabantur. Ij autem præcipuè seruabantur, quibus vitiosi humores ad extrà eruperunt. Victoriā enim naturæ hoc opus significat, redundantes humores à nobilioribus partibus ad externas minúsque præcipuas expellentis.

\* \* \*



## QVÆSTIO XXXV.

*Quòd morbus Gallicus, vetustissimum sit morbi genus. Contra Manardum, Peredam, & communem ferè Medicorum sententiam.*

## COMMENTARIUM.

**T**Erribiliorem.] Diuinum Hippocratem, morbum Gallicum cognouisse ex hoc loco manifestè colligi potest; nam in multis ægris vidit carniū, neruorum, & ossium lapsus, denudationes, pudendorum exulcerationes, capitis & menti glabritiem cum marcore, & citra febrem. Cui ergo Medicorum narraretur alicui facta fuisse vlcera sordida, cum genitalium vlceribus, faucium corruptione, ac postremò nudata excidisse ossa, citra febrem, quis citrà dubium non diceret morbum esse Gallicum cognominatum? Fuerunt verò in hac tempestate plurimi tales, ob quos, & multos alios affectus, qui in hoc, & aliis Hipp. operibus narrantur, conuincor asserere, nihil in hoc morbo esse nouum, quod prisca illa sæcula non viderint, & maximè cum hoc loco affirmet Hipp. hæc mala fuisse formidabiliora, quàm deteriora; quæ omnia huic morbo apprimè conueniunt. Quotidie enim Medici tractant plures, qui citrà febrem, cum ossium corruptione, denudatione, faucium vlceribus dolosis, palato, gingiuisque corrosis, virulentis talpis, vlcerato pudendo, purulento scroto, gurgulione vlceribus scædato & penè exeso, per multos annos producant.

Insuper, in eodem lib. 3. epid. sect. 3. text. 4. & lib. 5. epid. in init. vidit vlcera capitis depascentia. Et lib. 2. de morb. num. 2. vidit capitis futuram excauatam. Et lib. 7. eiusdem, vidit ossium cariem, seu teredinem, quæ est peritio ossis ex corruptione. ex Galen. lib. finit. medic. Et loco nup. cit. cognouit cerebrum corrosum. Curauit malignissima carcinomata, & vlcera dolosa valde, lib. 7. epid. 98. oris vlcera maligna, lib. 3. eiusd. sect. 3. com. 25. inibi que symptomata alia dira recenset, & timoris plena, quæ in nullo alio frequentius, quàm in hoc morbo accidere solent, quod præter experimentum Campegius firmat lib. 2. praxis, cap. 12. adducens Gulielmum Salicetum, Gordonium, & Valescum Tarentinum, qui olim iam nonnullos abimpuris, sordidisque scæminis vitia contraxisse contestantur. De quo argumento vide Rembert. in com. ad cap. 1. Beniu. de abdit. Fab. Papi. in com. lib. de Peste Thucyd. fol. 39. & 426. ult. editionis.

Galenum autem morbum Gallicum cognouisse non dubitamus. Nam vidit, & curauit vlcera cacoëthica, dolosa, inueterata, diuturna, depascentia, difficilia ad curandum, quorum curationem plerique non absoluerunt, sed tanquam ab insanabilibus destiterunt, in lib. 4. meth. 5. & lib. 1. sec. gener. cap. 23. Sic cognouit ossis cariem difficulter curabilem in lib. 3. meth. cap. 1. Quibus rationibus conuictus Nicolaus Machellus Mutinensis, in lib. de morb. Gal. in init. vetustissimum fuisse hunc morbum asseuerat, quam positionem disertè defendunt Andreas Alcaçar. lib. de morb. Gal. cap. 1. & eruditissimus Valles. in com. prim. sent. lib. 4. epid.

Omitto Auic. lib. 2. canon. tract. 2. cap. 532. Plin. lib. 26. cap. 1. qui de hoc morbo peculiariter scripserunt, quem antiquum fuisse, prisca illis maximè cognitum firmat Ioan. Vigonius lib. de morb. Gallic. cap. 1. Quo etiam laborasse Cæsarem Augustum refert Sueton. Tranquil. in vitis Imperat.

Hugo Senensis saluti cuiusdam iuuenis per scripturam consulens in consil. 100. huius morbi naturam exactè delineauit: passus enim est pustulas, tumores duros, vlcera capitis, diuersorumque membrorum dolores, noctu magis quàm interdiu affligentes. Quare factum est, vt hunc morbum antiquum valdè, & apud prisca maximè notū, per aliquot annorum curricula latitantem, ac ferè extinctum, nunc de nouo repullulantem, recentem & nouum esse affirmauerint, variamque ortus ipsius originem indagantes, in eà inuestiganda mille monstra finxerint, ac mille nugas.

Percontaberis, & meritò sanè, quibus auxiliis prisca illi

Lib. I.

A eruditissimi hunc morbum persanandum consuluerint; neque enim aut Græcos, aut Arabes inuenio, qui huic morbo auxilia parent: à quibus certè aliqua scripta sunt, partim à Græcis prætermisita, partim ab ipsis cum artis gloria adinuenta, & qui de scabie mala, huic morbo valdè affine scribentes, plurima præsidia posteritati commendarunt. At remediis aliis utebantur, huicui extirpandæ quæ aptissimis, euacuantibus, sudorificis, exicatoriis, quibus tantum malum debellare contendebant; & vel nostris alexipharmacis hanc hydræ esse ressecandam consulebant. Extrat elegans Historia apud Fracast. lib. 2. de contag. cap. 12. in med. de quodam tonsore, qui cum haberet libellum experimentorum antiquum satis, inter quæ vnum scriptum erat ad scabiem crassam, quæ cum doloribus iuncturatum accidit. Is ergo cum primum recentissimus esset morbus, medicaminis memor consulit Medicos, num in noua illa contagione, quam per scabiem crassam significari existimabat, vti eo medicamentò deberet. Medici autem inspecto medicamine acriter prohibere, quòd ex argento vino constaret, & sulphure. Felix nisi Medicos illos consulisset, incredibili quæstu diues euasurus. Parua autem, nec ausus est medicamen experiri, quod demum expertus, atque optimum cognoscens valde indoluit, quòd serò illo vsus esset. Aliis ergo ætatibus visum fuisse, & cognitum hunc morbum, & nostro superiori que sæculo repullulasse est affirmandum.

Narrat Lacuna lib. 5. in Dioscorid. cap. 124. homines hoc morbo prehenso, antequam pretiosa ex Ebena, smilace aspera, & Chyna, antidota Medici inuenirēt, æstate media vigentissimo Solis calori sese exponentes, & arena calidissima totum corpus, diu & importunè macerantes, ab hac scæda lue immunes euasisse; nam iuncturatum doloribus, duris tumoribus, talpis, & aliis vlceribus conspurcati, superfluum humorem hoc arenæ balneo abluentes, tantis malis oppressi, horum scænitiam effugere, quod esse pro frigidis morbis saluberrimum auxilium firmant Herodotus apud Orisbal. lib. 10. collect. cap. 8. Sauonarol. tract. de balneis. Ludouic. Mercat. lib. 1. indicat. 13. Immo Vigonius in tract. de morb. Gallic. vnguentis solum vitur ex hydragyrio paratis, quoniam cætera pro hoc domando malo antidota, nostro æuo notissima, non cognouerant.

Sic profectò Græcorū peritissimi, suis pro curando hoc vitio vsi sunt alexipharmacis, cum clarissimū sit primos illos medicinæ parētes nihil intactum reliquisse, nec ignorasse, quod ad auxiliorum vsu, artisque perfectionem vel minimum facere possit. Quod si aliter opinemur, plura nēpe Arabes arti addidisse à Græcis prætermisita, id in sumptuosissimas bibliothecas Græcas templorū Romanorum incendiis concrematas, reiciendum puta. Nam si omnia Hipp. Gal. Dioclis, Antil. Archig. Alclepiadis, Herodot. aliorūque principum Medicorū nunc extarent opera, nō dubito quin plura aromata cognosceremus, quàm illa ex Indiis modò ad nos adportata, quæ nobis licet noua sint, antiquis vetusta, & illis maximè nota fuisse nō negabimus.

Sed fortioribus machinis contra traditam doctrinam insurgentem Petrum Paul. Peredam doctissimum audiamus. Is enim in Schol. cap. 2. lib. 1. Michael. Ioan. Paschal. Vallesij, latamque positionem tenuit, & damnat: Miratur enim non animaduertisse in morbo tam populari, rem aliquam nouam veteribus incognitam, quam poterat ex contagione, causis, & curatione colligere. Ex contagione, quoniam antiquorum vlcera alios non inficiebant; è contrà quæ nunc apparent contagiosa sunt, ex quibus defluuium capillorum sequi solet. Ex causa, quoniam apud prisca pilorum decidentia duas tantum habuit causas, raritatem cutis, & nutrimenti defectum; at defluuium Gallicum vnā tantum habet veteribus ignotam, nempe vitium excrementi. Amplius, dolores prisca noti nocte non exacerbantur: è contrà nostri noctu vehementius inualescunt, Ex curatione, nam omnia in hoc morbo contingentia vitia apud antiquos vacatione vniuersali cessabant; apud nos, non nisi alexipharmacis leniuntur ac mitescunt.

Verum hæc facilem habent explicationem. Nam vlcera Gallicana apud antiquos descripta alios etiā inficiebant, vt constat ex Hipp. loc. cit. qui plurimos ægros hac labe fuisse infectos

infectos in ea tempestate assenerat. Num autem contagium ab vno in alium esset factum contactu, fomite, an ad distans, (his enim modis posse hunc morbum inficere non ibo inficias) ex textus serie deduci non potest. Deinde, falsò asserit, effluuium pilorum solum duas nominatas habere causas, quum tertiam, nempe vitium excrementi etiam addat Auic. 7. 4. *tract. 1. cap. 5.* dum materiam malam manentem in cute, in originibus radicum pilorum, hosque corrodentem, esse huius mali causam assenerat. In antiquo ergo, & nunc in Gallico defluuiò etiam adest vitium excrementi. Denique fortuitum est, Gallicos dolores noctu etiam increbrescere, (licet huiusmodi signum mirabile sit, & peculiare in hoc morbo ex Manard. 2. *epist. 1.*) quoniam & reliqui dolores, recurrente ad intus calore etiam noctu, exacerbantur. Quibus autem auxiliis morbum hunc curauerint antiqui, supra explicuimus.

Superest solum Manardi rationibus satisfacere, qui 7. *epist. 2.* acerrimè in Leonicenum inuehitur, existimantem hunc morbum à veteribus fuisse descriptum. Primum, quòd morbi ab Hipp. numerati sint carbunculi, ventris perturbatio, profundi somni, lienteria, diarrhoea, dysenteria, tenesmi, febres tertiana, quartana, nocturna, continua, longa, erratica, quum hi morbi raro in Gallico sint visi. Addit deinde narratos ægros ab Hipp. quosdam citò, alios serò interiisse, cum Gallicum patientes, mortem potius optrent, quam opperant. Demum. Febris vehementissima in descriptis ab Hipp. ægris, rarissimè in morbo Gallico visa, arguit manifestè, hunc morbum nouissimè fuisse subortum.

Sed ridicula sunt hæc. Nam frequenter illos superius citatos morbos cum Gallico posse complicari, præter diutinum experimentum, firmant Ioan. Vigonius *tract. de morb. Gallic.* & post eum Ludou. Mercat. *lib. 2. de morb. Gallic. cap. 1.* qui omne morborum, tam acutorum, quam chronicorum genus cum Gallico posse implicari elegantissimè docuere. Ex quibus quidam citò, tardissimè alij pro morbi sæuentis natura occubuerunt. Plures etiam vehementissimis febribus, & internis inflammationibus hac solum de causa contractis, & aliis acutissimis affectibus ab hac radice, tanquam à prima origine scaturientibus, vitam cum morte commutarunt.

## QVÆSTIO XXXVI.

*Quòd morbus Gallicus ab immodico Veneris usu oriri possit. Contra communem Medicorum sententiam.*

**V**Ltimò. Illud etiam facit pro nostra sententia firmissimum argumentum, quòd morbus Gallicus ab immodico Veneris usu oriatur, quo abusu etiam priscos fuisse tentatos, Venerique nimium indulsisse, adèd est notum, vt fidissimis auctorum testimoniis probari nihil opus sit. Quare primum, qui hoc morbo ægrotare incœpit, sine contagio vllò, ab hac origine vitium contraxisse ipse affirmo. Narrat Theuetus *com. 1. Cosmograph. lib. 3. cap. 2.* Morbum quandam ab incolis Berozail cognominatum, partes genitales potissimum infestantem, quem euenire ex immodico coitu affirmat, & decoctis multis, & præsertim herbæ Achenaca ab Indis Medicis curari refert.

Doctissimus Valesius in suis eruditissimis ad *lib. epid. com. tum lib. 3. sect. 3. com. 22. in fin. tum lib. 4. eiusd. in com. sent. 103.* inter omnes, in ea est firmissima sententia, vt dicat, solum Veneris immoderatum vsum, citra vllam contagionem gignere illud vitium, quòd morbum Gallicum vulgò appellant, qui tantus vir licet hoc placitum, quòd ego quoque libenter amplector, non stabiliuerit, id ego rationibus roborabo.

Ab immoderato Veneris usu multa posse, eaque non contemnenda oriri incommoda, auctores famigeratissimi memorie commendauerunt. Ex eius namque usu hominis robur debilius redditur, adeo vt hac sola de causa cerebrum exhaustum fuisse narrent Albert. Magn. *l. 22. de animalib.* Arnald. in *specul. introdu. c. 83. & lib. de regimin. sanit. part. 2. cap. 6.* Insuper coctiones non integrè con-

tingunt, alij pallidi fiunt, neque exactè vident, neque vt oportet, audiunt, neque alios sensus integros possident; quin & obliuiosi, & tremuli existunt, & articulis maximè dolent, & alij ex ipsis renum, & alij vesicæ morbos incurrun; quibusdam etiam oris graueolentia, & dentium dolores, & gingivarum inflammationes oriuntur, & adèd mala hac de causa augentur, & crescunt, vt plurimi sanguinem reiecerint, partim ob spiritus violentam compressionem, ac intensionem, partim ob venarum, & articularum, quæ ex pulmone ad articulos deferuntur, communicationem. Ad hæc, corpus frigidius, sicciusque redditur, ex Gal. 2. *de sanit. tuend. 16.* vires valde deficiunt, & labuntur, Gal. 3. *epid. 3. com. 89.*

**H**ocque accidere certum est, non solum quoniam corpus motu, & labore agitur & incalescit, sed quia alimenti purissima parte oritur, vt Hipp. ait *lib. de genit. num. 3.* conficitur enim semen ex magis defæcata, ac elaborata sanguinis parte. Quare illud rectè dictum ab Auic. 3. *de anim. cap. 3.* quadragesies plus dissoluere semen vacuatum sanguine. Et non solum debilitat ob excretionem feminis, sed propter annexam voluptatem, quæ propterea maior vel minor est, magis vel minus imbecillitare solet; à quibus causis neruorum corporum robur, firmitudinemque dissolui, testis est locupletissimus Aëtius *teirab. 3. ferm. 4. cap. 20.* quare attonitos reddit, apud Macrobi. *lib. 1. Saturnal. 21.* ob id passim damnosam Venerem Poëta canunt Horat. 1. *epist. 14. & lib. 2. epist. 1. & de Pompo Ouidius eleg. postrema:* idcirco verè dixit Clemens Alexand. *lib. 2. pad. 1.* quòd Venus nimia hominem spoliât usu rationis, quia spiritus resoluit, potentias labefactat, officinas coctionis prosternit, demum omnia membra eneruat, vt maximus Philosophorum Plato asserit in *Craylo.*

Denique ab immoderata Venere excessus ferè committuntur inemendabiles; trahitur enim à superioribus partibus necessariò non solum sanguis, sed materia etiam sanguini similior, tertiam coctionem iam adepta, & parum distans à membri forma. Ob quam causam dicebat Arist. *lib. de longit. & breuit. vita,* animalia multo videntia coitu citissimè senescere: quod post eum affirmauit Auic. 20. 3. *tract. 2. cap. 11.* Iacob. Berengarius Carpenensis in *tract. de coitu.* Repetit. Aristot. 4. *probl. 26.* cuius mentem August. Niphus, & Nicol. Leonic. elegantè explicauerunt. Nam coitus nimis omnes virtutes prosternit, & labefactat. In congressu enim venere plurimum substantiæ spiritus euacuatur, propter delectationem, adèd vt dissolutis, & exhaustis viribus, nonnullos in nimia voluptate affectos interiisse, lata oratione proferat Galen. *lib. 1. de semin. cap. 16. in med. 9. Ha quidem vena, &c.* quòd etiam confirmant Plin. *lib. 7. cap. 53.* Valer. Maxim. *lib. 9. cap. 12.* Ioan. Iouian. Pontan. *lib. de obedient. c. 10.* Alexand. Bened. 24. *lib. de curand. morb. cap. 22.* Fulgos. *lib. 9. cap. 12.* Ex qua causa accidit, vt salaciores laxentur, breuiorisque sint vitæ, passerim instar, quibus vita breuissima est. Accedit etiam alia causa: nam qui nimium Veneri indulgent, sentientes sese debilitari, vinum appetunt, & plurima esculentia ingurgitant. Requirit autem libido, si quid aliud, alimenti exuberantiam, eoque potissimum valentis materiæ vtile est, ex Paul. *lib. 1. cap. 35.* Quo fit, vt Venere calorem naturalem minuent, & vino præternaturalem augente, auctis cruditatibus, innumerabilium morborum copia repullulet. Hinc febres ardentes, deliria, & mors. Habemus exemplum celeberrimum apud Hip. *lib. 3. epid. sect. 3. text. 81. & 87.* Nicodemi; & Adolescentis in Melibæa, qui ex potu, & Venere multa ægrotarunt, & adolescens mortuus est.

Demum, si omnes morbos immodica Venus accersere potest, cur non Gallicum? Refert Historia Plantarum Generalis, *lib. 18. de plantis Indicis,* ex immodico coitu, Indos in pudendis, circumque genitales partes, vlcerà maligna sæpissime pati, quæ decoctis abstergentibus & exiccantibus curari à Medicis, sin minus in cacoëthicam naturam citissimè degenerare soleant. Nam ex nimio concubitu putrescit cum semine proprium solidarum partium temperamentum, hinc illa penitissimè latens cacoëthymia, raro nisi vehementissimæ exudationi succumbens.

bens. Hinc tabes dorsalis, qua correpti recentes sponfi, & A Veneri dediti, sine febre marcescunt, & emoriuntur, ex Hipp. lib. 2. de morb. num. 56. Hinc ex debilitate caloris natiui ex nimia Venere suborta, putrefacto semine, maleficientissimæ oriuntur computrescentiæ, & corruptis partium roribus iecur vitiatur, ex cuius læsione exusti, putrefactique humores gignuntur, qui si in nervosas incidant partes, dolores faciunt intolerabiles; si in inguina, bubones; si in pudendum, exulcerationes; si in caput, pilorum defluuium, si in os, vix, palatique dolorosa vlcera contingunt. Denique in nullam partem humor malignus decumbit, qui morbos non committat insuperabiles.

Neque refert, quod plurimi immodico yrentes coitu, in hunc morbum non incidant, nam causa sine pariētis aptitudine agere non potest, vt eleganti oratione prosequitur Gal. lib. 1. de diff. feb. 4. Alij enim frigidi & sicci sunt, alij B viribus sunt valentibus, sicque noxas hac ipsa de causa contractas facile ferunt, neque morbosum habent in corpore latentem apparatus. Plurimos ergo ex assiduo, nimioque Veneris vsu, in morbum Gallicum incidere, citra vllam contagionem non nego.

## QVÆSTIO XXXVII.

*Quòd ante sudorifica auxilia calor natiuus sit attemperandus.*

**F**ebres acutæ generabat.] Licet non contemnendi auctores, quos Iordanus Zillerus in duo volumina collegit, & post illos, alij etiam eminentissimi Medicinæ professores de morbi Gallici causis, signis, & curatione eloquentissimè disputarint; de quorum número sunt Lucas Ghinus Capiuacius, Massaria, Ludouic. Mercat. Mercurial. Forestus, & plures alij: licitum tamen sit mihi inter hos Medicinæ proceres iudicium meum interponere, præsertim in iis, quæ ab illis omissa sunt, vel non ita diligenter pertractata.

In morbo Gallico oriri omnis generis febres, easque tam acutas, quam diuturnas, pro humoris præexistentis in corpore diuersa natura, & maximè si ætas, aut calida sicca & æstiuosa temperies præsent, nulli est non manifestum. Si ergo hæc affectio virulenta corpori succrescit calidiori, sicco, hirsuto, calidis, & exustis humoribus pleno, supra modum siticuloso, æstuosis febribus obnoxio, si resoluētia, & guaiacina præsidia, & alia calida medicamenta exhibueris, impensè nocebis. Quo fit, vt ex commodissimis huic malo auxiliis, non parum lædantur qui sic affecti sunt. Quare cautè, & maxima cum præmeditatione eis est vtendum; & ad hæc, non nisi attemperato natiuo calore, & mitigato feruore, accedere oportet.

Num autem hæc curatio, ex Hipp. Galenique refertissima penu sit hausta, nunc inuestigandum. Est enim hoc consilium tutissimo experimento munitum, & in praxi summoperè obseruandum. Hipp. enim lib. de med. purg. prope fin. ad medicamentorum, quæ suapte natura calida sunt, exhibitionem, febrilis caloris remissionem exoptat, aut ab arte, aut à natura, explicante sic Christoph. à Vega in com. Si enim, antequam febris sauities mitescat, calida auxilia propines, inquit ille, carnes agrorum, & ventres, cum calidi sint, medicamentum assumunt, & nihil depurgantur, & febris maior fit, & color euertitur, & in arquati morbi speciem transit; commota enim bile, & non purgata, non sorbere vult ager, neque bibere, sed omnia abominatur, & plerumque perit, &c. Hæc ad nostrum institutum optimè faciunt. Quoniam si in hoc morbo, præsentē valida febre, sudorifica, aut aliud calidissimum medicamentum, ex quo ferè vnguenta cum Mercurio parata, aut suffumigia fieri solent, exhibeas, in maximum discrimen ægrum adducis, ni prius calorem extraneum, aut innatum, refrigerantibus, aliisque roborantibus auxiliis contemperes. Totum enim corpus, accenso natiuo calore, calidorum vi, pustulis, esserèque conspurcatur, fœda scatet scabie, sitis intenditur, vlcera sordescunt, fastidium superuenit, exacerbantur dolores, vigilæ infestant: & licet de purgantibus loquatur Hipp. de cæteris etiam auxiliis intelligen-

aus est: solet enim ipse vno exemplo cætera comprehendere; ex Gal. 3. acut. com. 42.

Rursus si Gal. lib. quos, quib. & quando, &c. cap. 10. non nisi in remissis febribus, elleborum, & cætera medicamenta calida propinare ausus est; firmat 2. acut. 11. & 1. aph. 24. & alibi passim: quāto magis nos in exhibendis medicamentis in præsentia febris Gallicæ erimus meticulousi?

Quid ampliùs? Nōne famigeratissimus Auic. procuranda mala scabie, quæ morbo Gallico valde consimilis est, ante hydrargyri vnctiones, vtitur refrigerantibus, & roborantibus, ne iecur suapte natura feruens & igneum valida Mercurij vi & commotione labatur & flaccescat. aut maiori concepta acrimonia incalescens, grauiora damna committere possit. Audi Auic. 7. 4. tract. 3. cap. 7. hæc verba proferentem. Et bonum quidem est, vt bibat infusum in aqua endiuia; & cum ea sit parum aqua feniculi, si non fuerit ab aqua feniculi aliquid prohibens, &c.

Cum ergo sudorifica auxilia omnia calida sint, ex Gal. mente. lib. de medic. facile parabilib. cap. 82. Paul. lib. 1. cap. 82. Aëtio tetrab. 1. serm. 3. cap. 157. & maximè hæc quibus ad extripandum morbum Gallicum, vulgus Medicorum vti consuevit, vt sunt Ebenum, smilax aspera. Chynarum radix, sassafras, (Indicum lignum morbo huic valdè proficuum) hydrargyrium, Arsenicum, sandaraca, præcipitatum, Cinabrium, Auripigmentum, & alia validissima medicamenta ex quibus suffumigia parari solent: tutissimum est ante horum administrationem, si corpus squallidum sit & exardescat, propinare quæ caloris natiui symmetriam procurent, simulque febris exuperantiam retundant. Qui modus curandi, præterquam quòd in hoc diuturno morbo sit per epicrasin factus, & hac de causa citra virium dispendium morbum leuet, securissimus etiam est, quoniam ardore internarum partium sedato, ægri meliùs iudant, & feliciùs succedit curatio. Lege de hoc argum. Ludou. Mercat. lib. 2. cap. 2. de morb. Gall. Christoph. Guarinon consult. 29. & nos plurarara in hanc rem addito exemplo proposuimus lib. 1. de praxi medica admiranda, obs. 134.

Sic ad humectandum corpus, ardoremque leuandum, consultissimum mihi visum fuit, prius balnea adhibere, serum lactis caprini, similibus medicamentis præparatum, vel ex eo, cum succo fumariz syrupum factum, (syrupum de sero lactis vocamus) ægris porrigere, qui, vt refert Ludouic. Ista in tract. de morb. Gallic. pro hoc complendo vsu mirificam obrinet vim. Tunc etiam ex vsu D sunt, quæ citra hoc quod alant, mali etiam antidota esse possunt, vt sic meliùs à natura amplexata vires suas demonstrent, vnàque refrigerent, & humectent. Sic in iis qui Gallica macie contabescunt, rationabile semper mihi visum fuit, has renutritorias exhibere poriones, vt hecticus calor compesci, & malum sensum, clamque deuinci possit. Sic sero lactis, pristinae, aut refrigeranti decocto alexipharmaca admiscere conuenit, vt sic potio ytrasque vires obtineat. Sic antidota huic morbo salutaria refrigerantibus aquis decoquere oportet, vt ferina huius morbi natura, calorque immodicus refrænari possint. Quamobrem pulres è farina triticea, vel hordeacea, cum ligni indi, Chynæ, aut, smilacis asperæ farina, adiecto horum medicamentorum decocto, parare opus est; vel ex his, panem, vel nauticum, vel dulcjarium construere est necesse, farina prius aqua decoctionis vel Chynæ, vel smilacis asperæ, benè subacta. Nec displicet carnes in decoctis prædictis elixare, & auēs iisdem farinis cum iisdem decoctis permixtis saginare, ex quarum esu ægri maximam vtilitatem recipere solent; vis enim eorum medicamentorum intus spirat, ac in carnem ipsam sese insinuat, quæ alimentosa medicamenta præterquam quòd nutriunt, huius mali antidota esse possunt, & feruorem ebullitionemque à sudorificis, aliisque auxiliis

validis ferè contrahendam, præcauere nata sunt. Consule Hieremiam Capitaurum

lib. 1. de lue Venerea, cap. 5.

## QVÆSTIO XXXVIII.

*Quod Bubo Gallicus non solum in inguinibus, sed retrò aures, aut sub alis apparere possit. Contra communem Medicorum sententiam.*

**I**N superficie erat huiusmodi putredo.] Plurima sunt quæ in huius morbi primordiis euenire solent symptomata, quæ formidabilia sunt magis, quàm pessima, quoniam in externa parte ferè cōtingunt, ea sunt pustulæ, vlcera, scabies, pruritus, quæ in capite, fronte, vultu, & toto corpore apparentia erumpunt & exuberant, rotundo schemate sicca: quæ si negligantur, serpunt in ambitum, & in vlcus sordidum ac virulentum degenerant. Menti, & capitis glabrities, quum virus in tenui vapore consistit, qui in corporis summa ad illorum radices effunditur. Rubra in vniuersa cute apparent maculæ, & multoties flauæ, quæ à tenuissimo sanguine, eoque virulento ortum ducunt. De quibus omnibus latissimè, & ad nauseam vsque disputarunt auctores.

Præter hæc in emunctoriis, in inguinibus præsertim, iecore, & naturalibus membris infectis, bubones; à Græcis phymata, à Latinis verò pani nuncupati, apparere solent; qui licet ab omni humore gigni possint, potissimum tamè ab atra bile, & pituita oriri consueuerunt. Nū tamen hi in quouis emunctorio apparere possint, nullus Medicorum hæcenus agitauit. Præstat ergo iucundam rem speculati ad vnguem. Communi consensu à Medicis sancitum est, bubones Gallicos ex obsceno concubitu subortos, solum in inguine oriri: cuius contrarium constat esse apertè verum. Nam si hi oriuntur expulsa noxia materia ad glandulosas partes, ex robore potentis naturæ, ex Gal. 13. meth. cap. 5. adinir. quoniam valentius est arteriarum, venarum, nervorum, & musculorum robur; imbecillius autem, ac fortè prorsus nullum corporum quæ glandularum sunt naturæ; quare ob hæc causam humores à nobilioribus membris expulsos promptissimè recipiunt: fit vt bubones Gallici, & retrò aures, & sub alis frequenter contingant, si verum est illustrium Medicorum dogma (vt certè est) existimantium, interdum cerebrum, aliquando cor, & non solum iecur, in hoc morbo partes primariò esse affectas.

Deinde, quid obstat in alio emunctorio præter inguina, has inflammatorias oriri dispositiones, si hæ partes non ita sint suscipiendis excrementis aptæ, & aliæ sint molliiores, rariores, & ad recipienda superflua magis spongiosæ, & accommodatæ?

Ad hæc, Quod inconueniens est, tantam venenati humoris copiam in corpore quandoque adesse, vt in aliis etiam glandulosis carnibus, quæ in alis, & retrò aures sunt, humor exuberans regurgitet, & non tantum in ipsamet glandulæ carne, & in ipsius corpore, glandula ipsa in nimia magnitudinem excrecente; aut prope carnem glandulæ, aut intra pelliculam vestientem ipsam, bubones oriantur?

## Observatio L.

*Panus Gallicus sub alis, & retrò aures prognatus.*

**V**Idi plures, qui ex concubitu fædo, in inguine, & sub alis simul, ex copia multa, bubones Gallicos passi sunt; alios curauit qui retrò alas eisdem sunt experti. Ij sanitatem consequuti non sunt, priusquam alexipharmaca experirentur auxilia.

Quid dubitandum? Si enim Vigo lib. de morb. Gallic. cap. 2. & Anton. Musa in prognosticis de hoc morbo, omne inflammationum genus in variis nostri corporis partibus natum, cum hoc morbo complicari posse asseuerant: & ophthalmiam Gallicam concedit loco cit. Vigo. Et Fallop. tract. de morb. Gallic. aurium rinitum (affecti cerebri signum certissimum) præcipuum esse dicit huius morbi indicium, & Rondeletius dolorem ossis sterni primò in hoc morbo adesse profert: cur in superioribus etiam partibus, sicut & reliqua capitis vlcera, bubones non succrescent, hæc ipsa de causa contracti? Si tamen cæteri auctores

A de iis, sicut de eo qui in inguine oritur, peculiarem non fecerunt commemorationem, ea est causa, quoniam frequenter in his partibus repullulare solent.

## QVÆSTIO XXXIX.

*Quod in initio bubonis Gallici non solum è talo, cōtra Fallopium, & Dacam: sed è brachio mittendus sit sanguis. Contra communem Medicorum sententiam.*

**S**ed licet in bubonis Venerei curatione, auctores inter se in omnibus sint maximè concordēs, quod humor huius inflammationis auctor ad extrà euocandus sit, ne re-tentus in corpore, partes internas inquinet, & labefactet. labe dira, quod opus variis præsidiiis exequendum consulant: attramen ij in vniuersalibus auxiliis administrandis, Euripi modo, huc, illuc; agitati in varias abiere sententiās.

Solumque de venæ sectione tota stat lis & controuersia, (nam ab expugnante medicamento, humorum fluxus retrahitur) quam faciendam esse, nullus qui inflammationis huius causam, esse influxum humoris asseuerat, dubitabit, maximè cum adest plenitudo, vires consentiunt, & morbosus in corpore præest apparatus. Licet contrà sentiant Fallopius, lib. de morb. Gal. cap. 19. Hieronym. Fabricius ab Aqua pendente, lib. de tumor. præter natur. cap. 16. Dionys. Dacalib. 3. de apostemat. cap. 197. qui nullo modo, initiante bubone, sed postquam apertus est, aperiendam esse venam imperarunt, quoniam motum naturæ impedire solet. Quod dogma quàm falsum sit, videant omnes, qui apparentibus exanthematis, scabie, aliisque cutaneis abscessibus, hoc auxilium, ad iuuandum naturæ motum, vnanimiter celebrandum docuerunt. Tantum enim abest, vt facta phlebotomia ad interiores sedes retrahatur humor in corpore pleno; vt potius detracta copia, ipse redundans ad extimas, minúsque præcipuas corporis partes naturæ potentis factæ auxilio emittatur: quod argumentum, (posito exemplo in variolis, & morbillis) quoniam assiduis Classicorum decretis, ex Gal. doctrina haustis, firmissimis rationibus, & validissimo, fidissimoque experimento est agitatum, in eo explicando tempus conterere non oportet. Quare subit vehemèter mirari, quod illi eruditissimi viri, huic videantur accedere sententiæ, sola ratione dicta suffulci, quæ, vt vides, siculnea est, ac penè nulla. At ij potiùs de venæ sectione in brachio celebrata sunt intelligendi, nam quæ è talo moliri consueuit, plurimum adiuuamentum afferre solet. Sic enim iuuatur motus naturæ, quæ à copia redundantis humoris leuata, longè faciliùs trudit postea residuum ad externa: veneficus humor ad longinquas, & ignobiles defertur corporis partes, vbi nec cor, nec alia viscera præcipua conspurcare potest: & demum humor omnis qui in parte affecta continetur, venæ sectionis beneficio exhauritur; quam vacuationem in hoc morbo, ex hoc loco celebratam multi faciendam consulant Fernel. 2. meth. 7. Ludouic. Mercat. lib. 1. indicat. 4. Valles. lib. 5. epid. in com. sent. 7. Anton. Chalmereus Vergesacus lib. 1. enchir. cap. 50. de bubone venereo.

Hac tamen seruata lege venæ sectionem exequaris, vt solius bubonis habito respectu, semper è talo sanguinem emittas: Secus autem faciendum consulo, quando alius complicatur affectus, qui ex propinquiore loco euacuationem efflagitat. Si enim ex inguinum tumoribus febris putrida conciteretur, quam concedit Hipp. 4. aph. 55. eaque continua sit, ac mali moris, nimium videlicet exal-facta, ac putrefacta massa sanguinea, ac in malignam qualitatem degenerante, ex qua inflammatio aliqua interna oriatur, tunc existente bubone in inguine, è gibbero mittendus est sanguis. Nam si auxilia debent contendere cum morbo, in magnitudine, & celeritate, ea vena eligenda est, quæ ex propinquiori loco peccantem humorem educat, (in acutis enim tardare malum) priusquam robur partis dissoluatur, vel febres caliditas incre-scat, vel aucto feruore & incendio in vasis magnis, & cordi propinquis, ad aliquam partem principem decumbant ij, qui per corpus vagantur humores.



Neque timendus est maligni humoris ad superas partes recurrius, quoniam præsentē plenitudine, deonerata natura ad inferiores partes noxium humorem detrudir. Si ergo constans sententia, & à me fidissimo experimento confirmata, è talo semper esse mittendum sanguinem, solius bubonis habita consideratione: eo tamē præsentē, si adsit aliquis superiorum partium affectus, sui acutie celeritatem auxilij exoptans, è cubito esse hauriendum sanguinem. Quam positionem acriter defendit inter omnes, Petrus Toreus tract. de morb. Gallic. cap. 18.

## QVÆSTIO XL.

Quòd vnguenta Mercurialia pro morbi Gallici curatione sint admittenda. Contra Fernel. Montan. Paracels. Ferrer. Brachelium, Langium, & alios doctissimos.

Sed maioris negotij est speculari: Num vnguenta ex Mercurio parata pro huius morbi curatione sint ex usu. Video enim plurimos, & non infimæ notæ Medicos, qui fortissimis nixi rationibus ea infamare non desistunt. Primò. Quòd Mercurius, ex Diosc. mente lib. 5. cap. 69. sit venenum à tota substantia tale: firmant Galen. 5. simpl. 18. & 6. epid. sect. 6. com. 5. Plin. lib. 33. cap. 6. Quare membra interficit tabe dira, sanguinem congelat, auctore Nicol. Massalib. 4. de morb. Neapolit. cap. 1. calorem spiritumque exstinguit, corpus reddit debile, & ad expurgationem maximè ineptum, auctore Hierem. Brachel. lib. 2. aph. com. 17. Adde, sæpe hunc morbum terminari à natura per pustulas, vlcera & tumores; quare satius putant peccantem humorem sudoribus, & balneis ad cutem reuocare, quum ad eum locum ducendi sint humores, ad quem natura eos expellere inclinat. Deinde per scretum ea vacuantur solum, quæ in capite redundant, quum necesse sit in hoc morbo, à trunco corporis, vniuersaque corporis mole peccantem humorem educere. Vnguëtorum verò mercurialium, extremis membris admodum tanta est, & tam pertinax vis atque malignitas, vt qui semel iis curati sunt, si in eundem morbum recidant, nullam aliam curationem admittant. Has hydrargyri noxas immedicabiles elegantiori oratione prosequuntur Fernel. lib. 2. de abdit. rer. caus. 14. Manard. 14. epist. 4. Fallop. lib. de morb. Gallic. cap. 76. Ferrerius lib. de pudenda gra. Lang. lib. 1. epistol. 43. Theophrast. Paracels. lib. 8. cap. 1. Mundel. in annotat. contra Musam. sit. de hydrarg.

Insuper ex eius usu multa sequuntur non contemnenda incommoda quæ difficilem postea habent correctionem. Quum enim mercurius frigidissimus sit, iecur, & partes principes omnes inquinat, qua de causa totius corporis fœdus sequitur color, fiunt cachexia, & hydrops; & cum cerebrum nimium imbecilliter vapor eius, paralytim, conuulsionem, stuporem, & spasmus inducit, sensus omnes, & maximè auditum corrumpit, vt proprio experimento confirmat Montan. lib. 1. consult. 62. dentes vacillant, ossa putrescunt, cerebri, neruorum, ac hepatis vires viriuntur: viæ & canales obstruuntur, per quos animalis spiritus ad membra defertur; grauitatem insuper stomachi, validasque torsiones inferit, intestina vulnerat, & rumpit, urinam impedit, corpus reddit tumidum, plumbeoque colori perquam simile, artus contremiscunt. Hoc ita esse fabri argentarij confirmant, qui argentum deaurantes, ex eius vapore ita inualidi fiunt, vt postea toto corpore tremantes, manibus, pedibusque vacillent, & in paralytim incurrant.

Denique non potest approbari medicamentum, quod ducit humores à parte ignobili ab nobilem, à iuncturis videlicet ad pulmonem; ex quo spiritalium partium repentini accidunt morbi, subita pulmonis suffocatio contingit, & mors: & quod frequentius accidit, tabes est, vt proprio experimento firmat Cardanus lib. 5. de subtil. ad fin. Alia etiam de causa reprobant, quoniam eo assumpto eadem verenda symptomata oriuntur, quæ ex potu argenteæ spumæ subsequuntur, quæ quam periculosa sint

Dioscorid. loc. cit. confirmat: quapropter Serap. cap. 385. affirmat mercurium esse interficientem velociter.

## Observatio LI.

Ex Mercurij usu, mors subsequuta.

Ego, vt verum fatear, plures ex huius usu perire vidi; hoc enim quum curarentur auxilio, ex concursu humoris maligni ad fauces, os, paristmia, & pulmonem, angina sæuissima, oris, gulæ, vix, linguæ malignis & dolosis vlcerebus, orthopnoea acutissima, pulmoniaque correpti, suffocati sunt; & alij, qui hac de causa ex raptu humoris ad caput, epilepsia, & apoplexia correpti interierunt.

At nos qui solidam scientiam affectamus, has futes, & apparentes ratiunculas, cum rei veritate, frequentique ægrorum experimento nequaquā consentientes, & Medico inutiles, bona lectorū venia tanquā nullius pretij reiciimus. Licet enim supradicta ab eius usu Medicū auertere videantur, correcto tamen (extinctum vocant) vtendum est. Cum enim hic morbus radices agit, & sudorificis aliisque auxiliis non succumbit, tunc eius vis pro hoc domando malo est maxima. Hoc esse verū probat Ioan. Vigonius lib. de morb. Gallic. cap. 2. & plures alij confirmant, qui de hoc morbo accuratè scripserunt, quos numerare tediousum esset, & indecorum. Legat qui velit Zilletum, qui omnes de morb. Gallic. scriptores in vnum volumen conegessit.

Auic. Arabicæque familiæ præcipui antesignani, dum vlcerebus malis curandis sedulam operam impendunt, eo vtendum esse imperarunt. Sicque ille lib. 2. cap. 47. vlcerebus prauis plurimum conferre affirmat. Et 7. 4. tract. 3. c. 7. ad scabiem malam vtitur vnguētis, in quæ ingreditur argentum viuum extinctum. Ob similitudinem ergo, quam scabies habet cum morbo Gallico, pustulis, & vlcerebus totum corpus vexantē, vnguenta ex Mercurio parare Medici consueuerunt, vt inter omnes notat Andreas Alcazar. lib. 1. de morb. Gallic. 12. Ioan. Paschal. lib. 1. meth. medend. cap. 2. Arnald. Villanou. lib. 2. breuiarij, cap. 43. & Mercurial. lib. 2. de morb. cutaneis, cap. 4. in fin.

Sic enim præparatus Mercurius, & correctus, licet deleteriam qualitatē morbo Gallico insidentem non comminuat, tubercula tamen dissoluit, humorum crassitiem & tenacitatem incidit, horumque copiam persputum frequentius, etiam per sudorem, & aliquando per aluum educit. Hydrargyrum itaque nō solum humorum incendium, atque ebullitionem refrænât, siccitatem attemperat, & malignitatē obtundit, sed etiam squallida siccaque viscera ita humectat atque refrigerat, vt eius usu roboratum iecur, sanguinem non biliosum, aut acrem gignere possit. Quo fit vt cutaneos omnes affectus, scabiem, lichenas, lepram, & alia huiuscemodi vitia radicitus euellat, si quis eo prudenter vtatur, & vt decet, administrato.

Mercurium autem non esse venenum à tota substantia tale, ex eo probari potest, quoniam nec in magna quantitate assumptus interimit, prout asserunt Alcazar, loc. cit. Botallus lib. de lue vener. 17. Paræus lib. 20. de venen. c. 28. Saboralitan. com. ad Auic. de cura casus & offension. pag. 189. In cuius confirmationem extat Historia apud VVierum lib. 4. cap. 6. de quodam mendico, qui vt elemosynam è populo eliceret vberiore, matutino tempore magnam hydrargyri copiam, prius obice altius podici indito deglutiebat, quod luo pondere ex ventriculo per pylorum in intestina ferebatur, vbi ob pessulum ostio positum præcisâ erat exitus via. Quare cum vehementer id humidum sit, & tenuium partium, ac cognata mobilitate inquietissimū, valida ventris perturbatione, iactura inæquali, perpetua inquietudine, insulru violento, saltu feroci, tragædum iacentem ante fores templi diacebat, quem ad latus vtrinque cladebant eius coniux, & scortum: quæ profiliēti renixæ ferramenti appositis eum coercendū mentiebantur. Stipe autem collecta, inquietum Dæmonem: (hunc enim gestare simulabat) captiuum quidem mercurium, semotis arbitris, extracto pessulo, largo sequuto alui profuuiio citra vllam noxam liberabat. Quâ dolosi machinamenti

menti suspitione commotus magistratus in vincula con-  
iecit, atremque confessus est, qua ventrem, vt pro nutu  
suo exundaret, coincideret, & eleuaretur, continuo vortice  
coëgisset. Qui tandem Germanica punitione decimo  
post editum spectaculum die, rotæ est impositus, & eo-  
dem strangulatus. Hoc venefica apud Aufonium satis  
confirmavit, cuius historiam lecto poemate ipse depinxit in  
hunc modum.

*Toxica Zelotypo dedit uxor inacha marito,*

*Nec satis ad mortem credidit esse datum.*

*Miscuit argenti lethalia pondera vini,*

*Cogeret ut celerem vis geminata nocem.*

*Diuidat hæc si quis, faciunt discreta venenum,*

*Antidotum sumet qui sociata bibet.*

*Ergo inter sese dum noxia pocula certant,*

*Cessit letalis noxa salutaris.*

*Proximus & vacuos alui petiere recessus,*

*Lubrica deiecit, qua via nota cibis.*

*Quam pia cura Deum! prodest crudelior uxor,*

*Et cum fata volunt, bina venena inuant.*

Neque Gal. mercurium esse venenum pronunciauit vn-  
quam: & in loc. cit. ex aliorum loquitur sententia. Patet, nam  
lib. 9. simpl. tit. de Hydrarg. nullam de eo habere se notitiam  
asserit, an extrâ applicitum, aut intus assumptum interimat.  
Et si 4. lib. simpl. 18. ipsum causticam habere vim, vt fer-  
rum ignitum manifestè pronunciat, locus iste corruptus  
est, vt eruditissimè Fallopius animaduertit l. de metal. c. 37.  
vel si admodum nitaris, de factitio hunc locum intelligas  
oportet, cum Rorario doctissimo lib. contradict. Gal. 20.  
contrad. quum hoc ex minio sit constatum, haud secus ac  
sory, atque arsenicum, quæ nos per erosionem interimunt:  
in lib. verò 9. de naturali mercurio Gal. si intelligas, ipsum  
cum seipso conciliabis.

Dioscorides verò, Plin. & Arabes de epoto loquuntur,  
nos de extrâ admoto, correpto, & admixto alijs medica-  
mentis cardiacis, quæ nostri corporis vires tueri queant, si-  
mulque hydrargyri malitiam refringant, prout VVandal.  
Hoc de Brachenau. tract. de mentag. cap. 16 in princip. ma-  
nifestè asseruit. Vanum deinde est & commentitium, quodd  
sanguinem cogat, quum partes habeat subtiles & aëreas,  
quarum vi tum in perpetuo est motu, tum crassos humo-  
res fecat & extenuat. Neque quodd virtutem debilitet, ex  
hoc reprobandum, quum hoc etiam omnibus medica-  
mentis commune sit; nam quilibet vacuationi annexus est  
easus virtutis, cum ex noxiorum humorum vacuatione uti-  
litas sit maior, quam id quod sequitur ex purgantibus me-  
dicinis detrimentum, vt scitè docuit Gal. lib. 1. aph. 4.

Immo verum nō est quod obliuiscunt, ex illata debilitate  
reddi corpus ineptum ad expurgationem: nam natura anti-  
dori vsu roborata, manensque supra residuum, facilius pec-  
cantem humorem euincit, & expellit. Et licet firmum sit,  
& in medica facultate verū axioma, Medicum rectè ope-  
rantem naturam imitari debere; hoc auxilium licet cras-  
siorem humoris portionem per os emittat, tenuiorem etiā  
partem per sudorem expellere, confirmant omnes.

Falsum item est pati iecur, neruos, & cerebrum debili-  
tari; nam hæ partes ita firmanur, vt expulsis per omnes  
vias humoribus noxiis in posterum maneant robustiores.  
Quare si correctum applicetur, & aliis alexiteriis medica-  
mentis permixtum, ea non sequentur incommoda, quæ  
Monranus subsequi confirmat: & si accidant, ex accidenti  
ea euenite puta, ratione scilicet humoris euacuati, qui  
cum corruptus sit, & maximè putridus, fædaque labe in-  
quinatus, partes per quas fluit exedit, vlcerat, atque cor-  
rumpit. Et licet fiat transitus per membrum princeps, non  
ex eo reprobanda vacuatio est; ibi enim non immorantur,  
sed per sputum illic expelluntur huiusmodi excrementa.

Siverò tempestiuè exhibeatur, & corpore, vt decet, va-  
cuato, neque apoplexia, capitisve affectibus, aut superio-  
rum partium vlceribus tentabitur æger. Denique à ratio-  
ne alienum est, asserere hoc auxilio semel vsos, & recidi-  
uantes, omnem curationem respuere, quum contrarium  
quotidiano experimento constet esse apertè verum. Nam  
illi si in eundem morbum incidunt, Mercurio iterum at-  
que iterum applicito conualescunt.

## QVÆSTIO XLI.

*Quodd Hydrargyrium in potum sit assumendum.*

*Contra Mundellam, & Lacunam*

*Medicos doctissimos.*

N Vm autem hydrargyrium in potum, Gallicatis, aut  
pueris correptis epilepsia, aut alio sæuo morbo  
sit exhibendum, inter se debacchantur Iuniores. Mundella  
enim & Lacuna obnixè negantem partem defendere ausi  
sunt, tanquam rationi maximè conformem. Ille enim in  
annotat. contra Musam, tit. de hydrarg. hic in l. 5. in Dioscor.  
cap. 69. acriter in Medicos inuehuntur, qui ægros, & præ-  
sertim infantes simili auxilio excarnificant. Sed cum Se-  
niores, præstareque Medicos eo vsos fuisse sciam, illorum  
B opinionem summopere reprobo. Nam Paul. lib. 7. tit. de  
hydrarg. plurimos, ipsum concrematum, & in cinerem re-  
ductum, commixtumque aliis speciebus, colicis, & ileosis  
exhibuisse refert: firmat Auic. lib. 2. c. 47. Sequuntur Ioan.  
de Vigo, lib. 2. tract. 2. cap. 20. & lib. 5. de addit. c. 1. Paræus  
lib. 20. c. 28. qui ex Mariani Sancti, & multorum consilio  
suadet, vt in colico dolore, si perseveret obstructio, aded vt  
fæces per os redundant, (iliacum dolorem vocant) in hoc  
conclamato casu haurire cum sola aqua imperent argenti  
viui libras tres: pondere enim hydrargyrii. explicatur du-  
plicatum, ac vinctum intestinum, detruduntur ac depri-  
muntur fæces, & necantur vermes, qui huic morbo cau-  
sam etiam præbere solent. Vide Iordan. tract. 3. c. 8. de peste.  
Hoc modo Heurnius de capitis affectibus, cap. 23. aquam ad  
vermes enecandos summè laudat, in quam argenti viui  
C infusa fuerit portio, si ab ægro colata bibatur: immo ob-  
stetrices ubi grauidæ in partu diu laborant, ultimo remedio  
argentum viuum scrupuli exhibent pondere.

Amplius Vigo lib. 8. antidot. cap. 13. id in peste propinat;  
nam, teste Plin. lib. 38. cap. 6. & Auic. loc. cit. præter alias  
dotes proritat alui, & tenaces humores vomitu, & secessu  
repurgat. Maximam ergo Medicinæ opem præstat mercu-  
rius, cum sit ad contumaces rebellisque morbos vnicum  
leuamen, de cuius viribus sat plura Arabicæ sectæ secta-  
tores, & peritissimi iuniores disceptarunt. Matthiol. lib. 5. in  
Dioscorid. cap. 69. Horat. Augen. tom. 1. epist. lib. 11. epist. 1.  
Musa in examine simpl. tract. de mineralib. tit. de argen.  
vino. Vidus Vidius de curat. generat. cap. 2. Fallop. tract. de  
metal. cap. cit. Hi enim omnes pueris hydrarg. in potum  
exhibere non pertimescunt, cum sanissima epilepsia  
D corripuntur, aut ab illa præcauere conantur, Matthiol.  
lib. de curand. morb. Gallic. ex puluere Ioan. Vigonis (hic  
enim ex argentariorum aqua forti, & Mercurio constat)  
pilulas conficit, quibus se plurimos hoc morbo vexatos  
persanasse refert: tamen si Ioan. Paschal. & eius scholia-  
stes Pereda hoc medicamentum damnum esse asseue-  
rent, quorum opinionem Paul. Auic. & alij proceres Me-  
dicinæ palam refutant, qui mercurio per os assumpto  
vtendum esse censent, quum vomitu, & alui deiectione  
præsertim, tenacem pituitam, atramque bilem citra in-  
commodum educat, vt proprio experimento docent  
E VVierus lib. 4. cap. 6. Agricola lib. 8. fossil.

## Observatio LII.

*Mercurius in potum assumptus, Gallicatis  
præsentaneum auxilium.*

N Vllus est morbus, in quo ob sui rebellionem, & lon-  
gitudinem, Medici diuersa magis auxilia parant, quam  
in Gallico, qui cum conclamatus est, præsidii medicis vix  
succumbit. Fidissimo experimento compertum habeo, ro-  
bustos milites, aut alios quosvis viribus constantes, qui  
nec via regia, vnguentis mercurialibus, aut suffitibus le-  
uari potuerunt, buccella assumpta ex præcipitati granis  
quinque, rhodosaccharo, & cardiacis pulueribus confata,  
sanitatem recuperasse. Nam mercurius hunc Herculeum  
morbum coercet vehementer.

Huic enim soli præsidio hic mobus cedit contumacissi-  
mus, quodd robustam, prævalentem, & efficacissimā habeat  
faculta

facultatem crassum humorem incidendi, & veluti violentia quadam eundem secandi, & separandi à partibus solidis, à venis, & reliquis corporis cavitatibus, & per intestina pellendi. Et licet esset venenum, quod non concedimus, venenosis tamen medetur, & aliis morbis opitulatur, qui veneni sapiunt naturam, in quibus ipsum venenū non est, vt in corporibus sanorum. Cuius aquam arte chymica extractam, mirabile esse pro Gallicatis auxilium, firmat Ioan. Baptist. Portalib. 5. de metallor. transmutatione, cap. 5. & non sinit Georgius Dardanus, lib. 1. de cypat. morb. Gallici c. 4.

## QVAESTIO. XLII.

*Quòd vnguenta mercurialia recenter confecta sint applicanda. Contra communem Medic. sententiam.*

**I**llud consequenter perscrutandum: Num vnguenta mercurialia, recenter confecta, an post perfectam fermentationem sint applicanda. Nicolaus Massa lib. 4. c. 2. Alcazar, lib. de morb. Gallic. c. 19. in ea sunt opinione, vt putent, non esse vtendum his vnguentis, nisi cum duo aut tres menses fuerint transacti, quoniam si peracta fermentatione, mala argenti viui qualitas melius corrigitur, & emendatur, quorum votum communis medentium comprobauit vsus. Quum enim pinguedine suilla, temperiem symmetram habente, ex Gal. 7. sec. gener. c. 1. effraxis mercurij vis debeat temperari, & necesse sit vt frigida calidis misceantur, & porcini adipis alexiteria facultas hydrargyrio communicetur, quam habere fatetur Auic. lib. 2. tract. 2. c. 72. §. *Adeps porcina confert punctura animalium venenosorum, &c.* & ipsius apertitudo ad motum compescatur, & oporteat vt per moram, ipse mercurius in minutissimas partes secetur, à medicamentis calidis permixtis, vt sic dissectus in penitissimas partes promptissime penetret, sit vt perfecta fermentatio sit expectanda, quæ in tam paruo tempore parari non potest.

Sed hæc opinio à recta medendi norma, vt verū fatear, videtur aliena, cum contraria ratione, experimentoque sit stabilita. Nam si præterquam quòd multoties salina humana præparetur mercurius, oleosa ac pingui adipis substantia insuper corrigatur, ac fermentetur, ineptum redditur ad penetrationem, & sic calidorum medicamentorum cum quibus semper miscetur, mutua actione, partes aëreæ & subtiles quibus constat, resoluuntur, quibus dissipatis, nec ita crassum humorem secare, nec ad longinquas corporis partes peruenire, nec per aliam regionem peccantem succum vacuare potest. Habere autem argentum viuum summam partium tenuitatem, & mobilitatem, quam ex sulphurea, & aërea materia participat, illi est manifestum, qui non ignorat, omnia metalla habere igneam naturam, ex Gal. 9. simpl. cuius ratione aperiunt, deobstruunt, penetrant, incidunt, attenuant, & dilatant.

## Observatio LIII.

*Sauus morbus Gallicus, vnguento mercuriali antiquo non succumbens, recenter factò, curatur.*

**I**nvisabamus plures Medici fœminam ætatis 25. annorum, quadratam, & robustam, quæ ex ferina lue Gallica sudorificis auxiliis sanari non potuit. Tandem palato corroso, gingiuis vlcera, articularum doloribus diu male habens, Medicorum opem implorat. Mercuriali vnguento vsa est per 24. dies continuos, (non mireris, nam 37. dierum spatio vnguenta applicuit Massa lib. 4. de morb. Gallic. cap. 20.) bellè prius purgato corpore, Sed incassum, nam nulla sequuta vacatione, vrgenteque animi deliquit, ab vnguento curantium consilio abstinuit. Sed cum dolores iterum ingrauescerent, de sassafigiis consultum fuit. At Vincentibus Medicis reiteratæ vñctiones sunt: verum recentes illæ quidem, & pridie confectæ. Sed quo euentu, audi. Vix tertiam acceperat vñctionem, quando tanta humoris copia per sudorem, & sputum fuit euacuata, vt sym-

A promatis remissis, absterfis vlcerebus, sedato dolore, agra sanitatem integram recuperauerit.

Arnos non in recte præparatum corpus, assidua hydrargyrij, aut vacuantium ope maceratum, sed in vñctiones recenter confectas, tam mirabilis operis effectum reuicimus. Nam præparatio quæ fit cum salina humana est sufficiens; hanc enim, hydrargyrij vim maleficam retundere, & contra omne venenum antidotum esse præsentaneum, docuere Plin. lib. 28. c. 4. Lemnius 2. de natur. miracul. 44. Lacuna lib. 6. in Dioscord. in præfat. Quare cum hoc modo præparatus mercurius valenter penetret, & minus præponderet, ad æstiuum solem, & humana salina sæpius in mortario agitata, ad longinquas corporis partes penetrare & per easdem, à sulphurea vi, ætæoque calore dilatatas, humorem crassum & tenacem vacuare potest.

## QVAESTIO XLIII.

*Quòd morbus Gallicus sit contagiosus ad distans. Contra Mercurialem, & communem Medicorum sententiam.*

**O**Berrabat.] Superest solum discutienda de contagio huius morbi pulcherrima disceptatio. Num scilicet sit contagiosus ad distans. Conuenerunt vnanimiter Medici, hunc morbum esse contactu, & fomite contagiosum; de contagio verò ad distans, nec verbum quidem protulerunt. Excellentissimus Mercurialis nulli Classicorum secundus, & in cuiuslibet morbi problematis explicandis acerrimus indagator, lib. de morb. Gallic. cap. 4. edit. Veneta, inter omnes, quos viderim, dubium proponens, sic soluit, dicens, idcirco morbum hunc non esse contagiosum ad distans, quoniam quum illius subiectum, sint spiritus naturales, hi cum crassiores sint, per aërem contagium in corpus inficiendum deferre non possunt. Non placet solutio, quoniam licet concedamus spiritus naturales esse huius morbi subiectum, tamen illi sunt suapte natura tenuissimi & leuissimi, quum spiritus sit corpus calidum, tenuissimæ ac leuissimæ substantiæ ex aëre, & tenuissima, leuissima ac syncerissima sanguinis seu seminis parte generatum, auctore Gal. 5. simpl. 9. 3. de facult. 14. 6. de usu part. 17. 11. meth. 13. 12. meth. 15. 14. de usu part. 9. & 10. lib. aduers. Lyc. cap. 3. exponit eleganter Fernel. 4. physiol. ult. Deinde si hoc verum esset, nullus cutaneus affectus esset contagiosus ad distans: cum horum subiectum sit iecur, quod spirituum naturalium interuentu suas exercet operationes. Nam hi suapte natura ceterum tenuissimi sint, per aërem contagium deferre possunt. Esse autem lepram vlcera tam (affectum sanè inter cutaneos valde ferinum) contagiosam ad distans, probat Auic. 3. 4. tract. 3. cap. 1. qui recensens varias causas lepræ, hanc ex contagione aëris putrefacti à vicinia leproforum oriri affirmat, quod primò scripsit Auenzo. lib. 2. tract. 7. cap. 12. Vnde hi à consortio ceterorum hominum segregandi; nam hic morbus contagiosus est non minus, quam ipsissima pestis, vt doctè refert Paul. lib. 4. cap. 1. in fin. §. Quoniam verò affectus hic, non minus ac pestilentia contagiosus est, quam longissimè ab urbibus remoti agri, in locis mediterraneis, frigidis, & ubi sit hominum, si fieri possit, infrequentia, habitabant: inde verò ad confinia migrabunt, tñ ipsorum causa, iam illorum potius, qui vt verosimile est, ipsis infrequentius incident, quippe & aëre fruuntur commodiore, & alios hac lue non inficiunt, &c. Probant eruditissime Valler. 6. enar. 5. Marc. Don. lib. 1. de hist. mirab. 4.

Quare si ab vlcera lepra, putrefacto, eoque virulento catarrho, ophthalmia lippientium oculorum, emanat vapor putridus vicinum corpus infecturus, cur ophthalmia Gallica (hanc concedit Vigolib. de morb. Gallic. cap. 2.) non erit contagiosa ad distans, quum omnes habeat inficiendi conditiones? Cur vapor fœdissimus & virulentus; ab vlcere Gallico, sordido & cacoëthico eleuatus, sito in tonsillis, vna, palato, & aliis respirationis viis, vicinum corpus, citra fomitem, aut contactum, promptissime non inficiet ad distans? quum sit putridus, lentus, venenatus, & eleuatus ab his partibus, è quibus magis integra, minuscque immutata

immutata afflat aura, aliud corpus infectura: quas conditiones ad contagium esse requisitas, ex Arist. 7. probl. 7. ostendit Fracastor. lib. 1. de contag. vlt.

Quo factum est, ut conuersatio cum Gallicatis non sit tuta, neque tutum sit vlcera in his partibus habentes, exeuntes à sudoribus mundare, & abstergere. Sape enim vidi feminas Gallicatorum curationi assistentes, hac solum de causa in sœuissimam hanc luem incidisse, quæ non nisi exhibitis antidotis sanitatem recuperarunt. Sed hæc commatice perstringere placuit in his seriis explicandis controuersiis, in quarum explanatione Iuniorum doctissimi non ita indefesse insudarunt. Cætera verò quæ de curatione huius morbi ab auctoribus fuisse dicta sunt, ea omnia in compendium redacta inuenies. lib. 7. praxis Historiarum, cap. 1.

## HISTORIA LXXIV. TRALLIANI, De Angina.

Angina, leonicis, & cephalica sectis, & dato forti medicamento eodem die: tamen ægrum intra paucas horas enecauit.

**E**go sanè noui me, cum usus valde vrgeret, venam manè aperuisse: diluculo venas lingua subiectas secuisse: & vesperi ex cremore prissana lachrymam scammonia exhibuisse, atque ita laqueum ex inflammatione subortum vix potui dissoluere, &c. Trallian. lib. 4. c. 1. tit. de sang. missione.

### PARAPHRASIS.

**I**N morbo acuto, & præceps periculum minante, non esse procrastinanda auxilia, hoc exemplo Trall. confirmat. Quando enim semel agro moriendum est, à leuibus inchoare præsidis est inutile, ut lib. 5. meth. 15. retulit Gal. cum vehementi morbo non possit, nisi vehemens auxilium succurrere, auctore Cels. lib. 2. cap. 11. Tanta enim est huius morbi acuties, ut vel auxiliis illicò, & ut decet administratis, ægri strangulati è vita discedant: visi enim sunt plurimi, qui intra decem horas suffocati perierunt, ut propriis exemplis notarunt Musa ad lib. 4. de rat. viſt. & lib. 5. aph. com. 10. Fernel. 5. patholog. 9. Amat. 7. centur. 90. Scholiograph. ad cap. 23. Holler. de morb. intern. Merito ergo Trall. fecisse arbitraberis, si sectis brachiorum venis extèplò ob vrgens periculum, venarum sub lingua sectionem imperauit, quæ est doctrina Hipp. lib. 4. acut. 30. Consultoque factum hoc esse in vrgenti morbo puta, licet omni moda non esset ex superioribus facta vacuatio. Nam humor solum impactus negotium facessit. Quare illicò leonicæ secandæ, aliæque celebranda auxilia, quæ fixam materiam vacuare nata sunt.

Neque expectes, quod multi scioioli putant, ut totum corpus exquisitissimè vacuatum sit, priusquam ad affectæ partis auxilium deuenias; hoc enim consilium tanti fuit semper momenti, ut Valler. doctissimus exclamet, toto cœlo errare, qui non nisi corpore exquisitissimè vacuato ad locale auxilium deueniunt. Sicque summopere laudat Hipp. in lib. 4. epid. com. 43. & lib. 2. sect. 6. prope fin. qui ad auris & coxæ dolorem, cucurbitula ad aurem, & supra coxam, nullo alio prius exequuto auxilio, usus est. Si enim procrastinetur ex affecto loco vacuatio, in manifestum discrimen æger deducitur. Insuper deduces grauiter exalſe Lupeum 3. enchirid. cap. de angina, ex eo Trall. hoc loco sententiam taxantem, quod leonicas secuerit contra Gal. normam laram. 2. ad Glau. 2. qui has non esse secandas, nisi quando passio est diuturna, & corpus vacuatum, asseuerat. At Gal. de regulari curatione intelligendus est, non de coacta, qua præſente, eodem die, & medicamentum purgans, & venæ sectio commodè, & secundum artis legem, administrari possunt, ut probat Petrus Valscus Cæcellus tract. 1. de angin. cap. 8. difficult. 1.

## Observatio LIV.

Angina canina cucurbitula sub mento scarificata, curatur.

**A**cutissima affectio est angina, quæ cum fœmina quædam, nullo apparente tumore, grauiter corripereetur, clauiculatos dentes habens, & magna cum violentia respirans, ita ut in horas strangulari videretur, & neque venarum sub lingua, cephalicæ sectio repetita, in occipite scarificatæ cucurbitulæ, acria clyſteria illi operæ ferre possent. Tandem eodem die quo omnia acta sunt, sub mento profundè scarificata cucurbitula conualuit, & eiecta per sputum pituita crassa, & multa, altero die pancreaticè habuit.

## DVBIVM XLV.

Num in omni Angina vena sit secanda.

### COMMENTARIUM.

**V**enam manè aperuisse. ] Explicanda sese offert celebris controuersia: Num in omni angina vena sit secanda. Auic. enim 9. 3. tract. 1. c. 11. in quadam specie angina, orta ex pituita à cerebro descendente supra amygdalas, & ad partes faucium, & colatorij euitandam docet venæ sectionem ante declinationem, quoniam (ut ipse inquit) plus de pituita influit, & hominem suffocat. Et licet Gentilis, & Ioan. Costæus ad hunc locum. Auicennæ explanare conentur, asserentes, ipsum intelligendum esse, quum non ex sanguine calido, aut tenui humore ortum ducit, vel cum virtus inualida est, vel pituitosi, crassique sanguinis copia redundat; quo casu vena non est secanda, nisi postquam ægritudo principium, statimque præterierit, & humor experitur coctionem; tamen non est bona solutio hæc. Nam in hac acuta inflammatione, licet sit suborta ab alio humore alieno à natura sanguinis, sanguinem mittendū esse illicò monuit Hip. lib. 4. acut. 30. quam vacationem, virtute nō ita constare, partiendam esse docuere præſci, quæ in hoc morbo magis est opranda. Coctio autem in sanguine expectanda, quando morbus venosum genus affligit, non tamen in acuta inflammatione, quæ celerem expostulat vacationem. Nā, ut scire docuit Haly 6. præſt. c. 12. in hoc morbo illicò ad cephalicæ sectionē accedere oportet, licet is à quacūque causa fuerit subortus; quoniā auctores inceperunt ab euacuatione, non expectantes digestionem, ut affirmat Nicol. ser. 4. tract. 1. c. 2. de cura apostemat. gutturis. Quam sententiam amplectuntur Valleriol. 2. obs. 14. Dionysius Dacus, lib. 3. de apostemat. cap. 120. Massaria & Iacchin. prop. c. de angina. Si tamen in pituitosa, aut biliosa angina, eam Mesuè, & Rasiuſ, Gattinariæque non exercent, quod hi humores feligenti pharmaco sint educendi, de multa, & iterata venæ sectione sunt intelligendi.

In omni ergo angina mox est detrahendus sanguis, quum sit inflammatio vrgens, cui ni succurras, subitum suffocationis periculum imminet, neque morbi expectanda declinatio est. Auic. autem sententia suspecta est, & verè mendosa: sic notante inter omnes Nicolo, serm. 4. tract. 1. cap. 7. quem sequitur Ludou. Mercat. lib. 2. de morb. intern. cap. 2. Sic enim ait Auic. Et decollationis quidem est species quadam existēs supra galsamach. Quum ergo sit phlebotomia ante declinationem ægritudinis, descendit ad locum præſocatum, &c. Vnde litera textus est corrupta, & sic legendum [ ante decollationem ] hoc est in initio inſitante, antequam signa suffocationis ex maiori influxu humoris fiant manifesta.

## DVBIVM XLVI.

Num in Angina vsque ad animi deliquium sit sanguis emittendus.

**N**Vm verò ad animi vsque deliquiū sit sanguis emittendus, dubitat auctores. Nam Paul lib. 3. cap. 2. & Aëtius



Aëtius *tetrab. 2. serm. 4. c. 47.* repetitam consulunt venæsectionem: quod præceptum obseruandum summopere monet Tral. *lib. 4. cap. 1.* Nam si aliter feceris, ob animi defectum, perfacile ex faucibus concurrentibus humoribus ad pulmonem, inuitabile suffocationis periculum sæpe contingit. Contra Auic. *loc. supra cit.* cum inquit, *Si autem debilitari natura non incipit, tunc oportet, ut sine cessatione extrahatur sanguis, quousque appareat syncope in forti, &c.* Quæ doctrina licet sibi ipsi contraria sit, qui eo loco à decem ad decem horas sanguinem mittendum esse consuluit. Ea tamen, si rectè interpretetur, vera est, quæ Gentil. & Paul. Mongius cum Costæo defendunt in *com.* Nam in forti virtute usque ad animi deliquium; in debili parçè, & iteratò sanguis est educendus. Sed quomodo sit euitandum, ne hac simultanea vacuatione humor ad pulmonem delabi possit, non explicant viri doctissimi. Nititur ergo Auic. (vt ad tantum dubium pateat solutio) viribus præsentibus, causam coniunctam, & antecedentem hac subita vacuatione extrahere. Quare cum tota materia confestim educatur, metus non est, ne ad pulmonem fluxio decumbat. Posse autem causam inflammationis coniunctam, venæsectionis beneficio educi, probat eleganter Gal. *lib. 2. acut. com. 10.* dum in pleuritide copiosè sanguinem fundit, ita vt pro rubro, liuidus & conculcatus in phlegmone sanguis, & ob nimium partis calorem adustus extrahatur. Quapropter in angina, acutissimus cum sit morbus, si vires consent, nec debilitari incipiunt, vt Auic. inquit, audacter, & usque ad animi deliquium est vena secanda. Alij verò auctores, qui parcam sectionem exercendam asseuerant, immò & Auic. ipse, intelligendi sunt, quum vires non ita ad largam ferendam vacuationem sufficere possint. De qua re lege Iulium Guastauinium *lib. de loc. medic. select. cap. 14.* de hoc argumento doctè disputantem.

## HISTORIA LXXV. TRALLIANI, De Angina.

Angina sæua, cephalicis sectis, & forti  
eodem die cathartico propina-  
to, curatur.

**I**am alium quendam noui, me, postquam duorum brachiorum venas secuissem, repurgasse, sequenti die non expectato. Erat autem purgatio, liquor iithymali statim ex herba expressus, humidus adhuc, & nondum exsiccatus: habebat autem trium siliquarum pondus. Hac facere oportet in quibus vires robustæ sunt, eger ætate viget, & affectus vehementer dominatur, vt nullas admittat inducias, &c. Trallianus *lib. 4. cap. 1. tit. de sang. missione.*

## QVÆSTIO XLIV.

Quod in initio angina valida expurgantia sint ex  
usu. Contra Mercurialem, & Massariam  
Medicos præstantissimos.

### P A R A P H R A S I S.

**I**N acutissimo morbo, illicò auxilia esse exequenda, affectus sæuities manifestè ostendit, & Tral. hic exemplo confirmat. Et licet Paul. *lib. 3. c. 27.* in hoc morbo præcipiti, vt pote deplorato, seu curationem non recipiente, manum non esse adhibendam suadeat: tamen vbi certa desperatio non est, melius est anceps remedium experiri, quam nullum. Quare antiquiores Medici, facta prius, pro vrgentiæ ratione, phlebotomia, hoc auxilium vehementer comprobarunt: De quorum numero sunt Gal. *4. acut. 30. l. introduct. 13.* Cell. *lib. 4. c. 4.* Aët. *tetrab. 2. serm. 4. cap. 47.* Auic. *9. 3. cap. 10.* Sequuntur Valleriol. *2. obs. 10.* Eustach. *lib. 1. c. 42.* Ludouic. Mercat. *lib. 2. de morb. intern. 2.* Capitac. *lib. 1. praxis, c. ult.* Ioubert. *tract. de affect. internis thorac. cap. 1. in med.* Ioan. Heurnius in *com. lib. 4. Hip. de rat.* Lib. I.

**A** *vid. text. 20. num. 5.* Quem librum, sicut & alia plurima ipsius opera, Otho Heurnius, eiusdem auctoris filius, in Academia Leydensi Medicinæ Professor meritißimus, & omni disciplinarum selectissimarum genere insignitus, pio in paternos cineres affectu in lucem dedit.

Plurimis tamen hoc auxilium videtur suspectum, ac valde noxium. Nā quæ fieri potest, vt humor qui est morbi causa, purgatione initio adhibita extrahi, & eradicari possit? si crudus tunc est humor, & sic purgantibus minimè cedit, obsequitur. Quapropter qui humorem inflammata parte contentum, statim morborum inter initia, medicamento soluere conantur, non solum ab inflammata parte nihil adimunt, verum quoque, & quæ morbo resistentia, & sana sunt, absumunt, colligunt, vt oraculo prædixit Hip. *lib. 4. acut. 22.* Non sunt ergo in initio anginae valida expurgantia ex usu, quum coacta solum sint medicanda, nisi de turgentia sit sermo, quam ab angina longe abesse puto, cum eius causa, humor sit quietus, vt pote fixus in parte, & irrequieto motu minimè agitur. Ergo vbi acutus morbus fuerit, cuiusmodi est angina, verum etiam cum febre vehementissima, multò magis vitanda est purgatis medicamento administratio, atque per sectionem venæ vacuandum magis; nam maius, & securius purgatione est auxilium. Insuper. Valida medicamenta febrim accendant caliditate sua, corpus inflammant, movent humores, & paratiores reddunt, vt liquari & astenuati promptius euaporent in partes supernas, quæ omnia & inflammationem augent, & magnas in acutis morbis pariunt offensas.

**C** His fortè conuicti Marcurial. *lib. 2. prax. cap. 8.* Holler. *lib. 1. de morb. intern. cap. 23.* Massaria *lib. 1. praxis, cap. ult.* Tral. dictum refutant: nam suspectum arbitrantur in morbo calidissimo, medicamento tam effræni, & efficaci corpus expugnare. Sed circa rationem antiquorum dictis repugnant, qui felicissimo euentu eius usum approbant, & amplectuntur. Quare standum Tral. decreto, in angina fortissimæ initio, validissimum medicamentum propinantis, quod licet commoueat, alteret, perturbet, calefaciat, & noceat, non ob id in conclamato casu improbandum; nam *melior est noxa, quam mors, ex Gal. 12. meth. ult. & minus damnum maiori utilitate est compensandum, ex Gal. 1. aph. 24.* præsertim si fluxio sit pituitosa, febrisque ignaua: dari autem anginam vel cum febre remissa, vel sine vlla febris, Gal. est auctor *lib. 3. introduct. 13.*

**D** Ad purgandum autem corpus compellit vrgens necessitas; quoniam si sanguinis missio, cæteraque auxilia non conferunt ex tempore facta, quid peragendum superest, nisi partem affectam per alium, vnâque totum, dato cathartico exonerare; nam tardare reprobum est, quoniam vehemens est ad partem inflamatam humoris confluxus, ex quo læsa respiratione, strangulatio sæpißimè contingit. Quapropter rectissimè pronunciauit. Gal. *lib. 6. sec. loc. cap. 3.* in anginae initio medicamenta esse exhibenda, quæ præterquam vniuersum corpus vacuent, transferantque ad infra humorum momentum, ab affecta parte vacuare nata sint; hæc electiuè vacuantia dicuntur. Et licet humor sit crudus, quia vrget morbus, citra coctionem vacuandus est. Quo pacto acceleranda purgatio, post quam, pristina protinus superbibatur: sic enim post effrænis medicamenti potum, prisca eam sorbendam propinabant, auctore Gal. *2. acut. 12.* hæc enim tum qualiteratem medicamenti permutare, tum temperare valet. Cuius generis esse tithymalum, Dioscorid. & reliqui affirmarunt, qui bilem, pituitamque hoc medicamentum potentissimè vacuare asseuerant, præsertim si in magna quantitate offeratur, vt citius, & maiore vi, fixum impactumque humorem eradicare possit. Ne ergo mireris Tral. si in agone tanto, tantam tithymali quantitatē deuorandam præceperit, pondere nempe trium siliquarum: cum assumeretur idcirco, citissimam ex tempore attulit vacuato humore utilitatem. Nam siliqua est pondus quatuor granorum hordei, si Paulo fidem adhibemus, *lib. 7. cap. 26.*

de ponderib. & mensuris: & Saladino  
lib. 3. eiusdem, in init.

\* \* \*

## HISTORIA LXXVL TRALLIANI,

## De Angina.

Angina periculosa, iugularibus venis  
sectis, perfanata.

**N**Oui etiam iugulares venas à me sectas esse, cum lingua subiectas non inuenirem, ac plurimum adiunxisse, &c. *Tral. lib. 4. cap. 1.*

## DVBIUM XLVII.

*Num iugularium venarum sectio sit celebranda. B*  
*Contra Vascum Castellum erudi-*  
*tissimum.*

## COMMENTARIUM.

**I**ugulares venas à Celso *lib. 5. cap. 1.* phagitidas dictas, ab aliis apoplecticas, peniles, spermaticas, somniferas, iuueniles, organicas, atque carotidas nuncupatas, in suffocante angina esse secandas, antiquorum peritissimi docuerunt. Gal. enim in *lib. de anatom. viuar. sit. de anatome venarum manus*, in principio fortis anginae secandas esse sibi persuasit: firmant Rasis, 9. *ad Alm. 5. Auic. 41. cap. 20.* At hoc data vrgentissima necessitate exequendum est auxilium, quum strangulationis periculum imminet. Tantus enim ex his venis euenire solet sanguinis fluxus, vt vix sisti possit. Quare Albuc. *lib. 2. cap. 43.* Laryngotomiam minimè esse periculosam ancillæ testimonio ostendit, modò venis parcatur iugularibus, in quarum sectione adeò cauti, & timorosi Medici fuerunt, vt vix reperias vllum, qui ad earum sectionem nisi summa necessitate impulsus accedat.

Cur autem ex harum sectione irreparabilis sequatur sanguinis fluxus, ea est causa, quòd hæ venæ, auctore Gal. *lib. 2. de natur. hum. 6.* maximæ sint, & non ita possint conglutinari labia inuicem à se distantia, & sic harum venarum vulnera difficilem coitionem admittunt. Quapropter Auic. 4. 1. *cap. 20.* omnes venas iubet phlebotomare transuersè, exceptis his, quarum sectio secundum rectitudinem fieri debet, sic enim melius consolidantur. Nam alias, vt aduertunt Dinus, & Antonius Maria Bettus in *com.* non coeunt; quoniam ob motum colli coitionem impediens, difficulter consolidantur: & sic largus sequitur, qui vix compesci potest, sanguinis fluxus, & maximè cum vulnus apte ligari non possit; & si ligatur, suffocationis periculum extempore imminet. Hæc sunt quæ harum venarum sectionem impediunt. Addit Petrus Vascus Castellus *tract. 1. de affect. thor. cap. 7. de angin. difficult. 9.* plura alia, quæ huius auxilij vsum omnino renuere videntur. Primò; Quoniam Hipp. de hoc præsidio nec verbum quidem protulerit. Et quòd non inueniatur Chirurgus, qui has venas ob ignorantiam scindere ausit, & maximè quum non celebretur nisi in casu desperato, in quo nihil Medico moliri decet, cum æger solis prælagiis sit relinquendus.

Verum futilia sunt hæc, & planè nulla, cum secandi has venas timorem arguant solum, quo ducti veteres non nisi necessitate extrema coacti, ad earum sectionem accedebant, quòd difficulter coire posse arbitrantur. Quare in grauissimis ægritudinibus earum scissionem summopere approbarunt: de quorum numero sunt Auic. 4. 1. *cap. 20. & 9. 3. tract. 1. cap. 11.* in lepra, acuta angina, anhelitus, coangustatione, vocis raucedine, pulmonia, dyspnœa, ægritudinibus splenis, & laterum, grauissima apoplexia; huius vtilitatem vehementer commendans; explanant doctè Gentil. in *com.* & Iacob. Carp. in *Isagog. anatomic.*

Hæ ergo venæ si secantur angusta plaga, neque multum altè penetrante, & desuper medicamentum, fluxum sanguinis reprimens imponatur, tutò secari possunt, vt scitè adiungit Rondelet. in *meth. curand. morb. in obs. ad cap. de apoplexia.* Medicamentum autem quod debet imponi, constare debet ex pilis leporis, aloë, thure, & albumine

**A**oui, quo Gal. 5. *meth. 4. versus med.* venniæ iugularium vulneribus ad sistendum, citra vinculum, sanguinis fluxum vtebatur. Quo tanto præsidio fretus Rondeletius, securissimè in grauissimis, summèque vrgentibus malis secabat has venas. Quem vtpote in artis operibus exercitatissimum, primum omnium docuisse modum secandi eas, refert Ioubert. in *Isagoge therapeutica, cap. 3.* cum laus primò sit ascribenda Gal. *loc. sup. cit.* Hoc autem auxilium supra venam sectam esse imponendum, firmant Iacchin. 9. *ad Alm. cap. 9.* Holler. *lib. 1. de morb. internis, cap. 7. in schol.*

Licet autem Hipp. huius auxilij auctor non sit, sufficit quòd antiquiores Græci, Arabes, & iuniores ferè omnes id confirment. Nam id experti sunt Paul. *lib. 6. cap. 33.* Antyllus Asclepiad. & alij citati à Iouberto, *loc. cit.* Alzahar. *lib. pract. tract. 1. 1. cap. 9.* Haly. 3. *pract. 38.* Rasis, 3. *contin. 7.* Auenzoar, *lib. 1. tract. 10. cap. 14.* & alij quos affert Marcel. Donat. *lib. 3. de hist. mirabil. cap. 6.* & non siluiteruditissimus Guastauinius *lib. de loc. medic. select. cap. 16.* Neque ad hanc sectionem exercendam peritissimi defunt Chirurghi. Nam vulnera iugularium curasse gloriatur Patæus *lib. 9. c. 29.* & Gulielm. Plant. *lib. 2. chirur. 7.*

## Observatio LV.

*Hispanus quidam suffocante angina oppressus, iugularibus venis sectis, curatur.*

**H**ispanus quidam cum canina angina in horas strangulari videretur, & omnia vniuersalia, & localia per venam sectam, scarificatas in collo cucurbitulas, acriaclysteria, essent celebrata auxilia, & ipse nigricante facie velut emortuus iaceret: peritissimi Medici, iugulares secandas imperarunt. Adfuit Chirurgus secandi arte dexterimus. Illas, sanguine ad caput ruente, vaporibusque multis impletas, turgentes, & conspicuas resecurit: irreparabili sequuto sanguinis fluxu, ægroque lapsò in omnimodam virium iacturam, spes salutis abest, nullusque videtur remedio locus, quum de eo, ob violètum sanguinis fluxum, iam desperarent omnes. Neque pro hoc sistendo inuèctum fuit quod opitaretur auxilium. Vocatus emplastrum Galenicum superimpono, collòque commodè ligato ægrum iam iam exhaustum refocillo, qui post horas respirare, & loqui cœpit aperto ore, & immunis ab angina deinceps sanissimè vixit, nec mireris. Nam quando salutis unica est via, hæc, licet cum periculo, tentanda: cum satius sit ægrum periclitari, quàm spe adempta certò perire.

**E**x ego in nimia aliarum partium hæmorrhagia hoc vsum emplastro, fidissimo experimento sanguinis fluxum compescui; eo tamen seruato, vt leporis pili sicci quàm minutissimè trituriati, aliis supradictis commixti applicentur, aliàs restringendi virtute carent omnino, cum corpulentia sua in partes penitissimè sese non insinuent.

Harum sectionem in suffocante angina semel, non semel in apoplexia felicissimè tentasse Ioubertum, pater ex ipso, in *tract. de affect. thorac. cap. 1. in med.* Vanum autem est, & à pietate alienum deploratos non attingere, vt latius in *com. hist. 63. supra* explicuimus. Merito ergo fecisse Tral. iudicabis, qui non inuentis leonicis, ad iugularium sectionem accessit: quarum scissio siue externæ sint, siue internæ per latera ceruicis, & oris dispersæ, vt notat Vesal. 2. *fabric. 7.* & Andreas Laurent. *lib. 4. de re anatom. cap. 6.* non contemnendâ vtilitatem in acutissimis morbis afferre solet. Ex quibus pater, quàm malo fundamento, quàmue exiguis viribus Castelli huius robur fuerit munitum.

## HISTORIA LXXVII. TRALLIANI,

## De Angina.

## Angina ex suppressis mensibus orta, sectione tali, perfanata.

**I**N muliere autem venas ad talum aperui, cum ipsam mensibus non purgari cognoscerem, atque illinc potius ei morbi occasionem obuenire. Ac duplex ægrotanti commodum ex eo subsequatur

*Subsequutum est, nempe consuetarum vacuationum provocatio, A mat 2. de generat. anim. 4. Explicant Marcell. Donat. lib. 4. de hist. mirabil. cap. 19. & citati auctores in locis dictis.*

## P A R A P H R A S I S.

**G**AL. naturalium arcanorum acerrimus indagator, & medicæ scholæ fulgentissimum iubar, *lib. de ven. sect. aduers. Erasistr. cap. 5.* causam menstrui assignat, dum mulieres cunctas singulo mense sanguinem superfluum foras effundere affirmat: quoniam muliebri genus, utpote sedentarium, ut quod domi ageret, neque vehementibus laboribus exerceretur, aut sub claro sole viueret, ac ob utraque hæc multitudinem humorum coaceruaret, quam præ caloris inopia non absumit, ipsam vacuationem plenitudinis, tanquam remedium naturale sortitum est, cuius vi, ac ope sanguis excrementitius paulatim, & indies mittitur ad vteri venas, in quibus collectus, & in eam molem excrefcens, ut à natura sustineri non possit, eum natura irritata foras propellit. Et ideo potius menstrua purgatio, quam vacuatio vocatur, à Gal. *lib. de atra bile, 8. in init.* Quam causam generationis menstruorum, Medici hætenus vnanimi consensu amplexi sunt. Quidquid Democritus, & Parmenides existiment, idcirco mulieres pati menstruam purgationem, quod sint calidæ, & gignant sanguinem acrem & feruidum, qui cum nimium excrefcit, sua acrimonia irritat, & stimulat naturam ad sui expulsionem. Quam opinionem ut pote falsissimam abundè reprobant Arist. 4. *de generat. anim.* Macrobius 7. *Saturnal.* 7. eleganter Mercurialis *lib. 4. de morb. mulier. cap. 1.* & post hos annotarunt Ludouic. Mercat. *tom. 1. quest. 53. & tom. 3. lib. 4. de morb. mulier. cap. 1.* Christoph. à Vega *lib. 3. prog. com. 10. in init.* Andreas Laurent. *lib. 8. de re anat. quest. 2.* Peramatus *lib. de temper. cap. 13.* Roderic. à Castro, *part. 1. de vniuers. mulier. medic. lib. 2. cap. 13.* Clarissimum cum sit foeminas viris esse frigidiore, ut probat Gal. 2. *de temp. 2. 3. de caus. puls. 1. 14. de usu part. 6. 6. de loc. cap. 5. 5. aph. com. 38. & 2. de sem. cap. 5.* edoctus ab Hipp. 3. *aph. 48. 6. epid. sect. 2. sect. 44. 45. & 46. & sect. 4. sect. 27. & lib. 1. de diat. 5. Caterum femella ab aqua magis.* Decepit forsitan Democritum, & alios tantos viros Hipp. auctoritas, in *lib. 1. de morb. mulier. n. 3. 5. Habet enim mulier sanguinem calidiorē, & propterea calidior est quam vir, &c.* Pro cuius loci expositione plurima contra Iuniorum discrepantes opiniones, fauente Deo, *lib. 2. in comment. Histor. 144.* latius exarabimus. Interim lege Mauric. Cordæum in *lib. 1. de morb. mulier. comment. 1. sect. 4. ad fin. & Mercat. quest. cir.*

Is ergo sanguis pessimus suapte natura cum sit, venenatus, inutilis, impurus, & fæculentus, de cuius malitia tot mala prædicant Plin. *lib. 2. cap. 15. & lib. 28. cap. 7.* si retineatur, foeminae corripuntur sæuissimis morbis, viscera afficiuntur, & conspurcantur labe dira: ab hoc enim sanguine suppresso eleuantur auræ, quæ ob vteri consensum cum præcipuis partibus, totum corpus sua virulentia labefactant, & inquinant. Aded vitiosus est menstruus sanguis, ut de eo referant ingentia mala Columel. *lib. 11. rei rust. cap. 11.* Solinus in *Polyhistore, cap. 4.* Elian. *lib. de histor. animal. 8.* Rabbi Moyses *lib. 3. dubitat. cap. 48.* Ioan. Baptist. Siluatic. *controvers. 91.* Lacuna *lib. 6. cap. 25. in Dioscor. Fernel. lib. 7. Physiolog. cap. 7.* Renuant licet Mercurialis. Peramatus. Otto Casmannus *part. 2. Psycholog. cap. 8. disputat. 9.* & alij, qui rationi, & experimento repugnantes, menstrui perniciem, & malignitatem omnino denegant: hoc enim modo non controuerto, excussum iam ab alijs, præsertim ab eruditissimo Stephan. Roderic. Castrense *lib. 4. de meteor. microcosmi, cap. 6.* qui horum argumenta confutauit ad vnguem. Legat qui velit Ludou. Bonacioli. *Ennead. mulieb. cap. 2.*

Sanguis enim hic impurus suppressus, dira, & plena timoris symptomata parit, lata à Gal. *lib. de ven. sect. aduers. Erasistrat. cap. cir. & 6. de loc. 5.* hæc sunt, epilepsia, paralyfis, rabes, alui fluxus, vteri strangulatio, melancholia, hydrops, causus, internæ inflammationes, vrinæ difficultas, nausea, cibi fastidium, lumborum dolor, corporis grauitas, & alia innumera mala, quæ prius prædixit Hipp. *lib. de morb. mulier. in Coacis prænot. & 5. aph. 57.* Arist. *lib. I.*

Rursus. Cum hic sanguis retentus non infernas solum partes, sed superiores infestet, prauis ex vtero ad has concurrentibus vaporibus, qui è vitioso sanguine eleuantur, & præsertim ad caput, cum quo maximum habet consensum, ex Gal. 6. *epid. sect. 1. com. 2.* fit ut huius partis exitiales, & funesti hac de causa morbi contingant, ut docuit Hipp. *lib. de virg. morb. num. 2. & 3.* Nam quum vteri partes hoc sanguine fuerint repletæ, horror cum febre ingruit, ab acuta quidem inflammatione insania, à putredine clamor, præ sanguinis caliginositate timor, ac formido, præ sanguinis copia comprimente cor, strangulatio, præ sanguinis malitia, anxietas, & mœror foeminasprehendunt.

**B** Demum nulla est pars, quam menstrua purgatio re-  
tenta lædere non possit copia sua, verum partes respira-  
tioni inservientes promptissimè hac de causa vitiari fi-  
dissimo experimento compertum est: nec dissuadet ra-  
tio, nam vehementissima illa, ac velocissima thoracis di-  
latione, & compressione, copiosius trahitur retentus  
sanguis ad thoracem ipsum, ex quo ob viciniam in vici-  
nas regurgitat. Vnde angina frequenter oriri solet, gra-  
ue admodum malum, summèque periculosum. Quod  
cum acciderit, omni ingenio conandum est, per vterum,  
infernamque saltem regionem naturam euocare sanguine  
misso ex talo, ex suris, ex femoribus, Id faciendum do-  
cet Hipp. oraculo illo lato *lib. de virg. morb. mala recitata*  
*sæua curaturus, dum inquit: Ceterum curatio ut hinc li-*  
*berentur, est sanguinis detractio, si nihil fuerit quod impedi-*  
*&c.* à qua autem parte sit hauriendus sanguis, nunc fusè  
disputabimus.

## QVÆSTIO XLV.

*Quod in suppressis menstruis semper è talo sit hau-  
riendus sanguis. Contra Sanctorium, Riolanum,  
Bottonum, Montuum, Væxiū, Altimarum,  
Mercat. & alios Medicos præstantissimos.*

## C O M M E N T A R I V M.

**V**ENAS ad talum aperui. ] Vetusissima quæstio est, &  
ab omnibus satis, superque agitata: Num in sup-  
D pressis mensibus cum summa totius plenitudine, è talo  
sit emittendus sanguis. Sed quia Medicorum scinditur  
incertum studia in contraria vulgus, qui Euripi modo  
agitati inter sese debacchantes digladiantur, nec adhuc  
capit discordia finem, illorum dissonas opiniones, pro  
Gal. Aëtiique defensione commatice perstringam, ma-  
ximè quoniam in hoc argumento plura adhuc supersunt  
explicanda.

Qui in suppressis mensibus è cubito venam secat, is  
in Medicina suam fatetur incitiam, & Galen. summi-  
que dictatoris edictis maximè repugnat. Nam si horum  
sinceram doctrinam amplecti velimus, nullus qui inti-  
mius Galen. sensa perlustrauerit, ex inferioribus parti-  
bus celebrandam esse hæsitabit. Miserrimæ namque  
foeminae si menses ex toto supprimantur, aut diminutè  
E procedant, infinita propemodum mala pariuntur, quæ  
suprà ex mente Hipp. retulimus, & latè tradidit Gal. 6.  
*de loc. cap. 5. & alibi.*

Quid ergo agendum in agone tanto? aut quomodo  
eas tantis malis obstitas liberabimus? Diuinus Hipp. cuius  
dictio est tanquam à Dei voce prolata, auctore Gal. *lib. 1. de usu part. cap. 9. in princ. lib. 5. aph. 31.* in retentis men-  
struis cum totius plenitudine, sanguinis vomitum con-  
citante, menstrui per vterum eruptionem summopere  
laudat: in qua sententia, ut auctor est Galen. *in com.* non  
solum vacuationes per vterum esse approbandas docet,  
sed consulit, ut mensibus retentis, praua periculosæque  
symptomata minantibus, eas moliamur vacuationes, quas  
natura certis legibus vtens celebrare intendit, si verum  
est, Medicum naturæ operantis rectè imitatore esse.

Hanc medendi normam obseruauit *lib. 2. epid. sect. 4. in fin.* A dum Strymargi famulam post partum cum summa totius plenitudine grauiter laborantem, vena secta in malleolo leuauit, quem Gal. *lib. aduers. Erasistr. cit. & lib. de rigore, cap. 8.* summis laudibus effert.

Quare hoc præceptum multi faciens Gal. exemplis approbat, ratione fulcit, experimento fidissimo defendit, *in lib. ferè toto de ven. sect. aduers. Erasistr. cit. & lib. de cur. rat. per sang. mis. cap. 11. & 18.* quibus locis plenitudines omnes ex suppressis mensibus ortas, sectis venis in cruribus vacuare contendit. Nam sectæ in cubito, purgationes menstruas auferunt, sanguinem ad superiores partes auercentes: in infernis verò partibus scissæ non solum vacuant, sed etiam menses prouocant.

## D V B I V M XLVIII.

*Num in antiqua mensium suppressione è talo sit vena secanda. Contra Fonseca eruditissimum.*

O Biicies, & meritò sanè, Gal. contrà sentientem *in lib. 6. epid. sect. 3. com. 29.* qui splendidam illam fœminam Romanam, iam octo mensibus purgationis menstruæ suppressione laborantem, vena secta in cubito persanauit, ex qua exiuit sanguis, liquidæ pici, & colore, & crassitudine similis. Maximum certè indicium ex gibbero venæ sectionem fuisse celebratam, quòd ad libras sanguinem extraxerit; nam quantitas sanguinis cum aqua confusi, & permixti, non ita exactè potest diiudicari, vt certò pronunciet Gal. primo die sanguinis sesquilibrium, rursus postridie libram, tertio verò non multò plus selibra extraxisse. Quare congruentius est asserere in hoc loco, Gal. in antiqua suppressione è cubito mittendum sanguinem imperasse. Nam si in talo venam seces, conuocato sanguine ad partes infernas, & vterum, obstructions facies primo affectu grauiorès, vt notat Roderic. à Fonseca, *tom. 1. consult. 6.* in diurna menstrui retentione, è cubito hac solum ratione sanguinem exhauriens.

Obiectionem facile sic dilues. Licet ex contextus serie, deduci non possit, ex quo loco sanguinem Gal. extraxerit, quoniam ipse locum non assignat: rationabile videtur existimare, ex talo fuisse celebratam, quum is auctor in hoc loco secandam esse, sibi persuasit semper. Et licet in antiqua suppressione non ita de menstrui prouidentia debeamus esse solliciti: tamen cum curatio auspicanda sit ab eo auxilio, quod morbum, & eius causam respiciat, commodius semper mihi visum fuit (nisi quid vrgeat, aut superioris partis affectio postulauerit citiorem vacuationem) è talo sanguinem demere. Si autem Gal. locum non assignat, quod etiam exemplum, & modum curationis affert Beniuen. *de abdit. cap. 44.* venæ sectionis locum prætermittens, id facit, quoniam clarissimum erat in eius doctrina, è talo semper esse sanguinem vacuandum. Et Lud. Lemosius *in com. cap. 3. lib. 5. meth. Gal.* hanc historiam citans, hoc confirmat: & probat Mercat. *lib. 1. de morb. mulier. 16.* & omnes alij qui ab infernis partibus sanguinem mittentes in menstrua suppressione, Gal. hoc loco in sui subsidium adducunt.

Deinde. Verum non est, immò à Gal. doctrina maximè alienum, affirmare hunc auctorem venas extremarum partium in balneo secuisse. Nec ego apud illum id vquam scriptum reperi. Solum constat ipsum *lib. 1. de curand. rat. per sang. mis. 14.* dixisse, ex vena manus summæ secta nihil effluere mentione dignum, cuius contrarium eueniret, si in balneo secaretur hæc vena: tunc enim sanguis, ligatura dolorifica, frictione, balneo, calore suo sanguinem fundente, & liquante attractus, ita vacuaretur, vt prius vita deficeret, quàm sisti posset. Iudicauit autè ipsum pondere, prout ipse affirmat *in lib. de præcognit. ad Posthum. 13.* iuuenis illius historiam recensens, qui crisi vehemente à febris liberatus est, eiecto sanguine per nares, cuius quantitas librarum quatuor & dimidiæ pondus æquauit. Ad stateram ergo Gal. sanguinem ponderabar. Hoc modo iudicium ferendum esse de quantitate sanguinis, confir-

mat Musa *lib. 2. aph. 41. & lib. 5. com. 23.* dum Dianam Estensem 18. lb. sanguinis æqua lance ponderatas, è naris eiecisse affirmat. Refert Amat. *2. centur. vlr. & Marcel. Donat. lib. de variol. & morbil. cap. 13. lb. 20.* sanguinis, unica die & duabus noctibus, per nares effluxisse, vase collectas, & lance libratas vidisse testatur. Non me latet Iuniores Græcos, Oribas. nempe, extremarum partium venas in balneo calido secuisse, *in lib. 7. collect. cap. 9. §. Si à manu detrahere sanguinè velis, prius perfundenda est aqua calida, atque ita cum constrictione relaxanda. In malleolis verò constrictione supra genu in femore fiat: sanguisque, si fieri potest, in balneo detrahatur, &c.* Neque timeas attracto sanguine ad vterum huius partis geminari posse obstructionem; nam si attrahitur, venæ sectionis opè, per grandissimas, quibus vterus est præditus, venas, ex Gal. *6. epid. sect. 1. com. 2.* citissimè foras expellitur. Quare inferna facta sectione, & phlebotomæ obstructionis causæ, & obstructioni, tum & scopo naturæ intendentis colluuiem illam per vterum deponere occurrimus, moniti Gal. consilio, *lib. 11. simpl. cap. de castorio*, qui obstructionem ex retento menstruo persanans, prius abortam plenitudinem secta vena in talo partim minuit, & partim reliquum assumptis vacuat medicamentis, castorio, pulegio, & calamintha.

Horum vestigia sequuti sunt Principes omnes, & Mauritanicæ familiæ proceres scientissimi, cum Auic. *21. 3. tract. 4. cap. 25.* qui in retentione menstruorum primò ad saphænæ, deinde ad alterius cruris sectionem, accedere iubent, confirmant interpretes *in com.* Sic faciendum est in omnibus affectibus, qui à retentis mensibus oriuntur, (nisi plurimum vrgeant, aut præceps sua acutie periculum minentur) in quibus poplitis vena secta sanguinem ad vterum trahit, menses remoratos prouocat, naturam sui muneris oblitam excitat ad expulsionem, & vbertim minuit plenitudinem, prout venustè Hipp. & Gal. *loc. cit.* confirmant.

Dysenteriam excipiunt plurimi, quum à suppressis mensibus originem ducit: cum timor sit ne conuocato ad inferas partes sanguinis impetu, fluxio ad intestina amplius corruet; quare salubrius indicant è cubito sanguinem mittere: ex hac enim parte secta vena, præstantior sit reuulsio, & citius demitur plenitudo, & non ita prouocatur fluxus. At securius multò iudico in talo incidere venâ, & maximè cum huius assertionis strenuum habeamus ducem Gal. qui ex suppressis mensibus ortam dysenteriam, sicut & plura vitia ab eadem causâ pronata, & cum retento menstruo implicata, ipsa vacuatione menstrua superueniente cessare, aut mitescere asseuerat, *lib. de venæ sect. aduers. Erasistr. cap. 5.* Sin autem vacuata copia non adminiculetur natura, feriendas esse tali venas in omni affectu à menstruo sanguine retento originem ducente, constâtissimè affirmat *lib. de curand. rat. per sang. mis. cap. 19.* per hæc verba. *At in iis quibus repressi sunt menses, semper in cruribus, &c.* Quasi diceret, in omni plethora præsentè, & affectu ab hac causâ suborto, inferiores venas esse tundendas semper. Si igitur in cruribus semper, non excludit dysenteriam ab hoc trunco subortam? In hac ex talo mittendum esse sanguinem approbat Merc. *lib. 3. de morb. intern. cap. 12.* Neque in hoc exemplo sectio tali est alui fluxus prouocatiua, quin potiùs à caviâ vena generèq; venoso, sanguinem biliosum & acré, huius mali causam, cum exhauriat, facit vt ad intestina, natura recreata, ebullientem humorem, vlçusque exasperantem deinceps non transmittat.

Vides vt in affectibus è retentis mensibus ortis, in talo feriendam esse venam vnanimiter concedant Principes, & omnes qui puriorem illam medendi normam Galenicam amant, colunt & amplexantur. Inter reliquos extant fortissimi milites magno armorum strepitu acriter Gal. partes tutantes. Hi sunt præcipui, Mercurialis *lib. 4. de morb. mulier. cap. 1. tit. de eurat. defect. mēstruor. in princip.* Massaria *lib. prælect. de morb. muliebr. cap. 2.* Ioann. Baptist. Syluat. *contr. 26.* Ferdin. Mena *in com. cap. 19. lib. Gal. de curand. rat. per sang. mis. Fern. lib. 2. meth. 7.* Iul. Cæsar Claudin. *lib. 1. respons. medicinal. 18.* Iulius Guastauinus *lib. de loc. selectis, cap. 22.* Fuchsius *5. aph. 33. & in Gal. de sang. mis. Lud. Lemosius lib. 5. meth. c. 3.* Montuus *lib. 4. anascen. c. 31.* &



& Roder. à Castro lib. 1. de morb. mulier. in Schol. c. 5. qui in A curandis femininarum morbis ceteros antecelluit.

Verum pro vno conciliando Aëtio, hi aduersus alios acerrimè digladiantur: è contra ceteri Galenicam doctrinam remnunt, & damnant, & in varios sensus illius mentem detorquent. Alij tantorum auctorum repugnantibus sententiis deterriti palinodiam cantant, de quorū numero Mercur. est, qui cum lib. 4. de morb. mulier. cit. Galen. sententiam firmam esse constantissimè asseuerasset, in com. tamen 14. epidemica historia, in fin. primò secatur basilicam, deinde ad sectionem saphænæ accedit.

Certum tamen sit Aëtium retrab. 4. serm. 4. cap. 57. in suppressis mensibus cum plenitudine, primò secare basilicam, deinde saphænæ sectionem exercendam imperare: timet enim, ne si sanguis ex tali vena prius dematur, humores præcipiti lapsu in vterum ruant, & obstruentes amplius, faciant affectiones primario affectu grauiiores. Alias pro Aëtij defensione rationes passim videbis apud auctores, qui illius sententiam anxie tueri, mordicusque stabilire conantur, quas latè citat, & refellit Raphaël Moxius lib. 4. de curand. rat. per ven. sect. morb. mulieb. acutos, c. 18. Huius opinionis fautores sunt, Lupeus lib. 3. enchirid. cap. prop. de mens. retent. Matthæus Gradus in 9. ad Alm. c. prop. Mercatus lib. 1. de mul. affect. cap. 9. Amat. 1. centur. 15. Petrus Væzius in lib. Comment. medic. cap. 20. Syll. tract. de mensib. mulier. Altimarus lib. de med. hum. corp. hū. mal. c. 107. Albert. Botton. lib. 1. de morb. mulier. cap. 31. Donat. Santorus lib. 4. epist. 13. Riolan. lib. de partic. meth. sect. 4. c. 1. Sed ij omnes falso nituntur fundamento; cum è directo Gal. doctrinæ aduersentur, qui prætermittit sectionem è brachio, primò è malleolo sanguinè exhauriendum suadet semper.

Instant Aëtiani doctores, & qui ad rauim vsque huius auctoris edictum, velut larum ab ipso Hipp. tuentur. Sicque cum Gal. conciliare conantur. Nam ille auctor plenitudinem summam, & vniuersalem respexit solum: Gal. verò particularem vteri considerauit. Sed erroris plena est conciliatio hæc, quam multo antè carpserrat Garzias Lopus lib. de varia rei medica lect. cap. 17. quoniam Gal. laudat Hip. quòd Stymargi famulam, tremore correptam cum plenitudine summa, ex retento menstruo tali vena secta persanauerit, quem non nisi ab ingenti plethora ortum fuisse, firmat Gal. lib. de tremor. cap. 8.

Alij hanc pacem componere tentant, dicentes multo melius esse basilicam prius tundere, quoniam copiosissimæ illæ vacuationes, quibus Gal. utebatur, iam non sunt in vsu, per quas, sectis venis crurum, acervatè, & copiosè, possit non solum vteri, sed etiam totius corporis plenitudo summueri. Sic soluunt Lupeus, & Petrus Væzius loco cit. Dupliciter peccat conciliatio. Primò. Quoniam sicut copiosissimæ vacuationes apud præcos erant consuetæ, sic etiam patæ, nam Gal. lib. de curand. rat. per sang. mis. c. 13. ad dimidium vsque corylæ extrahit: coryla autem, vt supra diximus, nouem uncias continet. Nostro autem æuo adhuc celebrari copiosas illas vacuationes, dubitat nemo. Nam in præcipiti morbo, cum virium robore magno, quis copiosam vacuationem retardare audebit, si auxilia debent contendere cum morbis in magnitudine, & celeritate? Et nostro æuo homines reperiuntur satis firmi & robusti, quibus similes vacuationes ferre possunt, immò sunt antiquis, viribus æquales, vt probat Christoph. à Vega in præfat. lib. 2. de art. medic. quidquid contra sentiat Dalechamp. lib. 2. de pest. in principio.

Neque admittenda est illorum interpretatio, qui Aëtium intelligunt, de venæ sectione facta in menstruo suppresso cum alterius morbi complicatione: Tunc enim non mittitur ratione menstrui à brachio sanguis, sed alterius morbi impliciti respectu.

Theodorus Collado c. 73. in errores Holler. sic putat hos inter se conciliasse. Quando suppressio est causa plenitudinis, è talo: cōtrà è gibbero, cum suppressionis est plenitudo causa, imperat sanguinem emittendum. Refellitur: nā in vtroque casu vtilius temper è talo demitur sanguis, quum hac sectione, & sanguis in vtero impactus, & in partibus sup. moribus abundans educi possit. Renuat licet Albert. Botton. lib. de morb. mulier. cap. 29.

Morbosa fœmine ob menstruum retentum, secta vena in cubito, subito pereunt: secta in talo, conualescunt.

Vldi quater fœminas, vomitu sanguinis ex suppresso menstruo ortum ducente cum plenitudine totius, vehementer oppressas, facta sectione in cubito, hac solum de causa, illico occubuisse. Memini verò alias, eodem morbo, & aliis correptas, facta scissione in brachio, grauissimis symptomatis vexatas, quæ ex improviso secta saphæna, aut scarificatis cruribus, pro virium tenore, à tantis malis immunes euasere. Nec dubites, nam vera fides. Tanti periculi est, sanguinem ad insueta loca contra naturæ ordinem violento motu attrahere!

Quoniam autem Medicinæ Principes in omnibus oportet esse vnanimes. Aëtium ex mente Russi loquutum asseuera. Secundò. Si illum de præseruatione interpreteris, non errabis: sicque intelligo Paul. lib. 3. cap. 61. cum ait. Cum igitur propter aliquod interaneorum vitium primum, purgatio circumciditur, & strangulatur, ex usu maximo fuerit, id quod primò afficitur curare, deinde vteri habere rationem, &c. Ac si dixisset: Fœminæ, quæ ex retento menstruo grauissima symptomata patiuntur, si ab eis eas præseruare velis, partes à quibus malum hoc oritur persanabis, vt sic ritè menstrua fluant. Et si sit pro hoc debellando vitio necessaria phlebotomia, tunc eam oportet celebrare è cubito, vt iecur, v. g. nimis excandescens & squallidum, sanguinem exallans & incrassans, dempto è propinquiore parte sanguine, mitescat ac temperetur, postquam, vterum roborare opus est, vt expellere possit, quod alienum & excrementitium à superioribus partibus natura extrudere consuevit. Vt videas ineptè hunc locum ab Amato in sui subsidium citari, cum Paul. nec verbum quidem de sanguinis missione protulerit. Sed hæc obiter dicta sint.

## QVÆSTIO XLVI.

Quòd in sua angina, aliisque inflammationibus internis, è suppressis mensibus ortis, è cubito aliquando sit sanguis emittendus.

Affectus liberatio. ] Inter celeberrima præsidia quæ tuendæ salutis gratia hominum sagacitas adinuenit, nullum est præstantius, & quod illis maiorem usum, ac fructum præbeat, quàm phlebotomia. Quippe quæ vrgentium, & acutorum morborum, præsentium, aut imminentium, promptum, salubre, ac accommodatum est auxilium: plenitudinem enim ad mediocritatem reducit, dolores extensione sedat, corpus grani pondere, sarcinæque quodammodo oppressum erigit, alacriusque ad omnis generis obeundas functiones reddit. Eademmet insitum calorem liberalius ventilans, referansque arctiores vias, & corporis spiracula deobstruens, morbos arceat; & si fortè hi morbi per incuriam inciderint, venæ sectio immodicam plenitudinem subtrahens efficit, vt natura onere victa & superata, detracta copia qua obruebatur, immunis victrixque euadat. & hoc modo expediri, & leuata reliquis humorum vitiis, veluti dominatrix, imperare possit, & concoquat quod concoqui est habile, & excernat id quod potest excerni, & prorsus est inutile, & nunquam posthac futurum est idoneum.

Huius præsidij necessitatem ostendunt plurima, ex solertia ac sagacitate naturæ deprompta. Adest imprimis fœmina, animal menstruatam, in qua appositè canales quosdam construxit ita secundum naturam referatos, vt typicè per eosdem, maximo cum artificio, placidè ac tuto sanguinis sarcinam deponat illa: quo mediante opere, & salubre seruat corpus, & sæpe à grauissimis morbis præseruat. Porro & in vtroque sexu, etiā præsentem valetudinem, idem præstat natura, dum apertis narium, aut hæmorrhoidum tubis, per eosdem inutilem sanguinem eliminat, maximo

cum hominum commodo. Tandem adest portentosum hac de re naturæ exemplum. Tradit Plinius obesum Hippopotamum ( animal Niliacum ) naturam docuisse, sanguinem fauciaro acutissimis iuncis corpore sibi fundere, humorum copiam vtiliter deponere, ac plagam limo lutoque obducere : monstrans quanti sit momenti, sanguinem aperto vase exhaurire, dum corpus nimio sanguinis onere opprimitur, & obruitur.

Quapropter Diuinus Galen. solerter huius auxilij vim, & efficaciam in abigendis morbis, maturoque consilio deliberans, & expendens, contra Thessali sectatores strenuè se semper opposuit : ostendens manifestissimis exemplis, ipsum esse omnium optimum, præsentaneum, & multiplici rerum usu sæcundissimum, quum sit cæteris præfidiis opportunius, citius, ac penè tutius. Est enim sanguis, quod oleum in lucerna, quod cibus in mensa, quibus si debitè, si prudenter quis vratur, lumen, vitamque præstant, & spirituum exhaustorum inopiam refarciunt : sin perperam, tenebras inducunt, & suffocato, præ nimia copia, calore natiuo mortem afferunt. Ad præcauenda ergo tanta mala à multitudine sanguinis nimia suborta, tam præstans auxilium sagacissima inuenit natura, à primis sæculis vsque ad nostra tēpora, à clarissimis viris, Græcis præsertim, Arabibus, nostris, continuata serie approbaturum.

Cum ergo Tral. hic anginam, affectum sanè grauissimum, persanare conaretur, nonnisi ad hoc auxilium deuenire coactus est, sciens nimirum solo hoc inflammationes internas esse debellandas. Cumque sanguis menstruus recurreret ad partes superas, musculoque gutturis aut faucium, phlegmone afficeret, necessum fuit ipsum ad originem, & originis principium, vterum nempe, attrahere.

Acutissimus Ioubert tract. de affectib. thorac. prop. cap. de angina, quem sequitur Pereda, in com. cap. 24. lib. 1. de morb. curand. in Paschal. dubitat, quomodo tantus auctor venas tali aperuerit, quum in morbis acutis & subitam perniciem minantibus, harum venarum sectioni nunquam sit fidendum, relictis brachiorum venis ; quibus sectis, tum plenitudinis causa promptissimè demitur, tum ab inflammata parte promptius noxius humor educitur. Sed immeritò huius auctoris suggillant sententiam, quam cæteri medicinæ Duces approbant, & confirmant. Hipp. enim 5. aph. 57. menstruis suppressis, ab vtero morbos contingere affirmat, quæ ex mente Gal. citauimus supra : recurren-  
D  
te nimirum ad superas, & quaslibet alias partes, sanguine. Quare si sanguis ad tuam originem ducendus est, & suppressæ vacuationis reuocatio, est illius medela, quis dubitabit in angina, eaque non multum urgente ( qualem depingit Tral. hic ) in talo venam esse secandam. Rursus in vomitu sanguinis, affectu sanè periculoso, ex Hipp. lib. 4. aph. 25. & lib. 7. sent. 37. sanguinis eruptionem per vterum laudat ipse 5. aph. 31. quoniam, monente Gal. in com. sit sanguinis ad inferiores partes retractio, atque euacuatio : cur in angina ab hac parte securissimè non administrabitur ? Quapropter Auic. 9. 3. tract. 1. cap. 11. in init. in hæc verba prorumpit. Et quandoque oportet, ut attendatur in re phlebotomia res alia, & est, quoniam quandoque est causa dominiij apostematis in prefocatione, retentio sanguinis consueti, sicut sanguinis hemorrhoidarum. Et in huiusmodi quidè oportet, ut sit phlebotomia in latere trahente materiam ad partem, à qua cadit retentio, sicut necessaria est hic phlebotomia saphæna, & ventosa crurium. Quum enim egreditur sanguis plurimus, tunc quandoque sedantur accidentia statim. Et quandoque necessaria est iteratio in mane, &c. O sententia dignissima cedro ! quam inter omnes Gentilis, & Iacobus de partibus, Arabica sectæ asseclæ ingenui, vbertim, graphicèque explanat. Nam licèt hic affectus sit particularis & particularem exoptet vacuationem, & ex propinquiore loco celebratam : tamen si ille permanentiam adhuc non habeat, & plures habeat partes fientes quàm factas, tunc ex infernis mitri sanguis tutissimè potest, sic enim & à parte mandante fluxionem retrahimus, & naturæ motum vna iuuamus. Vide Vegam 3. art. medic. sect. 5. cap. 8. Ludou. Mercat. 2. de morb. internis, cap. 2.

Sin autem angina firmata sit, & plures partes habeat

factas, vrgèatque, & vitæ periculum minetur, obseruat tunc morbi sæui natura, licèt vitium à suppressis menstruis oriatur, & vel ætè fluentibus menstruis, fas est venas tundere superiores. Hoc videtur insinuare Auic. loco. nuper citato. 9. Et quandoque oportet ut attendatur, &c. Vbi explanans Gentil. verbum [quandoque] sic ait. Dixit quandoque, quia possibile est materiam qua ascendit, iam impressisse : ex hoc ergo canone habes, de qua vena debes phlebotomare, quia si aliud membrum est in causa, euacua ad id, & ab illo si est possibile : & ideo si hepar hunc sanguinem aggregaret, phlebotomia de vena hepatica : si totum corpus videretur plenum sanguine, euacua de vena communi, & si expediat incipiamus à saphæna. Si repletio est appropriata partibus capitis, de cephalica, &c. Ex qua serie constat, in acutissima angina, etsi menses ritè procedant, quum ab ipsis minima, aut nulla conferentia expectetur, è brachio mittendum esse sanguinem : Affectus namque vrgentissimus, ob euidens, & citissimum mortis periculum, omnem ad se trahit curationem. Quare cogimur in hac hypothesi, quamprimùm, ac crebrò venas cubitorum externas scindere, ut quam breuissimè sanguinem & reuellamus, & euacuemus à loco phlegmone obfesso, licèt ritè menstrua procedant.

Hanc doctrinam firmanit Mercat. in com. histor. epidem. 21. Ludou. Mercat. 1. 4. de nutrit. & puerp. affect. cap. 11. Roderic. à Castro lib. 4. de morb. mulier. cap. 16. Ioan. Raphaël Moxius lib. 1. de cur. morb. mulieb. acut. per ven. sect. cap. 36. Ea tamen seruata lege hoc faciendum impera, ut alternatim fiat ex brachio, & crure phlebotomia. Sic enim  
C  
& vtero mandanti, & parti inflammatæ opem præstamus : euocatis etiam eo tempore mensibus, per frictiones, ligaturas, cucurbitulas infernis partibus adhibitas, quibus irruentis sanguinis impetus citius trahatur deorsum. Addiderim, cephalicæ sectionem in hoc affectu ad leuandam inflammationem valde commodam esse, nec ita sursum euocare posse menstrua quàm basilicam, quæ maiorem communionem habet cum partibus inferis ; ex illa enim furtim veluti, & insensibiliter sanguis extrahitur, auctore Aëtio retrah. 3. ferm. 1. cap. 45. Quid plura ? nōne eruditissimus Valleriol. 5. obs. 10. in pleuritide post partum sæua, post tertium diem, ritè fluentibus menstruis, sanguinem è basilica, reluctantibus omnibus felicissimè misit ? Nōne Fernel. 2. meth. 8. post partum, rectè procedente purgatione menstrua, è brachio ob solum febris ardorem è gibbero sanguinem exhaust ? quod consilium in acutissima angina commendant Mercat. summopere Medico curaturo, tum loc. cit. tum lib. quæst. quæst. vlt. & Amat. 1. cent. 34. quum maior vtilitas minori noxa sit redimenda. Quæ doctrina de acutissimis morbis venæ sectionem exoptulantibus venit intelligenda, ut in suffocante angina, sæuissima phrenitide, graui apoplexia, truculenta epilepsia, sæua pleuritide, periculosa peripneumonia quotidie experimur. Lege Ludouic. Mercat. de argumento hoc, lib. 1. de morb. mulier. cap. 16. & lib. unico quæst. quæst. 5. luculenter disputantem.

Sed hoc loco veniunt iure merito increpandi ignari  
E  
quidam Medici, qui in suppresso menstruo post partum, ob rusticum timorem, vel fortè vulgi calumniis perterriti, saphænarum semper sectiones illicò imperant celebrandas, quum phrenitis sæua, funesta, angina, pleuritis acutissima, aliique superiorum partium diri affectus in parte siti particulari scæminas opprimunt, qui neglecta indicatione menstrui, particularem vacuationem citissimam exoptulant. Hi autem tali sectionem iterantes, cubiti verò, frontis, nasi, & aliarum partium scissionem parnificantes, in irreparabilia damna, immò mortem, miserè sanè decepti, eas coniectant, & ad has secandas non accedunt, nisi postquam totum corpus exquisitissimè vacuatum est : quo tempore quum inflammatio partium præstantium confirmata sit : & nullus videatur esse remedio locus, velut in moribundis præsidia exerceant, quo tempore nihil aliud sit, quàm quòd quæ tempestiuè celebrata contulissent, suscepra seriùs infamantur auxilia.

\* \* \*

## Observatio LVII.

*Suffocante angina post partum oppressa femina, superius venis scissis, & scarificata in occipite cucurbitula, reuixit.*

**I**lluſtris quædam femina, poſt dies à partu, (ritè fluentibus lochiis) nullo apparente tumore externo, tantum pondus in imo gutturis perſenſit, vt vix reſpirare poſſet, ſed febri acutiſſima correpta, in horas ſtrangulâri videretur. Huic opem ferens, neglecta indicatione menſtrui, cephalicam vtriuſque lateris ſcindere iubeo, & poſt duas horas leonicas. At cum his vix leuaretur, cucurbitula tandem bis in occipitio ſcarificata reuixit.

HISTORIA LXXVIII. GALENI,  
De Angina.

**D**eregitur error Medici, acria, & caustica in oris affectibus imponentis.

**I**neſt. autem & aliud quiddam particulis oris, atque id duplex, quod non adest ipſi cuti. Inſuauitate enim medicamentorum, quæ adhibentur, ſentiunt, & duos meatus ſubiacentes habent, per quos in ventrem, & pulmonem deſtuere quidpiam ex ſtomaticis medicamentis poteſt, quale eſt & quod per atramentum ſutorium conſtat. Et ſanè Medicus, neque imprudens, neque inexperitus facultatis pharmacorum, ubi hoc miſcuerit pharmaco ori deſtinato, multò quidem fortius ipſum reddiderit, verum vehementer ladens, ſiquidem ad gulam, aut aſpera arteria extremum, quidpiam fortè fuerit praterlapſum, &c. Galenus lib. 6. de compoſ. med. ſec. loc. cap. 1.

## P A R A P H R A S I S.

**A**dmirari item licet Medicorum ſtupiditatem, qui ita temerè auxilia conſulunt ægrotis, ac ij qui aleam iaciunt, quorum aſſert offenſio magnum ægrotis incommodum, vt per iocum dicebat Gal. lib. 1. epid. ſect. 2. com. 50. Quis namque ſanæ mentis compos, atramentum ſutorium cum medicamentis ſtomaticis miſcere audebit; quum inſigniter calefaciat, & medicamenti caustici vim habeat, vt Medici Florentini docent, rit. de chalcantho, edocti à Dioſcorid. lib. 5. cap. 13. illud eſſe acre, mordax, & corrodens medicamentum aſſeuerante. Inſuper ſtomatica medicamenta, cum ſuauitate quadam non debent eſſe adſtringentia multum; nam hoc modo meatus nimium comprimunt, ſuntque in cauſa, vt humor ad interiores labatur ſedes, partèſque ſpirituales labefacter. Si autem valde calida ſunt, impenſè nocent; nam liquant humorem intempeſtinè, fluxionem accerſunt, eamque acriorem reddunt. Quibus qualitatibus cum polleat vitriolum (vehementer enim calefacit & adſtringit) plurima damna efficere natum eſt. Niſi adſit vlcus doloſum in vua, & praua malignaque qualitate tonſillas infeſter, de quò Aëtius terrab. 2. ſerm. 4. c. 46. ſitque cum inflammatione complicatum, quod citiſſimè in gangrænam abit, & ocyſſimè ſtrangulat, mortemque minatur, tunc enim caustica, immò ignis ſunt ex vſu. De cuius vlceris curatione, legat qui velit Ludouic. Mercat. conſult. 14. Trincauel. lib. 4. de compoſ. medic. cap. 16.

In ſimplici ergo inflammatione, citra vlceris reſpectum, medicamenta ſtomatica modicè debere eſſe ſtyptica, & frigida, & quæ citra vehementem adſtrictionem repellere poſſint, conſors eſt Medicorum ſententia, vt norant Gentil. in com. Auic. 9. 3. tract. 1. cap. 11. dub. 3. & Matthæus in com. cap. 48 lib. 9. ad Almanſ. qui ſatis longam de hac re quæſtionem agitarunt. Num autem in initio anginæ, aut oris inflammatione, gargarifmata actu an potentia frigida ſint aſſumenda, apud Hip. & Galen. ſcriptum non reperio. Dicendum tamen actu, & potentia frigida eſſe debere, ſic enim partes laxas roborant, vnâque reperiunt. Neque timeas horum vi humoris ad interiores ſedes retroceſſum,

A nam hæc ea non debent pollere frigidityte, vt adſtrictione, ſiccitateque ſua humorem intrò propellant. Hunc curationis modum exercent inter omnes Bartholomæus Montagnan. conſ. 91. & 92. cum poſtea approbant Syluius, Mercurial. & Ioan. Puluerin. prop. cap. de angin.

Neque obſtat, quòd lib. 4. acut. 30. Hip. calida exhibeat, & attractoria gargarifmata. Neque quòd eo loci muſſam propinet, non frigidam. A quo deſumpſit Aëtius terrab. 2. ſerm. 4. cap. 25. in tonſillarum inflammationibus repidis vrens. Nam, vt ille de conſummata, & facta loquitur inflammatione, ſic hic, vel ad ſedandum dolorem, vel in ſtatu, aut declinatione repidis vſus eſt; his enim aſſumptis, excrementa, quæ ferè in hoc morbo aſſiduè in declinatione, ab inflammatione reſudare ſolent, abſterguntur, & à facultate melius expelli poſſunt.

HISTORIA LXXIX. GALENI,  
De vna inflammatione.

**D**iacaryon, celeberrimum ad affectus oris auxilium.

**E**go autem quando primum ex Alexandria in patriam meam redij, agrum peritranſui, & inueni quendam hortulanum, ab vna, tonſillis, & glandibus ferè ſuffocatum. Vtebatur autè collutione aqua muſſæ, roſis in ipſa decoctis. Cum igitur vididiſſem fructum nucum in vigore eſſe, iuſſi detractum ab eis externum corticem, quo & tinctores viderè videntes, ſtatim in mortario contundi, & ſuccum eius per linteam colari, \* nondum ſciens quomodo iuxta craſſitiem aut tenuitatè haberet: quum verò reperidiſſem aquoſum, & compage tenuem, gargarizare eo iuſſi ipſum hortulanum. Poſtquam verò valde tenuis apparebat, percoxi: & mel cõmenſurati, velut in eo quod ex moris fit, fieri ſciebam, admiſcui: atque ubi iam ad compagem mellis redactum eſſet, hortulano vtendum reliqui. Porro cum viderem celerriſſimam utilitatè ipſi inde oboriri, præſtabile ratus ſum in multis experiri, atque ex hoc ſufficiente experimento accepto de facultate eius pharmaci, ſemper ipſo vſor, vt noſtis, &c. Galenus lib. 6. de compoſ. medic. ſec. loc. cap. 1. rubric. 2. tit. de ſtomatico medicament. & nucibus.

## P A R A P H R A S I S.

**G**argarifmata in initio anginæ, aut cuiuſcumque inflammationis oris eſſe ex vſu, omnis Medicorum cœtus vnanimiter confirmat: ex nulla tamen materia præſtantiùs, quàm ex ſucco viridium nucum parari poſſe, plures poſt Galen. approbarunt: de quorum numero ſunt Paul. lib. 7. cap. 14. Raſius 3. contin. ult. Halyab. 10. pract. c. 20. tit. de rob. Serap. tract. 7. cap. 23. nec immeritò, cum hoc medicamentum ſtypticitate ſua, laxas, mollèſque gutturis partes roborer, & influentem humorem ſuauiter repellat, vehementer partibus adhærens; argumento eſt, quòd huius ſucci tinctura è veſtibus difficulter eluitur. Fit verò hoc medicamentum, quum ſuccum corticis viridium nucum exprimitur, ita vt ad quintam partem ſucci, mellis vna adiiciatur, & coctione facta ad dimidias, ſeruatur totum: diacaryon ſimplex à Paulo appellatur.

**E** Hoc enim eſt præſtantiùs, & vtilius cæteris; quoniam in variis inflammationis temporibus, eo cum alijs admixto vti poſſumus. Nam in initio cum ſtypticis, in augmento cum diſcutientibus, in ſtatu cum ſolis reſoluentibus permiscendum eſt. Quo pacto Medici docti, rob ex ſucco viridium nucum parare ſolent: Latini dianucum, Græci diacaryon vocare conſueuerunt. Quod licet parem videatur habere cum alio medicamento dicto diamoron, facultatem, eſt tamen potentius ad oris affectiones propulſandas: Nam, vt ait Gal. 7. ſimpl. tit. de caryo, hoc eſt, nuce, plurima in nucis putamine recenti, pariter & ſicco adſtrictio reperitur; quo pacto ex eius expreſſo, & colato ſucco medicamentum efficitur huic vſui, ſi quod alterum, efficaciffimum: De cuius vi & potentia, Lege Valerium Cord. Lumen Apothecarior.

& Bernard. Dessenium, qui de eius efficacia plurima literis consignarunt.

## DVBIVM L.

*Num ut le sit in Medicina, Medicos proprios errores confiteri.*

### COMMENTARIUM.

**N**ondum sciens.] Mirum est Gal. Medicorum coryphæum ita apertè confiteri se nescire, quam contentiam pharmacum hoc post correctionem debeat acquirere. Sed ne te ampliùs suspensum teneam, lege quomodo ipse lib. 2. de loc. cap. 5. in suo proprio morbo sit deceptus, summus alioqui Medicus, & in curandis humani corporis malis multiplici usu dexterrimus. Magnum certè Medicorum solatium, ut qui videant ipsum in proprio malo ita dolusum: putabat enim lapidem in altero vræterum esse impactum, adeò ut illi videretur doloris ipsius species perforanti similis. At vacuato humore, dolorèque sedato manifestè constabat, neque lapidem fuisse causam, neque vræteres, aut renes fuisse affectos, sed aliquod intestinorum, & forrè magis crassorum passum fuisse. Sed quomodo possit à calumniâ Galenus liberari, dicam lib. 2. in com. hist. 94.

Nec mirum doctissimos viros, experièntiâque insignes quandoque decerrasse, ex ipso Galen. lib. 1. ad Glauç. cap. 1. & lib. de præcognit. ad Posthum. c. 14. præsertim in vita breui, & arte longa, & ad cuius finem, nec ipse Hipp. peruenit, ex ipso in epistol. num. 31. in qua supra capsum hominis esse nunquam errare, solius vero artificis quàm minimum, ingenuè prædixit ipse lib. 3. prog. 41. quoniam aliquandò, licet raro, Medicus optimus decerrat. 2. c. 29. Neque piget tantum auctorem hæc libentissimè confiteri, maximè in re quæ semel intellecta, multam diiudicandi, & curandi morbos, omnibus præbet vtilitatem, nequis decipiatur eadem ratione, qua quis antè deceptus est, hoc enim facere, magni viri, pij, ingenuique esse putatur. Quare multis in locis se ignorare & nescire libenter fatetur Gal, & se fuisse deceptum dicere non erubescit.

In pulsu enim dicto, verbis Archigenis, qui geminis mallei ad incudem ictibus ipsum assimilât, deceptum fuisse memorat, lib. 2. de præfag. ex puls. cap. 8. Et 7. meth. 8. originè & causam mortis, ex calida siccaque ventriculi intemperie pronatæ, se cum præceptoribus non intellexisse, asseuerat. Et lib. 6. de loc. cap. 3. longitudinis pilorum in vrina causam se ignorasse contestatur. Neque callosos lapides se vidisse ex ano eiectiones affirmat, lib. 6. de loc. c. 2. Et lib. 9. simpl. vit. de hydrargyrio, nullum de eo periculū fecisse refert, an intus assumptum, an extrâ applicitum interimat. Et lib. 5. simpl. 8. & 6. epid. sect. 3. com. 5. de animæ substantia nunquam ausum fuisse palam confessa oratione promulgare manifestè pronuntiat. Et lib. 9. simpl. cap. 8. se ignorasse ait, num lapis hæmatites, tacto vulnere vnde sanguis emanat, cursum eius reprimat. Et 2. alim. 30. se nescire ait, num pistacia ventrem roborent, aut lædant. Et lib. 7. de placit. 4. & 1. de loc. 7. se ignorasse profert, influatne è cerebro in reliquos neruos cum facultate spiritus. Et lib. 6. aph. 44. se ignorare sensum illius aphorismi dicit apertè. Denique se nescire alta voce proclamat, lib. quod anim. mor. c. 3. per hæc verba, *Cur refrigeratum nimis, aut calore astuans corpus, penitus ab anima relinquatur, longa indagatone fatigatus nondū reperi. Quemadmodū neque cur flaua bile in cerebro nimia cōtracta, desipimus; autra vero, melancholia vexamur; neque cur pituita, & omnino refrigerantia lethargi causa sint, unde & memoria, & intelligentia iacturā facimus; nec non & cur stultitiam ipsam cicutâ potui datâ efficiat, &c.* & supra sic ait: *Horum profectò dubiorem nullum, quamuis magnoperè lōgo tempore inuestigauerim, neque vel cogitatione verisimili enodare, ac deprehendere potui.* Vltimò, bis se errasse in curatione vxoris Boethi, vna cum curantibus in Medicis ipsam balneo ex arena nimium exiceantibus, apertissimè fatetur lib. de præcog. ad Posth. 8. §. *In aliud quoq; erroris genus, qui plerisque in morbis occurrit, nos etiam incidere collegi, &c.* & 7. aph. 40. linguam repente factam immobilem, aut alterius partis stuporem

A subitum, melancholiam significare, provt Hipp. in contextu alieuerat, non intelligere se ingenuè confitetur. Vides quot se ignorasse proferat Gal.

Nonne Hipp. artis medicæ splendor & gloria, in multis errauit, & de iis à Gal. arguitur, in locis pluribus citatis à Valleriol. multifariæ lectionis viro, lib. 4. enarrat. 2. A futuris nempe, in lib. 5. epid. text. 27. Et in lib. 2. epid. sect. 4. in init. venas sub pectore emergentes in abdomen quò tendant, nondum nouisse refert. Et lib. de offiis nat. num. 17. venas per corpus diffusas ab vna germinantes, à qua oriuntur, & vbi desinant se nescire ait; circulo enim factò principium non inueniri. Et lib. 6. epid. sect. 8. text. 41. & 42. in duabus sceminis tentasse mensium profluum, & nihil contulisse. Et in text. 62. 68. 69. & 80. curantem se colicum dolorem cum calidis, iis non iuuantibus, ad frigida cum vtilitate transiisse pronuntiat.

Ex quibus non te latet, Hipp. aliquando ignorasse, & fuisse deceptum, quem omnis Medicorum chorus tanquam numen quoddam colit, obseruat, & veneratur; cuius edicta veluti è Delphico tripode prædiuinante, ac prædicente prolata, ceu ab ipsamet natura loquente asserta, multi facit Galen. & amplectitur lib. 1. de sem. 9. & lib. an ani. sit, quod in uter. cont. c. 2. & lib. 1. meth. 2. & lib. 2. eiusd. 6. & 7. lib. c. 2. & lib. 9. eiusd. 8. & lib. 1. de elem. 16. & 1. de facult. 13. & lib. de theriac. ad Pison. 28. quibus locis diuinum; ac summum philosophum prædicat, extollit, & reueretur. Quem nec fallere, nec falli posse, Macrobius firmat, lib. 1. in som. Scip. cap. 2.

At in hoc summus vir, Hipp. laudandus est; nam in bonum vertit Quintil. lib. 3. inst. orator. 8. sic scribens. *Hipp. clarus arte Medicina videtur honestissimè fecisse, quod quosdā erroris suos, ne posteri errarent, confessus est, &c.* Cuius laudes cecinit eleganter Cels. lib. 8. c. 4. in hunc modum: *A futuris se esse deceptum Hipp. memoria commendauit, more scilicet magnorum virorum, & fiduciam magnarum rerum habentium, Nam lenia ingenia quia nihil habent, nihil sibi detrahunt. Magno ingenio, multaque nihilominus habituro, conuenit etiā simplex erroris confessio, præcipue verò in eo ministerio, quod vtilitatis causa posteris traditur.*

Hunc morem postea secuti sunt viri ingenio præstantes, experimentoq; insignes. Auenzoar enim Arabicæ sectæ antesignanus, in lib. 1. Theiæ tract. 15. cap. 13. se causam cuiusdam ægitudinis non potuisse cognoscere, manifestè pronuntiat. Et lib. 2. tract. 5. cap. 3. in errorem cecidisse affirmat, dum corrosiōem matricis sanare intendere. Et tract. 3. cap. 1. se errasse in curatione propriæ vxoris expressè asseuerat, cui, cum esset grauida, medicamentum exhibuit adeò violentum, ut nullus posset æstimare, quod aliqua prægnans, ex eius vel modica quantitate assumpta, posset fœtum sustinere: quod cum ipsa reciperet absque sui, & fœtus læsione, & declarata fuisset imprægnatio eius, valde illum pœnituisse de errore quem fecerat, libenter fatetur, &c. Et lib. 1. eiusd. tract. 15. cap. 3. se non bene potuisse percipere causam cuiusdam ægitudinis manifestè asseruit. Idem facit Aretæus, qui lib. 4. Chronion, cap. 1. causam vesicularum aquosarum in hydrope ortarum ignorasse affirmat. Alzaharai. lib. 31. pract. sect. 1. cap. 15. hæmorrhagiæ ex quacumque causa, vel parte corporis obortæ, originem se nescire tradit. Auic. 6. 4. tract. 3. in cap. 22. an harmene sit Basiliscus se ignorare fatetur. Nonne hi omnes, homines sunt, & possunt errare? hoc enim Gal. obtrudit Archigeni, Medico summo lib. 2. sec. loc. c. 1. Difficile est, inquit ipse, ut qui homo est, in multis non peccet; quadam videlicet penitus ignorando, quadam verò malè iudicando, & quadam negligentius scriptis tradendo. Quoniam solius Dei est nec fallere, nec falli: hominum contra, falli sepe, & fallere. De quo argumento vide, si placet,

Tiraquel. lib. de nobilis. cap. 31. num. 500.

& 502. eruditissimè differentem.

\* \* \*



## HISTORIA LXXX. AVERROÏS,

## De Angina.

Puer trimus ab angina oppressus, venæ sectionis ope, à morte liberatur.

**E**T dixit Abomoron Auenzoar. Ego minui unum meum filium trium annorum angina correptum, & euasi à morte &c. Auerroës lib. 7. collect. cap. 3.

## QVÆSTIO XLVII.

Quòd secundum Galeni doctrinam in pueris ante 14. B annum, sanguinis missio sit celebranda. Contra communem Medicorum sententiam.

## COMMENTARIUM.

**Q**uæstio est litigij, dissensionisque plenissima, num in pueris ante 14. annum, & infantibus secundum Galeni mentem sit venæsectio exercenda. Auenzoar innuit hoc loco, aut saltem ex ejus mente Auerroës, qui postquam hic Galenum in pueris nunquam venam secuisse asseueravit, usque ad duas annorum septimanas, etsi natura ægritudinis hoc requirat manifestè: tamen filium suum in ætate trium annorum constitutum venæsecta curauit. Licet enim locum hunc in toto Thezizir nunquam inuenire potuerim, quod etiam ante me notarunt Amat. 1. cent. 10. & Aug. lib. 1. de sang. mis. c. 10. fides tamen est adhibenda Auerroï, tanto viro, qui huius auctoris sententiam, historiamque fideliter enarrat.

At ego mecum cogitare cœpi, simulque antiquas scripturas reuoluere, quas amplius æstimandas esse monet Gal. lib. 6. epid. sect. 3. com. 3. 1. an quæ mihi, si non erudito, saltem eruditionis audio sitietissimoque, plenissima, verissimaque videbatur sententia, iisdem verbis retineri posset, quibus, in codicibus his qui communiter circumferuntur, scripta legitur: Sed multa fuit opus inquisitione, ad inuestigandum quo morbo laborauerit hic puer. Neque enim credere fas est, ipsum contra Gal. opinionem (vt ipse inquit) sanguinem citrà manifestissimam necessitatem emisisse. Quare mihi codices Arabicos legenti, interpretis Arabici ope, qui hanc linguam callebat apprimè, & qui eos ex vetustissima bibliotheca attulerat manuscriptos, contigit vt puerum hunc angina fuisse correptum existimauerim; sic enim sonat verbum Arabicum [Chelz] quod idem est ac gutturis inflammatio. Quo factum est, vt hoc modo rota nobis fuerit sublata hæsitacionis ansa.

Summa ergo ratione in puero angina oppresso, celebrandam esse phlebotomiam sibi persuasit Gal. sententiam æmulatus, qui in lib. de curand. rat. per sang. mis. 12. iubet, vt non annorum numero, sed vni virium robori attendamus; sunt enim plurimi, qui post 14. annum ob prostrarum virium robur venæsectionem non admittunt: sicut sunt plures, qui ante hoc tempus ita viribus pollent, vt hoc auxilium ferant libentissimè, quos graphicè depingit Auic. 4. 1. cap. 20. §. Cauere debes à minutione in ætate, qua est minor 14. annorū, quanto plus poteris, nisi in figura confusus fueris, & in soliditate musculorum, venarum amplitudine, & earū repletionē, ac oculorum rubedine; hos nāque ex adolescentibus phlebotomare audebis, &c. In cuius loci com. plura retulerunt Dinus, quæst. 36. & Leonard. Botal. 1. de curand. rat. per sang. mis. cap. 2.

Nostra ætate ante 14. annum sanguinem esse in pueris emittendum vrgente morbo, res est apud omnes manifesta, ratione, vsque frequentissimo comprobata. Morbi enim puerorum ab efferuescente sanguine suborti, venæsectione, & non purgatione leuantur: nam plethora venæsectione curatur, humorum autem virium purgatione remouetur, vt millies Magister edocuit. Galenum Medicorum phœnicem, & præceptorum medicinalium sedulum exploratorem, nunquam ante hanc ætatem sanguinem extraxisse,

A vnanimis Medicorum schola constantissimè iurat. Ego verò cum multorum calumnias non metuam, in iis præsertim in quibus de vira hominum agitur, vulgatam, omnibusque vsque ad nostra sæcula persuasissimam opinionem, omnium primus veritate ipsa coactus, interturbare cogor, quum absurdum putem existimare, Galenum Medicum eximium, & venæsectionis amantissimum, hoc auxilium in pueris tantoperè reculasse. Hic enim vbique, & præsertim in lib. de ven. sect. contra Erasistrat. eiusque sequaces hæmophobos, ceu quosdam venæsectionis hostes strenuè se semper opposuit, pluribus allatis in medium historiis illorum, qui ob incuriam & ignauiam Medicorum sprete phlebotomia, vitam cum morte commutarunt.

Parcè ergo & moderatè, secundum Gal. doctrinam, ante 14. annum pueros esse phlebotomandos, variis morborum generibus detentos, ex ipsius, immò Hipp. mente sic confirmo. Hipp. 4. acut. 25. ætatem, quantitatem auxilij definire, non remedij genus, ostendit per hæc verba. Sanguinemque auferre oportet, inspecta secundum habitum, ætatemque, pluris minorisque ratione, &c. quem sequutus Gal. in com. ætatem ad corporis habitum referre melius esse censuit, quàm ad virtutem. Cum ergo habitus sit de scopis sanguinis quantitatem merientibus, ex Gal. lib. de cur. rat. per sang. mis. 13. euidenter constat, ætatem non sanguinem ipsum emittendum, sed tantam, vel tantam sanguinis extrahendam quantitatem moderari. Quo pacto, momente ipso, neque ætas, neque aliud quidpiam quod suspectum virium robur reddit, debet omnino sanguinis missionem explodere.

**C** Insuper. Gal. lib. de cur. rat. per sang. mis. cap. nuper cit. in pueris non tantum sanguinis extrahit, quantum exigit dispositio (quum aliquid sit innatæ illorum diffilationi condonandum. Si enim inquit: proinde minus detrahimus quàm plenitudo commonet, quoad ætates quidem attinet in pueris, & in iis quibus mollis, teneraque caro est, quales Galli, &c. Pro cuius textus expositione, lege Valles. 7. cont. 2. Dardan. 1. 2. contrad. tr. 3. contr. 16. & 17. Iacch. in meth. med. febr. c. 18. in med. Ioan. Brau. Petrasit. lib. 2. de purg. rat. c. 6. post med.

Rursus 9. meth. cap. ult. postquam dixit ob carnem facile transpirabilem in pueris, ante 14. annum non esse venam secandam, subiunxit: Itaque etiā huius causa, is qui sanguinis egent detractiōe, aut prorsus venam non secabimus, aut parum detrahemus.

**D** Deinde. lib. 1. ad Glauc. 14. in valde crassis, & macilentis parcè esse sanguinem emittendum monens, sic ait. Hic & ætas annumeranda venit, veluti accidēs quoddam, quod prohibendi acervatam, & integram vacationem vim habet, neque enim pueri, neque seniores hanc sine noxa tolerant, &c. Ergo parcam sine noxa tolerabunt. Vide Christoph. à Vega, 2. art. medic. sect. 5. cap. 2. Ludouic. Mercat. rom. 1. lib. 1. clas. 3. art. 1. quæst. 169.

His accedit eximia, celebratissimaque Galeni sententia, in lib. de sectis, ad eos qui introducuntur, cap. 5. qua pueris tantillis sanguinem esse mittendum sibi persuasit. Sic enim, inquit. Nam si validior potentia sit, atque in consistendi vigore, ver tempus anni, locique natura temperata, non tibi errare contingeret, si vena scissa tantum sanguinis mittas, quantum causa iubet emitti. Sin imbecilla virtus est, atque aut **E** pueri natu admodum paruuli, aut senis in senium longe prouecti; regioque aut frigore algeat, qualis Scythia est, aut calore exæstuet, qualis est quam Æthiopes incolunt; annique tempus vel vehementer frigidum sit, vel incalescat, nemo est qui venam incidere audeat. &c. Ex quo loco euidenter constat, solum natu admodum paruulos à venæsectione esse excludendos, cæteros à morbis sæuis, huius auxilij ope, liberandos.

Sed quæres, & meritò sanè, qui dicantur admodum paruuli. Dic cum Peramato lib. de vacuand. rat. cap. 8. in fin. Esse, qui tres menses ab ortu non exegerunt: quicquid perperam Iacob. Mantinus aliter sentiat, in com. cap. 2. 1. 4. 1. Auic. Paruulus autè, vt notat Ambros. Calepin. in litera P. nomine Paruus, est minimus, & admodum paruulus, est valde minimus. De quo argumento doctam fecit disputationem Gasp. Barthol. lib. 4. disput. c. 6. qua forsan sententia Gal.

Gal. per motus Rastius *lib. de peste, cap. 4.* post quintum mensem posse cucurbitulas imponi, & sanguinem emitti manifestè testatus est, quem citat Merc. *lib. 2. de morb. puer. c. 1.* Vides, ut Gal. non solum in pueris ante 14. annum, sed in infantibus sanguinem emittat?

Neque timeo Recentiorum doctrinam, qui contra præfatam doctrinam acerrimè insurgunt, dum dicunt, Gal. & iuniores Græcos, parcè pueros phlebotomantes, intelligendos esse de pueris post 14. annum, quum pueritia usque ad 18. annum extendatur. At hos manifestè redarguit Gal. auctoritas *11. meth. 14.* sic dicentis: *at si in puerum incidat, qui 14. annum non attingit. & c.* ut ita pateat pueros vocasse, qui ad 14. annum non accesserunt. Lege Balduin. Ronsseum, in *com. cap. 10. lib. 2. Cels.*

Cæterum rectè Gal. mentè non interpretantur, nec intimius assequitur Fern. *2. meth. 10.* Valleriola *5. enar. 3. & 5. obs. 4.* Horat. Aug. *lib. 1. de sang. mis. 7.* dicentes Gal. absolute non impedire venæ sectionem, sed solum intelligendum de plena & copiosa, quæ veteribus fuit consueta, & familiaris. Nam ipse sicut faciebat acernatas vacuationes, sic parcissimas & moderatas, quoniam dimidium cotylæ interdum extrahebat. Est autem cotyla quædam mensura continens uncias nouem, auctore Lacuna *lib. de ponderib. & mensuris*: contra hos lege Petrum de Peramato, *lib. de vacuand. rat. cap. cit.*

Sed quoniam in hunc incidimus locum, notare & mirari liceat Medicorum Septentrionalium oscitantiam, qui alioqui doctissimi, usu, experientiaque dexterrimi, in mittendo sanguine in pueris ante 14. annum aded sunt timidi ut spreta omnino phlebotomia, ægrorum plures acuto morbo correpti pereant miserè, cum sanguinis missio tempestiue, parcèque facta, maximam vtilitatem illis afferre consueuerit, ut ex veterum, & iuniorum mente suprâ comprobauimus. Hamburgenses enim Medici sancita veluti lege cauent, ne phlebotomatores ante nonum ætatis annum sanguinem aperta vena effundant. Porro, quid (precor) absurdius, aut à communi Medicorum cœtu magis alienum, quàm miserum corpusculum, sæua interna inflammatione, aut alio acutissimo morbo afflictum, tam generoso ac diuino auxilio destituere, præsertim si ægrotantis natura sanguinea sit, & ingens adsit plethora: Quo pacto ergo tutissimè pueros ab orci faucibus liberare possumus, nisi vena parcè secta auxiliemur, ignoro proorsus, ut inter omnes aduertunt Augenius *lib. 1. de ven. sect. c. 7.* Ludou. Lempius *lib. 4. method. Gal. in com. c. 6.* Ferdinand. Menai in *com. c. 6.* Gal. *lib. de curand. rat. per sang. miss.*

Quid mirum? Quando testis oculus cum eisdem Medicis in Galeni doctrina versatissimis, pro ægrorum salute in variis morbis consilium iniens, sapissimè animaduertèrim, quòd ipsi vel præsentè ingente plethora, febre maxima à feruentissimo sanguine concitata, sæuiente vehementissima inflammatione interna, etiam in cuiusvis ætatis maioribus id ipsum obseruent: ut scilicet sanguinem non emittant, quin cogente iam necessitate vnâ tantum, aut ad summum duas, exerceant phlebotomias, præceptum hoc quasi inuiolabile non transgredientes: quinimò etiam si ætas sit florens, quadratum corpus, vires adsint valentes, complexio sanguinea; anni tempus educendo sanguini commodissimum, morbus vrgeat vehemens ex calidissimo sanguine subortus, timentes plura, eaque irreparabilia ex venæ sectione pericula.

Et maximè si variolis, & morbillis pueri, aut grandiores natu sint correpti, in quorum morborum curatione, in sanguine mittendo ita sunt timidi, ut vix reperias Medicum, qui sanguinem aperta venâ emittere ausit, humorum retrocessum ab extimis partibus ad intimas sedes subsequutum verentes; cum tantum absit ut hoc facta phlebotomia sequi possit, ut deonerata natura melius exanthemata extra erumpant; feruore sanguinis sedato, & leuata sarcina natura postea concoquat humorem, & in pus optimum conuertat. Hanc veram methodum docuere Auic. & iuniores docti, & Medici Itali qui in sanguine mittendo adhuc erant timidiusculi, nunc in variolis & aliis exanthematis venæ sectionis vtilitatem, usu ipso edocti, felicissimo euentu experiuntur.

Quo factum est, ut plures medicamentorum expurgantium vi, tempore cruditis in medio febris feruore excarnifica (in cuius præsentia ex Galeni mente passim, illico sapius sanguinem oportet emittere) neglecta phlebotomia insaulte ac miserè periisse viderim, quos natura sarcina onerata, copia sanguinis obruta, ac grandi plethora suffocata à tanta perniciæ subleuare non potuit, licet per os, narèque sanguinem expelleret, docens nimirum magistra sagacissima Medicos, quanti sit momenti in similibus perniciosis morbis, debito tempore aperta vena sanguinem detrahare.

Præsertim cum constet, dictis Borealibus regionibus homines adesse robustissimos, rubicundos, sanguineos, quippe qui victu vtantur validissimo, carnibus vescantur obesis, ac valde nutrientibus, saturentur deinde lacte, & butyro, quorum ope & causa, hæcticos, tabefactos, & emaciatos refici nullus ignorat; quæ quantum nutrant, impinguent, & sanguinem optimum generando crassesciant, est manifestum. Rursus potu vtuntur nimis calefaciente, & inflammante, vino scilicet Hispano, nouo præsertim, Aquam vitæ, cinnamomi, & anisi frequenter ebibere solent: Ceruicis fortissimæ pocula affarim ac certatim continuè exhauriunt, quæ cum constet lupulo, glycyrrhiza, absinthio & lauro, impensè viscera calefacit, vires reficit, valde nutrit & instaurat, si experimento fides adhibenda, & Amato *lib. 2. in Dioscorid. c. 134.* Et licet Dioscorid. *loc. cit. cap. de Zytho, Gal. lib. 6. simpl. Auic. lib. 2. tract. 2. cap. 279.* Paul. *lib. 7. Brud. lib. 2. de regim. febric. ad Anglos, cap. 12.* Lacun. in *cit. cap. Dioscorid. & Vega lib. 2. art. med. sect. 3. cap. 2. in fin.* ceruicistam inflatiuam esse asseuerent, de ea intelligendi sunt, quæ cum hordeo solo, & lupulo parari solet. Illa autem quæ calidis aromatibus conditur, calefacit atque inflamat, & sanguinis facit ebullitionem; & sic vigente bruma tum ex naturæ lege, tum illa de causa, longè calidiora sunt viscera ob potus inflammantis usum: quo tempore si morbi contingant, ad venæ sectionem accedere oportet; quo auxilio interiora promptius leuantur, & transpirant. Quamuis autem sæuiente hyeme sanguis sit crassiusculus, aduentante tamen vere solet agitari & fundi, qui si concepto feruore febres concitet: (has enim malè morigeratas, ardente Sirio, cum ægrotantium clade summa, sæpe in his regionibus conspiciamus.) quid dubitandum de venæ sectione: qua & humorum agitationem compescit, è foco mineræque putredinis exhausto sanguine sapius, fidissimo experimento in hoc terræ tractu, in omni sexu, ætate & tempore, summa cum vtilitate, felicique euentu adinueni semper. Hæc enim ventilar, vacuat, peccantes humores promiscuè & sine delectu promptissimè elicit. Purgatio autem exagitat, perturbat, mouet crudum incoctumque humorem, inflammatum locum exacerbat, ex Gal. *2. acut. 11. & 1. aph. 24. 2. eiusd. 29. & 2. acut. 24. & 4. eiusd. 11.*

Neque huic veræ & firmissimæ doctrinæ obstat Galen. contextus *lib. 1. ad Glauc. 14. & Auic. 4. 1. cap. 20.* qui in regionibus nimis frigidis à venæ sectione arcere videntur, quoniam in frigidis abundat sanguis aquosus, alique crudi exuperant humores, purgatione, & non venæ sectione extrahendi. Nam hi auctores non verant phlebotomiam, sed cautos nos reddunt, ne in aquosi sanguinis præsentia, tantum sanguinis quantum plenitudo commonet, emittamus, cum aliquid sit condonandum & tempori, & regioni, ut *cit. ad Glauc.* Gal. admonuit: maximè cum hæc coincident detractionis quantitatem, non ipsam sanguinis detractionem, ut perbellè *lib. de curand. rat. per sang. miss. cap. 9.* Magister edocuit. Secus autem erit planè obseruandum, quando totum corpus nimia sanguinis effluenscentis saburra oppletur, & suffocatur, tunc enim ocysimè, & subito sanguis mittendus est, iuxta suprâ adducta.

Ex quibus constat in frigidis rationibus parcè, non ita tamen timidiusculè, diuinitus datum phlebotomiæ, remedium, in acutis morbis omnino exercendum, permittentibus viribus postulante affectu. Hæc tamen obiter non prætereunda duxi: nunc ad institutum.

Quæ fuerit causa, cur Galen. ante 14. annum sanguinem emittat parcissimè, explicat ipse *11. meth. 14.* dum pueros nec

nec venæsectione, nec vacuantibus præsiidiis egere scribit: cum enim calidi sint & humidi, mollem & teneram habeant substantiam, & facile transpirabilem, quod ex arte molendum erat, id ex curati corporis natura præstatur: idè repetit 4. meth. 6. 4. acut. 19. lib. de curand. rat. per sang. mis. 12. & alibi passim. Tanta enim est in pueris difflatio insensibilis, ex rara pororum contextura contracta, vt 2. prorrheth. 29. & 3. prog. com. 1. dicat Galen. pueros à plurimis morbis liberari, licet nulla præcedat copiosa critica vacuatio, aut adsit insignis abscessus, per somnium humore insensibiliter vacuato, ac resoluta. Et lib. 1. acut. 45. asserit, in ætate puerili propter copiosum effluuium, virtutem celerissime dissolui.

Hæc ergo est causa, quare tantopere cauet in hac ætate phlebotomiam, & vt ad eam non accedamus monet, nisi maxima cogente necessitate, vt Paul. lib. 6. c. 40. §. Porro in acribus vsque ad 14. annum sanguis mitti non debet, nisi necessitas quadam inenitabilis huc nos compellat, &c. Quare Gal. 4. acut. 19. & 4. meth. 6. & 13. eiusd. c. 21. cautos nos reddit, ne in eorum curatione tantum sanguinis emittamus, quantum plenitudo desiderat, quum aliquid sit condonandum innatæ difflationi, quæ est species vacuationis. Cum enim in hac ætate ob copiosum effluuium virtus dissoluatur celerissime, & ex morbo acuto, ex symptomatibus, tenui victu, febrili calore, vires resolutæ, non possint, exhausto sanguine & spiritu, vsque ad morbi vigorem sufficere, sit manifestum, quod pueri hac de causa parce sint phlebotomandi; at non tantum sanguinis extrahendum, quantum morbus & causa morbi exigere videantur.

Gal. sententiam firmiter sequuntur Aëtius retrab. 1. ser. 3. cap. 11. Oribas. 7. collect. c. 4. in init. Suffragatur Actuarius. 1. 3. meth. c. 8. ad stipulatur Rasis lib. 7. ad Almanf. cap. 21. & cæteri Arabicæ factionis proceres id confirmant, qui necessitate coacti, pueros acuto morbo oppressos ante 14. annum, firmos, & robustos, carnosos, eularcos, boni habitus, sanguine plenos, curandos esse intrepidè per venæ sectionem constantissime asseuerant, sequuti Cels. lib. 2. cap. 10. qui hos tunc vena secta tractandos esse docuit: pro cuius loci expositione pulchra lege apud doctissimum Nicol. Rorarius. in contradict. Cels. 11. contradict. Hi enim, ni vena scissa succurras, ab acutissimis morbis sanguine per nares effuso liberatur, vt firmat Hip. 6. epid. sect. 1. text. 20. vt videas Medicum in pueris sanguinem emittentem, naturam rectè operantem imitari.

Inhumanum ergo est, vt prædiximus, & piaculo plenum, immodè temerarium iudico, pueros ante 14. annum, morbo grauissimo prehenso, hoc generoso auxilio destituere, quum ad tantam vacuandam plenitudinem, ex multo sanguine subortam, innata ipsorum difflatio non sufficiat: quo casu audacter sanguis mittendus est aperta vena, si auxilia debent contendere cum morbis in magnitudine, & celeritate; effluuium autem illorum innatum, lentè & morosè vacuare natum est. Quæ autem celeritatem desiderant, celeriter peragere oportet, monente Hipp. 1. 1. acut. 8. Neque ira timeas in lactentibus, dummodo carnosum sint, sanguinei, & denso habitu præditi, venæsectionem, & ex ea futuram resolutionem: & si fortè timeatur, præstantius est per venæsectionem, sanguine parcissime extracto, à morbo interficiente infantem liberare, quam plenitudine intus manente suffocari. Nam nullus Medicus adeo iam inexpertus est, inquit eruditissimus Vallesius, 4. meth. 2. fol. 344. vt ignoret, infantibus etiam vtilissime venam secari. Licet autem scarificationibus, & apertis mariscis sanguis possit cum minori dispendio exhausti, quum qualibet vena secta totum corpus possit vacuari, 2. acut. 11, tamen non ita æquè, ac similiter, & vt morbi, aut inflammationis internæ dira conditio expostulant. Quidquid renuat in lactentibus omnino venæsectionem Ludouic. Mercat. lib. 2. de puer. morb. & curat. cap. 15. & vlt. cuius rationes ex dictis soluantur manifestè.

Clamet ad rauim vsque Fôleca lib. de febribus quas Iacchin. omisit, cap. de curat. variol. fol. 253. petulenter & inconsideratè Medicorum apud Lusitanos, & Hispanos audaciam taxans, ipsos sanguinis sitibundos & auidos, ceu humani generis hostes appellans, qui puerulis quatuor, aut

A sex mensium venam in brachio secant. Sed hic grauiter deceptus, præcipitanter alios reprehendit, ignorans prorsus differre pro natura locorum genera medicina, & aliud esse Romæ, aliud in Ægypto, aliud in Gallia. Quod si morbos eadem causa faceret, remedia quoque ubique eadem esse debuissent; vt eloquenter Cornel. docet in præfat. in med. At morbi in Lusitania ferè à sanguinis copia oriuntur, quam alimenta vberim nutrientia, ob soli calique temperiem gignere solent; quare ægri nonnisi secta vena iuuantur, quam sæpius Medici longa experientia nixi ferire inbent cum vtilitate summa. Quæ de causa in India Orientali, & Occidentali, Brasiliensi tractu, totòque regno Valentiz largissime in omni sexu phlebotomiam Medici exercent, quibus locis si in sanguine mittendo Erasistrati more sis timidus, in grauiora damna ægros coniciet.

B Ea tamen seruata lege hoc exequendum, vt in calidioribus, & frigidioribus regionibus minor sanguinis quantitas extrahatur, in his enim virium robur illico fatiscit, & dissoluitur ob multas causas: in temperatis liberalius agendum. Quæ maiorum nostrorum ductus methodo, infra tres, aut duos annos, immò vnum, & vel in septimo, sextove mense, innumeros (vera loquor) euasisse vidi à sæuis morbis, qui per tibiæ scarificationem, aut hirudinum vi apertis mariscis in peius ruebant, & nonnisi aperta vena conualuere; quoniam non ex riuiis, sed ab ipso fonte, truncove corporis, & mineræ mali fisco vase exhaustus est sanguis.

C Vidisti quomodo Gal. ante 14. annum in pueris sanguinem emiseric. Quidquid elegantissimi iuniores, in eius doctrina satis versati renuant omnino. Sed ij abeant in Zephyros. Hæc est illa Galenica veritas, quam felicissimum experimentum summis laudibus ornat. Hanc nullum prorsus lenocinium, nulla assentatio, aut vlla vnquam inuidia, Neotericorumque inferior auctoritas poterit conuellere, rumpantur licet ilia Codro. Nec mihi vitio verti poterit, quod in defensionem veritatis huius totis viribus pugnem, vt post me alij feliciter laborent: nam pertæsus, in commodum ægrotantium, cum veritate hac nil habeam antiquius, manum meo tenui calamo admoouere decreui, quæ didici à summo Magistro experientia pandens. Non ignorans stultum esse docere velle præstantiores, sed ego omnium minimus non doceo noua, quinimò ante tot sæcula à Gal. exarata; cuius vera dogmata quanti sint facienda, illius rectè norunt dulces alumni.

## HISTORIA LXXXI. GALENI, De Angina.

Stercoris humani aduersus anginam facultas admiranda.

E Cæterum humani stercore hoc habeo experimentum. Assidue quidam à phlegmonis ad guttur existibus vexabatur, adeo vehemèter, vt suffocationis periculū subiret. & sanè ob hoc periculum sanguine mittere cogebatur. In hunc cum fortè quis incidisset, pollicitus est se præbaturū medicamentū experimentum, & se vocari, si quādo rursus aliqua in parte gutturis emicnisset phlegmone, ante sanguinis missionem, præcepit. Itaque vocatus, medicamento illito statim hominē curauit. Vt autē iterum profecit, non in ipso tantum, sed & in aliis qui similiter erant affecti: rogabat is qui assidue suffocari periclitabatur, data mercede, vt sese medicamentū illud doceret. Porro ubi cōuentum esset de pretio, is qui vñdebat: Hoc medicamentum, inquit, per antipathia quandā, vtilitatem obrinet, vt qui curatur, nesciat unde cōficiatur. Iussit itaque alium daret, qui pro ipso disceret, qui sibi fidelissimus esse videretur, quique in eundem recipere, sese nulli eius facturum copiam, priusquam ipse qui dedisset, foret defunctus. Itaque à morte eius qui indicarat, nō tantum ille suū hominē, sed & alios sanabat, & mihi ne periret quidē, medicamentū exemplum, volens ac lubens obrulit. Erat autē stercus pueri siccū cū melle Attico ad leuorē tritū. Victitabat autē puer, cuius stercus accepturus erat, lupinis, illis videlicet



videlicet qui ex more edi solent, cum pane bene cocto in clibanis, modicum salem, & fermentum habente. Præbebat autem bibendum vinum vetus: atque hæc omnia in mediocri quantitate, ut perfectè ea puer posset concoquere. Itaque cum primo die, eo victu esset usus, postero tamen die nondum stercus capiebat, sed in eodem quoque die rursum eodem alebat victu, ac tertio demum sumebat, ac postea arefacto utebatur, similiter ut stercore canino, &c. Galenus lib. 10. de simplic. medic. facult. tit. de stercore humano.

## P A R A P H R A S I S.

**S**tercus humanum calidum esse, attrahens, digerens, sexicans, apud præcos Medicos sæpius fuit promulgatum, ita ut nullum infrigidet, aut humectet, teste Auicennæ tract. 2. lib. 2. cap. 613. Sicque extrinsecus stercora imposita & illita, duritiem discutiunt, siccant, calefaciunt, panos & strumas resoluunt, status eleuant, & impactum humorem digerunt in halitus, magis aut minus, pro animalis temperamento, ut Paul. affirmat lib. 7. tit. de stercore. Humanum ergo ad anginam, tonsillarumque inflammationes esse valde proficuum, non ex antipathia, ut ille qui dedit medicamentum, quod ipsum exaggeraret, falsò prædicabat, tenent Dioscorid. lib. 2. de mater. medic. cap. 73. Galen. lib. de facil. parabil. c. de strangulat. Aët. Tral. & cæteri qui de angina peculiare caput conscripserunt.

Nam præterquam quod ob putrefactionem maximam, ex Gal. 5. simpl. 17. validà polleat attrahendi vi, etià nimia siccitate illitum inflammationes, & tumores persanat, maxime si sit cum melle permixtū, atque eo magis si velceretur puer lupinis, pane bene fermentato, admixto sale, in clibano cocto, superbibito mero, quæ omnia stercus magis acre, exalfaciens, & siccans reddunt. Quo fit ut potentius stercus reddatur, & ad discutiendas oris, aut gutturis inflammationes aptissimum: non omnes tamen, sed quæ ex pituitosa fluxione originem ducunt, quales ex pluviarum multitudine, aut humidioribus naturis, quibus catarrhi copia per palatum deorsum ad guttur descendit, euenire scribit Gal. 6. aph. com. 2. & lib. 3. eiusd. com. 16. In cæteris ex calido siccoque humore pronatis, si hoc, aut aliud acre medicamentum imponas, lædēs manifestè. Neque medicamenti cuiuspiam, calidi præsertim & attrahentis usus, in angina, citra totius prouisionem, est tutus; quæ cæterorum localium ritu, facta prius venæ sectione, aut purgatione (ut par est hîc fuisse Galenum) adimistrabis: quod summopere commendat Gal. Medico anginam curaturo, in lib. de cur. rat. per sang. mis. 19. & 4. acut. com. 30. & alibi sæpe.

Cæterum fit ex humano stercore, inquit eruditissimus Matthioli. lib. 2. in com. cap. 73. Dioscorid. vitreis organis aqua: præsertimque ex eo quod rufus homo excreuerit, quæ cuniculosis, exedentibus, sinuosis, & contumacibus vlceribus mirificam opem præstat: delet & oculorum argemata, ac nubeçulas: quin etià carcinomata sanat extra adhibita: intus assumpta comitiales iuuat; lapidem in renibus, aut vesicâ comminuit; aqua intercute laborantibus prodest; rabiosorum moribus strenuè auxiliatur; & à venenosis animalibus ictis mirabiliter succurrit. Porro oleum quod post eius stillatitiam aquam ab organo emanare solet, eadem vitia valentiùs sanat, curat cancerum, & fistulam mortificat, auctore Euonymo in thesauro suo. Cætera de stercoreis humani vi, ac facultate mira, vide apud Plin. lib. 8. cap. 27. & lib. 28. cap. 4.

## O b s e r u a t i o L V I I I.

*Stercus humanum celebre aduersus venena alexipharmacum.*

**A**dversus certum, & determinatum cuiusque animalis venenum, prouida natura certum & appropriatum fabricauit antidotum. Nobilissimus quidam Occidentalis plagæ Dux strenuus, quum esset naturæ arcanorum acerrimus indagator, mihi lubenter ostendit innumera antidota, quæ nullus aromatum Indicorum scriptor hæcenus

agnouerat, contra venenorum efficaciam admiranda. Præter quæ vnus alexipharmacum vires solum mirabatur, cuius vi ab animali venenoso ictos omnes, superstites euasisse bona fide commemorabat. In Prouincia Occidentali Squallaque vocata prope ciuitatem appellatam Burgus, adest animal quodam paruum, sicut lacerta, in agris frequentissimum, nomine dictum Guarit, quod ictu suo, ætate præsertim, adeò venenosum est, ut illico post morsum, dira & terroris plena conciret symptomata; quorum sæuitia occubere plures, eorum more qui ex præsentaneo veneno perire solent. Nec auxilio erant belzaartica epota, neque supra morsum locum ligaturæ arctissimæ, in ipsa parte affecta attrahentia antidota, cauterium, aut membri abscissio præsidio esse poterant, sed omnes nec tantillam adiuti, angore, animi deliquio, cum partis ictæ liuore, & virium omnimoda iactura subito interibant. Intuentum, summi Omnipotentis beneficio, alexipharmacum præstantissimum; & est, ut quis post venenosum ictum animalis, illico stercus, vel suum, vel alienum recentè eiectum, ac huc calidum, aquaque cardiaca, vel communi admixtum ebibat: & iam inuenti sunt laboratores multi qui ardente Sirio, cum aqua non esset inuenta, stercus, mortis certæ metu percussis, audissimè comederunt. Ex improviso enim omnibus cietur vomitus, & copiosè rumpitur aluus. Nec mireris, nam stercus humanum venenatis prodest, ut supra ex Matthioli, & aliorum mente retulimus.

Perhibent namque Barbari venatores, Pantheras canibus aconiti veneno, quod Pardalianches ob id vocant, delibutis inescare: quibus degustatis, nisi hominis olerum ederint, repente strangulari, quod illis efficax alexipharmacum, ut tradit Cicet. lib. 2. de nat. Deorum. Tu verò de stercoreis humani efficacia, & vitibus pro curandis morbis, & domando veneno lege lib. 2. in com. hist. 96. & 111.

HISTORIA LXXXII. GALENI,  
De Angina.

## Celebre ad Anginam auxilium.

**C**æterum memini me admirandam canini stercoreis expertum facultatem, quo vi assidue consuunt præceptorum nostrorum quidam, sola ossa cani edenda exhibens duobus continuis diebus, ex quibus durum, candidum, ac minime fetens stercus proueniebat. Hoc igitur acceptum desiccabat, ut cum postea usus esset, facile ad lauorem posset redigi. Vtebatur eo ad aginam, ad dysenteriam, & summè inueterata ulcera. Ad anginam quidem iis admiscens, quæ alioqui huic affectui congruebant. Ad dysenteriam, lacti immiscens, cui decocta calculos ignitos iniici ante posuimus, aut, ut ego postea ob parabilitatem \* ad ferrum confugi, id candens lacti probe decocto iniiciens. Cæterum Medicus ille stercus caninum, aridum, tritum, lacti in quo extincti erant calculi marini clam iniiciebat, & id solum generosissimos quosque discipulos docebat. In his ergo duobus certè experitus sum stercus caninum, seu medicamentum mirabile, sicut & in vlcerebus \* extreme, malignis, &c. Gal. 10. simpl. tit. de stercore canino.

## P A R A P H R A S I S.

**S**tercus caninum plurimam in curatione anginae (pituitosam intellige: nam biliosa acrium medicamentorum impositione exasperatur valde) habere facultatem, præter veterum sententiam ostendit Auic. lib. 2. cap. cii. de stercore. Nam puritissimos humores coquit, & discutit, superfluamque exiccat humiditatem, neque vllam insuauitatem exhibet vrenti, auctore Magistro 6. sec. loc. cap. 2. rubric. 3. nullum enim hoc est præstantius pharmacum, neque in angina; neque in magna tonsillarum inflammatione, aut iis quibus ex glandularum affectionibus suffocationis periculum imminet. Accipe ergo stercus caninum album resicca, tritumque modicè cribra, & in promptu habe. Cum adfuerit occasio, melle dilue, coque parum





in decoctione, vel aqua aperiente chalybem; cum fer- A rum, & chalybs longè differant: cum hoc metallum purum sit, & magis elaboratum, ferrum autem impurum, ac minùs defecatum, quidquid Ludouic. Lemosius loco citat. contrà sentiat, Marcelli forsan Virgilij, & Brasauoli opinionem sequens, cuius dogmatis falsitatem coarguit non obscuris rationibus Mathiol. lib. 5. in Dioscorid. cap. cit.

Galenus ergo fluxus dysentericos, lacte in quo ferrei orbiculi sint extincti, perlanat; & maximè cum hoc medicamentum adstringat, & exiccat, ex omnium auctorum decreto: sicque summopere prodest (Dioscorid. sententia) mollificationi ani, inuoluntario fluxui vrinæ opitulatur, mensuris immodicè fluentibus mirè succurrit, ex aceto illitum ignis sacri, & papularum eruptionem compescit, profluentes hæmorrhoides valenter resistit, gingiuas flaccidas firmat, & caducis dentibus opem fert. Adeò denique est excellens in exiccando medicamen, vt si feruore & coctione præparetur, vehementer aluum comprimat. Quod sanè dogma euidenti argumento probari potest, quòd Chymicæ artis professores, vt ex ferro adstringendis fluxibus idoneum medicamentum parent, quod crocum Martis vocant, illud igne sæpius adhibito, ab omni sulphureo recremento, & Mercurio repurgent. Quare acribus & igneis partibus, vi ignis absumptis, ferrum impensè exiccat, & adstringit. Quo fit vt cum aquam fluxibus sistendis, ex chalybe extincto parare studemus, prima aqua abiicienda sit, vt quæ vim aperientem non minimam sortiatur, reliqua autem seruetur oportet, huic vsui aptissima valde.

Enim verò quum ferrum duplicem sortiatur facultatem, aperientem nimirum, & adstrictoriam, ex diuersa eius natura subortam, nihil mirum si diuersos ex se promat effectus, velut in brassica, lentibus, rhæbarb. aloë, & aliis huius generis experimur. Ne ergo mireris, si lac absumpta, caloris ignei vi, parte serosa, huius etiam medicamenti beneficio magis adstringat, fluxus compescat, & incrasset. Cætera de ferri temperamento, vario præparandi modo, vtendi forma, apud citatos legere ne pœniteat, qui fusè, doctèque de hoc argumento disputarunt.

## QVÆSTIO XLVIII.

*Quòd Galenus veram malignitatem è iunioribus depictam agnouerit. Contra communem Medic. opinionem.*

**E**Xtremè malignis, &c.] Digladiari solent Medici inter Neotericos peritissimi, & ex hoc loco, & aliis, inter se hostiliter contendunt & decertant, Galenum, summum Medicinæ Magistrum, nunquam malignitatem, quam ipsi in suis scriptis depingunt, agnouisse, nec docuisse quid esset morbus malignus. Sicque eum, vt inconstantem accusare non cessant, qui nihil firmum ac constans de hac tam seria quæstione stabiliuerit, quæ ita ardua est, vt mirum in modum ipsorum torqueat ingenia. Sed hos spiritu Galenico destitutos esse arbitror, qui in re tanti momenti ita miserè sunt allucinari. Carpunt autem eum immeritò, hic ambitionis stimulo, ille cauillandi gratia, pauci veritatis studio. Sed quemadmodum fluctus in scopulum impingentes quanto violentiùs sese inferunt, tanto miserius dissipantur, ita inanes sunt, & ridiculi eorum conatus, qui alieni nominis, maximè verò præceptorum ruina, gradum sibi parant ad gloriam. Causa autem qua commoti, ita in eum debacchari ac sæuire ausi sunt, eumque inscitiz arguere non sunt veriti, ea est, quoniam plura facit maligna, quæ si rectè expendantur, eum omnes morbos fecisse malignos iure optimo dicere possimus. Sic tamen pro Gal. tutela fari incipiamus.

Morbus malignus latè sumptus, apud Gal. lib. 1. prorrh. sect. 1. com. 14. est ille, qui cum periculum minetur, spem tamen salutis non adimit. Sed cum plurimi, iùque venosi generis morbi acuti sint, vt causos, phrenitis, pulmonia, pleuritis, lethargus, & alij ab Hipp. relati lib. 1. acut. 8. & periculum minentur, spemque salutis non adimant, & mali-

gni non sint, eum lato modo sumpsisse malignitatem asserendum est, si Galenum conciliare velis, eiusque tam repugnantia loca inter se, vt oportet, conciliantia facere tentes. Nam hoc loco dolosa vlcera facit extremè maligna, & sputum è pulmone eiectum, malignum vocat, 7. aph. 15. & 6. aph. 56. humorem malancholicum supra modum exustum. Sic maligna vocat erysipelata, ad quæ putredo aut suppuratio subsequuntur, in eod. lib. com. 20. Sic humorem acrem in intestinis retentum, malignum dicit, lib. 7. de vs. part. 10. Sic pustulas nigras vocat malignas, lib. 1. epid. sect. 2. com. 26. Sic carbunculum citra pestilentem statum, malignum appellat, in lib. 3. epid. sect. 3. com. 26. & 14. meth. cap. 12. Sic dicit 4. meth. 4. vlcera ea maligna, quæcumque difficulter conulescunt, siue ob prauorum humorum confluxum, siue ob malè dispositam, affectamque patientis loci conditionem: repetit lib. 4. per gener. cap. 1. Sic vulnera, aut vlcera circumglabra, maligna sunt apud ipsum, 6. aph. 4. & 6. epid. sect. 7. com. 23. Et lib. 1. eiusd. sect. 1. com. 21. vocat vapores malignos, qui è ventre in caput pertinaciter exhalant. Sic vlcera cum putrilagine, vocat maligna, 2. ad Glauc. 2. quo titulo pendendorum vlcera insignit, 10. simpl. tit. de sero lactis. Sic tremores in melancholicis euenientes, malignos dicit, lib. 1. prorrh. sect. 1. com. 14. Quo pacto distillationes ab acribus humoribus ortas, faucium dolorem inferentes, malignas vocat, lib. 1. epid. sect. 1. com. 28. & tusses ab spirabilium partium vlcere concitatas, malignas nominat: repetit sect. 3. eiusd. com. 18. Sic ab eo pus erodens, malignum dicitur, 7. de vsu part. cap. 1. Sic excrementa acria vocat maligna, lib. 1. epid. sect. 1. com. 15. Sic febres quæ ex ingenti phlegmone partis præstantis originem ducunt, sunt malignæ apud ipsum, 1. prorrh. sect. 2. text. 21. & Galen. 2. cris. cap. 7. Quare febres ex maximis inflammationibus septi, ventriculi, iecoris, pulmonis, cordis, & cerebri concitatz, malignas appellat, 3. epid. sect. 1. in præfat. Hoc modo febrem vocat malignam, quando sanguis in atram bilem commigrat, 2. feb. 9. Sic febres tertio quoque die, tertianarum more, ingrauescentes, malignæ sunt ab ipso nominatz, lib. 1. epid. sect. 2. com. 11. Hoc pacto pulmoniam ex pleuritide concitatam vocat malignam, 7. aph. 11. Hoc est latissimum, improprium, illegitimumque, apud Gal. doctrinam, malignitatis significatum, quod cum in his locis tam amplè, latè, & manifestè palam fecerit ansam Medicis non minimam præbuit, vt in varias sectas diuisi, huc illucque agitati, ac dispersi, de malignitatis significato ac essentia, noua dogmata condere non dubitauerint. Sed quomodo Gal. sit de hac re intelligendus, iam exaudi.

Cacoëthes, id est, malignus morbus, ex Galen. lib. 2. per gen. cap. 1. & lib. 1. prorrh. sect. 1. com. 14. interdum sumitur pro lethali, lib. 1. cris. cap. 5. interdum cum lethali confunditur, vt lib. de bon. & vir. suc. cap. 1. & 3. prog. 2. Rursus malignus morbus est lethalis magna parte; nam lethale apud Galen. 5. aph. 2. sumitur pro morbo, qui admodum crebrò, non tamen ex necessitate mortem affert. Est ergo morbus malignus pressè sumptus, vehemens, lethalis in hoc sensu, & periculosus.

Legitimè autem verè, propriè, & strictè sumitur malignitas, quando morbus sæuit intensè, manifestè, atrociter, & ita incipit qualitas, substantia, & quantitas spirituum, humorum, & continentium labefactari, incipiunt vires dissolui, grauiùsque ac pressius angi, & difficiliùs remediis obsistere, vt parum resistat corpus, & secundum vniuersum corporis habitum, faciem, pulsum, vrinam, respirationem, excrementa, actiones principes, & non principes euadat, & tandem velox periculum, ac maximum, frequentem, citiorèque interitum demonstrer. Hic ergo est verè malignus morbus, qui præter spirituum, humorum, aut solidorum vitium, deleteriam ac malam qualitatem secum semper importat, sed non ita sæuam ac intensam, vt pestis, quæ ferè omnes, hac maleficientissima qualitate interimit, 1. cris. 9. & 3. epid. sect. 3. com. 20. vnde endemij, epidemici, sporadici-

dicique euadunt, qui morbi prauis & mali moris, à Gal. in A. lib. de crisib. & de dieb. decretor. & passim appellantur.

Cuius maligni morbi licet nullum adsit signum pathognomonicum, extant tamen aliqua, quæ simul copulata malam qualitatem adesse palam ostendunt, quæ allatis in medium Galeni locis manifestiora euadent. *Malignus morbus*, (inquit ipse lib. finit. medicar.) *magnus, grauisque est potestate, specie verò imbecillis, nec certa tempora habet indicationis.* Veræ malignitatis signa sunt, quando videtur febris, quoad actum & pulsum moderata; cum hoc tamen internæ visionis notæ apparent, ita ut ægri interiùs magno flagrent incendio, ut notat Gal. 6. epid. sect. 1. com. 29. & ita profundas partes ignis sæpeurit, cute refrigerata, ut neque valde subrilium vestimentorum, neque lintecolorum velamenta, neque aliud quidpiam præter nuditatem, ægri ferre possint. Sic Crito in Thalo apud Hipp. & Galen. 1. epid. sect. 3. com. 26. cum febris tenui mortuus est, pustulis nigris ad talum erumpentibus, quæ veram malignitatem præ se ferebant, ut videas quomodo in hoc ægro visa fuerit parua, pusillaque febris, latente tamen intrinsece malignitate, & veneno interno. Et licet morbus videretur ad sensum debilis, fuit tamen potestate magnus & grauis.

Sic debiles, & paruæ febres quandoque valde malignæ sunt, ex Gal. 3. cris. cap. 4. Vnde cum ex febris debilitate non possit nisi benignitas febris oriri, constat aliquam malam adesse intrinsecus qualitatem, cuius ratione maligna febris consurgit. Quare malignam febrem tunc in Gal. doctrina dicemus, quando sæuiora adsunt symptomata, quàm mitities febris ostendit.

Sic cum pulsu bono, bonaque vrina moriebantur ægri, referre Gal. 3. de prasag. ex puls. cap. 3. & 4. Sic vrinæ coctæ malæ in rubris epanthismatis, hoc est, purpurea, & publicari febris, ex Hipp. 1. prorrh. sect. 2. text. 24. quasi diceret, quod causa huius morbi non tam sit putrescentia illa frequens, quam concoctio domat, quàm quædam corruptionis malignioris species, per quam in venenosam naturam magis labitur. Vnde rectè Fernel. 4. pathol. 13. febrem malignam definit, quæ non modo calore, sed venenata qualitate cor fatigat. Et Vallesius 4. meth. 2. præter communem putrescentiam, venenosam in his adesse qualitatem ostendit. Sequuntur Aloysius Toreus lib. de natur. feb. malig. ad fin. Vidus Vidius lib. 6. de curat. generat. c. 7. Lud. Mercat. lib. 7. de febrib. c. 2. de febre maligna, eleganter Lupeus de morb. pustulato, in init. Amat. 3. centur. Sch. 74. Fracastor. lib. 2. de contagion. cap. 1. & 3. Donat. Satorus lib. 1. epistol. Roderic. à Fonsc. tract. de febrib. quas Iacch. omisit, rit. de feb. pestil. Et Argenter. lib. de diff. morb. cap. 16. morbum malignum esse definit, qui seueriora infert symptomata, quàm pro ratione propriæ essentiae affectus conueniat quod latè probat Vallesius cit. meth. loc. & 6. epid. sect. 2. com. 28.

Ex quibus constat decrasse iuniores, putantes Galenum nec per somnium malignitatem, quam ipsi in suis libris depingunt, agnouisse, quoniam opposita sententia, ut vidisti, ex Gal. scriptis satis apparet, eamque amplius probat ipse lib. 9. simpl. tit. de terra Samia, ubi ait febres pestilentes non esse calore vehementes: & ex 2. aph. com. 13. quo loco, signa critica vera esse semper pronunciat, nisi pestilens constitutio sit. Adeo sunt incerta, fallaciaque malignitatis signa, ut eum signis salutis, fidis & salubribus ægros sæpe mori contingat. Quare quum ex paruitate febris, non possit colligi periculum & malignitas, ex superuenientibus symptomatibus non correspondentibus febris paruitati, est colligenda. Quæ autem sint superuenientia symptomata, (malus mos, seu modus à Gal. vocatur, lib. 1. & 2. cris. cit.) & quibus signis cognosci possint, & distingui morbus malignus à magno, in citato loco de crisibus, exactissime Galenus explicuit.

Ex omnibus autem conuincitur, quid sit apud Gal. doctrinam, morbus latè, aut strictè malignus, & malignissimus, seu extremè malignus: quibus nominibus Galenus vsus est semper, cum de malignitate sermonem instituit. At instabis parum referre, nos scire, an malignitatem co-

Lib. I.

gnouerit Galenus. Nam pulsum, eiusque harmoniam scrutamur, quum tamen Hip. eum non cognouerit, ex Gal. lib. 3. de cris. ult. & lib. de præcognit. ad Posthum. cap. 12. & 3. epid. sect. 3. com. 80. Sed ut fateamur verum, falsum est affirmare Hip. pulsum non agnouisse, ut tam multis allatis testimoniis Gal. palam facit Ludouic. Lemosius lib. 3. de prædicend. rat. cap. 7. & amplius, quoniam de respiratione pulsui similima latissime egit. Insuper, plurimum oportet speculari, an Gal. malignitatem exactè calluerit, eamque in suis libris descripserit: tunc enim malignos morbos rectè curabimus, quum antesignanum nostrum, cognoscentem malignitatem, hancque exactè curantem fuerimus imitati.

## BHISTORIA LXXXIII. GALENI, De faucium inflammatione.

### Faucium inflammationis ex pulsu dignotio, & curatio. Contra Thessalicos.

**R**edierat Commodus à lucta, cum ecce priusquam cœnaret, hora octaua febris eum vehemens adorta est. Ut pulsum verò attingi, membrum quodpiam inflammari visum est: quod simulatque Pitholao audiuit, mirari se dixit, quomodo faucium inflammatio pueri pulsum immutare posset. Atque ita Commodi os aperiens inspicere me inuebat. Cum igitur fauces asperas quidem, & rubras admodum esse, parum tamen intumuisse vidissem, quis illi os colluisset, postulavi, medicamento, plusquam puero conueniret, adstringente. Respondente autem Pitholao, se eum fuisse, qui pueri fauces ablundas censuisset, medicamento quod ex melle, & Rhu obsoniorum compositum fuerat: id ut omitteret, iussi, & aquam mulsam, in qua rosæ ferbuissent, admonere præcipi, eaque sola usque ad tertiam diem vteretur. Manè sequenti quum inflammatio prorsus subsedisset, & penè sine febre puer esset, in balneas cubiculo vicinas ut duceretur, & aqua aluco contenta perfunderetur, corpore nimirum toto obruto, exceptio capite quod solummodo mergeretur, inbeo, quibus peractis, & largè prandio exhibitio, non expectato octaua hora excessu: quo tempore, ob febrem prioris diei, eadem hora succensam, videbatur illa suspecta. Immo ut vespere rursus lauaretur, ac cœnaret, tanquam sanus suo more, mando, &c. Galenus lib. de præcognit. ad Posth. cap. 12.

## P A R A P H R A S I S.

**M**ores Medicorum Romæ degentium adamussim depingit Gal. hoc in lib. quorum omnimodam ignorantiam, cum superbia coniunctam (indelebile vitium vocatur à Gal. 13. meth. 15. in fin.) conuellere multò operosum fuit: Nam hanc miserabili ægritudine, Deo & hominibus odibili, apud Ecclesiast. cap. 10. occæcati, Hip. doctrinam summo cum iudicio prolatam, qua munitus Gal. vera morborum præfagia palam faciebat, deridebant. Quid plura? nonne horum nebulonum peruicaciam inconstantissima turba, atque ipso Protheo, ac Chamæleonte mutabilior, & quorum consilium in curando, Gordio nodo magis est implicitum, inflatis buccis Hipp. (quem omnis Philosophorum cœtus, tanquam nomen colit & veneratur) ignarum appellauit? lib. 1. de articul. sect. 1. text. 3. 9. Et à vulgo malè audiri, unus enim habitus sum ignarus, ceterique omnes periti, &c. Cuncta ergo Gal. vult scripta hominibus, quos scientia non inflat, sed elationem demit, non insolentibus, ceruicosis, Medicinæ, probataque fidei auctores præuertentibus, sed humilibus, quibus multa bona in medica arte contingunt, ut epist. 88. Seneca memoriæ commendauit.

Luctam, utpote vehementissimam exercitationem, (sanguine, & spiritu irrequiro motu agitatæ) febrem posse inducere, probat Galen. 3. de dif. puls. 5. & 6. epid. sect. 1. com. 6. cuius vi valida liquatis humoribus, & ad fauces affatim concurrentibus, inflammationem in eis accendi,

N 2.

&c

& febrem concitari res est manifesta, & vsque adeo quandoque lædit lucta, vt suffocationis periculum afferat, momente sic Magistro in lib. 4. de rat. vit. com. 23. Quapropter Hipp. lib. 1. epid. sect. 1. com. 11. tubercula secundum aures accidisse adolescentibus, iuuenibus, adultis, atque præter cæteros luctatoribus, prudenter in quadam tempestate euenisse narrat; in iis enim palæstritis, & exercitatorio in ludo versatis, ob vitæ institutum, humores in sublimiores corporis partes decumbunt, vt ibidem scitè Gal. norat, in com. De quo exercitij genere mira protulit Mercurialis in suo de arte gymnastica libro elegantiissimo. Quo commodum se exercuisse ex textu constat aperte. Nam Romani ad corporis robur conciliandum, & sanitatem conseruandam, eo frequenter vtebantur, auctore Gal. lib. 2. de sanit. cap. 9. Licet enim vehementer febricitantem inuenisset, cum tamen hæc febris ex procatactica causa duxerit ortum, à qua diariam frequenter, raro putridam progigni ipse passim affirmat, pulsū diligenter obseruato, de aliqua partium supernarum inflammatione fuit suspicatus, quam adesse statim prædixit.

Hoc autem ex pulsus duritie fuisse præsignum, nullus qui intimius Galeni sensa perlustrauerit, it inficias, si vera sunt quæ ipse lib. 4. de caus. puls. 7. & lib. de pulsib. ad tyrōn. cap. 11. conscripsit, duos pulsus, inflammationum omnium esse communes, confirmans. Cum enim pars inflammata ex affluxu humoris repleta, necessarioque distenta indureretur, & ob intemperiem calidam siccitas introducatur, & hæc exiccando induret, dubitandum non est hac de causa pulsum durum, & secundum diuersas partes arteriæ inæqualem, in præsentī inflammatione reperiri. Tantò enim maior durities inuenitur, quantò maior adfuerit inflammatio: hæc ergo citra dubium pulsum indurat. Ni excipias mollium, & laxarum partium inflammationes, in quibus, maxime si pituitosa fluxio irruat, pulsus visitur mollis, qualem lethargicorum, & peripneumonicorum depingit Galen. lib. 4. caus. puls. 12. & 13. de quo argumento plura satis doctè scripsere Vallesius lib. 3. controuerf. 16. Ludouic. Mercat. lib. 2. de caus. puls. tract. 3. cap. 25.

Cognita ergo inflammatione, & inspecta rubedine, & asperitate faucium, (per has intellige internum oris locum, vbi simul gulæ, & gutturis partes extremæ conueniunt) à medicamento nimis ipsas corrugante, exasperante, humorumque fluxionem nimis repellente, & adstringente, nempe Rhu obsoniorum concitata, ad acres sordes detegendas accessit: Hoc autem impensè adstringere, præter experimentum coriariorum, illo ad inspissandas pelles vtentium, firmat Dioscorid. lib. 1. cap. 24. Maxime cum à Rhu, humores in parte inflammata essent impacti, suapte natura facili vt asperior fieret. Cui damno nullum præstantius est mulla auxilium, præsertim si in ea ferueant rosæ: sic enim viscosius redditur, & magis spissum medicamentum, & sic faucium parietibus diutius adhæret, & rosæ vi, leni adstrictione humorum acrium imperum repellit, & calorem extraneum partis mulcebre frigiditate contemperat, roborat, & mellis ratione quadantenus abstergit, quæ omnia in faucium inflammatione recenti esse necessaria, vt tuta curatio fiat, testis est Gal. supra, & Auic. 9. 3. tract. 1. cap. 12. latè confirmat.

Quibus sanè auxiliis exequutis, neque aliquo magno celebrato, quoniam leuis erat inflammatio, & à causa prægressa recentique concitata, ægrum ad sanitatem perduxit, neglecta illa victitandi forma, à Thessalo, eiusque discipulis celebrata, ægros triduana inedia cruciantibus, quam reprobam esse, & nullius vsus ipse perbellè ostendit, lib. 8. meth. 2. & 10. eiusd. c. 3. Nam malum febriculorum inimicum fami, ex Hip 6. epid. sect. 3. text. 31 quum calidis & siccis corporibus aduersissima res, inedia sit, ex Galen. 10. meth. 5. Deficiente enim humido nutrimentali magis excandescent; & sic febris non cessat ante cibationem, qua non exhibita, ægrum in hecticam incidere facile est necesse. Puer verò cum esset sine febre, subsedissetque prorsus inflammatio, eum ad balneas cubiculo vicinas misit. Hæc enim in febrium declinatione ad reliquias humoris ablu-

mendas sunt vtilissimæ. Vicinas laudauit, ne si forte ad longinquas duceretur, ab aère lædi posset; Aquam aluo contentam elegit, quoniam calidior cum sit, humoris residuum promptius discutere potest. Est enim alueus balnei ea pars quæ lauacrum dicitur, calidam aquam continens. Hac de causa totum corpus in ea obrui voluit, non tamen caput, ne caloris vi liquatis succis, fluxio ad debiles fauces recurreret, idque tantum artemperamenti causa mergi voluit. Balneo enim caput fouere, huius calidum temperamentum emendat; sic enim calidi vapores, qui in capite sunt, euocantur à dextra, & acrium humorum mordacitas obrunditur, & temperatur, auctore Galen. 6. de sanit. tuend. cap. 9. Quibus factis, commodus, contra Diatritariorum barbariem, & præposteram medendi normam, à morbo, Galeni ope, non citra artis gloriam euasit.

## HISTORIA LXXXIV. CELSI,

### De Strumis.

#### Struma, anguis esu sanata.

**Q**ua cum Medici doceant, quorundam rusticorum experimento cognitum, quem \* struma malè habet, eum, si anguem edit, liberari, & c. Cornel. Celsus lib. 5. cap. 28. rubr. 6. tit. de struma, & eius curatione.

### PARAPHRASIS.

**C**urima sunt, quæ, de hoc leonino, rebeli & insuperabili morbo, eius varia nomenclatura, causa, signis, prognosi & curatione, referunt tum priscorum, tum classicorum peritissimi Professores. Galen. 14. meth. 11. & 2. ad Glauc. ult. Paul. lib. 4. cap. 3. Aëtius tetrab. 1. serm. 2. cap. 95. Albuc. lib. 2. cap. 42. Haly. 9. pract. c. 11. Auic. 3. 4. tract. 2. cap. 9. Guido tract. 2. doct. 4. Vigo lib. 1. cap. 7. Argelat. lib. 1. tract. 2. cap. 4. Patæus lib. 2. cap. 22. Tagautius lib. 1. c. 13. Fallop. tract. de tumorib. prat. nat. cap. 18. Eustach. lib. 5. de tumorib. pituitos. cap. 17. Dionys. Dac. lib. 2. de apostemat. cap. 67. Hieronym. Febric. ab Aqua pendente lib. 1. de tumorib. cap. 21. Nicol. serm. 7. tract. 5. sum. 1. cap. 37. Forest. lib. 3. obs. Chirurg. 10. Andreas Laurent. lib. de strum. sanatione admiranda, & alij quamplurimi, qui latè hoc argumentum docuere.

**D**Omnes hi, huius peruicacis morbi causam statuunt humorem pituitosum, mucilaginosum, lentum, tenacem, & viscosum, cui multa melancholici portio est permixta. Pro cuius curatione infinita propemodum auxilia parant, ex quorum genere sunt vacuantia medicamenta, fomenta, emplastra, & tandem ad ferrum, & caustica deuenire necessitas cogit. Inter illud est etiam saluberrimum auxilium à Celso hoc loco enumeratum, nempe anguium esus, per angues intellige serpentes. Aristot. lib. 8. de hist. anim. cap. 17. viperas vocat. Quibus huic vitio nullum præstantius auxilium inueniri potest. Nam viperarum esus incrementes strumas reprimat, ex Dioscorid. lib. 2. cap. 16. Siue enim carnes earum coctas edas, ius potes, aut eo strumofam partem laues, aut vinum assumes in quo ipsæ fuerint extinctæ, vel Martios panes, aut pastas regales adiectis pulli aut caponis pectore, saccharo, amygdalis, aut zingibere permixtis edendas præbeas, vltimum & efficacissimum pro strumis, aliisque cutaneis affectibus experieris auxilium, prout Fallop. de tumoribus præter naturam, cap. 9. affirmat.

**E**Insuper viperino oleo crustæ, & tubercula mirum in modum delentur, & emolliuntur; & præsertim si seuo hircino, vel pinguedine vrsi admisceatur, quod pro scrophulis curantis vtilissimum est auxilium, quod parabis hoc modo. ʒ. Olei olinar. lb. x. & duas viperas integras dissectas in oleum impone, & ad solem in diebus canicularibus relinque, donec subrusum acquirat colorem. Sic vinum viperinum pro strumosis



mosis præstans est præsidium, & pro Gallicatis esse vnicum A antidotum narrat Ludou. Mercat. lib. 2. de morb. Gallic. 8. quo Gallica vlcera facillimè conualescunt. Fit autem, si vinum, vel mustum, vipera prius lora, adiecto sale bullierit, ex quo vino, manè, prandio, & cœna sufficiens quantitas assumi potest. Qua viperarum carne, Antonium Musam, Cæsaris Augusti Medicum, vlcera insanabilia perfransisse, refert Plin. lib. 30. nat. hist. cap. 13.

Extant celebres historiae, apud Galenum lib. 11. simpl. cap. 1. & Aretæum lib. 2. de caus. & sign. diuturn. morbor. cap. ult. elephantiorum, qui tanto malo oppressi, odoratu iam graues, ac aspectu fœdi, ebibito vino, in quod fortuito vipera erat mortua, ab hoc miserando morbo mirabiliter sanitati restituti sunt: quam postea curationem ipse Galen. imitatus, & alij post eum Medici exercitassimi experti, verissimam esse inuenerunt. De quorum numero sunt, Paul. lib. 4. cap. 1. Aëtius tetrab. 4. serm. 1. cap. 123. Cælius lib. 4. passion. sardar. cap. 10. quam diuturnum experimentum comprobauit. Gilbertum enim Medicum Romanum, plures elephantia laborantes perfransisse refert Vidus Vidius part. 2. de curat. membrat. sect. 2. lib. 5. cap. 8. Et Porphyrius lib. 4. de abstinent. ab animalib. scribit, seruū quendam Crateri Medicum, dum laboraret lepra immanissima, ita vt carnes ab ossibus abscederent, potato vino in quo extincta erat vipera, statim conualuisse. Num autem vipera sit elephantiorum optimum nutrimentum, & cæteris venenum; & cur nostro tempore non tantam ex earum carnibus vario modo apparatus percipiamus utilitatem: (de quo Thom. Eraſt. part. 4. disp. contra Paracels. Massaria & Palmar. lib. de morb. contagios. cap. de elephantiasi, conqueruntur) in lib. 6. huius operis, hist. 1. & 2. fusè monstrabimus.

Ad hæc vipera habet vim calefaciendi, exiccandi, & quod plus est, prauam humoris qualitatem corrigit, atque emendat. Et natia quadam proprietate cutem mundificat, humoremque ad partes externas detrudit: argumento est, quod ex eius esu nimius sudor, & pediculorum copia oriri solent, vt retulit Aëtius tetrab. 3. serm. 4. cap. 47. firmat Gattinaria cap. de debilitate visus, qui dum Gallo cuidam hoc morbo laboranti, carnem viperinam edendam imperaret, ipsæque ob salutis auaritatem, in maxima copia comederet, in sæuissima & maxima symptomata lapsus, robore virtutis expultricis, detrusis per totam cutem bubonibus, & suppuratis, ad sanitatem reductus est. Sicut enim serpentes singulis quibuscumque annis pellem exuere, & reuocare solent, quam senectam anguim vocant, ita vsus viperarum facit, vt excarnentur, & mundificentur corpora.

Denique anguim esum omnibus podagricis, arthriticis, anhelosis, & elephantia plurimum commoditatis afferre, firmat Aëtius loc. cit. ita vt, qui facie graui, fœdus aspectu, tuberoso vultu, humi morientis instar prostratus iacebat, multi viperini vsu, crines enutriuerit, carnem instaurauerit, vetus corium, ceu senectam serpentum exuerit, & tanquam alter homo, veluti ex cera creatus, ad vitæ munia fuerit reuocatus, vt cit. loc. Aretæus confirmat. Magna ergo est viperarum procurandis diuturnis morbis efficacia, & vna omnium medicamentorum, quæ ex viperis parari solent, mira potestas. Ea sunt Theriaca magna Andromachi, Pastilli Theriaci, sales viperini, & siquæ alia. Quo factum est, vt plures, & non infimæ notæ Medici, gallinas carne viperarum pro sananda elephantia nutriendas imperent: (exhorrescit enim ægrotus viperis in cibum vti) quomodo autem sint præparandæ viperae ad gallinarum cibum, pro strumarum, seu elephantis curatione, lege Cardan. in consil. pro patiente lepram. Gordon. tract. de lepra. Zacariam Puteum eod. tract. Sebastian. Aquilanum tract. de morb. Gallic. cap. 1. in fin. Iosephum Quercetan. in sua Pharmacopœa restituta, qui hanc rem diligentissimè sunt persequuti.

Quo autem tempore viperae capi debeant, quo pacto lauandæ, præparandæ, & quæ eligendæ, explicat Galen. lib. de Theriac. ad Pison. ferè per totum, à quo omnes deinde desumpsit.

Lib. I.

Num. ad Theriaca, cæterorumque medicamentorum compositionem, cauda vipera sit semper amputanda, Contra Lacunam, Vallesium, & Peletarium, Medicos eximios.

Sed ad anguim præparationem, primò Gal. in omnibus suæ doctrinæ locis, exoprat capitis, & caudæ abscissionem, quoniam hæ partes sunt venenosiores, in lib. tamen 11. simpl. tit. de vipera, à ratione alienum esse sibi persuasit, abscindere caudam. Sic enim habet. Porro quoniam ex more, quum artíficos theriacos, quos vocant, præparamus, non tantum caput, sed caudam eorum abijcimus, subiit mihi frequenter in mentem, rationabilius fortasse fore, adimere & caput, ob venenum quod ore continent: verum à ratione alienum esse, adimere & caudam, &c. Hæc est obscura, & tenebrosa Gal. oratio, quam doctissimi viri, vt manifestè pugnantem, ante me explicare non potuerunt. De quorum numero fuere Lacuna lib. de loc. manifestè pugnantibus, contradicit. 11. fecit etiam Peletarius eod. lib. & Vallesius in lib. eiusd. tit. contrad. 20. qui licet Lacunæ contradictiones omnes posse solui affirmer, in hac Galenum lapsum fuisse, minimèque posse secum conciliari asseuerat.

Sed miror eruditissimos viros non animaduertisse, inibi Galenum non loquutum fuisse affirmatiuè, sed potius dubitanter: quod patet ex verbis [subiit mihi frequenter in mentem] quæ dubitantis potius, quàm affirmantis sunt indicia. Solum ergo lib. 11. simpl. quæstionem proponit: inquit enim, quod fortè rationi videatur consentaneum magis caudam omittere; non tamen ausus est affirmare, quum contrarium longo vsu constet esse apertè verum, & rectè euenire videamus, quum viperinas carnes ad Theriaca compositionem præparamus, intelligēs rationem sensibus non debere esse contrariam, vt ei fides adhibeatur, vt constat ex Arist. 2. de gener. 10. & lib. 1. Metaphys. 1. à quo desumpsit 4. simpl. 18. & 6. aph. 31. timens fortasse Platonis lege damnari, lib. 5. de Republ. & 9. delegib. Quibus in locis eos puniri iubet, qui veterum probatas leges euertunt. Adde quod etiam si ob rationem, Galeno ibi non videatur consentaneum abiicere caudam, videtur tamen propter eas causas, quas tradit lib. 1. de antidot. 8. & lib. de Theriac. 9. Ex qua solutione, huius loci manifestè pugnantis explanatio sit dilucida, & Galen. ab illorum calumnia vendicatur.

## QVÆSTIO XLIX.

Quod struma sint contagiosa.

### COMMENTARIUM.

Struma malè habet.] Explicanda sese offert modò difficultis, & ardua disceptatio, num scilicet strumæ sint contagiosæ. Nam quum de strumis superiores auctores nihil intactum reliquerint, de contagio earum nec verbum quidem protulerunt. Sicut nec ij qui de hoc negotio exactissimè disputarunt. De quorum numero sunt Fracast. Medicus, & Poëta celeberrimus, Cardan. tract. de prouident. & lib. 1. de venen. 12. Valleriol. in appendice locor. com. Lud. Mercat. tom. 1. lib. 3. clas. 1. quæst. 176. num. 11. Ioan. Hucherus lib. 4. de feb. cap. 7. Fabius Paulin. in com. lib. Thucyd. de peste, Palmarius in lib. de morb. contagiosis, & alij. Lubet ergo in argumento amplissimo, nouissimo, utili, & arduo paululum spatium.

Arnaldus Villanouanus, in iis quæ pertinent ad medicam facultatem doctissimus, in specul. introduct. medicinal. cap. 88. de rebus contra naturam, sic inquit: Vnde omnes illi morbi sunt contagiosi, qui corporibus imprimunt, ex approximatione ipsorum ad corpora patientia, morbos illos; & hi communiter sunt lepra, scabies, variola, febres pestilenciales, apostemata venenosa, maxime in locis angustis, epidemia, phthisis, baras, & scrophæ, &c. Hunc citat & sequitur Ioann. Fragosus in

*glos. de apostemat. quast. 63. approbat insignis Thomas à A Veiga in com. cap. 4. lib. 1. de diff. feb. verbo, calidiores autem. §. Nam tertiana, quum habeat calorem multo acriorem, propter defectum tamen lentoris minus contagiosa est, quam struma, &c.*

Neque obstat, quod quidam obiicere possunt, hos auctores de vlceratis esse intelligendos, nam præterquam quod hi de omnibus absolute loquantur, strumæ non vlceratæ fomite, & contactu sunt contagiosæ. Licet concedamus, vlceratas magis esse contagiosas, quoniam à fordido vlcere foetidissimus exhalat vapor infecturus, quod innuit Fracastor. l. 2. de morb. contagios. ult. §. *Et struma quadam vlcerata, &c.* Vides quomodo Auctores raptim, & aliud negotium agentes. de hac controuersia explicanda verba fecerint, quam ego in hunc modum dirimendam puto.

Vlceratæ, & non vlceratæ strumæ fomite, & contactu sunt contagiosæ. Patebit hoc euidenter, si conditiones ad contagium requisitas adamussim percurras. Quarum prima est putredo, quam habet humor in loco determinato conculcatus, & transpirari prohibitus, qui cum sit lentus & humidus, putredini multo magis est obnoxius. Necessariam autem ad contagium esse putredinem, infra latius patebit. Fomes enim non exurgit momentaneus, sufficiens inducere affectum ab humore quieto, sed à moto; non potest moueri à calore innato, nam hic emendat malitiam fomitis; non ab extraneo comburente, quia absomit fomitem: necesse est ergo: vt sit extraneus putrefaciens.

Secunda conditio, est eleuati vaporis lentor, quo hæreat, permisceatur, & immoretur per tempus sufficiens ad agendum, inficiendumque; nam si facile transeat, dissipetur, aut exhalet, non potest esse contagionis seminarium in alio, sed tantum perexiguuum, aut debile. Humorem autem, ex quo velut à mediata causa oriuntur strumæ, esse lentum & viscosum, patet ex Gal. 3. aph. 26. Qui eas non à calida materia, sed frigidiores, & pituitosiores originem ducere asseuerat, quæ est constans omnium auctorum sententia, & interpretum ibi, Musæ, Argenterij, Fuchsi, & Thrueri, quod cum Auic. 3. 4. tract. 2. cap. 10. affirmant Guido tract. 2. doct. 1. c. 3. Nicol. serm. 7. tract. 5. sum. 1. cap. 37. qui mucosos, frigidioresque humores strumarum causam esse prædixerunt; quorum mentem supra citati confirmant, qui de strumarum causa diligentissime conscripserunt.

Tertia, est eminens qualitas in eleuato vapore, quæ valde immutet humores alterius. Cum enim hæc qualitas, contagij naturam, & actionem sequatur, neque hæc fiat, nisi à proportionem maioris inæqualitatis, videtur magnitudo contagij ad eminentiam, seu maiorem efficaciam suæ qualitatis referenda: hanc verò quia habent strumæ, hac etiam de causa sunt contagiosæ. Habere autem strumas malam qualitatem constat ex Paul. lib. 6. cap. 35. §. *Quæ igitur indolent attactu, & medicamentis impositis deteriores redduntur, maligna sunt, &c.* & Aëtio retrab. 4. serm. 3. cap. 5. §. *Maligna verò struma inflammationes, & dolores pulsantes inducunt, & tumorem inaequalem præ se ferunt, &c.* Firmat, Fernel. lib. 7. pathol. 2. Quod autem verum sit, experientia demonstrat, cum sæpissime hic morbus nonnisi alexipharmacis succumbat, & refrænetur, qualia sunt Ebenum, smilax aspera, radix chynæ, & mercurius; ex quibus varia parari solent præsidia & vnguenta; quæ non ob id prosunt, quoniam humorum crassitiem attenuant, & liquant, sed quia prauam eorum qualitatem retundunt.

Præter tres memoratas condiciones, additur & alia, ex situ humoris desumpta, ex quo inficiens vapor exurgit. Nam si locus cutaneus sit, & externus, quia magis integra, minusque murata efflat aura, facilius inficit vicinum corpus. Hinc strumæ, tinea, scabies, elephantia, Gallica lues, imperigo, & multi alij curanei morbi promptius contagium inducunt, quoniam præter vaporem lentum, & prauum, partem occupant externam. Si cancrum vlceratum excipias, qui licet idem sit morbus cum ele-

phantia, apud Paul. lib. 4. cap. 1. & Auic. 3. 4. tract. 3. cap. 5. tamen inter contagiosos morbos non numerandus, vt experientia suadet, qua sola litigantium rationes cessant, ex Gal. lib. 1. de facult. natural. 13. & maxime si rationi coniungantur, quam nos lib. 2. in com. hist. 28. explicabimus, quum mammarum morbos fuerimus interpretari; quo loco cancrum vlceratum, à quo teter, foetidusque vapor exhalare solet, non esse contagiosum differemus, contra aliquos qui de cancri contagio ingenuè sunt ratiocinati. Interim vide Cardan. lib. 1. de venen. cap. 12. quem immeritò carpunt plures, quorum singulas rationes eo loco adamussim expendemus.

## QVÆSTIO L.

*Quòd putredo sit de essentia contagij. Contra Valleriolam doctissimum.*

**I**nstabis pituitam gypseam putrescere non posse, quum sit ab humore omnino exuta. Neque putredinem ad contagium esse necessariam, quum pestis, morborum omnium contagiosissima, sine putredine concitetur, vt elegantissime lib. 2. de abditis rerum causis. c. 1. Fernel. firmat, & lib. 4. pathol. 17. pestilentem nulla affinitate cum putrida febre coniungi asseuerans. Quoniam verò nostræ quæstionis de contagio strumarum explicatio, ex huius dubij dependet explanatione, alius de hoc argumento prius agendum est, quærendumque, Num putredo sit de essentia contagij. Acutissimus Fracast. lib. 1. de morb. contag. cap. 9. contendit contagij essentiam in putrefactione consistere. Sequitur Cardan. lib. 1. de venen. cap. 11. asserens, non sat tamen consideratè, conuerti inter se pestilens, putridum, & contagiosum; neque vnum sine alio reperiri, licet quem extollat, simul mordeat, tract. de providentia, petulanter carpens Fracastorium, suis tribus libris nec umbram de contagio fuisse assequutum, quum tamen ei totum in hoc argumento debeatur.

Ingeniosissimus Valleriola in appendice locor. commun. cap. 2. etsi Fracastorium de causis, & natura contagij differentem plurimum laudet, dissentit tamen ab eo quod putredinem, perpetuam esse contagij causam fuerit arbitratus. Primò. Quod febres putridæ, tertianæ, quartanæ, quum putridæ sint, contagiosæ non sunt. Secundò. Contagij vis remediis propriis putredini comminuere, & penitus corrumpere, quum tamen longè diuersis, & nonnisi alexipharmacis contagij seminaria oppugnemus, eo quod hæc magis analogia, & occulta proprietate profunt. Terriò. Videmus homines in pestilentia, vel etiam sanos, citra putredinem, aut obstructionem vllam corripì statim, mortemque obire. At fieri non potest contagium, si putrefactio tam subitò, atque instanti non sit. Quartò. Omnis pestis maxime contagiosa est, interdum tamen sine putredine, ex Fernel. supra, aliquando sine febre, ex Gal. 3. epid. sect. 3. com. 55. & 9. simpl. cap. de bolo Armena, interdum adiunctam habet diariam, vt patet in sudore Britannico; aliquando solam intermittem: multoties cum pulsu bono, bonaque vrina ex Galen. lib. 3. de presag. ex pulsib. cap. 4. Vltimò. Id in canis rabidi veneno manifestè apparet, & in aliis contagiosis morbis; nam catarrhus, elephas, ophthalmia, & Gallicus morbus valde sunt contagiosi, idque sine febre, aut putredine vlla.

Sed pro contraria parte facit vnum, idque firmissimum argumentum, quod nullus morbus possit dici contagiosus, (hoc est, sibi similem affectum in alium inducitur) nisi communicet vaporem ita notabiliter infectum, vt sufficiat humores alterius vitare, quod probat Arist. 7. probl. 4. Sed ea vaporis ita infecti copia à solo putrido calore moueri potest, vt ab vno corpore alteri communicate; igitur petredo concurrendum necessariò in omni contagioso affectu. Suadetur. Quod licet aliquid è corpore effluat, benigna, aut praua infectum qualitate, vt tantus qualis requiritur, exurgat vapor, magna requiritur humorum agitatio, (non enim exurgere potest à quieto) quæ

non nisi à putrescente calore fieri potest. Nam innatus emendat malitiam fomitis, nec ita mouet, aut agitat, nec patitur ita infectum producere vaporem. Non exurens, qui etiam dicitur extraneus ab Arist. 4. meteor. 2. cum validus sit, nimiumque intensus; quare hic dissipat, attenuat, & dissoluit seminarium mali: qua ratione sub feruida æstatis calore plerumque sedatur pestis. Ergo solus calor putredinosus necessarius est ad omne genus contagij, quod spectatur in morbis per viciniam, expirationem, transpirationem, decubitus, aut quemuis alium adhærentiæ contactum, aut fomitem seminarij relictum in veste, stragulis, domo, aut quauis alia materia apta ad suscipiendum, diuque seruandum. Est ergo putredo præcipua, & communis contagij causa, ut sine illa contagium fieri non possit in morbis.

Nec aliter sentire cogunt rationes in contrarium adductæ, quibus singulatim satisfaciendum est: nam ex earum solutione, ad maiora dubia explicanda arripiemus occasionem. Dic ad primum. Quod quamuis Fernel. viro acutissimo arriserit opinio, pestem contagiosum affectum, sine putredine consistere posse, eius tamen placitum subuertit Galeni auctoritas lara lib. 6. epid. sect. 1. com. 29. quo loco pestilentem febrem ab aliis febribus putredinosas differre, per excellentiam putredinis asseuerat. Quare si pestis crudelior est affectus, & efficacior febre pestilenti, (plures enim apprehendit, & interficit) & à mutatione aëris validiore, & magis diuturna ortum ducit, auctore Magistro 3. aph. 5. & 14. qua de causa dicitur epidemia perniciofa, 3. epid. sect. 3. 20. & lib. 1. de rat. vict. 9. iure merito dicendum est, pestis calorem putredinosum semper esse sordidum, profundum, interaneum, & contagiosum, ut latè inter omnes probat Ladou. Mercat. lib. 7. de feb. cap. 1. quidquid illegitimum & spurium contagium (hoc enim ad libitum diuidit Mercatus in nothum, & verum) citra putredinem posse fieri asseuerat rom. 1. quest. 176. n. 17. putatenim modum substantiæ à cælo, aut aliqua sic disponente causa æquè posse comparari vitiosum, ac si per putredinem talis fieret, pro exemplo affert ophthalmiam, elephantiasin, imperiginem, & morbum Gallicum. Quod falsum est, nam hi morbi ex putredine oriuntur, & citra vaporem putridum communicari alteri non possunt; cuius indicium manifestum est, fætor ingens exhalantis vaporis ab vlcerata elephantiasi, virulenta imperigine, Gallica, eaque vlcerata lue, & ophthalmia lippientium oculorum. Argumenta verò Fernel. eleganter soluit Alexad. Massaria lib. 1. de peste. fol. 13. edition. Venet. Omnis ergo pestilentia causa, quacunque tandem de causa illa oriatur, immediata & coniuncta, est vna excellens putredo, ex nimia solum humiditate, tanquam subiecta materia, & extranea caliditate, ut ab efficiente causa concitata. Nam ex Gal. sententia lib. 1. de temperam. 4. & 3. epid. sect. 3. in princip. & alibi passim, in calida humida constitutione, similibusque naturis statim succrescit pestilentia. Denique nullum ex malis, quæ Hipp. in Epidemias, in peste accidisse narrat, inuenies, quod putredinis soboles non sit, quod neque à sicco putrefieri quicquam sit aptum, neque à frigido. Hoc ita esse intelliges, si carnes, & reliqua quæcunque condita asseruari ab hominibus solent, obserues; hæc quidem sale; hæc muria, hæc aceto, hæc alio quopiam ex iis quæ stecant, commodè præparari deprehendes: in Borea, qui siccus natura & frigidus est ventus, omnia quam diutissime imputria durare, contra putrescere faciliè austrino flatu, est enim is ventus calidus, & humidus. Quod si calida & humida constitutio generandæ putredini est maximè accommodata, ut passim in meth. & lib. de dif. feb. docuit Gal. quis dubitabit frigidam & siccam, illius generationem arcere, & impedire? Num verò præter putredinem in pestilenti lue cœlestis qualitas, atque occulta vis malefica, & corruptrix necessariò sit statuenda in lib. ult. Praxis Historiarum, cap. de febre pestilenti, contra Fernel. & alios diffusè agitabimus. Interim vide Emman. Gomefium Antuerpiensem, lib. de peste, cap. 5. Massariam eod. tit. & alios qui de peste doctè disseruere.

A Ad secundum dic. Quod quamuis contagio dicatur putredinosa; non tamen è conuerso omnis putredo, putridaue affectio asseritur contagiosa, quoniam plura alia necessaria sunt ad contagium, quæ supra explicuimus, quæ cum in putridis febribus non concurrant, idcirco hæc non sunt contagiosæ.

B Ad tertium. Ex his euenit, ut in curatione morbi contagiosi, non sufficiant auxilia putredini opposita: licet enim putredine ablata, vis contagij auferatur, vel minuat saltem, pugnare tamen conuenit aduersus ea, quæ producant affectus contagiosos, præsertim si maligni sint atque pestiferi; sic enim in putridæ febris curatione, præter putredinem intendimus febrem ipsam remouere. Adde, dissonum non esse, suspectas habere de contagio putridas febres, non æqualiter omnes, sed magis vnas, magis alias, pro varietate aliarum causarum, quæ ad contagium concurrunt. Nā non est parua coniectura, quod cum quis in vna domo putridè febricitat, multi consequenter ægrotent simul, serpente videlicet malo, & alios inficiente; qua de causa fenestræ cubiculi, manè & vesperi debent aperiri, ut innouetur aër, & noxius è domo expiret, & quod ægri è domo vna in aliam permulentur, & alloquentes illum intentè non aspiciant, & fugiant ægri tetrā & virulentam auram.

C Ad quartum. Licet plurimos peste, ac contagiosis morbis corripere videamus, qui antea sanitate fruebantur, non idèò dicendum citra putredinem hæc passos fuisse. Nam putredinis notæ non sunt multoties in humanis corporibus manifestæ; quod in rabidi canis veneno satis patet, quod longo temporis spatio in corpore occultatur sine damno, aut noxa vlla; & alia venena citra incommodum in corpore latent, 14. aut 20. annis, ex Gal. 2. prorrh. sect. 2. com. 17. & vermes nullo persentiente sensu, ex putrida materia generantur in nobis; & generatur maxima pediculorum copia, quin putredinis labem quis persentiat. Et demum nullus est qui neget fieri putredinem in nobis citra febrem, quoniam non semper cordis substantiam labefactat.

D Ad quintum. Hoc argumentum quatuor habet partes. Quibus ut vtilibus seriatim satisfacere oportet. Ad primam dic. Varias extitisse auctorum opiniones, num pestis detur sine febre vlla, quas modò non placet examinare, in commodiorem locum reseruantes. Rixentur interim inter sese ad rauim vsque, Card. lib. 2. contradi. tract. 5. contradi. 4. Andr. Gallus fascic. 4. de peste. Mercur. lib. 5. de febr. cap. 17. Alex. Massaria eleganter, lib. 1. de pest. in init. Siue ergo repugnant Gal. sententiæ sint explanandæ, ita ut in peste, exigua febris adsit, vel nulla, vel hæc in initio tantum non appareat, in processu autem, etiam planè confirmato affectu suboriat, & insigniter insolecat, & exasperetur, vel in omni tempore morbi, ægra peste affecti omnino careant, ut ex Galen. mentè contendit Massaria lib. 9. simpl. cap. de bolo arm. & 1. acur. 9. & 3. epid. sect. 3. com. 28. & 55. cuius partes nos tuemur quoque, parum refert. Nam si est pestis absque febre vlla, non tamen absque putredine. Pestilentes enim visuntur cathari, & dysenteria totius febris expertes, (de quibus sit frequens mentio apud auctores) non tamen putredinis. Quomodo autem satisfaciendum sit Galeni auctoritatibus in contrarium ab istis auctoribus adductis, alij citati luculentissime explicarunt: Vtramque ergo viam si amplectaris, tutus incedes.

## QVÆSTIO LI.

Quòd detur diaria febris putrida, pestilens, & contagiosa. Contra Conciliatorem Peredam, & Brauum Petrasitanum, Medicos doctissimos.

A D 2. partem argumenti quarti. Responde. Pestem maximè esse contagiosam, interdum tamen habere adiunctam diariam putridam, ac pestilentem, quam nos libentissime concedimus, cum Mercurial. lib. 5. de feb. 27.

Valles. lib. 5. contr. 19. Lang. lib. 1. epist. 19. Petro Satio lib. A de feb. pest. 1. Fracast. lib. 2. de morb. contag. c. 5. Laur. Iouber- to lib. de pest. c. 6. Fern. 2. de abdit. 12. Augenio l. de feb. 12. Huchero lib. de feb. pestil. c. 9. Ioan. Caluo lib. 1. de apost. c. 5. de spirit. quos sequuntur Prosper Alpinus de medic. meth. lib. 5. c. 9. Andr. Gallus Tridēt. fascicul. de peste. Steph. Roder. Castrensis lib. 3. de meteor. microcosm. cap. 11.

Suadet ratio. Nam omnia putrescunt præter ignem, ex Philos. 4. meteor. 1. at spiritus non dices ignem. Instat Pereda contra Valles. in com. cap. 1. lib. 2. Mich. Ioan. Paschaliy, multa esse quæ non putrescunt, quæ nempe summè sicca sunt, vt ferrum, lapides, & elementum terreum. Licet enim hæc, quoniam habent bene permixtum humidum cum sicco, difficulter putrescant, tamen putredinem effugere non posse, concedimus cum Arist. qui hanc, communissimum esse omnium interitum asseuerat. Meralla ergo putrescunt, quoniam aquea sunt; quare Plato ea dicit esse aquarum genera, id est, esse corpora ad aquam pertinentia, & frigore magis quàm igne durata: lapides etiam per putredinem, hoc est, dissolutionem humidi à sicco, veniunt ad interitum, & cinis fiunt; proprio enim calore exolescente, naturalis humor vnà cum eo per vaporem emittitur. Terra enim, & aqua, & aer putrescunt, omnia enim hæc igni pro materia substernuntur, vt falsò contra Vallesium arguebat Pereda. Nam per elementum terreum, intelligit elementum purum, vel impurum: non illud, quoniam nullum elementum est purum; nam si esset, putrescere non posset, nam putredo mixtorum est passio. Si hoc, quum impurum sit, putrescere potest, quoniam à sua natura, hoc est, puritate recessit. At quæres iterum, cur si omnia elementa possunt hanc partium distractionem pati, & putrescere, quoniam in suis naturis impura sunt, exceptis ignem, qui etiam impurus est? Dic: quoniam ignis qualitates, minimè contrarias admittit; nam hic non potest refrigerari, neque fieri humidus, sed omnium est violentissimus, reliqua omnia conficit, & habet vt materiam substratam, ipse quàm minimum refractus. Accedit, quòd ea quæ putrescunt, debent vinci à calore ambientis, & debent quidem calore naturali fieri debiliora, calore verò præter naturam calefcere, vt cit. loc. Philosophus ait. Ignis verò neutrum illorum potest pati, neque ab alterius calore vincitur, quia nulli occurrit potentiori, neque aliquis gradus caloris potest illi esse præter naturam, quum secundum naturam summum gradum caloris retineat, omnia ergo putrescunt excepto igne, vt explicat Didacus Lopius in lib. de elem. cap. 4.

Deinde, si contingat spiritus humidiores esse, plusquàm illorum naturæ conueniat, & calidos, ex humidiori materia generatos, cur putredinis labem non concipient? cur si sit diaria simplex, quum inflammatus inspiratur aer; si putridus, & tabo infectus hauriatur, putrida & pestilens non gignetur?

Contra sentiunt Conciliator dif. 94. Pereda loc. cit. Ioan. Brau. Petrasitan. in com. cap. 5. lib. 1. de dif. feb. nixi his rationibus. Quòd spiritus tenues sint, obstruere non possint; facillè moueantur, transpirent, optimèque ventilentur, à natura nimis custodiantur, & gubernentur: quare si febris in iis concitatur, salubris semper dicta fuit à Galeno, mitissima ac prauis symptomatis minimè coniuncta, ex Galen. 2. cris. 13. l. 1. ad Glauc. 2. & lib. 1. de dif. feb. cit. Quæ ratione intricatus Massaria lib. 7. de feb. cap. 6. leuitatem illorum, qui diariam inter morbos magnos acutos, & pestilentes connumerant, confutat, immò sudorulentam hanc pestilentem febrem, quæ eruditissimorum

virorum fuit inuentum, figmentum, & somnium,  
aliis futilibus ratiunculis munitus,  
perfricta fronte appellare  
non erubescit.

\* \*

## DVBIVM LIII.

*Num sanguis arterialis putrefieri possit. Contra Crucium Olysep. doctissimum.*

**Q**uid dubitandum de spirituum putredine, haustis per inspirationem putridis halitibus, à quibus illi putrefieri corrumpique possunt? nonne sanguis arterialis purissimus, & tenuissimus putredinem concipere potest? at fortè hoc negabis, quum sanguis hic spirituum puritate, copiæque abundet, moderato calore sit præditus, quo putredini vehementer resistit, & facillè moueatur, & sic duplici tunica vallatus, rectèque ventilatus, à naturæque optimè gubernatus, nec putredinem, nec acrimoniam concipere potest. Quibus rationibus conuictus Antonius Crucius Olysep. lib. 2. Chirurg. cap. 10. aneurisma à causa interna per corrosionem arteriæ fieri non posse arbitratur, quoniam sanguis hic malam qualitatem non acquirit. Cuius opinionis falsitatem coarguit Auic. 4. 4. tract. 2. cap. 16. per hæc verba. *Et multoties arteriis de intus accidit pulsatio magna, & disrumpuntur, præterquam disrumpatur cutis, & cõgregatur sub cute emborisma, &c.* explicant Fallop. tract. de tumorib. præternat. cap. 14. Fragosus lib. 2. de apostemat. 9. Sanguinem enim arterialem, si calorem concipiat acrem & putridum, suâ acrimoniâ corrodere posse quis dubitat? quòd firmat Nicol. serm. 7. tract. 5. c. 24. qui ab humore corroderente substantiam arteriæ, vel venæ, præterquam corrumpat cutem, posse fieri aneurisma asseuerat: & infra sic ait. *Et quando prouenit à causa intrinseca, magis prouenit ex ruptura vena, quàm arteria, quoniam vena est facilioris corrosionis, quàm arteria; humor autem corrosius pluries reperitur in venis, quàm in arteriis, quamuis sanguis arteria calidior sit sanguine vena, quoniam natura sollicita est, ne talis humor pro posse in arteria generetur, aut tempore longo persistat, &c.* Ex quibus constat, quòd licet sanguis arterialis purissimus sit, & optimè à natura custodiat, ac gubernetur, & alias habeat supra citatas conditiones, quæ quodammodo aduersantur putredini: tamen huic est obnoxius; illæ enim difficultatem arguant putrescendi, non tamen impossibilitatem. Sanguis ergo arterialis putredinem concipere potest, vi cuius suborta acrimonia, arteriam erodi contingit.

Nonne cor ipsum putrere potest? ex Gal. 3. de presag. ex pulsib. 3. & 7. quo loco dari hecticam pestilentem ac putridam, cordis substantia putrefacta non semel inculcat. Quidquid, falsò ramen, contra sentiant Conciliat. dif. 94. & Trincauel. qui dum pestilentem febrem suo modo fingit, non hecticam pestilentem, sed hecticam ex pestilente febrem nobis proponit. Sed aduerrere debet Trincauel. cor posse pati putredinem, abscessus, vulnera, vlcera, vermes, verrucas saniofas, omnis generis tumores, cum animalis vita, quæ omnia in dissectis corporibus, in membrana cor vestiente, in ipsius ventriculis, & substantia adinuenisse gloriantur Beniuen. Fernel. Holler. Massa, Thom. à Veiga, Matthias Cornax, Realdus, Andreas Laurent. & alij quos referunt Marcel. Donat. & Schenckius in suis obseruationib. & nos lib. 2. huius operis diffusè proponemus, quum pericardij affectiones, posito exemplo in simia, & gallo patientibus tumores scirrholes, apud Gal. 5. de loc. 2. fuerimus interpretati. Lege obseruationes 139. & tres seqq. lib. 1. nostri, de praxi medica admiranda: quibus locis raras peregrinasque historias de hoc argumento retulimus.

Cur ergo si cor, sanguisque arterialis putrefieri possunt, spiritus etiam putrere posse negabimus? Dari ergo ephemeram putridam ac pestilentem, verum est, quam inter pestilentes Gal. non constituit, forte quoniam existimauit, spiritus maligna putredine affici non posse, quin statim inficerentur humores, vt scitè notat Fonseca in meth. curand. feb. quas Iacchin. omisit, cap. de febri pestilente.

Neque quòd tenues sint spiritus, obstruere non possunt. Hoc verum, si de frequenti euentu sit sermo; si tamen contingat,



contingat, ut aliquando ex materia tenui non ita generentur, sed humidiori & crassiori, ad putredinem & obstructionem magis disposita, cur non obstruent, & putrefaciendo calcificent?

Et licet motus spirituum, & puritas, ipsos à putredine defendant, tamen si ob causam vehementem, & subiecti aptitudinem putrida, pestilentiue aura inquinetur, cur diaria perniciofa, ac interficiens non orietur? nam natura eos, quoad potest, conseruat, verum victa eos à labe tueri non potest, ut Riolanus ait. Omnis ergo ephemera salubris est, nisi sit pestilens. Nam omnis intermittens salutaris est, 4. aph. 43. quæ si sit pestilens, perniciofa erit. Hipp. enim, & Galen. intelligendi sunt de frequenti euentu.

## QVÆSTIO LIV.

*Num febris maligna, aut pestilens, intermittens esse possit. Contra Mercatum.*

**A**D 3. partem argumenti quarti. Responde, intermittentem febrem malignam & pestilentem esse posse. Nam qui eam negat, Medicinæ decretis maximè repugnat. Quid enim obstat quominus pars aliqua ita sit affecta, ut totum alimentum sibi commissum in malam qualitatem conuertat? & accessionis tempore mittat in focus, vel in aliam præcipuam partem, in qua deleterius humor conculcatus maiori labe inquinetur, è quo vapor fœdus eleuatus inficiat viscera tæbe dira? Nonne ex ribia 3. de loc. 7. aurâ eleuatur per interualla, accessionis modo, comitiali morbum effectura? quem casum vidit & curauit Tral. lib. 1. cap. 15. sit. de iis qui ex alia parte morbum comitalem experiuntur, & nos supra ex Gal. hist. 18. huius lib. explicuimus. Viderunt præter alios Saonarol. tract. 6. de agriud. capit. cap. 20. in fin. Fernel. 5. pathol. 3. Nonne ex venenati seminis, & spurcissimi menstrui malicia torius corporis ex interuallis accidit conuulsio? quam referunt Gal. 6. de loc. cap. 5. Beniuen. c. 97. de abdit. Quid commoremur humorem malignum, qui in quauis parte reconditus, per circuitus sua virulentia potest naturam exagitare, de quo meminere Haly Rhodoam, ad lib. 3. seg. Gal. in com. text. 191. Valleriol. 4. obs. 6. Gattinar. cap. de epilepsi. qui auctores vnanimitè confirmant, posse humorem deleterium ad tempus coercitum, & in parte quapiam conculcatum exhalare, & per circuitus paroxysmales repetere.

Quod si hæc vera sunt, & virorum haud postremæ notæ monumentis confirmata, cur febris intermittens, maligna esse non poterit, humore maligno virulento per circuitus à natura exagitato? An quia nulla febris intermittens maligna esse potest, ut 4. aph. 43. oraculo prædixit Hip. id equidem non puto. Nam Hip. de salutari, minimeque perniciofa intermittente febre, & frequenter eueniente venit intelligendus. Quoniam aliàs quid inconueniens est, humorem malignum præ paucitate, in quapiam parte coacervatum, non ita continuò, sed ex interuallis naturam laceffere, & accessionem concitare? quam non nisi ex humorum maligna putredine oriri dicemus: hoc enim firmiter Thom. à Veiga lib. 3. de loc. 7. verbo, in corpore. Illefonus Lopus in prognostic. verbo, febris. n. 23. Iacob. Orthæus de obs. propriis, relatus ab Schenkio lib. 5. obs. de febrib. Holler. lib. 5. obs. 25. Ludou. Mercat. com. 2. de febrib. rit. de tertian. perniciofa eleganter Valesius 3. epid. sect. 3. com. 9. Hercul. Saxonia lib. 8. de febrib. cap. 37. qui omnes, intermittentes febres posse esse malignas, conceptis verbis asseuerant.

Quod autem febris intermittens, pestilens esse possit, probat Fabius Paul. lib. 1. enarration. in lib. Thucydidi de peste. edoctus à Tito Liuius lib. 1. decad. 5. qui in peste sæua sui temporis, quartanos circuitus euenisse refert: quod facit etiam lib. 7. decad. 3. quam sententiam, probant Oddus de Oddis, lib. 1. de pest. cap. ult. in fin. & Cornel. Gem. tract. de pest. hemitritum pestilentem plures peste affectos inuasisse refert. Quare febres pestilentes interdum

A. reperunt per circuitus, & accessiones habent, ut probant Forest. lib. 6. de feb. pestil. obseruat. 12. Thomas à Veiga in com. c. 4. Gal. lib. 1. de dif. feb. 5. De septimo, & c. præclarissima Gal. doctrina instructi, in lib. 3. epid. sect. 3. com. 20. quo loco nomen, *vulgare*, vel *pestilens*, non esse morbi certi inquit, quasi cum omni morbo complicaretur pestis. Explicat infra, in text. 64. ubi in constitutione pestilenti vagatas fuisse tertianas, quartanas, & alias febres erraticas asseuerat, quas cum multa turbatione fuisse coniunctas, prodit infra in text. 65. quæ si pestiferæ non essent, securissimæ essent, & minimè perturbantes, ex Gal. lib. 1. epid. sect. 3. com. 4. posse autem humorem pestiferum in parte quapiam contentum delitescere, & per circuitus accessiones mouere, supra explicuimus.

**B** Ex quo patet errasse Ludouic. Mercatum lib. 7. de feb. pestil. & maligna, cap. 2. in princ. febrem pestiferam & malignam, non esse de genere intermittentium asseuerantem, quod eius materia sit in venis maioribus, & prope cor; ideo si aliquando videatur intermittere, non verè, sed apparenter hoc contingere; ad tantam enim sæpe deuenit remissionem, saltem in principiis, ut facilè incautos decipiat, putantes intermittentem esse, quum reuera periodum vllam non seruet, in mò sua malignitate citra veram intermissionem corpus fatiget. Sed cum videamus aliquas intermittentes perniciosas, quas ipse supra in lib. 6. concessit, adeò ut tempore accessionis longè sint grauiores continuas, in eius opinionem descendere non possum. Licet enim necessarium sit, in maligna pestilentiue febre, cor praua putredine, & maligna qualitate offendi, (in hoc enim à cæteris putridis distinguitur, non tamen semper à corde putredinem incipere, illius humores aut substantiam occupantem, affirmandum est: nam interdum extra venas ab aliqua corporis parte eleuari potest vapor deleterius, cor feriens, lancinans, & eius robur prosternens, ut apparet in temporaneis venenis. Nec in febre pestilente cor semper primò afficitur, quoniam dantur angina, pleuritides, cathatri, dysenteria, phrenitides, & colici dolores pestilentes, ex Paul. lib. 3. cap. 43. & Auic. 16. 3. tract. 3. cap. 6. & tract. 4. c. 30. Gentil. in com. cap. 6. fen. 16. 3. Leono Lunèsi lib. 1. art. medic. sect. 3. cap. 4. Diuersa enim, & admiranda est pestis analogia, ut aduertunt Mercat. l. de pestil. c. 14. Fracastor. lib. 2. de morb. contag. cap. 4. Fab. Paul. in com. lib. Thucyd. de peste, fol. 274. Sicut enim datur pestis, quæ solum virgines afficiat, alia senes, alia quæ crura corripit, ut innumeri auctores cõfirmant, prout varia & diuersa dantur seminaria, quæ prout vel his, vel illis amica sunt, vel inimica, ita modò hunc, vel illum afficiunt: sic etiam datur alia, quæ certa membra affligit tæbe dira, ut pleuram, guttur, partes spirituales, cerebrum, & intestina, prout in lib. 2. de colica pestilenti agentes, latius comprobabimus: de quorum affectuum curatione egit Cardan. lib. 3. de venen. & ut nuperimè, sic omnium elegantissimè Ioan. Colle, in lib. 3. de morb. malignis disputauit. At in iis pestilentibus affectibus, cor primaria sedes non est, licet ratione febris semper patiat.

## QVÆSTIO LV.

**E** Quod in peste, pulsus & urina videantur esse secundum naturam, cum agri morte, & quæ sit huius euentus causa. Contra Auic. interpretes, Gentilem, Nicol. Amat: Mercurialem, Altimarum, & alios Medicos præstantissimos.

**A**D 4. partem argumenti. 4. ducto altius exordio respondendum est. Gal. lib. 3. de prasag. ex pulsib. c. 3. sic ait. Quidam enim ab initio ad finem usque, alij per totum morbum, probum pulsum habebat, qui perparum deflexisset à natura, & c. Et cap. 4. sic ait. Sanè videatur quibusdam perplexa & incognita via, siquãdo nec differentia vlla pulsum à naturali deficiat, & se ipse agrotus febrem non dicat percipere, ac inaequalitatem, quæ molesta est, balneis percurauerit, & ut

rum difficiliorem reddam, nec ex urina quidem petere in A  
huiusmodi affectibus firmam notitiam semper licet, sed est fe-  
re anceps colore, & compage similis naturali. Sexcentos tales in  
diuturna pestilentia conspeximus, ubi Medicos cerneret nubi-  
lo plebe praestantiores, modo vero imperitiores multo nonnullos  
experiente plebeio, &c.

Hanc sententiam firmat Auic. 1. 4. tract. 4. cap. 2. de sign.  
feb. pestil. §. Et quandoque est de febribus pestilentialibus, in  
qua non percipit eger, nec tangens propinquus multitudinem  
caloris, & non alteratur pulsus, & aqua magna alteratione, &  
cum hoc ipsa est interficiens velociter, & hesitant Medici in  
esse eius, &c. Repetit. 2. 4. tract. 1. cap. 80. §. Et quandoque est  
urina in aegritudinibus pestilentialibus bona, naturalis in sub-  
stantia sua, calore & sedimine, & ille cuius est, tendit ad  
mortem, &c.

Sequuntur horum auctorum mentem, Auenzoar lib. 3.  
Theiz. tract. 3. cap. 1. §. Ex his autem qua pluries, & pro ma-  
iori parte vidi accidere in epidemia, sunt febres putrida, qua  
lenta in tantum esse videtur, quod vix percipiantur nisi a Me-  
dico, & moriuntur subito cum eis, &c. Auer. 4. collect. cap. 14.  
prop. fin. idem confirmat. §. Et non apparet in his febribus  
fortitudo, nec sentitur in eis magna lesio manifeste, &c. Ho-  
rum mentem explicat Rasis 10. lib. ad Almanf. cap. 2. de  
peste. §. Febribus qua ex aeris corruptione generantur, non vi-  
detur in principio multa inesse caliditas, neque acuitas quum  
tangitur eger: sunt tamen in occultis corporis partibus, & ip-  
sius profundo magni nocuenti, & sunt deceptorie, & ve-  
hementis operationis, & sunt febres lenta, repida, con-  
clusa, &c.

Sed relictis veterum sententiis, placet veritatem hanc C  
examinare ad vnguem. Videtur enim longè à veritate  
alienum existimare, pulsus bonum, & urinam bonam in  
peste interficiente apparere, quum venenū lateat interiùs,  
lancinet cor, vitalis potentiae & naturalis facultatis tonum  
dissoluat; sicque necesse est, vt pulsus in aliqua differen-  
tia deficiat, si verum est, pulsus inquietudinis, damni-  
que interni indicem esse certissimum, ac minimè fallacem. In-  
super, si pestilens calor ab aliis per putredinis excellen-  
tiam differt, ex Gal. 6. epid. sect. 1. com. 29. cur in pulsu,  
aut urina, aliqua putredinis nota non apparebit: quam ex  
his signis rimari posse probat Gal. 9. meth. 4. §. Quia autem  
nec in hoc, nec in lotio, nec in ipsa caloris qualitate, indicium  
aliquod humorum putrescentium apparuit, &c.

Enimvero si Galeni verba, aliorumque auctorum men-  
tem penitus scrutemur, pulsus naturalem, & urinam  
bonam in peste interficiente non posse apparere inuenie-  
mus, Patet ex Gal. supra, ex verbo [perparum deflexisset à  
natura,] & ex altera [alteratione magna,] & ex alio [simi-  
lis naturali:] ex quibus omnibus manifestè constat, in pe-  
ste, ægro tendente ad mortem, minimè dari pulsus natu-  
ralem, sed huic valdè similem ob dictas causas, vt commu-  
niter Medici ex Gal. sententia falsò pronunciant.

Quare tamen pulsus & urina, à natura perparum defi-  
ciant, plures explicarunt, sed an rectè, ipse iudicabis, si  
eorum opiniones priùs exaudias. Auic. interpretes in va-  
rias abiere sententias. Dicunt ergo primæ opinionis fau-  
tores, quod natura tantò malo oppressa non audet aggredi  
pugnam, & quasi deuicta non valet insurgere contra mor-  
bum, sed potiùs ad operationes naturales se conuertit,  
vnde pulsus apparet bonus, & urina bona. Hunc soluendi  
modum excogitarunt Conciliat. dif. 94. Gordon. lib. 1. de  
feb. cap. 10. Pro illis est locus eximius lib. 3. cris. 9. sic enim  
ait Galen. Hoc enim accidit, ubi plurimum natura à morbo  
superatur, tunc enim neque cettare aduersus ipsum aggredi-  
tur, &c. Lege quæ pro huius opinionis defensione latè  
congressere, Iacob. de part. Thadæus Florent. Vgo Senen-  
sis, cit. Auic. cap. explanantes,

Sed horum demiror ingenium, quod in re clarissima ita  
à Galeni mente deflectant, cum innatam naturæ provi-  
dentiam denegent in custodiendo animali; nam ea ex  
necessitate operatur, & aduersus corruptentia decertat.  
Qui enim fieri potest, vt hæc licet multa perniciæ op-  
pressa, morbum non aggrediatur? Nónne hæc est miles  
itrenuus, qui aduersarium prouocat ad pugnam, etsi in

conflictu ipso succumbat, & emoriatur? Nónne hæc  
maiores semper acquirit ad pugnandum vires, vt corpus  
ab externis iniuriis, quoad potest, defendat, in qua cum  
morbo luctatione pulsum debilem, frequentem & inæ-  
qualem fieri certum est? Nónne animalium natura est  
morborum medicatrix, & in expellendis, & oppugnan-  
dis mirabilem efficaciam præstat? Cur ergo hæc tanto  
malo afflicta, signa non dabit ruinæ suæ manifesta, quæ  
nónnisi ex pulsu, & urina desumi possunt firmissima.  
Nec est dicendum, ipsam morbi sæuitie deuictam ad ope-  
ra naturalia se conuertere, sed pugnam inire, quæ li-  
cèt tunc non sit eo robore facta, ac si superior esset, (quo  
pacto intelligendum Galenum puto) erit tamen ea vi  
qua poterit.

Secundæ verò sententiæ defensores, quorum primus  
fuit Gentil. in com. cit. loc. Auic. cum Nicol. ferm. 2. tract. 2.  
B ferm. 4. distinct. 6. cap. 9. in fin. asserunt prædictos auctores  
hoc modo intelligendos. Corripitur v. g. quidam fe-  
bre salubri, in cuius corpore lateat materia venenosa,  
quæ licèt, quoniam est in parte ignobili, & à corde re-  
mota, non noceat, tempore tamen crisis commota cor  
subito ferit, oppugnat, & interficit: quare æger moritur  
ex febre salubri cum pulsu bono, bonæque urina. Sed non  
aduertunt viri doctissimi, quod postquam humor vene-  
nosus se deoccultauit, tunc necessariò æger febri pestifera  
laborat; quo tempore pulsum bonum, & urinam bo-  
nam apparere non est dicendum, & maximè quum præ-  
conatu naturæ in crisi facto, & humore venenoso sua vi  
maligna cor feriente, omnia immutari contingat. Lege  
quæ de hoc modo soluendi scripserunt Theodor. Ange-  
luc. lib. 1. de feb. malign. cap. 6. Fracisc. Vlmius lib. 4. de urin.  
cap. 6. Scalig. exercit. 32. de subtilit. in Cardan. Valuerda  
Olyssip. in epistola de peste, Lusitano idiomate conscripta.

Alij alio modo respondent, de quorum numero est Fô-  
seca, in meth. curandar. feb. quas Iacchinnus omisit, tit. de  
feb. pest. sign. qui ex eo pulsus naturalem fieri in peste,  
corde pessimè affecto arbitratur, quoniam ita calor insi-  
tus à mala veneni qualitate debilitatur, vt non possit pul-  
sum mutare, & extendere, ob spiritus & innati caloris  
inopiam. Corruit solutio, nam cum natura frequentia  
magnitudinem compenset, si exactè examines pulsus, dif-  
ferentiam inuenies à naturali, sicque erit languidior, fre-  
quentior, & inæqualis.

Clarissimus Mercurialis lib. 3. de excrementis, cap. 8. in  
fin. affirmat calorem exiguum, pulsusque moderatum re-  
periri, quod febris pestilens ipsum quoque cordis corpus  
occupauerit, planèque confirmata sit, & in habitu, (quam  
hecticam pestilentem concedit Gal. de presag. ex puls. cit.)  
in qua pulsus calorem repræsentat æqualem, & simi-  
lem sano. Sequuntur hanc opinionem, Altimar. 3. de feb. 8.  
Oddus de Oddis lib. de pest. cap. 12. Amar. 3. cent. 74. Sed  
quum Gal. peste correptos habere pulsus similem sano,  
dicat; hectica verò pestilenti correpti habeant pulsus  
debilem, paruum, crebrum, & modicè celerem, ab eorum  
opinione discedere cogor. Quum hecticæ pestilentis pul-  
sus non sit similis sano, nam veneni sæuitie oppressa fa-  
cultas, & languens, paruitatem pulsus crebritate vult  
compenfare, ita vt quod vnica pulsatione non potest  
agere, pluribus efficiat.

Vera ergo sit sententia, vsu, experienciæque confirmata:  
E Pulsus similem sano, & urinam similem naturali appa-  
rere, quando pestis venenosa qualitate ampliùs affligit,  
quàm putredine. Quare quum exigua putredo circa hu-  
mores versatur, exigua erit mutatio in urina. Pulsus  
enim similem sano apparere, sæuiente malo, venenòque  
interno, dicendum est, in hac peste quæ sine seruore, &  
calore nimio cor fatigat, & extinctis reuolūtisque spiri-  
tibus vitalibus, corpus & potentias cæca quadam, & abdi-  
ta venenosa qualitate labefactat, & veluti præsentaneo  
veneno homines ex improviso, sideratorum more inter-  
ficat, prostratione summa, & plerumque sine sensu dolo-  
ris, anxietudine, & angore maximo vexat, & inopinatò  
cor premit. In hac neque calor ardore mordax, nec sitis  
vehemens est, æger tamen animi deliquio, syncope,  
pulsu

pulsu paruo, debili ac pusillo, assidua vomitione, vigiliis, inquietudine, corporis iactatione, & virium imbecillitate, spirituum omnimoda iactura refrigeratus occumbit: in hac, quum sit interficiens velociter, hæsitant Medici in esse eius. De quo argumento vide Fernel. lib. 2. de abdit. 12. & Petrum Salium lib. de febr. pestilent. 15. & 16. ad fin.

Non desunt, qui ad repugnantiam temperamentorum confugiant, quam tantopere laudauit Gal. 3. de pras. ex pul. 3. quum videlicet cor calidius est, humores autem in sinibus contenti frigidiores, ex qua contraoperantia pulsus sit moderatus. Vel interdum est inæqualitas temperamenti inter cor & arteriam, vt scilicet arteria quæ frigida est, à corde calefiat, ita vt euadat pulsus nec paruus, qui frigida intemperiei est, nec magnus qui calida, sed inter vtrumque moderatus. Aliquando ad distantiam arteriarum à corde; quæ enim cordi sunt propinquiores celerius recipiunt influxum à corde; quæ remotiores sunt, tardius, vnde pulsus fieri similes temperato, & naturali asseuerat. Sed quoniam hanc verissimam doctrinam, & miro ingenio adinuentam, iuniores in varios sensus distorquent, & oppugnant, imò inflatis buccis merum figmentum esse asseuerant, & locus iste latius diuagandi tempus non concedit, hanc arduam pro Galeni defensione aduersus ipsius calumniatores litem discutiendam reseruemus, ad librum ult. Praxis Historiarum, in quo de pestis curatione latè differemus.

At 5. argumen. de canis rabidi veneno, dic: In rabie putrefactionem quandam existere, latet enim nos: nam putrefactiones quæ in humano corpore fiunt, non admodum manifestæ sunt. Verisimile est autem ita se habere, quoniam canes quum rabiunt, febrim quadam corripunt. Ergo si omnium contagionum inductio fiat, eas in putrefactione consistere deprehendes, ob quam pituita gypseæ, (vt ad pensum redeamus) quæ est strumarum causa materialis, & crassi mucosique humores putrefacti, sunt in causa, vt strumæ contagium inducant.

## D V B I V M L V.

*Num pituita vitrea putrere possit.*

Pituitam enim gypseam putrere posse, nulli est non manifestum. Nam si cor vitæ fons, & domicilium, viuenti animali; spiritus vitalis (functionum instrumentum), sanguinis arterialis, in quo calor permanentiam habet; semen, ex purissima sanguinis parte elaboratum; sanguis venalis, lac, & alia plura putrere possunt, vt supra retulimus, cur non gypseæ pituita? Dices fortasse, illi maximam inesse siccitatem putredini nimium resistentem, sed hoc difficultatem putrescendi arguit, non impossibilitatem. Nam si crassius, melancholicusque humor, atque terrestris, sextanæ, septimanæ, octonanæque febris est causa, apud Auic. 1. 4. tract. 2. cap. 68. in fin. & hoc per putredinem accidit, ex ipso ibi §. Etiam non prolongatur, quin sit in quibusdam corporibus melancholia grossa, & pauca cui accidit putredo, &c. Cur gypseæ non putrescat? Deinde si pituita vitrea suapte natura frigidissima, 2. de loc. 5. & 2. feb. 6. putrescit, ex Auic. 1. 8. tract. 2. cap. 80. §. Verum ipsi accidit iam putredo, &c. & febrim concitat ob putredinem, ex Gal. cit. de feb. cur gypseæ non putrescat? forte quoniam ab humore omnino exuta est? id equidem non puto. Audi Petrum de Peramato lib. de humorib. cap. 13. per hæc verba. Est autem pituita gypseæ, crassior reddita per serosi humoris absorptionem, reperiturque in artubus, pulmone, atque aliis meatibus corporis non raro, talisque appellatur ante integram exiccationem, & conuersionem in topium, & lapidem, &c. Hanc modica quadam humiditate, & mollitie esse adhuc præditam Costæus confirmat, in com. c. 1. Auic. fen. 1. doct. 4. 2. 6. licet enim lapidis, aut gypsi duritiem præsentet, ab iis tamen distat ob humiditatem, qua non est omnino spoliata, quum adhuc in tophi, aut calculi duritiem non migrauerit, vt 6. physiolog. 9. Fernel. docet. Addiderim, strumas non ex hac solum pi-

uita, sed ex lentis mucosisque humoribus ortum ducere, vt inter omnes firmavit Manard. 7. epist. 2. Ab humore ergo in strumis reperto, lento & putrido, quum habeat omnes condiciones ad contagium requisitas, eleuari vaporem, vicinum corpus contractu & fomite infecturum, affirmamus.

Neque dicas, non adesse putredinem in isto humore, quia in strumosis non visitur febris, à putredine inseparabilis. Nam præterquam quod strumæ febres mouent, teste Celsolib. 5. cap. 20. rubric. cit. ob humorem putridum (qui est illarum causa) febrim concitantem, vt proprio experimento firmavit Amat. 5. centur. 20. etiam pestis datur sine febre, non tamen sine putredine; & plures pestilentes visuntur morbi omnis febris expertes, non tamen putredinis. Quamuis enim hæc sic causa febris, non tamen omnis; sed ea quæ per omnia vasa vagatur, aut ita vrget vt corripiat, & ponat in calfacto esse: id quod non semper efficere potest putredo, vel etiam insignis; quum sit in externis partibus posita, & à corde remotis; vt plures ostendunt morbi, quorum putredinem sat ostendit fætor ingens exhalantis vaporis à manantibus vlceribus, sordidis fistulis, virulenta scabie, scæda elephantiasi, Gallica lue, & aliis cutaneis affectibus.

Neque obstat, quod per duram cutis tunicam vapor exire non possit, vicinum corpus infecturus. Nam omnia sunt transpirabilia, 6. de loc. 5. & per cutem exilibus, crebris, & insensibilibus foraminibus constantem (poros vocant,) effluxus continuus extra corpus humoris noxi deferitur. Celerem autem euaporationem iuuat partis affectæ internus calor continuo effumans; calor autem à putredine humoris in parte coerciti fouetur semper.

## D V B I V M LVI.

*Num putredo sit causa caloris.*

Obiicies hoc minimè esse verum, nam putredo non est calor, is autem non nisi à suo simili oritur: neque enim concipi potest, vnde putredo putrenti rei calorem addat. Deinde licet putrentes humores reddantur calidiores quàm autem erant, quum minus caleant quàm cor, febrim excitare non poterunt. Iungit Arist. 4. meteor. cap. 1. putrentia omnia reddi frigidiora, quum per putredinem exhalet innatus calor, & extraneus cesset post actionem.

Licet pro huius dubij solutione, variz sunt Philosophorum opiniones, seu potius rixæ: placet cum iuniorum doctissimis flammam vtrunque iam consopitam excitare, quum ad huius obiectionis solutionem, quædam necesse sit prælibare, ex tam multis quæ Gal. interpretes, ad cap. 3. lib. 1. de diff. feb. doctè literis commendarunt: de quorum numero sunt Argenter. in art. medic. & Thom. à Veiga, in com. cap. 5. Galen. lib. 1. de diff. feb. Thomas Erasmus, Archangel. Mercenar. prop. tract. de putredine. Eustach. Rudius 3. de feb. 1. 1. Vallesius 4. contron. 3. & 4. meteor. 1. Ludou. Mercat. rom. 2. lib. 3. de feb. caus. in inir. Stephan. Roderic. Castrenf. lib. 3. de meteor. microcosm. c. 4. inter quos non adhuc capit discordia finem, adeò dubium, anceps, arduumque est: & nos plura de putredinis causis, essentia, & natura Laconicè proponemus, lib. 4. in com. hist. 4.

Neganda enim foret illa propositio Gal. lata tum cit. de diff. feb. 1. tum lib. de caus. morb. 2. & 3. de temper. 2. nisi certissimo, manifestissimo, frequentissimoque experimento, sui certitudinem euidentiamque exhiberet; quale est illud cit. loc. relatum, de stercore columbino, ex quo putrefacto, vaporumque edente, tota domus in Mysia, Asia parte, conflagrauit. Hoc autem ita accidere confirmant euidentissima argumenta. Primum, acrimonia sensati caloris in putrido, dum extrahitur, sanguine. Exemplum aliorum stercoreum, quæ putrescentia multum ignem concipiunt, adeò vt si manibus tangantur, exurant. Ardor critici in acerbis putrentis, lactucarum aceruus, quæ, si eas relinquant donec putrescant, comburant. Accessionum repetitio, duratio, & earum cessatio satis ostendunt.

Indicat

Indicat euidenter humor in parte obfessa phlegmone A  
contentus, vbi prohibitus diffari putrefcit, & febrem  
concitatur.

Quare tamen hoc accidat, ex Gal. doctrina, & Philoso-  
phi dictis satis constat; hi enim exemplis rationem ad-  
didere. Putrefcentia ergo omnia calorem concipiunt, ca-  
lidaque præternaturaliter redduntur, licet putredo non  
fit formaliter calida vt ignis; neque emipenter, vt sol; ne-  
que potentia vt piper, quod alienus calor vniuersum oc-  
cupet corporis habitum: siquidem per putredinem natu-  
ralis calor corrumpitur, & ab extraneo calore subiectum  
occupatur, qui essentia sua acrior est & mordacior. Qua  
de causa pituita, reliquique crassi & frigidi succi febrem  
accendunt, concepta prius putredine, lib. 2. de diff. feb. 5.  
Quo fit vt in frigidis affectibus prope mortem aliquando  
febris consequatur, eo quod retenta, & putrefacta excre-  
menta calorem concipiant. Hæc est facilis secundum  
Galen. & Philos. mentem responsio.

Licet enim putredo non sit calor, calefacere tamen  
potest, ob extraneum, præternaturalémue calorem am-  
bientis, qui si validior sit innato rei putrentis, cur putre-  
faciendo non calefaciet? Natiuus enim ad opposita pati-  
bilia gubernanda fit impotens, & ineptus; sicque efflu-  
ere humidum permittit: in quod profiliens extraneus, fer-  
uorem & incendium concitat. Quod si putridus humor  
adeo non calet, vt cor, aut contenta eius, ( hoc enim se-  
cundo loco obiciebant plures ) saltem transmissa fuligo  
calidissima est, & sufficiens ad febrem inducendam:  
quoniam concepto putredinis vitio languet innatus cal-  
or, & ab extraneo, vel remissiori facile alteratur, æstuân-  
que sponte gliscit, & ad noui putridique aeris accessum  
crescit & incenditur. Tantum enim abest vt post actio-  
nem alienus cesset calor, vt ad absentiam innati magis  
effervescat, sicque intensior putredo concitetur.

Humor ergo actu committens strumas, & qui earum  
causa coniuncta dici potest, & debet, transpirari prohibi-  
tus putrefcit, effumat, & calorem concipit acriorem &  
mordacem; ex quo eleuatus vapor putridus, lentus, &  
praua qualitate affectus contagium inferre potest, maxi-  
mè quoniam eleuatur ex loco cutaneo externo, è quo in-  
tegra, minúsque mutata exit aura. Strumæ ergo tam vl-  
ceratæ, quam non ulceratæ, sunt fomite, & contactu con-  
tagiosæ. Licet illæ promptius inficiant, quoniam à sordi-  
do vlcere foetidissimus exurgit vapor, vicinum corpus in-  
fecturus lue dira.

Hoc minimè concederet Hieronymus Perlinus, qui in  
declamatione ad lib. 2. cap. 20. aduersus morborum con-  
tagionem, eiusque fautores, acerrimè contendit, nullum  
morbum dari contagiosum, nec strumas, imò; nec ipsam  
pestem. Et quod plus est eò impudentiæ, imò dementiæ  
deuenit, vt asserat hodierna contagij, tum pericula, tum  
remedia irrita esse, inania ac planè nulla. Sed abeat cum  
suo commento Perlinus, qui humani generis hostis ve-  
rius nuncupandus, sibi licere putat impunè homines oc-  
cidere. Rationes verò quibus fulciat paradoxum, non-  
dum exire in lucem: Medicorum enim terrore per-  
citus declamationem solum excudit. Si fecerit, non  
deerunt docti qui earum vanitatem impugnent eu-  
denter.

### QVÆSTIO LIII.

*Quod verba non naturali vi, sed summi Omnipotentis potentia, aut accita Daemonum ope, strumas aut alias morbos curare possint.*

**Q**UORUNDAM RUSTICORUM EXEMPO, &c. ] Dirus morbus  
scorophula est, cum qua sæpissimè, incassum tamen,  
Medici laboriosè luctati sunt; petiti tamen vehementis  
laboris, rusticorum opem implorant. Nam hoc Hercu-  
leum malum opprobrium Medicorum dici potest. Siue  
ergo humorem hunc expurges, extrà & intrà emollias,  
( per internam enim partem exhibitis medicamentis, posse  
fieri emollitionem, tenent Fallop. lib. de tumorib. præter na-

tur. cap. 2. Iul. Cæsar Claudin. consuls. 112. ) caustica &  
ipsum ignem adhibeas, vix succumbit affectus. Cogun-  
tur ergo miseri ægri Rusticorum ( Hispani alexicacos, seu  
saluatores vocant ) auxilium exquirere tanto malo op-  
pressi. Illi solo contactu, visu, afflatu, verbis, aut lintei  
licci applicatione strumas, aliaque vulnera sanant imme-  
dicabilia. An tamen hoc verum sit, iam videndum. Va-  
num namque non est, quod de verbis prolatis, & incan-  
tationibus circumfertur, quum his quotidie grauissimos  
morbos extirpari contingat. A sacris ergo literis ducamus  
exordium. Incantationes probare videtur Regius vates  
Psalm. 57. dum sic cecinit. *Furor illis secundum similitudi-  
nem serpentis, sicut aspidis surde, & obitantis aures suas,  
qua non exaudiet vocem incantatoris, & verescit incantans  
sapienter, &c.* Hierem. etiam cap. 8. idem scripsit, dum di-  
cit: *Ego vobis immittam serpentes regulos, in quibus non est  
incantatio.* Hinc grauissimus auctor Iosephus lib. 8. antiq.  
cap. 2. affirmat, sapientissimum Salomonem præcantatio-  
ne, & coniurationibus, vt Dæmones fugarentur, & morbi  
curarentur, usum fuisse. Et Plato lib. 4. de republic. in vni-  
uersum morbos incantationibus sanari asseuerat, vt affir-  
mat Platonius Princeps, Marsil. lib. 3. de vit. calit. compa-  
rand. 18. Idque apud Lucianum Dinomachus Stoicus,  
Ion Platonius, Cleodemus, & alij opinantur. Imò Py-  
thagoras, Empedocl. Apolloni. Thyanæus, non tam ver-  
bis, quam carminibus morbos sanari tradunt. Plinium  
lib. 28. cap. 2. eandem sententiam habuisse, eamque pluri-  
mis appositis exemplis confirmasse, probant insignis Ti-  
raquel. lib. 2. de nobilit. quest. 7. num. 302. Alexander ab  
Alexandro, lib. 2. diæ. genial. cap. 17. eloquenter.

**C** Ex nostris Trallian. non contemnendæ auctoritatis  
Medicus lib. 9. cap. 4. ex sententia Galen. id confirmat, &  
Præterea etiam diuinissimus Galen. qui nec quidem incan-  
tationes putant, longo tempore, multoque usu plurimum ipsas  
posse deprehendit. Audi igitur verba ipsius, qua de medica  
Homeri tractatione scripta reliquit in hunc modum. Nonnulli  
igitur putant incantationes anicularum fabulis esse persimi-  
les, quemadmodum ego quoque diu existimaui: temporis autem  
progressu ab eis qua euidenter apparent, persuasus sum, vim  
ipsis inesse; nam in percussis ab scorpione adiumentum sum ex-  
pertus, nihilo autem minus in ossibus gutturi infixis, qua in-  
cantatione statim expuebantur, ac multa præclara singula ha-  
bent incantationes, quum institutum consequuntur, &c. Quæ  
sententia Galen. licet non extet, extitisse tamen, aucto-  
ritate huius viri potest comprobari.

**D** Deinde is Auctor lib. 12. in fin. characteribus vtitur ad  
coli dolores persanandos: quam opinionem confirmat  
Marcel. antiquissimus Auctor lib. de re medic. cap. 8. Et mi-  
rabile est quod scribit Aëtius ex Archig. teirab. 2. ferm. 4.  
cap. 29. per hæc verba: *Dentem igitur mortui canis, in nomi-  
ne eius qui agrè habet, acceptum super prunas pone, vaporem  
que inde prodeuntem ager aperto ore admittat, & firmabuntur  
ei dentes, &c.* Plurima his similia exempla legat qui velit,  
apud Fernel. 2. de abdit. 16. Cardan. lib. 2. tract. 2. contra-  
dict. 7. Ad hæc Gal. 12. meth. 8. flatuosi doloris curam per  
cucurbitulas super partem affectam positas docens, has  
esse auxilium incantamenti simile pronunciauit. Vide Be-  
nuien. lib. de abdit. sanat. caus. 26. qui sagittam infixam,  
in saucio iam à Medicis desperato, carminibus auulsam  
fuisse asseuerat. Lege etiam Conciliator. diff. 157. de hoc  
argumento ex professo disputantem, & Andream à Cruce  
lib. 1. de vulnerib. tract. 2. cap. 17. de curandis vulneribus,  
orationibus & aquâ.

Sed fabulosum, & commentitium est, quod de incan-  
tationibus circumfertur. Quamobrem magi, & incanta-  
tores rigide in Diuinis oraculis reprehenduntur, vt patet  
in lib. Deuteron. 18. per hæc verba. *Quando ingressus fueris  
terram, quam Dominus Deus tuus dabit tibi, cane ne imitari  
velis abominationes illarum gentium, neque inueniatur in te qui  
ariolos sciscitetur, atque obseruet auguria, neque sit maleficus,  
neque incantator, neque qui pythones consulat, atque diuinos,  
& querat à mortuis veritatē; omnia enim hæc abominatur Do-  
minus, & propter huiusmodi scelera deleuit eos in introitu suo,  
&c.* Idem legitur apud Esaiam, cap. 2. & in lib. Paralip. 33.  
&



& in *Leuitic.* 19. & 30. in quibus locis Iudæi graviter ple-  
ctuntur ob incantationes. Ob quas *lib. 1. Reg.* Saül Rex à  
Deo interficitur. Et *lib. 4. cap. 17.* Dominus Oisæ Regis  
tempore populum Israëliticum, quod incantationibus in-  
seruiret, in captiuitatem Assyriorum deduxit. Et in *cap.*  
23. iussu Domini, Deuter. lege promulgata, delentur  
incantatores & aruspices. Consule Vallesium, in *lib. de*  
*sacra Philosoph. in com. cap. 2. Genes.* Quare incantamenta  
sunt vanitatis plenissima, mera figmenta, & meræ nu-  
gæ. Quo pacto Imperatores Constantin. & Iulian. in *l.*  
*multi.* & in *l. nemo.* Codice de maleficiis, & *Mathemat.*  
*nobiles, & ignobiles capite damnare iubet.* & amplius patet,  
in *lege 12. tabular. §. Qui fruges excantasset, & qui ma-*  
*lum carmen excantasset.* Subscribunt Hipp. *lib. de morb. sa-*  
*cro, num. 5. Arist. 8. de hist. anim. 24. in fin. Gal. 6. simpl. in*  
*proemio. §. Verumis ad fabulas, versus aniles, simulque ad*  
*præstigiaturas quasdam deliras Egyptias, innectis quibusdā*  
*incantationibus, quas, cum herbas colligit, admurmurant: &*  
*sanè vritur ad ea qua suspenduntur, & imposturas non solum*  
*curiosas, sed etiam falsas vniuersas. At nos neque horū quid-*  
*piam, neque nugaces istorū narrabimus historias, neque enim*  
*vel paruis admodum pueris utiles tales esse fabulas existima-*  
*mus, nedum iis qui Medicina opera obire properant, &c.* Re-  
petit 9. *simpl. cap. 26.* Sequitur hos Cels. *lib. 5. cap. 27. de*  
*ulceribus venenatis.* Qua de causa Imperator Caracalla  
lege quadam inuiolabili cautum fecit, ne pro quartana,  
aut febribus abigendis, incantationibus quispiam vtere-  
tur. Adi Valles. *lib. 4. controu. ult.*

Ex quibus duas obseruare oportet verissimas conclu-  
siones. Sit prima. Verba materialiter sumpta, incantatio-  
nes, coniurationes, characteres, figuræ, annuli, scripta, li-  
gata, appensa, aut alia similia superstitiosa & vana, vim  
aut efficaciam perfanandi morbos non habent. Hanc  
conclusionem probant inter omnes; Picus Mirandula  
*libel. prop. de magia.* Bernard. Veronens. *lib. 7. cap. 25. de*  
*de veneficiis.* Amat. 6. *centur. 86.* Symphorian. Campeg.  
in *annotament. contra Cōciliator. Tarraga, quest. 36. in lit. P.*  
Gentil. *quest. 55. extrauag.* Ioan. Brau. Petrasian. *lib. de*  
*Marsis & Psyllis* eleganter. Ioan. Brau. Chamicus *lib. 2.*  
*de vuln. curat. cap. 5.* Patet conclusio euidenter. Nam ver-  
ba sunt naturales rerum imagines, & nihil aliud ipsa  
præter hominum placitum impotant. Deinde verba, aut  
scripta sunt, autore prolata; illa sunt quid mortuum, &  
omnis energiæ expers; hæc autem vim tantum habent  
contactum aërem feriendi, vt & animalium, reliquorum-  
que inanimorum soni: sed sonus tactum non magis valet  
immutare, quàm color auditum, quoniam non sunt sen-  
suum istorum obiecta. Quare cum ad sanationem neces-  
sarium sit tactum immutari, fateri oportet sanationi mor-  
borum, solam verborum prolationem nihil conferre. Ho-  
rum enim omnium vanitas, à vanitatum auctoribus in-  
uenta, ab Epicuræis, Cynicisque Philosophis antiquitus  
pariter vexata, atque derisa, non modò viris doctis, verum  
etiam rudibus, ac plebeis notissima existit. Lege Gaspa-  
rum Peucerum *lib. de incantat. in princ.*

Quapropter si verbis simpliciter prolatis morbos in-  
curabiles videris perfanatos, Cacodæmonis ritu fieri hoc  
certum est. Et idcirco militarem illam vulnerum cura-  
tionem hoc modo celebrari dicendum est. Nam hæc vir-  
tus tam multis non potest impartiri. Neque fidem adhi-  
beas responsioni, quam aliqui ex supra citatis innuere  
videntur, quod hi linteo vario modo imposto, vlcera san-  
nant, quoniam abstergunt & exiccant, & sic saniei ex-  
purgatione, in euchymis præsertim corporibus, vlcus  
ad cicatricem perducunt. Nam hoc non nisi longo tem-  
poris spatio, fieri potest. At verò hi ex improviso hoc  
machinantur, vt constat ex Ariolo citato à Beniū. 26. qui  
duobus digitis plagæ superpositis, & carminibus nescio  
quibus insusurratis, relum ex officio redire iussit, quod citra  
fammum vitæ periculum, nec varia medicamentorum  
genera, nec operosa medentium manus extrahere vn-  
quam potuerunt.

Merito ergo hæc circulatorum impostura damnatur,  
& interdicatur diuinæ maiestatis cultoribus, quoniam

Lib. I.

A Dæmonum pacto inito fieri certum est. Sic enim com-  
mentus est Diabolus, vt sanctissimis quibusdam verbis  
prolatis facilius & libentius homines fidem adhibeant.  
At licet ab istis verba proferantur sancta, vel sunt in ma-  
lum finem dicta, vel sensus eorum inuertitur, aut cum  
prophanis, & nihil significantibus rebus permiscuntur.  
Sic isti mira perpetrant, quæ non nisi spiritus iniqui com-  
mercio celebrari possunt. Contra hos impostores strenuè  
certarunt Gaspar Ciruelus Toletanus *lib. peculiari de su-*  
*perstitionibus.* Annæus Robert. Iurisperitus insignis *lib. 1.*  
*rerum indicatar. cap. 5.* Benedict. Peter. *lib. 1. de magia.*  
Thomas à Veiga in *com. 85. art. Medic. Gal.* Ioan. Hucher.  
*lib. 5. de malefic.*

Nec mireris: Nam sicut à maleficis & impiis homi-  
nibus, recitatis verbis, magicis quibusdam actionibus,  
& certis ceremoniis fiunt, vi Diaboli, fascina ( philtre  
vocat: ) & sicut agitatis, & transmissis noxiis succis ac  
nobiles partes, vel instrumentorum, structura vitata, in-  
numeri hac de causa morbi contingunt, quos trans na-  
turam. *loc. cit.* Fernel. vocat: idque faciunt præstigiatores  
immediatè per motum localem, vel illudendo sensibus,  
vel applicando actiua passiuus, vt latè referunt. Lang.  
*lib. 1. epist. 38. & lib. 2. cap. 34.* Marcel. Donat. *lib. 4. de*  
*histor. mirab. cap. 1. vers. fin.* Cornel. Gemma *lib. 2. de na-*  
*tur. diuin. characteris. cap. 4.* luculenter: Sic Dæmones, &  
illi horum vi, agitatis & expulsis prauis humoribus à par-  
tibus præcipuis ad ignobiles, plurimos morbos, vel etiam  
insanabiles sanate queunt. Sed hæc curatio, vt scitè  
Fallop. aduertit, *tract. de vulnerib. in gener. cap. 14.* quan-  
tùm ad medendi vsum pertinet, nec certa, nec tuta, sed  
fallax & capiosa, imò reciduatione est, & periculo  
plena.

Secunda conclusio. Diuinorum neminum vi, & po-  
testate omnes morbi sanantur. Hanc conclusionem pro-  
bat eruditissimus Martinus Del Rio *lib. 2. magic. disquis.*  
*quest. 8.* Eius veritatem exemplificat Origenes, qui cum  
in *lib. contra Celsum*, Diuinorum nominum potestatem  
consideraret, inquit, in Diuinis nominibus mirandam  
latere vim, ideoque non esse ex Hebraica lingua in aliam  
transferenda, sed suis ipsis characteribus conseruanda;  
quod quidem ab ipso Pythagora obseruatum fuisse legi-  
mus. Sic Plato in *Parmenide* Diuina nomina tantum  
commendat. Et idem 11. *de legib.* eos qui Diuina no-  
mina mendacio, aut periuriis inquinant, sacrilegos vocat,  
iubetque à quolibet impunè cædi. Sic Socrates in *1. hilcebo*  
Deum nominare veretur. Hanc Diuinorum nominum  
mirificam vim ritè cognoscens Dionysius Arcopagita,  
omnia Theologica mysteria in Diuinis nominibus exqui-  
siuit, de quorum excellentia elegantissimum librum  
composuit. *Tanta est*, inquit ipse, *Diuinorum verborum*  
*maiestas, vt vel ipsi Dæmones, ipsorum potestate fugentur il-*  
*lico, succenseant, & contremiscant, in quibus contemplandis*  
*tanopere Theologi insudant, & nudari à cogitatione terre-*  
*na, totis viribus enituntur, vt sanctissimorum decem Dei no-*  
*minum alta memis acie sensum dignoscant.* In quibus ana-  
logia quadam, eiusdem decem nominibus sanctissimis,  
decem diuina oracula correspondent: decem orbes cæ-  
lestes: decem Angelorum ordines: decem potissima  
membra hominis, ac rerum omnium ordines decem,  
vt eruditè *lib. 4. agricult. celest.* Risius disputat, & Iose-  
phus Castiliensis in *Porta lucis.* Tu interim lege, quæ ex  
omnium auctorum decreto eloquentissime scripsit Le-  
uiq. Lem. in *exhortat. ad vit. optim. instituendam, cap. 59.*  
de diuini Numinis maiestate, & potentia diuinorum  
nominum, quibus Deus gloriatur in sacris litteris,  
varietate, significatione, amplitudine, efficacia, qua vna  
magicis, & diabolicis superstitionibus obsistere licet.

Neque tibi difficile videatur concedere Saluatoribus,  
licet rusticis, inesse hoc donum conferendæ sanitatis su-  
pernaturale, quod hi sint pessimi homines, vt norat Chri-  
stoph. à Vega *lib. 3. de dif. feb.* Nam præterquam quod  
magni sunt auctores, quibus fidem abrogasse piaculum  
propè sit, de quorum numero sunt Alexandrin. *lib. 2.*  
*salubr. cap. 12.* Plin. *lib. 7. natural. hist. cap. 2. & lib. 28. c. 3.*

O

Pomponat.

Pomponat. in suo de incantationih. lib. Cardan. loc. cit. Ma-  
thiol. com. ad lib. 6. cap. 40. Dioscorid. qui salutatores, oc-  
cultæ quadam vi, venenosos, & plures alios insanabiles  
morbos curare affirmant, id etiam confirmant Victoria  
in relectione de magia. Crucius lib. 1. de anim. speculat. 2.  
Nauarrus in manuali, cap. 12. dum sic ait. Porro illi qui  
vulgò salutatores dicuntur, & qui afflatu, aut verbis morbos  
curandi vim habent, (quantumcunque aliàs sint perditissimi  
homines) licet possunt suo munere fungi, quoniam gratia illa  
gratis data huiusmodi hominibus à solo Deo, conceditur, &c.  
Nam sicut non repugnat, ut in herbis, & lapidibus similes  
reperiantur vires: sic non contradicit, in tota humana  
specie similes vires inueniri.

Constet ergo, diuinorum nominum vi omnes morbos  
sanari posse. Et salutatores, rusticòsque, per hanc gra-  
tiam à summo Deo illis impertitam, strumas curare. B  
Huc spectat eorum sententia, qui Reges Galliæ & An-  
gliæ hac virtute curare strumas assenerant, quod non  
annalium modò, verum etiam aliorum testimoniis cer-  
tum est, ut retulere Guido tract. 2. doct. 2. cap. 5. Chirurg.  
magn. Mercurial. lib. 1. de morb. puer. 5. Tagaultius lib. 1.  
instit. Chirurg. & nuper scripsit Andreas Laurent. lib. prop.  
de strumar. sanas, admiranda ferè per totum, Cur verò plus

A Regibus, quàm cæteris hoc donum communicetur, ci-  
rati varias causas assignant. Reliqua verò sunt supersti-  
tiosa, & commentis malorum spirituum plena, ac pla-  
nè vana, ut latè probat Cæsalpin. lib. de demon. inuesti-  
gat. cap. 10.

Quod verò de Salomone obiiciebatur, dicimus incan-  
tatione usum non fuisse: quoniam tamen diuina sapien-  
tia instructus, (ut ibidem Iosephus notauit) callebat ar-  
tes soluendi veneficia, quibus uti licitum erat, idcirco à  
multis, falsò tamen, incantatoris nota illi est imposita.  
Ad carmina Psalmographi, & similia Sacræ paginæ loca,  
dic. Regium vatem per parabolam loquutum fuisse, ut  
multi facere solent, non quòd realiter incantationes sint.  
Erat enim, ut notat Valles. ad cit. loc. in lib. de sacra Phi-  
losoph. philosophandi antiquus usus, loqui per confictas  
quasdam fabellas allegoricè significatas. Cætera verò fa-  
bulosa sunt. De quo argumento, quæ desunt, lege, si pla-  
cet, apud Marinum Metcenium, in cap. 1. in Genesim,  
vers. 1. cap. 19. & Vallesium loc. cit. Rodericum à Castro  
lib. 4. de med. polit. cap. 3. Santorellum lib. 2. Antep Praxis,  
c. 15. Paulum Zacchiam omniscium, lib. 2. quest. Medico-  
legalium, tit. 2. quest. ult. Sed de morbis capitis tam multa  
dixisse sit satis.

## LIBRI PRIMI FINIS.





# ZACVTI LVSITANI DE MEDICORVM PRINCIPVM HISTORIA.

## LIBER II.

*De Vitalium, & Naturalium partium affectibus.*

### PROOEMIUM.



INTER principes nostri corporis partes, Cor, vitæ sedes, in medio thoracis locatum, ab auctore naturæ calidissimum creatum est membrum, tantò hepate calidius, quantò spiritus ad omnes obeundas functiones, excedebat sanguinem calore. Est ergo cor, focus & origo innati caloris: flamma quæ assidue moueri non desinit, sed mutua reciprocatione semper distenditur, atque contrahitur: vitalis facultatis, irascibilisque animæ domicilium. Vitæ calore, & spiritu per arterias in omnes corporis partes diffundit, & calorem influentem viuificum, cerebro, iccori, sanguini, & spiritui impertit. Membra omnia roborat, tuetur, defendit, & vinculo quodam veluti connectit. Nam quemadmodum summus ille maioris mundi motor, totam orbium machinam immotus ipse continenter rotat, ac vertit: ita huiusce minoris mundi, Cor ipsum, immotum sanè totam molem nusquam non voluit, ac impellit. Adeo viscus hoc est nobilissimum, & vitæ vsui præstantissimum, vt eius necessitatem admiratus Philosophus, illud venarum, neruorum, omnium facultatû principium, imò primam sanguinis officinam esse acriter contenderit. Tanta huic particulæ caloris viuacitas inest, vt monete Galeno, *si quispiam viuente animali digitum in ipsius sinum immiserit, vratur prorsus sit necesse*. Hic diuinus, & cœlestis ille calor, veluti in fonte, & laribus conclusus, à quo manante, natiuis singularum partium tonus conseruatur, & cuiusque partis symmetria recreatur. Huius ergo robore vigent omnia, languente languescunt, intereunte intereunt.

Vitalis itaque huius officinæ, æconomixque commemoratorum instrumentorum Historias ex Medicorum Principum decretis, & monumentis depròptas, secundo huius operis libro, Diuino nos adiuuante Numine proferre, & ad posteritatis memoriam, non sine artis, vt reor, gloria, enarrare operæpretium duxi; insuperque alias omnes exponere, quæ ad thoracis partes, tam contentas, quam continentes pertinere videntur.

Enimuerò ne in tam multos libros opus partiretur nostrum, placuit in hoceriam eas in medium afferre, quæ ad partes naturales reducuntur. Et sicut in principio libri agimus de Corde, Gula, aspera Arteria, Pulmone, Arteriis, Pleura, Septo transuerso, Mediaestino, Mammillis, Ventriculo, Intestinis, Abdomine, Renibus: sic etiam in fine, de Hepate pertractamus, facultatis naturalis sede, gratiosi humoris fonte. cuius vis, pro fabrica vniuersi corporis gubernanda, multa est, dignitas maxima, necessitas multò maior. Demum sermonem institui mus de Omento, Venis, Liene, & Vesica, quarum partium historias describimus, explanamus, quæstionibus, dubiis, & obseruationibus illustramus.

# HISTORIA I. GALENI, DE GULA.

## Gulæ abscessus curatio.

**R**GO cum aliquando huiusmodi accidemia longo temporis tractu nobis apparuissent, accedente nonnunquam \*Ephmera febre, nonnunquam etiam horrore, & cœiecturam fecissemus abscessum concoctum difficilem esse in gula: accidit procedente tempore, ut laborans ruptionis sensum perciperet, ac subinde pus euomeret, idque non solum eodem, sed postero quoque die, atque iterum tertio. Deinde succedebant ei deinceps omnia ulcerata gula indicia; quippe siue acida, siue salsa, siue acerba deuoraret, aut vellicationem, aut adstrictionem sentiebat, dolebatque hac in parte, vel nihil deglutiendo, sed moderatius. Vehementiorem vero dolorem excitabant ea, quibus mordendi, aut adstringendi vis erat. Hic ergo longo temporis spatio vix seruatus est, scilicet atatis beneficio: etenim natu maiores ferè omnes perierunt, & c. Galenus lib. 5. de loc. affect. cap 5.

## PARAPHRASIS.

**G**Vla ( stomachum, œsophagum, pharynga, vel Gmeri vocant ) est via potus, cibique, ex Gal. lib. 5. & 6. de usu part. cap. 5. & lib. 2. aph. 17. constans duabus tunicis, quarum alteram ad cibi, potusque deglutationem fabricauit natura; alteram, quæ interna est, ad expulsiōnem comparatam. Hæc nervosa est, & fibris reëtis constans; illa carnosa, & transuersis fibris contexta, ex Gal. lib. 3. de facult. cap. 8. cuius fabricam exactè describunt Columbus lib. 11. de visceribus, c. 4. Langius lib. 2. epist. 43. Hanc licet sit frigida, membranosa, & exanguis, ex Gal. lib. 4. aph. com. 45. sicut cæteras nostri corporis partes, omne tumorum genus pati posse, nulli est non manifestum.

Et licet abscessus nomine plura possint intelligi: tamen si huius plures sint differentiæ, & causæ citatæ à Galeno passim, & relatæ ab Henrico à Cuelhar, Christoph. à Vega, Mercuriali, in com. sent. 65. lib. 2. prognost. & Ludouic. Mercado, tom. 1. lib. 3. clas. 4. part. 2. quest. 200. à num. 26. usque ad 36. tamen eius duplex est significatum: nam interdum sumitur pro decubitu humorum ab vna parte in aliam, ex Galeno lib. 6. epid. sect. 4. com. 39. aliquando frequentiorique significato accipitur pro tumore, qui digeri non potuit, sed in suppurationem conuertitur, ex Gal. lib. 2. ad Glauc. cap. 7. & Celso lib. 2. cap. 7.

Tumoris signa sunt, dolor, calor, deglutiendi difficultas, præsertim si solidum deuoretur, quæ omnia febris non ignaua comitari solet, maximè si fluxio biliosa sit: si autem ex crassiusculo, magisque lento humore oriarur abscessus, febris nulla, vel interpolata, exiguæ apparebit, quam inter diarium numerum esse reponendam, certum est. Licet enim ab internis inflammationibus ferè febris acuta sit inseparabilis, tamen cum ab inflammata parte, putrida fuligō aliquando in propria substantia non communicetur cordi calor, sed solum præter naturam alteratione per continuum facta, sit ut multoties concitetur diaria. Hoc modo ex hypochondriorum inflammationibus, imò ex iecoris phlegmone febris orta, non semper acuta est, apud Galen. lib. 2. prorrh. com. 21.

**A** nisi vehemens inflammatio sit, ac erysipelatis particeps, ex Galen. lib. 4. de loc. affect. cap. 8. Sic intelligendus est Trallianus lib. 8. cap. 1. dum dixit, exiguam hepatis inflammationem non statim febrem inducere, scilicet, vehementem, & acutam. Quare si inflammato membro principe febris multoties non adest continua, cur gula inflammata diariam suboriri non asseremus cum Galeno hic? præcipue, si tumore duro, œdematoso, concoctum difficili hæc pars afficiatur, ut de Pleuræ inflammatione à crasso humore suborta asseruit Galenus lib. de constit. art. Medic. cap. 18. quem locum illustrat eruditissimus Valleriola luculenter. Demum calidum tumorem, quo gulæ meatus comprimitur, & deglutiendi munus impeditur, sitis vehementia, sensati caloris acrimonia, dolor, febrisque ostendunt manifestè.

**B** Hic tumor iisdem auxiliis curandus est, quibus Anginam priscorum scientissimi pertractant; gargarismatis, phlebotomia, reuellentibus præsidis, sicut in gutturis inflammationibus fieri consuevit. Quod si humor impactus ob crassitiem, pororum constrictionem, & ipsius contumaciam discuti nequeat, imò resolutioni vehementer renitatur & obsistat, vertaturque in pus in parte conculcatus, & transpirari prohibitus, hoc ex aduicta febre, & horrore percipies, iuxta Senis editum lib. 2. progn. 58. hæc enim in initio sunt suppurationum: febris, ob humoris sit ebullitionem, concalfacto principio, ut 2. aph. 47. retulit Galenus: rigor, ob puris acrimoniam, mordentis ac erodentis adiuncta corpora. Aperta vomica, pus vel screatu, vel vomitione excernitur. Vlcus tandem his accedit, quod cæterorum ritu, dolore acerbum concitat, qui vehementer exasperatur, si acie, vel falso, vel acidum, vel austerum quidpiam deuoretur. Acria enim ex Theophrasto, lib. 6. de caus. plantar. cap. 1. Auer. lib. 5. collect. cap. 27. Auic. lib. 2. tract. 1. cap. 3. Ishac lib. diatar. vniuersal. cap. 11. Serap. lib. de simpl. cap. 2. Gal. 3. acut. 2. & lib. 4. de simpl. medicam. facult. cap. 2. sunt acuta, ignea, mordicantia valdè, sicque vellicant, & exasperant viceratas partes. Similem operationem efficiunt salsa, quæ cum nitrosa sint, ex Gal. lib. 1. simpl. cap. 36. & in eis dominetur pars sicca adusta, ex Arist. 23. probl. 30. & Gal. lib. 5. simp. 26. partem viceratam irritant, & mordent. Eandem facultatem obtinent acida, ex Gal. lib. 4. simp. 17. & acerba, ab hoc enim sapore manifestè linguam exasperari contingit, ex Galen. lib. 4. simpl. 7.

**E** Vlcera Gulæ statim medicanda sunt: si enim fordescant, ægri tabida febre correpti intereunt, aut si ad bonum res contingat, longo temporis spatio conualescunt: maximè si vlcus in profundiori parte consistat; commodè enim abstergeri non potest. Ab hoc natu minores vix euadunt, grandiores pereunt; in his enim pronata hæc vlcera ( pars hæc enim dura est, & membranosa ) raro, aut nunquam conglutinari solent.

Medicamenta applicanda, crassiora sint, lenta, & quæ adhærere, non autem dissoluere queant, ut aduertit Auic. 13. 3. tract. 1. cap. 14. quorum multiplicem syluam legat qui velit, apud Vidum Vidium. lib. 9. de curat. membrat. cap. 6. de vlcerebus gula. Eustach. lib. 2. praxis, c. 1. de vitis gula. Quæ si non profint, ad lactis potum deuenire necessitas cogit; quod auxilium, ad alperæ arteriæ vlcera, & ad ea quæ in summa eius parte consistunt, esse



esse præstantissimum, sequenti historia Galenus confirmat euidenter.

## QVÆSTIO I.

*Quod Febris non à calore solum præter naturam, sed ab vnione caloris innati; secundum Galeni doctrinam oriatur. Contra communem Medicorum sententiam.*

## COMMENTARIUM.

**D**E Ephemera febre.] Dubitari potest, & meritò sanè; Num febris ex inflammationibus suborta, à calore extraneo, per alterationem continuam cordi communicato; an putrida fuligine eleuata ab inflammata parte, cor aut contenta eius afficiente; vel ab vnione innati caloris, conantis concoquere subiectum humorem, aut expellere properantis, eueniat. De primo, constans est Galeni vbique relata sententia. De secundo. In libris de different. feb. de crisib. de dieb. decretoriis, & alibi passim asseruit, ab humore in parte inflammata concultato, & circumscripto, eleuari putridam in propria substantia fuliginem, quæ cordis contenta putredinosè afficere apta est. De tertio, quod febris ex inflammationibus suborta, non solum à calore præter naturam, sed ab vnione caloris natiui ad coquendum, & à naturæ conatu, secundum Galeni doctrinam oriatur, à paucissimis fuit controuersum.

Hoc negotium, quanti sit ad curationem momenti, iam exaudi: Si enim secundo modo, imò & primo, febris ex inflammatis particulis eueniat, necesse est, tum diariam, tum putridam febrem ex tumoribus excitatam persanare, alteratione, venæ sectione, purgatione, & aliis vacuantibus auxilijs. Si tamen ex conatu naturæ, vnionēque natiui caloris ad coquendum contingat, cane & angue peiùs fugiendum præsidium est: si enim aliter feceris, debilitato calore innato, resolutis viribus, & distracta natura ab humorum coctione, ægros perire est necesse. Sic plures ob intempestiui auxiliij vsum, in statu pleuritidis, quando natura humorem, inflammationis causam, coquere conabatur, debiles facti, vitam cum morte commutarunt; quum melius tunc sit, naturam congruentibus auxilijs roborare, quàm turpi virium dispendio virtutem exoluere, naturæque ordinem peruertere. Hoc perbellè explicuit Auic. 10. 3. tract. 5. cap. 2. §. Quumque phlebotomas, & euacuas, & non sedantur accidentia, tunc scias quod prohibitio collectionis quam quaris, est necessaria. Non ergo iteres phlebotomiam, ut non congeletur materia, qua est habitura collectionem, &c. Quasi diceret, vt explicat Iacobus de partibus, in com. Si in inflammatione quauis interna, symptomata non cessent, adsitque maior febris ex vnione caloris natiui ad coquendum, fiat maior ebullitio & feruor ex conatu coquentis naturæ, appareant maiora symptomata ex maiori materiæ rarefactione, maiorique confluxu humorum ad putredinis focum: tunc ne te decipiat impressio accidentalisis. Sanguinem non emittas, non purges, nec aliud magnum auxilium administres. Febris enim illa de nouo suborta vehementior, non à calore præter naturam, sed ex aggressu & pugna naturæ, vel ad coquendum, vel expellendum noxium humorem concitatur. Quibus autem signis febris ab hac causa suborta cognosci possit, & à cæteris distinguatur, Hippocrates & Gal. lib. cit. prognost. notarunt diligenter; & post eos, interpretes, Mercurialis, Vega, Brauius, & Heurnius luculenter explicarunt, in com.

Enimuerò licet omnes causæ caloris & febris, quinario comprehendantur numero, à Gal. lib. de caus. morbor. cap. 2. & lib. 1. de dif. feb. cap. 3. sintque morus, putredo, prohibitum effluuium, vicinia rei calidæ, eiusdem rei calidæ perinixtio; aliam tamen præter has reperiri non denegabis, si eam frequentissimis experimentis congruen-

Lib. II.

tem, validissimisque rationibus munitam, attenta mentis acie rimeris.

Conatum ergo naturæ, & motum validum caloris vniti in foco, & corde, impetum eius ad coquendum peccantem humorem, vel pellendum, esse causam frequentem febris, affirmamus: licet enim adsint duæ aliæ causæ, calor nempe in corde, ex putredine, aut ex aliquo calido, siue naturali, siue adscititio, nunquam crederetur febrem durantem inuadere hominem, nisi adsit in corde calidi vnio cum feruore, quod antiqui referebant ad calefactum alicuius contenti in corde. Vniri autem calorem, & moueri ab indita cordis doctrina, ad varias partes, pro varia rerum necessitate, est manifestum. Nam in plantis per hyemem redit calor naturalis ad radices, per æstatem ad ramos: in animalibus per hyemem, & somnum ad viscera; in vigilia, & æstate ad cutem: in patientibus inflammationes, ad partem suppurandam: in cogitatione, ad caput, in tristitia, ad cor; in verecundia, ad faciem: in gaudio, ad cutem: ad sensoria mandatur in sentiendo: ad musculos in motu. Denique difficile esset enarrare motus, quos pro varia vrgentia facit innatus calor validè commotus, & agiturus; maximè vbi validior fuerit moderato: nam solus concursus calidi innati non sufficit ad febrem inducendam, quod in coctione alimenti, & meditatione satis apparet, in quibus actionibus calor, licet retractus & vnitus, febrem non generat.

*Ostenditur frequentia huius euentus.*

**C** Quando tumor suppuratur, fit febris quæ non præerat, ex Gal. hic. & 2. aph. 47. Et quando coquitur humor valorem in pleuritico, ex Gal. 1. cris. cap. 18. & quando non coquitur à natura, non febricitat æger. Quare si in morbis febrilibus tale accidit, quale in iis quæ suppurantur, inflammationibus, ex Gal. lib. 1. de diff. feb. cap. 6. & in his febris oritur ex conatu naturæ, vnionēque natiui caloris ad coquendum, in valis eodem modo aliquando hac solum de causa excitabitur.

Secundò. Catarrhus febre succedente non reciduat, ex Gal. lib. 1. cris. cap. 18. & lib. 6. epid. sect. 3. text. 10. ipsa enim febris, coctio est. Ergo.

Tertiò. Humor noxius latens in corpore inducit febrem, quæ antea non aderat, quam à natura mouente, & à calore natiui vnito, & conante expellere noxam sensatam, euenire dubitat nemo.

**D** Quartò. In statu, febris est multò maior, & tamen humor qui est causa morbi, in saluandis est melius dispositus, ex Gal. 2. aph. 29. magis coctus, minus putridus, & magis edomitus. Ergo ea febris magnitudo non pendet ab aucta putredine, sed ab aucto innato calore coquente, & aggrediente pugnam.

Quintò. In multis morbis lethaliibus, prope mortem, ægri sanissimè degunt, & omnia tunc apparent simillima sanis, ex Galen. lib. 1. prorrhetic. sect. 2. com. 17. & Auic. 2. 4. tract. 1. cap. 92. Sic lib. 4. epid. in Hippologi villa puer convulsus, cessante convulsione, obiit. Sic Hermocrates, 1. 3. epid. sect. 1. text. 2. lethali morbo correptus, sine febre, cum somno & sana mente, mortuus est. Vnde Auic. 1. 4. tract. 1. cap. 4. in fin. sic inquit. Et multoties quidem accidit apud mortem dispositio, quæ est sicut declinatio, &c. Sed præter multas rationes, quas ibi Gentilis, & Dinus proponunt, & refert Vallesius in com. agror. 2. sect. 1. lib. 3. epid. ea est præcipua, quoniam natura fatigata, cessat à conatu, & pugna.

**E** Sextò. Humor latens in corpore, in diebus criticis, & in vere, inducit febres quæ non præerant: harum causa non est maior humorum putredo, nam in statu, in quo fit crisis, ex Gal. 3. cris. 1. & alibi, humor est magis coctus; quoniam coctio facit cessare putredinem, ex Gal. cap. 88. art. medic. nec in vere, cum sit saluberrimum: & tamen in his temporibus natura aggreditur humorem noxium, non aliàs. Ergo causa febris aliquando est aggressus naturæ ad expellendum peccantem humorem.

Septimò. Prope mortem animalia in omnibus morbis A creberrimè, & velocissimè respirant; & in iis adest febris quæ antea non erat, vel sit intensior: sed hoc non contingit propter putredinem, vel causam intus calefacientem, quæ non adest. Ergo ob conatum extremum vñiti caloris.

Neque mireris, naturam hoc inuento vti in animalis commodum, cui solùm semper est intenta. Facultatibus enim naturalibus indita est à naturæ creatore, seu factore potente, vt more Auic. loquar. 16. 3. tract. 5. cap. 1. & Valleriolæ, 1. obs. 9. illa innata doctrina, non in sui gratiam tantùm; sed crebrius in vñus, aut totius corporis, aut membrorum, animalis corpus iuste tueretur & gubernaret.

An verò Galenus hanc causam, de conatu vñiti caloris, tradiderit, responde affirmatiuè. Nam lib. 1. de crisi- bus, cap. 18. oriri febrem, natiui caloris coquentis ratione, manifestè pronunciat. §. 1. Sic igitur in Anaxione, quantum ex prima illa crisi defecta relictū erat, hoc rursus effervescent in coctionis tempore, illam, qua antecessit secundam crism, febrem generauit; hoc verò a naturali calore, non à febrili prouenisse, dierum natura non minimum indicabat, &c. Licet enim prisci de hac causa obscurius fuerint loquuri, quod hæc magis sit occasio, vel causa sine qua non; tamen in 3. lib. epid. sect. 1. com. 10. Galenus iterum eam expresse proponit, dum sic inquit. Quo die rationi consonum fuisse febrem exacerbari, siquidem natura omnino aggressa concoctionem humorum esset, qui incocti erant, ut ostendebant urina quæ tenuis permanebant, eodem die febris perfectè cessasset: neque enim septimo decimo accessit natiui caloris ratione, sed sola putredinis, succensis febriliter humoribus, &c. Ex quibus locis apertè colligitur, conatum, & aggressum natiui caloris ad coquendum, vel expellendum reprobum succum, aliquando febris esse causam.

Neque ex hoc existimes, febrem esse quidpiam bonum, neque homines perire non posse ex febre, quum hæc oriatur à calore vñito, coquente, robusto, & forti. Nam febris indicat magnum conatum, & simul calorem humoris agitati: quare malum latere in corpore significat; quo præsentem melius est febrere, sicut tussire in intemperie materiali pulmonis, licet ad tussim sequantur quandoque hæmoptois, & mors. Homines autem moriuntur ex febre ex accidenti, sicut in crisi, in qua pugnante natura, & ebullientibus succis pereunt ægri, velut occumbunt pueri ex variolis, licet hæc habeant pro causa validam expurgantem vim.

## HISTORIA II. GALENI,

### De aspera arterie ulcere.

Ulcus in aspera arteria post pestem relictū, commodis auxiliis, sanatio.

**I**N huius grauis pestilentie initio, inueni cuidam, cum novem iam dies agrotasset, totū corpus ulceribus scatebat, veluti omnibus ferè qui euaserant. Eo die etiam tussiebat paululum. Postridie verò ubi se lauerat, illico & vehementius tussivit, & tussi expulit crustulā, quam Græci ephelcidem vocant. Eratque homini sensus manifestus ulceris in aspera qua in collo est arteria, prope ingulum nati. Quin aperto quoque hominis ore, fauces eius inspeximus, nunquid in iis alicubi vlcus esset. Sed nec sic inspectatibus apparuit vitium: & planè laborari sensu eius aliquis manifestus ex comestorū, bibitorūque trāitu fuisse, si illic vlcus fuisse. Quin etiam ex aceto, & sinapi, certioris notitie causa, quadam ei deuoranda dedimus. Sed nec horū quicquam eū momordit, & sensus doloris manifestè in collo erat: quo loco etiam adeo irritabatur, ut tussire impelleretur. Suasimus itaque reniti quāvis posset, nec tussire. Quod & fecit, eò certè facilius, quod exiguum erat, quod prori- zabat: & nos omnibus modis operam dedimus, ut vlcus ad cicatricē perueniret, foris medicamentū aliquod, quod siccaret imponētes, tū cubanti supino humidū aliquod ex iis medica-

mentis, quæ ad eiusmodi vlcus facerent, exhibentes: ac iubentes id in ore continere, paulatimque permittere in asperam arteriam defluere. Sic igitur faciens, sentire se manifestè aiebat adstringentis medicamenti circa vlcus vim: siue ea vis hac transmissa est, siue medicamentum ipsum vñiti specie in arteriam ad vlcus defluxit, & tanquam percolatum est. Ergo sentire se aiebat, tum medicamentum in arteriam defluere, tū tussim quoque aliquando mouere: oblectabatur tamē plurimū, ac tussim cohibuit. Igitur ipse quoque sua sponte Roma quidē, ubi correptus fuerat, triduum etiam nū post nonum diem est moratus: post hoc consensu navigio, primum per fluvium ad mare nauigauit: quarto die post, navi peruenit ad Tabias, usque est lacte, quod & mirificam planè vim habet, nec sine causa predicatur, &c. Galenus. lib. 5. method. cap. 12.

## PARAPHRASIS.

**A**B ægritudine sæua interficiente, qualis pestis est, plurima, eaque irreparabilia damna contingere, ex Auic. aliorūque sententiā, in com. hist. 44. lib. 1. tradidimus. Hæc miseranda mala potius affligere iuuenes, res est manifesta: hæc enim ætas calidissima cum sit, illico vel qualibet data occasione gliscit, & excandescit. Quare merito 3. aph. 29. homines in hac ætate constitutos frequentius incidere in sanguinis expuitiones, febres acutas, tabem, & spiritualium partium vlcera, affirmat. Ampliusque hoc accidere certum est, si præcesserit pestis, ob cuius vim diram, debilitato calore, spiritibus exhaustis, humoribus non regulatis, ad biliosam, melancholicāque naturam conuersis, & nimium inflammatis, vlcera praua in variis nostri corporis partibus, vel etiam internis suboriri, putridos humores, & mala qualitate affectos, agitante & pellente natura, non est dubitandum; probatque Galenus lib. de bonis. & vit. succor. cap. 1. lib. de atra bile, cap. 4. & lib. 9. de simpl. medic. facult. cap. de terra Samia, quibus locis statum pestilentem describens, plurimis ægrotantibus, quibus nigrorum excrementorum deiectio per inferiorem ventrem contigit, corpus totum pustulis nigris, exanthematis, & aliis similibus vlcibus conspurcatum fuisse refert, iis præsertim qui à tanto malo erant euasuri.

Animalium namque natura nonnumquam ex principalibus membris humores malos euacuans, alios per urinas, vel vomitus, vel aluum inferiorem excernit, quosdam verò pellit ad cutē, sed cum non possit euacuare propter eorum crassitudinē, eos ibi reponit, atque hoc modo tubercula nascuntur in corpore: sapius verò & fauces ex capite fluentes humores suscipiētes inflammantur, dicebat Galenus lib. 2. aph. com. 15. Quapropter verisimile est, eorum humorum ad asperam arteriam defluxorum portionem multam à cerebro emanasse; cum hoc in peste vehementer debilitetur; nam inter partes principes facilius noxam persequitur, cum laxum sit, exangue & vtatur spiritu animali, tanquam instrumento, qui cum tenuissimus sit, faciliè resoluitur, vt 2. aph. 29. monuit Galenus.

Plurima igitur humoris copia è capite in asperam arteriam defluxit, illiusque partem internam acrimonia sua corrodit, vnde facta est crustula. Pauci etiam cum essent humores, & paruum vlcus, leuem etiam tussim excitant. Excalfactis autem, ac liquatis à balneo, qui in capite erant, humoribus, aliquid ad tracheam defluxit, quod maiorem postea tussim excitauit, ex quo motu crustula decidit, Ephelcis Græcè vocata, ex Gal. lib. 1. de loc. affect. cap. 1. eius particulæ, à qua excernitur, vlcerationem ostendens.

Et licet pus inseparabiliter vlcus comiteretur, illius non fecit mentionem Galenus, quoniam aspera arteria tota est cartilaginosa, ferè exanguis, & carne quasi destituta, vt inter omnes ostendit Laurentius, diligentissimus anatomicus, lib. 3. de hist. anatomic. cap. 9. & lib. 9. eiusd. cap. 14. quæ quamuis membranis, venulis, arteriolis, ac cartilaginibus constet, in ea etsi vlcera, sanies multa colligi non potest, & multò minus, si paruum sit vlcus.

Cum autem ex signis ab eo positis, vlcus hac in parte adesse intelligeret, ad curationem accessit. Exiccavit ergo medicamenti externè admotis, & intus assumptis, relicta

relicta absterfione ob vlcis exiguitatem: nam in eis vlcibus, quæ magna sunt, & à quibus multa copia puris emanat, vt frequenter in pulmonis vlcibus accidere comperimus, vt notat Galenus lib. 4. de loc. cap. 8. prius absterfio videtur optanda.

Quapropter purgato iam, ex præcedenti morbo, corpore, imperauit vt reniteretur, quantum posset ne rufferet, ne scilicet violento hoc motu, vlcera pars dilaceraretur: in quem vsum lib. 5. meth. cap. 8. suadet vt ægri silentium agant, magnoque non vtantur respiratu; contraria enim vlcus exasperant, & dilaniant. Cogit deinde ægrum, vt supinè cubans medicamentum assumat, idque in ore contineat, paulatimque sinat in asperam arteriam defluere. Hoc præceptum summè obseruatur à Gal. lib. 4. meth. cap. vlt. §. Ad vlcus quod in aspera sit arteria, vt supinus quam diutissime in ore teneat, ac omnes, qui illic sunt musculos relaxet, remittatque, præcipiēdo: insinuat enim sic sensim, & paulatim de medicamēto aliquid sensibiliter, & manifestè in ipsam arteriam: & cum naturaliter se habet, scire licet potionis nonnihil huc percolari, &c. Galeni mentem explicat Amatus 1. centur. schol. 22. Humidum autem medicamentum Galenus exhibuit, vt posset facilius ad affectum locum peruenire, etsi potestate esset exiccans, & adstringens: cum hoc necessariò erat admiscendum mel, vlcis absterfendo quam aptissimum, ex Gal. cit. 4. meth. & lib. 7. de compos. medicam. sec. loc. cap. 4. & lib. 1. alim. cap. 4. Nam si austera iis dūtaxat medicamēta exhibeas, sibiipsis vias præcludunt. Ad hæc, mel (sicut cætera dulcia) habet humidum pingue, & glutinosum, ex Gal. lib. 6. epid. sect. 5. com. 14. Sicque ob pinguedinem lenit arteriam, ob tenuitatem abstergit, ob glutinositatem incrassat.

Qualia verò fuerint medicamenta exiccantia, & adstringentia per os oblata, & extrà apposita, licet hîc non explicet, exponit tamen lib. 5. meth. cap. vlt. penis vlcis exemplo adducto: quo loco laudauit medicamentum ex papyro combusta, anethum vsum, cucurbitam siccā & vstā, cadmiam siccā vino elotā, argenti spumam, pompholigem, pini corticem, lapidem hæmaritem. His etsi vlcus sanatum fuerit, ægrum tamen ad Tabias demisit, quoniam in longis morbis, mutare solum conuenit, ex præscripto Hippocratis, lib. 6. epid. sect. 5. text. 20. Cum enim morbus hic humidus esset, & ab excrementaria humiditate pronatus, exiccationem desiderabat, sicut & vlcus: quare meritò ægrotum in aërem contrarium naturæ morbi emisit, vbi aër sicciore erat: maximè quoniam Roma fluxionibus est valdè obnoxia, sic docente Magistro lib. 5. meth. cap. 8. Assumpsit ergo lac ob multas causas, tum vt febrilis calor, si quis adhuc aderat, euanesceret; tum vt corpus ex prægresso morbo debile, & nimis ex carne factum crassifieret, & ampliùs carne obduceretur vlcus. Quæ omnia lac posse præstare lib. 7. meth. cap. 6. & loco cit. manifestè ostendit Galenus.

Lac enim licet homogeneous videatur, diuersis tamen partibus constat, ex Gal. lib. de bonis. & vit. succor. cap. 4. & lib. 4. simpl. cap. 17. & lib. 10. eiusd. tit. de lacte. Habet enim partem tenuem serosā, crassā caseosā, pinguem butyrosā. Serosa abluat saniem, & vlcus modicè detergit; caseosa glutinat; butyrosa impinguat. Quare cum habeat omnes pro curandis vlcibus dotes, illis mirum affert subsidium; & ob hæc, corpus, ob vlcus & febrem, extenuatum tabidumque valenter recreat, & nutrit; & cum sit alimentum sapore dulcissimum, gustu, si quod alterum, suauissimum, promptè à partibus attrahitur, auidèque à natura amplexatur & retinetur, tussim asperam & siccā demulcet ac lenit, pectus dilatat, sic cum corpus humectat, citò alteratur, optimum præbet succum, tenuitate sua remotissimas nostri corporis partes ocysimè permeat, illasque mirum in modum graciles reficit, ac instaurat.

Sumi debet adiecto sacchari, aut mellis momento; hæc enim præterquam quòd lactis concretionem impediunt, ipsum per totum corpus celerrimè deferunt: quare cum plurimas partes pertransire oporteat, id medicamen quod ad pulmonem est peruenturum, huic necessariò mel saccharumque admiscere oportet: nam primum quidem me-

A dicamentum pertransit os, fauces, stomachum, ventericulum, & quadam ex tenuioribus intestinis, deinde eas, quæ sunt in mesenterio venas: deinde eas, quæ in cauis partibus hepatis: ex quibus ad eas quæ in gibbis sunt, transsumptum, hinc ad concauam peruenit venam: postquam ad cor, & deinceps hoc modo ad pulmonem, vt eleganter lib. 2. ad Glauco. cap. 2. versus finem, docuit Galenus.

Hoc præsidio vtendum est, antequam habitualis intemperies sit radicata valde. Sunt enim plures ad eò in eo exequendo inertes, vt solū in extenuato corpore, & vlcere magis ac magis sordescente id propinent, quos coarguit Galenus lib. 5. meth. cap. 15. nam vbi semel moriendum est, à lenibus inchoare præsidii est inutile. Hoc firmat Hippoc. lib. 1. de morb. n. 22. agens de suppuratione facta ex pleuritide, dum sic ait. Hic si è vestigio assumatur, sanus plerumque fit, si verò negligatur, perit, &c. Quapropter si lac non exhibeatur, antequam viscera corripantur putrilagine, & contabescat æger, hic postea remedium non habet. Sed de lactis præstantia, & præparatione necessaria, in com. histor. 35. huius libri latius disputabimus.

## HISTORIA III. GALENI,

### De vlcere Tracheæ arteriæ.

#### Vlcis in Trachea arteria sanatio.

A Lter verò adolescens, annos natus circiter decem & octo, cum multis diebus ex distillatione laborasset, primum quidè sanguinè floridū cum tussi expuit, non sanè multū. Postea verò etiam tunica ipsius partem, quæ regens intrinsecus totam arteriam, in fauces & os, per ipsum arteria caput (larynga vocant) ascendit. Videbatur autem mihi, tum ex crassitudine eius coniectanti, tum ægri sensu, ipsius laryngis esse interna. Quinetiam illi ex eo laesa est vox. Atque hic quoque longiore quidem tempore, sed tamen sanatus est. Ceterum qui ex pestilentia hoc vitio laborarunt, propterea mihi facile sanati videntur, quòd præficcatur iis, præpurgatūque totum corpus fuerit: quippe cum vomuerint ex iis nonnulli, & omnibus venter profluxerit. Atque cum ita iam vacuati essent, qui euasuri erant, iis pustula (quas exanthemata vocant) nigra toto corpore cōfertim multa apparuerūt, vlcerosa quidè plurimis, omnibus certè sicca, &c. Galenus lib. 5. meth. cap. 12.

#### PARAPHRASIS.

PLures in hoc capite, lib. 5. meth. 8. & lib. 5. aph. com. 13. describit historias Galenus, eorum, qui cum vocem in clamorem intendissent, aut ab alto cecidissent, aut in palæstra essent percussi, statim graui suborta tussi sanguinem expuerunt: quas, vt pote citatis, & citandis historiis simillimas non interpretamur, quoniam ex harum explanatione, illarum explicatio patebit manifestè, & hanc facile erit ex proximè enarrata historia enucleare. Depingit ergo adolescentem è trachea arteria sanguinem expuentem, in cuius curatione eodem omnino modo vsum fuisse Galenum satis constare arbitror; quum nullam de aliis applicitis præsidii faciat commemorationem. Hic enim antea cum peste affectus esset, vitiosisque humoribus scateret, hac ipsa de causa contractis, ob nimiam humiditatem arteriæ tunica corrupta, sanguinem expuit, & deinde vlcus in trachea est excitatum. In pauca quidem quantitate excretus est sanguis, sed floridus: hæc enim arteria exanguis est ferè, ex cuius vlcere paucum pus emanare solet. Cum enim hic ob prægressam pestem, debilitato capite, distillatione laborasset, & sic sanguinem expuisset, iisdem auxiliis curatus est, quibus in Adolescentis curatione in superiori historia citati vsus erat; quo pacto breuitatis causa illa reticuit: Quare cum ex sanguinis sputo vlcus esset factum, abstergendum, & exiccandum curauit lactis potu, ne si fortè hoc dimitteretur auxilium, iugi, lentæque febri æger correptus indies tabesceret magis, ac periret. Vlcis magnitudo parua fuit, cum Galenus eiectam arteriæ tunicæ partem, nulla inagnitudinis, aut paruitatis

paruitatis nota circumscripterit. Idem de vocis latione dicendum, quæ & magna, mediocris, & parua esse solet, iuxta lationis magnitudinem, mediocritatem, aut paruitatem. Longiori autem tempore fuisse curatum, absolute non intelligas velim, sed respectu Adolescentis antea scripti, qui breviori tempore sanitatem obtinuit.

Sed plurima sunt quæ lectorem temerari possunt. Primum. Cur ij Adolescentes ad Tabiæ locum nauigarunt, imperante Galeno, & aërem Romanum euitarunt, ut pote distillationibus valde obnoxium, ex Galeno lib. 5. meth. cap. 8. Si Romanum cælum ad temperatum vergit, immò in omni tempore anni æqualitatem seruat, ex Vitruvio lib. 6. cap. 5. dum sic ait: *Quemadmodum Iouis stella inter Maris feruentissimam, & Saturni frigidissimam, media currens temperatur, ita diuinam mentem, ciuitatem Romæ, temperatam regionem collocasse, &c.* Deinde. Roma in medio loco est quinti climatis, quod temperatissimum vocauit Auerroës lib. 2. collig. cap. ult. Dic ex Manardo lib. 7. epistol. prope fin. Romam positam sub quinto climate longè calere magis, quàm locis positis sub quarto: quare quintum clima non est temperatum, ut Auerroës amore proprii climatis seductus affirmauit. Adde, Romanum aërem humidiores esse, & vlcis exiccationi ineptum: quantam autem præstent vtilitatem vlcis curando exiccantia, ostendit Galenus hoc loco in fine, dicens. *Ergo cum experientia rationi attestetur, vlcis curationem hunc unum habere finem, ut siccentur, poterit quispiam ex iis, qui sanguinem ex pulmone reiciunt, seruare permultos, ut nos fecimus, &c.* Cumque naturalium partium curentur morbi, potissimum per ea quæ bibuntur & eduntur, vel augentur, vel minuuntur; sic illi qui spiritalia membra infestant, per inspirati aëris qualitates, non obscure ad felicem, vel infelicem exitum finiuntur. Aërem enim inspiratum, vim suam omnem in cerebro, pulmone, & corde relinquere, omnibus compertum esse reor: nam anima est aër conceptus ore, deferuefactus in pulmone, tepesfactus in corde, diffusus in corpus. Quamobrem cum aër Romanus humidus sit, & repidus, distillationibus est accommodus valde: repidus enim calor eleuat, sed non absumit. Contra in Tabiæ colle, monente Galeno hoc loco, est aër siccus, & est locus satis editus, nec adeò magnus, ut ventorum furis sit expositus, nec adeò humilis, ut subiectorum camporum halitum promptè recipiat. Ad hæc, Hippocrates lib. 6. epid. sect. 5. text. 20. sic ait. *Solum venire in morbis longis conuenit, &c.* nam ut Galenus scitè aduertit, in com. Sine nauigans: siue terrestris iter faciens quispiam in alteram regionem migrauerit, vel motus in itinere, aut nauigatione, vel aëris mutatio proderit, & maxime cum in aëre contraria temperatura discesseris: contrariam autem dico, non solum aëris propriae agrotanti regionis temperamento, sed etiam ipsius morbi: nam si humidus morbus sit, in sicciores aërem migrandum erit, &c. Accedit, quòd lac ob dictas causas, salubrique pecoribus pascuum, longè maiorem apud eum habebat commendationem. Quare cum magna in morbis longis curationis spes reponatur in aëris efficacia, Tabianus aër, aut huic similis phthisicis summopere confert. De quo argumento lege Vascum Castellum, tract. 8. de thorac. affectibus, cap. 6. difficult. 1.

Secundò. Si floridus, & spumofus sanguis solum ex carnosa pulmonis substantia affecta vlcis emanat, iuxta Senis oraculum lib. 5. aph. text. 13. dicentis: *Quicunque spumofum sanguinem expuunt, iis è pulmoneeductio fit, &c.* cuius sententiam Galenus probat in com. & lib. 4. de loc. cap. 5. & lib. 5. meth. cap. 8. adeò ut ex sanguine florido & spumoso, solius pulmonis vlcera iudicentur, cur hoc loco ex vlcere tracheæ arteriæ, sanguinem floridum excretum fuisse refert? Dic cum Mathæo perito in lib. 9. ad Almans. cap. de cruenta spuitione, Hippocratem nempe, & Galenum locis citatis, per sanguinem spumofum & floridum, illum duntaxat intellexisse, qui ferè in vniuersum spumofus est, quique semper talis manet, & qui totus videtur esse spuma: quare licet spumofus & floridus sit sanguis venarum pulmonis, aut pectoris, tamen minùs spumofus est, & minùs ruber. Quippe spumæ duplex causa est materialis, & item duplex efficiens, ex Gal. lib. 2.

progn. 47. & lib. 2. aph. 43. Illa vel aër inspiratus, vel humida substantia, quacum inuicem permiscetur: efficientes sunt, motus & agitatio vehemens, prædictam excitans miscellam, & ingens calor ebullitionem producents. Quum igitur omnes hæ causæ non modò in pulmonis vlcere, sed in cunctis partibus spirituelibus possint reperiri, quid mirum quòd sicut è pulmone, sic etiam ab aliis pectoris partibus propulsetur, ob aëris ex respiratione inpetum, & assiduam tussis vehementiam? Sanguinem spumofum ex multis partibus externi certum est, è thorace, faucibus, ventriculo, hepate, liene, cerebro: ille verò qui ex vlcere pulmonis substantia emanat, mera est spuma sanguine, ut in com. sententia 13. lib. 5. aph. notant Heurnius, Hippocratis satis doctus interpretes, & elegans. Nam, ut dicebat Galenus lib. 6. de vfu part. cap. 10. *Nullam aliam reperies particulam raram adeò, ac leuem, & spirituosam, neque quæ sanguine ita puro, & tenui, ac vaporoso nutriatur, quàm pulmo. Quare pulmonis corpus leue est, ac rarum, & velut ex spuma quadam sanguinea concreta conflatum, &c.* Demum ex Auicennæ mente 10. 3. tract. 3. cap. 5. pleuritici, & peripneumonici quandoque spumofum excernunt, quum in pulmonibus eorum est caliditas ignea, & feruens, & quandoque est spumofus ex canna pulmonis, &c. Præterea Hippocrates in Coacis scribit hæc verba: *Quicunque spumofum sanguinem expuunt, & à dextro hypochondrio laborant, ab hepate expuunt, &c.* At sanguis ab iis partibus excretus non ita est floridus, ac spumofus totus, ut est è propria pulmonis substantia emanans, qui vniuersus est spumofus, quia spumofior est visceris caro, cuius sanguis induit similitudinem. Quibus autem signis sanguis spumofus à quacunque parte excretus, distinguatur ab eo, qui ex pulmonis carne educitur, consule Heurnium loc. cit. & Mercatum lib. 2. de morbis internis, cap. 5. Guastavin. lib. de locis medicin. select. cap. 17.

Tertiò. Cur ij Adolescentes sanitatem recuperarunt, si vlcera harum partium difficillimè curantur. Dic solum vlcera pulmonis ægerimè, aut nunquam sanitatem admittere, quoniam glutinari nequeunt, ob multas causas latas à Galeno lib. 5. meth. cap. 8. & 11. Deinde è pulmonis vlcis multa copia puris emanat, quare ad sui absterfionem multo negotio opus est. Audi Galenum lib. 4. de loc. cap. 8. sic alloquentem. *Orio verò in aspera arteria vlcere, præter hoc quòd spumum purulentum appareat, dolorè quoque in loco affecto laborans sentire consuevit.* D ipsum verò per ea quæ screantur, quia exigua sunt, ab vlcere quòd in pulmone natum est, discerni potest; quippe ab vlcibus pulmonis plus spuri reicitur, &c. Insuper Galenus cap. vltim. lib. 4. meth. asperæ arteriæ vlcera ob id potissimum sanabilia esse asseruit, quia ad eam promptè medicamenta deueniunt. Sic enim ait. *At ad vlcus quòd in aspera sit arteria, ut supinus quàm diutissime in ore teneat, ac omnes, qui illic sunt, musculos relaxet, remittatque præcipiendum: insit enim sic sensibus, & paulatim de medicamento aliquid sensibiliter, & manifestè in ipsam arteriam: nam, & cum naturaliter se habet, scire licet potionis nonnihil huc percolari, &c.* Ex lib. 5. meth. 12. sic ait. *Sic igitur faciens sentire se manifestè aiebat, adstringentis medicamenti circa vlcus vim, siue ea huc transmissa est, siue medicamentum ipsum roris specie ad vlcus defluxit, & tanquam percolatum est, &c.* Ex quibus manifestè colligitur, asperæ seu tracheæ arteriæ vlcera, faciliorem admittere curationem, quàm vlcera pulmonis, & pectoris, quoniam breuior est ad illa vlcera via, & assumendi modus ægrotantis supini cubantis. Hoc explicuit dilucidè Magister lib. 2. ad Glanc. cap. 2. sub his verbis. *Considera itaque quot partes pertransire oporteat id medicamè, quòd ad pulmonem est perueniendum: primum quidem os, & fauces, & stomachum, deinde & ventriculum ipsum, & quadam ex tenuioribus intestinis: deinde eas, quæ sunt in mesenterio, venas: deinde eas, quæ sunt in cauis partibus hepatis: ex quibus ad eas, quæ in gibbis sunt, transumptum, hinc ad concauam peruenit venam: postquam ad cor, & deinceps hoc modo ad pulmonem, &c.* Pulmonis ergo vlcis, asperæ seu tracheæ arteriæ vlcera faciliùs sanitatem admittunt. Vltimò dic, in his ægris corpora priùs fuisse perpurgata, &c.



& à vitiosis humoribus; munda; tunc enim ulceratæ partes parum superflui humoris ad se alliciunt; nam corpus tunc purum est, & à prauis succis immune. Quam autem utilitatem, & commodum præsentaneum in peste afferat purgatio in initio celebrata, vel nulla expectata coctione, latè, & eruditè contendit Marnardus, ex antiquorum mente, lib. 13. epistol. 1. quod expressè docuit Galenus hoc loco, & lib. 1. feb. cap. 4. de febre pestilenti, qui in initio, omni via, corpora impura, à superfluitatibus, data purgatione, mundare conabatur, quod monuit Auicenna, 1. 4. tract. 4. cap. 4. in initio. Adstipulantur Paulus lib. 2. cap. 36. Aëtius lib. 2. serm. 1. cap. 95, Auerroës 7. collect. 31.

Ergo in principio pestilentis luis, in initio, nulla spectata coctione, purgatio celebranda, quoniam hic humor veneficus, cum sit à tota substantia alienus à natura, gratiam ipsius recipere, nec coqui ab ea potest. Audi Magistri memorabile axioma, prolatum in lib. 4. de sanit. tuend. cap. 3. Quod igitur omnino alienum est, nulli fieri ratione potest, ut id natura sua gratiam recipiat, sed educere id quamprimum est tentandum, æquè certè, ut qua in ventre corrupta prorsus sunt, ea vel vomitione, vel deiectione expelli profectò est optimum, &c. Obtrudit argutulè, sed ineptè Pereda, ad com. cap. 9. lib. 2. in meth. medend. Paschaliy, dicens humorem venenatum, & deleteria qualitate affectum, nunquam alterari à natura ob nutritionem, sed ad excretionem; sic atra bilis licet non nutriat, apta redditur ad excretionem. At futilis responsio hæc, imò inanis trica: nam dispar in similitudine ratio, atra enim bilis licet ferinam induat naturam, non tamen verè perniciosam & exitialem, & totis viribus naturæ nostræ aduersam. Quapropter expurgandus pestifer humor in initio est: fremant licet Mundella epistol. 16. Paræus lib. 21. de peste, cap. 24. & plures alij, quorum argumenta lib. 4. in com. histor. 48. latè soluta inuenies, modò calamo contrahere habenas satius duxi. Interim lege pulchra de hoc instituto, apud Septalium lib. 5. cautionum medicarum, num. 47.

## QVÆSTIO II.

Quòd Hipp. Gal. caterique Graci, variolas, & morbillos cognouerint. Contra Pererium, Fonssecam Valleriol. Mercurial. Hucher. Vidum Vidium, & alios Medicos illustrissimos.

### COMMENTARIUM.

**V**lcerosa quidem plurimis, omnibus cerè sicca, &c.] Digladiari solent Medici, & inter se hostiliter decertant, num Hippocrates, Galenus, præcique artis proceres, variolas, & morbillos cognouerint. Iuniorum doctissimi negantem partem defendere conati sunt. Hos redarguit veterum auctoritas multis in locis. Hippocrates enim lib. 3. epidem. sect. 3. text. 51. aduenisse ait inter alios morbos in constitutione pestilenti, magna ecchymata, seu papulas magnas, quæ sunt, auctore Galeno in com. tumores in cute extuberantes à crassis humoribus orti. Id ipsū confirmat. lib. 1. epidem. sect. 3. com. 19. quò loco refert, Silenū octauo die habuisse exanthemata cum sudore rubra, rotunda, parua, varorum instar permanentia, &c. Quare his exanthematis, variolas significari certum est, ut probant Ludouicus Lemsius suis ad cap. 12. lib. 5. meth. Gal. commentariis, Sebastianus Aurius lib. de morb. pueror. cap. 50. Fracastorius lib. 2. de morb. contagios. c. 2. Costæus in com. cap. 6. Auicenna, in 2. 4. tract. 4. de variolis, Forestus lib. 6. obseruat. 42. quicquid Mercurialis in com. histor. Hippocratis, & lib. 1. de puer. morb. cap. 2. contrà sentiat, Variolas recentissimum esse morbum confirmans, neque ex historia Sileni contrarium probari posse asseuerans; eo solum ductus argumento, quòd Sileno octauo die papulæ eruperint: variolæ autem, tertia, aut ad summum quarta die apparere incipiant. Ratio est, meo voto, indigna tanto viro, qua irretitus Galeni dicta peicrare ausus

A est: hic enim auctor in hoc cap. methodi, in quo scripta est historia hæc, exanthemata ex pestilenti vitio suborta, iam progressio morbo apparuisse affirmat: patet ex textus serie manifestè: nam euasuris apparebant: nigra exanthemata, quæ erant reliquia sanguinis, qui in febre putruerat, quas veluti cinerem natura ad cutem trussit. Iam expurgationem corporis, vomitionibus, & alui deiectionibus factam, post coctionem sequutam fuisse intelliges, ex eo quòd utilis fuit: quæ vacuatio, post coctionem, quæ sit in statu, ex Gal. 3. cris. 5. & alibi, celebrata, non nisi nono, aut saltem octauo die contingere potest, ut probat Pereda in fin. cap. 9. in lib. 2. meth. Paschaliy. Hoc ita esse fidissimo experimento medentium compertum est: nam variolæ in die septimo, 8. 11. 12. & quòd plus est, 20. sæpe apparere solent, quando natura præ humorum onere pressa, causam morificam citius expellere non potuit. Hæc autem Sileni papulas fuisse variolas nostras, constat, quoniam erant varis simillimæ: sunt autem vari, exigui & duri tumores in cute à materia crassa suborti, auctore Paul. lib. 3. cap. 21. unde propter vocabulorum affinitatem, & similitudinem, deriuatum nomen variolarum puto. Consultule Valerium apud Holler. 1. 2. de morb. intern. tit. de exanthematibus, Amatum lib. 3. centur. schol. curat. 18.

Deinde Hippocrates lib. 4. epidem. num. 26. sic inquit. Qui in tibia vlcus habebat, & Attico usus est, huic pustula eleuata, rubra, magna: atque hoc pro tussi, quæ postea accessit: prius enim non iussit, &c. per has autem pustulas significari variolas, asserit Vallesius in com. Insuper lib. 7. eiusdem operis, num. 52. sic ait: Timonæ filio ferme bimæstri, pustula in cruribus, & in coxis, & lumbis, & imò ventre, & tumores valde rubicundi. His autem sedatis, conuulsionibus, & comitialibus fiebant sine febribus, multis diebus, & mortuus est, &c. Quid ergo frequentius, inquit peritus Vallesius in com. quàm pusillis oriri exanthemata, huncque mortuum fuisse, quoniam non per totum corpus facta sunt, sed solum in crure, & coxis: interiisse autem non dubito, quia prauis & venenosis succis, in intimas principisque partes collecti, Epilepsiam & conuulsionem efficientes, naturam suffocarunt. Lege Eustachium Rudium lib. 3. cap. 31. de variolis.

Et si de Galeno quæras, num variolas cognouerit, firmum sit tibi, huius quam interpretamur historię testimonium: nam ista vlcera sine vlla medicamentorum ope decidebant, magnum certè indicium hodierna die ad exanthematum eruptionem intelligendam. Hoc eius doctrina non incongruè probari potest, in lib. 6. epidem. sect. 1. com. 29. vbi in febribus pestilentibus euenisse pustulas exiguas, & vlcerosas apertè demonstrat. Et lib. de atra bile. cap. 4. in ea constitutione pestilenti, pustulas nigras, vlcerosas, & à quibus squamma decidebat, euenisse narrat, quas etiam visas fuisse in vasta illa pestilentia, relata à Galeno lib. de bonis. & virio succor. cap. 1. nullus non videt. Eueniunt autem variolæ in pestilenti statu; nam earum materia maligna est, & pestilenti proxima: quare Arabes inter futuræ pestis prælagia eas reponunt. Et quando accidunt variolæ, tunc expectantur febres pestilentia, dicebat Auicenna 1. 4. tract. 4. cap. 3. Variolæ enim, & morbilli sunt de summa agritudinum contagiosarum, dicebat idem auctor, eodem loco, cap. 6. Ex quo mirari licet Vidum Vidium, virum alioqui Galenicæ doctrinæ amantissimum, qui lib. 6. de curat. generat. in cap. 6. probabile iudicat hunc morbum esse nouum, quem primò Medici Arabes cognouerunt, & deinde nostri: cum Galenus expressè, & Hippocrates de eo meminerint, ut ex tam multis allatis testimoniis satis patet. Lege Zoroastrum Tinellum, consult. 15.

Insuper, Aëtius clarissimè eas describit, tetrab. 2. serm. 1. cap. 129. dicens: Pustula in malignis, pestilentibusque febribus oriuntur, quarum quadam vlcérantur, & ad carbunculi speciem accedunt; bona succedunt alio suppressa, aut moderatas deiectiones faciente; male fluente aluo, & vomitibus vexantibus, &c. Celsus lib. 5. cap. 28. tit. de pustular. generib. sic inquit: Nonnunquam pustula plures similes varis oriuntur, nonnunquam maiores: pustula linida, aut pallida, aut nigra, aut aliter naturali colore mutato, subestque humor, &c. Paulus

Paulus illorum sententiam confirmat lib. 4. cap. 8. dum exanthemata ex crassis in cute impactis humoribus, magis quam in superiori pellicula, cum densa est generari confirmat, & in lib. 1. cap. 6. §. Pustulus, quæ quod puero per cutem veluti efflorescunt, Græci exanthemata vocant: primum sanè nullum faceffere negotium oportet: ubi verò probe ad summa eruperint, tunc iam curare tentabimus, &c. Hippocratem cognouisse morbillos constat ex lib. prorrh. sect. 2. text. 25. quo loco vocat Epanthismata. Hæc sunt, auctore Celio lib. 5. cap. 28. *tit. de pustularum generib. pustula*, quæ maximè vernis temporibus oriuntur: tunc enim circa totum corpus, partemve asperdo quadam fit, similis his pustulis, quæ ex urtica, vel ex sudore nascuntur, Epanthismata Græci vocant; eaque modò rubent, modò colorem cutis non excedunt, &c. Hippocrates deinde, nomine pustularum admodum prurientium, morbillos intellexit, lib. 6. epidem. sect. 2. text. 29. & lib. 3. eiusdem sect. 3. text. 51. & 6. aph. text. 9. His enim locis duplex facit pustularum genus; vnum sublime pruritus excitans, à calidiori sanguine ortum; alterum humile, citra pruritus, à frigidiore sanguine natum, latumque, cuius causa humor est non ita acris, quod in latitudinem extensus sit, magis diffletur & transpiret. Galenus verò hoc in loco, nomine exanthematum siccorum morbillos intellexit, quoniam ab his pustulis paucus ichor, aut pus emanare solet: nam hæ efflorescentiæ sicca sunt, auctore Auenzoar. lib. 2. rheis. tract. 7. cap. 3. Quod si contrariæ partis defensores omnino renuant, adeant Plinium, qui varia pustularum genera describens, variolas & morbillos descripsisse visus est, lib. 20. natural. histor. cap. 8. & lib. 22. cap. 25. & lib. 24. cap. 9. & lib. 26. cap. 11. & lib. 28. cap. 17. & lib. 35. cap. 15. Legat qui velit Manardum lib. 7. epist. 2. Mundel. epistol. 17. in princip. Rembert. Dodonæum in praxi, cap. 20.

Gomezius Pererius Hispanus lib. de medela febris pestilentis, cap. 19. de variolis, & morbillis, hoc morbi genus novum esse, & priscis incognitum sibi persuadet, sequutus Fernelium lib. 4. de febrib. cap. 18. Ioubertum 2. decade paradoxorum, 1. Hos sequitur Fonseca in meth. febrium à Jacchino ommissarum, tit. de feb. cum variolis, & morbillis. Hi ergo omnes ex Pauli dictis loc. cit. suam nituntur robore opinionem: nam si hæc exanthemata rectè curanda sunt, curatio non balneis, myrrum, lentiscum, rosâque recipientibus, ut ait Paulus, celebranda est; neque vnguentis ex cerula, argenti que spuma paratis: sunt enim hæc præsidia huic morbo valde infensa; nam humor hic adstringentium vfu repelli non debet, sed omni conatu est ad partes externas attrahendus. At ij auctores non intimius perspexere Pauli verba. Hic enim iis auxiliis vitur, quando variolæ sunt exulceratæ. Hoc Arabum maximus confirmat, 1. 4. tract. 4. cap. 1. in fin. §. Et quando accidunt ex variolis ulcera, confert vnguentum album; & propriè permixtum cum aliquantulo camphoræ, & quâdoque confert superaspergere cerusam, & lithargyrium; & vnguentum quidem rubrum bonum est ad ulcera variolarum, &c. Hæc ergo adstringentia, & exiccantia in morbillorum exulceratione summoperè profunt: quæ si neglexeris, serpente exulceratione cutem erodi contingit, ut proprio experimento lib. 3. centur. 18. firmavit Amatus. Lege Hermannum Folkinum in oratione, de febre punctulari, de hoc argumento ingenuè disputantem.

Sed fortioribus machinis sic insurgentem Valleriolam audiamus. Is enim lib. 1. enarrat. 8. ex hac Galeni historia, ipsum variolas cognouisse, nullo modo posse probari perfricta fronte contendit; cuius opinionem sequutus est Ioannes Hucherus lib. 4. de feb. pestilent. c. 28. Licet enim pustulas has, exanthematum nomine vocitet Galenus, quod à sanguinis veluti cinere, atque reliquiis eius, qui per febrem putnerat humoris, in extrinsecam cutem pulsæ, naturæ ope: morbillos tamen esse non posse, aut id nominis convenire ex eo constare, quoniam morbilli à nobis vocati, pustulæ dici non merentur, quum neque pustularum more eutem attollant, sed efflorescentiæ sint, ac maculæ rubeæ ex sanguine tenui, ac bilioso subortæ, in cutem vi naturæ populso, maximè cum exanthemata narrata fuerint nigra, vlcerosa, & à quibus velut cortex deci-

debat, quæ omnia morbillis non convenire, cuilibet vel mediocriter in arte versato patere potest.

Sed hic eximius auctor non rectè perpendit contextum Galeni, imò vnam exanthematum differentiam cum alia confundit: neque enim nos negamus, per exanthemata vlcerosa intellexisse Galenum variolas, non morbillos, ut ille affirmat. Morbillos autem vocavit exanthemata sicca, quoniam hæ pustulæ sicca sunt, & ab iis nullus humor emanat.

Percontaberis, cur auctores data opera inquirunt, num antiqui Medici hæc exanthemata cognoverint? Dic. Turpius esse relictis fontibus riuulos sectari; tunc enim nos hunc morbum, sicut & cæteros bene curabimus, si de illo priscos scientissimos loquentes audiamus; quorum fidiſſimo consilio ducti, horum affectuum causas rimari, & curationem callere rite possimus.

### QVÆSTIO III.

Quod Græci, priscique alij febre punctularem venenatam cognoverint. Contra Peredam, Collem, Torcum, Carmonam, Mercurial. Septalium, & Zoroastrum Tinellum Medicos eximios.

AN per exanthemata sicca, punctulas hoc loco Galenus etiam intellexerit, dubitandum. Hæc enim in peticulari febre, sæpissime in pestilenti statu conspicitur, adeoque hoc verum est, ut Mercatus libello illo aureo de febre maligna assueret, lenticulas, seu maculas rubescētes in anxiosis, horrificisque febribus per cutem apparentes, pulicum morſibus maximè similes, certissimum, infallibile, ac pathognomonicum esse febris pestilentis signum: clament vsque ad raurim Petrus Paulus Pereda lib. 2. in Paschal. de curand. morb. in schol. c. 2. Ioannes Colle lib. 1. de morbis contagiosis, & malignis, c. 7. ad finem. qui punctularem febrem nec venenatam esse, nec contagiosam acriter defendunt; quos coarguit vnanimis Medicorum schola, edocta à Fracastorio lib. 2. de morb. contagiosis, c. 6. de febre lenticulari, & c. 7. & l. 3. c. 6. qui primus omnium in hoc eruditissimo pulvere strenuè insudavit; quem sequitur Fernel. 4. pathol. 18. & 2. de abdit. 12. Hanc lenticularem febrem apud priscos notissimam fuisse, ex eo coniectant recentiores, quod Hippocrates illius variis in locis meminerit. Si enim huius febris ideam, mores, naturam ad vnguem contempleris, diffiteri non poteris harum peticularum energiam in epidemicis illis tempestatibus, quas Hippocrates depinxit, expressam sufficienter reperiri. Audi Hippoc. lib. 2. epid. sect. 3. in init. Fiebant autem in febribus æstivis, circa septimam, octavam, & nona die asperitudines in cute miliaceæ, culicum morſibus maximè similes non valde pruriginosæ. Hæ perseverabāt vsque ad iudicationem, & c. & infra sic ait: Audiū erant graui, & soporosa. Prius autem non valde soporosa erant hæ, quibus illa affutura essent, & c. Eruditiss. Vallesius in com. sic ratiocinatur. Sūt hæ macula, quæ Hispanus nouato nomine vocantur tabardillo, in febribus ardētibus symptomaticæ ob feruorem, aut malignam succorū correptionem factæ, quas natura in malignis, & pestilētib⁹ febrib⁹ per cutim præsertim dorsū, pectus, scapulas expellere tētat. Frequēs sanè in Hispania malum, in cuius curatione obseruauimus sæpe, illis qui hoc modo affliguntur, fieri hæc quæ narrat Hippocrates symptomatica: nimirū antequam macula erūpant, anguntur plurimum, & vigilant agrosi, succo qui interius secernitur, & cuius natura parat expulsionem, ledente viscera: Postquā eruperūt, dum erumpunt, delirant, & comatosi fiunt, & c. Hanc sententiam amplectuntur Lupeus Cureleanus, lib. de morbo pustulato, Zoroaster Tinellus tom. 1. consult. ult. Ludovic. Lemosius ad com. cap. 12. lib. 5. meth. Gal. Sed parcant mihi Vallesij manes; nam ex Hipp. loco minimè probari potest ipsum punctularem febrem cognouisse: efflorescentiæ enim ibi descriptæ erant asperæ, miliacæ, culicum morſibus maximè similes, & pruriginosæ: maculæ verò istæ non sunt asperæ, nec cutim eleuant, neque culicum, sed pulicum morſibus sunt similes, neque pruritus inducunt.

Alij, ut est Mercatus loco cit. Galenum eas descripsisse asseuerant, lib. 1. de diff. feb. 3. & lib. de bonis. & vit. succor. cap. 3. dum inquit. Nonnulli putridis, & pestiferis febribus perierunt: nonnulli pustulas instar scabiei, ac leprae in corpore contraxerunt, &c. At manifestè falluntur, quoniam puncticulæ istæ pustularum more cutem non eleuant.

Deinde papule parue, quæ non essent excernendis morbis, statimque euanescentes, descriptæ ab Hipp. lib. 1. epid. sect. 2. text. 38. non sunt lenticulæ nostræ; hæ enim non eleuant cutem. Ergo hæ papulæ, variolæ non fuere; hæ enim citò non euanescent; fuerunt ergo morbilli; huius enim affectus materia cum tenuior sit, & biliosior, facilè exhalat, & discuritur. Sileni papulæ cum sudore rubentes, erant variis similes, hi autem exuberant in cute; Petechiæ autem, tubercula non sunt. Demum Hippocrates lib. 3. epid. sect. 3. text. 51. sic ait: Carbunculi astate multi, papule item magna, herpes item magni, &c. At hæ papulæ longè distant à puncticulis, quæ exiguæ sunt. Ineptè ergo ex his locis colligit Massaria lib. 5. de febrib. cap. 25. nostras petechias à priscis fuisse cognitās.

Fallitur igitur Fabius Paulinus in annotationibus, ad librum Thucydidis, de peste, dum per febres pemphigodes, aspectu terribiles, de quibus Hippocrates lib. 6. epid. sect. 1. text. 19. intelligendas esse peticulas asseuerat: nam febris pemphigodes dicitur bullosa: hoc dicebat Galenus in com. qui in febre pemphigode tubercula admittit, dum ait: Corpus subrubrum, liuidum tuberculis exiguis, & ulceribus efflorescens, &c. In hodiernis verò peticulis nulla datur intumescencia, ut succinctè, & eleganter admodum animaduertit Castrensis Lusitanus lib. 3. opusculi, Quæ ex quibus, cap. 19.

His commoti Aloysius Toreus, libello de natura febris punctularis, in inis. Ioan. Carmona lib. de peste, & febre cum puncticulis, c. 7. Mercurialis lib. de maculis pestiferis, asseuerant has maculas priscis incognitas fuisse. Sed cum in ea sim sententia, ut putem, in hac historia etiā, per exanthemata sicca, intelligi posse peticulas, seu maculas has pestiferas, iccirco eas non solum à Galeno, sed à priscis melioris notæ descriptas, reperiri in suis operibus, non nego.

Audi Actuarius lib. 1. meth. c. 23. §. Macula circa cutem exoriuntur, nonnullis rubra, aut purpurea, nonnullis nigra emergunt, quales quotidie ex pulicem, cimicūque moribus apparent, &c. Idem fecit Aëtius tetrab. 2. serm. 1. cap. 9.

Auicennam febrem hanc cognouisse, non est denegandum: nam 1. 4. tract. 4. cap. 2. inter signa febris pestilentis apponit bothor flauam, aut rubram. Sic enim ait: Et quandoque accidunt cum ea bothor subalbida, aut subrubra; & quandoque est velocis apparitionis, & velocis occultationis, &c. Illustris interpres Iacobus de partibus, in com. clarissimè has pestiferas maculas describit, quas similes nō culicum, sed pulicum moribus esse asseuerat, ut videas vetustissimum hunc auctorem, quique vixit circiter trecentos ante annos, peticularum manifestè meminisse. Accedit quòd dicit Auicenna, fuisse velocis apparitionis, & occultationis; nam hæ maculæ sæpe subito euanescent, præsertim quæ à tenuiori humore ortum ducunt. Adde quòd Bothor ex ipsius mente 7. 4. tract. 3. cap. 5. est macula in cute apparens, quasi punctum ipsam non eleuas. Quare subit vehementer mirari Ludouicum Septalium, Medicum eximium, qui lib. 3. de peste, cap. 10. de maculis pulicum moribus similibus, ante centesimum annum nullū reperiri auctorem, qui harum macularum vllam faciat mentionem, sibi persuadet. Quibus autem signis pulicæ maculæ à pulicum moribus distinguantur, agit Sennertus doctissimus lib. 4. de febrib. cap. 12. & nos de hac re disceprauius lib. 3. de praxi admiranda, obs. 13.

Demum par est, & rationi consentaneum, in vasta illa pestilentia descripta à Galeno, in hac quam interpretamur historia, ipsum has maculas, exanthemata sicca vocasse magis, quàm morbillos; nam ab illis nihil humoris emanare solet, & ideo dicuntur sicca, si verum est quod scribit Galenus lib. 1. acut. com. 22. siccum esse morbum, quum nihil ab affectis partibus excernitur.

Quæ propter summa cum ratione Auicenna, has maculas inter signa febris pestilentis reposuit: nam in nul-

lo alio febrium genere: præterquam in illa apparere solent, ut inter omnes notarunt Septalius loco super citato, & Vidus Vidius lib. 6. de febrib. cap. 7. de febre lenticulari, & meritò sanè: hæc enim maligna febris de natura pestilentium esse censetur, ob eam quam cum eis habet similitudinem: nam ob aërem oritur vitiarum, ut illa; & hæc de causa, maligna euadit, & contagiosa, sicut ipsa: differtque solum à putridis, in modo & excellentia putredinis, signorum prauitate & deterrima conditione. Deinde in putridis aliquis ex quatuor humoribus putrescit, & sic circuitus, & accessiones singulis humoribus respondentes concitantur: At peticularis omnes humores praua inficit qualitate, inquinat, & conspurcat, & ideo pestilentium ideam maximè repræsentat, huiusque mali diri est prænuncia. Quare, si fidem adhibemus scribentium experimento, ea non solum vacuantibus præsidis, sed bezoarticis, cardiacis, & à tota substantia operantibus est curanda, ut 2. de abdis. 12. Fernelius, & Vallesius 4. meth. 2. adnotarunt.

## QVÆSTIO IV.

Quod Arabum dogma de exanthematum causa, ut verum sit admittendum. Contra Fernel. Holler.

Iouert. Lysium, & Mercurialem, Medicos præstantissimos.

Sed in hoc loco celebratissima quæstio de exanthematum causa est ventilanda. quam Mercatus lib. 2. de morb. pueror. cap. ult. magni putat esse momenti, de qua adhuc non satis constat, quæ verior sit apud Iuniores, qui Euripi modo agitati, quotidie de hac re nouas condere leges non cessant. Ab Arabum schola in animos Medicorum concepta quædam irrepsit opinio, nullum hominem morbillos, aut variolas euadere posse: cum enim fœtus in vtero sanguine menstruo alatur, ut eo inficiatur est necesse, qui postea nouo feruore ebulliens, gliscit & excandescit, & quadam veluti crisi à natura transmissus, si tenuis est, & qualitate peccat, morbillorum; si crassior, & non ita calidus, variolarum causa est atque origo: nam hic sanguis est aquosus, non bene coctus, & ebullitioni aptissimus, & qualibet occasione data promptè furit, & incenditur.

Hæc est omnium ferè barbarorum de exanthematum causa opinio constans, quam nouatores Medici censorio supercilio redarguentes, respuunt, temnunt, & damnant, Fernelij argumentis conuicti. Is enim licet lib. 7. physiolog. cap. 7, menstruum sanguinem, venenosum ac perniciosum esse confirmet, lib. tamen 2. de abdis. rerum causis, cap. 12. nouam horum affectuum causam indagauit, quam omnes huius sanguinis impuritati meritò attribuunt. Hanc sententiam defendunt inter omnes Ludouicus Lemosius in com. cap. 12. lib. 5. meth. Gal. Hollerius lib. 2. de morb. internis, cap. proprio de variolis, & alij.

Ex eo ergo hi auctores ita inducuntur opinari, quòd non omnes his morbis capiantur: & semel capti, iterum bis deinceps, aut ter laborent. Quòd sanguis, quo fœtus in vtero nutritur, benignissimus sit, ac suauissimus, auctore Galeno lib. 5. aph. 37. & lib. 3. epid. sect. 3. com. 73. & lib. 1. de sanit. tuend. 2. & lib. 2. de caus. sympt. 7. & alibi. Probant eloquenter Andreas Laurentius lib. 8. de re Anatomica. quæst. 8. Riolanus lib. physiolog. c. 8. Mercatus lib. 1. de morb. mulierum, cap. 3. Mercurialis lib. 4. de morb. mulier. cap. 1. quoniam menstruus sanguis qualitate non nocet. Et quòd mulieres quibus menstrua supprimuntur, huiusmodi morbis non fœdantur, ut grauidæ. Denique si ex natiuitate oriretur hoc malum, ab initio mundi fuisset, essetque vetustissimum.

Sed non ob hæc, sententia Arabum est deferenda, qui à vitio menstrui sanguinis oriri exanthemata confirmarunt. Eam tuentur Auicenna 1. 4. tract. 4. c. 6. Haly lib. 8. theoric. 14. Rasius 30. continent. tract. 13. cap. 1. Ishac, lib. de febrib. particularib. cap. 5. & alij Mauritanicæ familiarum procures scientissimi. Eam amplectuntur Gentilis ad citatum

*citasum caput Auicenn. Nicolus ferm. 2. tract. 2. sum. 4. dist. 6. cap. 13. Amatus lib. 3. centur. 15. item Andreas Laurentius lib. 8. controuers. anatomic. quest. 9. Matthiol. lib. 3. epist. 3. Costeus, & Mongius, in com. cit. cap. Auicenn. Hucherus lib. 4. de feb. pestilenti, cap. de variol. Manard. l. 7. epist. 2. Forest. lib. 6. obser. 43. Tobias Knoblochius cap. 3. inst. anatomic. Vidus, Vidius loco cit. Licet enim ex impuritate principiorum, impossibile non sit quemquam in vitæ decursu ab hoc genere morbi immunem euadere, hoc est rarissimum, quod verò tale est, contemnunt Medici: rara enim excluduntur ab arte, frequentia pro perpetuis habentur, ex Gal. lib. 4. aph. 44. & lib. 6. aph. 58. quoniam ex iis quæ semel, aut bis homo vidit, non debet pronunciata medica conficere, ex Gal. lib. de fetus formas. cap. 1. Et quia calor in feruorē adactus, nō potuit semel reliquias sanguinis expurgare, iterum validior factus, & ex aliqua interna, vel externa causa concitatus, purum sanguinem ab impuro separare conatur, in quibusdam citius, in aliis tardius, prout dispositio corporis, naturæ, regionis, temporis adminiculatur: nam in calidiori temperamento, natura simili, ætate calida, tempore æstiuo, regione æstuosa, citius, quàm in contrario statu variolæ erumpunt.*

Nec mirum videri debet, variolas tanto tempore occultari: nam & plurima venena in corpore latent citra coxam, 14. aut 20. annis; & conceptus tempore menstruationis, elephanticus euadit; non modò post 12. aut 14. annum, sed post quadragesimum, vt testatur Alzaharaius cap. de lepra. Quod in rabiosis palàm fit, in quibus non illicò à morfu detegitur venenum, neque aliquam sui notam in corpore præbet, ex Galen. lib. de theriac. ad Pison. cap. 16. nam in quibusdam 2. 3. aut 4. mense post mortuum pullular affectio, alios post annum inuadit, ex Galen. lib. 3. prorrhetic. com. 17. Alij post septem annos veneno rabido tentantur, ex Dioscorid. lib. 6. cap. 36. Actuario lib. 6. meth. cap. 11. Notarunt postea Albertus Magnus lib. 7. de histor. animal. 2. Palmarius lib. de morb. contagiosis. tract. de rabie, fol. 270. Salius de affect. particular. pagin. 360. & 361. Amatus 7. centur. 41. & alij. In iis ergo omnibus multo tempore venenum latet sine damno; vel quia toto illo tempore non est inducta facta intemperies, quæ valde lædit, & immedicabilis est; sicut hectica auctore Magistro lib. cit. prorrhetic. vel ignobilitatē membri, cuius virtus non valde irritatur; vel quia pars continens paruo veneno assueta non læditur; vel in aliqua parte vicissim concoctrix, & retentrix roborantur, infirmata expultrice: nonnunquam hæc robustior fit, & noxium expellere potest.

Quamuis autem sanguis, quo fœtus alitur in vtero, purissimus sit, labem tamen ex menstrui vitiosi permixtione contraxit, ex Galen. lib. 5. aph. 60. Mulieres verò quibus menstrua non respondent; tentari etiam hoc morbo, non est dubitandum. At muliebris natura vitiosum illum sanguinem, vtero, non cuti destinat. Licet autem hoc verum sit, aliquando aliter accidit, vt illæ, & vel vtero gerentes hoc vitio corripantur, quando videlicet tantam fœculenti sanguinis copiam fœtus contere nequit, vt probat Schenckius lib. 6. de obseruat. de variolis, & morbillis. & nos de hoc instituto miram proposuimus obseruationem, lib. 3. de praxi medica admiranda, obseru. 47. & hoc exemplo iterum fiet manifestum.

## Obseruatio. I.

### Grauida, variolis etiam corripitur.

**G**rauida trimestris, carnosa, cum suapte natura sanguinea esset, vt pote in florente ætate constituta, ex copia nimia sanguinem per os cum rursi quandoque excernebat. Ecce vno die rigore corripitur, quem febris, tussis, sternutatio, totius corporis rubor subsequuntur cum anxietate summa: cum verò lachrymæ inuoluuntur, nasi pruritus, timor in somno, horripilatio, punctio in toto corpore sensata, palpitatio cordis, anhelitus difficultas, & capitis grauamen accederent, plurimique variolis vexarentur, has citò superuenturas, pa-

lam adstantibus prædiximus. Quare ante eruptionem, & deonerandam naturam, feruorem compescendum, sanguinem mittere visum est, vt monuit Auicenna 1. 4. tract. 4. cap. 10. qui inter omnes rectius de variolarum curatione est ratiocinatus, dum dixit. *Et conuenientius quod administratur in hac agri tudine, est phlebotomia, &c.* quæ adeo necessaria est, vt vel post eruptionem, præsentē plethorā, cum imperet celebrandam, dum sic ait. *Sed quando procedunt variola, non oportet tunc, vt administretur phlebotomia, nisi inueniatur vehementia repletionis, & dominium materiei, tunc enim phlebotometur, quantitate quæ alienet, seu minore, &c.* Hac doctrina instructi, per interualla ter è mediana cruorem exhaustimus, nec impedimento fuit grauidatio: in cuius præsentia sanguinem esse emittendum, veterum, & iuniorum frequentissimo experimento sancitum est. Post eruptionem variolarum, Cardiacā oblata, cucurbitulæ scapulis admoer. At cum humoris copia tanta esset, hæc ad oculos elata, crassissimam albuminem fecit, quæ soli pulueri ossis sepiæ intra oculos indito succubuit. De cætero exanthemata emissio pure ad cicatricem perducta, quo tempore fœtus validus erat; & ipsa vires assumens, suo tempore obesam femellam in lucem edidit. Grauidas ergo exanthematis corripī nouum non est.

Ab initio mundi hoc malum mortales afflixisse, certum est, cum sit antiquissimum, & priscis notissimum. Antiquiore autem æuo rariùs, nunc frequentius mortales illo tentari, ad diuersam corporum constitutionem, ob matrum, & puerorum maiorem incontinentiam reiciendum puto.

**C** Eruditissimus Mercurialis, eleganter 1. de morb. pueror. lib. cap. 2. iuxta init. pluribus probare contendit, variolarum, & morbillorum materiam, non esse sanguinem menstruum, sed esse nouum morbum veteribus incognitum, qui cæli, & aeris vitio primùm cœpit grassari, & in homines ferè omnes sæuire, qui deinceps labem hanc, & veluti proprietatem paternam in filios hæredes transtulerunt. Hoc placitum validissimis argumentis stabilire conatur.

**Primò.** Hæc exanthemata eueniunt vitio morbidi cæli, vel aeris substantialiter corrupti. **Secundò.** Quod ante Arabum tempora, homines non corripentur hoc vitio; cum tamen sempiternum sit sanguinis menstrui inquinamentum: vnde cum semper fuerit materia, & agens, iure debuissent, homines omni tempore hoc morbo vexari. **Tertiò.** Si à sanguinis menstrui vitio, feruore, & ebullitione oriretur hoc malum, nullus in senectute tentaretur, nec post elapsum morbum; quia præcedens ebullitio, & expurgatio futuris variolis materiam absumeret, cuius contrarium demonstrat experimentum: nam plurimi in senectute, vel illicò post paucos à prægresso morbo dies, variolis tentantur. **Quartò,** equa, canis, asina non habent hunc morbum, quum menstruas habeant purgationes, ex Aristot. lib. 6. de hist. animal. cap. 18. **Quintò.** Non videtur rationi consonum naturam per variolas, & morbillos corpus expurgare posse, quum multis modis id antea expurgauerit: primò, quando fœtus in vtero continetur, reponendo excrementa impura sanguinis in duabus tunicis fœrum ambientibus. **Secundò,** quando fœtus in lucem emittitur, tunc enim prouida natura excrementa purgat per intestina. **Tertiò,** post aliquod tempus ab ortu, quando corpus vlceribus, achoribusque scatet. Si ergo prouida natura tot modos depurandi sanguinem excogitauit, cur suspicari debemus in omnibus hominibus tanto tempore excrementa sanguinis latere?

Verum hæc commodissimam habent solutionem. Non enim negamus hunc morbum ab aëre, tanquam à causa mediata suboriri, quum videlicet nimium calidus est, frigidus, aut inæqualis; qua de causa hæc labes, æstate, vel autumnō ampliùs serpit, & inualefcit: ardente enim Sirio liquatur hic sanguis, feruet & ebullit. Vigente bruma, constrictis externis spiraculis, ob impeditam innatam distillationem, effertur interius putredo, &



& sic ebulliens & incalescens sanguis, exanthematis præbet occasionem. At immediatam causam esse sanguinem menstruum affirmamus. Et licet barbaris antiquiores Medici huius morbis peculiarem non fecerint curationem; eius tamen naturam exactè calluisse non est denegandum; ut ex Hip. Galeni, Pauli, & aliorum dictis constat satis apertè. Ad tertium, dictum est *suprà*, ob multas causas venenum diu in corpore latere: hoc autem suas vires in senectute, exierit quoniam priùs in isto sanguinem non fuit facta ebullitio; ob ipsius crassitiam, lentorem, meatuum angustiam, expultricis debilitatem, sicut ob contrarias causas in puericia, aliisque ætatibus ante senectutem plerumque oriuntur. Si tamen quispiam è variolis conualescens, iterum illicò eodem morbo reciduat, id euenire puta, quia non erat sufficienter sanguis expurgatus, quem nouo seruore facto iterum natura nundificare contendit. Ad 4. Reliquorum quadrupedum infantes hoc vitio non corripuntur, quoniam impedimento est cutis ipsa, quæ cum dura sit, in ea excrementa ita impinguntur, ut illa ad extimam superficiem natura propellere non possit; vel si pellit, hæc vitiosa materia in pillos, vngues, cornuæque absorbitur. Et licet animalia menstruas habentia purgationes, ab Aristotele dicantur sanguinea, & habeant materialem variolarum causam, nec efficiente careant, calore videlicet naturali; robusto & forti, & sic deberent variolis tentari respondet Castrensis Lusitanus *lib. 1. de meteoris microcosmi, cap. 6. in fin.* arietum infinitum numerum variolis perire, visumque esse à se equum variolis plenum: at hoc malum non est animalibus familiare ob dictas causas. Ad 5. argumentum dic, ita esse perniciosum menstruum sanguinem, vitiumque ab eo relictum, ut multo negotio ad ipsius expurgationem opus sit; nec sufficere omnes illos modos, sed necessarium esse conatum illum, quo natura ebullitione facta noxium ad cutem expellere tentat; & cum semel id perficere nequit, iterum alacrior & vegetior facta, residuum excutere conatur. Hæc est causa, cur bis & ter homines in vira variolis corripiantur, quando vestigium illud tam diræ labiis vnica ebullitione elui non potuit.

Concludamus igitur ex Arabum decretis, variolarum causam esse materni sanguinis, quo alitur fœtus, impuritatem, ob quam omnes in vita tentari hoc malo tenent Auenzoar *lib. 2. thei Xir, tract. 7. cap. 3.* Serapio *lib. 5. breuiarij, cap. 2.* hanc sententiam approbat Fracastorius *lib. 2. de morbis contagiosis, cap. 2.* Cætera verò quæ ab aliis auctoribus contrà obijci possunt, facile ex dictis solui queunt. Interim de menstrui, quo fœtus in vtero inficitur, malitia, ac virulentia, lege Plin. *lib. 28. cap. 7. & lib. 2. cap. 5.* Columel. *lib. 1. rei rustic. cap. 11. & ult.* Alian. *lib. 6. histor. animal. cap. 36.* Rabbi Mossen *lib. 3. dubitat. cap. 47.* Lucanum *lib. 6. in dioscorid. cap. 25.* Mercurial. *lib. 1. de venen. cap. 24.* Conciliator *lib. de venenis, cap. de sanguine menstruo*, Solin. Polyhistor, 14. Gentilis. *extranag.* De qua re lege Rodenicum à Castro Medicum scientissimum, *lib. 2. de natur. mulier. cap. 10.* Quidquid sanguinem hunc minimè esse malignum, acriter contra Fernelium contendat Otto Casmannus *part. 2. psycholog. cap. ult. disputat. 9.* cuius rationes si pensaueris æqua lance, nullius momenti eas reperies, soluit Castrensis loco cit. eleganter.

Pro coronide vnum adiiciam, ad Auicennæ doctrinam summè necessarium. Nam iste auctor *loc. cit.* ponens conuenientiam inter variolas, & morbillos, hos facit maligniores variolis, dum sic ait. *Et signa apparitionis eius, proxima sunt signis apparitionis variolarum; verum subuersio stomachi in eo est plus, & angustia, & inflammatio vehementior, & dolor dorsi minor, quoniam causa eius in variolis, est repletio sanguinis extendens venam positam super dorsum: nã generatio variolarum est propter multitudinem sanguinis corrupti morbilli, propter vehementiam malitie sanguinis corrupti pauci, &c.* Dic. Variolas esse periculosiores morbillis, licet enim conueniant, quòd vterque morbus sit epidemicus, curaneus, contagiosus, pueris familiaris, & cum febre intensa inuadat; tamen in causa differunt, quoniam variolæ à crassiori, & copiosiori humore oriuntur; nam sunt corpulentiores, crassiores, & faciunt in cute emi-

Lib. II.

mentias; morbillus verò cum sit, ut ibi notat Auicenna, variola cholericæ, à tenuiori, feruidiori, & biliosiore sanguinem originem ducit, at pauciori; quare maculas facit variolis longè minores, sed rubicundiores: Comparat ergo inter se vtrumque affectum Auicenna, dicens variola oriri à maiori copia humoris, morbillos à pauciori, sed plus malitioso, & prauo, quod verum est: nam morbilli essent periculosiores, si in materia paritas adesset, quæ cum deficiat in morbillis, malitia illorum à maiori variolarum quantitate humoris superatur. Morbilli ob materiæ maiorem tenuitatem, maiorem concitant flammam, angustiam, febrem, & stomachi subuersionem; at hæc omnia sedantur facilius, quoniam humor tenuis, & paucus citò discutitur: Quare Auicennæ non est inuendus error, ut quidam rati sunt: Solum enim variolas in quantitate humoris morbillos superare, & hos, illas qualitate vincere asseruit.

At licet ex menstrui sanguinis vitio vterque affectus oriatur, variolas tamen esse maligniores, & periculosiores affirmamus: cum enim fiant ex crassiori, viscidiori, & copiosiore humore, sit ut tantam humoris copiam natura cum non possit expellere, ob lentorem eius, internis partibus, visceribusque præcipuis adhæreat visciditate sua, & interna vlcera, dolosa, & cacoëthica gignit hic perniciosus humor suapte natura prauissimus, & vel malignas deiectiones, & dysenterias, vel in trunco corporis lethales facit abscessus; reconditis malignis excrementis in visceribus, & exeuntibus per intestina, quæ debebant in cutem emegere.

Quamuis autem à multis desperationibus, hoc est, à grauissimis, & periculosissimis morbis pueri crebrius euadant, quoniam habent vires naturales, quibus vincuntur morbi, robustissimas, commutatricem nempe, & expultricem, ut scitè notauit Vallesius *lib. 2. epidem. com. 9.* ab hoc, cum est sæuus atque malignior, pauci liberantur: multoties enim accidit, ut humore in cute concocto, tæbe pereant, dysenteria occupati occumbant, & quod frequentius accidit, spasmo prehensi vitam cum morte commutent, ob materiam perniciosam coërcitam, quæ de nōno ebulliens partem principem suo terro vapore lancinat, & ferit. Hoc docuit Auicenna. *2. 4. tract. 2. cap. 98.* dicens *inclinationibus variolarum egros perire*, qui licet videantur declinare, ob humorem impactum in cute exiccatæ vlceribus, non verè declinant, quia humoris multa pars non potuit protrudi ad cutem, sed ob lentorem detenta deflectit ad viscera, & prauis vlceribus excitatis, malignisque inflammationibus ægros ingulare solet. Sic Cratistonaectes, & pictoris ancilla parotide suppurata mortui sūt, apud Hip. *lib. 1. epidem. sect. 2. text. 84.* quoniam materia cocta fuit in parte, in toto verò incocta remansit. Variolæ ergo horrenda magis ob dictas causas, & lethalia excitant morbillis symptomata: De quorum perniciofa vi plura lege apud Iacorium *com. ad lib. 2. sect. 2. Coac. Hip. Paræum lib. 19. cap. 1.* Marcellum Donatum *tract. de variolis, & moribilibus, cap. 29.* & nos proprio exemplo firmauimus *lib. 3. de praxi admiranda, obs. 48.*

## HIST. IV. AVENZOARIS,

## De osse in dorso adnato.

Os in dorso pronatum, purgatione celebrata eximitur.

Etiam audiui dici à patre meo, quod cuidam vidit nasci in dorso suo os ad similitudinem vniuersi cornu quod erat minoris duritie ossis naturalis. Et ipse pater meus purgauit humores grossos in ipso, & postea posuit medicinas exiccandas super os, ita quod cecidit dictum os. Et mihi etiam fuit ortum os vnum super dorsum, magnum mihi inferens dolorem, & pugnaui me ab humoribus grossis, & posui super ipsum resolutiua, ita quod resolutum fuit maiori ex parte, & illud modicum quod remansit, non impediuit me in aliquo in operationibus naturalibus exercendis, &c.

P

Auenzoar

Auenzoar lib. 2. theor. tract. 6. cap. 5. de ingrossatione ossis *præter naturam*.

## PARAPHRASIS.

**D**Orsi nomine, spinam ferè totam intelligo; quæ varios, & multiplices edit motus, anticos, posticos, & ad latera, idque decem musculorum opera, & quæ à basi occipitis usque ad extremum os coccyx dictum pertingit, quæ triginta quatuor vertebis perficitur. In his partibus cum ossæ sint, melancholicoque humore, terrestri & crasso nutriantur, excrescentiæ duræ oriri sæpe consuevere. Nam sicut in extrema corporis superficie, tubercula, verrucæ, & alia excrementitia materia conflata oriuntur, sic ossa ex densiore humore, & valde compacto progigni non est dubitandum. Hoc Alexander Benedictus lib. 6. histor. corp. human. cap. ult. confirmat si scribens. *Vidimus in Creta, vulnerato genu sagitta, cornu nigrum, rupicapra capitis simillimum produisse, materiâque quæ in ossis substantiam conuerteris debuisset, in corneam naturam aëris afflatu facile conuersam, continuoque gummi modo adhaerescere.* Et Lanfrancus tract. 3. doct. 2. cap. 3. vidit cranij manifestas eminentias sicut cornua Refert. Ioan. Philip. Ingrassias. lib. de tumorib. tract. 1. cap. 1.

Aristoteli quoque probatur, lib. 2. de histor. animal. 4. nonnullis senescentibus, præsertim mulieribus etiam octuagesimo anno non sine dolore dentes exiisse. Narrat Alexander Benedictus lib. 3. cap. 2. se vidisse Panormi nobilem virginem correptam plurimis verrucis acutis excrementitiis cornuum vitulorum instar, in omnibus artibus, manuum, cubiti, genuum, & etiam in capite & fronte. Iulius Cæsar Scaliger exercit. 197. num. 5. vnum vidit in dorso cuiusdam remigis, & nos mirabile cornu vidimus in calcaneo enatum, lib. 2. de praxi medicâ admirand. obs. 187.

Firmat Plinius lib. 11. cap. 17. Cardanus lib. 8. de variet. cap. 43. ex Alberti Magni sententia. Alexander Benedictus lib. 1. de curand. morb. cap. 6. Iouertius 2. decad. paradox. 2. Cum ergo hi inter ossa sint reponendi Galeni testimonia lib. de ossib. cap. 5. negandum non est, ossa de nouo generari posse. Deinde Galenus lib. de tumoribus præter naturam, cap. 15. Satyriales, aut Satyrialesmos vocat eminentias, ex-turbationesque ossium, quæ circa tempora fiunt: tubercula autem hæc ita appellantur à similitudine Satyrorum, quibus vtrinque cornu circa tempora nasci ferunt, de quibus Plinius lib. 7. natural. histor. cap. 12. Præterea dentes tota vita crescunt, quemadmodum quotidiana ciborum masticatione atteruntur, ut Galenus lib. 5. sec. loc. cap. 5. & Auicenna 7. 3. tract. 3. cap. 1. aperte fatentur.

Sed licet hæc vera sint, firmatam tamen doctrinam non evertunt. Nam timor, quem passus fuit auctor, sub ossium genere comprehendere non debet, cum fuerit excrescentia dura, à terrestri crassoque humore suborta, quod ita esse ex curatione patet manifestè, vacuato enim humore fecali, & melancholico sanatus est. Sic faciendum monet Auicenna 7. 4. tract. 3. cap. 13. de cura clauorum, cornuum: quo loco minora sanguinem cum phlebotomia, & euacuare humorem melancholicum saluberrimum esse prædixit. Et licet idem auctor, in cap. 15. sequenti, verrucas duras, clauos, cornua, seu alias additiones curuas, spissas, nascentes in extremitatibus iuncturarum, incidendas esse, & medicamentis acutis eradican-das consuluerit, hoc maxima præmeditatione exequendum monito, hæc enim curatio aliquando infelicitè contingit, & plura ex ea irreparabilia damna eneniunt. Puerum enim ex incisione corniculi in capite nati, intra pocas horas expirasse narrat Amatus lib. 1. centur. curat. 5. 1.

Si tamen ad ferrum, & ignem accedere necessitas cogas, suauiter prius timorem enollire, & deinde ferro incidere oportet. Hoc consilium opere ipso obseruauit Cabrollius, obseru. 11. anatomic. qui tutò cornu in fronte ferra resecurit, sanguinem cauterio repressit, cuius longitudo erat dimidiati pedis, crassities pollicis, & tota eius

basis ossi in latere sinistro adhærebat. Vidit etiam Benignus lib. de abdit. morb. cur. c. 14. qui carneam excrescentiam pondus sexaginta librarum excedentem, coxæ adnatam, vinculis quotidie arctissimè deligando, tandem candenti ferramento quod supererat, resecurit, & partem idoneis medicamentis ad sanitatem perduxit. Similem excrescentiam refert Langius lib. 1. epistol. 3. & lib. 3. epist. 4. Huic similem ab inguinibus pendentem descripsit Amatus lib. 5. centur. 88. & nos illustre miræ excrescentiæ carneæ exemplum descripsimus lib. de praxi admiranda, obseru. 77. His tumoribus pituitosis adnumeranda est *Nassa*, seu *Napra*, apostema magnum, carnosum, & molle, cuius curationem proponunt Nicolus serm. 7. tract. 5. sum. 2. c. 69. Guido tract. 2. doct. 4. c. 4. Tagaultius lib. 1. cap. 2. & 14. Theodoricus lib. 3. cap. 31. Brunus lib. chirurgic. magna, cap. 8. quem affectum Rhasis lib. 7. ad Almanf. cap. 14. & Haly lib. 8. theoric. cap. 11. sub nomine glandularum magnarum complexi sunt. Hoc modo scribit Cabrollius obseru. 30. se feliciter resecaisse panum immensa molis ad lb. v. cum 3. iij. in occipitio natum.

Multoties, quoniam hic pertinacissimus affectus medicamentis vix succumbit, quum à contumaci humore ortum ducat, ad caustica deueniendum. In hunc modum his medicamentis plures fuisse vsos pro eradicandis tumoribus duris, supra citati auctores memoriæ prodiderunt. Hac ratione, nempe filo aqua Mercurij sublimati insucato, iterumque exiccato, se carneam excrescentiam, raram nempe affectum, Umbilici fungum, nucis inglandis magnitudine, colore nigro, fusco, carcinomatis instar, ligasse, & sic industria summa exelisse, gloriatur Hieronymus Fabricius Hildanus lib. 5. centur. chirurgic. obseru. 42. De quare lege Marcel. Donat. lib. 5. de medic. histor. mirabil. c. 3. De mirabilibus excrescentiis carneis, quæ in partibus interioribus ex exterioribus oriri solent. Si verò pulchra de ossium miris affectionibus scire desideras, raras historias hic auctor ponit in propatulum, lib. eodem cap. 1. De quo argumento vidèdus Langius eruditissimus, lib. 1. epist. 46. Horum anatomem proposuit inter omnes, Ioannes Riolanus cum Syluio, com. in lib. Galen. de ossibus, & lib. de osteologia, ad mentem Hippocratis descripta, & de eorum passionibus plura conscripsit Fallopius tract. de partibus simil. rib. cap. 4. & prius prædixit Auicenn. 5. 4. tract. 1. a cap. 4. usque ad 14.

## QVÆSTIO V.

*Quod ossa non sanguine melancholico, se immediate nutriantur medulla. Contra Iacobum, Petrum Hispanum, & Spigelium, Medicos eruditissimos.*

## COMMENTARIUM.

**H**umores grossos, &c.] De ossium nutrimento, inter Medicos & Philosophos non inutilis controuersia existit. Peripateticæ Scholæ Aristoteli, immò loquentis naturæ genius mirabilis lib. 3. 3. probl. ult. ossium excrementum medullam esse confirmat Auenzoar innuit hoc loco: nam succo melancholico, atque terreno ossa nutrirî concludere videtur, quod vacuato simili humore, illorum cessauerit incrementum, sequutus forsitan Auerroem, qui lib. 2. collig. cap. 8. ossa ex materia vacante, & excrementitia ali assueuerat. Sed medulla quæ est in ossibus, est superflua cibi eorum, &c. Igitur ossa non nutriuntur medulla. Tantorum auctorum mentem rationes firmæ satis illustant.

Prima. Ossa plurima non habent medullam, ex Gal. lib. de ossibus in præf. Sed sunt firma solida ex Gal. lib. 1. de vssu part. 18. & Arist. 3. de histor. animal. 7. Nam oleo in ossibus nullam habet medullam, ex Aristot. nuper cit. & 2. de partib. animal. 6. Plin. lib. 11. cap. 37. Aliano lib. 2. de natur. animal. 2. & plurimi concretis ossibus, ac sine medullis vixerunt, teste Plinio lib. 7. cap. 18. Ergo medulla alendis ossibus non est necessaria.

Secunda. Inter nutriendi, & nutritum debet intercedere similitudo, ex Arist. 8. *physic.* 7. & lib. de *generat. cap.* 5. & lib. 2. de *animal.* 4. & Gal. 2. *aph.* 50. & alibi passim: sed ossa terrestria sunt, ex Galen. lib. 1. de *clement.* 5. & lib. 9. *simpl. tir. de terre differentiis*, & sunt frigida & sicca, ex Galen. lib. 1. de *clement.* cap. 6. *in xta. fin.* & lib. 1. de *temper. ult.* Ergo non nutriuntur medulla, quæ calida est & humida, ex Dioscorid. lib. 2. cap. 70. & Auicenn. lib. 2. tractat. 2. cap. 492.

Tertia. Vnumquodque nutritur iis, ex quibus constat, ex Arist. 2. de *generat. animal.* cap. 8. Sed ossis generatio fit ex sanguine, ex Galen. lib. 1. de *facult.* cap. 10. & lib. 2. *eiusd.* 3. & Auicenn. 1. doct. 3. cap. 2. Ergo non medulla, sed sanguine melancholico nutriuntur. Patet euidenter, ex Galen. lib. 6. *method.* cap. 5. §. *Monstratum* namque est omnem animalis particulam, proprium, ac sibi simile attrahere alimentum: id si verum est, ossium nutrimentum, & crassius, & magis terreum quàm aliud quoduis nutrimentum in toto animali fuerit, &c. Eandem sententiam firmiter Gal. lib. 1. de *usu part.* cap. 18. & lib. 2. de *element.* cap. 2. & 5. & lib. 1. de *semin.* 1. r. Auicenn. 1. r. doct. 4. cap. 1. *in med. §. Necessitas* verò ut tantum de ea cum sanguine misceatur, quantum debetur pro nutrimento cuiusque membrorum, in quorum complexionibus magnam melancholia partem esse oportet: sicut sunt ossa, &c. Firmiter Haly lib. 1. *theoric.* 2. §. quibus locis auctores hi, partes siccas & osseas, ex sicco terrestrique alimento nutriti asseuerant.

His fortè conuictus, Iacobus de partibus, in *com. nuper cit. cap.* Auicenn. medullam non verè nutrire ossa, sed nutritione quadam refocillatoria & imperfecta, humectando, & prohibendo ea ab exiccatione, alere affirmavit. Eius opinionem sequitur Petrus Hispanus, in *com.* 47. *l. diar. vniuers.* Isahac, *dub.* 3. & lib. *diatar. particul. sit. de medulla*, & nuper firmamus Spigelius lib. 1. de *fabric. corp. hum.* cap. 13.

Contrariam sententiam, omnis tum Veterum, tum Iuniorum schola vnanimè confirmat, ab Hippocrate Magistro suo edocta. Is enim in memoranda quadam, & multis abhinc sæculis quasi per magnus translata sententia inculcat, lib. de *alimēto*, num. 12. *Medullam esse ossium alimentum*, &c. Hanc autem sententiam esse Hippocratis genuinam, locupletissimi testes confirmarunt, & præsertim Theodorus Zuingerus in suis ad hunc locum Hippocratis tabulis elegantissimis, & Vallesius in *com. huius loci*, edocti ab ipso Galeno lib. 6. de *loc.* 6. *epid. sect.* 3. *com.* 1. & lib. 1. *secund. gener.* cap. 17. & lib. 5. *aph. com.* 39. & lib. 3. de *facult. natural.* c. 15. quo loco præfatam in aliis locis sententiam manifestè roborat, ac defendit, dum sic dicit: *Estque qualis carnibus sanguis, talis ossibus medulla*, &c. Et lib. 1. de *usu part.* 18. *in med. §.* *Iam verò sic caua iure fuerunt, haudquaquam ea relictura erat inania, cum ipsa penum quandam alimenti familiaris in ipsis posset reponere: nam in commentariis de facultatibus naturalibus demonstrauimus, medullam ossibus proprium esse alimentum, & ossibus cauitate carentibus tale quiddam in eorum cauernulis contineri*, &c. Quem locum cum exactè specularentur recentiores, aptissimum esse ad nostrum institutum rati sunt, licet quæstionem hanc pertransennam veluti controuertant, quum ea variis, & repugnantibus locis vndique sit referta Capiuacium in *com. ad methodum anatomicam*, c. 12. Mercat. lib. 1. *tom.* 1. *part.* 4. *dub.* 6. *quest.* 129. num. 12. Andream Laurentium lib. 2. *contro. vers. anatom.* quest. 4.

Insuper pro hoc fulciendo dogmate, habemus patronum Auicennam, multis in locis: nam in 1. r. *sum.* 1. doct. 5. cap. 1. de *ossibus*, sic ait. *Immo durum factum est eius corpus, & ipsius nutrimentum quod est medulla*, &c. & infra: *Et inuamentum medulla, quæ est in eo, est ut nutriat ipsum*, &c. Et lib. 1. 2. de *animal.* cap. 9. idem affirmat. Cuius auctoris sententiam verissimam esse, Gentilis in *com.* Iacobus de Foroliuio, & tota Arabum familia confirmat Haly enim lib. 2. *theoric.* c. 2. sic ait. *Ossa quoniam magna sunt & multitudini motus dedit, ac alacritati, concaniora facta sunt, ut in concanioribus medulla quibus pascantur*, &c. Idem confirmat Aristoteles lib. 2. de *part. anim.* 6. §. *Quoniam etiam in iis quæ ossa spissa, firmaque habent, non tamen partim nulla, partim exigua inest medulla: alimentum enim in ossa absumitur*, &c.

Explicant ingenuè Nicollus *serm.* 7. tract. 1. *sum.* 1. cap. 13. Conciliator diff. 42. Tarraga Burdigalensis, libro *Questio-* num, fol. 79. lib. O.

Dicendum igitur, omnia ossa, tum vel ea quæ ad motum non sunt destinata; quæ nigriori imbuuntur medulla, ut ossa pectoris, & costarum, medulla immediatè nutrir: quare natura non solum reposuit in ossibus medullam, ut hæc illa humectaret & molliret, ne nimium præ motu exiccarentur, quod voluit Auic. 1. r. doct. 5. *sum.* 1. cap. 1. & 15. de *hist. animal.* cap. 6. & auctor lib. de *anatomia viuor.* cap. 1. sed ut ea, tanquam ex familiari, & magis propinqua materia nutrirentur. Hoc ita esse probat expressè Galenus lib. 2. de *usu part.* cap. cap. 16. *in fin. §.* *Ceterum si præterquam quod magna sunt, solida, & canitatis medullaque expertia, dura & densa omnino fuissent, membra ipsa onere sanè maxime grauarent: idcirco laxiora, & cauernosiora, & magis concana sunt ossibus cunctis minoribus maiora. Abutitur & hic probè, ipsa cauitate natura reponit enim in eam familiare ossibus nutrimentum, quod sanè medullam nominamus*, &c.

Quid autem clarius his Gal. verbis dici possit, ignoro prorsus. Auctoritas multiplici firmatur ratione. Prima desumitur ex Gal. 3. de *facult. natural. cit.* nam talis est habitudo ossis ad medullam, sicut carnis ad sanguinem sed ex sanguine nutritur caro; ergo ex medulla ossa nutriuntur. 2. Medulla habet humidum bene concoctum, & nutritioni accommodum. 3. Medulla in recenter natis apparet sanguinea, ex Arist. *loc. cit.* at cum dispositionem ossi vicinam recipit, dealbatur. 4. Partes carnosæ habent circumfusum proprium alimentum, mucosum nempe humorem, & lentum, quibus resectis is apparet; & sicut resecta carne apparet sanguis, sic resecto esse apparebit hæc medullatis humiditas ossa nutritura. 5. Si ossa sanguine melancholico immediatè nutrirentur, non essent alba; nam quod nutritur, refert aliquantulum colorem alimenti; quare alba ossa ex nigro succo, vnica transmutatione ali nequeunt. 6. Si hoc verum esset, continerent ossa in poris suis melancholicum, nigrumque succum, non medullam, siquidem suo alimento imbutas esse partes nutriendas est necesse. Ossa ergo ex medulla, tanquam ex materia propinqua nutriuntur.

Obiecta verò hac ratione solues. Ad primum respondet Fernelius lib. 2. *physilog.* cap. dum medullam esse excrementum vtile asseuerat; ut semen est testium: illud enim in ossium cauernis existens, & liquidi humoris speciem ostendens, ossis est alimentum, quod à sanguine primo deductum, sensim mutatum, ad illius naturam mox deficit. Nunquam ergo colligendum aduersus Galenum, medullam ita esse excrementum, ut non sit alimentum: hoc enim ex Aristot. *loc. cit.* manifestè colligi potest, dum dicit. *Idcirco animalibus quibus ossa solida, robusta sunt, ut leoni, nullam esse medullam, quoniam alimentum in ossa absumitur*, &c. Tunc sic. Si medulla esset excrementum, quum leonis ossa copioso egeant alimento, oportet ut copiosum sanguinem concoquant, & vbi copiosum est alimentum, tale debet esse excrementum; at in leonibus cum nulla, vel paucissima adsit medulla, ea non est excrementum, sed alimentum.

Ad 2. respondet Galenus *cit. de usu part. & de facult. natural.* dicens, in omnibus ossibus, tam cauis, quàm solidis, tam paruis, quàm magnis reperiri succum medullosum quo alantur, quem communi vocabulo medullam si appelles, non errabis. Neque solum in maioribus ossium sinibus medulla reponitur; verum etiam illæ, spongiz modo extractæ cauernulæ, non minùs quàm insigniores illi sinus medulla infarciuntur, quod ita esse, præter Gal. auctoritatem firmat Vesalius lib. 1. de *fabric. corp. human.* c. 1. qui medullam propriam esse ossium alimentum sibi persuasit.

Ad 3. dic. Verum esse, simile suo simili nutrir; at os ex parte crassiori medullæ nutritur, quæ licet primo accessu videatur ossi dissimilis, eam tamen paulatim sibi assimilat natura. Alia autem pars pinguis & humida, etiam in id comparata est ut nutriat, simulque ut ossa arida, motui destinata humectet & emolliat, ne in opere nimium exiccantur. Hæc ergo pars humidior cum sit, facilius ossis substantiam peruat, ibique per moram concocta, & assimilata, in naturam eius permutat.

Ad 4. respondet Fallop. in cap. 8. lib. de offib. Gal. qui medullam esse proximum, & verissimum ossium alimentum arbitratur. Licet enim omnes corporis partes ex sanguine nutrantur, non omnes tamen id eodem tempore præstant, quibus namque similis est substantia, iis mutari inter se fas est: quibus plurimum inter ipsa est discrimen, ea fieri similia, citra omnes, quæ in medio sunt, mutationes non possunt, ex Gal. 3. de facult. naturalib. ult. Hinc est quod carnes tam viscerum, quam musculorum exiguam alterationem requirant; facile namque sanguis in carnem mutatur, quoniam prius in medullam, (nam licet exanguis sit, ex sanguine tamen facta) postea in ossa transmutatio fit. Qualis ergo carnibus sanguis, talis ossibus medulla: qua ossa immediate, tanquam ex proprio alimento, sanguine verò melancholico, tanquam ex materia remota nutriri, res est manifesta, apud eos qui Galeni monumenta indefesse perlustrarunt.

## HIST. V. TRALLIANI,

### De sanguinis sputo.

**Sanguinis sputum ab spiritalibus partibus ortum, lapidis Hæmatitis usu, perfanatum.**

**E**go sanè noui frequenter me sine theriaca, aliisque prætiosis Antidotis multos curasse, lenibus usum medicamentis, & præsertim lapide hæmatite. Vñus autem eo sum in iis, qui largius sanguinem reiciebant, \* cum succo mali punici, & granis, vel cum succo Polygonij, & c. Trallianus lib. 7. cap. 1. rubric. 17. in med.

## PARAPHRASIS.

**S**ive sanguinis sputum, fluorem sanguinis, siue fluxum appellas, cruentamue per os reiectionem, parum refert, licet auctores in hoc fuerint solliciti: dummodò constet hanc excretionem esse symptoma in genere excretorum immodicè, toto genere præter naturam. Morbus autem quis sit, à quo prodeat, plerique scribentium proprium caput de hoc argumento conscripserunt. Illud tamen inter Medicos conuenit, inquit Galen. lib. 4. de loc. affect. cap. 5. sanguinem, aut è gula, & ventriculo; aut ex spiritalibus partibus, thorace videlicet, pulmone, aspera arteria; aut ex faucibus, gurgulione, ore, gingiuis expelli.

Cruenta sputio periculosa affectio est, ex Hipp. lib. 4. aph. 25. & lib. 7. eiusd. 37. & maximè si ex spiritus instrumentis emittatur sanguis; periculum enim imminet, ne curari non possit, & si durauerit, omnino postea febres succedent, Gal. teste in com. Insuper ad hoc sanguinis sputo, puris sputum non raro sequi consuevit, iuxta Senis edictum, lib. 7. aph. 15. & si hæc sanguinis reiectio intra tres dies non curatur, phlegmone deinde adueniente, omnino incurabilis affectio erit potissimum si ex erosione ortum ducat, ex Galen. lib. 5. meth. cap. 8. 11. 13. & 14.

Quapropter aggredienda illicò curatio est, & impetranda omnia, quæ sanguinem tum auertere ad loca distantia, tum incrassare nata sunt. Hæc censentur, quæ est lenta, glutinosaque substantia constant, adstringentia, obturantia, conglutinantia, ex Galen. lib. 7. de compos. medic. secund. loc. cap. 4. & 5. meth. cap. 3. quorum sylanlatè, doctèque inter omnes proponuntur Trincauel. lib. 3. de compos. medic. cap. 18. Ludouic. Mercat. lib. 1. indicat. cap. 14.

Inter hæc lapis hæmatites præcipuam obtinet vim, cuius est in retinendo sanguine mira potestas. Eius efficaciam, & mirabiles dores retulerunt Dioscorid. libr. 5. cap. 101. Paul. lib. 7. tract. de lapidib. Galen. lib. 9. de simplic. ris. de hæmatite. Plin. 36. cap. 21. & 22. Serap. lib. de simplic. cap. 421. Simon Genuen. cap. 411. Auic. lib. 2. & alij: nec immeritò: nam oculorum scabrities cum melle repurgat; cum lacte autem muliebri, lippitudini, fractis, &

oculis cruore suffusis opitularur; bibitur contra difficultatem vrinz, & fluxiones mulierum in vino: pus ab vlceribus repurgat, exiccat, & putrefactione defendit, siue substantia eius, siue infusum propinetur; & quod plus est, vñice prodest iis qui sanguinem reiecerunt.

Assumendus hic lapis, frigidis actu medicamentis commixtus, quæ inspissant, adstringunt, siccant, crassant cohibent sanguinem vndeque manantem sistunt, & ad omnes immodicas excretiones valent eximiè. Si verò cum tepida sæpius pro compescendo sanguine ab spiritalibus partibus manante Galen. propinat, id in iis qui copiosè sanguinem non expuunt, facit, vt aquæ calore promptius medicamentum ad longinquas thoracis partes penetrare possit. Scis enim medicamenta pectori conferentia semper aliquid vehiculi debere secum deferre, ex sententia Galen. 4. de compos. medicam. sect. loc. cap. 7. Nam quod per multorum corporum media, membro patienti est occursum, omnino exoluitur, & viribus deficit, si ab initio fuerit imbecille; tantum igitur aduentitij roboris adiungere oportet, quantum in transitu amittitur: ob id igitur in thoracis inflammationibus, quæ in parte summa consistunt, ea quæ laxare possunt sufficiunt.

Probatur friabilis, saturato colore, niger, durus, suapte natura æqualis, nulla sorde admista, vtitur vt Phrygius. Vñtus, in porphyrite modicè læuis sit, quò, cum necessitas cogit, vt licet cum succo Polygonij, hoc est, sanguinariz, quæ, vt suprà citati auctores affirmant, habet vim quandam adstringendi, fluxiones repellit, siccant, & leuiter crassat, prodest cruentæ excreationi, & fœminarum profluvia sistit. Fœminâ mas efficacior est.

## D V B I V M I.

*Num mala punica cruentæ excretioni sint accommodata.*

## COMMENTARIUM.

**C**um succo mali punici.] De punicorum differentia sat plura dixere veteres, & iuniores ferè omnes, de quorum numero sunt Diosc. lib. 1. c. 127. Auic. lib. 2. tract. 2. c. 319. Aëtius teor. 1. ferm. 1. tit. de punico. Auic. 5. collig. cap. 40. Rasius lib. 3. ad Almanf. 20. Diosc. interpretes, Christoph. à Vega lib. 2. de arte medend. sect. 3. c. 6. rubric. 2. Ludouic. Mercat. tom. 1. clas. 2. quæst. 164. num. 74. Bruyerrin. Anton. Gazius, & alij, qui hæc triplici distinguunt specie, alia enim sunt dulcia, alia acida, alia vinosa. Punica licet boni succi sint, stomacho vtilia, exiguum alimentum præstant; dulcia tamen calidiora sunt, vnde in febribus abdicantur. Dixerat enim Hip. lib. 1. de diar. num. 29. Succum mali punici dulcis aluum mouere, haberéque quidpiam æstuosum, & c. Nocet enim acutas habentibus febres, vt cit. loc. Auic. confirmat. Est enim corruptioni, inflammationique paratissimus: sputum tamen prouocat, tenuem coquit humorem, & expulsionem aprissimum reddit: qua de causa Auic. 10. 3. tract. 5. cap. 10. punica dulcia in pleuritide probat: sunt enim pectori amica, & in caliditate temperiem seruant, 4. simpl. cap. 9. & doctè natauit Ioan. Bauhin. lib. 1. hist. Plant. cap. 27.

**E** Acida adstringunt, æstuant stomacho auxiliantur, sanguinis, aut bilioli humoris sæuitiem compescunt, feruorem corrigunt, putredinem mirum in modum refrænant, corruptionem sedant, humorum vehementes motus retundunt, appetentiam mouent, os ventriculi firmant, vaporum ad caput exhalationem impediunt, aluum sistunt, & alias immodicas excretiones cohibent. Denique in pestilenti statu optimum, cardiacumque alimentum præstant, & ad putredinem arcendam valde idoneum. De quorum vi eximia, lege Aloysium Mundellam lib. epist. 3. Hermol. Barb. lib. 1. corol. cap. 161. Marcel. Virgil. lib. 1. in Diosc. cap. 131.

Demum tanta est huius succi præstantia, vt eo fuisse curatam Cardialgiam, à vitioso humore ad os ventriculi confluyente subortam, affirmet Gal. lib. 2. aliment. cap. 24. de punicia, referens Hip. historiam latam lib. 2. epidem. in imie.



inis, quæ sic se habet. *Mulier, cor (hoc est, os ventriculi) do-*  
*lebat, & nihil remittebat dolor. Huic polenta pollen in mali*  
*punici succum inspersus, & semel in die acceptus in cibo satis*  
*fuit, & non renomebat, veluti Charioni contigit, &c.* Robo-  
 rato namque ore stomachi ad medicamentum vim, & leua-  
 ta natura, retusus nempe ad id confluentibus excremen-  
 tis, factum est, ut hæc in ipsius tunicis imbibita expelle-  
 rentur grauissima damna deinceps, ad consensum quem  
 hæc pars cum præcipuis obtinet, paratura. Nec Hip. in  
 præsentem usum aliud poterat vilius excogitare medica-  
 mentum; adstringens enim, & refrigeratorium cum sit, bilis  
 acrimoniam attemperando, laxatum, & concussum ven-  
 triculum adstrictione defendit, & est in causa, ut ea quæ  
 adest bilis, dolorem non faciat, & quæ nondum fluit, flue-  
 re desinat; quare in syncope, aliisque affectibus, à bilioso  
 humore subortis, mirabilem opem affert, ut lib. 1. ad Glau-  
 c. ult. retulit Galen. nec immerito: quous enim modo eo  
 utaris, siue totis granis per se, aut cum pane manducatis,  
 siue hausto succo solo, siue panis micis in eum iniectis,  
 siue eius succum cum aliquo idoneo cibo admixto edas,  
 ut cum prissana, amylo, aut cum polenta, mirabilem præ-  
 fertim æstatis tempore, & in picrocholis, senties vtili-  
 tatem.

Vinosa punica mediam sortiuntur naturam, sitim se-  
 dant, flatum generant, qui facile discutitur, cum eorum  
 succus tenuis sit ac minimè renax.

Sed dubitabis, quid fieri possit, ut acida, de quibus Tral-  
 lianum hoc loco loquentem intelligo, cruentæ excretioni  
 profint, si ea aperiunt & incidunt? Nam Gal. lib. 2. de ali-  
 ment. facult. cap. 2. 1. scribit, acida, cum succum viscidum in  
 ventre inuenerint, ipsum incidere, ac deorsum subducere,  
 ob idque deiectiones humectare. Quoniam acida frigidi-  
 tas subtilium est partium, sic docente Magistro lib. 4. de  
 simpl. medicam. facult. cap. 3. 7. 8. & 17. Qua de causa Me-  
 suës lib. 1. theoremat. eodem, sic ait. Acidum penetrat, ape-  
 rit, incidit, diuidit, tenuat, terget; citò agit hæc opera, sed in me-  
 dio valentium, & imbecillium est, sua denique substantia te-  
 nuis acce obundat, dulci & insipido vigorem addit, &c.

Acidam autem frigiditatem tenuium esse partium, cit.  
 lib. simpl. cap. 7. multiplici ratione Galenus confirmat. Pri-  
 ma, quod illa tenuis essentia sit. Secunda, quod velox est  
 acidorum saporum transirus in sentientibus corporibus.  
 Tertia, quod acida omnia in alio magis agere apparent:  
 Sed, quod frigidum subtile acidam efficiat qualitatem, à  
 priori probari etiam non obscure potest. Nam ea gene-  
 ratur ex acerbitate, per aëreæ humiditatis ademptionem,  
 frigiditate manente. Si namque non maneret frigiditas,  
 sed loco eius calor succederet una cum humiditate, pin-  
 guis efficeretur sapor, vel dulcis; pinguis quidem, si hu-  
 miditas esset aëreæ; dulcis verò, si aquea. Rursus aciditas  
 in saporibus, teste Galen. 4. lib. de simpl. medic. facult. cap. 15.  
 nasci potissimum videtur, dum à calido quidem mutatur, ut  
 tamen non superet: id quod ex acidis ructibus, vel maxime  
 coniciat: nam hi haudquaquam, ubi nulla prorsum facta in-  
 uentre est ciborum alteratio, prouenire solent: quemadmodum  
 nec ubi optime concocti, sed tantum ubi semicocti, ut si a dixe-  
 rit quis, fuerint. Vocat autem semicoctos ipse, qui à ventri-  
 culi calore alterationem perpeffi, non etiam perfecte ab eo su-  
 perati fuerint. Sic lac, prissana succus, & quæcunque eius sunt  
 generis, tempore æstivo citius aescunt, quam hyeme: postulant  
 que ades frigiditas, ut in his reposita plusculo perdurent tempe-  
 re. Ex quibus omnibus patet, quod à calore mutante quidem,  
 non tamen prorsus vincente, aciditas generetur: atque ob id  
 plerisque inest fructibus priusquam maturerint. Hæc Gal. &  
 deinde subdit, Simile quid acidis saporibus vsuuenire, quod  
 borealibus ventis accidit, ut tenuis scilicet essentia sine similitu-  
 dine frigidi. Ex quibus colligit, eos sine calore non nasci si-  
 cut nec ipsum boream. Ab hoc calore quidem ebullitio-  
 nem efficiente, nondum tamen alterationem perficiente,  
 in lacte, vino, & succis omnibusque aescunt, partes igneæ,  
 & aëreæ, quæ prius inerant, dissipantur, & resoluuntur prom-  
 pte, utpote ad digestionem, & resolutionem habiles, terre-  
 striores verò, atque aquosæ, cum discuti præ crassitie ne-  
 queant, funduntur atque attenuantur satis, unde sapor ori-  
 tur acidus, represso calore, & interna frigiditate simul cum

Lib. 11.

A essentia tenuitate vincente. Quare patet euidenter, acidam  
 frigiditatem tenuium, & subtilium esse partium, quarum  
 vi tenuare, aperire, & incidere potest. De hac re lege Bar-  
 tholomæum Anglicum, lib. 19. de proprietatibus rerum,  
 cap. 47.

Licet autem hæc vera sint, laborandum est, ut mentem  
 Tralliani patefaciamus. Eum ergo de succo mali punici  
 cum nucleo assumpti intelligas velim; hoc enim modo  
 aluum sistit: si verò citra nucleum deglutiat, secedit, &  
 pronocat. Quæ solutio ex summi diætoris doctrina de-  
 promitur manifestè, in lib. de affectionibus, num. 49. 5. Ma-  
 lum punicum reficit, & pisoriosum est, & cum nucleo quidem  
 aluum sistit: citra nucleum verò secedit, &c. nam, ut Paul. lib.  
 7. tit. de punico ait, duriozem, & crassiozem substantiam nu-  
 cleum habet, quare plus adstringit, siccatur, & crassatur.

Solue 2. & fortasse melius, si Trallianum de succo ma-  
 li punici nimis acerbo intelligas; quum enim acerbus sa-  
 por, sit intensè austerus, ex Gal. lib. 4. de compos. medicam.  
 per gener. cap. 5. & lib. 4. meth. cap. 7. & vehementer adstrin-  
 gat, ex Gal. lib. 7. meth. cap. 7. & lib. 4. de simpl. medicam. fa-  
 cult. cap. 7. & Auic. lib. 2. tract. 1. cap. 3. & ex substantia  
 crassa, frigida, terrea atque sicca fiat, patet euidenter con-  
 trahere, constringere, densare, repellere, incrassare, refri-  
 gerare, & exiccare, ex Galen. loc. cit. Quare ab Hip. &  
 Galen. lib. 7. aph. 37. acerba dicuntur vomitum sanguinis  
 sistere vehementer. Austera autem esse, & acerba mali  
 punici genera, in citatis locis ostendit Gal. Vtræque eisdem  
 affectus præstare firmant Auic. loc. cit. Auerr. 5. collect.  
 cap. 27. Serap. cap. prop. quo titulo 5. lib. meth. cap. 14. in  
 hepatis inflammatione ea denegat, quoniam bilis meatus  
 arctant, & bilem ipsam excerni prohibent. Lege de puni-  
 corum differentia, & viribus, Ludonic. Nonnium, Medi-  
 cum præstantissimum, lib. 1. de re cib. cap. 31. qui hæc  
 omnia adamussim exarauit.

## HISTORIA VI. TRALLIANI,

## De sanguinis sputo.

Sanguinis sputum ex frigida distillatione  
 ortum, candenti ferro in capite  
 apposito, curatur.

Go itaque noui, me cuidam alium, qui eiusmodi fluxionem  
 in thoracem, etiam ex frigida intemperie sustinerent, can-  
 denti quoque ferro in capite uti præcepisse: ac cum ager id  
 promptè fecisset, mirum quomodo omnia simul cessauerint, &  
 copia que insuebat humida, & tussis, in posterum verò ager à  
 fluxionibus in thoracem liber, ac immunis permansit, &c.  
 Trallianus lib. 7. sui operis, cap. 1. rubric. nup. cit.

## PARAPHRASIS.

Q Vot mala secum afferat cerebri frigidi humidi in-  
 temperantia, ostendit Galen. lib. 6. de sanit. tuend. cap.  
 9. & lib. 2. de differ. febr. cap. 11. & 3. de caus. symp. cap. 4.  
 Huius enim signa sunt apud ipsum, in art. medic. cap. 22.  
 excrementorum copia perpetua, quoniam huius abundan-  
 tiæ causa, est frigiditas impotens concoquere, & resolue-  
 re; quæ propter caput hoc modo intemperatum, reple-  
 tionem fit obnoxium, distillationibus, & grauedinibus facile  
 tentatur. Quare Auctor lib. 4. de morb. num. 17. caput esse  
 partem plurimis morbis correptam differatissime pronun-  
 ciavit. Et Hip. in epist. ad Democrit. num. 20. caput omnium  
 malorum originem esse, libenter cōtestatus est: quod etiam  
 dixit Plato in Timæo, qui innumerabilium ex capite pro-  
 fluentium morborum æternum orti confirmat.

Ad hæc. Caput sicut recipit promptissime, sic citissi-  
 mè noxium à se depellit, ut ait Galen. lib. de curand. curat.  
 per sang. mis. cap. 8. habet enim ingentes ventriculos, qui  
 decliuis mearibus euacuantur. Cum enim ab omni  
 parte ad cerebrum possint humores deferri, ex Gal. lib. 1.  
 prorrh. sect. 3. com. 6. nihil mirum si ipsum, acervatam

superfluitatem ad partes inferiores excreant, velut oculos, tempora, aures, labra, dentes, maxillas, palatum, gingivas, os, laryngem, paristhmia, asperam arteriam. Demum nulla est pars, in quam caput sua excrementa non detruat, quoniam cum omnibus præsertimque nervosis, mitum obtinet consensum, ita ut affectionem digiti pedis illico perferat, sic monente Magistro lib. 1. prognost. com. 23.

Hoc tamen intelligas, dummodo partes inferiores sint imbecilles, & ad recipiendum paratissimæ, ut lib. 2. de diff. feb. cap. 11. ipse admonuit: aliter enim coercitus in cerebro humor lethales morbos committit. Sic si refrigeretur cerebrum, fatuitas contingit, ex Gal. lib. 4. de presag. ex pulm. feb. cap. 8. & 2. de loc. c. 2. Fiunt etiam Carus, & morbus comitialis, ex Gal. lib. de instrument. odorat. cap. 8. etiam insensibilitas, & immobilitas hominem premunt, ex Gal. lib. 13. meth. cap. 22. Sic cerebri ventriculis compressis sensus amittitur, & motus, Gal. lib. epid. sect. 1. com. 2. Si cerebri ventriculis collisis totum animal sopitum iacet, ex Gal. lib. 3. de placit. cap. 5. in fin. Sic præ nimia frigiditate affecto cerebro, fiunt resolutio, oris tortura, tres illæ celebratissimæ convulsionis species, cataphora, vel cataleptis, amittitur memoria, oritur incubus, melancholia contingit, & vehementissimæ oriuntur affectiones, quæ accedente nimia humiditate fiunt deteriores, ut lib. 6. aph. com. 2. scitè Gal. edocuit.

Cerebrum, ergo frigidum & humidum hæc mala parit, & longè graviora, si in partes vitales fluxio decumbat; hanc enim illæ, thoracis dilatatione, & compressione promptè recipiunt, quæ cum humida sit, vasa relaxat, molliora, flaccidaque reddit, & ruptioni quavis de causa obnoxia.

Huius affectus curatio præcipua in roborando cerebro consistit, ne deinceps ipsum debile, habitualique intemperie affectum, superuacaneum humorem in inferiora detruat. Quo pacto autem id firmare oporteat, explicant auctores ferè omnes, qui in curanda distillatione primas tenent: de quorum numero sunt Donat. Anton. ab Alto mari, lib. de medend. humani corporis malis, c. 43. Lud. Mercat. lib. 2. de mor. intern. c. 1. Petrus Væzius in com. medic. cap. 11. Vidus Vidius, Mercurialis, Massaria, & omnes alij qui de catarrho, rucedine, distillatione, & alijs rheumaticis defluxionibus peculiariter conscripserunt, & nos de febre rheumatica, seu catarrhali, observationem elegantem proposuimus, lib. 3. de praxi admiranda, obs. 12.

Si verò omnia fuerint actitata præsidia, roborantia, vacuantia, & quæ frigidum humidum cerebri intemperamentum corrigant, atque emendent, & præ sui contumacia non succumbat affectus; tunc ad ea devenire oportet, quæ fluxurum humorem in pulmonem, & respiratoris vias, revocare queant. In quem usum parnas vitiones candenti ferro celebratas, in capitis circumferentia infigere, optimum censetur auxilium, præsertim si ab externis vasibus capitis ad eius intima fluxio decumbat. Sic enim advertitur humor excitatis ulceribus, diuque fluidis permanentibus, qui suapte natura in thoracis partes, tanquam imbecilliores, defluere solet, ex quo sæpe sanguinis spiritum, anginam suffocantiam, difficultatem respirandi, ralem, & alia formidabilia mala oriri, fidissimo experimento compertum est.

Quapropter si frigida humida intemperie cerebrum laboret, suæque excrementa in subiectas partes, præcipuè in thoracem detruat, cauterium bregmati imponere est ex usu; nam ignem frigidis tum humoribus, tum intemperantiis, & potè contrarium summo opere opitulari, pricorum doctissimi confirmarunt, qui ad prohibendum rheumatis à capite ad pectus defluxum, in capite hac de causa cauteria adhibent: quod auxilium inueterata spirandi difficultate, & medicina omni frustra adhibita, legimus fecisse Aëtium retrab. 2. serm. 4. cap. 57. & in resolutione, posito cauterio in vertice, retrab. eod. serm. 4. cap. 28. de quo instituto plura de huius mirabilis præsidij efficacia diximus, in lib. 1. in com. Hist. 20. Explicant eleganter Fuchs lib. 2. de medend. morb. cap. 7. Michaël Ioannes Paschal, lib. 7. de medend. morb. cap. 25. Amal. 2. centur. 1. & in se-

quenti historia agemus. Reuelliur enim sic humor in spirituales partes defluxurus, qui in cerebro debili non potuit concoqui, nec resolui, & assidue magis ac magis, vel ex purissimo alimento regignitur. Quare si fontem malorum excindere, roborare caput, vehementiamque naturalis intemperiei habitualis corrigere non possumus, humorem, qui necessitate quadam ex cerebri imbecillitate nimia generari solet quominus præcipuas, magisque præstantes partes copia sua molester, vacuare necessitas cogit. Hæc omnia cauterio in capite excitato compleri, res est ab omnibus vnanimiter celebrata, siue in bregmate, nucha, aut in capitis circumferentia excitetur. Videntur in hanc rem Mercatus lib. 1. indicat. cap. ult.

## HISTORIA VII. GALENI,

### De sanguinis sputo.

#### Curatio mulieris, quæ ex distillatione sanguinem expuerat.

Quemadmodum verò, qui ex catarrho sanguinem reiciunt commodissime tractentur, nunc dicemus, proposita, (claritatis causa) curatione, quam Roma in splendida muliere peregit. Hac namque cum eiusmodi sermones audisset, quales nunc de iis, qui sanguinem ex pulmone reiciunt, habuimus, siue ex catarrho id, siue vehementi tussi paululum quiddam per noctem expuerat, illico ad me misit, se quidquid exigerem præbituram promittens. Audiuerat verò ante id tempus, nisi quis illico præsidium strenuè afferret, priusquam vlcus phlegmonem contraheret, eum operam amissurum, atque banc esse præcipuam eorum, qui sanguinem reiciunt, interitus causam. Igitur incidere venam mulieri, quæ iam quatrimum propter catarrhum propemodum sine cibo egisset, non placuit: sed iussi, ut acri vteretur clystere, tum crura manusque calfacienti pharmaco plurimum fricaret, & vinciret: mox caput raderet, cui deinde medicamen, quod ex Palumbium stercore constat, imposui: interpositisque tribus horis in balneum duxi, ac laui, nullo caput convingens: pingui. Dein caput idoneo pileo contexi, & pro eo, qui tum erat, temporis statu, nurini sola sorbitione. Postquam statim fructum aliquem autumnalium austerum dedi: Deinde cum dormitura esset, quod ex viperis conficitur medicamentum dedi (theriacum vocant) circiter quatuor menses ante confectum: habet enim id ætatis adhuc prævalentem papaveris succum, qui in antiquatis ignis redditur, idcoque & somnifer: melli, & fluxiones tum ficit, tum leuiter crassat. Finis verò prorsus catarrho, liquida constabat, tum ex respirandi specie, tum sonitu semel excitata iussit pulmonem expurgatione egere. Ceterum, exhibere hanc non placuit secundo saltem die: sed in omni tacitate, & quies muliere servata, tum artibus eius perfractionis, vinetisque iussi: reliquas omnes partes perficari, excepto capite, quod adhuc ex medicamento incalcebat. Rursus autem vespere dedi theriaces, cuius faba nostratis magnitudinem, erat verò quod pridie acceperat hoc longè amplius. Postea verò cum hac quoque nocte probe dormivisset, tertio die maxè mel colatum exhibui, ac in quiete servari. Procedente verò die totum corpus similiter perficui, ac prissanè cremorem cum pane exiguo pro cibo sumere iussi. Mox quarto die mane quidam dedi medicamentum, quod ex viperis fit, sed quod iam in ætate vigoris esset, idque cum copioso melle. Capiti verò mulieris eodem pharmaco (quod vehementer tum ficit, tum cæter facit) imposito, ac deinde ipsa lota, maritæque modicè, valentiùs iam pulmonem expurgare in quinto sum aggressus. Addebant rursus rursusque ex intervallo, ad caput quidem consueto cerato quod thapsiam recipit, sum usus. Totam verò corporis curam, in gestatione, frictione, ambulatione, lavandique abstinencia, ac vitu, tum moderato, tum boni succi, ad reficiendum direxi. Hæc itaque rectè se habuit, minimè lætis opem requirens, & c.

Galenus lib. 5. meth. pib. lib. 1. cap. 13.

P A R A

## PARAPHRASIS.

**M**emorabilis est historia hæc, in consultationibus præ oculis semper habenda; nam vitia, multa continet & notatu digna: rectam enim tradit methodum curandi morbi grauiissimi, & periculosissimi, omni sexui, ætati, regioni, anni tempori, & hominum sorti communis; in cuius descriptione ita peculiare notas, diem, & horam; in quibus administrata præsidia fuere, exponit; ut hoc exemplo, vniuersalis præcepti vim videatur palam facere.

Nobilissima ergo femina Romana, cum ex catarrho, cum vehementi tussi sanguinis paululum expueret, remque periculo plenam, vel à Galeno publicè, vel in alicuius diuitis domo disputante quum audiret, cum ad curationem conuocauit, se in omnibus obtemperaturam pollicita. Nam Romani diuites, gulæ, luxurique, maximè dediti; Medicis minimè erant obediētes; quibus minus bene, quàm pauperibus administratur medicina; & hi facilius quàm illi curantur, & à periculosissimis morbis euadunt, ob multas causas citatas à Galen. lib. 11. met. c. 15. & lib. 3. de compos. medic. per gener. cap. 2. Hæc ergo Matrona, licet splendida & diues, ob futuri periculi timorem, præceptis medicinalibus obediētiore facta est, antequam vlcus phlegmonem contraheret; nam si inflammatio semel hominem inuasit, vel admodum exigua, vel potius nullam glutinandi vlcis spem relinquit, scripsit ipse, lib. 5. meth. cap. 8. phlegmones verò signum, febris est, ex ipso, lib. 7. aph. com. 37. Curantur autem quæ sunt absque inflammatione, vlcera difficilè: facilius tamen iis, quæ cum inflammatione, ac febris affligunt; hæc enim non solum curari non possunt, sed nec in eadem magnitudine permanere; semper enim maiora fiunt, ac maligniora.

Pro sanguinei spuri curatione, sanguinis detractionem reuulsuam maximo esse ex vsu, eleganter ostendit Galen. lib. 5. meth. cap. 8. nuper citat. & lib. de curand. rat. per sang. mis. c. 1. atque alibi sæpe. At eam in præsentem non obseruauit, quoniam paululum tantummodo sanguinis illa expuerat, neque erat magnus affectus, magni auxilij celeritatem desiderans, cuius augmentum aliis auxiliis poterat impediri: aliis ergo reuellentibus uti maluit, nempe clystere acris, ligaturis, ac frictionibus vehementioribus, quibus reuulsus, & totus catarrhus est, & fluxio omnino impedita. Hæc enim præsidia humores in thoracem irruentes retinere posse, firmiter Galen. lib. 1. ad Glauc. 14. & lib. 8. de compos. medicam. secund. loc. cap. 4. Explicat luculenter Orbalius lib. de reuulsione, cap. ult.

Magnus autem, hoc est, totum illud quod ab humero vsque ad summos digitos protenditur (brachium appellamus, ex Gal. 13. meth. cap. 5. & in eodem lib. cap. 11.) fricare plurimum, ac vincere iussit, ut vehementior diuersio fieret; in quem vltim calfaciens pharmacum addi iussit, ut calore à calfaciente medicamento in carnibus brachiorum excitato, validior esset attractio: medicamentum autem, vel poterat esse oleum aliquod calfaciens, cum aceto, vel pulvere sinapi, vel decocto, aliquo calefaciente commixtum, quod suapte visum attrahere, tum absumere attractum humorem posset.

His executis caput radendum imperauit, ne forte pili medicamenti penetrationem impedirent; maximè, quum cranium ossum sit, crassum. Capiti raso medicamentum apposuit potens, ut celerrimè ob periculum reuelleret, exiccans & excalfaciens; huius enim præsidij ope, intemperies frigida & humida cerebri corrigitur, catarrhusque frigidus humidus, ac tenuis à pulmonibus auertitur, suo ipso impetu, in spirituales partes debiles defluxurus. Fuit autem medicamentum huiusmodi, ceratum ex columbino stercore confectum, & quod ex thapsia componitur.

Columbinum stercorens exicare valenter, vnaque excalfacere euidenter, ex Gal. doctrina probari potest; quia illud ob innatam siccitatem, ex se vaporem emittit aptum ad vrendum, ex quo tota domus in Myria, Asia parte conflagrauit 3. de temp. 4. nam præterquam quod stercore omnia, ob nimiam putrefactionem, valida pollent attra-

hendi vi ex Gal. 5. lib. de simpl. medic. facult. cap. 17. extrinsecus etiam imposita, impensè attrahunt, siccant, & excalfaciunt, ex Paul. lib. 7. tit. de stercor. columbinum magis exicat, quoniam siccior temperamento constat hoc animal, & maximè si agreste sit, in turribus nimirum nidificans, ut ex antiquorum mente probat Conradus Gesnerus lib. 3. de histor. animal. cap. de columb.

Huius medicamenti compositionem eandem esse cum Cerato de euphorbio, Galen. docet, lib. 3. de medic. compos. secund. gener. c. 6. qui antè in cap. 4. ex vna euphorbij parte, cera tribus, olei duodecim, illud componi scripsit. Loco autem euphorbij, si columbinum stercore substitueris, emplastrum ex columbino stercore parabis: sit autem stercore non admodum vetus, cuius vis iam exoleta est; neque admodum recens; nam humidius; sed medium, circiter annum, quum turres ab eo expurgari solent; leuiget ut optime, & in subtilissimum puluerem redigatur. Oleum sic ex calidioribus, quale Sabinum, aut Cicinum, purum, pellucidum, vterisissimum: quantò enim diutius fuerit reueruatum, tantò magis calefacit, & discutit, ex Paulo lib. 7. tit. de oleo. sic enim vigorosius ceratum reddes. Ex thapsia ceratum efficies, ex oleo cera liquato, & duodecim thapsia parte admixta: cuius tam radix, quàm succus, calore nimio & feruido, ex alto insigniter trahunt, si Dioscoridi lib. 4. cap. 15. fides est adhibenda, & Theophrast. lib. 9. de plant. hist. cap. 22.

Interpositis tribus horis in balneum duxit particulare, nempe capitis lauacrum solum consuluit, quum capiti emplastrum calidum apponit. Eius mentem explicat Auic. 10. 3. tract. 3. cap. 6. dum enim huius mulieris historiam ex Galeni loco recitat, sic ait: & præcepit eam ingendi balneum propter medicamen, &c. hoc est, ob medicamenti acrimoniam: nam vntus medicamentis calido mordacem calorem sentit, ex Galen. lib. 1. de præsig. ex pulsib. cap. 1. Feruor enim, & acuties medicaminis calidissimi, nullo melius præsidio, quàm lauacro corrigitur ac emendatur. Si enim est repidum, eius acrimoniam mitissime hebetat, atque contemperat, intemperiem calidam à pharmaco inductam demulcet, & dolorem hæc ipsa de causa contractum vehementer lenit, & ob calorem reuellit à pectore, ut notat Iacchina in comp. cap. 34. in fin. lib. 9. ad Almanf. Si frigidum est balneum, eadem parere utilitates non est dubitandum, firmatque Auic. 3. 3. tract. 1. cap. 10. Neque mireris particularem lotionem, huc fomentum posse dici balneum, hoc enim expresse concedit Gal. oculorum dolorem curaturus in com. sem. 31. lib. 6. aph. 5. Ac primum quidem adolescentem balneauit, &c. & infra 5. Solei enim in his fomentum parumper dolorem lenire, &c. & infra 5. In quibus per signa cognoni infuere quidem humores acres ad oculos, non tamen corpus esse plenum, balnei usu dolorem sedant, &c. Hac ratione in particulare balneum, seu lauacrum, mulierem deduxit, hoc est, caput lauandum imperauit, ut scilicet nimia in cerebri excalfactionem, & utis excoitationem, ex rubificantibus medicamentis contractam mitigaret.

Nulla caput vix pingui, hæc enim sua humectatione maximè lædunt caput, quod exiccantia exposulabat præsidia. Monuit autem hæc Galenus, nam Romanæ feminae post balneum vnguentis odoratis caput vngebant. Post hæc idoneo pileo caput contexit, ne forte ab ære frigidiore læderetur, frigidum capite, è balnei domo exiret, quæ calida semper esse solet. Coopersit autem caput temperato pileo, pro eo qui tum erat æmptis statu, hoc est, leui, non graui, ne forte ob anni tempus, vel cœli calidam constitutionem, imposito alio granaretur. Datæque mox sorbitione sola, ut vires ex acutis clysteris exoluentis vehementia, debiles factæ, multa oblata, alimenta non offenderentur, sed rescicerentur.

Hac exhibita, fructum aliquem autumnalem austerum dedit, tanquam stypticum cibum medicamentosum vna apertæ osculum occludentem, & qui sanguinem adstringentem gigneret, qui vna ob signationi præsidio esset. Autumnalem autem voluit esse, ad differentiam eorum, qui à Græcis Horarij appellantur, quos Gal. 2. de aliment. facult. cap. 2. in medio caniculæ nasci asseuerat, ut cucurbitæ, mora, penopes, persica, &c. autumnales autem,



aurum tantum tempore vigent, ut pyra duriora, cydonez, melpila, sorba. Eidem indicationi, ut ad plenum satisfaceret, recentem Theriacam exhibuit, quæ excellenti sua frigiditate sanguinem cogit, erumpentis sanguinis impetum sistit, & ad motum inhabilem reddit. Cur autem hoc verum sit, si maior copia calidorum medicamentorum, quam frigidorum in eius compositionem ingreditur, quæ potius vigiliam, & sanguinis fluxum, quam somnum, & adstrictionem facere nata sunt, ex medicinz, & philosophiæ principiis, in lib. 1. in com. histor. 27. in fin. latius demonstrauimus. Huius ergo medicamenti vi, & efficacia somnus est sequutus, quo nullum est excellentius in hæmoptoisi auxilium: nam præterquam quod potentias animales demulcet, vigorat, & refocillat, sanguinem vnde quaque manantem compescit; somnum enim omnes vacuationes cohibere, excepto sudore, apud omnes certa res est, ut infra in com. hist. 77. differemus.

Finito verò catarrho, & cessante fluxione ob adhibitas reuulsiones, ceratum exalfaciens & fluxionem exiccans, victumque tenuem; liquidò apparebat ex respirandi specie, & sonitu excitatæ tussis, pulmonem expurgatione egere excrementorum, quæ à capite fluere solebant, & grumosi sanguinis in pulmonis anfractibus, visque spiritus imbibiti. Pro complendo hoc opere, mel, si quod alterum, medicamen est præstantissimum, ad abstergenda quæ in thorace, & pulmone erant infarcta, & ut frigidorum medicamentorum, nempe theriacæ recentis, & fructus austeri vires ad pulmonem deferret. Cum enim medicamentum, quod ad pulmonem est perueniendum, multas officinas pertranseat, nempe os, fauces, stomachum, ventriculum ipsum, mesenterium, cauum, gibbumque iecoris; concuam venam, cor, & hoc modo ad pulmonem perueniat, ut eleganti oratione differit Galen. lib. 2. ad Glauc. c. 2. ut bechica, tussiculatæ, arteriacæ medicamenta, quorum facultas maxima est, thoracem, ac pulmonem à vitiosis humoribus mundandi, & abstergendi. Gal. lib. 5. de simpl. medic. facult. cap. 1. & lib. 7. de compos. medic. sec. loc. cap. 1. semper secum vehiculum aliquod deferant, sit necesse, ex Gal. lib. 4. meth. cap. 7. quo titulo, mel, ut optimum, thoracis ac pulmonis vlcibus approbat.

Percontaberis, quare mel, cum sit tenuium acutarumque partium, & hac de causa sanguinis fluxum de nouo præor. tare possit; consuluit hoc loco Gal. Respondet Magister lib. 7. citat. sec. loc. cap. 4. in hunc modum *Miscentur autem prædictis congruenti mensura, tum calida, tum tenuium partium existentia, quæ infestissima sunt tribus prædictis affectionibus, apertioni videlicet venarum, rupturæ, & corrosioni: cuius rei gratia itaque miscentur? Distributioni nimirum ipsorum in corpus; etenim adstringentia, viacosa, ac tenacia sibi ipsas vias præcludunt; quare opus habent facultate sibiipsis struente, ac præparante, &c.* Hac de causa in tanta quantitate mel exhibuit; ut in ventriculum descendens, quin vires suas amitteret, ad pulmonem peruenire posset. Obtulit autem coctum, ut ipsius succus tenuis & acris, quo abundat, eximatur. ex Gal. lib. 1. de alimentor. facult. cap. 10. Sic enim coctum, & curiosè despumatum, demptis crudioribus excrementis, minus flatuolum est; & magis nutrit, ex Galen. lib. 7. meth. cap. 7. & lib. 3. de alim. facult. cap. 38. & lib. 4. de sanit. tuend. cap. 11.

Porrò mellis vsum ad tertium vsque diem prohibendum censuit, ne excitata tussis venæ coctio impediretur, ob quam causam, quietem, silentiumque imperanti, ne fortè ob corporis morum, & sermones; ex quibus pectoris & pulmonis incendium sequi solet, conglutinata vena referari posset; in cuius rei gratiam iterum theriacam recentem propinandam iussit. Cum verò sanguinis expulsiō, & catarrhi fluxio cessasset, Theriacam vigentis ætatis offerendam voluit, ut nimirum exiccaret, & cerebri frigidam & humidam intemperiem corrigeret; qua de causa ceratum, ex thapsia, & stercore columbino toties capiti imposuit. Omnibus verò feliciter in hac curatione cunctantibus, totum præseruationis cardinem posuit Galen. in gestatione, ambulatione, sictione, quorum mediocrem vsum consuluit, ut calornatiuus exercitio recreatus, excrementorum promoueret purgationem: validiorem pro-

hibuit, ne scilicet vehementi motu, sanguis iterum ebulliens de nouo reciduum concitaret. A balneo tanquam emolliente, aperiente, ac corpus relaxante, ipsam abstinuit. Et ut sanguis deperditus restauraretur, boni succi victu alendam censuit; eumque moderatum esse præcepit. Et enim conualescentes, corpore malè habito, graciles, imbecilles, attenuati, exangues, ob dissolutum natium calorem, ob prostratas membrorum vires, & exhaustum spiritum vitalem, ob præsidia vacuantia, vigiliæ immodicæ, & inedia, optimis cibis; euchymis, concoctu facillimis, congruo tempore, mensura, & debito ordine exhibitis reficiantur, est necesse; quoniam ipsi promptè ex quouis delicto læduntur, ita docente Gal. lib. 2. de differ. febr. cap. ult. & cum humido nativo, ac benefico priuentur, & gracilescere, extenuarique eorum corpora contingat; omnino necesse est illa esurire; & plus appetere quam ventriculi facultas debilis concoquere possit; quare cruditas oritur, quæ est omnium malorum seminarium atque origo, si fidem adhibemus Auic. 13. 3. tract. 3. cap. 2. Quare eorum, qui ex morbis conualescunt, alimentum sit coctu facile, nutriens, minimè excrementosum, gratissimi & suauissimi gustus, imbelles vires mirificè recreans, citissimè alens, ventriculum roborans; facileque distribuatur, præsertim si sit cum moderamine sumptum, ut firmant Galen. lib. 7. meth. cap. 6. & alibi passim, & Auic. 2. 4. tract. 1. cap. 101. nam non ex iis quæ bibuntur, & comeduntur, sed ex iis quæ probè in ventriculo concoquuntur, sit nutritio, ut perbellè docuit Galen. lib. 11. meth. cap. 15. & lib. 4. de sanit. tuend. cap. ult.

## C. D. V. B. I. V. M. II.

*Num in cruento sputo sit hauriendus sanguis.*

### COMMENTARIUM.

**I**ncidere mulieri venam. ] In sanguinis sputo venam esse secandam, omnis Medicorum schola vnanimiter confirmat, edocta à suo Magistro, qui pro compescendo sanguine è pectore erumpente, nullum aliud præstantius auxilium venæ sectione esse asseuerat, in lib. 5. meth. cap. 3. & 8. quo loco protinus in hoc affectu, audaci animo, bis terque eodem die esse feriendam venam felicissimo experimento sibi persuasit. Quare à sanguinis missione curatio incipienda illicò, quando est cruentum adhuc vulnus, & non est facta inflammatio, vnum enim ex iis est auxilium, in quibus magnoperè attentum Medicum esse oportet. Ad prohibendam ergo inflammationem, sanguinis missio utilis est valde, quum vnum sit ex reuellentibus auxiliis præcipuum: nam eo se validam sanguinis è naribus eruptionem repente sedasse gloriatur, in lib. de curand. rat. per sang. mis. cap. 1. 1. Et maximè quum mulier illa abundauerit sanguine, & vitam, cæterarum foeminarum nobilium more; egerit sedentariam, & in orio vixerit; morbus esset magnus, ob vehemens periculum, celeritatem remedij efflagitans. Neque inedia prægressa, cum longa non esset, poterat, ut oportebat, sanguinis copiam imminuere. Præstabat ergo, ob euidentem ex sanguinis fluxione periculum, licet vires debiles essent; modicè, partitam iteratamque vacationem exercere, ut ipse suadet ubique, quàm spreto hoc generoso auxilio in certum damnum ægram deducere. Præsertim cum Paul. lib. 3. cap. 3. 1. Aëtius æt. 2. ferm. 4. cap. 60. in iis qui ob distillationem sanguinem expuunt, statim esse venam secandam consuluerint.

Secundò, Cur loco venæ sectionis, cucurbitulas non imposuit, quarum vsu illicò sanguinis fluxum vnde quaque manantem compesci, cum Hip. 5. aph. sect. 5. 0. ipse loc. citatis asseruit; hoc enim præsidium in debiliu virium præsentia summoperè commendat Celsus lib. 2. cap. 11. nam vehementissima pollet attrahendi vi, ex Gal. lib. 4. meth. c. ult. & lib. 7. aph. com. 1. His persuasi Medici, & tantorum virorum edictis edicti, ad cohibendum nimium sanguinis effluuium, venæ sectionem semper esse instituendam asseruere.

Enimverò si Galeni iudicium, exactam medendi methodum,



rhodum, vsum assiduum inquiramus, in hoc funesto morbo phlebotomiam summopere commendasse semper inuenimus, n̄ resolutus æger sit, & ex præcedenti morbo, debilis factus, vel malo constet corporis habitu.

Rarò enim accidit, ut protinus in primo, secundòve die vires imbecilles cernantur: accidit autem interdum vel propter senium. Nonnullis etiam ubi fatigatio, vstio, tristitia, vigiliaque præcesserunt, inedia per totum sequuta est diem, ut eleganter docet Galen. 10. meth. cap. 2. in fin. Quare si vnius diei inedia potest vires atterere, quantò magis quadriduana. Hanc autem resolutio humido, & minuto sanguine vires imbecillitare posse demonstratione non est opus; eam enim speciem esse vacuationis, asseruit vbiq̃ue Galenus 2. aph. 17. & 13. meth. cap. 6. & alibi passim.

Audi Auicennam huius historiz fidiſſimum interpretem, 10. tract. 3. c. 6. prope med. 5. Et Gal. quidem dixit, quòd mulieri spūm sanguinis aduenit ex catarrho, quam clysterisani clysteri acuto, & propriè quia non erat possibile phlebotomare eam, quia iam remanserat quatuor diebus, & fuerat debilitata, &c. Vbi ergo adest fames, hoc est, alimèti defectus, laborandū non est, ex Hipp. lib. 2. aph. 16. Sicut enim sanis non sunt præcipienda exercitia vna cum inedia, sic neque agris aliquis vehemens motus adhibendus vna cum cibi abstinentia; neque sanguis, mittendus est; neque citandus vomitus, neque purgatione, frictione multa, neque in vniuersum aliquo forti motu, vel corporis alteratione uti oportet: in ijs enim corporis moribus, ubi cibus defuiturus est, vires resolvuntur, sine egrotent, sine etiam sani sint homines, ut doctè Galen. aduertit in com. Hæc est causa, ob quam Medici, qui cum Galen. nobilem illam Romanam curabant, sanguinis extractionem reformidabant, ut ipse refert lib. 6. epid. sect. 4. com. 29. In hunc sensum intelligendus est Auic. 4. i. cap. 20. dum in valde famelicis tantòpere venæsectionem recusat.

Venæ sectionis loco, meritò fortes consuluit frictiones, duras, & multas; hæ enim præterquam quòd debilitant, potenter reuellunt, ex Oribas. lib. 6. collect. cap. 16. & 17. Clysterem acutum imperauit, hic enim cum ex medicamentis purgantibus, aliisque calidis rebus, & validè attrahentibus constet, ex Oribas. lib. 8. collect. c. 24. non solum vacuat, quæ in intestinis continentur, sed quæ ad caput feruntur, reuellit potentissimè, & ea quæ circa ventrem, & mesaræum, & hepatis sima sita sunt, vacuat, ut luculenter monnit Galen. in lib. 2. de compos. medicam. secund. loc. cap. 10. nam est validum auxilium, perducit ad febrem, & debilitat hepar, ex Auic. 4. i. cap. 17. & animi etiam deliquium inducit, ex Gal. lib. 1. ad Glauc. cap. 14. viresque fortes prærequirit, ex Hippocr. lib. 1. de medicament. purgat. num. 3. & lib. 1. de rat. vict. in morb. acut. text. 45. Validissimè ergo acris clyster cucurbitulæ instar attrahit, & reuellit, cum ex colocynthide, centaurio, cnico, scammonio, aliisque fortissimis & calefacientibus medicamentis sit paratus.

At quæres, & meritò sanè, si acutus clyster vires deiicit, cur mulierem ex quadriduana inedia debilitatam, cò, sicut frictionibus, ligaturis fortibus, & vltèriori inedia, vsque ad quartum à curatione diem, amplius maceravit, immò à sanguinis missione abstinit, quæ huic affectui utilis est valdè, si sit parca, & pro tenore virium celebrata? Dic: quoniam sanguinis missio plus debilitat, quàm purgatio, ut expressè probat Galen. lib. 4. de sanit. tuend. c. 4. in med. quo loco largius alium soluendam esse iis asseuerat, in quibus vel propter timorem, ætatem, aut virtutis imbecillitatem sanguinis missio exerceri non potest: maius ergo robur cum requiratur ad sanguinis missionem, quàm ad purgationem, (renuat licèt Valles. lib. 7. controuers. 10. suo loco impugnandus) in ea enim spiritus & sanguis, in quibus virium essentia reponitur, vacuantur; in hac humores viriosi, & inutiles feligente pharmaco extrahuntur: idcirco venæ sectione non est vſus. Adde quòd affectus, sui vehementia timorem multum non incutiebat, sanguinis enim paululum solum expuerat; alio modo fœminam tractaturus, si sanguinis fluxio vehementer irrueret, quomodo Paul. Aëtium, cæteròsque auctores in hoc affectu sanguinem emittentes intelligendos puto. Pauca ergò sanguinis abundantia, in delicata & nobili fœmina, à qua-

triduana inedia absumi, & aliis congruis, venæque sectionem suppleantibus auxiliis, poterat reuelli ac imminui.

## QVÆSTIO VI.

Quòd in imponendo caustico medicamēto in ſyncipite procuranda distillatione, Gal. Trallian. & Aëtius sint concordēs. Contra communem Medicorum ſententiam.

**E**X Palumbium stercore constat.] Galeni edicta oraculo Delphico veriora, multiplicibus telis oppugnant plures probatæ fidei viri, ingenui exercitati, & graues. Alij ea in varios sensus distorquent, omnes remnunt, auersantur, & damnant, non sine euidenti ratione, insequuti Alexandrum lib. 2. cap. 5. Aëtium terrab. 2. ferm. 2. cap. 53. & alios, qui Galeni opinionem rationi dissonam esse confirmant, quòd in calida acrique distillatione, fidat iis medicamētis, quæ vim habent exiccandi, attrahēdi, & reuellendi humorem ad exteriora; cui omne ferè recentiorum Medicorum opponitur, & aduersatur votum: quippe qui non contemnenda ratione suffulti, iudicant, non modo in principio calidæ distillationis, sed nec vſlo alio eius tempore, isthæc caustica medicamenta capiti admora iuuamentum afferre posse. Nam hæc, ut Tralliani verbis utar, acrè qualitatem adaugent, roſionem intendunt, cerebrum instamant; ita ut subinde cuncta symptomata non leniter increſcant, succorum abundantiam potenter ad caput trahant, & maxime in initio, in quo exuperat humorum copia: quare præstat in hoc casu, tam internis, quàm externis epiceraſtici præſidijs succorum acrimoniam quæ valde moleſtas, ferinâque rufes excitare solet, contemperare, inſrigidare, & humectare. Timenda ergo sunt ista vrentia medicamenta, ex quorum applicatione periculosiſſimi decubitus sæpe contingunt: quæ de causa plurimi ab his non solum in calida & acri, sed frigida distillatione abhorrent. Ex quorum numero est Matthæus Peritus lib. 9. ad Almanſ. ſit. de cura catarrhi: vix enim poſſe reperiri exiſtimat corpus ita purum, ut non amplius officiant trahendo peccantes succos ad caput, quàm iuuent calfaciendo, & exiccando. Qua tamen in re proculdubio reprehendendus est, qui efficaciam huius tam celebrati præſidij, à cunctis clasiſicis auctoribus in frigida distillatione citra controuerſiam commendati, non probè expendit. Ex iis admirari licèt, quo comate, aut graui cataphora prehendantur Septalius lib. 6. caution. medic. num. 107. Montanus conſil. 36. 143. & 170. Fabius Pacius in com. huius historie, qui cauteria in ſyncipite, in distillatione curanda recipunt omnino, futilibus argumentis irretiti; quum in hoc negligent, ac parui faciant insignem Galenum, qui sua Venere Attica, & acri ingenio hoc commendat cum multis præſcis. Quare tu horum Medicorum quiſquiliæ flocci pende.

Iuniorum doctiſſimi hanc pacem inter vos Medicinæ procures sic componendam putant. Primò, vtilia eſſe, quando acris deſluxus cauſa, eſt capitis refrigeratio. Secundò, his vtendum eſſe, propter materiam morbiſicam, non ob intemperiem calidam. Cum ergo materia ſalfa peccat copia, vacuanda eſt; quum peccat motu, quo ad pulmonem diſtillar, trahenda eſt ſurſum: vtrumque autem ex cerato conſequitur. Quare melius eſt humorem ad ſuperat partes reuellere, aucta intemperie (hanc enim deinde alterantibus poſſumus corrigere) quàm rupturam, aut exſionem venæ, pulmonisquæ exulcerationem immediabilem ſubſequi; nam maius damnum minore noxâ eſt redimendum. Sic ſoluunt Hieronymus Capiuacius in cap. de cura catarrhi, Amatus 2. centur. 2. in Schol. Iulius Guastauius lib. de locis medicina ſelect. cap. 20. Petrus Vacciſius in compendio Medico, c. 11. Altimarus lib. de medend. human. corpor. malis, cap. 49. in fin. & alij, quorum numerum rædiolum eſſet recensere, qui hac diſtinctione ſola ſuffulti, ſe Galenum à calumnia liberaſſe gloriantur.

Subit ergo vehementer mirari eos, viros alioqui excellentiſſimos, qui in re tam aperta ira ſunt allucinati, quum oppoſita ſententia, Galeni edictis ſit conſona valde, neque contrarium

contrarium ex historiz contextu probari possit. Illi enim pro certo præsupponunt, huius Matronæ catarrhum, putridum, acrem salum & erodentem fuisse, quod quàm à veritate alienum sit, historiz series indicat manifeste: in qua neque acrem, neque salum Galenus describit, neque aliquod humoris acrimoniz præsidium adhibuit, neque in eo libro præsentem historiam proponit, cum de acri fluxione sputum sanguineum è pulmonibus monente disseruit. Adde Aërium, Paul. Aui. *locis cit.* eandem ad verbum huius affectus curationem, & historiam describentes, neque catarrhi salii, acris, aut putridi quidquam memoriz protulisse. Quapropter cum nullum saporem haberet catarrhus, à frigida, & humida cerebri intemperie accidisse est affirmandum. Tutissimum sanè fuit hanc excitantibus, & calefacientibus medicamentis corrigere, humorem frigidum humidum, tennem ad pulmonibus auertere, quod opus ob immensum ex fluxione periculum, non nisi potentioribus medicamentis perfici posse est manifestum.

Merito enim Trallianus Græcorum scriptor primarius, caustica, & vrentia hæc medicamenta reprobant in calida defluxione, cum Galen. hic enim tantum abest ut ea probe, ut potius vehementer detesteretur eos, qui eacapiti imponunt. Audi ipsum *lib. 13. meth. cap. 22. in med. Rariores sunt, quæ propter calorem acrem oculis fluxionem immittunt: in quibus haud expedit is, quæ est thapsia & sinapi sunt, medicamentis vitiis: immo contrariis omnino, oleo crudo, & Hispano, & rosaceo, tum frequenti ex aqua dulci in balneo lauatione, &c.* Et *lib. 6. de sanit. cap. 9.* sic ait. *Nec committere, ut (quod nonnulli Medicorum faciunt, qui omni capiti medicamentum, quod ex thapsia, & sinapi componitur, applicant) id ipsi quoque faciant: quando si ex calida intemperie caput male habet, talia medicamenta noceant. Expedit igitur hos frequenti balneo potabilis aquæ fouere, quo & calidos vapores, qui in capite sunt, euocemus, & totum capitis temperamentum melius reddamus. Calidarum autem quæ sponte nascuntur, noxius his usus est: siquidem, quæ ex his sulphurea, bituminosa sunt, ea propterea quod calefaciunt, inimicissima calido naturaliter capiti sunt, &c.* Ex qua serie constat, quanto opere auerteretur Galenus eos, qui in calida distillatione, medicamenta calefacientia capiti imponunt. Huic ergo controuersiz haud aliter quàm eiusdem Gal. testimonio seipsum interpretantis, in loco occurrendum erit: Nam si sulphurea balnea infestissima esse calido capiti pronunciat, quanto magis caustica? quæ nimio feruore humorem acrem exacuunt & intempestiue attrahunt, vesicas ignea vi sua excitant, & inflammant cerebrum; quæ infestissima esse in acri defluxione contestatur: quem sequuntur Aërius & Trallianus: explicant Montanus, cum Frisimelica, *consilio 180.* Solumque hi monent, quod quamuis Galenus videatur sentire, hæc medicamenta in defluxione prodesse posse, non intelligamus de calida, in qua reproba esse, & nullius usus, ex ipsius mente latius comprobauimus; sicut in frigida & humida; maximo esse ex usu, ipsi vnanimes contestatur.

## QVÆSTIO VII.

*Quid balneum cruentæ excretioni possit esse ex usu. Contra Fabium Pacium doctissimum.*

**I**n balneo duxi.] Ad balneum cruentæ excretioni sit ex usu, impendio utrinque recentiores altercantur Medici, nec utriusque partis argumenta prima fronte probabilitate vacant. Partis affirmatiuæ defensores, nullum aliud præter Galeni auctoritatem, in hoc loco in sui subsidium adducunt. Negantem partem qui sequuntur, Galeni clypeo muniti sic insurgunt. Balneum simpliciter, & absolute prolatum significat dulcis aquæ lauacrum, ex Gal. *lib. 11. meth. cap. 9. & lib. 7. de compos. medicam. secund. loc. cap. 1. in med. hoc cum emolliat, vasa dilatat, fundat, liquetque sanguinem ex Galen. lib. 4. de simpl. medicam. facul. c. 9. & lib. 3. de offic. in medic. com. 17. sanguinis fluxum acriter irritat, ex Galen. lib. 1. ad Clau. c. 14. in med. Quare prouocandam hæmorrhagiam, id est strenuum præsidium consuluit, lib. 3. de*

*rat. viit. in morb. acut. com. 59. ut sanguis, qui in capite est, vehementer moueatur: quo titulo Hip. lib. 1. epidem. sect. 3. sentent. 24. in Metone ad prouocandum sanguinis è naribus porifladium, balneis supra caput usus est. Ex quibus satis constante arbitror, balneum sanguinis fluxui incommodum valde, ex Galen. lib. 5. aph. com. 16. & 10. Causa autem perspicua est, monente sic Magistro lib. de ven. sect. aduers. Erasistratum, cap. ult. sanguis enim calido lauacro in vapores resoluitur, ac in spiritus redigitur, proptereaque, ad motum incitatur, & in tumorem attollitur. Ad hæc, corpora calidis lotionibus mollia, debiliâque efficiuntur, & ruptioni paratissima.*

**B** Si ergo hæc vera sunt, & ex facundissima Galeni penu de prompta, cur balneum in spuentibus actu sanguinem consuluit? Dubium hoc ita arduum est, ut Galeni ope egere videatur, subitque mirari doctissimos nostræ ætatis professores, censentes, Galenum non duxisse mulierem in balneum, sed in locum balneo destinatum, ut scilicet caput raderet, & medicamento delibutum abstergeret. Vel sua sponte ingressam fuisse in balneum, Galeno non præcipiente. Hæc, & alia scribit Fabius Pacius doctissimus, in *com. huius historia, qui libros 7. Galeni de meth. med. omnium eloquentissimè interpretatus est. Sed non aduertit vir eruditissimus, Gal. eam in balneum duxisse, ac lauisse, quod ex serie contextus patet manifestè, ex 9. In balneum duxi, ac laui.*

**C** Balneum autem ad compescendum sanguinis fluxum, si sit frigidum, & largum, esse omnium potissimum, ac præstantissimum, veterum peritissimi docuere. Galenus ergo sequutus morem, & consuetudinem sui temporis, ipsam in balneum, at frigidum duxit. Romani enim, præsertim præpotentes & diuites, quotidie ferè balneum ingrediebantur, ut satis copiosè, & doctè Mercurialis, variaz lectionis vir, ex veterum, tam Græcorum, quàm Latinorum mente, primo de arte gymnastica libro, confirmat. In quem usum sumptuosos habebant balneorum apparatus, magnifica construebant ædificia, in quibus reposita erant vinctuaria hypocausta, sudatoria, lauacra, aut frigidaria: de quorum usu, cellis, instrumentis luxu, plura lege apud Natalem Comit. *lib. 7. Mytholog. c. 1. Cassiod. lib. 2. varia. c. 39. Fœmina hæc, sic iubente Galeno, in balneum frigidum ingressa, magnum persensit adiumentum; hoc enim custim cogit, contrahit, inspissat sanguinem, constringit, refrigerat, ac demum actuali frigiditate sanguinem crassiores reddit, & ad motum inhabilem valde. Ut patet ex Auic. 2. 1. doct. 2. cap. 19. Consueuisse autem priscos ad plurimas leuandas ægrotudines balneo frigido, ut manifestè constat ex ipso, lib. 10. meth. cap. 10. quo loco hecticæ febri correptos, nihil iuuari nisi balneum frigidum sint experti, pluribus argumentis comprobare nixus est.*

**D** Consuluit tamen balneum frigidum, sed longum; cuius frigiditas præ mora penitissimè in corpus sese innuat, & foras circumstans calorem debilitat, sufficiensque partes internas refrigerat. Quid ergo dubitandum, fluxiones vndequeque manentes sistere, fluxumque sanguinis compescere posse? Si verò Hip. *lib. 2. diars. n. 35. balnea frigida vacuo corpori præbere: quandam caliditatem assueuat, & lib. 5. aph. 21. frigida perfusionem calorem adaugere pronunciat, de quo dubio satis multa in lib. 1. in com. hist. 51. ad Galeni mentem protulimus, de breui intelligendum puta: ob aquæ enim frigiditatem calor attractus, per antiperistaltum vegetior redditur, quoniam partibus irroratis, calorem, & alimentum exprimit ad viscera. Hanc solutionem omnium primus proposuit Auic. 2. 1. loc. nup. cit. de his quæ proueniunt ex balneatione. 9. Sed eius quidem calefacere est, idè quod multum est calida, & cum ipsius calor paruum est minor quàm repida, infrigidat, & humectat: & cum coarctatione quum fuerit frigida, quia calorem constringit, qui eius aëre est habitus, & coniungit ipsum visceribus, quum obuiauerit corpori ipsa existente frigida. Eius verò infrigidare erit quum in ea aliqui multum se balneauerint, quoniam aqua naturaliter est frigida, quare infrigidat in ultimo rei, vel in fine rei; licet calore accidentali calefaciat, qui non permanet, sed tollitur, & remanet operatio naturalis, propter illud quod ex aqua penetravit in corpus.*

Est in frigidatio. Ex cuius dictis totam licem euanescente putamus.

Hoc autem Galeni Medicorum sine controuersia facile principis iudicium, si æquo animo classici trutinare, exacteque expendere voluissent, non utique aduersus eum ita hostiliter scirent, ac debaccharentur. Fatemur quidem ingenuè ipsum nunquam satis laudatum, & in curandis humani corporis malis dexterrimum, frigidum balneum, sanguinem sereantibus, vtpote salutare, summopere commendasse. Firmat tandem & hoc sensus ipse; conspicimus siquidem plurimas, sanguinis fluxum ab utero continuò patientes, nullo citius, quam balneo frigido persanari: nam sicut calidi proprium est rarefacere, & fluxilem reddere sanguinem, sic frigidi est cogere, inspissare, & incrassare, ut millies prædixit Galen. Lege quæ ex omnium mente elegantissimè de frigida lauacro pro sistendis fluxibus, scripsit Antonius Fumanel. lib. de aq. potabil. balneo, sit. de frigido balneo. Vel si per balneum, capitis lauacrum intelligas, ut supra monuimus, facile à calumnia Galenum vendicabis.

Austerium dedi. De austeri saporis natura ac facultate, Laconicè modo differendum. Austerium dupliciter enuntiatur, metaphoricè nimirum, atque propriè. Hoc modo sumptum ad gustum tantummodò pertinet, lib. 1. de natur. human. com. 6. & 2. de loc. affect. cap. 8. Metaphoricè verò de moribus dicitur, quemadmodum apud Aristotelem sumitur, lib. 1. de histor. animal. cap. 9. dicentem, supercilia sub fronte sunt, quæ si rectum protenduntur, senes mores significant; si iuxta nasum incuruantur, austeros. Hoc modo Galen. lib. quod mores animi corporis temperaturam sequantur, cap. 10. vocat ætatem senilem austeram, hoc est duram, ac tardij plenam. Quare minor Galenum, cur Archigenem reprehendat, lib. 2. de loc. c. 9. quod dolorem vocauerit austerum, cum hoc saporum sit nomen, qui lingua, ut instrumento, & gustandi sensu dignoscuntur, si ipse eadem voce ad diros dolores designandos utitur. Sed excusari potest à calumnia Galenus, nam videtur Archigenes has voces propriè vrsupasse, Galenus verò impropriè, & per metaphoram tantummodò.

Austerium Galenus nominat, quod Arabes stypticum dicunt, ut ex Auicena patet, lib. 2. canon. tract. 1. c. 3. Auerroè 5. collect. cap. 27. Serap. cap. prop. dicentibus, ponticum, hoc est acerbum, & stypticum esse eiusdem speciei, illumque fortiolem esse styptico; & hunc non contrahere, nisi quod de lingua manifestum est: ponticum verò contrahere, & exasperare, quod manifestum est, & occultum. Deinde austerum, id est, adstringens, ex Gal. lib. 4. meth. cap. 7. in hoc differt ab acerbis, quod hic sapor vehementer, ille medio-criter adstringat, ex Galen. lib. de compos. medic. per gener. 4. cap. 5. & lib. 6. eiusdem cap. 3.

Porro austera contrahunt, constringunt, densant, repellunt, incrassant, refrigerant, exiccant, ex Galen. lib. 4. de compos. medic. per gener. cap. Et cogunt, densant, roborant, diuisa glutinant, iuâque substantia crassa obrundunt, ex Mesue. in canonib. vniuersitatib. theoremat. 2. Quare sanguinem incrassant, & ad motum ineptum reddunt: & sic in hunc usum pro sistendo sanguinis fluxu hic summopere commendantur.

## HISTORIA VIII. GALENI,

### De sanguinis sputo.

Adolescens refrigeratis vitalibus organis tussim contraxit, quam sanguinis ad heminam dimidiam sputio insequuta, & curata.

Austeri verò adolescenti, cui non ex distillatione, sed ex refrigeratis spiritibus instrumentis orta tussis fuerat, cum sanguinem & ipse ad dimidiam heminam reiecerit, \* statim venam incidi, & bis eodem die sanguinem detraxi; deinde

rursus postridie bis: sed animum frictione, & vniuersa prioris die usum, ad vesperam dedi pharmacum nostrum Diasperma-ton dicitur. Secundo die post alteram detractionem, imposui toti pectori ceratum, quod est thapsia conficitur; mox vesperi, ne supra modum, excalfaceret, id auferens. Terrio die ad tres horas imposito, hominem iauit. Cibari autem similiter tribus his diebus; prioribus quidem duobus, sorbitiunculis; terio verò pissana, primum cremore, deinde pisce statim aliquo, qui & facilis concoctus esset, & simplici ratione preparatus, adiecit. Dedi quoque medicamentum Diasperma-ton, & secundo, & terio die similiter ad vesperam; quippe & somnum conciliat, & sensum doloris eleuat, & siccandi vim habet. Tum verò, cum & spiritui delegata partes in naturali temperamento essent, & totum corpus vacuum, ad nulla phlegmone sufficio circa rupturâ vas superesset expurgare capimus. Mox bibito medicamento quod viperas habet, ætati iam vigentis, & Tabias dimisi. Sic ego omnes qui primo die, se mihi curandos permiserunt, sanavi, Galenus lib. 7. meth. cap. 13. in fin.

## PARAPHRASIS.

Ob refrigerata spiritus instrumenta sanguinem expui, nouum non est: sicut enim calore solent venæ dilatari, & sequitur sanguinis profluvium, auctore Hippoc. 5. aph. senes. 16. & 19. Sic frigore nimium contrahæ solent comprimi, & dirumpi; refrigerata enim difficulter extendi possunt. Hanc doctrinam insinuauit Hippoc. 5. aph. 24. & lib. 6. epid. sect. 3. text. 14. frigidum valde venas frangere asseuerans. Licet enim frigidi proprium si densare, & sistere, fluxionisque cohibere; cum tamen nimium est, in thoracisque vasa penitissimè irruit, eadem indurando, ac validis distentionibus renitentia reddendo, ex accidenti dirumpi, plurimumque sanguinem reiecere cogit, quia distenta sanguine vasa, cum dilatari non possint, rumpuntur, ut Laconicus paraphrastes Heurnius exponit, in com.

Ruptum ergo fuit vas, non sanè exile, cum nimiam sanguinis quantitatem, heminam nempe reiecerit; quæ mensura cum sit eadem cum Cotyla, & nouem uncias contineat, ex Galen. lib. 6. de compos. medic. sect. gener. cap. 8. & Mercuriali lib. 5. de feb. cap. 6. erat de sanguinis reuulsione, incrassatione, & in frigidatione cogitandum. Refrigerata sunt spiritus (hoc est, respirationis) instrumenta, quorum beneficio spiritus, seu aer attrahitur, quæ esse quàm plura est manifestum. Nam alia sunt deducuntia materiam respirationis, larynx nempe, & aspera arteria: alia excipientia, ut pulmones: alia mouentia, ut muscoli 56. quorum alij liberæ, alij violentæ, & coactæ respirationi suam dicarunt operam. Vel si per instrumenta, spiritus vitalis sedem, cor nempe, in quo tanquam in penu quodam ipse reconditur, intelligas, rectè explanabis: Principissima autem spirituum vitalium instrumenta, esse cor, pulmonem, & thoracem, ambigit nemo; hæc enim hoc loco intellexisse Galenum existima, & quod rupto in pulmonibus vase, sanguinem illum expuisse asserit & quod thoracem refrigeratum, cerato calefaciente persanet.

Qua de causa cum periculosus esset affectus, & cerebri auersione indigeret, statim venam incidere aulus est; eamque bis eodem die, & rursus postridie iterum bis aperire non dubitauit, sciens nimirum hæc iterata vacuatione sanguinis cursum ad contraria esse reuellendum: sic enim naturam ad diuersum locum, ut inclinet, assuefacimus; quod fiet si non confertim, sed paulatim sanguis extrahatur: quem curationis modum ipse explicuit, posito exemplo in sanguinis à naribus profluvio, in lib. 5. meth. cap. 3. 5. Vbi paululum detraxeris, mox unam horam intermittens rursus detrahes, post iterum atque iterum pro laborantis viribus, &c. Repetit lib. de curand. rat. per sang. mis. c. 12. unde Auicena. 4. 1. cap. 20. nimium sanguinis fluxum reuellere studens, ait: & oportet ut foramen phlebotomia sit vehementer strictum, & sint vices multa, quæ non sint in una die, nisi magna necessitatis causa fuerit, & in die post diem, &c. Nam si reuellere vis, si vel diebus duobus deinceps fiat, melius fuerit, ex Gal. lib. de curand. rat. per sang. mis. c. 20. Est ergo phlebotom

phlebotomia multis morbis præstantior per vices A  
facta; sic enim natura toties irritata per particulares  
has detractiones, quæ ad partem affectam conflunt,  
maiori impetu in contrarium locum expellere satagit: in  
quem senium protulit Auicenn. 4. 1. cap. 20. meliorem  
esse multiplicationem numeri, multiplicatione quantitatis.  
Tu verò de hac paulatina, & iterata phlebotomia, lege  
Actium terrab. 1. serm. 3. cap. 17. Trallian. lib. 7. cap. 1.  
Oribas. lib. 7. collect. cap. 6. in fin. Hoc diuertendi con-  
silio artus perfricuit, ac ligauit: horum autem nomine,  
auctore Magistro, lib. 3. de anatom. admin. cap. 1. signi-  
ficantur lacerti, hoc est musculi, præcipue brachio-  
rum, & manuum, quorum natura tota constat ossibus,  
neruis, ligamentis, arteriis, & venis, quorum elan-  
tem anatomen proposuit Columbus lib. 5. de muscul.  
cap. 37.

Porro ad sanguinem incrassandum, minúsque fluxilem  
reddendum, necnon ad somnum conciliandum, medi-  
camento vsus est, quod Diaspermaton dicitur, cæteris  
pro hac complenda operatione præstantiore, ac mitiore,  
ex Galen. lib. 1. 2. meth. cap. 1. Nam ad vehementissimos do-  
lores leuandos, violentas tussiles leniendas, ac distillatio-  
nes grauissimas sistendas, est celeberrimum apud ipsum  
lib. 7. de compos. medic. sec. loc. cap. 5. quo loco plurimas affert  
eius descriptiones, cum Paul. lib. 7. tit. de medicam. Dia-  
spermaton dicto, inter quas ea est præcipua, quæ recipit.  
Sem. Apij 3. viij. Opj 3. ij. Ammy 3. viij. Anisi 3. iij. Fo-  
nicul. rotidem. Cassia nigra 3. ij. ex aqua fiant pastilli tribo-  
bolares.

Ut verò bene inanitum esset corpus, & pectus rectè ad  
futuri auxilij impositionem vacuatum, iterum sangui-  
nem emisit; quo extracto, ceratum ex thapsia toti pectori,  
ut ipsum refrigeratum calefaceret, apposuit. Tribus au-  
tem horis emplastrum pectori solum hædere permisit, ne  
partes suapte natura calidas plus iusto calefaceret, &  
sanguinis effluuium moueret. Lauit autem non quidem  
totum, sed pectus solum; hoc enim lauacro, tum medi-  
camenti calidi reliquæ adhærentes absterguntur, tum il-  
lius acrimonia partibus communicata retrunditur, ac  
emendatur.

Miraberis fortasse cur Galenus tribus diebus, tribus  
solum sorbitiunculis ægrum cibauerit, si vires sanguine  
reiecto non satis poterant esse valentes. Dic, multis de  
causis in spuentibus sanguinem; in ediam posse esse ex vsu.  
Primò, quoniam ea sanguis arefit, crassiorque redditur,  
& ad fluendum fit inhabilis valde, auctore Galen. lib. de  
ven. sect. aduers. Erasistratores, cap. 3. in med. 5. Sanguis enim  
ciborum inopia arefit, & densior seipso redditur, eamque ob  
rem ad fluendum ineptus euadit, &c. Secundò, quoniam fit  
sic natura auara in retinendo sanguine pro sui alitione.  
Tertiò, quoniam parca exhibita alimonia, noua illius ge-  
neratio impeditur. Ne tamè vires nimis euanescerent, pri-  
sanam exhibuit; quæ si sit ex tritico, aut chondro parata,  
sanguinem incrassat. Sanguineque nom amplius effluente,  
ad alendas vires, & ad frigidiusculum sanguinem gi-  
gnendum, pisciculum concessit, minimè cum salsamentis,  
anetho, porro, pipere, vn solebant præsci, conditum, sed  
simplici apparatu, aqua scilicet, & oleo præparatum; illa  
enim apperit, & attenuant.

Tandem exhibitò iterum medicamento Diaspermaton,  
cùm spiritales partes in symmetria naturali essent consti-  
tutæ, & totum corpus exquisitè vacuatum, nullaque in-  
flammationis suspicio adesset, sanguinis grumos in pul-  
monis anfractibus imbibitos expurgare aggressus est; sic-  
que propinata theriaca antiqua, ut exiccaret, vnitamque ve-  
nam confirmaret; ad Tabiæque locum, aère exiccante  
præditum, ex Galen. lib. 5. meth. cap. 1. 2. dimissus

æger, omniq; à tanto morbo  
sanus euasit.

\* \*

\*

Quòd in vulneribus thoracis primo statim die sit san-  
guis emittendus. Contra Alphonsum Ferreum,  
& Hidalgum de Agüero, chirurgos  
famigeratissimos.

### COMMENTARIUM

**S**tatim.] Sanguis missionem ad dinertendum præstan-  
tissimam, in sputo sanguinis statim esse celebrandam,  
antequam inflammatio concitetur, docuit suprà citatis lo-  
cis, Galen. & firmat lib. 5. meth. cap. 8. pulmonis vulnus, ex  
quo citra dolorem confertim sanguis feruens, floridus,  
multusque cum tussi expuitur, curaturus. Sic enim ait:  
Aggredienda verò curatio est, prout nos sæpe sumus aggressi:  
quibus vique non raro successit. Igitur laboranti ipsi iniun-  
gendum est, ut nec magno viatur respiratu, ac semper agat  
silentium: præterea vena cubiti interna protinus incidenda: à  
qua bis terque postea sanguis est deirahendus, vique eius  
auertiendi causa, &c.

Hipp. Medicorum antesignanus, in illo aureo, ac verè  
legitimo de ulceribus libro, (auctore Galen. lib. 3. epid. sect.  
2. in proem. & lib. de prop. libris, cap. 6. grauissimam sanè, ac  
memorandam protulit sententiam: Omni scilicet recenti  
vulneri conducere frequenter sanguinem desinere. Senis edi-  
ctum summè laudat Galen. lib. 4. de meth. c. 6. & vt scrium,  
& summa cum ratione prolaturum amplectitur, & non se-  
mel inculcat dicens, Medicum oportere non modò na-  
turæ imitatore esse verum symptomata perniciosissima  
præcauere, quæ illi accidere possunt: explicant Ioannes  
Tagaultius lib. 2. instit. chirurg. tit. de detractione sangui-  
nis in vulneribus, Franciscus Dias lib. 3. chirurg. collo-  
quio 6.

Hæc horrenda, sæuæque imminetia pericula; nullo  
alio promptius auxilio, quàm venæsectione præcaueri  
possunt; nam cruenta expuitio periculosa est, auctore  
Hippocr. lib. 4. aph. text. 2. 5. & lib. 7. aph. 37. præsertim si ex  
pulmone cum tussi sanguis emittatur; ex hoc enim san-  
guinis sputo, puris sputum, & ex hoc tabes, & mors  
frequenter sequi solent, vt lib. 7. aph. text. 15. prædixit Hip-  
pocr. Namque purulentum sputum non omne sputum sangui-  
nis sequitur, sed quod malignum existit; tale autem est omni-  
no ex pulmone, ex quo, proveniente sanguinis reiectione, ea  
qua intra tres dies non curatur, phlegmone deinde aduenien-  
te, omnino incurabilis affectio erit, præcipue si ex erosione or-  
tum ducat, teste Galen. lib. 5. meth. cap. 8. 1. 13. & 14. Exer-  
ce ergo sine mora præcautoriam sanguinis missionem, qua  
futuræ inflammationis periculum arcebis, à quacunque  
causa interna venarum vulnus fuerit concitatum; sic enim  
prohibetur apostemata, bothor, & febris, ex Auicenn. 4. 4.  
tract. 1. cap. 3. de cura vulnerum. Sanguis enim qui ad debi-  
lem, & affectam partem confluit, huius præsidij vi ac po-  
testate, ad contrariam diuertitur corporis partem, quod  
est salubre Celsi præceptum lib. 5. sui operis, cap. 26. maximè  
si corpus sit iuuenile, robustum, exercitatum, tempus  
vernum, regio temperata. Galeni, Auicennæque senten-  
tiam examplificat Guido doct. 1. tract. 3. cap. 1. de vulneri-  
bus membror. simpl. tit. de phlebotomia. Rasius lib. 9. ad Al-  
mans. 3. Vigo tract. 1. lib. 3. de vulneribus, cap. 1. in med. An-  
dreas à Cruce tract. 2. de vulnerib. lib. 1. cap. 6. Vidus Vi-  
dius in cit. Hippoc. sentent. Eustach. Rudius lib. 1. de vulne-  
rib. in gener. cap. 8.

Pater amplius euidenter. Nam si in vulneribus à causa  
externa pronatis, illicò ob periculum inflammationis, ne-  
cessè est phlebotomiam exercere, quāto magis in ille  
qui à causa interna, maiusque periculum minante, ortum  
ducit: Extat non inelegans historia apud Galen. lib. 6. meth.  
cap. 3. cuiusdam philosophiæ studiosi, cui, cùm in carpo  
vulnus esset inflicum, primo statim die sanguinem mite-  
tere consuluit. Quod cum summa ratione fuisse factum,  
Ludouicus Lemosius, vberimus eius loci interpres in  
comment. explicnit.

Sed antequam ad alia gradum faciamus, paulisper hic  
sistere pedem operæ pretium duxi, explicareque, an in  
vulneri



vulneribus thoraci primo statim die sit emittendus sanguis. Pro parte affirmatiua sunt eæ rationes, quas nuper pro Galen. tutela adduximus. Alphonsus Ferreus lib. 2. de sclopetor. vulnerib. c. 12. quandam conatur introducere nouam opinionem, cunctis, ni fallor, Medicis aduersissimam, nimirum, omnibus in vulneribus phlebotomiam, ad quartum, quintumve diem esse differendam. Eius paradoxum, firmare multis conatur argumentis Bartholomæus Hidalgo de Agüero, in sua vera, nonissimâque Chirurgia, Hispano idiomate conscripta, à Galeni, Principumque placitis aliena. Ne tamen posteris præbeant errandi occasionem, eius argumenta posita in tract. 2. de vacationibus, cap. 2. in medium referamus.

Virtus est debilitata præ sanguinis copia è vulnere manantis, nec in quantitate, aut qualitate peccantis; & in altero die sanguis est agitat, & motus, & afflictis vulneratis non est adiungenda afflictio; eoque magis si patiens venæ sectioni sit timidiusculus. Si ergo fiat prima die venæ sectio obesse poterit, cum nec reuulsionis, deriuationis, aut vacationis possit obtinere nomen. Denique timor est, ne vacuato sanguine, bilis effrænetur, & exandescat; choleoricorumque ebullitio sequi possit, quod tantopere timuit Auicenn. 4. 1. cap. 20. Ergo in vulneratis primo statim die non est secunda vena.

Sed demiror horum ingenium, qui in re tam seria ita miseri sunt decepti, & talia edere non erubescunt, quasi pecudibus, aut truncis scribant, non hominibus, quorum in medendo inscitiam redaguit Leonardus Botallus lib. 2. sclopetor. vulnerib. c. 9. quare eorum futilia argumenta conuellere operosum non est; tantum enim abest, ut sanguine extracto vires fatiscant, ut potius deonerata ab humore per corpus impetuose commoto, & exagitato, alacriores reddat, recreentur, & fiant vegetiores, & licet sanguis tenuis vacuetur, quo exhausto debilitari virtutem est necesse, tamen maior utilitas minori noxa ex redimenda: nam nihil est quod tam magnifice, quod aliqua ex parte non noceat, auctore Galen. lib. 11. meth. cap. 11. idcirco maiorem oportet esse ex futuræ inflammationis præcautione utilitatem, quam si id quod sequitur ex tenuis sanguinis vacationem detrimentum.

Ad hæc, Non oportet quod sanguis quantitate, vel qualitate peccet, quoniam non in sola plethorica vocata syndrome sanguis est emittendus; cum ea non existente interdum sit vena secunda, quum dolor vehemens hominem prehenderit, vel pars aliqua fracta fuerit, vel os ex loco pulsus sit, vel alium quispian articulus, contractus reductusque sit, ut scitè docuit Galen. lib. 4. de rat. vict. in morb. acut. com. 21. & lib. 4. meth. cap. 6. de quo argumento lege Galen. lib. de curand. rat. per sang. mis. cap. 8. in princip. & doctissimum Menam in com.

Quod autem addit, in altero die esse sanguinem agitat, & motum, falsissimum est: nam quando maior viget dolor, tunc adest maior humorum agitatio, maior ad partem confluxus, concurrentibus nimirum ad ruptam & sauciatam partem dolorificam affatim sanguine, & spiritu: quare si in alterum diem procrastinetur auxilium, maior subinde concitabitur dolor, & vehementior multò suborietur inflammatio; dolor enim attrahit, fluxiones mouet, & phlegmonas accersit, ob multas causas latus à Gal. loc. nuper citato, & in lib. 13. meth. cap. 7. & alibi passim: Explicat Vallesius lib. 7. contr. 3. Ioannes Brauus lib. 1. de purgandi ration. cap. 10.

Illud verò, quod de afflictione afflictis; superaddenda affert argumentum, ridiculum est; nam hæc non solum vulneratis, sanguinem expuentibus, sed quolibet alio morbo oppressis communis est, in quibus, si ob hanc causam differas auxilium, ægros in discrimen adduces: Audi Albucaasim lib. 2. chirurg. cap. 84. hæc verba proferentur: Quando vulnus est magnum, & times super infirmum, euentum apostematis calidi, tunc propterea & phlebotomia ex cephalica statim, & non tardes illud, &c. Lege Auicenn. 4. 4. tract. 4. c. 2. in fin. & Dinum in com. Vide Nicol. ferm. 7. tract. 4. sum. 1. cap. 53. de vulneribus capitis, qui ex mente Haly, Rasis, & Pauli, eadem hora, qua percussus est quispiam, phlebotomiam esse exercendam sibi persuadet. Horum mentem dilucidè

Lib. II.

A interpretatur Andreas Alcacar lib. 1. de capit. vulnerib. c. 14. iuxta fin. Iacobus Franciscus Rora Bononiensis tract. de curand. vulneribus.

Inconsiderantiæ verò plenissimum est: affirmare vacuato tenui sanguine, bilem quoque futuram effrænem, ac si bilis cum sanguine in veteri proportionem in venis redundans, ac cum ipso exactè permixta etiam non vacuaretur. Auicennam verò alio modo esse intelligendum, fuisse in com. hist. 63. lib. 1. explicimus. Petulanti ergo licentia hi auctores communem præcorum doctrinam temnunt, & damnant; parum enim attendunt rationem, assiduo vsu confirmatam. Quare in vulneribus, tam à causa externa, quam interna subortis citissime sanguinis missio est celebranda.

### DVBVIVM III.

Num refrigeratis sit vena secunda.

Venam incidi.] Aliud hoc loco occurrit silentio non inuoluendū neotericorum dissidium. An venæ sectio refrigeratis præsidio esse possit. Nam si Gal. doctrinæ standum est, lib. de rig. trem. & palpit. c. 5. dicentis, in affectu, qui califieri desiderat, nullum sanguinem emissere fuisse ausum: quod etiam firmat lib. 4. de rat. vict. in morb. acut. com. 113. Phlebotomia illis esse interdicens affirmabimus. Affectus enim frigidi ad humorum coctionem caloris natui conseruatione egent; calor autem perseveranti in sanguine obtrinet, ex Gal. lib. de curand. rat. per sang. mis. c. 5. Quapropter summa cum ratione in frigidis reuivuit venæ sectionem, lib. 5. meth. c. 6. §. Si verò horum nihil sit, ceterum hyems fuerit, regione natura frigida, tum natura quoque hominis frigidior, his per sanguinis missionem, & totum corpus grauius refrigeratur, & accidunt nonnulla quæ ad gravem perducunt refrigerationem symptomata, &c. Deinde regionis frigus prohibet sanguinis missionem auctore Galen. lib. 1. ad Glanc. c. 14. Igitur multò magis frigida laborantis intemperies, Auicenn. 4. 1. c. 20. §. Tibi quoque cauere debes à munitione in complexione fortis frigiditatis, &c. Hos enim sanguinis missione vacuare non cōuenit, sed frictionibus, & mediocriter calefacientibus prædiis totā curationem peragere oportet.

Licet autem hæc vera sint, & à Galen. officina deprompta in hæmoptoica passione, morbo alioqui sæuo, & periculoso, præstat sanguinis missionem reuulsionis gratia exercere. Hanc sententiam assiduo experimento veterum peritissimi confirmant, à quacunque causa oriatur hoc malum, de quorum numero sunt Paul. lib. 3. c. 31. Aëtius tetrah. 2. ferm. 4. c. 62. Trall. lib. 7. c. 1. Cælius lib. 2. sardar. passion. cap. 12. Rasis lib. 9. continent. tract. 1. c. 2. Auic. 103. tract. 3. cap. 4. & 4. 1. c. 20. per hæc verba: Amplius vena quandoque phlebotomantur, propterea ut fluxus sanguinis ex naribus, & matrice, & ano, & pectore prohibeantur, aut ex aliquibus exituris: ita ut sanguis ad id quod à parte illa est diuersum pertrahatur, & hæc quidem vacuatio est fortis, inuatiua, &c.

Cætera verò quæ in contrarium adducta sunt, commodam habent explicationem; nam præterquam quod de venæ sectione vacationis solum causa celebrata sunt intelligenda, cautos nos redunt, in ea pro curandis refrigeratis exercenda, ne frigidorum cruditas extracto sanguine sequi possit: quare non tantum sanguis extrahendus est, quantum affectus, & plenitudo desiderant; sunt namque hæc de scoporum contra indicantium numero, quæ non simpliciter sanguinem indicant emittendum, sed detractionis moderantur quantitatem, ut perbellè docuit Gal. lib. de cur. rat. per sang. mis. c. 9. Adde probatæ medicinæ parentes in morbo merè frigido phlebotomiam sæpe exercuisse. Sic in hydrope consulit faciendum lib. 4. de rat. vict. in morb. acut. text. 1. Hippocr. quando à retentione vacationis consuetæ fuerit concitatus, ut explicat Gal. in com. & lib. de ven. sect. aduersus Erasistrat. 5. Nam quando calor à frigidior ad copiam sanguine suffocatur, tunc præstantissimum auxilium est sanguinis missio. Sic in diaria ex obstructione, sanguinem mittit Galen. lib. 8. meth. cap. 4. ne in putridam transeat; promptissima verò obstructionis in cute causa, est occurrens frigus. Sic ad reuellendum, in palpitatione, affectu sanè frigido, ex Galen.

Q

Galen. *lib. de rig. tremor. & palpit. c. 5.* sanguinis missionem A. profuisse multis asseuerat, *lib. 5. de loc. affect. cap. 1.* Sic in priapismo *lib. 14. meth. c. 7. in fin.* sanguinem extrahit. Sic in suffocationem facta ab aqua frigida subito ac cumulatim haustam, eam exercent Dioscorid. *lib. 6. cap. 3. & 4.* Paul. *lib. 5. c. 66.* Auicen. *6. 4. tract. 1. sum. 1. c. vlt. & sum. 2. c. 31.* De cætero lege Valscum Castellum doctissimum, *tract. 4. de thorac. affect. c. 7. difficult. 1. & donatum sanctorii. 1. 3. epist. 3.*

## HISTORIA. IX. GALENI,

### De sanguinis sputo.

#### Sanguinis sputum, ex hausta hirudine, contractum.

**E** Tenim cum viderem hominem integra valetudine huiusmodi cruorem euomentem, interrogavi qua victus ratione antea fuisset usus; ille vero inter alia, qua narrauit, illud quoque addidit, quod cum nocte quadam suiret, misso puero qui aquam afferret, ex immundo fonte bibisset: quibus auditis, sciscitatus sum, apperuisse ne aliquando sanguisuga in ipso fonte; qui cum id quoque fateretur, epoto subinde idoneo pharmaco hircinæ vomitione reiecit, &c. Galenus *lib. 4. de loc. affect. cap. 6.*

### PARAPHRASIS.

**A** Liam in hoc capite recenser historiam Galenus, cuiusdam, qui cum huiusmodi cruorem expueret, rure, ætatis tempore in stagno quodam cum cæteris iuuenibus, iuuenili ludo, qualem adolescentes in aqua ludere solent, exercitatus, nullo alio modo cognitus est sanguinem expuere, nisi ductus ad splendorem, & sic conuerso directè ad Solis radios narium foramine, in eo loco, vbi nasus ad oris regionem perforatur, hirudinis in meatu latentis caudam habere visus est. Implorauitque auxilium, suæ affectionis causam ignorans. Facile enim est in stagno sanguisugis abundante, natanti alicui, dictorum animalium vnum in nares eius subterfugere, neque statim, p. imis scilicet diebus, ob eius exiguitatem sentiri: auctam verò hirudinem, & sanguine plenam, tertio, & quarto die sui sensum præbere. Adde, causarum intrinsecarum, & extrinsecarum absentiam, ad hirudinis suspicionem Galenum duxisse; eo maximè cum hirudo latenter, clam, furtimque corpus nostrum ingrediatur, ossibus, & duritie carens, forma corporis oblonga cum sit, lubrica subtilis, rotunda, & læuis, & cum aqua impetuosè deuorata. Forcipe igitur, vel vossella potuit vel facillimo negotio extrahi, & sic homo sanus euasit.

Simili modo ab ore ad ventriculum, vel ad medium œsophagi permeare poterit, ipsiusque parietibus adherere, venam aliquam excidere, vomitumque sanguinis concitare, præsertim si natura sua grandis sit, aut ætate maior, tunc enim sanguinem copiosum fugere potest; sæpe enim externis partibus admota, cucurbitulæ instar, validam prouocat vacationem, ita vt aliquando animi deliquium accersat, & debilitatem afferat summam, necessèque sit sanguinem, ex foraminibus ab ipsis inflatis emanantem, adstringentibus compescere; pro quo complendo opere mulcroties, cæteris non cõferentibus cauterium est ex usu, vt firmat experimentum: tanta enim sanguinis quantitas, iis curi applicitis emanare solet, vt patiens ad animi v. que defectionem perueniat, quod se obseruasse scribit Aloysius Mundella in *calce epist. 28.* Quapropter cum aliæ causæ non adessent internæ, aut externæ, quæ sanguinis vomitum concitare natæ sunt, meritò ad hirudinis suspicionem accessit.

Fuit ergo auxilium necessarium, quod hirudinem vomitum eiiceret, sed quale esset, nō explicat, hoc loco doctissimus Galenus. In hunc vñum esse plurima præsidia, ipse, piscique omnes docuere. Alia sunt vomitoria quorum vi & efficaia ventriculus, facilius exoneratur, vt hydrelæum,

oleum ipsum simplex, aqua tepida, raphani succus, & si quæ alia. Sed explica, quod fuerit idoneum pharmacum, hoc est, hirudinis expulsionem plus accommodatum, ope cuius ipsa citius vomitu eiicitur? Dic, plurima esse ad præfatis, pluribus in locis promulgata, de quorum numero est, Muria ebibita apud Dioscorid. *lib. 6. cap. 32.* Cuius beneficio hirudo extra vomitum excutitur: quod auxilium esse præstantissimum, firmat Galen. *lib. 2. antidot. cap. 40.*

Plurima, variæque necandis hirudinibus præsidia narrat Galenus ipse *lib. 11. de simpl. medic. facult. cap. 40. & lib. 2. de remed. paratiu. facilibus, c. 20. & lib. 3. eiusdem; cap. 147.* Et Arabes non pauca congerunt, quibus Medicorum plures summa cum vtilitate vti consueuerunt, vt Aloë, Absinthium, & amara, quæ suo amarore hæc animalcula, sicut lumbricos necare nata sunt. Aliorum succus laudatur à Dioscorid. *lib. 2. suis operis, c. 141.* Cimices cum vino plurimum præferuntur à Plinio *lib. 32. cap. 10. in medio.* Alios nix superbibira sanat. Alios iuuat Anagallidis succus, aut acetum acre cum vino exhibitum, thymique puluere respersum, ex Auicen. *9. 3. tract. 1. cap. 7.* Rasio *lib. 9. c. 7.* Paul. *lib. 5. cap. 37.* Aëtio *teirab. 4. serm. 1. cap. 56.* Scribon. Largo *lib. de composit. medic. cap. 199.* Hæc enim omnia, aut alia, per se, aut cum pharmaco vomitorio permixta, exhibuisse Galenum si affirmes, tutus incede.

Dioscorides naturæ interpretes mirabilis *lib. 6. c. 32.* inter cætera, hoc probatissimum iudicat auxilium, si æger in balneum aquæ calidæ vsque ad mentum descendat, aqua tamen frigida in ore detenta: quod præsidium esse vti-  
C mum, & præstantissimum, docuere post eum Aëtius loco cit. *Actuat. lib. 5. meth. cap. 12. in med.* Matthæus in *com. c. 7. cit. lib. 9. ad Almanf.* Nam vt inquit Mathiol. vir in stirpium materia describenda diligentissimus in *com. cit. cap. Dioscor.* Hirudo ab aquæ calore propulsata ad frigidam in ore retentam recurrens, facile vnà cum ipsa aqua expuetur; quod remedium esse experientia confirmatum, testatur Lacuna in *cit. c. enarratione.* Vnum solum aduertat, vt non spernas quæ venenosam huius animalis vim retundere queunt; plurimæ enim venenosæ sunt, ex Auicen. *6. 1. cap. 21.* Propinanda ergo sunt quæ aduersus ferarum venenatarum morsus exhibentur auxilia; his enim deleteria & mortifera, ob deuoratas hirudines orta leuari solent symptomata, vt Mathiol. in *præfat. lib. 6.* latè edocuit, & cum eò Albucasis *lib. 2. c. 39.* qui instrumentum parat extrahendis hirudinibus in gutture infixis valde proficuum. Plurimæ enim animalia venenosa cum aqua ebibita, vel imprudenter per somnum per os ingressa, cõuolasse in stomachum, auctorum grauissimi contestantur. Narrat Sauonarola, *tract. 6. cap. 9. rub. 4.* historiam rustici, qui bibendo aquam fossæ, bibit vnum Cutubuch, siue Capram aquæ, vel Araneam aquæ, & statim consuluit Medicum, & Medicus potauit eum lacte copioso, & statim post vomitum egressum est animal. Marcus Gattinaria in *sua praxi, cap. de cura praefocat. matric.* scribit, se cognouisse hominem, in cuius corpus Papiæ vipera per os est ingressa, quæ nullo alio præsidio fugari valuit, nisi fumo calceamentorum coriaceorum consumptionum, ita enim exiuit per anum: Hoc etiam pariter confirmat Mathiol. *lib. 2. in Dioscor. cap. 42.* Habemus apud Matthæum de Grado in *prima parte practica, c. 43.* ita scriptum. *Mulier quadam habens serpentem in matrice, posita muliere ipsa ad radios solis, cum vase pleno lacte, stante ipsa muliere dilatatis cruribus supra vas, in quo radiabat sol, exiuit serpens.* Extat non inelegans historia, apud Hip. *lib. 5. epid.* cuiusdam adolescentis, qui epoto multo meraco, supinus in habitaculo quodam dormiebat, cui (inquit) *serpens Arges appellatus in os ingressus est, & sanè cum sensisset & loqui non posset, dentibus stridit, & serpentem deuorauit, & dolore magno tenebatur, & manus prætensas adhibebat, velut qui strangularetur, & iactabat seipsum, & conuulsus mortuus est.* Docent nos hæc mirabiles historię, quantum referat homines, hianti ore, in solo reptilibus pleno dormientes, vt solent rustici, præuidere, ne abreptis profundo somno venenosum animal per os ingrediatur; & quantum oportet, aqua præsertim à riuiis, aliisque cœnosis locis exhaustant summa cum præmeditatione ebibere, ne forsan epota hirudine aut vomitus, aut sputum sanguinis subsequantur; nam

nam sæpe vna cum potu aquæ palustris, & vermes, & alia minutula animalcula deglutiuntur, quæ adaucta in ventre terribilia concitant postea symptomata: Scribit enim Martinus Rulandus *centur. 7. curat. 28.* historiam puellæ natæ annos octo, quæ præ æstu solis, sitibunda cum palustri aqua ranam deuorauit, quæ deinde ventris murmure, & inflatione fuit oppressa, cum coaxatione ranarum sonora, intus in ventre percepta: in quem usum excellens vir Gal. has protulit historias, tanquam Medicis viles valde, ac necessarias, ne morbi causa ignorata plurima citra leuamen tententur auxilia, quæ corpori perniciem asserere possint. Cum enim ex multis causis sanguis euomatur, ab epota hirudine, sæpissime hoc contingere, nulli est non manifestum: pertinacissime enim vasis adhæret, morsu ea aperiens, sanguinem sugens diu, & importunè. Accidit etiam, multas aquas habere hirudines adeò paruulas & occultas, vt sine bibentium sensu transglutiri possint; pro quo curando morbo Medici causæ ignorance decepti, plurima contra sanguinis sputum, incassum tamen machinantur auxilia. De quo argumento vide Alzarium à Cruce *lib. 3. centur. quæsto 29.*

## HISTORIA X. RASII,

## De vomitu sanguinis.

## Spleneticus, sanguinis nigri vomitu, sanatur.

**V**Idi quandam mulierem expuentem sanguinem nigrum, & grossum, in parte congelatum, & in parte non, sed hora spursi eius passa est punctiorem, & inflammationem in epiglotta vehementem, & durauit in eadem dispositione mala per plures dies, & non fuit ei nocumentum, sed alleuiata fuit ex splenetica agitudine existente in ea, & c. Rasijs *lib. 9. continent. tract. 2. cap. 2.*

## PARAPHRASIS.

**P**Ræ copia sanguinem emanare per os, sicut per quamlibet aliam corporis regionem, nulli est non manifestum: Cum enim venæ turgent, ipsum natura onerata expellere satagit, & maxime si homo lauto vtatur victu, ex quo nimia iucrescit sanguinis copia, vt inquit Paul. *lib. 3. cap. 3. 1.* Sic Volusius ille apud Plin. *lib. 1. 1. cap. 38.* vixit 94. annis, qui singulis annis ingentem sanguinis copiam euomebat. Vidimus enim sæpe, inquit Hieronymus Reusuerus in *scholijs ad c. 2. 2. Iodoc. V. Villichij de probat. vrina* iuuenes plethoricos, neque vlli manifesto morbo obnoxios, quibus nec salerna vina, nec lautus cibus desunt, referatis vasis emingere cruentam vrinam, qui sola phlebotomia sanantur; adeoque sagax est natura in deonerando corpore, vt interdum per vberum papillas sanguinem ipsum expellat, vt Amat. *2. centur. 21.* & Marcellus donatus *lib. 1. de medic. histor. mirabil. cap. 2.* obseruauerunt.

Narrat Beniuenius *lib. 2. de abdit. morbor. & sanation. causis; cap. 4.* se cognouisse hominem, qui singulis mensibus sanguinis profluvium per insensilem porum infra iecur, qui omnium visus aciem effugiebat, patiebatur, curatum tamen fuisse refert, aperta dextri brachij basilica. Fallopius *lib. de vulnerib. c. 73.* se vidisse scribit hominem, qui singulis annis mense Maii, per iecoris regionem, integra existente cute, circiter libram vnam sanguinis effundebat.

## Observatio. 11.

## Hæmorrhagia mira.

**V**ir erat robustus, & quadratus, circiter tringinta annos natus, qui vere aduentante, cum sanguinis mole, Athletæ instar, esset onustus, & rubidis tumentibusque oculis, viuida facie, turgentibus sanguine venis vix incedere posset, vehementissimoque per corporis ambitum pruritu quæteretur immaniter, & interanea exuri sibi viderentur, antequam ad phlebotomiam antidotum meden-

tium consilio accederet, naturæ beneficio ac ope, à tanto malo euadebat immunis. Hæc enim sanguinis saburram, placide, quindecim, & interdum viginti dierum spatio vacuabat, per minimum dextræ manus digitum, e cuius extremitate inter carnem, & vnguem rinuli sanguinei vberim emanabant: qua deposita sarcina leuabatur corpus, & solitaria munia deinceps obibat: quod si fortè minuta erat vacuatio hæc, eius defectum saluatellæ sectio eiusdem lateris, ad naturæ imitationem celebrata, summo erat ex usu. Noui alium qui similibus symptomatis vexatus, ardente Sirio, excitato sanguinis fluxu, octiduo, ad trium librarum quantitatem, ex inferioris labij radice, ab his malis solum fiebat immunis: & annus iam agebatur 14. quo typicè hanc patiebatur vacationem cum commodo magno; nam post eam vivebat hilariter, alacriter edebat, eufarcus erat, robustus, & obesus, neque vlli morbo obnoxius.

**Q**uid plura? nonne per oculos interdum sanguinem natura effundit: quas lacrymas erumpentes obseruasse refert Dodonæus. *c. 15. obseruat. medicinal.* & nos proprio exemplo confirmauimus de *praxi medica admiranda, obseru. 5. 4.* Nonne sudor sanguineus aliquando est animaduersus per vniuersum corporis habitum, superfluum sanguinem detrudente natura? de quo Aristot. *lib. 3. de partib. animal. c. 5. & lib. 3. de histor. animal. c. 16.* Rondelet. *lib. de curand. morb. c. 11.* Mercurialis *lib. 4. variar. lect. c. 12.* Marcell. Donatus *lib. 1. de medic. histor. mirab. c. 2.* Ioannes Baptista Syluaticus *controuers. 5.* doctissime dilceperunt. Quum enim sanguis tenuis est, aquosus, cutis rara, laxa, pori aperti, corpus fluxile, & facultas expultrix validius quam par sit expellit, retentrixque debiliter continet, facile expulsus ad cutem, sudorem mouet ad rubedinem vergentem. de quo meminit Alzaharaius *lib. præct. sect. 2. tract. 3. c. 19.* Aliquando natura in hominibus robustis peccantem sanguinem per varias partes emittere satagit in animantis commodum, per aluum, vrinam, vterum, mammillas, hæmorrhoides: si ergo natura per has regiones cum excernit, cur non per cutem, quæ est totius corporis emunctoriū? in quibus exëplis auctores hi, Rasijs præcepto sanguinem esse mittendū sibi persuadent.

Posse autem sanguinem à liene profluentem per ventriculum vacuari, testis est Galenus *lib. 5. de loc. cap. 5. & lib. 6. eiusd. oper. cap. 1.* Hoc ita esse venaberis ex lienis tumore, dolore, & vomitu, ipsæque sanguis concretus erit, grumofus, ac niger; qui si acrimonie fuerit particeps, inter vomendum Epiglottida pungit, inflamat, & ferit: Est autem Epiglottis laryngis operculum cartilagineum: huius cartilaginis vsus duo, alter, vt laryngem operiat, ne in epulando, cibi, & potus in arteriam & pulmones ferantur; alter, vt aërem à pulmonibus, vi & impetu pulsum, percutiat ad vocis modulationem.

Pro nostri instituti confirmatione, est celebris historia Hipp. *lib. 5. epid. cuiusdam agri iuxta curriculum habitantis, qui sanguinem noctu vomuit à liene profluentem:* quod confirmat Auicenna. *10. 3. tract. 3. c. 4.* non omne sanguinis sputum, timorofum esse dicens, cum aliquod sit causa sanitatis apostematis in splene, quum videlicet natura sese deonerante expellitur. Refert Langius *lib. 1. epist. 40.* Casum cuiusdam Abbatis, quæ circa hypochondria quorannis dolore citra febrem cum corriperebatur, spontaneo copioso sanguinis vomitu à morbo liberabatur. Et pyrobolorum magister ferè septuagenarius, cum magnis circa præcordia torminibus diuelleretur, repente noctu sanguinis plusquam selibram euomuit, & conualuit, apud Holler. in *schol. cap. 48.* Sic Archembaut, apud ipsum Holler. in *schol. cap. 52.* per aluum, vomitum, & vrinam ex interuallis sanguinem expellebat. Hoc ergo vacuato sanguine sæpius à diris lienis morbis leuantur: sicut ægrotanti fœminæ, de qua in præsentī historia sermo est, contigisse Rasijs asseuerat, quæ à splenetica ægritudine conualuit. Spleneticos autem contineuerunt veteres appellare, qui liene malè affecti erant, siue tumore distendente, obstructione, scirrhus, inflammationeue laborent, vt notat Ludouic. Mercar. *lib. 4. de morb. intern. cap. 4.* Sunt enim grauiiores huius partis morbi, quorum causas, & signa Laconicè describit Fernel. *lib. 4. Patholog. cap. 6.* Proprie tamen splenetici dicuntur, qui scirrhus laborant, auctore Galen.

lib. 6. aph. com. 43. Seu qui diu datum habent lienem, sen A induritam splenis affectionem patiuntur, ex Galen. lib. 9. de compos. medicament. sec. loc. c. 2. Splenetica ergo ægitudines à sanguine crasso, melancholico, lutofo, & faculento originem ducunt: Lien enim scirrhis affectionibus facillime corripitur, propter nutrimenti quo vitur speciem; alitur enim sanguine melancholico, qui veluti limus pifioris exiit, vt Galen. decernit lib. 13. meth. cap. 16. Ex quibus summa cum ratione statuendum est, ex membris naturalibus, atque etiam ex ipso liene per vomitum excerni aliquando sanguinem, in ægrotantis commodum. De quo negotio si doctam cupis legere obseruationem, adi Marcel. Donat. lib. 4. de medic. hist. mirabili. cap. 9. contra Amatum: quo loco mira de sanguinis fluxu in lienosis, conscripsit eloquenter.

## HISTORIA XI. GALENI,

### De sanguinis vomitu.

Sanguinis vomitus, herbæ hæmagogæ  
lethalis vi, excitatus.

**I**llud tamen quod in Thracibus Bithyniam incolentibus me  
ad hoc puero contigit, sine periculo cuiusquam dici potest.  
Inuenit homo quidam herbam, quæ si quis assumpsisset, \* sanguinem  
primò, tum vitam emittebat. Multis itaque hoc pacto  
morientibus, cum facinus hoc diligenti inquisitione dignum  
arbitrarentur, herbarium comprehendunt, & ad gentis magi-  
stratum ducunt. Is cum non solum hominem necare studeret,  
sed si quis alius herbam, aut didicisset, aut docuisset; à nullo se  
quidem ipsam didicisse veneficus asseruit. Verum in suburba-  
num cum aliquando suillum secur deferret, urgente ventre su-  
per herbam quadam secur deposuisse, quod aliquanto post cum  
sustulisset, vidisse ex vniuerso iecinore sanguineos riuiolos ad  
herbam confluere. Ex hoc coniectura facta, corporis sangui-  
nem ea detrahi posse periculo mox in obuiam quodam facto,  
vt verum comperit, quod fortè sperarat, ad malos usus herbam  
præstulisse. Se tamen alicui alij demonstrasse negauit. Hæc her-  
barius ille inter quæstiones habitus retulit. Populi verò magi-  
stratus, cum plurimam illis in locis nasci hanc herbam ex rei  
dictis accepisset, vinctis oculis ad supplicium ipsum duci iussit,  
ne cui inter eundem herbam indicaret, &c. Galenus lib. de  
purgant. medicamentor. facult. cap. 4.

## QVÆSTIO IX.

Quod detur medicamentum electiue sanguinem eua-  
cuans. Contra Ioan Baptistam Syluaticum  
eruditissimum.

### COMMENTARIUM.

**D**ari medicamentum sanguinem ex accidenti eua-  
cuans, hoc est, non vi propria, sed excoctis venis,  
vel earum orificiis apertis, vel sua vi immoderatiore ex-  
tremam vacuationem moliente, inter omnes tradidit Me-  
sue lib. 1. de re medic. theoremat. 1. doctus ab Actuario lib. 5.  
rit. de simpl. medic. purgant. in fin. hac enim de causa postre-  
mò sanguis in superpurgationibus cum vita effunditur. Si-  
cut enim plantæ attrahunt id quod sibi cognatum est; quo  
deficiente, etiam dissimile sugunt, vt docet Hippocr. lib. 1. de natur. human. text. 29. & 31. & sicut corporis par-  
tes deficiente probò nutrimento, ad sui nutritionem hu-  
mores inutiles, & vitiosos trahunt, sic monente Magi-  
stro lib. 9. de usu part. cap. 1. eodem modo inquit Hip. medi-  
camenta purgantia intra corpus assumpta, primò attra-  
hant sibi simile, deinde reliquos humores tenuiores edu-  
cere solent, & postremò sanguinem; hic enim humor natu-  
ræ nostræ familiarissimus, & vitæ thesaurus vehementer  
ab illa retinetur: hoc modo sanguis ex accidenti à medi-  
camenti educitur. Sic Aloë mala ora venarum reserando,  
& cantharides vesicam excoctando, & lepus marinus pul-  
monem erodendo, sanguinem è corpore educunt, & alia  
his similia, vt Cucumis agrestis, Centaurium, Colocyn-

thi vnica in planta vna, Scammonium è regione Scenita-  
rum, Euphorb. Thymelæa, & plura alia quæ sua vi im-  
moderatiore extremam vacuationem moluntur.

Quod verò detur medicamentum electiue sanguinem  
euacuans, Galen. hoc loco affirmat. Sic herbæ cuiusdam  
succus apud urbem noui orbis *Posfo* vocatam artubus, vel  
cuiuslibet patri illitus, merum sanguinem sudoribus elicie-  
bat, vt refert Petrus de Osma in epistola sua ex Peru ad Mo-  
nardum Medicum scripta, in lib. de rebus Occidentalibus, c.  
de hordeolo, in med. Nonne sunt facultates occultæ, & ad-  
mirandæ rerum proprietates, quibus plurima vario modo  
operantur? hinc tam multæ, tamque admirabiles in certis  
plantis, animantibus, ac cœli tractibus, rerum formæ, affe-  
ctiones, discrimina. Nonne os cuiusdam animalis vocari  
*Cabal*, nati in regno *Iahua*, supra carnem ligatum, corpore  
B toto vulneribus confosso, sanguinem ne exiret, mirabiliter  
retinuit, vt refert Ioan. Barrus decade 2. histor. Oriental. lib.  
6. c. 2. fol. 82. & citauit Hieronymus Oforius lib. 7. de rebus  
*Africis & Indicis*. Nonne plura mirabilia sunt, quæ à pro-  
prietate sanguinem sistunt, vt notat Forestus lib. 13. obs. 10.  
Cur ergo, si huic offi, & aliis, retinendi tanta vis inest,  
herbæ huic denegandam esse vim trahendi sanguinem  
negabimus? Nonne aliquando ab hirudinum morfu, ci-  
rata est hæmorrhagia ex ano ægrè compescibilis, pro qua  
sistenda, multa etiam præsidia sunt necessaria? Datur ergo  
medicamentum hæmagogum à proprietate & electione  
sanguinem vacuans.

Ioan. Baptista Syluaticus Medicus eruditissimus, qui  
C proximis annis historias Gal. solum 82. non infeliciter in-  
terpretatus est, hanc historiam, fabulæ loco haberi putat.  
Immo in ea scripta esse prorsus inania, fabulosa, falsa, non  
credenda, tanto auctore indigna, operi iniecta, & ab hoc  
libro expungenda contendit; multisque ita inducitur opi-  
nari, quibus & alia adiungam scitu non indigna. Primò.  
Quod Gal. ipse omnibus suis libris, in quibus de medi-  
camenti sermonem instituit, eiusdem sanguinem educen-  
tis numquam meminerit; solumque sanguinem chirurgi-  
cis auxiliis, secta nimirum vena, scarificationibus, hirudini-  
bus extrahi posse docuerit: neque Hip. in illo de med. pur-  
gantibus libello, huius herbæ fecit commemorationem vl-  
lam; nec alius quispiam post Galeni tempora inuentus est,  
qui hanc agnosceret.

Secundò. Nefarij herbarij experimento confirmat,  
non potuisse ex suillo iecore super herbam posito sangui-  
nis riuiolos ad herbam confluere: non enim fieri potest,  
D vt mutato iam sanguine in crassiores, frigidiores, durio-  
remque substantiam, ipse iterum fluidus ac liquidus ef-  
ficiatur.

Tertiò. Licet vera essent omnia, quæ in historia conti-  
nentur: vnde colligere quis poterit, eam herbam sangui-  
nem, relictis aliis humoribus, è venis trahere, eum nimi-  
rum in modum, quo alia medicamenta purgantia alios hu-  
mores, relicto sanguine ex iisdem educere nata sunt?

Quartò. Si herba illa medicamenti instar sanguinem  
attrahit, & euacuat, negandum non est, illius vsum, tutum  
esse potuisse, si tempore, quantitateque, modica, vigente  
necessitate exhibeatur. At Galen. ab ea herba sanguinem  
totum, educi, mortemque subsequi affirmavit. Non ergo  
hæc herba reperitur per se sanguinem euacuans: & si da-  
tur, venenorum more sanguinem educit, venarum & arte-  
riarum oscula aperiendo.

E Quintò. Extat Mesuci auctoritas affirmantis, nullum  
medicamentum, facultatem habere primò & per se hæ-  
magogam, neque electiue, cæterorum medicamentorum  
purgantium modo, sanguinem educere posse contenden-  
tis. Qua propter etsi liber de medicamenti purgantibus sit  
genuinus ob phrasim, sententiarum pondus, & rectam eor-  
um quæ tractantur determinationem; tamen in eo multa  
inserta sunt. Libros enim suos, adhuc ipso viuente, mul-  
tifariam fuisse laceratos à plurimis, qui aut demendo, aut  
addendo, aut immutando eos coinquinarunt, in præmio  
libri, de libris proprijs, ipse admonuit. Cum enim opera au-  
ctorum extra omnem ingenij aleam doctissimorum, in  
templo Deorum suorum reponerentur palam ea collocan-  
tes, vt omnibus esset perspicua editio: hæc (tum bello,  
tum



tum incendio solo æquatis delubris) peribant, vel lacera, aut maiori ex parte deturpata remanebant, ut ipse *lib. 1. de compos. medicam. per gener. cap. 1.* retulit manifestè. Consecuisse autem veteres ad templa, opera sua deferre tradit Sueton. *cap. 29.* Poëtæ enim ad templum Apollinis, libros suos mittebant, ut constat ex Martiali *epig. 38. lib. 1.*

*Inde sacro veneranda petes palatia cliuo.*

*Plurima qua summi fulget imago Ducis.*

*Et epigr. 3. lib. 12.*

*Iure tuo veneranda noti pete limina templi.*

*Reddita Pierio sunt tibi templa choro.*

Et Persius in *prafatione* dixit:

*ipse semipaganus*

*Ad sacra vatam carmen affero nostrum.*

Quæcumque igitur à Galeno scripta sunt, ut diuulgarentur, in templo erant posita, ideoque limata, ac perfecta: si verò mutila aliquando inueneris, ut ipse *in com. lib. 7. & 8. epid. Hippoc. animaduertit*, hanc fuisse causam iure optimo arbitraberis.

Sextò. Probari non indecorè potest ex documento, seu historia, quam Galenus pro puero epileptico conscripsit: in quo libello (germanus licet sit, & à Paulo, Oribasioque receptus) plura Galenicæ doctrinæ aduersa, utpote ab alio adiecta reperiuntur. Clarissimorum autem Medicorum libris multa fuisse inserta, vehementer deplorat Galenus *lib. 1. prorrh. com. 4. & lib. 6. epidem. sect. 2. com. 4. & 3. sect. com. 19.* Accedit quòd librarij, seu transcriptores, Galeni libros peruerterunt, ut de Hippocratis libris queritur Galenus *lib. 1. epid. sect. 2. com. 83. & lib. 3. de humorib. com. 29.* Audi ipsum causas operum suorum corruptorum afferentem, *cap. 1. de libris prop. Et quoniam libros meos multi multifariam laferunt, tanquam ipsorum proprios, alij in alijs gentibus legentes; quadam tum demendo, tum addendo, tum immutando consultum mihi visum est, eam prius causam, quam propter illi hæcenus corrupti sunt, & deinceps qui mei reuera sint libri, & quæ cuiusque materia, exponere, &c.* Hoc palam confirmant, Allemantius Hæduus, & Iacobus Scutellarinus, qui libros de septim. & octimest. part. & libros de natura hum. non infeliciter sunt interpretati.

Sed cum ego fuerim semper deestatus eos, qui leni de causa cum Neotericis manifesto errore succumbentes, Galeni dicta peruertunt: idcirco affirmandum est, huius historię fidem esse multam; cuius veritatem Medicorum peritissimi confirmant, de quorum numero sunt Vallesius *lib. 9. conf. 9.* Ioan. Brauius *lib. 1. de purg. rat. cap. 12.* Marcell. Donat. *lib. 1. de hist. mirabil. 12.* Quid dubitandum? nonne sunt mutui rerum consensus in natura, quorum interuentu tractio celebratur? nonne magnes ferrum attrahit, & concatenatas acus è longinquo? nonne succinum paleas, & quicquid alias omnes occulta quadam virtute ad se allicit? Dari autem specifics proprietates miras, ex veterum, & iuniorum mente probat Marcellus Donat. *lib. 6. de hist. mirabil. 3.* & exemplificat eruditissimus Ruellius *lib. 1. de natur. stirp. c. 22.* Nam omnia ad manifestas reducere qualitates, summa impudentia est, dicebat Scaliger de subtilit. in Cardan. exercit. 2. 18. num. 8. & ea quatuor illis primis qualitatibus non oriri, disertè probauit eruditissimus Santorius Santorius *lib. 8. method. vitandor. error. cap. 10.* Res patet exemplis. Acus nauigatorię extremi apiculi magnete temperati incredibili distantia ad septentrionem tractatio, atque conuersio, miraculum sanè antiquis incognitum. Calthæ florum sub solis ortum pansio, sub meridiem integra expansio, moxque eorundem sensim in occasum vergente sole contractio. Demum concordię, & discordię naturales rerum adsunt, quarum causa manifesta reddi non potest. Harum exempla admiranda, lege apud Fernel. *lib. 2. de abdit. 17.*

Syluatici obiecta sic solues. Dic ad primum: Neque Hippocratem, aut Galenum medicamento primò, ac per se sanguinem educentis mentionem fecisse, quoniam hoc, venenum est, cum sanguinem extra corpus effundat. Nec ex eo asseras, phlebotomiam esse venenosam, aut aliud sanguinem educens auxilium: nam ex illa sanguinem manantem pro arbitrio nostro, imposito vulnere digito, aut ligatura supprimimus; medicamento autem hæmagogi deuorati se-

*Lib. II.*

mel, operationem impedire non possumus. Adde indecorum fuisse Galeno, si huius medicamenti faceret commemorationem, cum in certam hominis ruinam si inuentum; Magistri verò præcepta eò tendunt, ut sanguis in corpore conseruari queat, nequaquam minui, ac extinguì. Huius herbæ refert Conciliator *diff. 14. art. 4.* habitam fuisse notitiam Paduæ à quodam: herbam auctor iste agnoscit, sed occultat, ne forte aliqui ea vtantur, & conuertant in malos vsus: maximè quum eā non optemus; nam superfluum sanguis facilius venæ sectione, quā pharmaco educitur.

Ad secundum. Dubitari potest: & meritò sanè, quorū pacto herba illa sanguinem è suillo iecore attraheret, cum nihil esset, quod facultatem tractricem de potentia ad actum deduceret. Sed si dicas, præfatam qualitatem in herba illa actu contineri, vera propones: tanta enim quantitas sanguinis è iecore, licet recenter adhuc ab animali extracto, non poterat emanare, nisi innata, & actualis vis in ea adesset, qua sanguinis riuiolos ex compacta, & densa iecoris substantia attrahere posset.

Ad tertium. Quid inconueniens est, hanc herbam attrahere sanguinem, relictis aliis humoribus, cæterorum medicamentorum expurgantium instar: licet enim huius euentus nullum habeamus experimentum, quoniam Medici, quicunque ratione aliqua præditi sunt illius non fecere commemorationem; hæc emus tamen Actuarium *lib. de medicam. composit. 11. 10. de simpl. medic. purgantibus, in fin.* plurima extare hæmagoga medicamenta affirmantem, ex quibus nonnulla venenosam obtinent naturam, alia tantum à venenis distanc, ut ab alimentorum natura non multo interuallo recedant.

Ad quartum. Sicut medicamenta suapte natura deleteria, si modicè sumantur, redduntur vtilia: sic etiam ea quæ à proprietate sanguinem redundantem attrahunt non sunt venenosa; nec enim venæ sectio sanguinem superfluum euacuans, est venenosa. Vocauit autem Gal. hanc herbam venenosam, quoniam purum, integrumque sanguinem eliciebat; hæmagogum autem medicamentum, putridum, vel alia qualitate scædaturū proprietate trahit. Quare si medicamenta hæmagoga primò, & per se sanguinem attrahentia, in modica quantitate assumantur, non nocebunt. Quæ autem hæc sint, siluere Medici, nec a in malos vsus nefarij homines conuerterent.

Ad quintum. Nullum dari medicamentum hæmagogum, non bene concludit Mesuè, quod natura tantam sanguinis curam habuerit, illumque retineat; nec nisi coacta vi medicamenti immoderationis trahi permittat. Nam etiam natura miram hominis curam habuit, cuius causa cuncta hæc genuit: at ipsa, venena plura homini infesta & inimica valde assidue proferit.

Ad sextum. Citra rationem Galenum accusat, sumpto argumento ex libro de puero epileptico, in quo plura sunt adiecta, quæ Galeni phrasim, puramque docendi methodum minimè redolent. Sed quàm infirma ratione Galeni asserta impugnet, leges in libro primo, in historia 28. de puero epileptico: quo loco huius historię necessitatem esse, maximam, præstantiam multam, in eoque grauissima artis theoremata esse posita, non nisi ex fecundissima Galeni mente deprompta sumus præfati; solutis pluribus obiectionibus, quæ in contrarium facere videbantur. Haud igitur aduersantur Syluatici dicta, & obiecta Galeni sententiæ, dum apposita historia dari medicamentum hæmagogum manifestè fatetur: immò à paradigmatis Medicis desciscit ipse, qui citra euidentem rationem, probatæ fidei auctores acriter ita condemnat.

*Sanguinem primò, tum vitam emittebat.* Altiùs de sanguine esset incipiendum exordium, nisi eminentissimi medicinæ professores tam latè doctèque de eius generatione, & temperamento, quantitate, & effectibus disputarent; de quorum numero præcipui sunt Valleriol. *lib. 1. loc. commun. c. 11.* Ioan. Lupus ad tyron. *lib. 3. dialog. 2.* Otto Casmanus *part. 1. de psychologia hominis, cap. 12. quæst. 3.* Georgius è Saà in suis quæstionibus de sanguine Iacobus Segarra, Ludouicus Lemosius, Mercatus, Andreas Laurent. Veiga, & Vega, Antonius Foncius à Cruce, Peramarus Vallesius, & alij citati à Bauhino *lib. 1. theatri anatomici, cap. 44.*

in fin. quos, & alios refert Carterius, in com. cap. 2. Auicen. A  
in 1. 1. doct. 3.

Liceat tamen inter tantos viros, paucula de sanguine Laconicè prælibare. Ex quatuor humoribus sanguis familiarissimus, ac mitissimus est, & ad naturæ opera accommodus valde, ut qui caloris nostri fomes sit, ac alimonix nostræ congruens, conueniensque materia. Insuper mitissimas habet qualitates, quibus naturæ maximè sit gratus, calorem nempe temperatum, humiditatem mitem, dulcedinem insignem, & permeabilem in omnes vias, & ductus etiam angustissimos, substantiam naturæ nimis obsequentem obtinens; quare meritò ab Ishach lib. feb. part. 4. cap. 8. & lib. 1. de clement. post med. naturæ amicus, filius, & dilectus vocatur, & à Mesuè, lib. 1. de re medic. theoremat. cap. 2. vitæ thesaurus dicitur: nihil ergo mirum si ab ipsa ad extremum vitæ terminum retineatur vehementer, & nonnisi vi coacta cum insuperpurgationibus exire permittat, ex Galen. lib. 3. simpl. cap. 21. Hoc est illud nectar viuificum, & primogenium, quo partium omnium robur recreatur, & in quo calor noster perseverantiam obtinet; ex Gal. lib. de curand. rat. per sang. mis. c. 5. hoc destituti moriuntur iugulari, & quibus in aliqua parte vulnera illata copiosum sanguinem fundunt: Sic animo linquuntur, & lyncope corripiuntur, quibus ex venæ sectione, aut alia quavis parte, larga equura est hæmorrhagia: nam ij decolores fiunt extenuati, pigri, & ad quælibet peragenda munia imbecilles, & inepti. Contrà qui plurimam sanguinis copiam acervant, viuidi sunt, roseo colore perfusi, carnosii, firmi, vegeti, robusti.

Demum. Cùm vita sit participatio calidi in humido, sanguinei sunt longæuissimi, quotquot accommodata, & quantitate, & qualitate calidi, & humidi constant: cùm enim calor noster temperatus est, nec amplior, ut exiccet, nec minor, ut suffocetur: & humidum crassum, lentum, non friabile, piscium instar, pabulum aptissimum obrinet dulce, & copiosum; tunc ille diutissimè alitur ex humido, non aliter quàm ignis ex lignis, & lucerna ex oleo. Quare sanguinea temperatura diutissimè viuit, & est minus putredini obnoxia; quum scilicet & calor, & humiditas non valde excedunt, ita ut hæc illum copia sua non obruat ac minuat, quo debilitato & occupato ab extraneo fit putredo; neque calor innatus exorbitet, tunc enim fit ebullitio, resolutio, & putredo. Adde quòd licet ratione temperamenti sanguis plus cæteris humoribus sit aptus putredini; ratione tamen substantiæ dilectæ amplius à natura tutatur, & à putredine defenditur. Sic inter plantas, oleoso, pingui, constante, permanentique humore abundantes, & viuaciores sunt, & minus putredini obnoxie; innatus enim calor humido recreatur, in eo diu durat, fugit à merè siccis, in his resoluitur & extinguitur.

De sanguinis origine & effectibus, sat plura conscripsit inter omnes Fernel. lib. 6. Physiolog. cap. 3. & 2. Patholog. 12 Iacobus Fontanus lib. 3. Physiolog. part. 1. c. 5. De eius conditionibus pulchra prædixit Galen. lib. de atra bile, cap. 2. Generatur ergo sanguis in hepate, substantia mediocris, colore rubeus, sapore dulcis: quidquid à venis tam iecur, abientibus, quàm remotis, sanguificandi officium proficisci arbitrentur quidam; licet non vi propria, sed à iecore demandata alij id posse fieri contendunt: de quo argumento plurimas videbis quæstiones, multis dubiorum labyrinthis inuolutas, quas ad plenum citati retulere auctores, adeoque hoc humore reuiuiscit natura, ut cum in maxima copia progignat: nam in optimè sano corpore sanguis abundat quantitate 48. vnciarum, pituita 24, bilis 12, melancholia sex. Itaque huius benigni humoris tam sollicita est natura, ut in eius generatione sedulam operam impendat, ita ut pro nutrimento animalis singulis quibusque diebus libra vna sanguinis alitioni necessaria generetur, autore Botallo

lib. de curand. rat. per sang. mis.

cap. 28, & 33.

\* \*

\*

## QVÆSTIO X.

Quòd intemperata corporis constitutione maior copia bilis, quàm melancholia generetur. Contra Gentilem, Fernel. Brau. Riolanum, & Poncium, Medicos eximios.

**D**E proportionem qua sanguis cum cæteris humoribus in corpore abundat, apud iuniores litigium esse solet. Gentilis auctor sanè grauissimus, & in dubiis arduis explicandis acutus, & solers, censuram suam expendens, in 1. 1. doct. 4. in comment. cap. 1. in benè temperato, & optimè sano corpore, purum sanguinem multum excedere, cæterisque præstare affirmat, ab hoc deinde pituitam, quoniam dulcis est, potestque in sanguinem conuerti, & quàm pluribus partibus nutriendis est necessaria: post hos humores succus melancholicus quantitate superat flauam bilem, quæ omnium paucissima est. Huius opinionem sequuti sunt Fernel. lib. 6. Physiolog. cap. 8. Riolan. cap. 12. Physiolog. Ioan. Brauus Petrasian. lib. 2. de curand. rat. per medic. purgant. exhibitionem, c. 1. Antonius Poncius in lib. 1. Auicen. opuscul. 6. de humorib. cap. 4. in fin. De quantitate sanguinis, & pituitæ nulla potest esse hæsitatio ob dictas causas. Quòd succus melancholicus flauam bilem superet, evidentes monstrant rationes: & quòd plures partes nutriantur sanguine melancholico, quàm bilioso; & quòd illius receptaculum, quàm bilis, plenius, & capacius deprehendatur in nobis; & quòd in sanguine emisso plus subsideat lutulenti, quàm per summum innatet biliosi.

**C** Sed cùm Gentilis, Ferneliusque nullius probationis idoneam auctoritatem, aut firmam rationem afferant, non est, quòd repudiato & spreto Galeno, illis subscribamus. Hanc utriusque bilis metam lib. 5. de usu part. 6. ab ipso fuisse receptam, legimus; Siquidem in commensurata corporis constitutione, biliosum recrementum quantitate excellere melancholicum, palam inibi proficitur. §. Nam paucissimum quidem est melancholicum excrementum; copiosius autem ipso biliosum. & c. Vt hinc plane intelligas, horum auctorum opinionem à veritate esse maximè alienam. Hoc ita esse, argumentum à sensu deductum apertè demonstrat. Conspicimus siquidem quotidie, maximam biliosi recrementi quantitatem, per intestina & vesicam excerni; exiguam autem melancholici: alioqui, cùm nullum excrementum purum sit aptum nutritioni, assignare oportet partem aliam, per quam melancholici tanta quantitas foras trudatur; quæ cum nulla sit, necesse est concedere, amplio-rem quantitatem excrementi biliosi in temperato corpore coaceruari, quàm melancholici. Nec aſſeras Galenum fateri hoc dumtaxat loco solum de excremento, non tamen ob id sensisse, flauam bilem in eadem corporis constitutione excellere melancholicum succum: futilis namque & inanis est obiectio hæc, nam copiosum excrementum nonnisi à copioso humore decidi potest. Adde fuisse necessarium, succum melancholicum in paucissima quantitate abundare, cùm suis qualitatibus nativo nostro calori repugnet. Amplius patet. Nam quartana inuadit de quarto in quartum; tertiana de tertio in tertium; non alia sanè de causa, quàm quòd paucissimum sit recrementum melancholicum, biliosum autem copiosius.

**E** Ad obiecta facilis est responsio. Si enim rei meditulum accuratius expendis, nihil planè momenti eiusmodi argumenta contra Galenum concludere indicabis. Nam (ut à primo exordiar) plures partes nutriuntur sanguine bilioso, quàm melancholico; quoniam multo plures sunt carnosæ & calidæ partes, quàm frigidæ & siccæ: & licet hæc calidas excederent, opus erat ut harum partium alimentum, quantitate superaret alimentum partium frigidarum & siccarum; illæ enim ocyssimè resoluuntur; frigidæ verò ob innati calidi languorem, & substantiæ densitatem tardissimè. Constat autem sanguinem in temperato corpore bilis magis esse participem, quàm melancholiæ. Adde quòd magna pars terreni excrementi, ex quo melancholia constat, fuit in ventriculi confectione separata.

Legc

Lege Mercatum tom. 1. lib. 1. part. de humorib. clas. 1. quæst. 65.

Secundum verò argumentum, ex ampliori capacitate receptaculi atræ bilis depromptum, verum minimè est, immò manifestissimum ex se præbet errorem; non enim melancholiæ receptaculum amplius fuit quòd amplior in corpore melancholiæ copia acruetur, sed ut sanguinem ab hoc terro & fæculento humore, suis qualitatibus vitæ maximè aduerso, & contrario, liberaliùs expurgeret natura, & detruderet ad vas amplum, in quo terrenus succus, ad lienis, & postea ventriculi vsum commodè elaborari posset.

Tertium de extracto post venæ sectionem sanguine argumentum, ficulneum est, & sensuum iudicio aduersum. Quippe illa lutulenta pars, & atra quæ residet, licet flauam superet, in cæteris tamen purioribus partibus sanguinis, potius flaua bilis atram vincit; non enim solum illa pars quæ per summum innatat, est quæ ampliorem continet quantitatem flauæ, quàm atræ, sed cunctæ illæ quæ rubidæ, tenues, nec nigræ conspiciuntur. Nostram positionem firmat Rabbi Moïses 2. particul. aph. 30. dum humorem nigrum minorem esse omnibus, & curiunum esse maiorem nigro, manifestè asseuerat: à quo desumpsit Petrus de Peramato, lib. 5. de humorib. cap. 5.

## HISTORIA XII. GALENI,

### De læuium arteriarum pulmonis obstructione.

Antipater ex obstructione læuium arteriarum pulmonis, ob crudum tuberculum suborta, emoritur.

**E**A verò qua Antipatro Medico acciderunt, nemo est qui nesciat, vtpote qui medicam artem publicè apud Romanos professus est. Agebat hic ætatem sexaginta. quidem annis minorem, sed quinquaginta iam annos excefferat. Is correptus aliquando febre quadam Ephemera, idque ab euidenti causa, declinanti iam febre, ut quid sibi factu opus esset, intelligeret, pulsus ipse suum tangere aggressus est: cum igitur omne inæqualitatis genus in arteriarum motione inueniret, imprimis quidem terribus est: deinde verò cum se non febrile planè sentiret, illicè balneum subii, quippe laboribus, ac vigiliis corpus fatigauerat, atque tenui victu, donèc tertium diem præterisset, usus est: quo cum nulla appareret febris, ad solita negotia pertractanda prodiit, atque arteriam \* in extrema brachij sui parte tægens, admiratus est perseverantem in pulsibus inæqualitatem: occurrens igitur mihi, extendit manum ridens, insititque pulsus tangere. At ego subridens, quid, inquam, sibi vult hoc quod proponis enigma? Ille iterum ridens, obnixè rogauit ut tangerem. Igitur inter tangendum omnimodam in pulsibus inueni inæqualitatem, non solum in multarum pulsationum cumulo quæ \* systematicen (id est, congregatricem) vocant, verum etiam in una arteria distentione. Proinde miratus quomodo adhuc viueret, quum talem haberet pulsus, interrogavi, num difficilis esset aliqua ei respiratio; illo verò nullam se sentire respondente, obseruavi equidem an aliquando mutaretur, quippe sex mensium spatium assidue arteriam tangebam. Quumque ab initio interrogaret, quanam corporis dispositio, mihi videretur posse huiusmodi pulsus efficere, atque per quem modum, idque circa febre: ad eam quæstionem respondi, in commentariis de pulsibus, iam declarasse me huiusmodi inæqualitatem namque ob magnarum in pulmone arteriarum angustiam id euenire putari, angustia verò causam esse viceris inflammationem. At tibi hanc ob causam (dixi) id nunc accidisse impossibile est, quippe febre fuisses affectus. Relinquitur igitur vel obstructionem ex liquidis, & crassis & viscosis humoribus, vel \* crudi cuiuspiam tuberculi ortum, in huiusmodi te dispositionem induxisse. Tum ille respondens, Oportuisset (inquit) me suspiriosa orthopnoea laborare. At ego probabilia dixi ipsū loqui, sed à veritate aberrare: quippe fieri nonnunquam huiusmodi orthopnoeam ob eam quam diximus causam, id verò

cum in asperis, non in leuibus arteriis crassus, & lentus humor cumulat. Proinde ei omnem victus rationem, atque medicamenta quoque haud aliter quàm Asthmaticis adhibere iussimus: deinde sex, ut dixi, mensibus elapsis, leui quadam spirandi difficultate affectus est, accedente simul cordis palpiatione: inprimis quidem semel, deinde bis, atque ter, postea quater, ac sæpius quoque aucta spirandi difficultate, ad quindecimum usque diem: post quem difficillima oborta inspiratio ne, exoluitur statim obiit, aliorum quorundam exemplo, qui cordis affectibus laborant, &c. Galenus lib. 4. de loc. affect. cap. vlc.

## PARAPHRASIS.

**C**eleberrima est historia hæc, & à Medicis sæpius in memoriam reuocanda. Vidimus enim non paucos, qui hac respirandi difficultate correpti, morte præuenti sunt; cuius causam plurimi in status crassos & naturalibus partibus eleuatos, & septum transversum comprimantes reiecerunt, quum nullam, aut perexiguam tussim conspicerent, neque humoris viscosi per sreatum cernerent copiam excretam.

Depingit ergo Antipatrum Medicum obstructione læuium arteriarum laborantem; eaque vel à crassis, & viscosis humoribus in ipsis læuib. arteriis infarctis; vel à phymate, seu duro tuberculo in eisdem genito pronata. Sed cum obstructiones istæ solo pulsu dignoscantur, nec vllum aliud adsit iudicium, nec tensio, grauitas, dolor, percipiantur, necessariò organis, & instrumentis læsis pulsus immutari est necesse: sicque non solum in pulsu omnigena inæqualitas in multarum pulsationum cumulo, quam systematicen, seu collectiuam appellant, verum in vnica pulsatione sentitur. Quare in huiusmodi obstructionibus, magnæ & paræ, celeres & tardæ, raræ & frequentes, validæ & imbecilles pulsationes animaduertuntur; sed in eadem pulsatione sæpe inæqualitas quoad plures differentias, sentitur.

Ex tuberculo autem crudo hoc vitium fuisse Antipatro ortum, firmat cum auctoritate ratio; (renuat licet Carerius disp. 42. cap. 4. ad libros de affect. de loco, affectus quem Antipater passus est) nam neque orthopnoea laborauit, neque magnam sensit grauitatem, neque stertorem inter respirandum passus est; nulla præcessit à capite distillatio, neque tussis humida, à lentis, crassis, multique succis, in bronchiis ipsis existentibus, aut iisdem ab aliis partibus, ad eadem delatis, ipsamque asperam arteriam obstruentibus concitata, eum afflixit; sine quibus difficilis respiratio ex viscosis humoribus suborta, & læuium arteriarum obstructionem efficiens, consistere non potest. Hoc pariter confirmat Aëtius libr. 2. serm. 4. cap. 57. quorum, ut inquit Galen. lib. 4. de loc. affect. cap. 7. Si quis per bonam valetudinem solitas actiones facere potest, si difficulter inspirare inciperit, augeriturque symptoma, neque inter respirandum stertere videatur; ad hæc nihil expuit, crudi tuberculi ortum suspicari oportet, quando iuxta lenes pulmonis arterias ipsum oriri contingit, & demum temporis diuturnitate asperas arterias coarctans, spirandi parit difficultatem. Si vero stertendo strepitum fecerit respiratio, lentorum, crassorumque humorum pertinaciter impactorum multitudinem, pulmonis bronchia molestare indicium est, &c.

**E**Hæc tamen obseruata lege intelligas, ut respirandi difficultas à crassis humoribus orta, non sit semper vniformis: nam modò est intensior, modò remissior: contra quando à tuberculo procedit, semper est æqualis: quoniam causa semper est fixa, & stabilis. Insuper in illa, pulsus erunt magis inter se diuersi, & varij, prout humor obstruens, in hanc, aut illam partem influit; in hac pulsus inæqualitas erit magis vniformis, quum eius causa sit magis permanens, ac constans. Hæcque respirandi difficultate laborasse Antipatrum tenent Scholiograph. Holler. ad cap. 30. lib. 1. de morb. internis, & Donat. Anton. ab alto mari lib. de meden. human. corp. malis, cap. 48. Tuverò de læuium arteriarum obstructione, & eius curatione, lege quæ eruditissimus Petrus Salius, inter omnes eloquentissimè conscripsit, libr. de affectib. particularib. cap. 21.



Nec mireris Galenum causam non attulisse, cur cum tanto periculo adhuc viueret, nam facilis responsio erat, Cum enim exactam victus rationem obseruaret, causæ morbificæ augmentum impediens; in tam longum tempus vitam produxit cum illo pullu; huius enim causa non erat adeo fortis, vt citò occideret, cum præcipuè adhuc respirationis læsionem aliquam non haberet, hocque maximè notauit Galen. vt perdurantis vitæ rationem aliquam tacitè innueret. Cum verò adeo causa morbifica aucta fuit, vt asperis arteriis communicaretur malum; hac de causa post sex menses elapsos, ob id primum exorta est leuis orthopnoea, deinde maior, ac postremo suspiriosa, ac difficillima effecta; quæ sibi sociam adiunxit cordis palpitationem, eleuatis nempe vaporibus prauis, ac in propria substantia cordis communicatis. Mortuus autem fuit, extincto, ac propè exoluto vitali spiritu ob vim ferientis auræ, negatque ob impeditas, maximèque obstructas vias refrigerio, Proportione autem quadam palpitationem reuerti protuisse dicendum est, quoniam ex temporum proportionatis interuallis clari vapores, cor oppugnantes, hoc ad similem motum cogebant. Quamobrem eo mortis genere occubuisse Antipatrum dixit Galen. quo moriuntur, qui cordis affectibus premuntur, syncope nempe, qua correpti repente sæpe vitam cum morte commutant, auctore Galeno lib. 5. de loc. cap. 2.

#### D V B I V M IV.

*An Hippoc. pulsum exactam notitiam habuerit.*

#### COMMENTARIUM

**S**ystematicam, id est, congregatricem vocant.] Tam ardua est pulsum notitia, & variis difficultatibus plena, vt plurimi ex ignoracione eam temnentes, vnam, inutilem, longissimam, & incomprehensibilem arbitrati, simplicissimas pulsum differentias solum esse necessarias, imprudentia, & temeritate quadam fuerint arbitrati, eo maximè argumento decepti, quod Hip. nostræ artis coryphæus, & medicarum rerum indagator peritissimus, sphymicam artem nec excoluerit, nec perfecit, *vel quia non nouit, vel quia parui momenti esse putauit*, vt 3. cris. cap. ult. & lib. de præcognit. ad Posthum cap. 12. & lib. 3. epid. sect. 3. com. 80. retulit Galenus.

Sed cum fieri non possit, vt idem simul incipiat opus, & perficiat, monente Gal. lib. 2. de facult. naturalib. cap. ult. in fin. Hippocratem, summum Medicinæ magistrum, & primum conditorem, eam partem quæ ad pulsum pertinet, intactam non reliquisse, affirmamus, nam incepit eam, & excoluit, non tamen ad vmbilicum perduxit. Hoc, ita vel ipse Gal. fatetur lib. 1. de diff. puls. cap. 2. & lib. 1. de humorib. com. 2. & lib. 2. de loc. cap. 8. & lib. de salub. diat. com. 20. qui Hippocratem primum omnium, motum arteriarum, qualiscunque is esset, pulsum appellasse affirmat. Sed quorsum ad huius rei confirmationem, Galenum testem adduco? Nonne ipse Hipp. disertis verbis in pluribus locis, ad plurimos morbos curandos, atque præfagiendos, veluti cuiusdam magni signi meminit? Nam in lib. de alimento. Venarum pulsationes, morbi & sanitatis esse signa, affirmat. Primus ergo auctor nominis pulsus, Hip. fuit, & plurimas, notatque dignas pulsum differentias cognouit: Si verò non magni momenti signa ex pulsibus putauit, comparacione spiritus intelligas velim, cum Ludouic. Lemoio lib. 3. de optima prædicend. rat. cap. 7. quasi diceret Galenus: cum Hip. rationem spiritus magni faceret, non magni momenti esse signa pulsus existimauit. Quanti autem Hip. ad præfagiendum fecerit spiritum, facile ex ipso colligi potest, in lib. epid. in historia Philisci, Sileni, uxoris Dromeade; ne quid interim commemorem, quæ de respiratione in prognosticis scripsit; & Gal. tribus libris de difficultate respirationis, ex sententia Hip. tradidit, vt refert Hentnius lib. 10. in stat. c. 1.

Insuper Hip. nomine spiritus, ipsum pulsum intellexit, quo factum est vt Gal. quamplures differentias pulsum

A scribens eas à diuersitate spiritus, quam docuit acceperit. Audi Hip. lib. 7. de morb. vulgarib. in historia Filij Balis, num. 12. sic alloquentem: Spiritus ad manum malus, non densus, neque magnus, &c. quo loco per spiritum ad manum malum, pulsum intellexit. Ex iis igitur locis, & aliis eiusdem libri, nimirum historia Erarolai, Filij Cidis, Polycratis, Vnctoris, Menonis, Polemarchi, ex Hip. intelligi potest, ipsum, motum arteriarum frontis appellare pulsum; manuum verò, spiritum. Cæterum duabus in partibus Hippocratem tetigisse pulsum, in fonte videlicet, & in carpo, certa res est apud eos, qui Hip. monumenta in superioribus Historiis Hip. annotarunt. Cum ergo spiritus, & pulsus eadem sit proportio in motu, causis, differentiis, à quibus immutatur, & in vsu, auctore Galen. lib. art. medic. cap. 3. & lib. 1. de differ. respir. cap. 6. 7. 8. & Auic. 1. 4. tract. 1. cap. 6. nihil mirum si nomine vnus, alterum intellexit. Hippocrates ergo exactam pulsum notitiam habuit.

Post Hip. non defuere viri percelebres, & maximè exercitati, qui plura addentes, vsque ad nostra sæcula absoluerunt. Hi fuerunt Asclepiades, Arhenæus alter, Agathinus, Heraclides Erythræus, Chrysermus, Bacchius, Alexander Philaethes, & alij, quorum Galenus in libris suis de pulsibus, maximam facit commemorationem, sed præcipuè Archigenis, & Erasistrati, in quorum libros de pulsibus, duo facit commentaria, vt ipse refert lib. 2. de præfag. 4. quæ omnia cum aliorum auctorum scriptis, in Romano incendio conflagrarunt.

C Licet autem Herophilus admiranda scientia præditus, pulsum harmoniam describeret, vt referunt Plinius lib. 10 cap. 37. & Strabo, in fin. lib. 12. alique plurimi citati (vt ex Laërtio, Suido, Theodoro, & aliis fide dignis auctoribus constat) id negotium agitasse dicantur, quorum monumenta tempestate nostra amissa, in Galeni, qui Imperatorum, & variarum regionum bibliothecas perscrutatus erat, manus forsan peruenisse, atque inde optima quæque in proprios libros congestisse, meritò credantur: tamen Galen. cæteros, dicendi copia, vbertate, ac facundia, mirabilique ordine antecelluit ita, vt eius libros de pulsibus, omnis Medicorum chorus, tanquam numen quoddam hodie suscipiat, ac veneretur.

Hic ergo summus auctor in sphymica arte præstantissimus, difficili illa quidem, incomprehensibili, obscurissima, & multis labyrinthis plenissima, ad quam solum ediscendam, totam hominis vitam esse necessariam, ipse lib. 1. de dignoscend. pulsib. cap. 1. edocuit; iudicio exacto præditus, internum, in profundo corporis delitescentem Antipatri affectum sola ratione, hoc est, oculis mentis, ex pulsus inæqualitate omnigena, non collectiua solum, verum etiam in vna arteriæ distinctione deprehendit.

Quare ad difficiliorem locum hunc enucleandum, succulentis Galeni dictis opus est. Nam vt scitè Ioan. Agricola Ammonius docet ad hunc locum, in pulsum doctrina errant omnes Medici præter Galenum; illi enim nec genera pariti sunt, & profectas ex facultate, vel instrumentorum vicio alterationes pulsuum, arbitrantur proprias ipsis febribus, ita vt inuadentis accessionis, & morbi, quidam crebros, & paruos; alij languidos; alij inæquales; alij celeres pulsus statuerint.

#### QVÆSTIO XI.

*Quod Galenus in explicandis, quidditate collectiua inæqualitatis, differentiis, & causis cæteros antecellat.*

**P**ræstat ergo de inæqualitate collectiua, eius differentiis, & causis, ex Gal. mente aliquâ prælibare. Inæqualitas duplex est, collectiua vna: simplex (id est, in vno ictu) altera. De prima agit Gal. lib. de pulsib. ad tyron. cap. 5. De secunda verò cap. 7. De vtraque lib. 1. de diff. puls. cap. 10. & Auic. 2. 1. doct. 3. cap. 2.

Simplex inæqualitas, duplex est ex Galen. lib. cit. ad tyron. cap. 7. & lib. 1. de diff. puls. cap. 13. vna in vna parte arteriæ,



arteriæ, in pluribus altera, v. g. ictus arteriæ perceptus à quatuor digitis ordine dispositis, potest considerari prout percipitur ab vno solo digito, vel omnibus simul. Si primo modo consideretur, inæqualitas in vna parte arteriæ vocatur: si secundo modo, inæqualitas in pluribus partibus arteriæ dicitur.

Simplex inæqualitas secundum vnam arteriæ partem tripliciter accidit ex Gal. lib. 1. de diff. puls. cap. 13. ad fin. & lib. cui titulus est, synopsis de pulsib. c. 18. in princ. & 2. de caus. puls. cap. 4. in princ. Vel enim arteriæ motus recurrit, vel est interruptus quiete, vel continuus. Primus pulsus dicitur dicrotus. Secundus intermittens in vno ictu, de quibus sat plura Galen. lib. de diff. puls. cap. 17.

In vtroque pulsu tam dicroto, quam intermittente in vno ictu, multa accidit inæqualitas. Intermittens enim potest habere primam partem sui motus, quæ præcedit interruptionem, tardiorē postrema; quæ sequitur post interruptionem, celeriorē: & vocatur is pulsus, caprizans à Gal. lib. 1. de diff. puls. cap. 29. Eadem etiam inæqualitas in pulsu dicroto contingit.

Pulsus inæqualis in vno ictu secundum vnam partem, & continuus, duplex est: aut enim est inæqualis æqualiter, aut inæqualis inæqualiter, ex Galen. lib. 1. de diff. puls. cap. 15. in princ. Inæquales æqualiter dicuntur, qui celeritatem, aut vehementiam, sensim & æqualiter amittunt, vel augent; veluti si arteriæ motus sit celer in principio, in medio moderatus, in fine tardus: Inæquales inæqualiter non seruant istum ordinem, sed v. g. arteriæ motus in principio moderatus, in medio celer, in fine tardus; vel ex velocissimo motu ad tardissimum subito transit, quanquam hoc vltimum raro accidere Galen. cit. proxime loco testatur.

Simplex inæqualitas secundum diuersas arteriæ partes fit, quando quatuor, v. g. digiti applicantur arteriæ, & motus partis arteriæ à digito indice tactæ est maior vel celerior, quam motus illius partis arteriæ, quæ tangitur à digito medio, vel annulari, vel minimo, aut vice versa. Potest hæc inæqualitas esse quiete interrupta, vel continua. Si enim arteriæ motus ab omnibus digitis percipiat, erit continua, de qua agit Galen. lib. 1. de differ. puls. c. 18. Si tamen sentiat à primo, & tertio, non verò à secundo, interruptam vocat Galen. cit. loco; cap. 19. ubi quatuor primas huius pulsus constituit differentias.

Inæqualitas tam continua, quam interrupta, vel est æqualis, vel inæqualis, ex Galen. loc. cit. cap. 8. Æqualem voco, quando motus arteriæ sub digito indice est magnus, indeque talis motus sensim minuitur vsque ad digitum minimum æqualiter, vel è contra, sit parvus motus sub indice, & inde paulatim augeatur vsque ad minimum. Inæqualis est, quando arteria tacta à digito medio maiorem facit motum, quam ea quæ respondet indici, annulari, & minimo. Hinc iam prodeunt duæ pulsuum differentię. Pulsus enim, qui à primo digito versus vltimum, sensim deponunt magnitudinem, vocamus decurtatos in eodem ictu; qui verò in medio digito sunt maiores, & versus primum, & vltimum minores fiunt, dicuntur decurtati vtriusque, de quibus Gal. 2. de caus. puls. cap. 2. in fin. & 3. in princ. ex professo disputauit.

Collectiua igitur inæqualitas, ex aceruo plurimorum pulsuum constat, ex Gal. lib. 1. de diff. puls. cap. 11. in princ. estque paritatis pulsuum corruptela, in quamcunque cadat differentiam pulsus, ex Gal. lib. 1. de pulsib. ad tyron. cap. 5. Si enim paribus pulsibus intercurrit vnus impar, æqualitas corrumpitur. cit. ad tyron. c. 6. vt v. g. Si aliquibus pulsibus magnitudine æqualibus succedat alius paruus, & in cæteris differentiis.

Collectiua inæqualitas potest esse æqualis, vel inæqualis: illa dicitur, quum æqualiter, & paulatim perditur æqualitas, v. g. sit primo pulsu secundus paulò minor, & tertius tanto secundo, quartus tertio pari modo, idque ad plures vsque deinde perueniat; erit hæc inæqualitas æqualis; & vocabitur huiusmodi pulsus mutilus, & quasi decurtatus. Pulsus decurtati vel desinunt minui, vel perpetuò diminuuntur, nec minui desistunt, ad quietem denique prorsus recedunt, motuque deficiunt, quos

vocant deficientes decurtatos. At qui minuit desistunt, in duplici sunt differentia: quidam enim in qua primum paruitate diminui cœperunt, hanc seruant constantissimè. Alij de integro augentur, quos appellant rec. pro os decurtatos; quorum quidam ad pristinæ parem reuertuntur magnitudinem; aliqui ad minorem; ac nonnulli quibus antea excessibus sunt imminuti, his augentur rursus. Tot inæqualium sunt æquales differentię.

Inæqualium inæqualitatum quædam nullam prorsus inæqualitatem retinent: quædam seruant ad tres vsque, vel quatuor, vel quinque pulsus, sed postea amittunt affatim, & aceruatim, lib. cit. cap. 12. vt si v. g. sit primo pulsu secundus multò maior, & tertio quartus eodem modo, & sic in cæteris: vel si quatuor, aut quinque pulsibus paruis succedat quintus multò maior.

Collectiua hæc inæqualitas in omnibus potest fieri pulsuum differentiis, præterquam in vehementia vera; non enim ita repente facultas in imbecillitatem variat, & robur, auctore Gal. lib. 4. de caus. puls. c. 2. Licet in vehementia, quæ ex conatu oritur, possit reperiri; nihil enim obstat quominus facultas vitalis non aucta, apponendo maiores conatus, possit vehementiorem edere actionem. Excipe etiam duritiem, cui, si sit vera, hæc inæqualitas accidere non potest; nulla enim causa potest superuenire, quæ ita breuiter duritiem sensibiliter immuter.

Collectiue inæqualitatis causas indagandas aggredior. Tres sunt tantum causæ continentis pulsuum, ex Galen. lib. 1. de caus. puls. cap. 1. in princ. & Auic. 2. 1. doct. 3. sum. 1. cap. 5. Facultas nempe, instrumentum, & vsus: itaque cum ex his causis pulsus proficiantur, omnes primæ, & generales pulsuum differentię ex variatione harum causarum oriuntur, cit. de caus. puls. cap. 4.

Sed cui causæ ex prædictis continentibus collectiua inæqualitas tribuatur, sic accipe Primum. Vsus adauctus, imminutus, per se solum non est causa collectiue inæqualitatis pulsus. Secundum corollarium. Nulla inæqualitas oritur absque instrumentorum vitio absoluto, aut ad aliquid. Primum dilucide confirmat Galen. lib. 2. de caus. puls. cap. 1. in princ. Secundum probat Galen. 2. de caus. puls. cit. & 2. de præag. ex pulsib. cap. 4. sic enim inquit. Igitur de inæqualibus pulsibus, hoc in communi omnibus sciendum est, ex oppilationibus eos, aut ex compressionibus instrumentorum, aut humorum abundantia ad facultatem quidem collata, aut ex cordis inæquali intemperie constare, &c. Quatuor itaque numerat Galen. instrumentorum vitia, quæ inæqualem pulsuum faciunt; quum enim pulsus instrumenta sint arteriæ, & cor, si in his datur inæqualis intemperies, vel oppillatio, vel compressio, vel humorum abundantia ad facultatem collata, instrumenta non bene se habent. Inæqualitas igitur collectiua sine vitio instrumenti oriri non potest.

Obiiciunt contra Galeni doctrinam quidam, vnum fortissimum telum, quodd scilicet intemperies non refertur ad vitium instrumenti, sed potius vsus; si enim aiunt, pars vna arteriæ caler, & altera friget, in vsu est inæqualitas. Aduertant tamen quodd inæqualis intemperies potest esse humida, & sicca, (& tunc erit solius instrumenti vitium; nam esse inæqualiter intemperatum est instrumentorum vitium) ex qua fiet inæqualitas collectiua; sicca enim facit instrumentum durum, & difficulter mobile; è contra, humida molle, & facilius motus. Cum ergo hæc intemperies sit instrumentorum vitium, quæcunque alia erit. Si verò intemperies sit calida, & frigida, faciet vt vitium sit instrumenti solius, sed commune cum vsu (quod nequaquam contradicit opinioni nostræ,) qui inæqualis etiam est secundum diuersas instrumentorum partes; dupliciter enim fit inæqualitas pulsus ex inæquali intemperie instrumentorum: primo quia vsus in vna parte est adauctus, in alia minutus. Secundò, quia calida arteriæ pars facilius mouetur, frigida difficilius.

Sunt qui humorum abundantiam ad facultatem collatam, ad vitium facultatis referunt, non instrumenti; duplicique ratione hoc esse verum arbitrantur, & quodd Galenus passim vocet hoc vitium facultatis grauata, & quodd quantumvis instrumenta sint expedita, si virtus imbecilior

imbecillior est quam pro modo humoris, facit pulsum inaequalem. Dic hoc vitium commune esse facultati, & instrumento, quod non negamus; quemadmodum inaequalis intemperies est commune vitium vsui, & instrumento: Licet enim robusta sit facultas, si grauetur à vasis plenioribus magis, quàm pro eius robore, gignet inaequalem pulsum, quod docet Galen. 2. de caus. puls. cap. 1. ante fin. & 3. de caus. puls. cap. 16. ante fin. Cum verò facultas est debilis, & vasa expedita, oritur inaequalitas collectiua, non ex debilitate virtutis, sed ex qualicunque grauitate vasorum ad facultatem. Si verò instrumenta adeò sunt leuia, & expedita, vt virtutem etiam debilem non grauent, nequaquam fiet inaequalitas pulsus, ex Gal. 2. de caus. puls. cap. 2. in fin. Omnis ergo inaequalitas ex instrumentorum vitio absoluto, aut ad aliquid oriri solet. Obstructio enim, & compressio sunt vitia instrumentorum solum: inaequalis intemperies, est vsus, & instrumenti: humorum multitudo ad facultatem collata, est instrumenti & facultatis.

Quo pacto autem praedicta causa inaequalitatem faciant, nunc est discendum. Compressio arteriae, quam diximus esse solius instrumenti vitium, pulsum inaequalem efficiens, dupliciter fit: Vel vbi circa spatia, quae ad hoc creata sunt, vt distendam arteriam excipiant, aliud infederit corpus, veluti inflammatio, scirrhus, aut abscessus; tunc enim non possunt per illa coarctatae satis distendi. Itaque singularum actionum defectio summam interm magnam coaceruat, vt longè ab vsu officium absit: Ibi iam violenter agere, & vehementer cogitur facultas reicere, & illa propellere studet, quae instrumenta obsederunt, & motum prohibuerunt. Itaque si parem impetum facultas in omnibus quae consequuntur distentionibus retineret, aequè magni semper fierent, & vehementes, & celeres.

Comprimatur etiam arteria, quando humores obsederunt spatia per quae ipsa mouetur, quos cum natura vehementi motu propellere conatur, alium in locum defluere coguntur, dum in meatum impingant, qui educere ipsos possit. Itaque opus est, vt emanent ex corpore, vel etiam tempore tenuati, aut toti resoluti in habitum digerantur. Vbi diuersa etiam, & continens inaequalitas necessario fit, quod nec pari copia humores perpetuò deinceps maneant, nec eadem coarctent arterias, sed ex partibus saepe ignobilioribus in nobiliores, atque rursus ex iisdem in illas commigrent.

Cognosces tamen ab vna, vel altera causa ex praedictis, arteriae compressionem factam, si inflammatio, aut abscessus, aut scirrhus arteriis circumfusa corpora afficiat, à quo comprimantur, & coarctentur: tunc enim longioribus intervallis fiunt pulsus inaequales, quod lenta sit humorum mutatio, & varietas. Obstructio verò, quae altera collectiuae inaequalitatis causa existit ex humoribus crassis, lentis oriri solet, arterias praecipue obstruentibus, quae vel prope cor ipsum, vel procul quidem, sed in nobilibus partibus constituuntur; tunc enim quia nec allicere spiritum, nec reddere possunt, ex pugna naturae cum causis instrumenta viciantibus, diuersas, & difficilimas faciunt inaequalitates.

Ex sanguinis copia pulsum inaequalitas accidere solet, qui aut in venas, aut arterias ipsas sit infusus; sed copia illa in venis, arterias non secus ac tumor praeter naturam, vt pote iis vicinas, premit ac coarctat, & ita refertur ad compressionem. At verò sanguis qui in arteriis est, occupat spiritus riuos, & ex plenitudine illa non subest liber spiritibus transitus, sicut in obstructione ad quam reducitur. Repletio ista sanguinis in arteriis contenti, ab arteriae obstructione, & compressione quodammodo differt; ab hac, quoniam haec prohibet arteriae dilationem, repletio verò contractionem; ab illa, quoniam non omne obstruens replet, licet omne replens obstruat. Deinde quia licet arteriae repletio, & obstructio, fuliginosa excrementa liberè expurgari prohibeant, diuerso quidem modo id accidit; in repletionem namque propter defectum compressionis: in obstructione verò, pororum & meatuum angustia, & obstructione. Et haec de quidditate, & causis collectiuae inaequalitatis, ex Galeni praeclaro doctrina commatice dixisse sit satis. Nam sa-

rius est ex limpidissimis huius auctoris fontibus, à quo omnes postea sunt mutuati, aquam scarutientem exhaurire; quam ex turbidis iuniorum riuis cœnosam extrahere: nam, vt rectè Seneca monet, *inertis ingenij est reliquis fontibus riuiolos insectari*. Si pulchra de hoc negotio arduo scire aues, lege elegantissimum tractatum Roberti de fluctibus, cui *Depulsus mysterio* titulum dedit.

In extrema brachij parte, ] Pulsum ratio quàm mira est! quàm verè diuina! qui in cacumine membrorum euidentres sunt morborum indices, in modulos certos, legesque metricas per ætates citati, aut stabiles, aut tardi. In iis observatio crebri aut languidi ictus gubernacula vitæ temperat. Quid ergo hoc signo praestantius? aut quid aequè necessarium? sed vnum habet difficillimum contemplatio hæc: nam tangens pulsum, plurimis opus est vt sit instructus conditionibus, quæ cum in vno artifice ita absolutorum reperiri nequeant, nec attento iudicio observari, iccirco Medicus fallatur saepe est necesse.

Prima est. Quod peritus Medicus non protinus apprehendat carpum. Celsus ita fatur, lib. 3. cap. 6. *Ob quam causam periti Medici est, non protinus ut veni, apprehendere manu brachium, sed primum residere hilari vultu, percunctarique quemadmodum se habeat, & si quis eius metus est, eum probabili sermone lenire, tum deinde eius corpori manum ad-mouere. Quas venas autem conspectus Medici mouet, quàm facile mille res turbant*. Nam ob verecundiam, & timorem quem statim conspecto Medico ægri concipiunt, pulsus in varias alteratur inaequalitates, quæ medicum diuersimode decipere solent. Ita Gal. lib. de praecogn. ad Post. 6. & 1. prog. 8. pulsum multoties tangendo, sceminam amore laborare agnouit.

Secunda. In omni natura proprius cognoscendus est, ex Gal. lib. de dignoscend. pulsib. cap. 2. & huic adiungendus pulsus temporis, regionis, ætatis, sexus. Si verò pulsus naturalis ignoretur, eum colligere oportet ex calore, gracilitate, corpulentia, ætate, moribus, regione, figura. Si tamen pulsus naturalis agnoscat, poterit Medicus ex eodem ægrotat, quo in statu sit certò cognoscere: sunt enim quidam, qui etiam sani pulsus inaequalitatem habent, quoniam ob vitium in formatione, partes arteriae iuxta manum sunt repletæ magis carne, & crassiore cute, & ita ibi apparet pulsus minor, inferius verò apparet maior, quoniam arteria est minùs cooperta carne, ex Galen. lib. de praesag. ex pulsib. cap. 11. quam pulsus naturalis diuersitatem in multis reperiri, tradit Auicenna. 2. 4. tract. 1. cap. 12.

Tertia. Medicus animo concipiat in omnibus differentiis moderatum pulsum: nam absolute magnus non potest dici, nisi respectu moderati, quia si respectu temperati est magnus, aut celer, indicat hominem esse callidiorē, aut graciliorem temperato, ex Galen. lib. de praesag. ex pulsib. cap. 1. & lib. de pulsib. ad tyrones, cap. 9. Est tamen utilior cognitio pulsus naturalis ad affectum cognoscendum quantitatem affectus, & ad praefagiendum.

Quarta. Vt tactus promptè sentiat & mollis sit, ex Galen. lib. 3. de dignoscend. pulsib. cap. 6. sic enim vel minimos motus animaduertet. Quo pacto Medicus exquisitissimo tactu debet esse praeditus: vt enim Arist. docet lib. 5. de gener. animalium, cap. 2. ad fin. *Exacta rerum cognitio pendet ex molli carne, cutēque tenui, ex quibus tactus arguitur perspicuitas, unde rectū in rebus sanguinibus iudicium*. Vnde pulsus tangendus est cum extremitatibus digitorum dempto pollice, quia sunt temperatiores.

Quinta. Proponit Alzaharaius tract. 7. c. 1. quod vtraque manus rangat pulsum, quia duo testes certiores sunt vno. Adde etiam, quod in vtroque carpo. Si verò discordes sint pulsus, cui magis fidendū? Oribasius lib. 3. aph. 34. prius tangit dextram, & ipsi magis credit. Dicendum, in ordine ad tangendum parum referre in certitudine: at maior fides danda est pulsui meliori, minor minùs bono, aut malo. Secus in vrina, nam plus fidendum vrinae malæ, quàm bonæ, si æger idem simul vtraque excernat. Ratio: nam bonitas pulsus est ex radice benè se habentē, malitia, ex causa mala particulari permurante pulsum membri, quæ tamen non extendatur ad cor, indicat esse exiguum. Lege Mercat. lib. de dignosc. puls. tract. 1. cap. 1.

**Sex.** Licet Galenus non doceat numerum digitorum, tamen ipse quatuor admoebat, 1. de diff. puls. 17. & 3. de dignoscend. puls. cap. 2. & 2. de prasag. ex puls. 10. & Halyab. 7. theoric. cap. 2. Galeni sententiam firmat: nam necesse est ut dignoscamus pulsum breuem, inæqualem in fortitudine, & magnitudine.

**Septima.** Si iacet supra latus dextrum, tangatur, & credatur sinistro: nam compressio impediens transitum facultatis, spirituum, sanguinis, repræsentat pulsum languidiorem, minorem, minus plenum.

**Octava.** Quod læua Medici sustineat manum ægri, est autem situs commoditissimus cubiti, figura media, ex Galen. 2. de motu musculor. 4. & 9. nimia enim contractio arctat arterias in cubito, nimia extensio extendit ipsas, & reddit pulsum longiorem proximum consuuiuo. Eandem etiam figuram debet habere manus, si ut nec sit aperta, nec clausa. Quare malè aliqui præcipiunt, ut Men. lib. 1. de pulsib. ad tyrones, in comment. cap. 1. Manum supra thoracem esse collocandam, anatomes forsan ignoracionem decepti: nam hoc modo multò maiorem habet contractionem, quàm par sit: quare multò melius est ut supra abdomen locetur, ea parte qua umbilicus est; quoniam sic mediam seruabit figuram. Eodem modo digiti se habeant.

**Nona.** Hoc modo figura cubiti nec sit prona, nec supina, ex Galen. lib. 2. de dignoscend. pulsib. cap. 8. in medio. §. Nam longitudine, &c. Sed cum Auicem. super latus: nam prona auget longitudinem, magnitudinem & latitudinem. Neque figura cubiti sit super volam manus, nec super ipsius costas. Quomodo autem defendi possit Auic. qui in 2. 1. doct. 3. cap. 1. contra Galenum loco citato arbitratus est, pronam manus figuram, pulsum latum breuem tamen humilem efficere: supinam verò, longum & latum, cum id diuersa ratione contingat. Lege Gentilem & Iacobum in com. qui in huius dubij solutione enixè insudarunt.

**Decima.** Multi sunt modi admoendi digitos, comprimendo, palmando, applicando. In omnibus est scrupulus. Nam si palpas, sentis principium constrictionis, & finem dilatationis, quoniam cum leuiter attingas arteriam, non insequeris ipsam, unde reliquum spatium fugit. Si comprimis, fugis primam partem constrictionis, & ultimam dilatationis; quia compressa arteria, contractionis principium occultat, & finem dilatationis: sic enim impeditur, quominus principium sui motus, & finem edere possit. Si applicas, extrema utriusque motus amittuntur, percipiuntur media. Gal. 3. de dignosc. puls. c. 2. dicit, quod leniter palmando adiuncta ratione, cognoscitur quantitas distentionis: nam si sentis occursum arteriæ in pluribus partibus pulpæ, indicat magnam distentionem, & magna distentio magnum interuallum per transitum, sicut parua, paruum. Contractio verò melius percipitur applicatione, modo non infernè tangatur arteria, ex Gal. lib. 1. de dignoscend. pulsib. cap. 7. Quapropter tutius Medico est, & ut plurimum vtilius, tangere applicando. Si enim premis, intercipis motum arteriæ; si palpas, minimum percipis; si applicas, ignotas principium constrictionis, quod postea innotescit ex fine dilatationis, & sic per hunc modum applicandi, extrema motus externa non fugiunt, nec media: interna autem extrema quod fugiant, non obstat: nam non cognoscuntur per tactum. Si tamen pulsus est fortis, melius dignoscitur gradus fortitudinis, & quantitas distentionis & contractionis. premendo; nam cum longè arteria pellat tactum, nihil pressio impedit ipsius motum; & per compressionem tactus, plus ingreditur cavitatem arteriæ, & sic plus percipit de contractione. Contra languidus, palpari debet, quoniam quæuis pressio facit arteriam subsistere. Halyab. hac distinctione vtitur, lib. 7. Theoric. cap. 2. In pulsu forti & ubi arteria multa carne regitur, compressione est vtendum: sicut è contrà, in pulsu languido, & arteria nuda carne, palpatione: in medio verò pulsu, & media arteria inter prædicta, medio modo, hoc est, applicatione vti debemus. Vide Fernel. lib. 3. patholog. cap. 2.

**Vndecima.** Quoniam pulsus sapius secundum diffe-

rentias mutatur, oportet ut plures ictus spectentur. Galenus lib. 1. de dignoscend. pulsib. 1. indefinitum reliquit. Rastius 18. cont. limitat duodecim. Nicolus serm. tract. 5. cap. 3. expectat centum, & alij interpretes super Auicem. loco cit. Sed melius est, ut non sint pauciores viginti quinque; at quò propius acceditur ad centesimum, tanto melius.

**Duodecima.** Quod non statim à cibo contrectetur, nec ab euacuatione insigni, nec laborante, aliquo symptomate occupato. Medicus ergo, & æger liberi debent esse ab omni animi pathemate, ut ira, tristitia, ex Celio lib. 6. cap. 3. Gal. lib. 2. de dignoscend. puls. cap. 2. & lib. 1. de prasag. ex puls. cap. 4. & lib. 1. de caus. puls. c. 2. 3. 4. & 5.

**Decimatertia.** Pulsus carpi pluribus de causis potius contrectandus, lib. de puls. ad tyrones, cap. 1. & 4. de diff. puls. cap. 2. Ita enim dicit Galenus. At semper arteria temporum, ac pedum secundum plantas, manuum in corporum, seu brachialium parte interna illustrem motum habent. His minus, non illa tamen obscure pulsant arteria capitis post aures, & quæ tenent brachij interiorem regionem: sunt verò etiam nonnulla alia, quæ non abstrusa sub ita multa carne. Verum, enimvero nullam neque promptius, neque honestius, neque verò commodius, si caporum prætereas, tangas. Hæ enim, quod vacet locus carne, apertissime sunt: nec quòd propter alias est necessarium, detegere harum gratia ullam corporis partem necesse habes. Ad hæc in rectum ducta sunt, id quod non parum ad exactam notitiam refert. Firmat Paulus lib. 2. c. 22. Addunt Auicem. & Haly loc. cit. propinquitatem cum corde, quòd in proximis morti, aliarum pulsus partium aboleatur, hoc remanente. Quod si ob vulnus, ipsam conformationem deprauatam, intemperiem factam, vel obst. uctionem, in carpo non appareat, tangenda est arteria Tarsi; hoc est, summi pedis arteria inter maximum, & secundum digitum, ex Galen. lib. 3. de anatômico. cap. ult. nam hæc post arteriam carpi, illustri motu prædita est, lib. de dissect. vena-rum, prop. fin. Lege Amat. 1. cent. 96. Hæc omnia ut rectè assequatur, debet esse Medicus longo experimento munitus, ex Galen. 1. de dignosc. puls. cap. 1. nam hæc scientia de pulsibus est ardua, ac difficilis.

## D V B I V M V.

*Num curatio obstructionis læuium arteriarum, à tuberculo facta, sit difficilis.*

**C** Rudi cuiuspiam tuberculi.] Suspiciosam orthopnoeam à crassis, lentisque succis subortam, læuiumque arteriarum obstructionem efficientem; iis auxiliis, eodemque curationis modo esse tractandam, ac asthma curari solet, certa resest; & qui de medendis humani corporis malis scripserunt, id confirmant; inter quos palmam præripuit eruditissimus Petrus Salius Fauentinus, lib. de affect. particul. loc. sup. cit. de obstructionibus læuium arteriarum pulmonis, à quo desumpsit Ludouic. Mercat. lib. 2. de morb. intern. c. 7. De quo affectu multa prius prædixit Hip. lib. 2. de morb. num. 62.

**Obstructio læuium arteriarum pulmonis à tuberculo orta,** quantum negotium pro sui curatione Medicis facere possit, nemo est qui nesciat. Granis enim est affectio hæc ob multas causas. Nam cruda, contumax, & rebellis est tuberculi materia, & assidue à capite, à cuius origine ferè ortum habet, noua humoris lenti portio in partes spirituales destluit; & affectus in penetralibus internis magis situs est, quàm sit in asthemate, ubi efficacia, & vehementia auxilia applicari non possunt; quæ si exequaris, præterquam quòd ea non admittit partis præstantia, resoluta tenuiori tumoris portione, reliquum induratum, lapideumque euadet, cuius vi, obstructis viis, negato refrigeratio, & fuliginosis recrementis retentis, cor ipsum gliscit & exardescit, & tandem suffocato calore subita mors accidere solet, præcedentibus semper, cordis palpitacione, animi deliquio, & syncope. Et si diu persequeretur malum, corde sufficienter non ventilato, & calido innato languente valde, & imminuto, & hepate debiliore facto, tum hydrops pulmonis, tum aliqua hydropis species superuenire consuevere.

Insuper.



Insuper. Si suppurare studeas medicamentis phyma, praterquam quodd incurabile vlcus relictum, ægros ad obitum deducit, phthisis instar, ob multas causas, pus in cor infiliens inopinatam, mortem inducit; & si pus post 40. dies educant, tabidi fiunt, vt ait Hip. *in Coacis*. Quapropter huius tumoris, vt impossibilis, desperanda curatio est, & maximè in senibus, in quibus ob calidi innati languorem, & vitium iacturam amplius malum efferatur. Ij etiam præcipuè læduntur, qui malè formato sunt pectore, & angusto thoracè, vel à natura, vel ex accidenti, aut ex gibbositate, quæ dorsum ad externa contorquere solet: Cum enim sint his partibus infirmi, & ob thoracis angustiam à leuissimà causa offendantur facillè lædi solent. Ob talem igitur figuram, tuberculis circa pulmones duris ac crudis; plerumque tales affecti sunt; nam & gibbositatis occasio, & distentio plerisque propter tales collectiones fit, cum quibus vicini nerui communionem habent, vt perbellè docuit Hip. *lib. de artic. num.* 38.

Maximum item vertitur periculum, quando cum acuta febre affectus coniungitur, tum quia vel ob nimium calorem, suppurato tuberculo, & factò vlcere, phthisi occupatus moritur æger; tum quia indicationes curatiuæ inuicem repugnant, quum contrariis indigeat affectus: maximè quoniam cor ob febrim æstuans, multa solum aëris inspiratione leuari potest, quæ ob spiritalium partium angustiam, & obstructionem fieri nequit.

Admirandus Senex. *lib. 6. epid. sect. 4. text. 4.* Agasiz filiz ex suppurato tuberculo laborantis historiam depingens, iubet, vt abstineat ab allio, suilla, ouina, bouina; in inspirationibus verò à clamore, & ira. Illa siquidem ægrè costilia sunt, crudumque succum gignere consueuerunt; ira verò, & vociferatio non solum rupra vasa dilacerant, sed tensionem, caliditatem, & inflammationem in instrumentis spiritalibus efficiunt.

De aëre, cibo, & potu sat plura Trallianus *lib. 5. cap. 3. de phymate*, quod in pulmone adnascitur. Ad medicamenta antequam accedamus, ante ea necessarium est, cauteria, seu inunctiones candentibus ferramentis efficere, vel in duobus spatiis intercostalibus supremis iuxta spinam; vel (quod magis laudo) in brachiis in parte externa, vt sic humor, in partes spirituales suapte impetu delapsurus, in alias minùs nobiles diuertri possit corporis partes: hoc enim factò emissario, non additur causa continuò tuberculi fouens augmentum; & sic æstuanti cordi subsidium paratur, ac refrigerium, quum pulmo non ita humoris copia grauetur.

Phlebotomia cauenda, corpora enim hæc ferè succis crudis scatere solent, in quorum præsentia vires haudquaquam possunt esse valentes; & ferè hi viscera habent languida & flaccida, imbecillumque habent natium calorem, & ob morbi diuturnitatem insignium præsidiorum vsum ferè non possunt. Si tamen fortè fortuna hic affectus cum plenitudine pituitosa complicitur, vt ferè semper accidere solèr, parcè & moderatè, habito tamen partis mandantis, aut recipientis respectu, secari potest interna.

Postquam sectionem, propinentur quæ crassos humores blandè, & suauiter vacuare nata sunt: ea tamen repetere oportet, nam lenti, viscidique succi vnica vacuatione educi non possunt: quodd si in partibus inferioribus obstructions adsint, iis per propria medicamenta opitulari oportet.

Medicamenta exhibeantur, quæ sint attenuantia, & exiccantia, aromatica; & maximè si sint thoracis medicamentis permixta, vt sunt galanga, cinnamomum, macis, costus, cardamomum, & si quæ alia arte Chymica extracta, ex Theriaca, Mithridatio, terebinthina, sulphure viuo præsidia, quæ paulò vehementiora, ob situm reconditam sedem semper sunt propinanda.

Quodd si his non succubuerit malum, ad sudationes ex similace, aspera, ligno sancto, radice chynæ, aut lassafra Indica, paratas, deueniendum est; quibus (vt decet) factis, tuberculum vel discutitur, vel minuitur; nam *salsa parilla est Regina in hoc*, quoniam tumores duros emollit, discutit, abstergit, crassam ipsorum substantiam mirandum in modum

A resoluat, vt elegantissimè docuit Fallop. *lib. de morbo Gallico*, cap. 63. & 68. Et licèt horum sudorificorum medicamentorum varia sit assumendi forma, nam alij ex iis parant pulueres, tabellas, opiatas, martios panes, decocta, syrupos, pilulas, vt notat inter omnes Ioan. Fragosus, *libro de aromatib. discursu* 12. Tamen cum decocto sudores prouocare, vtile est auxilium huic vsui, & experimento diutino confirmatum: Calore enim ex sudore comparato, succi crassi liquantur, & medicamenti vi promptius discutuntur, spiritales partes roborantur, & cerebrum, à quo ferè mali scaturigo, firmatur valde.

Si tamen hæc non profuerint, tuberculi supputatio medicamentis approprietatis est. tentanda. Virandaque acria, & crassa, vt Hip. 6. *epidem. cit.* imperauit. Agasiz filia, qua diu spiratione cerebrala laborans, & circa thoracem tantum dolorem sentiens, tuberculum nondum concoctum in pulmone habebat. Cùmque magnum lenasset pondus, aliquid crepuisse in pectore visum est, fracto nimirum iam, vt verisimile est, intus tuberculo. Acria enim erodunt pulmonem, & breui phthisim afferunt, crassa excreationem impediunt. In inspirationibus, à clamore, & ira accendi sunt ægri. Clamor enim non solum vasa dilatat, sed rumpit, cum fiat vehementi respiratione. Ira, feruore excitato sanguinem ad cor, pulmonemque attrahit, & vsu adaucto plus respirare cogit, ideoque difficulter spirantibus maximè fugienda. Vlcere factò, abstergentia primò, deinde exiccantia, sicut in phthisi, exhibenda. Ergo vlcus ex suppurato tuberculo factum, sanari posse desperandum est: & licèt vlcera pulmonis aliquando, rarè tamen, curari posse locupletissimi testes testentur, quos infrà in com. *Histor.* 33. huius libri, legere ne pœniteat: tamen hoc est rarissimum, & ab arte, vt monstrosum, explodendum: quoniam ex iis quæ semel, aut bis homo videt, non debet pronunciata medica conficere, ex Gal. *lib. de fœtus format cap. 1.* Nam frequentia perpetuis habentur, vt bellè dictabat Galenus *lib. 6. aph.* 58.

## HISTORIA XIII. GALENI, De respiratione.

Seruus Barbarus cohibita sponte respiratione mortem sibi intulit.

Qvod autem totum opus respirationis voluntate, & sponte ab anima fiat, declarauit seruus barbarus, qui cùm vehementi ira concitatus mortem sibi consciscere decreuisset, prostratus humi, respirationeque cohibita, longo quidem tempore immobilis erat, postea verò paululum volutus, hoc pactus est, & c. Galenus *lib. 2. de motu musculor.* cap. 6.

## PARAPHRASIS.

Licèt Valerius Maximus duo afferat exempla eorum, qui cohibita respiratione obierunt, & nos plures viderimus Æthiopes, qui vel ira perciti, vel timore perterriti, manu ori imposita, sponte, impedita respiratione interierunt: de quare, plura satis congestere Thaddæus Dunus *lib. de respirat. c. 1.* Raulsius Textor, in sua *Officina*, cit. de iis, qui variis modis sibi mortem intulerunt: & ob hoc, respirationis opus voluntarium esse, & non naturale, cum Galeno concedere sit necesse; tamen: plura apud eum extant, quæ contradictionem maximam ingerere videntur, quæ recitare superfluum iudico, cùm in hoc argumento Neotericorum doctissimi insudauerint, qui cum Aristotele, Auerroè, & Peripateticis, respirationem, naturalem, & inuitam esse actionem, fuerunt arbitrari. Licèt alij cum Galeno, & Auicenna, voluntariam esse efficaciter contendant: de quorum numero primus est Carretius, *dispur.* 36. ad libros de loc. affect. cap. 1. Quidquid plures mixtam esse actionem, solutis vtriusque partis argumentis, doctè, latèque concludant: inter quos est Andreas Laurentius *lib. 9. de histor. anatomic. quest.* 20. Tu verò si pulchra de hoc dubio legere desideras, Vide Lacunam in contradict. 13. Galeni, Nicol. Rorarium in contradict. 133. Galeni.



Galenus, Vallesium lib. 3. controuers. cap. 2. in med. Ioan. Lu-  
pum ad tyrones, lib. 4. dialog. 11. Costæum in com. fen. l. 3.  
tract. 2. c. 7. Quis autem sit respirationis usus, quæ natura  
quot eius causæ; quæ organa explicat doct. Laurentius  
lib. 9. de re anatomic. quæst. 29. De cuius prælagio ad Galeni  
mentem, Vide Ludouic. Lemosium lib. 3. de optim. prædi-  
cendi ratione, cap. 12.

## D V B I V M VI.

Num ira repente interimat.

## C O M M E N T A R I V M

**V**ehementi ira concitatus.] Maximum animi pathema  
ira est, ex qua non solum omnis fortis febris, sed ad-  
miranda symptomata, & mortem quandoque oriri, vete-  
rum periclitissimi confirmarunt: de quorum numero sunt,  
Valerius Maximus lib. 9. tract. 2. de morte non vulgari, Au-  
lus Gellius l. 3. noct. Atticar. cap. 15. Plin. lib. 7. c. 32. & 57.  
Valleriol. lib. 5. de morb. & symp. cap. 5. in med. Dubrauius  
lib. 2. histor. Bohemic. Conrad. Lycosthen. l. 14. qui omnes,  
ira percitos vehementi plures obiisse, appositis exemplis  
contestantur. In ira enim cum sanguis, & spiritus iuxta  
cor ab irascibili facultate commoti incopositè ebulliant, &  
effervescent, ex Gal. lib. 2. de caus. symp. cap. 2. & lib. 2. de  
sanit. tuend. cap. 9. & lib. 8. de placit. cap. 1. ira vt cordis la-  
tera immodicè quatiantur, sit vt vnito in corde, velut in  
arce quadam, vniuerso calore, eoque præ congerie multa  
oborto, ac suffocato, internus ignis marcescat subitò, ac  
extinguatur, si verum est, hunc non minus à grauante co-  
pia, quàm à deficiente minui, ac resolui.

Quare non desunt, qui Galeni sententiam temnunt &  
damnant, latam lib. 2. de caus. symp. c. 5. in fin. ab ira nemi-  
nem interiisse affirmantis, adduntque præter exempla ab  
historicis citata, rationes plures: nam Galenus lib. 12. meth.  
cap. 5. iram vigilia instar, vires resolvere asseuerat, qua pre-  
henso, & viribus deficere, & animo linguæ confirmat.

Ad fidendum dictis Galeni, obiectisque occurrendum  
hoc modo. Non enim negamus, in ira sanguinis & spiri-  
tus in corde copiam cumulari: attamen hanc, cum caloris  
effusione ad extrà, esse coniunctam libenter admittimus;  
quo motu ad partes externas subito calorem ventilari non  
est dubitandum. Neque adductæ ab auctoribus rationes  
aliter opinari cogunt: nam irati non ab hoc animi pathema-  
te, sed ab aliis affectibus, iræ superuenientibus obiere;  
excandescencia enim nimia, feruoréque maximo, ebul-  
liunt & liquefiunt humores; sicque cerebri excitantur  
lethales affectus, & aliarum partium internæ inflamma-  
tiones in corporibus præsertim impuris suboriuntur, ex  
Galenus doctrina, lib. 6. de sanit. tuend. cap. 3. iratis enim cor  
salire, & bullare videtur, in quibus oculorum; & faciei  
ingens conspicitur rubor, horridus aspectus, & quasi  
ignem expirans furor, qua de causa Philosophus lib. 8.  
prob. 20. iram ex igne profectam appellat.

Ira ergo per se neminem interficit, cum accidat cum  
appetitu vindictæ, calore neque perfrigerato, neque eius  
robore soluto: ex gaudio enim ingenti nonnulli pusillani-  
mes periere, æquè ac ex timore; non enim cum robore, ac  
feruore, velut in ira mouetur extrorsum animalis facultas.  
Hoc satis confirmant iratorum signa, pulsus, respirationis  
que magnitudo, ex Galen. lib. 6. epid. sect. 5. com. 9. & lib. 4. de  
caus. puls. cap. 2. Neque infles facultatem in suo robore  
auctam post modum posse cadere; nam quod iratis robur  
acquiritur, naturæ est potius conatus, qui deinceps maiori  
cum dispendio concidit. Instantiam redarguit ex professo  
Galenus lib. cit. de caus. puls. qui vehementiam pulsum  
in iratis non esse censendam præternaturalem, cum sit ex  
causis secundum naturam profecta, copia nimirum calo-  
ris denuò adacti, constanter asseuerat: conatus enim il-  
le, quem natura eo tempore apponit, non sit citra nouum  
facultatis robur illi superadditum. Deinde sanguis qui  
prope cor mouetur, & inflammatur, tantum abest vt cor  
obruat, vt potius hoc illius accessu robustius euadat; non  
enim hic in corde conculcatur, sed extrorsum assidue mo-  
uetur. Lege Valles. lib. 5. com. 8.

Lib. II.

Insuper, non negamus iram frequentem eo modo la-  
dere quo frequentes vigilæ vires resoluunt, sæpe spiri-  
tu deperdito, aliàs alterato, aliquando ex parte resoluta,  
non raro hæc vtraque perpesso; quare frequens ira, diffi-  
patis spiritibus, virium robur dissoluit, tandemque mor-  
tem accersit, à subita autem & repentina nemo interiit.  
Quoniam verò ira calidior, & concitior generat  
sanguinem, quem suapte natura supernas partes tenta-  
re notum est, sic fusus succis, facile caput repletur, spiri-  
tus animales confunduntur, conturbantur, & vertigo, Epi-  
lepsia, Apoplexiæque sapissimè oriri solent, vt notauit  
Ioannes Philip. Lonerus lib. de apoplexia, rubric. 3. & po-  
stea firmavit Hildanus lib. 5. Chirurg. 17.

## D V B I V M VII.

Num ira consistat in feruore sanguinis in corde. Cōtra  
Fracastor. Medicum celeberrimum.

**S**ed quoniam de ira ad historiarum explicationem facta est  
smentio, haud erit extraneum, rectam iræ definitionem  
hic breuibus excutere. Galenus lib. 1. de dif. feb. cap. 4. sic  
definit, est motus vehemens irascibilis facultatis, qua in ipso  
cordis corpore sedem habet. Fracastorius lib. de sympathia, c.  
21. allatæ nimium finitioni aduersatur, dum sic definit. Ira  
per se est appetitus nocēdi causa nos offendēti, ex quo collectio  
fit circa cor. In contrarium suadet ratio, quæ talis est. Ira  
passio est cordis, nempe irascibilis facultatis in corde re-  
sidentis: vltionis appetentia non est passio cordis, sed  
principis facultatis, quæ in cerebro sedem habet: appeti-  
tus ergo vindictæ non est per se ira, sed quoddam accesso-  
rium. Proinde satis quidē fuerat, vniuersa quæ in irā ap-  
parent, ex probatissimis philosophorum sic perstringere.

Primum animalis facultas comprehendit irascibilia  
obiecta; protinus sequitur motus vehemens animæ ira-  
scibilis, quem per se iram esse diximus; deinde accesso-  
ria iræ accedunt, nempe effervescentia sanguinis, aut  
caloris in corde, & vltionis appetentia in principe fa-  
cultate. Ex his conclude definitionem latam ab Arist.  
2. sect. probl. 26. nempe, ira est effervescentia sanguinis circa  
cor. non esse essentialē. Sic enim intelligendus est Gal. lib.  
de caus. morb. cap. 2. & 2. lib. de sanit. tuend. cap. 9. Nam ira  
passio animi est: effervescentia verò sanguinis, aut calo-  
ris in corde non est passio animi: minimè igitur iræ es-  
sentialē esse poterit. Quemadmodum enim irascibilia ob-  
iecta motum vehementem excitant facultatis irascibilis;  
qui per se est ira; ita motus ille præ se fert effervescenti-  
am caloris in corde, & libidinem vindictæ in principe  
facultate, quæ accessoria eius sunt.

Hic autem cordis feruor calidiori cordi iungitur à  
Gal. in art. Medic. in cap. 29. quoniam hoc vtpote facilius  
mobile, magis irritatur, & excandescit, quàm frigidum, &  
propter innatum robur dispositionem habet promptiorem  
ad sumendam de aduersario vindictam, in eoque maior  
concitatur ebullitio, maior appetitus vindictæ cum ag-  
gressionē: in corde enim calido adest maior vigor, viget  
audacia; in frigido adest timor retrahens animum ab ag-  
gressionē, vt Hieronymus Nonnius Ramires Olysipones.  
E notat eleganter, in com. cap. 5. lib. de ven. sect. Gal.

## D V B I V M VIII.

Num ira sit quadam furoris species.

**A**rbarus ergo seruus, hoc est, temerarius & furibun-  
dus, iræque forti percitus, & agitato manus sibi  
violentas intulit. Ex quo subit vehementer mirari prisca  
sapientissimos, qui hoc tam detestabile vitium, & ex quo  
tot pericula pullulare solent, tot laudibus celebrant, &  
encomiis. In philosophorum Scholis iactatum scimus,  
iram ceteram esse fortitudinis. Ex Rherorū pompa sunt, qui  
indignationum impetus, animæ genuinum esse scutum  
pronunciant. Annon absurdum, & à vero dissentaneum  
non posse fortem virum, nisi stomachabundū virtutis suæ  
opera promere? Atqui literarum, & omnis antiquitatis  
R parens

patens Homerus, vehementer, acriter, animoséque gesta, iracundè fieri pronunciat. Rursum Peripateticorum sciētissimi, perturbationes, quas alij extirpandas putant, non modò esse naturales contendunt, sed & vtiliter à natura datas rationibus colligunt. Fortitudini enim nullam vim inesse aiunt, ni ira excanduerit, quòd sit ad res præclaras planè incitamentum. Oratorem denique non agentem modò, sed & partocinantem, sine iracundiæ aculeis non satis vehementem arbitrantur. Adiciunt quinimò, si non adsit, verbis tamen, ac concitatore motu effingendum, ut ardens oratoris actio, ira inflammet auditores. Virum quoque esse negant qui irasci nesciat. Ad hæc verò quæ ex Peripatetica obiciuntur schola, respondebit luculenter ipsa, sui Aristotelis innixa vestigiis: Iram considerari perpendique posse, prout in excessu est, itémque ut est in mediocritate. Si hoc secundo modo sumamus, eam dicimus esse cum regula, & rationis gubernaculo, iungique cum operatione forti posse pulcherrimè. Ideoque Philosophum dixisse, iræ motionem esse naturalissimam, & si congruum accipiat finem ac electionem, futuram fortitudinem veram, ac fortitudinis operationem. Hoc modo iram non habere, dixere veteres qui mentem non habeant. Ira legum præsidii necessaria, ciuitatis moderatori accommoda.

Si accipiamus eam, ut in excessu est, quid insaniz similius? Quare Cato Senior iratum ab infano, non alio distare adstruebat, quàm tempore. Annon id Plurarchi nouimus ex *symposiasticis*, canes vehementiore aduersum feras concepta ira quandoque occæcari? ut scias non esse sanos quos ira possidet. Ipsum intueri habitum: flagrant, emicantque oculi, multos ore toto rubor occupat, labia quatiuntur, dentes comprimuntur, surgunt capilli, stridet spiritus, gemitus, mugitusque, sermo præruptus, & complosæ sæpius manus, & pedibus pulsata humus, fæda visu, & horrenda facies deprauantium se, atque intumescantium. Vnde Onidius, lib. 3. de art. amandi, sic depingit.

*Ora sument ira, nigrescunt sanguine vena,*

*Lumina Gorgoneo sauius angue micant.*

Nónne hæc insaniz sunt indicia, auctore Seneca epist. 18. & lib. de ira, cap. 3. 4. 5. Sic Horatius lib. 1. epist. 2. iram vocat furorem. Cur autem irati ignitos oculos habere videantur, multiplicem assignat causam Ioan. Baptista Persona, in *Noctibus solitariis*, colloq. 20.

*Ira furor brevis est, animum rege, qui nisi paret,*

*Imperat; hunc franis, hunc tu compesce catena.*

Apollonius ad *Mædon*. serm. 20. apud Ioan. Stob. ceterum iram furorem vocat. Vnde Philemo sic inquit, *In furem agimur omnes, cum irascimur: nam sese in ira continere, in ens labor est.* Et apud eundem Stob. Catonis maioris dictum, iram à furore, temporis mora solum differre. Cicero lib. 4. *Tusculan.* Ira vero quandiu perturbat animum, damnationem insaniam non habet. Seneca lib. 2. de ira ad *Nonium*, c. 16. Nulla celerior ad insaniam via est. *Aiacem in murem egressus furor, in furem ira.* Lege de argumento hoc nouam Polyanthem à Iosepho Légio nuper illustratam, auctam & ordine suo dispositam. Qui harum perturbationum victor euadit, potest Deorum immortalium numero adscilci ut rerum natura lib. 5. Lucretius est auctor.

*Hæc igitur qui cuncta subegerit, ex animoque*

*Expuleris dictis, non armis, nōne decebit*

*Hunc hominem diuum numero dignari esse?*

Quid plura? nonne ira cæca, doloris acumine, aut alio tormenti genere perciti plures sibi violentas manus intulere? nonne irati inimicos, amicos, liberos, parentes, bestiasque morte puniunt? quæ omnia exemplis ornavit, ex veterum scriptis Lælius Bisciola eruditissimus, in tom. 2. *horar. successuar.* lib. 10. cap. 17. Nónne hi furore veluti indignabundo atrepti, mortis suæ vindices fuere acerbi, sui que enormes homicidæ?

Scribit Langius acutissimus lib. 1. epist. 38. & ex eo refert. Marcellus lib. 2. de *Histor. medic. mirabil.* c. 1. historiam Agricolæ, qui cum crudelibus dolorum tormentis, in altero hypochondriorum latere conficeretur, subitò clauum ferreum ubi illæsa cute manu apprehendit, quem Chirurgus nouacula excidit, nec tamen dolores cessabant, sed indies magis recrudescebant: quare quum nec aliud

A fore doloris remedium suspicaretur miser, ira velut amens percitus, arrepto cultello, sibi guttur abiecit. Nec mirum: quando post dissectum cadauer, adstantibus multis, inuenta in eius ventriculo lignum teres, & oblongum, quatuor ex chalybe cultri partim acuti, partim instar lætæ dentati, ac duo aspera ferramenta, quorum singula spithami longitudinem excedebant.

### Observatio III.

*Quidam ira percitus, manus sibi intulit.*

Seruum noui iuuenem, ac robustum satis, qui cum à domino acriter citra rationem obiurgaretur, nec de eo posse sumere, in filiorum præsentia, vindictam, ira percitus subitò subito genarum rubore, toruo aspectu, veluti amens, verba pessima in dominum obmurmurans, euaginato, tenuissimo cultello, vmbilico confosso mortem sibi pro vindicta acciuit.

Denique pluribus gentibus visum laudabile, se aliquando occidere. Romani sui homicidæ pro fortibus celebrabantur, & sapientes habiti sunt, tum mares, tum feminae, qui vel inedia se confecerant, vel gladio, veneno, præcipitio, laqueo, aut igne, quorum amplam syluam longumque catalogum lege apud Valer. Maximi. Rautium Textor. in officina, quos eleganti, suauique oratione enumerat Lactant. Firmian. lib. 3. cap. 18.

Hos ut insanos, & dementes derident Herocles apud Stob. serm. 73. Aristor. lib. 5. *Ethic.* cap. ult. Virgil. lib. 6. *Æneid.*, qui hos in inferorum locis collocat,

— qui sibi lethum

*Infantes peperere manu lucemque perosi*

*Proiecere animas.*

Hos suggillat hoc disticho, Martialis in Fannium lib. epigram. 80.

*Hostem cum fugeret, se Fannius ipse peremit.*

*Hic (rogo) num furor est, ne moriari mori?*

Nemo enim vitæ suæ est dominus, sed est res, & opus Dei, qui vitæ, & mortis auctor est, ut legitur in *Deuteronomio*. cap. 32. *Ego occidam, & ego viuere faciam.* Egregia est Iosephi oratio lib. 3. de *bél. Iudaic.* 14. reprehendentis quadraginta viros, ut ignauos, non fortes, neque magnanimos, qui ne à Romanis in seruitutem raperentur, contra Dei, veri opificis legem, contra naturæ instinctum rationi congruentem, in specu latitantes mortem sibi gladio intulere. Quapropter sapientes Thebani habiti sunt, apud quos qui mortem sibi intulisset, nulla commendatione dignus habebatur, quod ea violentia, impatientiam, seu animi demissionem, imò insaniam coarguebat, cum sui immanis esset carnifex. Hæc ergo amentia, seu furibunda ira percitus seruus barbarus violentas manus sibi intulit. Si plura de ira morbo, eiusque curatione medica, philosophica, ac theologica scire affectas, Lege Cælium Rhodiginum lib. 23. cap. 21. & VVierum prop. *ira.* de ira. De cuius effectibus mira protulit Petrus Lopesius lib. 5. de *sex. reb. non naturalibus*, elaborato carmine conscripta.

### HISTORIA XIV. GALENI,

*De vocis læsione.*

A Phonia, ad strumarum incisionem sequuta: Quum ergo ex cervice quidam choæradas, id est strumas in profundo incumbentes excideret, ac deinceps inter secundum quoddam vas, membranas non specillo secaret, sed unguibus euelleret, imprudens ob ignorantiam simul recurrentes nervos distraxit, atque hoc pacto puerulum liberauit à strumis, sed mutum reddidit, &c. Galenus lib. 1. de loc. affect. cap. 6. in med.

### PARAPHRASIS.

A Liam in hoc cap. affert. Gal. historiam, de quodam qui cū sectionē faceret in alio puero, ipsū similiter semimutū reddidit,

reddidit, lase videlicet altero duntaxat nervo: mirabantur vero omnes quo pacto neque aspera arteria, neque gutture quicquam affecto vocem ladi coningeret, qui cum vocales nervos me ostendente conspicerent, admirari desierunt.

Similem historiam narrat Amat. 2. centur. 70. mulieris Illyricæ, cui strumam in loco habenti; Chirurgus indifferetè, ad refecandas radices sublimatum indidit, à cuius acrimonia alter recurrentium nervorum corrosus est, & vox inde ex toto ferè amissa: Huic consimile affert exemplum Beniuen. lib. de abdit cap. 91. quod etiam proprio experimento probat Franciscus Dias Chirurgus celeberrimus lib. 2. Chirurg. colloquio 15. de strumis.

Inter plurima pericula, quæ ex strumarum excisione sequi solent, citata à Paul. lib. 6. cap. 35. vnum est relatum hic à Galen. nempe recurrentium nervorum incisio, quibus dissectis, laceratis, aut distractis, vocem obladi cōtingit. Probat Avic. 3. 4. tract. 2. cap. 10. §. Homo enim quidam erravit quum perforaret quasdam scrophulas, & obviavit ramis nervorum reuersuorum, quare destructa est vox, &c.

Nervi vocales, seu reuersui à Galen. dicti, guttur perreptantes ad larynga perveniunt, quos à præceptoribus suis fuisse ignotos, & à se primùm inuentos gloriatur ipse lib. 7. de usu part. cap. 4. & 13. & lib. 4. de loc. affect. cap. 7. Hos à sexta nervorum coniugatione, qui ad omnia thoracis, abdominisque viscera sensum deferunt, oriri, testatur Andreas Laurent. lib. 4. de re anatomic. cap. 17. Si quis enim alterum ex his præcindat, semiuocale redditur animal. Si ambo prorsus obmurescere cogitur: quorum historiam graphicè depingit Realdus Columb. lib. 8. de re anatomic. cap. 3.

Hi ergo sunt nervi illi, quorum vi ac ope efformatur vox; cuius instrumenta sunt, guttur, larynx, muscoli, & nervi recurrentes ex Galen. lib. 4. de loc. cap. 6. Est Vox apud Philosophum lib. 2. de anim. text. 90. percussio in spirari aëris ad vocis instrumenta. Huius materia est exufflatus aër, ut exuffletur, expirari oportet cum strepitu; & sic vox editur, deinde articulatur, & fit sermo; cuius instrumenta sunt lingua, labra, dentes, palatum, gurgulio, & nares; principatum tamen obtinet lingua, uti in voce Epiglottis, quod lib. 7. de usu part. cap. 5. & lib. 2. de placitu, cap. 4. Gal. confirmat.

Vox, & sermo tripliciter lædi possunt, ut cæteræ actiones, aboleri, imminui, depravari: hocque fieri non potest, nisi partibus vel principibus, vel quæ his famulantur, oblatis, nempe larynge, musculis gutturis, recurrentibus nervis, lingua, labris, palato, gurgulione, paristhmis, & naribus, quæ vocis, sermonisque efformandi instrumenta sunt; præterea thorace, ac pulmone, quæ materiam vocis suppeditant.

Porro si vocis oblatis causam inquiras, apud Galen. ipsum semper ferè ex læsione nervorum recurrentium eam non solum lædi, sed penitus intercipi existimasse inuenies. Mirabile enim dictu est, quàm horum nervorum sit virtus admiranda, & ab eo summis laudum præconiis decantata lib. 7. de usu part. cap. 16. Maiorem tamen admirationem facit, hos nervos minutos, ac capillorum instar subtilissimos, quemadmodum Galen. ipse lib. de præcogn. cap. 5. esse tradidit, recisos, ac interceptos, vocis deperditæ causam esse; & firmat Vidus Vidius tom. 2. generat. lib. 9. à cap. 1. usque ad cap. 5.

Ut tamen tantum scrupulum eximere possis, & experimentum Galeni, in secandi arte periculisimè verissimum esse pronuncies, audi Columb. lib. 14. de sectione vina, qui de re anatomica scripsit fidè, eleganter, & doctè. Sic enim ait: Hi reuersui, se recurrentes, seu vocales nervi, sursum reuertuntur aspera arteria adherentes, & in laryngem immittuntur. Recurrentem nervum facile agnoscēs, tū quia albicat, tum quia instar fili videtur esse: hunc eleuato, nam si illum digitis compresseris, dictum, ac factum misero cani vox imminuitur: Si manū detrahas, ita ut animalibus spiritibus aditus pateat, vox denuò reuertetur: si dextrū nervum abscindas, prorsus amittitur. Nunc de sinistro reuersuo nervo dicemus. Administratio eodem modo fiat, quo in dextro dictum est. Si nervū vinculo excipias, & coarctes, statim mutus efficitur: Si dissoluas, semelatrabit, ob dextri nervi abscissione: si transuer-

Lib. 11.

A sum dissecaueris, mutus in æternum fiet supervivere tamen possit, se dimitteretur, cum tanto vulnere, nisi alia afflictio afflicto adderetur, Profecto pulchrum est spectare, considerarique pulcherrimum, quo pacto duo nervuli adeo parvuli tam bellam edant actionem, qualis est vocis ipsius efformatio, nemòque est qui non obstupescat. hæc Columbus.

Cum enim hausta pulmonibus natura spirabilis (cui nomen est aër) munere, seu officio contemperandi calorem cordis perfuncta fuerit, nec in cassum exusta illa, calorique naturali nimium exitiosa remigret, admirabili providentia à natura in materiam vocis, & orationis, qua nihil est diuinius, convertitur. Lingua enim crebris vibrata motibus, aërem reductum à pulmonibus, & ex faucium renitentia stipatum, crebriore sui acuminis in palatum illiso, in vocalem spiritum velut animat, eumque adiuta dentium offensione, & labiorum compressionem in verba discernit, quæ sunt notæ, & picturæ rerum, & cogitationum, absque quibus, cum hominum coniunctio, & naturalis societas inter ipsos dissolveretur, tum certè hoc, quod sibi quisque habet præstantissimum, nemo unquam assequeretur. Nec enim docere de Deo omnium opifice & creatore summo posset alter alterū, neque sanctissimum illius nomen compellare, ad cuius cognitionem & celebrationem sumus conditi: neque adeo multum inter homines, & animantes cæteras interesset, à quibus nō solum ratio, sed etiam oratio, quæ interpretis mentis existit, quàm longissimè seiunxit. Lege de vocis præstantia, & officiis, Constantiū Valorium l. 1. anat. c. 1. & Petrū Lopesium Lusitanum, l. 1. poësis philosoph. de sex rebus non naturalibus in initio, qui vocis, & soni munera eximio poemate descripsit.

Hanc ergo perfectissimam actionem complent vocales nervi duo, ut cit. loc. Magister edocuit. Si enim ambo sine distracti, officio suo priuantur, facultatemque animalem aëris percussione facientem ad larynga non deferunt, quare aphonum redditur animal: Si vnus tantum dissectus est, remanet semimutum. Neque intelligas quòd larynx ipsa partes inter se distinctas, & dimidiatas habeat, ut earum quælibet emittendæ vocis mediam facultatem habeat, & hanc vnaquæque à suo nervo recipiat, ut videtur insinuare Avic. hunc Gal. locum ex professo explanans, 10. 3. tract. 2. cap. 1. §. Et fuit alius, qui cum curaretur à scrophulis, incisus est ei vnus duorum nervorum reuersuorum, quare abscissa est medietas vocis, &c. Nam ad vocem rectè efformandam, laryngis, linguæ, musculorum ipsam motum, narium laborum, & dentium munus requiritur potentissimum, præsertimque horum nervorum, quos facultatem animalem deferre diximus; sed cum multum esset vox vitata, ad id significandum, semimutum remansisse dixit.

Plurimas interceptæ, vel amissæ vocis causas, legat qui velit apud Avic. loc. cit. Nam repente quempiam obmutescere absque occasione, admirabile est, quòd faciunt venarū occlusiones, interceptionesque, iuxta Senis edictum, lib. 4. de rat. viñt. in morb. acut. text. 23. Cum igitur supra modum oppletæ fuerint venæ, grauetur virtus, & præcopia multa, extincto veluti nativo calore, suffocetur, fit aphonia, ut in apoplexia, epilepsia, & syncope cardiaca quotidie experimur, ut ferè accidere comperimus iis, qui vel timore, vel maximo animi mœrore sunt percussi. Ob ineptum enim sanguine, & spiritu ad internas sedes, & cor, velut ad arcē collectis, copia sua innatum ignem obruentibus, & canales per quos facultas deferri debet, obstruentibus, fit aphonia: de hac Legat Amat. 6. cent. 5.

Hæc fuit causa, ob quam Nausimenis Atheniensis vxor, cum filij ac filia suæ stupro interuenisset, inopinati monstri percussa conspectu, & in præsens tempus ad indignandum, & in posterum ad loquendum obmutuit, teste Valerio Maximo lib. 1. cap. 8. ob quam rationem obmutescimus visis lupis; ob timorem enim, & metum vox faucibus hæret, & sæpe tremula, imbecillæque redditur, ex Aristot. 27. sect. problem. 7. & Gal. 2. de caus. synpr. 2.

Sed cur fiamus aphoni, quando nos à lupo prius inspicere contigerit, ad occultam, & ignotam nobis lupi proprietatem referendū puta: sicut enim sunt plurima animalia, quæ visu, afflatu, & tactu interimunt; sic Lupi abdita quadam qualitate vocis raucedinem, & priuationem inducunt.

R 2

Plurimi

Plurimum enim reperiuntur dissensus, quorum causa non ita est manifesta, ut inter ceteros eleganter admodum protulere, Fracastorius lib. de antipath. cap. 1. & Ruellius lib. 1. de nat. stirp. 22. Sic vilus est, cui leuiore ex causa biduum aut triduum loquela adimebatur, moxque repente, & inopinato reddebatur, & qui saepius ex intervallis integro sano corpore, modo loquebatur, modo obmutescere, auctore Fetnel. lib. 5. de patholog. cap. 9. De Aphonia generatione, causis, signis & curatione, Lege Vidium Vidium lib. 8. de curat. membrat. cap. 20. & Mercurial. in com. cir. context. Hippoc. lib. 4. de rat. viſt. in morb. acutis. At si plura de sermonis, & vocis usu, ac natura scire cupis, Vide Lælium Bisciolam Mutinensem lib. 10. horar. successuar. tom. 1. cap. 22. Vesal. 7. de fab. à cap. 4. ad 8. Conimbric. in comment. cap. 8 lib. 2. Arist. de anim. quest. 3. art. 1. Bartholom. Perdulcem lib. 3. sua medicin. c. 19. Baptistam Condronch. lib. 1. & 2. de vocis natura: de qua re pulchra prædixit Fabricius ab aq. pendente, tract. de larynge, vocis organo: nec siluit Theodorus Doula, tract. de natura vocis.

## HISTORIA XV. GALENI, De vocis lésione.

### Vocis lésio, ex recurrentium nervorum infrigidatione, suborta.

**E** Quidem vocem vitiatam fuisse memini, adeo ut penè perderetur, infrigidatis nimium nervis recurrentibus, cum per hyemem in collo adhibita fuisset quedam chirurgia; quod cum intelligerem, \*calorificis\* remediis naturalem temperaturam nervis restituens, vocem recuperavit, &c. Galenus lib. 1. de loc. affect. cap. 6. in med.

### PARAPHRASIS.

**N**ervis utpotè frigidis, nimium frigus obesse, res est manifesta; licet enim illi sint tendone & ligamento calidiores, & animali spiritu; cum tamen sint sensu, eximio præditi, & suapte natura frigidi, facile ab aëre, hyemali præsertim oblæduuntur, cæterarum partium nervosorum ritu, quibus frigus valde est infensum: hoc enim nervos, seu molles, seu duros condensat, atque infatctæ illius materię exhalationem inhibet, ut latè ostendit Magister lib. 6. meth. cap. 3. Nam nervus pars sensibilis est, & principum partium primati continua, & temperamento suo frigida quorum omnium occasione, & ex facili à frigido offenditur, & suam offensam illico cerebro impertit. Hæc est causa ob quam medicamenta vulneribus nervorum applicanda, calida esse oportet, & præcipuè hyeme, ut 7. collig. tract. de cura solutionis continuitatis nervorum, dicebat Auertroës: & prius firmarunt Galen. lib. 3. de compos. medicam. sec. gener. cap. 3. & Avicenn. 4. 4. tract. 4. cap. 2. de vulnerib. nervorum, §. Et apostemantur nervi, & que sunt in iis similia, & chordæ, & extremitates lacertorum, & advenit iis frigiditas, & spasmanter, &c. & infra §. Et vulneratis à quibus est elongare aquam frigidam, est vulnus nervi, & similiter frigus aëris, vel cuiusque rei nervo approximanda quamvis parum sit frigidum, &c. Explicant diligenter Holler lib. 3. institut. Chirurg. de remediis nervorum, & luculenter Dinus in com. Hanc doctrinam probant Ravius lib. 7. continem. cap. 15. & 16. Brünus in chirurgia magna, cap. 5. Hoc ita esse patet manifestè: nam si aër æstivus frigidior est cerebro, & nervis, ex Galen. lib. 8. de usu part. cap. 2. quanto magis hyemalis, hic enim quoquo versum penitissimè irruens nervos offendit, sicque infrigidatis nervis recurrentibus, qui ad vocem formandam sunt præcipui, ex Galen. lib. 4. de loc. affect. cap. 6. vocem fuisse vitiatam asseremus. Hanc historiam confirmat Avicenn. 10. 3. tract. 2. cap. 1. dum sic inquit: Locutio namque quandoque completur cum anhelitu equali, sicut faciebat homo cuius nervo reuerſuo accidit frigus, quum esset necessarium, ut discooperiretur cum

ferro quare destructa est vox eius, &c. Gentilis in com. affirmat, aliquod apostema in ea parte fuisse, quod debuit secari, & expurgari: adhibita igitur Chirurgia, hoc est secto apostemate, & nudato nervo recurrente, cum præcipuè ob hyemem valde frigidus esset aër, id frigida intemperies in eo est introducta, idèque vocis vitium evenit.

Cum ergo præ nimio frigore valde intemperati essent, calorificis auxiliis ad naturalem temperiem eos reducere sibi persuasit. Quæ autem sint hæc, & an essent intus assumpta, an extrinsece appositæ, ipse non explicat. Calida verò actu, & potestate ea cur præcipiantur, multæ sunt causæ. Prima. Quemadmodum vulnerata caro natura licet humida, medicamenta exoptat, non quæ humectando conferuent, sed quæ exiccando à lapsu prohibeant: sic nervorum frigida temperies, calida ad præcautionem medicamenta, magis quam ad conſervationem frigida expostulat. Secunda. Contentus spiritus calidus, nervo præstantior, & in opere vincens, frigida renuit omnino. Tertia. Nervus in sanitate assuetus est calori vicinæ, circumdantisque carnis; cum ergo laborat, nisi infundatur quod parem carni pristinæ calorem habeat, evertatur illius temperamentum est necesse. Quibus autem præſidiis Aphonia hac de causa suborta, sit curanda, proprio exemplo notavi, lib. 1. de praxi admiranda, observat. 106.

Calorifica nervo applicanda, sicca sint oportet, nam ipsa nervi conſervandi natura vim siccantium adaugeri postulat. Sint autem substantia tenuia, quoniam curanda affectio in profundo latet. Horum medicamentorum latissimam sylvam exaratam vide apud Gal. lib. 6. meth. cap. 2. & 3. & lib. 3. sec. gener. cap. 2. quibus locis de curandis nervis vulneratis aut punctis agit eximie. Interim lege Dionysium Dacam part. 2. Chirurg. cap. 57.

### DVBIVM IX.

Num oleum, nervorum vulneribus applicandum.

### COMMENTARIUM.

**R**emediis.] Inter calorifica auxilia à Gal. citata, quæ nervis discoopertis utilia sunt, de quorum numero censentur, euphorbium, sagapenum, opoponacum, sulphur, terebinthina, & alia multa, oleum Sabinum præsertim bimum-trimumve tenue cum sit calidum, & profundam, crassamve nervi substantiam penetrans, punctis vulneratisque nervis esse saluberrimum, cir. lib. meth. Gal. confirmat. Sed quoniam hic auctor, de olei applicatione in vulneratis nervis diuersimodè loqui visus est, de hoc negotio paucula differere statui, in quo magna est contentio apud interpretes.

Gal. enim in lib. 6. meth. 3. id reprobat. §. Sanè oleo perfundere tale ulcus non oportet, quia sordidum vulcus reddit, &c. & lib. 3. meth. cap. 2. oleum dicit, cano vulnere impositum, aduersissimum omnium medicamentorum esse; nam si ita menderi velis, usu ipso intelliges, sordidum, ac male olens ulcus fieri. Quod si anni tempus calidius sit, ac homo vitio mali succi laboret, aut fluxionibus obnoxius natura sit, aut etiam invidius rione delinquat, timor est ne illi pars ea computrescat, in qua vulcus est factum. Quam sententiam confirmat Avic. 4. 4. tract. 4. cap. 2. §. Et oportet ut ablatur vulnus, neque cum aqua, neque cum oleo, &c. Auctoritas firmatur ratione; nam oleum humidum cum sit, ad caliditatemque inclinans nervos putrefacere potest.

Contra tenet omnis Medicorum Schola à suo magistro edocta. Is enim in lib. 6. meth. cap. 3. partem vulneratam calente oleo madefacere iubet, & lib. 3. de compos. Medic. sec. gener. cap. 2. agens de vulneribus nervorum, idem affirmat per hæc verba: Quando igitur vulneratum aliquem suscipio, interim per liquida pharmaca curationem molior, inserim emplastris, lanam quam molissimam oleo calente imbutam applicans: quod si medicamentum ex aceto usurpem, aceti parum oleo admisceo, ac bis tervè quotidie solvo, & oleo calente foveo, &c. & in fin. §. Porro ab aque usu in tota curatione ita tempero, ut ne attingat quidem ulcus, proinde cum sanguis in initio à parte vulnerata eluendus est, ex oleo id facere expediat, &c. Sequitur Paul. lib. 4. cap. 54. §. Itaque aqua calida, quamquam



quanquam reliquis inflammationibus sit accommodatissima, vulneratis tamen nervis est inimica; ac præstiterit oleo dulci, quod adstrictionis sit expertus, errare, &c. Subscribit Aëtius *terrab. 4. fern. 2. cap. 27. 9. Præstat igitur nervis sanctiatis oleo moderatè calido, tenuique, ac nihil adstringente rigare, &c.* Sequuntur Rhafius *lib. 7. ad Almanfiolem, cap. 3. Guido doct. 1. tract. 3. de vulneribus nervorum supplicium.* Neque immeritò vulneratos nervos oleo calente fovere consulerunt auctores; hoc enim, suo actuali calore, & partium tenuitate densam nervorum substantiam perforare potest, ac sic saniem abstergere, & expurgare valet.

Nicolus *serm. 7. tract. 4. sum. 1. cap. 31. de vulneribus nervorum, & chordarum in generali*, auctores inter se dissidentes conciliare intendit hoc modo, quòd præsci admittunt oleum gratia sedandi doloris, cæteri hoc symptoma non respicientes, illud respuendum censent. Hunc modum soluendi omnium primus adinuenit Vigo *lib. 3. tract. 1. cap. 15. qui non imponit oleum, nisi propter necessitatem sedandi dolorem: explicat diligenter Fallopius lib. de vulneribus particularibus, c. 25. in med. Solutio hæc deducta est ex mente Galen. in lib. 6. meth. cit. nam hoc loco vulnerata pars, euphorbij usu antea malè habens, olei fotu Sabini, sine dolore, & phlegmone remansit, &c. lib. 2. sect. loc. cap. 2. eo utebatur, quando dolor vehemens, & inflammatio ægrum torquere solent: firmant eam Auic. loc. cit. Lanfrancus doct. 3. tract. 1. cap. 3. de cura vulneris nervorum. Quare oleum non vulneris remedium, sed aduersus imminencia pericula præservatiuum auxilium censendum, lege Hieronymum Fabritium ab aqua*

pendente *lib. 2. de vulneribus, cap. 11.* Alij aliter solvunt antimoniam: quòd Galen. & reliqui oleum apponant in nervo cooperto (hoc enim ferè accidit in punctura); cæteri verò in nervo nudo, & discooperto id condemnant; cum enim sic actu tangat substantiam nervi, potest eam dissolvere, & putrefacere: quapropter Auerroës *lib. 7. collig. cap. cit. oleum eligit in nervo discooperto: multum enim refert nudo nervo, an per interpositam cutem oleum admovere, ut cit. meth. retulit Gal.*

Sed omnium facillima conciliatio est: quòd in vulneribus oleum omphacinum, in curatione vulneris nervorum sit apponendum, ob rationes plures relatas ab Auic. *cap. cit. 9. Et insuper dico, quòd oleum rosaceum, & maxime quòd fieri debet ex oliis immaturis, non est unctuosum, sed siccum, & vocatur oleum omphacinum, & maxime quum rosa cum illo oleo commiscetur, acquirit oleum illud aromatizatam confortantum spiritum animale, & siccitatem, & expressivam virtutem, ut vult Gal. in lib. de simplici Medicina, per quod confortatur cerebrum, dolores sedantur, sanguis ingrossatur, & si quis est, subtiliatur, &c.* Nam, ut ait Dinus *in com.* hoc oleum mellis rosacei, & aliorum digerentium caliditatem temperat. Hanc solutionem innuunt Albucasis *lib. 3. cap. 3. Carpus Berengarius lib. de fractura cranij, tit. de exteriorum lesionum capitis cura, fol. 41. Fabritius ab aqua pendente, lib. 2. de curand. vulneribus, cap. 18. Ioan. Fragosus glossa de vulneribus, quæst. 84. Andrea Alcacar lib. 2. de vulneribus nervorum, c. 25. Leonard. de Bertapalia c. 5. de fractur. cranij. De quo negotio, ex omnium auctorum mente plura agitavit Ioan. Brauuus Chamicus lib. 4. de medendis corporis malis per manuales operationem, c. 13. in med.*

## QVÆSTIO XII.

*Quòd contrariorum contraria sint remedia  
Contra Vallesium.*

**C**alorificis.] Licet eminentissimi Medicinæ professores, de contrarietate in curatione morborum observanda diligentissimè disputarint, inter quos palmam præripuerit, Cœciliator. *differ. 153. Insignis Veiga, in com. c. 88. art. Medic. Gal. Vallesius l. 8. contr. 4. Valleriol. lib. 3. locor. commun. cap. 14. Ludou. Lemosius in com. cap. 12. lib. 11. de method. medend. Galen. disp. 6. Mercat. tom. 1. lib. 3. part. 1. clas. 1. quæst. 206. Christop. à Vega lib. 3. de art. Medic. part. 2. cap. 2. & alij: placer tamen inter hos Medicinæ proceres, nostram palam facere sententiam, & aliqua de nouo ad-*

Lib. II.

A dere, maxime quum contrariæ partis argumenta prima facie probabilitate vacare non videantur.

Sicut vniuersale pronunciatum est, non à Medicis tantum, sed à Philosophis maxime receptum, conservatiorem fieri ab his, quæ non solum qualitate, & forma sed etiam gradu, & quantitate paria sunt; sic perpetuum, & irrefragabile, curationem perfici contrariis, quum contrariorum contraria sint remedia, quod *lib. 2. de nat. hum. text. 1. Hippoc. primus omnium literis consignavit, dum sic inquit. Oportet præterea & hoc nonisse, quæd morbos, quicunque ex repletionem ortum habet, euacuatio sanat: quos vero parit vacuatio, repletio curat: quos gignunt labores, illis quies remedium est: quos nimium inducit otium, labor tollit, &c.* Idem firmat *2. aph. 22. & 5. aph. 59. & mille in locis Galenus inculcat. Confirmarunt cæteri, qui hoc conclusum artis nostræ principium, axioma inuiolabile nuncuparunt, nisi doctrina Galen. 5. meth. cap. 15. in art. Medic. c. 88. 3. simpl. 12. lib. 3. de Medic. officio com. 31. & 6. epidem. sect. 2. comment 9. & Auic. 4. 1. cap. 1. sequuntur Plato in Timæo ad fin. Arist. lib. 1. probl. 2. & 3.*

Hoc assumptum non demonstratione, sed sola inductione probari posse, apud omnes in confesso est. Ea enim quæ in vnaquaque scientia sunt maxima, fieri non potest, ut esse demonstretur, si fides est adhibenda Aristor. *lib. 1. poster. cap. 8. hæcque sunt indemonstrabilia, quæ peculiari nomine ab ipso vocantur suppositiones, licet etiam possint vocari dignitates, cum sunt propositiones per se notæ, ad quarum cognitionem, non discursu vero & causali, sed improprio & secundum successionem indigemus: quare Hipp. lib. de flatibus, num. 2. hoc axioma non demonstrat, sed sola probat inductione, hoc modo. Quod ergo est famis remedium, hoc scilicet quod famem sedat, id autem facit cibum; eo ergo malum illud medicandum. Amplius autem ubi sitis urgeat, bibere convenit: & rursus, repletioni euacuatio, euacuationi repletio, labori quies succurrit, & quietis medelam ex labore reperies, atque ut breuiter dicam, contraria contrariorum sunt medicamina, &c. quem locum illustris explanator, Theodorus Zuingerus explanat in com. diligenter.*

Galenus *lib. 11. meth. cap. 12. hoc pronunciatum breue esse oratione, sed potestate maximum assuevit. Quare hanc propositionem temnere, nihil est aliud, quam omnem medendi methodum peruertere, quod non solum in morbis, & symptomatis, sed in causis morborum veritatem habere inuenio. Galenus in lib. de constit. art. med. cap. 12. non medicè, sed philosophicè agens, sic demonstrat. Id quod sanum est, moderatum est; id quod ægrum immoderatum: Si ergo dum corpus curatur, redit à statu præter naturam ad naturalem, merito ista mutatio nonnisi per contraria est peragenda: vnumquodque enim perit à contrario, & per contrarium. Lege eruditissimum Valleriolam in com. Patiuntur tamen supra dicta instantias multas. Nam Auic. 4. 1. c. 1. in ultimis verbis sic ait. Amplius scire debes, quòd non omnis repletio, neque omnis complexionis malitia suo medicatur contrario ex euacuatione, & oppositione, imò multoties sufficit multa regiminis bonitas in repletionem, & malitia complexionis, &c. Deinde, plurima sunt quæ similibus curantur, & non contrariis: Hipp. enim *lib. 6. epidem. sect. 2. text. 9. dolorem dicit curari dolore, fluxum fluxu, vomitum vomitu, & tussim tussi: & lib. 5. aph. text. 25. convulsione aqua frigida perfanat, quæ auxilia contraria non sunt, sed similia. Insuper, vigilia curatur vigilia, & cibi fastidium inedia, apud Hipp. 6. epidem. sec. 4. com. 17. Amplius, Si hoc axioma verum est, ophthalmiam, & febrem curari non posse asseremus, cum his nihil sit contrarium, ut *lib. 5. topicor. in fin. Arist. ait. Ad hæc, Febris ardens curatur calidissimis catharticis, quæ non sunt contraria febri. Febrem ardentem, rigor superueniens soluit: rigor autem non est febri ardenti contrarius. Vltimò Hipp. 5. aph. 19. refrigeratis excalfacientia denegat.***

Sed hæc nullo negotio aduersa diluamus, prius tamen præfati contrarietatem hinc non esse pressè fumendam, & strictè, quemadmodum Arist. in postpredicamentis definit. *c. de contrariè oppositis*, per ea quæ sub eodem genere maxime distant, sed largè, prout comprehendit quadam modo opposita, seu id sit mediata, potentia, vel ex accidenti.

R 3

Sic

Sic non omnis repletio, seu complexionis malicia suo A medicatur contrario externo: nam multoties sufficit inter, dum, hoc autem natura est, quæ omni morbo contraria est, ipsumque medicatur, ut Hippocrates lib. 6. epid. sect. 5. sect. 3. Galenus lib. art. Medic. cap. 87. & lib. 3. de dieb. decret. cap. 1. & lib. de optim. sect. ad Thrasibul. cap. 4. & lib. de ren. dignor. atque medel. cap. 4. Avicenna. 1. 4. tract. 2. cap. 8. retulerunt. Cum enim virtus consistat in temperamento, & hoc dicat mediocritatem, quid mirum, ut sicuti medium opponitur extremo, sic virtus opponatur omni morbo? Quare morbi à natura curantur, quæ sola sibi sufficit, vias excernendis superfluitatibus parat, omnia facit in animantis commodum, & nisi medicamenta eius gratiam, & adminiculum recipiant, sanare nequeunt, cum eius actione perficiantur. A natura ergo morbi curantur præcipue; ab arte quatenus est naturæ ministra; à Medico, ut artis ministro. A remediis, ut à Medico, artis beneficio, conuenienti qualitate, comoda mensura, & tempore opportuno exhibentur. Sic dicebat Avicenna. 1. 4. tract. 2. cap. 8. curans enim, ut scivisti, est virtus, non Medicus, quoniam Medicus est minister faciens pervenire instrumenta ad virtutem. Quapropter natura est principale agens, auxilia verò instrumentalis agentis vicem gerunt. Ex quibus ad primum argumentum responsio patet: de cuius solutione Iuniorum peritissimi nec verbum quidem protulerunt.

Nunc ad alia explananda gradum faciamus. Dolor curatur dolore, hoc est, medicina faciente dolorem. Fluxus fluxum curat, vel quatenus remouet causam fluxus, vel fluxus sanguinis extracti per phlebotomiam, fluxum sanguinis vndeque manantis persanat. Sic vomitus vomitum curat, & tussis tussim, vacuando causam. Sic frigida aspersio, remedium est conuulsionis, non per se, sed ex accidenti, reuocando ad intus calorem, calor autem hæc sanat. Sic vigilia corrigit vigiliam ex accidenti: nam ob immodicam vigiliam virtus quæ admodum excitabatur dissoluta appetit quiescere; vnde magnus strepitus, modo subito cesset, somnum inducit apud Paul. lib. 2. cap. 42. Avicenna. 1. 4. tract. 2. cap. 1. Sic fastidium curatur inedia, quia cum sit species vacationis, absumit causam fastidij. Febris verò, & Ophthalmia licet per se contrarium non habeant, illo tamen ex accidenti non curent. Sic cathartica calidissima causam febris remouendo, febrem sanant. Sic rigor, febris ardentis est remedium, quoniam per sudorem humoris noxij, qui est causa febris, sequitur vacuatio, ex Galen. lib. 4. aph. 58. Sic Hippocrates negans calefacientia refrigeratis, timens hæmorrhagiam, non conuellit perpetuum pronunciatum, contrariorum contraria sunt remedia; sed docet in complicato affectu, non semper incipiendum ab in-temperamenti curatione, præsentem aut imminente, urgentiore hæmorrhagiæ malo. De qua controuersia, lege doctissimum Heurnium in com. cit. aph. Cardan. lib. 2. contradi. tract. 5. contradi. 8.

## D V B I V M. X.

*Num curatio fiat per contraria aequalia.*

V Erum hic quispiam in Galenica doctrina exercitatus mox inquirer, Num hæc contraria debeant esse intensa, aequalia, an remissa. Non ita facilis est responsio, cum plures diuersa literis consignarint, quæ repugnantiam præ se ferre videntur. Et licet contraria debere esse aequalia omnes vnanimiter confirmant, hoc tamen mihi semper suspectum fuit, cum inter paria agentia actio exerceri minimè possit; hæc enim sequitur proportionem maioris inæqualitatis; fierique potest, nisi actiuitas agentis vincat resistentiam passii.

Et si autem hoc verum sit communi medicorum consensu ratum est; morborum curationem non solum per aequalia, sed per remissa, aut intensiora esse celebrandam; licet eligenda sit, quæ per aequalia præsidia exercetur. Patet aperte. Nam remissa auxilia sæpius adhibita morbum curant: quamuis enim in agendo pigra

fiat temporis tamen diuturnitate immoderatum ad mediocritatem reducunt; quod enim validissimum agens breui tempore efficit, id longo debile peragere potest, ut lib. 4. simpl. 27. Galen. aduertit: quod præcipue est faciendum, quando virtutis debilitas adest, aliter enim virtus succumbet. Secus autem sunt applicanda intensiora, quum periculi ratio vrget: nam ij morbi celerem, eamque extremam curationem exoptant, ut lib. 1. aph. text. 6. dicebat Hipp. & lib. 5. meth. cap. 15. Gal. confirmat. At cum vtrique curatio valde sit ambigua, eligenda est quæ per aequalia perficitur. Si enim curatio sit per intensiora, est celer nimis, & periculo plena. Si per remissiora, languet virtus, & in curatione aliquod symptoma superuenit, quod vires deicere potest. Curatio autem tria efflagitat, ut sit brevis, iucunda, & tuta, ut 14. meth. cap. 13. dicebat Galen. & cum eo Celsus lib. 3. cap. 4. Insuper ut sit secunda, tribus perficitur, ut operis absolutionem consequatur; ut euertatur morbus: & ut non lædat, fiatque cum modo, auctore Hipp. lib. 1. epid. sect. 2. sect. 50. lege Horat. Augen. diss. aduersus Mercuriar. cap. 5.

Si tamen imbecilles vires sint, & consuetudo obster, tunc morbus non per aequalia, sed remissiora auxilia curari debet. Nam in præsidiorum applicatione, siue sint alterantia, siue vacuantia, non solum morbi magnitudinem, quæ remedium exoptulat, sed virtutem tolerantem attendere oportet; quare in præsentia virium debiliū, remissis solum auxiliis pugnandum est. Simili quoque ratione consuetudinis ratio est habenda; nam hæc non est mutanda, sed conseruanda, auctore Magistro lib. 8. method. cap. ult. Nam si homo assuetus calidis incidat in febrem, tunc quum indicatio febris sit cæteris indicationibus potentior, & præstantior semper est præferenda; quo pacto refrigerantia & humectantia, remissiora tamen quàm febris desiderat, sunt offerenda: sic enim & morbus curatur, & seruetur consuetudo, cui aliquid esse condonandum monuit Hipp. lib. 1. aph. 17. nam ut scire Heurnius dicebat in com. quorum ventriculus semel, aut bis humescere, intumescere, concoquere consuevit; si defraudetur, mutata consuetudine, temperamentum, habitum, actionem immutat, ut inter omnes notauit Planerus lib. 1. meth. cap. 5. de contrarietate.

Et licet à proportionem maioris inæqualitatis actio proficiscatur, de ea intelligendum est axioma, in qua contrarium omnino corrumpitur; non verò de ea quæ à Philosophis dicitur refractoria, in qua contraria, licet aequalia quando coniunguntur, necessario se transmutant; & quamuis vnum non vincat aliud, in pugna tamen remittit illud, & sic ambo ducuntur ad medium, in quo sanitas consistit. Et licet essent aequalia, auxilio tamen naturæ redduntur potentiora; tunc enim duo in vnum efficacius conspirant, natura, ut præcipuum agens, auxilium, ut agens secundarium, quod alioquin nihil omnino efficeret, nisi naturam haberet adminiculantem.

Cæterum posteaquam de contrarietate per aequalia auxilia obseruanda, quantum sat esse indicauimus, præscriptum nobis est, non absonum fuerit, hic potissimum potiora argumenta afferre, quæ superiorem doctrinam redarguere videntur. Et primò sic. Si curatio per aequalia contraria esset celebranda, sequeretur omnes morbos æquali securitate curari. Pater sequela, quia velocitas motus attenditur penes actiuitatem agentis ad resistentiam passii, & quando est maior actiuitas, & minor resistentia, tantò velocior est actio auctore Philosopho 7. physic. ult. Ergo si in omnibus morbis reperitur æqualis proportio actiuitatis ad resistentiam passii, omnium morborum curatio æquali tempore perficeretur, quod est absurdum.

Secundò. Reductio fit per aequalia contraria, ergo curatio debet fieri per intensiora. Antecedens est Galeni, in art. Medic. cap. 86. Probatur consequentia, quoniam in reductione mutatur naturale temperamentum, quod sensim & paulatim est mutandum: nam natura non patitur repentinas mutationes, ex Hipp. lib. 6. epidem. sect. 3. text. 27. quod enim paulatim fit, tutius est, ex ipso. aphor. 5. 1. in

in curatione corrumpitur morbus, qui res est violenta, & A præter naturam, & quæ celeriter est remouenda: ergo intensiora auxilia expostulat, & maxime si sit grauis, & periculosus: tunc enim subito, & per intensiora præsidia celebrari debet, ex Tralliano lib. 12. cap. 2. *qua enim celeritatem desiderant, celeriter peragere oportet*, ex Hipp. lib. 1. *acut. sect. 8*. Et Aretæus lib. 2. *acut. cap. 5*. de curatione voluuli, dicit in hoc morbo debiliora non esse exequenda, & lib. 2. *eiusdem, cap. 1*. de curatione pulmonis iubet, ut subsidia inæqualia sint: & lib. 1. *chronicon. c. 5*. de curatione melancholiæ, imperat ut intensiora remedia propinentur; exiguis enim medicamentis non, obsequitur affectus. In hunc sensum intelligendus est Celsus lib. 2. cap. 11. dum inquit: *non potest vehementi malo, nisi B vehemens auxilium succurrere*. Et prisci in vehementi plethoræ, sæuiente dolore, ingenti inflammatione interna, vique ad animi deliquium, cruorem exhauriunt, intensaque præsidia exercenda rentur.

Tertio. Sequeretur, quod nunquam morbus perueniret ad summum vigorem, quum in principio remittatur: siquidem contraria æqualia, etiam si non tollant morbum, ipsum tamen remittunt.

Quarto. Curatio debet fieri per remissiora contraria: ergo non per æqualia: nam remissum remittit intensum, ex Galen. lib. 3. *simpl. cap. 8*.

Quinto. Hipp. lib. 6. *epidem. sect. 2. text. 26*. sic ait, *per adiectionem contraria adhibere, & interquiescere*. Quo præcepto tradit nobis curatiuum consilium cum docet, contraria sensim & paulatim esse adhibenda, ut Galenus monuit in *com. sed si contraria æqualia sint, non sensim, sed affatim adhibentur*. Galenus firmat lib. 2. *sec. loc. cap. 2*. dum in affectuum curatione, à debilioribus inchoandum esse, & sic paulatim ad fortiora accedendum, asseruit.

Sexto Paulus lib. 4. cap. 1. confirmans Aretæi sententiam, dicentis auxiliorum vim morbis fortiolem, id palam ostendit, quoniam Elephantiasis nunquam curatur, nam nulla medicina potentior reperitur. Idem docet Hipp. lib. de *arte, num. 13. §. Quum igitur homo morbo afficitur qui vehementior est quam medicina instrumenta, ne sperare quidem oportet, ut à medicina exirpetur, &c.* Ergo si morbus curari debet, per potentiora auxilia erit remouendus.

Septimo. Galenus lib. 7. *meth. cap. 5*. affirmat in infrigendo plus periculi esse, quam in excalfaciendo igitur si morbi frigidi curantur per æqualia contraria, morbi calidi propter periculum refrigerationis, non per æqualia frigida, sed remissiora curari debent.

Octauo. In humectando, & exiccando nullum est periculum, quia humiditas, & siccitas sunt qualitates ignauæ, ex Galen. *loco nuper cit. meth.* Ergo morbi ficci, & humidi non solum per æqualia, sed per intensiora curari debent.

Vltimo. Si natura calida incidat in morbum calidum, non per æqualia, sed intensiora curari debet: tunc enim non solum morbus curatur, sed excessu illius intemperamenti naturalis est corrigendus. At intensiora contraria utrumque præstant; soluunt enim morbum, & intemperamentum emendant.

Sed hæc ita sunt soluenda. Ad primum. Plures respondent non omnes morbos æquali celeritate curari nam interdum sunt in habitu, sæpe in dispositione: hi parum resistunt mutationi suæ, illi valde repugnant, & ideo tardius curantur. Non satisfacit solutio, quia licet non solum fiat comparatio gradus ad gradum, sed actionis ad patientis resistantiam, videtur quod æquali celeritate debeant curari morbi, in quibus ista proportio reperitur, quod est absurdum: si enim accipiamus duas intemperantias. fientes, videlicet febrem acutam & exiguam, in his æqualis proportio seruatur; non tamen æquali celeritate curari debent, cum ex ea magnum imminet periculum, & febris lenta solum longo tempore curatur. Dic ergo, & fortasse melius, quod in quibus magnum imminet periculum, curatio non solum per æqualia præsidia, sed intensiora celebrari debet. Neque timeas repentnam

mutationem: nam ad euitandum maius periculum, sæpe subita vacuatio exercenda. Sic sanguinem mittit subito Galenus, & ad animi deliquium in vrgentibus morbis, in locis multis. Sic aquam frigidam præbuere prisci ad satietatem vsque, ut subito corpus refrigeretur. Sic consuluit Gal. frigidum balneum in hectico debili, in quibus morbis non seruatur eadem proportio. Neque redarguas iterum hoc modo. Si solum proportio agentis ad patientis resistantiam debet considerari, chronici morbi, & acuti æquali celeritate curationem recipient: quum enim chronici morbi multum resistant, dummodò auxiliorum vis intendatur, pro ratione resistantiæ, æquali tempore curarentur, quod non est dicendum Vallesius l. 8. *cont. 4*. postquam alios contumeliose obiurgauit, multis rationibus, vltro citroque discursans, hunc assignat respondendi modum ex Platone in *Timæo*, morbos habere fatalem constitutionem, ac proinde eorum tempora non esse remediis præscindenda, quoniam ex paruo fit magnus, & ex vno multiplex; & ideo morbi chronici longiori tempore curantur, quoniam ipsorum tempora longiora sunt. Sed labitur vir hic argutissimus: solum enim in morbis materialibus chronicis, in quibus concoctio spectatur, Platonis sententia veritatem habet; in morbis tamen immaterialibus, qui non habent tempora secundum materiam; non est vera; febris enim hectica, & similes morbi nullum habent tempus terminatum, in quo remediis vtendum sit, vel ab illis sit abstinendum; quoniam quocunque tempore præsidia adhiberi possunt, ac proinde celeriter curari queunt, ni virtus resistat: ex hoc accidit ut chronici morbi longo tempore curentur, quia multum resistunt; nam renitens affectus lenia auxilia contemnit, fortia & intensiora sunt periculosa. Ergo æqualia sunt magis accommodata.

Ad secundum quod acutissimus Vallesius difficile putat, Dic verum esse, reductionem esse temperamenti naturalis, curationem morbi; & ideo esse velociorem mutationem, non quia reductio per æqualia contraria, curatio verò per intensiora fiat, sed quoniam reducitur temperamentum quod est in habitu, curatur verò morbus qui in dispositione est: nam quando in habitu est sicut hectica, ita difficulter curatur sicut naturale temperamentum: quinimò morbi qui sunt in dispositione, prout magis vel minus facti sunt, sic facilius vel difficilius curantur.

Ad tertium. Dic, quod remedia in principio morbi adhibita non prohibent morbi augmentum, quoniam causa interna adest, quæ ipsum auget: sunt tamen in causa, ne in ingentem magnitudinem morbus accrescat.

Ex his patet solutio ad quartum, & quintum argumentum, dummodò intelligas Hippoc. in lib. 6. *epid.* intelligendum esse de mutatione consuetudinis, ut Gal. explicat in *com.* remissum verò remittit intensum, si illud est directum ab agente fortiori; tunc enim plus potest, quam maius ab imbecilliori adiutum: hoc pacto frigidum secundi ordinis, à valida vi animæ directum, operatur in affectum calidum in tertio. Hac de causa in morborum principiis, quoniam virtus valida est, à debilioribus auxiliis exordimur. Deinde remissum remittit intensum, quando contrarium remissius operatur, vel quando illius quantitas augetur; siquidem quantitatis augmentum intendit gradum, ex Galen. 3. *simpl. 33*. vel quando agentia, licet remissa, multiplicantur, ut explicat eleganter Vallesius lib. 9. *com. 11. post. med.* Aduerte tamen, quod verba illa Pauli, & Aretæi sic debent interpretari, quod etiam si auxilia sint morbis æqualia, auxilio tamen naturæ sunt intensiora, quæ semper aduersatur morbis. Ex quo soluitur argumentum sextum. Quod si adhuc instes dicendo, si remedia æqualia remittunt morbum, nunquam nisi semel poterunt adhiberi, quoniam si secundo, aut tertio adhiberentur, essent morbis multò potentiora: Resp. Medicus solum contemplatur mutationem sensibilem, quia est artifex sensualis ex Galen. in *art. Medic. c. 8*. quare cum primò videt morbum leniorem, statim vires medicamentorum remittit, ut æqualis proportio remaneat.

Ad septimum. Dic, morbos calidos per remissiora A contraria esse curandos, propter periculum quod imminet in infrigidando: nam, ut dictum est, in morborum curatione habenda est ratio periculi.

Ad octauum. Dic, morbos humidos, & siccos non solum per æqualia, sed per intensiora remedia posse curari, quoniam sunt qualitates parum efficaces, & ideo in humectando, & exiccando nullum est periculum.

Ad vltimum. Dic, naturas calidas in morbum calidum lapsas, modico, æquali, & remisso contrariorum vsu esse curandas; nam quod moderatum est, & sensum adhibetur, propter diurnitatem in agendo, solet fieri in æquale, ut supra docuimus. Quo pacto autem intemperata naturæ sint gubernata, lege apud Thomam à Veiga in *com. cap. 86. art. med. Gal. Valleriol. lib. 4. enarrat. 4. Valles. lib. 6. cons. cap. 2. Christoph. à Vega, lib. 2. de art. medendi, sect. 1. in fin. Conciliat. differ. 116. & nos lib. 7. in introitu ad Præxim, præcept. 58. pulchre agitabimus.*

## HISTORIA XVI. GALENI,

### De Aponia.

Ex casu quidam dorsi initium terræ allidens, aphonus factus, crurum resolutionem incurrit, qui dorso applicitis auxiliis conualuit.

**C**Ecidit quidam ab alto, ita ut dorsi initium terre allideret. Is tertio die exiguam admodum vocem emisit: quarto die omnino obmutuit, resolutæque simul fuerunt crura, manibus omnino illasis, sed neque spirationem amittebat, neque difficulter spirabat. Cum enim tota sub cervice spina esset resoluta, accidit thoraci, ut per septum transversum, & musculos super-nos, numero quidem sex, moueretur, quippe nervi ex spinali medulla qua in cervice est, ipsis adueniunt. At intercostalium musculorum nervi, per quos efflatum fieri diximus, omnes affecti erant. Cum itaque frustra Medici negotium subirent, circa crura quidem virescente resoluta; circa guttur vero, propter vocis affectum, equidem id interdixi, atque affecto duntaxat loco curatione adhibui. Proinde finita tandem spina inflammatione, à septimo die vox restituta est inueni, & crura motionis facultate recuperarunt, &c. Galenus lib. 1. de loc. affect. c. 6.

### PARAPHRASIS.

**H**Oc loco Medicorum ignauia carpit Galenus quod parti tantum affectæ, & non illi quæ primario laborat, & à qua actio aliarum proficiscitur, applicent auxilia; adductæque in medium historia hac confirmat lædi nonnunquam actionem alicuius membri nulla in eo noxa existente. Ex eadem verò etiam manifestat, quantum faciat ad curatorum methodum cognitio speciei effectus per consensum: Cum enim quidam ab alto caderet, casuque eo dorsi initium in terram illideret, paulatim vocem exiguam reddens, crescentemque deinde tumorem in ictu, percussoque loco ob humorum confluxum, tandem quarto die vocem omnino amisit, sensumque & motum in cruribus, (id est, crura fuerunt resoluta) quoniam præ tumoris magnitudine obstructi penitus lunt nervi, facultatem à cerebro deferentes ad crura, & ad intercostales musculos thoracem contrahentes; à quibus vocis materia præstatut efflatione, hoc est, vehementi, & confertim facta expiratione: qui quidem cum animali facultate priuarentur, nec thoracem amplius contrahere, nec multam aëris copiam ad guttur impetuose emittere, non quidem illius instrumento læso, sed tantum ob non demandatam ad illud sufficientem materiam, poruerunt.

Crura verò resoluta sunt, ob defectum facultatis; quorum effectuum differentias per consensum, Galenus quamprimum agnouit; reliqui verò huius rei consilij parum,

resolutis cruribus, gurgulisque remedia frustra admovebat: Galeni verò consilio applicitis auxiliis percusso loco, hoc est, spinali medullæ, restitutæ fuerunt prædictarum partium actiones. Vnde fatetur Galenus, magis tolerabile esse affirmare, in prædictis sympathiæ speciebus non pati membra, licet suis actionibus priuentur, quam vbi noxia causa iam parti est communicata, ut cum caput dolet ab humoribus in ventriculo contentis, quod Archigenes contendebat.

Cur autem non manus, sed crura tantummodò fuerunt resoluta? Dic, licet ex vno atque eodem contuso loco in dorsi initio existente, nervi omnes ducantur, qui ad crura, & manus perueniunt: illos tantum læsos esse, qui ad crura diuariantur; illæsos remansisse qui ad manus: In Pausania verò Syro sophista, relato à Gal. lib. 3. de loc. affect. cap. 8. qui è curru deciderat, eos tantum nervos affectos fuisse qui ad manus perueniunt. Si enim ab vno solum caudice processisset ad brachium ramus, originis damnum totum brachium sensisset: quoniam tamen multi sunt nervi illi, quorum vnusquisque suis, propriisque membranis ab aliis distinguitur, licet omnes in vnum cumulum colligantur, potuit vnus solum affici. Illud in præsentinotandum, sex affectuum differentias referri à Galeno, ad curationem necessarias. Prima, in qua ab vno membro in alterum materia alterans emittitur, quomodo caput à bilioso humore ventriculi dolet, quia inde eleuatus fertur sursum, calefacit, distendit, atque ideo dolorem concitat. Secunda, similis huic ferè est, in ea enim materia communicatur, sed transiens tantum, non alterans, aut distendens; cuius generis est corrupta oculi visio ex bilioso vapore ab ore ventriculi eleuato, qui per oculos transiens, imagines apparitiones inducit. Tertia, in qua priuatur membrum ea facultate, quæ ad ipsum simul cum defluente spiritu dolet demandari; ut quando non videt oculus, quia obstructus est opticus meatus à cerebro descendens, per quem defluit facultas cum spiritu visorio. Quarta, cum deficit facultas quæ sine spiritu demandatur; ut si pars aliqua sensu, aut motu, aut vtroque priuatur, ob obstructionem nervi differentis vim animalem. Quinta denique, & sexta affectus per consensum differentia, est cum materia ad actionem necessaria prohibetur omnino ad partem accedere, ut quando confosso pectore nullus ad guttur aer peruenit, & voce priuatur animal: vel saltem sufficiens copia non accedit, & cum requisito impetu; ut re clutis intercostalibus musculis contingit, quo casu vox ex toto deperditur, licet liberè fiat respiratio, & aer ad guttur expirando perueniat.

Ex dictis sex consensuum differentis illa elicitur methodus curatiua, ut quemadmodum in propriis affectibus, curatio instituenda est circa solam laborantem particulam, ita in consensu primæ speciei, prouidentiam oportet habere vtriusque partis, & mandatis, & recipientis. In secundò verò genere consensus, vbi materia non alterat, sed transiens tantum actionem vitiat solius primarij ratio habenda est inter curandum, nulla autem consentientis, id quod in reliquis consensuum speciebus obseruandum est.

Subsequenter addit Galenus, quod quemadmodum accidit crurum resolutio, nullo in ipsis vitio existente, sed tantum ob spinalis medullæ læsionem, quoniam scilicet prohibetur animalis facultas, ne ad crura descendat; ita etiam obstructis nervis vocalibus, hoc est, ad vocis instrumenta pertinentibus, quorum quidam apoplectici, alij recurrentes dicuntur, de quibus lib. 7. de vsu part. cap. 14. agit. Simili consensus differentia, priuatur nempe facultatis, potest etiam larynx resolui, & animal penitus mutum euadet. Licet etiam sectis ipsius laryngis musculis, possit etiam vox deperdi, hæc tamen vocis amissio, non est (inquit) omnino similis ei, quæ fit vocalibus nervis incisis, quantumuis noxa in vtroque casu gutturis ad eandem consensus speciem pertineat, nempe ad priuationem facultatis, quæ sine spiritu demandatur. Cum enim qui mutus fit ex secto, vel resoluta, vel refrigerato nervo, contingit vocem deperdi, quia ad illius



illius instrumenta nequaquam accedit facultas, & prohibetur operari; me diant enim musculo cartilagineo movebat, vocemque efformabat.

Non est silentio prætereundum, quod Galenus ad ultimas, & minimas affectus differentias descendat, & quam diligenter etiam intra eandem consensus speciem deficientis facultatis discrimen aliquod agnouerit. Simile autem huic licet etiam considerare, in altera specie propter deficientem materiam. Potest enim materia non accedere ad partem, ut cum perforato pectore, efflatio aeris ad guttur non peruenit. Potest etiam accedere, sed vetari ne exeat ad vocem edendam, ut si laqueo indito ad collum comprimatur, ut in suspensis, strangulatis, anginosis quotidie contingit. Pro huius historiarum explicatione perscrutandum erat, num facultas animalis per nervos influat, & an cum facultate spiritus, sed quoniam de ea, in commodiori loco nempe lib. 5. in com. Histor. 4. agendum est, modò ab eius explicatione supersedeo. Interim lege insignem Thomam Veiga, in com. huius historiae, Andream Laurentium lib. 4. de Anatomica, quest. 12. Vallesium 2. contrap. 15. Petrum de Peramato, lib. de facult. cap. 2. Aëtium tetrab. 2. serm. 2. cap. 32. Halyabat. lib. 5. pract. 26. Amat. 2. cent. 191. Rondelet. cap. 28. de morb. internis. Forestum lib. 20. observat. 90. & 91. qui omnes Galeni curationem in hac historia celebratam, miris celebrant laudibus, & encomiis.

## HISTORIA XVII. GALENI,

### De Axillarum fœtore.

#### Axillarum fœtor, in Medico præsertim execrandus.

**A**eter fuit Medicus in nostra Asia, cui axilla adeo\* fœdum odorem expirabant, ut nullus elegantior eius accessum egrotans ferre posset: oportebat igitur eum prius suo ipsius symptomatici mederi, atque ita ad alios curandos se accingere, &c. Galenus lib. 9. epid. sect. 4. com. 9. in fin.

### PARAPHRASIS.

**A**liam de oris fœtore hoc loco historiam enarrat Gal. quam quoniam huic valde similis est, huic loco inserendam curauimus. Erat enim quidam os naturaliter putidum habens, eius putorem & purgatione, & medicamento- rum ad id facientium potu mitigabat: atque quotidie, aut amomi, aut folij malabathri, aut aliorum id genus odoratorum in ipsum pauxillum quiddam consiciens, ita ex adibus proficisciebatur. Multæ sunt animi, & corporis dotes, quibus Medicus apprime debet esse instructus, atque ornatus: debet enim esse timens Deum, fidus, verbis honestus; non loquax, verbosus, superbus, iactabundus, aut gloriosus; imò probus, amans, studiosus, verecundus, habitu submisso, modestus, minimè avarus, pacatus, amicus, fani cordis, rectæ mentis, indolis probæ, eruditus, & mundus. Demum nulla est scientia, quæ expostulet artificem ita perfectum, ut Medicina. De quo argumento latè differtat Gal. cir. loc. epidem. & prius edocuit Hipp. lib. de decenti ornatu, & de medico, num. 1. Explicant eleganter eruditissimus Heurnius & Theodorus Zuingerus, horum librorum diligentissimi interpretes. Georgius Henricus lib. de perfecto Medico, Rodericus à Castro, Medicinæ Antistes, lib. 3. de Medic. politic. cap. 4. Ludovicus Septalius lib. 1. caution. Medicar. ferè per totum.

Oris ergo, seu axillarum fœtore, sicut aliis fœdis morbis carere debet; nam laborantibus nihil iniucundius. Licet enim ex multis corporis partibus oriri possit fœtor, nempe à toto corporis habitu præsertim fœtido manante sudore, ex pedibus, pudendo, auribus, naribus, ut fuit Virgo illa annorum 17. quæ in monasterium ingressa, fœtorem cæteris monialibus, licet sola esset in suo cubiculo, cadaueralem emittebat, referente Gregorio Horstio lib. 2. epist. sect. 10. cuius rei causam fuisse, labem ex

A contaminato semine, & sanguine materno contractam firmat ibi Libavius: modò tamen de oris, & axillarum fœtore, quod est nostrum institutum, solum faciemus commemorationem: hunc enim Auic. 6. tract. 1. cap. 29. à multis causis oriri asseuerat, à gingiuis, à radicibus dentium putrefactis, ab oris, palatique viceribus, à stomacho, ob humorem putridum in eo retentum, à pulmone, aut spiritalibus partibus; ab harum enim partium viceribus vapor eleuatur omni moda putrilagine infectus, ex se fœtorem insignem exhalans, ut in phthisicis quotidie experimur: sic sputa tabidorum carbonibus iniecta grauius olent, ex Hipp. lib. 5. aph. 11. ob putredinem, & corruptionem summam. Ex vitalibus partibus oris fœtor, expirante præsertim ægro, suboriri solet; spiritus enim putrefacti, & inquinati labe dira, fœtidam eructant respirationem, quam in pestilentibus febribus accidere testantur Gal. lib. 3. de presag. ex pulsib. cap. 4. & inter signa pestiferæ febris iam firmatæ in corde afferunt Auic. 1. 4. tract. 4. c. 2. §. Et plurimi qui rum anhelitus faciei ex istis, & imprimis moriuntur, &c. ut notant Fernel. lib. 4. pathol. 17. & Holler. lib. 2. de febrib. cap. de peste. Vidus Vidius lib. 8. curat. membrat. 19. in fin.

A putrido ergo humore cum oriatur fœtor, illum vacuare oportet, præsertim plenitudine cum phlebotomia, & deinceps purgatione diligenter corpus mundare; quibus celebratis auxilia localia sunt adaptanda. Quæ autem sit illorum materia, latè dilucidauit Hieronymus Montanus part. 2. Medecina c. de causis fœtoris. Quo loco suscitatur quæstio, cur pueri, & puellæ virgines non fœteant ante coitum, ac statim cum coierint, fœtere incipiant: quod accidere refert, quoniam præcipua membra ex coitu debilia facta, excrementa in maiori copia ad emunctoria transmittunt, quæ non diffusa, & retenta putrent, & fœtorem concitant. Lege Ioan. Hucher. lib. 1. de sterilib. viror. sit. de fœtore alarum.

Si à pulmone fœtor emanet, per suffumigia vapor odoratus attrahatur, hæc ex Aromatis parantur, ut cinnamomo, Nuce myristica, Gallia moschata, aqua ros. ex quibus bullitis per fistulam in os attrahatur fumus. Si à stomacho, post vacuantia, hic odoratis cardiacis roborandus, de quorum numero sunt Electuaria plura quæ præterquam quod à mucosis humoribus ventriculum abstergunt, ipsum roborare nata sunt, ut Diamoscham, Aromaticum rosatum, & siquæ alia. Si à gingiuis, rudentur hæc partes odoratis, quorum ampla est sylva apud auctores, Lege apud Varignanam tract. 6. de dispositionibus vna cap. 7. de fœtore oris. Christoph. à Vega lib. 3. de art. medendi, sect. 5. cap. 6. Mercurialem lib. de decoratione, cap. ult. Benedict. Victorium Fauentinum lib. 1. empiric. c. 11. Si fœtor à naribus emanet, videndum num fiant vlcera ratione an propter humores in naribus retentos, induratos, & putrefactos. Si primo modo, mundetur, & exiccetur vlcus. Si secundo, materia indurata emolliatur, & euacuetur. Medicamentorum materiam describit Vigo lib. 9. de additionibus, cap. 26.

Quod autem addit Galenus, fuisse quendam Medicum, qui, cum os malè oleret, ore detinebat folium Malabathri, aut Amomum, id, ut verum accipiendum est, narrat enim aromatum Indiæ scriptores, ut Garzias ab horto, Monardus, & reliqui, hæc medicamenta in ore detenta, oris suauitate miram conciliare, inter vestesque recondita suauem odorem illis communicare, cuius fragrantia veluti delibatur miram odoris conciliant suauitatem. An tamen Amomum sit acorum, aut Galanga maior; & num verum Malabathrum cognoscat, dubitant Monardus lib. 6. epist. 4. & VVeckerus in antidotario speciali, tit. de foliis calidis in gradu primo. Hæc autem medicamenta ori subdita, dentes, gingiuasque, unde hoc vitium oriri consuevit, mundificant & abstergunt, præsertim si aquis aut decoctis appropriatis commisceantur. Celebratissimum est præsidium, & huic vsui valde proficuum, medicamentum vocatum Cachundè, si id in ore retineatur, eiusque succum paulatim quis deglutiat: de cuius vi, ac potestate, eiusque parandi modo plura diximus, lib. 2. de praxi admiranda, obs. 6.

Axillaram fœtor, à latinis dicitur hircismus, quia hic A fœtor æmulatur fœtorem hircorum, ortus à putridis tum vaporibus, tum humoribus in eo loco detentis, quum enim hi in parte hac immota, conclusa, imperispirabili coërceantur, & non ventilentur, facillè putrescunt, Auctore Arist. l. 1. 3. probl. 8. Oportet ergo humorem putrefactum in corpore existentem vacuantibus prædiis extra corpus elidere; deinde ad peculiaria balnea, seu vnguenta ex odoramentis confata, deuenire, quæ præterquam quòd suauiter oleant, à superflua humiditate præteruent, partem roborent, humorem superfluum, & excrementitium absumant, & exiccent: quorum copiam latè referunt Aëtius tetrabibl. 2. ser. 4. cap. 7. Oribasius lib. 5. synops. c. 21. Auicenn. 7. 4. tract. 3. cap. 23. Vallescus Tarantinus lib. 3. cap. 19. Pëtrus Forestus lib. 7. obs. 29. Sennertus lib. 5. præf. part. 3. sect. 1. cap. 9. de malo odore. Denique ex Ambaro, B Moscho, Zibeto, Agallocho, Seyracè, Balsamo, oleo de liquidambar, plura construuntur medicamenta, quæ subter alas gestata, putredinem omnem alarum absumere valent. Ex Spica nardi, Amomo, Calamo aromatico, Ladano, Bdellio & aliis fiunt, quæ Galenus lib. 7. de simp. tit. de calamo aromatico, & in art. meden. c. 95. vocat Aromatica medicamenta, quæ tenui, subtilique substantia prædita sunt. In eundem vsum faciunt vnguenta foliata, & spicata, ab antiquis pro hoc debellando morbo tantopere celebrata. Iuuant lauacra ex Agallocho saluia, rosis, maiorana, styrace calamita, Acoro, Cardamomo, baccis lauri, betonica, angelica, pæonia, nepita, pulegio, flore Aneth. radice ebulorum, & aliis parata, quorum sylvam refert Benedictus Victorius Fauentinus lib. 1. empirica, cap. 11.

In curando ergo fœdo odore Medicus sit sollicitus; nam fœtidi odores spiritus omnes labefactant, vires comminuunt, tristitiam inducunt, febres excitant pestilentes, & præsertim putridas generant, recidiuam faciunt, ventriculum subuertunt, nutritionem vitiant, non solum inspirati, verum etiam arteriarum motu per cutem intus attracti. Quo pacto Galenus l. 1. de sanit. tuenda, c. 11. optimum aërem in pulmones attrahere, omnibus iuxta salubre esse scriptum reliquit, talémque fore, si nec halitu sit prauo perturbatus paludis, stagni, cloacæ, specus, aut alicuius rei putredine inquinata, vt cadaueris insepulti, batathri: nam cui hanc graucolentem, aut pestilentem autam inspirare conducet? Fœtor ergo curandus: nam nemini frugifer, immò omnibus infestus.

## QVÆSTIO XIII.

*Quòd putredo sit immediata causa fœtoris.*

### COMMENTARIUM.

**F**OEdum odorem.] De fœdo odore alitè hoc loco tendenda oratio est: Licet enim de odore plures disceptauerint, de fœtore tamen pauca addidere, fortè quoniam de odoris natura, fœtori ex directo opposita longissimas fecere quæstiones, in quibus de odoris essentia graphice disputarunt; contrariorum enim vnam, atque eandem esse disciplinam, docuit Aristotel. lib. 3. metaph. cap. 2. lib. 1. topicor. cap. 8. & lib. 3. problemat. 3. & 11. Quoniam verò definitio ordine doctrinæ, & dignitate, reliquas omnium rerum tractandarum partes præcedit, quod sine dubio Ciceronem ad hoc quasi Iouis suffragium deduxit, vt in l. 1. Officior. diceret: *Omnia quæ à ratione suscipiuntur de re aliqua institutio, debet à definitione proficisci, vt intelligatur quid sit id de quo disputatur: accitro ab ea incipere oportet.*

Fœtor igitur nihil aliud est, quàm vapor quidam ex putrescentibus corporibus subleuatus, aërem, inficiens, & odorandi sensum consistans: Plato in Timæo, fœtorem molestam sensationem ex putredine vt plurimum subortam, & naturalem sensus symmetriam inimico, contrariòque ingressu euerentem esse pronunciat. Fœtoris porro putredinem esse immediatam causam, & putorem non dari absque putredine, pluribus in locis Galen. confirmat, Lib. enim 1. progn. com. ult. dicebat superantem graucolentiam putredinis esse, non concoctio-

nis notam, atque ob id (inquit) et Hippocrate dictum fuisse, prius optimum, & quàm minimè fœtidum esse debere, & l. 2. eiusd. oper. com. 22. graucolentiam putredinis indicium esse asseuerat; nullo enim certiori argumento in exterioribus probari potest, nisi fœtore. Et lib. 1. de cris. c. 11. excrementum alui vehementer fœtēs, putrefactionem vehementem significare conceptis verbis affirmat. Et rursus. c. 12. sequentis odorem grauem urine, putredinis esse affectum, scriptum reliquit. Atque ob id lib. de dif. symp. cap. Corruptelam, putredinem ve excrementorum, fœtorem necessariò sequi affirmat.

Quoniam vero de fœtore nobis indago est proposita, non ineptè (opinor) hic illud inferuerimus, quo exploratiùs prænoscantur, quæ dicenda sunt. Fœtidum semper à putredine oriri res est manifesta, occupatum namque est ab eo calore qui præter naturam est; cum putrefactia nihil aliud sit quàm mutatio totius putrescentis corporis substantiæ ad corruptelam, à calido extraneo, ex Gal. lib. 1. cap. 8. Et Arist. lib. 4. meteor. cap. 4. putrefactionem, proprii naturalisque caloris in unoquoque humido existentis, ab extranea caliditate corruptione esse, scriptum reliquit. Corripitur autem calor à calore, quoniam eum à mixtione educit, ac exterius euocat: exhalante enim humido, vnà calidum exhalat, & humidum à sicco separatur: quo fit vt innatum rei quæ putrescit, in debita mixtione elementa continere non queat, vnde mistum per putredinem dissolui necesse quidem est; calidum enim celerius quàm frigidum deperditur, quæ causa est: vt illud patibiles qualitates regere, & gubernare non possit, vnde oritur putredo, & mistio dissoluitur per putredinem, quæ simplici generationi mixti contraria est, vt scitè notauit Iacchæus lib. C institut. Physicar. cap. 16. & 17.

Deinde calidum in omni mixto cætera elementa retinet ac conseruat: quòd si potentius sit, cætera absumit, ac dissipat; si languidius, iis continendis non sufficit neque humidum rectè gubernare potest. Humidum autem si immodicum est, tum innatum ignem copia sua suffocat, debilitat, & veluti extinguit, tum à calore languido & debili regi non potest; quare non rectè permiscetur humidum cum sicco, ex qua humidi à sicco dissolutione fœtor concitatur.

Porrò cum in omni putredine humidum à sicco separeretur, & foras euaporet, fit vt molesto sensu odoratum afficiat. In coctione verò, cum bene reguletur humidum à sicco, gratus odor progignitur, vt fructibus ferè omnibus passim conspiciamus, qui dum murescunt, suauiores & odoratiores redduntur in his enim fit odor gratus, quoniam humidum benè cum sicco permiscetur. Cum enim in coctione natiuus calor superior sit, humidum superat, moderatur ac regit, & sicco vnit atque permiscet, vnde consurgit odor iucundus & gratus. In putredine humidum à calore non superatur, sed eidem prædominans ab ipso gubernari non potest, vnde emanat odor molestus, ac iniucundus. Causa ergo immediata fœtoris vnica est putredo, vt Keckermannus lib. 3. systematis philosophicis, cap. 6. solerter proposuit.

Cogitavi diu mecum, quænam fuisset causa, ob quam fœtor semper à putredine oriatur, cum Aristot. lib. 23. probl. 4. affirmet: *malis odoribus causam, cruditatem esse quandam excrementi*: crudum autem, nec putre, nec coctum dici debet. Secundo ligna putrida sæpe bene olent. Fructus ficus Indicæ, vt testatur Theoph. lib. de odore, dulcis est, & ob hoc rectè concoctus, attamen fœtet, sic etiam Iuniperus. Tertiò. Fæces alui sunt chyli partes inutiles, & quæ assimilari non potuerunt, extrusæ ad crassiora intestina, ibique à natiuo desertæ calore & extranei naturam inducentes putrescunt, & quia etiam non transpirant, fœtore participant: Atqui fæces non semper fœtent in ægris, & in sanis, ob idque maximè reprobantur ab Hipp. & Gal. multis in locis. Ergo: Deinde Damarum stercora bene olent, teste Alexandro lib. 1. probl. 29.

Sed hæc ita soluenda videntur. Nam crudum & si putre non sit, est tamen ad putredinem paratum: cum enim à naturali calore minimè euictum sit, reliquam habet ad putredinem mutationem; occupatum est enim ab eo calore, qui præter naturam est. Ligna autem putrida non benè

bene olent secundum partes putrefactas, sed concoctas; nihil enim obstat, quominus corpora variis & diuersis partibus constructa diuersos foetoris, & odoris effectus ex se promere possint. De faecibus alui, quod non foeteant multoties, alia ratio assignanda est, id enim ob ingentem cruditatem accidere certum est, ut in lienteria, visu quotidiano experimur, quando scilicet cibi nihil morantur in intestinis, sed inalterati illico exeunt; vel immodicè in intestinis ab adurente calore torrentur, & diutina mora resiccantur, & sic minùs foetent, quoniam putredini subtrahitur fomentum, ex Philosoph. lib. 1. 3. probl. 1. Damarum autem stercora omnino foetore non carent, sed paulisper foetent, licet aroma redoleant, ut Aphrodisius inquit. Hoc etiam intelligendum est, si cum faecibus cæterorum animalium vrbano-<sup>B</sup>rum, aut hominis colatio fiat: Damæ enim cibo sicciori simpliciorique illis vefcuntur; quo fit ut hominum stercora, omnium maxime animantium foeteant, quod vario humidissimoque cibo magis cæteris vtantur: atque plus quam sit satis, importunè priusquam egeant, gulæ ingerant, minùsque laborent. Cum igitur cibus, vel plenè concoqui, vel satis diffusi ob copiam nequeat, putrescit aliquantulum, & grauiùs foetet. Ex quibus ad argumenta promptum est respondere. Foetor ergo semper putredinis soboles est, & nulla putrefactio est absque foetore. Lege eruditissimum Trincauel. lib. 2. epist. 11. stercoris foetore fusè disputantem.

## HISTORIA XVIII. AVENZOARIS, C De Pleuritide.

Pleuritis notha, tumore extrinsecus excitato, & suppurato, incisione curatur.

**E**tiam vidi senem patrem meum, qui curauit vnā mulierē ex hac agitudine, & ingeniatu fuit extrahere humorem ad partes exteriores, ita quod manifestum fuit apostema exterius cum tumore, & apertum fuit exterius, & inde curata fuit cura perfecta, &c. Auenzoar lib. 1. Thez. tract. 16. cap. 4. de apostemate lateris.

### P A R A P H R A S I S.

**I**n hac perficienda curatione, Auenzoar patrem suum summis laudibus ornat, & encomiis, dicitque se nunquam ad hoc opus, tam perfectum & miraculosum peruenisse. Si enim pleuriticus factis tempestiue auxiliis, ut par est fecisse auctorem, leuamen non sentiat, neque affectus succumbere videtur, tunc omni ingenio ad extrahendum est humor: quod cum non nisi Medici industria præstari possit, idcirco plurimum pater in curatione profecit. Mirum enim est, quomodo humore ad exteriores partes attracto, internæ, quæ ante erant illius copia obrutæ, & suffocatæ, ventilentur, & transpirent. Hoc consilium summopere commendat Gal. Medico curaturo, in lib. 5. de loc. cap. 3. dum in hæc verba prorumpit: Sunt enim nonnulli, qui presso à nobis extrinsecus inflammato loco dolere sese farentur, atque hi per sputum non purgantur, quia ab initio nihil eius succi qui inflammationem excitauit, ad thoracis spatium peruenire solet; atque concocta inflammatione nisi prius discutiat, ad cutem usque attollitur, atque inciditur, &c. Hanc doctrinam approbat Halyab. 6. pract. c. 13. iuxta fin. Auic. 10. 3. tract. 5. c. 3. Mesuè tract. de agitudine. pet. & pulmon. cap. 9. in fin. Recentiorum peritissimi confirmant de quorum numero fuere Rondeler. in meth. c. 15. Guainerius tract. de pleurit. c. 6. in fin. Forest. lib. 16. obseruat. in schol. 43. Marcel. Donat. lib. 3. de histor. Medic. mirabil. cap. 9. & opere proprio obseruauit Amat. lib. 3. centur. 67. qui emplastris, fomentis, & aliis attrahentibus auxiliis, humorem ad partes extimas attrahendum esse, vnanimiter contendunt.

Hoc potissimum contingere animaduertes in notha, & spuria pleuritide, quando muscoli externi, aut qui supra costas tenduntur, sunt inflammati; quam pleuritidem

<sup>A</sup> hanc feminam fuisse perpeffam, liquet aperte; nec enim signa numerat, quæ veram pleuritidis essentiam constituere solent, ut lib. de const. art. Medic. 15. post med. & lib. 5. de loc. affect. cap. 3. prodidit Galen. Nam nec febris ita virget, quoniam in extrema superficie situs est humor, à qua parte non ita integra immutataque putrida fuligo eleuari potest, quæ putredine vehementi cor fatiget. Nec tussis ita molestat; malum enim non ita vias spiritus lædit. Dolor cum à fluxione ferè pituitosa originem ducat non ita est intensus, nec punctorius. Pullus non ita durus; muscoli enim thoracis externi, cum molles, & carnosi sint, non ita solent tendere, & indurare arterias, ex Gal. lib. 4. de caus. puls. cap. 9. in med. Difficultas respirationis mitior est, quoniam inflammatio non ita est cordi vicina. Quare hæc inflammatio non ita periculosa est, ut pleuritis vera, in qua symptomata sæua, & plena timoris plerunque existunt: pleura enim quæ costas intus succingit, est tunica tenuissima, & acutissimo sensu prædita, & idcirco grauiùs dolet, ex Gal. lib. 7. de usu part. cap. 21. & lib. 5. de anatomic. administ. cap. 8.

Et non solum membrana hæc cingit costas, sed reliquas etiam partes, quæ cavitatem thoracis attingunt, & propugnaculi vicem pulmoni præstat, ne scilicet dum animal respirat, & extenditur, mendis costis occurrat. Ea verò quæ externa est minori sensu prædita, minùs dolet, & minorem consensum cum partibus seruat interioribus, in cuius inflammatione licet eadem tam vniuersalia, quam particularia auxilia, ac in vera pleuritide sint necessaria. (cum ea ratione situs dicatur notha, licet exquisita dici possit ratione humoris) mitiora tamen esse debent, quoniam affectus partem externam occupat, & maxime in mendosa pleuritide, in qua cautè præsidia administranda, & venæsectio imperanda: quum enim ferè à flatulento humore excitetur, & veram pleuritidem sæpe repræsentet, si sanguinem mittas, ægros præcipites dabis in mortem, ut notat Amatus lib. 1. centur. schol. 13.

### Obseruatio IV.

Lateris dolore correptus, vena secta illico occubuit.

**A**etius scientissimus auctor tetrab. 2. serm. 4. c. ult. dum agit de inflammatione quæ pleuritis esse putatur, cum tamen non sit, in hæc verba prorumpit. Multitudine itaque sua succingentē latera membranam intrinsecus distendentes, inferunt dolores: ut imaginatio facta inflammationis, inexpertis exhibeatur; quinesiam vias spiritus intercipientes, spirandi difficultatē vehemētem inducunt. Vnde quidam Medici errore seducti, vena cubiti incisa, multoque sanguine vacuato mortis causam agris præbuerunt, &c. Hæc aurea verba non animaduertens, aut prorsus ignorās quidam incautus Medicus, in mendosa pleuritide ex flatulento humore concitata, quum acta præsidia non conferrent, venæ sectionem copiosam soli virgēti dolori intentus celebrandam imperauit; post quam, magis exasperato dolore, & sæuiente murmure in thorace percepto, ob absentiam sanguinis, æger est pressus angore, & sine pulsu, post quinque horas exanimis occubuit; nam venæsectio plus nocet detrahendo calorem natium, quam profit extinguendo febrilem: sunt enim maiora vitæ incommoda ex paupertate caloris natui, quam à febrili calore: Lege Dodonzum, obs. 22.

## HISTORIA XIX. RASIS, C de Pleuritide.

Pleuritis sæuissima cum febre valida, intra quartum diem interficiens.

**D**ico, quod vidi quendam \* pleuriticum habentem leue sputum nimis, sed \* urina eius erat vehementer rubra & pulsus velox, & lingua grossa, & dum durabiliter fuerant huiusmodi,

huiusmodi, & caliditas vehemens\* absque spūto, non potuit A  
 alienari passio, & inde mortuus est in quarto die; unde mors  
 ipsius, fuit ex febre adusta, non ex pleuresi: quia conueniunt  
 in eo febris cum \*pleuresi, & \*corruptio potens in venis; unde  
 cum fueris in defectu virtutis omnino, & non potueris expuere  
 omnino, licet emissio spūti fueris leuis ex \*minutione facta  
 sibi\* in principio, male fuit ei ex vehementia febris adusta,  
 eo quod fuerat macilentus, & cholericus, sed licet inuabilis  
 fuerit cura pleuresis, eo quod non fuit ad extinguendum perfe-  
 ctè, & leue faciendum spūtum, mortuus est, & c. Rasis lib. 10.  
 continet. tract. 2. cap. 2.

## PARAPHRASIS.

**F**ebrem vehementem, magnique feruoris cum pleu-  
 ritide miti complicari posse, illamque non à partis  
 inflammatione, sed ab apparatu morboſo, ab humore in  
 genere venoso effervescente concitatam, nullus dubita-  
 uit vnquam, qui facundissimam Galeni doctrinam perlu-  
 strauerit. Nam fieri potest, vt paucus humor in partem  
 ruit inflammata; vel quia suapte natura crassiusculus  
 est; vel quia expellens vasorum vis debilis: vel pars labo-  
 rans non ita est reddita imbecillis, & noxium à se expel-  
 lere tentat: cum hoc tamen multa humoris biliosi, & pu-  
 tridi in genere venoso potest esse copia congesta; ex qui-  
 bus causis febrem ardentem vocatam, oriri, & cum thora-  
 cis interna inflammatione leui consistere posse, vsu, diu-  
 turnoque experimento ratum est.

Hanc febrem acutam, non solum ex interna inflam-  
 matione, sed ex morboſo apparatu concitatam, passum  
 fuisse hunc ægrum, ardentem illam quidem, ex nimio  
 feruore & incendio subortam, ex signis concomitantibus  
 patet aperte. Vrina enim vehementer rubra, iecoris  
 exuperantem calorem, & effervescentis sanguinis co-  
 piam euidenter ostendit, ex Gal. lib. 1. prorrh. com. 31. &  
 lib. 2. com. 25. & lib. 6. epid. sect. 5. com. 14. & Fernel. lib. 3.  
 patholog. 13. quod signum, ad dignotionem eorum quæ  
 in vasis continentur, esse præstantissimum, docuit lib. 2.  
 progn. 26. & 2. prorrh. com. 2. & 6. epid. sect. 1. com. 10. & 2.  
 feb. 7. & 1. cris. 12. soli enim vrinæ in vasorum morbis est  
 fidendum. A nimia caliditate pulsus velocem etiam oriri,  
 quam effervescentis sanguinis copia concitauit, res est  
 manifesta.

Humoris tantem adusti contenti in vasis adfuisse co-  
 piam multam, lingua grossa satis indicabat: lingua enim  
 lorium significat, ex Hip. 6. epid. nuper. cit. Hæc ergo lingua  
 in febre præsertim adusta & incendiola apparet, sitque  
 valde sicca à perurrenti febre, quæ ignis instar sanguinem  
 inflammans, fuligini potius, quam vaporis, similem exha-  
 lationem efficit, ex Gal. lib. 1. de loc. cap. 5. & lib. 4. acut. 4.  
 & 13. in quibus etiam apparent fauces asperæ & siccæ,  
 ita vt ob excedentem siccitatem ægri loqui non possint, ni  
 prius fauces humectentur, sic monente Magistro lib. 7. de  
 usu part. cap. 14. in fin. quorum vox clangosa est, vt scitè  
 lib. 7. de usu part. cap. 7. notauit Gal. prius prædixit Hipp.  
 lib. 1. prorrh. text. 17. & lib. 2. eiusd. text. 12. firmavit Gal.  
 in com. Hæc intelligas velim, ni adfit exigua tussis, leuiter  
 irritans: tunc enim mediante motu in tussi reperto, descen-  
 dunt aliquæ à capite & partibus vicinis, vel spiritalibus  
 humiditates, quæ linguam laxat, & mollem reddunt,  
 iuxta Hipp. edictū lib. 4. aph. 54. & lib. 6. epid. sect. 2. text. 25.

Duplicem ergo febris hæc habuit suæ originis focum,  
 in venis vnum, in thorace alterum: ille sanè fuit præci-  
 pius ob dictas causas, ob quas febris fuit morbus, & non  
 symptoma, ex putredine & vitio succorum in venis, ori-  
 ginem ducens, quæ inuicem posse consistere eleganter  
 lib. 1. cris. cap. 18. Gal. confirmat, Anaxionis historiam re-  
 censens, qui spūto, & sudore iudicatus est, quas excretio-  
 nes redundantis humoris in thorace, & venis copiam de-  
 monstrare, nullus ignorat. Trirum autem est apud doctri-  
 nam Gal. 4. aph. 37. & 7. aph. 42. febrem interdum esse mor-  
 bum, aliquando symptoma, quæ diuisio ad curationem  
 summopere est necessaria, prout Valesius explicat. lib. 5.  
 com. cap. 23. Hæc igitur doctrina instructus auctor, cum fe-  
 bris adusta vehementer vrgeret ex effervescenti sanguine

in vasis prognata, instaretque membrana costas intus suc-  
 cingentis inflammatio, affectus sane acutus, ex Hipp. lib.  
 1. acut. 8. ad sanguinis missionem accedere ausus fuit, iuxta  
 Hipp. sententiam 4. acut. 19. & 2. eiusd. com. 10. & 11. meth.  
 15. & alibi passim. Hæc enim vacuatio tum peccantem  
 humorem exhaurit, tum à parte inflammata reuellit, le-  
 uatque naturam, vt deinceps coquat, quod concoqui est  
 habile, & expellat id quod potest expelli.

Sed cum ad tantam febrem mitigandam, copiosa, eæ-  
 que iterata sanguinis missio esset necessaria, vires au-  
 tem deficerent, ob quarum penuriam reiterari auxilium  
 non poterat, idcirco debilitata vi, cohibitoque spūto mor-  
 tuus est. Adfuisse debilitatem, ex textus serie satis con-  
 stare arbitror; erat enim macilentus, & biliosi tempe-  
 ramenti, in cuius præsentia, maxima cum præmedita-  
 tione feriendam esse venam, docet Auicena. 4. 1. cap. 10.  
 Nam macies, & extenuatio non solum significant carnis  
 defectum, sed etiam sanguinis, spirituum inopiam  
 ostendunt; quare impediunt venæ sectionem, & abiectio-  
 nem potius, quam vacuationem desiderant, auctore Galen;  
 lib. 1. aph. com. 17.

Neque solum hoc de macie à causis præter naturam  
 contingente, sed de naturali venit intelligendum, quæ  
 temperaturam calidam, & siccam commutatur plerumque;  
 cuius signum est carentia pinguedinis, & gracilitas, au-  
 ctore Galen. lib. art. Medic. cap. 56. & lib. 2. de temp. cap. 4.  
 & lib. 8. meth. cap. 2. in med. & lib. 9. cap. 15. 5. Si namque  
 natura gracilis, temperatura autem calida, & sicca, maxime  
 euacuationibus offenditur, & c. Hanc doctrinam tradit Gal.  
 lib. 1. ad Glanc. cap. 14. Sanguis ergo in his copiosè non  
 est extrahendus, si modicè calidi & sicci sint; & nullo  
 modo si lapsi sint valde, quoniam ob pororum amplitu-  
 dinem, & caloris excessum, spirituum sanguinisque re-  
 nuitatem, vena secta promptissime resoluuntur, ita vt ani-  
 mo deficiant, & vix refici possint. Quapropter pruden-  
 tissimè monebat Gal. lib. 10. meth. cap. 5. Istis corporibus  
 aduersissimam in diem esse: hæc enim corpora nimis exte-  
 nuata & biliosa, deficiente humido nutrimentali excan-  
 descunt; & biliosi humores in his corporibus suapte na-  
 tura exuperantes, extracto sanguine, quo antea refræna-  
 bantur, effervescent, & alia damna veniunt, quæ ex va-  
 cuatione facta in corporibus impensè biliosis, subsequi,  
 fusè ex veterum, & iuniorum mente explicuimus, in lib. 1.  
 in com. histor. 64. num. 4.

Sed ex qua parte Auctor sanguinem emisit, ex litera  
 textus satis non constat; licet ratum sit apud Arabes, ex  
 parte contraria mittendum esse sanguinem, vt constat ex  
 lib. 1. Theisr. tract. 16. cap. 3. & ex aliorum doctrina liquet  
 aperte, prout infra proponemus latè.

## QVÆSTIO XIV.

*Quod pleuritis ascendens sit deterior descendente.  
 Contra Vascum Castellum, Medicū doctissimum.*

## COMMENTARIUM.

**P**leuriticum.] Interalia memoranda, quæ circa huma-  
 ni corporis morbos curandos, à scriptorum claris-  
 simis enarrantur, non in postremis audio celebrari argu-  
 mentum de pleuritide. Quare cum à studiis nostratibus,  
 pro huius historię interpretatione, in hunc affectum enu-  
 cleandum nuper diuertissem, inter multiplices de hoc in-  
 stituto difficultates non defuit quædam illustris, & in cu-  
 ius explicatione iciuna est lectio auctorum, quæ doctis  
 communicanda omnibus sese ingereret, Vtrum scil. pleu-  
 ritis ascendens sit periculosior descendente.

Pleuritis est affectus frequentissimus: ob assidua distil-  
 lationes, ob motum thoracis prouocantem fluxiones, &  
 quia pleura redundat multo sanguine, & sita est in loco  
 calido. Deinde est periculosus morbus, & acutus, & in  
 alios morbos finitur deteriores, vt Peripneumoniam, Em-  
 pyema, Phthisim, & demum cum vehementia, & periculo  
 symptomatum interficit.

Idcirco summus Dictator Hippocrates, natus ferè in  
 miraculum



miraculum, libros de ratione victus in morbis acutis, huic affectui dicauit: nam *libro primo* vniuersam rationem victus in morbis acutis, sub exemplo pleuritidis describit: & in *secundo tertio, & quarto* curationem huius affectus affabrè proponit. Ab Hippocratis ergo oraculis, tanquam à Dei voce (sic enim de eo loquitur Galen, *lib. 1. de usu part. cap. 9.*) incipiamus exordium nostrum: qui tam memorabiles sententias miro artificio proposuit huius atrocis morbi curationi, viles valde. Nam *lib. 2. acut. 10. & 11.* pleuritidem diuidit in ascendentem, & descendente; dicitque illius signum esse, Si dolor ad clauiculam pertigerit, aut molesta sit, vel brachio, vel mamma, vel paruib; septo transuerso superioribus, grauitas. Si verò eas quæ sub septo transuerso sunt partes dolor infestat, nullumque ad clauiculam signum fecerit, tunc descendens pleuritis, appellatur. Quæ distinctio magni est in arte momenti, quoniam pleuritis ascendens venæ sectione potissimum curatur, descendens verò purgatione. Vtra autem sit periculiosior, nunc agitandum.

Quòd ascendens sit deterior, arguitur primò. Partes superiores sunt calidiores, & sanguinem habent vberiore, & calidiorem. Ergo inflammatio in illis progenita acutior erit, & deteriora inferet symptomata. Hoc manifestè probauit Galen. *lib. 6. epidem. sect. 2. com. 14.* dum enim superiorum, & inferiorum partium dignitatem venatur, sic ait. Ideò namque ut plurimum abscessus in superioribus excitati difficiliores sunt, quòd membra illa maius, quàm inferiora discrimen efferunt, cum vtraque eodè affectu vexata sūt.

Secundò. Quantò pars inflammata est vicinior membris præcipuis, tantò est deterior eius inflammatio, & periculiosior: sed pleura ascendens, cerebro, gutturi, gulæ, pulmone, pectori, & cordi est vicinior; & hæc membra citissime in sui consortium trahit, quarum partium inflammationes, mortiferæ esse solent, ex Galeno *loc. nuper. citato, & lib. 10. meth. cap. 5.* Ergo pleuritis ascendens est periculiosior, cum ex mente Galeni *lib. 4. de præfag. ex pulsib; cap. 5.* in hac parte sita succingens costas membrana, adhæret septo transuerso, membranisque thoracem intersepientibus, per quas ad cor continuatur: septi autem inflammationem esse exitialem, & funestam, omnes confirmant.

Tertiò. Partes superæ sunt robustiores inferis, quia calidiores; ergo inflammatio in illis generata erit deterior, quoniam maiorem causam arguit, iuxta Senis prologium *lib. 2. aph. 34.*

Vidit istam controuersiam inter omnes, Petrus Valsus Castellus. vir apprime doctus, *tract. 5. de thoracis affectibus, cap. 7. difficult. ult.* & contrariam, nititur tueri opinionem, multisque ita inducitur opinari. Primò inflammatio quæ exerceat pleuram descendente, oritur ab humore crassiore, & difficulter resolubili, vnde est longior, & diutius affligit: nam thoracis partes superiores, sunt calidiores, & facilius humorem impactum resoluunt præ calore, & cum sint robustiores ipsum citius concoquunt. Deinde partes superiores inflammatione sibi proportionali minus offenduntur, iuxta Senis edictum *2. aph. 34. dicētis. In morbis minus periclitantur, quorum natura, aut ætati, aut consuetudini, aut anni tempori magis congruit morbus, quàm ubi nulli istorum congruit.* Insuper cum pleura communice, consentiatque partibus pectoris supernis vel parum inflammata, facile eas in consensum, seu condolentiā trahit.

Sed Castellus in hoc difficili Euripo fluctuat valde: nam durum videtur, quòd descendens pleuritis sit ascendente periculiosior; quare contrariis rationibus satisfaciendum. Non vrget multum prima: nam ea solum probat descendente esse longiorem; at ascendente esse acutior ratio dicitur: nam partes superæ, tenuiori & calidiori vtuntur alimento, & sic febribus, & inflammationibus tentantur acutioribus, & quæ vehementioribus symptomatis celerius properant ad statum. Et licet hæ partes præ robore, & calore contentum humorem citius resoluant; tamen cum maiori feruore, & periculo id perficiunt: quare etsi diuturnitate temporis vires non premant; intensiore, acutie, & sæuitie symptomatum, cor, cæteraque viscera conspurcant, & fatigant. Nec obstat,

Lib. II.

A quòd superis partibus, vt pote calidioribus inflammatio nes sint proportionales magis: nam morbus impropotionalis materialis plus periculi habet, seruata paritate in magnitudine causæ: hæc cum sit semper maior in ascendente pleuritide, quum ob ampliores canales, latioresque meatus, ob copiosorem calorem magis dilatatos, maior quantitas humoris irruat in partes supernas, sit vt sit lauior, & deterior: præsertim cum inflammata, illic cor, & cerebrum in consensum ducat. Quare seruata paritate in robore virtutis, magnitudine, & malignitate, pleuritis ascendens est periculiosior descendente.

## QVÆSTIO XV.

Quòd exquisita pleuritidis febris, aliquando sit diaria, intermittens, aut nulla contra communem Medicorum sententiam.

**F**ebres cum pleuresi.] Vetiustissima sententia est, à prisorum scientissimis, aliisque celeberrimis Medicinæ Professoribus, literis commendata, febrem, ad pleuræ, aliarumque thoracis partium internarum inflammationes, sequitam putridam esse, continuam, ac acutam. Cum enim pars affecta insignis sit, & cordi vicina, si inflammetur, illi hæc duo necessariò eueniunt, & calor immodicus, & tensio ob repletionem, ex Hip. *lib. 3. epidem. sect. 3. sect. 79.* Gal. *lib. de const. art. med. 15. lib. 4. de caus. puls. cap. 7. & 8. & lib. 5. de loc. c. 3. ad fin.* Putrida ergo, & acuta febre tenentur pleuritici, non diaria; hæc enim auctore Galen. *3. de dieb. decretor. ult.* acuta non est, quia non solum caret periculo, sed magnitudine, ex Galen. *2. aph. 18.* Præterea febres diariæ, neque ex humorum putredine, neque ex inflammatione partium internarum ortum habent, ex Galen. *2. cris. 13.* sed solum ex inflammationibus externis gigni solent; ex Galen. *lib. 1. de dif. feb. cap. 5.* firmat Auicenna. *1. 4. tract. 4. cap. 13.* dum febres quæ sequuntur apostematam internam, non esse de genere diariarum asseuerat. Nam non solum communicatur caliditas cordi, alteratione per continuum facta, sed putrida etiam fuligo in propria substantia eleuatur, quæ cor ponere in calefacto esse potens est.

Ex his euidenter constat, quàm grauiter sit deceptus Vallesius *lib. 5. contr. c. 23.* dū leuissimis quibusdam argumentis probare contendit, febres inflammationum partium internarum semper esse diarias: in cuius rationibus soluendis non est cur tempus conteramus, cum plures iam dudum id negotium persoluerint ingenuè. Quare pleuriticorum febris est putrida, acuta, & continua, quoniam ob viciniam cum corde, continuo pars inflammata fulgines ipsi putridas transmittit.

Hæc est communis omnium Doctorum sententia, frequenti experimento, rationeque validissima confirmata, quam ego quoque libenter amplector, si de frequenti euentu sermo sit. Nam exquisitam pleuritidem posse secum sociam habere aliquando diariam, interdum intermittente, aliquando sine vlla febre posse consistere, grauissimis auctorum testimoniis palam faciam. Et primò ad diariam accedamus. Cum enim ad proportionem, & magnitudinem inflammationis febris augmentum sequatur, ita vt si inflammatio sit vehemens, febris caliditas increseat sit necesse, fieri potest, vt sit mirissima pleuritis ex bilioso tenui, & minimè putrefacto sanguine ortum ducens, ex quo diariam concitari Galenus etiam concedit. Adde omnes inflammationes internas non semper acutam febrem habere. Hæc est expressa sententia Galen. *lib. 2. prorrh. in com. 17.* quo loco ex hepatis inflammatione non semper oriri febrem acutam asseuerat, licet iecur sit pars princeps, & cum corde maximum consensum habeat. In hunc sensum intelligendus est Auicenna. *1. 4. tract. 4. cap. 13.* dicens febres panniculorum pectoris esse debiles, & in cap. sequenti 14. dum ex inflammatione renum febrem vehementem non concitari confirmat, immò sæpe intermittente oriri pronunciat.

Rursus. Si ab externis inflammationibus febres putridæ oriuntur, ex Hip. *4. aph. 55.* Cur ab internis diaria

S non

non oritur? probat Thomas à Veiga in *com. cap. 5. lib. 1. A Galen. de diff. feb. cum ob cutis densitatem, crassitiem humoris, viarum angustiam, per angustos meatus putrida fuligo ad cor peruenire non possit, sed ibidem remaneat in loco inflammationis circumscripta sola alteratione per continuum facta, vsque ad cor communicata. Licet enim putridus contineatur humor in parte interna inflammata, ob dictas causas putrida fuligo ad cor peruenire non poterit, saltem quæ sufficiat ipsius humores inficere, & putridam generare. Lege Valcum Castellum *tract. de thorac. affect. cap. 5. diff. 5.**

Quodd autem pleuritis exquisita interdum detur sine febris, est textus eximius apud Galen. *lib. de constit. art. medic. cap. 15.* dum sic loquitur, suamque sub exemplo pleuritidis expendit sententiam. *Dolet quidem homo, quoniam affectus phlegmone est; species autem doloris pungens, quod substantia affecta partis est membranea: costis præterea est affixus, id enim quod affectum est costis adheret; sed ob id late permeat, quoniam ea ipsa membrana late diffunditur: febrem quoque tum ex ipso affectu, tum ex situ affecta partis sequi necessarium est: quorum si vel alterum desit, iam non ex necessitate febris aderit. Nam si digitus inflammatione laborauerit, non continuo febris adoriatur, quum procul à corde sedem habeat. Nec si ea quidem membrana qua costas contegit, humorem tamen duro, ædematene, &c. Ex quibus verbis liquidò constrare arbitror, in pleuritide ab humore præsertim pituitoso, & melancholico pronata, nullam aliquando adesse febrem. Patet ex verbo non continuo, & ut alij codices legunt, nec enim si phlegmone digitus doleat, omnino febricitant. In pituitosa enim, & melancholica pleuritide (quæ ratione situs exquisita vocatur) veritatem habere deprehendo, cum ob succi naturam, & viarum obstructionem, putrientes vapores eleuari non possint, qui cor putredinosè afficere queant.*

Hoc euidenter confirmat Trallianus *lib. 6. cap. 1.* dum pleuritidem exquisitam posse dari sine febris manifestè, notauit. Extat elegans historia Hip. *lib. 3. epid. sect. 3. text. 79.* toties à Medicis repetita, Anaxionis, cui pleuritico, durante interna, tam in genere venoso, quàm in vomica putredine, vigesimo abfuit febris. Instat Mercurialis in *com. huius historia*, verbo *vigesima septima*, dicens: Anaxionem passum fuisse recidiuam; nam cum sudore iudicatus esset vigesimo, vigesimo septimo in febrem iterum incidit, ob humorem relictum in venis & pectore, qui nouam concipiens putredinem, febris amplam præbuit occasionem: Quæ expositio quàm sit Hippocraticæ veritati aduersa, nemo non videt. Nam iudicatio vigesimi diei meritò fuit infida, quia intempestiua, facta enim est ante perfectam coctionem, in incremento medio; argumento est, quod post iudicium vigesimi, siticulosus remansit, & à pulmone prodibant non bonæ purgationes, hoc est, excreabat cocta, aut pauca, quæ ad minuendum morbum non conferebant manifestè, & idcirco erant inutilia. Neque dicas cum Petro Vaëzio *lib. 1. com. medic. c. 12.* Anaxionem laborasse exquisita pleuritide ex situ, quæ ex melancholico aut pituitoso humore ortum ducit; nam illa fuit biliosa, ut ex symptomatis cuilibet legenti contextum patere potest.

Quid plura? nonne Auic. *1. 3. tract. 4. c. 3.* inflammatione mediastini, hoc est, in pleuritide quæ ad mediastinum fit, multo sanè, inflammatione pleuræ periculosiori, (prout infra ex ipsius Auicennæ mente probabimus,) & ob colligantiam cum basi cordis, nulla interdum adest febris. Audi ipsum loco cit. sic præsentem. *Et non est plenresis, quum non sint illic dolor pungitiuus, & pulsus ferrimus, & reliqua, & in non vera existit subius pectinem spatula dolor. Et in pura, qua est in velamine distinguente, est dolor declinans ad ossa pectoris, & est permixtio rationis in ipsa, & sunt vehementiora accidentia, & dolor, & difficultas anhelitus, & non est velocitas vehementia febris, sicut in aliis, immò quandoque postponitur, usquequò pure fiat superfluitas, & fit fortis valde, &c.* Vides, ut Auic. in pleuritide mediastini febrem quandoque postponi arbitretur? Scio quàm multa, ut suum Auicennam tueantur, ratiocinentur interpretes. Non me latet, quid in huius loci expositione eruditissimi proferant Costius, & Mongius, dum mediastinum carti-

laginea substantia, carne experte, & snapte natura frigidiori, constare putant; quare minus faciliè putrescere quod in ipsum influit, quam ad latera, ubi pleura sita est, quæ, quia internis costarum musculis inhaerent, calidior est. Quæ solutio quàm reproba sit, symptomata mediastini inflammationem comitantia planè demonstrant; nam in hac sunt vehementiora accidentia, ut Auic. *cit. loco* asseruit, hæcque euenire ob maiorem viciniam cum corde, obseruauerunt peritiores Anatomici. Quare mediastino maiorem inesse feruorem ob cordis basim est necesse, qui ob continuam frigidi inspirationem remitti non potest, ut tentur illi; hæc enim ratio in omnibus ardentibus febribus etiam locum haberet, in quibus aer licet inspiretur frigus, ardor tamen, ignisque internus haud mitigari possunt. Dicendum ergo est, verissima Auicennam pronunciasse, quem ipsi incassum explicare conantur. Nam pleuritis exquisita interdum potest dari sine febris vlla. Auctores verò omnes arbitantes pluritudinem non posse constare sine febris, de frequenti euentu intelligendos putata. Interim lege Alphonsum Lupeum Cureleanum *lib. 3. enchiridy, cap. de pleuritide*, qui Alexandri Tralliani mentem miratur valde, cuius dicta citra rationem impugnat.

## D V B I V M X I.

*Num sputum in pleuritide, coctionis, & cruditatis signum sit.*

**A** Bsq[ue] spuro.] Licet ampla sit de spuro apud Medicinæ proceres doctrina, quam inter omnes Mercurialis, Medicus citra omnem aleam doctissimus, ex professo inculcat *lib. 3. de excrementis. c. 3.* Nos, quæ auctores præsertim Hip. interpretes, in *l. 2. prog. à textu 43. usque ad 48.* fusè de spuro in pleuritide agitarunt, in Gal. florentissima vireta diuertentes, inquiramus, non ut transfugæ, verum inspectores, exploraturi ecquid inde vtilitatis percipi possit. Excrementum ab ore proiectum, vel est saliuæ, vel sputum: de illa primo loco agendum est. Hanc Grammatici notatione vocabuli, dictam volunt, quia ferè salis est sapore; vel à saliendo, quod in ore saliat, & crescat. Sed nisi ego fallor, falluntur ipsi: sani enim, & valentis hominis saliuæ, non falsa immò falsa ægri stomachi, non temperatæ complexionis iudicium est. Qui vim ipsius nouit, potestemque in ore, à saliendo, id est condiendo, & saporem impertiendo nominatam veriùs dicit: cuius enim rei ab ore perci pitur sapor, cuius cibi sensum habebit gustans lingua, saliuæ ope destituta? Itaque eadem corrupta nullus gustus, vel deprauatus: argumento sit os eorum, qui causone vexantur, incensum, aridissimum.

Vtunque sit, saliuæ ex pituitæ genere est, quæ per os citra rursus educitur, ex Gal. *lib. 3. de loc. c. 7.* diciturque excrementum glandularum quæ sub lingua reperiuntur, ut Gal. inquit, *lib. 2. de sem. c. 6.* quæ lingua sibi assimilatur *lib. 5. aph. 39.* cuius duplex vsus, vnus ad discernendos sapes, cum ipsa sit gustus medium; alter ad humectandum os, quum fuerit ab ipsa voce, & clamore exiccatum: hac enim de causa glandulas in multis corporis partibus, lingua, faucibus, oculis, vtero, & aliis commodè natura constituit. Addit alium saliuæ vsu Auic. *1. 1. doct. 4. c. 2. in init.* ut coctionem alimentorum in ore adiuuet, cum ipsa coquendi vim habeat, ex Galen. *lib. 5. secund. loc. cap. 1.*

Hanc expuere, licet Persis esset indecorum, & ignominiosum ut refert Xenophon *lib. 4. de exped. Cyri*, quoniam crapulæ, & repletionis certum erat indicium; quam felicitatem habuisse Antoniam Drusi uxorem, quæ nunquam expuit, prodidit Plin. *lib. 7. cap. 19.* nam excrementa emanantia ab ore, quod pauciora sunt, eò videntur maiorem sanitatem indicare: tamen cum saliuæ naturalis sit, & in homine verè sano reperiatur, si quantitate non excedat, aut extraneum habeat saporem, reproba non est, ut *cit. lib. de loc.* retulit Galen. & firmat Auic. *6. 3. tract. 1. cap. 25.* nam si saliuæ immodicè excernatur, dicitur *pyralismus*, ut explicat Mercat. *lib. 1. indicat. cap. 14. in med.* huius affectus causas ingeniosè proponens: idcirco inculcata valetudine fruentes, debent interdum

ab ore ducere saluam, quum ea lingua nutriatur, ex Gal. lib. 5. aph. com. 39. §. In ossibus quidē id quod in horum cavernis continentur, in hepate verò sanguis. Ex hoc genere est & spumens humor qui in carne pulmonis continetur, & in articulorum compagibus glutinosus humor, & in testibus, & assistentibus anfractibus semen, & in lingua salina, &c. Quapropter glandularum, quæ in faucibus sitæ sunt vsum tot encomiis celebravit Gal. lib. 14. meth. c. 11. & l. 2. de sem. c. ult. De quarum usu, vide Columb. lib. 9. de glandulis, in initio.

Sputum est, quod excernitur ex pulmone per rissim: hoc duplex est, vnum in sanis, in ægris alterum; quod nihil est aliud, quam pars humoris peccantis morbum efficiētis veluti in c. ult. lib. 2. de differ. feb. protulit Gal. Quamobrem sputorum usus, ad cognoscendas morborum causas, aut demonstrandas indicationes, vtilissimus est, ex Gal. doctrina, lib. 1. aph. 1. 2. & lib. 4. aph. com. 71. & lib. 6. eiusd. com. 33. Hinc ex coloribus sputi humorem superabundantem agnoscit Gal. lib. 6. epid. sect. 3. com. 42. lib. 6. aph. com. 33. & lib. 5. de loc. affect. cap. 2. nam spumans, piritosus est; pallidus, biliosus; niger, melancholicus; ruber, sanguinem defluentem significat.

Sputum ægrotantium duplex est, vnum bonum, alterum non bonum. Illud tale est, quale hominum integra valetudine fruētiū, sanitatem instrumentorum, quibus vis spirandi est demandata, planè ostendens, ex Gal. lib. 1. cris. cap. 7. hoc perfectæ coctionis index est certissimus, si album fuerit, læue, æquale, & consistentia neque nimis humidum, neque nimis crassum. Mediocriter crassum, est probè coctum; coctio enim cogit, incrassatque ex Gal. lib. 4. acut. com. 4. & l. 7. meth. cap. 6. & lib. 2. prog. com. 33. Arist. lib. 4. meteor. cap. 1. non solum urinam, sed etiam deiectionem, quoties bene in ventre concoquatur, & item secretionem in pulmonia, & costali, atque etiam piritam per distillationes, & grauedines, nec non per lippitudinem, & pus in vlcibus. Album sit necesse est, quoniam natura à putrefacientibus causis prohibita, non potuit assimilationem, quam moliebatur, vt in cibo perfectam, assequi: affecta est tamen qualemunque, vt coloris fiat similitudo, quando substantia assimilari non potuit: hinc est quod calorem album, qualis est solidarum partium accipit pus, sedimentum urinae, & sputum, quod illis respondet, lib. 1. cris. cap. 18. & lib. 4. de rat. viſt. 68. & 78. lib. 2. aph. 47. & lib. 3. de simplic. medic. facult. cap. 9. Debet esse æquale, id est sibi simile, vt l. 1. de differ. feb. 6. exponit Galen. quoniam omnes eius partes eundem colorem, odorem, & consistentiam obseruant. Læuitatem adiungit Hip. lib. 2. prog. 21. hoc est, vt quo ad tactum, læuorem representet.

Sputum ergo ægrotantium, quod spiritalium partium affectiones mirum in modum demonstrat, ex Galen. lib. 1. cris. cap. 18. considerandum est, quando iam aliquid excernitur, verum id sanies est tenuis, & liquida non qualis salina, aut naturale sputum, quæ non sputum, sed spuitio au sputamen dicitur à Græcis: signum debilis, & obscuræ coctionis, principium non excludens. Si verò sanies illa incipit iam crassescere, & permisceri cum sputo naturali, promptius, facilius, & minori vi expellitur, & in copia maiori, manifestæ coctionis signum est, morbi augmentum significans. Illud verò optimum album, læue, æquale, quod facile, & in magna quantitate educitur, perfectæ coctionis signum minimè est fallax, & morbi statum adesse demonstrat. Si verò in maiori copia, cum febris, & symptomatum remissione, faciliusque respiratione, morbum ex ratione leuat, declinantis pleuritidis certissimum est indicium.

Sputum hoc si circa initia, hoc est, primis tribus diebus appareat copiosum, morbum breuiat, ex Hip. lib. 1. aph. 12. lib. 1. cris. cap. 7. lib. 1. de rat. viſt. 32. & lib. 1. epid. sect. 3. com. 10. Nam auctore Hip. lib. 2. prog. 43. secretio in omni dolore, quæ affigat circa pulmonem, & costas, citò, promptèque secretur, necesse est. Cum enim tunica, qua parasthoracis interiores cooperiuntur, non sit ita crassa & dura, vt corium externum, sed qualis est tunica oculi, & palati, ex quibus ob tenuitatem, & raritatem aliquid semper resudat, ex Gal. 1. aph. com. 12. & l. de const. art. medic. 15. ad fin. Lib. I I.

A idcirco ex plenâ inflammata aliquid semper resudare solet, momentaneum, sit causas est tenuis, virtus expellens fortis, fluxio pauca, tunicaque minimè densa, & hæc cocta pleuritis appellatur. Si verò ob doloris vehementiam, inobedientiam materię, imbecillitatem facultatis æger, nihil mentione dignum expuit, ex Galen. lib. 2. prog. 67. tunc sicca vocatur pleuritis, & cruda; non quòd ab humore, intemperie sicca, aut in parte sicca fiat, vel ex inanitione conciteretur, sed quia in ea nihil excernitur auctore Magistro, lib. 1. de rat. viſt. in morb. acut. com. 22. Aduerte tamen ex Auic. 10. 3. tract. 4. cap. 4. sæpe reperiri pleuritidem, in qua nihil expuitur, non quia est fraudulenta, vt ipsius verbis utar, sed cum mitis sit, & benigna, ex tenui humore suborta, materia insensibiliter resoluta faciliè euanesceat.

In sputo cocto, vt sit salutis signum, plura sunt obseruanda. Morbi causa non debet delirescere, quæ in aliquam partem subito irruens, repente mortem adducat, ex Galen. lib. de const. art. medic. cap. 18. Non debet complicari aliquis morbus malignus, cuius ratione inopinatò mors contingat: Sic intelligendus Auic. loco nuper cit. §. Inquit Hippocr. multoties est sputum bonum, facile, & similiter anhelus, & sunt illic alia signa mala mortalia, sicut species in qua est dolor ad posteriora, & est quasi dorsum patientis eam, dorsum verberari, & urina eius sanguinea, saniosa, & raro sit beatus, immò moritur intra quartum, & septimū, &c. Huius rei duplicem causam assignant interpretes, & quòd pleuritidis causa, non multitudine, aut acrimonia, sed mala qualitate cor fatiget: vel sit maior humoris deleterij in vasis quàm inflammata pleuræ portio; & quòd respiratione parum immutata, sputoque apparente bono, à capite, vel alia parte defluit ad pulmonem excrementum, quod coctum excernitur: quare accidit, vt sputum ex diuersa materia, fiat, quàm ex qua fit pleuritis. Deinde vt spurum coctum salutem portendat, morbi causa debet esse homogena, & post coctionem subsequi debet excretio, ex Galen. 2. prog. 67. & com. 22. lib. 1. aphor.

Sputum non bonum multiplex est: spumofum, flauum, rufum, rubrum, pallidum, nigrum; quæ genera sputorum, non sputa propriè, sed sputamina, & expuitiones appellantur à Galen. lib. 1. de cris. cap. 5. Hæc ergo sputa, periculum, morbi incrementum, & mortem prælagiunt: de horum genere sunt sputa glutinosa, æruginosa, viridia, liuida, torunda; quæ omnia, vel excedentem calorem, vel, immodicam frigiditatem ostendunt, & signa corruptionis, vel incoctionis dicuntur à Galen. lib. 1. epidem. sect. 2. com. 46.

Sputa periculossissima sunt nigra, ex Gal. lib. 2. cris. 10. & valde spumantia (spumans enim simpliciter solam piritæ copiam significat, ex Galen. 2. cris. 10. & lib. de const. art. medic. cap. 17.) quum in gutture ebulliant, quo moribundi, constante adhuc mente raucum murmur, ac sonitum reciprocantem edunt, (instantis mortis signum:) cum enim arteriam vocalem occludi contingat, spiritus qui confertim erumpere gestit, nactus meatum angustum, collapsamque fistulam, gargarismo quodam prodit, ac raucum per læuia murmur efficit, scatebrisque arentes deserit artus. Conglomeratus itaque spiritus, spumæque turgida commixtus, sonitum excitat, (oremō Barbari vocant reciprocanti maris æstui assimilem. Alias verò causas ob quas periculum maximum prælagiant. Lege in lib. 2. pro loc. cit. Galenum, & post hunc, vide Christop. à Vega, qui interpretando Hip. cæteros antecelluit. Cætera de sputo in pleuritide, legat qui velit apud Iacchin. in lib. 9. ad Almans. cap. 39. Guianerium tract. de pleuritide, tit. de sputo. Ludouic. Mercat. lib. 2. de morb. intern. cap. 6. Altimarum, Mercurial. Massariam, Nicol. Pisonem, & alios qui de pleuritide proprium caput conscripserunt.

## Q V Æ S T I O XVI.

Quò ex sanguine corrupto sumatur indicatio ad sanguinem mittendum. Contra Fernel. & Augen. Medicos eximios.

C Orruptio potens in venis.] Peritum, excuscatumque est vel omnibus, qui primis labris Medicinam degustarunt,



de gustarunt, in presenti sanguinis corrupti in venis, sanguinem vel largissime esse emittendum. Hoc enim placitum, præter diuturnum experimentum, Galen. lib. 9. meth. cap. ... eleganti quadam historia confirmat, quo loco in febre ex putredine sanguinis concitata, usque ad animi deliquium sanguinem emisit: de qua quæstione plura diximus lib. 1. in com. hist. 9. & in com. histor. 9. l. 4. Deo duce, fusè discere præbimus. Hac ratione in omnibus febris quas putrescens concitat humor, sanguinem imperat emittendum, lib. 11. meth. cap. 15. Et lib. 9. meth. 11. *tunc venam secas quando sanguis redditur inutilis natura: sit autem talis, vel quando propriam qualitatem ad unguem non seruat, nec amplius nutrire potest, sicut prius cum utilis esset.* Quare ex prava sanguinis qualitate, & corruptela, (peccatum sanguinis qualitationum vocant) indicatio sumitur ad sanguinem mittendum. Sequitur Auic. 4. 1. cap. 20. §. *Amplius in corporibus, quæ prolixas perpeffa sunt agitudines, caue tibi à phlebotomia, nisi sanguinis adfuerit corruptio, quæ te ad hoc perducatur: quoniam tunc phlebotomabis ea, &c.*

Contra hanc veritatem plura obiici possunt, quæ per incuriam transire fas non est. Primo loco offert sese illa eiusdem Galen. sententia, lata in illo aureo cap. 4. lib. 4. *de sanis auend. iuxta med.* ibi enim docet, quod quando humores valde à natura sanguinis recedunt, venæ sectio non conuenit quoniam plenitudo iam transit per putredinem in cacochymiam. Deinde, si putredo immediatè à debilitate caloris oritur innati, ut omnis Philosophorum, & Medicorum chorus vnà confirmat, cur in potenti, (Rasij verbo utor, hoc in loco) hoc est, vehemèti corruptione sanguinis in venis, sanguinem emittemus, si in illius præsentia vires haud possunt esse valentes, & maximè in pleuritide, in qua interdum licet coctus sit humor, non expellitur tamen multoties, ob debilitatem, thoracem mouentis facultatis, ut 2. prog. 67. & alibi Galen. dicebat. Quare putredo sanguinis missione non curatur, ex Galen. 11. meth. 14. In tanta ergo corruptione sanguinem mittere non conuenit, ex Senis præscripto, in lib. 6. epidem. sect. 3. text. 43. quoniam in his vires non constant, ex Gal. in com. dum sic ait. *Expediit (inquit) horum aliquibus sanguinem detrahi, quibus scilicet is copiosus est, & nondum insigniter ad alterum humorem conuersus. Non detrahendus est autem, in quibus iam mutatus est, propositio à viribus sumpto antecedente.*

A sanguine ergo corrupto non potest sumi indicatio sanguinem mittendi, cum phlebotomia tunc citra morbi leuamen vires deiciat: indifferenter enim omnes humores euacuat, nec putridum magis, quàm integrum, quo fit ut in vitiosorum, corruptorumque humorum in venis existentium constitutione, venæ sectio nil planè immutet, sed eadem persistat humorum proportio, quæ ante sectionem fuerat; quare licet copię non nihil adimat, cacochymiam tamen, quæ viribus incommodat, non aufert.

Ioannes Fernel. Medicus apprimè doctus, & elegans, consil. 45. & Horat. Augen. haud diluræ auctoritatis vir, tom 1. epist. lib. 11. epist. vlt. accusare Galenū non desistunt, quod nihil constans, ac firmum de hac quæstione stabilierit, quæ ita ardua est, ut multorum torqueat ingenia. Siquidem dum sanguis effluit impurus, crassus, ac niger, aut aliquo alio vitio infectus, largissime sanguinem detrahit; quum verò purus, ac floridus, è contra. Quare Medicorum tanta est varietas, ac discordia, ut vix quilibet illius de hac reserentiam firmam hactenus sit assecutus.

Immeritò tamen Galenum reprehendere ausi sunt. Nam à sanguine vitioso sumitur indicatio ad sanguinem mittendum. Hoc, præter citata ipsius testimonia, palàm facit, latum in lib. 5. meth. 15. quo loco in phthisi, affectu sanè, in quo vires haud possunt esse valentes, sanguinem mittit, potissimum quibus veluti limus quidam vitiosus, & crassus totus est sanguis, & in lib. 6. epid. sect. 3. com. 29. in muliere Romana valde extenuata sanguinem mittere non recusauit, ea præsertim ratione ductus, quod vitiosus sanguis exiit, colore liuidus, liquidæ pici, & colore, & crassamento simillimus. Sanguis igitur leui putredine, & reducibili ad benignum infectus, quocum adhuc natura consistat, nuncupabitur sanguis vitiosus, à quo sumi indicationem ad sanguinem mittendum, colligi potest ex Gal.

lib. 2. aph. 17. iuxta fin. & in art. medic. cap. 89. §. *Est enim si ita conigerit, ex humoribus putrescentibus accendi febrē, &c.* Tunc enim venæ sectio magnum præbet vsum, & ventilatione semiputridi, & vacuatione integrè putridi: nisi imaginemur putredinem ita creuisse, & esse consummatam, ut eius causa sanguis propriam formam amiserit, & in alienam naturam degenerauerit, nam tunc inutilis est phlebotomia.

Opposita verò hac ratione solues. Dic ad primum. Galen. dictum locum habere in corporibus sanis, & neutris, cum ibi Galenus versetur in parte de sanitate tuenda, nos verò loquimur de iis qui actu iam ægrotant. Vel dicendum magnam illam distantiam à natura sanguinis, non aliunde quàm à virium imbecillitate desumi: hoc colligitur ex Gal. lib. de curand. rat. per sang. mis. cap. 9. dicente, in plenitudine crudorum succorum inutilem esse phlebotomiam, quoniam iis virium robur non adest: Si verò vires cum sanguinis putredine consent, existimandum non est humores à natura sanguinis valde esse distantes; præsertim quando sanguis vitiatum manente ipsius forma; nam sanguis putrescens etiam plenitudinem constituit, immò sæpe cacochymia intra vasa constituta venæ sectione commodè minuitur: explicat eruditè Augenius lib. 4. de sang. mis. cap. 4. Quare putredo sola sanguinis missione non curatur, sed remediis etiam concoquentibus, quæ post sanguinis missionem celebrari debent; tunc enim parcius sanguinem extrahere oportet sumpta indicatione non à putredine, sed à viribus, ut scilicet possit æger ad putrescentium humorum coctionem sufficere, qui post phlebotomiam in vasis relinquuntur.

Sanguis igitur vitiosus, omnino corruptus, & putris si abundet, ita ut vires langueant, ipsæque insigni conuersione in alios humores sit mutatus, tunc nullo modo emittendus sanguis, sed purgatio celebranda. Ex quo patet, corrigendam esse literam Auic. 4. 1. cap. 20. iuxta med. cum ait. *Et similiter oportet, ut ex minutione febricitantis, cuius febris non est ex putredine minoratio fiat: nā magis quadat, ut legatur, cuius febris est ex putredine.* Ex quibus ad argumenta patet responsio. Legi Spicilegium Moxij in quo pulchre agit de curandis febribus per venæ sectionem, quas putrescens humor accendit.

## Q V Æ S T I O XVII.

*Quod in pleuritide, à parte affecta sit hauriendus sanguis. Contra plurium Iuniorum decreta.*

**M** Inurione facta. ] Historias de pleuritide, morbo notissimo, ac frequentissimo exponentes, quod felicius rerum difficultates emensi, demum exoptatam contingamus metam, hanc difficilem quæstionem de venæ sectione, ex omnium pene auctorum decreto Laconicè perlustramus. Cæterum quoniam vniuersa Medicorum schola, magistros suos multiplicibus telis oppugnat, eorumque mentem in varios sensus distorquet, non erit molestum, in illorum hortulos, multis sæpe doctrinæ floribus peramœnos paululum diuertisse.

Medicorum scientissimus lib. 2. acut. 10. & 11. & lib. 4. eiusd. text. 72. & 73. in pleuritide ab affecto latere sanguinem hauriendum iubet. Eius sententiam amplectitur Galenus, in com. & lib. de curand. rat. per sang. mis. cap. 16. & alibi sæpe. Attende quàm fuerint solertes, acuti, & graues; & quanti fecerint rectitudinem in omnibus vacuationibus ab ipsa natura tantopere obseruatam, cuius vi facilior, & felicior multò vacuatio contingit. Illa enim quando crissim molitur, & per abscessum sanguinis fluxum, aut aliam quamlibet vacuationem, noxium humorem expellere tentat, operatur semper recto tramite. Quare si Medicus ipsam rectè operantem imitari tenetur, secundum rectitudinem operari debet. Hæc est causa à Gal. variis in locis decantata, ob quam inter perfectæ crisis conditiones, eam repouendam statuerit, quod fiat recto tramite: nam hoc modo celebrata euidentem attulit utilitatem, ita ut & qui paruum, & familiares ipsorum sæpe numero obstupefiant, ut 3. cris. c. 3. lib. 1. aph. com. 20. & lib. de curand. rat. per sang. mis. 14. 15. 16. protulit



protulit Galenus: cuius doctrinam elegantiori poemate confirmat Franciscus Boulluetus *lib. 7. de arte medendi, sit. de pleuritide*.

Venerandus Senex *lib. 6. epid. sect. 2. sext. 12.* sic pronunciat. *Secundum rectum, & costarum dolores, & precordiorum contentionem, & lienis elationem, & ex naribus eruptiones, &c.* quam lectionem ut dilucidam, & medicinalem Gal. approbat, in *com.* nec immerito; nam, ut notat Fuchsius *ibi*, monet Hippoc. quoddam naturæ in expellendis excrementis motus diligenter à Medico sit aduertendus, qui si in rectum sit, robur naturæ significat: neque enim vacuationi locus alius commodior est, quam qui vicinus existit, & secundum rectum procedit. Iure ergo optimo in omni vacuatione, recta partium positio est consideranda, ex Gal. *lib. 5. meth. cap. 3. & lib. de curand. rat. per sang. mis. cap. 11. Auic. 4. 1. cap. 3.* Hoc intelligendum est dummodò rectitudo agnosci possit; nam difficile est eam in omnibus agnoscere: veluti quum varices, haur hæmorrhoides insaniam sanant; sanguis vacuatur per vterum; humor noxius per aluum, aut urinam expellitur. Ex his constat, partes è directo positas magis inter se consentire, & frui. Hoc probat euidenter Gal. *lib. 1. 4. de v. sup. part. 7.* quoniam, inquit, dextra vteri pars tantò est sinistra calidior, ut ratione caloris adaucti mares effingat; est autem exuperantis caloris causa, hepatis rectitudo. Licet autem omnia omnibus consentiant, ex Hip. *lib. de aliment. nrm. 4.* tamen præter generalem consensum, particularis inter partes, per communes, & affines venas obseruari debet; nam vena quædam alteri parti magis quam aliæ consentit. Si enim incideris in eas quæ non consentiunt, neque affectæ parti medeberis, & semper lædes, ut *libro. de opt. sect. cap. 5.* Gal. docuit. In quo tamen consistat rectitudo, disputant Fernel. *lib. 2. meth. c. 5.* Vallesius *lib. 7. cont. c. 4.* Mcna in *com. cap. 15.* Gal. in *lib. de sang. mis.* Saluus Sclanus *1. aph. 21.* Vega *lib. 2. art. medic. sect. 5. cap. 5.* & nuper script Castrensis eruditissimè, *lib. 2. opuscul. quæ ex quibus, cap. 14.* Cur autem vacuatio secundum rectitudinem celebrata tantopere iuuat, explicat inter citatos exemplis appositissimis, & manifestissimis Veiga in *com. cap. 95. lib. art. medic. Galeni, in principio.*

Deinde, si ex Galeni doctrinâ *lib. de curand. rat. per sang. mis. 16.* rectitudinem obseruandam præmonentis, *Sanguinis missio in pleuritide facta è latere affecto, manifestam sape attulit utilitatem; ex parte verò opposita, aut nullam, aut post longum temporis intervallum, ut eruditè admodum Hieronym. Nônus Olysi. explicat in com. cur à parte dolore tentata venæsectio non celebrabitur semper, ut prædixit Hippocrates: Si enim auxilia debent contendere cum morbis in magnitudine, & celeritate, alienum à ratione est in morbis acutis, & citam vacuationem exoptulantibus auxilia differre, quæ utilitatem celerem sunt allatura. Igitur si sectio lateris oppositi non iuuat, nisi post longum temporis intervallum, ea ex hac parte celebranda non est, quoniam non ita citò succurrit, ut acuties morbi effugiat: Quæ enim celeritatem desiderant, celeriter adimplere oportet, ut *lib. 1. acut. text. 8.* docuit Hippocrates. Clamitent ad raurim vsque Manardus *1. 2. epist. 5.* Altimarus *prop. cap. de pleuritide*, Trincauellius *proprio tract. de secanda vena in pleuritide*, qui hunc Gal. contextum in varios sensus distorquent; quum in eius doctrina omnia sint ita plana, ut cæcus sit qui veritatem hanc luce clariore non agnoscat.*

Fatemur quidem simplicissimam reuulsionem, & in morbo non ita acuto factam, ex distantissimis partibus esse celebrandam; vel quando paucissimus humor in pleura continentur, maior tamen copia adest humoris fluentis, & fluxuri: tunc si minima humoris portio in parte affecta sit impacta, & febris non ab inflammatione, sed à copia peccantis humoris in genere venoso fixi ortum ducat, tunc in initio initante morbi, dogma Arabum defendi potest. Vel si de præseruatione intelligas, verissima dices: nam in annua pleuritide, è contrariolaterè exercenda est, antequàm inuadat, ut aduertunt Montanus in *com. cap. 88. art. medic. Galen.* Ludou. Mercat. *lib. indicat. 4. Capiuac. lib. 2. prax. cap. 13.*

Quapropter in pleuritide, aliisque inflammationibus

Lib. II.

A internis, ab affecto latere secandam esse venam perpetuò, cum Galeno concedimus; à quo docemur, seruata etiam sufficiente contrarietate, quæ est à brachio ad pleuram, fetiendam esse venam, quæ maximum cum affecta parte obtineat consensum, & tunc reuellere, tum vacuare queat quod opus vna eademque phlebotomia perfici posse; testis est Galenus *lib. 2. acut. 10. & 13. meth. cap. 11.* hoc enim quoniam putarunt aduersarij esse falsum, in grauissimos errores inciderunt. Galeni partes tuentur Oribal. *7. collect. 5. & lib. synopsis. cap. 10.* Acrius, ex propria sententia, *tetrab. 1. ferm. 3. cap. 12.* licet ex Archigenis mente, ex latere opposito detrahendum sanguinem asseueret, *tetrab. 2. ferm. 2. cap. 68.*

B Quis ergò summi Dictatoris edictum peierare audebit, aut pertinaciter noua condere dogmata, aut nouas leges? cum primi Medicinæ parentes nullis ambagibus fulti, euidentissimam doctrinam promulgarint, sine fucò & fallaciis expositam, immò validissimis rationibus, mira industria, assiduo experimento confirmatam, posteritati commendatam reliquerint.

C Videbis Arabum præcipuos in hoc negotio discordes valde: nam Auicenna *10. 3. tract. 5. cap. 1.* Rhafius *cap. 57. in lib. 9. ad Almanf.* Serapio *tract. 2. cap. 21.* Isaac *lib. 6. pract. 11.* è saphræna partis oppositæ sanguinem esse exhauriendum suadent, & sit corpus sit plethoricum, ab opposito latere: timent enim ne lecta vena, præsentē copia multa, tota humoris machina in affectam partem rueret possit, faciaturque pleuritidem grauiorem. Auenzoar *lib. 1. Theizir, tract. 16. cap. 13.* secatur basilicam lateris oppositi, quamuis quibusdam nouis Medicis (inquit ipse) nostri temporis videatur, quod sit minuendus ex eadem parte aggritudinis inducēdo super hoc verba logicalia, & sophistica, quod mihi nullatenus videtur rationale, neque verum, immò credo certissimè, quod facere illud, omnino est mores infirmi, &c. ut aliter quàm Auicenna, ea de re existimasse visus sit Mesuè *tract. de aggritudinib. pest. & pulm. c. 7.* secatur basilicam lateris oppositi; ut saphrænam dextram, si sinistram latus laboret: quam opinionem verissimam esse contendit Cesar Opatius *peculiarit. tract. de pleuritide: & maxime si pestilens, aut maligna inflammatio sit, ut probat Manardus 14. epist. 1.* quoniam à corde cæterisque præcipuis partibus peccantem humorem longissimè diuerit.

D Sunt qui è latere contrario semper tundendam venam constantissimè asseuerant; de quorum numero, præter plurimos de pleuritide proprium caput conscripserunt, extant Gentilis, Iacobus de partibus, Matthæus peritus in *com. cap. 1. Auic. in sen. 10. lib. 3. tract. 5.* Nicol. Florent. Thurinus Pisciensis, Thriuerus, Benedict. Victorius, Iacchin. Arnaldus, Guainerius, Gattinaria, Vallesius Tarantinus, Pifo, Harculanus: immò Costæus, & Paulus Mongius, doctissimi Auicennæ interpretes id confirmant.

E Vesalius summi ingenij vir, *lib. 3. de fabric. cap. 1. & 7. & in epistola huic operi dicata & lib. de radice Chymæ. ferè per totum, quem sequitur Thaddæus Dunus lib. 4. de ven. sect. c. 5.* semper è latere dextro faciendam esse phlebotomiam sibi persuasit, quod Azigos vena, seu coniugis expers, à dextro latere oriatur, quæ tam dextras, quàm sinistras costas alit; quare in pleuritide, dextri brachij axillarem semper esse secandam monet, siue pleuritis partem dextram, siue sinistram occupet. Hanc opinionem redarguunt Valles. *7. cont. 4. Amat. lib. 1. cent. 52.* Ludouic Duretus *lib. 2. in Coacas Hip. cap. 13. in com. sent. 2.* Gueuara *lib. de re anatomic. c. 3.* Andreas Laurent. *lib. 4. de re anatom. quest. 5.* Sanctior. Sanctorius *lib. 3. de euil. & errorib. medic. cap. 17.*

Peritissimus Lusitanus in *com. cap. 95. art. med. Gal. proposit. 2.* experimento confirmat, frequentes pleuriticorum dolores nil per affectam partem leuatos, repente aduersæ sectioni succubuisse, quoniam fluxionis origo ab aduerso accedebat: quare sit, ut seruata rectitudine extremus distantissimusque locus magis profuit. Quem auctorem si de præseruatione intelligas, illum à calumina liberabis. Sæpe enim accidit, ut à liene vel hepate, in pleuram dextram vel sinistram, humor tenuis, & biliosus confluat, qui laterum ex intervallis pariat dolores, qui missi ex axillari vena sanguine

sanguine lenantur, sic enim ad originem fluxionis reuulsio fit. Si verò de curatione interpreteris, illius opinio amplectenda non est: nam licet fluxio ex aduersa parte accedat, interdum oportet spernere vnam indicationem, propter aliam vrgentiorē, ex Galen. *lib. 10. meth. cap. 1.* præstantior autem indicatio est quæ sumitur à parte affecta, & dolore tentata: cum enim hæc sit præcipuis membris vicina, sui auxilium citissime exposulat, vt probant Cardozus *lib. de sex rebus non naturalib. cap. 11. quest. 5.* Bartholomæus Perdulcis *lib. 3. vniuers. medic. cap. 5.*

Nuper Galenus proprio tractatu, de secunda vena in pleuritide, varium mittendi sanguinis locum assignat, pro varietate partis mandantis fluxionem, sequutus forsan Alzaharaium *lib. pract. tract. 11. cap. ult.* nam si è capite oriatur fluxio, è cephalica; si à vena caua, & musculis thoracis, ab interna; si è partibus infra renes, è talo extrahendum sanguinem consuluat. Sed hæc opinio non omni ex parte vera est, & ex supra dictis facile redargui potest. Attende, quomodo in secunda vena in pleuritide, huc illicque Euripi modo agitati, ab Hippocratica, immò Galenica via recta recesserint, quorum dissidentes inter se sententias ad plenum referunt Argenterius *lib. de consult. rat. cap. ult.* Franciscus Vallarinus *lib. 2. canon. medicinal. canon 13.* Victor Trincauellius *tract. de vena secunda in pleuritide*, Iulius Guastauinius *lib. de loc. medic. select. cap. 23.* Renatus Morellus in appendice Brissoti, in *lib. de sang. misf. Sennertus lib. 2. praxis, part. 2. cap. 16. quest. 4.*

Relictis ergo aliorum opinionibus, ne in iis refutandis sim multiloquus, firmiter assero, semper in pleuritide ab affecta parte sanguinem esse emittendum: nam præterquam quòd iam omnibus ventum est, secare more Græcorum venas, à parte vbi dolor est, vt *lib. 4. acur. 10. & 72.* Vallesius firmat: hoc placitum esse verissimum euentissimis rationibus confirmant Argenterius *lib. 1. aph. 21.* Christoph. à Vega *lib. 2. art. meth. sect. cap. 1.* Cardanus *l. 1. cont. tract. 2. cont. 8.* Saluus Solanus in *com. sent. 21. lib. 1. aph.* Fernelius *lib. 2. meth. cap. 5.* Petrus Brissorus contra Dionysium, Georgius Gomez, Monardus, & alij proprio tract. de secunda vena in pleuritide.

Sed ex his omnibus placuit potiores rationes decerpere, ne illarum varietate lectores inturbentur. Sic ergo argumentis, & auctoritatibus Græcorum placitum munire oportet quarum prima est. Illa reuulsio commodissima est, quæ humorem à termino defluxionis ad originem reuocat: atqui fermè semper defluxiones à locis rectis & communibus fiunt: sed sectio ex vena recta, & communi commodè succurrit necessitati, reuellendi humores fluentes, & simul auxiliatur alteri necessitati, vacuandi humoris contentos in parte affecta. Ergo sanguinis missio ex eodem latere eligenda, potissimum in principio internarum inflammationum. Maior paret ex Galeno *supra*. Minor, sensifica demonstratione probatur: videmus namque in iecoris inflammatione optimam crissim fieri, si sanguis è nare dextra, ex Galen. *lib. 3. cris. cap. 3.* malam verò existere, si contrà fiat: nam *lib. de curand. rat. per sanguinis misf. cap. 16.* concludit Galenus, reuulsionem, quibus in directum adhibetur, euidentem vtilitatem celeriter ostendere; quibus contrà, non ita. Neque enim humorum tantum fluxus fit secundum rectitudinem, sed etiam communicatio vaporum. Ita læsa parte dextra vteri, dolet pars dextra capitis; & læsa parte sinistra, dolet capitis pars sinistra. Et si caput ex ventriculo dolet, dolet frons; si ex vtero, dolet occiput, quia secundum rectitudinem supraponitur vtero. Præterea dicta rectitudo non solum facit ad fluxum humorum, & communicationem vaporum, sed etiam ad communicationem simplicis qualitatis; sic refrigerato rene dextro, crus dextrum refrigeratur; & si iecur incaluit, dextra manus, & pes exulcerantur, & ardent: si lien, sinistra propter rectitudinem tantum: similiter ex eadem causa dextra sunt calidiora sinistris, ex Galen. *lib. 14. de vsu part. cap. 7.* propter rectitudinem, quam habent ad iecur.

Secunda. Quando interna adest inflamatio, conuenit simul vacuare gratia humoris defluxi, & reuellere gratia humoris fluentis: sed hæc omnia perficiuntur vacuatio-

ne facta seruando dictam rectitudinem, & communitatem. Ergo è latere partis affectæ sanguis hauriri debet. Quòd autem ita etiam fiat reuulsio (in quo tota vis controuersie consistit,) vltra auctoritatem Galeni *lib. de sang. misf. cap. 15. 16. & 5. meth. 3.* Ostenditur, quia ex Hip. & Galen. *lib. 5. aph. 68.* à parte posteriori capitis ad anteriorem fit reuulsio: atqui distantia quæ est à latere affecto ad venam quæ in brachio secatur, est multò maior. Igitur & per illam fiet reuulsio. Præterea ex Auicenna *4. 1. cap. 3.* ad reuulsionem sufficit distantia, quæ est ab humero ad humerum: sed ea quæ est à latere ad cubitum maior est, vt patet. Igitur illa sufficit ad reuellendum.

Tertia. In principio inflammationis, intentio est cohibere fluxum humorum ad partem affectam, & hoc ex methodo curatoria prærequirit ablationem causæ defluxionis, quæ causa ex Gal. *13. meth. 5. & 6.* potissimum est dolor partis, & calor eiusdem, propter inflammationem, & calefactionem humoris contenti in parte affecta. incipienda igitur curatio ab huius humoris vacuatione, quæ commodissimè fit seruata rectitudine, & communitate, à parte verò distantissima, non item.

Quarta. Si phlebotomia fiat extra rectitudinem, & communitatem, oportet illam amplius frequentare, vt faciunt barbari, quousque fiat vacuatio humoris contenti in parte affecta; quod in huiusmodi phlebotomia tardius fit, quàm in ea quæ seruat rectitudinem, & communitatem.

Quinta. Si celebretur venæsectio extra rectitudinem, & communitatem, extrahitur bonus sanguis, & relinquitur malus in corpore, vt frequenter constat experimento, & probat Galenus *lib. de tremore, & palpis. cap. 5. in fin.* dum sic inquit: *Alia enim alij corporis parti vena communicat, oportetque vacuationes semper ex omnibus moliri: nam si venas quæ nihil parti affectæ communicant, incideris, neque affecta medeberis, & sanam semper offendas. Necessearium igitur nunquam non videtur, vt is qui rectè medebitur, causam ex qua affectus oritur, agnoscat, &c.* Cum igitur non seruata rectitudine & communitate ob causas dictas multò magis debilitetur virtus, quam religiosissimè in pleuritide seruandum docuit Galenus *lib. 10. meth. cap. 5.* videtur ex parte distante celebranda venæsectio, seruante tamen rectitudinem, & communitatem cum parte affecta; sic enim vnico auxilio occurrimus duplici necessitati reuellendi scilicet, & euacuandi: posse enim remissionem simul, & euacuationem vnà venæsectione præstari, testis est locupletissimus Galenus *locis supra citatis*, nam in principio inflammationis adest necessitas reuellendi humorem fluentem, & fluxurum, & euacuandi impactum, & fluxum.

Et vt videas, quantum momentum in exequendis vacuationibus habeat rectitudo, vide Galenum *lib. 13. meth. 11. & lib. de sang. misf. 16. & 2. acur. 11.* qui licet multi fecerit communitatem, tamen huic prætulit rectitudinem: nam in inflammatione iecoris non apparente basilica, quæ cum iecore communitatem habet, secatur medianam, & rursus hac non apparente secatur humerariam; nec accedit ad sectionem basilicæ brachij oppositi, quæ maiorem communitatem habet cum iecore, quàm vena humeraria partis affectæ; quoniam huius sectio propter rectitudinem plus potest, quàm sectio illius ob communitatem: quæ solutio certior est alia, quam, tradit Manardus *12. epist. 5. post. med.* Lege Castrensem *lib. 2. opusculi, quæ ex quibus cap. 17.*

Sed offensacula potissima sunt euertenda, quibus Arabicæ familiæ strenui duces, Barbari omnes, & Iuniorum peritissimi eos sequuti, Græcorum sanissimam doctrinam conuellunt. Primò sic. Tunc temporis conuenit reuulsio, quando humor confluit ad partem affectam, sed in principio pleuritidis humor fluit: Ergo hoc tempore reuulsio à parte distante, & opposita quadra celebrari debet, ex Galen. *lib. 4. meth. cap. 6. & lib. 5. eiusd. cap. 3.* vacuatio autem ex parte affecta magis auget, & concitat defluxum humorum ad illam. Hoc modo *lib. 2. ad Glanc. 2. prope initium*, in affectibus partium supernarum sanguinem per inferiora emittit, & in inflammationibus partium infernarum,

## QVÆSTIO XVIII.

infernarum, è contra; quia (vt inquit,) fluxionis motum A ad contraria terrahere expedit. Dic, in pleuritide non adesse solam necessitatem reuulsionis, sed euacuationis: quoniam in initio portio humoris in parte est impacta, & facta phlebotomia à latere affecto, sufficiens seruatur distantia requisita ad reuulsionem. Locus verò ex lib. 2. ad Glanc. intelligendus est de externa inflammatione, utpote cubiti, aut humeri: nam inter partem affectam, & venam rectam communem secandam, adest notabilis distantia sufficiens ad reuellendum; alias enim magis augebitur fluxio ad partem affectam. Ob eam causam Galenus lib. 13. meth. vno crure malè affecto, scarificat reliquum, non seruans rectitudinem; & manu laborante scarificat crura, non seruans rectitudinem. Sed cur affecto vno crure, secatur reliquum, & non similiter affecto vno brachio, secatur alterum? Dic, hoc etiam commodè fieri posse, quando inflamma- B tio partes externas occupat, non verò in pleuritide, sicut sanè affectu, in quo illico reuellere, & euacuare licet. Hoc modo Celsus lib. 2. cap. 10. vno humero malè affecto, ab opposito brachio sanguinem mittit; nec id negat Galenus loc. cit. sed solum insinuat, nos in huiusmodi exemplis, rectè posse venæsectionem exercere, prætermittendo rectitudinem, aut communitatem.

Secundò. Galenus lib. 5. aph. 68. docet reuulsionem fieri ad contraria, idque tripliciter, secundum longitudinem, id est, secundum partem supernam, & infernam: secundum latitudinem, hoc est, secundum dextrum, & sinistrum: secundum altitudinem, seu secundum partem anteriorem, & posteriorem. Atqui si in pleuritide lateris dextri, verbi gratia, fiat phlebotomia ex brachio eiusdem lateris, vt secundum sententiam Græcorum fit, nulla ex his tribus contrarietatibus seruatur. Igitur in principio, in quo reuellere conuenit, ex eodem latere celebranda non est. Dic, prætermittere Galenum loc. cit. quartam contrarietatem ad reuellendum, quæ est à centro ad circumferentiam, siue ab interioribus ad exteriora, de qua meminit Galenus lib. de reuulsione, & lib. 5. meth. c. 3. dum sic dicit: Reuulsio verò in ijs qua supra sunt omnibus, deorsum agitur: sursum, in ijs, qua sunt infra. Præterea à dextris ad sinistra, sicut ab his rursus ad illa: similiter ex ijs, que intus habentur, ad ea, qua foris sunt: contrariæque ab his ad illa.

Tertiò. Eadem ratio præseruationis, & curationis: sed in vacuatione præseruatiua, Galenus lib. de sang. mis. 19. è parte distantissima, nempe ex crure euacuat, in illis qui Comitiali morbo, vertiginique sunt obnoxij, edoctus ab Hip. lib. 2. de natur. human. text. 9. Ergo incipiente inflamma- D tione similiter faciendum. Dic primò, quòd licet secta qualibet vena totum corpus exhauriatur, vt monuit Gal. lib. 2. acut. 10. tamen non ita æquè, atque similiter vacuationem offerre studemus: ineunte vere, gratia præseruandi, non adest affectus particularis, qui pro sui curatione celerem opem, & ex propinquiore, ceteroque loco expostulat; tunc enim non conuenit venæsectio ex quauis parte celebrata, quæ omnia contrario modo eueniunt in præseruatione.

Quartò. Paulus lib. 6. cap. 40 in particulis recenter inflammatione tentatis, ex opposito sectionem moliri docet. Dic, Paulum velle in inuereratis inflammationibus, in quibus iam cessauit defluxus, & intentio est solum euacuare, venæ sectionem esse celebrandam per partem affectam, vel per particulam ei vicinam; at in inflammationibus incipientibus sectionem faciendam esse ex opposito, hoc est, ex parte distante, quæ opposita sit parti affectæ, aliquo modo contrarietatis ex illis quatuor superius explicatis, scilicet, supra, infra, intrò, antè, retrò, dextrorsum, sinistrorsum. In hoc itaque

opinionum portento, tu mediam Græcorum viam tene, quippe hanc tenuere beati.

\* \*

\*

Quòd vigente coctione, tam in pleuritide, quàm in morbis vasorum possit sanguis tutissimè mitti.

Contra Fernelium, & Augenium, Medicos doctissimos.

[N principio.] Posteaquam satis superque de pleuritidis I medela per venæsectionem differuimus, aptissimum, (opinor) fuerit, inseruisse huic potissimum loco, quæ Hippocrates circa tempus, in quo hoc præsidium celebrari debet, literis prodenda censuerit. Quæsitum enim sæpe inter classicos, ac primæ notæ conditores, sitne exequenda solum in principio morborum venæsectio, an in statu aliquando possit imperari. Rectè illud à summo Dictatore in suis Aphoristicis oraculis lib. 2. aph. 29. inculcatum, inchoantibus morbis tentandas esse vacuationes: nam in statu melius est quierem habere; tunc enim natura concoquit, ac vtile ab inutili discernit. Hanc ergo debilitare, factaque eo tempore phlebotomia distrahere, piaculum est, vt expressè in com. protulit Galenus. In hunc sensum intelligendus est ipse, lib. 4. aph. text. 10. in acutis eadem vacuandum humorem noxium præcipientis, hoc est, in initio initiante, antequam robur corporis dissoluatur, vel febris caliditas increseat, vel ad aliquam partem præcipuam decumbant ij, qui per corpus vagantur humores. Huc spectat Hippocratis dictum in epistola ad Cræteum, num. 18. ab omni quidè arte alienares dilatio est, verum maxime in medicina, in qua dilatio animæ periculum parit. Quare auxiliari ne differas: nam semel pereunti nulla postea suffragia profunt, vt Mesuè inculcat in præfatione sua. Nam, vt rectè inquit Auicenna 1. 4. tract. 2. cap. 7. Sanguinis missio cum postponitur à principio, non est amplius intentio. Hoc primus omnium Celsus elegantissimus confirmat lib. 2. c. 10. dum sic ait. Sed vt aliquando etiam primo die sanguine mittere est necesse, sic nunquam vtile post diem quartum est; quum iam spatio ipso materia exhausta est, & corpus corrumpit, vt detractio imbecillum id facere possit, non possit integrum, &c. Deinde in statu omnia fortiora, & natura maxime à symptomatis est afflicta & oppressa: non est ergo eo tempore remediis exagitanda. Nam febris maior quæ in statu apparet, ex maiori conatu naturæ, feruore, ebullitione, & pugna ortum ducit, quibus cessantibus, illa solet mitescere: quare si tunc sanguinem mittas, citra morbi leuamen, vires deiciis. Hac lege ducti Medici ante Hippocratem, ultra quartum diem venam non secabant, vt notanter aduertit Galenus lib. 3. epid. sect. 3. commet. 79. in principio enim vires magis sunt liberales, & copia multa; & maxime in pleuritide, ad cuius curationem in statu, viribus opus est: nam sæpe humor est concoctus, & non expellitur ob mouentis thoracem facultatis debilitatem, vt lib. 2. prog. 67. admonuit Galenus, præcipue in statu, in quo virtus animalis, ad expectorandum tam necessaria, magna ex parte est defatigata, ex Gal. lib. 2. aph. 29. Quamobrem cum vna salus sit virium robur in pleuriticis, & in omnibus morbis ex Galen. lib. 1. prorrh. com. 8. & lib. 10. meth. cap. 5. ipsas reficere iam exhaustas est necesse.

Ad hæc. In statu facta phlebotomia, cum sit intempestiue celebrata periculum inducit, & debilitatem summam, cum maxime moueat, ex Tralliano lib. 9. cap. 2. sect. 3. immò mortem affert, ex Gal. lib. 9. meth. c. 10. nam si fortes tum potuum, tum ciborum facultates tempestiue quidem, assumptæ maximam vtilitatem, intempestiue, verò maximam afferunt offensam, quare magis phlebotomia, quæ ex auxiliorum magnorum cœtu censetur, ex Gal. lib. 2. aph. 29. quam morbo consistente adhibere non oportet; tunc enim coctiones morborum maxime accidunt: nam Medici officium est afferre commodum, & euitare noxam ex Hipp. lib. 1. epid. sect. 2. text. 50. Medicus enim arte Hippocratica dignus, tam debet laborare in curando, quàm in quiescendo, ex Hipp. 6. epid. sect. 2. text. 26. ibi: Contraria adhibere, & interquiescere. In hunc modum interpretandus Auicenna 10. 3. tract. 5. cap. 2. Quumque phlebotomas, & euacuas, & non sedantur accidentia, tunc scias quòd prohibitio collectionis, quam quæris, est difficilis; non ergo iteres phlebotomiam,



romiam, ut non congeletur materia, quæ est habitura collectionem, &c. Sic enim operante, & coquente natura, venæsectionem exerceas, non digeritur humor cum diminutione vitæ, & priuatione digestionis, ut idem Auicenna mox confirmat.

Nullo igitur modo in statu, in quo coctio viget, exercenda venæsection est: si enim in accessionibus, vigoribusque morborum tenuissimo victu vtendum est, ne a coctione distraharatur natura, ut lib. 1. aph. & alibi passim Hip. inculcat, cur ob eam causam non erit prohibenda sanguinis missio?

His forsitan conuictus Fernellius lib. 2. meth. c. 13. nunquā vigente coctione secandam esse venam constantissimè tenet, tunc sic ait: *Natura concoctione impuros, noxiōsque humore è purioribus secernit, hos vt conseruet, illos vt tandem foras exturber, aut sola per se, medicamento ope. Atqui vena sectio nullo delectu, omnes, qui in venis sūt, promiscuè, & indiscriminatim prolecat. Vt in phlegmone pus iam factū non amplius secta vena, sed alia ratione per vias breuiiores deriuamus: ita in febribus, quarum materia in venis coërcetur, coctus, ac iam secretus humor, medicamento deriuandus, derubandusque est. Qua in re naturā tunc temporis habebimus adimniculantem, qua secretos humores foras excludere contendit. At si quis hoc tempore venam ausit incidere, non eos solum, sed pariter vitales eliciet: quandoque grauius est, eos qui vi natura secreti sunt, puro sanguini permiscebit, hunc inquinabit, omnia confundet, naturaque optimam molitionem interpellabit. Cum igitur manifesta concoctionis nota comparebunt, non amplius vena sectione, sed aut purgatione, aut alijs deriuantibus præsidijs reliqua curatio transigenda, nisi cruditis signa denuò se prodant.* Hactenus Fernellius, cuius sententiam vallare nixus est Horatius Augenius lib. 8. de sang. mis. cap. 11. qui repetitionem venæsectionis, neque in augmento, neque in statu posse esse ex vsu, pugnaciter contēdit.

Sed in hoc condendo dogmate, licet Fernellius, non inferioris subfellij Medicus, supercilio consortio detesteretur eos, qui etiam in augmento, & statu sanguinem emittunt: hunc tamen ego magnopere admīror, quod Galenum ubique non legerit: Fernelij ergo Minerua licet acuta sit, à mente Galeni, immò veritate ipsa maximè distat, pro qua pugnare artificis est: nam hæc cuius est proponenda, ex Tralliano lib. 12. c. 1. sect. 7. cum nobis de veritate, non de fabulis cura sit imposta, ut cum Galeno loquar lib. 3. de vsu part. cap. 1. hic enim monente patre, illam nudam proferre, protelaréque semper coactus est, ex Galen. lib. de cognoscend. curandisque anim. morb. cap. 8. præsertim quum de salute hominum agitur, ut in Hippocratis laudem adstruxit Celsus lib. 8. cap. 4. firmat Cardanus ad inis. com. 18. lib. 5. aph. Hipp.

Euoluentibus igitur nuper Galenica opera, ut instruetior fieret contra Fernellium supellex nostra, obtulit sese Galeni cap. 5. neque illepidum, neque inuenustum, ex lib. 9. meth. merendi, in quo præter alia haudquaquam extrita, subnotauimus, in omni tempore venæsectionem posse esse ex vsu. Sic enim habet facundia medicæ haud aspernandus auctor. *Maxima verò continentium febrium remedia, hæc duo sunt; detraction sanguinis, & posio frigida. Verum illa nullo non tempore, modo vires sustineant; hæc, cum & in pulsu, & urinis concoctionis evidentes seruantur nota, febris autem est maxima, &c.* Quid quæso euidentius dici potest? cum nullo non tempore, hoc est in omni tempore venæsectionem celebrandam imperet.

Extat locus eximius apud Galenum lib. de curand. rat. per sang. mis. c. 20. §. *Quocumque enim die mittendi sanguinis scopos in laborante inuenieris, in eo auxilium adhibeto, etiamsi vel vigesimus ab initio extiteris, &c.* Atqui scopi venæsectionis in augmento & statu inueniri possunt Ergo.

Deinde. Similis est putredo tumorum, & vasorum: sicut enim in suppuratis particulis, superante natura, pus gignitur; sic in humoribus qui in venis, atque arteriis continentur, quiddam quod puri proportionem responderet, subsidet in vrina, ex Galen. lib. 1. de dif. feb. cap. 6. Sed in augmento, & statu inflammationum sæpè conueniens est phlebotomia, ob metum magnitudinis exituræ, & timo-

rem noui defluxus est partem inflammatam, ut explicat eleganter Henticius à Cuelhar in senten. 5. 2. l. 2. prog. Hip. Ergo in morbis vasorum, ne calor suffocetur præ copia multa, (maximè si phlebotomia à principio fuerit prætermissa) erit aliquando celebranda. Nec in contrariam abeas sententiam, quod videris Galenum lib. 4. acut. com. 21. impedire venæsectionem istis, quibus pus collectum est; hos enim *puris vacuatione egere constat*: nam hoc loco de inflammationum curatione loquitur, quæ pure vacuato sanantur, non de præseruatione: si enim inflammatio sit propinqua membris præcipuis, timorque sit, ne præ conata naturæ, vnionéque innati caloris ad coquendum, & conficiendum pus, ad partem inflammatam, noua facta ebullitione, & concepto feruore concurrant, ij qui per corpus vagantur humores: tunc in statu inflammationum, vigente coctione, sanguinis missio differenda non est. Exemplo tibi sit, iuuenis ille, oculorum inflammatione laborans, cuius fecit commemorationem Galen. lib. de curand. rat. per sang. mis. 17. in cuius curatione tam copiosam per venæsectionem exequutus est post viginti dies vacuationem.

Amplius. Si Galenus in lib. de optima secta, cap. 38. non ratione temporis, sed virium habita ratione, in statu quiescendum imperat: cur si vires adsint, nec immineat proximè crisis, tunc temporis sanguinis missio, ut salutaris non est iudicanda? & maximè in augmento (hoc enim Augenius negat,) in quo licet coctionis signa euidentia appareant, ex Galen. lib. 1. cris. cap. 17. in eo tamen sanguinem emittit lib. de opt. sect. cap. 37. Quamuis enim coctio intendatur hoc tempore à natura, & illa iudicij celeritatem portendat, ex Hipp. lib. 1. epidem. sect. 2. text. 45. tamen sanguinis missionem tunc exercere præstat, ut breuior reddatur affectus, neve in aliud deterius malum commigeret: ut enim scitè docuit Vallesius lib. 4. meth. cap. 2. *sanguinis missio in quouis morbi tempore, est utilis.*

Insuper si sanguinis è naribus profluuium in statu, cocto morbo superueniens, soluit ægitudines, ex Galen. & Hippoc. lib. 4. acut. text. 10. & alibi: cur Medicus tunc naturam non imitabitur misso sanguine? Obiicies, omnem artem imitari naturam, nunquam tamen eandem esse posse, ex Arist. lib. 2. Physicor. cap. 2. & ob id naturam, factorem potentem dici ab Auic. 16. 3. irast. 5. c. 1. Cum igitur ipsius opera ab artis operibus multum distent, & ex Galen. lib. 1. de feb. cap. 1. §. *In quo sanè plurimum differunt natura opera, ab his qua humana arte sunt fabricata, &c.* eademque sapientior in operibus sit, ex Galen. lib. 7. de vsu part. cap. 13. quid mirum, eandem in statu morborum, in quo coctiones fieri prodidit Galen. lib. 3. cris. cap. 5. & 4. aph. 22. & lib. 1. aph. 12. cum Auic. 2. 4. irast. 1. cap. 2. per fluxum sanguinis sanare posse febrem? quam si nos vena secta eodem tempore curare intendamus, naturam debilitando, omnia confundemus: illa enim fecerint utile ab inutiles, ars verò cum malo bonum aufert, ex Gal. lib. de optim. sect. cap. 40. in fin.

Vera quidem hæc sunt, & è fecundissima priscorum penu hausta: ita sanè Hippocrates, & Galenus obseruandum præcipiunt, ubi naturam in vigore, perfectè & absolute ad expulsionem moueri contingit, quippe ex eodem Hippocrate lib. 1. aph. 20. *Quæ iudicantur, aut indicata sunt integrè, nec mouere nec nouare aliquid oportet, sed sinere,* ita ut si in vigore infra modum, languidiūque agat natura, quod deficit, imitando eam, venæsectione supplendum sit. Cur igitur si natura in statu nec coquit, nec secernit, sed pigre in vitroque opere se gerit, Medicus eius minister, & æmulator, venæsectionem (si vires ferunt) celebrandam non imperabit, antequam morbus denuò recrudescat? Quid plura? nonne ipse Galenus, à cuius decretis opinionem illam se mutuatum Fernellius refert, locis citatis palam facit, coctionem humorum neutiquam sanguinis detractionem prohibere? Nonne cum satis idonea coctione ægri in pleuritide, aliisque spiritalium partium affectibus materialibus mortem oppetunt? nam necesse est coctum esse humorem, & excerni per vias à natura destinatas; quod non semper contingere potest cum ægri commodo; multoties enim est humor coctus, & præ debilitate facultatis,



facultatis, aut humoris crassitie, lentoreve non excernitur, ex Gal. lib. 2. prog. 67. Secundò. Coctio salutem portendit, si perfecta sit, & vniuersalis: quoniam in parte quapiam potest humos coqui, toto morbo adhuc remanente crudo. Sic Crastina, & Scymni pictoris ancilla suppuratis parotidibus obiere, ex Hipp. 1. 1. epid. sect. 2. text. 84. Si verò parte hac studiosius quærat aliquis, ecquid de venæsectione in pleuritidis statu, vigente coctione, prodendum se ingerat ex veterum monumentis, respondeat hoc modo breuiter, apteque ambiguitati propozitæ sic propemodum posse videor, dummodo constet. Fernelianam doctrinam perpetuò haud posse esse veram.

Illud etiam testatum volumus, edictum Hippocraticum ferè esse intelligendum, dum in statu quiescendum esse asseuerat; dicta enim antiquorum præterquam quòd cum multo sale sunt intelligenda, vt cum Matthæo loquar lib. 9. de Almanf. part. 4. com. 3. etiam includunt in se theorematum, & præcepta, quæ in vniuersum ab artificibus pronuntiantur; raro vt prolata sunt, absolutè sunt accipienda, immò semper ferè sunt certis quibusdam limitationibus definienda, & terminanda; alioquin in eorum vsu errare frequenter contingit, vt notat doctissimus Trincauellius lib. 1. ad Glauc. cap. 14. sect. 84. id enim Galenus admonuit lib. 6. aph. 58. & alibi sæpe, nam quæ magna ex parte eueniunt, ea pro perpetuis habentur. Ex Galen. lib. 2. aph. 43. In statu ergo ferè melius est quietem habere, licet interdum, vt vidisti, sanguinem mittere non sit ab arte alienum.

Quamuis enim hoc auxilium, in morbi initio celebratum præstantius sit ob rationes dictas; tamen in processu morbi esse aliquando exercendum, etsi non ita copiosè, ob imminutum virium robur, haudquaquam inficior. Sic non ita vtiliter, vt monebat Celsus, post quartam sanguis, emittitur, ac in principio. Optimum igitur factum est (quod nos semper in re quaque facere vidisti) statim nò numero dierum, sed vni viriū robori in febribus eius generis attentum esse: quippe quòd sit seruatum est, non solum sexto, septimòve, sed etiam sequentibus diebus sanguis est emittendus, vt perbellè docuit Galenus lib. 9. meth. c. 5. post princip. Constat autem in septimo, qui plurimum non exactè peracutorum morborum est terminus, ex Galen. lib. 2. cris. cap. 12. & ante ipsum coctiones fieri: quo tempore facta phlebotomia, tempestiua est; quæ si sit cum virium tolerantia celebrata, maximam vtilitatem afferre solet: tunc enim tantum abest, vt damna proposita in argumentis subsequantur, vt potius deonerata natura humor in pleuritide, melius & coquatur, & expellatur. Neque verum est, in accessionibus semper tenuissimè esse cibandum; hoc enim placitum non perpetuò est amplectendum, vt proprio experimento contra diatriarios fusè confirmat Galenus lib. 8. meth. c. 2. & lib. 10. eiusdem cap. 3. Sic in morbi vigore plenius sæpe cibamus, quum vires exhaustæ sunt, vt scitè in com. 8. sent. lib. 1. aph. Hip. docuit Heurnius. Ex quibus liquet in pleuritide, aliisque continentibus febribus, si vires constent, adsitque morbi acuties, & feruor denuò ingrauescat, vigente coctione, etiam in statu, hauriri sanguinem rectè posse, vbi præsertim crisis non immineat, & in die decretorio non celebretur: quod vsu multiplicique experimento indies magis ac magis confirmo, cum ægrorum vtilitate summa.

## HISTORIA XX. RHASIS, de Pleuritide.

Sæua pleuritis, cum maxima debilitate,  
lethalis.

**A**lcamem patiebatur morbum, de quo \* dubitabatur in principio quòd esset pleuresis, & erat lateris sinistri, sed postea fuit certum: & non fuit phlebotomatus; & urina eius erat vehementer rubicunda; & scretus spumosus, & albus; \* & extremitates eius frigide, vt nix, & nunquam calefebant; & ante istud non videbatur quòd pateretur febre m, sed cor-

**A**pus apparebat semper frigidum; & oculi eius erant immobiles. Et nihil ego scieram de eo usque ad nonum diem; & quærebatur phlebotomari illa die; & cum tetigissem pulsum, inueni illum debilem & submersum, & prohibui phlebotomiam; & eius scretus erat viscosus; & prognosticatus sum quòd viveret per aliquot dies, & mortuum est illa die post octo horas, & c. Rhasius in cōtinent. lib. de mirabilibus curis, quas expertus fuit.

## PARAPHRASIS.

**M**aleficientissimam fuisse hanc pleuræ inflammationem, ex textus serie dilucidè constat. Extremorum enim frigiditas, pulsum obscuritas & debilitas, oculorum immobilitas, non solum inflammationis magnitudinem, sed malitiam, ex venenoso humore subortam ostendunt manifestè, ex Hip. lib. 4. aph. 48. & lib. 7. aph. 1. & 26. quæ spiritus animales, & vitales, potentiâsque omnino extinxit. Mitities enim & lenitas febris, prauissimis istis symptomatibus comitata, febrem non putredine tantum, sed mala qualitate cor fatigare euidenter demonstrat. In hunc sensum intelligendus est Galenus lib. 3. cris. cap. 4. dicens. debiles febres & paruas, quâdoque valde malignas esse. Ita in peste pulsus apparet similis sano, ex Gal. 3. de presag. ex pulsib. cap. 3. & 4. firmiter Auic. 1. 4. tract. 4. cap. 2. & 2. 4. tract. 1. cap. 80. Auenzoar 1. thez. ir. tract. 3. cap. 1. Rhasius lib. 10. ad Almanf. cap. 2. de peste. Explicat Mercurialis lib. 3. de excrement. 8. Potentia enim cum essent à venenosa aura impensè resoluta, & affectionem mortificationi similem paterentur, proximæque essent extinctioni; visorio spiritui, simulque vitali, qui tum oculi motus, tum pulsus robusti solent esse causa, ex toto veluti absumptis, hæc exitialia signa accidisse, non est cur miremur.

Insuper spumofum sputum, licet à Galen. 1. de const. art. medic. c. 17. & lib. 2. cris. cap. 10. non reprobetur, sicut nec candidum, aut glutinosum, quum interdum hoc sputum possit esse coctum, ex Gal. lib. 1. com. 33. pleuritidemque pituitosam significet, quæ post sanguineam mitior est: Hic de valde spumoso, aut glutinoso loquutum fuisse auctorem, intelligas velim; hoc enim valde reprobum est, & exitiale, apud Hip. lib. 2. prog. 47. quia ob exuperantem caliditatem apparere solet. Licet eum spumæ generatio duas habeat efficientes causas, ex Gal. 2. aph. com. 43. & lib. 7. aph. com. 30. nempe vehementiam motus, & intensam caliditatem: in animalis tamen corpore spumans deiectio, aut scretio, aut vrina, extranei caloris exuperantiam significant, vt in com. prog. protulit Gal.

In tanta caloris innati penuria sanguinem mittere, à ratione putauit alienum, sequutus Galen. lib. 9. meth. 13. §. Quippe si quem curare studes affectum, in autem vacuationem requirit, vires autem extrema imbecillitate laborant: toto illo tempore quo vires rescimus, eorum quæ affectu sanentur, nihil planè egrotanti exhibebimus. Vbi verò eo oboris peruenisse conijcimus, vt nihil, aut parum ex vacuando sunt ledenda, tunc est ad affectus curationem accedendum, & c. & maxime in pleuritide, in cuius curatione tantopere vires necessariæ sunt. Quapropter summa cum ratione dicebat Gal. melius esse virtutem non exoluere, quàm sanguinem vacuare redundantem, lib. 2. acut. com. 10. Cum ergo æger in agone esset, cum debilitate summa, eum tanquam deploratum sine auxilio reliquit, solo mortis præfagio vsus: nam quando summum vigorem excipit mors, in his, parte artis, videndum est sola, quæ prognostica nominatur, id quod futurum sit prænuntiantes, ne euentus verum nostro adscribatur errori, vt Galen. admonuit in com. 8. lib. 1. aph. quo autem pacto hoc sit intelligendum, diximus in lib. 1. in com. hist. 63. num. 7.

Mortem ergo præfagiens ab ægro discessit: Nam Medicus cognoscere debet, quis sit morbus lethalis, ex Hip. lib. 3. epidem. sect. 3. in fin. & ex eorum malitia, ac potestate periculum rimari opus est: neque enim omnium signorum æqua est dignitas, ex Gal. lib. 3. cris. cap. 2. lib. 2. prog. 55. & lib. 4. de rat. vict. com. 60. Sic iis inter se collatis mortis dies à Medico præcognoscitur, ex Gal. lib. 3. de cris. cap. 10.

Sed non parua dubitationis illud censeretur, cur præfagerit ægrum per aliquot dies victurum, & mortuus fuerit illa die? Dic, plurimos mori, non ex vi morbi citius,

citius, ac Medicus sperabar) sed ex aliquo humore venenoso in parte aliqua delitescente, & partes principes subito occupante, unde mors inopinata contingit: hoc pacto plures occumbunt subito, de quibus Medicus erat securus, ex Celso lib. 2. cap. 6. & Galen. lib. de constitut. art. medic. cap. 18.

Enim verò licet pleuritis hæc, esset biliosa, & acuta, ab humore bilioso, eoque calidissimo ortum ducens, cæterarum acutarum instar, quæ à bile frequenter proficiuntur, ex Aristot. lib. 1. quæst. 6. Galen. lib. 2. prog. 46. lib. 2. aph. 19. lib. 3. aph. 24. & lib. 7. aph. 32. Tamen morbus non solum ob partis inflammationem sæuam, sed ob venenatam humoris naturam, ægrum ab interitum deduxit.

## D V B I V M XII.

*Num pleuritidis cognitio sit scientifica, an naturalis.*

### COMMENTARIUM.

**D** *Vbitatur.* Consentaneum forè studiosi censuerint, ut hic vellicatim attingamus, si pleuritidis cognitio certa est, & scientifica, & habet certas notas, & definitas, quibus comprehenditur, ut expressè protulit Galenus 12. meth. cap. 7. nempe signa illa toties à Medicis repetita, & quæ soli pleuritidi, & omni conueniunt, ex Galen. lib. 1. aph. 12. & lib. de constit. art. medic. cap. 15. post. princip. & lib. 3. epidem. sect. 3. com. 34. à pleuritide inseparabilia, quæ sunt dolor punctorius, febris acuta, tussis, pulsus ferrinus, & difficultas respirationis, cur hoc loco auctor referat, in principio dubitarum fuisse à Medicis, an esset pleuresis.

Morbi externi qui in superficie siti sunt, faciliè tactu, visuque deprehenduntur, illi autem qui in imo corporis latent, & occulti sunt, & non sensibus, sed ratione inuestigantur, difficilè agnoscì possunt, ut lib. de art. nm. 21. Hipp. inquit, qui morborum clandestinorum curam, quàm delpe-ratorum magis esse admirandam proficitur: nam abditi morbi virum desiderant in arte peritum, & in anatomie valde exercitatum, ut tradit Galenus lib. de loc. affect. cap. 1. Hi enim sola coniectura artificiosa, & veritati proxima, mediæque inter scientiam & ignorantiam cognoscuntur. Pleuritis enim si quinque illa signa vulgatissima, manifesta habuerit, certis notis, his nempe pathognomonicis signis, vel minimo negotio, agnosceretur, quibus à cæteris thoracis inflammationibus clarissimè differt; de quarum classe censentur esse inflammatio membranae extrà costas succingentis, pericardij, cordis, septi, pulmonis. Si verò hæc signa non ita sint conspicua, & ob multas causas occultari contingat, tunc cognitio pleuritidis, rarò tamen, coniecturalis est, ex Galen. lib. 2. de rat. viis. com. 2. §. Et si pleuritis idem, vel peripneumoniam curaueris, ex ijs quæ spuerdo excernuntur. Verum cum præfata omnis dignotio coniecturalis sit, & non scientifica, non certa, compertaque, præsertim ubi in corporis imo sua sit, qua dolore affligitur particula, &c. (quam sententiam esse superiori ex diametro contrariam, rati sunt plures.) Nam ob humorum malitiam, ita extinguitur partis affectus calor, ut in corruptione, & in principium mortificationis abeat affectus, ex Galen. lib. 7. aph. 50. Rursus febris est aliquando ita pusilla, ut in pleuritide pestilenti euenire sæpe animaduertimus, & probant VVierus lib. obs. rararum, & Cardanus lib. de venenis, cap. penult. ut à Medico vix agnosci possit. Hoc modo mortuus est hic æger cum submerso pulsu, & quem, ut extremè frigidum, Medici ante Rasm minimè putabant esse febri correptum. Quare sæpe signa sunt fallacia, præsertim in maligna pleuritide, ut partem affecta, vix certò cognoscere queas, sed coniectura artificiosa opus sit. Ne ergo mireris Medicos qui ante Rasm hunc ægrum tractauere, in principio dubitasse, an esset pleuritis, cuius agnitio ferè ex se scientifica est, ut ait Galen. in methodo, licet aliquando, ob plura superuenientia symptomata, sit coniecturalis, ut affirmat in lib. de rat. viis. Ex quibus loca dissentientia concilia. Pro quorum expositione lege Vascum Castellum lib. de thoracis affectibus, tract. 5. de pleuritide, difficult. 1. qui licet

A loca repugnantia non viderit, dubium tamen alio modo exponit. Cuius solutionem proposuit etiam doctissimus Rorarius in contradiet. Gal. contradiet. 121.

## Observatio V.

*Pleuritis fraudulenta intra duos dies interficiens.*

**A** Ntiquissimus Medicus lib. 2. aph. 27. nos monuit, ne ijs fidamus, quæ sine ratione leuant. Ob hæc causam, repugnantibus cæteris, & bonam spem concipientibus, mortem certò præfagiui in quodam robustissimo milite, qui pleuritide laborans, intra duos dies inopinatò occubuit. Cum enim leuis esset, & tenuis febricula, dolorque citra rationem, hoc est, vacuationem cessaret, & praua cum sputo spumoso vrgerent symptomata, ut sitis ingens, fastidium sumum, vigilia, inquietudo, vomitus, cardiomgmos, periculum futurum timui, & partis inflammata corruptionem; nam sæuiente maligna pleuritide ægri dolorem non sentiunt, facultas enim ab interno veneno, extincta, nec sensibilia valde immutantia percipit, ex Galen. 3. epidem. sect. 2. com. 3. Hoc modo sitis non extratione soluta in acutis morbis, mala est, apud Hippoc. lib. 2. prorrhetic. text. 22.

## QVÆSTIO XIX.

*Quid pleuritis sinistra sit dextra periculosior. Cõtra Vallesium, Percedam, Mercurialem, & Massariam, doctissimos.*

**L** Ateris sinistri.] Quæstio est ab antiquis Auicennæ interpretibus agitata, num pleuritis lateris sinistri sit deterior, quàm lateris dextri: & licet hi in ea explicanda industriam maximam, operamque impenderint, multa tamen supersunt enucleanda, quæ puriorem limam exigere videntur.

Complutensis Academiae decus, Vallesius, Medicus, & Philosophus insignis, cuius raris monumentis Hippocratica tribus fecundatur, lib. 7. epid. in com. text. 13. hoc negotium putat parui esse momenti; nam Medici qui pleuritidis curationem aggrediuntur non multum curant utrum latus doleat. Sed fallitur meo quidem iudicio, vir hic licet cyclicè doctus: multum enim refert ad morbi maiorem magnitudinem, & malignitatem indagandam, scire, an pars præstantior, & nobilior laboret, cum ex Galeni doctrina, lata in lib. 4. meth. 6. ex partis præstantia morbi magnitudo arguatur; & si præsidia debent contendere cum morbo in magnitudine, & celeritate, parti nobiliori acuto morbo vexatæ auxiliares manus citius adhibere oportet. Deinde. Valde interest scire, an morbi geniti in parte dextra, sint periculosiores pronatis in parte sinistra; nam Hemigrania, Ophthalmia, Angina, Colicus dolor, Nephriticus, Podagra, Coxendicis dolor, tremor, Paralysis, tam in dextra parte, quàm sinistra contingere solent: de quibus morbis si auctores grauissimi, super eodem argumento doctissimas fecere quæstiones: cur in pleuritide, affectu sanè acutissimo, & in regione nobilissima excitato, ad cognoscendam maiorem vehementiam causæ; res ad viuum non experdetur? id appetitissimè appunxit Hippocr. lib. 2. epidem. sect. 6. in med. dum, sic ait. Circa naturam plurimam vim habet mamma dextra, &c. hoc est, ut in com. text. 21. interpretatur Vallesius, velut palinodiam recantans, magnum momentum habet, dextra pars, an sinistra laboret. Sic lib. 7. cit. epid. num. 11. Filio Amphiphradis, æstate, lateris sinistri dolor, &c. Hippocrates ergo non dixisset pleuritidem huius ægri, qui ex pleuritide obiit, fuisse lateris sinistri, nisi hoc haberet maximum momentum ad morbi vehementiam, & malignitatem cognoscendam: nam nihil scripsit temerè, ut Galenus inculcat lib. 8. de usu part. cap. 6. cuius syllabas, nedum dictiones, esse à Medico perito notandas, tradidit lib. de comate, cap. 3.

Auicenna 10. 3. tract. 4. cap. 4. de pleuritide agens, quæstionem primus omnium proposuit, dicens: multos existimasse, pleuritidè lateris dextri deteriore esse, & alios contrariam

riam sententiam habuisse. Concludit tamen ex sententia sua, A pleuritidem partis sinistra deteriorem esse, quoniam hac pars principalior est, & magis vicina cordi; esse tamen paratiorem resolutioni, & maturationi, dextri verò lateris pleuritidem minus, esse periculosam, attamen diuturnam aperte asseuerat.

Conciliator, in discutiendis controuersis auctor non incelebris, *dis. 99.* proponit quæstionem disputandam, eamque omni ferè ex parte cum Auicenna soluit, affirmans lateris sinistri pleuritidem prauiores esse materia, loco, symptomatibus, & curatione: nam quum ex humore calidiori, & acriori oriatur, deterior est. Deinde pars sinistra calidior est dextra, & nobilior, ob maiorem viciniam cum cordis sinistro ventriculo, qui dextro præstantior est: hac de causa sæuiora symptomata infert, acutiorem febrem, anxietatem, animi deliquium, syncopen, pulsum deficientem, & intermittentem; & quoniam partis natura symptomatum vehementia pressa causam inflammationis non ita nititur expellere, idè neque humor hac de causa concoquitur, discutitur, aut excernitur. In hunc sensum dicebat Auicenna. 2. 3. tract. 1. cap. 11. de tremore agens, illum esse magis perniciosum, qui incipit à latere sinistro.

Vallesius in com. cit. loc. epidem. contrariam sententiam statuens, lateris dextri pleuritidem, maiorem esse, & acutiorem asseuerat, quoniam pars dextra calidior est, & sanguinolentior, cuius opinionem licet redarguat Pereda, Paschalij Scholiastes egregius in schol. cap. 27. lib. 1. de curand. morb. vtramque tamen pleuritidem æquè periculosam esse retur, quum æqualis dignitatis partes occupat C inflammatio. At si cætera sint paria, solumque de situ contentio sit dextram pleuritidem sinistra esse periculosiorem, plurima sunt quæ enidèter probant argumenta, quibus forsitan deducti auctores ita coguntur opinari.

Primò, Partes dextræ sunt præstantiores, & robustiores sinistris, ex Aristot. 3. 1. sect. probl. 13. ergo morbi geniti in parte dextra erunt deteriores, quum maiorem causæ magnitudinem præsupponant: quantò enim robur partis maius est, tantò morbus illi est magis impropotionalis; cum enim magis resistat; vehementiorem causam significat.

Secundò, Partes dextræ sunt calidiores sinistris, ex Hip. lib. 5. aph. 48. & lib. 6. epidem. sect. 2. 44. & ex Galen. in com. ergo in parte dextra maiores sunt inflammationes, & periculosiores. Maior patet, nam in dextra parte iecur locatur, membrum sanè calidissimum, & fons caloris nuncupatum; in latere verò sinistro est lien. Et licet cor monente Magistro lib. de usu part. c. 2. in medio thoracis secundum omnem dimensionem constitutum sit, inclinèturque ad læuam partem ob ventriculum sinistram, & arteriam magnam, vergit tamen ad partem dextram ob ventriculum dextrum, & venam cauam; & arteria magna etsi oriatur in parte sinistra, statim ad spinam dorsii reflectitur, partibusque dextris, & sinistris pares ramos transmittit, in magnitudine tamen inæquali, nam ad dextram partem mittit maiores, ad sinistram minores: hæc est causa, quare pulsus in brachio dextro maior est, quàm in sinistro. Quare si partes dextræ ob rectitudinem hepatis, spiritu & sanguine magis abundant, & sunt calidiores, inflammatio in iis suboritur erit acutior, & deterior. Sic sentiunt Massaria, 2. praxia, 3. Mercurial. 3. de morb. intern. cap. 6.

Tertiò, Illa pars est nobilior, præstantior, & vitæ magis necessaria, quæ postremò deficiente iam vitæ, & animali quasi extincto, remanet: sed prope mortem, deficiente pulsu in parte sinistra, remanet in dextra. Ergo. Hæc ratione cor dicitur fons caloris, principium vitæ, & pulsus, quod tamen vltimò emoritur: idè dicebat Galenus lib. 5. de loc. c. 1. in princip. animal nō mori, nisi ob immodicam cordis intemperantiam. Addiderim, mortuo animali, præsertimque ob multitudinem sanguinis suffocato, in ventriculo dextro, & venâ caua copiam sanguinis reperiri, qui in sinistro, & arteria magna non inuenitur, quæ omnia sanguinem, & spiritum ad ventriculum dextrum, tanquam ad radicem, & partem præstantiorem confluere manifeste ostendunt.

Quartò, Partes dextræ magis mouentur, quàm sinistræ,

igitur in dextris maiores, & acutiores erunt inflammationes, si verum est motum angere fluxiones, & inflammaciones, ex Galen. 1. 3. meth. 16. & 1. de diff. feb. cap. 9. docente partes inflammatas in quiete esse reponendas. Maior est vera, si fidem adhibemus Aristoteli dicenti lib. 2. de calo, cap. 2. dextrum illud nuncupari vnde incipit motus: & cum omnis motus debeat inniti alicui quiesceret; in omni animali quod mouetur, debuit esse aliqua pars quæ quiesceret temperamenti ratione, qualis est sinistra, quia frigidior; & debuit esse aliqua pars vnde inciperet motus, qualis dextra, quæ calidior existit; nam caliditas iuuat ad motum, frigiditas impedit; quod in homine maximè erat necessarium, qui varias artes exercet texendi, scribendi, suendi, ædificandi.

Quintò, Partes dextræ acutiùs sentiunt, quum sint magis temperatæ, magis dolent, quæ de causa promptius irritantur, & fluxiones recipiunt maiores, ratione quarum deterior inflammatio concitari solet. In hunc sensum Hip. 3. epid. sect. 3. text. 19. In historia Anaxionis, qui laborauit gravissima pleuritide, retulit, fuisse lateris dextri, quod & 3. continetis, Rhafius affirmat.

Sextò, Hippocrates lib. 2. de morb. num. 51. cum agit de suppuratione, hanc optat fieri in latere sinistro; nam cum, minori noxa ea pars secatur, & vritur, sicquæ melius pus in cavitare thoracis contentum extrahitur.

Sed si hæc ad Cleanthis lucernam expendantur, nullius esse momenti reperiemus. Quacumque enim ratione finiatur pleuritis, corruptione, suppuratione, aut resolutione, (nam induratio, quæ cæteræ inflammationes finire sæpe solent, in loco calido, & in materia calida resolutioni parata, est rarissima) pleuritis lateris sinistri deterior est, & à fortiori causa pronata, & breuioris terminationis: quæ sententia ex argumentorum solutione patebit aperte.

Dic ad primum, & secundum. Licet verum sit, partes dextras esse robustiores, calidiores & nobiliores partibus sinistris, quæ ratione earum affectus grauiiores, & acutiores esse debent: in thorace res se aliter habet, cuius pars sinistra, & nobilior, & robustior, & calidior est dextra, quoniam magis accedit ad cordis sinistram ventriculum, qui nobilior, & calidior est dextro. Hoc videtur insinuare Galenus lib. 5. de loc. affect. c. 2. docens inflammationem cordis, & solutionem continui in latere lethalem esse, & maximè quando vulnus sinistram ventriculum penetravit: tunc enim subito animalia occumbunt. Et lib. 6. de loc. c. 9. agens de numero ventriculorum cordis, dextrum non esse absolute necessarium, sed in gratiam pulmonis, ut ei alimentum suppeditaret, arbitratur; argumento sunt pisces, voce & pulmone carentes, qui in corde non habent ventriculum dextrum. Amplius, Spiritus vitalis est perfectior, & calidior sanguine: ergo ventriculus sinister est nobilior, & calidior dextro. Patet sequela, ex Galen. lib. 3. de facult. natural. cap. 15. nam spiritus vitalis generatur in sinistro ventriculo ex sanguine suppeditato à dextro; & vt valde extenuaretur, & elaboraretur, ut natura spiritus desiderabat inter ventriculum dextrum, & sinistram reperitur septum transversum, crassissimum, foveis & meatibus plenum, in quo sanguis retentus, purior redditur, & perfectior. Adde, ventriculus dextrum sanguineum esse, sinistram spirituosum: & quamuis in venis, & in ventriculo dextro aliquis spiritus reperitur, is tamen impurus est, nebulosus & crassus; in sinistro purus, elaboratus, tenuis & flauus. Hæc est causa, quare lib. 6. de usu part. 16. Galenus affirmat, ventriculum sinistram habere carnem compactam, & duram, ne spiritus tenuissimus & syncerissimus, ob tenuitatem resolveretur, & euanesceret. Habet ergo sese ventriculus sinister respectu dextri, sicut arteria respectu venæ: & licet hic extensius sit calidissimus, sinister tamen intensius calidior est; tantæque huius caliditas, ut si digitus in eum intromittatur, viuente animali, vratur prorsus sit necesse, monente Galeno lib. de inæqual. intemp. 5. & lib. 2. de temp. c. 3. in fin. Denique cor in medio thoracis licet sit locatum, ut vitalem spiritum, & viuificum nectar in omnia extrema diffundat, hoc de sola basi intelligendum est; nam reliquum cordis corpus turbinato mucrone sensim in sinistram

sinistrum latus infra laeuam papillam declinat, vt 2. *de placit.* Plat. & Hip. *cap. 4. in init.* dicebat Galenus, explicat Petrus Laurembergius *cap. 39. anatomia, in princip.* Ibi enim conspicua pulsatio tangentibus nobis deprehenditur. Hoc enim quia aduersarij putarunt esse falsum, idcirco contrariam sententiam probabiliorem esse adstruxerunt, quorum mentem commune anatomicorum redarguit experimentum, Laurentij, Rinzi, Plateri, Vafzi, Columbi, Valucidæ, Vesalij, Bauhini, Spigelij, qui edocti ab ipso Galeno *loc. cit.* cor quodammodo in medio thorace locatum esse, in sinistro tamen latus declinare persuasere. Quapropter si ventriculus cordis sinister dextro est calidior, nobilior, ac robustior, pleuritis in sinistra parte concitata, erit deterior & acutior, quoniam occupat partem sinistram, in qua sinister cordis ventriculus nobilissimus sedem habet; nam partes principes diu noxas graues nequeunt tolerare & humor in parte calidissima impactus, feruet, furit, & ebullit.

Ad tertium licet Galenus *lib. 7. de anatomic. administrat. cap. 15.* causam per otium disquirendam censeat, ob quam facta dissectione in animali viuo prope mortem, prius cesset motus in ventriculo sinistro, quam in dextro, quoniam in eo loco eius institutum non erat causas rimari, ea ratio reddi potest commodissima; cum enim facultas vitalis extreme languida est, substantiam ventriculi sinistri crassam, compactam, & grauem non potest mouere. Non igitur hac ratione concludendum est, radicem vitæ in ventriculo dextro sitam esse. Adde prope mortem vniuersum sanguinem, & spiritum ex toto confluere ad cor; velut ad vitæ focum, in quo spiritus cum sint tenuissimi, resoluuntur; & cum neque in ventriculo sinistro, neque in arteriis alij de nouo regenerentur, ob horum absentiam cessat motus in ventriculo laeuo; in dextro apparet, ob sanguinis multitudinem, quæ præ crassitie absumi non potuit.

Ad quartum. Verum quidem esse partes dexteras tempore sanitatis magis moueri sinistris, sed ex hoc argumento aperte inferitur, dextram pleuritidem esse minus periculosam, posita in omnibus paritate; nec enim mirum est, dextram partem præ motu maiorem inflammationem pati posse, ex maiori humorum confluxu subortam: mirum tamen laeuam æqualem pati inflammationem minus moram, quod sine dubio maiorem causam præsupponit. Deinde tempore morbi, ægri quiescere debent, nec debent mouere partes dexteras, aut sinistras, vt docet Hippocrates *lib. 2. aph. 48.* Sed solum facultatis animalis ope indigent pro respiratione, auctore Galeno *lib. 7. meth. ult.* & in respiratione non minus partes dextræ, quam sinistræ & mouentur.

### D V B I V M XIII.

*Num oculus dexter sinistro sit obtusior. Contra Amatum, & Plempium doctissimos.*

**A**D quintum. Dic partes sinistras vincere dexteras in sentiendo, quum sint debiliores, & magis patiantur sensus autem passione fit, vt *sect. 3. 1. probl. 13. & 19.* Aristoteles Docet. Adde partes dexteras, & sinistras non differre sensu, quia vtræque æqualiter neruos, eiusdem conditionis recipiunt pro sensu. Si verò inter has litigium sit, quænam exactius iudicet sensibile, ego parti sinistræ præstantiam tribuerem. Sic oculus sinister melius videt dextro, vt ex multorum sententia retulit Galenus *lib. 6. epid. sect. 2. com. 44.* & probat Aristot. *cit. loc. probl. 19.* Sequuntur Mercurialis in *com. 10. histor. epidemic. in verbo quadragesima die.* Ludouic. Lemosius in *com. ap. 3. lib. 6. meth. Gal. disp. 2.* Leuinus Lemnius. *lib. 4. de occultis natur. miraculis, cap. 4.* dum sic inquit. *Ceterum quod dexter oculus sinistro sit obtusior, in se quisque experiri potest, id efficit in adulta ætate, crassior, densiorque spiritus. & quod ferè ex dextri lateris incubitu vapores nocturni eo deriuentur, ac confluant: in senectute verò magis, siccessit oculus dexter, ac calor hepatis humores qui visioni adminiculantur, depopulantur; sinister autè humidior est nec in eo facile vel spiritus extenuantur, aut humores, arefcunt.*

**A** & C. Quæ positio de natua, non morbosa affectione intelligenda est; cum ab hepate, membro calidissimo, & in quo perennis adest coctio, & humorum ebullitio, vapores ascendant visionem inturbantes. Horum sententiam amplectitur Manardus doctissimus *l. 1. 4. epist. 4. post princ.* dicens. *Quod verò oculus dexter magis quam sinister lachrymas emittat, ex maiore eius imbecillitate puto contingere. Ferè enim cunctis hominibus dexter oculus sinistro solet esse debilior, cuius causam in problematis scripsit Aristoteles, nec opera pretium est hoc loco referre & c.* Eâ tamè ego esse existimo, quod cum omnia omnibus consentiant præsertimque dextra cum dextris, & sinistra cum sinistris sympathiam veluti quandam inter se habeant secundum rectum ex sinistro cordis ventriculo, qui ad laeuam thoracis partem declinat, in quo spiritus vitales affabrè elaborantur, animali spiritui visuali materia suppeditetur abundans, quæ ad sinistram opticum neruum delata oculi sinistri visionem perfectiorem reddit; ex vitali enim spiritu animalem generari multis in locis fatetur Galenus hunc autem in opticis contineri, manifestè edocuit ipse, *lib. 1. de caus. sympt. c. 2. in princip.* nam clauso alteruto oculo, momento dilatatur pupilla, quod à spiritu fit, non ab humore: quia ab vna in alteram pupillam non tam subito fluere, ac refluere humor. Hoc etiam apparet in suffusionibus: si enim clauso oculo alter dilatatur, signum est videndi actionem non omnino interceptam, & quandam adhuc spiritui patere aditum. Oculus ergo sinister spiritum viuidiorem, & magis purum à parte sinistra cerebri haurit, qui è laeuo cordis ventriculo ebulliens, in illam partem secundum rectitudinem inspirat. Si verò Hippocrates *lib. 2. epid. sect. 6. in med.* aliter videtur sentire, dicens, *circa naturam plurimam vim habet mamma dextra, & oculus dexter, & c.* ad venandum totius temperamentum intelligendus est; licet enim multum præstent naturali calore partes dextræ, quia in dextra parte hepar situm est, principium omnis nutritionis, & dextræ partes hac de causa sinistris sint firmiores, vt in *com. Vallesius* edocuit, tamen hoc ad caliditatem, & firmitudinem vniuersalem indagandam, recipiendum: Nam, vt Aristoteles *loco cit. problemat.* dicebat: *nullus sensus dexter sinistro est præstantior, & auris sinistra melius audit dextræ, & oculus sinister melius videt dextro.* Ex his patet errasse Amatum *lib. 4. centur. ult.* contrariam sententiam amplectentem. Cum Fortunato Plempio, qui vltro citroque discursans *lib. 4. elegantissimo, & ingeniosissimo de ophthalmographia, probl. 47.* æquè oculum dextrum, ac sinistram videndo præstare arbitratus est, cuius argumenta ex dictis solui possunt Tu verò de argumento hoc, Vide ingeniosum, & perdoctum Lupeum *lib. 3. enchirid. cap. de lippitudine.*

Ad vltimum dic, diuersum esse iudicium de pleuritide, & suppuratione: & licet eadem ratio esset, oporat Hippocrates, vt fiat suppuratio in sinistris; quoniam hæ partes robustiores sunt, & maiori pollent vigore ad coquendum, & excernendum pus. Præterquam liber ille Hipp. non censetur, vt probant Ludouicus Lemosius in *iudicio operum magni Hip. cap. 7.* & Mercurialis in *censura libror. Hip. cum Galen. 6. epidem. sect. 1. 29.* Ergo si pars sinistra thoracis præstantior, calidior, & robustior est dextra, morbus partis sinistræ, quam dextræ maior erit ac deterior, ac proinde sinistra pleuritis dextra periculosior est censenda. Lege Vascum Castellum *lib. de thoracis affectibus, tract. 5. cap. 7. difficult. 10.*

### Q V Æ S T I O XX.

*Quod lipyria Arabū valdè distet à lipyria Gracorum. Contra Jacob. Vgon. Mercat. Costæum, & Fonsecam doctissimos.*

**E**T extremitates eius frigide.] Quæstio est litigij, dissensionisque plenissima, num lipyria febris sit morbus, vt voluere Arabes, an ex partiū internarum inflammatione oriatur, vt Græci docuere. Et in primis audiamus Græcos huius factionis acerrimos defensores, In internis, præcipuisque



puisque partibus inflammatio quandoque oritur, quam, *ignem sacrum circa viscera, & partes internas*, Actius, vocat retrab. 2. serm. 1. c. 89. de lypyria, quæ inflammatio à Galeno lib. finit. medic. c. 18. erysipelas dicitur, & est tumor rubens, dolorificus, à bilioso sanguine originem ducens, de quo præter Græcos, & Barbaros, differunt Manardus lib. 7. & 8. epist. 2. Dionysius Dacæ lib. 2. de apostemat. cap. 41. Dicitur autem sacer, quasi sit execrandus, quoniam comburit partes: licet Celsus lib. 5. cap. 28. rub. 3. illum faciat morbum ab erysipelate distinctum; quod fecit etiam Plinius lib. 28. nat. histor. cap. 11. Quamuis autem hic affectus ferè cutim & corium inuadat, internarum tamen partium multoties superficiem occupat. Galen. enim hepar lib. 4. de loc. affect. cap. 8. & lib. 5. eiusd. c. 7. pulmonem lib. 2. de loc. 9. ventriculum lib. 4. acut. 1. & lib. 1. epid. sect. 2. com. 73. & 2. cris. cap. 7. utrum, vesicam, & alias nostri corpori partes interiores, erysipelate tentari manifestè, concedit, & deinde lypyriam febrem subsequi non est dubitandum; tunc namque cum extremorum frigiditate, interiora vruntur, ac sitim habent, ex Hippocr. & Galen. lib. 4. aph. 48. Cum enim fortis inflammationis calor vehemens fuerit, ut ad se trahat modo cucurbitula ex toto corpore sanguinem, is qui ita se habent, viscera peruruntur, extrema autem partes frigescent, propter defectum sanguinis ad viscera se recipientis: & eorum plerique ne tegumenta quidem tolerant, propter incendium quod in viscere sentiunt, ut lib. 7. aph. 1. & 26. Galenus edocuit, qui casu solis accidit febribus ardentibus, perniciosus, malignus, veluti lypyriæ, nulla verò febris alia profundiora perurit, cui refrigerata, ut cit. lib. 4. aph. & lib. 4. acut. com. 16. ipse asseuerat. Hæc verò internas, easque vehementes viscerum sequitur inflammationes, & maligna est, ex Gal. lib. 2. cris. c. 7. 9. Febris verò ardens maligna, vel pulmonis, vel hepatis, vel ventriculi erysipelatibus aduenit, & c. Ex quibus euidenter constat, Græcorum lypyriam ab inflammatione partium internarum oriri, & in ea huius febris causam consistere, cuius vi, euocato calore, cucurbitæ ritu ad interiores sedes, hæc vrantur, & frigeant externæ, ut sibi persuasit Gal. tum loc. cit. tum lib. de inequal. intemp. c. 8. & lib. 2. prog. 4. Quibus locis Galeni comoti Christoph. à Vega. Ioan. Brauus. in com. c. 6. lib. 2. Gal. de diff. feb. Ioan. Agricola Ammonius. in com. c. 8. lib. de inequal. intemp. Hollerius lib. 2. de morb. intern. sit. de lypyria, Ioubertus lib. 2. de febrib. c. 15. Fernellius lib. 4. patholog. c. 7. Fuchsius in com. sentent. 48. l. 4. aph. & alij, lypyriam in internarum partium inflammatione consistere sibi persuasere. Si verò lib. 7. aph. com. 42. lypyriam esse sine partis inflammatione affirmavit, ex aliorum loquutus est sententia, in qua contradictione enucleanda lege Valesium, lib. 5. controuers. 23.

His prælibatis ad Arabes descendamus. Auicenna 1. 4. tract. 2. c. 51. Lypyriam ex pituita, & bile crassa circa viscera incensa oriri refert, in qua interiora calent, & vruntur: hæc de causa exteriora refrigerantur, vel ob caloris ad intima recursus, aut vaporum effluxum ad partes extimas, qui licet mediocriter calidi sint, a fonte tamen caloris, & putredinis à qua incaluerunt, recedentes, ad propriam redeunt naturam; interna verò partes, non dissipatis his, neque diffilatis magis incallescunt: & maxime quoniam pituita, & bilis crassa putrescentes, ubi incendium conceperint, diu & importunè id conseruant: quæ de causa totus calor rapitur ad viscera, & ad locum putredinis confugit, unde interna ardēt, extrema frigent. Quo pacto lypyria est verè morbus inter continuas febres numeranda. Hanc Auicennæ sententiam approbat Rhafius hoc in loco, referens hunc agrum cum urina vehementer rubicunda, quæ biliosum humorem nimis exardescens, & igneum in venoso genere redundare indicabat, habuisse extremitates frigidas: quod facit etiam lib. 10. ad Almanf. c. 11. & Halyabbas lib. 3. præf. 18. Serapio tract. 6. cap. 17. Mesuè de feb. putrid. c. 1. Ilhac. lib. 8. theoric. cap. 6. in fin. Nicolus serm. 2. tract. 2. cap. 3. Explanant luculenter Iacobus de partibus, Ioannes Costæus in com.

Diuersa ergo est lypyria Arabum, à lypyria Græcorum. Illa enim licet bilis crassæ naturam sapiat, est tamen à prædominio pituitosa, & verè morbus; hæc ardens, ut citatis locis Galeni constat, & quæ potius similitudine quadam lypyria dici potest, quum sit biliosa, incendiola, & non

Lib. II.

A ab humore pituitoso putrescente, ut alia originem ducat, sed ab exusto, sicco calidissimo, in inflammata parte coërcito, furēti, & pernicioso, & principum partium inflammationibus grauissimis superueniat, ut 4. aph. & 2. cris. cit. docuit Galenus.

Incaustum ergo laborant Mercatus lib. 6. de febrib. cap. de lypyria. Fonseca in methodo curandarum febrium quas Iacchinus omisit, cap. de lypyria, Ioannes Cestæus in com. cit. c. Auicenn. volentes inter Arabes, & Græcos hanc componere litem: distinguunt enim lypyriam, in legitimam & propriam, & in illegitimam & impropriam; hanc fuisse Græcorum, illam Arabum lypyriam esse asseuerant: nam hæc inter se maximè distant, in humore, putredinis modo, pernicie maiori: Græcorum enim lypyriam humor concitat calidissimus, valde perniciosus, non ita ventilatus, sed in inflammatione veluti conculcatus, ac diffilari prohibitus, acris, malignus, se rem signis prauissimis comitatam constituens. Contra, in Arabum lypyria omnia mitiora sunt. Hanc distinctionem fecere prius Vgo Senensis, & Iacobus de Forliuio in com. cit. sent. 48. lib. 4. aph. Sed cum nullibi apud antiquos scriptores hæc distinctio sit prolata, ei assentiri minimè possum: Sic enim hac solutione omnes medicæ artis difficultates ad libitum solui possent. Lege Vegam in com. sent. 4. lib. 2. prog. Hippocr.

## DV B I V M XIV.

Num possint internæ partes, extimis calentibus, frigesieri.

N Vm tamen contrà possint internæ partes, extimis calentibus, frigesieri, dubium est scitu dignissimum. Henricus Cuelhar in suis doctis com. ad text. 4. lib. 2. prog. Hoc contingere posse non dubitat. Firmat Auicenn. 2. 4. tract. 1. c. 43. 9. Exitus vaporis calidi ex cute cum anhelitu frigidus est significatio perniciofa, & non fit nisi quia caliditas cordis finita est, & c. & cap. 48. 9. Et adustio extremitatum, & cutis cum frigiditate ventris, est signum mortis iterum, & c. Hanc prius edocuit Hippocrates doctrinam, 1. 6. epid. sect. 4. com. 30. dum sic inquit. Signa mortifera per cutem, calidus vapor, prius nares frigidum spiritum reddunt, & c. Illustris explanator in com. causam reddens, cur in ardentissima febre, sudore calido emanante, frigidum respicient ægrotantes, sic inquit. Nam interituri corpore valde calente frigidum expirant, quod ab inopia spiritus, calorisque innati ab igneo calore resoluti, euenire est dicendum, ut aduertit Veiga lib. 5. de loc. cap. 1. verbo, iecinoris. Licet enim ardentissima præcesserit febris, quum tamen hac calorem naturalem depopuletur, & absumat, tunc exufflatio frigida, hoc est, parum calida sentitur: nam accenso corde absurdum videtur existimare interiora alia membra posse frigere, & magis cum viuentis animali frigus non ita detur intensum, ut viscera interna frigesfaciat, ut 6. epid. sect. 5. com. 27. asseuerat Galenus: alioquin frigans homo interiret. Audi Galenum loc. supra citat. epidemion. Illis enim solis id euenire comperia, quorum mortem calidissima febris antecessit, quæ corpus ipsum cordis torrens, atque ideo ipsum postremo refrigerauit; vitali ergo renore, moriente iam corde, euanescente, in alijs quidè sudores syncope inferentes proueniunt, multorum scilicet humorum pleno corpore: illis autem qui ex feruida febre ante exaruerunt, profudoribus calidus vapor tangenti tibi diffilari videbitur, & c. Ex quo loco apertissime constat, cum frigida respiratione calidum ex cute vaporem posse emanare. Neque hoc tibi videatur mirum; nam præ incendio interno vitalis viscerum spiritus exhalat à calore igneo exhaustus, cutis verò calido vapore elato sentitur calida. Num verò detur genus febris, in quo intima frigeant, externa caleant, ob causam diuersi humoris putrescentis in parte diuersa, quam Auic. 1. 4. tract. 2. c. 50. Epialam vocat, quam lypyriæ facit contrariam, latissime explanant Gentilis, Dinus, & Iacobus vterque in com. cit. loc. Auic. Et nisi Auicennæ mens acutius interpretetur, non video quomodo cum Galeni doctrina constare possit, cum nomen febris contrarium demonstraret manifestè, nam febris à feruore interno dicta est.

T

Interim

Interim lege Vallesium lib. 5. controuers. cap. 24. Galeni interpretres, ad cap. 6. Galeni lib. 2. de diff. feb. Vegam, Veigam, Trincauallium, Brauum, & Montanum, qui de hoc argumento eloquentissimè disceptarunt.

## HISTORIA XXI. GALENI, de Pleuritide.

Pleuriticus in declinatione positus, lentium  
esu, emortuus.

**Q**uare qui \* lenticulam cum aceto confectam pleuritico, morbo iam declinato, ut nihil aliud quam coctorum ex-  
punctionem desideraret, exhibuit, is non immeritò languenti ipsi, qui sequenti nocte suffocatus est, mortis causa fuisse est visus.  
Verum lenticulam nemo, qui mentis compos fuerit, dederit.  
Gal. lib. 1. de rat. vict. in morb. acut. com. 27.

## QVÆSTIO XXI.

Quòd lentes in biliosa pleuritide concedi possint, ut  
voluit Auicē. Contra Matthæum, Costæum  
Fuchsum, Amatū & communem ferē  
Medicorum sententiam,

### COMMENTARIUM.

**L**enticulam.] Cornelius Celsus, syncerioris Medicinæ  
auctor longè clarissimus lib. 4. sui operis, c. 6. scriptum  
reliquit, in pleuritide calidis potionibus vitendum esse. Nam  
actu frigida nocent pectori, humorem incrassant, ac ipsum  
excerni prohibent. Quapropter summa cum ratione, in  
hac historia, errorem Medicorum detegit Galen. qui nulla  
de partis sit consideratione habita, in hoc affectu frigida,  
& styptica propinare ausi sunt; inter quæ primo loco len-  
tes proposuit. In cuius rei confirmationem, historiam  
hanc in medium profert, & meritò sanè, uam frigidissimus  
cibus, est lens, ex Hip. in l. 6. epid. sect. 5. text. 32. incrassans,  
& obstruens, ex Gal. lib. 8. simpl. lib. de alim. facult. cap. 1.  
quamobrem frigiditate & siccitate, spiritalia membra re-  
frigerat, humorem crassiores reddit, & ad expectorandum  
maximè ineptum, præsertim si cum aceto conditur; hoc  
enim, auctore Gal lib. 3. acut. com. 39. suapte natura neruos  
offendit: quum enim sit tenuium partium, in eorum  
mergitur profundum, sicque thoracis partibus est inimi-  
cissimum ex Hip. & Gal. lib. 5. aph. 24. Vnde vel membra-  
nas, ligamenta, tendones, & exangues partes omnes lædit  
frigus, vel sensu eximio præditas, ut uerum, vesicam,  
intestina, penem, thoracem, ut scitè in com. 18. sent. lib. 5.  
aph. annotauit Heurnius. Ab aceti enim frigiditate faciliè  
thoracis partes refrigeratæ non expellunt purgamenta, quæ  
retenta dolorem acutiores afferunt. Iure ergo Trallian.  
lib. 6. cap. 1. calidis potionibus affectus thoracis ad expe-  
ctorandum esse tractandos asseuerat.

Insuper, quis hoc cibarium ægris concedere audebit?  
quod æstuosum est, & valde corpus turbat, ex Hip. lib. 2.  
diata. num. 14. & lib. 4. acut. 55. & Gal. lib. 1. de alim. facult.  
25. vsum integrum inculpatumque hebetare affirmat. Et  
lib. 2. de loc. cap. 7. inter cibaria melancholica primo loco  
connumerat. Nam stomachum, & intestina inflant, læ-  
dunt neruos, caput, & pulmonem debilitant, ex Diosco-  
rid. lib. 2. cap. 98. Auic. lib. 2. tract. 445. succum tetrū, &  
nebulosum generant; quare harum vsui assueti, ex Gal.  
mente lib. de bonis. & vit. succor. c. 3. in fin. faciliè in cancrum,  
& elephantiasim incurrunt, ex Oribas. lib. 1. collect. 17. Auer.  
lib. 5. collig. cap. 39. Ad eò enim hoc edulium melancholi-  
cum est, ut lib. 2. ad Glau. c. 11. in Alexandria potissimum  
gigni cancrum asseueret Gal. quòd huius cibarij frequens  
sit in hac regione vsus. Crassæ enim sunt, terrestres, in-  
somnia terribilium generatrices, scabiem, lepram,  
cutaneos affectus, aliàsque melancholicas ægri tudines  
gignunt. Et vel Arabes ipsi, huius escæ auctores, hanc  
summo opere condemnant, ut Auicē. 1. 3. tract. 4. cap. 20.

Rhasius lib. 3. ad Almanf. 2. & lib. 9. cap. 13. Serap. lib. 1. c.  
2. De quorum malitia, videndi Amat. lib. 3. cent. 18. Lacun.  
in com. Dioscorid. loco cit. Bruyerin. l. 7. de re cib. c. 3. Chri-  
stoph. à Vega lib. 2. art. medic. sect. 3. c. 5. Georg. Valla Pla-  
centin. lib. 1. æconom. c. 79. Ioan. Roderic. lib. in historiales  
campos Dioscorid. philog. 47. Quare apud Romanos, lentem  
fuisse annumeratam inter funebres cibos, auctor est Ap-  
pianus lib. de bello Parthico, & Plutarchus in vita Crassi  
obseruauit, ut refert clarissimus, & expertissimus Ludoui-  
cus Nonnius Antuerpiensis Medicus lib. 1. de re cibaria. 6.

**B** Viguerat ante Gal. communis omnium ferè veterum,  
fortallè ab ipso Hip. accepta sententia, lentes bonis cibis  
non esse annumerandas. Arabes tamen, & qui in horum  
schola sunt nutriti, hoc cibarium accommodarunt in mul-  
tos vsus, à quibus omnes propemodum Medici edocti, eas  
in ardentibus febribus, & synochis, ad compescendum bi-  
lis & sanguinis feruorem, tanquam salutares, & maximè  
commodas summo opere commendant, & in variolis, ac  
morbillis miris laudibus extollunt; quæ fluenti aluo, miro  
sunt auxilio, quidquid Septalius l. 5. caution. medicar. n. 59.  
præter rationem, earum decoctum in variolis impugner.

Missis tamen veterum opinionibus, hanc sic compo-  
nere litem satius duxi. Apud eos satis compertum esse  
reor, lentes duplici constare facultate, aperiēte vna, ad-  
stringente alia; id ipsum testantur Dioscorid. & Auic. loc. cit.  
Galen. lib. 1. de aliment. facult. c. 1. in fin. Paulus lib. 7. tit. de  
lentib. Aëtius tetrab. 1. ferm. 1. eod. tit. Cum enim hæ partes  
aperientes, & vitiosæ in superficie sitæ sint, in intimo  
adstringentes, sit ut corticis extrema pars abluat, aperiat,  
proritet aluum; & sputum prouocet, pectusque mundifi-  
cet; caro verò interior contrarios sortiatur effectus, & sic  
incrassat, obstruit, adstringit, sputum cohibet. Cum exter-  
gere opus est, humorēque ad cutem propellere est in  
animo, primum ius earum exhibemus: cum iacrasare, se-  
cundum aut tertium propinamus.

Enim verò si lentes ut alimentum contemplemur, in  
pleuritide haudquaquam possunt esse ex vsu, ut citata hi-  
storia monuit Galen. Si autem per lentes, primum earum  
ius intelligamus, quod ab initio solum morbi exhibitum,  
abstergere, mūdificarique pectus potest, eæ in pleuritide,  
maximè biliosa concedi possunt. Audi Auic. 10. 3. tract. 5.  
cap. 3. in initio. Et cibi eorum sint sicut lentes cum acetositate,  
& similibus, & c. Nam præterquam quòd ad temperandum  
bilis incendium eas cum aceto præparatas, febrientibus  
concedit, hoc titulo etiam in pleuritide biliosa propinari  
possunt in qua febris reperitur magni feruoris, & acetosa  
**D** sputum prouocant: nam sapor acetosus ex acido, & acri  
est permixtus, ut latè probat Galen. lib. 1. simpl. 24. & lib. 4.  
eiusdem, cap. 12. Vnde Serapio tit. de sapore acetoso. Acetosi-  
tati, inquit, aceri miscetur acuitas, & punctio. Lege Ioan.  
Brauum doctissimum lib. aureo de sapor. & odor. different.  
cap. 3.

Matthæus Peritus quum hanc apud Galen. & Auicē.  
antimoniam perlentisceret, mendosam Auic. literam su-  
spicatur: sicque legit contextum. Et cibi eorum non sint sicut  
lentes cū acetositate, & c. Costæus ita vertit. Et maximi qui-  
dem erroris est in potu tribuere infrigidantia vehementia, nisi  
in factis ex cholera, & dare in potu infrigidantia styptica, aut  
dare eis in cibo lentes cum acetosis, & similia, & c. Sed cum  
textus non sit inuertendi citra necessitatem, & veteres Scrip-  
**E** tura, etsi difficiliter explanentur, semper sint eligenda, ex Gal.  
lib. 6. epidem. sect. 3. com. 31. antiquam Auicē. lectionem  
ego amplius amo præsertim cum acetū per se non adstrin-  
gat, sed incidat, & sit tenuium partium, ut tam multis locis  
Galen. probat ingenuè Syliaticus controu. 51. quo pacto ad  
sanguinis grumos incidendos poscam summè laudat lib. 5.  
meth. cap. 9. Si ergo Galen. de carne lentium intelligas, &  
Auic. de primo earum iure explanes, hos auctores con-  
cordes reddes; nam ius primum habet nitrosam, calidam,  
& solutinam vim, & maximè si cum porro, anetho, mo-  
dico oleo, & sale sit paratum: hoc enim modo præpara-  
tos pisces saxatiles, sputo educendo maximè ineptos,  
in pleuritide, loco prissanæ concedit in lib. 1. acut. com. 27.  
quoniam hoc pacto conditi abstergunt, & crassitiem humo-  
rum incidunt, ut notauit Nicol. Rotar. in 111. contradiçt.  
Abcant

Abeant igitur Fusch. lib. 2. paradox. 12. Amat. l. 12. in Dioscorid. enarrat. 101. qui Auicennam, capitalem errorem commississe inflatis buccis effutire non verentur, ignorantes dictum sapientis Galeni lib. 3. epidem. sect. 1. com. 4. prope fin. quod qui reprehendit sedulo seipsum afficit contumelia; nam melius est tacere, quam temere pronunciantem falli, ut lib. 1. de dieb. decretor. cap. 12. protulit Magister. Lege Cardan. lib. 1. contradist. tract. 8. contradist. 10. Nicol. Monard. in fin. tract. de secand. vena in pleuritide, qui contra illos acriter disceptarunt. Hic ergo locus Auicennæ falsò versus, plures, còsque doctissimos decepit interpretes. Vide Iacob. & Gentilem in com. qui hunc locum elegantissimè exposuerunt. Maxime cum in biliosa pleuritide lentes cum acetosis manifestè Auicenna concedat. Licet autem hoc edulium concedi posset, multò satius est ab acetosis, & adstringentibus abstinere: ardeant enim humores, & eos excerni prohibent; maxime si à crasso humore, & pituitoso pleuritis oriatur: cuius fortis cum esset inflammatio, de qua presens est historia hæc, idcirco lentis esus mortem attulit. Consule Amatum lib. 1. centur. 61.

## Observatio VI.

### Pleuritica adstringentium esu emortua.

Verus sententia est à Galeno, Arabibusque recepta, humores in thorace contentos, ut excreationi fiant paratiores, ad mediocrem substantiam esse reducendos. Hoc axiomate freti duo non incelebres Medici, postquam cum pleuritide biliosa laboriosè luctati sunt, & sputum, factis C vacuationibus vniuersalibus, topicisque variis, non satis procederet, ad incrassantia accedere, farinam oryzae, & amyli in auis iure, pristinæ loco concedentes. At ægra cum triduo hoc edulio vsa esset, sequenti nocte, cohibito sputo omnino, superueniente difficili respiratione, veluti strangulata in decimo sexto morbi die extincta est. Tanti periculi est in pleuritide adstringentia offerre!

## HISTORIA XXII. GALENI, De Pleuritide.

### Pleuritis mitissima, citra venæ sectionem persanata

Id verò mihi amplius animaduerrere contigit, cum librum D de humoribus explanarem. Inter explanandum enim, quendam agrosi intuitus sum, qui me, ut \* sanguineo sputo vexatus, accersuit, sed cruenta ob lateris affectum expuebat. Spiritum igitur ego conspiciatus, ipsum interrogavi, num aliquem dolorem in costâ sentiret: ipse verò dolorem exiguum se percipere fassus est. Talis autem erat eius habitus, ac vires, ut si sanguinem expuisset, quoniam necessarium esset vena secunda auxilium, ad ipsum accedere ausus essem, sed cum morbus lateris \* mitis admodum foret, necesse non erat. Ideò neque id genus remedijs adhibuimus, atque euidenter hominem hunc lateris morbo laborare cognouimus, qui & alijs huic morbo \* congruentibus auxilijs, citra venæ sectionem lenatus est, & c. Galenus lib. 6. epidemion, sect. 3. com. ult.

## QVÆSTIO XXII.

Quòd pleuritis aliquando impediatur venæ sectionem.  
Contra Fuchsum, & Rorarium doctissimos.

### PARAPHRASIS.

Mitis admodum foret.] Hippocrate omnium qui fuere in medicina maximum, ita eruditi omnes laudare consueverunt, ut dicerent, aliorum quidem monumenta semel in vita perlegisse, abundè pñchrum, ac fortunatum videri oportere; illum verò tanquam vnicum, ac singulare naturæ opus, non semel quidem legendum, sed eatenus inhæredum, ut quantum humani ingenij ratio patitur, illius Lib. II.

A colorem exprimamus. Hic enim tantus auctor (cuius obscura edicta, bis, terque esse mente lustranda, ut intelligantur, monuit Gal. 4. acut. 30. in fin. & in proœmio lib. de fracturis, ) sententiam proposuit difficilem in loco cit. epid. in cuius commento est scripta historia hæc, pro cuius expositione, vix vlla de re, tanta opinionum varietate certatum est apud Neotericos, quàm de quæstione proposita. Verùm in hac rerum caligine, media nos incedemus via. Sic ergo habet auctor incomparabilis: Impedimentum in cruenta spūentibus, anni tempus, pleuritis, bilis.

B In huius enarratione, Galenus per impedimentum, intelligit, quod missionē prohibet. Cæterum quoniam pleuritis morbus acutus est, ex Hip. l. 1. acut. 8. & in acutis sanguinem mittere præstat, ex iplo, 4. acut. 19. idcirco, ut sententiam Hip. interpretetur, de mitissima pleuritide, in qua cruentum spūitur, intelligendam putant; in cuius rei confirmationem, historiam hanc attulit in medium.

Cuius sensum verum ut percipias, Fuchsum primò, deinde alios doctissimos huius loci interpretes exaudi. Ille enim (licet sapientissimus, & in reparanda schola medicina, qua à barbaris, & inerditijs Medicis in tyrannide tenebatur, ac partim tenetur, auctor eminētissimus, ut de eo scribit Christoph. à Vega lib. 3. prog. in com. Galen. 15.) nostram sententiam perlustrans, esse de illarum numero asseuerat, quæ ab ipso tantum Hip. intelligi possunt: sicque parum referre ait ipse, si eam inexplicatam reliquerimus, præsertim cum Gal. de eius intellectu certum quid cōstituere noluerit. Sed hæc tam absurda, & à communi Hippocratica doctrina abhorrens opinio, ex eo conuinci potest: quòd dictio hæc medicinalis, sit, & ad vsum præstantissima, sicque eam Gal. in com. non solum interpretatur, sed roborat ac defendit ut hoc exemplo addisceres, aliquando pleuritidem sine, phlebotomiæ alexiterio posse sanari. Lege Amatum lib. 7. centur. 28. & Valleriol. lib. 6. obseru. 6.

Franciscus Vallesius in suis ad libros epidemion doctissimis commentarijs, ingenuam (ut solet) proposuit interpretationem, sic dicens: Pleuritis est impedimentum venæ sectionis, non per se, sed quando cum cruenta spūitione cōplicatur. Hos enim affectus inuicem posse cōiungi, admittit Gal. lib. 1. aph. 16. intelligitque impedimētum ab Hip. propositum, non esse venæ sectionis, sed modi curationis: (uterque enim morbus venæ sectionem efflagitat) nam in pleuritide, acervata & copiosa debet fieri anguinis missio; in cruenta spūitione partita & iterata. Deinde bilis pleuritidem ferè committens, expurgantia, aperientia, & abstergentia desiderat: cruenta spūitio incrassantia, obstruentia, & quietem thoracis expostulat. Si igitur sputum sanguinis, & pleuritis, contraria petunt auxilia, necesse est mutuo sibi impedimento sint. Acuta quidem responsio hæc, verùm Hip. & Galen. mentem dilucidè non exponit, ut aduertit Mercurial. lib. 2. de morb. intern. cap. 9.

Nicolus Rorarius in contradist. Gal. l. 12. lateralem morbum cum sputo cruento non comparasse Galenum asseuerat, sed lateralem morbum cum venæ sectione coniunxisse, noluisseque in hoc laterali morbo sanguinis missionem conuenire, quoniam si cum sputo sanguinis comparatur, mitis adeò est, ut curationem ad se non trahat. Quòd si mittendus sit sanguis: propter cruentam spūitionem, non pleuritidis causa, est mittendus. Non placet solutio. Pleuritidem enim cum sputo sanguineo comparasse Galenum, ex eo constat, quòd mitissimos eos laterales morbos affirmavit, in quibus cruenta spūta expelluntur.

E Sed ne in confutandis auctorum erroribus multi simus, ex Hip. & Galen. expositionem afferamus, horum dictis valde conformem. Pleuritis in qua cruentum expuitur, cum mitis sit, sanguinis missioni impedimento est, hoc est, eam non expostulat; natura enim vacuato sanguine per sputum, eam supplet: quare mitioribus auxilijs citra venæ sectionem est curanda, proprijs lateralis morbi regulis, ac conditionibus tunc medicari oportet, quibus ducti vel sanguinem mitemus, vel non. Si enim urgeat magnitudo, ad secandam venam accedere opus est: si tamen aliter cōtingat, quòd paucus sit ut humor in parte affecta retentus, subtilis, & vacuationi obediens, adsit cruentum sputum, morbi que appareat leuamen, alijs morbo

congruentibus auxiliis ægrum citra phlebotomiam sub-  
lenare oportet, vt *lib. de humorib. com. 33.* ipse confirmat,  
De quo argumento sat multa doctissime conscripsit Alti-  
marus *lib. de curand. human. corpor. malis, cap. 50.*

Quod autem non perpetuò in pleuritide insignis va-  
cuatio necessaria sit, Hip. docuit *l. 2. de rat. viñt. sect. 1.* cum  
dixit. *Lateralis dolorem sine per initia, sine postea exortus fue-  
rit, calidis fomentis tentare dissoluere non abs re existit. Fo-  
menta enim non solum leniunt dolorem, sed cum modicè cali-  
da sint & tenuium partium, ex Galen. lib. 5. simp. cap. 9. euenit  
ipsam rariorem efficiunt, & phlegmones sanguinem cum tenua-  
re, cum digerere possunt.* Sic Hip. *lib. 6. aphor. 33. & lib. 7.  
eiusdem text. 46 & Gal. in com. & lib. 3. meth. c. 3. & lib. 13.  
eiusd. c. 22.* Aëtius *terrab. 2. serm. 3. à cap. 5. usque ad 10* dul-  
cis aqua lauacro oculorum dolores persanat, quum solum  
malum in oculo est, morbosusque in corpore non adest ap-  
paratus. Hanc sententiam firmat Cel *lib. 4. cap.* qui super-  
vacuum esse auxilium testatur, si leuior fuerit pleuritis.  
Et Trallian. *lib. 6. cap. 1.* temerè non esse sanguinem mit-  
tendu asseuerat, vt vulgò faciunt, nisi humor inflammatio-  
nem committens copiosus sit, & in toto corpore superare  
videatur: alioquin fomentis, & expectorantibus (hæc enim  
sunt congruentia auxilia) curatio peragenda est. Vide Lu-  
douicum Duretum *in fin. 2. lib. Coac. prenor. in cautione de  
phlebotomia. Verbo phlebotomia offendit, qui pro more soler-  
ter admodum hunc modum extricat.*

Licet enim Pal. *lib. 3. cap. 33. & Aëtius tetrab. 2. serm. 4.  
cap. 68.* in omni pleuritide sanguinem emittant, vel ex ali-  
orum mente loquuntur, vt ex Pauli contextu dilucide pa-  
ter; vel de ea in qua cruentum non elicitur: hæc enim  
externo indiget auxilio sanguinem vacuante; illa autem  
mitissima, cum sit, lenissimaque habeat symptomata, mor-  
bi acuti nomen non meretur. Si pulchra de hoc negotio  
scire aues, Lege Simonem Ramos Hispalensem *in apologia  
de pleuritide,* qui hoc argumentum adamussim exarauit, &  
post eum Castrensis *tract. de complexu morbor. cap. 22.*  
explicuit acutè satis, eleganter, & doctè.

## DUBIUM XV.

*Num sputum cruentum, pleuritidis mitissima signum  
sit. Contra Ronseum eruditissimum.*

### COMMENTARIUM.

**S**anguineo sputo.] Dubium de cruento sputo, aliquid &  
ipsam contemplationis habet: Num pleuritidis mi-  
tissima signum sit. Sunt enim ex Medicis non ignobiles,  
qui cruentas excreationes reprobarunt. Extat primus Hip.  
*lib. 4. aph. 47.* qui *cruenta sputa mala esse* confirmat. Sequu-  
tur Cellus *lib. 4. cap. 6.* pleuritidem grauissimam vocans,  
*in qua sanguis spuitur.* Auic. *10. 3. tract. 4. cap. 4.* de si-  
gnis malis, & bonis pleuritidis, *purè rubrum sputum* valde  
condemnat: nam *sanguis si supra exeat, malum*, apud Hip.  
*lib. 4. aph. 25. & lib. 7. aph. 15.* à sanguinis sputo, *puris spu-  
tum, & phthisin fieri*, manifestè asseruit. Quare merito  
*lib. 2. pronost. com. 5. 1. rubrum sputum, periculum portende-  
re* affirmat.

Ex altera parte adest Galen. *lib. 2. prog. com. 47.* qui alio-  
rum humorum excreationes synceras, excepto sanguine, pra-  
uam affectionem indicare, prædixit; nam in iis vitium quod-  
dam subesse testatur, quippe quæ ab inflammato sangui-  
ne originem ducunt. Huc respiciens Auic. loco *nuper cit. c. 8.*  
conditiones optimi sputi explanans, subiungit *sputum  
rubrum ad bonitatem proximè accedere.* & ratio pro his sta-  
re videtur. Nam rubrum sputum, siue color ruber à san-  
guine est, ex Hip. & Galen. *lib. 3. epidem. sect. 3. 73. & lib.  
6. eiusd. sect. 5. text. 14.* Sanguis autem cum sit mitissimus,  
coctus facilis, & omnium humorum benignissimus, si exu-  
per, salutarem morbum facere est aptus, ex Hip. & Galen. *l. 2. prog. 27.* Quare cum hic humor non possit prauitate sua  
magna pericula adducere, idcirco sputum cruentum mi-  
tissima pleuritidis signum est, ex Gal. *lib. 2. cris. cap. 10.*

Sputum ergo cruentum in pleuritide apparens repro-  
bati non debet, cum benignæ pleuritidis signum sit; hoc-

que absolutè, & non collatione facta cum nigro, viridi,  
flauo, & aliis quæ ex se malitiam pollicentur; nam diutur-  
niorem morbum, salubrem tamen semper promittit. Spu-  
tum cruentum bonum est, veluti sanies cruenta, quæ  
deinceps ob coctionem crassior facta, mutato colore,  
vincentis caloribus est manifestum signum. Si verò id re-  
probant supra citati auctores, de cruento sputo meraco,  
qui rupta, exesa, vel aperta vena exprimitur, sunt intelli-  
gendi, vt norat Heurnius *lib. 4. aphor. comment. 47.* quod  
sæpe sine pleuritide contingit, vel de excreatione quæ  
malè exit, hoc est sine coctione, & tolerantia, vt *lib. 4.  
aph. com. nuper citato,* interpretatur Galen. Ex quo patet  
*lib. 1. aph. 2. 23. 25. & lib. 4. aph. 3.* & alibi sæpe, hoc modo  
esse explanandum, quum dicit sequi conferentiam ex  
euacuatione, in qua talia purgantur, qualia esse oportet;  
tunc enim non solum naturam, & speciem humoris pec-  
cantis significat, sed coctionem indicare videtur, ex Galen.  
*lib. 1. acut. 23.* Qua propter sputum cruentum si malè exeat,  
pleuritidem grauem demonstrat, vel si hæc cum hæmo-  
proica passione complicetur. Ex his patet grauiter errasse  
Balduinum Ronseum *in com. citati loci Celsi,* dum per ver-  
bum *sanguinis,* bilem vel humorem melancholicum, citra  
vllam necessitatem legendum putat, locorum forte con-  
trarietate perterritus.

## QUESTIO XXIII.

**Quod in initio descendens vera pleuritidis, nõ ra-  
tione causa coniuncta, sed antecedens, sit purga-  
tio celebranda. Contra Augemium, Vallesium.  
Mercurial. Heurniũ, & Duretũ, Medicos eximios.**

**C**ongruentibus auxiliis.] Quoniam pro virili, ex anti-  
quorum decretis prælibauimus circa pleuritidè non-  
nulla, quæ legentibus profutura, & voluptari rebamur, &  
emolumento, nunc in malè feriatorem torporem ignaum  
ac turpiter desidentem perducti sumus, ita vt necesse sit in  
re tam graui feramus opem Hip. viro doctissimo, & pru-  
dentissimo, à Sorano latè, & vel à Gal. tacite, ab omnibus  
ferè oppugnato. Cum enim inter cætera, quæ scienter ad-  
modum ille, nec citra summam scientiam protulit axioma-  
ta, sit illud reponendum, ex *lib. 2. de rat. viñt. in morb. acut.  
text. 11.* quo monet, in pleuritide descendente, esse Peplio,  
vel Veratro purgandos ægros, hoc est, quando partes sub  
septo transuerso dolor infestat, nullumque ad clauiculam  
signum fecerit. Tamen illius sententiam multiplicibus  
telis ferè omnes impugnant. Alij enim in pleuritide ex-  
purgantia renuunt semper. Quidam in fine tantum pro-  
bant dicentes hoc esse congruum pleuritidis auxilium,  
quo hunc ægrum persanasse gloriatur hoc loco Galenus:  
hocque modo eius dicta in varios sensus distorquentes il-  
lum inscitia arguere non erubescunt, ob causas multas.

Prima. Extat non inelegans historia, apud Hip. *in lib. 5. epidem. num. 1.* qua euidenter probari potest, purgationem  
in pleuritide reprobam sæper esse, & nullius vsus. Sed  
audiamus summi dictatoris edicta, è tribunali sapientiæ  
ac veritatis medicæ sic loquentem. *Scomphus in O Eniadis  
pleuritide correptus, moruus est septima delirus; Pharmacum  
autem bibit infra purgans: priore ante potionem die mentis  
compos erat, & purgatus est non multum: quum autem purga-  
retur, delirauit, &c.* Ex quo loco rectè concludi potest in  
initio pleuritidis inutilem esse purgationem, cum multis  
periculis reddat ægrum obnoxium; nam impetum humo-  
rum promptius detrahit sanguinis missio, pharmacum au-  
tem maiorem turbationem affert: crudos enim succos mo-  
uet, exagitat, irrequietos & citatiores facit, vt citius con-  
fluant in partem affectam; auget febrem, & inflammatio-  
nem, & cum non euacuet quod oportet, neque vnde oportet,  
debilitat virtutem citra morbi leuamen. Quapropter  
Scomphus, nisi accepisset pharmacum, vt suspicatur Valle-  
in *com. aut non obiisset, aut non tam citò, sed vndecima, aut  
decima quarta, tuncque fortasse sine delirio, aut hoc mul-  
to posterius accidisset.*

Secunda. Facit huc auctoritas Hipp. *lib. 4. auct. text. 22.*  
quæ



quæ in hunc modum se habet. Quicumque autem ea, quæ inflammatur, statim morborum inter initia medicamento solvere conatur, si non solum ab intensa, inflammataque parte nihil adimunt, cum non cedat, obsequaturque, quæ adhuc cruda est affectio: verum quoque & quæ morbo resistens, & sana sunt, absument, colligantque: ubi autem corpus imbecille sit, morbus preualet: ubi autem morbus corpori præualuerit, remedium non habet, &c. O sententia dignissima cedro! quam Galen. in comment. verissimam esse denunciat, quando enim vitiosi aliqui humores in partem aliquam confluunt, & in ea acervantur, recte ad sanguinis missionem propius deueniendum est. Quapropter ubi non solum acutus morbus fuerit, cuiusmodi est pleuritis, verum & cum febre vehementissima, multo magis vitanda est purgantis medicamenti administratio, atque per sectionem vene vacuandum magis, etiamsi ad hypochondrium dolor finiat, ut in com. 1. lib. 2. de rat. vict. asserti Galen. Et Paul. lib. 3. cap. 33. & Rhasius lib. 9. ad Alman. cap. de pleuritide, in descendente, & ascendente pleuritide amant magis phlebotomiam ob dictas causas. Deinde si ex mente Fernelij lib. 2. de venæ sectione, cap. 4. In omni impura plenitudine à secta vena aspicienda vacuatio est, sine qua vix tuto purgatio decernitur, & purgatio vitanda, quæ plethoricum corpus in grauius discrimen adducit, quanto magis in pleuritide, cui illico secta vena auxiliandum, & urgentis inflammationis habitatione.

Tanto horum auctorum oraculo perterriti, Vallesius in comment. text. 11. lib. 2. acut. & Mercurial. eodem loco, Horat. Aug. com. 2. epist. lib. 2. cap. 4. Hippocratem arbitrantur non locutum fuisse de pleuritide, sed de dolore hypochondrij à materia crassa, pituitosa, viscida, & flatuosa suborto qui si fomentis siccis, à quibus status dissoluitur, materiaque tenax & pituitosa attenuatur, non fuerit sedatus, tunc instituenda purgatio est; sicque redundante flatu, Peplium, crassis verò humoribus excedentibus. Veratrum propinandum: nam locus supra septum transuersum est costarum verarum, & totius pectoris, in quo ob ampliorem calorem, calidi tenuisque redundant humores: subtus septum transuersum sunt costæ spurie, quo loco, prauis, pituitosisque colliguntur humores. Quare ubi dolor supra septum transuersum est, sanguinis mittendus, ubi verò infra, purgatio celebranda. Sed hæc solutio Galeni menti minimè consonat, hic enim expressè Hipp. loquentem de pleuritide interpretatur in com. & firmat inter omnes Ludouicus Dorerus cap. 16. in lib. Coacar. pranos: Hipp. in com. text. 19. verbo, nec pharmacia. Patet aperte ex Galeni verbis, de verâ pleuritide esse intelligendum; nam pleuritis cum febre vehementissima licet ad hypochondrium dolor pertingat, spuria esse non potest, sed verâ, ex humore calidissimo, febrem faciente acutam, concitata. Quidquid aliter arbitretur Bartholomæus Perduleis lib. 1. sect. 6. cap. 4.

Hipp. ergo cum purgationem concedit in descendente, primò tentandam esse phlebotomiam non negauit, ut scire licet à parte affectateuellar, & euacuet, & præparet vias per quas humor expurgari debet. Vnde fit, ut purgatio administrationem semper phlebotomia præuia: nam medicamentum, præsertimque si validius sit, calore nimio, fortique attractione humores exagitant, perturbantque, plethoricum corpus in grauius damna deducit: nam quando adest necessitas vniuscunque auxilij, venæ sectio præferri debet, ex Galen. lib. 6. epid. sect. 1. text. 6. & lib. 4. de sanit. tuend. c. 4. Hæc enim duo auxilia in initio facta, phlegmones prohibent generationem: sanguinis missio, ut deoneretur naturam humorum pondere grauatam, & à partibus inflammationi proximis peccantem humorem exhauriat, purgatio, ut à primis viis fluxuros ad pleuram humores auerrat. Sic Galen. 12. meth. 1. lateris dolorem in pleuritide purgatione persanat.

Enim verò si Hip. mentem bilance ponderemus, ipsum clarissimè fuisse loquentem inueniemus, lib. enim 4. acut. text. 2. 1. purgationem verat sine sanguinis missione præuia, post quam si opus fuerit, purgatio securè & mediocriter porrigenda: & deinceps addidit in sequenti textu errare maximè eos, qui in initio inflammationis internæ, humores in

Lib. II.

A parte affecta contentos medicamentis educere conabantur, cum cruda affectio summopere renitatur, & medicamenta à parte affecta nihil adimant, verum quæ morbo resistentia sunt, & sana colligunt absumentque.

Itaque mens Hipp. est, ut in pleuritide descendente semper sit phlebotomia instituenda, quæ celebrata, purgatio exhibenda in forma ab eo propolita, suauis, & leni, cuius ope fluens, & fluxurus humor auerti possit à parte inflammata, ad quam debilem, calore, & dolore attrahentem, excrementa semper confluunt, ex Galen. lib. 2. de diff. feb. cap. ult. Illi enim qui in initio inflammationis internæ, sine sanguinis missione corpus expurgant, aut violenta cathartica ad vacuandum humorem in parte impactum propinquant, quum non obsequatur quæ cruda est affectio, partes sanas contabefaciunt; & sic ducto ad imbecillitatem corpore, morbus superior euadit, qui ubi corpus vicerit, remedium non habet.

Et licet Peplium, & Veratrum sint fortia medicamenta, quæ fluxibiliorem humorem reddere, corpus exagitare, & inflammare queunt, mitiora tamen redduntur, si contemperata prissana superbibita protinus à medicamenti assumptione assumantur, ut l. 2. acut. text. 1. 2. sequenti imperauit Hipp. tum ad abstergeudas reliquias medicamenti, quæ faucibus, gulaque adherere solent, tum ad temperandam ipsius malitiam, quæ alimenti benignitate mitigatur, ut in com. prodidit Galen. & sic remanet medicamentum alimentosum, quod securè, blandèque expurgare potest, ut lib. 1. de alim. facult. c. 1. affirmat Galenus, posito exemplo in Scammonio cum prissana permixto. Hunc expurgandi modum vehementer laudat Hipp. lib. de aliment. com. 3. text. 20. dicens, medicamentum in cibo optimum, quem locum explicat Vallesius ingenuè in com. In cuius loci interpretatione etiam Galen. ipsum Scammonij permixtum cum prissana exemplum appoluit, & 13. meth. cap. 15. in curatione hepatis inflammationis id obseruat: quem modum curationis, variis in medium allatis testimoniis confirmat Donatus Sanctorus lib. 3. epist. 4.

Ex his dilucidè patet, tam lib. 4. acut. quàm secundo, purgationem exequendam imperasse Hippocratem, verum facta prius phlebotomia: In lib. 2. approbasse in initio reuulsuam, in lib. 4. reprobasse vacuatiuam; ex iis quæ diximus fit manifestum; Dirimit disertè controuersiam Galenus lib. 4. acut. com. 76. de pleuritide verba faciens in hunc modum: Nam vel statim ab initio, priusquam in parte aliqua firmentur humores, medicandum, vel postquam ad maturitatem perducti fuerint: quam ob causam, & prima interdum die, & secunda, & quarta, & interdum quinta medicamenta dedimus, & non quarta solum, quomodo is dixit, ut demonstraret nunquam in initio ante coctionem humores quietos esse expurgandos, ut oraculo quodam (sic enim vocat. 4. de sanit. c. 5.) lib. 1. aph. 22. docuit Hip. Audi verba illius in com. dicti aphorismi. Tales igitur humores vacuare conuenit, hoc est, qui sunt in motu, latione, & fluxu: eos verò qui iam sunt in aliqua corporis parte firmati, neque alio ullo auxilio mouere oportet neque medicari ante coctionem, &c. hoc idem confirmat, lib. 4. aph. 1. & lib. 2. cris. c. 9. In descendente ergo pleuritide exquisita, facta prius phlebotomia, purgatio est exercenda, adeò mediocris, & permixtis aliis boni odoris medicamentis, & attemperantibus, ut suauiter noxium humorem fluentem, & fluxurum auertere possint. Ut videas quàm malo fundamento nixa sit eorum sententia, qui ita sunt maligni, obliquæ opinionis, & mente languidi, ut temeraria sua ignorantia, Hippocratem in hac re incitæ accusare non desistant. Lege Septalium lib. 3. caution. medic. num. 48. de hoc negotio fusè disceptantem.

Cæterum non incuriosus aliquis studiorum affectator haud absurdè requireret, cur, si purgatio in initio ab Hip. præscribitur ut reuellat, ea per vomitum non celebratur, iuxta regulam reuulsionis laram lib. 4. meth. cap. 6. & 13. eiusdem, c. 11. nam hæc est reuulsionis lex, ut si affectus sit in parte inferiori, per superiora facienda vacuatio sit, & contra. Dic cum Iaccino in lib. 9. Alman. c. 19. & Card. in com. sent. 18. l. 4. aph. vomitum in pleuritide, auxilium esse absonum, & incommodum; vehementer enim agitat pe-

ctus, &amp; commouet humores ad partem affectam.

T 3

Vt

Vt enim hæc promptius intelligas, adnexæ reuulsionem duabus conditionibus constare: Prima, vt procul trahatur succus ab ea parte quæ laborare cepit: quare ab Hipp. & Gal. antispas. hoc est, tractio in contrariam partem mancipatur, in lib. de humorib. num. 1. 5. meth. 3. 2. ad Glauc. 2. & lib. 6. epid. sect. 2. ext. 7. & 9. & alibi sæpe. Secunda. Vt sit facta ad originem fluxionis, hanc enim esse meliorem reuulsionem, & contrarietatem, & sic ad retrahendum summopere commendatam, & semper obseruandam, monet Hipp. in lib. de loc. in homin. num. 2. 3. & 4. 3. & 1. 2. epid. sect. 1. operæque obseruat, in eodem lib. sect. 4. in fin. & 5. aph. 50. Idem præceptum laudat Galen. lib. 7. meth. 11. & lib. 1. ad Glauc. 14. & 5. meth. 3. 13. apponens emplastrum capiti ex stercore columbino, & lib. 3. de loc. cap. 7. in Epilepsia per consensum à tibia, cui sinapismum imponens, & vacuato humore morbum comitalem efficiente, ab eo præseruat. Sic in suppress mensuris, & hæmorrhoidibus, è talo venæsectionem exercet.

Quapropter cum primæ viæ sint eæ, à quibus tanquam à fonte, prauis viriosisque humores cum sanguine mixti fluunt ad pleuram, facta prius phlebotomia, necessaria est purgatio reuulsoria, quæ fluentes & fluxuros humores, ad inflammata partem suapte impetu concurrentes reuellere & retrahere possit, ad illas vnde manare cœperunt in his enim gigni, & colligi solent; vt doctè, & late sub exemplo pleuritidis probat Donatus Sanctorus lib. 5. epist. 1. Quare meritò Fernel. lib. 4. pathol. 10. & Thom. à Veiga lib. 2. de diff. feb. in com. c. ult. totius corporis sentinam appellant. Huc alludens Gal. lib. 1. ad Glauc. c. 5. febres intermittentes ratò fieri sine vitio primarum viarum, hepatis, lienis, & ventriculi asseuerauit. Purgatio ergo, quæ humores noxios ab illis expurgat, & procul ad alium expellit, reuulsionis nomen meretur. In hunc sensum dixit Holler. lib. 1. de morb. intern. c. 26. in schol. Quod autem Hipp. cum dolor ad hypochondriū extenditur, laxantia præscribis, Gal. concedit, sed tantum ad materia antecedentiæ eductionem, siue ab splene, siue à causis hepatis, &c. Cuius sententiam firmat Mercatus lib. 2. de morb. internis, cap. 6. Ex his inferitur, vomitum ex hoc capite esse etiam noxium valde, quum à primis viis sursum in affectam partem humorum impetum conuertat. In huius rei confirmationem extat celeberrima sententia Hippoc. lib. 2. aphor. 18. dolores infra septum transuersum, per infernam purgationem medicandos esse, cum Galen. asseuerantis. Sunt autem hi dolores, vt notat Heurnius in com. vmbilici, genuum, lumborum, pleuritidis inferna. Quare vt doctè aduertit Costæus in com. cap. 2. Auicenn. in fin. 10. l. 3. tract. 5. ob hanc causam, commodior fluentis humoris deorsum ad alium ipsam retractio est, quàm sursum ad brachia, licet sanguis redundet. In hoc sensu intelligendus est Galenus 6. epidem. sect. 6. ext. 15. dicens: dolor lateris interdum soluitur. alio turbata, & interdum sudore. Vnde Auicenna rectè dixit 2. 1. doct. 1. cap. 8. Lienteria sanat apostemiam lateris. Et significauit Mesuës, cap. de pleuritide, dicens, in hoc affectu diarrhœam esse bonam in initio, si constet virtus quia reuellit, & euacuat, & lib. 6. aphor. com. 16. Galen. confirmat. In hanc rem videntur Valleriola lib. 1. obseru. 4. Igitur Hipp. lib. 2. acut. peplium, & veratrum propinans, approbat purgationem reuulsuam in lib. verò 4. reprobatur vacuatiam, hoc est, eam quæ à parte inflammata causam coniunctam expellit.

Sed cum non desint plura argumenta, quibus subuertere nostra plures nitantur omnino, eæ vltimo loco diluenda sunt, quorum primum est. In principio inflammationi humor non est impactus in parte, ex Galen. 13. meth. c. 6. & lib. de morbor. semp. cap. 1. argumento est, quod repercutientibus retrocedit: si ergo iis cedit, multò melius à medicamento seligente vacuabitur.

Secundò Eadem intentione exhibet Hipp. purgationem in descendente pleuritide, atque concedit sanguinis missionem in ascendente: sed hanc concedit vt reuellat, & euacuet, ex Gal. in com. ergo purgationem propinat vt reuellat, & euacuet; quod lib. 3. cap. 33. Paul. confirmat.

Tertiò Gal. lib. 1. aphor. 23. nullum maius remedium inuenit in vehementissimis doloribus, quàm vsque ad animi

deliquium sanguinem emittere, habita distinctione an venam secare, an purgare conueniat. At in ista phlebotomia non solum causa antecedens, sed coniuncta vacatur. Ergo in isto casu, vbi dolor vehemens, auxilium validum fieri compellit.

Quartò Galen. lib. 9. de placit. c. 9. distinctionem tradit eorum, qui vel sanguinis missione, vel purgatione indigent, quæ contrarium membrum opponens venæsectionem purgationi. Ergo sicut illa vacuat causam coniunctam, sic etiam purgatio vacuabit.

Quintò. Confirmatur ex Auicenn. loc. supra. cit. c. 2. in princip. vbi in pleuritico dolore declinante versus hypochondria, approbat magis purgationem, quàm sanguinis missionem, quia illa amplius de loco inflammato humores attrahere potest. Sic enim ait. Et si dolor declinet ad partem hypochondriorum, tunc necessaria est solutio sola, aut cū phlebotomia, secundum quod necessarium facit. illud testificatur, & illud idè, quoniam phlebotomia sola ex basilica, non trahit de hoc loco aliquid, de quo sit curandum, &c.

Licet autem anceps & obscura quæstio, à doctis semper hæc habita fuerit, placet tamen cum Galeno supra, eam sic dirimere, neque argumenta quidquam concludunt. Dic ad primum humorem facientem actu inflammationem, firmatum esse, & radicatum in parte impactum; aliud circa inflammationem circumiacentem, non ita tenaciter in loco inflammato circumscribi: repercutientia verò iubet in initio inflammationis apponere, tum vt is qui circa inflammationem est humor, ad alias partes veluti manu pressus retrocedat, tum vt roborent partem, ne amplius recipere possit: quem humorem circa inflammationem circumiacentem, & alium fluxurum reuulsua purgatione educere tentabis, reliquum verò minimè, quem ad coctionem natura reseruat. Nam qui in parte affecta firmiter impactus est, neque repercutientibus, neque euacuantibus in initio adhibitis succumbit: contra si rentes purgantia, hæc carnes colliquant, & sanguinem.

Ad secundum. Diuersa intentione purgationem concedit in descendente, qua concedit in ascendente phlebotomiam; illam enim exhibet solum in principio, vt reuellat, in fine verò, vt euacuet. Et licet ibi, lib. 2. acut. videatur, quod Gal. vacuauerit purgatione causam coniunctam, cum pro humorum, qui inflammationem faciunt, vergentia, inclinationeque, vacationes faciat, adducatque Hipp. lib. 1. aph. 21. id alia ratione exercet, vt scilicet naturæ motum sequatur; sic enim facilius, feliciusque succedit, quæ per reuulsionem purgatio fieri debet. Si enim humores iuxta inflammata particulam collectos, qui deinceps causa morbi coniuncta sunt futuri, purgatione non reuellamus, magnas deinceps expectabimus inflammationes. Qua tamen ratione purgatio, facta ad partem ad quam natura inclinat, dici possit reuulsua, supra est demonstratum.

Ad tertium. Non concludit argumentum: supponit solum, quod sicuti phlebotomia vsque ad animi deliquium, euacuat causam antecedentem, & coniunctam: sic etiam purgatio vsque ad animi deliquium, eam vacuabit, de qua in textu non loquitur Hip.

Ad quartum. Cum Galen. oppositam facit venæsectioni purgationem, de iis loquitur pro vt euacuant: nos verò supponimus solum purgationem in descendente pleuritide reuellere, non verò causam coniunctam vacuare: quidquid Hippocratem præscripsisse purgationem ad euacuandam coniunctam causam, asserat Heurnius in comment. lib. 2. acut. com. 11. quæ opinio, vt vidisti antiquorum edictis maximè repugnat.

Ad quintum. Auicennæ textus si rectè interpretetur, cum Hip. doctrina, tradita l. 4. acut. 21. verè consentit. Nam si dolor in pleuritide declinat ad hypochondria, tunc necessaria est ratione causæ antecedentis expurgatio, ad reuellendum humores qui inflammata, debilemque partem decumbere sunt parati, vel vnà cum phlebotomia; præsertim cum hæc ex vena basilica celebrata, non ita attrahat ab inflammata parte, ac euacuat facta in ascendente. Quamobrem summa, cum ratione Hipp. prius in descendente venam secat, deinde medicamentum expurgans propinat, vt vtriusque auxilij efficacia, ob causas traditas, promptius

promptius auertatur humor in affectam partem defluxurus. De quo argumento lege Petrum Væcium lib. com. medic. cap. 2. Valleriol. lib. 1. enarrat. 3. Fallop. tract. de medic. purgantib. simpl. cap. 2. in med. qui ex sua, & aliorum sententia, alios soluendi modos, pro Hip. tutela, ibi recitant. Sed hic Galeni menti cæteris magis consentit, quo omnem antinomiam euanescente putamus.

Superest modò, ut subuertamus ea, quæ in pleuritide ex toto releganda esse expurgantia, comprobabant. Ad historiam Scomphi, dic, illum ex purgatione, nec delirasse, nec obiisse; hæc enim omnia ex succi malitia, per consensum partes principes, & maxime cerebrum imperente, contigisse, verius dicendum est: neque enim affirmat Hip. purgationem attulisse delirium; verum narrat quod actum est, ut ex qua causa id acciderit nos coniectemus. Nam antequam fluxi sit firmata in parte, ad præseruandam hanc, tutissimum est reuulsoria vri purgatione, parata ex iis quæ suauia sunt, nullamque noxam, & vim naturæ inferre possunt. Quod verò medicamenta purgantia in pleuritide, in qua ferè adest febris, reprobentur, quoniam inflammant corpus, moquent, perturbant & exagitant, non est omnino verum; nam non omnia calida sunt, febrémque accedunt: & licet essent, eis est vtendum, ad maius periculum euitandum. De quo dubio lege, quæ fusè diximus in l. 1. in com. histor. 63. num. 5. quest. 3. Quare purgatio in pleuritide est celebranda ratione causæ antecedentis, & non coniunctæ, ut Iuniorum doctissimi: satis confirmant: de qua re legendus Vidus Vidius lib. 8. de curation. membrat. cap. 17.

## HISTORIA XXIII. AVENZOAR.

### De inflammatione mediastini.

#### Inflammatio mediastini, copiosa venæ sectione, curata.

**S**ic accidit mihi cum essem iuuenis: quum enim passus fuisset laborem maximū, & possuissem me ad decubitus, percepi dolorem in panniculo prædicto, & tunc tussis, & dolor in: ceperunt inualescere, valde & inueni pulsus meum valde durum, & febre patiēbar acutam. Quare misi sanguinem in quarta nocte per phlebotomatorē, & feci extrahere de quantitate libra unius, & permansi sic cum febre valida, & tussi fortis, & dolore per totam noctem; & in somno dissoluta fuit ligatura phlebotomiz, & inde sanguis multus emanauit: & cum excitatus fui à sono, remansi maxima debilitate virtutis, at ligato brachio permansi taliter per totam noctem cum illis accidentibus, sed non fuerunt augmentata. Sequenti verò die eieci sanguinem cum spūto cruento, quod erat boni coloris, & substantiæ. Deinde audiui noua, quæ multiplicauerunt super me tristitias, & dolores, & inde amisi sensum, & intellectum, ita quod nihil potui intelligere, & non comedebam aliquid nisi quod mihi propinabatur de aqua prædicta, & habebam magnā sitim, & transactis diebus septē incepire sentire, & cognoscere, & multa imaginabar. Sed illud quod passus fui, fuit apostema generatum in panniculo diuidente pectus & pulmonem in duo media; & ex illo apostemate ascenderunt vapores acuti ad cerebrum, propter quos dictos acutos, & malignos, qui ferebantur circa cerebrum ortum fuit mihi in uno panniculorum\* cerebri apostema calidum. Et demum incepi spūere sanie, & non solum ex apostemate ex pectoris, verum etiā ex illa quæ descēdebat à capite ad pectus. Et postea cognoui causam meorum accidentium, & redi in sensum meum perfectē, & cum ex toto fui alienatus à sanie, incepi\* assuescere aquam bordei, & postea redi ad pulvis fursuris; & sic paulatim conuersus fui ad meam consuetudinem naturalem, & quod hic scripsi de ista mea agitudine, feci solummodo, ut sit exemplum in omnibus aliis similibus, &c. Auenzoar lib. 1. Theizir, tract. 16. cap. 6.

#### PARAPHRASIS.

**L**atè auctor morbum quo correptus fuit, depinxit, ut scilicet esset exemplum Medicis similem ægritudine

A nem curantis. Si quidem non curatur homo in communi, sed unusquisque nostrum, alius videlicet aliud temperamentum, naturamque obtinens: nam existimare communem quandam esse omnium hominum curationē, sicut stupidissimi methodici putant, extrema est dementia. Hi enim firma, & ratæque putant omnia medica artis theorematata, ipsorumque notitiam, artem quādam esse communis atum, non proprietatum, tanquam communem, & generalem hominem, non periculares curarent, ut non minùs latè, quàm disertè Galen. affirmat, lib. 3. meth. cap. 7. In exemplis enim exercitari quidvis dicentes maxime expedit, neque enim satisfaciunt ad exactā cognitionem vniuersales methodi, monebat Galen. lib. 9. meth. cap. 4. cuiusque enim proprietates ineffabilis est, nec exactissima sciētia comprehensibilis. Sum autem exemplorum ea propioribus habenda, quæ ipsi oculis usurpauimus: quando si omnes, qui docere, scribere, & aliquid sunt aggressi, ea prius operibus ostēdisset, prius paucula falso dicerentur. Compertum enim est, non solum sufficere scire vniuersalia artis theorematata, nisi in particularibus te exercueris. Cum neque fieri possit, ut sine multiplici in agis singularim exercitatione, quod ex usu sit, facias: nec sine vniuersalium cognitione probè exercitatio procedat, quippe cum in vniuersalibus methodus, in particularibus exercitatio consistat, ut lib. 9. meth. cap. 6. firmavit Gal. doctissimus.

Hac ergo Auenzoar ductus ratione sola, hoc morbi sui exemplum in propatulum ponere non erubuit: Quemadmodum enim in transitu fluuiorum, qui primi vadum tentant, aleam fortunæ periculosam subeunt: qui à tergo sequuntur, possunt periculum declinare, si velint. Sic Medici aliorum peccata intimius perspicientes, illorum periculo sibi sumptus faciunt, & ægros à tantis malis, in quæ alij cum damno inciderunt, vigilanter præcauent.

De inflammatione mediastini tota est historia hæc: hanc enim factam fuisse in panniculo pectus diuidente ipse affirmat. Partem hanc peritiores anatomici membranas vocant intersepientes, Galen. auctore lib. 6. de usu part. cap. 3. & 5. de anatomic. administrat. cap. 8. & lib. 7. eiusdem, c. 2. probant Vesal. lib. 6. de fabric. 3. & Bauhin. lib. 2. theat. anatomic. cap. 1. 3. Hæ membranæ dextram thoracis partem à sinistra diuidunt, quarum longitudo à iugulis ad diaphragma vsque extenditur, & altitudo à pectoris osse ad vertebrarum corpora porrigitur, ut eleganter docuit Adrianus Spigelius lib. 9. de fabric. corp. human. cap. 2.

Mediastinum cavitatem maxime insignem membranis fibris obitam habet, quam voci efformandæ conferre putant. Huius intersepti vsus, alius est primarius, alius secundarius. Primus, tum ad viscerum suspensionem, ne in latera, & posteriorem partem collabantur, tum ad vasa firmanda, fulciendaque. Secundus, ne vnâ parte læsa, altera in illius trahatur contagionem.

Cum ergo biliosi præsertim humores, & tenuissimus sanguis in partem hanc confluunt, inflammationem faciunt; hæc enim pars dura crassiores humores non suscipit, neque ij crassam eius substantiam penetrare possunt, ex Gal. lib. 6. aph. com. 3. 3. & lib. de constit. art. med. c. 16. Iisdem morbus hic signis cognoscitur, atque pleuritis, sed terribilior, maior atque periculosior est pleuritide, ut ait Auicē. 10. 3. tract. 4. cap. ult. 5. Verum est pleuresis apostema calidum in partibus pectoris, aut lacertis intrinsecis, & in velamine cooperiente pectus, aut in velamine distinguente; & maius istis, & terribilius est illud quod est in ipso velamine distinguente, & est prauius eis, &c. Causa autem, ob quam hic affectus sit grauiissimus, est quoniam mediastinum ad cordis basim incumbit, quæ ipsius cuspide mobilior est, ex Gal. 6. de usu part. cap. 7. cum sit fons, & sedes innati caloris. Quare hoc affectu prehens, syncope, & cordis palpitatione, anxietudineque corpiuntur.

In mediastino vera pleuritis etiam generatur, quidquid perperam arbitrentur Holler. lib. 1. de morb. intern. in Schol. cap. 24. & post eum Ludouic Mercat. lib. 2. de morb. intern. cap. 6. Licet in membrana succingente costas, aut perioftio, aut saltem in musculis intercostalibus, veram excitari pleuritidem suis symptomatis insignitam, constans sit celebrium Medicorum sententia.

Hunc affectum à causa exteriori habuisse ortum, nempe ab exercitio non assueto palam fecit auctor, hoc enim



suapte natura corpus excoalfacere solet: & licet à causa externa curatiua indicatio non desumatur, auctore Galen. *lib. 4. meth. c. 3.* tamen ea ad curationem affectus plurimum potest, ex ipso *l. de compos. secund. loc. c. 1.* & maxime si corpus inueniat ad febrem præparatum: ut ait Gal. *l. 2. de nat. et human. c. 2.* non solum ex iis qua comedendo, aut bibendo gerimus, verum ex balneis quoque, exercitationibus, otio, vigiliis, merore, ira, refrigeratione, astu morbi ortum habent.

Itaque cum passi dispositio adesset, commoto, agitatioque humore, factum est; ut ob cerebri validam intemperiem, & magnam in spiritibus agitationem, à spiritualibus partibus vapores in cerebrum elati delirium efficerent; quod est error, seu motus deprauatus principium facultatum, ex Gal. *lib. de dif. sympt. cap. 3. ad fin.* Ex pleuritide autem sæpe concitari delirium, tenet Galen. *lib. 4. de presag. ex pulsib. cap. 8.*

Ex his omnibus, simulque ex concomitantibus symptomatis, huius inflammationis naturam exactè constituentibus, opitulari illicò satiùs duxit sexta vena, qua leuata natura residuum humoris postea concoxit, & sputum boni coloris, & substantiæ apparere cœpit: copiosè autem extraxit ut maximæ inflammationi ferret opem; nam Hip. *4. acut. 74.* ad animi deliquium euacuat in pleuritide: De quo argumento lege quæ diximus, *lib. 3. de praxi medica admiranda obseru. 113.* Et licet multa copia humoris ex affecta parte, generèque venenoso rueret in cerebrum, acrisque vapore ipsum irritaret, concuteret, & mentis faceret alienationem; tamen detracta copia venæsectionis opem natura humorem in spiritualibus partibus impactum, tussis; descendentem verò à capite, simplici excreatione reiecit. Et ut partes ex nimia effluuiescentia excoalfactæ attemperarentur, & abstergerentur rectè, ptisanam assumendam proposuit, & ad maiorem repurgationem, ad pulres furfuris accessit quod has intentiones compleret: ita est notum, ut probatione non indigeat. In cæteris omnibus, curari mediastini inflammationem, pleuritidis instar, firmat petrus Salius *lib. de curat. morbor. ab ordinariis practiciis non exhibitorum, cap. 6.* quorum materiam latè, doctèque describit hic auctor inter omnes, à quo postea desumpserit Mercatus *loc. cit.* & Roderic. à Fonseca *lib. 2. consulti. 84.*

## QVÆSTIO XXIV.

*Quod inflammatio sit de essentia phrenitidis. Contra Iacchin. Vallesium, Pererium & Carreerium doctissimos.*

### COMMENTARIUM.

**C**erebri apostema calidum.] Inflammari cerebrum notius est, quàm ut explicari debeat, probantque inter omnes, ex Galen. mente pluribus in locis Alexander Massaria *lib. 1. de morb. intern. cap. 11.* Costæus in *1. tract. 3. com. cap. 1.* Ludou. Mercat. *lib. 1. de morb. intern. cap. 11.* Montaltus *tract. 3. de cerebr. affect. cap. 3.* & alij. An tamen inflammatio sit de essentia phrenitidis, serium dubium est, & ex iis quæ asterisco signanda videntur. Pars negans suadetur, primò auctoritate Gal. Is enim *lib. 1. prorrhetic. com. 1.* phrenitidem fieri dicit, quando flaua bilis occupat locum, in quo residet princeps animi pars; lethargum verò, quando pituita diluit cerebrum, ipsumque humectat. Igitur cum lethargus sit vitium phrenitidi contrarium, auctore Gal. *lib. 1. 3. meth. cap. 21.* & contrariorum eadem sit ratio, sequitur quòd ad generationem lethargi sola intemperantia opus est, ad generationem phrenitidis sola intemperantia sufficiat.

Secundò. Febris continua, & delirium perpetuum sunt signa pathognomonica phrenitidis, ex Gal. *lib. 3. epid. sect. 3. com. 46.* & *lib. 1. prorrhetic. com. 1. ante med.* Sed huiusmodi signa possunt reperiri citra inflammationem. Ergo. Minor pater apertè. Si enim in causo flaua bilis ascendat ad cerebrum, quin concitet inflammationem, & intemperando, perturbandoque delirij perpetui sit causa, quis dubitat dari phrenitidem sine inflammatione, sicut sine hac

febris ardens, & delirium continuum generantur. Tertiò. Sicut frigidus humor insensibilitatem, & immobilitatem inducit, sic humor calidus in cerebro existens continuum motum parit, & si vitietur, dementia gignit, ex Galen. *13. meth. cap. 21. §.* Ex humoris verò vitio dementia, &c. At flaua bilis potest putrefieri in cerebri venis quin concitet inflammationem, sicut quando est in meatibus inflammationem efficit. Ergo si hoc secundo modo, febrem, & perpetuum delirium concitat, poterit id etiam primo modo efficere, & ex consequenti, poterit phrenitis sine inflammatione consistere.

Vltimò. Galen. *3. de loc. affect. cap. 7. ad fin.* ad naturam phrenitidis solum requirit intemperantiam: & *lib. 7. aph. com. 12.* vapores calidos intemperando, & minimè inflammationem committendo, phrenitidem concitare affirmat.

**B** mat. Ergo phrenitis iuxta Galen. doctrinam sine inflammatione reperitur. Hæc sunt quibus intricati Iacchinus in *lib. 9. ad Almans. cap. 7. de phrenitide.* & Vallesius *lib. 5. contr. c. 12.* Gomez Peterius in sua noua medicina, *cap. 49.* Carreerius *disput. 7. super libris de loc. affect. c. 1.* inflammationem non esse essentiam phrenitidis acriter contendunt. Sed exorbitant hi non exiguum, sicut à veritate, ita à verissima Galeni, & Principium mentis breuibusque perstringemus, longè aliud profiteri Galenum locis citatis, quàm quod ipsi sibi persuadent. Si enim huius auctoris edicta perlustremus, phrenitidem non aliter quàm per inflammationem definiri inueniemus. *Lib. enim 2. de caus. sympt. cap. ult.* phrenitidem, non solum ex succis calidis in cerebro impactis originem ducere, sed supra id, phlegmonem in cerebro, eiusque inuolucris esse constanter affirmat: quàm sententiam omnes tam Græci, quàm Arabes sequuti sunt, quorum numerum, operosum esset recensere. Per inflammationem autem, non phlogosim, hoc est, inflammationem siccam, sed humidam, & ex affluxu humorum constantem intelligas velim, cum Galen. *lib. 1. 3. meth. cap. 1.* hanc enim, veram inflammationem nuncupamus. Neque obstat, quòd inflammatio sit tumor, quem cerebrum non tolerat; nam præterquam quòd tumor non est de essentia inflammationis, ut apparet in herpete, & erysipelate, quæ sunt cutis inflammationes citra tumorem, ut inter omnes probat Andreas à Cruce *lib. 1. chirurg. tract. 1. cap. 1.* etiam cerebrum extendi, & tumesceri potest, cum sit molle, viscidum, & solum scirrhum inter omnes tumores non patitur, quia scirrhus familiaris est partibus duris, auctore Magistro *lib. 4. de presag. ex pulsib. cap. 9.* Cerebrum ergo inflammari potest, ex Auic. *3. 1. tract. 3. cap. 1.* sicut enim pars ex defectu nutrimenti marcescit, sic ex copia intumescit, & inflammatur, & cum suas habeat porositates, & meatus, fluxionem recipit. Vide Paulum *lib. 3. cap. 7. de inflammatione cerebri.*

**C**lidis in cerebro impactis originem ducere, sed supra id, phlegmonem in cerebro, eiusque inuolucris esse constanter affirmat: quàm sententiam omnes tam Græci, quàm Arabes sequuti sunt, quorum numerum, operosum esset recensere. Per inflammationem autem, non phlogosim, hoc est, inflammationem siccam, sed humidam, & ex affluxu humorum constantem intelligas velim, cum Galen. *lib. 1. 3. meth. cap. 1.* hanc enim, veram inflammationem nuncupamus. Neque obstat, quòd inflammatio sit tumor, quem cerebrum non tolerat; nam præterquam quòd tumor non est de essentia inflammationis, ut apparet in herpete, & erysipelate, quæ sunt cutis inflammationes citra tumorem, ut inter omnes probat Andreas à Cruce *lib. 1. chirurg. tract. 1. cap. 1.* etiam cerebrum extendi, & tumesceri potest, cum sit molle, viscidum, & solum scirrhum inter omnes tumores non patitur, quia scirrhus familiaris est partibus duris, auctore Magistro *lib. 4. de presag. ex pulsib. cap. 9.* Cerebrum ergo inflammari potest, ex Auic. *3. 1. tract. 3. cap. 1.* sicut enim pars ex defectu nutrimenti marcescit, sic ex copia intumescit, & inflammatur, & cum suas habeat porositates, & meatus, fluxionem recipit. Vide Paulum *lib. 3. cap. 7. de inflammatione cerebri.*

**D**um scirrhum inter omnes tumores non patitur, quia scirrhus familiaris est partibus duris, auctore Magistro *lib. 4. de presag. ex pulsib. cap. 9.* Cerebrum ergo inflammari potest, ex Auic. *3. 1. tract. 3. cap. 1.* sicut enim pars ex defectu nutrimenti marcescit, sic ex copia intumescit, & inflammatur, & cum suas habeat porositates, & meatus, fluxionem recipit. Vide Paulum *lib. 3. cap. 7. de inflammatione cerebri.*

Insuper. Si phrenitis in Galen. doctrina, non esset inflammatio cerebri, aut membranarum eius, non esset vera Hip. & Gal. sententia Iara *lib. 2. prog. 19.* asserentium omne genus phrenitidis esse exitiale, quoniam pars princeps est affecta: nam intemperantia sine inflammatione non est lethalis affectus. Occurrit Vallesius hos auctores de phrenitide facta, & confirmata esse intelligendos, non tamen de ea phrenitide quæ in generatione est, quoniam hæc (inquit ipse) nondum est inflammatio, nec lethalis, & facile auxiliorum applicatione corrigitur. Solutio nullo modo potest admitti, eamque planè redarguit Gal. *lib. 1. epid. sed. 2. com. 73.* asserens flauam bilem tunc phrenitidem inducere, quando in cerebro, & eius membranis est impacta; quando verò profluit per venas, & antequam hæreat in cerebro non phrenitidem, sed delirium concitare asseuerat. Deinde phrenitis in generatione, & iam facta, non constat ex diuersa essentia; cum enim morbus sitres facta, & permanens, non habet suam essentiam in generatione posteriori; nam cum primum incipit esse, habet totum esse simul Auctore Gal. *lib. 1. de loc. cap. 2. ad fin.* & *lib. de morb. temp. cap. 1.* & *lib. de tot. morb. temporib. cap. 2.* Igitur si essentia phrenitidis factæ, & firmatæ consistit in inflammatione, in hac, incipientis phrenitidis essentia etiam est constituenda. Ut verò quæstionis huius allequaris

**E** (inquit ipse) nondum est inflammatio, nec lethalis, & facile auxiliorum applicatione corrigitur. Solutio nullo modo potest admitti, eamque planè redarguit Gal. *lib. 1. epid. sed. 2. com. 73.* asserens flauam bilem tunc phrenitidem inducere, quando in cerebro, & eius membranis est impacta; quando verò profluit per venas, & antequam hæreat in cerebro non phrenitidem, sed delirium concitare asseuerat. Deinde phrenitis in generatione, & iam facta, non constat ex diuersa essentia; cum enim morbus sitres facta, & permanens, non habet suam essentiam in generatione posteriori; nam cum primum incipit esse, habet totum esse simul Auctore Gal. *lib. 1. de loc. cap. 2. ad fin.* & *lib. de morb. temp. cap. 1.* & *lib. de tot. morb. temporib. cap. 2.* Igitur si essentia phrenitidis factæ, & firmatæ consistit in inflammatione, in hac, incipientis phrenitidis essentia etiam est constituenda. Ut verò quæstionis huius allequaris



assequaris explanationē, aduerte cum Gal. l. 5. de loc. affect. cap. 4. phrenitidem non subito, & affatim fieri: nam quædam est phrenitis futura fieri; quædam in generatione; alia est facta, firmata & absoluta: illa dicitur futura fieri, quando adest febris biliosa, maligna, sicca, in qua nihil excernitur, præest capitis dolor; hæc enim, ex Auic. 1. 3. tract. 3. c. 2. sunt ex signis fortibus, quæ futuram phrenitidem ostendant. In generatione appellatur phrenitis, quando flaua bilis ad caput non solum ascendit, sed iam incipit effundi extra venas, nondum tamen manifestas inflammationis notas præstat: hæc cum immodica vigilia, occipitis dolore, ingenti obliuione, delirio, respiratione magna, & rara, affligit & premit. Denique illa est phrenitis facta atque constructa, quando flaua bilis effusa extra venas impingitur, inflammationem efficiens. In hac nihil apparet, quod ad prudentiam spectat, delirium est ferox & ferinum, oculi squallidi apparent, venæ oculorum rubent, lachrymæ inuoluntariæ effunduntur, floccos, festucas, mulcas venantur ægri; hæc enim factam, & absolutam inflammationem significant. Hæc distinctio magni solet esse ad vsum momenti; nam in illius curatione plus perficimus, præcauendo futuram, imminentiæue phrenitidem, quam curando iam factam, atque firmatam; hæc enim vt plurimum interficit, ex Hip. 6. aph. 53. Galen. lib. 1. epidem. sect. 3. com. 1. post. princ. Auic. 1. 3. tract. 3. cap. 2. ante fin. His positis sit vnica conclusio.

Inflammatiō semper est de essentia phrenitidis, tam illius qua in generatione est, quam illius qua est facta, firmata atque constructa. De facta, quod sit inflammatiō, nullus dubitauit. De ea quæ in generatione est, sic confirmo. Quilibet morbus, statim ac incipit, totam suam essentiam completam habet, cum sit de genere permanentium. Sed essentia phrenitidis factæ consistit in inflammatione. Ergo incipiens, cum habeat eandem naturam, & essentiam cum facta, etiam in inflammatione consistet.

## DVBIUM XVI.

Num detur morbus insensilis.

Disceptatum est inter eruditos, qui Galenum teunt lectione assidua, num morbus incipiens, cum sit insensilis, & manifeste, insigniterque non lædat operationes, verè morbus dicendus sit, Galen. lib. 1. de dieb. decretor. cap. 6. in fin. affirmat Asclepiadis familiam non curasse, neque contemplatam fuisse leues febres, quoniam sensibile nocumentum non inferunt, ex veterum, & Gal. sententia, l. 3. de temp. c. 4. post med. qua ratione lib. 6. de loc. c. 2. dysenteriam non vocat, quoniam aliquid cruoris appareat, & vlcus sit inductum: neque enim sanitas est absoluta, perfecta que symmetria, qua perfectissime operationes perficiuntur, alioqui nullus homo esset sanus, cum intra sanitatis limites, dolores exigui, & febres leues reperiantur, quæ homines à publicis, & priuatis negotiis non impediunt, vt ait Galen. lib. 5. de sanit. tuend. c. 5. ante med. Sic phrenitis cum est in generatione, non est inflammatiō, nec phrenitis est vocanda. Quamuis autem hæc vera sint, si formaliter, & medicè loquendum sit, qua ratione dicebat Gal. lib. de totius morb. temporib. cap. 9. omnem morbum ex sua natura in principio propter paruitatem latere, ita vt nec à Medicis, ægrotisue leniatur: tamen morbus insensilis, & incipiens, morbus verè est. si physice, & secundum rei naturam loquendum sit: nam sanitas exacta symmetria est, & quilibet recessus ab illa morbus est. Hinc lib. 1. de loc. affect. cap. 2. ante fin. morbum esse rem similem affirmat, qui cum primum limites naturæ egreditur totam suam essentiam habet. Quare dysenteria pro materiali, & secundum rei naturam, vlcus est, & siue sit magnum, siue paruum, semper est vlcus. Sic inflammatiō cerebri, siue sit incipiens, siue adulta, parua, vel magna, semper est inflammatiō, quoniam habet partes factas, permanentes, impressas, & productas, quarum ratione dicitur morbus, cum per se actiones lædat.

Argumentis verò in initio adductis sic satisfaciendum. Ad primum. Non negamus ad phrenitidis generationem,

A necessariam esse bilem in cerebro, & intemperiem ab ipsa productam, verum oportere etiam extra vasa eam duci, & inflammationem concitare.

Ad secundum. Respondet Gal. lib. 1. prorrhetic. com. 25. non quodlibet delirium cum febre continua esse signum pathognomonicum phrenitidis, sed illud tantum quod ex ferox & ferinum, quod solum ad inflammationem sequitur: illud verò quod ex sola bile agitata & mota, citra inflammationem ortum ducit non est ferinum.

Ex hac solutione, ad tertium explicatio patet: humor enim vitiosus in venis cerebri impactus, etsi delirium concitet, non tamen tale, & tam ferinum, quale ad phrenitidem necessarium est, nisi extra vasa putrescat, & in illius substantia, aut membranis inflammationem concitet.

Ad ult. Dic, ibi Galen. de phrenitide vera, & propria non esse intelligendum, sed de paraphrenitide, hoc est de illa quæ conatus ratione, vel à pulmone, ventriculo, septo trauerso, vel ab alia aliqua parte inferna originem ducit: licet enim intemperies calida, & vapores calidi phrenitidem concitent, quatenus intemperant, dolorem inferunt, fluxionem accersunt, contrecunt in cerebro, & in inflammationem degenerant, & sic concitant phrenitidem; hoc non per se, primò, sed ex accidenti efficere, affirmamus.

## DVBIUM XVII.

Num aqua hordei vel prissana in pleuritide propinanda.

A Suescere aquam hordei.] Per aquam hordei, quandoque aquam in qua hordeum incoxit, nonnuncquam cremorem hordei intelligendum, qui cum Auic. 1. 4. tract. 2. cap. 9. est substantia quadam tenuissima, ex toto hordei corpore, prius bene concocto, & linteo deinde percolato expressa. Aqua verò hordei sit, quando triginta aquæ partes, & vnam hordei assumimus, atque hordeum tam diu elixari lentò igne permitimus, donec grana valde intumescant. Vtrum autem hordeum electum, hoc est solidum, purum, non multum recens, nec vetustum, & omnis malæ qualitatibus expers, debeat esse integrum, ac contractum, dubium est. Hoc probat Isaac. lib. diatar. part. cap. prop. Alzaharau. lib. 16. cap. 1. Haly, c. de prissana. Renuunt Auenzoar lib. 2. tract. 16. cap. 6. Auer. 5. collig. cap. 30. Niculus serm. 2. tract. 1. sum. 1. cap. 16. Tu verò controuersiolum solve cum Gentil. 1. 4. tract. 2. cap. 7. Hic potus ferè nihil alimentitium habet, quem in morbis calidis ventriculi, iecoris, febribus biliosis, & sanguineis, spiritaliumque partium inflammationibus ad calidissimi humoris feruorem retundendum, summa cum vtilitate propinamus. C emore autem prissanæ vititur, quando tenuem victus rationem instituere est in animo. An tamen ex hordeo excorticato paranda sit, dic quod cum hordeum frigidum sit & siccum, ex Hip. lib. 2. de diat. num. 8. & Gal. lib. prissan. cap. 3. & lib. 7. simpl. rit. de hord. de quo argumento sat plura congesse, Iulius Alexandrin. lib. 1. epist. 2. & 3. & Valleriol. lib. 1. enarrat. 6. & cortici quiddam abstersiuum insit, & purgatiuum: quando maiori abstersione opus est, tunc cum cortice coquendum est. Cum verò maiori refrigerio indigemus, tunc absque cortice erit deligendum, vt eruditè notauit Costæus in com. cap. 8. sen. 14. tract. 2. Auic. & firmant Mercurialis lib. 4. variar. ult.

Prissana autem tota vtemur, quum multum nutrire intendimus, tunc enim hordei grana optimè ad ignem cocta, & tumefacta, ac velut in chylum redacta ægrotis exhibemus. Quoniam verò nomen prissanæ ad ea Cerealia etiam extenditur, quæ cortice possunt purgari, frequentissime tamè inuenies, apud Plin. l. 18. c. 7. Arist. l. 3. probl. 37. Hip. l. 1. acut. text. 17. Ruel. lib. 2. de natur. stirp. 16. prissanæ vocabulum ad hordeaceam, triticeam, orizaceam, atque ex chondro factam extendi: inualuit tamen consuetudo nomine prissanæ audiri tantum hordeaceam, quæ quibus conditionibus debeat parari, ostendit Hip. lib. 1. acut. a 8. & Gal. lib. 10. de prissana, & lib. 1. de aliment. facul. cap. 9.

Hæc ergo frumentaceis gustamentis rectè præfertur,

nam viscositas eius est lævis, continua, incunda, lubrica, & mediocriter humens, sitim minimè infert, abluat, abstergit, non adstringit, non malè turbat, neque in ventre tumescit refrigerat, humectat, nutrit, sitim compescit, coctionem procurat, excreationes mouet, boni est succi, facile coquitur, & distribuitur. Quapropter prisci hunc mirabilem cibum tantopere laudarunt, præsertim in acutis morbis, & pleuritide, maximè cocto humore, procedente spuro, & vacuationibus celebratis: aliàs si quis eam dederit, ægrè præcipitem ager in mortè, quoniam abstergit intempestuè in corpore pleno, & multum nutrit naturamque à coctione disturbat, vt firmat Hip. lib. 1. de rat. vi& in morb. acut. text. 33. explicat eleganter Mercurialis in com. Quare in omnibus internarum partium inflammationibus, præstantissimum, si quod alterum, est auxilium: sic in putridis febribus, interiorum viscerum phlogosi mirificam opem præstat, præcipuè si cum guttulis aceti præparetur ad humorum putredinem corrigendam, vt lib. 1. de aliment. facult. cap. 19. Hal. præcepit, & notauit Septalius l. 2. caution. medicar. num. 42. de qua re lege Claudinum, in appendice libri de ingres. ad infirmos, sect. 4.

Ex quibus mirari subit doctissimum Manardum, tanquam calumniam veteribus prætexentem, qui lib. 5. epist. 2. futilibus ratiunculis persuasus, probare contendit, ptissanæ, vel aquæ hordei in acutis morbis vsum, reprobum esse, & valde noxium: cuius opinionem sequitur Ludou. Mercat. lib. 1. indicat. cap. 2. in fin. quorum rationes infringere libenter, ni hunc laborem subsissent iam Cardan. lib. 2. contradi. tract. 3. 6. contradi& & Horat. Augen. tom. 1. epistol. l. 1. epist. 1. Valsus Castellus tract. 5. de thorac. affectib. cap. 8. difficult. 8. qui acriter in eum debacchantes, ipsius paradoxum mirantur, & irrident cum ptissanæ laudes, ac aquæ hordeo decoctæ decantent, Hip. lib. 1. de rat. vi& in morb. acut. Galen. ibi, & vbiq; passim. Paul. lib. 1. c. 78. Oribas. lib. 1. collect. 11. Aëtius retrab. 1. serm. 1. cap. de hordeo. Rasis 30. contin. tract. 6. cap. 2. Auer. lib. 5. collig. 31. Haly 5. theoric. 15. Serap. tract. de simpl. explan. c. 131. Mesuè cap. de pleurit. sit. de aqua hord. De cuius v& efficacia eximia, inter iuniores omnes lege Massariam lib. 7. de febribus cap. 16. de hordeo. An tamen ptissana triticea præferatur hordeaceæ, dic cum Aristot. lib. 1. probl. 37. in sanis illam optimam esse, quia triticum magis nutrit, facilius coquitur, in acutis verò, de quibus Hip. agit, hordeaceam anteponendam, quoniam accommodatior est, melior, & frigidior. Cætera de ptissanæ facultate, vario perandi modo vide apud Galen. lib. de ptissana, cap. 4. & lib. aliment. cap. cit. Christoph. à Vega lib. 2. de art. medic. sect. 3. cap. 4. sit. de hord. Mercurial. in com. cit. loci, lib. 1. de rat. vi& in morb. acutis. Iacobus Fontan. lib. 6. de aliment. c. 2. de hordeo. Hermol. Barbar. lib. 2. corol. cap. 310. & elegantissimum Ludouic. Nonnium lib. 4. de re cibarij. cap. vlt.

## HISTORIA XXIV. GALENI,

### De septi transuersi inflammatione.

Quidam ex periculosa septi transuersi inflammatione, tutus euasit.

**I**dem spirationis genus in quodam notauit, quem cum aliquando equus in præcordiorum regione calcitrasset, adeo atrociter, vt aborti in septo transuerso inflammatione, mortis periculum immineret: is licet euasit à periculo tutus, ab imbecillitate tamen liberari nequiuit, &c. Galenus lib. 4. de loc. affect. cap. 5.

### PARAPHRASIS.

**S**eptum transuersum, quod alij diaphragma vocant, sicut interiectus paries, ventrem medium ab inferiori, & vitalia organa à naturalibus dirimit: princeps est, ac primarium respirationis instrumentum. Transuersum verò dicitur, nam ab anteriore thoracis parte ad posteriorem vsque protenditur, & ideo Hip. in Coactis, respiratorium ventris nuncupauit. Hoc veteres phrenes nomina-

runt, quasi prudentiæ sit particeps, non quòd quicquam ad sapientiam conferat, sed quòd maximam forniatur cum cerebro sympathiam, & connexionem, vt faciliè ab eius inflammatione comparatur.

Quidam, ob cordis viciniam, quòd ei prætendatur, præcordia dixere, cum Arist. l. 1. de hist. anim. c. 17. 9. Sub pulmone septum transuersum est, quæ præcordia, & cinctum appellant, &c. Plin. licet l. 1. c. 37. hac de causa præcordia vocet, tamen l. 3. o. c. 5. vno nomine extra appellat, & Cels. l. 2. c. 3. hyponchondria improprie nuncupat. Huius septi v& primus est, vt liberæ respirationi inseruiat inspirando, expirandòque. Secundus, vt hypochondria ventilet, maximè verò hepar quod superiore, & conuexa sui parte arterias nullas habet. Tertius, vt iunctæ cum per inferiora excretionem; nisi enim hic musculus superiore parte, tanquam manibus intestina premeret, æque per superiora per inferiora decurbarentur facies.

Cum ergo ab equo calcitrone ictus in præcordiorum regione vehemèter esset hic æger, quid mirum si ad hanc partem præditæ venis, à trunco ascendenti cauæ exortis, phrenicis dictis, quas totidem arteriæ comitantur, & membris præcipuis valde vicinam; concurrentibus ob ingentem dolorem humoribus, oriatur inflammatio? & magis motu ipsius septi attrahente (esse autem in perpetuo motu, 6. de loc. c. 4. Gal. confirmat.) adiuuantibus etiam calore, & partis imbecillitate; quæ omnia quantum ad phlegmones faciunt generationem, omnibus parere arbitror, & vbiq; patefecit Gal.

Licet autem hæc pars ab humore frigido tenui, qui temporis diuturnitate in loco affecto crassescit, occupari possit: tamen cum inflammatio recentè à causa externa fuerit concitata, illam à calido humore, bilioso & tenui, ad debilem, & dolorificam partem affluente, fuisse concitatam non eo inficias: nam sanguis crassior, & pituita lenta, ob diaphragmatis densitatem in ipso recipi non possunt.

Hanc incipientem inflammationem necessario sequitur febris acuta, tum ratione affectionis, tum ratione loci affecti. Pars enim hæc ob viciniam, cum corde per arteriam magnam, cum cerebro per nervos, cum iecore per venam cauâ illicò has partes præstantes in sui consensum trahit. Quare septo transuerso inflammato spiratio adest parua & frequens: parua quidem, ob inflammationem, & affectum organi respiratorii; vnde fit, vt in omnem dimensionem dilatari non possit thorax: frequens verò, urgente necessitate, & incendio; quo fit vt paruitas frequentia compensetur, vt 5. de loc. affect. c. 3. docuit Gal. Deinde præcordia intenduntur absque v&lo tumore in hypochondriis, ex Gal. lib. 1. epid. sect. 3. com. 18. Adest pulsus seu palpitatio in præcordiis, vt l. 1. prog. text. 31. affirmat Hip. cum Gal. In crescente autem inflammatione delirium necessario sequitur, spiratio est inæqualis, modò parua, modò magna, frequens, aut rara, ex Gal. 5. de loc. cit. & lib. 4. de præag. ex puls. c. de septo transuerso, pulsus apparet paruus, durus, & creber. Affectus hic acutissimus est, & exitialis ob dictas causas, quoniam hæc pars maximam connexionem, & consensum habet cum m&bris præcipuis; & cum sit in perpetuo motu vapores ab inflammata parte, calidissimos in alias promptissimè emittit & eructat, qui facultatem animalem præcipuè vellicando, & validam in humoribus, & spiritibus agitationem efficiendo, deliria, conuulsionèque, concitare nati sunt.

Sed quibus auxiliis hic æger tutus euaserit, Gal. non explicat. An forte quoniam inflammatio ab humore calido exorta, sicut communes inflammationes partium principum curantur, tractanda est: id equidem puto: quoniam humor inflammationem faciens primò vacuandus est secta vena, scarificatis cucurbitulis, hirudinibus sedi admotis. Reuellenda materia extremarum partium ligaturis, frictionibus, balneis, & refrigerantibus lotionibus. Euacuetur etiam humor impactus repellentibus primò, deinde discutientibus. Sed quoniam ob vigilias immodicas, & delirium continuum vires faciliunt, nec ægri ad opportunè oblata præsidia rectè se habent, delirio, & vigiliis obuiandum est, oxyrrhodinis, & somniferis auxiliis, quæ apud auctores agentes de phrenitide passim inuenies.

Quibus

Quibus factis etsi tutus euaserit, ob debilitatem, spirandi munus perficere non valuit. Cætera peculiaria huic morbo auxilia, adamussim exarauit Petrus Salius, vir in facienda medicina dexterrimus, felicissimus inter omnes, de curat morbor. ab ordinariis practicis non exhibitor. c. 8. & post eum retulit Vidus Vidius lib. 8. de cur. membrat. cap. 15.

## QVÆSTIO XXV.

Quod ex inflammatione septi transuersi delirium oriatur perpetuum. Contra Carrerium, & Valles. Medicos insignes.

## COMMENTARIUM.

**O** Borta in septo transuerso inflammatione.] Conspicitur hoc loco difficultas nobilis, agitata Medicis illis præsertim, qui sibi vel sagacissime odorari videntur. Hi enim argutè inquirant: Cur Galen. hoc loco periculosam inflammationem in septo transuerso subortam describens, delirij continui non meminerit, quod ab huius partis inflammatione est inseparabile. Aristoteli enim totius naturæ generis mirabilis, lib. 3. de partib. animal. c. 10. sic scribit. *Vbi enim propter vicinitatem attraxerint humorē calidum, atque excrementitium, continuo mentem, sensumque planè perturbant; quamobrem phrenes appellantur, quasi principes prudentie sunt, &c.* Hanc doctrinam approbavit Gal. & postea ab eotota Medicorum schola edocta vnanimiter confirmat. Is enim lib. 5. de loc. affect. cap. 3. in hæc verba prorumpit. *Atque delirare solent nonnulli, ob vitium quod in ore ventriculi consistit, & febribus ardentibus, & pleuritide, & peripneumonia: sed quæ ob septi transuersi affectum accidunt deliria, non multum à phrenitide distant, &c.* Infrà eodem c. sic ait. *Ergo hoc modo per cerebri affectum paulatim phrenitis euenire solet. Ab aliarum verò partium nulla perpetuum delirium procedit, dempto solo septo transuerso, adeo ut veteres putauerint hac parte inflammatione affecta homines phreneticos euadere, atque ob eandem suspicionem phrenas (id est, phrenitide) appellauerunt, &c.* Idem confirmat l. 4. de prasag. ex pulsb. cap. 4. §. *Ac si ex solis excrementis in ipso existentibus citra febrem intendatur, dolor & dyspnœa primo consequitur: postea putrescentibus excrementis febricitant. Si ex fluxione, quæ incumbit in ipsum, omnino hac sit, vel flaua bilis, vel calidi sanguinis, & tenuis oportet; nam crassum sanguinem, pituitam lentam ob densitatem nunquam recipit. Hi delirabunt necessarii, &c.* Et l. 10. method. cap. 8. postquam hecticam à pluribus partibus præcipuis suboriri dixit, à septo transuerso se vidisse subortam affirmat, sed citius ob delirium superueniens, interimentem, quàm hectica esset prorsus confirmata, quia huic parti perpetuum coniungitur delirium ac necessarium. Et lib. 1. prog. com. 28. septum transuersum, inflammatum, delirium afferre promptissimum memoriæ commendauit. Galeni sententiā affirmat Auenzoar lib. 1. Theizir, tract. 16. cap. 7. §. *Eo quod in hoc apostemate fit continuo perturbatio mentis, ac si esset in panniculo cerebri, &c.* Adest ergo in diaphragmatis inflammatione perpetuum delirium.

Contra hos grauissimos testes, quorum sententiā tam præcorum, quàm iuniorum comprobauit opinio, insurgit Trallianus, haud dilutæ auctoritatis Medicus lib. 1. sui operis, c. 13. tit. de notis futura phrenitidis, dum eos tanquam falsa loquentes coarguit, qui in inflammatione septi transuersi delirium adesse continuum asseuerant, sic enim ait. *Quemadmodum nonnulli phreneticos ob septi transuersi inflammationem fieri existimant, quod verum non est, &c.* Vides Tralliani, viri alioquin præstatiissimi ingenium, & mores. Quid ergo ad tantam machinam dicendum sit, attende rogo. Arguit enim Trallianus illos, qui ex septo transuerso fieri delirantes, feroces, & ferinos existimant; quod verum non est; nam hæc delirij vehementia soli phrenitidi veræ & absolutæ, suamque essentiam in confirmata cerebri inflammatione habenti conuenit. Deinde si Trallianum, de septi transuersi inflammatione intelligas, ex crassa materia suborta, in qua non ita frequenter accidit delirium, ex Galen. lib. 4. de prasag. ex pul-

**A** sib. cap. 4. saltem in principio, ex Petro Salio, ubi supra, rectè dissolues: Narrat enim Fernell. lib. 5. patholog. cap. 11. *Se tumores duos diaphragmatis radici infixos nonnunquam deprehendisse, qui sensim tæbe laborantes consumpserunt, citra ullam delirij speciem.*

Quare tamen ex inflammatione septi transuersi delirium sequatur perpetuum; classicorum peritissimi inquirunt. Mihi illorum varias opiniones de hac re contemplanti, obtulit sese locus Vallesij dignus obseruatione, ex lib. 4. controu. cap. ult. in com. cap. 3. lib. 5. de loc. affect. cuius vini sententiā non erit abs re, si huic potissimum loco agglutinemus. Putat enim consensus huius rationem non esse positam in vicinia, nec in rectitudine, nec in consensu generis, aut operis, sed in occulta quadam analogia, quæ exprimi nequit. Plurimi enim inter nostri corporis partes reperiuntur consensus, quorum causa non ita est manifesta. Reproba est solutio, ob causas plures. Prima, quando enim ratio potest dari manifesta, ad occultas confugere qualitates, vanum est: ait enim Gal. lib. 3. de prasag. ex pulsb. cap. 5. *quod eorum qui nihil docent proprium est, ad proprietates quæ exprimi nequeunt confugere, nam ignorantia est asylum.* Secunda. Si spinalis medulla est magis (ut ita dicam) analogia cerebro, cur hac inflammatione obfessa, non semper oritur delirium perpetuum & continuum? Tertia. Varia, & dist. ncta est natura cerebri, à septi natura; illud enim totum est spermaticum, at septum multa parte carnosum. Vltima. Si solam neruorum sympathiam admittit, cur inflammato ore ventriculi, quod insignes accipit neruos stomachicos, & summam cum cerebro obtinet analogiam, perpetuum delirium non contingeret? Lege Castrensem lib. 2. opuscul. quæ ex quibus cap. 21.

Petrus Garzia Carrerius, Complutensis Academiæ primarius Professor insignis, & qui nuper Galeni libros de locis affectis arduis difficultatibus, acutè, ingenuèque illustrauit, cap. 7. disput. 7. delirium septi transuersi non esse perpetuum asseuerat verbis sanè commotus Gal. in lib. 5. de loc. affect. c. 3. qui deliria ex septo transuerso non multum à phrenitide distare affirmat, & parum infrà, à continuo distare ait. Si ergo à continuo distat, non est continuum. Deinde Auic. l. 3. tract. 3. c. 2. §. *Alienatio superfluit quandoque, & abscinditur alia vice, &c.* in phrenitide non esse perpetuum delirium confirmat. Denique Galen. lib. 3. epidem. sect. 3. com. 85. *uxorem Dealcis multum delirasse, & deinde persistentibus aliis pessimis signis, ad mentem redisse asseuerat.* In phrenitide ergo vera si perpetuum delirium non adest, cur in ea quæ à septo oritur, continuum delirium apparebit?

Sed vir acutissimus non expendit seriò verba Galeni, Nam præterquam quòd Præceptor in eodem cap. à nulla parte delirium continuum oriri dicit, dempto septo transuerso; ab hac parte suboritur delirium non est ita ferox, & ferinum, ac visitur in idiopathica phrenitide, ut cit. de loc. monuit Galen. Deinde differt septi phrenitis, ab illa quæ primò in cerebro fit, quòd in hac statim apparet delirium: in illa verò quæ ex septo originem ducit, primò febris ex inflammatione, mox delirium concitatur. Non ergo Galen. negare esse continuum, cum ibidem continuum faciat, sed parum à continuo distare inquit, quòd illud cum febre incipiat, alterum parum post febrem, quo tempore apparens, continuitatem, sicut & primum seruat.

**E** Ad 2. dic. In phrenitide vera, & septi transuersi, delirium esse continuum: sed sicuti intenditur per exacerbationes febris, sic remittitur, dum febris remittitur, ut videantur quodammodo ad se redire, at nunquam integrè resipiscant, ob causas dictas. Sic intelligendus est loco cit. Auic. in vera phrenitide quandoque alienationem abscindi pronuncians, hoc est, imminui, non tamen omnino cessare, quod est impossibile. Hac de causa Dealcis vxor ad meliorem mentem rediit, cum tamen deliraret semper: nam, ut rectè notat hic Vallesius, rediit ad mentem, tacita & ut Mercurialis in com. huius historia legit, silens, delirando semper; nam taciturnas, & silentium significant delirium, non simpliciter, sed ex morore & exploratū rursus ridere,

ridere, maiorem arguit insaniam. Hoc autem delirium in A hac ægra concitatum, exacerbatum fuisse ad extremum febris, ex textus serie constat manifestè; nam post silentium, iterum vigesimo die multa loquebatur, & deinde quiescebat muta. Ex quibus ad argum. 3. responsio pater.

Sed his relictis, adiciamus Præceptoris, ex lib. 4. de dignoscend. pulsib. cap. 3. in fin. sententiam præclaram, quæ nos commonefacit, ut in soluendis dubiis unumquemque scriptorem ex seipso declaremus, nec inanibus suspitionibus, aut affirmationibus demonstratione vacuis deliremus, quid aliquis dicat. Causa ob quam, ex Gal doctrina in inflammatione septi transuersi adest perpetuum delirium, est perpetuus ipsius motus, & vnà eius cum cerebro maior, quam aliarum partium connexio, & societas. Patet ex Galen. nam septum transuersum in perpetuo motu est, ex Gal. lib. 6. de usu part. cap. 4. ex quo continuo motu continua vaporum B copia insilit in cerebrum, ex qua, continua agitatio humorum, & spirituum ebullitio consurgit, in qua ratio continui delirij consistit; quæ omnia in illarum partium præstantium inflammationibus deficiunt. Et licet in pulmonis, pleuræ, oris ventriculi, iecoris, internisque aliarum partium inflammationibus maximus adsit feruor, & humorum motus ingens, qui ad cerebrum delati delirium concitare possunt, ex Galen. lib. 4. de caus. puls. c. 8. deest tamen maior connexio & societas, quæ inter cerebrum & septum conspicitur, ratione magnorum neruorum, qui in ipsum inferuntur: Formatur vnus ex quarta coniugatione, alius ex quinta memorabilis, ex sexta alius, hoc quidem minor, sed maior primo ad diaphragma deducitur, ex Gal. 13. de usu part. cap. 5. & 9. & postea Rufus Ephesius lib. de hman. part. corpor. nomenclatura, Vesal. 1. 4. fabric. c. 12. confirmant.

Maior ergo adest connexio cerebri cum septo, quam cum aliis paribus, ratione magni nerui formati à propaginibus quarti, quinti, & sexti paris neruorum vertebrarum ceruicis. Firmat nostram positionem Gal. lib. 4. de præfag. expulsib. cap. 5. Pleuriticus cum tali pulsu nemo est seruatus ullus. Hominus, quam quibus inflammatum est septum transuersum, delirant; propius enim principium emittuntur nerui septi transuersi. &c. Vidisti, quo pacto Gal. hos neruos à septo in cerebrum insertos, propius, & intimius attingere cerebri substantiam asseueret.

Quid plura? nonne idem Galen. lib. de pusib. ad tyrones, cap. 11. hanc societatem inter cerebrum, & septum agnoscens, ex pulmonis inflammatione, suffocationem; ex oris ventriculi inflammatione, syncopen: ex iecore inflammatum, atrophiam; ex ventriculo inflammatum, cruditatem; ex renum inflammatione, vrinæ suppressionem; ex septi inflammatione conuulsiones oriri affirmat: quasi hæc pars maiorem cognationem cum cerebro habens, & neruorum origini amplius consentiens, conuulsiones & cerebri affectus facere, ducto in consensum cerebro nata sit. Ex his compertum esse reor, cur dementiæ omne genus focum possit habere in diaphragmate, sicut in cerebro. Quibus autem signis delirium septi transuersi distinguitur ab eo quod in inflammatione cerebri concitatur, latè doctèque explicant Andreas Laurentius lib. 9. de re anatomic. quæst. 4. cap. 4. Ludouic. Mercat. lib. 1. de morb. intern. c. 1. Ludouic. Duretus. lib. 1. in Coacas Hip. prænotiones, in com. sent. 55. & lib. 2. cap. 11. in com. text. 30. Iacotius lib. 4. in Coac. in com. sent. 7.

## HISTORIA XXV. AVICENNÆ, De Empyemate.

### Empyematis historia mira.

E T quandoque habens empyema expuit rem plurimam. Et ego iam vidi qui expuit in vna hora circiter duas heminas paruas, aut heminam magnam vnā, & plus dimidietate hemina, &c. Avic. 10. 3. tract. 4. cap. 15. & Gal. libro 5. de loc. affect. capite. 2.

\* \*

\*

## PARAPHRASIS.

HÆc historia desumpta est ex Gal. lib. 5. de loc. affect. cap. 2. §. Vi non paucos suppuratos perire, ita & alios quàm plures seruari vidimus, quorum, si quis per singulos dies reserti puris quantitatē atem collegerit, interdum sex, aut octo heminas interdum decem, atque interdum plures, totam summam aquare inueniet, &c. Quid sit empyema, seu suppuratio variis in locis ab auctoribus traditum est, qui proprium caput de Empyemate, seu suppuracione conscripserunt: nam cum tribus modis dicatur suppuratio, ex Hip. & Gal. lib. 1. prog. 40. & lib. 2. eiusdem, com. 60. primò, pro omni transmutatione quæ fit ad pus, in quacunque parte fiat, ut patet ex lib. 5. aph. com. 8. & lib. 7. eiusd. 44. Secundò, pro iis qui in thorace ac pulmone vniuersum pus contentum habent, prius tamen prædictis partibus inflammatione affectis, ut liquet ex 5. aph. comment. 8. Tertiò, præcipuè suppuratio dicitur, non quidem conuersio inflammationis lateris, seu pulmonis ad pus, sed collectio, seu effusio puris in spatio thoracis atque pulmonis intermedio, post prædictæ suppuracionis disruptionem, ita ut propriè Empyematici dicantur à Galen. quibus inter thoracem, & pulmonem acervatum pus est.

Quibus autem modis vtrique suppuratio inter se differat, inter omnes exponunt Christophor. à Vega, & Heurnius in com. cit. log. prog. & non siliuit acutissimus Duræus lib. 2. in Coac. cap. 14. in com. text. 68. De cuius causis lege Altimarum lib. 2. de medendis, & curand. human. corpor. malis, cap. 5. 2. Fernel. lib. 5. patholog. c. 11. Mercat. lib. 2. de morb. intern. cap. 8. De cuius signis iidem auctores, ex Hip. mente, luculentissimè differuere.

Quum ergo abscessus rumpitur, suppuratusque non secatur, aut vritur, natura per sputum, scetidam cœnosamque illuuiem expellere tentat, & quandoque cum tanto impetu ingentes collectiones puris in thorace, breui expurgat per tussim, ut incredibilis puris quantitas coacervata, quotidie per os eiiciatur. Narrat Nicolus ferm. 4. tract. cap. 26. historiam cuiusdam puellæ empyematicæ, ætatis annorum quatuordecim, quæ per sex continuos dies, quotidie puris libras octo tussi excreuit, & sanitati restituta est. Hocque in thoracem penetrantibus vulnibus præsertim deprehenditur, quod notatu digna historia confirmat Ioan. de Vigo lib. 2. apostem. tract. 5. cap. 1. & post eum comprobarunt, Alexand. Benedict. lib. 9. de medend. morb. cap. 2. Iacot. com. 1. ad aph. 5. sect. 2. l. 6. Coacar. Hip. Valleriol lib. 4. obseru. 7. ut etiam apparet in iis, qui ex pleuritide in suppuracionem incidunt. Neque obstat quod pleura dura sit, nervosa, valida, ac diuidi contumax, & sic ab ea impediatur puris transumptio in cavitatem pulmonis, & in pulmonem ipsum per membranam eum tegentem, duram & consimilis naturæ cum pleura: nam per cutem membranis crassiores & duriores, sanguis in fracturis ossium, quæ callo obductæ sunt, copiosè transmittitur.

Mirum autem est, cum tanta puris eiecta copia, ut ait Galen. loco cit. suppuratos fuisse seruatos, quum quotidie centum uncias puris, hoc est, heminas decem & plures, per tussim excernerent: nam hemina est eadem cum cotyla, apud Manardum lib. 12. epist. 1. in princip. & cotyla, ex Lacuna lib. de ponderib. & mensuris, continet uncias nouem. Sic etiam Paulus lib. 7. eodem. tit. confirmat. Ex qua tanta vacuatione, dissipatis vritus, partium affectarum imbecillitas summa, corporisque totius colliquatio arguitur. Sed huic dubiæ, & incertæ sanitati non fidendum; nam in thorace, tum frequentius in pulmone arescens sanies, & calore in crustam versa, cicatricis falsò creditæ imaginem nobis imponit, donec ob thoracis morbum, & partis mollitiem, leuissima occasione excussa crusta, vlcus recrudescat maiore quàm antea periculo. Quo pacto autem pectore suppurati rupta vomica liberentur, ostendit Balduinus Ronseus, epist. 1. eleganter. Qua autem parte sint scandi, aut vrendi, lege Marcel. Donat. lib. 3. de histor. mirab. cap. 9. Amat. lib. 1. centur. 60. Vesal. in consil. pro Duce terra noue, cum Ingrassia opusculis edito Paschal. lib. 1. c. 29. de curand. morb. Liebaut. in schol. aph. 44. lib. 7. aph. Hip.

HIST.



HISTORIA XXVI. GALENI,  
de Suppuratione.Pulmonis vomica, aliquando per  
vrinam purgatur.

**V**idimus etiam nos pulmonis vomicam \* expurgari similiter per urinam reiecto videlicet pure à pulmone quidem per læuam arteriam in sinistrum cordis ventriculum: à corde autem per arteriam magnam ad renes: atque illinc tandem per vteretras ad vesicam. Etenim ut à causa vena, ita ex magna quoque arteria. rami ad renes descendant, &c. Galen. lib. 6. de loc. affect. cap. 4. in fin.

## QVÆSTIO XXVI.

Quòd pus in cauitate thoracis contentum, per urinam, & aluum commodè possit purgari. Contra Fernel. Mathiolum, & Matthæum Herbornensem, Medicos eximios.

## COMMENTARIUM

**E**xpurgetur. Expurgari empyicorum pus quatuor modis, per os, urinam, alui fluxum, & per abscessus, constans est Gal. sententia lib. 6. de loc. affect. cap. 4. Paul. lib. 3. cap. 32. Aetij. terrab. 2. serm. 4. cap. 65. Auicenn. 10. 3. tract. 4. cap. 1. quam confirmat Beniuen. de abdit. cap. 43. & eius scholiastes Dodonæus, Alexand. Benedict. lib. 3. anatom. cap. 9. Amatus. lib. 7. cent. 42. Holler. com. ad aph. 66. sect. 3. lib. 3. Cracar. Hipp. Iulius Alexandrin in com. cap. 4. l. 5. Gal. de loc. affect. Hieronym. Fabric. lib. 2. Chirurg. cap. 22. Bartholom. Eustach. de renum structura. c. 16. 39. & 41. Frascisc. Michin. in obs. anatomic. Has vias euidentissimè demonstrat. Laurentius. lib. 9. anatom. quæst. 12. anatomica ratione suffultus. Puris expurgatio per os naturæ familiaris est, & omnium maximè expectandam facultatum omnium validam vim, ac firmitudinem ostendit. Si autem per hanc viam, puris expulsionem, vel ob eius crassitiem, vel musculorum imbecillitatem, tentare non possit, sagax natura aliud sibi parat iter per urinam, per aluum, & per abscessus. Itaque sæpe per urinam cum ægrotantis commodo, raro per alui profluuium, & sæpe in perniciem expurgatur, nam hoc tramite facta expurgatio, ventriculi, & intestinorum facultatem labefactat, & dysenteriam parit ferè insanabilem: nonnunquam per abscessus, purulentam illuuiem cum vrilitate expurgat.

Hanc puris expurgationem per vrinas, & aluum licet supra citati iuniores, referente Marcello Donato loco cit. per varias vias constituerint, præter cum Gal. lib. 6. de loc. cap. 4. è pulmonibus syncerum pus in renes quandoque deriuari affirmante, sic philosophari. E pulmone pus eructatur per læuas arterias in sinistrum cordis ventriculum, hinc in aortam arteriam, ex hac per emulgentes pellitur, & excidit in renes, & vesicam. Potest etiam, hinc per minores arterias quæ per mesenterium feruntur, in intestina transfundi. Auicenna autem ( præter arteriarum viam, quam etiam probat) alias constituit, nimirum per venam magnam ad vesicam, aut ventrem, è pectoris spatio pus interdum transferri; è pulmone fortè in dextrum cordis sinum per venam arteriosam nonnunquam deriuari, iudicat; hinc in venam cauam, à qua in iecur, & mesenterij venas. Et licet supra citati auctores huius euentus causam variam assignent, contra præfatam Galeni doctrinam plurima obicere conati sunt.

Fernelius non infimi subellij vir, sed in Galenum nimis mordax, huius, imò Auicennæ sententiam temnit, & damnat, lib. 6. patholog. cap. 10. inquiens in his signis fieri non posse, ut tam longo via tractu, pus quod sanguinis permixtione tinctum fuerat, album tandem redeat, secer-naturque syncerum. Hæc præcipua contra Magistrum Fernelij ratio, quæ ficulneam esse, & nullius momenti, sic exaudiri: Licet enim necesse sit, in via illa pus cum sanguine com-

A misceri, non tamèn adeò, ut minimum vnus, ( ut aiunt) alterius minimum contingat. Sic potest sagax natura retento innoxio sanguine, affatim nocuum pus purum, atque syncerum, à sanguine prorsus secretum propulsare. Quo tempore enim expultrix excernit noxium, simul retentrix innoxium retinet. Sic ipsa frequenter noxios succos à purioribus secer-nit. Nonne quotidiano experimento ratum est, purissimam bilem, paulo antè cum sanguine confusam in venis, à natura, è venis iecoris, in mesenteriam, & venas amandari? nonne in lètero, ardentibus febribus superueniente, flauissima bilis decretoriè è vasis omnino secreta à sanguine, per vniuersam corporis molem transfunditur? Quid ergò dubitandum de syncero pure, quòd licet antea in vasis cum sanguine fuisset, commixtum, à natura purissimum in partem aliquam potest deturbari.

Hac etiam tenuissima nixus ratione, Galeni, cæterorumque illustrium Medicorum mentem interrurbari conatur lib. 4. de feb. cap. 9. dum intermittentium febrium proximam causam non per habitum corporis, & carnes depelli, quo tempore rigores emergere vbique fatetur Galen. nec antecedentem intermittentium materiam in venis contineri, sed extra venas, in regione abdominis, mesenterio, atque pancreate. Haud enim ingenio suo capere potuit, quo pacto tam repentè possit noxiis succus sanguine in venis permixtus, è puriore sanguine prorsus secer-ni, & quasi momento in extimas corporis partes extrudi: de quo negotio plura contra eum pro Galeni tutela, Deo duce, proferemus in lucem, in lib. 4. in com. Hist. 33. Poterit igitur purulenta materia pectoris cauitate contenta, tam per ventrem superiorem, quam inferiorem, & vesicam, pura & nullo prorsus alio succo infecta detrudididque aut per ramum illum arteriosæ venæ, qui interdum in stelechiæram inseritur, aut ut Gal. annuit, per læuas arterias ad sinistrum cordis sinum, & inde in arteriam aortam; aut demum per venas cordis, ut Auicenna tradit.

Sed Mathiolum Senensem hîc contra Galeni edicta insurgentem audiamus. Is enim lib. 1. suarum epist. 3. sic ait: Fieri non potest, ut purulenta materia cordis viscus, & arteriarum capacitæ ingrediatur, quin valedudinarius syncopes, aliisque grauissimis symptomatis, aut morte intercipiatur. Nâ si malignus quidam vapor, aut venenata aura per os, arterias, venas, aut alios cecos ductus expirèt ad cor, statim syncopes, aut lipothymia corripimur: cur fatidum pus inquinatum purissimis vitalibus spiritibus eadem nò præstabit? Ad hæc, arguit istam vacationem tanquam inutilem, & periculofam, cum sit facta per loca minimè conferentia, quod tantopere condemnat Hipp. lib. 1. aph. 11. & alibi passim.

At isthæc parui sunt facienda. Sane non necessariò in via illa, syncopes, cæteraque lethifera innadent hominem symptomata, quum valente corde, non multum apud illud purulenta materies immoretur, sed affatim, & subito in vasorum capacitates trudatur. Hinc fit ut cordis facultas eius accessu non necessariò hoc casu succumbat, præsertim si pus optimum sit, in quo putredo non admodum viger, sed calor superat naturalis. Deinde obsideri sæpe cor corruptissimis nidoribus conspiciamus, succorumque putridorum mole ipsam opprimi in ardenti febre, nec tamen syncopes, aut morte necessariò æger prehenditur, sed simplici sola acuta febre, eaque salubri laborat: neque halitus ex pure eleuatus, quum non participet qualitatem venenosam, lethalia, & maleficientissima parere potest symptomata. Fit ergo sine incommodo hæc per sinistrum sinum puris transfusio, si sit critica, & vires consent; retinet enim natura spiritus, noxiæque tantum excludit. Nam cor ipsum per transfennam pus amittit quòd si rectè valeat, citissimè propellit: at si vires sint debiles, moritur in ipsa expurgatione æger. Neque negamus naturam sagacem excretiones suas moliri per loca conferentia; fatemur quoque cor, & arterias loca conferentia non dici, nam Gal. non laudat istam puris vacationem per urinam, aut aluum, sed solùm possibilem esse affirmat, eamque loco vacationis per os factæ deinde elegit. Mathioli opinionem sequutus est

Ioannes Matthæus Herbornensis in sua centuria diffi-  
cultat. 11. Cuius auctoris, sicut & Mathioli tela repulie-  
acutè satis, & discretè Iulius Alexandrinus epistola sequenti;  
quæ hic onerosum est iterum refricare. Quo pacto au-  
tem pus in cavitare thoracis, transmittatur à pulmone in  
renes & ventrem, si tunica pulmoni est dura, nervosa,  
& crassa, & magis si crassum sit pus, quærit Galen. lib. 5.  
meth. cap. 8. post princip. & soluit lib. 5. de loc. cap. 3. post  
med. Natura enim meatus plerisque Medicis ignotos, sibi  
verò optimè notos, ex pulmone per arteriam, & venam  
cauam, hepar, & venas emulgentes, ad renes, vretheras, &  
vesicam patefecit, per quos sese à sanie exonerat. Hac enim  
semper materiebus vias inuenit, quando valida est, etsi illa sint  
crassiores, & per angustia foramina debeant penetrare. Sic per  
ossa sunt abscessus. Sic quibus inter ventriculū, & septum  
transuersum pituita reposita est, non habens viam ad alterum  
ventrem, ius per venas in vesicam pituita versa, soluitur mor-  
bus, vt lib. 7. aph. 54. Hipp. & Galen. bellè confirmant, &  
reperunt lib. 6. epidem. sect. 5. text. 2. De quo instituto lege  
pulchra apud Ioan. Lang. lib. 2. epist. 40. Hercul. Saxoniam  
lib. 7. prax. cap. 7. Durer. lib. 2. in Coac. cap. 16. in com. text.  
67. & in com. cap. 26. Holler. lib. 1. de morb. inter.

## HISTORIA XXVII. AETII, De Empyemate.

### Suppuratio, citra febrim possibilis.

**N**ouimus autem quosdam citra febrim suppuratos, ex se-  
roso, aut pituitoso humore ex reliquo corpore in vacuum  
thoracis delapso, isthicque putrefacto, &c. Aëtius tetrab. 2.  
ferm. 4. cap. 65. de pectore suppuratis.

## PARAPHRASIS

**H**ippocrates inter coryphæos Medicorum primarius  
lib. 1. de morb. num. 18. sic ait. Fit autem suppuratio,  
si pituita ex capite ac pulmonem distillet, & primum quidem  
ut plurimum latenter destitit, rursusque tenuem exhibet, &  
spiritum paulo amarum soluto, & aliquando tenuis adest calor,  
&c. Hanc non veram suppurationem vocat Fernel. lib. 5. pa-  
tholog. cap. 11. dum sic inquit. Suppurationi interdum affine  
malum est, in quo magna thoracis capacitas, seroso, pituitoso,  
eoque tenui humore scatet, qui aut è cerebro per asperam arte-  
riam, & pulmones tenuitate sua affatis irruens, aut è reliquo  
corpore, aut etiam ex abdominis capacitate, cæcis ductibus re-  
dundans, eò penetrat, &c.

Cum ergo caput frigida præsertim intemperie labo-  
rat, partēque naturales eadem afficiuntur, magna  
suggeritur crudi, aquosique humoris copia, qui ab his  
partibus in thoracis cavitatem expirat, affectionem sup-  
purationi finitimam efficiens. Hæc plurimis signis de-  
prehenditur. Quum enim materia hæc ichorosa, & tenuis  
copia abundat, difficultatem anhelitus obstructione, &  
copia rursus concitat; sed quoniam tenuis est, & ab spi-  
ritu facile distrumpitur, & ad partes superas nequaquam  
attolli potest, idcirco parum, vel nihil excernunt ægro-  
tantes. De hoc affectu loquens Galen. lib. 4. de loc. affect.  
cap. 7. in hæc verba prorumpit. Si verò serosus, aut pituito-  
sus humor subito in thoracis spatium destitit, excitauerit spi-  
randi difficultatem, eger tunc tenue spiritum, atque id ab ini-  
tio quidem exiguum, sed cum vehemēti rursus, si quidem tenuis  
humor cum subleuatus est, inter rursus spiritum diuisus  
rursus. &c. Quare ex hac causa accidit, vt vehementer  
rursus pauca quis expuat.

Insuper his viscera frigida intemperie laborantia, ob-  
structa, scirrhusæ sunt, qualia in hydropicis apparent.  
Corporis partes extremæ, oculi papebra inferior, pedes,  
manus, & scrotum, imò facies, & venter intumescunt;  
difficultas adest respirationis, spiritus enim viæ à multa  
materia occupantur, & ob diaphragmatis compressionem  
ægri suffocari videntur.

Sed cur asserit ex seroso humore fieri suppurationem,

si suppuratio est concoctio ex natio. pariter, & extraneo  
calore conficta, ex Gal. lib. 5. simpl. cap. 15. & 2. aph. com.  
47. & serosi, tenues, aquolique humores non coquuntur,  
ex Gal. lib. quos, quibus, & quando. cap. 1. aquosos humores  
inter initia vacuandos præcipiente, quia ij non crassescunt?  
Dic, hos veie & propriè non coqui, sed impropiè, lo-  
quentibus nobis in lato coctionis significato, cum Galen.  
2. acut. com. 44. & Arist. 4. lib. meteor. cap. 1. Sic biliosa, co-  
cta vocat, & excrementorum coctionem appellat, quan-  
quam mutata nutrire non possunt. Sic excrementa huius-  
modi, quæ à natura ipsa euicta sunt, cocta vocare Hippo-  
crates consuevit: cruda verò, quæ non sunt euicta. Sero-  
sus ergo humor licet tenuis sit, concoqui hoc modo po-  
test, dum frigiditas eius rerunditur, & excretioni apior  
fit, & gratiam sic naturæ recipere potest.

Deinde. Cur ex pituitoso humore suppurationem fie-  
ri contendit hic auctor, si pus ex sanguine ortum habet,  
ex Galen. 2. aphor. 47. Dic, pituitam actione coloris præ-  
ter naturam in pus migrare, (nec enim necesse est in san-  
guinem prius verti) nunquam tamen pus hoc est perfe-  
ctum, sed quidpiam puri proportionem respondens: id ex-  
pressè constat ex Hip. lib. 7. aph. text. 38. distillationes in  
ventrem superiorem suppurari affirmante. Suppuratio er-  
go propriè dicitur de sanguineo, aut mixto humore col-  
lecto, qui in verum pus vertitur: potest etiam dici de pi-  
uita, quæ est affinis sanguini; nam colorem & odorem re-  
cipit puris, reliqui autem succi suppurationem non reci-  
piunt: sed vel immori, incorruptique manent; aut eua-  
nescunt eroduntque particulam; aut corrumpuntur, &  
noxam illi pariunt exitialem. Quare pituita, & maximè  
in superiore ventre ob caloris abundantiam, in pus con-  
uertere potest, non verum, sed puri adsimile, vt monuit Ga-  
len. 3. alim. cap. 2.

Illud etiam dubitationem facit maximam: posse da-  
ri suppurationem citra febrim. Nam si ob ebullitionem,  
conatumque naturæ ad coquendum, imò vnionem calo-  
ris natiui, febris accidit, dum pus in qualibet parte confi-  
citur, iuxta Senis oraculum 2. aph. 47. quanto magis si hu-  
mor putrefiat, vt auctor affirmat, in loco calidissimo, &  
cordi valde propinquo, è quo minùs immutata; magisque  
integra putrida fuligo cordi communicatur, quæ cor po-  
nit in calefacto esse; vel id putredinosè apta est afficere.  
Dic, in suppuratione vera thoracis rarum esse, abesse fe-  
brem: hanc verò à frigido humore pronatam; (quam im-  
propriam vocamus) citra febrim inuadere posse, non est  
negandum, vt Aëtius inquit. In illa enim, cum maior fer-  
uor adsit, maior vnio caloris in foco ad coquendum, ma-  
ior materiæ rarefactio, maior calor, & ex hoc, maior ad af-  
fectam partem humoris attractio; illico febris succrescit.  
In hac, cum materia sit frigida, & minimè putrefcat, febris  
non adest, saltem in principio: nam diu retenta, salsa &  
acris euadit, febrimque inducit.

Cæterum priusquam abeamus longius, & huius af-  
fectus curationem aggrediamur, id minimè dissimu-  
landum, cur in non vera suppuratione, si humor collectus  
in cavitare thoracis, putrefcat, vt Aëtius ait, non adest  
à principio febris? Sed ad huius dubij solutionem le-  
gendus est Galeni commentarius primus, lib. 7. aph. quo lo-  
co veteres appellasse refert imputrida, quæ nos inco-  
cta nominamus; quare suppuratio hæc, de qua agimus,  
fit ab humore in vacuum thoracis delapso, isthicque pu-  
trefacto, hoc est, concocto, & suppurato: Sic in lib. de  
alim. cocta vocat putrefacta Hipp. & Empedocles refe-  
rente Arist. lib. 4. topic. 5. vocabat vinum, aquam in ligno  
putrefactam, hoc est, coctam. Vocari autem suppuratio-  
nem à Galeno nunc coctionem, nunc putrefactionem,  
adeò notum est, vt probatione non indigeat. Pater hoc  
ex ipsius doctrina euidenter. Lib. enim 1. progn. com. ult.  
putrefactionem vocat, & sedimenti generationi, valde  
similem esse affirmat, lib. 1. de diff. feb. 5. quod è putrentis  
humoris portione constare, quæ per insensiles poros præ-  
crassiori modo substantiæ à natura excerni nō potuit, ibi-  
dem confirmat Galenus, maximè cum ipse lib. 4. meth. c. 5.  
Hip. sententiam 1. de vulneribus, n. 15. confirmas asseueret,  
carnem cæsam, ac telo contusā, quamprimū suppuratibus  
esse

esse putrefaciendam, ut in pus versa liquetur, & scilicet de A nouo generetur; aperte significans suppurationem esse putrefactionem.

Locis verò *suprà citatis* hanc actionem coctionem vocari posse ostendit, dum humor in parte impactus, perfectionem acquirit, & meliorem formam, utpote à calore deuictus natiuo. Paris ergo generatio coctio est, ut ex Galeni monumentis latè Christoph. à Vega *lib. 1. pronost. com. ult. & Vallesius lib. 5. controu. cap. 4.* confirmantur. Neque si cum Galeno concedas, suppurationem esse actionem mixtam ex calore natiuo, & præter naturam, vrget argumentum, ut doctè probat Ioannes Butinus *in com. sent. ult. lib. 1. progn. Hip.* quòd eadem materia à calore innato, & à præternaturali non possit alterari, quum quidpiam motibus contrariis moueri non possit. Cæterum cum ambo agentia in eadem materia non operentur, sed in diuersa, nihil mirum si uterque calor agat: & licet in eadem materia operarentur, diuerso tamen tempore agunt; quia de causa ob horum agentium varietatem, interdum putrefactionis signa ostendit. Num autem coctio putrefactio simul & eodem tempore intendantur, disputat ut solet, acutissimè Thomas à Veiga, *in com. c. 6. l. 1. de diff. febr. Gal.*

Moribus hic periculosus est; nam ex eo in tabem, phthisimque faciliè incidunt ægri: quum enim crudis, incoctisque succis, cavitates thoracis sit repleta, timor est ne spiritualium partium calor debiletur, & hydrops fiat pulmonis, grauissimus sanè affectus, & ex quo paucissimi euadere solent. De cuius essentia, & curatione primus omnium egit Hippocrates *lib. 2. de morb. num. 66.* & non siluere Aëtius, Auicenna, locis à me citatis *lib. 1. de praxi Medica admiranda, obseru. 111.* quo loco huius affectus ideam opposito exemplo Laconicè descripsi: de cuius morbi curatione, satis multa Petrus Salius, vir omniscius appositissimè exarauit *lib. de aff. et. particularib. c. 5. de hydrop. pulmonis.*

Peruicax insuper est hæc improptia thoracis supuratio dicta: nam corpora hoc affectu vexata calorem natiuum satis languidum habent, virtutisque naturales impensè debiles, & viscera obstructa, scirrhusque sortiuntur; quorum omnium ratione vix curari, aut præseruari possunt, nam in deteriore incidunt statum, est necesse.

In hoc affectu corpus expurgandum hydragogis, inter quæ præcipuum locum tenent radix Ireos, & Sambuci, ex cuius succo cum rhodomelite paratur medicamentum, quod natura quadam proprietate humorem ferolum educit. In hunc usum iuuant pillulæ de nitro Alexandri, elaterium, trochisci Alhandal. Viæ communes expurgantur prius Mechoaca, trebinthina, iure galli veteris, cum phlegmagogis medicamentis parato, Roborandæ partes principes: cerebrum cucuphis, electuariis, Iecur, & nutritionis officinæ firmandæ theriaca, Michridatio, tabellis conflatis ex speciebus aromatici, diarrhod, diagalang diacinnam, diacurcum. Victus exiccus im, erandus, offerendus meri motus. Veneris usus cauendus, & ut humor qui ex habituali partium intemperie frigida regignitur, absumatur, & vacuetur, vtendum sudorificis, ex ebeno, radice Chynarum, smilace aspera; vnâque cauteria brachiis, & cruribus affigenda.

## HISTORIA XXVIII. GALENI,

### De mammillarum cancro.

#### Mulier cancerum in mammilla habens, annua purgatione leuata.

**S**ic & mulierem quandam singulis annis vere inchoante similiter euacuans, cum aliquando \* tumore cancrosum in mammilla pateretur, fortè atque frequenter medicamento, purgante atram bilem, adhibita vacatione ad sanitatem perduxit: & siquâdo purgatio omitteretur, dolorem profundum sentiebat, & me aduocato statim volebat euacuari, &c. Galenus *lib. 6. ap. h. com. 47. & lib. quos, quib. & quando, cap. 4. & lib. 2. ad Glauc. cap. 10.*

Lib. II.

## PARAPHRASIS

**C**ancerum in omnibus nostri corporis partibus gigni posse, auctor est Galenus *lib. 2. de Glauc. cap. 10. & lib. introduct. 16.* In foeminarum autem mammis frequenter oriri Paulus confirmat. *lib. 4. cap. 26. & lib. 4. c. 45.* Cum enim sint iaxæ, fungosæ, & inanes, materiam elatam ab utero, cum quo obtinent societatem miram, ex Galen. *14. de usu pari. 4.* promptè suceptant, præsertim in iis quæ non ritè purgantur. In viris aliquando in mammis hic affectus enascitur, maximè si hæmorrhoidalis vacuatio si suppressa: nam præterquam quòd ibi est multa caro glandulosa, emergunt etiam in eam partem ab interuo corpore grandiores venæ; & arteriæ, quam in ullam aliam extenarum, ut *in com. text. 100. lib. 5. epid.* notauit Vallesius.

**B** Malum sanæ sæuum, à contumacissimo, & pertinacissimo humore, nempe atra bile pronatum; à qua hunc affectum oriri, *lib. de tumorib. præter nat. cap. 7. & lib. 2. de cris. cap. 12.* asseuerat Gal. Timoris enim plenum est, periculosum, imò præ sui rebellionem auxiliis medicis non succumbit, ut notat Celsus *lib. 5. cap. 28.* non enim solum ob sui crassitiem minimè confanescit, utpote quod nec repelli nec discuti queat, nec totius corporis purgationi cedat, sed etiam mitiora negligit auxilia, à vehementioribus irritatur, & excandescit, ut *1. 6. aph. 38.* protulit Gal. & *lib. 2. cap. 12. in med.* Actuarius probat. Ratio est in promptu apud Galen. *lib. 2. prog. 46.* nam atræ bilis proprium est, ut solutu difficilem committat affectionem; humor enim crassus, terrenusque adeò infarcit membra, quibus impactus est, ut ægerimè excernatur; solumque indiget curatione, quam Chirurghi palliatuam, edocti à Guidone, *tract. 4. doct. 1. cap. 4.* vocare consueuerunt, ut explicat Vidus Vidius *lib. 5. de curat. membrat. cap. 7.* Licet aliquando cancerum vlcera tum mammarum depalcentem excisione se perfectè curasse gloriatur Cabrolus *obser. 2. anatom.* & non vlcera tum abscissione tractandum, proprio exemplo firmet Arcæus *lib. 2. cap. 5. de curand. vulnerib. & prius prædixit Galenus lib. 6. aph. 38.*

**C** Meritoque fecisse hic Galenum iudicabis, qui pro huius mulieris præseruatione hic via tutus incedens ipsi à tanto malo præcauit: exhibito nempe medicamento forti, atque frequenti; illo, ut crassus terrestriusque humor eradici possit; hoc quoniam rebellis, renitensque humor vnica vice educi nequit, qui paulatim debet coqui, & vacuari. Neque mireris cancrosum tumorem ab hoc peruicaci humore subortum, purgationi succubuisse, qui nullis vnquam auxiliis, vel vehementissimis refrænatur, iuxta Senis edictum, *6. aph. 38.* nam Galen. hic non loquitur de cancro, in quo venæ atrabilario sanguine plenæ, & extentæ, instar pedum animalis canceri sunt, & pertinaciter hærent loco quem apprehendunt, ut cancer animal; nec de cancro vlcera, cui atra bilis effluens, & acris originem dedit: sed de tumore cancroso, qui licet canceris naturam sapiat, ab illo tamen valde distat, ut inter omnes eleganter refert Ludou. Mercat. *lib. 1. de communib. mulier. affect. cap. ult.* Vel dic, & fortasse melius, mulierem quondam habuisse tumorem cancrosum in mammilla, postea annua purgatione præseruatam, ne tumor excresceret, atque profundus excrucietur dolor; non ergo tumor reincidentebat, sed dolor, recurrente humore melancholico ad eum locum, tanquam ad partem debilem factam, & tumorem antea perpeffam: fidem expositioni facit ipse Gal. *in lib. quos, quib. & quando purgare conueniat, cap. 4.* referens historiam hanc quandam mulierem, cancrosum tumorem quondam in mammilla habuisse, & sanitati fuisse restitutam medicamento atram bilam validè vacuante, scribit. Sanauerat igitur Galenus tumorem apparentem conuenientibus auxiliis, post, annua purgatione præcauebat, ne iterum ille excresceret.

**D** Quare tumor cancrosum purgatione curari potest, quum valde differat ab ipso cancro, ex Galen. *lib. 5. simpl. cap. 8.* Hic enim perfectus est tumor atrabilarius, qui exquisitus cancer dici potest; ille huiusmodi non est, sed illius naturam participans, rectè via ad illum dici potest.

Imò non est affirmandum, ferè cancos occultos non esse A curandos; nam hoc non est vniuersale, & absolutum, vt Gal. prædicat, in com. Hipp. loco cit. eius sententiam tacitè suggillans, quum alioquin qui in summa corporis parte consistunt, admittant curationem, hoc est sectionem, vel vstionem, quos vnà cum suis radicibus ex toto excindere, & extirpare licet, vt monuit Magister in com. quem curationis modum sibi ipsi attribuit Franciscus, Arcæus, vir sanè doctissimus loco citato. cum Galeno, vt inuentori primo hæc laus sit tribuenda: De quo modo curationis, lege eruditissimum Sennertum lib. 1. de tumorib. cap. 20.

Inter ea quæ pro leuando hoc affectu, expurgando- que humore summopere ab auctoribus commendantur, est serum lactis caprini, auctore Galeno lib. 2. ad Glauc. 12. quo se (iniecito in ipsum scammonio) illustrem fœminam herpette in inguine laborantem persanasse gloriatur 14. meth. 17. nam nitrosa, qua pollet vi, atram bilem ab exustis humoribus genitam expurgat; quare melancholicis affectibus remedio est, & maniacis, lepræ, & Cancro summè opiculatur, vt probant Galen. 14. meth. cap. 9. Dioscorid. lib. 2. cap. 66. vnàque Matthiolus, Lacuna, Marcel. Virgil. & Ortho Brunfelsius in com. latissimè differuerunt. Firmant Auic. lib. 2. tract. 2. cap. 442. Aëtius terrab. 1. ferm. 2. cap. 96. Hoc enim auxilium præterquam quòd in præsentia exusti humoris est præsentaneum auxilium, etiam refrigerat, humectat, roborat, & expurgat, ex Gal. lib. 4. simpl. 14. de cuius temperamento plures differuere, quorum loca lege infra in com. Hist. 109.

In sero igitur, quum sit materia in qua omnia medicamenta infundi possunt vt rectè notauit Vallesius, in lib. 2. epid. sect. 6. in com. text. 33. medicamina valenter purgantia atram bilem misceri possunt, vt Elleborum, Turperum, & siquæ alia sunt, ex iis multiplici lege confecta, quorum amplam syluam recitauit in suo Elleborismo, maxima cum ægrotantium vtilitate, Mathiol. lib. 3. epist. 1. 2. & alij illustres viri non siluere; de quorum numero sunt Amat. lib. 3. centur. 32. Ludou. Mercat. lib. 1. de morb. mulier cap. cit. Hieronymus Fabricius ab aqua pendente lib. 1. de tumorib. cap. 22. & alij, qui de Cancri curatione conscripserunt.

Per anatonomias pro purgando humore nigro laudatur lapis, quem Græci cyaneum, Latini cæruleum, vulgus Medicorum lapidem lazuli, & Arabes stellatum appellant: de cuius vi, & efficacia Mesuë tract. de simplicib. cap. de lapide stellat. Costæus in com. Heurn. lib. 2. meth. ad præcim. cap. 24. rubric. 3. Manard. lib. 3. epistol. 3. disputant quidquid (perperam tamen,) non sine periculo vitæ dari pilulas ex lapide lazuli, contendat Ioan. Bapt. Theodos. epist. 55. Leoniceum sequutus: cuius opinionem acriter conuellit Manard. lib. 15. epistol. 3. Licet enim Auic. lib. 2. can. tract. 2. cap. 57. putrefaciëntem, vstoriàmque dicat habere facultatem, cum Dioscorid. lib. 5. cap. 56. si tamen, vt decet, abluatur, vt imperant Manard. loco cit. & in annotat. in Mes. & Mathiol. in Dioscorid. edocti à Trallian. lib. 1. cap. 17. & Syluio in Mesu. eius vltus tutus est, minimèque perniciosus. Lege Ioan. Brauum Petrasit. lib. 3. de purg. rat. cap. 10. de lapide cyaneo. & Costæum in com. cap. 14. de simpl. Alphonsum Morelscottum in fabric. recepti. lit. c.

Ne verò Medicæ contemplationis studiosus, Galenum inconstantia arguere possit, illa etiam est soluenda dubitatio; cur abundante atra bile, medicamentum forte exhibuit, quod sumpyte natura calidum est humorémque istum ferinum irritat, & accendit. Quapropter cordatè Gentilis 1. 3. cap. aureo dicto, dub. 23. in affectibus quos bilis atra adusta excitat, præsidia semper debere esse mixta suadet, sed magis frigida, quàm calida, nam exustus hic humor calidis exasperatur, & excandescit. Dic cum Auic. 1. 4. tract. 2. cap. 7. in morbis melancholicis curationem instituendam esse per medicamentum forte, debile. Illo vtendum, quoniam humor pertinax & crassus, non cedit medicamento benigno ex natura; debili, quia frequenti purgatione humor paulatim, & in parua quantitate est expurgandus. Solue secundò. Atram bilem, in viis præsertim sitam à communibus du-

ctibus valde semotis, vt pote crassam & terrestrem, solum validis medicamentis esse deturbandam, & maximè cum frigida sit à prædominio: licet enim caloris sit particeps, veluti acerum, & cinis, frigida tamen est, eo quòd terrea, vt lib. 3. de causis sympt. Galenus affirmat, hoc est, priuata calore natiuo; calor verò illius oritur ex putredine, & quæ putrescunt, & incinerantur, refrigerari est necesse, vt lib. 4. methor. cap. 1. retulit Aristoteles. Retinet itaque calorem præter naturam, veluti empyreuma, quod fit à calore immodico: de quo argumento doctè scripsit Petrus Vaezius in comment. Medic. cap. 7. & licet calida esset, fortibus medicamentis est vacuanda, cum multò maior sit ex peccantis humoris expurgatione vtilitas, quàm ex calidis medicamentis detrimentum, vt bellè dictauit Magister lib. 1. aphor. 24.

Cætera verò quæ de Cancri natura, causis, differentiis, curatione dici possunt, legat qui velit apud Vigonem 1. 2. de apostemat. tract. 2. cap. 10. & 12. tract. 4. cap. 3. Trincauel. lib. 3. de composit. medicamentor. cap. 26. Paræum 1. 6. cap. 29. Dionysium Dacam. lib. 2. de apostemat. cap. 95. Caluum lib. 2. eiusdem operis, cap. 25. Montagnan. consil. 24. & 26. Andreæ à Cruce lib. 1. tract. 6. cap. 12. Fallop. lib. de tumorib. præter naturam, cap. 4. & 5. Franciscum Peccetum Celestinum, lib. 1. Chirur. cap. 30. Fonsæcam lib. 1. consult. 43. Forest. lib. 17. obseru. 26. & lib. 4. Chirur. cap. 6. Hieronymum Montanum, & Frisimelicam, consilio 188. Zoroastrum Tinellum. consult. 17. & alios qui de simili instituto disceptarunt.

## QVÆSTIO XXVII.

Quòd Cancer ulceratus, non sit affectus contagiosus ad distans, Contra Cardanum.

### COMMENTARIUM.

**T**vmorem cancrosum.] Quoniam verò paulo antè medicas perstrinximus amœnitates, in quibus multiplex, interiorque delitescit scientia, quam sæpe ingenium acre, lectio varia, iudicium excussum, emunctumque promit in literas, quòd studiosissimus quisque accuratius exerceatur, ne concepta semel facilitate in vtramque aurem dormiat, hic illud arduum adnotabimus, in quo paucissimi adhuc nostræ professionis viri docti suam industriam exercuere, ex iis qui cancro naturam intimiùs sunt speculati: Num ad distans, cancer ulceratus sit contagiosus affectus.

Pro parte affirmatiua hæc sunt rationes potissimæ. I. Canceridem est morbus cum elephantia, ex Paulo lib. 4. cap. 1. & est lepra vnus membri; apud Auic. 4. 3. tract. 3. c. 1. in fin. At Elephantiasis morbus est contagiosissimus ad distans, ex omnium auctorum decreto: probant Valleriola lib. 6. enarrat. 5. eloquenter, Palmarius lib. de Elephantiasis, cap. 1. Marcellus Donatus lib. 1. de hist. mirabili, cap. 4. Ergo cancer affectus est contagiosus ad distans.

II. Contagium fieri non potest sine putredine, ex Aristot. 7. probl. 4. & nos fusè probauimus lib. 1. de medic. Princip. Histor. in com. histor. ult. At seminarium seu vapor putridus, è cancro, præsertim ulcerato, eleuatur vicinum corpus infecturus. Ergo est contagiosus. Maior constat. Minorem probat Fernel. lib. 7. patholog. 2. qui è parte cancro affecta foetorem, veluti cadaueralem cum sordida illuue, & sanie virulenta emanare testatur, ex qua halitus eructatur grauis, & sordidus, qui putredine sua vicinum corpus inquinat.

III. Præter vaporis putredinem summam, & profundam, in contagio requiritur ipsius vaporis lentor, crassities, copia, vt diu maneat, & possit operari similiter afficiens: nam quando celeriter dissoluitur, & exhalat, non solet lædere, ob quam causam febres biliosæ parum sunt contagiosæ; contra pituitosæ, & sanguineæ magis, vt probant Aristot. lib. 7. probl. 4. Fracastor. lib. 1. de contagion. cap. 10. Sed à parte cancro affecta exhalat vapor lentus, à sordido lentoque pure eleuatus, præcipuè



præcipuè si cancer mammis, palato, aut ori adhæreat. Ergo A  
cancer affectus est contagiosus ad distans.

IV. Si scabies, cutanei morbi, Ophthalmia, Variolæ, Morbilli, Apostemata venenosa, strumæ, & si quæ alia mala, quæ sunt in corporis superficie, ad distans contagiosa sunt, cum ab iis eleuetur vapor vicinum corpus infecturus, habens omnes inficiendi modos: cur cancer hac de causa contagiosus non erit?

Omniscius Cardanus vidit primus inter omnes hoc dubium, lib. 1. de venen. cap. 12. in med. tantæque antinomiae ambiguitate perterritus, Pauli, & Auicennæ loc. cit. B  
in primo argumento edicta, perfricta fronte conremnere mauult, quàm cum illis fateri Elephantiasim esse carcinomam vniuersalem, & hoc esse lepram vnius membri, irriteritus vna ratione sola quoniam carcinoma contagiosum non est, Elephantiasis autem maximè: nil igitur, inquit ipse Elephantiasim cum carcinomate.

Nos qui in asperioribus artis cliuis diluendis insudantes, Medicarum rerum secreta rimamur, eandem cum Cardano sententiam amplectimur: rationem, tamen vimque primi argumenti, quam ipse soluere non potuit patefacimus. Licet enim Cancer ab eodem humore originem ducat, à quo Elephas, morbus contagiosissimus oriri solet, ex Galen. lib. 2. cris. 12. in med. & Paul. loco cit. qui vtrumque affectum à nigra bile proficisci asseuerant, quorum mentem communis Medicorum approbanit opinio: & Cancer sit lepra particularis, tamen ille, licet vlceratus sit, à quo teter, sordidissimisque vapor exhalare solet, malignam habeat naturam, (quo nomine carbunculus ex superaffato sanguine ortus, natura sua malignus est, apud Galen. 3. epidem. sect. 3. com. 12.) & eminentem qualitatem, putredinemque profundam; contagiosus non est ad distans, prout experientia demonstrat, qua posita litigantium rationes cessant, ex Galen. lib. 1. de facult. natura lib. 15. in fin.

Causa autem, cur Cancro affecti similiter alios ad distans non inficiunt, ea est. Nam atra bilis est terrestris & sicca, & seminarium eleuatum siccum, & à nimia patris caliditate, lentoris & humiditatis expertus, licet aduolet, adhærere non potest, Esse autem minùs lentum, quàm vt hæreere corpori infecturo tenaciter possit, patet, cum humor valida adustione, & incineratione penè absumatur: nam in vlcerato loco conculcatus magis aduritur, quàm putrescit. Huius conditionis defectu biliosæ, & ardentes febres, licet ex putrido, eoque bilioso humore pronatæ, contagiosæ non sunt, etsi in eis vigeat putredo. exurgatque vapor plurimus efficax ad agendum. Hac etiam de causa calida venena contagium non inducunt, quoniam in sicco constituta sunt, & seminarium ab eis eleuatum, ad adurendum magis, quàm ad putrefaciendum est accommodum. Aliter se res habet in Elephantiasim, quæ licet ab eodem humore habeat ortum, tamen partes externas infestat, & corporis occupat habitum, quo loco humor & magis transpirat, & minùs præassatur, cum non sit in vno loco solum circumscriptus, sed iparsus per vniuersam corporis molem; à quo minùs immutata, magisque integra efflat aura, prompte vicinum corpus infectura.

Quare licet in Cancro foetor adsit, exhalet vapor sordidissimus, & virulentus, cum lentorem non habeat quo hæreat, immorerurque per tempus sufficiens ad agendum, inficiendumque: is affectus hac de causa non est contagiosus ad distans; nam contactu esse contagiosum, proprio exemplo firmaui lib. 1. de praxi admiranda, obseru. 124. Cur autem Cancer contactu inficiat, & ad distans non sit contagiosus, ea est causa: quod in longiori via, vaporis sicci efficacia euanesceat.

Ex quibus, ad argumenta patens est responsio. Lege doctissimum Castrensem lib. 3. de Meteor. Microcosm. cap. 5.

## HIST. XXIX. ORIRASII

## De Cancro.

## Vlcus Cancrosum, Elleboro assumpto curatur.

Valeat etiam ad vlcera carcinode occulta: quâvis minimè conuenire vlceribus videantur. Verum tamen ego mulierem quandam vidi ab huiusmodi vlcere liberatam, cum Medicus quidam in Co insula hoc ei remedium adhibuisset: cum tamè aliqui non esset clarus & probatus, sed in Ellebori portione diligenter esset exercitatus, &c. Oribasius lib. 7. collectan. cap. ult. prope finem.

## PARAPHRASIS.

Inter varia medicamenta, quæ pro expurgando humore melancholico adinuenit prisca vetustas, nullum sublimius, præstantius, celebriùve Elleboro est; ira vt de eius vtilitate mira proprium librum veterum scientissimi conscripserint. Sic Hipp. in epist. fecit de veratri usu. libellum. Sic procures Medici de modis, quibus veratrum dandum est, proprios libros assignarunt. Elleborus ergo, vt inquit Mesuè tract. de simpl. c. 30. duplex est, albus, & niger; hicque salubrior albo, qui symptomata terribilia minatur. Niger corpus incolume, & veluti iuuenile tuetur: licet Syluius in com. Mesuè, albi operationem non esse difficilem pronunciet, cum Paulo lib. 7. c. 10. Elleborisini modum simpliciorum esse affirmat, si fiat cum Elleboro albo; & cum Elleborum nuncupamus, albus venit intelligendus, ex Manard. in Mesuè, & prius prædixit Galen. lib. 5. aph. com. 1. Sed perniciosi causa, quæ in albo reperitur; non in eius naturam, sed in situm, vbi nascitur, vel malam præparationem referenda est. Nam si eius incorrecti periculum quis fecerit, symptomata spectabit terroris plena, animi deliquia, morsus ventriculi, virium lapsus; castigatum tamen, & quàm diligentissimè paratum, ac opportunè oblatum adeo mite est, vt inter soluentia debeat numerari. Quomodo autem præparetur, & quibus modis exhibeatur, loco citato Paulus edocuit. An verò in puluerem redactum exhibere liceat, vt fecit Paulus? Dic eius usum non interdixisse Mesuè, sed de periculo monet, ac non satis tutum esse aduertit, quod verum reperiet, qui eius acrimoniam & septicam virtutem expendit; vt Costæus aduertit in com. Num verò sesamoides sit idem quod veratrum nigrum, latè disputat Langius lib. epist. 74.

Habere autem Elleborum, vim vrentem & causticam, his verbis ostendit idem Langius lib. 2. epistol. 20. Vidi enim certè non semel artis veterinaria Medicos, equos orthopneæ, aut quouis alio pulmonis vitio laborantes, quæ alia medicamenta non sufficerent, traiecit cū anea fibula aut subula in pectore pelle, & inseriis ex Elleboro nigro radicibus feliciter curare. Id quod milites in bello, pestifera contagionis lue infecti, ac Medicorum consilio, & opera destituti, facere, & imitari audent: infra quippe apostema, aut Anthracè, cute ad manus transversa latitudine forcipe apprehensa, candenti subula per cannā lamina complicatam, cutem traiciunt, & adurunt, qua repente extracta, vulnus radicibus Ellebori nigri butyro delibutis adimplent, infixasque perferunt, donec per suppurationem exciderint: omne virus ad vulnus alluci persuasum habent, nec spe frustrantur. Tanta attrahendi, & calefaciendi præditus est virtute Elleborus, de cuius speciebus latè ibi Langius conscripsit, & non siluit eruditissimus Massaria lib. de Medic. purg. cap. 29.

Si tamen eo, vt dictum est, correcto, & præparato utamur, à plurimis morbis reddit corpus immune; nam venena castigata ægritudines sanant immedicabiles. Aconitum enim scorpionum morsibus medetur; hydrargyrium, scabiem, lepram, & morbum Gallicū extirpat. Arsenicum pestiferā lucem refrænât. Pastilli Andronis, & Pasionis aduersus sputū sanguinis sumo sunt auxilio, ex Gal. 5. meth. c. 6. qui paratur ex Arsenico, & Chalcanto. Vipera aduersus venenū, iisque gallinæ saginatæ Elephantiasim medetur.

Incorrectum autem Elleborum plurima assumentibus A  
affert incommoda; nam si tela Ellebora delibuta, vene-  
nata sunt, apud Plin. lib. 25. cap. 5: Aulum Gellium l. 17.  
cap. 15. Gal. lib. de theriac. ad Pison. cap. 10. quibus istæ &  
exanimatæ feræ illicò concidunt: de quo argumento acu-  
tissime Langius lib. 1. epistol. 68. disputauit: quanto magis  
Elleborum ipsum in potum assumptum?

Quæri tamen potest à naturalium ambiguitatum stu-  
diosis, quidnam sit quoddam obseruatum est coturnices ad  
saturitatem vsque veici veratro citra noxam, quod non il-  
lepidè Lucretius firmat his carminibus:

*Præterea nobis veratrum est acre venenum,*

*At capris adipēs, & coturnicibus auget.*

Dic, ob consuetudinem plurima animalia nutrirī posse  
veneno sine noxa, quod in com. lib. 5. ad histor. 24. & 26.  
latius disputabimus. Coturnices verò accepta à veratro  
mala qualitate, & feriente neruos; etiam conuulsionibus  
corripī, verum est: nam & huius carnis vsu distentiones  
fieri, apposita historia confirmat Galen. lib. 6. epid. sect. 5.  
com. 35. probant Mundel. epist. 6. Bruyerin. lib. 15. de re ci-  
baria. cap. 35. Cardan. lib. 3. de sanit. tuend. cap. 21. Seide-  
lius lib. de morb. incurabil. pag. 102. hoc enim alimentum,  
malam & putredinosam intemperiem sortitur, & ad fe-  
bres prauas corpus disponentem; & alia damna efficit,  
hac solum de causa contracta. Neque arbitreris cum  
Langio loco cit. ferās, ac volucres veneno nutritas eden-  
do esse innoxias, quoniam ignis feruore in veru tostæ,  
aut in lebetes elixæ omne virus, venenūque deponunt,  
nam mala qualitas ab Elleboro acquisita non ita facile  
deponi potest, quia istæ carnes irreparabilia damna effi-  
cere sunt natæ, quæ ex professo in com. Histor. 89. infra  
proferemus.

Ad pensum igitur redeuntēs dicimus, non ita timen-  
dum esse Ellebori correcti vsum. Nam exhibitam, plu-  
rimis morbis, qui aliis auxiliis non succubuerē, opem  
præstat. Quoniam præterquam quoddam atram bilem pur-  
gat per inferna, trahitque pituitam, vitiis à crassis hu-  
moribus originem ducentibus præsidio est. Quare fe-  
bribus circuitu repetentibus, & diuturnis conuenit, ce-  
rebrī affectibus opitulatur ab eadem causa pronatis, pro-  
dest comitialibus, articulariisque, & paralyticis, ex  
Dioscorid. mente lib. 4. cap. 151. firmant interpretes in  
com. Confert veterino, & denique omnibus chronicis  
morbis vnicè succurrit. Est præstantissimum ad insaniam  
alexipharmacum, quare in mentis furore resanando  
summo perē præstat; nam atram bilem, huius mali cau-  
sam, per vtramque alium potentissimè expurgat; quod  
bene significauit Democrit. apud Hipp. in epistol. num. 28.  
§. Accessisti ad nos velut insanos, ô Hippocrates! veratrum no-  
bis daturus, &c. Quare syrupus de elleboro pro pertinaci-  
bus his affectibus est vtilissimus, cuius descriptionem in-  
ter omnes tradidit Montanus, consilio 368. repetit in ap-  
pendice consil. 31.

Licet autem in curandis his morbis maxima sit huius  
medicamenti vis, & efficacia, est tamen sicut theriaca,  
vtriusque Mefuë, & Medicina antonomastice ad lepram, &  
cancrum; quo medicamento hunc Medicum vsum fuisse  
narrat hic Oribasius: cum enim esset occultus, hoc  
est, absconditus, & in profunda corporis parte locatus,  
euacuata causa Ellebori vi, potuit consanescere. In plu-  
ribus autem internis nostri corporis partibus, cancrosa  
vlcera posse innasci, supra citati auctores vnanimiter  
contestantur. Caue tamen ne Ellebero vtaris in pueris,  
senibus, feminis, vel debilibus, aut corpore non probè  
præmunito. Nam si aliter experiaris, non sine periculo  
facies: vt probat Dodonæus obseru. 51. & 52. etsi enim  
correctum sit, vires validas prærequirit. Num autem ve-  
ratro absque medulla contuso sit vtendum, lege Paul. l. 3.  
cap. 13. Oribas. 8. synopsis. cap. 2. De Ellebori efficacia & vi,  
Vide Gell. lib. 17. cap. 15. Theophrast. lib. 9. de histor.

plantar. cap. 18. & Baptistam Codronchium

lib. de Elleboro. qui de argumento

hoc omnium elegantissime  
discrui.

## HIST. XXX. ALZAHARAVII,

### De pilo mammarum.

Pilus ebibitus, mammarum facit  
inflammationes.

\* **P**ilus hominis bibitus à muliere cum aqua, vel sumptus cū  
cibo, cuius signum est in māmilla rubedo, fortis dolor, fe-  
bris, & dolor capitis, quousque egrediatur pilus; & quando  
egressus fuerit, statim desinunt omnia accidentia. Et mihi  
quidem iam visum fuit hoc, & non fuit apud me dubium,  
fuisse pilum hominis, & hoc est notum apud mulieres, &c.  
Alzaharaius tract. 14. cap. 2. practica.

## D V B I V M XVIII.

Num morbus pilaris à pilo hausto originem ducat.

Contra Plin. Cardan. Veigam & Manard  
Medicos excellentissimos.

## PARAPHRASIS.

**P**ilus hominis ebibitus.] Indoctum vulgus, falsa quadam  
mulierum imaginatione seductum putat, mammas vt-  
pote laxas, ac fungosas, eorum pilum ad se trahere: ex  
qua causa, vberum dolor, inflammatio, & febris oriantur;  
non cessareque hoc malum sibi persuadet, quousque vel  
sponte exat pilus, vel cum lacte sugatur. Corruit super-  
stitiosa opinio hoc argumento solum, quoddam affectus hic  
sit lactantium, aut prægnantium iuxta partum mulierum  
inflammatio, ex corruptione, concretione, multitudinēque  
lactis in mammillis eueniens.

Errandi ansam præbuit Aristot. lib. 7. de histor. animal.  
cap. 11. dum de morbo pilari verba faciens, in hæc verba  
procurrit. *Vbera enim fungosa tota ita sunt, vt si in poculo  
pilum hauserit mulier, dolor moueatur in mammis, quod ma-  
lum pilare appellant: non sedatur, donec pilus exeat sponte.  
vel cum lacte sugatur, &c.* Hæc Aristoteles ex Gazæ do-  
ctissimi conuersione, Quibus verbis decepti plurimi, non  
falsum aut superstitiosum arbitrantur, assumptum pilum  
ob sanguinis ad vbera confluxum, & earum raritatem ed  
fluere. Firmat hic Alzaharaius: suffragantur Plin. lib. 31.  
histor. natural. cap. 10. Card. lib. 8. de varietat. cap. 44. Ma-  
nard. lib. epistol. 2. tit. de mammar. morb. Thom. à Veiga in  
com. lib. 6. de loc. affect. Gal. cap. 3. Alexand. Benedict. lib. 3.  
c. 4. anatom. Franc. Pedemontan. tract. de egritud. mammil.  
D cap. 2. de exuberatione lactis.

Vanam tamen, & multis erroribus plenam esse hanc  
opinionem, proclamant Rondeletius lib. 18. aquatil. c. 23.  
Christoph à Vega lib. 3. art. Medic. sect. 6. cap. 10. Mercu-  
rial. lib. 5. variar. lect. cap. 4. & lib. 3. de morb. mulier. cap. 5.  
Nam quī fieri potest, vt per tot angustos, tenuēque  
anfractus ab ore ad mammillas pilus haustus perueniat,  
quin prius per canales amplos in ventriculum, ac intesti-  
na descendat, ac labatur, & cum excrementis egeratur?  
Rursus, cur fieri poterit, vt pilus ebibitus per venas me-  
saraicas, ex his per tot hepatis exiguos ductus & tot  
mæandros in cauam venam, & ab hac in axillares, ab his  
ad vbera penetrare possit.

Sic ergo cum doctissimo Vesalio lib. 5. fabric. cap. 18.  
liceat opinari, nec pilum haustum ad mammas posse con-  
fluere; nec verum pilum in mammis generari affirmante.  
Primum insana vulgi credulitas putauit esse verum. Se-  
cundum, constat esse apertè falsum. Licet enim in inue-  
teratis abscessibus, ob varias humorum qualitates, mate-  
ria contenta, in calculum, arenam, ligna, carbones, amur-  
cam, seuum, fæcem, seras, in aliisque istiusmodi for-  
mas, imò & pilos conuertere possit, tamen hi pili non sunt  
veri, sed veris pilis simillimi. Sicut enim in renibus, vri-  
nariisque meatibus filamenta gigauntur, ex pituitosio-  
ris, crudi que sanguinis copia orta, ex Galen. lib. 4. aphor.  
com. 76. sic in mammis, ex tenaci, viscoso putrescentique  
sanguine,

sanguine, adusto & tosto, pilis similes substantiæ conspiciuntur: qua similitudine decepti sunt, qui se vidisse, & curasse hoc malum assueverant. Sed ut verum fatear, Velasius accepit hæc ab Avicenn. 12. 3. tract. 1. cap. 2. §. Et quandoque lac egreditur filiosum propter grossitudinem suam, & siccitatem suam, &c. Cuius mentem dilucidè explicavit Nicol. ferm. 7. tract. 5. sum. 2. cap. 58. qui de hoc negotio eximie disseruit. Videndus Dionysius Dacæ lib. 3. de apostemat. cap. 39.

Est ergo morbus pilaris (malum pili vocant) mammillarum inflammatio, à lactis copia, eiusque putredine concitata, quam febris, dolor, tumor papillarum, & circumiacentium partium feruor comitantur. Quare morbus pilaris, sicut inflammatio mammarum curari debet, ut scitè notat Mercat. lib. 4. de morb. mulier. cap. ult. in fin. De quarum inflammatione curanda, lege Avicenn. cit. loco, cap. 6. Altimar. lib. de curand. human. corpor. malis, cap. 59. Christoph. à Vega, loco cit. Massariam, Saxoniam, Eustachium Rudium, & alios prop. cap. de mammillarum inflammatione.

## HISTORIA XXXI. GALENI,

### De lacte pro educandis infantibus eligendo.

#### Reprobum lac, infantes vlceribus conspurcat.

**N**on enim simpliciter dicimus lac omne optimi esse succi, sed præterea optimum adiunximus. Nam lac quidem quod vitiosus est succi, tantum abest, ut ad succum probum gignendum conferat, ut qui eo utuntur, cacochymos reddat. Cui rei argumento fuit is infans, qui cum \* priore nutrice emortua, alterius pravi succi lac suxisset, totum corpus multis vlceribus habuit refectum. Vtebatur autem secunda hæc nutrix in agro sylvestribus oleribus, propter annonæ caritatem, quæ veris tempore acciderat, &c. Galenus lib. 3. de aliment. facult. cap. 15.

## PARAPHRASIS.

**Q**uanta debeat esse nutricis pro educando infante electio ostendit Galen. lib. 1. de sanit. tuend. cap. 9. Hanc enim debere esse iuenculam à vigesimo anno usque ad trigésimum quintum, suadet ratio: nam annosa, lac generat aliquo vitio fœdatum; Iunior, crudius, & alendo infanti ineptum. Sit sana, nullique morbo obnoxia, pectore amplo, magnis mammillis, papillisque neque conuiuentibus, neque auulsis, corpore nec admodum obeso, nec nimium gracili, quæ malculum peperit, & quatuor, aut quinque mensibus à partu distet, ut Avicenna inquit 3. 1. doct. 1. cap. 2. Huic infans, si quem lactat, auferatur, monente Magistro lib. 7. meth. cap. 6. Non sit primipara, sed quæ ter, aut bis ad minus pepererit, filios habeat viuos, sanos, vegetos. Eius sit conditionis in lactando, ut citra menstruam purgationem lac suppediret ultra biennium, nec ex menstrui labe lac fœdetur, nève ob defectum & inopiam lactis, parentes ante-ablactationis tempus idoneum, nutricem mutare cogantur, quod noxium valde est, Præferenda ruralis vrbana. A venere absteineat, ex concubitu enim lac acquirit virus, & perniciem. Vterum non ferat, cum nutrice pregnante nihil sit deterius, lib. 1. de sanit. cap. 9. Colorem habeat, ex rubro, & albo permixtum, qui optimæ temperaturæ signum existit, ex Galeno in cap. 51. art. Medic. quoniam ubi cutis exactè concocta cum sanguinis accedentis puritate iungitur, color euadit modicè ex albo rubroque permixtus; nam cutis, feminale membrum, ex probè concocto semine prodit exactè alba; quantum autem à perfecta coctione deficit, tantum ab albedinis integritate. Sanguis verò exactè percoctus, nulla vitiatu cacochymia, ruborem floridum ex hepatis commercio re-

præsentat, qui ad cutem accedens alimenti gratia, pulchro rubore faciem suffundit: tantum ergo intelligitur esse in sanguine pravi succi, quantum ab exacto rubore relinquitur, ut eruditissimè Thomas à Veiga illustrat in comment. Cur verò Aristoteles lib. 3. de histor. animal. vlt. laudet in nutricibus colorem fulcum, ut aduertit Mercurial. lib. 1. de morb. puer. cap. 3. in med. ea est causa, quoniam hic color robur naturæ ostendit: subnigræ enim multo innato calido participant. Subalbida, sanguinis & lactis inopes sunt, unde parcius phlebotomanda, ex Galen. lib. de sang. mis. 14.

Insuper sit modesta, mitis, sobria, hilaris, munda, non iracunda, ingluuiei dedita, nec procax, aut tristis, bonis sit moribus imbuta, quoniam lac non solum in nutriendo, sed in mutandis moribus maximam vim habet. Licet enim neque animam, neque virtutem formatricem obtineat, sæpe tamen ob qualitarum cognitionem infantibus affectiones, propensionisque nutricum imprimit. Refert Iustinus lib. 44. sua histor. in Hispania Habidem infantem feris expositum, & cernæ vberibus educatum, tanta fuisse pernicietate pedum, ut monium inga salusque, inter ceruorum greges, non inferior velocitate peragraret: Quare non immerito Phauorinus apud Gellium lib. 12. noct. Atticar. c. 1. inuehitur in mares, quæ infantes fœminis, barbaro agrestique ingenio præditis nutriendos committunt. Quod alludens Mithridates apud Iustinum lib. 38. de Romanis loquens, sic ait: ut ipsi ferunt, conditores suos lupa vberibus alios, sic omnem illum populum, luporum animos habere inexplebiles sanguinis, &c. Vnde Virgilius l. 4. Aneid. sic fatatur.

**N**ec tibi diua parens, generis nec Dardanus auctor  
Perfide: sed duris genuit te cautibus horrens  
Caucasus, Hyrcanaque admorunt vbera tigres.

Hoc ita esse, veterum & iuniorum scientissimi docuerunt: nam in moribus inolescendis magnam ferè parrem nutricis ingenium, & natura lactis tenent, quæ infusa tenero, & mixta parentum semini adhuc recenti, ex hac gemina concretionem vnā indolem configurat, Lege Sennerium eruditissimum lib. de morb. infant. cap. 1.

Hinc est quod prouidentia naturæ similitudinem natuorum, atque gignentium ex ipso quoque nutrimento præparans, fecit cum ipso partu alimonie copiam nasci. Nam postquam sanguis ille opifex in penetralibus suis corpus effinxit, atque aluit, aduentante iam partus tempore, idem ad corporis materni superna conscendens, in naturam lactis transmutatur, & albescit, ut recens natis idem sit altor, qui fuerat fabricator. Quamobrem non frustra creditum est, sicut valeat ad fingendas corporis, atque animi similitudines, vis & natura feminis: non secus ad eandem rem, lactis quoque ingenia, & proprietates valere. Neque in hominibus id solum, sed in pecudibus quoque animaduersum; quia si ouium lacte hædi, aut caprarum agni forsitan alantur, constat fermè in his lanam duriorē, in illis pilum gigni teneriorē. Plura ad hoc institutum affert Macrobius lib. 5. Saturnal. cap. 11. hæc enim adeo vera sunt, ut non immerito Chrysippus nutrices optarit, si fieri possit, prudentes.

Nutricem exercitio uti debere, res est manifesta. Hæc viuat in aëre temperato. Prolixè dormiat; somnus enim ad lactis generationem summopere conducit. Euitet animi curas, hæ enim lac impensè corrumpunt. Illi ante cibum mammillæ fricentur, & pectus, sic enim calor, & sanguis ad vbera confluunt frictionis ope. Abstineat à vino, quod si concedatur, sit pauciferum, & caput minimè tentans; nam præterquam quod nutrices facit procliuēs in Venerem, sanguinem & lac inflamat, etiam dum lac copiosum volumus facere, infans Epilepsia, aut conuulsionibus tentatur. Cibi sint euchyimi, optimi succi, alimenti plurimi. Auerferet siccantia, salsa, acria; acerba, acida, amara, & calida. Quod si pravi succi vescatur eduliis, multa mala ipsam prehendere est necesse. Lac enim horum commercio illico conspurcatur, velut & sanguis, ex quo illud originem habet: plurimam enim reprobum, aut probum alimentum, ad lactis præstantiam aut malitiam, vim habere, hæc historia

Galenus confirmat, & latè lib. 7. meth. cap. 6. ipse edocuit. Ex vitiatò enim alimento non solum lac corrumpi, sed alios quoque morbes enasci, appositis exemplis probauit lib. de boni. & vir. succor. cap. 1. explicat Ioan. Ceckius lib. de puerorum tuend. valetud. rub. 3. Num autem vere credatur à multis, lac eius quæ peperit sceminam, mari commodius esse, & è contra? Dic. Simili sexu fit conseruatio, alieno præseruatio. Ergo vbi intemperatura magna est, præstat lac contrarij lexus: vbi moderata, præstat simili alere.

Quapropter ex optimo alimento, probatissimum lac generari, certum est. Eligitur hoc visu, gustu, olfactu, ex Paulo lib. 1. cap. 3. Orbasio lib. 1. Euporiston, cap. 1. Nam & videntibus apparebit albissimum, ac æquale, quidquid Philosophus 3. de histor. animal. cap. 21. liuidum lac albo esse præstantius asseueret, contra Galeni mentem lib. 1. de sanis. tuend. cap. 9. Probatur id, quod inter crassitudinem, & liquiditatem est medium. Reprobatur crassum, caseosum, serosum, spumosum, graueolens, fœtidum, cito acescens, amaritudinis, aut alterius peregrinæ qualitatibus particeps. Laudatur quod in pollice instillatum neque subito, neque tardè videtur defluere. Cætera de lactis electione signa lege apud Peramatium lib. de regimine infantis, cap. 2. 3. Mercat. lib. 4. de morb. mulier. cap. 15. Christoph. à Vega lib. 2. ar. Medic. sect. 7. cap. 1. rubric. 1. qui nutricem reprobo lacte præditam esse ablegandam, & aliam saniores eligendam sibi persuasere.

## D V B I V M XIX.

Num. licitum sit nutricem menstruantem eligere. C  
Contra Vegam doctissimum.

### COM M E N T A R I V M.

**P**RIORÈ nutrice.] Quoniam de nutricis, & lactis pro alendis infantibus electione, satis multa non citra delectum congeessimus, duo dubia non reticenda opinamur, quod & ipsa in eundem scopum diriguntur, eò maxime cum sint à Medicorum paucissimis agitata. Quoniam primum est: Num liceat nutricem menstruantem eligere. Inter præcipuas nutricis dotes eam esse primo loco numerandam, quod menstruis careat, rationes euidentissimæ confirmant. Summopere enim est perniciosum, si nutrix menstrua patiat: nam sic sanguinis motus libidinem prouocat, turbat corpus, humores calefacit, exagitat, purum sanguinem in lac conuertendum vitiat & conspurcat. Hac de causa, fœdi colores, fastidia, vomitus, alui fluxus, febriculæ, per cutem pustulæ, & vlcera repullulare solent: cum ex fœdissimi sanguinis ad menstrua asseruati vitio, reliquus pro nutrimento infantis præexistens tantam labem contrahat, vt potius veneni quam medicamenti vires induat. Hinc Epilepsiæ, paraplexiæ, difficilis respiratio, macies, diarrhoea, & alia grauissima damna infantibus contingunt: cum ab vtero ad mammæ maximus adsit consensus, quem latè explicuit Galenus lib. 14. de usu part. 4. & 8. Insuper infans commodò priuatur alimento, cum lac in tanta copia non generetur: nam lac ex sanguine fit menstruo, lib. nuper cit. de usu part. cap. 8. & lib. de ven. sect. aduers. Erasistr. cap. 5. Vna siquidem & lactis, & menstruorum substantia est, amborumque, vt quis dixerit, riuorum fontes communes, venæ sunt. Quamobrem, quibuscunque per ætatem menses fluere cessarunt, his neque in mammillis lac ampliùs colligitur: quæcunque etiam purgandi tempora adhuc habent, ac interea lactant, hæ non purgantur. Præterea cum mulieri lactanti sanguis per locos eruperit, illicò lac huic euanescit. Ex his manifestè apparet, lactis & menstruorum substantiam esse eandem. Quare si nutrici menstrua contingant, minui lac est necesse. Perniciosum ergo est nutricem menstruantem eligere: probat Galen. 1. de sanis. 9. firmitat Omphibonus lib. 1. de art. Med. infant. cap. 6.

Christophorus à Vega lib. 2. ar. Medic. sect. 7. cap. 1. rubric. 2. contrariam videtur amplecti sententiam, dum sic

A inquit. At verò si eis alimentum non deficiat, vti in quibusdam sanguine abundantibus fieri vidimus, non parum commodi sequitur ex purgatione mœstrua; puriore factò sanguine: quamuis purgationis tempore turbatione patiantur, &c. Censet ergo lac purius euadere, si sæculentus sanguis vacuatur, cuius mixtione præexistens in corpore inquinatur. Exemplo sine lactantes, quibus cum raro fluant menstrua, mali succi copia succrescit in corpore. Hoc euidenter comprobauit Hippocrates lib. 2. epidem. sect. 2. post princip. dicens: Lactans quadam papulas per totum corpus habebat, cum autem cessauit lactare, sedate sunt æstæ, &c. Vt hinc discas lactare cessantes, profluentibus menstruis, à morbis, quibus antea corripiebantur, liberari. At non bene ratiocinatur vir hic eximius: nam suppressio menstruorum in lactantibus non est causa cacoehymie, quoniam nutrices quæ non menstruant, ex prouidæ præscripto naturæ, non generant plus sanguinis, quàm sibi, & fœtui conueniat, & ob id. carent periculis ex abundantia, & turbatione in excretionem menstrua. Ratio verò, cui velut præcipuo innititur fundamento, siculnea est; nam lac maius vitium susceperat ex vacuato menstruo, & corpus maiorem turbationem, quàm sit quæ sequitur ex eius purgatione utilitas. Quapropter nutricem menstruantem protinus ablegare oportet, vt securius fœtus alimentum susceperat: si enim aliter feceris, in grauiora pericula infantem deduces. De hoc argumento, Lege Vallesium in com. Hipp. in lib. de aliment. fol. mihi 289. Peramatium, tract. de regimine infantis, cap. 2.

## D V B I V M XX.

Num nutrix pro infantium curatione expurganda.  
Contra Brauum, & Donat. Santorum,  
Medicos eximios.

**H**OC loco non est ab instituto alienum, secundum dubium Laconicè pestringere, quo quæri solet, num nutrix pro infantium curatione sit expurganda. In hoc enim explicando inuenio Medicos fuisse discordes. Ioannes Brauus Petrasitanus, Salmanticensis Scholæ professor celeberrimus lib. 2. de curandi ratione per medicamentum purgans, cap. 6. Ioannes Donatus Santorus lib. 4. epistol. 2. firmiter tenent, nunquam esse purgandas nutrices pro curatione morborum; qui infantibus accidere solent. Vel enim infans ægrotat, nutrix sana est; vel è conuerso: vel nutrix, & infans vnà ægrotant: vel ambo rectè valent. Si vltimum, neuter purgari debet. Si simul ægrotant, optimum est nutricem expurgare; ira enim vtriusque salutis consulatur. Si tamen infans sanus est, & illa laborat, ne in morbum incidat infans, Aërij consilio, terrab. 4. ferm. 4. cap. 6. alij lactandus committi debet; nam vbi imminuitur lac, corrumpitur, omnino extinguitur, inspissatur, aut attenuatur, præstat alterius nutricis lac infanti præbere. Si tamen licitum non sit, optimo victus regimine tractanda, ne lacte fœdato deterrimis infans morbis occupetur, vt eleganter ostendit Hipp. lib. 4. de morb. num. 46.

E At si infans laborat, nutrix verò inculcata salubritate degit, infans solus purgari debet; ipsi verò nutrici nullum tale pharmacum porrigendum: nam qui sano sunt corpore, difficulter ferunt purgationes, ex præscripto Hipp. lib. 2. aph. 36. 37. & 1. 4. aph. 16. Vitiatum enim medicamentorum permixtione sanguis, & reliqui succi boni, qui in corpore sunt, inquinantur, caro liquatur, & solidæ animalis partes euertuntur. Licet enim hoc de violentis, & malignis pharmacis, quæ tempore Hipp. in usu erant, ex quibus noxæ oriuntur inemendabiles, intestigas etiam clementia & benigna, corpora demoliantur, ac resoluunt, vt sunt Manna, Cassiæ fistularis interaneus liquor, syrupus ex 9. infus. ros. Violæ conditæ, serum pruna, senna, & siquæ alia: hæc enim cum vires admodum languidas habeant, eorum facultas, antequàm ad mammæ perueniat, deperditur, aut ita obrunditur, vt exigua admodum, aut prorsus nulla in lacte supersit. Si ergo exoluenti



exoluentia pharmaca naturæ nostræ aduersantur, & cum minimè nutriant, in sanguinem, verti nequeunt; & clementia, debilia cum sint, sanguinem & alios succos ad tertiam vsque coctionem non alterant, quorsum nutrici porrigenda? Rursus. Licet scammonio, colocynthide, succo cucumeris, sylvestres capræ pro alimento vtentes, lac reddant pueris suis purgatorium, in muliere videtur impossibile, quum hæc vt pote venenata, nec, in sanguinē, aut lac verti possint; nam si mediocria medicamenta humorem noxium non attrahunt, si ab operatione frustrantur, sed in purgandum humorem conuertuntur; quid de deleteriis dicendum, quæ auctore Magistro 6. epid. sect. 6. com. 5. vel per sedem infusa vehementer nocent, & febrem malignam accendunt? Quapropter si puerile corpus, & lactans, oppletum sit vitiosis humoribus, medicamentum nutrici exhiberi non debet, nisi pro sui corporis purgatione, si forte prauis scatcat humoribus; tunc enim exhibitio medicamento purgante, sanguis purior redditur, & excretis recrementis vitium deponit, lacque hoc modo redditur laudabile. Hæc est horum virorum circa hoc argumentum opinio constans.

At nos qui Diuini Hippocratis sensa penitiùs abstrusa rimamur, & eius edicta colimus, complectimur, veneramur. Contrariam omnino, & huic aduersam sententiam fidissimo nixi experimento approbandam censimus. Ille enim in lib. 6. epid. sect. 5. text. 35. sic inquit. *Mulier, capra, elaterium, aut cucumerem sylvestrem comedentes, pueris purgatio, &c.* Continent hæc verba optimam quandam rationem expurgandi lactantes infantes, qua Medici frequenter vtuntur, dato scilicet pharmaco ipsi nutrici, quia lac induit expurgatorium medicamenti facultatem, vt eruditissimè Vallesius, & Fuchsius explanant in com. Cum enim infantes ob patiendi facilitatem, labores & symptomata quæ vteri ratione patiuntur, humiditatum copiam ab utero contractam (quæ quidem caloris natiui potestatem obruit, & obrundit) & cruditatem, infantilium morborum potissimam causam, generent, & plurimis morbis sint expositi, in nutritione, suctione, dentitione, & loquela; & ob teneram ætatem, medicamenta purgatoria nec assumere, nec ad actum deducere queant; morbusque vrgeat; cæteraque ex victus regimine, clysmatis, sanguinis extractione, attemperantibus serapiis, apozematis, aquis stillatitiis, potibus iurulentis petita, non prosint auxilia; quid restat exequendum, nisi nutricem leuiter expurgare, vt medicamenti facultate in sanguinem, & lac spirante, hoc reddatur purgatorium; quo lacto, infantium morbi mitescant, & noxio leniter vacuato succo radicitus extirpentur?

Hanc auream Hippocratis sententiam Galenus in com. approbat, exemplis roborat, & confirmat, dum sic inquit. *Non Elaterio duntaxat, quod cucumeris syluatici succus est, quemadmodum neque ipso cucumere solum videntes, lac puerorum lactentium purgatorium redditur, verum etiam si quod aliqd medicamentum subductorium, quod vocant, assumpserit. Siue autè à muliere elaterio, à capra ipso cucumere, siue utroque ab utraque comeso, infantes earum lacte purgari dicat, nihil interest. Cōducit autem hæc oratio ad Medicorum usum: Infantulos enim purgare volentes, aut matri infantulū lactanti, aut capræ, eiusmodi aliquid esui dātes, sic eos purgabimus, &c.* Cum enim infans lactens febricitat, est necesse lac mulieris rectificare, exhibitio medicamento quod vacuando noxios humores, sanguinem ab horum spurcitie immunem reddat, & ex consequenti purum lac, vt Auicenna inquit 1. 4. tract. 2. cap. 7. Hoc etiam consilium repetit Galenus lib. 3. de alim. facult. 15. In discussione ergo puerorum morbis, quoniam ea ætas medicamenta respuat, ac auersatur, eo viro stratagemate, inquit Lemnius doctissimus lib. 4. de oculi nat. miracul. cap. 25. vt nutricibus ea prescribam; statim enim diffusa per sanguinem (ex quo lac inficitur) medicamenti vis vbera subit, ac lac illius qualitate imbuit, ita vt quasi purgatrix sit medicina, puero aliu soluat. Non ergo errant sed Hippocratis, Galeni que doctrinam imitantur, qui pro curatione infantium, nutricibus medicamenta propinanda esse consulere, vt contendit Mer-

curialis in epistola 5. ad Petrum Monanum missa, & à Ioanne Cratone publicata.

Neque negandum est hæc medicamenta nutrici offerenda, non debere esse fortia, ne forte lac inquinent, corpus calefaciant, ac perturbent; sed mixta & benigna, quæ vaporosa sua substantia per insensibiles meatus, à ventriculo ad mammas, & ob consensum, ratione viciniam, possunt lac inficere, & purgatrice facultate id imbuiere. Quod si hanc facultatem purgatricem, communicatam per venas sanguini, hunc inficere etiam, & remanere in eo tanto tempore, quousque ad lac conuertatur, asseueres, tutus incedes. Licet enim violentia pharmaca, quibus ferè prisca vtiebantur, non nutriant, neque in sanguinem, aut lac conuertantur, expurgare tamen queunt; cum enim morentur in ventriculo, facultatem suam sanguini, & lacti communicant. Num verò sanguis & alij succi seruent facultatem eorum quæ ingesta sunt, vsque ad tertiam coctionem, (hoc enim aduersarij purabant esse falsum) Respondet Galenus loco cit. epid. In alimentis post coctionem, & in sanguinem conuersionem, validas vires remanere asseuerans, adeo vt & sudores ipsos redoleant: nam in istis comesorum qualitas seruata reperitur. Sic capra verno tempore Scammonia germina depasta lac purgatorium generant. Sic apud Indos animalium carnes, pulpam Cassiæ continuò edentium, purgandi facultatem non exiguam obtinent. Necnon in Doride, & Bæotia, multi ex coturnicibus esu conuulsionibus capti sunt, nam ob veratri pactum, quo illæ maximè delectantur, malitiam hanc illis inesse, prisca docuere, latius lib. 5. in com. histor. 26. referendi. Purganda ergo nutrix est, affecto infante: quod consilium opere ipso obseruauit Iacchinus lib. 9. ad Almans. in com. cap. 24. prope finem, qui in transmutatione substantiali non omnia priora accidentia deperdi, sed multa reseruati arbitrat. Lege Ioan. Ceckium lib. de pueror. valerudin. tuend. rubric. 10. & 20.

## HIST. XXXII. AVENZOARIS, De Phthisi.

Phthisis, panis benè fermentati cum oleo,  
& saccharo rosaceo, vsu perfanata.

ET iā recordatus sum, quod pater meus dicebat mihi, quod pater suus habuit quendam Hispanum in cura, cui patiebatur hanc agritudinem, & extenuatus fuit in tantum quod tota caro eius consumpta fuerit: & auius meus ipsum taliter curauit, scilicet quia cibabat eum pane bene fermentato cum saccharo rosaceo, & pane similiter bene fermentato cum oleo oliuarum; & taliter resumptus fuit, & suam recuperauit humiditatem, nec ei superuenit aliquod accidens malum, & vixit postea tam longum tempus, quod Medicus qui curabat eum, obiit ante ipsam: & postea diu remansit in manibus patris mei, & obiit ad ultimum ex alia agritudine, & non ex ista. Et mihi similiter quando incepi praticare, superuenit ad manus meas quidam, qui patiebatur talem agritudinem, & iniui regimē dictum: & recessit iussus ab eo, & impinguitus fuit, & rediit ad operandam artem suam, & ad exercendum omnes operationes suas, & sic vixit postea longo tempore, &c. Auenzoar. lib. 1. Thezir, tract. 11. cap. 2. post med.

## PARAPHRASIS.

Licet plures sint tabis species propositæ à Celso lib. 3. cap. 22. quarum prima Atrophia est, secunda Cachexia, tertia Phthisis; & ab Hipp. lib. 2. de intern. affection. num. 11. 12. & 13. & lib. 2. de morb. num. 54. & 56. Ex quibus oritur prima, aliæ describantur, quum pituita à capite in pulmonem confluit; secunda, à labore; tertia à spinali medulla, quæ maximè corripit recentes sponfos, & Veneri deditos. Nos per tabem intelligi volumus, Phthisim, hoc est, vlcerosam in pulmone dispositionem, quæ Galenus l. 7. aph. com. 16. totius corporis extenuationē esse

esse dicit, cum febre tenui, & exigua, consequentem ad insana-  
 bilia pulmonis ulcera, vel si pulmonis ulcerosam voces dis-  
 positionem, vera dices: ita enim eam vocauit Gal. 1. 5. aph.  
 com. 11. & lib. 3. eiusd. com. 10. cuius sententiam Paul. lib. 3.  
 cap. 32. Aërius, cæteri que Medicinæ duces sunt amplexi.  
 Est ergo exquisita Tabes, corporis consumptio cum febre len-  
 ta, ex pulmonis ulcere suborta: de cuius causa, speciebus, si-  
 gnis, & curatione, Auctores proprium caput conscripse-  
 runt, inter quos præcipui extant Fernel. lib. 5. patholog. cap.  
 10. Iacchin. in lib. 9. Rasis ad Almanf. cap. 37. Altim. lib. de  
 cur. human. corp. malis, cap. 53. Holler. lib. 1. de morb. intern.  
 cap. 26. Ludouic. Mercat. 1. 2. de morb. intern. 9. Mercurial.  
 lib. 2. praxis, cap. 4. qui omnes humectandum esse corpus  
 humiditate naturali, per instaurationem naturalis humo-  
 ris; ac etiam externa, humilitate, iis exhibitis auxiliis,  
 quæ siccitatem extraneam remouere queant, asseuerant:  
 quæ autem sit humectantium præsidiorum sylua, retulere  
 Trincauel. lib. 1. consil. 16. Valleriol. 2. obs. 3. & lib. 3. obs. 6.  
 & lib. 5. obs. 5. Mercurial. lib. de morb. puer. cap. 3. de macie.  
 Ludouic. Mercat. lib. 2. de puer. morb. cap. 17. de contabef-  
 centia. Syluatic. controu. 7. Sabastian. Austrius lib. de morb.  
 puer. cap. ult.

## D V B I V M XXI.

*Num panis azimus sit melior fermentato, ut voluit  
 Celsus, Contra Bruyerinum, & Syluaticum,  
 Medicos eximios.*

**A** Vctor tria pro huius macie curanda proposuit, Sac-  
 charum rosaceum, panem bene fermentatum cum  
 eo, & oleo oliuarum. De primo auxilio in sequenti histo-  
 ria agemus. De pane quod plurimum nutriat, est expressa  
 sententia Galen. lib. 1. de alimentorum facult. cap. 2. Nam  
 moderatum alimentum præstat, & omni ætati, omni que  
 tempore conuenientissimum, cum sit omnium ciborum  
 veluti materies. Is licet ex variis cerealibus fieri possit,  
 inoleuit tamen vsus eum appellare panem, qui ex tritico  
 fit, hoc autem debet esse durum, graue, densum, plenum,  
 mundum, cribratum, à cortice purgatum, nec suspectum,  
 tenuissimè molitum, aqua purissima collectum, ac sub-  
 actum, nec damnatis lignis concoctum, ex quo fit panis,  
 qui moderatam salis, & fermenti antea susceperit quanti-  
 tatem. In clibano sit coctus, nam modicè, intra & extra  
 assatur, qua ratione est esui aptior, cum suauior sit ac dul-  
 cior, & sic saluti conseruandæ utilissimus. In furno verò  
 coctus non ita probum præstat alimentum; ignis enim  
 ardentior primo statim occurso superficiem externam  
 circumurens, in testæ modum indurat, internam autem  
 relinquit crudam, & illaboratam.

Sed cum multum differant clibanus, & furnus, expli-  
 candum hoc est, simulque quæ fuerit olim panis conco-  
 quendi ratio. De primo: clibanum, siue cribanum, di-  
 stinguunt quidam, idem tamen significare, & esse, ple-  
 raque veterum testimonia ab Athen. lib. 3. dipnos. cap. 15.  
 prolata demonstrant. Sic & Eustach. lib. 1. Iliad. & 4. Odyss.  
 §. Non enim dico furnum, quoniam clibanus furnus non est,  
 quum panis clibanaceus, & furnaceus inter se differant, &c.  
 id probatur ex Plin. lib. 18. c. 11. & Iul. Polluc. lib. 6. c. 11.  
 qui furnum, & clibanum separantes, furnaceum panem in  
 furno coctum non facile confici, clibanitem autem facil-  
 limè concoqui, esseque probatissimum, illoque laudabi-  
 liorem confirmarunt.

Grammatici Græci ita definiunt. Clibanus mobilis est,  
 & quasi paruus furnus, testæque aliquando regitur, & ferè  
 è metallo fit: interdum tamen ex lapide constat, non tam  
 pane, quàm aliis lapidibus conficiendis idoneus. Sed hæc  
 definitio ex more est nostro, non antiquorum, apud quos  
 vsitata panis sub clibano coquendi ratio. Alij melius, &  
 ad veterum consuetudinem aptius, sic definiunt. Cliba-  
 nus est coquendis panibus ænei vasculi deducta rotundi-  
 tas, quæ sub ventribus flammis ardet intrinsecus: à Ca-  
 tone lib. de rustic. cap. 74. 75. 76. testus vocatur, à testa,  
 qua cooperiebatur, opinor. Furnus quid sit, non est necesse  
 explicare: quid enim sit, quis non nouit?

De secundo. Triplex fuit olim panis coquendi ratio:  
 Prima clibani, in quo deinceps cæptum est pisces, &  
 carnes, quæ xeniorum loco solita erant amicis mitti, co-  
 qui. Altera fuit coquendi ratio panis in furno, quæ penè  
 sola apud nos modò retinetur: Caminites, & ipnites  
 panis hic dictus. Furni autem olim dicti, vt fornaces, à  
 forno. Alij à furuo, id est obscuro, & nigro dictum vo-  
 lunt ob fuliginem, siue obscuritatem loci. Varro lib. de  
 vita populi Romani, Cocula, quæ coquebat panem, pri-  
 mum sub cinere, postea in forno. Tertia erat coquendi  
 panis ratio in Artopta; vas erat in quo torrebatur panis  
 vt ostendit Pollux loc. cit. & versus est Plaut. in Aulul. à  
 Plin. citatus lib. 18. cap. 21.

Athen. lib. 3. cap. 16. à clibanaceo, & furnaceo distin-  
 guit: apud quem genera panum diuersa in gente Græ-  
 corum præsertim inuenies, cap. 15. & 16. & apud Plin.  
 lib. & cap. cit. varietatem coquendi panis in furno: quo  
 in argumento nonnulla Brodæus notauit, longè ante in  
 Græcis lexicis obseruata, & præclare Mercurialis, cap. 12.  
 lib. 1. variar. lect. exposuit.

Panis ergo hic clibanita, ob dictam causam omnium  
 probissimus est, eumque extollit Gal. lib. 1. de alim. facult.  
 cap. 2. cit. §. Priuato autem, & seni, qui bellissimè quidem in  
 clibano est assatus, &c. & lib. de bonit. & vit. succor. cap. 2.  
 §. Igitur inter frumentacea, cibum exhibent succi boni panes  
 puri, ritè confecti, quorum & in clibano coctura sit, & ant id  
 subactio, tum fermento constant modico, salisque mixtura:  
 secundas ab his obtinent furnacei, &c. & lib. de attenuante  
 vict. rat. cap. 6. §. Sola autem preparatio est probanda, quæ  
 fermento constat, sale, & clibano, &c. idem alibi sæpe  
 asseruit.

Hic cum extrahitur è furno, pannis cooperiendus  
 est; ne forè ab aëre ambiente præclusis poris, vaporis  
 impediatur exhalatio. Non edatur calidus: nam nimis  
 inflammat. Nec sit eiusdem diei, quoniam ponderosior,  
 ægriusque coquitur, ex Gal. 2. acut. 36. & 3. alim. 15. &  
 Hipp. lib. de intern. affection. num. 46. Sicut nec veru-  
 stior, quia in coctione sua plurimum ventriculo nego-  
 tium facessit. Recentis solum odorem, ad collapsas ta-  
 bidorum vires refocillandas, & ad citissimam spirituum  
 alimoniam reparandam, esse præstantissimum præsidium,  
 probat Marfil. Ficin. lib. 2. de studiosor. sanit. tuend. cap.  
 18. §. Odorem verò omnem, quia pars corporis subtilissima  
 est, scitote nonnihil habere caloris, atque ex rebus qua ipsa  
 nutriunt, odores sperate potius nutrituros, vt ex aroma-  
 tico pyro, pomòque persico, & simili que pomo: magis autem  
 recente pane calente, &c. (Nam velapor, qui mirificè pla-  
 cet, plurimi velocisque nutrimenti causa est, sic odorem  
 ad spiritum se habere dicendum est: valente enim, ac  
 suauiter olentè vino, odoriferæque rosacea imbutus pa-  
 nis recenter è furno extractus, & naribus admotus, na-  
 tura sua spiritus iamiam exhaustos recreat, & instaurat  
 per odorem. Vbi igitur spiritus exiguus est, vel fuga-  
 cissimus esse deprehenditur, vt in tabidis, syncopitici-  
 que parua de causa contingit, panis odore extrinsecus  
 obiecto, necesse est spiritum resolutum retinere, ac re-  
 ficere. Huius olfactu Democritum, triduo vitam pro-  
 rogasse, fateatur Diogenes Laërtius in eius vita: Cum  
 enim iam ex senio deficeret, & propinquus videretur  
 morti, moerentem sororem, quod ille in celebritate Ce-  
 reris moriturus, & ipsa Deæ vota exoluere nequireret,  
 bono animo esse iussit, panisque calidos sibi quotidie  
 afferre: eos igitur naribus quum admoisset, viuum  
 se, dum ea celebritas transiret, seruauit. Vbi verò dies  
 illi transierunt (erant autem tres) quierissimè, ac mini-  
 mo dolore concludit vitam, 109. ætatis anno. Extrat su-  
 per hac re Græcum eiusdem Laërtij epigramma, sic La-  
 tinè conuersum:

*Quisnam tam patiens visus, qui tale parrarit  
 Vnquam, quale sciens omnia Democritus?  
 Qui per tres tenuit præsentia fata dies, &  
 Illa recens cocti panis odore aluit.*

Sunt & qui dicant, id mellis odore fecisse. Neque  
 hoc citra rationem sibi consuluit, nam mel vino lique-  
 factum calenti pani infusum, odore suo cor mirandum in

In modum roborat, & spirituum substantiam deperditam refarcit; flos namque florum mel existit, nec parum nutrit dulcedine sua, ac diu res integras à putrefactione tueretur. Num verò panis recens, salubrior sit pridiano, agit acutissime Lūdou. Nonnius lib. 1. de re cibarij. cap. 2.

Sed ut ad panem nostra redeat oratio, huius crusta reproba est, & mali succi, bilem enim adustam, atque succos melancholicos generat; nam ambusta tum ad succi bonitatem, tum ad concoctionem inepta, auctore Gal. 4. acut. texti. 102. censentur esse, nimisque exiccant, & humorum acrimoniam pariunt. Quapropter panis sit optime fermentatus, nam levis est, apud Hipp. lib. 2. de dieta, num. 10. ex quo fieri sanguinem laudatissimum, triticum purum sit, & electum, testis est Gal. lib. 3. de alim. facult. cap. 26. Per panem autem fermentatum, cum intelligimus, qui fermenti quod sit est habuerit, sic enim panem melius nutrit cum calidior sit, leuior, & sic citius à natura amplexus, promptius coquatur, & distribuitur. ex Paul. lib. 7. de fermento.

Porro si fermenti naturam intimius fueris perscrutatus, hoc verum esse inuenies. Fermentum enim est massa illa cruda in acorem conuersa, imò verò est ipsa corruptio, ut scribit Plutarch. in fin. probl. quo loco priscos non fuisse vfos fermento, quoniam fermentatio est quædam veluti corruptio, asseuerat. Est igitur fermentatio, ut dicebat Plato in Timæo, partis terrenæ motio, & in ærem conuersio: cum enim fermentum sit corpus acidum, illius acoris vi ac efficacia, ipsam farinam quodammodo calefacit, atque attenuat, sicque massa attollitur & amplificatur; quare ab aceto humorem melancholicum fermentari, feruere, & ebullire veteres asseuerant. Cum enim fermentum aciditatis cuiusdam frigida, & caliditatis ex putredine particeps sit, auctore Magistro lib. 6. simpl. tit. de fermento, & lib. 1. de alim. facult. cap. 2. sitque tenuium partium, mediocriter calidum, sine molestia ac mordacitate, quæ in profundo sunt, extrahit, coquit, digerit; & panis fermenti causa rarus sit, & spongiæ instar attollitur in ventriculo, & in eo ex omnibus sui partibus calorem admittit. Qui autem sine fermento est ita cogitur, ac residet, ut vix coquatur, succumque adeo crassum gignit, ut nec in corporibus sanis per angustiores venas attrahi possit: unde qui fermento omnino caret, nemini profusus est accommodus, & ut Auicenna inquit lib. 2. cap. 573. nisi multo labore fatigaretur, qui eo vititur, promptissime læduntur; iecoris enim meatus, per quos fertur alimentum, obstruit, lienis imbecillitatem auget, calculum gignit, stomachum grauatur, ut lib. 5. colliget, cap. 26. Auer. docet, & non sinit Rasis lib. 3. ad Almanf. cap. 3. Quare si non sit nimium fermentatus, probe alit, ex Auer. lib. 3. collig. 31. de cuius vario parandi modo, lege Cardan. lib. 1. contradi. tract. 5. cont. 7. & maxime, si sit subactum cum oleo Oliuarum, quod cum sit lentum, crassum, & viscidum, humidum nostrum primigenium, quod æereum est, & oleosum, nutrit, instaurat, & tabidos crassificat, & impingat.

Sed quid respondebimus Celso, lib. 2. c. 28. qui panem fermentatum corruptioni esse facillimum, non fermentatum verò minus intra corpus vitari, putredini quæ minime esse obnoxium asseuerat? Dic Celsum, panem nimis fermentatum reprobasse, quia parum nutrit, & non roborat vires, ut firmant Ishaac lib. Dietar. particular. tit. de Pane Auer. 5. collig. 31. Ex his apparet, citra rationem Celsum danari à Bruyerino, l. 6. de re cibaria, c. 6. de fermento, Ronss. in com. Cels. Baptista Syluaticus, contr. 6. in med. cum hac solutione cum Galeni sententia ipse sit conformis.

## HIST. XXXIII. AVICENNÆ,

### De Phthisi.

Phthisica, solius sacchari rosacei usu, omnino persanata.

ET si non timerem dici mendax, narrarem in hac intentione mirabilia, & referrem summam qua usa est mulier

A Phthisica. Peruenit res ad hoc, ut ægritudo prolongaretur adeo, donec perueniret ad mortem; & vocaretur ad ipsam qui prepararet ea qua morti erant necessaria; tunc quidem frater eius surrexit ad eam, & curauit eam hac cura tempore longo, & reuixit, & sanata est, & impinguata, & non est mihi possibile, ut dicam summam eius quod comedit de saccharo rosaceo, & c. Auicenna fen. 10. 3. tract. 5. cap. ult. & cap. 18. iuxta fin.

## D V B I V M XXII.

Num Phthisis aliquando curabilis.

### P A R A P H R A S I S.

PHthisicos nonnullos; vitam in multos annos produxisse; auctorum testimoniis constat manifestè. Auic. sic 10. 3. tract. 5. cap. 18. inquit. Et quandoque accidit phthisico, ut protendatur cum eo phthisis, producens cum spatio temporis, & similiter extenditur à iuuentute usque ad senectutem: & ego iam vidi mulierem vixisse in phthisi, circiter viginti & tres annos, aut plus parum, & c. quam historiam utpote huic consimilem, inexplicatam reliquimus. Eam experimentis suis firmarunt, Matthæus de Gradi, in lib. 9. ad Almanf. Rasis, in com. cap. 54. vbi furnariam phthisi correptam, plus viginti octo annis vixisse asseuerat, cum Iulio Alexandrin. in com. c. 14. lib. 5. meth. Gal. Nec dissuadent experimenta Desiderij Iacotij in com. ad Aph. 12. sect. 2. lib. 6. Coacar. Hipp. Petri Foresti lib. 16. obser. 55. Gentil. ad cit. loc. Auic.

Phthisicos, vel etiam quibus dimidia pulmonum pars erat amissa, deploratos, restitutos fuisse, & vere sanatos hic asseuerat Auicenna. Eius dicta verissima esse, locupletissimi, & haud infimæ notæ viri literarum monumentis consignarunt. Rasis lib. 4. continent. puerum phthisicum ætatis quinque annorum, lactis primo caprini, deinde asinini usu persanatum fuisse refert. Forestus lib. obser. cit. obs. 58. vitellis ouorum cum sulphure viuo, superbibitis cyathis aquæ roris solis, & aliquando distillatitia limacum, quendam deploratum cui ossa crepitabant, vixisse contestatur. Et plurimos conclamatos, aqua sulphuris spagyrica enchirisi extracta, tanquam præstantissimo cardiaco auxilio conualuisse à phthisi, probat Hieron. Rubeus lib. de distillat. sect. 2. cap. 24. Monardus lib. 3. de medicament. ex nouo orbe delatis, circa fin. Phthisicum, cancris, qui solum ouis columbinis, & earum recens exclusis pullis vescuntur, Medicorum consilio nutritum, optime conualuisse. Lactis usu sanatos fuisse plurimos referunt Valleriol. lib. 2. obser. 3. & lib. 3. obser. 6. & lib. 6. obser. 9. Michaël. Ioan. Paschal. lib. 1. de curand. morb. cap. 29. Valescus Tarantin. lib. 3. cap. 2. veros phthisicos puluere Haly persanasse gloriatur. Hos, usu decoctionis ligni sancti curasse contestantur, Philippus Ingrassia, in consilio Ducis à terra noua, Franciscus Arcæus lib. 2. de curand. vulnerib. cap. 2. Hieronymus Fracastor. lib. 3. de contag. cap. 8. Aloysius Mundel. epist. 3. Thomas Erast lib. 3. consilior. publicatorum è Laurentio Scholtzio, consilio 8.

## Observatio VII.

Phthisis, Ebeni decocto curatur.

QVotidie mirabilia contingunt in arte nostra, quibus Medici peritissimi reluctantur sagacitate mira, nouissimis auxiliis strenuè muniti. Dum hæc contemplor, accessi ad curationem Iuuenis, qui ex falsa distillatione, præcedente sanguinis spuro ex carnis pulmone educto, huius visceris vlcere sordidissimo diu immaniter vexatus, in phthisim incidit, ad extremam maciem reductus, quem pusilla comitabatur febricula, Pro huius curatione generosa præsidia celebrata: electuaria resumptiua, lactis asinini, & caprini potus diu imperatus, ptisana, amyllum. Abstergentia varia, & vlcus repugantia assumpta. Conferuæ, tabellæ, vnguenta, pulueres

& emplastra administrata, quæ robur corpori præbent, humiditatem primigeniam deperditam resarciunt, & vlcus à sordidie mundant. Omnia frustra. Tunc in conclamato casu, decoctam ligni sancti, cum medicamentis pectus mundificantibus attemperatum, sensim ac sine sensu exhibeo, cuius potu suauiter mouebatur sudor. Hic præter spem in minori copia pus excernens, primò febricitare desit, & obducto cicatrice vlcere, restaurantibus nutritus, pinguisculus factus, duorum mensium spatio curatus, nullam postea passus est recidiuam. Ex hoc felici euentu audacior factus, quinque in vita mea vlcere pulmonis laborantes, hoc præsidio, reliquis non conferentibus, Deo auspice, ad sanitatem per duxi.

Hoc auxilium in dolosis vlceribus, vel citra Gallicæ luis suspicionem, in qua tantopere prodest, sæpius sum expertus cum utilitate summa; quo ignorato, vel non celebrato ab Hipp. lib. 5. epid. num. 3. mortuus est ex suppurata coxa Eupolemus: quem locum Vallesius interpretatur in com. de qua re lege Iacorium ad Coacas Hipp. pag. 228. in com. text. 39. lib. 4. com. 1. Nonne vlcus verum pulmonis, vsu radices Chynæ, & Smilacis asperæ curandum docet eruditissimus Heurnius in com. text. 9. lib. 5. aph. cuius auxilij vi se iuuenem tabidum persanasse ibidem inculcat? Nonne Thomas à Veiga, in com. cap. 5. lib. 2. Galen. de dif. febr. febrem hecticam ex vlceribus internis subortam, decocto ligni sancti esse curandam docuit? si ergo phthisici, hoc, & aliis præsidijis sanari queunt, non sunt ab intrinseco incurabiles, vt docuit Cardanus in com. sententia 11. lib. 5. aph. Neque Galenus lib. 5. meth. 8. & 12. causas sanationis vlcerum pulmonis ex professo recitans, illa impossibilia esse ad curandum, sed difficilia existimauit. Sic enim ait. Quod verò huiusmodi vlcera, vel difficulter, vel planè nunquam sanari possunt, hoc in causa est, &c. & paulò infra. 5. Et que baserunt in pulmone vlcera, difficiliora sunt ad sanandū, &c. Hanc esse Galeni mentem probant Oribasius lib. 9. synopsis. cap. 1. Aëtius tetrab. 2. serm. 4. cap. 67. Celsus lib. 6. cap. 26. Vlcerata ergo pulmonis, non vt insanabilia sunt iudicanda. De qua re vide Mercurialem lib. 2. praxis, cap. 7. Ludoujc. Mercat. lib. 2. de morb. intern. cap. 9. Craton. in consil. 152. Montani. Valleriolam lib. 5. obs. 5. Matcel. Donat. lib. 2. de hist. mirabili, cap. 10. cum Iacobo Auberto quest. 15. in Fernel. lib. 1. de abdit. & omnium elegantissimè, Sylluaticum controu. 59.

Sed quod huic miserando morbo auxilium superest, saccharum rosaceum existit; cuius laudes miris celebrant encomiis auctores omnes: nam Conciliator diff. 194. refert, se phthisicum adolescentem solius sacchari rosacei vsu persanasse: cuius vim, & efficaciam miram multis laudum præconijs, pro hoc curando affectu, decantant, Harculanus lib. 9. ad Almans. cap. de Phthisi, & non siluit expertissimus Mesuës, cap. de phthisi dum sic ait. Et ex rebus mirabilis inuamenti ad consolidationes, & sanationes vlcerum pulmonis, est saccharum rosaceum recens, super quod nò præterit annus; aggregatur enim in eo virtus abstersionis ex succo rosarum, & virtus consolidationis ex parte substantiæ rosarum; & nosti quòd virtus abstersionis ex rosis propter antiquitatem abscinditur, qua adhuc possidetur in recentibus. Et Galenus quidem precipit dari saccharum rosatum singulis diebus in quantitate plurima, etiam cum rebus medicinalibus cibalibus, & potabilibus, secundum omnem modum administrationis eius, ita quod cum pane etiam. Et vsi sunt eo post ipsum plurimi, & non est comprehensibilis eorum numerus; qui sanati sunt ex vsu eius, tamen prius mundificationibus præcedētib. Falluntur enim eo vtētes à principio, dum mundificatio non præcesserit; coarctat enim in pulmone materias. Nos autem dedimus cum lacte calido non febricitantibus: febricitantibus verò cū aqua bordei decoctionis cancrorum fluuiatiliū, & alijs multis modis administrationum, & inuenimus esse medicamentum vltimum, &c.

Nec deest experimento ratio: quoniam si febrim, & emaciationem spectes, refrigerante & humectante victu opus est; si verò pulmonis vlcus attendas, sicca

A victus ratio conueniet. Verum cum vlcus, febris & emaciationis causa sit; & emaciatio ac febris in affectu isto, pulmonis vlcus, velut symptoma morbum sequantur: indicatio quæ ab vlcere sumitur, indicationem sumptam à febre obumbrabit; licet quæ à febre sumitur indicatio, negligenda non sit. Quare eligendum est medicamentum, quod modice refrigeret, ob febrim; ob vlceris saniem, detergat, & ob solutionem continui, glutinet. Has omnes dotes habere hoc alimentum, nulli est non manifestum: nam ratione rosæ, infrigidat, humectat, glutinat: abstergit, & repurgat ratione sacchari, & rosæ. Has enim vires inesse rosis firmant Dioscorides lib. 1. cap. 130. Galenus lib. de Medic. facili parabilib. cap. 165. Auic. lib. de virib. cord. tract. 2. c. de rosæ. Mesuës distinct. 4. de conditijs, sit. de saccharo rosato, explanant diligenter B Dioscoridis interpretes, & inter omnes Monard. & Bald. Ronssius libello proprio de rosis.

Siue ergo saccharum quàm albißimum instar farinæ tenuissimè teratur, atque superinfuso tanto rosarum succo, quantum sat sit, vt placentulæ; aut panes varia forma conficiantur, qui in sole quoad siccescant, operiti linteolo dimittantur, reponantur, & toto anno conferuentur: vel rosæ recentes exungulatæ cum sufficienti sacchari quantitate, tritæ in mortario, reponantur in vase vitreo cooperito, mensibusque tribus insolentur: vel rosæ calida aqua ablutæ cum saccharo permixtæ, ad ignem lentum coquantur, quod non probo, (tenuis enim rosarum vis, & in superficie consistens, ablutione, & coctione facile euanescit) quocunque modo pares, ventriculum, cor, visceraque reliqua firmat, bilem furentem mirificè compescit, ardentibus febribus remedio est, cardiaca vi membra interna tuetur, & phthisicis est tutissimum, præsentaneumque auxilium.

C Hoc celebrandum est seruatis conditionibus tribus, quarum prima est, vt vlcus sit prius exactè abstersum. Secunda, vt primis diebus recentior conserua offeratur, quia plus detergit: nam rosarum succus à Galeno numeratur inter ea, quæ internis vlceribus opitulatur abstersione sua, lib. 4. meth. cap. 7. Tertia, vt processu temporis verustior propinetur, quoniam exciccat, & glutinat: si enim tempestiuè illa in hoc affectu vtaris, saluiferum semper inuenies auxilium, vt probant Alexander. Massaria lib. 2. praxis, cap. 7. Petrus Poterius lib. obseru. 22. Fernelius consil. 19.

D

## D V B I V M XXIII.

Num saccharum frigidum sit,

## COMMENTARIUM.

Saccharo.] De sacchari artificio, inuentione, utilitate, & vsu nihil à me modò in medium proferendum, cum de hoc negotio plura literis commendariunt Dioscoridis interpretes: Bernardus Dessenius lib. 3. de composit. medicamentorum, in appendice oxy sacchara composita Nicolai. Langius lib. 1. epist. 63. Hermolaus Barbarus lib. 2. corollarior. in Dioscorid. cap. 306. Ioan. Brauus lib. 2. de simpl. Medic. delectu, cap. 18. & alij. Solùm de eius temperamento, quod dulcissimum, candissimum, atque præstantissimum est, paucula quædam proferemus in lucem. Nam Galenus lib. 8. meth. cap. 4. ipsum febricitantibus exhibet, tanquam medicamentum citra calorem detergens, & ab obstructionibus quàm maximè liberans: & Auic. lib. 2. tract. 2. cap. 755. Saccharum tabarzet natura frigidius esse affirmat. & 6. 3. tract. 1. cap. 19. de adustione lingua, ad sedandam firim saccharum proponit, tanquam medicamen infrigidans, humectans, & humoris calidi acrimoniam conteimperans: nam si saccharum frigidum non esset, materia medicamentorum esse non posset.

E Contrà, plura sunt, quæ pro contraria parte proponi possunt. Nam Saccharum calidum est in principio secundi; quoniam exactè dulce: hoc autem calidum esse fatemur, cum Galen. lib. 4. de simpl. facult.



*facult. cap. 9.* ob id enim natura dulce, calidum moderatè esse, probat Galenus, quòd fructus initio acerbi cùm essent, tempore maturecentes dulcescunt: ex quo sequi ait, dulcedinem ipsi à calore prouenire. Nam si dulcedo maturatione acquiritur, & maturatio, coctio quædam est, ex *Arist. lib. 4. meteor. cap. 3.* sequitur dulcedinem calore etiam acquiri; si verum est, coctionem à calore proficisci, ut *cap. 2. cit. lib. Arist. & Galenus* passim asseruere, Quòd autem fructus omnes à calido maturecant, coquanturque, cunctis tum Philosophis, tum Medicis persuasum est: tum quòd id ipsum duplex sit, alterum proprium & cuique ingenitum, alterum externum, à sole videlicet, vel ab igne comparatum, sed tamen naturæ ipsorum conueniens, ac familiare. Quare minimè mirandum est, quosdam esse, qui non in arboribus, sed postea cùm decerpti, conditique aliquandiu fuerint, coctionis complementum nanciscantur, & dulcedinem assumant; dulcescunt enim adscititio calore, omnia quæ ab igne præparantur, ut *Galen. ait lib. 4. simpl. 11.* Ex quibus omnibus patet manifestè, saporem dulcem calidum esse moderatè; nam si corporis nostri naturæ dulce maximè simile existat, ita ut omnium quæ nutriunt, communis dulcedo sit docente sic *Galen. lib. cit. simpl. 14.* & natura nostra temperatè tum calida, tum humida sit, dulce similiter moderatè calidum, humidumque esse debere necesse est. Quod non illepidè in suo herbario, *littera Z. cap. de Zuccarro*, confirmauit Castor. Durantes his carminibus.

*Calfacit, humectat, aperitque, & discutit, aluo*

*Viile, vesica prodest, & renibus affert*

*Præsidium, stomacho pergratum sacchar....*

Quare dulcia ex *Galeno lib. 5. de simpl. medic. fac.* calida sunt, sed non vrentia, immò teste *Rhase lib. 3. ad Almanf. cap. 1.* coquunt, laxant, rarefaciunt, thoraci, pulmonique conferunt, corpus impingunt, semen augent, lingua appposita moderatè aperiunt, calefaciunt, humectant: cùm citra violentiam apertos meatus linguæ subintrantia, diu ibi maneant, quo fit ut natura in tali temperie gaudeat, plurimumque oblectetur. Cur autem in dulcibus necessaria fuerit hæc oblectatio, ut à ventriculo appeterentur, explicat *Galen. loc. cit.* & eius mentem explanat intimiùs *Bartholomæus Anglicus lib. 19. de proprietat. rerum, cap. 41.* Saccharum ergo, quia natura dulce, calidum est, ex *Serap. cap. 50.* & *Halley lib. 5. de theoric. cap. 27. in med.* Lege *Ruel. lib. 3. de natur. stirp. cap. 22.* *Fuchium lib. 1. paradox. 36.*

Secundò, saccharum nostrum à saccharo antiquorum non differt, prout constat ex *Dioscorid. lib. 2. cap. 74.* *Plin. lib. 12. cap. 8.* *Galen. lib. 7. simpl. cap. de melle.* *Strabon. lib. 2. geograph.* *Solin. lib. Polyhist. cap. 66.* cum ex eadem ambo proueniant planta: hoc solum discrimine, quòd nostrum ab ipsis plantis arte exprimitur, & ignis calore concresecat; antiquorum verò tenuior esset, ac præstantior medullæ arundinum sacchariferarum pars, quæ per internodiorum fissuras Solis calore concreuerat, gummi, aut salis modò candida, dentibus friabilis, arundinibus nucis auellanz magnitudine accrescens, quare sal Indum, aut mel cannæ vocatur, ut ait *Auic. 1. 4. tract. 2. cap. 8. §. Nunc autem mel canna, quod est saccharum, &c.* & refert *Nicol. serm. 4. tract. 3. cap. 15.* *Clament ad rauim vsque Manard. lib. 2. epistol. 2. & lib. 9. epistol. 5. & lib. 15. epistol. ult. prop. fin.* *Mercurial. lib. 3. de rat. viñt. in com. sext.* *Hip. verbo biliosa quoque, &c.* Saccharum nostrum ab antiquorum saccharo longo intervallo differre arbitrati, quorum rationes Ioanni Brauius loco cit. ex toto refutat. Immo credere par est, non Arabum tantum, sed etiam Græcorum Medicos, & ipsum Galenum, testante *Scaligero exercit. 101. de subtil. ad Cardanum, distinctione 5. & exercitat. 164.* vulgari saccharo vsos, quod olim quoque è sacchariferis cannis extrahebatur, ut nunc in Syria, ac Indiæ insulis, ex cannarum medulla, molli & succi plena, in subiectam peluim expressa, in æneis caldariis donec concresecat, aut instar crystalli coalescat, decoquitur. Hanc sacchari decoctionem, *M. Varro Narbonensis, Iulio Cæsare imperante*, fuisse consuetam his carminibus cecinit.

*Lib. II.*

*Indica non magna nimis arbore crescit arundo,*

*Illius lentis premitur radicibus humor,*

*Dulcia cui nequeant succo contendere mella.*

Sed præter *Strabonem & Solinum*, *Stadius Papinius* qui sub *Nerua Imperatore* vixit, Arabes, & *Syrios* in *Ebosis* ex cannis coxisse saccharum, hoc testatur hendecasyllabo.

*Et quas præcoquit Ebosita cannas.*

Quo loco *Hypasita*, non *Ebosita* legendum; ita enim populi vocantur Indiæ à fluuio *Hypasi*, ut est apud *Strabonem*, *Plinium*que. Saccharum ergo antiquorum à nostro non est diuersum. Sed antiquorum saccharum calidum est, ut ex veterum mente satis constat. Ergo & nostrum calidum erit. Lege *Franciscum Ioëlium lib. 2. vniuers. medic. sect. 2. de aliment. tit. de sacchar.* & *Ludouicum de Aui-la, lib. de regimin. sanit. cap. 39. de saccharo.*

Tertiò, saccharum conuertitur in bilem, ex *Auic. lib. 2. cap. cit.* biliosum enim à dulci progignitur, ex *Galen. 6. epid. sect. 5. com. 14. §. Ex melle quoque, omninoque ex dulcibus, cùm vehementius incaluerint, amara bilis contrahi humorem, in quarto de simpl. medic. viribus, commentario, declaratum est, &c.* Deinde. Saccharum sitim facit, apud *Auic. loc. cit.* hæc autem, nonnisi ab humoris inopia, & caloris copia proficiscitur, ex *Galen. lib. 1. simpl. cap. 30.*

Nunc ad rationes *Gal. in methodo* saccharum propinat, non in febribus omnibus, sed in illis, quæ sunt ortæ ex obstructione; nam nec febres accendit, sed detergit, aperit, glutinosa, crassaque citra manifestam caliditatem dissoluit. *Auic.* autem saccharum tabarzet frigidius esse pronunciat, quia in caliditate non valde excedit; nam quod parum calidum est, frigidum dici potest, ex *Galen. lib. 6. simpl. cap. 67. §. triplex frigida humida temperie est, humida quidem secundæ ordinis, frigida verò primæ, quam vique tepidam caliditatem esse posuimus, &c.* 2. frigidum vocat *Auic.* si cum aqua dilutum oriatur, quo pacto ad sedandam sitim eo vsus est. Neque enim quòd sit calidum, materiæ aliorum medicamentorum esse non poterit; cùm enim temperatum sit, facile ad calidum, aut frigidum declinat, olei instar, quod cùm tepidam sortiatur caliditatem, ex *Galen. 3. simpl. cap. 9.* mediūque sit inter humectantia, & siccantia, ex *Galen. lib. 2. simpl. cap. 25.* omnium medicamentorum materia existit, ex *Galen. ibid.* Nam ut optimè aduertit *Gal. lib. 2. simpl. cap. ult.* mediam debet obtinere temperaturam, quod vtriusque extremis tanquam materia inseruit. Insuper saccharum vires medicamentorum maximè conseruat, quare ea illo seruantur incolumia, & minimè putrent; lentore enim suo eorum exhalationem impedit, & ab aëris iniuriis valde defendit. De sacchari viribus, lege eruditissimum *Nonnium lib. 1. de recibaria cap. 41.*

## D V B I V M XXIV.

*Num phthisi, febribusque curandis, saccharum rosaceum sit ex vsu. Contra Sepralium eruditissimum.*

**R**osaceo.] Multa quidem, & copiosè satis, ni fallimur, de sacchari rosacei excellentia conscripsimus, pro curandis phthificis; poterant & plura, sed nobis in vastissima rerum congerie seruare temperamentum quoddam, visum præstabilius est: post quæ quum paulo autè curiosius Rasis volumina inspectarem, scrutabar sollicitè admodum, contra *Sepralium* doctissimum, qua causa Arabicæ familiæ auctor primarius, saccharum rosaceum, phthisi, febribusque curandis salutare valde, ita condemnaret, temnat, & auerteretur: cùm *lib. 3. ad Alm. cap. 27.* in hæc verba prorumpit. *Et Deus confundat eos, qui saccharum rosaceum febricitantibus propinant: nam qui ardorem, & calorem patiantur, nullo modo comedere debent, & maxime si æstas fuerit; calefacit enim, & sitim inducit &c.* Deinde, in febrium initio, ex eo propinandum non est, quoniam adstringit, humoremque impactum reddit, crassatque; quare tunc adstringentia nocua sunt, ex *Galen* mente,

X

*lib. 1.*

lib. 1. acutor. com. 18. §. Nemo siquidem adstringentibus vi-  
tur cibis, nisi vel propter symptoma quod animi deliquium in-  
ducat, vel propter immoderatum alui profluvium, cogunt si-  
quidem constringuntque corpora, viasque tum distributionis,  
tum alimonia, tum eius, qua foras fit perspirationis conuincere  
faciunt, quas reclusas, apertasque esse cōducit, &c. Adde, rho-  
dosaccharum phthificis est inutile: quoniā vetustum, cum  
adstringat humores per sputum excerni prohibet: si verò  
recens, aluum prouocat, quod in hoc affectu valde timo-  
rosum est, iuxta Senis edictum lib. 5. aph. 11. 12. & 14. ut  
numquam in iis, vel saltem cum maxima præmeditatione  
alvus sit mouenda, ut eruditè notauit Ludouicus Dure-  
tus, in com. cap. 28. Hollerij, lib. 1. de morb. internis. Rosis au-  
tem inesse vim expurgantem, Mesuës affirmat, tract. 1. de  
simpl. cap. de rosis.

At hæc facilem habent explicationem. Rosis enim, cu-  
ius doctrinam eximiam Medicorum chorus amplecti de-  
bet; tabiat licet Fallopius lib. de medicament. simplicib.  
cap. 14. in fin.) etsi prima facie sacchari rosacei vires im-  
pugnare videatur: eius tamen edictum, medendi scientia  
imbutus, aliquid in hac facultate posteris elaboratius  
procudendum anhelans, multipliciter explano, ita ut tex-  
tus sit mendosus, & legendum sit, *Mel rosaceum*, ut Si-  
mon Ianuensis exponit in com. Vel si Radium de conser-  
ua rosarum facta ex rosis Persicis intelligas, quæ calida  
est, & æstuosa, non errabis. Si succus ex rosarum Persi-  
carum floribus extractus, cum saccharata aqua epotus  
pondere duarum vnciarum, aluum mouet, bilemque edu-  
cit, ex Andernaci sententia: maximè cum Arabicæ fami-  
liæ principes omnes in decantandis rhodosacchari laudi-  
bus multi sint, ut docet Mesuë tract. de Antidotis, tit. de  
saccharo rosato, & inter omnes eius interpretes, explicat  
Iacobus Syluius in com. Nec reprobandum est recens,  
quia aluum proritat; nam rosis vis parua solutiua inest,  
quæ ex artificio longioris coctionis euanesceat. Neque ad-  
strictionis earum adeò summa est, ut succos crasset, vacua-  
tionique ineptos reddat; nam eæ caliditate & tenuitate,  
non omnino spoliatur, ut ex Gal. Dioscoridisque mente  
constat aperte. Quare conditum rosarum roborat, car-  
diacum est, abstergit, mundificat pectus, phthisi, tabique  
mirificè auxiliatur, bilem furentem refrænât, sanguinem  
purificat, somnum procurat, leniter mouet aluum, refrig-  
erat, humectat, nutrit, ætuosis febribus remedio est, &  
viscerum internorum cauma compescit. Ex quibus col-  
liges, quàm malo fundamento nixa fuerit Septalij sen-  
tentia, lib. 5. caution. num. 12. qui hoc auxilium tantopere  
infamat, Rhafij solum auctoritate munitus.

## HIST. XXXIV. RHASII, De Phthisi.

Quidam vlcere pulmonis laborans, lacte,  
& pane similæ victitans, conualuit.

Ego cognosco quendam patientem huius passionis, qui per  
vnum annum comedit solum de lacte cum pane simila, &  
de lacte loco vini accepit in potum: & conualuit perfectè cum  
eiusmodi cura de vlcere pulmonis, &c. Rhafis lib. 9. contin-  
ent. cap. 2.

### PARAPHRASIS.

Phthificos lacte esse alendos, infra ex veterum mente  
comprobabimus. Modò de pane similaceo agendum.  
Cum enim quadruplex sit panis differentia, siliginus,  
similaceus, autopyrus, furfuraceus ut auctor est Galen.  
lib. 1. de alimen. facul. cap. 2. similaceo solum vitur, quia  
magis nutrit; erique præstantior, si factus sit extriti-  
co, optimis quas supra depinximus, conditionibus præ-  
dito. Similagineus ergo dicitur panis ex similagine fa-  
ctus, farina tritici non ita perfectè pura, quàm est siligo,  
quæ ex puriori tritici parte conflatur, ut cit loco retulit  
Gal. & explicant Marcel. Virgil. lib. 2. in Dioscorid. cap. 67.

A Hermol. Barbar. lib. 2. corollar. cap. 309. edocti à Plin. l. 8.  
c. 8. 10. & 11. Cels. lib. 12. cap. 17. Columel. lib. 1. de re ru-  
stic. cap. 6. & 9. qui omnes, de panis speciebus agentes,  
siliginem veterum, puriorem tritici esse farinam docue-  
re: de qua re lege Lang. lib. 1. epistol. 56. cur autem simi-  
la nuncupetur, explicat Rhodiginus. lib. 9. lect. antiq.  
cap. 16.

Sed cur hic æger ita conualuit pane similæ altus, qui  
difficilis est coctionis, & obstructions gignit ex Galen.  
lib. 5. de sanit. cap. 7. Dic, quod cum quatuor farinæ sint  
partes, pollen, simila, secundarium, & furfures; simila  
dicitur medulla farinæ triticeæ, seu pars quæ inter polli-  
nem est, & secundarium, porissimam nutriendi vim ha-  
bens, ex Galen. lib. de attenuante victus rar. cap. 6. Et licet  
dicatur crassi succi, non ob id ex hac farinæ parte factus  
panis talis est dicendus, sed respectu alimentorum quæ  
succum generant tenuiorem: neque crassum nutrimen-  
tum præstat, nisi ex ea fiant placentæ; & bellaria butyro  
permixta, ut lib. 5. de sanit. cap. cit. voluit Galen. Nil. er-  
go mirum si æger hic, pane hoc nutritus, qui firmissi-  
mum præbet alimentum, minimè dilabile, & detergit  
plurimum vlcus ratione fuffuris, ita fuerit obefior factus.  
Et si Galen. similaceum panem loc. cit. nihil, vel, parum de-  
tergere affirmat, comparatione ad furfuraceum, intelligas  
velim. Tu interim præter citatos, de panis differentiis,  
lege Ioan. Baptist. Theodol. epistol. 7. & de simila, Non-  
nium lib. 1. de re cibari. 2.

Hanc tamen curationem, non panis sed lactis benefi-  
cio, à Rhafio fuisse celebratam affirmamus. Nam si Alza-  
haraius lib. 26. sua medic. & Oribas. lib. 4. collect. vltim. pa-  
nem in aqua maceratum, iis qui acutè febricitant esse  
concedendum affirmant; & Galen. 2. ad Glanc. 13. panem  
ex aqua febricitantibus esse victum congruum asseuerat,  
immo heceticis vtilissimum iudicat lib. 10. meth. cap. 11.  
tum Auicen. 12. 3. tract. 1. cap. 7. Cur is in lacte, alimen-  
to heceticis, & tabidis tam salutari, maceratus, præstan-  
tioris non sortietur vires, & facultates? De cuius vi ad-  
miranda pro nutriendis tabidis, in sequenti historia dili-  
enter peragemus.

## HIST. XXXV. TRALLIANI, De Phthisi.

Quidam à phthisi, lactis vsu præseruatus.

Et qui per initia solo ipso (lacte scil.) constanter longiore  
tempore vsi sunt, omnes in totum conuenerunt. Noni autem  
quendam, qui cum toto anno, ipsum (loco vini) & bibisset, &  
comedisset interim cum frumentaceo aliquo, aut similagine,  
aut alica, aut panico incoquens, quumque ita agendo à vino  
abstinisset, liberatus fuit ex puris spuro, & ne postea in phthi-  
sim incidere, &c. Trallianus lib. 7. cap. 1. in fin.

### PARAPHRASIS.

Non est instituti nostri in huius historiarum explanatio-  
ne, de lactis, quo curatus fuit hic æger natura, gene-  
rationis modo, loco, temperamento quicquam disceptare,  
cum ante nos hoc argumentum graphicè inter omnes, ad  
Gal. mentem explicuerit Mercur. vir in veterum lectio-  
ne versatissimus, lib. 3. de morb. mulier. cap. 1. à quo deinceps  
omnes sunt mutuati, qui de fœminarum morbis conscrip-  
serunt. Sed de eius alimento pauca quædam appun-  
genda duximus, ex tam multis, quæ de huius facultate  
mira prisca vetustas pro tabidorum curatione, memoriz  
consignauit.

Cum primigenia humiditas in carnis partibus con-  
sumpta, actione caloris hecetici incipit iam in solidioribus  
partibus absumi, remanetque adhuc pusillus innatus cal-  
or qui pauxillo humido radicali permixtus, vitam tuetur  
ac fouet, tunc nisi substantiis reparatur, velut lucerna  
oleo absumpto, ac ellychnio valde reficcato, ad humidi  
absentiam, innatus ignis marcescit & perit.

Lac ergo cum sit omnium quæ mandimus, optimi A  
 succi, ex Galen. lib. 3. simpl. cap. 15. has vires mirificè com-  
 plet: nam ex tribus dissimilibus inter se substantiis con-  
 stat, quarum vna serosa est, tenuisque; crassa altera, ac ca-  
 seosa; tertia verò pinguis, atque oleosa; ex Galen. lib. de bo-  
 nis. & vit. cibor. cap. 4. Serosa abluat vlcera saniem, caseosa  
 glutinat, butyrosa impingat corpus ex carne, & tabefa-  
 ctum, humidumque primigenium reparat & resarcit. Est  
 insuper alimentum suauissimum, dulcissimum, potu facil-  
 limum, visui cum sit colore delectabile, & qualibet alia  
 esca benignius, & familiarius: lenit pectus, & ad dei-  
 ciendam pituitam, faciem spiritum reddendum, accom-  
 modatum: siccis insuper, & marcescentes ex siccitate  
 partes humectat: est facilis coctionis, & rabidis, calo-  
 remque imbecillum habentibus idoneum: & cum per B  
 omnes corporis partes ocysimè distribuatur, & penetret,  
 eas præ calore contractas, & coniuventes, & ob humidi  
 roridi inopiam pænè exhaustas nutrit, & instaurat. De  
 cuius alimentum efficacia, & vi eximia, sat plura Hip. &  
 Galen. passim in lib. de morb. affectionibus; de ratione vitæ  
 in morb. acut. in method. decantant: quos sequuti sunt  
 Paul. lib. 2. cap. 33. Aëtius terrab. ferm. 1. cap. 93. Rufus  
 Ephesus lib. de vesica, renūque affectibus, Dioscorid. lib.  
 2. cap. 66. cuius doctrinam exemplificant Marthiol. Marcel.  
 & Lacun. in com. Christop. à Vega lib. 2. art. medic. sect. 3.  
 cap. 9. tit. de lacte. Ioan. Brauus lib. 2. de purgant. medic. de-  
 lect. cap. 19. & plures alij.

Eligendum primò pro curatione vlcera pulmonis,  
 muliebre, ex Galen. lib. 7. method. cap. 6. tanquam naturæ  
 nostræ familiarissimum, quod ab aliis Medicis, præcipue-  
 que ab Herodoto, & Euryphonre, ad rabem summopere  
 celebratur, quoniā est subtilius, frigidius, humidius, alio  
 quouis: sicque citius concoquitur, penetrat, promptius  
 nutrit: optimi succi, præsertim proprio fœtui; ob assuetu-  
 dinem enim melius eo infantes reficiuntur. Num autem  
 etiam, intemperatarum matrum, iure inquires: Si intem-  
 peries parua est, præstat maternum lac, quia maior est  
 utilitas consuetudinis, quàm noxa parua intemperie: si  
 magna, præstat, vt alieno, & contrario lacte alatur. Num  
 autem hoc sit præstantius asinino, disputat inter omnes  
 Alphonfus Lupeus in annotat. in cap. 6. lib. 7. meth. Galen.  
 fol. 160. elegantissimè.

Asinum præfertur post muliebre, ex Galen. lib. 5. de  
 sanit. tuend. cap. 7. Trallian. lib. 12. cap. 4. Auic. 1. 4. tract. 3.  
 cap. 6. non est, inquit, lac, post muliebre, quod hecicis æque  
 conferat, ac asinum; hecicam enim, siquidem curabilis fue-  
 rit, ad plenum curat. Cum enim tenuissimum sit, ex Galen.  
 lib. 6. de sanit. tuend. cap. 11. partes omnes quoquoersum  
 ocysimè penetrans, eas mirificè, promptissimèque refi-  
 cit ac refocillat, vt Iacob. Vuerkerus lib. 1. part. 3. de eo  
 scripsit.

Hoc, camelinum tenuius est, serosique humoris magis  
 particeps, quo fit vt minus tum nutriat, tum emaciat  
 conferat, ex Auic. lib. 2. tract. 2. cap. 442. Hydropicis ta-  
 men, & quibus hepar malè affectum est, non parum com-  
 moditatis affert, præsertim si fuerit camelæ nuper enixæ;  
 eamque hepar, si Auicennæ credimus, 14. 3. tract. 45.  
 cap. 15. reficitur, atque instauratur. Num autem asinino  
 camelinum sit tenuius, respondet Galen. 4. acut. 109. illud  
 esse tenuius, licet 3. de aliment. facult. 15. camelinum li-  
 quidissimum affirmet. Pro cuius antinomiae solutione,  
 vide Manardum 16. epistol. 5. Brauum cit. loc. Rorarium in  
 contradict. Galen. 89. Stephan. Roderic. Castrensem lib. 4.  
 de meor. microcosm. cap. ult.

Caprinum phthificis vtilissimum, ceu boni succi, nu-  
 triens, & à noxis remorum; nam præterquam quod in  
 omni qualitate symmetriam seruat, ex Galen. lib. de bonis.  
 & vit. succor. cap. 4. & nec admodum pingue, crassumue  
 nutrimentum præstat, emaciat est salutare valde,  
 ex Auic. lib. 2. cap. cit. & 2. 4.

tract. 3. cap. 6.

\* \*

## D V B I V M XXV.

Num lac animalis nigri sit suauius, & utilius.

Contra Amatum doctissimum.

N Vm lac eligendum, quod à capra nigra extrahitur,  
 respondet affirmatiuè Mesuè, tract. 2. de simplicib. ti-  
 tul. de aqua lactis, cum Ratio ult. continent. tract. 2. c. 172.  
 Sicut enim caro animalis nigri est suauior, & leuior, ex  
 Auic. lib. 2. tract. 2. cap. 145. in inii. & Albert. Magno lib. 9.  
 de animalib. cap. 10. Sic lac animalis nigri est suauius, &  
 præstantius: nam nigriora sunt calidiora; ex Galen. lib. 6.  
 epid. sect. 2. com. 44. §. Et nigri idcirco, & viriliores viri, &  
 hirsuti magis, & c. quod probat Aëtius terrab. 1. ser. 2. c. 88.  
 Quare lac animalis nigri suauius est, magis elaboratum,  
 & perfectè coctum, nec nimis serosum, aut crassum, sed  
 consistentia medium, vt pote à valido innato coquente  
 calore exactè defæctum; coctione enim fieri suauiora,  
 Philosophus docuit, lib. 4. meteor. cap. 1. Ob hanc causam  
 Hip. lib. de nat. mulieb. num. 52. post partum lac vaccæ ni-  
 græ 40. dierum spatio potandum consulit, & ad hydro-  
 pem ex causa calida lac nigrarum caprarum laudant Card.  
 in cons. de diff. spirandi, in med.

Amatus lib. 3. cent. 1. color. m animalis nihil facere ad  
 præstantiam lactis assenerat: At huius opinionem multò  
 antea redarguerat Galen. loc. cit. epid. §. Calidior autem est  
 masculus, vt ipsius venarū magnitudo, & color indicat: nigrio-  
 res enim plerūque viri mulieribus sunt, & c. Ex colore enim  
 pilorum, totius venari nos posse temperamentum, docet  
 Galenus in arte med. cap. 13. cum niger cutis, pilorumque  
 color, calorem vegetiorem in corpore vigere manifestè  
 ostendat. Si ergo animal habeat pilum nigrum, nigram  
 etiam cutem habeat est necesse: nam pili brutorum ha-  
 bent colorem cutis, iuxta mentem Philosophi lib. 5. de ge-  
 nerat. animal. c. 4. §. Colorum autem causa caseris animalibus  
 cuius natura est, vt unicolora sint, & varia. Sed hominibus ni-  
 hil causa cutis affert, & c. Quare animal habens cutem &  
 pilum nigrum, calidius est; quoniam fuligo est magis  
 adusta, sic magis nigricat, & calor eleuans intensior est.

Sed obici potest dupliciter contra causas dictas. Pri-  
 mò. Si lac in rabidis, phthisisque, humectationis, nutri-  
 tionis, & refrigerij causa offertur, cur lac animalis nigri  
 tantopere expetitur, si calidius est? Dic, lac ab animali  
 nigro emulctum, temperatum esse: cum enim lactis na-  
 tura ad frigidum magis inclinet, ex Galen. 1. 4. simpl. c. 17.  
 cum crassa eius pars, & serosa frigida sit; pinguis & bu-  
 tyrosa, temperata: si aliqualis caliditas ex animalis tem-  
 peratura ampliùs accedat, lac temperatum fieri est ne-  
 cesse; cuius causa suauius redditur, & ob meliorem co-  
 ctionem ex abundantiore calore contractam, plus pene-  
 trat, & magis nutrit: parua enim caliditas in lacte facit,  
 vt minus flatuosum sit, melius coquatur in ventriculo, fa-  
 ciliùs penetret, difficiliùs acescat, & in præstantissimum  
 vertatur alimentum.

Secundò. Si tanta cura habenda est animalis, à quo de-  
 bet hauriri lac, tantopere à Galeno commendatum, lib. 7.  
 meth. cap. 6. & lac mulieris candidæ valde præfertur, vt in  
 com. hist. 31. sup. docuimus, cur lac animalis nigri ad im-  
 pinguandos phthificos expetitur? Dic, disparem esse rati-  
 onem: nam lac nutritis candidæ approbatur, quoniam  
 est temperatum, quod hominem in statu sano, exacta,  
 symmetrique temperie præditum, erat nutriturum; in  
 statu verò morbofo, lac ab animali nigro extractum est  
 præferendum, ob multas causas. Hoc enim cum non  
 sit ita flatuosum, & crassum, in debili febrientium ven-  
 triculo coqui, facilièque distribui potest; si enim lac à quo-  
 uis animali emulctum exhibeas, præ innati caloris  
 coquentis debilitate acescit, corrumpitur, & alui pro-  
 fluxum concitat, quod in omni morbo, nedum in tabe  
 valde timorosum est, iuxta Senis edictum, lib. 5. aph.  
 14. Aliam huius obiectionis solutionem, Lege apud  
 Rodericum à Castro Medicum eximium, & Iuniorum  
 facile principem, lib. 4. de vniuersa mulier. medicin. part. 1.  
 cap. 13. in ea quæstione, num nutritrix liuidum, an album  
 debeat habere colorem. Tu verò de præsentis dubio, lege

Ludouicum Lemosium in *com. cap. 6. lib. 7. meth. Galen.* A  
*verbo, id enim.*

Vaccinum, & ouinum, licet apud Auicennam *loc. cit.*  
 & Rhafium *lib. 3. ad Almanf. cap. 15.* corporis molem au-  
 geant, & obesitatem adipisci volentibus sint accommo-  
 datissima, tamen crassius alimentum præstant, & à pusil-  
 lo tabidorum calore vix coqui possunt, & citissime con-  
 crescant in ventriculo. Insuper obstructions gignunt,  
 status pariunt, & cruditates. Sed si de lactis diuersitate  
 plura scire cupis, Lege præter veteres, Conciliat. *dis. 194.*  
 Cardan. *lib. 2. contradiet. tract. 4. contradiet. 1.* Bruyerin.  
*lib. 14. de re cibaria*, Ludouicum Nonnium doctissimum  
*lib. 2. diætic. cap. 15.* qui copiosè satis, & clanganter ad-  
 modum, de lactis natura, & temperamento discepta-  
 runt.

Lac vtilissimum est, cum ex ipsis mammillis quis ex-  
 hauserit: expedit enim, ne vel minimo tempore in aëre  
 ambiente lac moretur; nam celerrimè mutari est aptum,  
 & generalis seminis ritu extra propria vasa illicò corrum-  
 pitur, ut doctè monèbat Galenus *lib. 7. meth. cap. 6.* Cur  
 autem inter omnia alimenta citissime corrumpatur, res-  
 pondeat Petrus Hispanus in *com. cap. 57. lib. dictar. vniuer-  
 sal.* Ishaac, non esse paucitatem innati caloris; nam & se-  
 men, & sanguis æquè velociter corrumpuntur: sed ma-  
 gis videtur illi, quod sit naturalis humiditas, quæ extra  
 locum nativum facillimè à continente corrumpitur.  
 Quod si æger sugere recuset, interponatur breuissima  
 mora, & emulctum in vas vitreum, quod immersum sit  
 aquæ modicè calenti ne concreseat, adiecto saccharo,  
 statim assumatur. Hauriri debet tribus, aut quatuor horis  
 ante prandium. Prima vice exhibendum non plus quàm  
 cyathus, hoc est, binarum vnciarum quantitate, ex Galen.  
*lib. 10. meth. cap. 11.* & sensim, si id æger probè coxerit, ad  
 mediocrem quantitatem accedere oportet. Perfectam  
 eius coctionem ex pulsu, & ructu venandam esse docuit  
 Galenus *lib. 7. meth. cit. & lib. 5. aph. 64.* nam lacte corru-  
 pto, aut non bene concocto, pulsus aderunt parui, & inæ-  
 quales, ex Galen. *lib. 1. de dif. feb. cap. 9.* ructus fiunt nido-  
 rulentis, vel acidi. Facile enim lac alteratur: nam si in ca-  
 lido ventriculo coquatur, in nidorem abit; si in frigido,  
 citò acescit.

Lacte hausto, saltem per duas horas comedendum non  
 est, ne lac alterius alimenti permixtione corrumpatur,  
 nèue natura ab eius coctione distrahatur. Nec item bi-  
 bendum, ne coctionis officinis refrigeratis, & debilitatis,  
 lac acefcat. Post eius potum duabus horis interdicens  
 somnus, ex Aëtij præscripto, *retrab. 1. serm. 2. cap. 93.*  
 Si enim somnus ante has horas procures, corrumpitur  
 lac. Licet enim in hæticis alimenta oblata, redacto ad  
 internas sedes calore, coquantur promptius & felicius,  
 quàm tempore vigilæ: lac tamen cum suapte natura  
 facile alteretur, & dum concoquitur, attollat hypochon-  
 dria, & caput feriat, quoniam coquentis caloris vi magis  
 caput tentat, idcirco post eius potum prohibendus som-  
 nus. In summa tamen languidis exiguus somnus potest  
 concedi ad iuuandam coctionem, ut scire notauit Clau-  
 dinus in *appendice lib. de ingressu ad infirmos, sect. 8. de  
 lactis usu, & natura.*

Post lactis potum, validum exercitium imperandum  
 non est, ne lac crudum intempestiuè rapiatur ad venas.  
 Nam si motus post cibum fortis tempore sanitatis repro-  
 bus est, auctore Galeno *lib. de bonis. & vit. succor. cap. 3.* &  
 Auic. *lib. de remouendis nocumentis, qua accidunt in regimi-  
 ne sanitatis, cap. 3. tract. 4. cap. 25.* quod à ventre alimen-  
 tum ante coctionem distribuatur, crudorumque humorum  
 vis colligatur in venis, vnde morborum genus omne pro-  
 gigni solet: quantò magis in morbofis, febrientibusque  
 corporibus, in quibus exercitium, præterquam quod cale-  
 facit, humores exagitat, corpus inflamat, & impensè de-  
 bilitat, lac corrumpit, cum hoc corruptioni paratissimum  
 existat; quare si conditionibus seruatis vtatis, citissimam  
 senties vtilitatem. De cuius usu, lege quæ suprà in *com-  
 ment. Histor. 2. in fin.* prædiximus.

Lac ergo per se solum, cum alica, aut frumentaceo ali-  
 quo permixtum valde nutrit: & licet alica sit crassi, tena-

cisque succi, ex Gal. *lib. de attenuant. viſt. rat. c. 6.* & in de-  
 bili ventriculo difficulter coquatur: tamen cum multum  
 nutriat, lactis benignitate adiuta, & temperata, à partibus  
 vni cum lacte vehementer amplectitur. Lac enim loco  
 vini cum toto anno hic æger ebibisset, à purulento sputo  
 liberatus est, & ne in phthisim incidere, præseruatus.  
 Quàm autem sit reprobum vinum, quia corpus inflam-  
 mat. Squalidum corporis habitum ampliùs exiccat, &  
 spirituales partes vapore suo concutit, omnibus est mani-  
 festum. Vinosum intellige, & caput tentans; album enim,  
 aquosum, subdulce, nutrit, sitim sedat, abstergit, calorem  
 nativum auget, spiritus refocillat; & cum sit potus, & me-  
 dicamentum, phthisicis est saluberrimum, ut notat Nico-  
 laus Abrahamus Frambesarius, ex Montui sententia, *l. 4.  
 consult. distinct. 3. canon. 6.* Cum enim hoc sit colore, &  
 substantia simile aquæ, non valde calefacit. Si verò ad  
 Galeni mentem, de aquosi vini vi, & facultate plura scire  
 cupis, adi Christoph. a Vega *lib. 2. art. med. sect. 3. cap. 2.* &  
 Amatum *lib. 1. centur. 28.*

## HIST. XXXVI. GALENI, De tabe.

### Exemplum eorum, qui tabe consumpti interierunt.

**Q**uidam humorem repente expuit, liquide bili in colore  
 perquam similem, mediū videlicet inter flauū & palli-  
 dū, at nulla acredine infectū: atque ita quotidie maiorem eius  
 quantitatem expuit: deinde leui suborta febricula tabescere in-  
 cepit, adeo ut purulenta sciret. Postea tractu temporis, qua-  
 tuor videlicet mensū, exiguum cum pure cruorem reiecit, at-  
 que sic aucta febre magis consumebatur, ac iterū atque iterū  
 plus expuebat, adeo ut magnam sputi quantitatem redderet:  
 quocirca magis crescente febre, ac resolutis viribus, corū, qui  
 tabe marcescunt, exēplo obiit. Deinde alium vidi, eodem, serè  
 modo sex mensibus: ac alium quoque diutius laborantē. Igitur  
 qui primus nobis occurrit, initio quidem nihil mali habere sed  
 tandem pessimè affici visus est. Alterū verò cum conspicerem-  
 us, ei statim ab initio cognito malo, præter medicamentū suc-  
 currere tentauimus: ac multo magis etiam terro. At quamuis  
 multo negotio virūque liberare conaremur, nihilominus neque  
 horum vilius, neque alium post eos seruari potuit: quum enim  
 morti iam proximi essent, pulmonis ipsius partes quasdā par-  
 tes expuebāt. Proinde facile cognoui, haud absimili eos affectu  
 laborare, qualem in externis partibus videre solemus, quum à  
 putrefaciente quopiā humore inficiuntur: verum has abscin-  
 dere, & vrerè possumus, pulmōni verò horum auxiliorum neu-  
 rū adhibere licet, quapropter omnes perire necesse est. At ve-  
 rò postremum cum viderem, ad visceris fortem exiccationem  
 sollicito me animo cōuerſi, & quidē odoribus, atque potionibus  
 ad id efficacibus. Proinde medicamentum quod hedychroum  
 vocant, interdū naribus ipsius iugiter adhibere iussi: ad som-  
 num verò sese conuertenti præscripsi, ut narium foramina ex  
 aliquo pretiosorum unguentorum illinirentur, qualia videlicet  
 Roma preparari solent: vocant verò ea & foliata, & spicata.  
 Atque dedi in potu medicamenta, Mithridaticam vocatam  
 compositionem, Ambrosiam, Athanasiam, Theriacam. Itaque  
 perpetuo anno sic educatus, iādem similiter ut reliqui tabidi,  
 vitam finivit, quam fortasse ob iam dictā educationem lon-  
 giori tempore protraxerat. Præterea alium huiusmodi affe-  
 ctum in pulmone notavi. Quidam diuturna tussi vexatus, &  
 exiguum lentumque pus expuens, frustum quoddam paruo  
 gradinis grano haud absimile excauit, ac deferens illud mi-  
 bi ostendit, atque rursus non ita multo post aliud quoque at-  
 tulit: vnde coneci lentum illum humorem, quem antea expue-  
 re solebat, siccatum, induratumque ad huiusmodi substan-  
 tiam peruenisse. Quamobrem medicamentum ei in potu de-  
 di, quod asthmaticis auxiliatur, atque ita factum est, ut mi-  
 norem expueret grandinem, atque longiori quàm antea in-  
 tervallo: neque pluribus deinceps annis adeo mitigari po-  
 tuit affectus, quin tandem moreretur, &c. Galenus *lib. 4.  
 de locis affectis, cap. ult.* At duos vidi citra febrem,



qui talia sputa colore pallida extirrent. Sed alterum paulatim febri-  
culæ parua exceperunt: quo factum est, ut in longum tem-  
pus durans affectio permanentibus febribus tabidum homi-  
nem redderet. Alterum absque febre, cum talia expueret con-  
tinuis diebus paucis, nihil est mali consecutum, &c. Galenus  
lib. 3. epidemion, sed. 1. com. 4. in initio.

Et in quibusdam febre vacantibus id fieri vidimus, qui per  
valde longum temporis intervallum nihil mali pati videban-  
tur: attamen isti omnes phthisi postea contabuerunt; &c. Ga-  
lenus lib. 6. epid. sed. 3. com. 36.

## PARAPHRASIS.

**A**dductis in medium ægris, recenset quosdam pul-  
monis affectus raro contingentes: rarissimum nam-  
que est, ut phthisicus euadat homo, nulla sanguinis reie-  
ctione præcedente, suppuratione, aut acri catarrho, quæ  
sunt causæ phthisis frequentissimæ, quod accidit in pro-  
positis exemplis, & sic valde fuit miratus Galenus, ut con-  
stat ex contextu, dum ait, *quamvis nihil cruoris excrearent:*  
& fatetur à se quàm raro fuisse visos. In primo affectu,  
inquit, ægri humorem expuebant, cum liquida quadam  
flavedine, hoc est, similitudinem flauæ bilis referentem.  
In secundo, non liquida, sed crassa, glutinosa, & dura, im-  
mò & grandini, vel capillis similia sputa fuerunt excreta.  
Omnes autem sic affecti perierunt, excepto aliquo, qui  
interim dum tabescebat, alio morbi genere fortè fuit in-  
terceptus.

Sed si negotium hoc ad viuum expendatur, mente  
concipi non potest, quo pacto syncera creatio reprobe-  
tur, eo solum nomine, quòd calorem nimis excedentem  
indiceret: nam laudatur in morbis, si humiditate permixta  
expuatur, & quòd humidior fuerit, minus malum porten-  
dit ex Hip. & Galen. lib. 2. prog. 3. 8. 45. & alibi. Atqui ægri,  
de quibus Galenus in primo exemplo, non syncera, bilio-  
sa, nec simpliciter flaua, sed liquida simul, & admodum  
crocea expuerunt, immò sine vlla acredine, ut ipse fate-  
tur. Ergo non poterant omnes ita facile inde tabesce-  
re, & tabidi omnes perire; maxime quòd lib. 3. epid. circa  
20. duos refert, qui cum sine febre excrearent pallida, quæ  
maius incendium, quàm flaua significant, non tamen  
contabuerunt ambo, sed alter tantum; alijs verò nihil  
mali perpeffus, incolumis euasit. Quòd si mali causam  
referas ad humiditatem putrefactioni valde obnoxiam,  
& ad permixtæ bilis putrefacientem calorem, unde mol-  
lissimus pulmo potuit putrefieri, & ulcerari, obstat maior  
bilis pallidæ acredo, ratione cuius magis potens est ul-  
cerate erodendo, quàm liquida flaua putrefaciendo: alio-  
qui pueri, in quibus redundat humiditas putredini minùs  
resistens, cum sufficiente calore ad putrefaciendum, ad ta-  
bem erunt magis proni, quàm iuuenes, contra Senis ora-  
culum lib. 3. aph. 29.

Deinde. Si crassa, glutinosa, & dura sputa, frigidi, crassi,  
glutinosi, tenacisque humoris, ad pulmonis fibras collecti  
sunt soboles, ex Gal. 6. epid. sed. 3. com. 36. sic tenuia, cali-  
da, tenuis & aquei: unde contabuerunt illi qui talia ex-  
crearunt.

Insuper. Si ex immenso, adurentéque calore, à quo te-  
nax ille, pituitosusque humor assatur, atque lapidis instar  
induratur, atque concrefcit: cur febris non adfuit, si à  
glutinosisissima pituita pulmonis bronchia infarciuntur,  
unde non parato bono refrigerio cordi, fuliginibusque  
adustis retentis, cor gliscit, & calorem concipit præter na-  
turam; maxime cum hic lentus humor, retentus in cali-  
do loco putrefcat, ex quo eleuata aura cor afficit putredi-  
nosa, unde febris.

Sed hæc ita expendenda sunt. Ad primum, concedimus  
damnaſſe Hippocratem synceram vomitionem; at eam  
potius voluisse, quæ quodammodò permixta est, ob cau-  
sam à Galeno assignatam. Rursus fatemur merè quidem  
flauam, suæ acrimoniæ vehementia magis corrosiuam  
esse quàm liquidam; hebetatur siquidem caloris morda-  
citas permixta humiditate: Verùm quia hac ratione pu-  
tredinis, cui obnoxia est, maiori periculo red dit copus  
obnoxium, vel membrum in quo redundat, maxime

si aliquantulus calor adſit, qui putrefacere ſufficiat, vt  
accidit in exemplo primo, ideò omnes contabuerunt. li-  
quida flaua excreantes, de quibus hîc; non ſic memorati  
lib. 3. epidem. qui flaua tantum expuerunt. Itaque ratio-  
ne acedinis magis apta eſt flaua pura, & lycera ad ero-  
dendum, & ulcerandum, quam permixta liquori; ſed  
ex hac, quæ maiori ex parte abundat in ſpongioſo hoc  
membro, & humiditatibus pleno, plures contabescunt,  
putrente humiditate, & putrefaciente molliſſimum vi-  
ſcus; materia autem putrefacta non minùs acris, corro-  
ſiuæque ſit, quàm quæuis alia, quantumvis calidiſſima  
ſit. Nec proinde inferas, pueros magis ſubiaceret rabi,  
quàm iuuenes: licet enim illorum natura magis putre-  
dinosa videatur, ob multam illius ætatis humiditatem:  
cùm tamen ea à calore natio, ſiue proportionato regu-  
letur, nec valde excedat, à putredine, quoad fieri po-  
teſt, prohibetur; calidam autem humidam temperatu-  
ram valde excedentem, vel in qua maior eſt humidita-  
tis exceſſus, ſolum Galenus putredinosa appellat, &  
ſimpliciter illas, in quibus ſanguis redundat, quod ac-  
cidit in iuuentute, 8. method. 7. & 2. art. medic. 34. & 56.  
Adde quòd magna reſolutio, quæ in puerili ætate ſit,  
non patitur ſuperabundare humidum, nec corporis la-  
xitas, fieri obſtructiones, à quibus potiſſimum oritur pu-  
tredo.

Ad ſecundum & tertium. Materialis cauſa craſſorum  
ſputorum, inquit Galenus cir. epidem. eſt craſſitudo, atque  
tenacitas humoris ad pulmonem collecti; efficiens autem  
eſt calor excedens, rum illius, rum vicini cordis, qui ple-  
rumque poteſt pituitam adurere & indurare, ſine eo quod  
febrim excitet. Hoc modo aduritur humor in pyloro in  
hypochondriacis citra febrim, ex Galen. lib. 3. de loc. cap. 7.  
& in mania humor aduritur absque febre, ex Galen. lib. 2.  
in ſymptom. cauſ. cap. vltim.

Denique non inuras notam Galeno, quòd in his exem-  
plis nullam de ætate fecerit commemorationem: cùm  
vtile ſi agnoſcere, quæ ætas ſit magis obnoxia ad inci-  
dendum in phthiſim, vt ſcilicet morbum vſque adeò  
frequentem, & periculoſum euitemus, & ad eum pro-  
penſos debito regimine, quoad fieri poteſt, præſerue-  
mus, & maxime in Luſitania, in qua phthiſis, ob terræ  
inæqualitatem cum craſſo, nebulosoque aëre, eſt morbus  
endemiſ & patrius, nam collibus, & vallibus abundat.  
Quoniam Hip. lib. 3. aph. 29. ſcripſit, iuuentutem  
eſſe huic affectui obnoxiam, & lib. 5. aph. 9. cum illa  
iungit ſimul adoleſcentiam, dicens: *Tabes ſunt præcipue  
atribus à decimo octauo vſque ad trigefimum quintum.* Pla-  
num eſt autem adoleſcentiam vſque ad 25. annum ex-  
tendi, ex Galen. 5. aph. 7. (ſiue velis vnam, & eandem eſſe  
cum pùbertate, incipiente à 12. aut 14. ex Galen. 3. aph. 27.  
ſiue ab ea diſtinctam, & incipere anno 18.) & à 25. vſ-  
que ad 35. menſurari iuuentutem, ex Galen. 3. aph. 30.  
Quia ergo dicto annorum numero vna tantum ætas non  
comprehenditur, ſed tota iuuentus, & pars pùbertatis;  
ſeu tota adoleſcentia, ſi illam in hanc, & exquisitam pu-  
bertatem diuidas: ideò Hipp. plurali numero nuncupa-  
uit ætates phthiſis obnoxias, improprie verò Auic. 1. 3. 3.  
tract. 4. cap. 20. 18. & 30. quaſi anni illi vnà tantum coër-  
ceantur.

Cur verò inter reliquas, eæ ætates magis phthiſi ſubii-  
ciantur, illiſque frequentior, magique familiaris dicatur,  
arbitratur Galen. 3. aph. 29. non ex virtutis imbecillitate,  
quæ fortior tum temporis eſt; aut ratione membrorum,  
quia magis completa & exacta; atque actiones (ſaltem  
animales) ſiunt exactiores, 6. de ſanit. tuend. 4. & 1. aph. 14.  
& lib. 3. euſd. 18. ſed ex accidenti, & vt loquitur Galenus,  
ſecundum aliquid, hoc eſt, propter inordinatum vitæ re-  
gimen, quo pereas ætates peccatur, tam in cibo, quàm  
in potu, & in alijs non naturalibus moribus, præcipue in-  
tempeſtinis exercitijs, curſus, luctæ, armorum, inſolationis,  
&c. ex quibus facile vaſa rumpuntur, & hinc euenit  
ſanguinis eruptio, & phthiſis, iuxta oraculum Senis lib. 7.  
aph. 15. & 16. *A ſanguinis ſputo puris ſpurum, phthiſis, fluxus,  
mors.*

Addit prædictæ Galeni cauſæ eruditiffimus Heurnius

*in com. sentent. 19. lib. 3. aph.* quoniam in ea ætate ardet sanguis biliosus, qui è venis pectoris: aut pulmonum exudat: vel isdem ruptis, apertis, vel exesis erumpit: ab ictu, saltu, vociferatione, vel sub sole, & humi quòd cybarini; vel acri dieta, inde ferina distillatio.

Lungi potest & alia causa ex salso, acrique catarrho, cui mediæ illæ ætates obnoxia sūt, utpote calidiores, præsertim iuuenilis, quæ calida & sicca sit, atque adeò multabile vexetur; vnde nihil mirum, si à capite in pulmonem influens exulceret, & tabem frequentius inducat, quàm puerorum, & senum catharri; licet enim frequentiores sint, 3. *aph. 26. & 31.* in senibus tamen humor defluens, ex frigore torpescit: in pueris multo humido hebetatur, atque exulcerare prohibetur: non sic mediis illis temporibus, in quibus præ actrimonia exulcerat, sic monente Philotheo *in com. cit. aph.*

Vltimò Oribasius *in com.* multipliciter contra Galenum insurgit, negans ob indebitum vitæ regimen, iuuenes esse phthisi magis obnoxios: nam ij validè exercentur, ob vires plusquàm in alio tempore robustiores, & alimenta reproba conterere valent. Deinde Galenus *in com. 39. lib. 2. aph.* iuuenes, ob inordinatum vitæ regimen, & in tempestiuos motus omni morborum generi dicit esse obnoxios, & non soli phthisi: non ergo causa à Galeno proposita est frequens & peculiaris, atque in ipsum ex mente Auicennæ inclinat Vgo 5. *aph. cit.* immò plures in hac ætate constituti sanissimè, in otio, & sine vllis in victu, & potu erratis viuentes, creberrimè incurrunt phthisim, Quinimò continentes viri, & fæminæ, ab omni excessu, motuque inordinato abstinentes, hoc morbo corripiuntur.

Non negamus, causam huius euentus, esse, quoniam per eas ætates maior sanguinis copia redundat, qui vasa rumpit, vnde sanguinis sputum, & pulmonis vlcus, vt docet Galen. 3. *aph. 27.* cum cesset iam in corpore augmentum; cum enim minùs iam fiat, immò & minor nutritio, minùs de eo absumitur, nec tantum, quantum conficitur, vnde necesse est redundare. Præterea fusio, ebullitioque sanguinis, vna, vel maxima est plenitudinis occasio, 1. *aphor. 15. & lib. de plenitud.* & alibi passim: atqui à calore per illa tempora plusquàm in aliis ætatibus vigente, sanguis magis funditur, ac ebullit, præcipuè ad arterias venosas, ex vicini cordis & illarum incendio. Igitur in illis prope viscera, & pulmonem sanguis maximè redundabit. Quare cum redundantia, frequentissima sit causa ruptio- nis, vnde hæmoptoïsis ac phthisis consequuntur, sit vt in temporibus illis morbus hic frequentius occurrat, quàm in aliis ætatibus antecedentibus. In his etsi generetur multus sanguis, hic ob hebetatum calorem ab humido quo abundant, minùs ebullit, & totus in nutrimentum, & corporis augmentum transit: in subsequentibus calor iam minuitur, decrescit sanguis, similiter & feruor, à quo solebat augeri.

Ex his elicies rationem, ob quam continentes hic morbus magis infestet: cum enim castè viuunt, vt plurimum menstruus sanguis non rectè purgatur, & retentus, ad thoracis patres restagnans, hæmoptoïsim parit, & tabem, ex Galen. 6. *aphor. 12.* præsertim cum maximus sit vteri cum partibus spiritalibus consensus. Otiosi, & inexercitati, copiam sanguinis non absumunt, & fortè vini potu, victuque multo vti solent; vnde multiplicatur sanguis, prope viscera, vasa distendit, & rumpit; & sic vtilissimè consulitur his, vt parco victui alluescant, sanguinem nonnunquam mittant, præsertim in vere, & ex crure; assuefit enim sic sanguis ad partes distantissimas trahi, non ad supernas, cum euidentissimo phthisis discrimine. Hoc enim modò Galenus vertiginosos præseruat, & comitiali morbo obnoxios, *lib. de sang. miss. cap. 19.* & sub vno exemplo morborum, qui partes supernas infestant, ceteri comprehenduntur, ex Galen. *lib. 3. acut. 42.*

Nec leuem nobis præbuit dubitandi ansam solertissimus Galenus, qui tot ægros connumerans phthisi emortuos, nullam fecerit mentionem de illorum natura, aut corporis constitutione; in qua re describenda primus omnium insudauit Senex Cous, qui considerata corporis

forma, naturam alatham pronunciauit maximè dispositam ad phthisim, *lib. 6. epidem. sect. 3. text. 18.* dicens. Quæcunque alata nature laterum, propter impotentiam occasionis, & in distillationibus malignis, & si excretio sit, & si non sit, malum, & *lib. 1. epidem. sect. 1. text. 18.* postquam dixerat in constitutione quadam plurimos fuisse marcidos factos, maximè eos, quorum natura vergebat ad tabem. Hi enim præcipuè in hunc morbum frequentius incidunt, explicante Galeno *lib. 3. aphor. 13. & 4. acut. 8. & in comment. cit. loci epidem.* in quibus thorax adeò angustusest, & restrictus, vt spatulæ in morem alarum promineant. Addit Auicenna si collum oblongum sit, gracile, mollis cutis, albus color. In his cor, cerebrum, pulmo sunt imbecilla, & exiguo admodum innato calore prædita: nam debile cerebrum facillè repletur, & frequentium defluxionum est origo, quibus ad thoracem descendentibus, malignæ fiunt distillationes, acres & mordentes infirmum pulmonem, qui hac de causa facillè vlceratur; ad cuius vlcus febris consequitur, correpto corde ab extraneo calore, & sic excitata ferina tussis, vlcera magis sordescunt, & dilaniantur; vnde iugi, continuæque febris corpus occupatum, putrescente deinde pulmonum substantia, vt inquit Fernelius *lib. 4. patholog. cap. 8.* & si mat Galenus *hoc in loco*, contabescit, & ablumpto humido torrido, & primigenio, glutinèque dissoluto, cuius vi & ope partium continuas seruat, tandem perit & extinguitur.

Ad hæc, ex defectu & debilitate caloris, multiplicatur excrementa, à quibus distillationes, vasorum rupturæ & tabes. Quod verò pectoris strictura cum longo, gracillique collo, cordis, cerebri, & pulmonis arguat imbecillitatem, exiguumque calorem in vitæ principiis, colliges ex eo, quoniam thoracis costarumque amplitudo; cordis ac cerebri magnitudini respondet, 2. *art. medic. cap. 11. & 29. & 6. epidem. sect. 3. com. 18.* & cerebro non solum pectoris ossa, sed & vniuersa totius corporis attestantur; non quasi ab eo oriantur, sed quia omnia tandem coherant, & respondent dorsali, quæ & cerebro. Vnde Galenus *lib. 6. epid. sect. 6. ad fin.* scribit, *offium naturam à capite esse æstimandam.* Iam verò cordi pectus respondet; quia si calidum est cor, thoracem amplificat, tum quia calor vniuersim distendit, tum quia informatrix post calidi cordis formationem, instrumentum parat, & domicilium sufficienti aëri trahendo, recipiendoque in calidi cordis subsidium, vnde & pectus, & pulmonem magnificat. E contrà verò minuit, angustat, coarctat, in defectu caloris natini. Cum igitur paruus angustusque thorax, cordis ac cerebri indicet paruitatem, simul & pulmonis in cordis vsum creati; membrorum autem paruitas ex informatricis imbecillitate ob inopiam caloris natini oriatur, vt pulchrè docet Galen. 6. *epid. cit.* sit vt ex stricto, angustoque pectore in alata natura, principiorum debilitatem, & aptitudinem ad phthisim coniciamus.

Iungitur alata nature plerumque collum gracile, & oblongum, quia cum vertebræ ipsius colli parum amplæ euaserint, immò strictæ angustæ, extendit eas natura; nam longitudine & proceritate, tentat quamprimum latitudinis defectum compensare. Cur verò ex procerocollo maior aptitudo ad phthisim oriatur, inquit Aurelianus *cap. de phthisi*, quia per longum collum difficilius expurgatur materia, ex pectoris & pulmonis cauitate; cumque sæpe tentetur purgatio, hæc non perficitur, immò frustratur; vnde retinentur intra pectus humiditates, & putrescunt; à quibus putrefactis putrescunt partes quas tangunt, eroduntur, exulcerantur,

Denique ex eodem caloris defectu, albi, mollèsque sunt, qui pectus habent strictum, & spatulas in effigiem alarum prominentes; albedo enim frigiditatis est solumboles, *in arte medic. 58. 59.* ex ea canities, vitiligo, &c. & ad eam sequitur mollities, ob copiam humiditatis acernatæ, quæ ob defectum caloris resolui non potuit. Neque obiciat, in frigidis naturis non multiplicari sanguinem, à quo rumpuntur vasa, neque bilem augeri,

à qua acris distillatio emanat. Quomodo ergo cohererebit, calidam ætatem, & frigidam temperiem esse paratioris ad tabem? Dic, ex abundante crudo pituitosoque sanguine, cuius frigidum tempus, frigidæque natura est ferax, etiam vasa distenduntur, rumpunturque: nam pituita detenta putrescit, falsa acrisque fit, unde pungit, rodit, ulcerat: ob hanc causam frigidi senes vigilant valde, 3. aph. ult. Quare rectè potest dispositio vna diuersis esse familiaris, & conuenire cum tali temperamento natiuo, simul & cum ætatiuo, non simili, aut proportionali, sed opposito. Quod si adhuc infantes, pueros & senes, quibus debiliior vis est, & in illis magis tenera, mollioræque membra, à tabe frequentius molestari, si hac de causa dicitur frigidæ naturæ magis familiaris: Responde huic obiectioni commodè, quia licet etiam in pueris, & senibus phthisis accidat, quemadmodum morbi omnes in omnibus temporibus 3. aph. 19. ita tamen eam frigidæ naturæ addicimus, tanquam familiarem, vt aliquam bilis redundantiam exigamus, quæ in illis ætatibus maiori ex parte non datur, sed præ aliis in iuuenili, atque idè hanc potissimum dicamus huic morbo. Tu verò per otium lege Vallesium, & Fuchium in com. citata sent. lib. 6. epidem. & inter aphorismorum interpretes, Cardanum in com. sent. 29. lib. 3. aph.

## QVÆSTIO XXVIII.

*Quod in curatione tabidorum non errauerit Galenus, & cum Tralliano sit confirmus. Contra peritissimum Lusitanum, & communem Medicorum sententiam.*

## COMMENTARIUM.

**M**irum est quod multi volunt, & ferè apud primæ notæ viros est compertum ratumque, Galenum vsu, omnigenoque experimento dexterrimum, immò Medicæ scholæ vigilantissimum speculatorem, & commodissimum mystagogum, in horum affectuum curatione cæcutiuisse. Hæc est concors, & vnanimis Medicorum sententia. Sic sentiunt ferè omnes, qui de tabe peculiare caput conscripserunt: quorum voto coactus Thomas à Veiga, vir omnium calculis doctissimus, in com. huius loci, non dubitat summos viros, sicut Galenum deerrasse. Sed quoniam lis, & controuersia, in causa horum affectuum explicanda, est reposita, ne Andabatarum more clausis oculis historiæ explanationem aggrediamur, liceat exactiori trutina eam speculari, à primo ægro exordium sumentes.

Humorem liquidæ bili simillimum, medium inter flauum, & pallidum, nulla acredine infectum, ex iecore, venis, aliæve corporis parte posse in pulmones confluere, illud facit manifestum, quod in his partibus, non in pulmonibus illa generetur; quæ maiori impetu ad spiritales partes confluens, cum calida sit, & in loco calido detenta, febriculam lentam, putrida fuligine cordi communicata, excitauit: qua de causa, ob viciniam, calore extraneo in cordis corpore firmato, & humore de nouo velut in orbem confluente, tabes inceptit; computrescente autem, purulentum sputum æger excreauit, sumpto videlicet lato puris significato, quo humor similis puri intelligitur, prout supra in com. Histor. 26. de Empyemate latè retulimus. Ex putredine autem humor retentus cum acquireret acrimoniam, valis parui hac de causa exessio facta est, & sanguinis paucum quiddam in sputis apparuit. Ob purulentum ergo sputum, iugemque febrem, cor gliscit & exardescit, & communicato omnibus deinceps partibus squalido calore, harum genuinus innatusque vigor, exhausto pabulo, tabescente magis ac magis corpore, resoluitur & perit. Hoc in tribus expertum se fuisse commemorat, quos morti proximos, pulmonis particulas quasdam putridas, ex putrescente pulmonum substantia persputum eiectas excreuisse narrat. De horum cœtu sunt illi, quos in epidemiis citat auctor iste, qui in initio,

A pauca adhuc humoris quantitate fluente, licet nulla, aut non ita vehemènti febre tenerentur, tamen illorum exemplo tabescere cœperunt, & obiere.

Hi sunt qui ob spiritalium instrumentorum affectum mortui sunt, licet nihil cruentum excrearent. Posse autem plurimos citra cruentam spuitionem tabe resolui, præter Galeni hoc loco auctoritatem, lib. 5. patholog. c. 10. Fernel. firmat. edoctus ab Hip. lib. de intern. affect. num. 12. & 13. quando videlicet sputum crassum, & multum à capite descendit in pulmones, ipsosque infarcit; qui obstructi, & mucilaginosi humoris copia obruti, non bonum possunt parere cordi refrigerium. Qua de causa si diu durat defluxio hæc, cor calidius redditum, & non bene ventilatum, calorem concipit præter naturam; totumque corpus, partesque internæ inflammantur nimis, & excandescunt, & humido depopulato tabes oritur, & euenit mors.

B Miraberis fortasse, & meritò sanè, cur tussis non minuerit Gal. si verum est, hanc naturale esse symptoma, ad expurgandas spiritus vias à natura ipsa comparatum, ex Galen. lib. 2. de caus. sympt. c. 4. Nam si noxa pleuræ, & septi transuersi, non potest esse causa tussis, citra hoc quod communiceretur pulmone, ex Galen. lib. 2. de cris. cap. 10. & lib. 5. de loc. cap. 3. & Auicen. 10. 3. tract. 4. c. 2. quid de pulmonibus ipsis, non per viciniam aut consensum, sed per essentiam & proprietatem laborantibus proferemus, quibus affectis illico tussim excitari est necesse? Hanc enim vt manifestam & ex necessitate euenientem, tanquam notam præterit; nam quæ omnibus parent, ea prætermittenda sunt, ex Galen. lib. 4. de rat. viis. com. 72. & lib. 2. de difficult. resp. cap. 7. & lib. 6. epidem. sect. 2. com. 30. Obscura enim repetere non grauiatur, lib. 10. meth. c. 5. in med. Nemo enim sibi persuadere poterit, pulmonum partes sine tussi excerni potuisse, cum Galenus de frequentioribus pulmonum affectibus sermonem instituens, tussis perpetuò faciat mentionem.

C At de illo, qui frustrum paruo grandinis grano simile excrebat, tantisper peragamus. Galenus enim hinc causam suæ generationis habuisse affirmat, quod lentus ille humor, qui antea expuebatur, siccatus, induratusque, ad huiusmodi substantiam peruenerit; quæ autem fuerit intemperies exiccans & indurans, proferemus modo.

Hæc est succincta affectuum horum explanatio. Putant ergo plures, medicamenta à Galen. allata, inutilia esse, & nullius vsus; cum enim calida sint, febrem magis intendunt & exacuunt, humorem crassum & lentum, absumpta tenuiori parte, crassiorem reddunt, cor, cæteraque viscera, immò totum corporis habitum siccum & squalidum inflammant. Quare humorem crassum præ calore, frigidis aperiensibus esse debellandum censent, maxime cum asserat Galen. 1. 6. epidem. sect. 3. com. 36. horum sputorum rotundorum, lentorumque, & temporis diuturnitate tabem committentium, causam esse loci caliditatem: quare mirantur valde Galenum, tabidos, sicut anhelosos persanantem.

His commotus Alexander Trallianus in Galenum, vt iniurius insurrexit, lib. 5. cap. 4. in hunc modum præfatus. Meminit autem, inquit, diuinissimus Galenus cuiusdam, qui non calculum, sed grandinibus similia expuerat: Item aliorum quorundam, qui similia bili colore spura reiecerant. Atque miror quomodo ipse nullo refrigerantium vi voluerit; nam & Mi-thridatium ipsis offerebat, pariter & Athanasiam, & quæ adhuc magis excalescere potest, theriacæ, aliæque omnia antidota ad suspiriosos inscripta, quæ acribus quibusdam, & extenuantibus medicamentis constât. Atque ea se non solum in uno viro, sed etiam in copuluribus vidisse dicit. Nullus autem eorum, quibus eiusmodi acciderunt, mortem effugere potuit, sed omnes cum paulo longiore tempore, aut breuiore perdurassent, interierunt. At reuera verum est hoc, quod de Archigene ille prodidit: difficile enim est, homo cum sit, in multis non peccare, quia nonnulla prorsus ignorauerit: nonnulla etiã negligentius conscripserit. Atque hac dicere de tam sapiente viro ausus non fuisset, nisi veritas confidenti me esse animo incitasset, atque ego rursus impiū esse censuissem silere. Nam Medicum cum id quod sibi

videtur, arripit, & non explicat, valde alios offendit, & im-  
pietatem exercet, magnoque errori imprudens seipsum sponte  
implicat. Verum illud agendum est, quod Aristoteles dixit,  
amicum quidem Plato, amica vero etiam est veritas: duobus au-  
tem propositis, veritas præferri debet, &c. Hactenus Trallia-  
nus. Quamquam Simon Genuensis, & Iacobus de parti-  
bus fidissimi eius interpretes, historiâ solum enarrant, sed  
calumniâ in Galenum (tanti forsan viri pace) pertranseant.  
Historia autem Tralliani, est huiusmodi. *Vir quidam cal-  
culum exquisitè figuratum expuit, non crassum humorem &  
viscosum, sed reuera calculum: non asperum, sed læuem valde,  
durum atque renitentem, ut in terram quoque proiectus sonum  
ederet. Hic vir longo tempore vexatus tussi, non potuit ne val-  
de tussiret, liberari, quousque calculum expuisset. Vixit au-  
tem victu temperato, humectante, & potius refrigerante me-  
diocriter: erat enim & curus deditus, & habitu tenuis, ut hoc  
etiam tabidis ipse responderet. Et nisi his usus fuisset, puto  
illum similiter iis qui tabe laborarunt, interiturum fuisse, &c.*

Vides, ut Trallianus ratione, & experimento munitus;  
Galenî sententiam respuat, & condemnet. Necesse ergo  
est ostendere, in curandis his ægris minimè errasse. Gale-  
num: deinceps, cum hoc illum esse concordem. Nam, nec  
bonum argumentum, Trallianum contra Galenum con-  
struxisse puto, quia sic affecti mortui sunt; non enim oportet,  
ut quos Medicus præ manibus habet, omnes sanos faciat, mo-  
nente sic Hipp. lib. 1. prog. text. 2. cum sufficiat solum facere,  
quæ ratio suppeditat, & longus usus peritiâque cõmonstrat, ex  
Galen. lib. 6. epid. sect. 8. comment. vlt. & maximè cum Gale-  
nus necessariæ illorum mortis causam adduxerit manife-  
stam. Galenus namque non omnibus & singulis exhibuit  
Mithridaticam, Athanasiamque confectionem, & theria-  
cam, aliâque foliata, & spicata medicamenta, quæ insigni-  
ter calefaciunt, attenuant, & exiccant, ut porè composita  
ex Opobalsamo, Cassia odorata, Spica, Piper, Costo, Stry-  
race, Glycyrrhiza, Eupatorio, melle, & aliis, quorum de-  
scriptionem ex professo referunt Cornel. lib. 5. c. 23. & 24.  
Paul. lib. 7. c. 11. Aëtius tetrab. 3. serm. 4. c. 121. & tetrab. 4.  
serm. 1. c. 89. Trallian. lib. 3. cap. 17. quæ confectiones Ro-  
manis Medicis maximo erant in usu: hæc rectè cum sci-  
ret Gal. multis de causis nocitura; sed in tertio ægro, qui  
pulmonum putres quasdam portiunculas expuebat, est  
expertus. Hæc enim cum exiccantia sint, putredinem in  
carnem pulmonum serpentem arcet, & supprimunt, &  
quæ odora, spiritus vitales à vaporibus sordidis ferè extin-  
ctos resciant, & refocillant. Cum enim caro pulmonis  
putrida sit, & exulcerata; neque vitione, aut sectione liceat  
viti, veluti in partibus externis omnino corruptis quotidie  
fuisse ad ulceris absterfionem, putredinisque inhibiti-  
onem odoratis exiccantibus curatio est celebranda. Deni-  
que primum, & secundum, vltimosque ægros frigidis hu-  
midis, ut patet, Galenus persanate intendit, præsertim  
cum febricula adesset, quæ deinceps ex nouo confluxu  
humoris est adaucta; quod Trallianus firmat, & annuit  
Galenus. Verum cum pulmonis carnem exulceratio ap-  
prehendit, & ex ulcere, rabes & febris oriuntur, exiccantia  
ob dictam causam præferenda sunt.

Sed quid respondebimus contradicentibus Galeno, cu-  
ranti expuentes grandinem calidissimis medicamentis, &  
quæ asthmaticis auxiliari solent? Dic non perpetuum  
esse, rotunda sputa, & dura grandinum instar, ab adurenti  
calore, velut à causa effectrice generari, cum etiam à frigi-  
ditate fieri posse exiccationem, Philosophus concedat  
lib. 4. meteor. c. 5. Nam frigus cogendo calidum internum,  
atque illud fortius reddendo, desiccatur: cum hoc deinde  
humorem absorbit. Siccantur ergo omnia non solum ca-  
lescentia, sed refrigerata; cum constet frigus natura sua con-  
stringere, & repellere: constringentia verò & reprimentia,  
humidum exprimendo desiccant: quo titulo Gal. lib. 7.  
meth. cap. 6. extenuatos & aridos, ab adstringentium usu  
summopere arcet.

Quid ergo mirum, si ab exiccante frigiditate sputum  
lentum in grandinis formam fuerit reductum: id perbellè  
ostendit Gal. lib. 3. aphorism. com. 31. dum à cerebro excre-  
menta confluentia in pulmones, crassa, lenta & viscida,  
per sæpe dura à frigiditate effici affirmat. Ob quam causam

A medicamentum asthmaticis conueniens, attenuans nimi-  
rum, & valenter calefaciens exhibuit, cuius ope non ita  
facilè grando generabatur, erâque propterea minor, & in-  
frequentior. Medicamenti autem vtilis ad asthma, &  
dyspnoicos, exempla lege apud Gal. lib. 7. de compos. me-  
dicam. sec. loc. cap. vlt. Ex quo patere arbitror, omnes ferè  
obiurgandos esse Medicos, qui citra distinctionem vllam  
Galenum sedulo calumniari ausi sunt: qui enim alios ex-  
tempore reprehendit, seipsum afficit contumelia, ex Gal. lib. 3.  
epid. sec. 1. comm. 4. in fin. & Rhasio lib. 6. aphorism. text. 40.  
nam melius est tacere, quam temerè pronunciantem falli, ex  
Galen. lib. 1. de dieb. decretor. c. 11. quoniam Galen. non in  
omnibus, sed in quibusdam tantum calida medicamenta  
propinat, ut vel pulmonum putrilaginem, vel grandinis  
B generationem, & ob huius causam, repentinam futuram  
suffocationem impediret, cum valde refrigerantia sint vi-  
tanda; nam omnia cogunt, incrassant, crassumque impin-  
gunt humorem, eumque excerni prohibent. Si verò Tral-  
lianus, ægrum qui expuit calculum, frigidis & humidis  
curauit, Galeno minimè aduersatur, cum potuerit calcu-  
lus, à calida & sicca pulmonum intemperie concreuisse:  
præcipuè cum æger esset squallido habitu, & tenui præ-  
ditus, curisque vehementer oppressus, cui refrigeratio &  
humectatio vtilis est. De quo dubio, vide Christoph. à  
Vega lib. 3. art. medic. sect. 6. c. 2. in fin. Deinde si febris non  
sit ita valida; humorumque viscosorum in bronchiis pul-  
monis adsit copia multa, quis dubitat calida medicamenta  
posse esse ex usu? Sic Absinthium in tertiana vera, & in  
non vera Piper, Hyssopum, aut Origanum, Galen. in lib. ad  
Glauc. propinat. Sic in lethargo, seu qualibet alia pituito-  
sa inflammatione interna, medicamenta calida exhibere  
non veretur, 13. meth. c. 21. Sic in hydropo, præsentè febrî,  
victum non humidum, sed siccum imperamus, cum Gal.  
lib. 1. aph. 16. Sic in frigidis vteri, naturaliumque partium  
obstructionibus cum febrî, victum calidum, exercitium,  
& alia medicamenta calida deobstruentia consulimus  
cum vtilitate summa, edocti ab Auic. 4. 1. cap. 24. Sic etiâ  
Medici, valido renum calore præsentè, calidissimis potio-  
nibus ad frangendum lapidem vtuntur, ut hic medica-  
mentorum tenuitate diuisus promptius educi possit. Sic  
Gal. hoc loco, calida, & attenuantia vtilia esse pronuntiat,  
qui causam materialem grandinis hac ratione expellere  
fatagit. Lege Carrerium disp. 38. ad libros Galeni, de  
loc. affect. cap. 4. qui de hoc negotio diligenter plura  
D exarauit.

## HISTOR. XXVII. PAULI, De pectoris calculo.

### Calculus, tussi proiectus.

NOTUS certè quidam mihi est, ex iis qui sanguinem è pul-  
mone reiciunt, qui temporis processu, maxima cum tussi  
& sanguinis copia, \* calculos quatuor aut quinque expuit,  
asperos tribulorum modo, ad magnitudinem siliquarum trium  
aut quatuor, ac deinde dolore lenatus est, Paulus lib. 3. c. 31.  
E Trallianus lib. 5. cap. 4.

### PARAPHRASIS.

HANC historiam affert etiam Trallianus lib. 5. cap. 4.  
dum virum quendam calculum exquisitè figuratum,  
læuem, durum, & renitentem expuisse refert, qui in terram  
proiectus sonum edebat. Similes vidit è pulmonibus ex-  
pulsos Aræus lib. 1. chronion, cap. 12. & Galenus supra,  
cap. 8. lib. 4. de loc. affect. historiam describit cuiusdam diu-  
turna tussi vexati, qui frustulum quoddâ grandini similli-  
mum excreuit. Tradit Beniuenius cap. 24. de abditu, Hen-  
ricum Alemanum lateris dolore cum tussicula sicca per  
triennium vexatum, tandem calculum ad Auellanæ ma-  
gnitudinem expulisse, ac sanitati fuisse restitutum. Refert  
Iulius Cæsar Scaliger ad Cardan. exercit. 108. n. 3. se vi-  
disse in pulmonibus Alberici quæstoris aliquot calculos,  
æquabili



æquabili superficie, durissimos, colore argillaceo. Meminit Rembertus Dodonæus c. 23. *exemplor. memorabilium*, calculi ex pulmonum arteriis excreti. Fernel. *firmat lib. 5. pathol. cap. 10.* dicit enim se vidisse, virum quendam, quories exercitatione incalecebat, concitata tussi calculos è pulmonibus edidisse præduros, eosque modo hordei, modo pisi magnitudine, quin in nonnullis ex orthopnœa extinctis, & dissectis, in pulmonibus veros calculos deprehendisse, refert Victor Trincavellius l. 10. *de curand. part. affectibus, cap. 6.* confirmat, vidit, & manibus propriis extraxit Columbus l. 15. *de his qua raro in anatome fiunt.* Eisdem reperit Ioannes Kentmannus *lib. proprio de lapidibus in humano corpore repertiis.* Castrensis Lusitanus *lib. de meteor. microcosmi, c. 15.* se vidisse scribit in matrona quadam, quæ dissecta fuit, pulmones vniuersos quasi grandine resperfos & monialem se curasse refert, quæ granulosa quædam, grandinis instar exercebat.

### Observatio VIII.

#### Globus crystalliformis tussi proiectus.

**L**aborauerat multo antea tempore Senex quidam importuna tussi, quæ à catarrhosa defluxione originem ducebat. Is licet plurima diu tentasset auxilia, adhuc vehementiori tussi indies magis ac magis premebatur. Tandem vno die cum suffocationis discrimine globulum crystalliformem auellanz parvæ magnitudine molestissima tussi excreuit, durum & compactum, quo eiecto cõualuit. Ne verò ex partium habituali intemperie iterum malum recrudesceret, mucosis humoribus prius vacuatis, fonticulum in læuo brachio affigendum curo, cerebrum roboro, thoracem à lenta pituita repurgo; terebinthina vario modo exhibita, sudorifica ex ebano celebranda impero: quibus exequutis ad pristinam reuersus est valetudinem.

Nec mireris: nam ossa vidit Columbus in pulmonibus l. 15. *de iis qua raro in anatome fiunt.* Quare si hæc in iis reperiuntur, quantum magis lapides, quos natos in pulmone, & ab amico transmissos vidit Gesnerus *part. 1. cap. 12. de fossilibus.* Inuenerunt Cardan. *lib. 4. apboris, com. 79.* Ferrandus Senior *lib. de nephritide.* Cornel. Gem. *lib. 1. c. 6. cosmocrit. & l. 2. Cyclognom. pag. 76.* Gordon. *partic. 5. c. 18.* Gilbert. *Anglic. l. 6. compend. c. de lapide renum.* Ioan. Harcul. *in commentar. ad cap. de lapide vesicae Rhasis.* Musa *com. ad aph. 79. l. 4. iph. Scholiog. Holler. ad c. 48. l. 1. de morb. inter. D. Iacot. ad aph. 67. sect. 2. l. 5. Coacar. Hip. Gerard. Bergen. l. de calcul. & arthritide.* Sebastia. Roth. *in disp. medic. Forest. lib. 1. 4. obseru. 26. in Schol. Felix Plater. l. de obs. prop. V Vier. lib. 3. cap. 2. de præstig. demon & lib. 4. cap. 16.*

Quid plurarum nonne in pulmonibus, aspera arteria, vitallium instrumentorum capacitate, animalcula muscis, strobilys nucleis, cimicibus, vermiculis similia generantur, quæ tussi tandem reiciuntur? Hæc omnia per tussim excerni è pectore testes sunt fidissimi, Auenzoar l. 1. *tract. 11. cap. 3.* Alzaharavius *tract. 13. pract. cap. 1.* Thom à Veiga *comment. ad c. 5. lib. 1. Galen. de loc. affect. Brasauol. l. 4. aph. comm. 97. Beniu. c. 77. de abdit. Fernel. lib. 6. patholog. c. 10. Mundel. dialog. 4. num. 42.*

Quid dubitandum? nonne humor viscosus, lentus, & tenax, è cerebro in spirituales partes delapsus, cum torus ob multas causas non expuitur, & in pulmonum bronchiis, causisque adhærescit ita firmiter, vt euelli non possit, temporis diuturnitate crassescens, vi caloris ignei ac retorridi in vitream, gypseamque pituitam, ac tandem in lapillos verti potest; quos expulisse hunc ægrum, tribulorum modo asperos, & ad magnitudinem siliquarum trium aut quatuor, hoc loco Paulus refert. Sunt autem tribuli, aut aquatici, aut terrestres, ex Dioscorid. *lib. 4. cap. 16.* hi vel in domorum arcis, vel septis villarum nascuntur, secundum folium, spinas & aculeos habentes, quas cuspides priuatim contemplatur Theophrastus in hac planta *lib. 6. de histor. plantar. c. 6.* nam vt notat Ruel. *lib. 3. de natur. stirp. cap. 84.* ea spinarum aculeis insigniter armatur, & munitur. Erat ergo lapis proiectus, spinosus & asper, tribu-

lorum modo, pondere siliquarum trium aut quatuor, hoc est, grauiorum 12. aut sexdecim, nam siliqua apud Saladinum, & Lacunam in *lib. de ponderibus & mensuris*, habet grana quatuor.

### QUESTIO XXIX.

*Quod efficiens calculi causa, frigiditas esse non possit, Contra Vallesium, Cardanum, Mercurialem, & Costæum doctissimos.*

#### COMMENTARIUM.

**C**alculos. ] De calculi causa materiali, communis recepta Medicorum opinio est, quod sit humor crassus, viscidus, tenax & lentus, quicumque is sit, qui ratione visciditatis vnitur, & concrescit. De efficiente sæpe, & anxie quæsitum inter Doctores scio, num sicut calor est humorem exassans, exiccans, & indurans, sic etiam frigiditas exiccans esse possit: nam quæcunque indurantur, id patiuntur vel à calido exciccante humidum, vel à frigido illud exprimente iuxta Philosophum *lib. 4. meteor. cap. 2. & 3.* A calore igneo calculos generari, constans est sententia Galeni *lib. 6. epidem. si est. 1. com. 6.* dum enim huius vi tenuiores partes resoluuntur, & crassiores terrestrioresque remanent, hæc ob visciditatem vnita, & cõpactæ, formæ lapidis acquirunt. Eandem sententiam habuit, in eodem l. *sect. 3. com. 15. §.* Huiusmodi verò crassitudo multa collecta, & in unum coiens, cum semel aliquando non opportunè excreta intus diutius remanserit, coagmentandi, concrescendique initium capit. Eo verò principio facto, facile postea quidquid iterum reliqui crassi in vesicam delabitur: priori agglutinatur; maiorque inde thophosus calculus redditur: quæ admodum extra & in calidis aquis sponte nascentibus, & in vasis ubi calefit aqua quotidie lapis concrescere cernitur. Igitur urinarii crassitudo, creandorum calculorum prima, potissimaque causa est. Caliditas verò etiã mediocris ad huiusmodi materiã spissandam satis est, nempe & in calidis aquis scaturientibus, est moderatis tepidiores sint, topi cõcrescentes apparent, &c. In quæ sensum intelligendus est Auicenn. *18. tract. 2. c. 16.* dū causam lapidis efficientem, esse caliditatem egressam ab æqualitate manifestè pronūciat. Explicat Serap. *tract. 4. c. 40.* caliditatem hanc interdum esse igneam: aliquando temperatam asseuerans; hæc enim per moram, diu, importunèque agens, vt in senibus, viscosum humorem, resolueno humidum, cõgit in lapidem. Demum veros lapides in renibus, & alia quauis parte generatos, à calido fieri ipse asseruit, *lib. 1. de aliment. facult. cap. 5. & lib. 3. eiusdem c. 1. & 6. & lib. 3. aph. com. 26.* Firmant Aristot. *part. 10. problem. 42.* & Fernel. *lib. 6. patholog. c. 12.* Ludovicus Lobera *lib. 2. de quatuor agnitudinibus alicui, c. 53. de causa lapidis renum.* Qui ex omnium sententia, efficientem causam esse immoderatum renum calorem, qui humores peturens, siccat, & obdurans, mutat in lapidem, constanter asseuerant.

Non defuere tamen plures, iique emundæ naris viri, qui tantorum virorum sententiam improbant, & redarguere moliantur, vno solo argumento muniti, quod videant Galenum *cir. com. 15. lib. 6. epid.* asserentem, vesicam neruofam, & paucis sanguinis existentem, crassitudinem in ipsam transmissam cogere, & inspissare: quod ipse etiam fateatur *lib. de ren. affect. dignot. aique medic. c. 2. §.* In vesica autem existente frigida (membranosa est enim, paucique sanguinis, & ampla intus capacitate) rursum consistit, densaturque ad eandem crassitudinem, quæ paulo ante monstrauimus: consistentieque principium sumit, si diutius in vesica commoretur, &c. Ex quibus locis ansam arripuit Mercur. *lib. 2. variar. lect. c. 11.* reprehendendi Galenum, cuius sententiam amplectuntur Vallesius in *com. sext. 6. sect. 1. l. 6. epid. in initio,* & Cardanus in *com. aph. 79. lib. 4. aph.* quam opinionem primus omnium habuit Marianus Sanctus in suo libel. *de lapid. ren. & vesica.*

Multipliciter peccare hos auctores nemo non videt. Primò. Nam cum lapides in humano corpore reperti, calore non liquentur, calore concretos omnes esse constat. Secundò,

Secundo, quoniam Alexand. lib. 1. problem. 110. lapides A  
nec in pueris, nec in senibus à frigore posse oriri confir-  
mar, edoctus à Galen. lib. 2. de temp. cap. 3. §. Neque enim  
tanta esse in eo frigiditas potest, ut aliquid in ipso concre-  
scere in duritiem queat, & c. repetit 6. epidem. sect. 5. comment. 27.  
dum explicans sententiam, refrigeratio, qua in ventre sunt  
durat, in hæc verba prorumpit. Hoc enim de refrigeratio-  
nibus, que interius abstruse non sunt, rectè dici potest: par-  
tes enim ventris adeo rigere nequeunt, ut cibi, potusque con-  
gelati indurentur, sicut alia extra corpus nostrum hyeme fri-  
gore concreta durefcunt: prius enim, quàm ita frigeret, homo  
interiret, & c. Et vel ipse Galen. loc. cit. de ren. dignor. quem  
ipsi in contrarium sensum distorquent, hanc sententiam  
apertissimè confirmat, dum sic fatetur. Verum in nobis fri-  
gus non gignit, neque enim fieri potest, ut viuo corpori tantum  
frigus accidat, quo concrefcere valeat in homine lapis, quem-  
admodum fieri in externis videmus. Quo fit, ut à calore sa-  
pis in homine generetur, eoque vol vehementi, vel te-  
pido. De quo argumento, lege Eustach. Rudium lib. 2. de  
morb. intern. cap. 36. & eruditissimum Santorellum lib. 8.  
anæprax. 18.

Si verò in Epid. & infra, in cit. lib. de ren. dignor. vesicam  
frigido suo temperamento succos crassos cōdensare posse  
professus fuit; per frigiditatem, non absolutam frigidita-  
tem, sed calorem imbecilliore in intelligas, oportet. Sic  
enim Galen. passim, cerebrum, vesicam, ad alias partes  
calidiores collatione facta, frigidas vocat. Alioquin si po-  
sitivam frigiditatem intelligamus, Galenum in eadem  
ferè linea absurda protulisse dicemus, cum ibidem lapides  
semper ex calido fieri asseueret. Immo Cardanus sui im-  
memor, lib. 7. de subtilis. in quibusdam animalibus, puta-  
busone, limace, & cancro, lapides generari posse à fri-  
gидitate, in homine verò à calore immodico dumtaxat ar-  
bitratur.

Occurrit Costæus in comment. cap. 16. loci cit. Auicem. de  
lapide renum, viuento animali fieri non posse, cum Gal.  
asseuerans, ut tantum frigus accedat, quo quidpiam in  
corpore concrefcere possit: tamen hoc in renibus & ve-  
sica, partibus, vel substantia, vel solùm aliorum visce-  
rum calidorum vicinia calidis, intelligendum esse confir-  
mat; nam alias viuo corpore ex frigore lapilli concrefcunt:  
indicio sunt tophi in articulis quotidie geniti. Quo ar-  
gumento, Medicorum à calore in animali lapides gene-  
rari arbitrantium opinionem, minimè esse constantem,  
firmamque sibi persuadet. Verumtamen obiectionem  
istam vanam prorsus esse, nec Galeno consonam, ipsemet  
Galenus nos cogit asserere, quippe qui lib. 14. method.  
cap. 4. poros, seu tophos in articulari morbo, ex crasso,  
glutinosoque humore progenitos, ob nimium digeren-  
tium, violentorumque medicamentorum excalfaciendiū,  
& siccantium vim suboriri confirmat: nam tenui par-  
te digesta, ac resoluta, quod reliquum est veluti lapidosa  
concretio linquitur. Subditque: ad eundem modum & cal-  
culi generantur in renibus, asfo scilicet in his crasso glutinoso-  
que succo, & c. Quid in nostrum institutum à Galen. clariùs  
dici potest, quàm tophos, non ex frigore, ut rebatur  
Costæus, sed ex calore, tosto videlicet lento humore ge-  
nerari! Deinde tophus non est lapis: ille enim frangitur  
attritu, sed est tumor durus præter naturam ex crasso,  
terrestrique humore pronatus; hic autem ex gypsea pi-  
tuita, vel naturali melancholia ortum ducens, fit ob  
diaphoretici, valdeque siccantis medicamenti vsum; quo  
pacto ob calorem concrectione facta ita durefcit humor,  
ut à lapidis, vel gypsi duritie non procul absit, ut Fernel.  
inquit lib. 6. physiolog. c. 9. in fin. A calore ergo omnis lapis  
cogitur in corpore. Si tamen de lapidibus Microcosmi  
pulchra scire affectas, lege inter omnes Stephan.

Roderic. à Castro lib. 4. de meteor. microcosmi,  
cap. 16. qui de hac re inter omnes  
appositissimè differuit.

\* \* \*

## HISTORIA XXXVIII. GALENI,

### De corde.

#### Duplex cor.

Nam gallum quispiam dijs sacrificans, cor inuenit duobus  
fastigiatum verticibus, & c. Galenus lib. 7. de anatomic.  
administrationibus. cap. 11.

#### PARAPHRASIS.

DE corde, eiusque ventriculis, nominibus, figura, situ,  
vfu, moru, dignitate, ac necessitate, sat plura dixere  
veteres, & iuniores anatomici ferè omnes, nos carptim  
de eius præstantia mira aliquid proferamus. Est ergo cor  
omnium viscerum, & membrorum radix prima, caloris  
innati conceptaculum, vitæ fons, ac principium, spiritus  
vitalis sedes: ita se in humano corpore habet, sicut in  
orbe intelligentia prima; estque quidam microcosmi ve-  
luti rex nobilior. Proinde est illius substantia solidior, du-  
riorque, tum vt affectionibus, nocuentisque minùs fo-  
ret obnoxium, tum ne spiritus, calorque vitalis omnino  
evanescerent, nullo cohiberi solidamento, sed raritate,  
mollicieque efflari. Sicut enim hominum, cæterarumque  
animantium corpora diffunderent, nisi vis aliqua foret ex-  
cellentior, quæ assistens, membrorum aleret, custodi-  
retque compagem: sic nisi esset cor, caloris natui focus  
vberimus, à quo per arterias, tanquam riuulos, spiritus  
viuificus in omne corpus diffunditur ad deriuatur, cætera  
membra eius influxu destituta exstingueretur, & perirent.  
Vt enim in cœlesti illa regione præest Sol, cuius motu, ra-  
diis, & lumine illustantur omnia sublunaria, perficiun-  
tur, & viuunt: ita Cor, cuius tanta est cum Sole analogia,  
calore salutari animal fouet ac tuetur, ut ipsum, solem  
hominis, antiqui appellare non dubitarint. Hoc enim  
viscus igneam veluti vim in se continere videtur, cuius  
calor quantus sit, explicat Galen. lib. de inæqual. imtemper.  
c. 5. §. In sinistrum cordis ventriculū si viuo etiam animante  
nec adhuc febre tentato, immittère digiti velis, vehementissi-  
mum deprehendes calorem, & c. repetit l. 2. de temp. 3. immò  
inquit Galen. lib. de vfu puls. cap. 2. Si corde refrigerato, ac  
propterea animali iam mortuo, in alterutrum ventriculorum  
eius, præcipuè in sinistrum inferas digitum, magnum inibi ca-  
lorem deprehendes, longèque maiorem quàm in aliis partibus,  
dummodo pro natura modo se habeant. Sed de huius visceris  
excellencia hæc sunt satis. De cuius motu, & vi, mpa  
conscripsit eruditissimus Gulielmus Herneius, libello præ-  
prio de eius motu, & explicuit Constantius Varolius lib. 2.  
de re anatomica, cap. 1.

Galenus licet hanc historiam citet vt verissimam, arbi-  
trari tamen videtur in hoc gallo, duo corda non fuisse, sed  
dextri verticem, circumscriptionem peculiarem habuisse.  
Duplex autem cor in homine fuisse inuentum, nostro,  
& priscorum æuo est compertum. Plin. enim lib. 11. natu-  
ral. histor. cap. 37. in Paphlagonia, bina in perdicibus corda  
reperiri affirmat. Et Auicem. 1. 3. tract. 1. cap. 1. cor, cum  
duobus capitibus inuentum fuisse refert. Sic lib. 4. de ge-  
nerat. animal. c. 4. duplicem lienem Aristor. vidit. Duplex  
iecur, sicut & duplicem lienem notauit Cælius Rodigin.  
lib. 24. lect. antiquar. cap. 3. Duplices renes, immò tres, aut  
quatuor visi à Gemma lib. 2. artis Cyclognom. pag. 72. & in  
lib. 1. c. 6. como scribit. & ab Eustachio lib. de ren. structur. c. 10.  
à Botallo l. de monstros. rene, pag. 137. Fallop. in obseruat. ad  
Petrum Mannam Medicum. Visæ sunt in eodem latere bi-  
næ venæ iugulares à Colub. l. 1. §. de iis qua raro in anatome  
sunt. Binæ, tres, aut quatuor emulgentes venæ in eodem  
latere animaduersæ, ac eodem loc. cit. Et geminas insignes  
emulgentes venas, & binas arterias, ad vnamquamque  
ferri vidit Fallop. lib. 4. de viscerib. cap. 9. Immo septem no-  
tauit emulgentes in calculoso, Paræus lib. 2. anatom. c. 25.  
Triplices testiculos viderunt Cælius Rhodigin, lib. 24.  
antiq. lect. cap. 4. & lib. 17. cap. 12. Montuius c. 37. com. 4.  
Anascen.

*Anescu. morb. Fernel. l. 1. patholog. c. 8. Iodoc. VVillichius l. 1. anat. c. 19. Scoliograph. ad c. 62. l. 1. de morb. intern. Holler. Vesalius lib. 5. fabric. c. 13. Duplicem papillam in mamma lac reddentem, notauit Holler. inter rara, num. 6. vifa mulier à Cabrollo obseruat. 7. anatomic. quæ quatuor gestabat vbera, vtrunque gemina, quæ omnia lac fundebant. Quare si hæc vera sunt, & plura videntur in corde monstrosa, quorum historias non paucas reperies, apud Marcel. Donat. lib. 6. de medic. histor. mirab. c. 2. & Schenckium lib. 2. obseruat. de corde, ex fide dignis, probatissimisque auctoribus decerptas, quid de duplicis cordis ortu dubitandum? Quemadmodum enim sine partibus principibus cadavera sunt inuenta, vt de eo qui sine liene, & hepate vixit, sic referente Bauhino in lib. de pariu. casareo sic cum duplicibus viuere posse, cur denegabimus? Si verò plura monstrosa, vt pote binas vesicas vrinarias, & alia inuenta, legere concupiscis, adi Coiterum in lib. obseruat. medicar. & chirurgicar. ferè per totum.*

## HISTORIA XXXIX. GALENI, De cordis palpitatione.

Quidam palpitatione cordis quotannis vexatus, venæsectionis vi, præseruatus.

**C**eterum noui quendam quotannis verno tempore huiusmodi palpitationis accidente vexatum, qui cum per tres annos à sanguinis detractione se adiutum intelligeret, anno quarto antequam accidens ipsum inuaderet, sanguinem misit, idque pluribus deinceps annis faciendo, idonea etiam post sanguinis detractionem medicamenta adhibuit. At nihilominus hic quoque ante senectutem morte præuentus est, sicut & reliqui omnes, quorum alij quidem per acutas febres, alij verò cum sani degerent, affatim syncope intercepti perierunt: quamuis unus, vel duo circa syncopen, alia quadam mortis specie interierint, &c. Galenus lib. 5. de loc. affect. cap. 2.

### PARAPHRASIS.

**E**X omnibus auxiliis, quæ ad palpitationem cordis prisci celebrarunt, sanguinis missio primum locum vendicare videtur, præsertim quādo ab humoribus crassis in pericardio contentis, aliquando in sinibus cordis conclusis oritur hoc malum; qui aut in ipso corde generantur, aut aliunde transmittuntur: & quibus lien bilis atræ copia turgescit; in his enim perspicua, & molesta percipitur arteriæ palpitatio, quæ circa lienem, & pancreas sita est, ex qua teter, & nebulosus vapor in cor subiens, palpitationem facit. Huius enim auxilij ope, sæculentus humor, huius mali causa, educitur: quo extracto, cor, quod antè illius copia obruebatur, ventilatur, & transpirat. Quod præsidium in crassioris sanguinis præsentia, saluberrimum iudicauit Holler. lib. 1. de morb. intern. c. 27. firmarunt postea Mercat. lib. 2. eiusd. cap. 11. Altimarus lib. de curand. corp. malis, cap. 54. Christoph. à Vega lib. 3. art. medic. sect. 1. cap. 8. Leonard. Iacchin. in comment. lib. 9. ad ad Almanf. cap. 40. & alij.

Sed ex qua parte sanguinem eduxerit Galen. ex historia minime patet. Rhafius lib. 9. ad Almanf. cit. Haly 6. præf. 17. internam secant. Alij aut à sinistro, aut dextro cubito sanguinem exhauriunt. Quidam in curatione hæc etiam phlebotomandam imperant; in præseruatione tamen in partibus inferioribus feriendam consulunt, moniti, vt reor, Galeni præscripto lib. de curand. rat. per sang. mis. cap. 19. qui ad præcauendos cerebri morbos ex cruribus sanguinem ducendum imperat, quod consilium in sanguinis crassi præsentia vehementer laudo; sæculentus enim sanguis suo pte impetu ad infernas deducitur corporis partes, à quibus prompta integraque eleuatur aura palpitationem effectura.

Hæc ergo celebrata, & adhibitis deinceps commodis auxiliis, iis videlicet quæ crassos succos attenuare, statu-

lentos resolueret, robur cordi addere nata sunt, est præseruatus. Quæ autem sint ea medicamenta, quæ post sanguinis missionem adhibuit, non explicat. Hæc erant calefacientia medicamenta, vnà cum tenuante victu imperata, quorum ope post venæsectionem palpitantes fuisse persanatos, narrat lib. 5. de locis affect. cap. 1. Deinde possunt esse expurgantia; quæ humores nebulosos vacuare nata sunt. Sunt etiam cardiaca, quæ tum flatus absumunt, tum cor flaccidum roborant; quorum amplissimam syluam veterum, & iuniorum doctissimi conscripserunt. Quibus, licet ritè celebratis præseruari non potuit, quin ante senectutem periret: nam vt Aëtius monuit terrab. 2. serm. 1. c. 99. Cordis omnes morbi, mortem, ante annos quinquaginta festinant, maxima enim intemperie affectum cor; longo admodum tempore persistere posse est impossibile. Alij enim per acutas febres depopulato, & resoluta, ab igneo calore, innato igne, flatibusque hac de causa progenitis obeunt. Alij verò dum sani degerent, in syncopen lapsi, mortui sunt. Alij verò alia mortis specie, hoc est, stupore attonito correpti, vt ait Aëtius terrab. 2. serm. 4. cap. 58. vitam cum morte commutarunt.

## Obseruatio IX.

Palpitatio sæua, hirudinibus supra cor affixis, curatur.

**D**irus, & truculentus affectus, palpitatio est, cum quo quotidie Medici laboriosè luctantes, ab eo tanquam incurabili desistunt. Hoc premebatur iuuenis quidam natiua sorte melancholicus, qui per interualla præeunte metu, & tristitia, angore summo, extremorum frigiditate ita vexabatur, vt in horas moriturus speraretur. Huic intus tam validus motus sentiebatur cum violento sonitu coniunctus, vt timor esset ne vicinæ costæ thoracis frangerentur, quod obseruauit Fernelius 5. patholog. vlt. Pro eius curatione peritissimi Medici adhibiti. Hi vltro citroque discursantes, huius causam, copiosorem esse sanguinem melancholicum pericardio infixum rati sunt: nam hic subtristis erat, & illi lien attri sanguinis copia turgebat, & manifesta circa lienem cōspiciebatur molesta arteriæ palpitatio. Hæc de causa accommodum victum præscribunt, humorem præparant melancholicum, cum iterum atque iterum expurgant, naturales partes & cor roborant fomentis, vnguentis, sacculis, emplastris. Serum lactis propinant multiplici medicamentorum expurgantium succum melancholicum lege paratum. Mariscis sapius hirudines affigendas curant. Fonticulos in cruribus aperiunt. Balnea naturalia consulunt. Cardiaca offerunt. Demum nihil intentatum relinquunt. Cùm verò æger melius habere visus esset, iterum de nouo accessione ita quatitur immani, vt sine pulsu & respiratione, ad pedes lectuli iacens in horas animam efflare videretur. Tunc crurum frictiones fortes imperantur, ligaturæ, ac cucurbitulæ in ea parte, & scapulis scarificatæ admoventur. Clysteres acerrimi administrantur. Quibus cùm non leuaretur, cucurbitulam magnam super læuam mamillam, siccam imponi iubeo, & deinde octo hirudines circumcirca affigi curo: Hæ ita auidè, importunèque suxerunt, vt exhausto sanguine crasso, & multo, æger ab accessione fuerit omnino leuatus, neque vnquam malum persenserit amplius.

Cætera palpitationis auxilia accuratè proponit Valeriolæ lib. 1. obseru. 7. & apposuit Hollerius, cum interprete Dureto lib. 1. de morb. intern. cap. 27.

## HISTORIA XL. RASII, De cordis palpitatione.

Cordis palpitatio, calidis medicamentis curata.

**V**idi quendam conquerentem \* de cordis tremore, & posui manum super mamillâ sinistram, & sensi magnam eius arteriam

*arteriam valde pulsantem, & velocem, & quæ sui demonstrari mihi brachium nudum, ad videndum venam basilicam, quam patiens dicebat esse phlebotomata, & non contulit ei, & arteriâ suam iuxta ipsam venam in plica brachij inueni pulsantem, & multum manifestam sensui, & caro illius partis vehementer eleuabatur, & deponebatur, & satis appareret, & cum comedebat res calidas, inuabatur ab eis: & super hoc ei cõsuli, quod aciperet de diamoscho, & c. Rasis lib. de mirabilib. curis.*

## PARAPHRASIS.

**P**alpitarior cordis (tremorem vocant Arabes) deprauatus, atque intempestius est motus, quo cor extra corpus proflire ægrotantes queruntur; conatur enim natura hoc motu noxium expellere: nam in syncope vincitur facultas, at in palpitatione, adhuc cum causis morbificis decertat. Quippe cum nocui succi in corde hinc inde assidue moueantur, & profluant, vehementius ad propulsanda quæ molesta sunt, cor ipsum irritant, unde cordis palpitatione facili negotio emergit. Hæc cum à frigido flatu, crasso, & nebuloso originem ducat, & à iuuantibus, & nocentibus magna sumatur indicatio ad curandum, ex Galen. lib. 10. secund. loc. cap. 2. & æger rebus calidis iuuaretur, merito auctor consuluit, priusquam mors præoccuparet, ut acciperet cardiaca medicamenta, quæ flatus dissoluere, corque roborare queunt. Cum multo melius sit, imminuentem morbum præcauere, quam factum curare, sic monente Magistro lib. 2. de natural. facult. c. 8. Et cum inter præcipua antidota, cor innata proprietate corroborantia & nebulosum spiritum dissoluentia, electuarium vocatum diamoschum pro hoc complendo usu primas teneat, idcirco id cæteris præposuit. Siue enim sit dulce, siue amarum, maximâ in vigorando corde, discutiendisque flatibus obtinet efficaciam. Nam præterquam quod frigidos cerebri, ventriculi, nervosarumque partium affectus curat mirifice, cordis palpitationi summo est auxilio. Insuper putredini internæ vehementius resistit, & difficulter spirantes potentissime iuuat. Hoc ergo in palpitatione cordis vtaris, vel intus assumpto, vel extrâ, epithematû modo supra laeuam mammillam in sæculo gestato, vel per se solo, vel cum aliis cardiacis permixto, cuius & aliorum similium medicamentorum usu, sanata fuisse cordis palpitationem adeo validam, ut à præsentibus talis sonus audiretur, ac si lapillus in vas aquæ semiplenum proiceretur, narrat Christoph. à Vega lib. 3. art. medic. sect. 6. cap. 8. Ex quibus autem medicamentis sacculi, & epithemata pro roborando corde debeant parari, passim inuenies apud auctores, qui de cordis palpitatione, animi deliquio, aut syncope proprium caput conscripserunt, & prius prædixit Auicenna. tract. 2. de virib. cord. luculenter.

## QVÆSTIO XXX.

*Quod cor, vera & legitima palpitatione laboret. Contra Eustachium Rudium, & Petrum Væxiûm Lusitanum, Medicos celeberrimos.*

## COMMENTARIUM.

**D**e cordis tremore. Scribit in commentarijs super Hippoc. Aphorismos, & lib. de placitis, variisque in locis, omnium calculis scientissimus Galenus, cor palpitatione per primariam affectionem tentari (nulla aliunde noxa communicata) legitima, vera, & exquisita, quando videlicet nebulosus flatus in pericardio prope cor, aut in eius ventriculis est congestus, qui præter naturæ modum commotus, cor ipsum varie etiam moueri cogit. Eius sententiam amplectuntur Græci, Arabes, & iuniores omnes. Contra hos tam strenuos duces oratoria quadam eloquentia, perfrecta fronte dimicans, hostiliter sese opposuit Eustachius Rudius Medicus non incelebris, lib. 2. de virtutibus & vitijs cordis, qui est de palpitatione, cap. 3. multis contendens argumentis, cor palpitatione vera laborare non posse, sed palpitationem cordis apud Galenum, cæterosque Classics, tum Græcos, tum Arabes, veram palpitationem, quæ toto

A genere præter naturam motus est non designare, sed motum quendam cordis validum, palpitationi similem. Et primò sic.

Si palpitatio definitur eleuatio quædam præter naturam, atque compressio partium, etiam quæ non mouentur, atque adeo omnibus ferè communis, quæ naturaliter molles sunt, ex Galen. lib. de trem. & palpit. cap. 5. & 2. de caus. symprom. c. 2. quomodo dici potest cordis affectio.

Secundò. Palpitatio, motus est solius morbi, totusque præter naturam, ex Galen. cit. loc. & si daretur in corde, oportet ipsum, interim dum palpitat à sola causa præternaturali moueri: sed hoc fieri non potest, nisi motus cordis naturali penitus aboliro, quia pars quæ à natura, & sine intermissione dilatur, & constringitur non potest absque propria destructione, à sola re præter naturam dilatari, atque constringi. Igitur, & c.

Tertiò. Palpitationis causa perpetua & immediata, asseritur crassus, flatuosusque spiritus: sed flatus præsertim crassi nec generari, nec aggregari in corde possunt. Ergo. Maior ex le est manifesta, ut sequente questione exponemus. Minorem esse veram, fortissima ratio conuincit: nam ad flatuum generationem, tum etiam conseruationem, exiguus, debilisque calor requiritur, non æstuans & valde excedens, à quo potius dissoluuntur. Cor autem immenso calore abundat, simul & ventriculi eius, præsertim sinister, qui calidior, nobilior, & præstantior est dextro, ex Galen. lib. 6. de usu part. cap. 7. & lib. 7. eiusdem, cap. 2.

Quartò. Si hæc affectio in corde generari debet, aliunde oportet transmitti vapores. Vel ergo in substantia recipiuntur, vel in ventribus: non in illa, quoniam cum densissima sit, separationem à flatu admittit. Si dicas in dextro ventriculo, atque ibidem fieri palpitationem, sequeretur, quod duplex simul cordis pulsatio perferretur: illa nempe præter naturam in dextro, & altera secundum naturam in sinistro, contra experientiam; cum semper vna percipiatur pulsatio, & tantummodò in parte sinistra, quantumvis cor ipsum in medio thoracis sit locatum. Iam verò in sinistrum ventriculum transmitti non videtur possibile, quoniam cum triplex tantum via reperiatur, per dextrum nempe, per arteriam venalem, aut per arteriam magnam, in nulla sufficientem commoditatem inuenies, ex qua tanta vaporum copia possit in sinistrum ventrem deriuari. Non per dextrum, quia cum distet à sinistro, in notabili transitu per loca adeo calida, vel penitus dissoluerentur, vel saltem attenuarentur. Non per venalem arteriam, quia si in pulmone tanta flatuum multitudo inueniretur, ut tanta ad cor mitteretur, necessario orthopnoea, & suffocatio in palpitatione iungerentur, quod omnino falsum est. Denique multò minus per arteriam magnam propter ostiola quæ in eius principio sunt, quæque solum in cordis systole, & ad expellendum aperiuntur. Quod si dicas, in cordis diastole copiam flatuum ingredi, cur subinde in systole per eandem arteriam satis patentem, interim dum contrahitur cor, non expellentur, vel saltem aliqua ex parte, vnâ cum fuliginosis excrementis per arteriam venalem: Igitur, & c.

Quinto. Rationabile non est, ut pars robustissima, ac omnium nobilissima, de cuius conseruatione, & turela usque adeo sollicita est natura, ut perpetuò in morbis qui finiuntur ad mortem, vltimo loco succumbat, tanta flatuum copia repleatur, ut ad instar vtrius palpitando distendatur.

Vltimò. Galenus huic sententiæ non aduersatur: nam lib. 2. de symp. caus. cit. & lib. 6. de placit. 1. & l. 4. Aphor. 63. licet videatur asserere, huiusmodi affectionem etiam cordi accidere, non de vera & exquisita palpitatione est intelligendus, sed de quodam cordis motu deprauato, valido, concussio, vehementer, sensibiliterque patienti molesto, celeri, crebro, palpitationis similitudinem referente in eo, quoniam sicut palpitatio compositus motus est ex dilatione & constrictione, siue eleuatione & compressione: sic prauus ille motus in corde, ex iisdem constituitur; & ratione prædictæ similitudinis, appellatus fuit palpitatio; cum tamen reuera illi potius similis sit, & in citatis locis de vera palpitatione verba faciens, & de partibus quibus conuenit



conuenit, cor, & arterias vltimo loco proponens, dixit in illis etiam fieri videtur, scilicet ratione cavitatis intra quam flatus recipiuntur: sed non absolute pronunciat fieri in illis, quia ob rationes allatas repugnat cor, & arterias legitimam palpitationem posse pati. Denique deprauatum hunc cordis motum veræ palpitationi ita similem, non à sola re præter naturam fieri arbitrantur, sed à facultate simul, & à morbo. In cuius confirmationem adducunt Galenum 6. de placit. cit. vbi ita habet. *Ex corde quidem est etiam qua ex palpitatione fit morio, non tamen secundum naturam, &c.* Paulo infra, multò euidentius de pulsu quocumque præternaturali loquens, ait. *Nam quamuis in huiusmodi pulsibus cor ex seipso moueatur, secundum naturam tamen non mouetur, scilicet quia simul à morbo.* Vnde inferunt, perperam Auicennam, & Arabes damnari ab aliquibus, quòd palpitationem cordis, tremorem appellauerint, cum motus sint inter se simillimi, pariterque à natura & morbosa causa subortitur; atque ita prauus ille cordis motus, in quantum motus, à natura quæ cor mouet, fit; quatenus verò prauus, violentus, & inordinatus, à re præternaturali, quæ naturam stimulat & cogit, ita deprauatè moueri concitatur. His munitus Petrus Væzius Lusitanus, Medicus eruditissimus, tum in compendio Medico, cap. 17. de cordis affectibus, tum in annotationibus quas scripsit contra Donatum ab Altomari, cap. de palpitat. cordis, palpitationem cordis apud Galenum, non designare veram palpitationem, sed motum quendam celerem, palpitationi similem, pugnaciter contendit.

At hæc licet validissima, non conuincunt. Dic ad primum. Et si palpitatio ferè cõmunis sit partibus quæ molles sunt, stat etiam hunc affectum propriam esse cordis affectionem, & illi primariò euenientem. Insuper vera, legitima & exquisita palpitatio, quæ in corde à sola re præter naturam fit, non dissimilis est ei, quæ in reliquis palpitantibus membris concitatur. Nec verò illius naturalis motio pulsus videlicet aboletur penitus, quin durat adhuc, & longè diuersa sentitur à palpitatione; & hoc quidem motus genere (qui totus præternaturalis est, & affectio, hoc est passio potius, quàm operatio nuncupatur, 6. de placit. cap. 8.) dicitur cor à sola causa morbosa dilatari & constringi, non quasi eo solùm moueatur, quia adhuc suum motum factum à natura obseruat, licet non omnino integrum & sanum, nec omnino secundum naturam. Nec enim membra, propterea quòd palpitando à solo morbo mouentur, operationes, quæ à natura fiunt, statim amittunt, atque idè ex corde etiam est palpirationis motus, quamuis non ex seipso factus. Ex quibus ad secundum argumentum patet responsio.

Ad tertium. Palpitatio cordi ipsi per se nonnunquam aduenit, aliquando per consensum; ac semper necessum est flatuosum spiritum à quo perpetuò oritur, (quod generationis, & solutionis celeritas ostendit) aliquando ibidem generari, ex multitudine humoris, in corde, vel pericardio collecti, & vel ab excedente calore illius, tum quia calidum omne in humidum agens flatus eleuat, saltem in initio suæ actionis, sicut ignis ex aqua, &c. tum quia materias omnino dissoluere non potest, sed tantum attenuare, & in vaporis formam conuertere, sic ex inspirato aëre fuligines in corde acervantur, non omnino resoluuntur, atque idè ad illarum expulsionem necessaria fuit contractio. Generantur verò flatus minimè discutiuntur etiam in calido viscere, sed ibidem detinentur quousque palpitationem excitent, quia multi, & crassi; nec enim paucus, & subtilis sufficit ad huius symptomatis generationem, ex Gal. 2. de sympr. caus. cit.

Ad quartum. Cor aliquando per consensum hac affectione laborat, ob consortium vteri ventriculi, lienis, intestinorum, iccoris, & aliarum partium, ex quibus ascendit vapor, & in ventres ipsos recipitur, atque in quolibet detentus eleuationem illam, & compressionem facit præter naturam. Hunc flatum, cordis, substantia, etsi durissima (cum aliarum partium carne comparatione facta) admittit: nam densissima simpliciter non est, quia poros habet suos, licet non ita facile permeabiles; nam

A & Galenus lib. 6. de usu part. cap. 8. etsi cordis carnem, duram & ægri alterabilem esse affirmat, ex fibris duris ac robustis conflaram, tamen patibilem esse non negat. Patet hoc euidenter: nam cordis caro ad sui nutritionem sanguinem admittit in spacia sua: ac sanguis quamuis tenuissimus, crassior est aërea quauis substantia crassiore. Deinde cordis corpus dupliciter alteratur, ex Galen. lib. de curand. rat. persang. misf. cap. 5. vel per solam intemperiem, vel per humores: ac facta in eo per humores alteratio, eorum in eo consistentiam supponit manifestè: qua via igitur permeant humores, eadem & aërea substantia crassiuscula permeabit.

B Palpitatio etsi in dextro oriatur simul, apparet tamen euidentius in sinistro. Possunt autem flatus ad eum transmitti per dextrum, sine eo quod dissoluantur ob illorum crassitiem, multitudinem, celerem transitum, breuitatem viæ. Insuper & per aortam, ac venosam arteriam, prædicto ventri insertas, immò & per omnium arteriarum ora ad cor ipsum hiantia; per venalem quidem arteriam, interim dum distenditur cor, & aërem à pulmone trahit: ab aorta, & reliquis, dum contrahuntur; non enim fieri potest, quin contractis arteriis fiat contentorum expulsio, & ea quidem parte quæ ad cor terminantur, nonnihil etiam ad ipsum manderetur, ex Galen. lib. de usu pulsib. cap. 5. nam præter id quod totum corpus intro & extra respirabile est, atque conflatile, ut inquit Hippocrat. lib. de alimento, num. 4. & lib. 6. epidem. sect. 6. text. 1. citat. à Galen. cap. 2. & 5. lib. de usu puls. aortæ ostiola minimè clauduntur; & licet clauderentur, non ita solida sunt, ut flatuosa substantia, ea permeare nequeat maximè pellentibus arteriis neque iungeretur necessariò Orthopnoea, aut in arteriis transmittentibus flatus, caloris aut pulsus suffocatio, quia ut plurimum, tanta copia non datur, quæ sufficiat ad noxam ita vehementem inferendam: quæ si adsit, non palpitatio tantum, sed suffocatio aliquando deliquium, & syncope, nonnunquam mors inducetur.

C Ad quintum. Prouidentia, ac sollicitudo naturæ de nobilissimo membro, resistere semper non potest aduersantibus causis, aut earum effectum impedire, quia plerumque superiores: inde enim morbi consequuntur, & mors, cui humanæ vitæ conditio, & fragilitas inuitabili necessitate est subiecta. Hoc modo à vehementissima causa hoc viscus grauioribus morbis occupatur, vt tabe, vermibus, calculo, tumoribus duris, abscessibus, vlcere, vt multorum experimento in sequenti historia comprobamus. Tuetur natura cor ipsum tanquam vitæ principium, quoad potest, sed perpetuò potentissimis causis resistere nequit, ut aliquando moriatur animal. Nam Galenus lib. 5. de loc. cap. 2. aperte scribit, cor pati posse inflammationem, sed incipientem tantum, quia antequam augeatur, illicò animal corrumpitur. Et hoc modo intelligendi sunt auctores, negantes cum Arist. 3. de partib. animal. cap. 4. cor, nullum vitium graue pati, quia est principium vitæ, quo corrupto nihil est, quod cæteris quæ ex illo dependent, præbere auxilium possit. Ita sentiunt Auicenna 1. 3. tract. 1. cap. 2. Auer. 3. collig. 25. Halys 9. theoric. cap. 23. Serapio 2. breuiar. cap. 27. & 28. Auenzoar lib. 1. sheizir, tract. 1. 2. cap. 1. nam nec diu grauissimas noxas tolerare potest, ut probat Laurentius lib. 9. de re anatom. quest. 18. nec confirmatum inflammationem pati potest, quoniam in hac, plurima, eaque grauissima nocumenta simul coniunguntur, febris nempe acutissima, tensio, & continui solutio, dolor ingens, saltem in panniculo, & circumiacentibus partibus; demum & grauitas, atque obstructio ex collectione materiæ, à qua impediuntur cor, & arteriæ dilatari, debitèque ventilari. Denique de multis elaboratissimis, & principalissimis substantiis, & in quibus nostræ vitæ duratio consistit, est sollicita natura, quas tamen à vehementissima causa alterari, & corrumpi, certum est, ut in com. hist. vlt. lib. 1. dub. 53. satis superque ex priscorum, & iuniorum mente comprobauimus. Sic putrent sanguis, tum venalis, tum arterialis, spiritus, immò cor ipsum putrere potest, apud Gal. 3. de præfag. puls. 3. & 7. & cordis substantia putrefacta, hectica insurgit putrida, ac pestilens.

Ad vltimum. Negari non potest in corde generari veram, exquisitam, & legitimam palpitationem, & de hac locutum Galen. ubi eam cordi addixit neque enim quicquam repugnat: nec 2. de caus. sympt. oppositum probatur, quin constanter asseritur in corde, & arteriis oriri: cum enim dixit, *feri videtur*, oculari testimonio, fidēque ex se desumpta, confirmat præditis partibus accidere, quia scilicet videtur, hoc est, ad oculum sentitur, cor & arterias palpitare, alio in ipsis præter pulsum deprehenso motu, ut consequenter habet Gal. *ibid.* in antiqua versione: quod si iuxta nouam legas: *ita ut in cordi ipsi, tum arterijs videatur accidere, alijsque in his præter pulsum motus esse.* nec inde colligas, quidquam dubitasse, aut sententiā mutasse plerisque locis explicatam. Iam 4. aph. 6. §. non negat cor verè palpitare, sed tantum ponderans verbum, Cardiogmon, ab Hip. in aph. positum, inquit, ut nonnullis placuit, significare etiam motum quendam palpitationi similem, ex immo- co cordis incendio euenientem, qui licet palpitationi similis videatur, longè tamen est diuersus: fit enim à facultate irritata, non omnino à causa præternaturali, ut cordis palpitatione. Hoc ipsum potius quàm oppositum colliges, ex 6. de placit. 1. ubi verbis expressis, palpitationem, huius visceris appellat affectionem, quam definit, motum ex alio in aliud, hoc est passionem aliunde inductam: ac proinde ex corde quidem est palpitatione, sed ab ipso facta, ut pulsus etiam non secundum naturam; in his enim cor ex seipso mouetur: cor enim in omni pulsu etiam præternaturali ab insita facultate mouetur. Insuper, non dilatatur quia spiritu impletur, sed impletur potius qui adilatatur; in palpitatione, è contrā: unde constat hos motus longo intervallo distare, quamvis ambo deprauati, & in eleuatione & compressione conueniant, immò nonnunquam in appellatione, quia etiam palpitatione ab antiquis vocabatur pulsus, ut colliges ex Gal. lib. 1. prog. 28. sed impropria denominatione, qua etiam ab Arabibus tremor nuncupatur. Ex quibus rarum fit, in plurimis plurimum aberrasse hos viros doctissimos, dum è directo Galeni menti sese opposuerunt, contra quos quisque pro sua industria proterit amplius illorum argumenta, feliciori, magisque compto dicendi stilo redarguere.

### QVÆSTIO XXXI.

*Quod vera cordis palpitatione à crasso, flatuosoque spiritu, ut voluit Galenus, & non à calida intemperie ortum ducat. Contra cōmūnem Medicorum sententiam.*

**C**omedebat res calidas, innabatur ab eis. ] Quoniam à pueritia Galenum, secretioris doctrinæ principem, mirifice sum amplexatus, ne incertè erraret animus, quod eius viri facundia diuini quidquam innotuisse videretur, vix mihi quandoque valeo temperare, quin, speretis nostræ classis auctoribus, mysteria Galenica, tametsi conuiuentibus oculis, à limine si non datur ultra, pergā salutare. Et in primis incideram olim in iuniorum commentaria, quæ illi de palpitationis causis haud infertè condiderunt: inter cætera autem quæ se primo loco ingesserunt, illud fuit non illepidum dubium, num à flatuoso frigidoque spiritu ut voluit Galen. à sanguine palpitatione oriantur, ut omnis contra tener Medicorum schola. Nolo hinc longissimo verborum circuitu dissidentes illorum de hac re sententias in medium afferre, dum quidam à calida intemperie, alij à venenata abditâque qualitate, quidam ab alijs causis fieri contendunt, sed dilucidè Gal. mentem explanare, illorumque contra verum Magistrum rationibus satisfacere, ex solutione quarum, Galeni doctrina firmior euadet.

Palpitationem cordis à flatuoso crassoque spiritu, & frigido generari, testis est locupletissimus Galenus lib. de rigor. & palpit. cap. 5. dum sic inquit. *Quoniam verò spiritus crassus, nebulosus, aut caliginosus, aut flatulentus, aut quomodocumque nominare velis, palpitationis causa efficitur, ideo ætates frigidiores palpitationi obnoxia sunt, natura corporis frigidior, regiones frigida, anni tempus hybernū, vita otiosa,*

*A repletioni & ebrietati dedita, cibi frigidi, & flatulenti, & ut semel dicam, omnia quæ corpus refrigerant. Quæ verò his contraria sunt, palpitationes statim tollunt. Nam calefacientia, spiritus attenuant, & corpora reddunt rara, molliaque refrigerantia autem desunt quidem, contrahunt, & corporum meatus cogunt conuincere: incrassant autem coarctant, quæ & turbidum spiritum reddant: facile igitur retineatur à perspiratu impeditus, tum sua ipsius crassitie, tum corporum, quæ ipsum continent, densitate. Calida rursus contrario refrigerantibus modo fundunt, laxant, corporum meatus aperiunt, ipsum spiritum attenuant, ad motumque facile incitant, facilesque ita transitus ipsi efficiunt. Quapropter etiam veteres Medicis palpitationum remedia adinuenere, quæ extenuare, & calefacere possunt: cuiusmodi sunt quæ constant euphorbio; pireschro lemnesia, sulphure, & pipere, aliæque id genus compositæ, item inter aquas, quæ è terra prosiliunt calida, atque ex hisporissimum nitrosæ, sulphureæ, bituminosæ, easque commendant. Iam potui exhibere medicamenta calida, præsertim calida ex Castorio confecta. Palpitationis sanè cuiuslibet ex frigido generatio est, &c. de caus. sympt. 2. palpitationem duas habere causas scribit, unam posse esse siccum quendam, alteram æream substantiam: at quominus succus sit, repugnat palpitationis tum motus, tum celeritas solutionis, ut quæ illico fiat, & confestim desinat. Succus autem nullus aut ita celeriter influit, aut refluit; necessarium ergo est, palpitationis causam, æream esse substantiam: at verò si hac tum exigua, tum subtilium esset partium, facile per corpus transflueret. Non alienum igitur à ratione est, substantiam quandam crassarum partium, halituosamque esse. Rationabiliter autem is quibus perfrigerata est aliqua particula, palpitationes accidunt, &c. Et lib. 1. prorrh. commentar. 29. solum ob congestum spirituum ex frigore, cordis palpitationem oriri asseruerat. Palpitatione ergo omnis à frigido est.*

Contra præfatam Galeni verissimam doctrinam, insurgunt iuniores ferè omnes, multiplicibus telis instructi, atque muniti, quorum rationes hæc sunt præcipuè. Primò, quod sæpe non à flatuoso spiritu, sed à nimia seri copia pericardij capacitate contenta oriatur, ex Galeno lib. 5. de loc. cap. 1. unde cor afficitur, atque mouetur, proinde ac si fluctuaret in aqua. Non virget obiectio. Nam viuente animali, aquam, sero, aut urinae persimilem in cordis inuolucro contineri concedimus; licet hoc negent Matthæus in 9. ad Almanf. cap. de tremore cordis, Curtius, in Mundini anatomia, Lupeus lib. 3. D enchirid. cap. 3. & Veiga in comment. cap. 1. lib. 5. de loc. affect. putantes in cadauere solum reperiri, quia vapores iuxta cor infrigidati, post interitum vertuntur in aquam: quos omnes palam redarguit cum experientia auctoritas; nam si animal viuum, vel recenter interfectum, & adhuc calens resecueris, semper inibi serum comperies: humor ergo hic serosus pericardij naturalis est, ut sanum in custodia cor florescat; habet enim humiditatem tantam, quanta satis est aestuanti in medelam, ut Hippocr. firmat lib. de corde, num. 1. Num autem è vaporibus densatis, vaporum sero exudante, an à potus porriuncula in thoracem illabente generetur, lege Andr. Laurentium lib. 9. quest. 5. dummodo constet, palpitationem ab hoc seroso humore, tanquam à causa mediata proficisci; hic enim ob cordis motum, quando nimium abundat, agitur, flatum ex se emittit nebulosum, crassum, & frigidum, qui palpitationis causa est immediata; hancque causam nos docuit venari Auicenna. 11. 3. tract. 2. cap. 2. ex pulsus mollitie, seu lenitate; nam tunc cor ipsum, motus sensum exhibet ac si reuolueretur in aqua. Quam non solum in mortuis, sed viuentibus deprehendi, in viui canis sectionibus aperte confirmat Columb. lib. 7. anatom. à qua opinione non distat Vesal. lib. 6. de fabric. corp. human. cap. 8. & post eos eruditè confirmant, Valscus Castellus tractat. 9. de thorac. affectibus, tit. de palpit. cap. 3. difficult. 3. Adrianus Spigelius lib. 9. de hum. corp. fabric. cap. 5. Ioan. Posthius in suis observationibus anatomicis, tit. de pericardio.

Secundò. Paulus lib. 3. cap. 34. Actuarius lib. 4. meth. c. 3. Auicenna

Auicenna loc. cit. cap. 1. Haly 9. theoric. 22. valentes cordis A palpitaciones ex sanguinis concepti copia, aut illius feruore excitari affirmant. Hoc nos concedimus libenter, oriturque ex sanguinis pituitosi, aut melancholici copia nimia non repugnamus; hi enim humores, cum ab ore ventriculi, vel à liene in cor irruunt, suapte natura frigidi cum sint, ex se crassos halitus fundunt, cor vehementer molestantes, ad quorum pulsationem, crebra dilatione ex compressione ipsorum insurgit, & accidit palpitatio; à crasso nebulosoque vapore ab his humoribus eleuato, generata.

Terriò. Galenus lib. 5. de loc. cit. à causa calidi oriri hoc vitium confirmat, quia omnes palpitantes iuuat venæ sectio. Ex hoc non inferitur, à sanguinis copia grauante, aut obstruente ortum ducere: cum enim palpitatio morbus magnus sit, ratione patris affectæ, reuulsionis causa, sanguis mittendus est, ne scilicet ad partem affectam, ob perpetuum motum excrementa ad se trahentem, humores confluere possint, ex quorum affluxu, syncope, & mors subita sæpe contingunt. Deinde, iuuat venæ sectio, quia frigidos humores vnà cum sanguine in venis permixtos, & palpitationis causam immediatam fouentes vacuauit: licet enim ex sanguine frigidiore nascatur hoc malum, & frigiditatis ratione, sanguinis missione affectus non indigeat; tamen quoniam copiae detractio naturam leuat, vt hæc minorem illam effectam facile superet, non alienum à ratione erit venæ sectionem exercere. Sic in Anasarca sanguinem mittit Hippocrat. cum Galen. lib. 4. acur. 111. & lib. de ven. sect. aduers. Erasistrat. cap. 5. nam, vt ignis propè extinguitur immixtis lignis, tum humidis, cum multis, nisi quis multitudine sustulerit: sic & in frigidiore ob copiam sanguine, ubi calor natiuus penè extinguitur, presentissimum est remedium sanguinis missio. Sic in priapismo, affectu sanè frigidus, & ex crasso nebulosoque spiritu ortum ducente, sanguinem mittit 14. meth. 17. Sic in suffocatione ab haustu aquæ frigidissimæ contracta sanguinem illico hauriendum luadent, Dioscorid. lib. 6. cap. 34. & Paul. lib. 5. cap. 66. Demum non omnibus conuulit venæ sectio, vt Rasiushoc loco notauit, sed illis, qui post hoc auxilium tenuante victu, & calefacientibus medicamentis vli sunt, vt monuit Galenus. Lege Ioan. Hieronym. Puluerin. lib. praxis cap. 44.

Quartrò. Hic affectus in febribus sæpe contingit, vt narrat Gal. lib. 3. epidem. sect. 3. com. antepenult. in historia adolescentis Mælibææ, qui phreneticus toto morbi decursu perpetua cordis palpitatio laborauit. Quare verisimile est à cacochymia, succorumque feruore potius, quàm à flammoso spiritu habuisse ortum. Nam si veritas altius est inuestiganda, à debilitate natiui caloris ab igneo depopulari, flatus originem habere est affirmandum; nam apud Galen. lib. 6. epidem. sect. 4. com. penult. in morientibus ex febre, frigida respiratio sæpissimè hac de causa conspicitur.

Quintò. Hip. in febribus, ex maximo incendio vitalis facultatis, quæ in corde consistit, palpitacionem oriri confirmat, lib. 4. aph. 65. dicens. in febribus circa ventriculum fortis æstus, & cordis morsus, malum. Nam ibi, ex Galen. in com. per palpitacionem, Cardiogmon intelligit, qui est solius ventriculi passio, vt ex veterum mente inter omnes probat Langius lib. 1. epist. 22. Si quis ergo per Cardiogmon, crebrum & velocem cordis motum, (inquit Gal.) & præcipuè similem palpitacioni intellexerit, non errabit. In hoc sensu, pulsus præternaturaliter factus dicitur palpitatio, lib. 4. de diff. puls. 11. & lib. 2. prog. com. 26. & palpitacionis secundum præcordia meminit, lib. 1. epid. sect. 3. com. 19. & lib. 4. de caus. puls. c. 3. pulsus palpitantem dicit. Vel de cerebro, veloci, ac inordinato, cordis motu, palpitacioni simili intelligendus est, qui ex calida cordis intemperie potest excitari; & in febribus acutis non sine periculo euenire; nam vera & legitima palpitatio, à sanguinis multitudine, aut feruore cordis gigni nequaquam potest.

Sextò. Ex virium imbecillitate palpitatio cum animi deliquio sæpe contingit, & probat Galen. historia quadam in lib. 2. aph. com. 41. quod præcipuè experimur in ve-

nefica, pestiferaque lue, in qua tabidus inspiratus aer cordis corpus maligna qualitate lancinat, & premit. Ergo nuda cordis intemperies palpitacionis causa est, & non flauosus spiritus. Ficulneum est argumentum, & prorsus nullum Nam à deleteria qualitate vitali facultate oppressa, & spiritibus hac de causa resolutis, & imbecillitato innato calore, quis dubitat flatus generari tetros, & aëros, quorum vi & malignitate cor irritatum, vehementiori pulsatione nititur quod noxium est excutere, haud secus atque cerebrum in Epilepsia? Reliqua verò argumenta, ab illis contra Galeni sacundissimam doctrinam adducta, vt quæ minus vrgeant, ex diuersisque facile solui possint, præmittimus. Quare vera palpitatio non ab omni mala cordis intemperie, sed solum à flauoso, crassoque spiritu originem ducit.

## HISTORIA XLI. GALENI,

## De abscessu pericardij.

In pericardio simiæ, & galli, tumores scirrhomodes visi, qui analogia quadam etiam ad homines transferri possunt.

Enim simia quedam cum emaciari indies videretur eam tamen necessarius nostris negotijs impediti, \* secare in tempore non potuimus: post mortem verò, reliquis corporis partibus omnibus illasis, inuentus est in ambiente cor tunica tumor præter naturam, humorem in se continens qualem pustula (Grace hydatidas vocant) emittere solent. Atque in gallo quoque vidimus aliquando, cordis tunica huiusmodi scirrhomoso tumore affectam, perinde ac si plures crassa membrana inuoluta altera alteri fuissent: verum in eo nihil humoris continebatur. Vnde verisimilis coniectura elicitur, homines etiam posse similibus affectibus infestari, & c. Galenus lib. 5. de locis affect. c. 2.

## D V B I U M XXVI.

Num tabes ex pericardio sit periculosus, & ferè incurabilis affectus.

## P A R A P H R A S I S.

Petrus Salius Dinersus Fauētinus, Medicus vsu dexterprimus, & qui rariores affectus ab aliis nec visos, nec propositos, summa cum sui, & artis gloria enarrauit, lib. de curat. morbor. ab ordinarijs practicijs non exhibitorum. c. 7. non ita vulgarem, immò frequentem affectum proponit, quem tabem pericardij, hoc est, totius corporis extenuationem, ex affectu membranz cor inuoluentis subortam patefacit, quem ex Galeni doctrina hoc in loco se deprompsisse affirmat. Licet enim extenuationem ab hoc affectu proficisci Galen. hic animaduertat; tamen hoc videtur valde dubium: nam inuolucrum cordis inter partes ignobiles reponitur ab ipso, lib. 5. de loc. affect. cap. 2. ipsoque solo affecto nullum periculum sequi posse, exemplo fit manifestum. Hoc proponit Gal. lib. 7. de anatom. administ. cap. 13. in puero Marulli mimographi, cui os pectoris excisum & inuolucrum cordis computruerat, qui tamen superuixit.

Attamen hæc membrana, tumore, seu inflammatione quauis affecta, plurima pericula subsequi non est dubitandum. Hoc ipsum monuit Gal. lib. cit. de loc. affect. qui licet eam, quomodocunque affectam, nullum afferre incommodum asseueret, adiecit, nisi quando ea inflammatione infestata, cor consortiij lege afficiatur. Pericardij autem inflammationem funestà esse, ac lethalem, & sæua inferre symptomata, nempe acutam febrem, sitim ingentem, inquietudinem, celerrimam respirationem & frequentem, thoracis incendium, ac phlogosim, certum est: quæ omnia ex pulius indicibili inæqualitate, angustia maxima,

ac syncope venari docent Petrus Salius *lib. cit. cap. 6.* & ex eo reculit Mercat. *lib. 2. de morb. intern. cap. 6. in initio.* Quamvis autem hæc de inflammatione acutissima, à feruida bile, sanguineque tenuissimo originem ducente, & ferè subito, inopinatioque interimente sint intelligenda: tamen ex hac inflammatione à Gal. hic proposita; ob cordis viciniam, & difficiliorem curandi aditum, plurima subsequi irreparabilia mala, est certissimum. Si autem vulneratum, sectum, & excisum in puero Marulli, mortem non induxit, sed citò sanatum fuit, hoc contigit, qui eo solo affecto, illa affectio cordi non fuit communicata, quam si perseverasset, diuturnitate temporis cor in consensum ducere, ac mortem inferre potuisset, nullus dubitabit, qui præstantiam huius partis, cum corde, ratione vicinæ, maximum consensum habentis, pensauerit ad vnguem.

Deinde inflammatio hæc quæ in simia visa est, fuit tumor præter naturam, ex crasso, pituitosoque humore in hac tunica impacto, emittens ex se humorem qualem pustulæ hydatides à Græcis vocatæ emittere solent. Est enim Hydatidis, ut refert Menard *lib. 7. epist. 2. tit. de oculor. affectibus;* substantia quædam subpinguis, sub cute palpebræ præter naturam collecta; quæ in quibusdam præcipuè pueris, utpote humidioribus, adeò augetur, ut multorum accidentium causa euadat. Aggrauat enim oculum, arque ob id fluxionibus exercet auctore Paulo *lib. 6. c. 14.* hanc Celsus *lib. 7. vesicam,* Auic. *3. 3. tract. 3. c. 17.* Alfarac appellarunt. Hoc affectu prehensi sub diluculum maximè pituita infestantur, neque ad solis lucem valent nisi lachrymantes intuitum conuertere, in continuâque lippitudines incidunt.

Quid enim mirum, si ab humore isto pingui, in hac membrana impacto, tumoremque committente, retento, & putri, febris ob viciniam cum corde, iugis, lentæque excitetur, & ex hac noxa, putridæque fuliginis cordi communicata, diuturnitate temporis, hectica febris confluat, cæterarum internarum inflammationum ritu, quæ spiritales partes exercere solent: præsertim cum maximus sit huius tunicæ usus, nam est quasi domicilium quoddam, aut securum vallum cordi circumiectum, ut *lib. 6. de usu part. cap. 16.* Magister edocuit, quæ tunica ex capite ipsius amplissima exoriens, postea secundum figuram eius paulatim in mucronem contrahitur: licet autem pericardios, cordis corpori connexa non sit, cum haud parua quædam regio inter cor, & tunicam, media sit, motui cordis accommodata; tamen ad basin ipsius, quæ orbiculata est, prodeuntibus ab illo vasis, à quibus trahit ortum, connectitur, ut eleganter *lib. 7. de anatomic. administ. cap. 3.* docuit Galenus. Ad hæc, cur cor sanum permanere poterit, si tunica quæ inuoluitur, idque ab extremis iniuriis defendit, inflammatione laborat? Cor autem continuò à putridorum vaporum halicu concussum, vitalem calorem partibus omnibus summè necessarium perenni influxu non ita temperat, ac conseruat; immò partes, actione febrilis caloris diutina labefactatæ, aut vehementi membri solidi temperie euerfa eneruantur; & ipsemet calor adeò sese infuscat, ut radicans, habitualisque fiat: unde dissipata à calore febrili humiditate natiua, ita siccitatem crescere est necesse, ut absumpto hac de causa humido, & colliquatis membris macies sequatur immedicabilis. Quam etiam sequutam fuisse ex scirrhone; tumore in hac tunica in gallo pronato, ob dictam causam est verissimum: cum enim humor hic lentus in pericardio fixus, ab adurenti cordis calore esset crassior factus, & induratus, non dubito quin consumpta parte tenuiori, reliqua humoris portio in tumorem scirrhomem commigrarit.

Posse autem in hac tunica hos tumores, immò in arteriosa vena, & vel in substantia cordis, abscessus duros innasce, probant Beniuenius *cap. 35. de abdit.* Holler. *lib. 1. de morb. intern. cap. 29. in Schol.* Columb. *lib. 15. de is. quæ raro in anatome fiunt.* Et mirabilis est, quod tradit Thomas à Veiga *lib. 5. de loc. cap. 1. verbo, nec enim mirum, &c.* Sagittam cerui cordi infixam, callo iam obductam, & sup-

puratam in corde inflammationem absque villo sympto-  
mate à se fuisse inuentam. Insuper obduratum callum in sinistro cordis ventriculo vidit Beniuen. *cap. 81. & cap. 89. de abdit.* in eodem ventriculo abscessum pituita redundantem obseruauit. Nicolaus Massa in corde cuiusdam hominis mortui ex vulnere capitis inuenit apostema notabile, & auriculam ipsius sinistram vlceratam exterius cum sanie manifesta, qui æger, dum erat sanus, nunquam de aliquo dolore, aut tussi conquestus est. Posse autem cor, abscessus, calculum, vermes, vlcera, apostemata, & alios grauiorès affectus pari, probant ex veterum, & iuniorum mente, Marcel. Donar. *lib. 5. de hist. medic. mirabil. cap. 4. in med.* Schenkus *lib. 3. obseruat. de corde.* Andreas Laurent. *lib. 9. de re anatomic. quest. 18.* & nos exempla aliquot proposuimus *lib. 1. de praxi admiranda, obseru. 139. 140 & 141.*

Quid plura? nonne cor ipsum tabescere potest, ex Thoma Iordano *lib. 1. cap. 16. de pest. phenom.* & Bernard. Tilefio *lib. 5. rer. natural. cap. 28.* Hi enim humore, qui in uolucro cordis continetur, exhausto & exiccato, cor, vel nullum, vel tabidum, & ab igneo febris calore torrefactum, pyri tosti faciem representans, se inuenisse gloriantur.

Enim verò licet inflammatio pericardij ab humore calidissimo pronata, immania & funesta importet symptomata: tamen hæc quæ ab humore tenui, sed frigido in prædictam, tunicam irruente originem ducit, periculosis signis est insignita: nam eam sequuntur animi deliquium, cordis palpitatio, syncope, pulsus durus, paruus, & putrescentibus excrementis, ratione loci affecti sequitur febris, quæ hecticarum more contabefaciendo interficit.

Periculosus est ergo hic morbus, & immedicabilis ferè ob multas causas. Prima, quoniam humor vbi densam huius tunicæ substantiam ob tenuitatem penetrauit, difficulter elui potest, cum tunica hæc, ex Galeno *cit. de usu part. & Velal. lib. 6. de fabric. cap. 8.* substantia constet crassa, & admodum dura. Secunda, quia licet tenuis primo accessu sit materia, in loco tamen retenta, & à calore cordis crassescens, coctioni, & expulsionì rebellis sit valde. Tertia. Affectio est in loco, vbi valida auxilia exerceri non possunt: & si inueterascente tumore, suppuratio à natura tenteretur, præterquam quòd suppuratus humor effusus supra cor subitum mortis periculum infert, si res bene succedat, vlcus sit, quod cum sit in hac parte valde recondita, pulmonis vlcus immedicabilium instat, carnes colliquando, ægros ad interitum deducit.

Difficilis admodum curationis est affectus hic: quo pacto autem sit curandus, Doctissimus Salius se ignorare ingenuè loco cit. confitetur; etsi in hoc raro describendo, & curando morbo primas teneat. Licet enim hos omni ingenio præseruare tentauerit, nunquam tamen proficere potuit, immò omnes leui febricula adiuncta, syncope frequenter prehensos, tabeque consumptos conspexisse refert. At si huius morbi intricatissimi curationem scire cupis, ea ad curationem tuberculi pulmonis est referenda, quam in *com. hist. 12. huius libri,* exactè delineauimus.

## D V B I V M XXVII.

Num simias in partibus intestinis homini simillimas, & non humana cadauera secuerit Galenus. Contra Vesalium, anatomicum insignem.

## COMMENTARIUM.

**E**Am secare non potuimus.] Scitu dignum, immò arduum Equæsitum est, Num Galenus, Hominis, an solum brutorum anatomem descripserit. Recentiores nescio, quo cauillandi studio perciti, in summum hunc Medicinæ Magistrum furiant, & debacchantur, quòd obmissa humani corporis sectione, à qua fortè abhorrebat natura suapte, in simiarum dissectione conquiescens haru, & non hominum cadauera



cadauera secuerit. Ipsum ergo in libris illis de usu part. A diuinis, in quibus recondita, & abstrusa mysteria explicantur, hominis structuram delineasse ex multis eius locis patere potest: nam lib. 1. de anatomic. administ. cap. 2. prop. fin. vnamquamque particulam in omnibus primò esse inspiciendam; sin minus certè in animantibus homini similibus asseuerat. Et lib. 2. eiusd. c. 8. simiz pedem ab humano differre, quòd structura digitorum huic animali sit dissimilis. Et lib. 2. de rat. vict. com. 10. à quibusdam animantibus in exortu venæ azugou hominem distingui profert. Et lib. 13. de usu part. humanum vterum ab aliis animantibus differre scribit. Si ergo, vt rectè notat Andreas Laurent. lib. 1. anatom. c. 11. quid habeant simile, quid dissimile, hominum, & simiarum corpora agnouit Gal. verisimile est eum humana corpora secuisse. Lege Riolanum in prefat. B zituli, lib. de ossibus Galeni.

Nonne Alcmaeus Crotoniata humani corporis anatomem exercuit; nonne ipse Galen. Numesiani in Alexandria quinti discipuli, qui plura secuit cadauera, fuit auditor, vt lib. 1. de anatom. administ. cap. 1. ipse edocuit? Nonne Cels. qui multo tempore Galen. præcessit, in prefat. in fin. licet viuorum corporum sectionem crudelem affirmet, mortuorum tamen esse necessariam asseruit: nam cadauera melius, quàm viuus, & vulneratus homo representant. Neesse ergo esse, inquit Cels. (eodem loco, in med.) incidere corpora mortuorum, eorūque viscera, atque intestina scrutari: longèque optimè fecisse Herophilum, & Erasistratum, qui nocētes homines à regibus ex carcere acceptos, viuos inciderint, considerariūque etiam spiritum remanente, ea qua natura antè clausisset, eorūque posuram, colorem, figuram, magnitudinem, ordinē, duritiem, molitiem, leuorem, contactum, processum deinde singulorum, & recessus. Neque esse crudele (sicut plerique proponunt) hominum nocentium, & horum quoque paucorum supplicij, remedia populis innocentibus seculorum omnium queri. Nonne docuit publicè anatomem Pelops, & Galeni fuit præceptor, qui cadauerum sectionem sapissimè exercuit? Quare Plinius lib. 19. cap. 5. compertum fuisse ait, in Aegypto, reges, corpora mortuorum ad scrutandos morbos rescasse, vt sic causas valetudinum, oculata fide recognoscerent.

Si verò plurima, quæ ad humani corporis structuram attinent, omisit, vel ignorauit, ex eo sectionis imperitum eum non arguas; nam Vesalius syncerioris anatomes, quam non ex chartaceo, sed ex ipso corpore humano, tanquam naturæ libro descripsit, parens; quem diuinum sæpe in anatomicis observationibus Fallopius vocat, multa ignorauit, quæ postea à Valuerda, Syluio, Fallopio, Columbo, Gueuata, Spigelio, Bauhino, Laurentio, & aliis sunt animaduersa.

Deinde in sceleti, seu humani corporis compage, hoc est, exiccatis ossibus cadauerum perscrutandis, fuit vigilantissimus; hancque de causa in Alexandriam nauigauit, quo loco hæc doctrina vtilis à pluribus suo tempore celeberrimis viris explicabatur, ibique duos sceletos vidit, vt ipse testis est, lib. 1. de anatom. administ. cap. 2. Nam sceleti cognitio miram præbet vtilitatem; ex ossium enim figura, & magnitudine reliquarum partium figura æstimatur, & maximè cum ossis particulis ignoratis, nec musculorum exortus, insertiones, venarum ductus, arteriarum diuortia, neruorum diremptus agnoscere possumus, vt videas quàm malo fundamento nixa sit eorum sententia, qui ossa tantum simiarum descripsisse Galenum, petulanter assernere. Quare hunc auctorem, celeberrimum Medicorum discipulum, quotidie corpora humana secantium, in humanis corporibus anatomem exercuisse, ipse non dubito, cum doctissimo Petro Iacobo Estene lib. 2. epidem. sect. 4. stultum indicantē, qui contrariam sententiam defendere ausit: quidquid effuruerit multa Sanctorus Sanctorius lib. 3. de euitand. errorib. Medicor. cap. 15. nam, si rectè attendas, nil à Vesalio, aliisque dictum, quod prius non pronunciauerit Galenus; nam illi discursus suos anatomicos ex vberimis Galeni fontibus sunt expiscari.

Enimverò simia inter vniuersa animantium genera, tum

visceribus, tum musculis, tum arteriis, tum nervis homini similliam est, ex Gal. loc. cit. de anatom. administ. item manibus, pedibusque, ex ipso lib. 6. eiusd. operis. cap. 2. ita vt si currentem figura erecta ex longinquo conspexeris, eam similem homini deprehendas. Huc spectat notissimus ex Cicer. lib. 1. de natur. Deor. Ennij versiculus.

Simia quàm similis turpissima bestia nobis.

Nullum formosius animal homine: nullum ei quàm turpissimum bestia similis; nam binis cruribus incedit, prioribusque artubus, vt manibus vtitur; & pectoris os, omnium quadrupedum habet latissimum, clauiculas humanis similes, faciem rotundam, collum breue, quæ cum hominis similitudinem referant, quæ fieri posset, vt secus haberent muscoli: hi enim ossibus foris adhærent, protensique sunt; quare etiam tum magnitudinem ipsorum, tum figuram imitantur: hos rursus arteriæ, venæ & nerui sequuntur. Ex quo fundamento cit. de anatomic. administ. sceleti parandi rationem docet, nisi copia humani cadaueris inspiciendi habeatur, in simia ossa esse diligenter consideranda: & de eo genere loquitur simiæ quod ad hominis figuram proximè accedit, quæ scilicet longas non habeat maxillas, nec longos dentes caninos, qui etiam solent aliis partibus hominis esse positura similes. Eodem loc. cit. de anatomic. & lib. 4. eiusd. cap. 2. sex omnino statuit formas, siue genera mutarum animantium, quæ non multum ab hominis natura discedunt, simiæ, lynces, satyri, cynocephali, vrsi, fues. At simia omnium proximè ad hominum naturam accedit. Et 11. de usu part. 2. debiles, exilesque musculos temporales habent simiæ, & homo. Et lib. 13. cap. 6. homini, & simiæ, & iis animantibus, quæ non longè ab horum natura distant, collum constat ex 7. spondylis. Et cap. 11. simia, vt in cæteris ridicula hominis imitatio in plerisque, ita in artubus, quoad scapulas, & clauas attinet, homini maximè est similis: quanquam ea parte homini similis esse non debebat: hancque esse causam suspicor, quòd licet recta possit incedere, ferè tamen non incedit, vel non ita frequenter. Et lib. 6. de anatom. 9. intestinorum eadem in homine, & simia differentia. Et cap. 5. omentum, (id est, epiploon) maximum habent inter animantia homo, & simia: ex quo deducit præter hominem, animal nullum hernia laborare, excepta simia. Si ergo quid homo à simia differat in partibus intestinis, docuit tam exactè Galenus, cū cum humana corpora non secuisse dicemus?

Valeat ergo Vesalius, diligentissimus æui nostri anatomes indagator, qui in lib. 1. de fabric. corpor. human. cap. 18. lasciuia fortè redarguendi Magistrum percitus à cuius penu facunda, suam ornavit suppellectilem, in simiarum dissectione positam passim à Galeno operam tradidit, magis quàm in hominum asseuerat. Et cap. 7. Et ad fin. 18. queritur suas vbique simias Galenum obtrudere. lib. 2. cap. 5. eum in dissecandis simiis anatomem docuisse, Et cap. 56. & 58. & illo cap. 18. Galeni de ossibus librum, quem præ cæteris anatomicis libris valdè commendat, simiis exactius, quàm hominibus respondere affirmat. Quæ omnia, quàm falsò Galeno, qui libros de usu partium, diuinis ad hominis structuram accommodauit, sine imposita, nemo non videt, qui superiora huius auctoris loca adamussim examinauerit. In quibus autem simia tam in partibus internis, quàm externis ab homine differat, consule per otium Galen. lib. 1. de anatomic. administ. cap. 2. & lib. 2. cap. 3. & lib. 4. cap. 1. & lib. 1. de usu part. cap. 22. & lib. 3. cap. 8. & lib. 15. cap. 8. Vesalium lib. 2. cap. 5. 58. 59. & lib. 4. cap. 16. 17. 56. 58. Conradum Gesnerum ex horum sententia lib. 1. quadrupedibus. cap. de simia, lib. 6. Vlysses Aldrouand. lib. 6. quadrupedibus. cap. de simia. De quo argumento, contra iniquos Galeni calumniatores, doctè, & copiosè disseruit Riolanus filius in lib. de simia, osteologia siue de ossium simia, & hominis comparatione, ferè per totum.

\* \*

\*

## HISTORIA XLII. GALENI,

## De Arteriis.

Arteria vulnerata, & medicamentis  
conglutinata.

**S**imile quiddam aliquando, & agresti contigit iuueni, dum sanguinem mittendum veris tempore curaret, quod nostratibus maxime est ex usu. Cum enim Medicus qui venam incisurus erat, brachium homini deligasset, contigit attolli velut in gibbum arteriam: itaque hanc pro vena Medicus diuinit. Exigua sane incisio erat, sanguis autem flavus, & tenuis, & feruidus statim ei acclabatur, idque cum quodam veluti saltu. Ac Medicus quidem, ut erat admodum iuuenis, & operum artium parum peritus venam se incidisse putabat. Ego vero cum quodam alio ex ijs qui aderant Medicis, vique seniore, ubi quod accidit, aduertit preparato ex emplastrorum genere quod sanguinem supprimit medicamento, tum incisionem curiose coniunxi, tum super medicamen illico imposui, ac spongiam mollissimam extrinsecus super hoc deligavi. Mirante vero qui arteriam inciderat, insolitam nostram in hoc casu providentiam, indicavimus homini rem factam, sed postea quam incisi hominis diuersorium exissemus, iussimusque ne vel solueret nobis absentibus, vel ante quantum diem id aggredere-  
tur, sed ita, ut erat, deligatum haberet, spongiam desuper dumtaxat madefaciens. Postea vero quam in quarto soluentes, planè conglutinatam incisuram inuenimus, rursus idem medicamen imponere iussimus, tum simili modo deligare, nec multis postea diebus solvere. Atque ita percurata est huius hominis incisa arteria, sola omnium quas in cubito incisas vidi. Galenus lib. 5. meth. cap. 7.

## DV BIVM XXVIII.

## Num imminentes morbi praeuendi.

## PARAPHRASIS.

**I**nuenio priscos illos, primosque Medicinae parentes maximam habuisse curam, ut praecautio, hacque maxime verno tempore per sanguinis missionem celebrata, morbos anteverterent, exemplo desumpto à natura in his quae utiliter agit. Cum enim hoc tempore corpora sint temperata, calor sit vegetus, augeatur sanguis, ex Galen. lib. 1. epid. in prefat. & in eod. lib. sect. 1. com. 1. & homines tunc dysenterii capiantur, sanguis fluat è naribus, calidissimique, & rubicundissimi sint, ex Gal. lib. 1. de natur. human. com. 41. ni venae sectione utamur praeservatiua, in plura, & quae saepe irreparabilia damna incurrere est necessè; adeoque de more hoc erat ratum apud antiquos, ut non solum in hominibus, sed & iumentis praecautio-  
nis causa phlebotomiam exequendam consuluerint, auctore Magistro lib. 1. aph. com. 15. dum sic ait. Habent homines satis ipsi experientia comperitum, non in seipsis tantum, sed etiam in iumentis. Nam ante aetatis initium circa ultimam veris partem, & sibi, & illis sanguinem detrahunt: quoniam ad memoriam reuocant, quibus capiantur morbi, quando repente calor aestiuus supervenerit. Hic enim amplius sanguinem extendit, atque diffundit, & quodammodo effervere facit; adeo ut quod hactenus modicum fuerat, non possit amplius in venis contineri, sed vel disrumpat ipsas, vel excedat; & quando immoderatus impetus fecerit ad aliam corporis partem illis debiliorem, in ipsa vel inflammationem, vel erysipelas vel aliquod aliud morbi genus operetur, &c. Hoc consilio, ductus Hippocrates lib. 6. aph. 47. ad praecauendas aegritudines, sanguinem hoc tempore emittere consulit, sententiamque eius non solum Galenus probat, confirmat, sed exemplis fulcit, roborat, & defendit in com. quem sequuntur Oribasil. lib. 7. collect. cap. 2. iuxta med. Aëtius terrab. 1. serm. 3. c. 10. quorum mentem amplificat Fuchs. Mena, & Hieronym. Nunnius in comment. cap. 7. Galen. lib. de curand. rat. per sang. mis. Licet enim nullum in corpore

A symptoma sit, praestat veris initio sanguinem emittere, iis qui alicui morborum generi sunt obnoxij, in quibus omittendum non est, nec expectandum. ut evidens aliquod plenitudinis symptoma appareat, praesertim cum hoc tempore aegritudines immincant, quae reuerti solent, ex Galen. lib. de puer. epileptic. cap. 3. Hos enim priusquam in morbum incurrant, praeservare est opus; sunt autem qui latentem in corpore causam habent, quae sensibilem laesionem nondum intulit, modica tamen accepta occasione promptè in morbos ipsos labi facit. Quare saluberrimum est morbos imminentes praecavere, quam factos curare, ex Gal. lib. 2. de facult. naturalib. c. 8. & lib. de curand. rat. per sang. mis. c. 9. verum autem praecautio esse tempus commodius ob multas causas, diximus l. 1. in com. hist. 39. Quae tamen veris pars in hunc usum sit eligenda, ad mentem Galeni pulchre exponemus lib. 3. in com. hist. ultima.

B Hac ratione forsitan nixus agrestis hic iuuenis, hoc est, ruri degens, sibi hoc tempore venam secandam, maluit, quae secta mirari subit insolitam Galeni in hoc casu providentiam, aduertens enim sanguinis exeuntis colorem, calorem, & exeundi modum, sauciatam fuisse arteriam sibi persuasit: sanguis enim arterialis ob spirituum copiam flauescit, & tenuissimus est, vnaque calidissimus, quia in sinistro cordis ventriculo percoctus ac elaboratus, tantò excessit venalem tenuitate, quanto spirituosior, purior, ac syncerior existit, ex Galen. lib. 6. de placit. Hippocrat. & Platon. cap. 8. Hunc sanguinem, cuius principium est cordis calor per arterias vniuerso corpori communicatus esse ipsorum spirituum fomentum tradit Galen. lib. 6. de usu part. 17. quem vaporosum esse dicebat lib. 4. eiusd. 15. cum sit plurima aeris portione permixtus, lib. 1. de diff. febr. cap. 1. quapropter cum feruore, & saltu emanare solet, idcirco sagacissima natura tunica duplici vallauit, ex Galen. lib. 6. de usu part. 11. & lib. 3. de facult. naturalib. 11. ne scilicet praetenuitate, frequentique motu agitato, resudans exhalaret. Adde saltus huius causam (obsignandae arteriae impedimentum possimum) in arteriam ipsam esse reiciendam; nam haec sanguinem eiaculara semper distenditur, atque contrahitur, & hoc vulneratae arteriae firmissimum signum Paul. iudicavit, lib. 6. cap. 4. quae omnia in erumpente è vena sanguine, contraria observantur: licet enim tenuis, feruidus, & flavus etiam sit venalis, eius impetus neque insignis est, neque admodum violentus, neque perpetuus, sed interceptus flauitissimae, tenuitatis, & caliditas non tanta, ex Galen. lib. 1. de sem. cap. 8.

Quamuis autem sanguinis arterialis erumpentis impetus, ex Galen. 5. meth. 3. reuulsionibus, ac vniuersali corporis curatione perficiatur, hoc praecceptum praecipue intelligendum est, quando à causa interna, abundantia nempe aut sanguinis vitio ortum ducit; tunc enim aliò auertere, atque transferre impetum sanguinis oportet: aliter verò se res habet, si ex vulnere, clamore, casu, contusione prae ruptum vas est. Abundantia autem, si quae erat, per sanguinis detractionem, secta arteria brevissimo temporis spatio factam copiosissimam, erat imminuta; quare sanguinem supprimentibus, agglutinantibus, & obturantibus opus erat, ut tom. 2. lib. 17. cap. 3. Vidus Vidi-  
dius notat ingenuè.

E Deinde, cum arteria siccior, & durior vena sit, siccioribus medicamentis eget, quam vena: quo pacto in hunc usum inter emplastica, nullum poterat adaptari praestantius medicamen illo, quod describit lib. 5. meth. cap. 4. nam id est optimum medicamentum, quo etiam ad cerebri membranarum haemorrhagiam turissimè vti possumus: habet enim quethuris unciam unam, Aloës unciam, quibus iris, & cum albumine oui optimè subactis, additisque pilis leporis exactè siccis, & quam minutissimè trisuratis. (alias enim appliciti, restringendi virtute carent omnino, quum corpulentia sua in partes penitissimè sese non insinuent) sit emplastrum, ad supprimentum sanguinem efficacissimum: quo etiam vti est ipse Galenus lib. de curand. rat. per sang. mis. cap. ultimo, pro conglutinanda arteria, inter. indicem & pollicem secta, ob dolorem lateris diuturnum

diuturnum, ministrum Dei Pergami cruciantem : sicque Medicis omnibus debet esse quam commendatissimum, illudque summopere laudant Auicenna, 4.1. cap. 20. in fin. Aëtius terrab. 1. serm. 3. cap. 19. qui pro nimio sanguinis fluxu compescendo, nullum aliud præsidium excellentius reperiri posse sunt arbitrati. Tu verò de hoc negotio, lege quæ diximus, lib. 1. in com. Hist. 76.

Licet enim plurima sint, quæ citra dolorem emplastricam vim obtineant: nullum tamen hoc ita carne implere inuenies. Id deprehendes, si naturam componentium rimeris. Manna enim thuris, cum sit pars eius tenuissima, Galen. lib. 13. meth. cap. 8. Paulo lib. 7. cap. 72. Dioscorid. lib. 1. cap. 38. Aëtio terrab. 2. serm. 3. cap. 38. eandem cum thure sortitur facultates; thus autem, viscosum, & siccum est, sicque substantia sua venarum orificia obturat, moderata siccitate carnem generat.

Aloë verò cum sit tercio ordine exsiccans, ex Gal. lib. 6. simpl. 22. partes duras, quales venæ & arteriæ sunt, incarnat, inspissat, astringit, & sanguinem resinet, ex Dioscorid. lib. 3. cap. 22. & in com. firmat Ioannes Leoniceus diligenter, Neque fidas plurimorum dictis, qui Mesuë auctoritate freti, lib. 2. de medic. purgant. cap. 1. de Aloë hoc medicamentum venarum ora aperire pertinaciter contendunt, licet iis Auicennæ faueat auctoritas, lib. 2. tract. 1. cap. 15. nam hos de maligna aloë intelligendos arbitror, ex ipso Mesuë, in canonibus vniuersalibus, intent. 1. c. 2. qualia sunt aloë mala, &c. Est autem aloë maligna, nigra, odore tetro, adulterium passa. Vel si accidat, ex accidenti euenire putandum est, cum Manardo 12. epistol. 3. & in annot. in Mesuë. Expurgat enim aloë acres, biliososque humores, qui ora venarum acutie sua aperire possunt; hoc enim omnibus cholagogis commune est, ut scilicet ex acredine illorum quæ excernuntur, parumper aperiatur os vena, quàm hamorrhoida vocant, ex Galen. lib. 6. aph. 47. Nam aloë tam foris imposita, quàm intus assumpta sanguinem supprimit: neque enim aloë ignea constat facultate, ut cyclaminus, alia, capæ, fel taurinum; nam venas aperiencia sunt nimis acria, & terrestria, ex Galen. lib. 5. simpl. 14. & aloë ex Galen. lib. 6. simpl. 11. de aloë. primo ordine calefacit: & Plin. lib. 27. cap. 4. sanguinem vndeque manantem arcere dicit, & Galen. 5. meth. 4. Aloë cum albumine oui, arteriam vulneratam conglutinauit. Matthias Lobellius inquit, aloëm foris admotam venas claudere; intus assumptam attenuare, aperire, & sanguinem vacuare affirmat: sub-  
scribit Costæus in Mesuë. Verum hoc dogma prius à Iacobo de partibus assertum, refutat Manardus loc. cit. nam Auicenna contrarium docet, qui 10. 3. tract. 3. cap. 6. inter medicamenta quæ ad apertas venas bibuntur, aloëm connumerat. De quo argumento plura disceptarunt Vallesius lib. 9. cont. 3. Fuchsius lib. 1. paradoxor. 1. Ioan Brauus lib. 2. de purgand. rat. 7. & alij Hoc si aduertisset Scaliger in Cardan. exercit. 160. num. 3. non ita petulanter, Mesuë clypeo munitus sæuieret in Medicos, qui aloëm venarum ora occludere sibi persuadent; cuius argumenta, ex Manardi doctrina facillimè solui possunt.

Pili leporis frigidissimi, & siccissimi sunt, ex Galen. lib. 9. simp. cap. 9. & 10. sicque conglutinant, & siccitate sua mirabiliter obturant, & carne implent. Sunt qui vrant prius, sed sine ratione; nam acrius redditur pharmacum: vsta enim acriora sunt; sic Galen. 11. simpl. 15. pilos, & lanam succidam vrit, ut acria sicca, tenuiūque partium reddantur. Nec mireris: nam quidquid à lepore proficiscitur, exsiccantis facultatis est particeps, regmen detractum, sanguis, coagulum, caro, pili, ut latè doctèque Levinus Lemnius lib. 2. de complexionib. cap. ult. in med.

Oui albumen, medicamenta partibus adhærere facit viscositate sua, frigiditate inflammationem arcet, partes diuisas agglutinat. Spongiam autem imposuit, nam hæc perse, recens sit, & adhuc mare oleat, siccans admodum est; quare vlcera sanat, ex Galen. lib. 11. simpl. cap. 56. In hunc sensum Hip. lib. 2. epid. sect. 6. iuxta fin. ad turbationem alui, ea cum flore æris vsto vtendum consulit.

A Hanc autem, & non lineæ lineæ super medicamentum imposuit, quoniam hæc humidorum medicamentorum partem exicare solent, quod non facit spongia mollissima, tota poris scatens, & multis amplis vacuis plena, quæ etiam ob molliem sese commodius sub ligatura, sine partis subiacentis incommodo adaptat, & facultate sua diu persistens exiccat. Ad quartam diem detectionem distulit, ut amplius firmaretur glutinatio, quæ in re momenti tanti semper est ob oculos ponenda; quæ de causa nec ligaturam multis post diebus solui permisit.

Hoc artificiosissimo, & celebratissimo auxilio, & in sistendo sanguine primas tenente, ut latè refert Fallop. tract. de vulnerib. cap. 10. curata est citra encyryma arteria hæc: Fit autem aneurysma, auctore Galen. lib. de tumorib. præternatur. cap. 11. & lib. de curand. rat. per sang. mis. 22. cum vulnerata arteria, ad cicatricem deuenit ea quæ adiacet cutis, manet autem arteria vlcus, ea neque conglutinata, neque ad cicatricem perducta, neque à carne obstructa. Huius duæ sunt differentiæ, alia à causa interna, alia ab externa originem ducit: illam proponit Paul. lib. 6. cap. 37. quum videlicet sine cutis diuisione cutis aperitur, quod sæpe contingit in alis, inguinibus, & ceruice, ex Auic 44. tract. 2. cap. 16. Dinus causam huius euentus explicat, in com. huius tumoris causam, esse sanguinem tenuem, fetuorosum, multoque spiritu referum. Firmant Galen. loc. cit. Pareus lib. de tumorib. cap. prop. Fallop. lib. de tumorib. præternat. 14. & 15. Ionn. Andreas à Cruce, lib. 1. de tumorib. sanguin. tract. 2. cap. 11. & 12. Dionysius Dacca lib. 2. de apostemat. cap. 39. Petrus Pigræus lib. 9. chirurg. cap. 4.

Ne ergo hoc periculosum tumoris genus, diuisa arteria superueniat, ex Galeni descriptione, huius medicamenti compositionem paratam semper habere oportet. Hoc, opere ipso confirmauit Petrus de Peramato, lib. de vacuand. rat. cap. 30. quo loco illustrem quendam virum, præsentem se, passum fuisse arteriæ sectionem refert, quod ex vehementi sanguinis eiaculatione, colore, saltu, & pulsu cognouisse affirmat: quare extempore sanguinem cohiberi, vulnus curiosè coniungi puluerem hunc oui albumini mixtum admoueri, strictim ligari, & quietissimè accumbentem contineri cum imperasset, hoc modo tractatus æger sine aneurysmate sanus euasit. Huic medicamento plures plurima addunt. Almanfor in diuisionibus addit sarcocolam. Auic. turundam facit ex tela araneorum, pilis leporis, subtili cortio, aut panno lini veteris adiecto Vigo lib. 3. tract. 1. cap. 2. de fluxu sanguinis, addit gypsum, aut terram sigillatam. Alij lanuginem adhærentem cortici interiori castaneorum. Nonnulli gummi arabicum. At Galeni simplicia satis sunt, & aliis summopere præstant. De cuius medicamenti laudibus, consule eruditissimum Trincauel. lib. 3. de composit. medicament. cap. 18. de sistendo sanguinis fluxu.

## D V B I V M XXIX.

Num ad sistendum sanguinem arterialem, præter obturantiæ, al' aque præsidia, arteriarum sutura sit ex vso.

## C O M M E N T A R I V M.

Sanguinem supprimit.] Plurima esse ad sanguinem arterialem sistendum præsidia, quæ vel à rota substantia, vel manifestis qualitatibus sanguinem supprimere queunt latissimè Galen. pluribus in locis confirmat: explicat Tagaultius lib. 2. instit. chirurg. cap. 12. Galenum in hoc præcipiti casu, hoc tutissimo, & facillimo vsum fuisse, res est manifesta; vsurum vel etiam fortioribus, ni morbus huic cederet auxilio: sunt enim multa quæ à proprietate sanguinem sistunt medicamenta, ut lapis hæmatites, & Indicus; hi enim lapides, collo, vel vulnere impositi sanguinem vndeque fluentem, compescunt, ut lib. 9. simpl. cap. 9. & 26. retulit Galen. viua apud linteum obuoluta, membroque à quo fuit sanguis ligata,

ligata, id etiam præstat, referente Nicolo *serm. 7. sum. 1. A tract. 4. cap. 33.* Alia crustam inducendo id efficiunt, quippe hanc quoque ceu septum quoddam huiusmodi vulneribus veteres excogitarunt: efficiunt autem hanc tum ignis ipse, tum quædam medicamenta quibus ignea vis inest, auctore Magistro *5. meth. cap. 3.* sunt enim hæc caustica, ceu ignita ferramenta, quæ elcharam efficiendo sanguinem compescunt. Iis ergo utendum est cogente necessitate summa, & ubi aliis medicamentis immodicus sanguinis fluxus suppressi non possit, & maxime ubi ex erosione profluvium concitetur, ut ibi *cap. 4.* notat Galen. nam emplastica, & agglutinantia cauticis sunt securiora: quoniam hæc carnem, & vasa exurunt dum crustam generant, qua decedente, pars magis nuda, & cum maiori substantiæ iactura relinquitur, quæ omnia contrario modo accidunt in agglutinantibus. Huius auxilij usu, incisam in facie arteriam, cæteris non conferentibus auxiliis, & ægro (venis ob immodicum sanguinis fluorem, exhaustis) prorsus deficiente, fuisse unitam gloriatur Beniu. *lib. de abdit. cap. 49.* Hæc ratione tum in pudendis, tum sede ad talem necessitatem sæpe devenimus, inquit Gal. *loc. cit. meth. & 13. eiusd. cap. 6.* quod videlicet hæc partes, tum propter naturalem humiditatem, tum quod excrementorum sint canales, ex levi causa putrescant. Nam exustio, siue medicamentis fiat, siue igne, aut ignitis ferramentis præter id quod inducta crusta intercipit sanguinis profluvium, consumpro & resiccato vitioso humore, qui erosionis & putrefactionis erat causa, erosionem, vel putrefactionem etiam sistit, sicque facilius deinde vlcus curari potest, ut luculenter C Hollerius notat *3. instit. chirurg. cap. 4.* Gal. *cit. 5. meth.* in omni sanguinis fluxu illico digitum super os vulneris imponit, blandè innitens, ac sine dolore comprimens. Latam compescendi sanguinis fluxus historiam, vide apud Paul. *lib. 4. cap. 53.* Is enim auctor *lib. 6. cap. 37.* mirabilem tradit modum sistendi sanguinis fluxum ab arteriis, has enim prius nudat, deinde acu traiecta duobus funiculis deligat, de quo sistendi sanguinis fluxus modo, agere Aëtius *tetrab. 2. serm. 4. cap. 63. tit. de iis qua sanguinem sistunt.* Celsus *lib. 5. cap. 26. rubric. 18.* Rasiu. *lib. 7. ad Almanf. c. 10.* Fragosus *de vulnerib. quæst. 76.* Dionysius Dacæ *lib. 2. de apostemat. cap. 41.* Anton Crucius *lib. 2. chirurg. cap. 10.*

Num autem pro hoc complendo opere, arteriarum futura, sit utilis, magna est contentio apud auctores. Quæstioni responderi Nicol. *loc. cit.* negatiuè, quia arteria cartilaginosa est & dura, quo fit ut quamvis diuisa labia iungantur, non coalescant, hocque expressè sensisse Galenum, affirmat, in *lib. 5. meth. cap. 3. §.* Neque enim suere fas est arteria, venæque vulnus: veluti dixerunt, qui nullam à vulnerate partis substantia, naturæque sumi indicationem aiunt, &c. Sed obstat Guidonis auctoritas, *loc. citat.* in venis, & arteriis futuram concedentis: quod veritatem obtinet, si sola arteria suatur, non autem coniunctim cum carne ipsa, sicut fuimus peritonæum cum ipso abdomine; qua ratione, si non per primam, saltem per secundam intentionem agglutinabitur; ex quo patet solutio ad Nicol. argumentum. Adi, si placet, Tagaultium, *lib. 2. de vulnerib. cap. cit.* & Ioan. Brauum Chamicum Lusitanum, *lib. 2. eiusd. tit. c. 13.* qui de hac re diligenter conscripserunt.

## HISTORIA XLIII. GALENI, De arteriotomia.

### Arteriotomia, plurimis morbis proficua.

**M**onitus per quædam insomnia, quorum duo perspicue mihi visa sunt, accessi ad dextra manus arteriam, inter indicem, & pollicem sitam: siuique fluere, donec sponse sanguis resisteret: nam ita somnium præceperat: \*effluxit autem non tota libra. Subito itaque diurnus extinguitur dolor est, in e. maxime parte fixus, qua iecur septo transverso committitur. Mihi quidem hoc ætate iuuenilis evenit.

*At minister Dei Pergami, diutino lateris cruciatu laborans, liberatus est arteria in summa manu incisa, aggressus & ipse illud insomnia monitu.*

Porro alteri, cui ex vulnere in malleolo inflicto dissecta arteria fuerat sanguinis quidem cursus haud quiescit, donec ego vocatus totam dissectu: ac medicamento, ex aloë, manna & ovorum albumine, pilis leporis molliusculis, impositis, usus fuit. curæque aneurysma curatum est vulnus, obducta videlicet arteria osculo carnis, &c. Galenus *lib. de curand. rat. per sang. mis. cap. ult.*

## D V B I V M XXX.

**Num arteriotomia celebranda. Contra Hollerium doctissimum.**

## P A R A P H R A S I S.

**F**riendas esse in plurimis morbis arterias, tribus his exemplis confirmat Galenus. Conglutinatas autem medicamenti superius citati ope, illius exemplo confirmat, qui citra aneurysma curatus est. Has secandas esse in summis artubus, temporibus, in omnibus doloribus, qui à calida, spirituosaque substantia originem ducant, & maxime in membranis, quarum dolor punctiōi similis est, ac sensim expanditur, docet *hoc. cap. Gal. & lib. 3. de loc. affect. cap. 8.* In vertiginosis, & quibus vaporosus, calidusque sanguis, & multo spiritu plenus per arterias ascendit profundam arteriæ retrò aures sectionem, faciendam esse docent Paul. *lib. 3. cap. 1. & lib. 6. cap. 4.* Auic. *4. 1. cap. 10.* Quare Galen. *13. meth. cap. ult.* eas secare iubet, quæ callidiores apparent, & maiorem pulsum ex se præbent. Causa autem cur frequenter in temporibus secantur arteriæ, est quoniam in capitis callidis affectibus, qui ab inferioribus fiunt, aut fœuentur, ascensus humorum, aut vaporum per arterias fit, in quibus sanguis magis ebullit, & feruet, ut *lib. de curand. rat. per sang. mis. c. 22.* Galen. affirmat numerans ex professo affectus, qui arteriis in capite dissectis iuvantur. Videndum tamen, num per maiores, & internas arterias vapor effertur, sic enim nihil conferret auxilium, ut *ex cit. lib. 3. de loc. affect.* perspicuum est: & notavit Franciscus Pectus Cælestinus *lib. 4. de ven. sect. cap. 14. de arteriar. sectione:* & eleganter probat Ferdinandus Mena doctissimus, in *com. cap. cit. Galen. lib. de curand. rat. per sang. mis.*

Hollerius, summi iudicij vir, & Medicus præstanti mentis acumine præditus, *lib. 1. de morb. internis, in schol. cap. 1.* licet arteriæ sectionem in omni dolore pulsatili, singulare remedium esse affirmet, periculosum tamen, utpote Chirurgis minus visitatum esse contendit; veterum forsitan consilio ductus, qui ut affirmat Galen. in *cap. 22. lib. de sang. mis.* in earum sectione valde timidi erant, quod difficulter sanguinis profluvium compesci possit; & si res optimè eueniat, maneat tamen aneurysma quod malum ex vulnerata arteria originem ducit, ut ait Auic. *44. tract. 2. cap. 6.* Deinde Galen. *5. meth. c. 7.* affirmat plurimos Medicos existimasse arterias vulneratas coire non posse, quia duræ sunt, & cartilagineæ; nam & in externis rebus corpora mollia nullius rei internentu facile iunguntur, at quæ dura, nunquam; neque enim testa cum testa, lapis cum lapide sine glutino coniungi possunt. Ad hæc: refert Galen. *cap. 22. de sang. mis.* ex vulnerata arteria nonnullos mortuos fuisse, alios in gangrænas incidisse: quo pacto extollens Auic. huius sectionis periculum, in hæc verba prorumpit: *Et suarum quidem dispositionum minor est, quod ex ea provenit aneurysma, &c.*

Ab arteriis enim sanguis extractus ob assiduum pulsū, & tunicarum crassitiem vix compesci potest, quum vulnus facilè nequeat ad cicatricem perducī. Vltimò. Quod melius si putridam materiam ab arteriis ad venas ignobiliores facta phlebotomia, quam ab his ad illas transmittere; nam putridus humor plus in venis, quàm arteriis abundat: quare arteriotomia euitanda, nam ob maiorem calidissimi sanguinis, & spiritus resolutionem, sectis arteriis,



arterijs, vires fatiscunt. Hæc sunt quæ pro Hollerij opinionione possunt adduci.

Verum non ob hæc repudiandum hoc auxilium est; quia inusitatum, vt contra Holl. rectè Theod. Collado insurgit, lib. de errorib. Hollerij, cap. 7. de dolore capitis, num. 5. & 6. Sic enim plura præsidia damnabimus quæ multis fuere salutæ, ea sunt balneum frigidum in hæctico debili; sanguinis missio, & purgatio vsque ad animi deliquium, gelidæ potus ad satietatem vsque & alia, quæ licet nostro ævo sint inusitata, ea tamen summè commendat prisca vetustas. Harum ergo sectio nonnisi in difficilissimis, diuturnisque morbis, qui aliis non cedunt auxiliis, est exequenda: licet enim duræ sint, & substantia sua durioris tunicæ conglutinandæ difficultatem indicent; non tamen quæ euinci omnino nequeat; nam etiam maiores, quas nunquam ex industria secare licet, consolidari possunt, vt hoc loco ostendit Galen. neque enim hæc ita sicca sunt, & duræ, vt ossa, & cartilago, immò his longè molliores; quare Auic. 4. 4. tract. 1. cap. 1. non esse desperandum ait, quominus in mollioribus natura, & habitu corporibus, præsertim si parua sint glutinari possint. Pericula autem quæ ex harum incisione sequi solent, cautos nos reddunt, ne nisi urgente necessitate, & vniuersalibus prius tentatis auxiliis, ad earum sectionem accedamus: quod auxilium in debilibus celebrandum non est; hos enim præstat aliis auxiliis curare, quàm partibus sanguine, & spiritu priuatis, in certum periculum deducere. Denique facta arteriotomia, non intendit Galen. materiam putridam, quæ raro (ob maiorem siccitatem & puritatem sanguinis arterialis, maius innatum cordis calidum) in arteriis reperitur, exhaurire, sed solum tenuem, ac pituitosum sanguinem, qui plurimè morbis præstat occasionem, vacuare; qui cum in arteriis paruis, & particularibus sit reconditus, facta venæ sectione ad venas commeari non potest. In pluribus ergo morbis est exercenda arteriotomia: de cuius utilitate summa, lege Fernel lib. 2. meth. cap. 18, Menam, in com. Gal. lib. de sanguin. misf. Altimar. lib. de medend. hum. corpor. mal. cap. 17. Iacchin. 9. ad Almanf. c. 6. Christoph. à Vega lib. 2. art. medic. sect. 5. cap. 2. in fin. Metcat. lib. 1. indicat. cap. 4. in fin. Peramat lib. de vacuand. rat. 21. Bartholom. Perdulc. lib. 5. vniuersa medicin. c. 4. cuius opera nuperrimè Renatus Charterius doctissimus in lucem emisit, & Septal. non siliuit lib. 6. caution. med. num. 171. Firmat omnium voto doctissimus Montaltus, tract. 15. de cerebri affectibus, cap. 10. & probat eruditissimus Heurnius lib. 3. meth. ad praxim, cap. 9. in fin.

Aduerte tamen, quod in tertio exemplo, Galeno hic evenit, sanguine valde manante, arteriam totam esse secandam, vt lib. 5. meth. 3. Galenus admonuit. Sane vinculum magnis quoque venis iniicere interdum cogimur: atque etiam interdum totas pracidere, utique transuersas. Quippe ita retrahitur ex utraque parte pars utraque, celatiusque ac integrius à superiacentibus corporibus vulnus. Tutius tamè est utrunque facere, & vinculum vasis radici iniicere, & quod deinceps habetur, pracidere, &c. De hoc modo supprimendi sanguinem, vide Albucal. lib. 1. chirurg. cap. 23.

Poteram iis esse contentus, ni me ad finem iam properantem, trium dubiorum explanatio ad pugnam denuò inuitallet, quorum primum est. Cur iecoris, & septi transuersi doloribus, harum potius, quàm aliarum arteriarum, sectio utilis est? Dic, quodd sicut vena interna dextra vtiliter secatur in affectibus iecoris, & septi transuersi; ita arteria ipsi subiecta, vbi per arterias fit humorum ad eas partes confluxus. Sed quoniam ex arteriæ magnæ incisione aneurysma, gangræna, & mors ferè sequi solent, hæc pericula euitabimus, si eius ramos ad summam manum perreptantes incidamus: licet enim Galen. 13. meth. 5. & 11. per venas manus, brachij venas intelligat; tamen hoc loco per summam manum, intelligit illam totius brachij partem, quæ extrema dicitur, quæ in brachiale, postbrachiale, & digitos diuiditur.

Secundum. Si morbi dicti, diutini sunt, quomodo ex calido, tenui, ac spirituosio sanguine originem ducunt?

A Dic, quodd ex hoc sanguine diutinus dolor gigni potest; ob diutinam fluxionem, quæ reuulsionem ex arteriis commode facta miscet, & cessat; ipsis arteriis profus in itinere rescissis, ne fluxioni deinceps pateat aditus. Gal. lib. 3. de loc. cir. vertiginosis, quibus vaporosus, calidusque spiritus per externas arterias ascendit, medetur, totus arteriæ ponè aures ad eò profunda sectione; vt medius inter duas partes locus cicatrice obducatur; cuius sectionis administrandæ rationem docuit Paul. lib. 6. cap. cir. Sic in hemicrania, & ophthalmia difficili, arterias quæ in temporibus sunt, turgidiore, aut secamus, aut profus præcidimus; cuius præcisionis administrationem proposuit Paul. lib. cir. cap. 5.

B Tertium. Cur insomniis credit, si iis nullam fidem adhibet lib. 3. meth. cap. 2. in princip. quo loco insomnia, manifestas esse nugas asseuerat? Dic, Galenum soli insomnio non credidisse, nam rationem vltra insomnium addidit, ex confluxu sanguinis spiritalis per arterias, qui commodius arteriotomia, quàm venæ sectione aueritur. Num autem insomniis sit adhibenda fides, disputant Macrobi. lib. 2. in somn. Scipion. 13. Leuini. Lemn. lib. 2. de occult. cap. 31. Cælius Rhodig. lib. 2. lect. antiq. c. 9. Iulius Cæsar Scalig. in l. Hip. de insomniis. Alex. ab. Alexand. lib. 3. diagenial. cap. 26. Santorellus lib. 7. antepaxis, cap. 8. Pererius lib. 1. in Daniel. cap. 4. quest. 2. & 4. Martin Del Rio lib. 14. disquisit. magicar. cap. 3. Picus Mirandula lib. de prenotionib. 6. cap. 7. & alij quos referunt Lælius Biciola tom. 1. horar. subsecuar. lib. 9. cap. 20. & Hieronym. Nonnius Ramires Olysiop. elegantissimus, in com. cap. 5. Gal. lib. de sang. misf.

## QUESTIO XXXII.

Quodd arteriotomia vsque ad animi deliquiū possit celebrari, vt Aëtius voluit. Contra communem Medicorum sententiam

### COMMENTARIUM.

Efluxit autem non tota libra.] Silentio non est inuoluenda egestia, immò albo lapillo signanda dubitatio, quam ego inter omnes nostra ætate longè doctissimos nouissimus propono: num arteriotomia vsque ad animi deliquium celebrari possit. Partis affirmatiuæ habemus strenuum ducem Aëtium, retrab. 2. serm. 3. cap. 9. de arteriarum sectione. 5. Conuenit autem secare non oblique, sed transuersim vsque ad os, & membranam caluariam ambientem exactissime radere, & sanguinis missionem vsque ad animi deliquium expectare, in quibus videlicet & vires robustæ sunt, & dolor vehemens, sic enim sopies accidens symptoma, &c. Hæc sunt Aëtij verba, quæ licet ex Seueri doctrina sint deprompta, vera tamen sunt, cum ea approbauerit Aëtius, & in suos canones transposuerit. Fauet Gal. in contextu, nam ex sectione arteriæ inter indicem & pollicem, sanguis ita euixit abundè, vt quasi æquaret libram, quæ quantitate vacuata vel ex venæ sectione sæpe animi deliquium fit, sic enim se insomnio monitum, harum sectionem tentasse refert: huius autem auxilij inuentio, fuit admonitio per somnia. Nec dubites: nam, vt refert Augenius lib. 9. de rar. curand. per sang. misf. cap. 12. in omnibus temporibus, omnibusque gentibus aliquando Deus plura voluit reuelare, quæ ad salutem humani corporis faciunt. Deinde sicut in plurimis venosi generis morbis, sanguis emittitur vsque ad animi deliquium cum utilitate summa, vt Gal. passim confirmat; sic in copia sanguinis arterialis calidissimi, tenuis, & vaporosi, dolorem sæuissimum facientis, sanguinis missio ex arteriis vsque ad animi defectum, est exercenda.

Contra sunt plura quæ obici possunt. Licet enim ex phlebotomia vsque ad animi deliquium, ea sequantur commoda quæ pluries recensuit Galen. ex arteriotomia hæc sequi non est dicendum; extracto enim in magna copia sanguine arteriali, qui valde spirituosus est, & in quo calor noster perseuerantiam obtinet, vires si n. m. imbecillitari, & fatiscere non est dubitandum. Adde quod prius,

prius anima & vita deficient, hoc modo arteriotomia facta, quam contingat, quæ ex hac vacuatione speratur utilitas. Quapropter multò satius est, facta phlebotomia usque ad animi deliquium, feruentem, ebullientemque sanguinem in arteriis impactum ad venas reuocare, quam corpus celebrata arteriotomia purissimo sanguine orbatum relinquere; & maximè cum nullus inueniatur auctor, qui eam faciendam imperauerit: nam Oribasius lib. 7. collect. cap. 14. iubet, ne multa sectio fiat arteriarum, hoc est, ne multum sanguinis, sed quod satis sit extrahatur; quoniam auctore Gal. lib. 6. aph. com. 27. subita, & multa vacuatio periculum aliquando offert inueniabile, cum enestigio deficiat anima, viresque concidant, nec postea debilitas ita facile remedium habeat, ut frequenter accidit in suppurationis, aut hydropicis, in quibus si sectio aut vitiatio celebrantur, & aqua aut pus copiosè vacuantur, exhaustis spiritibus, mors certa contingit.

Admittenda tamen est Aëtij, tanti auctoris sententia, quæ usque ad animi deliquium sanguinem mittendum persuadet, præcipuè si vires adsint, & dolor sit vehemens; is enim mitigatur, extracto feruentissimo sanguine, qui doloris & plurium morborum solet esse causa: nam doloris immanitas multa cogit aliquando moliri temerè. Neque Gal. in vehementissimis doloribus sanguinem mittendum consulens, facit distinctionem, an venam ferire, vel arteriam secare conueniat. Et licet reperiantur in Aëtij oraculis pleraque ita occlusa prorsum, & in eorundem abdita maiestate recondita, ut nulla iugeniorum solertia explicari possint: tamen ego veritati consonam sententiam hanc amplector, & probo.

Et si enim obiici nobis multa sinuosius, solertiùsque posse videam, dum pro arteriis legendas esse venas facile quispiam coniectare possit: tamen hac solutione hoc tantum dubium non extricari, ex eo sit manifestum, quoniam quum prisci his venarum & arteriarum vocabulis promiscuè vsi sunt, aliud negotium agentes de eis sunt locuti; Aëtius autem postquam de venæsectione latè peregit, ex proposito de arteriarum sectione discepat, ex quibus vacuandum esse ad animi usque deliquium assenerat. Antiquos autem arterias vocasse venas, patet ex Hip. lib. 2. epid. sect. 5. prop. fin. §. Cui vena in cubito pulsatur, insanus, & iracundus est, & c. & 6. epid. sect. 6. text. 2. referente Galeno in com. quòd verò vena non solum ab Hip. sed ab aliis veteribus arteria fuerit appellata, affirmat lib. 6. de placit. Hip. & Platon. c. 14. & lib. de fetus format. cap. 9. & lib. de curand. rat. per sang. mis. cap. 22. probat Augenius lib. 9 de sang. mis. cap. 1.

Instabis secundò, hanc sententiam non esse Aëtij, sed Seueri, cuius edictum tanti æstimandum non est. Responde cum Platone in Charmide, dum sic inquit: Quid refert ò Socrates, ex quo audierim? nil profectò, nec enim considerandum quis dixerit, sed verum verè dicatur. Nam hoc modo plures philuras, in lib. de composit. medicam. secundum losos, & genera, à Galeno ex Archigene, Asclep. Diocle, Mantia, Rufo, & aliis; immò plura capita in libris de pulsum doctrina, à famigeratissimis Medicis conscripta, & ab ipso Aëtio in suos libros conuersa dam-nabimus: quorum auctorum doctrinam tantopere extollit Galenus, & eam ut verissimam prædicat, & confirmat.

Placet tamen in huius arduæ cotrouersie solutione, Aëtij mentem explicare hoc modo: non enim ad arteriotomiam facientem animi deliquium, necesse est quòd multus sanguis vacuetur, cum enim arterialis sit, spirituosus, calidissimus, & tenuissimus, si exeat vel in parua quantitate, animi deliquium inducit, quod pro termino huius vacuationis præsupponit. Non ergo vita deficiet priusquam hæc vacuatio contingat.

Obiecta ita diluenda sunt. Neque enim negamus hanc nimiam euacuationem dissoluere naturam: ac sectis paruis arteriis, in quibus non ita elaboratus, ac spirituosus sanguis continetur, non ita debilitari vires certum est: & licet ita esset, auxilium condemnandum non est, nihil enim est quod tam magnificè proficit, quod aliqua ex parte non noceat, sic monente Magistro lib. 11. meth. cap. 11. in fin.

A Deinde, non licet facta phlebotomia sanguinem spirituosum, ac tenuem ad venas reuocare, nam præterquam quòd hic sanguis magis in arteriis colligitur, ex Galen. de fet. format. cap. 9. quæ cum membranis multis consent, solum à calido humore ut plurimum tentantur, ex Gal. lib. 6. aph. 33. ad venas sectas remeare non potest; quoniam, ut ait Gal. lib. de ven. sect. aduers. Erasistrataos, cap. 5. sanguis arteriarum tractu temporis calore redditur crassiusculus, atque ita venas inanis non ita facile recurrit. Arteriis autem sectis aneurysma timendum non est, nam parua sunt quæ secantur arteriæ. Oribasius autem iubet, ne multa sectio fiat arteriarum, hoc est, ne exeat sanguis in quantitate multa, ne confertim exhaustis spiritibus concidant vires. Galenus deinde hydropicos, & suppuratos, ut debiles, à magnis vacuationibus arcet, nos autem vires robustas supponimus. At hæc pro tanti auctoris tutela sint satis. Nam si antiquorum iudicia, præsertim si illi sint consummati, veluti Aëtius, & alij ab ipso citari, subterfugiamus, errabimus, monente Galeno, lib. 2. de nat. hum. com. 6. in init. maximè cum in quæstionibus arduis, liberum sit cuique quod velit opinari, ut docuit Gal. lib. 1. prorrheticor. sect. 2. com. 36.

## HISTORIA XLIV. GALENI,

### De pulsu intermittente

#### Pulsus intermittens, sed naturalis cognitio.

C **Q**uidam domus magister, qui quòd omnia rectè gubernaret, à domino honorabatur, aliis Medicis accedentibus septimo die\* sudando indicatus est. Sequenti die cum pulsum deficere inuenissent, malignam aliquam in corpore affectionem latitare, quaquam magnopere deciperentur, putabāt. Exeuntes igitur cum domino agroti inuenis, ac mihi casu obuiam facti, postquam & qua contigerant, & qua aderant symptomata narrarunt, quidnam significaret id, quod in pulsu præter rationem euenerat, scire affectabans. Tum ipse propinquam esse domum, in qua agrotus decumberet, audiens, deducētibz illis, accessi, atque inuenis pulsum attingi, dixi pulsum nihil aliud præter naturam aliquando continere, quam ut solum deficiat, & à prima ortus origine talem esse, idque sciū difficillimum esse, immò potius fieri posse, ut quisquā illud inter-noscat, nisi omnes omnium pulsum differentias exactè perceperit. Ut ergo inuenem, de quo sermonem institueramus, eiusmodi pulsum habere sensi, Medicos hortatus sum, securissimè prorsus à morbo liberatum hominem reficerent; ac postea cum exiret, & consueta negotia tractaret, eum tangerent, ipsos enim tunc eius pulsum talem reperireuros, qualem nunc inuenissent, eò quod is ita sit à natura procreatus, non ab aliqua morbosa causa oppressus: hòcque ab eis obseruato, rem sic se habere inuenerunt, & c. Galenus lib. de præcognit. ad Posthum cap. 14.

## PARAPHRASIS.

E **D**E inæqualitate in vno pulsu, eiusque differentiis satis multa diximus suprà, in com. hist. 12. Necesse deinde esse ad pulsum intermittentem naturalem cognoscendum, omnes pulsum differentias exactè cognoscere, hoc exemplo retulit Gal. quo docemur, pulsum rectam cognitionem, ac utilitatem esse maximam; nam iuuenem illum tanquam maligna aliqua interna affectione laborantem generosis auxiliis, quæ miserè perdidissent, cruciabant, ni Gal. illius cognita sanitate, eum à tanto periculo liberasset. Et quoniam vel ratione facultatis mouentis, vel viarum; vel ratione ipsius instrumenti inæqualis, vel cordis intèperiei, inæquales. huiusmodi differentias, pulsus acquirere tradit Galen. 3. de caus. puls. 1. & lib. 2. de prasag. ex puls. c. 4. ab arteriæ vitio, à prima ortus origine, fieri est dicendum: quod non euenit ex facultate læsa; cum enim hæc vel ob imbecillitatem, aut multitudinem grauantem contingat, cum absoluta sanitate esse

esse non potest. Neque ex vitio in via, intermittens A  
pulsus originem ducit; nam tunc esset in arteriis obstru-  
ctio, cuius occasione morbus aliquis periculosus ex ne-  
cessitate excitaretur neque ex cordis intemperie inæ-  
quali, cum qua vita persistere non potest. Relinquitur  
igitur, ut instrumenti ratione hoc vitium eueniat, cum  
quo etiam sanitatem stare posse, res est manifesta. Plures  
enim ob arteriarum in brachij carpo existentis stricturam in  
prima ortus origine susceptam, vel etiam ob cicatricem à  
vulnere pulsu illius brachij omnino carentes, sani vi-  
uunt & incolumes; pulsus necessitatem respiratio sup-  
plet, cuius, & transpirationis vi cor ventilari, ubique  
prædixit Gal. Quapropter cæteræ causæ à primo ortu pul-  
sum intermittentem facere non possunt, excepto solo vi-  
tio instrumenti, cum quo sanitas & vita persistere pos-  
sunt.

Enimvero si pulsu intermittente causas rimeris cum  
Galeno lib. 2. de prælag. ex pulsib. cap. 4. eas omnes lethales  
inuenies. In ipso enim oriatur facultas, & ab actione  
cessat, adeo ut cum pulsu intermittente neminem fuisse  
superstitem affirmet, quando videlicet intermissio diu-  
turna est, trium nempe pulsationum: nam sicuti mors  
repentina comitatur apoplexiam, sic pulsus intermittens  
mortem prænunciat, extincto calore nativo ob ventila-  
tionis defectum.

Intermittens pulsus, vel à valida instrumenti obstru-  
ctione, vel à debili facultate originem ducit. Ab illa  
causa si oriatur, magnitudinem non amittit, nec vehe-  
mentiam, nisi obstructionis causa in corde, vel circa  
ipsum sita sit, tunc enim syncope frequenter laborantem  
prehendit. Si à debilitate, pulsus intermissio contingat,  
languidi omnes apparebunt: inter quos hi sunt minus  
periculosi, qui vnius ictus spatium non transgrediuntur;  
illi vero periculosiores, qui plus temporis consumpse-  
runt, & quando tempus fuerit maius, tanto periculum  
gravius, quos quidem tertiarie pulsationis spatium viuo  
animali transire, non concedit Galenus.

In iuuenibus hic pulsus adeo est lethalis, ut rarum sit  
vnum vidisse eo pulsu superstitem: quæ intermissio si sit  
ordinata, inordinata est deterior; illa enim stabilem, fir-  
mam, atque eradicatu difficilem causam præsupponit;  
hæc vero mobilem, & vagam, quæ à natura quandoque  
superari potest, ut aduertit Saxonia lib. 3. de pulsib. c. 103.  
in senibus, & pueris frequenter contingit citra noxam.  
Ratio dicitur: nam pueri, & senes imbelles habent facul-  
tates; quare mirum non est, si facili de causa in pulsus  
intermissionem prolabantur.

Distingues pulsus intermittente à natura, vel à mor-  
bo progenitum, ex aliis signis, quæ vel morbi vehemen-  
tiam, vel naturam præostendunt. Nam bono habitu si  
quispiam sit, valeat, & functiones suas obeat, habetque  
pulsus intermittente, eum ex natura euenire iudica-  
bis: malum autem portendit, si à morbo oriatur, sed non  
certo mortem. Ex his manifestissime apparet, hanc præ-  
dicendi cautionem à Medicis esse obseruandam, ne ani-  
mo penitus percussio, & veluti commoto, de valetudinis  
recupératione illico diffidant, si quando huiusmodi pul-  
sus sensui occurrat, cum causæ quidem morbificæ ma-  
gnitudinem, & ancipitem oppugnantis naturæ luctam  
denotet, non tamen mortem appropinquantem, nisi plu-  
rium lethaliū signorum accedat concursus. Hic pulsus  
in febre pestilenti, morbis melancholicis, cordis palpi-  
tatione, & cardiaca sapissime vñtur citra mortis pericu-  
lum, & aliquando secundum naturam, in senibus præser-  
tim, ita referente Amato 3. cent. 4. & lib. 6. eiusd. 72. quod  
post eum obseruauit Othæus lib. de obseruat. prop. Argen-  
ter. in com. art. medic. Gal. c. ult. Et si Gal. pulsus intermit-  
tentem necessario mortem significare scribit (quod obii-  
cit Argenterius, id ferè intelligendum est; nam maiori  
ex parte hic pulsus lethalis est. Cæteræ de pulsus inter-  
mittente causis, & prælagio. Vide apud Iosephum Stru-  
thium lib. 1. art. Sphygmica, c. 4. Gregor. Horstium lib. 7. de  
medic. histor. mirabil. apud Marcel. Donat. cap. 8. Saxoniam  
lib. 3. de pulsib. cap. 99. Syluatic. cont. 23.

## D V B I V M XXXI.

Num sudoris absterfio prouocet sudorem. Contra  
Lemosium, & Cardozum, Medicos.  
doctissimos.

## COMMENTARIUM.

VDando indicatus est. Iuniorum clarissimi, de quorum  
numero sunt Mercurialis, Fonseca lib. 3. de excrement.  
cap. 1. Ludouicus Lemosius lib. 2. de optim. prædicend. rat.  
cap. 17. Hip. interpretes ad text. 26. Hip. 2. prognostic.  
Vallesius, Vega, Cardanus, & alij, ita de sudoris nomine,  
generatione, causis, differentiis, & prælagio luculenter  
scripserunt, ut nihil de hoc negotio intractum relinqui-  
runt. Superest tamen discutienda quædam illustis anti-  
nomia, de sudore in febribus detergendo, quam inter  
alia, ingenio singulari, doctrina nequaquam extrita, vel  
plebeia, deprompsit in literas Galenus. Is enim sum-  
mus auctor lib. 8. meth. cap. 2. diariam ex meatuum consti-  
patione curaturus, ad sudoris prouocationem, absterfio-  
nem commendat. §. Iussis igitur propinquis, si qua guttula  
illi manarent, diligenter abstergerent, ne frigore afficeretur,  
&c. Et lib. 5. meth. 4. in hunc usum madores abstergit. §.  
Cum vero & ministri adeo illi altum somnum fuisse dicerent,  
ut nec cum madores eius abstergerent, expergisceretur, suasi  
ita faceret, &c.

Huius auctoris mentem confirmat Auic. 1. 4. tract. 2.  
cap. 13. dum sic ait. Et non oportet, ut occupetur in exiccando  
illud quod vorando egreditur, faciendo exsiccationem post ex-  
siccationem: nam illud est occasio ad aliud prouocandum, &  
multiplicandum, & fortasse attrahit syncopen. Nam eius ab-  
sterfio addit in ipsum, & eius dimissio restringit ipsum, &c.  
& 2. 4. tract. 1. cap. 66. de cura multitudinis sudoris, eandem  
profert sententiam. §. Et sudor quidem quando tergitur,  
exuberat, & quando dimittitur, abscinditur, &c. Causam  
huius euentus assignat Arist. lib. 2. probl. 13. quoniam  
sudor remanens, non absterfus in frigidat, & similiter op-  
pilat poros, & prohibet sudorem. In hunc sensum protu-  
lit Mesuë tract. de febrib. tit. de febre putrida, cum sic ait. Et  
balneentur in frigida, sit tolerat virtus: oportet ut alia mi-  
noretur quamdiu expediat, donec auferatur absque absterfio-  
ne; absterfio enim rarefacit, & prouocat.

Hoc autem placitum esse verum, ex eo fit manifestum,  
quoniam si sudor abstergatur, mole sua cutis spiracula  
non obstruendo, noui sudoris prouocat aduentum. Dein-  
de absterfio fit cum frictione euocando calorem, aperien-  
dos poros, & humores à centro ad circumferentiam tra-  
hendo, quare frictio ad prouocandum sudore summopere  
laudatur ab Auic. 17. 4. tract. 2. c. 5. Deinde fac ipsū sudare,  
& aperi meatum cum illis, in quibus calor non sit fortis, sicut  
cum vñtione ex oleo chamelino & fricatione, &c. Qua in  
re illud scrutinio dignissimum accedit, quo plurimi in-  
terturbantur, quo pacto Paulus medicæ artis scientissi-  
mus, celebratissimisque ita aperta fronte Galeni doctri-  
nam respuat, & condemnet dum lib. 2. cap. 47. sudores in  
crisi eripientes excipiendos esse affirmat, quamdiu satis vacua-  
tum fuerit, adiunare enim oportet calore mediocri, & quiete,  
adeo ut neque abstergantur, quoniam alius quoque alium eli-  
cit, &c. Et infra. §. Cum vero sudores largius eruperint, tunc  
abstergendo, lenandoque opera, leuare conuenit: etenim  
lassant supra modum excident, ut in syncopen frequenter  
egros perduxerint, &c. Si igitur detergendus est, ut non  
prouocetur, ut prouocetur detergendus non est: nam su-  
dor calore suo cutis spiracula retinet aperta, & ad habi-  
tum corporis humorem extrahit.

Videre istam contradictionem inter omnes, eximij  
medicinæ professores, Ludouic. Lemosius in com. cap. 2.  
lib. 8. de meth. medend. Ferdinand. Rodericus Cardozus, lib.  
de sex. reb. non naturalib. c. 11. quæst. 17. qui Paulum, con-  
trariam Auicennæ promulgasse sententiam, vel hunc ex  
toto deerrasse asserere non dubitarunt: nam in sudore  
quamdiu calet, absterfionem verant, nisi cum timemus  
refrigerari; quæ opinio à Gal. refutatur, qui absterfione  
allici

allici sudorem arbitratur, sic enim ampliùs referantur po- A ri, & sudori sudor locum præbet.

Grauius deinde decepti sunt, quoniam citra rationem, Galeni dicta impugnant. Et ne ad libitum eos expugnemus, liceat sic exactiori calculo dubium dissoluere. Absterfio ad sudoris prouocationem est necessaria. Si verò Paulum cum Galeno conciliare velis, dic, Paulum multam & duram frictionem inhibere, quæ ex ipsius sententia, corporis molem deprimit, resoluit, & corpus præ sudoris copia debile ampliùs imbecillit; quare multam frictionem summopere vetat, ne in syncopen æger incurrere possit. Insuper dura frictio reddit corpora duriora, densiora, & sudori proliciendo valde inepta, ex Galen. lib. 3. de sanit. cap. 4. Galenus autem, & Auicenn. lenem & mollem, blandèque humiditates ad cutem attrahentem admittunt; hæc enim efficit corpus raram, & prouocando sudori aptissimum, ex Galen. lib. 6. de sanit. tuend. cap. 7.

## HISTORIA XLV. RHASII,

### De syncope

Syncope, ex nimia vacuatione suborta, alimentis vires recreantibus curata.

**R**ex Albomet, Haly filius, extraxit sanguinem in quantitate nimia, & erat tempore autumnii, & bibit vinum, & post somnum sanguis exiit ad quantitatem trium librarum, ad quem de nocte fui vocatus, & cum syncopisantem inueni: & præcepi mihi afferre quinque\* pullos columbarum, quos præcepi optime præparari, & membra per se separare feci, & in quatuor libris vini odoriferi eos coxi, quousque carnes ab ossibus segregata fuerunt, & multum in decoctione posui de caryophyllis, & cinnamomo, quam decoctionem colauimus postmodum, & Regi ad bibendum ministravi, & ante solis ortum loqui cœpit, quam decoctionem triginta diebus sumpsit, & virtus eius ad eum reuersa est, & sanguis in eo fuit optime restauratus, &c. Rasis in lib. 3. suorum aphorismorum.

## PARAPHRASIS.

**S**yncope à Gal. definitur 12. meth. c. 3. quod sit præceps virium lapsus. Dicitur autem omnium virium lapsus, licet propriè cordis, & facultatis vitalis passio existat, quoniam cum cor afficitur, & perit actio vitalis, cæteræ eius influxu & actione destitutæ labuntur, ac fatiscunt, ex Galen. lib. 5. de loc. affect. c. 1. facultas siquidem vitalis habet se vt forma, & perfectio reliquarum. Est igitur pars affecta in syncope cor ipsum: illius essentia consistit in eo, quod sit symptoma in genere omnium actionum læsarum, præcipuè tamen vitalium: hoc immediatè ad magnam cordis intemperiem sequi solet.

Syncopes causæ latissime traduntur à Galen. 12. meth. cap. 5. & 6. 1. ad Glauc. cap. 14. Auic. 1. 3. tract. 2. cap. 6. in vniuersum autem constituuntur quæ cordis temperamentum corrumpunt, sanguinem, & spiritum, partiumque substantiam resoluunt, earumque temperiem vitiant; facultatum namque essentia in singularum partium temperamento reposita est, ex Gal. lib. 1. de præfag. ex pulsib. cap. 4.

Præterea syncopes frequens solet esse causa, omnis immodica sanguinis vacuatio, siue ex vulnere, venæsectione, naribus, vtero, ventre, hæmorrhoidibus, aut ex quacunque alia parte, aut alia ratione contingat. Et non solum sanguinis excretio nimia syncopen facit, sed quando alij, reprobis licet humores, subito & vehementer vacuantur præsertim quando excretiones magnæ sunt, & diu durant; nam qualibet immodica vacuatio deiecit altum virtutis, ex Auic. 1. 1. doctrin. 4. cap. 2. exemplo sit, aquæ, aut puris in hydropico, & empyematico vacuatio copiosa, apud Galen. 6. aph. 27. & 1. ad Glauc. 14. in his enim

omnibus vacuationibus plurimi spiritus confertim, repenteque vacuantur neque enim fieri potest, vt prauis succi adeò segregentur ab vtilibus, quin maxima humorum, & spirituum copia euanescat, & resoluitur. De cuius causis, lege inter tantos, doctissimum Barthol. Eustachium, prop. cap. de syncope.

Syncopes futuræ signa sunt pulsus parvus, rarus, debilis, & aliquando omnino deficiens, ex Galen. lib. 10. meth. cap. 3. respiratio pulsui est similis, viuus color mutatur in pallidum, antecedunt animi angor, inquietudo, corporis iactatio, extremorum frigiditas. Præsentem ostendunt frigidi sudores, tenaces, & viscosi, per vniuersum corpus, præcipuè tamen circa frontem, tempora, ceruicem erumpentes, quos syncopicos Medici vocare confecerunt, de quorum causa infra latius agemus. Mortifera illa facies celeriter apparet, picta ab Hip. lib. 1. prognost. text. 8. mens. omnisque sensus deficit, & ægri mortis imaginem referunt.

Si syncope valida fuerit nullus est remedio locus, sic monente Paulo lib. 3. cap. 34. Ea periculosior est, quæ corde affecto contingere solet; minus quæ à cerebro; multo minus, quæ ab hepate læso originem ducit. Pestifera, quæ ab extenuato spiritu, ac sanguine resoluta ortum ducit: exitiosa est sic, quæ ab immodicis euacuationibus proficiscitur.

In præcipiti hoc affectu auxiliares manus adhibere oportet; præ oculis tamen memoranda sententia Galen. est habenda 12. meth. 6. & Auic. 1. 1. tract. 2. cap. 8. in princip. qua aduertunt, num æger actu syncope laboret, tantum sit paratus incidere in syncopen: in primo casu, solius symptomatis est habenda ratio, quod causæ morbi causæ rationem gerit; quum enim vires sunt dissolutæ, eas solum tueri debemus, vt Galen. docet 12. meth. cap. 1. cum præcipua indicatio à virtute sumatur, ex magistro 10. meth. cap. 1. & 9. meth. cap. 13. Auic. 4. 1. cap. 1. §. Et semper sis sollicitus de eo quod est magis suspectum, vt est virtus si est valde debilis, &c. Nam si quem curare studeas affectum, is vacuationem requirit, vires autem extrema imbecillitate laborant, toto illo tempore quo vires reficimus, eorum quæ affectum sanent, nihil planè ægroianti exhibebimus: ubi verò eo robore peruenisse eas coniciamus, vt nihil aut parum ex vacuatione sint ladenda, tunc est ad affectum quoque curationem accedendum, vt Galenus firmat lib. 9. meth. c. 13. Si tamen vires dissoluuntur, & virtus constat, à morbo & morbi causa agendorum ratio est sumenda. Si verò mediocriter vires constant, à morbo & à virtute sumenda indicatio.

Præsentem iam syncopen, & resolutis viribus, tria sunt Medico peragenda. Primum sanguinis & spiritus resolutionem prohibere. Secundum, vires regeneratione sanguinis & spiritus reficere. Tertium, facultatem vitalem, & animalem excitare, sanguinem & spiritum, ad partes externas attrahendo. Horum primum perficitur aspersione frigida, rosacea, aut vini adstringentis super faciem; his enim condensatur cutis, & sic effluuium caloris naturalis, & spiritus prohibentur, vt docet Galen. 1. ad Glauc. cap. 14. & Auic. confirmat 1. 3. tract. 2. cap. 8. in princip. tres solum casus excipiens, in quibus aspersione frigida vti non licet; videlicet quando ex succorum cruditate, vel alui profluuium, aut vomitum, vel ex frigiditate ambientis ortum ducit. Si verò lib. 1. ad Glauc. cit. Galen. gelida præcipit irrorare in syncope ex alui profluuium suborta: Dic, dupliciter gelidam inspergi posse, vel sensim, assidue, & paulatim; vel subito, & affatim: primo modo reprobendam esse certum est, quoniam cutim densat, ad interiora humorem detrudat, & sic refrigerat. Subito verò inspersam, & ad facultatem vitalem, & animalem excitandam, vtilem esse: licet enim refrigeret, & humores ad interna reuocet, maior est utilitas noxa; nam præterquam quod excitat, ad faciem & partes externas, sanguinem & spiritum attrahit. Tertium, completur etiam gelida aspersione, extremorum frictionibus, ligaturis, auulsione pilorum, cucurbitulis, & aliis quæ irritandi, & facultates consopitas excitandi vires habeant.

Secundum



Secundum de reficiendis viribus institutum auctor A noster exequendum putauit; nam vires erant ex immo- dica sanguinis vacuatione collapsæ. Cum enim prius ex phlebotomia sanguinem extraxisset in quantitate nimia, & ex hac subita sanguinis ebullitione, merique potu calefaciente, & sanguinem extenuante, caloremque per somnum ad interna retracto, & adaucto, sanguis his de causis ad partem sectam repente flueret, vel forte ex inepta scissura ligatura, vt sæpe contingit, vel ex inordinato brachij motu, subitum & copiosum ex scissa vena concitaretur sanguinis profluvium; & ex hac causa, præcedente etiam venesectione copiosa, nimis debilitatus & exhaustus, in syncopen incideret, ob valdè lapsum virium robur, ad sanguinis & spiritus regenerationem, vires solum restaurandas existimauit.

At cum multa sint, quæ huic vsui sint valde opportuna, nullum vino odorifero est præsidium excellentius ac præstantius: tunc enim temporis potius potu, quàm cibo pugnandum est, ægri enim deglutire nequeunt: nam facilius impleri potu quam cibo, ex Hipp. 2. aph. 11. & humidum, apertissimum nutrimentum est iis, qui celeri indigent adiectione, ex ipso, in lib. de aliment. num. 6. per humidum autem nutrimentum, Gal. cit. aph. vinum intelligit, quod celerrimè & vniuersum nutrire fatetur, in 2. lib. aph. com. 18. & lib. 3. de temperam. cap. 2. & alibi sæpe: quum citissimè & coquatur, & distribuatur, minima enim alteratione eget. In hunc sensum dicebat Auic. 3. 1. doct. 2. cap. 8. vinum esse maximum penetratorem. Et Auer. 7. collig. cap. 16. tanti laudat in syncopæ vini potum, vt Sarracenis, licet lege prohibitum, concedere non vereatur, maximè si sit odorum; quoniam odores spiritus nutriunt & refocillant, vt in com. histor. 9. lib. 1. fusè retulimus. Licet in hoc tamen affectu à vino abstinendum censeat Gal. lib. 1. ad Glauc. cit. & lib. 8. de compos. medic. secund. loc. cap. 7. Si interna adsit inflammatio, aut passio aliqua qua delirare cogat, affuerit: aut caput vehementius doluerit: aut febris adsit ardens in morbo crudo; magna enim, & quasi insanabilia damna ex potu vini in huiusmodi affectibus eueniunt.

An verò vinum gelida sit diluendum, potest videri quæstione non indignum. Galenus enim lib. 1. ad Glauc. cit. in hoc affectu frigida diluit, curans eas, quæ sunt ex magnis vacuationibus, dissolutiones. E diametro pugnat Galen. lib. 2. acut. 28. & 34. dilutum frigida vinum tonum ventriculi dissolvere affirmans; quare lib. 10. meth. cap. 3. in biliosissimo iuvene modicè calida temperare iubet. In hac dubitatione ancipiti, Galeni doctrinam sequere, nam gelida temperatum vinum spiritus incrassat, ne resoluantur, cogit humores, & eorum prohibet resolutionem, ventriculum roborat, & diu in ventriculo moratum, arctat repellitque succos, ne in eum irruere possint. Si verò infirmare ventriculum 2. acut. affuerat, non absolutè intelligendum est, nam in text. 28. loquitur de vacuis vas, in quibus ipsum incoctum remanet, cum ad singulas partes rapiatur illicò. Et in text. 34. de iis loquitur, qui à meraco præter consuetudinem ad dilutum transferunt: in iuvene verò bilioso modicè calida diluit, vt aqua caliditate citius penetrans, exhaustum biliosum corpus, & inedia maceratum, quale ibi describit, nutritie queat.

Vini loco, in extrema virium debilitate, possumus vt aqua carnis, vel simplici, vel cum cardiacis permixta, quæ multiplici forma parari solet, vt latè ostendunt Holler. & Mercatus propriis capitibus de syncope: & probat luculenter Syluaticus controuers. 7. qua auctor hic vsus est, ponens prius in decoctione vini, caryophylla, & cinnamomum; his enim conditum, & decoctum vinum, fragrantius est, & odore suauissimo cor recreat, spiritus refocillat, corroborat stomachum, iuuat coctionem, & flaccidis viribus mirum in modum auxiliatur, si vera sunt quæ de caryophyllorum, & cinnamomi vi eximia veteres, & aromatum diligentissimi scriptores, vt Paul. Plinius, Matthiolus, Garzias ab Horro, Clusius, Christoph. à Costa, Monardus, Ruellius, & alij plures

memoriæ commendarunt. Simili modo pro curanda syncope parari possunt epithemata, sacculi, vnguenta, olæ, aquæ, & alia cardiaca pro roborando corde auxilia, quæ passim leges apud auctores, qui curationi syncopes proprium caput configurarunt.

## D V B I V M XXXII.

Num pulli columbini bonis cibis sint adnumerandi.

## C O M M E N T A R I V M.

B P ullos columbarum. ] Legebam nuper Galeni lib. 2. de compos. medicament. secunda. loc. cap. 1. tit. qua Apollonius ad capitis dolorem ex ebrietate, vel plaga scripseris, qui pullos columbinos tanquam boni chymi, & concoctu facilis, ad capitis dolorem commendauit, & eò magis cum multi velint, has aues, cæteras succi probitate antecellere; quare earum carnem, esse ægris, & conualescentibus summopere necessariam arbitrantur, quoniam exhaustos spiritus citissima sanguinis regeneratione instaurant, sanguinem purificant, & vires genitales adaugent: cum eorum caro facillimè concoquatur, ex Paul. lib. 1. cap. 82. Quapropter Rasis 23. continent. cap. 730. sic inquit: Pulli columbarum in cibo illius, cuius corpus vacuatum fuerit de sanguine aut infrigidatum ex longo morbo sunt boni, &c. & infra. §. Caro eorum est bona renibus, auget sperma, & sanguinem, &c. firmat Arnoldus in regimine, cap. 29. & Gal. lib. 1. de rat. viſt. in morb. acut. com. 27. eas languentibus propinandas esse imperauit; nam earum caro ad coquendum est faciliior, ex ipso lib. 3. de aliment. facult. cap. 18. & attenuat, idcirco eam in exercitatis commendat, lib. de attenuam. viſt. rat. cap. 7.

Contrariam sententiam tenent, qui omne columba- ceum genus, crassum, melancholicum, excrementitiumque præbere alimentum sibi persuadent; insuper febres afferre putridas, & capitis dolorem, confirmant, & maximè si æstiuo tempore edantur, & sint domesticæ; nam agrestes illis sunt præstantiores, ex Oribasio lib. 4. ad Enſtarbium, cap. 1. Hanc opinionem habuerunt Arabi- cæ familiæ proceres scientissimi, vt patet ex Auic. lib. 2. tract. 2. cap. 145. iuxta fin. qui columbarum carnem excitare præfocationem vteri, & febres generare affuerat. Firmat Auer. lib. 5. collig. cap. 32. qui eam habere superfluum humiditatem prædicat. Quapropter caro hæc, apud Ishac, cap. 16. diatar. vniuersal. grossi, durique nutrimenti existit. Et in diaris particularibus, tit. de carne columbarum, cum Rasio 20. continent. cap. 127. & lib. 3. ad Almanſ. 10. ac Mesuæ auctoritate, carnem hanc stomacho grauem, & tardæ digestionis esse, sibi persuasit, cum Auenzoare lib. 2. tract. 7. cap. 18. & 23. sequuntur Christoph. à Vega lib. 2. art. medic. sect. 3. cap. 10. Ludouic. Mercat. lib. 2. de sanis hom. 1. quæst. 164. num. 37. Quare pulli columbini sanguinem corruptum generant.

E Pugnancia loca conciliabis cum Costæo, in com. c. 24. Auic. fen. 1. tract. 2. dicente, pullos columbarum recent natos, præ superflua humiditate crassum & humidum, febribusque paratissimum præbere alimentum: nam pulli columbarum tam agrestium, quàm domesticarum caro excrementis redundat: praua enim est, & crassior Gal. testimonio 3. de aliment. facult. cap. 19. Hoc expressè loc. cit. confirmat Ishac. §. Pulli columbini calidi sunt, & complexionem humidisquamobrem grossum dāt alimentum, quod testatur grauitas ad volandum: sed volare inchoantes amittunt illam grauitatem, si quo illorum caro lenior, & ad digerendum acceptibilior, &c. & Auic. loc. cit. idem refert dicens: in pullis columbarum, qui volare incipiunt, est caliditas & humiditas superflua, & idè volantes sunt lenioris digestionis, & melioris humoris, &c. Hi ergo, in florentie videlicet ætate constituti, bonis cibis sunt annumerandi. Adde, Radium hoc loco non carnem, sed pullorum

pullorum ius, & decoctum, prius tamen colatum exhibuisse; hoc enim exhaustum corpus nutrit, nec obstruit aut incrassat. Cætera quæ de huius carnis viribus dici possunt, lege per otium apud Gesnerum, *lib. 3. de histor. animal. tit. de columba*, & Ludouic. Nonnium *lib. 2. de re cibaria, cap. 20.* qui præclara eruditione, ex veterum scriptis, alimentorum facultates graphicè delineat.

## HISTORIA XLVI. GALENI, De Syncope.

### Syncope ex longa mora in balneo contracta.

**N**am mulier quadam longum in balneo tempus commorata, frequenter exolvebatur, ob temporis diuturnitatem, & quoniam magna ex parte ligna succendebantur vitiosa: verum non erat hoc mortis signum, cum causam haberet manifestam, &c. Galenus *lib. 2. aph. com. 41.*

### PARAPHRASIS.

**H**Ac historia confirmat Galen. non omnes qui exoluuntur de repente mori, quoniam vitium hoc à causa manifesta originem ducit, nempe balneo, quod cum fuisset diuturno tempore celebratum, nil mirum si sanguinem, & spiritum dissoluendo syncopen accersat. Balneum enim summè imbecillibus, & resolutis exhibendum non est, ex Hipp. *lib. 3. acut. § 9.* hos enim, auctore Gal. *in com.* ampliùs euertit: quare viribus fortibus præditi solum lauandi, ex ipso *lib. 1. ad Glauc. 14.* Sic in partium imbecillitate balneum negat *lib. 11. meth. cap. 20.* Nam balneum per patentes poros, minimèque adstrictos, ob suum calorem, innatum resoluit ignem, spiritus absorbit, & sic enervat vires, & debilitat, ex Galen. *lib. 3. de sanis. tuend. cap. 5.* Deinde. Ex balneis aliud est largum, aut breue, aut moderatum: hæc enim consideratio qualitati balneorum adiuncta, longè diuersam à dictis parit actionem. Calidum ergo & largum, siccas quidem partes humectat, humidam resiccant, resoluit, & debilitat. Hoc profectò profert Gal. *in lib. 3. Hipp. de officin. medic. com. 16. & 17. §.* Et sicca quidem humectata debilitatem, & animi deliquium exhibent, quia humiditas viscerum exhausta, ad externas partes per balneum attracta interiora humiditate destituit, ac proinde spiritibus simul cum ea vacuatis, fit ut animi deliquium accedat, &c. Quocirca aquæ calidæ ob diuturniorem, & breuiorem ylum contrarij esse effectus videntur; nam longior mora in balneo multum digerit, præsertim si corpus sit rarum, molle, quale est feminarum, maximè debilius, de quarum classe fuisse hanc ægram est verisimile. Quare balneum largum resoluit, exiccat, & tandem humidum dissipando diutius, ob calidi exhalationem refrigerat: nam balnei vsu pars primum attollitur, deinde extenuatur, quoniam digerens aquæ facultas humidum euacuat, ex Gal. *lib. 6. epid. sect. 6. com. 5.* Et si calida accedat ægotantis temperatura, diuturna in balneo mora impensè absorbitur: sic enim calidiora, & squalida corpora plurimum resoluuntur.

Cum ergo femina esset debilis, & ex longa mora in balneo summè debilitata, non est mirandum sic hac de causa incideret in syncopen, quoniam ex longo balneo, ob aeris caliditatem, non paratur bonum refrigerium cordi; quare ipsum sponte sua gliscit, & exardescit, & accedente spiritus ex toto corpore vacatione, cor exolvitur, monente sic Gal. *lib. de utilitate respirat. cap. 4.* Insuper sicut in graueolentibus specubus, & recens calce oblitis domibus, & ab extinctarum prunarum fœtore suffocamur, ex Gal. *loc. nuper citato, & lib. 7. de vsu part. c. 8.* & syncopen patimur, quum ex his, caliginosi crassique vapores exhalent, aërem tenebrosum reddentes; quo aëre puro non inspirato cor exolvitur: sic ex lignis nimis

humidis vapor eleuatur, ex quo aër caliginosus, & opacus redditus, spiritus nebulosos, opacos facit, qui innatum cordis ignem suffocant, & extinguunt.

Denique si per ligna vitiosa, ea qualitate venenosa infecta intellexeris, vera propones: sic enim explicat Galenium Conciliator, *tract. de venen. cap. 3. in med.* afferens exemplum illius qui in balneum ingressus, calefactum cum lignis excisis de cauernis serpentum, mortuus fuit ex vapore lignorum veneno infectorum. Hoc etiam modo obisse quendam narrat Conradus Gesnerus *lib. 1. de serpentibus part. 2.* ex Ponzeteri sententia. Ex his enim halitus eleuatur alterans, resoluens, & corrumpens spiritus labe dira. Hos curare celerrimè oportet, tum alimentis ocyssimè instaurantibus, tum cardiacis, & alexiteriis prædiis; eorum instar qui ob venenum syncope corripiuntur.

## HISTORIA L. GALENI, De Syncope.

### Syncope ex vteri affectu suborta.

**A**ltera verò, quàm\* vteri affectus infestabant, syncopen patiebatur, &c. Galenus *lib. 2. aph. com. 41.*

### PARAPHRASIS.

**A**ntonius Musa Brasauolus, qui Aphorismorum ambages luculenter, vnâque commentum Galeni interpretatus est, per vteri affectus intelligit vteri dolores ex menstruo sanguine concitatos. Alij vterinos legunt affectus; de quorum genere esse censentur, quæ longissima & disertissima oratione prosequitur Hipp. *lib. de virgin. morb. ferè per totum*, intolerabilia symptomata, ex insolita, ac præternaturali sanguinis, & seminis retentione, & vbertate suborta recensens. Hac de causa suppressio fœdi menstrui profluuium; & spermatis occlusi, & prohibiti diffilari, sicque in venenosam abeuntis substantiam suppressione, eleuatur aura, flatûsue deleterius ex vteri ergastulo ascendens, quæ numerosam morborum struem concitare solet. Cum enim virgines iam maturæ viro, & nubiles sunt, natura duce sanguis menstruus ad matricis locellos, & venas ab hepate refluit, qui cum ob illarum angusta oscula, quæ nondum patuerunt, aut in fœminis quæ viro orbantur, & ob sanguinis crassitiæ erumpere non possit, per venæ cauæ, maiorisque arteriæ propagines, ad cor, hepar, diaphragma, & præcordiorum venas regurgitat, caput & ventriculum concutit; vnde torpedio, fatuitas, mille deliramentorum sortes, difficilis respiratio, cordis pulsus, ventriculi subuersio, nausea, prostratus appetitus, vomitus, ingens fames, cardialgia, cephalalgia, timor, mœstitia, formido, desperatio, putredo viscerum, internæ inflammationes, horribiles imaginationes, vteri retractiones, cordis compressio, animi deliquium, epilepsia, delirium, & lacinato corde, syncope oriri frequentissimè consueuerunt.

**E** Mirabilis enim est vteri cum omnibus nostri corporis partibus sympathia; nam *vteri omnium muliebrium morborum causa sunt*, vt diuino quodam oraculo prædixit Hipp. *lib. de loc. in hom. num. 59.* Hunc mirum consensum explicant Gal. *lib. 6. de loc. affect. cap. 5.* Andreas Laurentius *lib. 7. de re anatomic. quest. 11.* Cur autem innumerabilium symptomatum acerruus ex vtero originè ducat, si vnica est materialis causa, vnica formalis, seu efficiens, putredo nempe, vnica particula affecta nempe vterus, eloquenter agit, & soluit Mercat. *lib. 2. de virg. & viduar. affectionibus, cap. 2.* & inter omnes Thadæus Dūnus *lib. miscellaneor. de re medic. cap. 9.* appositis exemplis confirmat.

Cum enim sanguis menstruus retentus, & semē abundans retinentur, cum sint excrementa, copia lædunt, & à natiuo calore non gubernata ab extraneo facile corripiuntur, & maximè in vtero, qui est totius corporis cloaca, excrementorum sentina, ac receptaculum.

Accedit

Accedit in nati caloris in foemina sexu imbecillitas, putredinis causis non repugnans: ab hac enim parte eleuato spurcissimo, crassissimo, & humido vapore cor feriente, dira, terribiliæque suboriri symptomata, non est, denegandum, quæ rabiosi carnis præsentaneo veneno, spuito suo lethali viscera, officinæque præcipuas prementi similia esse, *lib. 6. de loc. cit.* Magister edocuit.

Ex hac ergo substantia, calidissimoque sanguine in vtero retento, ad cuius præsentiam genitale semen, præfertim in feminis temperatura calidis, ætate vigentibus, virginibus, otiosis, salacibus, ac castitatem seruantibus, copiosum excrescit, ac variæ symptomatum myriades repullulant, quæ ex professo citat Aëcius *terrab. 4. serm. 4. cap. 76.* Cum enim semine turgentes sint, vterino furore, cerebro in consensum ducto, concutuntur, qui ipsas reddit garrullas, iracundas inquietas, & ad Venerem maximè procliuēs, nihilque vel imaginantur, vel loquuntur, quàm de concubitu, & sic frequenter loca pudoris, quorum attractu mirum in modum gaudent, scalpunt. Hinc giluius ille, ac mustelinus virguncularum color, ubi vri, ac prurire incipiunt, & virorum amplexu exardescunt; hinc animi iactatio, febris alba, crebra suspiria, febres erroneæ, mœstitia, anxietudo, syncope, expultrice videlicet facultate ad excretionem turgentis humoris incitata. At hæc omnia cor præcipue fatigant, quo cum, vteri maximus est per insignes arterias tum spermaticas, tum hypogastrigas consensus. Hinc sæpe lipothymia, respirationis & pulsus priuatio, aufertur enim vtriusque vsus à venenata aura natiuum cordis calorem exoluerit.

Sed quæsitum ab eruditissimis, quidnam causæ sit, cur viri casti, pudici, & continentes, in quibus diu retinetur semen, his diris symptomatis non tententur? Respondet insignis Lusitanus, *in com. cap. 5. lib. 6. de loc. affect. verbo, mulieribus*, quandoque in viris conspici ob retentum semen, aliquid hysterici simile: patiuntur enim anxietudines, vomitus, mœstitiæ, deprauatas coctiones, totius corporis algorem, quæ omnia cessant sponte, si ad pristinam consuetudinem reuertantur. Hoc enim pluribus, Diogenis, & aliorum exemplis *loc. cit.* confirmat Galenus. At rariùs his vitiis tentantur, quàm foeminae: nam hæc vitia impropotionalia magis sunt calido, virilique semini; hoc enim plus coctum est, & elaboratum, putredinis causis valde resistens: de quo argumento plura *lib. 3. in com. histor. 9. prædicemus.*

His tantis, tamque sæuis symptomatis auxiliatur Hipp. Saphænarum sectione, si sanguis menstruus copia lædens, maleficientissima hæc concitet symptomata. Si tamen semen exupe et, cum viris cohabitationem, vt strenuum præsidium consuluit, *lib. de virgin. morb. num. ult.* nam vteri deliramenta viri consortio conuiescunt, vt nos proprio exemplo notauimus, *lib. 2. de praxi medica admiranda obs. 93.* & notabili historia firmavit Gal. *lib. 6. de loc. affect. cap. 5.* viduæ illius, quæ ob retentum semen vteri strangulatu vexabatur: hæc enim, cum inter curandum manibus partes muliebres tractarentur, oborta titillatione, cum labore, & voluptate, veluti per coitum euenire solet, excreuit crassum plurimùmque semen, atque ita à labore, & molestia liberata est mulier. Habere autem foeminas semen, & generare polificum, contra Peripateticos validissimis machinis patefaciemus, *lib. 3. in com. histor. 9.* interim lege Clementem Timplem *lib. 2. Empsychologia, cap. 6. probl. 6.*

Num autem frictionibus, & titillationibus liceat, cogente summa necessitate retentum semen extra vteri claustra elidere, Theologis tractandum relinquo, excussum ab eruditissimo Carretio *com. ad libros Galeni de loc. affect.* Thomas Sanches, *tom. 3. lib. 9. de matrimon. dissipat. 17. num. 19.* quem sequitur Simon Petrus *consil. 2.* respondet, ad redimendam vitam, foemina quasi animam agente, seu in maximo periculo constituta, licere semen corruptum extra vteri claustra directè elidere: si enim licet inanimem, in potentia proxima hominem, vt redimatur mater, ab vteri claustro expellere, cur non licebit semen illud veneficum, omnino generationi

Lib. II.

iam inuicile, sopitis cunctis foeminae sensibus, & atolita respiratione foras ab vtero directè abstrahere? Sed hæc opinio absurda est: nam extractio hæc seminis citra titillationem, ac venercam delectationem fieri nequit: & hoc modo leges mulctare iubent eas, quæ sola frictione se ineunt, vt probant inter omnes Antonius Gomez *in lib. 80. Tauti num. 34.* Iulius Clarus *lib. 5. receptar. sentent. 5. Fornicatio num. 21.* maximè cum plura sint pharmaca semen absumentia, quorum amplam syluam Dioscorides, Auicenna *20. 3. tract. 1. cap. 28. & 29.* & alij proponunt. Hac ratione masturbatores, qui manu pudendis admota, cum frictione semen proiciunt, rigide in diuinis oraculis damnantur, *in cap. 38. Genesis. 5. Nam introiens ad uxorem fratris sui semen effundebat in terram, & idcirco percussit eum Dominus, eo quod rem detestabilem faceret, &c.* Explanat eloquenter ex nostris, à Castro *lib. 1. de morb. mulier. 15.* ex alienis Burcardus *l. 17. cap. 57.* Angelus de Gerualdis, & Pererius *in com. cit. cap. Genesis, & nos lib. 3. in com. histor. 9.* plura proferemus. Neque argumentum Petri quicquam concludit, cum nefas sit, & homicidio proxima culpa, foetum nondum animam habentem medicamentis deperdere. Sic Hippocratem probum virum periurij nomine infamant, *in lib. de natur. pueri, num. 4.* quoniam psaltria consilium dedit, vt salu septies repetito sex dierum conceptum in terram proliceret. De qua re plura Syluaticus, *cont. 82.* & post eum scitè retulit Castrensis *lib. 4. opuscul. quæ ex quibus, cap. 6.*

## D V B I V M X X X I I I.

Num vterus odoribus delectetur.

Galenus in curanda syncope ex vteri affectu inhorta, iubet naribus apponere foetidissima, vtero verò iubet indere odorata, & quæ laxare, ac calefacere queant, sic monet Gal. *lib. 1. ad Glauc. cit. Auic. 21. 3. tract. 4. cap. 19.* odoramenti enim adeo amans est vulua, vt hoc cauernulæ umbilici, seu ori matricis admoto, hæc in alterutram partem conuersa in suum locum retrahatur, & placida mansuetaque reddatur; è contrà foetida fugit & respuit. Idem, sed vice versa, in vteri procidentia Medici consulunt, nempe odorata naribus, foetida verò & terra muliebribus locis adhibere; quæ sanè cuncta argumento sunt vterum odorandi sensu præditum esse, odoribusque bonis delectatione affici sicut foedis dolore premi.

Cur verò vterus repente sursum, vel deorsum ad odores sese præcipitet, velociter eorum esca pellectus, ambiguitatem parit non exigua. Eam hoc modo dissolues. Vterus est pars viuens, sicque malum & disconueniens fugit & repudiat; bonum tamen, & conueniens prosequitur & amplectitur, si verum est, vnicuique rei naturali, esse à natura insitum, gratis & voluptuosus delectari, ingratis autem & dolorosis angere, & constrictari appetitus enim iste suauissimorum odorum, quo flagrat vterus, animalis non est, sed naturalis. Vt enim iecur, & viscera reliqua, dulcia edulia ad se audivissimè alliciunt, iisdemque summo opere oblectantur, & impinguantur, & nullo sensu gustus respuunt amara, eaque affectu tantum naturali abominantur: sic vterus ad odores mouetur, graueolentia verò fugit, & auersatur: Adde quod cum perpetua spirituum in nobis sit concursatio, explorantque hi, veluti animæ satellites, interna, externaque omnia ad iucunda sese effundunt, & tristia refugiunt. Oblatis ergo iucundis ad nares odoribus, si syncope ex vteri sit præfocatione, augetur præfocatio, vtero, ob nervosam qua constat substantiam, exactissimo sensu pollente, ad iucundos, & quibus delectatur, odores accurrente, & augetur syncope: contra verò ex foetenti odore, contrahitur, & animi deliquium soluitur. Aliam

rationem quære apud Laurentium *lib. 7. com.*

*anatomic. quest. 10. & Mercurial. lib. 4. de morb. mulier. cap. 22.*

## QVÆSTIO XXXIII.

*Quòd vterus propria substantia ad superas partes ascendere non possit. Contra Fernel. Eustachium, Laurentium, & Augenum, Medicos præstantissimos.*

## COMMENTARIUM.

**V**Teri affectus infestabant. ] Quum recentiorum doctrina pertæsus, in Gal. præta iucundissima diuertissem, inueni ipsum lib. 6. de loc. cap. 5. summopere carpere eos qui putabant idcirco mulierem respiratione priuari in syncope, & vteri strangulatu, quoniam vterus, animal veluti errabundum, sursum ascendens septum transuersum (respirationis porissimum instrumentum) corpore suo comprimit. Nam non solum illuc, sed nec ad ventriculum ascendere posse, anatomica demonstratione suffultus inibi inculcat, quum obsidentibus partibus multis, variisque ligamentis alligetur.

Fernel, lib. 6. de part. morb. cap. 16. Galenicam sententiam temnit, & damnat: quippe, ægrotarum mulierum modò querimoniis, modò etiam precibus adductus, hunc sæpè tactu deprehendit, instar globi cuiusdam in ventriculum effert, eumque grauiter oprimere. Quo argumento conuicti Eustachius lib. 2. praxis c. 5. 1. Andr. Laurent. lib. 7. contr. anatomic. 9. Horat. Augenus tom. 1. epistol. lib. 1. 2. epist. ult. vterum non solum ad ventriculum, sed ad diaphragma moueri posse, tenaciter contra Præceptorem contendunt. Nituntur Hipp. testimonio, qui passim in lib. de morb. mulier. modò ad præcordia, modò ad hepar, fœtem gratiosi humoris, modò ad cor, ad latera, ad coxas vterum moueri testatus est. Sicut enim vterus seminis appetens, tanto interdum mouetur impetu, vt deorsum labatur; ita nimium reficcat & sitiens, cur non ad originem iucundi vaporis, hepar nempe, recurrat.

Qui vterum motu locali ad superas partes moueri posse existimat, is in anatome suam fateretur inscitiam, & Galeni edictis maximè repugnat. Non enim sequor Aristot. lib. 1. de generat. animal. c. 11. §. Inanes etiam vteri, ac vuluæ sursum adiunctæ strangulant, &c. qui pauca de re anatomica, eaque valde absurda, cõscripsit; quare multis demonstrationibus, passim in libris de usu part. de anatomic. administrat. & de placitis, à Galeno conuincitur. Sed hos peritissimos Iuniores miror, in humanorum corporum sectione dexterimos, qui in hac manifestissima controuersia cæcutientes, à Galeni, veraque, torisæculis probata sententia, leuissimis rationibus muniti, discedere coguntur. Etenim si dissecta muliere vterum violenter manu, imò ferreis vinculis sursum ad ventriculum trahas, ad os ventriculi eum ducere, quin ligamenta disrumpantur, vix poteris, tantum abest, vt in nocte impetu ad septum transuersum ferti posse, sit credendum.

Fernelij verò rationes ficulneæ sunt, & prorsus nullæ: nam si plurimum descendit, & totus laxatis ligamentis prolabitur, id quidem fit, quia grauis suo pondere excidit: nec exinde inferas, simili modo ad os ventriculi, aut septum ascendere posse. Subinde facilè expendes, magis additum muliercularum sententiis, quàm rationibus, aut veris experimentis à Galeni monitionibus Fernelium descivisse: quod enim femina deprehendunt in hoc affectu, instar globi cuiusdam, in ventriculum effert, ex Galeni dictis liquet abundè, vteri substantiam non esse, sed potius interiacentes partes sursum ab ipso vtero vehementer compullas, vel si globum persentias, non vterum, sed tumorem à crasso, flatuosoque spiritu, aut deterimis nidoribus ab vtero ascendentibus subortum, esse existima, aut distentionem ventriculi inflationi similem, ab eadem causa pronatam: in vterinis enim affectionibus, quum ferè frigidæ sint, multa in vtero, partibusque superioribus flatuum copia redundat. Ex hac causa globum, sphaeræ instar, in ventre aliquando deprehendi, in renum inflammatione aut calculo, affirmant Auic interpretes in com. cap. 11. 18. 3. tract. 2. prope fin. Quumque apostema sit Aldubellari, magnificatur grauis valdè, &

**A** semitur grauitas, quasi inflatio in locis vacuis. &c. Nec refert, quòd dicat Hipp. vteros ad hepar ascendere, ad præcordia, ad septum, quippe non vteri substantiam, sed vapores ab ipso elatos per vniuersa viscera oberrantes intelligas; hos enim ad has, & alias remotiores partes ascendere, cum quibus vterus maximum habet consensum, non ibo inficias. Fatemur quidem vterum naturaliter moneri ad semen, vt id excipiat, retineat, & conseruet ad fœtum procreandum; datum enim à natura est, vt gratum retineat, noxium expellat; non tamen moueri vterum ad superas partes, vt cæteri rati sunt, arbitramur. Neque quòd mulieres ex tristitia in vterinas incidant affectiones, vterum ab aliquo principio moueri comprobatur; nam vertiginosi, epileptici, & quauis animi ægritudine detenti, ob mœrorem subitum, confestim symptomate corripiuntur: recurrente enim ad cor, visceraque innato calore, ob motum, fit humorum, vaporumque ingens ebullitio, ex qua facilis sit ad partes superas concursus. De cætero lege Iacobum Fouranum lib. 5. phisilog. part. 1. cap. 49. & eruditissimum Rodericum à Castro lib. 1. de nat. mulier. cap. 6.

## HISTORIA XLVIII. GALENI,

## De Syncope.

## Syncope, ex diutina ante balneum inedia concitata.

**Q**uidam verò post longum ieiunium in balneo, deficiebat animo. Alteri autem, si vel per horam lauabatur, idem accidebat, nisi prius aliquid panis sumpsisset, &c. Galenus lib. 2. aph. 41.

## PARAPHRASIS.

**I**nter plurimas, easque præcipuas nostri corporis partes, ventriculum etiam syncopen inferre posse, hoc exemplo ostendit Galen. vt facilè colligi potest ex ipso lib. 1. de caus. sympr. cap. 7. afferente nullam partem ita exactum habere sensum nec ita cum partibus præcipuis mutuum habere consensum, sicut ventriculus, præsertim ipsius os, quod cor vocant, tum ob alia symptomata, tum ob deliquia, quæ ad ipsius affectiones sequi solent. Hanc sententiam firmat 12. meth. cap. 5. dicens: *Max verò reliquarum partium, quacunque in consortium affectus, principia secum ex facili trahunt: cuiusmodi est ventriculi os, quod ob exquisitum sensum, tum alia symptomata nō pauca, tum verò syncopas accersit: &c.* lib. 1. ad Glauc. 13. §. animo (inquit) deficiunt, quibus os ventriculi malè habet, aut humorum vitio mordicatur, aut crassis sententiis, seu humidis, seu frigidis humoribus aggrauatur, &c. & lib. 5. de loc. affect. cap. 5. hoc modo accidere stomachiam syncopen assueerat.

**E** Cum ergo balneum plurimam spiritus substantiam digerat, atque resoluat, vt supra, in com. histor. 44. latè probauimus: ob inediam, bilis ad os ventriculi confluens pungat & irritet ipsum, vehementer dolet ab acri, biliosoque humore vellicatum; quare præ dolore dissipantur spiritus, adeò vt in syncopen acerbissimam, ac non raro in mortem ocysimè ægri labantur, quam sanè syncopes speciem, vel oboriri citra cordis primarium affectum, vel corde præcipuè læso non est inconueniens. Ob diutinum enim ieiunium, & maximè famesciente ventriculo, in hoc tum gigni, tum ad eum, acrem humorem confluere, probat Gal. lib. 2. ad Glauc. cap. 1. sub his verbis. *Quidam etiam si pauxillum quidam humor in ventre, & præsertim circa os ipsius congregetur, statim caput dolent, ob id si diutius famem tolerant, offenduntur: augetur enim in ipsis inediam patientibus huiusmodi humorum malitia, &c.* Inanito enim ventriculo, & veluti arefcente, humido præ balnei efficacia resoluta, & exhaustis spiritibus, deficiunt vires, & syncope generatur.



Hanc facile cognosces, si oris ventriculi morsus præciserit, subsequantur vomitus, nausea, subuersio, gurgulationes, & alia eiusdem naturæ. Quare ex consensu huius membri, syncopen oriri non est dubitandum. Factæ iam syncopæ occurrentes iis, quæ flaccidum ventriculum, firmare, & roborare nata sunt, quorum amplam sylvam passim inuenies apud auctores, qui de syncopæ stomachica disputant. Futuram oblato prius alimento anteuertes, ut pane exhibito ante balneum, syncopen imminuentem ob inediam præcauebat Galen, cuius nutrimenti ope roborata natura, spiritus & caloris resolutionem ex balnei calore profectam, citra virium dispendium tolerabat. Vel si loco panis aliud offeratur edulium, seu quod stomachum roboraret, & ipsius os sigillet, maximo erit ex usu: nam sub vno exemplo cætera comprehenduntur, auctore Galeno lib. acut. 33. & lib. 3. eiusd. 61. & 5. aph. 33.

## HISTORIA XLIX. GALENI,

## De Syncope.

Quidam ob vitalis facultatis atoniam, & cordis palpitationem, syncope cardiaca correptus subito emortuus.

Quicunque verò ex nulla tali causa, sapiens, ac fortiter delinquantur animo, & ob virtutis vitalis imbecillitatem hoc patiuntur: sicut & ille, cui dum exolveretur, cor fortiter palpitabat, de repente mortuus est: non aliter quàm illi qui acutissimis cordis affectibus, quos syncopas vocant, arrepti, subito intereunt, &c. Galenus lib. 2 aph. com. 41.

## PARAPHRASIS.

EX virium imbecillitate, syncopen cum animi deliquio, & cordis palpitatione oriri posse, hoc exemplo confirmat Galenus: si enim ex aliqua corporis parte vapor consurgat noxius in cor, spiritus vitalis firmitudo labefactatur, & resolutis spiritibus, syncope animal corripitur. Ut hinc discas nudam cordis intemperiem, sicut palpitationem, sic syncopen inferre posse: id profectò nobis pestifera lues indicat, in qua tabidus inspiratus aer, non humores, sed ipsum cordis viscus depascitur, ex qua tandem contagione protinus vitalis vis flaccescit. Quare vltus ostendit perpetuum non esse quod Fernelius præfiteretur, lib. 5. de part. morb. cap. 12. omnes videlicet affectus cordis, syncopen inferre posse præter simplicem intemperiem; cuius placitum cum refutauerit Carterius, cap. 4. de causis syncopes, disp. 48. ad libros de loc. affect. non est cur in Fernelij opinione infringenda amplius immoremur.

Deinde qui sæpe, & vehementer exanimantur à causa interna, & palpitatione (conante videlicet natura expellere noxam sensatam) corripuntur, in iis valde debilis est vitalis vis, ob causas multas, & ob copiam grauantis humoris obruta suffocatur, & extinguitur ex quibus præcipua est concretus in venis sanguis, cuius quantitate nimia spiritus vitalis resoluitur & perit, unde inopinata mors. A venarum enim interceptione & occlusionem, syncopen cardiacam, subito internecantem emanare, testis est locupletissimus Gal. lib. 4. de rat. vult. in morb. acutis, com. 23. §. Venarum interceptiones, appellat oppletiones, quæ à copia oriuntur. Cum igitur supra modum oppleta fuerint vena, grauari virtutem est necesse, atque in extinctionis agi periculum naturam caliditatem, quæ ob copiam suffocationi quippiam simile patitur. Oriuntur siquidem epilepsia, & apoplexia, & syncope cardiaca. Nempe vno comuni Aphonia, id est, vocis carentia symptomate, symptomata huiusmodi significauit, &c. Contingit enim aliquando, ut sanguinis copia, non ad cerebrum, superioresve partes, sed ad venam canam, arteriamque magnam affatim irruat, & mole sua sanguis in his partibus fixus & firmatus, impedito transitu spirituum ad membra,

Lib. 11.

coalescat, & sic calor non ventilatus suffocatur, & extinguitur, ut notabili exemplo firmat Laurentius lib. 9. de re anatomica, quest. 18. Quemadmodum enim ex multa lignorum strue ignis obruitur, sic innatus ignis sanguinis nimia copia oppressus & conculcatus, inarcescit & perit, nisi detracta copia, Hipp. edicto, infra text. 14. tacta phlebotomia præstò succurras.

Imminentem hanc syncopen, ex cordis, quædam veluti compressione, animi deliquio, colore viuido in pallidum mutato, pulsus intermissione diligenter cognosces, quæ omnia à sanguinis coalescentis copia, & grauantis, obstruentisque interna viscera, oriri, Hipp. & Gal. prædixerunt. Quemadmodum enim è vena extractus sanguis, spiritibus euolantibus, ac parte ichorosa separata, ob refrigerationem concreuit; maximè si frigidiores, crassique humores, sicuti pituita, & melancholicus humor misceantur, quorum miscella promptius ob intemperiem frigidiorē coalescit: Sic oppletis internis venis, & prohibito comœatu sanguinis, & spiritus, calor extinguatur & perit.

Huic malo præsentanea est sanguinis missio: si nimis sit refrigeratum corpus, frictions prius molles fiant, ut concretus sanguis liqueatur; similiter potui exhibenda, quæ concretum sanguinem liquare nata sunt, ut coaguli genera, quæ grumos dissoluere queant, inter quæ præfertur leporinum; denique attenuantia, incidentia, vrinam, aluumque pronocantia sunt ex usu. Si verò iam syncope sit præsens, ea sunt præscribenda, quæ supra retulimus medicamenta. Legè eruditissimum Salium c. 4. de affect. particularib. fol. 273.

## HISTORIA L. GALENI,

## De Syncope.

Adolescens, ob syncopen sudans, à Medico in balneum ductus, protinus emoritur.

Gitur Adolescentem Medicus quidam nuper incipientem, sudare syncopice, demisit in balneum, tum autem sudoris copia affluente Medicus ganisus est, tanquam exquisitè opportunum tempus coniecerat. Paulo post mortuo agro Medicus à familiaribus, tanquam agrum interfecisset, accusabatur &c. Galenus lib. 1. prognost. com. 3.

## PARAPHRASIS.

Medicum uti providentia, optimum esse, Hipp. in initio prognosticorum euulgauit: nam præsentiens, & prædicens coram agris, præsentia, præterita, & futura, creditur cognoscere amplius morborum causas. Hæc sanè si obseruasset Medicus hic, culpam interfectionis apud adstantes non meruisset. Similis, eaque elegans extat historia apud Beniuen. lib. de abdit c. 53. de Medico quodam, qui in agro sudore resolutis deficientibus viribus, omni conatu ciendum esse sudorem plurimis medicamentis, data opera tenaciter contendebat, cuius suppressione, corpore euentaro, & frigidioribus potionibus exhibitis, æger ad pristinam sanitatem est reuersus.

Sudor alius est diaphoreticus, alius syncopiticus; nam alter ab altero est distinctus. Ille enim plerumque calidus erumpit, referens naturam causæ corpus denatantis; est enim hæc calida, erodens & mordax, ex qua sudores erumpunt, non quidem facultatis retentricis, aut caloris innati vitio suborti, sed ob efficaciam, & vim causæ corpus in sudorem colliquantis. Syncopiticus verò, frigidus; ex debilitate enim semper prodit caloris innati, quo deficiente, frigus emanat. Ij verò sunt tenaces, & viscosi, qui per vniuersum corpus maximè circa frontem, tempora, & ceruicem erumpunt: cum enim calor naturalis suffocetur, & extinguatur, ille qui in partibus exterioribus reperitur, refugit ad cor; sicque hæc innato destituta, languent, & substantificam partium humiditatem nequeunt

Z 3

et cinere

retinere: manant verò frigidi, quoniam natura, solida A membra gubernans, quæ ab Hipp. calor naturalis dicitur, vel exstinguitur, vel proxima est extinctioni, ex Gal. lib. 4. aph. 37. quæ propter resolutio corporis habitu euenire protulit, lib. 3. de caus. sympt. cap. 2. frigidorum ergo sudorum causa, caloris est extinctio, earum partium à quibus sudor emanat, ex Gal. cir. aph. & Auic. 2. 4. tract. 1. cap. 71. Sic inflammationibus internis & febribus ardentissimis, depopulato, & ferè extincto nativo calore, ab igneo, frigidi erumpunt, ex Auic. 11. 3. tract. 2. cap. 7. & propter materiam quæ resoluitur, crassus & lentus apparet, ex Gal. cir. aph. quo in loco ubi vehementissimum febrilem calorem in acuta febre, hunc euenire docuit: licet aliquando propter prauos, & tenues succos in ventriculi tunicis, vel cauitate contentos, eundem exitari dicat, in lib. 7. meth. cap. 12. pro cuius explicatione lege Mercat lib. unico, quest. 3.

Hæc itaque non aduertens Medicus ille, qui ad prouocandum sudorem, balneum, utpote humores euocans ad cutem, huic vsui valde proficuum consuluit, resolutionem addens resolutioni, ægrum in mortem præcipitauit, ignorans, hunc sudorem, ut signum, & ut causam esse perniciosissimum: ut causam, quando suapte natura potest resolueri corpora: ut signum, quoniam humorum multitudinem ostendit, quæ frigidissima est, cum ne à febrili quidem calore muretur, eritque tantò deterior, quo calor febrilis fuerit maior. Cur autem febre existente acuta, frigidus sudor è corpore exeat, explicat Gal. lib. 4. aph. cir. Explanarunt postea Ludouic. Lemosius lib. 2. de optim. præcend. rat. cap. 17. Christoph. à Veiga, in com. 22. lib. 11. prognost. & eruditissimè inter omnes Steph. Roder. Castrensis lib. 4. de meteor. microcosmi, cap. 13.

Omnia hæc si vera sunt, & ex facundissima Hipp. & Galeni penu exhausta, valde deceptum fuisse hunc Medicum res est manifesta, quem de fæce Medicorum Romæ degentium fuisse, ipse non dubito. Hi enim erant illi, quorum stupiditatem, & in curandis morbis ignorantiam tantopere in suis operibus detestatus est Gal. & Plinius vbique passim condemnat: nam lib. de præcognit. ad Posthumum, eorum fraudes detegit: & lib. 1. meth. 1. & 2. malignitatem patefacit, eosque ignorantes, superbos, audaces, & contumeliosos appellat, quos manè salutationibus præpeditos, vesperi temulentos, & ventre distentos ad curandum accedere assueuerat: & lib. 1. de dieb. decretor. 4. ipsos tantam habere scientiæ cognitionem, quantam alinum lyre confirmat, & in locis supra citatis latrones in urbibus commorantes, facinorosos, mancipiorum ritu adulantes, iocis & faceriis tempus absumentes nuncupat. Ad eum enim hi erant contumeliosi, ut Galenum relicta Roma Pergamum reuerti compulerint. Desinant ergo Pliniani, ea quæ in Medicos Romanos torfit conuicia Plinius, in Hippocraticos Medicos eiaculari; cum de illis, & Plinij, & Galeni, concors sit sententia; nam inter illum, & hunc, tantum interiecti sunt 67. anni: quum Plinius obierit anno 81. Galenus floruerit 143. Quare quos ille vituperat, hic maximè condemnat. Si tamen de inscitia Medicorum, pulchra legere concupiscis, adi Petrum Talpam in suo libello, de indocto Medico, ferè per totum, & Ioan Aubrium lib. de restituenda & indicanda medicina dignitate.

Quapropter hi sudores ex habitu corporis resoluti, & ex debili retentrice promanantes cohibendi sunt, & minimè prouocandi; nam si hoc feceris, ægros præcipites ages in mortem. Num autem Medicus, ut hic refert Galenus, ob malè administrata auxilia, in ius vocari possit, & pœna affici, disputat elegantissimè ingeniosissimus Rodericus à Castro, inter omnes, lib. 3. de Medic. polirico, 6. 23. Quorum pseudomedicorum mores adamussim describit acutissimus Benedictus à Castro, illius filius, in suo flagello calumniantium, ferè per totum

\*  
\*  
\*

## HISTORIA LI. GALENI,

### De animi deliquio.

Ex vacuatione vsque ad animi deliquium, quidam interiere.

**S**iquidem in sanguinis missione (quam vsque ad animi deliquium faciendam esse, paulo antiè diximus, quo flamma in continentibus ex meatuum clausura febribus exstingueretur) non paruum meritò subsequeretur incommodum, nisi opportuno tempore, aut debita mensura fiat. Duos namque in ipsis Medicorum manibus perire vidi, qui postquam animo linquerentur, nunquam reuixerunt. Multi verò, etsi non protinus, at postea propter virtutis infirmitatem perierunt: quos si quis citra eius resolutionem vacuasset, minimè periissent, &c. Gal. lib. 9. meth. cap. 10. & lib. de curand. rat. per sang. mis. cap. 12.

## PARAPHRASIS.

**H**anc historiam repetit Galenus lib. de curand. rat. per sang. mis. cap. 12. dum sic inquit. Non enim ex iis quosdam necessario ex animi deliquio refrigeratos, ac toto corpore effluentibus madoribus, & alio rupta, celerrimè morbo liberatos. Utile est autè pulsuum diminutionibus animi aduertere, tangendo eos, sanguine etiam fluente, sicut in aliis omnibus, dum sanguis mittitur, facere consueui, ne videlicet nobis nec opinantibus, pro animi deliquio mors occupet: quod sanè tribus euenisse Medicis noui. Venam secabat eorum unus mulieri febricitanti, aliorum uterque viro, sed ad tantum animi duxere deliquium, ut vires recuperari non possent. Hæc Galenus.

Licet enim ex tempestiuæ huius sectionis vsu non contemnendæ utilitates subsequantur, tamen si intempestiuè fiat, & citra requisitas conditiones administretur, noxas inemendabiles facit, quas graphice describunt. Iosterius de Iosteriis, admiratione 3. de vena sectionis omissione. Fernelius lib. 2. de ven. sect. 17. Valleriol. lib. 2. enarrat. 7. Mena in com. cap. 12. lib. de sang. mis. Gal. & nos in lib. 1. in com. histor. 5. ex Gal. mente annotauimus.

## QVÆSTIO XXXIV.

*Quod syncope, propria cordis affectio, non ex immutatione spirituum, sed ex eorum repentina aggregatione in corde, tãquam à causa perpetua & immediata oriatur. Contra plurium iuniorum opiniones.*

## COMMENTARIUM.

**A**d animi deliquium.] Postquam verò de animi deliquio, & Syncope in superioribus historiis plura delibauimus, non grauabimur hoc loco, pulchra, quæ hinc inde ex priscorum mente aucupati sumus, huic potissimum loco impingere; ex quibus horum effectuum causæ, signa, consensus, & dissensus inter se ad vnguem explorantur. Et primò de Syncope dubitatur, quomodo eam inter proprios cordis affectus numerauerit Gal. cum potius ad cerebrum referenda videatur. Affectio enim ad illud membrum principaliter attinet, cuius actionem potissimum vitiat & immutat: in Syncope verò, lipothymia, deliquio, seu animi defectu, sensus & motus, qui cerebri proprij sunt, potissimum læduntur, seu potius auferruntur; inde enim animæ defectio, 1. aph. 23. & 7. aph. 8. exolutio, & lib. 2. 41. virium, seu virtutis casus nuncupatur 12. meth. cap. 5. Auic. 11. 3. tract. 2. cap. 6. quod de vitali eius actione intelligi nequaquam potest, quum ea cadente, cessantèque mors potius, quàm ægritudo sequatur.

Rursus Si vitalis facultatis resolutionem, siue defectum syncope importaret, nunquam liceret vacuando vsque ad syncopen deuenire: in damnum siquidem virium irreparabile

irreparabile, atque inenidentissimū mortis periculum duceretur æger, 9. meth. 10. 2. aph. cit. quod cauendum omnino Medico est, 1. aph. 3. cum tamen Hipp. & Galenus, vno excepto Auerroë, eam vacationem, vt proficuum & vtilem nonnunquam commendent.

Præterea. Si quandoque syncope accidit permanente adhuc virtute vitali forti, ex Auic. 11. 3. cit. quomodo huius virtutis lapsus defectus, aut casus poterit appellari. Audi Auicennam hoc modo præsentem. *Et quandoque accidit syncope ab euacuatione humorū, virtute vitali adhuc forti, non est adhuc timendum, &c.*

Denique. In syncope corpus cadit, impotensque redditur ad sensum & motum, ob deficientes in membris spiritus animales, illarum functionum auctores, corporisque molem rectam, & firmam sustentantes: cum igitur hi deficient in membris, ob sui proprii læsionem, & illud proculdubio cerebrum sit, hoc patietur in syncope, & ex consequenti, hæc non erit propria cordis affectio.

Adde. Si lapsus virium, hoc est facultatum, à Galeno definitur, neque eæ in corde omnes simul continentur, sed vnaquæque ex principibus in suo principali membro, cur saltem cordis solius proprium huiusmodi symptoma diceretur?

Deinde. Contra causas à Galeno assignatas, multa, eaque non inualida cogunt aliter asserere fundamenta: nam in causis assignandis huius affectus ambiguitatem, & difficultatem inesse putat doctissimus Costæus, in com. cit. cap. Auic. quoniam cum hoc auctore, Galenus eas tumultuariè appunxisse visus est. Nam si de immediatis, vt iuniorum peritissimi loquuntur, sermo sit, vna tantum est, subita nempe spirituum retractio. Si de mediis, innumera ferè alia sunt, neque indigniores, tam internæ, quàm externæ. Ergo vel vna tantum erat tradenda, vel non omittendæ reliquæ.

Ad hæc. Ab intenso calore funduntur & dissipantur spiritus, à nimia frigiditate densantur, & exstinguntur; ab ingenti frigiditate suffocantur, à siccitate immodica absumuntur. Igitur excedens intemperies potius impedit spirituum recursum ad intima, & in eisdem aggregationem omnino requisitam ad syncopen, quàm iuuat, aut efficiat.

Virget etiam argumentum hoc. Si illius causa potest esse valida intemperies, cur non promouetur ab ingentium ardentium febrium calore, nec ab intensa hecticarum siccitate? Cur in colico dolore ex vitrea pituita omnium frigidissima, in extrema ambientis frigiditate, vt plurimum non cietur.

Facit & illud. Cum vires innato calore consistent, operentur, & potissimum quidem in spiritibus fundentur, quos aut animam esse dixit, lib. de utilitate respirat. cap. 5. aut organum, cur ad spirituum virium non deficient, labentur vires ipsæ, & syncope concitabitur, alterato videlicet spiritu ipso, deperdito, vel digesto. 12. meth. 5. demum oppresso, aut suffocato, vt in virulentorum animalium moribus, pestifera aura, venenosis affectibus accidere referunt auctores omnes: iam venenosa materiam nihil illorum efficere possunt. Igitur nec syncopen promouere, quum non suffocent, nec alterent: nec enim quantitate agant, nec possint destruere sine præiua alteratione, quum semper corruptionem præcedat alteratio, vt Aristoteles prædixit lib. 2. de ortu & interitu, cap. 1.

Vltimò. Malum hoc induci non potest, nisi adsit in corde spirituum defectus: sed in phlegmone, erysipelate, & aliis tumoribus internis spiritus non deficient nec dissipantur, quin potius vniuntur & conculcantur interius, tum quia validè aliquando trahuntur, vt in lipyritis accidit, magna iecoris, & ventriculi inflammatione, 1. ad Glauc. 14. vnde frigent extrema 4. aph. 48. & lib. 7. com. 1. tum quia ab obstructione tumorum ad circumferentiam fundi prohibentur. Igitur Maioris veritas ex eo patet: nam spirituum defectus perpetuò concurrere debet, vt syncope excitetur; quoniam si internus spiritus dissipatus non sit, ita vt in quantitate debita pro cordis functionibus non subsistat, quorsum ille qui

A in partibus extremis, & corporis ambitu consistit, ad intimas statim confluet, & in corde subito aggregabitur.

Tam anceps, & arduum est argumentum hoc, vt ad eius explicationem plurima animaduersione opus sit. Supposito, quod animi deliquium in communi, virium lapsus, seu imbecillitatem importet: cum varij sint imbecillitatis gradus siue differentia, secundum magis aut minus differentes, pro illarum varietate tradiderunt auctores aliqui, & non infimæ notæ viri, in suis libris, de curandis morbis, cap. de Syncope, varias deliquij species, quibus nomina imposuerunt, quæ apud Hip. & Galenum frequenter reperiuntur, vt animi defectio, lipothymia, exolutio, subitus, seu præceps virtutis casus, & syncope, quibus, vt aiunt, diuersæ huius mali species significantur, de quorum classe sunt Altimarus, Massaria, Hollelius Durerus, Mercatus, & si qui alij qui aphorismorum oracula interpretantur. Sed insufficienter quidem nominibus illis distinguunt deliquij differentias, & tam multas constituunt, cum idem prorsus sint animi defectio, lipothymia, atque exolutio: idemque omnino subitus virtutis casus, & syncope, quidquid clarissimi Auic. interpretes, Gentilis, Iacobus de partibus, & Vgo, duo hæc videantur separare, dum imitantes Auic. faciunt caput priuatum, *ae subito virtutis casu*; nec enim inter hæc duo, discrimen aliquod apud Gal. inuenitur, vt constat ex locis, vbi de hoc symptomate agit. Lipothymia verò seu animi defectus à syncope manifestè distinguitur, 2. aph. 41. 12. meth. cit. & 1. ad Glauc. 14. nam licet huiusmodi affectus, eiusdem essentia & naturæ esse videantur, ambobusque sub animi defectu, deliquio, siue exolutione in communi comprehendantur, lipothymia in specie mitior est, syncope acutior, grauior, & longè periculosior, ex Gal. vbi supra. Addit Aëtius terrab. 2. serm. 1. cap. 101. in eo etiam differre, quia deliquium vigilantes tantum inuadit, & citra sudorem; syncope verò dormientes, & omnino cum sudoribus præter naturam, quos syncopicos appellant, quique non aliunde eueniunt, quàm ex symptomatis magnitudine, ratione cuius deficit retentrix membrorum, & sudor ille prouocatur. Auer. autem hoc discrimen non aduertens, syncopen cum lipothymia confudit, & sic 7. collig. 8. detestatur vacationem ad animi deliquium, arbitratu Gal. ita euacuando, ægros ad syncopen ducere, quod nusquam ipse, aut Hipp. affirmavit.

His iactis, illud etià præsupponere debes, quod quamuis syncope 12. meth. 5. definiatur à Gal. præceps, hoc est subitus, siue repentinus virium lapsus, & vires quidem ipsæ, ex eodem ibidem, & cap. 1. lib. 11. tum in spiritibus sint positæ, tum in partium solidarum, carnosarumque natura, hoc est, debito temperamento omnium partium totius, & potissimum trium principalium à quibus gubernatur corpus: ad vnum tamen cor tanquam propria passio dicitur pertinere; in corde enim cum præcipue vitæ, & vires collocentur, vtpote quod innatum calidum, vitæ nostræ fundamentum in se continet, & in toto conseruat, illius vi, quæ radix est cæterarum, ad id syncope referenda: cuius vi potissimum labente, reliquas omnes subito, ac repente collabi est necesse, non è conuerso: quod ad syncopen requiritur, ad differentiam aliorum affectuum, tam cordis, quàm totius, in quibus vires etiam, sed paulatim deficient, quia à corde (vt inquit Gal. lib. de usu puls. cap. 2. & 3.) non ab aliis, cæteris membris, vitalis calor, virtutisque influxus accedit, quo durante, actiones suas perficiunt, temperiem seruant, roborantur, & reuiuiscunt: cum vitalis facultas sit velut actus, & perfectio cæterarum, vt lib. 5. de loc. cap. 1. & 7. meth. vlt. & 2. acut. 47. dictabat Galenus; & licet eæ in solo corde non continentur, sicut nec omnes principes facultates, dicitur tamen virium hoc, lapsus virium in plurali numero, quia in eo, non vna, sed omnes virtutes labuntur. Primum tamen & maxime illa cordis, & eius consensu cæterarum, quas regit & conseruat: vnde ad membra alia nonnisi consensu quodam censetur pertinere; ad cor ipsum, radicaliter. Porro quia ex operationibus, robur & debilitas facultatum deprehenditur, & labefactata vitali in omnibus læsio sequitur, nò solum in pulsu, sensu, atque motu voluntario, sed

sed & in naturalibus functionibus defectus, ac imminutio sentitur in deliquio, magis & minus proportionabiliter ad pulsus lationem. Quoniam verò in syncope, utpote quæ fit à validissima causa, vehemens datur illius destructio, præter exiguum, languidum, tardum, rarum, & insensibilem pulsum; nihil prorsus sentit ac mouetur patiens; denique omnino ferè virtutes cadunt, inde enim syncope, hoc est concisio, ab auctoribus nuncupatur. In lipothymia verò, siue animi defectu, quamuis cadat etiam homo, & pulsus aliquantulum deficiat, non usque adeò tamen ad extremum illum diminutionis gradum peruenitur; loquitur enim adhuc æger, præsentis agnoscit, & sentit vires deficere, se tamen sustinere nequit; utrobique ob animalium spirituum defectum, quos in se retrahit cerebrum consentiens ad cordis lationem: deficiente namque facultate, & spiritu vitali in corde, necesse est etiam deficere animale in cerebro, & in ipsum continenter secundariò affici; primariò namque cor læditur & principaliter, quanquam ex sensus, & motus defectu, quia actiones sunt nobis magis manifestæ, hominem animò linqui coniciamus; quoniam facultas animalis, cum imbecillior sit, 2. aph. 29. & utatur spiritu tenuissimo, faciliè, promptèque resoluitur.

Memoria itaque tenere debes, ab innumeris ferè causis, (de quibus Gal. à cap. 3. 12. meth. usque ad 8. & 1. ad Glau. 14.) syncopen concitari, quas in compendium veluti redegit Auic. ubi suprà, tam internis quam externis occultis, & manifestis. Ab immodica enim excretionē promouetur, seu benigni sit, seu noxii etiam humoris, 6. aph. 27. per sudores, alui profluvia; ex vehemēti dolore; excedentibus animi affectibus; prauis succi alimentis; vteri strangulatione; eleuata aura venenosa ad cor, eius natium ignem exolente; ex humorum obstruentium multitudine, maximè si cum impetu ad cor, & thoracis partes ferantur, ut nonnunquam ante epilepsiam, & apoplexiam contingit; & doloribus internis.

Fit etiam à valida intemperie; continui solutione; tumoribus præter naturam calidis, & frigidis; ab æstu, frigore ingenti, aut quauis alia insigni alteratione, facta ab euenienti, aut occulta qualitate, qualis est venenosa; siue ab externis adueniat, ut fœtido aëre, corrupto, & pestilenti; terris, cauernis, ferarum morsu, aut propinquo veneno; siue interiùs sit genita, ut ex corrupto semine, retento menstruo. Accidit etiam ex balneo, nimia corporis raritate, bilis agitatione ad ventriculum, plerumque in accessionum initiis, nonnunquam in statu; quibusdam inclinante febre; quandoque in acutis, malignisque febribus; denique ab omnibus concitatur, quæ partium substantiam dissipant, spiritum aut temperamentum euerunt, siue à tota substantia, siue manifesto temperamento, seu quouis alio modo id efficiant.

Sed cum iam multæ causæ huius symptomatis assignentur, nec omnes primò, & sine medio in eius productione agant, dubitant auctores, num in aliquo genere, vel pluribus, comprehendì possint, quibus conueniat primò, & immediatè vires ipsas subitò prostrernere, & syncopen inducere. Sed quoniam tractatio de syncope est valde implicata, ut ait Mercurialis lib. 2. praxis, cap. 10. idèò varij variè respondent. Vidus Vidiùs lib. 7. de curat. membrat. cap. 4. Mercurius lib. 2. de morb. internis, cap. 10. & alij, putant ex triplici capite vires concidere, & vniuersas syncopes causas ad tria genera reuocari: vel quia grauatur nimium, opprimitur, aut suffocatur calor innatus; vel quia absumitur, perit, & dissoluitur spiritus; denique vel quia præternaturaliter alteratur occulta, aut manifesta aliqua qualitate, & ineptus fit ad sustinendas vires, actionesque obeundas. Priori genere causæ, nempe suffocantis, comprehendunt syncopas, quæ paroxysmi initiis eueniunt, vteri præfocatione, comitiali, apoplexia, in multitudine crudorum humorum ventriculum grauantium, in doloribus, & inflammationibus, vel aliis magnis tumoribus internis, in magnò timore, vehemēti tristitia; in omnibus enim innatus ca-

lor cum spiritibus præ multitudine materiæ obruitur, & ob ventilationem prohibitam, veluti flamma ex superimpositis multis lignis suffocatur.

Ad secundum genus reducunt syncopas ex ista, vehemēti gaudio, immodicis vacuationibus; tam ab arte, quam natura factis: externarum partium doloribus, collquantibus febribus, diuturnis vigiliis, immodicis exercitiis, balneo, vehemēti æstu; demum & quæ ob nimiam corporis raritatem, & spirituum tenuitatem contingit.

Ad tertium pertinere aiunt, quæ ex veneno accidunt, fœdis odoribus, prauis succi alimentis, humorum corruptela, nimia frigiditate ventriculi, aut ambientis, vel calore etiam non multum dissolvente, in quibus alterantur præternaturaliter spiritus, & qualitatem acquirunt, naturæ & eius actionibus aduersam, siue interim dum generantur, siue postquam geniti sunt, vnde necesse est labi & deficere vires, quæ in spiritibus ipsis, & partium temperamentis consistunt.

Alij prædictas quidem causas admittunt, suffocantes, alterantes, & corrumpentes calidum ipsum innatum, & spiritum: at vnam inquiunt, corrumpentem nempe, sine medio agere, & perpetuò concurrere ad syncopes generationem. Primò, quia si in eadem quantitate spiritus in corde seruentur, non verò corrumpantur. euanescent, & deficient, quæ subsequitur necessitas, ut ad cor repen- è ex toto confluant, subitòque fiat in ipso spirituum aggregatio, quæ perpetua est, & immediata huius symptomatis causa?

Secundò. Spiritus præterquam quòd substantia est tenuissima, vaporosa, leuissima, & mollis, 6. de usu part. 10. & lib. de vilitate respirat. cap. 5. atque adeò faciliè resolubilis, & quolibet momento quantitate euarians, 11. meth. ut seruetur, & duret, refrigerio indiget, ac ventilatione: cum verò præsentē causa suffocante, dictis commoditatibus priuetur, nec inueniat spiraculum, necesse est minui, perire, extingui.

Tertiò. Impossibile videtur, spiritus propter sui tenuitatem, calidam, & purissimam substantiam à vehemēti causa citra propriam corruptionem alterari: sed syncope excitari non potest, nisi ab alterante causa magna, & vehemēte. Ergo etiam cum hac concurret inaniens, & corrumpens. Hoc putant significare Galenum, dum inter alterantes causas, materias quoque venenorum enumerat, quæ cum à tota substantia agant, & vires habeant, humanas superantes, præter alterationem, destruent & corrumpent spiritus secundum substantiam ipsam; ac proinde siue à suffocante, seu alterante causa præceps virium lapsus oritur, ad vnam corrumpentem, tanquam magis immediatam referenda est. Ob id enim Galenus 12. meth. 4. in qualibet syncope vinum exhibet pro reparandis spiritibus; & nos contusis, distillatitiis, & odoriferis vimur: Quod si aliquando prohibet, non vtiq; sit ratione affectus, sed ob suffocationem ex ingenti plenitudine, aut insigni inflammatione, à qua plerumque oritur; vnde syncopè definiunt, præcipitem virium lapsum propter spirituum imminutionem, & eorundem repentinam aggregationem in corde.

Si verò obicias Galenum, 12. meth. cap. 5. que loco illa tria causarum genera tanquam distincta adducit, & alterantem veluti diuersam à corrumpente manifestè proponit scribens disiunctiue, agrotantes tum animo linguam etiam mori, alias spiritu ipso deperdito, alias alterato, aliquando ex parte digesto, non raro hac vtraque perpeffo, &c. ac si spiritibus solum præternaturaliter alteratis, ac proinde & conculcatis, siue suffocatis, absque corruptela & defectu syncope inducatur.

Huic obiectioni firmum præbe responsum, quòd quamuis alterans causa separatur aliquando à corrumpente, & possit quidem spiritus citra sui corruptionem alterari, à leui remissaque causa, nequaquam tamen à valida, qualis ad syncopen excitandam requiritur, ac proinde dicendum, in eius generatione perpetuo coincidere cum alterante destruentem; nec Galenum disiunctiue loquentem significare oppositum, quia per alterationem



ibi non intelligit simplicem, & à corruptione separatam, A  
quasi alterentur spiritus, sine eo quod corrumpantur, sed  
per alterantem causam innuit etiam corrumpentem, quæ  
per mediam, & præuiam alterationem corrumpit, ad dif-  
ferentiam aliarum, quæ sine alteratione, de qua sit curan-  
dum, inaniunt & destruunt spiritus, cuius generis sunt  
suffocantes, & alterantes causæ. Nam licet secundum  
Philosophum, in lib. de ortu & interitu, semper corruptio-  
num præcedat alteratio, atque ita non possint spiritus  
suffocatione, aut euacuatione corrumpi, sine præuia ali-  
qua alteratione: ea tamen ex usu non est, aut principalis,  
& ad quam sit opus dirigere remedia; non enim suffocan-  
tur spiritus, quia alterantur, sed è contra alterantur, &  
subinde corrumpuntur, quia suffocantur, vel euacuuntur. B  
Vbi verò sit mentio de præuia alteratione, qua corrumpuntur spiritus, tunc alterans causa ex usu est, & principa-  
lis, cui reluctari oportet.

Cæterum opposita sententia est vera, quam Galenus  
dictis locis expressit, syncopen in genere tripliciter fieri,  
nempe vel à multitudine suffocante, vel ab inaniente  
causa, vel denique ab insigniter alterante. Et posse qui-  
dem à singulis induci, nec omnino requiri spirituum de-  
fectum, suadetur.

Sicuti vires constant, & seruantur robustæ, cum spi-  
ritus potissimum inculpati reperiantur, ita vbi vitium ali-  
quod contraxerint, necessarium est vires ipsas detrimen-  
tum suscipere, deici, ac labefactari, proportionabiliter ad  
vitium: atqui spiritus possunt ab aliis causis insigniter  
deprauari, ineptique fieri ad naturæ functiones, & vires  
robustas seruandas, sine eo quod corrumpantur, minuan-  
tæ. Ergo deici, ac prosterni potuerunt vires, absque  
spirituum corruptione, & per consequens, &c. Minor  
ostenditur, quia oppressus & suffocatus spiritus, nec cor-  
dis functionibus debite inferuire potest, nec præ multi-  
tudine obstruente per arterias diffundi, & vim, calorem-  
que excedentem per membra deferre, quo totius corporis  
temperamentum, & vires seruantur; vnde vitiosum  
fit, & improporcionatum instrumentum, nec minus si  
præternaturaliter alteretur: nec enim quicunque calor, dice-  
bat Galenus lib. aduersum Iulianum, ad fin. est operantis na-  
tura instrumentum, sed qui maxime commensuratus.

Quod verò suffocentur spiritus, & deiciantur vires,  
citra illorum defectum ac imminutionem, ex eo con-  
stat, quia aliquando eadem prorsus censenda esset imbeci-  
llitas per aggrauationem, atque ea quæ per inanitionem  
fit, cum tamen sint longè diuersæ, & diuersimodè  
curandæ, hæc adiectione, illa vacuatione, 2. acut. 48.  
& 12. meth. 2. tum quia in magno & repentino timore,  
in vehementi subitæque læticia, nulla præcedente ina-  
niente causa, subito spiritus ex toto confluunt ad cor, at-  
que ex sola eorum & sanguinis aggregatione, suffocatio  
inducitur, & syncope.

Quod autem etiam sine destructione sui, nonnunquam  
alterentur, comprobatur, sanguinis & aliorum humorum  
exemplo, qui sæpe non peccante quantitate, peccant in  
quali, & vitio insigni proprias formas sine sui cor-  
ruptione sustinent. Nec obstat, spiritus quia tenuio-  
res, facilius destitui & corrumpi, quia etiam in humo-  
rum alteratione arguitur vehementior causa, & multò  
maius virium.

Insuper negari non potest, spiritus, sicut reliqua om-  
nia præter ignem, posse putrefieri, 4. meteor. c. 1. ad med.  
cum enim ex sanguinis vapore, & inspirato aëre generen-  
tur, nutrianturque 6. de usu part. 17. & 7. de placit. 3. &  
alibi passim, nihil mirum, si quocunque illorum putre-  
facto, putrefiant & spiritus: inde consurgit diaria putrida,  
quam nos admisimus secundum probabiliorem senten-  
tiam, in lib. 1. in com. Histor. ultima. Sed in tali febre, quan-  
tumvis diaria pestilenti, & syncopali, non iungitur ne-  
cessariò spirituum defectus, & corruptio. Igitur. Probatum  
assumptum, quia nec aër ipse cum tenuior sit spiritibus,  
præua illa, aut fortè maligniori qualitate affectus necessa-  
riò inanitur, vel deficit in quantitate, quin ipse pestilens  
ac vitiosus inspiratur, & ab eo ipso corpus inficiuntur  
spiritus, & humores. Quare, &c.

Nec verò fundamenta in contrarium adducta prorsus  
euincunt admittendum esse in omni syncope spirituum  
defectum, & concursum destruentis causæ. Non primum,  
quia sicut natura ex innata doctrina, spiritum & sanguinem  
ad affectum, dolentemque partem solet accurrere, ex  
Gal. 5. aph. 53. scilicet ut ei opem ferat, & mali causam ex-  
pellat, ita id multò celerius, & vehementiori conatu exe-  
quitur, in malis cordis, omnium membrorum nobilissi-  
mi; atque adeò vbi illud insignitur afflicter, subito ex  
toto spiritus emittit, repenteque aggregat in corde ipso,  
ut principalissimum hoc membrum, spiritus & calorem  
innatum simul cum vita tueatur, & seruet, licet non raro  
ex tali subsidio, & aggregatione, destructio potius, & ma-  
ius malum, imò & nonnunquam interitus, ut in nostro  
symptomate accidit, epilepsia dolente parte, &c. sequan-  
tur: non tam ex intentione naturæ, quæ bonum perpetuò  
exoptat, & nunquam suo scopo fallitur, quam ex ope-  
ris errore, quia plerumque inter operandum labitur, &  
artis correctionem expostulat.

Ad secundum, non negamus spiritus diu suffocatos &  
oppressos, diminui tandem, extinguere, & perire: sed quia  
vbi primum suffocatio fit, materia impetuosè fluente,  
ut in syncopali humorosa, & similibus quam primum spi-  
ritus attrahuntur, & syncope adducitur; absque illorum  
diminutione aliquando fieri putamus; etiam quando suf-  
focatio antecedit aggregationem: nam vbi subsequi-  
tur, (quod contingit in syncope ex timore, atque mœ-  
sticia) ostensum est; quia causa corrumpens non præ-  
fuit, nequaquam spirituum defectum præcedere, nec  
iungi, necessariò in omni alteratione etiam insigni: quam-  
uis non inficiemur à maligna, deleteriâque qualitate,  
qualis est venenorum, spiritus ut plurimum lancinari,  
breuiter in halitus dissolui, & extinguere, & per dissolutio-  
nem syncopen fieri, ut in pestilentibus, malignisque fe-  
bribus sæpe contingit.

Verum si fieri posset, ut non dissoluerentur spiritus  
& præternaturali illa, & maligna febre, adhuc tamen  
virium lapsus induceretur; videlicet quia ipsi spiritus ita  
præternaturaliter, & insigniter alterati, fiunt inepti ad  
naturæ functiones, & sustinendas vires, ut diximus. Si  
verò in syncope, etiam à multitudine humorum, quic-  
quam vini aliquando dare cogimur, fit vbi iam spiritus  
deficiunt, & omnimoda eorum prostratio timetur, (nec  
enim negamus à grauante copia, spiritus tandem corrumpi,  
& deficere, sed non necessariò statim vbi suffocantur)  
atque ita non quò curemus affectum, qui à multitudine  
est, & potius euacuationem quam adiectionem expostu-  
lat, sed ut periculum præsens arceamus, omnimodam  
nempe virium & spirituum resolutionem, quicquam per-  
mittitur, à quo sustineantur, & viuificentur 12. meth. 2.  
& 11. 3. tract. 2. cap. 8.

Ex quibus colliges, non esse definiendam syncopen  
per spirituum imminutionem, sed præcipitem virium  
lapsum, ob cordis imbecillitatem, & repentinam spi-  
rituum aggregationem. Quæ quidem aggregatio perpe-  
tua est, & immediata syncopes causa: quia enim retra-  
huntur spiritus à toto, & in corde, tanquam in arce, &  
foco aggregantur, labuntur membrorum vires, & veluti  
semimortua concidunt corpora syncope correpta: nam  
licet in ira, vehementi gaudio, & similibus oppositum  
fieri videatur, & expandi potius spiritus ad corporis cir-  
cumferentiam, quam aggregari calorem: expansio illa  
immediata causa non est, quamvis principalis, ratione  
cuius, spiritus euanescent à corde, & subsequitur aggre-  
gatio subito & repente facta.

Colliges solutionem argumentorum quæ in principio  
quæstionis adduximus, & sic ad plurimum, quòd licet in  
syncope functionum cerebri defectum sentiamus, & ex  
motu sensûque ablatis malum iudicemus, non proinde  
censendum proprium cerebri, sed potius cordis, cuius vir-  
tus in hoc affectu radicaliter, & principaliter læditur,  
cæteræ per consensum, ut dicimus. Verum quia cere-  
bri actiones magis nobis manifestæ sunt, earum de-  
fectu cordis affectiones colligimus, certius tamen, & fir-  
matum iudicium sumetes ex imminutione, & casu pulsus,  
qui

qui in proposito symptomate parvus admodum, tardus, & rarus euadit, ob debilitatem, & calum pulsantis facultatis insigniter læsa & prostrata, non omnino tamen deficientis, quia syncope non dicitur virtutis casus, quasi in ea vis cordis penitus cadat & deficiat, sic enim iam mors foret, non ægrotudo: sed dicitur casus, hoc est, prolapsus, concussio, & insignis virium prostratio, in qua præter sensus, & motus ablationem, pulsus ad ultimam paruitatem, tarditatem, raritatemque perducitur. Nec verò ad huiusmodi calum Hipp. & Galenus vacuare vnquam permiserunt sed vsque ad illum qui lipothymia dicitur, & defectus animi simpliciter, in quo vsque adeò non deiciuntur vires, nec ipsa cordis ad tantum peruenit debilitatis gradum.

Ad ea verò argumenta, quæ in principio, contra causas Galeno traditas proposuimus, Responderetur omnium generum meminisse: alterantis, dum asseruit ab intemperie induci; corruptentis; cum à venenoso humore; nam venenosa qualitas quamuis de genere alterantium dicatur; corruptiua etiam est; denique & suffocantis mentionem fecit, dum dixit ab inflammatione, erysipelate, vel quouis alio tumore oriri: nempe quia in huiusmodi affectibus conculcatus humor, multitudine sua opprimit & suffocat spiritus; vnde vel quia corrumpuntur suffocati, vel quia inepti redduntur ad cordis functiones, & vires sustinendas, sequitur ipsarum casus.

Aduerte porro, quòd vt intemperies, vel quæcunque alia causa alterans syncopen promouere possit, præterquam, quòd insigni aliqua qualitate debet excedere, quæ subito spiritus corrumpat, vel saltem insigniter alteret: necesse est, vt primum spiritus ipsos internos, cordique vicinos, denique & internum calorem aggrediatur, & destruat; nam si paulatim alteret, sensimque corrumpat paulatim etiam vires deiciuntur, non subito, & repente, quod omnino ad syncopen requiritur, vt aduertit Paulus lib. 3. cap. 34.

Ex eo, in ardente febre non promouetur, nisi simul adsit transmissio biliosorum humorum ad os ventriculi: non in hæcica, lib. 1. ad Glau. 14. nisi simul associetur tabes, hoc est pulmonis vlcus, vel distillatio ad pulmones, vel demum putrida febris, à quibus obstructio, & putrefactio inducatur. Inde plerique à colico cruciati, in animi deliquium non incidunt, quantum à vitrea pituita omnium frigidissima orto, nisi aliquando vehementissimo dolore correpti, ratione cuius dissipantur spiritus à corde, & subito deiciuntur vires: id quod multo minus accidere videmus in extrema ambientis frigiditate, ratione cuius multi non cum syncope, sed paulatim & sensim fuerunt extincti. Cum enim frigiditas sit agens per contactum, primò agit in partes proximas, deinde in remotas, & propterea paulatim incipiendo ab extremis partibus, spiritus & calorem illarum extinguit, quousque ad intimas, & cor ipsum perueniat. Vbi verò frigiditas, licet vehemens, extimas partes alterat, & earum calorem extinguit, non expanduntur spiritus à corde, nec calor ad eas confluit, quoniam in corde ipso est retractus, fugiens suum contrarium ambiens, videlicet actum aut potentiam intensè frigidum: postquam autem peruenit ad cor, cum extremæ partes refrigeratæ iam sint, & earum calor extinctus; insuper & viæ ac meatus spirituum, ratione frigiditatis condensantis, & obstruentis subsideant & angustentur, fieri non potest subita illa retractio in eor, quæ ad syncopen requiritur; quemadmodum vbi causa valida refrigerans, spiritus & calorem internum primò destruit. Quòd si nonnulli ob nimiam extremorum frigiditatem, in deliquium inciderunt, hoc ratione doloris potuit euenire, præsertim quia passio nervosis partibus, & ventriculi nonnumquam solet communicari, quo casu valde dolorifica fit; tum quia interna frigiditas constringendo, & densando, continuum soluit, & nervosas partes ac ventriculum conuellit, tum quoniam hæc partes exacto & acuto sensu præditæ sunt.

Ad tertium, & quartum patet ex dictis solutio: explicatum namque est, venenorum materias, & alterando tantum, & simul etiam corrumpendo spiritus, posse syncopen

excitare, nec dissimiliter suffocantes causas cuius generis sunt tumores. Ex quibus ad argumenta facilis resp. Hæc de syncope sint satis, in quibus paucissimi iuniorum industriam suam exercuerunt; & cum hoc arduum, & necessarium argumentum sit, plura post tot, tamque celebres viros, de eo literis conscribere placuit, præclusa rimans, secretiora proponens, & antiquitatis reliquias anxie conquirens: Video enim huius sæculi Medicos, Apitios, delicatioris palati, qui diaria fastidiunt, & quidquid quotidiani ac publici est iuris contemnunt, iccirco cupidæ quærendæ, & conchylia Eois intonata fluctibus inuestiganda.

## HISTORIA LII. ORIBASII,

### De manu inflammata.

Manus ex pondere inflammata, altero pondere in altera manu gestato, persanatur.

**T**Imocrates igitur Heracleotes, cum iuuenis quidam ex agro non mediocri pondus in urbem dextra manu tulisset, ob eamque causam inflammata, & impleta manus fuisset, iussit, vt pari pondere sinistra imposito tantundem itineris conficeret, ita fore vt manus tumor euanesceret. Qua re confecta statim tumor cessauit, &c. Oribasius lib. 8. collectan. cap. 19.

## PARAPHRASIS.

**D**E nulla alia corporis particula debent esse Medici æquè solliciti, quam de curandis manibus; harum cum sit præstantia multa: mira enim est artium numerositas, quam membri huius adiumento condiscimus, & exercemus. Harum enim ope homines agriculturam ministrant, viscera terræ, ac metallorum inde vim summè pretiosam eruentes, penetrant; pingunt, findunt scalpunt, scribunt, ex qua scribendi maiestate, tantarum rerum scientia nobis comparatur, vt quæ temporis, aut mortis auida rapacitate sunt interitura, ea hac arte fiant veluti immortaliora. Harum vi admittuntur maria, repelluntur, certis quoque limitibus, veluti extra præscriptum proferre pedem vetantur, obiectis molibus: penetramus aquarum ima: montium verrucas quantumuis senticolas nobis obnoxias reddimus: quidquid ferè mundi vastitas complectitur, manuum solertia nostri sit iuris; nam illæ aptæ, & ad omnem morum nullo labore faciles. Ausim dicere, seiunctis manibus, fuisse inermes nos futuros, sed vel brutis imbecilliores: nam rationis, ac sapientiæ sunt ministræ, nam iis poscimus, pollicemur, vocamus dimitimus, minamur, supplicamus, abominamur, timemus, interrogamus, rogamus: gaudium, tristitiam, dubitationem, confessionem, poenitentiam, modum, copiam, tempus ostendimus. Quid? quòd inter agendum non vt cæteræ partes loquentem adiuvant, sed ipsæ quoque quodammodo loqui videntur.

Galenus non Medicinæ solum peritissimus, sed in philosophia, cæterisque bonis omnibus disciplinis excellens, lib. 3. de usu part. cap. 1. ait solum hominem philosophari inter pedestria animalia, & recta esse figura, & sedere; eamque ob causam accepisse manus à natura, quòd his duobus corporis statibus sit manuum opera necessaria. Cum enim, inquit Gal. lib. de usu part. 3. & 4. sapientissimum animalium sit homo: ita manus sapienti animali organa sunt conuenientia; imò eas, si organum organorum appellaueris, vera propones. Manibus ergo affectis auxiliares manus citò adhibere oportet.

Cum ergo in summa manu dextra non mediocri pondus in urbem portasset iuuenis, & ob pondus, dolorem, calorem, & debilitatem, è toto corpore in eam irruet humorum confusus, tumorem, & inflammationem passus est. Maximè quum pondus in palma gestasset, quæ pars cum carnosior sit, si plures nervos recipiat, quàm pars externa, & instrumentum sit rerum

quæ tangi possunt, exquisitiis qualitates quæ tactum feriunt, primarias & secundarias sentit; ideoque polita est, & depilis ea parte cutis: quapropter cum exacto sensu prædita sit, à causis externis promptius offenditur; & sic facta ob graue pondus læsione, & dolore excitato, confluentibus ad debilem partem affatim succis, inflammatio facta est.

Cui quum multiplici posset opitulari auxilio, nullo alio, quam pari pondere sinistra imposito curandam esse sibi persuasit, speret sanguinis missione, frictionibus, ligaturis in parte contraria celebratis, quæ tum impactum vacuare nata essent. Sed videtur hæc curatio fallax, & à priscorum mente aliena: Galenus enim lib. 4. acut. com. 19. cum vehemens dolor hominemprehendit, vel pars aliqua fracta est, vel os ex loco pulsum, vel alius articulus contractus, reductusque, sanguinem illico emittit præseruationis causa, ne scilicet pars inflammatione tentetur, licet homo paulo antè sanus fuerit, prorsusque redundantiæ sanguinis expers, ut ipse edocuit lib. 4. meth. cap. 6. Rursus. Si Gal. 13. meth. cap. 5. manu laborante scarificat crus, cur illa inflammata, pondus non imposuit cruri, sed manui?

Dic ad primam obiectionem. Auctorem hoc præsidium tentasse cum utilitate summa, quod primo inflammationis occursum tutius videbatur cæteris, quæ euacuando sanguinem & spiritum, cum virium dispendio morbum leuant, tentaturus & hæc, nî morbus priori cederet auxilio. Ad secundam. Illum de simplici reuulsione loquutum intellige, quare pondus non cruri, sed manui sanæ imposuit: monet enim Præceptor lib. 13. meth. cap. 6. & 11. & in art. medic. cap. 99. edoctus ab Hipp. lib. 2. de natur. human. text. 9. humorem longissimè à parte inflammata reuellendum esse, nequaquam ad eam trahendum; sic altero crure malè habente, reliquum crus scarificat. Si verò manu laborante sacrificat crus, de reuulsione mixta cum vacuatione eum intellige, quam vna eademque venæsectione posse celebrari, fateretur ipse lib. 2. acut. com. 11. & 13. meth. cap. 16. & lib. de curand. rat. per sang. mis. cap. 16. Quare rectè fecisse auctorem arbitreris: pondus enim imponendum est procul à locis, in quibus sanguis colligi, & dolor concitari consuevit; assuescit enim natura sanguinem suapte natura in partem dolorosam, inflammata, & debilem confluxurum, ad alias partes transmittere: quare reuulsio ex loco maximè distantidebet celebrari, iuxta Hipp. edictum lib. de ossibus, num. 13.

A varij humores pituitosi coacervantur, & ex veluti lacuna pituitæ, auctore Auic. 13. 3. tract. 2. cap. 16. generatur etiam in ventriculo bilis porracea, & confluunt ad ipsum humor melancholicus ex liene. Septimò. Alimētum corruptum in eo, generat substantiam, quæ retinet indicibiles qualitates, ex Gal. 3. de caus. sympt. 1. Quare non immeritò Auic. loc. cit. cap. 4. debilitatem ventriculi esse causam omnium agritudinum corporis pronunciauit.

Cum plurima pituitæ quantitas innatat in ventriculo, in eiusque cavitare, tunicisque tenaciter est impacta, fastidium, inflammationem, nausæam, acorem, deprauatam coctionem ægri patiuntur; ob dictam causam, hos esse primò curandos, pituita à ventriculo absterfa, Paulus hoc loco admonuit. Quantum enim oporteat pituitam sic innatantem à ventriculo abstergere, & subinde vitiatos humores in eius cavitare infixos repurgare, docent Galenus lib. 8. meth. 5. & lib. 8. de compos. medic. sec. loc. 3. Auic. loc. nuper cit. cap. 6. & 1. 4. tract. 1. cap. 35. Aëtius tetrab. 3. sermon. 2. cap. 9. & 10. Ea enim coercita, plurima damna, ob ventriculi cum præstantibus partibus consensum, suboriri, quotidiano experimento compertum est. Ob eam enim insitus ventriculi calor flaccescit, & debilitatur, quo imbecilliori factò, cruditas increfcit, à qua omnis morborum farrago repullulare solet, cum sit maiorum omnium seminarium, atque origo, ex Auic. 16. 3. tract. 3. cap. 21. Ab hac enim oriuntur mali habitus, podagra, articularum morbi, diuturnæ febres, apoplexiæ, paralytes, conuulsiones, peripneumoniæ, Ophthalmiæ, & vniuersa propemodum agritudinum strues, ceu à fonte vberissimo originem ducit. Insuper cruditas obstructionis est promptissima causa, à qua irreparabiles morbos emanare lata oratione prosequitur Gal. lib. de cib. boni, & mali succi. cap. 2. & 3.

Quare pituitam in superiori ventriculi parte contentam vomitu vacuare oportet, ut lib. 2. aliment. facult. 20. ex professo lib. 6. de sanit. tuend. cap. 10. Galenus edocuit. Hæc enim vacuatio facilis est, & sine noxa, minimumque negotium facessit, ut lib. 5. de usu part. cap. 4. retulit Galenus, Sic Celsus lib. 2. cap. 3. vomitum prouocare iubet, quibus ventriculi ratione multa succrescit in corpore pituita: vacuatio enim per hanc regionem celebrata saluberrima est, & omnium præstantissima: noxios quippe humores ex ipsis fontibus synceros elicit, & euacuat omnem, quæ in ventriculi cavitare hæret, illuuiem, & ex canis iecoris superuacuos humores; & caput, reliquumque corpus consequatione quadam expurgat, ut docuit Præceptor lib. 4. aph. com. 2. & probat post eum Fernel. 2. de purgand. rat. c. 2. eloquenter.

Cum autem plurima sint vomitoria, leuia, fortia, & mediocria, ex variis medicamentorum generibus parata; à leuibus inchoare, fortibusque abstinere oportet Aëtij consilio, tetrab. 1. serm. 3. cap. 119. Inter illa primum locum tenent raphani semen, cortex, radix, imò & totus oxymelite paratus; ille enim vomitum sine molestia mouet, ob multas causas. Prima. Quoniam acrimonia sua irritat expultricem ventriculi. Secunda. Flatulentia sua distendit, & detergit, cum acris sit. Tertia. Tetro suo odore ventriculum subuertit. Quarta. Non digeritur, quare tanquam onerosus expellitur cum iis, quæ in ventriculo retinentur, ex Gal. 2. alim. 70. Auic. lib. 2. tract. 2. cap. 580. & lib. 1. tract. 1. cap. 1. Rasio lib. 4. aph. Ishac. lib. 4. diatar. cap. de radice. Dioscorid. lib. 2. cap. 103. Quare Arabum axioma de Raphano, raphanu digerit, & non digeritur, est explicandum; nam ex eo genere est ciborum, qui diu in stomacho durant, & magna cum difficultate coquuntur: digerit autem, hoc est, suo acumine distribuit, vel grauitate sua reliquos cibos ad inferiora propellit. De quo negotio Amatus diligentissimè lib. 2. centur. in schol. 32. ratiocinatus est. Quinta. Fœtentes, putresque ex se eleuat ructus, ad nausæam, vomitumque facile prouocantes, ex Galen. lib. 1. de loc. affect. cap. 4. quidquid causam tetri halitus in fumentis natura, non in radícula sitam esse, opinetur Aphrodisæus lib. 1. probl. 42. nam extra maceratus parem fœtorem aquæ conciliat. Quoniã, ut inquit Simeon Sethi, radiculæ

## HISTORIA LIII. PAULI, De ventriculi debilitate.

Ventriculi debilitas, ob pituitæ copiam, vomitu ex radícula parato, curatur.

Goquãdoque ita affectum, noni, qui raphanis ex oxymelite sumptis, incredibili crassioris pituita copia vomitu egesta, integrè sanitati fuit restitutum, &c. Paulus lib. 1. cap. 41.

### PARAPHRASIS.

Ventriculi morbos difficillimè curari, eis que multi faciendos arguunt plurima. Primum. Quoniam alimenti est prima officina, & quum cibos recipiat nullo modo concoctos, ab illorum variis qualitatibus diversimodè alteratur. Secundò. Eius coctio deficiens, aut vitiata, ab aliis membris coquentibus non ita emendari potest. Tertio. Quòd constet substantia frigida, qua de causa imbecillis factus, crassos, viscidos, tenacesque succos gignere consuevit, quorum occasione morbi diuturni excitantur, & rebelles. Quarto. Quia cum partibus præcipuis plurimum obrinet consensum, cuius causa illis suas citò communicat affectiones. Quinto. Quoniam ob exquisitum sensum quo pollet ex Gal. 12. meth. 5. & lib. 1. de caus. symp. 7. illico noxam perferit. Sextò. In hac parte

radiculæ sunt facilis corruptionis, atque idè ructus olidos efficiant: par est igitur iis abstinere, qui post eorum vsum ructant, quando hæc, & reliqua cibaria secum corrumpunt. Ergo radiculæ, quia ructus efficiunt, ventriculum perturbant, ructus enim est ventriculi affectio, vt docuit Arist. lib. 3. 3. probl. 1. §. 9. 17. fit enim ructus, cum ventriculi humor recalescens inflatur, atque concoquitur: ex quo reddit causam, cur nec iumenta, nec cornigera, nec aues, nec ruminantia ructent, scilicet ex ventris siccitate; quia plures habent ventres, in quibus humor consumitur, qui cum in flatum vertitur, efficit ructum. Declarant hoc luculentissima oratione Gal. 3. de caus. sympt. cap. 2. post. med. Fernel. breuiter & politè lib. 6. de part. morb. cap. 3. Altimarus de medend. human. corp. malis, cap. 69. & auctor eius voluminis quod Philonium dicitur, barbarus quidem, sed elegans, lib. 2. cap. 70. de oris & anhelitus fetore, & lib. 4. cap. 11. de eructatione. His de causis raphanum concitare vomitum patet apertè. Consule Oribasium lib. 8. collect. cap. 1. rubric. 2. de vomitu raphanis prouocando, & Mundellam epist. 11. De quo argumento nuper scripsit Petrus Morellus in meth. prescribendi medicamenta, sect. 2. cap. 5. de Vomitoris.

Oxymel autem vomitum concitat, si sit copiosè sumptum, partim abluendo, partim detergendo; quare acetosi syrupi, ex dulci & acri constantes nauseam mouent, Auic. 2. canon. tract. 1. cap. 3. Cætera quæ de vomitoriorum forma, genere, agendi modo, aptitudine corporis ad vomitum, eius præparatione, tempore accommodato, ac denique de conditionibus ad vomendum requisitis, consultò prætereo, legenda apud Auic. 4. 1. cap. 11. & eius interpretes, Arnaldum in tract. de regimin. sanit. cap. 43. Nicolum serm. 2. tract. 1. sum. 2. cap. 9. Mercat. lib. 1. indicat. cap. 9. Lupeum Cureleanum lib. 2. enchirid. cap. 4. Bartholom. Perdulcem lib. 3. vniuers. medicin. cap. 27. & lib. 5. sect. ult. cap. 9. Santorellum lib. 22. anteprax. à cap. 1. usque ad 5. & nos lib. 3. in com. Histor. 26. scitu non indigna proponemus.

## HISTORIA XLIV. GALENI,

### De ventriculi debilitate.

Ex ventriculi debilitate, & gulæ refrigeratione, mors subsequuta.

**H**omo erat quadraginta annos natus: medio dum valebat, crassitudinis & gracilitatis habitu. Is siti vehementer affligebatur, ac calidam auersari se dicebat, cum illi frigidam nemo daret, tametsi hanc impensè flagitabat: febricitare tamen Medicis non videbatur, & ventriculus qua sumpserat, tribus aut quatuor horis post euomebat simul cum potione. Itaque gracilis iam effectus erat, & periculo propinquus, minimè videl. adiutus ab austeris, acerbisque tum cibis, tum medicamentis. Sumebat verò & post cibum, austerum vinum is homo, cum nec vltra sitim toleraret, ac (vt aiebat) mori mallet, quàm in cruciatus vivere, aquam frigidam \* simul multam super cibum hauriens protinus sitire destitit: paulo verò post plurimum eius euomuit. Abhinc horrorem in toto corpore sensit, pluraque operimenta poposcit, quum prius omnia abiiceret. Tunc igitur reliquum totum diem, quo id fecit, noctemque totam in quiete egit, cooperimentis se fouens. Venter verò circa mediam noctem semel excreuit, qua mediocriter erant cocta: itaque nec siticulosus præterea erat. Postero autem die tum \* coloratior multò, tum firmior est effectus. Ac deliberabant iam Medici, an hominem lauare expediret, alij quidem suadentes, alij dissuadentes. Vicit autem sententia illorum qui lauare suaserunt. Itaque etiam lauatus citra offensam est, ac modicè cibatus, tum melius ei quàm pridie venter concoxit. Questus autem est quòd difficulter transglutiret, visumque omnibus est propter vomitum, qui præter consuetudinem inciderat, vellicatam illi fuisse gulam, ac proinde malè habere. Cæterum vt etiam secutis diebus symptoma permansit, constabat nobis omni-

**A**bu ventriculi imbecillitatem esse sanatam, gulam autem esse perfrigeratam. Nec sanè mirandum erat, sicuti potione illa quod immodicè calfactum erat, ad mediocritatem est reuersum: sic quod mediocriter calebat, fuisse refrigeratum. Cæterum gulam eius nemo potuit sanare: sed vitio in visum mutato, tandem moriuus est, &c. Galenus lib. 7. meth. cap. 8.

## PARAPHRASIS.

**V**tile exemplum placuit Galeno recensere ad vnguem, olim, dum Medicinæ operam daret, à se visum, & à præceptoribus suis malè curatum, quum nec ipse, nec Medicorum quisquam affectum intelligeret. Proponit ergo hominem quadragenarium calida siccaque ventriculi intemperie laborantem; quam periculosiorem, & sanatu difficiliorem esse constat, quia ex duabus qualitatibus, & difficilioris ablationis, & longioris temporis, sit composita. Hac fuisse correptum, multiplicia probant argumenta, primùm sitis vehemens, qua vehementer cruciabatur, calidæ auersatio, nimium frigidæ desiderium: hæc enim partes internas æstuantes, mesenterium, hepar, ieiunum, pulmonem, ventriculum, & præsertim ipsius os, flagrare incendio significant; si Galeno fidem adhibemus, lib. 6. de loc. affect. 3. & in art. med. c. 64.

Quo pacto mirari subit Præceptorum Gal. ingenium, qui in re tam manifesta ita cæcutientes, à vera affectus cognitione aberrarunt: & eò magis quòd æger tribus, aut quatuor horis post assumptum cibum vomeret; nam vomitus patientis ventriculi est euidentissimum signum.

**C** Liberabis ergo à calumnia Galenum, vt qui nihil certi de se affirmare ausus sit, sola tunc vsus contemplatione: ille enim iuuenis erat, & nondum in arte satis versatus. Patet, quoniam procedente ætate audacior factus, quia magis expertus, similem casum, quum iam omnem ventriculi intemperiem discernere posset, perbellè curauit. Audi ipsum, dum in sequenti historia sic præfatur. Postea verò quum iam medendi methodum inuenissem, venit mihi in mentem, hunc, vtrique illum esse affectum, quem olim fueram contemplatus.

In hoc ergo agone cum esset positus laborans, sitientissimus, & ob denegatum potum, exarescente ventriculo; sicque vi quadam à partibus tracto humore, corpore extenuato & gracili, in maximum periculum est redactus: (immodica enim siti cruciatus quandoque vitam hac de causa cum morte commutasse, plurimis exemplis comprobauit Galenus lib. 1. de caus. sympt. cap. 7.) & maximè quum ob intemperiem calidam & siccam, vis retentrix adeò esset debilis, vt exhibitum alimentum retinere non posset; & sic cum corpus conuenienti cibo orbatum contabesceret, factum est vt clamosa vrgente siti vexatus, citra consilium Medicorum, qui frigidam illi non concedebant, vtpote debili, vomenti, gracili & excarni, mori quidem mallens, quàm in cruciatus vivere, aquam frigidam simul multam, super cibum hauriret, qua epota protinus sitire destitit, & melius habere visus est.

Hunc fuisse præpotentem & diuitem, patet apertè, nam præterquam quòd insciis Medicis, vtpote inobediens, & minimè obtemperans, (cæterorum diuitum instar, ex Gal. 11. meth. cap. 13. & 16.) gelidam assumpsit, plurimos Medicos ad sui salutem conuocauit. Esse autem consultationem Medicorum optimam, & in proprium ægotantis commodum sæpe finiri, tradit eleganter Hipp. lib. præcept. num. 7. dum sic ait. Nec verò indecorè se ille geret Medicus, qui in rei præsentis angustia circa agrum aliquem, & imperitia tenebras offundente, alios quoque accersi iusserit, quò ex communi consideratione res circa agrum inquirantur, ac cognoscantur, & illi cooperatores fiant ad auxilij ferendi facultatem: nam in afflictionis afflictitate, augescente affectione, ob consilij inopiam, plurima ad rem præsentem effugiunt, &c. Quem locum polita oratione exponit eruditissimus Heurnius. Nam consultatio ægros obediens reddit: quantum autem in curandis morbis prosit obedientia, ostendit Gal. lib. 1. prog. com. 2.



& lib. 3. epid. sect. 3. com. 58. & lib. 6. eiusd. sect. 2. com. 43. qui plures non obtemperantes, in peste læua obliſſe contra obediētes, aſſumentēſque cibum, ſuperſtites enaſiſſe aſſimulat. Quapropter lætetur ſemper Medicus, ſecum habere colloquutorem; miti enim, & diſerta concertatione hauritur veritas, ſicut ex ferro, & ſilice elicitur ignis; qui enim conſilium renuit, iſ vult ſolus eſſe in præſepi equus, qui à cœtu Medicorum exhibendus eſt. Non ergo fruſtra iuniorum doctiſſimi, de collegiandi ſeu conſultandi ratione, elegantiſſimos libellos conſcripſerunt, nam vt ſciēt Theodorus Zuingerus interpretatur, in Hippocratis com. Medicus eruditione, & experientia licet ſit pulchrè inſtructus, cum homo ſit, decipi, errare, labi poteſt, ob ſingularium circa quæ verſatur incomprehenſibilem varietatem.

Ex gelidæ ergo portione intempeſtiuè, aſſatimque ſumpta refrigerata gula, in deglutiendi difficultatem, & mortem incidit, vnanimiter ipſi confirmantur. Nam ab acerbis, tum cibis, tum medicamentis læſum fuiſſe, extra rem eſt, quum hæc roborent, ſitimque leuent. Dulcis aquæ lauacrum obſuiſſe, non eſt aſſimulandum: nam balneum ſitientibus ſitim aufert, ex Galen. lib. de marcore, cap. 7. Quare iis qui ob caliditatem, & ſiccitatem premuntur ſiti, balneum ſtrenuum eſt auxilium, ex Aëtio tetrab. 1. ſerm. 3. cap. 106. Cauſam ergo mortis totam in frigidæ potionem referendā eſſe patet, ex qua gulæ vellicatio, & ex hac deglutiſionis impedimentum ſequutum eſt manifeſtum; vbi namque pluribus diebus cibum quis deglutire non poteſt, mori hunc, neceſſarium eſt proſus. Sed qua de cauſa frigidæ potio gulam refrigerando, deglutiſionis impedimentum fecerit, & cur hæc refrigerata caleſcere non potuerit, quum non ſit in parte adeo longinqua vt ventriculus, qui refrigeratione leuatus eſt, ſic accipe.

Quam partem, gulam Latini appellant, eam Græci œſophagum vocant, licet qui poſt Ariſtotelem ſcripſerunt, ſtomachum vocarint, auctore Galeno lib. 5. de loc. cap. 5. falſo tamen, cum ſtomachus ſignificet eam corporis cauitatem, ex Plin. Celſo, Græciſque, quorum Galenus ſæpe meminit, in qua cibus recipitur, & prima ſit concoctio, id eſt, ventriculus, vt Ioan. Manard. lib. 2. epiſt. 3. doctiſſimè probat: de qua re conſule Mercurial. lib. 1. variar. 1. & Marſil. Magnatum lib. 1. variar. obſeruat. cap. 15. Eſt ergo gula meatus ille, qui inter fauces & os ventriculi interiacer, per quem cibus & potus ad illam cauitatem, cui committitur, deglutiendo deducitur, quem œſophagum Græci, Latini gulam nuncuparunt, Arabes meri: ſic gula eſt via cibi & potus, guttur, ſpiritus via, Nam lib. 1. de hiſtor. animal. 16. gulam reddit Gaza pro œſophago, ſed magis vniuerſè ſumenda videtur apud Ariſt. nam & gula pro ea parte tota ſumitur, quæ à mento pertinet vſque ad ſtomachum. Ita Plinius dixit lib. 11. cap. 37. ſumum gulæ fauces vocantur. Probat Hieronym. Magius lib. 1. miſcellan. cap. 18. œſophagum poculentis, eſculentisſque deſtinari, quæ gulam Latini appellant.

Vtunque tamen ſit, gula eſt via cibi, potusſque, ex Galen. lib. 6. de vſu part. cap. 5. & 2. aph. 17. Hæc pars duabus tunicis conſtat; alteram naturā ad cibi, potusſque deglutiſionem fabricauit; alteram ad eam, quæ vomendo ſit expulſionem. Interna craſſior, durior, neruoſior, rectis fibris contexta; externa carnoſior, tranſuerſis fibris prædita; tota denique eius compoſitio conſtat ex his membranis, venis, arteriis, & neruis, cuius fabricam delineauit Andreas Laurent. lib. 9. de re anatom. cap. 17.

Inſuper hanc partem vnā cum ſuis muſculis habere quandam ſocietatem per neruos, & ligamenta cum ſpinali medulla, membranis adiacentibus, & oſſibus vertebrarum tradit Galen. lib. 4. aph. 35. Ex his facile colliges, gulam à frigidæ potu multo fuiſſe valde læſam; nam frigidum inimicum neruis, ex Hip. 5. aph. 18. quoniam frigidæ, exanguēſque partes, ab intempeſtiuo, immodicoque frigidæ vſu impenſè læduntur. A cuius potu, huius partis conſtrictæ, corrugatæque ſunt tunice, villi, & muſculi, potiſſimum interni, qui deglutiſionis muneri ſunt deſtinati; frigidum enim auctore Galeno 5. ſimpl. 26. increaſſat,

Lib. II.

A contrahit, adſtringit, condenſat, ſtupēfacit, atque extinguit, ex ipſo 6. epid. ſect. 6. com. 4. Qua propter à frigidæ potu nimio, gulæ extinctum fuiſſe calorem dicendum eſt, maximè quum debilis eſſet, & excarnis æger, & ob ſitim diurnam valde afflicti; nam in his calor nationis ob humidi inopiam eſt exiguus. His verò hunc potum concedere, temerarium eſt, & à Galeno ſummopere reprobatum, qui ſolū iis qui valido conſtant calore, eſſe propinandum ſibi perſuaſit; denegandum verò iis qui imbellem calorem habent: celeriter namque ad ſolidas animalis peruenit partes, nulli quod eius vim frangat, occurrens. Hoc expreſſè docuit Auic. 13. 3. tract. 2. de ſitis medela dum ſic ait. Et non bibat ſiſens aliquid plurimum ſubito, neque aquam frigidam valde, & mortificet caliditatem, quam debilitauit ſiccitas, & c. Hauſtus ergo frigidæ, intemperiem extinxit; at gulam inſanabiliter extincto eius calore mortificauit, & deglutiſionis impedimentum fecit. Demum gulæ refrigeratio, vitium primum fuit; hoc in deglutiſionis impedimentum mutatum: quare vitio in vitium mutato, extenuato corpore, abſumpto humido, & ob priuationem alimenti, extincto calore, mortuus eſt.

## DV BIVM XXXIV.

Num frigida potus ad ſatietatem ante coctionem concedendus.

## COMMENTARIUM.

**F**rigidam ſimul multam hauriens.] Quibus & quo tempore morbi, gelida ſit ad ſatietatem vſque concedenda, explicat pluribus in locis Galenus: hic enim potus febribus ardentibus extirpandis, quæ intenſiſſima ſiti, & calore ardentiffimo corpus fatigant, eſt accommodatiſſimus; quando enim inſatiabilis ſitis ex vehementiſſima caliditate, & ſiccitate, hoc eſt, humoris inopia ſuborta, in corpore præſertim ſqualido, & grãcili, aliis auxiliis mitigari non poteſt, gelidæ vſu ad ſatietatem vſque leuatur, ex Galen. lib. 9. meth. cap. 5. & lib. 11. eiusd. cap. 9. immo lib. 10. meth. 5. & lib. 4. acut. 12. plurimos hoc auxilio tempeſtiuè adhibito, igne correptos ſe perſaſſe gloria-tur, & de hac re plura proferemus lib. 4. in com. hiſt. 11. Hanc poſitis nonnullis obſervationibus eſſe aſſumendam monet, quæ licet ab ipſo ſtatuantur ſex, lib. 4. acut. citato, ad tres tamen reduci poſſunt, ex mente Galen. lib. cit. 11. meth. 5. Ergo ſi vires valentes fuerint, febris ardentiffima, & concoctionis nota planè euidenter, frigida dare audacter debet, & c. Huius potus commoditates ſunt multæ: licet enim aquæ, quæ in acutis bibitur morbis, nullam vtilitatem concedat Hip. lib. 3. acut. 40. nam iuſſim non ſedat, ſputum non mouet, ſitum non placat, aluum non mouet, vrinam non ciēt: facile deinde bileſcit, hypocondriis aduerſatur, lienem, & iecur maximè ladit, ſupernat etiam, & ſtercoris ducendi ſua-pie natura expers eſt, ob multas cauſas traditas à Gal. in com. & explanatas à Mercuriali, Antonio Muſa, Vallefio, & Heurnio in com. luculenter: tamen hæc de aqua in parua quantitate exhibita ſunt intelligenda, non de ea quæ aſſarim, & ad ſatietatem vſque conceditur: illius enim potus parcus, ſi à ſtomacho biliſo amplectatur, à copia bilis corrumpitur, & eius naturam induit: ciborum purorum inſtar, qui ſi truantur in ſtomachum caco-chymum, in prauos ſuccos corrupti conuertuntur; & maximè ſi in pleuritide propinetur aqua, in hac ergo affectione, catēriſque thoracis inflammationibus oblata, plura & maiora damna facit: ſub quorum morborum exemplo, de aquæ potu loquutus fuit, in lib. de rat. victus Hip. vt notat Gal. lib. 1. acut. 33. & 6. & lib. 4. com. 42.

Aſſatim verò ebibita vires recreat, naturam ſiti inextinguibili oppreſſam leuat, quæ alacrior facta, humores optimos, vtilēſque retinens, inutiles per vrinam, aluum, & ſudorem, aut quamlibet regionem potenter extrudit, vt referunt Paul. lib. 2. cap. 18. Aëtius tetrab. 2. ſerm. 1. c. 72. Amatus lib. 1. centur. ſchol. 3. Sumendus hic potus quouſque æger fiat viridis, mutetur color, & tremat, ex

A a

Auic.

*Auic. 1. 4. tract. 2. cap. 7. Cornel. lib. 3. cap. 7.* Exhibendus in febre biliosa, in qua vires valeant, coctionis signa ad-sint, quæ ferè status tempore in vrina apparent, nullum viscus internum debile sit; neque inflammatione quapiam occupatum, aut obstructione magna teneatur: nam in his noxas inemendabiles facit, quoniam obturat, in-crudat, debilitat, fluxionem arctat, humorèque excerni prohibet. Eius loco, maioris attemperamenti causa, aqua medicata substitui potest, vt buglossæ, cichorij, hordei, &c. Et si internæ malignitatis vestigia adsint, consulunt Ferdinand Mena *lib. de feb. cap. 38. Trincauel. lib. de feb. pestilenti cap. 201.* propinari aquam pulpa tamari-dorum benè decoctam, nec immeritò. Nam modicè refrigerat, humorum acrimoniam reprimat, sanguinis furorè, feruorèque compescit, hepatis odorem extinguit, bilem purgat, acutis febribus remedio est, veneno & putrefactioni resistit, & malam qualitatem mirandum in modum compescit, vt refert Mizaldus *de compositis medicamentis. cap. ult.* maximè si temperetur guttulis iulep. violacèi, vel limonis, aut mali punici succo miscèatur.

Vnum solùm aduertere debes, febris vehementiam esse aliquando tantam, vt periculosa signa se prodant, quæ hecticam febrem, aut innati caloris extinctionem manifestè minari cõsueverunt. Et sunt lingua nigra, & aspera, arida, fuliginosa, ex Galen. *lib. 1. de loc. cap. 5. & 4. acut. 4. & 13.* calor enim immodicus in ardentissima febre inflammatur sanguinem, & bilem, & horum humorum exhalationes fuligini similes reddit, ex Galen. *6. epid. sect. 5. com. 14.* In his faucium nimia siccitas adest, ita vt ob siccitatem ægri loqui non possint, ex Galen. *lib. 7. de usu part. cap. 14. in fin.* Ob hanc causam ex gutture valdè resiccato vox fit clangosa, vt *cir. de usu part. c. 7.* perbellè notauit Galenus. Hæc omnia in vehementissimis, & maximis partium internarum inflammationibus reperiuntur sæpe, in quibus internæ partes extimis frigidis incendio flagrant, ex Hipp. & Gal. *4. aph. 48. & lib. 7. eiusd. text. 1.* in his enim ob magnitudinem inflammationis, eximiumque dolorem, sanguis à circumferentia conuocatur ad centrum, ibique vnitus & conculcatus sitim intolerabilem parit, vel animi defectum, aut caloris innati extinctionem secum accersit. Hæc omnia demonstrant præter cætera, vrina nigra, & pauca, durissima aluus; nigredo enim ingentem humoris biliosi adustionem significat; paucitas totius ferè humoris aquosi, ob retorridum ignem internum, consumptionem præcõstendit; quibus de causis aluum durissimam reddi, stercorei caprarum perquam similem tradit Gal. *lib. 4. acut. com. 17.* & post eum firmavit Auic. *16. 3. tract. 3. cap. 16.*

Si ergo hæc exitialia signa appareant, ex Galen. *lib. 1. cris. 1. 2.* & alibi passim, sitisque incompscibilis, & deurens, caliditas hominem torqueant, citissimum interitum prænunciant, apud Gal. *lib. 3. epid. sect. 3. com. 34.* quid ergo faciendum, nisi oblata frigida ante coctionem, vsque ad satietatem ægrum leuare? ni ergo hoc feceris, spretis cæteris indicationibus, illum præcipitem dabis in necem. Quod potest timeri, diurnitas est affectus: at neglecta, quæ sumitur ex causa febris, indicatione, soli febri prouidere oportet; multò enim melius est, vt crudiori facto humore, fiat febris phlegmatica & diurna, quàm hectica. Nam, vt opimè dicebat Auic. *1. 4. tract. 2. cap. 3.* febris quandoque est tanta vehementia, & acuitas, vt non liceat vti regimine causa, immò necesse est vti infrigidatione multa, & Galen. *lib. 10. meth. cap. 6.* quandoque adstante inflammatione interna, exhibet frigida potum ad satietatem vsque, negligens vnâ indicationem ob aliam urgentiorem; Sicenim ait. *Tutius esse ratus phlegmonas in presens augere, quàm sinere hominem in hecticam febrem incurrere, &c.* Gal. mentem probat Alzarius à Cruce *lib. 4. centur. 91.* & eloquentissimè firmat Donatus Sanctorus *lib. 4. epistol. 4.*

His commoratus Auerroës, summi iudicij Medicus, *lib. 7. collig. cap. 8.* quinque rationibus contendit, ante coctionem, frigidam vsque ad satietatem esse concedendam. Prima, Quoniam febris ardens ita depopulatur

A corpora nostra, vt si expectanda sit concoctio, periculum imminet, ne extinguantur ægri antequam materia concoquatur. Secunda. Quoniam experientia comprobauit, frigida exhibitionem etiam in materia cruda sæpe profuisse. Tertia. Bilem non propterea dici crudam, quia crassa sit, sed quia feruida nimium est, & valde acris; frigida ergo potius potius coquere bilem est dicendus; quàm è contra. Quinta. Expendendum esse ait, an in exhibenda frigida, maius fiat detrimentum iuuamento; quando enim administratur in materia cruda, id solùm detrimentum fit, ne morbus longior fiat, licet mirum in modum incendium extinguatur: quare maius est nocumento iuuamentum. Postrema. Dicit Rhazius (locus est *lib. 1. diuision. cap. 148. 149. 150.*) restatum reliquisse, aliquando dominum, & seruum ægrotasse, atque illum exhibita frigida persanatum, seruum ea negata emortuum. Quare de cura coacta, in ardentissima febris præsentia, ætate feruida, sæuiente calore interno, non cunctandum vel citra coctionem, ob imminens ex procrastinatione periculum, gelidam ad satietatem vsque exhibere. De quo argumento, consule Abrahamum Neemiam *tract. de frigida potu*, qui de hoc negotio egit eleganter.

Consule Vindicianum, in præfatione ad Valentinianum Imperatorem, de quodam, qui retentis excrementis fe-bri ardenti laborans, liberatus fuit contra omnium vota copiosissimo sudore, copioso frigida potu cum sale exhibitæ. Num autem gelida, subito & assatim, an sensim & paulatim in febribus ebibenda, lege Septal. *lib. 2. caution. num. 60.*

## QVÆSTIO XXXV.

*Quòd aqua minimè nutrire possit. Cõtra Rondeletium, Cardanum, Marcel. Augemium, Guastauin. Conciliator. Roxarium, Baccium, & Mercatum, Medicos doctissimos.*

**C**oloratior multò, tum firmior est affectus.] Mirum est; quod multi volunt, & plurium iuniorum peritissimorum auctoritate sancitum est, aquam nostram vsualem corpora nutrire. Firmat hoc Galenus hinc huius ægri historiam enarrans, qui gracilis, & periculo propinquus, nullo alio oblato alimento, quam potu gelida, & coloratior multò postero die, & firmior est effectus. Idem firmat. Hipp. *lib. de diet. num. 2. §. Aqua omnia nutrit, &c.* Probat lib. de affectionib. 7. 53. vbi proponens, quæ robur nostris corporibus addunt, numerat & aquam: & 3. acut. 19. mulsam aquam potentiorē esse affirmat. Subscribit Arist. *sect. 1. probl. 13.* quærens enim causam, quare corpora nostra magis alterentur ab aqua, quàm ab aère, illam inter alias connumerat, quòd aqua nutriamur, non ab aère. Subscribunt Guastauin. in com. Conciliator *dis. 155.* Celsus *lib. 2. cap. 18.* inter ea quæ sunt pauci nutrimenti, recenset & aquam, & lib. 4. cap. 2. & lib. 6. cap. 6. idem affirmat; sequitur Auic. *2. 1. doct. 2. cap. 19. in princip. §. Et neque attendenda sunt verba illius qui dicit, quòd aqua non humectat membra radicalia cum bibitur, &c.* Albertus Magnus in lib. de animalib. vt refert Cælius Rodrigin. *lib. 13. antiquar. lect. c. 24.* narrat se vidisse melancholicum, qui multis annis vitam sola aqua peregit. Plutar. *6. lib. probl. 3.* famem aquæ potu sedari assueuerat. Pisces aqua nutriuntur, & viuunt, ex Arist. *8. de histor. animal. cap. 2.* quam opinionem multis argumentis vallare conatus est Rondeletius *lib. 1. de piscib. c. 12.* quin pisciculi multi aqua nitidissima nutriuntur, ex Ficino *lib. 2. de sanit. studiosor. tuend. cap. 18.* vt cicadæ, quæ aluntur aqua; ex Athenzo. *lib. 2. cap. 2.* Sic Plutarch. *lib. de Iside, & Osiride,* aquam Nili epotam corpus reddere pinguius, carniūque incrementum efficere affirmat. Præterea, si aër nutrit 2. aphor. 18. cur aqua aère corpulentior non alet? Ad hæc, quod appetitum naturalem sedat, vi nutriendi carere non potest. Sic plantæ aqua plurimum nutriuntur; semina na solo aquæ beneficio creantur, & fouentur; sic olea, & maximè herbaceum genus aquæ irrigatione adulescunt, ex Theophrasto *7. de histor. plantar. cap. 5.* Itaque

Itaque Aegyptios legimus aqua diuinum adhibuisse cultum, vti rei admodum necessariae atque utili, vt refert Senec. lib. 4. natural. quest. cap. 2.

Hoc pacto heretici, balnei beneficio substantificam depeditam humiditatem reparant: qua de causa aquam, aliquam nutriendi vim habere non denegauit, & lib. de pulsib. ad tyronem, cap. 24. eam exiguum alimentum præbere arbitrat. Sic aqua potatores sunt longaniores, & pinguiore. Denique si dulcedo nutritionis est causa, ex Gal. lib. 2. simpl. 4. 19. & 3. cap. 11. cur aqua dulcissima non nutriat? Vltimo. Si ex aliis elementis nutriuntur animalia, cur non ex aqua? Nam chamæleontem hianti semper ore, solum animalium, nec cibo, nec potu ali, nec alio quam aeris alimento testantur totius naturæ indagatores summi, Arist. lib. 2. de hist. animal. cap. 11. Plin. lib. 8. cap. 33. Talpam nutriti terra, consentit auctor libri qui inscribitur, Summa de exemplis & similitudinibus, c. 43. lib. 1. Salamandram igne pasci, ac nutriti, scripsere Aristot. lib. 5. de histor. animal. cap. 19. Plin. lib. 10. cap. 67. lib. 11. cap. 35. Pyraustam, pennarum quadrupes in arariis Cypro fornacibus volare per medium ignem, tradit. Vivere enim in igne animalcula quædam, magnarum muscarum instar, tradunt Aristot. lib. 9. de hist. anim. c. 1. Alian. lib. 2. de animal. cap. 31. Paul. Iouius lib. 3. 2. hist. sui temp. Petrus Pomponat. in com. lib. 4. meteoror. duo. 62.

Sed iam tempus est vt Galenicam veritatem proponamus, quam omnis Medicorum chorus amplecti summo opere tenetur. Is enim lib. 4. de usu part. cap. 5. deferendi humidum illud pingue, crassumque per angusta vasa, & exiles meatus ad omnia membra, vltum aquæ concessit. Neque enim ex ventriculo in venas comode transsumi poterat chymus iam ex cibo factus, neque facile pertransire venas, quæ sunt in hepate & multa, & angusta, cum sua crassitie immorretur, lentore vero meatibus hæreat, nisi tenuis quædam, & aquosa humiditas, tanquam vehiculum fuisset ei admixta. Hunc itaque usum præstat mortalibus aqua, siquidem ex ea nutriti nulla particula potest: distribui vero ex ventre, quod nutriturum erat, non poterat, nisi deductum fuisset à quopiam ita liquido. Hactenus Gal. Hoc etiam probat lib. 4. aph. 13. aquam neque interius epotam, neque extrinsecus applicitam posse animalis corpus humectare, asseuerans, quod substantificè intelligendum est: nam aliquo modo, extrinsecè scilicet, id efficere posse, non est denegandum. Idem etiam asserit 3. acut. 17. aqua siquidem non vt alimentum vires crearet, sed bene vt medicamentum, ad temperamenti symmetriam corpus deducens.

Hunc sequitur Auic. 2. 1. doct. 2. c. 16. in princip. & 10. 3. tract. 1. c. 1. §. Sed aqua est ad nutrimentum corporis, hoc est, facit nutrimentum ad diuersa loca distribui, & c. Eius sententiam approbant interpretes, in com. Gentilis, Vgo, Iacobus vterque Costæus, Ishac lib. dietar. part. 1. de aqua; & eius interpret Petrus Hispanus, Haly 8. theoric. 29. Tral. lib. 6. c. de plenitudine, de victu. Auer. lib. 7. collig. cap. 2. Anton. Gazius cap. 250. Vallesius lib. 6. com. 6. Mercurialis. de vino & aqua, cap. 6. Cardozus in lib. de sex reb. non natural. cap. 4. Hierem. Brachel. lib. 3. acut. in com. 17. & Theod. Zuinger. in com. Hip. in lib. de aliment. num. ult. §. humiditas alimentum vehiculum est, & c. Explicant eruditè Anutius Foësius in com. Lege Santoreilum doctissimum, qui lib. 16. antepraxis, cap. 4. nostras partes acriter inter omnes tueri conatus est.

Scio quid ratiocinentur contrariæ partis defensores, nempe Cardan. ad lib. Hip. de aere, & aquis. Marcel Donatus lib. 4. de med. histor. mirabil. cap. 20. in fin. Andreas Baccius lib. 3. de vinor. histor. c. 4. Mercat. lib. 2. de sanit. n. 90. Horatius Aug. 10. 2. epistol. lib. 2. epistol. 3. Galenum scilicet loquutum de aqua simplici, & elementalī, non verò de ea, qua quotidie vitimur pro potu, quæ cum mixta sit, nutrire potest. Sic enim ait lib. de pissana, cap. 1. §. Si quidem eiusmodi aqua usui accommodata est, natura verò haud. quaquam sincera existit, perinde ac nec vltimū quidpiā sensilium elementorum, & c. & lib. 1. de elemēt. c. 10. §. Quare si queris in animalibus terram, talem potes reperire, qualē terram in mundo; impermixtam autē, & integram, & solam, neque in illo facile inuenieris, sicuti neque aquā sinceram, oraris Lib. i l.

A mixtionis expertem, neque ignem, neque aërem, & c. Non cōcludit argumentum: vt enim rectè asseruit Alberus Magnus, opusculo de nutrimento, non celebratur nutritio, nisi retineatur inter continens, siue quod alitur, & id quod valet ad alendum, proportio, sic vt possit continens formam induere; ea verò proportio in eo maximè est sita, vt vel alimentum sit mixtum, quemadmodum & viuens, & vt ad viuens temperationem maximè accedat, aqua verò vsualis nostra, simplex est corpus, aut si non ita simplex, vt rerum Galenus, tenuissimum tamen, fluidumque est, & in solidam nostri corporis substantiam verti non potest, quum huius respectu simplicissima sit, & ab eius natura maximè recedat: nam fluida est, nihil habens lentit, quo affigi aut adherere membris possit, auctore Magistro lib. 10. simp. tit. de sudore. Affixionem autem summo opere esse necessariam nutritioni, tradidit Galenus lib. 2. de alimentor. facult. 64 & fusiùs ostendit l. 1. de naturalib. facult. c. 11. posito exemplo in hydrope: in hoc enim nutritio non fit, non quod affluens alimentum desit appositio, sed cum aquosus sit, & ad siccum non sufficienter redactum, nec lentore, glutinisque consistentiam, qua natui caloris ope promouetur, adeptum, coherentiam consequi non valet, difficiente nimirum ac dilabente, ob tenuis crudique humoris abundantiam, à solidis partibus, alimento.

Aqua ergo non nutrit, sed nutrimenti solum est vehiculum. Licet enim plurimus in hominum vita sit aquæ vsus, & ea optimi ac nobilissimi muneris loco mortalium generi sit concessa, quam diuinam appellauit Plut. lib. 5. sympos. cap. 10. quum nutritrix & alitrix omnium rerum sit, ab eaque tanquam à primo elemento sint reliqua tria; tamen ob dictas causas nutrire nequit. Deinde aqua reliquarum rerum principium est, Arist. lib. 1. sapientia cap. 3. Cicer. lib. 1. de natur. Deor. & in Lucullo, Plutarch. lib. 1. de placit. philosoph. Vitruuio, lib. 2. cap. 2. & in proem. C lib. 8. Nemesio lib. 2. de phil. cap. 1. Horum igitur omnium sensu, nobilitatem & vtilitatem aquæ celebrantium, hæc rerum omnium origo est, atque principium: Nec refert quod à Proportio lib. 3. eleg. 14. vilis nominetur:

Vilem ieiuna saepe negauit aquam.

Cur ob copiam, & quia inuentu facilis. Sic & Horat. lib. 2. serm. Satyr. 5.

Venit vilissima rerum Hic aqua.

Et quia vilissimo pretio emitur, cum res natura sua sit pretiosissima, vnde Lactantius lib. 1. cap. 5. ita vocat, velut à qua sint omnia.

Huius ergo necessariissimi elementi multiplex apud Medicos est vsus: nam ebibita aqua æstuantem calorem demulcet & contemperat, & ob oris ventris corrugationem, appetitum ad cibum excitat, calorem naturalem robustiorem efficit, actiones omnes roborat, ciborum assationem impedit, elixationi denique ciborum ita prodest, vt sine ipsa solida alimenta elixari minimè possint, nisi vinum, aut liquor alter eiusdem vices impleat. Licet enim has habeat excellentes dotes, nutrire tamen non potest, vt tenuissimis rationibus falsò sibi persuasit Rotarius in contradict. 1. Cornel. Celsi.

Quæ verò his aduersari videntur, sic sunt excutienda. Nam æger hic aquæ potu, & coloratior multò, & firmior est effectus, quoniam alimentum præ nimio ventriculi, & aliarum partium calore, siccum & solidum redditum, aquæ humiditate liquarum & distributum, penitissimas, & præ siccitate coniucentes penetrans corporis particulas, ipsas refecit, atque nutriuit. Sic apud Plutarch. fames, potu aquæ extinguitur. Locus deinde Hip. ex lib. de dieta, adulterinus est, ex Galen. lib. 1. de alimentor. facult. cap. 13. & lib. 6. aph. com. 1. & lib. 1. acut. 18. Vel si Hip. sicut & Celsus intelligas de aqua composita, nempe aqua mellis, hordei, sacchari, quæ alit, vel de aqua odorifera, vt naphæ, rosarum, quæ spiritus nutrit, rectè dissolues: Hæ enim odoratissimæ, quum dulcedinem, caliditatem, lentoremque participant, substantiam spirituosam alere sunt aptæ. Aqua ergo carnosum genus nutrire non potest, sed connutrit, quoniam per totū corpus alimentū distribuit: hoc modo interpretatur Arist.

Conciliator in *probl. & Auic. Exponit Vega lib. 2. art. med. A* *tuend. 11. & lib. 4. eiusd. 3. & lib. 7. sec. loc. c. 2.* Dicitur autem

Quid verò sit dicendum ad Magnum Albertum, sic accipite, Fabulosum est hominem multis annis sola aqua vitam prorogasse. Deinde pisces non nutriuntur aqua, sed aliis piscibus, esca, carne, vermibus, herbis, radicibus stercore, terræ excrementis, & aliis.

Cicadæ autem, & alij pisciculi, vt censebat scriptor minimè vulgaris Athenæus, non nutriuntur aqua, sed rore: nam ex humoribus cibum trahere scribunt Arist. *lib. 6. partib. animal. cap. 3. & Plin. lib. 11. cap. 26.* firmat Virgilius *eclog. 8.*

*Dumque thymo pascentur apes, dum rore cicada.*

Nili verò aqua corpus reddit pinguius, sua enim tenuitate alimentum promptius distribuit, & cum frigidissima sit, nutritionem inuat; permixtione enim sua remoratur velocem alentis humidi ex calido inflammationem, quem vsu præstat cordi, ceu vehementer calido, vltra potum, ær; & oleo lucernæ admixtum sal, dum enim liquatur tenuis humiditas facit, vt multo magis duret oleum. Tanta fuit olim excellentia, & eam veteres inter regia munera adedò in deliciis habuerunt, vt Philadelphus eam ex Ægypto Berenicæ filiz, quæ Antiocho nupsit, in Syriam dono miserit, sic referente Langio *lib. 1. epist. 31.* iure sanè; siquidem tanta illius fluminis dulcedo, vt accolæ vina non quærant, dummodo quiescens in domo, & subsidens ebibatur. Tu verò de aquæ Nili præstantia, & fecunditate, Consule Pomponium Melam *lib. 1. cap. 5.* Diodorum Siculum *lib. 1. rerum antiquar. cap. 1.* Senec. *lib. 4. natural. quest. & lib. 6. c. 2.* Strabon. *lib. 17. cap. 9.* Andreæm Libauium, *lib. 3. de indic. aquar. mineral.*

Præterea Optima non infertur illatio, ær nutrit, ergo aqua aëre corpulentior nutrit. Nam ea cocta, hoc est, deuicta calore nostro, quidpiam nutriendis partibus simillimum præstare non posset; ær verò, ob substantiæ tenuitatem, & puritatem spiritus solum alit. Pro cuius argumenti solutione, lege Theophrast. *lib. 2. de caus. Plantar. cap. 8. & Auer. lib. 7. cap. 12.*

Aqua appetitum naturalem sedat, quia æstuantem calorem compescit, & humectat. Omnia autem aquæ vsu pinguescunt, quoniam sine ipsius ope alimentum, quo viuimus & nutrimur, ad distantissimas partes penetrare nequit. Sic olera, & herbacea omnia huius vi adolefcunt, & reuiuiscunt; alimentum enim à terra acceptum, in focoque reseruat, per minimos ramos, ac tenuissimas frondes, sine humoris vehiculo distribui nequit.

Hæc ratione hæctici, maridi & extenuati, balnei vsu reficiuntur & pinguescunt, eiusque vi connutriti ad pristinum nitorem ducuntur: hocque euenire puta, quòd aridus calor, iam iam marcescens, ac penè extinctus, substantificamque humiditatem diu, importunèque depascens humectatur; & sic per amplos meatus, qui antea præ siccitate conuuebant, patentisque poros, nutrimentum ad corporis extremas particulas deduci potest, quo attracto, ipsæ commodo fruuntur alimento, & nutriuntur. De cuius vi eximia pro impinguandis corporibus, lege Gal. *11. meth. 9. & 20. & alibi, & ex eius mente Mercuratum lib. 1. indicat. 13.* Fernel. *lib. 2. meth. cap. 20.* Bartholomæum Perdulcem *lib. 4. sect. 2. cap. 16.*

Aquæ verò potatores sunt salubriores, & longæuiore, quòd insitus à natura calor, exorbitans, aquæ frigiditate mitescit, temperatur, vnitur & soërcetur, ne exhalet aut euanescat; maximè quia in vini vsu excessus committuntur inemendabiles. Pinguescunt autem aquæ potatores, non, vt dicebat Alexand. Petronius *lib. de vict. Romanor. cap. 9.* quia aqua coctioni & nutritioni, vino sit commodior; hoc enim Arist. *4. meteor. cap. 2.* putat apertè falsum, quum ea frigiditate sua, & humiditate obsit coctioni, quæ calore peragitur: sed quoniam citius alimentum distribuitur per membra aquæ vi; quare aqua dicitur edax, ab Hippoc. *lib. 6. epid. sect. 4. text. 20.* cuius accessu innarus calor roboratur.

Quid plura? aqua minimè dulcis est quum omnis qualitatis sit expert, & insipida, ex Theop. *lib. 6. de hist. plantar. 3.* Gal. *lib. 1. de simpl. medic. facult. 5. & l. 1. de sanit.*

*tuend. 11. & lib. 4. eiusd. 3. & lib. 7. sec. loc. c. 2.* Dicitur autem dulcis, quoniam huius saporis aliquid, aliorum verò minimum admittit: & licet dulcissima esset non aleret; nam nec acta, nec potentia viscida est, crassa aut lenta, sicut est pars quæ nutrir debet. De aquæ dulcedine hoc est suauitate lege Marcel. Virgil. *lib. 5. in Dioscorid. in com. cap. 10.*

Acere deinde Chamæleontem nutrir, falsum deprehendit Ioan. Brød. *lib. 6. miscellan. cap. 21.* nam vel rore, ac vaporibus pasci, aut animalculis quæ per aërea volitat, mihi persuadeo, vt eleganter ex mente Cardani retulit Ioan. Ionstonus, in sua *Thaummatographia, sit. de admirandis quadrupedum, cap. 13. de Chamæleonte.* Neque terra qua alitur talpa pura est, sed inquinata, sordida, & prorsus mixta, & vermibus quibus nutrir, valde referta.

De igne maior est hæc sitatio, num ex eo viuant animalia, discussa iam à doctissimis, Mercurial. *lib. 3. variar. 14.* Iulio Cæsar. Scalig. in *lib. exercit. aduers. Cardan. exercit. 194.* qui hoc argumētum ad vnguem explicarunt. Ego autem ex igne nutrir animalia nugæ puto, (quidquid contra Marcel. Donat. *lib. 4. de medic. histor. mirabili, cap. 26.* scripserit) & putauit Arist. *loc. cit.* quibus, & aliis retulit non suum, sed aliorum, & communem sensum vulgi; qui licet *lib. 3. de generat. anim. cap. 11.* dicat sedem elementum in quo viuant, de igne tamen dubius apparet; qui *2. de generat. & corrupt. sext. 21* ex igne neque quidpiam viuere concludit, cum ignis si exarsio caloris & siccitatis, quibus in symbolis consistere vita nequit. Nam materia eius quod alitur, alimentum est: at ignis ad naturam accedit formæ: sibi igitur quasi materiam reliqua applicabit. Iam verò de igne, præcipua quædam ratio nos cogit, vt existimemus ipsum alendo ineptissimum: nam suapte natura omni penitus humore caret, qui ex communi Philosophorum, & Medicorum consensu necessariò est tribuendus alimento. Receptui igitur canentes, vnum proponamus, verum, aquam per se & ex natura sua, propriè verèque nutrire non posse. Et si fortè de aquæ vsu aliqua desint, supple ex Iacobo Fontano *lib. 1. de rebus non naturalib. cap. 11.* & pulcra vide apud ompiscium Tiraquellum *lib. de nobilitat. cap. 31. num. 545.* & ingeniosissimum Ludou. Nonnium *lib. 4. de re cibaria c. 4.* Quæ autem sit salubrior poculorum materia ad epotandam aquam, disceptant Artemidorus *lib. 1. de somnior. interpretatione, cap. 42.* Langius *lib. 1. epist. 29.* Satorrelius *lib. 16. anteprax, cap. 15.*

## HISTORIA LV. GALENI, De ventriculi debilitate.

Ventriculi debilitas, ex calida siccaque  
intemperie suborta, frigidis medicamentis persanatur.

**A**lium verò huic similem non paucis annis post vidi, cum omnem ventriculi intemperie discernere iam possem. Visum igitur est mihi statim maiore conatu refrigerandum esse, priusquam magis extenuatus, simile quidpiam priori ex refrigeratione pateretur. Tutius igitur visum est, primum, refrigeratione medicamentis, qua præcordiis imponuntur, experiri. Quo facto æstus sanè ventriculi est remissus: ceterum homo suspiranti similiter respirabat, tanquam agrè totum thoracem moueret. Quin ipse quoque interrogatus, talem quampiam sentire se offensam fatebatur. Aduerti itaque illi transversum septum refrigeratum esse: proindeque abiectis refrigeratoriis, fons locum oleo calido. Cum autem respiratio statim naturalem sui motus ordinem recepisset, à fouendo destitit. Statui autem longiori temporis spatio moderatè refrigerare, Ergo & qua extrinsecus refrigeratoria applicui, infra magis imposui, à septo umbilicum versus recedens: & cibum, potionemque omnem (excepto lacte) sub fontana aqua frigiditate exhibui. Atque ita longiore spatio sanatus est, nusquam alibi offensus, &c. Galenus *lib. 7. meth. cap. 8.*



## PARAPHRASIS.

**H**Vnc ægrum perbellè curauit Galenus, antea acti periculi memoriam non enim subito, sed paulatim, antequam extenuatus esset, refrigerauit. Ex quo exemplo patet aperte, quàm sit necessaria ad morborum curationem experientia, rerum omnium magistra. Hac enim Hip. auctore Galen. lib. 6. aph. com. 31. omnia artis theorematà lustrare incipit, cum illa præsidiorum instrumentum sit, lib. 1. aph. com. 1. Huius namque ope variæ remediorum formulæ sunt inuentæ, cum ipsa, omnia agenda manifestet, lib. 4. aph. com. 29. Et licet ipsa ad morborum cautionem non sufficiat, nec ad temporum varietates, aut ægritudinum mutationes distinguendas satis sit, ex Galen. lib. 3. aph. in præfat. si tamen cum ratione sit coniuncta, plurima comoda secum afferre solet, ex Gal. lib. 2. aph. 17.

Hac ergo suffultus, curationem à Præceptoribus suis malè actam corrigit, atque emendat: maximè quum omnem intemperiem discernere iam posset. Itaque causæ morbi non ignarus, maiori vi esse refrigerandum censuit, antequam homo ob calidam siccamque intemperiem extenuatus, simile quidpiam priori ex refrigeratione pateretur. Quapropter præcordiis refrigerantia medicamenta imposuit, quibus caliditatem ventriculi remisit. Nec mireris à leuioribus incepisse, & externis tantum medicamentis usum fuisse, quum hæc internè oblati, & præsertim frigida potu, subitam mutationem faciente, & repente innatum ignem extinguente, tuta sint magis: quapropter sensim, ac longiori tempore, securius tamen refrigerare, satius iudicauit.

Quamuis autem ex frigiditate à medicamentis contracta, æger totum thoracem difficulter mouerit, & seprum transuersum fuerit paululum refrigeratum; hæc tamen respirandi difficultas, cum gulæ refrigeratione in alio homine collata, longè minoris periculi fuit. Sed cur ad mitigandum ventriculi æstum, refrigerantia infra magis imposuerit, à sepro transuerso umbilicum versùs, quæ regio à ventriculi situ valde distat; ea est ratio, quoniam ad præcordia pertingit ventriculus, & à sepro transuerso umbilicum versùs procedit, ex Gal. lib. 4. de usu part. cap. 7.

Curauit autem ægrum, cibum, potumque omnem sub fontanæ aquæ frigiditate exhibens, hoc est, propinauit ea similem frigiditatem habentia, quàm habet fontana aqua in æstate, hoc est, tepida: nam si essent calida, æstum ventriculi augerent nimis; frigida verò, debilem ventriculum præterquam quòd læderent, frigiditate sua, incocta remaneret. Lac autem exceperit: nam hoc neque frigidum, neque calidum, sed recens multum, hoc est, tepidum assumendum est, aliàs in ventriculo calido & sicco statim corrumpitur, ex Gal. lib. 5. meth. cap. 12. & lib. de bonit. & vitio succor. cap. 4. Quibus sic sensim, ac paulatim, securè tamen factis, æger sanus est factus. Disce ex hoc exemplo, quantum prosit ad morborum curationem, ipsius morbi cognitio: nam vt rectè dicebat Hip. in lib. de art. num. 20. Medicus qui suffecerit ad cognoscendum, suffecerit ad curandum. Quapropter rectissime illud à Gal. promulgatum lib. 3. aph. com. 1. & lib. 1. ad Glau. cap. 1. vt morborum causam Medicus prius agnoscat, cum à morbo prima ad curandum sumatur indicatio. Repetunt Auic. 4. 1. cap. 1. & 1. 4. tract. 2. cap. 7. Rasis lib. 30. continent. cap. 1. Num autem possit curari morbus, eius causa non cognita, disputat latè Carreus cap. 6. ad libros, de loc. affect. disput. 62.

## HISTORIA LVI. GALENI,

## De debilitate ventriculi.

Ventriculi imbecillitas, ex inæquali intemperie orta quomodo sit curanda. Contra Empiricorum amentiam.

**V**Idisti igitur & tu quosdam uno die, \* vel potius hora, frigida potione leuatos, quibus non aquam modò dedi Lib. II.

**A** fontanam recentem, sed niue refrigeratam: Cibos præterea ad eundem modum refrigeratos: & fructus similiter refrigeratos, & prissanam probè coctā à ipsis dedi. In quibus unam rem mihi proposui, ipsam scilicet refrigerationem. Veluti alios à refrigerantibus abstinui, calefaciens omni ratione, & exhibens vinum vetus valde calefaciens (Falernum, & Surrentinum) nam nutrimentum, quod calefaciendi vim haberet, cum lōgo pipere. In nonnullis omne consilium curationis ad siccandum direxi: dabamque tum cibos, qui natura essent sicci, ac probè assati, tum prorsus exiguam potionem. Alium verò non pridem, qui iam adeo siccatus fuerat, vt simillimum habitum præferret iis qui marasmo marcescunt, sanauit, contrariis omnino exhibitis, cui egregy isti Medici absinthium, amaros asparagos, & bulbos edendos dabant; quæ cum venter non contineret, mala cotonea, cestiana, punica dabant, immò & rhois succum bibere cogebant, quibus eum omni madoris expertem reddiderunt. Hunc nos sanauimus omni ratione humectantes, & c. Galenus lib. 7. meth. cap. 4.

B

## PARAPHRASIS.

**Q**uid rationalis curatio intemperiei quæ est in ventriculo, differat ab empiricorum curatione, hoc in loco proponit Galenus, debilitatam ex quatuor intemperantiis subortam enarrans, eamque auxiliis contrariis persanare docens: nam in quibus ob calidam intemperiem natius ventriculi calor debilitatur, iis frigida portio remedium est; quæ si sit niue refrigerata, æstuantem ventriculi calorem ampliùs contemperat; cui intemperiei si alimenta frigida, niueque refrigerata exhibeas, ex arte facies. Licet enim apud priscos varij sunt refrigerandi modi, vt refert Mercurialis lib. 1. variar. lect. cap. 8. tamen niue, alimenta aquamque refrigerare, salubrius multò iudicauit Gal. lib. 2. sec. loc. cap. 1. explicuit Langius lib. 1. epistol. 31. De quo modo refrigerandi aquam, plura diximus lib. 1. in com. histor. 66.

Qui verò ob frigidam intemperiem ventriculi debilitatem patiuntur, hoc est, non appetunt, attrahunt retinent, conficiunt, concoquuntque alimentum, quum hæc opera, caloris innati robusti & fortis ope peragantur, ex Galen. 2. lib. acut. com. 22. quare Arist. 4. meteor. 1. hanc coctionem elizationi similem esse dixit, quæ non solum ab innato, & proprio calore, sed à iecore, reliquisque membris circumuicinis mutuato perficitur: iis calida medicamenta maximo sunt ex vsu, vt vinum odorum, vetus, aromaticum, flauum, quod impensè calefacere vbique prodidit Galenus; nam odorum, ex Galen. 3. acut. 20. calidum: & vetus etiam, est calidus, ex Galen. lib. 7. meth. 6. quoniam vina antiquitate fiunt calidiora, & potentiora, quia partes aquæ indies coquuntur, & fiunt aëreæ, & igneæ, ex Gal. 4. simpl. 11. & 12. meth. 4. & lib. de cibis bonis, & mali succi, cap. 11. vnde Galen. 8. simpl. cap. de vino, dicit vinum nouum esse in primo ordine calidum, & vetus in tertio caliditatem obtinere. Quod si sit cum piperis puluere respersum, iuuabit ampliùs; hoc enim medicamentum calefacit valenter, ex Galeno 8. de simpl. medic. facult. cap. de pipere, & lib. 1. eiusd. operis, cap. 9. quare ad cruditatem, imbecillitatemque ventriculi est accommodum valde, ex ipso lib. 4. de sanis tuend. cap. 4. maximè si sit nigrum: hoc enim suauius, acrius, & magis aromaticum, ex Dioscorid. lib. 2. cap. 189. nam plurimum coctionem iuuat, flatus discutit, ventriculum roborat, crassos humores ex debili coctione generatos incidit, aquosos ab eadem causa pronatos coquit, & frigidam intemperiem mirandum in modum corrigit, atque emendat. Hinc factum est, vt in hos vsus propineretur illud celebratissimum electuarium diarrion pipereon appellatum à Galeno, ex triplici piperis, nigri, albi, & longi genere compositum, cuius calor ultra primas venas non transcendit. De cuius vi lege Dioscorid. interpretes cit. loco, & alios qui de aromatum natura diligentissime scripsere, & lecto poemate describit Castor Durantes in suo herbario, lib. P. & de frigida intemperie ventriculi curanda, Galenum lib. 7. meth. cap. 7. cui persananda vinum cum pipere

E

eporum summopere conducit; nam illud non inflat præcordia, immo si inflata sunt, subsidere facit; inibi moram non trahit, ob caloris mediocritatem; digestionis vias aperit, alimentum in corpus celeriter deducit, est boni succi, & ad concoquenda, quæ in ventriculo, & venis sunt, idoneum; vires ventriculi adauget, vrinas mouet, & expellendis excrementis viam facit.

Ob nimiam ergo humiditatem si relaxetur ventriculus, & retinere non possit; vel ob humoris copiam, diminuto ac suffocato calore, alimentum concoquere nequeat, tunc siccantia iuuantibus enim roboratur ventriculus, superfluaque humiditas, exprimitur; quibus alimenta sicca, & probe assata commoda sunt: licet enim assa sint substantificè humidiora elixis, ex Arist. lib. 4. *meteor. cap. 3.* Galen. lib. 2. *de aliment. facult. cap. 44.* & lib. 3. *simpl. 14.* & 15. quoniam in assatione, externa solum humiditas; in elixatione, etiam interna, & substantifica extrahitur: tamen si alimenta sint probe assata, exhausta utraque humiditate, & ab omni humore exucca, & priuata, exiccant, vt Ludouic. Lemosius in *ccm. huius loci*, & Vallesius in *com. cit. loci Aristotel.* doctè explicarunt. Hæc enim, pauco exhibitio potu, qui suapte natura exiccat, humidam intemperiem eximie curant.

Si tamen ob nimiam siccitatem, ventriculi vigor flaccescat, absumpta & expressa humiditate, ad cuius absentiam, calor noster marcescere incipit, & in cuius præsentia omnium partium calor, immò ventriculi viuacitas consistit, tunc substantificè humectare opus est, exhibitis iis, quæ primigeniam, insitamque humiditatem reficere queant, qualia sunt lac, dulcis aquæ lauacrum, & alia, quorum amplissimam syluam latè proposuit Gal. in lib. 7. *meth. cap. 6.* dum de curanda corporum siccitate, & de alimentis, quæ siccatis corporibus conueniunt, eligendis, agit eximie. Euitare etiam oportet absinthium, & alia amata; nam hæc impensè calefaciunt 4. *simpl. 7.* & sicciora sunt, cap. 19. *eiusd. lib. 4. cap. 22.* quæ cum empirici siccatis corporibus exhiberent, & ægri reicerent vomitu, tanquam nutrimento aduersa, quum hæc potius medicinalia quàm cibalia sint, ex Auer. lib. 5. *collect. cap. 27.* & Auic. lib. 2. *canon. tract. 1. c. 7.* in grauiora pericula ægros deduxerunt, rhois succum bibendum cogentes, qui cum impensè exiccet, apud Dioscorid. lib. 1. *cap. 147.* & Paul. lib. 7. *cap. de Rhu.* & expressione facta humiditatem resoluat, eos omnis humoris expertes, immò extremè siccatos reliquerunt, qui contrariis omnino adhibitis, Galeni ope reuixerunt.

## D V B I V M XXXV.

*Num intemperantia calida & frigida, citius & facilius humidis & siccis, & aequali tempore curentur.*

### COMMENTARIUM.

**V**el potius hora.] Galenus non Medicus modo præclarus, sed eorum quoque quæ ad medendi rationem spectant, non incuriosus observator, lib. hoc. *septimo meth. cap. 5.* promulgauit in lucem plurima, quæ ad huius historię explicationem valde conducunt: ex quibus primum est, *Intemperantias calidas & frigidas, humidis, & siccis facilius curari, reddique causam, quod alterationes, quæ ex calido & frigido consistunt, qualitatibus maximè actiuis corrigantur.* Secundum. *Ægrius curari alterationes, quæ in humido & sicco consistunt, propterea quod maximè ignauis, & materialibus seu passiuis qualitatibus eorum curatio perficitur.* Quæ doctrina non de humectatione, & exiccatione priuatiua, quæ est effectus caloris & frigoris, sed humectatione, & exiccatione positiua, quæ fit ab humiditate, & siccitate venit intelligenda; hæc enim est quæ longo tempore fit, illa verò breui, veluti est calefactio, & refrigeratio.

Deinde, *Intemperantia calida & frigida, aequali tempore corriguntur, inæquali tamen securitate.* Reddit Galenus causam quoniam calefactionis, & refrigerationis tempus est

A æquale, securitas tamen impar; nam intemperantia calida cum corrigatur refrigerantibus, cum maiori periculo curatur; nam sicuti caliditas, naturæ est utilis, & amica, sic contrà frigiditas illi aduersa, ex Hip. lib. 5. *aph. 18.* Hæc tamen propositio secundum utramque partem falsa apparet; videtur enim quod tempus calefactionis debeat esse multò breuius, quàm refrigerationis, quum caliditas frigiditate magis sit efficax, auctore Gal. lib. de *constit. art. med. cap. 9.* & lib. 3. *de caus. sympt. cap. 3. post. princip. & lib. 1. de temp. c. 2.* quare minori tempore effectum suum producet. Secundò, corpus humanum maiorem propensionem habet ad clausas calefacientes, quàm refrigerantes: ergo minùs calefacientibus, quàm refrigerantibus resistet. Probatur antecedens, nam corpus humanum recedit à medio in tota substantia versus caliditatem. Præterea, causis refrigerantibus repugnat calor natiuus, non solum vt naturalis, sed vt calor est; calefacientibus tamen, solum vt naturalis est, resistit. Igitur si minùs repugnat, facilius à causis calefacientibus alterabitur: erit ergo tempus calefactionis breuius.

Ut verò huius dubij pateat solutio, aduerte primò: Alterationes quæ in calido, & frigido consistunt, aut considerari respectu cuiusque corporis absolute, aut respectu corporis humani. Si primo modo, tunc calefactionis & refrigerationis tempus, vnum est & æquale, dummodò seruetur paritas in quantitate agentis; in gradu illius, in densitate materiæ, in approximatione passi, in mora, & in omnibus aliis quæ ad actiones requiri, esseque necessaria Philosophi vnanimiter concedunt. Sicut enim caliditas vincit frigiditatem in actiuitate, sic superatur à frigiditate in resistentia: Si ergo velocitas actionis, nascitur ex proportionem actiuitatis agentis ad resistentiam passi: & in calefactione & refrigeratione, reperitur æqualis proportio actiuitatis ad resistentiam, æquale tempus erit in utroque; nam sicut in caliditate est maior actiuitas, sic reperitur minor resistentia; & sicut in frigiditate adest minor actiuitas, reperitur resistentia maior.

Instabis, & merito sanè: nam videtur quod resistentia debeat esse æqualis actiuitatis; resistere enim nil aliud est, quàm ab actione contrarij corruptentis se defendere, illius actionem impediendo, & remittendo illius virtutem: hoc autem agere est. Igitur pro modo actiuitatis erit resistentia. Dic, resistentiam triplicem esse: quædam est negatiua, quæ vocatur ineptitudo subiecti ad recipiendam formam Alia, quæ dicitur positiua, seu passiuua, quæ non est virtus actiua, sed naturalis quædam potentia, qua passum impedit actionem contrarij agentis, non remittendo illius virtutem contraria aliqua qualitate, sed tantum difficulter cedendo. Vltima est, quæ dicitur contrarietas, quæ virtus actiua est, qua passum impedit actionem contrarij; per qualitatem contrariam illius virtutem remittendo. Hæc resistentia æqualis est actiuitati; resistentia tamen passiuua, inæqualis est actiuitatis, nam interdum est maior, interdum minor; quare sicuti hic ordo constituitur in actiuitate, quod caliditas primum locum teneat, secundum frigiditas, tertium humiditas, postremum siccitas; sic in resistentia iste ordo obseruatur, vt primum retineat siccitas, secundum humiditas, tertium frigiditas, vltimum caliditas. Ex qua doctrina ad plenum primi argumenti solutio patet.

Quum tamen calefactio, & refrigeratio considerantur in corpore humano, vt sunt remedia ad recuperandam sanitatem, tunc tempus calefactionis breuius est, ob rationes dictas. Hoc inspiciens Galenus calefactionis, & refrigerationis tempus, non vnum & æquale, sed quodammodo æquale pronunciauit. At intemperantia frigida aliquantulum calida melius corrigitur, si de leui & recenti, non de antiqua & confirmata termo sit; hæc enim ob defectum caloris & virtutis, difficilius & tardiùs emendatur, quum non solum auxiliis calefacientibus, sed his quæ suscitant & viuificant calorem innatum, & virtutè regeneratione sanguinis & spiritus roborant, perficiatur; quod non rarum difficile, sed impossibile apparet: multò

multò enim difficillius est, senectutem frigidam, quàm he-  
cticam calidam corrigere.

Nunc secunda pars propositionis Galenicæ examinanda venit. Nam videtur, quòd non sit maius periculum in refrigerando, quàm in calefaciendo; sicut enim immodica refrigeratio est periculosa, sic immodica calefactio, ex Hipp. lib. 2. aph. 51. vtrique enim si modica sit, est remedium ad sanitatem recuperandam. Deinde, quemadmodum homines pereunt ex morbis frigidis, sic ex calidis solent interfici, & citius; quoniam velociores sunt, & actiuiores. Igitur non est maius periculum in refrigerando, quàm in calefaciendo.

Nota, calefactionem & refrigerationem, sensim prudentérque à Medico docto, & per medicamenta mixta administratam carere periculo; contrario modo celebratam, periculosam esse nemo negat: vt quando in ardentissima febre propinatur gelidæ potus, imperatur frigida balneum, in doloris vehementia vtimur narcoticis; in frigidis affectibus, medicamenta nimis calefacientia exhibemus, quæ febrem concitare nata sunt; vtimur cauteriis: tunc maius in refrigerando, quàm in calefaciendo periculum est, frigiditas enim omnium partium actiones lædit, tollit, imminuit; illæ enim ad suas actiones obeundas indigent calore. Ea tamen quæ calefaciunt, solent excitare calorem, & fouere, & calor adauctus non lædit actiones, immò multoties iuuat, nisi quando ad eum gradum peruenit, vt colliquet, ex Galen. lib. 3. de caus. symp. 3. in fin. in quem sensum dicebat Auicenna. 1. 1. doct. 3. c. 1. sanitatem & equalitatem magis pertinere ad caliditatem, quàm ad frigiditatem, quum latitudo sanitatis angustior habet terminum versus frigiditatem, quàm caliditatem: sic intelligendus est Hipp. 51. aph. 18. caliditatem esse vtilem, frigiditatem verò inimicam asseuerans. Ex his manet soluta difficultas.

Vltimam deinceps proponit Galenus propositionem, quæ est huiusmodi. *Iniemperantia humida & sicca, equali securitate, inaequali tamen tempore curantur.* Causam reddit Galenus, nã humiditas & siccitas qualitates remissæ sunt, cum citra calidi & frigidi contactum violenter operari non possint, vt Galen. ait lib. 1. de symp. caus. cap. 6. in princ. quapropter nec in exiccando, aut humectando aliquod periculum vertitur, auctore Galeno lib. 6. de san. tuend. c. 3. post med. Inaequali tamen tempore curantur, quoniam quum humiditas sit maximè ignaua, & parum actiua, & siccitas resistat valde, intemperantia sicca multò difficilius, tardiùsque curatur.

Hæc tamen propositio patirer secundum vtramque partem plurimas paritur difficultates; nam in exiccando maius est periculum, quàm in humectando, quia humiditas magis amica est naturæ, cum sit vitæ principium, sicut & caliditas. Secundò, morbi sicci multò sunt deteriores humidis, quia conuulsio sicca humida est periculosior, ex Hipp. 2. aph. 26. & 4. aph. 57. & 5. eiusd. 70.

Responde, humiditatem, & siccitatem bifariam posse considerari: vel secundum modum operandi, & quia remissæ agunt, nullum in exiccando & humectando periculum adest: Si tamen considerentur quatenus sunt introductæ, & modum excedunt, quum sint qualitates actiuae, immutant substantiam in aliam speciem, & corrumpunt; & tunc licet in vtrisque qualitatibus periculum vertatur, maius est in exiccando, quàm humectando; humiditas enim plus est amica naturæ.

Altera pars propositionis has habet instantias. Nam videtur, quòd tempus humectandi, & exiccandi sit æquale; nam sicuti siccitas vincit humiditatem in resistendo, sic humiditas vincit siccitatem in actiuitate. Secundò, Galenus lib. 3. de loc. cap. 7. in fin. dum de Epilepsia agit, probat non fieri ex siccitate, sed ex humiditate replente, quoniam subito fit: ergo tempus humectandi breuius est. Solue hoc modo. Siccitas non vincit humiditatem in resistencia sola, sed etiam in actiuitate, ex accidenti ob densitatem materiæ; siccitas enim ferè cum materia sicca & crassa coniungitur, humiditas verò cum materia fluida & aquea. Deinde. Humectatio altera est qualitatiua, alia substantifica, accidentalis altera, quæ ex aliqua substantia

humida præter naturam coaceruata originem ducit: illæ longo tempore indigent; hæc breuior est, nam fit ob caloris defectum: licet enim substantia illa excrementitia paulatim coaceruetur, subito tamen mouere potest, & morbum inferre, vt sub exemplo Epilepsia Galenus passim confirmat. Ex quibus patere arbitror quo tempore, & qua securitate omnes intemperies curari possint. Lege quæ de hoc dubio scripserunt, acutissimus Gentilis, & Iacobus de partibus in com. cap. 2. 4. 1. Auic. 5. Et debes scire, quòd infrigidationis, & calefactionis tempus est vnum, & c. Et non sinit Ludouic. Lemosius in com. cit. cap. Galeni.

## HISTORIA LVII GALENI, De attritione ventriculi.

Ventriculi laborantis, ab inuasionem febris  
dignotio, eiusque curatio.

**I**D verò quòd nuper in ipso contigit Imperatore, procul dubio mirandum est: ipse enim, & Medici omnes arbitrantur febris initium extitisse, quum deciperentur vniuersi. Ille enim priore die, hora prima ex eo medicamento, quod amarum, & sacrum appellant, quipiam acceperat: deinde quemadmodum ipsi mos erat singulis diebus, eo quoque die theriacā assumpserat hora sexta ferè: postea lotus, circa Solis occasum, eibi parū ceperat. Cū itaque tota nocte torminibus, & ventris profluuiis vexatus, idè febricitaret; à Medicis inspectus quiescere iussus est; atque nona hora ab eisdem sorbitione sustentatus. His peractis accersitum nos venit Imperatoris nomine, nescio quis, vt ipse in palatio cubarè. Quamobrem ante solis oriū, cum tres essemus, qui Imperatorem inuiserent, & eius pulsum attingerent, ceteris febrilis cuiusdā annotationis principium adesse visū est, mihi verò silentiū seruare: atque idè cōuersus ad me Imperator, quidnam esset, postulauit, quod cum reliqui pulsum attigissent, solus ego non attigissem: cui respondi, eos cum bis iam tetigerint, ac forsū ac aliàs sepe, dū cum eo in exercitu essent, experiri que sine pulsu illius naturalem habitum, me melius affectum cognituros, spero. His dictis, inbente illo vt pulsum tangerè, accessi, & perpenso ad aratū, & natura mensurā pulsu, plurimum ab eo differre, qui febrilem annotationem significet, respondi: febris quidem insultum eum mihi non videri, sed eius stomachū arteri ab assumpto cibo, antequam excernatur, astuante. Tum ille dignotionē nostram laudans, ter hac verba subiunxit: hoc est; hoc ipsum est quod dicis, sentio enim me frigido cibo grauari: qua cum dixisset, quid opus esset factū, postulauit: cui ego respondi in hūc modum. Si quispiā alius esset, qui hoc morbo laboraret, bibendum ipsi dedissem, quemadmodum solitus sum, vinum pipere inspersum. Vobis autē regibus, quibus tutissima remedia Medici ad mouere consueuerunt, lana purpurea manipulum nardino pigmento calido intinctū, ostio ventriculi imponere sufficere. Tum ille, aliàs quoque subiunxit, solitus sum purpuream lanā, & nardinum pigmentum stomacho superimponere, quoties mihi molestus esse cōpisset. His dictis, Pitbolāum facere imperauit, qua preceperam, & simul nos dimisit. Postquam verò, & unguentum ventriculo impositum est, & pedes calidis manibus attrēctati incaluerunt, vinum Sabinum popescit, atque pipere insperso bibit & c. Galenus lib. de præcogn. ad Posth. cap. 11.

## PARAPHRASIS.

**I**mperatorem Romanorum Antoninum, cuius præsentem historiam Galenus scribit, frigida ventriculi intemperie laborasse, ex eo fit manifestum, quòd Medici qui primò illum inuiserunt, ab ea hora qua malè habere cōpuit, amarum medicamentum, quod hiera dicitur, exhibuerunt, calefaciens sanè & exiccans, ad frigidos flatulentosque humores in ventriculo impactos educendos quàm aprissimum: quo die theriacam pro more assumpserat, & post solis occasum, cibum parum. Post quæ, tota nocte torminibus, & ventris profluuiis vexatus, idè febricitauit, quoniam iniempestiue hæc omnia ab ipsis Medicis acta sunt. Quis enim vel mediocriter in arte versatus, medicamenta

camenta sibi inuicem aduersantia, hieram per aluum vacuantem, & theriacam suapte natura vacuantis medicamenti actionem, retardantem, & naturæ excretionem impediens, tam brevi tempore propinare ausus fuisset? Theriacam autem aluum ex medicamento citatam cohibere, testis est locupletissimas Gal. lib. de theriac. ad Pison. cap. 4. dum exhibito medicamento aluum subducente, si qui absumpsit non purgetur, data theriaca, iudicat hanc esse optimam, quoniam purgationem prohibuit illius, qui purgantem medicinam sumpsit.

Ex hoc ergo motu, pugna, & inæqualitate, seu vi naturæ illara, medicamenti videlicet expellentis, & theriacæ retinentis, tormina, & alui fluxum euenisse non est dubitandum; ex quibus diariam, accensis & inflammatis spiritibus oriri, centies prædixit Galenus. Quam rem cum non animaduertissent, seu potius ignorarent Medici illi, ex pituitosis humoribus; tam in ventriculo, quam in genere venoso impactis, suscitaram fuisse humoralem, & sic hac de causa in pulsibus mutationem, & febrilis annotationis principium somniarunt.

At Galenus bene pensata re, febrem illam fuisse diariam aduertens, propriisque signis cognoscens, quæ ipse in lib. 1. de dif. feb. c. 7. & lib. 2. de cris. cap. ult. promulgauit, de curando ventriculo solum fuit sollicitus: qui licet naturalem Imperatoris pulsum ad vnguem non agnosceret, quem per sanitatem esse tangendum, illiusque symmetriam & proportionem obseruandam, docuit Galen. lib. de pulsib. ad tyron. cap. 9. coactus tamen, perpenso ad ætatis & naturæ mensuram pulsu, eius pulsum ab eo differre, qui febrilem annotationem significaret, inuenit.

Quamuis pulsus naturalis duobus modis possit considerari, vno modo absolute & simpliciter, quia est causa & norma reliquorum, qui solum in natura temperata, bono habitu, ætate, regione, & tempore temperatis reperitur: secundo modo respectu illius naturæ quæ biliosa, vel pituitosa est. Et licet pulsus absolute naturalis in omnibus differentiis mediocritatem debeat obseruare, quia quod naturale est, moderatum est, ex Gal. lib. de dif. morbor. cap. 2. & lib. 2. de difficult. respirat. cap. 1. & 2. aph. 51. sitque æqualis & boni ponderis, medius inter parum & magnum, velocem & tardum, rarum & frequentem, durum & mollem; tamen his omnibus inter se collatis, habitoque respectu ad ætatem, & naturam, eum febrilis annotationis initium non habuisse significauit.

Celebratissimum enim apud Medicos est, duplicem esse febrilis annotationis differentiam, compressam vnam, alteram incompressam: in hac non ita contrahitur, pulsus, neque calor ita ab humoris copia obruitur, nec arteria ab illius copia, lentore, crassitie occupatur, quæ præsertim in humoribus biliosis, facileque inflammabilibus apparere solet, qui ob sui tenuitatem facile exhalant, & resoluuntur; in hac, monente Magistro l. 1. de dif. feb. 9. neque adest extremarum partium refrigeratio, dormitatio, aut pigritia, aut aliqua in caliditate, aut pulsu inæqualitas, neque paruitas neque debilitas, vt 3. de prasag. ex pulsib. cap. 7. Galen. admonuit. De hac non fuisse locutum Galen. patet, nam Medicos illos reprobauit, qui ex pulsus contractione, aut etiam omnimoda quiete eam cognoscere asseuerabant.

Atteri ergo ab assumpto cibo Imperatoris ventriculum affirmavit, hoc est, eius calorem grauari à copia, & sic distendi; nam debilis ventriculus alimentum, licet non sit quantitate multa exhibitum, coquere non potest. Hac imbecillitas cum à frigido (tanquam calori, cuius ope coctio perficitur, contrario) facilius oriatur, dicendum hanc debilitatem, vel à frigida causa, vel à debilitate innati caloris ventriculi, vel ab utrisque fuisse profectam.

Neque te ab hac expositione dimoueat Galeni contextus, asserentis Imperatoris ventriculum æstuasce, per quod verbum non intelligas calidum ventriculum, aut inflammatum, bilioso igneoque humore refertum, nam hac ratione calida medicamenta non exhiberet; sed fluctuantem; cum enim debilis ventriculus, ingestum cibum quo gravabatur, coquere præ copia non posset, fluctuabat, torquebatur, & ad excernendum vehementer coactus æstuebat,

A Metaphoricè enim multoties à Cicetone sic verbum hoc usurpatur 4. Ver. & Virgil. lib. 6. Aeneidos.

*Turbidus hic cæno, vastæque voragine gurgis*

*Æstuat, atque omnem Coccyto eruat arenam.*

Et Plinius lib. 18. c. 1. §. Quorum æstimatione, & gaudio nos quoque relictis æstuationi suæ (hoc est, exagitationi) istis hominum subis, pergamus exoluere vitam, &c.

Cui malo auxiliaturus, non vinum inspersum pipere, (auxilium frigido ventriculo summè proficuum) non interna medicamenta offerre ausus est, quia Imperatorem curauerat nunquam, neque de eius temperatura erat certior factus; idcirco tutius visum est illi externa præsidia apponere, in his enim personis cautè Medicus semper incedere debet. Securius ergo medicamentum excogitauit, ex nardo, medicamento pro roborando ventriculo primas tenente, ex Dioscorid. lib. 1. cap. 6. & pro hoc complendo opere valde præstanti, ex Galen. lib. 7. meth. cap. 4. & lib. 8. eiusd. cap. 7. pigmentum componere. Est autem pigmentum, genus quoddam vnguenti, ex Plin. lib. 16. cap. 43. Nardinum autem vnguentum, ex Gal. lib. 7. de comp. med. sec. gen. cap. 12. in fin. coctionem ventriculi maxime iuuat, vt potè ex Nardo, Calamo aromatico, Casia lignea, Cypero, Opobalsamo, & aliis roborantibus præsidii conflatum; hoc autem vnguentum lana quàm mollissima excepit, quum hæc tum (veluti spongia humores) vnguenta in se imbibat, & excipiat, ex Galen. lib. 11. simpl. cap. de spongia, tum mollitie sua partem, cui adaptatur lædere non possit, ex Galen. lib. 5. eiusdem operis, & vires medicamenti retineat, & conseruet.

D Purpuream autem elegit, nam hæc flaccido, languentique ventriculo auxilium est potentissimum. Purpurea enim lana, à Græcis Tyria, à Latinis Ostrum, ab Arabibus Chermes vocatur: dicitur enim illa, quæ succo purpuræ tincta est, ex Galen. lib. 8. meth. cap. 5. Est autem purpura, testibus Plinio lib. 9. c. 36. & 38. Vitruuio lib. 7. de architect. cap. 13. piscis quidam ex genere concharum, qui florem illum protingendis vestibus, olim maximo in pretio habitum, inter papauer dictum, & collum continet in vena quadam membranæ instar candicantis, reliquum verò corpus sterile est, cuius historiam Dioscorid. lib. 2. cap. 3. Arist. lib. 5. de hist. animal. c. 15. & post eum Rondelcius, Bellon. lib. de piscib. tit. de purpura, & eruditissimus Montaltus lib. de visu, c. 17. de purpureo colore, exactissime descripserunt. De cuius diuersis generibus, nominibus, præstantia mira, lege apud Cælium, Rhodigin. lib. 3. lect. antiquar. cap. 2. Ludouic. Lemosium in com. c. 5. lib. 8. meth. Galeni. Cardan. lib. 4. de subtilit. fol. 319. edition. Basil. & Matthiolum ad cit. cap. Dioscoridis.

E Filum lanæ purpura marina infectum, vocatur Ostrum, quod, auctore Galeno lib. 7. meth. cap. 7. ad imbecillitatem ventriculi valde est proficuum, & stomachum roborat, si quod alterum, vt in com. Fabius Paccius doctè explicuit. Quoniam verò cocco infectorio, nostris temporibus, in variis mundi regionibus lana inficitur, & eo tincta purpureum ex se emitit colorem, idcirco purpuræ loco, illo commodissime vt possumus: nam eadem vires habet & fortè præstantiores, vt probant Dioscorides lib. 4. cap. 43. Galenus lib. 7. simpl. tit. de grano tinctorio, & Arabes fere omnes, qui de eo sub nomine Chermes mira protulere. Isti enim præter roborantem, & adstrictoriam vim, illi plurimas alias attrabuunt dotes; nam cardiaca vi pollere tradunt quia venenis resistere, & malignam humorum retundere qualitatem natum est. Quapropter Chermes, vt apud Græcos purpura in pretiosissima venit antidota; à qua celebratissimum illud electuarium è granis tinctorum, seu Chermes nuncupatur, quod officinæ Alchermes appellare consueuerunt: hoc enim ad cordis palpitationem, syncopen, mentis alienationem, venenum summopere prodest: nec immeritò, quum grana tinctorum cardiaca sint; nostri enim corporis facultates collapsas recreant, cor roborant, spiritus viuificant, sensus, mentemque exhilarant, tristitiam abigunt diuturnam, pestilentiam vnicè fugant, siue ea in potu cum vino, aut aqua Melissa, Naphæne, siue cum cardiacis, & belzaaricis medicamentis permixta, epithematis modo supra læuum cordis sinum applicentur,



applicentur, provt refert Lacuna in com. c. cit. Dioscoridis, A & eloquentissimè ex antiquorum, & iuniorum mente agit Conradus Gesnerus lib. 4. de aquatilibus. cap. prop. de purpura: quidquid, perperam tamen, contrà sentiat Marnardus in annotationibus in cōposita Mesuè. sit. de confectio- ne Alchermes.

Hoc ergo vnguento vires collapsas mirificè restitente, pedum calcificatione, & vino assumpto cum pipere, restitutus est: calefecit autem pedes, vt sic pusillus ventriculi calor, extremitum calcificatione reuiuisceret, ex Aristot. 6. probl. 6. Partes enim frigidas, nervosas, excarnes, & remotas à fonte caloris, vel in febribus calefaciendas, regendas, & fasciis inuoluendas, vt reliquo corpore frigidiores non sint, summa cum ratione docet Hippocr. lib. 4. acut. sect. 40. Vbi enim pedes frigidi sunt, vix fieri potest, ut dormiant acri. Quare ad conciliandum somnum non parum conferet pedes habere calidos; somnus autem coctionem iuuat, & excretionem promouet, naturam & calorem innatum roborando. In hunc sensum dicebat Aristot. lib. 2. probl. 26. Medicos consuetos esse in aduersa valetudine pedes diligenter cooperire, ne frigeant; non enim ea pars solum refrigeratur, verum etiam est in causa, vt rigores toti corpori superneniant. Si verò de hoc raro affectu observationem legere concupiscis, vide Petrum Bayrum lib. 11. pract. cap. 9. de attritione stomachi ex conuersione cibi in phlegma, & ex eius sententia transtulit Marcel. Donat. lib. 4. de medic. hist. mirabil. cap. 4.

## HISTORIA LVIII. GALENI, De ventriculi debilitate.

### Ventriculi languor, vini Absinthitis potu, sanatus.

**A** Micam verò mihi pra ceteris Arriam, eximie commen-  
daram & ipsam ab Imperatoribus, quod philosophia  
diligenter operam daret, & precipue Platonis lectione dele-  
ctaretur, non leuiter olim agrotantem sanauit. Laborabat  
enim ventriculi languore, atque idè ita supine decumbebat, ut  
ne cibum quidem accipere valeret: unde periculum ipsi immi-  
nebat, ne defectu nutrimenti periret. Tunc itaque, sicut expe-  
rissimi solent Medici, mulierem curarunt, vinum Absinthio  
medicatum, me commonstrante, propinantes: mox enim ve-  
tale vinum bibit, & stomachum roborauit, & cibi appeten-  
tiam recepit, &c. Galenus lib. de theriac. ad Pison. cap. 2.

## PARAPHRASIS.

**Q**uod liber hic de theriaca ad Pisonem, genuinus sit,  
duæ confirmat rationes. Prima, quoniam in eo nul-  
lum dogma Galenicæ doctrinæ contrarium continetur: &  
hanc regulam dicebat Galenus multis in locis, esse veram  
ad libros Hippocratis explorandos. Secundo quod Serapio,  
Auicenna, Rhafis, Rabbi Moses quorum auctoritas contem-  
nenda non est, hunc librum, tanquam Galeni indubita-  
tum sæpissimè citant, provt firmissimis rationibus, & au-  
toritatibus Mercurialis in præfatione ad hunc librū mani-  
festè exposuit; quidquid Mathiolus lib. 2. epist. 2. contra-  
rium omnino asseueret, Iulij Alexandrini rationibus suc-  
cumbens.

Mulier ergo hæc ventriculi languore, hoc est, defe-  
ctione, & nimia imbecillitate, cum deperdito appetitu la-  
borabat cuius debilitatis frigidam & humidam intem-  
periem ventriculi fuisse causam, ex curationis modo fa-  
cilè cuique patere potest. Nec dubites ex frigiditate posse  
oriri hoc malum: licet enim illa corrugando os ventriculi,  
& comprimendo, appetentiam augere videatur, ex Galen.  
lib. 1. de caus. symp. cap. 7. & lib. 6. epid. sect. 4. com. 19. quum  
per frigidas anni constitutiones, appetitus vel etiam ni-  
mius exciteretur, vt cit. loc. Gal. & Arist. lib. 8. probl. 4. asseue-  
rant tamen hoc de frigida & sicca intemperantia, non de  
humida, intelligendum est. Nam sicut frigidus modicum  
roborato ventriculi ore concoquit, & digerit alimenta,

sicque appetentiam suscitatur; sic immodicum solidas ven-  
triculi partes dissoluit, relaxat, ad attrahendum reddit im-  
becilliores, & appetitum destruit, ex Gal. 2. aph. com. 20.  
quum vires corporis emortuas reddat, & sic fastidij causa  
efficitur, ex Trall. lib. 7. cap. 7. Paul. lib. 3. cap. 37 quod per-  
bellè explicuit Auic. 15. 3. tract. 2. cap. 7. 6. Et causa in  
hoc loco est, quod caliditas est mollificatiua, faciens currere  
materias, & replens locum eum, & frigiditas est contraria, quā-  
uis quandoque sit causa magis nocens appetitui malitia com-  
plexionis frigida singularis, quando mollificat duas virtutes,  
scilicet sensiuam, & attractiuam, quare debilitatur appeti-  
tus, &c. Ex quibus patet, errasse Petrum Paulum Peredam,  
virum alioqui doctum, in comment. cap. 34. lib. 1. meth. cu-  
rand. morbos, Michaëlem Ioannem Palschium, taxantem,  
quod à frigida intemperie oriri aliquando inappetentiam  
asseuerat.

Cum ergo appetentia ad vitam sit maximè necessaria,  
ex Galen. lib. 6. aph. 3 (nam non assumpto alimento perire  
animal, tabefacto corpore est necesse) summa cum ra-  
tione eniti debemus, vt ventriculus roboretur, & æger  
alimentum appetat, retineat & coquat. Huic vsui poten-  
tissimum est vinum testibus Tralliano, & Paulo loc. cit.  
Hoc enim ex Dioscor. lib. 5. cap. 40. vtile est stomacho, co-  
ctionem accelerat, fastidia discutit, hepar roborat, frigidam  
emendat internarum partium intemperiem, præcordio-  
rum distentioni mirè succurrit, ventriculi inflationi opi-  
tulari, & denique medicamentum stomachicum, si  
quod alterum, est præstantissimum. Hac ratione auctores,  
qui de medela ventriculi frigidi conscribere, inter quos  
est Heurnius, vir omnium calculo doctissimus lib. 2. meth.  
ad praxim. sit. de remedijs ventriculi frigidi, inter cætera vi-  
na medicata, illud summis laudibus efferre solent.

Hæc si vera sunt, illud verissimum, vinum cum Absin-  
thio paratum, mirabiles ex se pro roborando ventriculo  
prodere vires: cum enim Absinthium per excellentiam  
ventriculum vigoret, eiusque collapsam valetudinem re-  
stituatur, ex Galen. lib. 6. simpl. cap. de abrotano. & lib. 7. meth.  
cap. 4. & lib. 1. ad Glaucon. 14. & lib. de optima secta, cap. 17.  
fit vt eius languores persanent: tenui enim, & calida virtute  
sua, modicè adstringenti (hæc enim summè iuuat ad pene-  
trationem) sese in ventriculi penitissimas partes insinuat,  
offendensque in illis humores impactos & lentos, eos mi-  
nutatim dissecat, sectosque, & sic expulsionem faciles excu-  
tit, & tenuitate sua crassos extenuat succos, quoquouersum  
ventriculi meatus facilè subintrans. Hac ratione humores  
in eo tenaciter infixos, abstergit, & aduersus dolores sto-  
machi est aptissimum, ex Dioscoride lib. 3. c. 26. Insuper  
fastidium arcet, suscitatur emortuam appetentiam, & sin-  
gultum sanat ex frigida causa contractum, vermes necat,  
Estque res aded apud scriptores omnes receptissima, vt  
ad ipsos etiam vulgares deducta sit notitia, hoc auxi-  
lium languenti, flaccidoque stomacho, summo esse ex  
vsu: cuius conficiendi modum, pete ex Dioscor. & eius  
interprete Matthiolo locis citatis, quibus mirabiles huius  
vini vires describit.

## Observatio X.

### Importunus ventriculi dolor, vini absinthitis potu curatus.

**L**aborauerat trigemina femina diu tertiana notha, &  
obstructiones viscerum interiorum, & vteri, re-  
stricta biennio omnino sunt menstrua, quæ ope conferuæ  
chalybis ritè postea fluxere, sed in vmbilico per annum  
ita sæuo pressa fuit dolore, noctu præsertim, vt omnium  
remediorum vim prorsus contemplerit. Sæuiente dolore  
vmbilici regio eleuabatur, vt sphaerula in eo ad tactum  
sentiretur. Adhibitum consilium. Alij vermem esse cau-  
sam rati sunt. Alij lentos & frigidos succos, facientes ob-  
structionem viscerum huic malo ansam præstare confir-  
marunt. Quidam flatum esse nebulosum & crassum, qui  
à calore lectuli, & quod verius est. ob somnum adaucto,  
susus & dissolutus, vna cum internarum partium frigida  
intemperie, dolorem hunc pertinacem excitabat, sibi  
persuadere.

persuadere. In hunc usum vacuantia sæpius propinant. Affectu particulæ adhibent topica innumera. Sudorifica ex Ebena propinant, balnea naturalia consulunt. Demum sex mensium spatio nihil intentatum relinquunt. Tandem exhibitio vino Absinthite pro continuo potu, à dolore immunis euasit, & recurrentibus menstruis, cum antea esset sterilis, concepit, peperit.

## HISTORIA LIX. GALENI, De ventriculi debilitate.

Ventriculi debilitas, ex abscissione omenti suborta, quomodo curetur.

**Q**uod omentum calefaciendi gratia factum sit, euidenter discas licet, in illis qui vulnus in epigastrio, (id est abdomine) acceperunt, in quibus per vulnus excidit omentum, deinde linidum factum cogit Medicos partem læsam adimere: omnes enim frigidiore sentiunt ventriculum, \* minisque concoquunt, ac pluribus operimentis extrinsecus egent, & maxime quando insigni fuerit magnitudine quod excisum est. Quemadmodum certe, & nos aliquando fere totum ipsum abscidimus cuiusdam gladiatori ita vulnerato. Homo enim sanatus quidem confestim est, sed tamen adeo facile, & patiebatur, & ladebatur à frigidity externa, ut non sustineret nudum habere ventrem, sed lanis assidue esset obuolutus. Gracilior autem à principio fuerat hic gladiator cum alijs partibus, tum ventre; ob idque celeriter, opinor, refrigerabatur, &c. Galen. lib. 4. de usu part. cap. 9.

## PARAPHRASIS.

**O**mentum, cum vocetur viscus, auctore Galeno lib. 3. de facult. natural. c. 7. & calidum sit, eo ad meliorem coctionem natura abutitur; eius enim usu facilius, celeriusque cibis concoquitur, ex Aristot. lib. 1. de histor. animal. 16. & lib. 3. eiusdem, 14. & lib. 4. part. animal. cap. 3. Cum enim ventriculus ab adiacentibus membris foueatur, ab omento non minimam ad cibi coctionem accipit utilitatem; quare hæc particula longissime protensa est in intestina omnia, ut ipsorum coctionem iuuaret imbecillitatem; nam solum densitate sua, ventriculum, intestinaque ab externis iniuriis defendit, & factam ab ambiente prohibet dissipationem, sed caliditate sua (calidum enim est, cum nihil pingue, & promptè inflammabile, frigidum sit, ex Galen. hic) partes has fouet, tuetur. Est ergo omentum, fulcimentum quoddam, aut, ut rectius loquar, operimentum, quod instrumentis cibum. conficiendis, veluti operculum congenitum à natura est datum, ex Galen. lib. 4. de usu part. cap. 11. Ex his manet aperta solutio ad quæsitum commune, cur scilicet frigescat ventriculus à calido hepate, quod 3. alim. 16. probauit Galen. quoniam in coris incumbens caliditas nimia liquefacit pinguedinem omenti: quare ventriculus exanguis, hac veste quasi spoliatus deficit. Lege Rulandum lib. probl. medicæ physicoe. 7. 3. alias huius problematis rationes varias lege apud Castrensem Lusitanum lib. de complexu morbor. cap. 23.

Et cum raro accidat, ut omentum ex vulnere egressum non patiatur, videndum est, num refrigeretur, aut incipiat corrumpi, aut denigretur, & iam corruptum sit. Si incipit putrescere, ex ipsius pallore cognoscitur; tunc ergo spongiis vino dulci, porrenti, nigro, vel albo, cum chamomillæ decocto fouere oportet, quod decoctionem factam, explorandum, num colorem proprium, naturalem, ac viuum recipiat, ita ut incalescat; si enim ita sit, intromittendum est. Si contra accidat, ipsum amputare debemus. Plurimi hoc modo abscindunt, ut accipiat pars corrupta, & filo circa partem sanam deligetur, postea in regione vincti feceretur, & deinde exiunt: intromittunt sanum omentum relictum. Non placet hæc methodus, nam de parte sana aliquid etiam ligari debet, & amputari, quoniam si

aliquid corrupti omenti relinquatur, id postea corruptionis reliqui omenti est in causa. Melius ergo est totam illam partem denigratam accipere, & cum aliqua portiuncula partis sanæ ligare, & ipsam resecare ad vinum, ommissa vitione, ne statim liquecat, ut doctè retulit Andreas Alcazar, non infimæ notæ chirurgus lib. 4. de vulnerib. ventris inferior. cap. 8. lege Galen. lib. 6. aph. 58. & Hieronym. Fabric. ab aqua pendente lib. 1. chirurg. cap. 25. Ob dictas causas ij quibus è vulneribus excidit omentum, frigidiorem sentiunt ventriculum, ineptè concoquunt, ab extrema frigidity facile læduntur, & externis operimentis extrinsecus egent, maxime quando totum resectum est. Quare Philosophus omentum meliorem facere coctionem pronunciauit. De qua utilitate videndus Cōstantius Varolius tabula 1. anatomica, de omento. Eius ampliores usus lege apud Galen. lib. 6. de anatom. administ. c. 5. quò loco epiploï multiplicem usum agnoscit; nam præterquam quòd tegumenti instar insitum calorem fouet, ac coctionem iuuat, venæ portæ ramos, in lienem, ventriculum, duodenum, & collum distribuendos suffulcit; arterias, & neruos sustentat; insuper vagantes per imum ventrem vapores retinet, & in adipem cogit; colò intestino à liene ad ventriculum, & iecoris cauum ascendenti mesenterij vicem gerit; & humorem copiosum ab intestinis influentem; quum à glandulis excipi, & absumi semel nequeat, in se, velut in æstuario asseruat, ut latè explicuit Laurent. lib. 6. de re anatomica. cap. 12. Quidquid Columb. lib. 1. cap. 6. priorem, de quo hoc loco Galen. egit, solum usum agnoscat, cum Fernel. lib. 1. de part. corp. hum. descript. cap. 7. & Auic. 13. 3. tract. cap. 1. De cuius multiplici usu, lege Adrian. Spigelium lib. 8. de fabric. corp. hum. cap. 6.

## QVÆSTIO XXXVI.

Quod ex decidetia mucronata cartilaginis, homines non solum debilitat ventriculi, & alios morbos pati, sed contabescere possint. Cōtra Sanctorium, Laurentium, Columbum, & communem Medicorum sententiam.

## COMMENTARIUM.

**M**inisque concoquunt.] Quoniam de ventriculi debilitate diu commentamur, age illustremus in parte hac, aliam debilitatis ventriculi causam ignoratam à veteribus, & idcirco indictam. Mirum enim est, quod fidissimo experimento adinuēni sæpe ventriculi debilitatem, nauseam, vomitum, ructus, deprauatam concoctionem, fastidium, alios insuper aliorum patium morbos, immò, tabem sequi posse, ex procidentia illius cartilaginis, quæ à Medicis Xiphoides, Scutiformis, Ensculata, Mucronata dici solet, & ab Arabibus malum granatum nuncupatur. De cuius morbi causa, signis, prognosi, & curatione, tam utilis & necessaria est cognitio, ut in eius inuestigatione, rationis gubernaculo non persistas, facile, & cum aperto discrimine in scopulos, immò mortem miserimos ægrantes frequenter præcipientes. Sic ergo in re tam seria me dicentem audire ne graueris.

In his, qui frigido, humidoque vtuntur alimento, ingluuiei, & comestationibus multis, crapulæque sunt dediti; & hac de causa, vel natua forte, frigida ventriculi intemperie, & imbecillitate laborant; vel ex morbo sæuo acuto, aut chronico conualuere, ob coctionis defectum, mucosus, lentus, viscidusque succus in ventriculo, oréque præsertim ipsius gignitur, qui copia sua ita grauatur, qualitate frigida debilitat, humiditate relaxat, ut ventriculum, coctionis primum organum, mirum in modum debilitet, & sæpe sit in causa, quòd immedicabiles oriantur in eo, vel aliis partibus morbi, ab ista intemperie pronati.

Cumque ventriculi os plures circundent partes, penes quarum læsionem varij morbi propullulant, ille frequentissimo experimento compertus est, qui ex decidetia illius cartilaginis oritur, Ensciformis à Galeno appellatur; hæc enim imo pectori ita connata est, ut os ventriculi

ventriculi tegat, & tanquam scutum & propugnaculum muniat, ac defendat. Lusitani hanc cartilaginem vocant *Spinbela*, hæc enim manu compressa, vel eleuata, spinæ oblongæ, seu gladioli parui figuram refert. Belgæ dicunt *Borst been*. Huius vsus primarius est, vt ventriculi os tueatur. Illum ridet Columb. lib. 2. de offib. cap. 10. quia distare longo intervallo ab ore ventriculi, quod dorso applicatur, ratus est. At præterquam quod falsum est in viuientibus ita distare, eius placitum multò antea redarguerat Galen. lib. 7. de usu part. cap. 21. dum in hæc verba prorumpit. *Ob eam igitur causam, & ad partem ossis pectoris ultimam, (quam ob ensis similitudinem Xiphoidem appellat) adherescit: quam certum est propugnaculum esse oris ventriculi, & partis septi transversæ, quæ illic est, iam autem & cordis, &c.* Auicenna probat 1. 1. doct. 3. c. 15. §. Cùm inferiore prætereà parte thoracis os cartilaginofum latum contineatur, cuius inferior extremitas rotunditati attinens vocatur epiglottalis, eo quod epiglottidi sit similis, & ipsum est tutamentum oris stomachi, &c. Accepit à Galeno 6. de usu part. 3. firmiter Vesal. 1. fab. 19. Bauhin. 3. anatom. 49. Paræus lib. 1. cap. 41.

Hæc ergo cartilago, cum nimio mucore, humiditateque excrementitia, ob infauitiam ventriculi coctionem ex ipsius debilitate contractam, est infracta, emollito glutine, quo pectori hæret, decidit, & laxatur Valde. Neque putes absurdum, cum Laurentio lib. 3. de re anatomic. c. 11. hanc cartilaginem decidere, quum ita imo pectori firmiter adhæreat, vt non nisi summavi diuelli possit, vt cit. loc. obtrudit Columbus: nam hoc de statu naturali inte- ligendum est, quoniam vterus neruofus, & obfidentibus partibus, multis, variisque ligamenti obfitus, ita aliquando humoris copia laxatus procidit totus, elabitur, & flaccescit, vt virilem priapum mentiatur.

Et ne quis putet nostra hæc, figmenta esse anilia, aut meras nugas, vt citati firmare recentiores, legat insignem Veigam (hic enim peritissimus Lusitanus omnium eruditissimorum Medicorum voto doctissimus, sit mihi mille instar) qui in com. ad cap. 4. lib. 1. de loc. affect. num. 21. nostras partes lata oratione tuetur, à verbo nonnumquam, usque ad verbum, iecitò indicta. Tati viri sententiam Carerius iisdem fermè verbis confirmat disp. 5. 2. ad libros Galeni, de locis affectis: dum enim plurimas tabis causas recenseret, potissimam accidere putat, quando cartilago hæc, emollito glutine quo pectori tenaciter adhæret, laxatur & decidit. Habere autem quidpiam mucosum, quo pectori alligatur, docet Galenus lib. 11. de usu part. 18. & lib. 3. de facult. naturalib. cap. ult.

Hunc affectum comitantur in ventriculo flatus, gurgitationes, ructus, singultus, oscitationes ab spiritu flatuoso pronatæ, quæ ori. nia à debili coctione, ventriculique imbecillitate originem ducunt: cum enim cartilago hæc ventriculum ab externis iniuriis tueatur & defendat, si flaccida est, & muco oblita copioso, relaxatur, & flectitur introrsum; ventriculi os premit & debilitat, unde reproba concoctio, nausea, & vomitus. Ægri difficilè respirant: nam ad diaphragmatis, quod eo loco nerueu est, tutelam, constructam fuisse hanc cartilaginem. lib. 7. de usu part. cit. Galenus edocuit. Diaphragma autem esse princeps, ac primarium liberæ respirationis instrumentum, Galenus passim confirmat: nam tenditur in expiratione, laxatur in inspiratione. Insuper languet appetitus Os continuo maldescit, sputo crasso, vilcidoque respersum. Adest Cephalalgia ob maximum ventriculi cum capite consensum. In partium extremitatibus, totiusque corporis habitu, nodi duri, indolentesque apparent, à frigido humore suborti, quem natura ex infauita coctione, velut excrementitium, ad partes extremas, tanquam ignobiles detrudit.

Affectus hic contumax est, & reucllis, & qui sæpissime sprete causa ob Medicorum incuriam, putantium huius cartilaginis deciditiam anicularum esse fabulas ac præstigas, contemptis præsidiiis, diuturnus fit, & deinde auxiliis Medicis vix miscet. Immo sensim ac sine sensu, fur- timque habitualis ventriculi intemperies succrescit; ex qua tabescunt ægri, & pereunt: non enim ineptè cocto

A alimento nutritur corpus commode, qui extenuatur, & arefcit: Ex praua enim coctione non fit laudabilis hæmato- sis, impurum sanguinem carnes non trahunt, ita suo ge- nio, & necitare viuifico defraudata contabescunt: quoniam tantum habemus caloris quantum sanguinis. Quare ægri maridi facti, sæpe hæctica ventriculi correpti, vitam cum morte, commutant.

Curatio similis est in omnibus, illi quam Medici, pro ventriculi debilitate ab intemperie frigida pronata, instituere consueverunt. Vnum solum habet huiusmodi affe- ctus peculiare, quod hæc cartilago manus opera ad suum locum delapsa reducat. Quod opus licet pluribus mo- dis celebrari possit, nullo melius picatione perfici posse existimo. Os ergo ventriculi modicè conuatiatur ferula illita pice, ita vt leniter suauiterque caro attollatur, partique incalescens rubescat. Imponatur deinceps cucurbitula cum magna flamma, (hæc enim incantamenti modo fla- tus discutit, 1. 2. meth. ult. & 2. ad Glanc. 6 & potentissimè calorem ad ventriculum debilem attrahit, 7. aph. 1.) stre- nuum enim auxilium est, vt quæ sunt in alto, foras euocen- tur, ex Gal. lib. 13. meth. c. 19. Qua ablata stomachica em- plastra ex calidis, roborantibus tamen medicamentis pa- rata, ori ventriculi adaptare oportet, addita semper tere- binthina, cuius vi tenaciùs adhærent, & opus suum per moram complere queunt.

Et ne melanè rudem, & de morbo hoc somniantem existimes, anicularum instar, quibus seic hæc curatio, à vulgari Medicorum plebe, superstitiosa dicta, demandatur, de picatoribus, ex Galeni mente hæc paucula accipias rogo. Si quæpiam particula, ventriculus nempe, ex nutri- mento ob debilitatem fructum non sentit inquit Galen. lib. 7. meth. cap. 7. optimum medicamentum est, quo pica- tores quotidie vtuntur. Accipiebant enim ferulas paruas, ac leues, modicè illitas pice, & flaccidis, gracilibusque par- tibus incuriebant, donec modicè attollerentur, vt Magister edocuit lib. 14. meth. 16. ex qua iterata concussione, attracto ad partem sanguine & spiritu, ventriculus incalescit & roboratur, melius appetit, retinet, & concoquit. Nam hoc ad præstandum membro cuilibet vigorem, egregium me- dicamentum est, adeo vt si quod singulare membrum hoc vitio laboret, id hoc præsidio restituatur; nam calefacit, humectatque, ac vigorat sanguinis multitudine accita. Picationis autem terminum lib. 6. de sanit. tuend. c. 8. cutis ruborem statuit. De cuius vtilitate mira, pro roborandis, impinguandisque partibus, lege Hippocr. lib. 3. de officin. Medici, text. 32. Auicenn. 2. 1. tract. 2. 14. & tract. 3. doct. 4. cap. 4. & 7. 4. cap. 2. & 10. 3. tract. 1. cap. 30. & 2. 3. tract. 1. c. 46. Aëtium terrab. 1. ferm. 3. cap. 180. Paul. lib. 1. cap. 59. quorum mentem explicant Rasi lib. 3. ad Almanf. c. 60. & 61. Guido tract. 6. doct. 1. c. 4. Nico. ferm. 7. tract. 6. sum. 1. c. 1. Bartholomæus Eustach. lib. 3. praxis, cap. 35. de tabe Lu- dou. Lemosius in com. c. 7. Gal. ad l. 7. meth. Mercurial. lib. de decorat. cap. 7. Hercul. Saxonia sect. 1. de phœnigmis, c. 11. qui de recto picationis vsu egere luculenter.

Picatores ergo erant, qui ferulis illitis pice partem de- bilem incuriebant, & sic motu & calore, sanguinem & nutrimentum ad partem attrahebant, & hac ratione mem- brum extenuatum impinguabant, vel hanc cartilaginem ad suum locum reducebant, ventriculumque hac ratione firmabant. Sic docet Auic. 7. 4. c. cit. §. Et de impinguatiuis sunt linimenta, quæ administrantur post morionem membrorum, & ipsorum rubrificationem, sicut est pix sola, ita vt si vebe- menter liquida, aut soluta cum oleo in quantitate qua faciat eam currere linimentum; & quandoque administratur sola su- per cutem approximata igni, donec liquefiat, deinde inuisca- tur, & eleuatur. Quandoque congelatur ipsa, attrahit nutri- mentum ad membrum, & retinet ipsum in eo, & remouet fri- gus eius, si fuerit causa eius debilitas virtutis, &c. Non ergo vanum putes, cartilaginem hæc decidere, & picatione, ca- terisque attrahentibus præsidiiis in suum locum restitui, quid- quid contrarium Medici vnanimi ferè cōsensu, falsò tamē, hucusque fuerint opinati, vt refert Augustinus Vasquius q. 2. de ventriculi passionibus, & non solum eruditissimus Sanctorus Sactorius lib. 3. de vitandis errorib. Medicor. c. 14. putantes nullo modo hanc cartilaginem decidere posse, quorum

quorum argumenta ficulnea esse, suprà satis prædiximus, A  
& ex dictis facile solui possunt.

## HISTORIA LX. PRASII,

### De ventriculi dolore.

Dolor ventriculi ex bile, & melancholia  
ortum ducens, congruis auxiliis  
sanatur.

**D**ico, quòd conquestus est mihi quidam de dolore ventri-  
culi ex bile & melancholia, cum humiditate & calidi-  
tate superueniente velociter ad caput, qua humiditas erat in-  
tensa, quem curavi recipiendo Rosarum tritarum 3. x. spica 3.  
ij mastichis, thuris, caryophyllorum optimorum, cymini, an. 3.  
j. Terantur qua. terenda sunt, & inde fiant trochisci cum  
succo Absinthij, & corric. citriorum: appositioque oleo nar-  
dino, confecto ex cypero, & chœnantho, & costo supra stoma-  
chum, conualuit, &c. Rhasius lib. 11. continent tract. 1.  
cap. 2.

### PARAPHRASIS.

**A** Multis causis oriri ventriculi dolorem, testatur mul-  
tis in locis Galenus; quum enim ejus substantia  
amplissimis nervis sit contexta; qui à sexto cerebri con-  
iugio, superiori ejus orificio mutuo complexu implican-  
tur, & in reliquum ventriculi corpus multiplici serie di-  
stribuuntur, idcirco maximè sensibile est, ex Galen. lib. 2. de  
rat. viſt. com. 11. & alibi passim. Doloris ventriculi ali-  
quando causa est intemperies simplex, & sine materia, quā-  
doque cum materia: utraque, vel calida, vel frigida. Harum  
signa satis superque distincta inuenies apud eos, qui pe-  
culiare caput de dolore ventriculi conscripserunt, inter  
quos præcipui sunt, Alexander Massaria lib. 3. de morb.  
intern. cap. 3. Mercurialis lib. 3. praxis cap. 2. Leonardus  
Iacchin. in 9. ad Almanſ. cap. 45. Bartholomæus Perdulcis  
lib. 13. medicin. cap. 2. Ludovic. Mercat. lib. 3. de morb. in-  
tern. cap. 1.

Vnus solùm scrupulus eximendus, cur humiditas fecit  
dolorem, si ea apud Gal. lib. 1. de caus. sympt. c. 6. non potest  
violenter corpus contingere, & alterare? Dic verum  
quidem esse, intemperantiam calidam aut frigidam per  
se & solam, posse dolorem efficere, quia cum sint maximè  
efficaces, confertim & violenter corpus mutant; hu-  
miditatem autem & siccitatem, ex accidenti concitare  
dolorem, quoniam sunt qualitates materiales, ignauæ, &  
languidæ, auctore Magistro 7. meth. 5. & lib. 6. de sanit.  
tuend. cap. 3 nam humiditas agit & corrumpit, licet pau-  
latim & sensim, maximè si cum affluxu humoris copuletur.  
Galenus verò locus, licet prima facie videatur contrarius, de  
intemperie nuda intelligendus est, siue hæc sit simplex, si-  
ue composita.

Quumque humiditas nimia caliditati copulata dolo-  
rem faceret; & ob vaporum ad caput copiam, cum quo  
maximè, consentit ventriculus, 3. de loc. 5. timor esset, ne in  
cerebro, aliisque partibus, aliquod symptoma succresceret,  
timoris & periculi plenum, excrementitiam absumere hu-  
miditatem, osque ventriculi roborare saluberrimum duxit:  
cum nulla sit pars, quæ ita exactum habeat sensum, vel,  
principum partium utramque, pro suarum affectionum  
modo perinde afficiat, atque ventriculi orificium; siquidem  
syncope, cardialgia, dyspnœa, apnœa, epilepsia, delirium,  
insania, huius partis occasione euenire consueverunt. Mi-  
randum enim non est, si ob oris ventriculi affectus, ani-  
malia maximis, iisdemque vehemētissimis affectibus affli-  
gantur, cum nimirum pars illa, per nervos quidem cerebro,  
per arterias autem cordi vicino sibi, suas offensas com-  
municet, ut non minùs latè, quàm doctè Galenus pronun-  
ciat lib. 1. de caus. sympt. cap. 7.

Maxima ergo est ventriculi dignitas, & ad omnium  
partium actiones summè necessaria. Maxima illius in to-

tius corporis alteratione, & immutatione facultas: eam  
oraculo quodā patefecit Hippoc. lib. 6. epid. sect. 4. text. 25.  
Ventriculo calidi, frigidi carne, & graciles. Isti venosi, &  
iracundiores: in eius expositione mira protulit Vallesius  
in comment. Demum ex eo ventriculi necessitatem pote-  
ris arguere, quoniam vel si minimum afficiatur, aut diu-  
turna officij vacuitate reddatur ignauior, tota corrui-  
statim animalis machina, atque illius naturalis œconomia  
labascit.

Flaccidum itaque, & dolore afflictum ventriculum ro-  
borare oportet, ne præ doloris sæuitie, ad eum consortij  
lege, totius corporis concurrant excrementa, ex quorum  
prouentu, & confluxu diri possint suboriri affectus. Cum  
autem pars citra totius prouidentiam sanari non possit, cul-  
pam auctori non imponas, qui citra expurgatium vsum lo-  
calia consuluit applicanda; nam vacuantia siluit, quoniam  
circa principium erat affectus, à quibus abstinere docuit  
Gal. lib. 13. meth. c. 11. quando dolor, aut phlegmone ventri-  
culum exercent, siquidem longissimè à rentata fluxione parte,  
quod redundat reuellere, nequaquam ad eam trahere conuenit:  
nam purgantia plus trahunt in ipsum à toto corporis am-  
bitu, quàm ab eo pellant, ex quo confluxu ita redditur  
venter languidus, ac dolor intenditur, ut vel ex noua flu-  
xione noui emanent morbi, vel ita reddatur languidus;  
ut deinceps munus suum perficere nequeat. Quare pur-  
gantia in ventriculi affectibus summa sunt cum præmedi-  
tatione porrigenda; quæ si offerantur, maximè si caput  
condoleat, tunc summopere hieram laudauit, lib. 7. meth.  
11. & 8. sec. loc. 2. & 2. eiusd. cap. 1. quod medicamentum  
citra molestiam ventriculum ab excrementitiis humori-  
bus repurgat.

Dolorem itaque mitigare salutare consilium fuit, ex  
quo symptomate ægri in grauissima pericula labuntur, ut  
Galenus lib. 12. meth. cap. 1. & 8. luculenter edocuit: cui  
etsi ut symptoma est, non debeat curatio, sed soli morbo,  
ut loc. cit. meth. & 11. eiusdem, cap. 12. Galen. edocuit; tamen  
si acerbus sit, & vehemens, ad se curationem vocat, & ha-  
bet rationem causæ, sine qua alter affectus curari non po-  
test, quoniam distrahit naturam, dissoluit vires, fluxiones  
mouet. Quare cordatè dixit Auic. 4. 1. doct. 5. c. 1. quumque  
ad diuersum trahere volueris, membri à quo proirahis, dolorem  
prius sedare, &c. & infra. 5. Quumque agritudo dolori coniu-  
cta fuerit, aut causa ipsius est dolor, aut agritudo est causa do-  
loris, sicut est percussio, aut casus, incipies sedare dorem, &c.  
Si verò sit mitis, & lenis, aut mediocris, non vocat ad se cu-  
rationem, nam remoto morbo symptoma remouetur: sic  
intelligendus est Auic. 1. 4. tract. 2. c. 7. 5. Et quando dolor  
capitis coniungitur cum febre, dignior est curatio febris, &  
non doloris, &c.

Quapropter quum dolor vrgeret valde, & ventriculi  
debilitas adesset, ipsum roborare opus fuit iis, quæ tum  
dolorem, excrementitia humiditate ventriculum disten-  
dente pronatum mitigare, tum roborare nata essent: inter  
quæ primo loco numerauit rosas, quæ, auctore Galeno  
lib. 8. de simpl. medic. facult. in. de rosa, adstringunt, & exi-  
cant, maximè si sint siccæ, hæ enim amplius roborant,  
& superfluum humiditatem exprimunt, & absumunt,  
ut ait Dioscorid. lib. 1. cap. 130. & aromaticitate sua sub-  
stantiam spiritus recreant & refocillant; quare syncopæ  
& cardialgiæ summopere opitulantur, ex Auic. lib. de  
virib. cord. tract. 2. cap. de rosa, & sic vires, tum vitales,  
tum animales roborant, ex Matthioli, in cit. cap. Dioscorid.  
E. Eliguntur, quæ puniceo colore rubent; præstantes etiam  
sunt quæ in rufum candicant; vilissimæ albicantes. De  
quarum vi eximia, lege Auic. lib. 2. tract. 2. cap. 575. &  
Ruel. lib. 1. natur. stirp. cap. 127. Monard. libel. de rosis, ferè  
per totum.

Secundum medicamen est spica nardi. Nardum au-  
tem frutex est, graui & crassa radice, sed breui, nigra,  
fragiliq; quamuis pinguis, aspero sapore, folio paruo;  
densoque. Aliud est Indicum, Syriacum alterum; hoc  
melius, quò recentius atque leuius, item comosum, co-  
lore rufo, odore vehementer iucundo, cyperum imi-  
tante, breui spica, sapore amaro. Illud viribus langu-  
idum, quòd vliginoso proueniat solo, proinde illam  
odori;



odoris gratiam exuit, calefacit & exiccat, nauseabundos A  
ituar inflationibus stomachi auxiliatur, prodest contra  
venena, & ventriculo robur conciliat. De cuius utilitate  
mira, lege Dioscorid. lib. 1. c. 6. & alios qui de aromatis  
Indicis diligentissime disputarunt. Cetera verò corrobora-  
re ventriculum, & illius absumere madorem, adeò notum  
est, ut probatione non indigeat. Has enim vires obtinere  
mastichem, thus, caryophylla, cuminum, absinthium, cy-  
perum, schœnanthum, & costum, rei herbariæ peritissimi  
passim confirmant.

Vnum solùm aduerte, ut hæc stomachica medicamenta  
non minùs parti anteriori, ut innuit hic auctor, quàm  
posteriori ventriculi apponas: ut Galenus docet lib. 7. sec.  
gener. cap. 12. ad fin. & 13. meth. 17. quoniam os ventriculi  
verrebris dorsi adhæret; licet enim pars anterior sit car-  
nosior, & minùs ossæ, quàm spina, tamèn posticæ parti  
imposita medicamenta summè iuvant ut explicant Mat-  
thæus Gradius lib. 9. ad Almanf. cap. de dolore ventriculi.  
Amatus 1. centur. 98. Ergo stomachica medicamina de-  
bent esse modicè calida: quæ enim nimis calefaciunt,  
exiccant, & exprimendo humiditatem, debilitant. Hæc  
cum cera miscemus, ut diutius vires suas retineant. Acti-  
calida imponi debent, non frigida: nam hæc ventriculi  
robur dissolunt, ut ait Galenus 8. meth. 5. Auic. 1. 4. tract.  
1. c. 26. tepida enim dilatant, liquant, emolliunt, resoluunt:  
calida, quantum æger tolerare possit, contrahunt, cor-  
rugant, adstringunt, toborant, & magis si in duplici vase  
prius calefiant: tunc enim actione ignis vis medicamenti  
non evanescit. Quare si cum his conditionibus applicen-  
tur, præsertim ventriculo vacuò, ita ut ante assumptio-  
nem ciborum tempus notabile intercedat, multum pro-  
desse poterunt. Emplastra in panno purpureo imposita,  
non sint admodum scuti, sed falcatae lunæ, quia hæc est  
effigies ventriculi.

## HISTORIA LXI. RASII,

## De dolore ventriculi.

Dolor stomachi diuturnus ex frigore origi-  
nem ducens, vini generosi potu,  
curatus.

VENIT cuidam dolor chronicus in stomacho, & consului ei  
ut biberet vinum forte, purum, & iam in continenti dolor  
declinavit versus umbilicum, & retenta est urina eius, & sen-  
tiebat vescicam inflatam, & repletam, & medicamentis pro-  
vocata est urina, & exiit cum ea phlegma album, viscosum, &  
meditatus sum, quòd illud phlegma erat causa doloris, & re-  
tentionis urinae, & c. RASII in lib. de mirabilib. curis.

## D V B I V M XXXVI.

Num frigidis ventriculi doloribus, meri potus,  
salubris sit.

## PARAPHRASIS.

ORIRI ventriculi dolorem ex flatu, & pituita disten-  
dente, adeò notum est, ut probari non debeat: qui  
cùm euenerit, calidis roborantibus, intus & extrà ap-  
plicitis debellandus est. Et cùm inter plurima medica-  
menta fusè ab auctoribus, capite de dolore ventriculi  
ex flatu proposita, primo loco vinum reponatur, meritò  
auctor illud assumendum consuluit; nam hoc refrigera-  
tos mirificè calefacit, crassos humores dissolvit, ventosos  
discutit, urinam mouet, emortuas præ frigore facultates  
reuiuiscere facit, est denique refrigerantium vnicum  
leuamen.

Huius vi roborata natura viscidum humorem multo  
flatu permixtum ad vias urinæ expulit, quo subitò con-  
fluente urinæ suppressio contigit: pro cuius prouocatio-  
ne plurima solent proponi auxilia; inter quæ præci-

Lib. II.

puum locum obtinent, quæ crassum, tenacemque succum  
extenuare, & modicè liquare apta sunt, de quorum ge-  
nere sunt fomenta, & vnguenta varia, quæ passim repe-  
ries apud auctores.

Vnum solùm constat, vinum huius curationis fuisse  
basim ac fomentum: de cuius vi, ac facultate Laco-  
nicè quæpiam conscribere placet, ex tam multis quæ  
de huius potus admirandis commoditatibus retulerunt  
auctores Græci, & vnà proponunt recentiores. Vinum  
(vox ad succum, seu liquorem vitis, siue vuarum signifi-  
cationem iunenta) tradit Varro lib. 4. à vi deductum esse,  
quòd eius potus citò venas repleat sanguine, inde Ovi-  
dij versus.

*Vi solet infuso vena redire mero*

Et Nemef. Eccl. 3. de Sileno.

*Ex illo venas inflatus necesse est dulci,*

*Hæsternoque gravis semper riderur Iaccho.*

Vel quòd vim afferat rationi; eam sanè corrumpit, &  
e suæ naturæ statu deturbat.

Ut cumque sit, vinum maximas vires corpori præ-  
bet, nam citissimè nutrit, vertitur in sanguinem, & car-  
nosas partes promptissimè alit, ex Galen. 3. acut. comment.  
penult. & 3. de temp. 3. & 5. & 6. epidem. sect. 4. comment. 19.  
Ego enim assumpto, in pulsibus quidem fortitudo, ac ma-  
gnitudo; in motibus voluntariis robur adicitur, quod  
est nutritionis signum, apud Galen. lib. 2. aph. comment. 18.  
Quidquid vinum non nutrire carnosum genus, efficaci-  
ter contendat doctissimus Mercurialis. tractat. de vino &  
aqua, à cap. 1. usque ad 5. explosus iam ab Horatio Auge-  
nio tom. 3. epist. 1. 9. epist. 21. cuius rationes funditus etiam  
dissolvit clarissimus Ludovic. Nonnius lib. 4. de re cibaria,  
cap. 8.

Plutarchus lib. 3. Sympos. cap. 5. & Macrobius lib. 7. Sa-  
turnal. cap. 6. pluribus nituntur ostendere, vinum esse fri-  
gidum; eo potissimum ducti argumento, quòd videant  
à potu vini, frigidos affectus oriri. His breviter respon-  
det Galen. lib. 3. de temp. cap. 2. dum sic loquitur. Sic igitur  
& vinum, ubi plus bibitur quàm ut vinci possit, tantum abest,  
ut animal calefaciat, ut etiam frigidiora vitia gignat, quippe  
apoplexia, & paraplexia, & quæ Græcè caros, & comata vo-  
cantur, & nervorum resolutio, & comitiales morbi, & con-  
vulsiones, & tetani immodicum vini potum comitantur: quorū  
unumquodque frigidum est vitium, & c. Ex quibus patet vi-  
num modicè sumptum, calorem nativum roborare; si  
verò immodicè bibatur, suffocato nativo calore, & ab  
igneo, absumpto & debilitato, frigidos parit affectus:  
nec enim oleum flammam accendit, tametsi est aptis-  
simum ignis nutrimentum; immò si imbecillæ, & exi-  
guæ flammæ confertim multum oleum infundas, suffo-  
cabis eam, potiusque extingues quàm augebis: si ca-  
lor noster à nimia vini copia gravatus & debilis, ex-  
crementa gignit multa, ex quibus tot morborum frigi-  
dorum prouentus. Vinum ergo in actiuis calidum est  
potentia: num autem reductum ad actum à calore no-  
stro, per se exiccet, lege Manard. lib. 14. epist. 3. Chri-  
stophor. à Vega lib. 2. art. medic. sect. 3. cap. 2. Valesium  
lib. 9. cont. cap. 6. Cardozum lib. 2. de sex reb. non naturalib.  
quest. 2. cap. 5.

Vino insunt multæ proprietates bonæ: nam pu-  
ros reddit humores, facillè coquitur, sanguinem splen-  
didum generat, viuificat innatum ignem, coloris præ-  
stantiam conciliat. Hoc, teste Platone lib. 1. & 2. de le-  
gibus, est timoris pharmacum, senectutis solatium, mœ-  
roris & inopiæ obliuio, somni illecebra, spiritus ex pu-  
riori sanguine geniti fomes, fortitudinis calcar, ingenij  
incitabulum, senum labores temperans, & aduersus  
illorum morbos vnicum leuamen, quibus si occupen-  
tur illis summum est præsidium; sicut enim in igne fer-  
rum, ita vino senum corpora molliuntur, ac temperantur;  
vnde ab Auicena, 2. 1. cap. 8. lac senum dicitur: quare illis  
exhibet, quantum tolerare possunt. Somnum procurat,  
mentem exhilarat, quare subtristibus, melancholicis, &  
hominum consortia fugientibus, miro est auxilio; quod  
legitur in lib. Iudic. cap. 9. 9. Nunquid possum deserere vinum  
meum, quod latificat Deum, & homines; & in Psalmo 103.

Bb

S. Vt

5. *Vi educa panem de terra, & vinum, quod lesificat corbo-  
minum, &c.* Sed quoad Deum attinet; inquit eruditissimus  
Valle. *in l. de sacra philosophia, in com. loc. supra citati*, Theo-  
logis disputandum proponitur: quoad homines, ea inter  
alias potissima causa: Cum enim nostræ naturæ simili-  
mum sit, citissime splendidos regenerat spiritus, quorum  
penuria qui laborant, tristes, & melancholici esse consue-  
verunt. Quantum autem afferat commodum melancholici-  
cis, vinum, luculenter ostendit Alzarius à Cruce *lib. 1. cent.*  
*cap. 2. quest. ult.* Demum si de vini differentiis, ætate, effica-  
cia, plura scribere aggrediar, in his referendis ero multilo-  
quus. Vide per otium Manard. Mercurial. & Augenium *loc.*  
*cit.* Fumanel. *l. 1. de natur. & facult. vini.* Andream Baccium  
*lib. 1. de histor. vinor.* Valleriol. *lib. 2. loc. com. cap. 7.* Ruel.  
*lib. 1. de natur. stirp.* 143. Mathiol. & Lacun. *in com. cap. 1.*  
*lib. 5. Dioscorid.* Amat. *lib. 1. cent. in schol. curat.* 28. Mercat.  
*tom. 1. 9. 164. num. 96.*

Insuper. Non solum in frigidis, verum in calidis mor-  
bis maxima est vini potestas, & efficacia, ut ex Galen.  
mente colligunt Amat. *loc. cit.* & Fuchsius *in com. sent. 11.*  
*lib. 2. aph. Hip.* Quum enim in vehementissimis, mali-  
gnisque febribus horrenda symptomata contingunt, quæ  
innatum ignem impensè diminuunt, & totam curatio-  
nem ad se vocant, nisi prius rescipientibus auxiliis,  
ægtos præcipites ages in mortem; ea sunt dolor, animi  
exolutio, syncope, & virium debilitas: iis ergo corre-  
ptis dato vinum, quia nativum calorem à febris vehe-  
mentia, & malitia iamiam exhaustum refocillat, spiritus  
purissimos, quibus corpus ad sui alitionem opus habet,  
generat, ac emortuas facultates reuiuiscere facit, & præ-  
sertim illud quod cum modica, non tamen obscura dul-  
cedine fragrantissimum ex se spirat odorem: hoc enim  
præterquam quod febrientibus concedit Galenus, est  
amuletum, & venenorum tutissimum alexipharmacum,  
quibus omnibus vini spiritus summopere prodest; cuius  
extrahendi formam tradit Andreas Libavius *lib. 2. alchym.*  
*tract. 2. tit. de quint. essent. vini.*

Hoc venenis non tantum frigidis aduersari, sed iis  
quæ à caliditate, aut occulta vi interimunt, testis est  
logoplerissimus Galenus *lib. 1. de antidot. cap. 8. & 14.*  
dum inter alia alexiteria, id hoc nomine parandæ the-  
riacæ probatissimum recenset. Quare ad omnia venena  
quæ exulcerando interimunt, summum esse auxilium  
tradit Dioscorid. *lib. 5. cap. 6.* per hæc verba: *faciunt ad-  
uersus venena, quæ exulcerando interimunt; quod post eum  
firmanere Galen lib. 6. epidem. sect. 6. com. 5. Auicenn. 2. 1.*  
*doct. 3. sum. 1. cap. 11. Manard. lib. 5. epist. 3. Mercat. lib. 7. de*  
*febr. pestil. & malign. tit. de precautionione, & idè theriacæ*  
*assimilantur antiqui, ut norant Fallop. lib. de tumorib. præ-*  
*natur. cap. 14. Ludovic. Sepralius lib. 5. de pest. & feb. pesti-*  
*fer. cap. 7.*

Aduertas tamen, ne in vino pueris propinando au-  
dax sis, his enim infestissimum est. Celebris est historia  
apud Galen. *lib. 2. de loc. affect. cap. ult.* de puero, qui vehe-  
menter sitiens, vinum antiquum bibens, febris correptus,  
& deinde vigiliis, obortoque delirio occubuit. His ergo  
vinum porrigere nihil est aliud, quam ignem igni ad-  
dere; quoniam non solum calefacit corpus suapte na-  
tura calidissimum, sed mentem, animumque deprauat.  
Quocirca *lib. 1. de sanit. tuend. 11. & lib. 5. eiusd. cap. 5. &*  
*12. & Plato in Timao, & lib. 2. de legib. pueris vinum usque*  
*ad annum vigesimum secundum interdicit. De quo ar-*  
*gumento pulchra dicemus, in huius historię com. lib. 4.*  
*hist. 18. & pro explicatione sententiæ Platonis, vide Gal.*  
*lib. quod animi mores, cap. 10. & Lupeum in annotationibus*  
*supra hunc locum, Cæliam Rhodig. lib. 15. sect. antiq. cap.*  
*28. & 29. Lang. lib. 2. epist. 57.*

Deinde tanta est huius dulcissimi liquoris præstantia,  
ut vel pretiosissimis liquoribus sit æquiparandum, si cum  
modo, & tempestiue eo quis utatur. Ob quæ plura ani-  
malia suo pte impetu in eius gratissimum potum feruntur:  
admirabilis enim vini vis in quasdam animantes est ob-  
seruata. Nullum enim est ferè animal, quod quatuor in-  
greditur pedibus, quod vino non vehementer delectetur,  
innetur, & in summa lassitudine non rescitur: Ipsi quo-

que serpentes, quum datur occasio, vinum præcipue appe-  
runt, ut monet Plin. *lib. 10. cap. 72.* Sic fues, simiæ, corui,  
vrsi, elephantes. Videmus & nos aurigas ad continentius,  
& longius iter conficiendum, equis suis offam ex pane, &  
vino obicere, aut saltem vinum in os, & nares eorum ia-  
ctare: sic enim & firmiores redduntur, & alcriores.

Cum necessitas urget, vinum purum, nulla admixta  
porcione aquæ, exhibere salubre est; maxime si dolor, fla-  
cidum languidumque occupet ventriculum, cuius tonum  
potus ipsius aqua diluti summè dissolvit, auctore Magistro  
*lib. 2. acut. com. 28. Et com. 34. in ventre superiore humidi-*  
*tatem, infirmitatemque facere, & flatum in inferiore asse-*  
*ruit. Merito ergo fecisse Radium hîc, qui ægro ventriculi*  
*dolore correpto, à frigida causa concitato, purum, hoc est,*  
*merum potandum consuluit; vehementiore enim calore*  
*crassos succos in ore ventriculi impactos dissolvit, flatum*  
*discutit, & ipsum roborat: præsertim si sit forte hoc est,*  
*generosum, & ex eorum genere quæ potenter calefaciunt,*  
*(polyphora Græci vocant) ex Galeno 3. acut. 20. ut sunt*  
*vina fulua, flaua, rubra, dulcia, vinosa, odora, quæ omnia*  
*sunt fortia, & nimis calefaciunt, ex Galen. 3. eiusd. 2. 6.*  
*& 7. meth. 6. & 12. eiusd. cap. 4. De quo atqumento præ-*  
*ter cæteros, lege Amatum loco citato.*

Sanitatis tempore vinum aqua diluere docuit Hippoc.  
*lib. 7. aph. 56. & à veterum scientissimis est satis promulga-*  
*tum, ut sic nimius vini ardor, caliditas, & vis, aquæ per-*  
*mixtione temperetur & obtundatur. Marina vinum di-*  
*luere, vtile salutis humanæ indicarunt Dioscorid. lib. 5.*  
*cap. 20. Cato c. 24. & 106. de re rustica, quod infusa maris*  
*aqua permixtum, suauius sit, facilius ac diutius conferue-*  
*tur, crapulam impediatur, ventrem soluat, nec inflat,*  
*& conferat ad nutritionem. Potus vini res est vtilissi-*  
*ma, pharmacum suauissimum; sed si aqua temperetur,*  
*longè præstantius euadit; quidquid enim est vino noxa,*  
*aufert aqua, non aufert quod est vtile. Hinc vulgatus*  
*versificulus.*

*Compedibus Venerem, vinculis constringe Lyæum.*

Vinum aqua temperare primus omnium docuit Sta-  
phylus, ut refert Plin. *lib. 7. cap. 57. qui istius mistionis va-*  
*rietatem tradit lib. 24. & 23. De vino miscendo, ex ve-*  
*teribus sæpe Athen. lib. 1. cap. 29. lib. 2. cap. 2. lib. 10. c. 6. 7.*  
Si de modo quo sanitatis tempore, vinum aqua tempera-  
ri debet, vario apud veteres miscendi modo, tum à na-  
tura vini, tum à natura bibentium, tum à tempore quo  
potabatur, scire cupis, lege Mercurial. *lib. 1. variar. cap. 18.*  
Quod si quæras, num vinum penetrare aquam faciat,  
an aqua vinum? Respondeo, alterum in alterum ope-  
rari: vinum in aquam sua caliditate, aquam in vinum  
sua subtilitate: nam aqua secundum totum vino est  
subtilior; vinum verò secundum aliquas partes subtilius  
aqua. Vide pulchra apud Santorellum doctissimum, *l. 16.*  
*anteprax. cap. 7.*

## HISTORIA LXII. GALENI, De dolore ventriculi.

**D**olor ventriculi ob pituitæ copiam, medi-  
camentis ipsam incidentibus curatus.  
Idem ab acribus succis subortus, iisdem  
assumptis exacerbatus.

**N**oui autem & ipse quendam, qui de ore ventriculi que-  
rebatur, quod cum ab acernata in eo pituita pronemire, ex  
ipsius sermone coniectassem, consulissemque, ut cum sinapi  
beram, & porrum sumeret, eorum ope incisam pituitam  
largiter per aluum excrenere, omnibusque symptomantibus est  
liberatus. Idem postea cum post esum ciborum acrium non  
concoxisset, mordicationemque in ventriculo sentiret, sum-  
pto rursus cum hera sinapi, non modo à mordicatione  
non fuit lenatus, verum etiam longè deterius habuit. Tum  
protinus admiratus, quid esset, quod ab iis quæ antea  
summopore inuissent, nunc grauiter laderetur, causam  
sciscitaturus

scisciaturus ad me accessit: cui respondi, necessarium esse hominum pariter, ac ciborum temperamenta considerare: nam sunt plurimi quibus saxatiles pisces concocti sunt faciles, alij qui bubulam facilius conficiunt: quemadmodum de melle non simpliciter pronunciare conuenit, quibus aetatibus, naturis, anni temporibus, regionibus, ac vitæ rationibus uile sit, aut noxium; nam calidis & siccis est aduersissimum, frigidis uero ac humidis utilissimum, &c. Galenus lib. 1. de alimentor. facult. cap. 1.

## PARAPHRASIS.

**H**Ac historia ostendit Galenus, quantum oporteat hominum, ac alimentorum temperamenta contemplari; cum enim hic de ore ventriculi, hoc est eius dolore quereretur, cuius causa, tenax mucosâque pituita esse solet, in ore ventriculi congesta, ipsum distendens & grauans, assumptis medicamentis incidentibus, ipsam per aluum excreuit: eam enim in minimas partes attenuatam, & sectam natura deorsum in duodenum detrusit: nam orificium inferius, à Græcis pylorus, à Latinis ianitor dictus, ciborum promptuarium, alimentorum vasculum nuncupatum, pituitam incidentium ope concoxit, & diuisam in intestina expulit.

Inter incidentia numerat sinapi, betam, & porrum. Illud valde acre esse, probat experimentum; nam calefacit, & exiccat ordine quarto, ex Galen. lib. 8. de simpl. medic. facult. cap. 4. Paul. lib. 7. tit. de sinapi, estque ita calidum & feruens medicamentum, ut parri impositum pustulas exciter, & sua cautica vi noxios succos ex alto, profundoque corpore attrahat. Quare omnibus diurnis affectibus, comitali, vertigini, cephalææ, hemicranæ, arthritidi, coxendicis dolori, & aliis quæ à frigidiori materia originem ducunt, vitis, remedio est. Quo factum est ut in hos usus, sinapismos, hoc est emplastra, aut cataplasmata ex sinapi confecta veterum scientissimi adinuenerint, ut constat ex Dioscorid. lib. 2. cap. 183. cuius vires, & conficiendi modum graphicè inter omnes proponit Ruell. lib. 2. c. 86. Quare præter innumeras dores, quibus esse præditum antiqui prædixerunt, calore suo coctionem iuuat, & distributionem ciborum crassorum mirificè parat.

Betam numerat Gal. lib. 2. de aliment. facult. c. 43. inter ea quæ modicè ventrem ad excernendum prouocant; nam, ut ait Dioscorid. lib. 2. cap. 149. nitrosum in se continet humorem: quare eius succus tenuium est partium, & abstergit, præsertim candidæ, quæ magis soluit, quoniam maiori acrimonia pollet, & licet sit prauus succus, in parua quantitate, & cum porro & sinapi exhibita, redditur innoxia, & magis medicamentosa, ut imbellem flaccidumque ob pituitæ copiam, lædere non possit ventriculum.

Porrum, apud Dioscoridem lib. 2. cap. 189. crassos, lentosque humores potentiùs incidit, calidum & siccum est ordine secundo: quod licet Gal. lib. 6. simpl. & Simeon Sethi stomacho aduersari affirmant, de crudo sunt intelligendi: coctione enim acris illa vis, qua neruos lædit deponitur; succique improbitas mitescit & remittitur. Nil ergo mirum, his tam proficuis assumptis medicamentis, tenacem, lentamque pituitam fuisse incisam.

Is acribus prius sumptis cibis, non concoctis, eadem medicamenta assumens, peius habuit: argumentum sanè firmissimum, quod humor calidus à cibis calidis & mordicantibus genitus, ab illis irritabatur valde: non enim oportet in eodem dolore, quum sit à diuersa causa concitatus, eadem auxilia adhibere, sed exactè speculari, quæ sit mali causa: quare plerumque contingit, ut calida assumpta noceant vehementer, contra, frigida profint. Rursus constat eadem cibaria diuerso tempore oblata, interdum lædere, & aliquando prodesse: nam homines non semper idem habere possunt temperamentum, quum sapissimè ob ætatem, regionem, & pleraque multa variari contingat. In confirmationem veritatis huius, exemplum de melle proponit, quod in senibus in bonum sanguinem, in iuuenibus in bilem conuertitur, eodem

Lib. II.

Auctore lib. 3. de aliment. facult. cap. 38. & lib. 4. simpl. 16. quoniam in temperamēto frigidiori nimium non excalescit, aut alteratur, sed modicè coctum suam dulcedinem seruatur; in calido uero corpore dulcedinem exurit, & à caliditate vehementi amaritudinem contrahit, & secundum partes tenuiores in bilem abit.

## HISTORIA LXIII. RASII,

## De suppurata ventriculi inflammatione.

Quidam, ex suppurata ventriculi inflammatione, conualuit.

**Q**uidā patiebatur in stomacho apostema magnum, quod curabāt Medici cum in frigiditatis sub diata subtili, & deinde macilentus factus est nimis, & cum eo erat febris, quem transmotaui ad contrariam curam, postquam mitigata fuit febris, & cognoui quod in stomacho erat exitura, quæ maturata est, & recollegit saniem, & per vomitum crepuit, &c. Rasiu lib. 12. contr. tract. 3. cap. 2.

## PARAPHRASIS.

**M**irum exemplum enarrat hic auctor, quod ex suppurata ventriculi inflammatione æger hic conualuerit: nam qui erumpit saniem ex stomacho suo, ad desperationem propinquior est, quàm ad spem, monente Auic. 1. 3. tract. 4. cap. 11. quoniam, ut ait Hip. lib. 7. aph. 8. à tuberculi introsum ruptione, hoc est, suppuratione ad ventriculum, virium deiectione, vomitio, aut animi defectio fit. Ad suppuracionem immedicabile vlcus consequitur, quod esse malum grauius priori morbo, res est manifesta: nam spiritus vitalis multus externitur, ut Gal. ait in com.

Ventriculi inflammationem, affectionem esse periculosam, & maximam necessitatem corpori inferre firmant Trallianus lib. 7. c. 14. Gal. lib. 10. meth. cap. 5. Hanc ad esse venaberis ex tumore, & dolore circa partem affectam, & si erysipelatis naturam referat, aderit multi caloris sensus, febris ardentissima concitabitur, sitis immoderata, ingens ardor, ut notat Auic. cap. 2. cit. loci.

Hæc cum nullis nec vacuantibus, reuellentibusve præfidiis succumbit, aut mitescit, ad suppurationem vergit. Hæc ex signis ab Hip. 2. prog. 58. propositis (sicut in aliis inflammatis particulis contingit) cognosci debet, ea sunt febris maior quàm antea erat rigor, pondus pro dolore: quorum omnium exactam causam scire si desideras, lege Christophor. à Vega, & eruditissimum Cardanum in com. Cum ergo ob febrem, & maciem, quæ ad hunc affectum necessitate quadam consequitur, non rectè cocto alimento, frigida medicamenta alij Medici præciperent: neglecta indicatione quæ à febre delumitur, quoniam desumpta ex puris generatione, præstantia sua illam obscurabat, frigida abiiciendam consuluit; hæc enim præterquam quod ventriculi suapte natura neruosi, & frigidi calorem insigni refrigeratione extinguunt, ardeant humorem, & concoctioni contumacem reddunt. Quare tunc modicè calida, tam interna, quàm externa applicari debent, quæ innatum calorem ad suppurationem robustum efficiant, ea sunt balnea, vnctiones, fomenta, emplastra, & si quæ multa in potum in hunc usum exhibita, à Medicis proponuntur, quorum sylum vide apud Mercatum lib. 2. indicat. cap. 11.

Et licet incipiente pure, maior dolor febrisque increscerent, ex vnione natui caloris ad coquendum, ex conatu naturæ, ex nouo ad partem affectam confluxu concitata, magna auxilia, nempe venæ sectionem dimisit, quæ à parte tentata fluxione potentissimè reuellit; timor enim erat ne debilitato calore innato, vires ad tolerandum tantum morbum, ac expellendam materiam purulentam fierent inualidæ, & exhausto spiritu, & sanguine humor suppurantibus recrudesceret: nam una salus est

B b 2

virium

virtutem robur, quando ventriculus phlegmone obfidet: dicebat Galenus lib. 10. meth. cap. 5. Hinc aliud celebritimum Auic. dictum, latum 10. 3. tract. 5. cap. 2. dum sic inquit. Quinque phlebotomias, & enemas, non sedamur accidentia; tunc scias, quod prohibitio collectionis, quam quæris, est difficilis. Non ergo iteris phlebotomiam, ut non congeletur materia, qua habitura est collectionem, &c.

Enim verò quamvis ventriculi inflammatio funesta sit, quam febris lipyria, omnium malignissima, ac pessima comitatur, ex Aëtio terrab. 2. serm. 1. cap. 89. & symptomata sunt valde formidolosa, ob maximum quem habet ventriculus cum cerebro, & corde consensum, & ad eam consequantur illico delirium, syncope, epilepsia lib. 1. de caus. sympt. cap. 7. Tamen ex ea, & vel ad suppurationem ducta ægros quandoque, raro tamen, liberari contingit: quoniam natura potenti nihil est impossibile, ex Galen. lib. 7. aph. com. 54. Ipsa enim cum valida est, materis etiam si crassissima sint, & per angusta foramina debeant permeare, viam semper inuenit, sic & per ossa fiunt abscessus. Sic pus inter thoracem, atque pulmonem contentum, in suppurationis expellitur per aluum aliquando, per urinam interdum, testantibus sic Gal. 6. de loc. 4. Paul. lib. 3. cap. 32. Aëtio terrab. 2. serm. 4. cap. 65. Auic. 10. 3. tract. 4. c. 1. Natura enim si per varias, modò per urinam, cutem, insensilem transpirationem, sudores, mariscas, menstrua, ventrem, & occultas partes vitiosos humores deturbat, ut lib. 1. aph. 15. & lib. 3. com. 20. & lib. 7. com. 5. & lib. 6. epid. sect. 6. com. 1. & millies Galenus prædixit, quid mirandum, si ipsa per amplas vias, & canales conspicuos, pus in capacitate ventriculi contentum per vomitum summa cum utilitate euacuet, & eliminet?

Nec dubites desertos à Medicis conualescere, ut Celus lib. 2. c. 6. doctissime promulgauit, quod arcani naturæ morus, quibus ipsa in seruando corpore vitur, & à mortis iniuria vendicat ac defendit, non satis nobis perspecti sint. Ex quo accidit aliquando, ut quod signorum indicio futurum speres, non euéniat. Cur? quod coniecturalis sit ars medica, rationemque coniecturæ talem esse, ut cum sæpius aliquando responderit, interdum tamen fallat nos. Sic Matthæus Gradius in lib. 9. ad Almanf. prop. cap. de ventriculi abscessu, bis terve toto tempore vitæ suæ, curatos vidit hoc affectu correptos: Probat Forest. lib. 18. obs. 32.

Vlcus ex abscessu derelictum febris lenta comitatur, adest pulsus creber & frequens, concoctio, omnisque ventriculi functio languet, sensim corpus marcescit, tandem iugi, tenuisque febri, deficiente humido, animal perit. Si aliter contigerit, id naturæ operantis beneficio tribuendum, quæ sola abstergere vlceratam partem, ipsamque conglutinare potens est, licet non sit negandum, auctorem iisdem mundificantibus vsum: (horum materiam latè docuit Hollerius lib. 2. institut. chirurgic. ferè per totum.) sed non proposuit: quæ enim vulgò patent, prætermittenda sunt, ex Galen. lib. 2. de dif. respirat. 7. solum enim obscura memoriæ commendanda, ex Galen. 4. acut. 72.

## HISTORIA LXV. AVENZOARIS,

### De ficu ventriculi.

Tumor in ventriculo natus, mali punici magnitudine, ægrum cum sæuissimis symptomatibus interficiens.

ET procreatur aliquando in stomacho quadam species apostematis, quæ Arabicè dicitur Dubellati. Et ego iam vidi tempore meo quendam qui patiebatur hanc agnitudinem, qui erat iuuenis in fine ætatis illius, & communiter erat bona virtutis, cuius complexio erat calida, & erat multa comestitionis absque custodia aliqua: cui superuenit debilitas magna in suo corpore toto, cum multa macie, & extenuatione, & erat absque febre, & bene cibum suum digerebat; & cum

A non potuisset ambulare, decubuit: & cum tandiu sic perseveraret, tandem ad speciem hectica deuenit cum magno calore, & ultimò febris illa conuersa fuit ad paroxysmos manifestos licet inordinatos: & quando comedebat, non morabatur diu, quod pulsus eius ad duritiem conuertebatur, & exinde cepit apparere in fundo stomachi corpus apostematis, & ex sua inordinatione cibi in breui apparuit apostema in grossitudine pomi granati magni manifestè, & cepit habere fluxum ventris, & superuenit spasmus, & mortuus fuit ille cum prauis & fortibus accidentibus, scilicet cum dissolutione virtutis, & syncope frequenti & successina, & nunquam illud apostema apertum fuit. Et miratus fui non modicum, quod infirmus ille potuit tantum durare, donec apostema dictum ad tantam magnitudinem peruenit, &c. Auenzoar lib. 1. theizir, tractat. 15. cap. 4.

## PARAPHRASIS.

DE ficu ventriculi, Arabicè dicto Dubellati, agit hoc loco Auenzoar. Alij dubellat, seu dubellet, hoc est apostema magnum vocare consueuerunt. Aliqui Aldubellati nuncuparunt, hoc est, exituram, seu apostema quod colligit saniem, ut notat Andreas Alpago Bellunensis, de Arabicorum nominum translatione, & firmat Auic. 13. 3. tract. 4. cap. 9. & 11. nam in curanda inflammatione ventriculi statim phlebotomat, ut prohibeatur fieri Dubellati, & incipiat esse in via maturationis, & 14. 3. tract. 3. cap. 14. de cura Dubellati. Auctor ficum vocat, prout comprehendit eruptionem vlcerosam, subduram, rubentem, & doloris expertem, ut notat Paul. lib. 3. cap. 3.

Oriri quandoque in ventriculo tumores scirrhosos, & alias inflammationes ex pituita mucosa pronatas, probant Auic. 13. 3. tract. 4. c. 7. Coiterus lib. obseruat. anatomic. & chirurg. Iacchin. cap. de inflammatione stomachi, 46. Hæc enim, & similia in hac parte promptius generantur, quoniam ventriculus debilis ex improspere coctione plurima gignit excrementa, ex quibus in ventriculo obstructions miræ fiunt; nam, ut dicebat Hippocr. 6. epid. sect. 3. text. 1. ventris torpor, omnium confusio. A debili ventriculo omne propemodum morbi genus oriri solet, manant cruditates, è quibus malorum omnium seminarium, atque origo scaturit, ex Galen. lib. de succor. bonit. & vit. c. 3. & Auic. 16. 3. tract. 3. cap. 21. Et hac de causa, vnita & concreta viscida pituita, cuidam occalluisse mesariscas, & stomachum, ita ut iunctis ex callo oris, ad imam ventriculi partem, nihil ad inferiores partes transmitti potuerit, & sic mortem fuisse sequutam, narrat Beniu. lib. de abdit. cap. 36. & 37. & Ioachim. Camerarius lib. de obseruat. quendam ex abscessu duro circa fundum ventriculi refert emortuum, quo paulatim exitus omnis ad intestinum duodenum fuit prohibitus. Lege de stomachi carunculis, Forest. lib. 18. obs. 18. & 30.

Hæc præsertim vitia, in iis qui gulæ sunt dediti, & comestitionibus valde obnoxij, succisque frigidis scætent, apparere solent. Cum ergo tantam alimenti copiam æger hic ingereret, & à pusillo ventriculi calore superari non posse, neque concoqui, generatæ sunt obstructions multæ, quæ alimenti transitum ad membra nutrienda impediabant; & siccior extenuatus, præ debilitate decubuit, hecticoque similis remansit: non quod ex inflammatione interna (cuius causam in pus vertere conabatur natura) ac diuturna, febris hectica fieri non possit solidorum temperie euerfa, ac continua putridarum fuliginum eleuatione suborta, & humiditate primigenia, à marcido retorridoque calore, iugi & assiduo, absumpta: sed ad speciem hectica deuenit, non nutrito corpore, & omnium partium coctione deteriore reddita, tractu temporis magis ac magis contabescebat. Sic Arabes hecticam quandoque nominant, non febrem hecticam, sed extenuationem, & atrophiam quæ affectum similem hectica senectutis repræsentat. Sic Auic. 13. 3. tract. 1. cap. 29. hecticam vocat ventriculi, quæ ex nimia siccitate ortum ducit: de qua Galen. lib. 7. meth. cap. 6. luculenter agit. Sic. 3. 1. doct. 2. cap. 1.



ad fin. hecticam ex dimisso exercitio originem ducere affirmat.

Sed cum plura sint signa incipientis suppurationis, ab Hip. proposita 2. lib. prog. 58. nempe febris & rigor; habuit hæc ambo hic æger, & febrim, quæ non præfuit, ob puris generationem, iuxta oraculum Hipp. 2. aph. 47. & rigorem, quem paroxysmum inordinatum ipse vocat. Vel si mauiis, cum febris hectica coniunctam fuisse putridam, per circuitus inordinatos repetentem, non erit absolum iudicium tuum; qua posse applicari, in com. hist. 43. lib. 4. ex mente Galeni lib. 10. meth. cap. 5. & lib. 1. de dif. feb. cap. 10. dilucidabimus. Non enim obstat, quod mordax halitus è parte inflammata eleuatus, & per sensibilia corpora delatus, accessiones committat inordinatas & citricas, conante natura in vno tempore magis quam in alio, coctionem humoris in parte affecta contenti aggredi, & in pus vertere; ex quo motu exacerbationes, & augmentum febris manifestum sentiri, testatur. Auic. 3. 4. tract. 1. cap. 24. de significatione exitura extrinseca, dum sic ait: Quando accidit apostema calidum in visceribus, accidunt horripilationes, & febris, & non est in eis ordo, &c.

Paret id amplius ex pulsu: nam duritiem cum modica velocitate habuisse affirmat quod verum est, si fides est habenda Auicennæ loco nuper citato, 5. Et scias quod durities pulsus est testimonium magnum, & quando apparet signum exitura aldebullati in visceribus, & non induratur pulsus, non indices penitus quod sit exitura interior, &c. quoniam suppurationem pulsus durities comitatur; sicque Galen. lib. 4. de caus. puls. cap. 9. pulsus huiusmodi vocat hecticum, hoc est durum: Cum enim ob humorum ebullitionem, vapores sursum eleuentur, & partes cordis magis comprimant, grauata facultate, & obstructis repletisque valis, maior hac de causa tensio sit, ex qua fieri in pulsu duritiem lib. 1. de dif. feb. 7. & lib. 5. simpl. cap. 8. tradit Galenus non nego quod à siccitate etiam oriatur, extenuato corpore, absumptaque humiditate: nam licet extenuatio in principio laxet, deinde indurat apud Hippocr. 6. epid. sect. 1. text. 29.

Confluente tamen, ob partis calorem & effervescentiam, noua humorum copia, iisdemque, ob eandem causam, liquatis & fusis, tumor in maiorem accreuit molem, cœpitque in fundo stomachi apparere: debilitatōque sic ventriculo, & tractis cerebro, & iecore in consensum, superuenere alui fluxus, conuulsio, & singultus. Cordēque à prauis vaporibus lancinato, syncope, & animi deliquium contingere, quæ omnia resoluta, & extincto innato calore, accidere tenet Auic. 3. 4. tract. cap. 26. Hic autem tumor nunquam potuit aperiri, hoc est, concoqui, ac in pus verti, quoniam ex terreo, melancholicoque humore habuit ortum, qui cum ad scirrhi naturam proximè accedat, ad suppurationem vix deduci potest. Hæc fuit etiam causa, cur tamdiu durauerit, quin ægrum ad interitum perduxerit; non enim est hic humor ita acris & mordax, nec ita ventriculum vellicat, laceffit & pungit, ut celeriter ad perniciem deducat, quam inferre solent tumores à calidis, biliosisque humoribus orti; qui tunicas ventriculi distendentes, & ferientes, citissimam necem afferre consueuerunt.

## HISTORIA LXV. AVENZOARIS, De Verruca ventriculi.

Verruca ventriculi cum virium debilitate,  
& diuturna sanguinis profusione, ægrum  
ad obitum perducens.

ET generatur quandoque in stomacho verruca, sicut in alijs membris, & ego quidam vidi hanc passionem in vno de familia Haly, & ipse non digerebat cibum, & febriçitabat febre inordinata, qua aliquando fortiter inualecebat, Lib. II.

A & interdum debilitabatur, & habebat solutionem non magnam, & illa egestiones erant varij coloris: & cum tenuissem pulsum eius, inueni ipsum inordinatum, & non magnum: cognoui ergo, quod apostema erat in membro multorum nervorum, & specialiter \* qui erat ferrinus. Quare isti manifestatant verrucam esse in ipso stomacho: & quia non erat multa velocitatis pulsus, signum erat, quod non erat de genere caliderum apostematum: & paulatim eius caro diminuebatur quotidie. Et cum posuissem manum meam super fundum stomachi, inueni duritiem ibidem, ad quæritatem vnius pomi absque sensu doloris, & cum fortiter compressissem manum, tunc sensit modicum doloris, & quoties iterabam compressionem, fortius dolebat: cognoui ergo certissime, quod erat moriturus. Et quadam die cum assellasset, assellauit quoddam rotundum, quod habebat formam pomi cum radice vna, & erat solidum, & quoties postea assellabat, egerebat sanguinem in magna quantitate; & sic persenerauit pluribus diebus, quousque cecidit virtus eius manifestè, & mortuus est, &c. Auenz. lib. 1. B theizir, tract. 15. cap. 3.

## PARAPHRASIS.

PLURIMIS morbis esse ventriculum obnoxium, iis præsertim, qui à crassis, lentis, & mucilaginosi humoribus oriuntur, supra explicuimus, in quorum numero esse verrucam numerandam res est manifesta. Hanc licet à pituita crassa ortum habere affirmat Auenzoar lib. 2. tract. 7. cap. 9. eam tamen ex humore melancholico fieri plerumque docent cum Oribasio Philothæus, & Thadæus in com. sent. 26. lib. 3. aph. Auic. 7. 4. tract. 3. cap. 12. Alzaharaius tract. 29. cap. 24. Rasis 36. com. tract. 2. cap. 2. Manard. lib. 7. epist. 2. Vidus Vidius rom. 2. de curat. generat. lib. 6. cap. 4.

Has in interna corporis parte generari posse firmat C Auer. lib. 7. collig. cap. 31. Sic carnosum tumorem gigni in ventriculo, ciborum viam impediētem, docet Galen. lib. 3. de caus. sympt. cap. 2. Sic Beniuēnius cap. 88. de abdit. narrat mulierem præcocatam, & pro mortua habitam, molestissima tussi carnis frustulum eiecisse, quam fuisse pensilem verrucam merito quispiam suspicari poterit. Ipsas in membranis propinquis pulmōni oriri, tenet Auenzoar lib. 1. tract. 11. cap. 3. vt interim omittamus carunculas in vrinæ viis, vel citra Gallici morbi complicationem, quotidie euenientes, quæ vrinæ fluxum impediunt. Quid plura? nonne in meatu vesicæ fellæ carnea excrescentia oritur? ex Albulcasi lib. 1. tract. 13. cap. 9. Scribit Vesalius lib. 1. fabric. cap. 5. in cordis ventriculo sinistro, glandulosæ & subnigricantis carnis libras duas reperisse. Esaias Meichnerus lib. 3. de obseruat. prop. & Gabuc. lib. de lumbric. cap. 13. ouiformem globulum ex pituita coacta densatum, per vomitum, reiectum vidisse asseuerant. Vidit Cœter. lib. obs. chir. & anat. in fœmina octennio laborante, scirrhum ad ventriculi orificium adnatum. Aduertit Fernel. lib. 6. pathol. cap. 1. se in grauida, in ore ventriculi, tuberculum ita durum ingensque vidisse, vt cibum, potumque omnino impediret, quæ febris, desipientiæque confecta discessit.

Verrucam, ægrum hunc in imo ventriculi habuisse, ex duritie, imposita manu, cognosci poterat. Ipsum non concoxisse cibum, organo coctionis primario vitiatum, res erat certissima. Febri corripit aliquando vehementi, interdum lenta conante natura humorem illum superare, & in pus vertere, ex præcedenti historia satis liquet. Ex pulsus duritie, inflammationem hanc esse sitam in parte nervosa, infra patebit. Ipsam non esse ortam ex tenui, biliosoque humore, pulsus qui non erat multum veldx, ostendebat satis: Cum enim flamma ingens, phlogosique adest interna, pulsus velocitatem, ad parandum maius refrigerium, acquirit.

Periculosus est affectus, in quo egestiones visuntur variegatæ, ex Hip. 2. prog. 23. & lib. 1. cris. 11. hæc enim varios affectus, ex diuersis causis concitatos significant, vt 2. 4. tract. 1. cap. 77. docuit Auic. Ex quibus inconstantibus signis, affectus difficulter cognosci potuit, quousque

ad tactum in fundo ventriculi durities fuit percepta. A qua animaduersa, certissimè mortem prædixit: nam in longis morbis extenuatio pessima: carnem enim, & sanguinem colliquari significat; præsertim si in periculosa ægritudine appareat. Cumque natura ultimo conatu novum expellere tentaret, corpus quoddam rotundum, (verrucam diceret) cum suo pediculo, quo ventriculo renaciter alligabatur, eiecit; sequuta postea sanguinis effusione ex vlcere relicto, emanante: & sic vacuato sanguine, in quo calor, & vita perseverantiam obtinent, & corpore ex diuturno morbo debilitato, viribusque exhaustis, è vita discessit. Tu verò si plura de verrucarum nomine, differentiis, & causis scire affectas, adi Paul. lib. 7. cap. 87. Cels. lib. 3. c. 14. Mercurial. lib. de decorat. cap. 18. Marcel. Donat. lib. 3. de histor. mirabil. cap. 5.

## DVBIVM XXXVII.

### Num pulsus ferrinus perceptibilis.

#### COMMENTARIUM.

**Q**uia erat ferrinus] Scrutinio dignissimum dubium est, quo plurimi interturbantur, cur, si pulsus ferrini causa assignatur, quando partes arteriæ inæqualiter tenduntur, & indurantur, ita ut partes quædam sint molliores, quædam duriores, ferrinitas, ut dicam, pulsus inueniatur, inflammationis internis particulis, si inflammatio æqualiter indurat arteriam? Respondebis dubio, pauculis animaduersis. Pulsus ferrinus velox est, frequens, durus, parvus & inæqualis in vnica pulsatione, in pluribus partibus arteriæ, ita ut ferræ imaginem repræsentet cum aliqua vibratione: in ferra videmus quasdam partes depressas, alias eleuatas; inter has, quædam minùs eminent. Quando igitur arteria secundum varias partes eleuatas & depressas, digitos instar ferræ, ferit serratus, serrans, & ferrinus pulsus nuncupatur.

Hic tres habet causas, apud Galenum lib. 4. de caus. puls. cap. 7. & lib. de pulsib. ad tyrones, cap. 11. Altera est inflammatio principis partis, quæ suapte natura tensa est, qualis est membranosa, aut nervosa. Alia est intemperantia cordis & arteriarum, in calore, frigore, humiditate, aut siccitate: tunc enim ob inæqualitatem vsus, & inobedientiam instrumenti, quædam partes arteriæ citius & magis eleuantur, quæ feriunt digitos, aliis non ferientibus, veluti ferræ contingit. Cum enim inflammatio necessariò habeat coniunctam, vnà cum tensione, intemperiem calidam; & quando magna est, ambo hæc vniuersa corpori, & cordi communicet, & febrem concitet, maximè si in parte principe sita sit, augetur vsus, fitque pulsus maior, velocior, & frequentior: & cum arteriæ præduritie, & tensione nequeant dilatari, ut vsus expostulat, fit pulsus parvus, velox, & frequens, quum velocitate, & frequentia natura suppleat defectum magnitudinis. In inflammationibus partium quæ molles sunt, pulsus vndosus apparet, ex Galen. lib. 4. de caus. puls. 1. 2. & 13. Quando verò partes membranasas, quæ suapte natura tensæ sunt, occupat inflammatio, pulsus non solum fit durus, sed serratus, quem in pleuritide exquisita apparere auctores vnanimè confirmarunt. Postrema causa, est varietas illius substantiæ, quæ intra arterias continetur; nam aliquando secundum aliam partem putrescit, & secundum alias vel cruda, vel cocta est: tunc inæqualitatem parere solent vsus, & dispositio arteriæ in diuersis partibus, quæ ad generationem pulsus serrantis sufficiens est, ut 2. 1. doct. 3. cap. 6. docuit Auic.

His præhabitis, quæ huius pulsus naturam exactè demonstrant, responde, ob has causas in inflammationibus partium nervosarum fieri hunc pulsus, præsertim in pleuritide graui & difficili, ratione situs, & humoris exquisita, in augmento & statu, ex Galen. 4. de caus. puls. cap. 8. in miti multo melius, in qua pulsus magnus est. Ex quo solues repugnantiam inter Galen. dicta: nam 2. cris. 10. in pleuritide apparere pulsus magnum, & lib. 5. de loc. 3. ad fin. paruum asseuerat: ipse enim dirimit con-

trouersiam 4. de caus. puls. 7. hoc modo. Quia vero ad eum modum febricitant, idè habent pulsus celerem: Quod nervosa etiam pars sit, hinc insigniter durus est. Iam quia ita habet, idè minor est quoque quàm febrì conueniat. Quare ut & creber fiat par est, quod magnos pulsus calor postulet, refragetur durities, &c. Perinde atque velis exponere, pulsus pleuriticorum respectiue paruum esse, si nempe attendamus euentandi necessitatem; alioqui, si cum pulsu naturalis status conferatur, magnus haud dubiè dici potest. Hactenus itaque fuit hæc peregrinè impendit ardua.

Modò, num hic pulsus perceptibilis, altiori indagine; scrutandum. Serrinum pulsus necessariò in inflammationibus reperiri, Medici ut Philosophi concedunt: non posse tamen sensu cognosci, præter experimentum, plures suadent, eæque irrefragabiles rationes. Prima. Quia semper iis pulsibus accedit magna celeritas, quæ vitiat, & obscurat ferræ effigiem. Secunda. Quoniam accedente alterius humoris à sanguine aliqua portione remittitur durities: nam si pituitæ aliquid commisceatur, ferè omnino delitescit serrantis imago. Tertia. Partis inflammatae tatura & conditio, serrantis conditionis plurimum detrahare potest. Primò ob pattium laxitatem & mollitiem, cuius naturæ sunt, cerebrum, & pulmo; quæ partes nunquam viuo animali adèd tenduntur, ut pulsus manifestè efficiant serrantem: quibus addas lienem, quod cum valde distet à corde, & nulla parte membranosa, aut nervosa constituatur, in eius inflammationibus etiam scirrhis nunquam prædictam figuram reperies. Secundò, quando pars inflammata arteriis caret, aut cum paruissima inflammatio est, vel licet magna sit & in parte nervosa, ob animi deliquium, motum arteriarum conuulsium, & cætera superuenientia symptomata, non exactè perpendi potest durities, aut ferræ figura, quod in ventriculi, pleuræque inflammationibus malignis sæpe contingit.

Nec dubitandum plurima in doctrina de pulsibus omnium præstantissima, dignissima, ac summè necessaria recondita, Medicos, vel peritissimos latere, quæ ipsi exacto iudicio, longæuòque fultri experimento percipere nequeunt, licet acuto tactu, validæque cogitatione polleant: nam necesse est, ut præsentès pulsationes cum præteritis comparentur; hæc retineantur in absentia, quod munus solum phantasie, & cogitativæ validæ opera exequi possunt; ex quarum fontibus exactam pulsuum notitiam originem ducere, testatur Auic. 1. 3. tract. 1. cap. 6. in med. quæ omnia, longo tempore, assiduo, vsu summæque diligentia tantum comparari possunt, ut notauit Gal. lib. de præcognit. ad Posthum. cap. ult. & lib. de dignoscend. pulsib. cap. 1. post med.

Nonne maxima contentione certatum est apud veteres, ut refert Galenus lib. 6. de de dignosc. pulsib. per totum, an pulsus contractio possit tactu deprehendi? Et reuera arduum, & difficile est eam cognoscere, quam solum in pulsu vehemènti, magno, & duro percipi posse ostendit: & in fine libri, initium dilatationis arteriæ, & contractionis finem, quiesque internæ tempus, sensum nostrum effugere asseuerat. Explicat luculenter Auic. 2. 1. doct. 3. cap. 1. dum sic inquit. Depressionis verò motus apud plurimos Medicorum nullo modo sentiuntur, sed apud aliquos, est quum aut in forti pulsu sua fortitudine sentiuntur, aut in pulsu magno propter eleuationem sui, aut in duro propter multam sui resistentiam, aut in tardo propter longinquitatem temporis sui motus. Galenus quoque dixit, longo tempore non fui sollicitus de depressione, postea verò non quiesci tangendo, donec ex eo aliquid percepi, & postea illud compleri: nam postea porta pulsus mihi aperta fuerunt. Qui verò studerint, ut ego, percipient illud, quod consequutus fui. Ex licet ita sit, ut dicit, in plurimis tamen dispositionibus depressio non est sensu percepta, &c. Quapropter si contractio sensu percipi non potest, quantò minùs pulsus ferrinus, qui inæqualis est in vna pulsatione in pluribus partibus arteriæ? Si verò Auctor hic ex pulsu ferrino inflammationem esse sitam in parte nervosa prædixisse gloriatur, communi Medicorum more loquutus est, qui in partibus nervosis,

& membranosis inflammatis similem pulsum reperiri A  
contestantur, qui inæqualis est ob inæqualem tensionem  
partis inflammatae, quæ arteriarum partes alias magis  
quàm alias tendi, & indurat: quo fit ut instrumenta quæ  
ad tensionem inflammatarum partium tenduntur, inæ-  
qualiter tendantur, ad similitudinem partium inflamma-  
tione obfessorum. Ex quibus dubitationis initio propo-  
sitæ solutio patet.

## HISTORIA. LXVI. ORIBASII,

## De debili coctione ventriculi

Ventriculus vulturis, ad debilem coctionem B  
iuuandam, strenuum auxilium.

**N**onimus autem nihil aquè iuuare coctionem, quam ven-  
triculum vulturis, ad corpus humanum, ipsum contin-  
gens. Quamobrem nonnulli pueros noctu in sinu tenent, &  
summum inde commodum sentiunt: propius enim ad \* natu-  
ralem calorem accedit, estque magis proprius & cognatus hic,  
quàm qui fomentis adhibetur. Quidam verò catu los paruos  
huius rei causa alunt, qui dum quiescunt, eosdem ventriculo  
admotos tenent, &c. Oribasius lib. 14. collectorum, cap. 37.

## D V B I V M XXXVIII.

Num coctio putredini contraria.

## P A R A P H R A S I S.

**D**E coctionis natura alius texenda oratio esset, ni tot  
præstantes viri ante me hoc negotium diligentissi-  
mè agitaissent, inter quos palmam præripere Thomas à  
Veiga, in com. cap. 5. lib. 1. Gal. de dif. feb. Argentæus in  
com. c. 89. art. medic. Gal. Vallesius in com. c. 2. lib. 4. meteor.  
Arist. Thomas Erastus lib. de coctione, & putredine. Carre-  
rius in 1. 1. Auic. cap. 13. & alij Arist. interpretes ad cit. cap.  
meteor. Sed quoniam in illorum monumentis, plura sunt  
quæ ventilationem desiderant, iccirco nostram de hac re  
sententiam, in com. histor. 15. lib. 4. commodissimè patefa-  
ciemus. At cum non possimus commoditates coctionis  
explorare, nisi putredinis illi contrariæ naturam exactè  
callemus, iccirco disceptandum, num coctio sit putre-  
dini contraria. Est ergo coctio duplex, quædam quæ cir-  
ca alimenta & proficuos humores versatur; altera, quæ  
circa inutiles & alendo corpori ineptos. De illa in præ-  
sentia sermo. Concoctio, inquit Arist. loc. cit. est perfectio à  
calore tum naturali, tum proprio, ex oppositis patibilibus; hæc  
autem sunt propria unicuique materia. Hæc comprehendit  
generationem substantialem, & viam ad generationem  
mixti: estque putredini contraria, quæ est via ad mixti  
corruptionem, & interitum. Nam illa roborat calorem  
innatum, cuius vigor putrefactionis causam tollit: illa  
oritur à robusto, & vegeto; hæc à debili & diminuto ca-  
lore originem ducit. Agnoscitur pugnantia ex eo, quod  
putredo sit communissimus omnium interitus; nisi enim  
mixta violenter corrumpantur, ad interitum veniunt per  
putredinem. Perire autem genita est omnino inuitabi-  
le; immò verò maximè compertum, quod ubi primum  
in lucem eduntur, mox incipiunt marcescere, diminui,  
desinere, senescere ac demum mori. Coctio est perfe-  
ctio, ducens ad esse perfectum, siue à perfectione ca-  
loris, quem, quæ coquuntur omnia, etiam ipso coctio-  
nis motu recipiunt; qui quod est frigore præstantior, eo  
reddit id, quod coquitur, toto ipso coctionis tempore  
perfectius: nam coctionis causa est robur innati caloris  
(siue adsit, siue absit extraneus) viles, & necessarias ali-  
menti portiones retinentis, & aptè præparantis; inutiles  
verò separantis, & expellantis.

Rursus coctio procedit à diuisis ad coniuncta, nempe  
ab humido & sicco separatis; quæ inter se vnit, exactè  
permiscet, tuetur, & gubernat. Putredo à coniunctis, ad  
diuisa: nam patibiles qualitates unitas disgregat, & se-

parat; quoniam robur caloris extranei, putredinis causa,  
innatum debilitat, qui sic affectus, ad passivas regendas  
redditur ineptus, insufficiens & ita ut extracto, ob extra-  
neum calorem, innato igne, frigida & sicca ad extremam  
putrescentiam deducantur, & in cineres conuersa, fimus,  
ac terra fiant, auctore Arist. loc. cit. Deinde, Putrefactio  
importat prohibitam ventilationem, sine qua ferè nū-  
quam fit interna putredo: Coctio liberam diffilationem  
præsupponit, cuius vi naturalis calor in symmetria sua  
conseruatur. Coctione omnia sunt odora, & suauiora, ex  
Philosopho ibi, cum in hac, caloris moderati beneficio,  
humidum aqueum, aëreumque semper cum sicco terreo  
permisceantur, & vniuntur: Putredine humidum à sicco  
separatur. Ex hac itaque agitatione humidi, quæ in vitra-  
que alteratione fit, in coctione dum humidum sicco per-  
miscetur, manat odor gratus ac iucundus, ut in fructibus  
omnibus palam conspicitur, qui dum maturescunt, fiunt  
odoratiores: in putredine verò, dum ab ipso separatur,  
odor confurgit virosus & molestus, immò grauis, qui pu-  
tredinis indicium est, ex Gal. lib. 1. prog. ult. & lib. 2. eiusd.  
com. 22. & lib. 1. cris. 11. & lib. de dif. sympt. cap. 4. Explicat  
Zabarellalib. 2. de ori. & interit. cap. 9. eloquenter.

Licet enim coctio ex natura sua, essentiæ putrefa-  
ctioni non opponatur contrariè cruditati tamen aduersari,  
in eoque oppositorum genere contineri, quæ priuati-  
uè dicuntur, compertum est: est enim cruditas coctionis  
priuatio atque defectus, ut c. 2. loc. cit. Arist. firmat. Coctio  
ergo de qua sermonem instituimus, est alteratio cibo-  
rum in propriam, ac convenientem eius quod nutritur  
qualitatem, à calore nativo celebrata, auctore Magistro  
lib. 2. de nat. facult. cap. 4. & 3. eiusd. cap. 4. & 7. & lib. de  
sympt. dif. cap. 4. & lib. 3. de sympt. caus. c. 3. ut in ventriculi  
coctione, & sanguificatione, priores alimenti qualitates  
ut odor, color, & sapor, à calore naturali partium mutan-  
tur in alias. Per mutationem autem qualitatium alimenti  
in aliti qualitatem, intelligendum est, ad istam mutatio-  
nem una etiam eiusdem alimenti substantialem formam  
mutari, quod his verbis significauit Gal. lib. 1. epid. sect. 2.  
com. 44. dum coctionem vocat, deductionem eius quod  
concoquitur, in concoquentis substantiam.

Per deductionem verò, Gal. & Arist. perfectionis mo-  
tum quandam, per quem id quod mouetur, perficitur,  
non terminum ac rem perfectam acceperet, ut contra  
Auerrois sectatores, probauit differtissimè Manardus  
lib. 13. epist. 1. Sic Arist. lib. 12. probl. 6. per alterationem, co-  
ctionem manifestis verbis definiuit, dicens, coctio est rei  
concoquenda commutatio, sine alteratio.

## D V B I V M XXXIX.

Num alimentum suo, an ventriculi calore coquatur.

Contra Vallesium.

**I**nsuper. Coctionem à calore insito rei coquentis per-  
fici, non à proprio alimentorum calore, cum Medicis  
Philosophi certant: nam hæc à suo ipsorum calore co-  
qui nequeunt, à ventriculi calore queunt: alioqui cibi  
frigidi, ut lactuca, portulaca, lac, & alia non coquerentur,  
quoniam calorem non habent à quo coqui possint. Deinde  
sequeretur, quod alimenta æquè benè concoquerentur  
in febricitantibus, ac in sanis, & extrinsecus ipsa per  
se sine alterius adminiculo, in vasis in quibus continen-  
tur, eoqui etiam possent; quod falsum est, & contra  
Arist. mentem lib. cit. meteor. cap. 3. dicente: ciborum coctio-  
nem à corporis calore fieri. Maximè cum cibi in corpore con-  
coctio elixationi similis sit, quod à corporis calore partim in  
humore, partim in calore præstetur: cum enim cibus per  
eam concoctionem corrumpatur, improbable videtur à  
seipso id pati. Præterea. Falsò Galenus, ac ab eo Medico-  
corum schola edocta assereret, ventriculo esse faculta-  
tem concoctricem, si coctio non fit ab illo, sed à cibis  
ipsis. Adde, cibum non mutari semper in eandem sub-  
stantiam, ubicunque coquatur, sed aliter atque aliter pro  
ratione membri in quo coquitur, mutatur semper ad  
substantiam similem ipsi membro, atque ad eam in vltima

concoctione membri ipsius pars sit; quod non contineret, si cibus ipse seipsum concoqueret, ac non potius membrum mutaret in sibi simile; ut ignis lignum commutat, quod nullus dicet à seipso vri. Neque obstat, quod fructus immutari, lecti & repositi maturentur, aut succus ex oliuis nuper expressus & seruatus, fiat oleum, aut mustum in doliis seruatum, fiat vinum: nam hæc non suo sed calore arboris, de qua præcisa sunt, coquuntur & maturantur, licet ab ambiente iuuentur. Non ergo negandum, stomachum suo naturali calore, non ciborum concoquere. Nec afferas pomi calore in ventre factum esse chylum; neque enim ex flore fructus, ex ramulo nos, ex nucleo ramus proprio calore nuclei factus est: nam sicuti ventriculi calore ex pomo chylus, sic fructus proprio arboris calore factus est. Ex quo patet errasse Vallesium, in *com. cap. 2. lib. 4. meteor. Arist. arbitrantem* concoctionem ventriculi à calore rei coquendæ præstari: cuius rationes ex dictis fiunt manifestæ.

Ventriculi ergo proprio; ingenitroque calore cibus concoquitur; huius ope olimentum ingestum cogitur in vnum, humidum cum sicco permiscetur, frangitur, exterritur, comminuitur; & deposita omni qualitarum exuperantia, speciem quandam cremoris consequitur. Hoc primum est concoquentis facultatis opus, quod solo ventriculi calore præstari est manifestum, licet etiam insita, & recondita proprietate perfici sit verissimum: nam struthiocamelus ferrum concoquit, quod leo calidissimus non conficit, sic pusillæ aues semina durissima coquunt, quæ ab hominis calore superari nequeunt. Sic coturnices veratrum coquunt inuictum, quod humani corporis conatus remittit, & respuit. De quo argumento lege Salustium Saluium *lib. de concoctione*, & doctè disputat Cærterius, in *1. 4. Auic. cap. 7. de coctionis natura*, sed adeo fuscè more suo spatiat, ut quam partem amplectatur penitus ignores.

Ventriculi calor, à circumiacentium & vicinarum partium calore iuuatur; nam quemadmodum lebeti magno circumiectus ignis, sic proximæ partes, nempe iecur, lien, cor, diaphragma, vena cava, illi calorem inferunt, & omentum quod temperie & humiditate sua calorem illius mitigat, atque contemperat. Cum ad chylicationem, ventriculi calor magis operetur, non ut calor solùm, sed ut est ventriculi instrumentum. Quod verò ad præparationem attinet, quæ attritione fit, eò magis referenda est ad circumstantia, quod calor illorum est validior, quæ illum ambiunt, fouent, & calefaciunt, ut doctè Tobias Knoblochius *cap. 1. instit. anatomic. disput. 4. cap. 4. quest. 2.* annotauit.

Et licet à circumstantibus visceribus plus caloris, accedat, quam insit ventriculo, huic tamen, eiusque formæ, ævi chylicanti, immò & minori ipsius calori conuersio alimenti in succum; quin & attritio principaliter attribuenda: lege Fernel *lib. 5. physiol. cap. 1.* quoniam fortius concurrat calor ventriculi, licet sit remissior, quam calor membrorum ipsum ambientium: nam calor ventriculi aliter applicatur obiecto, quam membrorum calor. Num autem alteratio in ventriculo, sit maior reliquis alterationibus: Dic cum Galen. *lib. 6. de anatomic. administr. cap. 4.* Halyabbat. *4. theoric. cap. 3.* alterationem in iecore factam, esse maiorem alteratione facta in ventriculo: nam caliditas iecoris intensior est omni calore in ventriculo reposito, & ita coctio ventriculi ob debiliorem calorem longiori tempore durat. Si autem adhuc inquiras, utrùm propria operatio ventriculi, sit coctio, an chylicatio. Dic esse chylicationem, cum Gal. *lib. 3. de natural. facult. 4.* Si verò *5. de usu part. 4.* dicit esse coctionem, & sic ventriculum, coctionis organum appellat, ea est causa, quia coctio tendit in chylicationem. Vltimò si interroges, an in ventriculo sit duplex concoctio, altera communis, præparans ad generationem chyli, altera partialis, disponens ad transitum chyli ad partes ventriculi. Respondet Vesalius *5. fabric. ad fin.* in ventriculo esse duplicem coctionem: sed vnā tantum esse opinor, seu vnum motum alterationis continuum, qui tandem solus respicit nutritionem corporis ventriculi. Nec obstat, quod in isto mo-

tu acquirantur duæ formæ, altera chyli versi in parte ventriculi: nam distinctio formarum non arguit diuersitatem plurium coctionum, quemadmodum alteratio iecoris vna est, per quam generatur pituita, & sanguis: & tunc non est dicendum, quod in hepate sit duplex concoctio, in generatione horum humorum, altera per quam generatur sanguis, altera per quam generatur ex pituita sanguis.

Ventriculi calorem languidum plurimis auxiliis iuuandum esse, docuit Galenus *lib. de art. med. const. cap. 21.* inter quæ numerat hic auctor plurima quæ natiuum calorem fouent, & hæc non per se, aut primariò, sed secundariò, & natiui caloris interuentu coctionem moliantur; natiuus namque calor in coctione molienda principij vicem obtinet, ex *Arist. cit. meteor. cap. 2. & Gal. 1. aph. 3. & 15. & 6. epid. sect. 4. com. 1. 3. & 25. & sect. 5. com. 5.*

Sed quo pacto vnumquoque auxilium ab auctore numeratum, hoc valeat efficere, enarrare aggredior. Nam si coctio à calore sit temperato, rationi consonum est, ut à temperatè calidis iuuetur. Quare mirum in modum conducit puluinus ex tenui, volatilique pluma, aut ex lana quæ ex panno coccineo tonderetur infarctus. Pellis leporina ventriculo admota valde prodest, quoniam Auenzoaris sententia *lib. 1. thez. in proæmio, pelles leporum induere, confortat corpora senum, ac iuuenum.* Et cum multa sint quæ foris admota flaccido ventriculo robur addunt, nullum est magis præsentaneum auxilium quàm vulturis tegmen, vel detracta pellis. Vel enim hæc est cæterarum pellium modo subacta, ac concussione complanata, vel plumosa pilorum serie ornata: utroque modo, mira quadam ac natiua veluti proprietate, & calorifica vi, ventriculum humanum roborat & fulcit, ac fastidiosi nausæarisque stomachi vires firmat, ut inter omnes Leuin. *lib. 4. de occult. cap. ult.* discernere edocuit. Est enim vultur, auis pacissima, ut miluus, quæ mirum in modum cadaueribus delectatur: cuius naturam, & mores luculenter exaratos lege apud Conradum *lib. 3. de auibus, cap. ult.* in cuius *littera F.* ipse ex variorum auctorum sententia scribit, non solùm huius animalis pellem, axungiam, & stercus, ventriculum debilem firmare, sed etiam resolutis corporibus, & frigidis morbis detentis miro esse ex usu.

Deinde nil æquè ventriculi coctionem iuuat, quàm corpus humanum, si ventriculum contingat: hoc probat Gal. *lib. 7. meth. cap. 7.* de curanda frigida sicca intemperie ventriculi, dum sic ait. *Ex iis verò quæ ventri extrinsecus applicantur, boni habitus puellus vnà sic accubans, ut semper abdomen eius contingat. Sunt qui catellos pingues in hunc usum habeant, neque id in aduersa modo valetudine, verum etiam in prospera. Tales itaque iis, qui propter siccitatem quoque solam imbecillum ventriculum habet, sunt idonei, &c.* nullus enim calor, naturali nostro magis est conformis. Quæ verba ad vnguem transtulit Auic. *13. 3. tract. 3. cap. 5.* solùm addido, quod cattum masculum nigrum ad debilitatem digestionis amplexari iuber, sed ex aliorum loquitur sententia: nam ut scire docet Auenzoar *in proæmio lib. 1.* & refert ex eo Rabbi Moses *partic. 2. 2. n. 39. scitum, & probatum est;* quod odorari anhelitum cattorum, habet consumere humiditatem radicalem pulmonis, & totius corporis. Firmant Conciliat, & Eustach. *in suis libris de venenis, cap. de cerebro catt.* Nam respiratio felium malefica, venenosa; ex ea enim exurgit veneficus vapor, qui inspiratus, meatus cerebri obstruit, & spiritus animales tabifica vi congelat, ut aduertit Ponzettus *lib. 2. tract. 6. cap. 3.* ex cuius haustu, fauistas, & phthisis, sic notante Matthiolo *ad lib. 6. cap. 25. Dioscorid.*

Insuper, ut ad psum redeamus, omnia hæc ab auctore relata auxilia, coctionem iuuant, quoniam naturales actiones, quæ ab innato calore proueniunt, à simili iuantur extrinsecus. Nam quid æquè concoctioni ventris conferre nouimus, quàm illi humanum corpus admotum; inquit Galen. *lib. 5. de simpl. medic. facult. cap. 5.* vnde nonnulli tum puellus, tum catellos per quietem ventri imponunt. De quo argumento sat plura docuit Petrus de Peramato, *lib. de facult. cap. 8.* Hocque auxilium est magis proprium, cum temperatum sit, (calor enim temperato



perato calore fouetur) naturæ humanæ simillimum cum A  
 simob id non negandum fomenta huic vsui esse inepta;  
 ea enim Gal. lib. 1. de diff. feb. cap. 4. summopere laudat in  
 is, qui cruditate laborant, dummodò modica adstringen-  
 di vi polleant; temperato sint prædita calore, quæque na-  
 turam roborare; & coctioni suffragari queant: cætera la-  
 xantia fomenta, & cataplasmata nimium condemnat,  
 lib. 11. meth. 15. & 12. eiusd. cap. 3.

Plura in cit. cap. de const. arr. medic. refert Galen. quæ co-  
 ctioni summè opitulantur. Ea sunt quies, calefactio mo-  
 derata, boni succi ciborum mediocris vsus, vini modicè  
 calidi porio, frictio moderata, moderatus aquarum cali-  
 darum vsus. Quies iccirco coctionem iuuat, quòd diffila-  
 ri corpora non sinat, spiritusque ac naturalem calorem  
 seruet atque contineat, quos motus immoderatio diffi-  
 pat & resoluit: est enim quies, teste Gal. 4. aph. com. 13.  
 otium & ab exercitatione vacatio, seu feruatio quædam ab  
 omni tum animi, tum corporis motu. A cibo enim ob id  
 hæc interdiciuntur, ne vel præcipiti motu, crudus & flu-  
 tuans cibus in viscera rapiatur, obstructions, & crudi-  
 tates in iecore & venis facturus, vel renocato, curis, stu-  
 diis, mentis intensione, ad caput nativo calore, à ventri-  
 culo, iecore, officinisque, coctionis munus feliciter mi-  
 nus procedat. Quòd probè cognoscens Celsus lib. 1. cap. 2.  
 literarum studiosos monet, si lucubrandum eis sit, ne post  
 cibum, sed post coctionem literis incumbant; quos esse  
 debilis ventriculi, ob hanc, & alias multas causas, firmat  
 eleganter Marcellus Ficinus lib. 1. de studios. sanit. tuend.  
 cap. 4.

Porro quemadmodum moderata quies coctioni pro-  
 deest, sic exercitatio mediocris eidem non leue adiuuen-  
 tum præstat, quæ, Gal. testimonio lib. 2. de sanit. tuend. cap.  
 2. naturalem calorem suscitatur, deducit in corpus alimen-  
 tum, eius immutationem magis expeditam procurat, fa-  
 ciliorem coctionem, & meliorem nutritionem efficit, exi-  
 guos meatus repurgat, excrementa expellit, Boni succi  
 ciborum moderatus esus iccirco coctioni confert, quòd  
 euchymi cibi facili negotio à natura superentur, minimè  
 que excrementosi sint, ac præterea cocti, nostri corporis  
 substantiam adaugeant, & foueant. Ob eandem causam  
 vini modici vsus coctionem promouet, quoniam probè  
 celeriterque spiritus instaurat, sanguinem generat, vires  
 omnes roborat, atque confirmat, & siquæ fortè ex frigi-  
 ditate, & humiditate nata sit intemperies, eam securissi-  
 mè, & citra molestiam perlanat, ex Gal. 8. de compos. medic.  
 sec. loc. cap. 7. dummodò non sit valde potens; hoc enim  
 calorem nimis accendit, spiritus dissipat, fluxiones exci-  
 tat, & coctionem peruerit. Frictio lenis & suavis, aucto-  
 re Galeno 2. de sanit. cap. 4. vitale robur adauget, natuum  
 calorem excitat, spiritum & sanguinem in partes trahit,  
 & alimentum in corpus promptissimè distribuit. Dulcis  
 aquæ lauacrum modicè calefactæ, calorem nostrum  
 sympathia quadam fouet, & auget, cutem laxat, & fuli-  
 ginosa excrementa expurgat, æqualem per totum corpus  
 calorem diffundit, siccitatem attemperat; ventilat cor-  
 pus, dummodò ab assumpto cibo non administratur;  
 nam crudum alimentum intempestiuè in omne corpus  
 distribuit, & obstructions facit. Quomodo autem calo-  
 re corporis humani nostri corporis calor foueri possit,  
 pro maiori historię explanatione, lege Vallesium in lib. de  
 de sacra philosophia, cap. 29.

## QVÆSTIO XXXVII.

Quòd calor naturalis non sit elementaris sed celestis,  
 æthereus, atque diuinus. Cōtra Peramat. Argenter.  
 Scaliger. Conimbricenses, Poncium, & communem  
 Philosophorum, & Medicorum sententiam.

### COMMENTARIUM.

**C**alorem naturalem.] Illa verò concinnè admodum  
 huic parti appingeretur, ex Aristotelis, inter Philoso-  
 phos haudquaquam postremi, de calore naturali coquen-  
 te disceptatio, num scilicet is elementaris sit & igneus,

An altioris originis, æthereus celestis, atque diuinus.  
 Calorem nostrum naturalem, qui coctionum, & aliorum  
 operum, quæ non sine magna admiratione in viuientibus  
 fieri cernimus, auctor est, longè esse diuersum ab igneo  
 & elementari multa demonstrant, eaque irrefragabilia  
 argumēta. Nam ille est membris salutaris, mitis, benignus,  
 animæ promptissimum instrumentum, originis valde  
 præstantioris, viuificans demum, & supra elementorum  
 naturam existens. Nisi enim ita concedamus, vnde viuet,  
 nutrietur decrepitus, sentiet, ac movebitur? vnde viuent  
 serpentes? vnde increscet papauer, mandragora, ac vni-  
 uersum stirpium frigidarum genus? Quomodo, si calor  
 opifex omnium functionum viuientis, vincente in illis  
 frigiditate, vitales operationes referri possent calori, nisi  
 demus natuum nostrum primigenium, esse celestem, &  
 nimium elementaris caloris vires superantem, qui conco-  
 quat, humectet, roboret, vniat, & generet: lege Riola-  
 num in lib. Physiolog. Fernelij mentem graphicè explanan-  
 tem, quem cum Fernelio aberrasse, ad rauium vsque con-  
 tendit Poncius, in com. text. 1. lib. Hip. de diætâ, cuius argu-  
 menta, & alia illis similia infra soluuntur.

Secundò. Sol & homo generant hominem, ex Philosoph.  
 lib. 2. physic. cap. 2. text. 26. quod intelligi debet, propter  
 caliditatem, quam ei tribuit: non enim aliud præstare po-  
 test. Huc alludit & illud lib. 2. de generat. anim. cap. 3. quo  
 apertè nostram sententiam confirmat. §. Calor quo ani-  
 mantium vita continetur, quo pereunte omnis eorum actio in-  
 termoriuntur, neque ignis est, neque ab igne ortum ducit, sed in  
 C spiritu calitatis delapso insidet, &c.

Huc spectat illud Ouidij.

Est Deus in nobis, sunt & commercia cali,  
 Sedibus æthereis spiritus ille venit.

Et Virgilius inquit.

—Celestis origo

Seminibus.—

Instabis Aristotel. illuc dixisse, si considerentur admiran-  
 di effectus quos efficit, quia non agit secundum vim ele-  
 menti, sed secundum vim animæ; & sumit vim, & vigo-  
 rem celestium causarum, à quibus dirigitur. Non placet  
 solutio: ea enim opinionem nostram roborat: aliquando  
 enim per effectum ad causarum cognitionem perueni-  
 mus, & quoniam Aristoteles effectus intellexit admiran-  
 dos caloris, idèd inficiatus est hunc calorem esse igneum,  
 sed celestem ac perfectiorem.

Tertiò. Calor in animalibus repertus, nec ignis est, nec ab  
 igne originem ducit, ex Arist. lib. 2. de generat. animal. cap. 3.  
 D sed est proportionè respondens elemento stellarum. Ergo non  
 igneus, sed celestis. Si enim in recitandis, Solis & stella-  
 rum facultatibus paulisper immoreris, hæc ignem gene-  
 rare, & ad mixta generanda sufficere inuenies. Patet id  
 manifestè, in speculo concauo à Solis radiis affecto, qui  
 ignem in sibi proximo ligno, vel stupa generat, & accen-  
 dit. Sed quod potest producere maius, poterit etiam pro-  
 ducere minus. Ergo cum Sol possit producere ignem,  
 poterit etiam functiones ignis obire, caloremque gene-  
 rare, quem ignis in generatione mixti præstare dici-  
 tur: quare superflue ponitur ignis, vt infra latius age-  
 mus.

Hanc Solis caliditatem admirati prisce, eam flammis  
 comparabant, & acerrimam esse dicebant, vt constat ex  
 Virgil. lib. 4. Aneid.

Sol, qui terrarum flammis opera omnia lustras.

Et lib. Georgicor.

—Rapidæ potentia Solis.

Aeris.—

Quòd si dicas, aduersum esse calorem, quem præstat ignis,  
 ab eo quem præstat Sol, falsa pronuntiabis: quoniam ca-  
 lores hi sub eadem specie infima continentur; & omnes  
 calores sunt eiusdem speciei, & eandem proprietatem  
 sortiuntur essentialem; nam proprium caloris est con-  
 gregare homogenea, & disgregare heterogenea, aucto-  
 re Philosopho lib. 2. de gen. & corrup. cap. 2. 3. & 4. quare si  
 hæ proprietates insunt calori ignis, Solis etiam calori  
 conuenient.

Adeò cum hæc vera sunt, vt ignem ad mixtionem non  
 concurrere

concurrere affirmant veterum peritissimi, quos refert A. len. lib. 1. de dif. feb. cap. 3. 4. tandem esse Solis caliditatem affirmat, ut eius calore febres generentur? Nonne lib. 4. de compos. medic. per gener. cap. 3. Solem pro medicamentis concinnandis, & emolliendis, vel ignem, cum Sol abest, conuenientem esse asseruit? immò in sole melius, quàm in igne præparari metella proficitur? Ex quibus patet, Solem maiorem calefaciendi vim igne ipso habere. Explicat eleganter Iustus Lipsius l. 2. physiol. dissertat. 13. Quartò. Calor ad generationem mixtorum moderatus debet esse, non absumens: atqui caliditas ignis immoderata est, & principiis vitæ valde aduersa. Ergo. Ob hanc causam Herodorus, ignem, beluam auarissimam, inexplebilémque vocat, quæ ad vitam, generationemque prodesse non potest, cum omnia calore, & siccitate absumat, ex Arist. lib. 2. de ortu & interit. cap. 3. & referunt Conimbricenses, com. in lib. 1. Arist. de celo, cap. 2. quest. 5. art. 2. ad fin. luculenter. Tanta enim est ignis immoderantia, ut impossibile quasi videatur, rem adeò voracem, ad actionem adeò modularam, qualis est vitalis, per se concurrere: ignis enim omnia depascit, & corruptioni magis quàm vitæ inseruit; furibundus enim, & edax illius calor est.

Scilicet ignis edax summa ad fastigia vento

Voluitur: exuperant flamma furis æstus ad auras.

Magna enim est Solis potestas in hæc inferiora, de cuius præstantia Cicero lib. de somn. Scip. sic ait. Deinde subter mediam ferè regionem Sol obrinet, dux, & princeps, & moderator luminum reliquorum, mens mundi, & temperatio, tanta magnitudine, ut cuncta sua luce illustret, & compleat, &c. Et lib. de natur. deorum, sæpe Solè esse calidum, & igneum confirmat, & non solum magnam posse gignere caliditatem, sed etiam ipsum ignem contestatur. Neque est negandum, corpora cælestia maximam vim habere in hæc inferiora; nam non solum per motum, sed per lucem, immò per fortissimas alias qualitates, & vires occultas, quas influentias vocant, mundum hunc inferiorem mutant. Nam ineunte vere dum Sol ad nos redit, arbores incipiunt fronde virere noua: Insecta, muscæ, scarabæi ex sterquilinio, Solis tepore suscitantur, animalia omnia æstro veneris percita, ad prolem incitantur. Eodem verò recedente, defrondescunt arbores, marcescunt herbæ, insecta moriuntur, languet Venus, ut ex multorum retulit mente auctorum Ioannes Ionstonus, vir in auctorum lectione versatissimus, lib. Thaumaturgraph. c. 1. de admirandis cæli, artic. 7. de Solis in hæc inferiora influxu. Hæc fuit Platonis opinio, ut testatur Damascenus in lib. de consol. medicin. Estque Mathematicorum communis. Eam defendunt magnus Albert. in 2. distinct. 14. Abulensis lib. 3. Regum, cap. 17. quest. 9. Ioan. Maior. in 2. dist. 14. quest. 5. Ferrariensis. 3. contra genes. cap. 84. Venerus 2. meteor. cap. 1. Saxonia 2. lib. de celo, quest. 12. Scias ergo, ut eruditissimè Stephanus Rodericus Castrensis notauit, lib. 2. de meteor. microcosm. cap. 14. & lib. 3. cap. 1. quod à Sole omnis est vita: hic nos genuit, illuminat, calefacit, totius denique ignis fons atque origo; & cum cælesti virtute omnia consistant, ac fiant omnia, Solis virtute consistere, ac fieri dicenda sunt. Quod autem sole medio sufficiens caliditas ad mixtionem gigni possit, insinuant Manardus 15. epistol. 5. & quod Sole cuncta viuunt, producantur, & conseruentur, firmat Vallesius com. in lib. 4. epid. text. 8. immò & ipse Galenus lib. 3. de usu part. cap. 10. & 3. de temp. 5. asserit Solem & ignem actu esse calida: & lib. de compagin. membror. Solem calidum esse & siccum, animamque, cor, hepar, & cerebrum creare affirmat: & lib. 3. de dieb. decret. 2. ipsum esse auctorem quatuor anni temporum scripsit; quod alludere videtur illud Virgilij lib. 1. Georg.

— Vos ò clarissima mundi

Lumina, labentem cælo qua ducitis annum.

Quanta autem sit ad naturas variandas Solis vis, ac potestas, ex veterum doctrina satis accuratè explicuere, eloquentissimus Lælius Bisciola tom. 2. horar. successu. lib. 12. cap. 7. Vallesius lib. de sacra philosop. c. 26. & notauit. Ioan. Guaniuerus lib. 3. de influxu planet. cap. 3.

Quid plura? nonne Solis radij per aquam, & ærem intus mare penetrant caliditate sua, ut virtus transit per neruos, apud Galen. lib. 1. de de sympt. caus. c. 5. Nonne Ga-

len. lib. 1. de dif. feb. cap. 3. 4. tandem esse Solis caliditatem affirmat, ut eius calore febres generentur? Nonne lib. 4. de compos. medic. per gener. cap. 3. Solem pro medicamentis concinnandis, & emolliendis, vel ignem, cum Sol abest, conuenientem esse asseruit? immò in sole melius, quàm in igne præparari metella proficitur? Ex quibus patet, Solem maiorem calefaciendi vim igne ipso habere. Explicat eleganter Iustus Lipsius l. 2. physiol. dissertat. 13. Quartò. Calor ad generationem mixtorum moderatus debet esse, non absumens: atqui caliditas ignis immoderata est, & principiis vitæ valde aduersa. Ergo. Ob hanc causam Herodorus, ignem, beluam auarissimam, inexplebilémque vocat, quæ ad vitam, generationemque prodesse non potest, cum omnia calore, & siccitate absumat, ex Arist. lib. 2. de ortu & interit. cap. 3. & referunt Conimbricenses, com. in lib. 1. Arist. de celo, cap. 2. quest. 5. art. 2. ad fin. luculenter. Tanta enim est ignis immoderantia, ut impossibile quasi videatur, rem adeò voracem, ad actionem adeò modularam, qualis est vitalis, per se concurrere: ignis enim omnia depascit, & corruptioni magis quàm vitæ inseruit; furibundus enim, & edax illius calor est.

Scilicet ignis edax summa ad fastigia vento

Voluitur: exuperant flamma furis æstus ad auras.

Contrà, solis calor repidus, moderatus, benignus: tanta est eius in hæc inferiora potestas! Ob quam causam Plato, ipsius boni filium conspicuum nuncupauit, ut refert Cælius 13. suar. antiquit. 14. Demum plurima silentio inuolno, quæ de solis præstantia, ex veterum & inniorum decretis proferunt Cassaneus 1. 2. part. catalog. glorie mundi, considerat. 8. Tiraquel. lib. de nobilit. cap. 3. num. 366. nam ille tanquam elementalium virtutum dominus, caloris radios effundit, quibus vitam, sensum, motum sublunariibus abundantissimè elargitur sua salubri, viuificaque vi, ex Cælio 24. antiq. cap. 14. Denique cælestium vires in Sole, & à Sole sunt omnes, & Solis lumen est ipsi Deo simile, ob multas rationes euidenter, quas eloquentissimè proposuit Marfillius Ficinus libello proprio de Sole.

Argenterius com. 2. in art. medic. Galen. mihi fol. 109. respondet, verum esse, Solem posse sufficientem calorem generare: atamen Solis caliditatem se habere, ut causam efficientem, ignis verò caliditatem, ut materiam. Hoc fictitium est: nam calor, elementalis qualitas est, & omnis qualitas expers est materiæ; quare neque materiæ rationem gerere debet. Præterea ex ipsius sententia sequeretur, idem respectu eiusdem esse causam efficientem, & materialem.

Solis ergo caliditas, miti sua, saluiferæque vi, ut ait Plin. lib. 2. cap. 6. omnia bona in sublunari regione contemperat, ac modificat. Hic tanquam principale naturæ regimen, ac numen, vices temporum, annumque semper renascentem ex usu naturæ gubernat. Hic cæli tristitiam mitigat, atque nubila humani animi discutit. Hic lumen suum cæteris sideribus communicat. Demum ex Platonis sententia, ut notat Rhodig. 13. antiq. lect. 12. ipse cælestis est ignis, animal sempiternum, astrum animatum, diuturnum, maximum, & in lib. 1. Genesis, cap. 1. luminare maius appellatur. Quapropter Assyrij, & Chaldæi Solem summo cultu venerabantur, ut tam multis auctorum testimoniis probat eruditissimus Ottho Heurnius lib. de philosophia primordiis, tract. 2. cap. 5.

Quintò. Si elementum ignis ad nostram generationem cōcurreret, ex sua regione purum, ut perfectissimum effectum efficiat, debet aduenire: sed hoc implicat, quoniam violenter ignis deorsum descendit; nam animal non est, ut versùs omnem positionem moueatur. Deinde. Si vnumquodque prius suam, quàm vniuersi conseruationem intèdit, quomodo à reliquo segregatur igne, & gratia mixtorum suum deserit locum, inferius autem è contrà corrumpitur. Respondet Argenterius loc. cit. descendere portionem ignis à sua regione in hæc inferiora ad mixtorum generationem, crassiorē ab aère sibi vicino redditam, & motu cæli depulsam. Sed hæc responsio meras sapit nugas. Nam quod spectat ad illum impulsū, falsum est. Deinde motus cælestis est circularis, motus

motus verò quo ignis tendit deorsum, est rectus. Præ- A  
terea. Sequeretur ex eo ignem perpetuò in hæc inferiora  
desilire sine intermissione vlla, nam cælestia corpora  
circulari illo motu continuò mouentur; atque proinde  
aër nunquam videretur sine flammis. Illud verò de par-  
ticula ignis crassiori reddita à sibi proximo aëre, verita-  
tem obtinere non potest: nam vel aër ignem allicit, & à  
sua regione præcipitat, vel ipse ignis grauis redditus, ra-  
tione gravitatis tendit in centrum. Si primum, erroneum  
est: nam aër contactu ignis rarior euadit, ac proinde &  
eadem, & maior ratio daretur, quod aër contactu ignis,  
qui maioris est quantitatis, ac actiuitatis sursum effera-  
tur, quàm quòd ignis deorsum ab aëre minùs actiuo de-  
trudatur; maximè cum aër non sit ita actiuus, vt possit B  
illam particulam in suo loco positam, & tantæ efficaciz,  
à tam magna mole sciungere. Si secundum, inde te fal-  
sum protulisseprehendes; nam hic ignis quem nos  
habemus, ponderosior multò cum sit, non solum aëri, &  
terræ, sed etiam aquæ, vel ipsius substantiæ quam depa-  
scitur, vaporibus commixtus, sursum, & non deorsum  
tendit, ob multas causas inferiùs assignandas.

Conimbricenses acutiùs ratiocinantur, in com. lib. 3.  
Arist. de celo cap. 5. quest. 1. dicuntque ignem idèò suam  
regionem deserere, & in hæc inferiora violenter descen-  
dere, quia à quadam vi compellente detruditur. Corruit  
solutio. Nam quæ est hæc vis compellens, & vim fa-  
ciens igni? Estne aliqua qualitas occulta, ad quam, dum  
non datur locus fugæ, etsi doctissimi promptissimè con-  
fugistis? Vel ergo hæc semper, vel per interualla exercet C  
operationem suam. Si primum, sequeretur continuum  
esse prouentum ignis in hæc inferiora, ac proinde sine in-  
termissione ignis vbique, vt ita loquar, plueret. Secun-  
dum stare non potest, cum generationes rerum in hoc  
orbe continuò dentur, ad quas debeat ignis concurrere  
continuò.

Sextò. Maturatio coctio est, & à calore naturali perfir-  
citur, ex Arist. lib. 4. de meteor. cap. 3. in init. Sed fructus  
maturantur interuentu caloris cælestis. Ergo cum non  
alia ratione fieri hoc possit, nisi quatenus auget, & per-  
ficit calorem innatum, sequitur hunc eundem esse cum  
Solis calore, & ab eò genitum. Quod verò de nostro  
calore in medium protulimus, id non de Solari solum,  
sed de cælesti, Lunari scilicet, & stellarum intelligas,  
æthereo illo, atque diuino. Nam Lunæ in hæc inferiora  
maxima est potestas, cum ea sit minor Sol; auctore  
Arist. lib. 4. de generat. animal. cap. ult. & cum sit inferiori D  
mundo vicinior, magnam & assiduam effectuum varieta-  
tem ostendit. Hoc nobis, ipsa sine ratione animalia,  
luce clarissima ostendunt, quorum exempla affert ex pro-  
fesso Plin. lib. 2. cap. 41. Lunæ motus causa est omnium  
permutationum, quæ in corporibus accidunt, vt lib. 3. de  
dieb. decretor. ferè per totum Galen. ostendit: illa enim  
æstus maris causa est, ex Ptolomæo, lib. 2. cap. 12. Cicer. lib.  
2. de natur. deor. Plin. lib. 2. cap. 97. Strabon lib. 3. de si-  
tu orb. Magno Albert. lib. 2. tract. 3. cap. 6. Albumasar.  
lib. 2. maioris introductorij ad Astronomiam, Ficin cap. 6.  
ad Plotin. librum. Licet enim Lunæ opera, Solis operi-  
bus sint inferiora, auctore Galen. cit. loc. tamen his duo-  
bus luminibus vitam nostram moderari, & illorum bé-  
neficio constare testatur Macrob. in somn. Scip. cap. 19.  
in fin. nam mortalium corporum auctor est, & conditrix,  
eodem auctore loc. cit. cap. 11. Sed ne de re manifesta  
fastidium prolixa oratione generetur, ad ea, quæ de pla-  
netarum, & stellarum vi in hæc inferiora, veteres prodide-  
runt, breuiter transeamus: harum enim cursu res huma-  
nas disponi, firmat Macrob. 1. Saturnal. 17. in init. hæ  
enim sunt cælestes ignes, apud ipsum, in somn. Scip.  
cap. 14. quarum plurimæ calidissimæ sunt, & siccæ; nam  
Mars, Aries, Sirius, & Canis vterque, ingentem calidi-  
tatem, & siccitatem in nobis producant, immò & Scor-  
pius, de quo Virgil. lib. 1. Georgic. & lib. 10. Aneid. parum  
ante med.

*Ipse tibi iam brachia contrahit ardens.*

*Scorpius.*

De quarum vi & efficacia sat plura dixere prisci, & poë-

ta omnium vetustissimi auctores; de quorum numero  
sunt Iul. Firmic. lib. 9. cap. 9. Plin. lib. 18. cap. 28. & alibi  
passim. Ioan. Pontan. lib. 3. de stel. Pierius Val. lib. Hier. 44.  
Galeor. Martius 1. 36. de promiscua doctrina, Cælius lib. 17.  
antiq. lect. 27. quorum siderum, & præsertim canis effe-  
ctus Plin. describit lib. 2. cap. 42. & lib. 14. cap. 18. nam fer-  
uent maria exoriente eo, fluctuant in cellis vina, mouen-  
tur stagna, canes maximè aguntur in rabiem: eo enim  
tempore exurit natura, quia Sol & vertici nostro ma-  
gis propinquat, & in nostro hemisphærio longiorem mo-  
ram trahit, vt scire docuit Manardus 15. epist. 5. in initio.  
Si ergo Sol, dux, & moderator est reliquorum luminum, &  
stellis præstat necesse est vt solem, qui moderatur no-  
stra, omnium quæ circa nos geruntur, fateamur auctorem:  
nec mirandum, nam terra respectu corporum superiorum  
est instar puncti, vt lib. 1. meteor. cap. 14. Philosophus fir-  
mat, & probant Ptolomæus cap. 6. dist. 1. & Macrob. lib. 1,  
in somn. Scip. cap. 20.

Vltimò Gal. lib. de marasmo, cap. 3. reprehendit omnes  
asserentes calorem naturalem similem esse igni: quoniam  
ignis corrumpit materiam in qua accenditur, at verò ani-  
malia non sic sortita sunt calorem naturalem, sed alio  
modo ab ipso sunt conseruanda, & gubernanda. Igitur  
caliditas naturalis non redolet conditionem elementi  
ignis, sed altioris originis est cenienda, vt Lælius Bisciola  
tom. 1. hor. successu. lib. 16. cap. 19. disertè contendit.

Sed soluenda sunt plura, quæ contendunt ignem con-  
currere ad mixtionem nostram. Quorum primum est  
Argéter. lib. 2. in art. med. loc. cit. Columb. lib. 3. Arist. de ca-  
lo cap. 5. quest. 1. Scalig. exercit. 9. in Cardan. Vnum est cor-  
pus circulare quod mouetur. Ego necesse est, vt habeat  
centrum, & circumferentiam; & vnum elementum sit  
quod ad centrum, alterum quod ad circumferentiam mo-  
ueatur. Ignis ergo & terra necessaria fuerunt, quæ vniri  
debeant, vt vnum mundum efficerent: hæc, duo postu-  
larunt vincula, vnum enim non potest sufficere, nam il-  
lud tenderet ad medium, & simul ab eò recederet: duo  
ergo, aër & aqua quorum vtrunque & graue, & leue est,  
& à medio, & ad medium mouetur. Hæc est præcipua  
eorum machina, quæ solum probat dari ignem in rerum  
natura. Dic, falsum esse, vnum esse corpus circulare mó-  
bile, nam plura sunt. Deinde in supræma regione non  
est ignis, vt latius infra, qui circumferentia sit; quo posito  
aqua esset medium: nam neque adeò grauis est, vt terra,  
neque adeò leuis vt aër, sed satis est vt copulet aërem &  
terram, quòd continua sit centro, & circumferentiæ; nam  
aqua contigua est aëri, qui respondet superficiæ, & con-  
tigua est terræ, quæ respondet centro.

Secundum. Calor naturalis est compositus ex calo-  
re, & frigiditate, ex Galen. lib. de trem. cap. 6. & lib. 8. de  
placit. 7. Ergo sicut frigiditas elementaris est, sic & cali-  
ditas. Dic nullum esse inconueniens, frigiditatem esse  
elementarem, & caliditatem esse Solis, quum hæc, ea-  
dem sit specie cum caliditate ignis; differant solum inter  
se, quoniam hæc immoderantiam, altera mediocritatem  
importat.

Tertium. Sicut caliditas ignis calefacit, resistit refri-  
gerantibus, extenuat, resoluit, sic calor naturalis. Ergo  
est ab igne. Dic, non rectè inferri consequentiam; maxi-  
mè quum calor Solaris eodè efficiat effectus, quos ipsi  
tribuunt igni, quum eius caliditas, & ignis sint eiusdem  
speciei.

Quartum. Calor naturalis conseruatur sanguine & spi-  
ritu, auctore Gal. lib. de curand. rat. per sang. misf. cap. 5. San-  
guis tamen, & spiritus constant ex quatuor elementis:  
igitur & calor naturalis est elementaris. Dic sanguinem,  
& spiritum non solum ex tribus elementis, sed ex calore  
Solari constare, quem præstantiores effectus producere  
igne, supra explicuimus.

Quintum. Calor naturalis augetur, roboratur, & quum  
est languidus, admotis medicamentis calidis, quæ pollent  
igneæ caliditate, redit ad pristinam naturam: igitur ele-  
mentalis est: nam si gradus aliquis introducit, & facit  
ipsum redire ad pristinum statum, est, quoniam iste est  
idei natura cum præexistente. Dic, illa medicamenta  
non

non pollere ignea caliditate, sed Solari. Neque enim nos negamus ignis caliditatem à Solari differre; nam sub eadem specie infima continentur, sed ignem ad generationem mixti non concurrere, libenter asserimus.

Sextum. Ex duorum corporum collisione elicitur ignis, quod nulla alia ratione fieri posset, nisi ignis mixtorum generationes ingrederetur. Sic arguit Petrus de Peramato, *lib. de element. cap. 5. lib. 4.* Responde hoc ita sic i. quoniam aer inter illa duo corpora contentus, illo veloci motu rarefit, calefacit, inflammatur, ac tandem distractis eius partibus in ignem migrat, atque hæc est posterior solutio Scaligeri *contra Cardanum exercit. 16.* exemplum sit de sagitta plumbea, violenter & magno impetu per aërem emissa, quam igniri, & liquefieri firmat Arist. *lib. 5. probl. 13. & 14. & lib. 2. de calo, cap. 1. text. 42. lib. 1. meteor. cap. 3.* motus ergo calefacit, quoniam sic extenuat & rarefacit aërem, ut sub propria forma contineri non possit; quare corrupto aëre generari ignem est necesse: licet enim raritas, & tenuitas non sint qualitates actiue, quæ calorem producere possint, ut ignis ignem; at tamen ex dispositione materiæ, sine causa vniuoca, & particulari, generantur animalia ex putredine, quoniam disposita materia, causa particularis vicem subit vniuersalis, diciturque generatio ex accidenti. Hoc modo motus licet non sit calidus, calorem generat. Ita Virgilius *lib. 5. Aneid.* introducit Aestem ad æthera sagittam contorquentem.

*Namque volans liquidis in nubibus arsis arundo,  
Signaque viam flammis, tenuisque recessit  
Consumpta in ventos.*

Sic solunt Albert. Magn. *lib. 1. meteor. tract. 1. cap. 11.* Garbius *lib. 2. sua summa, tract. 2. quest. 6.* Zimara in *sui theoremat. prap. 45.* Aphrodis. *lib. 1. probl. quest. 59.* Soncinas *12. metaph. quest. 12.* Thom. à Veiga *lib. 1. de diff. feb. in com. 5.* Gal. Zarabel. *lib. de calore celest. cap. 3.*

Septimum. Sicut dantur quatuor qualitates primæ, & quatuor humores, sic debent assignari quatuor elementa, quæ illis ex æquo respondeant: hoc est præter alia superius posita, firmissimum Conimbricensium argumentum, in *lib. 3. Arist. de calo, cap. 5. quest. 1.* At nil concludit similitudo: potest enim calor superiorum corporum extenuare materiam, ex qua fit bilis calida & sicca, nec ob id ad eius, sicut nec ad generationem mixtorum, ignem concurrere asserendum est. Quare si non concurrat calor elementaris noster, æthereus est, celestis, atque diuinus. Hæc habui quæ de calore nostro concoquente, commentatione iusta promerem in literas: ea labore non paruo ex veterum scientissimis congesta, si quis paulò humanior vocauerit in lancem, fatebitur ad Philosophi Medicorumque mentem esse prolata. Superest solum explodere eorum opinionem, qui arbitantes nostrum calorem igneum esse, ac elementarem, cum ab elemento ignis ad concuum Lunæ suam sphaeram habetis, originem ducere, falsò sibi persuadent.

### QVÆSTIO XXXVIII.

*Quid non detur ignis ad Lunæ concuum. Contra Peramat. Mercat. Conimbricenses, Scaligerum, Magirum, & communem Medicorum & Philosophorum sententiam.*

**A**ltius hoc loco, generosiusque excitandus animus, quarendumque, Num detur ignis ad Lunæ concuum. Eum ergo, sicut nec ad mixtorum generationem concurrere, sic in suprema regione non collocari, res est manifesta. Nam si illic esset, splenderet saltem nocturno tempore, videreturque à nobis; sicuti & nostratem ignem longissimè collucere intuemur, quum in sua regione in maiori quantitate sit, & magis perfectus. Hoc argumentum tenuit & ridet Scaliger *exercit. 9. ad Cardanum*, dicens, ignem ibi esse rarissimum, multumque materiæ expertem, quare rarefactus ignis non lucet. Sed hæc nugæ sunt, nam expertiores materiæ sunt Solis radij, & ni-

hilominus lucent: nam aer qui est radiis materialior, & densior præ sua raritate non videtur: quare ignis licet non videtur, cur non lucet? & quamuis illud libenter concederem, obstat tamen eius magnitudo, quo raritatem superat; ignis enim sphaera vniuersum ambit, ut rentur ipsi.

Secundò. Ignis noster idem est specie cum illo, quem in vltima sphaera aduersarij fingunt: sed ille nutritur. Ergo hic eo loco non datur: nam ibi quis dixerit habere pabulum? Respondent Conimbricenses *lib. 3. Arist. de calo, cap. 5. quest. 1.* quòd hic noster cum sit à contrariis obsessus, qui eum extinguere nituntur, idèò nutriatur. O Conimbricensium subtile inuenium! responsio inaudita! nam ad nutritionem nihil facit contrarietas, sed alimenti penuria, partiumque indigentia: præsertim cum in sphaera sua, qualitatibus contrariis, astrorum plurium frigiditate, & aëris humiditate, eiusque vaporibus oppugnetur, ut falsò sibi persuasit Ioannes Magirus *lib. 3. cap. 2. physilog.* Scaligeri sequutus opinionem.

Deinde simili modo cætera elementa nutrirentur, nam aer, terræ, aquæ, & ignis incurfu semper alteratur, ab eorumque contrariis qualitatibus obsidetur, ita etiam terra ab aëre, & aqua ab igne alteratur. Ergo falsum est dicere, ignem propter contrariorum occursum nutriti: cum enim adeò fortis, & actiuus sit, promptius aëre contrariis resistet; hic enim ita leuiter alteratur, & tam debilis est naturæ, ut maiori de causa ei nutritio esset tribuenda.

Petrus de Peramato, in *lib. suo eleganti, de element. quest. de loco ignis*, hac solutione totam litteram euanescente, arbitratur, quòd ignis elementaris, calidissimus & siccissimus sit; noster verò indigeat pabulo, quoniam subiectum eius est humidum. Conuellitur multipliciter solutio. Primò, quoniam ex hac ratione sequeretur ignem nostrum, cum humidissimum habeat fundamentum, non indigere pabulo, siquidem in se habet nutrimentum (nam humidum, ignis est alimentum.) At verò supremus ignis siccissimus cum sit, humiditatem desiderat, ut conseruetur; nam color animalium si ita siccescit, ut humiditate destituatur, statim extinguitur. Secundò. Ipse Peramatus palinodiam recantat: dictorum enim immemor, probans ignem esse simplicissimum, asserit, hunc ob excellentiam qualitatum, omnia vastare, exurere, ac absorbere; quare si vocatissimus est, pabulo indiget. Ita quidem respondens: sed quàm inaniter, iam exaudi nam si omnia qualitatum exuperantia exurit, cur hoc in loco neque vrere, neque calefacere affirmas? Deinde ignis, ut tu dicis, propter caliditatem & siccitatem minus nutritur: ergo ob frigiditatem & humiditatem nutritur magis; & quantò frigidior, magis depascet ac nutritur, nam contrariorum eadem est ratio. Sed hoc nullus confirmat, qui à limine philosophiam degustauerit: ergo nec illud.

Tertiò. Vniuersus mundus, immò omnia propter homines creata sunt; nam ut ex multis locis Genesis colligitur, Deus rerum sublunarium dominum, hominem constituit. Sed ibi hominibus ignis nullam præstat commoditatem. Ergo. Respondet Peramatus, confertur ad ornatum, sed si non conspicitur, neque lucet, quem confert ornatum? Dicunt alij calorem præstare, hoc falsum est: nam à media aëris regione vndeque frigidissima impeditur, ut huc non deueniat, corrumpetur insuper ille calor, & alterabitur. Si iterum non impediri insistas, ipsūque calefacturum mediam regionem asseueres; hæc calefacta non semper erit frigida, contra communem philosophantium edictum. Vnum enim ex his est summè necessarium, vel quòd ignis prius regionem illam calefacit, vel quòd huc non perueniat, & à frigiditate aëris medij corrumpatur, quum transitus de extremo ad extremum debeat fieri per medium: si enim eius caliditas ab aëris frigidissima regione non impediretur, partes terræ quæ ad eum proximius accederent, calidiores euaderent, (omne enim agens fortius agit in propinquum, quàm in remotum) cuius contrarium patet experientia; magis igni appropinquant non hycmali, sed æstiuo tempore, frigidiores



frigidiores sunt, & albicant nunc; quæ tamen, si caliditas ignis infra mediam æris regionem permearet, vel ignis supra eilet, incalescere deberent. Si ergo ignis actiones in hæc inferiora non penetrant, neque aliqua sublunariibus ex eo paratur commoditas, cur ibi esse locatum affirmabimus?

Quartò. Natura nil in hoc modo patitur otiosum, ex Arist. lib. 1. de part. anim. ult. Gal. lib. 3. de usu part. 10. Cic. lib. 2. de nat. Deor. Cum ergo ibi ignis nihil agat, nec ullam commoditatem præstet, neque ex aduersantium opinione, ibi luceat, neque calefaciat, videtur esse otiosus, & in suprema regione non locatur: natura enim sicut non negat necessaria, sic superflua abhorret.

Quintò. Ignis, si ibi esset, in maxima quantitate ærem exuperaret; nam elemento ignis tribuunt mathematici miliaria 120578. æris verò profunditatem dicunt solum esse 52. miliarium, ut probant Clavius ad caput primum sphaera Sacri Bosc. Barotius lib. 1. cosmograph. cap. 2. Plin. lib. 2. cap. 13. & non solum quoad profunditatem multoties maior ignis, sed quoad extensionem; nam capit in concauo suæ intimæ superficiei ærem. Insuper cum sit vigorosior, & fortior, ær verò sibi coniunctus sit obsistentiæ debilis, & facilius alteretur à quocunque è terra eleuato vapore, & à caliditate Solis promptius immutetur, facillimè & multo magis poterit ab igne sibi proximo alterari. Patet, nam tenuissimus terræ, & aquæ vapor potest duas eius regiones immutare, nempe hanc infimam, & mediam. Ergo multò magis ignis eas immutare poterit; efficacior enim est, & maioris actiuitatis elementis cæteris: præsertim cum ab eo scintillæ in infimum ærem descendant auctore Philosopho lib. 1. meteor. cap. 1. & cometæ innumeri, qui igniti ærem etiam calcificare queunt. At si ignis has regiones calefaciat, unde grandinis, & pluuiarum copia? Conimbricenses negantur, ex eo enim loco cit. de celo, ignem non corrumpere ærem rati sunt, quia ab æstorum occulta qualitate impeditur, (nisi enim astra occulta vi obstant, libenter concedunt, ignem totas æris regiones calciturnum, & ad nos usque alteraturum.) His responsum præbeo, ut eam occultam qualitatem, seu proprietatem astra præstare probent, sed in arduis ad occultas confugere qualitates, est ignorantium asylum, ex Gal. lib. 3. de præfag. ex pulsib. cap. 5.

Sextò. Multi, ac ingentes sunt subterranei ignes, ut communis fert Philosophorum opinio, & probat Reinerus Solenander lib. 2. de calore fontium, cap. 17. & alij, qui de medicatis aquis libellos conscripserunt. Cur hi ad suam regionem supra ærem, tanquam ad suum locum conseruatiuum non transuolant? quibus vinculis hic ignis ligatus detinetur? Respondent Conimbricenses, ignem violenter in hac inferiori parte propter densitatem, & pondus materiæ detineri. Inepta responsio, nam cur remota causa illam violentiam faciente, hoc est remoto pabulo non euolat sursum, sed corrumpitur, & emoritur? Deinde multò ponderosior est ær, & sursum fertur; nam si fortè sub aqua detineatur, statim scaturiendo emergit, quum ibi ab aquarum pondere, ponderosior quàm ignis, à suo nutrimento reddatur.

Septimò. Hipp. in lib. de flatibus, num. 5. (aureo, ac legitimo libello, ex Castrensis ruditissimo lib. 1. de meteor. microcosmi cap. 10. & Iacobò Alemano, qui hunc librum eleganti stylo, & facili fuit interpretatus, contra Valleriolam lib. 3. enarrat. cap. 4.) affirmat totum spatium, quod inter cælum & terram effunditur, ære plenum esse. Peramatus ad libitum soluit obiectionem, dicens Hipp. verba etiam de igne esse intelligenda, quia tenuis etiam spiritus est. At contradicit Aristoteles lib. 1. meteor. 4. dum ait: supra aquam esse ærem, & id, quod quàmuis ignem consueuimus appellare, ignis tamen haudquaquam est.

Octauò. Fulmen nil aliud quàm ignis est 3. meteor. cap. 1. seu exhalatio calida, in medio æris interstitio, motu, vel antiperistasi inflammata, & in ignem conuersa. At cur fulmen inferius reperit, & sursum, cum sit ignis, in suum locum non tendit? non ergo is in suprema sede, seu concauo Lunæ suum locum habet.

Lib. 11.

Ultimò. Si illic esset, cur diuina historia de eo, sicut de cæteris elementis, non facit commemorationem? nam Moyse, vir cælesti numine afflatus. Medicus non doctrina solum præclara instructus, verum sacro spiritu dimanante adornatus, nullibi de hoc elemento est loquutus. Soluunt Conimbricenses: Diuinum vatem solum duorum elementorum fecisse mentionem, quoniam hæc tantum aspectu percipiuntur, & notiora erant: quæ incomparabilis Philosophus alia non posuisset obscuriora, ut ærem, qui externis sensibus non ita peruius est, ac patens.

Fortissima verò aduersantium tela sic sunt soluenda. ignis hic noster in modum pyramidis semper sursum fertur. Secundò, semper pabulo destitutus sursum repit. Tertiò, conueniens fuit ea sede locari, ut ab eo ær suam caliditatem mutuari posset. Horum facilis est solutio: nam primum accidit quoniam ære frui desiderat, ut eius fuligines ac excrementa ventilatione purgentur, nam ær ei in pabulum cedit, iuxta illud Ouidij.

*Mollis alit flammæ, grandior aura necat.*

In modum autem pyramidis fertur quia pars eius cæstior pabulo detrita detinetur inferius, subtilior verò ad pabulum accedere cum non possit, ob tenuitatem & raritatem, effertur sursum ut ære fruatur, & ventiletur. Ex quo ad secundum solutio patet, nam ær non mutuatur ab igne caliditatem; quia in actiuis, & passiuis qualitatibus symmetrus, & temperatus est: maximè cum elementa à reliquis suas non mutuentur qualitates, sed eas habeant infinitas. Alia sunt argumenta, quæ nostram sententiam infirmare videntur, quæ ex professo afferunt Christoph. à Vega lib. 1. de art. medend. c. 1. Ludouic. Mercat. tom. 1. clas. 4. art. 9. quæ. 25. quæ solenter Castrensis lib. 1. de meteoris microcosmi, cap. 6. Non ergo datur elementum ignis ad Lunæ concauum, nec ad mixtorum generationem concurrat: quapropter calor noster, nec igneus nec elementaris est, sed cælestis, æthereus, atque diuinus. Hic est viuificus ille calor, qui cælestia cum terrenis ineffabili sympathia, & cognatione connectit, admirationeque dignos effectus producit, quos cælesti siderum calori, qui diuinum Solis, & stellarum fertile est vehiculum, acceptos referre oportet, ut non minùs eleganter quàm doctè Cicero lib. 2. de natur. Deorum, ex Cleantis sententiâ confirmat, & graphicè, luculentèque illustrent Ioan. Langius lib. 1. epistol. 13. Picus Mirandula lib. 5. pranotion. cap. 5. Ferncl. lib. 1. de abdit. 8. 9. & 10.

## D V B I V M XL.

Num sanitas hominis sani communicetur corpori agro. Contra Arist & Montanum

**A**C corpus humanum ipsum contingens, &c. [De coctione, caloreque coquente plura supra recensuimus, nunc illud discutiendum, num sanitas hominis sani communicetur corpori agro. Aristoteles lib. 7. probl. 1. quærit causam: cur à morbis nonnulli egrotant, qui appropinquarint à sanitate nemo sanari potest? Respondet, quoniam morbus motio est, sanitas autem quies. Ergo ille mouere potest, hæc non potest. Deinde sect. 29. probl. 10. quærit quare ex conversatione cum iusto & bono, iustus & bonus homo efficiatur, & cum homine sano, homo non reddatur sanus, neque deformis cum pulchro, pulcher, neque cum valido imbecillus, robustus efficiatur? Respondet, quod virtus est bonum animi, & sanitas est bonum corporis: illud gaudendo & latando imitari possumus, hoc verò nequaquam.

Contrariam sequuti sunt sententiam Oribasius hoc in loc. Galen. loc citatis in paraphrasi, qui valerudinarios, senes, & ventriculi imbecillitate ob frigiditatem correptos, ex amplexu pueri boni habitus, & ex calore catulorum ventriculo admotum, iuari, calefieri, & sanitatem recuperare asseuerant. Nullus enim calor naturali nostro magis est conformis, aut excogitari potest, quàm qui feruet in puerili, aut adolescentulæ corpore; & hæc est causa quare leprosi, & tabidi conuersationem cum sanis summopere appetant:

C c nam

nam horum respirationem sibi esse valde commodam experiuntur. Demum si morbus ab vno corpore in aliud communicatur, cur non sanitas, si contrariorum eadem est ratio?

Ob hæc dicendum, sanitatem quæ consistit in temperamento, posse communicari: nam sicut morbus contagiosus ille est, cuius qualitates mediante seminario corporibus sani communicantur; sic sanitas temperamenti, mediante calore nativo, & per halius corporibus sanis emanantes potest communicari. Est tamen inter sanitatem, & ægritudinem discrimen, quoniam hæc ob seminarij efficaciam proprius communicatur; illa verò difficile, & post longum temporis intervallum: sanitas verò in conformatione, & unitate, non est activa, & ideo non communicatur.

Sed quid respondebimus Aristoteli asserenti contrarium? Clarissimus Montanus *part. 2. medic. fol. 373.* ut tantum auctorem à calumpnia vendicaret, hunc innuit solvendi modum, dicens, sanitatem sensibilibus sumptam esse qui rem, si verò insensibilibus consideretur, esse alterationem. Sed si veritas bilance ponderanda est, neque Aristoteles, neque ipse eius interpres problematis solutionem exactè pensitarunt; nam materia morbi, & sanitatis, cum sint affectus, non in passione, sed in motione consistit. Et sicuti morbus, qui causam habet à qua dependet in conseruatione, assidue mouet, sic sanitas pendet ex commensuratione primarum qualitarum, & humorum, quæ causæ semper agunt, & mouent contra operando, ergo sicut morbus communicatur, sic etiam sanitas, cum in motu consistat.

Rursus reddit causam Aristoteles, dum quærit, quare virtus est communicabilis, & non sanitas? Respondet, quia bona corporis imitari non possumus, animi verò maxime. Non quadrat responsio, nam gaudium & tristitia, sicuti in tempestiue adhibita morbum inducunt sic tempestiue sanitatem efficiunt. Præterea. Non solum bona animi, sed corporis possumus imitari, & consequi: nam quemadmodum homo virtuose operando efficitur virtuosus, sic etiam æger ex approximatione corporis sani efficitur sanus; ex complexu enim pueri boni habitus, illi qui habent ventriculum debilem, aut paralyum, tremoremque patiuntur, sanari solent, quam vtilitatem alia vel calidissima medicamenta non præstant: nam si frigidum senem multis vestibus obruas, onerabis multum, calefacies nihil, quia ex nonnisi cohibito interno calore calefaciunt: si linteis calidis inuoluas, is calor citò euanescit: si frices, corpus exoluit. Solus humanus calor, cum diu duret, mitis & suavis, alterum corpus calefacere potest.

## HISTORIA LXVII. GALENI,

### De inappetentia.

Miua cydoniorum, ad deiectam appetentiam, mirabilis.

**N**Os autem & medicamentum, quod ex succo struthionum conficitur, quodque is, qui deiectam habent appetentiam, est accommodatissimum, quum forte in loco conspicuo non esset positum, tandem post annos septem inuenimus, nihil in qualitate mutatum: crustam enim in ore vasculi densam fecerat, cuiusmodi in melle sæpenumero, & aliis quibusdam accrescit. Componitur non ex melle solo, & malorum succo, sed piperis albi habet quidpiam, & zingiberis, & aceti, &c. Galenus lib. 2. de aliment. facult. cap. 23.

### PARAPHRASIS.

**M**alorum cotoneorum multiplex esse genus, Plin. lib. 15. cap. 11. confirmat, quorum omnium succum deiectæ appetentiæ esse ex usu, nullus Medicorum it inficias: austera enim cum sint, adstringunt, ut lib. 4. meth. c. 7. & lib. 4. de comp. medic. sec. loc. cap. 5. comprobauit: quod enim Galenus, veteresque Græci austerrum vocauerunt, id

A stypticum Arabes appellant, ex Auic. lib. 2. canon. tract. 1. cap. 3. Auer. lib. 5. collig. cap. 27. ut cotonea, mali punici genera, & reliqua esui apta, gustuque gratissima, dum modò cum austeritate dulcedinem, aut iucundam aliam qualitatem habeant coniunctam: si namque amaritudinem obtinerent, ut aloë, & ablinthium, ingratiore existerent, quam si solum amara forent: nam dulcia austera moram trahunt, & in parte cunctantur, compressionēque quadam in linguæ intimiora pelluntur: & hæc est causa, quare alimenta melancholica tantopere ad edendū nos inuitent, ut oliuæ, ceruina caro, caro ossibus adhærens, & ex visceribus lien.

Austera ergo contrahunt, constringunt, densant, repellunt, incrassant, refrigerant, exiccant, ex Gal. lib. 4. sec. gener. cap. cit. & Mesue in canonib. vniuersal. theor. 1. Sic melancholicus succus à liene ad ventriculi fundum delatus, frigidus, siccus, terrestris, & austerrus cum sit, ex Galen. lib. 1. de natur. human. com. 39. excitat appetentiam, quia ventriculum constringit, contrahitque, & ipsius os cor rugat, ex Gal. lib. 5. de usu part. cap. 5. in fin. & Auic. 1. 1. doct. 4. cap. 1. Quæ enim hac prædita sunt facultate, ad appetentiam conferunt, ex Gal. lib. 1. de caus. sympt. cap. 7. Explicant Vallesius lib. 1. cont. cap. 20. Laurentius lib. 6. de re anatomic. quest. 26.

Cotonea enim cum sint austera, ex Plin. lib. 23. cap. 6. superiores affectus præstare non est dubitandum. Quare ex Dioscorid. lib. 1. cap. 136. stomacho sunt vtilia, cuius firmitudinem conciliant: cœliacis, dysentericis, cholericis, sanguinem excreantibus sunt ex usu. Exprimitur ex iis succus, qui difficulter vetustatem sentit: cum enim omnes succi frigido, & excrementitio humore abundantes, aciescant facile, ab hac malorum conditione cotonea & struthæa desciscunt, quæ nec fugacia sunt, nec facile degenerant in acorem. Sic vinum quod ex iis tuis, expressisque sit, tandiu durat incorruptum, sicut & oleum, quod communi vocabulo melinum vocatur.

Cotoneorum caro per cribrum translata, & saccharo condita, ad ignemque artificiosè præparata, easdem præbet vtilitates. Alij ex succo cotoneorum, & saccharo conditum efficiunt, ventrisuauē, quod eius vires placide roborat, & appetitum exiccat: in quos usus aromata miscunt; sit enim iucundius euadit, & ad vigorandum ventriculum magis aptum. Neque rimendum quod medicamentum ex permixtis aromatis caput tetter, quoniam à succo malorum in ventre detenta, non ita effumant in caput, quod obtrudit Vega lib. 2. art. medic. sect. 3. cap. 6. nam quum parum sit quod additur, & à succi partibus crassis vis calida aromatum retundatur, hoc incommodum timeri non potest.

Eligantur mala rotunda, parua, & odora, quæ struthæa dicuntur. Si verò Dioscorides magna eligenda consulit ad edendum intelligas: nam cum ante maturitatem maxima austeritate polleant, potentissimè adstringunt. Nihil æquè imbecille ventriculum à causa calida firmat, ac vltus miuæ vocatæ cydoniorum, ut è Galeno colliges lib. 6. de sanit. tuend. cap. vlt. Sed ipsum de simplici intelligito, quam parat Galenus ex succo cydoniorum, aceto, ac melle decoctis; nos verò è saccharo eadem paramus. Alia dicitur cum aromate, quæ cum melle, zingibere, vino, & aliis aromatis parari solet; vtraque ventriculum roborat; hepar, & cætera viscera firmat; suscitatur appetentiam; coctionem iuuat; vomitum, & alui profluuium cohibet: præcipuè verò si zingibere conditur, quod ad flatum discutiendos mirum est auxilium; flaccido deinde ventriculo, & cruditati ex humoribus pituitosis contractæ summopere opitulatur. Quocirca oculorum caligines ex densis, crassisque humoribus ab stomacho sursum elatis naras depellit; vliginosum vltumque ventriculum emendat; quem vehementi dolore ob pituitæ copiam oppressum, crebrisque ructibus infestatum leuat, & refocillat. Additur acetum ad penetrationem, cuius loco substituitur vinum. Quæ autem quantitas debeat esse mellis, sacchari, aceti, aut vini ad succum, ostendit Haly lib. 10. praxis, cap. 20. & exemplificant Ludouicus Veles, & Bernardus Deslénus tract. de syrupis, & non siluit elegantissimus Nicolaus Fontanus lib. instir. pharmaceuticar.

*pharmaceuticar. sit. de Sympis.* Tu verò de cydoniorum vi, ac facultate, lege quæ graphicè conscripserunt eruditissimus Ludouic. Nonnius *lib. 1. de re cibaria, cap. 30.* Petrus Lopius *lib. de sex rebus non naturalib.* qui lectissimo poemate eorum admirandam præstantiam patefacit. De horum alexiteria vi aduersus venena, miram protulit historia Philarcus *lib. 6. Histor.* eam refert Athenæus *Deipnosoph. 3. lib.*

## HISTORIA. LXVIII. TRALLIANI, De fame canina.

Fames canina, ob lumbricum 12. cubitorum concitata, hieræ beneficio perfanata.

**N**Oui mulierem quandam, quæ cum multa & immodica assumeret, omniâque concoqueret, & nunquam satiari se diceret, rosionem vero in stomacho experiretur, & capite doleret pulverem purgatorium accepit: erat autem is, \* hiera. Facta autem vacatione vermem proiecit, qui longitudine 12. cubitos, & plures habere putaretur, atque tunc immoderata, & furiosa appetentia conquieuit. Innotuit igitur non bulimon, sed bestiam fuisse, quæ ad cibum sumendum compelleret, omniâque consumeret, &c. Alexander Trallianus *lib. 7. suæ Medicinæ, cap. 4.*

### D V B I V M XLI.

An canina fames à vermibus aliquando  
ortum ducat.

### PARAPHRASIS.

**C**Aninam famem à vermibus, præsertim maximis latissisque oriri, auctor est Galenus *lib. de theriac. ad Pif. cap. 15.* hi enim susceptum alimentum deuorando, insatiabile comestionis faciunt desiderium, & nisi corpus cibum assumpserit, intestina rodantur est necesse, auctore Paulo *lib. 4. cap. 57.* quod enim viuificatum est intestinis, ubi recens exhibitum cibum consumpsit, postea ipsa solida corpora artodit, vt refert Aëtius *terrab. 3. serm. 1. cap. 40.* summè igitur vires comminuunt hæc animacula, ex Gal. *lib. 3. acut. com. 54.* corpusque extenuant & labefactant, quoniam alimentum, substantiam corporis nostri aliturum depopulantur. Auic. *1. 3. tract. 2. cap. 12.* asseruit, famem caninam sæpe fieri ob vermes, & serpentes longos, quum subito incipiunt venire ad comesta, & appropinquant eis, & dimittunt corpus, & stomachum famelica. Scribit Nicol. *serm. 5. tract. 4. de dispositionibus stomachi, cap. 32. de appetitu canino.* se vidisse Florentiæ mulierem quandam, quæ propter vermes plurimos, quos habebat in ventre congregatos, non stabat vna hora inter comestionem, & comestionem, & si propter aliquam causam dimittebat cibum vna hora, vehementer cruciabatur, vnde pluribus vicibus de nocte surgebat, & comedebat, & finaliter sumptis pilulis, ex Colocynthide, emisit phlegmata multa grossa, & vermes in pluribus diebus ultra centum longos satis, & cessauit ab ea aperitus ille.

Mirabile est, quod hoc loco enarrat hic auctor, nempe foeminam hanc, vermem 12. cubitorum expulisse. Quæ nouitate adductus Matth. *lib. 9. ad Almans. cap. prop. de vermibus,* legit (duos cubitos) quanquam superiori lectioni potius sit adhibenda fides, prout Gentilis, & Simon Genuensis fidentissimi eius interpretes contestantur, & fide digni auctores confirmarunt. Narrat Ioannes Michaël Paschal. *lib. 1. meth. curand. morbos, cap. 33.* puellam fame canina laborantem sanitati fuisse restitutam, verme 12. cubitorum, medicamenti purgantis ope, eiecto, Scribit Gesnerus *lib. 3. epistol. ad Fabricium, pag. 90.* se vidisse non semel lumbricos, 13. cubitorum expulsos. Refert Rondel. *lib. de dignoscend. morb. cap. 17.* vxorem cuiusdam mi-

Lib. 11.

litis ex esu alliorum reiecit vermem duorum cubitorum.

**Q**uare non dubites de Tralliani dicto, nam in multis Iudit aliquando natura, occulto quodam operandi modo, mira & prorsus incredibilia efficiens. Membranam enim tenuem, & valde longam, palmarum viginti, & paulo post alteram longitudinis palmarum octo, eiectam testatur vidisse Valleriola *lib. 1. obs. 9.* quod antea significauerat Plin. *lib. 11. c. 33.* Legimus apud Gabucinum *lib. de lumbric. c. 13.* Recinæ Picentum, puellum, annum secundum, ac menses quatuor suæ ætatis agentem; egressisse latam taniam, integram, miræ planè longitudinis, rostro acuto, acus piscis more præditam, quæ mouebatur, ac sese contrahēbat, lumbricorum terrestrium more. Cornarius *lib. 2. Gal. de compos. medicam. sec. loc.* vnum se vidisse firmat lumbricum, longitudinis cubitorum decem. Et Alex. Benedict. in proæmio *lib. 2. 1. præf.* se vidisse, longitudinis 15. pedum: Et quatuor cubitorum conspexisse referunt Beniuen. *de abdit. cap. 87.* Manard. *lib. 3. & 4. epistol. 1.* Gabucin. *cap. 3. de lumbric. Amat. 6. centur. curat. 74.* Nicol. Monardus *3. simp. cap. de verbera,* Felix Platerus *lib. de obser. prop. & alij,* qui de lata tania diligentissimè conscripserunt

**Q**uapropter summa cum ratione asserendum est, lumbricum hunc in ventriculo non fuisse pronatum: sed fuisse latum lumbricum, qui teste Paulo *lib. 3. cap. 57.* mutatio est adnatæ interiori intestino membranæ, in materiam animalis modo mobilem, quæ sæpe tota redditur longitudine incredibili. Hic vermis, tania à multis vocatur, continuos stomachi dolores infert, & ad cibos incorrigibilem appetitum: consequitur affectus corporis gracilitas, & imbecillitas cum tarditate, assiduusque famis sensus, vt citato loco retulit Aëtius. Hæc ergo tania in ventriculo suæ generationis non habuit principium, cum tantæ esset longitudinis, & à natura, ac capacitate ventriculi aliena valde, ab intestinisque eò ascendisse ad capiendam escam verisimile est. Num autem verum sit Pauli, Aëtij & aliorum dictum, putantium latum lumbricum esse intestinum interiorem tunicam, conuersam in figuram animalis; an potius sit animal ex humiditate oblita ipsis intestinis, hoc est, ex crudo, mucilaginosoque humore ad tuenda ipsa intestina ab asperitate stercoris à natura ipsis donata, generatum, disputant contra Paulum Amatus *lib. 1. centur. 6.* Mercurialis *lib. 3. de morb. puer. cap. 7.* Auic. *16. 3. tract. 5. cap. 2.* illi suffragatur sententiæ, vt dicat, latum progigni ex ipsis viscositatibus, fixis in superficie intestinum, quas comprehendit panniculus mucosus velans eas, quasi ipsi generentur ex eo, & in ipso putrescant, quod veritati consentaneum est: nam natus lumbricus etsi rarissimus sit, ex eadem materia, ex qua cæteri fiunt, originem ducit, & in intestinis, in quibus datur locus capax, & spatium idoneum, generatur solum.

### Observatio XI.

#### Tania admiranda.

**P**Ver quidam in 13. ætatis anno constitutus, quum vermibus esset obnoxius, vno die immani ventriculi dolore concutitur, qui ad duas horas ita increuit, vt ob dolorem ipse moriturus speraretur, præcedentibus syncope, animi deliquio, & anxietate summa. Colicum dolorem suspicati Medici, clysteria parant, vomitum procurant, ventriculo admovent cataplasmata, & alia anodyna, quæ status discuterent, lenirent dolorem, pituitosumque humorem per sedem vacuarent. Omnia frustra. Superueniens ego, qui eundem puerum sæuissimis doloribus confictum antea curaueram, omnem curam direxi ad enecandos vermes, quorum excretionē dolor antea semper conquieuerat. Sed cum multa bi duo offero auxilia, nihil profeci. Ager viribus iam exhaustus, vigil, & inappetens ad oblata præsidia erat immorigerus. At cum sitibundus esset, vinum album obruli, lymphatum cum aqua prius ligno colubrino decocta, & cum succo alij sicci, & d. 1. theriacæ antiquæ medicatum. Post horam ab haustu aliquantisper quieuit.

C c 2

Post

Post quatuor horas excrenit per sedem præuiis torminibus diuisa, membranam latam (tæniam diceret) longam palmos viginti quinque, crassiusculam, quatuor digitorum latitudine, rubro & nigro colore infectam. Hæc injecta in phialam aqua plenam sese contrahebat. Hæc ergo expulsa puer conualuit: in posterum à tanto malo Absynthii vini beneficio præseruatus.

Non nego etiam in ventriculo vermes gigni posse, quidquid contra sentiant Gabucinus *lib. de lumbric. 8. in med.* Vallesius *in com. Arist. Mercurialis loc. cit. cap. 3.* fulci Arist. auctoritate *lib. 4. meteor. cap. 3.* qui eos in ventriculo gigni non posse, conceptis verbis affirmat quorum sententiam Amatus *loc. cit.* Altimarus *cap. 81. de lumbricis.* Donatus *lib. 4. de histor. mirabili, c. 26. prope fin. amplectuntur:* nam Philosophus est intelligendus de ventriculo sano, in quo non inest putredinosus calor, agens in materiam putredini obnoxiam, & ex qua possunt procreari vermes, quæ cum tenax sit, mucosa, & lenta, ventriculi tunicis hæere potest, quod negabat Gabucinus, explosus antea à Conciliatore *dis. 101. Sauonarola tract. 6. cap. 6. & alii.*

Nam si calor extraneus, in materias aptas generationi lumbricorum, quocunque loco sint positæ, ita agere potest, ut putrescant; non video, cur in qualibet corporis parte huiusmodi animalia procreari non possint, quidquid partes vitales excipiat Conciliator loco nuper citato, quem coarguit illustrium Medicorum experimentum: nam in pulmone genitos, & per tussim excretos videre Mundella *dialogo 4. Beniuen. cap. 77. de adhibitis*, Fernel. *lib. 6. patholog. cap. 10.*

Deinde si in variis corporis partibus ij innascuntur, cur ipsos in ventriculo progigni dubitabimus? Auic. *lib. 3. tract. 2. cap. 3.* ex sua, & aliorum sententia, eos in anteriore capitis parte oriri affirmat. Consentunt Rasius *lib. 1. continent. 9.* Nicolus *serm. 5. tract. 7. cap. 53.* Arist. *lib. 2. de histor. animal. cap. 15.* In cerebro ex frequenti odoratu basilici herbæ vermem natum vidit Hollerius, *lib. 1. de morb. cap. 1.* Beniuen. *de abdit. cap. 100.* Cornel. Gemma *2. comoscrit. 4.* Trincauel. *lib. 9. de curand. affect. 11.* Duretus *in cap. Holler. cit. Fernel. 5. patholog. 7.* In dentibus ex humore ibi putrescente generari, auctor est Alzaharavius *tract. 7. pract. cap. 4.* In auribus, vidit Vallesius in suo *Philonio, cap. de lumbricis.* Curationem verminationis in auribus, proponunt Celsus *lib. 6. cap. 7.* Paul. *lib. 3. cap. 23.* Tral. *lib. 3. cap. 6.* Auic. *4. 3. tract. 1. c. 23. de aurium vermibus.*

Per vrinam expulsos vidisse, testantur Mercurialis, *lib. 1. Gymnastica, c. 7.* Rondeletius *lib. de dignoscend. morb. cap. 17.* Dodonæus *in schol. cap. 77.* Beniuen. In Hepate vidit Gemma *lib. 2. comoscrit. cit.* In vtero gigni fatetur Hip. *lib. 7. epid. in historia filij Diui:* quorum copiam per vteri collum excretam vidisse, refert Garzias Lopijs, *de varia lectione cap. 13.* In corde enasci, mirabili quodam exemplo ostendit Ioan. Hebenstreit. *in suo libello de peste:* & Stockerus, Petrusque Sphærierius, citari ab Schenckio filio *lib. 2. obseruat. de corde, id confirmant, & nos exemplo quodam admirando notauimus lib. 1. de praxi Medica admiranda, obs. 139. de verme cardiaco.*

Denique si in omnibus corporis partibus vermes gigni possunt, cur non in ventriculo, qui omnis impuritatis seminarium est, atque origo, materiæque pituitosæ receptaculum existit? Si tamen historias mirabiles, & monstrosas vermium legere concupiscis, adi doctissimum Beniuen. *lib. de abdit. cap. 2. 85. 87. 92.* Gabuc. *loc. cit.* Amat. *6. cent. 3.* Paræum *lib. 19. de infant. variol. cap. 3. & 4. lib. nost. 2. de praxi admiranda, ab. obser. 3. 8. usque ad obser. 44.* Forest. *lib. 21. obseruat. 26.* Num autem aliquod signum certum sit lumbricorum, qui in hominis ventre generantur, disputant Syluaticus *cont. 32.* Trincauel. *lib. 1. conf. 24.*

Plurima sunt, & propemodum infinita, quæ ab auctoribus ad vermes enecandos proponuntur auxilia, inter quæ primum locum obtinere amara, ab iisdem rata quadam lege sancitum est, quod longa diseratque oratione proponit Galenus *lib. 4. simpl. cap. 20.* in hunc modum: *nam amara minimè omnium putrescunt, minimèque*

*vermes, aliæque nonnulla animalcula; qualia in radicibus, herbisque ac fructibus putrescentibus prouenire solent, procreant: maximè neque videmus in humidis nasci corporibus vermes ac putrilaginem. At quæ exactè amara sunt (voco autem sic ea, quæ nulla sensu notabili alia participat qualitate) omnibus propè animantibus, nedum hominibus, esus inepta sunt: quippe cum animal omne plus minisque sit humidum; amara autè sicca, haud aliter quam cinis & puluis. Itaque nec cinerem, nec puluerem, nec fauillam, nec calcem animal vllum esitat, nec eorum quæ planè amara sunt, quidpiam. Quod deinceps lacus asphaltitis, seu bituminosi exemplo ostendit, in quo ob amaritudinis nimietatem, nullum nec animal, nec planta inesse conspicitur: imò cum duo in eum fluy confluant longè maximi, pisciumque copia scatentes, præcipuè qui prope Ierichontem fluit, quem Iordanè nominant, nullus omnino piscium fluuiorum ostia excedit: ac si captos quis in lacum iniiciat, celeriter mori conspiciat, &c.*

Hoc ipsum infra manifestè confirmat, dum sic inquit: Adeo est omnibus tum hominibus, tum plantis inimicum quod exactè amarum est, & quod squalidum pariter, ac siccum est, atque natura velut fuliginem ab assatione referens. Quare Auic. *lib. 2. canon. tract. 1. cap. 3.* amarum ait, est grauis substantia sicca, & propterea ipsius purum non recipit putrefactionem, ex qua animal generetur, nec purum ipsius nutrit animal, &c. Cui sententiæ subscribit Auer. *lib. 5. collect. cap. 27.* dicens: *In aqua maris, quæ est multum amara, non potest viuere aliquod animal, propterea quia amaritudo est in extremo, nutrimento animalium aduersa, & est dulcedini contraria propter siccitatem solum, ob idque interficit infantes, quando multum ea viuuntur, eò quod sunt in ultimo humiditatis; & vniuersaliter non ingreditur natura amaritudinis in re cibali, quia illa non est nisi medicinalis, & dulcis ingreditur in cibis, & medicinis, &c.*

Cum ergo ex genere eorum quæ tota substantia præter naturam sunt, vermes existant, siue ascarides, & helminthes, siue teretes, siue etiam lati; diræque ac horrenda, imò miseranda mala secum afferant eos prorsus, è corpore expellere opus est. Expelles autem, si prius enecaueris, ait Gal. *14. meth. cap. ult.* Necabis autem amaris medicamentis, tum quoniam hæc vermibus sunt infesta, tum quod ea esculenta non sint, ex Galeno *lib. 4. simp. cap. 9.* ac idè iis assumptis moriuntur vermes.

Inter amara principatum obtinet hiera, quam obtulit Trallianus ratione summa, ut ventriculi rofionem, capitisque dolorem compesceret, vnaque humores in tunicis ventriculi immerfos expurgaret, quod medicamentum esse huic vsui præstantissimum, tener Galenus *lib. 8. de compos. medicamentor. sec. loc. cap. 11. & lib. 6. de sanit. tuendi. cap. 2.* quod sacrum & amarum veteres appellarunt, ut refert Galen. *lib. de præcognit. ad Posthum. cap. 11. in init.* quibus locis varias refert hieræ descriptiones, quas Aloë, medicamentum amarissimum, & necandis lumbricis aptissimum adornat. Insuper vi etiam purgatrice vna cum stercore pituitosam materiam euacuat, & generationi vermium fomitem subtrahit, ut notauit perdoctus Thomas Moufetus *lib. 2. insectorum, cap. 33. de curatione lumbricorum.*

Vnum aduertas quæso, quod monuit eruditissimus Septalius *lib. caution. num. 109. & 120.* ut postquam medicamenta ad enecandos vermes per os fuerint exhibita, illicò propinentur, quæ è corpore eos propellant: nam retenti vermes putrefactione sua, tetroque vapore partes superas inficiunt, & grauissima symptomata concitant: quibus, hoc est, virtute enecante, & expurgante, cum Aloë prædita sit, non est mirandum, bestiam hanc huius medicamenti ope interfectam. Hoc auxilio fuisse per aluum aliam feram excretam, narrat Montanus *lib. 4. anasceues morbor. cap. 19.* Loco Aloës, proximum est Absinthium, Ponticum præsertim: non enim solum amarore vermes interficit, sed ventriculorum, & intestina à copia mucosi humoris exonerat.



## Observatio XII.

*Vermis admirabilis Absynthij ope interfectus.*

**I**ntolerabili ventris dolore premebatur quadragenarius alternis diebus, à quo factis variis præsiidiis vix leuari potuit. Ecce vno die, ita truculento premitur circa os sacrum cruciatus, ut ob doloris sæuitiem, sine pulsu exanimis redderetur. Eo die multa parantur medicamina, fomenta, infusus, emplastra, clysteria, quæ status discuterent, & pituitosum humorem exhaurirent, sed incallum omnia celebrata: nam dirus dolor auxilia temnens, pubemque occupans, præuia lipothymia hominem ad mortis fauces penè deduxerat. Iterum inter Medicos consilium adhibitum. Hi cum vermes adesse suspicarentur (nam æger in pueritia iisdem doloribus afflictus eos excreuerat) ad hos enecandos præsidia triduo præscribuntur. At multis tentatis, pericax malum solum Absinthij efficaciam succubuit: nam ex puluere eius tenuissimo cum Symplo eiusdem Absinthij paratæ decem pilulæ cicceris magnitudine, & deuoratæ ieiuno ventre feram enecarunt. Hæc post duodecim à pharmaco assumpto horas expulsa est per sedem mortua, palmi longitudine, pollicis crassitie, alba, & toto corpore lanugine obsita, in cuius fronte aderant cornicula duo tenuia cochlearum instar, qua excreta æger reuixit.

## D V B I V M XXXVII.

*Quod dulcia, tam ad præseruationem, quàm ad curationem lumbricorum reproba sint. Contra Gabucinum doctissimum.*

## COMMENTARIUM.

**H**iera.] Legebam nuper ingenti studio aurea Hipp. scientissimi opera: indidem quum alia præclara præscripsi, quæ mihi egregiè suffragata sunt, illud fuit percelebre, quod l. 4. de morb. num. 43. manifestè asseruit, ex lactis usu propter dulcedinem vermes generari. Ratio firmata: nam si amara eos interficiunt, dulcia eos progignunt; nam eorum generationi materiam subministrant, eosque genitos sua dulcedine fouent, & alunt. Vnicuique enim animali concessum est, dulcibus & iucundis delectari; nam succus dulcis gratissimus est, & nutriendis corporibus summè familiaris, ex Gal. lib. 1. de caus. sympt. cap. 6. quoniam dulcis sapor ex caliditate mediocri, & substantia non admodum crassa ortum ducit; quare linguæ appositus moderatè aperit, modicè calefacit ac humectat, & citra violentiam apertos linguæ meatus subintrans, diu ibi manet; quo fit, ut natura hæc temperie gaudeat, plurimumque oblectetur. Quapropter omnium quæ nutriunt, communis dulcedo est, ex Gal. lib. 4. simpl. 14. & 5. eiusd. cap. 5. & lib. de alimentor. facult. cap. 64. nam nutriendis, aut plus aut minus est dulce, cum hoc sit maximè naturæ delectabile, ex Auic. lib. de virib. cord. tract. 1. cap. 9. idque appetitus sanus promptissimè eligat, ex ipso 13. 3. tract. 1. cap. 17.

Cur verò hoc ita accidat in eodem, de facult. natural. lib. cap. 10. causam attulit Galenus, dicens nutritionem esse vacuati repletionem: atqui quod vacuatum est, familiare erat: quamobrem quod nutrit familiare sit necesse est. Hac ergo dulcedine allecti lumbrici, huc illucque per corpus insilientes oberrant, ut ea frui possint, in qua cursitatione vellicant intestina, & ad ventriculum capiendæ esæ causa ascendentes, pungunt ægros, lacerant, atque excruciant.

Quod verò dulcia ad generandos vermes sint aptissima, patet; nam ea succos crudos gignunt, quos esse materiam, ex qua promptissimè horum animalium generatio consistit, docuere Gal. 3. aph. com. 26. Paul. lib. 4. cap. 57. Aëtius tetrab. 3. sermon. 1. cap. 39. Auic. 16. 3. tract. 5. cap. 2. Auenzoar. lib. 2. tract. 7. cap. 22. Columel. lib. 6. cap. 26. Serap. tract. 3. cap. 3. Haly 9. theoric. cap. 28. Arist. Lib. 11.

**A** lib. 5. de natur. animal. cap. 19. qui omnes ex cruda, crassaque materia, putredini accommoda generari vermes libentissimè concedunt: quorum sententiam vnanimis Medicorum confirmauit opinio, vno excepto Montano part. 2. Medicin. lib. 1. de facibus, in med. quem sequutus fuit Marcel. Donat. lib. 4. de hist. mirab. cap. 26. in med. qui ab omni humore animalia hæc posse gigni asserere cum illo ausus est, quorum argumenta ad plenum soluit Mercurialis lib. 3. de morb. pueror. cap. 4. & non siluit Gabucinus lib. cit. cap. 7. quidquid contra sentiat Sanctior. Sanctorius lib. 5. de errorib. med. 11.

Dulcia autem crassi succi esse, & ad crudorum succorum generationem aptissima, ex Galeno constare arbitror, qui lib. de succor. bonit. & vitio, cap. 4. in fin. Illud de dulcibus, inquit, ac crassi succi edulsi sciendum, ac memoria seruandum, horum scilicet succo, iecoris ac lienis vias impediri: quod si viscera phlegmone præterea laborare ceperint, hanc ipsum valde augent. Ratio est quoniam dulcia ut plurimum crassæ sunt substantiæ, eo quod per decoctionem dulcedinem acquisiuerunt, quæ teste Philosopho lib. 4. meteor. cap. 4. omnia incrassat. cogitque, & viæ per quas debent permeare sunt angustissimæ, & quæ in hepate, ex amplis portæ ad iecoris gibbas procedunt, per quas eorum omnium, quæ in corpus vniuersum distribuuntur, transumptio fit: quapropter in iis maximè impinguntur, quoniam substantia crassa in itinere angusto facile hæret.

His accedit alia potissima causa, quoniam ut amara, acerba, & acida non solum ori, & palato, verum aliis plerisque visceribus sunt iniucunda: ita dulcia, incunda ac grata illis existunt; ut ab ipsis sæpe intempestiuè attrahantur. Hæc omnia adamussum, diligentèrque complexus est Auic. 3. 1. doct. 2. cap. 7. dicens: *Res præterea dulces ad obstructions faciendas sunt veloces, quoniam eas natura attrahit, antequam concoquantur.* Et 14. 3. tract. 1. cap. 20. sic ait. *Dulcia conueniunt hepati, quare impinguntur, & magnificantur, & confortantur: verum velocia sunt ut faciant euenire obstructions, propterea quod hepar attrahit ea impetuose, associans ea humoribus aliis; & propter hoc oportet, ut vitet dulcia ille, qui habet apostema in hepate suo, &c.* ex quo fit manifestum, vitium omnibus dulcibus, tam crassis; quàm tenuioribus inesse, quod viscera obstruant, quemadmodum docuit Gal. lib. 2. de alim. facult. cap. 8. & 26. In hunc sensum intelligendus est Galenus 13. meth. c. 14. dicens, *dulcibus omnibus tum iecur, tum lienem maximè intumescere:* quum enim illis viscera delectentur, plurimumque celeriter attrahant ex Gal. lib. 3. acut. com. 11. incocta à ventriculo rapiuntur ad venas, & sic præ crassitie obstruunt: sunt enim cruda adhuc, & incocta, atque ob id promptè obstruere possunt.

Deinde. Sub pingui sapore dulcis continetur, ex Gal. lib. 6. epid. sect. 5. com. 14. Pingue autem, oleosum, seu vinctuosum, Gal. teste lib. 5. simpl. 16. & Mesuè lib. 1. de re Medic. theoremat. eodem, laxat, molliat, abominabile est & nauseabundum, statûque gignit, obstruit, & ut scribit Rasis lib. 3. ad Almanf. cap. 1. ventriculo incommodum est, quoniam stomachum emollit, & ventrem fluere facit, ac satietatem affert, antea quàm homo cibi quantitatem sibi necessariam assumat. Quod multò antea docuit Galenus lib. 1. de aliment. facult. cap. 30. dum sic inquit: *Sesami semen pingue est, ideoque reposum celerrimè fit oleosum, quamobrem eos qui ipso vescuntur, celeriter implet, stomachumque subuertit, ac tardè concoquitur, pingueque corpori præbet alimentum. Liqueat ergo quod ventriculi partibus vigorem, ac robur addere nequit quemadmodum neque aliud quoduis pingue, &c.* Addit Rhases, vinctuosa & pingua pituitam augere, & Auic. 13. 3. tract. 2. cap. 9. obstruere posse affirmat: quæ causa est, cur illa plerumque à ventriculo dilabantur incocta, ut notauit Ishac lib. diet. vniuers. sect. 18. & lib. partic. cap. de pinguedine. Quapropter cum dulcia pingua sint, & pituitam gignant, crudorumque succorum copiam coaceruent, lumbricorum generationi sunt aptissima.

Gabucinus lib. cit. cap. 7. in fin. dulcia quæ dulcia sunt, lumbricos non posse procreare affirmat, eo solum ductus

argumento, quòd constet eo temperamento, ut faciliè in quouis corpore in bilem conuertantur, quæ generationi vermium est inepta. Quum enim à calore temperato dulcis fiat sapor, eoque vel inuito, vel adicitio; proprio quidem veluti mel; adicitio verò, veluti sunt omnia, quæ ab igne præparantur; ac proinde dum calida sunt iis suauiora, quibus nutritione opus est, apparent: si dulce quidquid sit, venter commutare & concoquere debet, sui calore idiolum alterare necesse est; quod tunc vltiori decoctione saporem adipiscitur amarum: hic verò bili rufæ similis cum sit, facillimè in ipsam commutatur. Quum igitur ex bile nullum nec intus, nec extrà procreari animal possit: reliquitur, ex dulcibus rebus lumbricos procreari non posse.

Secundò. Dulcis sapor positus est in quadam partium, & succorum temperie, quum calore modico exactè permiscente, & concoquente oriatur, ex Galen. lib. 4. simpl. cap. 7. vbi temperies adest, putrefactio esse non potest: ergo dulcia hac mediante lumbricos procreare nequeunt.

Sed reiicienda est opinio hæc, ab Hipp. mente, communique Medicorum experimento aliena. Ille enim in lib. 4. cit. de morb. ad fin. de tertia specie lumbricorum faciens mentionem, latos, & rotundos, in intestinis infantium in vtero matris ex humore dulci putridoque ibi retento gigni asseuerat; quæ causa non solum in his, sed aduolentibus materia poterit esse generationis vermium: hoc methodus curatiua expressè confirmat, quæ per amara, acida, ac detergentia exercetur.

Neque eius argumenta quidquam concludunt: Licet enim dulcia in bilem conuertantur, quæ lumbricorum generationi est aduersa, illa non in omnibus corporibus, sed in calidis & picrocholitis naturis, hoc est, amaram bilem coaceruantibus, propriè in bilem conuertit; est asserendum, cum Gal. 1. de cris. cap. 12. §. In commentariis de potentiis naturalibus ostendebatur, quidquid alimenti supra modum calefit, præsertim si pingue, ac dulce fuerit, uerri in amaram bilem, &c. idem prædixit 2. de facult. natur. cap. 8. & lib. 6. epid. sect. 5. corp. 14. Imò, si fides est habenda Gal. lib. 3. acut. com. 11. & Auic. 1. 3. tract. 1. cap. 20. dulcia, præsertim in morbooso statu, & iecore phlegmone oblesso, in bilem conuerti asseremus: sic enim Galenus: *sensio verò manifesta continuò efficitur, & in ventris ore, quod dulcibus assumptis delectatur, modo animans secundum naturam habueris. Viscera igitur hoc pacto dulci gaudent succo, plurimumque ipsius celeriter attrahentia, cum valent frui, alique cum verò febriunt, & phlegmone obsidentur, in id quod biliosum est, dulcem succum conuerrere par est, &c.*

Infantium autem, & puerorum corpora, in quibus ob multas causas vermes generantur, non sunt de illorum natura, quæ amaram bilem acernare consueuerunt, cum humidissima sint; in his enim cruda, crassa, pituitosaque materia, & putredini accommoda colligitur, ut cit. loc. Paul. confirmat. Addiderim, dulcia secundum partem pinguiorem, & magis æreæ in bilem degenerare in calidis naturis: (qua ratione sitim excitant) hoc enim modo ær sit ignis propter mutuum naturarum symbolum: Sed dulcibus multò magis acria, flammam veluti referentia, & amara atque salsa carboni similia, in bilem vertuntur, propterea quòd dulcibus multò sunt calidiora, & maiorem cum bile obtinent consensum. Crassa autem dulcium pars, tum lentore suo, tum, à partibus in tempestiuè attracta, & crudior remanens, vermium generationi in omnibus naturis est aptissima. Vide Ioan. Matth. Herbornens. in centur. difficult. 35

Quod verò addit dulcia esse modicè calida humida, & temperata, verissimum est, attamen corrumpi sæpe non est denegandum. Ea enim quæ calida humida sunt, facillimè corrumpuntur, ex Gal. lib. 11. meth. cap. 4. & alibi passim: quum enim cruda ob rationes dictas permaneant, à naturæ regimine derelicta, & non gubernata, putrescunt, & materiam vermium idoneam subministrant. Patet in sanguine, qui licet temperatus, modicèque calidus & humidus existat, tamen putrescit & corrumpitur: imò quando dulcia temperata corrumpuntur,

A in maiorem abeunt labem ac putrefactionem, ex Galen. lib. 6. de loc. cap. 5. Sic dulce nutriendum corrumpit sanguinem aliquando, ex Auic. 3. 1. doct. 2. cap. 7. §. Scire præterea debes, quòd dulce nutriendum capis natura, antequam marcescat, & digeratur, & corrumpit sanguinem, &c. Ratum ergo & firmum sit, dulcia ad vermium generationem esse promptissima, ipsosque genitos alere, & nutrire. Lege, si placet Iouertum, in com. cap. 8. Gal. de naturalib. facult. lib. 1. Ioan. Brauum in com. 18. sext. Hipp. lib. 2. pronost. Et Mercurial. lib. 3. de morb. puer. cap. 4. de causa materialis lumbricor. qui de argumento hoc, licet non ita distinctè, & vbertim non inutilia literis consignarunt.

B

## HISTORIA LXIX. GALENI, De fame canina

Fames canina, copioso vini generosi  
potu, curata.

Quidem multos ipse sanauit, qui indesinenter famegebant,  
vinum ipsis abundanter exhibens, ex eorum genere quæ  
\* sufficienter calefaciunt, &c. Galenus lib. 2. aph. com. 21.

### DVBIVM XXXIX.

C

Num solus ventriculus, an membra etiam  
famefiant.

### PARAPHRASIS.

D

Galenum Pergamenum, quem vnice mirantur omnes, & alieni, nostrique auctores celeberrimi laudibus efferunt vbertim, in lib. 1. de symptom. caus. cap. 7. post princip. eleganter de fame naturali disceptasse, illustris explanator Valleriola in com. conscripsit. Ad famem enim naturalem excitandam quinque necessariò concurrunt symptomata. Primum est naturalis partium inanitio ex auctione innati caloris in humidum. Secundum est partium naturalis appetentia ad refarciendū in quo inanitum est; nam membra vegetabili potentia attrahunt à propinquioribus partibus, donec ad ventriculum perueniunt sit. Tertium est succus ventriculi, ab eadem vegetabili potentia exortus. Quartum sensus illius suctionis. Quintum est animalis appetentia ad cibaria externa. Ex his omnibus solum quartum, sensum scilicet suctionis, vocat Galenus famem.

E

Hæc tamen sententia à multis non recipitur: Opinantur enim famem, esse vltimum symptoma, animale videlicet appetentiam ad cibum externum: nam Arist. lib. 2. de anima, cap. 3. affirmat famem esse appetitum calidi & succi, sitim verò frigidi & humidi. At Galeni sententia magis placet: quoniam fames est res molestissima, & multi fame perierunt, quæ omnia de animali appetentia nequeunt enuntiari. Aristot. verò de finiuit famem per causam finalem, & à posteriori: Galenus verò per efficientem, & formalem. Differt enim animalis appetentia à priori naturali appetentia, ut docet Gal. lib. 1. de sympt. caus. cit. quòd illa sit opus facultatis animalis, hæc naturalis. Differt etiam à sensu suctionis, ut deducitur ex Arist. lib. 2. de anima, cap. 3. vbi distinguit appetitum à sensitiuo, demonstrans diuersa esse appetere, & sentire: ex qua doctrina patet solutio ad illam difficultatem, qua quæri solet, verum fames sit affectus naturalis, vel animalis? Respondet Gal. loc. cit. de caus. sympt. post. princip. §. Cum enim opus hoc vniuersum, &c. dicens, affectum esse naturalem, sicut in plantis; differunt tamen, quia in animalibus sit cum sensatione, in plantis verò sine eam plantæ sunt terræ affixæ, & sic perpetuò habent paratum alimentum, in animalibus contrà se habet: quoniam fuit necessarium quod haberent hanc indigentiam, ut ad percipienda alimenta mouerentur.

Rimatur Thomas à Veiga, in com. cap. 61. lib. art. medic. Galeni,

*Galenus*, cur non sentitur fames in membris, sed in solo A ventriculo, siquidem in illis sunt causæ famis, defectus alimenti sentiendus, & facultas sensura? Respondet *Turisanus in com. cit. loc. Gal.* dicens in ventriculo suctum, & sensum suctionis, ab una fieri facultate mixta, qua reliqua membra carent, & cum non posset explicare hanc virtutis mixtionem, dixit, *hunc mixtionis modum solus cognovit Deus sublimis, & excelsus*. Veiga *loc. cit.* dicit causam esse, quia non adest in membris solutio, quæ cum dolore sentiatur: vasa enim facile cedunt membris trahentibus, & sic non soluitur unitas. Rursus iecur cedit valis, & iecori ventriculus, in quo tanquam in postremo tantum persentitur solutio, & sensus suctionis, quoniam ibi non est aliud membrum quod in suctione cedat.

Sed si hæc omnia adamussim contempleris, Gal. amplissimus Medicinæ Oceanus dubium perstrinxit. *lib. 9. de usu part. cap. 11. §. Postremo etenim quod ventriculo, &c.* quo loco, in ventriculo reperiri prædictum sensum deficientis alimenti arbitratur, propter exactissimum & acutissimum sensum, quo prædictus est, & præsertim eius os. Secundum hanc rationem *lib. 4. simpl. cap. 1.* ipse asseuerat, linguam ob sensus acutiem, omnes saporum differentias percipere. Ad hanc sentiendi acutiem refert Gal. quamplurima, symptomata, (sycopen præsertim) quæ vitio ventriculi accidere solent, *12. meth. cap. 5. probat lib. 3. de loc. affect. cap. 5.* Lege quæ perdoctus conscripsit Baptista Persona, in *com. Odyssææ Homeri colloquio 30.*

Obiicies ita. Cur lingua non habet istum sensum su- C ctionis, si ob sensus acumen omnes percipit saporum differentias? Dic. Acuties sentiendi denominatur ad obiectum, siue sensibile, ex organo in quo residet, nam facultas animalis sentiens una cum sit, variat pro diuersitate organorum quibus communicatur. Quare prædictus sensus suctionis soli ventriculo fuit concessus, ut docet Gal. *lib. 4. de usu part. cap. 4. in princip.* quoniam non erat alia particula, ex qua ventriculus alimentum sugere posset, quapropter ventriculus est quoddam promptuarium ciborum, ne animalia cogerentur semper sumere alimentum, quod intelligebat Hipp. *de humorib. text. 3.* dicens, quemadmodum terra arboribus, sic animalibus ventriculus.

Causa famis præternaturalis, à Gal. præscribitur *lib. 2. aph. 21.* in hunc modum; *quum enim canini appetitus, vel propter solam intemperaturam frigidiorém, vel propter humores acidos fieri consueverint, quos exorbuat os ventriculi, &c.* licet enim plures causæ famem præternaturalem concitare natæ sint, corpus exinanendo, ut balnearum usus, parsi- D monia, diutina famis tolerantia, febres colliquantes, vacuationes immodicæ, immoderatum exercitium, & demum plurima quæ innatum ignem dissipare nata sunt: canina fames iure optimo dici non debet, quousque ventris os afficiatur, & frigidum intemperamento vitiatum, alimentum ingestum retinere non possit; quod sit ut genuina caninæ appetentiæ ratio, in acidorum, frigidorum, crudorumque succorum copia sit reposita, qui os ventris, eiusque substantiam permeantes & vitiantes, accidens, inferunt suctioni simile, simulque illius vires premunt, & imbecillitant, licet pituitosi sint, ex Gal. *6. epid. sect. 3. com. 37. & lib. 6. de loc. affect. cap. 1.*

Percontaberis, num melancholicus succus naturalis, confluens à liene ad ventriculum, sicut in parua copia delatus, constringendo, & comprimendo ventriculum, infert aciditate sua sensum similem suctui, & naturalem famem excitat, sic in multa copia in os ventriculi confluens, famem caninam facere queat? Gal. *lib. 2. aph. cit.* respondet affirmatiuè: explicat eleganter Vallesius *lib. 1. controu. cap. 20.* subscribit Auic. *1. 1. doct. 4. cap. 1. ante finem, & 13. 3. tract. 2. cap. 7. & 15. 3. tract. 1. cap. 2. de anatomia lienis.* Hoc modo dicit Hipp. *6. epid. sect. 4. text. 19* aquam edacem esse, quoniam frigiditate sua corrugat os ventriculi, & appetentiam excitat. Sed argutè insurges hoc modo. Cur humor melancholicus à liene ad ventriculum delatus inuat coctionem, & est in causa ut retineantur cibi, perfectiusque coquantur, ex Gal. *lib. 5. de usu part. cap. 4.* & aciditate sua appetentiam mouet in parca

A copia: quum verò liberalius influat, caninam excitat appetentiam, si humor melancholicus nulla acida qualitate præditus est? est enim textus eximius, apud Galen. *lib. 3. de loc. affect. cap. 5. longè à principio. §. Sed ea, &c.* quo loco hoc apertè confirmat. Multi textum mendosum esse rentur. Solue tu hoc modo. Melancholia naturalis nullam acidam qualiditatem participat; hoc est, non eam habet aciditatem, quæ solum conuenit atræ bili, qua fermentat terram. Hanc solutionem docuit primus omnium Galenus *lib. 4. aph. 21. in init. §. De deiectionibus nunc ipsi est sermo, quæ à priscis quidem nigre vocantur, bilis verò nigra exquisitè non sunt. Nam acrimoniam, mordacitatem, & aciditatem non habent: imò verò in terram effusa, ipsam non fermentant, &c.* quare succus melancholicus, sincera, & exacta aciditate non constat, quæ soli atræ bili propria est, ex Gal. *lib. 4. meth. 9. & lib. 3. acut. 38.* cuius vi abigit muscas, & abradit terram, ut notat Gal. *lib. de atra bile, cap. 3.*

Multi confundunt caninam famem cum bulimo quum distinguantur natura, & causa. Natura quia canina fit ab oris ventriculi punctione, & aliquando ab acidis & frigidis succis: bulimus, à frigiditate vires nimium deficientes. Deinde bulimus ab extremo frigore originem ducit: canina appetentia à causa interna oriri solet. Hæc degenerat in maciem: bulimus incipit à frigore, penuria & macie. Caninam appetentiam ingens, & insatiabilis consequitur appetitus, & mox à saturitate euomitur cibus, & superstitit eadem appetentia denuò ingeritur, quia causa quæ ventriculo infixæ est, reddit vires imbecilliores, ut C copiam alimenti nequeant sustinere, & sic necessariò consequitur vomitus; & perseverante affectu, nihil amplius retinet ventriculus, sed superuenientibus alui profluuiis, cœliacæ, & hydrope, nullo accedente animi deliquio, ut in bulimo accidere solet, ægri in peius ruunt, & moriuntur, ut aduertit Montanus *part. 2. Medic. cap. de fame.* Galenum non esse intelligendum de bulimo, patet: nam hæc passio est labefactatio facultatis à frigore externo, quæ à fame quidem inchoauit, sed non habet eam amplius adiunctam ut notat Alphonsus à Fonseca, *luminari 2. cap. de canina appetentia.*

Hanc caninam appetentiam ex frigidiori ventriculi intemperatura, vel succi acidi copia pronatam, vellicato, refrigerato, atque compresso ventriculo, ex Gal. *lib. 1. de caus. sympr. 7.* non sine ratione facit cessare vinum: nam fames sedatur nutritione, & repletionem; hæc duo præstare posse vinum, dubitat nemo: quoniam corpus citissime reficit, roborat ventriculum, frigiditatem corrigit, humorem melancholicum lenit. Debet esse flauum, rubrum, æreum, odorum, non adstringens; hoc enim superiores dotes habere in *com. histor. 61. supra* est prolatum: & in *lib. 3. in com. histor. 47.* fusè demonstrabimus

## QVÆSTIO XL.

*Quid Galenus vinū Creticum, Maluaticum, & moschatellinum agnouerit. Contra Vegam, & Mercatum, doctissimos.*

## COMMENTARIUM.

E *[Vfficienter calefaciunt.]* Varia enim vinorum genera palam fatetur Dioscor. *lib. 5. sui operis, à c. 1. usque ad 34.* diuersorum faciens mentionem amplam: nam quædam à frigidis herbis determinationem suscipiunt, ex cydoniis, rosis, myrto, & punicis: nullum ex maluis appellauit vinum; nam cum ars præpareret vina ad tuendas corporis facultates, apud omnes nullum medicamentum ex illis parari posse, est in confesso, cum malua roborandi vim non habeat, sed lentore quem possidet, ex Gal. *lib. 2. de alim. facult. cap. 42.* relaxet, & virium firmitudinem dissoluat; ob quam causam apud Dioscor. *lib. 2. cap. 49.* stomacho est infesta.

Quo etiam nomine à maluis dicendum non est hoc vinum, licet hoc modo frigidius reddatur, & febribus curandis valde proficuum, quum malua frigiditatem habeat,

beat, & humiditatem, ex Gal. lib. 6. simpl. cap. 67. nam sic maiori iure veteres eligerent rosatum, quia frigiditatem, vnaque robur visceribus conciliat, ex Dioscorid. loc. cit.

Neque optimum argumentum te confecisse putes quod in multorum scriptis videas, maluatium esse propinandum iis, qui febribus malignis sunt correpti, ut maluz frigiditate harum febrium ardor mitescat, ac temperetur: nam alia de causa id propinant, & nonnisi virium reficiendarum causa, & symptomatis urgentis ratione, id concedunt, cui nō auxiliares manus adhibeas, in grauiora pericula ægros coniciēs. Si enim in summa virium penuria, vinum, vel etiam presente febre, non propines natiuus ignis à febris vi, & vehementia depopulatur, & veluti exstinguitur. Non ergo à maluis, maluatium vinum nuncupatur.

Est ergo vinum maluatium, Lusitano idiomate dictum *Maluasía*, Latinis *Passum Creticum* seu *Cretense* dictum, vt rentur Andreas Baccius lib. 1. de natur. vinor. & Manard. lib. 14. epistol. 2. Est suaue, odore gratum, flauum, inter crassitiem & tenuitatem mediocrem, ad dulcedinem declinans. Hoc præter cæteras vinorum dotes, quibus præditum est, præstantissimum, & pretiosissimum cum sit ad morbos ex frigiditate subortos est celeberrimum; nam eminentiori quodam modo virtutem vigorat, innatum calorem refocillat, & status discutit, vt Iacobus de partibus de eo asseuerat in fin. 15. 3. tract. 2. cap. 12. de cura ventositas splenis.

Huius triplicem apud veteres inuenio differentiam. Primam sortitur illud vinum, quod ex vuis passis conficitur. Secundam, quod ex valde maturis vuis ac sponte stillantibus paratur. Tertiam, quod ab vuis odoris, ac dulcibus exprimitur, quæ vuz, quia suauiter instar moschi, suauissimi aromatis, spirant, moschatulæ sunt dictæ, vt notat Manardus lib. 8. epist. 1. & 2. Primam differentiam agnouisse Galenum constat, quam vocauit passum Creticum, quod est verum maluatium: isto namque pro conficiendis medicamentis fuisse vsum, constat aperte, ex eo in lib. 1. de compos. medic. sect. loc. cap. 6. §. Passi Cretici sextarium vnum, & c. & lib. 3. eiusd. oper. cap. 29. §. Expedit & modicum passum affundere, ne pharmacum exarescat, & c. & lib. 7. cap. 2. in init. §. Passi Cretici sextarium, & c. & lib. eodem cap. 3. §. Vna passa in vino passo, & c. Passum autem vocari Creticum tradit Dioscorid. lib. 5. cap. cit. per hæc verba, *Passum*, quod vuis sole siccatis in area, aut in sarmento adustis exprimitur, Creticum cognomine, & c. dicitur passum, hoc est, succus expressus ab vna passavet à patiēdo, nam percutiuntur vna siccior, & decoquuntur, & inde fit passum, vt lib. 20. explicat Isidorus.

Veri passii plurimi sunt conficiendi modi, quos ex mente Columellæ, & Palladij refert Marcellus Virgilius lib. 5. in Dioscorid. cap. 3. & non sinit eruditissimus Ruel. lib. 1. de natur. stirp. cap. 143. nam quidam passas vvas in area, vel sarmento siccatas exprimunt. Alij vvas præcoquant ac siccant in sole, donec paulò ampliùs dimidium pondus supersit, tusalque leuiter vvas exprimant; deinde quantum expressere, adiiciunt aquæ puteanz, vt secundarium passum faciant. Diligentiores autem siccatis acinos eximunt, ac madefactos vino excellenti donec intumescat, exprimunt, hocque genus inter cætera laudant. De cuius vario conficiendi modo lege Valleriol. 2. loc. com. cap. 7. Manard. 14. epistol. 3. Horat. Augen. lib. 1. epistol. lib. 1. 2. epistol. 3. Andreæ Baccium lib. 1. de natur. vinor. Ludouic. Nonnium lib. 4. de re cibaria, cap. 13.

Hoc vinum si sit ex vua bene matura, succosa, & exemptis acinis compositum, salutem humanæ, morborumque curationi esse conuenientissimum, sibi persuasere antiqui, qui id omni sexui, & temperaturæ non denegabant, vt ex sententia Varronis, & Auli Gellij probat Mercurial. lib. 1. variar. lect. cap. 17. dummodò non bibatur recens, hoc enim dysenteriam generat, ex Auic. mente 14. 3. tract. 4. cap. 1. in fin. Modicè coctum, & à parte flarnosa repurgatum, calefacit, sanguinem temperatum generat, siccos humectat, impinguat rabidos, optimum colorem conciliat, pueros gignit, spiritus, appetitum suscitatur, roborat

ventriculum, auget vires, prouocat aluum, sanat caninam famem, & valenter nutrit, ex Celio lib. 2. cap. 18. Denique est vitæ humanæ firmissimum fulcrum, & eas facultates sortitur, quas vuz passæ præcorum scientissimi attribuerunt, vt constat ex Gal. 2. de aliment. facult. 10. Auic. lib. 2. tract. 2. cap. 735. Ishac lib. diatar. particul. tract. de vuis. Hæ enim facile coquuntur, & distribuuntur, optimum alimentum præstant, prouocant appetentiam, stomachum vigorant, succos concoquunt crudos, tussi, catarrhoque, ex communi Medicorum decreto, auxiliantur misicæ: adeoque hoc verum est, vt in earum laudes prorumpens Gal. lib. 8. de compos. medic. sec. loc. cap. 7. sic loquatur. *Vuz passa licet contemptibilis videatur, ob vsum familiarem, tamen roborat hepar, quantum requirit affectum viscus, habetque vim aliquam concoquendi crudos humores, & coercendi maligna, existens etiam secundum substantiæ iccori familiaris, & c.* De cuius laudibus tam multa dixit Mundella, epist. 2. Quare si passa ad acidos humores coquendos est præstantissima, multò magis erit passulatum vinum, quod suapte natura frigidas viscerum intemperantias corrigere est natum; nam nutrit, & roborat, concoquit, & putrefactioni aduersatur, & si intemperies ab humiditate & frigiditate proficiscatur, eam citra omnem molestiam, & securè persanat, vt loc. cit. sec. loc. retulit Galenus.

Audi Dioscorid. lib. 5. cap. 7. *Passum autem, quod vuis in cratibus sole siccatis, aut ipso sarmento torrefactis exprimitur, Creticum cognomine, aut protropum, aut Pramnium, itemque sapa, quæ sit musto igni decocto, omnia astringunt, languidos pulsus excitant, & faciunt aduersus venena, quæ exulcerando necant, ex oleo pora, vomitionibus reddita: itemque contra meconium, pharicum, toxicum, cicutam, necnon contra renum, ac vesicæ rosiones, & exulcerationes, & c.* Arnaldus in tract. de vuis, tit. de vino passulato, sic ait. *Vinum passulatum, factum ex passis sine acino, in infusione, est vinum optimū senibus, decrepitis, melancholicis, phlegmaticis, impinguat, lenis pectus, roborat stomachum, hepar, clarificat sanguinem, putrefactioni resistit; est vrile ad tussim, & asthma; prouocat ventrem, corroborat digestiuam, expulsuam, retentiuam; absuim phlegma; est bonum illis qui frequenter in animi deliquia incidunt; & qui vsum fuerit eius potu, in agriitudinem phlegmaticam non incidet, & c.*

Secunda differentia maluatium, vocatur vinum protropum, quod ab vuis valde maturis sponte stillat, à Latinis dicitur lixiuium, à lixiuij similitudine per colum distillantis, madente cinere, vt notat Rhodig. lib. 28. antiq. lect. cap. 34. Ab Italis, & nostris dicitur lagrima. Hoc vinum agnouisse Gal. constat. ex lib. 6. sec. loc. cap. vlt. §. Cum vino protropo illine, & c. & lib. 7. eiusd. operis, cap. 2. §. Palmulas in vino mulso, aut protropo coquito, & c. & lib. 8. eiusd. cap. 2. de cataportis hepaticis. §. Passi protropi sextarios tres, & c. & in lib. 9. cap. 4. in init. §. Vini dulcis, aut scibelita aut protropi sextarios tres, & c.

De tertia differentia maior est controuersia. Christoph. à Vega lib. 2. art. medic. sect. 3. cap. 2. Galenum moschatellina vina non agnouisse contestatur: sequitur Mercat. lib. 1. indicat. 2. At hunc tantum viram, qui de omni vini differentia fusè disputauit, hæc non latuit, posuitque sub genere dulcis aromatici, quod fieri certum est ex vua, quam vocant Latini Apianam, quod apes eam populari gaudeant, hanc vulgò moschatulam interpretantur. Numerasse autem Galenum plurima aromatica, ex multis ipsius locis patere potest, & præsertim in lib. 1. de antidot. cap. 8. 9. & 10. vbi hæc antidotis, & præsertim theriacæ parandæ aptiora esse sibi persuasit. Cuius conficiendi modum docet Plin. lib. 14. cap. 9.

Habes ergo, de quo vini genere sit in hac historia intelligendus Galenus, quod satis prolixè Auic. 13. 3. tract. 2. cap. 14. Tral. lib. 7. cap. 5. Paul. lib. 2. cap. 52.

tractauere, singulis huius affectus causis, seorsum curationem opposcentes.

\*  
\*  
\*



## HISTORIA LXX. GALENI,

De homine pituitoso vomente bilem.

## Casus pituitosi quotidie vomentis bilem.

**A** Iterum autem vidi, cuius totus habitus pituitosus erat, quotidie tamen bilem pallidam euomebat. Censui igitur inspicienda alui excrementa, in quibus minimum bilis apparebat: quare coniectura quadam comprehendendi, eum meatum qui biliosum egurgitat humorem, non paruum eiusdem partem ad imum ventriculi locum, quem Græci pyloron (id est, ostiarium) vocant, effundere, ut in quibusdam apparet animalibus, &c. Galenus in lib. art. medicinal. cap. 74. & lib. 2. acut. com. 29.

## DVBIUM XL.

Num vas cholidochum aliquando ad ventriculi fundum implantetur. Contra acutissimum. Argenterium.

## PARAPHRASIS.

**S**ubtilissimus Argenterius, Neotericoꝝ præcipuus antesignanus, plurima Dædaleis labyrinthis obscuriora in huius capituli commento explicuit, sed dum suam contra Galenum opinionem proponit, nouam proficitur Medicinam, Magistri limpidissimos fontes perturbat, & fundamenta firmissima funditus euertere conatur. Accusat ergo eum, quod vas cholidochum aliquando ad ventriculi fundum implanari assueveret, duplici ratione errasse existimans: primo, quoniam non sunt imputandi naturæ errores citra necessitatem. Secundo, quoniam huius euentus causa attribuenda est, quod totum corpus à bile per vomitum expurgeretur, vel bilis porracea ex pituitosis succis orta quotidie in ventriculo regenerata euomatur.

Sed cum Galenum erroris infirmulat, miserè fallitur: nam exemplum Galeni summa industria est inuentum, admirabilique coniectura comparatum: videns enim hominem cuius habitus pituitam præ se ferebat, bilem pallidam quotidie euomentem, in cuius egestionem minimum bilis apparebat (magnum cerè bilis in alium locum regurgitantis indicium) in eam deuenit sententiam, ut crederet meatum regurgitantem in intestina bilem etiam ex natura ad imum ventriculi locum, quem pyloron Græci vocant, implantari, quod præterquam quod in animalibus dissectis experimento comprobauerat, superiores coniecturæ in veritatem deduxerunt.

Apud ipsum similis extat historia, l. 2. acut. com. 29. de Paulo Rhetore, qui licet toto temperamento pituitosus esset crebris tamè vomitionibus torquebatur, cui erat adstrictior alui, nam biliosi humoris portio, quam transmittit natura ad intestinum ieiunum, ut excretionem promoueat, ad ventriculum confluebat.

Hanc Historiam artis parua doctissimi interpretes, Iacobus Forolinienſis, Turisanus, Akakia, & alij, ut verissimam recipiunt; & vel Vesalius, qui pruriginè laborauit mordendi Galenum, semel se obseruasse affirmat lib. 5. fabric. cap. 8. non negarunt Bauhinus lib. 1. theat. anatomic. cap. 45. Ludouic. Mercat. tom. 1. lib. 1. part. 4. quæst. 116. num. 2. Andreas Laurent. lib. 6. anatom. quæst. 24. Sic Arist. lib. 4. de generat. animal. cap. 4. tres aut quatuor renes vidit. Et vtrumque renem, vel alterum saltem duas habere cavitates, & binos meatus vrinarios prope vesicam coeuntes viderunt Carolus Stephan. lib. 2. de dissect. corpor. human. cap. 15. Alexander Achillin. in annotat. anatom. Realdus Columb. lib. 15. anatom. Cor sine pericardio inuentum, ex Columb. loc. cit. cordis situm mutatum obseruauit Platerus lib. de obseruat. prop. & visum hepar in sinistra, sicut lien in dextra, à Petro Sphærerio lib. de obseruat. prop. Ceruo, & damæ fel deesse notatum, ab Arist. 2. de histor. animal. cap. 15. Visæ sunt in

A eodem latere binæ iugulares, à Columbo. Si ergo hæc vera sunt, & tantorum virorum firmata testimoniis, cur meatum aliquem, per quem bilis in duodenum exoneratur, diuidi in geminum canalem ante insertionem, & ad fundum ventriculi implantari posse negabimus? Lege Fuchsum lib. 3. paradox. cap. 3.

**B** Cur autem variè inferatur hic meatus in pedestribus, volatilibus, piscibus, tradit rationem Thomas à Veiga, illustris huius loci interpret, in com. In volucris venter spiritalis, propter alarum exortum pluriuim descendit, quare non est locus multis intestinorum inuolucris: sicut nec in piscibus, ob corporis longitudinem, & nationis velocitatem. Ne ergo alimentum ante integram succi distributionem periret paucæ intestina, nouis excogitauit rationibus: videlicet auiibus præstitit duo oblonga, & ceca intestina; piscibus verò ventriculum ipsum oblongum, & in mucronem cessantem: nec bilis meatum initio intestinorum inseruit (festinaret enim excrementi deiectio) sed prope rectum. In pedestribus verò, in quibus vacabat locus multis anfractibus intestinorum, merito ibi inseritur, ubi primum intestina voluntur; ne sopita natura facies morentur, & cum periculo obstruant. Hætenus Veiga. Huic alia ratio iugenda. Nam quemadmodum aqua minus sustinet grauitatem rei motæ, quam terra, & aer minus quam aqua, ideo velocissimè voluit natura moueri aues, inde pisces, tardè pedestria; sic abstulit ab auiibus, & piscibus, fetus viuos, vbera lactantia, vesicam, inuolucra multa intestinorum.

**C** Hæc fuit admirandi Galeni coniectura, qui hac anatomica consideratione ductus, in pituitoso homine euomente bilem opinatur meatum illum felleum, ventriculum conscendere, vel totum, vel maiore sui parte. At ubi tantus est sapientium virorum consensus, facile moueor ut dicam, quod Argenterius ingenij lasciuiā dissentire videatur. Neque negandum est, naturæ esse imputandos errores; ipsa enim quandoque ludit in opere errans. Imò huius euentus causa minimè attribuenda est, quod totum corpus per vomitum à bilioso recremento expurgeretur, cum ex præscripto, & lege naturæ, bilis ad ventriculum non confluat, ut efficacissimis rationibus lib. 5. de usu part. cap. 4. contendit Galenus. Adde, in copia porraceam in ventriculo gigni non posse, ut per vomitum expelli queat.

**D** Admittenda ergo est Galeni doctrina quam 2. de temper. cap. 6. exposuit, superioribus obiectionibus tacite respondens, dum quosdam se conspexisse refert vomentes bilem, qui alioqui erant toto corpore molles, candidi, glabri, adiposi, venis, ac musculis parum conspicuis præditi, exangues, nec tangentibus admodum calidi; cuius excrementi per vomitum reiecti copiam, oriri ex meatu cholidochæ ad ventriculi fundum implanato pronunciat: quem aliquando ad hunc locum bifurcari, in com. huius loci, Iacobus Segarra doctissimus confirmat.

Hos infelices à natura, ob generationem cholerae rubrae, vocat Auic. 4. 1. cap. 20. §. Et tibi etiam cauè, ne subtilitatem sensus oris stomachi habentem, aut ipsius debilitatem phlebotomes, & infelicem ex generatione cholerae rubrae in ipso, &c. Hi enim sunt, qui assidue bilem euomunt, nauseam, & oris amaritudinem patiuntur & in perpetua sunt afflictione, quoniam meatum cholidochum ad ventriculi fundum habent implantatum, vel maiorem quam sit ille, qui à iecore ad duodenum terminatur pro expurganda bile, ut doctissime in com. Auic. Gentilis, Iacobus de partibus, Dinus, & Antonius Maria Bettus interpretantur.

**E** In his ergo arcet Auic. phlebotomiam, quod extracto sanguine bilis ad venas remeans ferueat amplius, & ebulliat. Et maximè cum in his virium robur non adsit; hi enim picrocholi bile in ventriculo redundant amara, huius partis morsus ingentes patiuntur, prehendantur cardiogmo, linquntur animo, cruciantur siti, conuelluntur, rigent, sunt inappetentes, ad nauseam, & vomitum paratissimi, & demum frequenter ventriculi inflammatione coripiuntur.

## HISTORIA LXXI. AVICENNÆ

## De satietate.

Saturitas, post transactam famem  
nocentissima.

**E**T scias quod nihil est deterius saturitate, quando famem precessit. Vidimus enim multos, quibus in tempore sterilitatis cibus defecit; postea cum in tempore fertilitatis abundavit, repletos fuisse, & mortuos, &c. Avic. 3. 1. doct. 2. cap. 7. in princip.

## PARAPHRASIS.

**R**ecte illud à Celso proditum lib. 1. cap. 3. mox in init. *Rex multa fame nocentissimam saturitatem esse*; licet enim nimia satietas suffocando innatum ignem, subitæ morti obnoxios reddat; tamen si post famem, & nimiam abstinentiam sequatur, ingentia damna secum afferre solet, Cum universam penè Italiam, tam ingens ac valida fames affluctaret, inquit Beniuuenius doctissimus cap. 57. de abditis, ut passim multi publicis in viis, ac plateis deficerent; multi etiam ex malis ac noxiis nutrimentis, in varias inciderent egritudines: vidimus ex iis quàm plurimos, qui ex diutina fame, escam abundantiorē nacti fuerant, dum pleniorē victu vivunt, paucis diebus vitam finivisse: adeo noxia, ac perniciofa nimia satietas, quàm multa precessit inedia.

Huius problematis facilis est solutio. Cum enim ventriculus, ob prægressam inediam, absumpta rorida, substantificaque humiditate impensè sit debilitatus, & onerosum alimentum concoquere nequeat, semicoctum remanet, & crudum. Omnium autem morborum cruditatem primam esse radicem, testatur Avic. 1. 3. tract. 3. cap. 2. non enim ex iis quæ bibuntur, & comeduntur, sed ex iis quæ probè in ventriculo concoquuntur, fit nutritio auctore Gal. lib. 1. meth. cap. 15. & cum mutuo coctiones se excipiant lib. de bonis & vitio succor. cap. 5. ita ut animantis omnibus partibus alimentum præparet iecur; huic ventriculus; ventriculo os; ori assatio, elixatio, maceratio: fit ut cum homines largiter cibis se implerint, eaque exactè confici ob copiam nequeant, crudi succi & incocti plurimum in corpus animalis rapiatur. Hocque multis de causis factum puta: & quod deterius in ventre venisque concoquitur; & quod multum in corporis molem idè subit, qui multum superest; & quod citius quàm par est, incoctum venter à venis; hæ à reliquis animalis partibus inanitis rapiunt. Quod enim in ventre malè elaboratum est, in secunda coctione non ita emendari potest; sicut nec carnes, quæ ex venis attraxerunt, ubi rectè non sunt concoctæ, probè conficere queunt. Si ergo partes famelicæ crudum attraxerint alimentum, non parvam inde excrementorum copiam succrescere est necesse: ex qua causa obstructions à crudo: crassoque succo oriri solent; ex quibus innatū ignem denegato partium inter se refrigerio, ac consensu, impeditoque transitu spiritus, & sanguinis ad membra, paulatim marcescere, diminui, & tandem à copia multa suffocatum extinguere non est dubitandum. Et cum prædictus malè concoctus succus ineptus sit nutritioni, relictus à regimine naturæ putrescit, & febres malignas accendit, aliàsque partium internarum inflammationes accersit, ut in com. cap. 1. Gal. lib. de succ. bonis & vit. notavit Sebastian. Scrophia diligenter.

Sic inanitis venis post sanguinis missionem, multam alimoniam interdicit Galenus lib. 4. de sanis. tuend. cap. ult. ob rationes dictas. In quem sensum Galenus lib. 9. meth. cap. 4. in iuvene syncho laborante, cui sanguis ad animi deliquitum fuit extractus, post duas à sanguinis missione horas pauculum nutrimenti exhibet. Hoc exercendum est præceptum in iis qui quamlibet effatu dignam vacationem sunt perpeffi. Siue igitur spatiosum iter quis confecerit, siue illi sanguis largiter missus est, siue peperit mulier, siue ex vulnere copiosam quis patiat

A hæmorrhagiam, his paucissima alimonia offerenda; quoniam multam debilis ventriculi calor concoquere nequit, & venæ inanitæ attrahunt, ex ventriculo crudum succum, loco eius qui fuit vacuatus.

Sic conualescentes, & qui contractam ex morbo gratitatem cum virtutis imbecillitate coniunctam habent, & dissolutum nativum calorem, ob prostratas membrorum vires, & exhaustum spiritum vitalem, ob morbi vehementiam minutum, ob præsidia vacuantia, vigilias immodicas, & inedias contraxerunt, parcissimè regendi sunt, neque oneroso cibo saturandi, ne à vasis exhaustis crudum alimentum intempestivè sugatur è ventre, & sic fiant morbi novi curatis multò periculosiores, maximè cum ij, ex Galeno 2. de diff. feb. ult. promptè ex quovis delicto labantur: cum enim famelica corpora humido nativo priuata plus esuriant, quàm ventriculi facultas coquere possit, fit ut si pro appetentiæ ratione alimentum exhibeatur, morbi deinceps accendant inemendabiles. Sic Hippocrat. lib. 2. acut. text. 13. post purgationem, alimenti minus administrare iubet, taxans Medicos, qui postquam vacuauerunt ægros, copiosè nutriunt: nam corporum, quæ purgata sunt, natura, purgatione agitata, labefacta atque, tolerare alimoniam non potest, neque probè eam conficere, nisi omnino pauca fuerit: purgatis igitur tantum alimenti exhibendum, quantum domare possint: deinde paulatim sensimque adaugere oportet. Quapropter prudenter Mesuè. lib. 1. de re medica, thorem. 4. cap. 1. iubet, ut euacuatus non festinet ad multos cibos capiendos, ne natura eos incoctos trahat. His ergo omnibus exhaustis, in principio paucissima danda sunt, quæ ventriculum non grauent, gradatimque augenda, donec ad consuetam ventriculo quantitatem peruentum sit. Deinde alimentum coctum sit facile, nutriendum, minimè glutinosum, non excrementosum, gratissimi & suauissimi gustus, citissimè alens, imbecilles vires mirificè reficiens, facilis distributionis, ventriculum roborans. Hoc modo sunt gubernanda corpora, quæ famem, vacationemque perpessa sunt. Hæc documenta non obseruantes Romani, post famem ingentem, quæ multis deinceps sæviiis annis, auctore Galeno lib. de succor. bonis & vit. cap. 1. præui succi eduliis, abundè ad saturitatem usque vespcentes, eaque citra delectum ingurgitantes gravissimis & periculosissimis morbis plures eorum correpti, aut cum manifesta visceris alicuius inflammatione, aut cum vehementi aut maligna febris suborta, interiire. Vasorum enim obstructions ab hoc crudo, crassoque succo malè confecto subortas conitatur distributionis impedimentum, ac putredinis collectio in mesarai, simaræque visceris partium venis; quo casu periculum rursus est, ne aut phlegmone insequatur partium, in quibus facta collectio fuerit, aut redundantium humorum ipsorum putredo: quandoquidem alterutrum sequi necesse sit crudos crassosque humores, ut aut in sanguinem convertantur concocti, aut putrescant, sicuti reliquis quoque omnibus accidit, quacunque locis calentibus diutius moram trahunt, ut cit. lib. cap. 2. docuit Galenus. Quare famelici parcissimè regendi. Num autem repletio post famem, an hæc post repletionem sit deterior: Dic, longè deteriore esse repletionem post inanitionem: nam hæc paulatim vires extinguit; repletio verò subito suffocat. De quo argumento lege Montanum part. 2. medicin. cap. de fame.

## HISTORIA LXXII GALENI,

## De Siti.

## Siti enectorum Historia.

**I**Nexplebili verò novimus cruciari sui, ex qua etiam perire, tum eum qui viperam comederat (erat autem fortasse dipsas) tum messorum, qui vinum in quo talis serpens fuerat mersa, biberant: tum eum qui verus vinum\* usque ad ebrietatem hauserat: non minus eum qui pertinaciter sustine

*scim sibi imperauerat : ad hec alios in nauigo , cui deficeret aqua dulcis , quorum qui ausi sunt marinam bibere , cum immo- dicè supra ceteros sitirent , quidam etiam eorum & fluxa essent aluo , nec id sine morsu uehementi , celerius quàm alij perie- runt . Vidi autem & ex iis qui ardenti febris laborarant , quen- dam cum morbus inualesceret , & frigidam impudenter bibere nec unquam , quoad moreretur , expletum , &c. Gal. lib. 1. de caus. sympt. cap. 7.*

## DVBIVM XLI.

*Num sitis immediata causa , sit siccitas in ore ven- triculi percepta . Contra Thomam à Veiga , Medicum insignem.*

## PARAPHRASIS.

**C**Orpus nostrum , ob substantiæ continuum effluxum , continuò perit , & dissoluitur ; quare ad reparationem eguit humido pingui , inflammabilique : nam frigidum est inutile , quoniam calidum perimit : siccum verò calo- rem sustinere non potest ; solum igitur superest humi- dum lentum , calidi pabulum , quod fame expetitur , & humidum aqueum , portabile , cuius gratia sitis concessa est : nam sitis est appetitus frigidi humidi , cuius vsum multiplicem supra ostendimus in com. histor. § 4. Oportet ergo sentiri in siti , vel siccitatem magnam in ore ventri- culi , vel suctionem , quam natura dignoscit , separatque à suctione qua appetitur substantificum pingue : nam in siti humidum roridum deperditur , molestat autem ra- rò , quum os ventriculi humore dulci , frigido , multoque perfunditur.

Quapropter sitis causam indagaturi , notamus cum Gal. lib. de symptomat. caus. cap. 7. ubi postquam docuit omnia quæ ad famem concurrunt , subdit , in potionis verò appetentia totidem altera his similia , &c. quæ verba variè solent ab auctoribus interpretari : nam plures arbitran- tur sensum tactus in ore ventriculi reperiri , qui humi- dum roridum præsens , & illius defectum percipiat ; sicut in visu reperitur sensus lucis , & tenebrarum ; & in audi- tu , soni , & silentij : quare sitim immediate fieri , ex de- fectu humidi roridi à ventriculo percepto , sibi persua- dent. Hæc opinio duplici ratione coarguitur , & quòd priuationes à sensibus per se non percipiuntur , cum non sint obiecta imprimantia , percipiuntur tamen ex accidenti , quatenus ad eliciendum actum superior poten- tia concurrat : nam hoc modo in auribus percipitur silentium , quoniam sensorium rectè se habet , ali- quidque externum non sentit : cuius contrarium ap- parer in siti ; quoniam siticulosi , velint nolint , sen- tiunt sitim , etiam si superior potentia non aduertat. Et quòd in siti adest dolorifica sensatio , producta ab aliquo obiecto materialiter imprimente , vel solutio- ne continui , vel intemperie. Quapropter affectus po- situi , utpote doloris , positua causa esse debet , & non priuatiua , in cuius numero defectus humidi roridi esse censetur.

Thomas à Veiga , Clarissimus Galeni interpres , in com. cap. 61. lib. artis medicinalis , causam sitis immédia- tam , esse siccitatem magnam in ore ventriculi perce- ptam , vel suctionem sui generis , aperte contendit , quam natura dignoscit , separatque ab ea , qua appetitur hu- midum substantificum . Addit prædictam suctionem percipi à facultate oris ventriculi , vtriusque humidi de- fectum percipiente . Doctrina hæc muniri potest cly- peo Galeni lib. 1. de sympt. cit. §. Quæ quidem veluti pri- uatio est , &c. Vbi docet deficientis sitis duplicem esse causam , vel frigiditatis , vel humiditatis exces- sum , vel deficientem in ore ventriculi sensationem . Sed hoc placitum omnino admittendum non est , quia duplicem constituit sitis immediatam causam , siccitatem scilicet , & suctionem . Deinde non explicat suctionem , quam ipse sui generis vocat . Dic ergo immediatam sitis causam , esse siccitatem in ore ventriculi sensatam , me- diatam verò humidi roridi defectum : Quæ posita do-

ctrina intelligendus erit difficilis Galeni locus lib. 1. simpl. cap. 32. in init. dum inquit : Quippe cum & sitis du- plici ratione eueniat , altera caloris copia , altera humoris in- opia , &c. quare caloris exiccantis copia , sitis est imme- diata causa ; humoris verò inopia , mediata .

Sed cur sitis non semper famem præcedit , si defe- ctus humidi roridi sitim concitat , defectus verò humidi solidi famem facit , si roridum facilius absumitur , quàm solidum ? Responderi aprè huic quæsito posse video , quia natura semper fugit id quod magis molestat ; sitis autem , sensus licet sit tristis , tristior tamen est quàm sensus famis , 28. probl. 5. & 6. & ratio est , quia sitis res magis anxiosa est , & sic siti amplius contri- stamur , quàm fame : calor enim quo viuimus , humi- dum magis , quàm siccum desiderat . Addunt plures cau- sam aliam , quoniam humidum roridum est in maiori quantitate , quàm solidum ; quare hoc , cum sit paucum , illo citius absumitur . Hunc respondendi modum re- probat Thomas à Veiga cit. loc. proposit. 2. dicens , quòd humidum solidum licet in minori quantitate abundet , tamen ob sui lentorem magis resistit , & tardius dissi- patur : nam si vnā tantam libram sacchari , aut mel- lis , cum quatuor aquæ igni exponas , prius vniuersa aqua absumeretur , quàm saccharum ad sensum minuatur . Deinde non semper præcedit sitis , ob peculiarem faculta- tis oris ventriculi ( quæ non appetit , nisi propter de- fectus ) varietatem , non aliter quàm facultas pulsifi- ca cordis , quæ solum pro vsus indigentia arterias mouet .

Hæc solutio difficultatem non eradicat , nam sitis actionem facultatum naturalium consequitur , quæ præ- sente obiecto ad vltimum potentie operantur , & in hoc distinguuntur à facultate vitali , quæ solum pro vsus necessitate operatur : ergo præsentem humido rorido , cum facilius dissipetur à facultate naturali , ad vltimum po- tentie operante , semper sitis famem præcedet . Dic er- go , quòd sitis non sequitur ad siccitatem , quæ accidit à suctione ad famem faciente : nam ex eadem ventriculi suctione sequitur siccitas ad appetentiam alimenti , & siccitas ad appetentiam potus . Quare fames naturaliter præcedit sitim , quia prior est suctio ventriculi , quàm illius exiccatio , quum præsertim potus sit in subsidium alimenti , vt sit eius vehiculum . Fames ergo , & sitis ab eadem suctione , diuersis tamen rationibus dependent : quoniam fames sit per se , sitis verò ex accidenti , concu- rente siccitate ad suctionem .

Illam verò sitis , quam morbosam & præternaturalem vocamus , à calore incipit , & in siccitatem commigrat ; hinc fit vt calida , & sicca dispositio promptè labatur in sitim , ex Gal. loc. cit. art. medic. repetit 6. de loc. affect. cap. 2. firmant Paulus lib. 2. cap. 52. Trallian. lib. 7. cap. 8. idcirco pueri non sunt perinde ac iuuenes , siticulosi , nec vinosi , ob humidi copiam , 3. probl. 7. Aliquando sitis præter naturam absque humidi defectu oriri potest , ob caliditatem solam , vt patet in temulentis , & omni vini calidi repletionem . 5. aph. 27. Interdum accidit ob frigiditatem oris ventriculi , non potentis concoquere humorem , 1. 4. tract. 2. cap. de siti , quæ in febribus contin- git . Aliqua fit à caliditate sola , aliqua à siccitate sola , 4. aph. 19. imò aliqua ex tabifica sit affectione , aliqua ex vrinæ profluvio , 6. de loc. 3. quin ex sola pulmonis , & cordis naturali caliditate oboritur , art. med. 64. Fit etiam à caliditate & humiditate , tanquam à causa distin- cta ab aliis , 1. simpl. 30. & contingit ex calfacto ventri- culo , quo fit vt aues habentes pulmonem spongiosum , & natura calidum , ratione cuius multam attrahunt aëris portionem , per quam ventriculus refrigeratur pro- pter pulmonis propinquitatem , non sitiant , inter quas aduncæ nullo modo sitiunt , 8. de histor. animar. 18. & 3. de partib. animal. 6.

Quæcunque ergo humidum roridum absumere pos- sunt , ea sitim immoderatam inducunt , siue primariò os ventriculi afficiatur ; siue per consensum alicuius membri vicini , quod connexionem cum ipso obtineat , cuius natu- ræ sunt pulmo , gula , iecur , & renes ; siue ab externa causa utpote ,

vt pote ab alimentis calidissimis, si humida hæc substantia A  
exicceatur. Quorum omnium meminit Galenus hoc in  
loco, & nos lingulorum faciemus commemorationem.

## D V B I V M XLII.

*Num vipera calida sit. Contra Mercurialem  
doctissimum.*

V Iperarum esum sitim asferre inextinguibilem, auctor  
est Galenus lib. 11. *simpl. rit. de vipera*; adeo enim  
ingentem obtingit desiccandi facultatem, vt ea vascen-  
tes vehementissima siti crucientur, & magis si sit diptas,  
qua commorosos ardor intolerabilis virget, & sitis tanta  
excruciat, vt nec extinguere, nec intermittere possit: nam  
copiose potum ægri hauriunt, eadem tamen siti confi-  
ciuntur tanquam nihil planè hausissent, similesque toto  
habitu sunt iis, qui antea potus nihil hauserint; vnde  
propter continuam potus assumptionem, diptas à sitien-  
do serpens appellatur, vt eleganter lib. 5. cap. 16. Paul.  
admonuit: & non solum ab earum esu hoc contingit,  
sed à morfu, quo percussi satari non possunt, sed prius  
disrumpuntur, quam siti liberentur. Nam vt Paulus  
prædixit lib. 7. *rit. de vipera*, caro viperina, calidam &  
siccam sortitur temperaturam, & præsertim si in locis  
aridis tempore æstiuo degat; nam hæc ad sitim inferen-  
dam multò est efficacior, auctore Aëtio, *teirab. 1. serm. 2.*  
*cap. 170.* & impensè calefacit & exiccat. Hanc opinio-  
nem habuit Auic. 6. 4. *tract. 3. cap. 21. & 2. 1. doct. 2. c. 15.*  
& Rasis 20. *continent. 2. & 21. eiusd. cap. de tyro.* Con-  
stantinus 8. *theoric. cap. de morfu tyri*, confirmant. Qua-  
re vipera ipsa calidissima sunt: nam earum oleum vehe-  
menter resoluit. Quin & viuacitas, agilitas, & ferocitas  
illarum, & nomen, hoc ipsum indicant: idè namque ap-  
pellantur vipera, secundum probatissimos auctores, quo-  
niam viuax, & viuacissimum animal pariunt, excedentis  
caloris indicium manifestum.

Contrà sunt plurima quæ obiici possunt, nam Galen.  
lib. de loc. affect. cap. ult. viperas frigidas esse firmat,  
dum sic inquit. *Ceterum animalia, quæ frigidiora sunt na-  
tura, per hyemem ob frigoris vim, ac si mortua essent, latitare  
solen; atque tunc viperas quoque videres, si manibus tracten-  
tur, deferanturque, haudquaquam mordere, &c.* Idem tenet  
lib. 1. aph. 15. & lib. de ven. iect. aduers. Erasistrat. 9. & lib.  
quod animi morus, cap. 3. nec deest huic opinioni ratio: nam  
venenum viperinum frigidum est, & interficit cum so-  
pore profundo, apud Auic. 6. 4. *tract. 1. cap. 3.* congelat  
sanguinem cordis, calorem naturalem mortificat, sudo-  
rem frigidum inducit: argumento est, quod à viperis  
ictos nonnisi calefacientibus curandos imperat Galenus,  
& Arist. asseuerat lib. 1. de generat. animal. 11. & lib. 8.  
eiusd. cap. 17.

Mercurialis lib. 2. de venenis, cap. 3. viperas, & earum  
venenum frigidum esse constantissimè tenet, Arabesque  
in hac re longè latèque esse hallucinatos sibi persuasit.  
Primò, quoniam si æstate manibus tractentur, gelidissi-  
mæ apparent. Secundò, Galenum intelligendum putat  
cum parantur cum Sale, Anetho & porro. Corruit solutio,  
nam Galenus lib. 2. de loc. cit. viperas æstate calidissimas  
esse, & furere asseuerat. Affirmatiuè autem Galenum,  
& auctores omnes de vipera temperamento fuisse lo-  
quutos, & non respectiuè ad præparationem, adeo est no-  
tum, vt probari non debeat.

Sic tamen cum doctissimo Veiga liceat opinari. Is  
enim in com. cit. de loc. affect. miratur Galenum viperas in-  
ter frigida numerantem, quarum vis homini callata adeo est  
calorifica, siue caro edatur, siue oleum conficiatur: nam aliud  
est, inquit ipse, acrimonia, & intensio caloris pollere aliud  
innati calidi copia abundare: quæcumque ergo vel viroque de-  
ficiunt, vt planta, & exanguia, vel altero tantum calidi ge-  
nere vt vipera, hyeme aut pereunt, aut torpent; eadem hac ac-  
cessu caloris florent, & roborantur. Ex quibus constat, quo-  
modo viperas frigidas vocauerit Galenus. Lege Alphons-  
um de Fonseca, in speculo medicina Christiani, luminari 2.  
tit. de corde venenato.

Obiecta verò ita sunt soluenda. Vipera venenum ci-  
curæ modo interimat, quoniam vel deficiente, vel ad intus  
renocato calore ob veneni vim, partes extrinseque algent;  
vnde somnus profundus, & depopulato calido innato  
sanguis concreuit, & frigida symptomata oriuntur. Cu-  
rant autem morfos à viperis Medici calefacientibus præ-  
sidiis, vt allio, ruta, vino, quoniam hæc vel à proprietate  
viperinum venenum extinguunt, vel calorem innatum  
iam iam exhaustum refocillant. Si plura de vipera, eius-  
que veneni temperamento legere concupiscis, adi Leo-  
nicenum libel. de Tyria, & Pandulphum Collinutium con-  
tra eundem acutissimè disputantem, Ludovic. Lemosium  
in com. cap. 3. lib. 4. meth. Gal. Ioan. Camaram Butheman-  
tin. lib. 3. de reptilib. sacra Scriptura. Conrad. Gesner. lib. 5.  
de reptilib. cap. de viper. liter. G. Vlysses Aldrouand. lib. 5.  
de serpentib. cap. 17. 18. & 20. Marcel. lib. 2. in Dioscorid.  
cap. 16. & plura nos lib. 5. in com. Histor. proferemus.

## D V B I V M XLIII.

*Num vinum viperinum sit venenosum.*

P Eriere etiam, qui vinum in quo talis serpens fuerat  
merita, biberant: nam hoc vinum nocentissimum est,  
& inficit corpora humana tæbe dira, nam vipera animal  
est perniciosissimum, & venenosum, & morfu suo lethalia  
inferens symptomata, quod proprio experimento  
comprobauit Gal. lib. 3. de loc. cap. 8. in med. proponens  
plurium historias, qui morfi à vipera, solum commorsa  
parte illico abscissa, aut medicamento epoto ex viperis  
salui euaserunt, & refert Amat. lib. 1. centur. 1. firmant cum  
Dioscoride lib. 6. cap. 47. eius interpretes, in com. De qua  
re lege non inuenusta apud Rhodiginum lib. 6. antiquar.  
lett. cap. 6.

I Instabis, & meritò sanè, cur si viperinum vinum est  
venenosum, elephantice est saluberimum auxilium?  
Hoc ita esse celebratissimis historiis confirmant Gal. 11.  
simpl. cap. 1. cum Arct. lib. 2. chronion. cap. ult. eorum qui  
facie graui, sædo aspectu, tuberoso vultu, humi mor-  
ientium instar prostrati vini viperini vsu conualuere; &  
refert lib. 2. ad Glanc. 10. Galenus, & nos diximus lib. 1  
in com. histor. ult. & proferemus in lucem, lib. 6. in com.  
Histor. 1. & 2. Responder Mercurialis lib. 1. de venen.  
cap. 20. vinum viperinum casu paratum esse venenosum;  
extinguuntur enim in ipso tota vipera, & cauda, & caput  
miscetur, neque sit fermentatio: artificiale verò, am-  
putatis amputandis, vtile esse, & venenatis proficuum:  
Quare hoc vinum magnopere prodest aduersus vene-  
na, veluti & carnes vipera huic vsui viles sunt. Hoc  
dato, vinum viperinum casu paratum veneficum cum  
sit, hos ægros perimit, elephantice verò iuuat, quo-  
niam hic morbus venenosus est, venena autem aliorum  
venenorum sunt antidota. Sic vipera trita, & loco icto  
apposita, certa quadam proprietate, & latente vi vene-  
num extinguit, vt lib. de theriac. ad Pison. cap. 12. & 13.  
admonuit Galenus. Quare vinum viperinum casu pa-  
ratum cæteris lethale venenum, elephantice verò sa-  
luberrimum, ob antipathiam quam vipera ad debellan-  
dum hunc morbum secum habet, prout cit. loc. Magister  
edocuit.

Similiter etiam sitiere, & periere, qui vinum vetus  
vsque ad ebrietatem hausere, nam feruore adaucto inter-  
no, febris correpti, mortui sunt: cum negato humido  
potabili viscera gliscant, & exandescant, & vel à nimia  
vini copia suffocato, & obruto calore, ac ferè extincto  
occubuerint, eo modo quo externus ignis multa lignorum  
strue conculcatus perit, & extinguitur. Sed cur 2. de loc.  
ult. in puero vini liberalis potus fecit vigilias, & delirium,  
& hic sitim, si liberaliter sumptum frigidos morbos parit,  
ex Gal. 3. de temp. 5. lib. de caus. morb. 3. & 2. prorrhetic. com.  
29. & 1. de caus. sympt. 8. Dic vinum antiquum, nimis  
calefaciens, & exiccans apud Gal. 4. acut. com. 106. &  
lib. de præcognit. ad Posthum. cap. 2. facere sitim, & vigi-  
liam concitare; nouum verò semicrudos humores gi-  
guens, eorum, somnum, & frigidos morbos accrescerat  
nam



nam hoc humectat, cerebrum emollit, meatūs, per quos A & vrina, & sudores largiūs promouentur. Ralsius lib. 4. cap. 5. ad Almans. duplicem in mense probat ebrietatem, cum Auic. 3. 1. doct. 2. cap. 8. §. Quibusdam autem visum est, quod semel in mense, aut bis inebriari confert, propterea quod virtutes alienat animales, & requiescere facit, & vrinā pronocat, & sudorem, & superfluitates resoluunt, &c. Sic enim vomitus prouocatur, & ventriculus a vitiosis humoribus grauat exoneratur, & in hunc vsū ebrietatem consuluit vt salubrem, 4. 1. cap. 11. §. Qui autem vinum biberit inebrians, ad hoc vt enomat, &c. nam excitat appetitum deperditum, apud ipsum 13. 3. tract. 2. c. 7. in fin. Quapropter semel in mense ebrietatem commendauit, in canticis, 2. part. num. 34. Disputant Syluaticus cont. 14. Cardozus lib. de sex reb. non natur. cap. 5. quest. 3.

Sic etiam mortuus est, qui pertinaciter sitim sustinere sibi imperauit; nam denegaro humidi potabilis refrigerio, quo nostri caloris viuacitas temperatur, & absumptio illius pabulo, viscera humidum roridum depopulantur, & deinceps sicca & squalida primigenium absumunt, & depascuntur, ad cuius absentiam perire internum ignem, & extinguere animal est necesse.

Deinde miserē vitam cum morte commutarunt, qui dulcis aquae deficientis loco fallam epotant: hi enim postea immodicē prae ceteris sitiēre, & aluo rupta obiere celerius; nam aqua marina deficcet lib. 5. simpl. cap. 2. & sitim concitat: quemadmodum enim marina aqua ignem externum minūs extinguere potest, cum pinguior sit, calidior, & promptius inflammabilis, ex Aristotel. 2. 3. sect. probl. 7. & sic hac de causa lucernas magis ardere facit, ex Plutarcho lib. 1. sympos. 9. & Macrobi. 7. Saturnal. cap. 13. Sic ebibita inflammant, & sitim vehementiorem concitat, & nitrosa qua pollerui, nimis aluum proritat, & ad diarrhoeam corpora facillimē parat. Sic falsa aluum deiciunt, ex Gal. lib. de attēniant. viēt. rat. cap. 3. in hunc sensum lib. 3. simpl. 15. dixit cochlearum maris, ceterorumque ostreorum succum planē tum salsum esse, tum ventrem soluendi vim habere, quā sanē ratione morsum, & acrimoniam inferunt.

Non minūs occubuit, qui imprudenter, hoc est imtempestiue, non iubente Medico, citra coctionem humoris cum esset causode febrē correptus, gelidam ebibit, cuius potu in bilem conuersa, vsque ad mortem nec tantillum leuata siti recreatus est, adeo inextinguibili occupantur siti hac febrē correpti; cuius signa pathognomonica sunt ardentissimus calor, & infatiabilis sitis, auctōre Galeno lib. 4. de rat. viēt. com. 1. quae cum a vehementissima caliditate & siccitate febris oriatur, ab huiusmodi biliōso calidissimo & siccissimo, in venis putrescente suborta, neque potu, aliisue auxiliis mitigari potest, ex Galen. lib. 3. epid. sect. 3. com. 34.

Ex his discas, quā periculosa sit sitis morbosa: qua detenti nimiam potus copiam ingurgitantes, in hydrope, & alios grauissimos affectus, minuto refrigerato, & suffocato interinē igne, ob copiam multam, ocyssimē prolabantur. Quibus autem auxiliis immodica sitis sit curanda, latē auctores proprio capite de morbosa sitis retulerunt, & tradunt Vidus Vidius lib. 9. de curat. membrat. cap. 10. Mercat. lib. 3. cap. 4. de morb. intern. Huic ergo citō succurre, nam ea plus vexat, quā fames, apud Rhodig. lib. 28. antiq. cap. 33.

## QUESTIO XLI.

Quod ebrietas nulli curando morbo sit ex usu. Contra Philonem Hebraum, Platoniorum facile principem.

### COMMENTARIUM.

V[er]sue ad ebrietatem.] Ebrietatem voluntariam sanē insaniam ac manifestum furorem, non defuere ē celeberrimis actoribus qui approbarint, immo si mense bis, aut semel admittatur, maximum ex ea sentiri emolumentum sibi persuadent. Nam Dioscorid. lib. 5. cap. 6. postquam dixit noxiam esse ebrietatem, quoniam cedunt nerui quotidiana obsidione laborantes, ingeneratque copiosus quotidie vini potus, acutorum morborum principia: vtilem tamen esse pronunciauit, praesertimque a potu aquae vinositatem: in summum enim euocat, meatus laxat, laxatisque his, sensuum caeca excrementa expurgat. Paul. lib. 1. cap. 95. immodicam vini portionem diligenter vitandam consulens, longiore tamen temporis spatio interposito liberaliter bibendum praedixit; sic enim Lib. 11.

& vrina, & sudores largiūs promouentur. Ralsius lib. 4. cap. 5. ad Almans. duplicem in mense probat ebrietatem, cum Auic. 3. 1. doct. 2. cap. 8. §. Quibusdam autem visum est, quod semel in mense, aut bis inebriari confert, propterea quod virtutes alienat animales, & requiescere facit, & vrinā pronocat, & sudorem, & superfluitates resoluunt, &c. Sic enim vomitus prouocatur, & ventriculus a vitiosis humoribus grauat exoneratur, & in hunc vsū ebrietatem consuluit vt salubrem, 4. 1. cap. 11. §. Qui autem vinum biberit inebrians, ad hoc vt enomat, &c. nam excitat appetitum deperditum, apud ipsum 13. 3. tract. 2. c. 7. in fin. Quapropter semel in mense ebrietatem commendauit, in canticis, 2. part. num. 34. Disputant Syluaticus cont. 14. Cardozus lib. de sex reb. non natur. cap. 5. quest. 3.

Hoc canunt Graeci, Latinique dum inquirunt, moestitiam vino dissolui, quare in vita fruendum esse, genioque liberaliter indulgendum monent. Nescio stultiusne, an lepidius ebriosus Senex Anacreo, Latine conuersus ita cecinerit:

Teneris superque myrtis,	Tumulum quid est, quod vngas
Super & virente loto	Vel humo quod ebibenda
Recubans, bibam lubeter.	Peritura dona fundas?
Religatus at papyro	Potius manente vita,
Tunicam Cupido collo,	Roseas meo corollas
Mihi poculum ministrer.	Capiti, ferāsque odores:
Rota nam velut curulis,	Mihi & enoces amicam.
Properat volucris alas:	Etenim priusquam ad Orci
Tenuis iacebimusque	Rapiar nigri choreas,
Cinus, ossibus solutus.	Volo dissipare curas.

Vinolentia namque multa bona facit. Primum canunt Graeci, Latinique Poetae, curas, moestitiam, & animi molestias vino dissolui. Anacreo in hoc multus fuit, & famigeratissimus Poeta Horatius huc alludit, od. 7. lib. 1. inducens Teucrum socios hortantem:

Nunc vino pellite curas.  
Et lib. 1. od. 14.  
----- Sic tu sapiens finire memento  
Tristitiam, vitaeque labores.  
Molli, Plance mero-----

Et alibi passim. Sed quid Poetas laudo testes, cum Societatem auctorem grauissimum habeam, sic apud Xenoph. sympos. alloquentem? Sed & mihi planē videtur bibendum: verē enim rigans animos vinum, merores quidem sedat, vt mādragora somnum conciliat homini, iucunditatem, vt oleum flamma, excitat. Vinum item spiritus mouet, & in spem erigit, quod & Poetae cecinerunt, & Philosophi docuerunt. Horat. od. 21. lib. 3. de vino.

Tu spem reducis mentibus anxii.  
Et epist. 2. lib. 3. ad Torquatum.  
Quid non ebrietas designat? operta recludit,  
Spes iubet esse ratas. -----

Plato lib. 1. de legibus, ex translatione Lambini: hominem qui biberit primum efficit placidiorem, quam erat antea, & quod plus de eo gustarit, tanto illi plures bonas spes praebeat, tanto plus virium ad gloriam, & existimationem suppeditat: ad extremum igitur omni orationis licentia, ac libertate, quasi sapiens sit, omniūque confidentia atque audacia completur, ita vt quiduis strenuē, atque impigrē, & dicat pariter, & agat, & Arist. sect. 30. probl. probat latē & doctē, quando omnes animi spes bona vini copia afficit lib. 3. eth. cap. 8. & implentur eloquentia ebrii, quod testatur Horatius illo versu:

Faecundi calices quem non fecere disertum!  
Hoc multis probare possem, sed habenas calamo. Seneca hanc omnino probat opinionem, epist. 95. dicens: Habebitur aliquando ebrietati honor, & pluium meri cepisse virtus erit. Et lib. de tranquil. cap. postremo, liberaliori portione ait dari vigorem: non nunquam & vsque ad ebrietatem veniendum, non vt mergat nos, sed vt deprimat, eluit enim curas, & ab imo animum mouet, & vt morbis quibusdam, ita tristitia medetur.

Philo Hebraeus doctē hanc quæstionem lib. de plantat. Noē pertractat, non tamen vt Hebraeum decebat interdum, sed vt gentilem & profanum; & ex multorum sensu Philosophorum, duplicem constituit ebrietatem: quarum altera vino madeant homines, altera delirent & insaniant: D d vtramque

utramque alienam esse à sapientis & boni viri officio, A cum vna si peccatum, & vitium, altera causa sit etiam vitij & peccati, non solum peccatum: tertiam comminiscitur opinionem, nunquam videlicet sapientem modum in bibendo excessurum, nisi certa spe magni alicuius in patriam, aut parentes, aut liberos, aut valde necessarios, fructus & commodi: adiungit, vinum non adferre quidem interitum corpori, animi tamen esse perniciem, per insaniam & furorem. Addit, quod cui vnum è contrariis conuenit, alterum etiam conueniet: at sobrietas tam malo, quàm bono viro inest: bono igitur, ac malo ebrietas conueniet.

Ante Philonem Platonizantem, Plato lib. 2. de leg non longe à fin. ira ebrietatem sapienti concedit viro, atque B omnibus, ut ea tamen ad vim, & furorem non impellat. Consentit Marf. Ficin. cum eo, in argumento ad hunc secundum librum lib. 3. imperans iuuenibus, ut cum quadragessimam attingent annum, in conuiuiis epotent licentius, ac largius.

Detestandam tamen esse ebrietatem, tum veterum, tum iuniorum peritissimi monuerunt.

Galenus palam fatetur hoc in loco, dum eam sitis intensissimæ, & mortis fuisse causam inculcat: à nimio enim calore vini veteris, noster calor resoluitur: hoc modo maior flamma minorem absumit. Dioscorides loc. cit. noxiam esse omnem retur ebrietatem, præsertimque continuatam: Hip. lib. 5. aph. 5. ex ebrietate quandoque oriri aphoniam, & conuulsionem asseuerat idem affirmat lib. 2. de morb. num. 28. imò ex ea, præcedente vocis interceptione, mortem renasci affirmat, in lib. 3. de morb. num. 8. Galenus licet pluribus locis vini modicè sumpti vsus commendet, ab eius nimio potu arcet tanquam ab ipsa peste; nam 3. de temper. 2. vinum ubi plus bibitur, quàm euinci possit, tantum abest ut animal calefaciat, ut etiam frigidiora vitia gignat quippe apoplexia, & paraplexia, & quæ Græcè caros, & comata vocamus, & nervorum resolutio, & comitiales morbi, & conuulsiones, & tetani immodicum vini potum comitantur, quorum unumquodque frigidum est vitium, &c. Cætera de ebrietatis noxis, lege apud ipsum, ex mente Platonis, lib. quod animi mores, cap. 10. quem locum elegantissimè Ioannes Baptista Persona fuit interpretatus. Nam vinum imperat animæ facultatibus, velut tyrannus quidam: Explicant eloquentissimè Macrob. lib. 7. Saturnal. 6. & 7. Cælius Rhodig. lib. 8. antiq. 30. & 31. Plin. lib. 14. cap. 22.

Auicenna loc. cit. de regimine aquæ, & vini, sic ait. Frequens quoque ebrietas est mala, quæ hepatis, & cerebri complexionem corrumpit, & nervos debilitat, & ad nervorum agilitudinem perducit, & apoplexiâ, & mortem subitanæam, &c. Hæc omnia vitia sigillatim recenset Arnaldus, in com. cap. 15. regiminis Salernitani, & exemplificat inter omnes Levin. Lemn. lib. 2. de occultis, cap. 17. & 18. Nam vini intemperantia, quàm cibi nocentior, ex Celso lib. 1. c. 2. in fin. 5. Sape siquæ intemperantia subest, durior est in porione, quàm in esca, &c. quidquid per verbum (durior,) legant aliqui interpretes (tutior:) sed citra rationem, quoniam immodica vini portio plus damni, detrimentique affert corpori, quàm cibi ingluuies. Potus siquidem tenuitate sua meatus omnes confestim penetrat, atque incoctus venas subit, nervosque ac cerebrum tentat: cibus verò in ventriculo hæret dum concoctus est; qui si oneri est nimio, minimo negotio vomitu excutitur: argumento est, quod canes, feles, glires si veneno medicatas offas deuorent, irritata ad expulsionem faculate, nulla molestia euomunt, quod in liquidis est difficillimum: hinc fit ut venena potu exhibita, plus quàm in esculentis noxia sint & rapitur enim citissimè in penitissimas corporis partes virus, & viscera interna corrumpit labe dira.

Deinde nemo probauit ebrietatem, vinolentiam non damnavit. Patet aperte, nam si vini modicè sumpti laudes sunt innumeræ, ut supra citauimus, ut refert Paul. lib. 1. cap. 95. cum Oribas. lib. 5. collect. c. 7. immoderatè hausti erunt damna plura. Hinc Seneca ebrietatem remouet à sapiente, epist. 84. & 85. in eamque inuehitur acerbissimè; ea enim videtur semper reprehendenda, neque ea

commemoratur ab historicis, ut laude digna, sed ut non digna sapiente. Ad hanc euitandam narrant Plur. in quest. Rom. q. 45. Polyb. apud Athenen. lib. 13. cap. 13. interdixit fuisse à Romanis, fœminis, & ingenuis adolescentibus potum vini. Sic Massilienses, & Lacedæmonij ab ebrietate sic abhorrerunt, ut seruos suos plurimo vino cogere impleri, quò liberi eorum tam fœdo ebriorum aspectu ebrietatem aduersari docerentur, ut scribunt Valer. Max. lib. 2. cap. 1. Alian. lib. 2. var. histor. c. 38. Clemens Alexandrin. lib. 3. pedag. cap. 8.

Ad hæc, ebrietas petulantissimos reddit, & in Venerem maximè pronos; nam voluptatis comes est, iuxta Silium Italicum lib. 15. bel. Punic.

*Ebrietas tibi fida comes, tibi luxus, & atris*

*Circa te semper volitans infamia pennis.*

Et Petrus Lopeſius lib. 6. de sex reb. non natural. sic cecinit:

*Est blandus demon, peccatum dulce, venenum*

*Suaue, bonum morem non habet ebrietas*

Quare homines ad Venerem proclives reddit, auctore Ouidio lib. 2. de remed. amoris.

*Quid tibi præcipiam de Bacchi munere quaris?*

*Vina parant animos Veneri*

Et alibi. Vnde illud Aristophan. apud Ath. lib. 10. cap. 15. Vinum lac Veneris Hinc versus ille Græcorum vetus: Mortua res, non modò frigida Venus, Absque Cerere & Baccho. Cur? exponit apud Ath. lib. 10. cit. Aristophan. quia dulce vinum, ac suaue lac Veneris: & Apul. in asino aur. propterea Veneri cœnam affingit ebriam. Huc alludit Ouid. lib. 12. metam.

*Nam tibi fauorum sanissime Centaurorum*

*Euryte, quàm vino pectus, tam Virgine visa*

*Ardet, & ebrietas geminata libidine regnat.*

Tametsi verò concitentur vino mortales in Venerem, vis tamen in eis procreandi, seminisque facultas hebetatur, quoniam vino diluitur, auctore Theophrasto apud Athen. lib. 30. cap. 11. qui Alexandrum Magnum in actu venereo, minimùm valuisse affirmat, quòd vinosus esset. Hoc docuit expressè Arist. sect. 3. probl. 1. 4. 11. 3. 2. qui inutilis esse ad coitum ebriosos affirmat, quòd eorum semen infœcundum sit, & liqueſcat in aquam: de qua re Tiraquel. infinitæ lectionis vir, eloquenter agitauit, in lib. 9. legum connub. gl. 1. p. 9. num. 128.

Insuper ebrietas parua est insania, ex Chrysippo apud Stob. lib. 1. de sentent. cap. 18. nam vinum temetum apelatur quòd mentem tentet, & à statu suo dimoueat, & labefactet. Sic Fulgofius lib. 2. mythol. 1. in Dionysio, quatuor genera constituit ebrietatis: nam prima est violentia, secunda, rerum obliuio, tertia, libido, quarta insania: ut ex Catonis mente notat Marius Grapaldus lib. 2. de partib. adium, tit. de vino. Ebrij enim nec mentis, nec corporis. compotes sunt. Ebriis omnia geminata videntur, ex Arist. 3. probl. 29. explicant Trallianus lib. 1. probl. num. 121. & Rhodig. lib. 28. antiq. cap. 34. Hinc Virgilius Poëta eximius, cum lib. 2. Georg. genera vuarum recenset, de vna, aut altera tentare pedes canit, & linguam vincere.

*Et Passio Pſythia utilior, tenuisque Lageos*

*Tentatura pedes olim, vineturæque linguam.*

Immodè & mentem, ut est apud Propert. lib. 3. eleg. 3. in descriptione triumpho.

*Me inuat & multo mentem vincere Lyao.*

Sic Theognides apud Stob. loc. cit. habet Quisquis bibendo modum superaueris, non ampliùs sua lingua compos est, neque mentis, verba effatur balba, quæ sobriis dedecus sunt. Nullo enim quolibet agendi pudore ducitur, quamdiu fuerit ebrius: qui priùs sapiebat, tum stultus efficitur. Hæc in animaduertens, vinum ne supra modum ingurgitaueris, sed priùs surge quàm inebrieris, ne te sibi subiiciat venter, tanquam mediastinum improbum, quotidianis laboribus inseruientem, &c.

Denique Euplius apud Ath. lib. 4. cap. 3. sic alloquitur.

*Gaudia quanta suis Bacchus dedit, atque laborem!*

*Si quis multa bibis, sunt insania vina,*

*Ille mentes, mensèque ligant linguamque, manisque,*

*Ebrietatem*

Ebrietatem execratur vehementer Sacra Pagina pluribus in locis, quæ citant Dom. Nanus in *Polyanthæa*, Amanius, Langius, & And. Eboren. qui multis in ebrietatem inuehuntur argumentis. Primo, quod seruitutis origo sit, tum parit egestatem. In idololatriam impellit; Hominem exuit, hoc est, vsu spoliatur rationis, & pudoris ludibrio exponit; libidinem prouocat; bellicosos, ac strenuos viros effeminat; fatuos efficit, & mendicos; perniciem corpori adfert extremam; quare venenum appellatur. Dehonestat, & contaminat omnium mores, & actiones. Viros mulieribus subiugat: Secretorum fidem proditi; & aliorum vitiorum alitrix est, & origo.

Acne abeam longius, quæ vino attribuuntur laudes, ad vinum pertinent moderatè sumptum; quæ ei assignantur reprehensiones, ex vini sunt nimij. Apertissime probat id ab Alex. Clemente *lib. 3. Strom.* sic à Gentiano Latine factus versus.

*Potatur nimium si vinum, est res mala: sed si  
Vtatur benè quis, res bona, non mala res.*

Pro vnus Dioscoridis interpretatione Marcel. Virgilius in *com.* insudat valde, vt dicat ipsum vinositatem quæ ex se mala non est, approbasse, ebrietatem damnaſſe: etenim nihil est aliud quàm relaxatio animi vino facta, qua calentes, & à torpore excitati toto corpore spiritus, ad agenda omnia vegetiores redduntur. Sed fallitur aperte, nam hæc, vt vidisti, non est recipienda. Dic ergo eam post aquæ potum, auctorem commendasse: cum enim aqua frigida, subito ac cumulatim epota, præsertim à balneo, cursu, validisque exercitiis, strangularis & dolores concitans, veneni promptissimi instar, innatum extinguat ignem, apud Dioscorid. *lib. 6. cap. 34.* & Paul. *lib. 5. cap. 66.* nullo alio præsentaneo auxilio, quàm multo meraco epoto, citius succurritur, quoniam calefacit corpus, & aquæ frigiditas sic vinositatem, hoc est, copioso potu vini retunditur.

Arabice verò familiæ sectatores, hoc modo sunt intelligendi; nam post nimium aquæ potum, nimia quantitate hausto vino, grauato ventriculo, vomitus cietur, & aquæ inducta malitia infrænatur. Vel si ex aliorum mente loquutos fuisse hos auctores, vt ibidem refert Auic. asseueres, explicabis rectè. Quidquid, falsò tamen, errasse ipsos contendant Gulielm. Placentin. *lib. 1. cap. 8.* Gordon. *particul. 2. lily. cap. 21.* Valeſc. Tarent. *lib. 1. philon. cap. 8.* Sic in maiori copia epotum vinum, appetitum à valida frigida ventriculi intemperie deperditum excitat.

Vinum deinde omnes ex pectore molestias dissipat, epotum ad mensuram: sin minus, noxium est. Poëtas nimio effici potu vini, an concedam, sum anceps. Libentius negabo, cum summos poëtas videam non ebriosos fuisse, sed sobrios. Homerum, ac Virgilium fortè vinosos dices, iuxta illud Horatianum, *lib. 1. epist. 3.*

*Laudibus arguitur vini vinosus Homerus.*

Sed non alta de causa vinosi habiti sunt, nisi quòd vinum laudant, idèmq; Horatius isto versu indicant. Ad Venerem impellit immodicus vini vsus: id cecinit Propertius *lib. 3. eleg. 16.*

*Filic sape animos iuuenum rapuere puella,*

*Et Venus in vinis, ignis in igne fuit.*

Senecam verò, & Platonem eximios sanè Philosophos, & modestissimos, quis ebrietatem commendasse asseuerabit? cum eam abhorreant summopere; solum moment aliquando ad eum vini potum accedendum esse, non vt mergat nos, (sic enim loquuntur) sed vt curas deprimat. Vinum ergo semper sobriè bibendum, vt notat Vallesius *lib. de sacra Philosoph. cap. 27.*

De Philone Hebræo maior est disceptatio, in qua quis non videt eius euerri sententiam? Concludit enim non repugnare sapienti, si cum tempus & occasio fert, largius vino vtatur. Fulcit suam sententiam illorum testimoniis, qui de ebrietate scripserunt libtos, & confutat eorum, qui dicebant, non licere viro bono ebrium fieri. Egregium tamen Philosophum, & sacrosanctæ Paginæ interpretem grauissimum atque præclarum valde miror, qui patrociniū suscipit ebrietatis, seu vinolentiæ, dum furili argumentatione nixus, bono viro, ac malo sobrietatem

*Lib. 11.*

conuenire affirmans, eius contrariam ebrietatem etiam debere inesse contendit: nam hoc modo, cui conuenit castitas, etiam impudicitia conueniet. Amplius peccat ipse, in quo exulare conatur sanctum virum Noë, qui licet ob incuriam, & ignorantiam naturæ, & efficacitatis vini, factus fuit ebrius, tamen peccauit. Sic Lothi ebrietas præcedens concubitus cum filiabus, reprobata fuit, & damnata nimis, vt ex multorum mente Doctorum probauit Petterius in *com. c. 19. Genes. dispus. 7.* Ebrietas ergo semper detestanda, & nulli morbo curando est ex vsu. De quo argumento pulchra lege apud Petrum Andreæ Canonherum *lib. 2. de admirandis vini facult. ferè per totum*, qui copiosissime simul, & ingeniosissime de eodem inter omnes disceptauit.

## HISTORIA LXXIII. RHASIS,

### De Siti.

Sitis orta ex phlegmate falso, falsis  
cibis curata.

*C* Vraui quoque patientem sitim\* de phlegmate falso, dans ei cibaria, in quibus condiminabatur salsedo; vt cappares cum sale, citatis omnibus cum suo contrario, &c. Rhasis *lib. 11. continent tract. 1. cap. 2*

### P A R A P H R A S I S.

*C* Alenus *lib. 4. acut. com. 1.* refert sitim ex potu aquæ marinæ vehementem concitari, & ex phlegmate falso insatiabilem fieri; dicant ascitici, qui clamorosa cruciantur siti vt *infra* latius dicemus: nam falsa licet amaris sint humentiora, & minorem obtineant calorem, magis tamen siticulosa sunt, quoniam liquefacta, & in ventriculo, eiusque ore imbibita & impacta, partem ipsam vndeque alterant, cum tamen amara in extimam tantum superficiem agant, nec intimius peruadere queant.

Sed cum sitis oriatur ex humoris inopia, & caloris copia, & sapor falsus dulci sit calidior; ex Arist. *3. probl. 30.* & Auecr. *lib. 5. collig. 27.* sit manifestum à falsis concitari sitim, quæ licet humida sint actu, potentia tamen impensè exiccant, supra quorum complexionem dominatur pars sicca, adusta, in qua mixta est humiditas pauca, ex Gal. *lib. 5. simpl. 26.* dicente, falsum terrestre esse, calidum, nondum tamen igneum. Caloris ordinem expressit Iſhac. *lib. diat. vniuers. cap. 12.* inquit, in fine gradus secundi calefacere, & exiccare. Habet etiam falsus sapor aquei humoris non exiguam portionem, ita vt neque prorsus terrenus, nec tantum aquosus existat, sed ex amborum permixtione materiæ quandam mediocritatem sortitur. Hoc ita esse, generatio eius aperte demonstrat: nam partes terrenas aqueæ materiæ permixtas calor externus præassans, & adurens, siccansque, falsum saporem producit; sitque à terreno sicco, quod in aqueo humido caloris vi præassatum, attenuatum existit. Hanc falsi saporis causam tradere visus est Arist. *lib. 2. meteor. c. 3.* de maris salsedine verba faciens: nam ait ob id mare ipsum falsum reddi, quia Sol tenuiores aquæ partes extrahens, & in vapores effundens, crassiores veluti torret atque adurit, quæ vnà cum crudioribus ipsius aquæ partibus permixta, salsedinem faciunt: de qua re, lege Scaligerum luculenter disputantem, *exercit. 51. aduersus Cardanum.*

Exigitur hic aqueus humor ad falsi saporis generationem: nam sine eo consistere, aut permanere non potest; quandoquidem eo absumpto non amplius falsus remanet, sed protinus amarus redditur, terrestri portione vnà cum calore tantum remanente. Id ipsum sal manifestat, qui dum igni applicatur, mouere crepitum solet, quod nulla alia occasione euenire, Philosophus putat, *lib. 11. probl. 26.* nisi quia sal parum humoris in se continet, qui calore ignis cōuersus in spiritum, violento profluens impetu erumpit. Obiicies, cur falsa odora non sunt, si odorabilem vaporosa existit substantia, quæ ab humore semper eleuatur?

D d 2 Respondet

Respondet Galen. *lib. 4. simpl. 2. 2. id euenire, quoniam humidum quod habent, aqueum est, & nullum ex se vaporem emittit: nam aqua corpora hac de causa inodora sunt. Num autem pituita salsa, frigida sit, an calida, inter omnes agitant Mercat. rom. 1. clas. 3. quest. 78. num. 4. & Ioan. Brauus Petrasitan. in com. cap. 6. lib. 2. Gal. de dif. feb. Peramat. lib. de humorib. cap. 15.*

Sed iure inquires, cur salis sitim à pituita salsa subortam persanauerit, si illa sicca sunt terrestria, calefaciunt & exiccant, & hic humor humectationem desiderat? Dic, Auctorem exhibuisse salsa ad humorem salsum abstergendum, & abluendum; has enim proprietates habere salsa, ostendit Auic. *lib. 2. tract. 1. cap. 3.* Dic secundò, exhibuisse non quælibet salsa, sed cappares conditas sale; hæ enim solutione euacuant humorem melancholicum, salsuginosum, crudum, & grossum, qui est causa sitis, ex Auic. *lib. 2. tract. 2. c. 141.* Nam Dioscorid. *lib. 2. cap. 164.* cum Paul. *lib. 1. cap. 74. in fin. eas iecur, lienemque laxare; & pituitam per alium deicere affirmant, sic referente Marcel. Virgil. in com. Hæ ergo vacuant mucosum succum, quem prius extenuant, aperiunt, abstergunt, incidunt, & mundificant, apud Paul. *lib. 7. tit. de cappar. & Plin. lib. 20. cap. 15.**

Neque auctoris verba te suspensum teneant, dicentis sitim ortam à pituita salsa, salis esse medicandam, tanquam contrariis; cum intelligendus sit, loquentibus nobis latissimo contrarietatis significato prout Medici loqui consueuerunt, appellantes contraria, quæ quodammodo opponuntur, siue id sit mediata potentia, vel ex accidenti: Sic Hip. *6. epid. sect. 2. text. 9. dolorem, inquit, curari dolore, fluxum fluxu, vomitum vomitu, tussim tussi.* Sic salsa, sitim curant factam ab humore salso, vacuando causam, ut supra in com. *Histor. 15.* annotauimus.

## QVÆSTIO XLII.

*Quod pituita salsa fieri possit, permixta cum dulci pituita, exusta bile. Contra Gentilem, Amatum, & Manardum, Medicos doctissimos.*

### COMMENTARIUM.

**D**E phlegmate salso.] De pituitæ salsæ generatione, etsi abunde plurima sint à iunioribus agitata, nihilominus varia discutientibus, versantibusque ostentant se pleaque, citra dispendium studiosæ iuuentutis, quæ præteriri nequeant. Constat itaque salsa pituita. Galeno auctore *lib. 2. de dif. feb. cap. 6.* bifariam: altero modo ex putrefactione pituitæ; altero verò ob permixtionem salsæ serosæ humiditatis cum pituita dulci, aut insipida. Putrefactione quidem, nam ob ebullitionem, & præternaturalis caloris validam actionem, partes nonnullæ terrestriores redduntur, & quadamtenus torrentur, quæ licet modicæ amaritudinis participes esse possint, ut aliqui cines, sitamen commisceantur cum humore dulci, aut insipido; ex hac miscella salus emerget succus; in hunc sanè modum, marinæ, & puteales aquæ nonnullæ saporem salsum præ se ferunt.

Concinnatur præterea salsa pituita ex salsa serosa humiditate, mixta cum pituita dulci. Hunc Galeni modum Auicenna *1. 1. doct. 4. cap. 1.* non admittit, sed nulla alia ratione, ut scitè *ibidem* notauit Gentilis, nisi quia Galeni contextum deprauatum legerat (propter permixtionem serosæ humiditatis cum pituita dulci:) debebat autem legere (propter permixtionem salsæ serosæ humiditatis,) ut in correctis codicibus modò animaduertitur. Colliges deinde incautè, immò imprudenter se gessisse Gentilem, qui *cir. locum* Auic. enarrans, Galenum rudem appellare non erubescit, propriam in hoc ruditatem apertè manifestans, qua adeò laborauit, ut sibi persuaderet Galenum per salinam serosam humiditatem, salinam pituitam accepisse; cum serosa salsa humiditas apud Galenum, nedum pituitæ nomen, sed nec propriè humoris retineat appellationem, nec sanguis sit, bilis, aut melancholia, velut serum in lacte, quod neque butyrum est, neque caseus, ut era-

ditè admodum docuit Valleriola *lib. 1. enarrat. c. 7.* qui de sapore salso, illius generatione, & natura affabrè conscripsit.

Auicenna allatis salsæ pituitæ causis, non veretur citato loco aliam subnectere: nempe eam fieri etiam ob certam commixtionem portionis bilis exustæ cum humore pituitoso dulci, aut insipido. Hanc Auicennæ sententiam palam redarguere conatur Manardus *lib. 18. epist. 5.* vno sanè munitus argumento, quòd experimento compertum sit vomentium pituitam, paucissima bile permixtam, in quibus etiam si bilis sui paucitate sensum lateat, amaror, & non salsedo deprehenditur. Tam efficax est amarus sapor, ut vel minima quantitate, quæ sibi commiscetur omnia amara faciat: aloës exemplo, quæ exigua quantitate, copiosiori aquæ permixta, amaram proflus, non salinam eam reddit. Quis ergo credat, ex admixtione bilis amarissimæ cum pituita salsum saporem resultare?

Ego verò huius auctoris experimentum ficulneum, commentitiūque esse puto, quo nixus petulanter rei veritatem occultare ausus est: nam commixtis particulis terreis exustis cum dulcibus, aut insipidis, certa quadam commixtione, sapor constat salus, auctore Arist. *24. sect. probl. 17.* quod in lixiuio interdum accidere idem meminit: sed in omni exusta bile assignantur partes hæ terreæ: ex certa igitur, & determinata mixtione bilis exustæ cum pituita dulci, concinnari potest salsa pituita. Licet enim terreum illud exustæ bilis vtunque amarescat, non inde tamen sequitur amarum relinqui saporem, & non salsum; salus namque sapor amaro finitimus est, eiusque generationis modus, penes maiorem exustionem; aut minorem, ab amaro diffidet, ex Galen. *lib. 4. simpl. 20.* Vis experimento perspicuo, & certo hanc rem intelligere? consule secretorum naturæ operum diligentissimos scrutatores, hi enim ex rebus combustis omnibus sal elici asseuerant, quantumuis duris, aridis, mollibus, humidis, nempe combusta re quauis, si eius cines humore aliquo, vel ipsa insipida & dulci aqua diluas; atque hunc rursus humorem inclinato vase in alterum vas si collegeris, re ipsa disces, amarum quidem, sed salsum etiam humorem eum effluxisse; immò si ipsum deinceps igni tantisper admoueas, donec humidum omne calore absumatur, ipsum manifestissimè concretum salem subsidere deprehendes. Quare cum hæc ira se habeant, doctissimè videtur, salsæ pituitæ causam in adustæ bilis, & aquosi humoris mixtionem retulisse, quod Auer. *3. collig. cap. 6.* eximè explicuit. Quo pacto autem cognoscamus, quando salsedo in pituita sit per mixturam intus factam, & quando per mixturam humoris aliunde venientis, explicat acutè Sanctorus Sanctorius *lib. 7. meth. vitandorum errorum cap. 2.*

Quo igitur modo dilui potest Manardi argumentum contra Auicennam? Respondet Amatus *1. cent. 92.* cum Augustino Nipho, non ex qualibet mixtione bilis flauæ cum pituita dulci produci pituitam salinam, sed ex certa & determinata, eaque à calore facta. Hæc dum scribit, eadem qua Manardus, imbuitur labe, censens profiteri & tradidisse Auicennam, ex flaua bile amarissima cum pituita dulci permixta, salinam pituitam oriri, cum Auicenna de bile exusta, quæ minus amara est, mentionem faciat; non de flaua, cui intensa inest amaritudo. Dic tu, quòd bilis flaua, & aloë adeò vehementem obtinent amaritudinem, ut pituitæ dulcedinem, aut aquæ insipiditatem ad amarum potius, quàm ad salum saporem mutare queant: opus autem est, ut terreum quod permiscetur ad salinæ saporis generationem, exigui remissique sit saporis, minimè verò intensæ amaritudinis, ut doctè Conciliator aduertit, in com. *lib. 2. probl. 4.* Ad istum profectò modum marina aqua salsa efficitur. Patet ampliùs euidenter, in marina aqua, quæ per ceram transcolata, dulcis efficitur, quoniam renues & dulces partes permeant duntaxat, relictis crassioribus terreis exustis, quæ erant salsuginis causa. Præterea, ut Auicenna præstat *loc. cit.* decoctus in dulci aqua cinis alkali, calx, & alia, quæ exiguam amaritudinē præ se ferunt, salu. n.



falsum producant saporem: secus procubito accidit, ubi quæ commiscuntur, amaro sapore intenso prædita sunt. Solue secundò, & fortasse melius, non ex quavis permutatione amari cum aqueo fieri saporem falsum: nam requiritur permixto amari adusti, ut in sputo ieiunantium, in quo ob inedia bilis torretur, & salua falsa redditur. Sic sudor, & vrina falsa sunt, ob mixtionem paucae bilis adustæ cum humore ebibito, ex Gal. lib. 10. simpl. 15. De quo instituto pulchrè & argutè satis docuit Antonius Poncius, in fen. 1. 1. opuscul. 6. de humorib. cap. 20.

His prælibatis quæres. Primò. Quomodo, si falsum putredini aduersatur, & ab hac corpora omnia præseruat, possit quod putridum sit, falsum euadere? Secundò. Cur falsedo magis afficit pituitam, quam reliquos humores? Tertiò. Cur ex aliis humoribus vñtis aqueo mixtis, non fit in nostro corpore falsedo, sed ex sola bile amara? Dic ad primum. Acetum genitum per putredinem ex vino, putredini maximè resistit, quoniam dum putrebat, omnes partes putredini opportunæ, calidæ nempe & humidæ, fuerunt separatæ & absumptæ, relictis frigidis siccis putredini inimicis, quæ non modò non putrent, verum à putredine præseruant, frigore, siccitate, & adstrictione. Sic falsa pituita putredine generatur, atque aliis pituitæ differentiis difficilior putret. Dic ad secundum. Serum falsum, pituitam omnis saporis expertem falsedine afficere, reliquos verò succos sic afficere non posse: reluctantur enim in sanguine dulcis sapor, in bile flaua amarus, in atra acidus; accedit, quòd de sanguine falso meminit Gal. lib. de arra bile cap. 2. Sed hæc non est sincera falsedo, qualis in pituita falsa animaduertitur. Ad tertium. Dic. Frigidos humores non ita vri, ut eum saporem induant; sanguis verò eius est naturæ, ut prius ferè vertatur in bilem. Quare solabilis est, quæ falsedinem vltiori vñtione efficere potest.

A ex itineris labore corpus esset exiccatum nimis, calorèque confectum, assumpto mero exardescere cõspir; nam vinum vetus est calidum in tertio, & siccitas ex proportionem responder. Addiderim vina vetustate fieri calidiora, ex Galen. 12. meth. 4. & lib. 5. de sanit. tuend. cap. 5. & sicciora; nam vinum potentia exiccat, ex Galen. lib. 5. aph. com. 5. & lib. 3. meth. cap. 4. cum Hip. lib. de vlceribus affirmante, vlcera vino esse exiccanda: vinum enim dummodò non sit aquosum, sicut potentia calidum est, sic potentia exiccat; & reductum ad actum, per se calefacit & exiccat; biliosos morbos inducit, sitim concitat; & magis si sit merum, hoc est syncerum, nulla, vel minima lymphæ permixtum; citius enim tunc inflammatur sanguinem, bilem adurit, humores acuit, humiditatem siccitate sua exprimit & resoluit, & promptius sitim inducit, quæ aquæ potu commodius leuari solet; nam ut dicebat Hip. lib. 6. epid. sect. 4. text. 15. calidis naturis aqua potus, refrigeratio, frigidi aeris inspiratio valde conducunt. Sed de vini differentiis dicemus plura, lib. 3. in com. Histor. penultim. Quibus autem præsidii, & quo ingenio, siti ab æstiuo tempore, & exercitio profectæ, immò à variis causis subortæ auxiliari possimus, doctissimi scribentes explanarunt, & latè retulit Mercatus lib. 1. indicat. cap. 2. Interim lege Mercurial. lib. 3. praxis, cap. 9.

## HISTORIA LXXV. TRALLIANI,

## De singultu.

Singultus ex caliditate ortus, frigidis curatus.

C Qui autem quendam ex iis, qui ob hanc intemperiem singultiunt, frigida sorbitione conseruatum, &c. Trallianus lib. 7. cap. 13.

## HISTORIA LXXIV. GALENI,

## De siti.

Meri potus, sitim auget, non placat.

S Cio equidem, me aliquando ex æstiuo itinere siticulosum reddidit, bibisse vini veteris paulò syncerioris calicem unum, atque ex eo magis sitim auxisse, non placasse, &c. Galenus lib. 4. acut. com. 1.

## PARAPHRASIS.

I Ngentem sitim, aut ob humoris inopiam, aut ob caloris copiam, aut propter vtramque excitari constanter affirmant auctores omnes, edocti à Galen. lib. 4. aph. 19. & 6. de loc. affect. cap. 2. & 1. de caus. symp. 7. Actio 1. b. 2. ferm. 4. cap. 119. Paul. lib. 2. cap. 52. Alexandro lib. 7. quare sitis est appetitus frigidi, & humidus actus. Certum enim est sitim ex defectu liquidioris & humidioris substantiæ concitari: vnde sitiens frigidum & humidum expostulat præsidium, quod non solum deperditam substantiam reficiat, verum & calorem (quem ad humidum defectum, acriorem & maiorem fieri est necesse) refrigeret & contemperet. Sitim adaugent, æstiuum tempus, calidissimi aeris inspiratio, nimium exercitium; quæ tum torridam substantiam absumunt, tum viscera, pulmonem, ventriculum, iecur, sanguinem, & spiritum calefaciendo inflammant: sic labor, ira, vigilia sitim concitant hac de causa.

Sitis hæc ab externa causa producta, vel potu, vel liquidiori frigidòque alimento mitescere solet. Sed cum sitientes semper expectant actu humidum, & appetitus ventriculi cum ratione careat, feratur in humidum quoduis obuium, non potens discernere infiras eius qualitates: iccirco Galenus exercitio, æstiuoque maceratus, & siticulosus, vinum vetus paulò synceriori ebibere coactus est, ex cuius potu sitis plus aucta est, quam mitigata. Cum enim

## PARAPHRASIS.

D E singultu, eiusque causis iuniorum doctissimi suas fecere quæstiones. Eum esse ventriculi motum conuulsium, & ab eisdem causis proficisci à quibus oritur conuulsio, firmiter cum Hip. & Gal. lib. 6. aph. 39. cæteri Medicinæ principes, quorum mentem intumescit explicarunt Marcel. Donat. lib. 2. de medic. histor. mirabili, cap. 5. Vallesius lib. 5. contron. 16. Christoph. à Veiga lib. 3. art. medic. sect. 1. cap. 21. & alij, qui aphorismum citatum Hip. sunt interpretati. Num autem in singultu vehementius, quam in vomitu natura moueatur, ut propulset noxam sensatam, inter omnes agitant Mercat. lib. 3. praxis, cap. 5. Alcimar. lib. de curand. hum. corpor. malis, cap. 66. Vidus Vidius lib. 9. de curat. membrat. cap. 14. Gentilis in com. cap. 20. tract. 5. 13. 3. Holler. lib. de morb. intern. 1. in schol. cap. 31.

## D V B I V M XLIV.

Num singultus sit pulmonis passio, ut voluit Arist. Contra Lupeum, Medicum eximium.

E P Orrò, an Aristotelis sententiam tueri possimus, qui à Medicis assertionibus recedens, arbitratur singultum pulmonum affectum esse, hoc loco videtur discutiendum. Sæpius enim 30. probl. quæst. 1. singultum esse in frigidationem loci, qui est circa pulmonem, affirmant: & quæst. 5. singultum fieri refert, quoties spiritus vacans ab humore, in loco spiritus detinetur. Respondet Lupeus lib. 3. enchiridij, cap. de singultu, fortè hoc in loco Arist. succinere Platonem voluisse, qui lib. de natura scripsit, arteriam asperam viam esse potus. Ego verò pro Platonis, atque Aristotelis tutela, reor potius, nec Platonem inibi, quod Lupeus forsitan opinatus est, profiteri, nec Aristotelem in problematis tam turpiter deceptum, ut iudicet, verum singultum ventriculi passionem non esse.

Quod verò attinet ad Platonem, satis quidem fuerit A affirmare, apud eum asperam arteriam viam esse potius, non maioris eius partis, quæ dum bibimus, in ventriculum detruditur, sed duntaxat portunculæ eius, quæ non obstante epiglottidis operculo in asperam illabitur arteriam. Hoc, non aliud proficere Platonem multis testimoniis probat Galenus lib. 8. de placit. Hip. & Platon. cap. ult. Id sane Hip. ante Platonem professus est, lib. de corde, num. 1. & 2. & Gal. post eum lib. cit. cap. 8. quorum mentem intimius explicuit Andreas Laurent. lib. 9. de re anat. quest. 25. Verum ad Arist. dicere merito possumus, cum Conciliatore, in com. per singultum eo loco non intelligere verum singultum, qui ventriculi passio est, sed motum quandam partium spiritalium, qui fit dum irritatur tussis, sed non completur. Hunc motum, seu improprium singultum, assimilari alicui modorum morus tussis, quæ est in pulmone, & velamine ad expellendum humorem noxium; tenet Auic. 2. 3. tract. 5. cap. 19. in princip. Quare per consensum, non per se, à pulmonibus oriri posse singultum affirmabimus, quemadmodum Gal. lib. 2. de caus. sympt. 2. aliquos scripsisse tradit, singultum aliquando ex conuulsione musculorum, qui inspiratum faciunt, oriri posse. Sic singultum ex hepate inflammato superuenire propter neruorum communionem docuit Hip. lib. 5. aph. 58. & lib. 7. aph. 17. Sic ex gulæ affectu, originem aliquando ducere, docet Gal. lib. 2. de caus. sympt. cap. 6. Et nisi hoc modo Arist. interpretetur, quo pacto defendi possit, haudquaquam intueor.

Vtunque sit, Trallianus hoc loco loquitur de singul- C tu orto in febribus ex mordaci, acri, calidoque humore, quem humectantibus, & infrigidantibus obtundere conatur. Sic enim eius acrimonia hebetatur, mordacitas infrænatur, & vis pungens, ventriculumque lacerans mitescit, & temperatur. Si enim hunc humorem non attemperes, ducto in consortium cerebro, neruorum principio, suscitabitur conuulsio, prout proprio experimento obseruauit Gal. lib. 12. meth. ult. & lib. 5. aph. com. 1. Loquutum autem fuisse de singultu ex plenitudine orto, constat: nam qui ob inanitionem, fit, incurabilis est, ex Gal. lib. 5. aph. 3. & 4. cum enim singultus sit stomachi conuulsio, ex Gal. nuper cit. loc. & lib. 7. aph. 3. & hæc, ex siccitate, & inanitione oriatur, curationem non admittat, ex Gal. lib. 2. aph. 26. Paul. lib. 3. cap. 19. & alibi passim: manifestum fit, hunc ægrum, deposita iam humoris acris, & biliosi maiori parte per medicamentum purgans, (vt par erat fecisse Trallianum) singultum ex repletionem fuisse passum, & frigida sorbitione leuatum.

Gravis sane affectus est singultus, qui in febribus, ab acerbis venenosisque halitibus, & ventriculum nimis sensilem mordentibus cum ortum ducat, maximum periculum portendit: nam sæpe vapor malignus in os ventris effusus, deteriore, quam quouis humor acer & mordax, singultum inflixit, qualem sæpissime comperimus, malignis & pestilentibus febribus, atque etiam iecoris inflammationi superuenire, & maximè cum spes in angusto est, & cor morbi malignitate opprimatur, vt ait Fernel. lib. 6. pathol. cap. 3. Eum sæpissime contingere videmus in febribus laboriosis valde, inflammatione ilei, mesaræi, ventriculi, hepatis, ac cerebri in tertiana perniciofa, ardente, & quacunque continua, & singultuosa nominata, cuius meminit Hip. lib. 4. acut. 69. quæ ab humore rodente, acerrimoque originem ducit, ex Galen. in com. quo euomito fuerunt febrientium plures ab hoc symptomate liberati. Quare cum singultus multas pessimasque significationes docuerint auctores, & cum eo obierit mulier, quæ decumbebat in mendacium foro igni correpta, apud Hip. lib. 3. epid. sect. 2. sex. ult. & in febribus adurentibus reprobis sit, apud Auic. 1. 3. tract. 5. c. 19. illico illi, tanquã symptomati pernicioso, manus auxiliares adhibere debemus. At cum multa sint, quæ passim citati referunt auctores, & citat Mercat. lib. 3. de morb. intern. c. 5. & lib. 7. de feb. cap. 2. de feb. maligna, de symptomatum correctione, quæ humorem istum mordentem, malignumque reprimunt, ac emendant, priffana omnibus his præfidiis antecellit; nam contemperat, & simul id quod rodit, abster-

gere potest: hanc esse frigidam sorbitionem tantopere à Tralliano commendatam, ipse infra exposuit, & loc. cit. acut. Hip. firmat, qui in hunc usum priffanz cremorem sorbendum exhibet. Frigidam autem consulit sorbendam potionem, vt biliosus, acrisque humor, suapte natura calidus mitescat ac temperetur, & febrilis, ardor, vnàque internarum partium phlogosis, ac incendium infrænentur. Contrarium legimus apud Gal. 12. meth. cap. ult. quo loco ad expellendum humorem deterrimum per vomitum, tepidam consulit ex aqua sorbitionem: nam timor erat ne cohibita frigida, humoréque præ mora lædente magis, ventriculi pusillus calor subito posset extinguui. Quare cum à succo tetro tunicis ventriculi infixo, oritur in malignis febribus singultus, de salute ægri debemus esse solliciti, adeo vt dicat Mercurialis ad citatam Hip. Historiam lib. 3. epid. se neminem vidiisse cum hoc symptomate seruatum; quod licet sit paruum, non tamen, ex necessitate mortem affert, ex Gal. lib. 5. aph. com. 3. plures enim vidi singultu pertinaci, ac continuo in febribus malignis correptos, qui celebratis pluribus auxiliis cum non curarentur, cucurbitula scarificata super ventriculi os imposta leuati sunt; de cuius vi eximia, pro curanda febre singultuosa, lege obseru. 20. lib. 3. de praxi Medica admiranda.

### Observatio. XIII.

*Ad singultum ex calore subortum, eximium auxilium.*

Biliosus iuuenis vigente cane incidit in ignem. Febrili hac rectorrida oppressus, quam ingens oris amaritudo, sitis inexhausta, linguæ scabrities comitabantur, insuper singultu corripitur, cum bilioso vomitu concitato. Horum pathematum causa, erat acris & erodens humor, qui tunicis ventriculi impactus singultum concitabat. Medici varia præfidia parant: nam totum negotium leuibus clysteriis committunt; vñuntur iulapiis mordacem humorem infrænantibus; leniter vomitum concitant; biliosum humorem distrahunt ad partes ignobiles, crurum vinculis, frictionibus, cncurbitulis, eum contemperant priffana, syrupo de ribes, de acido citri, aqua decocta tamarindis, syrupo papauerino, & aliis. Extrà, ventriculo apponunt refrigerantia emplastra, succo arantij, agrestæ, cotoneorum irrorata. At cum omnia hæc opem vix ferrent vllam ad narcotica accedant. Imperata requies Nicolai, Philonium persicum, quantitate drachmæ vnus cum aqua lactucæ dissolurum. At malum ferox solum potu niuis est edomitum: hæc enim narcotici medicamenti instar, acerrimum humorem, & correxit, & infrænauit.

### HIST. LXXVI. AVENZOARIS, De alui fluxu.

Alui fluxus ex debilitate vnus brachij subortus, auxilio corroborante perfanatur.

Ego eandem rem similem feci in quodam fluxum patiente, Equi medicatus à multis Medicis, & à me multo tempore, nihil profecit. Tandem percepi vnum ex suis brachiis alio frigidius, & macrius, & autumnau quibus fluxus ab alio brachio ortum habuit, eo quod virtutes vnus membri, attractiua, & digestiua deperdita essent, propter malam complexionem frigidam non materialem super ipsam dominantem. Et ego intentionem meam ad illud membrum calefaciendum apposui, & cum fricationibus, balneis, & similibus localibus reducere bonam, & naturalem temperaturam conatus fui; & postea mentem apposui, vt calorem naturalem, & humiditatem hanc cum rebus conuenientibus conseruarem, donec ipsum ad omnes suas virtutes naturales reduxi, nec medicinam propriam aliquam fluxui curari, & propter hanc rem breui tempore curatus est, & c. Auerrhois lib. 4. collig. cap. 45.

## PARAPHRASIS.

**I**ngeniosam curationem describit hoc loco Auerthoë, cuiusdam alui fluxum patientis, qui curatus à multis, deinceps conualuit ab hoc diuturno fluxu, seu desperato morbo; nam dicebat Celsus lib. 4. cap. 19. uno die fluere, alium saepe pro valetudine est, atque etiā pluribus dum febris absit, & intra septimum diem id conquiescat; purgatur enim corpus, & quod intus laesum erat, utiliter effunditur. Verum spasmus est periculorum: interdum enim tormina, ac febri-culas excitat, viresque consumit. Si enim longo tempore perseueret, euacuato spiritu multo fatiscunt facultates, languet innatus calor, & contabefacto corpore moritur animal.

Cui malo occurrens auctor, & artificiosa coniectura morbi causam inquirens, in eam venit suspicionem, ut crederet brachij illius extenuati & frigidi facultatem esse laesam, aded ut nec attrahere alimentum, nec id retinere, aut concoquere posset; quo dato natura illud, licet futurum ipsius brachij alimentum, tanquam onerosum remittebat in aluum: ex quo continuo fluxu cum timor esset, ne depauperato calore natiuo vires indies resoluenterentur magis, curationem tandem incepit ab ea parte, quæ erat primario læsa.

Intemperie ergo frigida diuturna brachium affectum, commodè alimentum ad sui nutritionem attrahere non poterat. Ergo brachium calefieri debebat, & roborari. Hoc opus cum multiplici possit celebrari auxilio, nullo promptius quàm frictione, & balneo, perfici potest: frictio enim ex Gal. lib. 5. de sanit. tuend. cap. 3. & alibi passim, parim calefaciendo, conuocat sanguinem & spiritum ad ipsam, vnde vigoratur, & rectè munia sua obire potest; quare tanta est frictionis pro nutriendis partibus vis, atque potestas, ut *cir. loc.* referat Galenus multos, quorum corpori nihil longo tempore ex alimento accesserat, eiusmodi frictione adhibita facile paucis diebus carne impleuisse; & Galenus lib. 7. meth. cap. 7. frictionem mollem approbat, pro curanda torius corporis gracilitate, & macie summa; nam apud Galen. lib. 2. de sanit. tuend. cap. 3. & 4. mediocris frictio carnem adauget, robur parti conciliat, eam robustiorem accito alimento efficit. Qualis autem debeat esse frictio, quis eius terminus, nuper *cir. loc.* explicuit Galen. edoctus ab Hippocr. lib. 3. de officina, com. 3. Tu de commodis frictionis pro impinguando corpore, & viuificando calore innato, plura vide apud Celsum lib. 2. cap. 14. Oribas. lib. 6. collect. cap. 20. Auic. 3. 1. doct. 2. cap. 4.

Similes vires præstare balneum, est manifestum, vtrumque enim auxilium à centro trahit ad circumferentiam. Licet enim per balneum, apud Galenum lib. 11. meth. cap. 9. & lib. 7. de compos. medicam. secund. loc. cap. 1. in med. simpliciter prolaturum, dulcis aquæ lauacrum intelligendum sit, non bituminosum, sulphureum, aluminosum, chalcantodes, salsum, aut ex marina aqua paratum; illud non esse cuius meminit auctor hoc loco. parèt aperte: nam balneum ad hoc ab ipso consultitur, ut partes roboret, ac calefaciat; dulcis autem aquæ balneum imbecillitat, & refrigerat, ex Gal. lib. 1. meth. cap. 20. & lib. 3. acut. 59. quoniam emollit, & relaxat.

Consuluit ergo balnea naturalia, quorum quædam sunt nitrosa, alia ferri, alia æris qualitatem possident, quædam ex iis composita sunt. Horum autem omnium vis roborat, exiccât: alia cum hoc quod siccant, etiam strenuè calefaciunt, sanguinem & spiritum ad partes deducunt; quædam verò siccando, etiam adstringunt, ut aluminosa; ex parte verò etiam salsa, & quæ æris qualitatem obtinent: omnia tamen frigidis & humidis dispositionibus sunt accommoda valde, ut Auic. 2. 1. doct. 2. cap. 29. & 22. 3. tract. 2. cap. 7. cæterique Principes firmauerunt; quorum mentem dilucidarunt Cardan. lib. 2. contradi. tract. 4. cont. 3. Sauonarol. tract. de balneis, Fallop. tract. de aquis thermalib. Andreas Baccius eod. tit. Mercat. lib. 1. indicat. 13. qui de balnearum usu, ac differentiis eximie disputarunt.

Si desinthec, artificialia parentur, quæ similia posse fieri naturalibus probat Galen. 1. 4. meth. c. 15. 5. Sin minus,

**A** ipsi similem aliquam moliamur, &c. & lib. 1. de simplic. medic. facult. c. 4. & lib. 3. de alim. facult. cap. 32. 5. Intestis medicamentis, quæ similes vires obtineant. Sed, cur balnea artificialia non ita profint ac naturalia, sciscitaberis? Dic. Illa non ita durantem, aut efficacem obtinere calorem: hæc fouentem, actualem, & permanentem, & non aliunde emendicatum. In quem sensum dicebat clarissimus Montanus lib. 1. consultat. 51. quod confectiones artis, ac mixturæ non sunt ita perfectæ, ac eæ quæ à natura parantur: quare licet balnea artificialia similia possint fieri naturalibus, illa tamen multò sunt imbecilliora, quoniam calorem ex suæmet generationis principio insitum non habent, ut scitè notat Rondeletius in method. curandi morbos, cap. 23.

**B** do paralysi.

Hoc negotium perfici etiam potest emplastris, vnguentis, fomentis, & aliis etiam parti affectæ applicitis medicamentis, quæ præterquam quod insitum, natiuumque partis calorem conseruant, status discutiunt, frigidam intemperiem corrigunt, atque emendant. Hæc omnia cum exequeretur auctor, brachium ad omnes suas virtutes naturales reductum est, attraxit alimentum, resinuit, coxit, & superflua expulit. Gloriat in fine, & meritò, nullam se fluxui medicinam adhibuisse; aliter enim si faceret, adstringentiæque medicamina præpararet, alimentum crudum, & semicoctum coercitum, ac diu retentum, putret, & hac de causa fieret affectus primario periculosior, & ex simplici diarrhœa, dysenteria afficeretur æger, restrictis excrementis, quæ præ mora acriora redduntur, & ad excorianda intestina, promptissima fiunt: quare in longum protraheretur curationis tempus, superueniente alio grauiore symptomate, quod ad intempestiuè coercitum fluxum alui sequi consuevit: Nam si onerosum nutrimentum, quod brachij debilis facultas non attraxerat, nec aliis partibus iam saturis idoneum, reprimere, & medicamentorum adstringentium ope inhibere coneris: retentum & acre, in alias partes conuersum, prauos alios generabit affectus. Ad causam ergo, & causæ principium deuenire multo fuit consultius, impositis medicamentis, quæ partem affectam, à qua mali origo emanabat, roborarent, & calorem natiuum redderent vegetiorem: quorum materiam lege per otium, apud Rondeletium *loc. cit.* Mercat. lib. 1. de morb. intern. cap. 14. Iacob. Horstium in observationibus suis.

## D HISTORIA LXXVII. RHASII,

De alui fluxu.

Alui fluxus cerebialis; sinapismo in capite adhibito, curatur.

**A**micus meus à fluxu longo vexatus, multa remedia incassum expertus est, vnde ut curam agniturinis certificarem, per unam noctem secum mansi, & quia cognoui, quod post somnum fortius vexabatur à fluxu, perpendi causam agniturinis esse humorem calidum, acutum à cerebro descendente, & cum ad stomachum veniebat, fluere cogebat. Cum verò pater excubatur, fluxu carebat, & spiritum assiduum habebat. Præcepi ergo ei, ut caput raderet, & ut ipsum cum sinapi, & moscho, fricaret, & sanitati fuit postmodum restitutus, &c. Rhasis lib. 3. suor. aphorism.

## PARAPHRASIS.

**R**ectissime à Celso, altero sanè post Hip. & Galen. Medicinæ magistro dictum est, in præfationis fine, viliorem esse Medicum amicum, quam extraneum: siquidem amicus amoris impulsu ductus, (res est solliciti plena timoris amor) attentè, accuratè solertèque omnia agit, futuris euentis prouidet, & magna cura præsentia profligat mala, & anteuertit futura. Ne ergo beneuolentis hominis & amici Medici munus, atque officium prætermisisse videretur Rhasis, non lucri, sed pietatis causa commotus,

amico malè habenti præsidi fuit, apud eum pernoctans, laboribus minimè parcens, immò & intempesta nocte, & antelucano etiam tempore eum inuisens: nam amicus fidelis amico operam dare nunquam occupatus est, ve Plautus inquit in *Mercatore*; quoniam ut ait Salomon *Proverb. 17. omni tempore diligis qui amicus est*: & in malis amici sunt boni, ut ex veterum & iuniorum penu protulit Ioannes Stobæus *lib. 4. sent. cap. 11. nam mortalium sapientissimus Prover. 17. eos fratribus præsert*: *Vir amicalis ad societatem magis amicus erit, quam frater*; ut iure, *Eccles. 24 scripserit. Beatus qui inuenit amicū verum. Quare deferere amicum, præsertim in morbo, & aduersitate positum, turpe est, iuxta Ouid. lib. 2. de Ponto, 6.*

*Turpe erit in miseria veteri tibi rebus amico*

*Auxilium nulla parte tulisse tuum.*

*Turpe referre pedem, nec passu stare tenaci:*

*Turpe laborantem deseruisse ratem.*

*Turpe sequi casum, & fortuna accedere amicum,*

*Et, nisi sit felix esse negare suum.*

Hinc factum est, ut hac amicitiae sollicitudine adductus, causam mali inquireret, certiorque de hora fluxus factus, hunc à cerebro manare iudicaret. Inter multiplices alui fluxus differentias, ab auctoribus celebratas, & præsertim ab Auicenn. *16. 3. tract. 1. cap. 2. qui de fluxu cæteris melius discepsauit* quandam esse, quando à cerebro humor tenuis salus, putris, in ventriculum, & deinde in intestina prolabitur, alui profluuium effecturus, auctor confirmat hoc exemplo. Et licet hoc vitium aliquando ex frigida dimanet cerebri distemperie, qui est in causa, ut cum natura non possit rectè conficere alimentum, crudos relinquat humores: hanc autem ex continua defluxione pernates, aut cerebri emunctoria, somno profundiori, sitis absentia venaberis: tamen hunc ægrum distillatione ab humore acuto originem ducente fuisse correptum, series contextus manifestat. Calidam esse intemperiem, humoresque esse salios & mordaces, demonstrant acris, tenuisque humoris distillatio per os, nares, facies rubescit, & nasus exulceratur; febris adest magna ex parte; frons & tempora immodicè calent, ut Celius *lib. 4. cap. 2. Paul. lib. 3. 28. & cæteri confirmant*, quorum mentem explicant Fernel *lib. 5. pathol. 4. Altimarus c. 43. de medend. hum. corp. malis. Vidus Vidius lib. 2. de curat. membrat. cap. 20. & late prius edocuit Galenus lib. 3. de caus. symp. 4. & lib. 5. de san. tuend. cap. 9. & lib. 3. de diff. feb. c. 11. quibus locis, cerebrum in distillatione oblatus esse primario ostendit ipsumque excrementa sua in subiectas partes detrudere, probat nempe in aures, oculos, nares, dentes, tempora, maxillas, paristhymia, laryngem, asperam arteriam pulmonem, ventriculum, & intestina.*

Cognosces autem à cerebro fluxum proficisci, quoniam potius sit noctu quam interdiu; & sit post somnum longum; & est conseruans paroxysmos, & cum eo sunt signa catarrhorum, ex Auicenn. *cit. loc. cap. 3. insuper deiectio est spumosa, iuxta Hippoc. edictum lib. 7. aphorism. 30. dicentis: Quibus in alui profluuiis excrementa spumosa sunt, ipsi ex capite pituita defluit.* Transmittit enim natura in somno à cerebro per ventriculum ad intestina pituitosum succum, & defert pariter secum alimenta, & excrementa: & eo maxime quum ab isto mucoso humore descendente, facultas ventris, & intestinorum contentrix debilitetur. Hunc etiam fluxum indicant catarrhus, capitis grauedo, victus intemperatus, cerebri intemperies frigida, ut optime notauit Syluius in *lib. de medend. morb. cap. de fluore alui à catarrho.*

Quo in malo duplex curandi ratio insurgit; altera quæ caput respicit, præcauendo quominus hæc generet excrementa; altera quæ ventriculum roboret, & euacuet quicquid in eo receptum. Primam complent roborantia capiti admoda, quæ non solum vigorate cerebrum nata sunt, sed superfluum humorem discutere queant, quorum sylviam sacculis, fomentis, emplastris, lorionibus paratam, iuniorum doctissimi *cap. de distillatione perstringerunt.*

Quoniam verò habitualis cerebri intemperies, quæcunque casit, difficilius curari consuevit; idcirco hanc

A complent auctor curandi rationem: & merito sanè, cum enim humor necessariò ex cerebri debilitate debeat regigni, melius est eum iam genitum factò sinapismo in capite extra euocare, vlcerebus excitatis quorum vi putris, acrisque humor vacuetur, in intestina confluxurus, quam hoc non celebrato ægrum grauioribus periculis exponere; nam ex acris defluente humore intestinorum exulceratio timeri potest. Hanc curandi rationem confirmant Auicenn. *loc. cit. tract. 2. c. 9. de cura fluxus cerebralis. 5. Et quando excitatur à somno, oportet ut administretur illud quod diximus in capitulo catarrhi, de ratione capitis, & fricatione eius cum rebus asperis, & ex vaporacionibus capitis, & administratione rubificantium, & cauterizantium supra ipsum, &c.*

B Admiraberis, cur oculatissimus Rhasius in fluxu diuturno cerebri, acuto & calido, à capite ad intestina descendente, consulat medicamentorum applicationem, quæ calida sunt, irritant facultatem, humores aciores reddunt, attenuant, fluxui aptiores parant, inflammant, & caput suapte natura calidum exasperant; de quorum genere esse ea, quæ ex sinapi componuntur, nulli est non manifestum. Dic. Istum auctorem hæc summopere commendasse, quia acris huius defluxus causa, erat capitis debilitas, & refrigeratio, cui, ceu primariæ causæ, non nisi calidis applicitis potuit occurrere, euocato humore ad externas partes, ne in intestina deflueret, ex quo assiduo fluxu corpus resolutum contabesceret. De quo argumento *supra* ad Galen. mentem diximus plura in *comment. hist. 7.*

## D V B I V M XLV.

*Num somnus vacuationes omnes cohibeat.*

### COMMENTARIUM.

P *ost somnum.* Auicennæ Medicorum Principis inter pretes fidissimi quæstionem excitare solent, num somnus vacuationes omnes cohibeat. Firmat Rhasius *hoc loco* dum fluxum post somnum huic ægro euenisse refert, & non in somno. Contrarium docet Auic. ipse *19. 3. tract. 2. cap. 5. causam mictus in lecto esse profundum somnum asseuerans*; cum enim somnus humectet, retentricem facultatem imbecillitat, quæ siccitate perficitur, & hæc est causa, cur pueri frequenter ob humiditatis excessum, vomitum, & alui fluxum patiantur, auctore Magistro *lib. 3. de caus. symp. c. 3. Quare si imbecillitas retentricis expultricem adauget, 12. meth. cap. 6. in med. in somno hanc esse fortiolem, & robustiorem est necesse. Tertiò. Somnus omnes operationes naturales fortiores facit, ex Auicenn. 2. 1. doct. 2. c. 13. Igitur cum vacuatio sit operatio facultatis expultricis naturalis, per somnum debet reddi fortior, & minimè impediri. Quartò. Somnus reuocat humores, à partibus externis ad internas, vigilia contra: ergo cum hæc humores vnà cum calore diuertat à partibus, ad quas natura vergit & inclinat, vacuationes impedit, contra promouebit. Quintò. Ex eo in somno prouocatur sudor, & non retinetur, quoniam illius materia augetur: ergo eadem ratione si in somno augetur sanguis, & distribuitur, fluxus sanguinis concitabitur.*

E Sed præstat Auicennæ *loc. cit.* fidem adhibere, asserenti contrariam: nam si fluxus, & excretiones sunt operante expultrice, & hæc non pellit nisi irritata; non irritatur, nisi sentiat: efficitur, ut torpescente per somnum sensu, deficiat minuatque vacuatio. Quare cum somnus similis sit quieti, ex Hip. 4. *aph. 15. & vigilia motui, hæc mouet, agitat, & promouet vacuationes, somnus verò humorum remouet agitationem; qui minus agitati minus irritant, & sic somnus & quies retinent.* Ex cum quam plurimæ vacuationes, veluti est vomitus, alui fluxus, excretioque per urinam, motu & actione facultatis indigeant (perfici enim nequeunt, nisi abdominis musculi à facultate animali comprimantur) constat impediri prædictas vacuationes, si tempore somni tollitur voluntarius motus.



Neque argumenta adducta quidquam obstant. Dic ad primum. Somnum per se mictum impedire, quando musculus vesicæ cervicem claudens fortis est: at verò quando languet, & à copia multa urinae ob somnum profundum collectæ, irritatur natura ad expellendum, tunc tunc fit mictus in lecto; quoniam musculus a suo opere & à constrictione cessat, ob imbecillitatem. Deinde somnus humectat substantificè, facta regeneratione sanguinis, & spiritus; unde sicut partes melius dispositæ nutriuntur, & roborantur, sic & retentrix: illa verò humectatio quæ qualitatina dicitur; est quæ relaxat, & vires retentricis enervat. Hac ratione omnes potentia naturales, & earum operationes fortiores redduntur, ut tempore vigiliæ, promptius & melius munia sua exequantur, unde ad tertium argumentum responsio patet. Ad quartum respòde; Verum quidem esse in somni principio simul cum calore retrocedere humores ad partes internas; sed hi non manent agitati & moti, sed quieti & fixi: in vigilia verò humores ex corporis profundo ad partes externas moventur, & agitati & moti à natura irritata expelluntur. Vltimum verò solues, dicendo in somno sanguinem augeri, & distribui; verum mouetur lentè, & sensim: in vigilia verò expanso calore ad extra, vehementius, & impetuosius moueri; quare hæc causa est, cur hæc sanguinis fluxum concitet, somnus cohibeat.

Cur autem somnus sudorem plus prouocet, multæ sunt causæ. Prima. Quoniam recrementa halitiosa, quæ sunt materia sudoris, augentur in somno, quàm in vigilia magis, ob feliciorē coctionem & nutritionem, quæ exhalantia tempore vigiliæ apertis poris perspirant & insensibiliter exhalant; in somno verò densata cute, in ea detenta & condensata, in modum sudoris erumpunt. Secunda. Somnus recrementorum excretiones coercet ac retinet, à quibus actione caloris vapores eleuantur, qui sicut ad partes superas eleuantur, (vnde apud Auicem. 2.4. tract. 1. cap. 68. in somno redditur deterior respiratio) sic ad extimas eos natura detrudat, aliarum vacuationum defectum supplēs, & compensans sudoris abundantia. Vltima. Humor serosus non solum in venis maioribus, sed minoribus abundat, sic facta retractione caloris ad corporis profundum, partes externæ cutis comprimuntur, ad quarum compressionem venæ graciles comprimuntur; & sic expresso, ob substantiæ tenuitatem, sero, sensibiliter sudor erumpit. In hunc sensum intelligendus Galen. 1. aph. 14. superfluitates per somnum expurgari asseuerans, eleuatas à recrementis retentis, halitiosas, & ad cutem tempore somni per sudorem erumpentes.

## HISTORIA LXXVIII. ACTVARIJ,

### De alui fluxu.

Deiectio nigra ab affato sanguine ortum ducens, non semper pessima.

EGO quinimò in quodā iuvene id ipsum memini me vidisse. Namque ipse, amicique complures, sub canis-ortum ab urbe profecti, venimus ad nundinas quasdam: iamque meridies aderat, quum redire cogitauimus; & sole adusti, ad crepusculum domum peruenimus, maximo per eam diem labore: tolerato: partim quia nemo nostrum consueuerat fatigari longa via, & aestu, partim etiam quod unusquisque erat molli corpore, vehemens aestus nos corripuit. Vnus verò ex ijs qui nobiscum venerant, qui etiā mollior constabat corpore, quodque ex facili afficiebatur, nocumentum ob viam, & aestum suscepit; nam postera dies demonstrauit, ut ipse ab itinere eo esset offensus: venter enim eum stimulauit. Quare subnigrum humorem excreuit: quem ubi aspexi, iussit absorberi, ac veniens ad me, passionem enarrauit: rogauitque quidnam sibi vellet, eiusmodi excrementorum mutatio. Igitur ipsum cum nouissem \* consuetum esse secare venam, atque multo iam exacto tempore non usum esse eo more: item esse calidum hominem atque ad patiendum habilem, addens quoque hesternum iter: tum cerò cognoui eum

A sudauisse, atque sanguine per superficies internas venarum affato, ac deinde attratto ad ventrem, ac tandem excreto per sedem, apparuisse eiusmodi excrementorum genus, &c. Actuarij lib. 1. de caus. urinar. cap. 10. Galenus lib. de atra bile, cap. 3. & lib. 4. aph. 21.

## PARAPHRASIS.

NIGRAM deiectionem pessimam esse multis de causis, docet Hip. lib. 2. prog. 22. & 4. aph. 21. cum Galen. lib. 2. cris. 11. nam vel sanguinis & bilis adustionem significat, vel nigri humoris commixtionem portendit; quem vel sursum, vel deorsum excerni in morbi initio, ad bonum non posse, Hippocr. cit. loc. explicuit; cuius dicta ingenuè interpretatur Christoph. à Veiga in cit. sent. com. Si tamen bene exeat, & apparentibus signis coctionis excernantur, interdum ad bonum iudicat, vel ipso monente Galen. c. 3. lib. de atra bile. 6. Nigrorum autem vacuationem non infrequenter bonis auspicijs fieri conspexi, &c. nam si prosperè vacuetur deiectio nigra, bona est: indicia autem quod bene excernatur, maxima sunt concoctio, & bona tolerantia, ut Galen. retulit in com. Hæc enim in omni vacuatione obseruanda refert, lib. 1. aph. 2. 22 & 25. & 4. aph. 3. & lib. 1. de rat. vict. 23. Hinc aph. 21. lib. 4. dicit Gal. plurimas verò huiusmodi deiectiones in pestilenti longo hoc morbo fieri conspeximus, quæ non magis in iis qui exisio proximi erant, quàm in saluandis apparebant; non tamè vel in principio, vel incremento morborum conspiciebantur. Quas historias separatim non explanamus, quoniam cum Actuarij historia relata coincidunt. Assumpto tamen medicamento, quod vim habeat purgandi nigra, talia deiici nihil mirum, ut Galen. aph. 21. lib. 4. aduertit.

Ab internis causis aduri sanguinem locis citatis Hipp. monet; ab his in hoc ægro, simulque ab æstu, & labore, ipsum fuisse adustum, & subnigrum redditum, ex contextus serie facile probari potest; nam præ æstu, exercitio nimio, solis incendio, non solum spiritus accensi, sunt, sed etiam vehemens in sanguine facta est ebullitio, & adustio, cuius faciem natura subnigram, utpote tostam per alium expulit. Accedit alia potissima causa: nam ob æstum summum, & calorem ex labore contractum, conuiuentibus poris, retentisque fuliginibus adustis, sanguis adustionem & inflammationem perpeffus, veluti tostus est, & in nigrum colorem versus: maximè cum esset assuerus secare venam, & diu hanc vacuationem intermisisset. Hac ergo de causa, sanguine in vniuerso genere venoso redundante, accedente causa externa nimis calefaciente, & inflammante, iecur excanduit, & sanguis per superficies venarum est adustus: præsertim cum subiectum esset ad suscipiendum calorem extraneum nimis aptum, nempe impensè calidum, nec enim agens sine patientis aptitudine agere potest, ut lib. de feb. c. 4. Gal. manifestè edocuit, alioquin omnes qui in Sole commorantur, febrerent, cum contrarium quotidianum firmer experimetur. Ob quam intermissam phlebotomiam, in præsentia sanguinis melancholici & adusti, ad leuandam naturam, & præseruanda viscera summè necessariam, humoris melancholici copia accreuit; quod auxilium, sicut alia refrigerantia non memorauit auctor, quoniam eius instiratum non erat, nisi solum causas deiectionis nigrae in propatulum afferre.

## DVBIVM XLVI.

Num prohibitum effluuium, seu vicinia rei calidæ, sit causa caloris.

EX longa statione ad Solem, præsertim inconsecta; ex adhæsu, vicinia, seu applicatione eorum, quæ vel arte, vel potestate calida sunt, spiritus inflammari, & calorem natium accendi, probat Gal. lib. de caus. morb. cap. 2. & lib. 1. de dif. feb. cap. 3. At hoc mihi de veritate semper suspectum fuit; non enim mente concipere possum, quo pacto solaris caliditas mediante aëre febrem inducere possit, cum is quantumvis æstuosus, & calidissimus, corpori collatus, perpetuò refrigeret, auctore Galen. lib. 8. de usu part. cap. 2.

Si tamen supponas, aërem validissimè corpora nostra A immutare, facile à prædicta obiectione te extricabis. Aër enim inenitabiliter, & efficacissimè alterat; est enim omnibus communis, nec per intervalla, sed continuò afficiens animalia, extrorsum, introrsum, dum quiescunt, moventur, pulsant, inspirantve; quo pacto citissimè rapitur in viscera, & cor non solum qualitate sua, sed & substantia facillimè pervertit, cum spiritus nutriat. Deinde alimenta, porusque alterat, ea sibi attemperando; & sic horum interuentu corpora animalium in contrarium statum transmutat: quare vitæ, mortisque auctor appellatur ab Hippocr. lib. de flatib. & 2. de natur. hum. text. 3. Gal. 1. de sanis. in ed. 7. Auic. 1. 1. cap. de complexionib. imò morborum, & salutis vel ab arte, vel medicamentis desperata, apud Hippocr. 6. epid. sect. 5. text. 2. Hac ergo ratione corpus nostrum dupliciter ab aëre concalificat; vel quoniam ipse calidissimus cum sit, inspiratus calefacit, hocque modo ad permixtionem calidæ substantiæ intra corpus susceptæ referri potest; vel quoniam sæuiente calore æstuans, spirituosæque substantiæ permixtus calorem generat præter naturam, sicque ad viciniam, seu contactum pertinet; & licet non ita caleat ut cor, illius tamen præsentia, cum satis non ventiletur, innatus sponte gliscit, & effervescit, & vel à remissiori redditur calidior.

Præterea à magno æstu conniunt meatus, & porositates cutis, constrictæ præ siccitate, ac densatæ, ut Gal. affirmat lib. 7. meth. 7. & 1. eiusd. cap. 20. & alibi: ad quam causam non tantum intenditur calor internus, sed cuiusvis generis febres consequuntur. Cum enim ad refrigerantis aëris ingressum, & fuliginum, exhalationem, liberæ esse oporteat, & patentès vias, si ipsæ occludantur, duplici de causa innatum ignem inflammari, & febres excitari est manifestum. Prima, quoniam excrementum ubi in corpore retinetur, calorem reddit acriorem & mordaciorem, & putrescentium excrementorum, fuliginumque adustarum prohibet effluuium. Secunda, quod constipata cute frigidus aër per ipsam attrahi nequit, quare calor naturalis excandescit, & magis ac magis intenditur.

Hæc est de hac causa caloris Galenica sententia, sed plura sunt quæ cogere videntur aliter opinari. Primò: Si refrigerij & diffilationis inopia, ignis, flamma, & calor omnis marcescit, cur ex cutis constipatione calor augebitur, & præsertim ex immodico frigore facta? Hoc esse verum confirmant multa, facies accensæ, & ardentes prunæ ad radios solis emortuæ, flamma in Medicis cucurbitulis marcescens, & vniversus in fornace ignis obturatus, qui illicò extinguitur. Secundò: Si cutis densitas febrium est causa, cur in hyeme, in qua tanta effluuij prohibitio adest, calor non intenditur? Tertiò: Si id quod effluit, adustus est vapor, & retrea fuligo, & in hac calor noster seruari non potest, imò tanquam inutilis ineptæque materia, cordis & arteriarum contractione, & subsidentia extrà pellitur, cur ex prohibito effluuiio intenderetur calor? Quattò: Si vapor mordax est qui retinetur. unde phlethora? cum hæc non vaporum solum, sed vel solius sanguinis, vel omnium simul humorum exuperantiam imponet 1 3. meth. 6. & 2. sec. loc. cap. 2. Auic. 4. 1. cap. 20.

At hæc minimè nos deterrent argumenta, neque cogunt Galenicam deferere veritatem; tantum enim abest, ut calor ex cutis densitate marcescat suffocatus, ut potius torus iunctus, & vnitus æstuet, ebulliat, & increseat; sicut enim ignis prohibitus diffilari, augerur, sic calor noster, qui veluti ignis est lib. de usu puls. 2. Nec in similibus exemplis est admittenda paritas: nam in cucurbitulis perit ignis ab omnimodo diffilationis defectu; in cutis verò densitate non ita adest prohibita diffilatio, quin aliquid semper transpiret. Simili modo hyemali tempore accidere certum est: adde, tunc dari paulatinum frigoris accessum: & licet in visceribus per antiperistalsim sequatur caloris augmentum, non tamen intensio, quoniam frigidissimus aër non solum quæ contingit, refrigerat, sed penitissimè irruens per omnes diffunditur corporis meatus, ex Galen. lib. 1. de natur. hum. com. 36. Deinde. Dic, verum esse vapores extrà pulsos acriores esse remanentibus; attamen ob cohibitum effluuium vniri, crassescere, & per moram ad

pristinam redire naturam, & sanguinis copiam augere, unde plenitudo. Minimè ergo dubitandum, est, quo pacto fuligines adustæ retentæ possint esse materia apta, in qua calor noster conseruetur, & sic cohibetæ plethoram inducere possint.

## QVÆSTIO XLIII.

*Quod plenius in melancholica, quàm pituitosa plenitudine sanguis sit emittendus.*

### COMMENTARIUM.

**C**onsuetum secare venam.] Consuetudinem vacuandi necessitatem vacationis inducere, vbique est à Galeno promulgatum. Cum enim æger hic esset assuetus secare venam, & multo iam tempore hunc vacuandi morem intermisisset, nulli dubium erat quod in copia humoris adusti & melancholici, ventilationis & vacationis causa esset aperienda. Innuit hoc præsidium hoc loco auctor noster, si eius verba exactè rimentur. Et Galenus non prætermisit lib. 6. epid. sect. 3. com. 29. quo loco illustris matronæ ex suppressis menstruis laborantis historiam celebrem censens, audacissimè sanguinem emisit, quoniam venæ sanguine melancholico, & liuido plenæ erant; & multò amplius vacuare ausus fuit, quoniam rescisso vasculo, liquidæ pici, & colore, & crassitudine similis sanguis euanaba: ad cuius imitationem, extenuatam foeminam, remorantibus menstruis, & in qua ob nimiam plenitudinem melancholicam, venæ nigriores factæ, admodumque extentæ, liuido sanguine turgentes eminebant, copiosa phlebotomia se curasse gloriatur Beniuuenius, vir in facienda medicina celeberrimus lib. de abdit. cap. 44. & prius edocuit Magister lib. 5. meth. 14. qui in phthisi sanguinem emittit, præsertim quibus veluti limus, vitiosus, & crassus totus est sanguis.

Sic in melancholica plenitudine plenius, audaciùsque sanguinem extraxit; nam in lienosis, sanguinemque tetrum & feculentum habentibus, liberalius venam secuit, ut patet ex cap. 11. lib. 1. ad Glaucon. & 3. de loc. affect. cap. 7. & 2. ad Glaucon. 10. in quibus locis, in cancro, carbunculo, quartana, melancholia, illicò curationem à venæ sectione auspicari iubet. Quare 14. meth. cap. 4. & lib. de curand. rat. per sang. mis. cap. 10. præsentaneum auxilium affirmavit, frictionibus, exercitio, aliisque motionibus celeriter plenitudinem sanguinis detrahere, qua præsentem sanguinem C mittere multò satius iudicauit: quod & ipse fatetur lib. de melancholia. Explanant ingenuè Leonardus Fuchsius, Menæ, & Hieronymus Nonnius Olyssip. in com.

Hanc medendi normam omnis Principum chorus amplectitur, obseruat, veneratur; de quorum numero sunt Paul. lib. 3. cap. 14. Aëtius retrab. 2. serm. 2. cap. 10. Orisbal. lib. 7. collect. 2. prop. fin. Tral. lib. 1. cap. 16. Auic. 4. 1. cap. 20. & 31. tract. 4. cap. 20. & 15. 3. tract. 2. cap. 7. Haly 5. pract. 23. Rasius lib. 9. ad Almanf. 13. & lib. 1. cont. tract. 2. cap. 3. Hi enim in plenitudine melancholica copiosius sanguinem emittere imperarunt, ob multas causas, & alij, quos refert Alphonsus à Cruce opusculo de melancholia, dialogo 5.

Prima. Quoniam melancholici sanguinem multum calidum habent, ex Galen. lib. 3. epid. sect. 3. com. 70. ad cuius ventilationem, & vacationem saluberrima censetur venæsectio. Secunda. Humor melancholicus licet sit crassus, non est lentus, quem lentorem cum habeat pituita, & valis plus adhæreat, non ita promptè cum sanguine facta phlebotomia extrahitur. Tertia. Ad vacationem sanguinis humor etiam melancholicus vacuatur, quia est fixus sanguinis, non autem pituita, aut alius crudus humor. Quarta. Melancholia naturalis magis est conueniens naturæ sanguinis, quàm pituita, cum à calore temperato generetur, ex Auic. 1. 1. doct. 4. c. 2. non autem pituita, cum à diminuto calore oriatur. Quinta. Sanguis melancholicus crassus est, & neque inedia, neque balneo absumi potest, consequens ergo est, ut minutione vacuetur, ut scitè notat Iacchius lib. 9. ad Almanf. 15. Sexta, & potissima, qua sit manifestum,

manifestum, plenius in plenitudine melancholica sanguinem esse mittendum, quam in pituitosa, est, quoniam pituita, si diutius maneat in corpore, corrigi potest, & per ulteriorem coctionem in sanguinem vertitur, ex Galen. 2. acut. 30. nam sicut natura nutritur ex succis crudis, 12. meth. 3. & lib. 1. de presag. ex puls. 8. sic ex pituita, quæ maiorem affinitatem cum sanguine obtinet. Melancholia verò in sanguinem transire non potest, ex Galen. 2. acut. cit. quæ deinceps in corpore manens, per adustionem fiet atra bilis, cum ferat, um etiam maligna, iuxta Gal. doctrinam lib. 3. prog. com. 27. & lib. 4. aph. 21. & 2. feb. cap. 5. & 14. meth. cap. 9. Hac ratione natura receptaculum proprium pituitæ non destinavit, ut sit delata per venas, ex ea aleretur corpus, ex Galen. 2. de natural. facult. cap. 9. & lib. de atra bile, c. 8. Adde melancholiam humorem esse suis qualitatibus valde vitæ aduersum, quibus caloré innatum debilitat, & oppugnat; hunc ergo ad vitæ prorogationem vacuare oportet, quo extra corpus expulso læticia tristibus aduenit, ut doctè appunxit Mesuè sect. 2. de simpl. c. de sena: præsertim cum is nec corrigi possit, nec facile absumi præ crassitie, ut aduertit Iacchin. c. 43. prop. fin. Hoc consilio ducti Hip. & Gal. lib. 4. acut. 82. in redundantia sanguinis melancholici in venis, spirituum interceptiones, cum pulsum priuatione facientis, nullo alio quam venæsectionis vtuntur præsidio, quod antea prædixerant text. 27. & 28. eiusque copiosæ, ex Auic. 3. 1. tract. 4. cap. 23. de cutubut: & usque ad animi deliquium celebratæ, ex Paul. lib. 3. c. 16. Alzaharau. cap. de cutubut. Rhasio 1. contin. penult. in fin. explicat Gerardus de Solo in com. cap. 13. lib. 9. Rhasis ad Almans. per hæc verba. Sed quare plus competit phlebotomia in melancholica passione? quia melancholia naturalis conuenientiam habet cum sanguine, immò magis competit: & propter hoc omnes melancholici debent phlebotomari multis vicibus, & maxime in autumno quia tunc melancholia dominatur, & c.

Contrà in plenitudine pituitosa, ex præscripto Galen. sanguinem emittere valde timorofum est. Quare lib. 12. meth. cap. 3. in febre syncopali orta ex succis crudis, nullo modo sanguinem euacuat. §. Nulli talium sanguis mitti sine maximo dispendio solet, cum tamen vacationem desideret, & c. Quo pacto crudis succis abundatibus cautè vacuabis ex Gal. lib. de curand. rat. per sang. mis. cap. 10. nam in copia succorum crudorum vires adesse non possunt, ex Galen. cit. lib. cap. 9. Hæc est causa, quare lib. 4. de sanit. cap. 4. si sanguis paucus est, & bonus, humores autem valde recedunt à natura sanguinis, non esse sanguinem mittendum sibi persuasit. Hac commotus ratione lib. 1. ad Glauc. 12. in quotidiana sanguinem non exhaurit, cum in omnibus melancholicis affectibus, & in quartana hoc auxilium esse celebrandum sibi persuaserit. Tradit rationem Fernel. lib. 2. de ven. sect. cap. 4. dum sic inquit Melancholica plenitudo parcius id auxilij genus tolerat: non enim eoque calida existit, ut refrigeratione postulet. Pituitosa omnium certè minimè quum enim impensè frigida sit, sanguinis missionem auersatur, quæ magis cruditatem refrigerans, ita conduplicat, vix ut vnquam concoqui, emendarique possit. Sed & huic ferè comes virium imbecillitas largam vacationem minimè tolerat.

Sed quæres, cur in pituitosa plenitudine tantopere sanguinem mittere recusamus, qui aucta pituita plus cæteris humoribus adauctis debilitat, si per ulteriorem elaborationem in sanguinem versa, roborat vires, & sanguinis extracti penuriam resarcit? Respondet insignis Thomas à Veiga lib. 1. de dif. feb. in com. c. 3. hoc variis de causis accidere. Prima. Quoniam cum receptaculum pituitæ sit os stomachi sæpe illius iungitur læsio, ob quam, ob cordis viciniam sequitur syncope; euadit enim pituitosa febris syncopalis: sic dicta, quòd in paroxysmo vel exacerbatione, lipothymia, vel syncope superueniant; nam à pituita putrescente halitus eleuantur, qui innatum cordis ignem impensè exolunt. Secunda. Frigiditas pituitæ est valde naturæ aduersa. Tertia. Cum melancholiam pituita vincat copia sua, innatum calorem obtundit, exstinguit, & suffocat: cum enim pituita si humor crudus, & in valis copiosius abundet, prohibet accessum sanguinis ad membra nutrienda. Vltima. Cum pituita habeat tres causas obstruendi, relatas à Gal. 11. meth. 13. nempe multitudinem,

A crassiciem, & lentorem, ob has causas orta obstructione, prohibetur sufficiens transpiratio aëris ad spiritus nutriendos, ex quorum defectu vires nostræ imbecillantur valde.

In plenitudine ergo pituitosa adaucta parcius est mittendus sanguis: nam in copia crudorum succorum vires adesse non possunt; ij enim eas opprimunt, calorem naturæ extinguunt frigiditate sua, onerant quantitate, obstruunt crassitie, & os ventriculi, còrque consortij lege afficiunt quo pacto in syncopali febre nullo modo sanguis est emittendus ob dictas causas ut Gal. præcepit, sed tota curatio perficienda est inedia, frictionibus, & exercitio, quidquid repugnare videatur Trallianus 12. meth. cap. 3. cum Auer. 7. collect. 2. quos auctores cum Galeno esse concordēs contra communem Medicorum sententiam, in om. hist. 39. lib. 4. latius exarabimus: interim constet in plenitudine molacholica liberalius, quàm in pituitosa esse exhauriendum sanguinem. De quo dubio lege fidissimum Auic. interpreterem Gentilem 4. 1. cap. 20. dub. 20. in còment. 5. Amplius in corporibus, & c. & post, dub. 34. qui inter omnes hanc quæstionem subtilius agitauit: nam auctoribus iustum suum præmium reddendum est, ut perbellè docuit Gal. lib. 2. de dif. respirat. cap. 1. in fin. quoniam ut ait Cels. lib. 2. cap. 14. ea reddenda sunt domino suo, quæ bene ab eodem dicta fuere: alioqui (ut Plin. ait in præfat.) obnoxij profectò animi, infelicisque ingenij est, deprehendi in furto malle, quàm mutuum reddere: cum sit tam vastus optima existimationis campus, ut inde unusquisque maxima ornamenta, sine aliene gloria detrimento, sibi colligere possit, ut optimè dicebat Fallopius lib. de obseruat. anatomic. prop. fin. Quibus autem notis, exuberans melancholia, aut pituita cognosci possint, vide apud Fernel. lib. 2. patholog. cap. 16. & 19. Vidum Vid. lib. 7. de curat. generat. cap. 5. & 6. Barthol. Perdulcem lib. 3. medicin. c. 10. 11. Tu verò huius quæstionis solutionem ad Galeni mentem Laconicè prolatam perpende, & enitabis tot verborum ambages, quibus more suo, Gentilis in argumento hoc, licèt vtili fusè spatietur.

## HISTORIA LXXIX. GALENI;

## De alui fluxu.

## Alui fluxum Galeni prædicentis Historia.

**A**T paucis diebus apud egrotum quendam cum multis alijs magni nominis Medicis, cum de symptomatibus quæ tenerent egrotum, omnes attoniti essent, ventris fluxum prædiximus. Mox illi, vnde id prædiceremus, requirebant: quibus respondimus, multum abesse ipsos, ut hoc intelligerent, qui ne leuissima quidem scirent. Paucis post diebus de sinistra narè præsagiuimus sanguinis profluuium, deinde etià parotidas: postea alia, atque alia tum prædiximus, tum curauimus, quorum illi erant imperiti. Vbi cum illi instarent, ut ex qua re eas commentationes prænunciatis, & obitis aperirem: perpetuò silui, nec quicquam illis responsi dedi: sed vobis ipsis dixi Comici illud.

Ut ligna tortuosa nunquam corrigas,  
Virides nec arbor vetus, aliò si transferas,  
Produxerit stolones

Galenus lib. 3. de different. pulsum, cap. 3.

## P A R A P H R A S I S.

**G**alenus, Medicorum in præsagiendo felicissimus, sæpe taxat eos, qui aliud in lingua promptum, aliud in pectore clausum gestare consueuerunt; de quorum numero fuisse Medicos Romanos, ex lib. de præcognit. ad Posthum. satis patere arbitror. Hi enim scienticuli cum essent fullones, medicinæ hypocritæ, omnis disciplinæ ac literaturæ exortes, tamen nomine quidem & fama erant celebres, re verò & opere insipientes, ut profert Hippocr. lib. de lege, num. 1. cum signa critica perspicerent, eaque esse grauiora & timoris plena, attoniti & perterriti arbitrarentur. lata ab Hip. 2. aph. 13. & in 1. prognost. Coacat. & prorrhetic. explicita

explicita, & interpretata à Gal. in lib. de crisi. & diebus de cretorijs, eaque rudes illi, & ignari minimè callerent, sciscitabantur obnixè, qua arte, quo modo, & qua doctrina instructus Gal. hæc posset prælagire. At horum proteritiam, & genuinam superbiam cum luce clariorem, manifestamque explorasset iamdiu Galenus, qui eorum peruitaciam, tricas, contumelias, & in Medicina ignorantiam cognoscebat, tacuit, nec responsum dedit: sciens illos esse vatros, inuidos, & qui palam eum præstigiatorum, & fœdum librorum Hippocratis interpretem, conniuentibus oculis, submisso supercilio ubique passim, per vicos, plateas, fora, in concionibus prædicare solebant, ut cit. de præcognit. lib. latè ipse confirmat. Horum enim stupiditatem nullus sanare cum posset, cum eò arrogantia & inscitia peruenissent, ut se Hippocratem superasse gloriarentur, ex Gal. lib. 1. meth. cap. 2. respondere illis adeo erat superfluum, ac si quis alino fabulam narret, auctore Magistro lib. 3. de naturalib. facult. cap. 10. Quare sequutus Hipp. lib. 3. de articul. text. 27. nullum his calumniatoribus responsum præbuit, qui turpe esse retur, sine ullo profectu multa verba facere, & maximè apud stultum Medicorum vulgus, apud quod doctus Medicus, & vel ipse Hip. ignarus fuit habitus, ut lib. 1. de articul. text. 3. sibi accidisse, fateri non erubescit. De quo argumento plura diximus lib. 1. in com. Histor. 64.

## D V B I V M XLVIII.

Num futuri alui fluxus apud Hippocr. aliquod sit signum.

**S**ed cum prædictio in Medicina, ardua sit, ex Hip. lib. 3. de articul. text. 103. & ipsi nullum viderent signum alui fluxus ab Hip. propositum, idcirco inflatis buccis, perfritaque fronte, huius vacuationis notas à Galeno petebant. Quare aliquam videntur habere ignorantia suæ excusationem. Nam Hippocrat. & Galenus licet fusissimè omnium futurarum vacuationum signa præscribant, nullum imminentis diarrhoeæ indicium proponunt. Accedit quòd Galenus lib. 3. crisi. ult. asserat, huius vacuationis nec manifestum, nec proprium signum esse, ex eoque solum esse prælagiendum, si signa coctionis & crisis adsint, desint alia signa, quæ alias vacuationes futuras ostendunt: tunc enim colligendum, crism forte per ventris perturbationem, & deiectionem subsequituram. Quare si nullum est certum, atque proprium deiectionis futurae indicium, cur gloriatur hic contra alios diarrhoeam futuram prælagisse? Dic Galenum maximum fuisse Hippocraticæ doctrinae imitatore, quem ut diuinum quoddam numen coluit, & eius scripta, velut ab oraculo Delphico prolata, prædicente ac diuinante, obseruauit, ut patet 7. meth. 2. & 2. eiusd. 6. & lib. 9. c. 8. & 1. de facult. naturalib. 16. & lib. de theriac. ad Pison. 28. & lib. de comat. cap. 4. & lib. quod animi mores, cap. 9. (clamitet ad rauim vsque Valleriol. lib. 5. enarrat. cap. 2.) Cum ergo Hipp. multis in locis huius vacuationis signa nobis ante oculos proponat, quid mirandum si eius doctrina, quam callebat ad vnguem, instructus, hanc excretionem prædixerit?

Est textus eximius apud Hippocrat. lib. 4. aph. 73. qui huius crisis futurae signa tradens, sic inquit. *Quibus hypochondria suspensa murmurant, lumborum dolore superueniente is alui humectantur, nisi status erumpant, aut vrina multitudine proueniat.* Et antè aphorismo 20. eiusdè libri dixerat, *si tormina acciderint, & genuum grauitas, & lumborum dolor, purgari per inferiora oportere significatur.* Ex quibus constat, genuum grauitatem, tormina, & lumborum dolorem esse signum inclinantis naturæ ad aluum. Et in Coacis sic scribit. *Quibus ructus, status crepitus ventris, eiusdèque inflatio, his rapidè fertur alui:* arguunt enim hæc omnia translatum humorem à maioribus vasis, & à toto corpore in mesenterij venas, & ab his in intestina, vnde ructus, & ventris inflatio. Et in lib. 4. aph. ult. addit vrinae suppressionem: nam sicuti mixtio noctu plurima facta, paruam deiectionem denotat; ita si profusior futura sit alui, aut supprimeatur vrina, aut exigua erit illius quantitas; maximè si alterius

A futura vacuationis signa non adsint: quomodo lib. de præcognit. ad Posthum. 3. in fin. in Eudemo triplici quartana laborante, alui fluxum contra plurimos se prædixisse gloriatur. Addunt Arabes notas ex vrina, & pulu desumptas; pulsum paruum & frequentem esse volunt, vrinas verò tenues & albas apparere, transposita ad aluum & intestina copiosissima bile, ut patet ex Auic. 1. 3. tract. 2. cap. 30. & 1. 4. tract. 2. cap. 7. & 2. 4. tract. 1. cap. 9. & 1. parti canticor. num. 47. De qua re vide Paul. lib. 2. c. 10. & Barthol. Perdulcè lib. 3. cap. 5. sect. 3. Argentor. lib. 4. de signis pronost. cap. 22. in fin. Gilbert. Iacchæum lib. 4. instit. med. cap. 9.

## HISTORIA LXXX. GALENI, De alui fluxu.

Adstringentia in prima mensam sumpta, aluum sistunt; in vltima, aluum prouocant.

**C**um Protas Rhetor quidam ciuis noster narraret, ventrem sibi post esum pomorum, ac pyrorum austerorum deiici, re intellecta, atque in ipso per experientiam comprobata, audacius postea in alijs sum expertus. Rogauit enim hominem, ut mecum vel unum diem viueret, ut scirem quo tempore, & quam multis vesceretur adstringentibus. Ac primum hominem statim hortatus, ut more suo viueret, neue vlla in re consuetam sibi victus rationem immutaret: ipse autem cum post balneum paucula aqua præbuita, fœnū gracum, radicula, & id genus alia (qua ante alios cibos, omnes ferè sumere consueuerunt) similiter & ipse sumpisset, virumque dulce quantitate mediocri adbibisset, comedit deinceps \* maluas cum oleo, & garo, & paucis vini; & post illa, piscis quidpiam, suilla, & auis: deinde cum secundo bibisset, paucis tempore intermisso, sumpsit pyra austera: postea deambulatum progressi, non multum deambulauimus, cum venter illi maiore in modum esset solutus. Qua cum essem conspicuus, pactus sum cum amico, ut postridie qua ad suam victus rationem pertinerent, mihi committeret. Qui cum mihi promptè esset assensus, prima omnium post balneum, pyra exhibui: deinde alia deinceps, ut consueuerat: quibus peractis, non modo non vehementer, sed ne mediocriter quidem aluum deiecit. Mirabatur sanè (ut par est) rei euentum, causamque eius à me sciscitabatur. Cui ego hæc qua nunc referam, exposui: nam cum garum (inquam) unum cum is, qua cum eo sumpseras, aluum suapte natura subducat, adstringentia postremo loco sumpta, is potissimum, qui stomachum habent imbecillum, deiectionis sunt causa, ventriculum roborantia, & ad expellendum deorsum, qua in sese continent, incitantia: quod magis (inquam) facere si cras prima omnium adstringentia sumpseris: secunda autem post illa, carnosa: omnium postrema, qua cum garo & oleo maduntur, &c. Gal. 1. 2. de alimēt. facult. c. 22.

## P A R A P H R A S I S.

**H**ac historia latè Galen. confirmat, iis qui ventriculum habent imbecillum, ventrem deiici, cum postremis epulis adstringentium quidpiam fuerit assumptum; si verò prima mensa, aluum sisti. Garum enim, oleum, malua, piscis, cum suapte natura ventriculum subuertant; adstringentia verò robovent ac firment, stipticitate sua & compressione, exprimunt deorsum tenues cibos, eosque ante tempus per aluum propellunt. Hoc ita esse, eleganti quadam historia infra, in hoc capite comprobauit, iuuenis cuiusdam, qui accepto scammonio, cum horis quinque post id acceptum præterlapsis, nihil deiiceret, immò stomacho pressus, tumidus, ac grauatus, pallidus, attonitus, atque animi incertus affligeretur, assumpto malo adstringente, punico, aut pyro, copiosissima ex ipsius ventre facta excretionem, à tantis malis fuit liberatus; quam historiam utpote huic similem idcirco non appunximus.

His edocti Medici, ad prouocandum alui fluxum, emollientia primo loco, ad sistendum verò adstringentia edenda suadent: illa enim ventrem lubricant, fluidumque reddunt: hæc



hæc roborant, & corrugant fundum ventriculi, arctantque sua siccitate, ut alimentum descendere nequeat.

Maluam ventrem emollire, testis est Gal. lib. 2. de alim. facult. cap. 42. hæc enim facile subducitur non modò propter humiditatem, verum etiam propter lentorem, ex Paul. lib. 1. cap. 74. qua de causa veteres ad molliendam aluum utebantur ea, vnde Martialis lib. 10.

*Exoneratras ventrem mihi villica maluas*

*Attulis, & varias quas habet hortus opes.*

Maximè si cum oleo suapte natura ventrem molliente, ex Galen. lib. 3. simpl. 18. & garo edatur. Garum autem est liquor piscium salus, qui olim conficiebatur ex pisce, quem græci garon vocabant: & quamvis nunc ex infinito genere piscium fiat, nomen tamen pristinum retinet, à quo initium sumpsit; qui liquor salis vi, ventrem proxiat. De cuius affectu, vi, & varia parandi forma, ad priscorum mentem disceptarunt ingenuè Hermolaus Barbarus lib. 2. corollar. cap. 234. & eruditissimus Ludou. Nonnius lib. 3. de re cibaria, c. 41. & non siliuit omnigenæ lectionis vir, Lælius Bisciola tom. 2. horar. successu. in appendice lib. ultimi Alimenta autem austera, adstrictoriam habere facultatem, nulli est non manifestum, & probat Galen. lib. 4. meth. 7. & lib. 4. de comp. medic. sec. gener. cap. 5. & lib. 6. eiusd. cap. 3. His factis, & ordine sic viuendi immutato, Rhetor iste euentum admiratus, nunquam ampliùs alui fluxum est perpeffus.

## QVÆSTIO XLIV

*Quòd alimenta tenuia debeant precedere crassa.*  
*Contra Conciliatorem, & Gentilem, Medicos*  
*acutissimos.*

### COMMENTARIUM

**M**Aluas cum oleo, & garo.] Qui sanitatis conseruandæ præcepta saluberrima literis tradidere, illud in quaestione vertere solent: num alimenta tenuia debeant præcedere crassa. Videtur non esse obseruandum vllum ordinem in assumendis cibis, nam si auctore Gal. lib. 2. de sympt. cap. 3. ventriculus non aperit orificium infernum, antequam cibus comminuatur, & ad perfectam coctionem sit redactus, parum refert hæc vel illa, primo, vel secundo loco absumere, si superiora cum inferioribus, & hæc cum illis exactè permiscantur, coquantur, & ad vnicam cremorolam formam rediguntur.

Conciliator diff. 119. arbitratur, alimenta, qua alimenta sunt, & non aliquem lapsum castigant, accepta, quæ crassiora sunt, ac concoctu difficiliora præassumenda esse, quoniam ventriculi fundum calidius est, carnosius, sicque maiorem sortitur concoquendi vim, organumque coctionis nūcupatur; pars verò superior, frigidior, nervosior, calidisque visceribus minùs vicina, organumque appetentiz dici solet. Quare si debet seruari proportio inter calorem coquentem, & obiectum quod patitur, consentaneum videtur rationi, ut in parte ventriculi calidiore alimentum difficulter alterabile consistat, & in parte minùs calida, quod faciliùs coquitur immoretur: quo dato omnia in eodem tempore coquantur, & simul ab ipso post coctionem expellentur: aliter si coctu facilia ingeras prius, ob excessum caloris, ea in imo ventriculi corrumpuntur diutius retenta.

Gentilis Fulginas, licet subtilissimus, in eodem luto hætere videtur, in com. c. 3. Auic. fen. 13. 3. tract. 4. ampliùs referens, quosdam esse cibos crassos difficilis coctionis, qui tamen è ventriculo citò descendunt, ut carnes ceruorum, & olera; quosdam facilis coctionis, qui minimè lubricant. Tunc infert, si comparemus cibos labiles è ventriculo, non labescentibus, labiles esse præassumendos, interposito tamen spatio temporis, ne vnà cibi labantur, & hoc ciborum dumtaxat ratione, & medelæ causa obseruandum censet. Si verò cibum facilis coctioni non facili comparemus, tunc si diuersitas vtriusque (quod ad coctionem spectat) modica sit, qui paulò difficilior concoctu est, permitti debet. Si verò multa diuersitas intercedit, ut in-

Lib. II.

ter pullinam, & vaccinam carnem, tunc qui faciliè concoquitur, præmitti debet; nam si postponatur, cum citò concoquatur, viteriùs concocta corrumpetur, viam non habens: quare præsumi debet, ut postquam cocta fuerit, è ventriculo explodatur, remanente alio cibo, qui difficilis coctionis est. In sui confirmationem, asserit pylorum refferari tories, quoties cibi portio plenissimè concocta est. Quapropter etsi cibus vniformis sit, quia ramen faciliùs accitius, qui in fundo est concoquitur, idcirco oportet pylorum aperiri, ut explodatur. Hæc est Gentilis opinio, quam nouam, ac suam esse gloriatur.

\* Galenus cibos tenues præassumendos esse non semel inculcat, seu soluere ventrem seu edere propositum sit, nisi ventrem cohibere, adstringere velimus, prout in hac historia ipse confirmat. Nam lib. 3. acut. com. 22. & lib. 3. de sympt. caus. c. 10. id confirmat, & apertissimè lib. 2. de alim. facult. cap. 11. §. Satiùs enim fuerit scire, ex cibis qui subducuntur, posteriores quidem sumendos esse qui tardè permeant; omnium autem primos, qui celeriter quidem peruadunt, corrumpuntur tamen si in ventriculo morètur diutius, &c. & loc. cit. de sympt. causis, inter causas propter quas corrumpitur coctio ventriculi, reponit ordinem præposterum ciborum, ut si v. g. primo loco assumantur mala cotonea, deinde verò olera cum garo & oleo. Et cum alimenta tardi citius transitus esse comperiantur, aliàs ob naturalem nostram ab initio constitutionem, aliàs ob ventris dispositionem adscititiam, nonnunquam ob peculiarem aliquam esculentorum ac potulentorum substantiam, hinc fit, ut non vno ciborum genere venter soluatur, tum omnibus, tum eidem homini perperuò; nam quibusdam venter subducitur lentis, ac præhumidis, ut atriplice, blito, maluis, ac cucurbita; quibusdam acribus, incisoriis, ac abstergentibus, ut qui cum sinapim, betam, ac porrum sumpsit, eorum ope incisam pituitam largiter excreuit. In his omnibus secundum cuiusque indigentiam, qui citare ventrem possunt, prius sunt offendi.

Hoc placitum defendunt Auic. 4. 1. cap. 1. & 3. 1. doct. 2. cap. 7. post princip. dum inquit, quòd sanitatis conseruator in ciborum assumptione ordinem seruare debet, ita ut id quod faciliè digeritur, precedat; sequatur verò deinde, id quod difficile digeritur. Rhasis 25. contin. cap. 1. retulit cibum, qui concoctu facilis est, præsumendum esse, per hæc verba. Vnde si appetis in vno cibo, uti duobus cibariis, vno velocis digestionis, & alio tarda; illud velocis digestionis precedat aliud tarda digestionis, ut tendat ad fundum stomachi, &c. Et in eodem capite refert, quoties famis in vno cibo duo cibaria, quorum vnum velocius alterationis est altero, vnum corrumpet aliud, impedito cibario velocis alterationis, per cibarium tardioris alterationis; & inde corrumpetur in totum nutrimentum ciborum, & hoc appellatur malitia ordinis, &c. Hæc ille. Sequitur Ishac lib. 6. de diat. vniversalib. cap. 4. & 20. Approbant Vallesius lib. 2. controuers. 4. Christophor. à Veiga lib. 2. art. med. sect. 3. iuxta fin. Horat. Augensius tom. 1. epistol. lib. 1. epist. 1. Ludouic. Mercat. tom. 1. quæst. 164. num. 18. Santorellus lib. 15. antepraxis, cap. 14.

Cæterum, licet in vniversum cibi qui aluum mouent, sint præassumendi, illi tamen potissimum id exposcunt, qui suapte lentitie, & humiditate ventrem soluant; hi enim si post alios cibos edantur, facillimè corrumpuntur; imum enim ventrem petentes, atque à reliquis cohibiti, in superficie natantes corrumpuntur, quoniam præhumidi sunt, ac prauis succi: quare vltra generale præceptum hoc habent peculiare, quòd sua humiditate ventrem moueant, & praua qualitate ventriculum cibos amplecti prohibeant, qua de causa prauè concoquantur. Hæc omnia perbellè expressit Galenus lib. 2. de aliment. facult. 19. de persicis sermonem habens, dicens. Nunc autem discas, quòd scilicet ipsorum succus, & caro faciliè corrumpitur, prauaque omnino est; quocirca (quod quidam facere solent) non sunt post alios cibos mandanda: corrumpuntur enim in superficie natantia. Sed in omnibus, quæ prauis quidè sunt succi, verum humida sunt, & quæ subduci faciliè queant, id còmuniter tenendū, ea ob id ipsū ante alios cibos esse sumenda,

E c

sumenda; ita enim fiet, ut & citius subducantur, & alijs cibis viam muniant, quæ si postremo sumpta fuerit, una secum alia quoque corrumpent, &c. Idem cii. lib. cap. 3. de prunis comprobauit.

Aliorum verò argumenta contendendum nullum esse spectandum ordinem in absumendis cibis, nihil concludunt; nam etsi verum sit coctionem fieri permixtione, non intelligendum est quòd superiora cum inferioribus misceantur; quilibet enim cibus in ea parte, in qua consistit alius tardius alijs citius concoquitur.

Et licet verum sit, quod obiciebat Conciliator, adesse aliquod inter partes ventriculi discrimen, cum pars inferior sit carnosior & calidior, tamen ferè nunquam hæc proportio inter cibos, & has partes reperitur, hoc est, non in æquali proportionem una pars excedit aliam, qua excedit crassum tenuis cibus in facilitate corruptionis. Et licet inueniatur, alienum à ratione est concedere, quòd cibus difficilis coctionis debeat præcedere, cum reuera periculum corruptionis ciborum imminet.

Pylorum autem referari toties, quoties cibi portio concocta est, opinio est ad libitum inuenta, nec eam, quantum legere licuit, apud Galenum pro Gentilis defensione potui inuenire: illud solum constat, eundem Auctorem lib. 3. de facult. natural. c. 4. contrariam Gètili habuisse sententiam de pylori apertione; quo loco propria experientia, eaque anatomica edoctus, ventriculum non aperire inferius os, quousque cibi exactè sint concocti, manifestè pronunciat: peracta verò coctione ventriculum abundè saturum, reliquum ut onerosum à se depellere, tunc enim aperto fundo excidunt faciliè cibi, etiam si lapides, ossa, acinos, aliæque, qua verti in cremorem non possunt, plurima secum habeant. Nam viuente animali, ventriculum non perpetuò inquit ipse, sed post assumptos cibos, superne eos, inferneque, & undique arte complexum, ac immotum adeò vidi, ut cibus vniri, & is undique adherere videretur. Quo tempore etiam pylorum coniuuentem, clausumque ad unguem inueni, non secus ac pregnantibus os vteri; at post concoctionem consummatam, reclusum pylorum inueni, &c. Hæc si vera sunt, ut profectò sunt verissima, luce meridiana clariùs liquet, Gentilem virum cyclicè doctum, à Galeni mente prorsus aberrasse.

## D V B I V M XLVIII.

*Num varietas ciborum pro sanitatis tutela, utilis sit.*

**M** Aluas cum oleo, & garo, pauco vini, suilla, piscis, auis.] Varietatem ciborum reprobam esse, utpote ex qua numerosa oriatur morborum strues, veterum scientissimi conscribere. Galenus enim lib. 1. de rat. vict. in morb. acut. com. 18. ob duas causas ciborum varietatem maximè condemnat: & quòd ingesta ipsa probè concoqui prohibeat; cum enim iucunda sit & delectabilis, appetentiam maximè excitat, & sic plus absumitur, quàm ventriculus retinere aut concoquere possit: & quòd diuersi cibi cum repugnantes habeant facultates, ventriculum impensè perturbent. Quare idem Gal. lib. de vict. priuat. com. 2. 2. affirmat, unicum vinum bibere, & unicum cibum edere, esse conseruationi sanitatis salutare valde; quoniam ventriculus magis retinet, & meliùs concoquit. Argumento sunt rurales homines, & laboribus dediti, qui simplici vtentes victu, robusti sunt: contra varijs epulis assueti, imbecilles, & morbis valde obnoxij. Confirmat hanc sententiam Horat. lib. 2. Satyr. 2.

*Varia res*

*Vt noceant homini credas, memor illius esca  
Quæ simplex olim tibi sederit, ac simul affis  
Miscueris elixa, simul conchyliis turdis,  
Dulcia se in bilem vertent, stomachoque tumultum  
Lenta feret pituita. -----*

Idem asserit Auicenna, 3. 1. doct. 2. cap. 7. in med. Et nihil quidem deterius est, quàm diuersa nutrientia simul adiungere, &c. & in fin. 5. Cibaria quoque diuersa à duobus impediuntur partibus; una earum est, propter diuersitatem eorum in digerendo: & quoniam quod ex eis est digestum, ei admiscetur, quod

**A** non est digestum. Et secunda, quoniam aliquis plus potest comedere ex uno cibario, &c. In eadem sententia est Plin. lib. 2. cap. 5. Hominis cibus utilissimus simplex, acervatio saporum pestifera, & condimenta perniciofa. Nam, ut ait Plato lib. 3. de reipublic. ex ciborum varietate varij nascuntur morbi, ob dictas causas, quas multo antea recitauerat Hip. lib. de flatu. num. 9. quoniam varij cibi seditionem, hoc est, perturbationem in ventriculo mouent; alia enim citius, alia difficiliùs concoquuntur; cibi enim varij licet faciliùs edantur, coctioni tamen summopere resistunt, teste Celso lib. 3. cap. 6. iuxta fin. sicque assumendi non sunt ex Paul. lib. 1. cap. 72. quoniam morbosifunt, ex Philosopho 1. sect. probl. 15.

**B** Simplicem cibum, multiplici & vario esse præferendum, lata oratione contendit Disarius Medicus clarissimus, apud Macrobius lib. 7. Saturnalior. cap. 4. cuius rationes in vnâ redigemus summam. Nam pecudes, quæ simplici, & uniformi cibo contenta sunt sanius degunt contra alites, quæ offis compositis, & varijs condimentis aluntur magis implicatur morbis; sicut & illa quæ saginam composita varietate patiuntur, adeò faciliùs digestu est alimonia simplex. Qui simplicem cibum sumit faciliè quo succo eius corpus vel inuenit, vel grauatur, vsu docente, cognoscit. Qui multiplici cibo alitur, diuersas patitur qualitates, ex diuersitate succorum pronatas: nec concordant humores ex materia diuersitate nascentes, nec efficiunt liquidum purumve sanguinem, in quem iecoris ministerio vertuntur, & in venas cum tumultu suo transeunt: diuersorum enim ciborum, diuersa natura est; simplex autem cibus non habet coctionis controuersam moram, dum in simplicem simul succum vertitur. Deinde alimentorum varietas varia recipit condimenta, quibus gula ultra quàm necesse est, laceffitur, & sic inde congeries, dum pruritu desiderij amplius vel cerè de singulis parua libantur, quare alimentorum varietas repudietur, vel propter hoc quia voluptatis plena est: de qua quæstione Plutarch. lib. 4. Sympos. quæst. 1. egit satis eleganter, & doctè.

Hæc est veterum sententia, ratione, experimentoque firmata: contra quam plura obiici possunt. Primò. Corpora contrarijs & dissimilibus qualitatibus sunt composita, ex calido enim, & frigido, & sicco, & humido constamus. Cibus verò simplex, succum de se vnus qualitaris emitit: multiplex ergo assumendus est, ut quælibet pars simili, & proprio gaudeat temperamento.

Secundò. Varietas alimentorum iucunda est & delectabilis, & ob id maximè commendatur ab Hippoc. 2. aph. 38. quare si ventriculus varia, & iucunda meliùs retinet & concoquit, ciborum varietas reprobanda non est.

**D** Tertiò. Sicut alimenta imtemperata, coctione sunt temperata, ex Gal. 4. simpl. 26. sic alimenta varia & dissimilia, coctione & permixtione in ventriculo solent attemperari, ita ut chylus temperatus, & sanguis nutritioni idoneus generari queat.

Vltimò. Gal. lib. 5. de sanit. iuend. c. 4. refert Antiochum Medicum, & Telephum grammaticum diu vixisse illæ sensibus, & integris membris ad postremum vitæ curriculum peruenisse, quoniam ij artis Medicæ præcepta obseruabant: At hi, ut inquit Galen. varijs cibis utebantur, & in cœna oleribus, obsonijs, piscibus, & carnibus vescabantur. Ergo varietas ciborum tantum abest ut nocua sit, ut potiùs longæuos faciat. Exemplo sunt frugales & sobrij, qui varia alimenta in prandio, & cœna edentes, optima valetudine fruuntur.

**E** Aduerte varietatem ciborum aliquando esse paruam, & contemnendam, quia noxa illius faciliè incunditate corrigitur: interdum esse magnam, non solum in facilitate aut difficultate coctionis, sed in temperatura, & alijs facultatibus; tunc si plures cibi æquè sumantur, nocere solent, nam in ventriculo perturbationem mouent. Hæc varietas vitanda est, tanquam saluti noxia, & aduersa. Si verò vnus, aut alter cibus sumatur potissimum ad nutriendum, & reliqui sumantur ut coadiuuant, veluti salsamenta pro excitanda appetentia, & condimenta pro excessu intemperamenti alterius cibi corrigendo, & alia ad roborandum ventriculum, & absumendos flatus; tunc hæc varietas non euitari, sed commendari debet.

His positis, primum argumentum dilates, si dicas, semper ex vnico, & simplici cibo generari chylum in ventriculo, & sanguinem in iecore sano, in quo ea reperitur varietas, quæ necessaria est pro nutriendis partibus. Ad secundum dic. Ciborum varietatem iucundam esse, appetitumque excitare, fastidiosis maximè necessariam; sanis & bene appetentibus periculosam, ob rationes dictas. Tertium dissolues hoc modo. Intemperata, coctione attemperantur: in ventriculo autem hoc perfectè fieri posse inficiamur; nam eorum, quæ dissimilibus facultatibus constant, occursum, ita ventriculus perturbatur, & illius actio adeò læditur: ut deinceps neque permiscere, nec coquere queat. Vltimum solum probare contendit, varietatem ciborum esse vitandam, quando omnes æquè principaliter sumuntur ad nutriendum: eam verò esse approbandam, quando cum vno alimento, reliqua pro salsamentis, condimentis, aut medicamentis eduntur, quod non negamus. Sic duo cibi prodesse possunt, si alter, alterius vitium emendet, teste Auicenn. 3. 1. doct. 2. cap. 7. Ex quibus patet solutio argumentorum, quæ Macrob. loc. cit. cap. 5. pro contraria parte adstruere conatur, quæ per otium legere ne graueris, & Antonium Panfam lib. de proroganda vita cap. 32. qui argutè de hoc negotio disceptauit. Cætera verò de ratione victus in sanis obseruanda, accuratiùs trademus lib. 3. histor. 24.

## HISTORIA. LXXXI. GALENI, C

### De alui fluxu.

Celer à mordicatione excretio, inferiorum intestinorum dispositionem significat.

**I**n alio quoque, ubi celeriter\* à mordicatione sequebatur excretio, dispositionem ad inferiora recti intestina: hunc igitur iniecto medicamento sanauit, quippe cerò sciebam, quod proximè ventriculo partes exhibitæ supernè tum cibis, tum potibus; quæ verò non multum à sede distant, infernè iniectis medicamentis promptius adiunxerantur, &c. Galenus lib. 1. de loc. affect. cap. 4.

### PARAPHRASIS.

**Q**uantum referat ad morbi curationem, situm partis affectæ internoscere hoc exemplo ostendit Galenus. nam inter intestinorum mala, tormina esse consueuerunt, à mordaci humore, acri, & abradente ferè suborta ex Celso lib. 4. cap. 15. qui interdum diarrhœam, aliquando dysenteriam concitare solet. Licet enim prouida natura, ne in perpetua passione versaretur animal, intestinorum sensum, qui ratione membranarum, & obiecti continuo irritantis, nempe sensatæ bilis acrimoniæ erat exquisitissimus, hebetiorem aliquantulum reddiderit; nam interiorem tunicam, pingui concretoque humore obliniuit, qui & læuitate obtundere, & crassitie prohiberet acrimoniam, eiusque descensum lubricitate promoueret, tamen cum interiùs neruulis sint contexta, ut bilis ad ea ex lege naturæ delabentis feritatem, ac mordacitatem persentirent, eamque à se depellerent, idcirco sensu prædita sunt acerrimo. At cum bilis interdum acris in corpore in copia multa redundet, ad intestinamque confluens, ea acrimonia sua abradat, vellicet & pungat, multoties inferiora, aliquando superiora vexat & premit.

Num verò malum in superioribus ac tenuioribus intestinis, vel inferioribus ac crassioribus consistat, hoc signo docet agnoscere Galenus: nam si multo post mordicationem tempore deiectio fit, in superioribus affectio est; at verò si mox à dolore deiectio lequitur, inferiora sunt affecta. Hoc enim signum magnum ad curationem afferre solet momentum: nam qui superiora intestina affecta habent, medicamentis epotis; infusis verò per clysterem sanantur, qui inferiora intestina læsa habent: &

Lib. II.

A hoc est quod dixi in contextu, iniecto medicamento, hoc est infuso ipse sanauit.

His alia signa adiungit Galenus lib. 6. de loc. affect. cap. 2. ostendens, num pingue quidpiam vnà cum stercore deiciatur; quoniam si ita euenierit, in crassis affectionem consistere credendum est. Si verò cruor excernatur, intueri oportet, vtrum is reliquis excrementis ita sit admixtus, ut vniuersus misceatur vniuersis, an pars eius aliqua reliquis supernatet. Etenim si admixtus est, in superioribus, si verò supernatet, in humilioribus vlus esse portendit. Verum ubi neque deiectiones, iis quæ ab vlcere emanant admodum permixtæ, neque omnino discretæ apparent, coniiciendum est in mediis potius intestinis affectum existere, Tralliano auctore lib. 8. cap. 7. Nam cum excrementa cruore multo confusa sunt, quia diu simul iter agunt, gracilia esse affecta coniectandum est; sicut crassa & infima, cum seorsim, aut parum permixta cum sanguine apparent. Similis quoque ratio de crustulis habenda est. Nam si ramenta crassa & copiosa cum excrementis exeant, crassa intestina abradi dices; sicut tenuia, si pauca & gracilia. Amplius ex loco doloris supra vmbilicum, gracilia; sicut dum infra vrget, crassa esse affecta coniicies. Item grauioribus existant tenuium, quàm crassorum dolores. Hæc & alia ex Aëtio, Paulo, Auicenn. & cæteris, signa poteris mutuari, qui de diarrhœa, dysenteriaque proprium caput conscripserunt.

## QVÆSTIO XLV.

Quod in alui profluvio sanguinis missio sit ex usu, ut voluit Gal. Contra Peredam & com. medic. sententiam.

### COMMENTARIUM.

**A** Mordicatione. Inter plura, præstantissimæque præsidia, tum infernè iniecta, tum in potum exhibita, à Medicis vnanimi consensu, pro alui fluxu à mordaci humore concitato curando comprobata, nullum venæ sectione salubrius existit, de cuius administratione cum ipsi inter sese digladiantur, placuit de hac re censuram nostram imponere. Galen. lib. 4. acut. text. 116. in hæc verba prorumpit. Fluente aluo sanguinem non detrahes. Nam si post deractionem perseveret fluor, virtutem prosterne, &c. Similem sententiam protulit lib. 1. ad Glaucon. cap. 14. §. Sed neque si fuerit febris cum profluvio ventris, alia est opus vacuatione: verum hæc sola sufficit, quamvis non sit pro multitudinis ratione: quicunque enim huius pluri adimere fore necessarium putantes, aut sanguinem mittere, aut ventrem mouere tentauerunt, in grauiora pericula duxerunt, &c. Huc alludit Auicenn. 10. 3. tract. 5. cap. 2. in fin. qui præsentæ alui fluxu phlebotomiam condemnat. Deinde si sanguinis missio prouocat alui fluxum, apud Galen. lib. 9. meth. 4. lib. 1. aph. 23, nam ea celebrata aluus rumpitur, cur in diarrhœa celebranda imperabitur? His testimoniis adducti plurimi prorsus à sanguinis missione in diarrhœa abhorrent, eamque vel etiam præsentæ febri, vehementer execrantur: nam & vires ex fluxu debiles amplius deiecit, neque bilem trahit, neque mordicationem curat.

Pro parte contraria plures sunt, eæque non contemnendæ rationes. Qui enim in symptomatica diarrhœa in initio febrium eueniente, venæ sectionem condemnat, is rectæ medendi normæ contradicit, & experimentum fidissimum impugnat. Si enim hæc vacuatio in initio morbi accidens, (cæterarum vacuationum instar) est symptoma præter naturam, earum quæ sunt in corpore dispositionum, ostendens naturam à causis morbum facientibus grauati, cur causa huius symptomatis amolienda non est? Deinde si in febrium initio sudores, & rigores à copia grauante suborti eueniant, quid faciendum, nisi extracto sanguine ægrum & à febri, & ab humorum sarcina naturam leuare? sic si humor mordax, igneus, & calidus ad ventrem corriuet à toto, saluberrimum est

E c a sangu

sanguinem aperto vase haurire. Hac facta ventilatur corpus, transpirant vasa, intestina acri humore occupata, ceu incendio oppressa leuantur, & ab ulcere præseruantur, retrahitur humor abradens & squalidus, qui dolore & calore continuo ad sese materias attrahens à toto, de nouo irritatis intestinis fluxionem accersit, refrigeratur iecur, à qua parte totius mali ferè scaturigo est, & sic cohibetur fluxus. In hunc sensum intelligendus Auicenna 4. 1. c. 20. dicēs: *Amplius phlebotomia, propterea quòd ad diuersum trahit, naturam secundum plurimum retinet, &c.* & vt legit Iacobus Mantinus, *aluum valde adstringit.*

Quamobrem cum magna febris torquentur ægri, quum acerrimus humor, à venis & iecore confluit in intestina, vlcera & inflammationes paraturus, constantibus viribus, consultissimum est sanguinem in biliosa diarrhœa detrahere. Nam si in dysenteria, tum ex veterum, tum iuniorum sententia, sanguis est emittendus: cur in diarrhœa biliosa, quum initio morbi vires adsunt liberales, nec robur facultatum imminutum, securissimè non administrabitur? Sic Hippocrat. 6. epid. sect. 2. text. 17. reuellenda esse monuit, quæ, quò non expedit, repunt. Sic Gal. lib. de reuulsione cap. 2. in fluxione ad ventrem, ad manus reuellere docet: ex reuellentibus autem præfidiis præcipua est venæ sectio; nam materiam fouentem fluxum extirpat, malam membrorum qualitatem deponit, & humorum acredinem emendat.

Hæc si sit facta cum scissura tenuissima, minùs vires deiicit, nam sic minor spirituum copia exhauritur: & sanguis morosè, lentèque extractus, quasi riuiolos aliò aueritur; & per vices sectio si partiatur, præstantior reuulsio fit: quanto enim maiorem numerum particulas auxeris detractiones, tanto efficacior em efficies, inquit Galenus lib. de curand. rat. per sang. mis. cap. 11. in fin. & lib. 5. meth. cap. 3. Quare sic facta potentiùs reuellit, & calidam iecoris, & venarum intemperiem corrigit atque refrænât: nam extrahendo calidam substantiam refrigerat, ex Galen. lib. 10. meth. cap. 10. & lib. quòd animi mores, cap. 3. Auicenn. 2. 1. doct. 2. cap. 17. Medicum autem quantum oporteat sollicitum esse in fluxibus de refrigerando iecore, hoc exemplo fit manifestum.

#### Observatio XIV.

##### *Diarrhœa biliosa, sola saluatella sectione curata.*

**L**aborauerat iuuenis quidam biliosus satis, vigente cane, biliosa diarrhœa, ex qua (omnibus celebratis præfidiis, illique non conferentibus) in tabitudinem summam, & mortis fauces erat delapsus. Tandem lacte chalybeato vsus, nullum leuamen sensit. Cur ita? quoniam Medici de cohibendo fluxu solùm erant solliciti, nulla de hepatis intemperie calida, commemoratione facta, quòd monuit Galenus lib. 4. de articul. comment. 40. dum si cauit. Plerique Medici neglecto iecinore, vlceri dumtaxat intestinorum medentur, atque iccirco agrotantes precipitant; &c. Quare cum diarrhœa biliosa sit finitima dysenteria, & à iecoris caliditate intensa oriatur, non dubitauit iecur roborare, & refrigerare vnguentis extra applicitis, & saluatella secta dextræ manus, à qua vena sanguis parè extractus ita contulit vt post tres dies cohibito fluxu, paulatim vires æger resumeret: hæc vena secta furtim sanguinem exhaurit, parum debilitat. potenter reuellit, & incantamenti modo iecur roborat, & temperat. Nec mireris in ægro extenuato sanguinem emisisse: nam Galen. lib. 6. epidem. sect. 3. com. 29. in extenuatissima Romana copiosè sanguinem emisit, & lib. 5. meth. 14. in phthisi sanguinem extrahit, edoctus ab Hippocr. qui lib. 5. epid. num. 2. tabescentem, secta in vtraque manu vena, quousque exanguis redderetur, à macie liberauit.

Proinde vbi dolor vehementissimus fuerit, ob acrium humorum copiam concitatus, ad præseruanda intestina ab ulcere, & inflammatione, phlebotomia præstantissima est. Hæc si expendisset Pereda in com. cap. 16. lib. 1. Paschali, non ita redargueret eos, qui in initio diarrhœæ sangui-

nem emittunt: maximè cum hæc doctrina à Galen. methodo non sit aliena, vt medici hætenus perperam sunt opinati. Audit ipsum lib. 1. prorrh. sect. 3. com. 49. *Distinctio autem est, quibusdam morbi in principio, si vires valentes, vel sanguinis redundantia habeant, vel pituita, vel alterutrum bilis: nam si valenter excernantur, sanguinisque abundantiam habeant, quid sectione vena, non vomitu, aut ventris purgatione indigeant, neminè latet, &c.* Ex quo loco liquet, valenter fluente aluo sanguinis detractionem esse ex vsu. Probat eruditissimus Petr. Vaëtius in com. med. cap. 20.

Nam Hip. vt ad primum argumentum patet responsio, fluente aluo criticè, sanguinem non detrahit: vel fluente symptomaticè, sanguinem non emittit copiosè. Mens ergo Hip. sicut Gal. lib. 1. ad Glaucon. quòd ex fluxu alui magnalumarum indicatio, ad sanguinis missionem vel prohibendam, vel moderandam: non quòd in febre cum profluuiò alui, ob copiam concitato, semper sit abstinentum à venæ sectione, cum sæpissimè contrarium feliciter contingat, sed cautos reddit Medicos, ne præsentè alui fluxu, cuius causa vires fatiscunt, tantum sanguinis emittant, quantum exigit dispositio, ne geminata vacuatione vires prosternantur; quum aliquid sit relinquendum symptomati, cuius causa sæpe sudores eueniunt, & vires debilitantur. Itaque (inquit ipse cit. ad Glaucon. loc.) *si vehementissima vigilia, aut dolor interius hominem infestent, cauenda est subita ac multæ vacuatio. Sic in fluxu vètris, copiosa, & ad animi deliquium facta vacuatio est prohibenda, cuius ope rumpitur aluus.* Ergo ob dictas causas, amplectenda parca & moderata, cuius vi & beneficio alui profluuium compescitur. Demum lib. cit. prorrh. approbat venæ sectionem in fluore alui, si vires sint valentes: cit. lib. ad Glaucon. & de ratione vict. reprobat, cum alui fluxus ex partium debilitate oritur. Ex his patere arbitror, quàm meticulosi fuerint auctores omnes, in venæ sectione in diarrhœa celebranda, qui eam sicco pede pertranseunt; de quorum numero sunt Iacchinus, Hollerius, Vidus Vidius, & alij, textu Galeni perterriti, qui perperam intellectus, multorum hominum millia ingulauit. Si tamen pulcra, de alui fluxu cum febre complicato, scire desideras, lege Castrensem lib. de complexu morbor. cap. 5. Nostras partes acerrimè defendunt Altimarus cap. 73. de medend. morb. Nicolaus Abrahamus Frambelsarius lib. 5. consult. distinct. 3. canon. 4. Sanctorus Sanctorius lib. 15. de enitand. errorib. med. cap. 12. Nicolaus Piso lib. 3. de curandis de morbis, c. 14. Catterius in 1. 4. Auicenn. tract. 2. c. 14. de superfluo alui fluxu in febribus, qui nuperrimè fuscè, at eleganter Auicennæ mentem exposuit. At nullus, hoc tantum auxilium, pro hoc sæuo domando morbo, ex Galeni mente prolatum esse hætenus asseruit.

#### HISTORIA LXXXII. GALENI, De alui fluxu.

Alui fluxus, nec alia vacuatio in febribus tentanda, priusquam ventriculi læsionem, ac debilitatem auferamus.

**A** Ge enim, si quis febricitet, & adsit plethorica dispositio, verum ex recentibus cruditatibus sit, ac morsum sentiat, afflictiùsque os ventriculi: vel si etiam humorem aliquem malum euomuerit, & in huius transitu non parum fuerit offensus, adeò vt grauiter se habeat, atque anxie: nunquid hic ad febre respicientes, solam multitudinem vacuare tentabimus? (quòd alioquin sine molestia faceremus.) An priùs ori ventriculi prouidebimus, ac deinde postquam circa hoc bene se habuerit, quam licuerit, totius corporis vacuationem faciemus? Mihi quidem ita agendum videretur. Multos itaque sapius vidi, qui ita affecti erant, quosdam interiisse, alios ad extremum periculum fuisse perductos, cum Medici eos vacuare tentassent, antequam os ventriculi corroborassent, &c. Galenus lib. 1. ad Glaucon. cap. 13. in principio.



## PARAPHRASIS.

**V**entriculi os in putridis febribus, (de iis enim agit Galen. hoc in loco) cruditatibus repleri, diuturna confirmat experientia. Cum enim præternaturalis calor non sit naturæ operantis instrumentum, cum non sit commensuratus ac proportionatus, (aliouin febrientes melius conquiescent) sic ut ventriculus præuè affectus alimentum conequere rectè haud possit, sed ex eo crudum succum gignat, statimque plenum. Deinde sæpissime in febribus contingit, humorem acrem & mordacem in ventriculi os defluere è iecore, venosoque genere, ut ex transitu, vellicationeque ipsum grauiter stimulet, ad vomitumque compellat. In hoc statu, si adsit plethorica dispositio, (hoc enim modo veriùs legendum contextum, cum Leonicensio, & Stephano Atheniensi puto, quàm negatiuè, hoc est, non adsit plethorica dispositio) neque medicamentum purgans exhibendum, neque venæ sectio imperanda, antequam ventriculi os roboremus. Non illud; nam præterquam quod crudi humores in ventriculo tenaciter impacti, citra maximum damnum in initio expurgari nequeunt, ex concursu humorum, qui attractione medicamenti ad os ventriculi conuocantur, aucto nouo feruore & morsu, syncope, anxietas, lipothymia imminere solent.

Deinde. Crudis humoribus in ventriculo regurgitantibus nocua est venæ sectio. Primò, quoniam innatum ventriculi calorem debilitat, & ad crudi præexistentis coctionem, & biliosi mordentis impetum frangendum, & attemperandum, ineptum reddit; vnde crudi humores, extracto sanguine crudiores redduntur: hic enim eos præsentia sua, calore, & benignitate fouebat, ac tuebatur; in quem sensum intelligendus Auic. 4. 1. cap. 20. & caue ne agrum ad frigidorum succorum frigiditatem perducas. &c. Hæc est causa, ob quam 12. meth. 3. in febre syncopali sanguinem non emittit, nec vitur medicamento expurgante lib. 4. de sanit. tuend. cap. 5. dum sic ait. Caterum cum sanguis bonus exiguus est, crudi humores plurimi, huic nec sanguis mittendus, nec alui deiectio, aut exercitatio, aut omnino motus, aut balneum adhibendum: quippe incisa vena bonum sanguinem emittit; malum, qui in primis maximè venis circa iecur, & quod mesenterium vocant, colligitur, in totum attrahit corpus: deiectio verò in talibus tormina, & rosiones creat, animique deliquia, cum eo quod nec notatu quidpiam dignum educit, quando omnes succi pigri, atque ad motum inepti, propter crassitudinem, frigiditatemque sunt, &c.

Secundò, quoniam venæ inanitæ sectionis vi, crudum humorem rapiunt ex ventriculo, febrémque conduplicant. Audi auream sententiam Fernelij lib. 3. meth. cap. 8. §. Sed graui sanè dispendio natura ordinem peruertit, qui impuritate relictæ, purum syncerumque sanguinem profundit è venis, quique venas sectione exinanitas implet fæda illuue, rapta è primis sedibus, quæ quasi sentina est omnis impuritatis, &c.

Quapropter crudis succis abundantibus, caurè per venæ sectionem vacuabis, quoniam iis virium robur non adest, ex Gal. lib. de curand. rat. per sang. mis. cap. 8. nam crudi succi vires maximè opprimunt, nariumque ignem sua frigiditate extinguunt, & si in præsentia crudorum succorum superueniat febris, nullo modo aperienda venæ, ex Gal. lib. de curand. rat. per sang. mis. cap. 10. Licet enim febris de nouo adueniens, intemperiem frigidam, crudorum humorum causa contractam, emendare queat; tamen cum febrilis intemperantia aliter iungatur, vires adesse non possunt, quoniam vires debiles ampliùs debilitantur, ut Mena doctè notauit, in com.

At quæres: Cur, si in præsentia crudorum succorum sanguis non est emittendus, ille lib. de curand. rat. per sang. mis. cap. 11. in iis quibus crudorum copia inerat, sanguinem non semel, sed bis, & ter exhausti? Sic enim ait. Vbi verò multa vacuatione est opus, verum vires sunt imbecilliores, in his euacuationem partiri expedit, uti nimirum & me fecisse vidistis, in iis quibus humorum crudorum copia inerat. Nam pauculo sanguine detracto, protinus melioratum exhibeo probè coctum cum incidetium medicaminum.

Lib. II,

**A** quoque, velut hyssopo, origano, & interim etiam nepita aut pulegio, aut cerie cum melicrato oxymel, aut oxyglycy, ac sic rursus sanguinem minuo, vel ipso eodem nonnunquam die: interdum die postero, in quo rursus exhibitio propositorum medicaminum quoque, iterum de sanguine quid aufero, ac rursus tertio die similiter his, &c. Responde, redundantibus succis crudis sanguinem emisisse, quia ij non erant alieni valde à natura sanguinis, in cuius absentia nullo modo est vena secanda, immò purgatio exhibenda, ex illius præscripto, lib. 4. de sanit. tuend. cap. 3. §. Quod si vitiosi tantum succi, itque citra sanguinis copiam subsint, purgatio petenda est, quæ unicuique humori sit accommodata, &c. Et in cap. 4. §. Vbi quidem paululum vel citra sanguinem restitum, vel ultra processum est, audacter sanguis mittendus est; ubi autem plus, consideratius agendum; ubi autem plurimum; omnino nullus mittendus sanguis est, &c.

**B** Aduerte, Galenum hîc inhibere solum purgationem fortem, violentam, & quæ ab ambitu corporis ad ventriculum humores conuocare nata sit, non eam quæ à solo ventriculo leniter, supernè aut infernè eos educere queat. Hæc ergo vacuatio præterquam quod rationi est consentanea, quando cruditatibus, biliosisque humoribus ventriculus repletur, eam in febre syncopali, orta ex succis crudis 12. meth. cit. exercet; tunc enim, maximè si aliud commodè non deiciat, audacter per inferius aliquid infundere iubet, & in potum, nullam crudam, & pristinæ cremorem assumere imperat; ut quæ in primis venis, circa iecur & mesenterium, sint collecta excrementa vacuentur. Hoc confirmat lib. 1. ad Glauc. cit. dum

**C** sic ait. Qui verò ex vitiosis humoribus os ventriculi mordicantibus dissoluntur, hos post aqua calida, aut hydrelai potum, fac euomere. Quod si difficulter euomant, prius concalfacere oportet, quæ os ventriculi circundant loca, & manus, pedes. Quod si neque hoc modo possint euomere, digitos, aut pennas immittendo irritare oportet. Quod si neque sic euomant, rursus his oleum calidum quam optimum exhibendum. Solet autem sæpius oleum non solum ad vomitum irritare, sed etiam ventrem meliorem facere. Est autem hoc non parum utile: quare nisi sponte accidat, arte procurandum est, præcipuè verò glandibus suppositis hoc tentandum est, facere. Quod si ex istis facilius fiat, etiam absinthij comā in melicrato decoquens ad potandum exhibeat, atque deinceps vinum, deinde omnibus modis membra roborare oportet, partim iis quæ extrinsecus apponuntur, partim absinthij porionibus, &c. Vide quo pacto ventriculi ore, crudis & vitiosis humoribus scatente, non tantum roborantia consultat Gal. quin blandè expurgantia, de quorum genere est absinthium, roborans sanè medicamentum, quod crudorum, mordaciumque humorum eductiuum esse farentur Dioscorid. lib. 3. cap. 24. Gal. lib. 6. simpl. 69. & 6. de sanit. 10. & lib. 3. de comp. medic. sec. loc. cap. 3.

**D** Sed soluenda sunt plura, ex quorum explicatione historiarum interpretatio fiet manifesta. Primum. Quæ est causa, ob quam medicamentis roborantibus, ventriculum primo curare intendit, quæ sua vi adstringente humores arctant, & resolutioni ineptos reddunt? Dic, Gal. roborantia interna consuluisse, & externa, quæ si applicentur flaccido, debilique ventriculo, & crudorum mordaciumque succorum copia grauato, & lacinato, tantum abest ut noceant, ut potius ventriculo roborato, & horum ope vegetiori factò, melius præexistentes humores coquantur, attenuentur, domentur, expulsionem reddantur paratiores, & fluxuri à toto impediuntur.

**E** Secundum. Quare recentes cruditates ventriculi morsum facere queunt, si acrimonia carent? Dic, Recentiores crudos humores morsum facere posse, cum biliosi sunt, acres, & mordacitatis participes; hos autem vocari crudos, patet ex Gal. 2. acut. com. 44. §. Biliosa cruda ita appellauit, nam quod à natura deuictum, ac superatum non est, crudum est, siue frigidus, siue calidus humor, siue etiam excrementum sit, &c. & ex Aristot. lib. 4. meteor. cap. 1. §. Quod crudum est, id à natura deuictum non est, &c.

Tertium. Cur præsentè plethorica dispositione, & vigente febre, arceat phlebotomiam, sic hanc in meth. lib. de curand.

Ec 3

*curand. rat per sang. mis. lib. de sanit. tuend. & præsertim in A lib. de venesectione aduersus Erasistrat.* ad euitanda maiora damna illico celebrandam suadet: Dic Dispositionis plethoricæ duplicem esse differentiam; vna, quæ est succorum omnium æqualis redundantia ad proportionem; altera est, syncerioris sanguinis summa vbertas, & affluentia: in illa aliquando vincit pituita, interdum bilis flaua, nonnumquam atra; non quod sanguinem quantitate excedant, sed omnibus simul auctis pituita (gratia exempli) propriam mensuram ad proportionem aliorum magis excedit; hæc vocatur plenitudo secundum quid, aut pituitosa, aut impura, nec exquisita dicitur à Fernel. 2. *pathol.* 13. Et Galen. 2. *sec. loc. cap. 1. sit. de capis. dolore ex frigore*, non plenitudinem simpliciter, sed cum appositione pituitæ, aut bilis flauæ, aut nigre appellat: reperit *lib. de plenitud.* 11. Aliam verò plenitudinem, talem absolute dictam appellabis, quando purus illic sanguis, reliquos permixtione succos magnopere vincit, adeoque exuberat, vt venas quoquoersum inflat atque distendat, & facultatem grauet, in qua subito & confertim expedit ducere, ex ipso passim. Nam hac plenitudine detenti periculo sunt obnoxij, quoniam à grauantē copia interdum subito occumbunt, vt ait Galenus *lib. 9. meth. 5. & 2. de natur. hum. com. 1. & 4. acut.* 23. & 1. *de dif. feb.* 1. Celsus firmat *lib. 2. cap. 2. §.* Ergo si plenior aliquis, & speciosior, ac coloratior factus est, suspecta habere bona sua debet, &c. De hac non fuisse loquutum hoc in loco, ita clarum est, vt probatione non indigeat: loquitur ergo de impura plenitudine, quæ potius cacochymia dicenda est, quum ex vitiosis humoribus ortum ducat, & citra sanguinis argumentum concitetur. Merito ergo in ea sanguinem emisit; nam *cacochymia purgatione, qua cuique superanti succo sit accommodata, corrigitur*, vt 13. *meth. 6.* eleganter docuit Galen. Nec obstat febris: cum enim hæc sit ex vitiosis succis concitata, iis suo tempore, post roboratum ventriculum, vacuatis, cessat statim. Sic diuturnos affectus, immo acutos cum febris, quando hæc non multum vrget, nec sui vehementia, & acutæ periculum præceps minatur, medicamur: tunc enim postposita indicatione, quæ à febris desumitur, causam à qua ipsa dependet, prius submouemus, prout prudenter faciendum monet Auicenna. 4. 1. *cap. 24.* posito exemplo in febris à visceris internis obstructionibus suborta: nam obstructionum præsidium est, multitudinis vacuatio, crassitudinis attenuatio, & lentoris absterfio, D vt in *cap. 94. art. med.* Magister edocuit. Hanc symptomaticam Fernel. vocat *lib. 4. patholog. cap. 8.* quæ latenter internarum partium obstructiones plerumque consequitur. Ex his patere arbitror, quantopere noceat in febribus, non roborato ventriculo, cuius actio est toti communis, ex Galen. 7. *meth. ult.* vniuersalia auxilia adhibere. Lege Castrensem Lusitanum *lib. de complexu morbor. cap. 27.* qui de hac re egit eleganter.

## HISTORIA LXXXIII. AETII, De cæliaca.

### Cæliaca, commoda purgatione, curata.

**E**Go verò ad cæliacos, priusquam vires extremè desiciant, purgatione humoris contenti vtor. Aliquando autem acres quidam, aut serosi humores tuniculis ventris, aut magis intestinorum infarcti aut imbibiti, rodunt & irritant, atque ex omni corporis humores, ad locos circa ventrem & intestina aduocant, diuturnarumque fluxionum causa fiunt, &c. Aetius tetrab. 3. *serm. 1. cap. 37.*

### PARAPHRASIS.

**D**E cæliaca, eius causis, signis, differentiisque à dīenteria, sat plura agitauere auctores omnes. Inter hos subito vehementer mirari acutissimum Fernelium *lib. 6. patholog. cap. 10.* Is enim præter communem, & veram

opinionem latam à Galeno *lib. 6. aphor. comment. 1. Paul. lib. 3. cap. 40.* asserentibus in cæliaca, languente ventriculi facultate, & imbecilla redditæ, nec concoqui, nec digeri alimenta, sed imperfecta reddi; tamen huius affectionis causam esse asserit, non cruditatem, non imbecillam ventriculi coctionem, sed chyli imperfectam, malamque distributionem, quam mensenterij, lienis, aut iecoris obstructio, vel trahentis facultatis imbecillitas parit. Hæc quàm sint superiorum auctorum dictis aduersa, nemo non videt; & quam falsa, palam facit Galenus *lib. 6. de loc. affect. cap. 2.* quo loco tam lienteriam, quàm cæliacam, ab affectione ventriculi & intestinorum prodire asseuerat. Est verò hic affectus tum ventriculi, tum intestinorum communis, ex Galen. 4. *aph. 12.* Est ergo cæliacæ causa, non solum impedita cremorosa substantiæ digestio, verum etiam (quod frequentius euenit) imminuta, & non absoluta ventriculi coctio. Ex his docti perpendant, cautè huius viri, alioqui docti & eloquentis opinionibus esse fidendum.

## DVBIVM XLIX.

*Num in alui fluxu expurgantia torrefacta sint ex usu. Contra Hollerium; Amat. Rondeletium & Sclanum eruditissimos.*

**L**icet autem in vniuersum, prima & immediata cæliacæ causa sit ventris ferè totius frigidum cum excrementitia humiditate intemperamentum, & cum innati calidi, & humidi proprii immutatione: ex quo non levis facultatis ventriculi impotentia sequitur, tum re-tentricis, itémque concoctricis, ac distributivæ; tamen sæpissimè in natura calidis, biliosisque corporibus, bilis acris & mordax, à genere venoso & hepate, ad ventriculum confluere solet, quæ rodens irritat ad excretionem; quare ventriculus, & intestina non expectata concoctione, vt *lib. 4. aph. com. 20.* monuit Gal. chylosam substantiam expellunt. Ad hæc acris humor cum pungat, lacessat, concitetque dolorem, est in causa vt ad has partes de nouo confluant excrementa.

Totus ergo curationis cardo in bilioso excremento vacuando, vnâque in roborando ventriculo, ne deinceps nouam fluxionem susceperet, consistere solet. Huius humoris vacuatio multiplici licet perficiatur medicamento, nullo tamen melius rhabbaro tosto comparatur. Hoc enim, is humor promptissimè educitur, internæ partes roborantur, & facultates munia sua alacriter obire solent vigorosiores factæ. Similes vires ex omnium auctorum decreto dicuntur habere Myrobalani, & præsertim quæ citrinæ à Barbaris dici solent. Nihil enim est, quod magis mirabili quadam efficacia figillet intestina, fluxui frænum imponat, & compressionem quadam, causam facientem fluxum euacuet, quàm *suprà* recitata medicamenta. Audi Auicenna. 16. 3. *tract. 2. cap. 7. §.* Et si fuerit necessaria vacuatio propter malitiam humoris, fac eam cum timore & cautela, & stude vt sit solutivum non vehementer nocivum ulceri, immò sit sicut myrobalanus, &c. Et infra. Et rhenbarbaro quidem inest proprietas mirabilis in ulceribus intestinorum, & in fluxu algaras, &c. Quamobrem in iis affectibus summè necessaria purgatio est, transacto initio, (contrarium licet sentiat Fuchsius 2. *paradoxor.* 13.) cum præmeditatione tamen, & cautione celebrata. Licet autem solvere ventrem *suprà* ventris solutionem, valde rimorofum sit, Apud Auicenna. 4. 1. *cap. 3. in init.* quoniam plus iusto naturam irritare solet, & modum aliquando excedit, & resoluitur virtus, & præsentē febre cum alui profluuiio, alia non sit opus euacuatione, apud Galen. *lib. 1. ad Glaucon.* 14. Tamen ex præscripto Hipp. 6. *epid. sect. 2. text. 9.* fluxus curandus est fluxu, & alui deiectio clystere est persananda: sic enim iuuantur ægri, vacuata causa quæ fluxum concitare solebat. Sic solvere ventrem super ventris fluxum criticum, absolum est, & ab arte alienum: nam *qua indicantur, aut indicata sunt integrè, neque*

neque mouere, neque nouere, sed sinere oportet, & totum negotium naturæ committere fas est, ex Hip. lib. 1. aph. 20. Sic fluente aluo, vacuatione simpliciter ventrem deiciendi vti, extra normam Galenicam est; quoniam ex hoc concitato motu, & confluxu ad intestina, præcipitatur natura, & superpurgatione facta, ægri in animi deliquia incurrunt, exanimes, fiunt & moriuntur. Quapropter in febris cum alui profluvio, commoda sunt expurgantia, quæ paruat, morbosamque materiam tum facultate purgatrice tum compressione & expressione, educant, clementia sint, sedatæque iam fluxionis impetu exhibita; quo tempore, in dysenteria, cacochymiam, valente medicamento affatim expurgat Gal. 4. acut. 110. nam si eis initio vtaris, maxime lædes, ex Gal. 13. meth. cap. 11. cum longissimè à parte quæ fluxione tentatur, quod redundat renellere, nequaquam ad eam trahere conueniat. Quare initiante vlcere reproba sunt expurgantia, postea verò vtilia, & multi vsus; renuat licet Massaria lib. 3. de morb. internis, cap. 22. insolenter purgantium vsum in hoc affectu condemnans: cuius rationes, sicut & Fuchsij, dicta solutione fiunt manifestæ, & ad plenum dissoluit Donatus Santorius lib. 5. epistol. 4.

Num verò hæc medicamenta torrefieri debeant, vt scilicet eorum acris vis, & expurgans torrefactione mitescat dubitant auctores. Hollerius, Rondeletius cap. de alui fluxu, & Amat. lib. 2. centur. 44. cane & angue pejus torrefactum rhabarbarum reprobant, & repudiant, ob multas causas. Prima. Quoniam ambusta bilem pariunt, & sui acrimonia ventrem mordent, vt propterea fluxionum à toto corpore causæ fiant, vt lib. 4. acut. com. 102. protulit Hip. cuius sententiam confirmat eruditissimè Gal. in com. nam vsta ignis vi redduntur acriora, ex Gal. 11. simpl. cap. 50. quo loco salem vstum digerere quidem magis, quam non vstum affirmat, quantum scilicet subtilius ipsum corpus accepta ab igne facultate redditur, velut & in aliis quæ combusta sunt, frequenter accidit. Quare partes terrestres rhabarbari, immò terrestriores corticum myrobalanorum torrefactæ, vel vstæ, ex igne acrimoniam acquirunt: intestinorum vlcibus inimicam, quam mordere ipsa natura sunt; & partes subtiliores, multò redduntur acriores. Secunda. Quoniam rhabarbarum torrefactum primas tantum venas permeat: cum enim tenuiores partes torrefactione sint absumptæ, quarum vi tum humor in foco putredinis situs, tum extra venas repositus, educitur, fit vt eo, hoc modo exhibito, humor acris & biliosus, vlcus continuò fouens extrahi nequeat, cum eius vis vstione euanescat. Tertia. Humor vitiosus nimis adstringentibus ætinetur; quapropter salubrius cæsent, rheum bis aut ter in aqua macerare, & vltimam infusionem factam in decocto adstringente exhibere: sic enim partes exasperantes, & vlcibus aduersæ amittuntur, & medicamentum minùs acre, immò mitius ac securius multò redditur. His fortè conuictus Saluus Sclanus in com. lib. 3. art. med. Gal. in cap. 40. fol. mihi 670. in dysenteria torrefactum rhabarbarum condemnat.

Hos redarguit Hippocratis veneranda auctoritas, in lib. 3. de diata, num. 24. & 25. quo loco ad alui profluvium cohibendum, assata & tosta, optima esse assuevit, nam ventrem retinent. Sic Auic. 16. lib. 3. tract. 2. cap. 7. pisces assatos, & oryzam torrefactam in alui profluvio propinat. Et quò magis senesco, eò audacior fio in exhibendo rhabarbaro torrefacto, ex cuius tempestiuo vsu millies ægros alui fluxum patientes, sanari ex tempore vidi, qui infinitis propemodum auxiliis excarnificati consanescere non potuerant. Legè Valleriolam lib. 3. obs. 4. & Augerium Ferrerium, in suis castigationibus medicis, lib. 2. qui in dysenteria rheum torrefactum summopere laudant. Neque timeas empyreuma, & vt ita loquar, igneitatè à calore per torrefactionem contractam; hæc enim si levis sit & modica, illam non relinquit. Et licet rhabarbarum præter innatam acrimoniam, maiorem etiam acredinem ex igne susciperet, euadit tamen siccius, vlceri curando aptius, & ad roboranda intestina efficacissimum: nam acrimonia inducta postea facta lotionè in aqua rosacea, aut plantaginis mitescit, ita vt iuuat, neque obsit. Modica au-

tem torrefactio in totum tenuiores partes, quarum ope intimius penetrat non absumit; quæ de causa nimis adstringens vstione non fit. Adde duplici infusione, quam ipsi instituendam docent, non ita posse tenuiores partes secedere. Quapropter cum adstringere, & expurgare opus est, his medicamentis torrefactis est vtendum, quæ in alui profluvio esse exhibenda magna cum ægrorum vtilitate, vniuersa Medicorum schola approbat, & confirmat, Quo autem tempore, & qua occasione dysenterici sint expurgandi, tradit Vallesius lib. 4. in com. text. 96. quo loco apertè contradicit iis, quæ libro 2. eiusd. operis, sect. 6. in com. sent. 27. prædixerat: nam expurgationem solum in maligna concedit dysenteria; cuius opinionem acriter impugnat Petrus Paul. Pereda in schol. cap. 38. meth. Michael. Ioann. Paschal. & Galenus lib. 4. acut. com. 110. multò antea reprobauerat, qui in alui fluxu bilioso cum torminibus, & mordicatione, vtitur medicamentis affatim, & valenter expurgantibus: quorum vi cacochymia educi potest: nam sic fluxus fluxum curat, vacuando causam, ex Hip. lib. 6. epid. cit. Lege eruditissimum Trincauel. lib. 2. epistol. ad Philippum Theodos.

## HISTORIA LXXXIV. AETII, & Galeni, De dysenteria.

Dysenteria ab intermissa vacuatione, aut ab asperitate annuli deuorati concitata.

**T**ales etiã sanguineas dysenterias Hippocrates in iis accidere dixit, quibus artuum aliquis esset præcisus. Nos autè vidimus, non iis modò, sed etiam aliis quibusdã certo circuitu repetitis: omnes autè quos ita vacuatos vidi, ab exercitata prius visa ad omnino desidiosam se transtulerant, & c. Galenus lib. 3. de sympt. caus. c. 2. & lib. 4. de articul. com. 40.

Ego verò, inquit Antyllus, quum quidam per iocum, aureum annulum deuorasset, & ramentosa, ac cruenta infernè egeret ob sculpturam videlicet asperitatem: in ipse enim auro caputellum inerat asperè coccinatum. Non sum immortuus iis, quæ vias lubricas reddunt, sed confidenti animo ad ea quæ fortiter purgât pharmaca sum progressus: quare contigit vnà cum excrementis annulum excidere. Quo factò, homo ex præsana succo, ac sorbilibus omis nutritus, tertia die sanus euasit, & c. Aëtius tetrab. 3. scim. 1. cap. 46. Galenus lib. 3. de facult. natur. 4.

## PARAPHRASIS.

**Q**uomodo sint curandi qui ex membri amputatione, intermisso consueto exercitio, cruenta deiciunt, perbellè ostendit Gal. lib. cit. de articul. nam iis ex intervalis debet sanguis emitti: imperanda purgatio: tenuis præscribendus victus, & reliqua offerenda, quæ sanguinem minuere possint; nam sanguis generatus præcisum membrum non nutrit, neque exercitio absumitur. Inexercitati, exercendi, fricandi, ante cibum lauandi: In his enim omnibus cruentæ huius deiectionis curatio consistit.

De ea verò quæ ab annulo acuto, & aspero deuorato accidit, recepto in ventriculo, ad intestina expulso, ibique dilaceratione cruentam deiectionem concitante, vt Aëtius firmat, non miteris: nam præterquam quòd Galenus lib. cit. de facult. natural. probat propria historia, plurimos ossa fructuum valde magna, annulum aureum, nummum, & alia dura deuorasse, & nullo superueniente symptomate facillè excreuisse, multa accidunt monstra in arte, ex Auerrhoë lib. 7. collig. cap. 31. & naturæ potenti nihil est impossibile, ex Gal. lib. 7. aph. 54.

Nec desunt peritissimorum auctorum testimonia, quibus lubet veritatem hanc planam facere. Narrat Benedictus Veronenfis lib. 2. anatom. c. 2. mulierem Venetam, acum crinale deglutiuisse, quæ cirri capillorum intorquebantur, quatuor digitorum longitudine, & decimo tandem mente eminxisse. Scribit Beniuenius lib. de abdit. morbor. & sanat. caus. cap. 20. mulierem æneam acum deuorasse,

rasse, & post decem annos perforato stomacho detrussisse. Refert Amatus lib. 2. cent. 69. puerum octo annorum, æneum quoddam numisma deuorasse, & post elapsum annum, nulla percepta noxa cum excrementis expulisse. Affirmat Rodericus à Castro lib. 4. de morb. mulier. pari. 2. in scol. cap. 26. puerum sex annorum aciculam imprudenter deuorasse, & post 18. annum rubigine obsitam, nulla sequuta noxa per crus (mirum dictu) erupisse. Memorat Iulius Cæsar Claudinus lib. 1. respons. medicinal. cap. 40. à quodam acum fuisse deglutitam, & quinque annis in corpore retentam, & tandem per urinam excretam. Langius lib. 2. epid. 40. literis prodidit, quod in gyneco Ducis Iuliacensis, virgo dum se adornaret, perterrita, ingemiscens, acus quinque quas in ore mordicus tenebat, deglutiuit, & postea per urinam illæsa reddidit. Idem referunt Mizaldus lib. 1. centur. 53. Forestus lib. 15. de obseru. de agriudinib. gula, obseru. 28.

In simili euentu, magna diligentia, quod per incuriam deuoratum est, ad inferiores partes propellere oportet, enematis, pharmacis, quæ violententer purgare, & ad excretionis vias, quidquid in ventriculo onerosum est, detrudere queant. Conueniunt etiam quæ lubricas vias parant, vt sunt alica, prissana cum melle, cibi sorbiles. Hoc cum fecisset Antyllus, ægrum, excreto annulo à morbi pernecie liberauit. Si quæ verò abrasionis noxa in intestinis, ob asperitatem annuli concitata remansit, eam facile natura deinceps sanauit; nam quando corpora pingua duntaxat excernuntur, & abrasa intestinorum superficie interiori ramenta deiiciuntur, primus gradus, & principium secundi adest dysenteria ex Gal. lib. 4. aph. 24. & 26. & lib. 6. de loc. affect. cap. 2. hunc affectum natura ipsa persanant absque externo auxilio, ex Gal. lib. 1. de loc. affect. cap. 2. maximè autem cito æger sanitatem recipiet, si alatur prissana, abstergente exiguum vlcus; ouis sorbilibus, quæ tum lenire dolorem, tum ob albumen, cicatrice vlcus obducere queunt, simulque quidquid in intestinis hæret detergere possunt. Insuper alia sunt consulenda præsidia, quæ vlcus abstergant, & consolident, vt in dysenteria facere consueuimus.

## HISTORIA LXXXVI. RHASII, De dysenteria

Dysenteria, ex sordido vlcere concitata,  
clystere ex causticis medicamentis  
parato persanatur.

**D**Enunciauit mihi quidam Notarius, quod quidam nomine Ginazir\* clysterizauit eundem cum puluere citrino, in quantitate aur. pond. 1. admixto in 3. i. ol. ros. crudis: unde præcepi, vt clysterizaret eum cum sublimato: Dixit quod reuersus est fluxus de centum sellis ad decem, & conualuit per 15. dies. Deinde rediit passio, & per eandem curam iterum conualuit, &c. Rhafis 13. continent. tract. 3. cap. 2. Galenus lib. 4. de usu part. cap. 17. in fin.

### D V B I V M L.

Num in conclamata dysenteria, caustica per sedem  
infundenda. Contra Rondeletium doctissimum.

### P A R A P H R A S I S.

**Q**uatuor sunt sanguinolentæ excretionis differentia, callata à Gal. 3. de caus. symp. cap. 2. quarum prima est solius sanguinis, quæ per circuitus repetere solet; hæc solet illis accidere, quibus aliquis artuum est abscissus, vel qui exercitationem dimiserunt vel menstruam purgationem suppressam patiuntur, vt lib. 5. de loc. affect. cap. 7. Gal. affirmat. Secunda. Cum ex imbecillitate iecinoris aquosus sanguis deiicitur, quem vtrique loturæ carnis similem dicunt. Tertia. Cum melancholici, splendentisque sanguinis deiectio fit. Quarta. Cum & minutim, & exiguo

tempore expulsio fit, aliàs quidem veri sanguinis, aliàs concreti: in hac & puris non raro exiguum aliquid excernitur, etiam vlcerum crustulæ eiiciuntur, & membranosa quædam corpora, quæ intestinorum sunt particula; sed & stercus super his collectum sæpenumerò excernitur, sanguinis in se guttas habens.

De hac in præsentia agit Auctor noster, per quam intestinorum vlcus significamus cum Gal. 6. de loc. 2. & 2. de loc. 5. cuius causam esse humorem acutum, acrem, erodentem, bilem videlicet flauam, atram, aut falsam pituitam, Medicorum schola asseuerat. Cum ergo morbus hic chronicus sit, ex Hip. 6. aph. 3. primò à mordaci humore abrasio intestinorum, quædam corpora pingua duntaxat excernuntur: deinde ramenta quædam intestinorum, abrasa horum superficie interiori, quæ densa & membranosa est, eiiciuntur: vltimò & ipsa abraditur intestinorum substantia, Ex quibus tres gradus dysenteria veræ, ac propriè dictæ colligit Gal. 4. aph. 26. Primus gradus facile curari potest, ablata causa ipsam faciente, natura videlicet persanante absque auxilio externo, ex Gal. lib. 1. de loc. 2. Secundus non nisi magno negotio curari potest. Tertius, vbi iam facta est, atque constructa dysenteria, & partes adeò magnæ intestinorum excernuntur, vt veriùs eas, carnes appellare possimus, tunc est lethalis dysenteria, cum neque caro concrefcere, neque cicatrice obduci possit vlcus.

De hoc tertio gradu loquutum fuisse auctorem, res est manifesta: cum enim certo & determinato morbo, certum & determinatum auxilium conueniat, sit vt vlceribus prauis intestinorum sola abstergentia sint ex usu, magis depascentibus præsidia efficaciora conueniant. Quando tamen malum inueterauerit, ita vt ægrum è medio tollere possit, vt Celsus ait, lib. 4. cap. 15. tunc cacoëthici vlceris, & putrilaginosi malignitatem, & sorditiem, solum vehementissimis præsiidiis, velut in desperato casu, emendare conabimur: præsertim quando contumax is affectus auxiliis Medicis non succumbit: tunc enim valentissimis exiccantibus vti oportet.

Deinde si partis corruptio timeretur, tunc cogente necessitate, summam putrilaginem absumentia, & vel eaustica per sedem esse infundenda docet Gal. lib. 9. de compos. medic. sect. loc. cap. 2. & lib. 9. de simpl. medic. facult. cap. 5. Auic. firmat. 16. 3. tract. 2. cap. 7. Ea sunt ex arthenico, calce viuæ, auripigmento rubro, cadmia, ære vsto, alumine scissili, sandaracha, sulphure viuo, trochiscis de minio, puluere Ioannis Vigonis; hæc enim exiccant impensè, arctant, glutinant, à putredine arcere solent: maximè si in lacte diluantur priùs, & singulis drachmis illorum, opij g. j addatur: vt notarunt Holler. lib. 1. de morb. intern. cap. 40. Mercat. lib. 3. praxis cap. 12. quiquid aliter contendat Rondeletius in meth. curand. morbos, cap. 20 de dysenteria, increpans veteres, qui hæc per clysteria infundere imperant, quum in reliquis intestinorum partes omnes æquè agant, ac in ea, quæ vlcerata est. At cum ex acerrimo humore maligno viscera erodantur, & aliæ partes exulcerentur, vt proprio experimento obseruauerunt Beniu. lib. de abdit. cap. 96. & scholiog. ad cap. cit. Hol. de morb. internis. præstat in conclamato morbo caustica ad inducendam crustam, infundere, correctæ tamen & macerata iis, quæ eorum malitiam rerundere queant, & in parua quantitate, vt notauit Fallopius lib. de morb. Gallico, cap. 88. in fin. Quare maior est eorum utilitas, quàm noxa; quæ ipsa melior est quàm mors, quæ ex vlcere cacoëthico, serpente magis ac magis, imminet ac impendit.

Maxima ergo cum ratione factum est, vt puluis citrinus per sedem iniiciendus consuleretur. Est autem hic puluis, arsenicum citrinum, quod vocatur auripigmentum ab Auic. lib. 2. tract. 2. c. 49. Permiscuit autem ipsum oleo crudo, hoc est, incompleto; hoc enim lentore suo, adstrictione, & frigiditate medicamenti effrænem vim rerundere potest. Quid plura? nonne Auic. loc. nuper cit. in potum id exhibet medicamentum, in habentibus sanicem in pectore, cum hydromelite, & commisceri cum pilulis, quæ sunt ad asthma, imperauit. Ex quo fit manifestum, nimis verbosè Ludouicum Lemosium reprehendere Auicennam



Auicennam, in com. cap. 7. lib. 4. meth. Gal. qui arsenicum propinandum suavit. Si enim in paucissima quantitate, & saccharo rosaceo permixtum exhibeas, prout faciendum suadet Auic. hunc à calumnia vendicabis, qui 10. 3. tract. 1. cap. 40. ad asthma cum gummi pini propinat.

Miscuit autem ad vnciam vnam olei, aureum vnum, hoc est, drachmam vnam cum dimidia, ex Saladino lib. suo de ponderibus, particula 3. Quid mirum? nonne Auic. 10. 3. tract. 3. cap. 6. pro curando vlcere sordidissimo pulmonis, vitur suffumigio ex arsenico: quod dicit ventis facultatis dicatur à Gal. lib. 9. simpl. cum erodit, vlceraque caliditate sua irriter, humores inflammer, partes spirituales calefaciat, liquet, attenuet; cum sit presentaneum venenum, & toto genere præter naturam, ut ne halitus quidem, qui ex eo trito spirat, nobis innoxius esse possit; tamen suffumigium eius, maxime mixti cum cardiacis pulueribus exiccantibus, nocere non poterit. Quapropter ubi vlcera serpendo depascunt, & circa crassa intestina consistunt, iuxta Paul. lib. 3. cap. 42. Aërium, & Trallianum, hæc medicamenta crustam inducentia probanda sunt; nam vel ipse Auic. 4. 4. tract. 2. cap. 5. ea in casu, & offensione exhibet in potum. §. Et arsenico est virum mirabilis, in omnibus que sunt necessaria de incarnatione, & resolutione sanguinis, & prohibitione nocimenti, &c. Nec mireris hunc ægrum, carne obducto vlcere, horum præsidiorum vi fuisse persanatum; nam difficultate intestinum miserabiliter afflictum, etiam putrescentibus intestinis, beneficio exterioris eorundem tunice regeneratæ sanati sunt, apud Gal. lib. 4. de usu part. cap. 17. §. Multos sanæ ac sapè vidimus, quibus cum morbis grauib, atque diuturnis essent conflictari, maxima intestinum pars putredine erat tentata adeo, ut compluribus locis tunica omnis interior esset exesa: attamen vixerunt ij, & superstites fuerunt: quod non fecissent, nisi secunda quedam alia tunica extrinsecus corrupta tunica accessisset, &c. quod post eum notauit Brasauolus ad aph. 16. lib. 4. Hip. Intestinorum enim corpus membraneum, simplex non est, ut loc. cit. monuit Gal. sed duplici tunica, eaque propria circumtextum, tum ut facultas expultrix validior esset: tum ut ipsa instrumenta ab iniuriis omnibus essent tutiora; postremo, ut si aliquando bilis orgasmo, & feritate interior putresceret, aut roderetur, exterior saltem tunica illacera, & incolumis permaneret, ut aduertit Laurentius lib. 6. de re anatomic. cap. 12. Tu verò curationem eorum, quibus tunica prima erat exesa, apud Gal. cit. 4. de usu part. ex huius historię explanatione venari poteris; quare eam inexplicatam relinquimus.

## QVÆSTIO XLVI.

*Quod lac, in diarrhœa aut dysenteria biliosa, præsentente remissa febris, salubre sit. Contra Amatum Medicum præstantissimum.*

### COMMENTARIUM.

**C**lysterizauit. Inueterata opinio, & plurimorum ore, librisque contrita sententia est lactis vsum pro intestinorum vlceribus sanandis, inter præstantissima auxilia primatum obtinere. Hæc mihi opinio refricat Gal. loci memoriam lib. 3. de alimentor. facult. cap. 15. quo, inter epicerastica, id est, temperantia succorum acrimoniam medicamenta, & ad adstringendum aptissima, lac connumerat; quod præsidium non modò ut serium, sed ut necessarium approbavit ipse, lib. de theriac. ad Pison. cap. 12. Auic. non obliterat 16. 3. tract. 2. cap. 7. & omnis Medicorum schola amplectitur, & firmat, edocta ab ipso Magistro, qui lib. 10. simpl. tit. de stercore canino, lac chalybeatum dysentericis summè esse proficuum, canino stercore commixtum, apposita historia confirmat, quam quoniam adduximus lib. 1. huius operis, 82. idcirco eam modò non amplius illustramus.

Hos omnes deterret Senis edictum lib. 5. aph. 64. lac malum esse prædicentis, quibus biliosa sunt deiectiones. Facile quidam putat dilui controuersiam posse, dicentes, in

diarrhœa, & dysenteria biliosis cum febre, meritò reprobari lactis vsum; at in ea, quam febris non comitatur, laudari. Hi in sui subsidium afferunt Hip. lib. 4. acut. 115. lactis asinini portionem in dysenteria porrigentem, si febris non fuerit. Contra hos pugnat è diametro Gal. auctoitas lib. 5. aph. com. cit. iudicantis, tam cum febre, quam sine febre deiectionibus biliosis lac esse nocuum.

Amatus hac nixus sententia, habentibus biliosas deiectiones prorsus lac esse interdicens ratur est, 2. centur. 44. siue ex cum febre, siue citra febrem consistant. Si verò Gal. loc. cit. id probauit, verum esse fatetur in ea dysenteria, quæ non à biliosis succis, sed aliis acribus non biliosis nata est; nam in biliosa se assiduo experimento didicisse refert, plura damna, vel etiam non præsentefebri, inferre, cum facillè corrumpatur, cacochymiamque alar. Corruit responsio hæc, nam dysenteria, cui lac est vitale ferè oritur è bilioso, rarò ab aliis acribus non biliosis. Deinde sicut bilis parata est lac corrumpere, ita & alij acres non biliosi succi. Sed quid multis moror in re omnium lucidissima? nonne Galen. 10. simpl. cap. de lacte, non quibusdam, sed omnibus acribus ventris fluxionibus optimum esse remedium affirmat?

Hippocrates ergò in biliosis deiectionibus abhorret lac crudum; quia facillè vertitur in bilem, & cacochymiam auget, ventremque soluit. Gal. verò probat apparatus, excoctum, & chalybeatum. Lege Hip. lib. 7. epid. num. 3. dum sic loquitur. Eratolai filius circa æquinoctium autumnale dysentericus fiebat, & febris tenebat. Egestionis alui erant biliosa, tennes, multa, & moderatè subcruenta. Dolor autem ventris vehemens. Vbi serum, & lac bibisset silice candefacta immissa, dolores & subcruenta deiectiones moderatiores fiebant, & sape ad exonerandam aluum surgebat, sed minore dolore, &c. Ex hoc loco fortasse Galenus lactis hanc præparationem decerpisse visus est, dum lib. 10. simpl. tit. de sero lactis, in hæc verba prorumpit. Porro ubi aliam desiccantem facultatem lac habueris adiunctam, optimum est remedium dysenteria, & omnium ventris acrium fluxionum. Eam accipit à lapidibus, qui decocto ipsi iniiciuntur igni. Porro eos esse oportet, quos vocant cochylacas; & lac eo usque decoqui debet, dum pleræque serosi in eo humoris pars absumpta fuerit. At nos iniectionis ferreis in ipsum cylindris candentibus, candē, aut etiam meliorem facultatem effecimus; nam ferrum adstringentis quoque (ut dictum est) facultatis est particeps. Hæc Galenus. Hoc modo præparatum lac, cum tota serosa pars non sit absumpta, depurgat, & vlcus abstergit, succorum mordacitatem temperat, lenit dolores, adstringit, & incrascat, cum sit crassius ignis efficacia factum. Lege Septral. lib. 7. caution. medic. num. 96. nam lac serosa substantia abstergit vlcus, casciosa exiccat & adstringit, butyrosa contemperat, nutrit, lenit dolores. Vide Valleriol. lib. 3. obseru. 4. eloquenter disputantem.

Solue secundò, & fortasse meliùs, si dicas, lac esse interdicens in his ventris fluxionibus biliosis, non vacuata biliosi humoris copia; post vacationem autem maioris partis cacochymia, esse propinandum cum utilitate summa. Hanc solutionem innuit Gal. lib. 2. de simpl. medic. facult. 12. & 13. in princip. Sic enim ait Gal. cuius monitis totam controuersiam euanesce putamus. Vnumquodque temperantium medicamentorum, ubi valentius euaserit humoribus mordicantibus, morsum eorum retundit. Verum si aut valentioribus facultatibus, aut multis paucū mixtum fuerit, una & ipsum corrumpitur, alique cacochymiam, siue succi malignitatem. Quamobrè protinus euacuandi sunt, qui ab his que temperandi naturam habent irritantur atque asperantur: utpote qui multa, nec facillè mobili corruptione sint repleti. Sic sanè lac frequenter, simul atque sumptū fuerit aliis aciescit, aliis in nidorem vertitur, priusquam probè cōcoctum corruptionem temperet. In quibus utique primum maxima cacochymia pars vacuari debet, atque inde sumendus chondrus, ptissana, lac, & alia. Hæc Gal. quibus solutio Amati, eiusque experimentum redarguuntur. Ille enim expertus est excoctum lac in biliosa dysenteria citra febrem summè nocere, fortè quoniam intempestiuè ante maiorem partem cacochymia expurgatam fuit oblatum. Nocet ergo lac, ante idoneam vitiosi succi expurgationem; iuvat post illam, attemperando

auemperando, vires reficiendo, & adstringendo.

Quæres, an præsentē remissa febrī, lactis sic apparati vsus salubris sit. annuit Hip. *cit. loc.* dū longis, remissisq̃ue febribus eius potum tantopere commendat: sic Hip. in Eratolai filio, biliosa dysenteria cum febrī laborante, salubriter lacte chalybeato vsus est, post idoneam cacochymiz vacationem. Primò enim serum exhibuit, ad humectandum corpus, ne ex febre lenta & iugi laboretur in extenuationem summam. Amarus *cit. loc.* citra rationem, perfricta fronte Hip. temnit & damnat, quum multa ab Hip. in *lib. 6. epid.* sint dicta, à quibus vt falsis se retrahit. Firmat positionem suam, Gal. dictis in *lib. 4. acut. cit.* quo loco, in torminibus, si febris non fuerit, lac asinæ bibendum præbet. Tu verò intellige, Gal. dixisse, si febris non fuerit magna, qua præsentē lactis vsus reprobus est; nam vehemens febris calor, lac nidorosum reddit, & corrumpit. Librum autem septimum epidem. esse genuinum, & magno Hippocrate dignum, licet non ausim dicere, cum Galeno *lib. 3. de difficult. respirat. cap. 1. & lib. 6. epid. sect. 2. com. 13. & 6. eiusd. in procem. & sect. 1. com. 2. & sect. 2. com. 44.* tamen in eo plura sunt, quæ Hip. phrasim redolere videntur, & eximiam continent doctrinam, quam habere historiam Eratolai, firmavit eruditissimus Vallesius, qui ex professo singulas eius particulas explicuit, cum Anutio Foëssio in *com.* Num verò lac in febribus exhibendum, lege Cardanum *lib. 2. contradiet. medicar. tract. 4. cont. 2.* qui hanc quæstionem satis diffusè, doctèque pertractat.

## HISTORIA LXXXVI. GALENI De dysenteria.

Quidam capæ esu, & muria per clysterem iniecta, plurimos à dysenteria liberauit, alios interfecit.

**Q**uidam (vt sibi est visus) generosè dysentericos vehemētissimo medicamento curans, multos vno sanauit die, quosdam verò ingulauit. Erat namque eius medicandi ratio eiusmodi. Capas id genus, quod Graci carton vocant, vno die comedendas cum pane dabat, tum potum parcum. Postridie manè muriam acerrimam per inferiora infundebat. Secundum hanc etiam pharmacum validum. His igitur tolerandis quicunque sufficere potuerunt, prorsus sunt sanati: aliqui verò conuulsione, aut syncope ex dolore, vna cum madore cutis oborto interiore, &c. Galenus *lib. 12. meth. cap. 1.*

### PARAPHRASIS.

**L**icet hæc historia non sit ex iis, in quibus Gal. suam industriam exercuit, quoniam tamen ab alio Medico refert curationem esse celebratam, & plura in se hic curandi modus continet scitu digna, idcirco eam placuit interpretari. Veterum nonnulli, & vel ipse Gal. *lib. 4. de ar. vic. 40.* omnem cruentam deiectionem, dysenteriam appellant: tamen vt ex *2. lib. & 6. de loc. cit.* constat, dysenteria vera, vlcus intestinorum designat. Pro qua curanda, quando contumax est & rebellis, & aliis præsiidiis non mirescit, vlcusque nimis est sordidum, & putrilaginosum, ad vehementiora accedere auxilia necessitas cogit; nam vehemēti malo non potest nisi vehemens auxilium succurrere, ex Celso *lib. 2. cap. 11.*

Primò videndum, quam vtilitatem possint præstare capæ, si sunt omnes auctore Dioscorid. *lib. 1. c. 145.* acres, & caliditate sua vlcus inflammare, & dilaniare possunt, immò mordaces succos incendere queunt, ex Paul. *lib. 6. cap. 76.* ex quarum morsu dolores vlcera intensiores fieri dubitat nemo: & si in quarto gradu calidæ sunt, auctore Gal. *7. simpl. cap. prop.* qua ratione hæmorrhoides prouocat succus earum ano appositus, & maximè si sint acres, longæ, flauæ, crudæ, sale conditæ; hæ enim vehementiorem obtinent vim, quàm rotundæ; candidæ, virides, coctæ, & insalutæ, si fides est habenda Diosco-

Aridi *loc. cit.* & Oribas. *lib. 2. collect. cap. 27.*

Rufus. Cur muria in sedem infundenda, maximè acerrima, si partem exasperat, fluxionem concitat, inflammationem auget, & siccitate caliditateque sua, humores biliosos, aciores reddit, ratione salis ex quo componitur, ex Gal. *lib. 1. simpl. 4.* quare valde incendit, attenuat, mordaces succos, fluxibilioresque reddit: præsertim asperissima, quam duram, seu maturam vocant Cels. *lib. 2. cap. 24.* Scribon. Larg. *cap. 10.* Columel. *lib. 12. cap. 6.* De cuius conficiendi modo inter omnes scripsere Marcel. Virgil. in *com. Dioscorid. lib. 5. c. 82.* Ludouic. Nonnius elegantissimè *lib. 3. de re cibaria, cap. 4. 2.* Hæc ergo dura muria, quam salissimam auctores vocant; ita est calida & vrens, vt si eam parti cuiquam inspergas, ipsam adusseris, ex Gal. *lib. 3. de tem. cap. 3.* Hac ergo infusa, vlcera potentiùs dilacerari, non erit dubitandum.

Sed si res balance ponderetur, à Galenica methodo non est aliena curatio hæc. Nam in graui, desperatæque dysenteria, acria medicamenta, leuissimis non iuuantibus, esse tentanda ipse edocuit, *lib. 2. simpl. 12.* quo loco muria utebatur per sedem infusa: educit enim hæc nonnūquam mordentem succum, & mordacitatis redditur medela, perinde vt cætera omnia quæ abluunt, & abstergunt. Et licet operatio hæc sit ex accidenti, quandoque prodesse solet, quoniam muria siccatur, & incorruptum quidpiam seruat, ex Gal. *2. de facult. natur. cap. 9.* Quare cum vlcera valenter abstergat, & depascentia à putredine tueatur, siccitate sua nimiam humiditatem absumendo, ex Auic. *lib. 2. tract. 2. cap. 493.* ad mundificandum est optima. Sic docuit Dioscorid. *loc. cit.* qui eam interaneorum exulcerationes ad cicatricem perducere affirmat: vnde Plin. *lib. 3. c. 8.* inquit, *sive illa salsugo spissat, mordet, attenuat, siccatur, dysentericis utilis, &c.* Cui affectui summopere auxiliari, testantur Gal. *lib. 9. de comp. medic. sec. loc. c. 5.* Aëtius *retrab. 4. serm. 2. cap. 29.* Cels. *lib. 4.* firmant Amatus *lib. 2. centur. 53.* Mercurialis *lib. 3. praxis, cap. 28.* & alij.

Muriam has dotes habere ratione salis, res est manifesta; nam sal adstringit, exiccat, expurgat, dissipat, reprimat, à putredine defendit, roborat, sorditiem, & putrilaginem abstergit, superfluum absumit humiditatem, cuius vitio indies magis ac magis vitiantur vlcera, fiuntque sordidiora, ex Auic. *lib. 2. tract. 2. cap. 623.* nam salsedinis effectus, ex Gal. *lib. 5. simpl. 26.* & Auic. *lib. 2. tract. 1. cap. 3.* sunt abstersio, ablutio, exiccatio, & putrefactionis prohibitio; cum sal conditura sua corpora siccet, & à putredine defendat: quoniam docente Gal. *11. simpl. tit. de sale,* quidquid in corporibus humidum inest, quodammodo absumit, & quod reliquum est substantiæ solidæ, adstrictione contrahit. Quare muria per clysterem iniicienda; licet enim ea attrahat mordacitate sua, humorem tamen attractum deinceps exiccat, & vnà vlcera per sanat. De cuius parandæ modo, lege Mercurial. *2. variar. lib. Lælium Bisciolam, in appendice lib. ult. tom. 2. horar. subsecinar.*

Hac ratione capas, has intentiones pro curandis vlcibus obtinere, in dubium verti haud potest; nam docet Auic. *lib. 2. tract. 2. cap. 122.* ipsæ, & earum aqua, vlcera sordida abstergunt: quarum aciores, dysentericis offerebat edendas Medicus ille, & fortasse crudas, tanquam magis acres, quoniam coctione, assatione, aut maceratione acrimoniam deponunt, Galen. *lib. 2. de aliment. facult. cap. 18.* cum eis verò panem adiciebat; nam præterquam quod hic nutrit, medicamentum cum alimento acceptum, sensim, furtimque sese in corporis partes insinuat, & intestinis vim suam hac de causa citius communicat. Potum paucum adiecit, vt efficacius exiccarer.

Quod verò attinet ad medicamentum illud, quod post muriam infundendum imperabat, erat eiusdem, aut saltem maioris quàm muria facultatis, de illorum sanè genere quæ crustam inducunt: vt arsenicum, calx viuæ, alumen, æs vstum, & alia caustica, de quibus *suprà, in hist. precedenti* meminimus. Priùs enim infundebat muriam, deinde validum medicamen, à leuioribus ad validiora procedens, & crustam hac ratione inducere sperans; & sic in maxima abstersione, exiccatione, & crustæ inductione totum curationis cardinem reponebat, satius esse existimans,

mans, hæc omnia augere, & periculossimum morbum A  
citò leuare, quàm sincerè ægrum in obitum incurere, uti-  
litate maiori minus damnum compensans: nam *melior est*  
*noxa, quam mors*, ex Gal. 1. 2. meth. cap. 1.

Eos verò sanatos ait, qui doloribus tolerandis sufficere  
potuerunt, hoc est, qui ita viribus præditi erant valentibus,  
ut ingentes dolores virum firmitudine pertulerint: contra  
mortuos esse refert, qui ob virium impotentiam  
doloribus ex curatione pronatis resistere non potuerunt.  
Difficultatem verò habet maximam, quòd vno die sana-  
tos fuisse pronunciet, cum ipsum tribus diebus integris  
absoluisset curationem asseueret; nam in primo capas  
præbebat, in secundo muriam acerrimam infundebat, in  
tertio validum pharmacum. At defines mirari, si possibile  
fuisse existimes, ut diei vnius spatio vlcera intestino-  
rum fuerint perfanata infusis crustam inducentibus, post  
muriam inditam in secundo, & capas in primo die obla-  
tas. Sed licet hæc curatio probetur à Galeno, in desperato  
morbo, tutius est ab illa tanquam violenta abstinere, & ad  
mitia medicamenta curationem totam conuertere, quæ  
præterquam quòd siccant, peccantem etiam humorem sine  
molestia educunt.

## HISTORIA LXXXVII. GALENI, De dysenteria.

Quidam dolorem animosè ferentes, nullis  
applicitis lenientibus dolorem auxiliis,  
viriliter emortui.

E Quidem noui quosdã, tum Medicos, tum agros, qui dum  
animosè videri volebant, ob id ipsum perierunt, quod for-  
titer ac viriliter cõtra dolorem semper sunt renixi, nec quod  
eum leniret, quicquam ceperunt, sed in asperis, & (ut ipsi in-  
terpretabantur) affectum destruentibus auxiliis perseue-  
rarunt. Quos sanè spatio longiore curatos esse satius fuisset,  
quàm breuè viriliter mori, & c. Galenus lib. 1. 2. meth. cap. 1.

## P A R A P H R A S I S.

D Olorem esse symptoma, in quod maximè curantis  
consilium dirigi debet, testatur Auic. 4. 1. c. 1. §. Et  
cum ad diuersum trahere volueris, dolorè prius seda, & c. nam  
ob dolorem, ægri sine pulsu redduntur, exanimèque fiunt, di-  
cebat Gal. 2. de rat. viñt. in morb. acut. com. 48. & Auic. loc.  
cit. idem refert. §. Quinque agritudo dolori cõiuncta fuerit,  
aut igitur causa ipsius est dolor, aut agritudo est causa doloris,  
sicut est percussio, aut casus, incipies sedare dolorem, & c. Dolor  
enim curationem ad se vocat, distrahit naturam, dissoluit  
vires & attrahit, fluxionesque concitat, ex Gal. lib. de cu-  
rand. rat. per sang. mis. 8. & lib. 2. de dif. feb. c. 15. non quòd  
dolor per se vim habeat attrahedi, aut inter tractionis dif-  
ferentias, numeratas à Gal. 6. de vsu part. 15. & 3. de facult.  
natur. lib. 15. Auic. 1. 1. doct. 6. c. 3. reponatur, à facultate, à  
vacuo, à calore; sed solum fluxiones irritat, naturam con-  
citat, vires exoluit, quoniam spiritus omnes ad partem  
dolentem facultates transmittunt, vnde cor spiritu priua-  
tum relinquunt, & potentia dolori intentæ ab actione  
cessant, ex ipso lib. 5. aph. 27. & in art. medic. 95. Et lib. 5.  
meth. cap. 4 sic ait. Vitandum ne dolor incidat, ac rursus pro-  
fluuium cõcitet, cum nihil sit, quod magis sanguinis profluuiū  
quàm dolor cõcitet, & phlegmonas augeat, & c. Dolori ergo  
quàm celeritè occurrendum, neque committendum, ut  
diutius cõtinentur ægri, in quo sedando, quum dirus est,  
& sui acerbitate, vehementiaque vires labefactat, magna  
celeritas, mora est. Neglectus dolor deiecit vires, & con-  
uocata fluxione inflammationes incenduntur, conuulsio-  
nes rapiunt ægros, quæ ex nimio dolore oriri consueue-  
runt; aut certè madescunt, quæ sicca esse, seruata naturali  
ratione & vacua excrementis, necesse est.

Quapropter verius est dicere, humores in partem do-  
lentem decumbere, quàm ab ipsis trahi. Cur autem ad

partem dolentem confluant succi, explicat Galen. lib. 1. 3.  
meth. cap. 3. natura enim triste aliquid sentiens, id expel-  
lere properans, magno conatu aliquid sanguinis & spiri-  
tus, in dolentem partem ex circumuicinis exprimit, atque  
eò confluente, partem in tumorem attolli est necesse. Ac-  
cedit, quòd pars, quæ doloris sæuitie debilis facta est, ad  
fufcipiendos humores aprior redditur.

Enimuerò si vires ex dolore resoluuntur, atque ex eo  
periculum impender, mitigari dolor, & roborari vires de-  
bebunt, quòd & morbo resistere, & curationis spatio suffi-  
cere queant. Qui enim animosè, & viriliter auxilia con-  
tra dolorem, eiusque sæuitiem mitigantia contempse-  
runt; sed solum in causa doloris amolienda perseuerarunt,  
ij doloris sæuitie victi occubuerunt. Quo pacto maximè  
reprehendit Gal. ægros, & Medicos, qui nulla facta, de  
doloris lenitione commemoratione, solum præsidia con-  
tra affectum consuluerunt, quo pacto spiritu resoluti ob  
doloris sæuitiem mortui sunt. Quibus autem præsidis  
sedandus sit dolor, & in quibus morbis anodyna, seu se-  
dantia dolorem, propria vel impropria sint applicanda, ex-  
plicat, latè, doctèque Galenus in hoc 1. 2. meth. cap. 1. & 1. 1,  
eiusd. 1. 2. & lib. 2. de compos. medic. sec. loc. cap. 1. sect. 5. in  
fin. & lib. 9. eiusd. cap. 4. in princip. Lege Trincaucl. lib. 2. de  
composit. medicam. cap. 9. Mercat. lib. 2. indicat. cap. 16. Val-  
leriol. lib. 3. obs. 4.

## HISTORIA LXXXVIII. TRALL, De dysenteria.

Dysenteria, cum tabe, balneis, & refrige-  
rantibus auxiliis, curata.

E Go sanè quendam conspiciamus, ex iis qui contabuerant, à  
pastillis ei oblati magis irritari, iussi hæc quidem abiice-  
re, balneis autem potius uti, & cibis refrigerantibus, ut pepo-  
ne sine medulla, intybis, & bulbo: atque hoc victu refrige-  
rante citra medicamentum, ægrum à morte ipsi expectata li-  
berari, & c. Trallianus lib. 8. cap. 9. in fin.

## D V B I V M L I.

Num balneum in dysenteria aliquando possit  
esse ex vsu.

## P A R A P H R A S I S.

P Lura damna ex hepatis calida intemperie suboriri,  
res est manifesta: hanc pluribus signis venari licet,  
ex habitu gracili, oris amarore, siccitate, sitis, oris ventricu-  
li morfu, torminibus, vomitibus biliosis, ex calore sensa-  
to in plantis pedum, & manuum volis, capitis dolore, vi-  
gilia, iracundia, audacia, viuuiditate, & aliis indiciis, quæ  
ex professo referunt Gal. in art. medic. cap. 41. Auic. 1. 4. 3.  
tract. 1. cap. 14. Si tamen nimis squalidum hepar sit, & in-  
temperamentum plurimum increuerit, colliquationes se-  
quuntur biliosæ, fætidæ, vitzæ, & sanguinolentæ, donec  
caro hepatis colliquatione per cruentam deiectionem  
contabescat, & excernatur, ut firmant Galen. lib. 8. sec. loc.  
cap. 6. Amatus lib. 2. centur. 50. Quare excrementa appa-  
rebunt graueolentia, splendida, nimis calida, cum animi  
deliquio, angore, febricula, totius corporis macie & exte-  
nuatione.

Rursus ex transitu huius calidissimi humoris, morda-  
cis, acris & erodentis, ab hepate generèque venoso ad in-  
testina demandati, quis dybitat vlcera in ipsis concitati  
posse? quæ adstringentibus pastillis, seu trochiscis sicca-  
ri, & curari debent; nam cruenta deiectio ab vlceribus  
concitata, adstringentia exposcit. Verum cum ex horum  
vsu acria excrementa retenta fiant aciora, ampliùsque  
erodant & irritent, vlcera exasperent, & fluxionem con-  
citent, fit ut ex eorum administratione maior sit noxa uti-  
litate; & tantum abest ut abstergantur, siccescantque  
viceratæ partes, ut potius maiori irritatione facta, &  
vehementiori

vehementiori concitato dolore, attractaque de nouo maiori humoris copia, amplius sordescant.

Ex sordidissimo ergo vlcere, nonne cordi communicatur in propria substantia putrida fuligo, ita vt id snapte natura igneum, & excandescens ponat in calfacto esse? Sicque ex diutina actione & alteratione, potest concitari calor hecticus, fixus, & durans. Quippe si ex virulento externo, & antiquo vlcere, aut ex eo quod plurimum puris excernit, velut sunt, quæ prope magnos articulos existunt, prodit in cordis substantiam & caloris conditio adeo fixa, & ob putrilaginosam naturam adeo adhærescens, & interanea, vt facili negotio, ob causam dissipati humidi ac euacuatione, calore, vel vtroque; & rursus innari coloris deuicta resistentia, extraneus ille, vlcerosus, & præter naturam in cordis substantiam sese insinuet, firmetur, & radictur: cur ab interno vlcere, hecticum calorem, fixum, permanentem, & habitualement oriri non dicemus? maxime si vlcus sit siccum, squalidum, quod moliri posse per continuitatem, calorem, & siccitatem in solidis membris hecticum calorem non est denegandum.

Si ergo oriatur à sordido vlcere contabescencia, cur balneum ad maciem summopere necessarium, consulere verebimur: præsertim cum habitualis calor sit iam independens, licet ab vlcere foueatur, febris intensiori facta, tunc habita solum indicatione, quæ à marcido calore desumitur, balneum summam præstabit utilitatem. Nec rederetreat Hip. dictio lib. 3. acut. text. 59. prohibentis balneum, quibus alius plus iusto fluxibilior est: nam ibi solum respicit ad fluxum, cuius ratione balneum non conuenit, quia emollit, laxat, & ventrem prouocat: non negans præstare posse hoc auxilium magnam commoditatem, si aliquis alius affectus complicitur, in quem curantis consilium dirigi debet. Docet enim ipse lib. 10. meth. cap. 1. interdum licere spernere unam indicationem, ob aliam urgentiorem. Sic potum frigidæ ad satietatem probat, in phlegmone partium interiorum, ob hecticæ timorem. Sic balneum frigidum in hectico debili, lib. 10. meth. cap. 10. concedit. De quo si Trallianum intelligas, non errabis: Consule Massariam lib. 3. de morb. intern. cap. 22. constipat enim meatus, cohibet fluxum, biliosum frigiditate sua temperat humorem, & sic incrassat: quem etiam vsum, balneum ex stypticis medicamentis paratum præstare, vt rosis, cypero, myrto, balauistiis, & aliis omnibus comperit esse reor.

Deinde. Balneum tepidum præsentæ alui fluxu, vrgentioris indicationis habita ratione prodesse potest; nam partes extimas calefaciendo, dilatando meatus, & attractendo fluxionem à partibus internis ad externas, solet cohibere humoris fluxum, & insuper humiditatem reficit & instaurat, tabidisque remedio est. Sic lib. 1. ad Glauc. cap. 14. in med. dicit balneas in fluxionibus ad ventrem aptissimas esse, quia auocant humorem à ventre ad cutem, & sic fluxum sistunt. Sic Auic. 4. 1. doct. 5. cap. 8. cum Paul. lib. 7. cap. 7. in superpurgatione balneum consuluit; eius enim vi reuelliatur materia fluens ad intestina, in vniuersum corpus. Quamobrem si tabescente corpore, humor vtilis, & vitæ necessarius ad vlcerata confluit intestina, balneum, ad cohibendum est vtile; hanc enim substantiam contineri, non excerni oportere, (ea enim vacuata corpus priuatur alimento, & contabescit) res est manifesta.

Hac ratione cum tabe corpus afficitur, ob pulmonis vlcus, balneum mirificum est, ex Ludouic. Mercat. lib. 2. de morb. intern. cap. 9. nam siccas partes natua quadam humiditate recreat, febrilem, marcidumque calorem temperat, natium ignem conpuit & refocillat, & pus ab igneo calore crassifacitum liquat, expulsionique paratum reddit; retentum enim opprimit partes spirituales, easque inficit labe dira. In hunc vsum Trallianus in dysenteria, frigida præsidia exhibuit, peponem sine medulla, hæc enim maiori humiditate subuertit ventriculum, internas partes relaxat & emollit, & fluxum concitat, de cuius viribus lege quæ diximus lib. 1. in com. histor. 28. Quare cum ex vlcere intestinorum æger tabe esset affectus, & ex pastillis calidis siccis oblatiis magis siccatus extenuaretur,

A commodissime balneum, & alia refrigerantia sunt imperata, quæ iecur calidum roborare nata sunt.

## HISTORIA LXXXIX. GALENI, De colico dolore.

### Colicus dolor pestilens, ac contagiosus, frigidis curatus.

**P**ro autem colicam affectionem, quæ etiam nunc regnat, ex huiusmodi prouenisse humoribus, quæ ab Italia quidem regionibus incepit, in aliis autem multis Romanorum Reipublice locis \* pestifera cuiusdam luis modo est grassata: ex qua plerique in morbum comitalem, alij in artuum resolutione sensu incolumi, nonnulli in vtraque sunt prolapsi. Ac eorum qui in comitalem morbum inciderunt, plures interierunt. Ex illis vero qui in resolutionem, plures euaserunt, tanquam in crisi, causa aliorum ex loco quem infestauerat, conuersa. Sic igitur laborantes, Medicus quidam in Italia curauit victus quadam ratione infideli, refrigerante, & maxime temeraria. Lactucas enim non coctas, refrigeratasque ipsi porrigebat, intybumque similiter supra satietatem comedendum, item vinas, mala, pisces dura carne præditos, omniaque crustacea, pedes bubulos, bulbos, & similia, non solum facultate, sed & ratione frigida. Vinum raro præbebat: cum autem dabat, frigida miscebat; ipsamque frigidam, vel etiam poscam frigidam exhibebat, ab omni alio calido, & medio cibo abstinens. Atque plurimos sic præter omnium opinionem \* persanauit. Immo nonnullos qui iam in morbum comitalem, vel resolutionem prolapsi erant prope modum, sanitati restituit, &c. Paulus lib. 3. cap. 43.

## QVÆSTIO XLVII.

Quod colicus color, pestilens, ac contagiosus,  
sit morbus nouus.

### PARAPHRASIS.

**D**E colico dolore, veterum & recentiorum peritissimi, satis superque disputarunt. Num eius fecerit mentionem Hip. vel ilei nomine describerit, graphicè proponit Mercurial. lib. 5. variar. lect. cap. 11. quo morbo primò Tiberium Imperatorem fuisse tentatum narrat Plinius lib. 26. cap. 1. Marcel. cap. 29. colicum vocat dolorem, & Celsus lib. 4. cap. 13. crassioris intestini dolorem, colicum appellat. At hunc morbum non agnouisse dicendum est Hippocratem? minimè quidem. Hoc modo ipsum, nec rabiem, sicut nec curationem animalium virus vibrantium descripsisse, asseremus, quos tamen affectus constat non ignorasse: nam Homerum Hippocrate vetustiorum, rabiem memorasse legimus, dum Iliados 8. Teucrum occisis octo, Hectorum non potuisse percutere scribit. Sic enim ait: *Hunc autem non possum percutere canem rabidum.* Quod si dicas, præstantis huius Medicorum coryphæi multa volumina iniuria temporum petiisse, vera pronuntiabis.

Deinde, posse morbum aliquem denuò nunquam antea conspectum oboriri, neminem esse arbitror qui ambigat, præsertim cum antiquorum præcipui ita fieri posse contestentur. Celsus lib. 1. in præfat. nulla causa magis dicit, rationales Medicos empiricis præstare, quàm quod nouis morborum generibus queunt etiam auxilium ferre. Nam Plin. lib. 26. cap. 1. Lichenem seu mentagram Tiberij Claudij Cæsaris principatu primùm in Italiam irripisse memoriæ commendauit. Firmant Plutarchus lib. 8. sympos. cap. 9. Petrus Crinitus lib. 20. cap. 10. Et Lucio Paulo, & Quinto Marcio Consulibus primùm in Italiam carbunculum venisse, recenset ex annalium scriptis Plinius loc. cit.

Rigorem sine febre hac tempestate frequentissimum, temporibus Hippocratis, ob illius sæculi sobrietatem non apparuisse, multis in locis Galenus est auctor. Omitto Gallicam luem, puncticularem febrem, quas nouissimas esse



eſſe ægritudines contendunt plures; quorum ſententiam late reſutamus lib. 1. in com. hiſtor. 73. & in hoc libro, in com. hiſtor. 3.

Quid commemorem duos illos rariffimos affectus à Plinio relatos lib. 25. cap. 3. quorum alter erat putridū oris malè olentis vitium, quod ſtomacaciam appellabant, cuius vi dira intra biennium omnibus dentes decidebant. Noſtri *Scorbutum* vocant, ſeu *ſcelorrrhen*. In hoc vlceraſantur gingiue, dentes decidunt, ſcorum inflatur, crura liuent, fœter reſpiratio, tibiæ vlceraſantur, tumet lien, corpus ictero nigro premitur, febricula infeſtat, adeſt neruorum, tendonum, & ligamentorum rigor cum impotentia ad motum: cuius morbi notas legat qui velit, apud Balduin. Roſſicū prop. lib. de ſcorbuto. Dodonæum c. 33. obſ. medic. Gulielm. Lem. & Reuſn. prop. tract. Olauum Magnū lib. 16. de gentib. ſeptentrionalib. cap. 5. 2. & lib. 9. cap. 3. Michob. lib. de peſte, Lang. lib. 1. epiſt. 41. Foreſt. lib. 20. obſ. & alios, qui de hoc morbo graphice diſceperunt. Alter erat, qui neruos crurum adeo lædebat, vt compagine in genubus cum crurum vacillatione diſſoluerentur.

Sic *Gemurſa* apud Plin. loc. cit. inter digitos pedum naſcebatur, qui morbus celeriter extinctus eſt. Sic inuſitatum morbi genus fuit illud, quo Arrium occubuiſſe teſtatur Ado. Viennienſis in *Breniario chronicorum*, ætate ſexta. Hic namque cum ad ſeceſſum acceſſiſſet, viſcera prope mortem excreuit: quanquam Pomponius Lætus in com. pendio *Romana Hiſtoria*, dolore colico obiiſſe referat.

Adeſt *Sudor Britannicus*, circa ætatem poſt humidiffimam cœli cōſtitutionem, dira mortalium clade, paucis abhinc annis inualeſcens; quo correpti, maxima ſudoris diluuii, intra viginti quatuor horas, febris incendiola oppreſſi expirabant. Hæc ſudorulenta febris multa millia mortaliū iugulauit. De cuius cauſis & præſidiis luculenter egere, Cornel. Gemma lib. 1. *cosmocris*. 8. Langius lib. 1. epiſt. 19. Brauſus lib. 2. de diff. feb. in com. cap. 5. Gal. Ioan. Hucherus lib. 2. feb. 6. Fernel. 2. de abdit. 12. Laurentius Surius in com. rerum in orbe geſtarū. Polydor. Virgil. lib. 20. *Hiſtor. Anglic.* Sennertus lib. 4. de feb. 15. Nam dari diariam peſtilentem, & putridam, acriter probauimus, contra multorum mentem, lib. 1. de com. Hiſtor. 84.

Nōne *Dracunculus* tibiæ, nouus eſt morbus: nam Galenus lib. 6. de loc. affect. c. 3. de eo obſcuriſſimā fecit mentionem, cuiusque eſſentiam per vmbraſſam quaſi depinxit, in introduct. & lib. finit. medicar. narrauit, & vidit Aëtius terr. 4. ſer. 2. c. 85. cum Paulo lib. 4. c. ult. Curationē propoſuere Auic. 3. 4. tract. 3. c. 21. Auenzoar lib. 2. tract. 7. c. 20 Alzaharaiuſtr. 10. c. 2. Haly lib. 9. pract. c. 67. Rhaſ. lib. 9. ad Alm. tract. 7. cap. 24. Iulius Pollux lib. 4. Amat. 7. cent. 64. Monard. lib. 7. epiſt. 2. Thom. à Veiga in c. 3. Gal. lib. 6. de loc. affect. Morbus in Arabia frequens, ab aliis dictus *vena medena*, *cinilis*, vel *ſanioſa*, à ſanguine, atra bile, vel ab exuſta, & valde ſicca pituita pronatus: de cuius motu, & eſſentia controuertunt auctores, vbi generetur, & num vena ſit, neruus, vermis, an animal viuum, in brachio, femore, tibia, & partibus muſculofis enatum, imò (quod mirabile videtur, & notat Gentilis 3. 4. cit.) ſi frāgitur, inquit Auenzoar, ſubito emoritur æger; integer enim hic neruus eſt paulatim extrahendus. Lege de alio morbo, *Dracunculo* vocato, Mercuriale lib. 2. variat. cap. 20.

Sic ſuperioribus annis viſus eſt morbus nouus, quo pili retorci, conuulſionis modo inter ſe implicabantur, ita vt cum aliis ſæuiſſimis ſignis plures perirent, qui morbus appellatus eſt *plica Polaca*, quod in Polonia vigeat ſolū, & exacerbetur. Nouum ſanè, veteribūſque indiſtum, horridi & intricati capillitij cum barbæ, tum capitis, morbi genus, difficilium quorundam capitis morborum argumentum. De cuius morbi natura, & curatione, ſat multa congeſſit Saxonia proprio libello de *plica Polonica*, & poſt eum Laconice exarauit Fonſeca lib. 1. conſult. 1. Sennertus lib. 5. pract. part. 3. ſect. 2. cap. 9. Foreſtus, & alij.

Noua *Lues Morania*, ab aliis vocata *Brunus Gallicus*, quia Brunam ciuitatem, intra duorum triūmue menſium ſpatium depopulari plurimis horrendis ſymptomatis viſa eſt. De hac egere Thomas Iordanus lib. de lue nona Morania. Crato lib. 2. epiſt. per Laurentium Scolizium publicata. Lib. II.

*rum*, pag. 228. Henricus à Bra Camperſis epiſt. 1. Ioan. Sporichius tract. de Bruno Gallico. Huic morbus addendus etiā eſt Brunus Vagarius, cuius naturam exactè explicuere Iordanus lib. 19. de peſte, Balthazar Conradius, & Iacob. Suterus prop. tract. Sennertus lib. 4. de feb. cap. 14.

Scribit Albertus Krantzius lib. 5. *Hiſtor. Saxonica*, circa Nineruam, mirabile morbi genus innotuiſſe, tacti namque homines igni inuiſibili ardebant, qui facile penetrabat præcordia. Alij pedes, alij manus ea occasione præciderant.

Tradit Pomponius Lætus in compendio *Hiſtoria Romana*, Heraclitum imperatorem nouo cladis genere peremptum teſtium nempe folliculo ſurſum verſo, ſimul cum virili membro ſemper tenſo, adeo vt quories meieret, niſi tabula vmblico admota prohibente, vulvum lorio ſparſiſſet. Nouum etiam Deliorum morbum, vide deſcriptum apud Mercurialem lib. 3. variat. cap. 18.

Viſæ ſunt præteritis annis pleuritides, peripneumonia, dyſenteria, catharri peſtilentes, de quibus conſcribere Rembert. Dodonæus, c. 21. obſeruat. medicinal. Cornel. Gtmma lib. 2. *compoſcritic*. c. 1. Sic anno 1566. viſa eſt febris Vngarica, quæ licet eiſdem ac Brunus Vngaricus, eſſet inſignita ſymptomatis, vehementioribus tamen iugulabat. De qua Matthias Cornax lib. 2. conſult. medicar. cap. 9. Apparuit etiam vitiligo peſtilens, in qua pili albeſcebat de cuius natura Mercurialis loc. nuper cit.

Mirabilis eſt etiam morbus, quem primus omnium vidit Albucacis lib. 2. cap. 93. ab eo *Flatus furioſus* nuncupatus, qui à materia flatulenta turgente intra venas, huc illucque impetuoſè mota, & ad ambitū corporis tranſmiſſa, irrequietoque motu agitata ſcaturit. De quo flatuſo dolore, ſeu flatu vago diſceperunt eleganter Marcellus Donatus lib. 1. de medica hiſtor. mirabili, cap. 6. Cardanus conſil. 5. de dolore vago, Nicolus ſerm. 7. tract. 3. ſum. 2. cap. 45. Beniuenius cap. 40. & 81. de abdit. ſanat. & curat. cauſis.

Extat rarum quoddam morbi noui exemplum apud Cellſum, in præſatione ſui operis, dum ætate ſua quandam, ex naturalibus carne prolapſa, & arente, intra paucas horas expiraſſe commemorat, ſic vt Medici nobiliſſimi neque genus mali, neque remedium inuenerint. Quid dicā de Elephantiaſi quæ ante Pompeij Magni ætatem in Italia accidit? Quid referam de tæbe Romæ graſſare, anno. 1222. quæ omnes ferè depopulata eſt, auctore Blondo lib. 7. decad. 2. Dari ergo morbos nouos, nouum non eſt, prout epiſtola vnica de morbis nouis, eruditiffimus Heurnius doctè confirmat, & nos lib. 3. de praxi Medica admiranda, in fin. aliqua morborum nouorum exempla propoſuimus.

Huius cenſus eſt morbus hic colicus, à Paulo ſolū animaduertus, peſtilens ac contagioſus, ex quo alij in epilepſiam, alij in reſolutionem, nonnulli in vtraque mala ſunt prolapſi; cuius euentus cauſam latè diximus lib. 1. in com. hiſtor. 45. Poſſe autem dari colicum dolorem peſtilentem probat Auic. 16. 3. tract. 3. cap. 6. in med. & tract. 4. cap. 30. §. Eripſe quidem vadit de quibuſdam ad quodaſ, permutatione qua ſit in aëre peſtilentioſo, & de terra ad terrā, permutatione ægritudinum venientium, &c. Firmant Gentilis ſuper cit. loc. Auic. Ratio dictat, nam quid obſtat, quominus praua qualitas recepta in aëre, plurimas noſtri corporis partes corrigere poſſit, & primò colon in teſtinum labefactare luc dira? quoniam alia peſtis ad cerebrum, alia ad pleuram, alia ad alia in teſtina, alia ad colon analogiam habet, ex qua diuerſimoda & admiranda vi, phrenitis, hemitritæus cum cataphora coniunctus, pleuritis, dyſenteria, & colica peſtifera conſurgunt: hæc autem colon exercens & fatigans, peſtiferarum febrium more ſæpe celeriter interficit, vt ſcitè notauit Leonus Lunenſis lib. 4. art. medic. ſect. 3. cap. 7.

Hunc autem morbum fuiſſe contagioſum, præterquam quod ex Pauli dictis conſtat manifeſtè, dicentis ipſum à multis Italiæ regionibus ad Romanorum diuerſos locos fuiſſe graſſatum, annuunt priſci, qui omnes differentias contagij cognouerunt; nam Galenus lib. 1. de dif. feb. cap. 2. fecit commemorationem contagij ex conuerſatione, & aëre inducti, §. Et quod peſtilenti morbo laborantium conuerſatio

conuersatio periculosa, ne inde cōtagium contrahatur, quemadmodum ex scabie, & lippitudine, nemo sana mentis dubitauit, &c. & in cap. 4. de teminario in ære relicto, §. Magna autem ex parte ex inspiratione incipit aeris circumstantis à putrescibili euaporatione infecti, &c. Et lib. de theriac. ad Piso. cap. 16. de peste illa, quæ ab Æthiopia in Græciam translata, multa hominum millia iugulauit, ciuitates depascendo, vastando, & depopulando. Deinde Arist. contagium agnouisse patet, ex sect. 1. probl. 7. quærens enim, cur pestis sola ex omnibus morbis eos afficiat, maximè, qui ad laborantes propè accesserint? responderet, an quoddam is solus omnium morborum communis, omnibus hominibus est? Et lib. 7. probl. 4. de contagio agit eximie. Vt sanè Tiresia cæciores iudices Montanum part. 2. sue medicina, de contagij essentia optime distulerent, & Cardanum lib. 1. de venen. cap. 14. Fabium Paulin. in com. lib. Thucydidis, de peste, asserentes, Græcos contagium nec per umbram agnouisse. Nam, ut eruditè notauit Steph. Castrensis lib. 3. de meteor. microcosmi, cap. 5. Galenus de contagio scripsit in lib. Thucydidis de peste, qui non extat.

## D V B I V M LII.

*Num possit dari pestis citra perniciem.*

**S**ed quæres hoc modo. Si colicus hic affectus fuit pestilens, & contagiosus, & pestis dicitur epidemia perniciosa plurimos interficiens, à Gal. lib. 3. epid. sect. 3. com. 20. & lib. 1. acut. com. 9. cur ex hoc affectu pestilenti plures euaserunt, præsertim qui in resolutionem inciderunt? Dic. De essentia pestis non esse, quoddam sit morbus epidemicus, quantumuis ita communiter explicetur: plures siquidem inuadere, potius est effectus quàm ratio formalis morbi: sat enim est, ut morbus dicatur lethalis ac perniciosus, ut sua magnitudine possit inficere, magis enim & minus non variant speciem: quoniam tamen magna ex parte, à communi causa ortum ducit, & plures corripit, epidemia nuncupatur, & describitur à veteribus. Quare ut pestilens dicatur affectus, cuiuscunque generis ille sit, non oportet per multos grassari, nec plurimos ex iis perdere, sed sufficit posse. Licet enim pestis deleteria sit affectio, & ab efficacissima causa proficiatur, parum interdum, aut nihil agit, si passum valde resistat; ita ut pro varia corporis dispositione non semel accidat, ut non patiatur vnum, ægrotet aliud, & moriatur illud: nec enim oportet pestilentem, aut venenosam affectionem, ut talis dicatur, omnes quos corripit, vel multos perdere, sed ex se exitium minari: de quo argumento inter omnes lege Antonium Poncium lib. de peste, in initio, de hac re eruditissimè differentem.

Neque miteris colicum dolorem frigidis fuisse persanatum, & calidorum medicamentorum abstinencia curatum; nam ipsum à biliosis succis originem aliquando ducere, testes sunt locupletissimi Gal. lib. 12. meth. c. 7. Auic. 16. 3. tract. 3. cap. 1. & 6. Jacob. Oetheus lib. obser. propriar. Amat. lib. 1. centur. 2. quo in morbo, à mordaci humore, calido & pungente, suborto, frigida præsidia sunt ex usu; si enim eius acrimonia obtunditur, & hebetatur, temperatur mordacitas, & caliditatis vehementia infrenatur. Quod si epilepsia, & paralytis à bilioso, calidoque succo ortum ducant, frigida auxilia omnibus istis affectibus remedio sunt; quos affectus à bile aliquando oriri posse diximus lib. 1. in com. hist. 28. & 46. à quo humore colicū dolorem, cæterosque hoc loco relatos affectus fuisse pronatos, ex serie contextus, eorumque curatione satis patere arbitror, & firmat Gal. lib. 1. de loc. c. 2. & infra proponemus latè.

## COMMENTARIUM.

**P**estifera cuiusdam luis.] De peste hoc loco agendum, morbo diro, funesto, exitiali, ob cuius labem diram, affecto inquinatōque corde, vires omnes, præcipuèque vitales infringuntur. Insuper est affectio deleteria, non ut cæteræ quæ communiter lethales dicantur, ob sui magnitudinem, intensionem, partis nobilitatem, aut curandi diffi-

cultatem, sed & insuper mirabili quodam, insigni, & extraordinario perdendi modo. Hoc repentinè indicant cædes, ac miri alij effectus manifestè demonstrant, quos refert eloquenter Fernel. 4. parholog. 17. & 2. lib. de abdit. c. 2. Petrus Salius lib. de feb. pestil. 15. & 16. ad fin. & Ioan. Georg. Schenckius, omnigenæ lectionis vir, qui ex Medicorum scriptis, lib. 6. observationum compendium colligit, & describit Palmarius lib. 6. de morb. contagios. cap. 5.

Nam veneni promptissimi instar, horrida inimicitia, animantium genus inuadit & oppugnat, & præcipua membra, imprimis cor vitæ sedem ac domicilium, spiritus eius deiicit & labefactat, vires prostermit, omnino superat naturam, & citra causam manifestam corrumpit & premit, quod est de ratione veneni à tota substantia talis. Denique tanta est corruptio intus concepti pestilentis aeris halitus, ut non rarò ægros sideratorum more concidere videamus cum alioquin in eis nec pulsus exitialis, nec vrina à naturali statu mutata, nec vix vlla aduersæ valetudinis signa appareant, sanique videantur, ac statim, & loquentes & incedentes, tanquam fulmine icti pereant. Nec minora sunt, quæ in lethalibus carbonibus, ac aliis venenosis, ac fraudulentis huius mali signis accidere conspiciamus; sic namque affectos, pleròsque sublatos vidimus, toruo aspectu, liuenti facie, soporatos, delirantes, syncope correptos; tandem verò cum terribilissimis symptomatibus, pulsu paruo, debili, pusillo, assidua vomitione, inquietudine, corporis iactatione, virium imbecillitate, spirituum omnimoda iactura refrigerati, animam agentes, ut videas quàm sit huius veneni latentis mira vis, & cæca potestas.

Notauit Rhasis lib. 30. contin. tract. 13. cap. 1. sudorem sanguineum in maleficientissimis variolis. Vidit Georg. Agricola lib. 2. de peste, formidabilem pestis speciem, qua correpti triduum circa caput, & pectus sanguineum sudorem excluderunt. Cum enim facultas retentrix, extincto spiritu, quo munia sua exercet, à præsentaneo veneno, lethali quæ pestifera aura sit laceffita, & victa, sanguinem retinere non potest, sed defluere permittit per poros cutis.

Quàm sint exanthemata nigra in peste apparentia, perniciosa, docuit Galenus in historia Criconis, apud Hippocratem lib. 1. epid. sect. 3. text. 26. qui pustulis nigris ad pollicem erumpentibus mortuus est. Sic Silenus lib. 1. epid. sect. 3. text. 19. variolis oppressus cum extremorum nigritie obiit: quod mortis instantis esse certum signum firmat Gal. lib. 3. epid. sect. 2. text. 5. agens de adolescentulo, qui in mendacium foro decumbebat: quæ in peste apparere, omnes norunt.

Demum huius tyrannici morbi est præseruatio difficilis, curatio difficillima. Pro præcautione, veterum & iuniorum scientissimi satis insudarunt, quibus est manifestum, illam solùm consistere in roborando passo, & debilitando agente. Firmabitur illud, si partes principes custodias, tuearis, ac firmes, quo minus venenum queant persentiscere. In hunc usum auxiliorum sylua inuenta est, quæ tum viscera interna roborare, tum pestilentem auram, occultis, manifestisque qualitatibus oppugnare possint. Ea sunt vacuantia diuersa multiplicique forma confecta, quæ corpus à superfluo mundant humore, cardiaca sint, alexiteriaque vi veneno mirandum in modum resistent. Domus ab omni inquinamento, seu fœtore sit immunis, aëri purissimo aquilonari exposita. Hic igni purificetur, conflato ex odoriferis lignis, olentibus coronis, ac suauissimis floribus, ut lauro, pinu, iunipero, oliua, lentisco, cupresso, rore marino, ligno aloës, myrto, rosas, aceto, cinnamomo, spica, & aliis iucundum fundentibus odorem; sic enim animalia aërem purum spirantia, ab imminenti lue redduntur immunia. Lege doctissimum Danielem Sennertum lib. 4. de febrib. cap. 5. de præseruatione à pestilentia.

Victus quantitate, qualitate, tempore, & ordine modum non excedat. Arcendi hominum conuentus. Roborandum cor alexipharmacis intus assumpris. In hunc usum inuenta antidota ex auro, margaritis, lapidibusque pretiosis confecta. Aquæ theriacales mira distillationis arte extractæ, tabellæ ex cardiacis medicamentis, opiæ, pulueres,

pulueres, sacculi, epithemata, vnguenta, conferuz, pilula, poma, quæ manibus tractata, suaui inspiratione in cerebrum delata, animalem facultatem, & viralem recreante, vires rescindunt, putredinem arcent, & putris humoris, pestiferæque auræ qualitatem venenosam, ac corruptricem, mirabiliter corrigunt, domant, atque infranant. Horum omnium formas legat qui velit, apud eos qui doctissime de peste conscripserunt, Ioubertum, Parzum, Mercurial. Angelucium, Salium, Simonium, & Forestum. Inter cætera præstat antidotus probatissima contra venena Matthioli. Præstantissimum etiam est oleum de scorpionibus, eiusdem, seu Gregorij Garauitæ, fidissimo experimento aduersus pestiferas febres adinuentum, cuius vires tantis laudum præconiis ad cælum euehit Andr. à Lacuna in præfat. lib. 6. in Dioscor. cuius eximias facultates sæpissime in febrilenticulari, summa cum ægrotantium vtilitate sum expertus, cum ex eius supra cor appositione, variis symptomatis oppressos viderim restitutos. Vnde verò hæc omnia alexipharmaca habeant facultatem suam, pauci explicarunt, excepto Stephano Roderico Castrensi, qui in huius causæ ratione reddenda lib. 4. de meteor. microcosm. cap. 2. cæteros antecelluit.

## QVÆSTIO XLVIII.

Quò ad præcautionem, curationemue pestis, venena supra cor gestare non conueniat. Contra Baptist. Theodos. Mercat. Fallop. Parzum, Merindolum, & comm. Medicorum sententiam.

**M**irum est quod multi volunt, & ferè in vfu receptissimum est, hydrargyrum, aut arsenicum sublimatum super sinistram cordis papillam, aut alam sinistram gestata, venena cuncta fugare, & genuino latentique odio, à veneno, venenosoque affectu præseruare. Tantum enim fidunt huic auxilio, vt solo hoc, à pestilenti lue homines præseruari posse constantissime asseuerent Parzus lib. 21. de pest. c. 12. Ludouic. Mercat. tract. de feb. malig. Ioan. Thom. Porcelle lib. 3. contra pestem, c. 16. Ioan. Pistorius Niddanus lib. de peste, cap. 3. 4. & deinceps Anton. Merindol. lib. de feb. cap. 12. Simon Simonius, Fallop. Iordanus, & plures alij. Tantique faciunt hi, hoc illustre à Deo mortalibus concessum auxilium, quod diuinum inuentum appellare solent, vt Lacuna lib. 6. in Dioscor. in præf. affirmet quendam Medicum Lusitanum, in Romano Xenodochio pestiferas febres curantem, solo sublimato iuxta sinistram cordis ventriculum gestato a periculo 24. annis euasisse immunem. Sequuntur Ioan. Rhenanus, Petrus Droërus in tract. de pest.

Ioan. Baptista Theodosius epist. 2. asseuerat, corpus veneno assuetum minùs lædi à venenoso, pestiferoque aëre: Sicut enim multo tempore assueta, licet fuerint deteriora infuetis minùs molestare consueuerunt 2. aph. 50. sic venena assueta gestari non nocent, imò muniendo cor cætera venena fugant. Sed cum Arsenicum sit venenum per erosionem interimens, auctore Dioscoride, cur antequam cor consuetudinem contrahat, ipsum non interficiet? cum aëre per insensilem transpirationem attracto, venenum necessariò hauriamus. Hinc deduces, non esse standum opinioni dicentium, ex eo in constitutione pestilenti venena gestare optimum esse, quòd ipsa cum foetida sint, alia fugant venena; nam licet aliquem in arcendo contagioso, pestiferoque aëre habere possint principatum, maius tamè ex illorum communicatione damnum subsequitur, maiorque perniciēs. Lege Hermannum Follinum lib. 2. cap. 7. de peste.

Petrus Salius lib. de feb. pestil. cap. 20. & Antonius Porta lib. 2. de pest. cap. 49. totam causam in similitudine, quam habet vnum venenum ad aliud, inuicem se trahendo, esse sitam acerrimè contendunt. Afferunt enim, venenum externum interuètu similitudinis attrahere internum; quare in præseruatione, & curatione pestis, mirum auxilium esse censent, vt sic maligna & venenosa qualitas, altis in corde fixa radicibus, foras extrahatur ac venefici spiritus promptissime extrà alliciantur: in præseruatione autem mirabiliter conferre arbitrantur: nam præterquam quòd vene-

nosam qualitatem reddunt, & infranant, sunt etiam summè sicca; & inquinamenta pestis absumendo, excrementitiam humiditatem discutere queunt.

Quòd autem hæc responsio sit extra rationem, pater. Nam vel de præseruatione est sermo, vel de curatione: Si de illa, reproba sunt hæc venena, & nullius vsus, imò inutilia, nocua, & incommoda: in hydrargyrio enim, & sublimato extant tum manifestæ tum occultæ qualitates; non illæ, quoniam hydrargyrium frigidum cum sit, condensando poros, fuliginum putridarum prohibet exhalationem, quibus cor obrutum cum suffocetur, feruet suapte natura, gliscit, & excandescit, & sic minùs resistit futuro, imminenti que veneno. Deinde sublimatum calidum cum sit, nimis calefacit, cordis temperamentum peruertit, spiritus aciores reddit, ipsumque inflamat. Lege Castr. lib. 4. de meteor. cap. 4.

Simon Simonius doctissimus 2. lib. meth. curand. pestem, fol. 122. ad qualitates occultas confugere est coactus, dicens arsenicum suapte natura hoc habere, vt extrà appositum cor firmet, & venenum atterat. Sed quoniam confugere ad occultas qualitates, est asylum eorum qui nihil dicunt, monente sic Magistro lib. 3. de præfag. ex pulsib. cap. 5. huius opinionem confirmare non possum: maxime cum arsenicum venenum sit à tota substantia tale, cordi & spiritibus valde infensum, & aduersum. Quæ ergo qualitas benigna in eo aderit occulta, confirmans cor, vt in præseruatione conferre possit? Ad hæc. Si virtus horum intus penetrat, cum labes in corde non adsit venenosa, nisi familiaritate, & similitudine substantiæ inueniet attrahendum. Estne (quæso) in his aliqua admiranda vis, vt illæis substantiis interinis sine aliquo damno, istorum facultas foras attrahatur? Cur si solus pestilens aër maiori ex parte per inspirationem attractus pestilentiam facit, continuo nariibus non apponitur, ne scilicet aër ingressurus viam inueniat?

De curatione maior est dubitatio. Cum enim duo adsint venena, internum, & externum; cur illud cum pestilens sit, & in agendo efficacius non attrahet externum, si verum est inter attrahentia familiaritate, illa potius attrahere, in quibus maior est actiuitas, & efficacia, ex Gal. lib. 3. simpl. 24. & 25. pestilens autem venenum aliis venenis multò esse excellentius, deduci potest ex Gal. lib. 6. epid. sect. 1. com. 29. qui calorem pestilentem, ab aliis per putredinis excellentiam differre assermat. At si tantoperè horum auxiliorum fidis tractationi, salubrius tibi sit multò, cucurbitulam regioni cordis admonere, vt siquid ibi veneficum latet, extrahatur. Et si Arsenici siccitatem tantoperè laudas, cur cordi caustica non imponis, quorum vi, & ope ichores virulenti absumantur?

Excellentissimus Fallopius lib. de bubone pestifero, c. 15. experientia edoctus, Arsenicum impositum cordi in sacculo tenuissimo, esse medicamentum factum à Deo contestatur. Sed videndum, num experientia sit bona; quum enim multa sint, quæ in pestis præcautione applicantur auxilia, videndum ad quæ referenda sit salus. Ego tunc credam, cum videro hominem ad pestem incipientem aptum, cum pestilentibus conuersantem, reprobo videntem regimine, horum solùm antidotorum vi fuisse præseruatum. Bona tamen fide testari possum, me anno 1600. in vasta illa pestilentia, quæ Lusitanos, Cantabros, Gallæcos, Flandros, Astos, Hispanos ceteriores, & non paucas, vt audiui, Orientales prouincias miserrimè afflixit, plurimos vidisse peste correptos, imò alios repente, velut fulmine ictos emortuos, non sine liuore sin regione cordis, in quorum parte læua iuxta cor, sacculus plenus arsenico diu fuit gestatus.

Securius ergo multo sit, belzarticeis medicamentis, cardiacis vnguentis, & aliis probatis alexipharmacis, intus assumptis, & extrà apposis cor munire, quàm hoc ambiguum auxilium experiri. Lege eruditissimum Alexandrum Massariam, qui lib. 2. de peste, cap. 4. nostram sententiam approbat, & confirmat, simul cum Sepralio lib. 5.

caution. medicar. num. 58. Sexonia lib. de plica cap. 53. Gemma, Gerardo Columba, & Augenio.

## QVÆSTIO XLIX.

*Quod cadauera peste eneēta valde sint contagiosa.  
Contra Fracastorium, & Rondeletium  
eruditissimos.*

**D**E præseruatione in peste, illa soluenda dubitatio est, quam ieiunē ventilarum recentiores: num cadauera peste eneēta, sint contagiosa. Claudius Galenus, inter Medicos & Philosophos acutissimus, & in cuius libris legendis nullum finem facio, tam mihi videntur docti, grauitate, ingeniosè, prudenter conscripti! lib. 1. de diff. feb. cap. 2. pestilenti morbo laborantium conuersationem periculosam esse, ne inde contagium contrahatur, asseuerat. De hoc argumento cum diebus elapsis apud Doctorem quendam Medicum celeberrimum. & virum non minùs illustrem, quàm doctum fortè in coronā eruditissimorum colloqueremur plures, quidam non infimæ notæ Medicus, hanc veritatem luce ipsa meridiana clariorem summopere approbans, & confirmans, de viuis corporibus hoc esse intelligendum clamitans, cadauera peste emortua, nullo modo contagiosa esse prædicauit.

Ego, vt verum fatear, cum opinionem hanc generis humani salutis conseruandæ aduersam maximè esse, fuerim arbitratus, imò à ratione, experimento, illustriumque Medicorum decretis longè alienam, summa admiratione affectus sum, præsertim in re, quæ maximum pondus semper habere visa est. Quapropter eum enixè etiam atque etiam rogavi, vt pro sua in nos beneuolentia, opinionem suam confirmaret, & seriis rationibus muniret. Ille cum esset ingenuis moribus præditus, & in studiosos valde propentus, sic est profatus.

Tanta est, inquit ipse, inter symbola sympathia, concedentibus omnibus cum Philosopho, vt solus viuus homo cum viuo eam obtinere possit, maximè cum maior actiuitas sit in viuento, quàm emortuo. Nec enim mentē concipere possum, quò pacto cadauer possit inficere hominem, quum in illo nulla sit actiuitas, nulla putrentis vaporis exhalatio, nullus innati caloris conatus; meatus præterea sint adstricti, & ob frigiditatem occlusi & constipati, per quos fuligo infectura transire debet.

Huius conditionis defectu, vulnera cætera venenosa, licet lethalia sint, non ita læua pariunt symptomata, quàm quæ ex animalium venenosorum morsu accidere refert Gal. posito exemplo in scorpione, 3. de loc. cap. 7. nam vt inquit Celsus lib. 5. cap. 27. sect. 3. *venena non in gustu, sed in vulnere nocent*, ob quandam vim mortiferam, quam nobis contrariam habent, ex Gal. lib. de inæqual. intemp. 6. Dioscorid. lib. 6. cap. 35. Fernel. lib. 2. de abdit. rer. caus. cap. 11. Paræo lib. 20. c. 9. §. *Ceterum ex commemoratis, &c.* Explicat eleganter Ioan. Andreas à Cruce, lib. 3. de morsib. venenosis, tract. 5. tit. de curat. mors. venenosis, dum sic inquit. *Nonnulli opinantur, quod vulnera illata ab animalis venenosis viuentis morsu, sunt multò grauiora ac periculosiora illis, quæ à venenato telo causantur: nam venenum quod ab animali provenit, valde acutum, ac penetrabile est, cum auctore Celso, quilibet morsus, virulentia quadum tadere soleat, quæ propria malignitate, membri cõplexionem turbat ac corrumpit, & in infensa qualitate cordi nocumētum asserre querit.* Hæc ille. Hocque ita fieri dicendum est, quoniam in partem demorsu apertam, vel saluam, vel humorem caloris intruentu eructat, cum quo virus in arterias, in omnē denique corpus obrepit, primùm spiritus, deinde humores, postremò ipsam partium substantiam inquinat, & labefaciat. Vt ergo cadauer noxium sit, & contagiosum, in proximique corporis ruinam & damnum, sui factoris proferat incommoda, debet habere adminiculantem calorem, vt vapore emissio vicinum corpus breui admodum tempore afficeret, quo cum careat, & contagionis seminaria sint finita, contagiosum esse non potest.

Fracastorius Medicus, & Poëta celeberrimus, nostram

positionem omnino confirmat lib. 1. de contagion. cap. 12. cum sic inquit. *Mortuum autem animal contagem eam non seruat, quæ renebatur viuens, quoniam seminaria contagionis vna cum dolore innato extincta sunt, &c.* & in initio cap. postquam dixerat, contagiones non vno modo se habere, nam aliæ promptissimè inhaerent, & afficiunt, aliæ seriùs, aliæ statim se manifestant, subdit. *Omnes autem in viuo corpore nata infectionem disseminare, in mortuo non, &c.* Hæc est huius viri qui omnibus de contagio rectius fuit ratiocinatus, clarissima sententia.

Eius forsitan consilio, & auctoritate ductus Rondeletius, manifesto experimento quæstionis solutionem patefecit lib. de febrib. cap. de feb. pestilentiali, dum hæc verba profatur. *Quare corpora illa mortuorum quæ amplius non expirant, nullum venenum eiactantur: quid si aliquid contrahatur, id potius ab eorum pannis contrahitur, quàm vlla re alia: siquidem disseminamus aliquando corpora mortuorum ex peste, multis spectantibus studiosis, sine aliquo damno, &c.* Concludens ait, propterea quod mortuo animali perit omne venenum. Hæc ille. Quod autem venenum pereat extincto animali probant Langius lib. 1. epist. 69. Paræus lib. 2. cap. 4. qui animalia veneno alia innocuè post mortem edî posse asseuerant. Quamobrem si hæc vera sunt, & tot eruditissimorum expressis probata testimonis, cur cadauera peste emortua contagium posse importare, asseremus?

Placuit audiri docti viri responsum: nam si acutus Auerrhoës lib. 4. collig. 9. lepidè imperat, cribrandum esse sabuli modium, in quo fortè fortuna possit inueniri aliqua margarita, & nihil sit contemnendum, ex Hipp. 6. epist. sect. 2. text. 25. Et præstantes Medici vel imperitorum aliqua præsidia prorulerunt in lucem, vt Cels. lib. 4. cap. 4. sect. 1. Paul. lib. 14. cap. 3. qui sceminarum remedia in propatulum posuere, & non sit cunctandum aliqua ab idiotis inquirere, siquid ad curationis occasionem visum fuerit, auctore Hipp. in præcept. num. 2. in fin. & Gal. idem affirmat lib. 1. acut. com. 1. quantò magis istius viri sententiam, tanta doctrina, auctoritumque probatorum voto permunitam, quæ omnem de hac re dubitationem, & veluti caliginem dilucida interpretatione discussit, & animum meum à grauioribus curis, hilaritate, quietè, ne laxauit.

Sed reuersus altera die, & ad frugiferam fructuosamque disputationem accedens, re bene pensata, & redintegratis viribus sic sum exorsus. Notissimum est, vel etiam iis qui prima medicinæ limina salutarunt, ex cadaueribus mortuis in bello, pestem oriri posse; nam vnanimi consensu Medici illa illicò esse cremanda imperarunt. In illis enim licet cesset innatus calor, refrigeratum sit corpus, deficiatque exspiratio arteriarum, & minor sit exhalatio; ratione tamen putrescentis materiæ in corde, in venis, arteriis, per transpirationem sit sufficiens euaporatio ad inficiendum aërem. Huius rei manifestum signum est fætor ingens, nonnisi ab effumante calore, plurimæque vaporum copia exurgens, ex sordida circa viscera putredine natus, quæ ad absentiam natiui caloris, à quo antea coërcebatur, sese insolenter eructat. Quare si fortes vapores à cadauere eleuati aërem putredinosè inficiunt, quid mirum si ipsi à cadauere peste emortuo elati corpora vicina inficiant peste dira?

Perniciosus ergo multò, ex pestilenti lue emortuum corpus, quàm ipsum ægrotantem attingere; illud enim cum vehemētiorem arguat causam, eminentiori quodam perdendi modo, inficiendi vim habet. Exemplum sit tibi pestis illa Atheniensium, celebrata tantopere à Gal. lib. quod animi mores, cap. 5. & lib. 1. feb. 4. & lib. 2. de caus. sympr. ult. & lib. 2. de diff. respirat. 7. & 6. epid. sect. 4. com. 1. 2. & lib. 4. de articul. com. 40. in qua, vt referunt Thucydides, & Lucretius, aues & bruta, cadauera degustare non audebant, quasi pestiferam illam tabem mortuorum corporum perhorrescerent. Horum ergo plurimā est inficiendi vis; nam quod in viuis calor effumans per patentes, minimèque occlusas vias, respirationem videlicet, & transpirationem efficere potest, id calor putredinosus per hanc partem peragere valet efficacius.

Deinde. Si corpora inanima contagium à cadaueribus peste



peste enectis suscipiunt, quanto magis animata, quæ A ipsum approbat hoc exemplo. *Hæc æstate venatores quidam in lupum senioreni irruerunt, irucidatum in varia obsoniorum genera appararunt & coxerunt; omnes quicunque esurunt, non multo post tempore rabie correpti, alij perierunt, alij sociorum morte prudentes sibi prospexerunt. &c.* Non ergo mortuo animali perit omne venenum, neque veneno alta innoxia esui esse possunt: nam vis lethifera, & venenata remanet semper, quæ ignis vi omnino deuinci non potest, vt Sallius cap. 19. de affectibus particularibus edocuit, cum sit à tota substantia perniciosissima, imò cor, spiritus, viscerumque firmitudinem fœda colluue inquinat, venenosa qualitate conspurcat, & labe dira premit, ac ferit.

Insuper. Si canis rabidus emortuus inficit alios rabie B dira, licet extincta animali emortuo contagionis seminaria videantur, cur homo peste emortuus alios etiam non inficiet? Primum probant illustria eruditissimorum virorum testimonia. Nam Cælius Aurelianus lib. 3. acut. cap. 9. narrat sattricem quandam, quum chlamydem scissam rabidis moribus sarciendam sumeret, atque ore stamina componeret, & lingua pannorum futuras lambere assuendo, quod transitum acus faceret faciliorem, tertia die in rabiem venisse. Palmarius lib. de morb. contagios. pag. 266. & 267. animalia, stramentum in quo rabie perciti sues decubuerant, degustantia, contracta primò rabie, periisse vidit. Tanta est vis veneni, cuius efficacia dira per dies, nec annos exolescere potest. Quare contagionis seminaria extincto calore nativo deleta non sunt, vt perperam dicebat Fracastorius, Lege Senertum lib. 4. de febrib. cap. 2.

Quid verò sit respondendum ad Rondeletij experimentum, sic accipe. Nam licet sit verissimum, attamen non concludit: nam vt bellè dicebat Gal. lib. 1. de diff. feb. cap. 4. nulla causarum sine patientis, aptitudine agere potest, alioquin omnes qui cum pestilentibus conuersantur, morerentur: quoniam non quævis demorsa à rabidis, aguntur in rabiem, sed disposita tantum, ex Nicol. ferm. 4. tract. 4. §. Ego enim vidi canem rabiosum mordere quendam anserem, & dilaniavit de cute eius multum cum sanguinis effusione, & tamen nullum malum accidens inde anserille passus est, & tamen erat canis ille valde rabiosus, quia post valde paruum moram momordit quendam iuuenem, qui inde factus rabiosus mortuus est, &c. Multoties enim cum pestilentibus in eodem lecto decumbentes, securi euadunt; è contra alij, solo halitu & vapore inficiuntur. Exemplo sit infans, qui duabus nutricibus peste infectis lactatus, superstes remansit, vt obseruauit Ioachimus Camerarius relatus ab Schenckio lib. 6. de obs. peste. Quapropter ne mireris, si adstantes coram cadauere peste emortuo, lue pestifera non fuerint infecti, cum ad recipendum venenum pestiferum non essent dispositi.

## D V B I V M LIII.

Num veneno enecta, aut nutrita, esui esse possint.

Contra Langium, & Paraum, doctissimos.

Q VOD autem falsum sit, extincto animali omne venenum perire, & animalia veneno alta, edendo esse vsui, contra Langium euidentissimis testimoniis palam faciam. Galenus enim ex coturnicum veratro nutritarum esui oriri neruorum distentiones, & veneno similia symptomata asseuerat, lib. 6. epist. sect. 5. com. 35. quod post eum obseruauerunt Mundel. epist. 6. Bruyerin. lib. 5. de re cibaria, cap. 35. Cardan. lib. 3. de sanis. tuend. 21. Seidelius lib. de morb. incurabil. Lacuna lib. 4. in Dioscorid. cap. 152. Refert Surius in com. rerum in orbe gestarum, in Ducatu VVitrembergensi quosdam esicantes carnes porcorum rabidi canis morfu infectorum, versos in rabiem, mutuis se moribus dilacerasse; & Fernel. lib. 2. de abdit. 14. hoc Lib. 11.

A ipsum approbat hoc exemplo. *Hæc æstate venatores quidam in lupum senioreni irruerunt, irucidatum in varia obsoniorum genera appararunt & coxerunt; omnes quicunque esurunt, non multo post tempore rabie correpti, alij perierunt, alij sociorum morte prudentes sibi prospexerunt. &c.* Non ergo mortuo animali perit omne venenum, neque veneno alta innoxia esui esse possunt: nam vis lethifera, & venenata remanet semper, quæ ignis vi omnino deuinci non potest, vt Sallius cap. 19. de affectibus particularibus edocuit, cum sit à tota substantia perniciosissima, imò cor, spiritus, viscerumque firmitudinem fœda colluue inquinat, venenosa qualitate conspurcat, & labe dira premit, ac ferit.

Neque bonum argumentum confecisse Langium exstimes, de gallinis, quæ viperis ad curandos elephanticos saginari solent: nam his illæ ob certam antipathiam, & naturalem contrarietatem, antidoti, & alexipharmaci instar, auxilio sunt; homini verò; sano multam perniciem, si edantur, asferre queunt. Veneno ergo altæ feræ, aut C toxico interemptæ, edendæ non sunt; nam in veru tostæ, aut in lebetes elixæ, feruore ignis malitiam non depouunt; quare suspectæ sunt, & perniciosæ. Imò earum virus ignis calore non dissipatur, diffatur, aut euanescit: expertum namque est, referente Lacuna lib. 4. in Dioscorid. cap. 152. carnem cerui hasta succo veratri delibuta interfecti, extremè esse hac de causa laxatiuam. Malam enim qualitatem à veneno acquisitam, non ita facile elui posse, Hippocrates. lib. 6. epid. sect. 5. text. 35. confirmat, dum lac purgatorium reddi asseuerat, si capra cucumerem syluestrem comederit: licet enim lac sit sanguis coctus, qui innati caloris coquentis vi multas sit passus permutationes, nunquam tamen harum beneficio purgantem vim exuere potuit. Quare si hanc lac amittere non potest, quanto magis caro? Huius rei habemus exemplum in boue Indico, qui cum Cassia vescatur, carnem habet ventrem soluentem. Caro ergo animalis, telò venenato, aut veneno interempti, tuta non est, vt probat Cardanus lib. 2. de venen. cap. 8. Narrat Amatus 2. cent. 65. filiam Aruba tabefactam fuisse, ac emortuam, quod carnem gustasset gallina arsenico enecta. Nec Celsi te moueat auctoritas lib. 5. cap. 27. dum venatoria venena, quibus Galli præcipuè vtuntur, non gustu, sed vulnere nocere refert: nam intelligendus est quasi dicat, non ita in gustu, ac in vulnere nocere: consueuisse autem Gallos vt ferarum carnes teneriores redderent, tingere sagittas Ellebori succo, testis est Plin. lib. 25. cap. 5. Quapropter veneno alta, vel interempta esui sunt noxia, vt probat Matthiolus in presat. ad lib. 6. Dioscoridis in med. Nam si caro animalis, quæ fulmine percussa interierit, perniciofa est, apud Conciliat. lib. de venen. cap. 69. maiori iure ea erit, quæ alitur veneno, aut interficitur. Vnde errant qui Elleboro sagittas illinere consueuerunt; nam venenum exanimatæ feræ viscera altius penetrat, ex Aulo Gellio lib. 16. noct. Atticar. cap. 15. Licet autem carnes hæc deuoratæ nihil ferè incommodi afferant, quod mirantur Matthiolus ad lib. 4. cap. 141. Dioscorid. Iulius Alexandrinus lib. 10. salubrium, cap. 5. Cyriacus Lucius lib. de ligni cotonei natura, & viribus, Antonius Ludouic. Olyssip. lib. 3. de occult. propriet. cap. 3. Ioan. Crato lib. 2. pag. 227. ad Thom. Jordan. Tamen tractu temporis, noxas edentibus inemendabiles faciunt. Hac de causa venatores experti vulneratam carnem latè circumcidunt, ne veneni virus citius penetrat alia feriat. Lege per otium pulchra apud Marcel. Donatum lib. 6. de hist. mirabil. cap. 1. in med.

Sed non longius abeam, accedo ad negotium, concludoque homines tractantes cadauera peste enecta, aut eorum horribilem fetorem, ex fœdida interanea putrilagine contractum inspirantes, vel peste affici, vel ea sola deuictos corruere, & occumbere. Inquirenda ergo est causa congruens dictis euentibus: quæ cum alia non sit quam quæ à cadaueribus originem habet, iccirco dicendum, hæc maximè esse contagiosa, & summa cautela, custodiæque esse sepelienda. Hæc est causa, ob quam apud Septentrionales pestis tamdiu durat, & sœuit, hi enim cadauerum peste enectorum nullam prouidentiam gerunt, ab his nullum incommodum sequi posse pertinaciter contententes; Ff 3 quod

quod quàm sit à vera, medicâque præcautionis norma alienum, supra explicui. Vos, quæ tumultuariè, imò obsecrè, & confusè dicta sunt à me, eadem demonstrationis vi persequimini, qua aranis medicæ scientiæ dubiis dissoluendis sedulo incumbitis. Lege Ioubertum *lib. de peste, cap. 3.*

# COMMENTARIUM.

**P**ersanauit.] Ex omnibus, quæ ad curandam pestilentem luem à Medicis proponi solent, auxiliis, tria sunt potissima: antidota, venæsectio, & purgatio. De hac, tum in peste sit celebranda, ex profello *lib. 4. in com. histor. 47.* disceptabimus: nam in hunc commodiorem locum huius quæstionis decissionem referuare satius duxi. Antidota, ab aliis dicuntur alexiteria, alexipharmaca, seu Belzaartica, hoc est, omnia quæ peculiari quadam antipathia veneno aduersantur. Duplicia sunt apud Galenum *lib. 5. de simpl. medicamentor. facult. c. 18.* nam alia alterant, quadam euacuant ex corpore patiente, seu venenum corrumpens, seu deleterium medicamentum. Alterant igitur aut una qualitate, aut duarum coniugatione, aut denique tota substantia, &c. Hæc omnia occulta quadam vi qualitatem venenosam repellunt, & refrænant, viscera omnia, cor præsertim roborant, & defendunt, spiritus purissimos reddunt, sanguinem purificant, mentem exhilarant, putredini resistunt, venenosam contagionem eliminant, & factam, ne ampliùs serpar, domant ac retundunt. Inter hæc primatum obtinent Lapis Belzaar, de cuius temperamento, & vitæ multa diximus *in com. histor. 36. lib. 1.* & Gaspar Bauhinus, ex Arabum & iuniorum mente, eius facultates admirandas explicuit *lib. de lapide Belzaar, ferè per totum Unicornu verum, Armenia terra, lapides pretiosi, aurum, margaritæ, os de corde cerui, dictamnium, tormentilla, carlina, ebur, semen citri, Angelica, & alia; ex quibus antidota, conferuæ, tabellæ, & aliæ formulæ parari solent: vt sunt Theriaca, electuarium de gemmis, Alchermes, confectio hyacinthorum, oleum de scorpionibus Mathioli, electuarium de sanguinibus ab eodem auctore conscriptum, electuarium de ouo, & siquæ alia præstantissima auxilia, tum simplicia, tum composita, quorum formas inter omnes tradit Andreas Alcacar *lib. 6. de bubone pestilenti, cap. 10.* Belzaar ex ceruorum lachryma, cuius historiam Langius *lib. 2. epistol. 24.* exactissimè describit. Cornu asini Indici, de quo Ælianus *lib. 5. varia histor. cap. 22.* Cornu Camphurch, cuius vires Theuetus proposuit *tom. 5. lib. 2. cap. 5.* Fera Pyraßouppi dicta, cuius cornu, mirabile esse contra venenosos ictus, narrat ipse Theuetus *lib. 1. cosmograph. cap. 5.* Cornu ceruinum, de cuius laudibus mira vide apud Cratonem, *ad Thom. Iordanum consil. & epistol. lib. 4. pag. 426.* Andreæ Baccium *lib. de prolegomenis venenorum, & antidotorum, pag. 61.* Ruta, cuius vires pro veneno propulsando reperit Atheneus, *Deinopsoph. lib. 3.* Galega, de cuius admiranda vi contra venenum, lege Forestum *lib. 2. de incerto urinarum iudicio, & Petrum Sphærerium obs. 99. pag. 217.* Scorzonera, de cuius efficacia contra venena, pestem, & febres malignas, graphicè differuit Monardus proprio tract. *de radice Scorzonera.* Carduus benedictus, malum citrium, cotoneum malum, Anthora Mathioli, Contrayerua Monardi, Moringa Christophori à Costa, Drakena Clusij, Lignum Colubrinum Garziæ ab horro, Moluccense Christoph. à Costa. Coccus Maldinensis pro domando veneno, febribusque curandis malignis, Antidotum pretiosum, cuius mirificas vires politè, ornate, & doctè descripsit nuperrimè Augerius Clutius, Medicus, & Botanicus Amstelodamensis eximius, proprio de muce medica Maldinensi opusculo. Et siquæ alia cõtra venena probatissima præsidia, quorum vires esse diuersas sæpè, ostendit Peucertus *lib. de presag. medic. fol. 548.* & notauit Anutius Foësius Mediomatricus *in pharmacop. sect. 1. de antidot.**

Hæc profunt supra cor apposita, ore contenta, annullis gestata, vel si sugantur; & quod magis probo, cibus admixta, priùs tamen in tenuissimum puluerem redacta, cum quibus liquores coqui possunt. Hæc enim venenum

A extingunt, spiritusque venenosos ad extimas depellunt corporis partes, ad quas propulsi viscera præcipua non ita inficere valent.

De venæsectione in peste celebranda hæsitant iuniores: quam esse reprobam, & valde nocuam acriter contendunt Cardanus *lib. 2. contradiçt. tract. 4. contradiçt. 4.* Petrus Salius *lib. de febre pestilenti, cap. 21.* quorum rationes ex profello enucleauit Massaria *lib. 2. de peste, in med. & alij luculenter dissoluerunt, qui tibiæ scarificationes, ad imitationem Galeni, miris celebrarunt laudibus & encomiis: Hic enim, vt refert Oribasius lib. 7. collect. cap. 20. cum vehemens pestis Asiam prehendisset, ipsi sumque attigisset, secunda morbi die, remissione febris facta, crux scarificauit, duasque ferè sanguinis libras detraxit. hæcque de causa periculum vitauit.* quam historiam lege apud ipsum *lib. de cucurbit. & scarificat. cap. 21.* Aded enim est præstans auxilium hoc, vt plerique peste affecti, eo vsi, superstites euaserint, vt notauit Claudinus *lib. 2. de ingressu ad infirmos, cap. 6. de scarificatione malleolorum, & firmant Ludouic. Septalius lib. 5. de post. & feb. pestifer. cap. 19.* Donatus Sanctorius *lib. 1. epist. 2.*

Hoc pacto iuniorum doctissimi in truculenta lue, tali sectionem tantopere amant; nam sic noxius & veneficus sanguis, ad inferas minùsque præcipuas auertitur corporis partes; qua facta vacuatione, superna viscera, in quibus focus consistit, & minera putredinis, ventilantur & transpirant. Hac tamen distinctione facta, partium inferiorum moliaris sanguinis missionem est necesse, vt si vires sint liberales, ex talo feriendam venam præcipias, hæcque eò ampliùs aperiendam cures, si malum sit in principio, morbosus in corpore præsit apparatus, ex sanguinis, aut aliorum humorum copia congestus, tumores adsint dolorosi, pustulæ grandiores, tunc parçè, aut per vices celebranda, vt vires donec morbus consistat, sufficere queant; si tamen aliqua consueta vacuatio fuerit suppressa tunc audaciùs sanguinem emittes.

Si tamen vires non ita consent, meo, & doctissimorum Medicorum consilio, firmum ac ratum est præceptum, vel cucurbitulas cum scarificatione dorso, spatulisque apponere, quum hæc citra virium dispendium, morbum leuent, succum, aut spiritum venenosum à corde distrahant malâmque qualitatem ab internis partibus præcipuis, ad externas ignobiles distrahant: vel hirudines venis hæmorrhoidilibus apponimus, quarum sucu, euacuato adusto præ febrili calore, sanguine, interna viscera promptius leuantur, & virus ad minùs præcipuas, distantissimâsque allicitur corporis partes, vt doctè admodum probant Ianus Antonius Saracenus *lib. de peste, & Ioan. Guinterius Andernacus. dialogo 3. de pestilentia: vel harum loco, tibiæ scarificationes celebramus, quas in febre pestifera vtilissimas esse, multiplici vsu, experimentoque eruditissimi viri contestantur ob causas dictas latè, à Ioanne Carmona lib. de peste, & febre cum puncticulis, cap. 1. Fracastor. lib. 3. de curat. feb. puncticul. cap. 5. prope fin. Mercat. tract. de febr. maligna, sit. de sang. mis. per cucurbitulas, Mercurial. in com. hist. 22. Ioan. Iacob. Manno lib. de malleolor. scarificat. Claudin. de ingressu ad infirmos, lib. 2. cap. 6. Aloysio Toreo proprio lib. de febre cum puncticulis, Michaël Guauasset, in epistol. Ioan. Colle lib. de morb. malig. cap. 6. præsertim si post partum, aut abortum ingruerit affectus, aditque menstrui sanguinis retentio; quo casu in hac parte scarificationes exerceri debere, maximè in albidioribus scæminis, testis est locuplentissimus Galenus *lib. de curand. rat. per sang. missionem, cap. 11.* Ex hac enim parte sanguis extractus phlebotomiæ vicem gerit, apud Gal. 2. aph. 17. Profundam autem, mediocrem, aut superficialiam sanguinis extractionem, iuxta virium tenorem posse fieri, scarificationis vi, ex Gal. patet. 2. ad Glauc. cap. 7. sic docente. Tentari autem multas sapinus, & in superficie, valdeque tenues scarificationes: contrario autè modo alias profundiores magnas, & terrias, que medium tenebant in longitudine, ac profunditate. Quæ igitur in superficie fiebant, debile auxilium afferebāt. Quæ verò longæ erant, atque profundæ, plurimū quidem sanguinis exhauriebant, adeo*

ut ferè animi defectum afferrent: rursus verò ipsa propriam A  
curationem, veluti vulnera, exigebant. Quæ autem earum am-  
barum medium tenebant, semper inueni ab inconuenientibus  
dictis esse remotas: atque eas in usu ideo censui esse preferen-  
das, &c. Ex quo loco scarificationis differentias manifestè  
colligere licet, & quando illarum quælibet sit exercenda.  
Demum magnam esse huius auxilij potestatem, ex supe-  
riorum auctororum mente parere arbitror, & probat Dona-  
tus Santorus lib. 1. epist. 2.

## D. V B I V M LIV.

*Num in inflammationibus pestilentibus internis è  
cubito mittendus sit sanguis. Contra  
Manardum doctissimum.*

**D**Octissimus Manardus aded in peste, pestiferâque  
febri inferiorum partium euacuationi fidit, vt vel  
in internis inflammationibus pestilentibus, phrenitide,  
pleuritide; & aliis, è talo moliendam esse semper venæse-  
ctionem, constanter asseueret, lib. 1. 2. epistol. 5. in respon-  
sione ad primam dubitationem. Cum enim pestilentialis, in-  
quit ipse, fuerit pleuritis, hoc est perniciofa, & vaga, quan-  
to fieri potest longissimè à principalibus membris san-  
guis est detrahendus; quod opus melius per malleoli seu  
tali, quàm per alterius venæsectione perfici, nullus igno-  
rat: hoc enim à Gal. mente non abhorret; in lib. siqui-  
dem de curand. rat. per sang. mis. cap. 7. crurum venas se-  
cat in comitali, vertiginosoque morbo laborantibus, in  
quibus minùs timendum ex humoribus sursum latis est,  
quàm in pestilentiali pleuritide: nec hæc curandi ratio à  
Galenii dogmate recedit, qui 13. meth. cap. 5. manu patien-  
te, ex cruribus sanguinem euacuat.

Admiror tamen tanti viri iudicium, qui in re momen-  
ti tanti ita cæcutit. Nam si auxilia debent contendere  
cum morbo in magnitudine, & celeritate, cur in internis  
pestilentibus affectionibus, quæ acutæ suæ & summa per-  
niciæ præceps periculum minantur, eæ venæ non eligen-  
tur, quæ prauum sanguinem à foco, profundoque corpo-  
ris citissimè & reuellere, & vacuare queunt? Hoc autem  
opus præstare posse basilicæ sectionem ambigit nemo,  
qui Galenii sentia intimius perlustrauerit, in com. 10. lib. 2.  
de rat. vici. in morb. acut. & lib. 13. meth. c. 11. & lib. 4. acut.  
com. 73. & lib. de curand. rat. per sang. mis. c. 16. Licet enim  
vacuationes ab vniuerso animalium corpore fieri noueris,  
tamen non ita celeriter, atque similiter ex omni vena  
fiunt. Cur ergo remotissimæ quærendæ venæ, vbi pars est  
particularis affecta, quæ pro lvi medela ex propinquiori  
loco auxilium efflagitat? Si enim in his locis, Galenus  
nullam aliam tundendam venam præter superiores con-  
suluit, quando vehemens interna inflammatio ægrum  
exercet, iure optimo in pestilenti interna inflammatione,  
in qua maior adest perniciës, maior feruor, & maxima  
ebullitio, eam oportet venam eligere, quæ cum parte af-  
fecta maiorem consensum habeat. Rursus si in peste cum  
inflammatione externa partes superiores occupante, va-  
cuatio è superioribus venis est celebranda, cur eam fa-  
ciendam ex hac parte dubitat Manardus, quum internas,  
præstantesque partes, sæuæ, acutæque inflammatio vrget,  
cui si ex propinquiori parte secta gibberii vena non me-  
dearis, in grauiora mala ruet affectus, vt proprio exem-  
plo Franciscus Frizimelica apud Montanum consil. 173.  
expertus est.

Fatemur quidem, præcautionis gratia, in cerebri, tho-  
racis, aliisque superiorum partium affectibus sectionem  
venæ, vt monebat Galenus, à distantissimis celebrari pos-  
se, vel quando affectus simplex est, vel venosum genus  
solum occupat, vt ex adductis Manardi argumentis dili-  
gidè pater: verum quando non solum reuulsionis, sed va-  
cuationis causa, in præcipiti lethali morbo, vena est  
ferienda, eam eligere debemus, quæ citissimè à parte af-  
fecta noxium humorem vacuare queat.

Neque ex hac vacuatione timeas humorum ad supe-  
ras partes recursum, quo titulo Auicenna 4. 1. cap. 1. tran-  
sicum prauum humoris per membra principalia summopere

cauit: nam licet is humor per ea transeat, non immoratur,  
sed velociter sine damno, venæsectionis beneficio extrà  
educitur: testimonio sunt quæ de fracta pulmonis vomica  
scripsit Galenus lib. 6. de loc. cap. 4. cuius pus per leues  
arterias, & sinistrum cordis ventriculum sine noxa transit,  
deinde in renes, & vesicam, & tandem per urinam expur-  
gatur. Si autem veram curationem venenatæ internæ in-  
flammationis pestilentis & contagiosæ per venæ sectionem  
scire cupis, adi V Vicerum libel. rarar. obs. & Andreæ  
Gallum lib. 4. fasciculi de peste.

HISTORIA XC. GALENI,  
De colico dolore.Colicus dolor, ex vitiosis humoribus  
curatur.

**V**Nus enim, vt scis, quadragenarius eras qui cum colola-  
borare putaretur, non modò nihil est à fomentis tam hu-  
midis, tum siccis leuatus, sed nec cataplasma, nec clysteri-  
bus, quibus scilicet publicè vti in huiusmodi affectibus solent,  
verum etiam à plurimis eorum exacerbatus. Nam à rutaceo  
oleo per sedè infuso deterius habuit: itémque à castoreo: quin-  
etiam ubi mel coctum cum pipere assumpsit, extremis dolo-  
ribus est afflictus: iam cum cremorem colici fœnigraci vnà cum  
melle accepisset, vehementer est irritatus. Ipse igitur ubi mor-  
dentes succos in tunicis intestinorum immersos conieci, qui  
scilicet secum vnà corrumperent, tum ea quæ per inferiora es-  
sent infusa, tum ea quæ per os sumebat, exhibui homini alimen-  
tum quod non faciliè corrumperetur. Deinde cum minùs eum  
cruciatum intellexi \* vitiosos humores purgandos iudicari.  
Cum verò aptissimum ad eiusmodi vitiosos humores esset me-  
dicamentum, quod ex Aloë componitur, quodque picram ap-  
pellant, vitique semel hominè iuste purgare non sum ausus, quod  
doloribus & inedia duobus mensibus confectus esses. Verum  
ex quibusdam interuallis moderatè id faciens, quindecim cir-  
citer diebus hominem (vt scis) prorsus sanauit, idque nullo præ-  
terea adhibito presidio, &c. Gal. lib. 12. meth. cap. 7.

## PARAPHRASIS.

**P**ROponit Gal. exemplum illius, qui colico dolore ex  
mordentibus succis enato est correptus, qui cum va-  
lida experiretur auxilia, ab iis vel nihilo leuatus, ad alia  
tentanda accessit, qualia sunt fœnigræcum, mel, casto-  
reum, & piper, quibus vtpotè calidissimis exacerbatus, in  
peius, vehementiori dolore afflictus declinauit; hœque  
duplici de causa factum puta, & quod calida applicita,  
mordentes & acres humores exasperarunt; & quod ci-  
tra purgationem vniuersalem assumpta attenuatis succis,  
& concitata de nouo fluxione, immanem dolorem, in  
corpore præsertim impuro concitarunt: nam calfacere  
præcordia cataplasma, & perfusionibus, non est perpetuo  
tutum, nisi in iis quibus corpus purum est, ceteris omnibus ex-  
trema est perniciës, ex Gal. lib. 11. meth. cap. 15. Cum enim  
calida sint, suapte natura hoc habent, vt quod in iis con-  
tinetur partibus digerant, sic & quod redundat ex pro-  
pinquis trahant, vnde dolores ex ipsorum applicatione  
increfcere par est, prout elegantissimè protulit Gal. ar.  
med. cap. 95. explanante Argenterio in com. Repetit Gal.  
12. meth. c. 3. 5. Sanè dictum à me etiam in superioribus est,  
qui cataplasma, & perfusionibus assidue præcordia vexant,  
ipsos in eiusmodi affectibus phlegmonas accersere: minimè igitur  
eis est vitendum, priusquam superuacanea magna ex par-  
te partim vacuata sint, partim concocta, &c. Id confirmat  
Auic. 4. 1. tract. 2. cap. 55. prope medium. §. Et non oportet vt  
fiat inunctio cum vnguentis resolutiuis, & nec embrocatio  
fiat cum embrochi subtiliatiuis, cum egritudo est in princi-  
pio, & humor est in corpore ambulans; ipsa enim mollescent  
sua calefactione humida, &c.

Non est ergo mirandum, si fomenta tum humida, tum  
sicca intempestiuè apposita, & citra totius vacuationem

non profuerint, maiori de nouo ad partem affectam conuocata fluxione, quam cum perferret Gal. neglectis topicis ad nocuos humores expurgandos accessit. Hoc opere obseruauit 6.aph.com.31. & lib.4.acut.com.1. quibus locis à fomentorum cessat applicatione, crescente dolore, & ad euacuationem, se conuertit. Sic ergo exhibitio nutrimento, quod non facile corrumpere, (nam impura corpora quanto magis nutris, tanto magis ledis, ex Hippocrat.lib.2.aph.10. (quoniam alimentum, ut sano robur, sic laboranti morbus 7.aph.67. ad superflui humoris expulsionem accelerauit.

Cumque inter plurima medicamenta, quæ in hunc usum circumferri solent, sit picra, hoc est amara, merito id medicamen exhibuit: licet enim modicè calidum ac siccum sit, vim tamen habet maximam, excrementa biliosa, & pituitosa à ventriculo, intestinis, & partibus naturalibus vacuandi, in quorum affectibus maximum leuamen afferre solet; sicque ipsum præ cæteris eligendum esse suasisit lib.1.de loc.cap.4. in ægro, in cuius ventriculo mordentium humorum copia inerat; cuius compositionem pete ex ipso Gal.lib.7.meth. & lib.2.sec.loc. cap.1. tit. de iis quibus caput ab stomacho dolet. Hæc est hiera illa Galeni toties repetita, & nunquam satis pro meritis laudata: quamobrem Auic.cap.de debilitate ventriculi, ait: *Et cum fuerit ambiguitas de superfluitate ventriculi, non transcedas tale medicamentum, quale hiera est.* Hanc tamen commiscere oportet cum aliis medicamentis, quæ ipsius amarorem tegere nata sunt, quare sola propinanda non est, & frequenter pilularum forma assumi debet, quæ apud omnes ad roborandum caput, & ventriculum sunt celebratissimæ. Huius medicamenti aliam affert compositionem, quæ maiorem habet calefaciendi vim. Quomodo autem illa sit paranda, inter omnes tradit Ludouicus Veles tract. de electuar. tit. de hier. simpl. Gal.

Quamobrem cum quadragenarius esset debilis, doloribus inediaque confectus, moderatè, & per interualla purgandus visus est, ne fortè ex aceruata vacuatione, humores præcipiti lapsu ad intestina ruerent; quare paulatim, & sic securè, at longiori tempore curatus, sanitatem recuperauit.

## D V B I V M LV.

*Num in colico dolore purgatio celebranda. Contra Lemosium, Massariam, & Septalium doctissimos.*

## COMMENTARIUM.

**V**itiosos humores purgandos indicari. An in colico dolore vtendum expurgante medicamento, lis est maxima apud auctores: nam excrementa ad partem affectam trahenda non sunt, iuxta normam reuulsionis, laram lib.4. meth. cap.6. ita ut si pars inferior patiatur, per superiora instituenda vacuatio sit, quoniam longissimè à parte tentata fluxione reuellere oportet, ut eleganter docuit Gal. lib.13. meth. cap.11. Quare Gal. lib.1. de loc. cap.2. doctissimè monuit, ut medicamenta coli dolore vexatis solum adhibeantur, quæ humores ex intestinis tantum vacuare nata sint; quod etiam consulit faciendum 12. meth. cap. ult. acria enim, & exoluentia pharmaca dum in ventriculo morantur, vi sua & efficacia, è venis & corporis habitu attrahere possunt, quod timeret Auic. 16.3. tract.4. cap.1. de canonibus vniuersalibus colicæ, dum in hæc verba prorumpit. *Quādoque non oportet dare medicinam desuper in potu propter necessitatem; & sit contentus clysteri, & illud, quoniam secundum plurimū causā colicæ est humor grossus, viscosus adherens adhaerentia quæ non egreditur integrè per vacuantiā: cumque bibitur medicina desuper, euacuat nō ab unoquoque duorū, videlicet stomacho, & intestinis tantum: imò ex aliis locis, à quibus vacuatio omnino nō est necessaria; & illud facit acquirere debilitatē precul dubio, &c.* Et infra ait: *Tunc melius est, ut sis contentus quantū possibile est clysteribus, & iis quæ currunt cursu eorū, ipsa enim dum inueniunt in intestinis humorem, non attrahunt ex locis aliis, & non euacuant ex re-*

**A**liquis membris plurimum, &c. Hac de causa apud Gal. 13. meth. cap. cit. intestinis laborantibus, aluum ciere non conuenit. Et Paul. lib.3. cap.43. tunc purgationem probat, quum pituita fuerit attenuata & concocta. Non ergo subductiua medicamenta per os sunt assumenda, antequam venter inferior sufficienter lenientium clysterum usu sit factus obediens.

Ludouicus Lemosius in suis ad hunc locum Gal. commentariis, sic nodum soluit: dicit enim in coli doloribus vtendum esse clysmatis fortissimis, & exoluentibus, qualia sunt Diaphanicum, & alia etiam ex scammonio, & Colocynthide parata: per os verò solum censet assumenda, quæ ex longinquo attrahere nequeunt. Reproba solutio hæc. Nam ex immixtis per sedem fortibus medicamentis, eadem sequi incommoda res est manifesta, quæ ex exhibitis per os oriri consueuerunt; nam acria enemata potentissimè euacuant, & ad intestina vel ex remotissimis partibus attrahere queunt, ut expressè constat ex Gal. 2. de compos. medic. sec. loc. c. 10. ita ut ea naturam exoluant, ex Hipp. lib. de med. purgantib. n. ult. & lib.4. acut. 76. & vicem gerant sanguinis missionis, ex Gal. lib.5. meth. cap.13. Qua etiam ratione accusandus est Septalius lib.7. caution. medicinal. num. 71. qui præcipitium humoris, ad affectam partem ex usu pharmacorum fortium concitatum, non pertimescens, deridet illos qui sola hiera viscidam pituitam expurgant, in colici doloris initio.

Et his palam sit, quo veterno teneatur Massaria, vir alioquin dexterrimus, qui lib.3. de morb. intern. cap.18. nimio furore in Auicennam excandescens, hunc contra Hipp. Gal. imò & seipsum loquutum fuisse asseuerat, dum loco cit. validissima medicamenta propinat. Sed falsò notam inurit auctori tanto, qui in initio solum leuia approbat, & quæ tantum ex affecto loco, ventriculo, intestinis, minimè verò ex distantissimis partibus attrahere nata sunt.

Solue tu quæstionem hoc modo. Doloze valde urgente mitissimis solum vacuandus humor; cessante, aut mitiori facta fluxione, valida sunt imperanda, ut rebellis crassusque humor, vi attenuantium medicamentorum, quæ communiter in colici doloris curatione adhiberi solent, incisus & coctus educi possit, ut lib.2. paradox. 14. Fuchsius monet. Sic Gal. picram exhibuit, medicamen sanè suauē, & ex intestinis vacuandi solum vim habens, idque moderatè assumendum consuluit, ne tota machina humoris rueret ad partem. Hoc modo læsis intestinis, negat purgationem aceruatam, aut in initio morbi celebratam; quam sæpe concedit, quando maior humoris pars est vacuata, & eam in inflammationibus partium internarum exequendam suasisit 13. meth. 15. Mitis ergo purgatio, præcedentibus clysteribus lenientibus, in colico dolore maximo est ex usu. Sæpe enim accidit febris, ut doctè animaduertit Costæus in cit. cap. Auic. concalfacto iecore, ex potionibus, fomentis, & clysteribus, quæ deinde negotium facessit, expectantibus Medicis coctionem, & ventibus purgationem; qua celebrata post lenes clysteres, & vomitionem leuem, ægri sanitatem statim recuperarunt. Hoc modo mitiori facto dolore exhibita picra in modica quantitate hunc sanauit.

## HISTORIA XCI. GALENI, De colico dolore.

Colicus dolor à mordacibus succis pronatus, Hieræ assumpta, curatur.

**S**ic equidem quosdam colicos vocatos sankui, dato in potu medicamento ex Aloë: quippe comiciens mordacem humorem ad affecti intestini tunicas defluxisse, dato medicamento sperari omnino huiusmodi affectionem fore quieriozem. Quod ubi contigit, intelligens recta me ductū coniectura, rursus plus ipsius exhibui. Sed quid me ad hanc coniecturam promouerit, operapretium fuerit enarrare. Vidi hominem à calidis tum cibus,



cibus, cum medicamentis, atque ab omni calorisifica victus ratione irritari, versus\* inuari ab alimentis boni succi, temperantibus nominatis. Insuper inedia ei noxam inferre; doloris verò speciem percontanti mihi, mordacem esse respondit. Quare multò magis sperans ad veram me peruenisse notitiam, ausus sum amarum ei medicamentum exhibere. Postremò conspiciens hominem mirificè adiutum, qua fuerit dispositio, efficaciter me deprehendisse putavi, &c. Galenus lib. 1. de loc. affect. cap. 4. prope finem.

## PARAPHRASIS.

**L**icet hoc loco summis laudibus efferre Galenum, virum industrium, qui coniectura quadam artificiosa, ad morbi huius curationem accessit. Qui enim à calidis, ut inedia exicante, quæ bilem genitam acriorem reddit, læditur, à temperatis autem iuuatur, is procul dubio calidis, & acribus scatet humoribus; à iuuantibus autem, & nocentibus, magnam sumi indicationem ad remediorum applicationem, fatetur Gal. lib. 10. de compos. medic. sec. loc. cap. 2. præsertim cum morbus occultus est, & manifestissima pro sui cognitione non præbet indicia: hoc ita esse ex doloris specie mordaci poterat coniectari, qui mordicans dolor, ab humoris acritudine, & acutie oriri solet, ex Gal. 2. de loc. cap. 2. & lib. 1. ad Glanc. 15. & Auic. 2. 1. doct. 2. cap. 2.

His perspectis, & attentè celebratis auxiliis citra utilitatem ullam, ad purganda excrementa in intestinorum tunicis immersa accessit. Quantum verò Aloë in ventriculo, & intestinis affectis conferat, vacuando simul, & roborando, dilucidè docuit Gal. in lib. simpl. firmant Dioscotidi lib. 3. cap. 23. Plin. lib. 21. cap. 4. Mesuë cap. 1. simpl. Varianda enim sunt aromata iuxta varias ventriculi affectiones. Nam aliquando ventriculus ipse flaccescit, & laxatur, præsertim nõ abundante humoris copia in ipsius ore, sed tenui quadam humiditate; in quo quidem casu conuenientissimus absinthij vsus, & aprissima auxilia adstringentia, intus, extrâque apposita. Nonnunquam verò redundat tenuissimus humor, & ventriculi tunicis imbibitus, immersusque adhæret; cui malo vtiliter auxiliatur Aloë; quæ quidem non lora valentiùs purgat, lora verò minùs, sed roborat ventriculum magis, ut Gal. cit. loc. affirmat, & aromatibus præparata tenuitatem, & penetrationem assumit: qua autem quantitate componatur, & quomodo sit assumenda, citati docuere auctores.

Aduerte tamen pro maiori historię expositione. Si adhibita coniectura de morbo Medicus auxilia adhibeat, & ab illis experiatur iuuamentum, non solum exactè assequetur affectus dignotionem, sed & curandi methodum inueniet, quæ quidem perseverans ægrum ad integram perducet sanitatem: tantam enim inter se connexionem habent affectuum dignotio, & curatio, ut ostendit Gal. 12. meth. cap. ult. ut promptissima fiat curatio ab eo, qui probè ægritudinem agnouerit; exactâque comparatur morbi notitia, si conuenienter fuerit adhibitum auxilium: affectus verò ipse exactè cognitus promptiùs & faciliùs curatur. Vtrumque confirmat Gal. historia hac. Illud ex præsentī serie colliges, quòd licet ex malis non rectè cognitis, & in quibus ad infimam vsque speciem descendere non datur, quemadmodum necesse est, liceat Medico aggredi curam tentatiuam, ut expressè lib. 2. acut. 1. & 6. aph. 3. 1. monuit Gal. non sunt tamen inconsideratè præsidia applicanda, iuxta coniectatam de morbo opinionem; quemadmodum non est quicquam à Medico temerè agendum, iuxta Hipp. decretum lib. 6. epid. sect. 2. text. 25. nec operabitur quis, incerto inconstantiq; iudicio ductus, quale est illud quod ex coniectura elicitur; contingit enim ut magnum inferat nocumentum, quum tamen illud inter operandum debeat obseruare, ut si non proffit, non noceat, ut prædixit Hipp. lib. 1. epid. sect. 2. text. 50 & quod maior utilitas nocumento, ex suo opere consequatur, ex Gal. lib. 1. aph. com. 24. Constat autem sæpissimè nocere illa, quæ ex opinione suspitione emanant, ob sui incertitudinem, lib. 1. aph. com. 1. quamuis aliquando iuuenit. Cautè tamen procedere debet, si fortè in opinione

A de morbo habita decipi contingat: quare tutius est à leuioribus incipere, quomodo fecisse Galenum hoc loco, in propositi ægri curatione colligimus. Cum enim ex prænarratis signis cognosceret affectum locum, ea moderatione processit, ut iuxta indicationes, ab exploratis illis, cognitisque generibus, parte scilicet affecta & calido intemperamento desumptas, curationem tutò aggrediretur. Quoniam verò certus non erat de calidi differentiis, num nuda esset intemperies, an cum materia coniuncta, sed indicia solum apparebant, quæ coniecturam præbebant imbibitæ, immeritæque bilis, non illicò operatus est iuxta opinionis dictamen, sed cautè à leuioribus incipiens, & diminuta quantitate ex euentu certitudinem sperans. Sic sanè, inquit, dolores quosdam sanauit, qui tanquàm colici à Medicis remediis calidis tractabatur, de quibus 12. meth. 7. Quare coniiciens ab acri, mordacique humore ortum habuisse, contemperante cibo vsus est, & qui emplastice vim habet humorum acrimoniam obtundendi; à quibus cum hominem iuuari vidisset, cruciatumque diminui, & à calidis cibis, medicamentisque augeri, certò cognouit immersos esse in intestini tunicis mordaces humores, quemadmodum antea coniiciebat. Quare certior factus, prædictis cibis & medicamentis insistens, exhibita hiera hominem sanitati restituit.

## DVBIUM LVI.

Num per frequentem ciborum adiectionem possit fieri curatio per epicrasin.

## COMMENTARIUM

**I**nuari ab alimentis boni succi.] Galenus in com. 17. lib. 1. Aphorif. sententiam profert; quam lemnisco adornandam esse, vnanimi consensu Medici hucusque confirmarunt. Dum enim humorum corruptionem, præsentē virium debilitate, persanare intendit, in hæc verba prorumpit. Si enim vires laborantis debiles fuerint, & ea qua in corpore est dispositio, sit ex corruptione humorum vel defectu: parum alimenti, & sapius talibus offeremus. Parum quidem, quia virium imbecillitas non potest totam simul multitudinē alimenti sustinere: sapius autem, quoniam multis indiget dispositio: defectus siquidem exigit adiectionem, corruptio verò contemperamentum, &c. His verbis asserit Gal. humorum corruptionem multis cibis indigere, & iisdem posse corrigi, ac sanari. Hoc etiam insinuauit Auic. 3. 1. doct. 2. cap. 7. de regimine eius quod comeditur, & bibitur. §. Et quandoque conceditur ei, in cuius corpore mali sunt humores, utrem bonam largiter bibat, &c. & in eodem cap. versus finem. §. Et quando corpus fuerit plenum malis humoribus, &c.

Hæc doctrina videtur aduersari Hipp. 2. aph. 10. dum sic ait: Impura corpora quanto magis nutriuntur, tanto magis læduntur, & lib. 7. aphor. 67. Si quis cibum febricitanti dederit, sano quidem robur, laboranti verò morbus, & Galen. 9. meth. 10. ad fin. ubi docet, id quod affectus remedium est, cum virtutis custodia pugnare, quoniam is affectus vacuandum esse præcipit. Ergo humorum corruptio non indiget contemperamento, seu frequenti ciborum adiectione. Nam cibus morbosam affectionem iuuare non potest, auctore Magistro lib. 1. acut. com. 44. & Auic. 1. 4. tract. 2. cap. 7. post princip. dicente: quòd sicuti cibus est amicus virtuti ex parte sui, est illi inimicus, quia est amicus inimico eius, nempe morbo, & causa morifica. Deinde corruptio non indiget contemperamento, sed euacuatione. Sicuti enim in exterioribus quæ non viuunt, id quod putre est, corruptumque abscinditur, reliquum verò quod initium putredinis concepit, refrigeratione, exiccatione, & ventilatione corrigitur: sic in animalis corpore, quod putruit & corruptum est, id vacuandum est; semiputre verò, concoquendum & emendandum, auctore Gal. 11. meth. cap. 8. quemadmodum enim illud, ad pristinam naturam redire non potest, sic hoc naturæ actione ad benignum reducitur, ex Gal. 2. ap. 17. & 9. meth. cap. 10.

In hac controuersia, quæ parua non est, dupliciter responderi potest. Nempe primò, corruptionem & putredinem duplicem esse, alteram quæ est in fieri, & quæ nec intensiue, nec extensiue admodum magna est, vt amplius non possit ad benignum reduci: aliam verò esse factam, & ita extensam, vel intensam, vt non possit amplius emendari. Hanc dici potest, sui ablationem extra corpus indicare, vt *cir. loc.* docuit Galenus, neque posse contemperamento emendari, imò id respuere; quoniam quando putredo non est copiosa, nec intensa, solis bonis alimentis sæpe exhibitis potest emendari.

Verum hæc responsio non satisfacit, quoniam si putredo aliqua humorum, siue corruptio exigit ciborum adiectionem, ea est ex qua pestilens febris ortum ducit: nam ob eam causam Gal. *lib. 3. epid. sect. 3. com. 18.* docet illos, qui in febribus pestilentibus sibi vim inferentes, cibos comederunt, omnes fuisse seruatos: & Auic. *1. 4. tract. 4. cap. 4. de curat. feb. pestilentis*, ait illos qui viriliter comedunt, & bibunt, euadere. Sed pestilens febris non est parua & leuis, sed ex magna & excellenti putredine humorum originem habet, cum ab aliis febribus per putredinis excellentiam differat, vt docet Galen. *lib. 6. epid. sect. 1. com. 29. post. med.* Non est ergo perpetuò verum, solam leuem & paruam putredinem exigere ciborum adiectionem. Præterea putrescentium humorum remedia duo sunt; ex Gal. *in art. medic. cap. 88.* euacuatio, & alteratio: illa quæ totam substantiam ex corpore educit, & debetur humoribus ex toto putridis; hæc, quæ putredinem finit, manente adhuc substantia, & debetur humoribus semiputridis, qui possunt ad benignum reduci. Hæc alteratio fieri non potest per frequentem ciborum adiectionem, quia alimentum, vt alimentum est, corpus non alterat, sed ipsum tale conseruat quale accepit, in illius substantiam mutatum, auctore Gal. *lib. de alimentor. facult. cap. 1. post. med.* at medicamentum est id quod corpus alterat, ex Gal. *lib. 1. simpl. cap. 1.* Quare alimentum humores leuiter putrentes non alterabit, imò naturam à coctione distrahet, ex Gal. *1. aph. com. 8.* Non ergo humorum corruptela siue leuis, siue intensa sit, frequenti ciborum adiectione emendari potest.

Neque dici potest, corruptionem indigere contemperamento; hoc est cibis temperatis, & boni succi, quia ex illis virtus reficitur, & corroborata humores corruptos poterit concoquere, & ad benignum reducere. Nam virtus roborari non potest, nisi facta regeneratione sanguinis, & spiritus laudabilis; hoc autem in corporibus impuris fieri non potest, quoniam corrumpitur adueniens alimentum ab humorum prauitate corpus iam obrinente, ita quòd ipsorum quantitas augetur, qualitas verò seruat, vt *2. aph. 10.* admonuit Galenus. Deinde Galenus inquit, quòd sicuti defectus indiget adiectione, ita corruptio indiget contemperamento: sed adiectione contrariatur per se defectui, ita etiam contemperamentum debet repugnare corruptioni; & sic non gratia virtutis, sed per se intenditur temperamentum.

Verum alio modo soluenda est antinomia hæc, nempe virtute languente dupliciter cibationem proponi posse, vel cum euacuatione, vel citra ipsam: hoc modo non conceditur, iuxta *aphorismum 10. sect. 2.* At verò cum ipsa, tanquam utilis, & necessaria instituitur frequens cibatio, nam corruptio multis indiget, id est, ciborum adiectione, quoniam loco vitiosi, quod paulatim debet vacuari, frequenter debet vtile reponi per oblatum alimentum, quam vitiosi succi curationem Medici epicrasin vocant, vt *cir. 9. meth.* docuit Galenus.

Solui etiam potest hæc difficultas cum Gal. *hoc loco, & in superiori historia* dicente, curationem per epicrasin posse etiam fieri per alimenta, & medicamenta refrigerantia & humectantia, quæ acrium mordaciumque humorum vim hebetare queunt; quæ cum temperata sint, (Græcè dicuntur epicrasita) succorum acrimoniam retundunt, putredinem arcant, rectè concoquuntur, vires reficiunt, & minimè corrumpuntur; maximè si eorum copia fuerit imminuta, aliàs eam augent; docet enim Gal. *lib. 2. simpl. cap. 12. 13. & 14.* quòd quando humores acres abundant,

Alimenta temperata nō mitigant eorum morsum, sed potius corrumpuntur: contra tamen si eorum abundantia fuerit vacuata, contemperant, quoniam tunc non corrumpuntur ab illis, cum sint valentiora. Quare frequenti ciborum temperatorum adiectione, humorum correptio, hoc est acrimonia contemperatur. Ex quibus patet solutio ad argumenta.

## HISTORIA XCII. GALENI, De colico dolore.

Colico dolore quidam sæpe tentatus, accepto scammonio vehementissimè ab eodem dolore postea vexatus, adstringentibus auxiliis, theriaca, & aliis præsiidiis curatur.

**A**lius iuuenis huic quidē astate propè par, sed qui sæpe antè colicis cruciatibus fuerat affectus, accepto scammonio succo fuit purgatus. Cum autē benè largitus fuisset vacuatus, primo quidem die vespere in balneo lotus, mox prissana cremorē sumens, post piscem quoque comedens, nocte ea que ceperat euomuit. Secundo die iidem lenatus, comedit primum lactucam, mox auium carnis aliquid in albo iure elixæ: ab hac alicam ex aqua sumpsit, vino austero iniecto. Vbi verò ab iis mediocriter se habere est visus, etiā die tertio nutritus similiter est. Reddidit tamē per aluū plura, quàm pro ciborum portione, eaque cum morfu. Deinde quarto die etiā magis dolere sibi ventrem sensu: & cum se in balneo alicubi frigus accepisse imprudentem putasset, rutaceum sibi oleum per sedem infundens, non solum vehementissimè est vexatus, sed etiam liquidam deiectionem copiosissimā excreuit: quod faciliè declarauit aliquid à toto corpore ad loca vētris deferri. Post deinde per circuitus similis redibat cruciatus. Audientes autē eius symptomata, intelleximus noxā ex scammonio in illis maximè intestinis procubuisse, quæ prius etiā fuerant imbecilla, sic vt quasi fluxionis quidam exortus esset affectus. Ergo quemadmodum hūc quoque sanauerim, scis. Abiicere enim iussi præsidia colica: alicaque calēte, quæ cocta in aqua esset, nutrirī, immixtis ei mali punici granis. Cum autē tota nocte citrà dolorem dormiuisset, miratus profectò est remediū nouitatem, rogauitque quid esset bibendum. Dedimus itaque bibendum dilutum rhois cremorem: quò videlicet, siue aliqua esset in summo intestino facta ulceroſa affectio, eam adstringeret; siue etiam ex consuetudine aliquid ex superioribus locis in partem afflictam cōflueret, id reprimeret: prandiōque eodem vii iussimus. Deinde ad vespēram canare pane puro madefacto in vino aliquo, naturaliter quidem austero, sed veteri. Concessimus præterea, vt austerum quemcunque veller fructum sumeret, siue malum, siue pyrum, siue punicum. Simili ratione etiam die tertio, cibatus, in quarto theriacen bibit, sanusque omnino est redditus: ac de cætero ad consueta reuersus, nullum sensit incommodum Galenus *lib. 12. meth. cap. 7. in fin.*

## PARAPHRASIS.

**I**uuenem proponit, qui sæpe colicis doloribus fuerat oppressus, ac ad præseruationem, ne iterum in eundem cruciatum incideret, scammonium assumpsit, quod medicamentum ad mordentes, biliososque humores (quorum causa frequenter colicum dolorem fuerat expertus) vacuandos, est potentissimum. Cum autem iuuenis esset, calidi temperamenti, & nimium medicamenti vi esset vacuatus, ex motu & agitatione vacationis, cum humores nouum feruorem conciperent, & præsertim bilis à medicamento commota ebullitionem contraheret, ad partem naturæ suæ debilem confluxit. Post vacationem, balneum pro more ingressus, prissanā assumpsit, quæ post medicamentum à veteribus præcipiebatur assumenda, vt illius vim effrænam corrigeret, reliquias ablucet, ex Hipp. *2. acut. 11.* & ne ventriculum humoris copia grauatum crassiore alimento defatigaret, cumque pleniore victu à coctione distraheret.

His factis, piscem (forè saxatilem) attemperamenti causa elicans, conquiescere non potuit, quin ob copiam biliosum humoris ventriculum pungeat, & irritantis, omnia euomeret; hic enim regurgitans ad os ventriculi, vellicatione facta, ipsum ad excernendum alimentum necessario compellit. At sedata efferuescentia, assumptoque iure albo, alica, & austero vino adiecto, triduo meliusculè habuit. Sed cum iecur à medicamento calidissimo esset incensum nimis, alimentum in biliosam naturam conuertit, ex qua excrementum mordax & acre, in intestina confluens, morsum excitauit; quem cum à flatu originem ducere arbitraretur, oleum rutaceum per clysterem immisit; post cuius infusionem vehementer increbuit dolor: signum manifestum, mordentes humores ab oleo calido fuisse exarcebatos, simulque ipsos tenuiores factos, à genere venoso ad intestina confluxisse: quibus omnibus medicamenti violenti & calidissimi potus, occasionem dedit. Quapropter medicamenta colica, hoc est, frequenter ad colicam flatuosam in usu habita, cogente necessitate abiicere iussit: timor enim erat, ne, si iterum exhiberentur, adaucto maiori feruore, & humore bilioso, tenuiore & acriore facto, in dysenteriam, aliamque inflammationem internam commigraret affectus.

Ad retundendos ergo mordaces & acres humores, Alicam calentem assumpsit, quæ cocta in aqua esset, immixta in eam mali punici granis; quo auxilio ita leuatus est, ut tota nocte citra dolorem obdormisceret. Est autem Alica, si Galeno fidem adhibemus puls frumentacea facta ex tritico, prissana hordeaceæ perquam similis; ex Gal. lib. 1. de aliment. facult. cap. 6. Hæc præbet victum crassum, lentum & viscosum, & Gal. lib. de attenuant. vict. rar. cap. 6. & lib. 3. de aliment. facult. 15. & lib. de puero epilept. cap. 2. & 2. aph. 18. Insuper est boni succi, ex Gal. loc. cit. quam ob causam eam offert in diaria 8. meth. c. 5. & in tertiana exquisita lib. ad Glauc. 9. & in febre continua, in eodem lib. cap. 13. ut & in iis qui arterias habent inflammatas, lib. 7. de comp. med. sec. loc. cap. 1. quoniam bonum corpori præbet nutrimentum, ut prissana, & in actiuis temperatum ut triticum: quare his qualitatibus infrigidat & humectat, furentem bilem coercet, eius vehementes motus infrænat, lentore suo, crassitie, & viscositate cum adhæreat vasis, obstruit, & bilem in intestinum descendere prohibet, ut loc. cit. & 15. meth. 14. Magister edocuit. Squalidum corpus demulcet, & adstringit. Calentem autem dedit, ut illico calore suo longinquas corporis partes penetraret. Coctam exhibet in aqua, non permixtam vino, ne biliosum corpus incalesceret amplius. Hæc licet cum multis aliis condimentis paretur, aduersus varios morbos, à Gal. cum pipere nempe, anetho, porro, pulegio, calamintha, vino, bera, iusculis accommodatis, sale, & aliis, quæ perpetuò cum ea miscenda esse præsupponit loc. cit. in nostro tamen, ægro, ut similes compleret intentiones refrigerandi, humectandi, biliosum humorem attemperandi, fluxum compescendi, inter coquendum mali punici grana commiscuit, acida nempe, nam dulcia bilefcunt, & corrumpuntur.

Ex his intelliges, quomodo sit conciliandus Gal. qui locis citatis varia de alica pronuntiauit: nam modò ad abstergendum, attenuandum, incrassandum ea est usus, pro varia conficiendi ratione, ad varios morbos curandos necessaria; quare pro varietate compositionis, varias sortitur operandi facultates. Num autem alica, & chondrus diuersa inter se sint; & an semina, vel fruges, vel sint id quod nos Farrum vocamus, præter Marcel. Virgil. in com. cap. 87. lib. 2. in Dioscorid. Lege Ioan Guinter. Andernac. in com. Pauli, lib. 1. cap. 78. Vidisti, quo pacto Galenus de alicæ utilitate eximia sit multiloquus. Quid ergo in mentem venerit Manardo lib. 1. 2. epist. 3. in fin. & Ioan Agricola Ammonio in com. cap. 6. lib. 7. meth. Gal. ut dicerent tempore Galeni, rem obscuram fuisse, ignoro prorsus; de cuius multiplici parandi modo, vsuque vario sat plura congeffit Plin. lib. 18. cap. 11. & lib. 22. cap. 25. Sequuntur Hermol. Barbar. lib. 2. corollario. cap. 319. in Dioscorid. Ruel. lib. 2. de natur. stirp. cap. 26. & alij.

Transacta verò tanta nocte citra dolorem, necessarium erat propinare medicamentum, ut vlcerationem, siquæ

A facta esset, consolidaret. In hunc usum rhois tremorem exhibuit: quod medicamentum, rhois voce Græca, summach ab Arabibus nuncupatur; siccat in gradu tertio, & infrigidat in secundo: quare adstringit, incrassat, consolidat, sistit, fluxiones reprimat; quo cum in prandio, hoc est prima mensa, ante alios cibos assumpto vteretur, melius habuit. Veteres enim, ut Theophrastus, Plinius, & Dioscorides, licet eo, loco salis vsi sint, eius tamen dilutum in potum exhibuit, ut sic tenuitate sua citius penetraret, quod ad similes affectus complendos quàm sit necessarium, præter citatos docuit Paulus lib. 7. cap. de rhu. Vespero verò solo pane puro in vino austero madefacto, at veteri ægrum nutriendum iussit: pane, ut vires ex præcedentibus cruciatibus labefactatas reficeret: vino austero, ut adstrictionem conciliaret: veteri, ut citius partes adstringentes, ipsius vini calore quoquouersum impulsæ, in omne corpus diffunderentur. Sicque exhibitis fructibus adstringentibus, ut cotoneo, pyro, punico, theriacam assumendam imperauit; quæ si recens sit, tum sistit, tum leuiter crassat, ex Gal. lib. 5. meth. cap. 13. quibus exequutis perfectam consequutus est sanitatem.

Sed antequam vltra progrediamur, illud merito dubitari potest, cur tantus auctor in copia aerium humorum, in temperamento calido sicco, tam violento, eoque calidissimo medicamento usus est? Hoc si nostro æuo fieret, adscriberetur errori, cum diuino beneficio factum sit, ut homines lenium medicamentorum vires experiantur. Quis enim cogitauit Galenum, summum Medicum, & in medendis humani corporis malis exercitatissimum. ad mordentes & biliosos succos in ventriculo impactos expurgandos, scammonia succo usum fuisse, si alia lenia, apud ipsum, veteresque omnes, medicamina expurgantia erant in usu? At huius medicamenti maxima est in attrahendo vis, & in nocendo efficacia fraudulenta; nam nocet stomacho, & hepati, quas partes spiritu flatulento, mordacique nimium conturbat, prouocat ad nauseam, caliditate & siccitate corpus inflamat, febres excitat, acuitate sua venarum ora immodicè dilatat, hæcque de causa vehementes concitat fluxiones, & acredine abradis intestina, & sic tenasmm & dysenteriam mouet, partes principes lacescit vi deleteria, viscera lancinat, parit sitim, & alia innumera damna efficiendo, velociter interficit, si fidem adhibemus Mesuæ tract. de simpl. cap. prop. de scammonio, Auic. lib. 2. tract. 2. cap. 636. Cur ergo hæc non potuerunt Gal. ab eius vsu auertere? Quare factum est, ut eo oblato concitaretur in intestino vlcus, & ex eius effrazni vi, confluentibus affatim ad imbecillum partem acribus succis dolor exacerbaretur.

Deinde. Cur in colico dolore, intestinorumque debilitate, medicamentum propinat, quod ad partem debilem tam violenter noxios humores præcipitat? Hoc autem ita vehementer corpus euacuat, ut solum antonomastice dicatur purgatorium, quod aduertit Mesuè loco cit. & ab Hipp. multis in locis est dictatum, ut notauit Mercurialis lib. 2. de compos. medic. cap. 8. ex cuius succo innumera mala oriri refert Gal. lib. 2. de aliment. fac. cap. 22. Præterea, cum succum scammonij impermixtum exhibuit, & incorrectum, contra edictum Hipp. 2. acur. 11. violenter purgatio permiscens cum iis, quæ ipsorum malitiam infrænare possint? Hæc enim affligunt intestina, viscera conturbant, opprimunt facultates; quod in hoc medicamento notauit Paul. lib. 7. cap. 4. qui ad eius vim retundendam, piper, & sal permiscet, cum Aëtio terrab. 1. ferm. 3. c. 25. Quare Actuarius lib. 5. cap. 8. aliquid odoratum miscendum merito imperauit, ut notarunt Ioan. Brauus lib. 3. de purgand. rar. cap. 16. Fallopius tract. de medic. purgantib. simpl. cap. 48.

Galenum à calumnia liberabis hoc modo. Licet medicamenta purgantia calida sint & sicca, & suapte natura symptomata concitare queant, iis tamen est vtendum ad maius periculum euitandum, præsertim cum nihil sit quod tam magnifice prosit, quod aliqua ex parte non noceat, ex Galen. lib. 11. meth. cap. 14. Non enim ob febrim purgamus ægrum, sed ob humores facientes febrim; unde multò maiorem oportet fieri ex purgantibus medicamentis utilitatē, quàm

quam si quod ex caliditate ipsorum sequitur detrimentum, ut A  
elegantè aduertit Gal lib. 1. aphor. 24. Quapropter et si  
ad partem debilem medicamenti vi confluant humores,  
maior est utilitas ex euacuatione comparata, quàm  
nox.

Solue secundò, licet Scammonium, purgatorium ve-  
hemens sit, potentissimèque euacuet, eo tamen correcto  
necessitate cogente est vtendum, prout par est fecisse  
Galenum, qui tantoperè semper insudauit horum effra-  
nium medicamentorum acrimoniam corrigere, quæ  
eorum efficaciam infrangere possent. Res patet exemplo  
in ipso scammonio, quo semper præparato vsus est, &  
cocto prius in Cydonio malo excauato, clibano, aut  
prunis inassato, pasta vndique circumlita, præsertim ad-  
recto sceniculi, dauci, Apij semine, & galanga: quem  
parandi modum docuit lib. 1. meth. cap. 7. & in præfat. ad B  
lib. de alim. facult. edocuit: quod nãque hoc modo præpa-  
ratum est, absque stomachi subuersione alium subducit,  
auctore Serapione, cap. 303. Alij macerant inter coquen-  
dum plura, quæ feruorem medicamenti extinguunt, vt  
psyllium, rosas, violas, tragacanthum, coronea, myro-  
balanos: vt ex veterum mente inter omnes notauit Ludo-  
uicus Vales, tract. de pilulis, tit. de pilul. aggregat. in medio,  
& vt nuperrimè, sic eloquentissimè edocuit Nicolaus  
Fontan. Ioan. Filius in suis institutionibus pharmaceuticis,  
sect. 6. cap. 2. Si verò vlcus assumptum scammonio fuit ex-  
citatum, id non per se, sed ex accidenti factum puta: nam  
biliosos humores expurgat, qui acrimonia intestina abra-  
dunt, & vlcus concitant; hac enim de causa à medica-  
mentis venas referari, testis est Gal. lib. 6. aph. com. 47.

Sed si totam vix eximere litem, Dic Galenum non pro-  
pinasse scammonium; nam hominem purgatum inuenit,  
historiamque tantum nariat, & factum: hoc ex multis fit  
manifestum. Primò ex superiori historia, in qua ad eun-  
dem affectum curandum maximè hieram commendat.  
Secundò, quoniam si videret scammonium nocuisse  
oleum rutaceum infundendum non imperaret. Ergo cu-  
rationem ab alio prius factam fuisse intellige ex verbis:  
Ergo quomodo hunc quoque sanauerim, scis; abicere enim iussi  
presidia colica, &c.

## QVÆSTIO L.

Quòd in morbis, victus ratio procedat attenuando.  
Contra Gentilem, Iacob. Vgon. Dinum,  
Brachelium doctissimos.

### COMMENTARIUM

**M**ox prissana cremorem.] Si te nostræ artis explorato-  
rem sedulum, in illos Euipeos, & vadosos alimenti  
prescribendi reciprocantes vortices deduxero, nōne te  
hæc difficultas terrebis; & à medicina exercenda, nisi Me-  
dico præuio, auocabit: nonne tanti rerum apices te in-  
scium, & per rei magnitudinem attonitum ab inceptis re-  
uocabunt: dum indigitata Medicinæ difficultate, dubium  
de victus ratione moderanda, anceps inextricabile fatea-  
ris sit necesse, ob implicatos causarum, symptomatum, &  
indicationum nexus sine fine distentos, in quibus alia  
nonnunquam momenta, atque aliæ appendices tempora-  
riæ occurrunt, quæ curationem moderantur, & guber-  
nant, & nunc ratam faciunt, nunc irritam. Iaceat in æter-  
num cum Adriano Imperatore probrosa illa de Medicis  
querela, quorum turba discordante, præsertim circa vi-  
ctum instituendum querebatur se periisse.

Impudentissimus Thessalus tridui inedia ægros mace-  
rabat, sic referente Galeno vbique passim: fortè edoctus  
ab eo hoc in loco, qui in principio morbi prissanæ cremo-  
rem exhibuit, hoc tenui victu breuiorem futurum mor-  
bum sperans: si verò virtus, processu morbi, magis ac ma-  
gis (vt ferè semper accidit) redditur imbecillis, tunc auium  
carnis aliquid in albo iure elixæ, esitandum imperat; hoc  
consilio docens, in morborum principio, tenuiori victu

vtendum esse. Ob quam causam, quæstionem illā arduam  
ac difficilē, olim à Barbaris, præsertim Medicis agitatam  
incendi reddere satius duxi: Num victus ratio debeat pro-  
cedere incrassando, an extenuando; nam in ea explicanda  
plures hætenus naufragium fecerunt.

Galenus hoc loco incrassando procedere, manifestè af-  
firmat. Ratio dicitur, nam quò magis morbus recurrit,  
tanto pleniori victu vtendum est, quoniam virtus, ex  
morbo, & auxiliorum applicatione reddita imbecillior,  
magis videtur reficienda. Secundo. In initio morbi maior  
adest copia, & maior repletio humoris crudi & rebellis:  
ergo ne impediatur natura à causæ morbificæ valde resi-  
stentis, & indomitæ coctione, tenuiori victu tunc vtend-  
um est. Tertiò Hipp. lib. 1. aph. 1. in accessionis princi-  
pio à cibo ægros abstinere iubet: ergo si temporum vni-  
uersalium, & particularium morbi eadem est propor-  
tio; minùs in principio, quàm in reliquis morbi tempo-  
ribus est cibandum. Quartò. Quando morbus non co-  
gnoscutur, regimen subtiliare oportet, ex Auic. 1. 4.  
tract. 2. cap. 7. in med. Sed morbus in principio minùs  
cognoscutur, quia non ita scuit, nec premit, vt in sta-  
tu, ex Hipp. lib. 2. aph. 30. & non ita manifesta promit  
indicia. Ergo multò tenuiùs in principio est cibandum.  
Quintò. Hipp. lib. 1. de rat. vict. text. 21. de pleuritide  
agens, & morbis acutis, affirmat in principio nec mul-  
tam, nec crassam esse offerendam sorbitionem; at in sen-  
tentia 23. si os madescit, & euident, ac perfecta coctio in spu-  
tis apparet, sorbitionis quantitatem ad augendam imperauit.  
Sequitur Auic. 1. 3. tract. 3. cap. 3. de calido capitis apo-  
stemate loquens, quo loco primò oxymel, dein aquam  
hordei subtilem, postea transactis duobus diebus, ipsam  
grossam, hoc est, cremorem ipsius propinat. Idem docet  
2. 3. tract. 1. cap. 4. in cura paralys. & 1. 4. tract. 2. cap. 56.  
de curatione phlegmatica, & c. de curat. quariana, in prima,  
& secunda septimana maximè subtiliat regimen, deinde  
incrassat. Præterea Gal. lib. 6. meth. cap. 5. in med. cum  
agit de fractura ossis, in principio tenuissimè, postea ple-  
niùs cibandum præcipit. Et lib. 12. meth. cap. 6. in febris  
syncopali orta ex tenuitate succorum, exhibet primis die-  
bus Chondrum; coctione autem apparente, quæ solet  
accidere in augmento, & statu carnes offert, ex quarum  
alimonia victus plenior solet comparari. Nam vt Cel-  
sus dicebat lib. 2. cap. 16. initia morborum, famem, sitimque  
desiderant.

Pro altera parte validissima sunt momenta ratio-  
num, ex facundissima Hipp. & Galen. penu desumpta.  
D Ille enim lib. 1. aphor. 7. 8. & 10. præcipit in princi-  
pio plenius esse cibandum, vt virtus possit sufficere  
vsque ad statum; in statu tamen, & ante statum mul-  
tò tenuiorem esse victum offerendum affirmat. Hæc  
dictio duabus firmatur rationibus validis. Morbus na-  
tura sua, & ob symptomata prohibet cibum ergo quan-  
tò morbus est vehementior, & symptomata grauiora,  
tantò magis cibi vsus est interdicens. Sed morbus est  
maior in augmento quàm in principio, & multò ma-  
ior in statu, & symptomata sunt fortiora, ex Hippocr.  
2. aphor. 30. Ergo morbus minùs prohibet cibum in  
principio, & magis in augmento, & adhuc multò ma-  
gis in statu. Deinde. Tunc minus cibi est propinandum;  
quando natura citra causam morbificam est occupata, ne  
videlicet ab eius coctione distrahatur: sed natura ma-  
gis aggreditur coctionem in augmento, quàm in prin-  
cipio, & multò magis in statu coquendo, separando,  
expellendo. Ergo quantò magis morbus procedit, re-  
nuiùs est cibandum. Hoc expressè in com. Hippocr. affir-  
mat Galen. amplectitur Auic. 1. 4. tract. 2. cap. 8. dum  
inquit: Tempus magis conueniens ad incrassandum est prin-  
cipium, & tempus magis conueniens ad subtiliandum est  
status: & infra dicebat. Verum est tibi necessarium cum in  
hoc, tum in omnibus speciebus, vt sit principium tui regiminis  
grossius, & postremum tui regiminis perueniens ad statum,  
subtile.

Tantis difficultatibus perterriti veteres Auicennæ in-  
terpretes, Gentilis, Iacobus, Dipus, Vgo, & alij in com.  
citati



*citati nuper capitis Auic.* imò Conciliator *disf.* 134. varios A  
excogitarunt respondendi modos, quibus auctores longè  
inter se distantes in veram reducere possent amicitiam.  
Dicunt enim victum in morbis debet procedere exte-  
nuando, adhibitis conditionibus septem. Harum prima  
est; vt sit morbus materialis; nam immaterialis cum ca-  
reat causa, & sit ex inanitione, non prohibet cibum, sed  
potius ipsum indicat; & propriè si in ipso non notentur  
tempora morbi, cum nulla causæ alteratio reperitur.  
Secunda. Vt morbus non sit pestilens, atque malignus;  
si enim in hoc summè vires atterente morbo tenuissimè  
cibes, ægri exhaustis viribus ob malitiam morbi pereunt  
citò: plenior ergo victu vtendum est, quo vtentes fre-  
quenter liberantur, ex Gal. 3. *epid. sect.* 3. *com.* 58. & Auic.  
1.4. *tract.* 4. *cap.* 4. Tertia. Vt morbus sit simplex, & non  
complicatus; nam tunc vnius ratione tenuissimè, & ra-  
tione alterius crassè cibandum est quum morbus vergit B  
versus statum. Sic in fractura ossis, in paralyti, phreniti-  
de, reliquis inflammationibus, vt prohibeatur fluxio &  
phlegmones generatio, victus tenuis in principio est ex  
vfu. Quarta. Vt virtus constet in statu: nam quando  
tunc, vel in augmento ob superuenientia symptomata  
dissoluitur, pleniori victu reficienda est, quàm antea: in  
hunc sensum Auic. 4. 1. *cap.* 1. in statu maximè esse subti-  
liandum asseruit, nisi aliquid acciderit quod nos ab hoc  
prohibeat: & Gal. lib. 1. *aph. com.* 9. inquit: *quando casus in-*  
*teruenerit robur naturæ dissoluens, in ipso statu nutrire cogi-*  
*mur.* Quinta. Vt morbus sit cognitus; nam si non cogno-  
scitur, subtiliandum regimen, ex Auic. 1. 4. *tract.* 2.  
*cap.* 7. Si enim inordinatus est, & inconstans, cum nec  
idonea curatione, nec conuenienti victu quousque con-  
stet, curari possit, ex Hip. 4. *de rat. vict.* 52. tunc tenui  
victu æger in principio gubernandus; nam si crassior ex-  
hibeatur, aucta causa morbi, non leuia deinceps sym-  
ptomata eueniunt. Sexta. Si non adhibeatur regimen  
tentatiuum; sæpe enim chronicos morbos victu tenuis-  
simo curare tentamus, quoniam illorum causa, præser-  
tim si non sit multa, illius beneficio dissolui solet, ac con-  
coqui. Sic Auic. *loc. cit.* in curatione quartanæ, & quoti-  
dianæ subtiliat regimen. Septima. Vt morbus seruet  
materiam ad vnam criticam expulsionem: Sunt enim  
morbi materiales in duplici differentia; quidam enim  
sunt, in quibus tota materia simul coquitur, & tota ad  
vnum iudicium reseruatur, in quibus morbis omnia  
tempora coincidunt: nam quando morbus est in princi-  
pio quoad alterationem, est etiam quoad essentiam &  
quoad symptomata: & quando est in statu quoad altera-  
tionem, est etiam quoad essentiam, & quoad symptomata.  
Alij sunt in quibus non tota simul concoquitur, nec ser-  
uatur ad vnum iudicium, sed paulatim coquitur, & pau-  
latim repurgatur, in quibus omnia tempora non coin-  
cidunt, quia quando sunt in principio quoad alteratio-  
nem materię, sunt in statu quoad essentiam & symptoma-  
ta; & quando sunt in statu quoad alterationem mate-  
rię, sunt in declinatione quoad essentiam & quoad sym-  
ptomata.

His ita constitutis, arbitrantur Hip. in *aphorismis* intel-  
ligendum, de morbis seruantibus materiam ad vnam cri-  
ticam iudicationem, quales sunt morbi venosi generis In  
*primo* tamen lib. *de rat. vict.* intelligendum, de morbis  
non seruantibus materiam ad vnum criticum iudicium,  
quales sunt pleuritidis, peripneumonia, & alij thoracis af-  
fectus. At hæc doctrina licet ab Auic. interpretibus, Iu-  
nioribusque omnibus sit recepta, si adamussim pensetur,  
non videtur carere errore. Nam asserere morbos venosi  
generis seruare materiam ad vnam criticam iudicationem,  
sicut morbos thoracis eam non seruare, absolute est  
falsum. Quoniam in pleuritide, quæ inflammatio est  
thoracis, materia non semper paulatim concoquitur, &  
expurgatur; sed sæpe tota concoquitur, & ad vnum iu-  
dicium reseruatur: solet enim finire crisi per sanguinis  
fluxum, sudorem, alui profluuium. Deinde eius materia  
interdum tota concoquitur, & tota seruatur, veluti quan-  
do inflammatio in suppurationem commigrat. Præterea  
febres, quæ sunt morbi venosi generis non semper ad

Lib. II.

vnum criticum iudicium materiam seruant, quinimò ra-  
rissimè. In eis enim paulatim materia expurgatur, vt con-  
stat in febribus intermittentibus, & continuis, in quibus  
exacerbationis tempore, vel insensibiliter per singulas  
accessiones materia paulatim resoluitur, vel sensibilibiter  
expurgatur per sudorem, vomitum, alui fluxum.

Adhæc. Simpliciter pronuntiare in morbis thoracis  
victus rationem debere procedere incrassando, falsum  
etiam est, & euidenter constat ex Hip. lib. 2. *acut. text.* 15.  
dum sic inquit. *Melius siquidem esse dico, vt protinus à mor-*  
*bi initio sorbere incipias, quàm inanitus vacuatisque venis,*  
*vel die tertio, vel quarto, vel quinto, vel sexto, vel septimo,*  
*si ante hoc tempus morbus haudquaquam indicatus fuerit, sor-*  
*bitionem inchoare, &c.* In qua sententia docet, quod in  
*aphorismis* scripsit, in omnium morborum vigore, tenuis-  
simo vtendum victu præcipiens, vt Galenus expressè no-  
tauit in *com.* Demum Hip. in lib. *de rat. vict.* de omnibus  
morbis agit, posito exemplo in pleuritide, auctore Ga-  
leno lib. 1. *acut. com.* 33. & lib. 3. *euas. com.* 24. & 61. Ergo in  
omnibus morbis tam venosi generis, quàm thoracis, in  
principio pleniori victu, deinde tenuiore, & postea te-  
nuissimo vtendum est, iuxta edictum Hip. lib. 1. *aph.* 8. di-  
centis. *Quando morbus in suo vigore consisterit, tunc victu*  
*tenuissimo vtendum est.*

Brachelius lib. 1. *aph. com. sentent.* 10. rei difficultatem, &  
manifestam contradictionem perentiscens nouum con-  
ciliandi excogitauit modum. Dicit enim victus rationem  
nec extenuando, nec incrassando rectè procedere in mor-  
bis, sed in principio parum esse cibandum, in augmento  
plenius, in statu tenuissimè: nam in principio cruditas  
maximè affligit, quæ cibi oblationem interdicat. In statu  
etiam; cum sit summa morbi & symptomatum vehemen-  
tia, parcissimè offerendus cibus. In augmento neque cru-  
ditas viger, neque symptomata vrgent. ideo in hoc tem-  
pore pleniori cibo vtendum est, vt tempore status natu-  
ra morbi vehementiam tolerare queat; explicatque  
Hip. lib. 1. *aph.* 10. quod in particula illa (*prius*) non intel-  
ligat principium, sed augmentum.

Hæc solutio est erroris plena, Galeno, Auicennæque  
maximè aduersa. Hic enim auctor 4. 1. *cap.* 1. asseuerat,  
quod quanto ægritudo principio fuerit propinquior, &  
symptomata magis remissa, cibus liberalius offeratur; &  
quanto symptomata amplius increuerint, & ægritudo  
vergat versus statum, alimentum minuatur. Ille 1. *ad Glauc.*  
13. in *princip.* postquam dixerat, quod quando vigor intra  
septimam diem futurus est, tunc victus sit tenuis, & exqui-  
situs: & quado ultra septimam extendi debet, aut vires sunt  
inualidæ, tunc in principio solidior cibus sit offerendus, in  
augmento tenuior, in statu tenuissimus. Et lib. 1. *aph.* enar-  
rans vltimam particulam *sententie septimæ*, in vigore morbi  
tenuissimè cibandum confirmauit, ita vt quod morbus am-  
plius distat à vigore, tantò pleniori victu vtendum sit.

Deinde falsitas opinionis huius conuicitur, primò ex  
Gal. lib. 1. *aph.* 7. & 8. hoc enim loco non alia ratione pro-  
bat in vigore morbi tenuissimo victu vtendum, nisi pro-  
pter magnitudinem symptomatum, & maiorem coctionem,  
ne oblato alimento copiosiore distrahatur natura. Ergo cum in augmento morbus sit maior, & symptomata  
fortiora quàm in principio, minus in augmento, quàm in  
principio, alimenti offerendum.

Non desunt, qui aliter loca Hip. conciliare intendunt,  
vt notat Mercurialis in *com. sentent.* 23. lib. 2. *de rat. vict.* di-  
cendo Hip. hoc loco, in augmento & statu augere sorbi-  
tionis quantitatem, non tanquam alimentum, sed vt me-  
dicamentum: nam in *textu* 8. prædixerat, ex pulmone  
expurganda, humectatione indigere, præsertim si crassa  
sint, tenacia, & viscida, auctore Galen. lib. 7. *simpl. cap.* 6.  
& 3. *de rat. vict.* 2. in *med.* Hancque esse causam sentur  
ipsi, ob quam Galen. lib. 5. *simpl. cap.* 2. in *fin.* præcipiat,  
omnia illa medicamenta, quæ expurgando thoraci con-  
ueniunt, permiscere cum melicrato, vino dulci, aut  
prissana, quæ abstergerendi, & humectandi vim habent.  
Hæc doctrina licet sit vera, non tamen soluit difficulta-  
tem; nam Hip. *loc. cit. de rat. vict.* augendā monet sorbitio-  
nis quantitatem, vt roboretur virtus, & magis expurgationi

Gg

sufficit

sufficiat eorum, quæ exeunt è pulmone: igitur Hip. sorbitionis quantitatem, non solum vt medicamentum, sed vt alimentum.

His reiectis, veram sententiam proponere licet, quæ duabus conclusionibus fiet manifesta, quarum prima est. *Quando morbus cognitus est, simplex, & virtus constat, sumpta indicatione à morbo, si seruat materiam ad unam criticam expulsionem, victus ratio debet procedere extenuando.* Pater apertè conclusionis veritas. Tunc enim omnia tempora coincidunt, nam morbus quando est in principio, statu, augmento, quoad alterationem materiæ, est in principio quoad essentiam, & quoad symptomata: cum ergo morbus, & symptomata sint in principio minora, & maiora in augmento, & adhuc vehementiora in statu, sumpta indicatione ab ipso morbo in principio plenius, in augmento tenuius, in statu tenuissime est cibandum. Neque mireris tenuissimam cibationem esse præscribendam in crescente morbo, & magis debilitata natura: triplici enim de causa ægri magis, & diu inedia resistunt. Primò licet ægri calor sit auctior, tamen plus resoluit sanorum calor, cum sit multus, & resolutioni humidæ magis accommodatus. Secundò, quia humores ægri multò magis renituntur consumptioni, ob sui lentorem, cruditatem, & viscositatem. Terriò, quia æger non famescit sicut sanus, qui ob probitatem humorum facillè resoluitur, & proinde citius famescit, & ad famem sequitur resolutio, quæ ex molestia in ventriculo sensata oriri solet.

Secunda conclusio. *Quando morbus non seruat materiam à principio, sed paulatim incipit repurgari, victus ratio non debet procedere extenuando, sed ingrassando.* Ratio est, nam quando morbus est in augmento, vel in statu secundum alterationem materiæ, iam periculum euasit æger, & iudicatus est, quoniam est in declinatione quoad essentiam & quoad symptomata: inde tunc plenius, quàm antea cibandum est.

Quæres, & meritò sanè, quo pacto possibile sit, vt morbus sit in augmento, vel statu secundum alterationem materiæ, & non sit in his temporibus secundum essentiam & symptomata; maximè cum coctio quæ sit in venis, putredinis sit particeps, & similis illi quæ in inflammationibus contingit, ex Galen. lib. 1. de diff. feb. cap. 5. & sicut in illa alteratione, cum sit media, ex Gal. 2. aph. 47. & lib. 5. simpl. cap. 6. intenditur coctio, sic etiam intenditur putrefactio: ergo si augetur putredo, augebitur morbus cum symptomatibus. Dic. In causa interna, quæ morbum excitat, fouet & auget, considerari duo, illius qualitatem, & quantitatem; illa est acrimonia, caliditas, aut mala qualitas ex putredine, & corruptione nata: hæc aut est eadem & æqualis, aut est maior, aut minor. Sola qualitas non potest determinatum affectum inducere, sine quantitate certa; & quanto maior est hæc, maior est effectus illius, quoniam nullum agens tam valens est, quod effectum suum possit imprimere sine quantitate certa; ignis enim, licet maximè actiui scintilla, non solum non vrit, quinimò nec calefacit, vt 3. simpl. cap. 23. asseruit Gal. Hæc ergo est causa, quare etiam in augmento & statu secundum alterationem materiæ, intendatur qualitas causæ, cum quantitas sit imminuta, non possit efficere morbum maiorem quàm antea, ob quantitatis defectum.

Neque partis aduersæ plurimum vrgent argumenta. Dicad primum. In processu morbi verum esse virtutem imbecillitari, si tamen victus ratio, vt decet præscribatur, tunc in morbo salutari virtus semper est in statu potentior morbo: permittimus enim, ne accrescat morbus cum magnitudine symptomatum, vt aliquantulum vires dissoluantur, tunc enim non soli virtuti, sed morbo consulendum est. Ad secundum. In augmento & statu virtus magis est impedita, quàm in principio: nam caliditas, & acrimonia humoris ebullientis & rarefacti, magis irritant, laceffunt, & premunt; & ob hæc natura commota, maiorem absumit conatum ad agendum, quàm in principio: quapropter cum adsit maior feruor, maior ebullitio, maior concoctio, magis est occupata, & ad expellendam cau-

sa morbificam distracta. Ad tertium. Magna est disparitas inter tempora particularia, & vniuersalia: nam in principio vniuersali semper morbus, & illius symptomata sunt minora; in particulari verò maiora, quoniam est tempus deterius totius accessionis, & maximè si compressa annotatio adest, qua propter magis inutile ad cibationem tempus censeri debet. Ad quartum. Conclusio intelligenda est de morbo cognito; nam si non cognoscitur, proba victus ratio institui non potest: quamobrem necesse est primis diebus victum tenuem instituere, vt agnoscat. Si tamen cognoscitur, in principio plenius, deinde tenuius cibandum est.

Quod verò ad maiorem machinam attinet, nempe Hip. in lib. de rat. viñ. augentem in statu pleuritidis sorbitionis quantitatem, sic accipe. Hip. agit hoc loco de pleuritide humida, in qua materia paulatim repurgatur, tunc victus ratio non extenuando, sed ingrassando procedit. Si verò obicias, non omnem pleuritidem paulatim finiri vacatione, cum crisi sæpius iudicetur, qualis fuit pleuritis Anaxionis, apud Hip. 3. epid. sect. 3. text. 79. qui bis crisi facta per sudorem perfectè fuit iudicatus. Respondet, conuenientem pleuritidis iudicationem fieri paulatim per sputum, vt millies Magister edocuit: Si verò crisi iudicatur, non est ratione sui, sed alterius morbi, qui cum ipsa complicari solet. Sic Anaxion duplici laborauit morbo, ex Gal. lib. 1. cris. 18. & humore cōtento in venis, & humore impacto in pleura: cum enim ob morborum corporis apparatus complicetur febris, quam Medici morbum vocant, hæc crisi finiri solet. Solue secundò in pleuritide, & omnibus inflammationibus internis, in principio conuenit victus tenuissimus, ad prohibendam fluxionem, quæ inflammationem adaugere solet: partes enim inanitæ inedia, cum indigeant, retinent succos, & non permittunt ad partem affectam defluere. Sic Gal. 6. meth. 5. in fractura ossis tenuissime cibatur, & in vlceribus & vuneribus, præsertim quando recentia sunt, præcipit Hip. lib. de vlc. modico cibo vti. Hoc pacto in pleuritide, nec multam, nec crassam sorbitionem dare expedit. Cum verò incipit fieri expurgatio, plenius cibandum; nam ad expectorationem, facultatis animalis opere indigemus, quæ maximè in acutis dissolui consuevit, ex Gal. 2. aph. 29. Tenuissime ergo instituendus victus in statu, vbi vires materiæ & copia, & agitatione premuntur; non autem vbi ab exhausto, & expectorato humore resoluuntur. Quò plus ergo expectoratur, eò plus cibus augendus est, ne vires cadant, vt scitè docuit Laconicus Paraphrastes Heurnius in com. sent. 8. lib. 1. aph. Hip. Solue terriò. Principium interdum sumitur pro primo morbi insultu; sæpe pro primis tribus diebus; aliquando pro tempore cruditatis; multoties pro tempore opportuno, in quo primum auxilium celebrari incipit. Hip. neque panem, neque sorbitionem, neque aliud solet concedere ante tempus præfinitum, vt Gal. lib. 1. de rat. viñ. 25. Si ergo in pleuritide pro victu conueniat ptisana aut potio, non debent mutari in sorbitionem crassam, quousque morbus sit in declinatione; & tunc ne subita fiat mutatio in repletionem, danda est sorbitio, neque multa, neque crassa, sed paulatim est adaugenda, vt cit. loc. eleganter docuit Gal. Lege pro huius argumenti solutione Valles. lib. 7. controu. c. 2. & Ludouic. Mercat. lib. 1. indicat. c. 1. Si verò Cels. in initio famem exoptat, intelligendus est in iis, qui crudis scarent humoribus, in quibus tenuiori victu sæpe, quàm in statu vti licet, vt aduertit Septalius lib. 2. caution. medic. n. 16.

Ad locum Gal. ex lib. 1. 2. meth. Dic, Galenum ibi de febri syncopali verba facere, quæ ob succorum tenuitatem, pororum amplitudinem, inanitionem, oriri solet, in qua non constant vires, quas semper pleniore victu adaugere oportet nutrientibus succis. Hoc modo Galen. primo morbi insultu cibum non valde nutrientem hoc loco exhibuit: cum verò ob doloris scuitiem vires labeantur, coactus fuit pleniorē offerre. Perpetuum ergo & irrefragabile sit, indicatione sumpta à morbi temporibus, in summo vigore tenuissime esse cibandum, maximè crasse in principio; ni accedat aliquod symptoma, quod hanc methodū peruertere possit, & in quo curantis consilium

consilium dirigi debeat. Num verò in omnibus morbis plus periculi habeat peccatum plenitudinis, an tenuitatis, lege apud Hieremiam Brachelium in *com. cit. aph. Vallesium 8. controuers. cap. 1.* In cuius dubij solutione ceteros antecelluit Manardus doctissimus *lib. 4. epid. 2. & non sinit Septalius lib. 2. cautionum medicar. num. 21. & 22. cum Santorello eruditissimo lib. 15. antepraxis, cap. 6. & Iacchino, libello de morbor. acutor. curat. rubric. 2.* Vtrum verò morbus, an virtus indicet cibum, ex Galeni penu exponemus luculenter *lib. 3. in com. histor. 11.*

## HISTORIA XCIII. GALENI,

## De colico dolore.

## Colicus dolor à bile pronatus, frigida portione curatur.

**S**imili genere & alteri cuidam in æstate affecto, quum sitibundus admodum esset, supra alia quæ memorauimus, etiam frigida portione vii permisi, &c. Galenus *lib. 12. meth. cap. 7. in fin.*

## PARAPHRASIS.

**E**ndem colicum dolorem à biliosis, acribus, mordacibusque succis pronatum, gloriatur se hoc loco curasse Galenus; cui persanando cum cætera infrigidantia non prodesse præsidia, ad frigidam portione exhibendam accessisse contestatur, aduertens quàm sit ingenuo artifice dignum, causas morborum rimari, præsertim illas, quæ non ita sciëntifica agnitione percipi possunt, vt in dysenteria, & pluritide contingit, quorum morborum signa coniectura non assequuntur, sed certis, manifestisque notis sunt comprehensa.

Hunc affectum ex bilioso humore originem duxisse, ex siti vehementi euidenter patet; hæc enim ex ventriculi caliditate & siccitate, & amara bile in ipso congesta solet accidere, ex *Gal. lib. 4. aph. com. 19. & 2. simpl. cap. 30. & lib. 6. de loc. med. affect. cap. 3. & lib. 1. de caus. sympt. c. 7. in* Insuper anni tempus erat æstiuum, quod gignendo huic humori est accommodum valde, quum siccissimum simul, & calidissimum sit, ex *Galen. lib. 2. cris. cap. 1.* Deinde hoc cognosces ex vigilia, vomitu bilioso, vrinx ardore, rubore, intenso dolore, oris amaritudine, & aliis quæ acrem biliosumque humorem intus latere significant.

His præsentibus, cum alia factitata essent, quæ supra recitauit auxilia, quæ calorem refrigerant, bilis acrimoniæ in crassant, & eius efficaciam obtundunt, aduersissima enim, si humor rodens affligit, sunt, quæ extenuant, & calefaciunt, ex *Gal. lib. 12. meth. cap. 8.* & sic theriacam recentem offerret, quæ si sit recens, furiosos huius humoris impetus coercet, lenit dolorem, quoniam stupefacit, somnum conciliat. Quare cum alia essent celebrata auxilia, vt constat ex verbo, (*supra memorauimus*) merito ad frigidam portione accedere consultius iudicauit; huius enim potus vis omnes implet indicationes, quas pro domando hoc humore exopramus: nam dolorem mitigat, torporem inducendo; humoris tepuitatem cogit; vehementem calorem refrigerat. Ob hanc necessitatem narcotica præpropinat; præsentem huius humoris copia, immanem dolorem intestinorum concitante, *12. meth. 1. & 8.* At ubi humores crassi exuperant, torporem inducentia alienissima sunt. Licet enim intestinorum tunicæ vehementi frigiditate fiant densiores, humorique excernendo minus aptæ reddantur: tamen melior est noxa quàm mors, quæ ob ingentem dolorem fieri consuevit, cuius causa ægri sæpe exanimis sunt, in syncopénque incurrunt, vt diserte monebat Magister *lib. 2. acut. com. 48.* Insuper impeditur intestini inflammatio, cuius hic morbus prælium est, quæ cum sit sæua ac lethalis, vt docent Paulus *lib. 3. cap. 43.* Trallianus *lib. 10. cap. de colica ex inflammatione*, in ileum transire solet. His rationibus coactus fortè Amatus *lib. 1. centur. 2. contra quosdam magni no-*

Lib. II.

minis Medicos, colico dolore affectam ægram calidis medicamentis excarnificantes, grauiter insurgere auius est, frigorifica auxilia propinans, qui dolor cum à bile intestina rodente ortum duceret, solum frigida oblata, siti valde premente conuenit.

Quid igitur per frigidam portione Galenus hic intelligat, non satis constat. Nam plures sunt refrigerato-  
riz portiones, vt aqua cocta simplex, vel cum succo limo-  
num, granatorum, hordeo, & aliis refrigerantibus me-  
dicamentis parata. Immo Hip. *lib. 3. de morb. à num 3. usque ad 31.* Plures frigidas parat portiones ex aqua cœ-  
lesti, albuminibus ouorum in aqua concussis, & agita-  
tis, hordeo, eius farina. At Galenum per frigidam po-  
tionem, solum aquæ frigidæ potum intelligere, res est  
manifesta ei, qui eius doctrinam intimius perlustrauerit:  
nam *lib. 9. meth. cap. 5.* quum aquæ potum vsque ad sa-  
tietatem in continentibus exhibet, illum vocat frigidam  
portionem §. *Maxima verò continentium febrium reme-  
dia, hæc duo sunt: detractio sanguinis, & portio frigida, &c.*  
& *lib. 10. cap. 6. eiusd. operis. §. Oportet autem quamprimum*  
*piissima cremore, & sorbitione ex alica nutritum,*  
*panēque post oblato, aqua frigida portione, &c.* Idem  
facit in *lib. de rat. viſt.* Quem potum dolores leuare à  
bilioso humore concitatos, præsertim cum intensa siti  
vexantur ægri, quæ viscerum internum ardorem euiden-  
ter demonstrat, omnibus compertum esse reor: quod  
elegantè comprobauit Amatus *libro 2. cent. 46. exemplo*  
*iuenis, qui cum biliosis deiectionibus, sœuiente æsta-*  
*te, siti urgente oppressus, citra Medicorum consilium*  
*gelidæ copiosiore potu vsus, à fluxu dysenterico, & do-*  
*lore euasit immunis.* De cuius potu ad satietatem  
exhibito, plura diximus *supra dub. 34.* & exempla  
rara proponit Septalius *lib. 7. caution. medicar. num.*  
*81.*

## HISTORIA XCIV. GALENI,

## De colico dolore.

Colici doloris species rara, ex vitrea pi-  
tuita suborta, perforantis doloris sen-  
sum inferens: & quomodo Galenus in  
eo cognoscendo fuerit deceptus.

**P**orro memini, mihi ipsi accidisse dolorem vehementissi-  
mum, vt mihi videretur in intimo ventre cerebro perfo-  
rari, in eo potissimum spatio, per quod à renibus ad vesti-  
cam ureterus scimus extendi. Iniecto deinde rutaceo oleo,  
quum id paulo post excernere tentarem, excreui simul gra-  
uissimo cum dolore, humorem vitreum à Praxagora appella-  
tum. Quippe vitro fuso tum colore, tum substantia, haud ab-  
similis erat. Atque id aliis quoque accidere conspexi.\* Equi-  
dem putabam lapidem in altero ureterum impactum, adeo  
mihi doloris ipsius species perforanti similis videbatur. Atque  
excreto humore, dolorēque sedato manifestè constabat, neque  
lapidem fuisse causam, neque ureteres, aut renes fuisse affe-  
ctos, sed aliquod intestinorum, & fortè magis crassiorum. Ne-  
que enim veluti per tenue corpus, exitus eius breuis temporis  
fuit: sed tanquam à profundo quodam, & per crassius ali-  
quod, quàm per tenuium intestinorum tunicam, ferebatur.  
Huiusmodi dolores, omnes propemodum Medici colicos, nomi-  
nare mihi videntur, quanquam quod ad locum, in quo dolor  
sentitur, pertinet, nullum adsit indicium, colon potius, quàm  
tenuium intestinorum aliquod dolore affici, &c. Galenus *lib. 2.*  
*de loc. affect. cap. 5.*

## PARAPHRASIS.

**G**alenum Medicum, & Philosophum eximium, cuius  
scientissima plurima extant ingenij monumenta,  
quæ genuinam sapiunt eruditionem, ad senectutem vsque  
nullam passum in curando, & prælagiendo calumniam,

Gg 2 ex

ex ore Pythij Apollinis ( vt Romani dicebant ) alloquentem, experientia insignem, veridicum; vsu dexterrimum, felicissimum, in hoc morbo proprio ita deceptum, licet admirari, nec mirum præstantissimos viros quandoque decerrare. Nec piguit tantum virum errorem suum libentissimè confiteri, præsertim in re, quæ semel intellecta, multam diiudicaudi, & curandis morbos posteris præbet vtilitatem, ne quis ipsorum decipiatur eadem ratione, quæ quis antea deceptus est. Quare decorum est Medico proprios errores confiteri, & in laudem vertit Cornel. Cels. lib. 8. cap. 4. & nos pulchra diximus lib. 1. historia 79.

Suo ergo ipsius exemplo monstrat, fieri quandam doloris speciem ab intemperie pronatam, vsque ad eò validam, vehementemque, vt per eam videantur ægri quasi terebro quodam perforari, vnde perforantis nomen accepit; de cuius causa, sicut de aliis dolorum generibus, quæ & species, & differentias appellant sat plura dixere Gal. 2. de loc. 2. 3. & 4. & lib. 2. de compos. medic. secund. d. loc. cap. 2. & lib. 6. aph. com. 5. & lib. 1. ad Glau. cap. 15. Paul. lib. 2. cap. 40. Auic. 2. 1. doct. 2. cap. 20. Hunc itaque perforantem dolorem cum experiretur Galenus, in eo potissimum spatio, per quod à renibus ad vesicam vrinarij meatus, vteretres appellati extenduntur, in profundo ventris se terebro perforari sentiebat: clysmate autem iniecto ex rutaceo, paulo post grauissimo cum dolore excreuisse ait humorem frigidissimum, & colore, & consistentia fusco vitro per similem, atque ad eò vitreum ab antiquis Medicis appellatum, ex Gal. lib. 2. de diff. feb. cap. 1. à quo intolerabilis ille concitabatur dolor, qui illico euauit, vbi primum gelidissimus humor, illius causa fuit excretus ab iniectione rutacei; in hoc genere mali, à Gal. 1. 2. meth. vlt. summopere commendari, vtpote quod tenuium sit partium, flatus dissoluat, strenuè calefaciat.

Neque culpam inuras Galeno, qui in semetipso laborante, colicum dolorem à nephritico non potuit distinguere: nam hos inter se desingere admodum est difficile, & valde laboriosum; maxime cum Galenus esset ægrotus, & sui Medicus, qui immàni cruciati oppressus, colicum dolorem, quo acerbissimè premebatur, à renali distinguere non potuit; præsertim cum ipse vtriusque notas proponat exactè, tum hoc loco, tum 6. de loc. cap. 2. & lib. 6. epid. sect. 1. com. 6.

## QVÆSTIO LI.

*Quòd Hip & Galenus, colicum dolorem à nephritico rectè distinxerint. Contra Gentilem, Matthæum, & Vallesium, Medicos celeberrimos*

### COMMENTARIUM.

**E**quidem putabam. Verumenimvero, quia in priscorum scita de distinctione colici doloris à renali incidimus, placet parumper sepositis aliis, quæ plurima sese ingerunt, in eadem excurrere amœnitates; nec id tamen frustra, sed vt Magistrorum nostrorum profundissimam scientiæ, Cimmeriis adobrutam tenebris promamus in lucem, sicuti ex limpidissimis eorum fontibus accepimus: nam recentiorum peritissimi hoc negotium arduum tentarunt, inter vtrumque affectum distinctionem, sicut à Galeno acceperant, ingeniosè propoñentes, sed argumenta quæ contrà obijci possunt, ad amussim non explicarunt, quorum tela irrita esse iam exaudi.

Inter symptomata renibus cum intestinis communia, numerabant aliqui lapidis generatione; atque ex intestinali quidem & colicum dolorem concitari existimabant, & fluxum nonnunquam lapidosum, de quo Auic. 16. 3. tract. 1. cap. 2. & tract. 3. cap. 6. Ishaac 4. feb. 16. ad fin. Sed quoniam vel in solis renibus, & vesica lapis generatur, vel saltem alibi rarissimè, vt tam multis auctorum exemplis palam fecimus, in lib. 1. in com. histor. 70. & de particularibus scientia non habetur, idcirco Gal. lib. 6. de loc. affect. cap. 2. quo loco, de hoc negotio ex professo petraçtat, sermonem ad frequentia conuertit.

Colicam ergo à nephritide, id est, renum dolore discer-

**A**nit, eo quòd propter symptomatum similitudinem, & situs communitatem, non ita facile internoscuntur, immò plerumque Medici non inferioris notæ in hoc decipiuntur. Porro quanquam parum intersit, si protinus ab initio non dignoscantur hæc mala, eo quod urgente vtrouque dolore similia ferè requiruntur auxilia, extrinsecus & intrinsecus adhibita, quibus leniantur dolores; quia tamen subsequente tempore diuersis indigent prædijs; nephritis, quò lapis à renibus excutitur; colicus, quò frigidus vacuetur humor: necessaria omnino internotio est, ex traditis ab Hip. & Gal. indicijs petenda.

**B** Primum est vomitus: licet enim hic vtrique dolori communis sit, ob magnam sympathiæ intestinorum cum renibus, & renum cum intestinis, atque vtrorumque cum ventriculo; maior tamen sequitur, atque assiduus in colica, ob maiorem viciniam, & communitatem, quam cum ventriculo habet colon intestinum. Cum enim lapis ex materia crassa, & viscida generetur, & pituita præternaturalis generationem habeat in ventriculo, 1. de natur. hum. 39. idcirco huius vomitum patiuntur ægroti, quia in ventriculo redundat: procedente verò tempore, bilis æruginosa vomitus subsequitur, cum ex dolore, vigilia, inedia, sanguis & bilis præassantur, ex qua origine hanc bilem proficisci tenet Galenus lib. 1. simpl. cap. 12.

**C** Secundum. Ventris contractio, quæ tanta aliquando adest in colico, propter obstructionem à crassis humoribus ortam, vt nec flatus quidem, aut ructus possint emitti.

**C** Tertium. Nephriticus dolor eodem loco firmus, & stabilis permanet, pro ratione exigui spatij, quod occupat renum corpus: Colicus è contra; sæpe enim diffunditur per amplum sui intestini spatium ( à dextra enim ilium regione procedens per iecoris cauum, & ventriculi fundum vsque ad sinistram, cincturæ modo protenditur ) vt loquitur Paulus lib. 3. cap. 43. sæpèque locum mutat, & ad pectinem nonnunquam secundum vteretres descendit, prout de se memorauit Galen. quin & ex dextro in sinistram vergit, vbi etiam aliquando infestat, quidquid negauerint aliqui ex antiquis; nam licet frequentius eueniat in dextro latere, quod coli origo est, & pars magis distans à sede per quam excernuntur fæces? dubitari tamen non potest, in sinistro etiam accidere, iuxta multorum, & Auic. experimentum 16. 3. tract. 3. cap. 10.

**D** Quartum. Ex situ discrimen sumitur manifestum: nam si supra renum sedem dolor vrget, certum est intestinali esse.

**E** Quintum. In nephritide vrina primò alba redditur, & aquosa, propter renes obstructos; deinceps sabulosa, asperam quandam præ se ferens subsidentiā, renibus iam aliquantulum deobstructis, ac tandem arenosa, quæ certissimum lapidis indicium putatur. 4. aph. 49. & lib. de ren. affect. cap. 3.

**E** Sextum. In nephritide vrina apparet cruenta, ex Hip. 6. epist. sect. 1. text. 6. quando sinuosus, & angularis lapis in descensu diuidit vias, & sanguinis fluxum excitat: & si sinuosus non est, sed æqualis, ob magnitudinem dilatat vias, & cruorem mouet.

**E** Septimum. In nephritide crus è directo patientis lateris stupet, & sæpissimè testiculus eiusdem lateris retahitur, ob rectitudinem, & communitatem valorum cum renibus, & cruribus, de quo infra.

**E** Octauum. Nephritici exacerbantur post ciborum repletionem, vt Hip. cit. loco conscripsit, quoniam multitudine alimentorum grauantur renes; nam colon intestinum super renes est situm: Quorum signorum latè infra proponemus causas.

Nunc contra prædicta, non pauca machinantur, & contra Hip. & Gal. mentem aduersarij. Et primò sic. Colicus dolor acutus, & vehemens est, vtpote excitatus in parte sensu acri prædita, ex Gal. 5. de vsu part. 10. Nephriticus non ita, sed grauis tantum, ex Hip. loc. cit. quum enim in sola visceris carne calor generetur, prout colligitur ex lib. 2. de natur. hum. sect. 18. & scribit Auenzoar lib. 2. tract. 2. c. 2. & caro illa, sicut & aliorum viscerum, sensum non habeat acutum 5. de vsu part. cit. quia non habet dispersam



dispersum per suam substantiam nervum; non poterit etiam à magno lapide vehemens dolor in renibus concitari, sed quidam tantum gravitatis sensus. Ergo rectè potest ex modo, & qualitate doloris, prorsus à principio discerni, num sit colicus, an renalis; ob hoc ipsum enim qualitatem, & magnitudinem doloris considerandas monuit *prædictis in locis*.

Secundò. Leuior censetur vomitus, quo durante sola elicitur pituita, quam ubi consequenter etiam bilis euomitur 2. *probl. 54.* & colligitur ex Hip. 6. *epid. cir.* nec immeritò: pituita siquidem cum in ventriculo etiam naturaliter contineatur, nec infixa, facili agitatione mouetur; bilis nonnisi maiori agitatione, & conamine attrahitur à iecore. At licet calculosis (ab initio siquidem) vomitus perinde accidat pituitosus, sit tamen processu biliosus, quin, & æruginosus, exusta doloribus, & vigiliis bile, *cir. epid.* Ergo grauior erit, & laboriosior nephritidis, quam colicæ morbus.

Tertiò. Amplum ac crassum intestinum, quale est colon, non potest ab humoribus, quantumvis tenacibus & crassis, ita obstrui seu angustari, ut nihil prorsus ad inferiora transmittatur, prout manifestè ex ipso Galeno colligitur, 6. *aph. 44.* ubi ex communi sententia hoc tantum in tenuissimo ileo admittit. Igitur perperam 6. *de loc. 2.* ex omnimoda ventris constrictione, colicum dolorem à renali distinguit.

Quartò. Cum sint duo renes locis satis distincti, dexter, & sinister, & duo vteretres in suo latere singuli; nec vnus lapis quantumvis magnus, possit in vtroque simul contineri: vnde lapide existente in vno rene, tenuis fiet & aquosa vrina; maximè si altero obstructo rectè potest tota in sanum deriuari; liberèque altero expedito transire: non alia siquidem de causa, iuxta sententiam Galeni partes fuerunt geminæ, quam ut amissa, vel impedita vna, vsui altera foret; alioqui quorsum duos renes natura fecisset, si alterutro impedito vtriusque actio vitaretur?

Quintò. Non potest esse indicium lapidis, id quo excreto, & lapidis ipsius materia minuitur, & pauca, vel incipra ad illius generationem indicatur, quin & renum expultrix robusta, cuius imbecillitas non exiguam præstat calculi occasionem: sed hæc omnia significat crebra arenarum excretio: ergo potius nos tutos reddet à lapidis generatione, quod scripsit Auic. 18. 3. *tract. 2. cap. 16.* Probatur minor, quia præterquam quòd arenæ dicuntur etiam lapidis materia, si multus esset crassus, & lentus humor, à quo magna ex parte generatur, quia aptus est indurari, & in lapidem conuerti, 6. *epid. in com. & de ren. affectionib. cap. 3.* in lapidem non in arenas abiret. Insuper & debilis renum expultrix, intra eos contineretur, & per moram lapidesceret.

Vltimò. Licet renes propter sui distantiam à ventriculo, eo pleno non tantum comprimantur, quantum tenue, & colo intestinum; à primis tamen fecibus, quæ confestim sumpto alimento descendunt in intestina, grauantur & premuntur; quin & protinus à compressis intestinis ex repleto ventriculo. Ergo quemadmodum colicus exacerbatur post cibum, ita & nephriticus: id quod expressè dixit Galenus cum Hip. *lib. nuper cit. epid.*

Hæc ferè obijci possunt, quæ quantum ponderis habeant, deinceps sigillatim expendemus. Dicad primum. Non in sola renis carne, immò nec ita frequenter ac in eius cauitate, lapis generatur, iuxta probabiliorē sententiam, quam multi cum Gal. sequuntur; quidquid contrā sentiat, perperam tamen Fernel. *lib. 6. parabol. cap. 16.* de quo *infra in com. hist. 128.* nec enim 2. *de natur. human.* oppositum legitur, nec liber Hip. habetur, ut multum mouere debeat illius auctoritas. Porro vbicunque oriatur, dolorem procul dubio concitat, & nonnunquam acerbissimum, sed grauem tantum, hoc est grauitatem quandam molestam, & veluti ponderis sensum infert, cum in sinu gignitur, vel iam intra eum, vel carnem omnino genitus est, acutè autem, & vehemētissimè cruciat, & dum per angustas vteretrum vias permeat, siue in sinu ortus, siue in media carne; & interim dum in hac concrefcit, vel ab ea

Lib. II.

A transit in sinum, ut pulchrè Gal. 6. *epid. cir.* Cum enim in ortu, & transitu, densa visceris caro à durissimo, inæquali, seu anguloso lapide proscindatur, cur non acutissimè à causa vique adco vehementi dolebit, licet in se exiguo sit prædita sensu, & nervis destituta; ab externis enim tuz membranæ insertis, vim suscipit ad sentiendum, quia hæc etiam citra nervos per spatium exiguum potest accedere, ut *lib. 5. & 6. de vsu part.* affirmat Gal. augetur autem simul & doloris vehementia, à membrana ex tumente rene distenta, eaque valde sensibili. Nec verò par ratio est in phlegmone, à qua non acerbum, sed grauem tantum dolorem renibus induci dixit, 6. *epid. & 6. aph. cir.* nam à molli, leuique humore nascitur; nephritis à durissimo lapide. Cum igitur nephritis non minus acerbè, quam colica discruciet, nihil mirum si dolente rene in parte coniuncta colo, non liceat dignoscere ex magnitudine doloris, colicus sit, an renalis.

Ad secundum. In vtroque contingit vomitus, nausea, fastidium, &c. propter contentientem renibus & intestinis ventriculum, non tam ob imbecillitatem, (quod nonnulli putant) ex defectu sanguinis, & spiritus ad partē dolentem attracti, quia prorsus ab initio, à quo vomitus accidit, tanta esse nequit; quam ob agitationem à dolore factam, (commouet enim, & exagitat dolor) & cōcursu humiditatum ad ventriculum: quia cum expeditum non habeant deorsum exitum, præsertim in colica, conscendunt, & vomitum ac nauseam concitant, stimulat scilicet bile sursum vergente, ex prohibito descensu. Inducitur verò pariter fastidium, & subuersa ex iisdem causis appetentia, & quia natura ubi in expellendi opere constituta est, trahere obliuiscitur. Iunguntur etiam ructus, ex multa flatuū copia, tam naturalium, quibus exitus negatur, quam præternaturalium, qui ex retentis humidis excrementis acervantur. Porro maiora sunt dicta symptomata in colica, ob maiorem communitatem, quam suum intestinum obtinet cum ventriculo, ut diximus, & similiter vomitus pituitosus magis assidui, & copiosiores, tum ex contenta in ventriculo pituita, tum ex ea quæ à dolente colo (cuius affectus magna ex parte frigidus est) copiosius, & facilius, quam à renibus, sursum vergit: in nephritide autem, licet etiam ab initio vomitus adsit pituitosus, expellente primū ventriculo id quod abundat; deinceps tamen alienus est, pro ratione materiæ, quæ à renibus, vel aliunde recurrit, & sæpe æruginosus ex adusta bile maiori velocitate auulsa, quia magis fixa, & in remotioribus partibus impacta. In hoc quidem sensu laboriosior est nephriticorum vomitus, sed non proinde maior & frequentior quam colicorum, nec adeo pituitosus.

Ad tertium. In solo ileo, seu voluulo, dicit Gal. *in aph. & 6. epid. sect. 2. com. 6.* interclusa exitus via nihil prorsus per aluum deiici: cum verò hoc ipsum 6. *de loc. 2.* etiā colicæ adscribat, nec flatum in ea aliquādo emitti, putant aliqui ilei nomine colicam simul comprehendisse illic, atque nihil repugnās ibi tradidisse; quia sicut nomen habet commune, ita & symptoma hoc suppressæ vacuationis eorum, quæ per aluum excernuntur. Sed licet ilei appellatione colica etiam aliquando veniat, & è conuerso, ut colligitur ex Gal. 6. *aph. & 3. epid. citatis*, ileum tamen propriè iumprum, per omnimodam ventris constrictionem, distinguit *ibidem* à dolore coli. Quare dicendum, in hoc non ita retineri excrementa, sed tantum cum difficultate egredi: & si nonnunquam accidat nihil prorsus reiici, rarius erit quam in ileo; non tam propter angustationem viarum, quod tantum Gal. videbatur contendere, quam propter retentionem à vehementissimo dolore factam: præterquam quòd in præsentī comparatiuè ad nephritidem fuit locutus; cærum est autem in colico magis retineri superfluitates utpote propriis ipsarum instrumentis affectis.

Ad quartum. Vallei. reipōdet *lib. 7. epid. in com. text. 59.* in cuius interpretatione ad hos libros, meo, & doctissimo voto, verè, & secretioris praxis totū cardinē semper reposui, tam mihi videtur apta, compendiosa, & tanto viro dignissima expositio, quæ si post Galenum non extraret, quo pacto Hippocratici sermonis præstantia, multa, eaque pulcherrima breuissimis dictiunculis significatis, omnibus

foret conspicua, haudquaquam intueor: Is ergo fortissimus Medicinæ Atlas, hunc calculum mouens, sic ratiocinatur: Ideo lapide in vno rene contento sæpe urinam supprimi, aut dilutam excerni, quia cum emulgentes è caua vena simul oriantur, raro accidit vnum renem lapidem congerere, quin alter à crassis succis, aut arenis pariter obstruatur; vnde per ambos colata, aut purior, aut aquosa excernitur, aut omnino supprimitur. Sed non satisfacit vir doctissimus: nam si natura duos renes fabricauit, vt vno affecto seruetur alter, qui impeditam alterius actionem suppleret, quod ipse Vallesius *ibi* experimento confirmat in cane, ab eo fortè dissecto, cuius alter ren erat corruptus omnino, ita vt multo tempore rene vnico agnosceretur esse vsus, quod indies experimur, tam in renibus, quàm oculis, & geminis aliis partibus; fieri saltem non potest, vt maiori ex parte ambo pariter afficiantur, & pereant vel minuaturs vsus vtriusque. Improbabile etiam videtur quod addit: scilicet illud tantum locum habere in affectibus dolorificis, vt cum in vterem lapis descendit, ac si intra carnem dolorem non concitet: *quia enim*, inquit, *ad urinam reddendam necessarius est musculorum abdominis nixus, & is natura refugiente dolorem tum pereat, suppressio sequitur, obstruendo vno tantum vterere.* Nam præter alia est, quod eadem ratione in colica nixus ille cessaret, & supprimeretur vrina, cuius excretio merè naturalis est, ab expultrice vesicæ absque musculorum ope dependens. Rectius ergo dices impossibile esse, quod supprimatur à lapide vnus tantum renis, nisi vesicæ collo simul obstruendo à crassis excrementis delapsis, & vrinæ transitum impredientibus. Sicut verò frequens non est vesicam obstrui, calculo in vno tantum rene existente, ita nec cohiberi in totum urinam. Vnde ergo ab initio tenuis, & colata (quod Galenus docuit) apparet? Videtur ex permixtione illius, quæ transit per obstruendum renem; sicut paulo post, fit rota turbida & sabulosa.

Ad quintum. Si eadem ferè est arenarum, ac lapidis materia, & efficiens causa, & in creatione lapidis simul arenæ creantur, quin & ipsæ paruo momento in lapidem concresecunt: quid mirum si ex arenis cum vrina excretis lapidis suspicio habeatur? & certissimum signum, si tenuis vrina, dolor, & alia calculi signa præcesserint, vel adsint, etiam ex Auic. 18. 3. *tract. 2. cap. 17.* quod si nec adsint, nec præcesserint, & crebra sit arenarum expulsio, iungiturque bonus habitus corporis, significatur non acervari lapidem, ex rationibus adductis, idque voluit Auic. *cap. 16. & cit.* Porro licet frequentes arenæ ita cum vrina exeuntes, calculi timorem auferant, cūiores tamen nos reddit vrina pura, indicans nihil alienum in renibus contineri: quanquam fieri etiam possit, vt multa, lenta, & crassa obtrineant, quæ tamen præ imbecillitate nequeant excernere; quo in statu magis timendum, quàm in arenoso. Hic enim, absque alijs signis, solum indicat in membro vnde excernuntur arenæ, adesse paruum quandam lapidis aptitudinem, plerumque sine successu; ille maximam, & quæ sæpe in lapidem commigrat.

Ad vltimum. Hippocrates *lib. 1. epid. sect. 1. text. 6.* apertè docuit, nephriticis cum cibo implentur dolorem vehementer incrementum, minui per vomitum; idque ipsum affirmat Auicenna 18. 3. *loc. cit.* Contra Auicenna 16. 3. *tract. 3. cap. 10.* hoc vnum connumerat, quod *renalis dolor fit fortis hora vacuitatis, & colicum remittitur in ea, & fit fortis cum sumitur aliquid.* Quæ tamen sententia monitionibus Hip. *lib. cit. epid.* perspicue opponi videtur, vbi renum dolores grauiore excitari, & intensiores, dum cibo ægri replentur, palam cum Galeno proficitur. Gentilis explicat, Auicennam loqui de vacuitate ventriculi, non intestinorum; ventriculo enim pleno, renes propter sui distantiam nec grauantur, nec comprimuntur, saltem antequam repleantur intestina; quia imò accedente alimenti humiditate leniente, & laxante, tenso illorum meatu leuari: grauari verò ac premi intestina distento ventriculo, satis manifestum est, priusquam ad ea descendat alimentum. Ac proinde

nihil mirum, si protinus assumpto cibo colicus dolor exacerbetur: sicut & renalis repletisiam intestinis plena enim necessarîo grauant comprimuntque renes, qui per peritonæum crasso intestino compulantur: & de intestinorum quidem repletionem, intelligendum Hip. putat, cum dixit, *acerbius dolere nephriticis, cum implentur.* Sed quàm sit à Galeno aliena interpretatio hæc, constat ex illius verbis *in com.* apertè enim scribit, veridicam esse Hip. sententiam in vtroque significato cibi, ventriculi scilicet, & intestinorum, licet à multitudine, & pondere excrementorum, hoc est cibi, & intestinorum magis ingrauescat dolor, remittatur vacuatione; quod nec sinit Auic. 18. *cit.* Ergo sicut vterque affectus, copia ac repletionem incrementum, sed colicus magis; ita euacuatione & sursum & deorsum, vterque minuitur, inæqualiter tamen. Nam colicus integrè aliquando soluitur, scæbis omnino vacuatis, quia causa penitus auferitur: renalis autem quanquam etiam aliquantulum leuari videatur, quatenus vomitu, aut deiectione minuitur compressio; nihilominus tamen etiam tempore inanitionis viger, quia per eam non excernitur lapis, qui est sui doloris causa. id quod expressit Galen. 6. *epid. cit. & lib. 6. de loc. cit.* dicens: *clysteribus non sedari, sed lapide excreto.* Atque ita hos auctores in amicitiam reduces, scilicet vt tantum velit colicam repletionem deterius acerbari; nephritidem verò etiam inanitione, quia adhuc fortis manet quando illa alleuiatur. Hoc modo coarguendus est Matthæus Gradius *lib. 9. ad Almanforem, cap. de colica, sit de signis demonstratiuis*; qui gloriatus de expositione sua, Gentilis modo responderet, quæ solutio, & veritati, & Galenicæ (vt vidisti) opponitur sententiæ.

Iungit verò Hip. *loc. cit. epid.* aliud signum, nempe stuporem cruris è directo affectu renis, scilicet propter repletionem, & communitatem vasorum cum renibus, & cruribus. Cum enim vena & arteria, à caua, & magna arteria descendentes, ad renes accedant, ab his rursus per femora ad crura progrediantur, rene aliquo lapidem habente, crus è regione positum (quin & dorsum, & lumbi; quibus priusquam vasa illa descendant, inferuntur) necessarîo ob consensum afficietur; & torpore quidem, seu sentiendi & mouendi difficultate, quia quando in rene generatur lapis, trunci illi à caua, & arteria descendentes, singulis renibus, testibus, & cruribus communes replentur, simul & germina quæ ad crus deferuntur; plenis verò & tumentibus vasis, iuxta positi comprimuntur nervi, quibus compressis, vis & spiritus animales saltem liberè ad crura non transmittuntur, & inducitur illa sensuum & motuum impotentia, quam stuporem appellamus.

Addunt, quod è directo affectu renis retrahitur testis. Ratio est in promptu; nam renum vasa cum testibus etiam communicant: quoniam vena ad inferiora delata tripliciter diuiditur: vnus enim ramus rēdit ad renes, alius ad testes, & vasa seminalia, tertius ad crus; quare sicut ad plenitudinem venæ cruris sequitur stupor, ita etiam & contractio testis, ad repletionem rami, qui ad testem descendit; nimirum quia vena repleta tumet, tumens autem cum ad latera extendatur, penes longitudinem abbreviatur, & contrahitur, insulque contrahit & abbreviat membrum cui inseritur, perinde ac contractus nervus. Si verò pro horum signorum distinctione, plura inter tantos legere concupiscis, lege Carterium *cap. 3. ad libros de locis affect. disput. 62.* Castrensem *lib. 2. de meteor. microcosmi, cap. ult.*

## Observatio XV.

*Dolori nephritico, fonticulus in crure utilisissimus.*

**D**Um hunc consensum inter renes, & crura contēplor, non possum non mirari excellentissimos Medicos, qui pro præseruatione à lapide renum, cauteria cruribus affigenda non curant, vt spirent renes igneo calore affecti, suæque excrementa per venas in crura deponant: quo auxilio multos à sauo cruciatu nephritico leuauit, qui innumeris

præfidiis conualefcere hand poterant. Cuius auxilij ope, plures in longius tēpus, non tam diris doloribus concussi, vitam produxerunt. Alij, quum recens esset malū, ex toto curati. Quidam, cum miserrimè immāni dolore passim essent excarnificati, & illis diu esset vrina suppressa, hoc salutari auxilio, ab hoc tyranno morbo aliquid immunes sunt facti: nam in posterum per longiora intervalia, minores lapides, & cum maiori facilitate excernebant. De cauterio vrilitate mira, consule Thomam Fienum *prop. lib. de cauteriis*, quem Hermannus Follinus, Medicus doctus in compendium redegit.

## D V B I V M LVII.

*Num pituita vitrea in corpore gigni possit.*

**S**ed meretur admirationem, quo pacto ex alimento, in ventriculo, & in calidissima iecoris officina concocto, tam frigidus humor generari potuerit; & vnde tantam frigiditatem acquisierit, vt neque intra corpus ad tactum notabiliter calidum aliquantulum calefieret; nec auxiliis calidis intrò, extràque applicitis; nec motu, ex violentia caliditatem reciperet. Nam si frigidissima aqua in cacabum immissa, ignis calore protinus calefit, cur longissimo tempore humoris frigiditas, à calore continentis loci aliqua ex parte non fuerit diminuta, ita vt calidus prodierit, dignum est speculatione.

Deinde, si asserente Galeno 6. *epid. sect. 5. com. 27.* cibi, potusque viuente animali à frigore gelari non possunt, vt alia frigore concreta repræsentent, cur vitream pituitam in corpore, vigente calore interno oriri affirmabimus? Sed præstat fidem adhibere Galen. eam in corpore gigni asserenti: in *lib. enim 2. de feb. dif. 6. epialam* febrem ab ea generari asseruat. Cum enim frigidissima sit omnium, quæ in corpore reperiuntur, ex Galen. *lib. 1. prorrhetic. sect. 1. com. 35.* & crassissima, tenacissimèque ob visciditatem partibus impacta difficulter putrescat & accendatur; qua de causa, epiala correpti vnà rigent & febriunt; & adeò contumacissima est, vt per sentientes partes delata, sine febri rigores progignat, sic vt vel ex vehementi motu calorem non contrahat.

Hoc ita esse, proprio experimento comprobauit Gal. *lib. de rigore, cap. 7.* illius iuuenis, qui rigore sine febri ab ea suborto correptus, calidis auxiliis sanitatem recepit. Possè autem dari rigorem sine febri, constat ex Hip. *lib. 1. epidem. sect. 3. text. 22. in historia uxoris Epicratis*, & *lib. 1. prorrhetic. sect. 2. text. 31.* & Gal. *lib. de inæqual. intemp. cap. 8. & lib. de dif. morb. c. 5.* Auic. 1. 4. *tract. 2. c. 6. in med.* Ratio 30. *continens tract. 1. c. 1.* Iacobo de Partib. in *com. cir. cap. Auic.* Simone Simonio *lib. de humoral. feb. natur. c. 6.* Vallesio *lib. 5. controu. 17. in fin.* quem à crasso succo, vel vitreo humore generari, citati auctores contestantur.

De hac intelligendus est Gal. *lib. 4. de sanit. tuend. cap. 4.* cum sic ait. *Neque verò huic lentor inest. nam is si adsit, Praxagoras eiusmodi succum vitreum appellat. egregiè quidè frigidum: & lib. de arrabile, cap. 2.* viscidissimum esse aperte refert. Hæc pituita potius albuminea dici debet, quia cui albuminis consistentiam, colorem, & facultatem repræsentat; quam in corpore generari testis est locupletissimus Auic. 1. 1. *doct. 4. cap. 2. §.* *Est species phlegmatis vitrei, grossi, vitro liquefacto similis, in sui viscositate, & ponderositate, &c.* explicat Gentil. luculenter in *com.* Sequuntur Haljabbas *lib. 1. rhoric. 25.* Thom. à Viega in *comp. cap. 6.* Gal. *lib. 2. de dif. feb. Fernel. lib. 6. physiolog. cap. 9.* Christoph. à Vega *lib. 1. art. medic. sect. 1. c. 2.* Mercat. *tom. 1. clas. 3. quest. 75. art. 4.* Valles. 1. *cont. 21.* Peramar. Segarra, Carreius, Antonius Poncius, qui nuperrimè *fen. 1. lib. 1.* elegantissimis quæstionibus illustrarunt.

Hæc ergo pituitæ species cæteris frigidior est, & crassioris substantiæ esse censetur. Si verò pituitam acidam, quoddà validissimo frigore fiat, inter omnes pituitæ nō naturalis species frigidissimam facit *lib. 4. aph. 1. 2. & 3. eiusd. com. 2.* cum *cit. lib. de feb. dif.* pituitam vitream longè frigidiorē esse acida asserueret. Responder Montan. *part. 1. sua medicin. cap. de generat. pituita, sit. de visione phlegma-*

*tu*, vitream ibi cæteris facere frigidiorē, si ista vitrea sit acida: nam si talis sit, cassior reddita, certum est, quodd frigidior etiam sit, quàm pituita acida absolute.

Adde tu, cum Ioan. Brauo *lib. 1. de purg. rat. cap. 13.* vitream omnium frigidissimam, & crassissimam esse, & morā longā in nobis crassiorē, & viscidiorē euadere; nam hæc nota nulli alteri, quàm vitreæ conuenit, ex Gal. *lib. 4. de sanit. cap. 4.* & hæc est causa (inquit ipse) quare licet humores in superpurgationibus tenuitatis ratione educantur, ita vt post bilem, pituita, & postea atra bellis exeat, ex Gal. *lib. 1. de natur. hum. com. 9.* tamen hæc ex Hip. *lib. 1. eiusd. oper. sect. 2.* in superpurgationibus post melancholicum humorem in deiectionibus apparet: cum enim hæc ob sui crassitiem, & visciditatem nimiam, vehementer meatibus, quibus firmiter adhæret, sit impacta, in superpurgationibus post atram bilem excernitur.

Porro in statu naturali non potest tanta adesse frigiditas, quæ sit huius generationis auctor: potest tamen in statu præternaturali reperiri remissus calor, à quo valde refractio & debili originem ducat; præsertim in partibus natura sua frigidis, in quibus pituitosa excrementa & viscida collecta, quantò magis immorantur in corpore, tantò plus, absumptis à calore nostro tenuibus eorum partibus, fiunt frigidiora, quæ in partibus, in quas decidunt, grauissimos concitant dolores. Neque mireris: nam sudor, & humor in corpore acutè febriente manant actu frigida, 4. *aph. 37.* sentiens enim natura hæc vt incoctilia, ab eorū coctione se diuertit: cumque non agitentur à natura, resoluta parte ignea, indies redduntur frigidiora. Lege de argumento hoc, Holler. interpretem *lib. 1. de morb. internis, cap. de colico dolore, & Mercat. lib. consili. 17. in med.*

HISTORIA XCV. GALENI,  
De colico dolore.

Rusticus colico dolore correptus, alij esu sanatur.

**V**idimus namque ex agrestibus operis quempiam, qui ubi coli dolorem sensu, protinus se cinxit, cum cingi antea non soleret. Comedit autem cum pane allium, nullum dimittens consuetum opus: nec toto die quicquam bibit, sed vespere meracius: ab his, & tota nocte dormiuit, & manè ab omni dolore planè liber surrexit, &c. Galenus *lib. 12. meth. cap. ultimo.*

## PARAPHRASIS.

**A**d colicum dolorem propulsandum; ex frigidis humoribus, flatuque subortum, præfert inter cætera allium, quo assumpto rusticum ab eo immunem euasisse: refert. Cum ergo hic dolore premeretur immāni, ventriculus cinxit, hoc est, operimentis munivit, ne fortè ab ambiente læderetur. Cum enim agrestes homines laboribus dediti, frigori citra ordinem exponantur, immò defessi laboribus, madentēque aërem frigidissimum tum inspiratione, tum transpiratione attrahant, facillimè viscera refrigerantur illis, & subortis flatibus dolore sæpissime tentantur. Hoc explicat ipse, per verbum [*cum cingi antea non soleret.*]

Post hæc corredit cum pane allium; hoc enim cum illo assumptum à natura melius amplexatur, & maiori temporis spatio cum ipso commixtum, in ventriculo retinetur: & vt humores attenuarentur crudi, flatuque dissoluerentur, laborauit, hoc est, nullum dimisit consuetum opus; sic enim motu, caloreque adaucto, exercitij ope incalefcit corpus, succi coquuntur frigidiores, ventriculus robustior fit, & pituita viscida, tenaxque in probum sanguinem conuertitur: nec quicquam bibit, vt potus abstinentia, qui suapte natura incrudat, siccarentur humores, & absumerentur magis.

Accepit tamen merum, hoc est, vini syncerioris potum, & sine aqua permixtum: hoc ita fecit, an quia antiquis-

simis sæculis in vſu fuit meracum bibere, vt refert Athe-  
neus lib. 10. ex Herodoto? minimè quidem, ſed vt hoc  
aniquo, & impermixto vino proprius ſtatus diſſolueret,  
humiditatem abſumeret, excaſſaceret, exiccaret, crudos  
ſuccos coqueret, & lentos humores, inteſtinorum inuo-  
lucris hærentes incideret, naturamque ad excernendos  
ſtatus roboraret, quæ pituitolum humorem in ſui alimo-  
niam poſtea conuerſit, & maximè accedente ſomno,  
quem ſemicrudos concoquere humores à Gal. millies eſt  
decantatum. Nam allium caloriſicum ſuccum generat:  
quoniam Ariſtoph. in *vetèri comædia*, cum vehementiore  
hominem ingenio ac ferociore, & ad pugnandum prom-  
ptiſſimum deſcribit, appellat alliaturum, ſeu alliis paſtum.  
Allij enim eſus ferociam excitat, iras acuit, incendit,  
inflammat.

Aduerte hîc Galenum de alio crudo intelligendum:  
ſi namque elixum fuerit parum, adeò vt acrimoniam de-  
ponat, ex Galen. lib. 2. de alim. facult. 71. vires imbecilliores  
ex ſe oſtendit. Licet enim hoc, quâ alimentum, ſucci ſit  
prauus, inflammet, & caput tentet, tamen quâ medicamen-  
tum, mirum in modum craſſos humores attenuat, & cum  
ſit calidum & ſiccum verſus quartum, ex Auic. lib. 2. tract. 2.  
cap. 77. lentos incidit, digerit, obſtructiones aperit, ſtatus  
diſcurit. Si verò Hip. lib. 4. acut. 90. ſtatum parere affirmat,  
de viridi interpretandus; præterquam quòd contra aucto-  
ris huius libri mentem Galen. in com. non ſtatuolum eſſe  
affirmat, cum exiccat & calefaciat vehementer: nam ſi  
eleuat ſtatus; ipſos deinde abſumit. Hoc apertè docuit  
Gal. c. ult. lib. 12. meth. 5. Idem omnium planè eduliorum ma-  
ximè ſtatum diſcurit, & c. cuius vires lecto poemate ad vi-  
uum expreſſit Petrus Lopus in lib. de ſex rebus nò natura-  
libus, cap. de alio. Quapropter ad colicum dolorem curan-  
dum, & in ſedando dolore à ſtatu ſuborſos, alio ineſt proprie-  
tas bona, vt docuit Auic. 16. 3. tract. 4 c. 14. Agricolis enim,  
nautis, imò Thracibus, Gallis, frigidaſque regiones co-  
lentibus, vt Galenus ait, accommodatiſſimum, cuius vires  
inter tantos decantat Chriſtoph. à Vega lib. 2. artis medic.  
ſect. 3. cap. 8. Balthazar Piſanellus lib. de eſculent. & pocu-  
lentor. facult. tit. de alio, & non ſiluit ingenioſiſſimus Lu-  
douic. Nonnius lib. 1. de re cibaria cap. 19. quas eleganti car-  
mine deſcripſit Caſtor Durantes doctiſſimus in ſuo her-  
bario, fol. 10. lit. A. dum ſic ait.

Allia calfaciunt, ſiccantque, venenæque vincunt,  
Viſum hebetant, eadèmq; ſolent tum ledere cruda  
Ventriculum, loſiſſumque trahunt, menſesque, ſecundæque,  
Humores craſſos tenuant, lentosque: veniſta  
Sunt iuſſi auxilio, præſeruant peſte, dolores  
Perſanant dentum, ſi ſtent intra ora reſenta.  
Allium alopecias replet: colique dolores,  
Hydropicòsque iuuat, coctus, & vota miniſtrat.  
Vermiculos, lendèſque necat, vocem expedit, ipſi  
Splendorem reddens, ſerpentum deinde medetur  
Itibus impoſitum, linentibus atque colorem  
Reſtituit, delet tum ſugillata, leuâtque  
Id renum vitia, tineaſque & ventris id aufert,  
Concoquit, obſonium plebique videtur honeſtum.  
Dicitur idcirco theriaca id ruſtica: acutus  
Eſt cibus, atque malum ſuccum gerit, atque miniſtrat.  
Guaſtantemque ferunt illud ſerpentis abiectum  
Nil noxa attrahere, nil ex hauſtuque veneni.

Allij mirabilem facultatem aduerſus vermes non in-  
ueniſta hiſtoria confirmauit Ioan. Hebenſtreit libel. de  
peſte, & refert Sebaſtian. Meyerus ſect. 2. ſecreor. medi-  
cinal. c. 12. dum vermem poſt diſſectum cadauer cordi adhæ-  
reſcentem, viuum, in circulum ex allij ſucco in menſa  
figuratum, coniectum, ex allij nidore emortuum aſſeuerat.  
Aduerſus viperam, & hæmorhoi ſerpentis morſus in  
potu vtile eſt, ex Dioſcorid. lib. 2. cap. 141. vel cibo vel il-  
litu, vt proprio experimento firmat Amar. lib. 1. centur. 1.  
Demum venenis ita eſt aduerſum, vt eius ſuccus epotus,  
à venenatis morbis præſeruare poſſit, vt auctor eſt Ami-  
lius Macer.

Hac idèd miſcere cibus meſſoribus eſt mos,  
Vt ſi forſè ſopor feſſos depreſſerit arum,  
Anguib; a nocuis tui requieſcere poſſint.

Dicitur autem theriaca ruſticorum, quoniam ſicut illa  
à veneno aſſumentes præſeruat, ſic hos allium à frigidis  
morbis immunes reddit, vt inquit Cælius Rhodig. lib. 4.  
cap. 14. ſect. antiq. in fin. De cuius viribus admirandis, &  
medicamentariis facultatibus, lege Ruellium lib. 2. cap. 85.

## HISTORIA XCVI GALENI, De colico dolore.

Stercus lupinum, ad colici doloris præſerua-  
tionem, & curationem, vtiliſſimum.

**A** Lupinum ſtercus quidam colicis potandum dabat, non  
tantum in ipſis paroxyſmis, ſed etiam interuallis, ſiqui-  
dem phlegmone vacarent. Quorum ego quosdam vidi nò am-  
plius inuadi: & qui erant inuaſi, nò amplius id grauiter paſſos,  
ſed nec poſt paucum temporis. Accipiebat autem ille albidius  
ſtercus, quale vbi oſſa ederim, ſolent excernere. Verum illud  
etiam in eo mirabar, quòd vel ſuſpenſum euidenter aliquoties  
iunſſet. Itaque hîc ſtercus capiebat quod non deciſſet in ter-  
ram, id quod nò erat inueniendi difficile: ea enim eſt luporum na-  
tura, quæ canum, vt ſuſpenſo alſero poſteriorum crurum, &  
meiant, & cacent in eminenti quopià ex terra. Itaque in ſpinis  
ſape eſtate ſtercus lupinum reperiunt, & fruticibus, vepribus,  
herbiſque procerioribus. Inueniunt porro in ſtercore illorum, &  
nonnihil oſſium deuorati animalis, quod vt effugit commiſſio-  
nem, ita & concoctionem: quod & ipſum cõrundens, ac conte-  
rens, bibendum præbuit colicis: miſcebaturque & ſalis quidpià,  
aut piperis, aut quidpiam eiſmodi. Vt plurimum autem ex  
vino albo conſiſtentia tenuis bibendum præbebat: interim verò  
etiam ex aqua. Hoc ergo ſtercoris quod patientis ilibus appli-  
candum dicebat, nos in ollula ad magnitudinem maxima fabæ  
repoſitum quibuſdam ſuſpendimus, nec potuiſmus non mirari,  
quum plurimos ipſorum videremus adiutos, & Galenus lib.  
10. de ſimpl. medicament. facult. tit. ſtercus lupinum.

## PARAPHRASIS.

**S**tercora omnia excaſſacere & exiccare, auctor eſt Gal.  
lib. 10. ſimpl. non eſt ergo mirum, ſi affectui frigido &  
humido eximè conueniant. Sed cur potiùs luporum,  
quàm cæterorum animalium, pro hoc affectu præſer-  
uando vel curando, potiſſimum celebreretur, reſpondent  
plurimi hoc medicamentum ab occulta proprietate co-  
lico dolori auxiliari; de quorum numero ſunt Fernel. lib. 2.  
de abdit. 17. Fracaſt. lib. 1. de morb. contag. cap. 8. & alibi.  
Marcel. Donat. lib. 6. de hiſtor. medic. mirabil. cap. 3. quorum  
ſententiam ego quoque libenter ampiector, nam & Gal.  
librum conſcribere pollicetur, de iis quæ ab occulta pro-  
prietate iuuare ſolent, & lib. 11. ſimpl. cap. de cancriſ ſumia-  
rilibus, hos rabiei, ab occulta & ſpecifica facultate prodeſſe  
aſſeuerat. Sic hepar lupi à tota ſpecie humanum iecur ro-  
borat, ex Auenzoar. lib. 2. thez. tract. 1. cap. 2.

Hac ergo de cauſa ſtercus lupinum, ſiue epotum, ſiue  
ſuper locum affectum alligatum, validum eſſe contra co-  
licum dolorem auxilium, firmant Paulus lib. 7. tit. de ſter-  
core, & Auic. 16. 3. tract. 4. c. 14. per hæc verba. Stercus autè  
adib, quod fit ex oſſibus quæ comedit, (& eius ſignum eſt vt ſit  
albū, in quo color alius non permixſetur, & propriè illud quod  
eiicit ſuper ſpinas) eſt res magis iuuatiua, & datur in potu in  
vino, aut in aqua mellis, aut lambitur in melle lambitionibus,  
poſtquam cum eo conficitur ſecundum deſcriptionem: aut fit  
aromaticum cum ſale, & pipere, aut cum aliqua ſpecierum, &  
ſi inuenitur in ſtercore eius oſ ſicut eſt, eſt mirabile etiam. Et  
dicitur quod eius ſuſpenſio eſt iuuatiua, & dictum eſt quod  
corpus inteſtini adib, quum exiccatur, & teritur, eſt magis  
vltimum in inuamento, quàm ſtercus eius, & c.

Hoc auxilium à proprietate colicis auxiliari teſtantur  
Gentilis, & Iacob. de partibus in com. quod intelligas ve-  
lim, dummodò phlegmone abſit, qua præſente, cane &  
angue peius fugiendum eſt; nam calefacit, & inflammat.



In colico verò dolore est exusu, qui à flatu humoribusque frigidis originem ducit, maximè si eius rei gratia misceas piper, salem, & mel: nam præterquam quòd redditur sic gustui gratius, citius ad affectam partem vires suas communicat, & eò ampliùs, si in vino, aut aqua mellis diluatur. Hoc præsidio læpissimè usum Amatum, pro colico dolore cum vtilitate summa, legimus apud ipsum lib. 3. censur. 12. & lib. 2. in Dioscorid. cap. 75. approbât omnes qui de colico dolore scripserunt. Hollerius lib. 1. de morb. intern. cap. 39. Mercat. lib. 3. de morb. internis, c. 15. in fin. Michaël Ioan. Paschal. lib. 1. meth. curad. morbor. cap. 40. Christoph. à Vega lib. 3. art. medic. sect. 7. c. 16. Vidus Vidius lib. 9. de curat. membrat. cap. 26. & alij: qui omnes hoc remedio vtuntur, tam epoto, suspenso, super partem affectam ligato, & emplastri modo cum aliis medicamentis admoto, quàm per clysteres iniecto: De cuius exhibendi multiplici forma, lege per otium Conradum Gesnerum tom. 3. de quadrupedibus, tit. de lupo, num. 48. lit. O.

## HIST. XCVII. SCRIB. LARGI, De dolore iliaco.

Iliacus dolor clysteri ex oleo, priùs ruta & aphronitro decocto, parato sanatur.

**I**tem in oleo domestico incoquere rutam quàm plurimam, & hinc admiscere aphronitri triti fescunciam, & ita per clysteria immittere. Hoc ego iam stercus per os deiicientem (quod si non mortiferum est) sanavi unguentary cuiusdam seruum. Est autem vitium ileos periculosissimum, & ideo inter præcipua refertur, & c. Scribonius Largus lib. de compos. medicamentor. compos. 118.

## PARAPHRASIS.

**P**lurimum debemus Petro Salio Diuerso, Medico in artis operibus exercitatissimo, quem ætas nostra, & venerari, & admirari debet, qui peculiari libello, de affectibus particularibus, ab aliis ordinariis practicis non exhibitus, cap. 11. huic affectui, quem ileon Medicorum schola vocare consuevit, dicauit; quo loco de eius causa, signis, & curatione, eleganti methodo ex veterum penu, inter omnes mira descripsit, in quibus explicandis ieiuna veluti erat lectio auctorum. Est enim ileos superfluitatù cibi, quæ per inferiorem aluum excernuntur, retentio, ex Gal. 3. aph. 22. alij nuncupant iliacam passionem, Chordapsum, & voluulum. Huius affectus rationem consistere in obstructione intestinorum, ita vt nihil deorsum expelli possit, 7. aph. 10. & 3. de facult. naturalib. monuit Gal.

Obstructionis multiplicem causam agnoscunt omnes, tumores præter naturam, stercus induratum, flatum, mucosam, viscidamque pituitam, veneni potum, & demum omnia, quæ attenuando, exiccando, coarctando, opplendo obstruunt. Est affectio grauissimos dolores inferens, ex Paulo lib. 3. cap. 44. Aëtio, & alijs. Num autem hic, colico dolore vehementior sit, agit Altimarus lib. de medend. morb. cap. 80. In voluulo nihil exit inferiùs, nec si accerimò vtrius clysteri, ex Gal. lib. 6. aph. 44. & lib. 7. com. 10. & 3. de caus. sympt. 2. in med. In eo vomitus non adest semper, & si exitialis fuerit ileos, stercus quoque vomitur, vt loc. cit. docebat Galenus.

Pars affecta, licet à Gal. constitutur, quòd sint tenuia graciliave intestina, non autem crassa, vt ex superioribus locis satis patere arbitror; in crassis posse hanc affectionem consistere, defendunt Petrus Salius loc. cit. Mercat. lib. 3. de morb. intern. c. 16. Carterius disp. 56. ad libros de locis affectis, Mercurialis in com. histor. 23. ad libros epid. Hoc ita esse cõfirmat historia Fernel. lib. 6. patholog. c. 9. nam intestina ex copia pituitæ obstructa, ileon, & omnimodam faccum retentionem induxerunt: dissecto enim corpore inuentum est colon ipsum, non intestina tenuia, hac ma-

teria opplerum, & obstructum: non est ergo negandum in ileo posse, & tenuia, & crassa affici intestina, præcipueque colon. Hoc ipsum asseruit Gal. lib. 3. epid. sect. 2. com. 9. in historia mulieris, quæ apud Tisamenum decumbebat, cui voluulus cum molestia excitatus est. Sic enim ait Gal. Et cum sit periculosus omnis voluulus; qui in sublimibus intestinis consistunt, in qui in crassis, sunt deteriores, vt qui contagio iecur afficiant, & lienem, & c. Licet Scholiastes Paschalij hunc locum interpreteretur, ita vt Galen. de crassiore parte intestini tenuis, quæ crasso intestino adheret, sit intelligendus. Si verò hunc auctorem cum alijs concordem facere intendas, dic Gal. intelligendum esse de frequenti euentu, cum raro accidat, vt in crassis ileos consistat, nam rara non tollunt veritatem problematum Medicorum.

**I**leos accidit ex omnibus causis, ex quibus accidit colica, sicque oportet, vt reditio fiat cum causis suis, & accidentibus, & cura, curatione ad illud, quod dictum est in capitulo colica, vt scitè monebat Auicen. 16. 3. tract. 4. cap. 29. in initio. Cum verò hic affectus à flatuosa substantia contorquente intestinum, anfractus, & sinus vehementer distendente habuerit ortum, meritò calidis persanandum esse iudicauit. Inter quæ porissimum, enumerat enema, emolliens fæces induratas, flatus discutiens, & intestina calefaciens, paratum ex oleo oliuarum (sic enim domesticum intelligo) in quo ruta, & aphronitrum priùs ferbuerint.

**O**leo mollificare humiditate sua pinguis, stercora dura, ambigit nemo, quapropter Hipp. lib. 3. de morb. n. 15. emollientia pro hoc affectu curando parat ex malua, capite castrati, ptissana, & iuribus pinguibus. Deinde lenit dolores sua miri substantia, & facultate anodyna. Illicò enim in hoc affectu mitigare dolorem est opus, tantò citius, quantò colico est grauior & periculosior, nam intestina gracilia & tenuia actioris sunt sensus, & propinqua partibus præcipuis, hepati, lieni, fundo ventriculi, & lepto transuerso.

**C**um ergo à crudo, crassoque flatu ortum duxerit morbus, in oleo decoxit rutam, & aphronitrum, quæ sunt medicamenta discutiendis flatibus potentissima, vt sic ex clystere facto, tunc flatus resolverentur, fæcesque retentæ expellerentur. Ruta enim, & præsertim si sit syluestris, ex Dioscorid. lib. 3. cap. 48. vrit, exulcerat, vrinæ pellit, flatus discutit, ex Gal. lib. 7. simpl. 11. de ruta, & lib. 8. eiusd. eodem tit. Auic. lib. 2. tract. 2. c. 598. Nam agrestis quarto ordine excalfacit, domestica verò in tertio: quare crassos digerit succos, lentos humores attenuat, & cum sit tenuium partium, flatus absumit, cum digerat, & strenuè exiccet. Cum igitur intruso spiritu flatu mouentur, & cruciatus excitantur, tunc rutam præsumere, au medicamentum ex ea paratum, saluberrimum est consilium: nam suapte vi excalfactoria, vasa relaxat, & sic inclusus spiritus faciliè per patentiores angustias euadit. De ruta ad alios vsus, præcipueque ad pestem, aut lethalia venena vi mirabili, lege Ruellium lib. 3. de natur. stirp. cap. 28. & Dioscorid. interpretes loc. cit. In eandem vtilitatem iniecit aphronitrum, quum ad nitri facultatem accedat, ex Gal. lib. 9. de simpl. medic. facult. cap. de nitro. Nam crassos, & lentos succos lecat, & extenuat: at nunquam deuorandum, nisi grauis vigeat necessitas, cum sit stomacho noxium, & nitro potentius incidat, & valenter detergeat, ex Gal. in eodem lib. tit. de aphronitro. Huius ergo enematis efficacia, æger, fæces per consueta loca, absumptis flatibus distendentibus, & intestina contorquentibus, expellens, à periculoso morbo curatus est: quem esse lethalem, dubitari haud potest; quoniam ab eo pauci euadunt: nam miserabiliter stercus per os reddentes, citò occumbunt, vt Auicen. 16. 3. tract. 4. cap. 30. præsertim si sudor emanet foetidus, respiratio adsit foetida, & ructus, crepitùsque foetidissimi excernantur.

**S**ed mirari licet, Auctorem in morbo tam sauo non consuluisse vehementiora auxilia, cum vehemènti malo non possit nisi vehemens auxilium succurrere, monente Celso lib. 2. c. 11. At cum huic succutiuisset affectus, potentiora tentare opus non fuit: nam si per initia morbi etiam in præsentia

præsentia doloris diri, violentiora auxillia, corpore existente impuro administras, confluentibus humoribus ad locum dolentem positum in parte declinui, geminatur dolor, & amplius inualefcit.

## Observatio. XVI.

*Ad desperatum voluulum, optimum enema.*

**E**X omnibus præfidiis ad hunc mortiferum morbum necessariis, nullum hoc est præstantius. Cum enim quidam ex pyrorum crudorum ingurgitatione multa, in voluulosum affectum incidisset, & obturatis intestinis fæces diu excernere non posset, immò fædis vomitibus cruciaretur, & contumax morbus pluribus celebratis præfidiis non succumberet, ad hoc enema accessi cum utilitate summa. Cum enim flatus nebulosus, & crassus in intestinis pertinaciter esset impactus, exitumque ob stercora indurata non haberet, necesse prius fuit hæc emolli-re iniecto clystere, cuius vi excrementa sicca, & retorrida excreuit. Deinde alterum curavi iniiciendum, ad absumendos flatus potentissimum. Paratur ex aqua vitæ, vrina pueri impubis, generoso vino, vncia Balsami; in quibus prius decoquantur anisum, stercus capræ, semen fœniculi, dauci, cumini, & feseleos, cum vnciiis duabus olei rutacei, & drachma vna Castorei. Huius vi crepitus in magna copia excreuit, & à periculoso morbo immunis euasit.

Hippocrates iubet lib. 3. de morb. num. 15. de curatione voluuli, vt folle fabrili quo ignem accendimus, per imum ventrem intestina exufflentur, vt impetu aëris intestina redeant ad pristinam naturam, & ipsa stercore obstructa aperiantur, vt sic subsit locus emollientibus clysmis. Hoc auxilium feliciter expertus est Amatus lib. 1. cem. ult. cui non muleum fudit Petrus Salius loco cit. Attamen Trallianus admittit lib. 10. cap. de curatione colici doloris, ex duri stercoris obstructione: quod auxilium felicissimo experimento in desperato voluulo esse primum, appposito exemplo firmaui lib. 2. de praxi medic. admiranda, obs. 35. Si à flatu crasso obturentur intestina, & fæces retineantur, vacuetur flatus enematis ingressum impediens; quare instrumentum clysteris habeat fistulam duplicem, vt vna via penetret liquor, altera flatus foras erumpat, vt monuit Palschalius lib. 1. de curand. morb. cap. 40.

Narrat Marianus Sanctus cap. de colico dolore, multos se vidisse, qui in ileo desperato, imminente morte, liberati sunt haustis argenti viui in aqua calida libris tribus, pondere enim suo intestinum expedit, & euoluit, & obstruentes fæces deorsum trudit: quod auxilium se etiam in colico dolore expertum fuisse refert, à quo desumpsit Patizus lib. 20. cap. 38.

In eundem vsum cōsulit Mercatus lib. 3. de morb. intern. cap. 16. in fin. limaturam chalybis deuorare in opiata formam redactam; nam difficile iudicat flatuosam substantiam gravitati chalybis posse resistere: quare hoc præstantissimum est præfidium, maximè si aliquod laborans possit efficere post chalybis potum, exercitium.

## HIST. XCVIII. AVENZOARIS, E

*De iliaco dolore.*

**Dolor iliacus à gelidæ potionis subortus calidis medicamentis curatur.**

**E**T recorder cum essem iuuenis, quod hac agritudo accidit cuidam rustico, qui post multum laborem in tempore calido biberat \* aquam frigidam in magna quantitate: quare deuenit ad hoc quod non poterat fæces eiicere ab intestinis, & habebat dolorem tam fortem, quod vix poterat sustinere. Quare laboravi circa curam ipsius, & supplicavi à patre meo, vt mihi aperte dicere vellet curam istam, & ipse tunc aperuisti librum, & ostendit verba Galeni, quæ iam superius memoravi:

*mus, & legi in illo libro tamdiu, donec cognoui illud quod supra dixi, & laboravi in cura illius, donec fuit liberatus, &c. Auenzoar. Lib. 2. Theizir, tract. 1. cap. 2.*

## P A R A P H R A S I S.

**I**nestina à pituita crassa & lenta, crasso flatu, fæcibus duris, inflammatione, & aliis obturari, ita vt animal stercus expellere non possit, veterum, & iuniorum scientissimi obseruauerunt. Rarius lib. 9. continens. se vidisse enarrat mulierem paralyticam, cuius venter constipatus est per mensem vnum, quam historiam vt pote huic simillimam non appropinquamus. Scribit Nicolus ferm. 5. cap. 37. tract. 8. se vidisse grauidam, quæ in primis mensibus, quadragesimi quinti diei spatio, nullum habuit beneficium ventris. Hollerius in schol. cap. 40. lib. 1. de morb. internis, se in duobus obseruasse refert, fæces retineri, quoniam colon, quæ parte vicinum est reni sinistro, collecta veluti cartilagine dura, in scirrum obduruerat, ita vt cauitate eo tumore intercepta, nihil transcurreret. Simile exemplum vidit Beniuen. de abdit. 34. in religiosa, quæ ob intestinum callo obductum, non nisi cum doloribus, & ægrè stercus reddebat. Immo ex crasso humore, pituita lenta, caloris vi magis ac magis crassescente, & obstruente interdum obturari intestina, vt nihil omnino fæcis in aluum delabi possit, appositis historiis Fernellius docuit lib. 6. patholog. cap. 8.

Debilitari interdum virtutem expultricem intestinorum à frigida intemperie, & hanc à frigida copioso potu intempestiuo concitari, hac historia firmat Auenzoar. & Galen. prius asseruit lib. 3. de caus. sympt. cap. 2. (hæc enim librum huius auctoris pater patefecit, qui Medicus fuit, vt constat ex ipso lib. 1. Theizir, tract. 11. c. 1.) maximè si ab exudantibus accipiat, vt inquit Auic. 16. 3. tract. 4. cap. 29. qui plurimum iliaci doloris, esse ex cōpletionis frigida inculcat, & propriè cum accidit, vt stomachus siccatus valde, tunc enim obtorquet intestinum, & oppilat ventositatem, & phlegma, & quandoque (inquit ipse) est potus aqua frigida non secundum necessitatem eius, &c. nam, vt Gal. dicebat lib. 6. epid. sect. 5. com. 27. excretionis calore prouocantur. Si enim à frigidissimo ambiente, partibus quæ in sede sunt, frigescantibus, atque idè contractis, indurantur fæces & sequitur constrictoria intestinorum actio ab inferioribus partibus incipiens, quæ sursum versus contenta expelluntur, vt cit. loc. scitè Magister edocuit: cur à frigidissima aquæ potu post validum exercitium, penetralia corporis calore natiuo deferente, & ad extremas partes adacta, ob validam frigiditatem, emortua veluti, & resoluta expellente intestinorum facultate, idem symptoma non continget? si verum est inter iliaci doloris causas, sensum intestinorum obtusum esse numerandum, vt passim auctores affirmant: obtundi autem à frigiditate, testis locupletissimus Aëtius tetrah. 3. ferm. 1. cap. 28. nam à gelidæ potu intempestiuo, natiuo igne valde debilitato, & ad externas sedes expanso, flatus plurimi, nebulosi, & crassi excitantur, qui interna obturare queunt. Sic ex frigido potu, in calido post exercitia corpore, ileon fuisse sequutum vidit Iacchius in quodam, qui diei spatio occubuit, lib. 9. ad Almanfor. cap. 56.

Cum enim à frigida causa ileus esset concitatus, per calida auxilia esse debellandum, res est manifesta. Quamobrem laboravi circa ipsius curam, calorifica applicando, quæ in eodem capite ipse proposuit; de quorum genere sunt cinnamomum, mastiche, eupatorium, glycyrrhiza, blasamum, ambarum, & cætera, ex quibus cum oleo antiquo nactum, & melle parari possunt auxilia multiplici lege confecta, quæ intestina, hepârque à quo vis partium expultrix foueri solet, roborare, & flatus dissolvere nata sunt: quibus secundum rationem celebratis æger superstes euasit.

At quæres, cur ab ileo hic sanus remansit, si hic affectus exitialis est, à quo vix quispiam liberari vnquam potuit, præsertim qui stercus euomere conspicitur, auctore Galeno lib. 6. de loc. affect. cap. 2. & lib. 6. aphorism. 44. Dic, hoc quidem verum esse de lethalibus ileis, in quibus fæces per

per vomitum reiciuntur, & adest absoluta intestinorum obstructio, quam cum hic æger non pateretur, nil mirum si ex hoc periculoso morbo saluus remanserit; & maxime cum ille à causa externa ortum duxerit, quæ cum non inueniat apparatus morbosum in corpore, non ita lædit, ac si à causa interna scaturiat: nam tunc vehementiorem causam præsupponit. Dic secundò, lethale apud Galenum *lib. 5. aph. com. 2.* sumi aliquando pro morbo, qui admodum crebro, non tamen ex necessitate mortem inducit: quare ileos exitialis est morbus, licet interdum, raro tamen, ex eo homines saluari contingat.

Quæres secundò. Si iliacus morbus acutissimus est, ex *Gal. lib. 3. epid. sect. 2. com. 6.* & Theodoro Prisciano *lib. 2. ad Timorh. c. 9.* quomodo tamdiu durauit hic affectus, ita ut moram dederit inquirendi cõsiliũ à patre suo, ut medicamenta præscriberet huic morbo accommodata? Dic. Duplicem esse voluulũ, alterum legitimũ & exquisitum, in quo adest omnimoda intestini obturatio, & sic totale impedimentum adest descensus excrementorum; & hic vel à stercoris indurati copia, vel tumore præter naturam oriri solet. Alterum spurium & nothum, in quo neque omnino via est interclusa, neque excrementorum descensus planè prohibetur; cuius causa est pituitosus succus, vel nebulosus status. Hic per similitudinem ileos appellandus, & diu perdurare potest, & ad plures dies protrahitur, ut *loc. cit.* Salius annotauit. Alius verò acutissimus est, ex inflammatione subortus, de quo intelligendus Gal. Et Celsus *lib. 4. cap. 13.* non siluit, cum Paulo *lib. 3. cap. 44.*

Quæres tertio. Si iliacus dolor à gelidæ intempestiuo potu, debilitata, & veluti mortificata virtute expulsiua ortum ducit & calidis præsidiiis curandus est, ut hoc loco firmat Auenzoar: cur strangulatus, & dolores ab eadem causa pronatos frigidis auxiliis curandos esse asseuerant Dioscorides, & Paulus? Est textus celebris apud Paulum *lib. 5. cap. ult.* qui in hunc modũ sonat. *Aqua frigida subito ac cumulatim pota, vinũque meracius copiosum, dulce, præsertim à balneo, aut cursu, validis quo exercitiis, strangulatus, & dolores concitat, in quibus sanguinis missio protinus adhibita, & inanitio imminens periculum dissoluit, &c.* Hanc sententiam confirmant Dioscorides *lib. 6. c. 33. ex versione Ruellij.* Quare si subitus dolor à copiosa gelida subortus, calidis medicamentis tanquam contrariis curandus est, ineptè à Dioscoride sanguinis missio, quæ calidam substantiam, spiritum nempe & sanguinem exhauriens, refrigerat ex Galen. *10. meth. cap. 10.* à Pauloque consultitur. Pro quo dolore curandò Auic. *6. 4. tract. 1. sum. 1. cap. ult.* medicamen consulit Diacurcuma, & de moscho, quum à potu aquæ frigidæ in ieiunio, aut post balneum, aut coitum fuerit concitatus. Responde. Dolorem ex potu aquæ, aut vini copiose hausti post exercitium, & labores, nullo alio promptius præsidio, quàm venæ sectione curari, ut dissest idem protulit Auic. *cit. loc. sum. 2. cap. 31.* Sic enim inflammatio ab illo concitata sedatur, & interna viscera ex illius potu flagrantia, & excandescencia, vacuato sanguine nimis excalfacto attemperantur. Subitum verò dolorem, & incipientem, phlebotomia curandum esse docuere citati auctores, ut citissimè & sine cunctatione, ob præceptum periculum suffocationis, caloris natiui ruina & extinctio impediatur, vel imminens inflammationis ex nimio dolore contrahendæ noxa auertatur, & simul cum sanguine, qui in venis est, diuertatur aquositas, & reuocetur flatus, ne incidat in principes partes, dolorique augendo occasionem præstet. Quo tempore, hoc est, in initio doloris iliaci, si vocaretur auctor, non dubito quòd vestigia Dioscoridis sequutus, ob vrgentem necessitatem reuulsionis causa venæ sectionem exequeretur: quam excernendam non consuluit, quoniam iam intemperies frigida erat facta, ratione cuius præsidia calefacientia erant ex vsu. Sic in initio palpitationis venæ sectionem tantopere commendat Gal. *lib. 5. de loc. affect. cap. 1.* & vel in ea quæ sit ex aqua in pericardio contenta: quod præsidium in priapismo esse optimum, tanquam reuellens & euacuans, firmat ipse *lib. 1. 4. meth. cap. 7.* quem affectum à flatu, & debilitate caloris natiui

A generari, ibidem Gal. inculcat. Et licet sanguinis missio imbecilliter calorem, & sic videatur nocere, maior utilitas minore noxa est redimenda; hæc enim potius elegenda est, quàm mors, ex Galeno *12. meth. cap. 1.*

Cum ergo auctor noster in principio vocatus non esset, quoniam æger erat rusticus, qui homines diutius citra auxilium dolores perferre solent, idcirco calida remedia applicuit, maxime cum facultas intestinorum expulsiua ex frigida intemperie nimis iam esset labefactata; quo tempore omni ingenio calefacere, roborare intestina, facumque retentorum excretionem promouere oportet: his enim præ mora coercitis, & caloris vi indurescentibus, corpus grauescit, coctio ventriculi læditur, cerebrum terro vapore concutitur, & sic immedicabiles contingunt huius partis, ventriculique affectus. Et cum intestina, nec pondus, nec acrimoniam (ut inquit Galen. *lib. 3. de facult. naturalib. cap. 13.*) tolerent excrementorum, hæc expellere quàm longissimè conantur: cumque inferior via obstructa sit, ad suprà posita intestina, & ad ventriculum extrudunt, hincque stercoris vomitus, singultus, frigidus sudor, conuulsio, extremorum frigiditas, summus virium languor, morique contingere solent, ut Auicenna *16. 3. tract. 4. cap. 30. de retentione facum* asseuerat.

Quamobrem auxiliares manus mox adhibere oportet. Profunt calefacientia tam extrà, quàm intus assumpta, inunctiones, balnea, emplastra, clysteres, fomenta quæ flatus carminandi, calefaciendi, roborandi intestina, vnàque mucosam pituitam vacuandi facultate prædita sint; quæ licet non tam citam utilitatem afferre possint, quoniam intestina paralyti veluti sunt affecta, tentanda tamen sunt, & vel in desperata salute omnia exequenda, præsertim præ sagito mortis periculo, ut monebat Magister *lib. 1. 2. meth. cap. 3.* Vnde extrà olea apponenda sunt calidissima, similiaque, immò fortiora emplastra, quæ frequenter à Medicis pro curando colico dolore exerceri solent. Intus per os exhibentur vina generosa, aqua vitæ, decoctiones, conseruæ, antidota, theriaca, mitridatium, aquæ minerales, quæ ad tentandam excrementorum euacuationem non solum per os propinantur, sed per sedem infunduntur. Clysteres parantur ex vino, aqua vitæ, medicamentis carminantibus, quorum syluam multiplicem, *capite de iliaca dolore* auctores passim tradidere.

## D V B I V M L V I I I.

Num intempestiuus frigida potus nocere possit.

## C O M M E N T A R I V M

**A**quam frigidam.] Num intempestiuus frigida potus nocere possit, meritò in dubium vertendum. Nam vita stat per calorem, & calidis naturis aquæ potus salubrior est, apud Hipp. *lib. 6. epidem. sect. 4. text. 15.* cuiusque frigidissimæ, ex Auic. *2. 1. doct. 2. c. 16. §. Aqua præterea temperate quantitas frigida, sanis melior est aquis omnibus, quoniam appetitum excitat, & stomachum fortem facit, &c.* Aquæ potum frigidum tempore sanitatis esse commodiorem, res est manifesta, & probat Ludou. Mercat. *lib. 1. indicat. cap. 2.*

E At nos hanc sententiam libenter amplectimur, sed intempestiuum frigidæ potum vehementer damnamus, à quo immedicabiles, repentinòque morbos, immò & mortem fuisse subortam, auctores vnanimiter contestantur. Extat in primis elegans historia apud Hip. *lib. 6. epid. sect. 8. text. 39.* dum sic inquit. *Abderis palastra custos, qui Sebenem vocabatur, multum lætatus cum alio fortiore, in caput cecidit, inde abiens aquam frigidam copiose bibit, & tercio die mortuus est, &c.* Cum enim caput fuisset collisum, & ad superas partes ob dolorem, & ad exterarum ob validam luctum, sanguis & spiritus confluerent, internasque partes calore orbatas defererent, factum est, ut copiosa frigida ingesta, extincto veluti & mortuo natiuo igne, mortem afferret inuitabilem; quidquid non læsum fuisse hunc hominem à potu aquæ frigidæ in eam asseueret Vallesius;

ea enim non male bibitur à recenti casu, quippe quæ tardat motum sanguinis, prohibetque fluxiones fieri. Sed sinistra est interpretatio hæc, quam Gal. coarguit in com. 6. Probabile est *cum ex ictu concussus esset cerebrum, magnâ ei noxam esse ex aqua potui allatam: unde vigilie, & molestia sunt consecuta, & extrema partes frigore correpta sunt, &c.* Nam ut Fuchsius notauit in com. etiam antea, ob casum in caput, cerebrum, aut saltem nervi læsi essent, tamen substantia ista aquæ frigidæ potione, multò maiorem, quàm fuerat antea, noxam effecit: cum enim calidis fouendum esset caput, hic potius frigidam adhibuit, & eam copiosè ingessit, quæ quantam cerebro, aut nervis afferat noxam, ostendit Hip. 5. aph. 18. Quæ verò post casum commodissimè bibitur, in parua quantitate propinari debet, ob dictam causam: si enim in magna cibatur, distracto ad partem dolentem calore, superstitem in internis partibus ignem mortificat.

In hunc sensum dicebat Auic. 3. 1. doct. 2. cap. 8. valde nocere copiosæ aquæ frigidæ potum, præsertim ieiuno tempore, post exercitium, & balneum: adde coitum, iram, aut aliquod validum animi pathema, & corporis morum, cuius causa internus calor intima corporis penetralia deserat; quo tempore affatim gelida epota ipsum pusillum extinguit, & aliquando minuit, unde hydrops, vel alius frigidus morbus oriri solet, ut Gal. lib. 5. de loc. affect. cap. 1. inculcat: & lib. de salubri dieta, com. 12. frigidam potionem post exercitationes valde nocere refert, si calida illicò superbibatur. Auic. part. 2. canonicorum. 31. non esse assumendam frigidam post fortem exercitationem asseruit; & regulit lib. de remouendis nocuentis in regimine sanitatis, tract. 3. c. 9. de nocumento aquæ frigida in balneo: & cap. 15. sic ait. Potare in balneo rem aliquam frigidam, sicut aqua frigida, & ceruisia, est timorosum valde. Quoniam res frigida quando peruenit ad stomachum in balneo, in quo iam porositates sunt aperta, & meatus sunt rectificari, & aperti, subito attrahitur ad hepar, & ad cor, quare infrigidantur ambo infrigidatione vehementi; aut debilitatur caliditas naturalis, & debilitantur omnia viscera, & disponuntur ad hydropisim, &c. & tract. eodem, cap. 27. potum aquæ supra coitum facere tremorem cordis, & debilitatem eius asseuerat.

Quid plura? nonne plurimis, iisque lethalibus affectionibus tentantur homines, quum potum frigidissimum intempestiuè hauriunt? immò plurimos mortem subiisse apud fideissimos auctores scriptum inuenio. Narrat Lacuna in com. cap. 34. lib. 6. in Dioscorid. magnatam quædam in medio pilæ ludo, hausto frigidissimæ poculæ, subito extinctum fuisse. Refert Scaliger exercit. 3. 2. n. 2. in Cardan. messorum è meridiana tritura sitibundum primo gelidæ haustu repente occubuisse. Scribit Beniuenius lib. de abdit. cap. 16. Antonium Parmensem iuuenem admodum robustum, cum sub sole feruentissimo pluribus diebus versaretur, ardentissima febre correptum, urgente fici, frigidissima aqua ebibita intra paucas horas obiisse: quam historiam commemorant etiam Nicol. serm. 7. tract. 4. cap. 35. Amat. 2. centur. 62. Mundel. dialog. 7. Ob quam causam affirmat Cels. lib. 1. cap. 3. gelidæ potionem ex itinere fatigatis esse inutilem, & ex labore sudantibus perniciosissimam.

Cum ergo ex gelida intempestiuè sumpta, lethalia symptomata, extincto veluti calore nativo contigerint, quid faciendum in agone tanto, perbellè docuit Auic. lib. cit. de iis que accidunt in regimine sanitatis, tract. 3. cap. 15. dum iis, antequam emoriatur internus ignis, vinum purum bibendum consulit, cum Diamoscho, Mithridario, aut Diacurcuma permixtum, aut aromatis conditum; & cor, hepârque pannis calidis fouendum imperat: in quem usum commodissimè super cor, & ventriculum cucurbitulæ imponendæ, ut ex toto corporis habitu sanguis, & spiritus ad has partes confluere queant: postea eas cardiacis medicamentis actu calidis robore oportet, ne vis vitalis flaccescat, aut pereat.

\* \*

## HISTORIA XCIX. ORIBASII, De Lumbricis.

Auriculæ muris succus, aduersus ascarides  
celebre auxilium.

**A**D lumbricos, qui ascarides dicuntur, faciunt muria, vel centaurij decoctum, vel Absinthij, vel Lupinorum, vel Aloës, vel Cedria cum alicuius decocto. Mibi vero usu compertum est, Auriculæ muris succum triduo potui datum saepenumero quod opus erat, confecisse, datur sextarij quarta pars, &c. Oribasius lib. 1. Synopsicos, cap. 19.

### P A R A P H R A S I S.

**T**Res esse lumbricorum differentias, latos, teretes, atque ascarides, firmat Aristot. lib. 5. de natur. animal. cap. 19. approbarunt deinde Gal. 3. aph. com. 16. & lib. 4. c. 17. Paul. lib. 4. c. 57. & cæteri Medicinæ Principes Græci id confirmant. Quomodo verò Hip. & Celsus lib. 4. cap. 17. duas solum, & Auic. 16. 3. tract. 5. cap. 2. quatuor constituerint, explicant diligenter Manard. lib. 4. epist. 2. Gabucin. lib. de lumbric. cap. 2. Mercurialis lib. 3. de morb. pueror. cap. 7. quo loco iste auctor, pulchra docet ex antiquorum mente, & cur ascarides, de quorum vermium curatione hic disputamus, frequentius in iumentis, quàm in hominibus generentur.

Sunt ascarides bestiolæ quædam, tipulas Latini vocant, quæ in pueris ferè, & vbiicumque aqua se colligit terrena, subsidente concretione oriuntur: fit enim ut principio sæx ipsa putrescens colorem candicantem trahat, mox nigricantem, postremò cruentum: talis quum fuerit, minutissima quædam, & rubra, specie algulæ prodeunt, quæ ad tempus hærentia suæ origini mouentur, deinde absoluntur: itaque feruntur per aquam tipulæ nuncupatæ, quarum loc. nuper cit. meminit Aristoteles. His similes in ima sede, hoc est, in extremo longanone procreatos vsitato nomine ascarides nuncupamus, qui vehementem harum partium pruritum excitant, assiduam pariunt egerendi difficultatem, & intestina vellitant, non absimiles iis qui in caseo, putridisque carnibus minutuli conspiciuntur, & quales iumenta quum malè cibum concoquunt, excernunt: quarum prauam concoctionem fætor indicat excrementorum, Galeno auctore in com. cit. aph. Quapropter & eorundem indicia ex graueolentia excrementorum potissimum sumuntur: indicant enim hæc prauos assumptos cibos, ac eorundem corruptionem & frigiditatem, ex quibus species hæc lumbricorum generatur.

Licet autem ex præcitatis auctoribus constet, inter omnes lumbricorum species minùs periculosos esse ascarides, tum quia tenues & exigui sunt, tum quoniam generantur in loco à partibus principibus remotissimo, intestino inquam recto, crasso, minimè omnium sensus participante, & noxam sentiente; & cum alui egestionibus facilè excernuntur; & medicamenta statim ipsos attingunt: tamen horum non negligenda curatio est, nam vehementem pruritum inferentes, ad animæ quandoque defectionem ducunt, ut Paulus & Aëtius confirmarunt: assiduè enim commoti, animal continuò stimulant & exercent; quare ab his vexati, præcordiorum ac dorsi cruciatum persentiscunt. Qui si sint viui, mortuis sunt deteriores; quicquid hos esse illis periculosiores contendant Arabes: quam liitem diremit doctissimus Mercurialis loc. cit. de morb. puer. cap. 9. & postea explicuit Ioan. Braun. in com. sent. 18. lib. 2. prognost. & de hac re nos lib. 2. de praxi medica admiranda, obseru. 40. plura Laconicè perstrinximus.

In ascaridum curatione, vnum solum aduertat quæso, ut quoad potueris, medicamentis per sedem iniectis eos interficias; quare acri muria infusa, aut absinthij decocto admixto necandi sunt, vel centaurij decocto cum nitro, & melle. Infantes verò glandibus ex melle cum salis momento



momento vacuari debent: & post excrementorum vacuationem, locus, id est, longan non illinendus simplicibus medicamentis amaris, adstringentibus, acacia, rhois succo alumine liquido; coacta enim ab adstringentibus affecta pars roboratur, apertudinemque ad animalculorum generationem amittit, atque ascarides ipsos excludit. Demum hæc omnia ab auctore proposita amara sunt, quæ per clysteres injecta ipsos interficiunt. Amara autem lumbricos enecare testatur Gal. 14. *meth. ult. cap.* Cur autem amara vermes interficiant, diximus supra in comment. *Historia 66.*

Ascaridum curationem validioribus egere medicamentis, quam ullum aliud lumbricorum genus, *loc. supra cit.* testatur Gal. & firmat Auic. 16. 3. *tract. 5. cap. 4. §.* Et medicina quæ interficiunt ascarides, fortiores sunt eis, quæ interficiunt longos; & illa quæ interficiunt ascarides, & rotundos, interficiunt etiam longos: & causa in hoc est, quod ascarides sunt remotiores ab eis, quæ bibuntur, & sunt magis submersi in humiditatibus continentibus in eo, & quandoque sunt in cysti. Et quoniam ipsi sunt generati à materia grossa, & grossiore, & spissiore, & propinquiore ad complexionem calidam magis simili ei quod est venenum: quare non patitur à suo simili dum non superfluat, &c. Ex qua serie patere arbitror, cur ascarides potentioribus egeant medicamentis: nam fiunt ex deteriori materia, sæculenta, & crassa, ac veneno proxima; & longè absunt ab ore, vel ventriculo, per quæ loca medicamenta ad lumbricos, vel necandos, vel educendos transferuntur; & non nisi imbecillia ad eorum sedem perueniunt. Ut igitur commodè interimantur, validissimis medicamentis utendum est.

Inter plurima, quæ ab omnibus auctoribus, præsertimque à Gabucino *lib. de lumbric. cap. 2. 3.* Mercurial. *lib. cit. cap. 10.* Mercat. *lib. 2. de puer. morb. c. 13.* Altimaro *lib. de curand. human. corp. malis, cap. 81.* Iacchino, Messaria, Rondelet. Paræo, & aliis proponuntur auxilia, tam per os assumpta, quam per aluum indita, alia censentur calida, alia frigida; quorum medicamentorum numerosam sylvam Principes in suis libris describere. Oribasius hoc loco, auriculæ muris succum triduo potui datum sæpe numero vermes enecasse tradit. Huius succum esse frigidum, lumbricosque interficere, firmat Gabucinus *lib. cit. cap. 2. 2.* Auricula muris duplex est, utraque *myosotis* vocatur; quædam *Alfine* nuncupatur, & à muribus nomen inuenit, quod eorum auribus similia habet folia, humilior est, & breuioribus foliis constat; refrigerandi vim habet, ex Dioscoridis *lib. 2. cap. 175.* Alia verò muris auricula vocata, & quæ ab vna radice caules mittit rubentes, & concauos, de qua sequenti capite Dioscorides egit, & scolopendrio similis est; hanc ordine tertio rescicare prodidit Galenus *lib. 4. de simpl. medicament. facult.*

De prima specie loquutum fuisse auctorem, res est manifesta; quam etiam à tota substantia vermes interficere, mihi persuadeo: sunt enim plurima quæ à proprietate lumbricos interimunt, ut affirmat Ioan. Michaël Paschal. *lib. 1. de curand. morb. cap. 51.* nam cum lumbricus sit pars in corpore addita, toto genere præter naturam, & sit auferenda; à medicamentis, quæ toto temperamento operantur, curari debet. Lumbrici enim cum sint animalia, habent sua venena, corallum, cornu ceruinum, lumbricos terrestres, & similia, solo experimento cognita, ut doctè aduertit Pereda in com.

## HISTORIA C. PAULI,

### De lumbricis.

Alumbricis quidam exesi, conuulsi interierunt.

**M** Vti siquidem nulla lumbricorum cura habita, exesi ab ipsis sunt, & conuulsi interierunt, &c. Paulus *lib. 4. cap. 53.*

Lib. II.

## PARAPHRASIS.

**H** Anc historiam Auic. recenset, fortè ex Pauli mente, *fen. 16. 3. tract. 5. cap. 2.* dum sic ait. *Ei iam reuulerunt quidam, quod viderunt eos perforasse ventrem, & exiisse ex eo, & illud apud me maximum est, &c.* Nec desunt qui Pauli dictum verissimum esse, manifestis exemplis confirmant. Narrat. Hippocr. *lib. 7. epid. num. 56.* Diny puerulo circa umbilicum sauciato, exigua fistula relicta; per hanc exiisse aliquando lumbricum magnum. Scribit Tral. in epist. ad Theod. de lumbr. sæpe obseruatum esse, lumbricos ob alimenti inopiam ita intestina lacerasse, ut per cutim ipsam egredi visui sint. Hoc expeimentis approbant Paræus *lib. 19. cap. 3.* Forest. *lib. 7. in schol. obseru. 35.* Omnibon. *lib. 4. cap. 15. art. med. infant.* Conciliar. *dis. 101.* Nicol. *serm. 5. tract. 8. cap. 54.* Thom. à Veiga in comment. *cap. 5.* Galen. *lib. 1. de loc. affect. Solenand. lib. 5. consil. 15.* Balduin. Ronseus *epist. 10. pag. 31.* & nos, vermes, inguina & umbilicum perforasse, appositis exemplis firmauimus *lib. 2. de praxi admiranda, obs. 39. & 40.*

Mira sunt, quæ ab auctoribus de lumbricis proponuntur, indicia. Mirabilia quæ quotidie in hoc morbo visuntur symptomata, inaudita, & terrore plena. Vermes enim comitantur singultus, cordis morsus, vomitus, nausea, Iliacus dolor, intestinorum tormina, inappetentia, fames canina, cephalalgia, sopor, conuulsio, epilepsia, apoplexia, angina, febres incerto ordine repetentes, vigilia, inquietudo, tussis exigua cum siccitate irritans, insolitus clamor, ingens mœstitia, pulsuum inæqualitas, extremorum frigiditas, stridor dentium, impedimentum deglutiendi, carniū extenuatio, syncope, animi defectus, oris foetor, ventris tumor, & alia demum horrenda symptomata apparent, quæ ægros miserrimè torquent, & Medicos expertos sæpe fallere solent.

## Obseruatio. XVII.

### Epilepsia ex vermibus orta, theriaca curata.

**V** Ocatus ut inuiserem septennem puerum, qui ab anno Epilepsia sæua corripiebatur ex interuallis. Cessante accessione, immani ululatu ac gemitu vexabatur, cum maxillarum rubedine summa, ut non solum parentes, immò adstantes omnes ad commiserationem perduceret. Medici pro remouenda accessione remedia parant, & alia præscribunt extra paroxysmum, quæ ad morbum comitalem à sanguine melancholico ortum prodesse solent. De horum genere sunt venæ sectio, cucurbitulæ scarificatæ scapulis admoæ, hæmorrhoidū apertio hirudinum vi, purgatio frequens, cauterium in crure, quo occluso in nuchæ inustum, cucuphæ roborantes, tabellæ, & conseruæ, sicut & cardiaca, intus & extra applicita. His factis secundum artem, insultus tamen epilepticus inualuit, & fortius est exacerbatus. Cum autem omnia iam tentata essent, Theriacam, ad vermes necandos à veteribus laudatissimam propino; quæ licet in pueris caute sit concedenda, quoniam illorum debiles vires superat, calorémque insitum exhaurit: tamen in moderata, scrupuli videlicet, quantitate exhibita, in eorum morbis mirè prodest. Hoc antidoto quinquies assumpto deprehensus est totius mali auctor, qui toties irrita pharmaca contemnens, ac Medicorum operam illudens, antea actam tragediam excitauerat: nam semel post horam ab assumpta theriaca, cum aqua cardui benedicti dissoluta, præuiis torminibus diris, excreuit per sedem lumbricum rotundum, palmi longitudine, digiti indicis crassitie, ruberrimum, emortuum; quo expulso, qui suo tetro vapore cerebrum concutiens, sacrum morbum concitabat, ægernunquam amplius malum persequitur.

Summè ergo attendere oportet, inquit Paulus, ut vermes, antequam ferina symptomata accersant, interficiamus. Si verò febris ex putrida in ventriculo collecta humiditate complicitur, amborum similiter conuenit

H h habere

habere rationem, eruntque auxilia simpliciora, maximè A si inflammationem viscera patiantur. Vbi verò febres non sint vehementes, calida frigidis miscenda sunt. Cum ad integritatem ventum est, efficaciora quoque usurpanda, vt lib. 4. c. 50. Paulus edocuit. Si verò symptomata admiranda vermis per nares excreti audire cupis, lege quæ ex doctissimorum voto scripsit Alzarius à Cruce l. 3. cent. quæst. 31.

## HISTORIA CL. GALENI,

### De hepatis inflammatione.

Medicus Siculus pleuritide se affectum falsò credens, iecoris vitio laborare à Galeno conuictus est.

**E**quidem cum primùm Romam venissem, magnificè admiratus est me Glauco Philosophus, ob huiusmodi quandam dignotionem. Etenim per viam mihi occurrens, opportune (inquit) aduenisti; iungensque dextera dexteram, proximi sumus (inquit) laboranti, quem nuper vidi: itaque oro, vt vnà mecum ad ipsum venias: est autem Siculus Medicus, quem non ita pridem mecum ambulante vidiisti. Itaque in primo statim aditu obuiam nobis venit quidam peluimè cubiculo effereus, continenter tenuem cruoris sanie, carniū nuper mactatarum ablutioni haud absimilem, euidentissimum affecti iecinoris indicium: qua vix dum inspecta, vnà cū Glacone ad Medicum ingressus sum. Apprehendi itaque manum in carpo (id est, brachiali) quò intelligerem, virum inflāmatiō, an sola imbecillitas esset in viscere. Quia verò (vt diximus) Medicus erat: nuper (inquit) à deiectione decubui: itaque perpende arterias, ob id quod surrexeram, crebrius pulsare. Hæc quidem ille dixit: ego autem deprehendi inflāmatiōis indicium. Proficiensque ad fenestram, hyssopum ex aqua mulsā decoctum in olla consideravi: proindeque cogitavi Medicum se pleuriticum esse putare, dolore videlicet nothas costas infestante, qualis iecinoris quoque inflammationibus aliquando accidere cōsuevit. Hunc itaque cum ipse se sentiret, esētque spiratio, & parua, & crebra, atque exguā russi infestaretur, pleuriticum se esse existimabat: quamobrē hyssopum cum aqua mulsā preparauerat. Intelligēs itaque ego, quod fortuna mihi viam præberet, qua apud Glaconem, clarum nomen adipisci possem, manū eius ad nothas in dextro laborantis latere costas detuli, indicatōque loco, dixi cum ibi dolere: quod cum ipse fateretur, Glauco ex solo arteriarum pulsu existimans me sedem affectū inuenisse, planè admirari me cepit. Verum, vt vehementius stuperet, hæc quoque addidi: quemadmodum hoc in loco dolere te confessus es, ita velim fateri etiam ruffiendi cupiditate vexari te, & ex longis intervallis ruffim exiguam, aridam, & ex qua nihil expuis, te molestare: atque ita me dicente, incipit forte fortuna, huiusmodi quadam ruffi specie, qualem iam diximus, ruffire. Qua de re, tanta admiratione Glauco cōmōtus est, vt continere sese non valens, magna voce exclamando, in laudes meas prorumperet. Tum ego: ne putesis, inquam, sola hæc ex arte medica circa egrotos presagiri: sunt enim alia quoque qua nunc dicere aggredior, quibus & laborans ipse testimoniū feret. Itaque rursus incipiens dixi: Quam magnam trahis inspiratiōem, dolor ea parte quam notavi, vehementius te cruciat, senisque in dextra præcordiorum parte gravitatem. His auditis, ne infirmus quidem sese potuit cōtinere, quominus prævehementi admiratione vnā cum Glacone exclamaret. Itaque sentiens equidē ardentem mihi fortunam, de iugulo quoque, quod videlicet ad inferiora trahi videretur, aliquid efferre volebam. At quia magnas inflammationes, quemadmodum & scirrhum id comitari solet, dicere non sum ausus, ne laudem quam antea de me excitaueram, sauciarem. Quumque animum induxissem, rudo me aliquid eloqui oportere, aspiciens laborantem, haud ita multo post, inquam, iugulum ad infernas partes detrahi senties, nisi fortasse, id iam antea tibi euenerit. At cum hoc quoque fateretur, conuersis equidem oculis ad egrotantem mirificè attonitum, vna est addenda, inquam, prædictis diuiniatio: etenim dicam, quam de morbo suo laborans ipse habneris suspicio-

nem. Tum Glauco nec de hac quidem diuinatione desperare se aiebat: laborans autem incredibili hac pollicitatione in stuporem adductus, & acriter me intuens, quid essem dicturus, attenta mente expectabat. Igitur, dicente me, quod infestantem morbum, pleuritidem esse putasset, ille ingenti cum admiratione huius quoque rei se testem exhibuit: id quod etiam affirmabat ex astantibus vnus, qui paulo antè latus eius ex olea fouerat. Atque ex eo tempore Glauco, tum de me, tum de vniuersa arte, quamoptimam concepit opinionem, quum antea nihil magni ab arte expectaret, vixit qui nunquam cum consummatis in arte viris versari consuevisset, &c. Galenus lib. 5. de loc. affect. cap. 7.

## PARAPHRASIS.

**C**eleberrima est historia hæc, & Medici frequenter eam in praxi obseruant, quā docentur pleuritidem ab hepatis inflammatione distinguere. Cum enim dolor in dextro latere nothas costas, cum ruffi exigua, arida, & ex longis intervallis exercet, alia signa sunt querenda, quibus pleuritidem ab hepatis inflammatione distinguere possimus. Vt verò affectum in primo statim intuitu cognosceret, obtulit quidam ex ministris videndam peluim, tenuem humoris sanie, carniū nuper mactatarum ablutioni non absimilem, euidentissimum affecti iecinoris indicium.

Per hanc verò non intelligas sanie ab vlcere, vel phlegmone putrescente effluentem, quo nomine ipsam, pus vocant, quod à carne liquecente, & sanie degenerate emanat vel à thoracis spatio ruffiando excernitur in suppuratis, vt ipse fateretur lib. 4. de compos. medic. per gener. cap. 2. & lib. 5. de loc. affect. cap. 3. sed intellige serosam substantiam, iecorem, aut aquosam humiditatem, quæ in serum versa est, & colorem album aquæ similem retinet; quia verò aliquantulum concocta est, sanguinis colorem aliqua ex parte habet; hæc ergo (sanguinem crudum, seu semicoctum verius dicas) ex albo, & rubro mixtum colorem habet. Hunc retinet aqua, qua nuper mactatas abluimus carnes: eas enim sanguine adhuc asperfas si ablueris, euadet color rubeus ab album inclinans, quem sanguineum ichorem, non sanie appellare licet.

Hoc signum infirmatæ coctricis hepatis est certissimum, & tanquam infallibile signum, vocant Medici affectionem hepaticam, frigidiorē eius intemperiem arguens manifestè, sanguinem perfectè generare non potentis; ex qua imbecillitate sanguis crudus, tenuis, & semicoctus sit, aquosus, dilutus, & fluidus, vt nihil aliud repræsentet quàm aquam, cui parum sanguinis addideris. Hos hepaticos nuncupamus, quibus iecur in proprio sanguificationis munere aberrat, & quibus hepatis sanguifica vis imbecillior facta, licet chylum trahat, & rudiorē illum sanguinem, quem à venis meari accipit, conficiat, minimè tamen ad sanguinis perfectionem ducit, sed simile quid loturæ carniū efficit: quod vitium ab intemperamento solū frigidum hepatis oriri, vnanimis scriptorum confirmavit opinio. Licet enim huius partis imbecillitas, à frigiditate, & à caliditate eundem innatum calorem dissipante proficisci possit, frigidam tamen intemperantiam per se, & immediatè esse causam impotentis sanguificæ facultatis est asserendum. Ex his manifestè constat, veram & legitimam hepaticam affectionem, nil aliud esse, quàm imbecillitatem actionis propriæ eiusdem iecinoris, citra aliquod manifestum in viscere malum; cuius signum manifestissimum est, si aquosus sanguis excernatur, vt 3. de caus. sympt. 2. & 8. de compos. medic. sec. loc. cap. 7. Galenus affirmat.

Hoc ergo signo fretus Gal. statim ad ægrotantem ingressus, nulla præuia interrogatione, manum carpò admo- uit, vt artis dignitatem stabiliret. Cum enim ipse non semel admoneret Medicos, vt diligenter ab ægris præterita, & præsentia inquirant, & necessariis interrogationibus non parcant, vt constat ex lib. 6. epid. sect. 2. text. & com. 4. 3. & sect. 4. com. 9. & lib. de const. art. medic. c. 17. in hoc Siculi Medici morbo, vt quam conceperat Glaucò

de Galeno opinionem, magis confirmaret, & multam medicæ artis esse vim patefaceret, de singulis non interrogavit. Glauco enim vera artis prognostica ad diuinationem potius pertinere opinabatur: pater ex Galeni contextu. *Quoniam heri & Gorgias, & Appellæ mihi nuntiauerunt, notionem, præfagiæque edidisse te, quæ ad diuinationem potius, quam ad medicinam pertinere videantur, cupio equidè periculum facere, non adeo ut tuam experiar doctrinam, quam ut sciam, num tanta sit in arte medica, sum cognoscendi, sum præfagiendi facultas.*

Imbecillitatem adesse in viscere, ex nuper recitato signo Galenus cognoscens, pulsus attigit, ut certò sciret, num inflammatio etiam adesseret; quem non ita durum & rigidum, qualis in pleuritide deprehenditur, cum inuenisset, non hunc affectum, sed hepatis inflammationem esse, qua Siculus vexabatur, verè cognouit. Neque difficile tibi sit, potuisse viscus idem, vno atque eodem tempore, calido simul & frigido affectu laborare, inflammatione ex calida intemperie pronata, & frigiditate quam intemperies inferat: nam hepar refrigeratum, confluentibus calidis humoribus, inflammatione tentari potest; neque intemperies calida addita, præ-existentm frigidam emendabit, immò de nouo adueniens, præternaturalis cum sit, hepar iam ob frigidam intemperiem imbecille, ampliùs debilitabit. Deinde si in Siculo Medico simarum partium adfuisse inflammationem, & in gibba imbecillitatem dicas, pronunciabis vera; cum illarum partium inflammatio per alia potius accidentia, quam per tactum inuestiganda sit; ex Galeno in eiusdem capitis initio, in quo historiam hanc descripsit; sed cum sine tactus medio Galenus inflammationem cognoscere tentaret, verè dicendum est, in simis inflammationem, & in gibba imbecillitatem adfuisse.

Neque negandum est, allata à Galeno inflammationis hepatis signa, cum pleuritidis incipientis & crudæ signis posse conuenire. At Galenum ex sanguineis alui excrementis primùm cognouisse non adesse pleuritidem; deinde ex pulsu, qui non erat ferrinus, certiorum esse factum, verè affirmandum est: nihil enim apud eius doctrinam magis est decantatum, quam in pleuritide adesse pulsus ferrinum, & valde durum. De cuius causis supra in com. hist. 63. plura ex Galeni mente prædiximus.

Si verò quæras, cur Galenus huius morbi proposuerit curationem? Dic ipsum à Glaucone solius cognoscendi causa fuisse accersitum: maximè quum locorum patientium libros non curationi, sed cognitioni destinaret: sufficiebat enim solum rectam dignotionem patefacere, ut facile quisque morbo cognito auxilia adapteret: quæ ex ipsius perit facundissima deprompserunt postea Aëtius *terrab. 3. serm. x. cap. 3.* Trallian. *lib. 8. c. 1.* Paul. *lib. 3. cap. 46.* Galenum summis laudibus extollescentes, quod hos affectus inter se, acri iudicio præditus, manifestissimis signis distinxerit.

Si verò secundò scisciteris, cur Galenus fortunæ aliquid tribuens, hanc sibi arrisisse pronunciauerit, si huius nulla in arte medica est vis, ut probat peritissimus Rodericus à Castro *lib. 2. de medic. politico, cap. 14.* Respondeo Galeam flocci, paruique facere fortunam, cuius opera sine artificio sunt, & raro finem suum consequuntur, ex Galen. *lib. 9. de placit. cap. 8.* utpote minimè cura, ex ipso *lib. de ven. sect. aduersus Erasistrum, cap. 7.* Quare fortunam sequentes Empiricos condemnat, in *lib. de theriac. ad Pison. cap. 11.* nam illa temerè, & sine ordine operatur, ex Philosopho, *lib. 2. magnor. moral. cap. 9.* quoniam est obscura, & instabilis, 3. *topic. cap. 2.* Idcirco turpe homini esse affirmat, in *orat. ad artes suasiora, cap. 2.* in arte nobilissima, & circa subiectum nobilissimum versantè, se manibus improbæ fortunæ committere; cum hæc sit cæca, vaga, inconstans, incerta, varia, volubilis. Quo pacto summa cum ratione in mortales inuehitur Plin. *lib. 2. natural. histor. qui huic quicquam attribunt, cum ea raro quicquam rectè operetur ex Galen. lib. 17. de usu part. cap. 1. in med.* Nonne verissima sunt hæc, & Galeno maximè digna? Omitto plura, quæ

Lib. II.

A de hoc argumento à Philosophis, Oratoribus, Poëtis, Historicis latissimè recitantur, quæ expendit latè, & doctè, variæ lectionis vir Lælius Bisciola *tom. 2. horar. subsecinar. lib. 4. cap. 5.* Si ergo hæc vera sunt, cur fortunæ, in his quæ ad artem pertinent, ex mente Galeni est adhibenda fides? Neque Galenus hoc vnquam consuluit, sed tantum monuit Medicos, ut oblatas ab ea sibi opportunas, & laudabiles occasiones prudenter arripiant, quod se aliquando fecisse gloriatur. Id falsus est *lib. de subfigurat. empiryc. cap. 2.* cum dixit: *Obtulisse fortunam, ut non incommoda tantum, sed commoda quoque, ex quibus ars confici potest, conspiceremur.* Sibi ipsi in hac historia huius Medici, oblatam à fortuna laudis consequendæ occasionem, prædictione & cognitione morbi media, prudenter Galenus est amplexus. Nactus itaque opportunam occasionem, magni, admirabilisque nominis acquirendi, nihil prætermisit, quod ad eam facere posset, omniæque sine ægrotantis interrogatione palam enuntiare conatus est, quibus clarum nomen sibi compararet apud Glauconem, qui Philosophus Platonici fuit doctissimus, & Medicorum admirator summus: ob quam causam ipsius precibus adductus, præclaros illos de arte curatæ ad Glauconem libros duos Galenus edidit in lucem. Tu verò de hepatis inflammatione, pro pleuritide falsò curata, lege Benuen. *cap. 75. de abd. & Forest. lib. 19. obs. 3.* Sanctor. *Sanctoriorum lib. 1. de euadendis errorib. Medicor. cap. 24.* qui plura in hoc utili argumento eleganter disceperunt.

## HISTORIA CIL. GALENI,

## De hepatis inflammatione.

C Theagenes Cynicus inflammatione hepatis laborans, ab Attalo Medico relaxantibus medicamentis interfectus.

P Lacet autem nunc in memoriam reuocare tibi egregiam eorum curationem, quam Theageni Philosopho Cynico adhibuerint. Siquidem hanc norunt plurimi, propter viri famam, ut qui publice disputare in Traiani circo quotidie sit solitus. Erat qui hominem curabat, unus ex Sorani discipulis, nomine Attalus. Is imposuit quotidie iecinori cataplasma ex pane & melle, hand intelligens viscus hoc medicoriter adstringi debere, propterea quod animalibus altricis facultatis principium sit, & venosum ab hoc oriatur genus. Ita igitur viscus curauit, sicut bubonas, meris scilicet & solis relaxantibus utens, cataplasma ex pane & melle imponens: ac prius oleo calente perfundens: tum sorbitione ex alica cibans. Visum autem est mihi seorsum Attalum monere, ut adstringens aliquid admisceres, nec nudis uteretur relaxantibus: Ac de visceris quidem natura nihil eram homini dicturus (id enim fuisset planè asino fabulam narrare: sed quod me persuasurum homini arbitrabar, & cui omnes homines facillimè assentiri video, id tantum exposui, nempe longam experientiam Medicos docuisse, ut iecur mixta medicamentorum materia curarent. Si ergo, inquam, tibi videtur, misce aliquid de absinthij coma diligenter tunsa cataplasmati: oleo verò, totius herba aliquid, modicè id, quemadmodum alios cernis in illo incoquentes. Cataplasmati verò myrobalani pieisma, & irim, & iunci florem, aut narditidos herba radicem, aut cyperi miscebis. Non inutile sit, & ex vino ea aliquando preparare, ac miscere interrim etiam de face ipsa: quinetiam aliquid adstringentium incoquere malorum, cuiusmodi cotonea sunt, & quæ vocantur struthia. Præterea quæ Roma abundanti vocata cestiana. Oleum verò (nam id quoque video miscere te) non quodlibet esto: sed vel Hispanum, vel Histricum, vel crudum, vel lentiscinum, vel myrteum, vel melinum, vel nardinum unguentum. Porro aliam materiam plurimam esse dixi eorum, quæ incoquere liceret: nam & lentiscini tenera germina & myrti, & rubi, & vitis, præserim syluestris, à qua ænanthen vocatam decerpimus. Non alienum etiam sit, & Articum hyssopum, tum cataplasmati, tum etiam ceratis miscere. Nam & cerata quæpiam illi ex eiusmodi materia

Hh 2

materia

materia imponere post cataplasma suasi. & apponere illi tentabam uniuersam deinceps curationem, quo scilicet etiam, quæ à Medicis epibemata vocantur, ex mixta materia componeret. Nam melius, inquam, est sublato cataplasmate aliquid super viscus esse. Attalus verò sermonem meum interpellans: Nisi mulum, inquit, tibi retribuerem, nihil horum tolerassem: nam in quibus superiores Medici passi naufragia sunt, priusquam vera medicina inuenta à nostris esset, ea mihi veluti ignaro suades. Ceterum tres (inquit) aut quatuor dies sine me Theageni ex mea sententia prospicere, & sanum eum penitus conspicias. Sed quid, inquam, si cum subito pauci, & hi lentis apparuerint sudores moriatur, recordaberisne quæ promiseris, ac de cetero sententiam mutabis? Atque Attalus post hæc abiit iridens, nec quidquam præterea respondens, sic ut neque de alicâ quicquam me consulere permitteret: sed nec quod ex iis, quæ urinas cient, miscere aquæ paulo post oporteret, quod scilicet iecinoris gibba essent afflicta. Nam sicut iecinoris cauum per aluum purgatur, cæu paulo supra diximus, sic gibba eius per ea quæ modicè urinas mouent, cuius generis est apium. Procedente autem tempore, ubi phlegmone iam concoquitur, etiam valentioribus uti licet, assaro, & Celtica nardo, & pibū quod vocant, & petroselino, & smyrnio, & Meo. Sic ut etiam per ventrem vacuare, si cauum afficitur, cnico cibis admixto, & vrtica, & mercuriali, & epithymo, & polypodio, omnibus præterea quæ modicè aluum deiciunt: magisque in remissionibus, tum his ipsis audacius quàm ante utendum, tum verò quæ his sunt valentiora, partim in prissana incoctis, partim tunsis, ac in mollissimum puluerem redactis. Exhibenda verò & hæc sunt, vel ex prissana, vel ex aqua: Ego namque etiam filicula aliquid in prissana aliquando incoxi, & nigri veratri corticem. Etiam clystere vacuare eos conueniet, inter initia, vel sale, vel nitro, vel apþronitro aquæ mulsæ admixto, contentis: in remissione verò, potissimumque si quid scirrhusum relictum è phlegmone est, etiam valentiora medicamenta miscensibus: quippe hyssopum eo casu aqua incoquimus, & origanum, & colocynthida, & minus centaurium. Opportunissima namque ad scirrhum sunt iecur, & lien, siquis ipsa neglexerit, vel glutinoso cibo usus fuerit, sicut Attalus, qui Theageni quotidie alicam exhibebat, ac nihil offerebat, quod tum obstructions eximat, tum deorbeat. Verum quod conrigis Theageni, vel potius Attalo, dici est tempus. Ut enim promiserat post tres dies daturum se hominem à iecinoris phlegmone liberatum, tum magis quàm prius calente oleo visci plurimum perfudit, tum cataplasmate frequentius est usus: hæc diligentia feliciter sibi curationem cessuram sperans: responditque percontantibus de Theagene gloriabundus, meliora. Ceterum contigit prout ipse prædixeram, subito hominem mori. Et quod omnium maxime risu dignum fuit, ducebat Attalus secum ex iis, qui de hominis statu rogassent quosdam, quibus ostenderet adeo rectè eum se habere, ut iam esset lauandus, latiusque cum multis ingressus est domum, in qua iacebat: cum Theagenem mortuum quidam ex amicis, qui & Cynici quidem erant, & alioqui philosophi, lauare ex more pararent. Itaque etiam usque ad mortuum accedere, idque unâ cum spectatorum cœu Attalo contigit: utpote cum nemo intus lugeret. Nam Theageni nec seruus erat, nec puer, nec mulier, sed cum eo soli amici philosophante versabantur: qui iustè quidem mortuorum, citra tamen omnem luctum obibant. Atque hanc laudem Thessalius a finis inter multos spectatores est consecutus, ostendens explicatum à phlegmone hominem, intra quatuor, (ut pollicitus est) dies, &c. Galenus lib. 13. meth. cap. 15.

## P A R A P H R A S I S.

**I**Veunda profectò, & utilis est historia hæc, nam præterquam quod inflammati hepatis continet curationem rectam, docet etiam Medicos doctos, quomodo cum indotis se gerere debeant. Deinde philosophorum Cynicorum Romæ tum viuentium vitæ institutum, mores, & in eorum morte officia obseruata ostendit. Proponit etiam in propatulum veri amici dotes, & quo pacto is alium

A amicum errantem admonere debeat. De his vltimis paucæ quædam erant expurganda, ni illorum philosophorum vitam prius exacte delineassent Diogenes Laetius lib. 1. de vita philosoph. cap. 1. Athenæus lib. 3. cap. 34. Galen lib. cuiusque animi peccator. nois. aque medela, cap. 3. quibus philosophis mos erat, in circis, in hora qua ludi, aut spectacula non fiebant, publicè disputare. Romanos enim Imperatores, circos ædificasse ingentes, sumptuosos, & admirandos, ut populus ludos commodè prospicere posset, testantur Athen. lib. 13. dipnosoph. Cicer. lib. 3. Philip. Cornel. Tacitus lib. 14. annalium. Quomodo autem prius corpora mortuorum lauarent, & lugerent, (hoc enim Galenus proponit in historię fine) tradit Cælius Rhodigin. lib. 17. leg. antiq. cap. 21. De veri verò amici dotibus, amicitie lege, partibus, vi, natura, pulchra scripserunt Langius, Dom. Manus in Polyanthæa, sit. de amicitia; collegit etiam Stobæus ex multorum mente. Et ut nouissimè, si eloquentissimè omnium de argumento hoc disseruit B Stephanus Rodericus Castrensis, vis excellenti ingenio & doctrina, Medicus, & Philosophus celeberrimus libris tribus de Philomelia elegantissimis.

Sed hi relictis, ad historię explicationem accedamus. Galenus in hac vtili historia, venæ sectionis pro hepatis inflammatione tam necessariæ, ex Gal. 13. meth. 11. nullam fecit commemorationem, quoniam transactum erat inflammationis principium, quo tempore reuulsionis, & vacuationis causa conuenientissimum præsidium est. Ceterum hoc loco Galenus agit de topicis, ad contentos humores absumendos necessariis.

Enarrat deinde historiam, dicens iecur ipsum adstringentia medicamenta ob id expostulare, quoniam animalibus altricis facultatis principium est, & venosum ab eo oritur genus. Licet enim hoc inter Galenum, & Aristotelem sit controuersum, illius tamen partes esse tuendas & amplectendas, ab omnibus Medicis est receptum, qui contra Philosophum, iecur, primam esse sanguificationis officinam, venarumque principium acriter contendunt. Porro propria hepatis substantia mollis est, ideòque ab his quæ laxant, prorsus dissoluitur: iis si adstringentia misceantur, laxans vis retunditur, pars vnita conseruatur, conuenientibus poris calor naturalis retinetur, nec exhalat, aut euanesceat totus. Ut ergo hepatis calor conseruetur, eius substantia roboretur, spiritus non dissipentur, & sanguifica vis à propria ipsius hepatis substantia, & carne (est enim hæc sanguis velut coagulatus, ex Macrobio 7. Saturnal. cap. 4.) celebrata, non flaccescat; omnibus medicamentis hepati imponendis adstringentia permiscere oportet, odora, & modicè calida; frigida enim viscerum calori natiuo sunt infesta, hepatis substantiam scirrhusam reddunt, & sanguinem spiritusque frigiditate & siccitate sua ab ea repellunt, & sic innatus hepatis calor imbecillatur nimis. Modicè ergo adstringentia sunt ex Gal. 11. meth. 16. & odorata, ex ipso lib. 6. epid. sect. 6. com. 5. odorem enim à siccitate originem habere, res est prorsus manifesta, & in lib. 2. de anim. cap. 9. tradita ab Aristotele, quo loco odorem sicci esse, sicuti saporem humidi, ingenue professus est: immò odoris effectricem causam semper existere calidam, scribit Gal. lib. 4. simpl. 22. nam quæcumque odorata, eadem & calida sunt, cum vaporum copia à calore emanet.

In hunc sensum intelligendus est Galenus lib. cit. meth. 11. dum pro inflammato iecore requirit medicamenta tenuium partium: tum verò etiam amara sunt, & adstringant: nam odoratum, quin amarum sit, reperire difficile arbitrantur Theoph. lib. 6. de caus. plantar. cap. 13. Plin. lib. 21. cap. 7. dicentes, odorato sapor rarò vlli non amarus: è contrario dulcia, rarò odora. Hoc ipsum experientia confirmat, nam rosa, agallochum, moschus, ambarum, zibetum, & alia huiusmodi odoratissima, amaritudinem non exiguam præ se ferunt: quicquid amarum, nunquam odoratum esse, scribat Gal. lib. 4. simpl. 22. quem textum mendosum esse, Alphonsus Lupeius confirmat in annotatione huius loci. Amara ergo, adstringentia, odora, tenuibus partibus medicamina, hepati inflammato, relaxantibus mixta sunt ex usu.



Cūr ergo, si hæc ex veris medicinæ præceptis curatiuis sunt deprompta, impudentissimus Attalus sola relaxantia imponebat? ignoro prorsus. Nam oleum relaxare pinguis substantia sua, lib. 1. de simpl. medic. facult. latè edocuit. Panem verò ipsum, ex triticea conflatum farina, similes habere facultates, firmat ipse lib. 2. ad Glauc. cap. 6. & alibi. Ab horum autem natura non distare mel, probat lib. 7. de comp. medic. sec. loc. cap. 2.

Nunc de medicamentis iecori opportunis, ab ipso Galeno in hoc loco descriptis, singularem paucula quædam proferamus. Absinthium primo loco proposuit: cuius comam cataplasmati miscet; herbæ verò totius aliquid in oleo modicè incoctum commendat. Non quodlibet absinthium præfert, sed Ponticum, odorem spirans suauem & aromaticum, si cum cæteris conferas, quibus omnibus odor est foedus. Si obicias, hoc calidum medicamen esse, ex Dioscorid. lib. 3. cap. 23. Gal. 6. simpl. c. prop. & sic in hepatis inflammatione, affectu sanè valde valdo, esse inutile. Dic, illius usum à Galeno commendari, quum concoquitur phlegmone, caliditate iam valde remissa, quæ si sit intensa, tunc refrigerantia profunt, ex Gal. 1. 1. meth. 16. de quorum genere sunt rosaceum vnguentum, melinum, & lentiscinum: si verò febris fuerit exigua, calfacientibus vitur, qualia sunt nardinum, & mastichinum.

Quare, ne mireris calida, & frigida secundum hanc considerationem proposuisse Gal. medicamenta, ad componenda hepatica cataplasmata, epithemata, cerata, vntiones. Nam myrobalani pieisma, iunci flos, narditidis herbæ, & cyperi radix, vinum, eiusque sæx, nardinum vnguentum, hyssopumque Atticum, calida sunt medicamenta. Mala verò coronea, & mala vocata Cestiana, oleum lentiscinum, melinum, myrteum, lentisci tenera germina, myrti rubi, & viti sylvestris refrigerare, cuiuslibet est notum. Ex his duo sunt, quæ explanatione indigere videntur, Myrobalani pieisma, & OEnante. Per illos, non esse intelligendos, quibus purgatrix facultas inest, res est manifesta. Est ergo myrobalanus, fructus arboris magnitudine auellanae nucis, exterioriam facultatem habens cum adstrictione aliqua, auctore Aëtio terrab. 1. serm. 12. cap. proprio. Huius cortex odoris gratia premebatur, vt inquit Theoph. lib. 4. de histor. plantar. cap. prop. Glandè ipsa mollita, extrahi succum, (balannium oleum dicunt Græci) Dioscorides lib. 1. cap. 35. confirmavit. Oleo expresso, quod remanet terreum & crassum, amarum est, & vim habet incidentem, abstergentem, adstringentemque. Cætera de glande vnguentaria, ex veterum mente lege si placet apud Marcel. Virgil. in comment. c. 154. lib. 4. Dioscorid. Hanc Græci myrobalanum, siue balanum myrepicam appellant. Huius oleum vocat de Ben. Auicenn. lib. 2. tract. 2. cap. 322. quod adstringit, abstergit, & incidit. Hoc ex russo, assatòque fructu isto affusa rosacea parari docet Mesuè tract. de oleis, tit. de oleo balanino. De cuius vi, & electione, vide Ruel. lib. 1. de histor. plant. cap. 56. At OEnanthen à vite sylvestri productam, refrigerare & adstringere, docet manifestè Dioscorid. lib. 3. cap. 118: cuius gratia in hepatis inflammatione tantopere hoc medicamentum commendauit. Huius duplicem facit speciem Dioscorid. lib. cit. cap. 2. vna, quarum est vna maturescens, paruis constans acinis, nigra, & adstringens: altera est vna pariter maturescens, flore tenuis, oenanthe nominata. De hac loquutum fuisse Galenum patet, quoniam germina iussit accipienda.

Prosequamur cætera. Cur Gal. hepatis partem gibbam per vrinam, cauiam per alium expurgandam esse docuerit; quod etiam consuluir faciendum Paul. lib. 3. cap. 46. cæterique Principes contestantur, ea est ratio. Cum enim gibba pars, venis plurimis, iisque paruis abundet, ex Gal. 4. de usu part. 13. & in his sanguis in hepatis substantia genitus retineatur, & elaboretur, euenit, vt impacti in hac parte excrementitij humores per vrinas vacuentur. Cum verò in visceris caua parte, vel prope ipsam constituta sit vesica fellea, hinc fit, vt hepatis pars hæc per alium expurgeretur: argumento est, quod obstructis his poris bilem flauam attrahentibus, regurgitet illa ad corporis superficiem, & non possit ad intestina permeare.

Lib. I I.

Canum autem inflammatum euacuari per alium infit, cnico cibus admixto; purgantia enim cum alimento permiscere docuit Gal. lib. 6. epid. sect. 5. com. 29. edoctus ab Hip. in lib. de alimento, num. 4. dicens. In alimento medicamentum optimum, explicat Vallesius eruditè in com. Nam, vt doctè in huius loci interpretatione aduertit Theodorus Zvingerus, pharmacum alimentosum, vel alimentum quod pharmaci vim habet, iunctam, vel id habet, à natura sua, vt brassica, lens, serum lactis; vel ab arte, vt quando lacti Ellebori radices incoxit Melampus, & nos quotidie in ptisana, vt hic fecit Gal. vel iure auis expurgantia infundimus. Quomodocumque ergo sit, in nutrimento medicina optima: sic enim eam suauius & auidius amplexatur natura, & sic attracta, & in remotissimas partes penitissimè sese insinuans eius vis, peccantem humorem scilicet & facilius attrahere potest. Si verò Hip. in eodem libro dicit, In alimento medicina malum, intellige, præsentè caco-chymia: nam eam auget, ex Hip. 2. aph. 10. & lib. 7. aph. 67. de qua re lege Donatum Sanctorum lib. 3. epist. 4.

Enim verò licet Galenus hoc in loco plurima numeret medicamenta, quæ pituitosum, vel melancholicum humorem vacuare nata sunt, vt vrticam, mercurialem, epithymum, filiculam, & veratrum; & hepatis inflammatio à bilioso sanguine, nequaquam à pituita, aut humore atro ortum ducat, vt millies pronunciauit Galenus; tamen ipse docuit verissima, & rectæ medendi methodo consona valde. Nam sanguis biliosus duas habet partes, subtiliorem vnam, crassiorem alteram: illa faciliè absumitur à natura, & insensibiliter localium medicamentorum vi in ichores conuersa, refudat & exhalat: hæc à retorrido hepatis calore terrestrior facta, ad atri humoris naturam vergens, fortibus medicamentis est expurganda. Hæc in molliissimum puluerem redacta voluit ptisana, vel aquæ admisceri, vt facilius & celerius à calore naturali ad actum deduci possent.

Ad partem sanguinis tenuiorem absumendam, & vacuandam, laudat clysteres ex aqua mulsa, sale, nitro, &c. In remissionibus verò, potissimumque siquid scirrhum relictum à phlegmone est, valentiora imponit medicamenta, qualia sunt hyssopum aquæ incoctum, organum, colocynthis, & centaurium minus: cum iam inflammatio est remissa.

Relinqui aliquid ex phlegmone scirrhus, & durum, quoniam igneus hepatis inflammati calor subtiliores partes absumens, reliquas exiccat, & duriores facit, Gal. hoc in lib. cap. 16. auctor est, maxime cum iecur lutosum quidpiam contineat, natura sua sit molle, & cuius pars gibba, multis & angustissimis venis sit referta, & obstructionibus multis obnoxia. Et hæc est potissima causa, cur ad scirrhum hæc duo naturalia membra sint paratissima: nam lien terrestri, & fæculento nutritur humore; hæc pars cum rara sit, lento, crasso, limosoque succo facile infarciri solet.

Minus aduertit monita, & documenta Galeni Attalus, contumax, & ceruicosus ex illius reprehensione factus, qui cum promitteret post tres dies, daturum se hominem à phlegmone liberum, rum magis calente oleo quam prius, viscus perfundebat, magisque alicam exhibebat: cum illo plus relaxando partem, imbecillitaret; & hac ampliores obstructions faceret, cum hæc glutinosum, crassum, lentumque præbeat succum, ex Galen. lib. 1. de alim. facult. 6. & lib. 3. eiusd. cap. 15. & 2. aph. 18. & lib. de attenuant. vi. rat. 16. & alibi sæpe: & contraria sit morbo; qui attenuantia, abstergentia, & laxantia præsidia considerat. Quid autem sit ipsa, in histor. 92. huius libri explicuimus.

Vltimò dicamus, qua nixu ratione Gal. terminum illum statuerit Theageni, cum paucis & lentis sudoribus moriendi, quem Attalus sanitati eiusdem præfixerat certum: maxime cum esset acuto morbo detentus, cuius prænuntiationes esse incertas prædixit Hippocr. lib. 1. aph. 19. Faciliè verò intelliges Galenum, potuisse prælagire vera. Nam si hepatis inflammationem sequitur animi defectus, 1. ad Glauc. 14. hic verò, huiusmodi sudores facit, vt cuiuslibet patet, sit vt suborto animi defectu ob nimiam

H h 3 faculta

facultatum debilitatem, pauci emanarent sudores, quia insensibilis resolutio maior fuit; lenti, quoniam hæc est hepatis substantia. Hos ergo esse mortis prænuntios, Galenus confirmat lib. 7. meth. cap. 12. & lib. 3. caus. sympt. cap. 2.

## HISTORIA CIII. GALENI, De hepatis inflammatione.

### Topica in vitiis iecoris imponenda, roborantia esse oportet.

**E**Rat enim is qui agrotabat, Medicus: quem iam lucernis accensis inuisimus. Ergo cum inclinatam notabiliter febrem inuenissem, utendum occasione quamprimum censui, eò certe magis, quod suspectam horam qua gallicinio futura erat, alterius accessionis initium allaturâ verebamur. Incoxi in oleo quidem absinthium: in aqua verò malum cotoneum. Dum autem hac coquebatur, myrobalani pisma, & ireos radicem, quæ intus inuenerâ, contudi, cribrâque: dein olei, & aqua quæ paraueram, portionē in lebetem immisi: ac ubi modicè coxeram, myrobalanum, & irim unâ cum exigua cera inieci. Coquimus autem cotoneum non in aqua modo, verum etiâ persape in austero vino. Ac omnibus eiusmodi cataplasmatibus, de ipsa quoque cotonei carne interdum admiscemus, & c. Gal. lib. 11. meth. c. 16.

## PARAPHRASIS.

**D**E topicis inflammato iecori apponendis, agit hoc in loco Galenus, quæ vel solam obtineant adstringendi facultatem, vel amaritudinem, est necesse: & si ambas fortiantur qualitates, hæc maximè deligenda sunt: si hæc non adsint, amara adstringentibus mixta summopere profunt. His ergo ex Galeni præscripto hic in hunc modum vteris, nimirum si phlegmone in initio sit, & fluxio copiosior, vim adstringentem adaugere oportet: ubi verò totum corpus purum est, nec membrum ipsum imbecillum, & parum fluit, tunc minimum adstringentium, copiosis relaxantibus permiscendum, mixtis cum amaris & acerbis medicamentis. Humorem enim in initio inflammationis ad partem inflammatam confluentem, repellere debemus: hoc opus adstringentia commode perficiunt; horum namque ope pars roboratur, & humor ad interiores sedes fluens, fluxus, & fluxurus exprimitur. Cum enim horum vi pars vegetior fiat, humorem non recipit; nam ad debilem partem solum fluunt, qui per corpus vagantur humores. Deinde pars ignea, & inflammata, frigiditate adstringentium recreata, cum magis attemperetur, non ita fluxum attrahit humorem; quæ enim morbosum continent calorem, potentiùs attrahunt, cum calor una sit ex præcipuis causis attractionis, ex Gal. lib. 5. de simpl. medic. facult. 16. & lib. 2. de diff. feb. cap. ult. & lib. 13. meth. cap. 3. & 3. de facult. 15. & lib. 6. de usu part. cap. 15. & alibi.

Frigiditate denique & siccitate adstringentium fluxus vacuatur humor, quoniam vacuatur quod impletum est, non solum medicamentis iis quæ digerunt, sed iis quæ adstringunt, & refrigerant, ut perbellè monebat Magister lib. 13. meth. cap. 6. magisque profectò ad incipientes phlegmonas, frigidis adstringentibusque, quàm iis quæ digerunt, est utendum: sicut enim manus spongiam aqua plenam, compressione quadam exprimit aquam; sic adstringentia siccitate, & frigiditate comprimunt, & humorem ad interiores partes compellunt, dummodò corpus plenum non sit, ex Gal. in art. medic. c. 95. Explicant luculentissimè Valleriol. lib. 1. enarrat. cap. 5. Ludonic. Mercat. lib. 2. indicat. cap. 4.

In iecore ergo inflammato si relaxantia adhibeas, partem debilitas, fluxionem accersis, præsertim si corpus est impurum, iuxta Galen. normam latam lib. 11. meth. cap. 16. quoniam calfacere præcordia cataplasmatibus, & perfusionibus, non est perpetuò rixum, nisi ubi corpus purum est: ceteris omnibus extrema est pernicia. Quo pacto cum ad inflatam-

tas particulas, caloris & doloris ratione attrahentes, ex vniuerso corpore confluant succi, hæc roborandæ sunt adstringentium vi, ne recipiant. Quare cu. cap. art. medic. prius à parte repellendum, mox dispergendum esse, monuit Galen. quem locum interpretantur Thom. à Veiga, & Argenterius eloquentes: nam sic calefacientibus resoluere tenemus, plus vi caloris ad partem attrahemus, quàm digeremus.

Hepate ergo affecto adstringentia imponenda; nam hæc præterquam quod humores reddunt quietos & minores mobiles, quia frigiditate & siccitate eos cogunt & incrassant, & sic resolutioni parant aptiores, quo titulo Galen. lib. 2. de compos. medic. per gener. cap. 9. cephalicis medicamentis ea immiscet: etiam (ut in superioris historię explicatione prædiximus roborant facultatem. Num autem expultricem, an retentricem vigorent: Respondet Thom. à Veiga in comment. cit. cap. Galen. verbo, etiamsi, à quo desumpsit Mercat. loc. cit. Quod adstringentia, quia contrahunt meatus, non secus quam vis expultrix facit, intrò pellunt, & fluxum à membro proritant: ceterum id est pro varia partibus, & medicamenti appliciti ratione. Nam si inanito membro accedant, roboratur retentrix, & fluxiones cessant: si verò pleno, ob vasorum, aut cavitatum contractum, expultrix operatur; qua de causa adstringentia vltimo ingesta aluum mouent. Sic si toti ex aquo membro medicamenti vis accedit, sequitur retentio: si parte extrema, non interna, expulsio promouetur. Cumque in inflammatione accedat parti plene, eidemque non vniuersa, sed multo potentius in extremam, quàm in intimam imprimat, fit ut inflammatum locum adhibita adstringentia non coërceant, sed exprimant: præsertim cum hæc siccis, & crassis partibus constent, viscosa sint ac tenacia, ex Galen. lib. 7. de compos. med. sec. loc. c. 4. sicque densent meatus, adstringant, contrahant, vinciant ac contineant partium sibi inuicem cohærentium substantiam, ex Gal. lib. 4. eiusd. cap. 5. quæ facultate cum sint prædita, noxios humores à se depellant. In hunc sensum dicebat Meluè in canonib. vniuersa. lib. theoremat. 1. adstringentia cogere, densare, repellere, diuisa glutinare, ac roborare.

Hoc Galenus historia hac, aduersus plurimos sui temporis Medicos probare contendit, qui nulla de facultatibus partium habita ratione, ipsis medicamenta adhibere solent: plurimum enim interest huic, vel illi membro adstringentia imponere: nam nec colo laborante, nec reliquorum intestinorum quouis, nec musculis qui in præcordiis habentur, aut in peritoneo, miscenda adstringentia sunt: sed nec cum vesica malè habet, uterique. Porro renes, & pectus in media prædictorum conditione sunt: quantum scilicet à ventriculi, iecinorisque sollicitudine absunt, tantum reliquorum supergressa: siquidem in ventriculo, ac iecinore exolui robur est perniciosissimum: in illis minimè est periculosum, ut in cap. in quo proponitur hæc historia, disertissimè admonuit Galenus.

Ob hanc causam si superuacua fuerint vacuata, iecinore affecto, relaxantibus semper mediocriter adstringentia miscere oportet: nam ex hac præcipua particula, accedit animalis partibus maximum incommodum, siue non probè concoctum alimentum sit, siue non rite in sanguinem conuersum. Sic inflammatione hepatis Medicum detentum cum inuiseret, in cuius medela vniuersale auxilium, ut par est, esset celebratum: de imponendis topicis solum fuit sollicitus; quippe hæc roborant, fluentes & fluxuros ad partem humores repellunt, & fluxum impactumque digerunt. Ea sunt absinthium, quod miram habet adstringendi vim, & amaritudinis ratione manifestam habet calefaciendi potestatem, natiuâque sorte affecto iecori opitulatur ex Gal. lib. 13. meth. cap. 16. Hoc fit Ponticum, nam reliquis est præstantius, nec ita calidum, & ampliùs roborat: cuius loco Romanum eligendum, quod bis coquendum, ut amaritudinem deponat; aut cum ipsis permiscenda, quæ dimidium eius pondus adæquent. Nam aliud quod à multis vocatur Scriphium, ab aliis marinum, vel Santonicum, quia in Santonia natum, non est in usu, quoniam stomacho inimicum, ex Gal. lib. 6. simpl. cap. 1. & Dioscorid. lib. 3. cap. 25.

Ponticum

Ponticum verò est cardiacum, ex Auer. lib. 5. collect. cap. 40. & gratum, siquod alterum medicamen, & in cor-  
roborandis nostri corporis partibus excellens valde, non  
propter amarorem (nam amara visceribus sunt infesta, ex  
Auc. lib. 2. tract. 1. cap. 3.) sed propter adstrictionem. Patet  
apertè, nam succus, à quo terreae partes, in quibus adstri-  
ctoria vis sita est, separatae sunt, hac facultate destituitur,  
amaritudinem quasi solam obtinens ventriculo aduersam,  
vt eleganter protulit Manard. lib. 19. epist. 2. Porro non  
aliam ob causam Galenus hoc in loco, tantopere in iecino-  
ris, & ventriculi phlegmone hoc medicamentum, inter  
cetera vulgaria laudat, nisi quia in Pontico adstringendi  
facultas non parua est: in reliquis verò omnibus amara  
quidem qualitas est vehementissima, adstrictio verò aut  
planè obscura, aut prorsus nulla sentitur. Ergo non pro-  
pter amaritudinem, sed ob adstrictionem, absinthium  
ventriculo visceribusque gratum, benouolùmque existit.  
Si verò Mesuè in canonib. vniuersal. theoremat. 2. amara sto-  
machum firmare asseuerat, cum non absolurè intelligas,  
sed tunc solum, quando vnà cum amaritudine adstrin-  
gendi vim coniunctam sortiantur.

Quapropter cum inclinatam febrem inuenisset Gal.  
& medicamenta, ob noctis incommoditatem, ab officina  
forè deserti non possent, ne ocellio (quæ præceptis esse  
solet, ex Hip. lib. 1. aph. 1.) præteriret, hæc ad manum intra  
domum inuenta apposuit; maximè cum suspecta hora  
accessionis in gallicinio speraretur, hoc est, ea parte no-  
ctis in qua galli cantant, quæ est quarta castrensis vigilia,  
apud Apul. lib. 8. de asino aureo. §. Noctis gallicinio venit  
quidam iuuenis proxima ciuitate, &c.

Frixum autem apposuit in oleo, non simplici, sed aut  
Hispano, aut ex frondibus oleæ parato, aut crudo, seu  
omphacino dicto, quod roborandi vires habet, 1. 2. meth. 3.  
incoriturque cotoneum in aqua; ex qua, & oleo, facta de-  
coctione, iniectionisque pulueribus retrimenti myrobalani,  
& radices ireos, quæ adstringentem vim habent, adiecta  
cera parauit vnguentum, ad dictos vsus admirabile. Non  
dissimilis facultatis est in roborando hepate cotoneum, &  
quæcunque ex eo parari solent auxilia, & maximè in vino  
austero immersum: cum enim cydonium adstringat, &  
roboret, ex Dioscor. lib. 1. c. 136. & Gal. lib. 2. alim. cap. 23.  
si in vino styptico (austerum vocant Arabes, vt patet ex  
Auc. 2. canon. tract. 1. cap. 3. Auer. 3. collect. 27. Serap. cap.  
prop.) coquatur, præstantius erit. Hoc autem est natura  
sua austerum & adstringens, quod ventriculo robur ad-  
dit, ex Gal. lib. 1. 2. meth. cap. 4. & lib. de bonit. & vit. succor.  
cap. 11. quo pacto hoc vinum omnibus excretionibus  
opitulatur valde, ex Galen. c. nuper cit. & lib. 3. acut. com. 7.  
explicat Christoph. à Vega lib. 2. art. medic. sect. 3. cap. 2.  
Hoc non nisi ad sistendum aluum vti licet; neque enim  
alimento deducendo confert, nec gignendo sanguini, nec  
succu bonitati, nec sudoribus promouendis, nec subdu-  
cendæ alui est ex vsu, sed solum vt medicamentum par-  
tes firmat, ac fluxiones sistit, vt cit. loc. docuit Gal. Aliud  
fit austerum ex arte, iniectionis, & coctis in vino medica-  
mentis austeris, vt rosas, cotoneis, fructibus arbuti, ilicis,  
fagi, corni, syluestris pruni, balaustris, &c. quæ omnia  
astringunt, & roborandi vires obtinent.

Quod si expostules, cur amara & calida medicamenta  
præsentè inflammatione imponat? Dic, quod hæc humo-  
rem impactum, fixumque, declinante præsertim inflam-  
matione resoluunt, vnâque visceri robur, ac firmitudinem  
inducunt. Quod si secundò perconteris, quam accessio-  
nem in hepatis inflammatione, à qua febris continua, ac  
minimè per exacerbationes repetens, sed inseparabilis  
oritur, expectabat? Responde, hoc verum esse in princi-  
pio, non verò in declinatione morbi, quando sanguis  
per putredinem iam abiit in cacochymiam, & pars san-  
guinis putrescentis tenuis conuersa est in bilem, crassa  
verò in melancholiam; quo tempore febris assumit for-  
mam circuitus tertianarij, & quodammodo biliosa est, ex  
Gal. 2. feb. 9. & lib. 2. cris. cap. 12. & ob hanc causam phre-  
nitis, & peluritidis per circuitus aliquando repetere solent;  
ex Gal. lib. 1. aphor. com. 12. versus med. Quare abs re non  
est, posse præsentè inflammatione hepatis accessionem

A concitari, quæ licet ab humore actu faciente inflamma-  
tionem ortum non ducat, ab illo tamen qui in genere  
venoso consistit, oriri consuevit. Tu verò de roboranti-  
bus applicandis in hepatis inflammatione, lege Plane-  
rum lib. 2. meth. in com. cap. 39. art. medic. Gal.

## HISTORIA CIV. RHASIS, De hepatis inflammatione.

Hepatis inflammatio pro colico dolore ha-  
bita, copiosa phlebotomia, & refrige-  
rantibus exhibitis curata.

**E** Haleb Tabri passus est morbum calidum hepatis ex labo-  
re, & dedi ei in potu prissanâ, & similia, usque quò facta  
fuit extinctio; & superuenit nunc ei dolor hypochondriorum, &  
inguinum, ex quo sustinuit magnum laborem, & nocumētum:  
& plures Medici opinati sunt, quòd esset colica, & praecepe-  
runt ei exhibere electuaria calida, quia putauerunt prissanam  
ei nocuisse. Et tunc terigi loca dolentia, & inueni ipsa calida,  
& dura: & quasi ab eo si sentiret aliquam repercussionem,  
& dixit satis magnam: & certificatus sum illa hora, quod  
in latere erat apostema calidum, & phlebotomani ipsum de  
basilica sub asselari, & subtraxi ferè ducentas drachmas  
vna vice, & dedi ei in potu aquam vna vulpina, & endiuia  
cum pulpa castæ fistula per aliquot dies, & liberatus est, &c.  
Rhasis libro de mirabilibus curis, in medicinalibus libris  
reperis.

## PARAPHRASIS.

**L**icet laboris multiplex sit apud Gal. significatum, vt  
ex eius facundissima doctrina firmat Valleriol. lib. 2.  
enarrat. 10. tamen hoc loco laborem pro exercitatione  
esse intelligendum, res est manifesta, apud Gal. lib. 6. epid.  
sect. 5. com. 10. & interpretantur Valesius & Fuchsius in  
com. verborum Hip. dum dicit, labor articulis, &c. confir-  
mâtque Auc. 1. part. cantic. tract. 1. text. 143. §. Exercitium  
inmoderatum dicitur labor, &c. certum enim est, corpus  
præ vehementi exercitatione laborare. Ex hoc enim mo-  
tu valido, calidos, inflammatoriosque viscerum affectus  
oboriri concedunt omnes: nam ille non solum sangui-  
nem commouet ac spiritum, hæcque substantias suapte  
natura calidissimas tenuat, acuit, incendit, sed in partes  
internas penitissimè distribuit, quarum præsentia & to-  
tum corpus inflammatur, & collisione, confectioneque  
musculorum & articulorum, accenso in corporis latebris  
calore nimio, iecur gliscit, & excandescit.

Quo factum est, vt hac de causa iecur intemperiem  
pateretur calidam, ad quam auferendam, nullum aliud  
promptius poterat inueniri auxilium, quàm prissana, quæ  
in feruore compescendo interno summopere prodest,  
omnibusque præsidiiis anteferenda venit, ex Hipp. lib. 1.  
acut. text. 8. biliosum enim humorem, ex motu & labore  
feruidum, & excandescens, mulcebri humiditate con-  
temperat, eius furiosum motum lentore compescit, squa-  
lidum iecur refrigerat, & demum cauma extinguit. Quo  
auxilio, citra sanguinis missionem ad refrigerandum he-  
par tantopere necessariam, vsus est solum, quoniam à  
causa externa, extra morbosum corporis apparatus, affe-  
ctus ortum habuit; & euentus postea comprobauit,  
quem explicat per verbum (facta fuit extinctio:) quæ  
phrasis, seu modus loquendi est apud Arabes peculiaris;  
quum enim volunt significare præsidia frigida, hæc vo-  
cant extinctoria. Patet hoc ex Auc. 4. 1. cap. 3. §. Cum pa-  
ralysis, & febris coniunguntur, oportet prius curare febrem  
extinguendo, & phlebotomando, &c.

Sed cum iecur esset impensè calidum, & continuò, vel  
ex probo alimento biliosa regigneret excrementa, effer-  
uescente humore bilioso, vnde dolor hypochondriorum,  
iterum recrudit malum. Scis enim apud doctrinam Ga-  
leni, vnâ causam prorogationis morborum esse partem



curatu difficilem, nempe hepar, au aliud interancum membrum intemperie affectum, unde fouetur indies magis, ac magis morbus: Quæ autem sit hæc pars curatu difficilis, interpretantur Henricus Cuelhar, & Christoph. à Vega in com. 2.3. lib. 3. prognost. Hæc ergo de nouo genita recrementa, ad inguina, tanquam ad emunctoria conabatur natura detrudere; ex qua causa factum est, ut harum partium ingente sequuto dolore, & molestia, nocumentum perciperet æger, nempe debilitatem, & incendium maius; nam dolor vires atterit & minuit, & alterando spiritus, sanguinemque mouendo, maiorem feruorem conciat.

At cum feratur intestinum colon ad iecoris cauum, & in hac parte nocumentum fortè sentiretur, non est mirandum, si alij Medici ad consiliu huius curationis conuocati; opinarentur aliter, esseque dolorem colicum profiterentur palam, cuius medelæ rarò prissana, & similia prodesse solent. Horum opinionè esse falsam, manifestissima signa arguebant; nam hypochondriorum durities, & ad tactum caliditas, ac pulsatio, quam percussione vocat, in parte dextra inflammationem adesse euidenter significabant. Aduerte tamen, nihil de febre ab inflammationibus internis inseparabili loquutum; quoniam de iis quæ manifesta sunt, & vel idiotis patent, sæpe non recordantur auctores; hæc enim prætermittenda sunt, ex Gal. lib. 4. acut. com. 7. 2. & lib. 2. de dif. respirat. 7. & 8. & lib. 6. epid. sect. 2. com. 1. o.

Sed cum ad inflammationem hepatis, eiusque augmentum prohibendum, nullum aliud sit præstantius phlebotomia auxilium, ex Gal. lib. 1.3. meth. cap. 1.1. quoniam in maximis inflammationibus saluberrimum est, ex Gal. 1. aph. 2.3. idcirco copiosè, subito, & confestim sanguinem extraxit; quoniam viscera ex calidis exhibitis electuariis erant incensa valde: sic enim factum est, ut alij Medici hanc inflammationem pro colico dolore curantes, & medicamina propinantes calida, veluti aromaticum rosatum, diapipereon, diacyminum, & alia, concurrente ex calidorum applicatione maiori humorum copia ad partem affectam, tenuatis succis, & acrioribus factis, in grauiora pericula, inflammationem ampliùs exacerbantes, ægrum duxerint. Elegit autem basilicam præ cæteris venis, nam hæc promptissimè è vena caua copiam exhaurit, maiorem cum ea societatem habens, ex Gal. 2. acut. comm. 1.1. & lib. 4. de sanit. cap. 4. Licet enim ab omni vena fieri vacuatio possit, non tamen ita æquè celeriter, ac similiter.

## D V B I V M L I X.

*Num in phlegmone hepatis, aliquando è talo ferienda vena.*

**D**Vbitabis, cur dolentibus hypocondriis, & inguinibus, è brachio, non ex talo sanguinem extraxerit, si inferioribus partibus affectis, ut vtero, vesica, pudendo, & renibus, per inferiora mittendus est sanguis, ex Gal. 1.3. meth. 1.1. & lib. de curand. rat. per sang. mis. cap. 1.8. Auget dubitationem locus Gal. 6. epid. sect. 1. com. 6. vocantis partes superiores, quæ supra iecur sunt, inferiores verò quæ sunt infra: neque solum hoc distinguit, ad partium dignitatem explorandam, ut pro earum præstantia, magnitudinem aut periculum affectus diiudicet; sed situm partium in ordine ad euacuationem requirit. Sic enim ait, eodem lib. 6. epid. sect. 2. com. 1.4. Alias autem didicisti, mēbra supra iecur cubiti vena sectionem postulare, infra verò crurum: in poplitibus nobis venas cadentibus, aut saltem iuxta malleolos, &c. Hanc doctrinam cōfirmat lib. 6. aph. com. 3.6. §. Videmus siquidem (inquit) in omnibus libris suis, in partibus quæ supra iecur sunt, è manibus sanguinem emittere; in inferioribus autem, venas quæ in poplite, vel talo sunt, secari iubet: quod etiam Aëtius obseruauit terrab. 4. ferm. 3. cap. 1.2. & Gal. lib. de curand. rat. per. sang. mis. 1.8. diuidit partes in superiores, inferiores, & medias: illæ dicuntur, quæ supra renes sunt, caput, facies, guttur, gula, os, pulmo, iecur, & lien: quæ verò infra renes, vocat inferiores, ut sunt

**A** vterus, coxendix, vesica, pudendum: medias vocat, quæ ambigunt, ut renes. Quæ partium diuisio licet particularis, & exquisita sit, parum distat à superiori: nam, ut optimè dicebat Vallesius lib. 7. cont. 4. partium superiorum ultimum est hepar, primum inferiorum renes sunt: hi enim ex altera parte ab hepate non multum distant, sunt namque sita prope venam cauam paululum sub iecinore, adeò ut ren dexter iecur ipsum sæpe attingat. Hoc pacto in hepatis inflammatione vena videtur in talo secanda, quoniam hepar ambigit, & tam superioribus, quàm inferioribus vacuationibus succumbit. Responde, hoc esse intelligendum, quando inueterata passio est, & particularis infestat membri affecti plenitudo: nam quando recens phlegmone hepatis est, copiamque sanguinis adfuerit, & plenitudo ingens, necesse est ipsam, & ipsius causam, prius facta in superioribus partibus vacuatione, depōnere. Sic inueterata renum passione, quam nephritim vocant, è talo: itaque etiam misso ex cubito sanguini interdum auscultant, ubi videlicet recens fuerit phlegmone, sanguinisque adfuerit multitudo, ut perbellè monebat Gal. cit. de curand. rat. per sang. mis. loco. Explicat Mena ingenuè in com. Sic in genu inflammatione, corpore pleno existente, ex superioribus partibus mittere sanguinem consulit lib. 2. ad Glanc. 2. cum fluxionis motum ad contraria retrahere expediat; cum vero inueterascit malum, è talo detrudere consultius est. Sic in ictero ex iecoris obstrictione suborto, è talo sanguis emittendus: sic in vteri inflammatione recenti, licet inferior pars sit, Fernel. 2. meth. cap. 7. cum Paul. Aët. prop. capitibus, & Auic. 11.3. tract. 4. cap. 1.2. è cubito sanguinem exhauriunt, & firmant Mercurial. lib. 4. de morb. mulier. cap. 1.6. Altimar. lib. de curand. hum. corpor. malis, c. 1.16. Mercat. lib. 4. de morb. mulier. c. 1.2. & alij. Cum verò deposita est plenitudo, in his morbis è talo sanguis est demendus.

Audacter ergo cubiti interna vena dextera, in affectu inflammatorio hepatis recenti est secanda, propterea quod è regione, & ampla via, cum vena quæ caua dicitur, societatem habet, & fluentem citius à vena tali, quàm ad iecur sanguinem renellit, pariterque fluxum euacuat, ut Galen. lib. 1.3. meth. 1.1. non semel conscripsit: præsertim cum huius partis phlegmonas vehementissima comitemur febris, non solum ex humore actu committente inflammationem, sed ab eo, qui intra venas continetur, pronata, ut lib. 2. de loc. 8. & 2. prorrhetic. 2.1. & 5. de loc. 7. prædixit Galenus.

**D** Extraxit autem ita copiosè sanguinem, ut non solum causa antecedens fouens inflammationem, sed etiam coniuncta vacuaretur: posse autem hanc, venæ sectionis beneficio educi, expresse confirmat Gal. 2. acut. 1.1. Hoc ita esse exequendum pluribus in locis Gal. asseuerat, nam in vehementissimis inflammationibus ardentibus febribus, subito ac semel expedit ducere, priusquam dolor partis augeatur, qui hac de causa, & nimio calore continuo fluxionem accersit, vel febris caliditas increseat, commotis & ebullientibus succis, & in maiorem feruorem adactis, vel ad alias principes partes decumbant ij, qui nimium excalfacti furiant humores. Hanc copiosam vacuationem, si adsint conditiones requisitæ, non modò in externis, verum in internis inflammationibus esse celebrandam, inter omnes probat Ambrosius Nonnius elegantissimè in com. 2.3. sent. lib. 1. aph. sunt autem cæ, auctore Gal. 4. acut. com. 7.4. si virtus robusta fuerit, vignerit atas, sanguis abundauerit, & laborantis natura, tum densior, tum durior, atque agere magis perspirabilis, & sanguinis copiosi fuerit: anni etiam tempus, & constitutio bene temperata, sic sanè & regio. Nempe quòd ad animi usque defectionem sanguinem auferre vereamur, nobis ex his accidit.

Quantitas autem extracta fuit 200. drachmarum, quæ faciunt numerum vnciarum 26. cum dimidia, si fides est adhibenda Galeno, qui quamlibet vnciam octo constare drachmis asseuerat, lib. 6. de compos. medicam. sec. loc. cap. 1. vit. stomaticum ex malis punicis Andromachi. §. Octo enim drachma vnciam efficiunt, &c. quod confirmat lib. 8. eiusd. operis, cap. 3. parum ante fin. & lib. 1. per gener. cap. 8. in fin. Ex his constat vnica vice extraxisse duas libras cum vncia



vna & dimidia. Libra enim tam mensuralis, quam ponderalis in vncias duodecim diuiditur apud Romanos, Galeno teste lib. 3. de compos. medic. sec. gener. c. 5. in med. dum sic ait, Porro mensura quidem apud ipsos est, qua oleum metiuntur, in secta, discretæque linceis, totam in duodecim partes diuidentibus, atque integra mensura ab eis libra nominatur, &c. Hac de causa Gregorius Agricola lib. 1. de ponderibus & mens. fillos medicamentarios damnat, qui libram sexdecim vnciarum pondere constituunt, cum Arabum & Græcorum medicamenta conficiunt. Hic ergo tam acervatam vacuationem exercere ausus est, quam urgente necessitate celebrandam esse docuit. Gal. dum lib. 6. epid. sect. 3. com. 29. in muliere illa nobili Romana, primò libram, deinde semilibram extraxit, & lib. de curand. rat. per sang. mis. 17. pro pullando dolore oculorum, Oeconomum Romanum infestante, quinque horarum spatio quatuor libras sanguinis extraxit.

Sic in inflammatione partis præstantis, qualis iecur est, ad inferendum ardorem internum, mitigandum viscerum feruorem, & extinguendum cauma, præstantissimum est auxilium hoc, præcipuè si inflammatio in parte iecoris gibba sita sit; nam præterquam quòd caua per aluum expurgatur, gibbæ inflammatio est periculiosior, cui citius auxiliares manus adhibere oportet; certissimam enim opem efflagitat, quoniam maius periculum importat, vt firmant Gal. lib. 6. epid. sect. 2. com. 14. & Auic. 14. 3. tract. 3. cap. 1. §. Et apostema quidè quod est in gibbositate, deterinè est apostemate quod est apud concauitatem, &c. Quamuis enim partes iecoris inter sese continentur, & vna non possit affici, quin alia illicò compatiatur; tamen si inter diuersas partes fiat comparatio, pars ipsius conuexa affecta, concaua est periculiosior, quiddid lib. 5. de loc. affect. 7. contrarium Galenus asserere videatur, quem cum Auic. & semetipso concordem facere conantur Thom. à Veiga ad cit. cap. Gal. Massaria lib. 3. praxis, cap. 14. in med. Mercurial. cap. de inflam. hepatis, Costæus in com. cit. cap. Auic. Carrelius disput. 59. ad lib. 2. de loc. affect. Gal.

Cum verò causa esset vacuata, ad corrigendam intemperiem accessit, oblati in potum aqua endiuizæ, & vuz vulpinæ, quæ ab alijs spina nuncupatur, quæ cum frigida sit & astringens, ex Mathiolo lib. 1. cap. 105. qui eius historiam exactè depingit, & Lobellio in stirp. obs. aduersar. 44. calorem hepatis resundit, & visceri robur conciliat. Quamuis autem præceptum sit vniuersale, latum à Gal. 13. meth. 11. vt cum iecur phlegmone laborare cœperit, vitæda sint expurgantia; nam ex horum exhibitione vehementior excitatur inflammatio, humore euocato per eam parrem, & magis commoto: quare Paul. & reliqui (prædicta damna verentes, scientesque nil posse ab inflammata parte purgantibus detrahi, neque à reliquis, quin ea magis ledatur, & febris caliditas increseat) vacuationem per aluum interdixerunt: tamen si febris remissa sit, inflammatio in coctionem vergat & resolutionem, purgationem consulere oportet, cum Galen. lib. 7. meth. ult. & lib. 8. de compos. sec. loc. c. de his, quæ Archigenes ad hepatis inflammationem cōscripsit, leuissimam illam quidem, & medicamentis mitissimis celebratam; de quorum genere sunt manna, syrupus ex pluribus infusionibus rosarum, aut violarum, lactis caprini serum, aut siliquæ Egyptiæ interaneus liquor, qui ex Arabum mente biliosum humorem contemperat, & refringit, eumque suauissimè per secessum educit, & bilem retorridam, & incandescentem citra molestiam euacuat, ex Auic. lib. 2. c. 193. Meisic cap. proprio, Ratio 3. ad Almanf. 15. Halyab. 2. pract. 38. Auer. 5. collectan. 5. Serap. lib. de simpl. tract. 1. c. 12. Actuarius lib. de compos. medicam. aduersus effectus qui febres comitantur. Dedit autem dissolutum cum prædictis aquis per aliquot dies; nam retorsidus iste humor cum crassiusculus sit, vnica vice expurgari à medicamento elementi sufficienter nequit; & cum siccus sit, & per humiditatem cassiæ debeat corrigi, hæc cum pigra sit, & inertis activitatis, pluribus vicibus, vt opus suum compleat, propinanda est; nam quod agens forte velocissimo temporis spatio perficit, pigrum in agendo, nonnisi longissimo peragere valet.

## QVÆSTIO LII.

Quòd plures ab affecto hepate, quàm à cerebro orientur ægritudines. Contra Fernel. acutissimum.

## COMMENTARIUM

Superuenit ei dolor hypochondriorum, & inguinum. Quoniam de hepatis inflammatione satis multa non citra delectum congesimus, illud reticendum non est, quod & ipsum in eundem dirigitur scopum, num plures ab hepate, quàm à cerebro orientur ægritudines: nam inter has partes solùm potest esse dissidium, à nullo Medicorum hætenus sedatum; pro qua dirimenda lite omnium nouissimus in palæstram literariam descendit. Plures ab affecto hepate, quàm ab alia principe parte oriri morbos, & tanquam ab vberissimo fonte emanare probari potest hoc modo. Iecur sanguificationis est primum instrumentum, auctore Gal. lib. 4. de usu part. 1. 2. & lib. 6. aph. 1. 2. & lib. 5. de loc. c. 7. estque ipsius facultas principalissima, & Galen. lib. 8. sec. loc. cap. 7. cum vnum sit ex præcipuis nostri corporis visceribus, vt lib. 2. ad Glinc. cap. 6. admonuit Galenus, sitque veluti fons ardens facultatis facientis humores, ex Gal. lib. 2. prog. com. 37. & lib. de multitud. c. 3. in med. Quis ergo à iecore affecto plura, eaque innumerabilia mala, quam ab alia parte scaterere negabit?

Hæc enim pars si immodicè calet, & veluti ignescit, maiorem quàm par est, bilis gignendo copiam, ipsamque exassando, biliosos primùm, deinde melancholicos morbos proginat. Iecore enim calida intemperie laborante colliquationes accedunt, vt cit. lib. & cap. sec. loc. notauit Galen. Sic ipso affecto, & in igneam naturam degenerante, superuenit sitis inexhausta, calor immodicus & deurens, ingens fastidium, vomitus tum synceræ bilis, tum eius quæ ouorum vitellis similatur, quæ postea vel porri, vel æruginis colorem referre aliquando conspiciuntur, aluius adstringitur, supprimitur vrina, accidit nausea, & totius corporis dolor contingit, vt lib. 5. de loc. cap. 7. monuit Gal.

Deinde à iecore calidam intemperiem patiente, omnes repullulant cutanei affectus, & tanquam à sua primaria origine scaturiunt; quorum adeò ampla est sylua, vt si eos numerare intendas, prius ipso lumine obruaris, quàm optatum finem attingere possis. Porissimi sunt ophialis, alopecia, caluitium, porrigo, achores, tineæ, cerion, ficus, psyracia, phagedæna, exanthemata subrubra, & aspera, immæ cutis exulceratio, hydrocephalon, talpæ, aurium tumores, polypus, & ozæna; in lingua ancyloglossos, & ranula; in gingiuis parulis, & epulis; illud enim abscessum circa gingiuas factum significat, qui ni solutus fuerit, suppuratur; hoc superfluum ex inflammatione carnem in extremo molari dente, cui dolor quandoque, & febris iunguntur; In ore aphthæ, seu vuam, seu columelam, seu amygdalas, seu gargarconem occupant; In facie sunt sugillatio, varus, lenticulæ, ficus, fanus, ephelides, Stigma; In collo boecium, In obscænis partibus vtraque gonorrhæa, vlcera quæ à calido iecore originem ducunt: in horum morborum genere etiam censentur thymi, seu eminentiæ in ostio veteri adnatæ, modò albæ, modò rubræ, & condylomata, tubercula dicta, per ambitum veteri sanguinem fundentia.

In extremis membris, pedibus videlicet, ac manibus sunt paronychia, prerygion, scabri vagues, perniones. Sunt deinde plurimi morbi à calida hepatis intemperie pronati, qui sedem sibi certam non determinant; sed in quaque parte gigni possunt: ex his quidam ad tumorum genus, quidam ad vlcera spectant: ij ab humoribus sunt, qui quandoque sub cute, quandoque sub circumossalibus membranis, quandoque in ventre, interdum in intestinis, aliquando in medio horum & peritonæi, multoties in quolibet alio loco colliguntur, suntque erysipelas, ignis sacer, phlegmone, phygethlon, panus, phyma, & furunculus. Phlegmonem sequuntur carbunculus, & gangræna;

gangræna; prope illum est anthrax, hunc sequitur aneurysma. Ad erysipelatis genus possunt referri herpes tam miliaris quam esthiomenus, & phlyctæna, & alia, si quæ biliosi humoris germina esse censentur, cuius naturæ est flamma volans, morbus sanè nouus ac mirabilis, ex iccoris igneo calore emanans, cuius descriptionem proposui in lib. 3. de praxi admiranda, obs. 101.

Si tamen iecur nimia caliditate humores exarasse contingat, & eos ad melancholicam naturam transmutet, ferinos morbos oriri non est dubitandum, de quorum numero esse censentur mania, lycanthropia, effere, psora, scabies, pruritus, vitiligo, lichen, morphæa, lepra, verruca, clauis, myrmecia, & thymi.

Accidunt præter magnos hos, quos numerauimus, morbos, tumores in corporis superficie non infrequentes, paruas quasdam eminentias, vel maculas representantes; illas, pustulas vel borhor; has, cutis vocant defœdationes. His accedunt variolæ, & morbilli, sudamina, epinyctis, pustulæ lactææ, & glandosæ, mentagra & papulæ. Huc spectant cicatrices albæ, & nigre, vibices, & regius morbus.

De vlcerum cetera sunt, chironia, telephia, maligna, rheumatica, sphacelos, pladara, id est mollia, dysoda, id est foetida, sinuosa, fistulosa, scissa, attrita desquamata, intertrigines, rhiema, caries, gutta rubra, lactamen, zermæ, sangis mortuus, malum mortuum, cancer, lupus, narra, napra, folium; id est, caruncula in capite asperæ arteriæ nata, ignis facit, & siquæ sunt his vicina alia innumera mala.

Ab hepate emanat truculentus ille affectus, morbus Gallicus appellatus, totius substantiæ morbus occultus, contagiosus, tuberculis, maculis, doloribus, vlceribus, miseris ægros exercens, solo concubitu, aut alio impuro contactu contrahendus; cuius multiplicem fecerunt auctores differentiam. Hic sæuissima secum afferre solet symptomata, & adeo fera, & detestanda sibi mala adsciscit, vt infestissimus humani generis hostis dici possit, immò scortatorum miserabile flagellum, verius nominandus, ex Fernel. lib. 6. pathol. 20. & Valleriol. lib. 5. obser. 7.

Omitto varios, eosque grauissimos oculorum, palpebrarumque morbos exteriores, & internos, quos ad plenum recensent Bernard. Gordon. lib. 1. breuiarij, cap. de hebetudine. Mercat. lib. 1. de morb. intern. cap. 20. Hos ab eodem fonte emanare nemo non videt, quum iecur sit fons, sedes, & origo mali huius, vt latè probat Ioan. Saporta tract. de lue vener. cap. 5.

Sileo inflammationes internas, præcipuas nostri corporis partes occupantes, quæ quàm numeroz sint, nulli est non manifestum, de quorum numero sunt inflammatio pleuræ, cordis, pericardij, cerebri, pulmonis, ventriculi, gutturis, lienis, renum, vteri, vesicæ, & mediastini, quæ quàm mortiferae sint ac exitiales, diserta oratione comprobauit Galen. lib. 10. meth. cap. 5. quas à calido, feruentique sanguine, aut humoribus nimium excafactis à iecore genitis oriri, non est operosum demonstrare.

Quid proferam de febribus à calidis humoribus originem ducentibus, quæ ferè gigni non possunt, nisi hepar ad earum generationem, materiam subministrat? de quarum classe sunt, causus, vtraque tertiana, quaterna, quinta, sexta, septena, nonana. His accedunt synochos, diaria, hectica, pestifera, epiala, lipyrja, syncopalis, singultuosa, anxiosa, erratica, horrida, sudorifica, lassitudinaria, pemphigodes; de quibus peculiarem fecerunt prisci, Barbarique præsertim, commemorationem, & Iuniores ferè omnes: quarum febrium elegantissima proposuimus exempla lib. 3. de praxi medica admiranda, in initio, quæ quidem febres licet maiorem securitatem importent, quàm continuæ, ex Hip. 4. aph. 43. in illis tamen adfunt morbi acutissimi, maximi, grauissimi, & præ cæteris valde lethales.

Hi venosi generis morbi, etsi ad calidam cordis intemperiem formaliter reducantur, vt Gal. latè concedit lib. 1. de diff. feb. cap. 3. & lib. de caus. morb. 3. materialiter tamè ad iecoris calidam dyscrasiam sunt referendi; illud enim in-

temperatum humores generando calidissimos, ad febrium, artuarumque inflammationum generationem, materiam præstat. Deinde radicanter magis in hepate morbi, quoniam corde est imbecillius, auctore Magistro lib. 3. de facul. natural. c. 13. in corde autem non nisi longo temporis intervallo; quoniam viscus est faculratibus robustissimum, & noxium à se depellere potest; nec natura patitur tantum membrum citra vitæ dispendium, grauissima damna occupare.

At cum nulla simplex intemperies diu duret, ex Gal. lib. 6. de sanis. tuend. cap. 2. sed calida adsciscat sibi sociam siccitatem: hinc calidum siccum hepar vitia ferè immedicabilia secum importat; generat enim feruidam bilem, sanguinem adurit, alios humores exarsat. Quare cum lapsus per siccitatem incurabilis veluti sit, quia hæc maxime resistiua est, & corrigitur per humiditatem, quæ naturæ sua pigra est, & in agendo iners, idcirco ad futuram siccitatem præcauendam, flaccidum ex nimio & adaucto calore iecur, frigidis & roborantibus medicamentis, intus, extræque applicitis; tuendum, viuificandumque esse consulunt; nam plures noxas sicca intemperies afferre solet, ex Gal. lib. 5. de loc. cap. 7. hæc enim si valde excedat, dupliciter lædit iecur; vel enim calorem auget & acuit, vel humidum, caloris pabulum absumendo, ipsum debilitat, vt 3. 1. doct. 3. cap. 1. Auic. edocuit. Ex hac debilitate plura incommoda oriri non est dubitandum: fit enim hydrops, cum iecur calida siccaque intemperie laborat, vt cibum in probum sanguinem transmutare nequeat; sic

enim sanguis minuitur, spiritus dissipantur, innatus calor dissoluitur; quare ad hanc priuatiuam frigiditatem, hoc est, caloris naturalis inopiam iecur redactum, hydroperi committit, vt scitè retulit Auic. 14. 3. tract. 4. cap. 4.

A positiua frigiditate non contemnenda vitia subleuantur: accidit enim hydrops, peculiaris hepatis affectio, sine cuius vitio fieri non potest, auctoribus Hipp. 2. epid. sect. 1. text. 20. & Gal. lib. 2. prog. com. 1. & 6. aph. 43. & 5. de loc. affect. cap. 7. Iecore frigida intemperie affecto, tres illi famosissimi affectus suboriuntur, variis symptomatibus insigniti, quos Hip. lib. de intern. affect. num. 32. hepaticos vocat, suntque cum iecur alterare sanguinem nequit, sed semicoctum gignit. Fit etiam dysenteria, quam Medici vlrato vocabulo hepatæam vocare consueuerunt; oriturque quum iecur perfectè coquere non valet sanguinem, sed crudum gignit, carniū recenter mactatarum loruræ persimilem. Fiunt etiam alij frigidi affectus, quos breuitatis causa prætereo, de quorum numero sunt œdema, glandulæ, scrophulæ, & nodi, & alij, qui pituitosi humoris naturam sapere videntur, vt omnes chronici morbi, ex lentis humoribus, & flatu progeniri, à iecoris frigido intemperamento suborti, quorum numerum recensere superfluum puto.

Et cum humiditatem illic frigiditas sibi compareret, vt 2. aph. com. 20. monuit. Gal. plurimis partibus communicato malo, varios succrescere morbos est necesse: sicque ob humiditatem, relaxato ventriculi ore, appetentia prostermitur; & læsa ipsius capacitate, concoctio deiicitur, acciditque cruditas, ex quâ sola, omnis propemodum morborum farrago ortum ducit; quæ cum ab imbecillitate ventriculi oriatur, & sit coniuncta cum ea, omnium vitiorum causa est, vt bellè notauit Gal. lib. 6. epid. sect. 3. com. 1. & lib. de bonit. & vitio succor. cap. 3. nam à cruditate obstructions, mali habitus, podagræ, articularum morbi, diuturnæ febres, paralyses, peripneumonia, conuulsiones, ophthalmiæ, & vniuersi propemodum morbi, ceu à fonte perenni scaruiunt. Hac enim præsentem illic hominem adoriuntur supinitas stomachi, subuersio, nausea, vomitus, inflatio, & colicus dolor, & si damnum intestinis communicetur, eueniunt alui profluvia. Si lien, sunt ipsius durities, inflatio, obstructio. Demum innumera sunt damna, quæ ad frigiditatem, & humiditatem iecoris sequi solent, quæ lib. 5. de loc. 7. & lib. 8. de compos. medic. sec. loc. cap. 8. iuxta fin. recenset Gal.

Quid multa? nonne variis morborum generibus quati necessarium

neceſſarium eſt illud membrum, quod in medio corporis ſitum eſt, & tam inferiorum, quàm ſuperiorum noxis eſt expoſitum, ex Gal. lib. 6. aph. 36. & 6. epid. ſect. 1. com. 6. in fin. Nōne viſcus hoc naturalium ſpirituum auctor eſt, ex Gal. lib. 1. 2. meth. cap. 5. quorum ope noxium toti corpori tranſmittit? Nōne eſt pars neceſſaria ad viuendum, 14. de uſu part. ult. ex qua emanat virtus ſecundum quam nutrimur, augemur, cibum appetimus, aſſumptum elaboramus concoctione, ſanguificatione, & appoſitione? His ergo perſuaſus aſſerere cogor, plures ab affecto iecore, quàm ab alia noſtri corporis parte oriri morbos; ſiquidem in tantarum functionum numero, quas hæc pars perficere debet, multoties labatur ipſius facultas, eſt neceſſe.

Fernel. lib. 5. pathol. cap. 4. de hoc negotio ſuam pandens ſententiam, ſic ratiocinatur. Cerebrum omnium morborum radix eſt, atque origo: Cùm enim cerebri ampla, copioſaque medulla, multo egeat alimento, & ex hoc plurimum gignatur excrementum, ſit vt eo in inferiores partes delapſo innumeri oriantur affectus. Quoties enim illud impenſè frigidum eſt, imbecille, aut multo humore turget, hunc velut ſuperuacuum in inferas ſedes propellit, in oculos, maxillas, dentes, ceruicem, ſcapulas, brachia, latera, dorſum, lumbos, artus, crura, neruorum origines, nares, ſenſuum organa, fauces, aſperam arteriam, pulmonem, & ventriculum: cùm enim ſit laxum, molle, friabile, exanguē, ex ſpiritibus vitalibus animalium refectionem habens, & aſſidua operationum præſtantium actione, exhaustis animalibus ſpiritibus, ob tenuitatem reſolutioni promptiſſimis ſuccelſcat, & debilitetur, frigidum ſuccum, lentum, ac viſcoſum gignere conſuevit; quapropter ipſum frigidi & viſcidi eſſe domicilium, atque metropolim diſertiſſimè pronuntiauit Hip. lib. de principiis, num. 4. cuius ſententiam ſuccinctè, & doctè explanarunt Zuingerus in tabulis, & eleganter Heurnius in com. Ex hac ſcaturigine propullulant lethales morbi, apoplexia, epilepſia, paralyſis, verrigo, carus, catalepiſis, cataphora, incubus, fatuitas, amentia, externorum ſenſuum affectus, & alij diri morbi emanant.

Deinde cùm cerebrum ſit in altiſſima parte locatum, & ſit velut rectum domus calidæ, ſic monente Magiſtro lib. 9. de uſu part. cap. 2. cucurbitulæ inſtar trahit, abſorbēque partium inferiorum expirationes, quas ab illius frigiditate concreſcentes prius, cùm præ debilitate diſcutere non poſſit, copia grauatum, in ſubiectas ſedes derrudit. Huc alludit Hip. lib. 4. de morb. num. 17. 9. Caput autem, & ſplen maximè ſunt nobis obnoxia, &c. & lib. epiſtol. in epiſt. ad Demeirium, num. 38. caput omnium malorum eſſe fontem aſſeuerat: explicat Gal. lib. 6. de ſanis. cap. 9. & 2. de diſ. feb. cap. 11. Oritur ergo ex capite innumerabilium morborum aceruus.

Rectè ſanè iſthæc prolata ſunt, quæ nos non negamus: caput enim ſicut recipit promptiſſimè, ſic citiſſimè noxium à ſe depellit, vt notauit Galen. lib. de curand. rat. per ſang. miſ. cap. 8. At cerebrum omnium morborum frigidorum cauſa eſt, cùm ſit ſedes frigidi, & glutinoſi: ob dictas enim cauſas, lentum, craſſumque ſuccum generare frequenter præ debilitate conſuevit, qui capitis morbis periculoſiſſimis materiam ſubminiſtrat. Facta tamen inter vtramque partem collatione, plures ab affecto hepate, quàm à cerebro læſo oriri ægritudines, non eſt dubitandum; & hæc pauca per primariam affectionem à cerebro; maiorem autem partem per conſenſum à iecore emanare, uſu experimentoque aſſiduo, citati priſcorum doctiſſimi confirmarunt. At de hoc argumento tam multa dixiſſe ſit ſatis.

## HISTORIA CV. GALENI

### De hepatis ſcyrrho.

#### Hepatis ſcyrrhus exquisitus, lethalis.

**S**cyrrhum autem hepatis ab initio quidem ſanauimus ſapius: ubi verò ad plures dies fortè foret extenſus, neque-

A ipſe potui ſanare, nec alium vidi qui poſſet. Omnibus verò qui ſic affecti ſunt, ex neceſſitate ſequitur aqua intercus. Pererunt autem plurimi in tempore longo. Quosdam vero noui etiam breui pereuntes, quibus alius multa deieciat, &c. Galenus lib. 2. ad Glaucon. cap. 5.

## P A R A P H R A S I S.

**D** Vris tumoribus iecur eſſe opportuniſſimum latè oſtendit Gal. 13. meth. cap. 16. nam limoſo alitur ſanguine, cuius pars, præcipuè gibba, multis, exilibuſque venis reſerta, obſtructionibus idcirco ſit obuia. Cum enim iecur ſit viſcus carnoſum, & illius caro ſit veluti ſanguis concretus ex Gal. lib. 4. de uſu part. c. 12. ad fin. & lib. 6. de placit. cap. 8. ante med. lib. de ſet. format. cap. 2. ad fin. Auic. 1. 1. doct. 3. cap. 2. & 14. 3. tract. 1. cap. 1. à vi formatrice, ſpirituum & calidi innati beneficio, ex puriſſimo ſanguine, illuc ſummo naturæ artificio, effuſo, & in ſubſtantiam iecori ſimilem tranſmutato; de cuius mira præſtantia & vitibus, ſicut de eius ſitu, figura, magnitudine, compoſitione, vaſis, tunicis, neruis, temperamento, uſu, actione, ligamentis, tam multa dixerunt celebriores Anatomici; ſit vt, cùm mollem habeat carnem, facilè tennes eius venæ, & deinde omnis viſceris ſubſtantia, à craſſo, viſcidoque humore infarciantur, & obturentur, qui in dies magis ac magis induratus, tenuiori parte, vi caloris, reſoluta, abſolutam perfectamque duritiem acquirit.

**C** Hæc à veterum doctiſſimis dicta fuit ſcyrrhus, de cuius natura omnes Medici peculiarem fecerunt commemorationem, duplicem eius conſtituentes differentiam, quarum vnā, exquisitum ſcyrrhum appellant, aliam, non exquisitum. Ille, tumor eſt præter naturam, durus, & indolens, ab humore glutinoſo, craſſo, viſcido, frigido, vt eſt atra bilis, & ſuperexiccata pituita, pronatus; omnes enim tumores ſcyrrhoſi, aut ex atra bile, aut pituita, aut vtriſque mixtis originem ducunt, vt ex Gal. mente latè, doctèque inter omnes firmavit Fallop. in duobus tract. de tumorib. cap. 1. & 30. Alter eſt non exquisitus, qui licet ſit durus, non eſt omnino inſenſilis: nam hepar exquisito ſenſu licet non indigeat, cùm vndeque inutilibus & noxiis excrementis, bile, melancholico ſucco, & ſero, à veſica, liene, & renibus expurgetur, vt notauit Galen. lib. 4. de uſu part. 13. totam tamen eius carnem membrana quadam tenuiſſima à peritonæo exorta natura circumueſtiuit, in quam exiles duo inſeruntur nerui, vnus à ſextæ coniugationis ramis, ventriculi oriſicio & meſenterio implantatis; alter ab eò exortus, qui per coſtas excurrit: tennes ambo fuere, quoniam hepatis actio naturalis omnino erat, non animalis, neque ad motum, neque ad ſenſum animali ſanguinem præparabat. Ab his ergo neruis in proximas iecoris particulas quoquo modo vires diſtribuuntur, ac communicantur, qui ſatis ſunt ad deferendum illum obſcurum, & debilem ſenſum, quem illi fuiſſe neceſſarium, vt haberet ſenſum inflammationis, aut alterius morbi, ( alioquin non differret à plantis ) & noxam à ſe depellere poſſet, vt annotabat Gal. loco de uſu part. cit. & lib. 5. de loc. cap. 3. & 4. non ergo ratione membranz huius ipſum veſtientiſ ſolummodo E ſentit.

Vtriſque autem ſcyrrhoſi cauſa eſt humor craſſus, partibus tenaciter impactus, qui interdum iecoris molem obſtruendo indurat; vel ab igneo inflammato iecoris calore, tenuibus humoris partibus diſſipatis, craſceſcit; vel talis redditur Medicorum imperitia, quando videlicet aut importuna auxilia, aut nimium refrigerantia, aut valenter diſcutientia inflammationibus adhibent, vt ſic humor, vel frigore induratus, vel à calore exiccatus, lapideſcat. Hunc à cæteris tumoribus diſtingues: ab inflammatione, quia dolet; ab eryſipelate, quod non eſt durum; ab œdemate, quod tactui non reſiſtit, ſed cedit; à flatuſis, & aquoſis tumoribus, quod hi reddunt ſonum, vt tympanum: quæ in ſcyrrho non reperiuntur.

Tumorem autem hunc, lapidoſum eſſe, durum, indolentem,

indolentem, immobilem, ac si esset clauo fixus, (in hoc enim à nodo, glandula, struma, glandio distinguitur) docuere Gal. 14. meth. 9. & 2. ad Glau. 4. & lib. 5. de simpl. medic. facul. cap. 9. & lib. 6. epidem. sect. 1. com. 2. & 4. acut. 21. & 4. aph. com. 34. Auic. 3. 4. tract. 2. cap. 11. Oribal. lib. 3. de morb. curat. cap. 50. Actuar. lib. 2. meth. cap. 12. Paul. lib. 4. cap. 32. Vigo lib. 2. de apostemat. 8. & iuniores vno ore pronuntiarunt: quod enim Græci scirrhum vocant, id Latini durum dicunt.

Causam; ob quam in initio scirrhus entationem admittat; antiquus verò & exquisitus nequaquam, sic exaudi. Inter initia humor non ita tenax, crassiusque est, neque insolubilitate visceri infarctus, neque iecur ita debile; tunc ergo appositis extrà: medicamentis, aut intus assumptis sæpe curationem admittit: cum autem est exquisitus, diuturnus, iecur imbecille est, & induratum valde, parum spei est, auctore Paulo loc. supra cit. & 14. meth. 6. nec humor ob summam duritiem, admittit resolutionem. Actuar. cit. loc. cum Gal. lib. 7. de compos. medic. per gener. cap. 9. huius insanabilitatis aliam attulit rationem, dum sic inquit. Qui sensu caret, iam sanari non potest: siquidem qui imposita medicamenta non sentit, æquanam spes inde auxilij expectari potest? cum qui sentiunt, eatenus spem faciunt, quatenus etiam sensus sunt participes, &c.

Quapropter si scirrhus insensibilis omnino sit, iecore debilitato valde, ipsius pusillus calor, nec medicamenta regulare imposita, nec ad actum deducere valet. Insuper nec ex chylo sanguinem, sed pituitosum humorem, flatuque repletum progignit: tunc enim à copia humoris frigidi, crassi, & lenti hepar obrutum, diminuto natio calore, & denegato refrigerio, impeditoque, obstructions multas, transitu sanguinis & spiritus, sanguificandique facultate vitata, hydrops oritur, ut non minus doctè, quàm fusè ad Gal mentem explicat Valleriola lib. 1. obs. 2. de hydrop. ad hepatis scirrhum sequio.

At cum hydrops scirrho necessariò superueniens, morbus chronicus sit, monente Celso lib. 3. cap. 21 alia secum ducit symptomata, quæ licet lethalia, diuturno tamen tempore corpus extinguere solent. Pereunt namque hydropè deçenti, sitibundi, difficulter respirantes, inappetentes, lenta oppressi febricula; quibus, & aliis concurrentibus causis, comæatu proprii alimenti destituti, longo temporis spatio contabescunt, quod neque cibus, læsa & iam summè prostrata naturali facultate, rectè confici, nec distribui, ob internas, easque scirrhosas affectiones commodè possit; quare priuatæ partes alimento extenuantur, marcescunt, & depopulato, vi caloris febrilis, humido primigenio, animal perire est necesse. Alios verò breui occubuisse refert, quibus alui fluxus superuenit, quo accedente, vires iam exhaustas, magis imbecillitari, & in deterius ruere certum est: fluxus enim hic ob naturales potentias, officinasque multipliciter vitatas cum accadat, brevissimè naturam deicit, fatigat, & premit: euenit enim ob corrupta alimenta, quæ ante corruptionem imbecilles venæ attrahere non possunt, cum sint habituali intemperie affectæ, & sic accidit fluxus lientericus, priuatæque corpus alimento, cum hoc per vasa obstructa, nec distribui, nec ab hepate imbecilli attrahi possit. Accedit alia huius fluxus vrgentissima causa, perennis biliosi excrementi coaceruatio, tam à putredine, tum ab inflammatione, & vehementi calore ieiuni, ex quibus morderi intestina, & irritari ad excretionem oportet: ex quo fluxu, nec sedantur dolores, nec internus calor mitigatur, quum semper eadem hæctica intemperies generet excrementa, sed labefactatis partibus, resolutisque viribus, citrà morbi leuamen citissime vires deicit. Quapropter rectè notauit Auic. 14. 3. tract. 4. cap. 4. in fin. fluxum ventris in hydropi mortalem esse ob dictas causas, & maximè in hydrop. euenientem, ob duritiem hepatis; qui deterior est illo, qui ob duritiem splenis accidere solet, ut supra, in eodem cap. proposuit Auic. nam hepar pars est liene nobilior, & cuius actio toti est summè necessaria, qua pereunte, hominem mori est necesse.

Sed dices, cur ad hepatis scirrhum hydrops necessariò,

& non alter affectus consequitur? prout Galen. lib. 5. de loc. cap. 6. & 2. ad Glau. 5. edocuit, & Paul. lib. 3. cap. 46. asseuerat. Si si tumor in scirrhosam affectionem deciderit, doloris quidem remittunt, sed tumor cum duritie est conspiciendus, quæ ambiunt partes extenuantur, & tempore procedente difficulter poterunt discerni: quippe aqua inter cutem proximè comitatur, &c. Ea est causa; nam per validas intemperies, & tumorem in parte obortum, natio calore veluti suffocato, propria hepatis facultas deicitur, quæ sanguificationis, agentisque materiæ est organum, & ad frigidam præternaturalem intemperiem lapsa, minimè potest suo munere fungi: quare necessario aquosum sanguinem, crudum, & alendo corpori minimè necessarium generat, qui tandem in ventris caua sparia detrusus ascitem gignit. Et hæc pro historiarum enarraçione sint satis; ex tam multis quæ de scirrhii natura, signis, prognosi, & curatione referunt auctores omnes. Et nos de hoc negotio non inutilia proferemus in lucem lib. 3. in com. hist. 42.

## D V B I V M . L X .

Num hepatis scirrhus ab eius inflammatione oriri possit. Contra Fernelium doctissimum.

A Nequam tamen hinc discedam, breuibus enitar Fernelij nouam quandam opinionem palam facere, priscorum traditionibus aduersam valde. Is enim scirrhum hepatis, ab inueterata sæpe & contumaci obstructione, raro aut nunquam ab inflammatione oriri posse asseuerat lib. 6. pathol. cap. 4. Propterea quod, inquit, in viscere natura calido & humido, omnis inflammatio in perniciosum potius desinat abscessum, quàm in scirrhum. Hoc est potissimum huius viri alioquin disertissimi fundamentum.

Hunc tamen ego vehementer admiror, qui inepta ratione, medicorum arcanorum scrutatores eximios, nimia peregrinarum opinionum petulantia nixus, temnit, & damnat. Quapropter cum Trai. lib. 12. cap. 1. sect. 7. prius veritas est præferenda, cum nobis cura imposita sit de veritate, non de fabulis, monente Magistro lib. 3. de usu part. cap. 1. hic enim nudam ex patris præscripto semper habebat veritatem, ex ipso lib. de curand. cognoscendisque anim. morb. cap. 8. quare eam ingenuè proferre debemus, quando maximè de hominum vita res agitur, ut in Hipp. laudem affirmat Cels. lib. 8. cap. 4.

Sed quoniam qui reprehendit, debet errores detegere, ex Gal. lib. 3. epid. sect. 1. com. 4. misere labitur Fernelius, irretitus ratione dicta. Quippe licet iecur sit viscus calidum & humidum, alitur tamen crassiori sanguine, ut cit. supra locis Gal. edocuit: ex quo cum necesse sit, eius inflammationem foueri, patet manifestè, non modò ex aliis causis opportunissimum scirrhosis tumoribus esse, sed etiam ex inflammatione: caloris videlicet vi, tenuioribus crassioris sanguinis partibus faciliè exolutis, crassioribus terreis relictis, ex quibus scirrhus conflatut sæpe, antequam abeant in pus. Hoc Galenus probè expendens, 3. meth. 15. meritò scripsit, sapissimè, facilièque iecoris inflammationem in scirrhum mutari, si ea detentus cibus vratur crassos succos gignentibus, cuius sententiam principum, cæterorumque classicorum vnanimis comprobauit opinio.

## HISTORIA CVI. GALENI,

### De hepatis debilitate.

Debilitatis hepatis, ex tenui & alba vrina præcognitio.

A Dolecens præterea quidam excernebat cum febre imbecilla rubidam proluuiem non paucam, sapiusque die vno, nocteque cum tepida febre: qui hinc mediocrius habere visus est, ita ut tertio die immunis à febre esse videretur. Ego itaq; vrinas ipsius, quæ tum tenues, tum alba instar aquæ essent, conspiciens, iecinoris infirmitatem permanere conieci, præcepique ut occurrerent



occurrerent huic idoneis tum epithematis, tum esculentis, & ratione viuendi vniuersa. Deridens verò me Medicus quidam à Thessalo edoctus, qui non solum ipse nunquā vrinas contemplatus erat, sed & contemplantes, \* fullones appellabat, prohibuit ne homini presidium ferretur, sola post inanitionem refectione utendum esse inquit. Sed morbus septimo à principio die superueniens patuit omnibus esse hepaticus, &c. Galenus lib. 1. prothetice, sect. 2. com. 17.

## PARAPHRASIS.

**D**E hepatica affectione est in hoc loco sermo, qua fuisse correptum adolescentem hunc, res est manifesta; duòque confirmant firmissima signa: quorum primum est, cruenta saniei deiectio; secundum, vrinæ aquosæ excretio, quæ insignem hepatis debilitatem aperte demonstrant. Adolescens ergo hic, febre debili, miti, & repida laborans, multis scatens corruptis humoribus in venis, exonerante sese natura in aluum, & deponente aquosum illum, cruentumque ichorem, ob hepatis imbecillitatem generatum, melius habere visus est. Licet enim in initio morborum nihil ad bonum euacuari sit possibile, quoniam oportet præire coctionem, deinde discretionem, & tandè euacuationem vt bona sit crisis, atque iudicium: & si quid tunc euacuetur, symptomaticum sit, à natura irritata, vel à copia, vel à mala humoris qualitate lacessita, vt bellè 4. aph. comm. 22. & alibi passim monuit Gal. tamen hæc in initio morbi factæ vacuationes, vt causa, multoties leuant, quoniam maiori humoris parte vacuata, & diminuta, natura deinceps fortior euadit supra residuū, quamuis vt signum semper reprobat, vt tam multis allatis priscorum sententis eruditissimus cōprobat Syllaticus cōr. 25. & 26.

Ex his patere arbitror, quæ fuerit causa, cur tenuibus his humiditatibus rubidis vacuatis, hic meliusculè à febre habuerit, licet nunquam remansisset immunis ab ea, quod explicat Gal. per verbum (à febre immunis esse videretur: ) sed cum semper affectus ab initio esset hepaticus, ob hepatis imbecillitatem eueniens, septimo à morbi die clariùs patuit omnibus ægrum fuisse hepaticum. Vocantur autem hepatici, iecorarij, seu iecinorosi, quando circa aliquod manifestum in viscere malum, iecur in propriis affectionibus debiliatur, auctore Gal. 6. de loc. 7. & 8. de comp. sec. loc. cap. 6. & 3. de caus. sympt. 2. in med. & licet quatuor facultates lædi possint, attractrix, retentrix, expultrix, & alteratrix, quoniam hæc singulis corporis partibus communes sint, non de omnibus, sed de postrema, quæ alteratrix, seu sanguifica dicta est, propriæ facultatis imbecillitatem intelligimus: appellatur autem propria, quoniam nulli alteri corporis parti est communis, vt cæteræ dictæ: licet autem contineatur sub alteratrice facultate, speciatim tamen sanguifica vocatur, ex propria iecoris essentia, & substantia, ac peculiari quadam eiusdè temperie emanans.

Hanc cruenti ichoris vacuationem ex frigida hepatis intemperie, præsentē miti etiam febre, ortum duxisse, exoluto videlicet hepatis calore, Gal. ostendit locis supra citatis. Vel enim alui sedimina, aquæ in qua nuper mactata caro abluta est, similia esse videntur, vel sæci sanguinis similia deiciuntur: hoc superassantis sanguinem hepatis indicium est; illud, illius non potentis præ imbecillitate sanguificare. Nihil enim inconuenit quominus frigida intemperie hepar laboreat, & ex aquoso sanguine corrupto, tenuibusque humiditatibus putrefactis cor ponatur in calefacto esse, vt in febre syncopali orta ex succis crudis, hydropes, diuturnis obstructionibus, morbo Gallico quotidie experimur; per quos morbos febris concitatur lenta, ex viscerum internis obstructionibus suborta, maior aut minor, pro obstructionis magnitudine, vt disertè monuit Gal. lib. 8. meth. cap. 4. in med. & inter omnes agit eleganter Fernel. lib. 4. pathol. cap. 8.

Rubentes has proluuias, aquoso simul & cruento ichore permixtas, debilis hepatis esse certissimum signum, supra ex Gal. mente in com. hist. 101. prædiximus, easque malas esse in omnibus morbis, in hoc loco monebat Hipp. vt poret quæ huius principis membri summam debilitatem demonstrant; & in hoc adolescente etiam veritatē habet,

Lib. 11.

**A** qui licet à febre melius haberet, hepaticus remansit, vrinas tenues & albas instar aquæ excernens, quæ hepar refrigeratum manifestè ostendunt: quæ omnia futurum euentum periculosum significant; nam temporis spatio colliquationes sunt, primò humorum, deinde carnis ipsius hepatis, quinimò totum corpus absumitur, & corrupto in viscere sanguine febris intensior superuenit, quæ tractu temporis vel in tabitudinem immedicabilem, aut hydropem commigrat, vel interficit.

Hoc ita euenturum prælagiebant rivæ tenues & albæ, quæ vehementem iecoris intemperiem frigidam arguunt, & extremam cruditatem significant, ex Gal. lib. 4. aph. 72. extinctionemque natiui caloris denunciant, ex Gal. lib. 1. cris. 12. de cuius causa, & prælagiis in com. hist. 133. infra dicemus plura. At Thessalicus ille Medicus vrinarum contemplationem despiciens, homini auxilium ferri interdixit; inspicientes vrinas, fullones appellans: sunt autem hi, qui curanda, poliendæque vestimenta cum vrina curant, ex Plauto in aulul. Plin. lib. 28. cap. 6.

Huius morbi sanandi scopum vnum esse Galenus prædicit loc. supra cit. nempe vt intemperies eum faciens corrigeretur, quæ cum frigida esset, calefactionem desiderabat. Epithemata ergo, esculenta, & viuendi rationem vniuersam calefaciendi vires habere debuisse, constabat aperte. Qualia sint epithemata iecori imponenda, adstringentia, & roborantia, & è qua materia parari debeant, supra in com. hist. 103. ex mente Gal. pronuntiauius. Sub esculentis etiam comprehendisse Galenum non solum quæ in cibum assumuntur, sed esculenta medicamentosa, negare non possum, vt vnam passam, crocum, mel, vinum, quæ omnia cibi, & medicamenti conditionem subire, cit. loc. sec. loc. monuit Gal. nam hæc, & præsertim vna passa, adstringunt, & affectum viscus roborant, intemperiem sanant, succos crudos concoquunt, hepatis sunt valde familiaria. Rationem viuendi vniuersam à Galeno pete loc. cit. cuius doctrinam exemplificant ex priscorum mente Alrimarus lib. de curand. malis cap. 81. Ludouic. Mercat. lib. 4. de morb. internis, c. 3. Vidus Vidius lib. 10. de curat. membr. cap. 7. Christoph. à Vega lib. 3. art. medic. sect. 8. cap. 1. Holler. lib. 1. de morb. intern. cap. 34. De causis verò huius affectus, lege apud eruditissimum Carterium cap. 1. ad libros de loc. affect. disp. 68.

## QVÆSTIO LIII.

*Quid vrina præstantius signum sit, quam pulsus. Contra Mercatum doctissimum.*

## COMMENTARIUM.

**F**ullones appellabat.] Signum ab vrina desumptum magnificandum esse, vbique prædixit Galenus: tanta enim est vis vrina in febribus, vt soli ipsi credendum sit, ex Gal. lib. 6. epid. sect. 1. com. 10. Quum enim auctore Gal. lib. 2. progn. 26. in morbis iecoris, vasorum renum, vesicæ, atque vasorum vrinariorum, nullum planè neque manifestū, neque euident haberi signum possit, præter solam vrinam, sit vt hæc harum partium affectiones indicet, vasorumque sanguinem continentium; & virtutis succos generantis, tum robur, tum imbecillitatem ostendat. Quapropter ad iudiciorum dignotionem, prædictionem, concoctionem, aut cruditatem eorum quæ in vasis continentur, summè conferre solet. Ex his pater summo perè reprehendendos esse, quotquot in vniuersum vrinarum inspectionem, atque cognitionem, tanquam incertam, & inutilem damnarunt: hac enim ratione Hippocratem & Galenum, qui frequenter harum mentionem faciunt irritant; & rationi experimentoque vehementer aduersantur.

*Vrina est serum sanguinis, & aliorum humorum, quod à renibus per venas emulgentes attrahitur, & in vesica coacervatur, & deinde per penem excernitur, vt docuit Galen. lib. 3. epid. sect. 1. com. 6. Quare si hoc verum est, quidquid in ea præter naturam apparuerit, aut venas, aut vesicam malè se habere indicabit. Vrina ergo in venosi generis affectibus est signum cæteris præferendum,*

li vt

ut 1. *cris. 7. & 12. & 3. eiusd. 5. & alibi passim* Gal. edocuit omne enim quod deciditur, refert naturam eius à quo deciditur. Hæc est causa, ob quam 3. *epid. sect. 2. com. 6.* ex mente Hippocratis præcipiat Gal. non solum in affectibus venosi & arteriosi generis, sed thoracis, cerebri, nervorum, ventris, & intestinorum, urinam esse contemplandam: nam quādo bona est, non parvū ad salutem momentum habere solet; si tamen prava est, amplificat ægri periculum: si enim nō rectē se habent iecur & venæ, pluraque principia laborant, morbus malignior existit, ut rectē explicuit Durerus in *Coacas. lib. 3. tr. 4. de urinis, in com. text. 1.*

Hæc puro fore satis, ad refrænandam illorum contumaciā, qui signum ab urina desumptum nullius esse momenti obnixē contendunt, pulsui soli tanquam signo minimē omnium fallaci animum adhibentes, signum ab hoc desumptum, tam ad prædicendam mortem, quā salutem, illi præferendum quod ab urina desumitur, arbitantes. Pulsus enim cū sit actio facultatis vitalis, illius dispositionem significat; urina verò solum facultatis naturalis statum indicare solet: quare cū vitalis magis sit naturali vitæ necessaria, cuius actione cessante extempore animal extinguitur, & naturali cessante vita durare solet, ex Gal. *lib. 5. de loc. cap. 1. & lib. 2. de rat. vi. in morb. acut. com. 47.* sit ut signum pulsus urinae præferendum sit ex horum mente.

Ludou Mercat. in præfat. ad libros de puls. arte, & harmonia, quæstionem hanc sic dirimendam putat, ut pulsus morti prædicendæ certius signum præstare possit, vitæ autem urina: nam pulsus quantumvis bonus sit, solum virtutem constare significat, neque hoc satis ad salutis præsagium est; fieri enim potest, ut morbus qui in præsentī miris est, deinceps ingrauescat, & vehementior virtute eueadat: urina verò optima non solum virtutem rectē valere demonstrat, sed morbum, & illius causam esse deuictam, in quo salus consistit. Deinde. Urina exitialis non tantam vim habet, ac pulsus pessimus ad prædicendam mortem, quoniam cum pulsu aboliato, aut deficiente, aut intermittente per tempus duarum pulsationum, nullum vidit euassisse Gal. *lib. 2. de præsag. ex puls. cap. 4.* cū urina tamen nigra muli liberantur, ex Hip. 1. *epid. sect. 3. text. 20.* & Epicratis vxor reddens urinam subnigram vsque ad vndecimum, euasit, in *text. 2.* & mulier morosa in Thalo *lib. 3. epid. sect. 3. text. 84.* cum urina nigra, & tenui seruata est. Sed cū hi hanc urinam redderent alia ex causa, quod melancholicus humor esset suppressus, qui per menstrua, aut hæmorrhoides vacuari solebat, idcirco ij euasere, ut latius infra in *com. hist. 132.* explicabimus. Vnum tamen aduertat quæso, Gal. huic opinioni contradicere *lib. 1. cris. cap. 12.* vbi affirmat neminem se vidisse cum urina nigra liberatum. Igitur tantam vim habet urina pessima, quantam pulsus pessimus ad prædicendam mortem.

Dicendum ergo est signum ab urina desumptum, absolute præstantius esse illo, quod à pulsu elicitur. Urina enim utilis est ad prædicendam crīsim, ipsius perfectionem, aut malitiam, ad cognoscenda tempora, indicandam morbi causam, & speciem illius distinguendam. Deinde in pulsu necessariæ differentiæ considerantur, quæ vix percipi possunt, & maximē si eas in vna pulsatione animaduertas: hæc enim omnia diurnam exercitationem requirunt tactus, iudicij & memoriæ perfectionem præsupponunt, quæ vix in Medico queunt inueniri. Differentiæ tamē vinarum facile vsu comprehenduntur, & minus in earum cognitione Medicum aberrare contingit.

Neque signum quod sumitur ex pulsu præferri debet, quia sit signum actionis facultatis vitalis, quæ videtur esse magis necessaria vitæ, quā naturalis; nam omnes virtutes ad tutelam vitæ sunt necessariae, & quacunque earum pereunte reliquas perire est necesse, ut *lib. 7. meth. ult.* docuit Gal. Hoc tamen discrimen est, quod facultate vitali cessante ab actione, protinus cessat vita: cessante facultate animali, reliquæ virtutes breui tempore cessant: oriante tamen naturali longo temporis spatio reliquæ virtutes permanent, ut *cir. loc.* docuit Gal. §. *Magna est cordis officij dignitas, &c.* Licet autem ad vitæ conseruationē omnes virtutes necessariae sint in morbis,

A non tamen omnium æquale robur desideratur; nam in febribus putridis, firmitudinem vitalis, & maximē naturalis requirimus: illæ enim coctione, & expulsiōe humoris debent perferari, ut insinuat Gal. *lib. 11. meth. cap. 9. §. Neque pulsu, &c.* In thoracis morbis, non vitalis, & naturalis, sed animalis robore indigemus, quoniam non coctione, sed expurgatione soluantur, quæ huius opere perficitur. In affectibus capitis, & nervorum, vigorem facultatis animalis exoptamus. Quare in morbis, prout hæc vel illa facultas, magis aut minus necessaria est, sic signum sumptum ab actione illius est certius: veluti in apoplexia, & epilepsia, maior fides habenda est sensui, morui, & respirationi, quā pulsui, & urinae; & in morbis thoracis, potissimam respirationi, & spūto adhibemus fidem; veluti in febribus putridis, pulsui, & urinae, ut scitē notauit Iacchæus *lib. 4. instit. medic. cap. 4.*

B Quod autem huic maiorem prærogatiuam adhibere oporteat, ex Hipp. auctoritate satis patere arbitror. Is enim licet in præfagiendo peritissimus fuerit, & de hoc instituto plurima conscripserit sempiternæ memoriæ commendanda, tamen nec pulsus, nec facultatis vitalis, aut respirationis pulsui simillimæ reminiscitur, nisi rarissimē; etsi pulsum notitiam exactē calluerit, prout *suprà in com. hist. 12.* latius enucleauimus; quum varios morbos proponens, urinae frequentissimam faciat commemorationem, manifestē docens, signum ab urina desumptum præstantius esse, illo quod à pulsu depromitur. De quo argumento lege Vallesium *lib. 3. cons. cap. 1.* & prius prædixit Gentilis *2. 1. doct. 3. dub. 2.*

## HISTOR. CVII. AVENZOARIS De dolore hepatis.

Hepatis dolor, vnguento ex oleo nucum, & de vitellis ouorum facto, perfanatur.

E Toritur aliquando in panniculo hepatis extenso, sicut in aliis membris consuevit euenire, unde sequitur dolor fortissimus, quasi intolerabilis, & apparet patienti quod hepar sit quod doleat, & est sensus huius panniculi acutissimus, propter multitudinem paruorum nervorum in ipso contextorum. Ego autem passus fui hunc dolorem, & curavi me inungendo locum cum oleo de vitellis ouorum, & nucum aequaliter mixtis, & liberatus fui in ipsa die, &c. Auenzoar. *lib. 1. theziz. tract. 13. cap. 4.*

## P A R A P H R A S I S.

I Ecur obtusē sentire, quoniam illi minimum neruum dedit natura, lata oratione confirmat Gal. *lib. 4. de vsu part. cap. 13.* nam neque ad morum, neque ad sensum futurum erat animali ex vsu: sentit tamen quā plurimos morbos, non affatim, ut aliæ corporis particulæ, quod neruus cū sit paruus, qui in tunicam ambientem distribuitur, aut non omnino in viscus, aut non in totum sese insinuat, explicat Petrus Paulus Perumia *lib. 2. de curation. arte in med.*

E Ab auctoribus variæ causæ solent assignari, ob quas iecur dolere possit, quas summatim recenset Auic. *14. 3. tract. 2. cap. 9.* cæ sunt status inclusus distendens, crassus, contumax, & difficulter resoluibilis. Intemperamentum calidum, aut frigidum, humorum copia grauans, acrimonia mordens, visceris obstructio, inflammatio, aut solutio continui.

In diuersis eius partibus dolorem excitari, nullus Mediorum it inficias. Quippe si doloris causa in profundo carnis ipsius hepatis vigeat, ratione sui, nullus aut paruus excitabatur dolor; nam iecur vi sentiendi hebeti præditum est. Verū si in vasis ipsius visceris, doloris sit causa, pungens & tenuius aderit dolor. Sicut dū paniculus seu membrana tenuissima totū iecoris corpus circumuestiens, dolitabit, acutus erit, & intolerabilis, ex Gal. *lib. 6. aph. com. 5.*

ob nervi portionem, quæ ex sexto ferè nervorum cerebri coniugio ad eius tunicam disseminatur.

Hunc autem dolorē, quo vexatus fuit auctor hic, à flatu habuisse ortum, retento & inspissato sub panniculo patet, quoniam, ut cit. loc. docuit Auic. quum non est febris, & dolor est vehemens, tunc causa doloris hepatis est ventositas: & maximè quia applicitis anodynīs cessavit subitò, quod est flatus proprium, maximè si non sit nebulosus, & crassus: tunc enim medicamentorū calidorum ope facilè discutitur.

Dolor hepatis illicò mitigandus, nam timor est, ne confluentibus humoribus, in inflammationem commigret affectio. Quare flatuosa substantia, qua frequenter foemina, ob vteri confortium, iuxta iecoris regionem premuntur, & viri potui nimio indulgentes, oriosi, & qui crudis succis scatere solent, absumenda anodynīs, quæ resolventi, & discutiendi vires habent.

Nec mireris localia, citra totius vacuationem, ipsum imperasse; nam acutus dolor est symptoma ad se trahens curationem totam, præsertim si corpus purum sit. Hac ratione Hipp. lib. 2. acut. 1. lateris dolorem siue is per initia, siue postea abortus fuerit, calidis fomentis resolvendum esse prædixit: nam si materia est pauca, foris ipsam resoluit, & minuitur aut cessat dolor; si multa, & plethoricum corpus, intenditur dolor, & signum est quòd corpus vacuatione indiget. Sicque fomentum sit signum curatorium, & diagnosticum. Hoc Hippocratis consilio ducti medici, fomenta tam humida, quàm sicca citra totius corporis vacuationem, in corporibus puris sæpissimè imponunt ad dissolvendos flatus, de quorum numero esse forum ex aqua calida, fursure, sale, milio, ibi Hippocrates inculcat.

Inter tanta præsidia pro flatu resolvendo idonea, oleum ex vitellis ouorum, & nucum præcipuè elegit, quoniam mulcebri qualitate, & temperata vi, modicè resolvunt, tenuium cum sint partium, & sic dolorem leniunt, materiam flatulentam digerendo per cutis spiracula in halitus: quæ licet relaxent, adstringentiæque viscus desideret; tamen non ob id reprobanda, nam intensio solum fuit sedare symptoma, styptica autem arctant, flatūsque excerni prohibent. His ergo auxiliis non sedaretur dolor, non dubito quin phlebotomiam, reuulsionis & præseruationis causa, exequendam imperasset.

De olei ex vitellis ouorum facultate, pro leuando dolore, plura diximus in com. hist. 59. lib. 1. quo loco, quomodo immani dolori, subitò omnibus neglectis sit occurrendum, ex veteri mente pronunciamus; de cuius olei vi mira, lege Ioannem de Boys Parisiensem pharmacopolam doctissimum in tract. de oleis, & Hieronymum à Touar Hispanensem tract. de gradib. medicin. qui eius doctores exactè delineat.

Oleum verò nucum dolores sedare, auctor est Mesuè tract. de oleis, tit. proprio, quod ad exemplum olei amygdalini parare docuit Dioscor. lib. 1. c. 34. Hoc ergo modicè calefacit, penetrat, rarefacit, digerit concoquit, partem æqualiter demulcet, & sic dolorem lenit; quæ omnia conueniunt etiam oleo de vitellis ouorum, & in anodynīs medicamentis exoprat Gal. 1. 5. de simpl. medic. facult. c. 18. Insuper flatus crassos dissipat, nervis attritis, vel punctis, præsertim cum calce lota cõfert eximiè, & scabiem sanat.

Ex his colliges manifestè errasse Mathiolum, eiusque simiam Lacunam in com. cit. cap. Dioscorid. qui hoc oleum nullius esse in medicina vsus tenaciter contendunt. Nam oleum è nucibus iuglandibus expressum, eandem vim habere cum Balanino, quod est ad multa utile, ipse Dioscorides apertissimis verbis confirmat. Et præter Mesuè auctoritatem, Auic. lib. 2. tract. 2. cap. 501. hoc oleum herpeti esthiomeno, & erysipelæ, fistulisque in partibus oculi conferre, testatur. Plinius lib. 23. cap. 4. alopecij, surditati auxiliari affirmat. Galenus lib. 7. simpl. tit. de nuce, hoc oleo Gangrænas, carbunculos, & ægilopas à pluribus sanari asseuerat. Doctè igitur scribunt Doctores omnes, id calore & tenuitate essentia flatus discutere: cuius vires in dolore colico pluries se obseruasse cum utilitate, ait Syluius doctissimus in com. cit. Mesuæ contextus. Præstat ergo illud in officinis paratum habere; de cuius potestate lege VVeckerum, & Bernardum Desslenium tract. de oleis, tit. de oleo nucum.

Lib. II.

## HISTORIA CVIII. GALENI, De abscessu hypochondrij.

### Abscessus musculorum hypochondrij cognitio.

**E** Tenim Stesianus cum Medicorum iudicium subiisset necicio quo pacto eorum non parci abscessum in ipsius hepa e, consistere crediderunt. Sed cum postea longo temporis spatio nihil se in melius proficere sentiret, me quoque vocauit. Igitur simulatque domum ubi iacebat, fuissem ingressus, aspiciens eum, hoc inquam scias velim, nullum tibi esse in viscere vitium: sed quid aliud te molester, nudatis præcordiis declarare conabor. Inueni ergo in profundis musculis abscessum, contracto iā pure, in medio spatio eorum musculorum, qui per transversum incidunt, atque eorum qui obliquè ab infernis sursum tendunt, qui medij sunt inter eos, qui transversim peritonæo incumbunt, atque eos qui sub externa cute obliqui deorsum feruntur, &c. Galenus lib. 5. de loc. affect. cap. 7.

### PARAPHRASIS.

**I**N methodica morborum curatione, ab affectis partibus magnam sumi indicationem, atque pro harnum varietate auxilia excogitari, Galenus pluribus locis confessus est, & in hac historia confirmat manifestè: nam iecoris temperie mutata, humores quoque huiusmodi vitio afficiuntur, quoniam sanguinis officina est iecur; qua vitia, sanguinem vitiosum per vniuersas corporis partes delatum, & distributum, cutis quoque inficere colorem est necesse. Sicque interdum herbis pallore candentibus totum corpus manifestè assimilatur; aliquando plumbi colorem induit, ita ut colores varij sint pro natura patientis loci: nam nigriores sunt malè affecto splene; hoc enim viscere ad attrahendum ex hepate atræbilis humorem, & ad repurgandum sanguinem debilitato, reter hic humor vna cum sanguine in ambitum corporis delapsus totius colorem nigredine conspurcat.

Coloris ergo cum nullum vitium in Stesiano conspiceret Galenus, damnum ex eo nullum in viscere, hoc est, hepate, & liene adesse affirmavit. Sed cum Stesianus in ventris inferioris regione dolorem, atque alia symptomata pateretur, & auxilia illi parti fuisse adhibita ab aliis Medicis, Galenus accepisset, præcordia, & ventrem ipsum tangendum admonuit. Eoque inspecto abscessum in spatio inter musculos, cum pure protinus agnouit; nam, ut lib. 2. ad Glauc. cap. 7. monebat Magister, abscessus cum suppurantur, cedunt, digitis prementibus non resistentes, qui cum in summa cute consistunt, facilè dignosci possunt.

Et licet abscessus dupliciter sumatur apud Medicos, ex Gal. 6. epid. sect. 4. com. 39. & lib. 2. ad Glauc. cap. 7. vel pro decubitu humorum in aliquam partem, vel pro humore collecto in suppuratione conuerso, vel conuertendo. Hoc secundo modo accepisse Galenum hoc loco, est verisimile. Huius curationem non apposuisse ex eo constat, vel quoniam in libris de patientibus locis de sola partium nostri corporis affectarum cognitione, sermonem instituit vel quia huius curatio omnibus manifesta est, & ab ipso lib. cit. ad Glauc. satis exposita. Nam primò oportet solà abscessus ruptione, & apertione, pus contritum extrahere; & si partes, quæ circa sectionem sunt, liberæ sunt ab inflammatione (dicebat ille loc. cit.) emplasticis vtere medicamentis, suauibus, & minimè mordentibus, & quæ citra doloris sensum resoluant. Si verò pars aliqua sectioni circumstans, inflammata fuerit, medicamentum quod ex Chalcitide constat, oleo liquefaciens, sit tibi ex vsu. Quomodo verò Epigastrij muscoli, quatuor contenti coniugationibus, secundum latitudinem, & longitudinem, per medium totius ventris extendantur, docent Gal. lib. 5. de vsu pari. & lib. de muscul. dissect. cap. 26. Columb. lib. 5. de muscul. cap. 22. quibus autem notis inflammatio musculorum ventris deprehendatur, exponit Trall. lib. 3. cap. 25.

De nomine verò abscessus, differentiis, causis, si palchra A  
ex Hipp.& Gal. mente scire aues, lege Ludouic. Mercar.  
tom. 1. suor. operum, clas. 4. de signis criticis, quest. 200. n. 27.  
& Vidum Vidium lib. 5. de curat. memb. cap. 11. & 12. qui  
inter omnes librorum prognosticon Hippocratis inter-  
pretes, de hoc argumento elegantius disseruerunt.

## HISTORIA CIX. GALENI,

### De hypocondrii murmure.

#### Murmar hypocondriorum sero lactis mitescit.

Serum tamen lactis, sale, & melle condientes, quibus hypo- B  
chondria murmurant exhibuimus: & iuuantur citata ipsis  
aluo, & c. Galenus lib. 5. aph. com. 64.

## D V B I V M LXI.

Num serum lactis hypocondriis murmurantibus  
sit ex usu.

## PARAPHRASIS.

Hypocondrium significat ventris superiorem par-  
tem à latere in latus sub costis, non tantum ipsa  
latera, sed & mediam partem quæ ventriculo responderet;  
vt enim lib. 1. progn. com. 26. docuit Galen. intima hypo-  
chondriorum sunt, iecur, lien, ventriculus, & perito- C  
neum, quod refert lib. 3. epid. sect. 1. com. 1. Hoc debet esse  
in naturali statu, sine dolore, molle, æquale dextra, ac sini-  
stra parte existens, vt lib. 1. prog. text. 23. & 3. Coacar. text.  
1. firmavit Hippocrates.

Si verò hypocondria, plusquam naturæ conueniat, ex  
flatu distendantur, & murmurent, quod colliges ex ven-  
tris strepitu, & motu; tunc serum lactis medicatum sum-  
mopere prodest. Hoc expressè docuit Hipp. lib. 2. epid.  
sect. 6. in init. dum sic ait. Si hypocondrium distentum fue-  
rit, comprimere manu, & lenare: aqua recedentis à lacte, octo  
corylas bibendas dare: si autem vomat, & non bibat, alij in-  
tritum acutum, & c. Cum enim hypocondriorum disten-  
tiones fiant à flatu, aut aqua, aut crudis succis eo loco re-  
dundantibus, serum lactis, quod aquam recedentem ex la-  
cte vocat, mirum est præsidium.

Licet enim medicamen hoc frigidum sit & humidum, D  
auctore Galeno lib. 4. simpl. 17. cum tamen nitrosa, acri-  
que vi præditus sit, iccirco Galen. 3. de aliment. facult. 15.  
& Mesuë tract. de simpl. tit. de sero lactis, id calidum consti-  
tuunt; quæ loca doctè conciliant Manardus 16. epist. 5.  
Amat. lib. 2. in Dioscorid. in com. cap. 64. Ioan. Brau. lib. 1. 2.  
de simpl. cap. 20. Quare etsi frigidum sit à prædominio,  
tamen acutis partibus modicè flatulentum humorem, sal-  
sum, & melancholicum expurgat, viscera roborat, &  
deobstruit. Quamuis autem frigidum calidum potest  
dici: sic violam, & maluam interdum Galenus frigi-  
dam, aliquando calidam, sicut alia plura medicamenta  
appellat. Consule acutissimum Ioubertum lib. 1. paradox.  
6. de hac questione argutissime differentem.

Vt tamen expurgatio sero lactis celebrata optatum  
finem consequatur, tria efflagitat: Primum, vt serum de-  
beat esse lactis caprini; nam hoc cæteris temperatius  
est, ex Mesuë loc. cit. Sub dio exponatur; sic enim accepto  
rore à cælo demisso, qui suapte natura purgare potest, red-  
ditur magis refrigerans, & expurgās. Nec serenus, noctur-  
nusque aer acrimoniam, quæ purgandi vim habet, ab-  
sumere potest: tantum enim abest, vt hoc coniungat, vt po-  
tius noctis, & aeris frigidi percussu vis ipsa vniatur: vt  
videas quo in errore versetur Garzias Lopijs lib. de varia  
rei medica lectione, cap. 18. qui hac ductus ratione serum  
sub dio non esse exponendum pugnaciter contendit.

Secundum. Vt sumatur medicatum, & præparatum  
iis, quæ ipsius frigiditatem aliquantulum retundant, vnæque  
internas partes robovent, vel deobstruant, vel expurgent

humorem, qui morbi causa esse solet. Cum enim serum  
sit materia, in qua omnia medicamenta infundi possunt,  
tum quoniam facile ob tenuitatem substantiæ vires medi-  
camentorum in se imbibit, tum quia est temperatum, vel  
parum ab eo recedit per frigiditatem, tam morbis calidis,  
quàm frigidis, & ex crasso humore subortis, summo est  
vsi. Sic Gal. illustrem illam Romanam herpere in mal-  
leolo laborantem sanauit, sero exhibitio, in quo clancu-  
lum scammonij minimum erat immisum in lib. 14. meth.  
cap. 17. Sic Mesuë ad biliosas febres rhabarbarum, sum-  
mum esse auxilium asseuerat, tract. de medic. simplicib.  
tit. de sero lactis, si in aqua casei infundatur. Cum enim  
biliosus, tenuisque humor, facilius quàm crassus, glu-  
tinofus, terrestris, & niger vacuetur, ex Galen. lib. 14.  
meth. cap. nuper cit. Serum illum facillimè expurgat, &  
maximè si in eo per noctem madescant cholagoga, vt  
violæ, rosæ, tamarindi, siliqua Ægyptia, rheum, my-  
robalani citrini, & plura alia, vt notauit Ioan. VVitti-  
chius consil. 33.

Hoc modo pro melancholico humore expurgando, in  
Cancro, eo vitur Gal. lib. 14. meth. c. 9. & lib. 2. ad Glau-  
cap. 10. permixto cum epithymo, vel aliis quæ atram bi-  
lem vacuare nata sunt. Ad pituitosos humores educen-  
dos, infundimus quæ pituitam expurgare queunt, vt sunt  
agaricum cucumis syluestris, ebuli radix, hermodactylus,  
sambuci radix, turbit, & mechoaca.

Galenus verò hic serum exhibuisse refert, cui sal &  
mel admixta erant. Cum enim hypocondriorum mur-  
mur pro causa habeat spiritum flatuosum, ex Gal. lib. 4.  
cap. 73. hic autem non nisi à pituitosa, frigida, crassaque  
materia eleuetur, fit vt hanc serum expurger per aluum, C  
præsertim si in eius societatem accedant sal, & mel; hæc  
enim non solum feri frigiditatem infranant, sed eius ope-  
rationem efficaciorum reddunt. In hunc sensum intelli-  
gendus Auic. lib. 2. tract. 2. cap. 441. 6. Et sal quidem iuuat  
ad solutionem aquæ lactis, & c. Sal enim flatus resoluit,  
calefacit, adstringit, siccatur superfluum humiditatem, ab-  
stergit, & aperit, ex Galen. lib. 9. simpl. tit. de sale. &  
Dioscorid. lib. 5. cap. 80. de sale. & facilem efficit super-  
fluitatis egestionem, ex Auic. lib. 2. tract. 2. cap. 62. &  
iuuat medicinas solutiuas, ad eradicandam melanco-  
liam & phlegma, ex ipso Auic. loc. cit. quoniam irritat;  
& sic in enematibus frequenter apponitur: nam expul-  
tricem excitat ad vacationem. Hinc salia aluum dei-  
ciunt, vt Galen. ait, lib. de attenuante victus rat. cap. 3. &  
lib. 3. de simpl. medic. facult. cap. 15. affirmat, conchula-  
rum maris, cæterorumque ostreorum succum planè rum  
salsum esse, tum ventrem soluendi vim obtinere. Mel  
autem plurimum iuuare ad abstergendam ab hypocho-  
ndriis pituitam, pater: nam detergit, ex Galen. lib. 7. simpl.  
tit. de melle. Quare crudum, frigidis & humidis tempe-  
raturis optimum est, & inducit aluum, ex Paulo lib. 1.  
cap. 56. Dioscorid. lib. 2. cap. 74. Auic. lib. 2. tract. 2.  
cap. 496. In summa abstergit, aperit, resoluit, humidita-  
tem ex profundo corporis expellit, meatus liberat ab  
infarctu & vrinam mouet, ex Auic. ibi, & Galen. lib. 8. de  
compos. medicamentor. cap. 7. quæ omnia acrimonia sua  
præstare, testis est locupletissimus Gal. lib. 3. de aliment.  
facult. 39. dum sic inquit. Mel promptè in calidis corporibus  
in bilem vertitur: frigidis verò siue per atatem, siue per mor-  
bum, siue natura talia fuerint, est accommodatissimum: ob id  
in sanguinem mutatur, nutrire ipsa potest: in calidis verò prius  
in bilem, quàm in sanguinem mutatur. Cum autem tenuium  
sit partium, acrimonia quiddam habeat est necesse, qua aluum  
ad excretionem proritet: quam certè adimentes, ipsum efficiunt  
ad distributionem, & coctionem accommodatiua: commodissi-  
mè autem ipsam adimemus, si primum multum illi aquæ ad-  
miscuerimus: ac deinde tantisper coxerimus, quoad spumare  
desinat: oportet autem spumam statim vt emerferit, continen-  
ter ab ipso tollere: cum enim hac parandi ratione acrimoniam  
deposuerit, neque amplius aluum ad excretionem irriter, baud  
cunctanter in corpus distribuetur, & c. Vnde Mesuë tract.  
de simpl. tit. de aqua lactis, mel vigorare operationem eius  
admonuit.

Quapropter murmurantibus hypocondriis serum hoc  
modo



modo præparatum, optimum, si quod alterum, est auxilium. Quo pacto in flatuosa melancholia, quam hypochondriacam vocant, hac lege conditum exhibere magni semper fuit momenti: cum enim hunc morbum pariant flatus hypochondria distendentes, ab inflammatorio naturalium partium affectu non raro pronati, ut latè Galenus edocuit *lib. 3. de loc. affectis, cap. 7.* fit ut serum sic paratum, partim contemperet, partim humorem retorridum euacuet.

Insuper fidissimo experimento compertum est, maximi esse commodi hoc auxilium, quando à nebuloso, crassoque flatu, in hypochondriis subsultus, & pulsationes adfunt, quas maniam, & mentis perturbationem significare, non semel cecinit antiquus vates in *prorrhetic. lib. 1. & in Coacis*, dum sic ait. *Pulsus in hypochondrio cum perturbatione demencia est: magisque si oculi crebro mouentur, &c.* nam ut graphicè explicat Ludouicus Durerus in *com. lib. 2. c. 11. n. 12.* cum hypochondria, id est, ea partes epigastrii qua adiacent nothis coctis quaque viscera iecoris, lienis, diaphragma quoque ipsum, & stomachum circumplectuntur, dolore vexantur, ab oppressione flatuum crassorum, vel ingenti harum partium squalore, & phlogosi, tunc ob mirabilem earum cum cerebro sympathiam, tum generis similitudine, tum operis societate, tum etiam vasorum cõmunionem, ipsum in consensum trahunt.

Enimverò si prædicta vrgeant symptomata ab eisdem causis pronata, tunc serum præsentaneum auxilium est, præsertim in iis sceminis, quæ vehementi pulsatione in arteriis dorso vexantur; in quo vicio cum in hypochondriis adsit sæculentus, adustus, nebulosus sanguis, flatuque refertus, ut Aretæus *lib. 2. de caus. & signis acutor. cap. 8.* manifestè edocuit, & post eum doctè explicuit Mercat. *lib. 2. de virgin. & viduar. affect. cap. 7.* serum ad ventilanda viscera, auferendum cauma, deobstruendum, humorem nigrum suauiter expurgandum, abstergendum mesaræi venas, quæ flatu turgent, calidæque intemperie laborant, summopere præstat.

Hoc enim medicamen attenuat, abluir, abstergit, ut *lib. 2. distinct. 1. c. 9. de medic. simpl. purg.* Mesuè inquit, & nitrofa quæ præditum est, facultate, alium absque mordacitate vlla leniter subducit, ac bilem tum flauam, tum atram ab adustis humoribus genitam deiicit, quo fit ut mirificè conferat maniacis, melancholicis, lienosis, & iis qui terrestri succo scatent, ut *cit. loco* prædicti auctores asseuerant, & non siluit Rhafius *lib. 3. ad Almanf. cap. 15.*

Tertium præceptum in exhibendo sero est, ut sumatur in magna quantitate, ut *lib. 2. epid. sect. 6.* docuit Hipp. qui octo corylas assumendas imperat in hypochondrii distentione: accipit verò coryla vncias nouem, hoc est, octoginta circiter vncias. Veteres enim lacte utebantur ad expurgandum, ex Hipp. *4. acut. 7.* præsertim asinino, hoc enim cæteris est serosius, ex Hipp. *lib. 2. de diata. num. 9.* seu camelino, & equino, quæ sunt maximè serosa, ex Arist. *lib. 3. de hist. animal. cap. 20.* Lac enim expurgat ratione seri, maximè si illi misceatur sal, & in magna quantitate assumatur. Super hanc iubet Hipp. ad præcauendum vomitum in ventre flatibus distento, uti intrito, quod ex alio paratur; hoc enim flatus discutit: & obstructions auferit.

Percontaberis, cur murmure hypochondriorum vexatos, sero exhibito gloriatur hic se adiuuissè Galenus, si tormina, & circa vmbilicum dolores à flatuoso spiritu suborti, medicamentis non cedunt, iuxta Senis oraculum *lib. 4. aph. 11.* Dic flatuosam substantiam duplicem esse in hypochondriis impactam, altera quæ à causa facta, habituali, & diurna ortum ducit, ut *cit. loc. in com. aph.* Galenus admonuit; hæc autem fit sine murmure, quoniam causam habet permanentem ac fixam. Alia quæ recens est, & murmure facto in hypochondriis mitescit, ac soluitur, de qua in præsentī loco sermonē instituit Galenus. Hoc ita esse in Coacis prædixit Hipp. dum sic dixit. *Qui verò tumor recens excitatus in hypochondriis, siquidem sine inflammatione est, soluitur murmure facto in hypochondrio, &c.* Flatus ergo nebulosi & crassi in his partibus regurgitantes, cum strepitu & motu, facilè vacuata causa, nempe humore pituitoso ac lento, per infernam alium soluuntur sero exhibito, præsertim si sal, & mel cum illo sint permixta. Si tamen

Lib. II.

A plura de natura, & vsu seri scire aues, lege Claudinum in *appendice ad lib. de ingressu ad infirmos, sect. 9.*

Vnum solùm pro colophone addam, ut in dolore hypochondriorum curando, ex quo melancholia hypochondriaca scaturit, sis sollicitus; nam ex hac ferini, & exitiales morbi propullulant, quos auctores latè descripserunt, citati à Marcello Donato *lib. 4. de histor. mirabil. cap. 8.* hunc enim morbum sæua symptomata comitantur: quorum omnium causas exactè proposuit acutissimus Castrensis Lusitanus *tract. de complexu morbor. cap. 24.*

## Obseruatio XVIII.

### Dolor hypochondriorum sæpe lethalis.

D Vm hæc interpretarer, accessit ad nos epistola eruditissimi Domini, D. Ludouici Nonnij Antuerpiensis, in qua referebat exempla duo non incelebria, quæ sunt huiusmodi. Susanna 11. annos nata à septennio, ventris & hypochondriorum assiduis doloribus est vexata. Tandem acuta superueniente febre, ventris diris torminibus correpta, quinto die obiit. Dissecto cadauere inuenta est tota ventris cauitas, foetidissimo, & seroso pure referta. Omentum totum erat corruptum, & penè absumptum. Hinc acerbi illi cruciatus.

## Obseruatio XIX.

### C Ex mirachiali affectu mira symptomata sequuta, Ebena curata.

Nobilissima Domina, hypochondriaca melancholia laborans, mirandis symptomatis premebatur. Post rigores enim inæquales, coxæ præsertim palpitatione corripiebatur, ita ut manifestè videretur moueri, & palpitare: quo sedato videbatur inferior venter vehementissimè attolli, & deprimi. Deinde in caput, & cerebrum raptus ille vapor, aliquando conuulsiones, sæpe deliria concitabat. Durauit hoc malum septimanis aliquot, maximè matutino tempore, adeò, ut veneficij suspicionem plerisque incuteret. Tandem Ebena decocto ad 40. dies exhibito conualuit.

## HISTORIA CX. GALENI, De hypochondrii dolore.

### Dextri hypochondrii dolor, cum paruitatem quamdam iecoris, tum meatuum angustiam ostendit.

V Idè enim aliquos, & quidem quàm plures, quibus vena erant angusta, & totum corpus colore priuatum. Quod si plusculum cibi assumpsissent, qui præsertim flatibus excitadis aptus esset, & crassus, & tenax; nonnulli quidem veluti pòdus quoddà insidens, atque suspensum in profundo dextra hypochondrii partis sentiebant, nonnulli verò quandà cum dolore intentionem. In his quidè verisimile est iecur esse paruum, atque angustos meatus habere, &c. Gal. lib. artis medicinalis, c. 70.

## P A R A P H R A S I S.

G Alenus, utpote artis anatomica professor peritissimus, coniectura habita de partibus, quæ internæ sunt, earumque compositione, in pluribus hepar indicauit paruum, quòd vltra venarum exiguitatem, & decolorè habitum, ex assumpto quouis alimento, vel lento, vel crasso grauabantur, dolebátque dextrum hypochondrium. Hanc Historiam affert 14. 3. tract. 1. cap. 30. dum sic ait. *Et minoratur hepar in quibusdam hominibus, & est quandoque sicut ren paruum, &c.* Hoc ita esse demonstrat frequentia obstructionum, quibus tale iecur paruum ob angustiam apertissimum est. Accidit corporis debilitas, quoniam

Ii 3 corpus

corpus indiget cibo plurimo. Totum corpus colore priuatur; ob obstructions enim impeditur transitus sufficiens sanguinis ad membra, cuius commercio & vi, insitus cuiusque partis calor suas perficit operationes: quare nec hic pellucidos generat spiritus, pusillus cum sit; nec floridum sanguinem alimentum gratia accipiens, ab hepate, faciem, totumque animalis habitum pulchro rubore minime suffundit: ubi enim sanguinis ad cutem temperatam accedit puritas, color euadit modicè ex albo, rubroque permixtus, quem moderatæ temperaturæ esse certissimum signum, ostendit Gal. lib. 1. *art. medicinal. cap. 5*. tritum enim est apud doctrinam Galeni, colorem liuidum intermorientis caloris esse indicium, ut constat ex lib. 1. *cris. 12. & lib. 2. prog. com. 8. & lib. 7. aph. com. 2. & alibi*. Si ergo totum corpus colore priuatur, & liuescat, rosæque colore, qui optimæ temperaturæ proprius est, non decoretur, obstructum, & paruum hepar esse suspicandum est.

Rursus. Si alimentum flatuosum, crassum, & tenax hi assumant, ob venarum angustiam, non potest in se recipere hepar, sed retentum & conculcatum obstruit, & ob flatuum copiam grauat, & distendit, sicque tanto onere oppressum iecur læditur in operationibus suis, & cum non possit chylum ob imbecillitatem attrahere, alui profluuium chylosum sequi est necesse. Hæc sunt quæ coniecturæ Galenicæ addidit Auicenna.

Subtilissimus Auerroës, licet lib. 5. *collect. cap. 3*. magni faciat Galenum, propterea, quia fuit (ut ipse inquit) legalis, & verax experimentator, & nullus sit qui possit ei comparari, nisi is qui cum clamat, non intelligit id quod clamat, tamen lib. 4. *cap. 4*. gloriatur se compleuisse signa à Galeno prætermissa, de iecoris compositione agnoscenda, dicens hepatis paruò molles fæces inesse; quum enim exiguum sit, chylum ab stomacho attrahere non potest, sicque est necesse ut exeat deiectio mollis. Num verò ex breuitate manuum iecoris paruitas deprehendatur, ut addidere Arabes, Rasis 7. *contin. tract. 1. cap. 2*. Auic. 2. 1. *doct. 3. cap. 1. §. Quemadmodum curritas digitorum, &c. 14. 3. tract. 1. cap. 30*. quorum doctrinam superiori loco impugnauit Auerroës; Vide apud Costæum *super Auicennam loc. cit.*

Galenus licet de hac natua hominum sorte nihil, quoad curationem attinet, meminerit, quoniam iecur paruum nullo modo arte maius reddi potest; tamen, ut in naturali hoc corporis vitio sanitas etiam conseruetur, ne frequenter obstructions experiatur hepar, minus inflatione, doloreque tentetur, optimum est consilium Auicennæ. *loc. cit.* dicentis, his cibum esse aptum paræ quantitatis, & plurimi nutrimenti, velocis penetrationis, sæpiusque esse exhibendum. Parum cibi propinandum, quoniam multum nec attrahi, nec retineri potest. Sæpe, quoniam multo indiget cibo nutriendum corpus, illoque velociter permeante; nam si incapacitate parua moreretur amplius, distendit, obstruit, & grauat. In hunc usum, salubre commendat præceptum, ut administrentur medicamenta diuretica, hepar mundificantia, subtiliatiua, aperitiua, & solutiua; hæc enim abstergunt, vacuantque humorem crassum, lentum, & multum, à quo obstructions fieri, testis est Gal. lib. 8. *meth. cap. 4. & in art. med. cap. 89*.

Ex his obiter, & veluti raptim notandum duxi, Auicennam, ceterosque Mauritanicæ familiæ proceres scientissimos, plurima arti addidisse, quæ à Græcis partim prætermissa sunt, vel ignorata. Abeant ergo huius famigeratissimi interpretis Galeni calumniatores. Abeant Fuchsius, Manardus, & Leoniceus, qui in hunc eminentissimum Medicinæ Magistrum similia effutire inflatis buccis, imò perfricta fronte, tela directissima, irrita tamen & inania prolicere non erubescunt. Dicunt enim quod fuerit erroribus caliginosus, artem nostram variis mendis fœdauerit, suum librum ab aliis transcripserit, de elephantiasi, carbone, anthrace, pruna, eupatorio, hedera prauè senserit. At hæc ridicula sunt. Nam Auicennam, aliosque Arabes scaterere erroribus non nego, sed hoc in Arabicam linguam, quæ difficile

A in Latinam transfertur, & in interpretum culpam est reiciendum, quod horum auctorum æuo ob explanantium penuriam cum contigerit, Auicennæ auctori grauissimo, & Galenicæ doctrinæ studiosissimo adscribendum non est, qui nostræ ætate Andreæ Alpigi Bellunensis, Costæi, & Pauli Mongij virorum eruditissimorum castigatione, à mendis, quibus icarebat, est expurgatus. Quod autem ab aliis plurima in suos canones fuerit mutuatus, hac ratione culpandus non est: hoc enim pacto vel Galenum ipsum damnamus, qui ab Hippocrate, Archigene, Diocle, Asclepiade, plurima in suos libros transposuerit. Sic Paulum, Aëtium tantoperè in Scholis commendatos repudiabimus, qui ex Galeno, B Herodoro, Philagrio, Rufo, omnia in doctrinam suam commutarunt. Hoc ita esse hæc historia testatissimam fidem facit, in qua quantum Galeni mentem in præseruatione corporum, quibus paruum est iecur, superauit, ex dictis sit manifestum. Simile iudicium proferri poterit de Rasio, auctore tanto, quem empiricissimum Fallopius lib. *de medic. purg. cap. 14*. nuncupare ausus est, eius libros ab scholis Medicorum esse ablegandos pertinaciter contendens. Hæc ego exaudiens (lacrymabile dictu) intimis angor sensibus, animi dolore disrumpor, cum huius doctrina multo in pretio sit habenda, prout latè lib. 1. diximus, in *prolegomenis*, & eruditi omnes, plenissimis, ut aiunt, tibiis, eius laudes prædicant, & buccinantur.

## HISTOR. CXI. AVICENNÆ, De spleneticis.

Spleneticus, vrina sua epota, sanatus.

Q Vidam homo spleneticus somnauit, quod præcipiebatur ei in somno, ut urinam suam biberet omni die tres pugillos, quantum in palma manus incuruata continetur, & inuenit mirabile, &c. Auic. lib. 2. tract. 2. c. 725. de vrina.

### PARAPHRASIS.

D Splenetici vocantur apud Galenum lib. 6. *aph. 43*. qui diu durum habent lienem, seu induratum splenis affectionem patiuntur, ut lib. 9. *de compos. medicam. sec. loc. cap. 1*. ipse admonuit. Hic affectus à crassis, lutosi, faeculentique humoribus originem ducit, quoniam lien scirrhusis affectionibus facillimè corripitur, propter nutrimenti quo vitur speciem; alitur enim sanguine melancholico, qui veluti limus prioris existit, ut lib. 13. *meth. cap. 16*. Galenus edocuit.

### DVBIVM LXII.

Num vrina potus morborum curationi prodesse possit.

E Inter plurima, eaque præstantissima, vsu assiduo, multiplicique experimento confirmata præsidia, quæ ad scirrhusam lienis dispositionem, tum veterum, tum iuniorum doctissimi literis commendarunt, nullum est vrinæ potu sublimius, aut excellentius. Galenus enim quamuis de eius vsu non ita rectè sentire videatur, lib. 10. *simpl. cap. 15*. cum abominabilis, & execrandus sit ipsius potus, & multa sint ad manum auxilia quæ nobis conducere possint: attamen cogente necessitate potandam consulit caprinam, lib. 9. *de comp. medic. secund. loc. cap. 3*. & humanam in achoribus propinat, lib. 1. *eiusd. operis, cap. 8. tit. de iis, quæ Soranus ad achoras scripsit*.

Neque hoc extra rationem est, cum huius etiam auxilij habeamus Hippocratem testem locupletissimum; hic enim lib. 2. *de morb. mulier. num. 29*. vrina veteri calida vterum fouet, quum hic in coxam incumbit. Et lib. 1. *eiusd. operis, num. 96*. vrinam veterem cum ferri recrementis ad imprægnationem bibendam offert; & num. 123. vrinam

vrinam bubulam bibendam præbet ad purgandum sterili-  
um vterum. Nec mireris, nam vrina vehementer abster-  
git, & maxime humana, quæ licet omnibus infirmior sit,  
ceterum potenter repurgat, *ut cit. loc. simpl.* monuit Ga-  
lenus, id quod satis fullones indicant qui vsu illius sordi-  
das vestes expurgant, atque abstergunt. Hoc ita esse, ipse  
ex aliorum mente confirmat *lib. cit. simpl.* Galen. qui cum  
pestiferè ægrotarent in Syria, humanæ vrinæ porione sese  
liberatos profitebantur. Nec deest experimento ratio: nam,  
auctore Dioscor. *lib. 2. cap. 73.* vrina humana antidotum  
est contra venenum præsentaneum, & viperarum morfi-  
bus mirè auxiliatur, & confert omnibus lethali-  
bus venenis, canisque rabiosi morsum, virulentorumque anima-  
lium puncturas coercet & retundit, *ut cit. cap. in fine Auicenna* affirmat, & refert Crollius *lib. alchym. pag. 214.*

Magna ergo est vrinæ eporæ utilitas; & ad sanandos  
morbos efficacia vehemens, ut Dioscorides *cit. loco* con-  
firmat; explicat luculenter Mathiolus *in com.* Hoc modo  
probat aquam ex vrina per distillationem extractam, ad  
omnes obstructions hepatis, inflammationes, Gangræ-  
nas, Quercetanus *in pharmacopœa dogmatica restit. pag.*  
*119.* in Paralyti dicit esse vtilem Forestus *lib. 8. obs. 5.* vri-  
nam pueri laudat Mullerus *in miracul. chymic.* ad visus  
conseruationem, eamque cæteris anteponit. Insuper eius  
potus lienosis saluberrimus est, quum enim calida sit &  
sicca, humorem lentum incidit, tenacem secat, crassum ab-  
stergit: sicque contra incipientem aquam inter cutem plu-  
rimum prodest; quod de caprina, camelinæque potius af-  
firmat Paulus *lib. 7. tit. de vrina,* & magis si cum Nardo  
assumatur, ut docuit Auic. *loc. cit.* redditur enim sic magis  
odorifera, & minus horribilis ab bibendum.

Deinde plurimis morbis vrinæ potum auxilio esse ci-  
tati auctores pronuntiarunt, quos sequutus Plinius *lib. 28.*  
*cap. 6.* variis allatis experimentis confirmat. Frigidus mor-  
bos curat, clysteris modo indita colicum cruciatum per-  
sanat, & hydropicis miro est auxilio, ut proprio experi-  
mento obseruauit Valleriola *lib. 2. obs. cap. 5.* & eius vsum  
pro curanda cachexia laudat Salomon Albertus *consil. 89.*  
nam valenter aquas derrahit, & magis si sit pueri impu-  
bis, venerem adhuc non experti: sorditiem, scabiem, pru-  
ritumque abstergit, nitrosa, qua pollet, facultate, *ut cit.*  
*loc. simpl.* inquit Gal. & latè explicuit Aëtius *tetrab. 2. serm.*  
*1. cap. 108.* & non siluit Georgius Valla Placentinus *lib. 2.*  
*sua medicina, cap. 23. de vrina humana.* Sic nobilissimum  
medicamentum est pro pellendis arenulis, ut firmat Vn-  
zerus *in simpl. antinephritic. p. 202.*

Ad hæc morsui venenoso, illita eximie succurrit, trahit  
enim cum fortitudine venenum, *ut 6. 4. tract. 4. cap. 9.* de  
curatione canis rabiosi protulit Auic. & post eum dixit  
Rhasis *35. continent. tract. 2. cap. 3.* ut refert Mercurialis  
*lib. 5. de febrib. cap. 28. de pestis præseruatione.* Insuper, Apri  
vrina ad vesicæ, & calculi cruciatus est potentissima, apud  
Plin. *lib. 28. cap. 15.* & spleneticos iuuat, apud Auic. *15.*  
*3. tract. 2. cap. 4.* & maxime spiritus vrinæ per distillatio-  
nem extractus, cuius vsus est maximus in peste cordis, &  
cerebri morbis, ut Libanius *in syntag. arcan. chym. lib. 1. c.*  
*25.* & Philippus Vltadius *in suo celo Philosoph. cap. 21.* ex  
professo retulerunt. Ægrotantis enim vrina in hunc vsum  
est præstantior; cum enim præ obstructione, & impedita  
transpiratione acrior sit reddita, lienis duritiem promptius  
mollire est apta, & crassos humores attenuat, eosque per  
secessum, vrinamque expellit. Hinc puto consueuisse Ibe-  
ros vrina in cloacis inueterata se lauare, sibi que ipsi, ac  
mulieribus eadem dentes abstergere: qua re permoti Bar-  
bari, teste Plinio *lib. 28. cap. 8.* vrina quinque annis inuete-  
rata ad ciendas aluos utebantur: quod etiam Strabo *lib. 3.*  
& Catullus *in Egnatium.* Volaterran. *lib. 16. comm. urb.*  
Alex. *lib. 1. dier. genial. cap. 9.* confirmarunt.

Mirabilem hunc vsum perspicientes Imperatores, ex  
vrina vectigalia faciebant, quod tanquam pudendum  
Suetonius non reticuit, *cap. 23. de vita Vespasiani Casa-*  
*ris.* Sordida planè augendi ratio ærarij: Sicque cogebantur  
omnes habere in publico dolia, siue amphoras  
vrinæ in angiporis, ad eam excipiendam, quæ ad vsum  
purgandarum vestium à fullonibus vsurpatur, quod Mar-

cialis allofuit *93. epigram. lib. 6. in Thaidem.*

Tam malè Thais olet, quàm non fullonis auari

Testa verus, media sed modò fracta via.

Vrscitè probat Iustus Lipsius *lib. 2. de magnitudin. Roman.*  
*cap. 6. de vrinario vectigali.* Sed quàm hæc acerbitas, &  
sordidorum vectigalium inhumanitas principem dede-  
ceat, ex antiquorum dictis doctè ac prudenter collegit  
idem Lipsius *lib. 4. ciuili doctrin. cap. 11.* tyrānorum enim  
hæc sunt, non principum, qui occasionem dederūt adagio,  
*Vel à mortuo Vectigal auferre.* Licet autem Gal. *cit. simpl.*  
referat, Apollonium *lib. 1. parab.* consuluisse Asini lo-  
tium ad inflamatam columellam: *miror,* ait, *huiusmo-*  
*di auxilium tradentes, certo enim scio omnes homines, paucis*  
*omnino exceptis, citius mori velle, quàm vrinam asini bibere.*  
Quamuis enim Aëtius *tetrab. 1. serm. 2. cap. 84.* carpat  
Xenocratem, & alios qui de medicamentis vrinarum scrip-  
serunt; qui namque hæc scribunt, non minori, sed maiori  
digni sunt odio, quàm qui perperant: atramen cum vel me-  
dicamentorum copia non suppetit, aut in itinere, vena-  
tione, rusticatione: aut homo rusticus fuerit, aut seruus,  
hæc, & alia similia propinare non est cunctandum, maxi-  
mè cum salute nihil charius sit, teste Cicerone *lib. 2.*  
*rhetor. cap. 21.* nam, ut legitur in Ecclesiast. *cap. 30. melior*  
*est pauper sanus, quàm diues imbecillis.* Sic Galen. *10. simpl.*  
*tit. de stercore humano,* ipso, gutturi illito anginam perla-  
nat, & caninum exhibet in potum ad vlcera intestino-  
rum summè inueterata. De quo argumento lege Tira-  
quell. *lib. de nobilit. cap. 31. à num. 359. vsque ad num. 367.*  
ex Medicorum celebrium decretis eloquentissimè di-  
sputantem.

Quid mirandum? quando alia sordidiora pro vita ser-  
uanda mortales assumere non recusant; & idcirco ex ster-  
core humano plura parantur medicamina, quæ hominis  
saluti mirificè conferre queunt. Sic aqua ex stercore hu-  
mano per distillationem extracta, intrus assumpta, auxi-  
liatur comitialibus, hydropicis, calculum minuit, &  
expellit, contra rabidi canis, & virulentorum animalium  
morsus est præstantissima, auctore Libanio *lib. 2. Alchym.*  
*p. 142.* Hoc modo secundinæ torrefactæ puluis, mulieris  
primiparæ. filiū enixæ, aduersus epilepsiam, strenuum est  
auxilium, ut firmat Finckius *in enchiridio Dogmat. Herme-*  
*tic. p. 41.* cur ergo si hæc vera sunt, & pro recuperanda sa-  
nitate censentur saluberrima, vrinam plurimis morbis esse  
proficuum non fatebimur? Ex hac contra insultus febriles  
fieri enema optimum, probat Hubertus, referente Dun-  
cano *tract. de feb. pag. 806.* Tu verò de vario vrinæ vsu  
consule Daniëlem Beckherum Medicum eminentissi-  
mum, & apud Borussos Regiomonti Professore celeb-  
rem, *lib. 1. Spagyrica Microsmi cap. 9.*

## HISTORIA CXII. TRALLIANI,

### De lienis scirrho.

#### Lienis scirrhus, purgatione, & aliis auxiliis curatur.

**N**Ouisti curatum à me fuisse militem, qui dum ad me  
venires, totam \* lienis regionem barbaricis ferramentis  
candentibus inuistam habebat, quem duobus, tribusue diebus,  
medicamentis per os datis purgabam, & deinde diligentem ei  
curam in singulis conuenientibus remediis adhibebam, &c.  
Trallian. *lib. 8. cap. 13. in initio.*

#### P A R A P H R A S I S.

**E**Legans sanè, & multi vsus est historia hæc, quæ  
Emorbi contumacissimi, nempe Scirrhi lienis exactam  
curationem breuiter proponit. Scirrhum lienis vocat Gal.  
tumorem durum, & indolentem. Huius causa est humor  
glutinosus, crassus, viscidus, vtest humor melancholicus  
naturalis, aut superexiccata pituita, ut Gal. edocuit *lib. 14.*  
*meth. cap. 5. & 6. lib. de tumorib. præter. nat. cap. 9. & lib. 2. ad*

*Glauc. cap. 5. & alibi passim.* Communes itaque habet cum A hepatis Scirrho causas; nam vel à principio paulatim congregatur, & augetur, ac in magnum tumorem attollitur, vel Medicorum imperitia paratur, ubi vehementer inflammationes, & erysipelata adstringunt, refrigerant, & tumorem hoc modo lapidosum efficiunt.

Cum enim lienis munus sit sæculentum sanguinem attrahere, quem mira quadam, & insita vi ad se allicit, ut *Gal. lib. 6. de loc. affect. lib. 2. de facult. naturalib. & in lib. de usu part. cap. 4.* non semel prodidit, & idcirco hunc ex aduerso hepatis locauit natura, ut limosa ac lutulenta succorum illuuiæ hausta purior redderetur sanguis, sit ut promptissime Scirrho teneretur. Quoniam, ut *cit. de facult. natur. cap. ult. Gal.* edocuit, in sanguine generando quicquid abundè crassum, ac terreum ex ciborum natura in nutrimento fertur, nec commodè à calore naturali alteratur, id lien ad se attrahit. In hunc usum, cum rarum fungosum, & solum, solidioris spongiæ, aut leuioris pumicis instar, hauriendo, excipiendoque huic terreno succo opportunum fabricauit natura. Quapropter hoc viscus ex iis est, quæ sanguinem purgant, ut *Fernel. lib. 1. meth. cap. 9.* doctè conscripsit. Hac de causa lien ob nutrimenti quo vitur speciem, facillè Scirrho corripitur, ut *13. meth. cap. 16.* aduertit Galenus.

At ego non video, quomodo hoc verum esse possit, si contrarium legimus apud *Gal. lib. 4. de usu part. cap. 15. §. Splenis verò corpus, cum tantò rarius hepate sit, quanto est crassius pulmone, meritò ex tenuiore sanguine nutritur, &c.* nisi intelligamus parte puriore sanguinis melancholici nutriri, & subtiliore quàm iecur, ut longa verborum serie explicat *Amat. lib. 3. centur. schol. 48.* & non siluit acutissimus *Fernel. 6. physiolog. cap. 3.* Nam haustum hunc limosum sanguinem per splenicum ramum, copia atteriarum attenuat, coquit, & sibi similem reddit, tandèque puriore eius portione nutritur, reliquam verò impuriorem, vitpote onerosam, nunc in ventriculi fundum, nunc in venas hæmorrhoidales detrudit.

Huius visceris corpus à flatuoso, nebulosoque spiritu indurari quodammodo videtur: at à vero Scirrho tactu manifestè distingues: ille enim tactui pertinaciter non resistit, imò imposita manu cedit. Verus autem Scirrhus à terrestri humore tenaciter infixus ortum ducens, durus est, renitens valde, & indolens, in sinistro latere perceptus, cum angustia, molestia, ac distentione; accedit tensio in abdomine difficultas in potu, prauus in facie, & vniuerso copore color, qui liuidus, & nigricans esse solet, crebrior adest anhelitus, instantur crura, temporis progressu cachexia accedit, pedes intumescunt, vlcerantur gingiuarum ob plurimum quem cum liene obtinent consensum, vlcera in cruribus excitantur, foetet os, quæ omnia indicia collegit *Auic. 15. 3. tract. 2. cap. 5.*

Ex lienis Scirrho, plurima, eaque irreparabilia damna oriri solent, hydrops, fluxus colliquans, ad tabitudinem extenuationemque maximam, imò & mortem ægros deducens. Quapropter omnes Medici tum prisci, tum iuniores, in eo curando strenuam operam imposuere. Si enim à flatu tumor sit, præter dietam idoneam, & humorum crassorum iteratam purgationem, flatus discutientia, tam interna, quàm externa sunt vsui, quorum amplam apud eos sylvam inuenies. Si tamen ex humore terrestri & crasso oriatur, ob dictas causas sedula opera in eius curatione est impendenda.

Licet autem lien inter ea viscera non numeretur, quorum tanta dignitas est, ut iis vel leuiter affectis statim immineat mortis periculum, eius tamen conditionis est, ut facillè suas affectiones communicet ventriculo, iecori, & corpori vniuerso, hinc cachexia, melancholia, icterus niger, aliæque grauissimæ affectiones repullulant, quæ maiori ex parte in interitum finiuntur: de quarum sorte esse aquam inter cutem, firmat *Galen. lib. 1. epid. sect. 3. comm. 4.*

Morbus hic contumax est, ac rebellis, & præfidiis vix succumbit, quoniam à crasso, glutinoso, terrestrique succo, visceri pertinaciter impacto, ac lapidoso facto origi-

nem ducit. Quamobrem ne mireris Medicos, qui ante Trallianum, militem hunc curauerant, diu in eius curatione insudasse: nam, ut par erat, sanguine prius misso, & celebrata purgatione, ad ferrum accesserunt (vocat ipse *barbarica ferramenta.*) Nam perseverante malo Archigenes, priscique alij sinistri hypocondrij cutem multis locis scarificabant, cucurbitulis deinde impositis sanguinem crassum extrahabant, & vel hoc auxilio etiam sunt vsi, ut medicamenta extra applicita penitissimas possent lienis partes permeare. Ferramenta autem hæc poterant illo sæculo appellari barbarica, quum essent à Barbaro inuenta, ut *Paulus lib. 7.* & alij Barbarica emplastra nuncuparunt.

## D V B I V M LXIII.

*Num lien aliquando vrendus.*

## COMMENTARIUM

**R**egionem lienis inustam.] Offert sese modò non incelebre dubium: num ferramentis candentibus lien sit vrendus. Nam veterum scientissimi inustiones faciebant, ut humor tenax, & firmiter impactus liquaretur, & ad extrà attraheretur. Sic Hipp. candenti ferramento pro morbis capitis, vstiones celebrat in capite, circa aures, nasum, ceruicem *lib. 2. de morb. num. 15.* & in *lib. de intern. affect. num. 5.* in hunc usum plurimas facit vstiones ad acetabulum coxæ, scapulam, nates, medium femur, genu, & malleolum: & in *num. 14.* in eo morbo, in quo spinalis medulla præ Venere resiccatur, plures vstiones facit ad lumbos, dorsum, ceruicem: & in *num. 20.* in coxendicis dolore hoc præsidij genus exequitur. §. *Vrere autem quidem oportet, carnosam quidem ferro, &c.* & prius prædixerat *lib. 6. aph. text. 60.* ubi in diutino coxendicis dolore vstione prohibuit claudicationem. Ab hoc mutuatus fuit *Celsus lib. 3. cap. 23.* ubi morbi comitialis curationem instituens, sic ait. *Quod ad Medicum verò pertinet, ultimum est, iuxta talum ex viroque crure paulùm sanguinis mittere, occipitiũ incidere, & cucurbitulas admoovere, ferro candente in occipitio quoque, & infra, quæ summa vertebra cum capite comittitur, adurere duobus locis, ut per ea perniciosus humor euadat, &c.* Idem exequitur auxilium *lib. 4. cap. 2. §. Illa in omni vetusto capitis dolore cõmunia sunt, sternutamenta excitare, inferiores partes vehementer perfricare, gargarizare iis quæ salinam mouent, cucurbitulas temporibus, & occipitio admoovere, sanguinẽ ex naribus deirahere, resina subinde tempora peruelere, & imposito sinapi exulcerare ea quæ malè habent, antè linæolo subiecto, ne vehementer ardeat, candentibus ferramentis, ubi dolor est, vlcera excitare, &c.* Et *c. 22. de coxarum morbis.* sic ait. *Ultimum est, & in veteribus quoque morbis efficacissimum, tribus aut quatuor locis super coxam, cutem candentibus ferramentis exulcerare, &c.* Hunc modum loquendi, omnes mutuati sunt ab Hipp. *lib. de art. com. 1. text. 42. 43. & 44.* qui ferramentis vitur candentibus, pro curandis illis, quibus humeri caput elabitur.

Sic in desperatis morbis, partes nostri corporis inurere candenti ferro priscorum sagacitas adinuenit. Quando enim cum dolore & grauitate, iecur vomica laborat, & carnea ipsa substantia vitata ostenditur, purisque adest in tunica collectio, tunc adurere oportet, ex *Paulo lib. 6. cap. 47.* ita antiqui purulentum iecur adurebant, ut constat ex Hipp. *7. aph. 45.* Si vstionem contempseris, magna copia puris hepate concepta effunditur in ventriculum, ac terro suo vapore suffocat. Vtrum verò hoc opus actuali an potenciali cauterio sit peragendum, explicat *Hollerius in com. cit. aph.* Sic in longis stomachi defluxionibus, ferramentis candentibus mucronatis crustas moliri oportet, ex ipso *cap. 49. eiusdem libri.* Et in *cap. 48.* simili ferramento hepar pluribus crustis inurit, ut humor in intimo pertinaciter impactus liquetur, & per vlcera diu fluxentia emanet. Accepit *Paulus* ab Hipp. *lib. de intern. affect. num. 26.*

Hoc modo *Andromachus*, & *Archigenes* apud *Aëtium tetrab. 3. ferm. 4. cap. 11.* emplastra ex arsenico, & alumine scissis



scissili, calce viua cum emollientibus spleni adaptabant, A  
 vt crustis excitatis virosus humor in profundo delitescens extraheretur foras. Securè verò super hanc partem  
 vñtiones celebrare poteris, nam lien non est pars prin-  
 ceptus, nec principium alicuius facultatis existit: quare  
 lienis vulnera non semper lethalia sunt, quoniam ipsum  
 totum aliquando resectum vidit Franciscus Roussetus  
 sect. 4. de partu casareo, cap. 5. Et quasdam ipsius particu-  
 las excretas fateretur se vidisse Aretæus lib. 3. de caus. &  
 signis acut. morb. cap. 14. & cursoribus ne obsit, vel inuri,  
 vel excindi sæpe, testatum reliquit Plinius lib. 11. cap. 37.  
 & non siluit Plantus in Mercat. Probat eruditus Georg-  
 ius Bertinus Campanus lib. 18. sua medicin. cap. 1. Quid  
 plura? nonne sine liene homines viuere possunt, vt posi-  
 tis exemplis explicat Laurentius lib. 6. de re anatomic.  
 quæst. 25. Exemplo sint pecudes in Creta, quæ sine liene  
 viuunt, quod scolopendrio vescantur, vt narrat Vitruuius  
 lib. 1. cap. 4. quæ an sit asplenium, eruditè explicat Guliel-  
 mus Rouil. lib. 11. hist. plantar. c. 4. & 5. Nec hoc mirum  
 videri debet, cum lien sit per accidens necessarium, sicuti  
 retrimenta tum alui, tum vesicæ, vnde fit vt nonnullis  
 magnitudine deficiat, auctore Arist. lib. 3. de part. animal.  
 cap. 7. sic referre Cælio Rhodigino lib. 4. lect. antiq. c. 18.  
 quod etiam obseruauit Celsus lib. 3. cap. 9. & notauit Be-  
 niuen. lib. de abdit. 105. dum lienosos ferratæ aquæ vñu  
 iuari affirmat: vnde fit, inquit ipse, vt animalia apud  
 fabros ferrarios educata, exiguos lienes habeant; ex quo  
 facile inferri potest, sine liene, aut eo exiguo, animalia  
 viuere posse. Num verò absque vitæ periculo excin-  
 di possit, ob eius cum partibus præcipuis connexionem,  
 negatiuè responderet Tobias Knoblochius lib. instit. ana-  
 tomicar. disp. 7. de liene: nam id sine vitæ iactura perfici ne-  
 quit, vt refert Leuinus Lemnius lib. 2. de complex. cap. ult.  
 in princip.

Sciscitaberis, si incassum ab aliis Medicis, præter ge-  
 nerales vacuationes, ferramenta candentia spleni scir-  
 rhofo erant inusta, cur hic contumacissimus morbus  
 purgationibus, & aliis auxiliis succubuit? Dic. Dupli-  
 cia sunt vacuantia per os, nam aut euacuant per vrinam,  
 aut per aluum. Illis posse lutulentam materiam in liene  
 firmatam expurgari, Galenus auctor est 2. ad Glauc. cap. 2.  
 prop. finem: quo loco intestina per inferiores deiectiones  
 expurgari vult, vt splenem, & renes per vrinam. Si  
 verò lib. 13. meth. cap. 17. affirmat nullam parere viam à  
 liene ad vesicam: Respondet Mercurialis in com. Histor.  
 prima epidemica, in com. verbi Hipp. (nigrum minxit) à lie-  
 ne nullam esse viam manifestam, occultam tamen dari  
 negandum non esse: hanc indicauit eruditissimus Lau-  
 rentius lib. 4. de re anatomic. quæst. 27. qui præcorum, suis-  
 que experimentis lienem per vrinam posse expurgari  
 contendit, cui adstipulantur qui transfulerunt Galeni  
 locum ad Glauconem, Martinus Acakia, & Andreas  
 Lacuna in suo breuiloquio. Leonici quoque conuersio  
 est ambigua, licet ab Augustino Guadaldino recogni-  
 ta. Ita enim habet vera lectio ex Græco contextu fi-  
 de deprompta. Intestina autem per inferiores excretiones;  
 quemadmodum & splenem, & renes per vrinam. Sed hi-  
 storia ab Hippocrate recitata lib. 2. epid. de Bione lie-  
 noso, qui mictu copioso, & crasso iudicatus est, sple-  
 nem vacuari posse per vrinam, recurrentibus succis à  
 mesenterio per cauam in vias vrinæ, manifestè de-  
 monstrat. Cui iungenda & alia Valerij, exercit. 40. ad  
 Holler. de morbis internis, cuiusdam ægri, qui à lienis  
 tumore, annis continuis quindecim, annuatim bis  
 aut ter, per vrinæ profluuium attramento simile sanus  
 euasit.

Tanta est vis diureticorum in molliendo liene; nam  
 deriuata crassiore parte sanguinis, quæ splenis duritiem  
 fouebat, ad vrinæ vias, ille mollescit: nam propriè diu-  
 retica primò sanguinem attenuant, secundò fundunt, &  
 seorsim cogunt partem crassam, & ita remanet serum  
 secerum; sunt enim hæc valde calida, & tenuissima  
 substantia pollent. Si verò à fortioribus, & seligen-  
 tibus pharmacis, melancholicumque humorem va-

quantibus per se materia propria morbi vacuetur, sæpe  
 his emollitur lien, quin localia imponere sit necesse:  
 nam vt in plerisque cit. locis dicebat Galenus, lien for-  
 tiores vacuationes sustinet citra incommodum. At cum  
 humor impactus terreus sit, & tractu difficilis, & viæ  
 arctiores, & longiores cæteris omnibus, crassissimi hu-  
 moris vberem copiam vix suspicientes, si vehementia  
 pharmaca propines, exasperatur affectus, moto, & non  
 vacuato humore: lenia autem medicamenta pertinacem  
 hunc humorem non expurgant, & pusilla eorum vis  
 partem affectam non attingit. Quid ergo faciendum?  
 Docuit bellissimè Hipp. lib. 1. de morb. num. 30. dicens,  
 si verò spleniticus fuerit, neque purges lacte, neque suo sero, sed  
 eo quod modicum ingestum, multum purget, &c. Hoc dice-  
 bat Auic. 1. 4. tract. 2. cap. 7. vñendum scilicet esse medica-  
 mento forti, debili, illo ex natura sua; debili, quoniam in  
 parua quantitate valde purgat.

His factis vniuersalibus auxiliis, diligentem curam  
 huic ægro Trallianus in singulis conuenientibus auxi-  
 liis adhibuisse refert. Quæ autem sint, non explicat.  
 Dic tu fuisse deobstruentia, ab infarctu liberantia:  
 cum enim hoc viscus sit eius naturæ, vt crasso humore  
 abundet, ferè semper adsunt obstructions curatu dif-  
 ficiles, quas auferre chalybis vñum assiduum, compro-  
 bauit experimentum, & nos in com. Histor. 82. lib. 1. ex  
 veterum, & iuniorum mente prædiximus: & firmat  
 Claudinus lib. de ingressu ad infirmos, in appendice sect. 2.  
 Insuper hoc opus alia etiam posse præstare medica-  
 menta, Galen. cit. loc. asseuerat, quorum latam sylvam repe-  
 ries apud eos, qui doctè de lienis scirrho conscripse-  
 runt.

Denique conuenientia auxilia indurato lieni, non  
 alia possunt esse nisi malactica, seu emollientia, quo-  
 rum naturam exactè describit Galen. 8. lib. de medic. comp.  
 sec. loc. cap. 8. §. Quæ verò ob frigidos, & viscosos humores  
 in solidis corporibus imbutos indurantur, ex necessitate frigi-  
 dam habent affectionem. Quare & calfacientibus, simulque  
 tenuium partium opus habent, hæc enim sufficientia sunt, &  
 ad viscositatem humorum induratis partibus infarctorum ex-  
 tergendam, & ad secundam crassitudinem, & discutiendos  
 humores ita extenuatos, &c.

Hæc ergo, quæ congelatum humorem fundunt, &  
 sensim per halitum digerunt, qua cautela sint appli-  
 canda, in lib. meth. cit. ostendit Galen. ne videlicet sint ve-  
 hementia, ita vt ab eorum vñu absumpta tenuiori par-  
 te humoris, reliqua exicceretur, & lapidosa concretio,  
 immedicabilisque durities gignatur. Explicat egregiè  
 Hollerius lib. 1. instit. chirurg. cap. 4. de mollientibus;  
 quorum medicamentorum quot sint gradus, ex Galeni  
 mente exposuit Mercatus lib. 2. indicat. cap. 6. Si tamen  
 præsidiorum emollientium splenem refrigeratum, ob-  
 structum, & induratum, simulque aliorum aperientium,  
 & calfacientium numerum, & formulas scire desideras;  
 ex omnibus auctoribus in synopsim redactas, lege Mer-  
 catum tom. 1. quæst. 216.

## HISTORIA CXIII. GALENI,

### De morbo regio.

E Morbus regius, citra naturalium visce-  
 rum affectum, sæpe  
 generatur.

Q Vidam enim acuta, biliosaque febris laborans,\* die se-  
 primo multa flaua bile ad cutem transmissa, à morbo li-  
 beratus est, mansitque sequentibus diebus\* auriginosus. Itaque  
 & excrementa, & vrinæ considerauimus. Virisque verò secùn-  
 dum naturam habemibus, atque ob eam causam nullum vi-  
 sceris affectum declarantibus, venit in mentem fieri posse,  
 quod trāsata in cutem bilis crassior esset. Quaratione permo-  
 tum, discere volui qualisnam esset sudor. Illo autem apparente  
 aquoso,

aquoso, conieci esse bilem dissipari contumacem. Precepi itaque laboranti, ut aque suapte natura calida, & cui discutienti vis esset, vteretur, ac præterea victum adhiberet humidiorum, qui humorum crassitudinem paulatim posset extenuare. Hic autem bonam valetudinem consequutus est, &c. Gal. lib. 5. de loc. affect. cap. vlt.

## PARAPHRASIS.

**I**cterum citra aliquam visceris affectione euenire posse, hac historia explicat Galen. Cum enim in die decretorio, præcedente coctione, ab internis sedibus ad corporis habitum, natura biliosum humorem transmittit, soluitur febris. Internas partes liberas, & sanas remansisse, communia alui & vesicæ excrementa ostendunt manifestè. Nam, ut dicebat Gal. lib. 2. aph. com. 15. *animalium natura nonnunquam ex principalibus membris humores malos euacuans, alios per urinas, vel vomitus, vel aluum inferiorem excernit, quosdam verò pellit ad cutem, sed cum non potest euacuare propter eorum crassitudinem, ibi reponit. Tunc igitur considerandum ac distinguendum, numquid natura totam deponat in patientibus partibus superfluitatem, an adhuc etiam corpus vniuersum vitiosis humoribus superabundet: quod excrementa indicabunt; nam si sint similia sanis, totum corpus bonos habere humores indicium est, &c.*

Nullum enim signo certius interiorum partium dispositionem coniectari possumus, quàm ab excrementis. Bilis ergo ad cutem translata, num esset tenuior, an crassior, ex sudore indicauit Galenus; nam si subtilior bilis est, quæ auriginosum morbum committit, facile sponte sua transpirat, & exhalat; si autem apparet sudor, sique aquosus, aut serosus resudat, bilem non tenuem, sed contumacem, difficilisque resolutionis ostendit euidenter. Neque inde arguas ex aquoso sudore, aquosum humorem in corpore redundasse, fuisseque ad cutem transmissum: non enim hoc signum indicauit Galenus, nisi ut bilis naturam inuestigarer: bilis enim si crassior sit, in cute condensata, in formam roris, aut sudoris erumpit.

Hunc autem crassiusculum humorem per eandem partem, nempe cutem, in halitum digerere satius iudicauit. Cum autem plura sint, quæ hoc opus præstare possunt, ut discutientia lauacra, ablutiones, innationes, suffumigationes, quæ cutem densam laxando, & humorem crassum, impactumque digerendo, ipsum dissipant, ad naturalia balnea (vocant aquas sponte nascentes) eum misit, quæ suapte vi cutem aperiunt, ipsius spiracula patentiora reddunt, & sic humorem crassum in cute impactum resoluunt; quas dotes mineralia balnea obtinere, ex antiquorum mente inter omnes, latè, doctèque probat Cardanus lib. 2. cont. tract. 4. cont. 3. Sed has aquas, non iubet assumere in potum; nam præterquam quod partes internæ sanæ erant, internæque non indigebant auxilio, post transactam acutam, biliosamque febrem erant suspectæ valde. Sic Aëtius terrab. 3. serm. 2. cap. 18. icterum crisis ratione euenientem, aquarum potabilium lauacro aptè per sanat.

Deinde absumentus humor erat biliosus, & crassus, quapropter victum humidum, attenuantemque consuluit, vtrique indicationi satisfaciens. Sed cum in ambitu corporis, crassioris bilis copia esset impacta, quàm ex aquoso sudore prodeunte cognouit, fortius auxilium ex balneo aquarum sponte nascentium vtilius esse indicauit: ita monuit ipse lib. 9. sec. loc. cap. 1.

dum icterum criticum per sanare intendit.

§. Et facile hi curantur balneis, &c. &c.

Medici postea vnanimiter confirmarunt.

\* \* \*

## QVÆSTIO LIV.

Quod Auriginosus morbus, citra Iecoris vitium, in omni indicatorio die eueniens, sabubris sit, Contra Plinium.

## COMMENTARIUM.

**D**e septimo.] Incidimus nuper in summos, Galeni in libros de locis affectis interpretes: apud quos scitu digna pleraque de ictero ingesserunt senobis. Ergo & inde spicilegium fecimus, ne nobis tantum, & Musis (quod dicitur) incineremus, atque hisce commentationibus consperimus, ut quisque exigit locus. Nunc illud enoramus, biliosi recrementi per totum corpus refusionem, definiri eam affectionem, quam regium morbum, Auriginosum, arquatam, atque icteritium nuncupant: sic Gal. lib. de diff. sympt. cap. 4. & lib. 3. de caus. sympt. cap. vlt. Paulus, Aëtius Cornelius, & cæteri omnes, sumpta appellatione ab his quæ in morbo, ac eius curatione accidunt. Ex eo enim quod corpus palleat instar auri, auriginosus dicitur: & regius, quoniam, ut notat Celsus lib. 3. cap. 24. luxu, lasciuia, & ludis, denique & regio apparatu tractandus. Icteritia verò secundum Aërium, ab animalculo, quod icctis, seu mustela sylvestris nominatur, oculos habente auricolores. Aliis ab ictero auc, Latinis Galbula nuncupatur. Hic vitiosus color magis apparet, ut inquit Aurelianus lib. 3. chronion, in albidis oculorum partibus, ob summam coniunctiua albedinem, & quia ibi cessat vasorum ductus, & venis quæ sub lingua sunt, propter illarum amplitudinem, & carneam linguæ laxitatem.

Non esse perpetuè in morbo regio affectum iecur, sed citra illius vitium nonnunquam accidere, demonstrat Galenus, hac historia in medium allata: nam sæpenumerò in morbis, ut tertiana exquisita, & aliis id genus à bile procreatis, nequaquam laborante hepate, bilis ipsa, indicatione ad cutem effunditur, & efficitur aurigo, ex ipso lib. 4. aph. 62. 2. feb. cap. 1. ea ratione, qua interdum etiam pellente natura in crisisbus peccantem humorem ad cutem, solent euenire sudores, & per defluxum humoris in partem abscessus, iuxta illud Hipp. 31. & 32. cit. lib. & alibi. Secundò, quia aliquando etiam citra iudicationem, nempe deprauata sanguinis massa, & venenosa quadam alteratione in biliosam qualitatem conuersa; siue corruptio à veneno oriatur externo, epoto, aut ex ictu ferarum, siue ab interno, hoc est, intra corpus genito, quod generari posse monstratum est lib. 1. in com. hist. 52. Deinde ex eo, quod prouenit etiam non raro ratione viarum, per quas expurgatur bilis, aut vitio fellis præ imbecillitate non attrahentis, vel obstructione sui meatus ad intestina non pellentis.

Demum. De icteritia illa quæ ad felleam vesicam spectat, non agit hoc capite Galenus, in quo proposita est historia hæc, quia eo loco solius iecoris rationem habet; imò verò quia tantum intendebat ostendere, non semper in huiusmodi morbo hepar ipsum laborare: & iccirco singulas differentias, quæ illius causa eueniunt, non prosequitur, sed frequentissimam tantum proponit, eam videlicet quæ oritur ex calido, & adurente huius visceris intemperamento, ratione cuius tantam aliquando procreat bilem, quæ nequeat à felle expurgari; atque ad eum sanguine delata per membra, ea ad pallidum colorat, & icteritiam concitat, idque nonnunquam citra inflammationem, scirrhum, aut obstructionem, à quibus etiam plerumque nascitur hic morbus; quanquam duæ priores causas, etiam obstruendo concurrant, & obstructio quodammodo etiam inflammando: nam præterquam quod prohibita per obstructionem bilis in felleam vesicam secedere, facile in cutem deflectit, impeditus etiam in transitu sanguis, per moram bilefcit.

Quod tamen aurigo per morbi indicationem, aut sanguine in bilem verso ab extranea corruptione euenire nequeat citra hepatis lesionem, quod Galenus in præfenti contendit, ostenditur. Primò. Non sufficit ad tertianam, vel quamuis aliam biliosam febrem, bilis copiam in

in corpore redundare; nec requiritur insuper quod putreat; nec qualibet, sed insigni putredine, ex Gal. 2. feb. 1. & Auic. 1. 5. 3. tract. 1. cap. 3. Atqui icteritia licet à bile exuberante fiat, non tamen citra illius putredinem, ex Gal. ibi dem, alioquin febricitarent intensè icterici omnes. Igitur fieri non potest in biliosis morbis per viam crisis, citra peculiare aliquod iccoris vitium.

Secundò. Si hoc ita esset, cum rigore necessariò accideret; is siquidem non aliter efficitur, quàm bile velocius mota per membra sentientia, ex Galen. 4. aphor. 5. 8. & alibi. Non potest autem bilis ad cutem diffundi ad huius morbi generationem, nisi transeat per sentientes musculos; nec criticè, nisi motu velocissimo. Cum verò sine rigore fiat, &c.

Tertiò. Si in aliis morbis etiam per viam crisis accideret, esset in iccoris inflammatione. Sed quamvis ab hac saepe oriatur, criticè tamen nunquàm, ut colligitur ex Gal. lib. 4. aph. 62. & probant ibi scribentes Hollerius, Heurnius, Fuchsius, & alij. Igitur.

Ultimò. Si ab externo veneno sanguinis massa aliquando bilefceret, ad huius morbi generationem, esset, vel quia instar cholagogi medicamenti intra corpus remanentis in bilem conuertitur, vel sua deleteria qualitate humores ipsos pallefacit. Non primum, nam aduersatur veneno, pati atque immutari. Minus secundum, quia mortificans calidum innatum, & spiritus dissoluens, potius denigrat, quo colore infectos, veneno interemptos perpetuò ferè experimur. Igitur.

Sed hæc nihil concludunt. Dic ad primum. Quamvis putridæ febres bilis expulsionem ad cutem, atque adedò icteritia aliquando finiantur, bilis tamen ipsa ad cutem delata absolute putrida non est, sed putredinis tantum initium habet; unde auriginem, non tertianam facit: ad hanc enim putredo notabilis, & cordi communicata requiritur, prout rectè obiciebatur. Quod si insistas, non posse febrem putridam terminari, nisi materia à qua pendet omnino transmissa, quumque hæc sit insigniter putrida, talem fore illam icteritiæ. Responde, coniunctam in ipso paroxysmo resolui: antecedentem autem nondum putrefactam, circa cutem remanere, & icterum gignere. Sed nec placet solutio Gentili in com. cap. 3. in 9. 3. Auic. Soluit ergo, etiam coniunctam materiam ad extimam cutem effundi in critica icteritia; ob loci verò distantiam febrem non efficere: de qua re lege Mercat. lib. 4. de morb. internis, cap. 5. in initio. Cæterum Auic. loquitur indistinctè, & simpliciter pronuntiat, sine putredine à bile gigni, saltem momentanea.

Ad secundum. Licet aurigo ex bile transmissa ad cutem oriatur; tamen cum in huiusmodi morbo bilis per vasa ferè ad corporis superficiem mandetur, illaque hebescent, vel exiguo sensu prædita, nihil mirum si rigor non sequatur, non aliter quàm in continuarum febrium accessionibus; requirit enim rigor materiæ delationem per membra exactè sensibilia. Quod si aliquando in regio morbo apparet, ut habetur 4. acut. 81. & testatur se vidisse Thadæus lib. 4. aph. 62. fit, quia per musculos bilis ipsa nonnūquam defertur: tam ad icteritiam, quàm ad sudorem; atque absens non est, licet rarum, iungi utrobique rigorem. Consule Carrerium, qui disp. 3. 4. ad libros de loc. affect. hoc argumentum ex professo agitavit.

Ad tertium. Quamvis hepatis inflammatio frequentiore habeat sui terminationem per hæmorrhagiam narium, præsertim ea quæ gibbum obsidet, sudorem, urinam, vomitum, & ventris fluxum, 1. 4. 3. de apostemate calido, & 2. 4. cap. 2. vnaque ex frequentibus causis icteritiæ asseratur, 4. aph. cit. 5. de loc. 7. impossibile tamen non est, posse hepatis inflammationem per regium morbum etiam iudicari. Si enim per sudorem, exactè & completè iudicetur expulsa materia subtili extra corpus per cutem: cur non etiam via permutationis per icteritiam, in materia crassiori, ea ipsa ad cutem transmissa, & salubriter; prout docuit Hipp. 4. ap. 64.

Sed num in omni iudicatorio die, controuersum est, ob repugnantes veterum sententias, quas quia iuniorum peritissimi non ita ad plenum conciliarunt, nobis curæ eris:

A hos auctores tantos in veram amicitia reducere. Nam plures, antiquorum dicta hostiliter impugnant, contra quos acriter decertarunt Conciliator dif. 78. Vallesius 10. cont. 9. Mercurialis lib. 3. prax. 23. & in com. hist. epid. 16. Marcel. Donar. lib. 1. de hist. mirabil. c. 9. Musa in com. cit. loc. de rat. vict. & alij, qui aphorismorum ænigmata doctè extricarunt.

Hipp. ergo 4. aph. 62. icteritiam ante septimū reprobatur. 4. tamen acut. 81. eam cum rigore ante septimum euenientem laudat: nec defuerunt qui aphorismi sententiæ contradicere tentarunt. Plinius lib. 26. cap. 12. scribit vixisse multos à desperatione illa Hipp. ex icteritia ante septimū eueniente. Quare sententiam Hipp. suo, & Persarum omnium experimento reprobata testatur Auerrhoës lib. 4. collect. cap. 43. quia nihil inconuenit, ut bilis cocta vtiliter ante septimum excernatur; quod etiam significauit Auic. 2. 4. cap. 59. & 80. maxime si alia simul iungatur vacuatio, ex eodem, & colligitur ex cit. aph. in com.

Nec verò rationes defunt, quibus possit hæc sententia roborari. Si enim ante septimum dies iudicatorij numerantur, in quibus exactæ, & laudabiles crises contingunt; insuper, & ante septimum concocta potest esse biliosa materia, cur salubriter tunc temporis ad cutem transmitti non poterit, & cum vtilitate accidere icteritia, non minùs quàm sudor fit, cit. aph. 35.

Rursus. Magis tenuis huius morbi, quàm abscessus materia est (hi enim ex sanguine, quin & ex alio succo crassiori non raro fiunt; aurigo ex tenuissima bile.) Sed abscessus in morbis concocta iam materia, & criticè quarto die fiunt, cit. aph. 74. Igitur & icteritia.

Denique. Quo pacto icteritia ante septimum iudicabitur symptomatica, non critica, neque laudabilis, si in morbis exactè peracutis efficit plerumque iudiciales vacationes in quinta die, & ante, ex Hipp. 4. aph. 36. Nec dicas, septimum esse breuissimum terminum morborum, qui possunt aurigine terminari, propterea quòd oportet huius morbi materiam crassiusculam esse; tenuior enim si foret, latenter expiraret, aut per sudorem pelleretur: nam materia bilis est, ut constat, nec ea quidem crassa, alioquin (quod demirabatur Plinius) non posset in densissimas, ac subtilissimas oculorum tunicas subire: Insuper & fieri potest, quòd licet tenuissima, non expiret, ob cutis densitatem, sed ibi impacta icterum gignat.

Cæterum cum bilis icterum faciens non exactè tenuis asseratur, imò verò prædita sit crassitie quadam, ratione cuius ad cutem terminatur, prohibeturque in formam sudoris excerni: nec ita crassa materia infra dies septem possit in totum à natura superari; si prius ad cutem pellatur, non criticè, sed symptomaticè excernitur, à turbata potius, quàm vincente natura expulsa; unde perinde ac quævis alia vacuatio ante signa coctionis facta, reproba censetur, & suspecta icteritia ante septimum. Si nihilominus ea cum aliqua euacuatione iungatur, sudoris, sanguinis, ventris, aut urinæ, idque iudicatorio die; possibile erit, quòd salubris vtilisque sit, & ad eam sanitas sequatur, quantumvis per expulsionem fiat materiæ adhuc incoctæ: accidit enim, ut crudam humoris portionem simul cum cocta, ad salutem natura excernat, & sanetur morbus, quod docuit Auic. ubi supra, insinauit Hipp. 4. aph. cit. & colligitur ex 4. acut. ubi ante septimum cum rigore eueniens, laudabilis pronuntiarur, fortè quia iunctus rigor vacationem aliquam significat. Hoc probat Hipp. 1. epid. sect. 2. text. 65. quo loco Heraclidem apud Aristoclidem decumbentem, sexto die; morbo regio superueniente fuisse liberatum affirmat, maxime quia per nares sanguis effluxit, & per aluum, & vesicam excrementa sunt vacuata.

Quamvis autem Auerrhoës, suo, & Persarum Orientalium Medicorum testimonio scripserit salubre esse hunc morbum quinto die apparentem, non idèò Hip. carpit, sed interpretatur, ac verè dixisse ait de his, quæ in Græcia contingunt, licet aliter Arabia propter climatis calorem: nihil enim mirum, si in calidis regionibus, citius quàm in frigidis, & temperatis, morbi terminetur, atque adedò ex cocta iam bile, vtiliter & iudicatoriè ante septimum icteritia eueniat: non sic in Hipp. patria, aut nostra frigidiori.

Licet autem quibusdam non placeat Auerhois interpretatio, eo quod Hipp. (aiunt) solis Græcis nō scripsit, sed signa ab eo proposita, vera sunt & in Delo, & Scythia, & Lybia, ex iplo 3. *prog.* 40. nec perpetuum est in frigidis tractibus, regium morbum ante septimum esse symptomatum, sicut nec in calidioribus criticum: obliuiscuntur tamen artis præcepta, pro tempore, ætate, & regione variari, nullōque in medicina esse terminos omnino certos, aut perpetuos, eo quod valde natura à natura, ætas ab ætate distat, iuxta illud Hipp. 1. *de fractur.* 41. atque ita ad eum modum recipiendum est, quod Plinius ait suo orbe vidisse: quāquam nec si lethale foret signum, necesse erat omnes ex illo interire, aut mirum eo præcedente aliquos vixisse, ut notat Cardanus in *com.* 62. *sent. lib.* 4. *aph.* Vtūque tamen excusari non potest, quod parum perpendens vim & energiam verborum Hipp. quod ille dixit malum, ille desperationem appellauit: nec enim simpliciter desperata est icteritia ante septimum, aut omnino mortis prænuntiatio, prout describit Halyabbas 10. *theoric.* 10. sed mala quedam, imperfecta, & symptomata crisis, quam aut mors, aut difficile iudicium sequitur iuxta prædictionem decretorij non decernentis, positam ab Hip. *lib.* 2. *epid. sect.* 1. in *princip.* dicente, decretoria non decernentia, aut lethalia sunt, aut difficilis iudicationis: explicat axioma hoc Gal. *lib.* 7. *aph.* 4. & 3. *cris.* 4. & 1. *epid. sect.* 3. *com.* 18. Quare modo explicato vera est sententia Hipp. habita scilicet distinctione climatis, temporis, & temperaturæ loci.

Nec enim adductæ rationes euincunt, laudabilem ut plurimum habendam, licet dies quarta & quinta inter iudicatorias habeatur, & feliciter iudicent; non sufficit enim numerus dierum, sed requiritur insuper & materiæ præparatio, ut facta in ea crisis, salubris pronuntietur, iuxta editum Hipp. 2. *aph.* 27. explicat Gal. 4. *aph. com.* 22. Possibile autem non est, ut diximus, quod concocta ante septimum sit materia morbi, qui per icteritiam finiri debet, eo quod crassior, quàm quæ in formam sudoris excernitur. Iam vero abscessus criticos, non esse ante vigesimum ut plurimum expectandos, constat ex Hipp. 3. *prog.* 25.

Denique symptomata habetur per icteritiam crisis, quia sit per expulsionem materiæ concoctæ, præ crassitie enim ita celeriter superari non potest: nec tenuitatem sufficientem arguit, quod sursum ascendens, oculorum tunicas penetret, cum eò etiam sanguis multo crassior conscendat & permeet, unde Ophthalmia. Non negamus autem etiam tenuissimam bilem ex cutis densitate aliquādo prohiberi per sudorem excerni, sed ut plurimum in naturis, temporibus, ac calidis morbis, cutis raritas datur, & meatuum apertio, qua liberè possit tenuis succus expirare. Hoc significauit Auenzoar *lib.* 1. *theizir, tract.* 13. *cap.* 6. dum sic ait. *Et iam scinisti, quod antiqui Medici dixerunt, quod icteritia qua fit in principio agriutudinis est mala valde, eo quod sit ante digestionem materiæ. Sed ego dico, quod eo quod icteritia fit ex humore acuto, esse debet velocis motus in omnibus suis actionibus, & passionibus, unde non videtur esse longinquum, nec extraneum, si recipit digestionem in secunda die, & magis in quarta, & maxime in iuuentute, & in regione calida; & in tempore calido, & quando flant venti orientales, & meridiani, &c.*

Ad quartum argumentum responde, purgantia medicamenta, ni soluant, humorem purgandum alere, prout sensit Galenus 3. *simpl.* 24. Vnde fortè Aetelianus inter auriginis causas, reuulit cholagoga à corpore non exclusa; quo casu etiam citra hepatis vitium, ex aucta nimium in vasis bile, hic morbus eueniet: sed non perinde potest ab externo veneno fieri, quia aduersante sua, & præpotente qualitate, cum valde repugnet calori nostro, nec superari à natura, nec conuersionem pati potest, quin superat potius, immutat, & destruit, ex Arist. 1. *probl.* 47. id quod ex Gal. manifestè deducitur *cir. simpl.* ubi venenosa pharmaca statim excipit, eo quod non digeruntur, neque in humorem, cuius generatio naturæ dominium arguit, sed in corruptionem potius conuertuntur: nam licet audiamus concoqui aliquando venenum, præsertim in virtute robusta, & nutrire, ut constat ex Gal. *historia* 3. *simpl.* 18. Ab Auic. relata 6. 4. *tract.* 1. *cap.* 2. ad fin. de quo latè

A Conciliator *dis.* 142. in *responsione ad primum argumentum*, à toto genere venenum non est, id siquidem etiam exiguum, nullam coctionem admittit, sed superat, & interimit *cir. probl.* imò nec ea quantitate, qua digerit & nutrire dicitur, rationem subit veneni, etiam secundum qualitatem. Vbi verò ab externo, vel intra corpus genito veneno Ictericia accidit, ex alterata sit sanguinis massa, & in biliosam qualitatem conuersa, à vi & natura veneni in colorem illum humores immutantis, prout Galenus in *lib.* 5. *de loc. affect.* *cap.* 7. appositam historiam confirmat serui Imperialis, qui à vipera commorsus in Ictericum incidit, in cuius interpretatione industriam nostram adhibemus in *lib.* 5. in *com. hist.* 29. Verum hoc non tollit, corpora veneno infecta, plerumque liuido, viridi, atro, aut quouis alio colore suffusa, iuxta proprietatem, colorem, aut temperamentum veneni apparere.

## D V B I V M LXIV.

*Num vitiosus oculi color, morbus sit, an symptoma. Contra Argentarium, Fernel. & alios Neotericos præstantissimos.*

A *Virginosus.* Residua de Ictero superest explicanda dubitatio, in cuius explanatione Medicos video esse discordes: num vitiosus oculi color, morbus sit an symptoma. Nam quidam putant non esse morbum, sed symptoma, & lædere visionem, non ratione alicuius morbi; sed per seipsum, quoniam symptoma symptomati solet superuenire immediatè, veluti Galen. ostendit *lib. de dis. sympt.* *cap.* 4. & 5. & quamvis vnum symptoma à morbo oriatur immediatè, quia remoto morbo omnia remouentur, sic deprauata visio à vitioso colore oculi emanat, & hic ab obstructione pori fellei, aut intemperantia calida iccoris & venarum scaturit, quibus remoris, statim vitiosus color, & visionis læsio cessare solent: hæc opinio Galen. sententiam euertit: nam vitiosus oculi color cum sit qualitas permanens, affectus est; & cum non sit secundum naturam, & actiones lædat, morbus est, & non symptoma. Huic respondebis, dicendo cum Galen. *lib. de dis. morb.* *cap.* 1. in *fin.* morbo necessariò inesse duo, quod sit affectus præter naturam, & quod actiones lædat: symptomati verò, neutrum inesse necessariò, quia licet interdum sit affectus præter naturam, non lædit actiones, ut vitiosus totius corporis color: sæpe lædit actiones, & non est affectus, veluti est actio læta, & vitium recrementi: aliquando vtrumque habet, ut vitiosus oculi color. Cæterum quia hæc non insunt necessariò colori præter naturam, iccirco non datur morbus in colore. Sed non videtur recipienda ratiocinatio hæc; quia sequeretur ex illa, definitionem morbi esse vitiosam, traditam à Gal. *lib. de dis. morb.* *cap.* 1. ubi ex communi Medicorum decreto, dicit morbum affectum esse præter naturam, à quo primò actiones læduntur: quidquid contra eam plura obiiciat Argentarius *lib. de generib. morb.* *cap.* 1. & 2. cuius tela irrita esse & prorsus nulla, satis superque demonstrarunt Montanus, Vallesius, Valleriola, & alij viri in arte prælustres. Deinde remota obstructione & intemperantia, solet remanere in oculo vitiosus color visionem lædens. Igitur si de natura symptomatis est, quod remoueat ad remotionem morbi, non erit vitiosus oculi color prædictarum ægritudinum symptoma.

Alij sententiam suam sic expendunt, vitiosum oculi colorem morbum esse secundæ qualitatis, & reducti ad morbum in temperamento, quia secundæ qualitates oriuntur ex primis. Verum cum in secundis qualitatibus constituatur morbus distinctus à morbo in temperamento, ut constat in asperitate, & læuitate, quæ nascuntur ex secundis, & constituunt morbum organicum in superficie, qui non reducitur ad morbum in temperamento: similiter de colore, & aliis secundis qualitatibus possumus respondere, quod licet nascantur ex primis, poterunt diuersum morbi genus à morbo in temperamento constituere. Accedit, quod non potest explicari, qualis sit intemperantia ista, ad quam debeat reduci: illa enim ex colore agnosci



agnosci non potest; quilibet enim color in qualibet intemperantia reperiri solet: idcirco ex colore facultates medicamentorum non esse agnoscendas, asseuerat Gal. lib. 4. simpl. cap. ultimo.

Subtilissimus Argenterius lib. de generib. morbor. cap. 1. in med. acutius ratiocinatur, dicens, vitiosum oculi colorem non esse morbum, sed symptoma in genere mutatae qualitatis sensibilis: nam Galenus hoc affirmat. lib. de diff. sympt. cap. 5. & 2. de loc. affect. cap. 9. in med. asseuerans vitiosum colorem, siue sit in toto corpore, siue in lingua, siue in oculo symptoma esse mutatae qualitatis. Præterea Gal. 1. de san. tuend. cap. 4. in medio, sanitatem in colore reponendam non esse asseruit, etsi interdum sit affectus secundum naturam, quia non est actionum causa: igitur neque in colore morbus est constituendus; nam cuius symmetria est sanitas, eiusdem ametria est ægrotudo; nam colorem, qui visionem vitiat, nullus morbum esse fatebitur: quare si vitiat, est interuentu morbi; ut dolor capitis, & vigilia lædunt actiones ventriculi, quia in ipso intemperantiam frigidam concitant. Hanc doctrinam etiam proponit Fernellius lib. 1. patholog. cap. 9. sed quoniam non explicat morbum cuius interuentu vitiosus oculi calor lædat visionem, non videtur recipiendus, sicut nec Vallesius qui lib. 4. cons. 1. post. medium, in eodem luto hæreere videtur. Ergo si quispiam pro illis insurgat, affirmetque morbum cuius ratione lædit color, esse obstructionem corneæ ab humore pronatam, non extricabit dubium: nam si vitiosus oculi color ratione obstructionis visionem læderet, semper visio eodem modo læderetur, siue oculi color esset flauus, vel rubens, vel fuscus, quia idem est modus obstructionis, quod falsum est. Præterea vitiosum oculi colorem per se lædere visionem lib. 1. de caus. sympt. cap. 2. Galenus asseuerat.

Sed meo voto vitiosus oculi color, est proprius oculi morbus, & non aliarum partium: nam sicuti oculus optimam temperiem desiderat, conformationem optimam, & unitatem, sic in humoribus & in cornea substantiam diaphanam desiderat, ut species penetrant, & humori crystallino repræsententur. Deinde oculus requirit, quod in prædictis affectibus sit colore priuatus; nam si non esset ita constructus, visus iudicium corrumperetur. Quare quando in oculo est vitiosus color, illius ratione læditur visio, & sic verè illius partis, & non aliarum morbus est. Lege Costæum in com. cap. 3. 9. 3. Anic.

## HISTORIA CXIV. ACTVARII, D

### De morbo regio

Vrina pascua, auriginosi morbi est indicium.

**I**psæ verò in quodam familiari aliquando similia accidentia vidi, quæ nunc opportunè referam. Erat hyems quum visus est à me familiaris meus, qui cum magna iniuria affectus esset à quodam, surrexerat diluculo, atque circa regiam frequentabat, querens solutionem iniuriarum inuenire. Atque hoc pacto agens multos dies inedia pressus est: & si quando eum oportere coactum sumere cibum, comedebat frequentius acris, & sale macerata. Sed eiusmodi ciborum oblationes sustinens, anxius ne magno damno afficeretur, cepit malè dormire, & quia pauper erat, prauis utebatur alimentis. Quia verò euenit, ut urinam spectaret exeuente cum colore non naturali, prauam affectionem sentiens, rem omnem mihi narrauit, petiitque facti causam. Ego verò videns eum sanum, & hanc urinam in ægitudinibus pessimis apparere, iussi ut post mictum iterum eam mihi ostenderet. Et ego discessi. At ipse toto die sine cibo versatus, postero die detulit mihi maculam cum vrina pascua, qualis est aquarum. Ipse putabat etiam febre carere. Prædixi nisi caueret, casurum esse in auriginem. Ipse primo die cauens quietus mansit, pedetentim incrementum passionis. Postera eum vidi, neque quicquam mali patientem; neque enim sius ei aderat, neque febris sensibilis, neque aliquod signum apparebat ex illis quæ in ægrotantibus videntur. Atqui nos reliquit, dicens

Lib. II.

**A** nihil nos scire: atque cibum crassorem sumpsit, & vinum infirmum bibit: & nondum nox erat, quum humor ille commotus esset, atque conuulsio non parua hominem corripuit, nosque tum intelligens rectè indicasse, accersit, atque salutem nobis credidit. Ego verò verbis, ut visum est, castigavi ut Medicis iuventibus fidem haberet. Atque cum intelligerem humorem huiusmodi biliosum non adeo inflammatum esse, iussi ut caueret à cibis crassioribus, atque vino, utereturque victui tenuiore. Iam cuius corporis, atque oculorum album arquatum spectabatur. Et homine à morbo liberato, visumque non admodum tenui uso, prædixi humorem vacuatum iri sine dolore, &c. Actuarius lib. 1. de præuidentia ex urinis, cap. 8. de præuidentia ex urinis pascuis.

## P A R A P H R A S I S.

**B** Tædiosus essem ac prolixus, si de arquati, seu arcuati morbi variis causis, signis, & prognosi quidquam modò memoriæ commendarem, quum Hip. & Galenus, auctores tanti, & in morbis describendis non incelebres, & iuniores ferè omnes, de hoc negotio passim disputarent. Quidquid Iacobus Douinetus lib. 3. apolog. cap. 1. tempore Hippocratis non fuisse auriginosos pneumatodes asseueret, quod eius affectus origo sit ab imbecillitate ventriculi, quæ cruditates parit, à quibus obstructio, & icterus; nam humor multus, crassus, lentus, procumbens è cerebro in ventriculum, iecoris venas sensim obstruit; aut ab alimentis multis, & crassis, aut balneis, aut motu violento, mox à cibo ac si sapientissimus doctor in epidemiis, Coacis prænotionibus, Aphorismis, libris de ratione victus, icteri, ab obstructione, & partium naturalium scirrho orti, in quo hæ cruditates accidunt, non meminerit, auriginosique morbi causas graphicè non descriperit. Sed his relictis, ad historiæ explanationem accedamus, quæ ex huius Dubij expositione patebit manifestè.

## D V B I V M LXV.

Num mæror, febrem, tabem, & mortem concitare possit.

**Q**uot damna tristitia afferre consueuerit, vel ex hac historia satis patere arbitror. Cum enim hic ob iniuriam illatam mæstus esset, & vigilans, inediaque maceratus, extra domum perpetuò esset, & sic querens vindictam, anxius & cogitabundus versaretur, acris & salita cibaria citans continuò, factum est, ut hepate valde exiccato, & calidiori reddito, humidi nutrimentalis copia denegata, biliosi humoris quantitas nimia in ipso generaretur, quæ auriginoso morbo præbuit occasionem.

Quantum incommodum curæ, continuæ cogitationes, maximè ex tristitia pronatæ corpori afferant, ex eo sit manifestum, quoniam iis vis inest nimia absumendi spiritus; nam assiduæ curæ natium calorem, humidumque primigenium absumunt, & sic exiccant corpus; at sanguine adusto humores aciores redduntur, iecur incalescit, & & inflammatur, & febribus acutis homo corripitur, ut docuit Hip. 6. epid. sect. 1. text. 6. quoniam diutina meditationes exhaustis spiritibus vigiliam superfluum inducunt, quam supra citata mala inferre, docet Hip. 7. aph. 18. & lib. 2. acut. text. ult.

**E** Quod si accedat tristitia, quæ oritur ex opinione mali præsentis, quando succumbit & deprimitur animus, & veluti onere premitur, tunc irreparabilia mala succrescere non est dubitandum. In mærore enim anima fugiens à malo quo affligitur, sensim & paulatim sanguinem, & spiritum retrahit ad cor; partes exteriores ob defectum caloris refrigerantur, in actionibus hac de causa pigriores euadunt, & non bene concocto alimento neque attracto, liquatis & dissolutis; recenter concretis carne & adipe, corpus extenuatur & marcescit, (qua ratione tristitia dicitur edax, ut notauit Gal. lib. 1. de artic. com. 30.) immò exiccatur & resoluitur; nam tristitia omnes naturæ actiones impedit, sicut gaudium perficit & augeat, ut lib. 10. ethic. c. 2. protulit Arist. Sic retracto calore ad sedes intimas, facultates languent, & ad actiones edendas insurgere

Kk

non

non possunt, ut eleganter docuit Vallesius in cap. 72. lib. A  
de sacra Philosophia, quare accidit pulsus tardus, paruus, ra-  
rus, & languidus. Qua propter ex tristitia corpora siccantur,  
& contabescunt. Huc alludit Salomon Prouer. 17. *animus  
gaudens etatem reddit florida: at spiritus tristis exsiccat  
ossa.* Et cap. 23. *Sicut tinea vesti, & vermis ligno, sic tristitia  
nocet cordi viri, & in Ecclesiast. cap. 38. à tristitia festinat  
mors.* Huius varios effectus eleganti carmine leges descrip-  
tos. apud Petrum Lopsium in lib. 5. de sex reb. non natur.  
tit. de tristitia.

Illam enim inter omnes animi passiones, plus vitæ affert  
incommodi; nam non solum vehementia, & duratione,  
ceterarum passionum instar, sed natura sua vitæ est sum-  
mopere aduersa; cum caloris vitalis, influxumque sangui-  
nis & spiritus ad reliquas corporis partes, reuocato calo-  
re impediatur: cum hæ cordis influxu indigeant, operentur,  
& viuunt; & pereunte actione cordis, reliquarum munia  
perire necesse sit, ex Gal. lib. 5. de loc. affect. cap. 1. Deinde  
aliæ animi passiones, quæ in appetitu prosecutionis  
consistunt, veluti est amor, desiderium, gaudium, ira non  
ita nocent: in his enim expansio, & influxus sanguinis &  
spiritus ad vniuersum corpus non impeditur: at verò pas-  
siones illæ, quæ consistunt in fuga, mali, ob contrariam  
causam impensè nocent, velut est odium, timor, tristitia,  
quæ præ reliquis sæuissima mala accersere solet; quum  
enim sit de malo præsentis, magis affligit & premit, ex  
Gal. 2. de sympt. caus. 5. in fin.

Hæc de causa non immeritò dicit Auic. 1. 4. tract. 1.  
cap. 13. ex tristitia febrem concitari licet enim mœror  
ebullitionem secum non afferat, ex Galen. lib. 1. de diff. feb.  
cap. 3. cum sit symptoma timori proximum, ex Gal. lib.  
cit. de caus. sympt. & in hoc motus minus velox ac impe-  
tuosus conspiciatur, ac in timore, in quo affatim, & con-  
fessim spiritus ad interiora recurrunt: ex illo tamen febrem  
concitari duo confirmant, spirituum videlicet vitalium vnio  
in corde, & propter annexam cogitationem, animalium  
in cerebro. Hinc fit, ut spiritus conculcati, diffusi que pro-  
hibiti, nimis incalcescant, & præternaturalem concitent  
calorem. Exemplo tibi sit femina illa, cuius historiam re-  
censet Gal. 10. mor. cap. 5. quæ autumnò ex tristitia febricitare  
cœpit, & deinceps in hecticam incidit febrem, cum  
alia, quam humores excitauerant, coniunctam, ut etiam  
lib. 1. de diff. feb. cap. penult. affirmat Galen. & non solum  
hæc vitia gignit, sed mœrem obnubilat, animales facultates  
perturbat, sensibus ruinam minatur, coctionem vitiat, cere-  
brum debilitat, aciem mentis obtundit. Denique ut sto-  
machus nauseabundus in probum chylum cibos ingestos  
minus potest transmutare; sic confecti mœsticia, facultatum  
nullam probe norunt exercere functionem, nullum  
ministerium, ita ut qui præstabat habitu corporis validis-  
simo, tabescat sensim, atque liquecat.

Nec contra hanc doctrinam bonum argumentum oppo-  
nunt quidam, quod tristitia, & mœror inter frigidos affe-  
ctus pariter numerentur, ex Gal. lib. de caus. morb. cap. 3. &  
lib. 2. de caus. puls. c. 4. cum reuocato calore innato ad intrā,  
hic potius suffocari videatur: unde hi affectus quietem im-  
portant, quod paruus, tardusque pulsus demonstrant, ex  
Gal. 2. de sanis. tuend. cap. 9. quæ omnia potius deficientis,  
quàm aucti caloris sunt indicia: ad quorum pathematum  
extirpationem, iram, tanquam auxilium contrarium, quo  
omnes morbi curantur, excitare consulit Gal. 6. epid. sect.  
5. com. 9. & postea docuit Auic. 1. part. cantic. text. 155.

At hæc licet vera sint, prædictam tamen sententiam  
non euertunt; solum enim probant, non ita frequenter ex  
mœrore, & tristitia febrem accendi, ac in iis animi pa-  
thematis, in quibus sanguis & spiritus incopositi, ebulli-  
tione maxima feruent & mouentur. Nam si mœsticia  
longo tempore perseveret, licet sit frigidus affectus, fe-  
brem concitare potest modo dicto, & sæpe mortem, au-  
ctoribus Valer. Maximo lib. 9. tract. 12. de morte non vulga-  
ri, Aulo Gellio lib. 3. noct. Attic. cap. 15. Plin. lib. 7. cap. 32.  
& 57. Valleriol. lib. 4. de morb. & sympt. cap. 5. Num autem  
hoc animi pathema aliquando ægris prodesse queat, di-  
sputat ingenuè Valscus Castellus tract. 10. ad thoracis affe-  
ctum, cap. 2. difficult. 6.

Et si enim tristitia sit frigidus affectus, tamen febris ex  
ea concitata, passio calida est, in qua humor ad intra coër-  
citus & conculcatus, vnitus, amplius quàm antea incalc-  
scit, & calorem concitat præter naturam. Paruitatem &  
tarditatem pulsuum, tristitiam comitari, de statu naturali  
intelligendum est: cum enim facultas non excitetur ad  
opus, sed veluti extinguatur; fit facile ut multi rigeant, &  
toto corpore frigidiores appareant. Cum verò hoc parhe-  
ma diu durat, & languis conculcatus inflammatur, tunc  
fiunt parui, tardi, rari, demissi, depressi; sed cum eleuatione  
aliqua, seu diuersitate in dilatactione & constrictione, ut  
cit. loc. & c. 14. infra de febre ephemera ex cogitatione, monuit  
Auic. vel si in tristitia dicas adesse hos pulsus tardos, non  
absolutè, sed comparatione ad pulsus, quos læritia, gau-  
dium, & aliæ febres magni feruoris, efficiunt, Galenū à ca-  
lumnia liberabis. Quod verò addunt, tristitiam ita curari,  
nihil concludunt; nam & hydropici febrientes victu cali-  
do curantur, ex Gal. 1. aph. 16. & quartanarij pipere, & aliis  
calidis medicamentis iuuantur, ex Gal. lib. 1. ad Glauc. c. 11.  
sic mœstibundi, & anxij, ut humor frigidus, ex improspere  
eorum coctione progenitus, incidatur, ira, calidisque cu-  
rari desiderant.

Hic ergo tristis & mœstus, multaque vigilia confectus,  
diu in ediam hæc de causa sustinuit. Quam esse in sicco  
corpore perniciosam nimis, lib. 10. meth. cap. 5. prædixit  
Gal. nā calidus & siccus corporibus, aduersissima rei inedia est,  
& febrium paratissima causa, maxime si ex vigiliis, labore  
immodico, aut comprehensis animi moribus sit contracta;  
quippe vel in febres ardentes ex ea incidunt, à quibus nisi  
prius mors occupet, in hecticas migrant, atque ab his in  
marasum; vel protinus ab initio, ardentibus præteritis,  
in hecticam. Denegato enim humido alimentoso, corpo-  
ra vigiliis & curis exsiccata, siccantur amplius, & contabe-  
scunt. Nam exacta inedia impensè exsiccat, ex Galen. lib. 7.  
aph. com. 22. in med. præsertim si salforum, & acrim alim-  
entorum subsequatur vsus. Hæc enim exsiccat, ex Auic.  
lib. 2. tract. 1. cap. 3. cum sal conditura sua quidquid in cor-  
poribus humidum inest, id quodammodo absumat, & quod  
reliquum est substantiæ solidæ, adstrictione contrahat, ex  
Gal. lib. 11. simpl. tit. de sale, & Arist. 2. 1. probl. 5. Acacia omni-  
um sunt calidissima, ut allium, cæpæ, à quorum assiduo vsu  
tantoperè abstinendum iubet Gal. lib. 2. de alim. facult. cap.  
vlt. & potissimum, cum is qui ipsi velscitur, natura fuerit  
biliosus: solis enim, qui vel succum pituitosum, vel crudū,  
vel crassum, ac lentum aceruauerint, cibi eiusmodi sunt  
accommodati: nam acris sapor, Galeni testimonio lib. 5. de  
simpl. medic. facult. c. 27. extenuat, siccatur, digerit, & escha-  
ram, siue crustam efficit. Hæc omnia complexus est Me-  
sue in canon. vniuersalibus, theorem. 1. & 2. dum inquit. *A-  
cre medicamentum facile inflammatur, mordet, penetrat, inci-  
dit, separat, resoluunt, è longinquo attrahit, siccatur, emaciat, suum  
facit, & hæc omnia citò & valenter agit.*

Sed quid boni expectare poterat in homine his angu-  
stiis presso, oppresso vigiliis, iniuriis affecto, acribus, & sa-  
le maceratis, iisque reprobi succi cibus nutrito, paupere, &  
sollicito, curisque vehementer confecto; Dicerem certe  
omnia hæc simul copulata non nisi perniciem summam  
minari, maximamque ruinam portendere. Quare iecore  
concalfacto nimis, sanguineque biliosiore reddito, & cum  
sero commixto, auriginosus solum apparuit affectus, he-  
paticus ille quidem, ex iecoris calida distemperie, aut ve-  
narum, totiusque corporis exurente caliditate pronatus:  
quare cum plus tunc bilis generaretur, vel præ obstru-  
ctionibus (has enim in hoc ægro adfuisse, ob vigilias, in-  
faustam coctionem, prauorum ciborum esum, debilem  
calorem, non est dubium) ea in aluum non conscenderet,  
fit ut in vniuersum corpus, & præsertim oculorum album  
irruens flauo calore has partes infecerit.

Ex nimia hepatis caliditate, & biliosi humoris prouen-  
tu arquarum morbum in hoc fuisse generatum, vel ex  
hoc signo tibi fiet manifestum, quod vrinam passream  
eminxerit regij morbi certissimum signum. Licet enim in  
ictero vrina sit vehemèter flaua, adeo ut flauescant omnia  
quæ contingit alba: tamen si insigniter tingatur immersum  
linteum, color adest passus, qui validam permixtionem  
bilis

bilis valde flauæ, eiusque maximam generationem ostendit ex Auic. lib. 2.1. doct. 3. cap. 2. de coloribus urinarum. Nec mirum: cum enim hic diuturnam passus esset incediam, ob vigilias siccato corpore, biliosi humoris copiam aceruauique, quare vrina tincta est: fames enim est ex iis, quæ vrinam vehementer tingunt, & ipsam valde acuunt, vt cit. cap. dicebat Auic. Hæc vrina cognoscitur, quoniam in colore assimilatur vuis passis, vt Actuarius hoc loco ostendit vel cerasis nigrescentibus, vel vino decocto dicto sapa, ostendens bilis affationem, & in passeum colorem conuersæ. Quare cum non exparetur bilis per viam à natura destinata, tendens simul cum sanguine per venas, suo calore ipsum adurit, & tum hac ratione, tum ex permixta bile cum sanguine, hic resultat color in vrina, qui in icteritia præsentem, vel imminente est frequentissimus, cognosciturque, quoniam agitato vase, vrina & spuma, flaua apparent.

Hæc passæa vrina, tendente nigredine ad citrinum colorem, in febribus malignis, acutis, & turbulentis eueniens, adustionem sanguinis, aut flauæ bilis ostendens, quàm reprobæ sit & perniciofa, magnum arguens à naturali statu recessum probant Actuarius lib. 1. de iudic. urinar. cap. 17. Fernel. 3. parhol. cap. 13. qui vrinam vineam, & passeam, vix nigræ persimiles, deterrimas esse asseuerant, quæ vel sanguinem, vel bilem præassari, & in atram deuergere indicant. In nostro verò ægro, hanc vrinam salubriter fuisse excretam, ex ipso contextu patet euidenter, ex verbis (homine à morbo liberato:) & ex aliis (prædixi humorem vacuatum iri:) sed quibus auxiliis, non explicuit. Vt humor ergo biliosus, non valde inflammatus, crassus & vltus vacuaretur, nèue ab eius excretionem onerata natura distraheretur, victum tenuem consuluit, crassa cibaria, vinumque interdixit, sciens humorem hunc antea commotum, secundum rationem euacuari: quem criticè posse excerni cum laborantis commodo, vel in hæmorrhoidibus, menstruisque retentis, vel in calculo renes obterentes, quando crassus sanguis, paratus ad lapidis generationem cum vrina expellitur, cæterarum urinarum nigrarum modo lib. 2. de caus. urinar. Actuarius probat, & nos infra, in com. histor. 132. explanabimus, vrinas nigras criticè posse excerni ex præcorum mente comprobantes.

## HISTORIA CXV. GALENI,

### De morbo regio.

#### Morbus Regius, sola purgatione sæpè sanatur.

**N**os enim non paucos post curatum, qui in iecinore erat, affectum, unica purgatione à morbo vindicauimus, cum siquis medicamento \* quod pituitam ducit purgauerit, nihil profecerit, &c. Gal. lib. 1. de facult. naturalib. cap. 13. prope fin. & lib. de purgant. medic. facult. cap. 5.

### PARAPHRASIS.

**I**N hoc capite reprehendit Asclepiadem Galenus, quod sibi persuaserit omnia medicamenta purgantia, omnem humorem quem attigerint, in sui naturam conuertere, & deinde ipsum vacuare. Hanc opinionem dissonam refutat etiam lib. 2. de element. cap. 3. & lib. de theriac. ad Pison c. 3. quia tunc æqualiter, & indifferenter omnes humores vacuarentur à medicamento quolibet, quia hoc etiam illos in sui naturam transmutat; quare etiam sanguinem vacuabit, quia etiam occurrit massæ sanguinæ, & ipsam corrumpit, quod falsum est. Nam si, vt hoc loco Gal. admonuit, experientia, non rationi fides est adhibenda, monente etiam Magistro lib. 5. simpl. 18. illa, cui potissimum Hippocrates confidit, contrarium apertissime demonstrat: nam si bilioso homini medicamentum, quod pituitam purgandi facultatem habeat, exhibere tentaueris, sane non dubito, quin sis hoc illius decretum non sine damno experturus. Et si laboranti arquato morbo medi-

Lib. 11.

**A** camentum dederis, quod pituitam ducat, ne quatuor quidem id cyathos educturum: & si medicamentum quod bilem trahat exhibueris, plurimum quidem vacuabitur bilis, totum verò corpus purum sic purgatis efficitur.

Purgans medicamentum appellatur, quoniam à vitiosis humoribus sanguinem purum reddit, ex Gal. lib. de purgand. medic. facult. c. 4. illud vel lato & communi, vel presso & magis proprio usurpatur significato. Latissime dicitur purgans, quod ex corpore superfluum pellit, siue per nasum, os, sputum, vrinam, vel aliam corporis regionem, & promiscuè ac sine delectu recrementa, siue sint huius, siue illius naturæ euacuat. Solum autem purgans, vera & stricta significatione sumitur pro eo, quod per aluum, & vomitum euacuat: si bilioso homini medicamentum quod facultatem habeat purgandi pituitam, exhibere tentaueris, nil sanè proficies. Deinde si hoc non esset verum, cur non omnibus venas secamus hominibus, qualescunque illi sint, graciles aut crassi siue regio morbo teneantur, siue atra bile vexentur? Atqui ex his plurimi, qui graciles erant, ex purgatione humoris à quo infestabantur, non parum præsidij reportarunt, quibus si sanguinem detrahere auderes, interitum protinus inferres. Medicamenta ergo purgantia ex natura sua certum & determinatum humorem expurgant. Hanc sententiam primus omnium adinuenit Hip. lib. 1. de nat. human. text. 31. firmavit postea Gal. loc. cit. & lib. de medicament. purgant. facult. per totum, & lib. 3. de simpl. medic. facult. 24. & 25 & lib. 5. eiusd. operis. c. 17. & in hoc loco apposita hac historia confirmat, & lib. de purg. med. facult. c. 7. refert Gal. exemplum hominis non stulti, qui cum pustula illi toto corpore erupissent ulcero, & malè colorata, Medicum adiuuit, existimans se quam primum ab illo purgatum iri: Ac eo sanguinis missionem protinus iubente: ne desipias, inquit, verisimile siquidem est unà cum prætis bona quoque effluxura.

**E**xhibito ergo medicamento cholagogo, se morbum regium perfunctum vnica purgatione gloriatur, vacuabile, quæ huius morbi causa est. Hanc autem expurgant, aloë, manna, scammonium, centaurium, absinthium, thymelæa, thlaspi semen, quibus antiquitas summa cum utilitate ad expurgandam bilem redundantem utebatur. Nos ex siliquæ Egyptiæ liquore interaneo, myrobalanis citrinis, prunis, arbuti fructibus, (sebesten vocant) tamarindis, & præsertim rhabbaro, sæpè, immò securius (biliosus enim humor assumptis valde calidis excandescit, & exacerbatur) fructum maximum capere solemus. Aliqui addunt rhaponticum, de quo Dioscorid. lib. 3. cap. 2. & cæteri Græci, putantes hanc radicem ab alia, nulla ratione, nisi loco differre. Num verò hoc verum sit, certatim debacchantur Ruel. lib. 3. de natur. stirp. c. 2. Monard. lib. 5. epist. 5. & Medici Florentini, qui rhaponticum Græcorum, & rhabbarum Arabum, natura, viribus, natalique solo non differre sibi persuadent, quod modò, vt à nostro instituto alienum, non discutimus. Legat qui velit doctissimos Dioscorid. interpretes, & Syluium lib. 1. meth. qui in simplicium purgantium medicamentorum natura inuestiganda cæteros antecellunt.

**A**t quæres. Si icterus, morbus sanè rebellis est ac contumax, à diuersis causis originem ducens, & cuius materia in habitu corporis sita est, oculis præsertim, in quibus, vt tenerioribus & nitidioribus præsertim apparet, quæ sunt partes à viis ductuum, ventriculo, & intestinis valde semotæ, cur vnica purgatione succubuit? Maxime cum Gal. lib. 6. epid. sect. 2. com. 30. affirmet, succos ad cutem vergentes per eam esse euacuandos: nam iterum ad intima corporis renulsio ipsis valde longinqua est: vt per aluum, & vomitum vacuentur. Dic. Ex triplici icteri specie in vniuersum, fellei, hepatici, & critici, qui sanè omnes, iuxta diuersitatem causæ, in plures species subsecari possunt, omnes difficiles ad curandum sunt: quum felleus, ab immodica plenitudine vesicæ fellis, paruitate eius, aut imbecillitate facultatis attracticis eiusdem, aut à meatuum obstructione orietur, siue eorum per quos allicitur bilis, siue eorum per quos pellitur ad intestina, quare regurgitat ad venas bilis, & icterus concitatur. Hepaticus ab hepatis obstructione, scirrho, inflammatione, aut phlogosi ortum ducit,

K k 2

ad

ad quam venarum & totius corporis exurens caliditas est. A reducenda. Criticus, vel est verè iudicatorius, præcedentibus signis cõtionis, cum conferentia & tolerantia post septimum diem eueniens, natura humorem biliosum ad habitum corporis expellente. Vel iudicatorius non iudicans, ob irritationem naturæ, ob copiam oppressæ; & ante septimum diem, à moru maligni morbi concitatus, vt in pestiferis febribus, veneno, eoque vel epoto, vel à fera eiacularo accidere, auctores exararunt. Refert Gal. lib. 5. de loc. cap. 6. historiam serui Imperialis, qui à vipera ictus, & ictericus factus theriaca conualuit. Idem firmat Auenzoar lib. 1. theizir. trakt. 13. c. 6. nam vt Paulus lib. 3. cap. 50. inquit, ab extranea veneni corruptione sanguis in bilem vertitur. Sed aliquando aliter conringit vt icti ab animali venenoso, ictero nigro capiantur; si enim corpus bile nigra redundat, eam venenatæ rei occasione ad cutim natura affatim transmittit: quam rationem pluribus exemplis Marcellus confirmat lib. 1. de hist. medic. mirabili, cap. 9. & hoc exemplo fiet etiam manifestum.

## Observatio XX.

### *Icterus à veneno non semper flauus*

**M**Effores duo ardente Sirio post meridianam tritumram sitibundi, ad fontem accurrunt gelida plenum. Hi nudatis pedibus ob æstus feruorem, fatigati profundissimo somno sunt oppressi. Ambo ab vna vipera subito iuxta pollicem pedis icti, in syncopen labuntur. Post horam epilepticis motibus, immò variis conuulsionibus concutiuntur. Horum alter in flauissimum ictum, post decem horas: Alter in nigerrimum, post. 14. horas lapsus est, ita vt Æthiopis formam repræsenteret. Vtrisque cardiaca administrata. Ligaturæ fortissimæ in tibia, & vincula admota. Ictero nigro affectus post diem emortuus; secto cadauere inuentum est hepar liuidum, nigerrimis maculis respersum, putridum, id quod sectū, sanie erat respersum. Alter ope theriacæ sæpius repetitæ cum labore euasit.

Omnes hæ species, excepta verè critica, difficilis sunt eradicationis, cum à variis diuersisque causis excitentur, & multoties in iis accidant, quibus viscera scirrhusa exsæque sunt, & latent obstructiones, ita præcipuis partibus contumaciter adhærescentes, & impactæ, vt ipsa membrorum substantia interdum labefactetur: Quo pacto in Coacis, & Aphorismis Hippocrates ictum periculosum iudicauit, maxime si dextrum hypochondrium obduruerit. Cur ergo si Gal. in com. id prædixit, & alibi passim, hoc loco vnica purgatione sanasse fatetur? Sed attendenda sunt verba Gal. nam hoc accidit post curatum, vt ipse inquit, qui in icore erat affectum. Tunc enim bilis, quæ per habitum corporis est disseminata, & in venis cum sanguine commixta, sublata obstructione, & iccoris intemperamento prius per propria auxilia correcto, purgatione educi potest facillimè. Institutum enim Gal. erat, vt probaret biliosum humorem à medicamento cholagogo solum educi, & non à phlegmagogo: & in eius rei confirmationem, in medium attulit historiam, non curans an deinceps reuertatur affectio, bile de nouo ob partium debilitatem generata.

Si verò tibi parit admirationem, quo pacto humor in cute existens per aluum possit vacuari, audi Galenum lib. 6. epid. sect. 2. com. 30. dum sic profatur. Sed forsan me dicere putabitis, nunquam purgatione per aluum in talibus vtendum esse? Ego verò non id dico: nam in libris de arte curandi, in quibus corporibus permulta humorum copia inest, iis viles esse purgationes didicisti. Priusquàm enim ita redundatam materiam, aut vena sectione, aut purgatione quis eduxerit, si fouens, hoc est calidis vtens, ipsam discutere conetur, plus attrahet, quam per cutim vacuabit. Ex quibus manifestè patet humorem in cute impactum per aluum etiam esse vacuandum. Quare si latæ pustulæ, quales Simon habuit, de quo loquitur eo loco Galenus, à crassiore succo subortæ, eæque non admodum pruriginosæ, vacuatione per imum ventrem facta sunt curandæ; quantò magis bilis in ambitu corporis impacta, suapte natura tenaci humore tenuior, purgatione educetur, præsertim, cum bilis flauæ

vacuatio sit faciliior, vt 14. meth. 17. monuit Galen. Quo pacto autem humor qui est extra vasa, purgationis beneficio iterum ad ea possit remeare, lib. 1. in com. hist. 55. explicuimus; quo loco, sola purgatione oculorum inflammationes se persanasse Galenus gloriatur. Quibus autem præfidiis, humore iam vacuato aut vi naturæ discusso, impediri possit, ne iterum de nouo generetur ictus, accrescatque denuo biliosi humoris copia, explicat inter omnes de regio morbo latè scribentes, omnium calculis eruditissimus Manardus lib. 6. epist. 2. sex rerum naturalium materiam graphicè describens.

## QVÆSTIO LV.

**B** *Quòd medicamenta purgantia, certos & determinatos humores attrahant. Contra Erasistratum, Aristotel. & Cardanum.*

### COMMENTARIUM.

**Q**uod pituitam ducit.] Prudentissimus Senex, lib. 1. de natur. human. text. 31. medicamenta purgantia, certos & determinatos humores vacuare accommodato stirpium & seminum exemplo illustrauit. Nam sicuti hæc attrahunt certum, & determinatum ex terra alimentum, vt pore sibi magis conueniens & familiare, sic medicamenta humores attrahunt sibi familiares. In terra enim reperitur dulce, acidum, salum, nitrosum, & insipidum: quare vitis, & arundo dulcis attrahunt in ea quod dulce est; cucurbita insipidum; colocynthis, & cucumis agrestis amarum & adustum; lupini, & brassica marina, salum & nitrosum; oxalis acidum. Si exhibitio rhabarbaro in quantitate mediocri; sola flaua bilis attrahitur & expurgatur; exhibitio agarico pituita; & absumpta fenna, melancholia sola sollet euacuar, vt citatis locis, & in presenti loco Galen. confirmat. Nam si hæc sententia non esset vera, frustra Medici laborarent, vt cognoscerent quibus medicamentis quilibet humor esset vacuandus.

Hæc est firma; veraque Hip. & communis omnium Medicorum sententia concors, cuius auctoris tanti eloquii mihi semper arrisit plurimum. Clamitet ad rauim vsque Ioubertus lib. 2. paradox. 9. qui medicamenta non attrahere, sed fugare humores, pertinaciter contendit. Sed cum plures eum mordeant dente omnium mordacissimo & rabidissimo, placuit pro magistri tutela, illorum argumenta vellicatim appungere, & refellere, ne illius discipuli horum mentem postea amplectantur, eorum tritis & cauillationibus irretiti.

Summus ille Philosophus Aristoteles, & naturæ interpres mirabilis sect. 1. probl. 41. 47. & 48. rem sic determinat. Medicamenta purgantia euacuant, quia non vincuntur, sed solum extenuantur, funduntur, & corpus penetrant: sicque retrocedentia humores secum deferunt. Quare si ea quæ superari debent, quando non vincuntur, sed cruda manent, ob quantitatis excessum aluum subducunt, vt constat in melle, musto, & oleo; maiori cum ratione sentiendum est de iis, quæ qualitatis suæ ratione à corporibus superari nequeunt, qualia esse medicamenta purgantia, nulli est non manifestum. Hæc ergo (inquit ipse) cum amara sint & fœtida, humores exagitant & perturbant, & hac ratione eos purgant.

**E** Verum hæc Aristotelis, & Peripateticorum de hac re opinio, à Medicorum scholis debet explodi, siquidè falso innititur fundamento. Licet enim medicamenta purgantia, si operari debent, nec vinci, nec transmutari à corpore debeant, nam tunc frustrantur purgatione; sed egeant reductione de potentia ad actum, quæ extenuatione & motu adscititio præstari solet, & distributione ad partes in quibus humores continentur; tamen delabi per easdem vias, per quas penetrauerant, & secum deferre humores, à ratione alienum est. Nam medicamenta non sponte relabuntur, sed partes irritæ & à medicamentis, & à humoribus, solum hos cum illis affatim expellunt. Deinde medicamenta non euacuant quia incoctilia, sed quoniam humores attrahendi potestate prædita sunt, neque mel, oleum,



olent, & mustum, quia remanent cruda aluum subducunt, sed quia facultatem habent emolliendi, & abstergendi; & ob quantitatis excessum ventriculi & intestinorum expultricem vim ex accidenti irritant. Denique si ob amarorem, & foetorem medicamenta aluum soluerent, cur hac ratione absinthium Romanum, opium, cicuta, & alia, purgatricem vim non sortiuntur, cum sint amara & foetida, maximè cum hæc non perturbent humores, sed sensus.

Erasistratus Hippocraticæ, immò Galenicæ doctrinæ accertinus hostis lib. 1. de facult. natural. c. 13. medicamenta purgantia, humores æqualiter & indifferenter vacuare, pertinaciter asseruit, & in hoc convenire cum venæ sectione: differre tamen, quoniam medicamentum purgans euacuat cum immutatione, & corruptela, primò tenuem, & serosum, deinde crassissimum; illum vacuari à medicamento solùm debili, à forti omnes humores promiscuè expurgari contendit.

Eius paradoxum aliqua sunt quæ confirmant. Primò. Quoniam in curatione vnius morbi modò purgatione utimur, modò venæ sectione, veluti lib. 2. acut. 10. & 11. in pleuritide faciendum edocuit. Igitur vtrumque auxilium idem præstare potest. Secundò. Si necessaria est venæ sectio, & ob ætatem, imbecillitatem, vel timiditatem impeditur, ad purgationem confugit Gal. 4. de sanit. tuend. cap. 4. & vice versa neglecta aut impedita purgatione, phlebotomiam exercemus. Igitur vtrumque præsidium idem præstat, aliàs frustra vnum aliud suppleret. Tertiò. Hip. in pleuritide descendente, quæ magna ex parte ex sanguine tenui & bilioso oritur, auctore Galen. 6. aph. 33. vitur elleboro, & peplio in lib. 2. acut. 11. quæ humorem melancholicum euacuant. Igitur hæc medicamenta omnes humores indifferenter euacuant. Quartò. Hip. lib. 4. aph. 21. commendat purgationem factam à medicamento purgante, in qua plures colores apparent, à diuersis humoribus expurgatis pronati, Igitur medicamentum omnes humores vacuare potest.

Sed absurda, & plena erroris est opinio hæc, quippe quæ sensuum & experientiæ probabilitatem, auctoritatem anteponit Erasistrati, & Asclepiadis, qui solùm in condendis sectis contra Hippocratem, ambitiosam gloriam ostentabant, vt lib. de venæ sectione, contra eum, eiusque sequaces palam sit, quibus Galenus illorum vanitatem infregit luculenter. Huius ergo opinionis falsitas colligitur euidenter: nam, vt hoc loco asseruit Gal. Si hydropico hydragogum propinetur medicamentum, leuat solet vacuata aqua: contra, si exhibeatur cholagogum, oblæditur valde, & sic de cæteris. Igitur medicamentum purgans non indifferenter omnes humores euacuat. Secundò. Si fucus tenuis, deinde crassus, postremò crassissimus euacuat semper, melancholicus humor non nisi, per immodicas vacuationes poterit vacuari, cum sit tenacissimus, & terrestris valde, quod confiteri summum est absurdum. Tertiò. Sequeretur medicamenta vacuantia humorem melancholicum, necessariò debere esse validissima, & vacuantia humorem aquosum, esse debilia, quod est apertè falsum: nam senna, & epithimum euacuant humorem melancholicum, & sunt debilia, & clementia; & elaterium, & euphorbium euacuant humorem aquosum, & sunt fortissima.

Aduersæ verò rationes futes sunt. Dic ad primam. Nam in curatione eiusdem morbi vtroque auxilio opus est, diuersa tamen ratione illo utimur, sanguine quidem redundante, phlebotomiam: cæteris verò humoribus peccantibus, purgatione exercemus. Ergo idem non præstat venæ sectio, & purgatio. Ad secundam dic. Purgationem phlebotomiæ loco celebrari, & è conuerso, in his affectibus qui ex plenitudine, & cacoehymia originem ducunt; quando sanguis ob putredinem, aut feruorem in alium humorem degenerat, tunc non ratione sanguinis, sed aliorum humorum, imperari purgatio debet; nam horum multitudine deposita purgationis vi, natura levata præexistentem sanguinem corrigere, eumque vel insensibiliter resolvere, vel in partium substantiam valet commutare. Ad tertiam. Licet pleuritidis à tenui humore ortum

Lib. I 1.

A ducatur, ex omni tamen, vel etiam crasso concitari potest, vt cir. loc. docuit Gal. Si tamen ex hoc generetur, qualis solet esse descendens, quæ ob grauitatem humoris ab illo ferè oriri consuevit, tunc prædicta medicamenta rectè conceduntur, vt ibi monuit Hip. Ad quartum. Responde, Hippocratem intelligendum esse de purgatione, non à simplici, sed composito medicamento, plures humores facultatem trahendi habente, celebrata, cuius vi diuersi humores vacuari queunt. Consule Tobiam Dorncrelium tract. de purgation. cap. 1.

Verùm cum indelebile malum sit, eluique non potens, ista circa sectas ambitio, ac scabie quauis ad sanandum rebellis, monente magistro hoc in cap. de facult. natural. in quo est scripta historia hæc: iccirco inanis gloriæ aucupio allectus, insurgit contra Gal. subtilissimus Cardan. lib. de subtilitate, existimans à medicamentis purgantibus non posse fieri attractionem; nam hæc in re viuente reperitur solùm; illa autem non viuunt. Partes ergo viuentes, inquit ipse, qualitate purgatoria infectæ, & imbutæ, humores ad se allicunt, & ipsos deinceps è corpore expellunt: cum enim medicamenta purgantia in ventriculo, hepate, intestinis, & aliis partibus qualitates suas impressas relinquunt, vt constat ex siti, anxietate, & æstuatione post purgationem, nulli dubiū erit, viuentes solùm partes medicamentorum qualitate delibueras, peccantes humores attrahere:

Proferam eius rationes tres. Prima. Nam medicamenta, in forma solida præcipuè assumpta, deinceps tora euomuntur sæpe, & tamen feliciter, deinde contingit purgatio: euident argumentū, purgantia medicamentum, vim expurgatricem in ventriculo, & intestinis impressisse. Secunda. Medicamenta vmbilico, & ventri admodum, in modum emplastri adhibita, valentissimè expurgant, & odorata purgantia strenuè euacuant, vt vereres vnanimiter confirmant. Hæc verò non possunt efficere, nisi alteratione per continuum facta, cum suam virtutem ventriculo, & intestinis communicant, quæ partes, mediante illa qualitate, humores attrahunt. Tertia. Si fricatur acus cum magnete, illa acus ob virtutem à magnete impressam in illa, attrahit aliam acum, & hæc alias acus è longinquo. Ergo ventriculus, intestina, & alia partes simili purgatrice qualitate imbutæ, humores attrahent.

Sed à Lycæo Medico explodenda est inepta opinio hæc. Nam attractio, quæ familiaritate, & similitudine substantiæ fieri, cum Hip. & Gal. cōcessimus lib. 1. in com. histor. 25. quo loco ardua plura de hoc negotio ad Cleanthis Incernam elucubrauimus, est communis viuentibus, & non viuentibus; nam magnes trahit ferrum, & succinum paleas, & alias quisquillas ad se allicit, hæc tamen non viuunt. Verum quidem est medicamenta purgantia, siue extrà applicata, siue intus assumpta, aut odorata, partem tenuem & vaporosam, in qua vis purgatrix præcipuè residet, partibus interioribus communicare. Quare euomito medicamento, eo modo quo fuit assumptum, purgatio frustratur; si verò aliter eueniat, & portio aliqua medicamenti fuit intus relicta, purgatio celebratur. Quando verò fricatur acus cum magnete, ibi non est solùm vis magnetis, sed substantia relicta. Sic quando medicamentum assumitur propria substantia eius relinquitur in ventriculo expressa, quæ operari potest. Quare attractio humorum non in naturā ventriculi, & intestinorum, sed in substantiam medicamenti ibi impressam & relictam, est deferendū. Lege Valleriol. lib. 3. locor. com. cap. 16.

E An tamen medicamenta purgantia maneat in ventriculo & intestinis, an potius sic distribuantur, vt penetrant ad partes distantes, in quibus humores continentur, altioris indaginis quæstio est, de qua licet Aristot. loco cit. existimet, totum medicamentum purgans distribui, & peruenire ad humorem, & iterum per easdem vias relabi, secumque deferre humorem; & quamvis Conciliator arbitretur dif. 141. medicamenta vsque ad certam distantiam distribui, vt promptius vis medicamenti communicetur humori distanti, & per partes intermedias communicata virtute non solùm realiter, sed intentionaliter, in modum odoris, & caloris qui per species solent communicari, humores attrahere: & licet alij varia proferant, quorum

Kk 3

discrepantes

discrepantes opiniones refert; & refellit eruditissimus A Fallopius *lib. de medic. purgantibus, cap. 2.* Tamen probabilior est Fernelij sententia *lib. 3. de purgand. rat. cap. 6.* medicamentum secundum partem maiorem, fortiolem, & crassiolem manere in ventriculo & intestinis, & secundum partem magis vaporosam, & tenuiorem per totum corpus distribui: quando enim de potentia ad actum reducitur, actione caloris liquatur, & minuitur; ex qua actione subtiliores medicamenti partes ad omnes corporis meatus eleuatae, & per venas & arterias delatae, ad humorem expurgandum accedunt. Quo pacto autem interpretentur Auic. *4. 1. cap. 4. Mesuë intent. 1. p. 2. Serap. lib. 7. breuiary cap. 10.* existimantes medicamenta purgantia manere in ventriculo quiescentia, & in intestinis, & solum transmittendo virtutem humores attrahere, sicut magnes attrahit ferrum, explicant elegantissime Costæus in *com. Ioan Brauius Petrasitanus lib. 1. de purgand. rat. cap. 9. Amatus lib. 1. centur. curat. 7. 2.*

Deinde medicamenta cum multis partibus habent plurimum consensum, & ad eas vapores emittunt, & sic ex determinatis locis proprietate quadam, & specifica vi humores attrahunt. Sic asplenium lienem respicit; absinthium ventriculum; adiantum thoracem; saluia, & stoechas, caput; eupatorium iecur; pilulæ lucis euacuant ex oculis; Cochia ex capite; agaticum ex thorace, vtero, & neruis: argentum viuum ducit humores ad fauces, & os. Sic deiectionaria mouent humores ad aluum; vomitoria eos ad partem superiorem conuocant, vt probat Vallesius *lib. 9. cont. cap. 10.* magna tamen ex parte purgantia, per partem inferiorem expurgare nata sunt, tum quoniam medicamenta ad fundum ventriculi descendunt, & orificio inferiori proxima sunt, quo ex naturæ ordine vititur ventriculus ad expellendum, sicuti superiori ad attrahendum, autore Magistro *3. de sympt. caus. cap. 2. ante med. tum* quia venæ, quibus attrahuntur humores, magis ad intestina, quam ad ventriculum pertinent, & sunt multò maiores, quibus solet natura vitiosos humores expurgare; & intestina sunt ignobiliora ventriculo, & excernendis excrementis ampliora, & propinquiora, & amplius recipiendis sordibus consueta, vt aduertit Auic. *4. 1. cap. 4.* & Mesuë in *canon vniuers. theorem. 1. cap. 2.* & humores ob insitam grauitatem, ad inferna ruunt.

Si verò quæras, quomodo medicamenta retenta in ventriculo, & in intestinis, attrahant humores, & magnes attrahat ferrum, quin moueantur: si (monente Arist. *lib. 7. physic. cap. 2.* dum de motu locali, qui fit à principio extrinseco agit) id quod trahit, & trahitur, debet localiter moueri. Dic cum Auerrhoë *lib. 7. physic. com. 1. 1.* duplicem esse tractionem; alteram veram, in qua trahens, & tractum mouentur, vt Aristoteles ait: non veram alteram, sed potius æquiuocè dictam: sic partes attrahunt alimentum, magnes ferrum, medicamenta humores: in hac, id quod trahit, non est necesse, vt moueatur. Quod tamen inter has tractiones sit discrimen, ibi Auerrhoës accuratissime explicuit. Interim lege de hoc argumento Cardanum *lib. 2. contradiet. tract. 1. cont. 2.* Vallesium *lib. 9. controu. cap. 1.* Fabium Pacium in *com. cap. 6. lib. 1. meth. Gal.*

## QVÆSTIO LVI.

*Quòd medicamenta purgantia integros humores quantitate peccantes euacuet: natura verò putridos excernat. Contra communem Medicorū sententiā.*

**P**urgaueris.] Immoitū atque perpetuæ veritatis axioma est, & à priscorum scientissimis, neotericisque vnanimiter receptum: medicamenta purgantia putridos attrahere humores; quod licet ipsi nulla ratione probent (illud tanquam principium inconcussum obseruantes) in lectorum gratiam aliquibus rationibus comprobabo. Prima sit. Gal. *lib. 1. aph. 2. 2.* asseuerat purgationē fieri medicamento attrahente, & natura expellente. Sed ferè semper purgatio adhibetur, quando humores, putridi aut corrupti sunt. Ergo medicamentum attrahit hos humores, & natura iuuat eorum attractionem.

Secunda. Galenus *lib. 1. 1. meth. cap. 8. §.* Tanquam igitur in his corporibus, &c. vtens exemplo carnis putrescentis, docet, quòd sic nos gerere debeamus in euacuatione humorum putridorum, ipsos euacuantes, reliquos verò persflantes & ventilantes, vt si in iis aliqua labes est, deperdatur. Sed hæc vacuatio per alui deiectionem, à medicamentis purgantibus celebratur. Ergo hæc putridos humores euacuant.

Tertia. Galenus *l. 3. prorrhetic. com. 1. 3. §.* Nempe cum excerni contingit, &c. purgationem, corruptorum humorum excretionem vocat. Sed hæc purgatio à medicamento fit. Ergo.

Quarta Galenus *lib. 1. aph. com. 2.* purgationem vocat, quando Medicus aliquam molitur vacuationem humorum, qui corpora nostra molestant. Sed humores putridi naturæ molestiam inferunt. Ergo hi à medicamento purgante attrahuntur.

Quinta. Si medicamentum attraheret humores integros, putridi verò exploderentur ab ipsa natura, sequeretur quòd etiam in principiis morborum expellerentur; cum eadem sit ratio. Sed nunquam, nisi oblato medicamento purgante educuntur. Ergo.

Vltima. Mesuës hoc cōfirmat *tract. de simplicib. medicament. purgantib. cap. de agarico. §.* Pituitam autem crassam, lentam, putrem purgat, &c. integræ, & eius quæ secundum naturam se habet, nulla prorsus mentione facta, & in *cap. de Bryonia*, sic ait. Viriusque radix, ac præcipue succus, pituita etiam putri, cerebrum, nervos, partes respiratorias purgat, &c. Et *cap. de senna*, sic inquit. Senna bilem vstam à cerebro, sensoris, pulmone, corde, hepate, liene expurgat. Deinde *electuarium Hamech* vocatum pituitam salsam expurgat. Insuper in *tract. de pilulis. tit. de stomachicis*, sic fatur. Catapotia stomachica alia cerebrum, & ventriculum corruptis humoribus purgant. Idem repetit *tit. de pilulis ex rhabarbato*, quas vacuare humores crassos, lentos, multum putres asseuerat. Denique Actuarius *lib. de compos. medicament. tit. de potionibus medicamentariis, aduersus affectus qui febres comitantur*, siliquæ Egyptiæ concretum liquorem, torridam bilem citra molestiam expurgare, centauryumque minus, pariter & colocynthim, mucosum humorem deicere scriptum reliquit. Quare si salsa pituita, putris, mucilaginosa, humores corrupti, bilis rectorrida, vsta, præter naturam sunt humores, cur putridos humores à medicamentis purgantibus euacuari negabimus?

Licet enim hæc sint ex abditis veterum decretis exhausta, tamen contra vniuersam Medicorum scholam constantissime teneo, purgantia medicamenta humores integros attrahere, putridos verò à natura expelli, & expurgari. Arduum est rem nouam, & à nullo comprobata, ad communem hominum sensum accommodare: confido tamen me hanc conclusionem ex mediis medicinæ principiis ita demonstraturum, vt ei qui syncero, candidoque animo, totam præceptionem diligenter audiet, nulla irrepat calumniandi occasio. Vt verò hæc intimius intelligantur, aliqua prius notare oportet, ad huius quæstionis expositionem valde necessaria.

Primū est. Humor corruptus est diuersæ speciei, & ab eodem integro existente maximè distat. Patet, nam hic est secundum naturam, & corruptus est præter naturam. Sed secundum naturam, & præter naturam differunt specie. Ergo & humores distabunt inter se. Hoc probat Galen. *2. feb. cap. 6. §.* Siquidem totum id, &c. vbi docet pituitam corruptam, & integram, esse diuersæ qualitatis, id est substantiæ; siquidem Galen. multoties per qualitatem, intelligit substantiam, vt constat ex *5. simpl. 17.* quo loco Gal. affirmat medicamenta attrahere qualitatis, id est, substantiæ familiaritatem, & *lib. 1. 0. meth. cap. 8.* ibi enim vocat putrefactionem, totius substantiæ corruptionem, & probat Arist. *4. meteor. 1.* in febre sanguinis putrefacti patet euidenter, in qua sanguis integer à sanguine corrupto differt: cum enim sanguis putrescere cæperit, non amplius bonus remanet, sed illius pars tenuis conuertitur in flauam bilem, crassa verò in melancholiam, ex Galen. *2. cris. 12. & 2. feb. 9.*

Secundò. Animaduertere licet, quòd natura excernere potest

potest humores putridos, à medicamento purgante non adiuta. Constat hoc, quoniam si humores partibus nostri corporis molestiam inferunt, in quibus est facultas excernendi ipsos, sicuti retinendi id quod conueniens est, illos natura excernit, vt docet Gal. 3. *de natuf. facult. cap. 6.* Sic in crisi putridi humores citra medicamenti opem à natura expelluntur; hæc enim est præcipua morborum medicatrix, vt ait Hip. 6. *epid. sect. 5. text. 1.* Sola sibi sufficit, separat vtile ab inuitili, excrementitium, putridumque humorem per varias regiones propellens, & hoc modo crises à natura fiunt. 2. *de usu part. c. 17.* & 2. *Aph. 13. §. Crisis fit natura separante à bonis mala, & ad excernendum properante, &c.* quod innumeris sententiis lib. *de crisis, de diebus decretor.* & alibi confirmat.

Tertiò. Præmittendum, medicamenta purgantia humores integros attrahere, & hoc solum longa experientia potest confirmari, & manifestè Galen. in hac historia faris concludit, dum medicamento exhibito quod bilem flauam, vel nigram purgat, se Ictero citra iccoris affectum persanasse gloriatur: in Ictero autem flauo, vel nigro humor non est corruptus, quoniam non est mutata illius natura. Deinde præseruationis gratia sæpe celebrantur euacuationes, & tunc humor non est corruptus, quia corpus nullo modo laborat. Ergo medicamenta purgantia attrahunt humores integros, & non corruptos. Præterea Hipp. lib. 2. *aph. 37.* nostram positionem confirmat, dicens, *qui corpore valent, difficulter ferunt medicationes:* quam sententiam explicans Galen. in *com.* in hæc verba prorumpit: *In hoc autem, generaliori dictione de iisdem pronunciat, inquiens, hos difficulter ferre medicationem; nam & vertigines, & tormina patiuntur, & difficulter his purgatio succedit, & præterea celeriter exoluntur. Fiunt autem hæc omnia, purgante medicamento proprium quidem attrahere humorem appetente, vel flauam bilem videlicet, aut atram, aut pituitam, aut aquosam superfluitatem: quia verò ille non adest, sanguinem colligat, ac carnes, vt ex ipsis proprium attrahat humorem.* Quid autem de hac re verè & sincere Galeno sit visum, relictis ambagibus, hæc vna sententia commonstrat, in qua per proprium humorem intelligit integrum & illæsum, quoniam corpus sanum est.

His iactis ad confirmandam conclusionem nostram accedamus; nam fidem maiorem accipiunt quæ comprobantur, ex Gal. 6. *epid. sect. 4.* idèd lib. 1. *de facult. & 6. epid. sect. 2. com. 25.* & *sect. 4. 19.* nulli temerè credendum citra rationem asseuerat. Primò. Si natura non attraheret humores integros, & corrupti ab ipsa natura euacuarentur, illud esset, quia nec medicamentum integros attrahere, nec natura corruptos excernere posset. Sed hoc est falsum, vt diximus in secundo, & tertio præmissis. Ergo liquidò constat, quòd medicamentum attrahit humores integros, corrupti verò excernuntur à natura.

Secundò. Rhabarbarum attrahit bilem, sed cum bilis iam abeat in vitellinam, atram, vel isatodem, & in alias species, interrogo: Vel hæc omnes bilis species attrahuntur à Rhab. vnica similitudine substantiæ, vel pluribus. Non dices pluribus, quoniam sic in vno, & eodem medicamento erunt plures similitudines. Ergo vnica similitudine id efficere debent. Sed hoc dicendum non est, quoniam longo intervallo, distant inter se huiusmodi species bilis; nam differunt specie secundum primum præmissum: ergo necessariò dicendum est, medicamentum purgans integram bilem attrahere, reliquas verò bilis species ab ipsa natura excerni.

Tertiò. Atra bilis ita fit ex bile assata, vt etiam ex melancholia generari possit, docente Galeno lib. 6. *aph. 53.* & in lib. *de atra, bile, cap. 3.* Tunc inquiri, quo medicamento vtendum sit ad illius vacuationem, cum à diuersis causis generetur? Dices expelli à natura, exhibito medicamento vacuante humorem illum, qui transiit in atram bilem; ac proinde Medicus considerare debet, ex quo humore bilis atra originem ducat, vt exhibendo medicamentum quod ipsum euacuet, natura atram bilem excernat: nam si, quando ex humore bilioso generatur, propinetur medicamentum quod euacuat melancholiam, maxima inde ægro noxa inferetur.

Quartò. Si medicamentum attraheret humores putridos, rogabo, quod sit medicamentum, quod humores pestilentes educit: nullum sanè. Ergo. Pater: nam sunt solum quatuor medicamentorum purgantium classes, scilicet pro bile, pro melancholia, pro pituita, pro seroso humore. Quare cum ignoremus, quo medicamento vtendum sit, fit vt ægrotis sæpius mortis causam afferamus. Quapropter contemplari oportet, qualis sit humor ille qui corrumpitur, & pestilens fit, vt oblato medicamento, quod talem humorem euacuat, pestilens & corruptus à natura excernatur. Si enim ignoretur hoc, casu & fortuna, bene, vel malè purgatio contingit.

Vltimò. Galenus lib. 2. *de humorib. com. 8. §.* Hippocrates verò non hic tantum, sed in aliis suis commentariis, quado inuicem proportionem seruata humores omnes augentur, missione sanguinis auxiliatur. Vbi verò vnus aliquis superabundat, illi purgatorium dat medicamen. Sed humor auctus non est corruptus. Ergo medicamenta attrahunt humores integros. Est etiam sententia eximia, quæ nostras partes tuetur apprimè: nam lib. *de renunt. dignotioni, cap. 4. in princ.* sic inquit. *Ex Medico quidem purgans medicamentum; ex natura verò totum negotium pendet: hæc etenim à purgante medicamento excitata, facultatem segregatricem aduocat, qua segreget inuitilia ab vtilibus, ac vtilia quidem facultas retentrix detinet: inuitilia verò facultas expultrix expellit, &c.* Sed humores corrupti inuitiles sunt, integri verò viles, nisi quantitate peccent. Ergo.

Obtrudet forsan argutulus quidam, hunc librum non esse Galeni, sed Philagrii, vt infra, in vltima historia demonstramus. Hic forsan non negabit, Philagrium fuisse doctissimum, ex cuius scriptis plurima in suos canones, eaque selecta præsidia Aërius transposuit; maximè cum fides sit adhibenda Galen. lib. 1. *epid. sect. 3. com. 1.* consulenti, vt iudicium Medici clari semper magnificandum sit, cum sit dignum consideratione, à quo sumitur probabile argumentum ad curandum: explicat Vallesius lib. 5. *epid. in com. text. 85.* & lib. 7. *eiusd. in com. text. 26.* Philagrii ergo Medici illustris sententia recipienda, dicentis naturam prouidam, & sollicitam de animantis commodo, inuitiles humores expellere; nam integros quantitate redundantes medicamenta purgantia attrahunt; neque enim hi à natura retinentur, cum nutritioni sint inuitiles valde.

Sed aduersantium argumenta sunt disentienda. Dic ad primum. Auctoritas Galeni vera est: verumtamen ex ea medicamentum attrahere non posse humores integros, & naturam euacuare corruptos, non concludunt; quoniam medicamentum solum cum integris, non autem cum corruptis familiaritatem substantiæ habet. Siquidem bilis, verbi gratia, quæ putrida est, tantum distat à bile integra, quantum differunt bilis, & pituita inter se.

Eadem prorsus ratione respondendum est ad reliquas obiectiones à Galeno acceptas: hic enim putridos humores solum vacuandos esse commonuit; non tamen prædixit eos à medicamento purgante vacuari, cum hoc integros solum attrahat, qui cum quantitate abundet, etiam naturam molestant.

Ad quartum dic. Putridos humores in morborum initio non expelli, quoniam sunt commixti cum aliis, quorum ratione putridorum malitia obscuratur, ac proinde non multum naturam vexant. In statu verò, præcedente coctione, ab vtilibus sunt separati, & idèd naturam fatigant & premunt, quare tunc viui excernuntur.

Vltimum hoc modo resolues, si dicas, verè quidem auctores firmasse, medicamenta purgantia vacuare humores putridos & corruptos; nam hoc modo sunt intelligendi: nec enim pituita mucosa putrida est, neque bilis retorrida, aut vsta. Longè siquidem vstionem à putredine differre, res est manifesta; quia fit à calore sicco, putredo oritur à calore humido: vnde in adustis non possunt generari vermes, in putrefactis maximè; de qua re lege Vallesium lib. 4. *meteor. in com. c. 8. in fin.* Putridi autem humores, non quando sunt in via, trahuntur à medicamento, quia adhuc formam suam retinent, quia putredo non est corruptio, sed via ad corruptionem; sed quando post corruptionem in alios humores degenerant, vt bilis corrupta, quæ



degenerat in atram, medicamento est vacuanda, quod A melancholicum humorem euacuet. Sic sanguis cum conuersus est per corruptionem in flauam, vel atram bilem, medicamento est educendus, quod flauam, vel atram educere potest. At biles has ex corruptione subortas vocabis putridas; minime quidem. neque enim ex re putri semper gignitur putre. Sic febris diaria ex putredine orta, putrida non est; neque acetum ex vino putrescenti genitum, putridum est; neque vermes ex putredine terræ, & putridis recrementis orti, putridi sunt: sic bilis, vel flaua, vel atra, in quam sanguis per corruptionem degenerauit, integra est, & à medicamento expurgante attrahitur. Et de hac quæstione satis, ad quam veritatis allectus amore explicandam accessi: num scopum attigerim, sub doctiorum censura maneat inuolutum, qui si apponant meliora, victus euadam; non enim sum de illorum numero, qui sibi placendo malunt errare, quàm alterius cedendo ingenio rescipiscere. Ansam enim præbui doctioribus, vt post me in hoc argumento felicius insudent.

## HISTORIA CXVI. GALENI, De hydropæ.

Hydrops, ex consueta menstrua, vel hæ-  
morrhoidali vacuatione suppressa,  
vel nimium excurrente,  
sæpe subortus.

**S**iquidem ex diuturnis hæmorrhoidibus, vel suppressis, vel immodica profusione hominem ad extremam frigiditatem ducuntibus, non semel aut bis, sed sæpe iam \*aquam intercutem collectam vidi; sicut mulieribus quoque tum mēstrua purgationis omnimoda cessatio, tum immodica vacuatio, cum scilicet uteri nimio sanguinis profluuiio laborant, sæpe hydropem accersuerunt, &c. Galenus lib. 2. de facult. natural. c. 8. Porro ego quoque vidi non paucos, ob huiusmodi vacuationes, quæ Medicorum imperitia cohibita fuerant, aut attrabile, aut insania vexatos. Ipsorum quoque aliqui tum intercostali inflammatione, tum renali morbo correpti sunt: nonnulli verò ex ventriculo sanguinem vomebant, atque eundem tussiendo ex thorace spuebant; aut paraplegiis, aquæve intercutem interibant, &c. Galenus lib. de ven. sect. aduers. Erasistratum, cap. 6. in fin. & lib. 6. epid. sect. 5. com. 29.

## D V B I V M LXVI.

Num solennium vacuationum suppressio, vel vacuatio nimia, hydropem, & alia vitia concitare queat.

## PARAPHRASIS.

**A**quam intercutem. ] Quantam utilitatem sanguinis modicæ excretio per hæmorrhoidales venas corpori afferre consueuerit, oraculo quodam prædixit Hippocrat. lib. 6. epid. sect. 3. text. 37. dum sic ait. *Mariscis laborantes neque morbo laterali, neque pulmonario, neque phagedæna, neque furunculis, neque yermimbis; fortasse verò neque lepris, furasse neque aliis, &c. repetit lib. 3. de humorib. com. 26. in ini.* dum sic inquit. *Hæmorrhoides, quâuis omnes homines, omnemque ætatem, & omni in tempore anni vexare queant, reuera sunt affectus ætatis declinantis proprii, non secus quàm melancholia. Fiunt enim ab attrabile, quæ ad venas sedis vberius, cumularis, & decumbit. Quocirca cum melancholicis, & vitio renum laborantibus superveniunt curare eos solent, quod non solum ratione euacuationis, sed etiam humoris qui euacuatur, qualitate faciunt. Effundere enim crassum sanguinem humoris melancholici plenum solent: qualem nos facem in vino appellamus. Itaque cum hæmorrhoides veluti facem sanguinis euacuent, merito fit, vt melancholiam curent.*

Denique conferre hæmorrhoidas ei, quem atra bilis occupat, iam omnes norunt: quum hoc Hipp. apertè do-

ceat. Hæc enim vacuatio per circuitus repetens, non solum à morbis melancholicis, sed ab aliis etiam periculosis præseruat, quum omnis humorum abundantia eius vi repurgetur: quare *melancholia, & nephritidis laborantibus, hæmorrhoides supervenientes, bonum*, ex Hipp. præscripto lib. 6. aph. 11. & 21. nam pellente natura ad partes ignobiliores, eos qui insaniam efficiunt humores, & præsertim cum melancholici fuerint ac crassi, hæmorrhoidum sequitur generatio, & insaniam solutio, cuius est maximum remedium sanguinis ex his venis effusio, quam etiam si futura sit, prohibet, vt lib. 4. aph. com. 25. docuit Galenus, & proprio exemplo confirmat lib. 6. epid. sect. 5. com. 29. illorum qui clausis hæmorrhoidibus in insaniam inciderunt sæpe, quos reſeratis his venis ab ea euasisse refert; quam historiam vt pote huic similem idcirco in explicatam reliquimus. Lege *hist. 39. lib. 1. huius operis, & Moxium lib. 1. de morb. mulier. cap. 45. & seqq.*

**R**ursus menstrua purgatio, quum tempestivè fit, & singulis mensibus ordinato motu recurrit, fœminæ valetudine fruuntur. Cum enim hæc frigida sint, minimè que exerceantur, & crudorum succorum copiam præ debilitate natui caloris quotidie accumulunt, sanguinis menstrui vacuationem, tanquam remedium naturale ipsis indidit natura, vt sanguis ille excrementitius, inutilis & crudus purgaretur, easque à plurimis, eisque periculosis morbis præseruaret, quos ex professo citat Galenus lib. de vena sectione aduersus Erasistratum, cap. 5. in hunc modum pronuncians. *Velim itaque audias iam veritatem ipsam, me præcone, tibi denunciantem, quòd mulier, si probè expurgetur, neque podagris, neque articularum doloribus, neque lateris inflammationibus, neque peripneumoniis capiatur: sed neque epilepsia, neque apoplexia obnoxia sit, aut spirationis aut vocis ablatione ritè purgata ullo tempore infestetur, &c.* Et lib. 6. de loc. c. 5. plures addit morbos, qui ad menstrui retentionem sequi consueverunt: & prius firmavit Hip. lib. 1. de morb. n. 6. & 7. & lib. de virgin. morb. n. 1. 2. & 3. ij sunt fatuitas, torpedio, delirium, horror, erronea febris, acuta inflammationes, caligo, timor, tristitia, anxietas, spectra, ac phantasmata varia, ventris durities, dentium stridor, tabes, lumborum dolor, uteri suffocatio, vigilia, fastidium, cordis morfus, animi deliquium, paralytis, alui fluxus, urina difficultas, & alia innumera damna, ex suppressis mēstruis contingentia, quæ latè auctores describunt cap. de menstrui suppressione, vt acutè satis, & eloquenter proponit insignis Duretus in Coac. Hip. prænotiones, tract. 3. de morbis mulierum, in com. text. 7.

**S**uadet ratio. Cum enim uteri, omnium muliebrium morborum causa sint, auctore Hippoc. lib. de loc. in hom. num. 59. iique venas grandissimas habeant, & plurimas. Cumque eos, aut menses, aut à partu purgamenta suppressa, aut phlegmone aliqua utcumque orta, malè accipiunt, ipsos sanguine compleri necessum est, ex Gal. lib. 6. epid. sect. 1. com. 2. cuius rei causa multiplex eo loco citatur à Galen. Quid mirum, si vapore tetro, fœdo, & nebuloso, malignaque qualitate affecto, & ad superas partes ab utero elato, duri superiorum partium affectus contingat immedicabiles? Ab hac origine, perniciosus, corruptusque sanguinis vapor, seu aura quædam toto genere præter naturam, insurgit & emanat, quæ veneni promptissimi instar, horrida inimicitia totum corpus inquinat, & conspareat, & varios morbos, periculæque affert, pro varia natura partium, in quibus sanguis ille colligitur, vt monuit Galen. lib. 2. prorrhætic. com. 48. Explicant inter omnes Mercat. lib. 2. de morb. mulieb. cap. 5. 8. & 9. Didacus Moranus *Apologia 3. de epilepsia hysterica elegantissimè.*

**D**einde peregrina, admirandæque symptomata menstrui suppressio inducit, cuius causa Phaëtusæ, & Namyfiz, corpus virile, sātque omni ex parte hirsutum factum est, barba emissa, & vox facta est aspera, auctore Hip. lib. 6. epid. sect. 8. text. 41. & 42. Possè autem fœminas in virum conuerti, nostra, & patrum memoria observatum est: quidquid nympham interdum ad tantam magnitudinem excrecere Mercatus affirmer lib. 2. cap. 10. vt virile pendendum mentiat, quod accepit ab Albucasi lib. 2. cap. 71. quam affectionem ipsi putant esse eam, in qua Medici fœminas



fœminas in viros migrare existimant; de qua re plura dicemus lib. 3. in com. histor. 8.

Demum ob mirabilem, quam habet uterus cum omnibus partibus, sympathiam, & maximè cum hepate, recurrenre crasso illo sanguine, & fœcali ad illius vasa, fieri hydropem, nulli est non manifestum, qui Galeni monumenta perlustrauerit, qui in lib. 4. de rat. viſt. in morb. acut. com. 111. 5. Nempe hic solus cum incipit, sanguinis eget deſtractione, cum ſcilicet ex retentione, vel hæmorrhoidum, vel muliebrium inceperit, propè accedente ad extinctionem naturali caliditate, ut igni contingit. Nempe, ut ignis propè extinguitur, immiſſis lignis, tum humidis, tum multis, niſi quis multitudinem ſuſtulerit: ſic & in frigidior ob copiam ſanguine, ubi calor natiuus propè extinguitur, præſentiſſimum eſt remedium ſanguinis, &c.

Vidiſti quo pacto ex menſtrui, & hæmorrhoidalis ſanguinis retentione oriatur hydrops. Licet enim hæc ſolennis per mæſcas vacuatio, ſi tempeſtiuè fiat, à diris morbis præcauere queat; & plures viri per menſtruas períodos, (mulierum inſtar) ſanguinem fœculentum per has venas expurgent cum vtilitate ſumma, vt propriis exemplis proponunt Antonius Zimara in com. cap. 10. lib. de ſomn. Ariſt. Amat. lib. 5. cent. 3. Veſal. lib. 5. fabric. c. 15. tamen conſueta, ſi ex toto cohibeatur, hydropem accerſit, iuxta Hip. oraculum lib. 6. aph. 12. à diuurnis ſanato hæmorrhoidibus, ſi vna non ſeruatur, periculum eſt aquam intercurrentem, vel tabem aduenire. Reddit cauſam Galenus in com. & lib. cit. de humoribus, quoniam venæ illa propter plenitudinē in ſede aperiantur, & ad ipſas ſanguis fœculentus, & melancholicus à iecore reiicitur. Si quis igitur hanc viam illi præcluſerit, tum ſcirrhum iecur contrahet, tum multitudine, ac craſſitudine grauatum redditur: unde eius calor paulatim minuetur, & quaſi extinguitur: atque ita bonum generare ſanguinem amplius non poterit. Perſpicuum autem eſt & aquam intercurrentem fruſtrata ſanguinis generatione effici, &c.

Hinc fit vt ſumma cum ratione in curatione hæmorrhoidum, vna ſemper ſit relinquenda, vt per eam effluuium fœcalis ſanguinis poſſit expurgari, monente ſic Paul. lib. 6. cap. 79. & annuente Celſo lib. 3. cap. 7. Si verò Aëtius tetrab. 4. ſerm. 1. c. 5. videtur Hippocrati, & Galeno contrarius, hæmorrhoides omnes nulla ſeruata occludere conſulens, eum ex aliorum mente loquutum arbitraberis; de qua re lege Valleſium lib. 8. controu. c. 6. Altimar. lib. de curand. human. corp. malis, cap. 76. Sic Arcippus apud Hip. lib. 4. epid. n. vlt. cum haberet hæmorrhoidas, à curatione prohibebatur, curatus inſaniit. Summa ergo cum cautela cohibendæ ſunt, aliàs vel grauiffimi morbi contingent, vel natura tanta nigri ſanguinis copia grauata per alium locum minùs commodum; eum expellere conabitur. Scribit enim Amatus loc. cit. & cent. 2. curat. 13. Ioannem Baptiſtam propolam, & Angelum de Prato, ſanguinem copioſum per hæmorrhoidas emittere conſueviſſe, quibus cum multa peracta eſſent auxilia, ex toto cohibitus fuit, ita vt ineunte vere per os ſanguinem abſque ruſſi & febre, ſubſtaum, & nigrum multum coaceruatim emitterent, qui deinceps ad apertis hæmorrhoidibus ſanati ſunt.

Si verò menſtrua ſupprimantur, aut hæmorrhoides, quarum vacuationum beneficio mortales vitam morbis minimè impediram agunt, illicò hæ vacuationes reuocandæ: nam vt optimè notabat Auic. 4. 1. c. 3. in fin. Cum ſuppreſſio alicuius vacuationis fuerit cauſa morbi, reuerſio illius ſecundum plurimum illi medicabitur. Quapropter ſi menſtrua cohibeantur, & morbi fiant, iuxta dictum Hipp. 5. aph. 57. & Ariſt. lib. 2. de generat. animal. cap. 4. maxima cura adhibenda eſt, vt menſtrua prouocentur: hanc enim fuiſſe ſpem illarum mulierum, inquit Hippocrates lib. 6. epid. ſect. 8. com. 42. quæ ob menſtrui retentionem in viros conuerſæ ſunt, vt effœminarentur, menſtruaque purgationes naturaliter redirent: ſed cum Medici variis auxiliis tentatis, ob magnum à naturali ſtatu reſeſſum, nihil proficerent, breui tempore perierunt: non enim menſtruus ſanguis recurrens ſolùm à morbis præſentibus liberat, ſed eos anteuertit; nam decubitus, in quibus facta tollit, hac antè facta prohibet, ſic monente Hippocrate lib. 6. epid. ſect. 3. text. 40.

Communiffimus ergo ſcopus in prouocandis menſtris eſt, vt ſanguis reddatur fluxilis, & curſus eius reuocetur: at quoniam hoc commodè perfici nequit, niſi cauſæ auferantur, idcirco omni ope eas ſubmouere nitendum eſt. Deinde ad viſcera referenda accedere oportet. Quibus autem præſidiis id præſtare poſſimus; ſatis doctè explanarunt, qui in curanda retentione menſtruum primas tenent; nam præter Gynæciorum auctores, Mercatus lib. 1. indicat. 15. Maſſaria, Rodericus à Caſtro, Heurnius, Varandæus, & Sennertus antecellunt, cum Moxio, qui in curandis fœminarum morbis ſtrenuam operam nauarunt.

Accidit tamen multoties, vt menſtruo ſanguini excernendo ita pertinaciſſimè aſſueſcat natura, vt ſi præſidia adhibita non proſint, illa corpus ab imminentibus malis tueatur, ſanguinemque regurgitantem per alia loca eliminet, maximo cum hominum commodo. Quare ſanguinem excernit menſibus ſingulis per angulos oculorum, aures, nares, os, dentium foramina, ſputum, vomitum, veſicam, hæmorrhoides, ſedem, mammillarum vbera, vmbilicum, minimum, & annularem manus digitum, inſiſtum vulnus, è quibus locis naturam vtiliter menſtrua excreuiſſe, fidiſſimi auctores memoriæ prodiderunt, quos citant Marcellus Donatus lib. 4. de hiſtor. mirabili, cap. 19. & Ioannes Schenkſius lib. 4. obſeruat. tit. de menſtris. & nos per vmbilicum, gingiuas, & inguina, menſtrua binis fœminis erupiſſe vidimus, lib. 2. de praxi medica admiranda, obſeruat. 100. 101. 102.

Quid de ſuppreſſis proferam hæmorrhoidibus, quas eſſe illicò prouocandas, vacuato ſanguine melancholico, Saphænæ ſectione, atram bilem expurgantibus, recta victus ratione, harum venarum apertione, fontanellis in cruribus affixis, & aliis præſidiis, auctores non contemnendi ſuaſere, qui de prouocandis ſuppreſſis hæmorrhoidibus curationem inſtituunt. Idcirco humorem hunc melancholicum vacuare oportet audacter ſecta ſaphæna, quum melancholici plenius ſint vacuandi, ex Gal. lib. de curand. rat. per ſang. miſc. cap. 10. melancholici enim ſanguinem multum calidum habent, ex Galeno ſect. 3. lib. 3. epid. com. 70. de quo argumento fuſè ſuprà ſumus loquuti in com. hiſtor. 78. Loco venæ ſectionis vtiliter aperiantur harum venarum ora hirudinum ope, mordentibus & acerbis medicamentis, vt ſucco cæpæ, foliis viridibus perdicij herbæ, mercuriali trita, felle bubulo, foliis ficus, panno aſpero, ſucco centaureæ minoris, braſſicæ marinæ, felle porci, & aliis, præmiſſo tamen aliquo leniente decocto. Victus ſit calidus & humidus. Fontanella etiam huius vacuationis defectum mirè ſupplet, & maximè ſi fœmina ſit, cui ſuppreſſa ſint menſtrua. Prouocant etiam ſuppreſſas hæmorrhoides clyſteria acria; ſuppoſitoria ex hiera ſuper aſpero puluere aloës. Lege Hieronym. Fabric. Hildanum lib. de valetudine tuenda, in fin. & Alphonſum à Cruce opusculo de melanchol. obſ. 6.

Sicut autem vacuationes ſuppreſſæ hydropem accerſunt; ſic etiam nimium excurrentes, exhausta nimia ſanguinis copia, hunc affectum concitare queunt: eum enim calor noſter in ſanguine perſeuerantiam habeat, quid mirum ſi ex hac ſuperflua nectaris viuifici, cuius præſentia recreantur partes, vacuatione, minuatur natiuus ignis, frigeſcat iecur, & deſtitutum ſanguificationis munere hydropem creet? quippe ex hac immodica vacuatione corpus frigidius, ſiccus, & mille aliis morbis implicatum euadit: nam eneruantur vires, vitiatur concoctio, inappetentia contingit, oritur ſyncope, ſœdus totius corporis habitus accidit, color cutis cum virore albicat, molleſcit caro, crura vacillant, oculi tument, laxatur facies, & alia ſigna accidunt relata ab Auic. 21. 3. tract. 3. cap. 2. Galen. 6. de loc. cap. 5. quæ omnia ex natiui caloris imbecillitate euenire non eſt dubitandum. Cur autem immodica menſium, aut hæmorrhoidum ſuppreſſio, aut nimia vacuatio tot damna afferat, eleganter oſtendit Alzarius à Cruce lib. 1. centur. cap. 3.

Hæc, & alia grauiffima mala ex hæmorrhoidum nimio profluuiio oriri non incertum eſt: nam & deformitatem, & miſeram vitam hæmorrhoides inducunt illam quidem propter

propter coloris totius corporis vitium ex euacuatione succedens : miseram verò vitam propter corporis debilitatem. Quandoque etiam periclitantur sic affecti, quum ob excedentem vacuationem, perfrigeratum hepar, aquam intercutem operatur, Aëtio teste, *teirab. 4. serm. 4. cap. 64.* Quibus verò auxiliis exuperans ex vtero, aut hæmorrhoidibus fluor sit compescendus, & hydrops ab hac causa subortus curandus, veterum, & iuniorum doctissimi passim tradiderunt. Lege Mercatum *lib. 1. indicat. cap. 14.*

## HISTORIA CXVII. RHASIS, De hydrope.

Hydrops, victu attenuante, & aliis auxiliis, curatus.

**D**ico quòd hoc regimine curari hydropicum in atate perfecta consistentem, dando ei in potu semel in quadri- duo, de aqua cucullæ recentis rotulum unum, cum drachmis x. succhari albesar, etiam dando ei interim de trochiscis de berberis, lacca, & ari, & emplastrando hepar cum glutinatis, & faciendo eum uti exercitio, & paucò potu vini, &c. Rhasis *lib. 1. continent. tract. 19. cap. 1.*

### P A R A P H R A S I S.

**H**ydrops affectum esse notissimum, & ab omnibus auctoribus ubique descriptum, frigidum, utpote ex frigida hepatis intemperie ferè subortum, norunt vel ij, qui prima medicinarum rudimenta primis labris degustarunt. In eo adesse huius visceris debilitatem insignem, obstructionibus multis comitatam, à qua huius lævi mali origo deducitur, nullus ignorat. Adesse flatuum, succorumque crudorum copiam plurimam à debili calore pronatam, concedunt omnes. Cumque innatus ignis nimia humorum frigidorum copia sit obrutus, subitam auxiliorum, eamque confertim factam administrationem ferre nequit; si enim hæc simul exequi intendat, flaccescit ipse in opere languidior, assiduo medicamentorum usu imbecillis factus.

Quare per epicrasin curationem instituit hic auctor: factique prius, ut par erat, vacuationibus vniuersalibus, ad ceteras complendas indicationes accessit. Nam postquam victu attenuante usus est, qui in hac ægritudine propulsanda primas tenet, sine quo nullus alius morbus frigidus & humidus, nec hydrops rectè curari possunt, ut docuit Galen. *lib. de attenuante victus ratione. cap. 1.* ad reliquos curationis scopos sermonem direxit. Sunt autè hi, totius corporis nimio humore madentis exiccatio, paulatina aquæ per ventrem solutio, urinæ, & sudoris prouocatio, obstructionum per ea quæ infarctui liberant curatio: hepatis, per ea quæ viscus roborare solent, & intemperiem remouere, reductio. His scopis curationem huius atrocis morbi perfici, præsci vnanimiter docuerunt.

Hos omnes compleuit Auctor *hoc in loco.* Et quod ad regimen attinet, iubet uti victu sicco & calfaciente quod intelligi debet, plus aut minus, pro ratione febris: ita enim & humor nimius præter naturam collectus absuitur, & intemperies corrigitur: omnibus enim hydropicis commune est, frigidis succis, & crudis abundare, seu pituita, seu aqua, seu flatu, seu omnibus, ob innati caloris in hepate debilitatem. Quapropter à iurulentis, humidis abstinendum. Nauticus panis pro usu sit, cui inter pinfendum semina marathri, & anisi sint iniecta, quæ ad flatus discutiendos sunt aptissima: nam in ascite, perinde atque in tympania, tum aquosus humor, tum flatus abundant. Carnes sint auiculæ parvæ, & in dumeris agentes, assæ potius quàm elixæ, turdi, turtures, columborum pulli, merulæ perdices, quarum iuscula aliquando in parua quantitate propinanda, alterata prius radice apij graminis, fœniculi, ciceribus rubris, lauere seu sio, quod urinæ prouocandæ

est eximium, auctore Dioscoride, *lib. 2. cap. 120.* Demum victus sit excalfaciens, & exiccans.

Quo factum est, ut potus aquæ interdicatur omnino, si fieri potest; sin minus, quàm minimum vini sumentum est, cuiusque meracissimi; neque enim optimum consilium est aqua vinum diluere, quod non solum ab illius potu, verum ab aspectu interdicendi sint ægri, ut scitè docuit Auic. *14. 3. tract. 4. cap. 13.* Nam præterquam quòd aqua sitim potius auget, quàm extinguit, nitrosa, falsaque redditur, sitimque intensiorem facit. Quapropter rectissime ab Hipp. dictum *4. acut. 111. ut hydropici quam minibant*: quoniam, ut Gal. aduertit in *com. hic* viuendi modus calefacit, & exiccat, cuius vi aquosi humores absumentur: quare Celsus *lib. 1. cap. 21.* largiorem potum illis interdicit, quàm qui vitam sustineat.

Post dietam, hydragoga secundum locum obtinent, quæ aquam, ferosamque superfluitatem expurgant; quæ cum ventriculo, hepaticque sit propinqua, tenuis, & ad educendum prompta, coquenda non est: nam *serofos*, & *tenuis humores inter initia vacuabis*, monente Galeno *lib. quos, quib. & quando, cap. 4.* Sunt enim aquæ in modo substantiæ omnino similes, & idcirco incoctiles vacuandi. Sed cum multa sint huic vsui vtilia, ut gratiola herba, succus radicis bryoniæ, sambuci, ebuli, cucumeris asinini; oleum vitrioli, radix Mechoacana, stibium præparatum, soldanella, & alia passim ab auctoribus celebrata, quæ inter omnes referunt Alphonsus Morecottus *tract. de simpl. medicam. tit. de hydrope*, Claudinus *lib. 2. de ingressu ad infirmos, c. 14.* VVierus *lib. obseru. de hydrope*, ex quibus electuaria, potiones, vnguenta, cataplasmata, pulueres, tabellæ, apozematæque parari possunt: tamen aqua cucullæ recentis, ad educendam aquam est præstantissima; sed loco (*cuculla*) legendum est (*cuscutha*). Hæc enim planta est capillaris, sine foliis, reliquias plantas inuoluens & enecans, flores edit albos quàm plurimos, à quibus semen tenue prodit. *Cassutha*, siue *cascutha* ab aliis appellatur. Excalfacit ordine primo, siccaturque secundo, abstergit, & quadam cum adstrictione roborat. Iecoris obstructiones aperit, infarcti lienis vitia expedit, venas pituitosis ac biliosis exonerat humoribus, urinam pellit, & regio morbo opitulatur, si Auic. fides est adhibenda, *lib. 2. tract. 2. cap. 138.* Ruel. *lib. 2. de natur. stirp. cap. 131.* Sed diuturno usu ventriculum granat; quæ tamen noxa tollitur, si anisi momentum adiciatur. Exhibetur absinthio permixta, in quem usum decoquitur, & bibitur eius decocti libra, cum sacchari sesquuncia.

Huius aquam ab herba recenti extractam propinare consultius visum fuit, permixtam cum drachmis decem Succhari Albezar, quod alij vocant *Alhazar*, siue *Alhazar*, ut Bellunensis castigat. Verumenimverò quòd Alhazar apud Arabes sui generis arbor sit, & ab arundine maximè differat, & quòd eius saccharum, quamuis ab Auicenna, manna dicatur, quod fortasse granulis concresecat mannae similibus, ex rore haudquaquam fiat, sed gummi modo ab arbore distillet, manifestè ostendit Serapio *cap. 50.* sub his verbis. *Alhazar habet lata folia, & habet saccharum quod egreditur ab oculis ramorum suorum, & à locis foliorum eius, & colligunt de eo homines rem conuenientem, & in saccharo eius est amaritudo, & egrediuntur ab hac planta, mala quadam, sicut testiculi camelorum, è quibus liquor quidam emanat adurens, sepricaque facultatis, ad cauteria per idoneus: & lignum quidem Alhazar est leue, crassum rectum, palchrumque.* Hæc Serapio. Sed cum hoc sit fortissimum, calidissimumque medicamentum, ad huius effrænem vim temperandam, lac camelæ permiscere, salubre est, ut Auic. *lib. 2. tract. 2. c. 756.* de Succharo Alhazar manifestè edocuit. *5. Confert hydropisi cum lacte camela nouiter factæ, &c.* Hoc enim lac huius medicamenti malitiam corrigit, & attemperat, humorem aquosum etiam expurgat, & abstergit, & hydropi opitulatur cum proprietate sua, ut latè ostendit Auic. *14. 3. tract. 4. cap. 13. in med.*

Quum tamen auxilia non profunt, & summa necessitas cogit plures ad extrahendam hydropicorum aquam variis ingeniis uti solent. Alij crura, coxæque scarificant tenuiter, sola cute leuiter perforata, ut materia illa aquosa, quæ

in ventre inferiori, & in ambitu totius corporis sita est, A sensum vacuetur, quo praesidio hydropicum iam iam moribundum se perfunctum gloriatur Nicolaus Massa 21. *epist. volumin. primi*. Cumque natura per inferiores partes saepe aquosam materiam detradat, auctoribus Scholiographo Holler. *lib. 1. ad cap. 39. de morb. intern.* Vido Vido *lib. 10. cap. 5. de curat. membrat.* Alexand. Benedicto *lib. 15. de curand. morb. c. 40.* qui effusa aqua ex praecisis vnguibus, per pedes, & ipsorum digitos, plures hydropicos immunes euasisse contestantur. Idcirco veterum, & iuniorum praestantissimi, excitanda esse in cruribus vesicatoria, phoenigmos, vitiones, scarificationes, & fontanellas sibi persuadent; & non immerito, nam praeterquam quod ferocum humorem clementer exhauriunt, naturam irritant, & prouocant, vt humorem aquosum deorsum detradat.

Si natura non satagit aqueum hunc humorem extra corpus depellere per aliquam viam, quam ipsa cum valens est excernendis superfluis succis saepe destinata, & parat, tunc hydragoga superius relata vsurpanda, quibus addendus cortex radices frangulae, quae incidit, detergit, & coagulata, obstruentemque substantiam resolueret, solutamque per urinam, sudoremque propellere potest. Haec enim medicamenta non solum internos, sed externos corporis meatus aperiunt per alium, & sudorem mouent.

In hunc sensum dixit Auic. *loco supra citato, de curatione hydropicorum. In ascite purga reues*. Hoc opus clementer complent squinanthum, cinnamomum, asarum, mastiche, absinthium, anisum, fœniculum, spica nardi, aristolochia longa, petroselinum, caryophylla, crocus, rhabarbarum, calamus aromaticus, quae omnia in aqua graminis decocta, addito melle, & puluere diacurcumae, potenter hepar roborant, & mouent urinam. Idem etiam efficiunt semen viticis, cicera rubra, semen hyperici, calamintha, pulegium, quae omnia si in vino, vel decocto rubrae coquantur, addito anagallidis caeruleae succo, plurimam afferunt commoditatem.

Aqua terebinthinae Chymica arte extracta, vtilissima est, sicut eius oleum, vel pilulae ex ipsius puluere cum rhabarbaro, aut puluere diarrhodonis paratae, quod medicamentum in abstergendis partibus interioribus, vacuandoque humore per alium mucoso & lento praecipuum locum tenet. Vel si ea in bolum cum speciebus diarrhodonis redacta vtaris, plurimum commodum aegrotanti afferes.

Trochisci dialacca, diacurcuma, syrupo aliquo permixti summe profunt, sicut vocati de absinthio, de rhabarbaro, & de eupatorio; ex quibus cum conserua zingiberis, anthis, citri, eringij, additis diacymino, dianiso, diagalanga, diacinnamomo, parari potest electuarium huic vsui maxime proficuum, quibus si addas theriacam, & mithridatium, euadet praestantissimum: vt notant eleganter Curtius Marinellus in sua *Pharmacopœa, in fin.* & Calpurnius Pileterius in suis *synonymis plantarum, littera E. xii. de Eringio*.

Quare ex arte faciunt Hippocratica, qui ad euacuandam aquam peracentesi vtuntur in hoc morbo. Extat oraculum Hippocratis *lib. 6. epid. sect. 7. text. 11.* in hunc modum: *Tabescentes statim vrere, hydropicos citius secare oportet*. De hac magna fuit inter veteres contentio, apud Caelium Aurelium *lib. 3. tardar. passion. cap. de sectione hydropicorum*, aliis vituperantibus, aliis laudantibus id genus curationis. Qui contemnebant, plurimis rationibus nitebantur. Prima, quod peritonaeum neruosum cum sit, non ferat citra periculum punctiorem, aut sectionem vllam: maxime cum non tam facile fiat, quin secetur vllum intestinum. Accedit, quod aquaeeductio non videatur tollere affectionem, sed symptoma, cum non tollat hepatis intemperiem. Vltimo, quod periculum maximum sit, ne effusa tota aqua, vacuato etiam spiritu, moriatur homo.

Horum rationes dissoluunt ex professo Holler. *lib. 6. aph. com. 27. & lib. 1. de morb. intern. c. 37.* & Aurelianus se vidisse quosdam, qui sectione euaserant, testatur. Quare ap-

probanda est curatio haec, qua etiam Hippocratem vsu fuisse constat, & plures seruatos refert Holler. *loc. cit. edoctus à Gal. lib. 6. aph. 27.* qui hoc auxilium vehementer probat, seruatis praecipue conditionibus, quas tradit Paul. *lib. 6. cap. 50.* imperans apertionem fieri ad latera vmbilici, qua parte illa vacua, & inania sunt, & muscoli ferè excarnes. Dummodò hydropicus in tabem non inciderit, vires sint languidiores, febris adiuncta, viscera habitualiter affecta, interna putredo ingens, ex aqua nimium putrefacta contracta. Hoc tempore interaneis corruptis si sectionem tentes, nihil aliud facies, quam exhaustis spiritibus cum effusa aqua, corpus moribundum citius interficere. Quapropter temeraria est tunc curatio haec, quo tempore nihil aliud fit, quam quod quae tempestiue suscepta contulissent, celebrata seriùs infamantur auxilia. Ne ergo mire ris, ferè hoc celebrato praesidio plures occuluisse, quum seriùs tentetur semper, quando iam hectica naturalium partium intemperies adest, & morbus temporis diuturnitate factus incurabilis, & desperatus, omnino vicit naturam: nam si tempestiue fieret sectio, & statim in initio morbi, antequam aquae colligeretur plurimum, & hepar valde intemperatum esset, nullo periculum eorum quae alij timebant, erat accessurum. Quo verò loco celebrari debeat paracentesis, certatum est apud Iuniores. Albucasis, Rhafius, Mesuè *cap. de hydrope*, Paul. & omnis prope modum Medicorum schola, hydropicos, paulò infra vmbilicum secant, & ad latera, alij ex aduersa parte visceris affecti. Laurentius *lib. 1. de re anatomica. quest. 16.* rationibus validis, firmissimisque experimento munitus, commodius per medium vmbilicum celebrandam esse contendit; cuius placitum, illustrium Medicorum comprobant observationes, hydropicorum, qui per apertum vmbilicum, excreta aqua, sunt liberati; quas legat qui velit apud Beniuen. *de abdit. cap. 12.* Valleriol. *lib. 4. observat. 3.* Antonium Saportam *lib. 3. de tumorib. praeter natur. c. 22.* Marcel. Donat. *lib. 4. de histor. mirabil. cap. 21.* Tu verò antiquam compunctionem, à priscorum scientissimis traditam sequere, quam decies in vita mea ad salutem celebratam vidi, quae cæteris non conferentibus, aegros tanto malo superflites euasisse sum expertus.

Caue tamen, ne vel hoc auxilio, vel exhibito medicamento hydragogo vacationem moliaris, quin hepar internis, & externis firmes auxiliis. Cuius causa factum est, vt plures educta aqua, vel sponte, vel ab artifice, occumbant, quoniam hepatis debilitas reparari non potuit, vt firmitur proprio experimento Amat. *lib. 1. centur. in schol. curat. 30.* Forest. *lib. 2. de incerto vrinar. iudicio*, Capiuaccius *lib. 3. praxis, c. 19.* Baldin. Ronseus *epist. 2. ad D. Petreum Tyara*. In hunc vsu trochiscos de berberis, & lacca auctor consuluit. Hi enim praeterquam quod hepatis obstructions, & inde ortas febres diuturnas persanant, visceribusque robur conciliant, asciticos vacuant purgando per urinas: in quem vsu oleum è iuniperi baccis inter cætera commendatur, sicut cætera medicamenta, quae huic operi esse proficua probat Holler. *in com. sent. 4. lib. 6. sect. 2. in Coacas*.

Puluis Bufonis vlti potenter prouocat urinam. Celebris est historia apud VVierum *lib. 3. de praestig. demonum, cap. 3.* cuiusdam hydropici, cui cum puluis bufonis in olla vsti ab vxore mala offerretur, copioso reddito lotio, & ventre ab aqua exonerato per vesicam, conualuit: vt etiam retulit Solenander *sect. 5. consil. 15*.

## D V B I V M LXVII.

*Num cantharides hydropi sint ex vsu, & num toto corpore sint venenosa. Contra Lacunam, Amatium, Euchsium, Langium, & Mercurial. doctissimos.*

Cantharides ad prouocandam urinam miro sunt auxilio; nam proprietate quadam urinam mouent & hydropi opitulantur: in quem vsu conceduntur ab Hippocrate *lib. 4. acut. text. 122*. Habent tamen tantam vim erodendi, vt etiam viscera exulcerent, & partes per quas

pertranscunt, ita vt sanguinem fundant; exit autem cum deiectione sanguis, sed semper cum vrina: nam cantharides vesicam solum præcipue lædunt, & canales illi infernientes, simulque renes, quos non mediocriter malignitate sua, veneficæque & acri vi exulcerant, vt auctor est Galenus *lib. 4. simpl. c. 17. & lib. 10. cap. de sero*. Deinde ardorem vrinæ, pruritum in pudendo, intolerabilem mingendi cupiditatem, & venetis stimulos cum pudendi arrectione, & coëundi valido desiderio excitant, vt *lib. 6. cap. 1.* edocuit Dioscorides. Denique tanta est huius animalis contra vesicam contrarietas, & ad prouocandam vrinam, sanguinisque mictum excitandum efficacia, ac potestas, vt non solum potui datæ, sed exterius in cataplasmate mixtæ, imposittæque pubi, coxis, genu, & aliis corporis partibus, hoc opus promptissimè complere natæ sint, vt referunt Montagnana *consil. 182. cap. 10.* Andreas Baccius in *prolegomenis venenorum. & antidotor. pag. 22.* & quod omnem fidem excedit, est, quod narrat Brasauola *com. ad aph. 17 lib. 2.* quendam Vincentium Gremam, rhabbarum in mortario tritutum, in quo cantharides contusæ fuerant, deuorantem, sanguinis mictum cum vesicæ exulceratione passum fuisse. Immo narrant Ioan. Paschal. in *methodo curand. morb. c. 44.* & Claudius Adolphus Occo in  *suis obseruat. quosdam cantharides in bursa, seu pera portantes, aut cauterium ex ipsis paratum, in sanguinis mictum incidisse.*

Miscetur ergo commodè cantharides medicamentis diureticis, vt Galenus docet *lib. 3. simpl. cap. 22.* Immo modicè sumptæ, quibusque oportet admixtæ, non modò nihil offendunt vesicam, sed renes etiam expurgant, vt ipse docet *lib. 4. simpl. 18.* Valascus de Taranta, sic referente Paschalio *loc. cit.* medicamento ex cantharidibus multos laborantes, & anasarca, & ascite sanitati restituit. Hoc ex veterum mente priscorum scientissimi tradiderunt, apud Dioscorid. *lib. 2. cap. 54. de cantharidibus*, qui has subeuntibus curem aquis auxiliari, antidotis ad ciendam vrinam factis additis, iure optimo arbitrantur. Immo plures, eas incorrectas propinant, exemptis solum alis & capitibus, vt ex mente Petri de Argelata refert Sebastianus Cortilio *lib. 3. de apostematib. cap. 11.* sed satius est eas præparatas offerre, & admixtas cardiacis, quæ illarum virus infrænare, & partes roborare queant. Præparantur autem hoc modo, iuxta Valasci Tarantini mentem. *Accipe unam cantharidem absque capite & pedibus, quatuor seminum frigidorum mundatorum, ana unciam semissem, sacchari candi violati, uncias duas, gummi crassi, vel Dragaganti, 3. vj. misce, & fiat admodum pulueris.* Dosis est vncia vna, summo manè. Sed defende vesicam, admouendo ei lac caprinum, vel oleum rosatum tepidum.

Sed pro cantharidum præparatione, varia discurrentibus, versantibusque auctorum monumenta, ostendant se plura, quæ non citra dispendium studiosorum præteriri queant. Igitur non contemnendi auctores, caput & pedes, alij alas abscindendas esse constanter assue-rant: quoniam venenum in illa, aut hac parte esse arbitrantur.

Hippocrates *lib. 4. acut. text. 122.* sic prædixit. *Poculum hydropico: Cantharides tres, abiectionis singularum tum capite, tum pedibus, tum alis, in cyathis aquæ tribus terantur, atque cum bibens laboraueris, calida perfundatur, &c.* Hoc etiam asseruit *lib. de internis affectionib. n. 41. & lib. de morb. muliebrib. n. 94.* quod etiam facit Rasis *lib. 9. ad Almanf. 73.* Gal. in *com. appositæ historia cõtrarium affirmat, dum Medicum inscium & ignarum appellat, quoniam facit quod Hippocrates iussit, nempe vt auferantur caput, pedes, & alæ: cum prædictæ partes non sint abiiciendæ, cum Dioscoride sentiens loc. cit. dicente solum ventrem esse venenosum, & partes extremas esse alexiterias, pro iis qui corpora cantharidum sumpserunt; quod etiam firmat Plinius lib. 11. cap. 35. nec Galen. lib. 11. de simpl. medic. facult. sit. de cantharidibus, ab hac sententia est alienus; eo enim loco scribit, licet cæteri Medici abiicerent pro componendis medicamentis extrema cantharidum, se integras apponere consueuisse: nam in cantharidibus, vt ait Capiuaccius lib. de venen. cap. 11. quædam sunt partes alexipharmacæ,*

A & sunt caput, pedes, & alæ. Hac ratione Paulus *lib. 7. sit. de cantharidib.* has nonnullos Medicos medicamentis vrinam prouocantibus admisuisse affirmat. Ex quibus patere arbitror, vt monet Scaliger *exercit. 184. num. 2.* in hoc animali siccissimo, certis in partibus venenum esse, & in aliis aduersus id remedium, vt in alis. Huic sententiæ firmiter adhæret Costæus *suprà Mesuem dist. 11. tract. de vng. sit. de vnguento ex cantharid.* Quæ ergo parte venenum illud vesicæ tantopere aduersum lateat, nondum constat apud auctores: Lege Andreæ Cæsalpin. *lib. 3. de ven. c. 11.*

Viderunt controuersiam istam eximij medicinæ professores. Lacuna in *en. cap. Discorid.* Amatus *eodem loco.* Langius *lib. 1. epist. 47.* Fuchsius *lib. 1. paradox. 3.* Mercurialis *lib. 1. de morb. venenos. cap. 14.* Primi antinomiam difficultate perterriti, eam insolutam reliquere. Tertius, & quartus diuersas Galeni, & reliquorum sententias proponunt, sed hanc pacem componere non tentarunt. Mercurialis asserit venenum horum animalium esse in toto corpore, sed in capite, pedibus, & aliis plus esse exitiale, ac deleterium. Roborari potest sententia hæc: nam Rasis *citato loco* alas abiecit, & Nicolus *serm. 4. tract. 4. cap. 27.* asserit iccirco Medicos, alas, pedes, & caput cantharidum reiectione, quia sunt magis venenosæ; quo pacto non debemus mirari Hippocratem præcepisse, vt abiicerentur.

Sed sum ego alterius sententiæ, cum sæpissimè viderim plures, eas cum alis, capite, & pedibus deuorasse ad coitus illecebras, pharmacis permixtas, quæ illarum virus obtendere possent. Quare solum illarum ventrem esse venenosum, cum Galeno existimo. Hic enim *loco citato de rat. viat.* taxauit Medicum abiicientem alas, vocauitque audacem, quoniam auctoritate textus persuasus, id exequutus est; cum apertè constet ex Galeno in *proem. lib. 4. acut. & 2. acut. 38. & lib. 4. com. 5.* in quarto hoc libro à multis plurimas esse interiectas sententias, & Galenus suggillat manifestè auctoris dictum in *com. &* hac ratione Mercurialis ipse, hanc sententiam inexplicitam reliquit. Libri verò de *internis affectionibus, & morbis muliebribus*, spurij sunt, stiloque Hippocr. indigni, ex Galen. *2. acut. 38. & lib. 3. de artic. com. 18.* Rasis verò alas abiecit, quoniam hæc extrema, magis sunt excrementosa, & acria. Ne ergo miremur Nicolum, qui sequutus auctorem *lib. 4. de rat. viat.* contrarium asserere ausus fuit. De hac contradictione lege eruditissimum Nicolaum Rotarium in *contradict. 30. Galeni, & Scuerinum Eugalenum lib. de scorbuto, tit. de hydropo scorbutico.*

Inter hydragoga medicamenta primas tenet Therma-lum aquarum potus, vt refert Vidus Vidius *lib. 10. de curat. membrat. cap. 5.* qualis est Terucciana ex Valle Nebulensi, & Porrectanea ex agro Bononiensi: sed omnium præstantissima est in hoc casu Spacensis, seu Spadana, quæ multis morbis, hydropicis tamen vel confirmatis certam salutem pollicetur. Hæc enim redundantem aquam in abdomine per vrinæ vias deducit, & ventriculo, iecori, ac cæteris partibus naturalibus amissum robur mirificè restituit, ac restitutum adeò confirmat, vt homo post eiusmodi aquæ vsum pluries quotidie repetitum, deperditam prorsus recuperet sanitatem. De cuius præstantia pro hydropo sanando, lege Vidum Vidium *lib. 10. de curat. membratim, cap. 5.* Illius mirificam vim explicuit Henricus ab Heer Tungrus, libello proprio, de admirandis Spadanarum aquarum facultatibus.

Cætera lege apud auctores, qui proprium caput de hydropo conscripserunt. Hadrianus à Mynsicht in *suo thesauro Medico chymico, sect. 3.* Specificum hydropicum describit, de quo pro ascite, & melancholicis morbis, cæterorum Chymicorum ritu, montes aureos pollicetur; sed hoc cum iam sit recitatum à Paracelso, Crollio, Libauio, Vlstadio, & aliis, & Chymici apud Galenicis Medicos sint ridiculi, qui vno spreto Hippocrate, medicinam ex spiritibus vitæ construunt, idcirco horum nugas flocci facio, parui pendo, qui omnes ægros suis magisteriis, hoc est vno calopodio perfanare conantur. Quo pacto demiror Sennertum, virum aliquin artis Galenicæ amantissimum, qui forsan in gratiam suorum Germanorum, pacem inter Chymicos, &



& Galenicis conciliare tentauit, cum ij nullam inter se A  
admittant.

Summe etiam necesse est sudores excitare, iis quæ se-  
rosam substantiam resoluunt, solutamque per habitum  
corporis propellere queunt. Hoc beneficium præstant  
balnea naturalia, præsertim sulphurea, licet salsa, &  
aluminosa sint etiam ex vsu. Si desint hæc, confugien-  
dum ad euaporationes factas ex aqua, vino, in quibus  
prius medicamenta discutiencia coquantur. Vel fiat bal-  
neum artificiale ex arena, sale, milio, tritico. Commodissi-  
me exhibetur triaca maluatice dissoluta, cuius potu,  
ægro bene cooperto prouocetur sudor. Decoctum ligni  
sancti, smilacis asperæ, radicis Chynatum, & ligni vocati  
salsastras, est præstantissimum, ex omnium decreto, & ad-  
uertit Amatus lib. 1. centur. 90. quo præsidio sanatum  
fuisse, asciticum desperatum narrat Valleriola lib. 2.

obseruat. *gualtero* *lib. 1. cap. 1. de* *hydrope* *lib. 2. cap. 1. de*  
Glementer iecur roborant, & humorem per sudorem,  
& urinam mouent Trochisci de Rhabarbaro quorum  
ope Ducem Mediolanensem curasse gloriatur Matthæus  
in comment. cap. 9. lib. 9. Rhas. ad Almanfor. Sed cum viscera  
in hydropicis scirrholia sint, crudis humoribus repleta,  
flatu distenta, & flaccida, oportet exhibere quæ viscera  
deobstruant, In hunc vsum Trochiscos de Aro assumen-  
dos imperauit Auctor, hoc in loco. Ari autem radix ha-  
bet facultatem deobstruendi, & incidendi, auctore Aui-  
cenna lib. 2. tract. 2. cap. 439. Nostri syrupos deobstruen-  
tes, euacuantes, aperientes parant, qui aquosos humo-  
res expellere, vnâque viscera roborare nati sunt, quo-  
rum formam descripsimus lib. 2. de praxi medica admi-  
randa, obseruat. 62. Hæc medicamenta alternis diebus  
exhibentur: cum enim vires debiles sint, frequentem va-  
cuationem ferre non possunt: neque humores crassi impetu-  
ose sunt mouendi, sed paulatim coquendi, & paulatim  
euacuandi.

His omnibus completis, necesse est de robore hepatis  
nos esse sollicitos, emplastrando (vt loquitur Auctor)  
apsum cum glutinatiuis, hoc est, adstringentibus, & quæ  
robur visceri indere possint. De horum classe censetur  
vnguentum rosaceum, santalinum cum puluere spi-  
cæ nardi, schœnanthi, absinth. Styrace calamit. per-  
mixtura: non enim oportet humorem peccantem solum  
respicere, sed omni ope, naturæ viscerumque robori at-  
tendere opus est. Taxat enim Galenus sui temporis Me-  
dicos lib. 1. de humor. sect. 1. cem. 12. in med. quod solum de  
vacuando humore erant solliciti, nulla de particulis ro-  
borandis consideratione facta: sic enim ait. Quo pacto D  
cernere est commune Medicorum erratum, quod in plerisque  
affectionibus plerumque committitur: nam quod superna-  
cium est, euacuatur illi quidem, sed tamen ne ei quod vacua-  
tum sit, persimile gignatur, nullo modo sibi curandum pro-  
ponunt, &c.

Sed vt partes in vigore persisterent, exercitium sum-  
mopere commendauit, sequutus Hippocratem lib. 5.  
epidem. num. 27. dicentem, Hydropicum oportet defatigare:  
hoc est, necesse est hydropicos plurimum exerceri, &  
laborare; exercitium enim natium calorem auget, cru-  
dos succos absorbit. Attamen cum modo quodam exer-  
cendum corpus, vt ne magis, quàm ferre possit, debili-  
tetur; magna enim est exercitij vis atque potestas, cu-  
ius ope dilatantur viæ, referantur meatus, vacuantur  
excrementa, auferuntur obstructions, resoluuntur fla-  
tus. Firmantur rursus facultates vini potu, quod præ-  
terquam quod nutrit, hydropicis summo est auxilio: nam  
crassos succos attenuat, frigidam intemperiem sanat,  
prouocat urinam, & sudorem. Potum eius paucum of-  
fert: nam cuiuscumque liquoris potus nimius humectat,  
& in hydrope exiccantia iuuat. Album tenuè imperauit  
Hippocr. loco cit. vt facilius secederet per urinam. Huius  
tanta est facultas & præstantia, vt hydropicum desperatum  
eius potu fuisse sanatum, asserat, ex mente Alberti,

Nicolas ferm. 5. tract. 5. cap. 25. De victus.  
materia lege Celsum  
lib. 3. cap. 21.

## HISTOR. CXVIII. GALENI, De hydrope.

### Hydrops, venæ sectione sæpe curatur.

Go autem non hæc solum, sed & spasnum, hydropemque  
sanguinis missione sapius sum medicatus. In hunc enim  
modum erudiuit me tum longa experientia, tum ratio ipsa,  
quæ mihi suggessit vt occasionem ipsam, eiusque momentum  
sic inuestigarem, &c. Galenus lib. de venæ sectione aduer-  
sus Erasistratum, cap. 5. in fin.

### P A R A P H R A S I S.

Galenus ex professo empiricos, hæmophobos vt me-  
rito redargueret in hoc capite, primò ab ipsius naturæ  
opere, desumpto testimonio mulieres cunctas sanguine  
superfluo foras effuso singulis mensibus euacuantis, vsus  
est. Deinde rationalium Medicorum exemplo, & experi-  
mento, suum placitum roborare conatur, qui non solum in  
allatis calidis, inflammatoriisque morbis, vt angina, plen-  
titude, & aliis internis inflammationibus sanguinem emit-  
tunt, sed in frigidis, aliisque affectibus ex multitudine sub-  
ortis, cum summa cum virilitate exhaustiunt frequenter, &  
vt sententiam suam fulciret amplius, duos frigidos affe-  
ctus ponit in propatulum, in quibus videtur eliminandum  
auxilium hoc. In hoc ergo si conuenit, cur in aliis à tenuis-  
simo, feruentissimoque humore pronatis interdicetur  
quod negabât aduersarij, accerrimi venæ sectionis hostes,  
clàm Galenum lacerantes, & aculeis pungentes, dira rabie  
perciti, & inuidia. Affectus autem frigidi sunt spasmus  
& hydrops.

In spasmo celebrandam esse venæ sectionem, non ita  
tamen vniuersum, vt exigit affectus, testis est locupletissi-  
mus Galenus lib. 1. ad Glauc. c. 14. in initio. Sed neque si quis  
simul, & distentione nervorum laborauerit, & sanguinis egue-  
rit missione, huius tantum semel mittere oportet, quantum exi-  
git morbus, sed aliquid etiam accidenti est relinquendum, cuius  
causa sæpe sudores eueniunt, & vigilia molestant, & vires  
egri debilitantur, &c. Hanc sententiam omnes postea con-  
firmarunt, veterum, & iuniorum eruditissimi, præsertim  
qui in medendis humani corporis malis primas tenent, af-  
feruntque eam esse veram, ob causas multas quas latè ex-  
pendunt Iacchinus in lib. 9. ad Almanf. cap. 13. Altimar.  
lib. de morb. curand. cap. 13. Christophor. à Vega lib. 3. art.  
medic. sect. 1. cap. 21. Vidus Vidius de curat. membrat. cap.  
4. Mercat. lib. 1. de morb. intern. cap. 15. & alij. Hoc tamen  
intelligas, velim, dummodò à plenitudine conuulsio oria-  
tur, nam quæ ab inanitione originem ducit, adiectione, &  
non vacuatione curatur.

### Q V Æ S T I O LVII.

Quod in omni hydropis specie interdum sanguis  
possit emitti. Contra communem  
Medicorum sententiam.

DE hydrope maior est cōtrouersia. Hippoc. lib. 4. acut.  
dixi. 111. in hoc affectu commendat venæ sectionem,  
si difficulter spirauerit æger, fueritque anni tempus vernum,  
& vigerit ætas, viribusque fuerit valentibus. Galenus eius  
dictionē approbat in com. dum sic ait. Quod solus anasarca  
est, quem & insanabilem prætermisit. Nempe hic solus, cum  
incipit, æger interdum sanguinis detractione, cum scilicet ex re-  
tentione vel hæmorrhoidum, vel muliebrium, vel ex quapiam,  
quæ ita plethorica sit causa, inceperit. Tympaniam verò, & af-  
citem nullus per sanguinis missionem sanare est ausus: nam li-  
cèt anasarca ex sanguine frigidioris oriatur, & frigiditatis ra-  
tione illa non indigeat: tamen quoniam copia detractio natu-  
ram leuat, vt hæc minorem illam effectam faciliè superet, non  
alienū immo rationi consentaneum est, venæ sectione vri: cum  
enim innatus ignis extinctioni proximus sit: nisi copia exhau-  
riatur, ipse onere pressus peribit: quemadmodum enim ignis propè  
L1 exinguitur

*extinguitur immixtis lignis tum humidis, cum multis, nisi quis multitudinem sustulerit, sic & in frigidioribus ob copiam sanguinis, ubi calor natiuus suffocatur, presentissimum est remedium sanguinis missio.*

Hæc est Galeni sententia, quam Principes sunt amplexi, & iuniores omnes vnanimitè confirmant; qui in hydropis speciebus sanguinis missionem summopere reuocant, & in anasarca libentissimè cum Galeno concedunt, præsertim si ex sanguinis vbertate, suppressis hæmorrhoidibus, vel menstruis, vel quauis alia vacuatione suppressa oriatur: nam, vt 6. aph. 12. Galenus aduertit, ob has causas sanguis retentus, prauus frigidiorque efficitur. Si ergo signa plenitudinis adsint, æger sit sanguineus, iuuenis laborantis natura densior, durior, & ægrè perspirabilis, anni tempus vernum, regio temperata, sanguis pituitæ sit permixtus, ad hanc exhauriendam quæ cum sanguine in venis redundat, saluberrimum est celebrare phlebotomiam: nam natura ab humorum crudorum pondere subleuata, poterit reliquos qui supersunt concoquere, & in sui alimoniam conuèrttere. Maxime cum in anasarca, tanta ac in aliis speciebus, non adsit virium debilitas, & humor sit in venis, vel circa ipsas; quo pacto facilius venæ sectionis vi educi potest.

Galenus longa experientia, rationeque nixus, in anasarca sanguinem esse mittendum sibi persuasit. Ego illius vestigia sequutus, ratione, longoque artis usu munitus, quibus solum confidit tantopere ille in arte nostra, 6. epid. sect. 8. cum vlt. in ascite, & tympanite, aliquando sanguinem mitti posse, constanter affirmo. Adest Hipp. cit. lib. 4. de rat. viſc. qui in tympanite sanguinem emittit. At cum auctor iste dicat (si aër vigeat, & robur adsit:) & Galenus hæc duo cum morbo magno, statuatur sanguinis mittendi scopos, non possum non subscribere huic sententiæ Hippocraticæ, in hydrope ex flatibus, hoc est, tympanite, sanguinem mittendam imperanti: nisi obiciatur hydropem morbum magnum non esse, quod falsum est; nam hydrops morbus est vehemens & periculosus, quoniam partem principem affligit & labefactat: quidquid de magnitudine requisita ad venæ sectionem contentiosè digladiantur inter se Argenterius lib. de morb. dif. c. 7. Augenius lib. 3. de ven. sect. c. 2. 3. & 4. Christoph. à Vega lib. 2. art. medic. sect. 5. c. 2. in init. Massaria, Moxius, & alij.

Auicenna deinde in ascite venam secandam præcipit. 14. 3. tract. 4. c. 13. dum sic inquit. Phlebotomiam verò oportet ut debeat omnis hydropis habens quantum potest, nisi illi qui pariuuntur hydropis ex retentione sanguinis, &c. Ex quibus verbis vnum conficio argumentum. In anasarca orta ex vacuatione suppressa Galenus, & Auic. in cit. loc. cap. 12. sanguinem imperant emittendum, ne præ copia retenti sanguinis calor suffocetur. Sed omnis hydrops à retenta vacuatione oriri potest, vt tenet Auicenn. Ergo in omnis hydropis specie interdum potest sanguis emitti. Hanc vacuationem, vel etiam in tympanite concedit Auicenn. loc. cit. cap. 15. de cura hydropis tympanitis. §. Et phlebotomia quidè non ingreditur in hoc capite, nisi raro, &c. Ergo aliquando celebrari potest. Licet enim nutrimentum viscerum robur exhauriat, & sanguine, nectare partium viuifico, vacuato impensè debilitet, tamen maius damnum minori noxa est redimendum; nam hoc aliis omnibus frigidis affectibus commune est, in iis tamen ob multas causas sanguis emittitur. Sic Auicenn. 4. 1. cap. 20. in fin. in hydropis secatur venam in parte dextra supra hepar.

Deinde Hydrops tympanias ex flatu multò in abdominis capacitate concluso ortum ducit, qui ex imbecilla coctione, cruditate, & minuto natiuo calore genitus, in abdominis membranas magnis torminibus sese infert. Sed in multis morbis qui à flatulento spiritu oriuntur, venæ sectio commodissimè exercetur. Ergo etiam in tympanite aliquando celebranda. Notum autem est apud Galenum lib. 14. meth. cap. 7. in priapismo, quando cauer-nosus neruus, qui propriam colis substantiam constituit, halitioso spiritu impletur, humore subfrigido, glutinoso, ab igneo & aucto calore in halitus crassos dissoluto, vi-

lem & necessariam esse phlebotomiam, ad exuperantem, calorem attemperandum, quam cæteri deinceps commendarunt. Dices, in hydrope læsam esse partem præstantem, nempe hepar. At cum in palpitatione, quæ omnis à statu originem ducit, ex Gal. 3. de sympr. caus. cap. 2. sanguinem emittat, lib. 5. de loc. cap. 5. in qua cor patitur, hinc reipsonsi acquiescere non possum. Nonne in flatulosa vocata melancholia, in qua inclusus status in ventriculo, venis melaëmicis, pyloro negotium faceſcit, sanguinem emittit libentissimè Gal. lib. 3. de loc. cap. 7. vt igneus adurènsque calor, & à sua mediocritate, & naturali temperie deflectens mitescat, & temperetur? Cur ergo si hæc vera sunt, in cæteris hydropis speciebus, anasarca excepta, tantopere à venæ sectione abſtinebimus? maxime cum tympanites, & ascites post arduos, acutæque sequantur febres, vt Gal. est auctor lib. 6. de loc. cap. 1. Cum enim non quicumque calor, sit naturæ operantis instrumentum, sed qui proportionatus est, & commensuratus, si calor noster præ febrili calore efferueſcat & ebulliat, tum minuitur, quia à natiua temperie exorbitat, tum flatus generat, & fit tympanites: quo casu venæ sectio utilis esse potest ad ventilandum.

Insuper. Quis negabit, in ascite adesse obstructions, quarum occasione non transpirat iecur. Sed denegato, ob impeditum transitum sanguinis & spiritus ad membra, refrigerio, gliscit & exardescit, & hæctica intemperie laborat. Sic iecore grauiter affecto, & nimio calore æstuantem, sanguis adurit, & caloris natiui substantia dissipatur ac resoluitur, quibus omnibus innati calori vires infirmantur. Et multoties renes calida intemperie affecti causa sunt, vt vel oriatur, vel semel ortus increſcat denuò, & exacerbetur hic affectus: quum enim sunt imbecilles, & sanguinis aquositate, vt decet, non attrahunt; sit vt per genus venosum vagetur adeò copiosa aquæ vbertas, vt vel calor suffocetur, vel si natura potens sit, per dicta loca ad ventrem aquam protrudat. Quod ergo præsidium præstantius venæ sectione excogitari potest, quum viscera interna exardescunt? Sic Lupeus grauissimus auctor, qui omnia opera Galeni succinctis annotationibus exornauit, in com. 89. lib. 4. de rat. viſc. in ascite, & tympanite, quando ex hepatis æstu & inflammatione, hoc est phlogosi, & ardore interno oritur hoc malum, ex saluarellis sanguinem emittere, ad remittendum iecoris feruorem, consultissimum auxilium iudicauit. Firmat Petrus de Peramato lib. de vacuand. rat. cap. 29. & non siluit expertissimus Mercatus lib. de morb. intern. c. 6. de ascitis curatione. §. Posthabita sanguinis detractione, qua in ascite nulla lege exercenda venit, nisi iecore euidenter inflammato, idque parè, & cauè, &c. nam vt eruditè notauit Iacotius lib. 6. in Coac. Hip. sect. 2. in com. sent. 18. inchoata caloris extinctione, venæ sectione inuatur per initia morbi quando per suffocationem accidit, vt in initio hydropis à suppressione hæmorrhoidum, mensium, aut solemnium vacuationis. Probat in hoc affectu phlebotomiam Ioannes Marquardus lib. 3. praxis, cap. 11.

Denique. Si Galenus lib. de curand. rat. per sang. mis. cap. 12. in crudorum succorum copia sanguinem mittit, venæque sectionem iterandam, vel etiam bis eodem die consuluit, adhibitis prius incidentibus, subtiliantibus, & calefacientibus auxiliis, vt crassus, glutinosusque sanguis extenuatus facilius possit vacuari: cur in ascite, in quo pituitosus humor exuperat, sanguis non emittetur? Maxime si pituitosa plenitudo non est valde remota à sanguinis natura, sed exactè, aut medicriter cum eo permixta, quo casu phlebotomia admittitur ab ipso lib. 4. de sanit. tuend. cap. 4.

Obiicies, & meritò sanè, non posse fieri, vt hoc morbo laborantibus virium robur adesse possit, cum in tanta crudorum succorum copia vires constare nequeant ex Gal. lib. de curand. rat. per sang. mis. cap. 9. quare illud videtur frustra ab Hippocrate præscriptum. Hoc equidem puto, morbo quidem valde progresso, sed in incipiente non puto defuturas vires saltem pro exigua aut mediocri venæ sectione: præsertim cum malum non ingruerit paulatim intemperatis partibus, sed affatim, suffocari incipiente calore à suppressis mensibus, retentis hæmorrhoidibus,

evacuacione aliqua consueta, aut intermissa exercitatione; quo sanè casu missio sanguinis necessariò expetitur. Licet enim frigidus sit affectus, & in hoc nullus sanguinem mittere ausus sit, quoniam calefacientia desiderat, ex Galen. *lib. de rigore cap. 5.* tamen quoniam copix detractio naturam leuat, ut hæc minorem illam effectam faciliè superet, consentaneum est parcam sanguinis missionem tempestivè exercere.

Neque Galeni loca contrarium suadent: Anasarca enim cum incipit, solum indiget venæsectione, subintelligens, in hac hydropis specie, audaciùs & copiosius quàm in aliis esse venam secandam. Nullum verò ascitem, & tympanitem, sanare ausum fuisse per venæsectionem, intellige, per solam venæsectionem; nam hydrops solo hoc auxilio non curatur, quoniam expurgantia desiderat, & deobstruentia. Phrasis est hæc visitata Galeno. Sic enim loquitur, *in lib. 1. meth. cap. 14.* neque putredo, neque obstructio sanguinis missione curatur, hoc est, non sola, quoniam vacuantia, & abstergentia expostulant: aliàs enim evidens esset contradictio, cum *lib. 8. meth. cap. 4. & lib. 11. eiusdem, cap. 4.* libentissimè in febre orta ex obstructione putredine, sanguinem emittat. At si dicas Galenum ex aliorum mente loquutum, totam auferes controuersiam; quod patet per verbum (*nullus*) Neque obstat, quòd ascites superueniat ut plurimum morbis longis, & humor in hoc affectu redundans non ita sit aptus vacuationi, quoniam extra vasa consistit: Si tamen in initio accidat, ubi facultates non adeò languent ex Gal. *1. 2. meth. cap. 2.* non dubito, quin hoc tempore celebrata valde sit profutura: humor enim extra vasa receptus, iterum vacuationis vi ad ea remeare potest: retrocessum enim humoris esse possibilem, in variolis, & morbillis palam fit, in quibus repente acris accursu humor occultatur, & retrocedit, sæpe febres malignas accendens. Probat Gal. *lib. 4. de sanit. tuend. cap. 1. §.* Dum aliquid eorum qui sunt in corpore humorum, remigret ad venas, &c. Aliquando ergo in omni hydropis specie sanguinis missio celebrari debet.

## HISTORIA CXIX. RHASIS, De hydropse.

Hydrops ex frigida potu subortus, medicamento diacurcuma dicto, persanatur.

**V**idi quendam cum exercitio in aestate usque ad meridiem cum abundanti sudore, & nocebat ei. Deinde surgendo sumpsit in potu de aqua frigida subito superabundanter plurius. Sed hoc vitando per triduum, passus est hydropem carnosum, & curatus est cum diacurcuma maiore, & conualuit, &c. *Rhasis, lib. 1. continent. tract. 19. cap. 1.*

### P A R A P H R A S I S.

**E**X intempestiuo frigida potu, præsertim post laborem, aut validum exercitium, non solum grauissimos morbos, verum etiam mortem contingere, *suprà in com. histor. 98.* ex auctorum mente prædiximus. Cum enim nimis exalfacto corpore sanguis fluxilis fiat, hic impetuose agitur, frigidam qualitatem sibi aduersantem fugit, & remeans ad cor, tanquam ad arcem, calorem ipsius suffocat & extinguit: qui si apertis ob laboris vim poris, ad externas expandatur corporis partes, & pusillus in visceribus remaneat, occurrentique frigiditati minimè resistere queat, ab illa superatur, & perit; aut saltem frigore viscera interna penetrante, calorisque motum vi sua impediende ad membra, hæc mortificat, & sic in periculosissimos morbos ex refrigeratione contractos incidunt mortales; præsertim si gelida ab exudantibus hauriatur, ut aduertit Celsus *lib. 1. cap. 3.* & notauit Dioscorides *lib. 6. cap. 33.* qui frigidam abundè epotam, aut merum liberaliùs sumptum, post balneum, cursum, aut vehementem exercitationem, dolores & stragulatus inferre

*Lib. II.*

affirmat. Et Galenus *in comment. de salubri dieta num. 12.* gelidam post exercitium sumptam, nisi calida superbibita, noxa non vacare ait: firmat Auic. *lib. de remouend. nocument. in regimine sanitatis, tract. 3. cap. 99. & 15. & 2. part. canonicor. num. 31.*

Ratio est in promptu: nam frigidum nimium lædit corpora nostra, ex Hippocr. *lib. 5. aph. 24.* quoniam calorem vehementer debilitat, quum illi sit aduersum, ex Auic. *3. 1. doct. 2. cap. 8. & 1. 1. doct. 6. cap. 3.* & nulli functioni sit ex usu, *3. de symp. caus. 2.* immò facultates enervat, coctionem vitiat, cruditatem generat, ex Auerroë *3. collig. 22.* Qua de causa frigida potus frigidos morbos generat, ex Galen. *2. de dif. morbor. c. 3. & 3. de temperament. cap. 3.*

Hinc factum est, ut ex frigido potus usu, hepate refrigerato, æger hic in hydropem inciderit; ex qua causa hunc affectum interdum originem ducere, à Galen. proditum est *lib. 5. de loc. cap. 3. & lib. 6. de loc. cap. 1.* Auic. *14. 3. tract. 4. cap. 8.* Hunc ergo post exercitium factum in aestate, sæuiente Solis feruore, copiosè sudantem, valde ex gelida potu læsum fuisse, non est dubitandum; sicque officinis coctionis vehementer refrigeratis, viribusque prostratis, alimentum sumptum neque concoquitur, neque digeritur, neque in sanguinem permuiatur, sed crudum remanet; & sic ab humore pituitoso per carnem subeunte, & iuxta carnem sparso & collecto, fit hydrops, quem Medici communi appellatione carnosum, anasarcam, hypofarcam; aut hypofarcidium appellare consueuerunt; quas omnes species leucophlegmatix nomine complexus est Hippocrates *lib. 7. aph. 29.* dicens. Si leucophlegmatia detento fortis diarrhæa superueniat, morbum soluit. Hoc enim hydropis genus à pituitoso humore, in vasis, & in ambitu corporis collecto, illucque à iecore refrigerato, genito & transmissio oriri, testantur omnes.

Cum ergo hac de causa, vel eisdem partibus corporis, & totius carnis vehementer infrigidatis, & in hanc substantiam ob habitualementem intemperiem alimentum commutantibus, oriatur hoc malum, iccirco calefacientia, & roborantia consuluit, inter quæ primum locum obtinet Diacurcuma magna. Hoc enim electuarium, ventriculi, iecoris, lienis, morbos frigidos contumaces sanat, hydropem, & cachexiam curat, fœdum corporis colorem emendat, & prouocat vrinam, si Mesuæ huius confectionis auctori fides est adhibenda. Alia vocatur minor, ad eisdem affectus imbecillius agēs, cuius descriptionem proponunt Serapio *tract. 7. c. 8.* Nicolaus Alexand. *c. 221.* D Cordus, Myrepsus, & alij.

Sed miraberis, cur hic conualuerit, si hydrops anasarca cum aggreditur, hominem interficit, ex Hippocr. *lib. 4. acut. text. 11.* Anasarca à principiis internis orta, ut hepatis inflammatione, scirrho, aliòve lienis, aut viscerum affectu interno, grauis est affectus, ferè lethalis. Aliter accidit, si à causa externa concitetur, neque confirmata sit: nā in hac, cum non sit facta, viscera sana sunt, hecicæque intemperie non laborant. In recenti verò à frigido potu suborta, corrigenda est intemperies frigida, hepar roborandum, calefaciendum. Hæc est causa cur in tam graui morbo expurgantia non consuluerit, quia apparatus morbosus in corpore nō præerat. Adde quòd Diacurcuma aliquantulum prouocat aluum, Rhab. Eupatorij, & mellis vi; & vrinam mouet, quæ vacuationes in hoc morbo tantopere expetuntur.

Optimum ergo est semper, partes internas roborare; nam hepar est infrigidatum valde, & cum non præparet bene sanguinem, neque separet aquositatem, hæc retenta in mesaraicis, hydropem carnosum gignit, ut Auic. firmat, *14. 3. tract. 3. cap. 1. §.* Et omne apostema accidens in hepate, calidum, vel frigidum, per hoc quod oppilat, & non relinquit in corpore nisi sanguinem aquosum, & cum hoc debilitatur hepar in separando aquositatem, & cum hoc retinetur plurimum aquositatis in mesaraicis, & ista sunt causa hydropis carnosæ, &c.

Hanc speciem hydropis, plurimi cæteris speciebus deteriore, & periculosiore censent, cum Hip. *lib. 4. acut. text. 11.* quoniam si fieri aggreditur, vitari non potest, ab ipso enim pauci liberantur; idque Dei potius, quàm artis auxilio;



auxilio: nam viscera mutata sunt, vt tentent Amar. lib. 1. A. centur. 30. Christophor. à Vega lib. 3. art. medic. sect. 8. cap. 10. Vidus Vidius lib. 10. de curat. membrat. c. 5. & alij. Quidam tympanitem maligniorem esse sibi persuadent vt Altimarus lib. de curand. human. corporis malis, cap. 91. Vallesius lib. 8. com. cap. 10. Mercat. lib. 4. de morb. intern. cap. 6. Pereda in com. cap. 44. lib. 1. Paschal. At si res accuratius expendatur, ascitem ceteris esse periculosiorem inuenimus, vt rati sunt Costaxus in com. cap. 4. Auic. in fin. 14. 3. tract. 3. Petrus Væzius in com. Medic. cap. 19. & Alij. Nam præterquam quod Auic. 14. 3. tract. 4. cap. 4 & Rhafius lib. diuisionum cap. 65. ascitem, & periculosiorem, & curatu difficiliorem esse opinantur; in ascite adsunt inflammationes, malignæ febres, magis scirrhusæ obstructions, sitis inexhausta, ingentes dolores, quæ omnia innatum calorem dissipant, spiritus resoluunt, iecur ad summum languorem, & debilitatem perducunt. Accedit quod ascites à vehementiori frigidityte oriatur, ex mente Gal. 4. aph. 11. cum maior intensiorque iecoris illa intemperies censenda sit, quæ ex chylo aquam, quàm quæ aquosum sanguinem, aut flatum generat. Anasarcam faciliorem esse curationis, & minus periculosam acriter contendit Iacchius in Almanf. cap. 52. & proprio experimento hoc ita esse confirmat; nam causa minus est rebellis, nam proximè hi ad sanguificationem accedunt, & adhuc minor debilitas est, quæ vertit nutrimentum in pituitam crudam, quod in hac hydropis specie contingit. Hic verò, cuius auctoritate valde nititur Amatus, nostræ non opponitur sententiæ; nam ex Galeno in com. deprauatè legitur, *Anasarca cum aggreditur protinus interficit, cum legi potius debeat, non cum aggreditur. sed cum omnino facta est*, vt etiam in comment. Heurnius, neruofus sanè Hippocrat. interpret. annotauit: quo quidem modo quælibet hydropis species, protinus lethalis est censenda. Negandum verò statibus discutiendis nulla præsidia inueniri; ea sunt carminantia, & resolutia, quæ curata prius habituali intemperie à qua generantur, multo possunt esse ex vsu. Neque flatum discutiencia, cum quibus curatur hydrops; calida cum sint, de nouo flatum generant, sed potius absumunt, vt rebantur qui tympanitem esse periculosiorem arbitrantur: nam si hoc accidat, id ad partis hecticam debilitatem de nouo status generantem, reiciendum puto.

Porro quo pacto hydropicorum aqua inter peritonæum & omentum colligatur, plurimi hæsitant, quum nulla sensibilis pateat via, per quam tanta seri quantitas eò ferri possit. Fernelius lib. 6. pathol. cap. 8. turpiter illos hallucinari putat qui iudicant, per angustos, cæcosque poros serosum humorem à iecore transferri in capacitatem abdominis, cum ipse lib. 5. cap. 11. fateatur, in hydropse ascite ex abdominis cavitare serosum humorem per cæcos ductus, ad thoracis cavitatem penetrare, hydropemque pulmonis efficere. Qui auctor quàm foedè lapsus sit, ostendunt Mercurialis lib. 3. praxis cap. 24. Marcellus Donatus lib. 4. de hist. mirabili. Castrensis lib. 4. de meteor. microcosmi, cap. 12. qui eius argumenta eruditissimè confutarunt. Nam autem detur hydrops, iecore saluo, disputarunt Salius de affectib. particularib. cap. 9. Mercat. loc. cit. Gregorius Horstius lib. 7. de histor. mirabil. cap. 7. & alij præstantes viri non siluere.

## HISTORIA CXX. RHASII, De Hydropse.

### Hydrops, laureolæ vi, persanatur.

**E**Go quoque curari quendam senem hydropicum, de quo nunquam cogitavi, quod conualesceret, in quo non erat caliditas, & dando ei de laureola in potu, cessauit inde per dies. Deinde reuertendo, dedi sibi de laureola secunda vice, & conualuit. Sed testiculorum repleti erant aqua, ultra quam existimari poterat, &c. Rhafius lib. 1. continent. tract. 19. cap. 1.

**I**nter præstantissima medicamenta hydropicis valde consentanea, primum locum obtinere laureolam, à Medicis est exaratum. Hanc menses, & vrinam potenter ciere, firmat Dioscorides lib. 4. cap. 144. quæ ab illo Daphnoïdes vocatur; & de ea sub eodem titulo agit lib. 6. de simpl. medic. facult. Galenus, & Paul. lib. 7. sit. de daphne herba, sic ait. *Laureola, quæ daphnoïdes Græcè nuncupatur, eiusdem facultatis est cum daphne herba, nam calida, acris, & subamara est; idcirco menses, & urinas mouet.* Huius historiam explicuit Ruellius lib. 3. de natur. stirp. cap. 137. Cuius folia, linguam ac fauces teruido quoniam sapore erodunt, vruntve. Quapropter cautè propinandum medicamentum hoc, cuius solum decoctum, aut puluis in iure auis exhiberi possunt. Si enim omnibus assumendum consulas timor est ne nimium inflammes. Imperandum ergo est, si æger sit senex, frigidi temperamenti, nulla omnino adsit febris, & in casu veluti desperato, quoniam validissimum medicamen est, & pituitosum humorem potentissimè expurgat, vt ex mente Theophrasti in com. Dioscoridis, Marcellus Virgilius satis confirmat.

**Q**uantum oporteat Medicos de virium robore esse sollicitos, ne vacuato semel humore, intemperie adhuc permanente, iterum regenerato eo, denuò malum exasperetur, hoc exemplo satis parere arbitror: cum enim hic laureolæ vi nimis esset ab aquosis humoribus expurgatus, ob hanc causam iterum, relicta intemperie, lapsus est in morbum: pro cuius extirpatione necesse fuit iterum ad laureolæ vsum accedere. Constabat autem hepar esse debile, ex tumore scroci aquoso humore referti; est enim scrotum, sacculus, bursa, seu testium vasculum, cuius cutis rugosa est admodum, & tenuis, ex cuticula & cute conflata: cuius historiam eleganter describit Vesal. lib. 5. fab. 13.

**H**æc ergo pars si aquoso humore infarciatur, propullulat tumor ille, quem medici communi vocabulo ramicem, seu herniam aquosam vocare consueuerunt; quod vitium ex frigido iecoris intemperamento originem ducere, nulli est non manifestum: ab hac enim causa, aquosus crudusque sanguis progenitus, promptius quam ad alia loca decumbit, quoniam locus hic suscipiendis excrementis amplam habet capacitatem. Deinde quoniam est positus inter anum, & virgam, hoc est in ipso sordium confluxu. Est in decliui parte positus, ad quam suapte pondere & impetu aquosus humor vergere solet. Est insuper pars longè distans à fonte caloris.

**T**umor hic facile cognoscitur. Nam pressis digitis caro flaccida mollescit, & remanet fouea, venæ in scroto inflantur, splendet tumor cum luciditate, ac si vitrum, aut cornu inspiciatur, candela ex opposita parte admota, abest dolor, non subito, sed successiue excitatur. Huius causa occulta est, è repletis vasis aquosa humiditate. Sed vniuersalis causa est vitium hepatis, vel lienis, cuius ratione colligitur liquor in hypochondriis, qui facile descendit ob causas dictas, vt asserunt Auicenna 22. 3. tract. 1. cap. 2. & Celsus lib. 6. cap. 18. Paul. lib. 3. cap. 53. diligenter annotarunt.

**C**uratio huius tumoris à superioribus partibus debilibus dependet: hæc roborandæ, virium hepatis, & lienis corrigendum; sudorifica exhibenda, quæ aquosum humorem absumant, & vnà imbecilles partes robustiores efficiant; in quem vsum plura à medicis parantur auxilia; at sunt saluberrima, balnea naturalia, & ligni sancti, seu smilacis decoctum est præstantissimum. Topica sint, quæ impactam in testibus aquam euacuent. Plures repellentia, vt retrocedat humor consulunt apponenda. Alij per patientem partem eum educunt digerentibus, quæ cum sint calida & sicca humorem aquosum absumunt. In hunc vsum paratur vnguentum, emplastra, & fofus. Quidam post resolutia, vruntur scarificatione, aut vitione. Inurit locus vbi aqua est. Prohibetur rursus, ne deinde colligatur, imposito medicamento siccante vehementer, ex pice, ammoniaco, alumine liquido cum cera. Celsus in pueris apertione in inguine exoprat, loc. nuper. cit. ac sursum pellit aquam: in adultis in imo scroto, & sic educit aquam, facta prius lotionem ex aqua salita, aut nitrosa. Gal. lib. 14. meth. c. 13. diutius retinet apertam partem affectam, immissa



inmissa cannula, seu Siphone argenteo, aut plumbeo. A Guido cit. locosectione emittit, & diu detinet. Sed quomodo debeat curari hernia carnosae, allatis in medium veterum sententiis diximus lib. 2. de praxi medica admiranda, obseruat. 84.

Quoniam verò ex iecoris proprio vitio, diminutè sanguinem conficiente, & cum ad scrotum emittente, oriebatur hoc vitium, in hoc ægro satis fuit crudum sanguinem laureolæ vi vacuare; quo excreto cum pars non reciperet amplius, infixus in ea humor cum causam fontem non haberet, sponte sua facile est discussus aut completa coctione, aut coadiuvante calore lecti: quod in conualescentibus quotidie obseruamus, in quibus narius calor ex prægresso morbo in ventriculo, & hepate languet valde, & tantum conficere nequit, quantum ægri appetunt; quo fit, ut cum alimentum coquere non possint, cruda, crassaque excrementa congerantur, quæ pusillum calorem opprimendo, ipsum adeo debilitant, ut pro inculpato sanguine aquosus gignatur, qui in scrotum confluens, id in tumorem eleuat, hydropemque antecedit, aut subsequitur; quoniam sanguis hic crudior cum non possit partibus assimilari, tanquam onerosus ad eam partem detruditur: qui si euascescit, iterum à partibus intemperatis progenitus, ad eandem debilem delabitur. Tantus est huius partis cum superioribus consensus!

Si his præsidii contumax, & importunum malum non cedat, habitualisque adsit partium superiorum frigida intemperies, quæ corrigi nequeat, tunc in cruribus fontanellas aperire oportet, ut expirent viscera interna, & humores per eas vacuentur, qui ad scrotum suapte vi confluere solebant. Huius præsidij pro curatione, & præseruatione hydropis vis est mirabilis. Eam describit Hipp. lib. de internis affectionibus, num. 28. quo loco infligit vulnera scroto, tibiis, femoribus, quibus factis ægrum sanandum citò sperat, edoctus ab ipsa natura, quæ vritur hoc auxilio, excitatis vlcerebus in cruribus. At præsertim habet locum hoc auxilium in Anasarca, qui affectus ex tertiæ regionis vitio concitatur, quo fit ut affixis vtrique cruri fontanellis, faciliè ad crura confluat, quod in partibus carnosis, totòque corporis ambitu continetur. Idem etiam beneficium præstant in ascite; nam quod intra omentum, & peritonæum recipitur, & ex partium imbecillitate regeneratur per occultas vias ad crura vlcerata delabitur. Caue tamen ne eas eadenti ferramento aperias, quoniam ignis siccat, laxam partem roborat, ne vltra permeat. Ruptoria præter incertitudinem quantitatis ruptionis, sanimè partem debilitant. Qua de causa plurima, eaque irreparabilia damna, patris nempe mortificatio, & gangrena subsequuntur.

## Obseruatio XXII.

### Pro hydropæ curando, fontanella mirabilis.

Inuisebamur plures Medici illustrem matronam, quæ ex terenta menstrua purgatione in ascitem inciderat. Huic biennio laboranti infinita propemodum auxilia fuere, quæ frigidam hepatis intemperiem corrigerent, obstructions auferrent, menstrua prouocarent, urinam & sudorem mouerent. At cum ex habituali partium debilitate humor aquosus de nouo accresceret magis, post sudorifica ex ebeno auxilia, chalybeata medicamenta, & balnea naturalia, ad fontanellas in cruribus apertas accessit cum utilitate summa: cum enim per hos fontes trium mensium spatio serosus humor in magna copia emanaret, detumuit venter, sitis quæ antea vexabat clamorosa, est minuta, & tandem parco chalybeati vini potu vasa, lymphati cum aqua decocta eupatorio, & rhabarbato, à morbo euasit.

## Obseruatio. XXII.

### Ambuena medicamentum exoticum, curando hydropi valde salutare.

Accessi ad curandum Tympaniticum, in quo variatentans auxilia, operam & oleum perdidit. Ille miserimè morbo oppressus, sprete Medicorum ope a vulgaribus præsidia quærit. Ecce eum inuicit amicus, qui in India Orientali militans per multos annos stipendium fecerat, allatòque remedio salutem integram illi pollicetur, cuius beneficio plurimos hoc morbo detentos, nullis proficientibus, ad plenum fuisse restitutos fide inculcat. Nascitur in India orientali, in Molucensium regno, in asperis montium iugis, in Insula quadam nuncupata Buena, quæ fortissimo castello munita est, quod vocatur Am patria lingua; radix quædam, ob id appellata Ambuena quæ eundem habet generationis modum ac Zingiber, & huic, colore, sapore, & odore similis est: nam colore est alba, odore acuta, sed sapore ita est acris ac feruida, ut dentibus comminuta gingiuas inflammet caustici instar, & si fortè in puluerem redacta deglutiatur, fauces & paristhmia, aspredine, acrimonia, aut vrente vi exulceret. Hoc est prope diuinum ad morbos omnium partium frigidos præsidium, sed præsertim hydropi tympaniti, asciti, & anasarcae etiam medetur sed ita potenter, & cum felicitate tanta, ut eius ope obseruato regimine, omnes propemodum conualescant. Hoc medicamentum roborat hepar, flatus dissoluit, (est enim calidissimum) appetitum emortuum suscitatur, coctionem ventriculi iuuat, & sic ad tympanitem est præstantissimum, & intemperamento frigido iecoris, & venarum mirè auxiliatur: mouet urinam, valenter deobstruit, scdum vultus colorem corrigit atque emendat. Incolæ eo in puluerem redactò vtuntur, cum saccharo, & mero permixto. Exhibetur à granis decem vsque ad scrupulum. Assumitur viginti diebus continuis ieiuno ventriculo, per se, vel quod incolæ ignorant, cum aliis aromatis permixtum. Etiam radix hæc viridis, & succosa melle potest condiri; flaccido enim ventriculo mirificè auxiliatur. Hunc ordinem cum obseruaret æger noster, sensim ac sine sensu, vacuato flatu crasso per vtramque regionem, detumuit venter, & omnibus symptomatibus lenitis ad pristinam sanitatem est redactus. Hoc prospero euentu audacior factus, ex puluere electuarium parans cum medicamentis huic curando morbo proficuis constructum, miscui Theriacam, species diacinnamomi, dialaccæ, diacucumæ, aromatici, trochisc. de eupator. de Rab. & sic cum conserua anthos, radicis enulæ, cum syrupo de eupatorio exceptis, parata est conserua: sed cum hoc obseruato, ut ad 3. ij. reliquorum medicamentorum, adiciantur. Ambuena ʒ. x. & ita possunt cum saccharo tabellæ efformari. Hoc auxilio plures ad sanitatem redacti, alij mirandum in modum adiuti. Sed caremus hoc pretioso antidoto, quod in parcissima copia ad nos adportatur, adeo ut diligentissimi aromatum scrutatores, illius notitiam hætenus non habeant manifestam. Si Olyssipone, Londini, Amstelodami, aut Venetiis inueneris, ad quos terrarum tractus naues onerariæ quotannis conueniunt: Vtere, nam magnum ægris solatium, & tibi non incelebrem gloriam comparabis. Ex cuius puluere cum saccharo possunt fieri tabellæ, pilulæ, boli. Et emplastris pulueres hi, & enematis flatus carminantibus possunt permisceri: nam roborant naturales partes, & urinam mouent.

## HISTORIA CXXII. AETII.

### De hydropæ.

### Ex Ortopnoea, \* hydrops.

Notimus etiam quosdam, qui ex recta spiratione, quam Orthopnoeam vocant, in aquam intercutem sunt deducti, & c. Aetii tetrab. 3, serm. 2. cap. 20.

## PARAPHRASIS.

**T**riplicem esse spirandi difficultatis differentiam, dyspnoeam, asthma, & orthopnoeam, affirmant veterum peritissimi, & iuniores omnes, qui in harum causis, siquique praescribendis latissime sunt spariati. Ex illis gravissimam esse orthopnoeam, ex nominis etymologia constare potest; nam recta spiratio à Latinis dicitur; ab hoc symptoma nomen assumens; in hac enim spirandi difficultate iacentes suffocantur, & vix recto thorace sufficiunt, nihil dilatato dorso, vt *com. 45. lib. 2. prorrh.* Galen. & Celsus *lib. 4. cap. 4. Paul. lib. 3. cap. 29.* cæterique medicinae duces confirmarunt. Quare cum ægri iacent, suffocari videntur; tunc namque torus thorax supra spinam ipsam concidit; quo fit vt arctior reddatur via spiritus: cum verò se erigunt extenso thorace, ac collo, rectè arteriam ipsam asperam dilatari contingit, vt *lib. 4. de loc. c. 6. & lib. 7. de comp. medicam. sec. loc. cap. 6.* Galenus edocuit.

Morbus hic sæuus est, contumax, diu premens & importunè; ægrum vehementissimis accessionibus, vigiliis partium spiritalium oppressione, angustia nimia, & virium prostratione summa conficit, atque fatigat: cum enim thoracis muscoli, lento mucilaginosoque humore, à cerebro præsertim, partibusque vicinis defluente infarciantur, spiritusque viæ eo sint oppletæ; ob angustiam hanc, denegato necessario refrigerio, vehemens accidit in corde, & pulmone æstus. Horum omnium causa frequens, licet sit humorum copia, lentor, crassities, sæpe tamen est grando, lapis, tuberculum crudum, quæ obstruendo spirandi difficultatem faciunt grauiorem.

Quando enim hic affectus, ex viscido humore in musculis thoracis impacto; & imbibito originem ducit, & diu durat, (multoties enim comitatur ad mortem, 2. *aph. com. 40.*), præque sui sæuitie vires conterit, alios etiam gravissimos morbos accersit: cum enim ex præscripto naturæ noctu dormiendum sit, interdum vigilandum, *lib. 2. prog. text. 11.* vt sic roboretur calor noster, & hi vehementissimis accessionibus prehensi, magnæque angustia oppressi, in horas suffocari videantur, tunc vigilare coguntur; & sic consumptis, & dissipatis spiritibus, absumptoque humido nativo, refrigerantur viscera interna, & coctionis officina debilitantur. Quare ventriculi calore diminuto, & ob improperam deinde factam coctionem, hepate refrigerato, vis sanguificationis intercudit, quum natura ob crebras accessiones labefactata sanguinem probum non generet, sed aquosum, serosum, & fluidum. Ipsa enim excernendis tenacibus humoribus prorsus intenta, hepatis sanguificationis fontem, deserit; vnde hydrops quem ab orthopnoea originem posse ducere hoc modo, non ibo inficias. Impedietur autem hydropis generatio, si morbus prior cureretur. Quibus autem præidiis id perfici possit, explicarunt plures. Cum verò hydrops genitus est, tunc ipse curetur, difficultate spirandi non neglecta; maxime cum uterque affectus auxilia exposulet abstergentia, secantia, attenuantia, & incindentia.

Secundo modo explicari potest Aëtij sententia, (*Ab orthopnoea, hydrops oriri potest.*) Cum enim affectio illa ab imbecillitate capitis ortum ducat, quæ crassos, glutinososque humores in musculos thoracis, tanquam in debiliorem partem detrudens, orthopnoeam generat: si indies magis ac magis intemperies inualecat, pituitosi humoris loco; aquosus, serosus, & ichorosus, gignetur, qui in abdominis capacitatem detrusus à natura, per transmutationem hydropem committit. Neque dubitamus, ex humore actu faciente orthopnoeam, transmutationis ratione, posse fieri hydropem: nam à superioribus partibus noxii humores translati hydropem committunt, vt ex furore posse fieri aquam intercutem, concedit Hip. *lib. 7. aph. 5.*

Galenus *lib. 6. epid. sect. 6. com. 8.* enarrans Hippocratis sententiam: pro quibus, qui morbi, summopere necessarium esse docet, inquirere morbos qui aliis superuenire solent, an salubriter, vel perniciosè, hoc contingat; nam partem prognosticam & curatorem valde conducit. Aui-

cenna 2. 1. *doct. 2. cap. 8.* docet morbos interdum in alios mutari, vt prior non maneat, cum vna ægrotudo alterius est medicamentum. Sic quartana est remedium conuulsionis, paralysis, Epilepsia, Varicum, ex Hippocrat. 5. *aph. 70. & lib. 1. epidem. sect. 3. text. 4. & lib. 6. eiusd. sect. 6. text. 6.* Sic febris remedium est conuulsionis, & paralysis, ex Hippocrat. *lib. 2. aph. 26.* sic febris curat raucedinem, & grauedinem, & suspirium, ex Galen. *comment. in 6. epidem. sect. 6. text. 8.* sic hæmorrhoides sanant melancholiam, nephritidem, ex Hippocrat. 6. *aph. 11.* & leuant dolores sciz, renum, & vteri, ex Auicenna *loc. cit.* Sic diarrhœa lippitudinem sanat, 6. *aph. 17.* sic sienteria sanat apostema lateris, ex Auic. *cit.* & Galen. *lib. 6. aph. 16.* sic diarrhœam spontaneus vomitus soluit, ex Hippocrat. *lib. 6. aph. 15.* sic singultum sternutatio superueniens liberat, ex Hippocrat. *lib. 2. aph. 13.*

Aliæ sunt ægrotudines, quæ in alias mutantur ad peius: sic pleuritis mutatur in peripneumoniam, & phrenitis in lethargum, ex Gal. *lib. 6. epid. sect. 6. com. 8.* Sic Orthopnoea in hydropem transmutari solet: quæ transmutatio reproba est, nam vires ex præcedente morbo valde sunt deiectæ, quo tempore si periculosus & grauis morbus adueniat, vires validas expostulans, eas iam prostratas labefactat & extinguit. Quo tempore cum soli hydropis curationi intentos nos esse oporteat, pro cuius medela vires valentes exoptamus ob multas causas, cæque langueant valde; cur hic morbus orthopnoeæ superueniens, non erit amplius exitialis, quam si ex sua natura eueniret: difficulter enim potest tunc æger lassatus, vacuantia præsidia, & potus nimiam abstinentiam tolerare, quæ quàm necessaria sint in hydropis curatione, omnibus compertum esse reor. Sed quoniam de transmutatione morborum in alios, conscripsit Castrensis Lusitanus aureum opusculum, vocatum, *Quæ ex quibus, ad eius lectionem te remitto.*

## QVÆSTIO LVIII.

*Quod in hydropis pulmonis thoracis sectio celebranda. Contra Petrum Salium, & Mercatum Medicos eximios.*

## COMMENTARIUM.

**H**Ydrops.] Aëtij, celebris auctoris sententia, tertio modo veni interpretanda (*Ab orthopnoea, hydrops pulmonis ortum ducit.*) Cum enim affectio illa ex capitis imbecillitate oriatur, quæ crassos, & glutinosos humores generans, eos in musculos thoracis, tanquam in debiliorem partem detrudit, & orthopnoeam concitat: si indies, magis ac magis intemperie aucta, affectio inualecat, pituitosi humoris loco, serosum, aquosum, & ichorosum generari certum est, qui è cerebro per asperam arteriam, & pulmones, tenuitate sua affatim irruens, in thoracis capacitatem sese insinuans, hydropem pulmonis committit. Nam sicut in imo ventre materia aquosa collecta hydropem concitat; sic intra thoracis cavitatem fluctuans facit affectum, quem pulmonis hydropem, seu hyderon, primus omnium vocauit Hip. *lib. 2. de morb. num. 66. & lib. de intern. affect. num. 26.* Sequenti sunt Auic. 10. 3. *tract. 4. cap. 15. de aggregatione aque in pulmone.* Fernell *lib. 5. patholog. c. 11.* Franciscus Michinus *obs. 7. ad appendicem.* Fallop. in *com. lib. Gal. de ossib. Coiter. in obs. anat. & chirurg.* Salus in *com. Hip. lib. cit. de morb. Iacotius com. ad aph. 4. sect. 2. lib. 6. Coacar. Hippocr. & com. 1. ad aph. 79. sect. 2. lib. 3. Coacar. Hippocr. Marcel. Donat. lib. 3. de histor. mirabil. cap. 9. Oethæus lib. de obseruat. prop.* Qui in dissectis corporibus, intra cavitatem thoracis, aquam in magnâ quantitate inuenisse gloriantur.

Hæc affectio præsertim apprehendit eos, quibus partes naturales frigida intemperie sunt affectæ, obstructionibus scatent, & ichorosis humoribus redundat, qui si in pulmonem transmittatur, hunc morbum generant, quum thorax ob perpetuum morum facillimè fluxionem susceperit.

Signa huius affectus latè proponit Hipp. *loc. cit.* Ea sunt, difficilis respiratio, pedum tumor, vnguium omnium contractio,

contractio. Aliqui etiam intumescunt ventre, scroto, ac A facie. Oculi palpebra inferior inflatur. Grauat thorax ob materiz copiam. Sonitus in thorace percipitur ebullienti materiz per similes. Extrinsecus latus acutum olet. Tussis sicca continuo affligit: humor enim ad excretionem proritat, sed quoniam tenuis est, & ab spiritu facile disruptus facultatis expellentis vim subterfugit, tussi foras extrudi non potest, vt lib. 4. de loc. cap. ult. & alibi Galenus admonuit.

Periculosus est hic morbus, nam corpora in quibus predicti gignuntur humores, languidum habent calorem innatum, facultates debilissimas, viscera habituali intemperie affecta, scirrhusa, & exesa, caput imbecillimum, & fluxionibus valde obnoxium. Et cum patiantur cordis tremorem, animi deliquium, & respirationis facultatem, in perpetua sunt angustia. Hi licet praesidiorum ope, à tanto malo videantur immunes, iterum progressu temporis (vt Hippocrates inquit) in eadem, deterioraque mala relabuntur. Quapropter vix curari, aut praeservari possunt, quin in hydropem vniuersalem, & tandem in mortem incurrant.

Curatio perficitur lentè, & paulatim; nam in tanta succorum crudorum copia, innatique caloris penuria, per epicrasin est vacuandus humor. Viae communes prius expurgandae. Fluidum faciendum corpus. Roborandae internae partes, vt alimentum sibi commissum vertant in bonum succum: neve praedebilitate onerosum humorem in spirituales partes debilestransmittant, morbumque hac ratione foueant. Caput cucuphis, & lotionibus roborandum, ne à partibus infernis, cum quibus maximum confortium habet, fluxionem recipiat. Venter firmandus vnguentis, emplastris, fotibus, sacculis, multiplici forma paratis. Iecur tutandum epithematis, & vigorantibus vnguentis. Demum corpus praeparandum est tabellis, electuariis, pulueribus, apozematis, quae flatus discutiant, deobstruant, vigorent, intemperiem frigidam corrigant atque emendent.

His celebratis, propinanda hydragoga, eaque sensim, & ex interuallis exhibenda, ne partium vires flaccescant. Inter haec primum locum obtinent succus radices cucumeris agrestis, sambuci, aut ireos; correctae tamen, & permixtae iis, quae horum effraznem vim temperent ac demulceant, vt est rhodomela. Longè tamen securior est aquarum expurgatio, quae radice mechoacana perficitur, quippe quae nec ventriculum, nec iecur laedit, sed exigua adstrictione firmat. Cauenda fortiora, vt rithymallus, & alia quae cum tenui, ignea, acri, & incidente viscositate, validam vim naturae inferunt.

Cauteria in brachiis, & cruribus, tam ad curationem, quam ad praeservationem optima sunt, quibus humor continuo ex hectica partium intemperie regenitus vacuetur, vnaque à thorace reuellatur. In eundem usum decoctum ligni sancti vtilissimum est, quo, agro stragulis bene cooperto, prouocare sudorem summè praestat. Semel aut bis in die, pro virium tenore sudor prolicendus. Hoc enim auxilium partes firmat, serosos humores mirum in modum absumit, per ambitum corporis liquatos detrahunt, & corpus à flatu boso spiritu repurgat: maximè si in decoctum soldanella, aut ebulli radices iniiciantur. Potus parcissimus imperandus, paratus ex aqua, cinnamomo, aniso, & ligno sancto decocta. Merum bibant. Victu utantur exsiccante, qualis in hydrope commendari solet.

Hippocrates loc. cit. de morbis, & de internis affectionibus, postquam hunc morbum exactè descripsit, eiusque signa accuratè exposuit, nullum aliud praesidium praecipit, quam sectionem facere inter costas. Sic enim inquit. *Et quidam ab inferna aluo id esse putant, quum videant ventrem magnum, & pedes tumentes: intumescunt enim haec, si sectionis tempus transgrediatis. Hunc siquidem si extra intumueris, intra costas sectum curare oportet. Si vero non intumueris, multa calida lotum, velut suppuratos collocato, & qua parte strepitum perciperis, ea secato quam potes infimo loco, quò effluxio facilis coningat, &c.*

Sicuti enim suppurati, aut hydropici, non alio quam

A sectionis auxilio, educto pure, aut aqua sanari solent, prout vbiq; ipse praedixit: Sic hydrope pulmonis laborantes, non alio quam eodem praesidio, vacuata aqua sanescunt. Hos iubet secare inter costas, velut in suppuratis exetendum moneri lib. 2. de morb. num. 50. sic enim inquit. *Secato autem inter costas per non acutam primum curam, deinde scalpello acuto, quòd panniculo sit alligatum, ita ut summa ipsius pars ad unguis magni digiti mensura expedita restet, quam intromittas. Postea emissio pure, quantum visum fuerit, vulnus linamento ex lino crudo, alligato foras propendente filo, conclusio: & quotidie semel pus educito, &c.* Ex quibus mens Hippocratis facile percipitur, in pulmonis hydrope sectionem inter costas esse celebrandam, eo modo quò ipse in suppuratis exercendam docet.

Petrus Salius Medicus insignis, libro de curatione morborum ab aliis practiciis non exhibitorum, cap. 5. de hydrope pulmonis, sectionem thoracis ab Hippocrate commendatam, non esse faciendam asseuerat, duabusque rationibus ita inducitur opinari. Prima. Quoniam sectio haec euacuat solum aquam, non verò roborat partes, ne in posterum illam iterum regenerent. Secunda. Quia securius & tutiore via, serosi in cavitatè thoracis fluctuantes humores hydragogis educi possunt. Adde citatos auctores, qui de hydrope pulmonis historiam pertexunt, hoc auxilium, vt in frugiferum tacuisse.

Ego autem sum alterius sententiae, quam ratione, & experimento comprobabo. Si enim hi serosi humores in cavitatè thoracis impacti, neque diætæ exsiccante absumi, neque hydragogis vacuari queant: cur ad ferrum & ignem non accedemus, prout Hippocrates monuit? Secundo, hic affectus finitimus est suppurationi, ex Fernel. loco citato. At in suppuratione, sectionem, seu vstionem commendat ipse loc. cit. & lib. 6. aph. text. 26. cum Galeno. Cur ergo in hydrope pulmonis securissimè non administrabitur? Experimentum illustrium Medicorum nostram firmat positionem. Hollerius com. ad aph. 1. 4. lib. 6. aph. in duobus hydropem pulmonis se vidisse refert, quorum vnus sectus fuit, licet obierit. Mors autem auxilium non condemnat: nam celebratis praesidiis opportunis aegri saepe occumbunt, quoniam morbus vicit naturam: ubi autem hoc accidit, ager remedium non habet, ex Hip. lib. 4. acut. text. 22. Non enim oportet, vt omnes quos Medicus praemanibus habet, sanos faciat, ex Hipp. lib. 1. prog. text. 2. sed sufficit facere quòd ratio, & experientia suadent, ex Gal. lib. 6. sect. 8. com. ult.

D Salij verò rationes non multum vrgent. Verum quidem est, sectione solum vacuari aquam, non roborari viscera: At satius est illam exhaustire, quam ea relicta aegrum suffocari, & omni spe adempta certò perire: nam factò hoc emissario, de roborandis partibus possumus esse solliciti. Sic sectio hydropicorum ab Hipp. Gal. ceterisque veteribus, & Iunioribus celebratur in hydrope, cuius ope solum vacuari aquam, non roborari hepar certum est; quum deinde ceteris praesidiis locus superfit, quae partes firmare nata sunt. Quòd verò addit, tutius serosos humores hydragogis vacuari, licet verum sit, tamen cum haec non profunt, alia etsi cum periculo tentanda, quum melius sit anceps remedium experiri, quam nullum, ex Celso lib. 2. cap. 10. Addiderim, vacuantia saepius exhibita vires labefactare, & spiritalium partium robur dissoluere; nam animi deliquium, & omnimodam pariunt virium iacturam, quae etsi sint correctae, ea ab omni laeae, effraznèque vi exui in totum nequeunt. Si verò Mercatus lib. 2. de morb. intern. cap. 4. in fin. eisdem fere rationibus, quae à Salio mutuatae sunt, eam reprobatur, sufficit quòd Hipp. tantus auctor eam exercendam consuluerit, quem fuisse Hippocratem Comm. citati fatentur auctores, & ipse Salius, qui hunc librum ingenuè, & eloquenter interpretatur. Audi Philippum Menxelum in observationibus suis, tit. de hydrope pulmonis, qui historiam hanc describens, sic alloquitur. *A medicamentis purgantibus plus visus est ladi, quam iuuari. Sectionem thoracis, in qua spes collocanda erat, magis fere quam mortem reformidabat, &c.*

Si verò ceteri auctores eam non appunxerunt, causat multiplex reddi potest, nam curantes non cognouerunt, morbum



morbum, sed solum postea in cadauere dissecto aquam inuenientes in cavitare thoracis, hydropem pulmonis fuisse, quem antea ignorarunt, facti sunt. Deinde quamvis hoc auxilium à rei natura deductum videatur, cum tamen plenum sit difficultatis ac timoris, idcirco ferè semper anxie expendendum, prius quam aggrediendum, nisi eò redacta res sit, ut cæteris non conferentibus æger periculo extremo sit expositus. Hoc ergo præsidium cum Hipp. aliquando exercendum: nam is auctor nihil frustra conscripsit, ut de eo refert Galenus lib. 8. de usu pari. cap. 7. Cum verò hos, velut suppuratos secandos esse affirmet, quos inter tertiam, & quartam costam aperiendos iubet; hoc loco sectionem celebrabis versus sinistram partem: quidquid alij inter quartam, & quintam; quidam inter hanc, & sextam celebrandam affirmant. De quo argumento plures videbis auctorum sententias variis labyrinthis inuolutas, apud Marcel. Donat. lib. 3. de histor. mirabili, cap. 9. Liebaudium in com. Hip. lib. 7. aph. 44. Si vltà, exemplum petas de sectione thoracis facienda in pulmonis hydropem, id lege lib. 1. nostro de praxi medica admiranda, obs. 111. quo præsidio ægrorum quendam hoc funesto morbo detentum persanasse, sequutus Hippocratem, testor atque profiteor. Consule Zoroastrum Tinellum tom. 1. consulas. 23.

## HISTORIA CXXII. AVICENNÆ, De Hydropem.

### Hydrops, frigidis auxiliis sæpe curatur.

**E**T non oportet ut attendatur illud quod dicitur, quod hydropis non sanatur, nisi cum medicinis calidis: multoties significat illud quod testificamur, & experti sumus, ut curemus nos, & qui fuerunt ante nos, apostema cum curatione sua, & complexionem calidam cum infrigidatione. Et ego quidem vidi mulierem, quam hydropis astruiuit, & magnificata est super eam. Et ipsa mulier comedit quantitatem malorum granatorum tam maximam, quod eius relatio est incredibilis, & sanata est, &c. Avicenna 1. 4. 3. tract. 4. cap. 13. iuxta fin.

### D V B I V M L X V I I I.

Num ex causa calida per se hydrops oriri possit. Contra Cardan. Marcel. & Iacchin. doctissimos.

### P A R A P H R A S I S.

**A**Vicenna, auctor sanè non ignobilis, aliam huic similem proponit historiam cuiusdam senis, qui cum pateretur hydropis calidam (sic enim loquitur) frigidis extrà applicitis, & intus assumptis curatus est. In his ergo exemplis comprobare nititur non esse attendendam mentem dicentium, hydropem solum calidis prædiis esse curandum: cum contrarium sæpissimè contingat esse verum; nam ex acutis febribus hydropem gigni nouum non est. Hoc ipsum firmat Galenus lib. 2. prog. com. 1. & lib. 8. de loc. affect. cap. 1. §. Haud secus hallucinari consueverunt in ea quoque aqua inter cutem specio, quæ ad acutos morbos sequitur: quippe ab his, iecur calida & sicca intemperie grauius afficitur, ut cibum in sanguinem transmutare nequeat, &c. Cum enim omnis hydrops frigida sit passio, ex Gal. lib. 2. de facult. natural. cap. 8. & alibi passim: hoc de proxima causa est intelligendum, quam visque esse frigidam semper oportet. Res perinde se habere videtur in hydropem, ac in aciditatis generatione, cuius causa continens, frigiditas est; æstius tamen calor acorem inducit, quod ostendit vinum in acrum transmutatum: tractis videlicet calore æstius tenuioribus vini partibus, quibus exhalantibus sit acetum: nam veterum, & iuniorum opinio tenet, aciditatem & à calore, & à frigore concitari, & testatur Gal. 4. simpl. cap. 12. Eadem planè ratione res se habet in hydropem: nam febrilis æstus calorem naturalem

absumendi vim habet, qui cum in spiritibus, sanguineque tenuiore consistat, nil mirum si iis dissipatis, eius temperamentum corrumpatur; quare infrigidari iecur est necesse.

Ex hoc apparet fieri hydropem à frigiditate, hoc est, naturalis caloris defectu: aucto enim extraneo, innatus minuitur, & in opere deficit. Sic Aristoteles lachrymam vocauit frigidam, sect. 3. 1. probl. 25. quæ ita calida est, ut exulcerandi vim habeat. Hanc rationem indicauit Auic. 1. 4. 3. tract. 4. cap. 4. dum sic ait. Causa verò antecedentes sunt omnes egriitudines hepatis, aut complexionales, aut instrumentales, sicut paruitas, & oppilationes, & apostemata calida, &c. & infra ait. Et inter causas quæ faciunt hydropis, connumerantur complexionales inflammantes, mediante siccitate, cum gradatione resolutionis innati caloris, aut extractionis eius subitæ, &c. Quapropter Medici alterutri tribuunt, aquæ inter cutem generationem: ita ut fiat à calore, per accidens, & mediata, per se, & immediata à frigore, siue illud positium, seu priuatiuum, hoc est, caloris natui inopia. Ita Iuniores interpretantur Galenum, in locis multis, & prius norauit Gentilis ad cit. cap. Auic.

Verum licet facilis responsio hæc sit, nec probabilitate carens; tamen illa sententia mihi semper ampliùs arrisit, quæ affirmat, per se, & immediata aliquando, ad hepatis calorem esse referendum hydropem, quanquam frequens illius occasio, frigus vniuersaliter asseratur: id quod ex Gal. colligi videtur 4. aph. 11. & loc. supra citatis, in quibus reprehendit antiquos, forè quia eius originem in proposito casu à frigiditate arbitrabantur.

Auerroës acutissimus lib. 3. sui collector. cap. 21. in eodem puluere acriter dimicans, illud ipsum expressè testatur: quamuis enim frequentem hydropis occasionem, iecoris frigiditatem fateatur, non negat tamen per se à calore aliquando oriri, ex eo quia prima huius morbi radix est deprauata sanguificatio: sed hæc non minùs à frigore, quàm calore potest immediate vitari: igitur & hydrops gigni. Probatur minor, quia iecoris temperatura, siue innatus calor sanguificationis auctor, in humorum productione non agit absolute ut calor, sed in ratione naturalis (neque enim quicumque calor est natura operantis instrumentum, sed maxime commensuratum, quem innatum dicimus ex Gal. lib. aduers. 1. ycum, ad fin. Auic. 1. 1. doct. 6. cap. 3. & 2. 1. doct. 3. cap. 3. neque ignis multò calidior humores generat.) Atqui moderantia illa sanguificantis caloris, tam frigoris quàm caloris excessu, pariter amitti potest. Igitur & infirmari vis iecoris, deprauarique sanguificatio. Quæcunque siquidem valida intemperies, prout receptissimum est, & docet Galen. 3. de sympr. caus. cap. 1. vires potest delicere, & earum actionem tollere, non secus quàm mors ad quamcunque cordis intemperiem sequi, ex Galen. lib. de marcore, cap. 1. & lib. 5. de loc. cap. 1.

Quod si obicias Auerroëi iecore per calorem intemperato ita vitari sanguificationem, ut non probi (sicut antea) generentur succi, sed biliosi ac calidi, non tamen frigidi ad hydropem requisiti. Tacite respondet: si parum quidem hepatis temperatura à præternaturali calore corrumpatur, veluti quia fiens est, prauos quidem gignet, & biliosos humores: hi enim cum per vltiorem coctionem gignantur, & concoquens calor iuncto extraneo intensior reddatur, fit ut biliosa euadat sanguificatio. Si verò plurimum iecur vitietur, humidum in flatum verteret, non aliter quàm ignis aquam; atque pro sanguine & humore flatum creabit, & ex eo tympaniam, quam solam existimat Auerroës à calore posse immediate prodire, quod & innuit Galenus loco citato. Nam tympanitici, ac proinde ascitici sæpe febriculam patiuntur, quam laticam Arabes vocant, Græci typhodem, & multi hydropici plurimùm redundant, non ob aliud, quàm ab obstructione, unde putredo, & calor igneus augetur.

Quapropter non incite Auerroës monet Medicos, ut de ea sint valde solliciti, eo quod à calido, & frigido pariter oriatur; & quanquam morbus ipse frigidus sit, non esse admodum calidis vtendum in illius curatione, consultat Trallianus lib. 9. cap. 3. quia ab illis nullum potest



potest sperari iunamen, quin potius causæ morbi, & symptomatum incrementum: quare modicè refrigerandum, ratione causæ, ut attemperetur excedens calor, & iecur factum ab illo imbecille, ad bonam temperiem reducat. Quod si vehemens sit ardor, licet aliqui, ut Montanus lib. 1. centur. 7. & 8. frigidissima exhibere non vereantur, tamen satius est modicè frigida offerre, sumpta indicatione ab effectu, in quo Gal. 1. aph. 16. calida exhibet. Iccirco securiora sunt, quæ refrigerant, & aperiunt, ut endinia, eius stillatitia aqua, lac asininum, aut camelinum, & serum lactis. Est ergo hydropis causa non perpetua, sed frequentissima, intemperies hepatis frigida, licet à calida multoties per se oriri possit: ita explicuit Trallianus loc. cit. dicens, causam hydropis magna ex parte oriri ex hepate valde refrigerato. Vtrum autem intemperies generans hydropem debeat esse facta? Gal. 5. de loc. 7. fatetur esse habitualement, id est fixam, & solutionis difficilis; id enim per habitualement intelligit, non quod omnino hæctica sit, id est, æqualis in membro affecto.

Quapropter frigida aperientia sunt ex usu, ob causas dictas: & sic granatorum succus (acidorum intellige: nam dulcia veruntur in bilem, & febrem augent, ex Galen. 3. acut. 1. 1. & 2. de facult. cap. 8.) vel in maxima quantitate assumptus valde iuuat: nam sapor acidus roborat, incidit, & cum sit tenuium partium, deobstruit, attenuat, penetrat, diuidit, & abstergit, ex Gal. in multis locis, quos supra in com. hist. 5. recitauimus. Neque obtrudas cum Iacchino lib. 9. ad Almāns. c. 52. & Marcello Donato lib. 4. de medic. histor. mirabil. cap. 21, quos sequitur Cardanus in com. sent. 1. lib. 2. prog. mulieri huic, de qua fit mentio in historia nostra, mala granata potius ex usu fuisse, partes roborando adstrictione sua, quam illius caliditatem remittendo. Et licet hi à calida causa hydropem oriri non posse arbitrentur, quorum opinionem superiores rationes impugnant manifestè; tamen hanc ad Auicennæ historiam expositionem, ipsemet auctor redarguit euidenter, qui historiam affert ad confirmandum, hydropem à calida intemperie emanare, quia frigidis curatur; inter quæ succum malorum granatorum apposuit. Lege Christoph. à Vega lib. 3. art. medic. sect. 8. c. 11. Bricium Bauderonum lib. 2. prax. c. 63. Gregor. Horstium decad. 7. probl. medic. 7.

Dubitandum tamen est: num præter tympaniam, aliæ etiam species possint à calore fieri. Et quanquam durius videatur, ab igne aquam progigni, eum eam potius conetur destruere, atque adeò dissipet, & attenuet in flatum, ut aut perimat, aut in sui naturam conuertat, nec patiat sub aquæ forma permanere; ascitem à causa calida nonnunquam admitto, hypofarcam minimè, sed semper frigidam reor. Ratio est in promptu: nam cum flatum ferè aquei sint, à ventris frigore concreti, in aquam & ascitem transiunt, non aliter quam vapores à frigido aëre, frigidòque cerebro, vnde pluuiæ, & catarrhi; atque ita febre detinente posse accidere, dixit Gal. 4. de caus. puls. 24. Licet autem anasarca perindolentiam ad febres aliquando sequatur, nunquam tamen poterit esse caloris soboles; videlicet quia si extraneus talis sit, qui natium iecoris plurimum euertat, aget ut igneus, non ut innatus, atque adeò non humor, sed flatum gignetur: si verò parum opprimatur, parumque vitietur, & tanquam innatus adhuc queat operari, sanguificabit quidem licet vitiosè, sed vitio sapiente causam, hoc est, calidiores & biliosiores humores producet, non pituitosos, qui coctionis defectum, non excessum arguunt; excessus autem à calore nimium actiuo, defectus à frigoris ignauia, & ad coquendum ineptitudine occasionem habent. Quod si nonnunquam etiam durante febre, pedum, & totius corporis tumor sequitur, atque adeò carnosus hydrops, sarcitis, leucophlegmatia, siue hypofarca dictus, à frigido oritur dissoluto extraneo, & præternaturali calore simul cum innato (id quod sæpe accidit post longas febres); tamen is ad summam debilitatem non peruenit, alioqui pro humore flatum, aut aqua generabitur, & ex iis tympania, vel ascites, non anasarca. Vtrum autem hydrops febribus superueniēs sit lethalis, ut cit. prog. prædixit Hippoc. si frigidus affectus calido superueniens, huius malitiā corrigit, disciprabimus lib. 4. in com. hist. 37.

## HISTORIA CXXIII. RHASII, De hydropse.

Hydropica pluribus auxiliis non leuata,  
expulsa per vuluam copiosa  
aqua, conualuit.

**V**Xor ablutoris pannorum habebat signa hydropisis, & impossibile erat mihi scire causas euentus eius, quia mulier à me non videbatur: & præcepi quòd aliquo tempore videretur diatrionpiperon, & aliquo tempore diacureuma. Et quadam die abluebat pannos extra clam viro suo, & cum inclinaret se super vas plenum aqua ad abluendum, defecit pes suus, & cecidit, & emisit per vuluam quantitatem viginti rotulorum aqua crocea, & alleuiata est, & ultimò conualuit, &c. Rhasius in lib. de mirabilibus curis, in med.

### PARAPHRASIS.

**R**ECTISSIMè illud axioma ab Hippocrate prolatum est lib. 6. epid. sect. 5. sect. 1. naturam esse morborum medicatricem: nam cum sit docta sine doctore, ex Hip. in lib. de alimento, n. 21. inuenit sibi vias, ex Hip. in contextu epid. sequenti: quæ loca vberimè explanauit Valles. scientissimus, auctor sanè incomparabilis, immò bonarum artium vetus, nouaque bibliotheca, quoniam ut inquit Auicenn. 16. 3. tract. 5. c. 1. natura est factor potens, & omnium opifex, apud Hip. lib. 6. epid. sect. 5. sect. 2. expellit enim noxia, & seruat vtilia, ex Gal. lib. 1. de diff. feb. c. 5. Hæc cum malū sentit, quolibet data occasione mederi summo opere gestit, primum languoribus succurrit, & inueniendo vias nobis incognitas, ægros à plurimis intricatissimis morbis facit immunes.

Cum enim huic plura non prodesse auxilia, quæ crassos humores, flatum, aquosam materiam resoluunt, hepaticæque roborare nata sunt, natura per vterum, arrepta occasione, copioso humore excreto, ægram à tanto malo liberauit: quæ cum electuariis diacurcuma, & diatrionpiperon antea diu vsa esset, quæ flatum discutiunt, & viscera firmant, hanc copiosam vacationem potuit tolerare; quam fuisse excretam pondere viginti rotulorum, hoc est, librarum, id ille nouit, qui rotulum, ac libram idem esse sibi persuaserit, cum Rhasio lib. 12. continet. cap. 1. Serapion. lib. 3. Breniary, cap. 15. Explicauit eleganter Nicolaus Fontanus, Medicus eximius, in præmio insinuat. pharmaceuticarum, sit. de ponderibus, & mensuris.

Huius exempli veritatem confirmauit Beniuennius cap. 109. lib. de abditis curat. & sanat. causis, recensens historiam illius, quæ cum aqua inter cutem laboraret, ut nulla de salute eius spes esset, nescio quo spiritu impulsæ de eminenti quodam loco in terram deuoluitur, & vterò ad lapidem eliso, ita prorsus omnis effusus est humor, ut quæ puerum octimensem gestare videbatur, onixam crederes.

### Obseruatio XXIII.

Hydropica, foramine in pollice dextri pedis aperto,  
excreta copiosa aqua, conualuit.

**R**usticam vidi hydropicam, quæ plurimis auxiliis vsa nihil proficiebat. Hæc veluti desperata, exiccante victu, & continuo exercitio macerandum esse corpus sibi persuasit, hoc præsidio absumendam in ventre aquam sperans. At cum in agro veloci cursu obambulat, ad acutum lapidem dextri pedis pollicem impexit. Ecce ex externa digiti læsi parte extrema, cutis tenuissima detracta est, ex qua cum vehemente dolore, octiduo, aquæ limpida, sensim ac paulatim tanta copia effluxit, ut riuulorum instar emanans, esset in causa, ut totus detumesceret venter. A tanto malo immunis, ne in idem labatur vitium, præsidium quaerit. Parcissimus imperatus potus. Merum exhibitum, lympharum cum aqua asplenio, & eupatorio decocta. Congruum seruauit victum. Mechoaca semel in mense expurgatum

gatum corpus. Fontanella cruri dextro affixa. His per annum celebratis, nullum deinceps malum persequitur.

Alij quibus in vastam molem venter intumuit, per umbilicum sponte sua disruptum; alij per suras, pedes sponte apertos, vel in iisdem partibus excitatis vlcibus, vel vesiculis, ingentem aquæ copiam effuderunt, vt referunt Valleriola lib. 4. obs. 3. Beniuen. de abdit. c. 12. Amat. 5. cent. 37. Forestus 19. obs. 33. Andreas Laurentius lib. 1. anatom. quæst. 16. Vidus Vidius lib. 10. cap. 5. de curat. membrat. Galpar Hoffmannus lib. 3. consil. 30. Alexand. Benedicti lib. 15. de curand. morb. cap. 40. Ne ergo mireris, hanc viam fortuito inuenisse naturam, vt tanti mali noxam à se detruderet.

## Observatio XXIV.

*Ascite laborans, perforato naturæ vi umbilico, integrè curatur.*

**A** Nnus agitur vigesimus secundus, si rectè recordor, quo tractaui quadragenariam, ascite mirabili oppressam. Hæc infinitis propemodum præsidij vĩa in pectus semper ruebat, adeoque tumidum, & in portentosam, vastamque molem extensum ventrem habebat, & umbilicus extrà protuberabat cucurbitæ satiuæ instar, vt necesse esset ob ingens pondus, fasciam collo, & humero appendere, vt has partes adulesque genua prolabentes subleuaret. In hac miseria posita, malle mori, quàm tam miseram vitam agere affirmabat. Hoc tempore umbilicus prominens ita attenuari cœpit, vt membranæ instar tenuis, splendens transluceret, & rupturam minari videretur. Ecce vna nocte ex perforato naturæ vi umbilico, triginta dierum spatio, sensim egressa est aqua in copia multa, & ventre subsidente umbilicus sponte sua coaluit. Hæc assumptis roborantibus hepar, imposterum sana euasit, superuixitque annos totos viginti duos, munera sua domesticæ exercens; sterilis tamen, & decolor remansit.

## HISTORIA CXXIV. ARETÆI, De hydropæ.

Hydropis species rara, à Græcis, aliisque omnium ætatum Medicis, Aretæo excepto, incognita.

**A** Lia quedã hydropici morbi species talis cognoscitur. In ea vesicula quedã pusilla, crebra, humoris plena, in loco ubi ascites fieri solet, excitantur. Caterum quod humore multo referta sint, illud indicio est, si abdomine perforato parum admodum humoris effunderet; ab interiori namque parte vesica occlusa: at si alius instrumentum impuleris, iterum succus emanabit. Hæc utique aqua inter cutē species haud levis est. Vnde enim id genus vesicula eruperint, via haud facilè reperitur, &c. Aretæus lib. 2. de signis & causis diuturn. morbor. c. 1.

## P A R A P H R A S I S.

**I**nfrequens est hæc hydropis species, recentiorum quorundam obseruationibus illustrata, in qua vesiculæ plures aqua refertæ in corporibus genitæ, symptomata, & tumorem hydropi similem, sine aqua, aut flatibus concitantur, & mortem obruto innato igne, & suffocato intrulerunt. Hanc hydropis speciem testantur vidisse Mauritius Cordæus com. 5. ad priorē Hip. lib. de morb. muliebrib. Ioan. Aicholzrius in obseruationib. suis, & nos eandem vidimus bis. Cuius exemplū proposuimus lib. 2. de praxi medica admiranda, obs. 49. Alterum hîc describere non grauabimur.

## Observatio XXV.

*Hydrops mirabilis.*

**L**aborauerat Illustrissimi cuiusdam Baronis coniunx Leinquagenaria hydropæ ascite, septennio, qui ex

suppressis hæmorrhoidibus ortum duxerat. Imperata dicta. Expurgatum sæpius corpus à melancholico succo. Secta saphæna bis: & ad maiorem tetri humoris expurgationem, & reuocandam ad originem suam, fluxionem, quater hirudines mariscis affixæ. Cauteria cruribus inusta. Omnia frustra. Nam malum adeo increuit cum siti clamosa, nimiaque ventris mole coniunctum, vt tabefacto corpore, & insato calore suffocato à copia multa, plura deinceps celebrata præsidia temnens, eam ad mortem deduceret. Secto cadauere, iecur putridum inuentum, ita vt solum digitis impositis difflueret. Aperto ventre inter peritonæum, & intestina inuenimus numerosam vesicarum struem, quæ bullæ aquatilis instar, molles, & lucidæ, erant inter se coniunctæ. Et his curiosè separatis (quæ s. 2. numero erant, & oui magnitudinem non excedebant) & disruptis emanauit limpidæ aquæ, at salissimæ copia tanta, vt duodecim libras adimpleret; ex huius humoris onere calor internus est obrutus.

Dubitat hoc loco Aretæus, à quo loco tanta aquæ copia in capacitatem abdominis emanauerit, cum nulla sit conspicua via, per quam tanta feri quantitas eò ferri possit. Huic quæsitio facilè responderet Fernelius lib. 6. patholog. cap. 8. qui turpiter illos hallucinari putat, arbitantes, per angustos cæcosque poros cerosum humorem in abdomen à iecore transferri. Immo victus, & implicatus absurdam commentus est huius transitus rationem, ita adiiciens. *In ascite ergo, quoniam exesam, apertum, ruptum, fissumue aliquid est, serosus humor, utpote tenuis, à sanguine separatus, excidit in abdominis capacitatem, haud secus atque pleuritidis suppurans, exesa, aut discissa succingente costas membrana, affatim in thoracis capacitatem irruit.* Quam opinionem, aliis argumentis mea quidem sententia futilibus, vallare nixus est, quæ funditus euertunt Mercurialis lib. 3. praxis, c. 24. Marcellus lib. 4. de hist. mirabili, c. 21. & alij.

Dic tu cum Galeno, refluxionem illam feri in abdominis capacitatem, per cæcos meatus esse possibilem, & inde iterum per eodem in venas resumî, resorberique posse, demumque excerni per vrinas, & ventrem, ex Gal. lib. 7. aph. 54. Quinimò mirabilius est quandoque naturam per exiles, & inconspicuos meatus, materiæ crassissimæ ad illum inanem locum viam moliri, & inuenire. At si transumptionem hanc admiratur Fernelius, cur non magis mirabitur crassissimum illud pus, quod in empyemate à thoracis capacitatem ad pulmones, per cæcos ductus, & ambientem membranam traducitur? Potest itaque per exiles meatus, satis ampla feri quantitas à iecore, in spatium abdominis vacuum transferri; quod non inficiatur Auicenna 14. 3. tract. 4. cap. 5. Conspicimus namque hydragogo hausto medicamento, ex cavitatem abdominis idem serum ad venas, & ventrem affatim retrocedere, & absorberi, quod aliter fieri non posset, quàm per eandem latèntem viam substantia tenuissima transumpta.

Et vt videas, quàm vana somniauerit Fernelius, hæc exaudi. Nisi enim hepar afficiatur, hydrops non fit, vt milles veteres protulere. Ergo non est ascitis porissima causa, ruptio illa vasorum, quam rimarum plena Fernelij fert opinio. Præterea. Si opus est, iecoris vas aliquod, atque eius simul membranam in ascite rumpi atque findi; fixum sanè dolorem, ac stabilem, vt sic affecti in soluto loco sentirent, erat necesse, immò acutum, quum hepatis membrana acutiori sensu natura prædita sit. Deinde. Si fissuram illam temporis progressu amplificari contingeret; simul & sanguis ab hepate in vacuum illud spatium laberetur, quod nusquam visu obseruatum est: nam si in vasis necessariò serum cum sanguine mixtum est, si vel tenuissima sectione hydropici venam feces, vix solus serosus humor sine sanguine effluet. Quo pacto igitur fissum iecoris vas in rimas, simul cum tam ampla feri quantitate, sanguinem non profunder? Quin Fernelius ipse palidoniam recantans lib. 5. patholog. 11. faterur in hydropæ ascite, ex abdominis cavitatem serosum humorem per cæcos ductus ad thoracis cavitatem penetrare, hydropemque pulmonis efficere. Exploranda ergo est isthæc Fernelij doctrina, ne in re medica lituram vnquam lapsu temporis producere queat, etsi phaleratis verbis eam nobis scriptam tradiderit.

rit: quam ingenue aliis rationibus munitus enervit, non A  
incelebris auctor, Castrensis Lusitanus lib. de meteor. mi-  
crocosmi, cap. 12.

## HISTORIA CXXV. CELSI, De hydropo.

Hydropicus sibi, indulgens, vrina sua  
epota, interiit.

Sed ne i quidem qui sub alio sunt, si ex toto sibi temperare  
non possunt, ad salutem perducuntur. Ideoque non ignobilis  
Medicus, Chryssippi discipulus, apud Antigonū Regem, ami-  
cum quendam eius, nota intemperantia, mediocriter eo morbo  
implicatum, negavit posse sanari. Cūque alter Medicus, Epi-  
rothes Philippus se sanaturum polliceretur, respondit, illum ad  
morbum egri respicere, se ad animum. Neque eum res fefellit.  
Ille enim cum summa diligentia non Medici tantummodo, sed  
etiam Regis custodiretur, tamen malagmata sua deuorando,  
bibendoque suam urinam, in exitium se precipitauit, & C. Cel-  
sus lib. 3. cap. 21.

### PARAPHRASIS.

Q Vanti sit æstimanda Cornelij celsi octina, in præ-  
fatione libri primi satis explicuimus, luculenterque  
exposuit Petrus Pauuius qui librum octauum huius. Au-  
ctoris non infeliciter interpretatus est. Is ergo sumus Au-  
ctor, vt probaret situm in hydropo, melius & cum maiore  
patientia, à seruis quam à liberis tolerari, & ob id illos,  
quàm hos facilius & promptius sanari, hanc historiam in  
medium adduxit. Hydropo enim detenti, licet aquam in  
se contineant, sitiunt intensissimè, quoniam illa est falsa  
atque nitrosa, & præ mora retenta, tum calidior, tum ni-  
triosior redditur, vt firmat Aëtius retrab. 3. serm. 2. cap. 20.  
cuius locum illustrat Mercurialis lib. 3. praxis cap. 24.  
Deinde Humiditas alimentaris absorbetur, quia irragantur  
partes. Accidit etiam, vt compressis partibus spiritalibus  
à nimio calore in ventre contento, cor non rectè refrige-  
retur, & eo magis, quoniam ob obstructions, impeditur  
transitus humidi porabilis, & hac de causa denegato refri-  
gerio, partes exiccatæ gliscunt, & excandescunt, ex qui-  
bus causis sitis inextinguibilis oriri consuevit. Quare me-  
rito Auicenna pronunciauit 14. 3. tract. 3. cap. 8. non eua-  
cuari hydropicos à siti clamosa, hoc est, inextinguibili, vt cui  
succurrere ægri ingenti potu quò plus in animum indu-  
cant, hac angustiola siti vexari, vt Nicolus inquit serm. 5.  
tract. 5. cap. 24. eo plus sitiant.

Aduerte tamen ex Auicenna ibi, sitim clamosam &  
inextinguibilem, in confirmato hydropo solum depre-  
hendi, quando accidit constrictio anhelitus, vt Auicenna  
inquit. Si verò hydrops accidat ex frigido potu intempe-  
stiuo, tunc sitis incompescibilis non adest: quæ cum vr-  
get, tolerari non potest. Rectius fecisse arbitror Iulium  
equitem Romanum, apud Plinium lib. 7. cap. 18. qui inter-  
dicto, toto vitæ genere potu ab hydropo curatus est. Et  
Rusticum apud Beniuenum lib. de abdit. cap. 13. qui cum  
ab hoc postulasset, quo pacto ab hydropo posset liberari,  
dixit, abstinere à potu, quo facto per totum annum, curatus  
est. Hoc si vidisset, Gal. admiraretur, cum lib. 6. epid. sect. 4.  
com. 8. asserat, quosdam sanatos fuisse, quum per quindecim  
dies, iubente Deo, à potu abstinuissent.

Ex his clarissimè patet, quantum oporteat hydropicos  
à potu abstinere: & Auic. loc. cit. à visione aquæ eos arcere  
iubet. Quod præceptum si hic obseruasset, in morrem  
non sese precipitasset, qui malagmata sua, hoc est, vnguen-  
ta deuorando, morrem sibi acciuit.

Sed inquires, si vrina pro curandis hydropicis, salubre  
censetur auxilium, ex Dioseorid. lib. 2. cap. 7. Auicenna  
lib. 2. tract. 2. cap. 7 27. cum acritudine sua aquas detrahat  
cur ægri vrina epota ipsum tantopere læsit? Dic, propriam  
vrinam præ obstructione, febris, & prohibita ventilatione  
acriorem redditam, sitim augere, & affectum exasperare

posse. Consule pro hydropis medela, quæ secundum Ga-  
leni mentem scripsit Henricus Paschafius, in prima deca-  
de, sit. de hydropo.

## HISTORIA CXXVI. RHASIS, De lumborum dolore.

Lumborum dolor, cum febris nocturna, à  
melancholico humore suppresso pro-  
nata, excreta vrina nigra cessauit.

V Enit coram me mulier quadam urinans urinam nigram,  
& \* conquerebatur de dolore lumborum: & cum incipie-  
bat urinare talem urinam, cessabat dolor: & post incidit in  
febrim nocturnam cum rigore, & erat complexionis melani-  
cholica: & curauit ipsam cum rebus prouocantibus urinam, &  
liberata est, & c. Rhafius, in lib. de mirabilibus curis.

### PARAPHRASIS.

N Aturam sæpissimè expurgare per urinam vtiliter  
melancholicum succum, hac historia Rhafius satis  
confirmat: nam excreta vrina, cessabat dolor; & retenta,  
febris nocturna rigorifera increfcebat. Hoc modo sum-  
mo perere laudo auctoris consilium, qui iterum prouocare  
vrinam, & per regionem consuetam vacuare melancholi-  
cum succum, consultum iudicauit. Sic monuit Auicenna  
4. 1. cap. 3. vi quando suppressio fuerit causa morbi, reuersio  
illius secundum plurimum ei medicetur. Quod axioma in om-  
nibus suppressis vacuationibus, morbumque actu com-  
mittentibus obtinet veritatem, vt in hæmorrhoidali,  
menstruæque vacuatione, in iis quæ fiunt per nasum, pa-  
latum, aures, oculos palam sit, quæ corpus à plurimis mor-  
bis præseruant. Si verò hæ vacuationes cessent, lethales  
noxas, ac ferinos morbos excitare consueverunt. Idem  
sentendum de aliis vacuationibus factis per vomitum,  
aluum, hæmorrhagiam, fistulas, fontanellas, varices, sudo-  
rem, in quibus ob diuturnam assuetudinem natura habi-  
tum iam contraxit.

Hanc doctrinam intellige de vacuatione virtuali: non  
enim est necesse, quòd quando ex suppressa vacuatione  
concitatur morbus, eademmet vacuatio redeat nam qua-  
liscunque vacuatio modò illam adæquet virtute, poterit  
morbum soluere, illius causam remouendo, siue à natura,  
siue ab arte celebretur. Tu verò de recto vsu purgationis  
quæ fit per urinam, lege Mercat. lib. 1. indicat. cap. 10.

### QVÆSTIO LIX.

Quòd in lumborum morbis, venæ sectio ex talo  
externo sit celebranda.

### COMMENTARIUM.

C Onquerebatur de dolore lumborum.] Occurrit hoc loco  
controuersia haudquaquam ex triuio: An in lum-  
borum dolore, venæ sectio ex talo externo sit ex vsu.  
Nam si medicamenta urinam mouentia concessit summa  
cum ratione Rhafius, vt urinam nigram retentam, ex qua  
lumborum dolor, & febris ortum ducebant, prouocaret,  
& retenti humores melancholici hac via vacuarentur, &  
forte iis malum nò cederet, quid supererat faciendum nisi  
per infernam partem, apertis mariscis, aut secta saphæna  
sanguinem detrahère? Horam enim auxiliorum ope, hu-  
mor terrestris deorsum suo pondere vergens, promptè  
vacuatur. Quare saphænæ sectio in lumborum dolore  
vtilissima, vt infra probabo. Num verò è parte interna,  
an externa sit ferienda vena, diffidium est à paucis dis-  
cussum.

Sed priusquam ad dubij explanationem accedamus, de  
lumborum etymologia, dolore, causis, signis, prognosi, &  
curatione, Laconicè quædam proferemus.

Lumborum

Lumborum nomine, intelligere oportet spinæ lumbares musculos, renes, intestina ipsiis alligata, & membranas quæ his omnibus partibus connectuntur, arteriam, & venam lumbarem, spinæ vertebrae; licet illius partem tertiam lumbi constituent, qui quinque tantum vertebri constant, si peritioribus Anatomicis est adhibenda fides. Denum ea subaudire oportet, quæ lumbus haud exiguus musculus complectitur. Hic dicitur *psoa* Græcè, & ab undecima thoracis costa, eum anteriori eius portione, per validum ligamentum interiori coxendicis parti inseritur; eo præcipue loco ubi os pubis vocatum incipit, os verò illud desinit; exterior autem in principium ossis ilium; reliquum verò ipsius *psoæ* vniuersum, iuxta internas ossis ilium partes progrediens, densum quendam ex illo etiam osse exortum carnosum suscipit; postea vnicus enadit, auctore Gal. lib. de dissect. musculor. c. 35. Vnde fit, vt lumbus sit pars *psoæ*, ex Galen. 1. 2. de usu part. 2. & in eo vertebrae quinque sint, ex Gal. lib. 3. de articul. com. 45. explicat. Colymbus lib. 1. de re anatomica, cap. 17. quæ sunt omnium maximæ atque crassissimæ, ex Gal. lib. de ossib. cap. 10. qui numerus vertebrarum lumbarium, nusquam alibi, quam in homine reperitur, ne in simia quidem, vt notat Durerus lib. 1. in Coacas, in com. sentent. 114.

Cum ad lumbum sit arteria magna ex Gal. lib. 1. 5. de usu part. cap. 4. & superiaceat partibus, quæ plurimò, eoque calidissimo sanguine turgescunt, eo referta, iccirco plurimis, illisque grauissimis morbis est obnoxia.

Quare ex defluxu calidissimi humoris acris, & mordacis, in hac parte vehementissimæ inflammationes, & acerbissimi dolores concitari solent: sicut enim ex alimentis defectu pars quæpiam marcescit, & extenuatur; sic ex copia illius solet repleri, intumescere, & inflammari, ex Gal. lib. 5. de compos. medic. sec. loc. cap. 8. & Auic. 1. 3. tract. 3. c. 3. & 7. 3. cap. 1. Porro vno è tribus modis partem hanc inflammari est certissimum. Primò. Cum ex calfacto sanguine plena, arteria quæ iuxta dorsum est, vitium communicat. Secundò. Cum ex calidissimi humoris affluxu incalcescit, quod non raro in gracilibus, & melancholicis corporibus, ex sanguinis, alterius humoris, aut excrementi adustione oriri conspiciamus: quippe cum in his omnibus, in viscerum & mesaræ præsertim venis, sanguis sæculentus, vel humor, aut excrementum quoduis, ab interna, aut externa causa aduratur, non est dubium quin hæc pars inflammetur, & excalescat. Tertiò. Ex visceris alicuius, aut venarum quæ huic proximæ sunt, obstructione regignitur, quam in foeminis, quibus lochia retinentur, aut diminutæ procedunt, fieri conspiciamus: nam ex tumore humorum obstructuentium pars hæc compressa dolet, & ex retentione & putredine incalcescit, & inflammatur.

Huius doloris notissima sunt signa. Adest dolor circa lumbos, in initio grauatiuus, & si adest inflammatio, pulsatorius. Ager ascendere, aut descendere non potest. Calor circa totam spinam sentitur. Alius reddit excrementa acria exigua, & biliosa. Lotium est acre, & mordax. Anxietas superueniente fiti increfcit: & aucto malo, cor per arteriam; & iecur, ventriculusque per venas, & vasa mesaraica compatiuntur. Febriunt ægotantes, & eo magis si ex magna inflammatione concitetur affectus: licet sæpius aut non adsit febris, aut sit exigua: hæc enim pars non est præcipua, sed aliquantulum distat à corde, nec ita cum eo consentit: quare renibus inflammatis multoties iugiter febris interpolata, interdum parua, iuxta præceptum Auic. 1. 4. cap. 14. §. Et membra quidem occulta diuersificantur in faciendo febres, & fortitudine earum, & continuatione earum, & ipsarum temporibus, secundum magnitudinem eorum in se ipsis, & magnitudinem venarum eorum, & secundum membra sua: nam in membris intrinsecus sunt, quæ sunt propinqua cordi, & vehementis communis atque, sicut velamen, & pulmo; & de iis sunt quæ sunt longinqua à corde, & debilis communis atque, sicut renes, ipsi enim non semper faciunt propter apostemata sue febres fortes, neque continuas, immò multoties quidem sunt interpolata, & sunt de genere febrium cōmixtarum, & febrium tertianarum, & quartana, & sextana, & fiunt cum eis rigor, & horripilatio, & ambiguum fit esse earum, &c. Nam si Galenus lib. 2. prorrh. com. 2. 1. in hepatis inflam-

marione non semper oriri acutam febrem asseuerat; & Trallianus lib. 8. cap. 7. exiguum iecoris inflammationem, non statim febrem inducere arbitrat, quid sentiendum sit de lumborum inflammatione, patere potest, cum sit pars longè distita à visceribus, & à corde remota, in qua ob distantiam, aliquando intermittentem febrem, interdum nullam concitari, non est dubitandum.

Cum vehemens dolor lumbares musculos prehenderit, auxiliares manus illico adhibere oportet; hæc enim pars, cum ratione consensus præcipuis sit communis, non contemnenda mala portendere solet: ex lumborum enim vertebri plurimæ prodeunt nervorum coniugationes, ex Gal. lib. de nervor. dissect. cap. 16. quæ cum in signibus partibus communionem habent; quare hic dolor, capitis concitat affectiones, ex Gal. lib. 1. prorrh. sect. 1. com. 1. 2. Hippocrates enim in Coacis, 2. 14. iactationem, & inquietudinem ex lumborum dolore periculosam esse affirmat, maxime si tremores, & alia præua signa accesserint. Et lib. 2. prorrh. 7. ait: quibus lumborum dolor persenerat, eorum est fastidiosus, & sudore, malum: timor enim est, ne materiam peccantis translatio ab ea parte incipiens, cerebrum, & alias partes consortij lege coinquinet; quod ipse prælagit in Coacis, 2. 3. Qui, inquit, ex lumborum doloribus recursus fit in caput, & manus torpida sunt, dolentque ventriculi os, & aures sonant, sanguis lagiter erumpit, & alius fluit, his turbulenta mens est magna ex parte, &c. Ad hæc, lumborum dolores cum symptomatis aliarum partium adiuncti, periculosissima mala significant; nam ex iis cernix, & caput afficiuntur, & sæpius delirium, & convulsio oriuntur. Lumborum ergo dolor periculo plenus existit, nam præcipuas partes in consortium ducit.

Sicque cunctandum non est, mox ei opitulari, iuxta triplicem causam in initio adductam. Prima, & secunda, quæ ex lumborum inflammatione, ac phlogosi oritur, species, vt quæ grauissima sit affectio, sedulam operam prærequirit, in quo affectu, præter tenuissimam, ac refrigerantem victus rationem, totam curationem in sanguine detrahendo positam esse existimo. Hac ratione Aretæus, qui primus scripsit de venæ concauæ acuto morbo, lib. 2. de signis & caus. acut. cap. 8. & lib. 2. de curat. acut. c. 7. venas in cubito protinus scindendas consulit, quod consilium partitè & per vices exequendum monet. Quamobrem cum ob huius venæ, & arteriæ iuxta dorsum viciniam, inflammantur lumbi, vel ex seipsis accepto incendij initio, vel aliunde confluyente humore, tutissimum est è gibbero sanguinem prius detrahère, præsertim si in genere venoso febris adsit continua, ex ingenti plethora concitata: quoniam lumbi misso sanguine ex cubito auscultant, ubi febris viget, morbusque adest in corpore apparatus, copiamque sanguinis adfuerit, ex Gal. lib. de curand. rat. per sang. mis. cap. 18. Nam hoc modo etiam in veteri inflammatione, licet vterus sit pars infra iecur, & renes, ad deponendam totius plenitudinem, sanguinem è brachio emittunt Paulus lib. 3. cap. 64. & Auic. 16. 3. tract. 4. c. 12. Et Galenus lib. 2. ad Glauc. cap. 2. in genu inflammatione, è cubito venam secat: & lib. 10. de compos. medic. sec. loc. c. 2. basilicam tundit in coxendicis dolore. Nam hoc modo cohibetur fluxio, reucllitur humor, pars inflammata à fluxione præseruatur, & corpus plethoricum, in initio morbi sarcina refertum, exoneratur.

Cum verò totum corpus venæ sectione sufficienter exhaustum est, tunc vt corrigatur malum quod factum est, humorque impactus eximatur, tutissimum est venas secare inferiores. Hoc modo intelligendus est Galenus lib. de curand. rat. per sang. mis. 18. quo loco, ubi recens est inflammatio, plenitudine magna concitata, prius venas in cubito, deinde in talo eas ferire iubet: quod etiam exercendum monet in coxendicis affectu, & in vteri inflammatione, loco nuper citato, & lib. 13. meth. 11. Quapropter in malis infra renes, summa cum ratione veteres semper consuevere secare venas in poplite, vt retulit Galenus lib. 6. epid. sect. 1. com. 6. De quare lege Altimarum lib. de curand. hum. corp. malis, cap. 94. Mercurialem lib. 4. de morb. mulier. cap. 18. Mercat. lib. 2. de morb. mulier. cap. 7. Explicant Auic. 22. 3. tract. 2. cap. 3.



cap. 3. de cura doloris dorsi, Rotarius lib. contrad. Galen. con- A  
tradict. 96.

## D V B I V M L X I X.

Num vena sectio ex talo plus debilitet, quàm sectio  
basilicæ, ut voluit Auicenna. Contra Lazarum  
à Soto Medicum doctissimum.

**A** Beruditissimis Auicennæ interpretibus quæsitum,  
quidnam causæ sit, cur ille 4. 1. cap. 20. prope finem  
assereret, phlebotomiam venarum pedis magis debilitare vir-  
tutem, quàm phlebotomiam venarum manus. Ex qua sen-  
tentia liquet manifestè, in morbis renum, & lumbo-  
rum, ( sunt enim hæ partes mediæ inter infernas, & su-  
pernas ) qui tam sectioni ex talo, quàm ex basilica suc-  
cumbunt, si vires debiles sint, ex brachio sanguinem esse  
mittendum; si verò valentes existant, ex saphænâ esse ex-  
hauriendum. Quapropter harum partium curationem  
describentes per venæsectionem, hoc dubium Laconicè  
exponemus. At cum Auicenna Galeni se vbique fateat  
interpretem, in hoc dogmate ab huius doctrina mini-  
mè discedit, qui lib. de ren. dignot. atque medel. cap. 4. sic ait.  
Quapropter cum firma virtus est, conuenit ex vena qua in po-  
plite est, sanguinem emittere: quum debilis ea est, reuellere ad  
superiora, &c. Ex his discas, Galenum firmiores vires ad  
sectionem venarum inferiorum, quàm superiorum expo-  
stulasse.

Primò. Quoniam sectio venarum inferiorum diuertit  
sanguinem à fonte caloris. Secundò. Partes inferiores sunt  
frigida, ossæ, neruosa, exangues, & minus sanguinis in  
se continent, ut notat Hollerius lib. 1. de morb. intern. c. 43.  
& sic penuriam extracti sanguinis ampliùs perferunt,  
ut aduertunt Gentilis, & Dinus Florentinus in com. Auic.  
& post eos retulit Nicolaus ferm. 2. tract. 1. sum. 2. cap. 10.  
Tertiò Venæ sectio in partibus inferioribus facta in bal-  
neo calentis aquæ celebratur, ut antiquissimi Græci, ac  
post hos, Arabes faciendum imperarunt, Oribasius lib. 7.  
collect. cap. 9. Auic. 4. cap. 20. & alibi: quo lauacro, patenti-  
bus venis, liquidior sanguis factus, & maiori dolore, in  
neruosis & siccis partibus, à venæsectione, ligatura, & fri-  
ctione forti contracto, tum amplior quantitas extrahitur  
sanguinis, tum spiritus viris que magis resoluuntur. Lege  
Rhasium lib. 7. de venæsectione, cap. 21. Quartò. Scissa vena  
in talo, ex ambitu sanguis totus ob gravitatem præceps  
deorsum ruit.

Si verò Galenus lib. 2. acut. com. 10. venas brachij velo-  
cissimè euacuare asseuerat, in causa fuit, quoniam extrema-  
rum partium venas in balneo non secabat. Patet apertè.  
Nam lib. de curand. rat. per sang. mis. cap. 14. affirmat ex ve-  
na secta manus summa nihil effluere mentione dignum: cuius  
contrarium accideret, si in balneo secaretur hæc vena, ut  
quotidiano experimento fit compertum; nam si permit-  
tatur effluere, priùs anima deficiet, quàm sustineri possit. De-  
inde venæ inferiorum partium etiam sunt maximæ, ex  
mente Galeni lib. 6. epid. sect. 1. com. 2. §. Vteri venas gran-  
dissimas habent, &c. quare ex harum vacuatione resolutis  
spiritibus citissimè vires fatiscunt Quapropter venæsectio  
tali plus debilitat, quàm sectio basilicæ. Ex his fit manife-  
stum, Lazarum à Soto Hispanum, virum alioqui de re me-  
dica bene meritum, laude dignum non esse, qui in initio  
animaduersionum medicarum, ad libitum, imò petulanter  
Auicennæ dictum condemnat, qui hoc placitum maxima  
cum ratione inculcat: nec refert quòd superiores venæ  
magis elaboratum, magisque spirituosum sanguinem con-  
tineant, ex cuius vacuatione exhaustis spiritibus citius vi-  
res fatiscunt: nam in sectione tali plures debilitantes cau-  
sæ concurrunt, quæ ampliùs debilitant. Vel si asseueres,  
sectionem factam ex talo plus debilitare partes infernas,  
hos auctores dissidentes, inter se concordare reddes. Nunc  
ad institutum.

Num in lumborum doloribus saphænæ sectio ex talo  
interno. an externo sit celebranda, nunc explicandum. Cuius  
dubij solutionem hoc ducto exordio enucleabimus.  
Ex celeberrima illa venæ causæ descendens diuisione

constat, venam hanc per vtrumque crus vsque ad polli-  
cem, & minimum digiturum, in numerosam ramorum &  
propaginum sobolem disseminari, prout Galenus lib. de  
arteriar. & venar. dissect. c. 1. & lib. 3. de anatomic. administ.  
cap. 12. promulgauit: & non sinit Vesalius lib. 3. de hum.  
corpor. fabric. c. 10. Nam diuiditur cruralis ramus in sex cõ-  
spicuos furculos: sunt autem hi, Saphænâ, ischias minor, mu-  
scula, poplitea, suralis, & ischias maior, quas omnes ad va-  
rios vius præcorum eruditissimi secabant. Verum nostris  
temporibus, vel propter difficultatem, aut ignorantiam se-  
cari non consueuerunt, vel quia sceminæ ea parte sectio-  
nem non patiuntur; poplitea enim in morbis vesicæ, vteri,  
& testium à veteribus tantopere commendata secari non  
potest, sed illius vice secatur vena, saphænâ dicta in talo  
interno, qua non apparente ramus illius ad radicem polli-  
cis secari solet. In talo verò externo, & propè solet secari  
vena, quæ ischiatica dicitur, qua non apparente, ramus il-  
lius prope digiturum minimum tundi solet.

**B** Si ergo dolor lumbos occupet, tunc ad sectionem  
ischiatricæ accedere oportet, si verum est, vacuationes se-  
cundum rectitudinem celebratas, citissimam afferre vtili-  
tatem, ita ut sectis secundum rectum venis, & patientes,  
& familiares ipsorum sæpenuerò obstupescant, sic mo-  
nente Magistro lib. de curand. rat. per sang. mis. cap. 16. nam  
si secundum rectitudinem non vacaueris, neque affectæ  
parti medeberis, & sanam semper lædes, ut lib. de tremor.  
cap. 5. notauit Galenus. Cur ergo si ischiatica per partem  
externam porrecta, maiorem rectitudinem, & consensum  
habet cum lumbis, quemadmodum saphænâ cum vesicâ,  
vtero, & testibus, illa in lumborum morbis, sicut & ischij  
affectibus securissimè non secabitur? Probat Manardus  
12. epist. 5. in med.

**C** Deinde. Si in coxendico dolore, qui ischium, partem  
externam solummodò infestat, auctores in talo externo  
secandam esse venam monuerunt, de quorum numero  
sunt Auic. 22. 3. tract. 2. c. 24. Rhasius lib. de agnitud. iun-  
cturar. c. 19. & lib. 9. ad Almanf. cap. 32. Serapio tract. 4. de  
agnitud. iuncturar. c. 2. Mesuè eodem tract. c. 5. Guainerius eod.  
tract. c. 21. Mercat. lib. 4. de morb. intern. cap. ult. in fin. Fu-  
chsius in com. c. 18. Gal. in lib. de curand. rat. per sang. mis. &  
alij. Cur etiam in dolore lumborum, venæsectio in talo  
externo tutissimè non administrabitur?

Neque præter hos auctores ad libitum fuisse loquutos,  
cum extrema cum extimis, intima cum intimis maiorem  
habeant consensum. Hunc aspiciens Dictator summus  
lib. de offitium natura, num. 12. sic inquit, Oportet igitur vena-  
sectiones in doloribus in dorso, ac in coxendicibus, à poplitibus  
facere, & à malleolis forinsecus, &c. Sententiæ eius ample-  
ctitur Gal. lib. 2. de natur. human. in com. 8. §. Venam itaque  
ad coxarum, & dorsi dolores, in poplitibus secabis, & exteriori-  
bus malleolis, &c. Hi ergo non ob aliam causam, nisi maio-  
rem rectitudinem, hanc ex hac parte faciendam impe-  
rant vacuationem. Quantum autem operetur rectitudo in  
vacuationibus, quæ sunt vel ab arte, vel natura, explicat  
luculenter Thom. à Veiga, in com. c. 95. lib. art. med. Gal.

**D** Obiicias Galenum contra sentientem lib. 6. aph. com. 36.  
dum sic inquit. Secare autem interiores: hoc dictum paruam  
vim habet. Ab una enim ambâ nascuntur in poplite trifariâ  
diuisa quoniam & una vena ad hoc peruenit membrum, non  
sicut ad manum duæ, &c. Hanc dicendi phrasim æmulatur  
E Auic. 4. 1. cap. 20. cum saphænâ, & ischiaticam, ad similes  
esse iuuamenti confirmant. Sed hi auctores originem ve-  
narum attendunt, non rectitudinem, cuius causa, externa  
cum extimis facillè consentiunt. Quapropter depolita gra-  
uante plenitudine, venæ basilicæ ope, è talo externo san-  
guis est emittendus.

Quòd si ad celebrandam hanc vacuationem, vel de-  
fint vires, vel sufficienter sanguis sit extractus, tunc incre-  
dibili efficacia, hirudinibus, hæmorrhoidabilibus venis ap-  
plicitis sanguine oportet exhaustire. Lumbares enim venæ  
cum venis dorsi, & mesaraicis, à quibus oriuntur hæmor-  
rhoïdales, communes quodammodo existunt: Vnde fit,  
ut lumbaris hæc affectio, mira celeritate, extracta ex his  
venis sanguine leniatur, ac mitescat: maximè si fecalis san-  
guis per has vanas purgari consuevit, aut vterum, ritè

non fluat, aut ex toto sit suppressus. In hunc sensum Hip. *lib. 1. prorrh. sect. 3. com. 13. lumborum dolorem, sanguinem per hamorrhoides fluxurum, praesagire affirmat: nullo enim auxilio sanguis iste retortitus promptius vacuatur. Lege Hollerium lib. 6. aph. com. 11. cuiusdam nephritici historiam proponentem, qui omnibus celebratis auxiliis, non nisi hamorrhoides aperta potuit subleuari, & Hipp. prius praedixit in textu dicto.*

Post hirudinum impositionem, secundum locum tenent scarificatae cucurbitae, quarum ope interna viscera excandescunt eximie leuantur. Eundem usum complent epithemata parata ex succo agrestis, pampinorum vitis, nymphæ, cucurbitæ, lacte muliebri, caprino, aut alio, aqua rosacea, oleo violaceo, nymphæ. Optima sunt clysmata refrigerantia, & quæ calidam lumborum intemperiem mitigare nata sunt. Purgatio cautè, declinante affectu, & maxima cum præmeditatione celebranda, iis quæ refrigerant, humorèque adustum vacuare queunt, quoniam lumborum dolor purgationem per inferiora faciendam significat, docente sic Hipp. *lib. 4. aph. 20. Nec displicet leuissimis diureticis humorem ad urinæ vias diuertere; ut fecit hoc loco Rhasius, quoniam quæ in lumbis sunt, per urinæ vias expurgantur, ex Gal. lib. 11. meth. cap. 9.*

Si verò ex alicuius partis vicinæ obstructione, vel ex humore in ipsis lumbis infarcto & obstruente, oriatur dolor, verendum ne in hydropem commigret affectus, iuxta Senis edictum *lib. 4. aph. 11. tuncque ab auxiliis sanguinem exhaustientibus abstinendum, vel parcissime eis utendum: aduertendo nullum auxilij genus quicquam frugis allaturum, ni obstructionem prius perlanes. Quamobrem cuius visceris obstructio sit, expendes, & ablata obstructione partem roborabis. Sed quoniam ex veterum mente in curanda obstructione inter omnes palmam præripuit Mercatus, eum lege *lib. 2. de virgin. & viduar. affect. cap. 6. & lib. 4. de morb. intern. cap. 5.**

## HISTORIA CXXVII. ACTVARI, De renum dolore.

Renum dolor, cum vrina nigra, à frigiditate subortus, calidis curatus.

**E**go nimirum memini me vidisse urinam nigram. Venit quidam matulam deferens, in qua vrina nigra spectabatur. Verumtamen ubi urinam fecisset, nequiuit venire erectus, sed venit valde incuruatus: nam senserat circa renes, vehementes dolores. Retulit quoque priusquam incisa fuisset vrina, mediocriter doluisse ex renibus, atque satis sanguinis fluxisse: postea verò dolores vehementer exauctos, ita ut præuè affecerint hominem. Erat autem tum hybernus tempus, atque plusquam decebat frigidum. Igitur hac videns, & audiens, consideravi \*immodicam quandam frigiditatem in causa esse, dixique opus esse, ut calidioribus viceretur, &c. Actuarius *lib. 1. de caus. vrinar. cap. 13.*

## P A R A P H R A S I S.

**R**enes dolere ob calidam, frigidamve intemperiem, ira notum est, ut longiori indagine non sit opus. Ex flatu frigido, crasso, nebuloso dolorem concitari ostendit tensio in parte, quam magnam sentiunt ægrotantes, ita ut neque moueri, neque erecto corpore incedere possint. In hoc ægro dolore à frigida causa habuisse ortum argumento erat, quod à venæ sectione malè habuerat, cum hoc auxilium pro renum dolore mitigando sit præstantissimum, quando à calida intemperie proficiscitur. Cum enim status doloris causa essent, phlebotomia nimium obfuit; cuius vi calor innatus languescit valde, & sic extracto sanguine, cuius penuria vires fatiscunt, & cuius præsentia absumentur status, & ignis internus perseuerantiam habet, scilicet dolor ægrum excruciauit. Hoc modo flatu abundante, & exuperantibus succis crudis, tantopere abstinere à venæ sectione Galenus *lib. de curand.*

*rat. per sang. misf. cap. 10. Nam sequitur frigidorum cruditas, apud Auic. 4. 1. cap. 20. §. Et summo opere tibi caue, ne agrum ad viam duarum rerum perducas, scilicet frigidorum cruditatem, &c. Quoniam secta vena in copia frigidorum succorum, hos crudiores ad sanguinis absentiam remanere est certum. Sic apud Auic. 4. 1. cap. 20. colica, & phlebotomia rarò eueniunt: ostendens nimirum in colico dolore, qui ferè à flatu, pituitosoque humore oritur, rarò esse sanguinis missionem exercendam, sicut nec in alio frigido affectu, quem sub colico dolore comprehendit: nam sub vno exemplo cætera intelliguntur, ut monuit Galenus *lib. 1. acut. com. 33. & 3. eiusd. com. 42. & 61. De qua re lege Dodonæum lib. obs. cap. 22.**

Cum enim à iuuantibus & nocentibus, magna ad cognitionem morbi sumatur indicatio, ex Gal. *lib. 10. de compos. medic. sec. loc. cap. 2. & facta venæ sectione dolor exacerbaretur magis, essetque hyems rigidissima, in eam deuenit opinionem, ut putaret à frigiditate natum esse dolorem, & calidioribus auxiliis fore oppugnandum.*

Deterrebat ab hoc iudicio vrina nigra, quæ ferè caliditatis exasstantis est soboles. Non obstat hæsitatio, nam huius urinæ duplicem statuit in hoc capite causam; quoniam ob frigiditatem nigrescit vrina, vel ob caliditatem, materia contenta in venis assata. Ut ergo hanc litem dirimeret, ostenderetque aliquando à frigiditate hanc urinam originem habere, hanc historiam in propatulum proposuit, censens hunc dolorem renalem calidis præfidiis fore debellandum. Quæ autem sunt hæc, passim inuenies apud auctores, qui de doloris renū curatione accuratè scripserunt.

## Q V Æ S T I O L X.

**Quod vrina nigra à frigiditate oriri possit, ut voluit Galenus. Contra Mercurialem, & Brauum Petrasitanum, Medicos eximios.**

## COM M E N T A R I V M

**I**mmodicam quandam frigiditatem. ] Dum nuper recentiorum exemplaria, circa urinæ nigrae efficientem causam sitienter versarem, defloraturus quæ Principum historias polirent opulentiùs, in margine libri 3. de excrementis clarissimi Mercurialis, quædam adnotata comperi, quæ & transposuisse operæpretium censi, ut nulla non in re medicæ facultatis studiosos iuuare possem. Is enim illustris auctor in cap. 3. licet sit Galenicæ doctrinæ amantissimus, ab ea, argumento neruoso coactus, discedere cogitur.

**D** Magister *lib. 1. cris. cap. 12. & lib. 2. progn. com. 29. vrina nigra generationem, aut ob vehementem frigiditatem, aut propter exuperantem calorem fieri asseuerat. Siquidem igitur prius mixta fuerit liuida vrina, deinde sic nigra fiat, frigiditatem causam habet. Si verò flaua præcesserit, & postea nigra inuenta fuerit, ab ampliore nimirum caliditate superassata, nigra facta est, ut Gal. c. 23. lib. de vrinis, & Aëtius *teirab. 2. serm. 1. cap. 44. approbarunt. Nam sicuti videmus sanguinem congelatum nigrescere, atque etiam particulas corporis extremas mortificatas nigrescere: sic contingit urinam frigore interno euadere atram. Et quemadmodum experimur, sanguinem, aut aliam materiam morbificam combustam, nigredinem acquirere, & corpora diutius soli æstiuo exposita, nigra reddi: sic vrina nigra, vel excedentem calorem, aut vehementem frigiditatem præsupponit. Id significauit Auic. 2. 1. doct. 3. cap. 2. & part. 1. canticor. tract. 2. num. 297. Hanc doctrinam medicinæ procures vnanimi consensu confirmarunt.**

Illam tamen perobscuram esse, difficilem, non indignamque ut docti in eius explicatione vires suas exercent, loc. cit. iudicat Mercurialis, & *lib. 2. variat. lect. c. 11. & in com. sent. 29. lib. 2. progn.* quoniam à frigiditate urinam nigram generari, putat impossibile. Non enim potest fieri vrina nigra, nisi à frigore summo & intensissimo, ut in externis accidit nigrescentibus. Sed viuente animali hoc frigus in internis partibus reperiri non potest, alioquin interiret homo, priusquam ad eum statum perueniret. Ergo

Ergo vrina nigra non potest fieri à frigiditate. Maior est A Galeni, citatis locis. Minorem probat ipse lib. 6. epid. sect. 5. com. 26. dicens. Neque enim quod hanc partem interpretantes dicunt, verum est, frigidum scilicet, quæ attingat corpora, coeans atque congelans, ita duriora efficere. Hoc enim de refrigeratis partibus, quæ interius abstrusa non sunt, rectè dici potest. Partes autem ventris adeò rigere nequeunt, ut cibi, potusque congelati indurentur, sicut alia extra corpus nostrum hyeme frigore concreta durefcunt: prius enim quam ita frigeret, homo interiret, &c. Quum enim duæ causæ sint, quibus corpora congelantur & obdurefcunt, altera refrigerans, altera exiccans, causa quidem refrigerans, ad ea quæ in ventre continentur, viuis nobis peruenire non potest, ut loco nuper citato commonefacit Galenus. Non enim tanta in humano corpore frigiditas esse potest, ut aliquid in ipso concrefcere in duriciem queat, ut lib. 2. de temperam. c. 3. in init. monebat Galenus. Hoc est argumentum vnicum, quo munitus à Galenica doctrina dilcedere cogitur.

Secundò. Insurgit Ioannes Brauus Scholæ Salmanticensis Professor celeberrimus, contra Galenum hoc modo, in com. sent. 22. lib. 2. prognost. Nam frigiditas imbecillitat vires, & stupefaciendo, actiones naturæ impedit, quoniam nulli functioni ex vfu est, ex Auic. 1. 1. doct. 6. cap. 3. & Galeno passim. Ergo media frigiditate, vrina nigra generari non potest.

Terriò. Vel vrina nigra oritur à frigiditate, quoniam substantia serosa alteratur à partibus; aut quoniam ob frigiditatem generatur aliquis humor à iecore frigido, qui permixtus cum substantia vrinæ significat intensam iecoris frigiditatem. Sed neutrum horum dici potest, Ergo. C Non primum. Cum enim substantia potulenta, & pars aquosa alimentorum, sit natura frigida, & elemento aquæ correspondens, ab extrema frigiditate inalterata remaneret necessariò: quare vrina fieret aquosa, alba, non nigra. Non secundum. Nam media frigiditate generatur magna copia pituitæ, & si illa intensa est, sit vitrea, quæ cum vrina permixta, faceret vrinam lacteam, aut charopam.

Sed antequam his durissimis nodis faciles imponamus cuneos: Aduerte primò. Calorem nostrum naturalem, potissimum animæ instrumentum, & quo mediante ipsius perficiuntur operationes, diuersorum vrinæ colorum esse causam, hos vel illos humores generando, qui ob suâ cum substantia serosa (hæc enim natura sua coloris est expers) permixtionem, ipsam diuersimodè tingunt. Quapropter cum in naturali statu est constitutus calor, bilem naturalem generat, quæ cum latitudinem habeat in colore, intra limites naturalis status, aliquando reddit vrinam pallidam, interdum rufam subrufam, flauam, subflauam, quoniam pro diuersitate temporis, & ætatis, totam hanc latitudinem patitur. Si verò prædictus calor à sua symmetria, temperiæque recedat, ob qualitatibus excedentis diuersitatem, varij humores præternaturales in iecore, & massa sanguinea exuperant, qui cum vrina permixti, suo colore intemperiem excedentem exactè demonstrant. Quare si excedat caliditas, limites naturæ egressa, humoris calidi & biliosi adest proventus, vnde consurgit vrina crocea, flammea, aurea, rubea, &c. Quando excedit frigiditas, frigidi gignuntur humores, ut pituita, aut melancholia. Hæc ergo, quæ ob caloris natui remissionem, & excessum frigidæ intemperiei gigni solet, est causa, ut liuida, aut nigra fiat vrina. Nam liuida non significat humores liuidos, sed nigros parum permixtos, & pro maiori vel minori permixtione ipsius humoris melancholici, cum substantia serosa, nigra, vel liuida vrina consurgit.

Aduerte secundò. Humorem nigrum, ex cuius permixtione fit vrina nigra, generari vel propter vehementem caliditatem, à qua exurit & nigrescit sanguis, humor biliosus, aut melancholicus, & tunc mediare, hoc est, mediante prædicta adustione, & permixtione humoris adusti generari certum est. Hoc modo in febribus ardentissimis, malignis, sæpissime eam excernit natura, internum incendium manifestè ostendens: in his enim innatus calor debilitatur, resoluitur, & veluti extinguitur. Tunc partes depopulato, & absumpto spiritu frigescunt, (etiam si in illis excedat calor præter naturam) calore na-

Lib. I 1.

turali veluti orbatæ: Hæc frigiditas dicitur priuatiua, & non positiua; nam partes sunt quasi exustæ, & ob immoderatum calorem proximæ sunt extinctioni. Quemadmodum enim exigua flamma, à magna extinguitur; ita internus ignis exiguus, ab immoderato calore resoluitur & absumitur. Hoc modo si intelligas Galenum, tutus incedes, qui ob frigiditatem priuatiuam, seu mortificationem, vrinam nigram oriri asseuerat.

Deinde. Si humor melancholicus generatur ob vehementem frigiditatem positiuam, ratione cuius magna copia humoris melancholici propullulat, qui permixtus cum vrina in magna quantitate, cum sit ater, ipsam reddit nigram; cur color niger à frigiditate non oritur? Tanti est momenti hæc ratio, ut in com. Auic. cit. loc. acutissimus Gentilis, vnà cum Iacobo de partibus, & cæteris expositioribus asserat, hanc frigiditatem ad vrinæ nigræ generationem requisitam, coniungi cum siccitate debere, ut humor melancholicus generetur aliàs si cum humiditate coniungatur, potius humor generabitur pituitosus. Quare si in corpore, & præsertim in iecore reperitur excedens frigiditas quam sub nomine mortificationis lib. 1. cris. 12. Galenus intellexit, ) mediante generatione humoris melancholici, vrina nigra consurgit. Lege eruditissimū Montanum part. 2. medicina vniuersa, c. 2. de colore vrinæ, post med. & Ioan. Zecchiū tract. de vrinæ, tit. de vrina nigra.

Vltimò. Humor melancholicus, etiam in statu naturali, generatur in iecore per subsidentiam, quia scilicet in materia, ex qua generatur, calor remissè recipitur. Ergo in statu præternaturali, quando calor est imbecillior, maior copia humoris melancholici generabitur. Illud concedes cum Auic. 1. 1. doct. 4. cap. 1. Nam si calor est remissus excedit frigiditas: tunc substantia crassa, & terrea alimentorum, ex qua humor melancholicus generatur, minus caloris naturalis recipiet, & illius magna copia generabitur. Ergo cum color niger, ob maiorem prædicti humoris permixtionem generetur, ab intensa frigiditate eum oriri, sicut Galenus prædixit, non imus inficias.

Ad argumenta facilis est responsio. Dic ad primum. Verum quidem esse, colorem nigrum in partibus externis ob frigiditatem excedentem, extinguentem calorem naturalem, oriri, hoc tamen in partibus internis non contingere in generatione coloris nigri in vrina: cum enim hic color ob permixtionem humoris melancholici fiat, debet generari à frigiditate, cum qua compatiatur vita; & sic non dicit omnimodam extinctionem caloris innati, sed maximam remissionem, sufficientem tamen ad vitam; & hoc modo lib. 1. cris. cit. intelligendus Galenus. Ex solutione huius, secundi argumenti expositio patere potest: nam frigiditas maximè intensa & morbosa illos effectus producit, cum qua humor melancholicus minimè generari potest, quum nulla detur actio in iecore. At verò illa frigiditas, quæ ita excedit, ut non omnino extinguat calorem innatum, neque planè actionem naturæ impediatur, est in causa, ut magna copia humoris melancholici cumuletur, ex cuius permixtione nigrescit vrina. Neque verum est (ut ad tertium pateat solutio) nigrum colorem per simplicem alterationem oriri, sed propter permixtionem humoris frigidi, & sicci. Ex quibus ratum fit ac manifestum, Galeni doctrinam summo cum iudicio esse prolatam, vanamque illorum, qui his argumentis fulci, huius mentem obscurare pugnaciter contendunt, quo homine, Hippocratis, seu, ut veriùs loquar, naturæ loquentis præceptis instituto, nihil statuo in medicina fieri potuisse diuinius.

## HISTOR. CXXVIII. AVENZOAR.

## De lapide renum.

## Renum calculus, Balsami ope excretus.

Etiam recordor cum essem in carceribus Haly, quòd ipse missus scriptorè unum suum, qui erat in cōditione mortis à lapide, & præcepi ei ut biberet tertiam partem uncia de optimo

M m 2

Balsamo

*Balsamo, & eiecit lapidem cum vrina in ipso die, & c. Auen- A*  
*zoar lib. 2. theizir, tract. 2. cap. 7.*

## PARAPHRASIS.

**I**Nter morbos quibus renes quati solent, frequentior, & qui plus molestat, est ipsorum lapis, qui affectus etiam nephritis à Medicis nuncupatur, ut docet Galenus *lib. de ren. dignor. cap. 2.* dicens, quod licet omnis affectus, quo renes laborant, nephritis dicatur, præcipue tamen calculus, hoc nomen peculiare sibi vendicat. Est ergo calculus renum, corpusculum quoddam durum, toto genere præter naturam, instar lapidis, seu topi in renibus productum.

Num hic affectus sit morbus, an causa morbi, certatim agitant iuniores: sed quæstio est dialectica, & ad curationem impertinens, auctore Galeno *lib. 5. de loc. cap. 1. in med. siue enim calculum dicas morbum, aut causam morbi,* pronunciabis vera; nam quatenus replet & obstruit, morbi causa est; & quæ lædit, & impedit actiones vesicæ per se morbus est. Tu verò quæ contra obiici possunt, solve ex Turisano *lib. 3. techn. com. 37.* Quidquid Argentarius *lib. de generib. morbor. cap. 9.* aliter sentiat.

An verò sabulum in interiori cauo, vel in propria renum substantia generetur, contendunt multi. Fernel *lib. 6. pathol. cap. 1. 2.* arenulas in substantia produci adstruit. At illi planè aduersatur Galenus *6. epid. sect. 1. com. 5.* tum calculos, tum illas in renum cavitatem gigni asseuerans: non enim quoddam rubræ sunt, & duræ, renisque substantiam, coloremque retineant, in propria substantia produci dicendum est; hoc enim accidit, quoniam ferè contingit, cum sanguine illic pituitam permisceri: in vesica verò albi potius nascuntur calculi, quum pituita sæpe in eius cavitatem pura prolatur, in renibus verò transcolata prius, & subinde à sanguine prorsus secreta.

Nullus est morbus adeò carnifex quàm lithiæsis; quare in eius curatione & præseruatione Medicorum peritissimi indefessè insudarunt; & præter alios, qui de huius affectus curatione scripserunt, legendi Gerardus Bergensis *lib. de articulo. & renum morbi,* Kentmannus *lib. de calculis,* Fonseca *lib. de calculosis,* Eustachius *lib. de renibus,* celeberrimus Ioannes Beuerouicius proprio tract. de calculo renum, qui ex sua & magnorum virorum doctrina, de eodè argumento discepat politè, eleganter, & doctè. Num verò lithotomia renum & vesicæ à veteribus celebrata, sit aliquando exercenda, reperies apud Schenckium historias miras, ex probatissimis auctoribus decerptas, quibus hoc auxilium non esse impossibile comprobatur. De hoc instituto lege Septalium *lib. 7. caution. medicin. n. 126.*

Inter plurima variæque præsidia, quæ pro lapidis curatione à Medicis proponi solent, Balsamum est celebratissimum, securissimumque auxilium. Hoc ab arbore quadam pretiosissima per incisionem extrahitur, de cuius ortu, ac magnitudine, tanta est inter auctores sententiarum varietas, ut si illos numerare intendas, prius in ipso limine obruaris, quàm optatam metam attingere possis Iustinus Historicus *lib. 3. 6.* & Hegecippus *lib. 4. de excidio urbis Hierosolymisane, cap. 17.* Augustani Medici in pharmacopœa, in prolegomenis, sit. de balsamo, balsamum verum in Iudæa nasci affirmant. Theophrastus *lib. 9. de plantar. hist. cap. 6.* & Plin. *lib. 12. cap. 25.* in Syria oriri arbitrantur. De quo argumento Sebastianus Munsterus in descriptione Iericho, & *lib. 6. cap. prop. & lib. 1. cap. 31.* Strabo *lib. 16. Geograph. Ruellius lib. 1. de natur. stirp. cap. 35.* & alij diligentissimi aromatum scriptores, plura literis consignarunt. Dioscorides *lib. 1. cap. 18.* inter arborecentes plantas locum obtinere affirmat, & perpetuis caudicibus, ramis foliisque constare tradit.

Quidquid ergo sit de eius ortu, magnitudine, descriptione, verum balsamum probamus, si lancæ velli instillatum, maculam nullam relinquit, si lacti, aut aquæ infusum coagulet. Sed non miror hoc modo hodierno tempore non posse probari, quum pretiosissimus hic liquor ad nos adulterinus afferatur, qua ratione Galenus, ut verum à falso dignosceret, in Iudæam nauigauit, ut constaret ex ipso, *lib. 1. de antidot. cap. 1. & 13.*

Generosum hoc medicamentum, calidum cùm sit & siccum excessu secundo, ex Galen. *lib. 6. simpl. tit. de balsamo,* est tenuium partium, menstrua prouocat, sudorem prolicit, secundinas extrahit, tenebras oculorum abstergit, horrores discutit, vlcera sorditiam expurgat, cruda concoquit, vrinam mouet, ægrè spirantibus prodest, serpentum, & bestiarum ictibus virulentis medetur, pulmonum vitiis, tussique antiquæ auxiliatur, comitialibus, & vertiginosis remedio est, squammas offium extrahit, obstructions aperit, nervorum affectionibus succurrit, cerebrum roborat, emplastri modo applicitum easdem fortitur vires, arenosam substantiam eorum extergit, renum & vesicæ vias mundificat, harum partium lapidem comminuit, quum crassos & concretos humores per vrinæ vias expurget, & tenuitate sua, densas compacti lapidis partes penetrans, ipsum in minutissimas porciones dinidat. De huius præsidij viribus eximii fusè egere, Auic. *lib. 2. tract. 2. c. 84.* Serapio *tract. de plant. cap. 140.* Dioscoridis interpretes *loc. cit.* Hermolaus *lib. 1. corol. 18.* Monardus, Fragosus, Prosper Alpinus in suis dialog. de Balsamo, Castor Durantes in suo Herbario, *lib. 6. cap. de Balsam. Saladinus cap. penult. in Nicol.*

## D V B I V M LXX.

*Num solus homo inter cetera animalia calculo laboret.*

**M**Uta siquidem supra in com. histor. 37. non citata delectum congeessimus, cùm de efficiente causa generationis lapidis sumus loquuti: nunc de materiali causa agendum est. Nam cùm renes ferè expurgent sanguinem, & quidquid tenue ac serosum, cum sanguine ipso permixtum existit in iecoris vasis, ad seipsos attrahant per vasa emulgentia, his latius patefactis nonnihil etiam ex crassioribus succis simul illabatur: si ergo id per vteretres facile non descendat cum lotio, sed detineatur; vel propter expultricis imbecillitatem, renum densitatem, vel meatuum angustiam, diùque impactum hæreat cavitati, ab immodico visceris calore ita exurit & arescit, ut partim humiditate serosa consumpta, partim ad vesicam descendente, residuum, densum, terreum & crassum euadat, ac lapidis instar durum ac concretum, quod pro ratione materiæ, & agentis intemperantiæ, aliquando in insignem magnitudinem, & duritiem accrescit.

**D**Atque is est calculi in renibus generandi modus, quem aptè assimilauit Trallianus *cap. de lapide renum,* Halyab. 9. theoric. 34. & alij, fictilium vasorum efformationi ex terræ luto, & solari vel igneo æstu. Quemadmodum enim figulina, vel vitrea vasa, ex idonea materia confecta, ad solem, aut ignem adeò exiccantur, ut tanquam in lapidem indurata, nec ab aqua emolliiri vntquam, aut dilui possint: ita ab igneo renum calore, quem possunt concipere, ex viscidis, crassisque humoribus, lapilli. Quare causa lapidis, est crassus lentusque humor.

Hoc modo lac, præsertim vaccinum, calculis gignendis est aptissimum, ex Galen. 5. de sanit. tuend. cap. 7. & lib. 3. de aliment. facult. cap. de lacte. neque enim quia biliolum est, & ob hoc febricitantibus interdicitur, 5. aph. 64. sed quia plurimum caseum habet, & sic secundum partes caseosas, in stomacho vel iecore æstuate, in crassum abit succum, à quibus intra calentes renes adustis lapis generatur. Neque ex hoc inferas, foeminas, quia redundant crassis succis, frequentius calculo tentari, cùm contrarium asserant Auic. 18. 3. tract. 2. cap. 17. Serapio tract. 4. cap. 19. Halyab. 9. theoric. ult. nam licet forminae sint pituitosæ, & multas acruent cruditates coagulationi aptas, quia tamen non retinentur, immò facile excernuntur cum vrina, propter amplum breuèque vesicæ collum quod habent, non ita frequenter calculis, præsertim vesicæ sunt obnoxia.

Sed pro maiori explicatione, expediendum est dubium quoddam, quod superiorem doctrinam vehementer impugnatur. Nam si crassitudo materiæ calculis occasionem præstaret,



præstaret, cætera animalia, excepto homine, calculis essent obnoxia: nam hæc crassis succis redundant, ex crudis cibariis, quæ citra delectum ingerunt, & turbidis quas potant aquis. At contrarium asseuerat Arist. 10. probl. 42. solum hominem calculo laborare asseuerans.

Vidit inter omnes dubium hoc Mercurialis lib. 2. de morb. pueror. cap. 21. dicitque cum Conciliatore in comm. probl. Arist. qui eum vidit extractum è vesica suis, aliquando cætera animalia, licet raro, calculo laborare. Nec mirum, nam Garzias ab horto, in lib. de hist. aromat. simpl. apud Indos nascentium, c. 5. asserit, lapidem Belzaar generari in ventriculo cuiusdam animalis, quod persica lingua vocatur *Paçam*. Et Nicolaus Monardus, tract. de lapide belzaar, (quem clarissimus Carolus Clusius ex Hispanica lingua in Latine transulit) non solum in ventriculo, sed in variis corporis illius partibus internis, & renibus nasci. Immo Plin. lib. 11. c. 9. in iuuenearum ventre lapidē scribit inuentum: & Scaliger exercit. 125. reperiri in vesica fellis tauri affirmat: & in cæcis, & testudinibus, & eiusmodi aliis generatur, sed potissimum in homine, atque in renibus, & vesica.

Cur vero solus homo inter alia calculosus sit, Aristoteles refert ad canalē vesicæ angustiam, ratione cuius non ita facile prodire queunt terræ & crassæ humoris portiones, quæ simul cum tenui, & serosa humiditate labuntur; retentæ enim à calore loci amplius crassescunt, & in se reuersæ cohererent, concreſcuntque in lapidem. In aliis vero, quæ mingunt animalibus, ob patentiores vesicæ meatus protinus excernuntur, non retinentur, quod ad calculi generationem summè est necessarium.

Licet autem de solo vesicæ lapide loquatur Aristoteles, ad renalem etiam potest extendi ratio. Latiores enim habent iumenta, & pecora vias omnes urinarias, quàm homo, quod eorū crassæ, perturbatæque vrinæ 4. aph. 70. manifestè demonstrant: sic fortè prouidente natura (quæ cunctorum salutē, & incolumitati prospicit) imminentibus morbis, ex crudis & crassis cibariis, quæ bruta ipsa ingerere solent. Alij frequentem calculi occasionem in homine purant, detentionem materiæ: sed non tam ob nativam meatuum angustiam, quàm propter obstructionem ex lento, & crasso humore in renibus, quæ non solum calculi, sed & plurium morborum origo est: quoniam enim homo ex alimenti copia, exercitij inopia, obstructionibus frequenter corripitur, & ex naturalium facultatum debilitate, propter distractum calorem, quo pollet ad diuiniore alias functiones obeundas: idèo quanquam proportionē sui corporis, insito calore superet aliqua animalia, & temperamenti perfectione vltimum mixtorum sit, & finis miscibilium, creberrimè ægrotat, & calculo frequentius affligitur.

## D V B I V M LXXI.

*Num pueri, vesica calculis; senes, renum lapillis magis sint obnoxij.*

**C**alculos in puerorum vesica frequentius; in adultis vero, ac senibus in renibus generari omnium Medicorum consensu pro confesso habetur. Nam pueri lapides acceruant, quoniam edaces sunt, intempestiuè mouentur post cibum, vnde crudus succus gignitur, & incoctus in venas distribuitur. Lactentibus vero, & materia ipsa occasionem præbet; lac enim natura crassum est, & ad calculos creandos aptissimum, ex Gal. 6. epid. sect. 3. com. 15. Accedit alia causa, ex Gal. lib. 1. cris. 12. nam cum vna ventriculi operatio non possit duobus similiter sufficere; augendo scilicet, & alendo, propterea antequam alimentum in ipso sit coctum, ipsum ad se corpus attrahit, atque hinc fit, vt plurimum humoris coaceruet.

Sed cur in pueris in vesica calculi magis generentur, quàm in senibus, quod *cir. epid.* docuit Hipp. explicat Gal. in com. Ex hoc ergo deducere poteris non inualidum argumentum contra Fernelium lib. 6. parib. 13. qui noua, falsa tamen, & fabulosa opinione, aliam occæpit causam calculi vesicæ inuestigare. ac comperiisse monet, omnem calculum in vesica conclusum, rudimentum quoddam è

Lib. II.

A renibus traxisse, è quibus per nephriticum dolorem exiēs, si grandiusculus est, in vesica aliquandiu hæret, ac plerumque persistit, illicque allatarum sordium adhæsu coagmentatur, quousque verus, ac confirmatus lapis fiat. Nam præter multa, quæ contra eum obiicit acutissimus Duretus in com. sent. 6. cap. 22. Coacar. Hipp. & alij qui eius argumenta dissolunt, oblitus fortè fuit vir iste, pueros ferè omnes, calculo vesicæ laborare, quorum tamen vix vllus vnquam renum calculo antea est oppressus, vt probant Cardanus lib. 3. aph. com. 26. Brasauolus lib. 4. aph. 79.

Galenus ergo *loc. cit. epid.* causam huius euentu: sic inquirat. Cum enim renes, calore amplius quàm vesica abundent, crassique succi & pituinosi in pueris, ob caloris innati inopiam fusi sint, & veluti liquati, in eorum renibus transcolantur, neque inibi immorantur, quia non crassescunt; in vesicam autem decumbentes, ita ob loci innati calidi languorem ipsos crassescere contingit, vt diutissime parietibus vesicæ adhaerentes, possint illic remorari, calorèque loci sensum lapidescere. Contrà in senibus accidit potius, lentos crassosque succos in renibus hædere per moram, ita vt ad vesicam vix pertransire queant: quoniam ob innati caloris remissionem, tenaces succi fusi, vt in pueris, esse non possunt.

Sed cur frequenter in pueris non generantur in renibus calculi, quum calor renum in omni ætate, & sexu, validior & intensior sit, quàm vesicæ; maiorque in illis, quàm in senibus, qui crassum, glutinosumque humorem congestum, diu retentum exallare, & lapidis instar cōgelare potest? Dic, quia senibus maior copia crudorum succorum ad renes colligitur, qui præ sui crassitie, meatuum angustia, & debilitate expultricis colari nequeunt, aut deorsum ferri cum vrina; vnde renibus ipsis infixi remanent, & tandem vel ab exiguo senum calore torrentur, & lapidescunt.

Sed cur stricturæ viarum, durities partium, & debilitas expultricis non reddunt etiam senes vesicæ calculis obnoxios? Dic, quia renes non expurgantur, sæx crassa lapidis materia in ipsis relinquitur, non descendit ad vesicam, sed tantum pars serosa tenuis, quæ percolari potuit. At verò in pueris, cum validæ sint actiones naturales, non ita aceruantur, detinenturque in renibus viscosa & crassa; tum quia humorū crassitudo ex voracitate in pueris genita, à multitudine humoris funditur ac dissoluitur, & liquida, iam resoluta, & attenuata fertur in renes, atque idèo facile per eos meat in vesicam (promptè enim etiam per angusta transfunduntur crassa, si prius à calore liquentur;) tum licet crassa materia, & ad lapidis generationem accommodata ad renes perueniat, in illis non permanet, sed à forti calore fusa, liquaræque velociter deorsum pellitur ab expultrice robusta, iuuante simul descensum mollitie; & viarum laxitate. Postquam autem ventum est ad vesicam, quæ frigida est, nervosa, & exanguis, amplæque cavitatis, in ea rursus crassities illa gelatur, & in lapidem cōcreſcit, si diu immoretur, nec simul cum sero egredietur; per moram enim sæx crassa descendit, & subsidet in canitate. At verò puerorum vesica habet sufficientem capacitatem ad crassum terreum subsidendū, non renes, propter eorum paruitatem in exiguo corpore; nec grossum illud ita facile cum vrina excernitur, quin ad intervalia mingendi necessariò moratur & subsidet, tandem lapidescit pueris in vesica, senibus autem in renibus quoniam sua amplitudine locum præbet subsidentiæ, & concretioni, ita Gal. *cir. epid.* & inter alios Aphrodis. probl. 107.

Cur verò expultrix robusta à vesicæ calculis, perinde ac renum, pueros non liberat, vtrobique pariter effundens cū vrina faciem, non permittens in vesica congeri, ac morari ad concretionem lapidis? causa non est viarum angustia, (cum secundum Gal. *loc. cit.* multò angustiores in renibus puerorum transitus, vesicæ autem ceruix vsque adedò lata, vt cuiusque materiæ crassitudo per eam facile transmitti possit,) sed vel maior tenacitas materiæ ex lentore per maiorem coctionem acquisito, ratione cuius magis in vnum coit, consistit, atque adhæret, propter quam causam crassæ redduntur puerorū vrinæ 2. prog. 33. vel languida expulsio vesicæ puerorum: quamuis enim illa merè naturalis dicatur, & omnium naturalium robur pueris inesse; quia

M m 3

tamen

tamen ad omnimodam urinz excretionem non parum A etiam iuuant abdominis musculi, qui interuentu facultatis animalis motu operantur, cuius est omnium musculorum operatio, & cum hæc ipsa facultas pueris debilissima sit, quin & sensitiua ad expulsionem vesicæ omnino requisita: fit ut nunquam vesica mingendo pueris satis expurgetur, sed remanent sordes lentæ & crassæ in vesica ipsa, quæ deinde concrecunt calore loci: non aliter atque concrecere solent arenæ in matulis, ac multò magis in vasis angusti oris, quum non effunditur liquor magno impetu, sed paulatim, aut languide.

Notabis ex Auic. 18.3. *tratt. 3. cap. 16.* pueros obesos vesicæ calculis esse cæteris magis obnoxios, graciles verò & extenuatos, è contra: nam obesi, ex Hipp. 2. *aph. 44. & lib. de sang. mis. cap. 11.* angustas habent venas, & hoc modo viscidæ, tenaces, lentæque materiæ, nisi admodum attenuatæ, percolari non possunt, sed ibidem concrecunt in calculum, retentæ, & tostæ.

Aduertes deinde, calculosos excarnes & graciles, maiori periculo esse expositos; nam ob vigilias, dolores, febrem, frequentem attenuantium medicamentorum usum facillimo negotio tabescunt, & maximè si diu hac premantur affectione: nam intemperies illa fit habitualis, à qua de nouo, indies magis ac magis regenerata lenta materia fouetur morbus. Et dispositio ista non solum fit habitualis, verum aliquando est contracta à primordiis generationis, ex seminisque vitio acquisita, quare tunc reparari non potest. Calculosam enim affectionem, esse hæreditariam, primus omnium prædixit Hipp. *lib. de nat. puer. & lib. de loc.* Explicuit deinde Fernel. *lib. 6. pathol. cap. 12.* firmavit Marcellus Donatus *lib. 4. de hist. mirabil. cap. 30.* Quo pacto autem sit curanda, proposuit Mercur. *lib. de morb. hereditar. in princip.* diligenter, & sub exemplo Phthisis, confirmat grauissimus auctor, Valleriola, *lib. 3. obseru. 6.*

## HISTORIA CXXIX. AETII, De calculo renum.

Ad lapidem renum, passerculus troglodytes, remedium laudatissimum.

Naturalis autem vim omnino admiratione dignam habet passerculus troglodytes aduersus calculosos. Itaque sale conditus, & crudus in cibo acceptus morbum perfectè sanat. Et noui quosdam, ob eius usum, nunquam amplius ab affectione vexatos, &c. Aëtius *tetrab. 3. serm. 3. cap. 11.* Et Trallianus *lib. 9. cap. 3.*

### PARAPHRASIS.

Plurimum laborare Medicos in nephritico dolore cognoscendo, quando videlicet colicum dolorem mentitur, supra in *com. hist. 94.* ex Galeni mente ostendimus: maximè cum nullum sit certum lapidis renum indicium, ut Syluaticus *controu. 32.* & Carretius *disp. 53. ad libros de locis affectis Galeni*, comprobarunt eleganter. Cum verò cognoscitur affectus, vix auxiliis succumbit; nam renes calculosos arduum est præseruare à gignendis calculis, cum hæc affectio homines comitetur vsque ad mortem, ex Gal. *lib. 2. aph. com. 40.*

Veterum doctissimi, calculis renum, & vesicæ, inter præsidia omnium longè præstantissima, & efficacissima, hoc ex æue troglodytica paratum miris laudum præconiis, tam ad præseruationem, quàm curationem celebrarunt, quod a proprietate, seu tota substantia prodesse testantur Galenus *lib. de rex. dignot. atque curat. cap. 7.* Marcellus Empyricus *lib. de medicament. c. 26.* quicquid nilium dari medicamentum à tota substantia lapidem frangens, somniet Pereda in *com. cap. 47. lib. de curand. morb. Paschalij,* quæ Aëtius cor:git hoc in loco, & post eum cōprobauit Emmanuel tupanus Basileensis in *theorica, c. de lap. ren.*

Auis troglodytes nomen habet à subeundis troglis, id est, caernis, ut & Troglodytæ populi. Pyrgites verò vulgò apud recentiores Græcos passer communis domesticus est. Recentiores quidam Medici, & Arabes, pro troglodyte passere, caudam tremulam interpretantur, & ab aliquibus dicitur moracilla, & nomine corrupto, tanquam Arabico Auic. 18.3. *tratt. 1. cap. 19.* *traguliridico* vocatur. Hæc auis iuxta sepes & muros victum quatrat, omnium avicularum minima, ea excepta, quæ Regulus appellatur: similis est autem regulo in multis, præterquam quòd in fronte auricolores pennas non habet. Est etiam troglodytes passer paulo maior regulo, & nigrior, caudaque semper subrecta, & albo colore, magisque ganulus quàm regulus est, & sanè iuxta summum alæ, lineamentum cinerei ampliùs coloris: breues item volatus facit. Huius descriptionem, & effigiem pete à Gesnero *lib. 3. de auibus, proprio capite de passerculo troglodytico.*

Hic itaque & sale conditus, & crudus in cibo acceptus morbum perfectè sanat: nam calculos iam concretos per urinam expellit, in posterumque generari prohibet; cuius combusti cinerem, adiecto piperis momento, cum mero eporum, celeberrimum esse auxilium pro curandis, & præseruandis calculosis, memoriæ commendarunt plures, de quorum numero sunt præcipuè Auic. *loc. cit.* Serap. *tratt. 4. de aegritudinibus renum, c. 21.* Paul. *lib. 3. c. 45.* Matthæus Gradius in *com. cap. 14. lib. 9. ad Almanf.* Nicolus *serm. 5. tratt. 9. cap. 19.* Baptista Theodosius *epist. 19.* Nicolaus Myrepsus *antidoto 60.* Horat. Augenius *rom. 3. epist. 4.* Christoph. à Vega, Altimarus, & cæteri, qui de calculi renum curatione doctè conscripserunt.

Conditur optimè pennis euulsis, atque inde largo sale obrutus, & postea arefactus, editur. Melius autem est, si plures inueniantur, coctos eos edere. Exhibentur etiam alio modo. Passerculus non deplumis in ollulam conicitur, ac deinde operculo addito vratur, animaduersione assidua habita, ne fallaris, cum in cinerem sit redactus, & in aërem exhalans, vstione absumatur totus: consuevit enim hoc contingere, tum ipsi tum aliis qui vruntur: quapropter præstat olla operculum non oblinire, ut per interualla, operculo dempto, vstionis modum intueamur. Exhibendus est autem semel omnis vnus passerculi vsti cinis per se, aut modico pipere admixto, ut saporis incunditate ori commendeatur. Vstus itaque passerculus peregrè proficiscentibus commodus est, licetque melle cocto exceptum in promptu habere. Melior autem mihi videtur condiendi modus, atque adhuc dictis præstantior, si quis euulsis pennis vinum sale obruat, quod & ego facio, inquit Philagrius. Arbitror enim & sanguinis naturam quiddam in se complecti, quod minimè vulgariter proficit: cui ampliùs stercoreis efficacia accedit, quam ex vstione debiliorem reddi planè credo. Proderit etiam eis qui abundant, assatos edere integros, ita ut nihil ex iis præter pennas abiciant. Atque hac quidem sunt quæ secundum proprietatem totius substantia efficacia existunt. Hactenus Aëtius *tetrab. 3. serm. 3. cap. 11.* Lege Rodericum à Fonseca *lib. de calculorum remediis*, & Petrum Væzium in *compendio medicament. cap. 15.* qui inter selecta huic vsui medicamenta, hunc passerem reponunt.

## HISTORIA CXXX. RHASIS, De ulcere vesicæ.

Vlceris vesicæ dolor, opiatis lenitus.

ET erat in filio David, vlcus in meatibus urinae, ex quo Epaticabatur dolorem vehementem, similem dolori parturientis, cui dedi in potu de semine hyoscyami, quar. 1. opij. cerat. 1. sem. citrullor. 3. ij. sem. lactuca 3. i. sem. portulac. 3. lb. & mitigatus fuit dolor illius: & hoc factum est, dum frequens fuit ipsorum bibitio per dies, & ipsa bibitione dimissa excitatus est dolor ipsius, & reuersa ipsa cura exinde mitigatus est dolor ipse, &c. Rhasis *lib. 23. continent. tract. 3. cap. 1.*

## P A R A P H R A S I S.

**M**vlis de causis contingit exulcerari vesicam, aut ob præcedentem abscessum, aut tuberculum quod præcessit, aut rupturam, seu ob fluxionis rosionem, ex materia acri, mordaci & abradente, à capite, aut à toto in vesicam confluente: quod vno è duobus modis fieri dicendum est, vno per venam cauam, trahentibus emulgentibus humorem prauum & vitiosum; alio fluentibus humoribus per venas, quibus vesica alimentum susceperat. Plerumque etiam vlcus in vesica concitari solet, ex aspero, duro, & magno vesicæ calculo.

Huius affectus signa latè proponuntur ab Auic. 19.3. *tract. 1. c. 16.* Acrio & Paul. *lib. 3. cap. 45. tit. de abscessu, & exulceratione partium per quas vrina descendit.* Has autem partes præcipuè vocamus vteretas, seu urinaria vasa, aut urinarios meatus: hi enim à sima renum parte oriuntur duo, concaui, albi, crassique, arteriarum instar netuei, ad vesicam progredientes. Hi simplici constant tunica, sed densa, villis tantum obliquis texta: ita namque meatus illi distendi, ac contrahi faciliè possunt, & iniuriis faciliùs obstant. Adherent vasa hæc peritonæo, ab eoque communem accipiunt tunicam: hinc super lumborum musculos supertensa, deorsum ad vesicam prorepunt, eiusque lateribus reflexu sinuoso, & in anfractus cōuoluto mirificè implantantur, ne in vesicam illapsa vrina remigret. Sed distinguenda est, vt Paulus inquit, renum exulceratio, ab ea quæ vesicam, vel meatus urinarios, exercet: nam renibus exulceratis, dolor in lumbis cum grauitate excitatur, & sine impedimento vrina redditur, cui pus mixtum reperitur, carnosus particulis innatantibus. Vesica exulcerationem experta, tormentum vehemens in pectine, imòque ventre mouet, vrinæ difficultas vrget, pus, vbi reddita est vrina, subsidet, squammulæ adsunt cum odore fædo, ex Hipp. *lib. 4. aph. 81.* Si verò meatus urinarij sint exulcerati, etiam puris mixtura medio quodam modo habet, & pilis similia potius in lotio feruntur, dolorque mediam, inter renem & vesicam, regionem occupat. Si autem pus, aut sanguis excernatur, idque citra vrinam, nullius particulæ ex prædictis, sed pudendorum exulceratio significatur.

Ex fœtore autem, seu graui odore puris, vesicæ vlcera cognosces, nam cum pars quæ putrescit in vesica, sit interna tunica, hæcque sit carnea, tardiùs putrescit: si autem hoc contingat, vel violentiorem & grauiorem causam significat, & sic vehementior concitatur fœtor. Secundò hoc euenit ob mixtionem partium aquearum vrinæ, quæ retentæ vehementiùs putrescunt: & vesicam corumpunt & inquinant. Si autem vlcus serpat, & altius erodat, excernuntur mucosa, saniosa, cruenta, & graueolentia, nam, vt in *com. cit. aphor.* rectè notat Heurnius, ex vesica vlcerata excrementum pus graue olet, quoniam excrementa retenta cum vrina, à calore ipsius debili non gubernantur, sed faciliè per putredinem, tetrum odorem concipiunt: quæ ramentis intestinorum in dysenterijs simillima, cum dolore, & ardore expelluntur: & si ex collo, seu ceruice excrementa prorumpant, ea sunt crassiora, quoniam huius particulæ substantia carnosior est, vt Galenus *lib. 6. aph. com. 18.* & Realdus Columbus *lib. 11. anat. cap. 10.* cæteri que docti Anatomici prædixerunt.

Vesicæ vlcus à quauis causa subortum, vel nunquam, vel rarò, & maxima cum difficultate sanescit, sed illo prehensi, indefinente dolore, febribus, vigiliis, & colliuatione, alij citiùs, alij tardiùs occumbunt: multis enim de causis huius partis vlcera fiant insanabilia, est necesse. Prima. Ob assiduam suscepcionem excrementi, & eiusdem excretionem: quæ autem sanari debent, quiescant oportet, vt Galenus *lib. 5. meth. cap. 8.* proposuit. Secunda. Excrementi natura acris est & mordax, & ob eius retentionem naturalem, acrius, & mordacius efficitur. Tertia. Quoniam medicamenta ob angustas vias vim auxiliorum non susceperant. Quare vesicæ morbi difficilis sunt curationis, quoniam ob longinquas vias medicamenta vires suas amittunt, & si per pudendum hæc iniicias, hoc ob debilem calorem illa ad actum deducere nequit: quare certum erit periculum in eius vlceribus; nam Hippocræ-

A tes vesicam discissam non coalescere affirmat, quod non solum de vulneribus, sed vlceribus intelligendum esse, tenet Cardanus in *com. cit. aphorismi.* Licet enim vulnera sint lethaliora, sic tamen maiorem sanitatis spem habent, quoniam violenter inciderunt: vlcera autem vt sunt curatu difficiliora, ita lentiùs mortem inducunt.

Sed si omni sanationis spe carent, vt auctores testantur, & Cardanus *ibi* affirmat, cur opiat, & stupefacientibus gloriatur hic Rhasius hunc vesicæ vlcere detentum persanasse? Dic. Medicamentis citatis non fuisse curatum vlcus, sed dolorem mitigatum. In hac enim historia, immani dolori opitulari intendit, neglecta ipsius causa: sic cogit sæpe necessitas; nam vrgens dolor cum virtutem valde prosternat, gerit vicem morbi, totamque curationem ad se vocat, ex Galen. *lib. 4. de compos. medicam. sec. loc. cap. 14. & lib. 12. meth. cap. 1. 7. & 8.* Quare mitigandus est, quum calorem naturalem maximè deiciat, ex Galen. 2. *aphor. 6. & lib. 4. de loc. cap. 7. & 2. acut. comm. 48.* Insuper fluxiones exacerbando, & proritando, reddit partem debiliorem, & ad suscipienda excrementa aptissimam, & sic sordescit ampliùs vlcus.

At cum plura sint huic operi vtilia auxilia, narcotica, opiata, seu stupefacientia sunt reliquis præstantiora, quæ indolentia à Galeno nuncupantur, quæ præterquam quòd auferendo sensum, partem expertem doloris reddunt, acres etiam & biliosos humores, vlcus fouentes attemperant & incrassant. Inter hæc primum locum tenet opium, ex Galen. *lib. 7. secund. loc. cap. 1. & lib. 9. eiusd. cap. 4.* quod cæteris stupefacientibus permixtum proprius operabitur. Quomodo autem hæc medicamenta sint permiscenda, ostendit inter omnes doctissimè Trincauellius *lib. 2. de compos. medicamentor. cap. 9. de narcoticis medicament. & lib. 1. consil. 32. de ulcere in collo vesica, ac meatu urinario.*

Miraberis, cur Rhasius opium, cæteraque vt hyoscynamum, semen lactucæ, per se sola incorrecta propinet, contra Galeni edictum *lib. 8. secund. loc. cap. 3. & lib. 3. eiusd. c. 1.* dicentis, opij, narcoticorumque vehementem frigiditatem, esse castorio, pipere, & aliis calidissimis medicamentis, facultate contrariis corrigendam. Dic. Quod licet ex Galeni mente aliquando opium incorrectum possit propinari, vt latè *lib. 1. in com. histor. 61.* disciprauiamus. tamen cum partes longinquas hæc medicamenta debent penetrare, calida permiscenda sunt, ne in itinere exoluantur, & vribus deficiant; imò si sint diuretica & tenuium partium, proprius illa deferunt ad partem affectam, vt notauit Auicenna. *18. 3. tract. 2. cap. 12.* Hoc modo, si calida simul cum narcoticis misceas, vel post hæc exhibita, deinceps correctorium propines, ex arte facies, sequutus Aetium *tetrab. 4. ferm. 4. cap. 31.* qui post opiata, castorium exhibet, vt fecisse Rhasium, ambigit nemo; nam nec oportet hoc, vtpote clarum, literis exarare; quæ enim *parent, sunt prætermittenda*, apud Galenum *lib. 2. de difficult. respirat. cap. 7.* nam & Hippocrates reliquit dicere nota, pronuncians solum obscurè, vt Galenus in eius laudem adstruxit *lib. 4. acut. com. 72. & lib. 6. epid. sect. 2. com. 30.* quæ repetere non grauatur ipse *lib. 10. meth. cap. 5. in med.* Adde non fuisse magnam opij exhibitæ quantitatem, & maximè per plures dies, & non semel assumptam; nam cærat est semiobolus, obulus autem est pondus medij scrupuli, ex Saladino in *lib. de ponderib. & mensuris*: ita vt tota quantitas opij sex constaret granis, si verum est, scrupulum ex 24. granis constare. Cætera verò non ita intensa pollent, ac opium, frigiditate. Quæ autem pro vlcere vesicæ proponuntur auxilia, inter omnes citant Vidi-  
us Vidius *lib. 10. de curat. membrat. cap. 16. 17. 8. 19.*

Nicolaus Piso *lib. 2. de cognoscendis, & curandis human. corpor. morb. cap. 44.* & cæteri confirmant, qui de vlceris vesicæ curatione peculiare caput conscribere.

\*\*\*

## HISTORIA CXXXI. TRALLIANI,

## De ulcere vesicæ.

Dolor ex ulcere vesicæ exortus, ovis crudis recentibus mitigatus.

**E**go sanè noni quendam, qui oua quamprimum essent posita, sorbebat citra coctionem: dicebatque se plurimum adiuuari, & rosiones, ac dolores qui circa vesicam oriebantur, mitiores fieri assuebat, &c. Trallianus, lib. 9. cap. 5.

## P A R A P H R A S I S.

**P**ars ulcerata, quia debilis, & ex confluxu humorum intemperata, ob calorem, & debilitatem, ingentem humorum actum copiam recipit, quorum plures in ulcerata parte retenti, aciores redduntur, & amplius exulcerant, fodiùsque vlcus efficiunt. Deinde, patientes hunc morbum, febribus, vigiliis, doloréque summo premuntur, indies magis ac magis fiunt imbecilles, & contabescunt. His omnibus totum ouum mirè succurrit. Nam si dolorem spectes, ratione albuminis, & vitelli, illud medicamentum anodynum est: si maciem, reficit exhaustas vires mirificè, viscositate sua diuisas partes incarnat, fluxionem cohibet, lenit, & sorditiem vlcis abstergit. Hæc probè respiciens Manardus lib. 10. epist. 5. in tumore vteri, cum assidua mingendi difficultate, ingenti doloris molestia, renum dolore, stranguria, & dysuria, dolore pectinis; oua nuperrimè nata adhuc calida si sorbeantur, mirè conferre asseuerat; nec despiciendum remedium, quia vulgatum, cuius utilitatem refert Ioannes Agricola Ammonius in com. cap. 4. lib. 6. Gal. de loc. affect.

Sed de medicamentariis ouorum crudorum viribus agendum, cum videlicet integra (id est, cum albumine, & vitello,) citra coctionem sorbentur. Hoc enim modo si sumatur ouum, vlceri renum, & vesicæ, ac sanguinis mictui prodesse, testis est locupletissimus Dioscorides lib. 2. cap. 44. & non siluit Galenus 1. simpl. 11. de ouis. firmat Auicenna lib. 2. tract. 2. cap. 5. 27. Deinde totum ouum crudum recenter assumptum, fluxum muliebrem sistit, hæmorrhagiam cohibet, ex superiori præsertim parte manantem, lenit arteriam, prodest ad inflammationem ani; rupturas; & omnem dolorem perfectè sanat, sitim prohibet, raucedinem emendat, ita ut si raucus oua incocta recentia per triduum ieiunus hauserit, statim sanetur, auctore Marcello lib. de medicament. cap. 16. auxiliatur purulentis, humores in thorace contentos secat, pectus mundificat, & illis, quorum guttur clamore exasperatum est, vel acrimonia humoris concussum, summopere opitulatur; tenacitate enim sua partibus affectis inhærens, cataplasmatibus instat, & substantiæ suæ pariter lenitate morsus mitigat, atque curat: qua ratione biliosos humores, vlcus fouentes, & dilantes infrænat, ac contemperat, excoriationibus internis remedio est, asperitates viscerum ab acro humore pronatas mitigat. Denique tussientibus, pleuritidi, phthisi, vocis raucedini, stricture anhelitu, vigiliis, dysenteria, & diarrhœæ biliosæ mirabiliter confert. Demum, nullus est alius cibus qui in ægritudine alat, neque oner, simulque vim potus ac cibi habeat, quam ouum; ut de eius facultatibus, & præsertim de crudis eruditissimè promulgauit Plinius lib. 29. cap. 3. Quorum vsu, licèt (ut dictum est) vlcera vesicæ non curentur, lenatur tamen ex eorum vsu æger; doloribus amplius mitigaris, & resectis viribus in longum tempus vitam producit. Num verò totum ouum frigidum sit, Galenus agit loc. cit. Vitellum autem modicè calidum esse, latè contra Mathiolum, Acaciam, & Apium probauimus lib. 1. in com. histor. 59. De ouorum verò facultatibus ad plures vsus, plura dixere Conradus Gesnerus lib. 3. de auiibus rit. de gallin. Christoph. à Vega lib. 2. art. medic. sect. 3 cap. 10. tit. de ouis, Ioann. Curio in Arnaldum cap. 8. & 9. regiminis Salernitan. Ludouic. Nonnius lib. 2. de re ciba-

ria, cap. 37. qui in eorum virtutibus describendis ceteros antecelluit.

HISTORIA CXXXII. ACTVARII,  
& Galeni, De vrina nigra.

Vrina nigra interdum mortifera, aliquando salubriter & criticè excretæ.

**V**erumtamen quem aliquando casum vidi in seruo meo, non pigebit ipsum enarrare: qui fortasse quoque aliquo pacto conferet disputationi præhabita, atque res auditu non ingrata est. Accessi ad quendam agrum, sequutis me est seruus meus, ea pharmaca deferens, quæ collatura existimaueram agro. Atque inibi manu capiens pharmacum (erat enim trochiscus amarus) miscui cum eo tantum oxymelitis, quantum satis esse putavi, atque infudi de feruente aqua, ut liquidius & facilius esset ad bibendum pharmacum, idque agro præbui. Ille verò calicem labris admouens, postquam sensit medicamenti insauitatem, atque adeò amarus ipse factus; & cætera superbus, & morosus, quique ad medicamenta capienda non faciliè Medico obsequeretur: volui etiam ipse ludere, atque redarguere abominationem medicina, quæ ingenua ei erat ab anima mollitie. Itaque ubi dixissem, molesti nihil debere tolerare virum quenguam nisi ad utilitatem comparandam, dedi seruo pharmacum ad bibendum, dixique id non mediocriter collaturum esse corpori. Seruus acceptum calicem, manūque labris appositum, euacuatum ostendit: quo facto illinc discessimus. Ipse profectus sum quò decreueram: seruum verò misi ad amicum quendam ob rem aliquam necessariam, iussique ut celeritè reuerteretur. Erat iter breue, obediētē reperi, atque celeritè reuersum. Sed ubi ad me iendum coactus esset, ei visum est nigrum meiere: mihi que retulit id ipsum malum, atque causam nesciens, summopere contristatus est. Iussi itaque ut postera die in matula ostenderet urinam: sic itaque egit, euentum discere expectans, verebaturque ne fortè ignorata causa, repenti moreretur. Ego quoque vrina nigra inspecta primo miratus sum, obliuis pharmaci quod nuper dederam, neque quartanam in eo fuisse considerans, neque melancholiam: solummodo tamen videbam temperaturam eius vergentem ad quendam purum humorem nigrum. Sed hanc solam non credidi fuisse causam facti, nulla altera reddita causa Postquam verò recordatus fui medicina quam exhibueram, intellexi rem, atque risi: iussique puerum confidere, ita ut ei nihil mali expectandum esset. Vrina autem plurimum erat tincta nigrore: quoniam (ut puto) non sapius vsus fuerat ea medicina. Postera verò die vrina apparuit veneta; & die que hanc sequuta est, mutata est ita vrina, ut ad eam que secundum naturam est, concessisse spectaretur. Fortasse à principio non fuisset tincta vrina tam facile ab ebibito pharmaco, nisi etiam labor magnopere adiunxisset, quod ita facile medicamentum distributum fuisset, & vigentem materiam, atque abundantem attraxisset, &c. Actuarii lib. 1. de iudiciis vinarum, cap. 20. Galenus lib. 3. epid. sect. 3. com. 73. §. Equidem quandam noui, quæ talibus vrinis magna copia vacuatis, auxilium percepit, &c.

## D V B I V M LXXI

Num vrina nigra aliquando ad bonum iudicet.

## P A R A P H R A S I S.

**G**alenus lib. 1. de crisib. cap. 12. pessimam iudicat urinam nigram, & neminem seruatum vidisse scribit, ex iis qui hanc urinam minxerunt: nam vel maximum incendium denotat, vel partium mortificationem ostendit, ut prius prædixit Hippocr. lib. 2. aph. text. 32. & 33. & post eum asseuerant Paulus lib. 12. cap. 14. Aëtius tetrab. 2. serm. 1. cap. 44. Hac ratione inter signa lethalia febris ardentis Hippocrates vrinas nigras collocat: lib. 1. epid. sect. 2. sex. 75. Cum hac vrina perit mulier, quæ apud frigidam aquam ægrotabat



ægrotabat in Thalo, in lib. 3. epid. sect. 3. text. 73. Erasimus A quoque obiit 1. epid. sect. 3. text. 25. & text. 84. lib. 3. sect. 3. alius obiit. Ob hanc causam Auicenna 1. part. cantic. tract. 2. text. 306. hanc vrinam omnium deterrimam indicat.

Non est tamen ita temerè recipienda. Galeni de vrinæ nigro colore condemnatio, dicebat peritissimus Lusitanus lib. 1. de dif. feb. Gal. in com. cap. 5. nam & ipse vidit Hippocratem contra pronunciantem in epidemiis. Herophon. enim lib. 1. epid. sect. 3. text. 20. igni correptus, cum vrina nigra, & tenui fuit liberatus: cum enim cursus humoris adasti, inquit doctè Vallesius in com. in liene fecisset abcessum; licet vrinæ nigræ tamdiu durauerint, seruatus fuit æger, quoniam crassus, melancholicisq; humor vacuatus, sine maligna corruptione, potest tales vrinas parere, atque idcirco cum hac vrina, facta ob mixtionem succi atrii, & melancholici, hic æger euasit, vt notat Mercurialis in suis ad hunc locum commentariis, & prius dixerat Galenus in com. Sic Epicratis vxor, in eodem libro, text. 2. 2. cum eadem vrina superstes euasit, licet morbus (vt ait Galenus in com.) fuisset periculosus. Sic Metro caulo prehensus cum eadem vrina euasit, in text. 24. eiusd. loc.

Quamuis autem vnum ex signis lethalibus febris ardentis indicium, sit vrina nigra, apud Hippocratem lib. 1. epid. sect. 2. text. 72. quoniam ab humore biliolo præ febris incendio tosto originem ducit: tamen cum hac liberatus est Heropytus febre grauissima laborans lib. 3. epid. sect. 3. 80. & Nicodemus text. sequent. 81. Quapropter prudentissime dixit Auicenna 2. 4. tract. 2. cap. 85. quod non semper verificatur iudicium de morte, ob nigredinem coloris in vrina, in agnitudinibus acutis; licet in seipso sit signum malum, quamuis associetur ei aliqua signa mala: nam multoties natura fortis, ac potens facit euacuationes diuersas. Hoc notauit Senertus lib. 3. pract. sect. 2. part. 3. cap. 3. maxime si excretionem nigræ confertim excernantur, ex Hippocr. lib. 4. aph. 47.

Insuper in febribus longis, in copia humoris melancholici, in scabie rebelli, in lienosis, quartana, suppressis mēstruis, vrinam nigram salubrem esse, testis est Galenus lib. de atra bile. c. 8. §. Quod igitur nigra, non facta purgatione mēstrua, sæpe mingantur, quodque mulieres sic ægotantes lenari ab his magis, quam exacerbari coningat, &c. Sic mulier in Thalo apud Hippoc. lib. 3. epid. sect. 3. text. 82. cum hac vrina euasit, quoniam (vt Galenus recte notat in commentar.) color vrina licet esset niger, nihil attulit periculi, quod retenti menses essent magis melancholici.

Hoc modo potest cum vilitate, vrina hæc apparere. Vel nigro sumpto edulio, aut potione diuretica nigrum humorem per vrinam vacuante; vt contingit hoc loco Actuatio. In quartana prodest, vt Auicenna refert 2. 1. doct. 3. cap. 2. quod Valleriola lib. de constit. art. medica. fol. 355. pluries obseruauit. In vlcerosâ scabie hanc vrinam ad bonum iudicasse vidit Amatus 5. cent. 54. In tumore lienis expertus est Antonius Valletius exercit. ad cap. 40. Holler. de morb. intern. In lienosis obseruauit Laurentius lib. 1. de re anatomic. quest. 38. In icteritia nigra cum salute ægri notauit Crato lib. 2. epistol. Auriginosum morbum sanguinis aterrimi subitaneo mictu curatum refert Marcellus Donatus lib. 4. de histor. medica mirabili, cap. 29.

Auic. 1. part. canticor. tract. 2. text. 307. optime pronunciauit, apparentem vrinam nigram post eius fuscedinem, in morbis ex melancholia, esse bonam. Hoc notarunt postea Fernel lib. 3. patholog. 13. Mercatus tom. 1. lib. 3. part. 2. q. 190. num. 49. Christophor. à Vega, & Ioan. Brauus in com. sentent. 29. lib. 2. prog. Hipp. Non est ergo omnis vrina denigrata, in omnibus morbis adeo pessima, vt ea exeunte de ægrotorum salute desperemus; cum ea micta plurimos saluari contingat: maxime cum pro varietate assumptorum multifariam tingatur, vt probat latè Adolphus Scribonius lib. de inspectione vrinarum, pag. 51. Ex quibus historię explicatio est facilis. Cum enim medicamentum ab Actuatio oblatum, expurgandi humorem melancholicum, & nigrum vim haberet, non dubito quin ex transitu humoris atrii per vrinam, hæc nigro inficeretur colore. Sed quod esset medicamentum hoc, ipse non explicat, dicens

solum esse trochiscum amarum, per quem sit trochiscum factum è pulpa Colocynthidis correctâ prius intelligas, non errabis: nam hoc medicamentum licet bilem, pituitamque expurget, ex Actuatio lib. 5. de compos. med. cuius doctrinam Arabum sententia confirmat; tamen ex Actuatio trab. 2. ferm. 1. cap. 84. nigros humores euacuat. Hoc autem ita est amarum, vt fel terræ ob immensam amaritudinem vocetur. Neque dicat quis, esse trochiscum ex Aloë amara factum: nam hoc medicamentum solum bilem, & pituitam purgat, ex omnium auctorum decreto.

## HISTORIA CXXXIII. GALENI, De vrina alba.

### Vrina alba, in delirantibus lethalis.

**V**rina tales, extremam cruditatem significant, quare & morbos longos significant. Quædam verò ex ipsis, cum anticipauerint morbi vires dissoluere, sunt perniciose, veluti in deliriis. Nullum enim vidi delirantem, in quo talis vrina apparuisset, saluatum, &c. Galenus lib. 4. aphorism. in com. sententiæ 72.

### P A R A P H R A S I S.

**D**E albo colore vrinæ hoc loco Laconicè agendum: cum enim quatuor in vrinarum inspectione sint contemplanda, color, consistentia, quantitas, & contenta, color primum occupat locum. Præcipuorum autem in vrina colorum octo sunt differentię: albus, pallidus, rufus, flauus, ruber, viridis, linidus, niger. Dicitur ergo res alba propriè, quoniam est disgregatiua visus, & ipsam visus non peruatit, sed cum sit summæ albedinis, in ipsa terminatur, veluti lac, & nix. Dicitur secundo modo, impropriè tamen, res alba, quia tenuis & translucens, & quæ non terminat visum, sic aqua dicitur alba, Crystal-lum, Vitrum. Sic vrina dicitur alba, quando tenuis est, pellucet, & aquæ similis existit, substantia, & candore, hoc est perspicuitate, vt notat Galenus lib. 1. proorhet. sect. 2. com. 32.

Hæc vrina cum non dimanat ex multitudine humoris ebibiti, & celeriter mingitur, vel significat maximam iccoris, & renum obstructionem, quoniam non permittit, nisi id quod tenuissimum est transire, ac percolari; vel extremam iccoris, & ventriculi notat imbecillitatem, ex intemperie partium frigida subortam.

Quum vrina verè ac propriè est alba, crassa tamen, ac perspicua, vocatur Glauca, copiam pituitæ mucilaginosæ tendentis ad vitream significans. Quando tamen crassa est, & non relucens, lactea dicitur, succorum crudorum multitudinem ostendens, quæ vrina si perseveret, frigidæ ægitudines minatur, de quorum numero sunt paralysis, conuulsio, apoplexia, epilepsia, vertigo, lethargus, carus, asthma, & colicus dolor. Si tamen in chronicis febribus vrina tenuis longo tempore perseveret, quartanam prælagit, humorum enim crassorum cruditatem præcidit.

Interdum vrina alba & crassa, pinguis est, quoniam pinguedo concreta alba est, veluti antiqua pallefcere solet; quæ cum à colliuatione oriatur, facta ab immodico calore, hæcticam futuram præostendit.

Sæpiissime vrina alba & crassa, purulenta est, quæ quoniam fungis similatur, fungalis dicitur. Hæc ob renum, vesicæ, & meatuum vrinariorum vlcus euenire solet, sicut multoties ob vomitum pulmonis, thoracis, aut alterius visceris disruptam, monente Galeno lib. 6 de loc. affect. cap. 4. cuius mentem supra in com. hist. 26. explicuimus, & exposuit Laurentius lib. 9. quest. anatomic. quest. 12.

Nonnunquam vrina alba & crassa, spermatis similis est, vt 2. 1. doct. 3. cap. 2. docuit Auicenna. Hæc crisis ratione plerumque contingit, vt 4. aph. 74. docuit Hipp. & si hoc modo non eueniat, frigidæ ægitudines prænunciat.

Est & alia vrina aquosa, quæ verè aquea est, & in tenuitate

tenuitate substantiæ, & perspicuitate, aquæ est omnino A  
similis, hæc non solum cruda, sed incocta est ad summum,  
quæ coctionem, & spem coctionis omnino denegat, ob fa-  
cultatis alteratricis imbecillitatem; maximam enim ex-  
tinctionem caloris præostendit, ut lib. 1. cris. 12. docuit  
Galenus. Nam sicuti ex miscella croci tingitur & colora-  
tur aqua, & prout maior vel minor est, magis aut minus  
coloratur: eodem modo ex miscella humoris biliosi cum  
humore seroso tingitur vrina, & secundum maiorem aut  
minorem miscellam, intensiorem, & remissiorem colorem  
acquirat: nam humor serosus cum ad aquæ naturam acce-  
dat, expers est coloris: mixtio enim illa fit à calore per co-  
ctionem, cuius munus est miscere. Quædo igitur extremè  
languet calor, & facultas alteratrix est imbellis valde, nec  
generatur humor biliosus, nec permiscetur cū vrina, alba,  
& aquea apparet. Lege de albo vrinæ colore, Christoph. à B  
Vega lib. 2. prolog. in com. text. 3. 2. Fernel. lib. 3. patholog. 13.  
Mercat. rom. 1. lib. 3. part. 2. clas. 2. quest. 109. num. 40.

Hieronymus Cardanus in com. huius aphorismi, plures  
causas affert, ob quas aquosa vrina mingatur. Prima. Po-  
tus aquæ copiosus, quum enim non possit euinci, prodit  
qualis bibitur. Secunda. Obstructio in renibus, & vicinis  
locis. Tertia. Intemperies hæctica renum, & extenuatio  
locorum huiusmodi, ubi solet concoqui vrina. Quarta. Ca-  
lidity renum, ac iccoris, trahentium potum, & non con-  
coquendum, ut in hæctica. Quinta. Frigida sicca iccoris in-  
temperies, præsertim habitualis. Sexta. Lapis in vesica, vel  
renibus. Septima, quæ maximè huius historiæ explicatio-  
ni conuenit, quum bilis aliò fertur, præsertim ad caput, ut  
in phreneticis, sicut monet Galenus in com. Atque eò ma-  
gis deterior est, si permiscetur ex mala, & ad contrarium,  
velut ex vrina, fulca, nigra, cærulea, viridi, crassis, tunc  
enim ingens periculum citò portendit. In turbulentis fe-  
bribus vrinæ tenues, crudæ, aquosæ, vigilias significant, &  
delirium, dicebat Hippocrates in Coacis sapissimè; nam  
raptum biliosi humoris, qui solebat tingere vrinam, in ca-  
put, vel aliam partem significat.

Hac de causa non incitè monuit Auicenna loco citato  
quòd existente dispositione calida & biliosa, vrina ob  
causam traditam alba apparet. Neque arguas, non posse  
sumi ex vrinis albis prælagium phrenitidis futuræ, quòd  
Galenus lib. 2. prorrh. com. 2. asseueret, nullum esse in  
vrinis signum, quòd delirium portendat: nam per se  
ex vrinis albis non potest quispiam de phrenitide pro-  
nunciare: si verò sequantur ad vrinas rufas, aut rubeas,  
in febribus maximè ardentibus, consonum erit ratio-  
ni, humorem ad caput vergere, vnde prædictio non erit  
incongrua.

In phreniticis hæc vrina lethalis esse solet; nam mali-  
gnam cerebri, eamque vehementissimam ostendit inflam-  
mationem, quæ bilem, tingentem vrinam, ad se ritu cu-  
curbitulæ, attrahit, ut loquitur Galenus lib. 7. aph. 1. ex qua  
affectione pauci euadunt, cum suapte vi sit mortifera, &  
exitialis, ex Galen. lib. 1. epid. sect. 3. comm. 1. præsertim si  
debilibus accedat, ut ipse docet lib. 1. prorrh. comm. 8.  
Siquis vero aliquando viderit ab exitiali phrenitide cum  
vrina alba egros superstites euasisse, perpetuæque non esse  
Hippocratis pronunciata asseueret, illud tamen seruabit,  
quòd magna ex parte solet accidere; nam commune est huic  
aphorismo cum aliis ab Hippocrate prolatis: quòd perpetui-  
tatem quandam dicendi figura indicat, quamvis res ipse non  
semper eodem modo eueniant, sed raro aliquando aliter acci-  
dant, ut disertè monebat Galenus lib. 2. aph. 4. 3. & lib. 6.  
com. 58. Sic vterque gerentem corripit acuto morbo, lethale,  
apud Hipp. lib. 5. aph. 30. cum plurimas acutissimis mor-  
bis prehenfas saluari contingat. Non enim ex iis quæ semel,  
aut bis homo vidit, debet pronunciata medica confice-  
re, ut monebat Galenus lib. de for. format. cap. 2.

raro enim contingentia non tollunt ve-

ritatem problematum

Medicorum.

\*\*\*

## HISTOR. CXXXIV. GALENI, De pilis vrinae.

### Pilorum in vrina generationis descriptio, causa, curatio.

N Vper quidam talia corpora tam longa minge-  
bat, ut in-  
credibilis longitudo videretur: nam quidam ex ipsis ad  
dimidium cubitum extendebantur. Hic autem toto fere anno  
qui antecesserat, orobum, & fabam comederat, sepiusque  
caseum, & tenerum, & siccum: omnibusque aliis talia minge-  
re contigit, qui cibis crassioribus utebantur. Tali igitur hu-  
more in renibus aliquo modo vsto, capilli similes substantia  
generantur. Sanèque modus ipse curandi, rationi, qua de cau-  
sa habetur, attestatur: nam ab extenuantibus, atque in-  
cidentibus medicinis, adhibito etiam alio victu hume-  
tante, tales egri curantur, &c. Galenus lib. 4. aphor.  
comm. 76.

### P A R A P H R A S I S.

E Xcernuntur interdum cum vrina substantiæ, quæ ca-  
pillis repræsentant, qui aliquando ita longi sunt, ut  
cubitum, aut pedem adæquent, & interdum ita breues,  
& angustii, ut in modum pilorum expellantur. vocant ca-  
pillarem morbum, aut capillitium. Hi ex humore te-  
naci & viscido, ab adurente igneque calore, exusto  
originem ducunt: nam præter Galeni auctoritatem in  
com. firmat etiam Rabbi Moyses, de capillitio in vrina,  
in comm. 8. sent. lib. 24. aph. Qui enim pilos mingere so-  
lent, crassiori vsti sunt victu, de cuius cœtu sunt, faba,  
orobos, à Latinis Eruum dictum: illud enim edulij ge-  
nus ita crassum est, & ad coquendum contumax, ut si  
triduo id coquas, haud statuosum minimè efficias, sic  
monente Galeno lib. 1. acut. 13. quare ad crassos, tenacissi-  
que humores gignendos est aptissimum: de cuius cibarij  
noxis, lege Hugonem Frideualem lib. 2. de sanitat. tuend.  
sect. 2. cap. 4. Orobum autem similem facultatem habere  
tradit Galenus lib. 6. epid. sect. 4. 13. dum in magna fame  
homines ad hoc alimenti genus necessitate coactos con-  
fugisse asseuerat, ex cuius esu, renum dolores orti sunt.  
Et ex leguminum vstu morbosam constitutionem ortam  
fuisse enarrat lib. 2. epid. sect. 4. In horum albo reponen-  
dum censeo caseum, tam tenerum quàm siccum, quoniam  
crassum facit succum, & melancholicum, ex Gal. lib. 3. de  
loc. affect. cap. 7. & maximè si sit vaccinus, nam crassissimus  
cum sit, ad lapidum generationem est aptissimus, ex Gal.  
lib. 3. epid. sect. 3. com. 15. & probat Durantes Scacchus lib.  
2. de affect. lib. vesic. cap. 12.

De loco verò generationis pilorum, licet Galenus lib. 6.  
de loc. affect. cap. 3. in valis eos generari asseueret, & hoc loco  
in renibus oriri affirmet, de valis renum intelligendus est.  
Et si dicas, in valis renum materiam pilorum præparari, &  
in renibus consistentiam accipere, respondebis rectè. De-  
mum ubi est materia, & efficiens causa, ibi ob angustiam,  
& longitudinem loci gigni queunt, ut doctè firmat Veig-  
a in comm. cit. cap. Gal. nam dum humor crassus prædicta  
loca pertransit, assidue adhærens, à caloréque exustus;  
pilorum figuram acquirit. Sic Fuchsius, & Cardanus, in  
comment. cit. sent. multoties se vidisse affirmant capillos, per  
vrinam ad palmi maioris longitudinem excretos, variis  
coloribus, pro humoris à quo generantur varietate, in-  
fectos: nam ex pituitosa materia albi; ex sanguinis mis-  
cella, rubri; ex bilis copia flauii, ex succi melancholici  
affluentia, fusci oriuntur. Hæc etiam varietas ex caloris  
affantis intentione dimanat; nam si est multum exurens,  
pili nigri apparent; si parum, ad albedinem tendunt, ut  
notauit Ioan. Zacchius tract. de vrinis cit. de vrina cõtentiis.

Hoc affectu vexantur, qui fœda gonorrhœa sunt cor-  
repti, ut aduertit Fernelius lib. 3. de vrinis, cap. 16. &  
iis mulieribus contingit, quibus albicantes menses ema-  
nant, aut vterus fœda proluuie laborat. Sæpe ex iis  
valis

valis deriuantur, quæ parastata dicuntur, in quibus longam fortiuntur figuram, ex seminis materia conflati, quæ vi morbi sensim defluens calore crassescit. Crassa verò hæc materia in lapidem, aut arenas non concrefcit, quia in renum sinu parum magna ex parte immoratur, & cum vrina defluit; neque ita crassa est, vt lapidescere possit, nec ita tenuis, vt resoluatur queat. Sic ex vlcere renum, materia purulenta adusta, pili emergunt, vt Auicenna retulit 18. 3. tract. 2. cap. 11. Deinde ita aliquando crassescit humor, vt interdum palearum in modum excernantur, & aliquando in rotundam figuram excrescant. Plutarchus enim lib. 8. sympos. probl. 9. refert quendam, qui in vrinis paleas hordeaceis similes excernebat, & Cardanus cit. loc. narrat, se pluribus annis grumos atramento simillimos in magna copia, lentis maioris magnitudine per vrinam expulisse. Immo filamenta per hanc viam excreta notarunt Christoph. à Vega cap. 4. comm. de vrinis. Ioubertus cap. 20. de vrinis, Scholiographus ad cap. 50. lib. 1. Holler. de morb. internis. quæ excreta ab humore in venis renum adusto oriri, citari auctores vnà cum Galeno asseuerant. Schenckius lib. 3. obs. de vrina, ex propria sententia, notam & inauditam trichiasim, non in renibus, sed vesica obortam, in quadam foemina obseruauit, quæ per vrinam ex interuallis integros pilorum fasciculos, cum diris cruciatibus, quibus tandem immortua est, excreuit. Alia mira exuentia per vrinam, lege apud Marcel. Donat. lib. 4. de hist. mirabil. cap. 29. Si verò de morbi pilaris exacta curatione pulcherrima scire affectas, vide quæ Guilhelmus Fabric. Hildanus, ex sua, & Gregorij Horstij sententia, lib. 5. centur. 50. disceptauit. Num autem pili cum vrina excreti, sint veri, an apparentes, agit Laconicè & ingenuè Santorellus lib. 8. antepraxi, cap. ult.

## HISTOR. CXXXV. ACTVARII, De trichiasis renum.

### Trichiasis renum, qua cum vrina pili excernuntur.

**Q**uæ verò similia sunt capillis, in iis vasis quæ à renibus ad vesicam descendunt generantur. Atque quanta est longitudo vasorum internorum, tanta generatur humoris spissitudo, & assatio, atque illa veluti capilli similiter extenduntur. Proinde cum sapius hæc spectauerim in aliquorum vrinis, nec quicquam aberravi à iudicio & prauidentia, dicens illos male habere ex renibus. Et illi veluti conuicti, confessi sunt passionem, atque confidentes, curationem mihi crediderunt, &c. Actuarii lib. 1. de caus. vrinar. cap. 2. 1.

## PARAPHRASIS.

**D**iximus de loco generationis pilorum in vrina, eorum efficiente causa, & materiali. Sed de longitudinis causa aliqua supersunt enucleanda. Nam Galenus lib. 6. de loc. affect. cap. 3. se vidisse refert aliquando pilos, qui semipedis longitudinem æquarent, interdum longiores, quos ex crassa lentæque materia, à calore exiccata & vsta oriri, inibi confirmat; verum ipsorum longitudinis causam se ignorare, fatetur libenter. Occurrit hoc loco ingeniosè, Actuarius, inter Græcos scriptores grauissimus: Cum enim mirum esset, in cavitare ipsa renum, quæ rotunda potius est, tam longa corpuscula efformari, subdit dicens, illa in iis vasis quæ à renibus ad vesicam descendunt, generari. Assatur ergo humor in renibus ipsis, vel in venis, & longam formam in vretibus assumit: transmissa enim illa materia lenta & crassa, in venis, vel renibus exusta, vt ad vesicam per vretes expellatur, glutinosa cum sit, illis adhærens, longam, teretemque formam assumit, in pilique effigiem consurgit; pendet enim per meatus vretes, & ad horum spatium protrahitur, vt docet Gentilis 2. 1. doct. 3. sum. 2. cap. 6. longi enim, & teretes sunt vretes ipsi; in quem

A sensum Actuarij verba hic sunt accipienda. Tu verò pro maiori explicatione huius loci, lege Musam in com. sent. 76 lib. 4. aph.

Si verò quispiam roget, cur subtilissimum illud corpusculum non disrumpatur, sed ad eò longum persistat, tenacitatem & lentorem humoris, ex quo illud efficitur, esse causam, arbitretur. Cum enim glutinosa sit materia, non ita facile disiungitur, sed continuò per meatus vrenarios ad vesicam descendit. Quæ autem ab auctore curatio fuerit tradita, non satis constat. Eam absoluit Galenus in hist. suprà citata: nam extenuantia, & incidentia medicamenta, vnà cum victu humectante, proficua esse determinauit. Sed cur attenuantem victum approbat, si crassam pituitam, huius mali causam, arctat & impingit, quatenus resoluta parte tenuiore attenuantium vi, reliqua remanet indurata? Dic. Gal. attenuante, & humido victu vtrique indicationi auxiliari: illum enim crassos succos & viscidos secare, incidere, vacuare certum est. Caliditatem verò & siccitatem renum, huius mali efficientem causam, humido corrigi nullus dubitauit. Cum itaque capillata materia excernitur, tenuans medicamentum est necessarium cum humectante victu. Sic enim renax discutitur, & vacuatur humor, & flamma, hepate, venis, renibusque concepta consopitur. Hoc modo diuersas causas respiciens Galenus lib. de ren. dignot. & alibi sæpe, contrarias curationes instituit, quando homo in calculosæ coagmentationis periculo est. Sic Galenus lib. 6. de sanit. tuend. cap. 5. curans renum topbos præfente corporis macie, asinum lac consuluit, hoc enim cum tenuitate, refrigerat, & humectat.

C Sed apud eruditissimum quempiam singularis erit admirationis, cur Galenus pro curanda exurente caliditate renum, victum solum humidum, non frigidum consulerit? Hippocrates ille omniscius, de quo persuasissimum est, indoctos esse, quibus ille non sapit, quum de victu febrientium ageret, ita prodendū putauit lib. 1. aph. text. 16. *Victus humidus febricitantibus omnibus conuenit.* Adde tu, squalidis, exustis, & quibus viscera incendio interno exardescunt. Et licet eruditissimus Heurnius in com. Hippocratem de præsana loquentem intelligat, tamen de omni victu humido, ad compescendam febrem accommodato, agere nullus ignorat, etsi de præsana veriùs possit interpretari textus, cum illa admirandas fortitur pro igne interno coercendo facultates, vt ipse inquit lib. 1. acut. 18. & alibi passim Galenus inculcat.

D Dictatoris summi sententia (cuius aphoristicam doctrinam Mercurij quadratura stabiliorem, licet Classici impugnent conatu omni, quum frigiditas affanti, febrilique calori magis sit contraria, quàm humiditas) ab omni sæculo, ceu diuinum oraculum exulta, & seridè accepta, semper amplectenda est. Tantus enim Auctor febrientibus frigiditatem esse vtilem existimauit: non eam autem apposuit, sed vt rem claram prætermisit; quæ enim vulgo nota sunt, non esse scriptis mandanda, monuit Magister lib. 4. acut. com. 72. Deinde, victu humido præcauit lapsum ex siccitate, qui curatu difficilis est, & summè periculosus; & maximè in trichiasis: in quo affectu ad compescendum igneum renum calorem, humiditas confert. Dic tertid. Curat per qualitatem minùs violentam, & alterantem, qualis est humiditas, à qua noxa non absoluitur frigiditas, quæ cum intensa debeat esse, & curandæ intemperiei contraria, obstruit canales, crassos humores amplius incrassat, febris causam contumaciorem reddit, & calorem innatum debilem exinguit. Solue quartid. Posito calore maximo, siccitas ex necessitate adest socia. Posita humiditate subauditur frigiditas: nam humidum in partium internarum squalore exhibendum, non debet esse pingue; id enim bilefcit, ex Hip. 6. epid. sect. 5. text. 14. sed aqueum, quod frigidum est. Quare sub humido victu Hippocrates frigidum intellexit. De quo argumento lege Alzarium à Cruce lib. 4. centuriar. 3. Et de trichiasis renum præseruatione, Gregorium Horstium lib. 5. epist. in medio, qui de huius morbi causa eximè disceptauit.

## HISTORIA CXXXVI. GALENI, De vrina oleosa.

### Vrina oleosa, interdum crisis ratione excernitur.

**N**am pinguem vrinam quidam ita censuit ab eo distam esse, quæ liquefcente pinguedine per morbum feruidum, & adurentem fit. Nonnulli colore, & crassamento olei similem. Equidem talem saepe vrinam nullo agri detrimento redditam conspexi: immò verò interim planè è contrario in morbi concoctione, &c. Galenus lib. 3. epid. sect. 3. com. 74.

### P A R A P H R A S I S.

**V**rina oleosa, & pinguis est illa, quæ colore, & crassamento, vel utroque oleum repræsentat, vt notat Galenus hoc in loco, & in com. 76. in historia Pythionis, qui tertio die minxit oleosum: qui color, vt Auic. ait 2. 1. doct. 3. cap. 1. ex citrino, & liuido est compositus. Galenus loco cit. dicit, quòd sicut color olei varius est, (nam licet sit pallidus, interdum vergit magis ad candorem, aliquando ad flauitiam) eodem modo vrinæ color variat in colore: nam quando pallida est vergens ad albedinem, humorum crudorum copiam, & morbi longitudinem significat, qualis fuit vrina oleosa Parij, cuius morbus in longum tempus fuit productus. Quando vergit ad flauitiam, colliquationem pinguedinis ab igneo calore factam ostendit; quare hæc vrina in febribus ardentibus apparet, & periculum portendit, iuxta Gal. mentem lib. 7. aph. 35. §. Siue alui excrementum, siue vrina pinguis fuerit, ex colliquatione adipis fit, non magis in renibus, quàm in toto corpore existentis: quare non propriè morbi renalis est signum, sed commune adipis ab igneo calore colliquari, &c. Sic vxor Dromedæ lib. 1. epid. sect. 3. text. 28. hac vrina mixta occubuit. Huc respiciens Hipp. 2. progn. 35. dixit. Si pingue desuper natans tela araneorum speciem referat, damnandum est, indicat enim consumptionem: quam sententiam Galeni, pluribus auctoritatibus firmat Christoph. à Vega in comm.

Potest etiam causa varietatis coloris, ad pinguedinis colliquationem referri: nam quando recens est, candida apparet; si est antiqua, flauescit. Aliquando oleum solum imitatur, quando exigua pinguedinis quantitas est colliquata; quando tamen minima, in superficie vrinæ apparent portiones quædam, quæ oleum repræsentant. Quando verò inalta, tunc vrina oleo, colore, & crassamento similis est.

Galenus loco cit. vrinam oleosam à pingui distinguit. Hanc vocari affirmat, in qua supernatat pingue telis araneorum, aut pinguioribus iusculis refrigerantibus persimile: cum enim colliquata pinguedo naturam aëream retineat, necessariò ob leuitatem supernatat. Hæc est causa, ob quam Hippocrates in libris prognosticon, in quibus exactè & diligenter, acutorum morborum curationem est prosequutus, de pingui subsidencia non egerit: nam, inquit ipse loco epid. cit. Pinguitudines fluitantes vidimus frequenter, verum nunquam in medio pingua pendere, quominus subsidere obseruauimus. Nam ita est comparatum natura omne pingue, vt reliquis humoribus inuchatur.

Nam autem pingue perpetuò innater in vrina, an possit cum vrina ita permisceri, vt vrina tota pinguis sit, affirmatiuè respondent Aëtius tetrab. 2. ferm. 1. c. 37. & Auic. loco cit. Nec eorum sententia est à ratione aliena: nam quando pinguedo leuiter colliquatur, supernatat; quando verò vehementer ebullit & agitur, solet maximè cum liquore permisceri, & tunc tota vrina apparet pinguis; veluti quando non solum colliquatur, sed exurit; tunc enim quum naturam terream acquirit, grauitat, & subidet, veluti quando pinguedo colliquata permiscetur cum humoribus crassis, & lentis, tunc cum illis mixta subsidere solet. Si verò pingue perpetuò innatare perse-

ueret, de pinguedine leuiter colliquata intelligendum est: quidquid contrariam habeant opinionem Vallesius lib. 3. contron. 27. & Vega in comm. loc. cit. prognost. Lege Actuarium lib. de iudiciis vrinarum, cap. 19. nam mihi dictæ rationes magis placent.

At dices, si vrina pinguis fit à colliquatione, & ab adurente retorridoque calore, vel in toto, vel in renibus ortum ducit, vt citatis locis prisci docuere, & idcirco hæc vrina damnatur ab his; cur crisis ratione, & in salutem animantis aliquando excernitur, vt in hac historia affirmat Galenus? Dic reprobam esse vrinam pinguem, quæ ex colliquatione emanat; nam quando ex crudi humoris concoctione proficiscitur, sine agri detrimento, eunte morbo in iudicationem excernitur. Extat celeberrimus contextus apud Galenum lib. 4. de sanit. tuend. c. 4. in med.

**B** §. Ergo ubi crudus planè succus est, vtrique tenuis, aquosæque vrina cernitur, nihil nec quod fidat, nec quod pèdeat, in se habens. At ubi is concoctus est, hac in vrina apparet, atque etià nubecula desuper tenues superstant, veluti quod in summo late colligitur (Græcè graus dicitur) & quod in summo refrigerati iusculi concreuit, &c. Quum enim crudi succi coquuntur, & in sanguinem transeunt, quum hic natura sua partem habeat oleosam & pinguem, tunc nubecula quædam pinguis in vrina apparet, victoriam & coctionem perfectam, præsertim in biliosis manifestè ostendens. Quare vrina pinguis non semper mala est, nisi alia praua signa adsint, & maximè si nigræ succedat, vt Auicenna edocuit 2. 4. tract. 1. c. 89. de significationibus ex vrinis oleosis. Lege Actuarium lib. de iudiciis vrinarum, cap. 19.

## HISTORIA CXXXVII. GALENI, De diabete.

### Diabetes, rarus affectus, bis à Galeno visus.

**A**d Renes pertinere is affectus videtur, quem alij hydropem matella, alij vrina profluvium, alij diabetem, alij dipsacon appellant: Equidem eum hæcenus bis duntaxat videre potui, supra modum sitientibus infirmis, atque subinde bibentibus. Quare exuberanter quoque reddunt, id quod bibunt, eo à sua qualitate non mutato. Atque hic renum, vesicæque affectus similis est ventriculi, intestinorumque laniati, &c. Galenus lib. 6. de loc. affect. cap. 3.

### P A R A P H R A S I S.

**Q**uemadmodum infirmata ventriculi retentrice, contingit per alium velociter excerni quæcunque sumuntur, absque aliqua sui transmutatione, quem affectum lienteriam, siue intestinorum læuitatem appellamus: ita ob imbecillitatem renum, sequitur aliquando tam velox, continuæque vrinæ excretio, vt quidquid bibitur, simul vt potatum est, nihil à sua qualitate mutatum, exuberanter & plus iusto mingatur; & passio oritur, quæ vrinæ, seu veriùs liquoris, portionisve non mutatæ profluvium nominatur, & Diabetes, hoc est transitus, læuitas, & decursus; eo quòd nihil prorsus immorantur in renibus ea quæ bibuntur, sed velocissimè, & tumultuatim transcurrunt. Dicitur & hydrops ad matellam, quoniam sicut in hydrope naturalis venter aqua impletur, ita in huiusmodi affectu matella, Denique & Dipsacus nominatur, ob sitim inexplebilem, qua percinaciter, & supra modum vrgentur laborantes, ex Gal. lib. de diff. sympt. cap. ult. & lib. 1. cris. 12. & 6. de loc. 3. Vnde Paulus, Aëtius, Trallian. Auicenna. & omnes sua hausere. Quia enim quàm citissimè per lotium transmittitur potus, nihilque humectat vel reficit corpus, indies arescunt, nunquam satiantur, sed assiduè potare coguntur, sine fine sitientes, aded vt ob immodicam, & insatiabilem sitim exhauriatur, attrahaturque in renes, quod instar miraculi putat Aræteus, & definit affectionem hanc, carniū, ac membrorum in vrinam colliquationem.



At si hæc attentè perpendantur, non carent dubitatione maxima: nam licet colliquatio plerumque sequatur, mali tamen essentia in liquatione non consistit, sed in velocissimo illo per vrinam exitu porus non mutati. Passio verò eueniens lienteria similis, ex defectu & mortificatione retentricis pariter, & alteratricis virtutis eueniens, 1. *crif.* 12. sequitur ad aliud symptoma, vehementissimam nempe, & deprauatam bibendi appetentiam, qua humidum affatim, & immodicè attrahitur, non aliter quàm cibus in canina fame.

Morbus ad quem sequitur, vt plurimum est ingens, immoderatèque calor, vehementer attrahens, & exhauriens. Porro licet in diabete vehemens sitis inngatur; quod tamen ad ventriculum, cui fames immodica tribuitur, proinde referenda non sit, sed ad renes potiùs; contra priscos confirmat Gal. 6. *de loc. cir.* quia quamuis ex ventriculi, aut intestinorum imbecillitate potus etiam retineri non possit, non per vrinam tamen, sed per sedem demittunt, quæcunque retinere nequeunt: cum igitur in proposito malo ad vesicam potus feratur, festinanter, & confestim mictu excernendus, ventriculo, aut intestinis attribui non potest.

Rursus & quòd nulli ex aliis vrinae membris, præterquam renibus, ostenditur; nam iecore, & mesaraicis infirmatis nihil ad iecur ipsum transmittitur, nec ab hoc ad renes, emulgentibus imbecillitatis (ita enim iecur à ventriculo per mesenterij venas attrahit, & renes per emulgentes, serum, veluti arbor per radicis fibras.) Igitur vehementissima tractio, seu humidi appetentia quæ iungitur in diabete, à iecore, mesaraicis aut emulgentibus non oritur.

Cum verò nec à vesica oriatur, quam constat vim non habere trahendi serum, sicut nec intestina chylum, sed recipiendi, transmittentibus per vterque renibus; manifesta inductione colligitur, ad hos ipsos esse referendum displacon, id est, sitim vehementem, simul & diabetem, siue celerem vrinae transitum, scilicet dum præ tractricis robore, seu potiùs immodico ardore, serositates & liquores ad se vehementissimè trahunt, & præ retentricis debilitate retinere nequeunt, sed quàm celerrimè, & absque mora vlla aceruarim in vesicam propellunt.

Adde, si propter iecoris, aut mesaraicarum inflammationem potus ita festinanter exiret, distribueretur simul cum cibo: insuper nec ad solos renes, sed in totum corpus manaret. Igitur renibus ipsis, quibus vis inest trahendi serositates, immodicè sitientibus transmittitur, & propter debilitatem retinendi, confestim elabatur, alioquin cur tam celeriter permearet?

Nec mireris validam tractionem, (quæ partis robur videtur arguere) simul cum retentionis defectu, summæque imbecillitate in renibus dari; nam etiam in lienteria, quæ pariter fluor est velox, & confestim factus, ob imbecillum ventriculum, vehementissima excitatur appetentia ciborum, quos tamen protinus excernunt laborantes. Idem & in fame canina passim experimur. Quinimò in statu sano simile quidpiam contingere, confirmat exemplum auim, quæ à multis Seleucides vocantur, quæ locustis insatiabiliter vescuntur easque celerrimè excernunt, ac rursus voragine edunt inexplabili, quo pacto firmissimo præsidio sunt contra plagam illam fructus deuastantem, precibus sæpe ab incolis Casia montis impetrato, prout scribit Plinius lib. 10. *cap.* 27 De quare pulchra proposuit, vt solet Valleriola lib. 2. *obs.* 1.

Cæterum, quamuis lienteria persimilis sit diabetes, quatenus celerem vrinae transitum importat; & caninae appetentia, prout est affectus renum immodicè sitientium: differunt tamen præterquam locis; quoniam diabetes sit subito, hoc est, facta iam, & veluti in vigore constituta affectio, non antea sit manifesta, duæ aliæ affectiones paulatim. Nam cum renum tractio, siue appetitus sit omnino naturalis, nulla præcedente sensatione, renes sitientes à venis & iecore serositates attrahunt, quibus vasa & iecur prorsus ferè spoliata, ab intestinis & ventriculi venis, quæ & ab ipsomet sugunt vehementissimè: suctionis autem ac exuccationis vehementiam sentiens ventriculus, sit sitim

busidus, & potum extremum desiderat; oblatum autem per easdem venas in iecur, & ab hoc per emulgentes confestim rapitur in renes; à quibus rursus velocissimè propellitur in vesicam, & agnoscitur malum quasi subito, & tunc eueniens, sed ingens iam & penè confirmatū, quanquam antea inceperit, & paulatim increuerit. Ventriculi autem appetentia, cum sit animale opus, nec citra sensum, in cibum potumque feratur, vbi immodicè excitatur, sentitur protinus, & agnoscitur à principio canina, atque adeò subito accidere non videtur; sicut nec etiam intestinorum lenitas, licet in ea cibus assumptus, ventriculum & intestina celeriter pertranseat, non secus quàm in diabete potus.

Adiungit deinde Galenus *loco cit. de locis affect.* conuenire quidem diabetem cum lienteria, non solum in celeri transitu, sed etiam in dispositione ipsa, & in causa; vtraque namque passio oritur ex imbecillitate retentricis; vel partim cum lienteria modo explicato conuenire, partim cum canina; nam vtrouique eadem est dispositio, appetentia nempe insatiabilis, & tractio immodica.

Quòd si obicias, non posse diabetem propriam renum dici, solum siquidem ad se trahentes, quidquid attrahunt in caua existit, quod suo tempore trahent, & debite retinebunt; quo pacto fieri nequaquam potest velox portiois transitus, nec diabetes. Respondet Galenus, ad vrinae fluxum propriè pertinere tractionem partium, iecoris, mesaraicarum, ventriculi, qui ante renes sunt, his siquidem immodicè trahentibus, exiccata iecoris & mesenterij venæ, vehementer sugunt à ventriculo, coguntque ultra modum sitire, nec patiuntur in eo remorari potum ob assiduam renum tractionem, sed confestim rapiunt, indèque quàm celerrimè ad renes, & ab his in vesicam permeat. Longè verò aliter sit, vbi ex ventriculi vitio, calore scilicet aut siccitate sitis oritur; in hac enim ingestus vel euomitur, vel per aluum deiicitur, vel in ventriculo ipso moratur: si autem præsentè siti huiusmodi symptomata adsunt, nos tutos reddunt à displacon renum: aut vt interpretantur alij, si ex ventriculi vitio sitis accidat, licet etiam possit hausta portio confestim per vesicam excerni, & vrinae fluor concitari, non tamen ea celeritate qua permeat in diabete, ebibita aqua ad renes, & vesicam.

Vltimò in *cap. cit. de loc. affect.* adducit Galenus affectionem quandam simillimam diabete, quæ species vna est appetentia canina, verum à priori distincta, quoniam in hac sursum, aut deorsum, quemadmodum in illa, citra distinctionem ingesta deiiciuntur, sed per corpus quidem distribuuntur, nec tamen nutriunt, quia velocissimè dissipantur; vnde merito ciborum dissipatio nominatur: quia verò in ea corpus non probè alitur, perpetuò ad elum ferè insatiabiliter animal irritatur. Causam habet apud Galen. lib. 1. *de caus. symptomat. cap.* 7. vel infirmam retentricem, vel membrorum attracticem robustam, quæ ad membra ex dissipante calore inanità vehementer attrahens, ventriculi appetentiam alioquin incolumem excitat, ad immodicè famescendum. Est autem canina hæc magis similis diabete, quàm prior, quoniam vtrouique cum valida attractione iungitur velocissima distributio, discussio, & dissipatio, in vna per corporis partes, in alia per vrinam.

Denique ob symptomatum communiter, ingentis sitis quæ citra diabetem accidit, causam esse docet, calidam, aut siccam, vel vtramque simul ventriculi intemperiem, de quo 1. *simpl.* 30. præsertim cum os ipsius supra modum æstuat, atque exiccatur, idque siue primigenia affectione, siue à iecore, vel pulmone inflammato communicetur incendium ieiuno intestino, mesenterio, ac stomacho ipsi: his enim partibus sic nimium æstuantibus non modò vehemens, & intolerabilis sitis oritur, sed & plerumque marcor, hoc est, tabes, & totius corporis exiccatio.

Porro licet sitis absque vrinae fluore ad ventriculum referenda sit, vt *suprà, dub.* 41. palam fecimus, non sic tamen vbi alia iunguntur, tunc enim diabetica passio sit renum propria, oriturque ex valida eorum appetentia, & debili retentrice, vt diximus; nisi enim illa immodicè appeteret, & robusta attractrix vehementer attraheret, quid

quid effectum dignum ad renes perueniret? unde tota portio cruda quam celerissime ad ipsos permearet? nisi etiam imbecilla foret retentrix, cur diutius in renibus ipsis non contineretur, curve tam confestim eiiceretur? Ex quibus patet, quomodo diabetes ad solos renes pertineat: nam licet æstus iecur inexplēbilitate sitire faciat, & ex nimio ardore, roborata, auctave tractrix, vehementer attrahat, & ventriculū celeriter exhauriat, non fugit tamen potum syncerum, perinde ac renes, quibus est innata proprietas proliciendi liquorem.

Lethalis propemodum est hic affectus: nam colliquatur corpus, viscera vtri videntur, & corpus humida substantia orbatum contabescit, & tandem ægri miserabili siti oppressi supra modum, & sine cunctatione ebibentes, & illico eorum liquorem excernentes, pereunt, & extinguuntur. Rarus tamen est affectus, quem in Occidente nunquam se vidisse narrat Rabbi Moyles *pari. 8. aph. Baptista Theodof. bis se obseruasse docet epist. 48.* Sæpe vidit Hollerij interpretis *lib. 1. de morb. internis, c. 58.* notauerunt Trincanellius *lib. 10. c. 11. de curand. morb. Amat. 2. cent. 94.* Vidus Vidiū *lib. 10. de curat. membrat. cap. 26.* Dodonæus *obs. 32.*

## D V B I V M LXXII.

*Num in diabete intensior concitetur sitis, quam in hydrope, aut causo.*

### COMMENTARIUM

**S***upra modum sitientibus infirmis.* Antequam hinc discedamus, legentibus proponendum est dubium iudicandum, num inter sitiferos affectus, causum, hydropem, & diabete, hic sitis vehementia, & intensio cæteros antecellat. In hoc enim morbo ægros inexplēbili siti miserè torqueri probat Galenus *lib. 6. de loc. affect. cap. 3.* Sicut enim in canina appetentia insatiabilis ciborum cupiditas, ex vitioso humore, qui stomacho imbibitus est, contingit; sic inextinguibilis in diabete accidit sitis: nam & sicca renum, calidæque intemperies adest, vñ cum salis acrisque humoris præsentia, qui renibus impactus assidue irritat ad tractitionem, auctore Auicenna *16. 3. tract. 2. cap. 17.* tanta enim corpus siti vexari conspiciamus, vt non solum sero, vel aquoso humore attracto, sed solidarum partium absumptio humido, viscera exardescant, & vniuersum corpus, diu & importunè exuratur, vt norat Aretæus *lib. 2. de diu. urnor. morbor. curatione, cap. 2.* Quapropter pertinax sitis super sitim ægros inexplēbilitate exercet, vt licet potum assidue assumere conentur, nunquam satientur. propterea quod eorum citissime expellitur, vt retulit Aëtius *tetrab. 3. ferm. 3. cap. 1.* & non siluit Paulus *lib. 3. cap. 45. rubric. 6.*

De hydropicorum siti, sat plura diximus *suprà in com. histor. 125.* nam hoc affectu vexati, clamosa siti premuntur, & viscera interna, salsa nitrosæque aqua turgentia, gliscunt, exuruntur, excandescunt, & sic angustiosa siti cruciantur ægri.

Quid proferam de ardente febre, in qua accensa flaua bilis, natura sua acris & mordax, sitim excitat incompescibilem, ex Galeno *lib. 4. acut. 1. 4. & 13. & lib. 3. epid. sect. 3. com. 3. com. 34.* Cum enim causus vocetur ignis ab Hippocrate, in *libris epidemion*, per multos agros: hic autem effcacia sua vrat, siccet, inflammet, & viscera reddat ignea, squalida, arida, sit raturum igne interno cruciatos vtri, ac intensissime sitire. Hac de causa in causo sit lingua nigra, ex Gal. *lib. 1. de loc. cap. 5. & lib. 6. epid. sect. 5. com. 15.* nam vehemens, retorridusque calor inflammat sanguinem & bilem, aded vt exiccatis faucibus, æget præ siccitate loqui non possit, ex Gal. *lib. 7. de usu part. c. 14. in fin.* & ex gutture valde resiccato vox accidat clangosa, ex Gal. *lib. 7. de usu part. cap. 7.* sitis ergo inextinguibilis signum est pathognomonicum ardentis febris, ita vt asserat ipse *lib. 1. de symp. caus. cap. 7.* causo correptum, nunquam potuisse sanari, donec moreretur.

Vidisti, quantam sitim falsa pituita in hydrope, bilis

flaua in ardente febre, calida renum intemperies in diabete concitare queant; vt cunctis pateat, manifestumque existat, cui affectui citius opitulandum sit: & licet Ioannes Brauus per transennam de sapore falso agens *lib. de sap. porib. & odorib. cap. 6.* non ausus sit determinare, num falsa pituita in hydrope, an bilis flaua in causo maiorem sitim concitet, videtur ob dictas causas in hydrope intensiorem fieri; & in diabete vehementiorem concitari quam in hydrope, & causo. Nam diabetes, cum a calida renum intemperie originem ducat, maiorem excitat sitim quam hydrops, qui a frigida hepatis intemperie emanat, & maiorem quam causus; nam in hoc morbo non deficit potus, in diabete maxime, quoniam tanta siti torquentur ægri, ac a diptade commossi, quos sitis vsque aded pertinax premit, vt satiari non possint, ex Dioscorid. *lib. 6. cap. 10.* Insuper in causo licet humor biliosissimus, &

**B** mordacissimus redundet; & in hydrope ventriculi membranæ, aut venæ humore falso imbutæ sint; tamen potus ingestus, & retentus aliquantisper mitigat sitim: in diabete verò assumpta humiditas non retinetur, sed ea illico expulsa, pertinaciter trahentibus renibus, caro liquatur, corpus contabescit, & sensim ac sine sensu extenuatur; vnde diptacon a siti veteres appellarunt, ob inexplēbilem sitim: assidue enim coguntur ægri potum assumere, neque tamen satiantur, propterea quod citissime per lotium expellitur potatum, ex Tralliano *lib. 3. cap. 41.* quia vt scitè *lib. 6. de loc. cap. cir.* retulit Galenus, renes trahunt sanguinis serum ex venis, quæ cum totum attraxerint, videaturque sanguis in venis huiusmodi humiditate spoliatus, exiccata tum vasa humorem trahunt ex hepate, deinde hoc ex intestinis, & ventriculo. Cum verò exiccata fuerint venæ quæ in ore ventriculi sunt, potum desiderant: venæ deinde ex hepate ad ventriculū venientes, vt pote aridæ, totam humiditatem rapiunt; atque ex his aliz deinceps, donec ad venas perueniat transfusio per eorundem attractionem facta; & sic corpus, humiditate priuatum, renibus ob imbecillitatem nimium eam trahentibus, neque retinentibus, siti premitur, cruciatur, & tandem perit, vt Thomas Erastus *consil. 5.* luculenter edocuit.

**C** Obiicies, non posse tantam sitim in diabete adesse, cum affectus frigidus sit, ex Aretæo *lib. 2. de diu. urn. morbor. curat. cap. 2.* Sitis autem ex caloris copia, & humoris inopia ortum ducit. At Aretæum intellige de priuatiua frigidityte, quæ caloris natiui debilitatem designat. Sic Galenus *lib. 11. meth. cap. 8.* putredinem a nimia caliditate gigni asseuerat, quam a peregrina frigidityte, hoc est, natiui caloris inopia patibiles qualitates non regulante, proficisci, Philosophus firmat *lib. 4. meteor. cap. 1.* sic generatur diabetes ex frigidityte, pro causa frequentissima immodicam habens renum caliditatem. Lege pro Aretæi cum Galeno concordia, Carrerium *cap. 2. ad libros de loc. affect. disput. 63.* contra Augenum, qui *lib. 3. epistol. tom. 2. epistol. 21.* reprehendit Aretæum, quod diabete a frigida & humida intemperie oriri affirmaverit. De quo argumento pulchra scripsere Syluaticus *controuer. 31.* Trincanellius *lib. 6. de ren. affectibus, sect. 14. cap. 12. & lib. 2. epistol. ad Theophilum Varinoniu Brixientem in init.* Andreas Christianus Ripensis, & Ioan. Fridericus Vverdenbergius, qui Trincanellij opera in Euchiridium rede gere,

## **E** HISTORIA CXXXVIII. RHASII, De diabete.

Diabetes infrigidantibus super dorsum  
adhibitis mitigatur.

**P**Recepi cuidā laboranti diabete, quod faciat habitaculū eius in domo humida, & iaceat super terrā infrigidatam cum salicibus, foliis rosatis cum aqua niuis, ponendo inferiora dorsi super ea: & teneat in ore eius de sero lactis: non moueat penitus, ne subuertatur, & dissoluatur ab eo aliquid. Et si infrigidantur

*infrigidantur renes, ex frequenti dormitione quam fecerat supra res frigidas, mitigatur pars maior ipsius passionis, &c. Rhasius lib. 23. continent. tract. 2. cap. 3.*

## PARAPHRASIS.

**E**xtrinsecus in diabete ad lumbos seu renes, pectinem & hypochondrium, præsertim dextrum, illitiones, vnguentra, cataplasmata refrigerantia esse imponenda, Paulus edocuit lib. 3. c. 45. nam aduersus immodicum renum calorem pugnandum est, refrigerando partem, & roborando, corpus contemperando, & humectando; hoc enim necessario siccum, ob immodicam vrinæ excretionem, deprehenditur. Siue ergo nuda calida renum intemperies huius affectus causa sit; siue cum ea, biliosi falsique humoris copia sit permixta, huius acrimoniam delere, sanguinemque, ac cum eo permixtum serosum humorem ad motum tardiores reddere, & renum intemperiem corrigere est necesse.

Miraberis, cur tantus auctor citra totius prouidentiam topica adhibenda consuluerit, cæterum illum à calumnia liberabis, quod adstringendi, & roborandi vim habentia imposuerit, quæ nimium partis calorem temperare nata sunt, quem si non mitigaueris, priusquam expurgantia propines, fluxiones de nouo eius causa concitari certum est. Roborantibus applicitis, si vitiosi succi exuperant, purgante medicamento vtendum est, leui illo quidem, quod suauiter biliosum humorem vacuare queat.

## DV BIVM LXXIII.

*Num mitia expurgantia in curatione diabetis sint ex usu. Contra Matthæum, præticum peritissimum.*

**M**atthæus peritus lib. 9. ad Almanf. cap. de diabete, Mædè reformidat pharmaca subductiua, vt nullum prorsus licet mite, nec rosaceum succum, quem Auic. 19. 3. tract. 2. cap. 18. de diabete comprobauit, propinare ausus sit: propterea quod (inquit) timor erit, ne succi acres versus renes vi medicamenti tracti, ab ipsis renibus eo tempore summo pereat attrahentibus, rapiantur; proinde supernam purgationem, leniâque enemata solum proficua esse asseuerat. Sed hoc Matthæi consilium amplectendum non est, cum sit præter rei euidenciam prolatum. Vbi enim diabetes, à bilioso acrique succo fouetur, cur mitia expurgantia subductiua. respuenda sunt, quæ corporis molem agitare nequeunt, de quorum numero sunt acereum mel, cassia fistula, rhabarbarum, tamarindi, myrobalani, syrupus ex pluribus infusionibus rosarum, saccharum violaceum, & siquæ alia.

Deinde si Hippocrates lib. de intern. affectionibus, n. 16. pro nephritidis curatione scammonij succum propinat; & Aretæus loc. supra citato, hieram in hoc affectu exhibet, cur nos leuissima formidabimus medicamenta? Ad hæc. Licet Galenus 13. meth. cap. 11. in initio inflammationis hepatis, & partium obsidentium ventriculorum & intestina, totoque fluxionis tempore pharmaca renuat electiua, tamen in cap. 15. sequenti, ubi iam phlegmone concoquitur, non veretur expurgantia suauia, vt vrticam, mercurialem, epithimum, polypodium; in maiori remissione, fortiora, vt nigri veratri corticem propinare. Denique si in diabetica passione, timor subest ex purgatione timor, quàm in inflammatione renum; & in hac, in declinatione, ex omnium decreto leuia medicamenta conceduntur, cur in illa erunt reprobanda? Argumentum autem Matthæi ficulneum esse nemo non videt: nam ex his lenibus medicamentis timor non est, ne ob agitationem nocui succi in renes decumbant, cum hæc citra perturbationem, peccantem humorem cum ægri leuamine ad ventrem deriuent; quæ licet mouerent, non ob id erant repudianda; non enim propter febrem, dicebat diuini Galenus lib. 1. aph. com. 24. purgationem adhibemus (hanc enim scimus sui ratione nocituram), sed propter humores illam efficietes. Quare maiorem oportet ex noxiarum humorum euacuatione fieri utilitatem, quàm (id quod necessario consequitur) ex purgantibus medicamentis detrimentum. Est autem maior utilitas, si absque molestia, omnis infestans ac molestant humor sit euacuatus.

Quapropter cum ex vitiosi humoris vacuatione maior sequatur utilitas noxa, quæ ex motu, & aliquali agitatione purgantium medicamentorum comparatur, ea parui facienda est. Sic Medici in caeco, viscerum, renumque feruore purgantia administrant. Sic in vehementissimis febribus, cum febris remiserit, medicamenta purgantia exhibere, non est à ratione alienum, vt monuit Hippocrates lib. de medic. purgantib. num. ult. Quo autem tempore in febribus, calidæque internarum partium intemperie, cathartica sint propinanda, fuscè diximus contra Veigam lib. 1. in com. hist. 63. num. 5.

**B** Expurgato corpore, & biliosi falsique humoris acrimonia refrænata, ad rerum intemperantiam corrigendam accessit; à continente initium sumens: nam habitatio in aëre humido viscerum. Squalorem attemperat; cum enim ex purissima, & magis defæcata aëris attracti per inspirationem parte, spiritus alimoniam susceperint, si ij sint humidi, internarum partium feruorem, & biliosi humoris siccitatem valde retundunt. Similem utilitatem recipiunt diabetici, & qui renum calidam siccâque sortiuntur temperaturam, si dormiant supra stratum, salicibus, & frigidis herbis inspersum, & irroratum aqua nauis; cuius loco rosacea summo est ex usu: nam salix refrigerat, exiccat, & roborat apud Dioscor. lib. 1. cap. 121. & Paulo lib. 7. tit. de salice.

**C** Non contemnendum commodum præstat, os decoctis aquisque refrigerantibus sæpe abluere, vt sero lactis, & aliis: cum enim communis, vnâque sit tunica, quæ ventri interna est, & omnis ea quæ os subiungit, ex Galen. lib. 4. acut. 6. fit vt refrigerantia in ore detenta, ventriculi & partium vicinarum ardorem contemperent. Quantam autem oporteat in febribus continuis, præstantium partium ardore & phlogosi, curam habere gutturis & linguæ, vt internus calor attemperetur, ex veterum mente ostendit Amatus lib. 7. centur. 96. Verat deinceps omnem corporis motum, & exercitium, idque duplici de causa factum puta, vel quod exercitatio renes calefaciat, vel quod sudorem prouocet, humiditatem exhauriat, & corpus exiccet; quæ omnia quàm nocua sint, in affectu qui humectationem desiderat, res est manifesta. Quod verò addit in historia initio, vt æger habitet in domo humida, latè explicabitur lib. 3. in comment. histor. 34. quo loco de habitatione ægri proponemus pulchra.

HISTORIA CXXXIX. RHASII,  
De mictu sanguinis.

Mictus sanguinis à nimia meri potione subortus, phlebotomia curatus.

**V**Enit coram me quidam magnus ebrius, qui cum esset uno die plurimum crapulatus, minxit in quantitate duorum rotulorum sanguinis, & inueni oculos eius rubicundos, corpus repletum, & tunc mandauit quod phlebotomaretur, & videretur rebus stypticis, & liberatus est. Rhasius in lib. de mirabilib. curis.

## PARAPHRASIS.

**N**imium vini potum corpus inflammare, spiritus calefacere, sanguinem augere, quoniam in huius substantiam citissime conuertitur, non indiget probatione: nam carnosas partes verè nutrit, & alia plura commoda secum affert, si cum modo bibatur, vt supra ex veterum mète diximus in com. hist. 61. Cum ergo natura sanguinis mole oneratur, cum redundantem à corpore expellere tentat, per hæmorrhoides, vterum, hæmorrhagiam, vomitum, & sæpe per vrinam, maximè si præcessit consueta vacuationis sanguineæ suppressio, exercitij intermissio, membri alicuius mutilatio, vberior potus, lauta victus ratio.

Scribit Amatus 2. *centur.* 63. iuuenem quendam sanguinea febris laborantem, sanguine per urinam mixto, sanitati fuisse restitutum. Nicolus *serm.* 5. *tract.* 5. *cap.* 19. se vidisse refert apostema hepatis expurgatum per fluxum urinae sanguineum. Non silendum quod Aretaeus *lib.* 2. *c.* 3. scriptum reliquit, esse nonnullos qui per quosdam circuitus sanguinem mingunt. Huiusmodi affectus haemorrhoidum profluvio similis est: similis est quoque corporis constitutio; nam valde palleſcunt, torpent, ignavi sunt, cibum fastidiunt, cruditate laborant, & cum excretus est sanguis, languidi fiunt, membra resoluuntur. At si per circuitum nihil sanguinis effluerit, capitis dolore vexantur, oculorum acies hebescit, tenebrae ante oculos obuersantur, vertiginem patiuntur. Inde alij in comitiales morbum incidunt; tumidi, veluti caligine perfusi, aquam inter ceterum patientibus similes; alij morbo atrae bilis, aut nervorum resolutione tentantur: nam ex consueti profluvij sanguinis retentione, huiusmodi mala proveniunt.

Ob hanc provida natura in animantis commodum superantem sanguinem expellere satagit. Sic Volusius ille, apud Plin. *lib.* 1. *cap.* 38. vixit 94. annis, qui ingentem sanguinis copiam ex ore euomebat, quam per verum mammillas exeuntem vidisse narrat Amatus *lib.* 2. *centur.* 21. Fallopius *lib.* de *vulnerib.* *cap.* 73. refert se cognovisse hominem, qui singulis annis mense Maij, per iecoris regionem, integra existente cute, circiter libram unam sanguinis emittebat. Rembertus Dodonaeus *cap.* 15. *observat. medicinal.* se sanguineas lachrymas observasse narrat, & nos sanguinis profluvium criticum factum per insensibilem porum in interfœmineo, & ex gingivis excrementum noravimus *lib.* 1. de *praxi medica admiranda, obs.* 92. & *lib.* 2. *obs.* 78. & *lib.* 3. *obs.* 114.

Quid plura? nonne ob robur potentis naturae, à nimia copia se exonerantis, sudor accidit sanguineus laxata cute, huius poris apertis: cuius ineminit Arist. *lib.* 3. de *partib. animal.* *cap.* 5. & ex multorum celebrium Medicorum mente causas affert doctissimus Marcellus Donatus *lib.* 1. de *histor. medica admirabili, cap.* 2.

In iis ergo omnibus exemplis, ad levandam naturam, ne vel præ onere succumbar ad excernendum, & sanguis retentus ad aliam regurgitet corporis partem, saluberrimum est, Rhasis exemplo, sanguinem emittere; maxime si per urinam sanguis excernatur: saepe enim sanguis in viis urinae concretus, urinam immedicabiliter suppressit, & dira symptomata concitat, quae ad sanguinis grumos consequuntur. Videmus enim, inquit Hieronymus Reusnerus, in *scholiis ad c.* 22. *Iodoc. Villichij, de probatione urinae*, iuvenes plethoricos, neque ulli manifesto morbo obnoxios, quibus nec Falerna vina, nec laurus victus desunt, referatis vasis mingere urinam cruentam, qui sola phlebotomia curantur: hoc enim modo naturam onere pressam, facta minutione levare oportet. Hac celebrata curatum fuisse quendam, refert Beniuenius *lib.* de *abdit.* *cap.* 4. qui singulis mensibus sanguinis profluvium patiebatur per insensibilem porum infra iecur, qui omnium visus aciem effugiebat.

## Observatio XXVI.

### Cruenta deiectio, critica.

**Q**uidam carnosus, & robustus, ingluuici valde deditus, ex nimia saburra, potiusque meri liberali, in ignem saepe incidebat. Hic triduo fortè, intestinorum venis præ copia adaperitis, cruentum deiciebat in copia multa, sine nixu, dolore, aut noxa vlla: qua abundantia excreta pancreaticè viuebat, quousque multitudine iterum, ob alimenti copiam, adaucta, idem patiebatur infortunium, à quo dysenteriae ope euadebat immunis. Huic, si fortè liberalis non erat vacuatio, vena secta in gibbero, remedio erat.

Vfus est Auctor post phlebotomiam adstringentibus, ad virium resolutionem impediendam. Qui enim facile quavis de causa sanguinem mingunt, resolutio calore, in atrophiam, aut malum corporis habitum commigrant: li-

cet enim qui ex robore excernentis facultatis id efficiunt, aliquo modo lenari videantur, tractu tamen temporis nimium imbecillantur, & in lipothymiam, syncopeque incurrunt. Ad præcauendum autem immoderatum sanguinis profluvium, adstringentia medicamenta esse salubria, firmat Hippocr. *lib.* 5. *aph.* 23. cum Gall. *lib.* 1. *acut. com.* 18. & alibi saepe. Haec enim cum frigida & sicca sint, arctant vias, humores incraſſant, eoque ad fluendum inhabiles reddunt. Quae autem sit illorum materia, luculenter ostendit Mercatus *lib.* 1. *indicat.* 14. & *lib.* 2. *eiusd.* *cap.* 4.

## HISTORIA CXL. RHASIS,

### De urina purulenta.

Saniosam urinam expellens quidam, mundificantibus, & adstringentibus curatur.

**A** Bdellam, quando urinauit urinam saniosam, curavit cum rebus mundificantibus urinam; & facta est urina clara, & mundificata à sanie: & postea exhibui ei in potu lutum sigillatum, & huius, & sanguinem draconis, & fuit liberatus, &c. Rhasis in libro de mirabilibus curis.

## PARAPHRASIS.

**P**us à bona subsidencia distinguitur foetore, iuxta Hippocratis oraculum *lib.* 4. *aph.* 81. Licet enim pus, renum, vesicae, pulmonum, aut partium quae suppuratae & ruptae sunt, ulcerationem significet, ut *textu* 75. *eiusdem libri*, ipse docuit, tamen odor grauis & insuavis, proprium est signum vesicae. Proponit rationem scitè Heurnius in *com.* nam in pulmone si fiat suppuratio, pus id ratione generationis, non foetet: nam à pleno calore elaboratum fuit, & quoniam per poros anfractus emanat, antequam excernatur, etiam si male oleret, tetrum illum odorem amitteret. Sic etiam purulenta urinae non ita foetent, si ex renibus decendantur, quia in itinere aliqualem graueolentiam amittit pus. Vesicae verò exulceratae pus graue olet: quoniam hoc in parte exangui, & debili, facile putredinem concipit, & grauem illum odorem in breui via non amittit. Quamvis enim omne pus male oleat ex Hip. *lib.* 1. *prog. ult.* id quod ex vesica exulcerata emanat, magis olet, etiam si minimè malum sit, quod in aliis partibus non contingit. Primum, ob substantiae quae corrumpitur, scilicet ob ipsius vesicae naturam, quae non est carnea, maxime in anteriore parte, ideò cum longiore tempore ad putredinem egeat, à violentiori causa magis putrescit. Secundò, ob admixtionem partium aquearum urinae, quae corrumpunt, & corrumpuntur. Demum ob moram, quam ibi ob urinae naturalem retentionem contrahit. Differt à crudo, albòque succo pus: nam pituita quassata, non ita ut pus diffluit, nec ita foetet, & periodicis quibusdam emanat. Differt à semine, hoc enim pendulum est in urina, cum sit aëreum.

Dicit ergo Rhasis, hunc ægrum urinam saniosam excreuisse. Sanies autem est quid distinctum à pure, nam est tenuior hoc, variè crassa, glutinosa, & colorata. Pus crassissimum, albissimumque, glutinosius & sanguine, & sanie. Rursus, sanies non est idem quod ichor, quoniam illa aut est tenuis, aut crassa; ichor autem semper est tenuis. Deinde sanguis exit ex vulnere recenti, aut iam sanescente: sanies est inter utrumque tempus: Pus ex ulcere iam ad sanitatem spectante, ut disertè Cellus edocuit *lib.* 5. *cap.* 26. *tit. de sanguine, sanie, & pure.*

Sanies mala est, multa, nimis tenuis, liuida, pallida, aut nigra, aut glutinosa, aut mali odoris, & quae & ipsum vlcus, & iunctam ei curem erodit. Melior non multa, modicè crassa, subrubicunda, aut subalbida. Cum tamen multam sanies cum pure similitudinem obtineat, factum est ut Auicenna, pus, saniem appellauerit, tum 3. 4. *tract.* 1. *cap.* 23. de iudicio saniei, tum alibi saepe.

Pus aliquando mingi, vesica nequaquam affecta, supra citatis sententiis monuit Hippocrates. In hoc autem ægro fuisse



faillē vesicam exulceratam, ex textus serie manifestē constat, nam post abstergentia, consolidantia vlcus consuluit. Insuper vesicam vlceratam ostendunt, dolor in ea parte acutus, maximēque mictionis tempore, & excretionis puris. Assiduē decumbunt, neque erecti stare possunt, nam dolores acuti sunt, & vlcera iniucunda. Quod si vlcus serpendo procedat, sanguinolentum & saniosum, cum vrinz difficultate, penis erectione, & dolore iuxta pubem, excernitur. Adsunt mucosa excrementa, & cruenta, ramentis intestinorum in dysenteriiis excretis simillima, cum dolore, & ardore. Hæc esse in collo distingues; nam præterquam quod ex cervice excrementa prorumpunt crassiora, cum huius particulæ substantia crassior sit, à qua mucosus & viscidus humor emanat, etiam tempore mictus solūm hæc symptomata exasperantur magis, vt Galenus lib. 6. de loc. 4. & 5. Paulus, Aëtius, & Trallianus prop. cap. de inflamm. vesica docuere,

Licet difficile sit dirimere, an pus hoc à renibus, an à vesica in hoc ægro afflueret, quum nullum de ramentis, aut vrinz foetore, præter saniem (cuius excretio vtriūque partis vlceri communis est) signum attulerit; tamen cum vlcera harum partium, vel ex rupto abscessu, vel humorum acrium, erodentium, aut salforum affluxu, vel à resolvente continuum vi & impetu, siue casus sit, siue percussio, aut vlcus, oriantur; eaque quatenus vlcera sunt, communem sibi vendicent curationem, nempe abstersionem, & exiccationem, càmque proposuerit auctor hic, videndum num sit auxilium, quod his indicationibus ex æquo satisfaciatur.

Quapropter præcedentibus vacuationibus vniuersalibus, quarum ope attemperantur partes, acres mordacesque humores vacuentur suauiter (hæ enim partes ob laborum, & dolorum molestiam illico ex frequenti, aut violenta vacuatione exacerbantur, & excandescunt) ad abstergentia accedere necessitas cogit. Cui vsui nullum lacte excellentius est auxilium, ex omnium auctorum decreto; nam lenit dolorem, attemperat, abstergit vlcus, corpus reficit vigiliis & doloribus exhaustum, tabitudinem arcet. Est hoc præsidium, vt alimentum, & vt medicamentum efficacissimum: quippe serosa parte abstergit, caseosa conglutinat, butyrofa ac pingui dolores lenit, ac minificè nutrit. In initio, vbi maiori abstersione opus est, vt ere asinino, quod suapte natura serosius est, & magis abluat; postea caprinum; & minùs sordescere vlceri vacinum eligendum. Id exhibe cum saccharo. Præstant quoque idem beneficium saccharum rosaceum, decoctum hordei cum saccharo, vel syrupo rosaceo, serum lactis caprini cum melle, amyllum, ptissana, aut ex farina hordei pulvis, & denique alia quæ capite de vlceri renum, aut vesicæ, apud auctores reperies.

His factis, si vrina purior sit, pusque & minus, & albius, & non admodum foetidum, videaturque vlcus ab omni sorde immune, fluxio nulla sit, dolor minor, ad consolidantia, & vlcus carne implentia deueniendum est, cni operi efficacissima sunt ab auctore proposita, nempe terra sigillata, thus, sanguis draconis; quæ medicamenta hoc munus complere, omnibus compertum esse reor. His similia sunt quæ sanguinem cogunt, & inspissant, vt karabe, tragacanthum, spodium, bolus armena, oryza, fructus myrti, trochisci de corallo, balauſtia, rosa, amyllum; quibus penetrationis gratia, saccharum, mel rosaceum, syrupum rosaceum, & vrinam mouentia admiscere oportet, vt semina melonis, citrulli, petrolelini, & cætera multa.

## Observatio. XXVII.

*Vesicæ vlcus mirabile, lacte curatum.*

**D**Um hæc scriberem, accessit ad manus nostras observatio illustris, Doctoris Rosales Medici Hamburgensis peritissimi, quam vt monstrosam hic describere non grauabor. Fœmina quadragenaria biennio passa est ardorem vrinz ita intolerabilem, vt mictionis tempore alta voce clamaret. Post hunc, sanguineos ichores per mensem excreuit. Hos sequuta per anni spatium, tanta for-

Atidi, crassi, & graueolentis puris copia cum squammulis permixta, cum vehementi in pube, imoque ventre tormento percepto, vt quotidie (mirabile dictu) quinque heminas per vrinam emingeret, in tantamque tabitudinem est lapsa, & carniū extenuationem, vt cum tenui febris, & vultus colore plumbeo, ventre contracto, reliquum corpus ita aridum sit factum, vt scæleton videretur. Hanc Medici pro Gallicata Guaiacinis remediis excarnicauerant, quæ per anni dimidium lacte asinino primum, deinde bubulo alta, ad pristinum nitorem pinguiuscula facta, est redacta.

Licet vlcera vesicæ, & renum, curari difficilia sint, ex Gal. lib. 6. de loc. 3. & maximè si ex erosione sint oborta, ita vt pauci ab eis perfectè liberentur, vt monuit Aëtius. nam harum partium opus indefinens est, ex Gal. lib. 6. aph. com. 6. quiete autem opus est, siquid sanari debeat; & quoniam excrementum acre exacerbat vlcera impensè vesicæ, quæ cum neruosa sit, solidatur difficilius; nec per pendendum auxiliorum vim aptè suscipere potest, cùmque frigida sit, & exanguis, ipsa actuare non valet; tamen auxiliares manus adhibere oportet, præsertim si recentia sint vlcera, hæc enim, diutinis vlceribus, in iunioribus potissimum, facilius consanescunt, sicut quæ in collo vesicæ sita sunt, vt lib. 6. aph. com. 18. Magister edocuit. Vlcera ergo vesicæ licet lethalia sint magna ex parte, nihilominus aliquando sanata legimus, apud Cardan. lib. 6. aph. com. 18. Anton. Beniuen. c. 78. de abdit. Vallescum in suo philonio, cap. de lapide vesicæ, & alios.

## HISTORIA CXLI. GALENI. De vrina carunculis.

**Veræ carunculæ, per vrinam excretæ, nunquam à Galeno visæ.**

**N**unquam tamen ealem vidi renum dispositionem: sed veluti caruncula sapiens à me vise sumi in illis febribus, in quibus etiam quæ sunt similia orobis sedimenta conspiciuntur, sanguine crasso in renibus, aut in hepate exusto: non tamen veras carunculas unquam vidi cum vrina excurrentes, &c. lib. 4. aph. com. 76.

## PARAPHRASIS.

**P**ura sunt quæ in vrina apparent contenta, praua, præter naturam, & vitiosa. Humor pituitosus, & crudus, arena, calculus, capilli, pinguedo, recementa farinacea, laminea, furfuracea, squammosa, pus, carunculæ. De pilis, pinguedine, & pure, satis diximus supra, hist. 130. 134. 136. De reliquis breuiter nunc dicendum. Humor crudus contentus in vrina solet referre speciem laudabilis sedimenti, quoniam aliquando extenuatur à calore, & solet Medicis imponere; à bona tamen subsidentia distinguitur, quoniam inæqualis est, diuulsus, & in partes dissimiles distrahitur, morbusque est in principio; & antequam perfectum appareat sedimentum, primò visitur nubes, deinde appendiculum, postremò subsidentia: contrà humor crudus primò concoquitur, extenuatur, tunc sublimamentum, deinde nubecula apparent; vt docet auctor libri de urinis, cap. ult.

Sabulum, seu arena in vrina solet etiam apparere, quæ auctore Hippocrate lib. 4. sent. 78. non solum vesicam, sed etiam renes calculo laborare ostendit, vt notauit Galenus lib. 1. de loc. affect. cap. 1. dum agit de signis quæ partem affectam ostendunt. Quare Hippocr. lib. 6. epid. sect. 1. sect. 6. in lapidis generatione arenas rufas in vrina apparere affirmat. Arena, & calculus ab eadem materia oriuntur, & in eodem loco gignuntur; differunt solum, quoniam materia calculi est magis lenta, arena autem lentorem non habet, nec coheret, sed dissoluitur, & friabilis est, vt notauit Gilbertus Iacchæus lib. 4. institut. medicar. cap. 5.

Carunculæ etiam in vrina apparent, quæ, vt docet Galen. lib. 6. de loc. c. 3. renum exulcerationem ostendunt, & non sicut Celsus lib. 2. cap. 7. in med., edoctus ab Hippocr.

in lib. 4. aph. text. 76. in cuius commeto scripta est historia hęc. Sic enim inquit Hip. *Quibus cum vrina crassa, caruncula parua, aut vnius capilli vna exeunt, iis à renibus excernitur.* Illę ex alia parte oriri non possunt cum vrina crassa: quę enim excernuntur ab hepate, venis partibusque diaphragmate superioribus, vt in febribus accidit ardentibus, cum vrina exeunt tenui; quę verò à renibus prodeunt, cum magno colore, labore, difficultatēque ob angustiam loci emanant, cum vrina purulenta, quum à magno vlcere, & sordido scaturiginem ducant. Pręterea in vrina solent apparere contenta aut farinacea, aut laminea, aut furfuracea. Hęc omnia paruarum caruncularum modum representant. Omnes deterrimas esse pronunciauit Hippocrates lib. 2. prognost. text. 28. sedimenta farinacea sunt similia farinę hordei crassiori vel triticeę, siue ex zea crasso modo molita. Et in com. huius sententię firmat Gal. farinaceas subsidentias esse illas, quę assimilantur crassioribus partibus hordei frixi, & moliti, illis videlicet quę molituram subterfugiunt. Hęc ob crassioris sanguinis adustionem, aut inęqualem carnis colliquationem oriri solent, ex Gal. lib. 1. cris. cap. 12. Quibus locis notauit hic auctor, ab igneo & adurenti calore pinguedinem recenter concretam, carnem, & partes solidas liquari, ac dissolui. Sicuti enim in herbarum, & aliarum rerum distillationibus, primò pars tenuis & aërea dissoluitur, deinde pars aquea, postea crassior, postremò terrea, & quę velut glutino, & calce cohęrebat: sic quando animalis substantia à calore immodico dissoluitur, primò incipit pinguedo recenter concreta, quum paratior sit dissolutioni; deinde antiqua, quia illa amplius resistit, postea caro recenter genita, quę magis vtraque pinguedine resistit; deinceps resoluitur caro antiqua; postremò partium solidarum substantia colliquatur.

In his, quę prius dissoluitur est superficies interna, quę cuticulę quodammodo respondet, deinde verò profunda substantia incipit dissolui. Quando liquatur pinguedo, quęcunque ea sit, apparet vrina oleosa, & pinguis. Quando exuritur caro, magna portio in sudorem resoluitur, aut vacuatur per vrinam: ea tamen portio crassa, & duriuscula, quę manet veluti fricta in farragine, expulsa per vrinam, constituit contentum farinę tritici, aut hordei simile.

Hanc farinaceam subsidentiam, quam Auicenna 2. 4. tract. 1. cap. 38. vocat orobinam, quoniam orobo, seu eruo excoriato similis est, dicit Galenus sæpius se vidisse in febribus, sanguine crasso in renibus, aut in hepate exusto, vel liquefacta carne. Si fiat ob sanguinis adustionem, ad rubedinem tendit, dicitur orobea subsidentia: si propter liquationem carnis contingat, tendit ad albedinem, & polentacea, seu similacea dicitur, & farinę tritici, vel hordei crassiori similis existit. Hęc mala est, & perniciosa, vt constat ex historia Sileni, qui 1. epid. sect. 3. text. 19. primo die hoc in vrina habuit contentum, & vndecimo obiit.

Contentum lamineum, laminosum, foliatum dicitur, quoniam in eo laminę, seu folia apparent. Auicenna 2. 4. tract. 1. cap. 88. vocat squammosum, quoniam squammis piscium assimilatur. Hoc non iam carnem, sed ipsorum solidorum membrorum intimas partes exuri significat. Furfureum hanc etiam cladem denotat. Differt tamen à lamineo sola latitudine, angustia, crassitudine, & tenuitate; nam hoc latius est, & tenuius, furfureum crassius, ac minus latum. Omnium est consimilis efficiens causa, ex Galen. loc. cit. & lib. 6. epid. sect. 5. com. 15. nempe calor immodicus, igneus, exurens, colliquans.

Has ergò subsidentias, quas veluti carunculas vocat Galenus, multoties vidisse in vstius febribus asseuerat: veras tamen carunculas cum vrina excretas se nunquam vidisse confirmat: & meritò sanè, quoniam quum vehemens febris vrit, interdum sanguis in renibus, & hepatis venis affatur, vnde quid simile carunculis mingitur; quando tamen profunda substantia solidorum, aut renum incipit dissolui, antequam dissoluatur, animal petit, vt lib. 10. meth. c. ult. ante finem, Magister disertè edocuit. Dum enim in febre hectica & marasmodi, ab adurenti calore pinguis carnosaque portio liquatur, contabescit animal, attramen

ipfis solidis liquatis ac siccatis, fieri nequit vt statim non iuguletur; nam, vt ipse inquit in com. cit. aph. fieri non potest, vt manente vita, ipsa carnis renum frustula (carunculas veras vocat:) cum vrina descendant. Verisimile namque est, humanum corpus, vita supersistere, non posse pati taniam labem, vt solida membra vel in farina pollinem redigantur, vel frustulatim decendant.

## D V B I V M LXXIV.

*Num furfuraceum contentum sit deterius squammoso.*

**Q**Uę sedimenta ex his sint deteriora, vertit in dubium Vallesius lib. 3. controu. cap. 27. & in Hippocratis loc. cit. prognost. furfuraceum deterius esse affirmat, quoniam maiorem colliquationem, & noxam insinuat: nam peius est partes solidas colliquari, quam sanguinem & carnem aduri, & solidorum colliquatio profunda, deterior est superficiali. Auicenna 2. 1. doct. 3. cap. 6. squammosum deterius iudicauit, quantò enim maiores dissoluantur, tantò noxa est maior. Actuarius lib. 2. de iudiciis vrinarum, cap. 20. farinaceum prætulit in malitia, nam solidorum maiorem colliquationem significat: illa enim ita à calore igneo torrentur, vt partes glutino veluti cohęrentes, in farinam dissolutę conuertantur. Concilia hos auctores hoc modo. Prędicta recrementa excernuntur, vel propter adustionem humorum, aut recrementorum: quando hoc modo exeunt, minus reprobare debent, & quantò crassiora, & maiora fuerint, minus periculum portendunt, quum sint præter naturam. Quando tamen ob colliquationem ex partibus deciduntur, sunt multò deteriora, & quantò maiora & crassiora sunt, tantò peiora: quoniam cum sint res præter naturam, quò plus earum excernitur, eò maior est noxa. Recrementa ergò furfuracea, quando non propter adustionem sanguinis, sed propter dissolutionem partium solidarum excernuntur, ob prædictam causam sunt deteriora.

Neque hęc contenta ita perniciosa iudices, vt iis excretis nullum ægrum saluari contingat; quum contrarium aliquando, rarò tamen accidere narret Hipp. Qui in horto Dealcis decumbebat lib. 3. epid. sect. 1. text. 18. habuit vrinam cum suspensionibus farinę crassę similibus, qui die 40. ad salutem iudicatus est. Si enim præsentibus aliis salubribus signis, morbus cum virium robore protrahitur, spes salutis est, quod omnibus signis prognosticis commune est. Ex his apparer, vera fuisse loquutum Hippocratem lib. 7. aph. 3. dum sic ait. *Quibuscumque febricitantibus in vrinis sunt sedimenta veluti farina crassior, longam agitudinem fore significant.* Sententię veritatem probat Heurnius disertè in com. Nam hoc contentum citra virium robur exitialis est, quoniam coctionis difficultatem denunciat: Si vires non adsint, in graui calamitosoque morbo citam mortem significant; in mitioribus, diuturnitatem: nam quod natura breui tempore efficere non potest, absoluit longo.

Hęc omnia intelligas velim, modò morbus non sit in vesica, vt notat Hip. lib. 2. prog. 37. nam ob vitia renum & vesicę, solet vrina vitiosa apparere, sine vitio totius. Hoc ita distingues: quum enim vrina est mediocris & cocta, prædicta contenta ex vitio vesicę emanare solent, vt aduertit Hipp. lib. 4. aph. text. 77. quum autem ob vitium totius, & febris malignitatem prodeunt, vrina tenuis est, & cruda. Insuper si appareant ob vitium vesicę, abest febris: licet multoties hęc omnia confundantur, febris, cruditas vrinę, cum vesicę noxa, quę omnia propriis signis venari oportet.

Ex his elice corollaria duo. Primum. Carunculas veras viuente animali per vrinam excerni non posse, vt Gal. firmat: licet enim auctores mira viderint per hęc partem excretas, & citra valetudinis noxam, vt grumum, vermiculos, bestias, pediculos, formicas, vesicas, pituitam vitream, lentam, conglomeratam, ramenta, globulos crystalliformes, culmum hordaceum, pilos, horum fasciculos, & alia monstrosa, quorū catalogum ex diuersis auctoribus desumptū, legat

legat qui velit, apud eruditissimum Schenckium lib. 3. observat. de urina, tamen carunculas veras nunquam visas fuisse ipsi enarrant. Secundum. Sedimentum fursuraceum reliquis deterius esse. Quomodo autem sedimenta hæc distinguantur, quando ob adustionem sanguinis, aut colliquationem carnis inæqualem oriuntur, pete ex Mercuriali, & Christophoro à Vega in com. cir. sent. lib. 2. prognosticorum, qui hunc Hippocratis contextum luculenter explanarunt. De qua re pulchra dixit Santorellus doctissimus 8. antepax. 22.

## HISTORIA CXLII. RHASIS, De urina incontinentia.

Urina incontinentia, enematis, & aliis adstringentibus auxiliis curata.

**E**rat quidam puer patiendo mictum in lecto, qui curatus cum toto eo quo curant Medici, non contulit ei, sed fuit sanatus, dum clysterisatus est cum rebus qua retinent urinam, & immixtum est in vesicam ipsius de eis cum calefactis, qualibet nocte penes dormitum, bibitis tunc drachmis duabus, aut tribus de granis myrti, quoniam hoc tollit abundantem urinam, &c. Rhasius lib. 23. continent. tract. 2. cap. 1.

### PARAPHRASIS.

**V**esicæ partes duæ sunt, fundum, & ceruix: in fundo continetur urina. Hoc sensum in angustiora coarctatur, & in ceruicem carnosiores definit: musculo cingitur qui anitoris vicem gerit. Huius proprium munus est vesicæ collum fortiter claudere, & exitum intercludere, ne inuitis nobis affluat urina, ut lib. 5. de usu part. cap. 16. docuit Galenus. Quo pacto mirari non oportet, quomodo per bonam valetudinem volentibus nobis urina excernatur, cum musculus iam dictus ceruicem vesicæ circumdans, voluntatis nostræ imperio obtemperans, ab actione quiescit, fungente vesica suo munere, in excernendo naturaliter agens: De quo argumento in comment. hist. ult. huius libri latè disceptabimus.

Urina ergo incontinentia, est morbosa & præternaturalis actio, & muneris continendi urinam cessatio; ad quam symptoma oritur in genere immodicè excretorum. Huius causa multiplex est. Nam vel accidit, nervos à sexta coniugatione, vel à spinali medulla ortum ducentes, ad vesicamque delatos frigida esse intemperie affectos, obstructos, compressos; vel ob luxationem vertebrarum contingit, quæ luxatæ, & comprimentes nervos, urinæ incontinentiam efficiunt.

Frequentem tamen causam esse remur, quando hic musculus nimia humoris copia madefit, qua relaxatus collum vesicæ coarctare nequit. Sic pueri inuoluntariè mingunt: sic ebrii ob humiditatem multam, urinam incontinententer reddunt. Causæ verò quæ noctu, & inter dormiendum urinam fluere cogunt, in pueris, & humidioribus naturis, sunt debiliores & minùs efficaces iis, quæ prædictum musculum resoluunt, & comprimunt. Et ob hoc inter dormiendum mectere, signum est minoris mali prædicti musculi, & facilioris causæ, quàm dum inuoluntariè fit mictio.

Huius rei triplex ratio. Prima. Quia in profundiore somno affectis, minùs est animalis potentia actionibus intenta, & ob id minùs resistit actibus naturalis potentie expellentis. Secunda. Tempore somni humiditates intrò regurgitant, & urina fit abundantior. Tertia. Profundè dormientes habent admixtam cum urinæ copia acrimoniam & mordacitatem, qua persectita excitatur ad expulsionem facultas tempore somni.

Triste, & miserabile est hoc malum, nam homo negotiis urbanis dicatus, in actu excernendi perpetuò existit. Cùmque tota causa huius mali in frigiditate, & humiditate musculi claudentis vesicam sita sit, & minimè in pue-

Aris, in quibus ob frigiditatem, & humiditatem humoris a copia oritur hoc vitium, medendi ratio consistit, ut hinc metur musculus, & absumantur humiditates.

Primo vacuabis totum phlegmagogis. Firmabis partem, immergendo pueros vsque ad medium dorsi in aqua thermali, quæ si desit, artificiale balneum para ex carminantibus, calefacientibus, & exiccantibus herbis paratum, & decocto adde alumen, sulphur, & nitrum. Similem usum præstant sudorifica facta ex decocto ebeni, smilacis asperæ, chynæ, & sassafrasæ Indicæ. Unguenta imposita super perinaeum, & pubem, facta ex oleis calidis maxime cum theriaca, & oleo vulpino, aut belzoini, vtilia sunt. Calefacientia medicamenta per syringam in vesicam immixtere, non est abs re. In potum tribuere adstringentia, ut myrtum, & alia, cum vino adstringenti permixta; summopere hic ab auctore, & aliis commendatur. Clysteria parabis calefacientia, & adstringentia, quæ maximum in hoc affectu obtinent momentum. Fient ex decocto myrti rutæ, absinthii, saluie, myrtæ, stœcad. cum oleo de castor. & myrtino. Demum medicamenta ex myrto sativa parata, omnia sunt optima: nam pulvis myrti cohibet, sistit, arctat, retinet urinam, sicut fluxiones omnes immodicas compescit, cùm adstringat, ex Dioscoridis lib. 1. cap. 128. quare siue foliis, granis, semine, succove vtaris, maximam in compescendo fluxum immodico urinæ senties vilitatem, quum vehementer siccet & adstringat, ut monuit Paulus lib. 7. sit. de myrto. & ceteri postea confirmarunt. Fontanellam, ceteris non conferentibus auxiliis, brachiis, aut cruribus affiges, si humor à capite, vel partibus inferioribus fluat. Reliqua verò quæ à proprietate urinam cohibent, per otium lege apud Eustachium Rudium lib. 2. praxis, cap. 44. Mercurial. lib. 2. de mor. pueror. cap. 19. Vidum Vidium lib. 10. de curat. membrat. cap. 15. in fin.

## HISTORIA CXLIII. GALENI, De urina incontinentia.

Urina incontinentia, ex luxatione externa vertebrarum, suborta.

**R**ursus alter luxatis ad externas partes vertebris urinam inuitus profudit, nullo infestante vesicam dolore. In hoc coniecimus, eius musculi nervum, qui vesicam claudit, fuisse affectum: proinde spinalem medullam curare volumus, &c. Gal. lib. 6. de loc. cap. 4.

### PARAPHRASIS.

**I**ncontinentiam urinæ, seu illius inuoluntariam profusionem accidere, ob affectum musculum vesicam claudentem, docet hoc loco Galenus. Coafficitur autem is affecto nervo (hic enim ad illum pertingit) ab spinali medulla ortum ducente. Nervus hic multis modis læditur: vel obstruitur spiritu crasso, nebuloso; aut humoris copia imbuitur, & relaxatur; vel comprimitur, ut accidit huic ægro, cui luxatis vertebris è regione vesicæ, compressus fuit nervus proprius ad hunc musculum pertinens. Vel à resoluente dilaceratur. Interdum præ frigore, animales operationes, spiritusque mortificante resoluitur. Aliquando obstructis prioribus nervis, à quibus hic diuaticatur. Qua de causa senibus inuoluntariè accidit urinæ fluxus, & his qui in locis frigidis & humidis vitam degunt. Tunc in ipsis vigere mali causam arbitrandum est: nam frigidus humore abundantes, nimium refrigerantur, & spiritu influente orbantur; & vel molliores, laxioresque facti ad illustrationem recipiendam sunt inepti.

Constat spina non vno osse, sed pluribus, cuius pars principalissima est medulla, spinalis propriè appellata, fluuius veluti quidam à cerebro, quasi fonte manans: à qua locis omnibus quæ præterit, nervus emittitur, tanquam sensus & motus riuius; semper enim propinquis quibusque

quousque partibus, ex parte eius propinqua productus A nervus immittitur: tota enim nervorum compago consumitur non aliter, quam arboris truncus in ramos quam plurimos; & in dictis ossibus, cauis existentibus, hæc continetur. Sunt ossa hæc, numero quatuor & viginti in hominibus, præter os latum, quod extremæ ipsi subiacer; vocataque sunt ossa huiusmodi, spondyli, seu vertebræ. Habent hæc ossa cartilaginis substantiam ea circumdantem, qua teguntur, & tumentur. Huic ligamenta nervosa, lata, fortia, crassa indita à natura, totam spinam colligantia. Ossium horum forma est huiusmodi, ut quæ situm suprâ habent, deorsum; quæ infrâ, sursum spectent; ad formam ædificij fornicis dicti. Sunt inter se magnitudine distincta: circa lumbos sita, molem habent magnam; quæ infernè circa os sacrum, illam habent maiorem; superiora verò versus collum, omnium tenuissima sunt.

Per hæc ossa nervi exeunt, quorum triginta paria obferuant periti anatomici; septem cervicis, duodecim dorfi, quinque lumborum, sex ossis sacri, ut docuit solertissimus Magister lib. 1. 2. de usu partium, à quo loco hæc sunt exhausta. Quare fit, monente ipso lib. 5. eiusd. operis, cap. 8. ut vesicæ urinariæ nervi à spinali medulla, qua parte os sacrum dictum, situm est, prodeuntes, læsi fuerint. Cum ergo ab aliqua externa causa, nervi illi circa illam partem exorientes læduntur, vesicæ officium, quod est urinæ excretio, nullo infestante vesicam dolore, lædi omnino necessarium est.

Sed quæres, cur hic luxatis ad posteriores partes vertebris, urinam inuitus profudit? Dic, quoniam nervus vesicæ claudentis muscoli fuit resolutus, non quidem ob propriam nervi passionem, sed ob læsionem spinalis medullæ; hæc verò læsa erat ob vertebrarum ad posteriora luxationem. Num verò ex casu, ictu, aut tumore præter naturam, hæc fuerit luxata, ex Galeni doctrina non satis constat: verisimile tamen est ex ictu, vel casu fuisse luxatam; nam si tumor adesset, eius curationem sine dubio proponeret.

At cum ex dislocata, aut luxata spina, affectis nervis qui ad omnes partes demandantur, torpor, distentio, tremor, resolutio, & alia damna sequi possint, ut Hippocrates docuit lib. 3. de articul. ferè per totum, & mors: cum scilicet ob inflammationem, dolorem ingentem, & siccitatem lædatur medulla cum nervis; afficiatur cerebrum; auferatur, vel plurimum minuatursensus, & motus; supprimatur vrina, & deiectio; superueniat nervorum distentio, quæ hominem absumant: Videndum, quæ luxatio tanta mala parere possit.

Multiplices esse luxationis differentias, Hippocrates loco citato edocuit, cuius mentem fidissimus eius interpres lib. 4. de loc. affect. cap. 3. Laconicè illustravit. Harum prima dicitur angulosa, in qua vnica duntaxat vertebra luxatur. Altera est circularis, quæ in orbem, & paulatim fit, plurimis scilicet quadantenus luxatis vertebris, sed non vehementer & omni ex parte à sua sede distractis. Tertia vocatur recta, quæ rectè ad interiora, aut exteriora procumbit. Vltima appellatur obliqua, quæ non rectè, sed obliquè & ad latera fit luxatio, in qua contingit nervos atteri, subiectasque partes lædi. Angulosa omnium periculosissima, propterea quòd contingit in ea vehementius, & cum maiore violentia spinæ medullam atteri, quàm in circulari, quæ etiam periculo non vacat: Hæc in gibbis fit, tam interiùs, quàm exteriùs, in qua nihil omniino patiuntur partes, quæ summotis vertebris supponuntur. Ægrum autem hunc obliqua luxatione laborasse, ex dictis est manifestum. Licet enim angulosa, spinalis medullæ & nervorum compressionem possit efficere, tamen hæc, in qua vnatantum, aut altera luxatur vertebra, subito & affatim, à casu, aut percussione, & in superioribus colli vertebris contingens, periculosissima cum sit, motu subiacentium partium, simul & respiratione impedita, hominem tollit, priusquam paralytim emittat, ut protulit Aui-cenna 3. 9. tract. 1. cap. 8. hæc enim, ipso auctore 5. 4. tract. 1. cap. 21. coarctat nervos anhelitus, & respiratione intercepta procul dubio interficit.

Rogabis vltimò, Cur Galenus luxationis huius curationem non exposuerit? Dic, illius minimè fuisse oblitum: patet ex verbis (proinde spinalem medullam curare semanimus.) Auxilia autem huic operi accommodata, tanquam notissima sunt prætermissa, utpote sæpius in libris de articulis recitata. Scopi namque in hac curatione sunt, vertebrae in suum locum reponere, & nervos læsos roborare. Illud opus multiplici præsidio perficitur, extensione, repositione, deligatione, & collocatione. Hæc omnia in luxatione curanda esse obseruanda, monuit Hippocrates lib. 2. de fractur. cum Galeno com. 5. 2. 5. 3. 5. 4. & lib. 3. de art. com. 21. explicant Auic. loc. cit. cap. 5. Ioan. Vigonius lib. 6. cap. 1. de uniuersali curatione ossium luxatorum, Paulus lib. 6. cap. 111. Celsus lib. 8. cap. 21. quorum mentem dilucidè explanant Hollerius lib. 3. instit. chirurg. Tagaultius in suo compendio, de luxationibus, ex variis auctoribus doctissime collectam, Hieronymus Fabric. ab Aq. pendente lib. 5. de luxationibus cap. 2. Vidus Vidius lib. 5. de curat. membrat. c. 6. Ex quoniam lectione fit manifestum, in reducendis spinæ vertebris, instrumentum machinæ Hippocraticæ, qua olim luxatæ spinæ subueniebat, esse pro hoc còplendo opere præstantissimū.

Post repositas vertebrae, nervos & spinalem medullam roborare oportet, maxime in ea parte, ubi è regione vesicæ nervus est compressus. Hoc facies asperis frictionibus, vnguentis calidis, roborantibus emplastris, in lûbis, perinæo, pectinique applicitis, quorum copiam lege apud probatos auctores, cap. de paralyti. His omnibus anteponenda ceseo medicamenta cum nervis sympathiam habentia, qualia sunt Rosmarinum, stæchas, betonica, herba paralytis, salvia, iua arthetica, aqua vitæ, euphorbium, sagapenum, opopanax, & siquæ alia firmandis nervis aptissima. Horum materiam vide apud Holler. lib. 1. de morb. intern. c. 9. Mercat. lib. 1. de morb. intern. cap. 14. Montaltum tract. de capiti. affect. cap. de paralyti.

## HISTORIA CXLIV. GALENI, De vrina difficultate.

Vrinæ difficultas, ex siccitate glandularum vesicæ adiacentium nata, humefiantibus internis, & externis persanata.

D Orrò qui humor in illis corporibus glandulosis progignitur, que vtraque parte colli vesica locata sunt, is in meatum urinariū effunditur: atque in masculis quidè, vnà cum semine in matricè delabitur: in feminis autè & foras, & in muliebre pudendū erumpit. Virilitates autem eum in sexu utroque sunt, quòd ad venerem excites, in coituque delectet, denique meatū urinariū madore suo perfundat, habiliorémque ad urine trās-situm reddat. \* At femina cum masculo frigidior sit, incoctū, tenuémque in glandosis parastatis hūc humorem habet. Quòd autem madesfaciat, molliat, & viscositate quadam, olei instat, meatū inungat, est notū. At nunc nuper quidam quòd graciles, & penuria alimèti partes has omnes laborantes, & siccitas haberet, ob eam causam visus est nobis nō posse prius mēiere, quàm copiosū in vesica lorū acruasset, quòd meatus ipsi sicci esset, ac concidisset. Oportebat igitur meatū ipsum à lorij multi, ac subiti supernè validè immissi impetu aperiri, alioquin haudquaquā homo ille mēiere potuisset; eamque causa cōiecturā curationis euentus cōfirmavit: oleosis enim vnguentis locum omnē perfundentes, corpusque uniuersum renutrientes (erat enim summè gracile, & præsertim partes illa) his remediis hominem restitui-mus, & c. Galenus lib. 14. de usu part. cap. 11.

## P A R A P H R A S I S.

I Nter proprios vesicæ affectus numerandus etiam est, I qui urinæ difficultas dici solet, cum videlicet æger mēiere cupit, sed cum vi urinam excernit, & cum dolore. Gal. lib. 6. aph. 36. & maxime lib. 7. com. 48. huius affectus conditiones, in urinæ excretionem cum dolore, aut cum difficultate, consistere asseuerat. Interdum vrina difficultet excernitur,



excernitur, quoniam ob dolorem, ardorem, & molestiam maximam perterrita natura urinam cohibet: aliquando, quoniam meatus urinarij sicci sunt præ humiditatis defectu, quam gignit natura in corporibus adenosus, quæ ad cernicem vesicæ, lentum, sed non crassum progignunt oleosum humorem, quo lotij suapte natura acris mordacitas retundatur. Hanc causam difficultatis, & ardoris urinæ, ex Galeno hoc loco proposuit inter omnes. Auicenna lib. 3. fen. 18. tract. 2. cap. 3. Explicuerit Mercatus lib. 4. de morb. internis, cap. 13. Ludouicus Duxet. in com. cap. 50. lib. 1. de morb. intern.

Licet enim hæc glandulæ, quæ sunt in vesicæ collo iuxta sphincterem, humorem contineant, qui in maribus & foeminis ad venerem incitet, in coitūque delectet, huius tamen vi perpetuum impediri urinæ ardorem, ne animal in continuo esset dolore, in ipso mictionis actu, Galenus hic confirmat. Hic enim pinguis humor lentore suo, & oleosa mulcebrigue humiditate, serum urinæ acre, vesicam irrigando, contemperat.

Urinæ difficultatem à plurimis aliis causis, ut ab urina ipsa acriore reddita, ab acrium humorum affluxu, à salso- rum succorum copia, ex vesicæ, vel ceruicis eius vlcere; ex vteri, aut vesicæ inflammatione oriri certum est, attamen ex consumpta harum glandularum humiditate originem ducere, superiores auctores confirmarunt, ut in com. cit. cap. Auic. Costæns notauit. Huius affectus causas perbellè explicuit Auicenna loc. cit. nam immodicè coeuntibus, assumpta illa humiditate ardor urinæ superuenit; præcesserunt morbi corpus colliquantes, ut febris ardens, hectica, quarum causa, nimia macie extenuata corpora contabescunt, & glandulæ exsiccantur. Hac etiam de causa ardorem patiuntur, qui habent vlcera in meatibus urinæ propinqua virgæ: nam ex puris acrimonia excitatur ardor.

Curationem in hac historia præclare proposuit Galenus, & absoluit Auicenna loc. cit. cap. 4. nam potulentis pugnare oportet, & iis quæ serosam humiditatem ad vesicam protrudunt; hæc enim ob humoris inopiam, sicca & corrupta, huius affluxu ampliari, distendique potest. Quare extenuata, siccaque pubis loca fortibus humectanda, relaxandaque sunt balneis humectantibus, paratis ex decocto capitis castrati, Violar. Maluar. bismaluar. sem. psyllij, & cydonior. Quod si cum olei copia multa parentur, erunt præstantiora; hoc enim squalidum corpus humectat, ex Galen. lib. 5. simpl. cap. 13. lacte etiam muliebri, vel quoquo alio, pubem, os sacrum, & perinæum irrigare summopere prodest, præsertim si addatur copia olei violacei, aut amygdalini. Per virgam iniicere humectantia, ut lac muliebre cum mucilaginis eoroneorum permixtum, conducit valde. Humectante victu reficiendum corpus, lacte, pitifana, vitellis ouorum, iuribus pinguibus, & renutrientibus cibis. Consimilem historiam tradit Iulius Pollux, referente Alexandro Benedicto lib. 24. cap. 3.

## QVÆSTIO LXI.

Quid mulier sit calidior viro, ut voluit Hip. Contra Macrob. Parmenid. Laurentium, Vegam, Peramatum, & alios neotericos præstantissimos.

### COMMENTARIUM.

**A**T foemina cum masculo frigidior sit. ] Diuini Senis, summi Medicinæ Antistitis, supremi Dictatoris, in lib. 1. de morbis, n. 3. celeberrima sententia est, foeminam mare esse calidior. Sic enim habet scientissimus Auctor. Habet enim mulier sanguinem calidior, & propterea calidior est, quam vir, &c. Quæ sententia quam sibi ipsa contraria sit, ex eius doctrina adstrui potest: nam lib. 5. aph. 48. & 6. epid. sect. 2. text. 44. 45. 46. & sect. 4. text. 27. & lib. 1. de diet. n. 28. §. Ex omnibus autem masculi calidiores sunt, & sicciores, foemina vero humidior, ac frigidior, &c. Est insuper hæc sententia aduersa Galeno, qui pluribus in locis ipsum asseuerat. tum 3. de caus. puls. c. 1. & lib. 2. de temp. vlt. & 6. de loc. affect. c. 5. in fin. & lib. 5. aph. com. 38. 48. & 69. & 14. de vlt. part. c. 6. & 6. epid. sect. 2. com. 44. & 45. & sect. 4. com.

A 27. & lib. 2. de semip. c. 5. & alibi. Repugnat etiam Aristoteli sect. 10. probl. & lib. 4. de generat. animal. c. 1. post med. & Auicennæ 1. 1. doct. 3. c. vlt. in fin. & 2. 1. doct. 3. cap. 7. in init. & 2. 3. tract. 1. cap. 8. in fin.

Tantum virorum auctoritate freti recentiorum clarissimi vnanimiter iurant, masculum calidior esse foemina. Inter hos extant duces strenuissimi, Insignis Veiga in com. c. 5. lib. 6. de loc. affect. Gal. in fin. num. 4. acutissimus Gentilis in fen. 1. 1. Auic. doct. 3. cap. vlt. in §. Secundum verò diuersitatem. Peramatus lib. de temperam. c. 13. in fin. Mercurialis lib. 4. de morb. mulier. cap. 1. Christophorus à Vega in com. sent. 10. lib. 3. prog. Hip. in init. Andreas Laurentius lib. 8. de re anatomic. quest. 2. Vallesius lib. 1. controuer. 9. Petrus Iacobus Esteue Valentinus in com. lib. 2. epid. sect. 3. sent. 41. Ioubertus, Carrerius, Poncius, Iacobus Segarra, & alij.

Si enim rationes pensites ad vnguem, quibus illi muniti assueuerant, mares esse foeminis calidiores, fallam (ut illi rentur) esse Hippocratis sententiam arbitraberis, aut librum hunc de morbis esse adulterinum, tantoque auctore indignum iudicabis. Ne ergo in recitandis eorum rationibus sim prolixus, neu cramben tibi recoctam præbere videar, idcirco alia firmissima argumenta ex veterum foecundissima penu palam faciam, quæ foeminarum caliditatem impugnant euidenter. Nam, ut ipsi probant, mares generantur ex semine calidior, in loco calidior, nempe dextro, conformantur celerius, mouentur citius, excluduntur celerius, & post partum breuior est pugatio, si marem peperit foemina: Mares habitu constant solidiore, vasa habent ampliora, vruntur victu calidior: debuit calidior esse mas, quia corpus ad ferendos labores illi erat necessarium, & animus intrepidus ad subeunda pericula. Ergo si hæc spectes, mares foeminis esse calidiores procul dubio concedes. Audi tamen rationes alias, quæ animum tuum mulcebunt apprimè.

Prima. Inferiora mulierum magna ex parte crassiora; virorum superiora: ita Arist. lib. 4. de generat. animal. cap. 1. Rabbi Salomon in cap. 1. Genes. & ex eo Nicolaus Liranus in com. cap. eiusdem. Cælius Rhodig. lib. 4. lect. antiq. c. 12. Cum enim frigidior sit mulier, alimenti minima portio sursum fertur, ob caloris defectum: in maribus autem præ caloris copia, alimenti pars maior altiora petit; & sic superiores partes augentur magis.

Secunda. Mulieres citius canescunt, ex Aphrodis. lib. 1. probl. cap. 4. quoniam sunt humidiores & frigidiores: nam canities, ex Philosoph. 10. prob. 36. oritur ex inopia natiui caloris, vnde Albertus Magnus lib. 3. de animalib. tract. 2. cap. 2. debilem calorem, esse canities causam asseuerat: ita celerius mulieres fiunt canæ, quia paucum habent calorem, maiorem humorem qui concoqui non possit; ita putrescit humor circumfistentis æris calore: putredo enim omnis calore fit, non quidem suo ac natiuo, sed alieno ex Philosoph. 4. meteor. cap. 1. de qua re consule Marcel. Donat. lib. 1. de histor. mirabili, cap. 1.

Tertia. Mulieris corpus non horrescit pilis, ut viri; habent enim poros, & spiracula densiora, quod frigus compescat, & adstringat, ita Aphrodis. lib. 1. probl. c. 5. nam calor pilos educit, argumento sunt eunuchi, & hominis partes exteriores, quæ quod calidiores, eò magis, ac citius vestiuntur pilis: quamobrem læuius est foeminarum corpus, quam virorum, ac proinde frigidius.

Quarta. Mares ferè grandiores sunt corpore, quia vis caloris in agendo consistit, ita Arist. 10. probl. 10. & Theophil. Protospatarius lib. 5. de fabric. corp. human. c. 25. Hoc esse verum in aliis animalibus, docent Arist. 4. de hist. animal. cap. vlt. & lib. 5. cap. 5. & 1. de generat. animal. cap. 16. nisi infecta excipias cum Plin. lib. 11. cap. 29. in quibus mares foeminis sunt minores.

Quinta. Maribus pulsus sunt maiores, & vehementiores, ex Gal. 3. de caus. puls. cap. 2. nam robori virtutis, & vsui adaucto vehementia pulsus, & magnitudo sunt familiares.

Sexta. Foemina citius viris senescunt, quia frigidiores, vita autem consistit in calore: contrarium si accadat, rarissimum est; sic notante Galeno lib. 5. aph. 38.

Septima. Foemina plerumque sunt pinguiore, & obefiores

flores maribus; frigus enim pinguefacit, tabefacit calor, A  
ex Galeno 2. *simpl. cap. 20.* Eandem sententiam tuetur sacra Hebræorum lingua, quæ virum *Ise* nominavit, à radice *Esch*, quæ ignem significat; licet *Iscia* mulierem vocet, sed quia de viro sumpta, & parte viri frigidior, id est, costa quæ maxime est ossa.

Octava. Mares fœminis audaciores, fœminæ meticulo-  
siores; illud caloris argumentum, hoc frigoris: quare cum  
sexum supergrediuntur mulieres, propterea calidissimæ  
dicuntur ab Aristoph. quæ fortasse ratio est, cur pro-  
uiores in venerem, & concubitus appetentiores; nam  
materia appetit formam, potentia actum, ita frigus ca-  
lorem, si modo vera est hæc opinatio, quam nunc non  
expendo.

Quapropter concludendum est, mares esse fœminis ca-  
lidiores; nam si experimentum sequaris Plinij lib. 7. cap. 4.  
Varron. lib. 1. de re rustic. cap. 11. Columel. lib. 6. cap. 24. in  
hac sententia firmius persistes: cum enim marem gigni  
pullum volunt, sinistrum admissarij testiculum funiculò  
ligant; cum fœminarum dextrum. Firmat Albert. Magnus  
lib. 18. de animalib. cap. 1. de causa differentia sexus fœmini-  
ni, & masculini. Ita docuit Aristotel. in locis multis. Se-  
quuntur Serapio tract. 5. breniar. c. 34. Philaret. lib. de pul-  
sib. in initio, & fusissimè Conciliator dis. 28.

Hæc si vera sunt, ut certè sunt, quid ad maiorem machi-  
nam respondebimus, Hippocratem nempe, asserentem  
maribus, esse calidiores fœminas? Respondent quidam,  
illustrius esse hanc sententiam scindere, quàm dissolvere,  
quum in ea mendosum quidpiam esse existiment. Sed  
cum veteres contextus, & scripturæ, quas tantopere ob-  
servandas & eligendas, etsi difficilius explicentur, docuit  
Galenus 6. ep. d. sect. 3. comment. 31. citra necessitatem in-  
uertendæ non sint; maxime si eum codice Græco ap-  
primè consentiant, horum firmare interpretationem non  
possum.

Ludovicus Mercatus tom. 1. q. 53. Mauricius Cordæus  
in comment. lib. 1. de morb. mulier. com. 1. sect. 4. ad fin. licet  
hanc sententiam ut genuinam agnoscant, eius tamen sen-  
sum multipliciter distorquent. Parmenides apud Aristot.  
lib. 2. de partib. animal. cap. 2. & Florus apud Macrobius  
lib. 7. Saturnal. cap. 7. Hippocratis sententiam citra ullam  
distinctionem admitterent, qui multis ibi contendunt, fœ-  
minarum naturam calidiorē esse, quàm sit virorum; quo-  
rum rationes solutas, lege apud Laurentium loc. cit. Ioan.  
Baptistam Montanum part. 1. universa medicina, tit. de tem-  
peram. sexus, Rorat. contradiet. 38. Hippocratus, qui de hoc  
argumento ingenuè disceptarunt.

Superiores auctores rei veritatem appositissimè inda-  
garunt, quod gratius est & facilius, quam auctoris men-  
tem exponere. Nos utrumque sequentibus propositioni-  
bus dilucidabimus. Prima. Perpetuum & irrefragabile,  
marem fœmina genitalibus esse calidiorē. Nam & hæc  
sexus causa potissima, recepta ab Hippocr. & Democrito,  
aucta & Aristot. lib. 2. de partib. animalium, cap. cit. ex calo-  
re maiori genitalia extrahente. Contrarium si obrigerit,  
monstruosum. Observavit Plinius lib. 7. natural. histor. c. 4.  
Vidit Amatus 2. censur. 39. & notarunt alij, puellam in vi-  
rum versam; quidquid huius rei causam alij existiment  
Laurentius lib. 7. controu. anatomic. quest. 8. Ludovic. Mer-  
catus lib. 2. de morb. mulier. c. 10. & 11. quorum rationes  
ficulneas esse, ratione, & Medicorum celebriūque viro-  
rum auctoritate firmabimus lib. 3. huius operis, in com. hist.  
8. cuius euenus exemplum proposuimus lib. 3. de praxi  
medica admiranda, observat. 96.

Propositio secunda Perpetuum ferè etiam, de totius &  
principalium partium temperamento naturali, marem fœ-  
mina esse calidiorē. Contrarium si euenerit, monstruosum  
est; nam in arduis ludit natura aliquando in opere errans,  
ut observarunt nostri. Visum duplex hepar: Triplices  
venæ azygi; & à sinistris mutari lienis, & iccoris situs,  
& pleraque alia, ad quæ ius adaptari non potest, quod  
legit Celsus lib. 1. pandectar. tit. de legib. Quæ enim semel  
ante bis accidunt; contemnunt legislatores: ex iis enim quæ  
semel aut bis homo videt, non debet pronunciata medica con-  
ficere, ex Galeno lib. de fetus format. cap. 2. Solum frequen-

tia pro perpetuis habentur in medicina. Ex his nota pro  
vfu lapsum vulgo receptum, asserenti, puillos gallinæcos  
fœminis frigidiores, & febrientibus esse magis accommo-  
dos. Nec obstat Avicenna 3. 1. doct. 2. c. 7. in fin. pronun-  
cians, ius pulli temperare humores, gallinæ verò nutrire,  
nam imparis ætatis exemplum est.

Propositio tertia. Perpetuum ferè in homine, mares fœ-  
minis maiores esse; rarissimum, contrarium. Quod si quis  
obtrudat, fœminas partibus inferioribus viris esse crassio-  
res: ob particularem crassioris sanguinis portionem, &  
sedentariam vitam, fieri credendum est. Si accidat contra-  
rium, id cum Aristot. 7. de histor. animal. c. 2. de volatilibus  
ex raptu viventibus intelligendum est; quod in accipi-  
trum genere videre licet, in quibus immodicus maris ca-  
lor humidam depopulatur, prohibetque incrementum;  
contrà, fœminarum temperatio promouet.

Memorandum illud est, Galeno sapissimè commenda-  
tum, quod mulieri ex summi Opificis præscripto generis  
propagationi consulenti, naturæ multum sanguinem gi-  
gnendi vim invidit, qui non alitioni tantum mulieris, sed  
& fetus formationi, nutritioni in utero, & educationi  
extra uterum sufficeret: hic verò dum in dictos vsus non  
absumitur, nec ob propriam sexus frigiditatem, impoten-  
tiāque discutitur, quantitate exuberans, & mole sua na-  
turæ onerosior factus, à toto habitu in venas uteri trudi-  
tur, menstruas purgationes mulieribus effecturus. Vide  
Gal. 14. de usu part. 6. Avic. 1. 1. doct. 3. cap. ult.

Ex hac consideratione, Hippocrates aphoristicam sen-  
tentiam profatus, sic inquit. *Qua non peperit, gravius, &  
citius mensibus agrotat, quàm ea qua peperit*, ob triplicem  
causam. Prima, quoniam venæ fluidiores sunt ad menses.  
Secunda, quia dolores à partu iam experta, mensium de-  
currentium labores facilius patitur. Tertia, quoniam &  
non fluentium dolores, afflicta iam utero gestare, prom-  
ptius fert.

Deinde præfatam doctrinam ampliùs explicaturus, &  
qua ratione labores illis fiant, & solvantur, inquit. *Mulier  
& molliore, & tenuiore carne prædita viro est, & sic ampliorē  
humiditatem à ventre trahit, ad corporis & carniū ambitū.  
Attractam ergo humiditatem si natura non secernit ab habi-  
tu ad uterum, ut à plenitudine sese exoneret, calor præter na-  
turā, & dolor oboritur, & si diutius fuerit retardata, humidi-  
tatemque, hoc est, sanguinem foras non eruperit, morbum facit.*

Copiosum autem sanguinem, eumque superfluum, ab  
eo vocari caliditatem, patet ex ipso lib. 1. de morb. mulieb.  
D num. cit. §. Si verò ampliùs accedens (supra vocabat humidi-  
tatem) secesserit, dolor non fit à sanguine. neque calor, &c. Et  
in eod. lib. ante fin. §. Fœmina verò citra humidioribus, ac pin-  
guioribus diutius vivunt, caliditatis purgationem ex corpore  
singulis mensibus faciunt, &c. Quasi dicat, copiosi sangui-  
nis, ex quo provenit caliditas, purgationem ex corpore  
singulis mensibus faciunt. Lege Martinum Rulandum  
lib. 2. probl. medico-physicor. 66.

Calidior ergo virili fœminæ sanguis, ac idèd & mulier:  
non tamen propria carniū, solidiorūque temperie, in  
sanguinis generatione, in hepate, & venis accepta, sed  
quantitate. Cum enim viro mulier sanguine magis abun-  
det, illo est calidior, ratione copię, & quantitatis. Multus  
enim sanguis licet ex frigidis cibis genitus, caloris natu-  
ralis in animali substantiam auget, non qualitatem inten-  
dit, ex Gal. 3. de temp. c. 4. in fin. & Avic. 2. 1. doct. 2. sum. 1.  
c. 14. ante fin. hoc confirmat, quum loquitur de lactuca, dū  
sic dicit. *Cumque eius conversio in sanguinem completur, plu-  
rimū operationis eius est calefacere, propterea quod in sangui-  
ne augmentum facit, &c.* & Iacobus de Partibus in com. sic  
ait. *Possibile est ut sanguis genitus ex aliis retineat sibi cali-  
ditatem maiorem debito; & sanguis, lactuca frigiditatem: &  
nihilominus dicitur calidus, non à caliditate excedente, sed  
quia reparando deperditū, augmentat substantiam caloris in-  
nati, &c.* Sic qui crescunt, plurimum habent calidi innati, ex  
Hip. lib. 1. aph. 14. & pueri iuuenibus sunt calidiores; quo-  
niam calorem abundantiorē sortiuntur, ex Gal. in com.

Quare conciliari Hippocr. potest cum seipso (quod nē-  
mo fortasse animadvertit) ab Arist. 2. de partib. animal. c. 2.  
ex distinctione eius quod calidius, hoc vel illo modo dici-  
tur:

tur: quare cum feminæ constant multa substantia calida, viris dici possunt hoc modo calidiores. Lege Galenum lib. 2. de simpl. medic. facul. cap. 3. & 23.

Solue secundò. Fœmina aliqua calidior est viro. Propositiones enim suprâ relatæ, intelligendæ sunt seruata in multis paritate, in temperamento, indiuiduo, ætate, regione, viuendi ordine; nam biliosæ fœminæ collatus, in eadem ætate, regione, victu, consuetudine calidior est. Biliosam verò fœminam iuuenem, calido sub cœlo, calido & tenui victu, laboribusque assuetam (viraginem vocant,) quis pituitoso sene, sub frigidioris cœlo, molliter educato, mirabitur calidorem? De istorum numero sunt viri in otio, & mollitie alti, totaque victus, & exercitij ratione prorsus effœminati, qui ordinata necessitate purgationes menstruas per hemorrhoidas patiuntur, quales viuere in Lotharingia, & Germania refert Lacuna libello de extirpandis carunculis: qui lac generant, & horum multum esse numerum, tradunt Aristor. lib. 1. de histor. animal. 1. 2. Vesal. 5. fab. 18. Cardan. 1. 2. de subtilitate, Eugubius libel. de lacte, Marcel. Donat. lib. 2. de variol. cap. 8. Laurentius lib. 2. anatom. cap. 2. Multi ergo viri sunt fœminis frigidiores. Num autem fœmina absolute ascititio calore sit calidior viro: contrâ vir innato calore sit calidior fœmina, contendit, pro huius textus expositione eruditissimus Heurnius lib. 5. instit. medicar. cap. 66.

Solue terriò, cum omniscio Tiraquello lib. de nobilitate, c. 31. num. 309. Mulier callidior em habet sanguinem quàm vir, & propterea callidior est viro. Hic enim auctor legit verbum (callidior) cum duplici ll. Nam melior est iniquitas viri, quàm mulier benefaciens, ait Sapiens. Proverb. 4. explicat inter omnes Rab. Moses Ægyptius lib. 2. perplexor. 5. 2. elegantissimè. Sortiuntur enim fœminæ astutior em, & maligniorem sanguinem, & huic similem conditionem, & mores, (hi enim, teste Gal. temperamentum sequuntur) propt multorum attestantur testimonia. Et de hac iocosa interpretatione, de qua tot extant commentaria, silentium expostulo, ne tibi fastidiosum sim, & fœminis inimicitia: quidquid contrarium tam multis argumentis firmauerit Cornelius Agrippa lib. de nobilit. & præ excellentia fœminei sexus, ferè per totum. De cætero lege pro confirmanda caliditate virorum, Theophrastum lib. 1. de caus. plantar. cap. 27. Albert. Magnum lib. 2. 5. de animalib. tract. 2. c. 6. Flor. apud Plutarchum lib. 3. sympo. q. 4. Ioannit. c. 16. Isagog. Hebræorum insignem Medicum Ishaac cap. 14. diasar. vniuersal. Arnaldum à Villanova lib. de regimin. sanit. cap. 3. Rabbi Mossem parr. 16. aph. Didymum lib. 18. c. 3. Tu verò artificiosam magis, pro textu Hippocratico expositionem excogita: nam

Paruos parua decent, mihi iam non regia Roma,  
Sed vacuum Tibur placet, aut imbelles Tarentum.

## HISTOR. CXLV. GALENI, De suppressione vrinæ.

Vrinæ suppressio ex grumo, eo extracto,  
ager vrinam minxit.

**Q**uidam etiam cum cecidisset, manente spina illasa, imprimis quidem magnam sanguinis copiam cum vrina emisit; postea verò omnino suppressa est vrina: cuius rei causam esse coniecimus, quòd concreui sanguinis grumulus intus se opposuit. Quocirca dimissa per colem fistula, paulum vrina reddidit; extracta deinde fistula, apparuit in ipsius ore grumi indicium, & c. Galenus lib. 6. de loc. affect. cap. 4.

## PARAPHRASIS.

**S**uppressionem vrinæ Græci Ischuriam appellant. Hanc tribus modis oriri posse, notum est apud eum, qui lib. 3. de caus. symp. c. 2. & loc. cit. nuper, de locis affectis perlegerit. Aut enim corpus vesicæ in tantum tumorem extollitur, vt meatus inde occupetur, quemadmodum in

A abscessu, scirrho, inflammationeque quotidie fieri videmus; vel ob meatus conuenientiam, siccitate nimia, vt in ardentissimis, acutissimis, retorridisque febribus sæpe contingit; vel clauditur, quoniam vel aliquid præter naturam innascitur, vt caruncula, callus, vel obstruit, vt pus, arena, calculus, lenta crassaque pituita. A sanguine concreto, & grumoso, vterum capita obstrui rarius est; hic enim diu non subsistit in via, sed faciliè vrinæ cursu, ac impetu foras propellitur, vt lib. 6. patholog. c. 13. Fernelius docet.

Si tamen hac de causa supprimatur vrina, agnosces ex prægressa sanguinis fluxione ad vrinarios meatus, vel quòd præcesserit ictus, casus, percussio, aut magni ponderis subleuatio; quibus de causis sanguinem supra venam partim foras effundi, partim intus condensari, & in grumos conuerti, iudicabimus. Sanguis enim, si ex vasis deciderit, in quibus tanquam in loco naturali conseruabatur, illicò in thrombum coire, tum quia pinguis est, tum quia fibras habet, docuit Aristoteles lib. 3. de histor. animal. 19. & lib. de partib. animal. cap. 14. firmat Fernelius lib. 6. physiolog. cap. 7.

Neque refert, quòd sæpius sanguinem è vena secta exhaustum, & profluentem, minimè concrefcere obseruamus, in malefcentissimis febribus, & aliis corporibus valitudinariis, in quibus ob frigidum & humidum hepatis, & venarum intemperamentum, sanguis tenuis nimis est, & aquosus totus, minimèque habet partes crassas & terrestres, quarum absentia frigescens non coit: sic sanguis ceruorum, & damarum (hac de causa illa esse timida, docuit Philosophus 2. de partib. animal. 4.) non coit, etiam si effundatur. Sanguis iste morbidus est, & validam sanguificæ facultatis imbecillitatem ostendit. Huic proximè accedit ille, qui licet omnino non coeat, modicè tamen in medio coagulatur, cui innatat multum feri expressi, vt è lacte solet. Hic quando totus serosus est, & è venis effusus, concretus, plurimum habet aquosæ humiditatis supernatantis, pessimus iudicatur à Gal. lib. 3. de alim. facul. cap. 26. In febribus autem malignissimis non concrefcens sanguis, perniciosissimus est; grandem enim internam corruptionem ostendit, & ardoris interni vehementiam, summamque malignitatem significat: ex quibus causis, sanguinis partes aëreas & pingues esse colliquatas, & fibras corruptas, validamque sanguinis in saniem, conuersionem, iudicabis. Quo fit, vt sanguinem in vasis non concrefcere post sectam venam, in malignis & pestiferis febribus, maximam ruinam portendat, & mortem: in aliis verò, qui alia de causa febribus laborant, in quibus ex obstructionibus internis, nimio potu, frigida hepatis intemperie, aqueus & serosus sanguis redundat, cum non sit bene coctus & elaboratus, maximam arguit debilitatem, quæ serum redundans generat, quam effusum in venas sanguini permiscetur, vt docuit Fernelius lib. 2. de ven. sect. cap. 17.

Insuper grumum vias obstruere, exitumque vrinæ impedire coniectabis, si immisso cathetere parum vrinæ fluat, & cum ea sanguinis ramentum: adfint etiam symptomata grauissima, cum animi deliquio, & resolutione; quæ ita existunt perniciofa, vt finitima sint illis quæ ex veneno oriuntur: ad grumos enim vocatos, qui vel in vesica continentur, thorace, ventriculo, intestinis, animi defectio, & pallor sequi solent; pulsus verò paruus, & obscurus frequensque apparet, & laborans ipse cum anxietate resoluitur, vt retulit lib. 6. de loc. cap. 3. & 4. quin etiam concretus ad hunc modum sanguis in vulneribus, in causa est, vt pùtreto celeriter vicinas partes corripit, vt ait Galenus lib. de bonit. & vit. succor. cap. 4. in init.

Sed quæ fieri possit, vt humorum omnium maximè proprius & familiaris, postquam refrigerit, affectus afferat ingentes adeò, disquirendum. Sanè non parum istud miror, cum Galeno loc. nuper citato, qui licet proponat questionem, non tamen soluit. Dic. Videtur maior mixtio, quam sequitur perfectio eius; est enim sanguis liquor remotissimus ab elementorum simplicitate, ex Gal. lib. 8. de placit. cap. 7. vniuersale est autè, pura omnia magis durare, ceu plus à contrarietate recedentia, vt elementa, lapides, metalla: Indicium est, quia lac citissimè corrumpitur, cuius

cuius pars seorsim durat, ex Gal. lib. 7. de compos. medic. sec. A  
loc. cap. 1. & homo inter animalia vltimum mixtorum fre-  
quentius ægrotat, & semen citius vitriatur, & inter humo-  
res sanguis exiens è valis, quum bilis in iſteritia, & pitui-  
ta in iuncturis diu durent: nam sanguis ad alendū è valis  
exiens, idè non corrumpitur, quia iam habet formam ro-  
ris, cuius locus naturalis, sunt membrorum pori. Sed cur  
caro humana, licet recenter mortua, antequam putrescat,  
cum simillima notis sit, multum nutrit, immò est sapidif-  
sima, & suauissima (qualem experiuntur Indi, qui tanquam  
immanes feræ humanis carnibus vescuntur, & alij, qui vel  
inſcij, vel fame coacti eas deuorant) in pessimam tamen  
non ducitur putredinem? Respondet Petrus Hispanus  
apud Ishac lib. de vniuersal. diet. lect. 1. ad fin. carnem vi-  
uam ad præstantissimæ formæ præsentiam temperatam, B  
mortuam tamen pessimam credi, & inutilem ad alendum;  
sed hoc de ea quæ est diu emortua, est intelligendum; hæc  
enim si edatur, sæua parit symptomata.

At cur hæc optima & perfecta, cum putrescunt, dete-  
riore labe fœdantur, scrupulus est maximus. Dic cum  
Theodosio epist. 23. in init. (philosophentur reliqui suo  
modo) quod sanguis, lac, & semen vertuntur per corru-  
ptionem in venenum, vt patet in sanguine in grumos  
conuerso, ex Auic. 6. 4. tract. 3. cap. 20. in lacte coagulato,  
ex Dioscorid. lib. 6. cap. 31. & Paulo lib. 5. c. 72. in sangui-  
ne menstruo putrefacto, & corrupto, ex quo symptomata  
suboriuntur veneno finitima, vt Hippoc. lib. de virg. morb.  
num. 4. asseruit. In semine corrupto, ex cuius vi dira, vene-  
nosa propullulant accidétia, quorum sæuitie fœminæ op-  
pressæ, veluti à præsentaneo veneno concussæ subito oc-  
cumbunt. Id euidenter patet in ouis putridis. In pomis  
odoratis, quæ putrefacta pessimum saporem acquirunt.  
Hæ ergo omnes substantiæ perfectissimæ & elaboratissi-  
mæ, quum putrescunt, fœtidiore & deteriores euadunt.  
Demum optimum quodque in pessimum. Huius quæſiti  
triplex solutio excogitari potest. Prima. Quoniam omnis  
mutatio est à contrario in contrarium, hoc est, ex optimo  
in pessimum: omnes enim qualitates in pessimas muan-  
tur; quæ enim optima naturaliter sunt, præternaturaliter  
lapsæ, pessima erunt. Secunda. Multa mixtio cum à calore  
naturali roboratur, optima est; cum ab eo demittitur, &  
ab extraneo occupatur, pessima: sic cadauer humanum  
pessimè fœtet, & fœcalia recrementa multò ampliùs pu-  
treant. Nam vt valida illa mixtio cum à forma substantiali,  
innatòque calore coërcetur, optima euadit; ita calido in-  
nato dissoluta, & ab extraneo correpta, in pessimam D  
abit constitutionem, quam ingentis putredinis indicia,  
odor, sapor, & color demonstrant. Poteſt addi & tertia va-  
lidissima, quod natura de optimis humoribus sollicita, non  
relinquit eos nisi à valida causa euinci: valida autem causa  
extranea magnam corruptionem inducit; sicut robustus  
homo nonnisi magno morbo succumbit.

Conandum illicò est, ægro ex hac causa Ischuria cor-  
repto auxiliares manus adhibere; à sanguine enim grumo-  
so, vt pote corrupto halitus eleuantur, vires nostras diuer-  
simodè prosternentes, vt eleganter terrab. 3. ferm. 2. cap. 27.  
Aërius docuit. In hunc vsum exhibe electuaria cardiaca,  
alexipharmaca, antidota, & belzaartica, iis siue intus, siue  
extra epithematum loco vtaris, vt sunt theriaca, mithri-  
datum, electuarium de gemmis, aut alcherimes, lapis  
belzaar, & alia quæ ab auctoribus contra venenum præ-  
sidia celebrantur. Necessaria sunt præterea medicamenta,  
quæ ab auctoribus ad lapidem comminuendum appro-  
bantur, semperque admiscere oportet calida & tenuia, vt  
concretus sanguis caliditate fundatur & liquetur; cuius  
generis sunt acetum mulsum, aut oxymel in potu datum,  
maximè permixtum cum decocto arthemisiæ, rubi, betæ,  
cum leporis, aut hædi coagulo. Si nihil profeceris, necessi-  
tas tunc adest catheteris adhibendi, cuius vi cum vrinæ  
eduxeris, rursus prædicta in potu propinentur. Si verò nec  
sic dissoluantur grumi, ex auctorum præscripto, interca-  
pedinem inter anum, & pudendum secare oportet. Sed si  
sanguinis grumus tot venefica parit symptomata, &  
sanguis concretus, nulla interposita mora, instar veneni  
procurandus est è corpore expelli clysteribus, & vomi-

toris; vt Auic. prædixit 6. 4. tract. 2. cap. 20. cur  
Gal. 6. de loc. cap. 4. incidentibus, & liquantibus tantum re-  
mediis tractandum docet? Dic: non negandum est pro-  
perandum esse ad grami extractionem, non minùs quàm  
cuiusvis alterius veneni; tamen vt commodè, & tuto ex-  
trahatur, liquari debet, vt oxymelite cum aceto. Si autem  
in ventriculo contineatur, etsi vomitum commendet  
Auic. reprobatur ob suffocationis periculum: quare priùs  
dissoluendus grumus, quàm vomitus procuretur, ex Dio-  
scorid. lib. 6. cap. 25.

## HISTORIA CXLVI. GALENI,

### De suppressione vrinæ.

Ex torpido vesicæ sensu, vrinæ suppressio  
contingit.

A Tque in alio similiter affecto suppressa fuit vrina, tor-  
pente ob affectos nervos vesicæ sensu. Cum itaque inter  
dormiendum non sentiret homo vesicam impleri, ipsa extensa  
nihil excernere potuit. Etenim accidit interdum, vt hoc modo  
vrina supprimatur, &c. Galenus lib. 6. de loc. affect. cap. 4.

## PARAPHRASIS.

T Orpuisse solummodò vesicæ nervos, & hac de causa  
suppressam fuisse vrinam, hoc loco edocuit Galenus.  
Cum enim torpet expultrix facultas vesicæ, cuius munus  
est vrinam excernere, hæc retinetur: nam prolapsa vrina  
vesica extensa nihil potest excernere; vt quotidie accidere  
videmus in sanis hominibus, qui publicis detenti nego-  
tiis, aut in concionibus, senatu, foro, conuiuiis occupati,  
deinceps mēiere nequeunt: repleta enim, tensaque vesica,  
quantum ipsa distenditur, tantum meatus eius euadit an-  
gustior, & impotens redditur vesica ad sese cōtrahendum.

Torpescit, & deficit naturalis potentia excretrix vesicæ,  
cui munus est se contrahere transuersarum fibrarum  
adminiculo; & sic oriantibus & laxatis obliquis, & rectis  
vrinam reddere non potest, ob læsos nervos. Hi vel resolu-  
uuntur, vel torpent, vel comprimuntur. Resolutionem  
non fuisse, Galenus confirmat. Non adfuisse compressio-  
nem, aut dilacerationem à resoluente, vel comprimente,  
constat, quoniam nullam causam externam præsupponit,  
vt prædixit in histor. 143. supra descripta, illius qui luxatis  
vertebris è regione vesicæ, compressoque nervo proprio  
ad vesicæ musculum pertinente, vrinam inuitus effudit.  
Torpuisse ergo vesicæ nervos dicendum est, ita vt anima-  
lis facultas ad ipsos non pertingeret, & hoc modo sensifi-  
ca vis cum esset obtusa, & pigra reddita ad expulsionem,  
molestiam, aut pondus minimè sentiebat, eò maximè si ab-  
dominis musculi pariter sint resoluti, aut torpidi. Ex hac  
causa oriri malum agnosces, quoniam licet laborans ab  
vrinæ pondere moleſtetur valdè, nequit vrinam reddere:  
quod si conetur musculis abdominis id efficere, quàm  
paucissimam emitteret: si tamen manibus vesicæ regionem  
compresseris, longè maiorem extrahes vrinæ copiam.

Non est ergo mirum, si æger alter ex luxatione verte-  
brarum ad partem externam inuoluntariè vrinam minxit,  
cum hic similiter affectus vrinam non excreuerit: licet  
enim contrarij effectus ab vna eadēque causa non pos-  
sint oriri; tamen in illo fuisse resolutos, in hoc torpuisse  
intelligas. Cum resoluti sunt, actiones edere nequeunt,  
vesicæque ostium non claudentes, inuoluntariè exit vri-  
na. Si torpent illi tantum, ostium quidem claudunt; sed  
expultrix vis suo non potest officio fungi; non enim ob  
torporem excitatur.

Torpor hic cum à causa externa originem non duxit,  
nempe ictu, percussione, aut vertebrarum luxatione: à  
frigida intemperie & humida, vnà cum lentorum humo-  
rum affluxu oriri solet, à quibus nervus, qui ad musculum  
vesicæ comprimentem demandatur, obstruitur aliquan-  
tulum, & hoc modo impeditur, quominus spiritus descen-  
dat. Hoc ita esse haud difficulter ex prægressis agnosces,



ex intemperata laborantis vita, gulæ, potuique dediti; si A rem rationem: nam vires fortes lethales morbos contem-  
nunt, ex Gal. lib. 10. meth. c. 4. & lib. 1. epid. sect. 3. com. 19.

Cum vrina suppressa est, & laborantem premit, aduer-  
sus causam pugnare à ratione alienum est; nam tunc ex-  
cretionem solum vrinæ providendum. Hoc fiet dilatatis  
meatibus, & viis laxioribus factis, ut vrina facilius exstil-  
let, sicque omni arte conandum est stupefactos sensus ex-  
citare, ac humiditatem superfluum exiccare. Id efficiunt  
fomenta calida, roborantia, status discutienda. Ex his pa-  
rabis infusiones, vnguenta, emplastra: quorum multipli-  
cem sylvam lege apud Mercatum cap. 14. lib. 2. de morb.  
intern. & Rondelet. cap. 25. de vesicæ resolutione. Ludovic.  
Gardinium doctissimum lib. 2. de medicam. purgantib. tit.  
de oleo diacolocynthidos.

## HISTORIA CXLVII. GALENI, B

De sphincteris, aut musculi clauden-  
tis vesicam, resolutione.

Vrina, & alui excrementa quibusdam  
inuitè stuebant.

Piscator quidam, cum in fluvio pisces venans, circa sedē &  
vesicam infrigidatus esset, ut ipso inuito efflueret alui ex-  
crementa, & vrina, per calida medicamenta affectis musculis  
adhibita, celeriter sanus euasit. Item alius iisdem molestatus  
accidentibus, sine tamen manifesta causa, læsis circa os sacri  
neruis, multo tempore per multa præsidia sanatus est, &c. Ga-  
lenus, lib. 4. de loc. affect. cap. 5. & lib. 1. de loc. ad fin.

### PARAPHRASIS.

A Frigore densante spiritus animales, canales, aut ner-  
uos, per quos ipsi deferuntur, comprimente, & ner-  
uorum fibras, quibus musculus sphincter, seu vesicæ in-  
tertextitur, resoluente, & maxime si cum humiditate adiū-  
gatur, fieri vrinæ, & stercoris inuoluntariam excretionem,  
probat Gal. hic. Et licet Paul. lib. 3. cap. 45. & Auic. 16. 3.  
cap. 6. & 7. dicant ad vesicæ paralysem, sequi retentionem  
vrinæ, propter defectum virtutis motricis in nervo, expli-  
candi sunt cum Nicolo serm. 5. cap. prop. quod huius mu-  
sculi parua paralyssis efficit retentionem; valida, per quam  
constringi non potest, expulsionem voluntariam creat.  
Sed de his multa in com. hist. ultima dummodò tamen fri-  
giditas hæc calorem exstinguat, alioquin vrinæ retentio-  
nem molitur. Adesse musculum circa vesicæ cervicem, D  
illam claudentem, & vesicæ collum constringentem, te-  
nuem, orbicularem: circularibus fibris constantem, ne  
nobis vrina inuitis exeat, certum est, & probat Galenus  
lib. 5. de usu part. 16. Etenim si hic non esset musculus,  
lotium in horas singulas excerneretur, quemadmodum  
huic & multis aliis contingit, quibus musculus hic rela-  
xatur; cuius historiam describit Columbus lib. 5. de re  
anatomic. cap. 26.

Ano tres musculos contingere ex quibus vnus orbicu-  
latis est, qui sphincter appellatur, docet idem auctor  
cap. sequenti, in extremo recti intestini positus, hic latus  
potius, quam crassus dici meretur, fibris constat transuer-  
sis, & cum cure admodum vnitur, à coccyge ligamen-  
tis mutuò acceptis. Eodem munere fungitur, quo fungi  
vesicæ musculum diximus. Fæces scilicet hic detinet, ne  
nobis inuitis exeant, ut ille vrinam. Reliqui verò lati qui-  
dem sunt, sed subriles. Hi rectum intestinum sursum tra-  
hant, ne nobis excrementa nimium excernere conanti-  
bus, illud exeat infra. De quorum compositione, & natura  
si plura scire aues, lege quæ Ioannes Riolanus filius, vir  
stupendæ lectionis, raro, acutòque ingenio præditus, lib. 5.  
Anthropograph. de musculorum vtilitate, & usu graphicè  
inter omnes peritissimos anatomicos conscripsit: nam eius  
opera anatomica sunt dignissima cedro.

Rogabis, cur adhiberis calidis præsiidiis, horum quidam  
vix sanari potuit? Dic. in vitium firmitudine fuisse dispa-  
Lib. II.

rem rationem: nam vires fortes lethales morbos contem-  
nunt, ex Gal. lib. 10. meth. c. 4. & lib. 1. epid. sect. 3. com. 19.  
Dic secundo, quoniam à causa externa laborant, & mani-  
festa, cui tunc succurri potest, maxime cum citra appa-  
ratum morbosum lædit. His potest addi tertia, nam læsi circa  
os sacrum nerui difficulter ex præsiidiis opem sentiunt:  
hæc enim pars infima est, partibus excrementa recipien-  
tibus vicina, ad quas suapte natura ex toto corpore super-  
fluitates confluere solent: præsertim cum os sacrum sit  
omnium ossium totius spinæ maximum; quare ab Hip.  
lib. 2. epid. sect. 4. num. 1. magna vertebra appellatur: in qua  
cum humor impingitur, ac firmatur, vix medicamentis  
elidi potest; hæc enim ob eius crassitatem, commodè altius  
penetrare non possunt.

Aggredienda tamen curatio est, & calidis auxiliis cele-  
branda. Victus sit calidior, & liccior. Humores frigidi,  
crassi, & viscosi alterandi, expurgandi, prout in cap. de reso-  
lutione, vnanimiter auctores consuluerunt. Topica sint  
exiccantia, calefacientia, roborantia: quorum formam  
proponunt Aëtius tetrab. 2. serm. 2. cap. 34. Paulus lib. 3.  
cap. 45. de eodem affectu ex professo disceptantes.

## HISTORIA CXLVIII. GALENI,

De vrinæ suppressione.

Ex concreto pure, aut lapide vrina  
supprimitur.

P Rateræ cum alios quosdam diuturni dolores vnà cum ab-  
cessuum notis infestarent, tunc prius finis abscessibus cum  
vrina profluere visum est: deinde subsequens vrina retentio, cō-  
iectura occasionem dedit, quod à crasso pure meatu obstrueretur.  
Atque in pueris etiam quos lapis vesica cruciabat, vide-  
mus sæpenumero vrinam retineri. Eos itaque resupino figurato  
corpore concussimus, ita ut à meatu lapis dimoueretur, &c.  
Galenus lib. 6. de loc. affect. cap. 4.

### PARAPHRASIS.

E X abscessu, vlcere, aut vulnere in renibus, vel vesica  
facto, pus emanare notum est. Cum autem hæc puru-  
lenta excretio per vias vrinæ valde est copiosa, tenax, &  
viscosa, in his partibus impacta, vrinam supprimit. In hoc  
casu tenuantibus, & abstergentibus vtendum est: tam in-  
tus assumptis, quam per syringem immisiss. Ea sunt aqua  
hordei cum melle, & saccharo. Stillaritia ex hordeo, tere-  
binthina, & saccharo. Lac seminum frigidorum. Aqua la-  
ctis cum saccharo, aut melle: Crassa pituita per aluum, vo-  
mitumque repurganda. Roborandum membrum, cuius  
occasione humor descendit in vesicam. In hunc usum ro-  
borantia, superfluumque humiditatem absumentia sum-  
mopere præstant. De horum numero sudorifera esse cen-  
sentur, quæ ex decocto ebeni, aut smilacis asperæ parari  
solent. His si non succubuerit affectus, fontanellam in  
crutibus affigendam cura, ut purulenta materia, seu visci-  
dus pituitosusque humor ad ignobiles diuertatur corporis  
partes, cuius vacuatione interna membra leuantur, &  
transpirant.

Si lapis causa est obstructionis, optimum est Galeni  
experimentum. Quare si nullum rei obstruentis, præ-  
terquam lapidis, indicium adsit, puerum resupino figu-  
rato corpore concute. Scimus enim duplici corporis  
figura lapidem è vesicæ collo dimoueri: vnà plurimum  
inflexo corpore, qua calculus in vesicæ alueum seponi-  
tur: & mox vrina in decliui posita in fistulam subit vri-  
nariam. Altera verò, dum corpus supinè positum, sublatis  
femoribus, & clunibus concutitur, quo in aduersam spinæ  
cavitatem calculus relabatur. Vtrumque si fueris exper-  
tus, lapis è meatu dimouebitur. Semotum minue, aut me-  
dicamentis extrà elide, quæ auctores in c. de vesica lapide  
obseruanda præcipiunt.

## HISTORIA CXLIX. GALENI, De vrinae suppressione.

### Vrinae retentionis, ex perinaei inflammatione subortæ, curatio.

**P**ercussus validè quidam in ea parte, quæ femè appellatur, (Græci perinaeum dicunt) inflammatione suborta urinam reddere non potuit: ac vesica ipsa, virescente plena, manifestè secundum circumscriptionem intenta erat. Huic ne irritaretur inflammatio, fistulam adhibere nolimus, sed aqua calida affusa, oleo perungere satius esse putauimus. Cumque tribus horis eum sic tractassemus, tensione non parum relaxata, ac dolore (ut ipsemet fatebatur) non ita grauiter infestante, iussimus, ut urinam reddere tentaret. Interim cum nos vesica tumorem ad inferiores partes impellendo, sensim premeremus, iuuenis urinam reddidit, &c. Galenus lib. 1. de loc. affect. cap. 1.

#### PARAPHRASIS.

**G**alenus causas extrinsecas urinam retinentes explicaturus, hanc historiam proposuit, quam in hunc modum explicandam iudica. Est fermen, quod Græci perinaeum dicunt, intercapedo illa quæ est inter anum, & scrotum, ex Galeno lib. 3. de artic. com. 45, & Actio terrab. 3. serm. 1. cap. 42. & terrab. 4. serm. 3. cap. 27. Huic verò parti percussæ, & ob dolorem, conuocata fluxione, tumida, tensa, inflammata, localia prius auxilia adhibere satius iudicauit, citra venæsectionem, huic vsui præstantissimam; quoniam parua erat inflammatio, neque virgebat multum, & à causa externa suborta. Vel si mauis dicere, Galenum tam signa inflammationis, quàm huius remedium celebratum per venæ sectionem, tanquam res notissimas præterisse, non aberrabis. Nam verisimile est hanc celebrasse, in inflammatione partis, ad quam ex necessitate plura damna deinceps subsequuntur, quæ deinde difficilem habent correctionem; nam conuocata fluxione, ex fluxu irruentis humoris, supprimitur omnino vrina sæpissimè, coarctatis urinariis valis, & veluti obstructis, ob inflammationis molem; accidunt abscessus, vlcerà immedicabilia, & fistulæ, nam hæc pars est posita in ipso sordium confluxu; ad quam decliuem suapte natura à toto decumbere solent extremèta, quæ abscessuum curationem valde impediunt. Sed à qua parte sit celebranda venæsectio, in sequenti historia dicemus.

Topica ergo, & localia medicamenta imponenda iussit neglecta ænea fistula, ne irritaretur inflammatio, non quodd hæc in vesicæ collum immissa, perinaei tumorem tangere posset, sed timor erat, ne cum difficultate immissa, sese magis compressissent vesicæ collum, & perinaei tumor, & necessariò inflammatio fuisset irritata. Est autem ænea fistula, (Græci catheterem vocant) quæ lapidem à ceruice repellit, & urinam educit. Huius formam exactè describit Cornelius lib. 7. cap. 26. & alia multa de eius vsu necessaria, dum sic inquit. Res interdum cogit moliri manu urinam, cum illa non redditur, aut quia senectute iter eius collapsum est, aut quia calculus, vel concretum aliquid ex sanguine intus se opposuit. At mediocris inflammatio sæpe eam reddi naturaliter prohibet, idque non in viris tantum, sed in feminis quoque interdum. Ergo ænea fistula sunt, quæ ut omni corpori, ampliori, minorique sufficiant, ad mares tres, ad feminas duas Medico habenda sunt. Ex virilibus maxima decem & quinque est digitorum, media duodecim, minima nouem. Ex muliebribus, maior nouem, minor sex. Incuruas verò esse eas paulum, sed magis viriles oportet, lauesque admodum, ac neque nimis plenas, neque nimis tenuis, &c. Galenus verò peculiariter ostendit iniiciendi modum per catheterem lib. 4. meth. cap. 7. cum Paulo lib. 6. cap. 59.

Quare tutius iudicabit tumorem laxare, ac emollire, dolorem imminuere, ac sedare, quàm aliquo irritamento urinæ exitum procurare: irritat autem semper fistula, & expertissimum Chirurgum desiderat. Tori ergo curationis

A cardinem in mixtura ex oleo. & aqua reposuit: hæc enim si non sit intense calida, ut est balnei aqua, non calefacit, sed inflammatoriam particulam refrigerat, sedat dolorem, laxat, emollit, digerit; & eò plus si cum oleo sit permixta, ex oliuis maturis expresso, ex Gal. 2. simpl. 7. quod similes tepidæ aquæ habere qualitates, à Galeno proditum est lib. 4. de rat. vict. com. 49. §. Ceterum olei, & aqua mixtura tepidâ generat caliditatem, molliorque, & mitigat, virescente moderatam habens facultatem, cuius potissimum esse debent quæ & manuant & per halitum digerunt, &c.

His indicationibus satisfaciens Galenus, hoc medicamento vsus est: maximè cum pars nervosa refrigerantia non admittat medicamenta, sed temperata, qualem temperiem habere oleum ostendit Galenus lib. 2. simpl. 22. & 24. vbi præsertim nec summè frigidum, nec calidum applicatur, ut monuit lib. 2. eiusd. oper. c. 18. Quare mordicationes lenit, ex ipso c. 13. eiusd. & vlceribus cum inflammatione opitulari, cap. 10. supra asseruit. Ad hæc aqua calida moderatè laxat, modicè digerit, ex accidenti refrigerat.

Si verò oleum erysipelatibus, & inflammationibus infestissimum esse asseuerat, quoniam cum sit pingue, ignis est aptissimum alimentum, ex Galenò 4. de vsu part. 9. & 3. de temp. 2. & idcirco calefacit, & inflammat, ex ipso 3. de temp. 5. & 2. simpl. 12. De oleo intelligas per se solo applicito, non mixto cum aqua calida, quæ eius actionem retardat. Vel id esse noxium asseuera, impositum in parte erysipelate arsiuo tentata, vel ab inflammatione, ex bile, calidissimoque sanguine orta, correpta. Neque aquam caliditate & humiditate sua relaxando, & eneruando, ad putredinem partem disponere, asserendum est, ut 5. simpl. 7. & lib. 5. de sanis. cap. 3. Galenus sentire visus est: nam tantum abest, ut hoc contingat, ut huius beneficio, laxatis poris impactus humor melius transpiret; & pars robustior, & vegetior à putredine, minuto humore, & dolore sedato, immunis euadat.

At cur resolutio humoris, & lenito dolore, detractò aliquantulum impedimento, iusserit ut urinam reddere tentaret (nam periculum erat, ne compressione facta, ad locum inflammatorum vicinum humores premerentur; ea est ratio, ut scilicet musculi illi abdominis ad urinæ expulsionem concurrentes premerentur, & maximè cum infirma esset vesica; & sic sensum facta compressione, humorum confluxus non erat timendus, præsertim cum in ipsis musculis non essent superflui humores. Quo factum est, ut retentam urinam, suauiter illa facta compressione, iuuenis expelleret, & ab urinæ retentione immunis euaderet.

## HISTORIA CL. GALENI, De urine retentione.

### Vrinae suppressio, ex vesicæ inflammatione ortum ducens, curata inflammatione, cessauit.

**I**gitur cuidam cum cecidisset, spina sinuata est, quapropter urinam reddere non potuit: nam id aliquando fieri solet, quæ admodum ab Hippocrate dictum est. Verum non illico suppressa fuit vrina, sed per diem, ob afflictarum vertebrarum ad interna luxationem, inflammata vesica. Itaque dolebat in ea parte vel nemine tangente, sed multo magis, si quis manu eam rangeret: atque hanc curauimus inflammationi remedia adhibentes, &c. Galenus lib. 6. de loc. affect. cap. 4.

#### PARAPHRASIS.

**E**x casu, vertebrarum luxationem; ex hac, spinæ imbecillitatem, & dolorem; ex hoc, humorum ad vesicam confluxum, & inflammationem fuisse excitatam, res est manifesta. Ex vnius autem doloris præsentia inflammata vesicam cognoscere cum non potuerit, necessarium est ut dicamus, ipsam alia cõmunia vesicæ inflammata signa, ut notissima præterisse, ab ipso, aliisque Medicinæ auctoribus tantopere

tantopere celebrata: ea sunt grauitas, tensio, tumor in regione vesicæ, vomitus biliolus, ardor in parte, ac satis insignis dolor, cum pondere & grauitate circa pubem, & inguina; nausea, difficultas anhelitus; febris assidua, & acuta; & ob cerebri consensum interdum vigilæ, motus conuulsuus, & delirium apparent, quæ omnia expendunt Aëtius *teirab. 3. serm. 3. cap. 26.* & Paulus *lib. 3. cap. 45.*

Per spinæ autem sinuationem, intellige vertebrarum spinæ ad interna luxationem, lordosin (id est excauationem) vocant. Nam nec dorso desunt sua mala, inquit eruditissimus Manardus *lib. 7. epist. 2.* sic referente Agricola Ammonio *in com. c. 5. lib. 4. de loc. affect. Galeni*, modò enim spina extorsum flectitur, qui Græcè *Kybi, Hybi, Kyrti*, & Latine *Gibbi* dicuntur, modò introsum, qui regibbi, & lordi vocantur, de quibus nominibus elegantissima protulerunt Celsus *lib. 8. cap. 14.* & Paulus *lib. 6. cap. 100.*

Cæterum spinæ sinuationem, ex se vrinæ suppressionem non effecisse, Galenus affirmat, sed ob vertebrarum ad interna luxationem, excitata inflammatione in vesica. Nonnunquam enim accidit, vt à vesicæ inflammatione angustior reddatur meatus, per quem excernitur vrina, vel etiam omnino obturetur, ex còfluente ob doloris sæuitiem humore, qui vias arctando, & comprimendo, vrinam supprimit. In hac enim vertebrarum ad interna luxatione, non vnam, sed plures vertebrae luxatas fuisse, tam quæ sub septo transuerso sunt, ossi sacro contiguæ, à quibus nerui ad vesicam perueniunt, quàm neruos omnes qui à spinali medulla oriuntur, & dictarum vertebrarum medio ad vesicam prodeuntes, & partes spinæ superincidentes fuisse pressas, asserendum est, cum Galeno *in lib. 3. de art. com. 5. 1.*

Quare ægro dolore correpto, in regione vesicæ, quæ pubes est, vel nemine tangente, quoniam ab humoribus calidis, & inflammationem facientibus distendebatur vesica, & adhuc magis, si quis manu locum illum tangeret, quia tunc magis premebatur vesica, & adstantibus aliis signis, inflammationi remedia solum adhibere tutius iudicauit.

Quæ autem ea fuerint, non exponit, fortè quoniā *in lib. 3. meth. cap. 2. & lib. 2. ad Glauco. c. 2.* ea patefecit: his enim locis ortum inflammationum perpendens, has ex sanguinis influxu copiosioris, quàm pars postulet, generari tradit. Cum enim excretoria facultas suo munere fungitur, & triste aliquid sentit, vt dolorem, ex qualibet causa contractum, expellat, omni conatu vehementer aggressa, sanguinem & spiritum, ex reconditis corporis sedibus in afflictam exprimit, & sic ex dolore, particula, pro portione confluentis in eam humoris, in tumorem attollitur.

Rursus. Fluentium humorum antispasmi, id est retractio, medela est, hac posita animaduersione, vt in initio inflammationum longissimè parte tentata fluxione diuertendus sit humor, nequaquam ad eam trahendus, vt *lib. 13. meth. 1. latè docuit Galenus*. Si ergo ad vesicam fluxio deferatur, & corpus plenum sanguine appareat, valida sit laboantis vis, tempus autem anni sit ver, regio temperata, æger sit adolefcentis; is sanguinis missione ex superioribus partibus indiget. Sicut enim si aliqua pars superior patiat, per inferiora ducendus est sanguis, sic si inferior laborer, per superiora extrahendus est, ex *Gal. lib. 4. meth. cap. 6. & alibi passim*. Semper enim motum ad contrarium retrahere expedit, sic enim melius pars inflammata à vehementia superuenientium symptomatum præseruatur; & non inflammata modò, sed solum dolore, aut calore tentata, & affecta, tutius ab imminente inflammatione præseruatur. Sic *lib. 10. de compos. medic. sec. loc. cap. 2.* in coxendicis colore prius basilicam secat.

Ex hac consideratione, ex superioribus partibus sanguinem emisisse Galenū in hoc ægro iudicabimus. Sed quid respondebimus Galeno *lib. 6. aph. comm. 36.* interpretanti aphorismum illum, *Difficultatem vrinae vena sectio soluit, secare verò interiores*, dicentique per interiores venas, non esse intelligendas brachiorum: nam consuevit Hip. (inquit ipse) *in omnibus libris suis, in partibus, quæ supra hepar sunt, è manibus sanguinem emittere: in inferioribus verò venas, quæ in poplite, & malleolo sunt, secari iubet, &c.* Sunt autem inferiores partes, ex ipso, *in lib. de curand. rat. per sang. mis. cap. 18.* Coxendix, vterus, vesica: & Galen. *lib. 13. meth. 1. 1.*

Lib. I 1.

A adiecit renes, vesicam, pudendum, vterum; quas partes esse per poplitis, aut malleoli sectionem vacuandas, expressè ibi. confirmat.

Auctores ferè omnes, qui de vesicæ inflammatione proprium caput conscripserunt, primò è brachio, deinde ex talo venæ sectionem moliuntur, licet Paulus, Aëtius, & cæteri Principes locum sectionis non assignent; & meo quidem iudicio, rectè eam ex cubito moliendam imperarunt; promptius enim sic auertitur ad contrarias partes humor, ne in affectam partem decumbar, grauiora mala effecturus. Sed ad difficilem Galeni contextum, iubentis vesica affecta ex inferioribus partibus esse sectionem venæ celebrandam, vel nihil respondent, vel inutiles afferunt distinctiones.

B Fernelius *lib. 2. de ven. sect. cap. 7. prope fin.* in inflammatione podicis, partium obscenarum, crurum, vesicæ, inguinis, ex superioribus cubiti venis ad inhibendam fluxionem, in initio sanguinem mittit, & deinde ex inferioribus sanguinem euacuat. Hanc sententiam hausisse Fernelium ab Auicenna, neminem latere potest: is enim auctor *lib. 16. 3. tract. 1. cap. 1. 1.* illicò ex basilica sanguinem minuit, & cum declinat, ad saphænæ sectionem accedit. Galenus enim in declinatione è talo sanguinem extrahit: cæteri in initio è cubito rectè quidem phlebotomiam exercendam monent. Hippocrates verò interiores, hoc est internas venas secari iubet, non crurum; & si id facit, in declinatione inflammationis, in eo loco sectionem celebrasse dicendus est. De quo argumento lege Ferdinandum Menam *in com. cap. cit. Gal. de curand. rat. per sang. mis.* de hoc negotio accuratissimè differentem. Cur autem Auicenna tundendam imperet sinistri cubiti venam, & non dextri, qui sanguinis cedi proximus cum sit, potest inflammationem magis auertere, explicat Mercurialis *lib. 3. praxis, cap. 14.*

Purgationem instituendam esse iam declinante morbo, lenibus & clementibus medicamentis, vt de totius corporis habita prouidentia, inflammata pars, tutius & securius medelam recipiat, firmant Medicorum præcipui. Post vniuersalia remedia sequuntur inflammationem sedantia auxilia. Licet autem in omni inflammationis initio, vt milles protulit Galenus, repellentia optima sint, quorum vi roboratur pars, & fluens humor repercutitur, & sic phlegmones ortus, atque incrementa, vomica, maligna vlcera, febrium, dolorumque causæ, aliæque permulta vitia declinantur: tamen hæc in vesicæ inflammatione caute administranda; tum quia vesica est pars frigida, exanguis, fibris intertexta, & frigidorum occursum facile læditur; tum quòd in profundo sita est: quare extrema parte inanita, & contracta repellentis vi, intro pellitur humor in ima, & sic maior copia humoris in inflammatam partem confluit.

Digerentia ergo temperata sint, quæ dolorem leniant, laxent, humorem in halitum absumant; quare necesse est vt fomentis, infussionibus, balneis, quæ emolliendi, & resoluendi vires habeant. Hoc opus præstant viola, malua, chamæmelum, anethum, althæa, semen lini, anisum, scnu-græcum, si oleis anodynis & laxantibus, vt amygdal. dulc. anethin. liliaceo, illorum medicamentorum decoctum permisceas.

Vrinam verò pronocantia, noua, ex Galeno *13. meth. 1. 1.* hæc enim sua vi attenuante humores ad inflammatam partem mouent, & caliditate insigni inflammant, ex Galeno *5. simpl. cap. 22.* Cætera verò quæ sine mordacitate vrinam mouent, & in declinatione inflammationis sint exhibita, Galenus non prohibet, *loc. cit.* hæc sunt semina melonis, cucurbitæ, & cætera, quæ seroso humore multiplicato vrinam ciere dicuntur. Quare illis vtendum non est, & maxime cum ex inflammatione vesicæ, vrinæ suppressio contingit, ex Aëtij consilio *teirab. 1. serm. 4. cap. 1. 1.* præsertim si corpus vitiosis humoribus at undet; si enim ea temerè tentes, aliud grauius malum suboriri solet.

Quòd si his factis, adhuc non quieuerit dolor, cucurbitulam iuxta pectinem affixam scarifica, cuius vi impactus humor educi possit. Aretæus *lib. 2. de curat. morbor. acut. c. 9.* ventris partem laxam, quam *keneónā* vocant Græci, secandam,

candam, & multo oleo cum ruta & anetho, vesicam iri-  
gandam præcipit: sed summa cum cautela celebranda est,  
aut quàm rarissimè; nam sectio hæc febrem ob dolorem  
augere est apta, sanguinisque profluvium concitabit ma-  
ximum. Si inflammatio ad supputationem vergat, eadem  
iuvanda erit, & abscessu disrupto vlceris curationem ag-  
gredi oportet.

## HISTORIA VLTIMA, GALENI,

### De urinae suppressione.

**Vrinae suppressio ex lapide in virgæ extre-  
mitate impacto, glandis incisione  
curatur.**

**S**Ape namque præ magnitudine in collo vesicae detenti la-  
pides, in extremum periculum, doloris acumine, patientes agunt,  
nec urinas sinunt excerni. Vidi ego quendam, cui per alias vias  
elapsus, in virilium extremitate lapis hæserat, minimumque  
absfuit, quin urina difficultate, & dolore acutissimo homo inte-  
raret, nisi tandem angusto forcipe eximere potuissimus, sectio-  
nem per longum superne moliri, &c. Galenus in lib. de ren.  
dignor. & meditat. cap. 3. Aëtius tetrab. 3. serm. 3. cap. 4.

## P A R A P H R A S I S.

**H**unc librum Galeni non esse, patet manifestè, cum sit  
Philagrij Medici antiquissimi Christiani, à quo hi-  
storiam desumpsit Aëtius loc. cit. ex quo auctore integras  
paginas in suum librum transcripsit: & ut videas quàm mi-  
serè hallucinentur, qui contrariam sententiam defendere  
ausi sunt, vide c. 2. 3. lib. de ren. dignotione, quo loco se Chri-  
stianum fuisse profiteretur auctor, ibi. §. Non absurdum est  
nos seu Christianos, &c.

At cum Aëtius referat historiam, & auctor hic sit vir  
eximius, & Medicus haud postremæ notæ, utat Vallesij  
consilio in præfatione ad libros Hip. epidemicos, qui omnes  
historias, & sententias huius auctoris licet nothas, &  
adulterinas se interpretari affirmat, quum hæc Medicis cu-  
raturis maximam utilitatem ex se præbeant.

Cum ergo lapis in pudendi extremitate, vel medio te-  
naciter, valido ad hunc locum naturæ conatu prostrusus,  
& præ magnitudine excerni non potest, contumaciter pu-  
dendi parietibus adhærescens, mollire virile membrum  
balneis laxantibus oportet; qualia in retentione urinae ex  
lapide, grumo, viscidisque humoribus orta præscribi so-  
lent. Tumida, & dolenti parti anodyna imponenda. Bal-  
neum ex oleo iterandum. Vitanda diuretica. Abstinencia  
à potu imperanda.

His factis, si adhuc lapis sit impactus, & homo de vita  
periclitetur, pudendi sectio celebranda. Hunc curandi  
modum opere ipso observavit Stephanus Gourmelenus  
lib. 2. chirurg. pag. 149. approbant Rodericus à Fonseca lib.  
2. c. 10. de calculosis, Iacchin. in lib. 9. Rhaf. ad Almanf. c. 64.  
Michael Ioan. Paschal. lib. 1. c. 47. de curand. morb. in fin.

Et hæc de urinae suppressione sint satis. De illa verò  
urinae retentione, quæ fit non pariente vesica, lectu digna  
scripsit Petrus Salius, omnium in hoc difficillimo argu-  
mento primus lib. de affect. particul. c. 12. & ex eius mente  
transcripsit Marcellus Donatus lib. 4. de medic. hist. mirabili,  
c. 28. & postea retulit Mercatus lib. 4. de morb. intern. c. 12.

## QVÆSTIO VLTIMA.

*Quod urinae retentio sit actio animalis, excretio ve-  
rò naturalis. Contra Andreæ Laurentium.*

*Medicum acutissimum.*

## COMMENTARIUM

**V**Rinas sinunt excerni. Iniurius essem, & à Medicorum  
cæta eliminandus, si post tot de urinae retentione,

aut excretionem historias diligentius in præsentī non exa-  
minarem, utrum retentio, seu excretio urinae sit opus fa-  
cultatis animalis, vel naturalis: nam in eius expositione  
plura latent sciri digna, quæ contradictionem in doctrina  
Galenī arguere videntur. Quare omnia ad amissim expli-  
care difficillimum est, cum tractatio hæc paulò sit obscu-  
rior: in qua præsertim industriam suam exercuit Thomas  
à Veiga gravissimus Medicus in com. c. 1. lib. 1. Gal. de loc.  
affectus. n. 37. sed ita obscurè (more suo,) ut vix illius mens  
percipi possit, quo pacto, Delio (ut aiunt) natatore opus est.  
Sic ergo me clariùs, & vberius de hoc argumento disce-  
prantem audire ne graueris, præsertim cum plura rimari  
fuerim coactus, quæ ad superiores propositas historias  
enarrandas apprimè conducunt.

Andreas Laurentius, Medicus profectò celeberrimus  
proposuit quæstionem, sed ita per transfennam, ac obiter  
eam agitat lib. 6. de hist. anatomic. quæst. 31. ut nihil frugis  
ex eius lectione eruere queas: nam & retentionem, & ex-  
cretionem, mixtam esse actionem ex naturali, & animali  
asseuerat; & suam positionem inualidis argumentis con-  
firmat, quæ luculenter infra soluta videbis. Proponit ergo  
doctrinam Gal. lib. 1. de loc. c. 1. & lib. 6. de loc. cap. 4. quibus  
locis tantus auctor hanc quæstionem soluit, asseuerans re-  
tentionem animale, & voluntariam esse, quum fiat me-  
diante musculo vesicæ collo inserto, qui toto retinendæ  
urinae tempore contractus operatur, constringendo col-  
lum vesicæ. De excretionem autem pronuntiavit, eam esse  
naturalem operationem expultricis vesicæ. Hanc Magistri  
positionem ego quoque libentissimè amplector: cuius au-  
ctoris doctrina in solutione argumentorum, ampliùs cla-  
rior euadet, quæ contra ipsum obici possunt.

Qui ergo retentionem urinae, naturalem esse actionem  
contendebat, his forsan niti poterant rationibus: & prima  
fit. Omnia villorum genera, etiam qui retentioni inser-  
uiunt, reperiuntur in vesica, ex Gal. lib. 5. de usu part. c. 11.  
ergo non minùs in ea quàm in reliquis corporis partibus,  
retinendi munus obibunt: cumque illud potissimum fiat  
in vesica circa urinam, videtur illius retentio non anima-  
lis, sed naturalis, quantumvis à constringente musculo iu-  
uetur; quemadmodum expulsio eiusdem vesicæ, licet non-  
nunquam abdominis musculis perficiatur, opus tamen  
naturale à Galeno appellatur.

Secunda. Omnis motus animalis voluntatis imperio fit.  
Sed urinae, quemadmodum omnium excrementorum re-  
tentio voluntati nostræ non subiacet. Ergo non est dicenda  
operatio animalis. Maior videtur constare, quoniam in eo  
actiones animales à naturalibus differunt: nam hæc cum  
sponte, & nulla præcedere cognitione, aut electione fiant,  
nullius imperium expectant ut edantur; sed data materia  
necessariò exercetur, ex Gal. lib. de vocal. instrument. dissect.  
c. 2. vbi vult ex animali voluntarium colligi, & è contra.

Tertia. Resoluta vesica cohibetur aliquando urina, ex  
Aëtio tetrab. 3. serm. 3. cap. 34. Paulo lib. 3. c. 45. Gal. lib. 6.  
de loc. cap. 4. priuatur enim sensu, & motu, & robore ad ex-  
cernendum. Ergo vesicæ retentio non est animalis ope-  
ratio. Probatur consequentia, quoniam cum resolutio  
nihil sit aliud, quàm facultatis animalis ablatio, procul-  
dubio cessabit viriabiturque ea ablata, retentio urinae, si ea  
illius virtutis sit operatio.

Sed hæc commodè solui possunt. Dic ad primum. Non  
negamus vesicæ inesse retentricem naturalem, & obliquos  
villos illi inseruiantes: illis tamen non fit potissimum,  
urinae retentio, quum ad tantam molem sustinendam non  
sufficiant; sunt enim gracillimi, tenuissimi, ac proinde  
valde imbecilles: sed mediante musculo osculum con-  
stringente, cui prædicti villi etiam aliquem usum præ-  
stant, quemadmodum etiam omnes, tam recti seu oblon-  
gi, quàm obliqui, & transversi, sui contractione ad ex-  
cretionem faciunt; licet soli transversi sint proprium in-  
strumentum excernentis facultatis, ut constat ex lib. 5. de  
usu part. cap. 11. Licet verò Galenus ibidem asserat, idè  
omne villorum genus vesicæ datum fuisse, ut omnes etiam  
motus species consequeretur, non sic verò intestinis, in  
quibus (inquit) nec attrahere, nec retinere erat necessa-  
rium; atque ita innuere videatur, naturalem retentricem  
vesicæ



vesicæ circa vrinam retinendam potissimum negotiari A  
(nec enim de retentione circa alimentum vesicæ intelligi potest, cum illa etiam in intestinis detur,) & propterea obliquis fibris donatam fuisse; nam hoc licet verum sit, non tollit hoc, præcipuum retentionis agens esse muscolum cum facultate animali, qua sola mediante operatur, cui musculo reliqui villi subseruiunt: quemadmodum & 6. de anatomic. administr. & lib. 4. de usu part. ad fin. de intestinis loquens, quamuis nullam iis fæcum tractricem concedat, ait, oblongos villos ad firmitudinem reliquorum habere; id quod etiam de tractrice vesicæ intelligendum est, eam scilicet ei datam fuisse, veluti quoddam additamentum, ne scilicet vesicæ deesset, si aliquando prædicta facultate esset opus, & renes vrinam non transmitterent, cuius ferè tota demandatio renum expultrice perficitur, vt passim ex Galeno colligitur, vbi de vrinæ separatione loquens, semper eam à renibus secerni, & ad vesicam transmitti affirmat, vix vnquâ facta mentione de tractrice vesicæ. Ad id verò quod addebatur, negamus excretionem illam, quæ abdominis musculis perficitur, vbi vel vrinæ exigua est portio, vel vesicæ expultrix naturalis imbecillis, operatione esse naturalem; animalis enim est, vt pote à vi animali per musculos facta. Nec Galenus naturalem vim appellat excretoriam vrinæ, nisi illâ quæ in corpore vesicæ sita est, & quæ totam vrinam semper excernit, atque residuū vrinæ in pene relictum iaculatione quadam propellit, vel vesica imbecilli excernit, nam procul dubio animalis est, vt Gal. lib. 1. de loc. affectis, c. 1. affirmat; sit enim musculus, & virtute animali qua ipsi operantur. Quod si excretoria virtus vesicæ maiorem vrinæ copiam expellere potest, & minimâ non potest, id est quia parua copia subterfugit actione virtutis, vnde muscoli abdominis vrinæ expulsionem adiuvant.

Ad secundam. Negatur maior, si per voluntarium motum intelligamus eum, qui necessario volūtatis imperium expectat vt fiat; plurimæ enim animales functiones fiunt, nulla voluntate præcedente, vt tussis, respiratio, & multæ aliæ quas exercent dormientes, quibus tamen nulla est voluntas, quemadmodum & nullæ actiones intellectus. Si tamen voluntarius motus sumatur pro eo, in quem potest habere ingressam voluntas, ad accelerandum, vel retardandum, tussis, & respiratio voluntarij motus dici possunt. Quare non sequitur, excrementorum retentiones, quantumvis animales sint, esse voluntarias, saltem primo modo: nec Galenus citatus vniuersaliter asserit omnes animales actiones secundum voluntatem perfici, sed tantum plurimas; immò verò (inquit) si quid est animale opus, ad id nõ omnino necessariam voluntatem esse; nec necessarium est, vt animales motus à naturalibus distinguantur per præcedentem cognitionem, & electionem; licet enim sæpe ita fiat, semper tamen inter eos tale discrimen reperitur, sed satis est quod à diuersis fiant facultatibus per diuersa instrumenta, & cum aliis quæ ad talem distinctionem sufficiunt. Quod si aliquando Galenus, & alij auctores, ex animali voluntarium colligunt, confundunt prædicta duo, & pro eodem accipiunt significato, cum tamen procul dubio diuersa sint, nec mutuo conuertantur.

Ad tertiam. Negatur antecedens: constat enim ex Gal. lib. 1. de loc. affectis, c. 1. & in lib. 6. cap. 4. à vesicæ resolutione non cohiberi vrinam, sed potius inuoluntariè excerni; cuius ea ratio est, quæ in argumento adducitur, nimirum quoniam cum resolutio facultatis animalis ablationem importet, & illius interuentu vrinæ retentio perficiatur, procul dubio vesicæ resolutio retentionem vitabit, non autem expulsionem; atque ita ad vrinam retinendam non habebit vim: sicut nec musculorum abdominis resolutio vitabit retentionem, sed expulsionem, quoniam cum ad excretionem faciat illorum resolutio, potius expulsionem, quam retentionem incommodabit. Quo pacto verò Paulus, Aëtius, & Gal. sint intelligendi, paulo post dicemus. Quare retentio, animale est opus, à virtute animali factū.

Quod verò excretio, opus animale sit, potius quam naturale, plura obstant, eaque valde vrgentia argumenta: & primò arguere poterit quispiam hoc modo. Omnis actio quæ sit secundum nostram voluntatem, animalis est, vt Galenus ait cit. lib. de vocal. instrument. dissect. Sed in sano

corpore vrinæ excretionem præcedit necessario voluntas. Ergo hæc operatio est animalis, & ab animali facultate proficiscitur.

Secundò. Non excernitur vrina, vbi vesicæ facultas resoluitur: cum ergo resolutio cadat super animalem vim, ad eam videtur pertinere ipsius vrinæ excretio.

Tertiò. Quemadmodum ad vrinæ retentionem requiritur actio circumdantis musculi, constrictio scilicet; ita ad expulsionem necessaria est eiusdem operatio, laxatio nimirum: nisi enim relaxetur musculus, vrina non prodibit, quia læditur illius distensio: sed sola vi animali musculi omnes mouentur. Ergo illa est, quæ vrinæ excretionem facit.

Quartò. Naturales operationes nulla præcedente sensatione fiunt: patet in plantis, in quibus sensu omni priuatis naturalia opera exercentur; & naturalis expultrix ex se fertur, ad innoxium, & inutile excernendum: sed ad vrinæ excretionem irritatio, & molestatio requiritur, quæ sensationem supponit, ex Gal. 5. de usu part. ult. & lib. 3. de facult. naturalib. cap. 12. Ergo excretio vrinæ non est opus naturale, provt ab animali distinguitur, sed animale potius dicendum. Hoc videtur insinuare Auic. 19. 3. tract. 2. cap. 1. dicens, tunc vesicam expellere vrinam, cum constringit eam, & dilatat lacertum suum, ex cuius facultate resoluta Ischuria contingit. Musculi verò facultatem, animalem esse patet: ex cuius resolutione etiam in colo intestino paralytim accidere affirmat, 16. 3. tract. 3. cap. 7. & Gal. de moribus manifestis, & obscuris, cap. 2. docet non fieri excretionem vrinæ, nisi accedente virtute animali.

At hæc argumenta non concludunt. Dic ad primum. C Quamuis fateamur excretionem esse voluntariam, & non fieri in sano corpore, nisi præcedat voluntas, hoc est, sinat & permittat expultricem ipsam suum munus exercere, relaxatione musculi osculum vesicæ constringentis, qui imperanti voluntati obsequitur: Cum tamen musculus se relaxando, à sua operatione cesset & ferietur, planè excretio vrinæ non erit operatio animalis facultatis, sed potius eius cessatio & feritatio. Et quoniam oportet necessario facultatem ipsam animalem cessare à sua actione, qua muscolum contrahit, facitque retentionem, vt vrina excernatur; dici potest vrinæ excretio in sano corpore, opus animale per accidens, nimirum quoniam non exercetur, nisi facultate animali accedente, non opere, sed operis quiete & otio. Et in hunc sensum potest admitti maior primæ rationis, qua impugnabatur, excretionem vesicæ esse opus naturale: aliter enim neganda, quoniam sola illa actio, quæ præcedente voluntate fit, est animalis, quæ per musculos exercetur: cum enim musculi per nervos à cerebro animalem vim morticem reciperent, instituit natura, vt in suis moribus voluntati subessent, ne temerè & inordinatè mouerentur.

Pro maiori tamen euidencia aduerter, quodd licet vesica ad vrinam excernendam, non recipiat à cerebro per nervos virtutem morticem, nimirum quia nervus qui in muscolum inseritur, non præstat motum alicui particulæ, quia non est mouendi instrumentum; licet etiam sit mortuæ facultatis delator: recipit tamen per nervos sensitivam, qua mediante vesica ipsa sentiens morsum ab vrinæ acrimonia illatum, vel distensionem à copia factam, excitatur ad excernendum. Verum cum non possit exire vrina, nisi relaxetur musculus constringens vesicæ collum, accedit voluntas à vesicæ sensatione excitata, imperans animali motrici musculi, vt ab opere ferietur constringendi & claudendi. Ferrur itaque animalis imperium in vim animalem musculi, illi subordinatam, & cum ea feriente musculus relaxetur, & excretionis via libera sit, & non impedita, excernitur vrina ab expultrice naturali vesicæ; vnde excretio, opus naturale est, licet vt fiat, necessarium sit quodd voluntas præcedat, & musculus relaxetur; propter quod, opus mixtum à Laurentio appellatur, ex naturali & voluntario, sed ineptè, vt vidisti: nam eius argumentum satis remanet explicatum, si dicta, & dicenda pensites ad vnguem,

His iactis, video te obliuientem, retentionem vrinæ, quam inuoluntariam diximus, absque voluntatis imperio nequaquam fieri posse: nam si musculi relaxatio non sit

nisi voluntate præcedente, non aliter etiam fiet eiusdem A constrictionio; tum quia multò plus requiritur ad operandum, quàm ad cessandum ab opere; tum quia voluntas fertur in diuersa, & opposita, super quæ cadit electio, quæ est adus voluntatis: eiusdem ergo imperio videtur subiici opus, cui subiicitur operis intercessario; præsertim cum illa musculi constrictionio, qua perficitur vrinæ retentio, operatio sit animalis, mediante musculo facta: cuius actionem imperatam esse, & voluntati necessariò subiectam, docuit Galenus in locis multis.

Hanc instantiam solvere non est multum operosum: nam diuersa ratio est in constrictione musculi, ad hoc vt fiat absque voluntate præcedente, non sic autem relaxatio: quoniam cum musculus ille insertus sit vesicæ collo, vt tanquam ianitor quidam perpetuò aduigilaret, & sui contractione meatum vrinæ clauderet, nec pateretur ipsam prodire, nisi pro tempore, & occasione, vbi suum munus obijisset, satis erat animale vim à cerebro per neruum recipere, nec voluntatis imperium expectare, siquidem absque eo, & conuenienter agere poterat, & fungi suo munere: ne verò ab eo temerè, & intempestiuè cessaret, necesse fuit non nisi pro arbitrio relaxari. Cumque huiusmodi relaxatio, otium sit & intercessatio facultatis animalis, constrictionio autem eiusdem operatio: licet voluntas necessariò interueniat, vt musculus ille relaxetur, multò plus tamen requiritur ad eiusdem constrictionem, nimirum concursus mouentis, seu animalis facultatis, licet absque voluntate. Nec obstat, quòd ea in diuersa fertur, & super opposita cadat electio; satis enim est quòd possit quouis modo habere ingressum in vrinæ retentionem, ad eam accelerandam, vel retardandam; non enim requiritur, vt æqualiter arbitrio nostro subiiciantur illa, super quæ voluntas fertur. Denique non obstat retentionem vrinæ fieri à musculo, vt voluntaria dicatur, ita vt fieri non possit nisi voluntate præcedente: hoc enim solum habet locum in motu musculorum progressiuo, & perfecto, & quo locus mutatur.

Ad secundum. Negatur antecedens, potiùs enim immoderatè excernitur vrina vesicæ resoluta, vt dictum est. Quòd si Gal. lib. 1. de loc. cap. 1. dixit, supprimi aliquando vrinam excretoria vesicæ resoluta, verbo resolutionis abusus est, accipiens illud pro defectu naturalis facultatis expultricis vesicæ: vel si resolutio propriè accipiat, dici potest impediri excretionem vrinæ ad vesicæ resolutionem, hoc est, ad ablationem & defectum animalis facultatis, non quidem voluntariè mouentis, sed alterius, nempe sensitiuæ, quæ etiam animalis est; nam cum illius ministerio sentiat vesica vrinæ acrimoniam, vel copiam; atque ita ad excernendum irriteretur, ea deficiente vel ablata, necessarium est vesicam saltem plurimum deficere à pristina excernendi vehementia: & in hunc sensum intelligendi sunt Paulus, Aëtius, & Galenus locis citatis, dicentes vesicæ resolutionem nonnunquam vrinæ tarditatem, retentionemque inducere. Negari tamen non potest, resolutionem musculorum abdominis, id est, defectum virtutis animalis mouentis, nonnunquam excretionem vrinæ impedire, & incommodare. Quoniam tamen illorum munus non accedit necessariò ad excernendi opus; sed vbi vrina, vel pauca est, vel vesicæ expultrix infirma, rarò contingit Ischuria prædictorum musculorum resolutione: nec ea si aliquando acciderit, dici potest vesicæ paralytis, sed ventris potiùs, cuius ipsi sunt musculi, & non vesicæ. Verum licet ita sit, cum tamen exigua vrinæ copia, seu portio, quæ continetur in fistula vltra musculus circumdantem collum vesicæ, in ipso musculo contracto à vi animali pellatur: ea quidem resoluta, non potest retardari aliquantulum expulsio prædictæ portiois vrinæ: cum tamen naturalis expultrix vesicæ totalem excretionem promoueat, nec in eam cadat resolutio, non cohibetur excretio vrinæ ad vesicæ resolutionem.

Ad tertium. Auic. 19. 3. tract. 2. cap. 6 & 7. in eam sententiam inclinat, vt existimet relaxationem musculi esse actionem, atque motrice lacerti resoluta vrinam suppressi:

agens enim in cap. 6. de causis vrinam remorantibus, ait: & facta causa virtutis motiue est, vt non sit lacerto, vt soluat seipsum, & moueatur à sua constrictione ad dilationem suam. Cap. verò 7. Signum inquit mollificationis (id est resolutionis) lacerti, est debilitas pronocationis, absque impetuoso vrinæ exitu. Videtur itaque illi ea mens fuisse, vt opinaretur, duplicem lacerto operationem tribuendam, constrictionem scilicet, qua vrina retinetur, & alteram qua modicè laxetur, ad exitum; rursus excretionem quidem tardam & lenem, munus esse expultricis naturalis vesicæ; festinam verò, acceleratamque (quam aliquando continuam, nonnunquam intermittentem paramus) ex musculi motrice pendere: subdit enim, resoluta motrice lacerti exire vrinam, sed paulatim & sensim, non cum impetu & eiaculatione. Poterat calumnia inuri Auicennæ, auctori tanto: vnica enim est tantum musculi operatio, constrictionio nimirum, vt lib. 1. de motu musculorum ferè per totum Galenus edocuit; nam quando musculus relaxatur, feriat ab opere, & cessat in eo vis animalis; nec illius resolutione vrinæ exitus impeditur, sed tantum retentio, ob cuius vitium guttatim fluit. Nec excusat illum expositio Nicolii serm. 5. tract. 10. cap. 11. quòd huius musculi parua paralytis, per quam non possit soluere constrictionem, efficit retentionem; valida verò, propter quam constringi non potest, expulsionem inuoluntariam creat. Non valet (inquam) quoniam laxatio constricti musculi non est animalis operatio, sed merum otium; quare quantò resolutio maior est, eò erit laxatio promptior. Cum verò antiquorum dicta hostiliter non sint redarguenda, sed amicè interpretanda, ex Galen. lib. 2. de sympt. caus. cap. 5. iccirco in errorem incidisse euidenter ex contextu probari non potest: duplicem ergo lacerto attribuit operationem, præcipuam videlicet constrictionem, & alteram qua laxatur, & oriatur, quam si lato nomine cum Auicenna operationem appelles, explicabis rectè.

Ad vltimum. Tam plantis, quàm animalibus instituit natura, vt communia alitionis opera actione naturali fierent: verum licet in plantis facultas ipsa naturalis, ex se, solaque innata doctrina absque sensu operetur, & expultrix in inutile, & innoxium feratur, non inconuenit in animalibus interuenire etiam sensum, quo pro tempore magis excitetur vegetabilis potentia ad operandum, & percepta sensatione illius operatio fiat acrior, & concitior, atque idè ad expellendum vesica est donata sensu, ventriculus ad attrahendum acutissimo. Quomodo verò sit interpretandus Auicenna, nuper diximus. Vbi tamen de coli paralyti loquitur iudicare licet, librarij vitio additum fuisse coli, nam cum ea sententia ex Paul. lib. 3. cap. 43. sit desumpta, vbi refert colicum dolorem suo tempore vagantem, in paralytim fuisse transmutatum, probabiliter arbitrari possumus, illud voluisse Auicennam, non verò colicum dolorem in coli paralytim fuisse finitum: de qua transmutatione, lib. 1. in com. hist. 45. & de eius curatione plura proposuimus, in hoc lib. in com. hist. 89. Concludamus ergo retentionem vrinæ esse opus animale, cum vesicæ collo natura musculus inseruerit, cuius opera vrina retinetur; musculi autem operatio à facultate prodit animali: excretionem verò opus esse naturale, vt pote ab expultrice naturali vesicæ factum.

Vtrum verò musculus voluntarij motus sit organum, sitque immediatus, proximisque motor, mobili coherens, an verò mediante alio motum efficiat, poterat hoc loco controuerti, sed quoniam per amœnissimos Principum campos latius in hoc libro sumus spatia, nunc habenas calamo. De hac re lege Iuniorum clarissimos, Thom. à Veiga in com. c. 1. lib. 6. de loc. affect. Valleriol. lib. 4. enarrat. 9. Andream Laurentium lib. 5. de re anatomic. q. 1. Sed cum hi plura prætermittant, quæ in hac ardua questione proponi possunt, hanc vastissimam, amplissimamque disputationis prouinciam reseruare satius duximus, ad histor. 27. lib. 3. quem post hunc in lucem emitto, Deo auspice, & nostrorum studiorum patrono, cui sit honor, & gloria in sæculorum sæcula æterna. AMEN.



# ZACVTI LVSTITANI DE MEDICORVM PRINCIPVM HISTORIA.

## L. I B E R I I I.

*De vteri, genitalium, & inferiorum partium affectibus.*

### P R Æ L O Q V I V M.



N I V E R S A M corporis molem in tres regiones distinximus, supremam quæ caput; mediam, quæ vitalia, & naturalia organa complectitur; tertiam, quæ partes externas comprehendit. De primæ partis affectibus, primo libro disceptauimus. De secundæ regionis morbis, in secundo egimus diffusè. In hoc, de vteri, partiumque inferiorum vitiis, Laconicè proponemus pulchra.

Vterus est veluti hortus feracissimus, excipiendo muliebri, & virili semini ad sobolis generationem comparatus. Est nobilissima, ac prope diuina fauissa, ex qua naturæ thesauri conditi depromuntur. Est quasi animal errabundum, quod nunc mouetur fursum nunc deorsum, nunc ad latera, ad præcordia, ad coxas. Ex hoc inordinato motu, varia, eaque grauissima symptomata emergunt, dira, & terroris plenissima. Insuper mirabilis est huius partis cum omnibus nostri corporis partibus consensus, ob quem eleuata venenosa, & deleteria aura ab vteri ergastulo ascendente, superioraque membra feriente, & dira labe fœdante, miri & ferini propullulant affectus, qui sedulam Medici opem prærequirunt: quare non incitè dicebat Hippocrates *lib. de loc. in homin. num. 59. Vteri omnium muliebrium morborum causa sunt.*

Huius partis arduos, Herculeos, insuperabiles morbos in hoc scrutamur libro, qui quàm sœui sint, truculenti, & funesti, utpote ab spurcissimis substantiis, semine, & sanguine menstruo retentis, corruptis, & in veneficam naturam abeuntibus suborti, & in vtero, qui est stabulum omnis putrefactionis, & totius inquinamenti, sentina, pronati, nouit vel mediocriter in arte versatus. Hinc morbi Gallici (miserabilis scortatorum flagelli) horrenda vitia emanant, & tanquam à perennissimo fonte, alij condigni huius insatiabilis libidinis fructus scaturiunt. Quæ omnia (Deo auspice) nunc velut in speculo quodam succinctè, & ornatè describere visum est, plura addentes noua, quæ nobis fidissimo experimento sunt comperta.

Extremas partes, ut coxam, genu, femur, talum, & totum pedem, licet ignobiliore, ita vsu, & necessitate non multum inferiores, ac principibus seruientes, earumque importunos, & contumaces morbos rimari, etiam par est; quorum varietas, & obscuritas vel peritissimos Medicos sæpe deludere solent. In harum ergo partium ægritudinibus perscrutandis finem huic tertio imponemus libro.

# HISTORIA I. GALENI DE MENSTRVI SVPPRESSIONE.

Fœmina extenuatissima, diuturna menstrui  
suppressione laborans, copiosissima  
sanguinis missione, curata.



**T**QVE ego cuidam mulieri\* iam octo menses  
\*purgationis menstrua suppressione laboranti,\* ex-  
tenuatissima cum esset, haud exiguo detracto san-  
guine, breuissimo tempore proprium habitum resti-  
tuit; sicut & alias non paucas eodem modo ad sanitatem re-  
duxi. Sed quod illi mulieri accidit, fuit valde celebre, ipsi  
quidem rescissa vena, & Medicis ex eo remedio futuram vi-  
litem constanter polliceri verentibus: quin etiam nonnulli  
mihi aduersari audebant, non solum propter mulieris maciẽ,  
sed etiam propter inappetentiam, ex vena sectione sequutu-  
ram noxam affirmantes. In hac ergo\* primo die sanguinis se-  
quilibræ detraxi, rursum postridie libram, tertio verò non  
multo plus selibera, erant enim uncia octo. Scilicet ipsius emi-  
nebant vena sanguinis plena, colore linida, rescisso autem va-  
sculo liquida pici, & colore, & crassitudine similis sanguis  
emanabat. Ob id ipsum sanè multò magis visus fuit largiter  
v acuandus, &c. Galenus lib. 6. epid. sect. 3. com. 29.

## PARAPHRASIS.

**C**elebris quidem est historia hæc, & in practico opere  
sæpiissime præ oculis habenda: nam docet exactè,  
quomodo curanda sit menstrui retentio diuturna in exte-  
nuata fœmina. Sed antequam historię explanationem  
aggrediamur, lectorem admonitum volo, ne à nobis exa-  
ratam, & expeditam commemorationem expetat om-  
nium, quæ ad theoriam, & praxin pro muliebrium mor-  
borum curatione conducere videntur, cum hæc à Iunio-  
rum doctissimis latè, doctèque sint enucleata. Quapro-  
pter relicta in præsentī, inuestigatione naturæ menstrui,  
eius originis, temporis, quantitatis, qualitatē, & finis,  
quæ omnia ad satietatem ab omnibus agitantur, ad histo-  
riæ expositionem accedamus; ea solum controuertentes,  
quæ vel ab aliis non ita dilucidè sunt explicita, vel in se  
admirationem, & vtilitatem ac difficultatem continent  
non aspernabilem.

Magister longè celeberrimus hoc in loco contra Ro-  
manos Medicos, medicinæ hypocritas, torius scientiæ  
exortes, arduam aggressus est curationem, quoniam fœ-  
mina hæc erat extenuata nimis, in cuius medela adiectio  
potius videbatur necessaria, quàm detractio. Sed cum in  
ea adesset melancholici sanguinis summa vbertas, eam  
copiosa phlebotomia minuere non abs re fuit: sic enim  
plenitudo melancholica deponitur, ventilatur corpus, &  
sanguis vitiosus, niger, atrabilarius extrahitur, in arteriis,  
& venis contentus, qui est ineptus nutritioni, & probum  
sanguinem conspurcat, quo detracto, corpus nutrirī in-  
cipit. Hoc auxilium præsentaneum esse experimur in  
melancholia hypochondriaca, & in doloribus splenis.  
Cum enim lien, vterus, visceraque interna attri humoris  
copia, mensuris suppressis abundant, & partes ob ob-  
structionem impedito transitu alimenti ad membra, mar-  
cescunt, & tabent, commodissima est venæ sectio; quæ  
præterquam quòd naturam à sarcina leuat, obstruentem  
humorem euacuat, menstrua mouet, & interiora refrige-  
rat: nam ex igneo iecoris calorem humor aduritur, fit cras-  
sior, & magis obstruit. Ne ergo mireris Galenum, quòd

tam copiosam fecerit vacationem. Neque putes illum  
medendi peritia clarum, semper simultaneas, & acrua-  
tas exercuisse vacationes: nam ille iusto quodam ordi-  
ne præsidia adaptabat morbis: aliquando enim in magna  
quantitate, sæpe in mediocri, interdum parcissimè sangui-  
nem extrahebat, desumpto scilicet à virium tenore scopo,  
vt constat ex cap. 13 lib. de curand. rat. per sang. mis. quo  
loco vsque ad dimidium corylæ sanguinem iubet extra-  
here. Est autem coryla, mensura continens uncias nouem,  
ex Gal. lib. 6. sec. gener. cap. 8. Manardo lib. 1. 2. epist. 1. Mer-  
curiali lib. 5. de feb. cap. 6. Hieronymo Nonnio Olysp. lib.  
de ponderib. & mensuris, in fin.

In huius ergo fœminæ curatione, ita copiosam cele-  
brauit, quoniam plenitudo erat melancholica; qua præ-  
sente plenius sanguinem mittere præstat, ex Galeno lib. de  
curand. rat. per sang. mis. c. 10. probat Fernelius lib. de ven.  
sect. 2. cap. 4. nam melancholici sanguinem multum cali-  
dum habent, ex Gal. lib. 3. epid. sect. 3. com. 70. quem, vt pote  
crassum, nec frictionibus, nec aliis motibus, nisi sola  
phlebotomia commodius exhaurire possumus; licet  
enim hic sit crassus, non est lentus, vt pituitosus; & cum  
vasis non adhæreat, facilè venæ sectione extrahitur: ma-  
ximè cum sit fæx sanguinis, & huic plus sit conueniens  
quàm pituita, & ob alias causas: quibus, & aliis rationi-  
bus ducti, liberalius in plenitudine melancholica, quàm  
pituitosa esse sanguinem mittendum, firmauimus lib. 2. in  
com. histor. 78.

E talo in hac fœmina fuisse extractum sanguinem, non  
eo inficias: ex partibus enim inferioribus in suppressione  
menstruorum esse celebrandam vacationem, suavit Ma-  
gister lib. de curand. rat. per sang. mis. cap. 11. & 18. §. Ple-  
nitudo omnes ex suppressis mensibus ortas omnino per cru-  
ra euacuabis, siue venam secare, siue scarificare conueniat:  
secta enim in cubito vene mulierum reuellere purgationes asso-  
lent, &c. quæ enim fiant è partibus infernis, non solum  
euacuant, sed etiam menses mouent, vt fusè contra plu-  
rium opinionem agitauimus lib. 1. in com. histor. 77. licet  
enim ex huius historię serie non constet, ex quo loco Ga-  
lenus phlebotomiam fuerit exequutus, quum ipse locum  
non determinet; rationi tamen, & Galeni doctrinæ con-  
gruum videtur, si dicamus ex talo fuisse celebratam; & au-  
ctores omnes, qui in suppressis mensibus è talo sangui-  
nem emittunt, Galenum hoc in loco in suæ sententiæ  
confirmationem adducunt. Nec refert quòd antiqua esset  
suppressio, in qua non debemus de menstruo esse solliciti,  
nam in ea tutius est à venæ sectione in talo celebrata cu-  
rationem auspicari.

Sed & illud magis mirandum, quoniam pacto Galenus  
sanguinis extracti quantitatem potuerit explorare, si san-  
guis hic in balneo extractus, & totus cum aqua permix-  
tus, confunditur, ita vt illius quantitas deinceps discerni  
nequeat? Solues facilè, si asseras, antiquiores Græcos in  
balneo calentis aquæ extremarum partium venas non se-  
cuisse. Patet aperte; nam Galenus lib. de curand. rat. per  
sang. mis. cap. 14. ex sectione venæ manus nihil mentione  
dignum effluere asseuerat, cuius contrarium enueneret, si  
in balneo secaretur hæc vena. Indicauit ergo sanguinem  
pondere: ipse enim lib. de præcognit. ad Posth. 13. iuuenis  
historiam recensens, qui à febris hæmorrhagia est libera-  
tus, affirmat sanguinem excretum, librarum quatuor &  
dimidiæ pondus æquasse. Hoc modo iudicium esse feren-  
dum de sanguine extracto, firmant Musa lib. 2. aph. 41. &  
lib. 5. comm. 23. Amatus lib. 2. centur. vltim. Quare scisso  
vasculo



vasculo poterat facile Galenus de sanguinis colore, & crassitie iudicare; hoc enim modo præclari Italix Medici facere consueverunt, ut notavit Amatus lib. 1. centur. 21. Deinde si concedamus verustissimos illos Medicos consuevisse secare venas extremarum partium in balneo, non erat arduum sanguinis quantitatem venari; nam cum copiosa sit phlebotomia, ita sanguis projectus in aquam crassescit, ut cultro dissectus ponderari possit. Vel si dicas, Galenum in omnibus vigilantissimum prius aquam, & postea sanguinem cum aqua confusum ponderasse, affirmabis vera.

Insurgunt tamen contra Galeni methodum quidam inficillissime, & de illorum sanè numero qui simbras expandunt, & ostentui sua habent omnia, & pectus suum bibliothecam rentur, arguuntque hoc modo. Si sanguis ille crassus erat, & prælentore effluere non poterat, cur attenuante victu, aperientibusque medicamentis non vtebatur prius, in muliere præsertim debili, & extenuata, quæ citra virium dispendium menstrua prouocarent? Audi ipsum lib. 5. aph. comm. 36. de eodem argumento sic loquentem: *Nempe & extenuante aliquando victu tales affectiones sæpe curauimus: quo descriptum à nobis habetis librum: una autem cum hoc victu, coniungi potest aromatum suffragium; & supposititijs pessi, eandem cum eorum habentes; & poriones medica qua humorum crassitiem incidant, & tenuent, qualis est diacalaminthes, qua nos peculiariter vti solemus. & qua sæpe commorantes menstruas purgationes mouit. Et enim indicatio, & scopus eorum prouocationis est, vasorum ad vterum peruenientium ora tum recludere, tum extenuare sanguinem, &c. quare ille castorium, una cum pulegio, aut calaminthe, exhibere non veretur, quæ medicamenta se semper expertum esse purgationem mouere, abique fœminæ noxa, scripsit lib. 11. simpl. cap. prop.*

Verum hi animis nostris fallaciarum nubila obiectant, quæ hoc modo discutienda sunt: nam sanguinem crassum, & melancholicum sola sanguinis missione esse absumentum, docuit Galen. lib. de curand. rat. per sang. mis. cap. 10. his verbis. *Licet enim frictionibus multis, balneis, & ambulationibus, aliisque motionibus, ad hac vntionibus digerentibus, celeriter plenitudinē exhaurire, si virique videbitur non esse crassi sanguinis redundantia. Talis est ut plurimum maxime melancholici; raro verò crudorum, quos vocant, humorum. Ceterum in redundantia humoris melancholici sanguinem mittere præstat, aut certe medicamento vii atram bilem expurgante, &c. Quare cum huius fœminæ venæ essent atro sanguine plenæ, iccirco eum exhauriendum vena secta præcepit. Sed quam scripsit Galenus in cit. loc. aph. mensium restrictorum ducendorum methodum per attenuantia medicamenta, & victum attenuantem, eam humori pituitoso venarum obstructions facienti, non sanguini atrabilario accommodauit.*

Quod si istes adhuc argutulè, quomodo fœmina hæc longo tempore extenuata, breuissimè potuerit refici, & ad naturalem habitum reduci, si ex Hip. præscripro, 2. aph. 7. corpora longo tempore extenuata longo reficiuntur intervallo: illis enim ex solidorum colliuatione contabescencia accidit, à quibus concoctio in animalibus, sanguificatio, distributio, atque nutritio perficiuntur, ex Gal. lib. 1. epid. sect. 2. com. 46. quæ cum una ægrotant, difficulter suam naturam recuperare queunt, quia in habitu videtur esse morbus? Dic., breuissimè curatam fuisse fœminam hanc, non absolute, sed respectu illius extenuationis, quæ maxima erat: præsertim cum naturalis illius mulierculæ habitus esset tenuis, qui citius poterat restitui; quod opus in crassiore natura sua corpore, ita extenuato tam citò fieri non potest. Quare vacuato illo sanguine prauo, atrabilario, & nigro, calor innatus à sarcina huius retri, & fœculenti humoris leuatus, ad pristinam redactus symmetriam, muniis suis functus est. Sagacissimè ergo Galenus vacuationem instituit, dum totum illum sanguinem vitiosum, & pessimum, minimè nutrire aptum, vena secta exhauserit.

Neque negandum est, ex hac insigni vacuatione vires debilitatem contraxisse cum detrimento multo. Quoniam autem statim vacuato illo sanguine, corporis reparationi, & virium instaurationi occasio sese offerebat

opportuna, illud damnum Galenus paruipendit, nam maior erat utilitas noxa, quæ ex virium iactura sequebatur, quæ potius æstimanda est, ex Gal. 1. aph. 24. præsertim cum nihil sit, quod tam magnificè proficiat, quod aliqua ex parte non noceat, ex Gal. lib. 11. meth. cap. 11. quoniam melior est noxa quam mors, apud ipsum lib. 1. 2. meth. cap. 1. Sic sanguinem Galenus ad animi usque deliquium iubet emitte in locis multis, licet ex hac affatim facta vacuatione, vires summopere debilitari sit necesse. Sic admisit gelidæ porum ad satietatem usque, cum ex eius haustu nimio nativus ignis peteliceretur sæpe. Sic imperauit balneum frigidum in hæctico debili cuius vi, pusillus hæctici calor interdum exinguitur. Sic plurima alia consuluit auxilia, quæ licet aliquantulum noxia sint, etiam insigniter prouent.

## QVÆSTIO I.

*Vtrum antiqua menstruorum suppressio, sit incurabilis, ut voluit Hippocrates.*

## COMMENTARIUM.

[Am octo.] Quæritur à doctioribus medicinæ arcana rimantibus, tum ut sic perfectius ingenium expolirent, tum ut posteris se vixisse testarentur, sitne diuturna menstruorum suppressio incurabilis? Huic dubio non improbè respondere Hippocrates videtur lib. 1. de morb. muliebrib. num. 4. dum sic profatur. *Et in quintis porò mensibus si non multi menses prodierint, dolor adhuc fortior accidit. In sextis verò incurabilis est, &c.* Ex qua sententia docemur manifestè, vltimos carceres menstrui retenti esse sextam lunationem: nam si per totum hoc temporis interstitium muliebria occultentur, tunc malum incurabile est.

Verum hæc sententia, Hippocrati ipsi valde est aduersaria: hic enim lib. 4. epid. num. 22. historiam enarrat ancilæ cuiusdam, cui cum per septennium menstrua fuissent restricta, mox iisdem emanantibus integra valetudine est perfruita. Et lib. 5. eiusdem operis, num. 5. alteram Gorgiæ vxoris historiam refert, quæ per annos quatuor, menses habuit suppressos, & post ipsos redditos concepit, & peperit.

Soluenda tamen est ad mentem Galeni antinomia hæc, affirmantis post sex menses, accisionem menstruorum curationem recipere posse, & post eos obseruauit plures. Narrat Iacchinus in com. cap. 66. lib. 9. ad Almans. Rasis, se curasse mulierem ligni Indici decocto, adiecto dictamno, quæ per annos quinque nihil purgabatur, & sterilis erat, & tandem euocatis menstruis concepisse refert. Scribit Alexander Petron. Traianus lib. 1. cap. 9. de morb. Gallic. mulieres nonnullas, triennium, quinquennium, septenniumque menstruis carentes, postea habuisse menstrua, & concepisse.

Sed quid respondebimus ad maiorem machinam, Hippocratem nempe, dicen em contrarium, ut vidisti supra? Responder Mercatus lib. 1. de communib. mulier. affectionib. cap. 9. Hipp. sententiam adulterinam esse, conuictus fortè aliis Hipp. historiis, & Iuniorum experimentis munitus. Reproba solutio. Nam axiomata Hippocratica non unt citra necessitatem, ut illegitima explodenda, sed certis quibusdam limitationibus interpretanda.

Dic ergo cum Mercuriali lib. 4. de morb. mulier. cap. 1. mensium retentionem ab aliis causis pronatam, si producatur ultra sex menses curationem recipere posse; illam verò quæ ex colli vteri peruersione originem ducit, incurabilem esse. Quæ conciliatio menti Hippocratis est consona valde: nam eo loco tres recitauerat affectiones quæ in vteri accidunt figura, ex quibus vteri inuersio erat una, quæ si perdureret, fœminas iugulare solet.

Lege doctissimum Rorarium

contradiet. 35. Hip.

\* \* \*

## QVÆSTIO II.

*Primum diuturna mensium suppressio, sit recenti periculiosior, ut putauit Hippocrates.*

**M**ense.] Sed quia in Hippocratis diuini aphorismos peruenimus, in quibus pleraque reconditam habent doctrinam, ac illoris (ut aiunt) manibus discedamus, in studiosorum gratiam obscuriora nonnulla subtexamus. Ille enim inter medicæ veritatis assertores, doctrina, & sententiarum eloquiis maximè illustris *lib. 5. aph. 57.* sic scriptum reliquit: *si menstrua non fiant, ab utero morbi conzunt.* Vbi nota verbum [ab utero] quasi dicat, à prima origine, & scaturigine morbi: nam *uteri omnium muliebrium morborum causa sunt*, dicebat Hippocrates *lib. de loc. in homin. num. 59.* Admirandam enim hæc pars cum omnibus habet sympathiam: cum cerebro enim consentit per nervos, ex *Gal. 6. epid. sect. 1. com. 2.* explicat eleganter Mercatus *lib. 2. de virgin. & viduar. morbis, c. 4.* cum corde per arterias, vnde eleuata deleteria aura, à menstruo retento & corrupto, cor lancinante & feriente, emanant diri affectus, ferini, & prorsus sæui, syncope, cordis dolor, anxietas, exolutio, & alia truculenta pathemata propullulant, quæ refert Laurentius *lib. 7. de re anat. quest. 11.* Ludouicus Duretus in *appendice de vulneribus, comm. text. 44.* cum hepate obtinet consensum mirum, quapropter restagnante ad hepar sanguine retento menstruo, huius partis, & viscerum naturalium immanes exoriuntur morbi, ut icterus, cachexia, hydrops, ex *Galeno lib. 2. de facult. naturalib. cap. 8 & lib. de ven. sect. aduersus Erasistrat. cap. 6.*

Quare si scemina ritè purgetur, à multis vitiis sit immunis; si verò menstrua illi supprimantur, horrendis morbis sit obnoxia. Hi sunt podagra, articulares dolores, pleuritis, peripneumonia, epilepsia, apoplexia, respirationis & vocis ablatio, & alij quos recitat Hipp. *lib. 1. de morb. num. 6. & 7. & lib. de virgin. morb. num. 1. 2. & 3.* diuersimoda namque malorum grauissimorum genera, tum ipsi utero, tum vniuerso corpori ita affectarum mulierum imminere prædicendum est: si quidem nulla fermè pars est, quam prauè retentorum mensium qualitas afficere non valeat. Inde enim primarum qualitatum excessus in utero, tumorèque præter naturam, atque vlcera non raro admodum praua, ac cancrofa oriuntur, quæ cum vteri corruptione mulieres perdunt. Ad hæc, si menses in venis vteri retineantur, facillimè putrescunt, febres malignas accendunt, ventrem distendunt, & cruciatibus intolerabilibus stomachum subuertunt, atque in nervorum distentiones, motusque conuulsivos mulieres præcipiant, ut notarunt fusè Galenus *lib. 6. de loc. cap. 5.* & Aetius *teirab. 4. serm. 4. cap. 16.*

Quare hæc omnia in toto corpore, aut priuata parte imminencia mala ut auertantur, inquit Dictator summus *lib. Coacar. pranot. num. 3.* Salutare est muliebria non cohiberi. Nam inde eueniunt epilepsia, quibusdam autem profusio longa ventris, ut arbitror, nonnullis autem hemorrhoides. Deinde multis malis vexari sceminas est necesse, explicat Hildanus *lib. 5. centur. chirurgic. 43.* licet enim aliquæ sint, quæ menstruas purgationes illas communes, quæ menstrua dicuntur, nunquam habuerint, & sanissimæ sint, & robustissimæ, ut inquit Petrus Toletus *lib. de morb. puer. cap. 1.* firmant Musa *lib. 5. aph. 36.* Fernelius *6. patholog. cap. 26.* cuius rei reddit rationem Trincauellius *lib. 10. de curand. particularib. affectib. cap. 3.* tamen hoc rarum est, quum frequenter contrarium accidere frequenti experimento rarum sit.

Menstrua enim si ritè purgentur, multis commodis mulieres beant: nam corpus vindicant ab excrementis, quæ ipsi sunt ægrotandi causæ, tum nutritus, ac spiritus œconomiam, vitæ custodem, efficiunt bene moratam, & constitutam. Vigiliarum & somni adest certa, & constans vicissitudo. Denique quæ intus sunt inutilia, siue incommoda, transeunt in naturæ comoda, beneficio menstruorum. Quare vna spes medicandi, atque curandi mulieres, & sanitatis earum tuendæ fiducia, in liberali, &

A libera menstruorum purgatione consistit. Benè ergo res erunt mulierum menstruantium, si menstrua benè respondeant: nam ut dicebat Præceptor *lib. 1. de morb. num. 16.* Mulier sana ex mensibus agnoscitur. Explanat Cordæus eleganter in *com.* Ex his omnibus patet, funesta mala ex menstruo sanguine retento velut à fonte scaturire. De qua re legendus ingeniosissimus Moxius *lib. 4. de morb. mulier. cap. 8. & 9.*

Num verò hæc damna, menstruorum suppressio diuturna maiori cum periculo facere possit, nunc indagandum. Nam à recenti mensium retentione periculosiora symptomata oriri, mala ferina post partum de nouo concitata ex menstruo retento, satis demonstrant, & probat Galenus *lib. 3. epid. sect. 3. comm. 73.* historiam describens mulieris, quæ apud frigidam aquam in Thaso ægrotabat, quæ cum filiam peperisset, nec esset purgata, tertio à partu die febre correpta, tandem mortua est. Inquit ergo ille in *com.* Quippe menstruum suppressio offendit; tamen non perinde, ut si à partu supprimantur, efficit, quod non abundantiam modò, sed insignem etiam humorum pariant prauitatem, &c. Repetit *lib. 1. epid. sect. 3. comm. 21.* quoniam sanguis effusus post partum haud inculparus est, ex *Gal. loc. cit. & 2. prorrh. 48. & lib. de atra bile, cap. 9.* sed teret, scæulentus, melancholicus, & deterrimus, utpote per longum illud conceptionis interstitium in ipso utero retentur, & labe scædatus, ob prauorum alimentorum esum, ob picam, quæ grauidæ ferè laborant, otium, & vitam sedentariam, & alia plurima quæ synceritatem, & puritatem sanguinis omnino vitiant, & corrumpunt. Si verò Hipp. *lib. de natur. puer. n. 12.* sanguinem laudabilem, qualis à victima, effluere dicit, & in hoc videatur Galeno aduersus: Hippocratem intellige cum Cordæo *comm. 4. in lib. 1. de morb. mulierum, 62.* de sanguine qui in muliere sana à toto effunditur corpore, qui laudabilis est, cum Galenus sit intelligendus de sanguine qui in vasis vmbilicalibus, & secundinarum est conclusus: dummodò tamen intelligas, sanguinem post partum effusum illa laudabilem esse, & qualitate peccare, ut notauit Riolanus *lib. 1. physiolog. sect. 7. cap. 9.* & maximè in enixis sceminis, quia hæc pluribus abundant sordibus, & maiori expurgatione indigent, ut docuit Vallesius *lib. 3. epid. sect. 3. 14.* Ergo hæc retentio recens post partum, cum scæuora faciat mala, illis quæ à retento menstruo eueniunt, diuturna retentione erit periculiosior.

Sed obstat veneranda Hip. & abhinc post multa sæcula veluti per manus translata sententia, quam viua voce expressit *lib. 1. de morb. mulier. à n. 4. usque ad num. 13.* dum sic eloquitur. In tertius verò mensibus optimè afficietur, si quæ prius insunt progressa, fuerint deducta: sin minus mulier hæc patietur suffocationes alias, atque in ipsam irruet febris, ac horror, & lumborum dolor. In quartis magis affligetur, vrina erit multa, & crassa, venter fit durus, dentibus fremit, vigilat, cibum auersatur. In quintis si non descendant menstrua, dolor fortior accidit. In sextis incurabilis est, & dolor increseit, aderunt anxietas, animi defectus, pituita vomitus, suis fortis, ventris exustio, dolor in pube, febris acuta, vteri inflatio, dorsi dolor, animi deliquium, aphonia, morsus stomachi, iactatio, ardor, inquietudo, vmbilici, & inguinis dolor, vteri vlcera. Et si à sexto vense vitam ad octauum mensem producat mulier, in octauo emoritur. Hactenus diuinus Senex. Ex qua serie deducuntur hæc funesta mala, intolerabilia, calamitosa. Epilepsia, & apoplexia, grauissimi sanè morbi etiam comitari solent, quæ eò amplius solent exacerbari, & fieri scæuora, quò retentio menstruum magis est diuturna: cum enim spurcus hic sanguis, in utero tanquam in sentina omnis impuritatis coërcitus, retineatur, & non ventiletur, ob moram putrescit, & corrumpitur, in deterrimamque abit labem, & perniciem; & per venas, quas vterus grandissimas habet, ex *Gal. 6. epid. sect. 1. com. 2.* per nervos, quibus præditus est, & per arterias, tum spermaticas, tum hypogastricas, partes principes illicò conspuerec lue dira. Quæ mala non ita fera increfcere ex accisione retenti, nulli puto non manifestum. Lege acutissimum Duretum in *Coac. Hip. pranot. tract. de dorsi & lumborum affectibus, in com. sent. 19. in princip.*

Hoc confirmat Galenus lib. 6. de loc. affectus, cap. 5. dum sic dicit, Quod si longiori tempore menstrua supprimantur, nullamque Medicus adhibeat vacuationem, tumor aliquis in inguine interdum exoritur, ostendens nimirum ex internis partibus aliquam inflammata esse, &c. quæ mala ex recenti suppressione non oriri, ipse hoc loco inculcat: patet ex verbo (longiori tempore) quasi diuturna, & antiqua menstruorum retentio hæc exitalia mala promptius facere nata sit. Cum enim conetur natura extrudere peccantem humorem, cum ad inguina, velut ad partem viciniorem & debilem protrudit, qui abscessus viscerum internorum onus, incendiumque demonstrant, iuxta Senis oraculum, lib. 6. epid. sect. 2. text. 10. Abscessus veluti bubones, signum quidem sunt germina habentium, tum aliorum, tum præcipue viscerum: maligni autem sunt hi. In hunc sensum dicebat ipse lib. 4. aph. 5. Ex inguinum tumoribus omnes febres male, præter diariam: quoniam bubones febribus non diariis accedentes, morbum aliquem viscerum significant. Ergo ex longa mensium retentione non solum interna, sed externa mala, eaque periculosiora, quam ex recenti oriri solent.

Argumento verò de retentione menstrui à partu ita satisfaciendum est, nam non mouet multum. Retentio illa etsi videatur recens, antiqua tamen est: quoniam sanguis in utero diu retentus, si non vacuetur, cum sit vitiosus, copia premit, qualitate praua uterum conspurcat, & viscera interna maligna aura vehementer lancinat & ferit: fœtus enim dulcissimo sanguine nutritur, relinquens deteriorem, qui si à partu non vacuetur, multis malis fœminas corripit est necesse.

### QVÆSTIO III.

*Utrum extenuatis sit vena secanda, ut monuit Galenus.*

**E**xtenuatissima cum esset. ] Nequeo mihi temperare, quin hoc potissimum loco subnectam vtile, dubium, quod hanc intricatam historiam explanabit luculenter: nam interpretis officium solum circa orationes obscuras versatur, auctore Galeno lib. 1. epid. sect. 2. com. 5. 2. & 3. aph. in præfat. Mirum enim est, quo pacto Galenus, Medicus expertissimus, tam copiosam vacuationem, in muliere debili, & valde extenuata celebrare tentauerit, si fidem adhibere debemus Hippocrati lib. 2. aph. 7. dicenti, ex longo tempore extenuata corpora, potius esse reficienda, quam euacuanda: nam Galenus vehementer extenuatos plurima adiectione, & refectione indigere affirmat lib. 2. de naturalib. facult. cap. 6. morbi enim qui ex inanitione fiunt, curantur repletionem, ex Hip. lib. 2. aph. text. 2. 2. nam defectus indiget adiectione, ex Galen. lib. 1. aph. 17. quare Auicenna summopere vetat phlebotomiam in corporibus fortis maciei, 4. 1. cap. 20. hæc enim corpora, macore veluti confecta, illicò extracti sanguinis penuriam persentiscunt.

Hoc modo debiles, & extenuati sunt pertractandi; in iis enim præsidia vacuantia præscribi non debent, sed alimenta exhibenda concoctu facilia, nutriencia, minimè glutinosa, gratissimi & suauissimi gustus, quæ misicè imbelles vires reficiant, citissime alant, ventriculum roborent, facillè distribuuntur. Huiusmodi sunt, ubi febres non adest, lac caprinum tepens, ab vberibus extractum, & modico saccharo permixtum, oua recentia & tremula, vino odorifero, & rosacea irrorata, & saccharo albissimo respersa. Placentulæ præterea ex amygdalis, pectore capi, vel gallinæ benè cocto, saccharo, & aqua rosacea concinnatæ. Tenuissimæ veluti escharæ, membranulæ, ex albissima farina, ouorum vitellis, & saccharo compositæ. Pulpa capi in tenuissima frusta redacta, additisque foliis apij sariui, semine sicco coriandri, & pauco croco in globulos aggregata, qui lento igne cocti, atque cum ouorum vitello, & saccharo conditi, non indecenter nutriunt. Sed id maximè vinum præstat: nam teste Galen. 3. de temp. 2. & 2. aph. 18. vt assimiletur, mutationem desiderat minimam, quo fit, utrum nutrat, tum roborer celerrimè, præsertim si sit colore rubrum, liquore tenue, aut medio-

cre cum leui quadam acerbitate. Conueniunt electæ carnes in liberis locis nutritæ: nam quæ lacus, aut stagna sequuntur, vitari debent, ex Gal. lib. 7. meth. 6. & lib. 8. c. 2. alimentum enim præbent extenuatis corporibus laudabile, sanguinemque minimè vitiosum generant. Et cum partes solidæ ex morbi diuturnitate sint debiles, & languidæ, ciboque duriori coquendo non sint idoneæ, tunc liquida amplius offerenda, quoniam celerius distribuuntur, & promptè nutriunt: nam *facilius est impleri potu, quam cibo*, ex Hip. 2. aph. 11. & humidum alimentum ad reparandas vires optimum est. Quapropter extenuatos mirè reficiunt liquidi cibi, vt colatitia, contusa, expressa, distillata, intrita. Adhæc. Ori, & naribus, regioni cordis, orificioque ventriculi odorata ad spiritus instaurandos adiuuenda sunt: virium enim substantia, ex spiritu, carnosæ speciei, tum solidis ipsis completur, ex Gal. 11. meth. 3. Denique extenuati, graciles, non vacuantibus auxiliis, sed somno moderato, congrua exercitatione, & animi tranquillitate sunt gubernandi. Per somnum enim quiescente animali facultate, naturalis validior quam antea redditur, ope natiui caloris ad internas sedes collecti, quoniam exhausti per morbum spiritus reparantur, natiuus calor reficitur, humectatur totius corporis habitus, viscera munitis obeundis firmiora euadunt. Quamobrem extenuata corpora potius adiectionem postulant, quam detractionem.

Sed mirari desine: nam Galenus imitatur Hippocratem, quem, vt numen quoddam, semper fuisse veneratum gloriatur, & cuius edicta, veluti à Delphico tripode prædicente, ac prædiuinante esse asserta inculcat lib. 7. meth. C cap. 1. & lib. 9. eiusdem, c. 8. & lib. 1. de elem. 16. & lib. 1. de facult. natural. cap. 13. & lib. de theriac. ad Pison, cap. 28. & alibi passim (renuat licet Valleriola lib. 5. enarrat. 2.) Ille enim lib. 5. epid. num. 2. in Oeniadis virum tabescentem, & ab omni pharmacorum genere minimè adiutum, secta vena in utraque manu, vsquedum exanguis redderetur, ab extrema macie liberauit. Quotus enim quisque Medicus, vt prudenter notat Vallesius in eom. non abstinuisset à venæ sectione, ob virium imbecillitatem summam, quæ adesse videbatur, ob penuriam alimenti, & reliqua symptomata. Hoc modo Galenus lib. 5. meth. cap. 14. in phthisi sanguinem emittit, si sanguis sit limosus, vitiosus, & crassus.

Tantos auctores imitatur Beniuenius. lib. de abditis, c. 44. dum sic inquit. Anno integro remorantibus menstruis mulier ad summam deducta est maciem; & vena eius ob nimiam plenitudinem, nigriores facta admodum extendebantur; cumque nullum cibi genus desideraret, consequens fuit, vt totum tabesceret corpus: quare præsentaneum auxilium indicauimus sanguine emittere, qui cum primo die nigrior effluxisset, iubeo & altero id ipsi fieri, quo longè clariore manante, factum est, vt profluentibus dein mensibus, mulier qua per annum macie & tabe afficiebatur, idoneis tamè medicamentis resumpta, ad pristinam facillè redierit sanitatem. Hanc curationem opere ipso obseruauit Dodonæus in annotat. ad caput prædictum Beniuenij.

Enimuerò licet fœminam hanc extenuatam, & debilem phlebotomare vererentur Medici ob dictas causas; tamen cum extenuatio, & macies ex vitioso sanguine, nigro atrabilario, nutritioni minimè apto, in arteriis, & venis contento originem ducerent, iccirco cum oportuit vacuare, vt corpus eo detracto nutrirî inciperet, nam partes hunc reprobum succum non attrahunt, sed respuunt: quoniam quemadmodum homines, cibos nidore, aut alia mala qualitate infectos, ubi primum degustant, quamuis esuriant, ipsos renuunt, & extinguuntur in illis appetitus, vt docet Galenus lib. 6. epid. sect. 4. com. 26. sic partes non attrahunt nisi probum sanguinem, quo tanquam simili & familiari alimento nutriuntur, & crassescunt.

Auicenna autem, & cæteri auctores in extenuatis corporibus renuentes venæ sectionem, de macie orta ob defectum, ex sanguinis & spirituum penuria subortum, intelligendi sunt, quæ adiectione, non inanitione curatur, vt scitè docuit Galenus lib. 1. aph. 17. Hoc modo in hectigis, & aliis febribus marcidis, & tabificis reformidanda est

est venæ sectio, quia marcor hecticus ex inopia oritur, & A non à copia.

Insuper. Auicenna, sic exponente Gentili, fidiſſimo interprete in com. explicandus est etiam de macie, & gracilitate naturali, quæ plerumque calidam siccam temperaturam comitatur, cuius signum inter alia est carentia pinguedinis, vt docet Galenus in arte medic. c. 56. & lib. 2. de temp. cap. 4. & lib. 8. meth. cap. 2. & lib. 9. meth. c. 15. Si namque natura gracilis, temperatura autem calida sicca, maxime ex vacationibus offenditur, & c. & lib. 1. ad Glanc. c. 14. huiusce temperaturæ homines à venæ sectione arcer, ita vt venæ sectio in illis celebreretur cum præmeditatione multa; nam in iis non adest vitium robur, vt Galenus inquit lib. 10. & cap. 5. ad fin. quoniam propter caloris excessum, & pororum amplitudinem, & tenuitatem sanguinis & spirituum, promptissime resoluntur sanguine misſo, & animo linquuntur, & vix refici possunt. Quare ij parcè sunt vacuandi. Reliqui verò graciles, qui haud modica sanguinis copia redundant, ex Gal. in com. historia huius, quum vitiosi sanguinis copia abundant, liberalius sunt inaniendi.

#### QVÆSTIO IV.

*Vtrum in sanguinis missione iterata, prima vice sanguis sit copiosius extrahendus.*

**P**rimo die sesquilibrium detraxi. Iactatum apud Græcos inuenio in locis multis, aliquando celebrandam esse vacationem ad animi deliquium vsque, quam simultaneam Medici, & subito confertimque factam appellare consueuerunt; eamque exequendam docuere, quando vires sunt robustæ, morbus vehemens, & effluenscentis sanguinis copia in corpore inest: nam tunc vnica requiritur ad morbum celerrimè extirpandum vacuatio, cuius vi humor superabundans semel tantum & securè exhausti potest: sed si tutum id non fuerit, quia vires debiles sunt, parti & iterare vacationem conuenit, vt eam natura ferre possit. Hanc doctrinam palam fecit Galenus lib. de curand. rat. per sang. mis. c. 20. in hunc modum. Quapropter præstat, nisi quid urgeat, priori missione minus detrabere, iterumque eam repetere, immò, si lubet, & tertio. Vbi verò multa vacatione est opus, verum vires sunt imbecilliores, in his vacationem parti expedit, & c. Repetit lib. 10. meth. 9. quo loco quado vires debiles sunt, paulatim & iteratè euacuat. Similem citationem exercet lib. 5. meth. cap. 14. in acri ad pulmonem distillatione, quo loco minui primò sanguinem, & rursus reficiens ægrum, iterum sanguinem exhaurit. Sequitur Auicenna 4. 1. cap. 20. post princip. 5. Cum autem phlebotomia necessaria fuerit cū debilitate virtutis, causa febris, aut aliorum humorum, parti phlebotomiam, sicut prædiximus oportet, & c.

Sed perscrutandum, vtrum in hac partita, & iterata venæ sectione, prima vice liberalior sit celebranda vacuatio: nam Galenus hic, primò extraxit sesquilibrium, posttridie libram, tertio, non multo plus selibra. Hanc methodum opere ipso obseruat lib. de curand. rat. per sang. mis. cap. 17. quo loco Oeconomo ciuis Romani oculorum inflammatione laboranti prima vice tres sanguinis libras extraxit, secunda verò vnā. Et in cap. 13. eiusdem libri, in pueris post 14. annum, prima venæsectione ad cotylam extrahit, deinde si vires permittant, dimidium adiicit. Approbatur Auicenna 4. 1. c. 20. 5. Et quacunque vice minoratio fiat, quantum possibile fuerit, & c. & paulò infra, syncopen timet ex iteratione copiosa, dicens: Multa præterea in secundatione euacuatio syncopen affert, & c. explanant Iacobus de partibus, Dinus, & Antonius Maria Bettus in com. luculenter. Nec dissuadet ratio, quia in initio morbi, humorum adest copia maior, & vires sunt magis liberales. Quare in sanguinis missione, prima vice copiosior vacuatio exercenda, siue euacuationis, siue reuulsionis gratia celebratur.

Sed maioris operis, & ingenij est, speculari quo pacto intelligendus sit Galenus lib. 4. de sanit. tuenda, cap. 10. qui huic omnino aduersam protulit sententiam, dum enim

phlegmonosæ lassitudinis medelam proposuit, iubet vt prima vice extrahatur sanguis, ita vt homo animi deliquium non incurrat; in secunda verò copiosius extrahere imperat, ita vt animi deliquium non formidetur. Sic enim ait antelignanus auctor. Optimum verò fuerit bis eodem die si fieri potest detrabere. Ac primùm quidem ita mittere expedit, vt animi defectum homo nō adeat: secundo verò ne defectus quidē ipse est formidandus; quippe qui priori detractioe resolutus est, secundam sustinere haud poterit: in hac verò, si quid tale homini incidat, facile renocabitur, & c. Vides arduam antinomiam, in qua ieiuna est lectio auctorum. Sed satisfaciendum est obiectæ auctoritati, in hunc modum: nam prima vice parcius sanguinem extrahit, secunda copiosius, quia cum medeatur lassitudini phlegmonosæ, in qua multa sanguinis quantitas in carnes, & corporis molem delata est, nec iam est multa humoris vacuandi quantitas in venis, meritò primà detractio parciore erit; altera verò copiosior, vt per eam vacuetur, & residuum plenitudinis vasorum, & id quod post primam detractioem ex carnibus in vasa remigrauit iam corruptum, cuius ratione copiosior detractio necessaria est.

#### HISTORIA II. GALENI, De menstrui suppressione.

Fœmina retentione menstrui laborans, neglecta phlebotomia, ob Erasistræorum incuriam, difficultate spirandi oborta, interiit.

**P**orrò mulierculam quandam, quæ viginti vniūque annorum ætatem agebat, ac ex menstrua purgationis retentione, faciem rubicundam obtinebat, tussiebaturque paululum, & difficulter spirabat, Medici Romani tantopere à vena sectione abhorrentes, curare adorti sunt. Primum quidem membra illius lancis vinculis leniter excipiebant, & in inedia exigere inebant, venam autem secare nolabant, nōque id facere volentes, prohibebant. Quia verò domesticis ipsius mulieris familiariter utebantur, & ætate me erant multò superiores, facile ipsis est habita fides. Ego quidem tunc temporis venæsectionē illis suadere non sum conatus, sed interrogari, num mihi per eos liceret sanguinem ad vias uteri, remediis, quæ hoc efficere possent, pronocare: quod cum illi promptè concessissent adij familiarem ipsius agrotā obstetricem, quam & exhortatus sum, vt usum illorum experiretur, verum illa remediis huiusmodi, tempore, quo factum id oportebat, usam fuisse se affirmabat, quando scilicet menstrua purgatio futura in expectatione erat, recitabatque remedia ordine, quæ mulieri obtulisset, & hæc quidem commoda alioqui erant, eamque ob rem quo minus efficacia fuissent, nequaquam illorum imbecillitate factum esse videbatur. Postquam igitur ego ita percepissem, simulque à retentione sanguinis quartū iam mensem præterisse animaduertissem, denuò cum Medicis illis cōgressus, vt ad venæsectionem se conuerterent, persuadere eis conabar. Quū autem id facere noluisſent, illorū animū demirabar, maximeque quia eniterentur, vt omni conatu apertis circa uterum venis quàm plurimis, sanguinem superfluum illinc vacuaret: si verò alia quæpiam vena sacaretur, noxiam ex eo vacationem euenturam arbitrarentur. At respondentibus, quod vel absque rati auxiliij præsentia sanguis exuperans sola inedia vacuari posset, taciturnus discedebā, nihil bonæ spei de muliere propter tussim, ac spirandi difficultatē concipiens. Aut enim rupto vase, ipsam ex thorace, pulmonēque sanguinem spūto eiecturā, aut synanche, vel\* laterali inflammatione, vel peripneumonia correptum iri præmeditabar, optabamque voris omnibus, velut in delectu malorum fieri cōtingit, vt mulier laterali saltē inflammatione corripereetur: incutiebat quippe mihi terrorem tū acuitas periculi, quod ex synanche, peripneumoniæque subitura esset, tum ex ruptione vasis in pulmone lethale nocumentū, id quod postea re ipsa est subsequutum. Dum enim illa vehementius tussiret, sanguis etiam vnā extrorsum ferebatur. Atque etiam vulgares non parum Medicos obiurgabant: quod illi mulierculæ



muliercula venam incidere vetuissent, sperabantque omnino futurum, ut etiam si id prius non fecerint, hoc tamen tempore verecundia ducti, quod prefati auxilii concederent. Ceterum cum hi neque tum quicquam commoverentur, sed potius vincula membrorum fortius adstringerent, inberentque vterum remediis irritare, ac mulierem in edias sustinere: ego ob aetatem, & celebre nomen virorum, nihil me amplius profecturum credens, illinc discessi. Mulier quoque ipsa non ita multo tempore interiecto, insanabili spiracionis difficultate correpta interiit, &c. Gal. lib. de venæsect. aduersus Erasistratos, cap. 1.

## PARAPHRASIS.

Erasistratum venæsectionis infensissimum hostem in hac historia euidentissimis rationibus redarguit Galenus, & absurdissimam eius opinionem, humano generi perniciosissimam, appositis in medium historiis conuellit, & ex consequenti Medicos Erasistratos, Erasistrati disciplina falsa imbutos vihementer refellit. Cum enim, inquit, Romam venissem, incidi in Medicos quosdam, qui à venæsectione tantopere abhorrebant, ut quum aliquando ager quispiam propter plenitudinem præsocaretur, ne tum quidem hoc auxilio uti vellent, &c.

Sic & mulierem hanc iuuenem, summa sanguinis recenti plenitudine laborantem phlebotomare non audebant: cum enim sanguis menstruus retentus ad superas partes restagnans rursus moueret, timor erat ne rupto vase per os cruorem excerneret, & sequeretur phthisis iuxta oraculum Senis lib. 7. aph. 16. aut alia horrenda vitia subsequerentur, quæ ex huius spontini sanguinis fluxu suppresso-originem ducunt, quæ ad viuum expressit Hippocrates lib. de virgin. morb. num. 1. 2. & 3. & refert in hoc capite Galenus.

Ut ergo menstrua prouocarentur, lancis vinculis utebantur, & hæmagogis, aliisque medicamentis, sanguinem ad vterum auocare conabantur, reuuentes phlebotomiam, quum hæc facile, tuto, & celeriter sanguinis copiam, vacuatis vteri venis promptissime demat. Sic mortua est Ancilla Chienfis, & neglecta phlebotomia ab eodem Erasistrato interfecta. Sic Crito vitam cum morte commutauit angina oppressus, apud Galenum lib. aduersus Erasistratos, cap. 3.

Quid ergo absurdius dici potest, quam velle sanguinem redundantem in vtero, & ex hoc ad superas partes regurgitantem inedia solaminuere, quum hæc mentes reprimat. Est textus eximius ad ipsū loco nuper citato, ex quo patebit manifestè, quam falsa sit, perfida, & insolens horum medicastrosum præpostera curatio, qui licet fama essent insignes, re tamen, & opere erant inscij, impudentes, præcipites, temerarij, qui Galenum neglexerunt rectorem, in locis multis. Audi ergo ipsum sic loquentem. Sed è diverso si quis vena secta in ediam sustinere imperauerit, non solum menses prius fluentes cohibebit, verum etiam purgationes, quæ iam inculparè euacuabantur, reprimet. Sanguis enim ciborum inopia arefit, & seipso crassior, ac densior efficitur, & ad fluendam euadit ineptus, &c. Adde quòd ob inediam natura in transmittendo sanguine fit auara. Sed pigeat pluribus hos alios, ceu lapidem verberare; nam citius sentiet tardus bos admotos stimulos, quam isti amplectantur salubria documenta: quare hos lethiferos Cerberos cum sua inscitia relinquamus, quorum Agyrrarum supersticiosos mores vberimè instruant Ioannes Freitagus in suis notis. Medicis, tract. de abusu medicina, ferè per totum: & Benedictus à Castro, Medicus eximius Hamburgensis, in suo flagello calumniarum, luculenter & doctè.

Sed circa historiæ explicationem percontaberis, cur spectatæ fidei auctor Galenus, fœminam hanc rubicundam esse dicat, si illæ quibus desunt menstrua, pallidæ esse solent, decolores, & subalbidae, & maxime si per plures menses menstrua supprimantur, ut huic contigit Rembertus Dodonæus in com. cap. 44. Beniuen. de abdiis, responder hoc modo, quod licet verum sit, frequenter fœminas suppressione menstrui laborantes, recurrente sanguine ad superas sedes, & mole sua hepar, officinâque

A coctionis opprimente, & debilitante, flaccidâque reddita sanguificandi vi in opere, & sic copia aquosi sanguinis regenita, pallido & subalbido colore infici, quum antea roleo genarum, labiorumque perfunderentur; quare febris hæc ex menstruo retento concitata, dicitur alba à Langio lib. 1. epist. 21. Mercato lib. 2. de morb. mulier. cap. 6. & ab aliis Icterus albus nuncupatur: Rarum tamen est has rubicundas esse, quòd affectus ex magna obstructione pronatus frigidus sit, & ob hoc, crudi, frigidique humores suborti, cum fluxiles sint & tenuissimi, cutaneas partes penetrant, & cutis tingitur albo colore. Sed hæc solutio mihi non attridet, nam vulgaris est, & commune sanè refugium ad omnia veterum oracula exponenda, quum appositè adaptetur cunctis: proinde nos accuratorem multò iudicamus, fœminas non menstruantibus albo colore, aut terro vexari, quando ob pituitosi, aut melancholici humoris copiam menstrua supprimuntur: aliter verò accidere comperimus, quum ob sanguinis plenitudinem supprimuntur, tunc enim corporis tensio, grauitas, & totius corporis rubor apparent. Hoc ita esse, præter Aëtium tetrab. 4. ferm. 4. cap. 57. de iis quæ ob plenitudinem non purgantur, firmant Mercurialis lib. 4. de morb. mulier. cap. 1. de signis menstrua purgationis suppressæ ob calidam causam. §. Aderit color corporis rubens, &c. & Mercato lib. 1. de com. mulier. affectionib. c. 9. §. Sic primò vniuersum corpus huic affectioni consentire dignoscet ex signis plenitudinis, quibus corpulèrior, pulchrior, rubicundiorque fœmina apparet, &c. nam color similis efflorescit humoribus in corpore superabundantibus, ex Gal. 1. aph. 2. & apud Hipp. & Gal. lib. 6. epid. sect. 5. text. 4. color ruber à sanguine oritur: & maxime in hac fœmina iuencula, & copioso sanguine plena.

Satis superque opinor, demonstratum ex iis quæ diximus, in quibus fœminis menstrua purgatio retenta, cutis pallorem, aut ruborem inducat. Nunc operæpretium me facturum arbitror, si inquiram, quæ fuerint illa auxilia quæ ab obstetrice celebrata, menstrua prouocent, attrahendo sanguinem ad vterum: nam ea Galenus subicit. Dic fuisse crurum lauacra, ligaturas, vincula, frictiones validas, quæ dolorem concitant, irritant naturam, & sanguinem ad vterum conuocant. Sed cum vocata esset obstetrix, quæ dicta administraret auxilia, suspicor pessaria fuisse imposita: licet enim apud Galenum lib. 5. aph. 62. munus præcipuum obstetricum sit, apta ad liberorum procreationem corpora conciliare, & partibus iuuantis operam præstare; tamen eis aliud officium concedit lib. 14. de usu part. cap. 5. & 3. de natural. facult. cap. 3. ut scilicet locis muliebribus applicent vnguenta, vel pessulos: est autem pessulus, auctore Paulo lib. 7. cap. 24. lana carpta ad formam magni digiti rotunda, in qua medicamenta excipiuntur, ac genitalibus mulierum induntur. Horum tres generales differentie existunt: nam emolliunt quidam, alij adstringunt, aperiunt alij. His utimur, quando suppressam vacationem irritare statuimus, aut vuluam conuinentem, compressamue emendare. Quæ in pessis, inquit Galenus lib. 5. de simpl. medic. facult. cap. 20. aut fomentis, aut quouis modo simili, vuluæ admoventur, ea duplici ratione agere consueverunt; nam alia calefaciendo duntaxat prouocant, alia facultatibus attractoriis, & purgatoriis, quas demonstrauimus, trahendorum familiaritate peragere, &c. & lib. 5. aph. 36. Et suppositiij pessi eandem cum eo vim habentes, &c.

Præparantur pessi multis modis: primò ex liquore aliquo glandis forma, melle, aut cera coacto. Fieri quoque possunt ex melle, artemisia, dictamno, brassica, porro, succo rutæ, scammonio, euphorbio, rubia, felle, nigella, puluere radicis ireos, capparum, aristolochiæ, calamintha, trochiscis de myrrha, styrace, ladano, galbano, sagapeno, ammoniaco, bdellio, asaro, agarico, cinnamomo, castorio, pulpa colocynthidis, & aliis, additis theriaca, moscho odorato, succo Mercurialis, aut terebinthina.

Pessos lineæ obuolues tenui, ut vterus vires medicamento suscipiat, mordacitatem tamen minimè degustet, ob quam causam filo ligari solent, neque sinenda vltra horam ibidem morari; postquam, ad retundendam,

acrimoniam ex calidiorum medicamentorum usu contrariam, necesse est vterum ablueri iis quæ mordacitatem contemperant, vt decocto maluarum, lacte, aut sero eius, hordeie cremore. Ex iis medicamentis parari possunt nascalia, gossypio, lana, cera, resina, aut ficu aliqua exceptis, & pudendi osculo adhibitis. Similiter vterini clysteres conficiuntur. Differunt tamen nascalia à pessis, quod hæc in vteri collum penitus sese inferunt, illa verò tantum os vulvæ attingunt. Si verò plura de modo conficiendi pessulos, & eorum materia scire aues, Consule eruditissimum Ioan. Renodæum. *lib. 5. Instit. pharmaceutic. cap. 2.*

Quare quis non magnopere mirabitur, cur hi stupidi medicastri citra vniuersale venæsectionis auxilium, quod copiam demit citò, celeriter, & securè, hæc tam fortia, & calida medicamenta vtero indere sibi persuaferint: nam præter quam quod foeminam hanc iuuenem, annum vnum & viginti natam, plus consueto rubicundam, solita mensium vacuatione destitutam, sanguine plenam, corporis gravitate, plenitudinèque summa laborantem, concitato calore, & ferno iis vtero admotis exagitabant, plethoricum corpus in discrimen adducebant: nam attenuatus sanguis, calefactus, motus, & non vacuatus, suo calore, & copia ad superas partes restagnans; dira aptus est symptomata concitare.

Videamus vltimò, num errauerit Galenus, quum primum cum aliis Medicis congressus, sanguinis missionem non proposuit summè necessariam, immò à curatione abstinuit. Sed dum hæc animo contemplor, ipsum fuisse prudentem, & in artis operibus dexterrimum inuenio, cuius maturum iudicium commendo, & admiror: cum enim è Græcia Romam adueniret, morèsque Medicorum non exactè calleret, & iuuenis esset, vt retulit ipse *lib. 1. de articul. com. 23.* si cum senioribus, & celebrioris nominis Medicis acriter contendisset, eorumque errores carpere, & extirpare conatus esset, superbus statim, gloriosus, & arrogantæ plenus habitus fuisset: quas condiciones ille in Medico tantopere condemnat, in *lib. de subfigurat. empiric. cap. 13.* & licet sciret Medicum iuuenem, doctum, & in præceptis artis optime instructum, seni indocto esse præferendum; quum tamen non ignoraret plebem senecturi multum tribuere, illos vtpote senes, ætate graues, nomine celebres, & ægotanti familiares redarguere noluit, quoniam sciebat certò illis ægram magis obtemperaturam (nam ægri familiaribus amplius obediunt, ex ipso *lib. 2. de officin. medic. com. 2.*) Sed neque ob hoc suo defuit officio: quoniam iterum commendata venæsectione, eaque reiecta propter reluctantium adhuc magis Medicorum votum, à cura honorificè discessit: quia non multo post tempore, mulier difficili spiratione correpta occubuit: & eò magis, sequutus Hipp. *3. de art. sect. 37.* qui nullum calumniatoribus ignorantibus præbendum esse responsum admonuit; quia turpe esse retur apud stultum vulgus, sine profectu multa verba facere, apud quod vel ipse Hippocrates ignarus est habitus, vt constat ex eo, *lib. 1. de articul. sect. 3.*

## QVÆSTIO V.

*Vtrum pleuritis orta ex menstruo retento, sit mitis, an periculosus affectus.*

### COMMENTARIUM

**L**ateralis saltem inflammatione corripereetur. [Ex mēstruo suppresso, ad partes superas regurgitante, letales, ac penè funestos morbos in omnibus nostri corporis partibus enasci, suprà est demonstratum. His frequentius, & maiore cum periculo partes spirituales vexari, ex hac causa pronatis. certa res est: nam vteri cum thorace magnus est consensus. Consentit cum corde, tum per arterias ipermaticas, tum hypogastricas; hinc cordis dolor, syncope, lipopsychia, palpiratio, aphonia, angor, respirationis & pulsus priuatio: ex sanguine enim menstruo eleuatur aura noxia, venefica, quæ innatum ignem veluti exoluit. Cum

mammis manifestam habet societatem, hinc tubercula, & carcinomata dira suboriuntur. Hunc consensum explicuit mirificè Galenus *lib. 14. de usu part. 4. & 8.* nam quibusdam mulieribus ad mammæ sanguis colligitur, ex Senis edicto *lib. 5. aph. 40.* & Brasauolus in *comm.* narrat se vidisse mulierem, è cuius vberibus fluebat sanguis lactis loco. Idem obseruarunt Paræus *lib. 23. cap. 52.* Amatus *lib. 2. centur. 21.* Cordæus *com. 6. lib. 1. de morb. mulieb. Hip.* sed quid mirum? nonne nutritus, refluentè ab vtero ad mammæ sanguine, supprimuntur menses? Refluxum à mammis ad vterum, celebri historia confirmauit Andreas Laurentius *lib. 7. de re anatomic. quæst. 11.* plurium puerperarum, quæ per vterum, & vesicam, maximam lactis copiam exercuere. Denique ex mammarum inspectione vteri affectus dignoscuntur, vnde Hipp. *lib. 6. epid. sect. 5. sect. 18.* sic dicit. *Si mammarum papilla, & quod in eis rubet, pallescat, morbosum est vas:* nomine autem vas vterum intelligit, qui Græcis dicitur conceptaculum. Insuper curatio affectuum vtriusque partis, sympathiam indicat: id docuit Hippoc. *lib. 5. aph. 50.* dicens: *si mulieri menstrua cohibere velis, cucurbitulam magnam ad mammæ apponito.* Denique ex mammarum inspectione, fœtus in vtero contenti, & ætas, & sexus, & sanitas demonstratur ab Hipp. in *lib. de natura pueri, num. 20. §.* Simul atque moueri cœperis fœtus, tunc sui notam lac exhibet matri; statim enim attolluntur mamma, turgentque papilla, &c. Hunc consensum elegantissimis exemplis firmatum legat qui velit, apud clarissimum Duretum in *Coac. in appendice de vulneribus, ad com. sect. 44.* Vias huius communionis aperuit disertissimè idem Laurentius loco citato.

Ex hac doctrina fit manifestum, maximum esse consensum vteri cum spiritalibus partibus. Accedit, quòd velocissima illa thoracis dilatatione & compressione, copiosius conuocatur ad illas & citissimè sanguis retentus: ex qua causa, angina, tussis ferina, pulmonis inflammatio, & frequenter pleuritis oriri solent; nam pleura multo sanguine abundat, & infirma est, in locoque calido sita. Cor enim licet copia sanguinis redundet, ob robur, morborum generationi valde resistit; idè dicebat Arist. *3. de partib. animal. 4.* cor nullum graue vitium pati: nam cor, & iecur sicut valent facultate attractice, sic expultrice vigent, ex Galen. *lib. 3. de natural. facult. cap. 13.*

Sed cur Galenus omnium calculis doctissimus, inter mala retentioni menstrui facile ob dictum consensum superuenientia, tussim nempe, respirationis difficultatem, anginam, sputum sanguinis, peripneumoniam, lateris inflammationem minùs timendam, & sic potius oprandam constituerit, meritò quis non incuriosus inquireret, si pleuritis est morbus acutus, & sæuitie sua citissimè interficiet? Sic enim ait Hipp. *lib. 1. acut. 8.* *Maximè verò laudauero Medicum, qui in morbis acutis, vi quorum plurimi hominum enecantur, insigniter præ cæteris melius procedat: sunt igitur hi acuti morbi, quos prisce nominatim perstrinxerunt: pleuritis, &c.* Deinde pleuritis lætos nò habet exitus, imò funestos, lethales, ex Hipp. *5. aph. 8.* *Quicumque enim, inquit, morbo laterali laborantes in quatuordecim diebus non repurgantur, ij ad suppurationem vertuntur.* Et suppuratione qui corripuntur ferè intereunt, ex Hipp. *2. prog. 63. & 69.* quia *si in quadraginta diebus non repurgantur, ad rabem transeunt,* ex Hipp. *5. aph. 15.* & phthisi vexantur, pulmone exulcerationem contrahente, ex Paulo *lib. 3. cap. 33.* Insuper Galenus *lib. 1. aph. 12.* & *lib. 1. de crisib. cap. 6. & 7.* morbum lateralem crudelissimum vocat, in quo nihil expuitur: repetit in *lib. de constit. art. medic. cap. 16.* & si excernatur nigrum, erit exitiale, ex Galen. *locus citatis.* perniciosissimus enim est humor melancholicus præpollens, nam assantis caliditatis index est; quare conquiritur ægrè, difficilè expurgatur, & sic valde erodit, & maximè si pulsus nimia accedat durities, cum qua vix fuit seruatus vllus, ex Galen. *lib. 4. de prasag. ex pulsib. cap. 5.* *quæ, si cum debili facultate fuerit coniuncta, inuisibile periculum portendit: si cum firma, aut tardè concoquetur, aut ad suppurationem deflectit, aut tabidus excipiet marcor,*

ex Gal. lib. de pulfib. ad tyrones, cap. 11. & lib. de caus. pul. 8. A  
Ultimò. Pleuritis in phrenitidem terminatur, ex Galen.  
lib. 6. epid. sect. 6. comm. 11. & sententia 9. eiusd. loci, Phre-  
nitidis autem cum sit inflammatio cerebri, aut membrana-  
rum eius, ex Galen. 2. de caus. sympt. cap. ultim. acutissimus  
affectus est, & maximè exitialis, ex Galen. lib. 1. epid. sect. 3.  
comm. 1. post princip. præsertim si languidis accidat, ex  
Gal. lib. 1. prorrh. sect. 1. com. 8. nam in inflammationibus  
internis una salus, est virium robur, auctore Magistro lib.  
10. meth. cap. 5. Denique pleuritis transmutatur in peri-  
pneumoniam, ex Hipp. lib. 7. aph. 11. quæ inflammatio  
quàm sit periculosa, nemo non videt. Prætermitto pleuri-  
tidem pestilentem, malignam, contagiosam, cuius sæuicie  
plures perire, auctorum testimoniis constat abundè; de  
cuius ortu, causa, & curatione latè disceperunt VVierus, B  
lib. rarum observationum, Andreas Gallus lib. 4. fasciculi de  
peste, & expertissimus Dodonæus in lib. obs. medic. cap. 21.  
Si ergo pleuritis periculosissimus est affectus, & tussis, re-  
spirationisque difficultate perniciosior, cur illam, & non  
hos morbos ex menstrua retentione subortos potius  
exoprat?

Sed hæc diligenter, ac seridè examinanda: ni enim Ga-  
lenum loquutum de pleuritide, in qua cruentum sputum  
excernitur, quæ omnium mitissima est, & facta collatione  
ad cæteros morbos dictos est securior, interpretemur,  
quo pacto eum tueri queamus, haud facilè intueor: hæc  
enim pleuritis in qua sputum exit rubrum, est leuissima,  
vtpote à sanguine generata, qui omnium humorum cum  
sit benignissimus, ac concoctus facillimus, pleuritidem  
committit minimè perniciosam, adedò ut fomentis solis C  
sit curanda, ex præscripto Hipp. 2. acut. 1. & citra venæ-  
sectionem sit tractanda. Extat elegans historia Galeni lib.  
6. epid. sect. 3. com. ult. ægroti, qui cruentum, ob lateris do-  
lorem expuebat, quem citra venæsectionem perlanauit,  
dicens. Sed cum morbus lateris mitis admodum foret, necesse  
non fuit ad venæsectionem accedere, &c. & infra sic inquit.  
Mitissimi enim sunt lateris morbi, in quibus cruenta sputa  
eiiciuntur, &c. De quo argumento lege eruditum Castren-  
sem tract. de complexu morbor. cap. 22. & nos de eodem ex  
professo agitauimus, ex veterum, & Nouatorum mente,  
in lib. 2. in com. histor. 22. Quo autem modo pleuritis ex  
menstruo retento pronata, vel actu fluentibus lochiis, in-  
tra carceres purgationis, per venæsectionem sit curanda,  
explicat perdoctus Moxius lib. 3. de curandis morbis mu-  
liebribus acutis per venæsectionem, c. 46. & nos lib. 1. in com.  
hist. 77. satis explicuimus.

### HISTORIA III. GALENI, De menstrui retentione.

Fœmina ex retento menstruo febricitans,  
spreta phlebotomia, hæmorrhagia  
sanatur.

H Os etiam insequuta est mulier, numero quarta, quam  
illi venæsectionis hostes, retentione mēstruæ purgationis  
non pauco tempore grauata, eodem pacto ad interitum ferè  
pertraxerant. Nam primis tribus diebus ipsam in inedia con-  
seruabant, febris enim continua laborabat. Quarta verò luce  
pauillum quid sorbitionis exhibentes, quintam sine cibis  
transigere iusserunt, in qua illa grauissime exacerbata, desi-  
piens prosiliebat, & clamore iam extra fores ab illa sublato,  
vix tandem ab his qui eò confluxerant, retineri potuit. Verum  
hanc natura\* copioso sanguine ex naribus effuso seruaui, &  
dabatur occasio, qua non sine admiratione discere poteramus,  
quantam habeat facultatem ad huiusmodi affectuum mede-  
lam ipsa sanguinis subtractio: max enim post sanguinis  
è naribus eruptionem, mulier ab omnibus sympto-  
matibus libera euasit, &c. Galenus lib.  
de venæsectione aduersus Era-  
stratos, cap. 1.

\* \*

Verò sanguinis è naribus profluuium, menstrui  
retentioni superueniens, utile sit: ut  
fatur Hippocrates.

### PARAPHRASIS.

C Opio sanguine è naribus effuso seruaui.] Inter pluri-  
mas de hoc argumento quæstiones, ingerit sese quæ-  
dam scitu non indigna, quam sigillatim ac curiosè, con-  
tentèque siquis ventilare curet, vix reperietur finis vllus:  
cum de ea Galenus, ditissimus Medicinæ Oceanus, tam  
multa variis locis literis commendat. In actiuosa enim  
Medicina quotidiano experimento medentium comper-  
tum est, fœminas, quibus retenta sunt menstrua, aut post  
partum lochia non ritè excernuntur, regurgitante sangui-  
ne ad partes superas, hæmorrhagiam pati copiosam. Hoc  
euentu intricati Medici, sanguinem exhaurire conantur  
sectis poplitis venis, ut superabundantem sanguinis co-  
piam ad vterum, ceu ad originis fluxionem conuocare  
queant: nam reuellendus est humor, si quò non oportet,  
vergat, ex Hippocratis præscripto lib. 6. epid. sect. 2.  
text. 11. & eò magis vacuationem hanc reprobam, &  
noxiam esse rentur, quia non est per conuenientem re-  
gionem: nempe vterum celebrata; in suâque opinione  
pertinaciter insistant, quoniam per sanguinis è naribus  
profluuium, exit sanguis tenuis, per capillares venas,  
exiguosque ductus veluti transcolatus; ac sanguis men-  
struus retentus crassus est, viscidus, lentus, & tenaciter va-  
sis impactus, ut lib. 4. aph. 28. & alibi passim docuit Ma-  
gister. Quare in morbis solùm à calido, tenuique humore  
subortis, hæmorrhagia utilis est. Hoc modo neque le-  
thargus, neque peripneumonia fluxu sanguinis è naribus  
soluuntur, ex Gal. 3. cris. 3. nam hi morbi ferè à crassis hu-  
moribus oriuntur, & pituitosis, ex Galen. 3. meth. cap. 21.  
Vnde Auic. 1. 3. tract. 4. cap. 10. de peripneumonia sic di-  
cit. Et fluxus sanguinis narium in ea non confert, sicut in  
pleuritide, propter diuersitatem duarum materialium, &c. id  
est, quia in peripneumonia humor crassus est, & pituito-  
sus, ac proinde diuersus ab humore excitante pleuritidem,  
qui tenuior est, ex Galen. 6. aph. 33. Quare phrenitis hæ-  
morrhagia soluitur, apud Gal. lib. de crisib. nam tenuis hu-  
mor, acris, & calidus ora venarum referare est aptus. Qua-  
propter si humor crassus in lethargo, aut peripneumo-  
nia, licet sit propinquior venis narium, non excitat hæ-  
morrhagiam, cur in vtero, tanquam in parte distanti fir-  
matus, cum sit grauis, sursum ascendere poterit? Erit ergo  
reproba vacuatio hæc, si menstrua purgationi superue-  
niat; nam illa morbis acutis est propria, qui sanguinis è  
naribus profluuium iudicantur.

Per hæmorrhagiam autem vniuersum corpus exputga-  
ri, & grauissimorum virorum auctoritas, & experientia  
ipsa fidem facit. Multos acuto morbo laborantes, & re-  
tentione menstrua fœminas vexatas, & ob lochia suppres-  
sa grauissimis morbis post partum implicitas, perfectè sa-  
natas hæmorrhagia obseruauimus, in quarum curatione  
Medici temeritate ducti, è talo cruorem, contra Magistri  
mentem, exhaurire tentabant. Negamus enim solum  
sanguinem tenuem, & veluti transcolatum per nares ef-  
fundi, sed crassum, & limosum excerni acriter contendimus,  
cui cum sit biliosus humoris portio permixta, huius  
ope irritat, & copia sua efferuescens, & turgens vasa di-  
stendit, & aperit.

Hanc sententiam vnico oraculo complexus est Me-  
dicinæ phœnix lib. 5. aph. 33. dicens. Menstruis deficien-  
tibus, sanguis è naribus fluens, bonum. Addit solers specu-  
lator in com. quoniam facta per nares euacuatio innoxia est,  
& per hanc partem sanguis vacuatus omnem corporis tollit  
laxationem. Hoc ita esse, historia in medium allata confirmat  
Gal. in presenti.

Venæ ferentes ad vterum menstrua purgationem,  
comprimuntur lentore, crassitie, & copia sanguinis & sic  
per eas obstructas, & infarctas sanguis transire nequit.  
Nam à Galen. 3. de caus. sympt. cap. 4. octo suppressionis  
P p 2 mensium

menstruum causæ assignantur, quarum prima est vteri soliditas, atque durities. Secunda, vitiosa venarum angustia à prima conformatione. Tertia, nimia vasorum compressio à corporibus adiacentibus, ob eorum crassitiem oborta, quam Galenus superiori respondere innuit. Quarta, vteri intemperies. Quinta, excreti sanguinis crassities, ac lentor. Sexta, vasorum vteri obstructio ab humoribus viscidis, & crassis originem ducens. Septimam, vniuersi habitus causam definit Galenus, aut quia ob multas exercitationes, aut victus tenuitatem inanitur corpus, & aliò humores repunt. Vltimum præscribit naturalium facultatum robur, præ quo menstruus sanguis ad alias ab vtero partes transmittitur. Cæteræ verò causæ siquæ sunt suppressionis menstrui, ad alias possunt reduci.

Has causas Gal. lib. 5. aph. 57. ad minorem reduxit numerum: prima ad contenti sanguinis refertur naturam, ut si frigidus, crassus, lentusque fuerit; reliquæ tres sub occlusionem, obstructionem, & conuiuentia comprehenduntur; sub quibus & substantiæ densitas, & vasorum vteri robur continentur. Si verò Dictator summus, tum lib. de natur. mulieb. num. 31. 36. 24. 36. 37. & lib. de sterilib. num. 1. & lib. de morb. mulieb. n. 3. tres tantum huius symptomatis signat causas, quas omnes in formationis vitio consistere putat, quarum prima est oris vteri occlusio, distortio, contractio, seu inuersio, hæ differentię sub quarta à Galeno proposita comprehenduntur.

Ex his omnibus causis frequentissima est tertia, quarta, quinta, in quibus sanguis crassus, lentus, multus in vteri vasis stabulans, obstruit, cum glutinosus sit, & pertinaciter adhæreat: nam hic viscidus humor si copia abundet, habet tres causas obstruendis vasis apertissimas relatas à Galeno lib. 11. meth. 13. nempe multitudinem, crassitiem, & lentorem, & sic foramina permeare nequit, imò facultati expultrici operanti resistens in vtero conculcatur, & recentus prohibitusque diffilari, putret, & febrem ardentem committit.

Hoc eleganti elogio demonstrat Gal. lib. 6. epid. sect. 1. com. 2. dum sic ait. *Inter omnes corporis partes, plurimas, grandissimæque venas vteri habent: quumque eos, aut menses, aut à partu purgamenta suppressa, aut phlegmone aliqua vitioque orta malè accipiunt, ipsos sanguine cõpleri necessum est. Quo deinde putrescente si febris excitetur, inter synchorum species ipsam connumerari opus est: nã id genus febriũ ex putrescente sanguine accendi ostensum est.* &c. Repetit 6. de loc. c. 5. dum enim symptomata narrat, quæ ad suppressos menses consequuntur, febres ardentes connumerat. Attamen febris non continuò comitatur suppressa menstrua, nisi retentio sit diuturna, & magna adsit obstructio, & hoc modo melius est interpretari Aëtium tetrah. 4. serm. 4. cap. 50. dicentem, *febres continuò comitari suppressa menstrua*, quàm respondere cum Mercuriali, lib. 4. de morb. mulier. cap. 1.

Cum ergo sanguis in hac scæmina ob nimiam plenitudinem in vteri vasis redundaret, quo minùs permeare liberè posset, quumque inedia imperata siccaretur magis, & crassesceret, denegata phlebotomia ad curationem tam necessaria, ad superas partes transuolans, & calentium vaporum vim haud paruum in caput transmisit, mentemque percellens, desipientiam peperit: nam crisim antecedunt symptomata horrenda, lata à Gal. 2. de crisib. c. 2. & lib. 1. de dieb. decretor. c. 1. Nam & anxietates, & vigilia, & dementia, & granes somni, & difficiles anhelitus, & hallucinationes, vertigines, & difficiles sensus, dolores capitis, colli, & stomachi, & multorum aliorum membrorum: nonnullis verò aurium sonitus, & vane ante oculos apparent imagines, & lachryma inuoluntaria effluunt, & vrina retinetur, & labrum inferius agitur, aut aliquid tremulũ sit, obliuio, & presentium ignorantia, & vehemens accidit rigor, & plurimum accessio consuetam anticipat horam, & multus æstus, sitisque intolerabilis sequitur, clamant, & saluunt sicuti furentes, neque possunt in eodem situ recumbere. Deinde repenti multus sudor erupit, aut vomitus aliquis non paucus insequitur, aut venter subito soluitur, aut abundans sit fluxus sanguinis, aut hæc omnia simul contingunt, unde non paruum inuadit timor aspicientes, &c. Hæc multò antea præmeditauerat Laconicus vir, breuitatè gaudens Hippocrates, lib. 2. aph. 13. dicens,

A *Quibus crisis futura est, iis nox gravis ante accessionem.*

Formina posita in agone tanto, ad maximæque angustias redacta, & abundantia summa venæ sectionis ope non deposita, natura medicatrix per alia loca sanguinem redundantem expellere tentauit. At cum quatuor sint viæ, per quas hæc plethora auersione amouetur, ut scitè notauit ingeniosissimus Heurnius in com. cit. sent. lib. 5. Aph. hæmorrhagia, vomitione, hæmorrhoidibus, & cruenta dysenteria. Vomitio periculo non vacat; nam sanguis si cunctetur in ventriculo, lipothymiam, cardiogramum, & mortè affert. Auerfio verò quæ fit per dysenteriam, reproba est, sicut illa quæ per hæmorrhoides celebratur; humor enim per has partes excurrens, sæpe mala scæua excitare solet. Sola quæ fit per nares auerfio, optima est, & innoxia; & ita natura menstruo sanguine onerata eam affectat, ut per hanc viam, & vnà per vterum sanguinem peccantem eliminet, cum commòdo summo, quod accidisse refert Hippocrates lib. 1. epid. sect. 2. text. 68. Detharsis filiz virginis, cui laboranti & menstrua purgatio, & simul largè è naribus sanguis profluxit, & vnà aliis post partum contigisse affirmat hæmorrhagiam, nullamque ex his mortuam fuisse, quibus bene, & pro multitudinis ratione sanguis è naribus effluxit.

Hæc vacuatio febres ardentes persanat, apud Hipp. 4. acut. 10. dum sic dicit. *Et si è naribus fluxerit sanguis, soluitur agriudo,* &c. Repetit lib. 1. epid. sect. 1. text. 9. Nam vtri his locis retulit Galenus. In acutis febribus quod ex sanguine feruet, ad caput fertur. Cum igitur rescissis, ruptisque venis, natura id ipsum vnà cum acervatis vaporibus effuderit, cæteris promptius denominatur, ac imperat. Nam nihil habet admirationis, si disrumpantur, & recludantur huius regionis vena à sanguine, qui sursum incitatus calore effertur, à quo necesse est ipsum inflari, rum referari venas, ac rumpi ob spiritus copiam, qui disrumpit vel vires, ac dolia, quum in musto effervescente accumulatur, &c. Hac commodissima vacuatione leuatur natura, quum superabundantem sanguinem in vtero retentum per hanc regionem expellit, ut proprio exemplo probat Hildanus lib. 3. obseru. chirurgicar. 60. imperforatæ puellæ, quæ ob hanc causam suppresso menstruo, in tormina, lipothymiam, vertiginem, epilepsiam singulis mensibus incidebat, & non potente sanguine per clausum vterum emanare, ad superas partes restagnans, copiosè per nares erumpebat.

Quare hæc excretio, critica est, & febrem ardentem finit, ut constat ex historia virginis Larissæ lib. 3. epid. sect. 3. text. 83. & Metonis, lib. 1. eiusd. sect. 3. text. 24 qui ægri hæmorrhagia sunt indicati: & virginis, detracta copia ob largum sanguinis fluorem, post sudorem vniuersalem, menstrua eruperunt. Insuper sanguinis per nares effluuiò inflammationes soluantur interiores, ut ex plurimum mente auctorum firmanimus suprà. Quare cum hæc vacuatio menses retentos eximie suppleat, non solum vniuersalem, sed particularem plenitudinem demit.

Seruata autem est scæmina hæc, quoniam copiosum emanauit sanguinis effluuium: nam crisis facta per hanc regionem, cæterarum cricum instar debet esse effatu digna, ut lib. 3. cris. 2. & alibi passim Galenus confirmat. Hoc ita esse testatur disertissimus Senex lib. 1. epid. sect. 2. text. 63. dum sic profatur. *Febribus autem ardentibus hæc accidebant, quibus ritè, & largiter sanguis per nares erupit, ea de causa maximè seruabantur, nec vllum noui, si rectè erupisset, sanguis, in hoc statu quenquam emortuum.* Nam Philiscus, Epamenon, & Silenus, quibus parum quarto die, & quinto, è naribus stillauit, mortem obierunt, &c. Vallelius acutissimus sic ratiocinatur in com. Febres ardentes semper ferè solent asferre fluxum sanguinis è naribus, sanguine sursum lato præ calore, & admixta bile: & ea vacuatio in illis maximè prodest, quia ipsas venas, & arterias per se euacuat putrescente succo, & eo qui parauit est putrescere, & fetorem exinguit. Merito ergo seruabantur, quibus sanguis fluxit benè, decretoriè scil. & tempestinè: largiter, id est, pro multitudinis ratione, &c. Hoc modo intelligendus est Hipp. 4. aph. 74. dicens: quod si ex naribus sanguis effluxerit, breuis admodum morbi solutio sit. probat Gal. lib. eodem, aph. 25. & lib. de sectis, cap. 17.



Hæc omnia de copioso sanguinis effluvio sunt intelligenda: nam si lente parvèque sanguis è naribus emanat quolibet tempore inutilis habendus est, & nō modo morbum non soluit, nec minuit, sed malum portendit, & lethale ac perniciosum existimatur. Nam vacuatio si exigua fuerit, pessima est; quo pacto stilla sanguinis est prava: sic enim habet Gal. lib. 2. *prorrhetic.* 47. dum Hippocratem exponens, sic inquit. *Externi pauca in agris unum quoddam ex signis est, quæ ex toto pravitatem habent, siue sanguis per nares excernatur, siue quopiam alio modo superfluum expellatur. Nihil enim eorum, quæ decretoria sunt, exigue secerni convenit; sed quæ ita euacuantur, omnia duorum alterum subeunt, nam vel quod non queant tolerari ob copiam, ab affectis partibus effunduntur, vel imbecillitatem natura ostendunt, quæ proponit quidē superflua expellere, sed nequit, &c.* nam narium stilla, perniciosum signum, maxime in febribus ardentibus, quibus esse perniciosissimū patet, siquidē eis est familiarissimum, sanguinis profluvium, auctore Magistro lib. 1. *epid. sect.* 2. *com.* 75. refert lib. 1. *prorrh.* 1. stilla ergo est de numero signorum, quæ sunt decretoria non decerpentia, quæ aut lethalia sunt, aut difficilis indicationis, auctore Hipp. lib. 2. *epid. sect.* 1. *post princip.* Sanguinis ergo stilla mala est, quocunque colore prædita sit: meri autem, hoc est, atrii coloris pessima, ut de Philisco scribit Hippocrates lib. 1. *epid. sect.* 3. *text.* 18. & lib. 3. *eiusdem, sect.* 1. *com.* 26. firmat Galenus; nam sicuti vrina nigra, & pauca in febre ardente, ex bilioso adusto humore ortum ducit, ita ab intenso calore omnis ex sanguine humor in stilla torretur atque assatur. Num autem stilla in diebus paribus, an imparibus apparens sit perniciosior, Galenus explicat in *com. Hipp. lib. 1. prorrh.* *text.* 1. dicentis, *stillatio è naribus perniciosissima, tum aliis, tum si quarto die caperit: repetit lib. 3. prorrh.* *com.* 32. De quo argumento pulchra prædixit Duretus in *com. sent.* 2. *cap.* 13. lib. 2. *Coar. prænot.* Hipp. quo loco superstillationem malam iudicat cum Hipp. ibi, si stilla bis fiat, & redeat: nam quò sapius frustra proritur natura, eo peius est agro.

Quapropter ut finem huius dubitationis optatum consequamur, concludamus cum Hip. Sanguinis è naribus profluvium in internis inflammationibus, febribus ardentibus, & in menstribus suppressis esse opimum, & ad bonum indicare posse; cæterarum vacationum instar, quæ, si benè exeunt, perfectè iudicare solent. Ex iis apparet, quàm falso fundamento nixa sit Fernelij opinio, qui lib. 2. *de venæsectione. cap.* 8. inanis gloriæ aucupio allectus, putat hanc vacationem licet criticam, salubrem non esse: cuius tela euertere conati sunt ante me, viri in palæstra literaria versatissimi, Christophorus à Vega, & Ioannes Brauns in *com. sent.* 32. lib. 2. *Aph.* Cur verò à facundissima priscorum mente, & frequenti experimento sic recedat, contra eum exaravimus plura lib. 1. in *com. histor.* 64. Interim lege Laurentium lib. 1. *de dieb. critic.* *cap.* 13.

Ex iis facile erit aduersas rationes demoliri. nam vacuatio hæc cum innoxia sit, per convenientem regionem celebratur; licet enim natura sanguinem menstruum per varia loca eliminet vtiliter, per oculos, os, aures urinam, sedem, verum mammillas, digitos, ut variis exemplis confirmat Marcellus Donatus, lib. 4. *de medica historia mirabili.* *cap.* 19. & Schenckius lib. 4. *obs. tit. de menstribus purgatione*, & nos per gingivas, inguina, umbilicum, menstribus erumpentia conspeximus, lib. 2. *de praxi admiranda.* *obs.* 100. 101. & 102. tamen per nares frequentissimè ipsum euacuat, ut proprio exemplo proponunt Musa lib. 4. *aph.* 25. & lib. 5. in *aph.* 32. Paræus lib. 23. *cap.* 52. Amatus lib. 2. *centur.* 17. quæ vacatione & corpus à morbis præservat; & si fortè hi opprimant, eos, excreto sanguine per nares, maximo cum ægotantium commodo perianat.

Neque tibi mirum videatur, naturam per partem superam menstruum excreuisse sanguinem, ut foeminam hanc tantis malis oblitam à graui perniciæ liberaret, qui licet suapte natura sit crassus & lentus, suoque pondere ad imas vergat corporis partes; tamen quod feruet, & ebullit, cum sit tenue, in superas regiones detrudit sagacissima natura, maxime cum uterus cum capite plurimum ob-

Lib. III.

tineat consensum, quum hoc sit rectum domus calidæ, ex Gal. lib. 9. *de usu part.* *cap.* 1. quare superabundantem sanguinem per narium venas expellere satagit natura nostra, quum sit docta, sola sibi sufficiat, sitque morborum medicatrix, & vel per ossis medullarum peccantem humorem expellat in animantis commodum auctore Galeno lib. 7. *aph.* 54. præsertim si vires validæ sint, quæ ex ipso lib. 10. *meth.* 4. omnia contemnunt, & tolerant: sæpe enim expertus sum, robustas grauidas plenitudinis morbo vexatas, hæmorrhagia excitata, à magnis morbis superstites evasisse.

Quapropter morbi ex suppressis menstribus orti, sanguine per nares effuso curantur: si verò natura hanc vacationem per hanc, vel aliam regionem non moliatur, vel pigre & diminutè se gerat, quid faciendum, nisi aperto vale ad eius imitationem cruorem exhaustire, maxime si febris adsit, quæ præsentē saluberrimum semper est sanguinem extrahere, ut oraculo quodam prædixit Galen. lib. 11. *meth.* *cap.* 15. & omnes postea felici experimento confirmarunt, nisi sint Erasistratæ, Tiresia cæciores, qui aut stupiditate, vel maledicentia ducti contra Hippocratem, operum artis exploratorem sedulum, multa blaterent, & effutiant. Sagax namque natura & docta, terrestre corpus humanum conglomeravit harmonia summa, prudens architecta capacissimos construxit riuos, fontes non exiguos, cœn vias secretiores formavit, quorum omnium beneficio vniuersa humani corporis structura fecundaretur irrigua. Hos canales conspicuos, purissimo sanguine, velut dulcissimo nectare replevit, quo partes omnes fruerentur ad libitum, & per eosdem, si fortè à salubri statu liberetur corpus, imperante Medico incisos, ab omni pariter morbo apparatu vindicaretur. His ergo, artis ministerio, reſeratis, sanguinis saburram, ex qua iniuriæ plurimæ fatali quadam necessitate mortalibus contingunt, deponimus, & inutilium humorum sarcinam leuamus. Est igitur sanguinis missio auxiliorum omnium præstantissimum, efficax, præsentaneum, & multiplici rerum usu fecundissimum. Huius necessitatem opera naturæ satis confirmant; nam in vitroque sexu canales singulis mensibus reſerat, quibus typicè & securè sanguinis vberitatem excernit per uterum, sedem, nares commodissimè, ostendens quanti sit momenti sanguinem aperta vena effundere.

## HISTORIA IV. GALENI,

## De menstribus suppressione.

Fœminæ aqua frigidissima ex niue hausta  
menstrui retentione laborantes, vena  
secta tuto curantur.

Contigit enim cum vulgò mulieres aqua frigidissimā ex niue potarent, ut aut nullo pacto, aut prorsus diminutè purgarentur: hæc tamen Medici venæsectione ad eò incolumes conseruauerunt, ut neque sanguinē spuerent, neque laterali inflammatione, aut pulmonis, aut synanche caperentur, &c. Gal. 1. *de venæsectione aduersus Erasistratæos.* *cap.* 3. in med.

## PARAPHRASIS.

Galenus ut Erasistrati sequaces acriter reprehendit, quod puellæ Chienſi menstribus retentione laboranti, & ob hanc causam febricitanti, & sanguinē per os reiectanti, venam non secuiſſent, & superfluum sanguinem eo auxilij genere non vacuassent: nam solum totum negotium in absumendo sanguine in inedia positum esse arbitrabantur, quum ipsa non citò, neque celeriter sanguinem imminuere queat, prout morbi necessitas, ingensque plenitudo ex sanguine retento contracta efflagitant; inter alia argumenta, experimentum etiam adducit fœminarum Romæ degentium, quæ aquam niue refrigeratam cum potarent, nihil aut diminutè per menstribus vacationes purgabantur, quas Medici venæsectionis ope, ad eò incolumes seruauerunt, ut neque sanguinem spuerent,

spuerent, neque laterali, aut pulmonis inflammatione, aut A lynamche corriperebuntur.

Ex hac serie discite, Galenum non damnare, mediocrem portionem niue refrigeratam, sed immodicam, quæ lædere nimium potest, *ut 3. de temper. cap. 3.* ipse edocuit: & nos *lib. 1. in com. Histor. 66.* de modicæ portionis niue refrigeratæ vsu, & vtilitate, ex auctorum penu plura deprompsimus: quo loco, hunc potum, quoniam calorem naturalem robustiorem efficit, viscera temperat, roborat, & minori aquæ quantitate sitim compescit, & viscerum cauma restinguit, robustis, exercitatis, frigidus potui assuetis, æstatis tempore salubrem esse contendimus, sicut reprobum debilibus, in exercitatis, obstructis, ægrotis, inassuetis, prava corporis dispositione præditis, hyberno tempore assumptum. Nam aquam niue in frigidare, salubre est, ob quas fortè vtilitates tætopere Ægyptij niuem inter delicias habebant, sic referente Rhodigino *lib. 9. antiq. cap. 12.*

Si verò damna plura huic potui Galenus attribuit, de aqua nimium refrigerata, intempestiuèque assumpta, vel de niuis vsu, aut niuali aqua venit intelligendus. Hanc expositionem esse veram, ipse nos cogit asserere, dum *lib. de bonis. & vitio succorum, cap. 13.* sic præfatur. *Nam tamen si ipsa statim nix, noxa sensibili non videatur corporibus officere, in crescente tamen tæporis processu, occultè paulatimque noxa, vergente nêpe atate, articuli his, nervique ac viscera morbis corripuntur, vix aut. nunquam sanandis: ac verissimè certè sit, ut unicuique ea potissimum pars afficiatur, quæ natura omnium maximè infirma fuerit. &c.* Explicant Aulus Gellius *lib. 19. noct. Articar. cap. 5.* & Langius *lib. 1. epist. 31.* Lege Hildanum *lib. 5. centur. chirurgic. 29.*

Rursus intempestium frigidæ potum impensè nocere, pluribus argumentis, & auctorum observationibus statuimus, *lib. 2. in com. Histor. 98.* nam assumpta ieiuno ventriculo, præsertim à debilibus, enervat vires, innatum ignem debilitat, & sæpe subito extinguit, & maximè si ab exudantibus epotetur: nam excofactus sanguis frigidam qualitatem sibi aduersantem fugiendo, impetuosè ad cor, tanquam caloris arcem ita confugit, ut calorem suffocet, & vnà animal extinguat.

De aqua autem niuosa, quòd sit deterrima, constat ex sententia Hipp. *lib. 5. aph. 24.* dicentis: *frigida, qualis nix & glaciæ, pectori inimica, rufes mouent, sanguinis profusum, & distillationes.* Addit Galenus *in com.* quoniam cerebrum debilitat nix; quare & artus valde labefactat, & partes nervosas, nam est aqua frigida frigidior. Hoc ita esse significauit Macrobius *lib. 7. Saturnalior. cap. 12. prope fin.* dum enim quæreret, cur aqua quæ obrita globis niuium perducitur ad niualem rigorem, non minus in potu noxia sit, quàm ex ipsa niue aqua resoluta? nam multæ noxæ epoto niuis humore nascuntur: sic respondet. *Aqua enim ex niue resoluta, etiam si igne calefiat, & calida bibatur, aquæ noxia est, ac si epota sit frigida. Omnis enim aqua habet in se aeris tenuissimi portionem, quo salutaris est: habet & terream faciem, qua est corpulenta post terram. Cum ergo aeris frigore, & gelu coacta calescit, necesse est per euaporationem, velut exprimi ex ea auram illam tenuissimam, qua discedente conueniat in coagulum, sola terra in se remanere natura. Nix ergo, quæ nihil aliud est, quàm aqua in aère densata, tenuitate sui, cum densaretur, amisit, & ideo ex eius resoluta potu, diuersa morborum genera visceribus infeminantur, &c.*

Quapropter aqua niuosa, pessima; nam incocta est & terrena; expirante enim parte subtiliore, dum vapor in niuem concrefcit, crassa tantum relinquitur. Hoc affirmat Hipp. *lib. de loc. aère, & aqua. num. 20.* dum in hunc modum inquit. *At verò aqua ex niue, & glaciæ producta, omnes mala sunt. Quum enim semel concreta fuerint, non amplius in pristinam naturam restituuntur. Sed quod quidem in ipsa clarum, ac leue, & dulce est, excernitur ac disperditur: quod verò turbidissimum est, ac ponderosissimum relinquitur. Hoc verò cognoueris hoc modo. Si volueris, hyemis tempore, vasculum certa aqua mensura infusa, sub dio exponere, quò maximè cōgeleret: deinde post die in locum calidum deportatum sinere, quò maximè glaciæ liquecat; & ubi exoluta fuerit, aquam metiri, reperiēs aquam multo pauciorē. Atque hoc signum est, quòd ex congelatione, id quod lenissimū est, disperditur, & nō*

quod grauissimum, & crassissimum existit. Hac igitur de causa has aquas quæ à niue, ac glaciæ eliquantur, pessimas esse puto ad omnes res. Hactenus Hippocrates.

Miratur valde Santorellus doctissimus *lib. 16. antep. xis, cap. 8.* Auicennam, quòd *2. 1. doct. 2. cap. 16.* scripserit, aquam niuosam esse bonam, dum sic inquit. *Nix verò & aqua glaciæ cum munda fuerit, & non commixta alteri rei virtutem habenti malam, siue soluasur, & ex ea fiat aqua, siue cum ea de foris in frigidetur aqua, siue ipsa mittatur in aquam, erit bona. Sed facile soluitur obiectio hæc, & Santorellus liberatur ab admiratione, si Auicennam de statu morbofo intelligas, in quo, si aquam niue dilutam exhibeas tanquam medicamentum, non errabis; nam ipse Auicenna *lib. 2. tract. 2. cap. 24.* sic inquit, *Aqua niuis sedat dolorem dentium calidum, & sic eam inter narcotica connumerat* B *7. 3. tract. 1. cap. 8.* & niuis potum ipse consuluit, ad infrenandam veneni calidissimi acrimoniam, *6. 4. tract. 1. cap. 4.* cuius in ore detentæ vsu se dolorem dentium persanasse gloriatur Aëtius *teirab. 2. ferm. 4. cap. 27.* Quare licet in sanitatis custodia sit fugienda, tamen æstuantis stomacho, quem potius curare, quàm conseruare est opus, summo est ex vlu, ut notauit Christoph. à Vega *lib. 2. art. medic. sect. 1. cap. 1.* Quapropter si febris retorrida sit, lingua scabra, arida, nigra, incendiòque & ardore partes internæ occupentur, non abs re erit gelidæ potum, ut suadent prisca, vsque ad satietatem concedere, niuis portione irroratum: sic enim ardor febrilis extinguitur, recreantur viscera, & biliosi humoris acrimonia retunditur; quare pro præseruatione & curatione febrium ardentium, hunc potum esse præstantissimum firmat Clarissimus Ludou. Nonnius *lib. 4. de re cibaria, cap. 5.**

Cæterum in statu sano, si quis ea vti consueuerit, noxas contrahet inemendabiles: nam hydrops, mali habitus, iecoris imbecillitas, coli dolores, articulorum cruciatus, ventriculi frigiditas, nervorum affectus, demum omne frigidorum morborum genus, tanquam à perenni fonte scaturit & emanat; & præsertim in vtero, in quo tanquam in parte frigida & nervosa, ex eius vsu tormina excitantur, ex flatu nebuloso, pituitaque lenta suborti, cuius generationi huius aquæ vsus viscera debilitando occasionem præbet. Demum inter plurima damna, quæ ex niuis potu in fœminis propullulant, est menstruæ purgationis suppressio. Ex frigida enim potu expultrix vteri facultas infirmatur valde, sanguis crassior redditur, & ineptus ad motum, canales conniunt, & ob hæc obstructio oritur his de causis contracta: nam *frigidum inimicum nervis*, dicebat Hipp. *lib. 5. aph. 18.* immò *perimens*, apud ipsum *aph. 2. 2. eiusdem libri.* Quòd si hæc eueniant damna, medeberis calfacientibus remediis, inter quæ primas obtinet aqua antihysterica, cuius descriptionem inuenies, in *Pharmac. Amstelrod. sect. 1. de Aquis.*

Quare frigida dolore vterum afficiunt, apud Hipp. *lib. acut. sext. 59.* licet enim apud Galen. *lib. 6. epid. sect. 1. com. 2.* vterus verè nervosus non sit, sed per similitudinem quandam (quomodo intelligendum Galen. puto, qui citato nuper loco acutorum, eum ex omnium Anatomicorum mente nervosum vocat) ut aduertit Ludou. Lemosius eruditissimus *lib. 6. meth. Gal. disp. 2.* cum tota eius compositio ex multis aliis similibus particulis, tunicis, venis, arteriis, vinculis constituatur, ut rentur peritiores Anatomici; de quorum numero sunt Laurentius *lib. 7. de re anatomica, cap. 11.* Columb. *lib. 11. cap. 16.* Vesalius *lib. 5. de fabrica, cap. 15.* & alij; tamen est fibrosus, ex Galen. *lib. 6. de vsu part. cap. 5.* & triplici fibrarum genere est contextus. Rectas habet conspicuas, quibus semen è sua ceruice allicit; obliquas, quibus fœtum retinet; transversas & circulares, quibus fœtum, sordisque expellit. Hæ ergo fibræ à frigidissimæ niualis aquæ potu refrigeratæ, non excernunt purgamenta, quæ recenta morbos pariunt grauissimos, & exitiales.

Disceptatio potest esse non levis apud Hippocraticos, cur nix, & frigida, vterum, & non ventriculum dolore afficiant, & menstruum sanguinem incrassent, ut hoc loco Præceptor admonuit, si ventriculus magis nervosus est, quàm vterus (à sexto enim coniugio cerebri nervi insignes

signes emittuntur, qui superiori orificio mutuo complexu implicantur) Auenzoar hoc dubio respondet inter omnes, lib. 2. sheitir. tract. 5. cap. 1. dicens, ob tres causas hoc accidere posse: nam ventriculus callum veluti contrahit, ut non laedatur à frigidis: & licet sit nervosus & sensibilis, magis tamen carnosus est, quam uterus; & sic acrium, & frigidorum vim amplius contemnit: maxime cum in ventriculi capacitate adsint humores crassi, qui frigiditatem illorum impensè retundunt.

Vnum solum certum est, frigida esse valde nocua utero ex quorum usu sanguis menstruus crassescit, arctantur viz, & sic illo ad superas partes conuolante, ferini, & diuturni morbi contingunt: quos in compendium redegit Gualtherus Bruelle cap. prop. de suppressione menstrui. Nec mireris, hic solum numerasse Galenum sputum sanguinis, pleuritidem, peripneumoniam, & anginam, quum supra alios frigidos morbos recensuerit, à frigida causa pronatos, ut sunt podagra, articularum dolores, apoplexia, epilepsia, aponia, lethargus, convulsio, tremor, rigor, melancholia, mania: nam ea ratione illi numerati sunt, quia cum sanguinei sint, & à sanguinis multitudine retenta facilius procreantur, frequenter feminas infestant retentione sanguinis menstrui occupatas.

Fœminæ, quando ob sanguinem hunc suppressum immaniter diris morbis vexantur, ea remedia expetunt, quæ salutifera esse solent, sed ea quæ expetuntur, non raro expectationem fallunt ægroti, & Medici, & sæpe adiungunt ei periculo, quod à morbo infertur. Sed in menstrui suppressione, sola phlebotomia consolatur fœminas spe certa leuationis. Hanc proposuit Præceptor lib. de virginum morb. in fin. dum enim grauissimos morbos ex acciso menstruo ortos perferare doceret, concludit hoc modo. Caterum curatio ut hinc liberetur, est sanguinis detractio, si nihil fuerit quod impediatur, &c. Hoc est, si virium adfuerit debilitas; qua præsentē tutius est sanguinem maleolis scarificatis exhaurire, iuxta Galeni mentem, lib. de curand. rat. per sang. mis. c. 11. quo loco in albidioribus fœminis, in quibus ob carnem facile transpirabilem, & pororum amplitudinem, continua fit euaporatio & resolutio, crurum, aut tibiarum scarificationem amat; cum enim hæ debiliores sint, sanguinis missionem citra noxam ferre non possunt: nam scarificatio proxima est venæ sectioni, ex Gal. lib. 2. aph. 17. & minuit plenitudinem, præsertim si sit profunda, ex ipso 2. ad Glau. cap. 7. & lib. de scarificatione, cap. 20. Contrà nigriores fœminæ, quæ sanguinem magis crassum, & melancholicum colligere consueverunt, cum robustiores sint, venæ secta in talo tuto curantur.

Insuper in suppressis menstruis saluberrima censetur phlebotomia, nam præstò & sine mora auxiliatur; dâma enim imminetia anteuertit, materiali illorum causa vacuata; & sic incitatur natura, ut per locum conuenientem redundantem sanguinem excernat. Huius rei veritatem diuino quodam elogio promulgauit Hipp. lib. 5. aph. 32. dum sic inquit. Mulieri sanguinem vomenti menstrui erumpentibus solutio aduenit. Addit vberimus expiator in com. hæc verba. Non absque ratione: erit enim retractio simul, & euacuatio sanguinis ad superiora tendentis. Hoc autem experientia comprobatur utiliter fieri. Nos verò ex ipsa permoti, natura opera quæ bene geruntur, imitabimur. & mulieres hac passione laborantes, misso sanguine ex venâ vacuabimus. Venam autem poplitis, seu malleoli in retentione menstruum tundendam firman, Nicolaus Rochecus lib. de morb. mulier. cap. de retentione menstruum, & perdoctus Mena in com. cap. 11. lib. 1. Gal. de sang. mis. Desinant ergo post hac plures ex secta Erasistratorum hæmophobi, hoc nostro sæculo titulo solum Medici luxuriantes, & insolescentes, qui in menstruis suppressis calida medicamenta solum concedunt, aperientia, & deobstruentia, hoc tanto generoso sperto auxilio: & relicto Galeno, veritatis alumno, Erasistrati, & aliorum ignobilium Medicorum insequuntur quisquilias, & figmenta: nam si omnes morbi muliebres miscuntur apparente menstruo, ut Dictator summus protulit lib. 3. Coacar. pranot.

A tract. 3. sent. 2. dicens: convulsiois fœ-

bra, quæ primùm, aut statim apparet, probat in suis aureis annotationibus Ludouicus Dauris, vir cyclicè doctus, appposito exemplo in Larissæ virgine, apud Hipp. lib. 3. epid. sect. 3. text. 83. quam prima eruptio menstruum ab interitu vindicauit, expellente natura ad inferas partes noxium succum, qui saeuorum symptomatum quibus fuit oppressa, causa erat: cur nos instante, aut præsentē malo, à menstruo sanguine emanante, tundere venam pertimescimus? Num verò in retento menstruo, ante eruptionem, an post debeat fieri phlebotomia, controuersia est; nam in hoc dubio veteres sunt discordes; quia Paulus lib. 3. cap. 61. secatur venam, postquam decem dies præterierint; at Gal. lib. de sang. mis. cap. 61. quatuor diebus antequam erumpant menses, sanguinem emittit. Dic, Gal. sententiam intelligendam esse de omnino retentis: Paulum verò explicandum, de menstruis minutis; nam quando natura diminutè agit, tunc Medicus supplere debet, ex Gal. lib. 1. aph. com. 20. De qua re alios soluendi modos lege apud elegantissimum Mercurialem lib. 4. de morb. mulier. cap. 1. in de curatione.

## QVÆSTIO VII.

Vtrum in suppressione menstruum, primò medicamentum purgans exhibendum, ut rentur iuniores.

### COMMENTARIUM

C Vena sectione] Necdum à fœminarum menstruis digredimur, succurrunt enim adhuc quæpiam, interiorē redolentia doctrinam: arduum quippe superest discutendum inuolucrum, num in suppressione menstruum, spreta phlebotomia primò sit offerendum pharmacum: quoniam grauis est discordia inter duo nostræ artis coruscantia sidera. Galenus enim, inuictissimus Græcorum Coriphæus, Lernæus inuulnerabilis negat: dum enim menstrui retentionem perferare, intendit, propositis in medium allatis historiis, à sanguinis missione illicò curationem auspiciendam esse firmiter contendit. Si enim cap. 5. lib. 9. meth. perlegeris, in 5. Itaque si tempore mittendi sanguinis, &c. libros de vena sectione aduersus Erasistrat. & de curand. rat. per sang. mis. seriò contempleris, in quibus ex professo agit de argumento hoc, saluberrimam semper iudicauit phlebotomiam pro prouocandis menstruis, vel loco illius inferiorum partium scarificationes approbat, & confirmat. Galeni mentem tutantur strenui duces, Græcæ, & Arabicæ scholæ primarij, & recentiorum peritissimorum cohors satis defendit quod experimentum, usu longissimo fuit comprobatum, & à grauissimis viris, sedulis artis Phœbæ indagatoribus, à Galeni temporibus, ad hoc usque nostrum æuum celebratum. Quid quod aded est vñtata sanguinis missio in suppressis mensibus, ut fœminæ, & vulgares omnes, ad prouocandos menses, citra Medici consiliū, eam ante omnia præsidia exequendam curent; cum enim humor qui retinetur sit sanguis, solus hic exhauriendus secta venâ.

Pro parte contraria occurrunt diuini Præceptoris non incelebres, imò bracteata sententiæ, quibus in retentione menstruum, spretis cæteris auxiliis, purgatio celebranda esse censetur. Extat imprimis non contemnenda auctoritas lib. 5. aph. text. 36. dum sic dicit. Mulieri menses decolores, nec per idem semper tempus venientes, purgatione indigere significant. Et Galenus in com. dicit, quod Hippocrates hoc, in libro de mulieribus docuerat: contingit enim mulieribus quæ malos humores habent, in menstrui purgationibus tempus periodi non seruari. Crassi enim humores ad longum tempus eam prouocabunt, & retardant, sicut seniores consueverunt tempus anticipant. Quare cum sanguis in alium humorem vertitur, qui impedit menstrui purgationem, hic purgatione educendus. Ita lib. 1. epid. sect. 3. ægroti 4. & 5. duabus enixis malè habentibus, sola balano opem tulit, licet cordis dolor graniter infestaret, qui à prauis succis

succis in ventriculo coaceruatis, & in corpore toto, or-  
tum ducebat: quare glande vacationem per alium mo-  
liri satius duxit.

Accedit alia eiusdem viri illustis auctoritas, lib. 1. de  
morb. mulieb. num. 11. dum sic inquit. *Quum menses fuerint  
occultati, dolor habebit in utero, & onus quoddam in-  
cumbere videbitur, & lumbos, & laterum mollitudinem mirum  
in modum dolet: si verò omnino non procedunt pra morbo, aut  
crassi, aut viscosi, aut glutinosi fiunt. Primum igitur ventrem  
purgare oportet sursum, ac deorsum, &c. Quæ sententia,  
optima stabilitur ratione: nam sublato eo succo, qui im-  
pedimento est quò minus sanguis erumpat, faciliè eius  
eruptioni deinde possumus attendere.*

Insuper, in eodem lib. num. 55. eiusdem auctoris locus  
est eximius, in quo post partum in retentione menstru-  
orum ventrem solummodo expurgat: sic enim inquit; *Si  
verò ex parvi non fuerit purgata, venter intumescit, & splen,  
& crura, & febris habet, & rigor corripit, & dolores profusi  
ad lumbos, aliquando etiam ad viscera, & perfrigeratur, &  
febris habet: pulsus debiles sunt, & aliquando acuti, & alias  
attolluntur, alias deficiunt. Hæc patitur incipiente morbo, &  
sic habet: temporis autem progressu, caua faciei partes rubes-  
cunt. Quum sic habuerit, leues cibos exhibeto, & si turget  
pharmacum infra purgans bibendum dato; si biliosa fuerit,  
quod bilem purget; si pituitosa, quod pituitam. Postea verò  
veros odoratis foueto, &c.*

Iam sic conficio argumentum. Tota ratio in celebra-  
da phlebotomia in suppressis menstruis, consistit in eo,  
quòd eius ope sanguis ad inferas partes prouocetur; &  
tota ratio inhibendi medicamentum purgans est, quoniam  
huius vi noxius hic sanguis ab utero retrahitur ad viscera.  
Sed in sanguine suppresso post partum, licet malignior  
sit eo, qui statutis mensibus per utrum ex præscripto na-  
turæ foras propellitur, Hipp. exercendam iubet purga-  
tionem. Ergo maiori cum ratione in hoc erit exequenda.  
Maiorem medicinæ proceres confitentur, qui in femina-  
rum morbis curandis primas tenent: probat eleganter  
Alexander Massaria in suis prælectionibus de morb. mulier.  
cap. 12. Minorem firmiter Mercatus, Hipp. consilio edo-  
ctus lib. 4. de mulier. affectionib. cap. 11. Valleriol. lib. 4.  
abs. 6. Moxius lib. 3. de curand. morb. acutis mulier. per ven.  
sectionem, cap. 47. De maligniore natura sanguinis, qui  
post partum excernitur, respectu illius qui singulis men-  
sibus per utrum excurrit, satis multa diximus suprâ,  
quæst. 2. in comm. histor. 1. ob hanc causam menstruorum  
suppressio indebito tempore contingens, multum offen-  
dit; tamen non perinde ac si à partu supprimantur men-  
strua, officit, ut Gal prædixit epid. 3. sect. 3. comm. 73. quare  
morbi à partu deteriores sunt reliquis, & ferè exitiales.  
Hoc peculiari cecinit oraculo Hipp. lib. de natur. pueri,  
num. 13. §. Si enim non purgetur mulier in purgationibus  
partus, morbus magnus ipsam corripit, & periculum vite in-  
curret, nisi citò curetur, & quis convenientem ipsi purgati-  
onem inducat, &c. nam post partum deterior qualitas san-  
guinis reservatur, & maior quantitas, quæ cum repente  
corrumpat & restagnet in partes superas, maiorem læsionem  
necessariò in visceribus excitat.

Solum superest explorare, num libri de morbis mulie-  
ribus sint Hipp. magni, an illi falsò adscripti, & licet ij  
ab Hipp. magno non sint conscripti, tamen cum in illis  
sint sententiæ memorabiles, dicendum est ab aliquo  
Hipp. nepote, Thessali filio, aut Dracone, aut aliquo do-  
ctissimo auctore esse compositos. Quare Mauricius Cor-  
dæus suis doctissimis commentariis, eos ut genuinos illu-  
stravit: neque enim auctores curant morbos, sed reme-  
dia, ut doctè notavit Ludovicus Lemosius, in libello de in-  
dicio operum magni Hipp. cap. 11. in fin.

Ecce ante oculos posui duo clarissima Medicinæ lu-  
mina, quorum sententiæ licet longo intervallo contrariæ  
sint, videanturque nullo amoris vinculo posse conciliari,  
tamen utraq; maxima fruuntur veritate, gaudent me-  
thodo, rationumque momento stabiliuntur, & frequen-  
tissimo firmanentur experimento. Nostra interest modo, in  
hoc intricato gurgite, inter tantos viros, medicæ artis Le-  
gislatores de hac re promere sententiam. Ego enim cum

A veritatis studio tantum exardescam, hoc sum difficile ag-  
gressus iter, an metam attigerim, iudicent sapientes, qui si  
rectius quid nouerint, pandant libenter.

Galenus ergo doctrina, firmior Mercurij quadratura,  
de omni recenti menstruorum suppressione venit intel-  
ligenda: sicut Hippocraticam, de antiqua & diuturna si  
interpreteris, verè conciliabis, imò tutus incedes. Hanc  
solutionem horum auctorum dictis esse conformem, se-  
ries contextus Hippocratis ita cogit asserere: nam num. 55.  
cit. lib. de morb. mulieb. medicamentum, post retenta à  
partu menstrua, non incipiente morbo, sed temporis  
processu propinat. Ratio dicitur: nam in initio morbi san-  
guis integer redundat, qui venæsectione sola exhaustiri  
debet, quoniam suam formam seruat, & in quantitate  
solum exuperat. Vbi verò processu temporis (quando  
post diutinam retentionem, prohibetur dissilari) ob  
putredinem, suam formam deposuit, haud alio præsidio,  
quàm purgatione demendus, quia in alium humorem  
per putredinem conuersus est, & à natura sanguinis est  
alienus; ut Galenus lib. 3. de humoribus, com. 32. & lib. 4.  
de sanit. iuen. c. 4. scitè edocuit. Axioma enim est apud Me-  
dicos frequentissimum, sanguinem per putredinem par-  
tim conuertere in bilem, partim in melancholiam; ita af-  
firmat Galenus lib. 2. feb. cap. 9. §. Sanguis quum putrescit,  
pars tenuis conuertitur in bilem, crassa verò in melancholiam,  
&c. Repetit lib. 2. de crisib. 12. probat Auic. 1. 4. tract. 2. c.  
42. Explicarunt Conciliator diff. 89. Fernellius lib. 4. parbo-  
log. 5. Vallesius lib. 5. con. 19. Turisanius lib. 3. art. medic.  
com. 38. nam sanguis non potest diu tolerare putredinem,  
sicut humores reliqui: hi enim maximam putredinem  
concipere possunt, & eam diuturno tempore seruare, quia  
in substantiam alterius speciei degenerent; quoniam sunt  
intemperati, & imperfecti, & sub maiori latitudine for-  
mas suas conseruant; minorem enim dispositionem ad  
sui conseruationem requirunt. Contrà, sanguis leuius pu-  
trescit, nec tantam, nec tam diuturnam patitur putredi-  
nem; perfectior enim est, & plus attemperatus, & à  
moderato calore fit; quare illius forma ad sui conserua-  
tionem, exactam dispositionem expostulat, & sub minori  
latitudine, & angustioribus terminis putrescit. Hoc modo  
diu putredinem tolerare nequit, quin in alios humores  
degeneret.

Ex his colligitur, in pleuritide in qua apparet sputum  
rubrum, febrem ortam ex sanguinis putredine assumere  
formam circuitus tertianarij, ex Gal. lib. 1. aph. 12. ob hæc  
Arabes post quartum diem venam secare non audebant,  
quoniam sanguis per putredinem abiit in cacochymiam,  
quæ potius purgatione, quàm venæsectione demenda est,  
ex Gal. mente lib. 3. meth. c. 16. moniti fortè Celsi consilio  
lib. 2. cap. 10. §. Sed ut aliquando etiam primo die sanguinem  
mittere necesse est, sic nunquam utile post diem quartum est,  
quum iam spatio ipso materia & exhausta est, & corpus cor-  
rumpit, &c. Quæ sententia Hippocratis menti consona est,  
dicentis lib. 3. epid. sect. 3. text. 79. pro curatione Anaxionis  
pleuritide laborantis, venam sectam fuisse octauo die, quo-  
niam, ut inquit Galenus in com. antiqui ultra quartum ve-  
nam non secabant.

Quapropter in recenti suppressione, secundum Ga-  
leni mentem, sanguinem mittere præstat; in diuturna ve-  
rò secundum Hippocratis methodum, purgatio imperan-  
da: nam sanguis, ut dicebat Conciliator loco cit. propter  
sui æqualitatem, & perfectionem, nec magnam, nec diu-  
turnam sustinet putredinem, quin in aliam substantiam  
commigret, ut doctè notauit Auerrhoës lib. 3. collector.  
cap. 8. Si verò quæras, an mulieri enixæ medicamentum  
purgans conueniat, lege Ioan. Syluaticum, controuers. 86.  
qui quætionem hanc ad plenum emedullat. Sed utere  
distinctione nostra, qua auctores ab eo propositi, purga-  
tionem post partum renuentes, cum iis qui eam appro-  
bant, conciliari possunt. Lege Santorellum doctis-  
simum lib. 20. anteprax. cap. 9. & Thomam  
Campanellam lib. 6. de medend.  
morb. cap. 22. art. 1.

\*\*\*



## QVÆSTIO VIII.

*Utrum ad prouocanda menstrua, vnguentum de chalybe possit esse ex usu.*

**C**onseruauerunt.] Posteaquam de sanguinis missione, & purgatione, pro prouocandis menstruis abundè actum à nobis est: nunc in quasdam amœnitates diuertere collibuit, vt legentium animi, laxius, indulgentiusque tractentur, ne nostræ lucubratiunculæ, quocunque genio prodierint, multum habere absinthij credantur, mellis parum. Cùm enim multa sint, quæ pro retentione menstruorum, à qua periculum impender maximum, Medici parare solent auxilia, nullum chalybeatis medicamenti præstantius, aut excellentius esse, tum veterum, tum iuniorum scientissimi confirmant; de quorum numero Galenus, Græci, & Arabes satis plura dixerunt in locis multis, quos citant Nicolaus Monardus tract. proprio de ferro, & alij à me citati lib. 1. in com. histor. 82. Quapropter ex chalybe præparato diuersimoda parant auxilia, pulueres, electuaria, tabellas, syrupos, quorum omnium exactam compositionem legat qui velit, apud Iulium Cæsarem Claudinum lib. 1. sect. 9. in appendice libri de ingressu Medici ad infirmos. Sed cùm hoc metallum graue sit, ponderosum, terrenum, & crassum, est necesse vt per corpus distribuatur, vt sic distantissimas partes penetrare queat; quapropter præter triturationem subtilissimam, & exactam præparationem, factam præsertim in vino, & aceto (nam hæc cùm sint subtilium partium, iuuant ad penetrationem,) exercitio valido opus fuit, vt sic ob calorem referatis viis facilius permeare posset.

Si verò vires flaccescant, & debiles sint ægri, & ex diuturno morbo conualescant, exercitioque inepti videantur, nam id ex carne corpus citra noxam tolerare nequit, frictio imperanda est, quam esse loco exercitij mouit Præceptor lib. de puero epileptico, cap. 4. Quare in hunc usum vtere syrupo de chalybe, ex descriptione nostra, cuius formam proposuimus lib. 3. de praxi medica. admiranda. obseru. 11. vel tibi in pretio sit vnguentum de chalybe, à nullo (crede mihi) hætenus exaratum, qui in chalybeatis medicamenti recitandis insudarunt, quò scilicet in curandis virginum obstructionibus, habita primò totius prouidentia, usus sum, in iis præsertim quæ febris iugi correptæ, excarnes & tabidæ exercitij vim ferre non poterant.

At ego multoties rimari cœpi, quo pacto hoc metallum frigidum siccum cùm sit, terrestre, & adstringens, deobstruere & aperire posset, quo pacto ad prouocanda menstrua videtur respuendum. Nam Aristot. 4. meteor. cap. 6. dicit, ferrum esse de genere illorum, quæ crescunt à frigore per euaporationem totius penitus caloris; quare si totus calor exhalat, sequitur quòd materia reliquitur tota frigida. Deinde Galenus lib. 9. meth. cap. 17. dicit, quòd metalla, vt aurum, æs, ferrum, habent suam consistentiam à frigore, maximè cùm ferrum sit corpus terreum, crassum, & siccum; quare vt terra, siccatur & refrigeratur: quapropter apud Gal. lib. 10. simp. sit. de sero lactis, siccatur, adstringit, fluxiones sistit, & immodica sanguinis profluvia retinet & compescit, & aduersus diarrhœam, superfluasque alui deiectiones est medicamen vtilissimum, quoniam cohibet, & incrassat, apud Auic. lib. 2. tract. 2. cap. 25. §. Et vinum in quo extinguitur ferrum, retinet solutionem antiquam, & dysenteriam, & confert mollificationi ani, & fluxui vrine inuoluntario, & fluxui menstruum, &c. Quare ex omnium auctorum mente, ferrum est frigidum & siccum, vt tam multis auctoritatibus probat Fallopius lib. de metal. & fossilib. cap. 2. & post eum Rodericus à Castro, Medicus celeberrimus confirmat lib. 2. de morb. mulier. in schol. cap. 5. Manardus subscribit lib. 16. epist. 5. in med. in quem usum paratur ab Iacobo VVeckero lib. 2. antidotar. specialis Crocus Martis, factus ex limata ferri scobe, ad sistendas immodicas sanguinis fluxiones, qui ad omnes ventris fluxus est eximius.

**A** Ex altera parte sunt rationes euidenter, ex quotidiano experimento desumptæ, quæ satis probant ferrum calidum esse: nam eius usu magnos lienes liquari vidimus. Quare prisca Medici tantopere vinum, aut aquam in qua ferrum candens extinctum sit, pro viscerum obstructione pertinaci, & iecoris, lienisque scirrhus perlaudant: quoniam ferri ad emolliendos duros tumores, est vis mirabilis; vnde animalia apud fabros ferrarios educata, exiguos lienes habent, ex Celso lib. 9. cap. 4. & eleganti exemplo probat Beniuenius lib. de abdir. cap. 105. & sic ferrum aperit, ac deobstruit, quum calidum sit, & hoc modo Rasis ult. continent. cap. de ferro, Haly 5. theoric. cap. 14. & alij Arabicæ familiæ proceres scientissimi, calidum constituunt.

**B** Sed hæc si æqua lance ponderentur, leuia procul dubio lectis ingeniis videbuntur. Nam ferrum est dissimulare, & cùm contrarias habeat qualitates, valde inter se distantibus pollet facultatibus, cæterorum multorum medicamentorum instar, quæ ob diuersas partes diuersos effectus ex se emittunt, quia adstringunt, & aperiunt aloë, rhabarbarum, rhaponticum, psyllium; lentes, lac, brassica, squamma æris, endiuia, & pleraque alia. Sic ferrum frigidum cùm sit à prædominio, & habeat plures terrestres partes; dissimulare tamen est, & habet partes tenues & igneas, ratione sulphuris, & argenti viui, quæ sunt communia metallorum principia. Hoc modo metalla igneam habent substantiam, ex Gal. lib. 9. simpl. c. 26. explicat Albert. Magnus lib. 3. de metal. tract. 2. cap. 4. de qua re lege quæ diximus in lib. 1. in com. histor. 7. Nil ergo mirum, si auctores omnes varia de ferri temperamento protulerint.

**C** Mirabilis ergo est utilitas ferri, aut chalybis, pro menstruis prouocandis, & aperiendis obstructionibus, quæ visceribus contumaciter adhærent. Sed quoniam pluribus in substantia hoc medicamentum propinari non potest, nam ea ob debilitatem exerceri nequeunt, & multæ adeò morosum habent palatum, vt nec syrupum de chalybe assumere possint, & vnguenta communia quæ ad viscerum obstructiones commendantur, nullam, aut non ita euidentem afferant commoditatem; tunc vtere vnguento hoc, quo si nocturno tempore, tribus horis post cœnam, præcedente frictione leui, molliter ventrem inferiorem illinas, mirabilem opem senties, idque reiterare toties opus erit, quousque durities ex toto emolliatur, aut obstructio visceribus pertinaciter adhærens absumat, cuius usu scirrhusas viscerum durities sæpè curauim. Huius forma esto hæc.

**D** ℞. Capill. ♀. asplenij, eupator. an. M. B. Sem. petroselin. sem. feniculi. an. ʒj. Radic. endiu. eringij, gramin. rusci, asparag. apij, an. ʒss. Nepita, puleg. origan. calamint. an. M. B. Radic. cucumer. agrestis, ʒj. B. Chamapit. chamadr. an. P. B. Radicis rubia, rumicis, an. ʒj. Corticis rad. cappar. Cortic. rad. tamarisci, an. ʒj. Olei cappar. amygdalar. amararū, & absinth. an. ʒij. Omnia prius bulliant in sufficienti quantitate aquæ, & vini generosi prius bis chalybeatorum, ad consumptionem aquæ & vini, & facta colatura, & vehementi expressione adde: Aceti acerrimi prius septies chalybeati ʒviij. Cyclamin. optime trituri, & mundi, ʒiij. Iterum bulliant ad consumptionem aceti, & facta iterum colatura, adde: Galbani, Ammoniac. an. ʒj. Vnguent. de oppilatu. succor. & vnguent. Agripp. an. ʒiij. Vnguent. aregō, & Mareiati, an. ʒij. Olei de cappar. ʒiij. Olei chamamel. ʒiij. Trochiscor. de cappar. & trochisc. de absint. an. ʒj. B. Pingued. gallin. & anatis, an. ʒ. B. Pulu. cortic. rad. cappar. & pulu. cortic. rad. tamarisci, an. ʒij. Chalybis prepar. & ad exactum lauorem redacti ʒij. B. Balsami ʒ. B. Olei de thymo ʒij. Misce omnia, & cum cera quantum sat est, in dictis oleis liquata, redigantur ad formam vnguenti, quod per duos annos conseruari potest.

\*\*\*

## HISTORIA V. ACTVARIIL,

## De menstrui retentione.

Fœmina menstruis violenter adstringentium vi retentis, in grauissima damna, & mortem incurrit

**M**ulier quedam diues atque mollis, tres aut quatuor filios peperit, quorum tres ferè infantes mortui erant, solùm unum audiebat mater. Atque quodã tẽpore praterito, ipsaque ambigente, dũ videret omnem spem suam in solo uno filio, qui repensẽ tolli posset, fluctuare. Verebatur enim, ne si puer moretur, cogeretur alienis bona sua tradere. Nãque (ut dictũ est) ubi amiserat alios, quarebat modum quo alterum filiũ pararet, a que spem seruaret. Ergo (ut mos est mulieribus) desiderium aperuit, atque solutionem quarebat. Quidã dixerunt hanc solutionem: si aliqua mensum fieret, natura vel arte retentio, (namque ipsi menses plus in stẽto profuebant) conciperet. Quod persuasæ rei operam dedit, ac vehementer retenti sunt menses, unde conceptus spẽs magna eam tenuit. At verò secundus menses erat, mulierque modicè conturbabatur: nãque cumulado sanguine menstruo per utrũ, neque locus exeuendi habebatur. Accidit, ut videbatur, poterant esse signa conceptus: namque in initiis conceptuum similia accidere solent. At tertius aderat mensis, & passiones processerant. Vbi verò etiã quartus aduenit mensis, tũque quum grauidis mulieribus, si quid præsufset molestia, illud sedatur: ipsi verò magis venter intumuit, atque accidentia peiora sentiebantur. Igitur circa quintum mensem audiui ut mulier esset correpta ab ea passione: erat enim una mihi ex maxime familiaribus. Quare ad eã accessi, atque intrans vidi ipsam supinam iacentẽ in lecto, & salute acta rogauit, ut haberet, ac pulsus intigui. Illa verò subili, ac pertenui voce respondit. Pulsus erant pratenuis, ac diuersi, atque virtus genuina propè deniãta. Cuius veluti cortex mali granati, & color eius vergebat ad icterum, & omnia qua ad faciem sunt, multum attenuata, atque manus, & humeros satis heretes pectori habebat, sed venter magnopere extuberabat. Quoniã verò oportebat & urinam spectare, ea quidem erat tenuis, atque mihi visa est mediocriter subsanguinea: cõtenta verò, subsidebant in ea ad macula fundũ valde rubẽtia, atque veluti similacea. Atque tunc mihi non poterat faciliẽ cognosci passio, qua nõ multum irita est in breuiariis libris Medicorũ; eo præsertim quod nemo ex iis Medicis qui illuc frequentabant, passionẽ intelligeret, sed putarent omnes aquam intercutem esse. Quoniã verò paulo post legi de passionibus mulierum, doctũque sum quã grane esset retinere sanguinem menstruum, audiuerãque mulieri hunc retentum esse, deinde hac ratione super eius vrina ratiocinatus sum, illam recta ratione illiusmodi fluxisse: nam partim ob manifestissimam collectionem sanguinis in vtero, tumore effecto huiusmodi, partim ob viciniam vesicæ, sanguine commixto cum vrina, factum est, ut vrina colorarentur, sed ob assationem sanguinis, apparuerint cõtenta similacea, atque rubea. Hoc pacto ab immodica menstruorum retentione, præsertim si natura antea multa profluxissent, vrina alteratur, atque tractu temporis commutatur. Ceterum, ut omnẽ historiã finiamus, reliqua subiungamus. Sextus mensis aderat: quum in ilibus exterioribus factus est abscessus, atque mollis est tẽpore procedente. Vbi verò septimus mensis aduenerat, defluxit ab eo \* sanguineus pus, \* prius mollito abscessu Medicorum emplastris, & deinde aperro. \* Sed venter abundè euacuabatur: quamobrem \* magna spes salutis & viro eius oborta est, & Medicis illuc frequentatibus, quod non ita successit: sed paulo post euacuatio simul omniũ spem perdidit. Nã (ut arbitror) quatuor dies post tumoris aperturã, venter euacuatus est re omni affligente, atque commissus est. Mulier verò veluti exanimis redacta absque reluctatione aliqua viam efflauit, & c. Actuarius lib. 2. de prænidentiis vrinarum, cap. 1. 2.

## PARAPHRASIS.

**C**onatur hac historia Actuarius demonstrare, quantam vim habeat in alteranda vrina vterus: cum enim

**A** toti corpori consentiat, gẽnus venosum, hepar, visceraque vehementer immutat, si morbosus est, & tuas affectiones illicò illis communicat, quas à menstruo retento euenire supra, in prima historia prædiximus: & explicat Fabricius Hildanus lib. 5. cent. chirurg. 43. Si ergo hæc vera sunt, cur mirabimur si ex suppresso menstruo violenter, ope medicamentorum adstringentium, & constipantium, tot, tamque sæua damna huic miseris fœminis contigerint, quæ muliercularum, aut alicuius insciti Medici dolo seducta, spe concipiendi, vitio in vitium mutato occubuit: nã quid aliud in tanto facultatum lapsu expectari poterat?

Sed insurget quispiam sciendi audax, anxique inquireret, quæ fuerint medicamenta quibus ad suppressenda menstrua ipsa vsa est? Dic fuille incrassantia, & adstringentia, quæ contrahunt, cõstringunt, densant, incrassant, refrigerant, exiccant, ex Gal. lib. 4. de comp. medic. per gener. c. 6. dum sic ait: Omnia adstringentia contrahunt, ac densant meatus: ad hæc vinciunt, ac continent partium sibi inuicem coherentium substantiam; atque minus magisque hoc pro adstrictionis quantitate efficiunt. Ceterum adstringendo, ac densando summa corporis, quod adstringitur, virtus illorum excluditur, & in altum ire prohibetur, & c. Optimè verò Mesuës adstringentium vires complexus est, in canonibus vniuersalibus theoremat. 1. dicens, adstringens cogit, densat, diuisa glusinat, suaque crassa substantia ea omnia obrundit. Adstringentium multæ sunt differentiæ: nam alia citra manifestam qualitatem id efficiunt, vt balaustrum, galla, hypocisthis, glaucium, acacia, succus rhu: alia quæ cũ adstrictione aliquid etiam habent acre, aut pingue, aut dulce, aut amarum, aut salsum, aut acidum; quoniam sub adstringenti materia diuersæ, ac sæpè contrariæ reperiuntur indicationes, vt ex professo Gal. edocuit lib. 3. simpl. cap. 14. Deinde acre medicamentum sæpè adstringens reperitur, licet calidum sit natura, vt æs vstum, atramentum furorium, chalcitis, & alia, ex Gal. lib. 2. aliment. 1. Amara medicamenta adstringunt, veluti aloë, rhubarbarum, absinthium, nitrum, & numerosa seminum copia, vt rutæ potissimum siluestris, melanthij, mali medici, sicut lupini, & orobi, auctore Gal. 4. simpl. cap. 1. Salsa cũ sint propinqua amaris, ex Gal. 4. simpl. 20. terrena contrahunt, cõstringunt, ex Gal. 5. simp. 25. Dulcia simul, & adstringentia sunt myrri fructus, & pyri agrestis, & roboris, & castanæ, & palmæ. Ex his omnibus verisimile est affirmare, illi fuisse oblata frigida sicca, glutinosa, viscida, crassa, quæ frigiditate & siccitate arctat meatus, canales obstruunt, humores incrassant, & ad motum ineptos reddunt; quorum syluam legat qui velit, apud eos qui de immodico sanguinis fluxu per vterum proprium caput conscripserunt: de quorum facultate consule Mercat. lib. 2. indicat. cap. 4. de adstringentibus.

Quapropter cũ sanguis menstruus diu adstringentiũ vi esset in vtero, sentina totius corporis, coërcitus, prohibitus diffari, non ventilatus, putridus, & spurcus, retro suo vapore, cor, ceteraque viscera concussit, vnde facultate vitali languente valde, pulsus facti inæquales, diuersi, crebri, languidi; & cordis propullularunt graua pathemata, funesta, & terroris plena; ex quorum sæuitie mortem fuisse concitatã natiuo igne valde minuto, non est cur miremur.

Rursus. Ab hoc fœdo sanguine restagnante ad partes superas & nutritionis officinas occupante, & debilitatõ iecore, sanguifica facultate vitiatã, auctis obstructionibus visceribus pertinaciter adhærescentibus, & impedito transitu sanguinis, spirituum, & alimenti ad membra, hæc prauo fuisse vitiatam colorem, & circa partes extremas nimis extenuatam, excepto ventre nimis intumescente, certa res est, vt in hydropo quotidie proprio experimento conspiciamus: nam si via per quam fæculentus sanguis crassus, & melancholicus emanat, intercludatur, durities in hepate fit; & simul multitudine grauans, ac crassitudine obruens, calorem in ipso natium extinguit, quum tale quid accidat, quale in flammis exterioribus, in quibus multa ligna ingesta strangulã ignẽ, vt verbis vtar Gal. lib. 6. aph. com. 12.

Ex hac ergo scaturigine nõ solum color in vultu in virorem, pallorẽque mutatus, & inflatio ventris, internæ obstructiones, hydrõque emanare solẽt, auctore Galeno lib. 2. de naturalibus facul. cap. 18. & lib. de venasect. aduers. Erasf.

*Erasist. cap. 6. in fin. sed morbi immanes, truculenti, exitiales. Ex hac causa sequutam fuisse colli vteri inflammationem, vicus cancrosum, gangrenam, & mortem, proprio exemplo confirmat Hildanus centur. 2. obs. chirurg. 62. 63. 64. Quare in hac ægra tumor ventris accreuit per vniuersam ipsius regionem extensus; quem à copia viscidifucci, omenti, mesenterij, venarum Hepatis obstructionibus ortum fuisse, res est manifesta.*

Accedamus ad reliqua. Quis hæc hydrope laborare non affirmaret, cum dictis symptomatis esset correpta, cum vrina tenui, sublinguea, in qua aderant contenta rubentia? Hanc vrinam ob collectionem sanguinis menstrui, partim ob vicinitatem vesicæ cum vtero, sanguine commixto cum vrina, apparuisse, Actuarius arbitratur hoc loco, & firmat Doretus in *Coacas, tract. 4. de excrementis, c. 3. n. 5.* qui tenuiori sanguinis portione ab vteri locis ad vesicam exudante, hanc fieri in retentis menstruis vrinam, vel surgente vesica ab vtero cruentum serum, asseuerat. Deinde, si hic suppressus sanguinis recurrit ad venas, & ad vesicam retrocedit, cur colore suo serum humorum non alterabit? Cum verò sanguinis adest multitudo, qui prohibitus diffilari acrior redditur, tunc ob sanguinis adustionem apparent contenta similacea, atque rubea. Insuper contingit vrinam apparere sublingueam, conante natura confertim emittere sanguinem retentum per vrinæ vias, velut excernit per hæmorrhoides, vterum, ventriculum, nates; qua de causa sublingueam apparere, excreto sanguine, tunica vasorum referata, confirmant Eustachius lib. 2. *praxis, cap. 49. Mercatus lib. 4. de morb. internis, c. 8. Auic. 21. 3. tract. 2. cap. 26.*

In hac verò vrinæ rubræ mentione, addamus & aliqua legentibus futura non ingrata; qua in parte illud sit quæsitum, si vrina rubra aut subrubea à sanguine in corpore redundante originē ducit, ex Gal. lib. 3. *epid. sect. 3. com. 72. & lib. 6. eiusdem, sect. 5. com. 14. & lib. 1. prog. 27. & lib. 4. aph. 71. & lib. 1. cris. 12. & 2. prorrh. 25.* & vrina prærubra quam sanguinolentam vocat Christophorus à Vega, in *com. cit. loc. prog. sanguinis fernorem ostendit, ex Gal. lib. de vrin. 8. Actuarius lib. de prauidentis vrinar. cap. 4. probet Georgius Bertinus Campanus lib. 17. cap. 2. cur in hoc morbo frigido à retento menstruo concitato, imò hydrope quotidiana, & diuturnis obstructionibus visitur, si in his frigidis morbis sanguinis copia est imminuta valde, flatus cum pituita abundant, calor nativus debilis est, & nullus adest feruor, aut ebullitio sentitur? Nos cum Auicenna 2. 1. *doct. 3. cap. 2. ob multas causas hoc accidere posse respondimus lib. 2. de praxi admiranda, obs. 63. Sed est potissima, vt in retentione menstruorum vrina appareat rubra, quando menstrua cum vrina permiscuntur. In hydrope verò hæc apparet, quoniam facultas debilis serum à sanguine separare non valet. Quapropter in pituitosis morbis persæpe apparet, vt in quotidiana, ex Gal. lib. 1. ad Glau. c. 7. Imò in copia pituitæ putrescentis vrinam apparere rubram, notauit Vallesius lib. 7. *epid. in com. sent. 59. Lege Dodonæum lib. obseru. medic. obs. 31.***

At cum tanta esset copia humoris crassi in intimis visceribus recondita, natura eum excernere satagens, ad ilia excitato abscessu transmisit, nam, inquit Galenus lib. 2. *aph. 15. animalium natura ex principalibus membris humores malos euacuat, alios per urinas, vel vomitum, vel alium inferiorem excernit, quosdam verò pellit ad cutem, sed cum non potest euacuare propter eorum crassitudinem, ibi reponit, atque hoc modo tubercula nascuntur in corpore. Quapropter cum inflammatio adesset interna, viscera opprimens, cum feculenti sanguinis, & conculcati sarcina multa, hunc detrusit ad ilia natura. Hunc euentum multo antea præmeditauerat Galenus lib. 6. de loc. affect. cap. 5. dum sic ait. Quod si longiori tempore supprimantur menstrua, nullamque Medicus mulieri vacuationem promoueat, tumor aliquis præter naturam in ilibus interdum oritur, ostendens nimirum ex internis partibus aliquam inflammata esse: nonnullis panus in extrema ilium parte excitatur, veluti viris quoque in eodem loco nonnunquam oriri solet. Qui panus in quadam muliere fuit suppuratus, adeo ut opus fuerit sectione. Factus ergo est tumor in ilibus, deponente natura ex nobili parte sua excrementa*

A in externam, & ignobilem, qui viscerum morbum significabat, & interancam malignitatem ostendebat, iuxta oraculum Senis lib. 6. *epid. sect. 2. text. 10. dicentis: Abscessus veluti bubones, signum quidem sunt germina habentium, tum aliorum, tum præcipue viscerum: maligni autem sunt hi. Nam vt legitur in sentent. 55 lib. 4. Aph. Ex inguinum tumoribus febres omnes mala, præter diarias.*

Notanter aduerte, quod licet nomē abscessus dupliciter accipiat. Primo modo, cum tumor abscedit, & pus intus continetur, ex Galen. 2. ad Glau. 1. Secundò, pro decubitu humoris in aliquam partem, ex Hipp. & Galen. lib. 2. *progn. 65.* Hoc loco in secundo significato accepit Actuarius, & Gal. lib. 6. de loc. cit. sub nomine tumoris, aut pani comprehendit. Est enim panus, tumor non altus, latus, in quo quiddam pustula simile est; & vulgò panus appellatur, seu verius dixeris Phygethlon, ex Celso lib. 5. c. 18. *tit. malagma aduersus panum, & phyma, §. Vt aduersus panum tum primum orietem (quod Phygethlon Græci vocant,) & omne tuberculum, &c. vt ex Celsi mente probat Manardus lib. 7. epist. 2. Demum si panum prophymate, id est, bubone in inguine vsurpes, cum Paulo lib. 4. Amato lib. 1. centur. 29. Marcello Virgilio lib. 1. in Dioscorid. cap. 106. ad mentem præcorum persolues. Est autem panus tramæ inuolucrum, quo panni texuntur, & quidquid sublonga, & subrotunda forma tumet panicula, & panus dicitur, vt probat Agricola Ammonius in com. cap. 1. lib. 1. Gal. de loc. affect.*

Ex hac causa tumor in ilibus est exortus, qui deinde medicamentis emollientibus abiit in suppurationem, Ilia autem sunt auctore Celso lib. 4. cap. 1. partes quæ inferius circa pubem iacent: cum enim inferior regio hypogastrica, quæ ab aliis imus venter, à quibusdam lumen appellatur, inter pudendum, & umbilicum interiacens, habeat partem dextram & sinistram, hæ partes laxæ & flaccidæ, ilia dicuntur, quod ileo intestinum contineant. Ex iis patet errasse Leoniceum, Heurnium, Cardanum, viros alioqui perspicacissimos, & alios qui ex Græca lingua Aphoristica oracula in Latinā linguam transtulerunt, qui pro iliis, hypochondria transtulere, vt patet 1. 4. *aph. 73. & lib. 6. aph. 40. vt rectè notauit Manardus lib. 8. epist. ult. prope fin. nam hypochondria propriè partes sunt regionis epigastricæ, quæ cartilaginibus notharum costarum subiacent, vt aduertit Laurentius lib. 6. de re anatomic. cap. 2. nam hypochondria dicta à Celso lib. 2. cap. 3. sunt loca vtrinque à lateribus ventriculi os attingentia; dextrum sub quo iecur, sinistrum sub quo lien iacet. Plinius extra vocat lib. 11. cap. 37. & ab inferiore viscerum parte separantur membranæ, quæ præcordia vocant, quia cordi prætenduntur. Ilia verò sunt inferiora; nam ilium os, ossi sacro, ligamenti cartilaginei interuentu, robusti quidem & membranei esse valde alligatum, ostendit Vesalius 1. 2. *fab. ica, cap. 61.**

Suppuratus est abscessus suppurantium medicamento- rum ope, nam hæc debent esse calida, humida, similia calori nostro, & viscosa, quæ occlusis poris cutis calorem vniant, retineant & roborent, vt ait Gal. 5. *simpl. 8 & 9. & in lib. de med. offic. com. 2. sentent. 30. & lib. 1. epid. sect. 2. com. 31. & notat Auic. 1. 1. doct. 5. cap. 2. explicat Nicol. ferm. 3. tract. 5. sum. 3. c. 20. Mercat. 2. indicat. 13.*

Ad suppurationem conuerso abscessu, & aperto, defluxit ab eo sanguineum pus, quod prauum est, virium iacturam maximam, & materię inobedientiam planè ostendens: nam pus debet esse album; contrarium pessimum est. Cum verò diuturnus esset morbus, & vires essent imminutæ valde, ob continuam puris effluxionem, quo diu vacuato, multi spiritus cum eo exeunt, atque excernuntur quorum vacuatione vires fatiscunt, ex Gal. lib. 6. *aph. 27. quum è vestigio deficiat anima, vires debilitentur, & postea debilitas ista remedium non habeat: factum est, vt naturalibus facultatibus valde lapsis, nimio alui profluvio excitato, ex retentricis debilitate originem ducente, aut ex obstructione partium naturalium suborto, exanimis fœmina è vita discederet.*

\*\*\*

## QVÆSTIO IX.

*Verum pus rubrum, liuidum, vel nigrum, aliquando ad bonum iudicet.*

## COMMENTARIUM

**S***anguineum pus.* Qui pus rubrum grauius detestati sunt, ij mihi appositissime videntur fecisse: nam in hoc sequuntur Hippocratem Medicorum tutelarem Deum, qui de hac re profatus, memorandam protulit sententiam *lib. 1. progn. text. ult.* dicens: *Pus autem optimum, album esse debet.* Quoniam membra transmutantia sanguinem in pus, sunt alba: hæc sunt solidiora corpora, conceptaculorum tunica, nerui, copula, membrana, cartilagine, ossa. At pus non est candidum instar seminis, quoniam hoc à pleno fuit elaboratum calore; pus verò ex nativo pariter, & extraneo calore conflatur, ex *Gal. lib. 5. simpl. cap. 6. & lib. 1. aph. 47.* de cuius natura ac generatione abs re esset quicquam modò in propatulum proferre, quum in eo argumento peritissimi medicinae professores strenuè insudarint, qui *libros de diff. feb. & prognosticon.* vberissime sunt interpretati, & nos breuiter patefaciemus *lib. 4. in com. hist. 9.* Vnum tamen non prætermittam, Cardanum ut iniurium, sese opposuisse contra Galenum, dum asseuerat, colorem puris album non posse fieri ob partes solidas; cuius multiplicia tela contra Magistrum, ut irrita soluit Mercurialis, cum Stephano Arheniensis in *com. cit. prognost. nam, ut optime notauit Celsus lib. 5. cap. 26. tit. de sanguine, sanie, & pure: pus albissimum est optimum: quod verò huic contrarium est, pessimum est.* Nam illud potentia robur, & caloris natui symmetriam signi ficat; hoc actionem caloris præternaturalis, & materiae inobedientiam præostendit: ut in *com. cit. lib. progn. sent. ultim.* firmat Ioan. Butinus, ex *Gal. mente.* Quapropter subcruentum pus, prauum est, & mortem portendit, iuxta Senis oraculum, *lib. 7. aph. 44.* dicentis. *Quicumque suppurati vruntur, vel secantur, si pus purum fluxerit, & album, euadunt: si verò subcruentum, & faculentum, ac foetidum, pereunt.* Subscribit Celsus *lib. 1. c. 8.* *5. Ex iecinore si pus cruentum exit, mortiferum est, &c.*

Quapropter si pus subcruentum est reprobum, quanto magis liuidum, aut nigrum; Et deliuiore constans est sententia Hipp. *lib. 2. prognostic. 8.* quo loci liuidum colorem digitorum, & vnguim, mortem portendere asseuerat, & *lib. 1. prognost. 3.* in pictura faciei lethalis, liuidum colorem adesse asseuerat: & *Galen. lib. 5. aph. 19.* hunc colorem faculratum mortificationem significare probat: & firmat *Arist. lib. 4. probl. 80.* quare extinctionem caloris innati denotat, ex *Gal. lib. 1. epid. sect. 3. com. 18. & lib. 3. epid. sect. 2. com. 5.* Quare, inquit Hipp. *lib. 7. aph. 2.* *In osse agrotante caro liuida, malum est.* Et *Gal. in com. sic dicit.* *Non enim in mediocribus ossium lesionibus, sed foetibus putrilaginibus talis species coloris circumstantibus aduenit carnibus, extinctio scilicet in eis calore.* Nam maximam virium arguit imbecillitatem, ex *Gal. 1. cris. 12. & 1. epid. sect. 2. comment. 75.* quare hic color in febribus semper malus, ex *Galen. lib. 6. epid. sect. 1. com. 29.* Hoc modo deiectione liuida, pessima, apud Hippoc. *2. prog. 22. & 4. aph. 21.* Sic vomitus liuidus celerrimam mortem ostendit, ex Hipp. *2. prog. 41.* Si verò istes, cur color liuidus nigro sit perniciosior? Respondet Mercurialis in *com. sent. 8. lib. 2. prog.* nam: liuidus color semper fit ab extinctione caloris, nunquam ex abscessu humoris; quippe nullus est humor in corpore, qui eum colorem in cute informet; niger autem fit, & ab extinctione, & depulsione humoris nigri ad partes infernas, & debiles: deinde color niger & liuidus differunt in modo generationis, quoniam liuidus fit à putredine summa, in qua fracto calore nativo, præternaturalis dominatur. Itaque (inquit Heurnius ad hunc locum) *liuor nunquam potest fieri ex materia decubitu, ac nigror potest.* Hoc modo Hipp. *lib. 1. prognost. 18.* vlcis colorem liuidum, asserit esse lethalem.

De nigro autem colore puris, constans est sententia Hipp. esse pessimum; cum enim color liuidus sit in mutatione, & in via ad nigrum, hic à maiore causa proficisci-

A tur: ita ut cum vrina denigrata nullum saluari contingat, ex *Gal. lib. 1. cris. 21.* Sic color cutis niger, pessimus, ex Hipp. *1. prog. 3.* & excreta nigra deterrima. Sputum nigrum, lethale, ex *Gal. lib. 1. aph. 12. & lib. 2. prog. 51.* Actio *teir. 2. ferm. 1. cap. 44.* Demum si hæc sunt lethalia, cur nigrum pus non erit exitiale? Quapropter nullum pus rubrum, aut nigrum ad bonum iudicare potest, sed potius hoc pus vocandum est ichor, aut sanies cruenta, aut nigra; & hæc cum maligna sit, immania mala, mortemque præfigit, ex Hipp. *lib. 2. prorrhetic. num. 21. 5.* At verò nona lethallissima sunt, quarum putredines profundissima, nigerrima, ac siccissima existunt. Præterea etiam sunt ac periculosa, quæ nigram saniem remittunt. Nomina autem sunt vlcera, quæ serpendo per corpus, ipsum depascunt, & deuorant, ex *Plinio lib. 23. cap. 4.* alij nomata, & carcinomata appellant. Hinc factum est, ut è vita discederet Malienis, apud Hipp. *lib. 5. epid. num. 13.* cui curvus onustus inductus est super costas, & costas confregit, & per tempus subsistit ipsi pus infra costas, & ex ulcere effluebat putridum, subnigrum, & graueolens: nam ut notat Valesius in *com. hic succus subniger maligna significat putrescentiam.* Sanies enim nigra, aut liuida, sicut pus liuidum, exitium portendunt, ex *Celso lib. 5. cap. cit.* Hoc aliquando in lethalibus vulneribus effluere, proprio experimento docuit Valleriola *lib. 2. obs. 8. & 9.* cum à grumoso sanguine, corrupto, & nequaquam in pus conuerso, & caloris natui extinctione eueniat, qui ob multitudinem mali succi, transfusum sanguinem nec concoquere, nec in pus vertere potuit: sequitur itaque ut nigrescat, & corumpatur, ut notauit *Gal. lib. 2. de fract. com. 32.*

Licet autem hæc sint vera, & ex Principum mente hausta, ob quæ satis nobis, si modò in medicina aliquid profecimus, persuasum esse debet, pus album solum esse optimum, tamen tantorum auctorum mentem de frequenti euentu esse explanandam, firmiter tenemus; nam pus rubrum, aut nigrum aliquando ad bonum iudicare potest. Si enim in lienis carne à faculento sanguine excitetur inflammatio, quid mirum si hic ater humor in laxa, spongiosa, mollique huius visceris carne concoctus, abeat in pus nigrum, suppurata inflammatione, & salubriter exeat in animantis commodum? neque enim nigra deiectiones reprobantur, si rectè exeant, & sint cum robore virtutis celebrata, quod monuit Hipp. *lib. 4. aph. 47.* Excretiones in febribus non intermittentibus, liuida, cruenta, fetida, & biliosa, omnes mala. Sed si prosperè excernantur, sine per alui excretionem, sine per vrinam, bona, &c. Galenus verò in *com. sic ait: forte conuenientius fuerat dicere, omnes prauas excretiones cum prosperè excernuntur, in bonum contendere.* Præsertim si exeant cum tolerantia ægri, & conferentia, quæ maximè expetitur in euacuationibus omnibus, ex Hipp. *lib. 1. aph. 2. 23. & lib. 4. aph. 3.* Demum non ita condemnandus color niger, ut cum eo nullum saluari contingat. Neque enim vrina nigra semper lethalis est; siquidem aliquando cum ægri vtilitate excerni, testis est *Galenus lib. 3. epid. sect. 3. com. 20. & 82.* nam in retentis menstruis, suppressis hæmorrhoidibus, morbis melancholicis, quartana vtiliter apparent, ut latè ex Principum, & Iuniorum mente probauimus, *lib. 2. huius operis, in com. histor. 182. & vel Hipp. ipse lib. 2. prorrhetic. com. 17.* in vlcere laudat colorem nigrum, *5. Species vlcereum bona sunt leues, & moderata; iuxta colorem verò sui species alba aut nigra, &c.* Ita Aëtius *lib. 10. cap. 4.* pus nigrum, puris nomine appellare docet: nam pus in se non est albissimum, sed in genere puris tale diceretur, quoniam pus est cinerei coloris, ex *Galen. lib. 2. de fract. com. 42.*

De rubro pure minor est hæsitatio: sicut enim in tunica iecoris, quæ ipsius corpus inuestit, potest oriri inflammatio, & emanante pure albo possunt euadere ægri ex Hipp. *7. aph. 45.* Sic si in carne ipsa hepatis oriatur inflammatio, pus illud potest esse bonum, licet sit rubrum nam humorem subiectum iecur non potest in pus album transmutare, cum rubrum sit; quia coctio nihil aliud est, quàm eius quod coquitur, in concoquendis naturam transmutatio, & assimilatio. Sic omnia referunt ideam, naturam, temperiem partis à qua emanant. Sic chylus fit albus, quia à ventriculo fit albo, & spermatico: semè album, quia



quia in testibus; lac album quia in mammis adenosis generatur. Ex chylo albo fit sanguis ruber, quia à iecore rubro concoquitur. Sic pus album fit, quia in solidis coquitur. Sic pus in iecore rubro generatur: nam pus à iecore factum, debet esse rubrum hac de causa, monente Gentili in com. c. 10. in 14. 3. tract. 3. Auic. Si autem Galenus loco nuper citato aph. cum Hip. asseuerat, omnes perire, qui ex suppurata hepatis inflammatione pus emittunt feculentum, fetidum, amurcæ instar, incoctam putredinem hepatis manifestè ostendens, quando videlicet vsque ad carnem hepatis corruptio pertingit, de lethali hepatis inflammatione intelligendus est; in qua ob eximiam, & excellentem putredinem, quam fœtor ingens comitatur, pus apparet graucolens; non de ea in qua pus rubrum benignum apparet, cum robore, tolerantia, & notis coctionis excretum, à qua aliquando ægri immunes euadunt, ut referunt Capiuaecius lib. 3. c. 23. Erastus part. 3. diff. de febre putrid. Immo abscessus hepatis sæpe per vomitum, aluum, & vrinas, aut in abdominis capacitatem expurgari, docet Fernelius lib. 6. pathol. c. 4. Quin ex vomica hepar putrefactum, ad furas putrilaginè transmittit, ut testantur Caspar Bauhinus in obs. prop. Iacotius com. ad Coac. Hip. pag. 349.

Nec pariat tibi obstaculum veneranda Celsi sententia, lib. 2. c. 8. dum dicit. Ex iecinore si pus cruentum exit, mortiferum est, & Hip. 7. aph. 45. dicit pereunt. nam Hip. in oraculis suis, semper ex figura dictionis perpetuum docet, licet res ipsæ non semper eodem modo eueniant, quamuis eæ aliter, licet raro contingant, ut notauit Gal. lib. 6. aph. 58. Sic lethale, seu mortiferum sumitur pro morbo, qui admodum crebro, non tamen ex necessitate mortem inducit, ex Gal. lib. 5. aph. 2. Sic grauidam capi acuto morbo, lethale esse pronunciat lib. 5. aph. 30. cum tamen assiduum experimentum aliter nos cogat asserere; illæ enim sæpe ex acuto morbo euadunt. Ergo pus liuidum, nigrum, vel rubrum aliquando ad bonum iudicare potest. Consule eruditissimum Ioan. Brauum lib. 1. prog. in com. sent. ult.

## QVÆSTIO X.

*Vtrum confecto pure, illico abscessus aperiendus.*

**P**rius mollito abscessu, & deinde aperto. ] Etiam si operis instituti initio certissimum nobis propositum fuit, chirurgica minus, medicinalia magis confectari, quum de medica materia solum hoc agat opus vniuersum, vix tamen stilo interdum valemus temperare: nam ingerunt sese plura ardua à celeberrimis Gæcorum notata auctoribus, quæ inter nostrates classicos non ita ad plenum sunt exposita. Sic igitur pro huius historię explanatione in literis videor comperisse. Puris incipientis signa ab Hip. lib. 2. prognost. 58. connumerari febrem, rigorem, dolorem, & pondus. De febre extat ipsius oraculum lib. 2. aph. 47. nam ob vnionem caloris in parte inflammata, & conatum naturæ coquentis, ebullitionem, & confluxum humoris ad partem inflammatione obsessam, febris concitatur: sicut excitatur rigor, vbi mordens halitus per sensibilia corpora eleuatus sua acrimonia, ac stimulis partes vellicat ac ferit: quod si accedat pondus, pro dolore antea percepto, humorem in pus verti, res est manifesta. Cum igitur humor suppuratur, colligitur in partem vnā, & sic æger tunc pondus sentiet magis; collectus enim humor in cavitatem vnā magis grauat, quàm vbi in poris contentus, fuerit dispersus. Dolor fit, auctore Galeno lib. cit. aph. extensa simul, ac calefacta præter naturam inflammata particula. Facti puris indicia certa sunt, si hæc omnia cessent: Nam si dolor, febris qua præcessit, rubor, pulsus & reliqua inflammationis signa minora tunc appareant, tunc confectum est pus, ex Paulo lib. 6. c. 34. & Auic. 3. 4. tract. 1. cap. 25. Ex tactu etiam certæ notæ deprehenduntur, vbi tumor in acutum fastigiatus est, & pus digitis innixus occurrat, præsertim cum summa occupat abscessus. Explicat Auic. eo loco, cap. 29.

Suppurationem esse præstantiorem resolutione contendunt multi: nam apud Gal. lib. 5. aph. 22. §. Vlcera pus generanti nihil mali accidere potest: & ex Hip. lib. 6. epid. sect. 3. text. 11. suppuratio est sine recidina. Ipsam etiam conco-

A Etio, & indicatio simul, & abscessus. Et in sect. 4. text. 1. sic ait: Quibus secundum aures indicationis tempore genita non suppurauerint, hoc inanissio, reuersio fit secundum rationem reuersionum, & c. hoc est, suppurans non retrocedit, nam hoc periculi est, & timoris plenum. Quare suppuratio non potest esse curatio fallax, ut resolutio. Sed ex altera parte obstat Galeni auctoritas lib. de inæqual. in temperie, c. 3. vbi de ortu inflammationum verba faciens, comparansque inter se resolutionem, & suppurationem, sic ait: Esto prius victa fluxio, duplex hic incidit curationis genus: quod vel discutietur quicquid humoris in particulam procubuit, vel coqueatur: verum discussio optanda maxime curatio est, & c. Et merito præferenda est resolutio suppurationi; illa enim est morbi sublatio, suppuratio verò est in alium morbum commutatio. Controuersiam hanc solues hoc modo. Resolutio præstantior est suppuratione, quoniam potentior, & robustiorem arguit calorem innatum, & materiæ obedientiam præostendit: verum suppuratio est securior. Vel si dicas resolutionem esse magis optandam, quum humor tenuis est, suppurationem verò quum crassus, auctores concordantes reddes.

Abscessu ad suppurationem conuerso, ne differas apertionem, inquit Auic. 3. 4. tract. 1. cap. 29. nam plura damna sequuntur ex pure diutius in parte retento. Sic enim inquit: Quum inueneris exiturā grossa cutis, cum maturatione, cuius non speratur ipsius eruptio, & sunt illic vena, & chorda, & nervi, tunc oportet ut perforet, quoniam si dimiseris saniem, corrumpetur, & corrumpet, & corrodet venas, & villos nervorum, & c. Sed si hoc axioma verum est, cur Guido in tract. de apostematibus, ex mente Auic. iubet expectare, ut natura abscessus apertionem molietur: nam apertio que fit à natura, melior est ea que fit ab arte; hæc enim immodicam puriscopiam gignere solet, & in vlcerebus excitat sordiditatem, virulentum, sordidumque reddit vlcus, & malè olens. Sed nisi Guidonem intelligas de abscessibus, in quibus nullo modo Chirurgus debet facere apertionem, ut in abscessibus cavitatem vteri occupantibus, & in illis qui internas partes corripunt, ignoro, quomodo cum cæteris principibus eius auctoritas possit conciliari. Quæ enim fit in his abscessibus à natura apertio, est sine dolore, & illa meliorem locum eligit quàm Chirurgus: sed si vniuersaliter eius sententia accipitur, non est recipienda; quoniam si differatur apertio, quousque natura eam molietur, plura, eaque irreparabilia subsequuntur damna: nam præter ea, quæ ab Auicenna proponuntur supra, ex eis sequitur corruptio ossium, cutis viridi colore inficitur, & in longum tempus curatio producit. Melior ergo est apertio quæ fit ab arte, ea quæ à natura celebratur, si confecto iam pure, & ut decet, à perito Chirurgo administratur.

His propositis ad quæsitum properemus. Licet enim confecto pure, illico si apertio exequenda, tamen aliquando pure facto, & maturo abscessu, notabilique puris copia in parte contenta, resolutio tentanda. Id affirmat Galen. lib. 13. meth. c. 5. dum sic dicit: Quin si pus aliquod notabile in suppurante particula sit contentum, non expedit (quod nonnulli faciunt) protinus incidere, immò exhalationem moliri medicamentis ad id valentibus, quorum usus ex affectu sit coniectatus, & c. Idem asserit lib. ad Glau. 7. in fin. §. Rursus igitur ad suppuratos tumores accedamus, quos vbi posse resolvere desperaueris, ex farina triticea vtere cataplasmatibus: nam ad celeritatem suppurationis plurimum conferunt, & c. Et supra dicebat in eodem cap. Et cum suppurari incipientem inflammationem curaturus, suppurationem prohibere posse speraueris, tunc plurimum panem ebullire permittas, & c. Subscribunt Paulus lib. 4. c. 22. §. Cum tumor ad suppurationem spectauerit, non promptè diuidere, sed medicamentis qua cerati speciem referunt, discutere nitimur, & c. Ad stipulat Aëtius lib. 6. c. 89. de parotidibus. §. Vbi verò suppurati fuerint, discutere ipsos aggrediemur, & c. Et lib. 14. c. 31. §. Si locus affectus nimia materia turgat, non mox ad chirurgiam prorumpere oportet, velut quidam faciunt, sed conari, ut materia collecta per pharmaca discussoria digeratur, & c. Horum mentem confirmat Rasis lib. 14. continent. cap. 1. §. Cum maturum fuerit apostema calidum, procedere debes ad dissoluendam saniem cum medicinis, & c. Ergo in abscessibus,

libus, in quibus pus confectum esse indicamus, non illic celebranda apertio est, maxime si sint parui, & sint sub cute, & paucum sit ac tenue quod continetur pus, corpusque rara sit præditum contextura. Has omnes conditiones eleganter exposuit Cornelius Celsus lib. 7. cap. 3. §. Si pus maturuit in aliis quidem, & inguinibus, raro secandum est. Item ubicunque mediocris abscessus est. Item quoties in summa cute, vel etiam carne vitium est, &c.

Sed scitu non iniucundum erit, si exponam, cur aliquando in suppuratis particulis resolutio tentanda; nam multi fuit momenti apud priscos curim non iacideret: cum enim tota ratio reductionis partis affectæ ad pristinum statum, dependeat ex viribus naturæ, quas in calore naturali & spiritu vitas esse, res est manifesta, sit ut incisa cute hæc substantia elaboratissima exhalet, & spiritus nimium dissipentur, ex Gal. lib. 6. aph. 27. Et ideo cutem diuidere, quæ est totius corporis fulcimentum, & tutela, prisci non audebant. Hanc causam luculenter ostendit lib. 3. de fractur. com. 43. dum sic alloquitur. Scire enim licet, quacunque cute cõteguntur, hac eadem delectari, nihilque nudari innocenter. At quid mirum est, si ea quibus cutis propriæ, atque innatum velamentum est, semper velamento gaudent innato, ceterisque omnibus leduntur? Equidem quum nihil ex cute præciderem, sed eam ab ulterioribus partibus super locum inducerem, à quo detracta erat, agglutinatam vidi, & (quod magis admiratione dignum est) quum locus iam nigritie occuparetur. Illud item longè admirabilius, quod non modò adolescentibus, sed senibus non paucis cutem ita detractam protinus, ut in plaga nigresceret, sæpe agglutinari, &c. Et ut videas quantopere cutis corpus nostrum tutetur, audi ipsum eo loc. infra §. At nuda caro, si sine cute relinquatur, agrè ad cicatricem perducitur, præterquam quod morsum omnia sentit, & sordida redditur, sed ubi pars, à qua detracta cutis est, eadem contegatur, nulli eiusmodi noxa patet: quod simile est, atque ubi pustula sub variis causis orta in tumorem assurgunt, & interdum grauem afferunt dolorem: acuta enim acuta (ut nosti) eas aperio, ut exitum habeant, collectoque ibi humore leniter expresso, superiectam cutem ibi relinquo. Hæc deinde implentur præcluso foramine, impleta eodem modo aperiuntur: humore expresso cutis ad carnem compellitur, seruatque, dum quod sub ea exulceratum est, ad cicatricem perueniat. Hæc dixisse volui, ut aperire ostenderem, vlcus quodlibet innata cute contegendum esse, &c. Consule Fallopium tract. de tumoribus præter natur. c. 23. de secando abscessu.

## QVÆSTIO XI.

*Vtrum ante perfectam suppurationem, abscessus apertio molienda.*

**Q**ui ante suppurationem perfectam aperit abscessus, suam in arte chirurgica fatetur insciam, & priscorum edicta parui facit, & temnit. Illi enim vananimi consensu perfectè suppuratos tumores aperire consulant: nam si aliter feceris, timor est ne pars morticinum patiat, cum enim crudus sit humor, & adhuc conetur natura eum in pus transmutare, dolor adest, & confluente humore ob nouum ex apertione dolorem, ingentes inflammationes concitantur, & debilitato calore nativo, & non benè ventilato, neque transpirante, mortificatio accidit. Quapropter abscessus ante perfectam suppurationem, nec cauterio, nec scalpello est aperiendus.

Sed quia in Chirurgorum phalanges peruenimus, in quibus pleraque reconditam habent doctrinam, ne illotis manibus adeamus, subtexamus obscuriora nonnulla, ab vertice ferè ad vnguem extremum. Sed heus tu, inquires, manum de tabula: nam Chirurghi adsunt citius quàm putabam: Desine ergo ex illorum pomætiis flores delibare; at vtile est, si velis, hæc paucula perspicuè agere. Ergo præbe aures Cornelio Celsi, chirurgicæ familiæ duci strenuo, qui in suis vltimis libris, non perfunctoriè, sed firmissimis rationibus, & experimentis, ingenio raro, iudicio admirando hanc artem illustrauit. Hic proponit primum exemplum, in quo liceat crudos tumores, & adhuc perfectam suppurationem non expertos aperire: cum

videlicet calor nativus debilis est, & ob ingentem dolorem, & vigiliam timor est, ne antequam humor totus vertatur in pus, possit occumbere, aut pars mortificatione tentetur. Sic enim habet Celsus lib. 7. c. 2. Si pus maturuit in aliis quidem, & inguinibus, raro secandum est. Item ubicunque mediocris abscessus est. Item quoties in summa cute, vel etiam carne vitium est, nisi festinare cutantis imbecillitas cogit, &c. Firmat Rhafius 13. continent. c. 2. §. Si videris caliditatem innatam esse debilem, & humorem esse malum, noli maturare eum, quia si hoc feceris, generabitur in membro putrefactio, &c. Et infra ait: Sed operari debes tunc scarificationes fundales, & figuras profundas in loco eiu, superponendo ei medicinas velocis exiccationis, & dissolutionis, &c.

Secundum exemplum, quando pus est in copia tanta, ut id non possit regulare natura, & hoc modo proposuit B Auicenna 3. 4. tract. 1. c. 27. dum sic inquit: Et quando agritudo est pertransiens in magnitudine sua, illud quod consuetum est, & timetur magnificatio rei in expectatione maturationis in ea, & scitur quod virtus non sufficit in maturatione illius, etsi administratur maturatiua, perducet illud ad vestigiū immaturationis, tunc necessaria est perforatio cum cautela, ne ferrum tangat illud quod sequitur exitum de membris nobilibus, &c. Lege Dinum, qui hanc sententiam exposuit diligenter.

Tertium exemplum. Quum materia est crassa, profunda, conculcata. Hoc confirmat Auic. loco nuper cit. §. Quum senseris, quod materia est talis grossioris, quod non maturabitur, & quod calor naturalis in membro tanta est paruitatis, quod non maturabit: aut timueris quod ipse propter suam diminutionem est talis, quod alterabitur alteratione non maturationis vera, tunc necessaria est perforatio cum cautela, &c.

Quartum exemplum. Quando membrum incipit mortificari, ita firmat Auic. c. 25. §. Qui autem maturationem efficit cum aliquo, quod sit sicut huiusmodi maturatiuum, attendere debet, ut si viderit calorem innatum debilem, & quod membrum declinet ad hoc ut corrumpatur, remoueat ab eo glutinosa, & oppilatiua, & ponat aperitiua, & scarificationem faciat profundam, deinde adhibeat medicinas in quibus existit resolutio, & desiccatio, &c.

Quintum exemplum. Quando abscessus est venenosus, & malignæ, veneficæque qualitatibus particeps. Si enim crudum tumorem non aperias, timor est, ne natura succumbat, à mala qualitate profus deuicta. Sic ait Auic. loco cit. Cum timueris quod ipsa propter suam qualitatem malam, & venenosam, per quam est talis non alterabitur, alteratione maturationis vera, quia natura non poterit supra materiam, D immò materia poterit supra naturam, & maxime si adhibuitum fuerit auxilium ex maturatiuis: tunc perfora, &c. Confirmat Vallesius in com. sent. 16. lib. 5. epid. §. Ego quoque in parotidibus, quæ ex morbis aliis non leuibus fiunt, citò, vel nulla expectata suppuratione, vitione vix in ipso tumore: nulla enim ratione melius prouidetur ne ipse recurrat, sed materia, per ipsum vlcus quod infligitur, expurgetur, &c. Subscribit Mercat. lib. 7. de feb. tract. de feb. pestil. in fin. §. Sin aliter, hoc est, si laborans deterius se habuerit, & morbus sit ex his, qui celeriter interimunt, citra ullam maturationem, tumorem aperire oportebit, quod facilius per formam expiret vniuersa veneni vis, &c. Et in c. 2. de feb. maligna, in fin. sic ait: Quod si compertum fuerit, aut tantum crescere, aut venenosa esse natura, ut laborans suffocatione periclitetur, antequam aut discussioni, aut suppurationi sufficiat natura, consultissimum est, candente auro, aut leui aliquo ferro eas unico foramine E aperire, ut veneni vis, aut immodica humorum copia facilius expiret: quo sanè auxilio plurimos veluti deploratos sanitati fuisse restitutos compertum est, &c.

Sextum exemplum. Quum abscessus est iuxta membrum princeps: si enim ibi pus retineatur, tetto suo vapore, illud lancinat, conspurcat, & ferit, metusque est ne humor retrocedat, & in alias partes restagnet, quod maxime periculosum est, ut monent Hip. & Gal. lib. 6. epid. sect. 4. text. 1. lib. de iudicationibus, num. 10. & lib. 2. prog 68. & lib. 5. aph. 6 §. Et notat Paulus lib. 6. cap. 34.

Septimū. Quando est circa iuncturas abscessus: si enim retinetur pus, ligamenta afficit putredine sua: ita asserit Paulus loco nuper cit. §. Sciendū verò est crudos interdū ipsos, priusquā ex toto in pus mutati sint, incidi: si in articulis sint,

ne ligamentum, aut aliquid eis necessarium assidua putredine pariter contabescat, &c. Si aliter feceris, inquit Auic. loc. cit. in longum tempus curatio abscessus producet, & æger claudus in posterum remanebit.

Octauum exemplum. Quando abscessus est super ossa, nervos, tēdone, articulos. Sic Hip. lib. 2. de morb. prædixit. §. *Qua prope digitos accedunt, ante integram maturationem aperienda sunt, ne in corrosionem ossis, perforationemque procedant.* Nam si his partibus perfectā suppurationem expectemus, damna irreparabilia contingunt; cum enim digiti, parui sint, exangues, & remoti à fonte caloris, facilius corripuntur, quia minùs resistunt. Quo pacto potius sequenda est sententia Hip. quàm Celsi contrarium asserentis; lib. 7. c. 2. §. *Inter nervos verò ultima expectanda maturitas est, quæ cutem extenuet, eique pus iungat, quo propius reperiatur, &c.* Quare abscessus in nervis subcrudi aperiendi, vt Hip. monuit. Sicut & illi qui excitantur in perinæo, hoc est loco qui est inter anū, & testes, sic docet Paulus loc. cit. §. *Perit abscessus ano proximos, crudos antequam in totum ematuruerint, diffecari Hip. præcipit, veritum ne perforatione experiantur, &c.* Et Hip. lib. de fistulis, n. 1. *Primum igitur cum tale quoddam tuberculum nascens fuerit crudum, quàm citissime secare oportet, priusquam suppuretur ad rectum intestinum.*

In calce quæstionis huius notanter aduerte, per crudos tumores, intelligendos esse qui habent tensionem, & durtiitatem; nam maturus, est mollis. Ita dixit Hip. lib. 5. aph. 67. *Molles boni, crudi verò mali.* Et Gal. dicit in comm. *Proprie autem molli opponitur durum, atque renitens, &c.*

## QVÆSTIO XII.

*Utrum abscessus in nervosis partibus, cauterio, an scalpello aperiendi, vt prædixit Celsus.*

Ceterum iis explicitis, fortè præstiterit Corneliiana subtexere placita in aperiendis abscessibus qui iuxta nervos consistunt, sed antequam eius mentem enodemus, non erit indignum vt notetur hoc potissimum loco, præcepta circa abscessuum apertionem necessaria. Primū. Vt fiat apertio in loco vbi est pus. Hoc cognosces, quia cutis ibi est attenuata plus, & abscessus sublimis. Hoc præceptum proposuit Gal. lib. 13. meth. c. 5. §. *Sin aliquando puris copia medicamenta superet, nec ea videantur tibi totum digerere posse, quod sic abscessit, secare exitum ei, quod digestionem non cessit, eo potissimum loco oportet, quo est editissimum: quippe tenuissimam etiam illic inuenies cutim, &c.* Auic. 3. 4. cap. cit. sic inquit. *In perforatione quare locum saniei, & cum inuenieris eum, illic perfora, & perforatio tua sit in loco maturiore.*

Secundum præceptum. Vt apertio sit facta in loco inferiore, tunc enim pus proprius effluere solet: nam si retinetur, & non rectè exit, retentum corrodit, & ampliorem cavitatem efficere solet, monente Galeno lib. 13. meth. c. 5. §. *Memineris præterea in sectione, &c.* Explicuit Auic. 3. 4. cap. cit. in princ. §. *Et sis sollicitus, vt cadat porta perforationis inferius, &c.* Sic enim pus commodius expurgatur. Hoc pacto, inquit Celsus lib. 7. c. 2. *vt inuus sinus exitum habeat, ne quis humor intus subsidas, qui proxima, & adhuc sana rodendo sinuet: & prius dixit Hipp. lib. 2. de morb. de hydrope pulmonis verba faciens.*

Tertium præceptum. Vt apertio sit facta secundum rectitudinem fibrarum: tradit Gal. in lib. introductor. cap. 8. §. *Simplici sectione in abscessibus uniuersis utimur, diuidendum verò membrum est recta linea, non transversa, &c.* Firmavit Auic. loc. cit. cum Paulo lib. 6. cap. 34. §. *Inciduntur ergo non omnes simili linea: nam in fronte si hanc sectionem faciamus, nocebimus, nam secabimus musculum qui sub cute est, &c.* Quapropter si in fronte recta aperiatur, sequitur ciliorum calus. Ita Gal. lib. de cucurbitulis, cap. 4. iubet vt scarificatio facta in cruribus, abdomine, pectore, collo, fiat secundum rectitudinem longitudinaliter: nam in collo sectio transversa facta, multa affert incommoda, quum vasa, & nervi porrigantur rectè.

Quartum præceptum. Vt in magnis abscessibus tota puris quantitas non educatur simul: nimium enim hac subita vacatione enervantur vires, multa spirituum co-

pia effusa: nam præterquam quòd plurimum vacuare est periculosum, ex Hip. 2. aph. 1. Hoc simultaneo puris effluxu, multi spiritus una cum eo exeunt, atque excernuntur, unde periclitantur agri, quum è vestigio deficiat anima, & vires debilitentur, & postea debilitas ista remedium non habeat, vt ex mète Hip. lib. 6. aph. 27. dictabat Galenus. Quo pacto ipse lib. 1. ad Glauc. c. 14. potissimā causam syncopes esse refert, si totū simul pus euacuetur. Sic enim ait: *Et si quādo etiam nos abscessus secantes, totum simul emissere pus tentauerimus, animi defectum subsequi est necessarium, &c.* Explicat Martinus Acakia, & Stephan. Atheniens. in com. luculenter.

Quintum præceptum. Vt turo, velociter, & cum minore dolore apertio fiat: vt Celsus profert lib. 3. c. 4. in princ. transtulit Gal. lib. 14. meth. cap. 13. §. *Siquidem talia omnia amonere oportebit: atque id semper agere, vt rationibus, quibus id fiat, pensatis, optima semper earū eligas.* Sanè optima rationes tripliciter iudicantur, tum ex tēporis curandi breuitate, tum ex curando citra dolorem, tum ex maxime iūdo curando. Rursus vt iūdo cura, tria propria sunt, quibus interius oportet: unum primumque, vt omnino absolutionem operis cōsequaris, alterum, vt sicubi hunc non consequaris, saltem cubantem non ladas: tertium, vt vitium non faciliè reueriatur, &c. Hoc præceptum multo antea præmeditauerat Hip. lib. 1. epid. sect. 3. text. 50. dum inquit: *In morbis in duobus te exerceto, vt profis, & non noceas: nam vt dicebat fidus Scholiastes in com. qui ita remedia agris præscribunt, ac illi qui alē iaciunt, quorū inuisilia præcepta magnum agrotis afferre solent incōmodum.*

Sextum præceptum. Vt emissarium fiat in ea quantitate secundum abscessus magnitudinem, ita vt si sit magnus, magnum fiat foramen; si parvus, paruum. Si multa copia puris, maius fiat orificium; si minor, minus. Hoc docuit Gal. 13. meth. cap. 5. reprobens illos, qui maximas sectiones facere solent, quarum occasione particula, vbi ad cicatricem est perducta, nō solum turpissima redditur, sed etiam fit imbecillior, solum ergo incisio fieri debet ad myrtei folij similitudinem. Et Cels. lib. 7. c. 2. monet, vt si scalpellus adhibetur, quàm minimæ, & quàm parvissimæ plagæ sint.

Septimum præceptum. Vt post apertionem mitigetur dolor, quem sectio fecit, deinde necesse est abstergere, euacuare, ad cicatricem perducere, vt citato loco meth. docuit Galenus.

Octauum præceptum. Vt sic Chirurgus sollicitus, ne faciat apertionem nervi, venæ, aut arteriæ. Quapropter vt hæc damna auertantur, iubet Albucasis lib. 1. de cauteriis, vt fiat apertio cum cauterio. Nam præterquam quòd ab imminenti hæmorrhagia præcauet, etiam partem à prauis symptomatis præseruat: sic enim, si accadat punctura nervi, à futuris grauissimis damnis præseruatur corpus. Contrà cōtinget, si in nervosis partibus abscessus aperiatur scalpello, nam tunc dolores, & conuulsiones contingere solent. At cum versarem nuper Cornelij Celsi, Medici summi cap. 2. lib. 7. eximium quidem, elegans, & doctum, incidimus fortè in huius auctoris circa hoc negotiū prætextatam sententiam, quæ superiori è directo repugnat. Sic enim habet medicæ facundia antesignanus auctor. *Si autem altius malum est, considerari debet, nervosusne is locus sit, an nō sit. Nam si sine nervis est, candenti ferramento aperiiri debet. At si nervi iuxta sunt, ignis alienus est: in his periculum est, ne vel distendantur hi, vel membrum debilitent, necessaria verò opera scalpelli est, &c.* quoniam ignis est nervis inimicus, vt optime dicebat Hip. de artic. com. 1. text. 54.

His positis, tantorum virorum inter se tam longè contrariis sententiis, ita difficile est hos in veram redigere amicitiam, vt nihil sit in actiosa Chirurgia difficilius. Quamuis autem acutè, & doctè eloquentissimus ille Orator, & celebris Medicus, mentem suam circa hoc negotium aperuerit; tamen Albucasis sententiam ampliùs tutandam, & roborandam arbitramur: nam damna sæua suprā relata frequētius accidere comperimus, si abscessus circa partes nervosas scalpello aperiuntur, quàm si cauterio; neque enim tunc nervorum fient conuulsiones, neque debilitabitur pars, cum ignis roboret. Hic, vt dicebat Hipp. nervis est inimicus, si profundè penetrat; sic enim Habet Hip. eo loco: *Transiciatur autem cutis candenti ferramento, sed non nimis aliè: ignis enim nervis est inimicus*

Ex hoc loco mutuatus est Albucasis sententiam similem, A  
dum sic ait, *lib. de cauteriis, c. 1. Et scitote quidem filij, quod ex secreto curationis per cauteriū cum igne, & bonitate ipsius super medicinam comburentem est, quia ignis est simplex, & eius actio non peruenit ad membrum quod cauterisatur, & non nocet membro alij coniuncto cum eo, nisi superfluat, &c.* Vel si dicas, mendolium esse contextum Celsi, pronuntiabis vera: de qua re interpretes Celsi, vt Petrus Pauuius, & Brachelius, nec verbum quidem protulerunt.

### QVÆSTIO XIII.

*Vtrum in morbo diuturno, alui fluxus utilis sit.*

**S**Ed venter abundè euacuabatur. Qui Hippocratica instituta medicæ integritatis normam certam constituunt, verum pronuntiant; nam ex huius summi auctoris doctrina eximia, velut ex equo Troiano, innumera prodierunt documenta. Quum enim plurimas recitasset sententias, in libro suo octauo Aphorismorum, quintam proposuit, ex qua Medici erudiuntur hoc modo. *In diuturno morbo, alui fluxus, malum, aut vt legunt Rodolphus Magister, & Nicolaus Fontanus, qui Aphorismos Hipp. in compendium, politè & doctè redegerunt: Ex diuturno morbo, alui fluxus, malum: quoniam hic vt causa, & vt signum reprobus est. In hunc sensum dicebat Auic. 16. 3. tract. 1. cap. 2. Et omnis fluxus ventris, post agritudinem vehementem, accidens subito, est significatio moris, quoniam significat corruptionem subitam, &c. & 2. 4. tract. 1. cap. 77. sit ait: Et fluxus ventris multus post signa mala significat casum virtutis, & præter hoc quod succedat leuitas, est significatio moris, licet febris sit etiā eradica, &c.* Fluxus enim hic non fit ex ordine naturæ expellentis, sed ex imbecillitate naturæ retinere non potentis: nam perniciosa sine signis leuantia mortem indicant, apud Hipp. lib. 2. prorrhetic. 17. cum sit decretoria non decernentia, quæ partim lethalia sunt, partim difficilis indicationis, vt dictabat Hipp. lib. 2. epid. sect. 1. in med. repetit Gal. lib. 1. epid. sect. 3. com. 1. 8. & lib. 7. aph. 4. cum iis quæ sine ratione leuant, fidere non oporteat, ex Hipp. 2. aph. 27. hoc est, iis quæ sine coctione, seu vacuatione rationali, & sequuta tolerantia leuant, non est fidendum; quum morbi qui sine signis finiuntur, malignius, retrocedant, ex Gal. lib. 3. cris. c. 2. nam tolerantia ægri maximè in euacuationibus expetitur.

Hac ratione alui fluxus in diuturno morbo eueniens, calamitosus est: retentricis enim facultatis nimiam debilitatem significat, & cum in morbo chronico, exhaustis spiritibus & sanguine, fatiscant vires, & minuat inter-  
nus ignis, crudorum succorum copia succrescit in corpore, quæ obstructions promptissimè generat; ex qua fluxus oritur, quem opilatum Arabicæ familiæ sectatores nuncuparunt, qui ex se funestus est, & difficilis curationis; nam fluxus quatenus fluxus, incrassantia expostulat, obstructio autem apertionem: si illa propines, auges obstructionem; si offeras incidentia, prouocas fluxum: ita vt ob varias, easque contrarias indicationes, fluxus hic veluti immedicabilis sit, & ex quo pauci euadere solent: immò vitio in vitium mutato, quum debilitas partium velut habitualis corrigi nequeat, & in morbo longo facultates omnes lapsæ sint, propullulat fluxus, quem Arabes omnium modorum vocitarunt, qui quàm periculosus sit, exactè proposuit Auic. 16. 3. tract. 1. cap. 2.

Proponamus exemplum in hydrope, (qua affectione vexari foeminam hanc arbitrabantur Medici) in quo, durante diu, multisiter ad malum alui fluxus contingit, nam accidit ob imbecillitatem venarum, quibus tanquam manibus iecur ad se trahit alimentum, & sic debiles id retinere nequeunt; sunt enim habituali frigida intemperie affectæ, & sic corrupta alimenta confestim labuntur deorsum. Accedit alia potissima causa, quod in hydrope detentis, ob obstructions scirrhasas, visceribusque contumaciter adhærescentes, putredinem internam, inflammationem, vehementem calorem partium naturalium, interceptam distributionem, hepar est valde debile, gliscit, & excandescit, & sic biliosum excrementum coacervatum profluit in intestina, ea vellicat, & mordet, &

proritat ad excretionem, qua vacuatione nec dolores sedantur, nec incendium internum, vltimum postea remedium habet, cum remaneat eadem facta inviscere generèque venoso intemperies, quæ semper eadem generat excrementa: hic fluxus alui in hydrope periculosus est, neque soluit dolorem, vt ait Hipp. lib. 2. prog. 2.

Ex ijs deduces, notabile ad praxim summopere necessarium, nempe euacuationem sine coctione reprobam esse, & inutilem. Hoc multò antea prædixit Galenus lib. 3. de crisib. c. 3. 6. Primum quidem, ac maximum bona crisis signum, sunt coctiones, &c. Hæ in omni vacuatione per quamcunque regionem eueniente obseruari debent; postea debet subsequi vacuatio: coctio enim sine vacuatione, & hæc sine illa, certam saltem non potterunt. Id expressè docuit Gal. lib. 4. aph. 22. dum sic ratiocinatur: Quando aliquis incipit morbum, siquid tunc excernitur, nihil tunc excernitur natura ratione, sed sunt omnia symptomata earum, quæ præter naturam sunt in corpore dispositionum, quo enim in tempore à causis morbum facientibus natura grauatur, & ad est cruditas humorum, tunc aliquid vtiliter euacuari est impossibile. Si quidem oportet coctionem præire, subsequi verò discretionem, & postea vacuationem, vt bona sine crisis, sine indicium, &c. & lib. 2. prog. 67. sic ait: Itaque necesse est & concoctum esse morbum, & excerni rectè secretionem, per affectionem quæ in sanitatem itura est.

Vtrum verò magis sit fidendum coctioni, quàm euacuationi, quid senserit Medicorum longè clarissimus Hippocrates, iam ex interpretatione Galeni lib. 4. cap. 22. promere ingrediar. Planè, inquit, coctiones iudicij celeritatè, salutisque securitatem significant: cruda autem, & incocta, & ad malos abscessus conuersa, indicationis carentiæ, vel labores, vel diuturnitatem, vel mortes, vel eorundem malorum rediui. Quando igitur post morbi coctionem aliquis humor vitiosus excernitur, tunc corpus à natura expurgatur. Et propter hoc acri-  
bilis, & alius omnis huiusmodi humor, ubi signa coctionis in morbi processu apparuerint, bonam significant euacuationem. Si verò aliter excernatur sine signis coctionis, exitialis est casus. Hactenus diuinissimus Galenus. Idem confirmat lib. 1. aph. 12. §. Illud scire oportet, quod signa coctionis quidem semper sunt bona, vt quæ morbi solutionem haud ita multò post futuram ostendunt: & lib. 1. cris. 13. & 14. immò milles id comprobare videtur, edoctus ab Hipp. lib. 1. epid. sect. 45. & 46. Ergo magis fidendum est coctioni soli, quàm euacuationi, secus quàm Medici opinati sunt, qui hanc sceminam pertractantes summè sunt lætati, & bonam spem de morbo conceperunt, quod nimio excitato alui profluui-  
o, à periculo immunem futuram arbitrantur, quum hoc sit contra Hipp. & Galeni mentem, qui euacuationi soli non confidunt, sed coctioni: nam ferè virtus quæ potuit integrè, & plenè materiam morbificam coquere & superare, sufficiens erit illam excernere. Ex hoc fit manifestum, in vera & vniuersali declinatione neminem vnquam vi morbi periisse. Hanc sententiam præclaro elogio firmavit Gal. lib. 1. meth. cap. 15. dum sic profatur. Saluberrimum igitur est in febribus venam scindere, non continentibus modò, verum etiam aliis omnibus quas putrescens concitauit humor, ubi præsertim nec ætas, nec vires prohibent. Leuata namque qua nostrum corpus regit natura, exoneratæque eo quo velut sarcina premitur, haud agrè, quod reliquum est, vincet. Itaque proprii muneris haud oblita, & coquet quod concoqui est habile, & excernet quod potest excerni. Vides quo pacto Galenus tanti faciat concoctionem, quam semper euacuationi præferre visus est. Vtrum verò concoctio securitatem omnino portendat, explicat discretè Cardanus lib. 2. contradi. tract. 16. cont. 4.

### QVÆSTIO XIV.

*Vtrum alleuatio prope mortem interdum Medicos deludat, vt monuit Galenus.*

**M**agna spes salutis Medicis oborta est. Quoniam Medicorum castra, non vt transfuga, sed vt exploratores ingressi sumus, nauanda opera strenuè est, vt publico studiosorum bono, electius aliquid, cultiusque proferamus in lucem.



lucem. Quæramus itaque vndenam sit, quod medicæ artis non imperiti interpretes, apud Hip. lib. 3. epid. sect. 1. text. 5. in hist. Hermocratis, anxie rimetur, cur Hermocrates hepatis inflammatione correptus, prope mortem fuerit sine febre, & cum sana mente, à dolore, & anxietudine factus immans, rectius habuerit, cum antea esset delirus, surdus, vigil, & siticulosus. Hoc modo mulier in Thaso, decumbens iuxta frigidam aquam, apud Hip. lib. 3. epid. sect. 3. text. 73. cum ex partu, suppressis lochiis, in febrem acutam, horridam incidisset, grauissimis concussa symptomatis, voce priuata, prope mortem resipiscerebat, & loquebatur. Sic Apollonius in Abderis, in eodem lib. epid. text. 84. antequam obiret, erat cum solatio. Demum vix vllus emoritur vnquam, quin aliquando antequam decedat, videatur sibi, & assistentibus melius habere.

Huius quæsti multiplicem tradunt rationem, qui in explicando Auicenna primas tenent: nam hic auctor can. 4. tract. 1. cap. 4. sic profatur. *Et multoties accidit apud mortem dispositio, quæ est sicut declinatio, & est quasi eger euaserit, & non oportet ut tu occuperis in hoc, immò cognoscas dispositionem pulsus, & an magnificetur & fortis fiat, &c.* Primam colligunt ex Gal. supra, in historia Hermocratis, dum sic ait: *Quos quidem affectus ignorat vulgus, & gaudet si qua indicatur alienatio: tamen si hac de exitiosis signis, & symptomatibus prioribus profisciscatur, nescium, cum natura enecatur, extinguitur insitus calor, tales solere affectiones incidere: non secus ac partes, quæ defluxione mala in tumorem assurgunt, ubi natura præ infirmitate haud quaquã attingit coctionem humoris, qui excitauit tumorem. Nam cum generatur, inquit, pus, dolores fiunt, & febris, quod narius calor humores, tumoris auctores immixt. Quare quando hac omnino à concoquendo abstinet per imbecillitatem, nec laborant, nec febricitant, nisi per parum, &c.* Vides quomodo emoriere per partes internas sensu, cessat natura præ imbecillitate à coctione, & à pugna; & tunc oriante facultatum actione mixte videntur symptomata, & hoc ipsum, est ipsum mori. Secunda causa est, quoniam naturalis facultas ob imbecillitatem excrementa non mouet, quæ immota minus partes principes concutiunt vapore suo. Tertia est, extremus naturæ conatus, qui si non expellit, facit tamen, ut abscedant excrementa à partibus principibus ad tempus, in quas non impetu illa irrutientia inopinatò mortem afferunt; quum spes aliqua salutis sese cœperat insinuare.

Quo pacto, hæc miritice symptomatum sæpe vel peritissimos Medicos deludere solet, qui hac lenitate irriti, salutem præfagiunt, quum non multo post mors subsequatur. Hoc significauit Galenus, in eadem historia Hermocratis, per hæc verba. *Mibi verò animum diligenter aduerte: ac caue muretu, qui sæpe ego, quum quempiam perniciosè se habere dixissem, qui interim repenti haberet bellè, adeò ut lauaret, illuderet que non à plebeis tantum, sed & à Medicis quibusdam, in prædictione tamen constarem. Postea cum repeteretur ille à morbo, qui videbatur rectè habere, morereturque, ex diuinatrice, non medica speculatione habitus sum prædixisse, quum hæc præclari isti ipsi Medici nusquam esse affirmauerint literis mandata, &c.*

Quanam igitur ratione hæc à Medicis sint obseruanda, ne ita miserè decepti infamiam incurrant, Auicenna explicuit supra dicens: *Non est necesse ut Medicus occupetur in hoc, neque sit contentus cum quiete hac, sed antea à signa rimetur, ex quibus, an hac alienatio symptomatum sit vera, an fallax, indicare queat, & conferat signa omnia inter se, videatque num morbus sit finitus cum abscessu aliquo. Quæ enim sine signis finiuntur, malignius retrocedunt, ex Gal. 3. cris. c. 2.* Omnia hæc, vario, & fidelissimo vsu nixus vbertim explanat Gal. 1. 6. epid. sect. 2. com. 11. dum hæc antea verba profatur. *Dolor lateris quempiam inuasit, ut signa quæ affectum indicantia nominantur, nobis declarant, quod etiã grauis transitus morbi attestatur: quare sæpe fit, ut Medicus repente ingressus, & morbi, & doloris leuationem esse factam, & adstantes laetos comperiat, ipse tamen latari temerè nō debet, sed querere factane sit iudicatio, aut abscessus eruperit, quorum nullum si factum inuenerit, sed agroti oculos periturbatos, signaque delirii adesse intueatur, tunc magnum esse malum pronuntiabit: tunc enim sedata quidem pleuritis est, sed*

Lib. I II.

A *ad perniciem, propterea quod materia ad cerebrum impetum fecit, &c.* Ex quibus verbis constat manifestè in morbis exitiis non esse temerè spem salutis pollicendam, si fortè aliqua elucet leuatio, ne si forte recrudescente morbo mors contingat, vel sefellisse, vel ignorasse Medicus videatur, ut scitè norauit Celsus lib. 5. c. 26. in initio. Auicenna supra citata sententia, ex pullu docet distinguere hanc declinationem mortalem, à vera: nam in hac redditur pulsus magis ordinatus, æqualis, & vehemens; in illa verò fit pulsus debilior, inordinatus, ac inæqualior.

Ex iis apertè apparet Medicos hanc fœminam curantes fuisse deceptos: nam licet abscessus esset apertus, & ab eo pus emanaret in copia multa, quum tamen cætera signa, ruinam, naturæque debilitatem, & omnimodam extinctionem portenderent, euident erat, ægram necessariò perituram. Caue ergo ab istis qui irrationalem experientiam colunt, atque hæresim methodicam amplectuntur, omnia artis nostræ theorematum destruendum, quæ rationes quasdam dogmaticas quidem, sed multis erroribus implicitas consecratur, ut verbis utar Gal. lib. 2. ad Glaucon. cap. 2. in fin.

## QVÆSTIO XV.

Vtrum Galenus symptomata ex suppressis menstruis orta rectè descripserit.

D Vm curiosius Græcorum monumenta versarem, pro harum historiarum, quæ de menstruo suppresso sunt propositæ, explicatione, in quibus quæpiam sunt scripta, Medicis auribus (ut reor) non indignæ; pergratum me studiosis facturum opinatus sum, si hinc commentationibus illustria insererem, addendo etiamnum ex veterum scientissimis non nihil, ne in hac parte mutilæ, ac quasi alymbolæ videantur. Quamobrem reiecta omni vesica, sic cum Gal. claudere partem hanc satius duxi.

Fœminis, ex consilio naturæ, locus est concessus, formando, alendoque fœtui accommodatissimus, & cum pro his visibus materia eiler necessaria vberissima, consonum omnino fuit, plus sanguinis illis inesse, quàm conficere possent: cum verò in eam vtilitatem non expenditur, aliquid eius superest & redudat, præsertim in corpore, quod nec caloris copia, nec ex vitæ studio, & instituto satis aptum est, resolutioni eorum quæ supersunt. Vnde rectè Gal. lib. de venesectione aduersus Erasistratum, c. 5. Muliebre, inquit, genus, quod domi agat, nec vehementibus laboribus exerceatur, aut sub claro sole viuat, humorum coaceruat multitudinem.

D Vt ergo sagacissima natura fœminarum incolumitati prospiceret, & plurimos, eosque fetinos morbos antecederet, ex menstruo sanguine retento pronatos, quos supra liberali stilo descriptimus, illis menstruam purgationem concessit, ut quod sanguinis superest, certis quibusdam, statutisque temporibus per vterum excerneretur innoxie, tum ut ad locum conceptioni idoneum assuescat, tum ut à superfluo per commodam regionem corpus expurger. Hanc sanguinis expurgationem tam Medici, quàm Philosophi menstrualement nuncuparunt, edocti ab Hipp. in lib. de morbis mulier. in locis multis, & Arist. lib. 7. de histor. animal. cap. 1. & alibi.

Quamuis autem fœmineum genus vniuersum plus superfluitatum, quàm masculinum aggregare constet; non omnibus tamen viuiparis, sanguineisque animalibus menstrua succrescunt: superuacua namque in corporis alimentum conuertunt, aut in corium durum, squammas, pilos, pennas, demum in crassas & multas vrinas. Huiusmodi enim purgatio mulieribus inter fœminas euenit vberior; equabus minor; & parciore adhuc iuuentis; nulli, ut mulieri, ex Arist. lib. 6. de hist. animal. cap. 18. & 20. Deinde, omnium maximè mulieres menstruas purgationes habent, quoniam bruta parciissime viuunt, vno victus genere vtuntur, laborant, exercentur: mulier verò liberaliori, eaque varia esca uti solet, otiosa est, sedentaria, & sanguinis copiam non conterit.

Inter symptomata, quæ ad menstrua retenta sequi solent, numerat Galenus lib. de loc. affect. cap. 5. lac, cum Hip. lib. 5. aph. 39. Verum, quia etiam nullo in māmīs lacte

apparente menstrua retinentur; quin & gravidis, & foetis procreatur, alia adiungit, scilicet molestum quendam gauditis sensum toto corpore perceptum, quem sequi necesse est, ex defectu purgationis redundantium superfluitatum; & ex eadem causa inquietudinem, qualis euenire solet iis, qui præ ingesti cibi multitudine, grauiter, molestéque habentes, implacidi atque inquieti fiunt, & dum in lecto iacent, sese hac illucque proiciunt, crebróque permutant, ex Gal. 1. acut. comment. 22.

Oriuntur deinde ciborum inappetentia, ac fastidium, propter ventriculi cum vtero consensum: horrida inæqualitas, hoc est quam horror comitatur, de qua lib. 2. de sympt. caus. cap. 2. nam si citra horrorem inæqualitas fiat, simulque fastidium incidat, & rerum alienarum, seu vitiosarum cupiditas; datur suspicio gestationis, ex Hipp. 5. aph. 6. 1. & omnimoda ferè certitudo, si os vteri internum citra duritiem clausum sit, ex Hip. 5. aph. 5. 1. Si creber vomitus infestet, vel terræ, carbonum, & similium appetentia, quæ gravidis est familiaris, & Pica vocatur, de qua Galenus lib. 1. de caus. sympt. c. 7. Quod si præter dicta symptomata, & mensium suppressionem, vteri ceruix cum quadam duritie claudatur, non gravidatio, sed præternaturalis aliquis vteri affectus protenditur in illa sui parte, quæ tangenti obstetrici retracta apparet, sursum, in dextrum, vel sinistrum; confirmante simul dolore, & grauitate sensata, cuius certissimus index est dolor. Is insuper vtero affecto in coxam nonnunquam decumbit; quin & per incessum cruris claudicat è regione positum, ex lib. 6. epid. sect. 1. text. 2.

Porro si menstrua retineantur, tumor præter naturam in ilibus exoritur; sequuntur lumborum dolores, colli, & syncipitis, tractis in consensum illis partibus. Febres ardentes, ex retento, ac putrefacto bilioso sanguine in venis. Nigricantes aliquando vrinæ redduntur, aut rubra quadam sanie commixtæ, pellente natura ad lotij meatus portionem quandam menstrui suppressi. Nonnunquam vrinæ difficultas, aut omnimoda accidit suppressio, vias ipsas vrinarias crassis excrementis obturantibus. Interdum sanguinis spuitio per os 5. Aph. 3. 2. aut per quamuis aliam partem. Phlegmonæ, & erysipelata pari ratione excitantur. Hæc igitur cum accidunt, menstrua esse suppressa consiciendum est: neque enim probè purgatis (inquit Galenus) talia eueniunt. Quapropter vterus omnium muliebrium morborum in causa est, vt dicebat sapientissimus Senex lib. de loc. aër. & aq. rum. 76. & Galenus alatis in medium testimoniis, in cap. cit. de loc. affect. vbertim confirmat.

Sed multa sunt, quæ lectorem à Galeni lectione auertere possunt. Et in primis sic insurgo, contra signum ex lacte in mammis collecto desumptum. Nam vel dicitur quædam albi, necdum concreti adipis portio, ab omento sursum distillata, ex veteri compressione retentis mensibus turgidi, quod putauit Hip. lib. de natura pueri, ad med. vel secundum Aristot. 4. de generat. animal. 8. albus ille, dulcis, & percoctus liquor in vberibus genitus, & ex sanguine illo in toto corpore redundante, & præcipuè in corde, atque inde tanquam è fonte ad vbera facillè permeante, ob loci vicinitatem, & inanem laxamque contexturam, ad recipiendumque promptissimam. Demum, vel iuxta Galenum lib. 14. de usu part. cap. 8. & lib. 5. aph. 37. quia & vtero, & mammis communia quædam sunt vasa, per quæ sibi mutuò materias impertiuntur: sic providente natura, vt commoda pararetur foetus alitio: & sicut quamdiu in vtero existit, ad ipsum ex vniuerso corpore sanguis confluit, quia in vtero continetur; ita postquam in lucem exit, ad vbera transmittitur 7. de usu part. 22. Sed quocunque modorum illorum generatio lactis consideretur, admitti nequaquam potest, præterquam in gravidis, & lactantibus. Igitur ex lacte apparente iudicium sumi nequit menstrui præternaturaliter retenti. Probat, quia licet menses retenti materia sint lactis, ex ea tamen sola, effectus nequaquam sequitur, & maximè si causa deficiat finalis. Cum igitur hæc ex omnium consensu, sit prolis nutritio intra vterum, vel extra; nequaquam poterit generari lac, nisi in his quæ conceperunt, idque debito

conuenientique tempore, scilicet prope partum, ex Hipp. Arist. & Gal. idè enim tunc temporis vbera insigniter intumescunt.

Secundò. Quemadmodum in præternaturali mensium suppressione, totus ille sanguis corruptus, & naturæ superfluous in corpore colligitur: ita & cum menses ipsis gratia conceptus sistuntur. Igitur similia patientur symptomata, fastidium, horrorem, tam quæ in vtero gerunt, quàm alia; immò verò illæ grauiores ex derelicta impuriore, & magis sæculenta sanguinis parte separata à præstantiori, quam ad se foetus pro sui alitione alliciunt; inde enim toto ferè gestationis tempore pessimè habere foeminas, Medici edocti ab Hipp. lib. de morb. mulier. passim confirmant. Atque adèd insufficenter videtur Galenus distinxisse per ea accidentia, retentos menses à conceptu, & aliis causis. Nec minùs per indicium illud ex vteri clausura, ita vt si eius os tangenti obstetrici clausum citra duritiem occurrat, credatur cessare purgationes, quia grauida sit mulier; si autem durus & clausus appareat, ex phlegmone: nam præterquam quod tangi ab obstetrice non potest, cum modica vteri ceruicis longitudo, vnde cum digitorum sit, lib. de dissectione vulue, cap. 2. & 21. 3. tract. 1. cap. 1. si gravidis os vteri clauderetur, & nequaquam aperiretur, superfœratio fieri non posset, contra id quod expressè docet Hip. lib. de superfœtat. in init. & euentus confirmat. Deinde, quæcunque pars suscipit humorum affluxum, tumet, & notabiliter distenditur, tantum abest quod contrahatur. Ergo pariter & vterus, siue gereus, siue inflammatus, multò magis distenderetur, & aperiretur, & habebit magis, non secùs quàm vena oculi tunica, cuius inflammata foramen magis patescit.

Tertio. Licet flatus à toto corpore & vtero exhalantes, sursum ascendant, supremum verticem petentes, per eam tamen caluariæ partem, vt pote quæ tenuior est, & futurarum ferax, facillè exhalant, & parum aut nihil immorantur: idè enim natura per sanitatem eò mittere solet, quia per eum locum habent exitum festinum, & commodiorem distensionem sortiuntur. Igitur & hac de causa, & ex consuetudine minor molestia, ac noxa in syncipite percipitur, & per consequens, &c.

Quartò. Si vrina nigra in suppressis menstruis apparet, omnes ferè interirent, quibus illæ purgationes cohibentur. Atqui nec multæ inde intereunt, nec valde periclitantur. Igitur. Probat sequela, quia ex 2. prog. 32. exitialis est illa vrina, ita vt 1. cris. 12. nullum cum tali vrina vidisse sanatum affirmet Galenus.

Vltimò. Si memorata symptomata benè purgatis non acciderent, ipsis apparentibus prædicere ceterò posset Medicus mensium defectum, antequam laborantem audiat. Sed Galenus insuper iubet interrogare, num menstrua retineantur. Igitur suppressionis eorum non sunt illa omnino certa indicia, alioquin quorsum in re certa interrogasset.

Sed nos, quoniam à Galeni doctrina tam reuelli nescimus, quàm nolumus, quod hic nunquam non fidem tueatur suam, literarum magnitudine, ac recondita suppellectile, iccirco quidnam parte hac coryphæus Galenus senserit, quidve cæteris præstiterit, astruamus. Huius ergo tanti Medici ingenium profundissimum admirantes, argumenta contra eum proposita dissoluamus. Ad primum. Quemadmodum corium, scripsit Hip. multo oleo illitum, si fortè comprimatur, huc illucque oleum effundit; sic grauidæ venter pinguior per conceptum factus, à tumente vtero compressus, sursum & deorsum pinguedinem exprimit: hæc ad vbera deueniens replet, & attollit, & lactando puero præbet nutrimentum; nec enim aliud, lac opinatur, quàm adipem liquatum à calore, ex albedinis, pinguedinis, & dulcedinis similitudine inductus. Sed quanquam pecora (quod ipse ait) dum vtero gerunt, pinguescant, ex cibo copiosiore quem ingerunt, propter absumpta excrementa, quæ tempore sanitatis in proprios vsus reseruant, non excernunt per menses: mulieres tamen grauidæ vt plurimum gracilescent, & malè habent, ob retentam copiam excrementorum.

Præterea, multò magis turget, & comprimitur venter per

per hydropem, quàm per fœtum. Atqui in maiori illa A interdum etiam gigni, & effluere dixit Aristot. lib. 3. de hist. animal. 20. finis autem talis prouentus est etiam partium alitio, & nocummenti remotio. Ex quibus ad argumentum patet responsio.

per hydropem, quàm per fœtum. Atqui in maiori illa A interdum etiam gigni, & effluere dixit Aristot. lib. 3. de hist. animal. 20. finis autem talis prouentus est etiam partium alitio, & nocummenti remotio. Ex quibus ad argumentum patet responsio.

per hydropem, quàm per fœtum. Atqui in maiori illa A interdum etiam gigni, & effluere dixit Aristot. lib. 3. de hist. animal. 20. finis autem talis prouentus est etiam partium alitio, & nocummenti remotio. Ex quibus ad argumentum patet responsio.

Rursus, conuenientissimum quidem fuit grauidis, in fœtus materiam & alimoniam, sanguinem ex vniuerso corpore ad vterum cõfluere, parientibus ad vbera moueri, & redire: verum tam exigui sunt ramuli illi ab vtero conscendentes, vt n̄ magnus aliquis conatus accedat, prouidentia, & industria, cuius vi crassus menstruus sanguis opportunè in superiora trudatur, frustra ex sola vasorum societate speres illius consensum ad vbera, maximè propè partum; immò verò promptiorem decubitus in crura, & quia horum vasa extant grandiora, magisque cum illis vteri communicantia; & quia sanguis ipse præ innata crassitie, & grauitate deorsum inclinatur; & fœtus loca superiora occupans, consensum prohibet, & ad inferiora propellit quidquid de alimento superest. At si grandior fœtus pluri indiget alimento, atque idè ex omni parte trahit, maximèque ab vberibus; & præ illius inopia, illud extrà quæ siturus calcitratur, dicente Hip. cit. de pueri natura, atque in lucem prodit nonnunquam intempestiuè. 3. aph. 31. quomodo postremis mensibus sanguis ad vbera sponte remeabit, ea repleturus? Insuper, si post partum fluente ex vtero sanguine, ipsa etiam replentur, quia probabilitate credemus ante partum repleti, quia prohibetur sanguis extrà prodire?

Dicendum ergo, non ex ista vasorum societate, non casu, aut fortuna sed arte eximia, quod ipse Galenus perbellè prædixit, & summa naturæ prouidentia, sanguinem prope partum à virtute informatrice ad vbera ipsa mandari, vt lacte turgeant, tumeantque ad fœtum aliturum; non secus quàm illius formandi, & alendi gratia, ad vterum antea mittebat; & in plantis, certis quibusdam temporibus, deorsum ad radices mittit; aliis, sursum ramis; aliis, floribus & fructus producendis. Post partum iuuat sanguinis consensum valida infantis succio, roborata exercitio tractrix, & partis inanitio seu vacuitas.

Cur verò fœtus ipse iam grandior intra vterum, vehementer non attrahat, copioso indigens alimento, vel non prohibeat vberum incrementum, ac turgentiam, inquit Aristoteles, quia quò magis perficitur, plus superest excrementi: quum in solam nutritionem absumatur, non in membrorum formationem, sicut ab initio. Adde, vel quia absolutus iam, & perfectus lucem exoptans, parum sibi iam in vtero curat alimoniam, vnde non ita continuò trahit. Iunge, quòd licet validè trahat, tamen magis turgeant vbera prope, & post partum, quia minor mensuræ copia celerius potest, & facilius concoqui in lac; nam magna opprimit coquentem vim.

Quare autem volucres lac etiam non generent, quo pullos alant, petendum ex Galeno cit. de usu part. Nam quia sicca naturæ ob volatū esse oportebat, docuit etiam superfluitates non congerere, quibus grauentur, impedirenturque volare. Verum lactis penuriam compensauit natura maiori in filios amore, quo stimulatæ victum illis conuenientem sollicitè quærent, vnde quæque parant & suppeditant, quamdiu præ corporis mollitie, sua industria quædere non possunt. Porro quamquam lactis promouendi finis in gestantibus, & puerperis sit nouæ prolis educatio, gratia etiam vberum alendorum gignitur, non secus quàm testium semen; ac proinde nihil mirum, si etiam in non prægnantibus appareat, & turgeant mammae in mensium suppressione, pellente natura sursum, id quod sibi supernacuum est, & alienum, cum extrorsum per vteri canales excernere nequit: immò verò & maribus

Ad secundum, Galenus responderet 5. Aph. 61. commune esse fastidium omni mensium retentioni, ob oris ventriculi læsionem, sed in eo distingui cum ex alia causa, quàm propter conceptum sistuntur, quòd in illa horror, ac febris simul superueniant. Cur verò hæc pariter non infestent ratio est; quoniam in iis, docente Galeno in com. citra causam manifestam menstrua repente supprimuntur, & separata vili, optima, & dulciori portione pro fœtu alendo quòd superest, sæculentum quidem & impurum, partim in vbera & ventriculum transmittitur, propter naturalem consensum earum partium cum vtero; vnde rursus evaporans in ventriculum ipsum, & iecur, impuritate sua vitiat ciborum appetentiam, atque multa alia symptomata gignit; rigorem autem, ac febrem minimè, quoniam propter crassitiem, nec ita dimoueri potest, vt rigorem efficiat nec putrere in dictis locis, ad inducendam febrem.

In non grauidis autem, quibus retinentur menstrua, totus ille sanguis paulatim in vasis acervatur, ac proinde fit necesse, quòd eo putrente rigeant, & febricitent mulieres, quòd dixit Hippocr. loc. cit. aph. Quòd attinet ad vteri clausuram, eam Galenus putat firmissimum gestationis indicium, dummodò citra duritiem fiat, ex Galen. 3. de facultat. natural. 3. Idè enim ferè putat purgationes fisti concipientibus, quia clauditur, siue comprimitur os vteri, nec quicquid prodire sinit, nisi in partu, quo tempore aperitur ad exitum fœtus; reliquo, hoc est, extra conceptum & partum, hiat instar calami inanis. Verum quanquam grauidis ita occludatur, vt nec cuspidem acus admittat, & prædictæ longitudinis habeat ceruicem, tangi tamen rectè potest, & superfœtatio fieri, scilicet quia ab illecebrosos immixti digiti contactu, vterus ipse ex innata doctrina descendit, veluti concupito semini occursum, & in congressu illo recepturus, perpetuò aperitur, quantumuis gerat, quemadmodum opinantur aliqui; nec aliud voluisse Hip. & Gal. quàm grauidis claudi, id est, sponte non hiare; recludi tamen, vt virilis iniiciatur genitura.

Addunt alij, dummodò sit denudè conceptura mulier, ita enim à conceptu vterus naturaliter contrahitur, coarctatur, & comprimitur, quomodo dum venter cibum & fellea vesica bilem amplectitur, ex Gal. 3. de facult. natural. cit. vt nequaquam aperitur, nisi in superfœtatione, hoc est secundà, vel altera imprægnatione, quòd nomen ipsum palam indicat: non enim simultaneè vno in congressu, sed diuersis fit superfœtatio, neque illis valde distantibus, sed vbi paululum temporis à primo conceptu intercessit, si sit fœtus perficiendus, ex Hip. lib. de superfœtatione num. 1. §. Quæ gemellos gestat, eadem die parit, prout concepit, &c. Aristot. 7. de hist. animal. cap. 4. & lib. 4. de hist. animal. c. 5. §. Si autem coitus proximè ab altero accessit, &c. Vide Plinium lib. 7. hist. natural. cap. 10.

Nonnulli interpretantur, coarctari os os vteri prægnantibus, vt plurimum, & ferè semper, nec ampliùs nisi parientibus aperiri, atque ita esse veteres intelligendos: superfœtate verò, quibus non ita ab initio valde clauditur, prout expressis verbis testatur Hip. citato libro. Quia tamen rarò accidit non exactè claudi, idè etiam rarissimè superfœtatio contingit, quoniam post primum conceptum magna ex parte ad partum vsque se comprimit, docente Arist. 4. de generat. animal. cit. Obstrui autem membra à materiæ copia, præsertim crassa, poros, cavitates, & meatus replete; ab inflammatione, & re corpulenta distendi, obturari, & claudi satis manifestum est. Quòd si vuca inflammata ex humoris affluxu magis hiat, fit istud quia tensa cum sit, vbi per inflammationem repletur, contrahitur, corrugaturque, vnde magis patescit foramen: at verò vterus latus præ humoris copia distenditur, & tumet, atque adèd os suum comprimit.

Ad tertium. Quare in vteri affectibus caput doleat, & inter illius partes synciput magis infestetur, & ad verticem potissimum, Galenus explicat, lib. 6. epid. sect. 1. cit. non quòd vterus sit aeruosus, neruorum origo cerebrum,

& plurima eius pars in syncipite locetur, vel inde ad vterum nerni detruentur, atque idè eo patiente simul afficiatur neruorum principium, & illo maximè loco, prout arbitrabantur quidam. Minus, quòd illa capitis pars infirmissima sit, atque idè magis quàm aliæ vitiis obnoxia: sed quia vteri valis, quæ plurima grãdiæque sunt, ex phlegmone, vel mensium suppressione repletis, calidi vapores à putrente sanguine sursum eleuatur, eam potissimum cerebri partem replentes, in qua terminantur vasa cerebri ingredientia: cùmque hæc ad synciput, anteriorèscque cerebri ventriculos cessare videantur, ibidem magis viget dolor, in plenitudine capitis flatulenta. Secunda causa. Natura sanitatis tempore, ad synciput solet mandare, quæcunque tenuia, & halituosa excrementa in cerebro acervantur, scilicet quia eo in loco suturæ laxissimæ sunt, & ipsa calvaria subtilissima, pluribusque meatibus peruiâ, quibus facillè diffiliari queunt: igitur eò etiam mandabit, vbi præternaturaliter redundauerint in capite excrementa, & per consequens, &c. Tertia. Maior sensibilitas partis facit, vt à pari dolendi causa, dolor maior sentiat. Atqui in syncipite sensus magis viget, ob membranas & vasorum multitudinem, quæ iuxta suturam sunt. Igitur, &c. Additur etiam à Rhasio lib. de dolore iuncturarum, cap. de sciatica, causa, quæ etiam à priscis, referente Galenò, ex rectitudine syncipitis cum vtero: hic enim cum in medio vesicæ, & recti intestini locetur, rectè habet positum è regione synciput, nihil igitur mirum si ad ipsum facillè concendant ex vtero vapores, & ibidem maiorem inferant molestiam, interim dum retinentur, & non erumpunt. Nec verò eò mittendi consuetudo, quod obiciebatur, noxam minuit, quin potius augmenti præstat occasionem, nempe quia docta, & facilitata ex consuetudine, ad eam tantum partem, vel magis transmittit superruantes: hæc autem licèt habeant faciliorem per suturas diffusionem, præ multitudine tamen, & loci angustia non ita facillè permittuntur exire.

Ad quartum. Licèt nigra vrina ab exurente calore, qualis est acurarum febrium, superassante bilem, ac in atram conuerrente, vel ex frigidityte mortificante, ac denigrante humores, oriatur; eaque reproba sit, perniciofa, & ferè lethalis: tamen aliquando ex melancholici humoris permixtione, accidit interdum citra noxam, vt in mensibus retentis, hæmorrhoidibus suppressis, critica vacuatione quartanæ, melancholia morbo, splenicis, cutaneis affectibus, & similibus, ex decrero Gal. 1. cris. 12. lib. de aira bile, c. 3. & 3. epid. sect. 3. com. 82. Actio terræ 2. D serm. 1. cap. 44. Actuatio lib. 1. de iudicio vrinarum, cap. ult. quæ incolumis sæpe apparet, & citra periculum in productis febribus, diurnis, nocturnis, erraticis, restante Auicenn. 2. 1. doct. 3. cap. 2. ex sumpto edulio, vel diuretico medicamento humorem nigrum vacuante, prout accidit seruo Actuarij, cuius historiam lege in lib. 2. in comment. histor. 132. quo loco plura inuenies de argumento hoc ex priscorum penu facundissima deprompta. Immodò in acutis, ex magnoque incendio ortis, potest etiam aliquando, quanquam rarissimè salubriter excerni, præsentè virium robore, coquente virtute, criticèque per vesicam, atram bilem excernente, vel ad ignobiliores partes detruante, quemadmodum in ægro illo 1. epid. sect. 3. text. 20. de quo Galenus dixit, præter rationem superuixisse, quoniam nigrum eminxerat. Licèt enim ille neminem viderit seruatum, qui eam excerneret, viderunt alij cum Hipp. nec enim is voluit semper esse exitialem, sicut nec deiectionem nigram, 4. Aph. 22. sed vt plurimum, & frequenter, in quo sensu etiam artis theorematata recipiuntur, & ita dicit Auic. 2. 4. tract. 1. c. 85. non verificatur iudicium penis de morte, propter nigredinem vrina.

Ad vltimum, perinde ferè dicendum, quia integrè purgatis ita memorata symptomata non euenire dicuntur, vt tamen aliquando, licèt rarissimè possint: idè ne præfando deludatur Medicus, ad maiorem certitudinem præcipit Galenus interrogare, num omnino supprimantur, vel diminutè fluant purgationes.

\* \* \*

## HISTORIA VI. RHASII,

### De vteri procidentia.

Vterus extrà prolapsus, putrefactus, & citra periculum totus ferè abscissus.

Vter filij tinctoris patiebatur aliquid colica, & dedi ei ad succendum, electuarium multa caliditatis, & seruibas dolorem in matrice, & propter apostema quod erat in matrice, intestinum rectum coarctabatur, & ex hoc erat non modicè constipatum: & dolor augmentabatur, cùm stercus descēdebat, & natura conabatur ipsum expellere, & non poterat: & cum incepi illi has medicinas exhibere, visū fuit quid appareret in vulua aliquid simile secundinæ: & iussi tunc obstetrici, vt rangeret quod apparuit, & diceret duritiem eius, & cuius tactus erat: & dixit quod erat molle, & insensibile: & mandavi ei quòd ligaret cum crure, & post duos dies præcepi, quod incideretur totum id quod erat insensibile, & ter idem apparuit, & similiter fuit legatum vicissim. Rhafius lib. de mirabilibus curis.

## P A R A P H R A S I S.

Licèt vterus vndique sit alligatus, antè, retrò, supernè, infernè, dextrè, sinistrè, obliquè, ossi pubis, ilio, & sacro, & per tunicam à peritonæo, dextra, & sinistra parte sit connexus, magnis valis per arterias, & venas, præsertim spermaticas, & apophýsin Peritonæi, spinali medullæ per neruos, recto intestino per quasdam tenues fibras, vesicæ per alias, sed plures, & laxiores, ossi pubis per vineula laxa: tamen procidere posse, & ob varias causas è sua sede prolabi, priscorum peritissimi, tum Hip. lib. 2. de morb. mulieb. tum Galenus, cæterique medicinarum principes, & Arabicæ familiæ procures confirmarunt, qui peculiare caput de vteri procidentia, prolapsu, seu descensu conscripserunt.

Dicitur ergo vteri prolapsus, quum ita deorsum eueritur, vt foras promineat; estque morbus in situ, vteri omnes operationes lædens. Huius causam Auerrhoës lib. 3. collect. cap. 29. ad tria genera reducere conatur, ad casum, perculsionem, & humiditatem lubricatiuam. Auicenna 2. 3. tract. 4. cap. 4. plures huius affectus causas proposuit. Aliæ internæ sunt, quædam externæ. Illæ ex sola repletione oriri solent: nam vterus repletus, onerosus, ac grauis factus, totus deorsum ruit. Mucosa, & humida substantia in corpore vteri collecta, & in acetabulis ipsius imbibita, est in causa, vt ipse laxatus, in propria sede vinculis contineri nequeat. Auicenna, apostemata omnia esse causam præcipitationis vteri asseruit: nam vterus nimio pondere labitur ad ima. Externæ causæ numerantur, frigus pedum, saltatio, terror, nimium exercitium, praua foetus extractio, violenta secundinæ depulsio, spiritus cohibitio, immensi oneris sublatio, plaga, partuum frequentia, animi affectus, præsertim ira ita vehemens, vt in peritonæo aliquid disrumpatur, laxeturve aliquod vinculum ad ossa pubis.

Signa sunt manifesta, sanguis plurimus erumpit: adest dolor ingens ilij, lumborum, ossis sacri, hypogastrij, & pudendi. Tumor oui forma, sed magnitudine varia, pro affectus vteri, & colli eius amplitudine, visui & tactui appareret. Stercus, & vrina supprimuntur, à tumore vteri, rectum intestinum, & vesicæ collum comprimente. Febris comitatur interdum. Si ligamenta humore multo madescant, & laxiora facta huic morbo principium præstent, ex antea vita, & excreto per vterum, patebit manifestè. Si verò nimia humoris copia relaxatus vterus, & eius vincula putrescant, tunc sanies putris, virulentaque materia emanare solent.

Ex iis triplex in hoc affectu insurgit curandi ratio. Prima, quæ vterum ad proprium locum reducere docet. Secunda, quæ redactum tuetur, ne iterum decidat, hocque ablata causa perficitur. Tertia, quæ vterum adstringit, firmat, & roborat. Has omnes curatiuas indicationes, quum



quum ante me Iuniorum peritissimi, qui de morbis inter-  
nis, & muliebribus seorsim scripserunt, propositis in me-  
dium variis præsidii exararint, non est cur modò in eis  
describendis tempus conteram. Lege eruditissimum Fabri-  
cium Hildanum *centur. 4. obseruat. chirurg. 60. 61. & 62.*

Vt ergo ad historię explicationem accedam, existimo  
femina hanc, vteri inflammatione laborasse, quæ ex pi-  
tuitoso humore originem ducebat, simulque habuisse ali-  
quid colicæ, hoc est, passam fuisse dolorem colicum, ob  
flatuum copiam enatum, qui ab vtero ad intestinum co-  
lon sæpe eleuari solent. Non fuisse intensum, ac vehe-  
mentem dolorem asseuerat, quod explicat per verbum  
(*aliquid colicæ*), quasi diceret, habuit aliqualem dolorem  
scilicet paruum, & in regione coli perceptum: nam, vt  
Auicenna *loc. cit. cap. 13.* asseuerat, *Apostema phlegmaticum  
marris comitatur dolor, de quo non sit curandum.* Hæc fuit  
causa, cur obtulit electuarium multæ caliditatis, quod ad  
dissoluendos flatus, lentumque humorem vacuandum  
erat eximium: & licet in vteri inflammatione febris sem-  
per adsit, vt pluribus locis testatur Galenus, præsertim  
*l. 6. epid. sect. 1. com. 2. & sect. 5. com. 14. & 3. prorrh. com. 27.*  
quoniam vterus cum corde maximum consensum habet  
per arterias insignes, tum spermaticas, tum hypogastricas:  
& Paulus firmat *lib. 3. cap. 64.* tamen in vteri inflamma-  
tione à pituitoso humore pronata, aliquando debilis est  
febris; quum enim vterus tumore œdematoso tentatur,  
tunc febris læta apparet: ita dicit Auic. *21. 3. tract. 4. c. 13. §. De  
apostemate phlegmatico in marris. §. Et quādoque comitatur  
ipsum febris incipiens cum lenitate, & c.* Pro cuius inflamma-  
tionis curatione victus, medicamenta, & reliqua quæ of-  
feruntur, calidiora esse debent; vt inter omnes notat ex  
principum mente, Vidus Vidius *l. 1. de curat. membratim,  
cap. 19.* & maximè quum non adessent signa alia, quæ ar-  
dorem internum viscerum ostenderent, quæ latè propo-  
nunt auctores, edocti ab Hipp. *lib. 1. de morb. mulieb. n. 66.  
& lib. 2. num. § 4.* nempe calor ingens, sitis vehemens, dolor  
circa synciput læuus, alius turbata, & male olida, vomit-  
us, & refrigeratio extremorum.

Tumor cum esset in posteriore vteri parte exortus, in-  
testino recto compresso, ob molem inflammationis, reti-  
nebantur fæces: & maxime quoniam vterus cum recto  
intestino maximum obtinet consensum, ex Hipp. *lib. 5.  
aph. § 8.* fit autem consensus hic tum per viciniam, tum  
communione. Communio & per membranas peritonæi  
fit, quæ vterum his partibus alligant, & per vasa commu-  
nia, ab eodem enim ramo hypogastrico riuuli ad vterum,  
& intestinum feruntur. Quapropter fæcibus retentis, &  
vtero molestato, acerbior excitabatur dolor.

Hinc factum est, vt exhibitis medicamentis calidis, quæ  
frigidum & mucosum, in toto, & vtero contentum hu-  
morem epacuant, natura forti conamine, & vehemente  
nixu ad fæcalia excrementa exturbanda profiliens, cohibito  
spiritu, vuluam ob excrementitiam humiditatem laxio-  
rem factam extrâ expelleret; & tunc apparuit in ore vteri  
quid simile secundinæ, seu corpus quoddam membrana  
contextum, quod secundinæ est simile valde: nam hæc,  
auctore Galeno *lib. 15. de usu partium, cap. 4.* nihil est aliud  
quàm vasorum multitudo membrana tenui contextorum,  
quæ haud facillè numerare queas.

Cum mucosis humoribus vterus madescit, torus laxa-  
tus procidit, & extrâ prolabitur: cumque ab aëre am-  
biente refrigeratus, factus esset insensibilis, & mortificatio-  
ne affectus, vel vinculis laxatis, aut putrefactis deorsum  
ruit, quoniam in proprio loco contineri non potuit, mol-  
lis, & sine sensu redditus: molliem autem, & insensibili-  
tatem, membri mortificationem ostendere, à Galeno pro-  
ditum est, *lib. 2. ad Glanc. cap. 9.*

Vterus sic corruptus, & gangræna occupatus, abs-  
cindendus; reliquam verò curationem velut in esthiomeno  
administrabis, vt docent Paulus *lib. 4. c. 73.* Aërius *retrab. 4.  
serm. 4. cap. 76.* Hanc operationem proprio exemplo exer-  
cuit Beniuuenius *cap. 11. de abditis sanation. caus.* qui vuluā  
conruptam, & in frustula cominutam, totam præcidit.  
Quantum enim vteri corpus putre iudicaueris, tantum  
excidendum est audacter, vt refert Syluius *lib. de mensibus*

A *mulier. cap. de vteri prafocatione:* firmat Christoph. à Vega  
*lib. 3. aph. 18. repetit lib. 3. art. med. sect. 10. cap. 10.* De hoc  
curandi modo lege Paræum *lib. de homin. generat. cap. 41.*  
Esaïam Meichsnerum *lib. de obseru. prop.* Roussier. *de partu  
Casareo, sect. 4. cap. 5.* Galpat. Bauhin. *in appendice ad hunc  
locum.*

Non est tamen ita temerè hæc sectio aggredienda, nisi  
prius satis constet, vterum, seu aliquam eius partem adeò  
computruisse, vt nullo prorsus pacto valeat consanescere,  
immo manifestum periculum adsit, ne malum, quod par-  
tem aliquam occupat, paulatim cæteris quoque eiusdem  
visceris partibus communicetur, vt aduertit Vidus Vidius  
*lib. 11. de curat. membratim. cap. 19. in fin.*

Verum si prædicta excisio non fuerit satis, ne corru-  
ptio vterius serpat, caustico medicamento partem putri-  
dam vres, quò citius secedat; aut candenti ferramento id  
facies. Caue tamen ne imprudenter hoc opus exequaris:  
nam etsi superiores auctores, vterum prolapsum putri-  
dum, incidi, aut vri posse affirmant, multiplici experimēto  
suffulci: tamen si hoc opus summa cum prudentia non  
administretur, in grauius pericula fæmina deducitur; &  
cum per nervos vterus maximum cum cerebro, cæteris-  
que partibus habeat consensum, conuulsio, & alij cerebri  
affectus sæui exoriuntur sæpe.

In vteri ergo procidentia curanda oportet vt sit Medi-  
cus sollicitus: licet enim rarò accidat hic affectus, tamen  
cum accidit, calamitosus est ratione vteri, qui suo prolapsu  
facillè corrumpitur, gangrænam concipit, & cancerum;  
nunquam enim expertus est appulsum aëris frigidi. Quod  
contigerit, vt ex frequenti prolapsu, aliqua vteri, seu po-  
tius cervicis eiusdem pars natiuo calore destituatur, ac  
computrescat, audacter ad putrescentis excisionem per-  
gendum est, quum aliquando acciderit, vt vniuerso ferè  
vtero putrefacto, & propterea à perito chirurgo exciso  
mulier adhuc plures annos superuixerit, vt Paulus *lib. 3.  
cap. 72.* memoriæ commendauit, & sequenti Historia pro-  
bat Auenzoar. Non est tamen eiusdem sectio temerè ag-  
gredienda; nisi prius satis constet, vterum, seu aliquam eius  
partem adeò computruisse, vt nullo prorsus pacto valeat  
consanescere, imò manifestum periculum adsit, ne malum  
quod partem aliquam occupat, paulatim cæteris quoque  
eiusdem visceris particulis communicetur.

## HISTORIA VII. AVENZOARIS, De vteri procidentia.

Mulier sine vtero diu viuere potest.

ET recordati sunt Medici quidam, quòd aliquando putre-  
fuerunt ligamenta marris omnia, & exiit matrix omnino,  
& permanet mulier absque matrice, & viuunt sine diminutione  
aliquarum operationum suarum: & dixit mihi, quidam amicus  
meus, de quo, & eius veritate multum confido, quòd vidit  
mulierem, cui omnino matrix exiuerat, & remansit viuua, fa-  
ciendo omnes operationes naturales suas integrè, & perfecte, &  
sic debet esse absque dubio, & c. Auenzoar. *lib. 2. thezizir,  
tract. 5. cap. 4.* Paulus *lib. 6. cap. 88.* & *lib. 3. cap. 72.* Aërius  
*terrab. 4. serm. 4. cap. 76.*

## PARAPHRASIS.

A Venzoar non Medicus modò insignis, sed philoso-  
phus quoque adeò celebris, & peruulgati nominis.  
vt cum acutissimus Auerrhoës *lib. 4. cap. 40.* per quamdam  
exochen gloriosi, & admirabilis nomine persæpe signifi-  
cet, licet ex sua sententia historiam non proponat, ab alio  
tamen Medico, vel viro veridico sibi narratam esse asseue-  
rat. In hoc ergo exemplo, vterum, vel ex procidentia, vel  
gangræna, vel aliter vitiatum totum, aut per partes sine  
vitæ periculo decidere posse confirmant: nam vterus (vt  
ipse ait hoc in loco) non est membrum princeps, nec aliquibus  
membris aliquas præstat utilitates, nec præstat aliquod inna-  
mentum in conseruando vitam, nec inuentum fuit ad illud.

Si verò Paulus loco citato, vterum viscus appellat, vt in A & Græco codice legit Andernacus Pauli interpres, per viscus intellige (*interaneum*), vt ibi ille animaduertit; solum enim cor, iecur, lien, pulmo, sunt viscera, & apud quosdam renes, vt lib. 3. de facul. natural. cap. 12. notauit Galenus.

Quare cum vterus non sit pars præcipua, visceribus non est annumeranda. Ex hoc præcepto docemur manifeste, vt vterum ex desperata procidentia, vel quacumque occasione corruptum, ne in alias partes corruptio serpat secemus, vramus, ligaturis præscindamus, & à corpore auferamus, quum operatio hæc sine vitæ periculo celebrari queat. Hoc consilium expertissimi Medici postea confirmarunt, videntes. & abscindentes citra vitæ iacturam illam. Matthæus Peritus lib. 9. ad Almanf. cap. de exitu, & dispositionibus matricis, id affirmat: Nicolaus Florentinus serm. 6. tract. 3. cap. 26. Marcus Gattinaria in com. nuper citat. cap. Rhafis, Guainerius lib. de agnitionibus matricis, c. 13. Carpus in Isagoge anatomica, Langius lib. 2. epist. 39. imò Auicenna 4. 4. tract. 2. cap. 10. totum vterum abscissum vidisse referunt vita salua, quod opus à Rhafio, superiori historia est celebratum, cum utilitate multa.

Quid dubitandum? Nonne sine partibus principibus vel abscissis, vel vi mobi corruptis, extra corpus prodeuntibus per multos annos vivere plures citra noxam vllam? Narrat Carpus Berengarius in suo tractatu aureo, de fractura cranij, plures historias illorum, qui ex prodigiosis, & deploratis vulneribus, notabilem quantitatem medullæ cerebri citra iacturam vllam perdiderunt. Id ipsum affirmant Musa in com. 18. lib. 6. Aph. Massa tom. 2. epist. 10. Fallopius de curandis vulneribus capitis, c. 45, Christoph. à Vega lib. 6. Aph. com. 18. Franciscus Arcæus lib. 1. c. 6. de curat. vulner. Gemma lib. 1. Cosmoe. cap. 6. Andreas à Cruce lib. 1. cap. 14. Paræus lib. 9. cap. 22. Augenius lib. 9. epist. 2.

Sine corde animalia posse viuere, disceptatum inuenio apud Plin. lib. 11. natural. histor. cap. 37. & notatum à Rhodigino lib. 4. antiq. lect. c. 16. cuius sinistrum ventriculum delideratum refert Columbus lib. 15. de iis que raro in anatome fiunt. Et quendam pericardio destitutum scribit secuisse auctoridem eo in loco, qui dum viveret mortuo erat persimilis, & in syncopen frequenter incidebat, quo genere morbi deinde exanimatus occubuit.

Sine liene inuentam fuisse fœminam, numerat inter rara Hollerius n. 2. & firmat Arist. lib. 4. de generat. animal. cap. 4. Renum alterum aliquando deficere memoriæ commendarunt Carolus Stephanus l. 2. de dissect. corpor. humani, c. 14. Fernell. lib. 1. physiol. 7. Vesalius lib. 5. fabric. c. 10. D Andernacus lib. 1. instit. anat. Eustachius lib. de ren. structur. cap. 10. Solenander sect. consil. 16.

Sine vesica feliis animalia posse vitam traducere, manifeste exemplo ostendit Fernellius lib. 5. pathol. cap. 5. Sine pulmone inuenit cadauer Columbus eodem loco. Et Hildanus centur. 2. obs. chirurgic. 30. frustra pulmonis per urinam excreta vidisse testatur, quod prius firmavit Galenus lib. 4. de loc. cap. 8. Et nos de hac re admirandum exemplum proposuimus lib. 1. de praxi admiranda, obseru. 110. Sine hepate, & liene inuentum corpus fuisse ex Ioachimi Cameracii, & aliorum sententia tradit Schenckius lib. 3. obs. de iecore.

Quapropter si sine partibus præcipuis animal. viuere potest, cur sine vtero non viuet? Illæ enim ita sunt necessariæ ad vitam, vt ipsarum præsentia natiui caloris symmetria conseruetur, illarum robore & vigore cæteræ recreentur & functiones suas obire queant. At verò vterus, præterquam quod non est pars princeps, & solum sit vas fœtum conseruans, cum ante conceptionem sit veluti campus, & hortus feracissimus, excipiendo virili & muliebri semini, ad sobolis propagationem comparatus, non est ad indiuidui conseruationem necessarius. Cum enim ad perfectam generationem, seminis vtriusque miscella concurrat, & in vtroque semine, singularum partium idea, non actu, sed potestate contineatur: facultas hæc consopita & latens, alieno indiget, vt exciteretur, principio. Semina vt permisceantur, in aliquem locum, quasi aruum fertilissimum, effundi debent. Fuit ergo in fœminis necessarius omnino, excipiendo, concipiendo, nutriendo semini,

& fœtui conseruando locus, vt Galenus lib. 3. de facul. natural. cap. 3. & lib. 14. & 15. de usu parti. mirifice edocuit.

## HISTORIA VIII. ALBUCASIS, De agnitudine caudata.

Caro in orificio vteri quandoque adnascitur, vt virile pudendum mentiatur.

**E**t caro nascitur in orificio matricis aliquando, donec impleat ipsum, & fortasse egreditur ad exteriora, secundum similitudinem caudæ, & propter illud primi nominant agnitudinem caudatam, & quandoque magnificatur in quibusdam mulieribus, adeo donec expanditur sicut in viris, & peruenit usque ad coitum, & c. Albucasis lib. 2. cap. 71.

## PARAPHRASIS.

**D**e morbo à veteribus vocato Cauda, seu caudata agnitudine, est in hoc loco sermo. Fit autem ea quando caro in vteri orificio progignitur. Est morbus in via; & symptoma quod hunc morbum sequitur, est læsio coitus, qui deprauatus est, cum impedimento ingressus, & egressus seminis. Auicenna 21. 3. tract. 4. cap. 23. præfert fieri æstate secundum latitudinem, hyeme verò diminui. Alij hunc effectum vocant Cercosin, quando videlicet caro ab vteri ore ita propagatur, vt muliebri pudendum repleat, & foras caudæ modo pronineat, vt notat Paulus lib. 6. cap. 20. explicat Gaspar Bauhinus lib. 1. theatri anatomici, cap. 40. firmant Severinus Pinæus lib. 1. de notis virginis, cap. 3. Adrianus Spigelius lib. 8. de fabric. corp. hum. cap. 18. cuius opera posthuma nuperrimè Daniel Bucretius, vir dere publica medica bene meritus, in lucem emisit.

Causa statuenda est, ipsius naturæ luxuries in gignenda carne, atque etiam humoris redundantia in partibus naturalibus, qui paulatim à toto ad vterum corruuans, sensim ac sine sensu hanc carunculam gignit.

Alia est affectio huic consimilis valde, quæ Nympha à Græcis vocari consuevit; ab Hipp. columella; ab Albucasi hoc loco tentigo nuncupatur; ab Auicenna virga; à Moschione dicitur symptoma turpitudinis. Hæc caruncula est musculosa, aut membranosa super alarum pudendi commissuram sita, quo loco vrinarius est meatus. Hæc in quibusdam fœminis in tantam magnitudinem augetur, vt deformitatem, ac pudorem inducat, quin à vestium contactu continuò arrigitur, & ad Venerem, ac coitum proritat, vt notat Aëtius tetrab. 4. cap. 4. cap. 103. Particula hæc virili membro respondet, & solet aliquando ad tantum incrementum peruenire, vt fœminæ hanc habentes coeant cum alijs, ac si essent viri: vt referunt Fallopius in obs. anatom. ad Petrum Mannā. Vesalius in examine obseruat. anatomic. Fallopij, Coiter in tabulis anatomicis, Platerus de corp. human. structur. & usu, pag. 169. firmat Ioan. Riolanus Filius in suo elegantissimo 2. Anthropographia lib. cap. 21. qui plura in anatome inuenit, & illustrauit, ab alijs nec notata, nec obseruata quidē. Differunt cauda, & Nympha, quod illa intus iuxta vrinarium meatus, hæc verò in vteri orificio sit adnata; de cuius vsu plura prædixit Varolius, Arantius lib. 4. anatom. cap. 4.

Curatio instituenda: nam præterquam quod hæc affectio mulieribus horribilis est & odiosa, etiam congressum inedit cum viris, & ex se sæpe pruritum, aut furorem vterinum accersit, & conceptionem inedit, quoniam seminis virilis ingressum prohibet.

Nymphae apophyses sunt, & veluti cutis musculosa productiones, quæ vtrinque ex parte superiore ossis pubis, deorsum vsque ad ceruicis vesicæ orificium descendunt, sæpe in tam turpem molem excrecentes, vt virilis membri instar arrigantur. Quare iis à primis annis sunt amputandæ, magna tamen cautela hoc faciendum: nam si audaciùs rescindantur, tanta sequitur hæmorrhagia,

ut mors, vel sterilitas subsequantur: nam ob immodicum sanguinis effluuium, vterus refrigeratur nimium, ut monuit Paræus lib. 2. cap. 34.

Hanc curandi viam docuit Paulus loc. cit. in Nymphæ amputatione: & in Caudæ curatione Aëtius loco cit. dum sic ait. In quibusdam mulieribus carnosæ quædam substantia ab utero osculo oritur, & muliebri pudendæ replet. Aliquando etiam extrâ progreditur, unde etiam nomen habuit. Mulier itaque velut in nymphæ amputatione dictum est, locetur, & prominens caruncula forcipe excidatur, & tota ex basi resecetur. Post chirurgiam, curatio sicut in Nymphæa peragatur, &c.

## QVÆSTIO XVI.

Utrum fœmina in viros verti possint, ut contra Plinium, Mercatum, Laurentium, & Seuerinum Pinæus pernegant.

## COMMENTARIUM.

**E**T peruenit usque ad coitum. Constans opinio est inter eos, qui naturalium rerum secreta rimantur, & annotatum à scientissimis auctoribus inuenimus fœminas in viros verti posse; clamitent quicquid velint Laurentius lib. 7. controu. anatomic. quæst. 8. Ludouicus Mercatus lib. 2. de morb. mulier. c. 10. & 11. Seuerinus Pinæus lib. 1. de notis virginat. cap. 9. probl. 2. qui tenuissimis rationibus muniti. huius enentus causam aliam esse sibi persuadent. Nam vel mulieres ab ortu ita à natura sunt comparatæ, ut earum clitoris, mentulæ formam referens ita promineat, ut quia penis instar distenditur, moxque flaccescit, virilem priapum mentiatur, rudioribusque imponat; quæ fœminæ laborant hac affectione, de qua in præsentia est sermo: nam, ut diximus, cauda, seu virga ad tantam magnitudinem crescunt, ut deformitatem, ac pudorem inducant, & pudendi virilis speciem referant. Et aliquando quibusdam viraginitibus, nimio coeundi desiderio, aut viduis longiore Veneris abstinentia, ita procidit vulua, monente Aristot. lib. 7. de histor. animal. c. 2. ut eas viros fuisse factas Medici arbitrentur.

Sed horum opinio, auctorum experimentis est aduersa cum alia magis monstruosa oriantur in rerum natura. Nonne dentes non solum viris in vltima ætate, sed & mulieribus octogesimo ætatis anno, imò centesimo renati sunt, ex Alexandro Benedicto in præmio lib. 7. morb. part. Vallesco de Taranta lib. 6. cap. 12. Nonne virtus formatrix dentes in vtero matris generat, quos postea variis temporibus extrâ emittit natura, ut docuit Eustachius in suo de dentibus libello, cap. 15. & 17. Nonne Auicenna scripsit in com. 5. 6. & 7. cap. 4. de generat. animal. ex mente Aristot. fœtum, narium, auriumque meatibus obturatis, in septimo fuisse natum, qui mox exterius aperti sunt? Quid ergo prohibet, quominus & mulieri membrum virile in prima formatione efficiat, quod postmodum temporis tractu statuto perfectum prodeat?

Si ergo apparent monstra in rerum natura, ex Auerrhoë lib. 7. collect. cap. 2. & ex huius errore multa admiranda cernuntur, ex Arist. lib. 2. physicor. text. 82. cur ex muliere virum posse fieri denegabimus? De hermaphroditis non est cur agamus, quos reperiri in rerum natura, præter oculatam fidem, testantur Plinius lib. 7. cap. 3. Arist. lib. 4. de generat. animal. c. 4. Haly Rhodoan. in com. 1. 3. techn. Gal. text. 38. Columbus lib. 15. anatom. Iacob. Rueff. lib. 3. cap. 3. de conceptu, & generat. homin. Paræus lib. 24. c. 4. Bauhinus libello proprio de hermaphroditis, imò eos generare, & parere firmant Montuus de medicin. theoreti. lib. 1. c. 6. Veinrichius com. de monstris, pag. 7. nam in iis posse reperiri aliquem, qui hæc duo membra æqualiter perfecta habeat, arbitratu Auicennæ 20. 3. tract. 1. cap. 43.

Quid mirum? nonne Vellefcus in suo philonio lib. 6. cap. 12. tradit religiosam, & honestam monialem Priorissam, cui cum ob senectutem defecissent menses, & tempestiui venissent in vertice cani, & ferè omnes cecidissent molares, vberum verò nullo, aut paruo apparente vestigio, & rugæ essent in facie profundissimæ, factum est, ut

quidquid de capillis deciderat, repullularet, & exirent dentes, ut in infantibus, fluerent menstrua, mammillæ, veluti in virginibus eleuantur, rugæ euanescentes, & facies pulchra fieret? Quæ de anu ista reiuuenescente, si hic spectatæ fidei auctor non assereret, creditu essent difficilia.

Deinde, fœminas factas fuisse barbaras, præterquam quod illustri exemplo apud Hipp. com. 8. 1. 6. epid. aph. 45. ratum est: firmat Alexander Benedictus lib. 26. cap. 4. de curand. morb. Auicenna etiam docuit 21. 3. tract. 3. c. 26. de accidentibus, quæ sequuntur ad retentionem mensurorum. §. Et quandoque accidit in complexione sua quum retinentur menstrua, quando est fortis creationis, cuius vis est potens ad excernendum superfluitatem retentam, ut assimiletur viris, & multiplicentur pili eius, aut nascatur ei quasi barba: quare B exasperatur vox, deinde moritur, &c.

Sic Phaëtusa ab Hipp. propositæ, ex hac causa corpus virile, & omni ex parte hirsutum factum est: licet enim ut Cælius Rhodiginus, ex Macrobio lib. 14. antiq. vlt. scribit, caloris inopia sit in causa, cur muliebri corpus, ut viri, pilis non obsideatur, læue autem est mulierum corpus, veluti innato constipatum frigore, quando algorem comitatur densitas, leuitas raritatem; medicæ tamen doctrinæ dogma est, ab Arist. comprobatur, subsistente menstruum redundantia, nec non seminis, mulieribus quandoque barbam contingere; quod in viduis castitate præsignibus se vidisse, Auicennæ interpretes scriptum reliquit. Ego bonâ fide restari possum, vidisse me effigiem fœminæ sexagenariæ, à maioribus meis fide dignis, proprijs oculis conspectæ, quæ olim vixit in oppido vocato Penheranda. C quod triginta milliariibus distat à Matrino, aula Regis Hispaniæ, cui à iuuentute in tantam molem barba excreuit, ut os ventriculi attingeret, vocabaturque Brizida de Penheranda, & quod mirandum est, huic nunquam menstrua defecerunt. Si ergo ex retentione menstrui, aut ex viscerum robore, & calore immenso, fuliginum copiam ad superas partes emittente, in fœminis barbitum contingit extrâ prominentibus pilis: cur pudendum intus latitans in fœminis, calore foras trudente, in ætatis processu extrâ prodire posse negabimus?

Fœminæ ergo in viros verti possunt: licet enim à Poëtis, & historicis tam multa poëtice, & historice tradantur, tamen tot feriis, & peritissimis scriptionibus non est deroganda fides. Iouianus Pontanus, magnæ auctoritatis vir, in historia Neapolitana, binas in huius rei confirmationem recenset historias, & quod magis est, mulierum per plures annos nuptarum. Aliam affert Torquemada, doctissimus Inrisconsultus Hispanus. Aliam de altera cuiusdam rustici vxore, describit Phlegon. lib. de mirabilibus, & longævis. Antonius Liberalis lib. 2. alteratorum Nicandri, quinque nihilominus in viros versas dinumerat. Dalechampius, Medicus, & Philosophus præclarus in com. c. 4. Plin. lib. 7. natural. histor. plures ad hunc pensum recitat historias, cum Martino del Rio lib. 2. tom. 1. quæst. 22. magicar. disquisit. Vidit Amatus Lusitanus 2. centur. 39. firmant Albert. Magnus lib. 8. de animal. tract. 2. cap. 7. Raphaël Volater. lib. 24. comment. urbanor. Fulgosius lib. 1. cap. 6. Paræus lib. 24. c. 5. Georgius Bertinus lib. 4. cap. 10. Exemplum verò, fœminarum in mares conuersarum, lege in Plinio lib. 7. cap. 8. T. Liuius lib. 4. secundum belli Punici, Luciano in Gallo, & de saltatione. Mutationis huius causas legat qui velit, apud Cardanum lib. 8. de varietate, c. 43. VVierum lib. 4. de prestigijs demonum, cap. 24. Gemmam lib. 1. cosmocritic. cap. 7. Galeottum Narniensem cap. 8. de promiscua disciplina. Num autem viri in fœminas verti possint, fabulosum puto: rarissime enim accidit, ut gradus fiat à perfecto ad imperfectum; de qua re si pulchra scire desideras, adi Marcellum Donatum

lib. 6. de histor. mirabili, cap. 2. Ionstonum

lib. thauumatograph. sect.

ult. artic. 3.

\*\*\*

## HISTORIA IX. GALENI,

## De vteri strangulatu.

Vteri strangulatio, & alia sequissima sympto-  
mata in fœminis & viris, ex veneris  
abstinentia sequuntur.

**C**ogitanti itaque mihi aliquando super hac re, tale quoddam  
accidens apparuit in muliere ex longo iam tempore vi-  
dua, quæ præter cætera mala nervorum quoque distentione ve-  
xabatur. Ac dicente obstetrice \*vterum esse retracts remediis  
ad huiusmodi affectus consuetis vi decrevit. Quibus adhibi-  
bitis, partim ob ipsorum calorem, partim etiam quod inter cu-  
randum manibus tractarentur partes muliebres, oborta titil-  
latione, cum labore, & voluptate, veluti per coitum vsuvenire  
solet, excrevit crassum, \*plurimumque semen, atque ita à mo-  
lestia sua liberata est mulier, & c. Galenus lib. 6. de loc. affect.  
cap. 5. in med. & lib. 2. de semin. cap. 1.

## PARAPHRASIS.

**S**olertissimus Galenus, vt probaret maiorem noxam ex  
semine retento, quàm ex menstruo suppresso fœminis  
oriri, ex industria quatuor in medium allatis, historiis id  
confirmat, quas, quoniam aures delicatulas radere sumus  
veriti, compendiosè proponemus, vt sic singulatim dispo-  
sitas, & explicitas, minore fastidio, immò iucundiùs, aui-  
diùsque non somnulosus lector percurrat.

A viduæ ergo proposita historia initium sumamus,  
quam proposuit Galenus, vt etiam confirmaret fœminas  
semen effundere, adiciens ipsam vterinis morbis vexatam  
lumborum, manuum, & pedum distentione fuisse oppres-  
sâ, ita vt conuulsa videretur. Quapropter adhibitis auxi-  
liis calidis, & oborta, manuum obstetricis ope, titillatione,  
excrevit semen crassum, & copiosum, propterea quod  
multo iam tempore non fuerat vacuatum. Nam viduas à  
concubitu longo tempore abstinentes, virgines plenis  
nubiles annis, viròque maturas, ex nativa sorte semen co-  
piosum retinere, res est manifesta, præsertim si sint ætate  
florentes, vitam agant otiosam, temperaturæ sint calidæ &  
humidæ, optimis nutriantur cibis, in deliciis vivant. Ita  
dixit Hippocr. lib. de virgin. morb. n. 1. §. Virgines nubiles, &  
mature viro, hoc magis patiuntur, unâ cum mensium descen-  
su, antea non valde afflictæ, & c.

Semen cum sit excrementum, retentum copia lædit, &  
à nativo calore non gubernatum, faciliè ab extraneo cor-  
ripitur, & maximè in fœmineo sexu imbecilli, in quo in-  
natus calor putredinis causis non ita resistit. Cum ergo  
semen extra vteri cavitatem corrumpitur, in conceptacu-  
lis, seu vesiculis illis, in quibus secundum naturam coacer-  
uatur, & tempore coitus diminatur, si inibi putrescat, in ve-  
nenosam abit naturam, & coercitum, grauiora excitat  
symptomata, quàm sanguis corruptus facere consue-  
vit: si enim ex sanguine gignitur semen, & ex illo dira  
oriuntur pathemata, quæ lata oratione prosequitur Gale-  
nus, in cap. vbi est descripta. historia hæc, cur ab hoc, vt-  
pote substantia puriore, magis lethalia non emergent? si  
verum est magis elaboratam substantiam dum corrumpi-  
tur, in maiorem abire corruptionem, quoniam ad magis  
contrarium ob violentissimam causam mutatio fit, vt latè  
lib. 2. in com. hist. 145. comprobauimus.

A semine ergo in vtero retento, ob consensum vteri  
cum omnibus præcipuis partibus, eleuantur vapores hu-  
midi, crassi, virulenti, qui pernicio sua, & lethali vi, cor, ner-  
uosumque genus concutunt, lancinant, & premunt; unde  
cum cerebrum auram venenatam valido conatu excludere  
fatagat, ventriculi cerebri fortiter comprimuntur, vt me-  
dia compressione noxium vaporem à se depellant; & in  
hac dimicatione, ac pugna accidit aliquando epilepsia ab  
vtero orta, & miræ manuum, brachiorum, & aliarum par-  
tium conuulsiones contingunt.

Hoc modo præter cætera mala, nempe gravitatem to-

Atius corporis, inæqualitatem horridam, vteri duritiem, re-  
tractionem: vidua hæc nervorum distentione est correpta  
Et aliis granioribus malis & sæuissimis symptomatis posse  
huius fortis fœminas premi, & magis virgines, eleganti  
oratione comprobat Hip. lib. de virgin. morb. ferè per totum,  
vt sunt fatuitas, torpor, delirium, clamor, tristitia, angor,  
desperatio, & alia, quæ omnia ob sanguinis, & seminis co-  
piam euenire ibi dicitur Hip. quod ex curatione ab eo ad-  
hibita patet aperte: nam iubet vt sanguinem ex talo ex-  
hauriant, cum retentus sanguis menstruus malo occasio-  
nem præbet: cum verò ex semine coercito oritur affectus,  
consortium cum viris summo opere probat.

Ex semine enim suppresso, & non vacuato, eleuantur  
vapores tetri, quorum copia turgentes, ad eius expulsio-  
nem irritantur, & vterino furore, rabidæque insania fœmi-  
næ percitæ, in desperationem aguntur, in puteolique se  
præcipitare volunt amentia vexatæ. Hæc fuit abstrusa vis  
morbi, qui oppressit Crotonienles virgines, aucto Petro  
Crinito lib. 3. de honesta disciplina, c. 9. vt cum nullum ex-  
taret in ipsis morbi leuamen, in præaltos pureos se proii-  
cerent. Huic furori similis fuit is qui Milesias inualit, vt  
est apud Plutarchum lib. de claris mulieribus, exëplo. 21. Gel-  
lium lib. 15. noct. Atticar. cap. 10. quæ repentinæ mortis in-  
censæ cupidine se strangulabant, neque ab hac insania po-  
tuere villo aliò remedio coerceri, quàm virginum, quæ iâ  
sibi mortem consciuerant, cadaueribus nudis in medio  
foro relictis. Paritem fuit Præti filiarum à Melampode  
curatus furor, quem secundo sue biblioth. l. Atheniensis de-  
scripsit Apollodorus: & qui Arginas corripuit à Melam-  
pode item sanatus, vt narrat. in Corinth. Pausanias, qui eas  
non sinebat domi consistere, sed palantes cogebar per  
ægros vagari: nam similem Lacedæmoniarum furorem  
Bacis depulit, vt lib. 8. histor. de Philip. reb. gestis, tradit  
Theopompus. Quæ omnia naturali mulierum tribuuntur  
affectioni: nam ob semen retentum, & menstrua, partes  
principes occupantur labe dira.

Si ergo ex semine retento tot symptomata oriantur ter-  
roris plena, quæ latè post Hip. lib. de virgin. morb. recenset  
Mercatus lib. de morb. mulier. c. 2. necesse est exhibere phar-  
maca semen comminuentia, præsertim cum nullum detur  
medicamentum à proprietate semen euacuans. Sunt ergo  
cannabis satiuæ semen, coriandrum, agnus castus, radix  
asparagi, peponis caro, ruta, nymphæa, & alia quæ refrige-  
rant, siccant, cogunt, incrassant; quorum copiam leges in-  
frâ, in com. hist. 20. Repugnâdum insuper est alexipharma-  
cis virulentam qualitatem infrænantibus, pessis acribus, ac  
mordacibus, ac aliis pharmacis vtendum, quæ corpus à su-  
persuuo humore exonerare nata sunt.

At licet hæc auxilia fortè possent esse, quibus obstetrix  
pro viduæ curatione vsa est; tamen ego alia fuisse existi-  
mo, quæ nempe sunt ad affectus vterinos consueta, vt ait  
Galenus lib. 5. simpl. cap. 14. vt amaracinum, aut itinum  
vnguentum, cyclaminus, cæpæ, & alia quæ crassis par-  
tibus constant, & caliditatem non mediocrem sortiuntur,  
quibus pessarij forma vti possumus. Adde odorata,  
& aromata; hæc enim muliebria ducunt, apud Hip. lib. 5.  
aph. 28. quibus inditis in vterum, semen ipso aperto foras  
effluit. Num autem hæc ante totius, & vteri prouiden-  
tiam debeant imponi, contendit contra Hollerium Theo-  
dorus Collado cap. 75. in errores Hollerij. Inter odorifera  
E primatum obtinet Ambarum, Moschus, Gallia, quam vsi-  
tato nomine Zibettum nuncupamus; etsi enim hæc for-  
didissima sint, & ex sanie, tetræque colluie conflata, vt  
Arabes, & Iuniores tradiderunt; tamen stercorebus &  
lotiis viuientium suum munus adesse, operationem & vir-  
tutem ponderosam, cuique est manifestum. Quamobrem  
licet Moscho, & Zibetto nihil videatur vilius & abiectius  
inter odoramenta tamen vterò indenda principem habent  
locum. Vnde Moschus, medicamentum est odoratissimum  
& pretiosissimum, immo præstantius Zibetto, & ecastor  
longè magis necessarius; de cuius viribus ex præcorum  
mente tam multa diximus lib. 1. in com. hist. 9.

Secunda historia à Galeno proposita est huiusmodi.  
Sunt, (inquit) nonnulli, quos protinus à iuuentute concubitus  
imbecilliores effecit. Alij nisi assiduè coeant, capitis gravitate  
molestantur,



molestantur, cibos fastidiunt, febris obnoxii sunt, male appetunt, minus concoquunt; alij pra pudore à libidinis usu abstinentes, torpidi, pigrique facti sunt; alij melancholicorum exemplo, maesti, & timidi. Quidam uxoris mortem lugens, & à concubitu frequenter abstinens, cibi cupiditatem amisit, & ne exiguum quidem concoquere potuit: ubi verò seipsum ad edendum coegit, protinus vomiebat, circa occasionem etiam maestus apparebat. At hic celeriter liberatus est, ad pristinam consuetudinem reuersus.

A venere summopere laeduntur suapte natura excares graciles, sicci, frigidi, ex Galen. in art. medic. cap. 86. & Paulo lib. 1. cap. 35. hi enim exhausto spirituoso semine, & spiritu primigenio vacuato, purissimis his substantiis orbi citissime exoluuntur. Compertum est veneris usu maximam oriri corporum imbecillitatem: in eis autem praecipue excitari, qui melancholici, sunt nativa sorte, est manifestum: cum enim flatu abundant, pudendorum mestus distendente, magis pruriunt, & cum sint debiles, usu veneris laeduntur, & sunt flatuosiores. Hi sunt hypochondriaci, qui ob hoc à Medicis flatuoso morbo laborare dicuntur.

Veneris enim usus, praesertim assiduus, vires exhaurit, spiritus extinguit, innatum mortificat calorem, vacuata elaboratissima, ac oppidò defaecata substantia, & quae magis accedit ad membri formam, spirituossissima, sincerissima, tenuissima. Causam quaeris? accipe ex natura seminis, ut diuersi diuersa tradiderunt philosophi, apud Plutarchum lib. 5. de placitis philosoph. 3. & 4. Est enim semen spuma utilissimi sanguinis, & superfluitas, seu retrimen- tum alimenti, uti Pythagoras sensit: pars cerebri, ut Alcmaeo: quiddam à dorsi spina derivatum, ut Plato: particula à corpore, animaque auulsa, ut Epicurus, sed male: à totius corporis partibus quid deductum, ut Sphaerus apud Laërtium lib. 7. Excrementum ultimi alimenti sanguinei, ut Aristoteles lib. 1. de generatione animal. cap. 18.

Fit enim ex sanguine optimè confectio, ac digestio: sic Auic. 20. tract. 1. cap. 3. Albertus Magnus lib. de anim. 15. tract. 2. c. 5. & 6. Soranus Ephesius c. 16. Isagog. Gal. Theodorus Priscanus lib. 4. rer. med. semen vocauere sanguinem ritè in venis confectum. Sic Conciliator dif. 34. de cuius natura, & viribus, sit vnus instar omnium qui de hoc argumento disceptarunt Fernelius lib. 7. physiolog. cap. 5.

Quòd si magna pars vitae hominis, & roboris corporis, in sanguine, & semine est quòd ex illo fit; quòd plus detraxeris seminis, plus etiam detraxeris de vita. Deinde si venus nimia omnes nostri corporis partes debilitat, cur non enervabit cerebrum, quod suapte natura frigidum est, exangue, laxum, friabile, molle, & ex spiritibus vitalibus in animali refectionem habens, qui cum sint tenuissimi, facillimè resoluntur; quare debilitato cerebro, quod suapte natura est nervosissimum, & omnium morborum radix, ex Hipp. in epist. ad Demetrium Regem, num. 40. multae ægritudinum repullulant myriades. Lege Sebastianum Trauam in suis Theorematis, 13. fol. 760.

Hinc fit, ut qui nimia vtuntur venere, citò caluescant, apud Arist. lib. 5. de generat. animal. c. 3. & Locrensem Tymæum lib. de anima mundi. Quo pacto damnosam venere Poetæ canunt, Horatius lib. 1. epist. 19. & lib. 2. epist. 1. Ovidius lib. de Ponto, & 4. metamorph. & meritò; nam ut scitè notat Clemens Alexand. lib. 2. prad. 1. superflua venus vltimè obrundit. rationis: spumosi enim seminis, ac spirituosae substantia crebro vacuata corporis vires impensè exhaurit, & causam naturalem assignat Diogenes Apolloniata apud Clementem Alexandrinum lib. 1. sui pedag. cap. 6. nec vllò vitio tantopere mentis, & rationis acies obrunditur, atque venere, ex Aristot. lib. 6. ethic. 5. quæ ingenijs valdè est infensa, ut doctè ex Hippocr. & Platone, Marsilius Ficinus exposuit lib. 1. de vita sana. Lege pulchra apud Tiraquellum lib. 15. Leg. connubial. glos. 1. part. 15. qui in hanc sententiam plurima congerit, è Poëtis, Philosophis, & Theologis exhausta: & nos diximus etiam in hanc rem plura lib. 1. in com. hist. 36, & dicemus infra, in com. hist. penult.

Sed percontaberis, si ex concubitu nimio, frigidi, sicci, melancholici exhaustis spiritibus laeduntur, ad quorum

absentiam corpus tristitia afficitur; cur refert Galenus hoc loco, quendam à venere abstinenter, factum fuisse mestum, ac melancholicum, quasi innuat veneris usu lætitiā comparari? Dic hoc verum esse, quando scilicet ex corruptione seminis morbus scaturit: nam ex congressu, accito calore, flatūs cum semine discutiuntur, & ex hypochondriis protruduntur. Accedit ex venerea voluptate, ipsos metu, & mestitia afflicto, reddi alacriores, hilari-iores, atque adeò melius habere: quare venus, melancholicis remedio est. Nec obstat, quòd ij sint frigidi, sicci, ichorosi, flatuosi, & spirituum penuria laborent: nam venus moderata, & rara illis obesse non potest, & maxime si ex retentione corrupti seminis, tristitia melancholica premantur, quoniam tunc illis est salutaris valde, ex Paulo lib. 1. cap. 35.

Conferat etiam parvus veneris usus inculpara sanitate frequentibus, ex Hippocr. lib. 6. epid. sect. 6. text. 4. dicente, labor, cibis, somnus, venus, omnia mediocria, & c. exemplificant Gal. lib. 2. de sem. c. 2. & lib. 6. eiusdem, cap. 7. & lib. 6. epid. sect. 5. comment. 26. Aëtius terrab. 1. serm. 3. cap. 8. Oribasius lib. 6. collect. 37. Auic. 2. 3. tract. 2. cap. 10. probat latè Gal. in cap. 86. art. medic. & ibi interpretes in com. Argenterius, Veiga, Montanus, & Acakia: nam repletionem euacuat, corpus agilius, alacriusque reddit, idemque ad augmentum promouet, virileque magis efficit, mollior organa, meatūs dilatat, pituitam expurgat, impeditam intelligentiæ vim dissoluit, iratos mitigat, & corpus ad functiones omnis generis obundas, promptius, alacriusque reddit. Denique non solum sanis, verum etiam ægris, dummodò vires constant, summo est auxilio.

Quapropter atra bile percitis, subtristibus, hominumque consortia fugientibus commodissima existit, ex Hipp. lib. 6. epid. sect. 5. text. 27. idem prædixit lib. 5. epidem. n. 27. 5. Timochari hyeme distillatio, maxime in nares: quum venere usus esset, resiccata sunt omnia: lassitudo, calor successit: caput graue, sudor à capite multus, defluebat autem & per totum corpus. Erat autem etiam sanus sudare aduersus: tertia die euasit sanus, & c. Quum videlicet nulla resolutio sentiat, & seipso homo quodammodo leuior factus, & melius spirare videatur: si enim ex longioribus interuallis celebratur, furiosos ad saniozem mentem reducit, comitiali prehenso sanat, capitis grauitatem, ad vigorem & integritatem permutat. Plurimi enim ex eius usu, ex morbo alimentum non sentientes resecti sunt, alij ex ægrè spirantibus rectè spirantes facti sunt, ut docent Auerrhoës lib. 3. collig. cap. 16. Vallesius lib. 6. controuers. cap. 9. Christoph. à Vega lib. 2. art. medic. sect. 5. c. 4. Cum enim semen sit excrementum, copia lædit, & nisi vacuerit, nocet & morbos inducit: quare cum morbos, quos fecit repletio, vacuatio sanat, ex præscripto Hipp. lib. 2. aph. 22. fit ut eius vacuatione leuetur corpus, & imminentibus morbis minus obnoxium reddatur. Quapropter Aëtius loco cit. dixit, coitum, naturale opus esse, naturalibus operationibus minime nocuum, nisi sui immoderantia, & usu intempestiuo corpus oblædat.

Obiicies contra asserta hoc modo. Venus corpus efficit laxius, frigidius, imbecillius, siccus, ex Galen. 3. de sanit. 1. 1. & lib. 1. de sem. 16. & lib. 6. epid. cit. Deinde. Ad venerem requiritur certa corporis dispositio, quantitas moderata, & tempus opportunum, quæ omnia rarissimè coniunguntur. Adde, quòd illa quæ sunt necessaria ad sanitatis tutelam, plus, minusve in omni ætate conueniunt: cum ergo venus solum conueniat ætate florentibus, ex Galen. 2. de sanit. tuenda, cap. 2. quibus minus nocet, non erit ad sanitatis conseruationem necessaria. In hunc sensum intelligendus est Aristot. lib. 7. Politicor. cap. 16. consulens non esse nubendum, nisi in ætate perfecta: sic enim homines fiunt robustiores, & corporis non impeditur augmentum, feminae sunt continentiores, vita in longius tempus protrahitur, & sic idem Aristot. lib. de longit. & breuit. vita protulit, animalia multo vrentia coitu, ut passeres, citius senescere; contra verò tardius, equum, asinum, & castos, continentioresque viros: nam in venereo congressu difficulter admodum ob annexam voluptatem potest seruari modus.

Sed isthæc facillimè solui possunt, si ea de nimia, & A  
intempestiua venere, & celebrata ab illis, qui debiles  
sunt, intelligas: nam venus aliquando est causa salubris,  
ac utilis, quando in ea modus retinetur, vt aliarum om-  
nium causarum, quæ nunc profunt, nunc lædunt, fert na-  
tura: quoniam debilibus magnam debilitatem est allatu-  
ra; cæteris verò, qui redundantia humorum scætant, sunt-  
que salaces, & semine turgent, permittendum est, vt  
vtantur venere moderata in adolescentia ipsa: debilibus  
verò, ac biliosis iubendum, vt omnino abstineant, sed so-  
lus ætatis beneficium expectent. Quapropter venus in-  
crescentes morbos exacerbât, apud Hippocr. lib. 6. epid.  
sect. 5. sect. 26. si nimia sit, & hi morbi non est humoris re-  
dondantia, sed ex spirituum resolutione oriantur, vt  
perdoctus interpretatur Valsesius in com. Morbos autem B  
increcentes eos intelligo, ait Gal. in com. qui procedente  
tempore augentur, semperque, nisi prius soluantur, læ-  
buntur in peius, vt podagras, articulorum dolores, re-  
num vitia, comitiales, melancholias, qui omnes coïtu  
exacerbantur. Sed de immoderato est Galen. explicandus:  
nam moderatus siccatione, & vacuatione potest conferre,  
vt luculenter Santorellus, ex Veterum, & Iuniorum men-  
te confirmat lib. 10. antepraxis, cap. 10.

Hac ratione veneris vsu quàm plurimi solvuntur morbi,  
vt pituitosi, ex Hip. lib. 6. epid. sect. 5. text. 2. 3. dicente: *Venus  
in morbis à pituita, utilis*: firmat Arist. lib. 1. probl. 51. & sect.  
4. probl. 17. quoniã præ motu, lenti & mucosi dissipantur  
humores, & roboratur calor, dummodò vires constant:  
nam, vt Gal. inquit in com. *Non cunctis ex pituita laboran-  
tibus, sed quibus vires firmae sunt, veneris vsus prodest; imbe-  
cilli namque ab ipsa in extremam debilitatem redacti ma-  
gnopere læduntur: at qui viribus excellunt, non dissoluentur,  
sed contra inuabuntur, veneris vsu, pituita copiam resciscante.*  
*Didicisti enim concubitum, quemadmodum & vigiliam exic-  
care, quoniam scilicet humores abundè digerant. Quinetiam  
coïtus robustorum corpus calefacit: infirmorum autem conti-  
nuò quidem calefacit, sed postea vehementer refrigerat.*

Insuper pluribus naturis diuersa ratione summopere  
prodest, maxime illis qui ob ætatem, alimentorum vbertim  
nutrientium copiam, substantifico humido abundant, &  
semine turgent: Ij præ pudore ab vsu veneris abstinen-  
tes, in pessimos, exitialesque morbos sæpe incurrunt,  
& nisi concumbant, summopere læduntur. Sicut enim  
sanguis superabundans, etsi inculparus, nisi vacuetur, cor-  
pori damnum facessit, sic seminis exuberantem copiam,  
nisi excernatur, valde nocere certum est: ex quo retento  
vapores crassi, & à sanguine adusto elati melancholicæ  
mæstitiæ sunt causa: nam tetri, nebulosique flatus, cum  
partibus superis sint infensi, eas viciant, & labefactant  
labe dira; quare spiritus animalis, qui suapte natura splen-  
didus esse solet, turbidus redditur, neque ita aptus fit pro  
sensu & motu, & sic corporis & pigrificatio accedunt.

Ex hac causa, ventriculi tonus & firmitudo dissoluitur,  
& in officinis nutritionis naturalium partium vigor pro-  
sternitur, coctio non integrè fit, distributio alimenti  
improspere euadit, immò ventriculi retentrice infirmata  
accidunt vomitus, nausea, inflatio, & ructus, quia omnia  
excreto semine conquiescunt. Tanta est à natura ipsa,  
indita animalibus ad concubitum concitatio, vt ad ma-  
teriam hanc turgentem describendam, nullo manifestiore  
exemplo vti potuerint Medici, quàm animalis ad ve-  
nerem incitati: ex quo calidos, fermeque ignitos spiri-  
tus esse illos, qui semini vim ad sui excretionem concit-  
tantem tribuunt, manifestum est. Hoc docet apertè Ga-  
lenus lib. de sanis. tuenda cap. 4. his verbis: *Sunt enim qui ge-  
nitale semen copiosum, calidumque gignunt, quod eos ad sui  
expulsionem prouocat.*

Historia tertia est Diogenis Cynici, quem narrant, vi-  
rum aliqui omnium constantissimum, quod ad continentiam  
arinet. libidini tamen indulgisse: non à copulata illi dū effun-  
ditur semen voluptate, veluti bono aliquo illectu, sed vt noxam  
quæ à retento semine provenire solet, euitaret. Eunq meretrix  
adire pollicita, quum diuina cessaret, ipse manu pudendis ad-  
mota, semen proiecit, ac venientem deinde mulierculâ remisit,  
inquiens, *manus hymenæum celebrando te præuenit.* Has ergo

noxas à retento semine vt euitaret Diogenes, ex inter-  
uallis ad coïtum accedebat, non venereæ voluptatis ille-  
cebris irretitus, sed excutiendæ molestiæ gratia allectus.  
Neque enim libidinis æstro percitus Philosophus ruerat  
in venerem, quo in hanc animalia semine turgentia sese  
præcipitant. Non nego voluptatem semper esse an-  
nexam, quam admirabilis naturæ providentia, ne mortale  
indivium extingueretur, ad specierum conservatio-  
nem singulis animalibus iniecit, vt his stimulis irritata  
concubitum tantopere appeterent. Quare Diogenes  
Cynicorum Philosophorum instar, ob animi virtutem &  
constantiam, voluptatem sibi pro fine non proposuit. Ho-  
rum autem placita, mores, viuendi legem describit Gale-  
nus lib. de cuiusque animi peccatorum notis. atque medel. c. 3.  
Sic modesti viri voluptatis solum lenocinio inescari non  
coïunt, sed Venerem exercent generationis desiderio ca-  
pti, aut euitandæ molestiæ causa, quæ à retento semine fe-  
rè oriri consuevit.

Sed quomodo Galenus hunc vocauerit continentissi-  
mum, si scortum non expectans, manu propria semen ex-  
cernens necessitati satisfacit? Dic, illum ob longam scorti  
tarditatem, de huius aduentu desperantem, hymenæum  
manu celebrasse. Quæ operatio ab omnibus debet dete-  
stari, tanquam omnium ignominiosissima, & execranda;  
quam ex Veterum, & Iuniorum decretis damnarunt Rho-  
digin. lib. 20. sect. antiq. 14. Rodericus à Castro, Medicus  
celeberrimus lib. 1. de vniuersa mulier. medicina, cap. 15. &  
rigidè condemnat Martialis poëta Ethnicus, & lasciuus in  
lib. 9. epigram. ad Ponticum.

Quarta historia à Galeno descripta, est amici cuiusdam  
cui præter eam, quam antea habuerat consuetudinem, omnino  
à concubitu abstinenti, rigidus adeò, tumidusque factus est  
penis, vt ipsi Galeno tale quid manifestare coactus esset, qua-  
rens unde eueniret, quod Athleta cuiusdam continentiam pari-  
ter seruanti, non rigidus, tumidusque enaserat penis, sed rugo-  
sus collapsusque. Huic quæso respondit Galenus, plurimos se-  
mine abundantes, à concubitu abstinentes interdum priapism-  
o vexari, præsertim si veneris imaginibus molestantur, nec  
studeant, vt multa exercitatione sanguinis abundanti dissipe-  
tur: At Athleta, qui iam inde ab initio, nullam vitæ partem  
veneris illecebris contaminarunt, nullam admittentes eiusmo-  
di vel cogitationem, vel imaginationem, iis pudenda & exi-  
lia, rugosaque feri, velut senibus, consueverunt. Siquidem præ-  
ter cætera, quæ accidere solent iis, qui proxime à iuuentute, im-  
modicè sese libidini permiserunt, id etiam euenit, vt horum  
D locorum vasa amplius patentia, maiorem ad se sanguinis co-  
piam alliciant, & coeundi cupiditas magis increascit: ignavia,  
siquidem exolvit, propriæ autem officij exercitatio, robur auge-  
re solet.

Huic rei causam dedere arteriarum ora, quæ ad puden-  
dum deueniunt: cum enim hæc callidiora redduntur, pa-  
tentiora fiunt, & sic multa copia spiritus in fistulosum  
neruum effunditur, qui paulatim affluens, colem implere  
solet. Semen enim, quæ semen est, hunc affectum non  
excitat, sed à moderata caliditate excafactum, ora vena-  
rum aperit, vnde eleuantur spiritus vaporosi, qui colem  
extendunt, & priapismum excitant. Hoc explicuit Auic.  
20. 3. tract. 1. c. 37. dicens: *Et quandoque priapismus acci-  
dit, qui demittit coïtum ad tempus, ex quo mouetur in eo sper-  
ma, & venositas cum fortitudine.*

Accidit autem hic affectus iis, qui multo semine abun-  
dant, & præter consuetudinem à coïtu abstinent, præser-  
tim cum non student, vt multa exercitatione seminis co-  
pia dissipetur. Athletæ verò, Rurales, & vitam laboriosam  
agentes, exercitatione vehemènti, sanguinis & seminis  
copiam absument; in quibus cum causa materialis pria-  
pismi deficiat, non est mirum, si in duobus à coïtu absti-  
nentibus, exercitato seminis multitudine dissipata, rugosus  
penis fiat: in exercitato, copia seminis coaceruata, tumidus  
appareat: maxime cum illi vitæ suæ partem veneris ima-  
ginationibus non contaminerint. Hac de causa amico Ga-  
lenus consuluit, vt postquam genitale semen excreuisset,  
à narrationibus, spectaculis, & meditationibus libidinem  
concitantibus caueret omnino; hæc enim naturam ad  
agendum excitant, huicque morbo originem præbent.

Licet enim in viris, hæc, & alia similia ex retento semine accendant symptomata; tamen in feminis frequentius contingunt, quæ horrendis vitiis hac de causa subortis premi solent, sed præcipuè strangulatus vteri eas apprehendit, & ita immaniter vexat, ut sine pulsu, & respiratione vlla, vel insensibili eas prosternat. Licet autem respiratio adeo sit vitæ necessaria, ut viventem non respirare, ac respirantem non viuere sit impossibile, auctore Galeno, in loco hoc, ubi sunt scripta historia hæc, tamen exiguus in vtero suffocatis calor transpiratione seruetur: nam percunte ob vteri affectum respiratione, quoniam vniuersum corpus refrigeratur, fieri potest, ut nullo attracto per os spiritu ant reddito, transpiratio quæ per arterias fit, perseveret, quamvis interdum exigua, ut sensum omnino effugiat, cum enim muliebri semen, & frigidius sit, & humidius, promptissimè corruptionis labem susceperat. Accedit: quod femina est debilior, & instantibus causis minùs resistit; ut tam multis exemplis (præter Medicos, qui de hoc argumento passim disceptant) probant Vlpianus lib. 1. de senator. lib. P. tit. 9. Papinianus in l. in multis 9. de statu hominis, in P. Accursius in dicta lege, satis copiosè, & eleganter, & alij, quos eruditissimus citat Benedictus Pererius in cap. 4. Genesis, quest. 2. & 3.

Vnum tamen pro coronide aduertam solum, ut si fortè fortuna mulier vtero stranguletur, eoque miseriæ deueniat, ut iaceat velut mortua, sine pulsu, & respiratione vlla, & nullū ad sit vitæ signum, illico non sepeliatur, prout in com. hist. 3. 4. lib. 1. prædiximus: si enim peste extincti mox non sunt inhumandi, ut Guilhelmus Fabricius Hildanus centur. 2. obs. chirurg. 95. ex clarissimi Gregorij Horstij sententia, pluribus allatis sententiis confirmat, quantò magis quæ repentinis affectibus sideratorum instar concutuntur. Audi celeberrimam historiam, quam refert Ambrosius Paræus lib. 2. 3. c. 46. cuidam eximio Medico, & in anatomica facultate versatissimo contigisse, & est huiusmodi.

Anatomica commentationis iacentis, & propè neglecta patiens, ac restitutor in Hispania, ad nobilem mulierem, quæ ex hysterico strangulatu mortua credebatur, disseccandam vocatus. Ecce ad secundam adactæ nouacula compressionem, de repente ad se illa redire, & artium, corporisque, quod pro caduere habebatur, motu ac clamore, vita adhuc superstitis signa præbere cæpit. Quæ res circumstantes amicos in tantam admirationem horroremque rapuit, sic primæ & melioris notæ Medicum illum infamem, odiosum, & detestabilem reddidit, ut parum abfuerit, quin vnguibz omnium è vestigio discerneretur, & lanigaretur, nihilque prius sibi esse duxerit, si saluus esse vellet, quàm pronuncia quàm citissimè excedere, seque fuga inuidia subtrahere. Sed nec sic quidem intestinum tortorem, ac carnificem, quo iudice nemo nocens absoluitur, malè nempe rei gesta conscientiam effugere potuit. Itaque non ita multo post mæstia confectus, magno rei, & publicæ, & Medice detrimento interijt. Horrore plena est historia hæc, sed vera: nam vtero strangulatæ pro mortuis habitæ, & sæpe quoque elatæ, ac tumulatæ reuixerunt: ut exemplis constat Georgij Pictorij lib. sermon conuinal. pag. 20. Alexand. Benedict. lib. 10. prætic. 10. Paræi lib. 24. cap. 19. Forest. lib. 10. obs. 79. Albertin. Borroni lib. de morb. mulier. cap. 44. & aliorum, qui in fine sequentis quæstionis sunt referendi.

## QVÆSTIO XVII.

Vtrum vteri strangulatus symptomata, oriantur ab vna radice, ut voluit Fracastorius.

### COMMENTARIUM.

Vtrum esse retrahitum. ] Altiùs hoc loco agendum de vteri strangulatu, affectu sanè sæuo, & qui feminas frequenter premit, diu & importunè; in cuius essentia indaganda doctissimi etsi strenuè insudauerint, latent tamen plura adhuc scitu non indigna, quæ exactiorem explicationem prærequirunt. Quemadmodum ergo inter membra quibus natura corpus ministrat, ea est vteri efficacia in seminariis corporibus, ut si pro naturæ lege suo

Lib. III.

A munere vtatur, non solum incolumis viuat mulier, sed etiam conceptui apta; ita vtero malè affecto, innumeris ferè affectionibus prematur. Vterus enim præter peculiare illud officium, & sibi tantum proficuum, quo in propriam alitionem sibi sanguinem trahit, cum aliud contineat commune vniuerso feminæ corpori, & toti speciei subseruiens, nempe statutis quibuldam temporibus excrementitium, seu menstruum sanguinem expurgare, & semen tempestiuè excernere, pro vtilitate, & beneficio salutis in aliis; continere omnia intra seipsum, ut fortui subsit materia, & locus: quare si in altero, vel utroque excedat, aut deficiat vterus, infinita propè mala euenient, ut rectè Hip. lib. de virgin. morb. & de loc. in hom. & Aretæus lib. 2. chronion asseruit, dicens: Mulieribus vterus ad purgationem, & partum bonus, sed morborum infinitorum aceruum congerit.

B Et licet hoc ita sit, tamen vterum tanquam conuenientissimum selegit meritò natura ad procreandam prolem, ex Gal. 14. de usu part. cap. 7. vnde & naturæ ager, & quod ex ipso animantia omnia veluti à matre oriantur, matrix fuit appellata, & metra Græcè, seu hystera, quoniam situ posterior sit omnibus visceribus, ex Galen. lib. de finit. medicar. post init. nam inter vesicam, & rectum intestinum sita est, ex Galen. cit. de usu part. cap. 13. & 14. vnde affectiones quæ vteri vitio contingunt, vterinæ, seu hysteriæ omnes nuncupantur, quemadmodum & patientes ipsæ.

C Inter has tanquam omnium grauissima, frequentissima, & soli vtero propria, non cum aliis morbis communis, simpliciter vterina nuncupatur, in qua ex vteri consensu patiens veluti strangulari, ac suffocari videtur, ob respirationem prohibitam, ut & apnoea, vteri strangulatio, ac vteri præfocatio dicitur, indito nomine à grauiore huius morbi symptomate, ex communi omnium consensu.

D De vteri igitur affectibus acturus Galenus cap. 5. lib. 6. de loc. affectis, à præfocatione orditur, eius essentiam, & causas primò inquirens. Et quamuis vniuersa tanti mali ratio in difficili quadam respiratione potissimum consistat, sentit tamen Galenus præfocationis nomine non vnum tantum morbum, aut symptoma intelligi, sed multa simul ab vna exorta origine, vteri nempe vitio, seu delecteria qualitate emanantia. Tres verò præcipuas huius affectionis differentias agnoscit: primam, ac vehementissimam, in qua laborantes feminæ veluti attonitæ, sensu ac motu destitutæ iacent, respiratione priuantur, & vel obscurissimum pulsum, aut nullum habent, cum totius corporis refrigeratione. Alteram, in qua licet sensu, & motu non priuentur, illasque ratione vtantur, difficilem tamen respirationem, hoc est paruam, & frequentem, tanquam pectore compresso, simul & animi defectum patiuntur. Tertiam, in qua prædicta etiam membra, brachia scilicet, & crura conuelluntur, cuius meminit Galenus lib. 1. prorrhet. sect. 3. com. 27. quarum quidem specierum varietas suboritur, iuxta vehementiam causæ, & diuersitatem membri, cui ab vtero tanquam à foco, & minera, hysteriæ accessiones præstantur.

E Porro causam à qua suscitatur, docet Galenus esse corruptum semen, vel menstruum sanguinem intra ipsius vteri vasa retentum, sed illud præcipuam ac maximam: eo potissimum argumento, quoniam cum feminæ multò magis huic malo, quàm mares subiiciantur, paucissimæ vel rarè eo corripiuntur, quæ & integrè purgantur, & viri commercio fruuntur: quæ contrario modo se habent, creberrimè. Vnde & innuptæ virgines, & viduæ sæuissimis, & frequentissimis hysteriis symptomatibus instantur, præsertim ob seminis retentionem: cum enim superabundat, nec excernitur, vim maximam obtinet ad nocendum, ut in citatis exemplis palàm fecit Galenus; idque tam masculis, quàm feminis; sed his magis, quoniam semen habent humidius, & frigidius, & minus regulatum à calore; ac proinde cum redundat, tanquam noxium quidpiam ad sui excretionem stimulat, vel ex naturæ instinctu & doctrina, non tam voluptatis gratia, quàm in subsidium molestiæ, quo primo bruta semine turgentia ad coitum concitantur. Nec enim (ait Galenus) Venerem appetunt, quod putent aliquam voluptatem illi subesse,

R r 2

sed

*Sed à natura docentur, ut fugiant retenti seminis molestiam, non secus quàm ad stercoris, aut urina excretionem mouentur.* Quamuis enim bruta alia, quæ etiam suas habent recordationes, non solo naturæ instinctu, ad trahendum vitæ, pellendum noxium, sed illecebroso etiam appetitu in alimentum, & libidinem ruant; quia tamen minùs quàm homines voluptatis recordatione feruntur, idè dixit Galenus *loc. cit. de loc. affect.* bruta Venerem appetere, non ut delectentur, sed ut à molestia liberentur, quàm retentum semen inferre solet.

Quoniam verò sibi persuadebant nonnulli, fieri non posse, ut à tantillo semine in utero contento, tam sæui & repentini excitentur cruciatus, quales in hysteriis quotidie experimur. Fallam horum opinionem Galenus *loc. cit. de loc. affect.* confutat, adductis in medium exemplis phalangij, scorpionis, & aliarum ferarum, quibus vis inest nocendi vniuerso corpori, immixta exigua spiritiuosa, vel insensibili substantia; quin & solo contactu ingentes efficiendi alterationes, ut torpedini marinz. Cùmque intra humanum corpus, ex humorum corruptela venenum possit innasci, non minùs perniciosum, quàm quoduis aliud externum, ut *lib. 1. huius operis, in com. hist. § 2.* notauimus; quid mirum si vitiosum semen, aut menstruum cum intra corpus retinentur, & putrescunt, possint parua transmissa portione per corpus, vehementissima inducere symptomata, qualia sequi solent à veneni lethalis portione?

Num verò ab externo, epotove veneno, an intra corpus genito acciderit, discernendum ibi docet Galenus, ex corporis habitudine, præcedentique regimine, subsecuto colore, &c. *Nam si quis rectè sanus cum sit, bonisque humoribus præditus, salubri assuetus victui, repente moriatur, & corpus subinde liuidum, aut nigrum confestim fiat, prauèque olidum, nec pestilens adsit aeris constitutio, magna habetur hausti veneni coniectura, quemadmodum etiam testantur alij.* Insuper quòd vitiosus humor in corpore, vel aliqua illius parte procreatus, atque adèd semen, menstruumve in utero retentum, & corruptum sensim possit vicina inficere, donec tandem ad nobile membrum commigrans lethalia inferat symptomata, præsertim iis corporibus quæ ad patiendum sunt apta, rursus confirmat Galenus, canis rabidi exemplo; is enim si rabie corripitur (ad quam solus idoneus est inter reliqua animalia, propter sui temperamētū aptitudinem) tantam induit humorum corruptionem, ut vel exiguæ spumæ contactu rabire faciat hominem, & quæcumque tetigerit omnia, latente diutius malo, nec nisi post longum tempus apparente, scilicet ubi paulatim serpens iam ad principem partem devenit, & ab ea per totum corpus, donec tandem vniuersum in malignam qualitatē commutetur.

Supposito ergo, quòd ad uterum pertineant hysterica vocata symptomata, quoniam & viduis potissimum accidunt, quæ præ cæteris ex utero laborant, & quibus menstrua supprimuntur, vnde uteri morbi, *§. aph. § 7.* & potissimum ex retento semine: tum quia viduas grauiora infestant, etiam rectè procedentibus menstruis; nuptas vel leuiora, vel raro, aut nunquam abolita respirationis premit, quantumuis satis non purgentur: tum quia in his, quibus præter assuetudinem semen retinetur, uterus tangentibus obstetricibus ferè totus sursum retractus interdum videatur, nonnunquam in latus declinans, ut nihil mirum si inde graues animi defectiones, & apnoeam pariantur.

Antequam Galenus suam interponat sententiam, quomodo tam sæua, & varia symptomata ab utero inducantur, refert simul, & confutat antiquorum opiniones, de præfocatione vuluæ: de qua lege quæ diximus *lib. 2. in com. hist. 47.* Eæ ergo in medium sunt afferendæ, & in examen trahendæ, simul cum his quæ Galenus de proposita affectione edocuit. Plato igitur in *fin. Timæi*, cuius verba à Galeno *cit. loco* recitatur, cùm opinaretur uterum ad sobolem propagandam destinatum, esse animal quoddam peculiariter in corpore viuens, & iuxta Aræzum 2. *acut. 11.* & alios, & Aphrodiszum 2. *probl. 60.* se vndiquaque mouens, affirmavit ipsum conceptionis auidum, denegato virili semine, veluti succensum, vel potius indignabundū,

per totum corpus vagari, vel pœnas de continente matre lumbpturum, vel semen, cuius desiderio perpetuo flagrat, quæliturum: eo verò ad superiora conscendente ita leprum aliquando comprimi, & musculos respiratorios impediri, ut insigniter lætor respiratio, quin & interdum subsequuta aphonia penitus auferatur, angustietur cor, & fiat strangulatio. Inducebantur autem ita de utero lenire, quoniam sensus & motus particeps, instar animalium videtur, dum iucundis delectatur odoribus, ad eos accurrit, prauos refugit, de mun: tristibus & lætis mouetur, & bonis suppositis odoribus ad suam sedem reuertitur.

Sed quanquam animatus sit uter, animaliumque ferax, non idè potest anima appellari, cùm pars sit vnius animalis, quod ex multis constare non potest, nisi velis aggregatum esse, nò vnum verè, & per se: perinde verò ventriculus, cor, & cerebrum odoribus reficiuntur, non quasi iucunditatem percipiant ex odoris qualitate, quæ solis naribus sentitur, sed quia odoris vapor accommoda est spirituum materia, quibus illæ partes abundant, verum nec idè eas dixeris animalia. Fieri autem in sibi similia & familiaria, aduersa fugere, à natura est elementis, mixtis, plantis, & animalibus commune: immò verò licet uterus sentiat, delectetur, quin & moueatur etiam, cur animal dicetur, non membrum, perinde ac quoduis aliud eandem formam per easdem functiones cum toto habens.

Enim verò si uterus nec ventriculum, nedum septum pertingit, ex *Gal. lib. de diffict. vuluæ, c. 2.* vnde tribus respirationis difficultatem, aut priuationem in strangulationis præsertim cùm etiam si daremus conscendere, & septum ac thoracem premere, nihil ampliùs efficeret, quàm latetias, aut gestatio, à quibus licet respiratio libera impediat, non tamen auferitur omnino quemadmodum interdum accidit suffocatis. Denique, quorū conuulsi virilis seminis auidus, si aliunde, non à septo trahendum, quum fortè huius gratia procliuor natura reddatur ad inferiora? Ita ferè Galenus Platonis inuentum refellit de uteri suffocatione. Illorum verò opinionem, qui ut animal quidem errare non credebant, mensibus tamen excitatum, humectationis desiderio, ad viscera conscendere opinabantur, atque dum ad septum peruenit, suffocationem, & apnoeam inducere, facile confutat Galenus, quoniam si irrigationem quærit, paratiorem habet humorem in suis propriis vas, in sibi proxima, incumbenteque vesica, quàm in superioribus, præterquam quòd potius ad hepar, quàm septum moueri oportebat.

Fateretur ergo Galenus, in strangulatione quidem uterum sursum interdum moueri, seu potius retrahi, & conuelli, aliquando in latus, & consentire videtur Actius. Efficitur autem ascensus, seu retractio uteri ad superiora, non ut veluti indignabundus (quia priuatur his quæ concupiscit) corpori noceat, minùs ut suppressis mensibus exiccatus humectetur; sed quia dum menstruo, vel semine retento eius vasa nimium replentur, ipse sursum versus conuellitur, ita ut ad superas partes conscendisse, & proprium situm mutasse videatur. Verum licet ita retractus uterus morbum habeat in situ, seu figura, ex *Gal. lib. 3. de artic. 100.* ex retractione ipsa non oriuntur symptomata, quæ in hysteriis apparent, sed à virulenta putridi seminis, vel menstrui exhalatione, vitæ principis, cordi, inquam, cerebro, aut iecori communicata; ratione cuius innumeri fere apparent morbi, in uteri præfocatione: atque idè non vnus affectus, sed multorum simul congeries nuncupatur: nam apoplexia, epilepsia, melancholia, syncopa, apnoea, aphonia, & alij truculenti affectus, illis quàm similli possunt in strangulatione iungi, & ex delecteria uteri qualitate osiri, non secus quàm à peste, ex venenosa aeris constitutione, ab epoto veneno, Gallica lue, &c. quæ mala feminas grauissimè afficiunt, quia omnia morborum genera possunt progignere, intemperaturæ, compositionis, & solutionis. Appellatur tamen hæc affectio, de qua agimus, uteri suffocatio, quoniam potissimum eius symptoma est respirationis priuatio, assumpto nomine, tum à parte affecta, tum à superueniente symptomate fortiori.

Deinde tanti mali causa non est perpetuò censenda uteri



uteri retractio, immò nec sola, vt aliqui atumant: nam licet ex Aretzo, Gal. Paulo; Aëtio; & communi omnium consensu semper comprimatur, opprimaturve septum in præfocatione, atque ita videatur secelle; non semper tamen adeft uteri peruersio, ex Gal. lib. 6. de loc. affect. cap. 5. maximè si è retento semine morbus concitetur, quia ex sola vasorum seminalium distentione uterus ita retrahi nequit, immò nec ipse retractus opprimere tantum potest, coarctareve septum, vt ea tantum de causa, apnoea, & reliqua hysterica accidentia sequantur, quæ irruente sursum vtero, & septum ac vitæ principia opprimente sequuntur: sed non sola peruersione, nec ea semper, immò verò possitimum prauis simul, & interdum solis halitibus, qui ita venenati, maligni, ac perniciosi nonnunquam sunt, vt partium quas attingerint facultates offendant, earumque functiones intercipient, vel vitient, & versus septum irruentes respirationis instrumenta vi sua ita comprimunt, & stupefactiua quadam qualitate obtundunt, vt vel parum, vel nihil moueri patiantur; vnde vel nulla fit, vel vix, aut ita difficilis respiratio, vt laborans quasi suffocari videatur: pulsus nullus, vel obscurus, refrigerato, obstructo, aut suffocato corde: vnde etiam & respirationis priuatio, deficiente scilicet principaliori usu. Extremorum refrigeratio, denegato caloris influxu à corde, & retrocedentibus ad ipsum spiritibus ex toto. Denique nonnunquam mors frigidi veneni ritu. Malo alius in fauces irruente, ex quasi vinculo constringi, aut manu præcludi videntur, vnde & omnimoda ferè spiritus interceptio inducitur, & suffocationis periculum imminere videtur. Hanc ad fauces fieri vaporibus ab vtero subleuatis, & laryngis musculos replentibus nonnulli opinantur, & ab apnoea distingui; iisdem verò cerebri arcem conscendentibus, modò furores excitantur vterini, aliàs sopores profundissimi pro varietate, & magnitudine causæ. Demum & nonnunquam ille sensuum stupor, & immobilitas: nam stupida manent; & immota membra omnia, ac si affusa torpedinis frigiditate torperent: frigidus enim est, frigidique veneni naturam habet uteri morbus, ex retento & corrupto semine, vel menstruo, à quo vapor ille eleuatur prædicta symptomata inducens.

Fracastorius, Medicus & Poëta celeberrimus lib. de sympath. cap. 15. licet admittat reliqua membra coaffici, vi irruentis vaporis ab vtero; opinatur tamen referri etiam posse ad consensum, sympathiamve, quam à natura habent ærui, ac muscoli omnes crurum, sepi, pectoris, dorsi, capitis, & reliqui cum matrice; qua affecta, nerui ac ligamenta quæ ad ipsam pertinent, contrahuntur. Sed non videtur recipiendum inuentum, si enim plurima membra in corpore, multò magis inter sese, quam cum vtero communicantia, vt ferè neruosa, & musculosa, omnia ab vno principio vim & spiritum recipiunt, dum conuellantur, aut resoluuntur, non se mutuo trahunt in consensum; quæ probabilitate potest credi de vtero, qui verè neruolus non est, aut musculosus, ex Galen. lib. 6. epid. sect. 1. com. 2. vt retractus, siue conuulsus, in similem dispositionem trahat partes ferè omnes, neruis ac musculis præditas: Præstat ergo opinari, strangulatus symptomata modo explicato euenire, à maligno vapore vitæ principii transmissio, ex retento semine, vel menstruo, concurrente simul nonnunquam uteri retractione ex vasorum plenitudine.

Cæterum possunt hic nos quædam meritò remorari, quæ expedire oportet. Primum. Conuulsio accidere non potest, nisi à repletione, aut inanitione neruorum quorum propria passio dicitur. Atqui menstruus sanguis, & semen non acervantur in neruis, qui perexigui sunt in vtero, sed vel in vasis, vel in ipsius corpore, & in iisdem similiter deficiunt. Igitur uterus nequaquam conuelli potest in strangulatu.

Secundum. Si sanguis intra uteri vasa putrescat, febrem concitat, ex Gal. lib. 6. epid. sect. cit. non totius infrigidationem: si semen in uteri cavitata fuerit, nequaquam detinetur in illa, quin celeriter per eius os effluit, præterquam in conceptu. Ergo ab his, vel quolibet eorum hysterica symptomata induci non possunt. Nec dicas in vasis sper-

Lib. III.

maticis putrescere semen: nam illa sunt propria, & naturalia seminis conceptacula, in quibus conseruatur, aut in eorum alimentum absumitur. Si verò adhuc infestis, sanguinem intra vasa totius putrescere, atque idè nihil mirum, etiam in vasis ac uteri, perinde semen in suis spermaticis putrescere, facile obiectio hæc solui potest: nam sanguis non est substantia vsque adeò pura, nec tam expers humiditatis excrementitiæ; semen è contra perfectè coctum ab excrementis mundum, demum non ita putredini obnoxium, vt tam facile intra propria, & naturalia loca corrumpatur.

Terrium. Si ab illis substantiis intra sua vasa retentis, ac putrefactis, tantum malum oriretur, magis infestaret virgines, quàm viduas: nam illis ob meatuum constrictionem magis retinentur, & deterius purgantur. Rursus magis gestantes in vtero quibus tanta menstrui copia toties nouem mensibus occluditur, & detinetur. Insuper si à semine interna symptomata fierent vehementiora, non minùs continentes viros, quàm feminas molestant; quin & illos magis, acrius siquidem semen habent, magis irritans, magisque aptum per moram vitari. Atqui secundum Galenum, virgines, grauidæ, ac masculi rariùs, & leuiùs patiuntur memorata accidentia. Igitur, &c.

Quartum. Si ea deteriora occiderent symptomata ex semine, id assumptum foret exitiosius, quàm menstruum, cum tamen intrò sumi possit semen innoxie, non menstruus sanguis, vt Conciliator, Ponzettus, & alij cap. de sanguinis menstrui veneno proponunt: ex cuius potu, multi amentes, fatui, deliri, immemores facti sunt, immò subito occubuerunt.

Quintum. Si uterus dicitur corporis sentina, & veluti quoddam conceptaculum, ad quod ex toto putrida confluunt excrementa; cur suffocatio non fiet ex quolibet humore putrefacto, & in similitudinem veneni in vtero conuerso, non minùs quàm à sanguine, aut semine, quemadmodum dixit Auic. 2. 3. cap. prop. cum Auer. 3. collig. 29.

Sextum. Si à respiratione, & pulsu vita est inseparabilis, ex Gal. lib. de usu puls. c. 1. quomodo viuent hystericae, nihil prorsus respirantes, aut passantes. Quòd si dicas posse viuere citra respirationem per aliquod tempus, dummodò cordis pulsus seruetur, prout docuit Gal. lib. 4. de diff. puls. cap. 2. quorsum lib. 6. de loc. cap. 5. mortem ab apoplexia, aut præfocatione secernit, lanæ vel gossipij appositione naribus, aut vasis aqua pleni ad ventriculum, quæ potius sunt argumenta abolitæ respirationis, quàm mortis.

Vltimum. Si frigida est huius morbi natura, atque idè soporem, tristitiam, metum, silentium, apnoeam, stuporem, & refrigerationem totius inducit, vnde iracundi furores, concitamenta, inquietudines, & audaciæ, æstuantis caloris effectus; vendè inappetentiæ, & ciborum fastidia, si potius fames, ac inexplibilis edendi cupiditas à frigido concitatur; præsertim melancholiæ, cuius naturam sapiunt menstruum, & semen vitata.

Sed non ita ardua hæc sunt, vt euincat. Dic ad primum. Quemadmodum ventriculus, quia musculus non est, ac eius ostiolum conuelli propriè non dicuntur, vt constat ex Gal. lib. 5. aph. 4. & accuratiùs lib. 3. de caus. sympt. cap. 2. ita nec uterus, sed improprie, & metaphoricè: hic enim quia natura durus, & veluti neruo similis, plenis suis vasis, & fibris, quibus aliis partibus alligatur, aliquando incolumis ad similitudinem neruorum conuellitur, seu potius retrahitur sursum, vbi ex æquo omnia ligamenta distenduntur, vel ad latus, si vnus tantum partis vasa repleantur. Dubitari etiam potest, an ex sola vasorum seminalium distentione præ copia, vuluæ peruersio contingat: & licet aliqui negent, quia pauca admodum sunt, nec à tantilla materia uteri moles ita distendi potest vt perueratur; ipse tamen Galenus loc. cit. de loc. affect. testimonio obstetricum hystericas viduas tangentium, significat interdum etiam istud euenire: nec immeritò: nam si ad infarcti nerui contractionem integrum membrum aliquando conuellitur, cur non perinde uterus ad repletionem vasorum seminalium? Iam verò magno impetu, ac nixu, nonnunquam contrahi posse, ad excutiendam putridi seminis virulentiam, atque adeò veluti ex morsu conuelli

satis manifestum sit, ex contrahione cerebri ac totius corporis, in accessione epileptica, à sola exhalatione ab utero in cerebrum ascendente. Addunt multi, ex Veneris appetitu posse etiam uterum tumere, & retrahi; atque hinc fortè viragines, & libidinosas fœminas præfocatione nonnunquam fatigari. Sed merito improbantur; tum quia cum matrix scroto respondeat, ex *Gal. lib. introduct. cap. 10. & 14. de usu part. cap. 6.* non secus quàm ipsius matricis ceruix, vitorum coli; sicut in his præ libidine colis, non scrotum inflatur, ita nec in fœminis uterus: tum quia is ex congressus desiderio potius descendit, & versus collum, quod sua gula est, porrigitur, quàm contrahitur, quemadmodum Galenus *lib. 1. de sem. cap. 3.* ostendit, similitudine ex ventriculo desumpta, qui vehementer appetens cum fundo ad stomachum, & gulam recurrit.

Ad secundum. Sanguis intra uteri venas, quæ multæ, & magnæ sunt, detentus & putrescens, etiam si febrem plerumque exciter, aliquando tamen per corruptionem, usque ad eò venenatam induit naturam, eamque frigidissimam, ut vel solo vapore expirato, cordis calorem, ac totius corporis, instar veneni, vel celeriter extinguat, vel obtundat, unde refrigeratio, interceptio pulsus, respirationis, & ferè omnium functionum abolitio: certum est autem huius affectus materias intra propria vasa, suæque loca naturalia detineri, & putrescere, quum præ copia à natura non regulantur. Quantò verò seminis probitas maior est, eò facilius, & deterius putret, si præ multitudine grauians, non excernitur, sed retinetur.

Ad tertium. Viii capitis grauitatem, corporis languorem, pigritiam, inappetentiam, & nonnulla alia symptomata hysterice similia patiuntur, sed non ita crebra, ac vehementia, ac fœminarum cum huiusmodi morbus inter frigidos numeretur, frigidæque sit materia venenosa ex qua oritur, multò facilius in frigidam malignitatem corrumpitur muliebri semen, quod magis inclinatur ad frigidum, quàm virile suapte natura calidum, atque ad eò crebrius mulieres hoc malum incutunt, tanquam sibi proportionale. Iunguntur & in illis causæ aliæ, quibus aptiores redduntur prædictis symptomatibus, & sæuiores, maior nempe cacoehymia maiori corruptioni obnoxia, minor innati caloris copia ad resistendum putrefacientibus causis, demum & ipsa uteri conditio; cum enim (præter alia munia, ut diximus) dicatur etiam à natura sic totius corporis expurgationi, ex toto suscipit excrementa, quæ inter sese commixta faciliè deleteriam concipiunt qualitatem, qua & uterum ipsum inficiunt, & corpus vniuersum innumeris reddunt affectionibus obnoxium, ex proprietate illa in utero relicta, simul & in eo acervatis excrementis, præsertim menstruo, aut semine retentis; sed ab hoc maxime, utpote quod deterius putret, quia perfectius, & exactius elaboratum, ut diximus. Hinc fit ut viduæ, quibus præter consuetudinem semen detinetur, uterinis malis grauius vexentur, quàm virgines; quantumvis ob naturalem meatuum angustiam non purgentur bene, & ex concluso intra vasa semine hæc eadem mala non raro patiantur; & frequentius quidem quàm grauidæ, quia in his sanguis intra uterum gestationis tempore morans, prohibetur à natura ne putrescat, scilicet quia circa illum negotiatur, partem concoquens & emendans, aliam in uteri & fœtus alimoniam absumens, partem ad vbera transmittens, partem vomitu diminuens: denique citra usum detineri non patitur, atque ad eò non putrescit; maxime quod intra membranam fœtum continentem, chorion scilicet, tanquam in suo naturali loco, nec sine dispensatione naturæ seruetur, non aliter quam in fellea vesica bilis: quod si putrescere contingat, suffocationem inducet, præsertim utero iam factò grandiore, qui nimium in tumorem elatus septum magis comprimit; & eleuatis malignis, perniciosisque vaporibus à frigido sanguine per corruptionem sic factò, ad respirationem redditur ineptum.

Ad quartum. Maiorem vim corrupto semini inesse ad nocendum, quàm menstruo, constat ex dictis; & si vitiatum quidè intrò sumeretur, non dubito quin læderet perniciosius. Nec obstat quòd menstrua, extrà & intrà, insigniter

Afficiunt, non sic semen; res namque exterius positz, non idem semper possunt, quod interius, sicut nec è conuerso;

3. de temp. cap. 4. & 5.

Ad quintum. Quamuis ex quouis humore, in frigidam substantiam, eamque deleteriam mutato, uterina oriri possint symptomata, iuxta Auic. Auer. & alios, frequentius tamen ex menstruo sanguine, & corrupto semine; quod monstrat frequentia euentus, in his quæ improbè purgantur, ac viri consortio non fruuntur. Adde quòd menstrui nomine, humores omnes comprehenduntur, non solum sanguis à reliquis separatus; nec enim ab vno tantum humore integro, & puro efformatur fœtus, inquit Galenus *lib. 1. de natur. human. com. 27.*

Ad sextum. In Apoplexia, apnœa, & præfocatione, citra respirationem & pulsus, vitam seruari testatur Galenus *lib. 4. de loc. cap. 7. & lib. 6. eiusdem, cap. 5.* & licet respiratio, pariter ac pulsus, ad conuerrentiam cum vita dicantur, nec perire possint in totum manente animali, nec momento quidem temporis vita superesse possit citra respirationem; tamen fatemur necessariò etiam in forti apoplexia, apnœa, præfocatione, & similibus, quamdiu viuunt animal, saltem latentem respirationem adesse: dici verò in dictis affectibus amissam, seu priuatam, quia sensum effugit, non quia in totum pereat. Quòd si magis placer, dic solum pulsus esse à vita inseparabilem, prout docuit *lib. 4. de diff. puls. cap. 2.* solæque transpiratione posse exiguum in animalibus calorem, quemadmodum & in plantis seruari; atque ita in apnœa, & similibus, in totum respirationem auferri, quod sub dubio reliquit Galenus *lib. 4. de loc. affect. cap. 7.* dicens, posse vtrumque probabiliter defendi. Dic in aliis locis adductis, tantum velle sic vitam à respiratione pendere, ut diu non dureret animal, si illa ex toto auferatur: non quasi illicò pereat, etiam si non respiret; viuet enim, quamdiu motus non defuerit, a quo velut ad momentum vita est inseparabilis. Nec obstat, quòd ad initium *lib. de usu puls.* scripsit, tantò magis esse necessariam respirationem pulsus, quantò cordis calor magis necessarius est ad vitam, quàm membrorum: ibi enim de pulsu membrorum loquitur, cuius collatione non negamus magis esse necessariam respirationem: quomodo autem ea calorem refrigerando tueatur, non est huius loci demonstrare. Quòd si solo cordis pulsu, etiam nullo exterius apparente, vitam aliquando seruari contendas, difficillimum erit in forti apoplexia, præfocatione, & apnœa vitam à morte discernere; & idè incerta quidem habenda sunt documenta auctorum, & vulgi: nam gossipium naribus impositum, corpore resupino; clausis fenestris, & remota anhelantium turba, ut si modo aliquo moueatur, suspicio vitæ sit, sin minus mortis: & si agiteretur aqua in cyatho ori ventriculi admoto, quia pariter cum septo in respiratione ventriculus mouetur: demum & nitidum speculum ori approximatum, ut si inficiatur nubecula, indicemus anhelitum adesse, respirationis nullius sunt indicia, non mortis, prout obiciebatur; & confirmant multorum experimenta, qui pro mortuis habiti reuixerunt, & iam iam sepeliendi fuissent, nò in domum reuocati essent, alij tumulati iam, inuenti sunt reuoluti, de quibus apud auctores, Valerium Maximum *lib. 1. de miraculis, in histor. Attilij, Plin. lib. 7. cap. 5.* 2. explanant Gentilis in *Auic. 13. tract. 5. cap. 1.* 2. Haly *lib. 5. pract. cap. 22.* Leuinus Lemnius *lib. 2. de occult. natur. miracul. cap. 3.* & inter omnes nunquam satis laudatus Zacchias, infestæ lectionis vir, *lib. 4. quæst. Medicolegal. tit. 1. quæst. ult. num. 50. usque ad finem.*

Vltimum verò argumentum de iracundo furore, audacia, &c. Potius calidam causam, quàm frigidam attestantibus, facilem habet expeditionem, consideranti frigidam substantiam, seu potius semen, & menstruum frigida qualitate, eamque deleteria vitiarum, esse frequentem strangulationis materiam: licet verò nonnunquam in suffocatis symptomata vlla conspiciantur, perrara tamen sunt, frequentissima quæ à frigido oriuntur; frigidum enim est simul, & deleterium huiusmodi vitium, ut diximus, ac proinde etiam si à frigido promouetur appetentia, propter adiunctam tamen venenosam qualitatem in hoc

morto,

morbo, deicitur; nam etiam à melancholia fames exci-  
tatur, verum ubi ea qualitatem aliquam naturæ horri-  
dam concipit, vires omnes & appetentiam prostermit, at-  
que ingens fastidium inducit.

## QVÆSTIO XVIII.

*Verum femina semen fecundum generent, ut contra  
Aristotelem asseruit Galenus.*

**P**rimumque semen. Verum feminæ semen generent,  
idque prolificum sit, ac fecundum, Galenus cum Phi-  
losopho ad ratum usque decernat, sed adhuc sub iudice lis  
est: nam Peripateticorum tela ita ardua sunt, ut ea decli-  
nare licet Iuniorum doctissimi tentauerint sæpe, & illu-  
strissimi Philosophi hanc provinciam strenuè fuerint ag-  
gressi, tamen illa, ni fallor, sunt insoluta adhuc: mecum ita  
senties: cum legeris Conciliatorem *disf. 37.* Iacob Dinum,  
& Thomam de Garbo *super Auic. de generat. embryonis.*  
Eundem Garbum *lib. 1. sua medic. tract. 5. quest. 58.* Turisa-  
num, Thadæum, Forliuini, & alios interpretes *lib. art. me-  
dic. cap. 45.* Thomam à Veiga *in com. c. 5. lib. 6. de loc. affect.*  
Fernel, *lib. 7. physiolog. c. 6.* Cardan. *2. contrad. tract. 6. con-  
trad. 18.* Valleriol. *1. loc. tom. c. 17.* Valles. *2. cont. 7.* Rode-  
ric. à Castro *lib. 1. de mulier. morb. part. 1. cap. 3.* Peramar.  
*tract. de semine.* Mercat. *lib. 1. de affect. mulier. c. 1.* Laurent.  
*1. 8. de re anatomic. quest. 5.* Syluar. *contron. 79.* & alios. Sed  
diutius his institi, quia intricata, & maximè necessaria, in  
quibus ferè nituntur omnia, quæ de strangulatione vteri  
dicta sunt. Attamen nec acquiesco, immò hæreo, fluctuo-  
que ampliùs: conabor tamen potiora Aristotelis argu-  
menta in propatulum ponere, nitidè & distinctè, ex  
quibus alia lucidiora fient, quæ à suis hinc inde afferri  
solent.

Primum. Quemadmodum semen excrementum quod-  
dam est postremi alimenti, vile, & exquisitè confectum;  
ita menstruum superfluitas quadam eiusdem dicitur mi-  
nus perfectè concocta. Atqui feminæ ob caloris imbec-  
cillitatem menstruis abundant, hoc est, cruenta illa, & in-  
cocta superfluitate. Igitur semine careant est necesse,  
Hoc siquidem ex optima coctione fit: vel etiam secun-  
dum Gal. menses ex incoctione: nec par videtur, duo esse  
eiusdem rei vltima, & tam diuersa excrementa; ac proin-  
de quemadmodum maribus solum semen ex vltimo san-  
guineo alimento ducitur, ita solum menses feminis: quæ  
quidem inter sese respondere, & proportionem habere ex  
eo satis indicatur, quòd eadem ferè ætate, 14. anno pera-  
cto *7. de hist. anim. 1.* semen maribus, feminis menstrua  
effluant; consimiliter etiam in senio finiantur, iisdemque  
symptomatibus incipiant.

Secundum. Pueri, eunuchi, & mulieres, in habitu, in  
voce, & pilis sunt similes. Atqui illi non generant semen,  
Ergo nec mulieres.

Tertium. Si procaces, libidinoseque feminæ multoties  
pariant, sedantur, temperanturque. Atqui per partum san-  
guis, non semen excernitur. Igitur ille est qui turgens, ad  
libidinem feminas excitat: quod & illarum experimen-  
tum confirmat, quæ præ venereo appetitu sanguinis pro-  
fluvium intra mensem sæpe habent, pellente scilicet na-  
tura id à quo ad congressum stimulat.

Quartum. Si mulier semen haberet, & in congressu  
emitteret, vel esset necessarium ad generationem, ut  
agens, vel ut materia, denique vel ut vtrumque. Non pri-  
mum, quia cum virile integrè coctum sit, solum sufficit ad  
generandi munus; tum quia licet in aliqua rerum pro-  
creatione, vnum idemque videatur efficiens & materia,  
ut in fructificibus, &c. in animantibus tamen perfectiori-  
bus, non passa fuit natura gignendi principia misceri, sed  
voluit cum sexu diuersitate, distinctas etiam apparere  
actiuam, & passiuam facultates: cumque mas efficiens in  
generatione sit, femina patiens, agentis hæc rationem  
subire nequaquam poterit; siquidem præterquam quòd  
duo eiusdem rei principia, secundum idem genus non  
admittuntur, immò verò (ut concludit Auerrhoës *infra*  
refertur) ubi duo ad vnum finem commiscuntur, opor-

et vnum esse formam, hoc est agens, alterum, materiam  
siue patiens; tum quia cum alterum principium, nempe  
materiam ex sanguine menstruo mulier contineat, si se-  
men fecundum gereret, citra maris congressum ex seipsa  
posset concipere, & fœtum edere. Non secundum, siqui-  
dem ad omnia membra formanda menses sufficiunt &  
siquid aliud requiritur, virile semen sat est. Constat au-  
tem sine excretionem, aut voluptate sæpe concepisse mul-  
tas, & testatur Auerrhoës *lib. 2. collig. cap. 10.* quo loco ad-  
dit nouisse feminam in vicinia cohabitantem, probis  
moribus, & fidei integræ, quæ iureiurando confirmauit,  
concepisse infantem semine ex balneo attracto, quod  
profudisset lasciuiens masturbator: firmat Amatus *lib. 4.  
centur. 36.* cui historiarum alia annexenda ipsius Amati *lib. 7.  
Centur. curat. 18.* in qua narrat mulierem à muliere fuisse  
B grauidam factam: cum enim binæ mulieres Turcæ mu-  
tuis coïtibus sese contaminarent, vidua à coniugata, quæ  
ea hora cum marito rem habuerat, attraxit semen virile, à  
quo grauida facta est. Denique non ut materiam simul  
& vim generantem præstaret; nam præter dicta id in se-  
ipsum ageret: in proprium damnum, & interitum. Quòd si  
Aristoteli obiciat, eo etiam consentiente *cap. 20. lib. 7. de  
generat. animal. cit. feminis etiam in actu venereo.* magna  
cum voluptate substantiam quardam effundi spermati, si-  
millimam, eamque in vasis max mis manifestè concipi.  
Respondet, illud nec semen esse, sed quandam vteri hu-  
miditatem, nec quicquam ad generationem conferens,  
quoniam nec omnibus talis excretio euenit; nec ad eam  
sequitur conceptus, mensibus deficientibus; nec intror-  
sum ad vterum fit; & quia sine ea seminis emissionem, &  
C quæ ad eam sequitur, voluptate, plerumque concipiunt,  
si menses debite fiant, nec verò inquit, ab excretionem il-  
lius humiditatis feminas delectari, sed ex frictione & tri-  
tillatu; quo pacto pueri, & eunuchi delectari solent: nihil  
alioquin seminis habentes.

Addunt. Arboris semen in terram effusum, sola maté-  
ria ex terra mutuata, citra alterius seminis accessum, sat est  
ad arborem proceram gignendam. Igitur & virile semen  
absque alio feminini concursu, saltem quod vim ali-  
quam, aut opem præstet in fœtus constitutione; sed so-  
lum inquam menstruum tanquam materiam, & veluti lac  
coagulandum exhibere, masculi autem esse principium  
coagulationis. Sicut verò lacte concreto coagulum effluit;  
ita *2. de generat. animal. 3.* virile (inquit) semen in vtero  
receptum, vi præstita menstruo sanguini, confertim aut  
D dissolui, & in flatus abire, aut extra vterum mitti solet,  
videlicet quia nullatenus fit materia fœtus, sed tantum ut  
efficiens causa concurrat. Aristotelis verò sententiæ, præ-  
ter Auerrhoëm *lib. 2. collect. cap. 10.* & alios Peripateticæ  
doctrinæ, assentiri putant Auic. *2. 1. 3. c. de generat. embryo-  
nis.* Capinac. *tract. de fœt. format. cap. 3.* & alij primæ notæ  
Philosophi, Durand. *in 3. dist. 3. quest. 1.* Capreol. *dist. 4.  
quest. unica, art. 3.* Paludan. *quest. 2.* Heruzus *in tract. de  
unitat. form. quest. 8.* Socinas *8. meth. quest. 16.*

Sed rectius Medici ferè omnes, Hip. & Gal. veriore  
opinionem sequuntur, ea huiusmodi conclusione expli-  
cabitur. Non generat solus masculus semen, sed & femina  
etiam. Vtrumque materiam simul, & efficientiam præstat: fe-  
mineum tamen minus fecundum, nec omnino ad generationem  
necessarium. Priorem partem rum ratio, rum sensum te-  
stimonium, ac experientia fides satis confirmant; nam  
E si (quæ nihil frustra condere solet) natura, feminis suos  
testes attribuit, perinde ac maribus, item & seminalia vasa  
variis, flexibus ac circuitibus inorta, quæstam in testes,  
alia ab ipsis in vterum terminata: atque partes illæ in mas-  
culis, nulla alia de causa sunt factæ, quam ut semen gene-  
rarent, & in congressu emitterent: quo iure ipsis denega-  
bitur similis facultas in femineo sexu.

Nec refugas cum Auer. *loc. cit.* ad exiguas mammæ pa-  
pillas citra usum aliquem datas, seu notas, mammarum in  
feminis; ad sacrum, siue coccygis os hominum ad vlti-  
mum fastigiatum, candæ brutorum index; ad oclusos  
talparum oculos, &c. Quoniam licet verum sit, plerum-  
que naturam absque vilo usu, similitudinem quandam  
quibusdam animalibus inurere, tanquam notam, seu  
R r 4 vestigium

vestigium patris alicuius, quam cum magno emolumento A alteri speciei concessit, ubi tamen simile opus non exoptat, diuersimodè fingit, aut quidpiam minuit: testes verò, & vasa seminalia cum in mare, & fœmina similia ferè omnia fabricasset, numero, magnitudine, anfractibus, par est credi, eiusdem momenti gratia condidisse. Id quod rerum euentus, & fides oculorum demonstravit: nam semine intra vasa illa turgente, fœminæ procliuēs feruntur in Venerem; eaque si non vrantur, vterinis capiuntur affectibus, à quibus, semine ipso, excreto liberantur.

Rursus non minùs quàm mares, gonorrhœam, & priapismum patiuntur fœminina bruta, quæ statim temporibus concipiunt, & quasi furentia mares quærent; nec aliunde, nisi retento stimulatâ fœmine eo verò per concubitum excreto protinus conquiescunt, ad eò ut ampliùs B mares non admittant, donec rursus accrueant; quod sanè non ita eueniret, nisi semen progignerent, & in congressu proferrent.

Adde. Si fœminæ castrantur (quod in porcis quotidie conspicitur) ampliùs non coeunt, nec vlla ratione sustinent accessum. Igitur illarum testes semen progignunt, & eoturgentes, ad libidinem, & conceptus faciunt: id quod & per illarum partium dissectionem ad oculum demonstratur; atque ita ex sententia Hippoc. lib. de natura pueri, ad initium, Galenus lib. 1. & 2. de sem. latè, & l. 6. de loc. cap. 5. confirmat.

Quod autem virile semen, non ut opifex tantum, sed ut materia etiam, in fœtus procreatione seruiat. (quidquid Arist. lib. 1. de generat. animal. cap. 2. & alibi censuerit) præterquam quod ex Hip. colligitur, cit. de natur. pueri, dum C vult ex vtriusque seminis miscella, menstruo postea accedente sanguine fœtum consistere, multis ostendit Galenus lib. 1. de sem. cap. 5. Cum oporteat semen ab utero comprehendi, ac retineri, ut conceptio fiat, pro ut libello illo, & de genitura Hip. & Galenus obseruauit, nam vterus sentiens suauitatem, seminis, huic torus fit obuiam, quod ipsum plena fide nomen cœceptionis indicat. Præterea, si nulla geniti pars, ex ipso virili semine, tanquàm ex proxima materia procreantur, quò vertitur corpulenta ipsius substantia, (ut verbis vtar Philosophi 2. de gener. animal. 3.) postquam motionis principium, generantemque virtutem semini præstitit; Nec enim intra vterum diutius immorari, retineriue potest, præterquam ad generationem quin morbos excitet grauissimos, & symptomata pernicioſa. Minùs extra vterum pelli, eius siquidem oculum valde occludi scripsit Hip. 5. aph. 21. & alibi: immò Galenus multis argumentis ab experimento desumptis confirmat, concipientibus nequaquam excidere genituram, sed intus necessariò manare. Superest ergo quod dicit Arist. in halitus, abire, si nullam præstat materiam. At si ita fieret, protinus à conceptu vterus nimium inflatus, ac elatus sentiretur, immò distenderetur, & doleret; cum tamen oppositum appareat, ipso sese contrahente, & circumquaque conceptus materiam comprehendente, vnde in primis mensibus vterus minor apparet: præterquam quod necesse foret, aut partus tempore; aut priùs flatus illos per pudendum cum sonitu emitti, non secus quàm excernuntur illi, qui in ventre colliguntur.

Deinde. Solida membra, & quæ à Medicis spermatica nuncupantur, ossa, nerui, arteriæ, venæ, sicut distant à sanguinis substantia, ita exanguia, sunt, & nullam ferè illius similitudinem referunt; seminis autem maximam, colore, consistentia, crassitie, lentore, & specie. Ergo probabilius est ex semine, quàm ex sanguine efformari. Nec cum Philosopho dicas, partes omnes ex sanguine fieri, sed illas eo priùs à natura multum alterato, & è rubro in album, è tenui in crassum mutato, non secus quàm ex eodem perinde elaboratò nutriuntur, iam in lucem edito infante; nam si sanguis ita alteratus, & in album succum conuersus, semini prorsus similis efficitur, quorsum natura alioquin artificiosa, & quæ nihil superflue, aut frustra machinatur, semen, quod habet à principio paratissimum, expellat, conetur sanguinem ad seminis similitudinem ab initio elaborare?

Insuper. Si ex plantarum semine, cui inest sua opifex virtus, iunctis terræ portionibus planta ipsa procreatur, præstante semine ipso generantem vim, simul & materiam; cur hoc ipsum non admitteremus in semine animalium ad sui fœtus formationem, asserentes vtriusque parentis semen esse solidorum materiam?

Esse autem muliebre semen prolificum, & vim etiam habere efficientem; nec mulieribus duntaxat datum, ut materia foret generationis, aut solum impetum illis, & quasi stimulum ad congressum adderet, apertè etiam colligitur ex Hip. cit. de genitura, & de natur. infantis; & multis Gal. lib. 2. de semin. comprobauit; atque ex eo potissimum quoniam si eiusdem speciei sunt mas & fœmina, & persimile ferè semen in similibus organis gignunt, illudque similiter cum libidine, & oblectatione per concubitum effundunt; cur similes habere facultates, similèque agendi vires denegabimus?

Ad hæc. Ni fœmineo semini vis actiua inesseret, nunquam liberi matribus similes procrearentur. Atqui sæpe numero partus matri assimilatur. Igitur earum semen suum habet efficaciam, & agendi virtutem, qua ingreditur generationem: non enim sola materia, solumque principium passiuum, causa esse potest assimilationis: cum enim assimilatio ad vnum, vel alterum parentem, docente Hip. cit. de genitura, ex vnius, vel alterius superantis seminis portione sequatur, quomodo in actione superabit fœmineum si agendi vi omnino destituitur?

Nec vim rationis infringes, dicēs cum aduersariis, plerumque ob materiæ ineptitudinem non posse agens sibi effectum assimilare, sed ubi quod nititur obtinere non potest, in proximam formam degenerare absque vlla reactione materiæ, atque ita accidere in fœtus assimilatione ad matrem. Nam licet verum sit, hoc & sæpe terræ vitio, absque vlla vi & concursu actiue terræ, linum in lolium migret, & triticum in typham; id tamen solum ostendit, ex passi rebellione, irritam fieri agentis vim, & interdum impediri quo minùs effectus ipsi assimiletur: at verò quòd fœtus matri simillimus fiat, eamque solam, etiam in minimis, & aduentitiis representet, accidere nequaquam potest, nisi, ipsa suo semini vim imprimat informantem, cum suorum accidentium idolis, quæ alterius seminis oppositum conantis efficaciam vincat. Consule Ioannem Gallego de la Serna lib. 1. de principiis generation. cap. 25.

Denique, Nisi sua vi generante fœmineum semen polleret, merito foret accusanda natura, quòd solas fœminas eo beneficio priuauerit, quo reliqua corpora corruptibilia donauit: omnibus siquidem vires quasdam indidit, ut & elementis etiam suas qualitates actiuas, quibus agunt, & dum suam imprimunt similitudinem, gignunt, & alterum sibi simile substituendo, viuunt, & durant: natura siquidem exoptat ut perpetuentur, quod cum per se ob fragilem mortalium rerum conditionem obtinere nequeant, tamen diu permanent.

Demum. Si vel ipso testante Aristotele, vtriusque sexus vires naturā in fruticibus miscuit, non committens soli masculæ vi (licet terra materiam ei conferat) procreationem fruticis, sed fœminæ simul; atque ita per totum stirpium semen formatricem diffudit, nempe quia ita totam materiam communicans, & permeans, meliùs, & faciliùs fingit, & materia ipsa obsequitur; cur id multò magis in animantibus, quæ perfectioris sunt ordinis, non efficeret, maris fœminæ vires mutuo coniungens, non duntaxat ut fœmina materiam suppeditet, sed ut copulatis ac confusis actiuis amborum viribus, semen vnum ex vtriusque aptius generationi euadat.

Esse verò masculinum præstantius, ac fœcundius, nemo inficiatur; fœmina enim cum sit frigidioris temperamenti, frigidiusque semen eius, æquali fœcunditate cum masculo calidiore pollere non potest, sed minori ex Gal. 13. de usu part. 6. Atqui illud citra maris opem sterile quidpiam, & imperfectum progignere tantum potest; gallinæ & aues subuentanea oua, gressibilia, molas, &c.

Non requiri autem omnino fœmineum semen ad conceptum (quidquid citari auctores repugnent) expresse Arist. 1. de generat. animal. c. 19. & 20. & lib. 2. c. 4. asserens concipere



concupere sepe feminam absque ulla profusione, & quæ ad eam sequitur, voluptate. Ratio suadet: nam cum virile semen prolificum absolute dicatur, integrè coctum, & perfectum, si copia sufficiente effundatur pro gignendis membranarum, intra quas fœtus formandus, regendusque est, simul & pro primis solidorum lineamentis; cur per se solum non æstimabitur sufficiens muneri generationis, curve tunc non excusabitur fœminum, dummodò mensum usus adsit in fœtus materiam & alimentum? Nec aduersantur Hip. lib. de natura pueri & Gal. cit. de sem. § 14. de usu part. 7. afferentes in conceptu, vtriusque parentis semen in medio vuluæ misceri, iaculatione, & forrè simultanea, atque ex utroque ita mixto vnum consici principium: intelligendi enim sunt, melioris usus gratia ita fieri, & ita magno quidem usui esse ad fœtus constitutionem, sed non omnino requiri ut simul concurrant, & misceantur. Atque eodem sanè modo accipiendum est illud lasciuipœtæ, detestantis tanquam infœcundum concubitum, in quo mas, & fœmina pariter non excernunt; & aliud, in quo tarditatem à viro requirit, ut fiat & simultanea vtriusque iaculatio, utpote quæ ita facta vim maximam habet ad conceptum, sed non proinde necessariam. Porro licet non excernat fœmina, adhuc etiam actiue concurrat, & fœtus productionem adiuuat cum informatrice vteri, cui etiam sua vis inest. Lege Bonauentur. quest. 1. num. 3. 1. Maior. quest. 3. art. 4. Ocham. quest. 3. & alios quos refert Mirandula lib. 1. de examine vanitatis, cap. 16. qui nostras partes acerrimè tuerentur.

Superest solum Peripatericorum fundamenta, conuellerè. Et primum sic. Seu semen cum Galeno lib. 2. de semin. sanguinem definias, in venis quæ ipsum continent, exactè coactum; vel cum auctore finit. medicar. gignituum humorem calido spiritu constantem, & in seminariis vasibus contentum; aut succum familiarissimum matrici, 14. de usu part. c. 1. 1. siue cum Arist. & Medicis etiam, vilem superfluitatem vltimi alimenti, non quasi absolute superfluitas sit, sed pars quædam vltimi alimenti nondum in membrum verita, quæ superfluit, aut eripitur naturæ, antequàm in membri nutritionem abeat, siue cum Neotericis finias, quod sit corpus humidum, spumofum, & album, ex reliquis alimenti vltimi & spirituum vbique oberrantium permixtione, vi sola testium excoctum, elaboratumque idque ad perfectam animalis generationem: quid prohibet ab eadem re diuersas separari superfluitates, si nullum mixtum vsque adeò homogeneum reperitur, quod partes inter se diuersas non obtineat, nullumque tam simile alimentum, in quo varia non reperiuntur excrementa. Immo verò si à puriori sanguine, iam intra poros membrorum recepto, exactè coacto, & iamiam in substantiam commutando, superfluitates separantur; cur non ab impuro in vasistotius redundante, vnde crudas & excrementitias portiones consultò ad vterum transmittit, ut & corpus purgetur, & præstetur materia, & alimentum? Nec ideo superfluit semen, aut menstruum ex parte matris; sola siquidem sine mare fœtum alit, pariterque cum eo efformat & gignit, & carnosarum partium ipsa sola materiam præstat, præter alios sui seminis usus, de quibus infra atque ideo cum ad pubertatem deueniunt, masculus tantum semen fundit, fœmina menstruum simul sanguinem, & cum utroque ad generantem concutrit.

Secundum parum etiam virget, nec aliud euincit, quàm pueros eunuchos, & mulieres, perfectum & exactè coctum semen non progignere, ex caloris, & virilis habitus defectu; propter quem imberbes etiam sunt, fragiles, & pusillanimes quos etiam fricatione, & congressu humiditates quasdam albas aliquando excernere non negauit Aristoteles.

Ad tertium Ideò libidinosæ crebro partu temperantur, & ad sobrietatem redeunt, quia vacuato sanguine exhauritur seminis materia; vnde & ipsum minuitur, simul & libido, quæ à turgente semine excitabatur. Fluunt verò salacibus mensibus frequenter, & nonnullis ex turpi conspectu, quoniam conante natura ex Venere imaginata semen excernere quod suum est inciramentum, & vteri vasa in eum usum comprimente, profluit sanguis, utpote

quifaciliorem habet, & magis expeditum descensum; semen difficiliorem ob valorum seminalium circuitus, & anfractus: quæ de causa iumenta etiam libidinis æstro correpta frequenter reddunt vrinam.

Ad quartum. Constat quid sit respondendum, nec verò dissonum fuit generandi principia simul misceri: quin potius conuenientissimum, ut ab utroque parente materia quædam emitteretur, in qua ita illorum vis & potestas contineretur, ut à neutra per se, sed ab vtriusque miscella, soboles procrearetur, ex adductis causis. Quoniam verò ita separata hæ, siue discretæ vires, generandi munus nequeunt explere, ideo alter suo semine stimulantem, alterius copulam, societatem, & coniunctionem desiderat, ex qua mutua (ut rectè dixit Empedocles ab Arist. relatus 1. de generat. animal. 8.) veluti symbolum quoddam sit, totale principium generationis, passiuum & actiuum: nec superfluit vllum, quanquam à mare & fœmina materia simul, & efficacia præstetur; à neutro siquidem sufficiens præstatur, nec perfectum quidpiam edi potest, ut diximus. Mas namque licet polleat gignendi efficacia, nec materiam habet sufficientem, nec locum in quo formari queat, effingique conceptus: fœmina verò, etsi locum habeat idoneum, seminis tamen copia, & integra vi ac fœcunda destituitur, eamque consequitur ex permixto virili semine.

Huius enim fœcunditas, illius accessu etiam promouetur, & aprius redditur ad membranarum, & solidorum efformationem: nam usus seminis in fœmina multiplex est. Primus, ut stimuletur ad coitum. Secundus, ut mulier ipsa quodammodo perennet, traducta in fœtum similitudine. Tertius, siquæ maxime necessarius, ut augeat semen masculinum, & sufficiat generandis membranarum. Nec obstant argumenta Vesalij lib. 5. de fabric. cap. 17. quod semine ex Gal. sufficit formandis membris omnibus solidis, quare multò magis membranarum, citra fœminæ subsidium. Adidit, quod supra tetigimus, fieri ex exiguo semine ingentem arborem; cur ergo non ex masculino semine membrana fœtum obuoluens? Dic ad primum. Solida gignuntur ex semine, id est, ex attracto sanguine in semen verso. Ad alterum. Plantarum semina cortice continentur, quo rupto confestim trahunt ad efformationem materiarum: semen verò virile antequam tractu operetur, membranam gignit, intra quam veluti corticem, vis illa tractura clauditur. ex Hip. lib. de natur. pueri. in inis. hanc membranam, & venulas formandas, quibus fœtus coheret cum utero, fœmineum semen augeat, & nutrit virile.

Porro licet in fœmina sit facultas informatrix, licet adsit materia, citra virum concipere non potest; nam hæc vis non est perfecta, quæ sola sufficiat. Quod verò addunt ex Auerrhoë, & Amato, citra seminis excretionem concepisse multas, difficile creditur est, ne dicam figmentum merum: quo pacto tantum Philosophum miror, quod dicat maxime sibi placuisse rationem Medici vocati Auencladis, in lib. suo de semin. dicentis hoc impossibile non esse, quia vulua trahit sperma propter unam propriam virtutem quam habet cum eo à tota specie, & ad hoc non est necessaria delectatio. O quam bene placet mihi! licet enim non impossibile sit, fœminam citra voluntatem concipere posse; tamen semen debet esse calidum, spirituosum, non frigidum, ut efformando fœtui apta sit materia. Deinde semen, teste Philosopho 2. de generat. animal. 2. spumofum est: si ergo in aqua permaneat, liquefcate necesse. Insuper virget illa ratio: nam si semen extra vasa effunditur, illico corrumpitur, ex Gal. 7. meth. 6. multò magis si ab aëre alteretur: tunc enim vis eius omnino euanescit. De quo argumento consule Casmannum lib. 1. psycholog. cap. 8. quest. 4. Demum animalia quæ habent penem longum, sunt infœcunda, lib. 1. de generat. animal. c. 6. nam in longo illo ductu semen refrigeratur, & generationi ineptum euadit: quomodo semen viribus suis priuatum, per longum aquæductum poterit attractum ingredi vterum, ut sit conceptui aptum. Scorius 3. sentent. distinct. 4. cap. 1. cum Caietano ibi, & aliis, nouum soluendi modum inuinit; ut tueatur Auerrhoem, dicit enim fœminam non posse concipere citra oblectationem; at non potest bene oblectari,

oblectari, nisi effundat: quare ad ingressum incundum A feminis virilis in balneo, sequuta titillatione & motu, semem foemineum ad uterum est excretum. Facilis solutio immò inanis trica: nam semen non titillat uterum, spiritu & calore omnino orbarum, & in totum ab humiditate aquæ, & aëre ambiente frigidius factum. Lege Paul Zacchiam lib. 3. *quest. medicolegal. tit. 1. quest. 8.* qui multis rationibus huius historię vanitatem impugnat euidenter cum Laurentio lib. 8. *de re anatomica, quest. 11.*

Vltimò. Non effluit semen, aut euolat in flatus, vt dixit Arist. immò intus permanens, agente tenuiore spiritali- que parte, in qua vis opifex continetur ac viger, secundum crassam & corpulentiore (vt ita demus agens à patiente diuersum, nec quicquam in se ipsum agere) in membranas illas, & solidas partes abit, quibus efformandis non ita conueniebant menstrua. Nec verò in ipsa seminum miscella, necessarium est, vnientis vnum, alterum vniti rationem habere, aut tertium aliquod dari in quo vniantur, quod instabat Auerrhoës: per se siquidem vniantur liquores eiusdem generis similes, aut omnino easdem facultates habentes, quales sunt masculinum, & foemininum; non enim masculino tantum coagulandi principium, & actiuam virtutē, sed foemineo pariter tribuimus: quicquid repugnet Aristot. cum suis. Ita ad propositam quæstionem responsum esto: de qua plura si requiris, præter Hip. Gal. Arist. Auic. & Auerrhoem. Lege Levin. lib. 1. *de occult. c. 6.* Montanū lib. 1. *medicina vniuersa, tit. de morbor. diuisione, quest. 2. 3. 4. mihi fol. 207. edition. Francofurtensis.* Clementem Timplerum lib. 2. *empyscholog. c. 6.* Rotar. in *contradiet. Gal. num. 1 37.* & Castrensem Lusitanum, *medicinæ phœnicem lib. 5. de meteor. microcosm. cap. 2.*

## HISTORIA X. AVENZOARIS, De corrosione matriciæ.

### Ad corrosionem matricis mors subsequuta.

**G**eneratur quidem\* hac agritudo in matrice, ex vberan- tia humoris acuti, & corrosiui; & quando fit in aliquo alio membro cum difficultate curatur: ergo cum oritur in isto membro, multo difficilior. Et ita recordatus sum, quòd cum essem iuuenis, ad me venit quidam senex, & dixit mihi, quòd D quadā Domina de qua multum curabat, & eam multum diligebat, hanc patiebatur agriiudine. Et ego diu in eius curatione laboravi, donec fui fessus; & quia eam multum diligebat, feci scire hoc patrem meum, qui senex erat, & ipse me desperare fecit de hac curatione, dicens quòd hac passio eam ad mortem deducere debebat naturaliter, & docuit quod, ei facere deberem. Et aliquando hac agritudo alleniabatur, & aliquando intendebatur donec sanguis in quantitate maxima emanauit, & corrosio dilatabatur: & in tantum augmentata, & dilatata fuit corrosio, quòd corrosit vnā ex magnis venis, & inde tantum sanguinis exiuit, quòd inde mortua fuit, & c. Auenzoar lib. 2. *theizir, tract. 5. cap. 3.*

## QVÆSTIO XIX.

*Vtrum vlcera vteri insanabilia sint.*

### PARAPHRASIS.

**H**æc agritudo.] Vterum, cæterarum partium ritu, vlceribus conspurcari, quæ ab acutis, biliosis, acribusque humoribus originem ducunt, res est manifesta: nam sæpe humores ab aliis partibus in uterum confluunt, vel in ipso generantur, ita mordaces & maligni, vt ferinam induant naturam, & sortiantur erodentem vim, in cancro- samque naturam facillimè degenerent. Si enim iecur feruidum & igneum, humorem biliosum exallat & adurit, eumque exiccando crassorem reddit, & atræ bili simillimum, tunc hic ad uterum continans, ibique stabulans,

cancrum gignit, maxime in iis, quibus diu suppressa sunt menstrua; quæ retenta, excoacta, ac retorrída huic malo vberimam materiam præstant, vt lib. 6. *cap. 45.* Paulus admonuit.

Vlcera omnia vteri difficilem sortiri curandi viam, indicar neruacea ipsius substantia, quæ semel exulcerata raro coalescit, ac regeneratur. Accedit ipsius vteri natura, & conditio, quam in suscepiendis totius corporis excrementis idoneam fuisse constat, ratione humidioris, sordidiorisque loci, cum vterus sit positus in medio sordium confluxu, & totius corporis sit veluti sentina, ac receptaculum, quæ omnia esse curandis vlceribus aduersa, nemo non videt. Accedit recondita loci sedes, ad quam facillè medicamenta penetrare nequeunt.

Si vlcera sint sordida, & post inflammationem aut erysipelata supersint, virulenta ac depascentia fiunt. Quæ post scirrhum, in gangrænosa, dyssepulotica, & chironia commigrant. Ab vlcere inflammato, exiguum quid faculentum, & sanguinolentum, cum ingenti dolore procedit. Si sordidius sit, ichores cum minore labore emanant. Si sit depascent, teterrimi odoris fluxum emitrit. Si vlcus à bile oriatur, aut à sanguine, dolor erit acerbissimus, pungens cum ardore, & febri. Ex falsa pituita, pruritus intolerabilis contingit, & excrementum cum foetore: acrimonia, paucòque sanguine permixtum effluit. Si ab inupdante humiditate vlcus sit concitatum, maior aderit foetor, excrementa erunt tenuiora, & copiosiora. Si veluti sæx vini ab vtero stiller, vlceris cancrofi suspicio est. Si exit sanies instar loturæ carnis recenter mactatæ, menstrua ad supurationem vergunt. Si excrementum sit viride, liuidum, nigrum, & cum dolore, vlcera sunt corrosiua cacoethica fistulosa. In vniuersum verò uterum esse exulceratum cognosces, si sanies emanat tenuis, aquosa, nigra, fulua, & grauiter olens. De quorum causa, signis, & curatione sat multa exarauit Valerius Baldutius *peculiari tractatu de vlceribus.*

Quo pacto, si vlcera vteri magna sint, in profundis partibus posita, valde putrida, & corrodentia; adsit dolor in pube vehemens, in lumbis, capite, & præsertim syncipite; in excretis sentiatur foetor horribilis, hæmorrhagia ingens corrosis vteri venis emanet, ob quam debilitentur ægræ, & in animi deliquium incurrant; hæc insanabilia sunt, nam sanguine orbatum corpus contabescit, & extinguitur. Quæ verò contrario modo se habuerint, ea sanare ne desperes, vt lib. 1. *de morb. passim* docuit Hip. Rectissime ergo pater Auenzoaris prædixit, quòd hæc passio erat desperata, & quæ foeminam hanc necessariò debebat ducere ad mortem; nam hac correptæ, suborta febricula iugis, fastidio, inquietudine, animi angore, syncope vitam cum morte commutat. Pater autem Auenzoaris Medicus fuit eruditus, vt constat ex ipso, lib. 1. *theizir, tract. 11. cap. 2.*

Si vlcera sint cancrofa, incurabilia sunt apud Hipp. 6. *aph. 38.* & firmat Gal. in *com. sub his verbis.* Quòd enim illi qui sunt in paribus penitioribus, talibus non curantur remediis, etiā experientia docet. Etenim scio omnes, qui huiusmodi cancros curare itaauerunt, magis illos exacerbasse, & breui homines interemisse. Nam qui cancrum in palato constitutum, & in sede, & in sinu muliebri, vel vsserunt, vel secuerunt, non potuerunt vlcera ad cicatricem perducere, & homines per curationis afflictionem vsque ad mortem excarnificauerunt, qui nulla curatione adhibita, longiori tempore vitam cum minori molestia transegerunt, & c. Et Paulus *loc. cit.* sic ait: Quoniā verò partes putrefactæ, aut quæ, vt simpliciter dicam, natura modis excesserunt, ablatione sui postulant: cancris vulua, manus opera nec potest; nec utile est ad moueri, & c. Cancer enim vlceratus in quacunque parte consistens si incurabilis est, quantò magis in vtero? in quo ob dictas causas, corrosis venis magnis vteri, quibus ipse præditus est, ex Galen. lib. 6. *epid. sect. 1. com. 2.* difficillimam, aut nullam curationem admittit. Si enim leuia rentes, ea affectus contumax contemnit; si actia applices, & violenta, humor atrabilarius irritatur, & exandescit, vnde insanabilis redditur affectus, ex Gal. lib. 4. *c. 24.* & nos lib. 2. in *com. histor. 28.* proposuimus. Quapropter ad præseruandum ne vlcus amplius sordescat,

sordescat, fidissimo experimento compertum habeo, cauteria in cutibus excitare, ut spiritus vterus, & putridi humores ad ignobiles partes truantur.

Blanda ergo curatio instituta est, ut par erat à patre, Auenzoar, & mitibus medicamentis celebrata. Cum ergo arbitraretur vlcus hoc cancriforme esse: quia hic perniciosa humor, venis magnis artiosis excitata nimia hæmorrhagia, ad mortem perduxit, idcirco solum filio suo consuluit, ut administraret victum. Et hoc est quod significauit, cum dixit: *Et docuit quid ei facere deberet.* Ergo præmissa totius prouidentia, si vires ferant, & vlcus sit in initio, secunda vena, clementia expurgantia offerenda, humor mordax retundendus, partes principes roborandæ. Vlceri anodyna, abstergentia, exiccantia applicanda, quorum amplam sylvam legat qui velit, apud Mercatum lib. 2. de morbo mulier. c. 20. Hieronym. Fabricium ab aqua pendente lib. 2. de tumorib. cap. 22. Guilhelm. Fabricium Hildanum, & alios. Vlceratus cancer illico vas grande abradit, & sequitur copioso sanguinis effluvio corpus tabefacit, colliquat, & tandem ad interitum deducit. Aliquando vas paruum corroditur, & sanguis emanat in quantitate exigua, hoc modo intelligendus est Gal. lib. 5. meth. c. 5. narrans historiam mulieris, quæ ex vtero sanguinem excreuit & succo plantaginis, huic vsui vtili, oblato, conualuit, quam historiam, ut parui momenti, in explicatam reliquimus.

Si vteri vlcera sordida, dolosaque sint, & Gallicæ luis sapiant naturam, nullo alio præsidio promptius quam antidoris pugnare debemus, & quæ à tota substantia prauam humoris qualitatem retundant: de quorum genere sunt, ebenum, smilax aspera, & radix chinæ, non ipso localibus præsidiiis, quæ vlcerum sordiditatem abstergere, & exiccare queunt; quorum præsidiorum farraginem lege apud Mercat. de morbo Gallico. cap. 7. & in Appendice, cap. de morbo Gallico, proponemus latè.

At quia delicatulae fœminæ sudorificis præsidiiis non ita obtemperant, præsertim debiles, & febre tenui detentæ, & in quibus ob prostratum virium robur hæc celebrari nequeunt, tunc iisdem, sed mitioribus est pugnandum, quæ calorem igneum contemperent, deleteriam morbi Gallici naturam infrenent, & vlcera cacoëthica exiccent de quo curandi modo, lege obs. nostram 134. lib. 1. de præxi admiranda, & lib. 2. obs. 128. quibus in locis illustratis Gallicæ exempla descripsimus.

Si verò hæc non prosint, & vteri vlcera radices agant, & præ sui contumacia, intemperie, dira vi auxiliis non succumbant, Mercurio debellanda, quem pro huius morbi medela esse præstantissimum, contra plurium opinionem, expugnatis illorum argumentis lib. 1. in com. hist. 37. demonstrauimus, nam si febricitent, hydrargyrium cum frigidum & humidum sit, calidorum humorum fetore atque impetum coercet, calida & sicca viscera humectat, quo fit ut tuto omnis generis vlcera sanent, scabiem demulceat, pruritum compescat, imperiginem, psoram, lichenes, lepram, & alia huius naturæ radicitus euellat. Hoc auxilium si tempestiue celebretur, corpore, ut docet, præparato, non leue leuamen afferre solet: licet enim malam qualitatem morbo Gallico insidentem non corrigit, tumores tamen comminuit, & facta vacatione per sputum, alium, aut sudorem, vlcera abstergit; si verò incaute administratur, fœua symptomata accersere solet: narrat enim Fabricius Hildanus cent. 3. obs. chirurg. obs. 92. quendam ex improspere vntione Mercurij subito fuisse emortuum.

## HISTORIA XI. GALENI, De fluxu muliebri.

### A desperato vteri profluuiio, mulier, Galeni opera liberatur.

**B**œthi uxor cum in muliebre, quem vocant fluxum incidisset, obstetricum familiarium, quacunque in urbe Roma optime habebantur, remediis usa, cum nihil leniretur, vir eius

**A** precipuus Medicos conuocat. In eam sententiam ab omnibus iturum est, ut ea remedia adhiberentur, quæ ab Hip. & aliis post Hip. Medicis optimis descripta fuissent. Voluit Boethius sepe interesse mulieribus, quoribus aliquid egrotanti ministrarent uxori, probareque singulas medicamentorum materias, quæ in intentio summata erat, non vterum modo, sed vniuersum etià corpus siccare: unguenta insuper admonere, quæ muliebres locos adstringeret. Sed ita faciendo, cum deterior indies morbus videretur, iure mecum, & reliqui dubitare coeperunt. Et quæuis omnes requireremus ad alium sanandi modum transire, melius tamen quicquam, aut ratione inuentum, aut experientia reperi non occurrebat, quam in quod optimi Medici paulo ante consenserant. Interea verò tumor in ventre, qualis in prægnantibus suboriri solet, apparuit. Quamobrem ex ministrantibus nonnulla reuera prægnantem esse agrotantem credidere. Non tamen

**B** Medicorum aliquis id verum esse exiitum est: nam muliebri fluxus indicia, quæ singulis diebus excernebantur, earum opinionem refragabantur. Cum igitur agrotans mulier ab ancilla sibi fieri permitteret, quæ in prægnantibus fieri solent, & singulis diebus lauaretur, contigit, ut in prima thermarum cella, vehementissimis doloribus correpta, quales parturientibus aduenire solent, humoris aquei usque adeo multum excerneret, ut animo defectam à thermis ipsis exiisset. Inclamantibus ergo, & vociferantibus ancillis, verum neque pedes, neque manus, neque os ventriculi fricantibus, ipse qui casu ante fores balnei constitit, audito clamore intro me proripuit, conspiciensque frigentem, manu nardino unguento adnota, stomachum laborantis ex eo confricui, ancillæque iussu pedes calefacere, manus fouere, odorandum aliquid naribus supponere, tunc itaque ipsam celeriter refocillauimus. Subsidente verò ob inanitionem

**C** ventre, summopere verecundia affecta est obstetrix, quoniam eam esse prægnantem, contra Medicorum votum opinabatur. Dubitantibus itaque singulis quid factum opus esset, nocturni mihi de ea re cogitanti tale quiddam nouum occurrit: nam quando, ut dixi, animo defecit, ipseque nardi unguento præcordia (nihil inuuantibus, sed clamantibus ancillis) confricui, recordatus sum me tantam molliundinem illic reperisse, ut cum animaduertissem postea, me violentius à principio præcordia fricuisse, timens ne carnem liuidam redderem, a violenta frictione destiterim: paries enim omnes circa præcordia siquis exactè comparare vellet, lacti quod coagulatur, nondum tamen in caseum obduruit, similes erant. Prorsus itaque mihi visum est, insistendum nimis humiditati exiccandæ, morbi qui aquosus esset, excogitandumque, talem sanandi modum quo non solum humiditate siccarem, verum etiam ita calefacerem, ut astratis præsertim tempore egrotantis corpus non liqueceret, quod

**D** frigida & humida temperatura supra modum erat: huius tamen contrarium tunc faciebamus, quum ipsam in arenam magis calidam decumbere præciperemus. In aliud quoque erroris genus, quod plerisque in morbis occurrit, tum nos etiam incidere collegi: labuntur enim sæpe Medici, dum id quidem quod reducat euacuant, ne tamen illi simile aliud gignatur non prohibent. Atque adeo mecum decreui, ut vniuersa victus ratio ad duo inclinaret, potius paucitate, & totius corporis frictione, quam non ex pice & resina subsequeretur inunctio, sed ex melle solo, multum quidem cocto, tantum tamen refrigerato, ut fontana aqua similis astino tempore foret. Ac quemadmodum per cutem humorem redundantem euocare melius esse cognoui, sic medicamentis urinam cientibus eundem per vesicam educere deliberaui, dandamque operam censui, ut per aluum etiam detraheretur. His animo præsumptis Boethium sic sum alloquutus. Me, quæ probè nosti in hodiernum usque diem, ne in una quidem re ad medicinam spectante deliquisse, tecum ipse considera, an totos hos decem dies circa uxorem tuam, operam quam velim, præstare sinas; ac si melius interim se habere videbitur, totidem rursus diebus aliquid denuò circa eandem agere inbebis: si tibi nihil profecisse visus fuero, tunc denique ab ea prorsus & ipse disceda. Hoc mihi cum præptè Boethius concessisset, medicamento aqueum humorem per aluum ducente primo usus sum: post aquam in qua asarum, & apium infuserant, bibendam exhibui. Cum itaque duobus primis diebus, vterus minus fluere coepisset, tertio die rursus haud multum medicaminis illius exhibui, quod per aluum traheret ea, quæ per vterum repebant: cum non solum per urinam, sed per aluum etiam humorem deriuare vellem. A

**E** eo die postea quotidie & melle ipsam perunxi, & corpus confricui

sy. cui mollissima primo, sum asperissima sindone. Montanarum A etiam auium carnes; & pisces saxatiles comedendos oboli. Cum igitur diebus quindecim hisce remediis usus essem, nullum prorsus morbi vestigium apparuit, quod cum aduertisset Boethius, quia etiam plura, quam promiseram, me præsistisse videbat ut prorsus uxorem suam liberarem postulauit, præceptaque exhibere rogauit, quibus in posterum amplius eo morbo non ageretur. Cum itaque mense transacto, & bene colorata mulier adeo foret, ut ad naturalem habitum nihil penitus desiderari posset, nec amplius fluxus indicium aliquod superesset, quadringentos aureos, ad me Boethius misit, & nobilium Medicorum inuidiam auxit, &c. Galenus lib. de præcognit. ad Pothum. c. 8.

## PARAPHRASIS.

**C**eleberrima est historia hæc, & à Medicis ad curandas miseras feminas, hoc saeuo, & tædioſo morbo detentas, semper in pretio habenda; multa enim in ea inueniuntur pulchra, ac vtilia, quæ circa morbum natura sua difficillimum, & frequentissimum controuerti possunt, quem cum omnes de morbis muliebribus scribentes, accuratè ex Gal. hoc loco descriperint, idcirco nos pro. textus explicatione, quædam ex multis arduis quæ sese offerunt, Laconicè perstringemus.

Fluxus muliebris dicitur à Galeno lib. 6. de loc. affect. cap. 5. & 3. de sympt. caus. cap. 4. Paulo lib. 3. cap. 6. 3. uniuersi corporis per vterum expurgatio, ipso haudquaquam affecto. Et licet alicuius determinatæ particulæ non sit morbus, cum sit affectio in genere excretorum immodicè, & in ea vitiosum sit quod expurgatur; à menstrui tamen sanguinis eruptione differt, quod in hac syncerus sanguis procedit, in muliebri verò profluuium, fluxus corruptus apparet. Aëtio auctore ierab. 4. serm. 71. cap. 6. 5. siue ruber, saniosus, purulentus, albus, viridis, pallidusue exeat, ut Oribasius notat lib. 9. synopsis. cap. 48. & Auic firmat 27. 3. i. rast. 3. cap. 2. 3. & aliquando liuidus, vel niger, ut lib. 2. de causis, & signis diurnorum. morb. cap. 13. retulit Aretæus; cuius humoris, utpote infrequentissimi, peculiariter non meminere auctores.

Deinde. Hic fluor interdum tenuis, crassus, concretus, grumosusue emanat. Aliquando excretum est fuliginosum, acre, erodens, nimis foetidum: quos omnes diuersos fluxus, iuxta varios putredinis, & corruptionis modos euenire, auctores præsertim Arabes confirmant.

Fluor hic, quo femina hæc illustris premebatur, aquosus erat, ut Galenus in textu confirmat manifestè, qui ex alteratrici potentia debilitate, & partium frigida intemperie originem ducebat. Quare periculosissimus est affectus hic: nam ex eo aliquæ in vteri procidentiam, tabem, & deiectionis naturalibus potentiis, & ob spirituum copiam ex nimio fluxu exhaustam, debiliore iecore facto, in hydropem frequenter labuntur. In hac femina rudimentum adfuisse cachexiæ, ex historia deduci potest, quoniam circa præcordia tanta carniū mollicies aderat, ut lacti coagulato, nondum tamen in caseum obdurato similia essent: si verum est quod scripsit Hip. l. 7. aph. 74. alba scilicet pituita aquam inter cutem superuenire: ut enim rectè Galenus notat in com. Quibus plurima in vasis, totaque corporis habitum acervata est pituita, his leucophlegmatias hydrops superuenit, &c. Huius rei argumentum efficax est, quia in prima thermarum cella, deposita humoris copia, venter, quem habebat inflatus, detumuit.

Cum ergo vrgeret malum, curationem aggredi coacta est, sed prius conuocatae obstetrices: nam ob verecundiam, & pudorem viris has partes tractare est indecorum, & sic inassuerum; illis enim pudibunda loca illinire, fouere, fricare, vngere, vel in vterum digitos immittere est concessum, dummodò de admouendis auxiliis Medici consilium accedat. Maximum fuisse obstetricum numerum in vrbe Roma, refert Galenus lib. de caus. morb. c. 7. & 15. de versu part. cap. 5. & 3. de facult. naturalib. c. 3. quæ omnes nulla facta consideratione auxilia adhibent, medicamenta eligunt, & officium Medicorum exercere solent, cum tamen illarum præcipuum munus sit, in iis quæ ad muliebria pertinent, se exercere.

Vxor ergo Boethi, cum nullum ex his imperitiis faminis leuamen sentiret, primarios vrbis Medicos conuocauit, qui in eam vnanimes sententiam conuenerunt, ut ea præsidia adhiberentur, quæ ab Hip. & aliis post Hip. Medicis erant conscripta. Hæc omnia proponit Hip. lib. 2. de morb. à num. 1. vsque ad 14. dum mulieribus album fluxorem patientibus dandum esse pharmacum fluxiones reprimens asseuerat, sorbitionesque ex panico, lenticula, farina hordei, ac recentis tritici cocti, alica cocta sorbili, & zea cocta, quo loco plura alia scribit, vsque ad num. 75. & lib. de loc. in homin. & l. 5. aph. 36. dum sic ait: Mulieri menses decoloros, nec eodem semper modo, & tempore prodeuntes, purgatione indicant esse necessariam, &c. Medici verò, quos refert Gal. post Hip. fuisse optimos, præcipui ab ipso in suis libris citantur, præsertim in lib. secundum genera, & locos, de pulsibus, & alibi, nempe Cornelius Cellus, Archigenes, Diocles, Herophilus, Herodotus, Pelops, Lycus, Capito, Artalio, Musa, Democritus, Asclepiades, & alij.

Verum cum ab obstetricibus, medicisque consultum esset, ut non vterus modò, sed vniuersum corpus siccaretur, & vnguenta admouerentur, quæ muliebres locos adstringerent, humorèque crassiores redderent; & iis celebratis in peius rueret affectus, quia adstrictis locis, humore amplius incrassato, & ad superas partes retrocedente, idcirco regurgitante etiam ad internas sedes, ibique coërcito, repullulauit tumor, qualis grauidis accidere consuevit; ob quam causam obstetrices, eam grauidam esse prædicabant. Medici verò rebantur contra, tumoremque ex intempestiuo adstringendum vsu citra totius prouidentiam oblatorum, retento intus humore, & ad intimas partes restagnante accidisse existimabant: nam hac de causa, monente Aëtio loc. cit. plura non contemnenda damna accidere solent, vehemens cephalalgia, cardialgia, epilepsia, neruorum resolutio, &c. Et quamuis feminas hoc albo fluore vexatas posse concipere non sit denegandum, cum Hip. lib. 5. aph. 60. qui grauidas posse pati menstrua asseuerat: tamen cum humoris esset quantitas vacuata insignis: absconum erat conceptionem imaginari: nam in vtero humente, laui, mucorèque obfito semen retineri nequit, & natura præcipitata, & assueta fluxui, illico omnia à se depellit; & semen à frigidorum humorum copia vel infrigidatur, vel extinguitur: quare rectè dicit Hip. 5. aph. 62. bene temperatos vteros ad conceptionem esse idoneos.

Ad ventris tumorem accedamus, cuius causa cum esset aquosus humor, adstringentium medicamentorum vi coërcitus, factum est ut laxato ventre, & ex balneorum vi emollito, vnàque retentrice debilitata (illa enim ventrem, & partes internas eneruant, & relaxant, apud Hip. 3. anat. 59.) natura tantam humoris copiam retinere non posset: qua de causa tam ingens aquosi humoris copia est vacuata, qui cum ad vterum partem sanè neruosa esset depulsus, distentione facta vehementissimum dolorem concitauit. Ex hac copiosa vacuatione, resolutis spiritibus, animi deliquium oboriri, res est manifesta, & firmat Gal. lib. 6. aph. 27. & lib. 1. ad Glauc. cap. 14.

Huic virium lapsui, animique defectui opem allaturus Galenus, nardino vnguento stomachum inunxit: maxime cum fortè esset ad manus, cum semper Matronæ Romanæ id domi paratum haberent; nam roborat, & calefacit ventrem, præsertim si in eo pituitæ crudæ copia redundat. Huic indicationi satisfaciens, pedes, manusque, ob animi deliquium retracto ad interiora calore frigentes, calefacit. At cum plurimi spiritus ex subita vacuatione essent resoluti, odorata naribus admoovere iussit, ut sic reparatis spiritibus vires celeriter reficeret: odores enim citissime nutrire, & naturam recreare, probat Hip. in l. de aliment. n. 6. & 2. aph. 1. Cum ergo femina citò fuisset reuocata, neque frictionibus, ligaturis, frigida asperione, balneis (in fluxionibus ad ventrem aptissimis) neque narium apprehensione opus fuit, quæ præsidia Galen. lib. nuper citato ad Glauc. pro hoc affectu curando summopere probat.

Sed cum ipse ob necessitatem præcordia confricaret, & partes illas omnes lacti coagulato, nondum tamen in caseum indurato similes reperiret, & aquoso, erudo, & multo humore repletas esse intelligeret, collegit statim, omnem



omnem curationis scopum eo dirigendum esse, ut nimia humiditas absumeretur & exiccaretur, ne forte æstatis tempore, corpore debili & molli vehementer exalfecto, tabesceret mulier; idque procul dubio euenisset, si in arenæ maris incepto auxilio perseverasset: licet enim habeat balneum ex arena vim exiccandi tumentem carnem, ægrotante scilicet in illis arenis calidis circumuoluta, si fides est adhibenda Galeno lib. 9. simpl. cap. de lapide pyrite, Dioscoridi lib. 5. cap. 1. Lacunæ in com. Sauonarolæ tract. de balneis, Mercat. lib. 1. indicat. cap. 13. quo pacto hypopis, podagricis, ischiadicis, suspiriosis, lienosis, asthmaticis remedio est: tamen auxilium hoc nimium colligat, & molle, facileque resolubile mulieris corpus resoluit. Hoc ita esse, argumento cognouit Galenus: nam præcordiorum partes aded erant flaccidæ, ut timor esset, ne durante frictione, resolutio calore natiuo, ex liuore morticinum sequeretur; quo pacto à frictione sese retraxit: nam si dura sit, corporis molem deprimit, ex Paulo lib. 1. cap. 18. lenis verò licet impleat, tamen in corporibus laxis ac mollibus, resoluit, & debilitat.

Hac de causa totam curationem in eo reposuit, ne pituitosi humoris copia generaretur. Hoc ut assequeretur, duo consuluit, nempe potus paucitatem, & frictionem ex melle multum cocto celebratam: nam parcissime bibentes, paucam humiditatem acervant, & sic in corpore contenta humiditas potus abstinentia absumitur. Mel autem cum sit exiccantis facultatis, coctioneque aridius factum, maiorem exiccandi facultatem acquirat, abstergit & discutit vehementius; æstatéque præsentē, frigiditatis illud particeps esse voluit, ne forte ex frictione partes nimis calefcerent, ardorque induceretur molestus: consuluit autem frictionem, quia hæc ab utroque reuellit.

His factis, & parte tenuiore humoris per cutem discussa, crassiorē per aluum, & vrinam expellere decreuit. Illis usus est prius, ut particularis per vrinam vacuatio facienda, corpore vniuersaliter vacuato facilius succederet; & sic post vacuantia per aluum, asari, & apij decoctum libenter propinavit: hæc enim diuretica sunt, calida, sicca, tenuia, ex Gal. lib. 5. simpl. cap. 13. sicque exiccandi facultate sunt prædita, sanguinem cogunt, exiccant, & excretum ab eo serum fluere faciunt. Ab his pituitosi succi fusi, ac liquati, fluxum muliebrem facientes, in vrinam murati, deriuatione, vacuationeque per vesicam, locum utero diuersum expelluntur: nam ut rectè monet Gal. 5. meth. 3. per vterum naturaliter fluentia, vel per vrinam, vel per aluum sunt reuellenda.

Arguet hoc loco acutior aliquis, reprobam esse Galeni curam incidentibus, aperientibus, & dilatantibus venas celebratam: nam fluxus muliebris hæc de causa mouetur magis, menstrua cientur, & ad vterum humor à toto corpore attrahitur magis vbertim. Obiectionem sic facile dilues cum Gal. lib. 5. simpl. c. 22. dicente, vera diuretica, aperientia, penetrantia sanguinis crassitiem auferentia, tantum abesse ut menses moueant, ut potius illos coarctent; nam quæ menses mouent, calida quidem sunt, non tamen aded sicca, ut diuretica: & infra ait. Verum & hac utraque vrinas promouant, & ad hæc cumprimis ea quæ calefaciunt, & desiccant: eapropter ea peculiariter dicuntur diuretica, siue vrinam mouentia, non quia sola moueant vrinas, sed quia solas, & non etiam menses, aut lac mouent, &c. Quoniam hæc peculiari quadam ratione per vrinam euacuant. Quapropter his aquolos humores ad vrinæ vias deriuauit, quibus, scilicet; victus ratione usus, fluxus paulatim fuit diminutus.

Sola ergo superest soluenda dubitatio. Si affectus hic exiccantem victum exposulabat, cuius efficacia se hunc morbum perasanse gloriatur, cur pisces saxatiles exhibuit, quos frigidum, & humidum præstare victum, nullus ignorat? Dic, quod licet saxatiles sint facili coctionis, & distributionis, sanguinem generent laudabilem, & consistentia medium, & tam in morbis frigidis, quam calidis videantur posse concedi, quoniam mediam naturam habent, ut fusc ex veterum, & iuniorum mente comprobauimus lib. 1. in com. histor. 28. tamen petrosi pisces semper frigidum, & humidum præbent victum; quare si asseras, in hoc morbo præsertim chronico, voluptatis causa fuisse oblatos, Galenum à calumnia liberabis: suauia enim etiam deteriora Lib. III.

Ara, minus nocere solent, 2. aph. 38. aliquando enim laborantibus gratia concedenda, ut Hip. dixit, 6. epid. sect. 4. text. 8. iucunda enim & cum voluptate assumpta facilius coquuntur, ob multas causas latas à Gal. lib. 6. de sanis. tuend. 3. & 2. alim. 27. & 4. meth. 7. & 3. de temper. 2. Solue secundo dicendo concessisse Galenum in hoc morbo saxatiles, conditos aliis rebus medicamentosis, quæ attenuare crassum succum queunt, ut sunt porrum, anethum, sal, ex Galen. 1. acut. 27. Hoc modo præparatos concedit puero suo epileptico, in cap. 4. quos attenuare, exicare, abstergere, aperire ob condimentum, probat Gal. lib. de attenuante vitium ratione, cap. 8. Lege elegantissimum Rorarium contradi. 111.

Hanc ergo sceminam, vacuato aquoso humore per aluum, & vrinam, & retracto ad cutem per frictionem, & ope regiminis exiccantis, absumpro potus parcimonia, se cum maxima sui nominis fama perasanse gloriatur Galenus, cuius industriam, & miram in curando solertiam post eum omnes vnanimiter celebrant. Ob quam curationem, in illustrissima scemina, & inter Matronas Romanas nobilissima, celebratam, Boëthius vir in vrbe insignis, qui Galenum liberasse à tribus quartanis Eudemum, & filij sui Cyrilli ægrotantis commissum erratum mirifice detexisse obseruauerat, deque eius excellentia, acutie, & curandi peritia planè edoctus erat, & alios Medicos tanquam medicinæ imperitos vituperabat, Galeno quadringentos aureos misit, & præstantissimorum Medicorum inuidiam auxit, qui mille coronatis solaribus æquipollent, ut notat Lacuna in vita Galeni, & ex eo firmat Amatus 1. cent. 3.

Nec magnum pro tanto morbo curato oblatum à viro Consulari locupletissimo donum iudico; nam maiora munera Medicis fuisse concessa, veteres, & nostri obseruant, quorum exempla legat qui velit apud Plin. lib. 29. cap. 1. & lib. 26. cap. 3. Erasistratus Antiocho Rege sanato centum talentis donatus est à Rege Ptolemæo filio eius, id est, sexaginta millibus aureorum nostrorum, ut supputat Budæus lib. 2. de asse. Charmis ex Massilia ægrum ex suis Massiliensibus sanandum conduxit sestertii ducentis, id est, quinque millibus aureorum, ut referunt Dubrauius lib. 23. rerum Bohemicar. Anton. Bonfinius lib. 2. decad. 3. Æneas Silvius cap. 35. & 42. sue Bohemia. Thaddæus Florentinus cum ex patria curationis gratia exibat, in singulos dies non nisi quinquaginta aureis operam locabat. Idem ferunt de Petro Aponense. Garzias ab horro, qui scripsit de simplicibus apud Indos nascentibus, à Rege Nila Malluco in India plus duodecies mille pardaos pro curatione accepit, & si aliquot annis apud eum manere veller, in stipendium annum quadraginta mille offerebat: est autem pardo, moneta habens nouem drachmas Hispanicas. Cognoui Mercatorem Lusitanum ditissimum, qui conuocatis quatuor Medicis, & octo Chirurgis (laborabat enim vehementissima penis inflammatione, cum valida, & maligna febre coniuncta) singulis pro die duodecim aureos locabat, ita ut finito morbo, in vigesimo die, exhibitis muneribus manu liberali, præter quotidianum stipendium, duo millia aureorum omnibus impenderit. Denique si de magnis Medicorum stipendiis plura scire aues, lege Dubrauium lib. 23. rer. Bohemicar. Roderic. à Castro lib. 3. de med. politic. cap. 22. Antonium Bonfinium lib. 2. decad. 3. Æn. Silvium cap. 35. & 42. sue Bohemia, & alios quos citat Canonherius Medicus celeberrimus, & in auctorum lectione versatissimus lib. 7. Aph. cap. 1. num. 17. De hoc argumento multa lectu digna proferunt Ioan. Bennerouicius, Medicus elegans, & doctus in Oratore de laudibus medicina, & Accursius, insignis Iuriconsultus, in proemio Digestorum, super versiculum illum.

Dat Galenus opes, dat Iustinianus honores.

## QUESTIO XX.

Vtrum Virtus, an Morbus, victum indicet.

### COMMENTARIUM.

Celeriter ipsam refocillauimus.] Siquidem in hunc locum, in quo de ægrotum restauratione per alimenta agendum

agendum est, incidimus, rem latius exequemur, flores modò rerum, quod & in cæteris consueuimus, præcipientes. Nam qui accuratius victum instituendum inspicere enixi sunt, duas alimentorum classes deprehenderunt: alia enim circa spirituosam substantiam reparandam; altera circa carnosas, & solidas partes nutriendas versatur. De prima classe loquutum fuisse Galenum in præsentia, patet ex contextu, ex verbis: *odorandum aliquid naribus supponere*: nam spiritus odoribus nutriuntur, & mirum in modum instaurantur; de quo argumento plura diximus *lib. 1. in com. hist. 9.* Consule de hoc instituto Marsilium Ficinum *lib. 2. de vita producenda, cap. 18.*

De altero nutrientium alimentorum ordine, cuius ope ac vi, nò solum spirituosam substantiam, sed etiam solidæ partes citissime reparantur, breuiter peragendum. Sunt enim quædam edulia, quæ in pauca quantitate oblata multum nutriunt, in flaccido renellòque ægrotantium, & conualescentium ventriculo ocyssimè coquuntur, & distribuuntur, minimùmque illi negotium faceffunt, & iccirco instaurantia Medici vocare consueuerunt. Horum potissima ex iuniorum mente nunc proponam.

Hæc in duplici sunt differentia, alia sunt in forma solida, alia in liquida. De illorum numero sunt tabellæ perlatæ, aut sine perlis, damulata, pulmētum albū, cuius varios conficiendi modos referunt Bened. Victorius Faentinus *lib. 1. empiric. cap. 4.* Valler. *lib. 5. obs. 6.* Panis dulcis, gelata, quæ fiunt ex rosacea, taberzet, & margaritis; canulata parantur ex iisdem, additis santalis, & granis moschi. Nunquam paramus morsellos ex pulpis caponum, aut gallinarum minutim incisis, cum saccharo, rosacea, farina oryzae, tragacantho, penidiis, semine cucurbitæ, amygdalis, & granis moschi: additur enim commodè tragacanthum, vt in membris cibus retineatur, sicque lentore suo per moram affigatur magis, & adhæreat.

Restaurantia in forma liquida, sunt in quadruplici differentia. Prima sunt iurulenta. Secunda, stillatitia. Tertia, cōtusa. Quarta, succi expressi. Primum est Rasis *lib. 3. Aph.* & potissimum in morbis frigidis, ab ipso frequenter expertū, fit expulsastrula, & pullis columbarū decoctis in æquali quantitate aquæ, & vini odoriferi, quousque ossa à carne separentur, & in fine addatur grana moschi: nam pulli colubini sunt mirifici in imbecillitate caloris innati, vt *lib. 2. in com. hist. 45.* ex veterū mente proposuimus. Alij ex pullastra optime decocta in vino maluatico, iurulentū parant.

Alzaharaius *tract. 13. cap. 4.* facit ex pullis coctis in rosacea, cum succo pomorum, & vino odorifero, & deinde aromatizat cum moscho: nā poma odorifera suauis suo vapore vires recreant, & spiritus substantiam adaugent. Alij vtūtur pullastra iuene minutim incisa, in cuius decoctione indantur auræ monetæ, aut tenuissima auri scobs, vel folia, deinde iuri addantur puluis margaritarum, maluatici momētum, aut saltem vini odoriferi portio, & grana moschi. Si times calorem, adde rosaceam, corallum, & santala.

Inter stillatitia primum locum sibi vendicat illud Holletij *lib. 1. de morb. internis, in schol. cap. 27.* quod describit Mercatus *lib. 2. de morb. intern. cap. 9.* & est refouendis viribus vtilissimum; eius formam legat qui velit apud eosdem auctores; cuius sæpe feci in restituendis collapsis viribus experimentum, & est pro hoc vsu mirum, si quod alterum auxilium. Montanus *consil. 136.* Lutea ouorum distillata summopere commendat: nam emanat humidum pingue, aëreum, & glutinosum, quod caloris est commodum pabulum. Valleriola *lib. 9. obs. 6.* miris laudibus effert, pro virium defectionibus restaurandis, succum è corde Veruecis per sublimationem, vel eliquationem extractum, qui sympathia quadam, & tacito naturæ consensu cor roborat. Manardus 20. *epist. 1.* laudat liquorem à Gallinaceo oppleto malis odoris in testa panificia exundantem. Montagnana *consil. 120.* extollit aquam sublimationis caponis, vel gallinæ iuuenis, exhibeatur cum octaua parte generosi Maluatici. Bauerus *consil. 51.* præfert stillatitium ex capone, vel pullastra lora cum rosacea, minutim incisa, & bracteis aureis prius operata. Idem decoquit exquisitè carnes, quæ postea contunduntur, & permiscantur iuri, & omnia simul ponuntur ad distillan-

Adum in Balneo Mariæ. Quibus si vinum odoriferum addas, aquam naphæ, cinnamomum, margaritas, corallum, pomæ odora, confectiones cardiacas, hyacinthor. alchemes, theriacam, vnicornu, rasuram eboris, os de corde cernui, santala, succum agrestæ, limon, & granator. cortices citri, folia auri; ex arte facies: ex quibus positis in vase vitreo, aut balneo, stillat succus quidam pretiosissimus, febribus malignis, & pestiferis vtilis valde; & si in postrema parte, per quam exit succus distillatus, ponatur petia rara, moscho, & ambaro delibura, erit tunc liquor præstantissimus, vt notat Antonius Carthaginensis *tract. de peste, c. 5.* Auic. 1. 1. 3. *tract. 2. c. 8.* pro roborando corpore præbet aqua carnis animalis laudabilis, aromate conditam; & 1. 4. *tract. 3. cap. 7.* parat ex lateribus hædi, cum succo pomorum, & odorifero vino. Gal. *lib. 8. sec. loc.* nò semel restauorat stomachicos, & hepaticos, cum mica panis in vino, ouis sorbilibus, bulbis, & cochleis. Marsilius Ficinus *lib. 2. de studio for. sanit. tuend. cap. 11.* cum Montagnana *loc. cit.* Guainerio, & Sauonarola *cap. de debilitate cordis*, saluberrimum esse cēset liquorem distillatum ex sanguine iuuenis temperati, qui si saccharo, & rosaceæ misceatur, mirificè vires auget, ob multas causas quas *lib. 1. in com. histor. 23.* ex auctorum mente protulimus. Si verò de variis formis contrusorum, succorum expressorū, & stillatitorum, pulchra scire aues, adi Ioan. Baptist. Syluaticum, qui *contr. 7.* inter omnes copiose simul, & eloquenter hoc negotium exarauit.

Aduerte cum Montano *lib. 2. consult. 137.* Manardo 15. *epist. ult. Mathiolo lib. 1. in Dioscorid. c. 113.* & *lib. 3. c. 24.* non esse faciendas distillationes in vasis, quæ vulgò sublimatoria nuncupantur; nam plurimam noxam pectori, ventriculo, iecori, visceribusque omnibus inferunt, quum à metallicis organis, à quibus succi distillant, perniciofa metallorum qualitas communicetur: quoniam metalla igneam habent naturam, ex Gal. 9. *simpl. cap. 26.* ratione sulphuris, & argenti viui, quæ sunt metallorum communia principia; de qua re lege quæ diximus *lib. 1. in com. hist. 7.* Iure ergo commendatur stillatitium, quod per balneum calentis aquæ vitreis organis elicetur.

Hæc & alia pro reficiendis viribus parare solent Medici celeberrimi, qui longo artis vsu, & doctrina studia cōpleuerunt: nam virtus exoptulat cibum, ex Gal. *lib. 11. meth. 14.* & 1. *aph. 9.* & *lib. acut. 44. 8.* Nempe morbus suæ affectionis indicat auxilia, phlebotomiā videlicet, clysmā, cataplasma, purgationē, oxymeli, aquā mulsam, atque aliorum vnumquodque: virtutis verò custodia solā indicat alimoniam. Si igitur morbosam affectionem nullo pacto offenderet alimonia, nos virtuti soli attendentes, egros vt sanos aleremus: sed quoniam sapiens noxā, vt ostendimus, affert, ob id morbi affectionē, non tanquam cibi indicatricem, sed tanquam prohibetricem contemplanur. Vbi ergo non prohibueris, facultasque perceperis, tunc nutrimus: nunquam enim cibus morbosam affectionem sui ratione inuabit, &c. quoniam alimentum, vt sano robur, sic febrienti morbus, ex Hip. *lib. 7. aph. 6.* & *lib. 2. aph. 10.*

Sola ergo virtus pro sui custodia cibum indicat, quum enim sit res secundum naturam, sui conseruationem efflagitat, quæ cibo perficitur, ex quo spiritus, sanguis, & partium substantia inanita, in quibus virium essentia consistit, reparantur, ex Gal. 1. 2. *meth. cap. 5.* præsidia enim vacuantia, sicuti tollunt causam morbi, sic & virtutem dissolunt: simul enim cum morboſa causa, aliquid naturæ, & congenitæ substantiæ educunt, vt notat Gal. *lib. 9. meth. cap. 10. post. med.* Quare si virtus permittat, tunc celebranda auxilia; sin minus, contrā.

Deinde, licet virtus indicet cibum, morbum tamen cōtemplari debemus: cibus enim sicuti auget vires, sic auget morbum; quare Gal. 1. 1. *meth. 14.* dicebat: si nutrit, febrē auge, si nō nutrit, vires delicias: & *lib. 1. ad Glanc. c. 10.* asserit, quod cibus sicuti robur virtutis adauget, sic morbum fouet; & (vt loquitur Auic.) sicuti est amicus virtuti, sic est amicus inimico illius, scilicet causa morbi, & morbo; quod insinuauit prius Hip. *lib. de alimento*, dicens: Alimentū amicum, & inimicū.

Sed aduersus Gal. sententiam sunt dubitationes maximæ. Nam victus diuiditur in tenuem, mediocrem, & plenum, apud Galen. 1. *aph. 4.* Tenuis est ille, qui vires deicit; & hic est triplex: alius tenuissimus in extremo, &

cum omnimoda inedia eoncidit; alius tenuissimus tantum, veluti sunt syrapi, decocta, & succus duorum granatorum; alius est exquisitè tenuis, & per alimenta parū nutritia perficitur, vt sunt olera, fructus. Plenus est, qui vires adauget. Mediocris, qui solū vires cōseruat. Tunc sic arguitur. Virtus non potest indicare victū tenuem, & tenuissimum; nam hic vires cōminuit: nec victum plenum; hoc enim exhibitō accrescit morbus, & virtus opprimitur.

Secundō. Si hoc esset verum, sequeretur, quod quantō virtus debilior est, tantō pleniorē victū indicaret; sicuti morbus, quantō maior est, tantō maiora auxilia expostulat. Hoc autem falsum est: nam quod debilior est virtus, eō minū est cibandum, quia minū tolerat, & quantitas cibi debet esse proportionalis virtuti, & coquenti calori, ex Gal. lib. 1. aph. 15. ante fin. Ergo.

Postremo. In statu virtus est imbecillior, quia ob morbi vehementiam, symptomatum durationem, vacuantia auxilia, tenuem victum, vires sunt imminutæ. Sed tunc victu tenuissimo vtendum est, sic monente Hipp. 1. aph. 8. Ergo virtus pro sui custodia victum non indicat.

Antequam verò has rationes soluas, attende, quod in sanis à sola virtute pro sui custodia indicatur victus, quia nihil est quod cibi oblationem impediāt, quare pro tenore virtutis, tunc in illis alimentum exhibendum: si enim liberales sint vires, largior offerenda esca; si debiles, modica debet esse, & parca. At verò in ægrotantibus non indicatur victus à virtute sola, sed simul considerato morbo: nam victus sicut custodit vires, sic morbum auget; quare morbus, vt prohibens, est contemplandus, & victus hoc modo est instituendus, vt vtrique succurramus, virtuti scilicet, & morbo: virtus enim debet custodiri, & morbus non debet augeri, sed ita debet institui victus, vt in statu morbi salutaris, virtus superet morbum.

His iactis: Responde ad primum: victum plenum prohiberi, non ratione virtutis, sed ratione morbi, victum autem tenuem, & tenuissimum offerri in morbis, non quod hic à virtute pro sui custodia indicetur. Secundum solues, si asseras, virtutem quod imbecillior est, maiorem sui custodiam indicare; quare tunc pleniorē victu esse custodiendam, res est manifesta, non in quantitate continua, sed discreta; cum enim multum non possit tolerare, parum, & sæpe est refocillanda, auctore Galeno lib. 1. aph. 17. Dic ad tertium. In statu morbi, virtutem quoad essentiam esse debiliorem, quàm in augmento, & in principio: respectu tamen morbi, & causæ illius, esse fortiorē, quàm in præcedentibus temporibus. In statu autem, victu tenuissimo vtimur, non ratione virtutis, sed morbi, qui cum celerrimè declinet, & in declinatione sit locus ad reficiendas vires; idcirco in statu potiùs consulimus morbo, quàm virtuti.

Sequitur vt inquiramus, num morbus indicet victum. Quod non indicet, latè suprā ostensum est. At pro contraria parte sunt efficacissimæ rationes. Prima. Morbus sicut, vt febris hectica, & morbus ex inanitione contractus, ex vſu immodicæ Veneris, vigiliis, fame, nimia aliqua vacuatione; repletionē & cibo curari debet, iuxta Senis oraculum 2. aph. 22. dicentis: morbos qui ex inanitione fiunt, curat repletio, & aliorum contrarietas.

Secunda. Febris inuadens naturas calidas, siccās, cibum, & humectantia, vel etiam in accessione expostulat, ita monente Galeno lib. 10. meth. 3. & 5. nam inedia in his imperata, febrem adauget; quare hac correpti febre, nō cibentur, in hecticam transeunt, aut superueniente syncope occumbunt. Ergo illa febris, quæ has naturas premit calidas & siccās, pro sui remotione cibum indicat.

Tertia. In morbo pestilenti plenior victus offerendus, quia malignus morbus victum indicat: si aliter feceris, exhaustis spiritibus, & liquata carne, resolutis viribus, ægros præcipientes dabis in mortem. Quare ita cecinit Auic. 1. 4. tract. 4. c. 4. de febre pestilenti, dū inquit: qui viriliter bibit, & viriliter comedit, à peste liberatur. Et priùs prædixit Galen. lib. 3. epid. sect. 3. comm. 58. scribens, eos in statu pestilenti euasisse, qui sibi vim iniecerunt, & fortiter comederunt.

Extricabis quæstionem totam hoc modo. Morbus immaterialis, siccus, ex inanitione subortus, humectatione substantifica, repletionē, & regeneratione sanguinis & spi-

ritus, curandus, pro sui curatione cibum indicat, vt in citatis argumentis palam sit. Morbus tamen materialis, non victum, sed præsidia vacuantia expostulat, in quo si cibum offeras, maximè in principio, vehementer lædes: nam cibus ob quinque causas vehementer nocet. Prima, opprimit vires. Secunda, auget maiorem resistentiam in causa morbifica, quoniam calor innatus difficiliùs duplex obiectum transmutat, quàm vnicum. Tertia, distrahit naturam à coctione, & à suis operationibus diuerit: nam distrahitur instrumentum commune, hoc est, calor influens, qui cum sanguine & spiritu partibus distribuitur. Sic Galenus 5. aph. 53. & 2. de caus. symp. cap. 2. ante fin. agens de animi affectibus, sanguinem, & spiritum vocat instrumentum animæ. Hoc modo ob motus inordinatos, validas cogitationes, vehementes animi affectiones, cessante influxu cordis, ab omnibus actionibus natura distrahitur. Sic ob dolorem sæuum, aut internam inflammationem, quæ ritu cucurbitulæ sanguinem, & spiritum allicit ad sese, in coctione alimenti perturbatur natura. Insuper accidit etiam hæc distractio non ratione organi, sed obiecti: si enim vitiosi humores, intra, aut extra venas sint impa-cti, & offeratur alimentum; tunc natura ad illud, tanquam ad obiectum iucundius, & minū molestum se conuertit, illud retinet, concoquit, & humores vitiosos ad nutritionem valdè ineptos à suo regimine relinquit, nec ipsos concoquit. Quapropter rectè à Galen. 1. aph. 7. & 8. est assertum, oblatum cibum à coctione humoris naturam distrahere. Additur & Quarta, quoniam exhibitō alimento accrescit cacoehymia. Quinta alimento à calore febrili occupato, & corrupto, augetur morbus, & symptomata non solū communia, sed propriā sunt fortiora.

Quapropter in morbis materialibus diætā primum locum vendicat; & licet de ea nihil effatu dignum veteres conscripserint, vt monuit Hipp. lib. 1. acut. text. 6. tamen hæc est nobilior, & magis præcipuum artis instrumentum: nam Plato, referēte Galen. lib. de sanit. ad Thrasylbul. cap. 33. antiquos Asclepiadas diætā non admodum fuisse vſos asseuerat, & Celsus lib. 1. in præmio, sub initio refert, veteres, ex Homeri testimonio, ferro tantum, & medicamentis vti solitos, vt cit. loc. affirmat Galenus: quia Hip. in Aph. in lib. de rat. vict. & aliis locis, & Gal. lib. 1. 1. meth. per totum, & alibi passim, summa vtilitate vſi sunt: quin Diuinus senex lib. 3. de diæt. num. 12. se fuisse diætæ inuentorē gloriatur: Anteponitur autem hæc medicinæ pars quæ victum præscribit, aliis omnibus ex quibus medicina constatur, quās longa serie explicuit Galenus lib. de constit. art. medic. cap. 19. & lib. de sanit. ad Thrasylbul. cap. 31. nam ægros cōseruat, instaurat, reficit, morbos præcauet, & sic cæteris multo est præstantior, ex Gal. lib. introductor. cap. 8. Deinde diætā tam sanis, quàm ægris est necessaria, ex Gal. lib. 1. de aliment. facult. c. 1. sic Damascenus in aph. 160. dicebat: Diætetica medicina præstantior est pharmaceutica, & chirurgica, & priùs prædixit Gal. 1. 1. meth. 15. in init. 9. Sed enim ars ipsa tota. Insuper diætā est veluti firmissimum fulcrum, sine quo reliqua artis præsidia parum, aut nihil conferre possunt, docente Galen. lib. de theriac. ad Pamphilian. cap. 4. & lib. de sang. mis. cap. 7. 9. Nam intemperantes, &c. quo pacto 2. aph. 9. firmat Galenus foelicissimas fieri purgationes in illis, qui antea diætā, & tenuem victum obseruauerunt. Denique experimento compertum est, morbos periculosissimos, & natura sua difficillimos solius diætæ vſu, & ope fuisse deuictos, quos non Medicorum opera, non artis præsidia debellare potuerunt.

Vltimò, salubris victus ratio medicamentis est præstantior; quare Alnardus in parabolis, cap. 2. num. 4. sic ait: Quando sanitas alimentis procuratur, penitus est abhorrendus vſus medicamentorum. Celsus in hunc modum inquit lib. 3. c. 4. optimum verò medicamentum est, cibus opportunè datus. In hunc sensum protulit Hip. 6. epid. sect. 4. text. 22. Possessio tuenda sanitatis, non satiari cibi, &c. à quo accepit Aristot. lib. 1. probl. 47. & experimento etiam probauit Galen. lib. de bonit. & vitio succor. c. 1. in fin. Huc alludit Auic. 1. 4. tract. 2. c. 14. dum dicit. Cave ne cures febrem, nisi cognoueris eam; quod si nō cognoueris, subtilia regimen: quasi dicat,



si morbus neque secundum genus, neque speciem cognoscitur, tunc victum tennem, & dietam præscribere oportet; nam humor qui est morbi causa benignitate alimenti destitutus, syncerior redditur, & suam vim evidentiùs demonstrat, & vehementiora symptomata concitat. Adde quòd inedia imperata, cum sit species euacuationis, apud Galen. lib. 1. aph. 17. & lib. 4. aph. 2. ex accidenti euacuat.

Fernelius elegantiſſimus, dietæ in morbis & in sanis comoda, & præstantiam eloquenter describit lib. 1. patholog. c. 14. dum sic ait: pernicioſa admodum sentina est abdomen inſaturabile, omnium tum corporis, tum animi vitiorum fons, æque origo. Intemperantia est Medicorum nutritrix: nam cibus moderatus spiritum, nativum calorem, corporisq; substantiam puerit, & reficit, facultates omnes, earumque functiones corroborat, coctione alimenti, distributionem, humorum equalitatem, & excrementorum propulſionem, motus denique, sensus mentisque vires integras incolumèſque conſervat. Una temperantia totius est incūda, ſalubriſque vita moderatrix. Nulla calamitate, vel ærumna premetur, qui vitæ fundamentū iecerit temperantiā. Inedia corpus peruium, parēſque reddit, obſtructiones expedit, ſtusus alui, facies, urinas, cerebri, omniumque partium excrementa mouet, & excludit, cruditates concoquit, tenues humores, ac inutiles exhaurit, & halitum diſſipat, craſſos partitenacius herentes proritat, & mouet. Magna ergo est dietæ in curandis morbis materialibus potentia, ac efficacia.

Sed obſtant plures Medicorum celebrium rationes. Multi enim materiales morbi non dietæ, ſed victu, eoque pleno, & copioſo curantur: nam in fractura oſſis, quando generatur callus, quo oſſa cohærere debent, victu copioſiori vtendum eſt, qui multum ſanguinem generet, craſſum, & lentum, qui generationi calli eſt aptiſſimus, monente ſic Gal. lib. 6. meth. cap. 5. explicat Thomas à Veiga in com. cap. 91. art. medic. Gal. diſertiſſimè.

Secundò. Patientes ſuffuſionem, craſſo, plenoque victu ſunt alendi, vt celeriter concreſcat, & perficiatur ſuffuſio; ſic enim meliùs, & tutiùs ſoler remoueri: ita iubet Raſiſ in lib. diuiſion. c. 70. & alijs citati à Syluatico, contron. 56.

Tertiò. Melancholici liberaliùs, vberiùſque ſunt alendi, quàm ſanitatis tempore, ex Raſio lib. 9. ad Almanſ. cap. 13. Auic. 1. 3. tract. 4. cap. 20. nam in his tota ſpes curationis reſpoſita eſt, vt humectentur, ex Gal. 3. de loc. 7. hoc autem fieri non poſſe, niſi per cibos laudabiles, quorum vi moles corporis augeatur, & pingueſcat, proditum eſt à Gal. 3. de loc. cap. 7.

Quartò. Peſtis eſt morbus materialis, à venenoſo humore, putrido, multoque ſubortus, in quo ſi cibum tenuem exhibeas, eneruantur vires, reſoluuntur ſpiritus, & ab aura peſtifera viſcera promptiùs occupantur; quare peſte oppreſſi, quum virtus ex morbi deleteria, & malefica qualitate ſit diſſoluta valde, & ob ſuperuenientia ſymptomata, ſyncopen, animi deliquium, cardialgiā, vigilias, capitis dolorem, anxietudines, debilior ſit facta, pleniùs nutriendi; ita monent Auic. & Gal. loc. ſuprà citatis. Quare fame non ſunt cruciandi ægri, ſic monente Celſo lib. 3. c. 7. ſed leuiſſimis cibus alendi.

Sed hæc argumenta haud difficile extricabis, ſi dicas, aliquando in ægris vberiùs eſſe nutriendum propter ſuperuenientia ſymptomata, quæ totam curationem ad ſe trahunt; quare in peſte, & melancholia, ſeruandarum virium gratia copioſè nutrire cogimur, ne videlicet à maleſcentiſſimo humore virtus concuſſa flacceſcat, vt notat Sepralius lib. 2. animaduerſion. medic. n. 19. Mercatus lib. 1. indicat. 1. Sic in ſuffuſione, aut generatione calli, craſſum plenumque victum exhibemus.

## QVÆSTIO XXI.

*Vtrum in Muliebri profluuiio, vterus ledatur, vel vniuerſum corpus: & an hoc affectu grauida tententur?*

**A** Quem humorem.] Superioribus historiis egimus de ſuppreſſo vteri profluuiio, modò de nimio & ſuperfluò diſceptandum. Nam muliebris fluxus tot ſunt diſfe-

rentiæ, quor ſunt humores in corpore ſuperantes, vt ait Paulus lib. 3. cap. 63. probat Galenus lib. 6. de loc. c. 5. & cæteri cõfirmant. Fluor enim muliebris alius eſt ruber, veſtiſſi ſanguinis ſanies, candidus, pituitæ ſoboles; pallidus, quibilem teſtatur; niger, qui eſt melancholiæ germen. Addit Aretæus lib. 2. de ſignis, & cauſis diuturnor. cap. 11. rubrum fluxum, & exit ſanguis, qualis victimæ recens maſſata, vt prædixit Hipp. lib. 2. de morb. num. 6. liuidum, concretum, grumofum, purulentum, malè olentem, & ſerofum.

Has omnes fluxiones immoderatas, eſſe nimium periculofas, nulli eſt non manifeſtum: nam ſi omnis nimia vacuatio etiam noxi humoris eſt reprobata, 2. aph. 51. & lib. 4. aph. 25. & lib. 6. 27. quoniam cum inutilli humore, vtilis vacuatio contingit, vnde deſciunt vires, & ſequitis irreparabilibus damnis, vacuato ſpiritu multo, vires fatiſcunt, & æger nullum poſtea remedium habet; cur euacuato copioſo humore, non proſternentur facultates, & reſoluta humiditate corpus non ſiccabitur, tabeſiet, & extingueretur, & ad minus refrigerato iecore ſuperueniet hydrops ex frigidityte, & alia ſcaturient damna ab Hipp. prolata lib. 5. aph. 57.

Rurſus, ſi cuiuſcunque alterius humoris nimia facta vacuatio hæc pericula ſecum accerſit; cur immodica ſanguinis per vterum excretio, grauiffima non concitabit ſymptomata, ſiue menſtrua nimium excurrant, ſiue alia de cauſa immoderatè perfluant? nam ſanguis eſt naturæ noſtræ familiariffimus, & ad obeundas operationes accommodus valde, in quo calor noſter perſeuerantiā obtinet. De hoc ergo menſtruorum fluxu, qui ſcæminas miſerrimè affligit frequentiùs, hoc loco paulò altiùs dubitandum, & ſingula à Galeno allata in examen trahenda.

Superfluus menſtruorum fluxus, ſummum periculum portendit; nam ex eo terribilia ſymptomata ſequuntur, vt docuit Hipp. lib. 5. aph. 3. & 56. Inter ſymptomata, verò menſtrui ſanguinis nimium excurrentis, refert Galenus lib. 6. de loc. affect. cap. 5. de vteri affectibus, ſcædum corporis colorem, ciborum inappetentiam, vitiatam coctionem, pedum tumores, domum & illa omnia quæ ad immodicas, & intempeſtiuas ſanguinis vacuationes ſolent euenire, citata à Galeno 2. de facult. naturalibus, c. 8. quæ ſunt hydrops, conuulſio, animi defectus: cum enim in immodico menſtrui fluore, in maiori quantitate, & pluribus diebus vacuatio fiat, quàm conueniat, ex Gal. 6. epid. ſect. 1. com. 7. ſeu, vt alij definiunt, præter modum, & conſuetudinem peculiaris naturæ, ætatis, & viuendi inſtituti, mirum non eſt, ſi priuato corpore ſanguine, & ſpiritu, quibus cutis efflorefcit, & innatus continetur calor functionum omnium inſtrumentum, deſœdatio coloris, inappetentia, coctionis vitia, cedemata pedum, aqua intercuſus, & mille alij, iique ſerè immedicabiles enaſcantur morbi, toto corpore infrigidato, ventriculo & iecore imbecillitatis, nec ſatis munus ſuum potentibus efficere, 4. aph. 27. & alijs locis citatis.

In horum morborum numero reponendus eſt affectus, de quo in præſenti Hiſtoria agit Galenus, & meminit 3. de cauſ. ſympt. 4. nempe muliebris fluor; alij, menſes ſeu flores albos, vteri purgamenta, & fluxus humiditatum appellare conſueuerunt. Målum ſanè diuturnum, & nonnullis etiam continuum, in eo à menſtruo profluuiio diſtinctum, quòd in hoc ſanguis non excernitur ſyncerus, ſed aut ruber, aut rubra quædam ſanies, vel alba, ſua, aut cum pallore mixta, tenuis, aquoſa, atra, quæ ex vniuerſo corpore, vel varijs locis emanat, vt ab inſigni aliquo membro, quod ſeſcè prauis quos continet humoribus expurgans, huiusmodi ſymptoma molitur. Quòd ſi purus effluat ſanguis, non ex corpore, ſed vtero cenſendus eſt prodire, vel eius ceruice, idque aperto, vel eroſo vaſe aliquo; quod per puris abſentiam, vel præſentiam diiudicabitur: ſanies enim permixta ſanguini, certiſſima eſt eroſionis, vlcerationiſque nota, 4. aph. 51. Nam qui ex toto ad vterum delabitur, non ſolet eſſe ſyncerus, aut inculpatus, ſed excrementitius, & alieno colore infectus: quanquam enim ſola quantitate interdum redundans è membris pellatur, poſſibile tamen non eſt à ſuo loco ſeparatum, ac in longo tranſitu, non vitiari, & ſuum non amittere colorem,

Nihilominus



Nihilominus hoc loco exurgit dubitandi occasio, qua ratione dicat 6. de loc. affect. cit. in muliebri profluvio, locum affectum, esse vterum, si Hipp. lib. 5. aph. 57. contrarium firmat, dicens: *Menstruis largius fluentibus morbi eueniunt: non fluentibus autem, ex vtero morbi contingunt.* Et firmat Galen. in com. 5. *Quare sit verisimilius, in sola retentione menstruum, dixisse Hipp. morbos contingere ex vtero:* quo loco morbos, ex immodica vacuatione, non ad vterum, sed ad corpus pertinere asseuerat. Ratio dicitur: nam si in superfluis mensibus utilis sanguis necessariūque ē corpore aufertur, planē in illis corpus ægrotat; sicut in retentis menstruis, vterus, in quo superflui, & excrementitij inutilis congeries acervatur.

Nec refugas ad vlcera, quæ à fluentis sanguinis acredine, & mordacitate possunt in vtero fieri, à quibus aliæ grauissimæ affectiones in corpus redundant: nam præterquam quod mala, quæ eueniunt fœminis fluxibus laborantibus, ab vtero vt plurimum nō fiunt, sed ab immodico fluxu: illa vteri vlcera non ab ipso fluxu, qui quantitatem immodicam importat, sed ab illius causa contingunt.

Deinde. Affectio ad eam partem videtur attinere, cuius læsam actionem importat, cuiusve symptomata nuncupatur. Atqui profluvium muliebri est symptoma quoddam in genere excretorum ab vtero immodicè fluentium, lib. de sympt. diff. cap. ult. immò verò non rarò eueniens, ob imbecillitatem venarum menstrualium, vt loquitur Auic. 2. 1. 3. tract. 3. cap. 2. Igitur negari non potest, in huiusmodi malo vterum esse locum affectum.

Dic, quod vterus in mensium fluore per se non afficitur, sed corpus vniuersum vnde profluit sanguis; neque morbi, qui ex immodico profluvio succrescunt, ex vtero, aut per vterum oriri dicuntur. Quod si aliquando ex immoderato fluxu maligna vlcera in vtero fiant, ex quibus deinde in vniuersum corpus alia mala redundant, ad acredinem & mordacitatem sanguinis sunt referenda, non ad ipsum fluxum: ex hoc enim potius, quàm vterus ægrotat; atque idè rectè Galenus in aph. dixit, ex sola retentione morbos in vtero fieri: nec tamen proinde lib. 6. de loc. affect. agens de vteri affectibus, mentalis profluvij, & morborum qui inde nascuntur, sermonem fecit; veterini namque reuerà sunt, vtpote occasione vteri pronati; immò verò omnes feiè, vel plurimi muliebres morbi, ex vtero sunt, quia cū corporis sentina sit, & putridorum excrementorum conceptaculum, ad quod perpetuò confluant ex toto superfluitates, non solum prauè se habet, sed corpori etiam communicat innumeras affectiones: omnis enim consuetus fluxus morbis obnoxius est, & periculosam habet vtramque immoderantiam, siue supra modum sanguis excernatur, siue ex toto supprimatur; quapropter dicebat Gal. 4. aph. 25. non esse ei assuefaciendum, nisi ingentis mali vitandi gratia, ob imminens ex fluxu consueti periculum: nam si excedat, vires omnes dissoluit, mille parit ægritudines, & interitum: si vel semel moretur, difficillimas etiam, & periculosissimas, vtpote ex separato, & maligno excremento, non tum bono sanguine permixto, quod natura ad disfluxus partem transmittere solebat.

Insuper certum est, muliebrem fluorem symptomata vteri esse, vt constat ex Aëtio, Paulo, & cæteris, qui dicunt vteri distillatio diuturna, vel ex Galen. cit. de loc. affect. & 3. de causis sympt. 4. vniuersi corporis per vterum expurgatio, & muliebrium locellorum fluxus. Quia tamen Galen. ait, vtero nihil laborante accidere, sed corpore sese per illum expurgante dubitant Mercurialis lib. 4. de morb. mulier. c. 6. Donatus lib. de curand. hum. corp. malis, c. 109. & alij, num aliquando ipsius vteri vitio contingat; & licet negent aliqui, oppositum tamen probatur ex Auic. dum dicit: *fieri etiam, cū propter imbecillitatem digestionis in venis vteri, corrumpitur sanguis, & corruptus effluit:* nec Galenus contradicit, imò annuere videtur, cū habet: *interdum vtero haudquaquam affecto accidere*, quasi velit vt plurimum affici, sed non semper. Non est autem syncerus & inculpatus, sed corruptus potius (vt dicit Aëtius) sanguis, qui in huiusmodi fluxu prodit: tum quia excrementum est, & portio vitiosi humoris in corpore redundantis;

Lib. III.

tum quia (vt diximus) in longo transitu vitatur. Menstruus autem non sic: quamuis enim absolute purus non sit, critico tamen, & muliebri collatus, syncerus est: dummodò excipias qui patientibus excernitur; hic enim nequaquam prodit inculpatus; sed eo deterior, quod bona eius pars, puriorque abiit in fœtus formationem, & alimoniam, ex Gal. lib. 1. epid. sect. 3. com. 21. de qua re supra in com. Hist. 1. quæst. 2. plura prædiximus.

Est & altera mox exponenda non levis difficultas: Num vtero gerentes hoc affectu etiam tententur. Si enim protinus à conceptione ita os vteri clauditur, vt nihil prodire queat, atque adè gestationis tempore purgationes sistuntur; quomodo grauidis euenire potest defluxus sanguinis, aut aliorum humorum, qui secundum omnes, ab vtero, internisque illius vasis effunduntur, quibus omnibus hæret chorion fœtum comprehendens? Dic, grauidas vteri fluore etiam laborare, & pati omnium humorum purgationes. Id constat aperte ex Hipp. 5. aph. 60. dicente: *Mulieri vtero gerenti si purgationes eam, impossibile est fœtum esse sanum.* Quo loco multi non solum menstruale, sed muliebri profluvium intelligunt: licet enim ex sanguinis mensalis vacuatione defraudetur fœtus partu suo, tamen ex aliorum humorum vacuatione abortum sequi non est dubitandum, quoniam cum inutili, benigna & utilis etiam humoris portio exhaustur; & sic diminuto calido innato, & resolutis spiritibus, subtrahitur alimentum fœtui.

Si autem vltra pergās, & inquiras, ex qua parte prodeat sanguis ille, qui grauidis excernitur, & purgationes variz quas illæ frequenter patiuntur: Galenus lib. nuper cit. Aph. respondet, non prodire ex vteri sinu, nec per venas, quæ interiora vteri contingunt, posse quidpiam in vteri cavitatem effundi: tum quia vtero gerentibus os vteri occluditur; tum quia ab internis ipsius vteri vasis, vasa chorij oriuntur, atque ita omnibus vniuntur, vt vnius finis, sit principium alterius: cū verò vniuersus sanguis intra membranam illam contineatur, nihil in vteri sinum peruenire potest, nec ex hoc quicquam profluere, etiam si recuderetur. E venis ergo (ait,) quæ in collo matricis sunt, grauidis fit sanguinis excretio: quin & visum est nonnullis, hac etiam via mensales purgationes virginibus fieri, scilicet quod propter hymenem, hoc est membranulam in ipsa vteri ceruice retis formam obrinentem (claustrum, siue interseptum virginale vocant) menstrua ex vtero effluere non possint.

Aliis tamen magis placet, tam grauidis, quàm virginibus, quin & fœminis omnibus, ex vtero per internas sui corporis venas sanguinem prodire, qui proprie menstruus dicitur, simulque muliebrem fluorem in illis frequenter euenientem: ex illis verò quæ in ceruice, & collo matricis sunt, si aperiantur, & multam sanguinis copiam effundant, fluxum alium concitari, à mensali distinctū, Græcis, & Barbaris hæmorrhoides vteri nuncupatum, de quo meminit Arist. lib. 2. de generat. animal. c. 4. dicēs, affectū hunc esse similem mariscis; ita Auic. 2. 2. 3. tract. 1. c. 20. & alij.

Vesalius Anatomicus admodum peritus, lib. 5. fabric. c. 15. prope fin. determinare nō audet, num ex fundi, aut ceruicis venis, semper, aut alternatim, vel vtrisque simul effluant menses; licet indubitanter affirmer, sanguinem non in fundi sinu (quod perperam visum est nonnullis) toto mensis intervallo sensim acervari, ac mensis periodo, turgente iam vtero promanare, sed in vteri venas paulatim ex toto corpore admitti, easque nimium oppletas, suis oris apertis sanguinem illum statis periodis eructare: nam præter alia quæ adducit, si in vteri cavitatem, siue sinu colligeretur paulatim, quis non videt, non sine vitæ discrimine in grumum coire posse, aut in flatum verti, & concretum frustillatimque educendum, non tenuem, fluidum, ac perquam similem illi qui è naribus distillat? At quomodo ergo ab internis vteri vasis, quibus fœtus per chorion vnitur, prodire grauidis potest, maximè vtero occluso, in quem defluere est necesse, priusquàm foras erumpat quomodovē virginibus, prohibente exitum hymene?

Quemadmodum Chorion (Latini vocant secundinam, seu secundam, alij. Loculos, Galen. 5. aph. 60. locum appellat)

appellat) toti vteri superficiei non adnascitur, sed duntaxat tantæ, quanta est ipsius inuolucri exterior superficies, vt scribit Vesalius *cit. lib. cap. 17.* ita nec omnibus vteri valis adheret, sed lateralibus tantum ac proinde ex aliis poterit emanare; præsertim quod necessum non est, ora internarum venarum aperiri vt effluat sanguis, sed externarum tantum, quo in narium hæmorrhagia constat, nec enim in ea capitis vena aperitur, sed extrema ad nares accedens; nec in sanguinis missione omnes quæ inaniantur, sed illa tantum quæ secatur. Vterus autem sicut gravidis bene habentibus clauditur, sic laborantibus interdum recluditur; cumque profluuium hoc euenire illis non so-  
leat, nisi cum malè habent, quid mirum si hic ad profluuium? Iam verò hymen non vsque adeò densa est, & impetusa, vt omnino prohibeat sanguinis exitum, licet non ita liberum permittat; idè enim fortè virgines, & ob  
mensalium viarum stricturam debere non purgantur. Et de muliebri profluuiio satis.

vt dum biberent oues, simulque mares in foemellas salirent, species illa directæ virgarum decorticatarum, & versicolorum in aquis iacentium, speciei reflexæ, vel vmbre marium inuentum in aquis mixta, vnâ quasi speciem variegatam foemellis ingerebat, quasi cernerent suos mares ita coloribus variantes: vnde vi phantasie eodem colores suo foetui, quem tunc concipiebant, imprimebant. Mares enim ex simili foemellarum vmbre aspectu, permixtæ virgarum speciei formam versicolorem suo foetui imprimebant.

Id ita natura comparatum esse, Physici docent, & experientia probat. Cum enim in admissura, phantasie vis soleat esse maxima, quia tunc anima omnem suam vim exerit, consequitur etiam talis impressio in foetu; non quod potentia imaginatrix, per se, ac vi sua vllam producere queat qualitatem, sed quatenus spiritus, sanguinem, ac humores mouet, ex quorum vario motu, variæ in corporibus qualitates existunt. Nisi etiam dicamus, quemadmodum substantia interuentu accidentis substantiam gignit; ita animam per intentionale, & adumbratum esse rei, quale est imago coloris in phantasia ab anima expressa, verum ac perfectum eius esse producere posse, in certis quibusdam subiectis ad id aptis, vt in foetus materia, quæ tenuis & fluxibilis est: sic effigies, & color, & alia huiusmodi accidentia præconcepta in materiam foetus inducuntur.

Accedit alia ratio ex Auerrhoë in *lib. 4. physico. Arist. com. 97.* dicente, imaginationem & cogitationem esse quasi res, quæ parant materiam artifici, ad recipiendam actionem desiderij. Imaginatrix igitur vis, quæ est vna ex principibus animæ facultatibus, cum moueatur à visu ex *Gal. lib. 8. de usu part. cap. 7.* patiantur quo ad inuicem maxime corpus, & animæ; & ex animi perturbatione qualibet, corporis & sanguinis ingens eueniat sæpe perturbatio, sic vt visus medio, facto in mulieris imaginatione motu, dum concipit, fiat in ea rei imaginatæ, desideratæque impressio, quæ sanguini illius communicatur, ex quo sanguine foetus nutritur; & hunc ex illo eam formam suscipere, liquet abundè.

Hæc omnia accepta referenda esse imaginationi, præter Plutarchum *10. probl. 12.* *Plin. lib. 7. natural. histor. cap. 12.* Albert. Magnum *lib. 9. de natural. animal. cap. 7.* illustribus exemplis confirmant luculenter Michaël Medina *lib. 2. de reſta in Deum fide*, Cataneus *lib. de intellectu. & causis miror. effectuum*, Egidijs Romanus *quest. 2. 5. quodlibeti*, Henricus Gandauensis in *ſuis quodlibetis*, Conciliator in *ſect. 7. probl. Arist. comm. 6.* Thadæus Florentinus in *comm. ad Isagog. Ioannis*, Thomas Garbius *lib. 2. sum. med. tract. 4. quest. 11. & lib. 1. tract. 5. quest. 31.* Mercat. *lib. 3. de morb. mulier. c. 7.* Heurnius *lib. 3. instit. c. 6.* Fracastor. *lib. de sympath. & antipath. c. 23.* Fernel. *lib. 7. physiolog. 12.* Iacobus Foroliuiensis *3. techn. q. 11.* Costæus in *com. fen. 2. 1. doct. 2. cap. 14. §. 2.* Subscribunt & alij in Genesin peritissimi expositores, Benedictus Pererius, Vallesius *lib. de sacra philosophia; in com. cap. 11.* Conimbricenses *lib. 1. de generat. cap. 4. quest. 30. art. 2.* Ioannes Camara Buthemantinus *lib. 2. de repilib. sacra Scriptur. cap. 4.* Leonardus Marius in *Genesin*, Rabbi Ishac Arias ingeniosissimus *lib. 2. præcept. 33.*

Non desunt qui hunc Iacob euentum contigisse rentur, non per imaginandi vires, sed per diuinam virtutem, vt mysteriis corresponderet: nam si naturæ via actum id fuisset, hodie quoque eorum opinione fieret, & tamen quamplurimos id tentasse affirmant, & nihil simile vnquam contigisse: quare nihil ad generationem, quantum ad proli similitudinem, & sexum imaginationem conferre sibi persuadent; de quorum numero fuit Leonardus Vairus Beneuentanus *lib. 2. de fascino, cap. 7.* cuius argumenta quum citati auctores expenderint, ingenuè, & solidè, non est modò cur nostram censuram in eorum solutione exponamus.

Neque enim negamus illud Genesin, à Iacob factum, mysterij causa Deum Optimum Maximum eius medio fecisse; atamen certum est Omnipotentem, vim talem imaginatrici brutorum virtuti tribuisse, vt positis vir-

## HISTORIA XII. GALENI, De conceptione.

Fœmina intenta imaginatione formosum  
puerum depictum intuita in concu-  
bitu, non patri, sed picto  
similem peperit.

**P**orro mihi vetus historia indicauit, quod cum deformis quidam opibus potens, formosum veller procreare filium, depinxit in lato ligno elegantem alium puellum, dicebatque mulieri inter coeundum, vt illam pictura effigiem inspiceret: hac autem defixis intuens oculis, & vt ita dicam, totam illuc mentem aduertens, infantem non patri, sed picto similem peperit, & c. Galenus *lib. de Theriac. ad Pilon. cap. 14.*

### PARAPHRASIS.

**M**axima est in procreando foetu, & aliis agendis, imaginationis vis, atque potestas: nam hæc si sit fortis, ac vehemens inter concipiendum, vel in toto formationis tempore, quo sanè dominatur formatrici naturali seminis, imperatque eo modo quo inferiores potentie parent superioribus, imprimatur potius idolum imaginis vehementer comprehensæ, quàm paternum in semine referueretur, quoniam ex inepta materia quæ hominis formam adipisci nequit, fit aliquando sensitiuum; eius tamen speciei, cuius est animal, quod fœmina in imaginatione apprehendit, & tantæ efficacis est imaginatio, vt ad speciem imaginatiuam mutetur spiritus corporeus ad testes fœminæ, & vterum perueniens, qui maioris actiuitatis est, quàm spiritus genitiuus, qui in semine paterno fuerat.

Hac de causa Iacob, vt legitur in *c. 30. Genesin*, parauit sibi virgas populeas virescentes, & amygdalinas, & ex castanea, & decorticauit in eis decorticationes albas, denudando alborum qui erat in virgis illis: & statuit virgas, quas decorticauerat in canalibus, in aqualiculis aquarum, ad quas veniebant pecudes vt biberent, è regione pecudum, vt incallescere cum venirent ad bibendum: & incallescere oues ad virgas illas, & postea pariebant pecudes variatas pedibus, punctatis, & maculosas. Hoc artificio vsus est Iacob, vt euaderet diues è domo Laban soceri sui virgas variis coloribus depictas in canalibus ponens, ad quos oues bibendi causa ducebantur, vt dum illæ cum arietibus coirent varios foetus conciperent, vt seuera accidit: procreabant enim agnos, non parentibus, sed virgarum, quas præ oculis habebant, coloribus variis similes.

In his omnibus obseruant omnes interpretes huius loci, rationes physicas fuisse à Iacob intellectas, quibus posset, pecora diuersi coloris sibi acquirere, obiecta coeuntibus pecudibus specie virgarum varij coloris: ita

gis, variis coloribus depictis, & iis in imaginatione susce-  
ptis coloribus, & facta in sanguine impressione, semen sic  
effectū in coitu emitterent. Quod autem hodie talia non  
fieri dicunt, à ratione alienum est: nam hoc tempore, qui  
errem pastoritiam exercent columbarumque sunt ingenui  
dilectores, ponunt puicherrimas colūbas iisdem in locis,  
quibus illæ versantur, quod videlicet rapiente visu similes  
generent. Denique hoc ipsum equorum magistri observāt:  
nam in equarum grege generosos obiciunt equos visibus  
conspiciendum, quod similes eorum concipere, ac creare  
possint. Hoc confirmat Isidorus lib. 12. *etymologiar. in fin. c. 1.*  
Lege Delrium lib. 1. *disquisit. magicar. c. 3. quest. 3.*

Denique pluribus argumentis deprehensum est, parentū  
imaginationem ad temperamentum, & ad vim formatricē  
modificandam mobilem vim habere, prout notarunt Alge-  
zar, citatus à Gentili in *com. c. 14. fen. 21. 3. doct. 1.* Arist. 10.  
*probl. 7.* Iuvenalis *satyr. 6.* Maphæus Vegius lib. 2. *de edu-  
cat. liberor. c. 9.* Alexand. Alensis 2. *parr. quest. 89. memb. 4.*  
Abulensis in *c. 30. Genesis.* Cælius Rhodigin. lib. 20. *lect.*  
*antiq. c. 15.* Ionstonus *classe 10. thaumatographia, c. 7. art. 2.*  
Leonardus Vairus lib. 1. *de fascino, c. 2.*

Quid mirandum? nonne alienam, & planè peregrinam  
rei cogitatæ formam aliquando materiæ induci experien-  
tia comprobatur? Sic accidit, ut ex utroque parente  
albo ater filius generetur, quod mater Æthiopem, quem  
in cubiculo depictum habebat, imaginatione verlarer.  
Quinimò gallinam, quæ inter concipiendum aspectu mil-  
ni territa fuit, pullum miluino capite exclusisse citari re-  
ferunt auctores. Hac de causa foeminae monstrosos pariunt  
foetus, quoniam in cubiculo in quo conuenerant, monstro-  
rum aderat pictura. Sic refert Marcus Damascenus, in lo-  
co quodam, Petra sancta vocato, mulierem peperisse puellam  
sylvestrem, pilis camelorum similibus vndique cir-  
cumseptam, idque ea de causa euenisse tradit, quod mater  
imaginem similem in thalamo fuerit contemplata, & sic  
similem infantem peperit. Paræus lib. *de monst. 24. c. 27.*  
describit effigiem virginis, quæ ob parentum imaginatio-  
nem, pilosa, informis, & nigra nata est.

Scribit Scaliger. lib. *de subtilit. aduers. Cardan. exercit. 14. num. 2.* alterius historiam, qui pilis candidis testus  
erat, quod mater dum concepit, pilosum quoddam  
fuerat imaginata. De hoc instituto, miras, rarasque  
proponunt historias Cornelius Gemma lib. 1. *de admirand.*  
*spectacul. cap. 6.* Matthæus Villanus lib. 5. *histor. cap. 12.*  
Guainerius lib. *de peste.* Levinus Lemnius lib. 1. *de occult.*  
*natur. miracul. cap. 4.* Petrus Pomponat. lib. *de immortalit.*  
*anima.* Gaudentius Merula lib. 4. *memorabil. cap. 14.*  
Retulit mihi Doctor Valle Lusitanus, Medicus eximius,  
& expertus, se vidisse foeminam, quæ plures infantes  
pepererat pallorē vultus ita infectos, ut cadaueris ima-  
ginem referrent, quod illa inter coeundum, infantem  
mortuum in lecto ante oculos depictum intueretur,  
quo remoto alios deinceps peperit viuidos, formosos, &  
rubicundos Ob hanc causam nolebat Hieronodius Philoso-  
phus præclarus, coniuges dare operam liberis, dum è fune-  
re redirent, sed è conuiuiis, & ludis; probatque Themi-  
stius lib. 3. *de anim. cap. 68.* Thomas Erasthus lib. *de occult.*  
*pharmacor. proprietatib. cap. 34.* refert, mulierem adulte-  
rij suspitione non carentem, eo quod infantem enixa esset  
marito nullo modo similem, se se hac arte liberasse, quod  
picturam infanti similem in cubiculo habuerit. De hoc ar-  
gumento plures extant apud Iurisperitos quæstiones. Le-  
gar qui vellet, Iustinianum *de verbor. significat. l. queret,*  
*cum glossa, Bartbol. cum Doctor. in l. Gallus. ff. de liberis, &  
posthumis.*

Amplius. Res est peruulgata, & experientia commu-  
ni comprobatur, sæpe ex forti matrum imaginatione  
infantibus varias rerum formas induci, natos, lentigines,  
verrucae, lituras, species aliquando, & figuras  
fructuum, maculas, & similia imprimi. Refert doctissi-  
mus Gregorius Horstius, apud Fabricium Hildanum  
lib. 3. *centur. chirurg. obs. 55.* Praga monstruosum partum acci-  
disse, & puerum fuisse natum, cui iecur, intestina, & lien  
cum mesenterij maxima parte extra umbilicum pro pende-  
bāt, qui horas paucas viuens, vitam sui miserè cum morte innox

A commorauit. Huius corpus presente spectatorum Medicorum  
& Ioanni Kepleri, Mathematici Casarei, & Peripateti-  
corū principis corona dissectum est. Interius in infimo ven-  
tre paruus inueniebatur iecoris lobus, ex quo vena caua sur-  
sum, ac deorsum progrediebatur, qui continuus erat cum  
iecore externo, & peculiāribus membranīs circumdatus per  
umbilici foramen eidem iungebatur. Externum iecur plena-  
riam iecoris formam habebat, venam portam ex mesenterio  
externo recipiebat, & c. subdit: Sed si causam huius deformi-  
tatis scire gestis, externam ex relatione matris tibi refero, qua  
cū interrogaretur, num fortè partui huic occasionem pra-  
buisset, cum lachrymis respondit, quod tribus mensibus ante  
partum, vitulum mactandū, prater voluntatem dei inere co-  
acta; eoque partim aperto procidentibus illico visceribus ex  
abdomine, quodammodo commota fuisset. Tantum potest ima-  
ginatio, quam ego partus huius monstrosi causam primariam  
fuisse statuo.

Mirabilius est quod refert idem auctor, in eodem loco,  
infra, dicit enim filium Dn. Kepleri natum esse præpu-  
tio ferè inciso, & inuerso, propter cogitationem vehe-  
mentiore matris, qua hospitem quendam peregrinum  
tunc temporis obseruabat, qui quomodo matutinis il-  
lis horis circumcisionem Iudaicam Pragæ peractam vi-  
derit, referebat. De quo argumento in sequenti observa-  
tione plura proposuit exempla Fabricius: necnon ipse  
Gregorius Horstius, vir eruditissimus lib. 7. *de histor. mira-  
bili, apud Marcellum Donatum, cap. 3.*

Insuper idem Hildanus lib. 4. *centur. chirurg. obser. 55.*  
& 56. binas prægnantes describit morbillis correptas,  
quæ infantes pepererunt eisdem morbillis contaminatos.  
C Lege apud eundem auctorem binas, at memorabiles ob-  
seruationes, in responsione ad Epistolam cultissimam Mi-  
chaelis Doringi Medici nobilissimi, de rara, & noua partus  
Casarei historia. Prima est grauidæ, quæ cum duos inter se  
confligentes videret, & ex iis vnus gladio perfoctus in  
terram rueret, supra modum perterrita, & perturbata  
exclamans, & inuocans nomen Domini, manu dextra  
oculos obuclauit: eademque die doloribus partus con-  
cussa, foetum mortuum est enixa, cui caput ab oculo ipso,  
ad occipitium vsque perfoctum erat. Altera est graui-  
dæ, quæ ob incendium terrefacta, post triduum, infan-  
tem viuum vndique maculis igneis contaminatum edi-  
dit. Hoc modo ob prauam imaginationem monstra pro-  
duci probat. Ioan. Remellinus lib. 2. *catopri microcosmici.*  
in fin. Hildanus lib. 2. *obs. chirurg. 25.* hominem cornutum  
se vidisse refert, cui in medio frontis, cornu simile arietino  
retortum ad futuram coronalem supernè ad verticem  
in utero natum est; num tamen fuerit exortum ob ma-  
tris imaginationem, ibi non explicat. Lege exemplum  
admirandum hominis cornuti, hoc est, habentis in fron-  
te cornu, ex deprauata matris imaginatione inter coeun-  
dum enatum, quod lib. 3. *de praxi admiranda, obs. 9.* pro-  
posuimus.

Demum tanta est imaginationis potestas, ut Auic.  
21. 3. *tract. 3. cap. 2. & 14. & lib. de anim. sect. 4. cap. 4.*  
pronunciet, ipsam alienum corpus immutare posse; in  
quem acerrimè inuehuntur Ficinus lib. 1. *de immortalit.*  
*animar. cap. 4.* Christoph à Vega lib. 2. *art. med. sect. 6. cap.*  
*vlr.* Thomas à Veiga in *com. cap. 84. art. medic.* Galeni. Mar-  
cel Donatus lib. 2. *de histor. mirabil. cap. 1.* Carreus in  
fen. 11. *Anic. doct. 7. sum. 1. cap. 2. disput. 37.* qui omnes  
imaginationis varios proponunt effectus. Vtrum  
autem imaginatio valeat inuehere morbos,  
explicat eleganter Santorellus lib. 2.

antepaxis, cap. 13.

\*\*\*

## HISTORIA XIII. GALENI,

*Fœmina utero gerens, sanguine  
misso ex vena non semper  
abortit.*

*Am etiam \* propter sanguinis missionem, & sanguinis ex  
vulnere eruptionem, aut ex nimia hamorrhoidæ quadam  
abortierunt. Galenus lib. 3. epid. sect. 2. com. 8.*

## QVÆSTIO XXII.

*Vtrum in gravidis è talo aliquando mittendus sit  
sanguis, ut contra meam sententiam acriter  
interdicunt Plempius, Fontanus, &  
Bruschius, Medici eximij.*

## PARAPHRASIS.

*Sanguinis missionem.* Nullus est auctor, qui ad doctrinæ Hippocraticæ splendorem proximius accedat, quàm Galenus, eò maxime, quoniam vberimus est divini auctoris interpres; idcirco eum lego auidè, & iucundè. In hac ergo historia sunt duo, quæ merentur admirationem apud eos qui huius auctoris dicta incessanter lustrant. Primum, tempore Galeni consuevisse Medicos in gravidis sanguinem emittere, & nisi ipse hanc rem hoc exemplo faceret manifestam, nullus esset, arte medica licet apprimè imbutus, qui iuraret in verba magistri; præsertim cum oraculum Hippocraticum huic methodo contrarium sit, & repugnans, latum lib. 5. aph. 30. quo quadam veluti lege sancito eos detestatur, qui utero gerentibus sanguinem imperant emittendum: *Vtero gerens sanguine misso abortit, & magis si fœtus sit maior.*

Secundum: non omnes facta venæsectione abortum fecisse, ut videas quo in errore versentur; qui phlebotomiam in gravidis celebratam ex se abortum concitare asseuerant; quod quam aduersum sit menti Galeni, videbit qui eius mentem pensauerit ad vnguem, dicentis eas solum abortum fecisse, quæ ex nimia hamorrhoidæ emanante vel ex vulnere nimis sanguifluo, aut ex vena secta copiose, resolutis sic viribus, & exhausto sanguine, nec retinere, nec alere fœtum potuerunt, quarum quædam ob summam debilitatem abortum fecerunt.

Quare in multis secundas esse venas, permittentibus viribus, postulante affectu, res est frequentissimo experimento confirmata. Hippocratem, Medicorum tutelarem Deum, hoc auxilium omnium primum docuisse, proposuimus contra communem Medicorum sententiam lib. 1. in com. hist. 32. Ille enim lib. 2. epid. sect. 2. in med. Lyciam utero gerentem prope partum lienis inflammatione laborantem vena secta curare conatur. Cui sententiæ addidimus & alias momenti magni, quibus ratum sit, in illis parce esse venæsectionem exercendam: neque vnquam ex hoc præsidio, tempestiuè, & pro morbi ratione celebrato vidimus quampiam abortum fuisse pepessam. Quod si aliquando contigit, non huic auxilio salutifero, sed aut vi morbi, eiusdem cacoethiæ fœtum corruptenti, febris vehementiæ ipsum occidentis; ex Gal. 5. aph. 30. aut alicui grani symptomati superuenienti, aut animi pathemati, quo frequentius ipsæ vexari solent, imputandum est, ut scire notauit Sennertus lib. 5. instit. cap. 7.

Vera sunt hæc omnia, & ex summorum Medicorum monumentis exhausta. Vtrum autem in vltimis mensibus, pro grauissimorum morborum curatione, qui ab utero originem ducunt, sit in talo secunda vena, nempe epilepsia læua, vteri suffocatione vehementi, aut truculenta apoplexia, experimento diuturno muniti, præclarisque grauissimorum Medicorum sententiis freti, firmavimus eam esse salubrem, tutam, & utilem; & ex in inferis par-

atibus celebratam, ad præcauendum abortum summo esse ex vfu, postea lib. 2. de praxi medica admiranda, obs. 160. comprobauimus.

Sed cum post primum librum, in cuius historia 32. conscripra est disceptatio hæc, plures doctissimi viri in me fuerint per literas veluti stomachati quoddam hoc auxilium, aut potius paradoxum vulgarem, ex quo tantum ab est ut miseræ fœminæ tanto agone preheniæ iuuentur, ut potius certum ex eo abortus periculum immineat: placuit in veritatis gratiam, præsertim in re momenti tanti, meam industriam cum illis exercere, licet ij ingenij sui perspicacitate, & rerum medicarum scientia insigni antecellant. Neque reprehensiones metuo, quum nullus imminentium iudiciorum expectatione exhaurire queat; namque ego non quid multi, sed quid boni iudicent, exquiro. Mihi verò hoc satis est neminem me voluisse lacerare. Obrestor tamen te, humanissime Lector, per candorem animi tui, ne hæc in deteriores accipias partem aut putes maledicentiæ igniculis agitatam, à qua longè abest animus meus, in palæstram litterariam descendere: nam sicut ex mutuo silicis, & ferri attritu elicitur ignis, sic ex diuturna concertatione, in profundis tenebris plerumque sepulta eruitur veritas.

Enimverò cum tres sint viri peritissimi, qui meam sententiam ex toto subvertere conati sunt, eorum scripta seriatim proponam. Extat in primis Fortunatus Plempius, meritissimus Scholæ Louaniensis Professor, vir subtilissimi ingenij. Secundus est Nicolaus Fontanus, Medicus Amstelodamensis perdoctus, qui in florilegio suo facundo; & docto, quæst. 51. plura spicula in me coniecit, veritatis amore potius, quàm meum nomen lacerandi studio impulsus. Tertius appellatur Antonius Bruschius Gallus, in Academia Andegauensi Professor celeberrimus, illustis Medicus, & egregiè in Galeni doctrina versatus. Ergò meæ tam repugnantibus opinionibus, non obruor, sed efferor, quas hoc ordine descriptas audire ne pigeat, quum ad huius præsidij exequutionem conferant apprimè.

Excultissimo Viro Zacuto Lusitano, Medico per celebri, Fortunatus Plempius  
Scholæ Louaniensis Professor.

*Quòd in utero gerentibus venæsectio ex talo  
non sit ex vfu.*

Hoc nempe Philosophi est omnium sanè mortalium liberrimi, nulli sacramentum dare, immò verò eò dirigere studia sua, ut factiones, ac sectæ penitus extinguantur. Quàm esset expetendum, si vicissim absque contentione, sed humanè, atque liberaliter vnusquisque conferret remedium quod haberet, ad litterariæ Reipublicæ incrementum! Quid enim nobis potest esse beatius quàm scire? discendum verò, ut sciamus. Ego quidem sapientiæ ambitum, tanquam animi nostri ærarium semper iudicavi, in quod communia commentationum nostrarum vectigalia referenda censeo, sed proba, vnde sibi suum quisque in vsum sumat, sine inuidia, atque similitate. Vnū enim corpus sumus, vnusque spiritus huius corporis, qui à Deo profectus pro communi excubet utilitate. Porro non vanè vereris, aduersus hæc tua scripta oriosorum loquutiorum similitates, atque obrectationes. Ita est hoc nostrum sæculum, ut pro curiosis damnet peritiores veritatis indagatores, & nihilo secius de quacunque re proposita, tum disputare, tum iudicium facere audeat. Certè ambitio vbi accessit ad ignauiam, arrogantiam parit ex inscitia. Hominum genus hoc in marcido otio suo negotiosissimum, dum fastidit omnia, semper aliud agens, sui quisque dux existit. Quid ergo; ab hisce nebulis doctissimæ lectissimorum virorum lucubrationes obscurantur? discutiant porius illas, atque dispergant, quò denuò toti orbi clariùs illucescant. Sed mitramus hosce rabulas, qui, ut comicè iocemur, solentes insolenter faciunt.

Quanto



Quanto cum applausu accepta fuerit apud peritos totius Europæ Professores disceptatio tua conscripta in *primis lib. de Medicor. Princip. Hist. in com. hist. 3 2.* & quanto studio eam exceperim, verbis referre nequeo, isque deum probè norit, cui compertum fuerit, quanto eius habendæ flagrantis desiderio, aliquot enim abhinc mensibus iam eam exoptabam, ut huius paradoxæ opinionis mihi panderetur veritas. Recepi tamen librum, vidi, legi, relegi, imò pæne deuoravi: ita fermenti similem, aut etiam fermentatam tuiam reperio eruditionem: quoquò enim me confero, turget vndeque auctoritatibus. An verò mihi liceat inter vos heroës, ac præsidēs veritatis quidpiam balbutire: sanè etsi nihil ad hæc subtilitates, & firmissimas rationes adhi posse videatur, tamen haud tanquam iudex, sed perinde ac dubitator audiendus sum fortasse, quod meditantem ipse me impulisti, dum publicè profiteris, & latari gratis, & vtilibus disceptationibus, quas certè quilibet cordatus affectat sapientiæ cultor. Itaque eò audentior factus, in tuis hisce exercere me volui, ut quæ ad expugnandam veritatis arcem videbaris, & studiosè molitus esse, & laboriosè stabilivisse, vicissim mutuo allisu impeteremus; non enim contradicendi, aut contendendi ambitione motus, sed communi omnibus sapientibus iure adactus, hæc produxi coram te maximo Medicinæ Mystra iudicanda: quæ non nisi tua opera mihi esse plana possint. Quamobrem qui hæc videas, quasi tuo sese subiugare patrociniò: haud committes confido, ut vel animi nostri candorem negligas, vel despicias contemplationem. Age igitur exerceamus nos.

Ne tamen omnia in hac quæstione à te proposita percurrere videar, referam ea in compendium, quæ potiora expugnanda mihi visa sunt, & ex quibus conclusionem tuam firmare videris, nempe in vtero gerentibus interdum in talo esse venam secandam, quando acutissimis, & lethalibus morbis premi solent, qui ab vtero, tanquam ex primario fonte scaturiunt. Sic enim *primo loco* habes. *Si foemina sit in septimo, octavo, aut nono mense, & suffocante apoplexia, acutissima epilepsia ab vtero ortis, imò truculentissima vteri stragulatione corripiatur, quis superiores venas tundere audebit?* Audebunt plurimi, imò sic fieri debere contendunt, maximè in septimo & octavo mense, supposita, (vbi semper supponis) massâ sanguineâ in corpore muliebri phlethora, quæ per superioris venæ sectionem, citius, & securius, citiusque tollitur, quàm per inferiorum venarum apertionem, quippe ex qua abortus imminet. Si enim Dictator noster, mulierem vtero gerentem quavis secta vena abortire pronunciat, quantò verius est eius oraculum diuinitis inferis venis?

Firmas secundò. *At nullum inuamentum ab illis consequitur.* Imò verò maius, quàm si infernæ tunderentur: citius enim, & celerius per supernas exoneratur nimia sanguinis moles, sub qua mulierem fatiscere ex hypothese statuimus; sed ex inferioribus non nisi pedetentim, & sensim exhauritur plenitudo, nec nisi copiosissimo euacuato sanguine reuulsio potest fieri à capite, loco nempe à pedibus remotissimo. Atqui in allegatis casibus, morbis scilicet acutissimis periculum in mora est, extremoque opus habent remedio. Vis rationi huic auctoritatem adici, & ipsam ratione circumseptam: Petrus Salius, quem ego, & multi docti viri maximi faciunt *lib. de affect. particularib. cap. 23.* in puerpera morbo aliquo particulari acuto correpta, si grauis is sit, valdeque instet, & indicet de sectione venæ, siue expurgerur ab vtero sufficienter, siue non, statim deuenit ad sectionem venarum superiorum è directo loci affecti existentium, & ei proximiorum, quoniam ita à loco affecto euacuans, morbum facilius se sublatum confidit, imò *inferiores secans* (inquit,) *virtutem ex euacuatione labefactabo, & materiâ in particulari loco concalcatam non minuam.* Exemplo sit vestra apoplexia grauidæ, in qua si inferiores secueris, vel totum ferè sanguinem educes ad reuellendum, & euacuandum materiam suffocantem, vel ex sectione adeò tarda succedet vtilitas, ut prius mulier ex apoplexia ea extincta sit, quàm persentiat reuulsam esse materiam. Hanc maximam huius Medici sententiam plenissimo semper prosecutus sum

A assensu, tuerenturque omnes genuini rationalis medicationis assertores. Itaque sic insto: Si in morbo acuto puerperæ, proueniente ex retento naturæ debito fluxu, rectè, ac methodicè superiores secantur venæ, rectissime, summaque cū methodo, imò necessariò in vestris allegatis acutis affectibus venæ superiores scindi debebunt. Probatur consequentia, quia si indicatio incidendi superiores venas præualeat fluxui illi naturali contraindicanti, præualebit maximè in vestris casibus, vrpote in quibus nullum adsit contraindicans.

Dicis tertio *Ad occasionē necesse est deuenire, & occasionis initium*, ut monuit Gal. *lib. de ven. sect. aduers. Erasist. c. 5. & lib. de rigore. cap. 8.* ne verbum quidem de occasione. Ita autem occasio respicienda est, ut tamen vrgentioribus semper indicantibus obtemperemus. Galenus *loco cit.* Hippocratem laudat, quòd occasionem animaduertit in secando venas tali, & meritò, me iudice, sic enim & materię morbificæ prospiciebat, & cohibitam reuocabat fluxionem. At quid hoc ad vestros casus, quum in iis non debeat cieri tale profluuium? Non inquam, nisi cum foetus certa pernicie. Sed & superiores secado, ad occasionē equidem deuenimus; nam occasio hic est sanguinis exundantia, quæ non tam in vtero, quàm in toto est corpore, quippe qui copiosior est, quàm ut foetus possit conficere. Igitur superiores diuidendo venas, & maxime iuamentum consequimur, & ad occasionem nihilominus deuenimus.

Epilepsiam ab vtero fieri posse, nemo Medicus ibit inficias, & ante vestros adductos Recentiores, effatus fuerat Hipp. *tum in Coacis, tum 2. de morb. mulier.* Ex tota verò auctorum strue apoplexiam sanguineam assententium, nullus vterinæ meminit. Si mihi inter doctos gliscere licet, apoplexiam à te suppositam, non à sanguine ex parte determinata, vtero scilicet, elevato procreari existimarem, sed à sanguine in toto corpore restagnante cerebrum opprimi, atque oppleri; cuius occasionem eatenus dedit vterus, quatenus eius contentum, embryo inquam, superabundantem nequirit digerere succum. Vteri suffocationem in grauidis contingere posse, diu ante Mercurialem docuit Hipp. *lib. 1. de morb. mulier.*

Quartò sic probas. *Quare satius est foeminas, tot tantisque malis obstitas, tali venis scissis moderatè, ab orci faucibus liberare, quàm omni spe adèpta, una foetum, & matrè perire.* Malo nodo, malus cuneus: magnò morbo, magnū debetur remedium. An putas moderata sanguinis missione affectus illos cessuros, quos nò solum acutos, sed acutissimos constituitis? Moderata tua illa malleoli sectione, ne guttula quidem de cerebro reuelleretur. Longè aliter Hipp. nos erudit oraculum, quod non solum extremis morbis extrema adhibenda esse auxilia iubet, sed & exquisitè extrema. Quod si hîc exquisitè extremam per talum euacuationem moliaris, ægotantem in maius longè discrimen præcipitas, laborem labori addendo, quippe abortum concitando.

Quintò confirmas. *Neque talis phlebotomia ex se abortiuæ est; nam quod potest timeri, infantis est emissio, quæ cum naturalis sit, partus, & nò abortus vocari, ceterique debet.* Quid hoc; omnis infantis emissio est naturalis? omnis infantis emissio est partus? (nam indefinita æquiualeat vniuersali) credo irato Apolline te id commentatum esse. Longè plura ad essentialē partus delineationem requiruntur. Itaque partum definimus, emissionem infantis in caput tempestiuè factam ab expulsionē vteri, concurrentibus infante, & matre, & cum vtriusque salute, propter speciei conseruationem. An quia in vltimis mensibus expulsio fieret, ideò partus censeretur? sanè septimo, & octauo, imò & in principio non potest fieri abortus, dummodò intempestiuè fiat expulsio. Porro Hipp. *lib. de morb. mulier.* sic inquit: *Mulier si sit iuuenis, robusta, & multi sanguinis, & grauius laboret in partu, prodest missus sanguis è malleolo, ut tota natura concurrat, & expellat foetum.* Laudandum Hipp. actū, & imitandum, ut qui non in grauidis sanguinis instituit detractionem, sed tantum ad partum faciliorem. Quare instante partu talem vacuationem machinabimur, minimè autem quouis vltimorum trium mensium tempore.

Sextò tuam opinionem strenuè munis, & defendis, dum

dū sic arguis. *Et tantum abest, ut facta vena sectione ex talo abortus sequi possit, ut potius depra plenitudine, qua foetus nō indiget, hic vegetior fiat, & robustior.* Vegetior fiet, si superiores secueris: si enim inferiores ferias, deorsum trahis, ut simul concurrat, & foetus expellat. Othæi auctoritas iubentis, secare in gravidis venas in talo, nō tanta est ut nos ad imitationem cogat; & quamvis tanti valeret, tamen sub finem ita nos anxios reddit ipse, ut merito ab incopro deterreamur: tam cautè, & maturè dicit hoc præsidium esse celebrandum.

Septimò sic ratiocinaris. *Ut videas quod nullo pacto sanguinis missio ex talo in gravidis obesse potest, argumento est, quod observatū est malas quasdam feminas, ut celare vteri gestationem, bis, ter, immo pluries sanguinis missionē ex talo procurasse citra abortum.* Quid tum, quasdam hoc fecisse: an propterea nos tutò semper in talo gravidas tundemus? inefficax sanè argumentū, ab inductione omnimodè imperfecta depromptum. Seca in centum prægnantibus, copiosè satis educendo, talum, vix quinque non abortient. Atque hæc omnibus monstra sunt, miracula sunt. Quod si hoc egerint, ut peccatum suum celarent, tamen iusto Dei supplicio non consequuntur intentum; rara non sunt artis.

Octavò sic arguis. *Quotidiano experimento comperitū est, gravidas plenitudinis morbis vexatas, sanguinis fluore per nares & hæmorrhoidas citra foetus periculū fuisse liberatas.* Per nares sapissimè, & comodissimè, & tutissimè; nam venæ superiores sunt: per hæmorrhoidas rarissimè. Neque sèper, & ubique, & in omnibus est nobis imitanda natura. Habet ea sapiētissima Hera secretiores recessus, profundiora adyta, & occultiores imperus, quam ut nos assequi valeamus. Eò ruit quandoque in salutē ægri, quò si vi morbi, aut remedi trahatur, certa laboranti impendat nex: nos tunc solum ipsam ducemus, quum aliquopiā eam vergere videbimus. Atqui in vestris allegatis casibus non vergit deorsum natura, immò si vergeret, ipsam retraheremus. Quorsum igitur infernæ secandæ venæ? Porro de hæmorrhoidibus hoc accipe. Cum eæ duplices sint, externæ, & internæ; per hæc expurgari gravidas tutò etiam posse existimo, eo quod a ramo melenterico, atque adedò à vena portæ suam ducant originem, cum qua vterus nullam habet communionem, vtpote qui à venæ cauæ surculis nutriatur: non tutò autem secatur vena tali, quia ex caua educis sanguinem, ad quæ ipsum vterum euacuas.

Nonò ita concludis. *Si ergo gravis acutissimo morbo laboret, & sit in ultimis mensibus, nullum aliud potest salubrius excogitari auxilium tali sectione.* Ex quibus præmissis hanc eliceis consequentiam: ex anteposito auctorum agmine? enimverò nullus ex congesta illic à te Scriptorum ceterua, tali in gravidis sectionem somniat, nedum in actum deducit. Vide ergo bellam sequelam: Omnes præfati auctores quandoque in gravidis sectionem venæ comprobant: ergo nihil in gravidis salubrius, quàm sectio tali. Sanè omnes illi prolati Neoterici nihil tibi fauent. Quis enim in praxi medica vel mediocriter versatus, in prægnantibus interdum vtiliter sanguinem mitti reclamet? sectio venæ in vtero gerentibus iam inde à temporibus Celsi desuit reformidari; at venæ, per Deum immortalem, superioris; nisi ipso præsentē, aut instante partus legitimo tempore, ut ante notavi.

Decimò ex Hipp. auctoritate sic insurgis. *In primis mensibus gravis mēstruas habet purgationes citra abortum discrimen, docente sic Hipp.* Tantum abest, ut hoc nos doceat Hipp. ut potius contrarium ex ipso eliciatur. Inquit enim *l. 5. Aph. text. 60. Si mēstrua purgationes prægnāti eant, impossibile est foetum esse sanum.* Iam verò ad debilem foetum quid magis consecrarium, quàm abortus? ut optimè indicavit Aphorismorum optimus commentator Hollerius in com. Id ipsum auic, inculcat, *l. 3. 3. tract. 2. c. 10. Quando mēstrua, inquit, fluunt, timetur in eis quod abortum faciant.* Nolo hīc innumeros alios idem reperentes conuocare, ne chartam auctoribus citandis infarcire videar. Solenander, quem adducis, duas solum aduertit, earumque exempla inter rarissimarum suarum observationum numerum recellit. Indène effatū vniuersale eruemus? rara artis limitibus non circumscribuntur.

Vndecimò sic colligis. *Si Hipp. 4. l. aph. 1. turgente materia cathartica gravidis propinata iubet, cur nos nō imperabimus vena sectionē ex talo, cum sanguinis missio tutius auxilium sit purgatione ipsa, ac naturam minus precipitet?* Quo tempore id iubeat Hipp. cum reticeas, patefaciam ego. *Quadrimestres* (inquit) *purgabis ad septimum usque mēsem à minore, aut grandiore foetu abstinēbis.* Vbi omnes cōmentatores: In prioribus, & posterioribus mētribus purgare religio sit. Quid igitur hic pro te Hipp. Si in ultimis mētribus abstinendum à pharmacis, utique potiori iure cauendum à sectione tali. Equidem ita sentio, cæterorum omnium paritate seruata, multo promptius sectionem tali abortum ciere, quàm propinatum catharticum: hoc enim cum prauos educat humores, foetus suo non defraudat genio. Neque citatus à te Vallesius aduersatur mihi; ipse enim cum medicamento comparat venæ sectionem in brachio, quàm securius esse auxilium medicinali exhibitione, planè assentior. Quid hoc ad nostram rem?

Magis demiror, quod Marthæum Gradium in tuam sententiā coneris detorquere, quū verbis conceptis phlebotomiam in gravidis se non laudare asserat, eò quod sit pronocatiua abortus, nisi, inquit, *in tempore proximo partui.* Quod tempus tu ad latitudinem trium mēsum extendis, præter, & contra auctoris mentem, qui cum suo Hipp. instantem mox partum intelligit; tunc enim eiusmodi iuuabit sectio, quippe quæ & curabit affectum, & tempestiuè educet foetum. Eodem modo audiendus alter auctor Magninus, mihīne de nomine quidem antehac notus.

De Rondeletio quod ais, ipsum applicare in gravidis cucurbitulas in inguinibus, *cap. de epilepsia gravidarum,* quanquam ipsas infirmius remedium esse reat, quàm ut abortum causent, maximè in robustioribus: attamen mihi locum allegatum attentius perpendenti, hoc tandem visum est. Vltimum illud pessarium, & cucurbitulas præscriptas pertinere ad caput præcedens, quod inscribitur, curatio epilepsiæ ab affectibus vteri, quod me moueat, est hoc, quia in huius capitis sine iubet semen corruptum, & secundinas eiici, nec tamen ad hoc præscribit remedium; atqui ad id ipsum præstandum efficax est, quod in sequenti (quod tū citas) legitur capite, pessarium, in illo sanè modo gravidis adhibendum, vtpote certissimè & occidens, & deturbans foetum. Præterea in priori capite non meminit cucurbitularum, quibus tamen in casu sibi proposito nihil salubrius. Cæterum hic error facile admitti potuit, quum ipsius opera frustillatim à discipulis conscripta, edita sint. Itaque Rondeletius nequidquam pro te.

Duodecimò sic argumemētaris. *Nonne in vtero gerentibus bubone pestifero in inguine correptis, è talo mittendus est sanguis?* Cordato, ac religioso Medico nefas est illud agere, ob quod magni mali magnum timetur periculum. Itaque non dubito, quin quilibet Hippoc. doctrina nutritus tali sectionem in eo casu abhorrebit, & solis validioribus epispasticis auxiliis rem aggredietur. Ad vapores pestiferos euocandos tot ad manum sunt antidota. Nolim itaque prægnantem tanto exponi periculo, cum quo fortè solum curari possit, quandoquidem sine illo non minus fortè restitueretur.

Decimotertiò sic dissertas. *Nonne iisdem bubone Gallico in inguine afflictis, è saphana mittendus est sanguis?* Dicam quod à Professoribus meis, maximis Italiæ practicis luxi, in qua regione cum plurimi sint eo tabo sordidi, maximam quoque habent eius amolendi exercitationem. Statuunt illi in bubone Gallico, quoad totius procurationem, neque venam secandam, neque purgans adhibendum, neque diætā ordinandam, sed sinendos esse patientes vti consuetō victu. Id Aquapendens retulit in commentariis suis *lib. 1. de tumorib. præter nat. cap. 24.* Igitur si in iis à venæ sectione abstinendum, in quibus tutissimè secari aliàs posset, quanto ampliùs in gravidis ab opere isto superledēbimus?

Itaque nulla tua ratio tam efficax, nullum tam adigens argumentum, nulla tam firma, inducensque auctoritas quæ

quæ nos ad periculofam adeo vigerent operationem, A nedum impellerent. Porro vnus testat prægnantis affectus, in quo an talus diuidi debeat, multi, & iure metitæ dubitabunt, qui quoniam à te adductus non fuit, efferam illum ego, quò nihil in hac disquisitione sit prætermiffum. Oborta fit phlegmone in vtero grauidæ. Quid tunc? an ad saphænam confugiendum? Galenus profectò pluribus locis nos docet, affecto vtero semper inferiores partes secandas esse. Nihilominus si hunc casum sibi præfixisset, non dubiro, quin Hippocraticæ doctrinæ fidus expositor inferiores deseruisset, quòd Paulus lib. 3. cap. 64. & Aërius lib. 16. cap. 83. in hoc casu in non grauida iubent, sed in grauida, non est cur eam attemptemus.

Hæcerant versatissime Zacute, quæ in tuam sententiam mihi dicenda occurrebant, in quibus si quid vrbaniusculè lufum est, da hoc æstui, & Enthusiasmo literario. Testor nobis communem Apollinem, non clarissimum tuum nomen mea crassiuscula Minerua obscurandi studio hæc sum commentatus, sed solo scientiæ amore impulsus, quo omnes docti pruriunt, vt non fucata veritatis agnoscat integritas. Vale.

Clarissimo D. Doctori Fortunato Plempio,  
Louaniensis medica Scholæ Professore  
eminentissimo, Zacutus Lusitanus,  
Medicus. S. P. D.

E Pistolam tuam, scientissime Plempi, summa referram C eruditione potius deuorauit, quàm legi. Ea nescio plûsne mihi voluptatis, an doloris attulerit: nam & gauisus mirificè sum res eas, quibus hominum salus, vitæque continetur à te esse agitatæ, quem quidem ego semper ingenij, disciplinarumque merito plurimi fecerim, & maximè postquam à te in lucem est emissus liber de Ophthalmographia, in quo ingenuè, doctè, acutè, & vt grauem Medicum, & philosophum decet, de oculi fabrica, etsi contra receptissimam Peripateticam doctrinam disceptasti. Indolui rursus, quòd meam sententiam circa sectionem tali in grauidis, non fueris amplexus: etsi enim ego in hoc argumento primus laboriosè insudarim, tamè erudiuit me diuturnum experimentum per tot annorum curricula, in quibus in amplissimis Euræpæ ciuitatibus actuosam medicinam exercens, plurimas (testis mihi est Deus, quòd non mentior) truculentis dictis affectibus ab vtero ortis miserrimè concussas, facta, immò repetita in vltimis mensibus saphæne sectione, ab orci faucibus liberaui.

At modò parum abfuit, quin tuis validis argumentis quasi prostratus manus dederim, iisque ac pedibus in tuâ venerim sententiam, palinodiam recantans, ac meam firmatam sententiam, fido, prosperoque euentu stabilitam deferens, nisi me deterreret veneranda Magistri antiquitas, & ad hæc vsque sæcula quasi per manus tradita sententia, in lib. 6. epid. sect. 2. com. 25. monentis, vt non temerè; nec Hipp. dictis fidem adhibeamus, sed prius verumne sit, an salum obseruemus: nam quise vnus auctoris doctrinæ veluti seruos, aut libertinos addixerunt, simulatque ab eo scriptum aliquod inuenerunt, inconsideratè, ac temerè credunt. Nam incredibile est quod probatione careat, ex Galen. lib. 1. epid. sect. 1. com. 19. & maiorem fidem accipiunt quæ comprobantur, ex Galen. lib. 1. epid. sect. 1. in præfatione. Tuas ergo argutulas rationes, licet altè mente perpendam, eas non conuincere mihi persuadeo; quo pacto illis, eo ordine quo proposuisti, sigillarim satisfaciam.

In prima ergo obiectione supponis, me in suffocante apoplexia, acutissima epilepsia ab vtero ortis, immò truculentissima vteri suffocatione, sanguinem è talo emittentem, semper massæ sanguineæ in corpore muliebri (sic enim loqueris plethoram supponere, quum contrarium expressesem semper, dixerimque nihil ob stare, quominus aura quædam venenosa, ab vtero ex sanguine menstruo eleuata, cerebroque infensa, hos affectus committere.

A possit, ( nullo de apparatu morbofo, in genere venoso, facta commemoratione ) quam per superiorum venarum sectionem tolli non posse, quum malum ab vtero scaturiat, foueatur, & incessanter vexet, dubitat nemo. Quum enim plenitudo particularis vterum infestet, à quo tanquam à prima radice epilepsia emanat, quis vel in medicinæ principiis leuiter initiatus, sanguinem secta gibberivena, nulla adstante vniuersali plenitudine sursum reuellet, & auocabit? Si enim hoc auxilium celebretur in cubito, attracto ad superas partes sanguine, maloque duplicato, & accessionibus crebrioribus, & sæuioribus instantibus, aut ex epilepsia fiet apoplexia, aut ex hac, mors subita eueniet, prout sæpe mihi repugnantibus Medicis contingere notauit. Contra plures vixere, quibus tempestiuè, & intrepidè secta est vena poplitis interna, hæmorrhoides hirudinibus apertæ, & non ita liberalibus viribus existentibus, crurum scarificationes celebratæ.

B Posse autem inferioribus venis sectis particularem vteri plenitudinem exhauriri, fatentur omnes: nam vteri venas grandissimas habent, ex Gal. 6. epid. sect. 1. com. 2. immò vniuersalem deponi probat Galenus lib. de curand. rat. per sang. mis. cap. 18. §. Plenitudines omnes ex suppressis mensibus ortas omnino per crura vacuabis, &c. Ab hirudinibus hæmorrhoidalibus venis ad motis idem beneficium præstari posse, constanter monet Auic. 4. 1. cap. 21. §. Extractio sanguinis quæ fit cum sanguisugis, profundior est extractione quæ fit cū ventosis. Quòd autem crurum scarificatio, si vires sint debiles, plenitudinem minuat, constat ex Gal. 2. aph. 17. §. At verò quæ fit per tibiæ scarificationem, proxima est vena sectioni, &c. Et lib. 2. ad Glauc. cap. 7. quo profundas scarificationes, aut saltem mediocres plenitudinem leuare inculcar.

Quamuis autem, vt ingenuè instas, qualibet vena secta totum corpus exhauriatur, ex Gal. 2. acut. com. 11. tamen cum ingens plethora foeminam diuexat, citius, tutius, & securius hæc, superioribus dissectis venis tollitur, quàm inferioribus, ex quarum sectione imminet abortus. Hoc verum est, si eam in toto adesse supponeremus: & licet ita esset, præstaret ad originem fluxionis reuellere, quàm sprete ex inferna parte phlebotomia, in sæuiores damna ægram deduci. Oportet ergo ab vtero reuellere, & vacuare, qui horum malorum fons est, & scaturigo.

Neque timeas abortum: nam præterquam quòd detracta copia foetus reuiuiscit, ex exhausto humore, quo non indiget, alacrior fit, & vegetior, & etiam si contingat abortus, satius est foetum, quàm hunc, & matrem vnà certò perire. Neque enim Dictator summus grauidam quauis vena secta abortire pronunciat certissimè, sed cautos nos reddit, ne intempestiuè, & solùm maxima urgente necessitate sanguinem emittamus: nam alioqui mendacij esset arguendus senex 5. aph. 30. & 31. grauidis mortem ex acuto morbo, & ex venæ sectione præfagiens, cum sæpissimè ab acuto morbo ipsas citra mortem liberari, & phlebotomiam celebrari cum vtilitate contingat. Est ergo harum propositionum sensus, vt ab vteri gestatione maxima sumatur indicatio, ad prohibendam venæ sectionem, & vt sit in grauidis morbus acutus magna ex parte lethalis: nam veritatis Hippocraticæ E perpetuitatem non notant, sed frequentiam, vt perbellè docuit Hipp. 2. aph. 43. & 6. aph. 58. Ergo grauida non semper vena secta facit abortum, vt Galenus historia hac fati confirmat.

Ad secundam obiectionem. Petrus Salius, tuo, & peritissimorum calculo doctissimus (Æsculapius ipse meus) loco à te citato, in apoplexia post partum, siue lochia rectè procedant, siue non, cubiti venam secar; quod præceptum commendant Fernellius lib. 2. meth. cap. 8. Valleriola 5. obs. 10. Rodericus à Castro lib. 4. de morb. mulier. cap. 16. Mercatus lib. 4. de puerper. affectib. cap. 11. Moxius lib. 1. de morb. mulier. cap. 36. éstne igitur ob hæc confirmanda contra me argumentatio tua? minimè quidem, nam hi de apoplexia facta, confirmata, perpetuò affligente, in qua tota cerebri cauitas obstructa est, sunt intelligendi;



gendi, in qua è talo sanguinem mittere, ob certum ex dis-  
tatione periculum, nefas est, cum è brachij, immò nasi,  
frontisque venulis, & ex aliqua viciniore parte, vt incipi-  
te, occipite, temporibus affixis cucurbitulis, aut hirudini-  
bus, citra moram sanguis sit extrahendus, nulla de vtero  
consideratione facta. Nos autem de periodica apoplexia,  
per intervalla repètente verba facimus, quæ à sanguine ab  
vtero ascendente ad cerebrum periodicè ortum ducit.  
Neque tibi durè, aut impossibile videatur concedere apo-  
plexiam periodicam, quàm hæc vel subito interficiat, vel  
in paralyfim finiatur, nam eam concedit Auic. 1. 3. tract. 5.  
c. 12. §. Verum apoplexia periodica cum acceptione medicina-  
rum calidarum, est festinatio faciès humores tardos velociter  
moueri: periodorū autem apoplexia iam diximus, &c. Hac ra-  
tione Gal. lib. de curand. rat. per sang. mis. c. 7. Sanguinis mis-  
sione præferuat eos, qui promptè in apoplexiam incurrūt,  
Et lib. 6. Aph. com. 47. Apoplexiam facit diuturnā affectio-  
nem. Lege Auic. interpretes loc. cit. Gentilè scilicet, & Ia-  
cobum de partibus, qui hunc locum eleganter explanant.

Ad tertiam. Nulli est non manifestum, immò in dictis  
te esse implicitum quispiam fatebitur, dum in toto corpo-  
re sanguinis copiam facis epilepsiæ occasionem, si ab vte-  
ro contingere supponimus, & in genere venoso in nostra  
hypothesi abundantiam sanguinis non reperiri, ex mea  
serie dilucidè patet. Ex tota auctorum strue apoplexiam  
sanguineam asserentium, de quorum numero sunt Salius  
cit. loc. lacchinus 9. ad Almanf. 9. Mercat. 1. de morb. interna.  
13. Carrelius disp. 8. ad libros de locis affectis, cap. 3. Fernel.  
lib. 2. de abd. 13. & alij, nullum vterinæ apoplexiæ memi-  
nisse pro certo supponis. Vide quid dicas; nam contra te  
habeo argumentum firmum, quod est huiusmodi. Apo-  
plexia sideratio dicitur ab Aëtio, retrab. 2. serm. 2. cap. 29.  
ob multas causas, sed ex menstruis retentis, & ab vtero  
sideratio gignitur, eodem auctore retrab. 4. serm. 2. cap. 52.  
ergo apoplexia ab vtero oriri potest. Rursus. Si à flatibus,  
nebulosque spiritu concitatur, qui motu errabundo in  
cerebrum sublatus, venas, & arterias carotidas, plexumque  
retiformem intercipit, teste Douyneto lib. 3. Apolog. cap. 1.  
& sic ex carbonum fumo originem ducit, vt non minùs  
elegantè, quàm doctè ex iuniorū decretis scribit Marcel-  
lus Donatus lib. 2. de hist. mirabili, c. 6. cur à sanguine me-  
lancholico in vtero impactò, & in cerebrum elato non  
gignetur? Quare si nō ita clarè de apoplexia hysterica me-  
minerunt auctores, in causa fuit, quoniam ea quæ nota  
sunt, & omnibus patent, prætermittenda, vt probat Gale-  
nus lib. 2. de dif. respirat. cap. 7. & lib. 6. epid. sect. 2. com. 40.  
& 4. acut. com. 72. Frequens autem est ex retentis men-  
struis, sicut alios plurimos cerebri lethales affectus, vt  
Epilepsiam (de cuius causis, & curatione præter Gynæ-  
ciorum auctores, solidè egit, & doctè Didacus Moranus  
Medicus peritissimus in Apologia 3. de epilepsia hysterica)  
sic apoplexiam oriri, vt latè confirmat Galenus lib. de vena  
sect. aduersus Erasistratum, c. 5. & eam aliquando infesta-  
te vtero gerentes proprio exempla notauit interpretes Hol-  
lerij ad cap. 6. lib. 2. de morbis internis. Quando ergo hæc  
euenierit, secta vena in malleolo, recurrendo ad originem,  
nempe vterum, erit persananda; quia à sanguine in vtero  
retento, & ad cerebrum, cum quo maximè consentit, ele-  
uato, originem ducit.

Ad quartam. Grauidas acutissimis licet morbis im-  
plicitas, parcè & moderatè per sectionem venæ esse va-  
cuandas docuere omnes, qui facundissimam illam, ger-  
manamque medendi methodum, ex limpidissimis Galle-  
ni fontibus exhaustam combibere solent. Quæris cau-  
sam à hanc tibi protulit Celsus lib. 2. cap. 40. §. Mulieri  
quoque prægnanti post curationem viribus opus est, non tan-  
tū ad se, sed etiam ad partum sustinendum, &c. maximè  
cū vtero gerens habeat auxilium internum, nempe fœ-  
tum, qui absumendo sanguinem, etiam euacuat. Quare  
rectissimè Galenus notauit lib. de ven. sect. aduersus Erasist.  
cap. 5. fœturam esse speciem euacuationis. Si ergo epilepsia  
grauidam corripiat, intentio Medici non est, humorem  
ex cerebro reuellere, & euacuare, sed ab vtero, à quo  
elevator aura, quæ lancinans, & feriens nervos, cere-  
brumque concutiens, epilepsiam concitat, quam sym-

A pathicam Medici vocare consueverunt, in qua cerebrum  
non laborat per primariam affectionem, sed per consen-  
sum. In hoc ergo difficili Euripo si versetur Medicus, fru-  
stra ad cubiti venas recurrerit, quum iis sectis nulla sequa-  
tur utilitas, immò ex superioribus partibus celebrata phle-  
botomia citra morbi leuamen vires deiciat. Ergo nihil re-  
fert, si è cerebro nec guttulam sanguinis exhauriamus,  
cū pars mandans vterus sit, à quo reter hic vapor ele-  
uatur, epilepsiam paraturus.

Ad quintam. In vltimis tribus mensibus, in quibus  
debet è talo exerceri phlebotomia, fieri partus ferè vita-  
les, res est apud omnes Medicos confirmata, nam partus  
est perfecti fœtus in vtero editio, siue vitalis exeat, siue  
non, aded vt quocunque mense, die, ac hora, exeat  
B fœtus perfectus, ea editio verè & propriè partus dici  
possit. Sed cū ad eam perfectionem non solūm re-  
quiratur partium dearticulatio, (hoc enim modo qua-  
drimestris editio, partus vocaretur) sed etiam earun-  
dem robur, & corpulentia, quàm cū ante septimum  
mensem fœtus exclusionem, partum appellare licet;  
quæ omnia nō tædiosus essem, ex senis scripto lib. de na-  
tur. pueri comprobare possem. Vides, vt omnis infan-  
tis emissio in his tribus postremis mensibus sit natura-  
lis; quoniam est facta in tempore à natura determinato,  
& sic omnis in hoc tempore fœtus exclusio, partus, &  
non abortus, aut effluxus dici debet: nam septimestres  
partus vitales sunt, vt inter omnes probat Laurentius  
lib. de re anatomic. quest. 19. Et prius prædixit Hippocr.  
C lib. de septimestri partu. Oportet ergo minuere è talo, vt  
fœtus vegetior fiat: neque timeas humoris præcipi-  
tium, quum in nostra hypothesi in toto non adsit ple-  
nitude.

Ad sextam. Si classicorum experimento standum est,  
vt certè fieri debet, quia iudicium Medici docti magni-  
faciendum est, quum sit dignum consideratione, ex Gal.  
1. epid. sect. 3. com. 1. explicat Vallesius in com. Ipse Othæi,  
viri doctissimi sententiam sicco pede pertransis, vel in-  
explicatam relinquis, qui expresse in grauidis venæ se-  
ctionem ex talo administrat. Et si huic, nec mihi fidem  
adhibes, qui sæpe cum utilitate maxima in his diris mor-  
bis grauidarum, è talo venam secuiimus, lege Schen-  
kium lib. 1. obseruat. tit. de epilepsia grauidarum, quo loco  
in hanc rem mirabiles historias ex peritissimis auctoribus  
inuenies decerptas, quibus lectis animus tuus huius se-  
ctionis timore perculsus conquiescet. Si verò Othæus  
cautè, & maturè in hac parte phlebotomiam celebrare  
iubet, ea est causa, qua in postremis mensibus vires sunt  
debiles, & fœtus senior maiori indiget alimento; quare  
summa cum præmeditatione, & urgente necessitate san-  
guis debet emitti.

Ad septimam. Ab his quæ sæpe sine damno fiunt, su-  
mi aliquando auxilij indicationem, res est apud proce-  
res medicinæ certissima, reddítque Medicos in celebra-  
dis auxiliis audaciores: quum enim plurimæ sint, in qui-  
bus, vt celarent vteri generationem, hoc præsidium sæpius  
ex talo repetitum, abortum non concitauerit, & aliæ non  
fecerint abortum, in quibus ex naribus, & vel ex ipso vte-  
ro larga sequuta est hæmorrhagia, quia fœtus non tantam  
sanguinis copiam conterere potuit, sit vt alacriori animo,  
imitandi naturam, ad tali sectionem accedamus. Non ne-  
E go artis opera à naturalibus differre, ob multas causas; at-  
tamen ipsam rectè operantem nos debere imitari, prisci  
vnanimiter docuere.

Ad octauam. Plurimæ emanante copioso sanguine per  
hæmorrhoidas in quinto, sexto, & vltimis mensibus, à  
sæuis euasere morbis. Ergo cū hi recurrerint; impositis  
super internas hæmorrhoidas hirudinibus, ipsas ab illis  
vendicabimus: non (vt asseris,) quoniam extrahitur il-  
larum ope sanguis, per ramum mesentericum, & venam  
portæ, quia hæ venæ à venâ caua originem ducunt, vt latè  
probat Altomarius lib. 1. de curand. human. corp. affectibus.  
cap. 76. Et licet rami mesenterici distributio internas pa-  
riat hæmorrhoidas, cū ille in descendens venæ cauæ ra-  
mum, qui vterum etiam perreptat, infinitos propemodum  
furculos



furculos ex se promat, sit vt ab vtero, cum quo habet ramus melentericus communionem, etiam euacuet, vt notauit Andreas Laurentius lib. 7. de re anatomic. quest. 11. Quare robusta copioso fluxu per hæmorrhoides, vel etiam in vltimis mensibus, à periculosis morbis liberantur.

Ad nonam. Affers exemplum de sectione cubiti in grauidis celebranda, de qua nullus hæsitauit vnquam, & de ea non est dubitatio nostra. Negas auctores ex talo celebrasse citauit Orhæum, & Schenkium, qui ex sua, & aliorum mente id confirmant.

Ad decimam. In primis mensibus grauidæ menstruas habent purgationes citra abortus periculum, firmæ, & robustæ: nam si debilibus purgationes eant, impossibile est factum esse sanum: sunt enim plurimæ ita succulentæ, & gignendi sanguinis feraces, vt à primis mensibus ad vltimos, sanguinis excretionem per vterum patiantur citra damnum vllum; alioqui timor est ne suffocetur foetus: in iis, si vrgentibus dictis morbis, & aliis quibus venæ turgent cocto sanguine plenæ, sanguinem ex talo non emit-tas, symptomatum sæuiriæ pressæ occumbunt. Solenander id confirmat, duâque solùm aduertit, & licet inter raras obseruationes connumeret, id verum est: nam rarò accidit etiam vt gignantur hi morbi rruculenti, pro quorum medela venæ sectio è talo administrari debeat.

Ad vndecimam. Hip. turgente materia, à quarto mense vsque ad septimum, purgationem concessisse norunt omnes; sed hic auctor de cura ordinaria, & humore turgente intelligendus est, nec tenuit in Aphorismo, vt in extremis morbis, in vltimis mensibus purgationem necessitate cogente concedamus. Quare si omnes auctores in morbi præsentis angustia, in vltimis mensibus purgationem consulunt, cur ex talo phlebotomia interdicetur, quæ minùs perturbat, & exagitat?

Ad iuniores accedamus, quorum voto stare promittis, & licet eorum mentem in tuam opinionem ad libitum detorqueas, non tamen effugies. Quare si per tempus proximum partui, iam instantem intelligis, tunc contra. Si in tempore viciniore partui, in quo foetus maiori & copiosiori indiget alimento, sanguis è talo, ex Matthæi de Gradi sententia, (quam tu in hoc sensu approbas) est emittendus, cur in cæteris, ex hac parte celebrata phlebotomia impediatur, cum foetus minor sit, & non ita copioso indigeat alimento? Si insuper relucteris, hunc auctorem ad prouocandum difficilem partum è talo vacuasse, non rectè soluis: nam ille loquitur de vteri pruritu, & sic ad euacuandam causam coniunctam è saphæna minuit. Magni-num files: qui auctor floruit Conciliatoris tempore, qui lib. 2. de regimine prægnantiũ, sic habet: *Amplius euitare debet phlebotomiam, specialiter de saphæna, nisi in casu magna necessitatis.* &c. hoc est, quando vehemens morbus ab vtero ortus, ad celebrandum hoc auxilium nos compulerit.

Insuper non bene te extricas ab argumento strenuo Rondeletij, imponentis cucurbitulas in inguinibus, cap. de epilepsia grauidarum. Licet enim infirmius sit remedium phlebotomia ipsa; tamen auctor conatur solùm ad originem fluxionis, nempe vterum reuellere, audaces nos faciens, vt non solùm hoc, sed aliis potentioribus vtamur auxiliis in partibus inferis & vel phlebotomia ipsa, quando malum non succumbat. Neque cucurbitulæ pertinent ad caput præcedens, in quo agit auctor de Epilepsia ab affectibus vteri.

Ad duodecimam. Licet cordato, & religioso Medico, ad euocandum venenũ ad partes infernas, ad quas natura detrudere conatur, sanguinem è talo emittere, quando bubo pestifer & lethalis in inguine est: ita sentiunt illi, quos citauit, qui in curanda pestilentia primas tenent. Quamuis autem ad vapores pestiferos euocandos plura sint auxilia, sunt minùs efficacia minutione ipsa, quando vapor venenatus à copioso sanguine in vasis maximis contento eleuatur, & cor premens, ipsum prostermit, spiritalisque resoluit, & extinguit. Ergo in peste cum caractere venenis sanguis est emittendus, quando à plenitudine, & putredine, & non solùm à maligna, & venenata qualitate ortum ducit, vt norat Manardus lib. 5. epist. 3. eductus ab

Lib. III.

A. Auenzoare lib. 3. Thezir, tract. 3. c. 1. & Gal. lib. de scarification. cap. 4. qui sibi ipsi pestilentia affecto, & plenitudine correpto, sanguinem emisit ex crure, cum vtilitate multa, & omnes qui hoc auxilio vsi sunt, eodem morbo tentati, euasere. Vtrum autem apparente bubone pestifero sit secanda vena, & num sanguinis missione excurrat humor ad intimas sedes, disserui lib. 3. de praxi admiranda, obs. 123.

Ad decimam tertiam. In bubone Gallico mittendum esse sanguinẽ certius est, quàm vt probari sit opus. Obstre-pant licet Fallopius, & Aquapendens: nam vt ait Galenus lib. 2. de usu part. c. 3. quando vnus discordat, & plures consentiunt, rationabilius est existimare vnum potius deerrare, quàm omnes alios. Nam è talo venam secant in hoc tumore Fernelius lib. 2. meth. cap. 7. Ludouic. Mercatus 1. indicat. 4. Vallesius lib. 5. epid. in com. sent. 7. Vergesacus lib. 1. Enchirid. c. 50. de bubone venereo. Putasne hoc auxilio humorem ad interiores sedes posse recurrere: absit hoc à mente tua: detracta copia natura potentius excernit ad extrà, & virulentum humorem ad infirmas, minùsque præcipuas detrudit corporis partes.

Quod verò de vteri inflammatione in grauidis affers exemplum, extra nostrum institutum est: nam hic morbus ab vtero non emanat, sed ex sanguine à toto in vterum confluente, & inflammante scaturit. Quare si eueniat in vtero gerente, basilica tundenda: nam hanc inflammationem comitantur febris ardentissima, ex humore feruido in vasis ebulliente pronata, cui cubiti vena secta mixtificè succurrit. Si verò vtero affecto venam tali tundendam alibi docet Gal. id facit, prout maior, vel minor est in toto corpore, vel vtero plenitudo. Explicant perdoctè Mercurialis lib. 4. de morb. mulier. cap. 18. Mercatus, Altimar. Hollerius, Heurnius prop. cap. de vteri inflammatione.

Hæc sunt (vir eruditissime) quæ pro veritatis tutela habui dicenda, quæ si tibi placuerint, gaudebo nimis: sin minùs, tu venis accusandus qui petisti, non ego qui tibi scientissimo obtemperaui, ardentibus tui ingenij radiis hæc minurula opponens. Expecto tamen quid ad hæc nostra qualiacunque respondeas: nam si omni seposito affectu, non tanquàm tui patronus, sed potius meæ sententiæ iudex, hanc pensites, eam faciliè approbaturum spero.

## EPISTOLA

Nicolai Fontani Medici, Ioannis Filij, Zacuto Lusitano Medico incomparabili,

D S Cripta tua, Zacute Clarissime, quibus Medicorum Signorantiam redarguis, docetque iuniores, quanta in caligine versentur, quòd in sæuissimis affectibus ab vtero ortis, in grauidis è talo sanguinem non fundant attenta mentis acie dum contemplor, ingenium tuum demiror, vt qui in re noua tantos conuocaueris patronos, quorum votum amplectendum est, maxime cum hæc methodus à te, diutino (vt ais) experimento sit firmata, qui alex Galenicæ es Dux, & Primipilus, ob quas arduas quæstiones spero, vt tibi immortalem gloriam parias, & omnibus verè hæcenus mortalibus ægris, vitam, salutemque conciles. Sed sicut tua opera mihi ar-risere semper, in hac quæstione, vt liberè agam, & amice, longè à te dissentio, nec enim verebor contrariæ sententiæ patrociniũ suscipere audacter, quando aduersus te, hoc est eminentissimum Medicum, cui nihil veritate ipsa debeat esse antiquius, dissero. Quare sic primò insurgo.

Si in vtero gerentibus, apoplexia grauissima, epilepsia sæua, truci lenta vteri strangulatione correptis, phlebotomia est celebranda, debet esse ex parte magis tuta, & ex vena, qua secta vires minùs exhauriuntur. Sed phlebotomia ex brachio habet has commoditates. Ergo cubiti vena ferienda semper. Maior est Galeni 2. acut. com. 11. Minorem probat Auic. 4. 1. cap. 20. §. Et scias quòd vena sectio tali plus debilitat quàm basilica, &c.

Secundò. Ex illa parte debet fieri sanguinis missio, ex qua non potest rimeri abortus. Sed ex saphæna sectione sequitur periculum abortus. Ergo. Maior patet ex Hip. 6.

T t

aph. 31.

*aph. 31.* minor probatur, quia sectio ex parte inferiori celebrata, concurrente affatim sanguine ad infernas sedes, & vterum subito occupante, hic foetus suffocat; accedit balneum, frictio, vinculum, quorum ope venæ sectio celebratur, quæ foetus præcipitant, & naturam irritant ad excernendum naturæ suapte.

Tertio. Ex illa parte debet fieri sanguinis missio, ex qua vacuatur causa morbi, sed in vasis maximis maior copia sanguinis adest in vterum conflutura, quam addit in ipso vtero. Ergo non à talo, sed à cubito longius est detrahendus.

Quarto. Ex ea parte mittendus est sanguis in affectibus his ubi communiter vena secari solet. Sed in cubito Hip. feriendam esse venam imperat. Ergo. Pater hoc ex Hip. 4. acut. 23. quod si quis repente obmutescat, id venarum occlusiones, interceptionesque faciat, si sano absque occasione, vel forti alia de causa id contingat: venam igitur brachij dexteri secare oportet, &c. Nam ut Gal. firmat in com. hac velocissimè, & plurimum ex iis quæ principes sunt partibus, corpus evacuat, atque ob id in acutissimis morbis ad eam se cõfert, &c.

*Clarissimo Domino Doctori, Nicolao Fontano.*

*Suus Zacutus Lusitanus.*

**V**ix dici potest (Vir amicissime, & doctissime) si quicquam mihi magis in mēte est, quam eruditorum virorum utilis disceptatio; nam homo sum, & fallere & falli possum. Ut verò hæc à corde meo auertantur, ad discendum in vita à peritis viris operam colloco in quorum catalogo te iamdiu reposui, maximè cum Gal. monumenta nocturna verses manu, versèque diurna, sisque summa eruditione exornatus. Ego sanè, etsi nihil me esse sciã, tuæ tamen orationis persuasione, ac lepore ductus, aliquod iam nomen, ac decus possidere censeo. Immo à mea sententia ipse planè discedere vellem, quando te in ea cerno mihi aduersum, qui semper fuisti erga me maximè pronus, hoc est mei honoris, ac studiorum acerrimus defensor. Sed quia veritatem ipsam in obscuro iacere non patris, iccirco ut ea elucescat, argumenta tua in veritatis gratiam, & mei nominis tutelam, ita soluenda puto.

Dic ad primum. Saphænæ sectionem esse tutissimam, quum vires valent, minúsque corpus debilitare, quam si superior vena secetur; nam ex hac spirituosus, ac magis defæctus sanguis exhauritur, ac spirituum copia refertus; ex talo, crassius, & panè turbidus. Si verò Auic. asserit, tali sectionem plus debilitare, de partibus infernis explanandus est; quia hæc cum exangues sint, & remoræ à fonte caloris, penuriam sanguinis magis persentiscunt. Ad secundum. Tantum abest, ut ex saphænæ sectione sequatur periculum abortus, ut potius deonerata natura, & vacuata particulari vteri plenitudine foetus alacrior fiat, dummodo vtero gerens firmas fortietur vires, in quarum præsentia hoc præsidium celebrandum est. Quod si frictionis, balnei, & vinculi ratione, sanguis ad vterum à toto concurrat, deinde venæ sectionis ope vacuatur. Insuper, ut ad tertium accedamus, causa morbi in nostra hypothese, non est sita in vasis maximis, sed in vtero: quare hæc saphænæ sectione commodè eliditur. Neque nego adstante plenitudine in vasis superis communiter secandam esse basilicam, ut Hip. monuit: quando tamen in veteri cavitae sanguis copiosus stabulatur, à quo aura tetra in cerebrum excurrit, epilepsiam, aut vteri strangulationem effectura; aut substantia sua conuolat in cerebrum, unde apoplexia, tunc in talo ferienda vena. Ex quibus ad quartum argumentum solutio patet. Hæc diligentius perpendere, atque examinare velis, enixè rogo, & ea (nō fallor) firma inuenies, & tu in eodem erga me amore firmus persistas, expostulo; cum enim vitæ custos sit amor, si vis amari, ama. Vale, & me tui obseruatorem, amatorem, admiratorem suscipe.

Accedamus ad doctissimum Bruschiū, qui humaniter similibus argumentis me adortus est, adiiciens vnum fortissimum telum. Miror (inquit) acutissime Zacute, quod cum iunior sis, licet nimis emunctæ naris vir, ita contra præscos hanc de venæ sectione tali sententiam in vtero gerentibus celebranda, tueris ac defendas, quum illi ne

verbum quidem de hoc auxilio tam periculoso protulerint. Quare recedis ab omni antiquitate, quum ad eam propius deberes accedere? quippe veterum Medicorum, & Principum nostræ artis sententias, & historias apprime interpretari gloriaris.

Doleo, atque vehementer doleo, vir famigeratissime; quod in ea obdureris hæresi, ut me, aduersus Principes, & Veteranos Duces, quos summopere veneror, & explano, aliqua promulgasse arbitreris: nam cum illi homines essent, & suo tempore adhuc inchoata esset Medicina, plura prætermiserunt, quæ Medicorum solertia postea sunt inuenta. Quid commemorem aromatum Indicorum numerosam copiam, quorum illi nec nomina callebant, vsus, & facultates miras ignorabant. Sileo plurimos, eosque intricatissimos morbos, quorum curationem Classici disertissimè descripserunt. Taceo infinitas propemodum, easque rarissimas, & incognitas variorum morborum obseruationes, quas illi etsi exercitatissimi nec per somnium cognouerunt. Antiquitus nefas erat sanguinem mittere in gravidis, hodie nullus est ex infima sorte Medicus, qui sæpius in omnibus mensibus sanguinem, non effundat, & cathartica, licet materia non turgat, audacter propinet. Dat siquidem meliora dies, & omnia præsidia sedula Medicorum opera sunt inuenta.

Quod verò me, ut iuniorem taxas, valde miror, cum hoc virtuti esset condonandum: nam labor, & ingenium supplet tempus, & ætatem: licet enim sexagenarius sim, respectu illorum, iunior possim, & debeam appellari, qui longo artis vsu consenuerunt, ramen ut Ausonius ait:

*Non quia mille annos vixit Gangericus ales,*

*Vincit centum oculos regia pavo tuos.*

*Cedimus ingenio, quantum præcedimus ævo.*

Explanat luculentissimè Omniscius Tiraquellus in præfatione de iure primogeniorum, fol. 454. n. 210. Sed ne mihi vitio vertatur, quod in hoc argumento tam multus sim, licet habeam excusationem in promptu bonam, quod in eo ieiuna adhuc est lectio auctorum: tamen ad sequentem questionem iam accedo, dummodò me inter eruditionis, & nominis tui admiratores, & æstimatores posthac númeres.

## QVÆSTIO XXIII.

*Utrum vena sectio in gravidis, sit periculosior in ultimis mensibus, quam in primis, & medijs, ut prædixit Hippocrates.*

### COMMENTARIUM.

**P**ropter sanguinis missionem. Siquidem ad vtero gerentium curationem per venæ sectionem celebrandam accessimus, & miscellaneam pro historiarum expositione in his libris doctrinam consecramur, operæpretium me facturum opinatus sum, si flores aliquot comicè ex iuniorum amœnioribus hortulis præcerperimus, quibus candidatorum exhilarentur obtutus, & rerum fragrantia nonnihil afficiatur anima. Igitur Galenus inquit lib. 5. *aph. comm. 31.* ex eo gravidas misso sanguine pari abortum, quoniam subtrahitur alimentum foetui, & ut notat Laconicus paraphrastes Heurnius in *comm.* quia defraudatur foetus pastu suo; quapropter hoc auxilium periculosum est, quod non negamus: sed exercendum cogente necessitate, ut monuit Auic. 4. 1. cap. 20. §. *Pregnans verò non minuatur, nisi propter maximam necessitatem:* nam maior utilitas noxa semper præferenda est, ex Galen. lib. 1. *aph. 24.* maximè cum nihil sit quod tam insigniter prosit, quod aliqua ex parte non noceat, monente Magistro lib. 1. 1. *meth. cap. 11.* Quare si in morbo sæuo, acuto, sua vehementia periculum minante, celebretur, valde conferet, si vires adsint; quoniam *vehementi malo, solum vehemens auxilium succurrit*, ex Celso lib. 2. cap. 11. Si enim via una est, eaque dubia, est (licet cum periculo) tentanda: quoniam *sauius est aliquid cum periculo agere, quam agrum spe adempta certo perire*, ut rectè docebat Galenus lib. 10. *meth. c. 10.*

Quapropter

Quapropter si venæsectio est periculosum auxilium quoniam sanguinem euacuat, cuius ope, & alimonia fœtus nutritur, videtur periculosior in vltimis mensibus, quàm in primis, & mediis: fœtus enim tunc maior est, & ideo copiosiori indiget alimento: & hoc vult significare Hip. cit. loco. Aph. dicens: *magis si fœtus sit grandior.*

Ex altera parte videtur aduerfari Aristoteles lib. 4. de generat. animal. cap. 8. dum sic ait: *Sed cum fœtus magis magisque perficiatur, plus excrementi superest; minus enim absumitur, idque dulcius est, cum non aquè detrahatur, quod bene concoctum sit: non enim insuper ad fœtus informationem consumitur, sed ad incrementum mediocre, quasi iam fœtus constet adeptus finem suum.* Quare si fœtus quò maior est, minus absumit, & plus sanguinis superest, minus tunc in vltimis mensibus lædetur grauida sanguine misso.

Verùm hoc non obstante, standum est doctrinæ Hip. & Galeni, dicendumque maius verri periculum abortus sanguine misso in postremis mensibus, quàm in aliis: & hoc ex ratione Aphorismi, & ratione Galeni in comm. aperte colligitur: nam quò maior est fœtus, copiosiore eget alimento: quòd si eo tempore exhaurias, impensè nocebis, & abortum concitabis. Arist. verò locus licet difficilem habeat explicationem, & plures in eius expositione insudarint, vt notarunt Santorellus lib. 1. antepraxis, cap. 6. Moxius lib. 2. de morb. mulier. cap. 24. in med. ita explanandus est. Dic ergo in primis, & mediis mensibus, fœtum pro corporis mole plus accrescere, & plus sanguinis absumere, quàm in vltimis: verùm cum hoc tempore multò maior sit, & sic minus accrescat, nihilominus ad mediocre illud incrementum, & ad sui nutritionem propter maiorem corporis quantitatem, plus sanguinis absumit in prioribus mensibus; & propter hanc rationem non plus sanguinis superest in postremis mensibus, quàm in antecedentibus. Arist. autem loco citato inquit causam, quare lac in vltimis mensibus crescere incipiat, & reiecit eam in maiorem copiam sanguinis, qui iam tunc incipit confluere ad mamillas: quòd quidem verum est, sed hoc non accidit, quoniam tunc fœtus minus sanguinis absumat, sed quia ex intentione naturæ tunc in maiori quantitate confluit in mammas, vt ibi in lac conuersus, præstet alimentum fœtui in lucem edito: hic autem confluxus adiunatur etiam, quia in vltimis mensibus sanguis ille, qui ad vterum ex partibus superioribus confluebat, in vasis contentus, quæ communia sunt vtero, & mammis, incipit ad has regurgitare, propter compressionem factam à fœtu grandiori, vt docet Galen. lib. 14. de usu part. cap. 8. & sic quamuis in vltimis mensibus minus sanguinis in vtero redundet, nihil mirum si plus illius tunc feratur ad mammas. Lege doctissimum Santorellum lib. 19. anteprax. c. 11. & Iacchinum tract. de curat. morb. acut. rubric. 7.

## QVÆSTIO XXIV.

*Vtrum venæ sectio periculosior sit in mediis mensibus, quàm in primis, vt contra Hippocr.*

*Fernelius voluit.*

Postea verò quàm, non temerè quidem. sed consilio certo huc perducti sumus, vt grauiussumorum Medicorum inter se litigantium sententias perpendamus, nequeo temperare mihi, quin ex ipsorum sacrariis in medium afferam dubium perutile, quòd in curatione grauidarum sæpe ab illis proponi solet: quare perscrutandum, num venæ sectio sit periculosior in mediis mensibus, quàm in primis: dubium sanè sedulò, ac seriò expendendum. Inuictissimus Græcorum Coryphæus repente, & Laconicè dubium explicuit, dicens cit. 5. aph. 3. 1. sanguinis missionem esse periculosiorem in mediis, quàm in primis: quòd absolute colligitur ex vi Aphorismi, ibi (*magis si fœtus sit maior.*)

Hippocratis sententiam confirmat Fernelius lib. 2. de ven. sect. cap. 12. sequitur Amatus Lusitanus lib. 1. cent. 57. subscribit Augenius lib. de sang. mis. c. 3. Rationes Fernelij proponam: Nam fœtus minori indiget alimento, quia

Lib. III.

tenellus est, & sic prioribus mensibus maior copia sanguinis in corpore redundat, quam vtiliter natura excernit vt superfluum, sæpe per nares, os, hæmorrhoides, & non raro per vterum expurgatur: nam cum per priores illos menses genitura exigua indigeat sanguinis copia ad sui nutritionem, redundabit in matre omne ferè illud, quòd per typicas periodos excernendum erat; in reliquis verò mensibus contrà aucto fœtu, qui copiosiore indies eget alimento.

Sed hæc opinio, licet plurimis aliis expositoribus arri-deat, qui Aphorismos Hip. interpretati sunt, & balantum more Fernelium sunt sequuti, mihi haudquaquam placere potest. Quoniam cum membrum oppositum vel illi cum Galeno constituent, sanguinis missionem, & purgationem, videtur quòd sicut Hip. à quarto vsque ad septimum concedit purgationem, vt minus periculosam, sic etiam concedit in hoc tempore sanguinis missionem: maxime cum medium tempus sit illud, in quo fœtus magis resistit, & robustus est: at in primis est tenellus, & flaccidus, & vincula quibus vndequaue alligatur, valde sunt fragilia propter mollitiem: quòd probat Galen. lib. 4. aph. com. 1. posito exemplo in arborum fructibus, qui in prima generatione, & cum iam perfecti sunt, facile decidunt; at verò medio tempore firmitus hærent. Hoc nomine Hip. in grauidis admittit purgationem mediis mensibus, non tamen in primis, & vltimis.

Sed breuiter expedienda est obiectio quædam, qua prædicta doctrina infirmari videtur: cum enim venæsectio sit causa abortus, quia subtrahit alimentum fœtui; purgatio verò ob commotionem factam à medicamentis purgantibus eum concitet, sed non ita breuiter, quia peccantem humorem educit; phlebotomia, sanguinem & spiritum: videtur quòd purgatio melius à natura toleretur in mensibus mediis, quia tunc acerbula firmiora sunt; & sanguinis missio imprimis, quoniam tunc fœtus paucò alimento indiget. Sed hæc redargui facile potest: nam sanguinis missio non solum est causa abortus, subtrahendo alimentum fœtui, sed etiam agitando, & commouendo: nam ex mente Auic. 4. 1. c. 20. *Phlebotomia est conturbans, donec quiescat.* Fœtus autem in primis mensibus adeò tenellus est, vt ex quacunque commotione possit periclitari: quare melius in mediis, quàm in primis venæ sectionem tolerabit. Audi Halyabatem Arabicæ familiæ primarium ducem in lib. 1. pract. cap. 19. & lib. 9. theoric. c. 39. *Si prægnans aliquo tempore sanguinem eget minui, aut cathartico purgari, propter aliquam passionem, nõ oportet hoc accelerare in primordiis, donec sit mensis quatuor, &c.* Vides, vt hic tantus auctor non timeat in primis mensibus sanguinis defectum ex venæ sectione, sed solum commotionem, & agitationem, quæ ex hac vacatione oriri consuevit?

Cæterum cum maior noxa sequatur, ex commotione facta à venæ sectione in primis mensibus, quàm sit ea quæ sequitur ex defectu alimenti, quia in tertio, aut quarto fœtus adhuc paruus est, & paucò eget alimento, & melius tolerat agitationem à venæ sectione inductam, iccirco tutior est phlebotomia in mediis, quàm in primis. Hac ratione increpandi sunt vehementer Medici, qui ad præseruationem abortus sanguinem mittentes, hanc in primo, & secundo mense exercent; quum adhuc fœtus tenellus sit, & facile commoueat, neque tanta in corpore tunc succrescat sanguinis copia. Et hoc maiorem veritatem habet in illis fœminis, quæ à venæ sectione commouentur valde, & leui de causa abortum facere solent, in quibus vsque ad quartum mensem ampliùs commotionem, quàm sanguinis defectum vereri debemus.

Sed quid nos respondebimus Hip. suadenti contrarium in loco dicto ibi: *magis quò fœtus sit maior?* nam ibi agit Hip. de abortu, qui fit à venæ sectione, tantum ob alimenti defectum, non verò ob commotionem ab ea inductam: & sic verum est, ob aliquem defectum, venæ sectionem magis abortum parere, quòd fœtus est maior; licet ob commotionem, magis ab ea contingat in mensibus primis.

Rationes Fernelij, & aliorum sic extrica. Nam prima ficulnea est: licet enim concedamus in prioribus mensibus minori egere fœtum alimento, & per consequens maiorem



maiolem tunc redundare sanguinis molem; tamen non A inde sequitur tunc sanguinem hauriri: quoniam virium robur non adest, cum tunc flaccescat fœtus, minus firmiter hæreat, faciliè à leui causa decidat, & abortiatur. Quare quantum ad hoc auxilium exequendum suadet sanguinis copia maior, tantum dissuadet lenis coalitus, & teneritas fœtus; quæ cum adsint ambo mensibus mediis, idcirco in iis opportuniùs, & minore cum periculo celebranda venæ sectio est.

Neque solum (ut ad secundam rationem accedamus) sub primis mensibus vtiliter natura redundantem sanguinem deponit per nares, & regiones multas; sed sub mediis tunc & securè, ut assiduo experimento certum est. Si verò contrarium accidit, ea est causa, quoniam post priores menses est iam retentioni assueta; aut grandiori existente B fœtu, maiori iam indiget alimento, & in excernendo fit auara. Lege Rodericum à Castro, Medicum percelebrem *part. 2. de morb. mulier. lib. 3. cap. 21.*

## QVÆSTIO XXV.

*Vtrum trimestris fœtus iniuriis, magis resistat, & citius seruetur, ut voluit Galenus.*

Explicuimus quæstiones duas, pro fœtarum morbis curandis viles valde. Altera mox excipit, quæ hanc proximam quæstionem prorsus illustrat. Si enim trimestris fœtus magis iniuriis resistit, & citius seruetur, cur in tertio tutior non erit venæ sectio, quàm in primis? Audi Galenum *lib. 1. epid. sect. 3. comm. 3. Iam illud quoque meminisse par est, fœtum trimestrem præ aliis, iniuriis maximè resistere, ac citius seruari, &c.*

Iuniorum clarissimi accusare Galenum non desistunt, quod tanquam sui immemor, varia & repugnantia de hac re proferat, aut contra Hippocratem (quem tantopere semper colit & reueretur) sese è directo opponat. Ille enim in suis Aphoristicis oraculis, à quarto vsque ad septimum purgationem consuluit, tertium mensem excludens: Galenus verò à tertio vsque ad septimum, vacuationem in fœtis imperandam monet, quia trimestris fœtus validior tunc est, & magis præ robore tunc resistit.

Hac tanta antimoniam perterriti plures, qui Galenicam doctrinam multi faciunt, ipsam hoc modo cum Hippoc. conciliare conati sunt. Ludouicus Mercatus in suis elegantissimis de morbis mulierum libris, in *cap. ult. 3. lib. sic* persoluit, ut Hip. de purgatione, Galen. de sanguinis missione sit intelligendus. Faciliè reicitur: nam Galen. nunquam de venæ sectione in grauidis exercenda quicquam pronunciat, prout ille cum Neotericis confirmat.

Horatius Augenius, vir perdoctus, & elegans, *tom. 2. epist. lib. 12. epistol. 4. mihi fol. 675.* subtiliùs nodum extricare intendit, dum Galenum de fœtu qui septimo mense est futurus, intelligit. Hippocrates verò boni artificis munere, regulam ponit vniuersalem, quum partus in nono mense frequentius contingant. Si verò ex illo quæras, an cōiectura aliqua diiudicare possit qui sit futurus septimestris, an nonimestris, respondet aliam non esse, quàm quæ à formatione fœtus desumitur, quam motus illius manifestè demonstrat. Licet enim hæc solutio eleganti stilo ab illo late proponatur, vera tamen non est, cum nullā, aut certè incertam de formatione fœtus possimus habere coniecturam.

Manardus, neruosiſſimus auctor *lib. 15. epist. 1. iuxta fin.* multis vtrò citroque allatis rationibus probabilibus, quibus tamen eius intellectus minimè acquiescit, & solum (ut ipse inquit) in clamorosis disputationibus defendi possunt, vltimò proponens sententiam suam, sic concludit: aut tertiam mensem in Aphorismis non rectè prætermisſum; aut in *lib. epid. temerè*, tacitis quinto & sexto, laudatum. Sed licet illi videatur arguta responsio, non tamen est vera; nam dum Hippocratem tueri conatur, ipsum, & Galenum apertè reprehendit.

Nicolaus Rorarius, vir in principum Medicorum contradictionibus conciliandis versatissimus, & qui plures, licet non omnes contradictiones in illorum monumentis repertas proposuit, & ingenuè explicuit, in *contradict. 60.*

Galen. loca repugnantia attulit, & sic explicuit: trimestres magis iniuriis resistere, quoniam à nutrimento deficientes, atque interno aliquo corporis vitio minus pariuntur; paruuli enim cum sint, exiguo egent alimento. Sed non rectè explicuit: nam præterquam quod auctores non conciliat, rem non emedullat: quoniam hoc modo trimestris aptior esset ad venæ sectionem perferendam, quàm cæteri, quod est falsum; nam in omnibus vacuationibus iuniores vereri oportet.

Christophorus à Vega in *com. sent. 1. lib. 4. Aph.* postquam plurimas de hac re recensuit Medicorum opiniones, suam sic pandit, dicens: illud trimestre Epidemion, non esse intelligendum ad ferendas commotiones pharmacorum, aut venæ sectionis; quoniam tunc fœtus mollis est, & vincula, quibus vtero alligatur, tenella, sed ad tolerandas iniurias morbi. Acura quidem responsio, sed non firma: nam si fœtus morbi labores faciliùs fert, cur cathartici aut venæ sectionis labores non tolerabit?

Hæc cum meditarer, & pro expositione harum Historiarum, doctorum virorum sententias de hac re perpendere, quando animus meus æstu iuuenilis ætatis impulsus, torus studio literarum conflagrabat, inueni solutionem rectam, & nō fallor, tantis ambagibus conformem: nam pro tertio mense finito & absoluto, intelligendum est quarti principium, quoniam finis vnius mensis est principium alterius, ut rectè notabat Galenus *lib. 4. acut. com. 1. & retulit etiam lib. 1. de temp. cap. 4.* Pater apertè: nam Galenus *cit. de morb. vulgarib. libro*, ad suæ rationis confirmationem, Hippocratis Aphorismum adducens, nec C verbum quidem de tertio mense loquutus est, quod non fecisset nisi sub tertio mense quartum intelligeret. Hanc postquam conscripſissem, vidi appunxisse clarissimum Mercurialem, qui in *com. cit. Histor. epidemic.* sic inquit: *Quod autem ait Galenus in com. grauidas mense tertio multo difficilius pati, quàm aliis mensibus, videtur esse contra ipsum Hip. qui quarto Aph. 1. scripsit, à quarto mense vsque ad septimum posse remediis tractari, ob fortitudinem: ante verò, & post hos menses formidandum, easque verendas. Et certè nisi dicamus, pro tertio mense Galenum intelligere ipsum iam finitum atque absolutum, quomodo tueri ipsum valeamus haud faciliè intueor, &c.* Hoc modo, non citato Mercuriali, à quo solutionem hausit, soluit elegantissimus Moxius, qui *lib. 2. de curand. muliebrib. morb. per venæ sectionem, cap. 22.* de hoc argumento grauitè disceptat: & prius prædixit doctissimus Petrus de Peramato, *lib. de vacuand. rat. cap. 16.*

## QVÆSTIO XXVI.

*Vtrum vena sectio in grauidis nullo præſente morbo solum ad præcautionem abortus sit celebranda, ut monent iuniores. Contra Donatum Antonium ab Altomari, Medicum Galenicum peritissimum.*

VT absoluta, omnique ex parte perfecta sit doctrina hæc, quam pro curatione grauidarum circa sanguinis missionem proposuimus, liceat exactiori calculo hanc quæstionem rimari, qua quæri solet: Vtrum in grauidis nullo morbo præſente, solum ad præseruationem abortus sit secanda vena. Donatus Antonius ab Altomari, vir eruditissimus, & in doctrina Galenica percelebris, *peculiari tractatu de hac re*, multis rationibus contendit probare, in grauidis ad præseruationem abortus phlebotomiam non posse esse ex vsu. Cuius rationes hæ sunt præcipuæ.

Prima. Si venæ sectio pro præseruatione abortus esset vtilis, esset in mensibus primis, in quibus sanguinis copia maior in corpore redundat. Sed quando grauidæ abortum patiuntur in primis mensibus, id contingit quia acerbula sunt plena mucoribus, ob quam causam ipsa disrumpuntur, neque possunt fœtum continere, ex Hipp. *lib. 5. Aph. 45.* at prædicta excrementa non potest vacuare venæ sectio. Ergo nec poterit præseruare ab abortu.

Secunda. Si venæ sectio posset præseruare ab abortu, esset



esse quia abortus posset contingere, vel propter sanguinis redundantiam, vel ob sanguinem vitiosum. Sed primo modo non contingit. Ergo. Nam diuerso modo sanguis fertur ad vterum foemina vtero gerente, & non gerente: nam dum non gerit, sanguis in vterum fertur à reliquis partibus expulsi, vtero ad illius delationem non conferente, vt docet Gal. lib. 5. simpl. 22. Quando verò vtero gerit, foetus sanguinem sensim attrahit, quantum sibi necessarium est, ex Gal. 1. de sympt. caus. c. 7. 6. At primis duobus mensibus, &c. Quare licet vtero gerens plena sit sanguine, non videtur posse periclitari foetum ex plenitudine matris, nec ex vitioso sanguine: nam ex eo non attrahit foetus, nisi dulcissimum, vt docet Hipp. lib. de natur. puer. n. 4. & ex eo retulit Galen. 5. aph. 32. & lib. de atra bile cap. 8. in princip.

Tertia. Omne id quod per se facit abortum, nequit ab eo praeferuare. Sed phlebotomia est huiusmodi. Ergo. Maior est nota, & sensuum ratiocinio facis conspicua: nam auxilium quodpiam non parit morbum, si ab eo praeferuat. Minorem probat Hip. 5. aph. 31.

Quarta. Ex quacunque causa foetus per se destruitur, ab eadem non potest conseruari. Sed ex venae sectione, extracto alimento foetus per se destruitur. Ergo.

Quinta. Si de quo minus videtur inesse, inest, ergo de quo magis. Sed minor noxa videtur inferri ex inedia, & tamen hæc inter causas abortus recensetur à Gal. 5. aph. 34. & 37. Ergo cum maior noxa inferatur ex venae sectione, magis citius, & frequentius ex ipsa sequetur abortus.

Sexta. Si ex alui profluuiio, vacuationis solum ratione foemina in abortum incurrunt, cit. lib. 5. aph. 34. quæ ceterorum humorum à sanguine vacuatio est; quanto magis, & efficacius sequetur ex sanguinis vacuatione, in quo calor noster perleuerantiam obtinet.

Septima. In copia succorum crudorum, inutilis est venae sectio, ex Gal. lib. de curand. rat. per sang. mis. cap. 20. & lib. 9. meth. c. 5. Sed in vtero gerentibus huiusmodi humores redundant semper, ex quorum humorum congerie propullulant Anorexia, & Pica, quæ symptomata cum sequatur inedia, foetus detracto alimento imbellis redditur.

Octaua. Si venae sectio ab abortu grauidas praeferuaret, iuniores vsu dexterrimi literis consignassent, præsertim Græci, in sanguine mittendo audacissimi. Quare cum hoc auxilium silentio inuoluerint, existimandum est, illis pro præseruatione non posse esse ex vsu.

Cæterum experientia, rerum omnium magistra, Medicos edocuit, eas hoc celebrato auxilio ab abortu præferuari ad quod tentandum videtur ex eo inducti, quia aliquando sanguine misso propter morbum aliquem in primis mensibus, vsque ad foelicem partum fuit seruatus foetus, in aliquibus grauidis, quæ antea iisdem mensibus semper abortum facere consueuerant; quo prospero euentu freti, id præsidium citra morbum præsentem tentare sunt ausi.

Si rationes queris, hæc sunt firmissimæ. Nam Auic. 2. 1. 3. tract. 2. cap. 8. iuxta principium, ingentem plenitudinem vnam esse ex causis abortus euidenter pronuntiat. Hæc autem nullo auxilio melius, & promptius educitur, quam sanguinis vacuatione, cum alia remedia multò periculosius adhibeantur illis, vt patet de balneo, exercitatione, frictione, inedia, & purgatione, quæ licet totum corpus possint euacuare, ex Gal. 4. aph. 2. tamen non ita celeriter, tutò, atque securè.

Si instes, plenitudinem non esse causam abortus, falsa propones: sicut enim alimenti defectus foetum interimit, ita & redundantia eum suffocare poterit, vel saltem acetabula dirumpere, vnde contingit abortus. Si adhuc insistas, Galenum non admisisse multitudinem sanguinis inter causas abortus, nihil concludis: nam licet diuinus fuerit Galenus, homo tamen fuit, & multa prætermisit, quæ monumentis literarum cæteri postea tradiderunt; & vel Hippocrates plurima omisit, quæ deinde vberiori stilo, & eleganti facundia poliuuit, auxit, locupletauit Galen. Inscitæ ergo hi, aut ignorantia arguendi sunt: minimè: nam artes omnes, atque scientiæ per gradus & additamenta perfectionem sunt adeptæ: neque enim solum foetus multitudine, aut copia sanguinis obruitur, quia attrahit alimen-

tum copiosum, sed quoniam ex eo copioso retento, & in vtero adaucto, vel ad illum expulso, & obruente copia sua, foetus suffocatur; quam sæpe in primis mensibus natura, vt foetum & matrem tueatur incolumem, expurgare tentat per nares, os, hæmorrhoides, & vterum, & multoties per cutem, subortis rubris maculis, & efflorescentiis, & per vniuersum corporis habitum pruritu excitato, qui biliosus sanguis nō ad has partes restagner, & ad vterum confluat, acri vi sua pungit, irritat, & laceffit naturam, vt foetum intempestinè detrudat; nam labefacta reteritrix officio suo non fungitur.

Hunc ergo feruidum & biliosum sanguinem, si exhibitis frigidiferis temperare coneris, & eius feruorem compescere studeas, licet ex arte facias, iuuabis nihil: sunt enim foeminae multæ in gignendo sanguine adeo feraces, natura, ætate, aut viuendi modo, vt nili sanguinem aperto vase per intervalla exhaurias, patiantur abortum. Hanc methodum longo annorum decursu in quæstiosa medicina sæpissimè obseruavi, in iuueniculis, quadratis, succulentis, carnosis, & quibus turgabant venæ calido sanguine plenæ, bene educatis, rubro colore suffusis, assueris sanguinem excernere per nares: has, multoties ob sanguinis nimiam copiam foetum suffocantem fecisse abortum, in primis, & mediis mensibus frequentissimè sum expertus, quæ extracto sanguine foelicissimè sunt præseruatæ. Alias prius misso sanguine, ab abortu præcauit natura expulso per vterum, & nares cruore multo, quem illa phlebotomiæ beneficio leuata, tanquā residuum, & inutile foras eduxit.

Si enim omnes vacuationum differentias rimeris, ex iis damnum potius, quàm noxam enenire vtero gerentibus inuenies. Nec enim balneum vlla ratione illis conuenit: nam laxat, emollitque vincula quibus foetus alligatur, & vterum enervat. Exercitatio utilis non est: quoniam laborantibus partibus inferioribus, & valde commotis, præcipitatur foetus. Frictio licet sit loco exercitij, tamen longo temporis spatio, sicut & inedia sanguinem absument. Purgatio verò non est admodum tuta, & solum in humore turgente ab Hip. conceditur: sed quo intervallo distet à sanguinis missione sequenti capite explicabitur; nam ista tutius est auxilium, & sanguinem copia sua redundantem promptè educit, & sursum trahit; purgantia verò foetum præcipitant, abortumque concitant. Secunda ergo est vena in vtero gerentibus pro præseruatione abortus; siquidem est ratio curationis, & præcautionis, Galeno auctore lib. de curand. rat. per sang. mis. cap. 9.

Rationes Altimari sic sunt soluendæ. Dic ad primam, quòd quando in primis mensibus abortus contingit ob mucosa excremēta in acetabulis vteri imbibita, vt insinuat Hip. 5. aph. 45. abortus præseruatio non in venæ sectione, sed in purgatione, & resolutione illorum excrementorum consistit: contrà tamen si plenitudo fuerit causa abortus, tunc sanguinis missio necessaria est, quæ celeriter, & tutò plenitudinem demit, neque foetui alimentum subtrahit; nam plurima copia sanguinis in corpore redundat.

Ad secundam. Licet, quando foemina vtero gerit, foetus attrahat sanguinem menstruum ad sui nutritionem, & incrementum; & partes omnes simul, pro consuetudine & lege naturæ, sanguinem redundantem ad vterum transmittant: tamen etsi ex attractione, foetui periculum non eueniat, contingit tamen, quia reliquæ partes in vterum sese exoluerant, & sic sanguinis copiosi ad vterum confluxu, foetus suffocatur, & acetabula dirumpuntur: maximè quoniam quamuis foetus attrahat dulcissimum, & sibi familiare alimentum; reliquæ partes expellunt vitiosum, redundantem, reprobum, qui foetum interimit.

Ad tertiam. Venæ sectio ex se abortiuum auxilium non est: id verò per accidens aliquando fieri contingit, quando immodica sit, & citra virium robur celebrata. Sic venæ sectio ad animi deliquium à priscis tantopere laudatur 1. aph. 23. & 9. meth. 4 & 5. & alibi: ex qua intempestinè celebrata plures perierunt, vt notat Gal. lib. de curand. rat. per sang. mis. cap. 12.

Ad quartum. Ex venæ sectione foetus non destruitur, immò conseruatur: nam si foetus plurima sanguinis copia obruatur, perit & emoritur. Vt enim ex multa lignorum

flue ignis exstinguitur; si verò copiam demas, fulget & A-  
relucet: sic ex confluxu sanguinis multi & vitiosi, foetus  
suffocatur, immò detracta copia floret, & reuiviscit.

Ad quintam. Inedia multò infensior est gravidis quàm  
venæ sectio: nam illam non ferunt ipsæ, quoniam ob assidu-  
m suctionis sensum in ventriculi orificio excitatum,  
assidue alimenta assumere coguntur; aliter enim animo  
deficerent. Deinde inedia morosè plenitudinem exhau-  
rit, vt *suprà* notauimus.

Ad sextam. Ex nimio alui fluore concitari abortum,  
Hippocrates firmat in *aphor. dicto*: nam concitat humores  
ad vterum, agit, perturbat, tormina excitat, implacabiles  
nexus, & surgendi frequentiam mouet; ob quam causam  
partes vtero vicinæ commouentur, & demum foetus de-  
fraudatur genio suo, viresque summè languent, & cum in-  
testinis incumbat vterus, à retro excrementorum vapore  
foetus exstinguitur. Sectio autem venæ tutò, celeriter, &  
securè sanguinem exhaurit. Et sicut præsentè alui fluxu,  
qualibet alia vacuatione, aut symptomate vires proster-  
nente, in minori quantitate sanguis est detrahendus, quia  
aliquid symptomati est relinquendum, vt bellè *lib. 1. ad  
Glauc. cap. 14.* prædixit Gal. sic in vtero gerentibus, par-  
celebranda est; nam aliquid relinquendum est foeturae,  
quæ est species vacuationis, vt *lib. de ven. sect. aduers. Era-  
sistratum, in cap. 5.* aduertit Galenus.

Ad septimam. Si humores in vtero gerentibus adsint  
crudi, iique exuperent, cane & angue peius vitanda venæ  
sectio est, nam tunc purgatione pugnandum: aliter si fece-  
ris, in discrimen matrem ipsam adduces; nam phlebotomia  
bonum sanguinem rapit, qui paratior est euacuatio-  
ni, malum relinquit; & præterquam quòd exhausto spiri-  
tu imbecillitatur mater, absumpto pabulo perit foetus, or-  
batus partu suo. Si verò exuperet sanguis, & omnia adsint,  
quæ venæ sectione dehortantur, vt temperamentum, ætas,  
regio & victus præcedens, tunc intrepidè vena secanda.

Ad vltimam. Hip. Apollineæ scientiæ celebris gloria, in  
limine *aph.* artem longam esse prædixit, adèd vt vitam ho-  
minis longo superet intervallo. Quare Hip. licet senex ad  
medicinam finè non peruenit, vt de seipso testatur in *Epistolis*.  
& omnia videre non potuit, quæ à posteris sedula diligen-  
tia, industria mira, & labore indefesso fuerunt inuenta. Si  
adhuc pertinaciter insistas, & asseras priscos doctissimos  
omnia calluisse, contra te in propatulum proponam auxi-  
lia mira ab Arabibus inuenta, exotica, & peregrina ex In-  
diis aromatum præsidia, quæ ipsi nec per umbram agno-  
uerunt. Plura sunt in anatome reperta à Vesalio, Fallopio,  
Siluio, & aliis peritis anatomicis, quæ priscos sine dubio  
latuerunt. Primus omnium Hipp. diuino afflatus lumine,  
multa quæ ad artem Anatomicam spectabant, publicis  
consignauit monumentis. Galenus poliuir, auxit, locuple-  
tauit verè, doctè, solidè. Aristoteles breuiter illustrauit. Hoc  
argumentum veterum scientissimi exornarunt. Iuniores  
elegantiores, & docti, in frequenti corporum humanorum se-  
ctione satis versari, plurima summa cum laude addiderunt.  
Quare si hæc vera sunt, cur phlebotomiam pro præserua-  
tione abortus non admitemus, à Classicis tantopere com-  
mendatam, etsi à Græcis fuerit prætermissa? Si quæras au-  
ctores eos, renuas licet, numerosa serie recitabo. Offert se-  
se in primis eloquentissimus ille Orator Fernelius, iunio-  
rum Coryphæus *lib. 2. meth. c. 2. §. Multa, nisi vena circiter  
quartum mensem referentur, abortiunt; foetus enim copia ob-  
ruitur, &c.* Sequuntur Syluius *tract. de mensibus mulier. in  
init.* Frambesar. *lib. 1. canon. medicinal.* Peramat. *lib. de va-  
cuandi rat. 1. §. & lib. de regimine pregnantium. c. 2.* ex Ron-  
delerij, & Sauonarolæ mente, Eusebius *circa fin. part. 1.  
tract. de usu lactis*, Anton. Maria Bettus in *con. cap. 20. 4. 1.*  
*Anic. Amatus centur. 49.* Senertus, Salius, Glaudivus, Au-  
genius, Moxius, & plures alij, & nuper propriè exemplo  
firmavit perdoctus Santorellus *lib. 19. Amepraxi, c. 10.*

## QVÆSTIO XXVII

*Vtrum vena sectio in gravidis sit periculosior purgatione.*

**P**ropter maximam præstantiam, & vtilitatem, quam  
sortitur venæ sectio in gravidis, liceat modò hæc

quæstionem retexere, ob plurimos qui contrariam sen-  
tentiam defendere sunt conati. Hipp. enim videtur horum  
partes libenter tueri: nam prohibet omnino venæ sectio-  
nem, in *lib. 5. aph. 31.* purgationem verò suis medicamentis  
factam constanter admittit *lib. 4. aph. 1.* quoniam sanguinis  
missio detrahit alimentum foetui; purgatio vitiosos humo-  
res euacuat: accedit quòd purgatio minùs debilitat, quàm  
sanguinis missio; & ob hanc causam hæc magis virutis  
robur requirit, vt Colligitur ex Gal. *lib. 4. de sanit. c. 4.* di-  
cente: *In agris, qui propter debilitatem, aut timiditatem, san-  
guinis missionem recusant, largius aluum soluendam esse.* Er-  
go vtero gerentes melius tolerabunt purgationem, quàm  
sanguinis missionem.

Pro parte contraria, multæ obstant, æque irrefragabi-  
les rationes. Nam remedium illud quod absolute magis  
periculosum est, erit & magis periculosum in gravidis.  
Sed purgatio magis periculosa est, ex Gal. *2. acut. 11.* quia  
sanguinis missio, licet minus auxilium, tutius tamen re-  
medium est; quoniam, vt inquit Gal. *lib. de vena sect. aduers.*  
*Erasistratum, c. 7.* si sanguis nimium profluat, aut lingua-  
tur animo æger, possumus sistere sanguinem imposito di-  
gito in vulnere; at quod semel deuoratum est, amplius ex-  
trahi non potest, neque possumus partem oblatis auferre,  
vt *lib. de sang. mis. 12.* notabat Gal. Demum ex purgatione  
sequuntur pericula plura, quæ in *c. sequenti* proponuntur.

Quare si vtriusque remedij necessitas adest, venæ se-  
ctio vt tutior est eligenda: nam præterquam quòd leuæ  
naturam sarcina deposita, disponit ad purgationem, quia  
vacuando causam, vias deobstruit, per quas humor pec-  
cans vacuari debet, vt ait Gal. *lib. de ren. dignat. & curat.*  
*cap. 4.* vnde semper præferenda venit, ex Hip. *4. acut. text.*  
*2. & Gal. 6. epid. sect. 1. com. 6. ante fin.* Audi aurea verba  
Fernelij *lib. 2. meth. cap. 4.* dum sic profatur: *In omni igitur  
impura plenitudine à secta vena auspicienda est vacuatio.  
sine qua vix tutò purgatio decernatur, etenim medicamentum  
quod præsertim validius est, tum calore, tum trahendi facul-  
tate humores exagrans, perturbansque plethoricum corpus, in  
gravius id discriminè adducit: In vniuersum autem, plenis  
turgentibusque venis, si non prosit, obesse tamen non potest  
moderata sanguinis missio.*

Conciliator *dis. 166.* respondet ad quæstionem, in pri-  
mis mensibus purgationem esse periculosiorem venæ se-  
ctione, in intermediis, & vltimis è conuerso. De primo  
non videtur dubium. Secundum ostenditur: quoniam in  
mediis mensibus propter similitudinem acetabulorum ma-  
ximè est tuta purgatio; in vltimis mensibus propter ma-  
gnitudinem foetus est maximè periculosa venæ sectio: er-  
go in mediis, & vltimis mensibus tutior erit purgatio. At  
hæc ratio solum ostendit, in mediis mensibus purgatio-  
nem esse tutiorem, quàm in primis, & vltimis.

Licet autem Horatius Augenius *rom. 2. epist. lib. 1. 2. can-  
dem sententiam confirmet*: (quicquid *lib. 6. de sang. mis.*  
*cap. 2. & 12.* oppositum sentiat) cum Amato *1. centur. 51.*  
tamen huic quæstioni aptè respondere oportet, securio-  
rem esse venæ sectionem purgatione, si par necessitas ad-  
sit; tum ob rationes latas, tum quia diuturnum experi-  
mentum id confirmat.

Sed satisfaciendum est obiectis aduersantibus, quæ re-  
morantur multos. Ad primum, licet Hip. concedat purga-  
tionem in mediis mensibus, non tamen prohibet sangui-  
nis missionem omnino, sed reddit nos cautos in ea exer-  
cenda, ne scilicet tantum sanguinis emittamus, quantum  
exigit dispositio, quoniam aliquid sanguinis relinquen-  
dam foetui, vteo deinceps possit nutriri. Deinde Hip. non  
vetat sanguinis missionem in brachio celebratam, sed eam  
quæ in partibus inferioribus fieri solet, & sic Aphorismus  
facit hunc sensum: Mulier sanguine missa ex saphæna  
abortit, & magis si foetus sit maior: nam ex hac parte facta  
phlebotomia è propinquiore loco sanguinem exhaurit, &  
promptius alimentum foetus detrahit, maximè quoniam  
præcipitatur foetus humoribus deorsum conuersis.

Ad secundum. In vtero gerentibus phlebotomia extra-  
hit sanguinem vitiosum & inutilem, eo modo quo in pur-  
gatione humor peccans educitur, & sic in vtroque auxilio  
solum nocui vacuatur humores: hoc tamen est discrimen,  
nam

nam venæ sectio citra agitationem; purgatio, verò cum maxima peturbatione, & cum periculo abortus id præstat.

Ad tertium. Omne auxilium Medicum, vt debite administretur, duplici constar scopo, nempe morbo postulante, & virtute permittente, vt colligitur, ex Galen. lib. de optim. secta ad Thrasibul. 38. & sic scopi venæ sectionis sunt morbi magnitudo, & virium robur, ex Galen. lib. 4. meth. 6. & 4. acut. 19. & cum auxilia medica cum magnitudine quadam sunt coniuncta, vt ipse inquit lib. ad Thrasibul. c. 34. ad illa toleranda robur virium est necessarium, maius, aut minus, prout auxilia maiora sunt, vel minora: quare ad clysteris usum exoptat Hipp. 1. acut. 45. validam vim; sed non idem virium robur ad omnia auxilia requiritur. Quare cum purgatio maiorem habeat in virium robore latitudinem, debiliori virtute existente poterit celebrari: sed hoc non tollit quin in grauidis tutior sit venæ sectio purgatione; nam intelligimus, si virtus constet ad ferendum vtrumque auxilium, & æqualis vtriusque remedij necessitas adsit.

## HISTOR. XIV. AVENZOARIS, De grauidatione.

Grauida per errorem cathartico expurgato,  
citra foetus, vel ipsius incommodum,  
foeliciter peperit.

**V**olo dicere in hoc loco, quod mihi successit cum essem in carceribus de Haly. Vxor mea erat pregnans, & hoc ignorabam, & ipsa infirmata fuit tali passione, quod necesse fuit dare ei medicinam laxatiuam, quæ fuit talis, quod nullus posset estimare, quod aliqua pregnans etiam ex assumptione modice quantitatis foetus in ea posset remanere: & postea declarata fuit impregnatio eius, & me poenituit valde de errore quem feceram, quare misericordiam quaesivi ab Altissimo Creatore de eodem, & peperit filium masculum, quem mecum habeo, & c. Auenzoar lib. 2. Thezir, tract. 3. cap. 1.

## QVÆSTIO XXVIII.

Virum detur aliquod certum, & infallibile conceptionis signum, vt Fernelius, Ioëlius, Varandæus, & alij Classici arbitrantur.

## PARAPHRASIS.

**C**irca explicationem contextus, amplissima nobis sese offert disputationis sylva, quæ vel cogitatione animum, quantumvis difficultatibus obloquantem, etsi non fatigaret sollicitum, anxiumque efficere saltem potest. Verum ramen haud dubitandum: nam & dii facientes adiuuant. Illud ergo inextricabile apud Medicos est dubium, quod de notis certis conceptionis quaeri solet. In consultationibus enim ad raium Medici inter sese depugnant, dum quidam ob alias causas menstruis suppressis, in morbis acutis foeminarum, è brachio sanguinem hauriendum suadent, falsa grauidatione decepti; poplitis enim venas scindere pertimescunt, ne deorsum præcipiti lapsu ruentibus humoribus abortus concitari queat. Contra sapissimè sanguinem exhauriunt è saphæna, aut purgationem instituunt, certam conceptionem ignorantes. Quo factum est, vt dexterrimi Medici in hoc difficillimo negotio sæpe vacillent, vt doctè probauit Santorus Santorius lib. 1. meth. vitandor. error. cap. 28.

Quare ne mireris Auenzoarem, Medicum licet expertissimum, in cognoscenda conceptione vxoris suæ deerrasse, cum res hæc plena sit ambiguitatis, & fallaciæ, quoniam Medici scientissimi sæpe deerrant, vt lib. 1. in com. hist. 79. latè prædiximus: cum supra captum hominis sit nunquam errare, ex Gal. 3. prag. 41 quoniā aliquando, licet raro, Medicus optimus deerrat, 2. aph. 29. & alibi. In hoc ergo dq-

bitationis labyrintho versari alij peritissimi, multoties naufragium fecerunt, raræque historias proponunt, ne posterì eodem modo decipiantur, quo ipsi decepti sunt. Console Auic. 21. 3. tract. 2. c. 8. Rhasium lib. 9. ad Almanf. cap. 39. Matthæum Gradium in com. mat. 1. cent. 27. Palchal. lib. 1. de curand. morb. cap. 58. Vallerior. 1. obs. 1. & 10. Forest. lib. 28. de morb. mulier. obs. 6. Leonem Roganum l. 2. de caus. vinar. cap. 15. Nam in vtero plura gigni possunt, quæ veram grauidationem Medicis doctissimis falsò persuadeant, vt Mola, aqua, flatus, mucus, lenta, viscidæque piquita, calorisque vi indurata: de qua re legat qui velit raræ quæ proposuimus exempla l. 2. de praxi medic. admiranda, ab obs. 150. usque ad 156. firmat Dodonæus lib. obs. 49.

Dubia ergo sunt, & incerta conceptionis signa: maximè cum prisca illi, horumque antesignanus Hippocrates nullum de hac re certum signum per multas sententias discurrens conscriptum reliquerit, etsi huius rei dignoscendæ fuerit studiosissimus: nam in Aphorismis fufius quam pro suo more agnoscere docet, an mulier vtero gerat, quod venatur ex suppressione menstrui, fastidio, nausea, torminibus. De vrina autem, quam certi quidpiam demonstrare posse expetimentatores constanter affirmant, non fecit commemorationem vllam, neque enim hæc in vtero fit, aut locis vtero vicinis, neque per illa comitat, sed est solum signum affectuum partium in quibus fit, & per quas meat, vt eruditè confirmat Iacobus Fontanus part. 1. vniuers. medicin. cap. 11.

Auic. 2. 1. doct. 3. c. 3. & 21. 3. tract. 2. c. 11. pregnantium urinam, turbulentam esse, malo vino, aut aqua ciceris simillimè assueuerat, & in grauidationis initio apparere urinam claram, & puram, supra quam est aliquid simile nubibus, manifestè ostendit. Sed ne tanto auctori calumniam inuramus, ipsum ex aliorum mente loquutum fuisse asseremus, quod paret ex verbo, & quidem dicunt: quidquid huius signi ab Auicenna propositi peculiarem contentur reddere rationem Varandæus lib. 2. de affect. mulier. cap. 2. Franciscus Ioëlius tom. 1. vniuers. medicin. lib. 4. sect. 3. de vinar. significationibus.

At inquires, cur Fernelius. 6. patholog. 17. proferat grauidarum urinam, citreo, aut subliuido esse colore, crassam, turbidam, quæ leuiter concussa bullulas, seu granula è summa corona demittit, in qua quod subsidet, & innatat, crassum est, & malè cohærens, carptæ lanæ haud abfimile. Sed cum hæ notæ in gerentibus molam, aut in iis quibus retenta sunt menstrua, apparere possint, iccirco dicendum est, Fernelij coniecturam nullam esse. Adi Valles. 3. cont. cap. 28. Forest. lib. de incerto vinar. iudicio. Santorel. lib. 8. anteprax. c. 8. Roderic. à Castro l. 3. de morb. mulier. part. 1. cap. 7.

Deinde si alia signa, quæ certam conceptionis spem polliceri videntur, attentè rimeris, ea irrita esse, & prorsus nulla, fatearis est necesse: nam conceptionem deprehendere, difficillimum iudicauit Aristot. l. 7. de histor. animal. cap. 4. Quapropter excusandus Auenzoar, qui in re ardua, & perplexa, & quæ non certò, sed probabiliter præcognosci potest, deceptus est, vt notant Laurent. l. 8. anatom. cap. 4. in fin. Codronch. in suo meth. testif. cap. 11. Varand. lib. 2. de morb. mulier. cap. 2.

Ventris tumor, à Medicis signum conceptionis dicitur esse certum, & ita probat Sacra pagina lib. Genesis. cap. 38. E. uers. 24. Fornicata est Thamar nurus tua, & videtur vterus illius intumescere. Sed cum hic tumor in plurimis ex aliquo morbo, & præcipuè ex menstruorum retentione euenire possit, vel ex hydrope, aut flatu, iccirco ex tumore certò conceptio prædici non potest, maximè cum vterus ferè post quartum mensem in tumorem increseat.

Lac in mamillis cum earum tumore apparens, non est certum conceptionis signum: nam citra grauidationem lac in mammis sæpe innascitur, asserente Hipp. 5. aph. 39. Si mulier lac in māmīs habet, neque grauida est, neque peperit huius menstrua defecerunt. Deinde lac in mammis post aliquos menses colligi solet, ex Galen 5. aph. 32. & apparet sæpe in virginibus adhuc virum non expertis: firmant Iouertus lib. 3. error. popul. cap. 3. Laurent. lib. 8. anatom. quest. 2. Neque dicas lac in virginibus, viris, & iis quæ



nec conceperunt, nec pepererunt, non esse album, neque consistens, & optimi lactis conditione destitutum: nam in gravidis lac prauus est qualitatibus, & quantitate paucum minimèque aptum nutritioni censetur, ex Gal. lib. 2. de sanit. tuend. cap. 9.

*Menstruorum retentio* non est veridicum conceptionis signum: nam plures gravidæ menstrua statim periodis experiuntur, & plurimæ citrà ea conceperunt, ut ex priscorum, & iuniorum mente eleganter probat Marcel. Donatus lib. 4. de medic. histor. mirabil. cap. 23. & multo antea prædixerat Hippocr. 5. epid. num. 5. dum de vxore Gorgiæ verba faciens, eam quatuor annis menstruorum retentione laborantem, tandem concepisse refert, subscribit Aristot. lib. 7. de histor. animal. c. 2. immò lactentes mulieres concipere quotidie comperimus. in quibus menstrua diu fuerunt suppressa.

*Macula in facie* etiam conceptionem certò non indicant. Has descripsit Hip. lib. de sterilib. n. 7. dum sic ait *Quæ vtero gerunt in facie maculâ habent, quam Ephelin vocant, &c.* Et paulò infra, tales maculas habentes, foemellas gestare testatur. Sed hoc signum fallacissimum est: nam præterquam quòd plures gravidæ eas non habent, etiam non gravidæ iis deturpantur: præsertim quæ febri alba ex menstrui retentione laborant, quarum facies, fœdo, pallido, & viroso inficitur colore. Hip. autem maculas ferè in vtero gerentibus apparere in facie affirmat.

*Pica*, hoc est, extraneorum rerum appetitus, conceptionis certæ censetur esse signum, sed non est; quoniam in non gravidis aliquando reperitur, ut infra patebit manifestè; neque in gravidis perpetuus sit, sed ad tertium, aut quartum mensem tantummodò perduret, à secundo incipiens, ut Galen. 1. de caus. symp. 7. Alexand. 3. probl. 74. Auic. 13. 3. tract. 2. cap. 10. affirmarunt. Neque enim hoc signum omnibus gravidis est commune, sed iis præsertim familiæ, quæ vel primiparæ sunt, vel in quibus vitiosi humores in ventriculo cumulantur, ut 5. aph. 61. Galenus asseruit.

*Motus in vtero* ab omnibus iudicatur signum conceptionis certissimum, sed falluntur: nam motus ille ex humoribus, flatu, & mola concitari potest, qui vel expertas foeminas, prudentes obstetrices, peritos Medicos decipere solet, ut manifestè testatur Hipp. lib. 2. prædict. num. 34. 6. Quæcunque in vtero se concepisse putant, & non conceperunt, & per multos menses falluntur, mensibus purgationibus non apparentibus, & ventres augeri, & moveri vident, &c. Et hoc præsertim accidit in mola, cuius motum similem esse motui embryonis, tradit Auic. 2. 1. 3. tract. 2. cap. 18.

Denique experimenta ad explorandam gravidationem quæ à Medicis proponuntur, sunt fallacia, & ambigua. Ex quibus vnum est ab Hip. propositum lib. 4. aph. 51. dū sic ait. *Si velis scire an conceperit mulier, quum dormitura est, ei aqua mulsam potandâ da, & si alui tormina patiat, conceperit; sin minus, non conceperit.* Quod signum dubium est, quia in non assuetis, & obstructis facillimè tormina excitat, & est periculosum: nam oblato hoc remedio, & subortis torminibus abortus facillè sequi potest: maximè cum mulsâ menstrua prouocet, & vrinam, ex Hip. lib. 3. acut. 11. Eandem fallaciam, & incommoda asserunt alia experimenta, Aristolochiæ, Galbani, aut huiusmodi medicamentorum appositio, quæ asserunt Hip. lib. de sterilib. & Auic. 2. 1. 3. tract. 2. c. 14. Ex his constat, quàm coniecturalia, ac dubia sint conceptionis signa: nam nullum signum reperitur in gravidis, quod ab aliqua præternaturali causa originem non ducat, nec vllum tam certum, & indubitatum experimentum, cui indubitata fidem præstare possimus.

Quum ergo tam arduum, & difficile sit, conceptionis noticiam habere, & facillè Medici, obstetrices peritæ, & quicumque alij decipiantur: necessarium mihi visum est omnes notas apponere, quibus coniectura quadam artificiosa possimus huius rei cognitionem habere. In primis ergo mulieris ætas, temperamentum, vterique ferendi consuetudo contemplanda: quædam enim facilius in vna ætate, ac in certo temperamento clariora sunt. Sic in iuueniculis vtero ferendo non assuegis, ea symptomata &

A numero plura, & euidentiora apparent, & longiori tempore durant, & maiorem multò molestiam asserunt, quæ omnia in adultis, & assuetis contrario modo eueniunt: quoniam & pauciora sunt, toleratu faciliora, & minori tempore eas vexare solent.

In calido temperamento diuersa apparent signa, quàm in frigido. In illo adest oris amaritudo, cephalalgia, oculorum obtenebrationes, syncope, cardiogmos, bilis vomitus, sitis intensa. In frigido apparèt ructus acidus, nausea, subuersio ventriculi, pigritia, corporis languor, oscitatio, torpor, capitis grauedo, vomitus pituitosus.

Perscrutandum deinceps est, quot mensibus ipsa videatur sibi in vtero habere: cum quædam signa in primis mensibus, quædam in intermediis, alia in posterioribus appareant. Recentioris conceptus hæc sunt potissima, in coitu multa, maiorque quàm antea percepta delectatio, suctio feminis virilis ab ipsa foemina percepta; maximè si vel illicò à coitu, vel postride perhorrescat, atque vterum in semetipsum contrahi percipiat; si dolor levis inter umbilicum, & pudendum illam vexet; si concubitus fastidium acceperit. Hæc si ita contigerint, non paruam conceptionis spem præbere possunt.

Addiderim foeminas quæ conceperunt: illicò morosas euadere, ac tetricas; & quauis de causa facillè excandescunt, præsertim si melancholico sint præditæ temperamento, & sanguinem erant consuetæ emittere per menstrua fœculentum, & nigrum: in his enim appareret angor, insolita tristitia, & metus, ad sunt, insomnia vaga, eas comitantur torpor, pigritia, & cibi fastidium, nausea, vomitus, malacia.

Menstrua si apparere debent, vel exitum remorantur. C vel omnino supprimuntur, iuxta Senis oraculum lib. 5. aph. 61. *Si mulieri cessent purgationes, neque febri, neque rigore superueniente, & fastidia cibi incidant, indica ipsam in vtero habere.* Nam foeminae experientia ipsa edocet, quum menstrua supprimuntur, & fastidium experiuntur, putant certè in vtero habere: Quapropter mēstrua in gravidis stillant, & in modica quantitate exeunt, colore subalbida, citrà lumborum dolorem, aut grauamen vllum. Hæc signa nonnullis intra mensem, aut vsque ad secundum apparent. Quòd si foeminae iam vtero gestauerint, fuerintque assuetæ vterum ferre, hæc signa sunt certiora: nam post concubitum illicò contrahi vterum perferunt, ut ait Hippocr. lib. 5. aph. 51. *Quæ vtero gerunt, iis vteri os camprimatur: quoniam, ut Galen. ait in com. Maximum est mulieris quæ concepit indicium, si obstetrix potuerit immisso digito os vteri tangere. Statim enim cum semen intra se ipsum acceperit, totam suam capacitatem contrahit, & claudit, &c.*

Prouectioris conceptus signa multa sunt: nam quædam ex parte matris, alia ex parte vteri & ventris, alia ex aliquibus symptomatibus, aut affectibus eliciuntur. Ex matre hæc sese primò offerunt: facies colore solito pallidior, ac magis extenuata citrà euidentem causam, ut prægressum morbum, inedia, ieiunium, vigiliam, timorem, tristitiam. In fronte ad sunt maculæ liuidæ, vel aliquo externo colore cutem fœdantes. Oculi fiunt consueti contractiores, ac magis caui, quorum album ad liuidum, aut citrinum declinat colorem; cui signo plurimum fident Hip. lib. de superferat. & lib. de sterilib. Oculorum pupillæ multò clariore epadunt, præsertim in iis quæ E mares, aut foetus robustos gestant.

In tertio, vel quarto mense, mammae dolere incipiunt, & paulatim intumescunt, quarum venæ patentiores fiunt crassiores, & colore liuidæ, vel citrinæ apparent. Arteriz iugulum perreptantes vel ex modico exercitio plus solito pulsant, & cor aliquando palpitatione afficitur, Mammillarum papillæ denigrantur, verguntque sursum, si foemina gerat masculum: deorsum verò inclinant, si foemellam, ex Hip. in lib. de sterilibus, num. 7. & circa papillas circulus colore nigriusculus, & magis consueto fuscus animaduertitur, & lac emanat, licet serosum, & tenue.

Hoc tempore cibi fastidium accedit, quod comitatur oris ventriculi morsus, vomitus, nausea, ac ieiunium, os frequenti salina madescit. Adest eructatio acetosa, incoctio ciborum,



ciborum, infestat pica, cum syncope saepe, vel animi deliquio coniuncta, præsertim in iis quæ prauis humoribus scatent: licet plerisque rerum acerbarum, salutarum, acidarum, fructuum immaturorum, ac præcocium irrationale, ac inexplebile desiderium oboriatur, Demum gravidationis signa omnia varia sunt, ita ut plures cibos qui antea illis erant suauissimi, auersentur: alia amplectantur illos, quos antea summopere abhorrebant.

Venter indies magis ac magis intumescit, ac consueto magis calens percipitur. Tumor nec durus, nec laxus apparet, immò cum leni quadam renitentia mollis percipitur. Dolor lenis inter umbilicum, & pectinem aliquatiter excruciat: ac procedente tempore motus quidam suavis, ac ordinatus tangenti perferuntur. Os vteri in conceptionis principio facile tangenti, & absque manifesta duritie conuiere videtur; hoc enim maximum est mulieris quæ concepit indicium, apud Gal. 3. de facult. 3. & 6. de loc. c. 5. & 5. aph. 58. Menstrua retinentur: superuenit hæmorrhagia recurrente menstruo sanguine ad partes superas, quare aliquando vomitu reicitur.

Ex vniuerso corpore plura depromuntur signa. Habitus corporis ad citrinum, vel liuidum vergit colorem, præsertim in iis quæ fœmellas gerunt, ex Hip. 5. aph. 42. Accedit grauitas corporis cum pigritia coniuncta, ex Arist. lib. 7. de histor. animal. c. 4. Tumores adsunt in cruribus œdematosi, ab aquoso humore pronati. Venæ in toto corpore incrassantur, & liuent. Infestant grauedo, vertigo, oculorum obtenebrationes. Pili ex consuetis locis defluunt, & in non consuetis repullulant, ex Arist. ubi supra. Hæc signa si in vnum acervum colligantur, simul iuncta, fallacia non erunt, immò certiora euadunt, ex quibus Medicus veluti manu ductus, conceptionem certò prælagire poterit. Reliqua lege apud Hip. l. de genitur. superferat. n. 8. quæst. 10. sterilib. Auic. 21. 3. tract. 1. c. 13. Aëtium tetrab. 4. ferm. 4. cap. 8. Rasi. 22. continent. tract. 6. cap. 1. quorum mentem explicant Marinellus lib. 3. de medic. mulieb. c. 2. Mercurialis lib. 1. de morb. mulier. cap. 1. Mercatus lib. 3. de morb. mulier. cap. 6.

Sed cum duo sint affectus, qui similia gravidationi ex se præbent symptomata: menstruorum retentio frequentius; mola verò rarius, iccirco hæc inter se distinguenda sunt. Menstruorum defectum præcessit morbus, crassus cibus, frigida potus intemptius, & alia, ex quibus exoritur obstructio. Sequitur horror inæqualis cum febre, vteri grauitate, ac dolore coniunctus, præsertim cum imminet menstruationis tempus; quæ omnia in grauida remittuntur sensim, in non grauidis exasperantur, in quibus maculæ in facie post longum tempus apparent; nam in grauida illico adueniunt; quoniam fœtus meliori parte sanguinis nutritur, cuius deteriore in ambitum corporis detrudit. Demum in vtero gerente, vna mamma magis quàm alia tumet, gracilescit, dolet, propterea fœtus in dextra, aut læua parte commoratur: in non menstruada vtraque mamma æqualiter dolet. Grauida abhorret concubitum: quæ menstruis destituitur ob aliam causam, eius desiderio flagrat. In hac tumor illico non apparet: in grauida sensim increfcit, qui nec durus est, nec protensus, nec sonum, si percutiatur, edit. Si verò percusseris non menstruatæ ventrem, ob collectum flatum, sonum intus exaudies, & murmur.

Molam ab vteri gestatione distingues: nam si fœmina ad alterum latus conuertatur, simul cum mola pondus veluti inhærens prolabitur. Lac si apparet, est paucissimum, & colore liuidum. Mola magis quàm fœtus grauat, cuius tumor durus est, & magis renitens, & si illum comprimis, manum effugiet. Molam deprehendes, si fœmina sterilis sit, annosa, vir valerudinarius, aut longo morbo confectus; ex his enim paucum semen, ac morbosum decidi, est necesse. Molam etiam coniciens, si confiteri virum sua natura sterilem extitisse; mulierem autem fœcundam, ac calidi temperamentum: viuida enim natura potius aliquem conceptum, quàm nullum procreare studet.

Vtrum purgatio citra turgentiam vtero gerenti commoda, ut contra Galenum, Salium, Mercat. & alij confirmant.

## COMMENTARIUM.

**D**Are medicinam laxatiuam. Inter Æsculapicæ familiæ viros qui celebre apud Medicos nomen sunt adepti, vnus egregie memoratur Hip. prædictionibus multis sanè illustris. Is ergo diuinus vir, diuino veluti spiritu afflatus ut mortalium languoribus opem ferret, oraculum prope diuinum est profatus lib. 1. suor. Aph. text. 1. dum sic ait: Vtero gerentes sunt medicanda, si materia turgent, quarto mense, & vsque ad septimum: sed haec minis. A iuniore autem fœtu, & seniore abstinere oportet, & c. repetit lib. 5. aph. 29. Vberimus interpret, ut Hippocratis mentem, quem tantopere veneratur, exponat, appositissimo exemplo rem totam sic emedullat. Cum vtero fœtum connexus, eandem habent proportionem, quam fructus cum plantis. Hi siquidem in prima generatione debilitioribus pediculis continentur, & ideo facile decidunt, quando vehementior ventus ipsos concusserit: postea verò aucti difficile habent à plantis dissolutionem: sicuti rursus cum perfecti sunt, sine vi extrinseca decidunt. Eodem modo & conceptus, in primo quidem tempore à seminis iniectione, si quando saliare contigerit mulierem, aut in lubrico cadere, siue quouis alio modo, vel secundum animam, vel secundum corpus moueri vehementius, facillime abruptuntur. Sic etiam quando iam perfecti sunt. Tempore verò intermedio firmiorem habent coalitum: quare mulier vtero gerens potest fortiores motus sustinere sine fœtus offensione. Quæ omnia Hip. noscens, rectè inquit: Vtero gerentes sunt medicanda, si materia turgent, quarto mense, & vsque ad septimum, nempe à tertio completo, vsque ad septimum inchoatum, seu (ut alij loquuntur) à quarto inclusiuè vsque ad septimum exclusiuè: nam tunc coalitus firmiores, nempe vincula densiora sunt, & firmiora, non fragilia aut laxa, ut erant in principio, & fœtus est robustior.

Purganda ergo est mulier grauida à quarto vsque ad septimum, si materia turgent: cum enim turgens humor sit mobilis, tenuis, & irrequieto motu per corpus agitur, ex Gal. lib. 1. aph. 22. & 4. aph. 1. & alibi passim, irriter naturam, & ad sui excretionem, naturam incitet, fit ut facillimo negotio, leuissimoque expurgante medicamento de corpore vacuetur, & eum ut subtilem natura, citra commotionem fœtus, & matris, per alium propellat, Ita asserit Gal. 4. aph. 1. §. Nam quæ superabundantes humores mouentur, & per totum corpus feruntur, nondum in aliqua parte firmati, tunc ad eos expellendos natura incitatur, & aliquo indiget manum porrigente, & hunc humorum motum ad alium deducente.

Hanc curandi methodum tam veterum quàm iuniorum sententia confirmat, sed vnum excipiunt Auerrhoem qui lib. 7. colligit, cap. 4. sic inquit: Pharmacia ad bonum finem peruenire nequit, quoniam in se habet substantiam venenosam, & fortasse faciet malos humores fluere ad embryonem, ut ipsum ladan: propterea quod medicina purgans sunt medicina prouocantes urinam, & quod prouocat urinam est de genere prouocantium menstrua, & quod prouocat menstrua, abortire facit, & c. Ex quibus verbis constat manifestè, Auerrhoem Hip. contradicere, qui à quarto vsque ad septimum in grauidis purgationem concedit. Probat ergo tribus rationibus Auerrhoes, eam in vtero gerentibus celebratam, noquam esse, & nullius vsum.

Prima. Medicamenta purgantia sunt nobis aduersa, & venenosa, ex Gal. 2. acut. 1. §. Purgantium omnium natura, corporum quæ purgantur naturis contraria est, atque ut quispiam dixerit, lethalis & deleteria, & c. Sunt natura calida febrem accendunt, ex Galen. 4. acut. 7. & idcirco lib. de medicament. purgantib. num. 4. ea in ardentibus interdicit.

Secunda. Medicamenta purgantia mouent humores ad vterum, perturbant, alterant, exagitant, & mille in morbis acutus pariunt offensas, ex Gal. l. de curand. rat. per sang.

*sang. mis. c. 12. explicat eleganter lib. de vena sect. aduersus A*  
*Erasistratum, cap. 5.*

Tertia. Medicamenta purgantia prouocant menses, quoniam sanguinem fundunt, liquant, attenuant, & sic menses prouocantur, & subtrahitur alimentum foetui; maxime quia vrinam moueat. Præter istas rationes, adiungenda & alia.

Quarta. Vel medicamenta grauidis exhibenda, sunt fortia, vel leniatilla non esse offerenda, supra prædiximus; hæc laxant, emolliunt vincula, quæ cotyledones, acetabula, seu meatus appellant, quæ carnea cum sint, non ossæ, & sint satis fragilia, relaxationi sunt obnoxia: quo pacto pulpa casæ fistulæ, tamarindi, syrapi ex multiplici rosar. aut violar. infusione, manna, & siquæ alia, hoc nomine videntur inepta.

Quinta. Si aliquod medicamentum est huic vsui proficuum, est Rhabarbarum, quod retinet foetum, roborat sinceritate sua, & suauiter euacuat; aut Aloë, quæ leniter soluit, viscera firmat, & euacuat cū astrictione: ob quas causas ab omnibus hæc ferè conceduntur, quum tunc grauidas expurgare est in animo: & Agaricum. Sed hæc medicamenta sunt amara; hæc autem foetum interimunt, ex Gal. lib. 8. simpl. cap. de cucumere agrestis, 5. Cucumis agrestis, tum fructus ipsius succus, quem vocant elaterium, tum non minime radices, & foliorum; ad medicationes perutilis est. Elaterium itaque menses ciet, & foetum interimit appositum, cetera alia omnia amara, & subtilium partium, maxime siquam habeant caliditatem, &c. confirmat deinde Gal. lib. 4. simpl. c. 9. & 20.

Sexta. Purgantia, spiritus, humores, & vterum conturbant, acetabulaque dissolunt; quare Hipp. 5. aph. 34. sic dixit: Mulieri vtero gerenti, si alius plurimum profluat, periculum est ne abortiat: & aph. 60. sic ait: Si mulieri vtero gerenti purgationes procedant, impossibile est foetum esse sanum: & 1. 7. aph. 27. Mulieri vtero gerenti, si tenesimus supervenerit, facit abortum. Nam non solum ob immodicam vacuationem, exhaustis spiritibus concitatur abortus, sed ob maximum consensum vteri cum intestinis, cuius ratione totum corpus laborat; nihil autem mirum, si propter vehementes, atque frequentes excretiones conceptus abortitur, quando & ex aliis omnibus fortibus motibus, atque doloribus mulieres grauida solent abortire.

Sed harum rationum non est multum operosa explicatio. Nec enim omnia medicamenta expurgantia deleteria sunt, ac venenosa; nam Galenus 3. simpl. c. 4. triplicem facit classem medicamentorum: quædam sunt valida & effrænia quæ si non expurgant, & sine suo frustrantur, vehementer alterant, & in humorem vertuntur veneno finitimum, ut peplium, elleborus, turbith, scammonium, rithymalus, euphorbium, agaricus niger, colocynthis. Alia sunt leuia, suauia, quibus etiam antiquitas utebatur, quicquid (perperam tamen) contradicant plures, quæ si non purgant, in alimentum abeunt, ob eam quam cum corpore habent familiaritatem, ut sunt serum lactis, prissana, lac in magna copia exhibitum, & præsertim aluminum, manna, quod mel æereum dicitur à Galeno 3. aliment. 39. pulpæ casæ interaneus liquor, ex Actuarius lib. de compositione medicam. ad initium, sit. de potionibus medicamentariis aduersus affectus qui febres comitantur. Rosarum succus, fumariz decoctum, & alia. Nam Dioscorides lib. 1. c. 42. de oleo rosaceo notauit, quod potum soluit aluum. Inter hæc sunt quædam priscis nota, quæ si frustrantur opere suo, in humorem conuertuntur, quem attrahere debebant, quum illi sint valde similia: hæc non dicuntur medicinales cibi sed verè medicamenta tantum appellantur, non tamen habent permixtam vim venenosam, ut sunt rhabarb. cognitum Paulo lib. 7. cap. 11. in fin. in tribus illis compositionibus, quas aduersus podagram scribit, quarum primam vocat Diacoralum, secundam Antidotum Agaperi, tertiam Antidorum atacton; in quibus compositionibus ipsius meminit, de quo etiam eum facere verba credendum est lib. 1. cap. 43. quando offerens terebinthinam dormituri ad deliciendam aluum, subdit: At cum magis subducere eam cogitamus, Rheum momentum admiscebimus. Hæc sunt loca, quæ sibi monstrari petit Manardus lib. 9. epist. vlt. scribens quod post multiplicem Pauli lectionem

non inuenit: cuius certè causa fuit, quod ipsum locum corruptè legerat lib. 6. epist. 2. Hæc ergo si non expurgant peccantem humorem, in eum conuertuntur, ut 3. meth. c. 4. Fernelius docuit eleganter: licet Auicenna videatur Galeno contrarius 4. 1. cap. 4. & Gal. sibi ipsi, qui lib. 1. de facult. natura lib. c. 18. Alcibiadem redarguit, quod dixerit à pharmacis ipsis purgantibus vacuatorum quodque tale fieri. Ex quo loco aniam arripuit Valleriol. de const. art. medic. Gal. in com. c. 18. ut morderet Galenum, & multi alij temerè eum reprehendere ausi sunt, quorum rationes solutas legat qui velit apud doctissimum Ioan. Brauum Petrasitan. lib. 1. de curand. rat. per medicam. purgans, c. vlt. De horum censu est etiam Agaricum, cognitum Gal. lib. 6. simp. c. 8. & eo vititur pro purganda pituita. Polypodium cognouit Galenus 13. meth. cap. 15. Vtricam etiam, epithymum, & Mercurialem. Ut hinc constet priscos illos vetustissimos, & iuniores Græcos medicamenta benigna satis agnouisse, quibus securè vtero gerentes expurgari queunt.

Deinde Auerrhoës non contradicit Hip. ut hactenus Medici sunt opinati, de quorum numero sunt Vallerius lib. 7. controu. c. 7. Musa lib. 4. Aph. com. 1. Conciliator. diff. 166. Moxius lib. 2. de morb. mulier. cap. 26. & plures alij quum hoc ab huius auctoris mente sit valde alienum: nam hic solum vetat pharmaca violenta, effrænia, & deleteria, quæ venenosa sunt, & foetum interimunt: nam ipse si hoc modo non intelligatur, secum consentire non potest, qui lib. 5. collig. c. de Rabet, sic scribit: Et Galenus, & alij Medici dicunt, quod constringit ventrem, & nos videmus quod purgat, & est mirabilior aliis medicinis purgatiuis quia frantum suum est cum eo; quoniam nulla medicinarum purgatiuarum est sine veneno aliquo in aliqua parte sui, ipsa excepta, eo quia confortat omnia membra corporis, idèò possumus dando ipsam pro purgatiuo, refranare alias per ipsam medicinas, &c. Quare vel ipso auctore non omnia purgantia sunt venenosa; & licet essent, ea erant offerenda ad maius periculum euitandum, nam melior est noxa, quam mors, ex Gal. lib. 12. meth. cap. 1. explicat Galen. 1. aph. 24. Etsi enim vxor Antimachi exhibitio cataportio ex elaterio mortua fuerit, ut constat ex Hipp. lib. 5. epid. n. 9. erat tamen grauida secundi mensis, & non ex pharmaco, sed ex vi morbi occubuit, nam igni correpta est, & aliis symptomatis grauib. oppressa.

Secundæ rationis ex his quæ diximus, robur infringitur; nam medicamenta non attrahunt ad vterum, sed ab eo retrahunt ad aluum: & si leuia sunt, & clementia, ut sunt quæ supra citauimus, medicamina, citra agitationem suam opus complent; & licet commoueant, & aliquantulum alterent maiori commoditate minor noxa est redimenda, maxime cum nihil sit, quod tam magnificè proficit, quod aliqua ex parte non noceat, ex Gal. lib. 11. meth. cap. 11.

Tertia soluenda est hoc modo. Non omnia medicamenta prouocant menses, licet vrinam prouocent: nam quæ mouent menstrua, vrinam prouocant, non tamen è conuerso; ut colligitur ex Gal. lib. 5. simpl. c. 22. in fin. 5. Proinde ea peculiariter dicuntur vretica, siue vrinam mouentia, non quia solum moueant vrinas, sed quia solas, absque ut etiam menses, aut lac, &c. Præterea non omnia quæ menses mouent, abortum faciunt; multis enim copiosè menstrua fluunt citra abortum, immò seruato in tempus commodum foetu, quod sæpius obseruavi, vegeto ac viuido foeliciter pariunt: maxime quum benigna medicamenta non prouocent vrinam: hæc enim ex acrium genere sunt, ex Gal. lib. 5. cap. 13.

Quartam explicabis in hunc modum. Hippocrates valida purgantia negat prægnantibus: nam Philotheus lib. 4. Aph. com. 1. aduertit, medicamentum ab ipso prolatum; non quoduis purgans, sed solum validum designare: lenitua verò tantum abest ut relaxent, quin vacuato humore noxio firmiora reddant corpora: quapropter mannâ, & casiam præbemus, quibus potentius medicamentum exhiberi non potest, nempe vtero gerentibus, ut Actuarius aduertit lib. de compositione medicamentor. sit. de myrobalaror. generib. ita sentiunt Mesuë, & Auic. c. prop. Rhasius lib. 3.

ad *Almans. cap. 15. Haly 2. practic. c. 38. Auer. lib. 5. collect. cap. 55. Serap. lib. de simpl. tract. 1. c. 12.* Tamarindi impermixti raro offerendi; nam & vterus acetosis male habet quia hanc illum dolore afficiunt, ex Hipp. 3. *acut. 39.* & ob magnam dosim qua propinantur, sine vomitu, anxietate, & horrore vtero gerentes raro possunt ebibere: est enim apud Mesuëm dosis ab vnciis duabus vsque ad quinque; quare media erit, vnxiz tres. Auicenna vberius propinat, & inquit, *sit porio ex decoctione eorū propinqua media libra.* Serapio exhibet libras quinque, sed nimius videtur; quare librarum loco legendæ sunt vnciæ, vt cum Mesuë conueniat. Quapropter melius est vt cum casia, rosarum succo aut manna permisceantur.

Quintam dilues si dicas, non omnia amara foetum interire, sed ea quæ exquisitam amaritudinem sortiuntur. Hoc manifestè significauit Auerthoës *lib. 5. collect. cap. 27.* dicēs: *In aqua maris, qua est multum amara, nō potest viuere aliquod animal, propterea quia amaritudo est in extremo, nutrimento animalium aduersa, & est dulcedini contraria propter siccitatē solū: ob idque interficit infantes quando multum ea vntur, eo quod sunt in ultimo humiditatis, & vniuersaliter nō ingreditur natura amaritudinis in re cibali, quia illa non est nisi medicinalis; & dulcis ingreditur in cibos, & medicinas.* Hactenus Auerthoës. Exactè ergo amara interficiunt foetum, tum quia nutritioni sunt inepta, tum quia naturæ contraria, maximèque quod subtilium parium, & caliditatem habeant multam, aperiant, & menses moueant. Has rationes verissimas esse, inuenies, si Galeni loca exactè perpendas, in quibus de amari saporis generatione, viribus, & efficacia pulchra conscripsit, 4. *simpl. 9. 20. & 21. & lib. 6. eiusdem operis, tit. de Abrotano, 3. sec. loc. cap. 1. & alibi passim.* Sequuntur Aëtias *retrab. 1. serm. 1. cap. 9. Auic. lib. 2. tract. 1. c. 3.* Explicat luculenter Syluaticus *controuers. 85. Motanus part. 3. vniuersa medicina, tit. de dif. sapor. Ioan. Brauus in suo eleganti de sapor. dif. lib. c. 7. Valleriol. lib. 1. enarrat. 4. & alij.* Alia verò quæ non exactè sunt amara, cum partes habeant frigidas, aliquādo frigida sūt, vt rosa, intybus, amygdalæ amaræ, quas inter ea quæ ad frigiditatem inclināt, Galenus reposuit, 3. *sec. loc. c. nuper. citato,* quæ quanta cum vtilitate grauidis propinentur, si nauseabundæ fuerint, ac flatuosis ventris doloribus tententur, cuique est manifestum: nonne in Diāmargaritone vtroque plura amara continentur, quorum ratione plurimæ grauidarum ægri tudines mirificè iuuantur; nonne Auic. 2. 1. 3. *tract. 2. c. 10.* vtero gerenti pilulas foetidas propinat, in quas colocynthis, Aloë, & alia amara ingrediuntur, si mesuë, & Auic. compositionem percussas, Quare licet amarus sapor à calore oriatur, vt *loc. cit.* asseruit Gal. tamen cum amaro sapore, alias adesse euincentes frigidas qualitates, à quibus medicamentum denominatur frigidum, non negamus cum Gal. *lib. 4. simpl. c. 7. §. Quintiam nonnulla ex iis, quæ qualitatibus mixta erant: nēpe quæ modicè dulcia, aut amara, aut acria, apertè quoque refrigerantia reperi, scilicet cum in eis adstringendi refrigerandique facultates ita vincerent, vt alias obscurarent, &c.* Et Galenus rosam in exemplum assumpsit. Quando ergo Galenus, amara foetum enecare scripsit, 8. *simpl. cap. de cucumere agresti,* de iis quæ summè, simpliciterque amara sunt, est intelligendus, vt Myrrha, Cedreā.

Hoc modo non est detestandum Rhabarbarum, quod in grauidarum morbis summo est ex vsu, ex Mesuë, firmat Musa, 4. *aph. 1.* quoniam materiam peccantem educit, foetum roborat in vtero, & acetabula firmat, quæ quia mucoribus sæpe impleri consueuerunt, abortus occasionem præbent, ex Hipp. 5. *aph. 45.* Renuit Arnardus *cap. 61. speculi sui,* quia vis aperiens quæ est in ipso, ducit astringentem, vt expressione eiiciat foetum: sed facili argumento conuictus, à recta medendi norma recessit. Primò, nam sicut Rhab. non adstringit, nisi post purgationem humoris, ita non deberet adstringere, nisi post expulsionem foetus: sicque adstrictionem semper deberet præcedere abortus, non eam sequi. Secundò, non pari facilitate expellitur foetus, ac humor, vt perperam *lib. 4. Aph. com. 1.* sibi persuasit Fuchsius. Tertiò, licet adstrictio inueter purgationem Rhabarbari, purgatio à partibus acribus,

non adstringentibus prodit: nam aliter non eligeret humorem purgandum, sed quemuis obuium vacuaret; nec etiam per assilationem imminueret vim purgantem: si ergo purgatio non fit ab adstringente parte, sed ab acri, frustratim adstringentem; cuius vi expellendum foetum ratus est. Idem dicendum de myrobolanis: nam cardiaci sunt, adstringunt, firmant foetum, & sic securè grauidis concedi possunt, licet inefficacius purgent, Agaricum, medicamentum sanè cardiacum, familiare, salubre, & innoxium; neque exactè amarum, quum primo gustu sit dulce, quis prægnantibus morbis grauissimis correptis negare audebit, & maximè permixtum aliis quæ illius vim infrenant vt notat Conciliator *dis. cit.* neque Aloë præsertim lora & mixta adstringentibus est illis interdicens; nec enim, vt falsò multi opinantur, potentissimè prouocat menses, quum ad eos reprimēdos, simulque ad nimium cōpescendō ex hæmorrhoidibus profluuium, à priscis propinetur, quia non aperit ora venarum, vt Varandæus existimat *lib. 2. de morb. mulier. c. 4.* & iccirco eam vtero gerentibus deneget, vt doctè probat Valesius *lib. 9.* & nos plurimis exemplis palam facimus *lib. 2. in com. hist. 42.*

Sexta nullius est momenti. Nam immodicus, & diuturnus alui fluxus in grauidis, ob citatas rationes debilitat vires, exhaurit spiritus, & sanguinem hac ratione minuit detrahique alimentum foetui, vterum conturbat, & concitat abortum. Expurgantia verò benigna non agitant. nec alterant, immò roborant & firmant, citraque molestiam peccantem humorem ad aluum detrudunt.

Ea ergo in grauidarum morbis sunt admittenda, quibus etiam utebantur prisci, correctis, & permixtis iis, quæ illorum malitiam redarguerent, & aliis quæ cum sint boni odoris, & suauia, ventriculum, foetumque roborarent, & superbibita prissana quæ acrimoniam illorum retunderet, vt prædixit Hipp. 2. *acut. 11.* dum in pleuritide Peplium exhibuit. His ergo vtendum est, quando morbus grauis grauidas occupauerit, & sua pernicie periculum minabatur, quorum minor quantitas offerenda, quam affectus plenitudo desiderant; nam foetura loco accidentis habenda est, quod vires comminuere potest: grauidatio enim purgationem prohibet, non tanquam ex scopis qui eam omnino dehorrantur, sed est ex illorum numero, qui coindicantes à Medicis vocari solent. Quemadmodum enim cum datur symptomata vires debilitans, cum necessitate vacationis, cum maiori cautela, & in minori quantitate vacuamus, vt *l. 1. ad Glanc. 14.* & alibi prædixit Gal, sic quando mulier vtero gerit, & sæuo morbo corripitur cautè expurgatio celebranda. Hanc non solum in mediis, sed aliis mensibus esse exercendam morbi vrgentia exposulat manifestè, sed à quarto vsque ad septimum appoluit Hip. vt doceret nos quo mense securius purgantibus medicamentis vti possemus. Licet enim tribus primis mensibus, ac duobus vltimis, sit periculosum aggredi purgationē, etsi minùs inconueniens sit in septimo, tamen quando salutis via est, eaque unica & dubia, tunc ea etsi cum periculo tentanda; ne agri omni spe adempta, certò pereant, vt notauit Gal. 10. *meth. cap. 10.*

Sed insurget hoc loco quispian, & quaeret, vtrum solum in humore turgente medicamenta porrigenda grauidis; Hip. annuit *loc. cit.* approbant eius mentem Petrus Salius *c. 22. de affectib. particular.* quo loco de morbis acutis mulierum vtero gerentium egit eximie: sequuntur Mercatus *lib. 3. morb. mulier. cap. 22.* Roderic. à Castro *part. 2. lib. 2. de morb. mulier. c. supra cit.* qui solum in materia turgente approbant purgationem. Sed eorum votum non amplector, quum detur occasio curandi morbos grauidarum, qui à quieto mulcoque humore originem ducunt, eoque præsertim qui est iuxta membrum princeps, aut vehemēti suborta inflammatione illud vexat, & occupat, venenosaque qualitate fatigat. Cum enim raro turgēant humores, ex Hipp. 1. *aph. 22.* & frequenter grauidæ morbis acutis corripitur, quia deterioris sunt habitus, viribus non constant, pallidæ sunt, decolores, & plurima deterrima excrementa acruant, quid faciendum si humor non turget: licetne à curatione abstinere: minimè quidem Petrus



Petrus Salius, plurimis ingeniis posse educi pecantes humores citra expurgationem, asseuerat. Ad sunt præparantia humores, victus ratio, clysteria lenia, & alia quæ materiâs ad vias ductuum duducunt, quibus vsus est solum Galenus, pro curatione febrium pharmaco relicto. At hæc noxa non carent, neque morbum celerem, & acutum, vt efflagitat illius vehementia, leniunt aux eradicant. Si enim adsit sæua inflammatio interna, dolor sit ingens, & febris vehementia increseat, quid faciendum, nisi auxilia magna adhibere; nam non potest vehementi morbo nisi vehemens auxilium succurrere. ex Celso lib. 2. c. 11. ea enim quæ celeritatē desiderant, celeriter adimplere oportet, vt aduertit Gal. 1. 1. acut. com. Dicit præterquam quod non potest præscribi in grauidis exacte, quia perditur fœtus, ex Gal. lib. 1. epid. sect. 3. com. 8. penult. est morosa euacuatio, & non ita citò vrgentiæ morbi succurrit. Præparantia alterant, non euacuant. Clysteria lenia attrahunt ad vterum, neque causam morbi coniunctam eradicant. Falsum autē est, venosū generis morbos clysteribus, & aliis auxiliis, præto pharmaco, à Galeno fuisse curatos, vt contra plurimum opinionem, allatis in medium sententiis Galeni, probauimus in lib. 1. in com. hist. 63.

Verum, vt ad institutum accedamus dicendum est etiā non turgente materia grauidas esse expurgandas leuibus medicamentis dictis. Hoc clarissime apponit Gal. in com. cit. Aph. cum dicit. Non tamen omnes, quæ hoc tempore indigent purgatione, permittit purgari, sed si materia turget, hoc est, vrget, & premit. Vides quomodo Galenus sub turgentia includit vrgentiam, sciens frequenter vrgentibus morbis vtero gerentes premi, quas si solum habito respectu ad turgentiam persanare velimus, nihil præter victum instituentes, eas in certam ruinam deferemus: nam Hipp. boni Legislatoris munere, pro exemplo posuit humorem turgentem, quia hic facillimè ob tenuitatem educitur, & tanquam molestus à natura irritatū illic expellitur. Et licet plures legant textum sub alio codice, in quo locus iste ita legitur: sed si materia turget, hoc est cogat accelerare: tamen ego aliam lectionem magis probo, quum magis medicinalis sit, & ad curandos morbos frequentes grauidarum vtilior; quicquid eam reprobet Santorellus lib. 20. antepraxis. cap. 8.

Eam confirmat Galenus lib. 5. aph. 55. quoloco reddens causam, quare vtero gerentes febre detentæ, vel abortiunt, vel cum periculo pariunt, inquit, quod hæ mulieres corripiantur febribus adeo vehementibus, vt ex necessitate abortiant; aliquando tamen corripimur febribus mediocribus, in quibus cum à Medicis non purgentur sufficienter, aliquid superest reliquiarū humorū in corpore vitiosorum, ex quibus febres constiterant, unde vel abortiunt, vel difficulter pariunt vtpote non potentibus Medicis mulieri grauida aliquod validum auxilium adhibere. Ex quo loco patet in grauidis citra turgentiam lenes purgationes admittere, vbi febris est mediocris, humor non turget; nam turgens humor acutiem inducit. Ergo Galenus lenia medicamenta in illis approbat, fortia & valida contemnit. Respondet Petrus Salius loc. cit. ex hoc contextu contrarium sensum elici posse: quoniam Galenus clarissime excludit pharmacum per ea verba, dum habet. Mulieri grauida nullum validum auxilium adhiberi posse, validum autem auxilium est pharmacum. Cum autem inquit, quod mulieres vtero gerentes in febribus mediocribus non sufficienter purgantur, confirmat in his excludendum esse pharmacum: non enim purgantur sufficienter, quoniam in eis illa tantum purgatio adhiberi potest, quam docuit lib. 2. meth. cap. 9. in febribus putridis administrandam esse, per medicamenta prouocantia sudorem, vomitum, & clysteres, quorum vi leniter humor trahatur ad aluum.

Verum hæc interpretatio est ad libitum prolata: nam Galenus non renuit pharmaca in grauidis, verum dicit ipsas non sufficienter purgari; quoniam medicamenta leuia etiam propinentur, offerri nequeunt in copia tanta, vt eradicare queant peccantem succum, quia semper illis pharmaca exhibenda sunt in minori quantitate, quàm expostulat plenitudo, quum aliquid fœturæ sit relinquentum, quæ species vacuationis esse censetur; & hoc modo

Nullum validum auxilium adhiberi potest, quod totam materiam peccantem semel exhauriat. Deinde, vt diximus, falsum est in febribus, & acutis morbis Galenum medicamentis purgantibus non fuisse vsum, quum expresse contrarium doceat lib. 1. aph. 24. & lib. quos, quib. & quædo, & monuit Hipp. lib. 1. aph. 22. cocta medicanda assuerans, hoc est, vt medicamento expurgante cum Galen. in com. imperans, in omnibus acutis morbis, in quibus id est vtilissimum, si conuenienti tempore administratur, hoc est in remissione febris, & coctione peracta, vt lib. de med. purgantib. num. 4. notauit Hip.

Quapropter fidissimo experimento compertum est, nō solum in materia turgente, sed quæta & firma, si necessitas cogit, in omnibus mensibus purgationem clementem esse vtilissimam. Hoc peculiari elogio decæcat Fernelius lib. 3. B meth. c. 11. §. Pregnans quoque integris viribus licet purgantium vim tolerare possit, quia tamen illi qui intus geritur, quæ seruare volumus, vehementer obsum, benignis solis est expurganda, &c. Qui tantus auctor tēpus non determinat: nam si ligamenta vsque adeo valida sint, vt nunquam abortierit fœminā, vel suapte natura sit fortis & robusta, quouis mense expurgari potest, & Hip. præceptum vt plurimum, sicut cætera omnia aphoristica oracula seruare oportet. Si verò ligamenta adeo laxa sint, vt leui de causa disrumpantur, & fœmina sit debilis, hæc nec in mensibus ab Hip. præscriptis est expurganda, licet tunc fœtus reliquorū mēsum collatione facta videatur, esse validior. Ita adstruit Auicen. 2. 1. 3. tract. 2. c. 10. dum sic profatur: Et pharmaci quidem salutiū est de summa illarum causarum: quare oportet vt caueatur eius dispositio ante mensem quartum, & post septimum, & in eo, quod est intra illa iterum; verum tamen in C eo quod est inter illa est salubrius, & ad ipsum peruenitur, quum necessarium est; & fortasse non erit excusatio in quibusdam harum horarum, quin soluantur, & mundificetur sanguis eius vt non corrumpat embryonem, propter malitiam complexionis: quare oportet vt fiat cum facilitate, & subtilitate, &c. Censet ergo Auic. medicamentum etsi periculosum, cogente tamen necessitate in quouis tempore, licet salubrius in mediis mensibus, posse concedi: quem locum vberimè exponunt Gentilis, & Iacobus de partibus in com. Syluaticus controu. 85.

Exiis discas, grauidas morbo acuto, vel chronico detentas leuibus pharmacis esse expurgandas, turgente, vel concocta materia, quando ob cacochymiam maius imminet periculum, quàm ex agitatione, & insuauitate medicamentorum sequi possit. Tædio essem omnibus, si observationes, & consilia Medicorum illustrium in propatulum ponerem, qui in grauissimis morbis acutis, chronicis, & Gallico præsertim, in omni mense, curandas esse grauidas expurgantibus sibi persuadent, sicque non solum cathartica propinant, immò vnguenta ex hydrargyrio admovent, quæ in aliis, & vel in robustis hominibus esse nocua plures rati sunt. Potest itaque Medicus, vtiliter illa vsurpare in grauidis, purgationi potissimum assuetis, quocumque grauidationis mense, securius tamen mediis, vt doctè admonuit noster Cōiūs.

Sed prosequentes cœptam de purgatione in grauidis tractationem, quæramus aliqua ex multis, quæ in calce sese offerunt, non citra vtilitatem discutienda, & primò sic. Si morituri solis præfagiis sunt relinquendi, ne præsidia infano consilio infamentur, & grauidæ morbo acuto E oppressæ (in quo solo materia turget,) lethaliter laborant, 5. aph. 30. cur in iis frustra vitimur purgante pharmaco? Dic, valde distat lethale à deplorato; nam hic dicitur, cui nulla salutis elucet spes, sed certò ex eo æger est moriturus; ex lethali verò plurimi, licet cum magno mortis periculo, euadunt; nam lethale apud Gal. 5. aph. 2. sumitur pro eo qui admodum crebrò, non tamen ex necessitate mortem inducit: & interdum cum maligno confunditur, ex Gal. 3. prog. 1. & lib. de bonis & vitio succor. c. 1. à maligno autem morbo plures euadunt. Ergo lethali morbo correpti non omnes occumbunt. Sic Metro cum vrina, & suspensione nigra sanus euasit apud Hip. 1. epid. sect. 3. com. 24. Sic iuuenis Smyrnæ, cui vulnus in cerebrum penetrans fuit illatum, sanitatem recuperauit, vt constat



et Gallib. 8. de usu part. cap. 12. Sic vtero gerentes acutis morbis vexatz, etiam si lethaliter habeant, in summoque vitz discrimine versentur, non sunt deploratz, immo artis beneficio adiutæ conualescunt.

Secundò. Si humor turgens primis, & vltimis mensibus etiam exacerbatur, & inualefcit, & timor est ne ex eo febris caliditas angeatur, vel dolor partus increfcatur, vel ad aliquam principem, vel in ipsum etiam foetum possit decumbere, quæ pericula timuit Galen. 4. aph. 10. cur expurgatio in primis, & postremis non est celebranda: Dic. Antiqui in primis, & vltimis, etiam si humor turgeret, ferè non expurgabant, quoniam foetum tenerimum ob fragilia vincula, & maturum iam ad exitum properantem, pharmaci agitationem ferre non posse existimabant, & sic consultius fortunæ humoris turgentis se committere, quàm certum ex medicamento abortum ob causas dictas expectare, rati sunt. At nos frequenti experimento nixi, clementes purgationes in omnibus mensibus, urgente necessitate foeliciter propinamus. Sic veteres, dicebat Celsus lib. 2. cap. 10. sibi persuaserant, *gravidam in qua sanguis mitteretur, abortum esse facturam: postea verò usus ostendit, nihil ex his esse perpetuum; nam non interest quid in corpore inius geratur, sed quæ vires sint; quare grvida mulier valens tuo per vene sectionem curatur.* Sic Hippocrat. & prisci tantopere in illis purgationem tenuerunt, hoc est monuerunt, & cautos nos fecerunt, nec hoc auxilium citra præsentem necessitatem celebremus; at postea usus ostendit, nihil ex his esse perpetuum, aliâque potiores observationes esse adhibendas, ad quas dirigi curantis consilium debeat. Ergo si vires sint, & morbus vrgens adsit, qui ex humore oritur, in quo purgatio sit necessaria, eam concedunt iuniores omnes in mensibus aliis, usu multiplici edocti: nam monet Galen lib. 1. epidem. sect. 3. comm. 1. ut iudicium Medici docti magni faciendum sit. Quare quod hi grauissimi viri ratione, & experientia compararunt, & ego indices magis ac magis obseruo, præmissa phlebotomia parca, id citra timorem amplectendum est: nam experientia, & rationi plurimum est fidendum, ut infra ex præclara Galeni doctrina in comment. histor. 37. dilucidabimus.

Tertiò. Humor coctus, & à natura deuictus melius paret pharmaco, quàm turgens. Ergo hic etiam citra turgentiam vacuandus? Dic, licet dubium grauissimum excitari possit à paucis agitatum, num humor coctus melius cedat medicamento expurganti, quàm turgens, tum quia edomitus per coctionem euasit, tum quia est quietus, nec stimulat naturam acrimonia sua; turgens verò est tenuis, irrequiescens, irritat, lancinat, & prouocat naturam ad sui expulsionem: tamen cum *vacuario fiat natura expellente, medicamento attrahente, ex Galen. lib. 1. aph. 22.* illa autem magis exciteretur ad expellendum coctum, quàm turgentem, ex Galen. lib. 2. Aph. comment. 2. idcirco coctus humor, licet crassior, magis obedit, & naturæ, & pharmaco, quàm turgens: sed non est ita celeriter purgandus, ex antiquorum mente, quoniam nullum periculum antevertimus in expurgatione cocti, sicuti in expurgatione turgentis.

Quartò. Sanguis potest turgere, & acrimonia sua irritare naturam, furibundisque motus edere: si ergo hic turgeat, quid faciendum? Expurgatio reproba est, nam sanguinis effervescencia sanguinis missione curatur, ex Galen lib. de curand. rat. per sang. mis. cap. 12. lib. 13. meth. cap. 6. & alibi passim. Sed hæc in turgente humore non est amplectenda, ex priscorum mente, ut latè probat Hippocrat. cum Galen. 4. aph. 1. & 10. Si tamen vtero gerentem tantis malis obstram citra remedium relinquo, prudentis Medici officium non exequeris, nec Galeni præcepta obseruabis, qui generosum Medicum non debere perterrer, sed imminentiùs malis obuiam ire, illisque vehementer reluctari, in lib. de crisib. in prasag. non semel prædixit. Dic. in præsentia turgentis sanguinis, sanguinem esse mittendum; quoniam minori cum periculo suscipitur venæ sectio, ut supra ostendimus: nam sæpe alia vrgentia symptomata, ex hoc sanguine ebulliente

Lib. III.

A succrescunt, ut sitis, vigilia, capitis dolor, quæ vi sua, & atrocitate ad sanguinem mittendum nos compellunt. In cacoehymia autem ob multas causas posse vtiliter, & secundum mentem Galeni, sanguinem emitti, res est confessa: eas ad plenum allatis plurimis priscorum testimoniis referunt Peramatus lib. de vacuand. rat. c. 6. Augenius lib. 4. de sang. missione, cap. 4.

Quintò. Videtur Hippocrat. in oraculo suo esse obscurus, & dubius: nam quartum mensem videtur excludere, cum dicit, à quarto mense; & septimum includere, cum dicit, usque ad septimum; & cum subdit: Minus verò has (scilicet quæ septimum agunt) purgare oportet. Cum tamen quartus mens sit firmissimum tempus foetationis, & septimus sit ex postremis, in quo maturi partus exeunt in lucem. Dic, in hoc dubio hæsitant multi: quoniam non videtur satis explicuisse Hippocrat. an à quarto inclusiue, an exclusiue, ad septimum usque inclusiue, an inclusiue sint grauidæ medicandæ. Conciliator, loc. cit. Mercurialis 4. aph. 1. & alij plures, includunt septimum, commoti ratione dicta. Fuchsius, Vallesius, Christoph. à Vega, negant septimestres purgandas esse. Sed falluntur illi, quoniam quartus mensis non est excludendus. Septimum verò exclusit Hippocrat. Primò, nam usque ad illum, non in illo purgare præcepit. Secundò, est extra medium tempus foetationis, si partitio æqualis sit futura. Tertiò, quoniam trimestres quæ iniuriis magis resistunt, non licet purgare, ex ratione Aphorismi. Ergo multò minùs septimestres, quæ minùs resistunt. Accedit, quòd plurimi partus in septimo mense fiunt. Nec obstat, quòd Hippocrat. addat, sed has minùs. Non enim per ea verba concedit purgationem minorem in mense septimo, C sed potius vult vtero gerentes, media foetatione, & turgente materia minùs esse purgandas, quàm si non gestarent vtero, ut aliquid semper grauidationi tribuamus. Si verò omnè vis auferre controuersiam, lege sicut est notatum in Græcis codicibus, & ita sonat textus: Vtero gerentes sunt medicandæ, à quarto usque ad septimum, nequaquam verò has. Iuniores autem, & seniores abstinere oportet. Quo pacto Hippocrat. quartum inclusit, septimum exclusit. Si verò scire cupis, quo mense abortus sit securissimus ex se, pro vita maris, si abortiat, & pro viroque, numerum proponit Cardanus in com. cit. sem. & retulit Mercatus loco supra citato. Pro abortu securissimus est quintus, & sexti initium, quartus, & sexti finis: septimus: tertius: secundus: primus: nonus: octauus: decimus. Pro vita matris, primus: secundus: tertius: quartus: quintus: sextus: septimus: nonus: decimus: octauus. Generaliter pro vtroque, quartus: quintus: sextus: primus: secundus: tertius: septimus: decimus: nonus: octauus.

Sextò. Sermo de acetabulis fictitius videtur, nam si ea essent, cur postremis mensibus non erunt firmiora, si ab initio siccantur, & durescunt magis: quo tempore ob hanc causam foelicùs multò purgatio esset celebranda. Dic, ligamenta primis mensibus gestationis tenerissima sunt ob mollicitem, & humiditatem spermaticam, quam ab initio magis ac magis deponunt, & solidiora redduntur adedò, ut integram firmitudinem media foetatione acquirant: magis verò exiccata vltimis mensibus eam amittunt, & defectu humiditatis continuantis, fragilia & friabilia redduntur, adedò ut sponte sua citra vim extrinsecam decidant. Habent sanè ligamenta, sicut & cuncta viuientia, E ætates suas, adolefcunt, & sex primis mensibus vigent; senescunt, & tandem obeunt tribus vltimis, in quibus cum foetus sit maior, & pluri indigeat alimento, non relinquit ligamenti tantam alimenti copiam, ac antè. Quare nutritionis etiam defectu, vltimis mensibus imbecilliora redduntur, & foetus ipse grauior factus, calcitrat, & sine vi extrinseca, ipsa ligamenta disrumpit. Tu verò de ligamentorum, quibus foetus vtero alligatur, generatione, & incremento, lege Fabricium ab Aquapendente lib. de formato foetu, cap. 3. Ioan. Riolan. Filium lib. Anibropograph. cap. 2. qui præexcellenti stilo, eximia doctrina, & facundia mita de cotyledon, compos. & natur. inter omnes subtiliùs disceptauit, dignus ut cum priscis doctissimis compareretur.

## QVÆSTIO XXX.

*Verum in pica, similia, an dissimilia edulia appetantur, ut contra Auicennam Vallesius probat.*

## COMMENTARIUM.

**T***Ali passione.* ] Verum, ut incudem eandem subinde quod dicitur, porro tendere pergamus, notabimus Auenzoarem nec verbum quidem de morbo, quo fuerat oppressa sua uxor, protulisse. Sed cum omnes auctores hanc passim citent historiam, in hac re describenda, mandragoram mihi videntur bibisse, qui velut aspide icti somnifera, nimis desides, eam rimati non sunt: & ne ego in eodem luto hærere videar, codices Arabicos consulere coepi; ut ex iis aliquam lucem haurirem, tandemque inueni fuisse illum affectum, quem picam, malaciam, seu citram Medicorum schola nuncupauit; nomen enim Arabicum *Staer*, hoc ipsum significat solum. Sic enim politiores Arabes diuersorum alimentorum appetitum varium vocare consueuerunt.

Sed illicò te video obiicientem hoc modo. Si pica solet euenire vtero gerentibus præsertim, & usque ad quartum mensem durat; & virginibus quibus supprimuntur menstrua; aut viris, quando os ventriculi prauo aliquo excremento est imbutum, & tunc adest concupiscentia quædam vitiosarum qualitarum ciborum, quæ omnia cum essent sponte suapte, partim quod vomitione vitiatum humores expurgentur, coquantur, & eorum copia, augescere foetu, minuatur, quid auctorem nostrum coegit, ut in leui morbo tam effræne medicamentum porrigeret; Dic, humores viscosos aliquando ita tenaciter impingi in tunicis ventriculi, ut difficillimo negotio eradicari queant; & licet in ventriculi morbis, ne lædatur partis præstantia, nève humor medicamenti attractione valida ad affectam partem conuocetur, clementia medicamenta sint offerenda, tamen morbi rebellis, & contumacis natura aliud sæpe celebrandum monet; si enim ita non feceris, & malum insolescat, accidit, ut si res desiderata negetur, foetus emoriatur, & mater de vita periclitetur. Lege *Langium lib. 2. epist. 12.*

Deinde in prægnantibus ita aliquando hoc malum excrescit, ut languescat ventriculus, eneruentur partes naturales, continuis vomitionibus, crebra nausea, spuitioneque vexata, & tandem prostratis viribus, denegato alimento perit foetus, vel mater difficulter parit. Habemus exemplum apud *Hip. lib. 4. epid. num. 58.* Filia edilis apud Thecomæum, quæ cum in ventre habere sine signo coepisset, secundo mense vomitus pituitosus, aliquando autem biliosus fluebat, difficulter peperit. Insuper pica, imaginationem, animumque ita perturbat, ut nisi appetitui satisfiat, sæpe eueniant animi deliquium, syncope, abortus, & mors.

Nominis causa diuersa à diuersis traditur: Aristoteles *lib. 7. de histor. animal. cap. 4.* nomen huic morbo, scilicet ab aue quæ pica dicitur, assignat: exponit *Alexand. lib. 2. probl. quæst. 73.* vel quia glebam semper comedit, vel quia diuersorum est colorum. Vocatur malacia, vel citra; vel cissa, à *Dioscoride lib. 1. cap. 136.* & firmant *Aristophanes in fabula cui titulus est Vespæ*, & *Marcellus Virgilius in com. quæ nominis notiones cur illi sint attributæ, explicat Amatus lib. 3. centur. 86. & alij.*

De causa *Gal. lib. 1. de symp. caus. cap. 7.* sic pronunciat: *Præuas autem qualitates appetunt hi, quibus ventriculi tunica, prauo aliquo excremento sunt imbuta. Atque consuevit quidem huiusmodi affectus mulieres vitiosis humoribus repletas infestare, idque cum vterum gestant: vocatur pathos pica.* Explicant *Altimarus lib. de curand. morb. c. 62.* Peramatus *tract. de regimin. prægnant. cap. 5. de pica.*

Hoc affectu correptos, varia, eaque monstrosa edulia appetere certum est, & probat *Marcellus Donatus lib. 4. de medic. hist. mirabil. cap. 1.* nam alij appetunt terram, carbones, calcem viuam, tartarum, lanam, gossipium farinam, cicera, salem, niuem, pisces crudos, carnem

A humanam. Sed circa hoc negotium insurgunt rerum medicarum exploratores seduli, & inter eos *Mercurialis lib. 3. de morb. internis, cap. 6. de pica* iudicat enim difficillimum, & admirandum esse asseuerat, explicare, unde oriatur appetitus rerum adeò alienarum, ut scilicet alie mulieres appetant carbones, alie gypsum, alie calcem, &c. & propositis variis sententiis, tanta antinomiam veluti perterritus, nihil de hac re certi affirmare ausus est; quare ad sacram anchoram occultarum refugiens qualitatum, hos mirabiles, deprauatosque appetitus oriri ab occulta qualitate humorum exortorum in corporibus, & stomacho prægnantium asseruit; quam opinionem sequutus est *Ionstonus sect. 10. Thaumaturgraph. cap. 2. art. 2.* qui causam huius insoliti appetitus facius putat occultæ tribuere qualitati, quam in manifestis committere absurdum. Sed cum ratio sufficiens problematis huius possit assignari, ad occultas confugere qualitates, Medico est indecorum, ut bellè notabat *Galen. lib. 3. de præfagit. ex pulsib. cap. 5.*

Dic ergo, & fortasse melius, varia à grauidis appeti edulia, insolita, peregrina, quoniam corrupti humores, & tetra labe fœdari, in tunicis ventriculi impacti, maiorem cum hoc, vel illo reprobo alimento habent familiaritatem, unde natura cibaria pessima appetit, similia illis, quæ in suis sinibus reseruat. Hæc est concors omnium Medicorum sententia, qui de hoc dubio rectius ratiocinantur.

Sed ex hac solutione emanat dubitatio alia penè inextricabilis, quam licet acutè proponat *Vallesius inter omnes lib. 5. controvers. cap. 7.* eam ad plenum non soluit. Ad dubitat enim vir iste doctissimus hoc modo: cum in huiusmodi affectione, pro varietate vitiosi humoris in ventriculo redundantis, varia edulia appetantur, & ea quæ præter naturam sunt, quia medelam, & sui remotionem expostulant, ad contraria potius, quam similia prouocant; quomodo in similia his quæ præternaturaliter se habent, ventriculus ipse feretur, si verum est quod dicit *Galen. lib. art. med. cap. 63.* ventriculum in sua naturali dispositione existentem perpetuè similia appetere, præternaturaliter autem affectum, contraria?

Ergo primò proponit aliorum solutionem asserentium præternaturales intemperies factas, & habituales, tanquam naturales similia appetere; factam verò iam esse illam, quæ in picam deducit. Non placet *Vallesio* solutio: nam magna ex parte grauidæ protinus à conceptionis initio usque ad secundum, vel tertium mensem hoc appetitu deprauato infestantur, quarto subito liberantur, ut *Aërius, Paulus, & Gal. 1. de caus. symp. 7.* affirmant, maximè cum non tam subito fieri, tollique possit facta intemperies; quare appetitus similitum in pica, ad illam referri non potest.

*Vallesius* sic ratiocinatur, causamque putat succi redundantiam in ventriculi tunicis admodum impacti, quia subito imbibit, subitoque auferri potest: & licet noxius & præternaturalis, prouocaret appetentiam ad absurda, sibi quæ similia edulia; eo quod ubi humor iam totas tunicas penetravit, quierus existit, nullam iam molestiam, & alternationem inferens, atque ideò non est cur ad contrarium, sui quæ expulsionem excitet appetitum, non aliter quam in hectica, & quouis alio habituali affectu experimur, à quibus nec dolor, nec molestia incutitur, quoniam hæc cum in fieri, mori quæ consistant, non adsunt, nisi quamdiu durat alteratio. Dictum verò *Galen. in arte medica* restringit ad nudas, immaterialis quæ intemperies; in illis enim quæ cum succorum redundantia sunt, quantumvis præter naturam ingesti sint, similia potius succis ipsis appetuntur. Addit denique, succum denudò aduenientem, quia similis est ei qui totam antea tunicam imbuebat, nihil immutare, sed perinde afficere, ac si de nouo non adueniret. Quod si dissimilis, & contrarius accedat, cum agitet & moueat eum qui quierus præexistebat, dolorem excitat, quem natura abhorret, atque adeò tale alimentum. Si verò quæras, unde ergo quamprimum fastidiunt simile illud quo delectantur quædamque

quodque paulò antè appetebant? Respondet, quia fortè iam excedit: nam & intemperatæ etiam naturæ, quamvis sibi paria appetant, primòque occurſu illorum viù delectantur, *lib. art. med. cap. 60.* eò quòd ab illis conſervari expectant, ea tamen faſtidiunt, ubi moram excedunt, quia ab eiſdem offenduntur, propter quod licèt contraria reſpuant, meliùs, & tutiùs per ea gubernantur.

Ceterùm ſi humor ille præter naturam morboſè infaſtus eſt, & vt talis grauat, moleſtâtque vètriculum ipſum, quin & ſientem affectionem inducit, qualis pica eſt, cur inſtar aliarum affectionum præter naturam, ad oppoſita, ſuique inanitionem quã exigit, *1. aph. 17. & 22.* non promouebit appetitum, ſed ad ſimilia, quibus potiùs augetur: præſertim cùm Galen. de omni aſcitiia, & præternaturali diſpoſitione, (dummodò in habitum conuerſa non ſit) ſiue nuda, ſiue cum materiæ affluxu vniuerſaliter pronuntiarit, contraria omnino appetere. Lege Franciſcum Ranchinum *lib. de virginum morbis, ſect. 3. cap. 2. de virgin. pica.*

Videtur ergo dicendum, quòd licèt vitiatis excrementis imbibitis in ventris tunicis, fiat deprauata hæc cibiorum appetentia, (de qua, præter Galen, *1. de cauſ. ſympi. 7. lib. finit. medic. prope finem, 5. aph. 61. & 1. de compoſ. ſec. loc. cap. 4. & 5. de loc. cap. 6.* meminit Hippocr. *lib. de ſuperf. num. 8. 5.* Si qua prægnans terram edere concupiſcat, aut carbonẽs, &c.) & alienæ illæ quæ appetuntur, qualitates, quatenus vicioſæ, & præter naturam, cum humoribus ipſis, huius peſſimi appetitus cauſa, videantur conuenire; illis tamen omnino, & propriè contrariæ ſunt, atque in eorum remedium, & expulſionem expectuntur, prout ex Galen. colligitur *lib. 1. de cauſ. ſympi. cap. 7.* & docet Auicena *3. 3. tract. 2. cap. 10.* dum clariffimis verbis rem ſic determinat. *5. Quando in ſtomacho aggregatur humor malus, diuerſus à conſueti in qualitate ſua, natura tunc requirit aliquid ei contrarium diuerſum à conſueti. Fugantia namque ſunt extrema, & è contrario, quapropter accidit quibuſdam appetitus luti, immò carbonum, & terræ, & gypſi, & rerum huius generis, propter qualitatem quæ in eis eſt, exiccantem, aut incidentem contrariam qualiati humorum, &c.* Quam ſententiam luculentiffimè explanant ibi Gentilis, & Iacobus de Partibus, adeoque hoc eſt verum, vt in medelam, deſiderata ipſa, lutum, carbonẽs, lapides, & ſimilia concedantur, non aliter quàm in canina fame (quæ alia eſt deprauatæ appetentiæ ſpecies, in cibi, potuſque immoderantiâ excedens) concupita quantitas ſæpè offertur, quamvis tutiùs remotiõne cauſæ curentur.

At ſi illa contraria ſunt, & ad ſtatum naturalem reducunt, in quo vitæ ſuauiſſima continetur, inſuper & expectantur, cur non delectabunt potiùs, quàm faſtidium ſubitò inducent, recreant enim expectita etiam praua, & ſui fruitione augent voluptatem, nedum ſimul iuuantia? Dic, plenus, malèque affectus ventriculus, & deprauatè appetens, etiam in eo aberrat, quòd concupita conſeſtim abhorreat; vel cùm ex proprietate mali appetitus in obuia omnia, & ad varia ſimul feratur, neque omnibus ſimul quæ cupit, potiarur, neceſſe ſit oblatum faſtidire, & obuium, vel aliud diuerſum ſtatim concupiſcere: variis enim ſimul, vt diximus, in huiusmodi affectione duplicatur appetitus, non ſecus quàm pica auis, colorum, ac picturæ varietate induitur, ad cuius ſimilitudinem nomenclaturam morbus accepit, vel quia eo eadem auicula ſæpiſſimè laborat, vt Paulus *lib. 1. c. 1.* confirmauit. Si de picæ curatione plura ſcire aues, conſule Trall. *lib. 4. c. 6.* Mercatum *lib. 3. de morb. mulier. c. 10.* quod malum etiam viros infeſtare ſolet; narrat enim Ioan. Agricola Ammonius in *com. c. 5. lib. 5. de loc. affect. Gal.* Medicum quendam fuiſſe, qui caſeos vaccinos purulentos, & grauiffimè cadauerum inſtar putreſcentium olentes, omnibus turdis, perdicibus, attragenis, & phasianis, quoad vixit, præponere fuit ſolitus, ſed hoc rarum eſt.

Quapropter pica, vt ait Gal. *lib. 1. de cauſ. ſympi. cit. eſt affectio propria vtero gerentium, quæ in primis menſibus ſunt conſtituta; appetunt enim hoc ipſo tempore acida, acerbæ, interdum vel cimoliam terram, vel teſtas, vel extinctos carbonẽs, aut alios huiusmodi cibos abſurdos. Et complures earum*

A hoc vitio laborant uſque ad ſecundum, & tertium menſem, in quarto vero quieſcunt, partim quod vomitione vicioſi humores expurgentur, partim quod in hoc tẽpore concoquuntur, viſpore exiguum cibi, ob faſtidium, tum ſumente muliere, partim etiam quod multitudo ſit euacuata. Quippe primis duobus menſibus fœtus paucum ad ſe ſanguinẽ attrahit, eo quòd minimus adhuc ſit, quando ne fœtus quidem hoc tempore nominari debeat, ſed potiùs conceptus. Maior autem iam factus, tum plurimo indiget alimento, ideoque non ſolum quod optimũ eſt è venis, vt antea allicui, verum quia maior, aliquid vicioſi attrahit, unde corpus minus vicioſis humoribus vexatur.

## HISTORIA XV. AETII, De mola.

### Mola ſanguinea, prouocantibus menſtrua expellitur.

Philophus verò, de reſtis, inquit, uxoris amici cuiusdam menſibus, arbitrabar primò ipſam concepiffe, poſtea aucto amplius tumore hydropem ſuſpectum habui, quia totum corpus, ac pedes tumefcere videbam. At ubi tandem id affectionis genus eſſe deprehendi, quod alij laterem, alij molam vocant, rutam, & anethum in vino veteri fuluo odorato coxi, & abiectis herbis, vinum calidum bibendum dedi, & ſermẽ aque loco exhibui, ſtatimque mulier excreta ſanguinis copia ſalutem adeptæ eſt. Aëtius *terrab. 4. ſerm. 4. cap. 80.*

## PARAPHRASIS.

DE generatione molæ, cauſis, ſignis, prognofi, & curatione, tam multa veterum, & iuniorum clariffimi memoriæ commendarunt, vt ſi eorum de hac re varias opiniones penſes ad vnguem, in immenſum accreſcat oratio. Legat qui velit practicos inſignes, proprio *cap. de mola, & præſertim Mercatum lib. 3. de morb. mulier. cap. 8.* Iacob. Ruſſum *lib. 5. de conceptu, cap. 1. & 2.* Altimar. Holler. Triucauel. *cap. prop. Moxium lib. 2. de morb. muliebrib. ſanandis per vena ſect. c. 26.* Iacob. Segarram in *lib. 1. Hip. de natur. hom. com. 9. & alios.*

Mola, dicente Aëtio hoc loco, ſic vocata à grauitate, & pondere, quòd tanquam moles quædam, grauiffimi ponderis inſtar, prægnantes grauat. Eſt hic affectus, vt habemus apud Moſchionem, Hipp. *lib. 1. de morb. & lib. de ſterilib. Gal. lib. 14. meth. 13. & 14. de uſu part. cap. 7. poſt med.* Auic. *21. 3. tract. 2. c. 19.* Ariſt. *4. de generat. animal. cap. 7.* Paul. *lib. 3. c. 69.* caro quædam inutilis, informis, inarticulata, dura, in vtero mulieris genita, inſtar veri conceptus, & variarum figurarum ab vtero excreta.

De cauſa vtrinque certatum apud Recentiores: cùm enim molam ſola mulier concipiat, auctore Alberto Magno *lib. 10. de animalib. tract. 2. c. 2.* quia ipſa ſola abundat copia menſtruorum, vt Auerrhoës firmat in *comment. cap. 4. lib. 6. de generat. animal.* & priùs prædixit Ariſtoteles *lib. 6. de hiſtor. animal. cap. 18.* tamen materia eſt ſemen, & ſanguis; vtrumque enim miſcetur vnà, & in carnem duratur, ex eo quòd vicioſi ſunt menſes, aut ineptius, debile, & frigiduſculum viri ſemen ad efformandum fœtum. Num verò virile ſemen ad molæ generationem requiratur ſemper, ita vt citra viri commercium gigni non poſſit? reſpondet Mercurialis *lib. 1. de morb. mulier. cap. 3.* affirmatiuè, nam mola cùm ſit caro, non habet aliam generationem, quam habet ipſa caro, quæ ſit ex ſanguine: ergo ex calore ipſius, ſanguis iſte conglobatur, deinceps addito ſanguine pederentim ſit nutritio, accretio, & augmentum. Si verò Hippocr. *locis cit.* citra virum concipi molas negauerit, concilia cum doctiſſimo Marcello Donato *lib. 4. de hiſt. mirab. cap. 25.* qui molam nullam, quæ ſenſum aut motum habeat, ſine viri cum ſcæmina coitu vlllo pacto generari poſſe, ſicuti motu & ſenſu carentem ſine maris ſemine poſſe procreari aſſeuerat. Conſule Paulum Zacchiam *lib. 1. tit. 3. quaſt.*

quæst. medic-olegalium, q. 6. qui doctè simul, & copiosè, ex A scoride lib. 3. cap. 43. quam facultatem etiam habere anethum, est in confesso.

Signa proponuntur ab Hipp. loco cit. nam adest tumor durus circa vteri partes, corporis gracilitas, partium superiacentium contractio, prostratio appetitus, coloris vitium, menstruum suppressio, mamillarum tumor, subuersio stomachi, lumborum grauitas. Hæc primis mensibus conceptus suspicionem ex se præbent: verum temporis progressu distinguuntur; nam molam comitatur punctiois dolor, deest motus ille qui in vteri conceptu percipitur, & cum manibus comprimitur, mouetur, & quum mulier de latere in latus vertitur, pondus illud etiam mouetur: & licet toto corpore imminuto, ac ventre ampliato, tumor, hydropis imaginem præ se ferat, discernitur tamen, quia in hydrope si venter pulsetur, tympani sonum edit, fluctuatio intus sentitur, & tumor ad digitorum pulsationem cedit, quæ omnia contrà accidunt in mola, vt rectè inter omnes notauit Antonius Guainerius com. de agriuinib. matricis, cap. 3. 2. de mola: & horum signorum causas doctè proposuit Valleriola lib. 1. obs. 1.

Vtrumque sit, molæ signa sunt fallacia, illusoria, & ambigua, quum mulier possit gestare lentam, mucosamque pituitam, massas informes ex tenaci succo conflatas, putridas membranas, puris copiam caloris vi induratum, monstra, belluas, quæ omnia vterum eleuasse, & falsam mentita fuisse conceptionem, auctores fidissimi contestantur, quorum numerum post Marcel. loc. cit. Ioan. Schenckius refert lib. 4. obs. de molis. tamen efficacius omnes putant signum, si post mensem decimum, qui est verus terminus partus humani, adhuc intumescat venter, nec vlla hydropis appareant indicia.

Molarum multæ sunt species. Prima est aquosa. Audi vnâ mirabilem descriptam à Vesalio lib. 5. de fabric. cap. 9. refert enim se secuisse mulierem, in cuius vtero ferossæ aquæ nonaginta libræ inuentæ sunt. Alia est carnosæ, quando carneum quoddam frustum per vterum excernitur, de qua molæ specie plures historias narrant auctores, vt Arist. 4. de generat. animal. c. 7. Aëtius terrab. 4. ferm. 3. c. 8. Matthæus de Gradi, & Gattinaria in com. cap. penult. lib. 9. Rhas. ad Almans. Alexand. Benedict. lib. 15. de curand. morb. cap. 14. Amat. 7. cent. 5. 4. Alia est membranosa, ex membranis compacta, quam vidit Hollerius lib. obs. propriar. num. 20. Ad hanc potest reduci & illa, quam pulmentariam vocat Harculanus in com. Rhas. in 9. ad Almans. c. de mola, & ab humore crasso pituitoso originem ducere, ibidem inculcat, & ita appellari ad similitudinem pultis, factæ per superfluum milij decoctionem in aqua, arbibitratur.

Alia est mola venosa, seu flatulenta, de qua, sicut de eius curatione, aliisque speciebus molarum elegantes fecimus obseruationes lib. 2. de praxi admiranda, ab obser. 150. usque ad obser. 156. Ventrosam obseruauit Vallascus Tarentinus lib. 6. phlon. sui, c. 5. viderunt Auic. 2. 1. 3. tract. 2. cap. 18. Matthæus in com. Rhas. ad Almans. cap. de mola, Paræus lib. 25. c. 34. Dodonæus c. 49. obs. medicinal. Marcel. Donat. lib. 4. de hist. mirabil. c. 25. Alexand. Benedict. lib. 26. de morb. c. 34. Thaddæus Dunus lib. miscellan. c. 8. Iason. lib. de pariente, & partu, cap. 2. & alij.

Alia est mola sanguinea, de qua in hac historia Aëtius agit. Hanc concedit Auic. 2. 1. 3. tract. 2. cap. 18. quam fieri ex plurimo menstruo sanguine retento in vtero, ibi inculcat. Illam se obseruasse irradit Alexander Benedictus lib. 4. cap. 36. Cum ergo primò Aëtius hydropem esset suspicatus, deinde signis dictis molam adesse deprehenderet, qua premebatur foemina ista, vinum verus, fuluum, odoratum bibendum dedit, in quo prius ferbuerant ruta, & anethum.

Hæc cum calida sint, tenuium partium, carnem compactam incidunt, attenuant, & commouent; nam vinum quò vetustius, eò calidius, & magis si sit odoratum, & fuluum, quòd ex Galen. 7. meth. 6. & 3. acut. 18. & alibi calore polleat vehemènti. Hoc modo Hippocr. lib. de sterilibus, num. 20. dictamnum creticum cum vino bibendum censet. Ruta humorem lentum, sanguinemque concretum extenuat, aperit obstructions, menstrua mouet, ex Dio-

scoride lib. 3. cap. 43. quam facultatem etiam habere anethum, est in confesso.

Hæcque omnia ab Auctore celebrata fuisse existima, euacuationibus vniuersalibus præmissis. Ergo primò corpus purgare oportet, quo facto, si ferat, vena tali secunda. Pubi cucurbitulæ cum multa stamma adhibendæ, & omnia sunt peragenda, quæ auctores ad prouocandos menses, foetum mortuum educendum, extrahendas secundinas, imperant, vt notat inter omnes Iacchinus in com. Rhas. cap. de mola.

## HISTOR. XVI. AVENZOARIS, De sterilitate.

Sterilitas præ calore eueniens, frigidorum  
vsu perfanatur.

E T ego cum essem iuuenis, vsus sum regimine calido, & nō generabam, & nesciebā causam. Demum habui causam, & vsus fui cucurbitis, & odorabar nenuphar, & camphoram cum pomis, & cum a febre fui liberatus, genui filios quos habeo, & alios præter ipsos, plures. Et sic habes curā huius, scilicet quia seruare debes istud regimen, & dare debes ad comedendum ei cucurbitā decoctā cum porulacis, & cū pane benè fermentato, cōsiderando quòd modica quantitas harū rerum conferi ei multum, & c. Auenzoar lib. 2. Theizir, tract. 3. c. 1.

## PARAPHRASIS.

C Vm singularia omnia à summo naturæ opifice creata, principia in se habeant corruptioni obnoxia, sublunaria saltem, in quibus elementa in se inuicem pugnantia sunt coniuncta, idcirco hæc omnia cunctis certam quandam prælagiunt ruinam. At sapientissimus orbis gubernator, admirabili quadam arte, ne suo frustraretur opere, rerum omnium species propagatione ineffabili, vt docet Aristot. lib. 2. de generat. animal. cap. 1. æternitati addidit, & sic in nobiliori perfectorum animalium specie duplicem constituit sexum: in qualibet aurem illarum hos sexus distinxit ita, vt maris extra, foemina verò in proprio vteri claustro germinet. Denique vterque horum animalium sexus venereis quibusdam concitati illecebris, & velat turgentes ab igniculis commoti, mutuo appetitu se inuicem aggrediuntur, quo insigni artificio conceptio fit.

Quamobrem artifex ille diuinus, Veneris vsu confecto senio animali, cunctorum perfectorum animalium species conseruat, dum nouos iterum emittit partus ad auras. Venus enim, quam ab spuma maris natam fabulantur Poëtæ, tanquam Dea præest apud homines, generationi, & parum honestis amoribus. Huius ope, homo, diuinum animal, operum summi artificis periocha, & perfectissimarum eius actionum extremum, tanquam torius vniuersi decus, mutuis animi, & corporis nexibus exornatum, in lucem exit.

Nec dubites è mari esse exortam Venerem: nam concupiscentia ex humore prodit, ex qua humidus incontinentes vocamus: nam ex humida constitutione corporum, nascitur cupido miscendorum, licet alteram causam assignet naturalem Diog. Apolloniata apud Clementem Alexand. lib. 1. sui pedagogi, cap. 6. quòd seminis substantia spuma est sanguinis, qui innato masculi calore in coniunctione cum foemina turbatus, & agitur in vasis seminariis spumescit, atque reponitur, à quo fortè mutatur Arist. lib. 2. de generat. animal. cap. 2. semen esse natura spumofum asseuerans. Lege Octauium Horatianum lib. 3. ad Victoriā, cap. 3.

Veneris ergo medio, Omnipotens inter reliqua beneficia, hoc conseruationis donum per propagationem cunctis viuētibz, & præsertim hominibz communicauit, cum sub matrimonij foedere, mutuos ille diuersorum sexuum amplexus, magno, & indissolubili nodo sanciuert; quo



quo rato, maréve fœminam ingrediente, prolifica effundantibus semina, homo generatur nouus, reparaturque nunquam his naturæ legibus deficientibus, occultatio, & speciei humanæ mortalitas. Hoc modo diuinus ille Architectus, quandam inclinationem, propensionemque ad generis sui propagationem cuique indidit, ne breui temporis spatio corrueret. Quare noua prole facta, omnia quotidiana generatione, quæ est omnium operationum perfectissima, indies propagantur, Veneris, & conceptionis adminiculo; hæc autem nihil est aliud, quam attracti ab utero seminis commixtio in sanguinis menstrui priori parte, in quam calor natiuus ita agit, vt viuificato seminis genitalis calore, demum fœtus generatio sequatur.

Si igitur tot sunt conceptionis commoda, cur Auic. 2. 1. 3. tract. 2. cap. 17. aliquando sterilitatem inducendam esse consuluit? Cum enim sint plures, quæ ob confirmationis vitium non possunt absque manifesto vitæ periculo fœtum vsque ad maturitatis tempus conseruare, necesse est vt his sterilitas inducatur, in his videlicet quæ sunt parua, & exigua obtinent corporis molem, & in ea in cuius matrice est agritudo, & in ea in cuius vesica est debilitas. Responde cum Moxio lib. 2. de curandis morb. muliebrib. acuis per venæ sectionem, c. 16. dicentē, in dictis exemplis licere Medico sterilitatem inducere, ad euitandam fœminæ perniciem, quasi necessariò iuxta moralem certitudinem consequuturam. De qua re lege eruditissimum Castrensem Lusitanum lib. 4. opusc. quæ ex quibus, cap. 4.

A multis causis in viris sterilitatem concitari, manifestis, docuere ex veterum mente Mercatus lib. 1. de morb. mulier. a. c. 1. vsque ad 4. Mercurialis lib. 1. de morb. mulier. cap. 2. Sennertus lib. 9. de curand. morb. sect. 3. part. 2. cap. 1. Capiuacius lib. 4. de vteri affectibus, c. 5. & 6. Iacob. Ruef. lib. 6. de conceptu & generat. homin. a. cap. 1. vsque ad 7. Nicol. Rocheus lib. 1. de morb. mulier. cap. 20. Akakia lib. 2. de morb. mulier. cap. 16. Ambros. Paræus lib. de hom. generat. cap. 37. & 38. & alij: licet virorum sterilitas non ita frequens sit, ac mulierum, quæ facile sterilitate tentantur; nam in illis vna tantum ratione contingit, spermatis nempe vitio; in fœminis verò ab innumeris ferè causis nempe utero, semine, menstruo, vterinisque sæuissimis morbis ortum ducit. Accedit, quòd illæ sunt frigidiores viris, & sic temperamenti ratione sterilitatem sæpissimè patiuntur.

Manifestæ ergo qualitates eandem inferre natæ sunt: nam lib. 5. aph. 62. postquam dixit Hippocrat. fœminas habentes vteros siccos, & præcalidos, propter defectum alimenti non concipere, hæc proportionabiliter ad viros accommodanda esse, censeret vberissimus interpres in com. dum sic ait: Quare cum testium temperatura nimio excedit calore, semen est paucum, & aduritur, sitque tosto simile; & ob siccitatem quando primò excidit in vterum, extendi non potest, quod maximè est necessarium, si mulier debeat concipere: ostensum namque est in sermone de semine, nisi per vteri cavitatem parte plurima semen extendatur, mulierem non concipere, &c.

Quapropter sicut viri ob temperaturæ frigiditatem steriles fiunt, quia semen non bene concoquitur, aquosius, & serosius est, & generationi inutile; sic ob temperaturæ caliditatem aduritur semen, assatur, & sit tosto simile, & absumpto genitali spiritu, sit inhabile: nam vt ait Fernellius lib. 6. pathol. cap. 13. virilitas extinguatur ex causis omnibus, quæ insitum spiritum, roburque dissolunt; inter quas numerati immodicum calorem enucleat Gal. lib. 5. aph. 63.

Ex his liquidò patet, Auenzoarem casu fuisse curatum: cum enim in iuuentute, quæ ætas suapte natura calidissima est, calido vteretur regimine, quo sanguis arefcit, & siccatur semen, & hac de causa sterilis esset, causo correptus, & frigida humidæque ad auferendam febrem assumens, refrigerato sanguine, & magis hoc modo atemperato semine, fœcundus euasit. Quo pacto, quanto sterilitas ex intemperie calida oritur, & sicca, tunc refrigerantia sunt ex vsu, sed in quantitate modica ea propina: nam in immodica si offerantur, tantum abest vt prosint, quin nocere possint: nimia enim frigiditate

Lib. III.

A calorem extinguunt, genitales partes debilitant, spiritus cogunt, & incrassant, semenque expressa primigenia humiditate exiccant.

Moderatam frigiditatem obtinere cucurbitam, poma, nenuphar, portulacam, omnibus compertum esse reor: odor enim nenupharis, camphoræ, & pomeum redolentium cum neutriat spiritus, eos etiam frigida qualitate afficit, qui sic affecti, sanguinem, & totum corpus alterant, & ad contrarium statum permutant. Portulaca verò, ad incendium internum mitigandum præstantissima, & licet ex Dioscorid. lib. 2. cap. 16. veneris impetus exoluat, quia minuit semen, & sic steriles reddit, cum frigida sit in excessu tertio, ex Paulo lib. 7. tit. de portulacaca, hoc de cruda est intelligendum; coctione enim eius frige-factoria vis corrigitur. De camphora maior est hæsitatio, quæ licet frigida sit apud Arabes, multæ tamen esse participem caliditatis, rationes probare videntur, quas infra leges in com. hist. 20.

At cur panem bene fermentatum cum his frigidis alimentis assumptum commendet, meritò rogabis? Dic, quoniam panis cum sit alimentum, cum quo cætera alimenta eduntur, sitque ad nutriendum saluberrimum, bene fermentatus, hoc est, vbi fermenti quod far est habuerit, promptius à natura amplexatur, melius coquitur, & tenuitate sua, ac subtilitate est in cau a, vt reliqua alimenta citius coquantur, & angustissimas penetrent corporis partes, vt auctor est Auerrhoës lib. 5. collig. c. 26. firmat Rhafius lib. 3. ad Almanf. 3. edoctus à Gal. lib. 3. alimentor. 26. De qua re pulcha diximus lib. 2. in com. hist. 32.

Addiderim, sine fermento reprobum esse, & vel in exigua quantitate exhibitum, grauem, ponderosum, & difficilis coctionis: quamuis autem multa alia reperiantur edulia concoctu faciliora, celerius roborantia, & sanguinis copiam augentia, in proposito casu exiguus panis obtinet principatum, ex Galen. lib. 1. de sanit. tuenda c. 6. & Auic. 3. 1. doct. 2. cap. 7. Trall. lib. 1. cap. de epilepsia. Vnde panis fermentatus cum sit consuetus, & similimus naturæ nostræ, promptius concoquitur, facilius assimilatur, & citius nutrit, ex Auer. 5. collig. 31. Ras. 3. ad Almanf. 9. Auic. 3. 1. doct. 2. cap. 7. Celso lib. 2. c. 18. quare Gal. 1. acut. 18. in prandio gladiatoribus panem offert, in cœna carnem, quia hæc difficilius pane coquitur, & sic noctu ob somnum, & vberiorum calorem melius conficitur, & 1. de sanit. tuenda. 20. infantibus post lactis vsum exhibet panem.

Sed hic obiter quæres, cur vsus carnis actu calidæ laudatur, & panis calidus recenter à forno extractus nocet, apud Auic. 3. 1. cap. 7. Dic, quia caro cum difficilius coquatur pane, indiget actuali calore quò coqui possit: panis verò calidus ponderosior est, & inflammatur; frigidus verò, licet durior, est rarior, quoniam secedentibus vaporibus, pori inanes fiunt. Lege doctissimum Ludouicum Nonnium lib. 1. de re cibaria, cap. 1. Syluatic. cont. 6.

Rursus ex contraria causa, nempe frigiditate oriri sterilitatem in viris frequenter, auctores tradunt: nam frigiditas innatum seminis calorem extinguit, sanguinem efficit aquosum, semen fluidum, & spiritum implanatum absumit. Demum frigiditas crudos, pituitosos, & aquosos humores generat, quorum copia semen suffocatum minuitur, & refrigeratur, spiritusque prolificus absumitur.

## QVÆSTIO XXXI.

Vtrum fascinatio sterilitatem inducat, vt Theologi, Iurisperiti, Medici, & Philosophi confirmant.

## COMMENTARIUM.

ET non generabam.] Relictis iis obscurioribus inuigilemus, diuertamusque in ea vireta, vbi inenarrabili varietate floribus passim nitescantibus, coronamenta nobis compingamus, quæ opellam hanc rudem non ornent modò, sed halitu fragrantiore, & succulentia quoddammodo alant,

alant, implerantque animos lectorum ratione mira. Sterilitatis causas communes plurimi scite sunt timati: De occulta verò, & abdita, quam vi fascinationis præstari firmarunt Medici, hoc loco agendum nobis est, quærendumque primò. An sit fasciatio naturalis. Secundò, quid sit. Tertiò, qualis sit. Quartò, quæ eius differentia. Quintò, an aliqui natura fascinatores nascantur. Sextò qui fascino magis obnoxij. Septimò, an sint remedia fascinationi contraria. Ultimò, an detur fasciatio pacto dæmonum celebrata, & an hæc, sterilitatem, aliòque mirandos effectus inducat. A primo ergo exordium sumamus.

Quæsitum à doctioribus naturæ arcana rimantibus, possitne fasciatio sterilitatem inducere: nam nonnulli acurè admodum, ac scite de hoc argumento agentes, in varias dispersi sunt sententias, quas antequam in medium proferamus, Fascinationis natura prius est explicanda. A fasce, vel fascia videri potest dicta fasciatio, fascinus, fascinum, quia ligat, & quasi fasciat quem læsit; nec desunt qui à fando velint derivare; nam & oratione fasciatio fit.

Fasciatio duobus modis contingit, animali virtute, vno: cacodæmonis maleficio, altero. Illam dari, recentiorum communis ferè comprobavit opinio: non enim Græci, solum, sed Latini, & Arabes, dari fascinum in rerum natura, argumentis evidentissimis coacti constanter asseruere: Plinius enim *lib. 7. cap. 2.* in Africa familias quasdam esse fascinantium, affirmat, hoc tradente Ifigono, & Nymphodoro, quarum laudatione intereant probata, arescant arbores, emoriantur infantes. Idem Plinius tradit *eo in loco*, eiusdem generis esse in Triballis, atque Illyriis, qui visu quoque effascinent, interimantque quos diutius intueantur, iratis præcipuè oculis, quod eorum malum facilius sentire puberes: itaque hi oculo, illi fascinabant lingua. Idem narrat *lib. 9. cap. 4.* Hoc fascinandi maleficio præcipuè sceminae pollent, duplices in oculis pupillas habentes, ut *lib. 7. cit.* Plinius commemorat.

Eandem sententiam Plutarch. *lib. 5. sympr. quæst. 7.* ex Phylarcho narrat, Thibios, gentem Ponticam fascino obesse, non pueris modò, verum etiam adultis, ac viris: aspectum enim, & respirationem, & linguam ipsorum adferre mortem, & mercatores qui admisissent seruos ab illis empros, tabesceri, & ægrotare. Et licet tactu, lingua, atque aliis membris fiat fasciatio, tamè præcipuum fascinationis organum, est oculus: nam ab oculis animalium, noxij quidam, ac maligni afflatus vibrantur, siue prodeunt ad res quæ videntur: non quia apprehensio viuis immediatè, vi imaginationis corpus immutat alterius, ut plurimis visum est, sed per motum cordis, cuius immutatio transit ad oculum, à quo infici potest aliquid extrinsecum, præsertim mutationi faciliè obnoxium: quemadmodum mēstruatæ mulieris oculus inficit speculum, maculisque aspergit; eodem modo infecti, & tabidi, quorum oculis aer inquinatur, flores corrumpuntur, & bestiolæ quædam aut enecantur, aut vehementer offenduntur.

Quapropter Tral. Alexand. *lib. 2. prob. quæst. 7.* Aristor. pluribus locis de fascino meminere, & fascinationem oculis siue aspectu, & anima siue halitu fieri voverunt: nam animæ imaginatione spiritus immutatur corporis coniuncti, quæ quidem spirituum immutatio maximè in oculis fit, ad quos subtiliores spiritus perueniunt. Itaque Arabes iure affirmant, mulieres menstruatas solo aspectu præsertim intento, infantes, tenerioresque pueros, puberes, adultos, maximèque pulchros valde lædere. Oculis autem maximè fasciatio fit, quod quæ venenum habent, magna ex parte in extremis gestant, quæ morfu feriunt, in capite, ut cherisydrus, hæmorrhoids, muræna, vipera, &c. quæ ictu in cauda, ut scorpis. Deinde quia facilius conceptum venenum intenti ad nocendum ex oculis ejaculantur, quod sine cute sint. Lege Ramirum Pratensem elegantissimum in *suo Pentecontarcho, cap. 31.*

Fasciatio ergo morbus est, qui ex spiritu fascinantis per oculos fascinari, ad cor ipsius ingressu peruenit: qui quidem spiritus à calore puriore ex sanguine progignitur, & hic quidem huiusmodi spiritus est, cuiusmodi est in nobis sanguinis humor, qui similes sibi radios per oculos,

quasi per vitreas fenestras emittit. Suo enim quodam motu perpetuo cor proximum sibi agitans, sanguinem diffusis in corpus spiritibus quasi scintillas quasdam luminum per membra dispergit, & verò maximè per oculos, ad altissimas partes, quod leuissimus, properans quodque oculi maximè perspicui, & nitidi sunt. Est autem lumen aliquod in oculis, ex eo patet, quod quarundam animalium oculi in tenebris micant; & Oët. August. Sueronio referente in *eius vita*, adeò perspicua fuerit oculorum luce, ut quum acius quempiam intueretur, cogeret eum quasi ad Solis iubar oculos submittere: & auctor est idem Tranquillus, in tenebris vidisse Tiberium, & legisse, præsertim cum somno primùm excitatus esset. Adde perspicuum esse, radium ab oculo emissum lectum vaporem quendam spiritalem ducere, qui & sanguinem attrahat: nam lippi, rubentesque oculi, radij sui emissionem, sæpe quos mortales vident, eodem morbo laborare cogunt: quod sanè indicat, ad obuios illos porrigi, & cum radio vnà corrupti sanguinis vaporem emanare, atque ea contagione oculos spectantis infici. Huius argumentum quod iam retulimus ex Arist. quod mulieres menstruo affectæ sanguineis guttis speculum sæpe scedent. Est enim vapor sanguinis tenuissimus, qui aspectum fugit oculorum, qui in speculi superficie crassior factus apparet: cum in rariore, aut minùs terfa materia non appareat: estque ut violentus aculeus, sanguineus ille vapor, quem spiritum nominamus, qui oculos diuerberat, & cum à percutientis incitatur corde, percussu præcordia quasi sedem propriam repetit, & cor repercutit, & ut peregrinus sanguis, atque alienus proprium fascinari inficit sanguinem, unde ægrotatio fascinationis, quæ iccirco teneriorem ætatem magis lædit, quod molliore sit corpore, & minùs ferienti queat resistere.

Quare fascinationem naturalem concedit Sacra pagina in *lib. Sapientie*, & multis locis, & ibi interpretes in *com.* Abulensis, Richardus quodlibet. 3. quæst. 13. c. 16. & Rabini, qui eam dari allatis plurimis locis, & historiis vberimè confirmant. Rabbi Aqueda tract. 24. in *Genesin*, fol. 61. Rabbi Rasis in *com. Genes. c. 48.* Rabenus Salomon Ephraën in *Genesin*, fol. 33. & alij. Ita sentit Olaus Magnus, Dionysius Carthusianus *lib. 1. de venenis, cap. 17.* Fracastor *lib. de sympath. & antipath.* Vallesius *lib. 4. cont. c. vlt. & in lib. de sacra philosoph. in com. c. 68.* Hucher. *lib. 4. de sterilit. cap. 1.* Ioan. Brauus *lib. de Psyllis, & Marfis, fol. 81.* Mercurialis *lib. 1. de morb. pueror. c. 3. in med. qui ex mente Varonis id confirmat.* Valleriol. *lib. 2. obs. 4. §. Sic & fascinaricus* mulieres solo obtutu in quempiam vehementius intento, emissis oculis plures fascinare (pueros præsertim, quibus mollior caro est, & ad mala excipienda promior) conspiciunt, &c. Explicat elegantissimè eodem *lib. obs. 7.* Probat eruditissimè Antonius Carthaginensis *lib. de fascinatione, ferè per totum.* Thomas à Veiga *lib. 1. de dif. feb. cap. 4.* Muræus *lib. 1. variar. c. 3.* Paulus Zacchias *lib. 2. q. medicolegal. tract. 2. q. 6.* Obstrepat licet Fernel. *lib. 2. de abdit. cap. 16.* Christoph. à Vega *lib. 2. de art. medend. sect. 6. c. vlt.* Santorellus *lib. 2. aneprax. c. 14.* Fortunatus Plempius *lib. de ophthalmographia, problemat. 7.* quorum rationes proponit Rodericus à Castro *lib. de medic. politic. c. 1. de fascinat.* & contrarias ex aliorum mente perfoluit. Quæ opinatio philosophis aduersatur penè omnibus: nam fascinationis naturalis auctores præter citatos habemus Arist. 20. probl. 34. Albert. Magnum *lib. 22. de animal. cap. 5.* Egidium contra errores philosophorum, Cælium Rhodig. in *antiquit. lecttionib. plurib. in loc. præsertim lib. 20. c. 15.* Si ramen aduersæ factionis solutas legere concupiscis, lege Marfil. Ficin. in *comm. conuinij Platon. orat. 7. cap. 41.*

Ad secundum. Fasciatio est perniciosa quædam qualitas, intensa imaginatione, visive, propter odium, vel amorem inflicta. Quata sit vis imaginationis, supra in *com. hist. 12.* retulimus, & manifestissimis exemplis probant Cardanus *lib. 2. contrad. tract. 2. cont. 7.* & Pomponatius in *suo de incantationibus libro.* Quod verò visu præcipuè fasciatio fiat, supra docuimus: nam sicut cerebrum est humani corporis arx, sic res sensuum est visus, & animæ nostræ familiarissimus: animi enim affectus evidentissimè demon-

demonstrant oculi, siquidem mœsticia suffusi, animi dolorem non dissimulant, contra gaudente animo hilares subrident; metu inualecente turbantur; ira flagrante exasperantur, & rubescunt; in audacia profluant; in reuerentia subsident; in amore blandiuntur; in odio efferantur; denique omnes animi affectus mirè exprimentur: de quorum excellentia mira lege apud Cælium Rhodig. l. 3. lect. antiq. c. 26. Leuin. Lemnium lib. 4. de occult. nat. miracul. cap. 6. Denique in sanitate ex oculorum obrutu, animi propensionem, meatisque indicia eliciunt Medici: sunt enim oculi animi indices; nam internos affectus, cogitata, conceptus, etiâ si lingua cesset, foris produnt. Quapropter Hip. lib. 6. epid. sect. 4. sent. 28. sic dicit: *Ut oculi valent, ita & totum corpus*: nam ex oculis eliciuntur notæ physiognomonicæ, & totius corporis temperamentum arguitur, ut in cap. 25. 26. 27. art. med. Gal. edocuit, & Hip. prius significauit lib. 2. epid. sect. 6. in inii. Horum oculorum gratia, lucem rerum omnium præstantissimam Deus Optim. Maxim. creauit, quia sine luce videri non potest, ut firmat Philo in lib. de confusione linguar. nam illi sunt animi fidissimi duces, nam hoc gaudente oculi hilariter subrident; eodem mœrente ipsi quoque heberantur, ac languescunt; grauiori premente molestia, lachrymas exprimentur; per iram tumescunt; in mansuetudine remittuntur; in contemplatione hærent; denique omnibus animi affectibus statim respondent. Ira Galenus lib. 1. 6. de usu part. cap. 3. oculos vocat diuina membra, & visum omnibus sensibus præstare affirmat: de qua re eruditissimè conscripsit Veronensis Gabriel. in lib. 1. Aristot. de prima philosoph. quest. 6.

Sic ergo oculi variis mutationibus naturalem quandam animi cognitionem declarant, manifestum fit, quod si fascinum, per imaginationem (quæ est animi vis) fiat, per oculos quoque, qui animi ministri, & affines sunt, fieri potest. Ex quibus radij quidam emittuntur, qui veluti iacula, ac sagittæ ad effascinandorum corda deferuntur, totumque corpus inficiunt, atque ita nulla interposita mora, arbores, segetes, bruta, & homines perniciofa qualitate conspurcant; unde pecudes partu, & lacte priuantur, equi contabescunt, segetes vruntur, arescunt arbores, ac tandem omnia ruunt in interitum. Consule Greunium in præfat. ad lib. de venenis.

Ad tertium. Fascinum omne perniciofa qualitate præditum esse, ex definitione satis patet, quæ quidem qualitas ad veneni naturam proximè accedit: nam sicut venenum, totum quod inuasit ad sui virulentam naturam conuertit, ita quæcunque corpora fascino correpta sunt, in venenatam, & corruptam transcunt substantiam. Qualitas in fascinatione duplex est, alia occulta, quam internam vocamus, alia manifesta, quæ in primis quatuor qualitatibus sedem habet. Calida vel calefaciendo corrodit, & vsque ad cor penetrans, corpus dissoluit; vel inflamat, & paulatim tabefacit. Frigida stuporem inducit, cor immobile reddit, viscera obstruit, & refrigerat. Sicca humiditatem absorbit. Humida, per putredinem, partem à parte separat. Ex quibus omnibus ad quartum solutio patet.

Ad quintum. Enasci aliquos à natiuitate fascinatores, apud me dubium non est: nam præter Plinij auctoritatem lib. 7. cap. 2. dicentis in Africa familias quædam esse fascinantium, quorum obtutu pessimo animalia emoriantur. Ratio dicat: nam sicut reperiuntur plures homines qui ingenita facultate, & natua quadam contrarietate ferarum morsibus obfistunt, earumque venena infringunt: & sicut in herbis, lapidibus, & animantibus inueniuntur admirabiles virtutes sanandi; sic in aliquibus hominibus, malefica & noxia qualitas nocendi à natiuitate est ingenita, ut visu & aspectu nocere possint; in quibus, ut ait Plin. cit. loc. in oculis, & eorum corpore toto venena gignuntur, è quibus (ut notat Heliodorus lib. 3. histor. Æthiopica, parum ante med.) eleuatur vapor nobis circumfus, per oculos, nares, anhelitum, & alios meatus intus penetrans, & vnà secum exteriores qualitates, quibus imbutus est, ferens, qualis influxerit, qui talem quoque affectum iis, qui illum acceperint, infeminat. Nam si

A sunt homines, & pleraque in rerum natura, quæ visu, atque interuentu tantoperè profunt, erunt & alij qui simili modo possunt nocere; nam Philosophorum omnium concors est assertio, si in natura rerum reperitur vnum contrarium, debere dari reliquum.

Quod verò reperiantur Pysylli, & Marfi, quibus gratia à Deo iuuandi, & benefaciendi à Deo est concessa, probauimus lib. 1. in com. hist. vli. Refert Plin. lib. 7. cap. 2. in Helleponto circa Parium genus hominum fuisse, Ophiogenes vocatos, serpentum ictus contactu leuare solitos, & manu imposita venena extrahere è corpore. Hanc Pysyllorum vim naturalem morbos sanandi, & resistendi venenis, confirmant Ælianus lib. 1. 6. de histor. animal. cap. 27. & cap. 28. ex Calliæ monumentis recenlet, morsui Cerastis serpentis pestiferi, à quo non bestia tantum sed & homines intereunt, nihil æquè succurrere posse, ac Lybicum natione Pysillum. Hic namque, ut ille ait, initio plagam salina fovebat, atque curabat, deinde malo crescente multam intra dentes aquam hauriens, eaque os suum colloquens, eiectam in poculum vulnerato absorbendam iradebat. Quod si forte veneni acerbitas inualesceret acrius, nudus ipse nudo agrotanti accubans, proprio suo corpore morbi vim ita debilitabat, atque frangebatur, ut in totum hominem liberaret, &c. Omitto multa, quæ à Plinio, & ab alijs pro confirmanda benefica vi Pysyllorum sunt conscripta: nam Mathiolus lib. 6. in Dioscorid. cap. 40. nouit complures, qui simpliciter, nullo artificio, nullisque verbis, Aspides vipersas prorsum citra incommodum capiebant, quamuis serpentes ipsos pedibus calcarent, & manibus comprimerent, aut diutius in nudo pectore gestarent.

Non est igitur mirum, si aliqui homines ingenitam sanandi facultatem sint adepti; neque est cur nos eorum salinæ, aut corporis contactus admiranda virtus attonitos teneat, cum multò maiora, magisque stupenda quotidie euenite cernamus. Punctis ab scorpione scorpionum ipsum qui ictum infligit tritum, & percusso loco impositum, suæ plagæ ob cæcam quandam naturæ proprietatem remedium esse, lib. 6. cap. 44. docuit Dioscorides. Sic tritus mus araneus contra suos ictus commodè bibitur, ex Dioscoride, eodem lib. cap. 6. Sic dens ille, qui caninus dicitur, à cane qui momordit exemptus, aquæ pauores arcet, ex Dioscorid. lib. 2. cap. 39. si folliculo indatur, pro amuletotoque brachio annectatur. Sic iecur canis, qui rabie exagitur, tostum, & in cibo à demorsis sumptum, ne aquæ pauore tententur, tueri, eo loco prædixit Dioscorides. Quare si hæc miracula inueniuntur in natura, cur in hominibus similes vires iuuandi, & nocendi non reperiuntur, ipsis à natura insitæ? Non ergo negandum, in natura inueniri Pysylos, & alios natura fascinatores enatos.

Ad sextum. Apud Aristot. in lib. de anima, & Gal. 1. de diff. feb. cap. 5. axioma est inuiolabile, nullum agens sine patientis aptitudine agere posse; alioquin omnes, qui sub sole versantur, febrerent, & cum pestilentibus conuersantes, peste afficerentur. Vnum certum est, tenuem substantiam facilius alterari, quàm crassam, ex Gal. lib. 1. feb. cap. 1. quare rara corpora promptius fascinationi sunt obnoxia; nam per meatuum raritatem facile perniciofa qualitas penetrare potest; solida verò corpora ob contrarias causas difficillimè à fascinatione læduntur. Calida humida, frigidis corporibus & siccis, facilius fascinatione inquinantur: nam promptius vnà cum aëre inspirato malignum vaporem attrahunt. Hoc modo tenelli, rara contextura præditi pueri citius inficiuntur; qui quò venustiores, & pulchriores, in fascinationem celerius incurunt; sicut ingenio, & natura diuites; semina decoiæ aspectu, opimæ pecudes, equi torosi, & visu delectabiles, lætæ segetes, luxuriantes arbores.

Ad septimum. Plura esse antidota, quæ fascinationi naturali aduersentur, Dioscorides asseuerat lib. 3. cap. 87. de Alyssis; nam hæc herba domibus appensa salutaris esse creditur, & hominibus, atque animalibus fascini amuletum, ut probat Ruellius lib. 3. de natur. stirp. cap. 38. qui fascinationem dari diserè multis allatis exemplis confirmat. Hoc modo Angelicam valere contra fascinationes affumant, si quis eam secum gestarit. Sic ruta fascinationis

nationis remedium est, ex Arist. 20. *probl.* 34. Varro morem fuisse veterum prodit, ad omnes fascinationes auerendas, de infantum collo res turpes suspendendi. Mercurialis loco cit. pro re turpi intelligit quamcunque rem turpē, & hoc non sine ratione erat factum; quia si vlla sit fascinatio in infantibus, secundum Medicos, & Philosophos ea est, quæ sit per oculos, quotiescunque aut viri venenati, aut mulieres attentè intuentur ipsos infantes. Veteres ergo illi sapientissimi, ut auerterent oculos istorum ab aspiciendis infantibus, iure voluerunt res turpes appendi collo ipsorum, ut hæc fœda, & turpia spectra facerent, sicque mulieres attentè non aspicerent.

Plinius lib. 14. cap. 4. palmarum quarundam osseum, lunatumque lignum contra fascinantes valere scribit; dente tamen religione polito nihil superstitiosus. Nec illud credibilis, quod refert lib. 28. cap. 8. frontis hyanz pellem fascinationibus resistere; & quod eiusdem lib. cap. 4. salua hominis ieiuni arceri fascinationes & cap. 2. vltimum Romanis, peculiaris adoratio Græcam Nemesein inuocantibus. Illud multò est naturæ conuenientius lib. 26. cap. 10. fascinis vtilem esse radicem illius Satyrii, quæ Orchis dicitur, sed videtur confudisse Ruellius cum testiculis, qui dicuntur canis, ut facile ex iis constat, quæ Matthiolus in Dioscorid. scripsit lib. 3. à cap. 135. usque ad cap. 139. Serenus cum emaciantur pueri, si fascinatione id putetur accidisse, tradit allium maximè prodesse ex collo appensum, quia fascinationes arceat, ut & saphirus, & carbunculus. Mulieribus non desunt peculiares ipsarum medicinæ, verbi gratia, vsus suffumigationis ex epyro, caryophyllis, cinnamomo, ligno aloës, frequentissimè thure; Consule Cardan. lib. 3. de venen. cap. 15.

Ad vltimum. Dæmones ab antiquis vocari Lemures, Faunos, Satyros, Larvas, Manes, Penates, Nymphas, Semideos, Musas, & Genios, latè ex iuniorum Historiis probant Paulus Grillardus tract. de Sortilegiis, quest. 3. n. 19. Baptista Codronchius lib. 3. cap. 6. de morb. venefic. ac benefic. Ioan. Hucher. lib. 4. de maleficiis. Vnuerus lib. 3. de præstigiis demon. cap. 18. Horum commercio, & pacto fieri fascinum, maleficia, incantationes, præstigiaturas, ligari homines, fieri impotentes, philtres, poculis amatoriis, verbis prolatis, orationibus, appensis, gestatis, figuris, coniurationibus characteribus, & aliis mille modis, mille doctus experimentis, ac testimoniis certissimis confirmatus, verum esse non dubito.

Horum omnium dæmon est auctor, aut adiutor, patris nempe, conuentis inter cacodæmones, & præstigiatrices, seu fascinatores. Tanta enim istorum vis est, quantam nullis in corporibus scimus inesse, quam statui, oculi radio, cæteris membris, verbis etiam tribuunt per incantationes, id est certas verborum, aut gestuum formulas: inde nasci morbos trans naturam, probant Gemma lib. 2. de diuinis characteris, cap. 4. Langins lib. 1. epist. 38. & lib. 2. epist. 34. Fernel. lib. 6. patholog. 13. & lib. 2. de abdit. cap. 16. Cardan. lib. 2. contradi. tract. 2. cont. 7. Santorel. lib. 2. anteprax. 15. & 16.

Has artes dæmonum pacto exercere maleficas quoddam mulieres, quas lamias, seu striges vocant, aut veneficos homines, quos strigones dicimus, ligare mortales, impotentes facere maleficiis, & præstigiis, testantur euidentissimis exemplis, ex nostris Marcel. Donat. l. 2. de medic. hist. mirabil. cap. 1. Carreus disput. 37. ad libros de loc. affect. ex alienis testes sunt Paulus Æmilius lib. 2. histor. Francia, Martinus Cromerus lib. 8. de reb. Polonis, Ioan. Crispianus in Caesaribus, in Anastasio, Franciscus Venerus lib. 1. probl. sacra Scriptura, 216. 228. Trithemius lib. 1. breuiarij Annalium Francor. 18. Plinius lib. 9. histor. natural. cap. 3. Cassiodorus lib. 4. variar. epistol. 23.

Deinde si amor induci potest magicis artibus, incantamentis, carminibus, ut firmitur Nicephor. Calistus lib. 5. hist. Ecclesiast. cap. 27. Theocritus in pharmaceutria, Idyllio 2. cum iisdem artibus non poterunt ligari homines, ut cum propria vxore non concumbant, cum aliis maximè; & si cum propria misceri possint, steriles fiant? Sic magi, sagæ, fortilegæ, multos pene priuant, alios in virilium imbecillitatem cum virium languore summo deducunt, ut

ad Venerem inertes remaneant, quos solæ, quæ affixerant, precibus, & muneribus restituere queunt. De quo argumento legendus Matthias Vntzerus lib. 1. de peste, cap. 17. Victor de bona gentibus lib. de febre pestilenti, tract. 2. cap. 1.

Iusuper si poculis amatoriis incendi potest libido, elementa magicis artibus mutari, aqua de cælo incantamentis plueri, venti leniri, ut ex multorum sensu auctorum testantur Lilius Gyrardus syntagm. 13. de idolis gent. Polydor. Virgil. lib. 23. histor. Anglic. Ioan. Gothius lib. 6. hist. Gothic. cap. 24. cur his artibus sterilitas non inducatur? Denique, si ær, & sidera mutantur, homines in alia corpora transponuntur magicis præstigiis, ut testantur vberimè Petrus Tolosanus Iurisconsultus eximius lib. 34. syntagmat. vniuersi, cap. 14. Abulensis in cap. 21. numeror. & ex Theologica magis, quam naturali penu auctor eius operis, qui dicitur malleus maleficarum, Cardan. loco cit. cur iisdem maleficis cærimoniis steriles non fiant homines, & ad Venerem ineptissimi? Num verò maleficarum imaginatio à dæmonibus moneatur, & agitur, non quidem nouam formam in organa imprimendo, sed formas in sensuum organis receptas localiter, ad vim apprehensiuam transmutando, ut inde tales apparitiones, ac visa in somnis fiant, quales ab illis desiderantur, & à dæmonibus inferuntur, Theologis disputandum relinquo. Interim de remediis contra fascinationem dæmonum pacto celebratam, Consule Ioan. Hagium lib. 5. de passionibus mulier. tit. de concumbendi impotentia. Vtrum verò homines in veros lupos, & bestias vi dæmonum transformari possint, latè explicat Calmannus lib. 2. psychopolog. distinct. 3. quest. 8.

## HISTORIA XVII. ALBUCASIS, De fœtu mortuo.

Fœtus mortuus, & putridus, aliquandiu gestatus, & putrescente vtero, circa umbilicum tumorem excitans; ex quo sponte, vel arte suppurato, putridus fœtus cum ossibus est exemptus & consolidato vlcere mulier absque sterilitatis noxa conualuit.

**V**idi mulierem, fœtum motuum etiam vtero gerentem nihilominus denudò impregnata, eundemque fœtum ex secundo conceptu genitum, mortuum. Huic multo tempore post, apostema in umbilico obortum, & inflatum, suppuratum est. Vocatus itaque ad curationem, diu eiusdem medicationi insisti, neque tamen ad consolidationem vlceris deinceps potuit. Itaque emplastra vehementia attrahentia adhibui, quorum beneficio paucis post diebus ossicula prodierunt. Admiratio ne igitur ductus, quum ventrem ossibus carere scirem, rem diligentiè, & multifariam expendi, deprehendique ossicula illa, nonnisi ex fœtuum mortuorum cadauerulis prouenisse. Causa itaque morbi certò cognita, medendique ratione inuenta, ossicula plurima per intervalla ex apostemate eduxi, & muliere indies melius habente, qua postmodum diu adhuc superuixit; vlceris verò subinde nonnihil putrilaginis ex sese remisit, &c. Albucasis lib. 2. de chirurg. cap. 76.

## P A R A P H R A S I S.

**Q**uanta ex fœtu mortuo in vtero retento, & impaeto, dum eum imbellis vteri vis expellere saragit, oriantur symptomata, horrenda, metus & terroris plena, cum suo vapore tetro & maligno, à sanguine etiam menstruo suppresso, & in vteri ergastulo coërcito, eleuato, partelque superas, cum quibus summam obtinet sympathiam, & consensum, premente, lancinante, & prosterente labe dira, nec mente concipi, nec verbis explicari potest. Quapropter licet Hippocrates, Medicorum antiquissimus



antiquissimus Magister, in lib. de morb. mulier. Galenus, & A  
classici illorum filij, de foetus mortui curatione caput ac-  
curatè conscripserint, nos omnia in angustam redigemus  
summam, plura addentes, quæ utilitatem afferent non  
aspernabilem.

Miseret profectò, ut cum Plinio loquar, lib. 7. cap. 7.  
quàm friuola sit animalium superbissimi origo, quum ple-  
rumque abortus causa sit odor è lucernarum extinctarum  
fumo exhalans. Quæ enim miseria maior, aut magis mi-  
seranda fors, quàm ut in ipso vitæ limine, nascens, & pa-  
tiens miserabili voce Medicorum opem implorent! Sed  
hæc est muliebris naturæ conditio, ut cum dolore pariat,  
& in partu de vitæ sæpe periclitetur: nam si instante par-  
tu naturali, sæuissimis oppressæ symptomatis scæminæ,  
memunt, panent, mœrore conficiuntur, lancinantur, ta-  
bescunt, exoluuntur, quantò magis in violento, ac præter  
naturam, in quo ipsæ in agone positæ, ad mortis fauces  
deductæ, exanimantur, & de salute sua desperant, vigiliis,  
nixu frequenti, torminibus diris vexatæ, & proinde de-  
biles, & foetus motu destitutæ, qui ad foelicem partum  
summè conducit, quoniam, ut bellè distabat Galenus  
lib. 5. aph. 55. ad partum, robore matris, & foetus opus est: hic  
enim calcitrans, & distrumpens membranas, ad excre-  
tionem viam parat.

Causa foetus mortui multiplex est. Emoritur enim ob  
alimenti penuriam, malitiam, plethoram ingentem, ni-  
miam sanguinis copiam, ob quam, ut ignis multa ligno-  
rum congerie suffocatur, foetus obruitur, & extinguitur.  
Perit solutis acetabulis, ob saltum, rissum, ictum, sternuta-  
mentum, vel humiditatem superfluum laxatis, ex nimia  
inedia, ingenti hæmorrhagiâ, aui fluxu diurno, 5.  
aph. 3. 2. phlebotomia intempestiua, medicamento valido  
expurgante oblato, prouocantibus menstrua exhibitis  
amaris, morbo incendio, & acuto; hic enim absomit  
pabulum, sanguinem comminuit, vires eneruat, & tan-  
dem foetum occidit 5. aph. 3. 1. Moritur ob partus difficul-  
tatem, ut diserte monuit Auic. 2. 1. 3. tract. 2. cap. 21. quæ  
ad foetum sæpe est reducenda: si enim imbellis sit, & ne-  
que vincula distrumpere possit, neque ad exitum vehe-  
menter eniti, laboriosus partus subsequitur.

Difficilis deinde partus ex multiplici causa emanans,  
foetus mortui est causa. Fit difficilis, ut toties lib. de na-  
tur. puer. & de morb. mulieb. Hip. prædixit, vel quia debi-  
tum tempus antevertit, tunc enim potius abortus, quàm  
partus dicendus est; vel ex mœrore, timore, tristitia diu-  
turna, læticia immodica, vigilia, pauore, terrore horribi-  
lium spectrorum. Ex parte foetus difficilis fit partus, si  
exeat deprauata figura, in manus, pedes, cum altera manu;  
vel pede, in ventrem, in latus, obliquus, contortus; ex qui-  
bus omnibus periculosissimis figuris descriptis ab Hip.  
in lib. de morb. mulier. partus difficultas contingit.

Perit foetus ex parte matris; nam si ex longo morbo, la-  
bore multo, ingenti vacuatione est exhausta, nec foetum  
retinere, nec in enixu seipsam iuuare potest, maximè si  
gibbosa sit: huius enim sortis scæminæ anhelosæ sunt,  
difficiliter spirant, ex Hip. lib. 6. aph. 55. & sic spiritum  
cohibere nequeunt, opus alioqui ad partum summo opere  
necessarium. Hoc malum quoque affert mala vteri, ac  
vicinarum partium constitutio, veluti est vteri magna  
distentio, ipsius strictura, nimia omenti obesitas, vlcus  
in partibus genitalibus relictum, tumentes hæmorrhoi-  
des: excrementa dura & diu retenta hanc etiam cladem  
afferunt; nam comprimunt vterum, & foetum exire impe-  
diunt.

Extinguitur foetus ex parte acetabulorum, quoniam  
si sint plena mucore, & laxata, foetum retinere nequeunt;  
nam debilia sunt, & retentrix gaudet siccitate, ex Hip. 5.  
aph. 45. Sicca etiam ligamenta, chordæ exiccata instar,  
distrumpuntur. Corpus nimis gracile, aut excarne facit  
abortum, ex Hip. 5. aph. 44. Ex parte membranarum dif-  
ficilis fit partus: quia ob crassitiem non dehiscunt, ob te-  
nuitatem intempestiue diuelluntur, & ob hanc occasio-  
nem, humore vacuato partus ob siccitatem redditur diffi-  
ciliior, quod foetus per collum vteri difficulter elabitur.  
Humorem autem hunc prodesse vijs lubricandis, dila-

tando vterum, quum à prædicto humore ipsius collum  
humectatur, & mollius redditur, & facilitando partum,  
testis est locupletissimus Galenus lib. 15. de usu part. cap.  
5. Cur autem sola mulier inter cætera animalia partus  
difficultate laboret, explicat variæ lectionis vir Mercu-  
rialis lib. 2. de morb. mulier. cap. 3.

Signa foetus mortui, sunt priuatio, & defectus morus  
ipsius infantis, venter matris frigescit, dolor grauis adest  
iuxta vmbilicum, labiorum color liuescit, oculi obstupe-  
sunt, natus horret. Decumbente foetu in latus, in id re-  
uoluitur, ac decidit puer, mammillæ extenuantur, humi-  
ditates ab vtero emanant, scæmina fit inepta ad motum,  
eius corpus cum virore albicat, languet, mollescit, ca-  
put dolet, oris, foetor sentitur, obreuebratur visus, instan-  
tur palpebræ, inappetentia contingit. Putrescente foetu,  
ichores ab vtero emanant, tempora pulsant, malæ rubent,  
excitantur febres, insomnia sunt turbulenta: his enim si-  
gnis foetum mortuum cognoscere docet Hip. lib. 1. de  
morb. mulier. & refert Aëtius tetrab. 4. serm. 4. cap. 11. lege  
Franciscum Portum lib. 4. decadis medicæ, cap. 25.

De præfagio quid dicendum? Hoc esse funestum, &  
mortem extemplo minitans, plures ostendunt irrefragabi-  
les rationes; cum enim per totum conceptionis tempus  
foetus dulcissimo sanguine alatur, impuriorem respuat, ut  
Hip. docuit lib. de natur. pueri, num. 39. & firmat Galenus  
lib. 3. epid. sect. 3. com. 73. ob hanc causam maxima in vni-  
uerso mulieris corpore, prauorum, & crassorum exuberat  
succorum colluies, qui diu in vteri cauernula, tanquam  
in sentina retenti, in maleficam abeuntes naturam, cor,  
visceraque præcipua scædant & inquinant, & vniuerso  
corpori suam cacoëthen impertiuntur vim. Hinc grauis  
sopor, epilepsia, conuulsio, animi deliquium, virium reso-  
lutio, cardialgia, syncope, & ex humiditatibus retentis,  
foetique putrescente febris non ignaua exoritur, quæ  
ipsas ad necem citissimè deducit. Deinde licet foetus à  
natura, vel arte expellatur, remanet tamen vterus tanta la-  
be scædatus, ut vix corrigi deinceps, & emendari possit,  
quum ex demortuo foetu vterus insignem contrahat fri-  
giditatem, ob quam varia deinde & scæua oriuntur sym-  
ptomata. Si verò scæminas, aliquando foetum mortuum  
per multa annorum curricula gestasse, eumque naturam  
sensim, frustillatimque excreuisse, auctores non contem-  
nendi, ut Albucasis hoc loco, & alij commemorant, id  
tanquam monstruosum, & limites naturæ excedens, est  
recipiendum.

Mira enim sunt, ut ad historiarum explicationem acceda-  
mus, naturæ opera, quæ quotidie circa foetum mortuum  
obseruantur. Plurimæ enim fuere grauidæ, in quibus vel  
ob partus difficultatem, vel casum aliquem, morbum acu-  
tum, aut alias causas supra citatas, foetus est emortuus, &  
aliquandiu etiam putrescente vtero gestatus, qui circa  
vmbilicum, abdomen, imum ventrem, & inguina, tumo-  
res, aut vesicas excitauit; ex quibus vel sponte, vel arte  
suppuratis, apertisque, putridus foetus cum ossibus exem-  
ptus, consolidatisque vlcibus, mater absque sterilitatis  
noxa conualuit. Hoc ita esse fidissimi, peritissimique Me-  
dici confirmarunt, Gregorius Horstius lib. 7. de medic. hi-  
stor. mirabil. apud Marcel. Donat. cap. 2. & vltim. immò ipse  
Marcellus lib. 4. eiusdem operis, cap. 22. hoc ita esse variis  
allatis historiis contestatur: subscribunt Alexander Be-  
nedict. lib. 25. de curand. morb. cap. 33. Rousetus 21. part.  
de partu Cesareo, sect. 4. cap. 4. histor. 6. Caspar Bauhinus in  
appendice ad partum Cesareum Rouseti, Rondeletius in  
method. curand. morbos, cap. 65. Matthias Cornax citatus à  
Marcello, Langius lib. 2. epist. 30. Marsilius Cagnatus lib.  
4. variar. obseruat. cap. 9.

De curatione non nihil commaticè dicam, in qua perfi-  
cienda, quum necessitas urgeat, non debet Medicus per-  
terteri, etsi symptomata adsint horrenda, & fera. Quare  
aggredienda est curatio in conclamatis morbis, & in sa-  
lutis spe dubia aduersus scæuientia pericula potentibus  
præfidiis bellum gerendum, ut bellè docuit Galenus  
lib. 10. meth. cap. 10. nam multi citra spem mirabiliter su-  
nantur, ut monuit Auic. 44. tract. 2. cap. 10. & Celsus lib.  
5. cap. 26. Quo fit ut in hoc desperato casu, non leuia, sed  
fortia

fortia illi cō sunt administranda, maximè cum solum à matre expellente habeamus auxilium, quoniam fœtus cum sit mortuus non calcitrat, nec membranas dirumpit, nec querit exitum: extrema ergo sunt, & violenta est necesse.

Galenus lib. 2. de caus. symptomat. 3. docet medicamenta quæ viuos fœtus excludunt, etiam expellere mortuos: nam ad vtrumque fœtum excludendum, facultatis expultricis ope indigemus. Quare cum in mortuo fœtu facultas magis sit sopita, quoniam ille non motu suo, sed solum pondere naturam stimulat, iccirco matris vires augere debemus cardiacis, vt theriaca, mithridatio, confect. alchermes, hyacinthor. Profunt mirè lapis Belzaar, puluis diambraz, & alia, quæ vaporis tetri ab vtero exhalantis maliciam retundunt. Exhibenda sunt alimenta electa, quæ in parua quantitate multum nutriunt, vt vinum, quod vires collapsas citissimè omnium refocillat, oua recentia, hepata gallinarum, contusa, ex præstantissimis carnisbus extracta. Fœmina leniter deambulet: nimius somnus illi interdicens; nam fœtum retinet.

Euocant fœtum, quæ irritandi vires habent. Omnium maximè iuuant sternutationes, ex Senis edicto lib. 5. aph. 35. dicentis: *Mulieri quæ vterinis molestat, aut difficulter parit, superueniens sternutatio, bonum*: nam, vt ait fidus interpres in com. hic motus vehementiori concussu, atque feruore, partim quidem naturam excitat, partim verò excernit, quæ partibus corporis firmiter infixæ adhærent. Parentur sternutationes ex castorio, elleboro, pyrethro, pipere, sinapi, assa fœtida, & nicotiana. Frictiones optimæ sunt in partibus inferioribus celebratæ, fortès, & asperæ, cum sale, & aceto calido administratæ. Fiant ligaturæ dolorificæ in cruribus, pollice, & minimo digito. Cucurbitulæ siccæ in femore in parte domestica iterum atque iterum repetantur: quia potentissimè attrahunt, ex Galeno lib. 7. aph. 1. prouocant menstrua, & naturam ad inferiores partes præcipitant, ex Gal. lib. de sang. mis. cap. 11. Hac ratione ad extrudendum lapidem deorsum, vtitur hoc auxilio lib. de renum dignot. cap. 4. Nec displicet venæ sectio in talo celebrata, si vires adsint: Si enim sanguinis copia, & crassitie vterus prematur, & per vasa obstructa fœtus descendere nequeat, tunc commodissimam opem præstat, venæ sectio, maximè si fœmina fuerit assueta tempore grauidationis secare venam, quæ omiſsa, aut fortè extractio sanguine in minori copia, sit vt ob eam suffocatus emoriatur fœtus; quapropter hic adstante in vtero copia percolare non potest, nisi prius particularis vteri plenitudo dematur: inanitat enim venæ vteri, ac vicinæ aliar, concidunt & locum fœtui egredienti cedunt, & natura exonerata ad eius exclusionem redditur potentior.

Vtero apponenda sunt, & inferiori ventri, vnguenta quæ calefaciunt, vias aperiunt, & dilatant; nam sic facilius fœtus exire potest. Hæc parantur ex calidis oleis, vt castorij, rutæ, lilior. albor. lumbricor. ex quibus cum vnguento Agrip. Marciat. & succo rutæ, aut colocynthidis, fiat vnguentum. Vel impone vnguentum Arthanit. maioris cum myrrha permixtum, quod mirum in modum fœtum præcipitat. De horum classe sunt fomenta, infusus, lauacra, quibus partes infra vmbilicum foueri possunt: fiunt ex decocto myrrhæ, rubiæ, matricariæ, artemis. sabina, puleg. thymi, calamenthi, lauri, lupinor. althææ, sem. lin. parietar. melilot. aristoloch. cyclamin. ellebor. flor. chamæmel.

Hydrelæum optimum est: nam vasa dilatat, vias emolliat: fit ex herbis, & medicamentis dictis, & aliis quæ suapte vi menstrua prouocare nata sunt, vt inter omnes proprio experimento probat Thaddæus Dunus lib. miscellaneor. cap. 21. præsertim si sit cum oleo paratum; hoc enim, aut eius facce calente, pubem, vicinasque partes fouere, mirum est præsidium: ab oleo namque collum vteri humectatur, ac mollius redditur; quæ auxilio, molas detrudendi, facilitari partus, & mortuum fœtum excludi in propria vxore magna celebritate se obseruasse gloriatur Valeriolæ lib. 1. obs. 1. & post fortum, vel baneum, vnguentum imponendum.

Post hæc, exequenda suffumigia, quæ vteri vim expul-

tricem irritant, & ipsam cogunt fœtum expellere, viasque dilatant, aperiunt, potenter attrahunt, fiuntque hoc modo. *℞ thymiamat. aneos, opopanax. galbani, sulphur. viniocastor. cinnamon. an. 3 j. myrrha 3 ℔. veratri nigri 3 ij. succi cucumer. asinin. 3 j. ℔. fellis taurini, quod sit sat. Vt fiant formulæ cicerales, ex quibus ad arduas prunas elatus vapor per infundibulum in vterum recipiatur.*

Insuper exhibita in porum, optima sunt, siue in forma solida, siue liquida offerantur. Hoc decoctum vrile est, *℞ sabina, artemis. an. m. ij. diſtamini, adianthi. an. m. ij. cinnamom. fenugrac. an. 3 j. ℔. Cum 3 i. trochiscor. de myrrha, & 3 iij. syrup. de artemisia, & g. iij. croci, fiat potus.*

Pulueres hi si in vino exhibeantur, prodesse valde poterunt. *℞ myrrha, castor. assa fœtid. galbani. dauci, diſtamni, an. 3 ℔. Qui etiam in iure, vel aliquo decocto aperienti oblatis, valde prodesse queunt.*

Si verò fœtus excerni non possit, inferenda est vis naturæ, & violenta medicamenta tentanda: nam vt lib. 5. meth. cap. 15. notabat Gal. ubi semel moriendum est, a leuibus inchoare præsidia est inutile, quoniam vt Hip. ait lib. 1. aph. 6. *extremis morbis, extrema remedia optima sunt*, quapropter pilulæ tres, aut quatuor ter in die offerendæ, quæ potentissimè fœtum mortuum expellunt.

*℞. myrrha, castor. assa fœtid. galbani, diſtamni, an. 3 ℔. euphorbii, 3 j. Scammonii, 3 ℔. trochisc. albandal. 3 ℔. ammoniac. opopanax. ellebor. nigri, an. 3 ℔. pulp. colocini hidis 3 j. Cum succo alij, & felle tauri fiant pilulæ ad modum ciceris. Pessaria fortia in vterum indita summo sunt ex vsu, facta ex nuper dictis medicamentis secundum artem.*

Balsamum in hunc vsu, optimum est, ex Dioscoride lib. 1. cap. 18. chrysocollo, admirabilis (Boracem officinæ dicunt) quam si in quantitate drachmæ vnus exhibeas cum vnciis tribus aquæ stillariæ sabina, artemis. aut generosi vini, iuuabis vehementer.

Neotericorum clarissimi hæc fortia, & violenta auxilia aspernantur, fortè quod calida sint, acria, febrem accendant caliditate sua, lacescant naturam. Quamobrem vt vterus minimè virietur, & postea semen possit admittere, & retinere, alia via ingeniosa incedunt, sola manuum solertia & industria, siue chirurgicis auxiliis, instrumentisue muniti, quæ confisi, fœminas propè desperatas, & ab obstetricum ope inani destitutas, fœtum mortuum gloriantur extraxisse Carolus Stephanus doctissimus lib. 3. de dissect. corpor. human. cap. 2. Caspar Bauhinus, ex Ioannis Bauhini mente; nam manum oleo delibutam sensim in vterum immittunt, & fœtum ipsa apprehendentes, ipsum leniter extrahunt,

Si verò res eò miseriæ deueniat, vt medicamenta non iuuent, & mulier in agone sit, & ad æci fauces deducta, quam in tam obscuro, & intricato labyrintho certam Medicus aggreditur viam? Certè res diuino indiget auxilio. Hinc medentium tot dimanant opiniones, tot in consultationibus Medicorum doctissimorum, late longèque discrepantes sententiæ, tot inextricabiles controuersiz, dum singuli probabili, ac coniecturali quadam ratione, ob rei grauitatem, ac difficultatem incomprehensibilem, votum suum rueri contendunt.

His pressus angustiis matrem sic iubet redimere Hippocrates, medicæ facultatis vnicum ornamentum, & sic hanc controuersiam rescindendam putat; nam fœtum iubet amputare ferro, vt sic in minimas partes dissectum in vtero, vel Medici minutim educant, vel eum natura facilius possit extrudere. Sic enim ait lib. 1. de morb. mulieb. num. 27. *Quicumque verò fœtus mortui, aut crui, aut manum foras protendunt, eos optimum quidem fuerit, si id fieri posset, intro retrudere, & ambas has partes in caput vertere: Si verò hoc fieri non potuerit, verum intumescent, secare hoc modo. Dissectum per scapellum caput, cum contusorio instrumento, vt ne in ramenta findatur, contundito, & ossa per ossum vossellam, aut tractorium instrumentum, iuxta clauiculam immisissum, prout habuerint, extrahito, non multis simul, sed paulatim exemptis, ac rursus ablatis. Quum verò hac foras extraxeris, & in ipsis humeris fueris, ambas manus in articulis cum ipsis humeris secato. Et ubi hac extraxeris, siquid fieri poterit*

potuerit ut exeat, etiam reliqua facile extrahit: si vero non obediunt, totum pectus usque ad ingulum findito. Verum caueo ne ventrem feces, & aliquid de intestino denudes, &c. Vides, ut peritissimus auctor modum incisionis, & instrumentorum formam solerter describat.

Si verò hoc opus tibi videatur inhumanum, & multis calamitantibus, dolorumque rigoribus obnoxium, quoniam longo temporis spatio perficitur, & vires ex nimia hæmorrhagia iam prostratæ amplius exoluntur; neque fœminæ tantum remedium possint admittere; neque artifex huic operi perficiendo dexterrimus inueniatur: tutissimum est, si adsint vires, & omnia alia reperiantur, quæ Paulus lib. 6. cap. 74. & Celsus lib. 7. cap. 29. prærequirant, nempe vno fœtum extrahere; quod opus in plurimis in agone positis fœlicissime sum expertus. Huius præsidij auctores extant Aëtius, terrab. 4. serm. 4. cap. 23. Celsus, & Paulus loc. cit. Auic. 2. 1. 3. tract. 1. cap. 14. confirmant Beniuenius lib. 1. de abdit. 29. Paræus lib. 23. cap. 26. Vidus Vidiolus lib. 11. de curat. membrat. cap. 34. prope fin. Mercat. lib. 4. de morb. mulier. cap. 5. Bauderonus lib. praxis, cap. 80. Aquapendens part. 1. chirurg. cap. 86. Forest. lib. 28. obs. 78. Capiuac. lib. 1. 2. de curand. morb. cap. 9. Rodericus à Castro lib. 4. de morb. mulier. cap. 2. Iacobus Rueff, lib. 6. de homin. generat. & proprio experimento obseruauit Valleriol. lib. 1. obs. 2.

Sed ne quid indecisum pro historiæ explicatione remaneat, notanda sunt verba in principio historiæ allata: dicit enim se vidisse mulierem, fœtum mortuum etiam vtero gerentem, nihilominus denuò imprægnatam. Quibus verbis superfœtationem concedere, est manifestum. Hanc dari, fatetur expressè Hip. lib. de superfœtat. num. 1. qui liber Hip. esse videtur, ut notat Galenus lib. 6. epid. sect. 7. com. 27. quæ enim in eo continentur, in aliis germanis ipsius libris Hip. reperiuntur. Deinde vxor Gorgiæ in Larissa apud Hip. 5. epid. num. 5. superfœtauit: concepit enim fœmellam, & cum iam instaret tempus partus, superfœtauit. Auicenna hoc confirmat 2. 1. 3. tract. 1. cap. 17. cum Arist. 4. de generat. animal. cap. 5. & 7. de hist. animal. cap. 4. Auerrhoës lib. 4. de generat. animal. cap. 7. Rasis 2. 2. cont. tract. 6. cap. 1. Plin. lib. 7. cap. 11. Solinus de situ orbis, cap. 3. Approbant Fernel. lib. 7. physiolog. cap. 11. in fin. Bonaciolus in ennead. mulier. cap. 3. Massa epist. 25. Syluaticus contron. 81. Paræus lib. 23. cap. 5. 2. Roulet. de part. Cesar. sect. 6. cap. 7. Bauhinus in dict. tract. Roussier. loubert. lib. 3. error. popular. cap. 1. Pereda in Schol. ad Paschal. de curand. morb. lib. 1. c. 55. Marincl. lib. 3. de medicin. mulier. cap. 4. Andreas Laurentius 1. 8. quest. 21. & alij quàm plurimi, quos refert Schenckius lib. 4. obs. tit. de superfœtat. apud quos pulchra leges superfœtationis exempla, & cur sola mulier grauida coitum admittat, & frequentius superfœteret animalibus cæteris: nam multi cum Fernelio canem superfœtare affirmant. Lege quæ diximus supra, in com. hist. 5. in fin.

Loquimur de superfœtatione vera & propria, ut notat Mercatus lib. 3. de morb. mulier. cap. 6. in fin. quando videlicet vno conceptu iam facto, secundus proximè sequutus, denuò nouam domum sibi parat: nam impropria dicitur, quando plures fœtus vno concubitu generantur, quoniam superfœtatio vera non fit ex vno coitu, cui non est destinatum certum dierum spatium post priorem conceptionem, sed ferè hoc tempus intelligi debet pro termino quadraginta dierum, licet etiam ad sexaginta extendi possit, ut citari confirmant auctores.

Superfœtationem ergo dari nouum non est, ut communis Medicorum confirmat opinio. Contra hos grauissimos auctores, quorum indubitata est fides, insurgit acriter Valuerda lib. 3. de re anatomic. cap. 14. in fin. ridiculos vocans, qui superfœtationem dari arbitrantur, & nixus quibusdam argumentis, superfœtationem, commentitium quid esse asseuerat. Primò, quoniam vterus recepto semine supra illud ita recolligitur, idque ita valide amplexatur, ut vacuus in eius cavitare locus nullus relinquatur. Secundò, os vteri post conceptum semen ita comprimitur, & conuiuet, ut ne specilli quidem tenuissimi mucronè admittat, ex Gal. lib. 5. aph. 5. 1. & 15. de usu part. 7. & 2. de symp. caus. cap. 3. Iungit dictis argumētis exem-

plum, quod ipsi appositissimum videtur: nam sicut in spicis, ex vno eodémque tritici grano emergentibus, vna celerius altera maturelciat, sic in fœtibus accidit; hi enim licet vno eodémque veneris congressu, & vno eodémque semine fiant, tamen vnus altero celerius ad perfectionem peruenit, & celerius etiam nascitur.

Sed abeat cum suo commento Valuerda, qui in hoc condendo dogmate aliena increpat, & ab aliis discrepat, cuius argutias, ineptasque nugas ad Cynofarges abire iubeo. Dic ad primum, sagacissimam naturam nouo conceptui alendo locum reseruare semper, ne fœtura de nouo accedens, alterius præexistenti onere suffocetur. Secundum explicat Laurentius, dum ex mente Hip. lib. de superfœtatione, post secundum, aut tertium conceptionis mentem posse os vteri aperiri asseuerat, dum sic ait: Superfœtant autem mulieres, quarum vteri os post primum conceptum non exquisitè clauditur. Vterus enim libidinis cæstro percitus, denuò aperiri potest, ut semen excipiat, nec tamen prior conceptus iam conformatus, & grandior excludetur, si sana sit mulier, & fœtus validus, quoniam firmiter adhæret, & adhuc exitum non quærit Tertium, quo ipse conuictus à præfata Medicorum doctrina discedere cogitur, est irritum; nam dispar in similitudine ratio: quoniam cum plures spicæ ex vno eodémque grano pullulant, non potest omnibus æqualiter ab ipso grano alimentum subministrari, quo fit ut quædam spicæ citò, aliæ tardè ad maturitatem perueniant, non quia defecit à terra alimentum, sed à semine ipso. In exemplo autem nostro terræ proportionem responderet ipsa mater; semen. verò in plures partes diuitum granis tritici, & non vni tantum; ita ut quemadmodum vnum tritici granum seorsim pululans, non impedit aliud granum, quò minùs suas spicas ad maturitatem perducatur, quia terra quantum est ex se, vnicuique sufficiens alimentum suppeditat; sic etiam & in matris vtero semen, quod in vna parte conceptum fuerit, aliud adolescere minimè prohibet: nam mater vtrisque sufficiens potest præbere alimentum, quod quotidiano patet experimento: nam vbi fœtus in vtero manet, totus sanguis qui singulis mensibus ab vtero emanabat, retinetur.

Immo verò contra Valuerdam tela retorque hoc modo. Si alter ex conceptibus vniuersum matris sanguinem in sui alimentum absumit, & sic fortior conceptus alium adolescere non permetteret, hoc veritatem haberet vbi gemelli sexu dispares essent: cum enim mas calidior sit fœminâ, ac plerumque fortior, omne alimentum ad se alliceret; sed cum ferè gemelli sexu distincti nascantur, fœmina inabsoluta in lucem exiret, quum contrarium quotidiana comprobetur experientia, nam gemelli pariter absoluti exeunt in lucem. At hæc solum pro Valuerdæ opinione impugnanda satis sint. Lege Dodonæum in schol. cap. 91. Beniuen. Cardan. lib. 5. aph. 36. Roderic. à Castro part. 1. lib. 3. cap. 13. de morb. mulier. Gordonium cap. 2. particul. 7. Nicol. serm. 6. tract. 1. cap. 22. Marcel. Donatum lib. 4. de medic. histor. mirabil. cap. 16. Ioan. Colle in suo elucidario anatomico, cap. 60. de superfœtatione.

## HISTORIA XVIII. AETII,

### De ignavis partibus genitalibus.

**E** In coitu non semen, sed ventris crepitus aliquando excernitur.

**A**dolescens quispiam ad nos accessit, & se vehemèter coitum appetere confessus est: verum ubi commisceretur, \* semen emittere non posse, sed flatum plurimos sibi per sedem erumpere. In hoc itaque cōiecturam feci, vasorum seminariarum siccitatem adesse, quod ipsum etiam adepta sanitas demonstrauit: nam postquam humida, & boni succi diata esset usus, semen emisit. Aetium tetrab. 3. serm. 3. cap. vlt.

\* \*

## P A R A P H R A S I S.

**D**E seminis natura, præstantia, ac viribus hoc loco differendum non est, quum de hoc instituto sat plura veteres, & iuniores ferè omnes literis promulgarint. Et nupè de hoc argumento conscripserit Ioan. Gallego de la Serna, *lib. de principiis generationis, in principio*. Semen enim est elementum, tam actiuum, quam passiuum corporis humani, ex parte sanguinis aërea, oleosa, & pingui, vi testium in se, & seminariis vasis elaboratum, & tanquam excrementum quantitate, & non qualitate grauius expulsum, intercedente concubitu, à mare, & fœmina ei aculatam, vim habens tale quidpiam generandi, quale est à quo deciditur, ad speciei propagationem. Vel si maius breuius definire, dic quod semen est sanguis in venis exquisitè confectus, & elaboratus in testibus ac vasis seminariis.

Vasa autem seminaria sunt venæ, arteriæ, nerui, quod ex his tanquam riuis diffuant in omnes corporis partes sanguis, calor, spiritus, vita, nutritio, motus, sensus; propterea ab Hip. *lib. de corde*, vocantur flumina, quibus totum corpus irrigatur. Seminalia vasa duplicia sunt: nam alia materiã ad testiculos deferunt ex qua semen elaboratur, dicunturque præparantia, quæ in viris quatuor sunt, duæ venæ, totidemque arteriæ, quorum exortus in utroque sexu similis est. Alia duo sunt deferentia semen, quæ à præparantibus oriuntur, & ei aculatoria etiam dicuntur, vt doctè notarunt Columbus *lib. 11. de anatomia, cap. 13*. Vesal. *5. fabric. 19*. & alij.

Cum semen sit calidum & humidum, inulcroque constet humido primigenio, & spiritu implantato abundet, constat manifestè à calore moderato fieri, ac elaborari, vt inter omnes probant Fernelius *lib. 7. physiolog. cap. 5. & 6*. Leuinus Lemnius *lib. 4. de occult. natur. miracul. cap. 23*. edocti à Galeno in *lib. de semine*. Multis enim conditionibus debet esse præditum, vt perfectionis gradum adipiscatur, qualem describit Arist. *de histor. animal. cap. 22*. nam debet esse album, splendidum, globosum, florum sambuci modo odorum, quod in aquam injectum, fundum perat.

Quare non mirabimur hunc iuuenem natura sua frigidum, imbellem, vt sunt, qui totius corporis mollissima carne, & multa pinguedine constant, quæ effeminatam reddit neruosam pudendi substantiam, semine plurimo & crasso carentem, ob flatum copiam fistulosum neruum distendentem, coitum licet appetentem, attracto virili, loco seminis, quod ob penuriam innati caloris gignere non poterat, excreto flatu per intestina, hymenæum citra delectationem celebrasse, fuisseque sterilem, quales senes sunt, quibus protinus pudendum detumescit excreto flatu: quoniam cum comprimeretur à flatu in recto intestino, exire non poterat spiritus ex pudendo, & sic perstabat tentigò, quod locus redderetur angustior, quo dilatato tensio cessat.

Coëuntibus nonnullis etiam ventris crepitus emitti, primus omnium memoriæ prodidit Hip. *lib. 6. epid. sect. 3. text. 12. & 26*. quum in hunc modum profatur: *Aliquibus cum Venere viuunt, inflatur venter, vt Damagora: Aliquibus verò in toto strepitus: Arcesilao tumebat*. Quæ omnia à debili viscerum interiorum calore, à testium, valorumque seminalium imbecillitate, & siccitate originem ducere certum est: nam hi, loco seminis, quod ex debilitate generare nequeunt, flatum creant: at deterior dispositio dependet à tumore ventris à coitu, quam excretionem flatum in ipso coitu: illa enim crassio rem flatum, & debiliorem expultricem; hæc, contrarium significat; atque ita crepitus in ipso congressu, leuior est passio ventris tumescencia, vt notauit Vallesius in *com.*

Hi, de quorum numero æger est in historia nostra propositus, flatu abundant, in veneremque proni sunt, vt sunt hypocondriaci, & melancholici, qui cum natua sorte hac de causa sunt libidinosi, ob frigiditatem tamen semen non generant, sed tanta flatuum copia in ventre redundant, & multitudine pituitæ crassæ inferiori intestino hærente, vasæque seminalia coarctante scatent, vt hæc vnà

A cum flatu, motu, ac concussione corporis vehementi in coitu facta, in flatum vertatur, qui crassus cum sint, & nebulosi, faciliè acquisita caliditate ex motu tenuantur, & abeunt in strepitum, vt in *com.* Fuchsius doctè explicuit.

Vtunque sit, adolescens debilis erat, & pituitæ tenacis copia, flatibus in vasis seminariis, partibusque circa anum erat reclusus, quos à calore debili originem ducere monet Gal. *lib. 3. de caus. symp. cap. 2*. nato flatum cum strepitu, sonitu, aut bombo exire, non est bonum, apud Hip. *lib. 2. prog. text. 24*. quoniam; vt Heurnius, arte medica clarissimus interpretatur in *com.* crassio rem materiam cum meatuum angustia præsupponit, quæ à debili calore vix solui potest.

De curatione antequam faciamus verba, illud primò præfari licet, datorem omnium rerum, & naturæ vniuersæ opificem summum, rebus singulis ita prouidisse, vt perpetuò superessent; quocirca cuique rei vim generatricem concessit, vt habeant sua semina ad suæ speciei conseruationem in semetipsis benè dispositis: sic perpetuæ res factæ per propagationem, & similitum subrogationem; nam omnia quæ radiis Lunæ subiiciuntur, corruptioni sunt obnoxia, & mutationi, sicque corrumpi solent, quum mouentur, teste Philosopho *sect. 22. probl. 4*. Et sicut in plantis semen, sic & animalibus conseruandi sui generis causa indita est cupiditas congressus, atque in omnibus necessaria maris & fœminæ coniunctio, cuius terminus est, vt sibi immortalitatem procurent: nam vt ait Plato in *coniugio*, ad perpetuitatem nobis parandam incredibile est naturale studium, quod solum consequimur coniunctione, qua gignimus nobis consimiles, ex

Arist. *lib. 1. politic. cap. 1*.

Hoc bonum vt assequamur, necesse est nosse causas, ob quas ignauia partium euenire solet, quas in *scholio* fusè referemus. Sed cum in nostro ægro ex debilitate caloris innati impotentia originem duceret, merito Aërius humida, & boni succi diæta vsus est, quæ cum semen copiosum gigneret, roboratis viribus, in concubitu deinde semen emisit. Hac commoda victus ratione se impotentem perlassasse gloriatur Christoph. à Vega *lib. art. medic. sect. 10. c. 50*. Purgato ergo corpore, & roboratis partibus præcipuis, de victu instituendo sis sollicitus. Viscera sunt robustiora tabellis, conseruis, & aliis medicamentis quæ flatum discutiunt, & frigidam genitalium partium intemperiem corrigunt atque emendant, quorum copiam legat qui velit apud Mercat. Hollerium, & cæteros, qui de impotentia coëundi scripserunt: & nos ea Laconice conscripsimus *lib. 2. de praxi admirand. ad obs. 120. usque ad obs. 125*.

Sed præcipuè iuuant, quæ semen generant alimenta, quæ calida sunt & humida, optimè nutriunt, sanguinem generant, spiritus adaugent, totisque viribus naturæ nostræ familiaria sunt, domumodò siccitatis nihil obtineant, & flatuosa sint, ex Gal. *4. simpl. cap. 22*. vt vinum, lac, butyrum, dactyli, vitella ouorum, carnes columbarum, turturis perdicis, lingua anseris, testes gallorum, pistacia, cerebra passerum, cicer, bulbi, fabæ, nux pinæ, amygdalæ dulces, saccharum, mel, vna recentis, alparagus, napus, anisum, fœniculum, concharum genera, erucæ semen, rapa, oryza, & si quæ alia, quæ per otium lege apud Auic. *tratt. 1. cap. 18*. Paul. *lib. 1. cap. 36*. Fonsæc. *1. consult. 10. & lib. 2. consult. 47*.

A proprietate semen augent, vim genitalem robustiorem efficiunt, flatum discutiunt, nasturtium, scincus, semen napi, baucis, vrticæ, erucæ, piperis genera, pyrethrum, priapus tauri, pistacia, lingua auis, zingiber, been album, & rubrum, cæpa, & eius semen. porum, scariola, cinnamomum, ambarum, agallochum, zibetum, moschus odoratus, testiculi vulpis; ex quibus parari possunt conseruæ ad excitandam tentiginem. generandumque semen præstantissima. Consule Holler. *obs. 22*. quibus addas oleum formicarum, caryophylla, cubebas, puluerem penis ceruini, boracem, alparagum, auellanas, napum, rapam, nucem Indicam, oryzam cum lacte coctam, horminum, oua recentia, & alia.



## QVÆSTIO XXXII.

*Utrum sint plures causa in viris impediētes  
coitum, & generationem.*

## COMMENTARIUM.

**S**emen emittere non posse.] Legebamus nuper auctores, qui de genitalium membrorum vitiis conscripserunt, antequam inde digrederemur, summopere quum alia, tum illud quoque non est visum omnino incuriosum argumentum, quod circa causas impediētes coitum, & generationem versatur, in quibus cognoscendis, & auertendis Medicus sollicitus esse debet, ut homini omnium animalium nobilissimo, cui præcipue generandi ratio incumbit, opem ferat. Sed cum causæ impediētes coitum, & generationem, sint in viris propemodum infinitæ, & ab auctoribus perplexè proponantur, eas ego in compendium Laconicè redigam.

Coitus est applicatio maris, & foeminae in membris generationis, qua superfluum expellitur, quantum ad finem speciei, vel individui ordinata ex Auic. 2. 1. 3. cap. 1. explicat Sauonarola in *præctica magna*, tract. 2. cap. 1. Impotentia verò generandi vitium est naturale, vel accidentale, quo quis legitimo, vel naturali coitu vtens, inhabilis est ad sui similis generationem.

Impotentia ergo coeundi, vel ex causa accidit conaturali, vel accidentali. Naturalis causa vel ex parte totius est, vel ex vitio partium oriri solet. Illo modo accidit, quoniam vir frigido pollet temperamento, & hic cum semine calido, & pruriente careat, ad Venerem non irritatur. Si sit ex defectu vel partium principum, cordis, hepatis, cerebri, & testium, vel genitalis, cognoscēs, quoniam viscera frigida intemperie laborant, ex qua sanguis aquosus, & semen fluidum gigni solet; & membrum virile est nimis magnum, paruum, oblongum, obtortum, breue; maxime si testes sint flaccidi, non seruent naturalem situm, vel nimis exuberent, aut omnino desint.

Accidentalis causa, alia est intrinseca, alia extrinseca. Illa, sunt humores superflui, calidi, frigidi, sicci, humidi. Calidi, innatum calorem resoluunt, spiritus dissipant. Frigidi partium calorem extinguunt. Sicci humidum primigenium exprimunt, & absumunt. Humidi relaxant, calorem suffocant, virtutem obaundunt. Externa causa est aer, quando videlicet in actiuis præcipue qualitatibus excedit. Et licet frigiditas aeris, viscera refrigerando, innatum calorem amplius debilitare queat, & iccirco videatur quod vigente bruma corpora veneri sint magis inepta; tamen hoc tempore collecto ad interiores sedes calore internæ partes optime valent, somni sunt longissimi, sanguis in comoda quantitate generatur, & coctiones integre fiunt, & seminis copia exuberat; ætate calor ad externa expanditur, apertis cutis spiraculis spiritus resoluuntur, vires sunt debiles, & ob exuperantem siccitatem semen absumitur. Quo pacto viri ætate ad ludum Venerem sunt imbecilliores, foeminae hoc tempore salacissimæ; & in Venerē magis pronæ, cum enim natura sua sint humidiores, sanguine actiore per æstus, & siccitatem tunc abundant, qui cum biliosus sit & acris, titillat, & eas ad coitum amplius stimulat, ut probat Arist. 4. prob. 26.

Inter extrinsecas causas numerantur animi passiones: nam mœror, & tristitia spiritus mortificant, sanguinem congelant. Ira distrahit, & resoluit. Inassuetudo concumbendi, viros pigros facit, & ad coitum inertes. Alimenta etiam hanc facultatem habent; nam plurima semen à proprietate extinguunt, ut *infra* dicitur. Huc spectant vacuationes immodicæ tam sanguinis, quam aliorum humorum, ex quibus sanguis minuitur, spiritus resoluuntur, & viscera debilitantur atque flaccescunt. In muliere, à Medicis solum causa statuitur clausura, seu angustia oris externi, & cernicis ipsius vteri, ut rectè notauit Augenius lib. 10. *epist. med. consil. 2. cap. 4.*

Causæ impediētes generationem sunt plures, præter easquas commemorauimus: nam quæ coitum impediunt, generationi etiam contrariæ sunt, quum generandi

A spes ex coitu habeatur, quas latè connumerat Mercatus lib. 3. cap. 5. de *mulier. morb.* nam ad generationem inepti sunt ob genitalium partium ignauiam, aut propter vitiatam figuram, seminis vitium aliquod, aut ob vitium excretionis, aut ob totius, vel genitalium intemperamentum, ut testatur Mercurialis lib. 1. de *morb. mulier. cap. 2.*

Ætas etiam impedit generationem: nam pueri neque ad coeundum, neque ad generandum sunt apti, quia semē non emittunt perfectum, & ad generationē aptum; quod demum generant, ex mente Arist. 7. de *hist. animal. cap. 1.* anno bis septimo peracto: si verò aliqui citra tempus pubertati constitutum, & coeuerint, & generauerint, hoc accidit extra vniuersalem ordinem naturæ, & rarum est, ut probat pluribus in medium allatis historiis Marcellus Donatus lib. 4. de *medica hist. mirabili*, c. 14. Sicut si viri generent post sexagesimum quintum, monstruosum est.

Rursus vitium naturale impedit coitum, & generationem. Hoc in viris sæpe oculis conspicuum est; nam apparet membrum nimis crassum, flaccidum, rugosum, aut colore deterrimo sordatum. Testes quoque aut nulli, aut exigui, aut situm naturalem non seruantes. Aliquando hoc vitium non apparet, ut si ex aliqua interna causâ habeat ortum. Huc spectat, si vir vino impensè indulgeat, à cuius copia multa calor obruitur natiuus, & succorum crudorum copia emanat, & semen extinguitur, sitque fluidum & aquosum; vnde ebrij, & vinolenti infœcundi, apud Arist. *sect. 3. probl. 4. 11. 33.* quare modicus vini potus, si quis alius, ad coitum, & generationem summè conducit, ut lib. 2. in *com. hist. 72.* prædiximus, & *infra*, in hoc lib. C. in *com. hist. penult.* referemus. Iccirco abstemij, quod gelidæ potu frigidam temperaturam semini concilient, ferè sunt infœcundi: si verò Tiraquellus iuris consultus grauissimus, & vir omniscius, cum abstemius esset, triginta tamen liberos ex legitimis nuptiis suscepit, ut refert Commanus de *miracul. viror. tit. de parent. multos liberos habentibus*, hoc rarum est.

Morbi etiam numerantur inter causas, quæ impediunt coitum, & generationem. Licet enim non inficiemur morbos nonnullos esse, qui homines reddunt pronos ad venerem, ut satyriasis, & priapismus, in quibus effrenatū adest, licet inuoluntarium concumbendi desiderium, & calculus renum, in quo partes genitales calefiunt, & podagra, ut notat Levinus Lemnius lib. 2. de *occult. cap. 45.* immò febris superueniens frigidæ intemperiei, vnde coitus impotentia oriebatur, & frigida intemperies superueniēs calidæ, ut de se ipso testatur Auēzoar *suprà*, in *historia 16.* qui cum esset vsus in iuuetute regimine calido, generare non poterat: qui deinceps causo correptus, frigida victus ratione vsus, fœcundus factus est: tamen cum morbus sit res præter naturam, ipsique naturæ è directo cōtraria, eius operationes destruit & labefactat, & præsertim eas, quæ robustiorem calorem, & meliorem animantis constitutionem præquirunt, inter quas præcipua est generatio. Quapropter febres ardentes, acutæ, malignæ, pestilentes, colliquantes, coitum, & generationem impediunt, quoniā immodicus febrium calor, & venenata qualitas spiritus substantiam depopulatur, facultates enervat, viscera labefactat, semen minuit: nam ut dicit Auic. 1. 4. tract. 2. cap. 2. *ab agritudine sana non fit euasio absque contractione mēbri.*

Denique morbi partium genitaliū impediunt generationem, ut gonorrhœa. Demum qui partium principū temperiem labefactant, ut marasmus, cachexia, hydrops, & alij chronici, ex quibus viscerum temperamentum euertitur.

Frigidi, & maleficiati etiam sunt inepti ad coitum, & generationem (ita vocant Medici Latino-Barbari illos qui sunt ad concubitum impotentes.) Frigidi ergo sunt, qui in ætate habili, ad venerem exercendam sunt omnino inepti: nam neque pueri, neque decrepiti, dicendi verè, & propriè frigidi. Hæc frigiditas & à natura, & à morbo aliquando contrahitur. Qui à natura huiusmodi vitium patiuntur, nunquam, aut rarò vsus venerorum experiuntur: qui autem à morbo, aut alia accidentali causa, antea ad coitum erant aptissimi, mox ab eius causæ aduentu ad concubitum fiunt inepti.

Maleficiati sunt, qui vel ob malorum medicamento- A rum applicationem, per se, vel arte, & dæmonis auxilio adiuncto, ad Venerem redduntur inhabiles, de quibus *supra, in com. hist. 16.* cur autem viri solum, aut frequentius maleficio tententur, ut notauit Delrius *lib. 3. disquisit. magicar. quest. 4. sect. 8.* ea est causa: quoniam viri pluribus de causis ad Venerem impotentes redduntur, dæmonis solummodò causis vtens, multifariam eos illaqueare solet; mulieres nequaquam, aut raro, quia eæ ex parte sua semper ad coitum promptæ sunt, & solum ex coarctatione vuluæ ad coitum sunt ineptæ.

Distinguitur frigidus à maleficiato, ex Augenio *lib. 10. epist. medicinal. cap. 7. tom. 2.* nam frigidi semen non generant, neque arrigunt. Frigiditatem venaberis ex carentia pilorum in pube, & barba, ex membri virilis exiguitate, mollitie. Maleficiatus verò semen emittit, & habet alia B signa, per quæ à frigido distinguitur.

Spadones etiam sunt inepti ad coitum, & generationem: sunt enim ij quibus viæ seminis ad eò inuerti, atque inflexæ sunt, ut illud emittere non valeant; quod propter vinculum quod ad virgam habent, & penem contorquens, illis euenit; verbum enim *spao*, conuellere significat, atque inde dici certum est spadones, quod illis virilia conuellantur.

Eunuchi ad Venerem sunt inhabiles. Alij natura sunt eunuchi, qui sine testiculis nati sunt, vel cum vno solum; hos commemorant Rhodiginus *lib. 4. lect. antiq. cap. 7.* & Holler. *lib. 7. aph. 28.* hi steriles sunt, ut probat Andreas Laurentius *consil. 11.* Alij arte sunt eunuchi, quibus in manibus obstetricum contorti sunt testes, & huius fortis homines, dicuntur Thlibiæ. Aristoteles 3. *de histor. animal. cap. 1.* & Paulus *lib. 6. cap. 68.* alium modum tradunt, quo eunuchi fiunt, nempe excisione: nam aliquando vnus tantum testis, aliquando ambo præciduntur. Frequens modus est apud Turcas, sed atrox & crudelis: nam non modò testes, & scrotum, sed colem præcidunt, & ne ex tam graui vulnere perire possint, castrandis multam copiam opij offerunt, ut sic profundissimo somno correpti doloris acerbiter euitent, ut refert Luitprandus *lib. 6. de rebus per Europam gestis, cap. 3.* Et hi ad seruandas regias concubinas in pretio habentur: nam eunuchi sunt lecti custodes. Alij voluptatis causa pueros faciebant eunuchos, ut Nero Sporum. Alij fidei gratia, illi enim corpus regium fide custodiebant: sic Rex Ægypti habebat eunuchos, ut constat ex sacra pagina, *cap. 39. & 40. Genes.* Sic Iuliano Imperatori erat eunuchus spado, eximie fidei perfectus cubicularius, ut refert Marcellinus *lib. 16. histor. cap. 11.*

Castrati ad coitum sunt inepti: Castrare dicitur amputare, seu recidere. Sunt ergo castrati, quibus testis vnus, vel ambo sunt amputati, vel ipse colis est excisus, ut notat Mercurialis *lib. de morb. mulier. cap. 1.* Castratione homines plurimam virilis vigoris iacturam faciunt, & in muliebrem naturam degenerant, ex Aristot. 3. *de generat. animal. cap. 3. & 7. & 10. sect. probl. 38.* Galeno 6. *aph. 18. & 1. de sem. cap. 15.* nam animal redditur frigidius, flaccescit quoque robur, non secus ac senescentibus, venæ coarctantur, sanguinis flos hebescit, minuuntur arteriæ, pulsus elanguescit; ad hæc glabro sunt corpore, venereorum restinguitur appetentia, teste Cælio Rhodigino *lib. 4. lect. antiquar. cap. 7.* Castrantur etiam mulieres: refert enim Xanthus, ut tradit Cælius Rhodigin. *lib. 20. lect. antiq. cap. 14.* Andromitem Lydorum regem primum fœminas castrasse, & constat ex Gal. *lib. cit. de sem.* qui fœminam excisus testibus mari castrato similem esse affirmat, & fœminas camelorum castrari, ex Aristot. & Plinio tradit Æmilius, *de ruminant. nat. synt. 3.*

Quo tamen modo operationis possint fœminæ castrari, licet in iis hoc opus magis operosum sit, quàm in viris, ob testium positionem, explicat Ioannes

Riolanus Filius breuiter, & ornate

*lib. 2. Antropographia,*

*cap. 34.*

## HISTORIA XIX. AETII,

### De impotentia Venerea.

In coitu semine destituti ob gonorrhœam in somno.

A Dolefcens domesticus minister confessus est, quâdò cum muliere rem haberet, semen effundere nò possit; cum verò dormiret, plurimū ei semen prodire\* citra voluptatem. Vsum itaque mihi est, vasa eius seminaria, propter humiditatem vna cum frigidiore calefieri non posse, propterea quod caliditas in coeundo ad corporis superficiem diffunderetur: in somnis verò amplius caleficeret, propterea quod somni interna calefaciunt, & refrigerant exteriora. Quare hunc infirmas partes exercere iussi, atque id maxime per equitationem. Castorium etiam bibendum præbui, & dietam omnem calidam, & siccam constitui, &c. Aetius, tetrab. 3. serm. 3. cap. vlt.

## PARAPHRASIS.

M Edicorum scientissimus *lib. de genitura, num. 2.* ex eo per somnum seminis effusione sequi affirmat, quoniam semen effusum, & excafactum dum secernitur, coitus imaginem repræsentat: in iis enim qui temperamento sunt frigidiores, & semen plus iusto frigidius est, in coitu, debilitato calore, & ad exteriores partes ob calorem expanso, effusis spiritibus multis, internæ partes frigescent, & semen motui fit ineprum: contra accidit in somno, atque manuum exercitio: in illo enim amplius viscera calefcunt, & redacto ad interiores sedes calore, & minime debilitatis viribus, hæc redduntur robustiores, sicque liquatur semen, & calefactis vasis seminariis ad motum fit habile. Hunc calorem acquirere testes, ac vasa seminaria, ex assidua manuum confricatione, membro virili incalescente, minorique spirituum copia deperdita, dilucide liquet.

Auicenna inter Arabes primæ notæ auctor, & qui Græcorum Principum monumenta perlustrauit ad vnguem; hoc modo Aëtium interpretatur 20. 3. *tract. 1. cap. 15.* dum sic profatur: *Et quandoque propter paucitatem motus spermatis, & defectum eius à mordicatione excitante, ita ut quandoque fiat in quibusdam sperma plurimum, & cum coeunt, non descendit propter congelationem suam, & poluantur cum hac in nocte, quoniam vasa spermatis calefcunt in eis in nocte, quare calefit sperma, & subtiliatur, &c.* Quare ex somno, ex decubitu, concalfacto corpore, præsertim circa renes, semen hic æger noctu effundebat.

Cum ergo hic esset temperamenti frigidi, inermis, fragili sanguine & spiritu viuifico veluti destitutus, semen gignebar aqueum, frigidum, minime spirituosum, quod cum spiritus copia non sit refertum, non titillat, nec ad venerem irritat. Quare huic similes ad concubitum inepti, si fortè concumbunt, dissolutis ob motum & laborem viribus, & calido innato ob parentes poros resoluti, & expanso in concubitu, marcescente & contracto pudendo, in opere languent, & semen eiaculari nequeunt. Lege pulchra de coitus symptomatis admirandis, apud Marcel. *lib. 4. de medic. histor. mirabili, cap. 18.*

E Merito ergo huic Aëtius victum calidum & siccum præscripsit, qui siccaret, calefaceret, nimiam humiditatem absumeret. Partes infernas exercendas esse consuluit, illarumque calefactioni attentus, equitationem præcipuè imperauit: nam cursus, saltatio, pilæ ludus, & alia inferiorum partium exercitia, accito ob motum calore, agitato sanguine, commotis spiritibus, has partes calefaciunt, & roborant, corpusque firmant: nam, ut dicebat Hipp. *lib. 6. epid. sect. 5. text. 10. labor articulis & carnibus, cibis, somnis, visceribus.* Labor enim, & motus articulos roborat, & delato sanguine per vniversam corporis molem, calefacit, & carnem auget; ex caloris augmento omnes naturales functiones facilius perficiuntur, attractio præcipuè, cōcoctio, nutritio: spiritus verò vehementius concitato pelluntur excrementa frigida, quæ antea copia sua semen

semen obrundebant; quare semen calidiusculum euadit, A  
meatūque dilatantur, per quos semen eiaculari debet.

Partium superiorum exercitatio calorem à partibus  
genitalibus attrahit, ut lucta, pancratium, pugilatus, armo-  
rum strepitus, disci iactus, & alia exercitationum genera;  
de quarum usu post priscos, eleganter egit, clarissimus  
Mercurialis in suo ornatissimo de arte gymnastica libro: In  
his exercitiis, quum superæ, & inferæ partes multum la-  
borent, corpus dissolvitur: quare ob hoc equitationem  
inter cætera exercitia imperavit, in qua & spina erecta te-  
neretur, & lumbi laborant, sicuti & cruris muscoli, quibus  
colitis equi corpus affigimus, mouetur quoque totum  
crus, & viscera omnia agitantur & concutuntur, & san-  
guis in totum deducitur corpus. Hac ratione probata est  
ab ipso equitatio, non valida, ne inæqualis, sed lenis, & in  
equo suauiter progrediente peracta; hæc enim vel ambu-  
latione leni commodior est, quoniam minus corpus debi-  
litur & soluit. Insuper partes genitales inter equitandum  
veluti attritæ & fricatæ, calorem & robur acquirunt. De-  
nique equitatio, ex mente Antylli apud Oribas. lib. 1. col-  
lect. cap. 24. inter omnes exercitationes, totum corpus, &  
præsertim stomachum firmat.

Attenuato humore frigido, & roboratis partibus, equi-  
tationis, & regiminis calidi ope, ad expurgandum humo-  
rem pituitosum accessit, quod opus exequutus est oblato  
Castorio cum ratione summa: nam hoc medicamentum,  
Castoris, seu Fibri testes sunt; & sicut vnum membrum,  
aliud adiuvat sibi simile, ut pulmo vulpis pulmonem hu-  
manum roborat in potum assumptus; cranium huma-  
num pro roborando cerebro primas tenet, quare Ander-  
nacus, & Rubeus oleum ex cranio humano aduersus comi-  
tialem morbum summè laudant; & sicut ossium huma-  
norum: puluis oblatus, ossa flaccida roborat, & sic articu-  
laris morbis remedio est, ex Gal. 1. 1. simpl. vit. de ossibus: sic  
Fibri testes (hoc est Castorium) testes humanos firmant  
ac roborant: nam præterquam quod hoc medicamentum  
calefacit, status discutit, frigidis & humidis internarum  
partium vitiis remedio est; quia ut inquit Trallianus lib. 1.  
c. 14. corpus quod perfrigit, & prope est ut emoriatur, recale-  
facit, fouetque: & sic à priscis, Galenoque passim, contra in-  
clementem opij, aliorumque frigidissimorum medica-  
mentorum, ut hyoscyami, mandragoræque frigiditatem,  
innatum calorem extinguentem est celebratissimum: etiam  
pituitosum humorem expurgat, qui huius morbi fre-  
quens solet esse causa. De cuius mirabili vi pro curandis  
frigidis affectibus, sæpe multa diximus lib. 1. in com. hist. 16.

Addiderim, Castorium aluum soluere, & pituitosos hu-  
mores è distantissimis partibus vacuare: quo pacto in fri-  
gidis cerebri, & neruorum morbis curandis primas tenet,  
ex Plin. lib. 3. 2. c. 3. quod etiam voluit Gal. lib. de theriac. ad  
Pison. c. 9. dicens: Castori testiculi poti, conuulsionem sanant.  
Et lib. de ven. sect. aduers. Erasistratum, c. 3. sic ait: Catapo-  
ria ex Castorio aluum solunt. Cui sententiæ adstipulatur  
Serapio c. 135. inquit, ob id illud conuulsioni ex repletio-  
ne mederi, quia euacuat, & purgat neruos ab eo, quod in eis  
præter naturam continetur. In hunc usum fiunt pilulæ de  
Castorio, quæ in dictos usus sunt mirabiles, vtero etiam  
conferunt, & impeditas menstruas purgationes eliciunt.  
Eligi debent, Dioscord. testimonio lib. 2. cap. 22. qui ex  
vno ortu connexi sunt, fieri enim potest, eo auctore, ut  
gemini folliculi in vna membrana coniuncti reperiantur.  
Præditi intus liquore veluti ceroso, odore grani, & virus  
redolente, gustu acri, mordente, ac friabili, naturalibus ru-  
nicis circumdato. Cætera verò præsidia ad genitale semen  
corroborandum, lege apud Valleriol. lib. 5. enarrat.

### QVÆSTIO XXXIII.

Utrum inter causas voluptatis in coitu, præcipua sit,  
repentinus reditus ad naturalem statum, ut  
contra Galenum firmat Turisanus.

#### COMMENTARIUM.

Circa voluptatem.] Cum apud amicum quendam Me-  
dicum, non solum doctrina conspicuum, sed ingenius  
Lib. III.

moribus illustrem, cum doctis meæ professionis viris,  
multa hæcenus nondum animaduersa, ex variis, abditio-  
ribusque locis extracta, quibus possem ruinolam medi-  
cinam erigere, procunciarer, casu incidi in bibliothecæ  
libros veteres Medicos, & semiroios, in quibus re-  
peri codicem antiquissimum Aëtij Græco-Latinum: le-  
gi capita aliquot: postremum attipui, in quo erat scri-  
pta historia hæc: in qua secundum versionem Cornarij,  
expunguntur verba illa (circa voluptatem,) quæ in hoc  
codice summa cum ratione erant reposita: nam semen  
quod per gonorrhœam profundi solet, voluptatem nul-  
lam parit. Huius ergo rei sciendæ, cum illi flagrarent  
desiderio, rogantur, ut hunc campum salubris vndique  
respersum planum redderem: non enim, inquit illi,  
huc accessimus, audituri quid alij, sed quid tu sentires.  
B Quare stimulis illorum agitatæ, rem sic sum aggressus, &  
quod illi expostulabant de causis voluptatis in congressu  
venereo, ad Gal. mentem argumentum paulo attentius  
sum rimatus.

De causa voluptatis in coitu, varij varia literis promul-  
garunt. At secundum Arist. 4. probl. 15. & 14. de usu part.  
cap. 9. ita ferè potest assignari: Cum vniuersa suauitas ani-  
mantibus comparetur, vbi ab excessibus ad moderantiam  
protrahuntur, quia (ut etiam inquit Aristot.) suavis est via  
omnis petriuens ad naturam, isque non solum sumptio-  
ne necessarij ad reparationem deficientis, (quo pacto de-  
lectatur famescens, sumens alimentum; sitiens, aut feбри-  
citans, vbi potant; calens, frigidi aëris inspiratu) sed expul-  
sione excrementorū: nisi enim in excretionibus voluptas  
etiam foret annexa, valde periclitarentur animalia, torpe-  
rent siquidem eo in opere, ac subinde ex retētis in calido  
humido loco, qualis ferè est totius corporis, ac per moram  
putrefactis facibus, frequenter ægrotarent. Cumque à na-  
tura cautissimè prouisum sit, ut tam vterus & seminalia  
vasa in foeminis, quàm in viris testes, alimoniam excipe-  
rent multo quàm egerent vberiore, quod semē vitis qui-  
dem potissimum in foetus procreandos cederet, foeminis  
verò præter semen, sanguis & lac in alendos: vbi copia illa  
seminis redundans non exhauritur, seu quantitate gra-  
uans, seu iam per moram quantitate noxia, cruciat, & mo-  
lestat: contra quando euacuatur, instar reliquorum excre-  
mentorum, deonerat, dolore liberat, & oblectat.

Sed cur maiori suauitate procedit, quàm aliorum ex-  
crementorum vacationes? Arist. cit. probl. & 1. de gener. 8.  
& Gal. cit. de usu part. & de caus. sympt. referunt ad quan-  
titationem, qualitatemve materiæ, festinum motum ipsius,  
constitutionem, & sensibilitatem viarum. Turgens enim  
semen, & suapte natura calidum, spirituosum, mor-  
dax, & pruriginosum, non solum quantitate distendit,  
tensionēque, & dolore cruciat, sed qualitate molestat,  
irritatque ad sui expulsionem; cumque propter angus-  
tiam, & inflexionem vasorum protinus non excernatur,  
quin sic instituyente natura, frictione quadam morosa  
partium attenuetur, & in flatum, vaporēque conuertatur,  
spumat & intumescit, magisque distendit partes ad  
generationem pertinentes, nec patentes inueniens meatus,  
liberūque exitum, titillationem & pruritum inducit  
in membris per quæ transit, atque adeo voluptatem, &  
tantò maiorem quantò maior est copia humoris, magis-  
que prurientis, magisque confertim facta, quàm omnium  
E excrementorum vacuatio. Reliqua verò vbi sua copia vel  
grauant, vel mordent, confertim insurgente expultrice per  
amplos canales expelluntur, non ita tamen repente, ac  
semen; huius enim intumescencia distendens cum dolo-  
re partis, & molestans acrimonia tam insita, quàm per  
moram, & frictionem, ac vrinæ mixtione contracta, sicut  
repentinè fit, ita & ipsius excretio subito, & confertim;  
vnde & maior delectatio, quæ in celeriori reditu ad na-  
turam consistit.

Contra tamen instat acutissimus Turisanus lib. 3. art.  
medicin. comm. 17. contendens, propositæ oblectationis  
causam non esse repentinum reditum genitalium mem-  
brorum ad naturalem statum, vel excretionem molesti  
in illis locis percepri. Primò, quia pro ratione doloris  
ac molestiæ, seu lapsus à natura, ita sequitur excretio  
magis

magis aut minus velox rei noxiæ, citiorque aut tardior redditus ad naturam. Sed nulla ferè sensatio molestiæ, aut doloris præcedit actum venereum, nullusque aut perexiguus lapsus. Ergo minimus fit redditus ad naturam, & per consequens si ex hoc oritur voluptas, illa perexigua futura foret; cumque omnium maxima asseratur, alia causa quærenda est. Quod verò nulla molestia præcedat, Galenus ipse fateretur *lib. 1. de sympt. caus. cap. 6.* tum quia semen sicut paulatim accrevatur, ita sensum imprimat, non subito, & confertim, quod ad dolorem inducendum requiritur; tum quia utilis superfluitas cum sit, dum colligitur, sola quantitate molestat, qualitate autem non contristat, aut lædit, instar aliarum superfluitatum.

Secundò. Cum multò maior copia urinae excernatur, & materiæ quidem acrioris, magisque molestantis, atque adeò celeriori expulsiōe, nec per dissimiles vias, maior & celerior erit redditus ad naturam in mictu, ac proinde maiorem voluptatem inducet urinae, quàm seminis excretio. Insuper & si exigua urinae portio semini permixta, tantam efficit delectationem, cur similem saltem non efficiet multa confertim, & simul exiens?

Tertiò. Qui coitu immodico utuntur, tantum abest ut semine in genitalibus abundant, quin eo deficiente, pro semine sanguinem effundant. Sed ij in accessu etiam oblectantur. Causa igitur non est abundantis excretio, & huius interuentu reductio ad naturam.

Quartò. Licet ex evacuatione superflui sequatur redditus ad naturam, & interdum etiam voluptas; hæc tamen tunc inde oritur, cum percipit sensus se ab illis deonerari quibus aggrauatur. Atqui emittentes per somnum semen, etiam delectantur torpente sensu ob vinculum primi sensorij. Igitur delitij venerei causa non est redditus ab innaturali ad naturalem statum, sed potius (ut inquit Avicenna, & cum eo multi) apprehensio, seu perceptio obiecti suauissimi, quale semen dicitur: sicut enim perfectis sensibilibus sensus alij delectantur; oculus, pulchris spectaculis; auditus suauitate harmoniæ; gustus, dulcedine saporis; olfactus, odoris iucunditate; ita tactus genitalium, semine: quod consonum etiam videtur Aristoteli, dum *lib. 10. ethic. cap. 4.* voluptatem definiuit operationem perfectam cognoscentis potentia non impedita, hoc est, perfectionem conuenientis in suo genere obiecti à bene affecto instrumento; atque adeò requirit ad voluptatem, non solum obiecti præstantiam, sed & apprehendentis potentia incolumitatem.

Verùm Arist. ipse *lib. 1. de generat. animal. & 4. probl. citat.* specialem huius voluptatis causam refert ad pruritus, & titillationem (quæ mulcebris quidam tactus est) ortam ex mulci spiritus in vasis seminariis inclusi tardo motu, & dissolutione, tandem festina, simultaneaque seminis emissionem, quam potissimum comitatur voluptas, hoc est, in congressus fine, *1. de gener. animal. cit.* nam quòd lentus spiritus morus, solaque effusio non exigua afficiat voluptate, ostendit quòd titillatio earum partium, in quibus multus spiritus, qui non resoluitur, delitescit, ut in mento, sub alis, pedum plantis, suavis est; & puerulis, quibus nondum semen excedit, redundat, aut emittitur, delectabilis etiam est frictio genitalium; immò & naturæ grandioribus, & eunuchis, & iis qui semen emittere incipiunt, suauissima etiam est Venus, quia ob viarum angustiam seminis vapor, seu spiritus magis lentè mouetur, magisque prurit: contrà verò parum delectantur, qui citissime emittunt, (atque ideo fortè lasciuus poeta tarditatem expetit: *Crede mihi veneris non est properanda voluptas*;) & (ut inquit Arist. *1. de generat. animal. & Avic. lib. 9. animal. cap. 5.*) qui frequenter coeunt, tum quia ex nimio congressu viæ ampliantur, parumque immoratur spiritus, atque adeò deliciarum causa minuitur; tum quia parum coctum, minusque prolificum fit semen: vnde assiduus vsus generationem impedit.

Adiicitur etiam causa alia nec contemnenda huius voluptatis, vis scilicet indita à natura membris ipsis genita-

A libus mutui congressus appetentissima, cum maxima delectatione, ob germinationem animalium: nisi enim summa cum voluptate coirent propter turpitudinem actus, & subsequens tedium, possent abstinere, cum magno, vel totali generationis detrimento. Argumento autem est huius ardoris, seu appetitus ad congressum inditi partibus illis, etiam citra peculiarem usum sanationis, aut noxiæ exercendi, vel redcundi ad naturam, pristinamque constitutionem, sed sobolis propagandæ gratia, & voluptatis congressui annexæ, quòd cum maiori damno magis oblectat, & allicit; plus enim debilitat eos, inquit Avic. *20. 3. cap. 11.* qui plus delectationis habent: & quòd singula animalia summa voluptate, & impetu feruntur ad sui generis animalia, licet visu turpia & fœda sint, licetve multa interim occurrant fœminei generis animantia multò pulchriora. Quòd autem fœminæ ouis incubant, ventrem nudantes, & à cibo abstinentes, quòd pullos excludant. Quòd pisces mares, fœminas sequantur, ut semen fœmineum iam exclusum inspergant, & fœcundum reddant, quia enim intra alium maternam profundi masculium semen non poterat (eo quòd nec intra se fœminæ plurimos fœtus concipere queunt, quos simul à piscibus edi voluit natura,) summo impetu, & voluptate ad fœminas accedunt, ubi primum illæ suos edunt partus, ut veluti incubantes fœcundent. Demum & quòd bruta, ubi primum in lucem prodeunt, veluti speciei magis, quàm propriæ conseruationis sollicita, quamprimum in congressum rapiuntur, ac si primus illè, & magis stimulan appetitus foret inditus à natura, quem etiam in plantis, elementis, & mixtis omnibus experimur: tantus est in omnibus ad sui similia, vnionis, & conjunctionis amor; non tam ob propriam conseruationem, quàm propter germinationem, multiplicationem, & incrementum; tantusque in parentibus ad liberorum educationem affectus, citra peculiarem utilitatem, ut credere par sit, vim illam generandi, vires suas, & efficaciam præ aliis habere; summumque illum amorem, & congressus appetitum, fuisse generationis instrumentis à natura inditum, quò etiam citra proprium usum sanitatis, aut se à superfluo deonerandi, audissimè, & voluptuosissimè in coitum ferantur.

Cæterum licet prædictas causas etiam admittamus, non proinde tamen illa Galeni *lib. 1. de caus. sympt. cap. 8.* ab excretionem noxiæ, seu superflui, & redditu ex innaturali ad naturalem statum, reicienda: nec enim ita videntur adducta Turisani obiecta, ut solui nequeant. Ad primum responderetur cum Galen. ipso *cit. de caus. sympt.* quòd licet noxia causa non sentiat aliquando, propterea quòd paulatim acruetur, sensimque imprimat innaturalem affectum; non tollit tamen hoc, quòd conferta sit, & suauissima illius excretio: nam si dolore non afficit, quia celeritate caruit imprimendo, cur celeritate expulsiōis voluptatem non inducet? ex evacuatione scilicet, celeriter & simul facta, velocique redditu ad naturam, cuius celeritate magis respondet delectationis vehementia, quàm magnitudinis redditus, iunctis aliis de quibus supra, exitu nempe tardo valde prurientis materiæ, angustia, & sensibilitate viarum, festino eiaculari per exiguos, ac sensibiles meatus, &c. Fit autem ista velox excretio, tum ob validissimas, expultricem seminalium vasorum, accedente etiam ope muscoli circumdantis testes, & attracticem vteri; tum ob seminis acrimoniam, & spirituum copiam ex frictione auctam, vehementer stimulantium ad excretionem, nec dissimiliter mouentium, quàm ignis in bellico tormento ad puluerem sulphureum admotus. Addè quòd cum ex frictione, ut diximus, spumante semine partes illæ genitales nimium extendantur, non mediocris dolor, & molestia in illis concitatur, idque non sola copia, sed mordicante etiam qualitate; quia verò sequente celeri excretionem sanantur, & ad pristinam constitutionem subito reducuntur, pro ratione antecedentis doloris voluptas magna conciliatur.

Ad secundum, Diuersissima ratio est in urina, quantumvis



timuis repente, & confertim excreta: non enim in amplavescit capacitate contenta ita turget, nec inter ex-  
eundum per liberos meatus sine mora, & retentione,  
cum voluptate titillat, ut eam conciliare possit suavitatem,  
quam semen ex adductis causis. Nec verò exigua illa urinae portio, quæ ex consulto naturæ à renibus ad testes descendit, & cum semine permiscetur, potissima est deliciarum causa, etsi etiam pruriat, & nonnihil stimulet; immò nec in usum augendæ illecebræ principaliter data, sed magis ad frigefaciendum semen in sinistro teste, 14. de usu part. citat. & ad facilem seminis exitum per angustos meatus.

Ad tertium. Etiam in libidinosis, qui Veneri immodicè indulgent, exiguum semen spumescens distendit, sitque superfluum, & turgere facit genitalia, corpore licet exhausto; dum verò funditur, erumpit, & pro ratione doloris sequitur voluptas, præsertim cum traditur ad colis angustiam, quâ parte superfluum sit grauians, & pungitium. Verùm quia in illis semen nec copia satis distendit, nec per moram qualitate molesta vitatur, quæ excitet ad celerem expulsionem, vnde oblectatio, multò minus delectantur.

Ad quartum. Quæ in feminis emissionem in somniis percipitur voluptas, non exterioris est sensus, quum omnes tum temporis ligentur, sed imaginationis: hæc enim imaginata venere, & colis erectionem, & eam vacuationem promouet, atque in se oblectatur, & interdum multò magis quàm fieri soleat in congressu; solet enim, & per somnia, & delirantibus plus veri fingere, multoque maiora proponere obiecta, quàm ipsa sint, ex causis aliunde petendis.

Verùm, ut in recentiorum diuertamus hortulos, qui de hac re plura literis prodidere, placet pro Hippocratis tutela controuersiolam componere: Vter magis in coitu delectetur, vir, an mulier? Hic enim auctor lib. de genitur. num. 6. in fin. minorem voluptatem concedit feminæ, maiorem viro. Caterum multo minus delectatur femina, quàm vir in coitu, & vir etiam tempore longiore. Nam feminæ semen est aquosius, tenuius, minus coctum, & minus titillat; viri autem semen est calidius, crassius, amplius, perfectius, atque idèdè magis pruriens; rursus & per plures, longiores, angustiores, & magis inuolutos meatus transit, vnde & tardiori motu. Denique & velocius, & magis confertim excernitur, ob validissimum ei aculatam robustioris expultricis virorum, & tractricis vteri, quæ omnes sunt immensæ voluptatis causæ, iuncta etiam maiori exolutione quæ datur in viris.

Sed obstat grauius auctoritas, nam Ishac lib. 6. thoric. c. 17. contrarium sentit: sequitur Levinus Lemnius lib. de occultis natur. miracul. cap. 6. dum sic profatur: Quæ mihi potissima causa visa est, quod mulier in complexu, multoque amplexu semen conferat, & viro plus voluptatis concipiat. Cum enim natura comparatum sit, ut genitalis seminis excretionem, propter turgidi spiritus eruptionem, neruorumque centiginem ingens comitetur voluptas, ipsaque mulier geminum munus obeat, atque utroque modo pariatur (elicui enim virile semen suumque cum eo permiscet) verisimile est illa plus gestire, ac voluptatis concipere, perfundique assuetius, &c. Quoniam mulier ex frictione, intromissione membri virilis, emissionem tardiori proprii seminis, receptione virilis in coitu, amplius quàm vir oblectari videtur.

Andreas Laurentius lib. 8. de re anatom. quest. 7. hanc quæstionem ridiculam putat, sed immeritò, nam Hippocratem accusat, qui, ut scribit Gal. lib. 6. aph. 17. nihil scripsit temere, nisi velis librum de genitura, Hippocrati Thesiali filio adscribere: nam Galen. lib. 6. de morb. vulgarib. sect. 1. com. 29. ex sententia Dioscoridis, vult librum de morbis esse Hipp. Thesiali filij: quod si hoc verum est, liber de genitura, huius quoque Hippocratis erit, hoc sanè argumento, quod veluti in lib. 4. de morbis, enumerantur quatuor humores iis nominibus, sanguis, bilis, aqua, & pituita, sic & in lib. de genitura, referuntur, ut nomine aquæ quæ in splene continetur, melancholia intelligatur: nam Hipp. hunc humorem non solet hoc nomine appellare, ut con-

Lib. III.

stat ex lib. 1. de natur. human. & ex illo libello Galeni, quem inscripsit, Benis denotatio dogmatum Hippocratis, veluti refert Stobæus, serm. 101. Ergo si liber quartus de morbis, à magno Hipp. fuit conscriptus, seu potius ab Hip. Thesiali filio, qui fuit in arte peritissimus, liber quoque de genitura est laudandus, nec eius præcepta temnenda.

Concilia ergo hos auctores hoc modo: nam mulieris voluptas maiori temporis spatio durat; viri autem intensior est, & vehementior, ob causas dictas, quidquid potèta effrenatam dixerit, fortiolem, & magis insatiabilem earum libidinem: intelligendus enim est de coeundi appetentia, quæ vehementissima vtero est, atque idèdè semper sitiens nuncupatur, sed non proinde maiorem suscipiunt ex congressu suauitatem, & voluptatem, quaquam non ita citò satientur; voluptas enim magis ad obiectum, & modum recipiendi, vel expellendi, quàm ad desiderium consequitur, intensior, vel remissior: quamuis ad oblectationem non parum etiam faciat rei fruendæ voluntas, seu appetitus. Consule si placet, Auic. 2. 1. 3. c. 2. Aponensem diff. 34. & 4. probl. 15. Thom. à Viega lib. 6. de loc. affect. in com. cap. 6. Marcel. Donat. lib. 4. de medic. histor. mirabil. c. 17. Galeot. Mart. lib. de promiscua disciplin. c. 18. Rorar. in suis contradict. Hipp. num. 14. His adde nouissimum Paulum Zachiam, Medicorum Romanorum decus, qui lib. 3. quest. Medico-legal. tract. 1. quest. 7. de hoc argumento inter omnes ingeniosissime differuit.

## HISTORIA XX. RHASII, De minuendo coitu.

Coitus assiduus, camphoræ usu minuitur.

**P**hlegmaticus quidam sumpsit iter in potu in quindecim diebus aur. pondus sex\* de camphoræ, & eo incisa fuit luxuria ipsius penitus, tamen debilitatus est stomachus ipsius, ita quod digerebatur cibarium ipsius per menses, deinde corrupta fuit ipsius complexio, & aliud malum præter hoc non fuit passus, sed deinde curatus est cum calidis, & c. Rhasius lib. 24. continent. tract. 3. cap. 1.

## PARAPHRASIS.

**A**B immodico & frequenti veneris usu plurima, eaque irreparabilia mala oriri, latè diximus lib. 1. in comm. histor. 73. & in hoc lib. in comm. histor. 9. probantque Auicenna 19. 3. tract. 1. cap. 11. Paulus lib. 1. cap. 37. Celsus lib. 1. cap. 1. Nam corpus rarius, frigidius, debiliusque reddit, spiritum & sanguinem resoluit, virtutes mortificat, & substantia nobilissima corpus defraudat, adeoque hoc verum est, ut sæpe plures in ipso concubitus actu, exhaustis viribus, expando ad externas partes calore animam efflasse, veterum, & iuniorum scientissimi memoriam promulgarint: de quorum classe sunt Galenus lib. 1. de sem. cap. 16. Valerius Maximus lib. 9. cap. 11. Plinius lib. 7. cap. 53. Alexand. Benedict. lib. 24. de curand. morb. cap. 22. Fulgosi lib. 9. cap. 12. & alij, quos citat Rausius Textor in officina suastit. de iis qui in venereo actu mortui sunt.

**E** Huius rei causa licet sit manifesta, illustratur tamen ab Hipp. lib. de genitur. n. 2. dum sic ait: Sic autem in homine ab humido spumescens, id quod robustissimum est, & pinguisimum secernitur, & c. Ex hoc loco aperte colligitur, valentissimum, hoc est, semen in venere excerni, hoc enim ex robustissimis substantiis, sanguine nimirum valde elaborato, seminali humiditate, spiritumque implantato ritè conficitur, in quibus corporis robur, vigor, & firmitudo consistunt. Quo pacto spiritu multo vacinato plures animo deficiunt post venerem, præsertim qui in coitu nimium oblectantur, ut notauit Auic. 20. 3. tract. 1. cap. 11. & 21. tract. 3. cap. 15. Assiduus enim concubitus viscera enervat, cerebrum exhaurit, spiritus suapte natura tenuissimos resoluit, & ventriculum suapte natura neruifum, & frigidum debilitat.

Hoc quoque probat Galenus lib. 1. de sem. cap. 16. hoc A modo. Omnes animalis partes non tam seroso humore, quam vitali etiam spiritu priuantur; siquidem hic quoque ex amaris una cum genitali humiditate excernitur: nihil igitur mirandum est, si ij qui immoderatus coitu viuunt, imbecilliores euadant, quum & uniuersum corpus vitiorumque horum purissima parte fraudetur, & accedat etiam voluptas, quæ vel sola idonea est ad vitales vires dissoluendas, ut nonnulli iam nimia voluptate affecti interierint, &c.

Non immerito ergo auctor noster, ad minuendum coitum auxilia præbuit, in phlegmatico, qui cum ob copiam pituitosi, & serosi humoris flatu turgeret, hac de causa ad concubitum erat procliuus. Quare ne ex superfluo veneris usu, vires exhausto humido primogenio, & resolutis spiritibus euanescerent; & sic huius purissimæ substantiæ absentiam persentiscens, in deteriora, cæque sæuissima vitia laberetur ista de causa contracta, illi ad minuendam concubitus appetentiam auxilia apta præscripsit. Huius enim sortis homines quum sint caloris innati inopes, à frequenti concubitu extremè læduntur. Multitudo enim desiderij, inquit Auic. 20. 3. tract. 1. cap. 25. quando est cum fortitudine corporis, & sanguineitate, & sanitate complexionis, & adolescentia ætatis, & potentia super coitum, absque successione debilitatis, non est necessarium, ut occupatio sit in regimine eius, & fractione ipsius, &c. Contrà, si debiles sint, & frigidi, ex frequenti concubitu læduntur valde.

Camphoram elegit inter cætera: nam cum sit frigida & sicca in tertio gradu, ex Auic. lib. 2. tract. 2. cap. 133. seminaria vasa refrigerat, semen cogit ac inspissat, & sic abscindit coitum: quare testibus & lumbis illita, Veneris stimulos coercet, & extinguit. Hoc medicamentum ter per intervalla exhibuit, timens, si continuis diebus exhiberet, ne viscera læderentur. Propinauit autem qualibet vice aureos duos, hoc est, octo scrupulos, quoniam aureus licet sit pondus drachmæ vnus cum dimidia apud Saladinum part. 3. de ponderibus, & mensuris, & Benedict. Massar. Vicentinum eodem tract. tamen ego sextam vnciæ partem, hoc est, scrupulos quatuor pendere arbitror, cum clarissimo Nicol. Fontano, Medico Amstelodamensi, qui in suo eximio lib. institut. pharmaceutic. sect. 1. cap. 1. aureum à solido, hexagio, & sextula solum nomine differre admonuit.

Hic, camphora exhibita, cum esset pituitosus natura suapte, postea de debilitate ventriculi est conquestus, ita ut coctiones non ita essent prosperæ, & faustæ: nam ex frigidityte medicamenti ventriculus læsionem contraxit: cum enim natura animalibus vice terræ ventriculum, velut promptuarium cibi fabrefecerit, ex Galen. lib. 2. de caus. symp. cap. 3. & uniuersum alimentum excipiat, illud accuratè elaboret, & quod in eo recrementitium & inutile est, infernè pellat, benignum verò & vtile, per venas, quæ tum ad ipsum ventriculum, tum ad intestina perueniunt, distribuat, ex Galen. lib. 4. de usu part. cap. 1. cibosque totus complectatur, ex Gal. lib. 3. de facult. naturalib. cap. 4. & alimentum concoquat, cur mirabimur, si ex camphoræ frigidityte nimia ventriculus frigiditytem contrahat, & ad coctionem reddatur ineptus, si coctio perficitur calore, ex Arist. lib. 4. meteor. cap. 2.

Huic malo occurrens Rhafius, frigidum ventriculi intemperamentum corripit, medicamentis (ut par erat) contrariis, calidis nempe, & roborantibus, edoctus à Gal. lib. 7. meth. cap. 6. & 7. docente, ventriculi intemperantias esse corrigendas contrariis; quo loco plura recenset, quæ ventriculum firmant, ac roborant: ea sunt oleum mastichinum, opobalsamum cum purpura, nardinum vnguentum. Per os verò administrat vinum, & mel. Et si forte cruditas adsit ex debili coctione orta, stomacho apponit vnguenta, emplastra ex aloë, mastiche, oleo nardino, & purpura, & lib. 8. meth. cap. 5. & 1. ad Glaucl. 14. varia exhibet in potum medicamenta, quæ robur ventriculo conciliant.

Frigida & humida intemperies, calefacientibus & exiccantibus curanda est; hæc enim præterquam quòd naturæ sunt familiaria, quia hæc melius sustinet calo-

rem, etiam ventriculum roborant, ac firmant. Sed cum multa sint in hunc usum inuenta auxilia, potiora in compendium redigam, quæ si prius purgato corpore exequaris, erunt vtiliora.

Vinum refrigerato ventriculo est antidorum præstantissimum, inflationes enim præcordiorum discutit, ut multis exemplis confirmat Ruellius lib. 23. de nat. stirp. cap. 9. vnde iulapia ex vino naturam nostram roborant, vitam conseruant, atque producunt, teste Quercetano lib. 1. diates. iij. de vino.

Iuat aqua absinth. fœnicul. organ. cinnamomi, serpilli, calendulæ, anisi, caryophyllor. menthæ, melissæ, hyssopi, anethi, betonicæ, & radicis Angelicæ, quarum aquarum vncias quatuor ieiuno ventre exhibebis, oblata prius tabella vna aromatici rosati, diarrhod. diagalang. diacinnamom, aut theriacæ antiqua, aut conserua ex flore stœchados, rorismarini, aut betonicæ.

Vtilia sunt artificialia vina, ut hyssopi, absinth. anisi, fœniculi, passularum, rorismarini, organ. euphrasæ, nucis moschatæ, guaiacini, passularum, cuius conditionis sunt vinum Hippocraticum. His adde aquam vitæ, vel anisi cum saccharo. Varia claretæ etiam sunt saluberrima, quorum vnum, aut alterum cochleare, ut ait Quercetan. ventriculum roborat, eiusque cruditates, & flatulentiam materiam tollit.

Decocta præstant parata ex pauco aniso, cumino, caruo, flor. camomil. absinth. galanga, cinnam. cubebis, caryophyll. ligno aloës, radice chin. smilac. asper. ebeno, mastich. & radice vocata fassafra.

Fomenta cum spongia imponuntur summa cum vtilitate stomacho, quæ flatu discutunt, coctionem iuuant, & flaccidi ventriculi vires collapsas firman: sunt ex decocto melilori, absinth. calament. nardi, anisi, cumini, fœnicul. caryophyll. menth. puleg. organ. calaminth. serpill. aneth. rosar. rubear. calam. aromatic. galang. zedoar. calam. aromat. mastich. lign. aloës, coral. rubri, nucis moschat. rhapont. Decoctum autem in vino parari potest, quod collapsas ventriculi vires strenuè refocillat, cuius usus in ablutionibus, extractis, odoribus, & aliis quæ vino conficiuntur, atque propinantur, est vtilissimus: nam medicinæ, quæ tardæ sunt operationis, si in vinum infundantur, vigorem sumunt, acuunturque ut ait Alphonsus Ferreus cap. 1. de vini exhibit. quare nec cibus, nec medicina vino vnquam priuari debent, nam est simile calori nostro, & medicamenta penetrare facit ut Auicenna inquit 3. 1. cap. 2. de regim. aq.

Olea etiam roborandi ventriculum vires habent, ut oleum menth. absinth. nard. mastich. anisi, fœnicul. caryophyll. nucis moschat. cinnam. balsam. sulphur. croc. costi, ebeni, terebinth. naphæ, belzoini, maceris, piperis, de corticib. malor. arantior.

Pulueres offeruntur in vino, aut è iure gallinæ, aut extrà apponuntur in sacculis; nam calefaciunt ventriculum, exiccant, & roborant. Præcipui sunt rosar. absinth. coriand. anisi, fœnicul. cinnamom. zingiber. caryophyll. nucis moscat. macis, galang. cubebar. calam. aromatic. gentian. zedoar. mastich. radic. tormentillæ, galliæ, moschat. ligni aloës, mosch. ambar. piper. organ. pulegij, cymini, carui, myrsil. coral. rubri.

Electuaria etiam calefacientia ventriculum roborant, ut sunt aromaticum rosar. aromat. caryophyllarum, dianthos, diaxyloaloës, diagalanga, dianisum, diacyminum, diacinnam. diazingib. diaspoliticum, diatrion pipereon, electuar. ex citro, rosata nouuella, diarrhod. diamargarit. calidum: ex quibus speciebus cum miva ciconior. cum aromate, & syrupo de corticibus citri, aut rhodomelite, possunt parari antidota ventriculo roborando vtilissima.

Vnguenta ex dictis oleis, & pulueribus cum cera confici possunt, quæ cum evidenti vtilitate ventriculo imponuntur. Ex his possunt parari emplastra, seu cataplasmata, quæ ori ventriculi admoeri queunt. Roborat ventriculum calor manus eiusdem laborantis, vel alterius hominis sani, vel catulus, aut puerulus ventri admotus; quomodo autem à calore externo caliditas interna iuuetur, & foueatur, lege hist. 66. lib. 2.

Cum autem ex immodico Veneris usu sæua damna A variis partibus prædita sint, varias, & longè contrarias ex se promant vires. Sic opium frigidum est, licet amarissimum sit, & ita acre, ut linguæ impositum exulceret. Argentum viuum frigidissimum est, quum in perpetuo sit motu ob tenuissimas partes, quibus constat, quarum merito resoluit, calefacit, penetrat, viscidam, tenacemque pituitam attenuat, incidit, & per sputum, aluum, sudoremque expurgat, & eam firmiter adhærescentem è distantissimis partibus attrahit. Sicalia quamplurima, ob diuersas quibus pollent, vires, varios effectus producant, ut lentes, aloë, rhubarb. pŷllium, ferrum, chalybs, rosa, lac. Solue secundò cum Manardo in com. Trochiscor. de Camphor. Legitima Camphora est frigida; factitia, quæ præsertim ad nos ex India adulterata affertur, & bitumine infecta, calida est. De Camphoræ electione, lege Mathiol. loc. cit. Medicos Colonienſes in com. Mesue, tit. de Trochisc. Camphor. & elegantissimum Cronemburgium lib. 6. de compos. medicam. in com. Trochisc. de Camphora, Abhenguës Arabem, qui in suo de simplic. medicinarum libro, de Caphura rectè conscripsit. Iuberam in reformatione medicamentor. cap. 95. & nuper Tobias Aldinus proposuit in suo lib. de plantis horti Roman.

## QVÆSTIO XXXIV.

*Vtrum camphora sit frigida, an calida, ut contra Auicennam Mathiolus sensit.*

## COMMENTARIUM.

**D**E camphora. ] A sapientissimis medicorum, diu & importunè quæsitum, num camphora sit frigida, vel calida. Sed in hac dirimenda lite sunt ancipites: nam pro utraque parte æqualia videntur esse momenta rationum. Eius frigiditatem arguit adstrictio, congelatio, quoniam capitis dolores mulcet illi, incandescens inflammationes restinguit, iecoris ardorem compescit, sanguinem cogit, renes, & seminaria vasa refrigerat, & venerem sic extinguit, erysipelata mitigat, aduersus gonorrhæam, & alba vteri purgamenta efficax est. Idem præstat pubi, seu imo ventri, testibus, renibusque admota, sanguinem è naribus profluentem sistit, collyriis ad calidas oculorum ægitudines vtiliter imponitur, corpora à putredine sua frigiditate præseruat, diarrhææ opitulatur, febribus remedio est, somnum conciliat, ex Auic. 3. 1. tract. 2. cap. 10. quo pacto est frigida, & sicca in ordine tertio, ex mente C Auic. lib. 2. cap. 133. subscribunt Serapio, & Platearius cap. prop. de camphor. Garzias ab Horro, lib. de aromat. qua ex India adſpŷrantur, colloq. 32. Cristoph. à Costa, eodem tract. cap. 25. Andreas Lacuna lib. 1. in Dioscorid. cap. 75. & Patres in Mesuem, in com. trochiscor. de camphora. Hos trochiscos, sicut & oleum eius conferre ad febres arden- tes monuit Mesuë; compescunt enim sanguinis feruorem, ventriculi, & hepatis calidam intemperiem corrigunt, sitim mitigant, hæcticæ, & phthisi conferunt.

Contra faciunt multa, quæ eius caliditatem arguunt manifestè, gustus, qualitas, odoris acrimonia, ærea substantia, pondus, raritas, & siccitas. Insuper si sententiæ Galeni standum est lib. 4. de usu part. cap. 9. dicentis nullum frigidum promptè comburi, videtur camphora calida esse & sicca, nam igni imposita ardet, & in flammam citissimè conuertitur. Audi loco cit. Galenum, dum de pinguedine loquitur: *Quæ certè quòd calida res sit, dignoscitur & sensu ipso, utentibus ea nobis vice olei: indicat autem id non minimum, quòd facile in flammam transmutetur, tanquam ad flammam naturam proximè accedat: nihil enim frigidum promptè comburitur, &c. repetit lib. 3. de temp. cap. 5. §. Verbi gratia si oleum calidum est, non id inde spectabitur, quòd glutinosum, aut pallidum, aut lene est, sed quòd facile inflammatur: id namque erat illi calidum potestate esse, quòd celeriter in energia calidum mutatur, &c.* Quare Pandectarius, cap. 119. & Proprietarius, superioris sæculi Medici eruditi, calidam & siccam in secundo ordine proponunt.

Vidit istam controuersiam Mathiolus lib. 1. in Dioscorid. cap. 71. de Lenisco, argumentorumque difficultate perterritus, camphoram esse calidam & siccam arbitrat, codicèſque Auicennæ esse mendosos sibi persuasit. Sed errat, nam in antiquis Auicennæ codicibus, & in germana versione legitur, quòd camphora sit frigida & sicca in gradu tertio.

Doctissimus Renodæus lib. 1. de materia medica, sect. 9. cap. 2. de Caphura, rectius dubitationem explicuit, dicens: camphoram diuersis constare partibus, nam cum mixtæ sit facultatis, frigidis & siccis partibus constat, & sic cogit, retinet, inspissat, & contemperat; odore verò, spirituum tenuitate, & partium ætherearum ope calefacit, & sic subtilibus partibus constans, reposita in auram euascescit, & ardet, ut notat Scaliger exercit. 104. num. 8. in Cardarum. Nec dubites: plura enim sunt, quæ cum

HISTORIA XXI. GALENI,  
De colis palpitatione.

## Colis palpitatio, Carminantibus auxiliis curata.

**I**N illo enim cui assidue colis palpitatio præcesserat, causa erat \* spiritus flatuosus, ad quem cum omnem curationem conuertissem, hominem sanavi, &c. Galenus lib. 6. de loc. affect. cap. vlt.

## PARAPHRASIS.

**M**iserabilis proſectò est colis ignauia, & ad congressum venereum impotentia: miserabilior ob labores, & pericula multa, eiusdem partis contraria constitutio, hoc est immoderata distentio citra appetentiam veneris contingens: cum enim Paulus lib. 3. cap. 56. Saryriasm, naturalium palpitationem esse proferat, quæ vasorum seminariarum inflammatoriæ dispositioni superuenit, ut firmat Auic. 20. 3. tract. 1. cap. 37. eueniâtque ob genitalium partium feruorem nimium, ut ex priscorum mente explicant Mercurialis lib. 4. de morb. mulier. cap. 10. & Mercatus lib. 2. de morb. mulier. cap. 10. hunc ægrum priapismo laborasse mihi persuadeo, de quo affectu latius infra: nam, ut cit. loco notauit Paulus, saryriasis ex phlegmonosa seminalium vasorum dispositione ortum ducit, in languorem, & resolutionem eorundem vasorum migrat, & neruorum distentionem, conuulsionemque minatur. Accedit quòd morbus rarus est, & sæpe cum alui fluore, & frigido sudore interficit. At verò Galenus hunc carminantibus oblatis persanauit.

Hoc manifestè asserit Aurelianus lib. 3. tardar. passion. E cap. 18. qui saryriasm à priapismo distinguit, licet hi affectus conueniant in rigida, & inuoluntaria penis tensione; quoniam Saryriasis, acutum malum est ex conuulsione orrum, breui hominem consumens cum immensa veneris libidine, cui mors ferè superuenire solet. Priapismus verò tarda passio, ex plurimo flatu, nec facile solubili, intra fistulosum neruum contento. Hoc ergo affectu laborasse hunc ægrum firmat Thomas à Veiga in com. huius loci, num. 6. dicens: *Frigida affectio est palpitatio, quare non ab arteriarum spŷu, sed à flatu in fistuloso neruo, & genito, & densato.* Explanata namque causa naturalis erectionis, de qua eleganter agit Laurentius lib. 7. de re anatomic. quæst. 6. inuestigat Galenus morbosam, quam magis in fistuloso neruo, quam in arteriis esse constat.



Neruum hunc, quem colem dicimus, multis nominibus antiquitas decorauit: nam multoties penem, hastam, mutonem, caulem, virgam, fascinum virilem, scapum, veretrum, verpam, mentulam, caudam salacem, neruum fistularem, genitale, aut membrum virile nuncuparunt, ut cit. loc. prædixit Laurentius, & pluribus nominibus insigniri, ab oriosis, pronis in venerem, meterriculis, lenonibus testatur Columbus lib. 11. anatom. cap. 15. ob quam causam ab amantibus priapus dici solet, de cuius etymologia plurima prisca poetice fabulantur, & norant Eustathius in lib. 2. iliad. cap. 22. Athen. lib. 1. cap. 27. Diodor. Sicul. lib. 4. cap. 2. & de eius apud Aegyptios simulachro, pulchrè, & ad naturæ vires consentaneè disputat Suidas.

Virile ergo membrum, corpus est neruosum ex pubis ossibus ortum, cui simile in toto corpore non inuenies, & cui venæ, & magnæ arteriæ inferantur. Insuper hoc nec tenum semper esse oportuit propter molestiam, & periculum; nec perpetuò laxum, quod foret omnino inutile; sed vicissim flaccescere, contrahi, & quiescere, & pro visibus tendi, dilatari, ac moueri opus fuit. Naturalis erectionis causam docet esse innatam pudendi facultatem, quæ sui muneris non ignara, instar aliarum corporis facultatum, ubi primum animal ad coitum incitatur, ex insita doctrina penem distendit, apteque ad congressum disponit; licet enim operis inscisa, & indocta natura sit, hoc est, carens omni externa disciplina, omnium tamen opifex est, 3. art. med. 87. & sponte suas inuenit, atque exequitur moriones, ut soletter distauit Gal. lib. 6. de loc. cap. ult. & prædixit Hipp. 6. epid. sect. 5. text. 2. quicquid Asclepiades, scribente Gal. 3. cris. 8. affirmauerit naturam esse inertem, quam vniuersa illius opera, utpote mirabili industria, & summo artificio plenissima admirentur sapientes; de quo passim Gal. in lib. de usu part. præsertim lib. 1. cap. 3. & lib. 3. cap. 10. & 15. Plinius lib. 11. cap. 2.

Quamuis autem à flatuoso spiritu per arterias influente turgat etiam pudendum, dilatetur, atque in tumorem attollatur, præcipua tamen naturalis tensionis causa in neruo fistuloso consistit, tum quia actiones à propriis partium essentiis oriuntur; tum quia arteriæ quantumvis pressæ, exprimere non possunt flatum in fistulosum neruum, nisi is distenderetur; idè namque repletur, quia distenditur, non è conuerso; quod similiter in pectoris, cordis, & arteriarum motibus agnoscimus, ad quam partium distentiones sequitur aeris ingressus, & repletio.

Cum ergo neruus fuerit distentus, sequitur ex arteriis spiritus, quemadmodum pulmo thoracem sequitur, ob eam quam habet ad motum ipsius sequelam. Distenditur autem sponte neruus, aut stimulante desiderio, ut diximus, ex meditata venere, vel mordicatione; aut acquisito calore; irruente deinde spiritu vaporoso impletur, rigidusque fit, & insigniter intumescit; eodem verò dissoluto, contrahitur rursus, concidit, & flaccescit: nam ab spiritu, non humore inflari indicat celer eleuatio, & subsidencia. Cæterum longè aliter contingit in morbosa erectione; huius enim causa, flatus cum sit ventosus ex crassis, & viscosis humoribus cum mediocri calore genitus, 3. de sympt. caus. 2. & 9. sec. loc. cap. 9. vnde Paulus, Aëtius, & omnes sua hausere, magis in arteriis quam neruo ipso existit: facilius namque est illis apertis, spiritus flatuosus, quibus arteriæ turgent, in corpus fistulosum effundi, quam in hoc ipso gigni, quod etiam euentus crebritate confirmat Galenus. Dignosces verò ex præcedenti palpitatione, oriri priapismum à genito, & densato flatu in fistuloso neruo: palpitatio enim cum frigida affectio sit, utpote causam habens materiam ventosam, à calido arteriarum spiritu fieri non potest.

Cur colis, offeus, solidus; ex arteria sola constructus non fuerit, explicat Vesalius lib. 5. fabric. 14. Penem enim ita fabrefecit natura, spiritu repletum, ut insigniter turgere possit, & rursus eodem spiritu dissoluto concidere: nam hoc modo ad venereos congressus, seminis eiacula-

uit, atque constituit. Is ergo neruus cauernosus, & fistulæ modo excauatus, constat ex duobus neruis cauis, meatu vniuo membranoso, semini & vrinæ communi, quatuor musculis, venis, arteriis, & neruis plurimis, membrana neruosa, & cute miro artificio fabricata, ut Galenus 14. de usu part. 13. edocuit manifestè: explicat eruditissimus Spiegelius lib. 8. de fab. corporis humani, cap. 17.

Huius affectus causam esse vaporosum, flatuosumque spiritum firmat Gal. 14. meth. cap. 7. & lib. 3. de caus. sympt. cap. 2. & 9. de compos. medic. sec. loc. cap. 9. qui ex humoribus viscosis, ac crassis per moderatam caliditatem gigni solet. Verum ubi in eodem fistuloso neruo flatuosus spiritus fuerit genitus, ex continua eiusdem, quæ præcessit, palpitatione dignosces: quemadmodum è diuerso, ubi supra modum arteriarum ora, quæ ad pudendum deueniunt, fuerint patefacta, ac propterea affatim spiritus multitudo ad ipsum colem affluat, nullum tale symptoma præcedere solet. Ex quibus constat affectum hunc à vaporoso, nebulosoque flatu in hoc neruo genito originem duxisse. De hoc argumento consule Fernel. lib. 6. pathol. cap. 13. Altimar. lib. de curand. human. corpor. malis, cap. 105. Christoph. à Vega lib. 3. art. medic. sect. 10. cap. 4. Vidium lib. 1. de curat. membrat. cap. 12.

Plurimæ sunt causæ, quæ calorem nostrum imbecillant, à cuius debilitate flatuum copia gigni solet in corpore nostro. Causa efficiens, primaria, & immediata est debilitas natiui caloris. Secundaria, & remota, est humidum quoduis; ex quo, cum viscidum fuerit, & crassum, debilis calor flatus elenat, quos præ impotentia discutere nequit. Ad horum ergo resolutionem, cum Galenus omnem curationem conuertisset, ægrum perfunctum gloriatur. Sed quæ præsidia adhibuerit, non explicat. Dic. Spiritus flatuosi causa, est humor crassus, & lentus, ex Gal. loc. cit. Offerenda ergo sunt alimenta boni succi, facili coctionis, nam hæc vel à remissiori calore facile superantur: maxime si sint aromatis condita, quæ natiuum calorem egregiè restitunt, flatusque absumunt. Hunc usum complet optimi mellis vsus, quod auctore Galeno 7. meth. cap. 7. & alibi, in naturis frigidioribus probum succum gignit, & leuiter calefaciendo non nihil detergit, & cruda excrementa concoquit, & per alium expellit.

Pro potu prodest vinum antiquum, odorum, generosum, in quo præsertim absinthium, & aromata calida infundantur. Aqua sit cocta cinnamomo, aniso, aut radice chinæ. Aer sit calidus siccus. Humorem pituitosum Galenus imperat vacuandum per vomitum, cum Paulo lib. 3. cap. 56. timens ne ex præcipiti lapsu humorum in infernas partes, gemitur malum: at de violenter vacuantibus est intelligendus, vel quando purgatio initiante fluxione celebratur. Quapropter ex vsu sunt clementia, quæ suauiter humores per alium deriuent, velut sunt agaricum, mechoaca, pruna sennata, syrup. ex multiplici infus. ros. persic. syrup. de sen. epithym. polipod. quæ si cum carminantibus misceantur, strenuè procedunt; dummodò flatus resoluentia non sint nimis intensa, nam sic flatu plusquam oportet attenuato, maior sit inflatio, & grauiore dolores propullulant, quod præceptum in omnibus flatulentis affectibus, præsertim intesti-

Mandantis quoque partis ratio est habenda, quæ sæpe ventriculus esse solet, interdum lien, aliquando hepatis, quæ viscera cum intemperie frigida laborant, flatus creant, quos ex ructu, rugitu, fluctuatione, & dolore circa has partes percepto facile venaberis: maxime si adsint cruditas, tarda, difficilisque coactio, inflatio ventriculi, nausea, vomitus; ex quibus causis flatus suboriri, certissimum est.

Oportet ergo officinas coctionis roborare, & flatus genitos absumere. Hoc opus efficiunt clysteres ipsi, qui parantur ex oleis, ac decoctis digerentibus, & carminantibus, ut ex semine anisi, carui, dausi, feniculi, an. 36. sem. apij, & aneth. an. 3ij. flor. chamæmel. melilot. sambuci, rut. anthos, an. P. ij. & facta decoctione in aq. & vino cretico, cum aq. vitæ 3ij. & 3ij. mellis anthosati, & 3ij. olei



olei rutac. & ʒ. ʒ. hier. fiat clyster, qui calidus injectus, & diutissime in ventre retentus, mirè flatus discutit. Hunc si pares ex iure galli veteris, cum iisdem medicamentis prius decocti, adiectis ʒiij. urinae pueri impubis, & ʒj. fermenti acris, erit præstantior.

Ex iis medicamentis cum saccharo, adiecta nuce moschata, & caryophyllis, possunt fieri pulueres, tabellæ: & cum conferua flor. anth. & salinae, parantur electuaria; quæ potenter discutiunt. Linimenta fiunt, emplastra, culcitæ, fomenta, ex plurimis roborantibus medicamentis, quorum sylvam in superiori historia descripsimus. Iurant sudorifica ex ebena, similace aspera, & radice chinæ: Balnea Thermalia summo sunt ex vsu, & cætera quæ partes naturales tuentur, & roborant.

## QVÆSTIO XXXV.

*Utrum flatuum generatio oriatur à debilitate caloris innati, ut opinatur Galenus.*

## COMMENTARIUM.

**S**piritus flatuosus. ] Non censetur à medica facultate Salienum, ut Galenica ingressi pomœria, per transennam licet, præscribamus, quæ huius flatuosi spiritus causa sit primaria: nam de antecedente supra ostendimus, esse humorem crassum, viscidum, qui num à debili, moderato, aut immodico calore vertatur in flatus, nunc enodandum. Artis medicæ fulgentissimum iubar rem sic determinat lib. 3. de sympt. caus. cap. 2. dum sic ait: Est autem & horum generatio in ipsis, quæ in ventre sunt, locis, succis quibusdam pituitosis, vel cibis inibi à deficiente calore in halitum solutis: quippe syncera frigiditas prorsus halitum non facit, quod scilicet ea nec attenuat, nec conficit, nec alimentum dissolvit: fortis verò calor, cum longo intervallo nutrimentum superet, amplius quam pro halitu generando id attenuat, nisi tamen flatuosum sit natura: tunc enim gignitur spiritus quidam turbidus, ac ut sic dicam, nebulosus, ceterum exiguus, & brevis temporis, ita ut uno, vel altero ructu vacuetur. At calor qui in cibos agit, ceterum diminutè, is eos quodammodo dissolvit, non tamè prorsus conficit, atque hinc oritur flatuosus spiritus. Explicat ingenuè Valleriola in com. & exponit Ludovicus Lemosius affabrè in com. c. 8. lib. 12. meth. Gal. disp. 4.

Sicut enim, inquit Galenus ibi, extrinsecus tum frigidissimi flatus sunt sereni, solentque maxime flante borea fieri; tum calidissimi, qui æstatis tempore incidunt, ambientem aëra parum reddunt: qui verò inter hos sunt, nebulam gignunt: ita in animalibus, neque in caloris summa imbecillitate, nec cum idem nimium est vehemens, sed in iis, qui inter hos sunt flazibus, flatuosum excrementum gignitur. Atque id cum per os excernitur, ructum creat: cum per sedem, sonorum, silentiæ flatus: cum verò neuræ parte emittitur, symptoma creat, quod inflatio vocatur. Iam is flatus in tenuibus gignitur intestinis, & in iis quæ circa ieiunum sunt locis, maxime consistunt.

Deinde Galenus lib. 4. acut. com. 42. de flatuum generatione verba faciens, sic ratiocinatur: Conatur siquidem caliditas nativa corporis humores tum dissolvere, tum effundere, sed tenuare ipsos, & per inuisibilia foramina excernere non potest. Cum verò perfecte languet, neque solvere incipit, atque ob id spiritus flatuosus non summe languente nativa caliditate ortum habet, &c. probat lib. 4. acut. com. 111. & lib. 6. epid. sect. 3. com. 12. §. Prorsus enim flatus repleri, ab ingenti caloris debilitate provenit: eo namque rectè valente, horum nihil exoritur. &c. firmat lib. 6. aph. 1. & 3. aph. com. vli. sequuntur Paulus lib. 3. cap. 38. Oribas. lib. 9. synops. cap. 11. Auic. 13. 3. tract. 5. cap. 1. Auerhoës lib. 3. collig. cap. 16. Mesuè tract. de agitudine stomachi, cap. 11. Serap. tract. 2. cap. 18. & omnes propemodum recentiores satis confirmant, nixi Arist. doctrina, 2. meteor. cap. 4. qui flatus non à calido vehementi, sicut nec à frigido, sed à languido calore gigni asseuerat.

Sed hæc sententia patitur obiectiones plures. Cum enim calor à multis causis debilitetur, plurimæ quoque erunt inflationis causæ: Primò, calor à frigore per se mi-

nuitur, tanquam à verè contrario, quo nomine frigida epota flatus generat, & hydropem accersit, apud Gal. lib. 6. de loc. cap. 1. Secundò, à prohibita transpiratione, quæ sponte marcescit calor omnis. Tertiò, à defectu materiæ, quæ denegata innatum ignem perire est necesse. Quartò, ab ineptitudine materiæ, quam, ob crassitiem calor conficere nequit, sed in flatus vertit. Quintò, à suffocante copia, ob quam obruitur innatus ignis, & extinguitur. Sextò, à nimia siccitate, humidum, caloris pabulum absumente. Septimò, ab ignea caliditate, ut accidit in priapismo, ex Gal. 14. meth. cap. 7. imponente in hoc affectu frigida lumbis, venamque refrigerij causa secandam impetrante; & in mirachiali, flatuosæque melancholia experimur manifestè, cum Galeno lib. 3. de loc. affect. cap. 7. in qua flatus imminui oblatis refrigerantibus, refracto immodico pylori calore, inibi ex Dioclis sententia asseuerat. Quo pacto aliquando spiritum calidum flatuosum in corpore gigni testis est Galenus lib. 4. acut. com. 42. §. Verum cum spiritus calidus, flatuosusque ad caput feritur ob humorum prauitatem, &c.

Hæc verò facile solues, si prius aduertas quod sicut in magno mundo, solis, & stellarum actione duplex exhalationis genus eleuatur, auctore Aristot. lib. 2. meteor. cap. citato, alterum humidum, pluriæ materia; siccum aliud, ex quo venti, & ignitæ impressiones oriuntur: sic in animalis corpore, actione caloris, duplex recrementorum genus eleuatur, alterum humidum, & vaporosum, insensibiliter per cutis spiracula effumans, aut sensibiliter per sudorem erumpens; aliud est siccum, & fuliginosum, ex quo pili, ungues, sordes generantur, ex Gal. lib. 1. de sanit. tuend. cap. 12. Præter hæc sunt recrementa flatuosa, quæ Galenus flatum, aut spiritum flatuosum appellat, quem vbique generari, præsertim in locis ad ventrem pertinentibus, lib. 2. ad Glauc. cap. 6. testatur Galenus: Auic. 1. 3. tract. 2. cap. 5. hunc distinguit à vapore, quia hic ex omni humore; flatum verò ex pituita, & atra bile generari prædixit.

Flatum ergo oriri à debilitate caloris innati, exempla demonstrant: nam fructus qui non integrè maturuerunt, Sol Martij, & lumen Lunæ iccirco noxia sunt, quia flatus generant. Deinde pars refrigerata flaribus distenditur, quoniam diminutus calor partis, agens in succum subfrigidum, crassum, glutinosum, sæpe est causa flatuum diuturnorum; quam causam commendat Gal. 12. meth. cap. 1. & 8. tanquam Medico curaturo summe necessariam. Insuper flatus sub membranis, musculis, circa intestina, ventrem, & partes frigidas generantur, qui illas rumpendo frangunt, ut ait Auic. 2. 1. doct. 3. cap. 9. nam ex magna vaporosæ materiæ copia, vel crassi flatus abundantia, in caluarie cavitatibus contenta, & vehementi motu expultricis facultatis, ipsam aliquando rumpi testatur Andreas à Cruce lib. 1. chirurg. cap. 1. lege Albucaasim lib. 2. cap. 25. Nicol. serm. 7. tract. 3. sum. 2. cap. 45. Beniuen. cap. 40. & 81.

Causas plures assignari calorem nostrum debilitantes, non negamus; hæc autem non sunt immediatæ, primariæ, & efficientes, sed remotæ, secundariæ, & ex accidenti: nam calor adurens flatus non eleuat, si agat in humidum quoduis; at verò debilis calor in quoduis agens, eos generat, quos attenuare ob imbecillitatem nequit. Curat autem frigidis priapismum in methodo, ut sic igneus calor mitescat, & temperetur. Sanat autem venæ sectione in iuvene robusto, ut reuellatur humor in colem inflatum, & dolorificum delapsurus. Quo pacto debilis calor innatus flatus generat, qui si immodicus, & excedens sit; ut in melancholicis hypochondriacis sæpe reperitur, debilis etiam est, quoniam ab antiqua temperie deflexit, & non est commodum naturæ operantis instrumentum: immò ab eo calor insitus debilitatur, coctio vitiatur, succrescunt cruditates, & flatuum copia propullulat: hoc modo ab igneo calore innatum depopulante fiunt frigidi affectus, immò oritur hydrops ex acutis morbis. Lege Costæum in com. cit. loc. Auic. & Sennertum lib. 2. instit. med. part. 2. cap. 7.

De flatuum nominibus, ac differentiis consule Christoph. à Vega,

Vega, & Ioan. Brannum in com. sentent. 24. lib. 2. progn. A Mercurialem lib. 2. de excrementis, cap. 5. post med. Nam si per os excernantur, faciunt ructum: si per anum, vel sunt silentes, & minimè sonori, vel exeunt cum strepitu, bombo, sono; quorum causas citari ex Galeno retulere auctores: & eas luculenter protulit Ioan. Fienus lib. prop. de flatibus humanum corpus molestantibus in quo flatuum natura, causæ, & symptomata describuntur, eorumque remedia facili, & expedita methodo indicantur.

## HISTORIA XXII. GALENI, De priapismo.

Priapismo laborantes, vena secta, & B  
frigidis super lumbos impositis,  
sanantur.

**A**cciderat autem cuidam, ut mali succi alimentis, acribusque vteretur. Alij etiam, ut duobus mensibus præcinctus peregrè proficisceretur, quum ante nunquam cingi consuevisset. Coniecit itaque arteriarum ora nimis patefacta, alijs quidem ob humorum vitia, & acrimoniam; alijs verò ob flatuosum spiritum generatum, & sine ordine, & vehementer commotum. Scio enim ipse quendam à me curatum, tribus diebus naturalem habitum recepisse, sanguine primum misso, deinde medicamento hoc adhibito. Ceratum ex simplici rosaceo factum ita liquidum, sicut ad fracturas vii solemus, aqua frigida imbrè, ac simul cum ea subigens, (nā estatis initium erat) pudendo, ac lumbis impositus, atque ita quidē hunc percuravi. Simili modo & alium, qui post missum sanguinem, humido medicamento quod ex chamemelo conficitur, est usus, &c. Galen. lib. 6. de loc. affect. cap. vii. & 14. meth. cap. 7.

## P A R A P H R A S I S.

**Q**uemadmodum Gonorrhœa, symptoma est seminalium instrumentorum, ita & colis priapismus, hoc est, rigida, & inuoluntaria penis tensio, tumescencia, & inflatio, ex Gal. lib. 6. de loc. cap. 5. & 3. de caus. sympt. cap. 4. seu stabilis pudendi auctio, in longitudinem, ac orbem tumefacti, citra rei venereæ appetentiam. 9. sec. loc. cap. 9. & 14. meth. cap. 7. Vnde Paulus lib. 3. cap. 57. inquit: Priapismus est firmum genitalis incrementum, quod in longum, latumque intumescit citra veneris appetentiam. Ita ferè Aëtius, Trallianus, & omnes. Apud Aurelian. lib. 5. i. ad dar. passion. cap. 9. sine vlla fit coeundi voluntate, in quo discernitur à satyriasi (quæ præternaturalis etiam est erectio veretri, 2. meth. 2. sed cum immenso libidinis ardore, deducto affectus nomine à satyris, lib. de tumor. præternatur. cap. 14. propter impudentem, ac inexplebilem veneris appetitum: ) insuper & quia in satyriasi semen cum voluptate emittitur, lib. finit. medic. & post coitum detumescit virga; cæterum non proinde diminuitur desiderium, quia insatiabile, & ardentissimum, adeo ut ad mentis turbationem, & tabem perueniat, ita referente Sorano apud Aërium. Addit Aurelianus, præceptum esse malum, & acutum, immò verò interdum hominem breuiter consumere, & corpus vniuersum conuellere; priapismum verò tardam esse passionem, neque vsque adeo affligentem, quanquam & non parum molestant, ex Auic. 20. 3. cap. prop.

Licet auctores omnes, hunc affectum ex flatuoso spiritu, qui particulam in tumorem attollit, ex humoribus crassis & viscidis, modici caloris ope procreato, oriri asseuerent, alias tamen causas sortiri 6. de loc. cit. confirmat Galenus: Nam à seminis copia, & turgentia aliquando originem ducere probat, adducta historia cuiusdam amici sui, cui præter eam quam antea habuerat consuetudinem, omnino à concubitu abstinenti, rigidus adeo, tumidusque factus est penis, ut Galeno tale quid manifestare coactus fuerit. Cuius explanationem quære supra in com. histor. 2. dum quartam

eo loco historiam summus interpretari.

In huius ergo rei confirmationem, aliam affert historiam cuiusdam, qui cum prauis succi alimentis, acribusque vteretur, in eum incidit affectum. Huius euentus multiplices causas assignant citati auctores cum Auic. loc. cit. cap. 37. nam aliæ sunt procacitæ, antecedentes aliæ, quædam coniunctæ, & aliæ efficientes. Procacitæ sunt lumborum excalfactio, ex supino decubitu præsertim suborta. De hac causa loquutus est Galen. 6. de loc. 5. Calfactis lumbis par est, ut arteria calidiores reddantur, & magis etiā pateant ipsorum ora: quamobrem non exiguum tunc spiritus quantitatem in fistulosum neruum effundant, qui paulatim impletur, colem intendit, &c. & Auic. loc. cit. sic ait: Multitudo dormitionis super lumbos, ex qua liquefit sperma, & conuertitur in ventositatē, priapismi causa est, &c.

Alia est causa, succus prauus, viscosus, & crassus, qui vel acrimonia sua dilatat arteriarum ora, vel sensum, lente excalfactus in flatum vertitur. Causa coniuncta, flatuosus est spiritus, qui fistulosum neruum distendens, ipsum tumefacit, & erigit. Ab hac causa oriri per se hunc affectum probat Galenus, quoniam penis celeriter admodum intumescit, & residet. Efficiens causa est immodica caliditas, vitiosos humores in halitus vertens.

Quapropter priapismum ab his tribus causarum differentiis, suæ generationis ortum ducere, est affirmandum. Nam in primo ægro morbus ex causa antecedente, nempe ex vitioso succo ortum duxit. Secundus, qui duobus mensibus præcinctus, & peregrè proficiscens in hunc affectum incidit, ex causa primitiua ægotauit: Nam lumborum præcinctus nō antea affectus, longo tempore gestatus, lumbos calefacit, & venarum orificia dilatat. Sic enim ait Auic. cit. loc. structura lumborum duorum, seu iliorum, cum corrigiis, aut institis, quare dilatantur orificia venarum. In alijs verò in quibus flatuosus spiritus, & vehementer commotus morbum fecit, causa propinqua multisudinis tensionis virga, est multitudo ventositatis grosse in partibus membrorum coitum, &c. In eo verò, in quo ob caloris excessum lentos succos in halitus verrentis, hic affectus est ortus; causa efficiens, calor erat. Hanc præter alias etiam Auic. loc. cit. doctè adiunxit, dum dixit: Et quandoque adiuuant causam materiale, & efficientem causa instrumentales, &c. Lege Hieronym. Fabric. ab aq. pendente lib. 1. chirurg. cap. 10. de tumore flatuoso.

Accedamus ad curationem vniuscuiusque ægri. Quantum oporteat in huius affectus curatione Medicos esse sollicitos, docuit Aëtius i. i. 3. serm. 3. cap. 22. Namque diu non potest æger cum eo vitam traducere; siquidem cum molestant neruorum distentionem repræsentet, ubi diutius perseverat, vires admodum conuellit ac prostermit, & superueniente frigido sudore, & syncope, celerrimè interdum hominem abripit. Malum enim insolens est, teste Fernelio 6. patholog. cap. 13. ex quo præcipiti casu perire solent, nisi confestim eis auxilium feratur.

His ergo instituendus est victus, ex citatis auctoribus, ex Tral. lib. 9. cap. 12. qui flatui aduersetur, & siccet. Vitanda edulia calidiora: hæc enim humorem in spiritum vertunt, pudendique arterias dilatant. Cauenda acria, viscosa, crassa. In latus decumbant. Venereas narrationes auersentur: necnon alimenta semen generantia, turpes consuetudines, lasciuas amicitias, spectacula quæ ad libidinem concitant; nam his ad Venerem excitantur ægri, nullique horum veneris imaginatio prodest, nisi ex quibus ex huius abstinentia semen abundare coniecit Paulus inquit.

Primum ægrum, acribus, prauisque succi alimentis nutritum, ex quo prauis generatur humores, crassi, & viscidis, purgatione esse curandum, omnibus compertum esse reor. Hanc per vomitum esse celebrandam, vnanimiter confirmant cuncti. Quod si euacuatione vii licet, administretur per vomitum, inquit Gal. lib. 9. cit. sec. loc. & Paulus sic ait. Si euacuatione vii liceat, per vomitum id facies, &c. Causa autem, ob quam omittenda sunt per infernas partes purgantia, loc. cit. affert Auic. 5. Canon. verò curationis priapismi est euacuatio cum vomitu, propterea quod timeatur, quod

ventris solutio descendere faciat materias desuper, &c. Sed cum vomitoria violenta plerumque sint, præsertim quæ à partibus, à viis communibus remotis, humores tenaces attrahere debent, & calore suo moueant, exagitent, & attenuent, sicque flatus pariant, quid faciendum?

Ætius rem sic determinat, nempe in hoc affectu abstinendum esse à fortioribus, & efficacioribus pharmacis, eligendaque mediocriter expurgantia, quæ sensum, lentèque humorem noxium per aluum deturbent; quapropter hac leni purgatione celebrata humores in partem affectam præcipiti lapsu non ruunt. Dic tu cum Galeno 13. meth. cap. 1. in initio affectus partium inferiorum, medicamenta purgantia esse interdicens: cum verò malum præterierit statum, irruentisque in partem affectam humoris impetus conquieuerit, tunc citra noxam, medicamenta sunt ex usu. Audi ipsum loc. nuper cit. *Hac itaque ratione, nec si ventriculorum, aut intestina phlegmone occupare iam coeperit, medicamine quod aluum deiciat, uti conueniet. Eandem cum his indicationem sortitur vterus, sicuti cum urina vasis pudenda. At vomitu uti pudibundis laborantibus, in diuersa reuellens auxilium est. Siquidem longissime à remota fluxione parte, quod redundat reuellere, nequaquam ad eam trahere conuenit, &c.* Ex quo loco clarissime patet, pudibundis læsis, initiante affectu, Galenum reprobasse expurgantia: nam si quis facere in iecinore tentaret, quum phlegmone laborate incipit, maximam excitabit phlegmonem. Quoniam si in hepatis inflammatione expurgat per aluum declinante malo, & fluxionis impetu iam sedato, utiturque cnico, vrtica, mercuriali, epithymo, polypodio, filicula, & nigri veratri cortice, 13. meth. cap. 15. quia timet humorum confluxum ad infernas partes, cur pudendo affecto, maiori iure in initio ea non erunt interdicens?

Consulendus Gal. lib. 4. meth. 6. qui pudibundis partibus affectis, expurgantia per aluum summopere vetat. 5. *Neque igitur cum vel circa sedem, vel aliquam vicinam partem initium phlegmones incidit, aluum deiciat, neque cum in vesica, vel cole, vel renibus est coepta, pharmaca dabis quæ urinas prouocent, sed ad partes quæ maxima longinqua sint, semper reuulsionem facies, astimata scilicet tum phlegmones magnitudine, tum corporis totius statu.* Quare initiante affectu, fluentibusque humoribus, retractio medela est, ait Hipp. lib. 1. de humorib. num. 1. explicat eius mentem Galenus lib. 2. ad Glauc. cap. 2. in med. & lib. 1. de humorib. sect. 1. com. 14. dum sic ait. *Quare si vehementer fluxio feratur, ad contrarium reuellemus, ut si in superioribus ulcus sit, per inferna purgemus, si in inferioribus consistat, superiorem ventrem vacuemus. Quod si fluxio ipsa cessauerit, & in membro fixa sit, deriuare fuerit melius, eo quod translatio sit in propinquiora, & quod tunc attractio è vicina parte promptior medicamento purgante suppeditetur, &c.* Ex quibus verbis Gal. totam litem euanescente putamus.

Secundus æger passus priapismum ob flatum multum, vehementer commotum, quomodo sit curandus, diximus in præcedenti historia latè.

Tertius æger à Galeno descriptus, iuuenis fortè erat: Nam postquam dixit, *incidit verò vitium hoc non sanè multis, sed iuuenibus magis, quàm aliis ætatibus*, subiungit: *Scio enim ipse quendam à me curatum, tribus diebus naturalem habitum recepisse, sanguine primum misso, deinde medicamento hoc adhibito.* Cum enim iuuenes calidissimi sint, & innato calore polleant robustissimo, ob quam causam biliosis morbis sunt obnoxij, quoniam flaua bilis, humor inter omnes humores calidissimus, ex Galen. lib. 10. simpl. 11. de felle, hac ætate superabundat, 3. aph. 29. iccirco aggregatis etiam cruditatibus ob errorem victus, ex Gal. citat. nuper. Aph. auctor, & immoderatio illorum calor, glutinosum crassumque succum vertit in halitum turbidum, & nebulosum.

Ob hæc, ad compescendum viscerum cauma, ad ventilandum iecur, ad reuellendum ab affecta parte, ne scilicet humores commoti, & ab adurente calore agitati præcipiti lapsu in partes naturales ruant, saluberrima censetur venæ sectio, cuius ope pars inflammata præseruari solet: præsertim si corpus sit carnosum, multo sangui-

ne abundet, tempus anni sit ver, & aliqua consuetura vacuatio sit suppressa, aut exercitium dimissum, & ægri præter consuetudinem à venere abstineant, tunc audacter cruor exauriendus.

Secunda dextri cubiti interna vena: nam hæc, partes inter alas, & inguina, ubi maxima vasa continentur, ex Gal. 9. meth. 3. promptissime euacuat, si fides est adhibenda Magistro lib. 2. acut. 11. & 4. eiusd. 24. & 4. de sanitat. tuend. 4. & lib. de curand. rat. per sang. mis. 16. quæ sectio præterquam quod ab inferioribus reuellit, partes internas, phlogosi & incendio affectas leuat, & refrigerat, quia vaporosum sanguinem exhaurit, ex Gal. 10. meth. 10. Hoc modo ad sedandum feruorem internum summè commendatur à Gal. lib. 3. de loc. affect. cap. 7. in hypochondriaca, mirachialique melancholia, quando scilicet pylorus calore æstuat, & phlogosi tentatur, hoc est caloris, ardorisque excessu opprimitur: nam apud Galenum 2. ad Glauc. cap. 1. & lib. 14. meth. cap. 1. aliquando inflammatio pro sola phlogosi accipitur: id colligitur ex Galen. 5. aph. 65. 5. *Quamuis hoc ipsum nomen inflammationis, antiqui omnes, magis inflammationibus quæ sine ullo sunt tumore, adaptant.*

Deinde si Gal. lib. cit. de loc. non solum ob hanc causam, sed ob pulsationem valde magnam in mesenterio, ex calore adaucto subortam, sanguinem emittit, cur in palpitante cole hac de causa commodissime non administrabitur? si non adsit basilica, vel vires sint debiles, & æger iteratam sanguinis missionem ferre nequeat, tunc saluatella ferienda, quæ in feruore compescendo summopere iuuat, quidquid alij velint, quorum opinionem, utpote Priscorum dictis valde aduersam refutauimus lib. 1. in com. histor. 54.

Hoc modo in palpitatione cordis mirifice iuuat venæ sectio, è gibbero celebrata, auctore Galeno lib. 5. de loc. affect. cap. 2. licet enim hic affectus ex frigidiore sanguine, vna cum flatuosi spiritus copia oriatur, tamen naturam leuat, cor melancholici humoris sarcina onustum deonerat, & peccantem hunc humorem reuellit, & euacuat. Ob has causas, vel in merè frigida causa, nempe potu gelidæ post exercitium validum, quando calor internus minuitur, & veluti extinguitur, præsentaneum auxilium est sanguinis missio, apud Dioscorid. lib. 6. cap. 34. Paul. lib. 5. cap. ult. Auic. 6. 4. tract. 1. fen. 1. cap. ult. & fen. 2. cap. 31. licet enim venæ sectio educendo calidam substantiam refrigeret, & calorem nostrum debilem ex aquæ frigiditate, videatur amplius extinguere; tamen ut partes principes deonerentur, & copia, quæcunque ea sit, citò dematur, saluberrima est venæ sectio; nam etsi noceat, magis prodest: si enim aliter feceris, & aliis præsidij ægrum curate tentaueris, ipse strangulatus citò occumbet.

Vacuato corpore, & detracta copia, & æstu interno attemperato, extrà frigorifera applicuit, inter omnia vnguentum liquidum ex cera, & simplici rosaceo factum (ceratum Græci dicunt; ) prius frigida subactum, prout suum refrigerans parabat vnguentum Gal. lib. 10. meth. 9. & lib. 1. simpl. cap. 6. pudendo, & lumbis imposuit, ut harum partium ardor misceretur, & si deinceps quum modicè coïuerit ipsum, totum vas in quo continetur, in aquam frigidissimam immittas, ex arte facies: & si illud niue circumdes, optimum deinde, ac magis refrigerans euadet: cuius penuria si adfuerit, sub dio illud exponendum prædixit Galenus lib. 2. sec. loc. cit. de capitis dolore ex ardore, & esse obuertendum per noctem integram, ad auræ aliquius afflatum, inibi inculcat.

Huius vnguenti loco alia substitui possunt, quæ epithematum instar hoc opus efficacissime complent, veluti est solanum, portulaca, hyoscyamus, semperuium, nymphaea, rosa, viola, intybus, ex quorum succis, aquis, & oleis, linimenta & fomenta parari possunt, quæ partibus affectis admora, illarum incendium mitigant; præsertim si intercapedo inter anum, & pudendum iis illinatur. In potum exhibenda sunt quæ refrigerant, & affectui huic à tota substantia profunt, ut est nymphaeæ semen, & radix, semen agni casti, ac etiam rutæ, lactuc. portulac. aneth. cucumer.

cucumer. hyoscyami. coriandri. lumbis lamina plumbea A perforata admoenda: nam Veneris stimulos vehementer cohibet. Denum plura sunt, quæ squalidos, ac igneos renes demulcent, quorum sylvam exaratam lege inter omnes, apud Mercatum, in *physiolog. quest. 247.*

Quartus æger sanguinis missionis opem etiam evasit, adhibito etiam cerato ex chamæmelo, & cera confecto; forte quoniam in hoc, ob dictas causas, maior erat flatus discutiendi necessitas à calore adurente elenatos, & in nervo fistuloso imbibitos; quod opus perficiendum est iis, quæ sine calefactione vehementi eos dissolvunt. Et post minorationem materiei ventositate, oportet ut administretur quod subtiliat sine calefactione vehementi, sicut sunt embrocha camomillæ, dicebat Auic. loc. cit. nam chamæmelum suavi quodam calore attenuat lentum succum, & in halitum vertit, si fidem præbemus Galenò lib. 3. simpl. cap. 9. & lib. 6. eiusd. tit. de chamamel. Paulo lib. 7. eodem tit. Auic. lib. 2. tract. 2. cap. 120. Gal. lib. 3. simpl. sic ait. Est & chamamelum tenuitate quidem rosa persimile, calore verò ad olei vires magis accedens, hominibus familiaris, tum temperata; quo pacto lassitudini, ut siquid aliud, imprimis confert, doloresque sedat, tensa remittit, & laxat, mediocriter dura emollit, constipataque rarefacit, discutit, dissolvit, digerit, desiccatur, & calefacit in primo ordine, estque tenuium partium. & c. ut de eo scripserunt auctores omnes: quare ad discutiendos citra vehementiam flatus, est præstantissimum. De priapismi curatione, Vide Vidium lib. 11. de curation. membrar. cap. 12. De resoluentium præsidiorum usu, consule Mercat. lib. 2. indicat. cap. 10.

## HIST. XXIII. CÆLII AUREL.

### De priapismo.

Ex priapismo senex quidam, veretrum, cornu instar, intentum aliquot mensibus sustinuit, nihil proficientibus medicamentis.

Eius est memor in libro signorum Demetrius Attaleus, dicens, quod hoc in quodam viderit senem. Tensionem autem fuisse nimiam veretri cum parvo dolore, \* ut cornu putaretur, & ita perseverasse multis mensibus, nulli quoque adiutorio medicinali cessasse; sed tardo, atque longo tempore acquiescisse. Cælius Aurelianus lib. 3. acut. passion. cap. 18.

### PARAPHRASIS.

Flatus crasso & nebuloso, in pene retento & genito, vel aliunde transmissio, ipsum veretrum tendit, auctores confirmant: nam si flatus non ita contumax est, sed facile dissolubilis, priapismus creat; si rebellis, turbulentus, & crassus, difficultérque resolvitur, pudendum ita cum duritie tendit, ut cornu instar appareat. Quare hunc morbum fuisse tumorem flatuosum, à flatulenta materia in nervo fistuloso copiosè collecta, & præ crassitie tenaciter impacta, pudendum in tumorem elevante, meritò quis dicere poterit: de quo tumore egere Gal. lib. 3. meth. 4. & lib. 14. cap. 7. & lib. 2. ad Glauco. cap. 6. Paul. lib. 4. 28. explicat Aquapendens lib. 1. de tumorib. præter natur. cap. 10.

Hoc malum sævum est, & cum ex habituali partium intemperie oriatur, ex qua continuo flatulentus vapor re-genitus confluit in pudendum, difficile remedium habet, & maxime in senibus, qui ob caloris debilitatem, succorum crudorum copiam coacervant. Quod si omnia præsidia expurgantia, roborantia, & resolventia tententur, quæ proprio exemplo notavi lib. 2. de praxi medic. admiranda, obs. 115. ut sunt sudorifica ex ebeno, chyna, fomenta, & vngueta ex herbis, medicamentis, & oleis confecta, & non prosint; tunc aliquando quiescere oportet, iuxta Aëtij mentem *teirah. 2. ferm. 2. cap. 10. de melancholia*: Si aliter feceris, debilitas calorem, & insole-

scit malum, quo biduo iugulatum quendam fuisse, & ab excessu à vita, intentum rigidumque habuisse penem testatur Fernelius lib. 6. *patholog. cap. 13.* Hic morbus, ad priapismum reduci potest. Et si inflatus coles dictis auxiliis, quæ priapismo auxiliantur, non succumbat, timor est ne ægri convulsione prehenso, ex præcipiti occumbant.

Hoc malo, ut puto, obiit Heraclitus Imperator, qui nouo cladis genere est peremptus, teste Pomponio Lato in *compendio historiae Romanae*: habebat enim testium folliculorum sursum versum, simul cum virili membro, & semper tenso, adeò ut quoties meieret, nisi tabula umbilico admota prohibente, vultum lotio sparsisset. Aliquando penis durities, ac rigor ad ventris abstinentiam sequitur, ex Gal. lib. 6. de loc. cap. vii. cuius causam in *com. hist. 9. supra* tradidimus. Interdum penis non secundum se totum, sed secundum partem induratur, & ad glandulæ speciem conuertitur; de cuius tumoris curatione lege eruditissimum Varolium Arantium, lib. de tumorib. præter natur. cap. 50. Horum omnium tumorum causa est crassus, lentus, pituitosusque succus, à quo eleuatur flatuosus spiritus, nebulosus, & turbidus, qui virile membrum distendit, & in priapismum deducit.

## QVÆSTIO XXXIV.

Utrum spiritus turbidus sit admittendus, ut voluit Hippocrates.

### COMMENTARIUM.

UT cornu putaretur. Dum hæc versabamur, exciderat à mente, de spiritu turbido, huius mali causa, perpulchra Galeni disceptatio, quam olim dilucidandam proposuit Ioannes Antonides Vander Linden, Medicus Amstelodamensis eruditissimus, nunc illustris Academiae Franekeranae Professor eximius, ex qua velut ex facundissima pennæ depromi potest arduum dubium, quo Medicorum supellex instructior fiet. Habet Hipp. inter summorum Medicorum phœnices antesignanus, lib. 1. de humorib. sect. 2. text. 24. hæc verba: *Deiectionem, siccitatem, si corpus non concidit, spiritum turbidum expectabis, & c.* repetit lib. 1. *prorrheticor. sect. 2. text. 4. & in Coacis præagitiis, num. 49.* Quid autem intelligat Hipp. per spiritum turbidum, nec Galenus, nec alij exponere tentarunt. Ille enim in *com. ad hæc loca* hanc dictionem *spiritus turbidus*, inter obscura collocandam esse retur, immò ab alio, operi interiectam, maxime cum ipse in nullo legitimo libro huius vocis meminerit: nam nullus dicitur (inquit Galenus) *spiritum turbidum, seu aërem turbidum, sicut dicitur aquam turbidam, urinam turbidam.*

Quatuor in hoc intricato dubio quæri possunt. Primum. Quid sit spiritus turbidus? Secundum. Cur Galenus Hippocraticam sententiam ita perfrecta fronte tenet, & respuat, si eius interpretem se esse fatetur ubique? Tertium. Cur asserat in nullo germano libro Hippocratem appellasse spiritum turbidum, si in libro de humoribus, ab Hipp. magno conscripto, ex Gal. lib. 3. *epid. sect. 2. in præfat. illius, ut supra* notatum est, expressam facit commemorationem? Quartum. Cur proferat aërem à nemine vocari turbidum, si lib. 2. *progn. 47.* contrarium asseuerat? *§. Tum aër turbulentus, ac nebulosus, & c.*

Ad primum. Spiritus turbidus in præternaturali statu frequenter reperitur in corporibus nostris: si enim spiritus naturam, cuiuscunque sortis ille sit, & proprietatem adamussim perpendas, inuenies, illum utpote conflatum ex nitidiori, ac magis perspicua & pura, sanguinis, & feminis parte, ex Gal. lib. 5. *simpl. cap. 9. lib. aduers. Lycum, cap. 7. lib. 6. de usu part. cap. 17. lib. 11. meth. cap. 3.* & alibi passim, debere esse perspicuum, lucidum, nitidum, clarum, durum, cum sit animæ instrumentum, ex Gal. lib. 7. *de placit. cap. 4. & 7.* Si ergo spiritus omnis debet esse fulgidus, & transparent, ut inter omnes probat Alrimarus tract. de spiritu naturali, cur huic contrarius, & aduersus non reperietur in corpore in statu morbofo, confusus, caliginosus,



caliginosus, nebulosus, tenebrosus, opacus, obscurus, ater, teter, & turbidus? his enim nominibus tenebrosolum spiritum appellat Galenus.

Huius copia qui laborant, tristes, & melancholici esse consueverunt: sicut enim externæ tenebræ pauorem homini inducunt, si atrox bilis color (qua redundante spiritus nigri propullulant, qui mentis sedem tenebris offuscant, & timorem incutunt) molestiam concitat, ex Gal. 3. de loc. cap. 7. Si enim ob multas causas mutetur spiritus splendidus ad tenebras; suoque lumine & peripicuitate priueretur, colore suo agit, & per se immutat principum functionum organa, licet simpliciter & absolute actiua qualitas non dicatur, quidquid Auer. 3. collect. 40. Galeni sententiam irrideat, cuius tela suo loco acrius infringemus. Interim lege Valles. lib. 5. contr. cap. 14.

Hi turbidi spiritus vehementer inolefcunt in virginibus, præsertim quibus menstrua retinentur, unde angor, formido, desperatio, & alia succrescunt symptomata fera, & terroris plena, quæ ex professo retulit Hipp. lib. de virg. morb. ferè per totum.

Hic spiritus vexat melancholicos hypochondriacos, & quibus lien atri humoris copia turgescit, maxime si sit suppressa aliqua vacuatio per hæmorrhoides, cuius ope, tristis nigèrque sanguis per intervalla manabat. Ex hoc tanquam ex fonte perenni scaturit pulsatio illa hypochondriorum, quæ circa lienem animaduertitur in illis, ex hoc tetro, turbidoque spiritu pronata; in quem sensum protulit Hippocrates hæc verba, lib. 2. progn. Pulsus in hypochondrio delirium significat: nam hic tenebrosus spiritus distendit ilia, & sic variè agitated, & commotus ad cerebrum, actiones principes vitiat, & excitat delirium. Hic turbidus, & nebulosus spiritus opprimit cor, & palpitationem creat, ex Galen. lib. de rigor. & palpit. cap. 5. & lib. 5. de loc. cap. 2. & 3. de caus. sympt. cap. 2. Explicant eleganter Fuchsius, & Valleriola in comm.

Ad secundum. Hollerius magni nominis auctor in comm. sent. cis. Coacar. sic Hippocratem interpretatur, ut per spiritum turbidum intelligamus respirationem, vel graueolentem, vel magnam, vel vaporis plenam; sed menti Hippocr. non consonat explicatio hæc; nam dum Hippocratem rueretur, Galenum deserit. Quare si per spiritum, intelligit respirationem, vera loquitur, cum passim Galenus nomine respirationis significet spiritum, & è contra, ut aduertit Galen. 1. de rat. vi. 31. Hinc ipse dixit. lib. 6. epid. sect. 8. text. 3. spiritus irrumpentes, intrantes exeuntes, ubi spiritum intrantem, exeuntem, nihil aliud vocat, quàm inspirationem, & expirationem, quod scilicet in inspiratione aer intret, in expiratione aer exeat, ut sollet admodum aduertit Fuchsius in com. cum prædicto Ludouico Lemosio lib. 3. de optima predicend. ratione, cap. 12. & sic interpretatur Galen ad Hippocratem in comm. & hæc interpretatio magis quadrat menti Hipp. quàm Vallerij, qui per spiritum, ventum intelligit, quum magis Medico necessarium sit considerare aërem, qui continuo per inspirationem hauritur, sitne calidus, aut frigidus, quàm ventum. Deinde si vera esset explanatio Hollerij, quare tam cernicose Galenus Hippocraticam sententiam, ut notham excludit?

Dic tu, Galenum, magni semper fecisse Hippocratem, nostræ artis legislatorem summum; hunc enim tamquam numen quoddam reueretur, & colit, 9. meth. cap. 8. & lib. 1. cap. 2. & lib. 2. cap. 6. & lib. 1. de facult. natural. 13. & lib. de theriac. ad Pison. cap. 28. & lib. de comar. cap. 4. & lib. quod anim. moris, cap. 9. Si ergo Galenus, Hippocr. edicta veluti à Delphico tripode prædiuinante, ac prædicente prolata, ceu ab ipsamet loquente natura assecta, multi facit lib. 1. de sem. 9. & lib. 1. de element. 16. quibus locis parentem medicinæ, diuinum, summum Medicum, & philosophandi scientia clarum prædicat, quem nec fallere, nec falli posse, Macrobius firmat lib. 6. in somn. Scipion. cap. 2. cur illius sententias peierare audebit? Præsertim cum ille Hippocraticas dictiones illustrasse, & illius semina, bonorum agricolarum instar, coluisse, auxisse, perfecisse gloriatur, lib. 7. meth. cap. 2. quem

Lib. III.

ante eum nullus fuerit amplexatus, sed corruerit, nam omnes in eo interpretando lapsi sunt, ut ipse refert lib. 3. epid. sect. 1. com. 4. post med.

Quamobrem statuendum est, vera & legitima præcepta à magno Hipp. edita, nunquam Galenum reprobasse, fremat licet Valleriola lib. 5. enarrat. 2. Si verò multis locis refutasse Hippocratem visus est, ea est causa, quod viderit plures post magnum Hippocratem, fuisse eo nomine appellatos. Habuit enim vir hic eximius nepotes duos ex filiis, Thessalo, & Dracone, qui Hipp. nomine erant insigniti, ut refert Gal. lib. 1. de humorib. com. 1. & lib. 2. prorrhetic. com. 8. & lib. 2. de diff. respirat. c. 8. & lib. 2. de natur. hum. com. 1. & sic passim plurima læcera, inutilia, nec Hipp. digna sub ipsius nomine circumferuntur, immò ridicula, stulta, falsa, ex Gal. lib. quod anim. mor. cap. 4. Calio Rhodig. lib. 2. 5. lect. antiq. 16. alia deprauata, mutila, mendosa ipsius monumentis sunt inserta, ex Galen. lib. 6. epid. sect. 2. com. 41. & sect. 3. com. 19. Cum ergo multa sint adulterina, & notha, à discipulis adiecta, ut testatur Mercurialis in lib. illo aureo. de iudicio operum magni Hipp. in præfat. prorrhetica, & Coacis prænotiones, in quibus nomen spiritus turbidi est repositum, eiusdem sortis esse arbitaberis: magni enim Hipp. non sunt, sed Draconis, Thessali, aut nepotum, qui Hipp. nomine decorabantur. Nam hæc sententiæ sunt erroribus plenæ, ex Galen. lib. 2. prorrhetic. com. 8. & 59. & lib. 3. eiusd. 12. & lib. de præcognis ad Posth. cap. 4. & lib. 3. epid. sect. 2. in præfat. 9. Si verò omnia que sunt in prædictionum libro scripta, quis accipiat pro generalibus, longè hunc latèque erraturum. Huius etiam generis esse partem eorum plurimam, qua in Coacis præfagiis sunt prodita, demonstrabam, commixta cum quibusdam, que in Aphorismis dicta, vel in præfagiis sunt: cum quibusdam item que in libris de vulgaribus morbis, que profecto illorum, que libri illi habent, vera sunt sola: que reliqua sunt in prædictionibus, & Coacis præfagiis, erroribus sunt plena, &c. Ne ergo mireris Galenum, auctorem horum librorum obinergasse de spiritu turbido loquutum.

Instabis, & merito sanè, hoc nomen (spiritus turbidus) licet sit positum ab alio, à Dioscorid. tamen esse adiectum, ut Gal. affirmat in com. sent. de humorib. qui auctor quand sit faciendus, & eius auctoritas quo elogio, & honore sit celebranda, non est operosum demonstrare. Dic, Galenus non statuit hoc nomen à Diosc. fuisse interiectum, nam dubitanter loquitur, ut patet ex verbis contextus, nam dicit fortasse ab ipso met interiectum. Solue secundò. Licet Dioscorides plantarum historiam accuratissime tradiderit, ut de eo sæpe prodidit Galenus, tamen in medica materia describenda illi non multum tribuit, immò eum suggillat, lib. 2. simp. cap. 34. & lib. 8. eiusd. tit. de cinere. Ex quibus constat, hoc nomen ab Hipp. non esse adiectum, sed ab aliis, ipsius operibus insertum.

Ad Tertium. Quamuis dubiter Galenus, an liber de humoribus genuinus sit, & non desint qui hunc à Thessalo Hipp. filio, aut Polybo, eius genero conscriptum esse affirmant: tamen eum, veluti proprium, & germanum citat Galenus, & laudat, tum lib. 3. epid. sect. 2. in præfat. tum alibi. At in hoc, veluti aliis à magno Hipp. conscriptis, multa esse inserta negabimus? Patet aperte in Aphorismis, qui ut refert Gal. 3. de diff. respirat. cap. 1. & 13. ob eximiam, & reconditam doctrinam, apud Græcos, ex studiosissima Hipp. Coi opera, & sollicita indagine inclauerunt. Sed si in his plurima ab aliis sunt interiecta, ut testatur Gal. lib. 4. de rat. vi. in præmio, cur in libro de humoribus plurima spuria non inuenientur? In Aphorismis hoc ipsum reperies manifestè; nam in fine lib. 7. nonnulli nothi adiecti sunt, ut in lib. 5. aph. 61. 63. & in lib. 6. aph. 26. 44. & in lib. 7. aph. 47. 63. Quamobrem in sententiis germanis, latis in lib. de humorib. nec verbum quidem de spiritu turbido est prolaturum, sed processu temporis, librariorum, seu transcriptorum vitio, qui libros Hipp. peruerterunt, fuit adiectum, quod conqueritur Galenus lib. 1. de morb. vulgarib. sect. 2. com. 83. & lib. 3. de humorib. 29. & lib. de libris prop. cap. 1. 5. Nam libros Hipp. multi multisariam læserunt, alij in aliis gentibus legentes, quadam tum demendo, tum addendo, tum immutando, &c.

Ad Quartum dicit. In vtrisque locis sibi non contradicit Galenus; quando enim profert aërem à nemine vocari turbidum, ex aliorum sententia loquitur, patet ex verbo (à nemine.) Lib. verò 2. progn. ex sua mente asseuerat. Dic Secundo. In libro de humoribus aërem vocari turbidum, hoc est confusum, opacum, vapore plenum, in lib. verò progn. appeilat turbulentum, hoc est irrequietum, commotum, & variè agitarum, ut ex Galeni contextu apparet euidenter. Ex quibus ad obiecta expedita est responsio: in quorum explanatione si fortè defecerim, tardo meo parcas ingenio, quod ultra metas actiuitatis suæ agere non potest, præsertim in iis quæ scientificam expositionem non admittunt, auctore Galeno lib. 6. epid. sect. 3. comm. 3.

## HISTOR. XXIV. RASIS ET GAL.

### De gonorrhœa.

#### Gonorrhœa nocturna, balneo & aliis remediis perfanata.

**Q**uidam conquestus est, quod patiebatur fluxum spermatis in somno vehementer, & in ætate cessabat penes abundantiam sudoris. unde feci ipsum sequi balneum, & cessauit quod in eo nocivum erat, \* & feci post sanitatem perfectam assiduare bonam dietam: & in totum curatus est à gonorrhœa, & c. Rasis lib. 24. continent. tract. 3. cap. 1.

Horum cum quidam mordax, præcandidumque semen inter emittendum sentire non solum se, sed etiam mulieres, cum quibus rem haberet, referret: suasi homini, abstinere à cibis, qui semen genitale auferent: sumeret autem non cibos modicos, verum etiam medicamenta, quæ id extinguerent, (quorum tradita nobis materia est in iis libris, quos de alimentis, itemque quos de simplicibus medicamentis conscripsimus) tum vero exercitationibus vteretur, quæ supernas partes potius exercerent, cuiusmodi est quæ perna pila, & quæ folle fit & quæ per halteres à balneo verò lumbos totos vngeret unctione quapiam frigida. Talia sunt & crudum & acerbum oleum, quod & c. ruscæ & omphacinum vocant, & rosaceum, & melinum, utique quod ex eiusmodi sit oleo. Ipse verò crassioris substantiæ unctiones nonnullis compono, ne facile à corpore defluant. Est autem compositio earum ex cera, & aliquo eorum quæ refrigerent. Primum autem ubi Ceratum, quod à Medicis Græcè κηρίον dicitur, feceris; dein in mortario manibus affatim subegeris, infundes refrigerantem succum, quem etiam quam maximè cum cera sic permiscebis, ut unitas fiat. Succorum verò id genus descriptam materiam habes in simplicium medicamentorum libris: Quorum obuij maximè, facillimèque parabiles sunt, & semperuiui, & solani, & umbilici Veneris, & psyllij, & polygoni, & tribuli, & portulacæ. Hæc verò succum non remittit, nisi dum in mortario tunditur, affusum sit humoris quippiam, qui tenuis, aquosaque, non lenta, & crassa substantia sit, qualis vna immatura est, & rosarum. Verum hi ætate; reliquorum non pauci etiam aliis temporibus habentur, veluti lactuce, qui ipse quoque ex refrigerantibus est. Quinetiam lini semen, si in aqua coquas, refrigerantem cremorem efficit. Porro gymnastarum quempiam vidimus, ex iis qui athleticis præfuerat, qui athleta cuiusdam renibus plumbi laminam superposuit, quò nocturnis imaginibus careret. Idque cum è plebe cuiusdam, qui sic esset affectus, indicarem, adiutus gratias egit. Alter verò cui carnis natura imbecillior erat, non tulit plumbi duriciam: Huic ergo suasi, earum quas supra dixi, herbarum reliquæ subternere, ac cum ipsis molles amerine frondes, & ruscæ: sensisque illic ex his fructum itaque usus deinceps assidue est. Quin ubi amerina semine assidue vesci suasi, etiam ob id gratias egit, sicut etiam pro

rura. Galenus lib. 6. de sanitat.

tued. cap. 14.

\* \*

## PARAPHRASIS.

**G**onorrhœa, quam Barbari gomorrhœam vocant, est affectio, viris, ac sœminis communis, grauis illa sane, & quæ viam multis ad paralytim strauit, teste, Aretæo lib. 2. de diuturn. morb. cap. 5. quin & ad interitum non solum individui, sed etiam speciei ipsius: nam cum genitura profluuium sit, quod gonorrhœæ nomen insinuat, ex Galen. lib. 6. de loc. 6. definiturque inuoluntaria seminis excretio, & ea quidem assidua, seu, ut loquitur Aretæus, continens profusio, sit ut si diu dureret, hominem tabe consumat, auctore Celso lib. 4. cap. 21. neque enim, inquit Aurelianus lib. 1. chronicon, cap. 3. quicumque seminis lapsus gonorrhœam importat; nisi iugiter, & cum corporis incommoditate fuerit affectus, prout Galenus lib. de finit. Medic. asseuerat.

Accidit ergo hæc nimia seminis emissio, sine imaginatione, siue concitatione veneris, qualibet hora exercens ægros, in quò à nocturna pollutione distinguitur. Malum sæuum, & quod sensum, ac sine sensu homines ad tabitudinem deducit, quia virilitas, animositas, robur, audacia in genitura continentur; quod monstrant continentes athletæ, qui quia semine turgent, hirsuti sunt, pilosi, robusti, & audaces, nec feras expauescentes; alij contra debiles, imberbes, effœminati, & vocis acutæ. Quare nihil mirum si resolutio, infrigidatioque corporis habitu per gonorrhœam, paralytis inducatur, tabes, defœdatio coloris, & alia vitia sæua repullulent.

Porro ut constet de loco affecto, quem potissimum 6. de loc. cit. inuestigat Galen. duas vacationis, quam illa importat, differentias memorat, toridemque retentionis, naturalem scilicet, & præternaturalem, siue symptomatice. Naturalis tunc fit excretio, cum sibi constans natura, superflua & noxia tempestiue excernit, apertæ expulsionis meatu, reliqua autem capacitate contracta, & ad illum propellente. Præternaturalis verò, ubi nihil agente natura, contenta excrementa sponte effluunt, ob retentis imbecillitatem continere non potentis, 3. de caus. sympt. cap. 4. vel propter aliquem lapsum morbosum, qui non secus quam naturalis ipsa facultas expellit, ut accidit in epilepsia, vel conuulsione aliqua, in qua violenter vala seminalia contrahuntur, & sequitur profusio seminis: quarum specierum etiam meminit Gal. 2. de caus. sympt. cap. 2. ubi indicia tradit, quibus gonorrhœam ab vna, vel altera causa dignoscamus.

**T**ertium symptomaticæ vacationis genus elicitur ex 3. cris. 7. & 4. aph. 22. ubi nempe quidpiam vacuatur ab irritata, turbataque natura, nec leges suas, constitutumque operandi ordinem seruante. Ergo sicut vrinæ incontinentia fit retentrice vesicæ infirmata, aut sphinctere resoluta, ita valorum seminalium imbecillitate, vel conuulsione sequitur gonorrhœa, seu inuita seminis effluxio, ut interrim pateat in huiusmodi affectione sola ipsa spermatica membra affici, non penem, quod 6. de loc. cit. & 14. de usu part. cap. 10. docuit Galenus.

Sed contra dicta obiciuntur duo. Primum. Si voluntaria est seminis excretio in corpore sano, quomodo inter naturales functiones numeratur, cum 1. de placit. ult. multis contendat omnem motum arbitrarium per musculos fieri, & hos quidem non nisi à facultate animali moueri, immò lib. de dissect. instrument. vocal. cap. 2. ex voluntario colligit animale, ita ut si aliquid secundum nostram voluntatem fiat, id omnino sanè facultatis animalis fuerit, & è conuerso.

Secundum. Licet resoluta vesica stillicidium vrinæ sequatur, gonorrhœa tamen ex resolutione nequaquam potest accidere. Igitur perperam Galenus 6. de loc. 6. sibi ferè contradicens asseruit, interdum oriri hoc malum resoluta facultate seminis contentrice: nam cum vrinæ retentio, opus animale sit, ex Gal. lib. 1. de loc. c. 1. & 6. eiusd. cap. 4. soliusque animalis facultatis ablationem resolutio importet; hæc quidem vitiabit retentionem vesicæ, & vrinæ profluuium concitabit; seminis verò non, nisi etiam velit à virtute animali semen contineri, cuius oppositum paulo antè docuerat.

Dic ad Primum. Voluntariam esse seminis excretionem in sanitate, ex eo constat, quoniam sicut in urinae excretionem voluntas locum habet ad sphincteris otium, qui pro arbitrio nostro, & quiescit, & operatur; ita in excernendo semine ad viarum amplificationem, ex testium elevatione, & colis tensione, quæ voluntariæ sunt, & musculis factæ, lib. de differt. musculor. c. 27. & 29. & ad stimulantis seminis tenuitatem ex mora, & tarda frictione; denique & quia muscoli contractione testes circumdantis excretio seminis efficitur. Nec obstat, quod aperte 6. de loc. 6. naturale munus dicatur: nam de expulsionem loquitur, quæ ab expultrice naturali vasorum fit, quæque principale agens est, nulla habita consideratione de muscoli inhaerentis ope: ita enim merè naturalem dixit tam retentionem, quàm excretionem partium omnium; quāvis urina ab sphincterē potissimum contineatur, vel illius retentio animale opus omnino sit, & meiendi officium etiam si voluntarium, non tamen omnino animale, sicut nec ad solam naturam referendum. Quod si lib. de differt. musculor. vocal. ex voluntario colligit animale, & è conuerso, ita ut mutuo reciprocetur, confudit illa, & pro eodem accepit significato. Sicut enim multi sunt motus, quos constat esse animales, ut dormientium locutionis gressus, &c. nec tamen voluntarij, (cū nulla sit dormientibus voluntas, sicut nec aliæ principum facultatum functiones) ita & arbitrij nonnulli absque eo quod animales, aut per musculos facti, ut ex imaginato vomitu, contractio ventriculi ad vomitum, & multi alij etiam locales, licet imperfecti, & animalium imperfectorum. Iam verò 1. de placit. de perfectis moribus animalium perfectorum intelligendus est: maximè quod etiam virtutis animalis ingressum, & musculorum opem in emissionem seminis voluntaria concedimus.

Quomodo verò, ut ad secundum pateat solutio, sequitur gonorrhœa, hoc est, inuoluntarium seminis profluvium, quā valde dissimilis sit retentio seminis, & urinae; hæc enim à virtute animali per musculum, illud à naturali continetur; ac proinde ex resolutione muscoli nequaquam possit aboleri spermatis retentio, immò potius excretio? Dic nomine resolutionis, cit. loc. imbecillitatem esse intelligendam: nam quemadmodum laborante retentrice vesicæ inuoluntariè profluit urina, sic & semen imbecillitata contentrice vasorum seminalium. Rursus & sicut resolutio musculo in vesica, ita & resolutio in testibus, sic ut analogia quadam sibi respondeant inuoluntaria seminis, hoc est, sine cupiditate, & sine arbitrio, & urinae excretio; sed non ut in omnibus sibi conueniant.

His prælibatis ad historię explanationem accedamus. Non raro ab inundante in vniuerso corporis ambitu humiditate gonorrhœam concitari, laxatis, & imbecillioribus factis prædictis vasculis seminariis, supra dictum est: nam humiditate multa, vi calidi ambiens æstare vacuata per sudorem, quæ in testes promanabat, cessauit effluxus: cū verò hæc seminis excretio ex retentricis debilitate consequatur, quæ siccitate roboratur, ex Gal. 3. de facili. naturalib. cap. 3. & 4. fit ut à redundante humiditate, ad vasque seminaria confluentē, hæc relaxata retinere nequeant.

Enimverò cū humiditas illa, causa mali, apertis spiraculis cutis, ad superficiem, totūque corporis habitum æstui caloris ope attracta, abiret in sudorem, cum utilitate, & leuamine ægri, per eandem regionem, ipsam vacuare excrementitiam humiditatem studuit. Et cū multa sint, quæ hoc opus efficere sunt apta, & tenuem substantiam perspiratu digerunt, aperiendo, extenuando humores, sudorem prouocando, ut frictio, exercitium, euaporationes, laconica, æstuaria, balneo tanquam tutiori, & magis accommodo auxilio usus est; nam frictio si lenis est, & moderata attrahit, non digerit; dura, absorpta humiditate meatu coniucentes reddit, & poros occludit; si mediocris, cū extremis participet, eandem vires obtinet, neque superfluum humiditatem vacuare nata est, ut testatur Paulus lib. 1. cap. 18. Exercitium licet humores extenuet, molliat, colliquet, diffundat, dif-

A soluat, cutis poros laxet, ductus omnes referet; & oborto sudore copioso superfluum humiditatem ad extremas partes excernat; tamen non ægrotantium, sed bene valentium est quæ exercitatione fit, sudorum eruptio, ut Fernelius inquit lib. 2. de purgat. cap. 20. Euaporationes, laconica, æstuaria, licet ad cutem euocent, nimis inflammant. Balneum suauius est, & cū non solum à partibus extremis, sed intimis regionibus peccantem humorem exhauriat, iccirco totum corpus euacuat, ex Gal. 4. aph. 2.

B Balneum absolute prolarum significat dulcis aquæ lauacrum, ex Gal. lib. 1. meth. c. 9. & lib. 7. sec. loc. c. 1. in med. sic enim ait in methodo Galenus. Quid si appositum aliquādo in dictione vocabulum dulcis non sit, utique id subaudire debetis, cerio sciens de eo nos in febricitantibus ianacro dulcis aqua semper loqui, non bituminoso, aut sulphureo, aut aluminoso, aut chalcantio, aut ex marina ipsa, &c. Sed cū dulcis aquæ balneum eneruet, relaxet, & sic humiditate sua retentricem debilitet, qua de causa Hippocr. 3. acut. 59. id interdicit debilibus, & Galen. 1. meth. 20. in partium inferiorum imbecillitate denegat, quia mouet, liquat humores, & aptiores reddit, ut in parrem debilem procumbant, quo pacto Rasis balneum consulerit, periculum est.

Dic primò, intelligendum esse Rasis de gonorrhœa orta ex seminis vitio in vasis contracto cū enim semen vitiosum acre est, calidum, & mordax, tunc vasa excitat ad expulsionem, & corpus colliquat, cuius calorem mirum in modum balneum attemperat, & humorum feruorem compescit.

C Dic secundò, Rasis consuluisset balnea naturalia, quæ fluxiones retinent, 1. ad Glanc. 14. roborant, nimiam humiditatem absumunt, & adstringunt, auctore Galeno lib. 1. de sanis. 7. & lib. de premor. cap. 5. & lib. 1. simpl. 7. & præsertim aluminosa, ex Galeno 4. sec. gener. cap. 5. & 6. His proxima sunt ferrea, nitrosa, ex 4. simpl. 20. & 22. Paulo lib. 1. cap. 52. Auicenna 2. 1. doct. 2. cap. 19. De quorum efficacia consule Fallopiarum de thermis, Mercat. lib. 1. indicat. cap. 3. Balneorum loco, sudorifica ex ebena, smilace aspera, & radice chinæ sunt ex usu. De curatione verò inter omnes late describit remedia selecta Andreas Laurentius lib. consil. consil. 10.

D His explicatis, Historiæ Galeni sunt interpretandæ. Pollutiones nocturnas distinguere à gonorrhœa certum est: nam in hac continuo semen inuitè per genitalia excurrit; in illa, noctu solum. Immodica seminis exuberantia, ex copia seminis, vitio, acredine, & coniunctis flatibus, vasorumque seminalium debilitate scaturit, & ab eisdem causis, à quibus gonorrhœam oriri supra prædiximus, ut Auicenna 20. 3. tract. 1. cap. 25. asseuerat. Malum graue, præsertim si diu duret: ex eo enim vacuata elaboratissima substantia, corpus redditur pigrum, molle, effeminatum, tumidum, incuruum, & imbellè. Curatur iisdem remediis, quibus gonorrhœa. In hunc usum profunt, quæ semen exiccant & extinguunt. Vitanda quæ seminis copiam in corpore adaugent, quorum syluam supra Histor. 20. protulimus, & exarauit Auic. loco cit. à cap. 20. usque ad 30.

E Sanguis est detrahendus: huius enim præsidij ope vacuato sanguine, materia seminis minuitur, refrigerantur viscera, renes attemperantur. Purgatio clementibus medicamentis celebranda: Victus parcus, isque frigidus imperandus. Renes refrigerantibus fouendi. Lectus violentis, rosas, & floribus nymphææ aspergendus. Summè opitulantur infessus, balnea, & lauacra, quæ similem refrigerandi sortiantur facultatem. Lamina quoque plumbea multis in locis perforata, lumbis alliganda. Subscribit Auicenna loco cit. cap. 33. dum sic ait: Et strinatura lamina plumbi super dorsum, est impressio magna; Verum quandoque nocet remibus, quare oportet ut attendatur hoc in eo iterum, & similiter sternere in lecto in frigidantia, & dormire super folia salicis, & similia, &c. Lege Christophorum à Veiga lib. 3. de arte med.

sect. 10. cap. 3.

\*\*\*

## QVÆSTIO XXXV.

*Utrum sani debeant obseruare varium ordinem in assumendo cibo, ut opinantur Græci.*

## COMMENTARIUM.

**E**T post perfectam sanitatem assidue bonam diatam,] Corpora sana, & temperata, ut conseruentur egere præside, qui rectam victus rationem præscribat, partemque artis conseruaticem esse utilem, allatis plurimis Galeni, & præcorum sententiis, & argumentis fusè confirmat insignis Thomas à Veiga, in *com. cap. 85.* & disputant latè Valleriola *lib. 4. enarrat. 1. & 2.* Thomas Erastus *epist. 1.* agentes, num commodius sit mortalibus, ad producendam vitam, uti naturæ impulsu, quàm Medicis præsidii gubernari. Nec enim plebei, & rurales homines, sordido, vili, prauoque vrentes cibo, insalubrius degunt magnatibus, quorum alimentum selectum est, & viuendi ratio exactissima; nam ij sani viuunt sine Medico, sed non sine medicina, hoc est exercitio, quod ad conseruationem vitæ, abigendisque morbos est accommodum valde, ut oraculo quodam cecinit Hipp. *6. epid. sect. 4. text. 22. homo edens sanus esse non potest, nisi labores,* & Arist. *1. probl. 46. ad sanitatis tutelam, optimum consilium esse ait, imminuere cibum, & augere laborem.*

Nec in contrariam abeas sententiam, quod videas Celsum *lib. 1. cap. 1.* reprobantem illos, qui cum bene valentes sint, Medicis præceptis obtemperant: sic enim ait. *Sanus homo, qui & bene valet, & sua spontis est, nullis obligare se legibus debet, ac neque Medico, neque laralipia egere: hunc oportet varium habere vite genus: modo ruri esse, modo in vrbe, sapiusque in agro, nauigare, venari, quiescere interdum, sed frequentius se exercere.* At Celsus monet, ne medicinæ quispiam debeat esse adstrictus, ne consuetudo contrahatur: Nam Hipp. *1. aph. 50.* ad insueta iubet homines transire; quia *uniformis consuetudo est periculosa, ut notat Gal. in comm. quum omnes homines inopinatis rerum sortibus subiiciantur; ne igitur aliquando derепense incidentes in nobis insueta, magnopere ledamur, satius est omnia tentare. Fiet autem hoc, non inhaerentibus nobis semper in iis quibus assueuimus, sed & nonnunquam contraria tentantibus.*

Insuper. Natura singulis animantibus tribuit appetitum, & gustum ad ciborum electionem & facultatem, quin somnum, & reliqua non naturalia præscribit: hæc ergo non indiget Medicis præsidii; quamobrem rectè appellatur *natura docta sine doctore* ab Hipp. *lib. de aliment. num. 4. & 6. epid. sect. 5. text. 1.* & probat Galen. ex Hipp. *lib. 5. de loc. cap. 6.* Sed licet hæc vera sint, & natura proprio impetu in similia feratur, non ramen debitam quantitatem præscribere potest, præsertim cum ab animi accidentibus moderetur.

Deinde. Non viget edictum Hipp. *2. aph. 38.* dicentis præferendum esse alimentum gustui gratum, etsi deterius; nec enim dixit simpliciter deterius, sed parum deterius. Sic est interpretandus Auicenna *1. 3. doct. 2. cap. 7. 6.* Oportet præterea se scire, quod nutriendum melius est quod melius sapit, &c. nam hoc præstantius est, si ex toto reprobum non sit. Ex his apparet, pro conseruanda sanitate, tutius esse Medicis præceptis obtemperare, quàm naturæ impulsu gubernari.

Oportet ergo qui sanitati suæ consulere debet, ut præceptis Medici obediat, qui exactam alimenti rationem præscribat. Sed cum alimentum variè sit offerendum, penes calorem coquentem, ætatem, anni tempus, regionem, & ægri temperamentum, quomodo Medicus certam viuendi normam proponere possit, nunc explicandum. Pro quantitate caloris cibum esse exhibendum patet; nam Galen. *lib. 1. aph. 15. & lib. de marcor. cap. 3.* ad vnā indicationem reducit, nempe quantitatem cocturi: sicut enim igni ligna debent respondere, alioqui vel suffocabitur flamma, vel extinguetur, sic alimentum innato calori: si enim est plurimum, licet calidum, ut vinum, frigidos morbos generat, *3. de temp. cap. 4.* minus moderato, ob defectum alimenti semper infrigidat:

A solum moderatum quamuis frigidum, ut lactuca, calefacit, ex Gal. *cir. loc.*

Sed hæc vna indicatio non videtur sufficiens, tum quia ipse addit, nisi imminet periculum plenitudinis, tum quia ex fine alitionis debet variari quantitas exhibenda, nam *lib. 3. de sanis. iuenda, 12.* minus alimentum dandum est, vel quia non eget, vel quia non coquit: ergo multum dandum est, vel quia eget, vel quia potest coquere.

Potè Galenus quandoque addit indicationes ab ætate, ab anni tempore, ac consuetudine, quas tamen reducit ad illas priores. Videntur ergo omnes indicationes per se, & immediatè eam moderantiam demonstrare, tres quidem ex parte corporis, nempe copia calidi innati, vltus alitionis, dispositio facultatum alentium, & multæ aliæ ex parte circumstantium, quæ præcedunt, aut sequuntur cibationem. Est ergo prima indicatio in sanis, copia caloris in officinis coctionis: nam quò alimentum plus auget spiritus, & membra, eò est præstantius, si fidem adhibemus Gal. *lib. 12. meth. 13.* dicenti, corporis robur non solum constare ex temperie humorum cum spiritibus, sed & esse auctam quantitatem humorum, carnis, & solidorum. Id manifestè patet in Athletis, in quibus per valida, & continua exercitia, plurimum innatus calor augetur, quoniam alimentum est crassum, multum, & calori coquenti proportionatum valde; vnde robur, rubor in vniuerso corpore, & pulchritudo. Sed Hipp. & Galen. quibus scopus est sanitas, hunc bonum corporis habitum non recipiunt, quia obnoxium apoplexiæ, hæmoptoisi, & synochis, ut *2. aph. 3.* retulit Gal. ij enim in eodem statu quiescere non possunt, quia cum copiosum assumant alimentum, ob validam appetentem vim, quæ in illis, sicut aliæ, valida est, non possunt proficere in melius; non enim iam est locus distentioni valorum, vnde reliquum est, ut decendant in deterius, id est ægrotent; & vsque ad eò non laudatur ea victus ratio, ut doceat illam illicò esse curandam vacatione. Sumenda est ergo indicatio exhibendi cibum in sanis à copia innati caloris, prima & maxima, quantum possunt conficere, dummodò plenitudinis vel præsentis, vel imminentis periculum non adsit.

Secunda indicatio sumitur ex alimenti vsu, qui quadruplex est. Primus, assumpti reparatio. Secundus, perfectio eius quod deficit in prima formatione. Tertius, correctio cacochymix. Quartus, repugnantia dissolutioni internæ, cui addi potest repugnantia externo frigori. De primo vsu. Cum constemus multis contrariis, quæ perpetuò dissoluuntur, consequitur alimenti indigentia, magis in viuentibus, quorum essentia consistit in calido & humido, ex Philosopho, *lib. de mort. & vit. & inter ea magis in animalibus, quæ pollent calore actuali, non potentiali, ut stirpes multæ 3. simpl. 6.* & inter animalia præcipue homo: quia animalium calidissimus, ex Arist. *10. probl. 55.* idè alimentum sumit magis humidum, quàm siccum, contra reliquorum animalium institutum. Secundo, quoniam habet cutem tenuissimis foraminibus plenam, ex Arist. *3. de histor. animal. 22.* vnde perpetua euaporatio, & dissolutio; ex eo Hipp. *lib. de salubri diata 26.* præscribit rari cute præditis alimentum magis alens. Tertiò, sicut concessa est à natura immodica appetentia alimenti suibus, ob obesitatem; sic hominibus, ob copiam spirituum, & sanguinis tenuissimi vbertatem, ad animi opera; quæ continuò ob subtilitatem, & morum perpetuum resoluuntur. Quarto, quoniam homines, præsertim decrepiti debilem habent facultatem retentricem, *1. aph. 13.* & iccirco continua refectione indigent. Quintò, huc facit labor immodicus, aut continentis calor. Increcente ergo resolutione à quauis harum causarum, cibus augendus est sumpta indicatione à resolutione.

Secundus vsus alimenti, est perfectio eius quod deficit in prima formatione, ut in adolescentibus, aut quod corruptum est per morbum in conualescentibus. Tertius vsus, est correctio cacochymix: sumpro enim probi succi alimento, migrat cacochymia in probum succum, sicut enim menses in foetis, per mixtionem sanguinis mammillarum vertuntur in lac; aut sicut alimenta vitiosa, per mixtionem panis, & vini salubria euadunt, sic corruptio indiget



*indiger contemptamento*, ex Galen. 1. ap. 17. hoc est, cibus boni succi, qui corrupti humoris, acris, & mordacis prauitatem corrigant, atque infrenent, ex Auic. 4. 1. cap. 3 §. Et scia quod non omnis repletio, nec complexionis malitia suo medicatur contrario, sed sepe sufficit multa regiminis bonitas, &c. 1. 4. tract. 2. c. 7. sic ait. Et est necesse ut ille in cuius corpore mali sunt humores, bonam rem largiter bibat: de qua re plura diximus lib. 2. in com. hist. 91.

Quartus usus alimenti, ut repugnet dissolutioni profectus ab interno calore, sicut aqua affunditur saccharo ad ignem, quod significauit Hipp. 1. aph. 14. alioqui corpus absumitur. Quintus usus, ut repugnet externo frigori; ideo enim dicente Gal. in com. cit. qui per hyemem ieiuni laborant, perfrigerantur. Ergo incrementum quouis usu alimenti ex quinque relatis, augendum est; diminuto, minuendum.

Tertia indicatio ad quantitatem alimenti, sumitur à statu facultatum naturalium trahentium; si enim quis sit edax natura, siue consuetudine, copiosius est nutriendus. Ultra has tres indicationes, sumptas ex dispositione cibandi, indicant etiam per se, ea quæ præcellerunt cibationem, & quæ sequutura sunt. Si enim præcessit labor modicus, augendum est alimentum: si immodicus, minuendum, ut in purgatis, 2. acur. 13. & in lapsis, 4. de sanis. 4. nam purgati plurimam alimoniam tolerare, nec conficere possunt, quoniam natura ab expurgantibus medicamentis est labefactata, & ex motu, ebullitione & surgendi frequentia dissoluta, ita dicit Auic. 4. 1. cap. 3. ut uariatur non festinet ad cibos multos capiendos, ne natura eos incoctos trahat. Itaque quod etiam docuit Mesuës lib. 1. de re medic. theoremat. 4. cap. 1. principio pauci dandi sunt quanti scilicet ventriculus non sunt grauatur, gradatimque augendi, donec ad consuetam ventriculo quantitatem peruentum sit; quod melius assequetur adolescens, quam puer, quoniam, ut Celsus sic in præfat. prope fin. facilius fert adolescens, quam puer, & facilius adhuc in denso celo, quam in tenui. Conualescentes parca sunt nutriendi: nam ob præsidia vacuantia, vigilias immodicas, inedias, debili pollent calore innato; quare paucis, eoque minime oneroso alimento sunt reficiendi. Qui secus faciunt, errant contra artis præcepta; in iis ergo commodè qualitas alimentosa augetur, licet diminuta quantitate. Ab iis verò quæ sequutura sunt, etiam sumitur indicatio ad nutriendum: si sequuturus est somnus, abundantius exhibeatur, quia somnus coquit, roborat, reficit: si labor quiuis plurimus, ut iter agentibus, parcius offeratur, quia labor resoluat, distrahit, perturbat, apud Auic. 3. 1. doct. 2. cap. 17. Rasiū lib. 3. cap. de iter agentibus.

Enimvero licet hæc indicent in sanis alimenti moderantiam: multa alia illorum interuentu indicant, nempe anni tempus, ætas, temperatura, quæ quomodo ad illa reducantur, explicandum est. Primò, cibus diuersimodè exhibetur iuxta anni tempora; nam ex sententia Gal. 3. de caus. puls. 5. in vere vires nostræ sunt robustissimæ, sicut & corpus temperatissimum. Autumnus secundum locum obtinet, aut propè parem temperiem seruat, nisi quod quidam in eo recedunt debiliores, 1. aph. 18. & 3. aph. 9. videlicet qui prauo utuntur victu per æstatem, & nonnulli graciles, qui amplius læduntur in æqualitate autumnii, quam iuuentur temperamento eius. Tertium locum roboris habet hyems. Imbecillissimi sumus per æstatem resoluti spiritu per patentem poros, & auocato calore innato ad cutem, & officinas coctionis deferente.

Ex iis non rectè inferunt plures, non esse standum opinioni Auerthois, 2. collect. ult. asserentis, vires autumnii tempore esse minùs robustas, nec Rasio 10. ad Almanf. 33. affumanti, in autumnio fieri pulsum minùs velocem, non tamen robustiorem: nam hi auctores sunt intelligendi facta collatione ad hyemem, & ver, in quibus vires sunt robustiores. Quod autem pertinet ad alimentum conueniens, quatuor anni temporibus exhibendum, scribit Hipp. 1. aph. 15. & 18. plurimum alimentum esse offerendum hyeme, secundò, vere; tertio, autumnio: minimum, per æstatem: nam in illis primis temporibus calor nostræ

est fortis. Cur autem in iis æquè innatus calor sit robustus, si ver & hyems à se inuicem longè temperie distent, explicat Martinus Rulandus filius lib. 1. probl. Medicophysic. 150.

Contra mentem Hippocratis, non obstat primò, quòd in vere vis est robustior, & homo temperatior, quibus de causis videbatur esse conueniens alimentum amplius: nam concurrunt ex parte hyemis rationes plures, quoniam tunc vnitus calor innatus subiectum suum absumit, sicut quoduis aliud combustibile, ex Arist. lib. de vita, & morte, cap. 3. Si autem Galenus lib. de marcore, cap. 3. dixit innatum calorem reparare humidum, non dissipare: dic, verum quidem esse, si adest copia alimenti, quæ deficiente, ab innato calore corpus absumitur. Deinde, in hyeme est necessitas repugnandi externo frigori, maximè quum non imminet periculum resolutionis virium propter circumstantes frigus, & sic valentes vires alimentum copiosum conterunt.

Nec obstat secundò, quòd resolutio hyemis minor est, quare minor alimenti necessitas. Hæc obiectio difficilima est Medicis illis, qui (ut refert Gal. lib. de tempore, ad fin.) opinabantur calorem actualem hominum non esse ante nostram formationem, sed sequi post, ad motum cordis, & arteriarum, qui nos calefacit. Galenus facillè respondet 1. aph. 15. Hippocratica doctrina instructus, innatum nempe calidum ante nostram formationem, omniumque naturalium functionum esse instrumentum. asseuerans; quod quia per hyemem intus copiosum est, ideo à nobis multo alimentò conuersari debet; ita enim copiosum sanguinem per hyemem gignit: argumento est, quoniam hyems excipit corpora exanguia, & tradit illa veri plethorica, ita ut accedente vere plures ex plenitudine laborent, & æstatis initio nisi hanc furiam, sibi, & iumentis misso sanguine, & sic vacuata plenitudine præcauerent. Consule doctissimum Ambrosium Nonnium lib. 1. Aph. com. 15.

Nec obstat tertio. Ver, & autumnus respondent sibi in temperamento, & statu caloris innati, maximè si conferatur initium veris cum fine autumnii, & finis veris comparetur cum initio autumnii. Ergo si offerenda est alimonia iuxta proportionem caloris coquentis, æqualis est in autumno, & vere exhibenda. Dic, autumnus corpus excipit gracillimum ex æstate, & sic non potest habere copiosum innatum calidum in visceribus, sicut ver excipiens ex hyeme corpus plenum.

Nec obstat quarto. Sententia Auic. 3. 1. doct. 3. cap. 1. §. In veris quidem principio nutriendus est subtiliandus, cibo quoque non repletur quis, immò ipsum partiatur, &c. Fauet Gal. lib. 1. aph. 11. §. Verè autem adhuc medio existente, atque adhuc magis ætati proximo, paucis, & ex longo intervallo nutriendus: nam tempus id periclitatur, ne proximè accedat ad plethoricam dispositionem, propter humorum, qui hyberno temporis frigore concreuere, fusionem, &c. Et in regimine Salernitano legitur: Temporibus veris modicum prandere inebis. Aliqui interpretes difficilem hunc Auic. locum explanantes, asseuerant, in vere non esse partiendum alimentum, quoniam nulla causa concurret infra dicenda, ut diuidatur alimentum: si verò subtiliandum esse hoc tempore imperauit, falsam esse illius sententiam rentur ipsi: nam victus subtilis, & tenuis, est calidus siccus, augens feruorem sanguinis. Sed solue hoc modo, subtilius alimentum porrigendum in vere, ob præsentem copiam innati calidi, ne ebullitio increseat multa oblata alimonia, & sic diuidendum, non absolute, sed præcedentis hyemis collatione facta. Arnaldus autem de regimine, part. 2. sect. 10. intelligit Hipp. de alimento, quod ventriculus in hyeme tolerat, Auic. verò de eo, quod in lapsis conuenit ad præcautionem: sicut intemperati possunt per similia conseruari, sed præstat quòd præseruentur per contraria.

Nec obstat quinto. 1. 4. tract. 2. cap. 8. quo loco in æstate auget cibum, sic enim ait: Et æstas quidem propter suam resolutionem indiget additione cibationis, &c. Multi explicat quòd in æstate conuenit additio cibi, contra supra tradita: sed dicendum cum Gentili, verum id esse, si de prima æstatis parte intelligatur Auicenna, nam hæc coincidit

cum vltima veris, ex Gal. 4. *acut. com.* 1. Lege elegantissimum Rotarium, in *contradiēt.* 13. *Auit.*

De ætatibus, calida humida, mollisque temperatura nō tolerat, vt pueritia 1. *aph.* 16. & 4. *de artic.* 24. quæ est ineptissima ieiunio, sicut senectus aptissima, intermediz ætates, mediocriter: nam pueri abundant multo calore valde resoluente; constant multa, & molli humiditate carniū facilè resolubili, & egent alimento, non solius nutritionis gratia, sed augmenti: contrariæ verò rationes concurrunt in sene. Si verò obiicias, iuuenes difficilius pueris tolerare inedia, quoniam habent calidum acutius: Dic, iuuenes minùs resolui: nam calidum illud est minus quantitate, & illi sunt pueris robustiores, resoluētib⁹que causis ampli⁹ repugnant. Si iterum instes; ex Gal. 1. *aph.* 13. Senes ieiunium innoxie non ferre. Dic. Vel ieiunium dicit paucitatem alimenti cum dilatione eius, vel solam paucitatem: si in hoc secundo significato intelligatur Hipp. verus est Aphorismus; vel in primo explana Hipp. de senibus non vltimis: nam decrepiti licet habeant easdem causas tolerantiz, nempe frigiditatem & siccitatem, illorum tamen retentrix est imbecillima, & iccirco corpora ipsorum citissimè extenuantur, ex Gal. 2. *aph.* 28.

Obiicias contrā. Si decrepiti minùs tolerat quàm primus senex, & hic magis reliquis ætatibus: ergo aliquis decrepiti⁹ æquabiliter cum vergente. Dic. Primi senes cum sani sunt, plus vergente tolerant; in fine autem primæ senectæ æqualiter: decrepiti minùs, in primo signifi-  
caro ieiunij.

Obiicias secundò. Humidum ampli⁹ facit ad longitudinem vitæ, ex Arist. *lib. de longit. vitæ.* 7. cap. 2. ergo non ad velocem resolutionem. Dic. Abundantia calidi cum humido pingui idè facit ad durationem, quia reparat multum alimentum: nam simpliciter copia calidi & humidi, si prohibeatur alimentum apponendum, facit ad multam resolutionem.

Obiicias tertio. Homines latorum vasorum cum minore noxa ieiunium ferunt, ex Gal. 2. *de temper.* 9. hi autem sunt sanguinei, quia humidi. Dic. Galen. *ibi* sumit indicationem à sola copia sanguinis, quæ potest conuenire cum vario temperamento membrorum, 2. *de temper.* 2.

Obiicias quarto. Ventriculus frigidus bene appetit, ex Gal. *lib. art. medic.* cap. 62. Senibus hic ventriculus est naturalis. Ergo plus famescunt. Dic. Licet à multis dicatur, quòd frigidus ventriculus meli⁹ appetat, quàm concoquat; tamen non simpliciter bene appetit; & si hoc concedamus, intelligendum est si facultas appetendi est robusta; si verò debilis, vt in senibus, non sufficit ad appetentiam multam; quare senes debilitate appetunt, coquunt, distribuunt.

De numero cibationis dubitandum, num exhibenda sit simultanea, an partita? responder Galenus *lib.* 1. *aph.* 13. & 17. vt debiles, & qui habent imbellem virtutem, coëtricem, per interualla alimentum assument. Sicut enim robustus pondus licet magnum bene defert, & librat; debilis verò nec partitum sustinet: sic ventriculus fortis plurimam conficit alimoniam, debilis vel minimam vix conterere valet. Deinde in quibus continua adest dissolutio membrorum, oportet vt per interualla accedat nouus ros ad membra, eorum prohibens exicationem. Hoc pacto in pueris, decrepitis, naturis calidis, & humidis multiplicandus est cibandi numerus. Insuper Celsus *lib.* 1. *cap.* 3. sumit à natura alui indicationem ad multiplicandum cibum: nam durus venter requirit numerosiorem cibationem, vt non exiccetur immodicè cibus semel assumptus. Deinde post longum ieiunium, famem, prolixum morbum, immodicam euacuationem factam per ventrem, hæmorrhagiam, sudorem, maximè cauenda est simultanea alimenti oblatio: nam ventriculus ob nimiam vacuationem exhaustus, & debilis, totum semel oblatum alimentum coquere nequit. Sic saturitas post transactam famem nocentissima, ex Auicenn. 3. 1. *doct.* 2. *cap.* 7. de quo argumento plura lege *lib.* 2. in *com. histor.* 71. vala enim, & eorum cœuitates con-

niuentes, non molliuntur copioso alimento, sed valde paritico; sicut arida terra exiguis pluuiis sæpe repetitis commodè humectatur. Consule Ioan. Pincierum *lib.* 4. *variar. meditation.* cap. 7.

De tempore assumendi alimentum, maximè definiendum est ex coctione ventriculi peracta: est enim vniuersalior nota, quàm sumpta ex fame præsentis, & sic plures rentur assueuisse Auicennam 1. 1. *doct.* 2. *cap.* 7. illa enim solū habet locum in sanis temperatis; fastidiosi verò non famescunt etiam peracta coctione ventriculi; pueri verò, & conualescentes ante eam famescunt. Deinde Auic. *loc. cit.* concludit, nihil esse deterius quàm sumere crudum super incoctum. Obiicit Ishac *lib. de diar. vniuersalium*, cap. 4. sicut in vna mensa, præcedente subtili, si sequatur crassum, non perturbatur coctio, quia tenue præcedens descendit, sequitur crassum; sic idem sequetur, vbi crudum sumetur super incoctum. Responde, non esse eandem rationem in similitudine; nam ex crudo, & semicocto generatur crassus humor, quod non accidit in crasso, & tenui. Si instes, saltem tunc licere sumere crassum supra semicoctum, quia hoc multò tenuius est: Responde negatiuè; nam ex hac alimonia distrahitur ventriculus ab opere vniendi, & assimilandi, & ex hac permixtione licet aliquid descendat, remanet tamen multa portio corrupti alimenti in ventriculo, & crudi, ex quo damna non contemnenda sequi solent. Quòd si adhuc instes, hoc dato nunquam ciborum varietatem admitti posse. Dic, nunquam conuenire, nisi gratia medicamenti, videlicet exiguum lubricum in initio ad molliendam aluum, & exiguum austeri in fine mensæ ad promouendum descensum, aut in alios vsus, quos latè explicuimus *lib.* 2. in *com. hist.* 80.

Si verò perconteris, quis statuendus sit numerus cibationis in die, Ficinus *lib.* 1. *de triplic. vita*, cap. 7. quaque hora edendum præcipit, sed præsertim studiosis. Celsus *lib.* 1. *cap.* 3. consulit pluribus bis in die edere. Arabes in duobus dieb⁹ ter præbent alimentum, videlicet decima sexta quaque hora. Ita Rhafius *lib.* 4. *ad Almanfor.* cap. 4. Halyab. *lib.* 1. *pract.* 13. Alzaharaius *lib.* 1. *theoric. tract.* 2. *cap.* 1. Auic. 3. 1. *doct.* 2. *cap.* 3. Verum iudicium variandum est penes ætates, temperaturas, tempora anni, & dies. Penes ætates quidem: quoniam pueri, & senes ter cibandi sunt; vltimi autem senes; & primi pueri, quater; mediæ ætatis, bis. Iuxta temperaturam autem humidis bis offerre cibum, nocet; sicut iuuat graciles: iuxta oraculum senis, 7. *aph.* 60. dicentis, *Corporibus carnes humidæ habentibus, famem adhibere conuenit, famem enim corpora siccata, &c.* Et affirmat 2. *acut.* 29. Iuxta tempora: apud Celsum *loc. cit.* per hyemem non est prandendum, nisi quis ventrem habeat validè astrictum; in reliquis temporibus bis cibus offerendus. Iuxta vires: Antiquis robustioribus ferè erat satis semel in die edere; nobis debilioribus bis in die comedere est necesse. Mensura illa Arabum media: recipienda erat pluribus hominibus, nisi quòd habet molestiam ex varietate horæ cibandi, dum vna die bis, altera semel cibus sumitur. Præterea habet noxam, quia iuxta varietatem vigiliæ, & motus, oportet secundam cibationem accelerari magis, vel retardari: quare non perpetuo seruanda est hora decima sexta pluribus. Ergo nobis conueniet bis in die comedere. Consule Valleriol *lib.* 3. *loc. com.* cap. 13. Gulielmum Insulanum *lib. de ratione. vitæ salubris*, cap. 39.

De proportionem autem prandij ad cœnam, hoc sit præceptum vtile, vt exercitandi ad noctem, minùs cœnent, & exercitandi ad diem, minùs prandeant: ita docuere Gal. *lib.* 1. *aliment.* 2. Rhafius 1. *ad Almanf.* 11. Haly. 1. *theoric.* 13. quoniam ex labore sequente alimētum copiosum, hoc intempestiuè rapitur crudum ad venas. Lege Mercurial. *lib.* 5. *variar.* cap. 21. & M. Ant. Muret. *lib.* 4. *variar. lect.* cap. 12. Cardanum *lib.* 1. *cont. tract.* 5. *com.* 18. Vtrum autè in sanis cœna debeat esse liberalior, responder Galen. 1. *acut.* 18. dicens, exercitatos solū panem comedere in prandio, in cœna carnes, quapropter prandium parcius sit, cœna vberior; nam quies, quàm motus magis concoctioni prodest: sic frigidus aër, magis quàm calidus, quoniam

quoniam ob noctis frigiditatem retrocedit calor ad interiora; calor autem diurnus attrahit innatum ad extrema, & resoluit. Deinde somnus concoquit, vigilia digerit: maxime quum maius spatium intercedat à cœna ad prandium, quam à prandio ad cœnam. Ergo lautius cœnandum, quam prandendum: ita sentiunt Auicenna 3. 1. doct. 2. cap. 3. & 6. Auerthoës 1. part. canticor. comment. 122. & 2. canticor. com. 20. Rhafius 4. ad Almanf. cap. 2. & 4. Halyab. 1. pract. 1. immò Galenus lib. 7. meth. cap. 6. præcipit validiores cibos in cœna comedendos; quem morem non ratione tantum, sed longo experimento Athletas comprobasse asseuerat: Nec est dicendum, quod multi affirmant, quod prandij & cœnæ nomine, aliud ab Hippoc. & Galeno significatur, quam vulgò à nobis intelligitur; nam eos doctè refutat Bernardus Paternus epistola sua de prandio, & cœna.

Nec obstat Aristoteles, 3. 2. probl. 3. qui concubitoris præcipit copiosum prandium, & parcam cœnam. Id ipsum mulieri virum admissuræ Hipp. edicit lib. de superfoet. mem. 11. mulier sine cibo sit, vir item, sed paulò dissimilius, ne scilicet ebrius sit, & cōmodo, & salubri usus sit cibis: id enim monet tum ob dictam causam, ne tum ex motu subsequente attrahatur intempestiuè nimium alimentum ad venas: nam labor debet præcedere cibum, non è contra. Idem etiam firmat Celsus lib. 1. de re medic. cap. 3. dum sic ait. Si prandet aliquis, vtilius est exiguum aliquid, & ipsum siccum, sine carne, sine potione sumere, &c. Et æstate, in eodem loco prandere quidem iubet, parcius tamen. Sed quoniam hanc de proportionem prandij ad cœnam, controuersiam in sanis; latius disceptabimus in sequenti libro, in com. histor. 6. hæc pro complemento quæstionis nostræ nunc sint satis. Interim de veterum comedendi more, & varietate cœnarum, Consule Hadrianum Turnebum lib. 8. aduersar. cap. 11. Alexand. ab Alexand. lib. 3. cap. 11. & lib. 5. cap. 21. & nos fusè cit. loc. patefaciemus.

## HISTORIA XXV. GALENI, De herpete in malleolo.

Fœmina herpete in malleolo laborans,  
topicis applicitis exacerbata, pur-  
gatione tandem adhibita  
conualuit.

**E** Tenim Rome mulier quadam illustris, quum herpetem in malleolo haberet, primò quidem medicamento quod algæ recipit, est usa. Hoc cum protinus cicatrix induceretur, proxima illi cutis est excoxiata, veluti ex desquamatis. Cui cum deinde superpositum medicamentum est, rursus illi cōtinua est exulcerata: idque ita assidue perrexerit, donec ad genu exulceratio perueniret; quum interim quidvis potius pati, quam medicamentis quod bilem traheret, purgari parata esset. Itaque etiam (quod fieri in talibus assuevit, quoniam plerique culpam non culpanda) damicato ex algæ medicamento, aliud admoventi iussit. Deinceps igitur quod ex sandice componitur, utebatur. Vt verò id quoque quod exulceratum iam fuerat, sanaretur: quod verò nunc exulcerabatur, non inhibuit, sed iam ad bubones usque vitium ascenderat, ipsa necessitate coacta, serum se laelis sumpturam annuit. Immittebat igitur clanculum minimum scammonia, inuitam purgauimus, atque sanauimus, &c. Galenus lib. 14. meth. cap. 17.

## P A R A P H R A S I S.

**F** Requenter quidem exemplum hoc in arte contingit, & est ad praxim summopere necessarium, quo docemur, quam parui, & ferè nullius sit momenti, topica citra vniuersalium auxiliorum administrationem adhibere. Herpes ergo dicitur sic à symptomate, quia serpit, ex Gal. 2. meth. 2. Auic. 3. 4. tract. 1. cap. 6. Formicam vocat. Si ergo humor biliosus præternaturā calidior, tenuior, acrior, & mordacior reddatur, herpes fit vocatus exedēs, à Celso

A lib. 5. cap. 28. tit. de igne sacro. Auicenna appellat Formicam corrosiuam, quoniam corrodingo semper serpit. Si tamen bilioso humori admixta sit portio pituitæ, herpes generatur, qui excitat pustulas quidam in cute summa milio simillimas, & herpes miliaris vocatur, de quarum inflammationum causa sat multa dixerunt Vigol. 2. de apostemat. cap. 6. & 8. Aquapendens lib. 1. de tumorib. cap. 20. Fallop. Andreas à Cruce, & alij qui in chirurgica facultate primas tenent.

Miliari color inest ex rubro, & pallido permixtus, vt Gal. lib. 2. ad Glau. cap. 1. edocuit, cum Paulo lib. 4. cap. 20. ex cuius pustulis ruptis effluit medium quid inter saniem, & pus, ex Galen. 14. meth. cap. 11. Vlcus serpit cum cutis exulceratione, altum, subliuidum, inæquale; hoc verò herpetis exedentis nomen habet: nam tantum cutem erodit; quo laborasse hanc fœminam, ex contextu patet manifestè, quum à genu ad bubones vlcus serpendo peruenierit.

Cum herpetis causa sit bilis flaua in parte quapiam impacta, hunc affectum cholagogis esse curandum docuit Gal. lib. 4. meth. cap. 7. sed antequam bilis expurgetur, videbis Medicos in harum inflammationum, aliarumque pustularum curatione sæpe delusos. Illic enim ad adstringentia medicamina tanquam ad sacram anchoram confugiunt, sed quanta ægrotum perniciem, ostendit hoc loco Galenus: nam licet curetur vlcus, pustulæque excentur, & inducatur cicatrix, aliud in alia parte repullulat vitium, adstringentium vi coercito humore, & ad interiores sedes repulso; quare febres, & interna vlcera excitantur.

**C** Hoc ita esse priscorum doctissimi satis confirmant, Auicenna enim 3. 4. tract. 1. cap. 7. sic inquit. Cum non incipis in ea, cum euacuatione humoris secundum quod oportet, immò medicamentis vlcus cum eo quod sanat, redit ex alio loco propinquo, & ex loco ipso, & non cessat corrodere cutem corrosionem post corrosionem, &c. Nam, vt inquit Aëtius tetrab. 4. ferm. 2. cap. 6. qui cuti solidanda statim à principio intentus est, hanc quidem sanabit, verum humorem influentem non prohibebit, sed etiam prius vlcibus solidatis, contigua cutis rursus velut prior in superficie erodetur, &c. Idem sentit Oribasius lib. 7. synopsis. cap. 33. §. Ergo qui prius totum corpus purgat, deinde repellentia particulis affectis admovent, is herpetem, vt par est, curat. At qui statim vitium is qua cicula cicatricem inducunt, is cuticulam quidem sanat, ceterum non prohibet, quin de integro prior similis affectus exoriat, &c. Quoniam vt rectè dictabat Hipp. lib. de vlcerebus, num. 4. Purgatio per alium plurimis vlcerebus prodest. repetit Gal. 4. meth. 5. & 6.

Ne ergo ad curanda vlcera festines, neque sis de illorum numero, qui intempestiuè adstringentibus humore coercant, atque hinc euenit, vt non solum corpus, sed ipsa vlcera in peius ruant, maleque exerceant ægrotantes. Lege Rabbi Mossem de Ægypto particul. 4. aph. sent. 115. §. Non refrigeres, neque reprimas erysipelam, nisi purgatum corpus sit per solutionem ventris prius, cum medicina purgante choleram, quia si permittis refrigerationem, & repercussionem ante vacuationem, fit fortis expulsio à membro habente erysipelam, ad membrum nobile nobilitatis magna.

Operosum esset recensere numerum eorum, qui neglectis vacuationibus vniuersalibus, ad topica indistinctè accessere, quod huic Romanæ fœminæ accidit: nam à medicamento exiccante consolidatum est vlcus, deinde maiori cum insultu depascendo recruduit. Medicamentum autem impositum fuit Alga marina, refrigerans sanè, & exiccans, ex Dioscoride lib. 4. cap. 101. à Latinis dicitur Fucus marinus, de cuius viribus inter omnes eleganter agit Constantinus Amati interpres, ad citatum Dioscorid. locum.

Hoc medicamentum adstringit: habet enim quidpiam acerbum, vt Galenus est auctor lib. 8. simpl. tit. de Phycos, quare inflammationes cataplasmatismodo arcer. Sed cum citra totius vacuationem esset impositum, mirum non est si reuenteretur malum, causa antecedente non vacuata. Quamobrem illud ex Alga paratum condemnatur, & aliud illius loco ex sandice compositum imponitur: est enim

enim sandix, ccrusa vsta, si fides est adhibenda Dioscoridi *lib. 5. cap. 63.* qui ibi vtendi modum exactè docuit. Sandix ergo emplastica est, refrigerat, occludit, emollit, explet, & excrecentia leuiter reprimat. Hac ergo imposita ita ob dictam causam inualuit malum, vt vique ad lubones, hoc est glandulas inguinis ascenderit. Tandem ipsa, cogente necessitate, vitio in vitium mutato, inuita purgantia admittit.

Purgatio instituenda iis, quæ vnà iecur refrigerant, roborant, & biliosos humores educere nata sunt. Sed inter hæc meritò elegit lactis serum, in quo prius scammonium sit infusum. Illud enim refrigerat, humectat, *4. simpl. 17.* & nitrosa qua pollet virtute, retorridum, biliosumque humorem suauiter expurgat; quare biliosis, & melancholicis affectibus remedio est. De cuius vi, temperamento, præparatione, vtendi modo, ex veterum, & iuniorum mente, tam multa diximus, *lib. 2. in com. hist. 110.* De medicamentis verò ad ignem sacrum accommodatis, egregiè discepat Trincauellius *lib. 1. de composit. medicam. cap. 21.* Sed in affectu calido serum lactis minimissimum est, & clementer expurgat: de cuius vi lege eruditissimum Castensem Lusitanum tract. de lactis sero, Ludouic. Nonnium peritissimum *lib. 2. de re cibaria, cap. 19.*

Supersunt tamen dissoluenda plura, quæ contra Galeni traditam curationem obijci possunt. Primum. Cur rebellem affectum sola purgatione leui curasse gloriatur, si ille non nisi forti succumbit? Dic biliosos humores, cum sint reuues, & fluidi, vnica purgatione posse educi, vt firmat Gal. *1. aph. 2. nam (vt ipse docet lib. hoc, & cap. in quo scripta est historia hæc) ista bilis vacuatio est facilis, pituita verò, & pessimum eius, quæ crassior, glutinosiorque est, istemque nigra bilis difficilior, & magis à medicamento attrahente, multæque actiuitatis, quod suapte natura, vel in parua quantitate exhibitum multum purgat. De correctione intemperiei Galenus non meminit, tutius esse ratus virosos humores expurgare, licet intemperies calida partium, à qua ipsi originem ducunt, esset tantisper adaucta. Audi ipsum *lib. 1. aph. 24.* Non igitur ob igneam febris caliditatem, purgationem adhibemus (hanc enim scimus sui ratione nocituram,) sed propter humores illam efficiētes. Quare maiorem oportet ex noxiarum humorum vacuatione fieri utilitatem, quam id quod necessario consequitur ex medicinis purgantibus detrimentum. Est autē utilitas maior, si absque molestia omnis infestans, ac molestans humor sit euacuatus, &c. Intemperiem ergo, oblato scammonio, medicamento calido, quadamtenus ob maiorem ex vacuato humore sequutam utilitatem, neglexit: maximè quoniam intemperiem corrigere, potius ad præseruationem, quam curationem pertinet, de qua solum agebat hoc loco Galenus. Licet ergo intemperies hæc remaneret, sero lactis emendari deinceps poterat, quam etiam corrigit scammonium ablata causa: Nam hoc modo sanguinis missio, calidam substantiam extrahendo refrigerat, *lib. 10. meth. cap. 10. & lib. quid animi mores, cap. 3.**

Secundum. Cur in affectu calidissimo maximè diuertendi causa sanguinem non emisit. si Paulus *lib. 4. cap. 21.* in erysipelate venam secatur. *5. Quod simulac fuerit deprehensum, proinus ab initio vena in cubito præsertim humeraria debet incidere, sin autem hac non appareat, ea qua se cõspicui obijcit.* Dic, ex mente Galeni, in herpete, erysipelate, alioue bilioso tumore sanguinis missionem non esse celebrandam, quoniam calefacit euacuando sanguinem, qui est frænum bilis; quoniam melius est seligente pharmaco cum vacuare, quam exhausto sanguine puriori qui facilius est euacuationi, bilisque relicta intra corpus, vires debilitare. Hoc pacto in affectu bilioso reprobatur phlebotomia, & in erysipelate præsertim *lib. 2. ad Glauc. cap. 2. & 14. meth. cap. 2.* sic in tertiana nõ emisit sanguinem Galenus, *lib. 1. ad Glauc. cap. 9.* quoniam bilis non sanguinis missione, sed purgatione educenda est, vt latè ex præscorum mente retulimus *lib. 1. in com. hist. 63.* Paulus autè de erysipelate cerebri, aut à tenui, feruentissimoque sanguine concitato est intelligendus; nam tunc quoniam affectus occupat partem præstantem, illicò reuulsionis causa sanguis est emittendus, vel si Galenum de erysipelate externo,

A Paulum de interno intelligas rectè persolues: nam in hoc venam secuit Paulus *lib. 3. cap. 8.* præsertim si bilis in præsentia sanguinis abundet, cum illoque sit exactè permixta, ex Gal. *lib. 4. de sanis auend. cap. 4.*

Tertium. Cur in affectu partium inferiorum, & iuxta sedem suborto, purgationem per aluum consuluit, contra præcepta reuulsionis, lata *lib. 4. meth. cap. 6. 8.* Quare nunc quoque, si etiamnum fluxio valenter irruat, reuellere ad contraria studebimus: itaque si in superioribus vlcus consistat, per inferna purgantes, si autem in inferioribus sit, superiore venire vacuantes, &c. Nam ex præscripto Galeni *13. meth. 7. & 11.* longissimè à parte tentata fluxione reuellendus humor, nequaquam ad eam trahendum: nam nec cum vel circa sedem, vel aliquam vicinam partem phlegmone incidit, alui delicias. Dic, malum in hac scemina fuisse inueteratum, in quo per proximam partem vacuare conuenit; sic enim loquitur *lib. 4. meth. cap. cis.* At si iam fluxio restitit, atque in membro inhesit, derinare per vicina magis expedit, quum & in propinquiora translatio sit, & purganti medicamento promptior tum accessus, tum attractus a vicino detur: nam in affectu inueterato cessat fluxionis impetus, & doloris vehementia conquiescit, &c. Et maxime cum serum leniter expellat humores ad aluum: de cuius efficacia plura diximus *lib. 2. bist. 109.*

Quartum. Cur in affectu cutaneo purgationem exerceat, si hæc à circumferentia ad centrum attrahit humores noxios, & viscera fœda colluue confuscat? Dic, in affectibus superficiem corporis occupantibus, vt scabie, pruritu, inflammationibus externis, saluberrimam esse purgationem, ob multas causas: nam humor à cute reuclitur ad partem contrariam, & sic expurgatur causa antecedens continuè affectum fouens, & natura potentior reddita humorem in cute impactum discutit, & absumit. Deinde purgatio causam coniunctam euacuat: nam si humor extra venas positus, & in distantissima parte impactus, actu oculorum inflammationem committens, potest purgatione vacuari, vt proprio exemplo norauit Galenus *lib. 13. meth. cap. 11.* cur purgationis beneficio non vacuabitur humor in cute infixus? sic in Simone latis pustulis oppresso, purgationem concedit Gal. *lib. 6. epid. sect. 2. com. 30.* Hoc opus celebrandum esse in cutaneis affectibus elogio quodam commendat Gal. *2. aph. 15.* dicens, tuberculis existentibus in cute, si natura totam superfuitatem ad cutem non transmisit, turissimam esse purgationem. Audi Gal. *lib. nuper cis. epid.* Sed forsitan me dicere putabitis, nunquam purgatione per aluum in talibus vtendum esse: ego verò non id dico, nam in *lib. de art. curandi*, in quibus corporibus permulta humorum copia, iis viles esse purgationes didicisti, &c. De herpeticis curatione, ex præscorum mente, Consule Forestum *lib. 2. de tumorib. præternaturam*, qui Galeni curationem maximè commendat.

## HISTOR. XXVI. RHASIS, De testiculorum inflammatione.

### Testiculorum inflammatio, vomitu curata.

E Go passus sum apostema in testiculo dextro, & vtendo vomitu, sentiebam ipsum diminui penes vomitum manifestè: tamen non finaliter tollebat, verum tamen non dolebat, & frequenter faciendo eum pluries extirpaui cum eo causam continentem, nempe radicem ipsius, & non vidi aliquid magis perfecti, & velocius, & manifestioris iuuamenti quam est istud, &c. Rhasis *24. continent. tract. 3. cap. 1.*

### P A R A P H R A S I S.

Q Vanti sint faciendi morbi qui testes infestant, demonstrat eorum præstantia, maxima in immutando corpore efficacia, admirabilis usus, & excellens cum cæteris partibus sympathia: nam semen conficiunt, quidquid contra



contrà sentiat Arist. 3. de hist. animal. cap. 1. & 1. de generat. animal. cap. 4. cuius rationes soluunt subtiliter Thomas à Veiga in com. cap. 45. lib. art. medic. Gal. Andreas Laurent. lib. 7. de hist. anatomic. quest. 2. quo pacto ad solius speciei propagationem; seu ad procreationem, quæ semine perficitur, necessarij quidem sunt, & inter principes partes numerantur à Galeno, in lib. de semin. & in art. parua. de quo argumento consule Argenter. Ioan. Tullium in com. cit. cap. Gal. in art. medic. Columb. lib. 11. de re anatom. c. 14. Quare autem corde præstantiores eos faciat Gal. lib. 1. de sem. 15. in med. Laurentius lib. 1. de re anatom. quest. 4. reprehendit Gal quia sine testibus vivit animal, nemo sine corde: sed immerito ipsum accusat, quem excusat Valleriola 3. enarrat. ult. dicens, testes esse corde nobiliores, non simpliciter, sed in sua actione, id est, procreatione virtutis genitricis, & seminis.

Hanc penè incredibilem vim facile negaret Aristoteles 1. de generat. cit. existimans testes non esse necessarios; cuius opinionem Peripateticorum cæteris plurimis machinis rueretur. Primò. Quia in omnibus animalibus inuenirentur. Secundò. Quoniam visa sunt animalia coeuntia habere meatus plenos semine. Terriò. Taurus à castratione ieiens implevit vaccam. 3. de histor. animal. 1. Quare usus testium primus est, ut tempore coitus suo pondere aperiant vasa seminaria, ut lapides in telis, quia vasa seminaria per ambitum circum testes tardius excernunt semen, neque impetu effundunt. Secundus, ut virga tendatur ex pondere testium, uti fit in machinis, 24. probl. 4. Tertius, ut cor tensum à testibus, euadat robustius.

Primum usum refellit Gal. 1. de semin. 12. nam non possunt testium pondere ampliora vasa reddi, cum sint miro artificio intorta, & labyrinthæis anfractibus implicata. Secundus, inutilis est: quoniam verus usus est, ut sanguis in testium gyris aliquantulum moratus, & præparatus, in verum, & elaboratum semen conuertatur, maximè quia testes tempore coitus magis ascendunt, & adhærent peni, unde potius ipsum penem deprimunt, quàm tendunt. Tertium reprobatur Gal. lib. cit. de semin. cap. 12. Testes ergo sunt necessarij ad generationem: nam exectis testibus, ita ut vasa seminaria remaneant, animal priuatur facultate seminis generatrice, & fit infecundum.

Secundò, quia pars, qua abscissa aufertur incitamentum ad coitum, sine dubio est origo successionis generis: tales autem sunt testes. Vesalius, qui semper laborauit pruritu mordendi Galenum, sic huius rationem refellit, 5. feb. 13. idè quia ligatis vasis ex peritonæo descendentibus ad testes, animal manet infecundum: igitur illa vasa sunt principium, & origo facultatis generatricis. Dic, vasa ligata auferunt coitum, scilicet quia demunt materiam coitus; non tamen auferunt incitamentum ad coitum, quæ erat ratio Galeni.

Tertiò. Vnumquodque transmutat in suam substantiam, nihil autem testibus similius est semine. Quartò. In animalibus à coitu temperantibus testes visuntur semine pleni, uti in coeuntibus inaniti. Quintò. Testibus ablatis remittitur robur, virilitas, pulsus est uti foeminarum, venæ angustæ, pulsus obscurus: subscribit sententiæ Galeni tanquam verissimæ, Auer. 2. collig. 10. & Auic. 25. animal. 1.

Nunc ad obiecta dicendum, & ad primum quidem, quòd animalia imperfecta uti non sunt ex semine exquisito, sed imperfecto, sic neque testibus eguerunt. Ad secundum. Coitus est veluti exercitamentum testium, unde potius opplet, quàm inaniat, nisi fuerit valdè continuus. Ad tertium. Post ablationem remansit aliquid seminis in meatu deferente semen, à quo concepit vacca: nam ad gravidationem paucissimū semen sufficit. Sed cur iniuit? Dic propter consuetudinem, quia phāasia mouebatur inspecta vacca ante castrationem. Lege Mercurialem tract. de homin. generatione, c. 12. acriter contra Arist. disputantē.

Deinde, quid commemorem indicibilem mutationem ex castratione? nam siue auferantur testes, siue rumpan- tur, siue intorqueantur seminalia vasa testes ingredientia, pili non ampliùs nascuntur, siue in mento, aliæque corporis parte, carnes mollescunt, labuntur vires, animositas

A cessat, segnia, & timida redduntur, vox acuta fit, caro suavis pro nidorosa, pinguescunt, frigida fiunt, & humida, denum tota in foemineam naturam transmutantur. Cur autem tam subita mutatio fiat in castratis quære per otium apud Laurentium lib. cit. quest. 1. & late probant Philip. Ingrassias com. 52. in art. med. Galen. fol. 261. Fernel. lib. 7. physiol. cap. 3.

Ob hæc testibus affectis auxiliares manus adhibere oportet. Inflammari sæpe eos sine scroro, apud omnes in confesso est, Paulum lib. 3. cap. 54. Cellum lib. 7. cap. 19. Auic. 20. 3. trait. 2. cap. 1. Vidum Vidium lib. 11. de curat. membrat. cap. 2. Christoph. à Vega lib. 3. art. med. sect. 10. cap. 1. Si ergo calidus; tenuisque humor in testes cõfluat, tunc intumescunt, ac dolent; acri enim, & exquisito sensu præditi sunt: dolor hic lancinans est, & leui contactu exacuitur, teste Fernelio 6. patholog. 14. Si verò immoderata sanguinis copia ad eos fuerit delapsa, aderit tumor durus, cum calore, & rubore coniunctus, febris est assidua; nam ut citato loco docuit Auic. testis est membrum nobile continuatum cum corde: & licet testes extra inguina sint, statim tamen febres propter vicinitatem accendunt, ut notabat Gal. 4. de presag. expulsi. cap. 10. Huius inflammationis curationem proponunt citati auctores, & amplificant Ioannes Vigorius lib. 2. de apostem. cap. 1. Fallopius tract. 9. de tumorib. cap. 36.

Auctorem autem nostrum non fuisse passum inflammationem ex tenui, calidoque sanguine subortam, ex cõtextus serie dilucidè patet: nam nec adfuit dolor, immò defuit febris, & alia signa non apparuere quæ illam significabant. Quapropter hanc inflammationem, quam Arabes vlsitato vocabulo apostema vocant, ex crasso humore originem duxisse, in substantia, tunicis, & vasis testium impactu, cetera res est.

Testibus ergo humore, aut inflammatione tentatis illicò opitulari opus est: nam male curata inflammatio à quocunque humore eueniat, in morbos pessimos, duritiemque immedicabilem commigrat: cum enim sint positi inter duo receptiua membra superfluitatum, scilicet inter virgam, & anum, & sint siti in parte declina, ut Nicolaus explicuit serm. 7. tract. 5. sum. 2. cap. 26. fit ut omnem partium superiorum colluviè exhauriant, sunt enim spongiosi, rari mammisque in omnibus simillimi, ut monuit Gal. lib. 1. de sem. cap. 15. & lib. 14. de usu part. cap. 10.

Cui malo occurrens, humorèque noxium ad contrarias, longinquasque partes auertere satagens, non venæ sectione, in præsentia humoris calidi solum necessaria usus est; ne extracto sanguine vires fatiscerent, humor crassus recrudesceret magis, & spiritu exhausto coctioni rebellior euaderet: non cucurbitulis in superiori corporis parte adhibitis; nam hæ licet attrahant, peccantem tamen humorem, ut decet, non euacuant. Hoc modo purgationem per aluum non instituit: nam inferioribus partibus laborantibus per superiora vacuandus est humor, ex Galen. 4. meth. 6. & 13. meth. cap. 11.

Quare vacuatio antecedentis causæ morbum fouentis, immò & coniunctæ nullo alio præstantiori poterat celebrari præsidio, quàm vomitu, cuius attractio, & eradicatio præcipua est ab inferioribus, monete Auic. 4. 1. cap. 11. Huius ope humor nō solum in prima regione situs, caua iecoris parte, pancrea, omento superuacuis, syncerus elicitur promptissimè, quæ plerumque nec hiera, nec aliud vehementissimum vllum, etiam frequens pharmacum in aluum exturbare potest, ut doctè Fernelius notat lib. 3. methodi, cap. 2. sed à longissimis, maximèque remotis particulis, ut artubus, pedibus, cerebro exhauritur.

Nā morbi in quibus vomitus est ex usu, sunt chronici, & à crassis humoribus suborti. Audi Paulū lib. 7. c. 10. At medicamentis vomitū faciētibz neque sani, neque acuta agitudine occupari, uti permittantur, sed in longis profunt affectibus, & præsertim induratis, qua validā cōmōtionē desiderant, qualis est podagra, morbus comitialis à stomacho originē ducēs, elephāria, aqua intercutē, melancholia, &c. Auic. loc. cit. sic inquit. Et agritudines quidem quæ sunt digniores eo, ut in eis fiat vomitus, sunt chronica, sicut hydropisis, & epilepsia, & melancholia, & lepra, & podagra, & sciatica, &c.

Sed hoc mihi de veritate semper fuit suspectum: nam humores crassi, ex quibus oriuntur morbi diuturni, sunt graues, & per inferiora commodissime vacuantur; contra verò humores tenues, biliosi, è quibus morbi acuti emanant, facillime per superiora à natura excernuntur, ut constat 4. aph. 4. & 9. Ergo vomitus plus conuenit acutis, quàm diuturnis morbis. Dic, licet ratione humoris peccantis, in morbis acutis maximè conueniat vomitus; ratione tamen febris, & noxæ quæ potest inferri, timorofus est: calefacit enim corpus, agit, & bilis acrimonia sua mordet ventriculum, quod in morbis diuturnis non contingit. Hippocratem tamen de curatione intellige, nam in præseruatione humores calidi, biliosi aptissimi sunt, ut per vomitum vacuentur: contra verò melancholici & pituitosi per aluum.

Maxima ergo est vomitus ad diuturnos morbos curandos, & præseruandos potestas: nam pituitosi humores in ventriculo impacti, qui est sentina omnis impuritatis, & parati committere prauos morbos, vomitus ope foras excernuntur. Quo pacto veteres Medici, inquit Gal. 5. de usu parti. 6. 4. prope fin. inter multa præcepta saluaria, vomitum à cibis in singulos menses reperi præcipiebant, alij quidem semel, alij verò bis: omnes tamen qualitates ipsas eo casu comedendorum acres, atque absterforias deligere consulebant, ut pituita omnis è ventriculo purgaretur, neque prauo succo corpus afficeretur. Bene igitur & ab illis sine totius noxæ, ventriculi purgatio est præscripta, & à natura ipsa præcognita fuit.

At si vomitoria periculosa sunt, & deiectionia periculo vacant, quum fiant per partem à natura destinatam, & consuetam, cur lib. 5. de usu parti. cit. contrarium protulit, dum dixit. Ventriculi quidem purgatio est facillima, intestinorum autem, iū difficilis, tum etiā noxia nonnihil. Solue dupliciter. Primò cum Celso lib. 1. cap. 3. Vomitus esse facillimum, si lenibus medicamentis prouocetur: cætera enim quæ antiqui Medici præceperunt, stomachum infestant, in quibus propinandis Galenus fuit timidusculus. Dic secundò. Intestinorū vacuatio difficilis est, ventriculi facilis, quādo crassi humores in ore ventriculi cōtinētur; hoc enim eo loco probabat Galenus; nam ut dicebat Hipp. 4. aph. 7. Sicut in febre fastidium, & morsus oris ventriculi, & vertigo sit, & os amarū, purgatione per inferiora indigere significat.

Auctor noster quum vomitorij formam nō præscribat, eam fuisse existimo, quæ humorem tenaciter in testiculo- rum tunicis impactum electiue vacuare posset, nam pars hæc erat à viis ductuum valde remota. Paratur ergo ex medicamentis variis, ut Genistæ floribus, bulbo vomitorio, sambuci, aut ebuli foliis, sylvestris raphani radice, semine cæpæ, & nasturtij radice cyclamini, & succo, puluere herbæ eupatorii Mesuæ, vulgò gratiola dicta, agarico pro concitando vomitu celeberrimo, veratro albo, veteribus pro hoc complendo opere vñtatissimo. His enim cum fortè vñs esset, à morbo immunis euasit: iccirco enim tantopere iuuat vomitus, quoniam malum à superis partibus etiam fonebatur, & consequutione quadam humor actu committens inflammationem, vomitus ope fuit eradicatus, quod explicat per verbum, & extirpauit cum eo causam continentem, hoc est, radicem eius.

Licet autem hoc verum sit, præstat tamen lenibus medicamentis vomitum tentare: est enim hæc vacuatio periculosa, & vacuatio per aluum est magis consuetæ, & naturæ manifesta, ut docuit Auerrhoës lib. 6. collect. cap. 11. & ideo si fieri potest semper eligenda: nam humores sua grauitate descendunt ad intestina facilius, quàm conscendant ad ventriculum; suntque multò plures, latioresque mesaraica vena à porta ad intestina, quàm ad ventriculum delata: tum intestina natura ipsa excrementorum suscepiioni parauit; cumque sint membra ventriculo ignobiliora, incolumius eò deferentur noxia: adde quòd breuior est via à corporis mole per mesaraica vasa ad intestina, quàm ad ventriculum, ut Thoma à Veiga verbis utar, in com. cap. 94. art. med. Gal.

Sic Hipp. 7. aph. 63. robustiorem naturam expostulat ad vomitum, quàm ad deiectionem, dum sic inquit. Abducere igitur oportet, robusto quidem supernè, debili verò infernè. Quare si Galenus sæculo sup. cautus erat in exhibendis vomitoriis, quum homines tunc temperantiùs vi-

uerent, cur nostro non erimus nos, qui illorum respectu intemperantiores sumus? Audi ipsum lib. 2. de fractur. com. 27. hoc modo profantem. Hippocratis sæculo veratrum album foras se iussu sumebatur ob rationem vñtus eorum hominum qui curabantur, qui vitæ genus non otiosum sequebatur, aut intemperans, sed laboriosum, paucisque alimentis erant contenti, sic ut crassos succos nullaratione contraherent, neque enim nos laeti fieri hos cum otio, & abundantia. Quod si vim astimaueris corporum eius sæculi, quam ex eiusmodi vñtu comparabant, magis adhuc dari veratrum permiseris, quum quæ vomitus affert incommoda, ferre homines illi facile potuerint, &c.

Cauendam ergo est à fortibus vomitoriis, quibus agyrtæ, & circulatores corpora exagitant, ut elaterio, chryfocolla, are vñto, ricini semine, stibio in copiosa quantitate exhibitò, præcipitato, & aliis violentis: eorum enim vñs corpora debilitantur, caput concutitur, febris superuenit, vigilie infestant, languescit appetentia, nausea fatigat, & ruptis valis ex vomitus vehementia sanguinis lputum emanare solet, & aliquando rapto humore ad caput, suborta apoplexia mors occupat: nam rusticus cum sanius valeret, assumptis ad vomendum granis decem cataputia, suborto vomitu enormi, apoplexia oppressus, intra septem horas occubuit: ter in robustis colonis sum expertus.

Sed multa sunt quæ explicationem desiderant. Primum. Quod fuerit medicamentum, quo Rhafius ad vomendum vñs est? Dic. Multa sunt, quibus præsci ad prouocandum vomitum vñebantur, sed nullum fuisse elleboro magis vñratum, ex ipsorum doctrina patet aperte. Nam præterquam quòd hoc contumacibus morbis remedio est, ut lib. 2. in com. hist. 29. ex veterum mente demonstrauimus, quo loco huius medicamenti ope gloriatur Oribasius lib. 7. collect. cap. ult. vñcus cancrifum vacuato nigro humore persanasse, Hipp. lib. suo, de veratro, & lib. 4. aph. 13. & 14. in hunc vñsum illud summopere laudat, & alibi passim: & Gal. in com. & in lib. quos purgare conueniat, cap. 4. & aliis multis in locis, docet modum quo debet corpus præparari, antequam ad assumendum elleborum se accingat, & post eum docuere Principes, præsertim Paulus lib. 7. cap. 10. & Oribas. loc. cit.

Nam primò assuefaciendum est vomitioni leuioribus medicamentis celebratæ: corpora sunt perhumectanda priùs quiere, & cibo: sic enim corpus humidius factum, ab imminente conuulsione redditur immune, cui ex ellebori potu erat obnoxium, teste Hipp. 5. aph. 1. Secundò, iubet ut offeratur alimentis commixtum, ut sic minore cum violentia corpus alteret, & sic malo Cotoneo permixtum propinat, vel radículas oxymelise infusas, vbi elleborus maduerit, præbendas docet: ut iubent Dioscorid. lib. 4. cap. 134. Plin. lib. 25. cap. 5. Paul. lib. 7. cap. 10. Aëtius terrab. 1. ferm. 1. cap. 120. & eleganter firmat Ludouicus de Ouiedo lib. 2. meth. cap. 12. Neque enim nouum est apud Galenum, medicamenta offerenda esse ægris, cibis permixta; ita docuit Hipp. lib. de aliment. num. 4. dicēs: medicamentum in alimento optimum. Sequitur Galen. 13. meth. cap. 15. polypodium, & veratri corticem alimentis commixta propinans: idem facit Trall. lib. 12. cap. 7. Paulus lib. 1. cap. 14. qui melancholicis expurgantia medicamenta alimentis obuoluta præbere non dubitarunt.

Nec obstat huic doctrinæ elegans Hipp. contextus, ex ipso lib. de alimento, infra, dicentis: Medicamentum in alimento malum. Neque Paulus lib. 7. cap. 4. in princip. 5. Aloës drachma cum aqua mulsæ manè datur: qui vespere eam exhibent, aut secundum cibum, noxam inferunt, quippe alimentum in membra digerit, &c. Hoc est, ut notat Ianus Cornarius in com. corrumpit alimentum, vel hoc crudum adhuc & incoctum, in corpus distribuit. Nec obstat tertio Auicen. 4. 1. cap. 5. medicamenta ieiuno ventre assumenda imperans. Nam approbat medicamenta cibis permixta iam vacuata causa, alioqui impensè nocent; quoniam conuertuntur in cacochymiam: cibus enim ut sano robur, sic ægrotanti morbum, dicebat Hipp. lib. 7. aph. 67. Deinde alimentum crudum in corpus distribui nequit, si enim cum medicamentis simul deuoretur, cum illis concoquetur.

concoquatur. Auic. verò meritò non pasto ventriculo iubet assumenda medicamenta, ne ex adueniente pharmaco alimentum præexistens conspurcetur. Consule de hac re Donatum Sanctorum lib. 3. epist. 4.

Demum cum periculosum sit, citra præparationem corporis elleborum exhibere, ut docuit Gal. 6. epid. sect. 1. com. 6. & lib. 2. de fract. com. 27. eam imperabat Hipp. quiete, & cibo; illa enim ex accidenti, hic per se humectandi vires obtinet. Si verò Aërius *tetrab. 1. serm. 3. cap. 119.* attenuante victu præparat corpus, quam sententiam, videtur confirmare Gal. 2. de fract. cit. dicens, *antiquis fuisse iurissimum ellebori usum, quia cibi parsimonia, & victu tenui utebantur.* Dic, hunc esse offerendum, si ex crassitie, & multitudine humorum innatus calor suffocetur, & extinctionis periculum imminet. De vario modo præparandi corpus ad assumptionem ellebori, & de huius correctione, legendus Dioscorides lib. 4. cap. 55.

Secundò quæres. Qui sint inepti ad vomitum? Respondet Auic. 4. 1. cap. 11. multos esse, qui ex vomitu maximum incommodum perferunt. Habentes enim strictum pectus, ex vomitu in grauissimos morbos incurrunt, sicut ægrè spirantes, ceruice gracili præditi, proni ad sanguinis reiectionem, gutturis inflammationibus obnoxij, nam ij sunt paratissimi ad phthisim, ex Hipp. 1. epid. sect. 1. text. 18. Et sic per vomitum non debent euacuari, 4. aph. 8. firmat Oribasius 7. collect. 23. vomitus enim eum sit actio naturæ ventriculi contraria, ex Meluë in canonib. vniuersal. intent. 1. cap. 2. & contra illius institutum celebrata, & fortior alui deiectione, & in qua ipse ventriculus simul cum musculis intercostalibus vehementi motu monetur, septum transversum grauissimè opprimit, quo dilataro, ruptionis vasorum periculum imminet: ut hinc pateat ineptè expositores Auic. 4. 1. cap. 11. asseuerasse, huius euentus referendam esse causam ad gulæ dilationem, quoniam hæc non ita distendi potest. Gutturis inflammationibus expositi, vomitu sunt interdiciendi, quoniam ob vomitum distenditur pulmo, qui venam cauam, & magnam arteriam comprimit, è quibus quasi expressus sanguis, in partes superas, ut debiles promptè excurrit, & angina superuenire solet; argumento est, quòd post vomitum faciei color in rubrum permutatur, & caput grauiatur, quare post vomitum, crurum frictio ad reuocandum salubris est.

Stomacho imbecilles, à vomitu prohibendi: nam ex hoc vehementi motu ventriculus valde obleditur. Sed hoc videtur impugnare Auic. 4. 1. cap. 4. quo loco docet medicamentum solitum fieri vomitorium, propter ventriculi imbecillitatem: ergo stomacho debiles facile vomunt, nec ad illum inepti apparent. Dic, aliud esse promptitudinem, & facilitatem ad vomendum, aliud ex vomitu noxam contrahere; quare ventriculo debiles facile vomunt, de qua causa intelligendus Auic. cap. 4. de alia in cap. 11.

Num autem graciles, an obesi sint aptiores ad vomitum dissidium est apud auctores. Celsus lib. 1. cap. 3. inutilem docuit esse vomitum gracilibus: contra Hipp. 4. aph. 6. gracilibus utilem esse asseuerat. Dic, obesos esse ineptos ad vomitum; nam & habent exilia, & angusta vasa, quæ facile ob moros humores abrumpi possunt, & scatent humoribus crudis, qui hac vacuatione excerni possunt. Celsi verò sententia explicanda est de gracilitate morbosa, Hipp. autem de sana, est interpretanda. Neque obstat, quòd ibi Celsus tradat documenta sanorum: nam gracilitas illa morbosa intra limites sanitatis etiam consistere potest. Responde secundò cum Brasauolo in expositione sem. Hipp. Celsum esse intelligendum de gracilitate melancholica, qua ratione distabat Hipp. aph. 9. sequenti, *melancholicos plenius esse vacuandos per inferiora.* Hipp. verò exponendum esse de gracilitate biliosa; & sic graciles per superiora vacuari debent, non quia graciles, sed quia biliosi: posuit autem Hipp. verbum *graciles*, ut unico verbo, signum, & naturam corporum biliosorum comprehenderet. Solue tertid, quòd cum Hipp. suprà 2. aph. 35. asseueret purgationem per vomitum deteriore esse in gracilibus, quàm alui deiectione,

A ne aliquis arbitraretur nunquam esse in biliosis vacuationem per vomitum celebrandam, adiecit, *si facile vomant.* Celsus verò transfert Hipp. lib. de salubri diata, text. 15.

Hipp. 4. aph. 6. facile vomentes purgandos superius asseuerat, quoniam facilitas ad vomendum maximè optanda. Si contra Hipp. obiciat Auicennam, qui 4. 1. cap. 3. in parato ad Diarrhœam, non conuenire alui fluxum confirmat, & sic eadem ratione neque in facile vomentibus purgatio per vomitum videtur exercenda: Dic. Auic. voluisse, Diarrhœæ obnoxios, cautè & clementibus medicamentis esse vacuandos, quod præceptum obseruari debet etiam, in iis qui facile vomunt. Solue secundò, & fortasse melius, si dicas, aptitudinem illam esse duplicem: alia enim est morbosa, in qua semper purgatio per aluum prohibetur, ex Auic. 1. 3. tract. 4. cap. 20. Celsi lib. 1. cap. 3. alia est aptitudo sana, quæ potius promptitudo, & facilitas dici meretur, quam Medicus in omni purgatione contemplari debet, ex Hipp. lib. de medicam. purgantibus, num. 3. dicente, ægrum semper esse interrogandum de facilitate purgationis.

Ex qua doctrina constat, oraculum Hippocraticum verissimum esse, quo monet, difficulter vomentes purgandos esse per inferiora: nam ij vomitoriis exhibitis in grauius discrimen frequenter incurrunt. Sed cur mediocriter carnosos prohibet à vomitu cit. loc. Hipp. Dicunt plures cum Brachelio, & aliis in expositione illius sententiæ, per modicè carnosos, intelligendos esse modicè pituitosos, id est frigidos & humidos, in quibus caro mediocriter accrescit. Falluntur tamen: nam intelligendi sunt eucrati, id est, temperati, sicut verbum sonat, sic affirmante Gal. in com. hi enim licet per vtramque partem possint vacuari, commodius tamen per inferiorem ventrem vacuantur, ob ineptitudinem quam habent ad vomendum. Vgo enim in explanatione illius aphorismi eleganter, plurimas causas affert, ob quas fiant homines inepti ad vomitum. Prima, est ventriculi crassities, & robur. Secunda, debilitas expultricis. Tertia, pectoris angustia. Quarta, colli longitudo. Quinta, gracilitas venarum pectoris, & pulmonis. Vltima, dissuetudo.

Vtrum autem pueri, senes, & alij frigido temperamento præditi, & qui licet sano constant corpore, multa sanguinis copia redundant, à vomitu sint arcendi, ut voluerit Aërius *tetrab. 1. serm. 3. cap. 124.* Paulus lib. 7. cap. 6. & num æstate vtior sit vomitus quàm hyeme, ut Celsus docuit: & num hora matutina sit aptior vomitioni: & quæ præcepta sint obseruanda post vomitionem, Consule Cælium Rhodigin. lib. 2. 1. antiq. lect. cap. 9. Christoph. à Veiga lib. 2. art. medic. sect. 2. cap. 3. Mercat. 1. indicat. 9. Santorellum doctissimum lib. 1. 2. anteprax. à cap. 1. usque ad 5. & interpretes Auic. in locis dictis.

## QVÆSTIO XXXVI.

*Vtrum vomitus salubris sit, & an sit motus naturalis, animalis, an præternaturam, ut docuit Vallesius.*

## COMMENTARIUM.

**V**omitum.] Non erit arbitror indignum scitu, si ex viretis diuersissimis auctorum, præcepta aliquot de vomitu inspergamus, quòd floridiùs commentaria nostra arideant: nam summus Medicinæ Antistes lib. 5. de vfu part. cap. 4. summè extollit vomitum, quoniam ventriculus non habet à natura aliquid, quod eum ad pituitæ excretionem stimulet, sicut intestina ad quæ continuò confluit bilis, quæ acrimonia sua ad fæcalium recrementorum expulsionem ipsa proritat: maximè cum ventriculus sit mucosi humoris sedes, ac domicilium, in quo plurima recrementa naturaliter acervari solent. Conuenientissimus ergo fuerit vomitus vsus, singulis quibusque mensibus celebratus. Neque Celsus lib. 1. cap. 3. eum condemnat, dicens: *commoneo tamen, ne quis, qui valere & senescere volet, hoc quotidianum habeat.* Nam frequentem eius vsu condemnat, ne illi assueta natura, per alias ignobiliores

ignobiliores corporis regiones excrementitium hunc humorem emittere obliuiscantur. Sic in eodem cap. infra, purgationes frequentes condemnat, dicens: *Sed purgationes quoque, ut interdum necessaria sunt, sic ubi frequentes sunt, periculum afferunt. Assuescit enim non ali corpus, & ob hoc infirmum erit, cum omnibus morbis obnoxia maximè infirmitas sit.* Præcautionis ergo ratione vomitus est vtilissimus: nam humidioribus ter in mense, siccioribus verò bis vomere cõsuluit Hipp. lib. de diata: eius enim vsu ab omni immunditie exoneratur ventriculus, qui sentina est omnis impuritatis, ut lib. 2. in com. hist. 53. latè notauimus.

Nec obiciias, quomodo ad tuendam valetudinem tantoperè in simpliciter sanis, à Galeno, priscisque auctoribus, commendatur vomitus, sit temperati, quum tantum concoquant, quantum appetunt, excrementa vacuanda per vomitum non accumulent? Dic. Pauci temperati reperiuntur, & licet inueniantur, sæpe recta victus ratione non vtuntur, neque præcepta sex rerum non naturalium commodè obseruant; quare in iis sensum, ac sine sensu humor excrementitius in ventriculo excrefcit, qui vacationem per vomitum prærequirit: quamuis autem alantur victu selectissimo, hic tamen omni ex parte inculpatus non est, nec vniushmodi, sed partibus constat diuersis, quarum quædam terrestriores cum sint, vomitu sunt expargandæ.

Dubitabis secundò. Cur frequenter per vomitum, bilis, aut pituita vacuantur, non sanguis, aut melancholicus humor? Nimirum vel bilis sua leuitate ascendit, vel in ventriculo regenerata facillimè vomitu reiicitur. Sanguis verò per gulam non excernitur, immò ipsum supra ferri, malum, 4. aph. 25. cum enim superfluum, & nimia copia in corpore redundante natura per hæmorrhagiam, mariscæue euacuat; si verò in modica copia existat, cum tenaciter ad sui nutritionem reservat.

Sed cur melancholia vomitu non euacuatur, præsertim quæ à liene in ventriculum eructatur, ad retinendum alimentum, ex Gal. 5. de vsu part. cap. 4. ad iuuandam cõctionem, ex Auic. 1. 3. tract. 2. cap. 1. ad excitandam famem, ex Paulo lib. 3. cap. 49. cum enim frigida & sicca sit, astrictione sua contrahit ventriculum, cogitque alimentum amplecti, & acerbitate corrugat os ventriculi, & appetentiam mouet: nam quod ars lassamentis acerbis præstat ad excitandam appetentiam, id natura compensat, dum eractat à liene melancholiam in ventriculum; explicant Vallesius lib. 1. controuers. 20. Laurent. lib. 6. de hist. anatomic. cap. 26. Vnde si canalis obstruatur, & melancholiæ demandatio impediatur, fastidium sequitur; sicuti si in magna quantitate eructet, in ventriculoque abundet, ut in affectibus melancholicis, fames & appetentia augetur. 1. 3. tract. 2. cap. 7. Dic, quia sua grauitate deorsum tendit: in paruissima quantitate in corpore abundat: & in minima portione à liene ad fundum ventriculi eructatur.

Quæres tertio. An vomitus sit vacuatio naturalis, vel præter naturam. Galenus enim 2. de sympt. caus. 4. vomitiones, & tules inter symptomata refert; hæc autem præter naturam sunt. Secundò. Galenus 3. de sympt. caus. 2. asserit, ventriculum cum secundum naturam se habet, à supernis partibus ad sese trahere, ac per inferiores deicere; ex quo patet, vacationem per superiora, quæ per vomitum fit, esse ventriculo præternaturalem. Tertio. Gal. 5. meth. 1. docet, ventriculum ytrinque expurgari posse, sursum per vomitum, deorsum secundum naturam: ergo vacuatio sursum per vomitum facta, non est secundum naturam. Vltimò. Plurimi homines innoxie viuunt citrà vomitum; id quod neutquam facere possent citrà incommodum, si vacuatio naturalis esset. Ergo.

Pars opposita suadetur hoc modo. Vnicuique membro naturale est expellere noxium, quod fit per vomitum. Secundò. Gula habet duos vsus à natura, ex Gal. 5. de loc. 1. alterum deuorandi, alterum vomendi; & pro his vsibus duo habet instrumenta à natura affabrè concessa, ut cit. loc. & 3. de facult. naturalib. 8. retulit Galenus.

Et si in hac controuersia plura afferant argumenta iuniorum peritissimi; & Vallesius 5. contr. 1. in iis propo-

nendis multus sit, arbitreturque solutis vtriusque partis argumentis problematicè posse defendi: ramen commodius eam, sic dirimendam puto. Si naturale accipiat pro vtili, quemadmodum lib. de diff. feb. ult. & 14. meth. 14 aut pro eo quod opponitur artificiali, ut 1. aph. 2. accipit Galenus, vomitus potest dici vacuatio naturalis. Si verò naturale, dicat vsus partis potissimum à natura intentum, vomitus est euacuatio præternaturalis: præcipuus verò vsus à natura institutus, est attrahere per villos rectos tunicæ internæ, & expellere deorsum per villos transuersos tunicæ externæ.

Sed ut videas quàm sint varia auctorum & ingenia, & iudicia, plures solenter se extricasse rentur dubium, dum affirmant, in vomitione duo animaduerti, & actionem, & id quod actione excernitur: actio quidem naturalis est, utpote ab expultrice ventriculi facultate emanans, quæ vna ex naturalibus est, 2. de sympt. caus. 4. & passim alibi, & propter hanc actionem, Auctores vomitum naturalem appellarunt, ut doctè inter Latino-barbaros firmavit Nicolaus ferm. 5. tract. 4. cap. 51. modò effrænis non sit, aut quantitate immodicus, & in hoc significato dicebat Gal. lib. de sect. ad eos qui introducuntur, cap. 18. sudoris, urinae, & quidquid per aluum, aut vomitum ruit genus quidem non præter naturam est, multitudo tamen nonnunquam. Si verò id quod excernitur, consideretur, præternaturalis dicenda est; in hoc sensu dicit Gal. 2. de sympt. caus. 4. Vomitiones ad illud symptomatum genus esse referendas, in quibus causa præter naturam, ad huiusmodi functiones naturam irritat.

At si actio hæc accipiat pro opere à natura intento, vtili, & corpori accommo, vomitus dici potest actio naturalis: nam ut notat Ioannes Brauus doctissimus lib. 2. progr. 38. vomitus est vacuatio præter naturam ratione opificiorum quibus peragitur, eo quod os, gula, & reliquæ partes supernæ, ad ingerendum fuere à natura fabricatæ, infernæ verò ad egerendum.

Neque obstat, quòd 5. de loc. & 3. natural. cit. asseritur, ventriculum habere etiam vsus vomendi, cui tunica inseruit villos transuersos habens: nam huius potissimus vsus est, ut per inferiores partes expellat. Simpliciter itaque vomitus est vacuatio præter naturam, licet fiat operante natura: nam hæc non operatur liberè; sed coactè, ab aliqua causa præternaturali irritata; & sic actio hæc est præter naturam, ex Gal. 2. de caus. sympt. 3. circa fin. & cap. 4. in princip.

Altioris negotij est discutere, an vomitus sit motus voluntarius: nam multi pro imperio voluntatis euomunt; de iis loquitur Gal. lib. de motu liquidor. cap. 6. & hoc sufficit, ut aliquis motus voluntarius dicatur, ut constat ex 2. de motu musculor. cap. 7. & lib. 10. de vsu part. 9. Oppositum suadetur, quia nullus est musculus à quo fiat vomitus: omnis autem motus voluntarius operante musculo fit, ex Gal. 1. de motu musculor. 4. & 1. de placit. ult. & 1. de loc. ult. & sic Auic. 1. 1. doct. 5. cap. 14. ut doceat motum linguae quo foras pellitur, esse voluntarium, assignat musculum quendam per quem fiat. Addit Fernel. lib. de part. human. corpor. descript. cap. 5. præter musculor. linguae octio, nonum dari, qui linguam contrahit, atque reducit, & qui laxatus atque porrectus eâ exerat, & foras expellat, quod cæterorum musculorum nulli datum est, ut motuum sit opifex contrariorum. Hæc tamen sententia recipienda non est: nam ope vnius musculi lingua extorsum, & introsum non mouetur, quoniam his contrariis motibus, duo adsunt musculi ab interiore mento pronati, ut probat Laurentius lib. 5. de hist. anatomic. cap. 18. repetit lib. 9. cap. 18. cuius opinionem multò antea firmauerat Galenus 10. de vsu part. 9. & 12. eiusd. cap. 8. & lib. 1. de motu musculor. 3. docens partes voluntario motu præditas duobus ad minimum egere musculis sibiipsis oppositis altero extendente, flectente altero. Deinde ex Gal. supra citatis locis, operatio musculi est contractio versus suam originem: ergo idem musculus non potest linguam contrariis motibus mouere.

Vgo lib. 1. aph. 2. concedit quosdam vomere voluntariè, sed non vomere operante ventriculo, sed operantibus musculis abdominis ventriculum comprimentibus.



Dic etiam in his qui videntur liberè, & voluntariè vomere, vomitum non esse motum voluntarium, nec esse operationem facultatis animalis: licet enim ob conceptam præcedentem imaginationem ad vomitum prouocentur, & illa facultas animalis sit; tamen quatenus ad causam coniunctam attinet vacationis illius, vomitus nunquam erit motus facultatis animalis, sed naturalis: nam perpetuò emanat à facultate aliqua irritata, vel ab aliquo prauo humore in ventriculo contento, vel ob aliquam conceptam imaginationem, quæ molestare, & interturbare ventriculum nata est, quod sæpe contingit. Qui itaque voluntariè videntur vomere, mediam constitutionem seruant, inter illos qui perpetuò vomunt, nihil in ventriculo retinere potentes, & illos qui nunquam vomunt.

## QVÆSTIO XXXVII.

*Vtrum secundum Galeni doctrinam, in morbis sit constituenda causa continens, ut contra eum Curtius, Leoniceus, Fuchsius, & alij confirmant.*

## COMMENTARIUM.

**C**ausam continentem.] Celeberrima quæstio est, in qua explicanda non adhuc capiti dissensio finem: Vtrum in morbis secundum Galeni doctrinam sit assignanda causa continens. Video enim in eius explicatione Neotericorum Antesignanos longè discordes. Concedunt Valeriolæ lib. 6. enarrat. 1. & 3. loc. commun. 3. Argentæ lib. 1. de caus. morbor. c. 9. Fernel. lib. 1. patholog. 11. Contra opinantur Matthæus Curtius, Leoniceus, & alij, quos refert Marcus Antonius, in suis quæstionibus à quæst. 5. usque ad 9. quorum votum amplectitur Fuchsius lib. de caus. morbor. c. 2. in fin. & lib. 2. paradoxor. 1. Alij causam continentem in morbis concedunt, qui in generatione suam essentiam habent, in permanentibus autem negandam esse assueverant; de quorum numero sunt Cardanus lib. 1. contradiç. tract. 4. cont. 14. Ioan. Langius lib. 1. epist. 15. Mula lib. 7. aph. 30. Thom. à Veiga lib. 1. de loc. in com. c. 3. Sed auctorum sententiis relictis, partem affirmatiuam confirmabo, difficilem viam aggressus, quum post tot celebres viros meam promere sententiam audeam, quare litus potius legens, ac optans, elephantum more, (qui etsi amnis delectentur impensè, eos temerè non ingrediuntur, ceu natandi inscij) hanc cautè arduam prosequar navigationem.

Et primò sic. Non solum morbi, sed omnia quæ apud nos sunt, suæ generationis, ortusque causam obtinent. Sed continens causa est illa, quæ in rei generatione suam essentiam habet, ex Galen. lib. aduersus Iulian. cap. 6. Ergo non solum morbis, sed rebus omnibus genitis causa continens tribuenda videtur, & maximè si per continentem; causam formalem intelligamus; propriè enim forma est quæ rem ipsam continet, & cuius ablatione confestim tollitur.

Secundò. Si de efficiente causa sermo sit, minùs etiam negari potest: nam continens causa, quicquid illa sit, eadem omnino est, ac coniuncta, lib. 1. de sympt. caus. 5. Sed in vnaquaque re producta datur proxima, & coniuncta causa sine medio producens: aliàs enim daretur causarum processus in infinitum. Ergo & in morbis, & in reliquis omnibus continens admittenda est.

Tertiò. Vrinæ suppressio, meatus obstructio, ex lib. de diff. morb. cap. 7. ægritudo est; sextus digitus similiter, in numero addito: cessant tamen ablato humore, lapide obstructe, & sexto digito superabundante; & putrida febris sublato ex toto humore non amplius durat. Neque enim concipi, aut intelligi potest, quòd febris remaneat, & cuius speciei illa sit, vbi vniuersus putridus humor (in cuius putredine, & calefacto esse putrida ipsa febris consistit) fuerit euacuatus. Confirmaturque, quoniam cum sæpe putrida febris finiatur crisi, & hæc repentina sit ad salutem, vel mortem mutatio, repentè purgato pericrisim humore, cessabit confestim febris, & consequenter sanitas consequetur. Ergo,

Lib. III.

**A** Quartò. Nonnulli morbi fientes, & qui per consensum fiunt, solius causæ remotione, & curatione earum partium cui consentiunt, sanantur, ut constat ex Galen. lib. 1. de loc. affect. cap. 2. quia saltem ij morbi habent causam continentem.

Quintò. Galenus lib. 1. de caus. puls. cap. 1. non solum in pulsu, sed & in omnibus rebus continentem causam agnoscit, & in morbis quidem lib. definit. & lib. 1. de caus. sympt. cap. 1. de stupore agens, dicit causam continentem stuporis esse morbosum affectum, vel obstructionem. Et 1. de caus. sympt. cap. 2. 2. aph. 22. & 2. prog. 44. & lib. 7. aph. 30. & lib. aduers. Iulianum, c. 6. quibus subscripsit Celsus in præmio.

Sed ut in hac explananda antinomia optatum conseruari finem, obseruare debes primò causæ continentis nomen, prout refert Galen. contra Iulian. supra relatum, & compend. de pulsibus, Stoicorum fuisse inuentum, quorum Princeps fuit Zeno, duas rerum omnium causas constituens; materiam scilicet, & Deum per omnia permeantem, & omnia penetrantem, quem ipsum esse propriam rerum causam continentem asserbat, quòd supera omnia contineret, gigneret, augeret, perficeretque. Hinc Arist. lib. de mundo, ad Alexandrum: Verus, inquit, fama est, & hereditaria, vniuersa à Deo, & per Deum nobis esse constituta. Vnde dicebant veteres omnia esse Deorum plena, nimirum quoniam opinabantur nihil posse in orbe propria forma consistere, sed esse necessarium ab aliis sustineri, ac conseruari.

Alij verò eiusdem sectæ ad inferiores causas descendentes, crassa corpora ab aliis tenuioribus illa occupantibus, & permeantibus conseruari, & contineri existimabant, quibus continentis causæ nomen imponebant. Sic aquam, terram, & reliquas mundi densas, crassasque partes, per se totas ab igne, & aëre penetrari credebant, & ita ab illis occupatas manere, & durare, tanquam à sua continente, & conseruante causa; & non aliter ignem, & aërem ab æthereo quodam longe tenuissimo spiritu. Sed cum huiusmodi corporum penetratio à nullo sapientum admittatur, non est cur in refutanda opinione Stoicorum immoremur.

Alij Herophili dictis de quo Galen. lib. de plenitudine, cap. 3. persuasi, contendebant necessarium esse, dari aliquid quod contineat, diuersum à suo contento: sed quicquid illud esset ignorare fatebantur: quoddam tamen causæ genus dari affirmabant in quibusdam apparentibus rebus, quæ tantam coherentiam, & affinitatem cum suo effectu habent, ut data quacunque in causa mutatione, confestim effectus ipse mutetur, ita ut ea posita statim ponatur, & sublata auferatur effectus, quo pacto se habet luminosum corpus ad lucem.

Arabes autem sequuti, qui ultra antecedentes febriam causas, alias coniunctas posuit, continentem cum coniuncta confuderunt, appellantes causam communem sine medio producentem coniunctam, vel continentem: de quo argumento legendus eruditissimus Santorell. lib. 2. Antep. pract. cap. 6. licet verò Gal. lib. 1. de caus. sympt. lib. 5. idem sentire videatur; longè tamen diuersæ censendæ sunt continens, & coniuncta, ut paulò infra constabit, & notat Petrus à Fonseca, Philosophus eximius lib. 5. metaphys. c. 2.

Obserua secundò, non satis inter Medicos constare, in quo causæ continentis ratio, & essentia consistat. Plurimi existimant in eius essentia duo hæc includi, ut ea præsentente ponantur, & desinente eualescant effectus, prout definitur lib. finition. medicar. & lib. introduct. cap. 8. idemque ex eo colligunt, quoniam si causa continens in generatione suam essentiam habet, hoc est, in agendo, & generando, prout ex Galen. dictum est lib. aduers. Iulian. cap. 6. & compendio de pulsibus, planè vbi illa adfuerint, effectum adesse necesse est, & e contrà; alioquin actio sine termino daretur. Idem expressè videtur ab ipso Galeno significari, prædicto lib. aduers. Iulian. cap. ultim. vbi ait, nullam aliam continentis causæ rationem posse reperiri, quàm quòd ab ea aliquid fiat, & cum ea pariter cesset; idque ipsum colligere nituntur ex Galen. 1. de loc. cap. 1. quo loco causam continentem definiisse credunt, dum dixit

id quo tangente tangimur, & quo separato statim cessat effectus, causam esse, apud omnes in confesso est.

Sed non videntur duo illa necessaria ad causæ continentis rationem, sed alterum tantum, nimirum ut ea ablata effectus auferatur, ita ut nec momento temporis possit perdurare: id quod confirmari potest, quoniam, ut ex Gal. constat, 1. de caus. puls. cap. 1. facultas, usus, & instrumentum, tres sunt continentes causæ pulsus, & ramen unaquaque illarum posita non statim ponitur pulsus, quoniam ut fiat, necesse est omnes tres illas causas coire; quæcunque tamen ablata cessat: ergo, &c.

Nec aduersantur Gal. loca in contrarium adducta: nam lib. def. & introd. (præterquam quod cum quibusdam potest dici non esse Galeni) latius accipitur causæ continentis nomen, quàm propriè usurpatur; quemadmodum latè etiam usurpauit Celsus, quamcunque causam abdiram, continentem appellans, quum tamen strictè sumpta illud tantum importet quod diximus. Habere autem suam essentiam in generatione, nihil aliud est quàm necessariam esse, & requisitam ad hoc ut effectus generetur. Cap. verò ult. aduers. Iulianum, dum inquit de ratione continentis esse, quod ab ea aliquid fiat, non ponit necessitatem effectus ad causæ absentiam, sed potiùs ablationem ipsius effectus ad causæ absentiam: perinde enim est, ac si dixisset, causa continens est causa in qua pariter tollitur effectus: causæ verò definitio est quod ab ea aliquid fiat; idque Galenus voluit significare lib. 1. de loc. affect. c. 1. & non causæ continentis, sed causæ in communi notionem explicare: quamvis enim continens causa sit id à quo aliquid fiat, & in generatione suam habeat essentiam, & ea ablata auferatur res, falsò tamen dicitur, quod causa posita necessariò ponatur effectus: nam vitalis facultas pulsus efficit, & ad eius generationem concurrat, demum & cum ea simul tollitur pulsus ipse, nec tamen necessariò ponitur, ipsa facultate posita. Quapropter ea tantum dicenda est causa continens, qua ablata effectus auferatur, nec ampliùs duret, existatue.

At obiicies contra sententiam Galenum, qui in compendio de pulsibus, cap. 9. causas à se dictas continentes, generationis, non subsistentiæ causas esse asseuerat. Ergo magis videtur esse de ratione causæ continentis, ut ea præsentem effectus detur, quàm ut ipsa absente auferatur; quæ quidem res per generationem producantur, & sunt, & non desinunt existere ad absentiam illius, quod suæ existentie non est causa. Dic, Galenum tantum velle continentem causam, licet causa efficiens sit generationis, non dare tamen semper existentiam simpliciter, quoniam eam non habent illa quibus ipsa continens conuenit; sed tantum existere, & essentiam possidere dicuntur, dum fiunt, & generantur. Producantur itaque res, & sunt per generationem, eo modo quo illarum conditio, & natura patitur: quæ verò sunt hæc, subsequenter explicabitur.

Obserua tertio, quod licet omnia quæ apud nos reperiuntur, causam aliquam sui ortus, generationisve habeant, suamque essentiam aliunde obtineant, iuxta illud vulgare, *nil sine causa fit*: postquam tamen à suis causis esse receperunt, per se ipsa, constitutione sua se tuerentur & conseruant, nec causæ à qua producta fuerunt, auxilio opève indigent, ad hoc ut conseruentur, & durent. Alia verò è contra, non modò in generando aliunde manant, & pendent, sed tam fragili, fluxa, & caduca natura sunt prædita, ut nisi à sua causa perpetuò influxum recipiant, protinus aboleantur, desinantque esse: Ex quibus priora appellantur permanentia, posteriora successiua. Successiuorum verò duo sunt genera; quædam enim suam essentiam, suamque partes iunctas simul obtinent, & earum integritate fruuntur: alia non, sed illas successiuè tantum, hoc est, vnâ post aliam recipiunt & possident; hæc cum consistant partibus quæ iunctæ non dantur, sed aliæ aliis succedunt, continua egent causæ actione; quoniam quamdiu illa agit, producendo semper partes de nouo, quæ simul dari non possunt, in hoc genere rerum durant ipsæ, pereunt verò & abolentur cessante causa, huiusmodi sunt motus omnes, tempus, locutio, deambulatio, &c. Demum & omnia quæ tantum, dum fiunt & generantur, essen-

tiam suam possident, de quibus Galen. sæpe relato libello compend. de puls. 9. Illa autem priora, licet partes omnes suas iunctas habeant, tam fragili tamen natura, & conditione constant, ut nullo tempore permaneant, & durent, ad suarum causarum absentiam.

His præhabitis, sit prima conclusio. Nulla res permanens causam habet continentem. Successiua tamen tam primi, quàm secundi generis habent. Hæc ex primo præmissis satis manifesta est, & paulo post magis confirmabitur. Secunda conclusio. Cum inter morbos, quidam permanentes res sint, alij, successiuæ, in permanentibus causa continens non datur, in successiuis autem sic. Secunda pars, ex prima conclusione apertè deducitur. Prima verò in hunc modum explicatur. Nihil potest simpliciter denominari, nisi ab eo quod factum est iam, & essentiam suam habet productam, suisque partibus constantem, ex Arist. lib. 5. physicor. c. 1. non verò ab eo quod fit, & quamdiu non est, 4. topicor. cap. ult. Sed morbus est affectus quidam, seu dispositio secundum suam essentiam corpus denominans; calidum enim, vel frigidum, humidum, vel siccum iuxta ægritudinis speciem denominatur, & denominari debet ægru corpus, 2. topic. 5. Ergo morbus de genere est illarum rerum, quæ suam essentiam productam habent, & minimè quoad fieri à causa pendente. At cum non omnia quæ suas partes iunctas habent, suamque essentiam productam, per se ipsa se tueantur & conseruent, quod proprium est permanentium, ut diximus; sed quædam propter fragilitatem, & caducam quam habent naturam, continuo producentis causæ influxu indigeant, & hoc ipsum inter morbos reperiatur, sit ut morborum quidam, permanentes sint res, alij verò, successiuæ, secundi quidem, non primi generis successiuarum: nam cum primum in nullo instanti essentiam suam integram habeant, & completam, non possunt denominationem corpori dare, quod ad morbum requiritur,

Dari verò utrumque morborum genus, colligitur primò ex Gal. lib. 1. de loc. c. 2. dicente, in morbis ablata causa adhuc dispositionem permanentem dari, quæ morbus est: quod tamen de omnibus intelligi non potest, sed de his quæ de genere permanentium sunt. Idem innuit lib. art. medic. cap. 89. & 2. aph. 22. & 8. meth. 1. & lib. 11. cap. 4. ubi in febrium putridarum curatione causam iubet auferre, deinde intemperiem curare, nimirum quoniam cum putridæ febres morbi sint in genere permanentium, remota ablatæque causa adhuc durant, & perseverant.

Esse autem morbos nonnullos de numero successiuarum rerum, constat: Galenus siquidem lib. de diff. morb. c. 7. obstructionem appellat morbum, pupillæ dilatationem, manus extensionem, & flexionem, quæ tamen omnia per se non durant, sed ad causarum præsentiam; quantumvis producta sint, & suam essentiam integrè possideant. Nec obstat quod Galenus 1. meth. 3. & de diff. sympt. cap. 1. & lib. 1. de loc. affect. cap. 3. significare videtur, morbum omnem de genere esse permanentium; illud enim constituit discrimen inter passionem, & morbum; quod passio cum motus rei sit, tunc solum habet esse, cum sit, alteratur, & mutatur; ac propterea fluxum quidpiam est, mobile, & imperfectum, ac veluti ad affectum via, morbus autem permanens quoddam fixum, stabile, perfectum, & passionis finis. Non (inquam) obstat, quoniam tantum significat, passionem, cum motus sit, solum durare dum res mouetur, & alteratur: at verò morbum cum terminus sit passionis, ea cessante permanere adhuc, siue illud habeat esse, quod proprium est permanentium rerum, siue ad causæ præsentiam; quæ successiuarum. Itaque cum permanentiam ad morbum, vel sanitatem vult, durationem intelligit. Quod verò morbi illi, quos inter permanentes numeramus, continentem causam non habeant, constat ex Galen. loc. supra adductis, ubi causa ablata iubet ad remanentem morbum respicere; & pater in diaria febre, quæ independens est à causa producente; & in hectica, quæ ex se fixa est, & habituata: quidquid verò permanet sua causa subtracta causam continentem non habet, siquidem illa est ad cuius remotionem abolefcit, & perit effectus.

Deinde

Deinde, nulla res quæ per morbum producit, potest A  
repente, & momento temporis corrumpi ad alterius rei  
corruptionem. Sed morbi v.g. intemperiei, quos perma-  
nentes nos dicimus, motu, & alteratione acquiruntur.  
Ergo ad suarum causarum ablationem, cessationemve,  
repente non auferuntur, & ex consequenti causam con-  
tinentem non habent. Cum vero alij morbi instar suc-  
cessiuorum primi generis, absque alia sui corruptione, ad  
remotionem causæ euascent, merito illis causâ continens  
tribuitur. Ergo sumendo febrem pro materiali, id  
est, pro calore, ut à Medico accipitur, nullam habet con-  
tinentem causam, sicut nec frigidi morbi, nec solutio  
continui: habent verò extensio, vel flexio manus, pupil-  
læ dilatio, tumefactio membri, obstructio à lapide, ad-  
ditio sexti digiti, &c. Nimirum quoniam causarum abla-  
tione, auferuntur repente, & cessant morbi illi, absque  
alia sui curatione. Idem etiam dici potest de febribus, &  
omnibus aliis morbis, si non materialiter, sed formaliter  
sumantur, id est, pro dispositione primæ speciei qualitat-  
is, resultante ex calore, vel frigore aucto, ut morbus à Philo-  
sophis accipitur; tunc enim omnibus liberè causâ con-  
tinentem concedi potest.

Sed contra hanc doctrinam obiicies hoc modo. Causa  
continens in generatione tantum suam habet essentiam,  
tantumque illis rebus conuenit, quæ existere dicuntur  
dum fiunt. Sed successiua illa primi generis, fientia non  
fuit, sed facta, & secundum se tota producta, nec succes-  
siuè generantur. Ergo licet inter morbos nonnulli repe-  
riantur, qui res successiue sint illius generis, nullus ta-  
men habet causam continentem. Dic, quod licet successi-  
ua primi generis, in sua generatione essentiam suam si-  
mul, partemque ex quibus illa integratur, iunctas conse-  
quantur, ac propterea in quadam significatione factum  
quidpiam dicantur, quia scilicet secundum se tota produ-  
cta sunt; cum tamen non dicantur esse simpliciter, & ab-  
solutè, & aliquando per se consistentiam habeant, sed ita  
à suis causis oriuntur, & pendeant, ut iis ablatis confestim  
cessent, merito, & maxime propriè postquam sunt, fientia  
dicuntur, quemadmodum illa quæ successiue gignuntur,  
de quibus Galenus lib. 1. de loc. affect. cap. 4. & 8. meth. 1.  
dicens: *at si in generatione febris est, solius causâ ablatione  
cessat.*

Ex quibus ita constitutis, non erit operosum soluere  
argumenta, in limine quæstionis adducta. Ad primum,  
admissa maiori dicendum est, quod licet continens causâ  
sit generationis, ac propterea ex Galen. compendio de puls-  
ibus, nulla alia detur prior; ut ex eo tamen ibidem constat,  
non quidquid generationis est causâ, illud etiam conti-  
nens est: unde licet omnia quæ apud nos sunt, sui ortus  
obtinant causam, non sequitur proinde omnia continen-  
tem habere; haberent tamen si per eam, formalem in-  
telligeremus, cuius ablatione res ipsa procul dubio tolli-  
tur: verum nobis de efficiente est sermo.

Ad secundum. Si eadem esset continens, & coniuncta  
causâ, non modò in morbis, sed in rebus omnibus, illa  
concedenda foret: necesse siquidem cuiusque rei causam  
proximam quandam, & coniunctam dari, à qua sine medio  
produratur, ne causarum processus trahatur in infinitum.  
Esse verò diuersas diuisiones coniunctæ, & continentis  
causæ, vel ex eo constabit, quod cum in omnibus coniun-  
ctam, immediatamque causam admittamus, paucissimis  
continentem tribuimus. Nec aduersatur Galen. 1. de caus.  
sympt. cit. ubi asseruisse videtur, eandem omnino esse con-  
iunctam & continentem causam: cum enim ibi ageret  
de causâ cuiusdam symptomatis, torporis scilicet, seu stu-  
poris, proculdubio continentem habet, absentiam scilicet  
sensitivæ facultatis, & spirituum animalium: Cumque  
causâ quæ est continens, eademmer sit coniuncta, placuit  
aut continuam, aut continentem dicere.

Ad tertium. Nihil mirum si urina suppressio, meatus  
obstructio à lapide, sexti digiti additio causam habeant  
continentem; siquidem de numero rerum sunt successi-  
uarum, in quibus illam concedimus: in putrida verò de-  
negamus, qui morbus est ex permanentium numero, qui-  
que causâ ablata adhuc permanet, & durat, ut patet ex

A c. 89. lib. art. medic. & aliis locis supra citatis. Pro cuius ma-  
iori explicatione sciendum est, in febris putrida, quæ mor-  
bus fiens dicitur, quoniam partem factam habet, partem  
verò futuram fieri, tria posse considerari, præter putridum  
ipsum humorem: intemperamentum scilicet factum &  
productum, quod quidem verè morbus est; deinde futu-  
rum fieri, quod durans & stabile non est, sed motus qui-  
dam & passio; tandem & putridi adiectio. Sublato ergo  
ex toto putrido humore, futurus ipse fieri confestim eua-  
nescit, simul & adductio putridi, quoniam passiones quæ-  
dam erant, & quidpiam successiuum, à putrido humore,  
tanquam à causâ continente dependens. At verò calidum  
intemperamentum factum & productum, hoc est febris  
ipsa, quæ permanens est dispositio, quantumvis auferatur  
humor, manet & perseverat, nec causam habet continen-  
tem: continetur verò huiusmodi febris sub putrida, licet  
iam non adsit putredo, nec humor putridus; quoniam ut  
putrida dicatur, sufficit quod à putredine ortum, depen-  
dentiâque habuerit, (dummodo iam aliud febris genus  
non constituat: hæctica enim à putrida orta, putrida non  
est dicenda) quemadmodum etsi ros, vel aliqua ex humi-  
ditatibus ab Arabibus inueniuntur, ex diaria febris ebulliant,  
sub diaria continetur; si ex putrida, sub putrida; propter  
quod dixit Auerrhoës, 3. collect. cap. 4. duplices esse putri-  
das febres, quasdam ex humoribus, alias ex tertiâ coctio-  
nis humiditatibus.

Sed merito dubitari potest, quomodo remanere queat  
humoralis febris, humore ex toto euacuato, vel alia quæ-  
cunque: nam si ratio humoralis febris consistit in calefa-  
cto esse humorum, proculdubio illis ablatis auferetur  
etiam calor in ipsis existens, atque non potest intelligi,  
quod remaneat genus aliquod febris, nisi concedamus da-  
ri semper febrium complicationem, quarum una ablata,  
alia remaneat. Dic, quod licet, ut detur febris, requiratur  
aliquid contentorum in corde positum in calefacto esse,  
quoniam alioqui non dabitur calor durans in corpore;  
ipsum tamen calefactum spirituum, vel humorum non  
est febris ipsa, sed aliquid reale lædens functiones distin-  
ctum ab humore, & spirituum calefactis, scilicet calor im-  
modicus membrorum, cui conuenit nomen morbi, qui-  
que permanet & durat: & sublatis humoribus calefactis,  
quoniam calor res permanens est, cumque in eo febris  
ipsa consistat, quæ calida est dispositio totius, ultra humo-  
ris vacationem, peculiarem requirit prouidentiam.

Quinimò aduerte, quod licet febris consisteret in cale-  
facto esse spirituum, vel humorum; & huiusmodi esset  
febris subiectum; non sequeretur adhuc febrem habere  
causam continentem, quantumvis ad illorum remotionem  
confestim cessaret, quoniam non auferitur ad abla-  
tionem causæ efficientis, de qua loquimur; sed ad defini-  
tionem subiecti, quo pacto pereunt, & euascent omnia  
accidentia, & de genere permanentium, & quæ causas  
continentes non habent.

Minus obstat, quod purgato per crism humore confes-  
tim cessat febris; nam illud confestim non ita accipien-  
dum est, quasi subito, & temporis momento euacuato hu-  
more desinat febris, sed intra vnum, plus minusve diem,  
ex Gal. 2. prorrh. text. 17. ac proinde non sequitur habere  
causam continentem: nam ubi illa datur, ita cum effectu  
cohæret, & è conuerso, ut ne momento quidem temporis  
diuelli patiantur, quemadmodum se habet fulgor ad so-  
lem, ad cuius absentiam nullo tempore manet, licet ali-  
quando permaneat calor ab ipsomet sole productus, ut  
ait Gal. lib. 7. de placit. cap. 9.

Ad quartum. Non consideratur Medico tanquam  
morbus, id quod particularem prouidentiam non requi-  
rit: quare cum effectus illi per consensum, adhuc à cau-  
sâ pendeant quoad fieri, & ea ablata cessent, morbi non  
dicuntur, sed passiones, quibus continentem causam  
non negamus. Denique ad Galen. 1. de caus. puls. dic,  
illum non asseruisse in omnibus rebus, cuiuscunque ge-  
neris illæ sint, prædictam causam inueniri, sed in omni-  
bus aliis posui (de quo ibi) similibus, id est successiuis,  
quod potest intelligi lib. finit. & in lib. introduct. & lib. de  
sect. cap. 7. vel quod causam continentem latè accipit,

per eam intelligens antecedentem, quæ nonnunquam ab antiquis confundebantur, & continens ipsa improprie, & late accipiebatur, quemadmodum à Celso relato. Quod si Gal. ipse 2. *metb.* 3. tumores, quos diximus esse de numero rerum successuarum, & causam habere continentem, numerat inter res permanentes, in quibus prædicta causa non datur, illud est, quoniam in tumoribus considerari possunt intemperamentum, solutio continui, simul & tensio ipsa; cum verò intemperamentum, & solutio continui de numero permanentium sint, ratione illorum dicitur tumor nonnunquam res permanens; aliquando verò successiva, ut *lib. aduers. Julian.* ratione tensionis, quæ à replente humore pendet. De quo argumento si fortè plura requiris, adi Valles. 4. *com.* 3. *Suarium part. 1. metaphysic. quest. 17. sect. 1.* qui de causarum differentiis inter omnes elegantissime disceperat.

## HISTORIA XXVII. AETII, De sphincteris resolutione.

Sphincteris resolutio curatur, ob quam alui excrementa inuitè fluebant.

**I**nestino rectè resolutio omnino, inuoluntarie stercora excernuntur. Ego verò etiam aliquando acopon (lassitudinem eximens) ex euphorbio paratum dilutum, per clysterem cum fœnugraci decocto immisi, & bene successit, & c. *Aetius* tract. 2. *serm.* 2. *cap.* 36. de intestini recti resolutione.

### PARAPHRASIS.

**Q**uam necessarium sit ad curationem morborum, & eorum præsertim qui per consensum fiunt, locum primariò laborantem cognoscere, docet Galen. *lib. 1. de loc. c. 6. & 4. de loc. 5.* & historiis appositis confirmat, quas nos *lib. 1. histor. 48. & lib. 2. hist. 147.* explanauimus, & hoc loco vberiùs explicabimus. Hoc ipsum ex præsentī historia expressè colligi potest: nam nemo exactam notitiam potest comparare, nisi in anatomica disciplina sit apprime exercitatus, & maximè in musculorum neruorumque dissectione, ut locum affectum agnoscere possit; solus enim hic accuratè callebit cuiusnam musculi, nerviue actio fuerit deperdita in parte, nulla interim noxa ipsam infestante, & tantum ob spiritualementem, incorporeamve facultatem mutatam. Accidit enim plerumque ut musculi actio pereat, sine eo quod eius corporalis essentia aliquo morbo vexetur, sed tantum quia per neruum vis non accedit, ac proinde necesse est cognitos habere ex dissectione, neruos singulis partibus inferuientes, & illorum origines, ut sedem primariò affectam venemur, & sic possit illi applicari auxilium.

Ergo cum fæces in hoc ægrò inuoluntariè excernerentur, resolutis musculis intestini recti, fortè ob obstructionem ex humore crasso, & pituitoso pronatam, vel intemperamentum frigidum ex refrigeratione aliqua externa inductum, ut balneo frigido, submersione in frigida aqua, ut sæpe natatoribus contingit, & sic influxum à cerebro non reciperent, impedita videlicet via, per quam deferretur facultas ad sentiendi, mouendique organa, factum est ut medicamentis calidis malum consanesceret.

Ex tribus musculis ani, vnum esse orbicularem qui sphincter appellatur, in extremo recti intestini positum, latum potius quam crassum, fibris transuersis constantem, peritissimi anatomici docuere. Hic fæces detinet, ne nobis exeant inuitis, constrictorque appellatur, & cum spinæ iunctus sit, nec ab interna solum causa possit resolui, sit ut frequenter præcedat externa aliqua occasio, ut ictus, refrigeratio. Quæ occasiones dignoscuntur etiam referente ægro: & ex eo quod vbi ex ictu noxa accedit, non vnica tantum pars offenditur, sed plures, quoniam scilicet cum ictus ad profunda penetrat, in quibus plures nervi simul coniuncti sunt, & disseminati, & non vnicus tantum, sed plurium musculorum, multos simul contundit

A & offendit: vulneratus verò musculus ex eo resoluitur, hoc est, mouendi actione priuatur, quoniam ad ictum generatur phlegmone, ex qua postea in scirrhum mutata, sequitur in neruo obstructio, & in musculo resolutio.

At verò vbi externa causa est refrigeratio, cui nervi suapte natura frigidi obnoxij sunt, vna tantum, non plures partes simul læduntur, quoniam cum frigus non ita penetrat, sed tantum musculos cuti viciniore potissimum attingat, sequitur noxa solum in illo, qui magis sublimis est, magisque cuti propinquus, cui potissimum accedit frigiditas, atque ita ex varietate læsarum partium, non mediocri etiam elicitur coniectura, ad mali causam discernendam: nempe si vnica tantum læsa appareat, suspicio incidit refrigerationis, dummodò ea vniuersale principium non occupauerit.

B Cum ergo frigus lædere soleat musculos, qui potissimum in corporis superficie sunt, & quibusdam ægris quos Gal. *loc. cit.* retulit, resolutus sit à frigiditate musculus, qui extremam recti intestini sedem ambit, ut huic ægro etiam contigit, de quo scripta est historia hæc, sit ut frigidam intemperiem contrariis remediis corrigere sit necesse, de quibus infra.

Sed dubitabis, quo pacto resolutio intestino recto, alui excrementa excernantur inuitè, si hæc generantur in intestinis tenuibus, ex Gal. 3. *de facult. natural. c. 7.* vbi disputans aduersus Asclepiadem, qui putabat nullam fieri in ventriculo coctionem, hac ratione vsus est, quod fieri non possit, ut panis nisi concoquatur in ventriculo, fiat subito in intestinis tenuibus stercus. Idem videtur voluisse eodem *lib. cap. 12. ad fin.* Patet, quoniam si hæc excrementa non generarentur in tenuibus intestinis, sed in

C ventriculo, eadem symptomata efficerent quæ efficiunt in lethalibus voluulis, in quibus dicit Gal. *lib. 7. aph. com. 11.* stercus ascendere ad stomachum; quare quotidie homines fierent ileosi, singultirent, & vomerent, quod absurdum est. Præterea si generarentur in ventriculo, non esset necessarium quod de ileo scribit Galen. 3. *de natural. facult. cap. 13.* nempe in hoc morbo non posse stercus exire per os, nisi prius transeat totum tenue intestinum, pylorum, ventriculum, ac gulam: nam si in ventriculo generaretur, posset illico per ventriculum excerni: non generatur ergo nisi in intestinis.

Verum ex Galeno, & rationi magis consonum videtur asserere, in corpore naturaliter disposito, stercoris formam substantialem acquiri in ventriculo, licet separatio illius à chylo fiat in intestinis, simul cum acquisitione accidentalium dispositionum, nempe coloris, odoris, & figuræ, quibus stercus à chylo discernitur. Hæc posterior pars ab omnibus conceditur, ut explicat Valleriola *lib. 3. loc. com. cap. 2.* Prior auctoritate Galeni fulcitur, 4. *de vsu part. cap. 1.* vbi docet in ventriculo fieri separationem partium nutritioni ineptarum, à partibus benignis, & alendo idoneis. Præterea illud etiam habet expressè Auic. 16. 3. *tract. 1. c. 1. parum post princip. §.* Penetrans autem in intestino primo patitur à duabus virtutibus, quarum vna est expulsiva, quæ est in stomacho, & altera attractiva, quæ est in intestino, & adiuvat eam fax, quæ provenit propter summam cibi, & sit facilis propter illud expulsio eius per viam temperatam amplitudinis, & c. quibus verbis docet, facere ad facilem descensum chyli in ventriculo, permixtas etiam cum ipso chylo fæces, quæ attrahuntur ab intestinis: putat ergo generari eas in ventriculo.

Deinde sic validissimè insurgo. Idem agens tribuit formam utili, & superfluo. Sed tribuens formam utili, nempe chylo, est ventriculus. Ergo ipse præstabit formam superfluo, nempe excrementis ipsius. Maior constat ex Galen. *lib. 1. de sanit. tuend. cap. 3.* dicente, in omni coctione necessariò sequi excrementa, quæ per ipsam separantur, & ab eadem formam recipiunt; quod patet manifestè in iecore, quod non solum formam tribuit sanguini, sed etiam ipsius excrementis, utrique scilicet bili, & vrinæ. Tandem si in ventriculo non susciperetur forma substantialis stercoris, ex illo non sumeremus indicium de affectibus ventriculi, cuius contrarium suscipit Galen. *in princip. cap. 11. lib. 1. de crisi.* nam ut ille ait, cuiusque



cuiusque partis superfluitas eam quæ illi inest dispositionem offendit, &c.

Ad Galen. verò lib. 3. de facult. natural. dic solum ibi velle, cibos aliquam recipere coctionem in ventriculo, ex eo quod statim in tenuibus intestinis appareat stercus, ubi à substantia vtili separatur, nec aliud vult cap. 12. sequenti. Ad rationes dic, quod stercus licet in ventriculo recipiat substantialem formam, cum substantia tamen vili ibi confusum est, nec foetorem, nec putredinem concipit in intestinis; unde antequam ad ea descendat, non potest ea symptomata efficere quæ in ileosis conspiciuntur, immò oportet quod post descensum cum chylo, iterum ascendat putridum & foetidum ad ventriculum, ut euomat. Et hæc assertio de loco generationis excrementorum, confirmatur à multis, qui in interpretando Auicenna primas tenent, quidquid contra sentiat Vallesius lib. 6. cont. cap. 10. Num autem chylus à ventriculo solum in intestina propellatur, an verò etiam ab intestinis ipsis trahatur, controuertit Mercurialis lib. 2. de excrement. cap. 3.

Vnum solum constat, generationem excrementorum quæ per aluum excernuntur, inuitabilem esse: nullus enim etsi temperatus, optimis, selectisque vtens alimentis, vitæque exactum regimen obseruans, ab harum superfluitatum generatione immunis esse potest; quoniam ut constat ex Gal. 1. de sanit. tuend. cap. 2. & 3. animantis natura perpetuo digeritur, & dissoluitur, tum ab interno, nativæque calore, tum etiam ab aëre externo, aliisque exterius occurrentibus occasionibus; quod etiam innuit Galen. 1. aph. 1. cui incommode volens natura succurrere, instituit, ut non animalibus solum, verum etiam stirpibus insitæ quædam vires, deficientis, ac desiderati semper appetentes ab initio statim tribuerentur; non enim vesci, bibere, aut respirare à quouis vsquam discimus, sed statim à principio facultates in nobis habemus, quæ hæc omnia citra docentem perficiant. Cibo igitur quidquid siccioris substantiæ effluerit, restituimus, potionem quidquid humidioris. Ita aëreæ, ignæque substantiæ modum respiratu, arteriarumque pulsu tuemur. Et infra subdit ipse Galenus: Cum enim quotidie propter insitum ipsis calorem, cunctis animalibus nonnulla substantia paruo defluat, & hæc reparatur, cibi, potionis, respirationis, & arteriarum motus ope, necesse est ex his contrahi excrementorum prouentum; nam si quale erat ipsum quod defluxit, tale prorsus animal iungere, agglutinareque ei peritiorum liceret, optimum id, saluberrimumque planè esset, verum id quod singulis particulis defluit tale natura est, qualis ipsa est particula; nihil autem eorum quæ eduntur, bibunturque, eiusmodi prorsus est: necessarium itaque nature fuit, prius ea mutare, & concoquere, ac efficere corpori alendo, restituendoque similia: & statim infert: cum igitur esse, & bibere animantibus necessaria sint, ideo hæc res subsequitur excrementorum generatio. Hinc colliges, aluina excrementa esse necessaria, quæ necessitate quadam materiæ in ipsis animantibus generantur, siue bene valeant, siue ægrotent; siue polleant optimo temperamento, siue prauo: quæ excrementa citra morbosam causam semper ortum habent.

Sed aduertere debes, quod licet intestinorum corpus vnum sit, & continuum, ab imo ventriculo ad vnum vsque protensum, cum tamen in varios ac multiplices, figuræque differentes anfractus, spirasque circumducantur, neque omni ex parte eandem situs, substantiæ, & formæ naturam sortiantur, ac denique alia alij hominis parti contigua efficiantur, neque præcipuus omnium vsus par sit, ideo periti Medici hæc ceu plura enumerant, de quorum numero est Gal. lib. 6. de anatomic. administ. cap. 10. & 5. de vsu part. 3. & Auic. 1. 6. 3. tract. 1. cap. 1. Gentilis, & Iacobus, ibidem. Halyabbas 3. theoric. cap. 26. Nicol. Florent. serm. 5. tract. 8. cap. 1. Columb. lib. 11. de re anatomic. cap. 5. eleganter. Andreas Laurent. lib. 14. cap. 13. & 14. Fernel. lib. 1. de part. human. corp. descript. cap. 7. Bauhinus lib. 1. theat. anatomic. cap. 17.

Diuiduntur ergo in tenuia, & crassiora. Ex illis primum est duodenum, ita nuncupatum, quia duodecim digitorum longitudinem habet, ex quo pars chylosa attrahitur à Lib. III.

A iecore per venas mesaraicas, & quod remanet, descendit ad secundum intestinum, ieiunum nuncupatum, in quo pars maior separatur à deiectionibus, propter mesaraicarum multitudinem, eò à iecore prouenientium. Appellatur verò ieiunum, quia ferè inuenitur substantia chylosa vacuum, & ob venarum sugentium copiam, & suum quem recipit cremorem ocysimè transmittit, quippe dum bilis adhuc cremori non mixta intestini lateribus affluit, acrimonia sua id ampliùs stimulans, ad ea quæ in eo continentur velociùs propellenda: descendit enim bilis à duodeno in ieiunum, & ob viciniam impermixta fluit. Vnde colliges errasse interpretes Auicenn. afferentes meatum bilem deferentem, ad ieiunum terminari, cum contrarium asserat Galen. 5. de vsu part. cap. 4. & 2. de temp. cap. 8. ubi meatum bilem euomentem, duodeno, non ieiuno insertum esse tradit. Fortè errori huic occasionem præbuit Gal. 13. meth. cap. 13. nam in curatione inflammationis iecoris docet, prius excernendam esse flauam bilem, deinde saniem ex phlegmone resudantem; id verò fieri non posse, nisi vasa quæ sunt in viscere detergantur, & meatus qui in ieiunum bilem demittit, sit apertus: quoniam locus hic non probat meatum bilem deferentem ieiuno inferi, sed solum bilem ieiuno suppeditare, licet duodeno inferatur, ut optimè aduertit Fuchsius 1. 3. sua epitom. c. 5. & 6. & probauit latè 3. paradox. cap. 3.

Tertium intestinum appellatur tenue, aut gracile, in sinus, variòsque flexuosos orbes, perinde atque ieiunum implicitum, diciturque Ileum; in quo grauissimus morbus gignitur, à quo pauci euadunt, voluulus, & Iliaca passio nominatus, ad quem lethalia subsequuntur symptomata, vomitus, singultus, desipientia, conuulsio, ex Hipp. 7. aph. 10. in quo, si vehementius distorqueantur ægri, stercus per os excernitur, ut Gal. ait in com. & lib. 6. de loc. c. 2. Sed cur hæc duo intestina tenuia in orbes, & anfractus rediguntur, & à natura ita sunt constituta? Dic, ut quicquid alimenti concoctum esset, ad vnguem distribueretur, ne scilicet alimento celeriter permeante, atque subinde exeunte, corpus ex templo fame vergere, in necessitatem sumendi de nouo alimentum adigeretur, atque ideo semper animum in patinis habentes (ut Plautus inquit) homines vitam ducerent: nam animantia, quibus nullus est anfractus, sed intestinum à ventriculo vsque ad anum simplex, ac rectum protensum habent, infatiabilia, ac gulosa, & in perpetua edendi cupiditate viuunt, ut Arist. 3. de partib. animal. 14. prope fin. asseruit. De qua re lege D Gal. 4. de vsu part. 17. Fuchsium lib. 3. sua epitom. cap. 6.

Quartum intestinum post tenuia collocatum, est crassorum primum cecum ideo dixere veteres, quod vno sit tantum ore donatum; quo pacto ab Auic. & recentioribus orbem nominatur, & monoculum, licet non desint qui duo orificia cæco attribuant, è quorum numero est Fernelius loc. supra cit. 5. Cecum ideo dixere, quod egressui introitus aduersum non acceperit, sed hos vicinos adeo, ut plerumque in vnum coire videantur, &c. dicuntur crassa, quia crassas habent tunicas, & crassiorem chyli partem continent. Cur natura ea machinata fuerit intestina, Galenus respondet lib. 4. de vsu part. c. 18. quem sequuntur Fernel. Fuchsius loc. cit. Guevara in tract. suo de erroribus Vesalii, qui Galenū à Vesalio defendit: licet enim ea ad succorum distributionem conducant, peculiariter tamen quia maior est illorum amplitudo, adeoque multa colligere possunt, eò conferunt, ne continuò, sed per longa intervalla egeramus; hæc enim tanquam venter aliquis siccis excrementis subiiciuntur, ne egerentur assidue, ut longa serie probauit cit. loco Galenus: & meritò quidem hoc fuit à natura institutum, nam sicuti indecens erat hominem, animal perfectissimum, gulæ, & insaturabili abdomini subiugari, ideo quod tunc hominis vita, & à Musis, & ab studio Philosophiæ esset aliena, sic indecentius multò foret, si sordido deiciendi crebrius ministerio, indignæ hominis dignitate seruituti, mortales natura manciparet.

Quintum intestinum, & secundum ex crassis, Colon dicitur, in quo fiunt truculenti, & atroces dolores adeo ut patientes torqueri videantur, ubi mucosa, lentæque pituita,

pituita, albuminea, vel vitrea multo statim respersa ipsum occupat; nam humoris crudi est veluti officina, quæ obcoli amplitudinem refrigerata, lethales dolores parit: licet aliquando dolor colicus ex calido, mordaci, & acri humore concitari possit, ut communis tenet Medicorum opinio, qui docti à Magistro suo lib. 1. 2. meth. c. 7. & alibi, ex bilioso humore, & vitioso succo hunc affectum emanare posse non denegarunt: de qua re egimus latè lib. 2. hist. 91. 92. 93. Sed hic euentus non ita est frequens: nam hoc intestinum per iecoris caua primò obrepit, ubi folliculum bilis attingens, luteum colorem contrahit; unde nonnulli putarunt, ut refert Fuchsius loco cit. colon peculiarem meatum è bilis vesica prodeuntem excipere, falsò tamen, ut superiores anatomici confirmant. Idem intestinum paululum exurgens ventriculi fundo insternitur quò noxius humor teste Gal. 2. de loc. 3. si ventriculum in consensum rapiat; appetentiam, & concoctionem deteriore efficit: hinc ad sinistrum hypochondrium contendens lien accumbit, mox in posteriora demergitur cohæretque reni sinistro, quem cum perstringat, nihil mirum si dolorem nephriticum Medicis imponas; & contra renum cruciatum aliquando hi colo attribuant, ut perbellè docuit Gal. 6. de loc. cap. 2. licet in semetipso, laborante colico dolore fuisse deceptum, ingenuè fateatur lib. 2. de loc. cap. 5. cum enim ilium dolore premeretur, & putaret esse nephriticum, iniectione oleo rutaceo per clysterem, dolorèque sedato ad vitreæ pituitæ excretionem, conficit fuisse colicum dolorem, & malo calculum non præstitisse causam, quare operosum est renalem dolorem à colico distinguere, ut latè prædiximus lib. 2. quæst. 5. 1. & in com. hist. 94.

Sextum est omnium infimum intestinum, quod rectum dicitur, & Longæon. Dicitur rectum, quia nullis orbibus est implicitum. Ad hoc ex colo, in quo fæces figurantur, excrementa descendunt, ibique tanquam in alio capacio-re, quemadmodum vrina in vesica, tantisper detinentur, dum laxato musculo qui podicem ambit, ea iubeat extrudere. Sed quorsum in describendis intestinis me macero, quando habent Medici fontem perennissimum, Riolanum nempe filium, ex cuius lipidissimis aquis, rivuli vberitè profluunt in Medicorum scholam, ex quibus saluberrimam liquorem haurire possunt: Consulamus ergo hunc grauissimum Medicum, & peritissimum anatomicum, qui lib. 2. Anthropograph. c. 1. 2. in eorum descriptione emicat inter omnes, veluti inter ignes Luna minores.

Si ergo à nimia frigiditate desistente spiritus ammales, & canales aut nervos, per quos deferuntur spiritus & facultates, musculus afficiatur, & fibræ nervorum quibus musculus hic intertextitur, frigido humore inundentur, tunc nervi spiritu influente destituuntur, & sensu priuantur pars, ac resoluitur: nam nervus motui non fit aptus, quia hoc opus siccitate perficitur; neque illustratio liberè fieri potest: quare relaxatis hac de causa musculis, excrementa retineri nequeunt.

Curabis hoc malum præmissa vniuersali vacuatione, illis auxiliis quæ paralyti vtilia auctores docuere, inter quos palmam præripuit Valleriola lib. 1. obser. 23. & lib. 2. obs. 4. & lib. 4. obs. 4. & graphicè proposuit Reinerus Solenander lib. 2. consil. 13. simul cum Trineauellio lib. 4. de composit. medicam. cap. 7. de aptis medicamentis nervosis partibus imponendis. His factis ad particularia auxilia deveniendum est, quæ partem respiciant, roborèntque, ut sunt infusus, fomenta, lauacra, vnguenta, ex calidis medicamentis parata, quæ calefaciant, exsiccent, & superfluum humiditatem absumant, quorum sylvam latè exaratam legat qui velit apud Rondeletium, cap. de paralyti, Mercat. lib. 1. de morb. internis, cap. 14. Amat. 2. centur. 7.

Actius relictis iis, aut fortè prius celebratis, acopon ex euphorbio paratum cum fœnugræci decocto per clysterem immittendum curavit, hocque auxilium plurimum profuisse affirmat; intellige tamen, factis prius vacuationibus vniuersalibus, circa quas non erat ex arte tam forte medicamentum adhibere: sed vniuersalia auxilia siluit, tanquam manifesta; quæ enim nota sunt, ea prætermitt-

tenda, ex Gal. 2. de diff. respirat. cap. 7. obscura enim solum sunt repetenda, lib. 10. meth. cap. 5.

Ergo euphorbium ad frigidos nervorum affectus curandos confert eximie: cum enim subtilem, adurentemque sortiatur vim, ex Dioscorid. lib. 3. cap. 78. Paulo lib. 7. tit. de Euphorb. partem resolutam calefacit, & viscidam tenacemque pituitam, seu eporum, seu infusum expurgat, ex Actuatio lib. de composit. medic. tit. de simpl. medic. in fin. Paul. lib. 7. c. 4. tit. de medicam. qua aquam ducunt. §. Quare educit soluendo phlegma viscosum retentum in vrisque anhis & dorso, & intestinis, &c. Sequuntur Auic. lib. 2. tract. 2. cap. 235. Serapio c. 343. Meisne lib. 1. de medic. purgantib. tit. de Euphorbio. Sed cum medicamentum calidum sit, & siccum in quarto gradu, & omnium lachrymarum tenuissimum, vrit, rubrificat, ulcerat, penetrat, tergit, & tam violentè agit, ut præ angustia, & labore syncopen, & sudorem frigidum accersat: nam vehementer conturbat, & sitim maximè mouet: quapropter ei permiscere est necesse odorata semina, ut ventriculū, & intestina ab eius noxis tueantur: vtile est etiam cum melle cocto id in cataportia redigere. Manardus in com. Mensuè, id cum mastiche, & tragacantho coctum in pane dedit, in Gallicis artuum doloribus, & sine manifesto nocumento iuuat; cum enim mordaci statu ventriculū opprimat, carminantia permixta, & infusa cum eo valde profunt. Hoc probè callens Aëtius, id cum fœnugræci decocto per clysterem indidit: cum fœnugræcum lentore quo pollet, ex Paulo lib. 7. tit. de Fœnugræco, eius acrimoniam obtundat, & moderato calore leniat, & ad vacuandos vitiosos humores qui in intestinis sunt immersi, sit accommodum, ut monuere Galen. 1. alim. 24. Auic. lib. 2. tract. 2. cap. 250.

Ex euphorbio potest fieri vnguentum, quod acopon nuncupatur Græcè, auctore Galen. lib. 3. sec. genera, tit. de medicament. ex euphorbio confectis. Acopon autem pariter, & vnguentum, & medicamentum est, teste Plin. lib. 29. cap. 3. vocabantur autem acopa, medicamenta lassitudines, & fatigationes leuantia, ut ait Paulus lib. 3. cap. 58. §. Communiter igitur medicamentis, quæ à lassitudinibus resciscendis acopa dicuntur, ad solutionem inscriptis, hic quoque utendum est, &c. Copos enim dicitur Græcè lassitudo, ex Paulo lib. 7. cap. 19. de acopis, quo loco varias describit acoporum formas. Alia enim, inquit, calefaciendi vim habent, alia lancinandi. Quæ calefaciunt, pipere, pyrethro, semine rorismarini, & consimilibus constant, nervorum vitis, perfrictionibus validis, & quæ vix vlllo calore possunt euinci, accommodata. At lancinantibus, quæ adarce, semine rorismarini, euphorbio, cocco, gnidio, & id genus aliis componuntur, in diuturnis affectibus, & qui agere possunt elidi, quibus etiam sinapismus congruit, utimur, &c. Lege Galenum lib. 7. sec. gener. c. vlt. qui varias acoporum differentias ibi describit.

## QVÆSTIO XXXVIII.

Vtrum musculus, præcipuum sit, & immediatum motus voluntarij instrumentum, ut contra Galenum statuit Auerrhoës.

**E**Xaminanda est hoc loco illustris controuersia, de primo motus voluntarij instrumento, vtrum sit musculus, nervus, cerebrum, an tendo: nam Galenus in hac dirimenda lite varius fuisse videtur, ob varia quæ scripsit in locis multis: & licet inter omnes, tria coruscantia Medicinæ lumina de hoc argumento scripserint doctè, ac solidè, Insignis nempe Thomas à Veiga lib. 1. de loc. affect. in com. cap. 6. Valleriola lib. 4. enarrat. c. 9. Andreas Laurentius lib. 5. de hist. anatomic. quæst. 1. attamen tantorum virorum pace aliqua sunt addenda, quæ doctrinam Galeni intimius illustrent, quæ ad huius historię explanationem summè conducunt.

Porro cum ad motum voluntarium, præter obiectum mouens, ad sui prosequutione, vel fugam, concurrat virtus quædam imperans motum, nempe volūtas sequens rationis iudicium; alia quæ motum ipsum imperatū exequitur, mediante

mediante organo ad illud munus destinato: superest enodare, quodnam sit hoc mouendi organum, primum & immediatum, & quod ultimum: non enim sufficit anima, quæ primum mouens & principale est; nec motrix facultas; sed requiritur præterea corporeum instrumentum, quod eiusdem ordinis sit cum corpore mouendo, ut colligitur ex Gal. lib. 1. de usu part. 3. & Auerrhoës quidem 3. collect. cap. 18. ita musculus constituit mouendi organum, ut omnium primum esse arbitretur, nec alium admittat priorem motorem corporeum, siue ille nervus sit, siue cerebrum à quo musculus moueatur; nimirum quoniam si à cerebro, vel nervo musculus moueretur, necesse esset illa ab alio corpore similiter moueri, ut constat ex 7. Physic. cap. 3. Atqui cerebrum, & nervi prorsus immobilia sunt, nec est corpus à quo moueantur, alioquin res in infinitum procederet. Ergo non possunt musculum, vel alia membra mouere.

Præterea ad voluntarium motum non quoduis, & vulgare robur, sed validissimum requiri, cum Arist. fateatur Gal. lib. 1. de placit. cap. ult. Sed cerebrum utpote molliissimum, & nervi ab eo exorti, membra quædam sunt valde debilia. Ergo, &c. Quod si primum Auerrhoës fundamentum in musculum retorqueas, scilicet quod si musculus corpus quoddam sit, & corpus moueat, necessariò similiter sequeretur & quod habeat aliud à quo moueatur, atque ita in infinitum non minus res procederet, quam si asseramus musculum, à nervo moueri. Respondet, propter hoc ipsum non esse admittendum, musculum à nervo, vel cerebro moueri, quoniam conuinceret quidem ratio, si motus fuisset à corpore, sed non, si ab ipsa virtute motiua in ipso musculo contenta, quæ cum non sit corpus, ita musculum mouet, ut non sit necesse ipsam moueri. Huius autem virtutis, quam primum motorem appellat, cor esse principium, & originem affirmat, cum Aristotele, & Peripateticis.

Cæterum non obtinet Auerrhoës, quantumvis conetur euertere Galeni mentem, & Medicorum opinantium primum organum mouendi voluntariè cerebrum, deinde nervum, tertio musculum, ultimo tendinem, quem Galenus 12. de usu part. cap. 3. tradit esse immediatum motorem mobili coherentem. Quod autem cerebrum sit primum arbitrarij motus principium, ex eo constat, quod cum motus ille fiat mediante spiritu animali in cerebro, & facultate ab eo per nervos emanante, cur illi tanquam principio non tribuetur, nervo autem ut deferenti virtutem simul & spiritum?

Deinde in motu voluntario, iungitur imaginationis imperium ad prosecutionem, vel fugam obiecti, & contractio membri exequentis imperatum motum: cum ergo oporteat imperium præcedere, & illud præstare cerebrum per nervum, planè negari non potest, cerebri, nervique actionem præcedere actionem musculi, vel cuiusque alterius organi, & ex consequenti cerebrum esse primum mouens. Nec obstat quod non mouentur cerebrum, & nervus, immò apparent quiescere moto quouis membro. Illud Aristotel. omne quod mouet, & ipsum moueri est necesse, de corporibus impellentibus est intelligendum, non autem de eo quod mouens appellatur, propterea quod motricis facultatis origo est, vel delator, quo nomine cerebrum, & nervus mouentia dicuntur: atque in eis non requiritur robur illud, quod ad motum voluntarium exigitur; sed à cerebro ut eum largiatur, & imperium; à nervo autem ut deferat: quorum primum rectè potest præstare cerebrum, quod motricis virtutis fons est atque origo, quodque exactè cogitat, & iudicat de quouis obiecto, sitne prosequendum, an magis fugiendum. Cerebrum ergo tanquam primum organum vim, & imperium largitur; musculus tanquam instrumentum exequitur motum in imperata parte.

Fuisse verò necessarium musculum, ut eo omnis voluntarius motus fieret, innumeris ferè in locis asserit Galenus, præsertim 1. de motu muscul. cap. 1. 4. 7. & 10. de placit. ult. & 1. de usu part. cap. 10. & alibi sæpè, sequunturque omnes. Ita verò necesse fuit musculum fabricari, & ossi connecti, ut aliter motus progressiuus fieri nò posset,

A 12. de usu part. cit. nervus enim licet vim motoriam deferat, cum mollis sit, & à molli, tenero, & infirmo cerebro originem trahat, imbecillior est, quam ut artus mouere, transferreque possit. Ligamentum quamvis robur obtineat, utpote à durissimo osse exortum, motorium tamen instrumentum ex se esse non poterat, cum à principio animal mouente non oriatur, destituaturque mouendi facultate, 1. de usu part. 17. & lib. 12. cap. 3. & 1. de motu musculor. cap. ult. Oportuit ergo infirmum nervum qui motor futurus erat, iuxta mouenda ossa, cum duro validoque ligamento iungi, ut mutuas vires compararent; nervus quidem robur, & fortitudinem: vim autem motiuam, ligamentum, quod cum in diuersas fibras, villósque partiatur, conueniens fuit illorum inanitates interfeciente carne repleri, inferique venas, & arterias.

Ex his ergo compositum appellamus musculum, arbitrarij motus auctorem, 12. de usu part. cit. lib. art. medic. 50. Auicena. 1. 1. doct. 5. sum. 5. quæ quidem partes cum omnes musculi compositionem ingrediantur, & ex illis prædictum organum tanquæ ex similibus componatur, solet definiri, quod sit *pars instrumentalis, ex nervo, ligamento, carne, venis, & arteriis composita, & organum peculiare motus voluntarij*: cuius respectu cum potissimum consideretur musculus, & ad motum ipsum soli nervi faciant, & ligamenta, vel saltem potissimum, reliquas partes à musculi finitione nonnunquam reiecit Galen. in art. medic. cit. quantumvis arteriæ ad illius vitam, venæ ad durationem magis faciant.

C Num autem musculus sit immediatus, proximique motor mobili coherens, an verò adhuc mediante alio motum efficiat, valde controuerti potest, ob loca Gal. inter se pugnantia, lib. enim 1. de usu part. cap. 10. scripsit musculum proximum esse motorem: at lib. 2. cap. 3. affirmat tendinem esse, qui citra medium mouet, musculum autem antecedere. Nec sanè dici potest, 1. de usu part. locutum fuisse Galen. de toto organo motus; lib. verò 12. de parte eius principe: atque ita sine repugnantia posse appellari musculum, immediatum, proximique motorem, similiter & tendinem; non secus ac oculum dicimus proximum videndi organum, loquentes de organo totali, & sine errore etiam proximum, & immediatum appellamus crystalloidem, qui pars est in oculo principalior, cui actio illa videndi refertur. Non inquam recipi potest solutio, tum quia tendo musculi pars non est, sed particula quædam ab eo longè diuersa, conflata ex nervi, ligamenti, & fibræ inter se coeuntibus, & commixtis: tum quia operationes habet longè diuersas; musculus quidem ligamenti contractione mouet ossa, tendo autem mouentes musculos, mouendis ossibus colligat, licet etiam aliquando moueat, 1. de usu part. 17. & lib. 12. cap. 3. Licet enim hæc loca videantur inter se contraria, tamen apud ita concilianda sunt, dicendumque in initio lib. de usu part. cum non singulas musculi partes, nec illas quæ ab illo oriuntur, recensuerit, crasse confusèque musculum descripsisset, proximum & immediatum mouendi organum, etsi sæpe immediatè non moueat, sed tendonis interuentu: cum verò processu operis musculi partes explicasset, & cap. 17. eiusd. lib. tendonis naturam, & originem declarasset, exactius postea lib. 12. proximum, & sine medio motorem dicit esse tendinem: nimirum quoniam cum sæpe sine ipso musculus non attingat mouenda ossa, necesse est prius tendinis actionem magis immediatam esse, tendinemque proximum motorem; id quod Galen. lib. 1. de loc. cap. 6. exposuit, dicens musculum nonnunquam manifestè sæpe tendinis interuentu mouere, quod etiam placuit Auerrhoi, 2. collect. cit. licet falsum esse statuatur, quod Galenus vniuersaliter docet, omni motui voluntario paratum esse à natura musculum, omnemque musculorum motum fieri voluntate imperante.

Sed debilibus sanè argumentis Galeni placita nititur euertere, firmissimis fundamentis, & rationibus innixas; cum enim nervus, ut diximus, præ sui debilitate sufficiens non sit, ad transferendam molem partis mouendæ, quæ suo pondere, & grauitate à loco mutari resistit, necessum fuit

fuit vires, quibus destituebatur, aliunde comparare; A quumque melius ab alio præstari non possent, quam à crassa carne, duroque ligamento, hæc simul natura coniunxit nervo, in partibus omnibus mouendis, ad quas nervus ipse accedit, ut illorum accessu, crassitie, & firmitudine, ad mouendi munus proficeret; atque necesse fuit omni motui progressivo, voluntarioque, parari à natura musculum.

Nec obstat quod obiicit Auerthoës, de imperfectis quibusdam animalibus, quæ suos motus arbitrarios solis nervis faciunt, nullo musculo auctore: nam in illis potest quidem nervus debilis mouere, quoniam debilia sunt musculis destituta, & sine illis stabilia, illorumque motus imperfecti, quemadmodum & sensus. At verò in perfectis, ad quorum motus plus roboris requirebatur, quique perfectiores longè erant futuri, oportuit plura, validioraque B excogitari instrumenta: quemadmodum enim natura exactius elaborat, perfectiorémque tribuit formam, ubi opus exoptat perfectum: ita & nonnunquam cumulum etiam addit instrumentorum.

Multò minùs vrget adductis virgæ, ac ventriculi motibus, qui in animalibus perfectis citra musculos fiunt, & tamen voluntarij sunt, sequentes imaginationem, & appetitum; ad venerem enim imaginatam, & concupitam, colis inflatur: ad turpis obiecti imaginationem, præcedente appetitu, ventriculus quamprimùm excitatur ad vomendum. Negamus namque motus illos arbitrarios esse, qui magis imaginationem, quam voluntatem sequuntur, imò & sine hac sæpe fiunt, & vel invito homine, venere tantùm imaginata, vel horrido conspectu; nempe ita edocente natura membra illa ad excernenda, quibus quæ C que corpori possunt noxam inferre: quare cum motus illi voluntarij non sint, musculis non indiguerunt.

Quòd si deglutitionis motum, & vesicæ excretionem obicias, quibus, cum voluntate fiunt, nulli tamen muscoli insunt. Respondemus, actiones illas cum naturales sint, musculis non fieri, sed solis villis; deglutitionem quidem, quæ tractio quædam est alimenti, oblongas, siue rectas internæ membranæ gulæ fibras; urinæ excretionem potissimum transuersis vesicæ villis: licet verò animalis appetentia deglutitionem antecedit, 1. de caus. sympr. cap. 7. nec fiat naturalis urinæ excretio, nisi præcedat voluntas, non ideo tamen motus voluntarij sunt, nec de genere eorum, quibus exercendis natura musculos parauit. Nam quamuis in sano, temperatòque corpore non sit alimentum debitè sumendum, nisi præsentem vero, naturalique appetitu: cum tamen eiusmodi appetitus animalis in absentem, externumque cibum feratur, motus ille ad quem primò concitatur, ut distans quæratur alimentum, animalis est, progressivus, & voluntarius, ac proinde per musculos factus: non verò deglutitio, quæ naturalis est, & fit tantùm circa præsens obiectum, nec eo præsentem vnquam cessat, quantumuis non detur appetitus. Itaque tractio alimenti propriè non est voluntarius motus, quemadmodum nec urinæ excretio, ut aperte Galen. lib. 1. de loc. cap. 1. edocuit, & nos latè firmavimus lib. 2. in com. hist. ult. quantumuis ut fiat, prærequiratur voluntas, quia illius imperio non obsequitur vesica, sed musculus qui eius collum constringens prohibet exitum urinæ, ac proinde relaxari est necesse, ut ipsa vrina prodeat, quam vesica excernit sua vi naturali, quia à copia grauatur, non quia voluntas imperat. Sicut ergo non omnis actio, motusve, in quem modo aliquo ingressum habet animalis appetitus, aut voluntas, simpliciter voluntarius est: ita non omnis musculum habet auctorem, sed illi tantùm quos voluntate imperante, exequitur animalis facultas motrix per peruos diffusa, cuius operatio ne temeraria foret, & ad inutile noxiùmque tenderet, instituit natura, ut præcedente rationis iudicio, voluntatis arbitrio subesset, & per musculos fieret.

Non dissimiliter verò instituit etiam natura, ne mouerentur muscoli, nisi quando imperasset voluntas, ne suo appetitu temerè ducerentur, sed pro voluntatis arbitrio: ob prædictam causam, ut ait Galenus 1. de loc. cap. 1. & 1. de motu musculor. cap. 3. & 8. quod quidem nisi de necessi-

tate esset obseruandum, à cerebro nervum non reciperet musculus: nec enim alia de causa videntur nervi ad musculos deducti, nisi quia oportebat illos influxum, & imperium à cerebro, virtutis, iudicii, & appetentia auctore expectare.

Porro aduertendum hîc est, quòd cum duobus modis possit aliquid dici voluntarium, primò, quia ut fiat, necessariò expectat præcedens voluntatis imperium: Secundò, quia in illud potest habere ingressum voluntas, ad accelerandum, vel retardandum, vel omnino cohibendum. Si posteriori hoc modo voluntarium sumatur, dubium non est voluntati subiectos esse omnes musculorum motus: priori autem voluntarij significatione, negat Auerthoës lib. præcit. cap. 19. obiiciens oculorum, palpebrarumque motus, & dormientium respirationes: imò verò addi possunt eorum locutiones, & deambulationes, & urinæ retentio, qui motus per musculos fiunt nulla præcedente meditatione, aut voluntate; tum quia hæc dormientibus non adest, tum quia eam imperare sentiremus, aut saltem recordaremur postea, conscij cum simus eorum quæ sponte voluntariè facimus; quinimò & vigilantium respirationes non pro voluntate, sed pro necessitate fiunt, & de illis locus Galeni intelligendus.

Pro quo aduerte vltimò, quòd quemadmodum inter musculorum motus, quidam faciliores, crebriorésque sunt, & magis consueti in nobis; quidam verò in loci, sitúsque mutationem tendunt ad prosecutionem, vel fugam; alij autem non sic, sed quiescente, & immotò animali fiunt: sic ad quosdam maior intensio, maiorque consideratio, & promptius, evidentiusque voluntatis imperium requiritur; ad alios sufficit obscurum, tenuèque, ac non ita promptum. Cum ergo motus illi frequentissimi in nobis sint facillimi, & consueti, nihil mirum si obscura, & nos prorsus fugiens voluntas sufficiat ut fiant, ac propterea eius imperium non sentimus, nec recordamur, licet reuera imperauerit. Nec etiam mirandum est, respirationem variari pro usu, & necessitate naturali; cum animales motus etiam vsibus naturalibus inserviant, de quo Gal. 1. de motu musculor. cap. 6. Cætera verò argumenta, quæ pro Auerthoë contra Galenum obiici possunt, legat qui velit apud Andreæm Laurentium loco supra cit. Num autem nervus, tendo, aut caro, quæ sunt tres partes motui inferuientes, ex quibus componitur musculus, sit pars præcipua motus, tradunt eleganter Thomas à Veiga in com. cap. 50. lib. art. medic. Galen. & idem Laurentius lib. 5. de re anatomica, quæst. 2. D

## HISTORIA XXVIII. RASIS, De ischiade.

Ischiaticus dolor tempestiuo enematum acrium usu, & sinapismo persanatur.

Q Vidam de magnatibus patiebatur \* dolorē Ischiaticū, & Medicus suus exhibuit pilulas fetidas, quia vrina eius erat alba, corpus eius plethoricum, & usus fuerat grosso regimine, & ex hac cura augmentatus, & fortificatus est morbus, ita quòd non poterat sedere, nec mouere se. Tunc me consuluit, & prouocauit sibi vomitum pluries, & post hoc emplastrum Ischiaticum cum sinapi, vsque quòd locus fuerit ampullatus, & ex hoc dolor est alienatus; deinde clysterisani eum clysteribus acutis, & liberatus est, &c. Rasis in lib. de mirabilibus curis.

## P A R A P H R A S I S.

A Fœminarum morbis ad articulorum morbos descendimus, (Guttam communi vocabulo appellant, quia humor guttatim veluti in artus distillat) qui quàm difficiles sint ad curandum, & Medicos sæpe deludant, experimento omnium comprobatur, ita ut Fernelius lib. 6. patholog. cap. 18. Guttam Medicorum opprobrium vocet



vocet. Ex hoc constat nimis gloriosum fuisse non ignobilem Medicum, Amatorem Lusitanum, qui lib. 4. centur. in prefat. allata in medium epistola Ambrosij Nicandri, podagricos se perfecte posse sanare proficitur, contra Ovidij tamen: nam articulares morbi, diri sunt, violenti, atroces, rebelles, & feri, qui auxiliis Medicis vix succumbunt, præsertim si habitualis, & hæctica articularum debilitas adsit.

Huius eventus plures sunt causæ. Prima. Vbi semel in his coarticulationibus infigitur humor, difficulter eluitur. Secunda. In partibus frigidis, crassus mucosusque humor nec coquitur, nec resoluitur. Tertia. Inter articulares dolores, ischiaticus durat, & amplius affligit: nam longus est, ex Gal. 1. cris. 4. Aureliano lib. 5. tardar. passion. cap. 1. cum enim utrique coxendici prægrande acetabulum insit nexu validissimo copulatum, & os coxæ sit maximum quod est in corpore, ex Auic. 1. 1. doct. 5. cap. 27. & continuo moveatur, ob motum, & ob cavitatis magnitudinem, totam à superis partibus humorum colluuiem attrahit, maxime cum sit positum in medio fordium confluxu, & ob viciniam vasorum promptissime fluxionem suscipit, auctore Gal. 2. de usu part. cap. 9. §. In coxâ sunt vena magna, quibus laesæ vix animal vivit, &c.

De arthritidis origine, & causis latius infra agemus. Nunc ad historię explanationem accedamus. Tutum non est, licet crudi exuperent succi, in initio ischiatici doloris alium ducere, & maxime si vacuatio medicamentis sit celebrata, ut pilulis scetidis, in quarum compositionem ingrediuntur turbit, scammonium, & colocynthis: horum enim medicamentorum violenta vi, humores precipiti, & irrequieto motu in inferiores labuntur artus. Hinc factum est, ut humore suo pre impetu delapso in partem debilem, augeretur dolor, ita ut nec sedere, nec se mouere posset.

Cum ergo humor longissime ad contrariam partem sit auocandus, merito frequens vomitus est imperatus, quod præsidium esse potentissimum testatur Galenus lib. de rem. med. paratu facilibus, cap. 23. de coxendicum dolore. §. Ceterum coxendicum dolore affectos, vomitus, quam alui deiectio inuat magis, quod humorum ad inferiores partes defluxum retrahat: pronocandum autem in initio vomitus ab accepto cibo, &c. repetit lib. 10. sec. loc. cap. 2. firmat Auic. 23. 3. tract. 2. cap. 24. Alzaharaius lib. 1. 1. pract. cap. 5. Oribasius lib. 9. synopsis. cap. 58. de cuius præsidij præstantia plura diximus supra, in com. hist. 26. & probat Trincauellius lib. 1. de compos. medicam. cap. ult.

At cum morbus iis non cederet auxiliis, quoniam ex intemperie partium habituali continuo ad partem debilem confluit humor, qui in hac parte tenacissime impactus difficulter resoluitur, tunc an fortiora accedere necessitas cogit: quare vacuato exquisitè iam corpore cathartici, & vomitu, ad eradicandum, & attrahendum humorem ad partes externas, medicamentis usus est calidis, attrahentibus, quæ ex sinapi parari solent (Medici sinapismos vocant,) quæ parti appositæ cum utilitate summa. Sed antequam hæc parti apponantur, utendum est prius fomentis, lauacris, vnguentis, emplâstris, & aliis attrahentibus auxiliis.

Si ergo hæc non prosint, rubrificantiæ medicamenta principatum obtinent, quæ ex sinapi, & aliis calidissimis medicamentis componuntur, ut ait Paulus lib. 7. cap. 19. Hæc absument humorem lentum, & crassum, & nimio calore parte in feruorem adacta, excitantur pustulæ, per quas nocuus humor, virulentique ichores emanant, & vacuata causa conuiescit dolor. Hæc ergo eò debent esse fortiora, quod humor profundius fuerit immersus, ut Gal. ait lib. de const. art. med. cap. 17. §. Quæ latent in profundo, tanto acriora requirunt medicamenta, quam ab exterioribus recesserunt, &c.

Ut hæc promptius operentur, prius cucurbitam super ancham admouere oportet, præsertim si humor acrium medicamentorum vi fuerit spissior redditus, & sic resolutioni sit valde rebellis, ut cit. loc. Galen. admonuit. Galen. lib. 10. sec. loc. cap. 2. sic formam describit. ℞. piper. castor. euphorbij, an. 3. j. β. pyrethri, 3. iij. olei, 3. j. Misce.

Vel hoc modo. ℞. sterc. columb. syluest. 3. β. Misce cum lacte pro delicatis: pro robustis cum aceto. Vel sic: ℞. cera 3. iij. terebinth. ammoniac. an. 3. j. succi rapsia 3. j. β. olei 3. vj. Misce.

Galenus lib. 7. secund. genera, aliud describit, ℞. olei com. olei lilior. albor. ol. baccar. lauri, cera, an. 3. iij. terebinth. piper. euphorb. castor. opopanax. galban. an. 3. j. ammoniac. 3. j. β. Misce.

Gal. 7. simpl. sir. de calaminib. & Paulus lib. 7. eodem sir. hanc herbam emplastri modo applicitam efficacissimum esse contra coxendicem præsidium affirmant. Sic enim ait Paulus. Nepita tertio ordine calida & sicca temperamento est, tenuis, acrisque, mentha longè valentior, siquidem est veluti sylvestris mentha. Facile igitur quæ aliè hærent ad se trahit, rigoresque finit, extrinsecus cum oleo infricata strenuè.

Quinetiam ad coxarum dolores ab inferioribus iniicitur, & vitiosos humores in cutem erumpentes abstergit, &c. Confule Douynetum, ex multorum mente lib. 4. apolog. cap. 5.

Apuleius Macaurensis lib. de virtutibus herbarum, cap. 50. & 92. Pulegium cum pipere summopere probat, si iis mixtis fricetur. Dioscorides lib. 2. cap. 14. approbat folia Iberidis, aut lepidij, quod sylvestre nasturtium appellant. Hoc auxilium attrahit potenter humorem ad partes externas, sed excitat tumorem cum ardore graui, & rubore coniunctum; quare necesse est ut post hoc auxilium balneum sequatur: nam & humoris acrimoniam lenit, & à centro attrahit ad circumferentiam, ut notat Actuarius lib. 4. cap. 6.

Hippocr. lib. de loc. in homine, num. 19. laudat cucurbitulam parti impositam, §. Cum coxendicum morbus à fluxione fiat, cucurbitulam modicam affigere oportet, & foras trahere, &c. hoc enim auxilio humor in profundo tenaciter impactus extrà elicitur: nam hoc præsidium potentissime attrahit, ex Galen. 7. aph. 1. & lib. 12. meth. cap. ult. & amplius si sit cum multa flamma admota, & cum profunda scarificatione imposita, ut Paulus cit. loc. edocuit: firmat Auic. 22. 3. tract. 2. cap. 4. & 4. 1. cap. 20. Eius loco hiruines impositæ mirè iuuant: nam sucu validissimo crassum, terrestremque humorem extrà alliciunt. Quanta autem sit vomitus efficacia, & pro Ischiatico dolore, cæterisque inferiorum partium affectibus curandis mira potestas, supra hist. 26. exposuimus. Acutos autem clysteres, quorum usu coxendicis dolorem, hic auctor curasse affirmat, articularum doloribus minificè auxiliari, infra in com. hist. 30. & 34. exponemus fusè.

## QVÆSTIO XXXIX.

Vtrum dolor sit sensatio tristis, an sensibile, ut contra Galenum tenet Conciliator.

### COMMENTARIUM.

**D**olorem Ischiaticum.] Dum de dolore argumentum arduum contemplor, illius difficultate perterritus, hæreo, contremisco, immò horret mens, stupefit animus, cerebrum vacillat. Quare si eius explicationem aggredior, deterrent me Philosophorum, & Medicorum de hoc instituto scripta, inter quos palmam præripuere, insignis Thomas à Veiga lib. 2. de loc. affectis, in com. cap. 1. 2. & 3. Clarissimus Montaltus Lusitanus in Archipathologia sua, tract. 1. à cap. 1. usque ad 16. Valesius lib. 5. com. c. 5. & 6. Valleriola lib. 3. enarrat. 2. Conciliator dif. 77. Argæterius lib. de caus. symp. c. 14. 15. 16. 17. Cardanus, & alij, qui de capitis dolore, eruditè conscripserunt, & Galen. lib. 2. de loc. & 12. meth. luculenter explanarunt. Ex altera parte cerno viginti duas subsequentes historias, quæ adiutricè interpretis manum expostulant; nam in omnibus de dolore agitur, quæ sine eius cognitione explicari haud queunt. In vastissimum ergo hunc campum si semel descendamus, vndique salebris, immò aculeis asperis respersum, eum licet spatiosissimum, inuenimus plenum litibus, & controuersiis, quæ hætenus malè tulerunt Medicorum primarios etsi doctissimos. Sed me alacriori animo præditum ita dicentem exaudi; nam rationes eorū afferam

afferam in medium, & aliqua etiam addam, ut stabiliora, A & firmitiora sint omnia; maxime cum non sit neganda laus Quinto Curtio, quod ante illum Clitarchus, Polycratus, Antigenes, Aristobolus, Plutarchus, Ptolemæus, & alij de gestis scripserint Alexandri; neque tamen probro dabitur mihi, quod postremus eandem telam retexam. Licet enim labyrinthus hic dinerticulis innumerabilibus sit sectus, ut semel quis ingressus exitum inueniat nunquam, tamen hanc rem inexplicabilem explicare me posse confido. Sed quia iamdudum huius contemplationis effector desiderio, rem sic aggredior.

Quatuor circa doloris essentiam occurrunt inter sese differentes sententiæ. Prima est Conciliatoris *dis. 77.* existimantis dolorem rem esse sensui subiectam, id est, sensibile quoddam, non verò sensus actionem. Ea verò his potissimum nititur fundamentis. Illud est verè sensibile, quod à bene disposito organo percipitur. Sed dolor rectè habente homine sentitur in parte dolente, ut colligitur ex Galen. 2. *aph. 6.* Igitur est de genere sensibileum. Secundò. Qui parte aliqua dolet, acutissime, & vehementissime sentit, & nihil aliud percipit quàm dolorem. Igitur nihil aliud sentitur quàm dolor, & in illum sensatio terminatur: nam si causa alia eliciatur subiecta sensui, proculdubio ab ipso sensu agnosceretur, nec eum late-  
ret, quum debite approximatum sensibile agnoscat, nec circa illud possit errare. Tertiò. Impressiones, & alterationes sunt sensuum obiecta; patièdo enim, & alterando immutantur organa, prodeuntque in actiones. Sed dolor est quædam violenta impressio contrariæque, ac subito facta alteratio. Ergo. Quartò. Sensus dati sunt propter salutem, & conseruationem ad contraria dignoscenda, fugiendaque. Sed dolor quædam res est molestissima, & naturæ nostræ aduersissima. Igitur poterit ab aliquo sensu dignosci, percipi, ut illum tanquam summum malum declinare posset; alioquin accusanda natura esset, utpote quæ de minoribus sollicita, frigori, calori, & percipiendo sensum tribuit, grauiora verò contemnens nullum dolori. Quare, &c.

Verum licet huius sententiæ fundamenta satis efficacia non sint, nec illa quibus solet impugnari, aded urgeant, ut prorsus euincant, tamen ex fortioribus vnum subiungam. Primum. Si dolor esset sensibile, inter propria, vel communia numeraretur. Ad nullum autem potest referri genus, quoniam 2. *de anima, cap. 6.* agēs Philosophus de communibus sensibilibus, doloris non meminit; nec similiter cum de propriis singulorum sensuum ageret: præterquam quod sensibile proprium illud dicitur, quod ab vno tantum, & non ab alio sensu potest sentiri, & circa quod errare sensus nequit; dolor autem sensibus omnibus communis est, ex Galen. *lib. 1. de caus. sympt. cap. 6.* & sæpe sensus circa illum errat; non enim sentitur intra corpus existens, vbi mens ægrotat, 2. *aph. 6.* Igitur. Secundò. Si sensibile in ipso sensorio ponatur, nequaquam vel languide sentitur, 2. *de anim. cap. 7. 9. & 11.* Atqui dolore intra sensus instrumentum latente validissima sensatio fit. Igitur nec est alicuius sensus obiectum: præsertim cum sensibile omne antecedit perceptionem sensus, imaginari verò non potest, vbi præfuerit dolor antequam sentiretur. Tertiò. Necessariæ essent sensationes duæ eiusdem ad dolorem percipiendum eiusdem sensus, prima quando causa doloris sentiretur, altera quando dolor; alioqui non daretur operatio sensus citra suum obiectum debite, conuenienterque approximatum. Denique nullus sensus exterior potest percipere suam, vel alterius actionem, 3. *de anima, cap. 2.* Ergo non erit dolor de numero sensibileum, siquidem à grauissimis auctoribus sensatio quædam molesta asseritur, quod subsequenter inquirendum est.

Eam verò fuisse mentem Galeni, ut existimaret dolorem esse quandam sensus speciem, id est, sensationem exterioris sensus sub forma contristantis, manifestè constat, ex Galen. *lib. 2. de loc. affect. cap. 2. & 1. de caus. sympt. cap. 5. 6 & 7. de placit. cap. 6.* Sequitur Auic. 2. 1. *doct. 2. cap. 19.* Auerr. 3. *collect. cap. 31.* vbi dolor appellatur molestus sensus, qui tunc demum fit cum aliquid præter na-

turam affatim, repenteque corrumpens sentiunt. Tria itaque, inquit, ad dolorem requiruntur, membrum sensibile, immutatio ad contrarium naturæ suæ, & quod subita sit talis immutatio; vnde licet dolor sensatio dicatur, non omnis tamen sensatio est dolor, sed sola sensatio rei contrariæ affatim mutantis, ideò autem cum tristitia, & molestia fit, quia natura à re obiecta subito corrumpitur. & *lib. 1. de causis symptomatum, & lib. de inequal. in temper. cit.* dicit, quod violēta passio, alteratiōe, quæ præter naturam est, vbi multa simul, & celeriter fit, sensum illum efficit molestum, quem dolorem dicit esse.

Nec rationes desunt, quibus hoc ipsum confirmetur, nam quemadmodum recreantur sensus, vbi conueniens, & perpetuum, & immediatum obiectum percipiunt; ita molestari necesse est ad violenti, immoderatæque perceptionem subitam: Sed ipsa recreatio posita est in sensationis modo. In eo igitur similiter dolor consistit. Minor probatur, quoniam cum singulis sensibus singulæ tantum sint actiones, quæcumque passionibus illis aduenerint, penes ipsas actiones contingent. Secundò. Sensus faciunt apprehensiones suas, prout ab obiectis immutantur. Ergo si impressio fuerit violenta, multaque, & subito facta à re corruptente, fiet apprehensio correspondens tali alterationi, vel impressioni, sensationi nimirum rei contrariæ subito alterantis; hoc autem dolor vocatur, 7. *de placit. cit.* Igitur, &c. Tertiò. Sensibilia cognoscuntur à sensibus, qualia ipsa ex se sunt. Ergo si inimica, & contraria fuerint, talia à sensibus percipiuntur. Sed perceptio rei contrariæ molesta est, & contristans. Ergo in ipsamet sensatione doloris essentia consistit.

Conciliatoris verò argumenta sic dilucet. Ad primum namque, negamus dolorem in parte dolente sentiri, quoniam si sensatio est, modusve sentiendi, quomodo ab ipso sensu externo percipi, sentire poterit? 2. verò *Aph.* per dolorem, causa intelligitur, qui modus loquendi Hippocrati est consuetus, ut admonuit Galenus *in illum textum com.* Idem ergo est ac si dixisset, quicumque dolentes, hoc est, causam doloris intra corpus habentes, dolorem non sentiunt, hoc est, causam ipsam non percipiunt, his mens ægrotat: in quo sanè innuit, dolorem tanquam obiectum ad exteriorem sensum non pertinere. Atque ideò licet fateamur, acutissime dolorem sentire illos, qui aliqua parte dolent, non tamen sensu exteriori, sed interno, communique, cuius obiecta sunt sensuum omnium sensibilia, & apprehensiones. Iam verò externum sensorium, quamuis causam doloris percipiat & sentiat, cum tamen vis sentiens sæpe ad exactam cognitionem non accedat, nihil mirum si illam aliquando perfecte non discernat, nec ille qui dolet, sciat quid sentiat exprimere, maxime dolore præsentem, qui aded sentientem potentiam stimulat & laceffit, ut causæ sensationem prorsus obscurer, non aliter quàm vehemens dolor minorem obscurare solet.

Quod si adhuc insistas, dolorem esse potius sensibile, quàm actum sensus, quoniam fieri non potest, ut percipiat molesta illa, adeoque expressa sensatio, quæ dolor dicitur, nisi cognita causa & percepta, ut contraria naturæ. Ergo si delitescit, & non sentitur, non erit causa illius tristic sensationis, quin potius dolor ipse erit id quod sentitur, & in quem fertur sensatio. Dic, quod quamuis causa molesta, exactam & indiuiduam obiecti formam non exprimat, nec eam sensus exactè assequatur, ut quod frigida sit, vel calida, rectè tamen potest ut aduersa iudicari & percipi, & ut talis molestiam inferre, dolorisque causa existere: quemadmodum enim color eminus apparens, etiamsi satis non percipiat, situs tamen, & figuræ cognitionem præstat; ita causa doloris licet non distinctè, sed confusè agnoscat, sub ratione contristantis sentiri potest.

Ad tertium. Neganda est minor: non enim dolor est ipsamet alteratio, vel impressio violenta, sed alterationis perceptio, ut expressit Galenus *lib. 7. de placit. cap. cit.* Ad quartum. Si dolor est actio, necessarium non erat destinari à natura sensum aliquem, quo perciperetur, ad hoc  
vt

ut viciari possit, quoniam cognitio obiecti non laedit, nec est aduersa natura, sed ipsamet obiecti malitia, ac proinde satis fuerat sensoria creari ad obiecta ipsa percipienda, ac dignoscenda; maxime quod nec in eo defecit natura, quinimò potentiam destinavit qua dolor perciperetur, sed non illam quidem externam, ut paulo post constabit, cum ab ea non percipiuntur actus, sed obiecta exteriora.

Enimvero licet omnes ferè Medici, Galeni sententiae acquieverint, existimantes dolorem reuera esse sensus actionem, multa tamen ab ea deterrent, & illud primò. Omnis sensatio tanquam actus, potentiam perficit à qua elicitur, illamque reddit meliorem. Sed nullus dolor sensum perficit, quin potius corrumpit. Igitur non potest ad sensationem referri. Secundò. Sensum actio transiens est, & ferè momentanea, ac repente mutans. Atqui dolor saepe durat, & diutissime permanet. Ergo nullo modo potest esse sensatio. Tertiò. Si dolor sensus actio esset, cum ea sit præter naturam, ad aliquod trium symptomatum actionis læsæ referretur. Sed non pertinet ad illud diminutæ actionis, quia sensibilitas est vehemens, & acuta; nec similiter dici potest actio ablata, ut patet; nec corrupta, quia tunc verè, & non corruptè fit sensatio, quoniam per eam fit iudicatio rei, qualis ipsa est. Cum ergo causa doloris ut nocua iudicetur, proculdubio talis actio non erit dicenda corrupta, & ex consequenti. Ergo, &c. Quartò. Dolor non fit in nobis nisi percepto obiecto, sub ratione mali aduersi, & contristantis, ex Auicena. 2. 1. *cap. de caus. 15. doloris*. Sed sensus externi non percipiunt obiectum sub tali forma. Igitur non potest dolor esse alicuius sensus actio. Minor patet, quia potentia sentientes in verum, & falsum, tanquam in proprias naturas, & non in bonum, & malum feruntur. Quintò. Si dolor esset sensatio tristis, prout à Galeno asseritur, duo hæc in se includeret, tristitiam nempe, & sensationem: tunc sic. Ergo lætitia, quæ dolori contraria est iuxta præceptum oppositorum, duo similiter complecteretur, sensationem scilicet, & lætitiā tristitiæ oppositam. Atqui hoc manifestam arguit contradictionem, quia lætitia esset totum, & pars sui ipsius. Igitur, &c. Vltimò Dolor unam tantum actionem, unamque simplicem animi affectionem significat. Sentire autem, & tristari sunt res valde diuersæ. Ergo non potest dolor duo illa simul comprehendere, nec vnus sensus externus sentire simul, & dolere. Quare alterius potentia munus, est huiusmodi passio: nec enim credendum est duas res inter sese adeò, & fortè genere distinctas (quales nimirum sunt sensatio, & dolor) passiones, ab vna animæ vi fieri; quum duæ facultates constituentur ad colorum, & sonorum sensationes perficiendas, quæ tantum specie differunt.

Cum igitur dolor sit affectio quædam sensus, motusve animæ, qui interuentu alicuius facultatis fit in nobis, non pertinet ad vegetatiuam, quum plantæ nec voluptate, nec dolore afficiantur; nec ad rationalem, quia etiam bruta delectantur, & dolent; nec similiter ad locò motiuam, quoniam fuga licet sæpe ad dolorem sequatur, non est tamen idem cum dolore, ut patet. Superiunt ex animi potentiis solæ illæ, sentiens videlicet, & appetens, quarum functio censeri possit; cumque ex paulò antè adductis constet, non posse inter sensuum externorum actiones numerari, videndum est num interni alicuius sit, aut potius appetentis facultatis.

Vgo inter Latino-barbaros non infimæ notæ Medicus, 2. *aph. 6.* arbitratore dolorem esse operationem phantasie sensui exteriori coniunctæ. Pro cuius confirmatione supponit imaginatiuam virtutem, simul & appetitiuam, per organa sentiendi extensas esse, & coniunctas cum sensibus ipsis, ex Aristotele. 2. *de anim. text. 20. 6. Quod ubi sensus, ibi contristans, & delectans*: & expressius lib. 3. *de anim. cap. 11.* idque confirmari potest exemplo lacertæ, cuius cauda præcisa dolet, & nititur dolorem excutere. Deinde stabilis sententiam suam hoc modo. Dolor existit in organo sensus exterioris, quia ibi dolet. Igitur fit ab aliqua virtute inibi existente. Cum verò non sit operatio ipsius-

met externi sensus, nec phantasia imperfecta, qualis est illa quæ in membris reperitur, quæ mouere appetitum possit, superest ut ad phantasiam referatur, cuius munus dicitur esse, percipere rem sub forma conuenientis, aut disconuenientis.

Verum quamuis ad imaginationem pertineat iudicium ferre supra rem sensatam, non percipit tamen res ipsas, nisi sub ratione veri vel falsi, eo quod cognitua quædam est potentia. Sed affectio hæc quam quærimus, fit in nobis percepto obiecto sub forma mali & aduersi. Ergo non ad imaginantem vim referenda videtur, sed potius ad appetentem, quæ in bonum vel malum fertur, & ex bono quidem, voluptatem, ex malo, dolorem contrahit. Ab appetitiua igitur potentia dolor emanat, illique tribuendus est, tanquam peculiaris operatio, non quasi sit ipsa appetitus apprehensio, sed passio quædam, motusve consequens in appetitu, ad rem in ipso apprehensam: quam sanè sententiam Peripatetici ferè omnes sequuntur, tanquam magis consonam Philosophi doctrinæ, 2. & 3. *lib. de anim. cit. & 2. ethicor. cap. 9.*

Nec ideo improbandus est Galen. cum Medicis asserentibus, dolorem esse sensus sensationem, hoc est, sensus externi actionem. Quamuis enim dolor formalis actio non sit, cum tamen sit quiddam consequens ad sensationem rei præternaturalis, subito & vehementer imprimentis, constat, rectè per sensationem, tanquam per sui causam posse definiri; quemadmodum febris apud Medicos, per conuersionem innati caloris ad igneam naturam, licet febris non sit ipsamet mutatio, sed tantum per eam generetur. Quod autem dolor à rei præternaturalis sensatione oriatur, etiam philosophis ipsis in confesso est, quoniam ex eo constare potest. Sicut ad delectationem requiritur boni coniunctio, ita & perceptio alicuius mali ad dolorem. Atqui malum non potest à parte dolente percipi, nisi interuentu sensus. Igitur necessariò ad dolorem prærequiritur exterior sensatio. Quoniam tamen externus sensus, boni & mali speciem non format, quia hæc sub illum non cadunt, nec sui imaginem sensibus imprimunt, necessaria est insuper imaginationis actio, qua obiectum ipsum ut aduersum iudicetur; cum tamen in illum sub tali ratione feratur appetitus ipse, sequitur in eo motus ille molestus, quem dolorem appellamus, qui quidem propria ipsius appetitus passio dicendus est, quamuis tria simul facultatum opera interueniant, sensus nimirum externi dolorem, v.g. percipientis; imaginationis iudicantis aduersum, & naturæ inimicum; demum & appetentis facultatis, quæ auctor est huius passionis, sicut & cuiuscumque alterius sequentis ad apprehensionem.

Rectè igitur definitur Dolor, actio, motus, vel passio quædam molesta appetitus sensitiui. Diximus molesta, non verò tristis, quoniam latius patet dolor, quàm tristitia, immò de hac dicitur tanquam de parte sibi subiecta: tristitia enim appellatur dolor ille, qui ab exteriori apprehensione emanat, quique ad intellectualem pertinet appetitum, cuius etiam est propria passio; nam gaudium non minùs opponitur tristitiæ, quàm delectatio dolori; ratione cuius ad appetitum pertinet sensitiuum, non autem ad naturalem, quia inclinatio, seu motus appetitus naturalis non consequitur.

Iuxta hæc, facillè soluentur rationes, quibus suaderi videbatur, dolorem esse formalem sensationem: & ad primam dicendum. Quemadmodum sensuum delectatio est actio appetitus in organo existentis, simul cum imaginatione coniuncta, ex Aristotele. 3. *de anim. cap. 119.* Ita & dolor ab ipsomet appetitu fit, præcedente sensatione. Ad secundam. Similis ferè est responsio: cum enim sensibilia non percipiuntur à sensibus externis, nisi secundum imagines quas imprimunt, non imprimant autem boni aut mali, aduersi vel familiaris, planè non fiet sensatio supra rem ut aduersam aut molestam, atque ideo non erit sensus externi actio.

Ne tamen à Galen. & Medicorum ferè omnium sententia, tanquam nimirò improbabili recessisse videamur, aduertendum ducimus, rectè etiam sustineri posse, dolorem esse formaliter actionem sensus, fierique cum percipitu

p. tur aliqua res affatim, repenteque corrumpens naturam ut diximus: ex eo enim quod immoderatum obiectum ad membrum accedit, illudque subito, & præternaturaliter immutat, absque eo quod sub forma mali percipiatur, sensitiva virtus actionem illam faciet molestam, quam dolorem Medici appellant, quæque vna simplex actio dici potest; ex tali verò sensationis modo imaginatio in ipsomet organo coniuncta speciem format, & iudicium habet; appetitiva autem fugam appetit, & percipit.

Ad rationes verò quibus dicta sententia impugnabatur, in hunc modum respondetur. Ad primam. Licet doloris causa præter naturam organum corrumperet, actio tamen ipsa lætæ perfectæ non sit, adhuc tamen habet potentiam, ipsam perficiendi, melioremque reddendi, & quia per eam ad actum reducitur, & in causa est, ut res ipsa corrumpens declinetur, siquidem nisi cum tali modo sentiretur, fuga non appeteretur: vel aliter dici potest, non ab omni actione potentiam perfici, sed tantum ab ea quæ moderata est; immoderata siquidem, & valde excedens lædit, & aliquando destruit. Ad secundam. Dolor siquidem repente fit; si autem permanet & durat, est ob causam quæ manet, ut in aliis sensationibus contingit.

Ad tertiam. Cum in dolore membrum lædatur à re præternaturali, necesse est actionem fieri læsam, sed quo genere læsæ actionis comprehendatur dolor, controuersum est. Dicendum tamen, ad deprauatam actionem referri posse. Pro quo aduerte, quod sicut ad veram, & incorruptam sensationem duo requiruntur, nempe sanum, benèque affectum sensus organum, & moderatum, debiteque proportionatum obiectum; ita ex cuiuscunque defectu deprauata euadet sensatio. Quamuis ergo ad perceptionem immodici, v.g. caloris subito, & violenter imprimentis hanc molestam sensationem, sentiat obiectum, quale ipsum est, non tollit hoc, actionem illam esse de genere actionum deprauatarum, propter ipsius obiecti immoderantiam.

Ad quartam. Si hac via insistimus, neganda est maior, dicendumque est, sufficere, quod res contraria percipiatur, non quidem sub ratione mali, sed tantum quod immoderata sit, & naturam corrumperet, eo modo quo dictum est, idque significasse videtur Auicenna dicens, quod dolor est sensibilitas rei contrariæ. Ad quintam. Negandum similiter est, dolorem includere duo illa, sensationem scilicet, & tristitiam, quum tristitia potius dicatur interna quædam animi affectio, dolor autem motus sentiendi: quædam verò externi sensus actio molesta, & ea sanè vna & simplex, ac proinde ab vna tantum potentia dependens: ex quo sextæ, & vltimæ rationis solutio patet. Lege Nicolaum Kleinfeldium lib. 2. *patholog. cap. 8.*

## QVÆSTIO XL.

*Vtrum dolor, & voluptas in motione consistant, ut acriter contra Aristot. contendit Galenus.*

**A**cutissimus Argenterius lib. de causis symptomat. cap. 14. difficilem iudicat huius rei explicationem, eo potissimum argumento ductus, quod nec inter philosophos, nec inter Medicos conueniat, quænam, & quot sint doloris, voluptatisque causæ: & hac ratione, accusat Platonem, & plura congerit argumenta, quæ eius opinionem voto suo refellunt. Aristotelem arguit, ut diminutum; Auicennam, & Auerrhoem tanquam superfluos condemnat; Galenum reprehendit, qui toties sententiam mutat de causis doloris, quoties de illis agit. Sed abeat Argenterius superbus, & arrogans, qui sibi licere putat iniuste procures conuellere, leuiculis argumentis conuictus. Quo pacto nos excusamus singula, ex quorum explicatione Galenica veritas illustrior euadet.

Etsi voluptatis remedia non quærimus, tamen cum doloribus mederi studeamus, plurimum interest cognoscere, quid voluptatē parere, aut alium dolorem excitare pos-

si; sic enim quæ grata sunt naturæ auxilia eligemus, alia verò euitabimus, quæ nouam molestiam inferre sunt apta. Sine ergo doloris essentiam, iuxta Galenum, & Medicos, in sensatione constituas; vel iuxta Peripateticos, magis placeat esse appetitus actionem, quam sensatio antecedit, illud ab omnibus fermè receptissimum est, non posse fieri in nobis affectionem hanc molestam, nisi repentina detur, violentaque rei præternaturalis impressio, repente, & subito ducens ad statum contrarium.

Quod verò tam dolor, quàm voluptas per alterationem in nobis generentur, magisque in motu, quàm in mutato esse, & termino consistent, sintque veluti successiua, non permanentia, ut Plato in *Timæo*, & post eum Galen. lib. 1. de caus. sympt. cap. 6. & lib. de tremor. cap. 6. & 7. suadetur ex eo, quoniam non datur in nobis, nisi quamdiu durat & alteratio, ut patet in putrida febre, quæ dolorifica est ob eam causam; hectica verò indolens, ob pugnam, & alterationis defectum: sic etiam sitiens, aut febricitans tunc solum delectatur, quum potat; famescens, cum alimentum sumit; algens, cum calefit: ubi verò ab opere destiterunt, non iam amplius percipitur voluptas. Igitur ea in ipsa mutatione ad bonum, non in mutato esse; dolor autem in motu consistit ad malum.

Hinc dici solet voluptas, quidam præceptus motus, mutabilis, & parum durans, utpote quæ ens quoddam successiuum sit, in perpetua mutatione constitutum, nec firmam, stabilēve essentiam habens. Vnde communiter definitur: reditus quidam à statu præternaturam, ad statum secundum naturam. Dolor è contra, à naturali statu ad præter naturam: non quasi vnaquæque passio harum sit ipsemet reditus; aut alteratio, sed quod ab illa, tanquam immediata, continetque causa oriatur: cum verò paulatim, sensimque facta sensum effugiat, nec percipitur, ex Galen. lib. de tremore, cap. 6. non sufficit quæcumque alteratio, impressiove, sed illa quæ celeriter, cum impetu, & affatim accedens, sensum mouet: & dolorem quidem excitabit, si naturam ad corruptionem, vel morbum ducat; voluptatem verò, si ad sanitatem, vel perfectionem: quemadmodum enim dixit Hipp. lib. de loc. in homin. relatus à Gal. lib. de caus. sympt. cit. Dum alterascit, ac corrumpitur natura, dolores fiunt: dum reditur ad naturam, voluptates.

Communis hæc Medicorum resolutio, de doloris, & voluptatis generatione, multis subiicitur difficultatibus; & quod in ipso reditu, motionēve non consistent, ostenditur. Primò. Quia illa quæ à motu, alterationēve dependent, paulatim, ac per partes acquiruntur, & simultaneam naturam non habent. Atqui dolor, & voluptas simul sunt, à quocumque obiecto percipiuntur, ab ipso sensationis initio. Ergo.

Secundò. Sensibus omnibus externis suis inest dolor, & voluptas. Sed hæc cum oculis percipitur à conspectu pulcherrimi obiecti, auribus, auditu suauissimi concentus, non ducitur corpus ad naturalem habitum, cum saepe non præcesserit innaturalis; nec similiter cum dolent, ab immoderatis tantum obiectis natura sensuum corrumpitur. Ergo non consistit voluptas in reditu eo ab innaturali ad naturalem habitum; nec dolor in mutatione à naturali ad præter naturam.

Tertiò. Qui præ frigore vehementer rigent, si ad ignem accedant, & repente velociterque calefiant, à præternaturali statu ad naturalem subito reducuntur. Sed hi tum temporis magis dolent. Ergo non oritur voluptas à subita doloris mutatione ad naturam; nec dolor ab opposito, id quod expresse asseruisse videtur Galen. 12. meth. cap. 7. ubi apertissime testatur, quod reditus velox & repentinus ad naturalem, ab eo qui præter naturam est, dolorem, & non voleptatem facit; immò verò, si non minus sensum effugiunt illa, quæ velocissime fiunt, quàm quæ sensum & paulatinè, quomodo subito, & repentino motu passionis hæc fiunt, si vel sensuum actiones, vel ab illis antecedentibus oriuntur?

Ad primum. Controuersum est num dolor, & voluptas à motu, tanquam causa continente dependant, an verò ab ipsius motus termino, hoc est, num fiant in nobis huiusmodi passionis solum cum immutatur, an potius in



in ipso mutato esse, in quo quidem dissident Plato cum A Galeno ex vna parte, Aristoteles cum Peripatericis ex altera. Plato enim in *Timeo* arbitratur, continentem causam harum passionum esse motiones, idemque Galenus dicit *lib. de inaequal. intemper. cap. 3.* quod cum mutata temperies iam est, seu in ipso mutato esse, non dolemus, sed cum mutamur, & 1. *de caus. sympt. cit.* in ipso reditu ab extranea affectione ad naturalem, & moderatam, collocat voluptatis causam; doloris autem, in mutatione naturalis, & moderatae ad extraneam.

Aristoteles verò 7. *ethic. cap. 14. & lib. 10. cap. 4.* contra opinatur, non consistere voluptatis, aut doloris rationem in ipso reditu, vel mutatione, nec ab ipso motu pendere, sed potius ab operatione animalis circa moderatum, vel immoderatum obiectum apprehensum, vel possessum: sentit ergo quod quemadmodum sanitatem & bonum habitum sequitur pulchritudo sanitatem perficiens; ita voluptas operationem animalis optimam, & perfectam, quae scilicet apprehendit naturale, & conueniens obiectum à sana, & non impedita potentia; unde definitur voluptas ab Aristotele, operatio naturalis non impedita: nimirum quoniam ad eam sequitur, & cohaeret cum ea operatione, quae fit circa aptum, & conueniens obiectum; à bene affecto sentiendi instrumento; dolor verò è contra.

Non sequi autem voluptatem (id quod de dolore etiam intelligendum est) ad motum, tanquam ad continentem causam, sed potius ad apprehensionem obiecti perfecti, moderatique, validissimis argumentis contendit, ex quibus ultra ea quae supra adduximus, illud est efficacissimum, ex 10. *ethicor. cap. 4.* Quemadmodum motus omnis in tempore, nullus in instanti perficitur, ita quae à motu dependent, momento non fiunt, nec dantur. Sed is qui voluptatem percipit, per vnias horae spatium, ex pulcherrimo v.g. aspectu, in quouis horae momento voluptatem sentit; & similiter qui dolet: cum tamen qui per horam mouetur, in nullo illius instanti moueatur. Ergo non consistit doloris, aut voluptatis ratio in motu.

Deinde quae per motum acquiruntur, simul non sunt, sed per partes, vt diximus, & motu durante perficiuntur magis, & crescunt. Sed voluptas confestim simul tota est, & perfecta, non aliter ac visio, & tempore magis exolui ac languescere videtur, quam crescere & perfici. Ergo non sequitur ad motum. Adde quod res non parit voluptatem, vel dolorem, nisi nobis coniungatur, vel secundum esse reale, vel obiectiuum; velut bona & conueniens, vel è contra apprehendatur. Sed non potest nobis coniungi, nisi in quantum habita, vel facta. Ergo quatenus talis, delectabilis est, vel dolorosa, & ex consequenti à mutato esse, potius quam à motu dolor, & voluptas pendet, simul & ab operatione qua bonum praesentialiter acquisitum comprehenditur, vt cum delectamur visione pulchri obiecti, harmoniae perceptione, & fragrantia odorum, vel ex oppositis dolemus. Si verò dum immutamur adhuc, in ipso met motu aliquando delectamur, est ratione illius quod iam productum est, & factum; quoniam licet id quod mouetur, nondum habeat perfectè id ad quod mouetur, iam tamen incipit habere aliquid illius, ratione cuius, prout iam factum est & habitum, motus est causa delectationis.

Quod si obiciamus, magis nos in ipso motu, quam mutato esse delectari, ac dolere, quod cum ad salutem, vel morbum ducimur, magis sentiamus quam reducti: immò sicut mala iam facta & constituta, vt hectica febris, dolorem nobis non inferunt; ita nec bona praesentia voluptatem aliquam inducunt, vt sanitas antiqua iam, & vita ipsa, unde magis in acquisitione, quam in acquisito esse, dolor, & voluptas consistere videntur; alioqui praesente bono, vel malo semper delectaremur, & doleamus, contra experimentum.

Respondet Aristoteles, duplicem esse causam, propter quam continuò non delectamur, nec dolemus, praesente scilicet delectabili, vel contristabili obiecto: prima, quoniam cum huiusmodi passiones ab operationibus proficiuntur, voluptas à boni, dolor à mali perceptione, hu-

mana autem operatio continua esse non possit, immò limitibus sit circumscripta, necesse sit, vt non durent in nobis, nec permaneant praedictae affectiones, quamuis adfuerint obiecta delectabilia, vel contristantia, sed indies minuantur, succedente operandi defatigatione, & excessu. Altera causa, nouus accessus rei conuenientis & bonae, vel malae & aduersae, nouitate sua mentem allicit, & incitat ad operandum: cum verò per moram cessante nouitatis illecebra minùs intenti sumus, & languidior operatio fiat, diminuitur voluptas, & dolor, quae ab operationibus dependent; hinc fit vt magis in reditu ipso ad salutem, quam reducti delectemur. Hinc & omnis humana natura praecipit, parumque constans, & indies minuitur, ac intercipitur, immò in dolorem, ac molestiam conuertitur; nimirum quoniam in operatione consistit, ad quam animales spiritus consumuntur; ad illorum autem dissolutionem operum minutio sequitur, & fatigatio, quae dolor quidam est, & molestia.

Sentit ergo Aristoteles, quod à mutato esse, non à motu, hoc est, à bono, vel malo, facto iam & constituto, consecutiue, & vt tali apprehenso, dolor, & voluptas in nobis oriantur: atque idè voluptatem, tanquam per suam causam definiens, dicit esse operationem perfectam cognoscentis potentiae non impeditae: perfectam vocans illam, quae apprehenditur naturale, & conueniens obiectum: non impeditam autem, quae sentiens instrumentum bene affectum est, vt diximus. Requirit igitur voluptas, sicut obiecti nobilitatem, & perfectionem; ita agnoscentis potentiae incolumitatem, & praestantiam: & quod haec nobiliora, praestantioraque fuerint, ita augebitur voluptas, maiorque erit, què nobilior fuerit potentia, obiectumque praestantius & conuenientius; quemadmodum & dolor, ex oppositis.

Sed non habere locum Aristotelis sententiam in omni voluptate, multis ostendi potest. Et primò sic. Ex multis comparatur voluptas in nobis, quae non sunt operationes nostrae. Ergo operatio non est perpetua voluptatis causa. Probatur antecedens, quoniam cum esuriens delectatur ex cibo, sitiens ex potu, refrigeratus ex igne, nulla adest operatio, ad quam sequatur percepta voluptas: non enim sequitur ad masticandi, aut deglutendi opus, siquidem ex eo saepe dolemus, & affligimur, quum tamen ex deglutito delectemur; & dum refrigeratus calefit, patitur potius, quam agat; quemadmodum piuriens dum scalpitur: quare in propositis exemplis, non sequitur voluptas ad operationem, qua acquiritur. Nec verò dici potest oblectationem ibi sequi ad operationem sequentem, quoniam scilicet cibatus, & refrigeratus operari possunt, quae aurea non poterant: nam cum ea operatio praesens non sit in memoria, nullo modo erit oblectationis causa. Quod si adhuc aliquis contendat, in dictis voluptatibus locum habere operationem nostram, nimirum apprehensionem boni quod acquirimus: Redarguitur ex eo, quod sapissimè refrigeratus delectatur ex igne, sitiens ex aqua, nullo formato conceptu de operatione aliqua. Quare ad nullam operationem sequuntur tales delectationes, & ex consequenti, &c.

Secundò. Orium, & quies fatigatos oblectant. Sed qui oriatur, & quiescit; non operatur, quum illa potius importent cessationem ab opere, quam opus. Ergo non omnis voluptas in operatione consistit.

Tertiò. Gelidus potus sitiens valde est suavis, plurimum etiam delectatur intemperatus homo in tepidum balneum ingressus, & non minùs etiam refrigeratus ex percepto calore. Sed in illis potentiae operantes impeditae sunt, nec bene dispositae, & obiecta immoderata; nempe in operatione potèdi, os ventriculi aridum, & obiectu tactu ventriculi valde frigidum, humidum, & sic in aliis. Ergo non est vna oblectationis causa, optima dispositio operantis potentiae, cum obiecti praestantia, & moderatione.

Quartò. Passiones haec inditae sunt animalibus ad durationem, & tueriam, nempe vt illis tanquam stimulis quibusdam urgeremur ad necessaria, ac conuenientia querenda, & fugienda aduersa. Sed maximè conuenit ad vitam, immoderatum obiectum intemperatae potentiae

tenit, ut ita reducatur ad medium, in quo sanitas, & A  
vita consistit. Ergo non percipitur solum voluptas ex  
operatione moderatae potentiae circa naturale, modera-  
rumque obiectum, & hoc praesens semper, & constitu-  
tum, nec dolor est contra ex facto tantum, & consecuto  
malo: potus siquidem sitienti, aer respiranti, cibus fa-  
mescenti suavisissima sunt, dum appetuntur, & trahuntur,  
non sic vero attracta, & acquisita iam: corpus item dum  
akeratur, doler, nempe in ipsa mali acquisitione, non au-  
tem eo iam facto, & acquisito.

Quare cum aliunde etiam nobis voluptas compare-  
tur, quam ex operatione circa moderatum obiectum, à  
bene affecta potentia, nempe ex mutatione ad melius:  
dolor autem est contra: dicendum videtur, non fuisse lo-  
curum Aristotelem de omni voluptate, & dolore, sed de  
illis tantum quae magis ex sensu, & intellectu oriuntur, B  
quaeque magis propriae sunt alterius vitae status, quam  
huius humani, & elementarij: in illo enim cum nulla  
iam detur immutatio à bono, vel malo, ex sola apprehen-  
sione boni vel mali, facti iam & praesentis, oriuntur  
voluptas, & dolor: in corruptibili, mutabilique statu,  
magis ex acquisitione boni vel mali, quam ex illis iam  
factis, & acquisitis.

Ex triplici autem fonte colligunt Philosophorum pe-  
ritissimi, Platonici praesertim, magis delectabiles nobis  
esse in hac vita mutationes, quam mutata esse. Prima  
causa, ex parte naturae nostrae, cui, quia mutabilis est, magis  
proportionatae sunt transmutationes, & ex eo quod mu-  
tata iam non delectatur, immò doler, eo quod paulo ante  
delectabatur, cum ratione mutationis iam aliud requiratur.  
Secunda causa desumitur ex parte obiecti: nam cum agen-  
tis actio continuata effectum augeat, accidit ut tractu  
temporis praesens obiectum assimilet sibi corpus, & in-  
temperet, fiatque dolorificum, quantumvis à principio  
fuerit delectabile; remotio autem talis excessus, qua quaedam  
mutatio efficitur, iucunda sit. Tertia demum causa elici  
potest, tam ex modo acquisitionis boni, quam ex apprehen-  
sione ipsius: nam cum totum bonum exoptemus, nec  
acquirere semper simul possimus, delectat transmutatio,  
ut vna parte comparata alia succedat: sic similiter cum  
apprehensio boni, vel mali ad voluptatem, & dolorem  
requisita, ita saepe fieri non possit, sed successivè, non  
aliter quam dictionis pronuntiatio, in qua syllaba post  
syllabam transiit, necessaria est aliquando successio, & mo-  
tus, ut in nobis generentur praedictae affectiones. De-  
mum, cum illae datae sint ad tutelam, & conservationem,  
ut diximus, magis autem conveniat prosequi auxilia, la-  
psum corpus ad nativum habitum reducenda, amissam-  
que recuperantia sanitatem, quam ea habita, & praesente  
quaerere temperata media, planè oportuit summam vo-  
luptatem nobis in via nasci, ex reditu ad naturalem ha-  
bitum, ex mutatione autem ad praeternaturalem, sum-  
mum dolorem, ut eo stimulari vitemus frequentia mala,  
tanquam dolorifica, & magis laedentia, quam facta iam,  
& impressa, quae quia fortè in naturam versa sunt, multò  
minus laedunt, Harum ergo insignium, & manifestarum  
passionum originem Galenus inquirens, eas ad mutatio-  
nes, non ad mutata esse retulit, nimirum quoniam tunc  
vel delectamur, cum à morbo ad sanitatem reducimur, &  
à molestiis, excessibusque leuamur, quibus in hoc saeculo  
continuo ferè vgemur, & affligimur; dolemus verò vel  
maximè cum à naturali habitu ad praeternaturalem du-  
cimur, ut eloquenter docuit ex Platone Marcellus Fici-  
nus lib. de voluptate, à cap. 1. vsque ad 12.

De altero autem voluptatis genere natura sua perfe-  
ctissima, quae in operatione perfecta circa moderatum,  
convenientisque obiectum, & factum iam consistit, Ari-  
stoteles tanquam philosophus egit. Hanc verò licet in  
nobis aliquando etiam sentiamus, in suo perfectionis  
gradu, ut cum suavia percipimus visu, gustu, reliquisque  
sensibus, vix eam tamen priorem magis experimur, ac  
propterea de ea Galen. cum Hip. & Platone locutus est  
tanquam Medicus; cuius est illa proprie tractare, & in-  
quirere, quae frequentotia sunt, sensuique magis mani-  
festa. Vtraque autem voluptas, ut obiter dictum sit in

misero hoc vitae cursu imperfecta est, nullius permanen-  
tia, ac stabilitatis; & illa quidem quae ab apprehensione  
perfecti, moderatiusque obiecti pendet, tum quia sensibilia  
ferè omnia, immoderata sunt, & imperfecta, sensoria  
intemperata, maleque affecta, & exactam rerum cogni-  
tionem non assequuntur, tum quia cum in opere consi-  
stat, in quo resolvuntur spiritus, succedente fatigatione  
minuitur, & in dolorem abit. Altera verò, quae nobis  
sensibilior est, & optatior, voluptatis nomine digra vi-  
debitur sana mente iudicanti, siquidem antecedentem  
dolorem semper ferè habet permixtum, & consequen-  
tem: antecedentem quidem, quoniam malum supponit,  
à quo redditur permixtum, quia reditus ille voluptatis  
causa tamdiu durat, quamdiu malum ipsum, cessatque  
prorsus à cessatione molestiae: demum & consequen-  
tem, quoniam necessariò subsequitur fatigatio ad redi-  
tum illum, seu motum, in quo continetur ratio huius  
voluptatis, de qua Galenus.

Nec verò rationes Aristotelis aliud evincunt, quam  
voluptatem aliquam non esse motum, quod planè non  
diffitemur; de omni tamen non probat, quum nonnulla  
ita à motu tanquam à causa continente oriatur, ut eo  
desinente pereat, quantumvis remaneat terminus, vel  
mutatum esse: hanc autem non dicimus dari in quovis  
acquisitionis momento, sed motus conditionem sequi,  
& eo durante perfici, quamdiu tamen sit iuxta mensuram  
proportionatam, & convenientem naturae; si enim illam  
excedat, non iam voluptatis, sed doloris causa erit. Porro  
illud existimo, quamvis contradicant plurimi, nullius  
generis voluptatem aut dolorem, in nobis posse genera-  
ri, absque apprehensione, operationeque nostra: nam si  
dictae passionis sunt formaliter sensationes, quemad-  
modum multi cum Galeno putarunt, manifestum illud  
est. Si iuxta Peripateticos, appetitus motiones dicamus,  
cum ille non operetur nisi praecedente phantasia, & ali-  
quando sensus externi apprehensione, planè negari non  
potest, requiri actionem nostram ad voluptatem, & do-  
lorem. Quare dicendum, quod cum oblectamur ex motu,  
aut quiete, famescens ex cibi deglutatione, sitiens ex  
frigido potu, algens ex calefactione, licet patiantur, agunt  
apprehendendo bonum, unde & voluptatem contra-  
hunt, vel dolorem apprehensione mali. Quamvis autem  
huiusmodi apprehensio, operatioque nostra, sit circa illud  
vel de illo quod per motum perducitur, adhuc tamen  
dolor & voluptas, dicuntur potius ab acquisitione & mo-  
tu, quam ab acquisito, & mutato esse dependere; motu &  
alteratione cessante non amplius sentiuntur.

Iam verò, ut ad secundum solvendum argumentum ac-  
cedamus, si aliquando sensibus nostris omnibus percipia-  
tur voluptas, ex suavis, moderatiusque obiectis, absque  
eo quod praeternaturalis status praecesserit, similiter & si  
contrahitur nonnunquam dolor ex improporionatis, abs-  
que corruptione, eversioneque naturae, non repugnat iis  
quae hactenus resolvimus, cum ex duplici occasione hu-  
iusmodi passionis in nobis fieri asseramus, nempe ex ap-  
prehensione moderati obiecti à bene affecta potentia, &  
contra cum Aristotele: vel cum Galeno voluptatem ex  
reditu à praeternaturali statu ad naturalem, ab hoc ad  
praeter naturam, doloris; & à reditu quidè, non quocunque,  
sed eo qui cum celeritate, & festinatione fit, ita ut nisi  
subita fiat, & repentina mutatio, nec delectatio, nec dolor  
efficiatur, 1. de caus. symp. lib. de inequal. intep. lib. de tremor.  
lib. 7. de placitis, 2. de rat. viat. 1. Vbi ad utriusque naturam  
id praecipuum esse vult, ut violènta fiat immutatio: nimirum  
quod quemadmodum illud quod sensim, paulatimque  
fit remissam habet & languidam motionem, qua vehemèter  
afficere non possit, sic ferè sensu non percipitur. Adde quod  
cum inditae sint huiusmodi passionis, ut diximus, ad tute-  
lam & conservationem, ne in malis torperemus, & tandè  
adhiberemus remediū, voluit natura in reditus celeritate  
rationem voluptatis, & doloris consistere, ut sine cūctatione  
incitaremur ad quaerenda auxilia reducenda ad nativum ha-  
bitum, & ad fugienda celeriter molestiantia, & dolorifica.  
Sed cum 12. meth. 7. supra cit. scripserit ipsemet Galenus,  
adèò in paulatino, gradatimque facto progressu volu-  
ptatem

ptatem suam esse, ut etiam ad naturam regressus, si subito confertim, & affatim fiat, cruciatus potius & doloris, quam voluptatis sit causa; arbitrantur multi in manifestam de eadem re repugnantiam incidisse, & ad eam quidem sedandam, vendicandumque Galenum à contradictionis calumnia plura excogitarunt, quibus ita dissidentes loci ad concordiam possent reduci: at omisso illo conciliandi modo, Galenum, dum *r. de caus. sympt.* asseruit, repentinum ad naturalem habitum regressum, voluptatis esse causam, non ex sua, sed Platonis sententia fuisse locutum, cum illa paulò post, & plurimis aliis in locis scripserit, quatuor potissimum occurrunt qui recipi possint; & primus ex Platone elicitur, à quo videtur Galenus, omnia de voluptatis, & doloris natura, & causa mutasse. Cum ergo docuisset Plato, conianctam esse voluptatem dolori, & è contra, causam redditur cur id fiat, dicens, quòd natura, ubi molesto quopiam, ac præternaturali affectu vexatur, cum illum remoueri cupiat, & ad natium habitum reduci, contrarium vehemèter appetit, & desiderat, à quo illius excessus remotio, corruptioque speratur; cumque contrarium accedens nitatur è subiecto pellere, funditusque corrumpere præexistens, hoc autem similiter maximè illud adueniens, neque id sine pugna aliquo pacto fieri possit, necesse est vtriusque in eodem tempore simul sensum percipere, vnius videlicet molestiam inferentis, quia oppositione, & vicinitate sui contrarij vehementius insurgit, alterius item molestiam pellentis, unde dolor & voluptas simul sentiuntur: sed voluptas quidem perpetuò expulsiōe contrarij molestantis, redituque in naturalem statum, si affatim, & celeriter fiat; dolor autem per accidens sequitur, ob contrariorum pugnam, quæ in illo reditu datur. Adde quòd accessu vehementis, & repentinum contrarij, aliud in corpore præexistens aliquando in se colligitur, & fortificatur, maioremque infert dolorem, qui tamen sedatur postquam applicitum remedium contrarium debellauit, unde in reditu, mutationeque ad salutem, dolor contingit, sed tamen per accidens in quo sensu intelligi potest Galenus *l. 2. meth.* asserens, ex regressu ad natium habitum confertim facto dolorem creati, nempe vel ob contrariorum pugnam sese mutuo corrumpere conantium, vel quia præexistens aliquando augetur, ubi vehemens, & repentinum oppositum occurrat. Potest etiam hæc causa reddi, cur valde refrigeratus, ad ignem copiosè, & repentinè accedens magis doleat, nempe quoniam ignis approximatione magis vnitur frigus, magisque introrsum ad vnguium radices vergit, ubi vehementiores, grauiorésque infert dolores.

Alij pugnantes illos locos conciliare conantur, asserentes voluptatem non comparari à nobis ex mutatione quacunque, redituque ad salutem, sed ex eo tantum qui nec propter moram, tarditatemque sensum effugit, nec præ celeritate terret, sed moderatus est, seruaturque in progressu modum: cum verò modus iste, seu ipse constitutus sit in medio extremorum, nempe velocis, & tardi, & vtriusque appellationem subire possit, nihil mirum, si in *lib. de caus. sympt.* experuerit festinum reditum ad salutem, in *meth.* autem tardum & morosum, absque vlla repugnantia; vtrique enim modum illum requirit.

Tertio solvunt quidam dicentes, lapsus omnes mediocres, vel exiguos, quòd velocius, eò suavius sanari; solos eximios, & extremos velocitate suæ curationis, dolores & cruciatus parere, nempe quoniam requirunt vehementia contraria, quæ simul applicita partem etiam intemperant, & dolorem ingeminant; de iis autem (inquiunt) loquutus fuit Gal. in *meth.* de primis in aliis locis, ubi docuit parari voluptatem, & festino ad salutem regressu. Hi tamen supponunt contrarium, dum excessum aliquem consumpit & emendat, contrarium inducere intemperamentum, quod placitum à communi Medicorum schola non recipitur.

Solve tu facilius, & fortasse melius, nam ex Galeni verbis colligitur ex repentino, confertimque facto, etiam ad salutem reditu dolorem inferri, ubi violentia, & noxa naturæ inferitur, non ex intemperamento præcedente

acuto, sed ex ipsamet veloci & festina mutatione, quòd tunc fit, cum à malis iam factis, & per consuetudinem in naturam, habitumque conuersis sit immutatio: horum enim mutationes cum natura grauissimè ferat, non potest non dolere, & molestari cum fiunt, ac proinde non nisi lentè & paulatim, in similibus malis, faciendas esse mutationes, admonuit Hip. *2. aph. 51*, quòd non nisi de illis sit intelligendus, constat, ex serie præcedentis textus, ubi de consuetis ait, quòd minus molestant, licet deteriora sint, illud verò expressit. *6. epid. sect. 3. text. 27.* & colligitur ex *text. 7. lib. 2. aph.* Quòd si recentia mala fuerint, nec naturam adhuc immutarint, sed fiant nunc, & immutent, nihil erit naturæ iucundius, quam velocissima mutatio. De horum ergo mutatione loquitur *lib. de caus. sympt.* de illorum autem mutatione, in *meth.*

Hinc solutio elici potest illius quòd quærebatur, cur valde rigentes ad ignem repentinè approximati magis doleant, nempe quoniam valde fixum cum frigus iam sit, non patitur natura semel, sed per partes abigi, tunc verò delectatur, cum paulatim à leni, blandoque calore pellitur. Quòd si obiciat, manum in sinum immissam, & à miti pectoris calore tepesactam amplius dolere: responderi solet, idè dolere quia ex pectoris calore temperiem comparauit, qua sentit frigiditatem, quam antea non sentiebat; non aliter ac stupidum crus, quòd licet cum iam mouetur, minus frigeat, magis tamen dolet, ob reparatam ad sentiendum temperiem. Sic & sanè ambustus digitus in frigidam merisus, grauius molestat, quia aquæ frigiditate temperatur calor, qui temperatus sentiendi instrumentum cum sit, sentire tunc facit ignis caloris excessum. Aristoteles etiam prædicta problemata soluit: videlicet tepesacta manus magis dolet, quoniam nervi antea densati, calore autem pectoris rarefacti, spiritum recipiunt sensificum, quem antea non suscipiebant. Similiter cum stupidum crus mouetur, conatu illo mouendi per angustias nervorum pellitur spiritus, quo membri stupidi frigus, & labor sentitur, unde fit dolor. Demum ambustus digitus aquæ frigidae contactu magis dolet, quia densatur cutis, nec calidus vapor exire permittitur, intus autem coërcitus magis exacerbatur, & molestat; unde multò melius est, quemadmodum fieri solet, ut magis rarefiat cutis, & caloris ignis ope, calidus vapor extrorsum trahatur. Hæc de voluptatis, & doloris essentia, & occasione qua prædictæ passionis in nobis oriuntur, satis sint. Deinceps prosequamur cætera. Lega

Ioan. Philip. Ingrassiam in *com. cap. 75. art. med. Galeni.*

## QVAESTIO XLI.

*Utrum intemperies sola, circa solutionem continuitatis sit immediata causa doloris, ut contra Galenum Auerrhoës & Cardanus assenserant.*

DE natura doloris, etiam si abundè multa recensuimus supra, nihilominus supersunt plura quæ Galeni ope, vel Delio (ut aiunt) naratore indigere videntur. Cogitavi enim diu mecum, cur Galenus Philosophus eximius, & Medicus præclarus, quum de doloris causis agit, duas præmittit, nempe continui solutionem, & intemperiem: Cum enim *cap. 5. lib. 2. de loc. affectis*, de doloris causis disceperaverit diffusè, earumque differentias fuerit exactè rimatus, præoccupauit prius quòd sibi obici poterat: referens enim illo loco varios doloris modos, sibi videbatur repugnare cum aliis locis ibi referendis; nam tensionem dolorem efficere ibi affirmat. At non sibi contradicit: tensio enim dolorem efficit, non alia de causa, quam quòd partis quæ tenditur continuitas soluitur, quia distrahitur ac segregatur eius substantia, quoniam dum comprimitur, in seipsam cedit: neutrum verò sine continui solutione fieri posse constat: vulneratio autem siue à repungente, seu erodente, ipsamet continuitatis solutio est; in eo tamen diuersa ab illa quæ intentione, siue compressione fit, quia modens, solutionem præstat pungendo ad acus similitudinem, extendens autem rumpendo. Intemperies verò causa est



diuersissima doloris, & illum efficiens absque continui A solutione, quod in presenti accurate examinandum.

Sed prius inquirendum, quomodo ex solo inæquali, & fiente intemperamento in nobis gignatur dolor, quod Gal. loc. cit. de loc. affect. & alibi sæpe edocuit, non verò ex facto, & æquali: ratio dubitandi est, quòd si dolor (vt supra diximus) dirigitur ad præcautionem mali, multò autem periculosiora sunt facta, & inæqualia intemperamenta, quàm inæqualia, & fientia, cur similiter, & multò magis ex illis non dolebimus? Deinde, cum varia membra corporis opposita inter se, per totius vitæ discursum sese mutuo inæqualiter intemperent, perpetuò doleremus, & in perpetua molestia dum viuimus, versaremur, si inæquali, fientique intemperiei dolor fuisset annexus.

Dic ad primum. Præter ea quæ supra dicta sunt, vbi de doloris essentia egimus, cur ad facta iam, constituta, & B æqualia mala dolor sequatur, nulla ratio est, quoniam nec possibile sit, nec necessarium: immò incommodum magnum fuisset, si illa cum dolore sentiretur. Et primum quidem constat ex eo, quoniam vbi intemperamentum iam factum est, & æquale, vnum tantum adest, quod omnes partes corporis nostri occupat, quòdque operantis naturæ instrumentum est. Sed id quod sentitur, oportet esse diuersum à sentiente. Non potuit ergo præstare natura, vt sentiretur intemperies quæ abiit iam in factam, & æqualem. Et licet quidem posset, incommodaret valde si præstitisset: si enim infixum iam, & inæquale intemperamentum dolorem inferret, doleret perpetuò biliosus percepto suo calore, & suo frigore piquosus; Germanus, & Indus in suis partibus; & piscis in aqua, & calida animalia in calidis tractibus: cuius contrarium, præterquam quòd expertum sit, si ita eueniret, nihil in vita molestius, & ærumnosius contingeret, quàm ab iis quæ propria iam sunt, & radicata, dolere. Adde quòd facta iam, & æqualia intemperamenta, quum veluti naturalia sint, potius illa fouere tanquam amica, quàm expellere conatur natura.

Ad secundum. Inæqualitas illa intemperamenti, quæ fit in membris sese mutuò alterantibus, exigua admodum est; vnde nihil mirum si indolorifica: quamvis enim continua videatur vationum membrorum inter se mutua alteratio, quamdiu durat vita, cum tamen natura, formæque substantialis rotius, illam temperamenti varietatem in variis partibus requirat, proprium cuiuscumque quoad potest, tueretur; & si in totum non assequitur, prohibet saltem ne eo immutetur, neque cum dolore fiat alteratio; præsertim quòd perpetua alitio, quæ in parte fit, confestim restituit quiddam immutatum fuit de natiuo temperamento. Fit itaque dolor non à facta iam, & æquali, sed à fiente, & inæquali intemperie.

Sed num ea per se absque continui solutione dolorem valeat efficere, maxime controuersum est: & plurimi quidem, non fieri nisi solutionis interuentu, eamque perpetuò esse doloris causam proximam, & immediatam, hancque fuisse Galeni sententiam, constanter affirmant; cuius meminisse videtur lib. 1. de caus. sympt. cap. 6. vbi postquam docuit in sensibus omnibus dolorem contingere, concludit, dolere omnes quidem, & tristari cum à suis sensatis diuelluntur: at manifestum est per diuisionem continuum solui. Apertius ramen lib. de inæquali intemp. cap. 6. vbi ex Hip. docente 3. de fract. 34. morbum omnem vlcus esse, monstrat non prius intemperiem dolorem efficere, quàm continuum soluat. Idem testatur 4. simpl. cap. 2. dicens, frigidi proprium esse condensare; fundere verò, ac liquari, calidi; vtriusque verò commune mordicare, quod quædam est solutio continui: In eo itaque sitam esse putat doloris causam proximam, & per se: id quod sentire visus fuit Aristoteles, dum lib. topicor. cap. 3. dolorem appellat separationem partium cum violentia.

Nec verò rationes defunt, quibus firmari possit prædicta opinio. Sicque primò. Non omnis intemperies dolorem efficit: nec enim humida, vt infra patebit, aut remissa. Ergo non potest intemperies esse per se, & immediata causa doloris. Probatur consequentia, quia omnis causa per se est etiam de omni.

Secundò. Illa quæ sunt causa vnus, & non sunt ex eodem genere, ordinem quandam habent inter sese, ita vt vnum vel sit causa alterius; vel ambo vnum efficiant, à quo effectus resultet, v. g. si ignis ab igne, motu, & sole producit; est quia calor à quo ignis fit, omnibus illis communis est. Cum ergo à solutione, & intemperie dolor asseritur oriri, credendum est vnum ex his esse alterius causam, vnumque esse proximam, & immediatam dolori, solutionem scilicet, quam intemperies valida fecit.

Tertiò. In febre ardentissima adest maxima intemperies, similiterque in ingenti aëris æstu: Atqui non idèd dolorem percipimus, quemadmodum à minima cutis diuisione. Diuisio ergo seu continui solutio, proxima est ea doloris causa.

Quartò. Non alia ratione calor dolorem facit, quàm quòd partium substantiam segregando, & dissoluendo incidit; frigus autem, quòd densando eas quas attingit, ab aliis diuellit: Sed tam diuellere, quàm segregare, est ipsum continuum solvere: Ergo non excitat dolorem intemperies, nisi mediante solutione.

Contrà ramen omnino sentit Auerrhoës lib. 3. collect. cap. 31. vbi solam intemperiem putat esse immediatam doloris causam, nec fieri à continui solutione per se, & immediatè, sed à mala qualitate, intemperieque, quæ sequitur ad solutionem ipsam, ratione motus quem habet annexum. His verò fundamentis Auerrhoës sententia à multis recepta, potissimum nititur, quoniam sicuti delectantur sensus, ad moderantiam suorum sensibilium, ita dolent & tristantur, ad illorum immoderationem vt oculi à vehementi luce, splendorèque, aures ab acuto sonitu, C &c. Atqui qualitates primæ sunt propria, per se, & immediata tactus sensibilia. Ergo vbi modum, & commensurationem excefferint, per se, & immediatè dolorem in tactu excitabunt. Quòd verò & solum per se, probatur, quoniam sola propria sensibilia per se, & immediatè à sensibus sentiuntur, reliqua non nisi illorum interuentu: cum verò continui solutio proprium sensibile non sit, non poterit per se sensum immutare, nec dolorem facere, absque qualitatibus interuentu, in quibus consistit intemperies.

Deinde continui solutio priuatio quædam est. Sed sensus per se, & primò circa priuationes non operantur, sicut nec ab illis immutantur. Ergo non potest fieri tristis illa sensatio, à qua doloris ratio dependet, ab ipsa solutione, saltem primò, & per se, maxime quia dolor non magis in tactu, quàm in reliquis omnibus sensibus contingit, licet D in ipso maior. Sed vnum, idèdque sensibile non potest esse omnibus sensibus proprium. Ergo non potest fieri dolor in omnibus sensibus à continui solutione, tanquam à propria, solaque causa. Adiungunt. Durante continui solutione sapissimè non datur dolor. Ergo non dependet ab illa, tanquam à sua, proximæque causa; hæc enim si fuisset, perseveraret dolor ipse, quamdiu solutio duraret. Dicendum ergo videtur, gigni potius ab intemperie, eaque cessante euanescere dolorem, nec dari in parte aliqua antequam intemperetur: non enim ratio alia potest assignari, cur multi vulnerari non sentiant se vulneratos, nisi quia nondum intemperiem contraxerunt, doloris efficientem, immediatamque causam.

Ex prædictis rationibus in vtramque partem adductis, censent plurimi, ab vtraque causa, solutione nempe, & E intemperie, posse dolorem proximè, & immediatè generari, cuius sententiæ fuit Auic. cum affeclis, 2. 1. doct. 2. cap. 19. Quæ quidem confirmari potest ex eo, quoniam tunc sensatio tristis, dolorque fit, quum aliquid occurrit, subito, & affatim naturam corrumpens, ducensque à naturali ad præternaturalem statum. Sed non minùs natura nostra corrumpitur vehementi alteratione, quàm continui solutione. Ergo credendum est ab vtraque causa posse dolorem excitari. Minor manifesta est, siquidem & temperamento, & vnione constat natura nostra, ac propterea vbi aliquid inciderit quodcumque eorum euertens, dolebimus, & tristabimur, licet alterum remaneat illæsum. Hoc ipsum verò existimasse Galenum, (licet Auicenna & Auerrhoës contendat, eum solum voluisse solutionem continui esse immediatam causam doloris)



ex multis locis elicitur, ubi non vnus, sed duplicis illius A  
causae meminit: expressè namque in lib. de loc. affect. vnam,  
& alteram commemorat, 1. de caus. sympt. 6. 2. de rat. vict.  
text. 1. lib. art. med. c. 80. 12. meth. 7. & lib. de inequal. in temper.  
cap. 3. ubi referens dictum Hipp. lib. de loc. in homine, aper-  
tis verbis testatur, tam intemperiem, quam solutionem  
efficere dolorem: verum num vnaquæque immediata  
sit, aut non sufficiat, nisi alicuius interuentu, non satis  
expressit; vnde tota oritur controuersia.

Qui primam sententiam sequuntur, affirmant alteran-  
tiam efficere dolorem, quia continuum d. soluit, & ex sola  
continui solutione dolorem oriri. Galenum verò his  
paulo antè adductis asserentem aut ex solutione, aut al-  
teratione fieri, intelligendum putant, ac si diceret, fieri  
quidem semper ex solutione sola, sed ea aut per se facta,  
aut ex alteratione, nimirum quoniam ipsa continui solu-  
tio aliquando per se aduenit, vt cùm incisio fit; aliquan-  
do ex magna, & violenta alteratione. Hi tamen fateri  
coguntur propter argumenta Auerrhois, continui solu-  
tionem proprium esse tactus sensibile, licet 1. de anima, &  
lib. de sensu, & sensili, ab Aristotele non fuerit expres-  
sum, quum sensibilia communia per se non percipiantur.  
Deinde dolorem esse solius tactus symptoma, nec in aliis  
sensibus sentiri, nisi ratione tactus per omnes dispersi,  
nempe quia si sola continui solutio immediata est do-  
loris causa, & proprium tactus obiectum asseritur, alio  
sensu sentiri non poterit, nec nisi ratione illius dolor in  
aliis fieri, id quod à Gal. dissonum non est, cùm expressè  
doceat 1. de caus. sympt. ea quæ per visum, odoratum, au-  
ditum, & gustum mutant, cùm excedentia sunt, dolo-  
rem efficere continui solutione, quæ quia naturam corrup-  
pit, & violenter immutat, cùm molestia & dolore sentitur.

Iam verò non sentiri dolorem tanto tempore, quo  
solutio durat, non valde vrget à prædicta ratione rece-  
dere; nam cùm dolor à fieri potius, mutationeque, quam  
à facto esse, & mutato dependeat, nihil nimirum dicent,  
si ubi aliquid ruptum iam, diuisumque est, dolor semper  
non addit: quod si is aliquando sequitur, facto iam, &  
inflicto, aut durante vulnere fit, propter superuenientem  
causam continuum de nouo soluentem, humorem scilicet  
acrem, mordentem, vel vicerantem partem, phlegmo-  
nem distendentem, vel quodcumque aliud potens conti-  
nuum soluere.

Denique si obiciat, validam intemperiem immediatè,  
& per se corrumpere naturam, atque adedò dolorem fa-  
cere, admittent quidem, sed non proximè, & immediatè:  
nam cùm intemperies morbifica continui solutionem  
quam efficit, habeat annexam, vt constat ex Hipp. à Gale-  
no relato cap. 6. de inequal. in temperie, vbicumque violenta  
aduerit intemperies, & subita, aderit etiam ipsa solu-  
tio, doloris causa immediata. Nec verò necessum est, vt  
quod per se, & nullius interuentu, subito, & affatim na-  
turam corrumpit, per se, & immediatè dolorem efficiat,  
quoniam etiam nec omnia quæ per se ad aliquid con-  
currunt, per se etiam sunt causa omnium effectuum, vt  
innumeris ferè argumētis potest confirmari.

Cardanus lib. 2. contradiet. tract. 3. cont. 1. arbitratur so-  
lutionem, & intemperiem simul sumptas esse doloris  
causam; nec ab vna sine altera fieri posse in sensu tactus,  
semperque in dolore, aut solutionem intemperiei con-  
iungi, & è contra; & vnam ab alia nonnunquam produ-  
cis sed ita ab his duabus causis simul concurrentibus do-  
lorem fieri putat, vt à solutione tanquam à causa proxi-  
ma, id est, adæquata fiat, vt ipse explicat, in eo differens  
à priori sententia, quod necessariò etramque causam re-  
quirat simul. Cogitur verò ita existimare ex eo, quoniam  
cùm dolor (vt ille retur) sit quidam sentiendi modus, duò-  
que in se comprehendat, sensationem, & modum, nec si-  
ne proprio obiecto fiat sensatio, planè sit vt hæc in tactu  
detur intemperies, malæ, & disconueniens qualitas, qua  
ad præternaturalem statum mutetur, atque adedò omni-  
no requiri videtur simul & continui solutio, tanquam  
proxima causa illius modi sentiendi, non solum in tactu,  
sed & in reliquis omnibus sensibus; vnde cōmune quod-  
dam dicitur obiectum, & sine quo dolor nequaquam fit.

Lib. III.

Quoniam verò solutio hæc continui, quandoque in-  
temperiei causa est, nonnunquam autem ipsa intemperies  
solutionis, ac proinde alteram modò proximè altero,  
modò remotius videtur, idè Galenus continui solutio-  
nem, & intemperiem ex æquo quasi statuit causam dolo-  
ris in sensu tactus, licet ipsa continui solutio semper sit  
adæquata, & proxima, quamvis nonnunquam antecedit  
intemperiem, ipsamque producat. Nec mirum si intem-  
peries mediante solutione producat, ob vehementem  
morem, cum quo solutio fit: apparet enim vel ex leui duo-  
rum lapidum collisione ignem nonnunquam excitari; im-  
mò & aliquando ex sola frictione lignorum hedera, &  
lauri: & pueri cùm flagellantur, manifestam sentiunt ca-  
liditatem, & etiam postquam vapularunt, ingentè dolo-  
rem, ob solutionem à contracta intemperie de nouo generari.

Adiungit autem Cardanus, idè magnum adesse do-  
lorem, ubi qualitas est intensa, quia hac præsentem magna  
datur continui solutio, quamvis non è contra; quoniam  
licet nunquam detur mala qualitas efficiens dolorem si-  
ne solutione continui, nec absque mala qualitate dolo-  
rifica solutio: hæc tamen rectè potest esse magna, vt cùm  
sensum fit, & qualitas ipsa remissa; & hinc fieri inquit, vt  
sæpe dolentes qualitatem non percipiamus, quamvis ea  
ad sit, & reuera ibi sentiatur, sed obscura; aliter enim  
dolor non fieret, quia deesset sensatio ad modum requi-  
sita, in quo doloris essentia consistit; ac propterea à dua-  
bus illis causis simul concurrentibus, solutione scilicet,  
ac intemperie dolorem dependere ait, & nequaquam  
dari ad cuiuscumque defectum; idèque vulnerarum  
aliquando non sentire, nec dolere, propterea quod deest  
intemperies, quam nondum contraxit.

Verum licet artificiosa sit Cardani interpretatio ad  
propositam difficultatem, quod tamen vtrique causa,  
simul, tanquam efficiens, non requiratur ad dolorem, sed  
alterutra sufficiat, multis comprobari potest; & eo maxi-  
mè quoniam non minùs intemperies potest naturam  
subitò, & affatim corrumpere, quam continui solutio.  
Ergo vna sine alia poterit dolorem efficere. Deinde do-  
lor, vel est sensus molestus, vel quædam appetitus passio  
sequens ad rei contrariæ sensum; sed causa ipsa sensa-  
tionis cuiuscumque est ipsum obiectum: cùm ergo in-  
temperies sit proprium tactus sensibile, per seipsam effi-  
ciet sensationem molestam, aut nullius alterius inter-  
uentu causa erit passionis in appetitu.

Nec verò obstat, quod ex sententia Galeni loc. in initio  
adductis, obicitur: & 12. meth. 7. Intemperies qua dolorem  
facit, continuum soluit, nec aliter potest esse dolorifica, quam  
si solutionem habeat annexam: nam licet illud fateamur,  
non euincit perpetuò solutionem interuenire, tanquam  
causam efficientem: quod manifestè ostenditur, quia si  
causa subitò, & vehementer refrigerans, aut vehementer  
calefaciens continuum non solueret, procul dubio ta-  
men dolorem excitaret, corrumpere enim naturam. Er-  
go non requiritur solutio continuitatis tanquam causa  
necessariò efficiens, licet semper sit coniuncta intempe-  
riei dolorificæ, idque solum credi potest voluisse Gale-  
num prædictis in locis, non quòd, vt efficiens, in dolore  
semper concurrat: immò verò aliquando à solutione, non-  
nunquam ab intemperie per se euenire, significasse, vide-  
tur, quum vtramque causam doloris distinctè apposuit.

Ergo licet cum intemperie efficiente in tactu dolorem,  
necessariò iuncta sit continui solutio, ea tamen non con-  
currit necessariò ad omnem dolorem tactus. Dicimus ne-  
cessariò, quoniam si solutio semper intemperiem dolo-  
rificam comitatur, & causa etiam est generatiua doloris, pla-  
nè negari non potest eam in omni tactus dolore effecti-  
uè concurrere, saltem partialiter, licet non necessariò, cùm  
intemperies ipsa possit dolorem efficere, vt diximus: ve-  
rùm quoniam solutio iam exigua est, vt nequaquam  
sentiatur, sine errore dici potest à Medico, illam non  
semper in tactus dolore dari, nec semper esse causam ef-  
ficientem illius, sed aliquando solam intemperiem per se,  
quemadmodum Auicenna, & eius interpretes affirmant.

Sed quæres, num quemadmodum in tactu primæ qua-  
litates, proprium illius obiectum, ubi excedunt, & sunt

improportionatæ naturæ, per se dolorem efficiant absque A  
continui solutione, possint etiam aliorum sensuum obiecta similiter immoderata, ipsos destruere, nulla interueniente continui solutione: Multi affirmant dolere auditum, quia auditus est, ex acuto sono, visum ex fulgore, & sic reliquos sensus à suis qualitatibus excedentibus, quia ubi valde excedunt, fiunt sensuum naturæ improportionatæ, & disconuenientes: quatenus verò habent tactum coniunctum, dolere à continui solutione; idque ex Galeno colligi putant 1. de caus. sympt. cap. 6. dicente, in reliquis sensibus à tactu, dolorem generari à familiaribus sensibilibus, & duplices in singulis dolores accidere, quosdam affecto in illis proprio sensu, quosdam affecto tactu. Alij negant, asserentes non aliter amara gustum tristare, quàm quia rodunt; adstringentia, quia comprimunt; splendida, & candida, quia disgregant; nigerrima, quia congregant; acutum sonum, quia disrumpit auditus organum; atque ita semper in doloribus reliquorum sensuum à tactu, necessariò interuenire solutionem continui, tanquam causam efficientem, quoniam non aliter possant illorum obiecta quamuis immoderata naturam corrumpere, quàm continuum soluendo, quod testatissimis verbis Galenus expressit cit. de caus. sympt. l. Quamuis autem dolor in auditu, visu, gustu, odoratu, non fiat per se à suis obiectis quantumuis immoderatis, nisi quatenus continuum soluant, non idèò tamen asserendum est, prædictos sensus dolere solum ratione tactus; nec enim continui diuisionem proprium tactus obiectum esse asserimus, sed potiùs omnibus commune, ac proinde si ea in vnoquoque sensu ad proprii obiecti immoderationem sequatur, dolorem efficit vnicuique sensui proprium.

Instabis sequi ex dictis, non soli tactui dolores vehementes accidere, nec reliquos sensus dolere posse, & ad tactus passionem, & ad propriam, contra ea quæ à Galeno docentur, prædicto loco de causis symptomat. Nam si continui diuisioni aliis sensibus ratione sui etiam contingit, & ea grauissimorum dolorum est causa, planè in aliis etiam fient acerbissimi dolores, immò verò acerbiores aliquando quàm in tactu, prout vnusquisque perfectior fuerit, acriùsque sentiens. Deinde nulla relinquitur causa, ob quam doleant affecto tactu, vel saltem ad continui solutionem tactui contingentem, si illam ex se habeant.

Dic, quòd licet continui solutio sensibus omnibus communis sit, magis tamen in tactu, quàm in cæteris percipitur; & quia causæ illam potissimùm efficientes, vt asperum, acutum, durum, excedentes qualitates propriæ sunt tactus; & quia ab eo cum præcipuè dependuat vitæ conseruatio, magis propriè percipiet & sentiet causas corruptentes, ac proinde nihil mirum si grauiores dolores in tactu contingant: eò maxime, quòd cum duo illa, intemperies nempe, & solutio continui sese mutuo vt plurimùm comitentur, & ad inuicem sequantur, necesse sit dolores in tactu augeri, fierique acerbiores.

Ad secundum. Afficiuntur sensus proprio dolore, quoniam solutio fit à propriis obiectis immoderatis: quando verò sequitur ad tactus obiectum, dolent ratione tactus; quemadmodum etiam quatenus illo præditi reliqui sensus, dolebant ad intemperiem, &c. Lege alios soluendi modos apud Fernel. lib. 1. patholog. cap. 7. Scaliger. exercit. 299. aduersus Cardan. num. 2.

Illud verò hac sententia retenta vrget potissimùm, quomodo continui solutio per se possit dolorem efficere, si obiectum commune est, quod nunquam per se sine proprio sentiri potest, iuxta Philosophorum placita. Nec satisfacit quod quidam asserunt, causam scilicet soluente sentiri, solutionem autem tristare; esset enim in Cardani opinionem incidere, asserentis dolorem in sensu tactus à solutione solum fieri non posse. Præterea cum dolor in sui ratione includat sensationem rei contrariæ corruptentis naturam, vel ad illam sequatur, si solutio nullo interueniente dolorem facit, videretur quòd sola sine alio sentiri potest.

Dic, quòd licet sensibilia communia primò, & per se sensus non immutent, sed ratione propriorum, quia sunt qualitates potentes immutare organa sensuum; nihil ra-

men inconuenit sentiri aliquando commune obiectum, proprio non sentito, quando scilicet, hoc propter sui exiguitatem, aut distantiam, exactam sui formam organo non imprimi, aut propter aliquod interueniens impedimentum non sentitur: atque idèò quamuis continui solutio non accadat ad sensum absque causa soluente, sæpe tamen sentitur, & dolorem facit causa non sentita: quemadmodum è contra nonnunquam euenit, fieri scilicet dolorem ab intemperie, sine eo quod sentiat solutio, quamuis sæpe comiteretur dolorificam intemperiem.

Ex his patebit solutio argumentorum, quibus cum Auerrhoë pugnant multi, ex sola intemperie produci posse dolorem. Ad primum namque dicendum, quòd licet qualitates primæ constituentes intemperiem, immediatè, & per se tactum moueant, quemadmodum & reliqua propria obiecta suos sensus: solutio autem continui, tanquam sensibile commune, non nisi proprii interuentu, rectè tamen sentiri potest, & molestare causa non percepta, vt diximus. Quamuis autem, priuatio sit, cum naturæ corruptionem importet, oritur in nobis ex ea molesta illa sensatio, & dolor.

Ad secundum. Cum non asseramus continui solutionem esse sensibile proprium, nec ab ea sola fieri dolorem, non euincit argumentum. Denique quamuis à diuisione continui etiam fiat, non est necesse vt semper doleamus durante solutione, ob causam supra assignatam; dolemus enim dum soluitur continuum, licet non adsit adhuc intemperies. Quòd si vulnus dum fit, aliquando non sentimus, est quia nonnunquam ita velocissimè & inopinatò infligitur, vt sensus non sentiat, nec mens aduertat: paulo post verò dolemus vulnere iam inflicto, ob superuenientem humorem, vel intemperantem, vel erodentem vlceratam partem: verum hoc non tollit, ipsam solutionem etiam per se dolorem posse inferre, quemadmodum sine solutione intemperiem ipsam.

Argumenta verò in initio adducta, pro prima opinione asserente solam continui solutionem esse causam immediatam doloris, sic sunt soluenda. Licet hoc asseramus in propriis sensibilibus à tactu, in hoc tamen etiam ab intemperie fieri, efficaciter monstratum est. Nec Galenus aduersatur lib. de caus. sympt. cit. solum enim ibi docet, dolere visum, gustum, auditum, & odoratum, cum à suis obiectis immoderatis diuelluntur, hoc est, continui solutionem patiuntur, quod non diffitemur. Capite autem 6. de inaequali intemperie, referens Hipp. dictum, & in reliquis locis adductis, tantum vult intemperiem morbosam, & dolorificam, semper habere annexam continui solutionem: verum quamuis ita sit, non idèò concludit etiam, ab intemperie sine solutione dolorem per se non fieri, cum per se sola sit sufficiens naturam corrumpere. Minus obstat, quòd non omnis intemperies dolorifica est, ac proinde per se non erit causa doloris: nam solum id quod per se, id est, essentialiter conuenit, de omni dicitur; non verò id quod per se, id est, sine interuentu alterius. Num autem omnis intemperies possit dolorem efficere, infra dicetur.

Ad secundum dic, quòd cum non requiratur subordinatio inter solutionem, & intemperiem, ad hoc vt dolorem efficiant, sed vnaquæque per se possit, non est necessarium vnâ semper esse causam alterius, vel alteram immediatam alteri. Ad tertium. Negari non potest, dolere laborantes ardenti febre, ratione intemperiei, & solutionis continui annexæ, dummodò mens non ægrotet.

Ad quartum. Quamuis excedens calor segregando, & frigus densando, atque ita continuum soluendo dolorem efficiant; etiam intemperando molestant dolorificè, quia corrumpunt euertendo temperamentum quo potissimùm natura constat. Quare negari non potest ab vnaquaque causa, per se sine alia, intemperie scilicet, & solutione, posse dolorem inferri, quemadmodum docuit Hip. citatus cap. 3. lib. de inaequali intemperie, dicens fieri dolores, dum alteratur, vel corrumpitur natura, intemperiem intelligens, per verbum alteratur, solutionem autem, in verbo corrumpitur: ab vtraque enim fit natura immutata

immutatio, & corruptio; & propterea definiens dolorem, dixit esse violentam partium naturalium separationem, in quo sanè utramque causam comprehendit: siquidem non minùs separatur, immutaturve res à suo naturali stato, duciturque ad violentum, & præternaturalem, amittens naturalem temperiem, quam partium unionem & continuitatem, quibus natura integratur & constat. Consule pro maiori explicatione. Conciliator. *disf. 73. & Iulium Gualtavinum lib. de loc. medicin. selectis, cap. 1. & 2.*

## QVÆSTIO XLII.

*Vtrum ab omnium qualitatum intemperie dolor concitari possit.*

**Q**uoniam paulo antè doloris mentionem fecimus, sed breuiter admodum, ac magis concisè, quàm arduum hoc argumentum exoptabat, modò adnectemus alia, quæ indagatione varia sunt deprehensa nobis. Cum enim ratum sit, posse validam, immoderatamque intemperiem per se in sensu tactus dolorem efficere: superest inquirere, num ab omnium qualitatum intemperie concitari possit, aut à qua non: quæ sanè difficultas non minùs controuersa est, quàm præcedens, ob varia quæ à Galeno scripta reperiuntur.

Si enim eius loca attentè rimeris, mecum ita senties: *Lib. siquidem de inæqual. intemper. cap. 3.* ab omnibus qualitatibus dolorem procreari asseruit; nam *dolor fit, quum alteratur, aut corrumpitur, vel calefit, vel frigefit, vel siccatur, vel humefit*, dixit Hip. Idem docuit *lib. art. med. cap. 80. & 2. acut.* 1. dicens fieri dolorem, quum immutantur corpora immutarique quandoque ad calidum, frigidum, siccum, & humidum, & *lib. de nat. hum. text. 6.* apertè testatur, quòd ea quæ vehementer calefaciant, infrigidant, siccant, atque humectant, suapte natura dolores excitant. Sequitur Auerrhoës *lib. 3. collig. cap. 31. & lib. 4. cap. 46.*

At verò ipsemet Galenus *12. meth. cap. 7.* duas tantum qualitates expressit, (dum ibi causas doloris exponit ex professò) à quibus generatur dolor, calorem nempe, & frigiditatem, nullam de humiditate, & siccitate faciens commemorationem, ac si per se ab illis generari non possit: idque sensisse creditur *1. de caus. sympt. cap. 6.* dicens, *has qualitates, quia citra violentiam corpus contingunt, dolorem non inferre absque frigore, aut calore*; & *lib. 2. de compos. med. sec. loc. 1.* scripsit, quòd calidam, & frigidam intemperiem vehemenatissimi capitis dolores sequuntur; siccam, moderati; humidam, nulli omnino: quam sententiam sequitur Auic. *2. 1. doct. 2. sum. 2. cap. 19. & 1. 3. tract. 2. cap. 10.*

Quidam ex dictis suprà, antinomiali solunt hoc modo, & duplex constituunt genus doloris, magni scilicet ad se curam trahentis, & levis exiguique, qui ad se curam non trahit. Tunc ex qualitatibus solas actiuas per se causam esse doloris arbitrantur; illius verò qui mediocris est, & parvus, etiam passiuas, licet minor ab humiditate generetur, propter eius tarditatem in agendo. Adiungunt etiam, quòd licet humiditas ex se posset acutum dolorem procreare, quia tamen nunquam ad insignem intensionem peruenit, (cùm iuxta Mesue sententiam, *cap. de psyllio*, gradum secundum non excedat) dolorem nunquam procreat. Cùm ergo asseruit Galenus, fieri dolorem, ubi subita contingit mutatio, & hanc à calido, sicco, humidò, frigido fieri; comprehendit (inquiunt) causas doloris per se, quales sunt omnes qualitates, quamuis humiditas eum non efficiat, quia destituitur excessu illo, qui ad dolorem inferendum requiritur; propter quod *2. sec. loc. cit. Gal. & Auic.* asseuerant, nullum dolorem fieri ab humiditate, quam tamen ex se efficeret, si augetetur. Quòd si *12. meth.* caloris, & frigoris solum meminit, de dolore agebat curam ad se trahente. *1. autem de caus. sympt. cit.* sentit tantum, qualitates passiuas non posse per se grauem dolorem efficere, sine actiuarum coniunctione, quòd non differtur.

At licet hæc opinio defendi possit, multò probabilius

**A** est existimare, considerando intemperiem nudè, hoc est, sine materia, à solo calore, vel frigore posse dolorem per se generari, à siccitate autem, & humiditate non nisi per accidens, aut alterius interuentu, qualitatibus nempe, aut humoris. Suaderetur, quoniam illæ tantum qualitates per se dolorem inferre possunt, quæ nullius adminiculo, ita violenter, subitò, & affatim alterant, ut naturam corrumpant. Sed caliditas, & frigiditas illud solum efficere valent; reliquæ enim, siccitas, & humiditas, etsi non omnino actionis sint expertes, non tamen nisi sensim, tardè, & paulatim alterant & immutant. Ergo, &c.

Confirmari hoc ipsum videtur, ex *Gal. 12. meth. 7. vbi* ex professò agens de causis doloris, actiuarum tantum meminit, & *1. de caus. sympt.* sæpe relato, ubi docet siccitatem, & humiditatem, si absint calefactio, & refrigeratio citra violentiam corpus contingere; ac proinde innuens, ex se dolorem non inferre, nisi aliqua ex actiuis qualitatibus interueniat, aut quidpiam aliud.

Nec sanè difficile erit, reliqua Galeni loca in hanc sententiam reducere, nihil enim ei aduersum continent: Non diffitemur enim ab omnibus primis qualitatibus alterari, aut corrumpi naturam; quemadmodum ipse docuit *cit. de inæqual. intemp.* Verum quoniam non omnes violenter, & subitò immutant, id quòd ad dolorem inferendum requiritur, non ab omnibus per se induci asserendum est.

Quòd si *lib. de rat. vict. com. 1.* profert, siccitatem & humiditatem, conferri, & subitò immutare, atque ideo dolorem ex se facere, perinde ac caliditatem & frigiditatem: non ita intelligendus est, ac si de humiditate, & siccitate nudè sumptis, hoc est, sine materia loquatur, sed de illis prout cum materia, & humore coniunguntur; agebat enim de pleuritide, quæ ex nuda qualitate non fit, sed ab humore influente; vnde dolor, qui hic viget, propriè loquendo potius humori distendenti, & continuum soluenti, quàm passiuis qualitatibus adscribendus.

Denique, si *2. sec. loc. 1.* de nudis qualitatibus loquens, restatur mediocres dolores ex siccitate generari: non per se intelligendum est, sed per accidens, nempe ratione tensionis, quæ immodicam sequitur siccitatem; cùmque tensio ipsa sit quædam continui solutio, ad eam potius per se, quàm ad siccitatem dolor referendus est. Vel aliter explicare possumus, loqui ibi de siccitate, quæ fuit à calore inducta, à qua nihil mirum si dolor per se inferatur; quoniam ubi siccitas à calore producit, potest repente ingruere, & subitò corpus alterare, immutarique violenter, ac proinde dolorem per se inferre, licet ipsamet siccitas à calore producat. Et de doloris natura, & causis hæc sint satis.

**D**e eius verò differentiis plurima explanant interpretes, ad citatum *lib. 1. de loc. affect. Galeni.* Eas collegit *cit. loco* Galenus contra Archigenem, & sunt numero quindecim, ut Auicenna retur, *1. doct. 1. sum. 2. c. 20.* Prima est dolor stupidus, qui non est verus dolor, de cuius natura, causis, & generatione, *lib. 7. Praxis historiarum, cap. 10.* fusè disceptabimus. II. differentia dicitur dolor pulsatorius, inflammationibus proprius. III. exasperatorius, ut in tussi, & immoderata vociferatione, quando aspera arteria inæqualis reddita est. IV. pruriginosus, ut in scabie, & pruritu. V. mordicarius, ut quando partes humore acrimordentur. VI. Frangens, ut in ossibus, & quando interperiostum flans retinentur. VII. perforans, ut in colico dolore, & est proprius intestinorum crassorum. VIII. acualis, ut quando intestinum velut acu pertunditur, & est proprius gracilium intestinorum, differtque hic à superiori, remissione sola. IX. fatigatorio, ut quando partes ex causa manifesta; aut ex labore dolent. X. relaxatiuus, ut quando stomachus relaxatur, & dolet. XI. compressiuius, ut quando partes comprimuntur. XII. tensiuius, ut quando partes inflammatae tenduntur. XIII. Vlcerosus, quando partes vlcere tentantur. XIV. grauans, quando ex nimia copia humoris grauantur partes. XV. punctorius, ut in pleuritide contingere solet. Sed quia in his recitandis multus fui, habenas calamo.

# HISTOR. XXIX. AETII, Vstio, Ischiadicis utilisima.

**N**ouimus\* Ischiadicos, inquit Archigenes, qui ex praedictis vstionibus opem senserunt, &c. Aëtius tetrab. 3. ferm. 4. cap. 3.

## PARAPHRASIS.

**C**um affectus hic rebellis sit, humorque crassus & contumax lateat in profundo, & immani dolore corpus excruciet, debilitet, & saepe interficiat, ut ait Celsus lib. 4. cap. 22. tunc si remedia non prosunt, vesicatoria & tubrificantia parti adhibere oportet, ut eorum ope humor lentus liquecat, & ad superficiem attrahatur. At cum ex iis nullum saepe sequatur leuamen, ad cauteria accedere oportet (prisci vstiones vocant:) praestantior enim est cauteriorum usus, quoniam citius perurunt, ut monuit Aëtius tetrab. 3. ferm. 4. cap. 25. Quare, inquit Paulus lib. 3. cap. 77. cum vitium longius se prorogat, articulum, tribus quatuorve locis adurere oportet, ut in chirurgia dicitur, ac plurculis diebus ulcera ad aperta sine cicatrice seruare, &c. & lib. 6. cap. 76. sic ait. Quemadmodum humerus, sic etiam coxa propter humiditatis copiam nonnullis excidens, vstionem postulat, &c. Hippocrates hunc curandi modum omnium primus edocuit lib. 6. aph. 60. dicens. Quibusunque à coxendicum dolore molestatis diuino excidit coxa, iecrus tabescit, & claudicant si non urantur: & Galenus in com. sic interpretatur: Hippocrates suadet aduri coxam, ut id quod mucosum est, absumatur, & laxitas cuius, ad quam articulus lubricabat, magis ex vstione contracta, ardeat, & prohibeat articulum transponi, &c. nam, ut in com. firmat eruditissimus Heurn. Vredo madorem exhaurit, & laxitatem contrahit: foras trahit materiam etiam phlegmum. Cauteria diu aperta suant: tribus locis admoue: caue à tendinibus, & nervis, &c. Celsus loc. cit. sic inquit. Vltimum est, & in veteribus quoque morbis efficacissimum, tribus aut quatuor locis super coxam, cutem candētibz ferramentis exulcerare, &c.

Duplex est vrendi modus. Primus, quando profundè cauterizamus, & hoc opus vocatur vstio. Secundus, quando hoc opus superficialitatenus exequimur, diciturque inustio. Primo cauterio vimur quando humor profundius laet. Secundum celebramus sine penetratione vlla, cuius operationis beneficio humorem peccantem ad externas partes transmittit natura, pars mucoris copia imbuta, & laxior facta roboratur, & fluxio intercipitur: nam post cicatricem inductam pars rugosior, & durior euadit: de hac vstione intelligendus est Hip. lib. 6. aph. cit. Lege eundem lib. de loc. aëre, & aqua, num. 47. & elegantissimum Septalium in com.

Ancham cauterizandi multiplex est modus, quem proposuit Albucasis lib. 1. cap. 41. & 42. quo autem loco cauteria sint affigenda docuit Dioscorides lib. 2. cap. 72. Vitalem Ischiadicis vstionem hac modo accipiunt: in eo interstitio ubi pollex brachialis committitur, caua veluti lacuna subsidet, in qua lana oleo imbuta subternitur, deinde sigillatim stercoreis caprini feruentes pilula imprimuntur, dum per brachium ad coxam vapor sentiat peruenire, & coxendicis dolorem mitigare: adustio id genus Arabica appellatur, &c. licet quod ad Ischiadicorum vstionem pertinet, rectius loquatur Plinius lib. 28. cap. 10. sub his verbis. Quin & Ischiadicis vri sub pollicibus pedum eo fumo feruente vtilissime tradunt, &c. Nam, ut scite notauit eo loco Marcellus Virgilius: hac vstio praestantior est, & magis utilis. Siquidem facilius à pede per totum crus calor sensus ad coxendicem, quam à manu per brachium peruenire potest. A coxendice praeterea per femora, genua, tibiaeque ad infimos talos perueniens coxendicis dolor est, quod in superiore hominis parte non sit, &c. Sed Graeci, Paulus, Celsus, aliique, aliter vri in eo malo hominem voluerunt, ut supra ex eorum mente comprobauimus. Monet tamen Celsus, ut ulcera diu aperta seruentur. Sic enim ait: Cum verò saepe aliquid exulcerandum candenti ferramento sit, ut materia inutilis euocetur, illud

A perpetuum est, non ut primum fieri potest huius generis vlcera sanare, sed ea trahere, donec id vitium, cui per hac opiamur, conquiescat, &c.

Ex his locis patet manifestè, in Ischiadicis vtilissimam esse vstionem: de cuius efficacia, & usu consule Douynet. lib. 4. apolog. cap. 2. Eras. part. 4. disputat. Paracels. Articul. in lib. 9. ad Almanf. Rhaf. cap. de dolorib. iunctur. Nicol. ferm. 4. tract. 2. cap. 14. Alcaçarem lib. 5. de morb. Gallic. cap. 3. in fin. Bened. Victor. lib. empiric. cap. vlt. Vidum Vidium Iunior. lib. 5. de curat. membrat. cap. 3. Paschal. lib. de curand. morb. cap. 60. & inter omnes elegantissimè Hollerius lib. 3. instit. chirurgic. c. 5. de hoc negotio disceptat.

Vstio praesertim exercenda est, si materia malignitatis sit particeps, horrendos, terrificosque paroxysmos excitans; quam esse praestantissimam, grauissimis exemplis confirmat Paræus lib. 17. cap. 2. de Arthritis: Hic enim venenatus, malignus, occultus, & in profundo submersus humor, vi ignis refrænatur solum, & ad externas partes euocari solet. Licet autem hoc auxilium sit efficacissimum, non defuere tamen qui illud improbare ausi sunt, quoniam candens ferrum densat, & constrictione facta venenum reprimat, ac intra cutem cohibet, & ne foras spiret, impedimento est: elchara enim, & crusta genita crassitudine sua virulentum humorem retinet.

At ij cæcutiunt manifestè, nam cauteria, calore, & dolore, versùs partem vstam, deleterium, aut quemuis alium humorem foras euocant, cui distillationi, & spirationi exigua illa densitas non obstitit. Adde veterum testimonio, ignis actionem alia qualibet esse valentior. Quapropter ignis vi sua efficacissima cum venenum absumat, hoc refrænare, vastat, atque profligat, quoniam, ut inquit Cicero lib. 2. de natur. Deor. Hic noster ignis, quem usus vita requirit, confector est, & consumptor omnium, idemque quocunque inuasit, cuncta disturbat, atque dissipat, &c. subscribit Galen. lib. 1. simplic. 15. dicens. Ignis, ut qui omnium est tenuissimus simul, & calidissimus, & in profundum facile permeat, & comminuit, vincit, extenuat, atque transmutat, ac in suam denique naturam conuertit, undique scilicet contingens, & quod contingit exuperans. Quæ omnia in virulento humore optima sunt. Accedit alia non vulgaris utilitas, quod pars ignem experta, manere diutius apertam exulcerationem facit; nam id summopere est studendum, ne citò ulcera coalescant, & cicatrice obducantur, sed ad multos dies sordida, & manantia progentur, in quibus deleterij humoris venenum egredi queat.

Hoc præceptum obseruat Galenus lib. 2. de antidot. cap. 11. & lib. de theriac. ad Pison. cap. 16. cui ad stipulatur Auic. 6. 4. tract. 4. cap. 9. Carnis cicatricem remorantur alium iyluestre detritum, capæ succus, triici grana, ram mansa, quam integra: hæc enim vlcere humore imbuta, & tumefacta oras eius dilatant. Vstam partem etiam vellicare, & referare potest, medicamen descriptum à Gal. lib. 3. sec. gener. cap. 5. ex pice, aceto quam accetrimo, & opopanace constans. Oleum verus, aut balsamum idem præstant. Alij partem ebulli oleo fouent. Alij vesicas excitant post inductam cauterium.

Si verò quispiam delicatiorē cutem habeat, vel ob timiditatem cauteria admittere recuset, septicis, & exurentibus medicamentis vtendum est, cuiusmodi sunt puluis præcipitatus, vitriolum, argentum sublimatum, quod in hac re maximè probatur, quoniam non solum valentissimè inurit, sed exusta ab eo caro, obductaque crusta citò decidit, quod in omnibus causticis summopere est curandum, quod veneno facilius pateat exitus; quippe ea diu in vulnere retenta omnes obducis meatus, magno ægrotum incommodo. Hoc vtor foeliciter, loco cauterij.

℞. galbani, sagapen. opopanax. an. 3. β. euphorbij, 3. j. iridis, aristoloch. gentian. an. 3. j. nitri, sulphur. an. 3. ij. cera, quod sit satis. ut fiat unguentum.

Denique si hæc non ferat ægrotans, vtere aliquo vnguento ex discussoriis, ut irino, amaracino, aut cyprino, quorum descriptionem cit. lib. sec. gener. apud Galenum inuenies. Vnum tamen aduertas, ut semper vtaris cauterio: nam



nam ignis est simplex, & solum empyreuma in parte reliquit; at septica venenatam, qua pollent, imprimunt qualitatem, & spiritum resolvunt, tardè agunt, & diu excruciant, & sic lenta actione, dolore, & fluxione partem debilitant.

Sed de vitione pro coxæ dolore persanando, offert sese Hippocratis sententia, singulari digna admiratione; sic enim habet scientissimus auctor lib. 6. epid. sect. 5. text. 22. *Cum adsunt fluxiones, vena in auribus posteriores scindenda sunt, &c.* Quo eloquio, non venas capillares, sed sectionem grandiorum venarum intelligit, quia scarificatione externæ cutis aurium, inopinabile est aliquid emolumentum capi posse, quoniam exiguum erit, quod ex parte extrema, excarni, & frigida vacuari potest. Licet autem hoc auxilium rarissimè exequamur, ut Vallesius docet in com. tamen secare venas retrò aures non erit abs re, quando fluxio à cerebro ortū ducit; cum enim hoc sit frigidum, friabile, & exangue, pituitæque metropolis, & domicilium, in epist. ad Demetrium num. 40. copiam excrementorum plurimam ad inferiores partes detrudit, ex Gal. lib. 6. de sanit. tuend. cap. 9. & lib. 2. de diff. feb. cap. 11. & affectus nō solum in inferis partibus radicatoris fouet, sed in splene, hepate, aliisque remotioribus locis generat, auget, ac per circuitum exacerbat; explicat luculenter Fernelius 5. patholog. 4. nam & Hip. lib. 2. epid. sect. 1. sic ait. *Si caput doleat, ad pettum descendit, deinde ad præcordia, postea ad coxam, &c.*

Cerebrum cum sit in altissima parte locatum, sitque rectum domus calidæ, ex Gal. lib. 9. de usu part. cap. 1. sicut ex toto corpore vapores absorbet, sic ob debilitatem crudos humores generat, quos cum non possit absumere, ad inferiores partes, id coxam, & ad extremos pedum articulos depellit. Licet enim Fernelij opinio generaliter accepta reproba sit, ut infra notabimus, statuentis à capite omnem articulare dolorem per defluxum concitari: quando tamen fluxio ab hac parte originem ducit, non erit abs re vrere venas retrò aures, vel eas scarificare, ut scitè asserunt Mercatus lib. 1. indicat. num. ult.

Hoc ipsum manifestè edocuit Hip. lib. de glandulis, num. 10. *Alias morbus oritur ex defluxione capitis per venas in spinalem medullam, inde autem in sacrum os impetum facit, quod medulla ipsa fluxionem perducit, & in coxendicum acerbula, seu iuncturæ deponit, &c.* firmat lib. de loc. in homin. num. 19. *Si autem modicus fluxus furie* (loquebatur de septem defluxionibus quæ à capite fiunt) *coxendicum, & articulorum diuturnam affectionem facit, &c.* Ergo si aliquem coxæ dolori, manante ex capite fluxu, corripuerit, aliquā ex venis quæ post aures sunt, incidere oportet, & quum harum tres sunt numero, vna cæteris magis conspicua est, quam sanè præ aliis secare oportet, ut Fuchsius in com. 22. sent. 6. lib. epid. sect. 5. monuit.

Quod verò coxæ dolori harum venarum sectio auxiliū præster, manifestè edocuit Hip. lib. de loc. aëre, & aqua num. 50. sic enim inquit. *Ab equitatione ipsa defluxus eos in coxam corripuit, nimirum propendentibus semper ex equis eorum cruribus, deinde claudi fiunt, contrahunturque coxarum vertebra, quum inualuerit morbus. Medicantur autem sibi ipsi hoc modo. A principio morbi utramque venam retrò aures incidunt, quo facto sanguine multo promanante, somnus eos corripit præ imbecillitate, sicque obdormiscunt; quorum quidam aliqui depulso somno sani exurgunt, aliqui verò nimirum, &c.* Vltio ergo, aut sectio venarum retrò aures, intercepta via per quam humor à capite ad coxam decurrit, coxendicum dolores leuat; sed hoc auxilium postea homines infæcidos reddit, & hoc dicebat Hip. cit. de loc. infra. *Mihi sanè videntur ea meditatione se ipsos perdere: vena enim post aures sunt, quas si quis secet, sterilitatem infert his quibus secantur, &c.*

Hanc sententiam approbat Hip. lib. de genitura, num. 3. sub his verbis. *Quibuscunque retrò aures vena secta sunt, hi vocantur quidem, & genitura emittunt, verum modicam & debilem, & infecundam: nam plurima genitura pars à capite iuxta aures in spinalem medullam procedit, ipse autem transitus cicatrice sectioni inducta consolidatur est, &c.* Nec dubites: nam hæc Hip. sententia experimento est confirma-

tat: licet enim semen materialiter ex cerebro non descendat, confluit tamen formaliter: nam vt semen fecundum sit, oportet à cerebro, & multis principiis plurimam spirituum quantitatem transmitti: spiritus enim genitivus, qui est instrumentum facultatis formatricis, omni spirituum genere constat, & sic sequura sanguinis effusione debilitatur cerebrum, & spiritui animali, facta cicatrice transitus impeditur. Lege Mercat. lib. 3. de morb. mulier. cap. 5. Langium lib. 1. epist. 10. Num autem sectio venarum retrò aures sterilitatem inducat, explicat Gentilis in Auic. 4. 1. doct. 5. cap. 20. & 24. 3. tract. 1. cap. 3. Septalius ad cit. loc. Hip. lib. de loc. aëre, & aq. Andreas Laurentius lib. 8. de hist. anatomic. quæst. 4. qui alias causas sterilitatis Scytharum rimatus, neque equitationem, coxendicum dolorem, sanguinis fluxum, ab Hip. doctrina recedere cogitur, sed quàm debilibus nixus rationibus opinionem suam tueatur, probat eruditissimus Castrensis Lusitanus lib. 4. opuscul. *Quæ ex quibus, c. 5. de sterilitate, quæ venarum sectione inducitur, nobis sat sit monstrasse locum.*

### QVÆSTIO XLIII.

*Vtrum vna sit Arthritidis causa coniuncta & efficiens, ut contra Gal. asseruerat Fernelius.*

### COMMENTARIUM.

[Schadicos.] Quoniam verò de arthritico dolore mentio nobis in sequentibus plurima est, in cuius causa rimanda Iuniorum clarissimi decertant, sapius veritatem inuoluentes, corollarium adiciamus illud: Fernelium communia priscorum decreta perturbasse, exilibus rationibus, ne dicam nugis permunitum. Sed audiamus eius inuentum, cuius ignoratione, iactabundus, & gloriosus opinatur, hætenus dolorem articulare pro immedicabili esse relictum, opprobriumque Medicorum nuncupari.

De coniuncta causa, hætenus vnanimis Medicorum comprobant opinio, edocta à suo magistro Galeno lib. 10. sect. loc. cap. 2. eam interdum esse sanguinem, vt plurimum verò pituitosum, aut ex pituitoso, & bilioso mixtum. Quod si quis bilance rem trutinare velit, non pituitosum humorem, sed qui propriè crudus appellatur, vt plurimum circa articulos prædominari dixerit: nam ab humoribus mixtis, frigido sæpe superante calidum, interdum (licet non ita crebrò) calido frigidum, euenire hunc dolorem testatur Galenus: immò 6. epid. sect. 6. com. 4. articulorum dolores nonnunquam contingere affirmat, in quibus fluxio tum biliosa, tum calida est, eisque infrigidatione mederi docet.

Fernelius lib. 6. patholog. 18. aliter opinatur, censetque non tam variam causam coniunctam esse assignandam, vt Medici tradunt: non enim à sanguine, aut pituita, aut melancholia dolor hic originem ducit, sed perpetuò à pituita, & seroso humore. Hinc deducit nullam calidam esse arthritidem, cum omnis frigida sit, & ex frigido humore suborta. Quod si rubor, aut calor, præsertim in chiragra, prodagruæ cernitur, is non ex morbi essentia, sed ex doloris vehementia concitatur, qui ruborem, calorem, & nonnunquam febrem accersit.

Sed miserè labitur Fernelius, dum limpidissimos Syneræ Medicinæ fontes perturbare conatur: nam nec ex calore, rubore, aut febre peritus Medicus calidum esse dolorem arguet: hæc enim exasperantis caloris symptomata, calidæ arthritidis perpetua sunt, propria, magisque intensa; frigida verò longè remissiora, accidentaria, & temporaria, ita vt contingat, rubore, aut calore sublati adhuc affectionem vigere. Qui percurrere cupit signorum distinguendum notitiam exactam, legat Auic. 2. 4. 3. tract. 1. cap. 4. ibique, si vacat, Mathæum fusissimè cuncta hæc suis commentariis illustrantem.

Deinde si dolor arthriticus à pituitoso humore semper emanaret, non essent dolores intensi, quia illi non fiunt à frigida causa; nam humor pituitosus suapte naturæ iners est, neque duram substantiam articulorum penetrare

penetrare potest. Lege Mercat. lib. 4. de morb. intern. c. 18. Andreas-Laurentius tract. de arthritide. Frambesar. lib. 6. consult. canon. 8. Alzarium à Cruce, centur. 1. de quæstis per epistolam fol. 81.

De loco affecto nouissimam idem Fernelius adstruxit opinionem, humano generi infestam valde: statuit enim caput esse arthritidis originem, à quo sanè pituitosus humor, isque tenuis profluit in articulos: non quidem cerebrum, aut anteriores eius ventriculi, in quibus pituitosum excrementum cumulari solet (hoc enim foras, vel per nares, palatum, in asperam arteriam, aut in ventriculum, interioresque sedes illabitur) sed partes capitis externæ, aut extra caluam positæ, origo sunt arthritidis, è quibus superuacaneus humor per summa corporis sub cute deorsum decurrit.

Hac opinione irretitus, retur omnes deerrare, qui ex intimis partibus per venas vitiosum humorem in articulos confluere putant. Quomodo enim ex visceribus, internisque sedibus potest humor syncerus sine sanguine per venas deferri, & qui sanguine permixtus erat humor, illinc per ora venarum in artus purus excidere? Insuper, si etiam cum humore sanguis emanat, cur in articulis collectus phlegmonem non excitat? Deinde si crudus humor per alios ductus internos in articulis arthritidem facit, cur in cachexia à visceribus in pedes decumbens, podagram non facit?

Corruit ridiculum eius inuentum. Primò, si tam manifesta in hoc affectu pars influens foret, cur eius medela alioqui difficilis, non facile absolueretur, cute nimirum capitis præuisa. Secundò. Si à capitis partibus externis, crassissimus succus per summa corporis suapte impetu deorsum decurrit in artus, cur æquè per eandem viam, tenuis & serosus in hydrocephalo, in artus non irrui, cum tenuior sit? aut cur arthritidis non contingit in œdematoso tumore, qui musculos cutis capitis infestat? Tertiò, Articuli cum externis capitis partibus nullam obtinent sympathiam. Quartò. Si tanta copia lenti succi ab externa capitis parte deorsum ruit, cur in arthritide, aut ante eam, quum humor ibi cumulatur, dolor capitis externus non adest, aut tumor œdematosus partes illas capitis non inuadit? Sextò. Vteri dolores in coxam finiuntur, ex Hip. 6. epid. sect. 1. text. 1. & colicus dolor in coxam finitur, ex Hip. 6. epid. sect. 4. text. 3. dicente: Cui intestinum à dextra parte, cum articulo morbo laboraret, erat quietior: postquam verò id curatum fuit, erat dolentior. Subscribit Actuarius lib. 1. cap. 21. Probat Laurentius lib. 4. de histor. anatomic. quæst. 9. & apposita historia confirmat Vallesius in com. cit. loc. Hip. Immo ex acutis morbis, articulis dolor emanat, ex Auerr. 7. collector. cap. 3. Ergo non semper à capite arthritidis emanat. Septimò. Si ipsius opinio esset vera, semper ante inuasionem doloris, præire deberent capitis symptomata, grauamen, somnolentia, dolor. Sed arthritici nullo capitis affectu occupantur sæpe. Octauò. Sequeretur non posse arthritidem curari, nisi per auxilia capiti adhibita; quod quàm falsum sit probat experimentum, & quiuis nouit vel parum in arte versatus.

Amplendum ergo est Galeni, priscorumque Medicorum decretum, qui humorem noxium per venas, naturalesque ductus internos, in imbecilles artus defluere asseuerant; quare efficiens arthritidis causa aliquando colligitur in intima, sæpe in extrema parte capitis, interdum in intimis visceribus, sed plerumque in iecore, & ventriculo; cum enim frequentior causa arthritidis sit pituita, & bilis, hæc in iecore, illa ferè in ventriculo, & capite colligitur.

Miratur Fernelius, quomodo cum sanguine permixtus in venis humor per ora venarum in articulos excidere possit, sed non expendit, arthritidem decretoriè febribus superuenientem acutis, diuturnioribus sapius, è quibus solum è venis nocuus humor decumbit in artus, nonnunquam magis biliosus quàm pituitosus, interdum è contra, & quandoque etiam cum iis sanguis emanat, qui phlegmonem in articulis excitat, vt lib. 6. aph. 49. Hip. & Gal. memoriæ prodiderunt. Demum pro coronide legen-

A da est non incelebris historia Auethrois, qui lib. 7. collector. cap. 31. refert se febre fortissima laborasse, quæ crisi facta ad testes, & articulos, arthritidem, & podagram diuturnam excitauit: de cuius historie explicatione disceptabimus lib. sequenti quarto, in com. histor. 14. Non ergo semper ex capite, sed ex venoso genere humor noxius decumbit in artus, arthritidem effecturus. Contemne ergo Fernelij illud admirabile inuentum, quod vt ludicrum haud dubiè parui faciendum est; neque enim ego illius falsitatem infringere, ni ille nimia petulantia, nouarum, peregrinarumque opinionum amore inescatus, omnes Medicos vt falsitatis reos libenter coargueret. Lege contra Fernelium Mercurialem, Mercatum, & alios propria cap. de arthritide.

## B HIST. XXX. RHASIS, De dolore ancha.

Anchæ dolor, clysteri ex muria parato, curatur.

S Oror cuiusdam facientis chartas bombacinas patiebam. Dolorem ancha, & quarebat sumere medicinam laxatiuam, & ego feci ipsam clysterisari cum aqua piscium salutarum, & ex hoc prouocata est dysenteria, & liberata est. Rhasis lib. de mirabilibus curis.

## PARAPHRASIS.

C Ncha dicitur à Plinio lib. 20. cap. 3. & 9 articulus ille, in quo ossis femoris caput cum coxendice osse appellato alligatur, ab aliis vocatur iunctura, estque omnium maximus, varias prominentias habens, & perforationes. Is cum osse sacro coniungitur per symphysin. Cum verò in hoc affectu patiatur coarticulatio hæc, quæ ancha nominatur, merito ab Arabibus dolor ancha dici consuevit. Sic enim ait Auic. 23. 3. tract. 12. cap. 5. Ischiatica verò est de summa doloris iuncturarum, & est dolor, qui incipit à iunctura ancha, & descendit retrò coxam, & quandoque extenditur usque ad genua, & ad calcaneum, &c. Articulus hic sæpe dolore tentatur, & ipsum coxæ os, & illi hærentes carnes, quia profundissimus est, & asperitatem quandam habet, & interiùs quasi in centro ligamentum quoddam, quod fluxionem quam ob magnitudinem articulus ipse recipit, imbibit.

Affectus hic ob diuturnos dolores, vires enervat, vigilias excirat, facultates prosternt, vt potat Celsus lib. 4. cap. 22. 5. Quosdam non dimitti: eoquid genus difficillimè curatur. Multoties fluxio in pus abir, quod ni tempestiuè, educatur, sponte extrà erumpens, fistulas eo loco facit aut interiùs mauens, acerbius excruciat; nam febricule propullulant, ex quibus ni citò liberentur, tabescunt, ægri, & pereunt murcore detenti, vt accidit Eupolemo, cuius historiam describit Hip. lib. 5. epid. num. 3. qui ex coxa suppurata tabidus occubuit, vocaturque Phthisis Ischiadica, seu tabes coxaria, cuius illustre exemplum proposuimus lib. 1. de praxi medica admiranda, hist. 135.

E Cum humor frigidus, & pituitosus, qui ferè est huius mali causa, in hanc coarticulationem incidit, difficulter eluitur ob dictas causas. Et si anodyna non inueniunt, roborantia intus, & exità oblata, tunc vacuatio humoris crassi per aluum est necessaria. Sed cum æger aut ex suo, aut alicuius Medici consilio vellet assumere medicamentum laxatiuū, hoc est, per aluum ventrem expurgans, & humorem pituitosum euacuans, id interdixit, & merito sanè: nam cum vitiosus humor à ventriculo, aut splene in coxam decumbat, tutius est eum per clysterem vacuare, quàm pharmaco præcipitare naturam, humorémque ad affectam partem deorsum subito attrahere: clyster autem non ita violenter deturbat, licet sit acutus: quare medicamentum purgans inclinante maximè affectu porrigendum.

Clyster ergo medicamen est nobile, vt ait Auic. 4. r.

cap. 17. Et licet enema proprie significet decoctionem quæ iniicitur, & clyster instrumentum per quod decoctio inromittitur, ex Gal. 4. meth. cap. ult. tamen hæc duo vocabula communiter confunduntur. Clysterem igitur, ut refert Galenus lib. de ven. sect. aduers. Et. sist. trakt. cap. 6. ciconiæ referunt acceptum, quæ aqua collecta maris, aduacum collo proceto rostrum podici aprando excrementa expurgat, & sic viscera abluat; licet Plinius aliam causam referat lib. 3. cap. 27. Cum itaque plurima incommoda ex alui suppressione contingant, & tractu temporis prolixiora, atque perniciosiora reddantur, hoc omnia clysteris vsu remouentur: est enim remedium ad varios vsus adinuentum, omnibusque morbis summè proficuum, ac necessarium; in quibus enim venter ægrè descendit, ac stomachus imbecillis medicamenta ad subducendam aluum efficacia non sustinet, clysteria optima sunt, ut inquit Paulus lib. 1. cap. 44.

Plurima enim mala, quæ in animalis perniciem generantur, propinat ventris retentione sequuntur enim ad ventris suppressionem capitis grauitas, vertigo, stomachi subuersio, lancinatio, vomitus, nausea, prostratus appetitus, oris siccitas, amaritudo, & ætus iniucundus, ac virosi, spiritus graueolens, obstructions, somnifus, ens, inflationes, tormina, voluuli: generantque plenitudines, articulares, podagricosque morbos; nam, ut ait Celsus lib. 1. cap. 8. ex ventre suppresso oriuntur inflammationes, caligines, capituli dolores, aliæque superioris partis mala increfcunt.

Tam necessarium est homini excrementa quotidie deponere, ut gloriosus Auenzoar in præmio sui operis, in hæc verba prorumpat. Conuenerunt omnes Medici, quod in habendo ventrem mollem, conseruatur sanitas nutu Dei, &c. In hunc sensum dixit Plin. lib. 26. cap. 8. magnam esse alui necessitatem, cuius causa, ac beneficium maior pars mortalium viuit: nam cibum capit, continet, conficit, & expurgamentum alimenti, in coctione consummata discerit, & inutilem, terrestremque cibi partem magnam cum mortalium commodo excernit. Quapropter sapientes Egyptij, teste Herodoto in Euterpe, singulis mensibus gratia conseruandæ sanitatis triduo intestina clysteri abluebant; ut notauit eleganter Langius lib. 1. epist. 80. de clysterum vsu.

Clyster in vitis intestinorum præsertim crassorum est vtilissimus, eod enim integris viribus pertingit: quot ergo sunt intestinorum vitia, tot clysterum genera sunt. Alij dolores leniunt, alij morsus & humorum ac imoniæ compescunt, alij vlcera deterguunt, aut siccant, alij fluxiones cohibent, alij euocant & expurgant: horum rursus alij status discutunt, alij fæces emolliunt, alij aluerant, alij nutriunt: de horum vsu plura diximus lib. 1. in com. hist. 9. De illorum vario parandi modo latè agit Mercatus lib. 1. indicat. cap. 3. quo loco plures alias differentias inuenies: nam alij carnem generant, cicatrice obducunt, lumbricos necant, crustam inducunt, somnum conciliant, & venenis resistunt.

Rursus clyster aut est mollis & lenis; aut acutus & acris. Ille fæces emollit, attemperat, somnum conciliat, nutrit, & citra virium dispendium, ea quæ in primis viis continentur extrahit. Acris, fortis est, & ex medicamentis: vaide a trahentibus paratur, quo videntur quando adest aliquod symproma, ad quod curantis consilium solum dirigi debet, aut quando ex profundo corporis attrahere, aut consopitam facultatem excitare opus est. Hic maximè inflammat, perturbat, humores agitat, hepar debilitat, & ad febrem perducit, ex Auic. 4. i. cap. 17. unde illius vsus periculosus esse monuit Hip. lib. de medic. purg. in fin. nam purgationis vicem supplet; quare ad eius administrationem vires validas prærequirit, lib. 1. acut. sext. 45. dicens. At si nuper cibato cibo prior non defeciderit, virtusque valida fuerit, & sternerit ætas, subluere oportet, &c. Ex qua sententia notabis, quàm cautus sit Hip. & quàm longè absit à temeritate, qui ad clysteris vsum exigit, ut facultas sit fortis, & ætas firma. Certè veteres fortioribus clysteribus uti consueuerant, & longè plus quàm nunc, infundere, illis mos erat; proinde vires robustas expostulabant, & illis ut potentiori auxilio fide-

bant: nam prisca in difficillimis morbis ad hoc præsidium libenter confugiebant, ad quod hodierni Medici solum in morbi vigentia accedere consueuerunt: nam etsi nihil acre, aut malignum in se habeant, satis tamen virtutem exolunt, & debilitant, ita ut animi deliquium inducant, ex Galen. 1. ad Glauc. cap. 14. Sed iis vitandum est in longis morbis, qui ferè à crassis humoribus oriuntur.

Dubitant auctores, vtrum clyster debeat præcedere phlebotomiam? Respondet Auenzoar lib. 1. tract. 8. c. 18. ut clyster non infundatur, nisi vacuata sint prius excrementa: & Auic. 4. i. cap. 20. sic ait. Cave ne phlebotomes faciesicca existente in intestinis, ne deferatur in partes principes, & postquam saxe humida est magis parata fluxui, non phlebotomes, donec natura sit exonerata viroque excremento. Contrariam sententiam firmat Hip. 4. acut. 7. sedum inquit: post copiosam phlebotomiam clysterem postea exhibebis. Et Auic. 1. tract. 2. cap. 7. facta phlebotomia clysterem infundendum monet, & 1. 3. tract. 2. cap. 3. iubet ut post phlebotomiam vrantur Medici clysteri valde leni. Nec obstat, quod Dinus explicat ibi Auicennam, non de clysteri lenitio, sed de vacuante proprio humorem, quoniam ex exemplis Auic. oppositum constat. Dic ergo clysterem semper esse necessarium ante phlebotomiam, dummodò aliquid non adsit, quod cogat nos ad venæ sectionem properare: nam acumen mali moram non concedit, ut ingeniosè explicat Heurnius lib. cit. acut. nam ob procrastinationem phlebotomiæ sæpe sequitur siccitas alui: natura enim deonerata humores aliquos excrementitios ad intestina detrudat, ad quos expurgandos vtilis est clyster; & hoc modo in com. explanat Gal. dicens: si non sponte deiecerit aluus. Si ergo morbus est saluber, & minime periculosus, præstat ut præcedat clyster venæ sectionem, ne venæ inanitæ ab intestinis excrementa, & prauos humores exauriant: Hoc modo dicebat Paulus lib. 2. cap. 21. cum Auerrhoë lib. 7. collig. 1. ne fiat sanguinis missio nisi post corporis mundificationem. Si verò morbus sæuiat, sui que acutæ periculum minetur, ut pleuritidis, angina, cæteræque internæ inflammationes, tunc post phlebotomiam rectè infundi potest. De clysterum vsu, qui quantitate, qualitate, differentiis, tempore, & modo, consule inter omnes Trineauellum lib. 1. de compos. medicament. cap. 20.

Parauit autem ex muria facta ex aqua piscium salitorum, quoniam cum calida & acris sit, ex Gal. 1. simpl. cap. 4. validam habet attrahendi vim, cum enim sale, & aqua conficiatur, abstergit, incidit, auenuat, ex Gal. lib. de attenuant. vult. rat. cap. 11. & demum salis effectus præstat, ex Dioscoride loc. cit. nam si acris sit, & curi imponatur, eam exulcerat, x Gal. 3. de temp. 3. Quamobrem ubi dolor viget, & cætera non profunt, enemata acria infundere oportet; nam crassum humorem ab ancha elat. & uè exurgant, & eradicant. Hunc vsus complet muria: nam pungit, irritat, aperit, que ora venarum, & ad dysenteriam ducit. Audi Dioscoridem lib. 5. cap. 26. infunditur Ischiadicis veteribus: & Paulus lib. 7. tit. de muria, sic ait. At salitorum piscium, & olinarum colymbadum muria valentiùs abstergit, contra intestinorum tormina, & coxendicum dolores clystere infunditur, &c. Auic. sic habet lib. 2. tract. 2. c. 493. conferi dolori ancha, & Ischiaica, &c. Ex his collige, petulantem nimis Dalechampium, virum alioqui perdoctum, vocasse Plinium ineptum, qui lib. 34. cap. 8. muriam esse pharmacum, ac medicinam arbitratum, dum sic inquit. Muria, sine illa salsugo spissat, mordet, attenuat, siccatur, dysentericis vtilis est, etiam si non nihil intestina corripit, Ischiadicis, & cæliacis veteribus infunditur, fori quoque apud mediterraneos aqua marina vicem præstat, &c. nam Plinius transtulit prisicorum verba, quare muria medicamentum est.

Ergo si dolor inualecat, & ex eo vires fatiscant, quia ob illius acumen, & disturnitatem ægri in animi deliquia incurrunt, exanimésque fiunt, ex Galen. 2. acut. 48. necesse est ut illi opitulemur, euacuato humore qui est doloris causa; quare non conferentibus cæteris, ad clysterem ex muria accedere necessitas cogit, quem humorem à coxa potenter attrahere notauimus supra. Nam si Galen. clysterem parat ex muria acerrima, pro contumacia dysenteria

dysenteria curanda, 1. 2. *meth. cap. 1.* quæ à mordaci, calido-  
que humore ortum ducit: quam curandi methodum  
ipse probat. *lib. 1. de humorib. com. 1. 2. in fin.* subscribunt  
Paulus *lib. 3. cap. 42.* Cels. *lib. 4. cap. 15.* Aëtius *tetrab. 3.*  
*serm. 1. cap. 45.* cur in Ischiade, quæ ab humore frigido  
ortum ferè habet, hunc clysterem securissimè non ad-  
ministrabimus? quoniam licet noceat, melior est noxa  
quàm mors, & maior est utilitas noxæ, quæ illi est post-  
ponenda, 1. *aph. 14. meth. 1.* Hoc modo in sæuæ, & peri-  
culosa dysenteria caustica per sedem infundenda, ut *lib.*  
*2. notauimus, in com. bistor. 85.*

Si verò quæras, quid sit muria, quis conficiendi mo-  
dus, quæ huius nominis notio. Dic, Muria Caroni *lib. de*  
*re rustic. cap. 38.* est salilago, salugo, aqua salsa: nescio an  
rectè falsedo possit verti. Quidam liquorem ex sale reso-  
lutum interpretantur; quem ab aqua salsa separat Colum-  
mella *lib. 1. 2. de re rustic. cap. 25.* Muria conficiendæ mo-  
dus est aquæ salis non primæ quidem; natiuæ, sed arte  
factæ, siue resolutus ex sale liquor; neque enim aqua  
marina dicitur muria. Ita Isidorus *lib. etymolog. 50.* dicit.  
*Muria, quam salamuriam, siue salis muriam vocant, propriè*  
*dicitur aqua sale commixta, effectusque gustu in modum salis,*  
*in qua aliquid maceratur, siue seruatur. Secundo modo sumi-*  
*tur, & fit ex iure siue liquamine, aut liquore ex piscium*  
*mixtione, & vocatur ius piscium; vnde Plinius lib. 32. c. 4.*  
*monet, Polypum ex sese muriam emittere.*

Ex his omnibus colligitur, duplicem esse muriam, al-  
teram viliorem, quæ ex aqua marina fit; alteram nobi-  
liorem, quæ ex piscibus constabat, & aqua salsa, in quam  
tamen inderentur varia condimenta ex odoratis herbis,  
& aromatis. Et quæ ex piscium iure conficiebatur, gradi-  
bus suis differebat: nam quæ ex thynno erat magis ab-  
iecta, quæ ex scombro præstantior, ut refert Marialis  
*lib. 1. 3. epigram. 109.* Hæc fortè thunina est, quam Colum-  
mel. *lib. 1. 2. cap. 60.* duram muriam appellat, quæ coacta  
etiam dicitur. Hæc non solum ex thynno, sed aliis pisci-  
bus fieri solet, teste Horatio *lib. 2. sermon. Satyr. 4.*

Quare cum muria ex piscibus, herbis odoris, & succis  
conficeretur, fit ut non modò esculentum quid sit, sed  
etiam pharmacum. Ita laudatur muria capparidis, & oleam  
albam, & portulacam ex dura muria, & quam asperrima  
concedi ægrotantibus, imperat Celsus *lib. 2. cap. 23.* Muria  
verò liquida est, qua olus siccum aspergitur. Alia est mu-  
ria acida, siue acetum falsum, & quæ thynno condieba-  
tur, & est confectio medica, apud Dioscoridem, *lib. 2. c. 21.*  
& describit factam ex thynno, aceto, auctore Columel.  
*lib. 1. 2. cap. 28.* Plutarch. *lib. 6. sympos. quest. 2.* Si verò hæc  
omnia penitiùs emedullare aues, consule Marcel. Virgil.  
*in com. cap. 76. lib. 5. Dioscorid. Hermol. Barbar. 2. corollario*  
*in Dioscorid. cap. 234. Lang. lib. 1. epist. 46. & elegantissi-*  
*mum Ludouic. Nonnium lib. 3. de re cib. cap. 42.*

Iuuit ergo clyster ex muria paratus, quoniam prouo-  
cata est dysenteria, & sanguis crassus & fæculentus ab  
ancha attractus, per intestina fuit euacuatus: nam dy-  
senteria lato modo sumpta, quamlibet ex intestinis pro-  
luuiem designat, ex Gal. *4. de articul. com. 4. & lib. 3. de caus.*  
*sympt. cap. 2.* Hoc enim modo furorem sanat difficultas  
intestinatorum, hydrops, aut mentis alienatio, apud Hip. *7.*  
*aph. 5.* Sic morbos plures ex copia sanguinis retenti sub-  
ortos, qui accidunt in iis quibus artuum aliquis est ab-  
scissus, vel exercitationem dimiserunt, dysenteria sanat  
hoc est, larga sanguinis excretio per intestina, apud Ga-  
len. *5. de loc. cap. 7.* Porro non est nouum in doctrina Ga-  
leni, morbos morbis curari, qui vel illis superueniunt,  
cum commoditate summa à natura excitati, vel ab arte  
inducti. Hoc pacto rigor febrem ardentem soluit, ex Hip.  
*4. aph. 58.* Morbus regius tollit febrem, *4. acut. 27.* Con-  
uulsionem febris superueniens sanat, *4. aph. 59.* Sic quar-  
tana est illius remedium *5. aph. 70.* Sic alui fluxus lippitu-  
dinem curat, *6. aph. 17.* Sic lienteria sanat apostema late-  
ris, *2. 1. doct. 2. cap. ult.* Deinde morbi ab arte excitati, præ-  
existentes curant. Hac ratione febris arte inducta frigi-  
dos morbos sanat, *4. aph. com. 5. 1. & nos lib. 1. fasè agita-*  
*uimus in com. bist. 34.* Sic morbi ex solutione continui  
morbos alios curant. Sic punctum neruum totum præ-

A scindimus, quia ex punctione consulsio timetur. Sic  
arteriam totam abscondimus, ut sanguis ab ea impetuosè  
effluens compescatur. Sic hydropicum secamus; vimus  
empyematicum; cauteria, & fonticulos ad varios affectus  
curandos in variis partibus corporis excitamus, cum  
emolumento maximo. Sic alij morbi alijs à natura, vel  
arte excitatis perbellè curantur, quorum numerum pa-  
refacit Vallesius eruditè, ut solet semper, *lib. 8. cont. cap. 10.*  
& post eum graphicè proposuit Castrensis Lusitanus in  
suo eleganti opusculo, *Qua ex quibus, lib. 4. cap. 8. & 9.*

## HIST. XXXI. RHASIS De coxendicis dolore.

Coxendicis dolor, colocynthidis  
vsu curatur.

**F**ilius significatoris claudicabat propter Ischiaticam, &  
noluit clysterizari, sumpsit tamen de pulpa colocynthidis,  
& quia Ischiatica erat\* proportionata, liberatus est. Rhafius  
in lib. de mirabilibus curis.

## PARAPHRASIS.

**L**icet in initio doloris Ischiatici purgatio suspecta sit,  
quoniam impetu, & ebullitione medicamenti hu-  
mores in partes inferiores debiles decurrunt, quod fir-  
mat Gal. *lib. 10. sec. loc. cap. 2. & lib. de medic. paratu facili-*  
*b. cap. 2. 3. 5.* Ceterum coxendicum dolore affectos vomitus,  
quam alui deiectio inuat magis, quod humorum ad inferiora  
defluxum retrahat, & c. quod firmat Auic. *2. 3. tract. 2. cap.*  
*7. in init.* tamen declinante malo, & mitesciente dolore  
tutò medicamentum purgans exhiberi potest, ut notat  
Symphorianus Campegius *lib. de omnibus morbor. different.*  
*tit. de dolore coxe.*

Si tamen hic sit contumax, feiubusque auxiliis non  
succumbat, tunc vel fortia administranda, ut Auic. *cit. loc.*  
edocuit. Hanc priscorum methodum sequutus est Rha-  
sius in curatione hac, dum pro curatione coxendicis, co-  
locynthide vsus est (peculiare priscorum medicamen-  
tum) quæ à Mesuè proprio capite dicitur cucurbita syl-  
uestris, ab alijs fel terræ, ab Arabibus mors plantarum  
nuncupatur, eò quod herbas sibi vicinas, veneni modo  
interficir, & licet immensa amaritudine polleat, hæc cæ-  
terorum amarorum ritu, à natura non perferitur; illicò  
enim, & velociter per aluum expellitur, ut notarunt Ga-  
lenus *lib. 5. simpl. tit. de colocynthide.* Auic. *lib. 2. tract. 2. c.*  
*130.* nam sic dicit. *Et propter velocitatem sui exitus ex in-*  
*testinis, non vltimantur impressiones eius, quo expectantur ex*  
*amaritudine sua.*

Immatura pessima. Venenossima quæ sola nascitur  
in planta sua; etsi enim abradat intestina, vasorum ora  
aperiat, fauces, guttur vehementi incendio vexet, cor-  
pus vniuersum inflammet, ventriculum magno dolore  
vexet, singultum exciter, continuas alui egestionem mo-  
ueat, vniuersum perturbet corpus, tormina dira inducat,  
& cruentam deiectionem moliat, ut referunt auctores  
omnes proprio *cap. de colocynth.* quam ob causam Curtius,  
& Marinellus asseuerant *lib. 2. de vera methodo preparan-*  
*dorum pharmacor. com. 8. de trochiscis Albandal.* fugiendos  
esse hos trochiscos, quoniam hoc medicamentum defe-  
runt in quantitate magna: tamen si non sola, sed corre-  
cta sumatur, eiusque malefica vis refrænatur mixtura  
cum alijs cardiacis, quæ non solum eius malitiam re-  
tundere nata sunt, sed lentore glutinandi vim habent,  
eiusque furiosos impetus coercerent, ut mastiche, & Gal-  
lia moschata, ut Mesuè docuit, & Manardus firmat  
in *com. plurimis morbis diuturnis, & desperatis reme-*  
*dio est.*

Hoc enim medicamentum auctoritate Actuarij *lib. 5*  
*de compos. medican. tit. de colocynthide,* pituitam, bilem,  
humorem mucosum expurgat, & in neruosis partibus  
tenacior



tenaciter impactum peculiariter exhaurit. Propinatur in A  
omnibus quæ caput obsident incommodis, colici coxæque  
cruciaribus, orthopnoicis, conuulsis, & omnibus frigidis  
thoracis affectibus commodissime auxiliatur. Auic. loc. cit.  
sic ait: *solutione educit phlegma grossum ex iuncturis, &  
neruis propriè, & soluit etiam cholera, & confert colica  
humida, &c.* Inditur, Diolcoridis, testimonio lib. 4. c. 158.  
clysteribus & balanis. Frequentior eius hodie est vsus in  
hiera Diacolocynthis, & si præparetur, vt decet, & do-  
cet Aëtius *tetrab. 1. ferm. 1. cap. 84.* potentissime humores  
etiam nigros, & terrestres educit, & sic morbis melan-  
cholicis remedio est, & adeò perturbat, vt non solum per  
os sumpta, verum naribus admota immodicè ventrem  
conturbet, quod Brasauolo contigit coram matre, & so-  
rorè eam manibus tractante: nam ipsum ex solo attractu,  
illas ex solo odore adeò solutas fuisse scribit, vt nullus B  
illorum fuerit, cui decies venter magna perturbatione  
non deiecerit.

Prisei plurimis violenter expurgantibus medicamen-  
tis vsi sunt, non quod mitibus carerent, vt multi opinan-  
tur falsò, vt supra in *com. hist. 14.* notauimus, sed vt mor-  
bos rebelles, qui aliis clemētibus curari non possunt, for-  
tibus auxiliis persanarent; extremis enim morbis extre-  
ma remedia congruunt: de horum classe sunt elleborus,  
scammonium, cucumis syluestris, thlaspis, euphorbium,  
cataputia, elaterium, & alia; sed in curandis morbis per-  
tinacibus articulorum excellit cætera colocynthis, quo-  
niam pituitam, & bilem euacuat: qui humores in hoc se-  
uo morbo redundant: crassus humor compactam articu-  
lorum substantiam penetrare nequit sine bile, quæ vt ve-  
hiculum, viam ad remotissimos, & densissimos artus ape-  
rit: quare cum pharmaca in hoc affectu accommoda, ne-  
cesse sit vt bilem, & pituitam euacuent, idcirco præstat  
colocynthis. Hoc perbellè monuit Auic. 2. 3. tract. c. 8.  
in initio, dum sic inquit. *Oportet vt in eis non educant  
phlegma solum, immo cū cholera: nam cū iis solum phleg-  
ma solutione educitur, iuuantur statim, & redit cholera, &  
facit currere ad membrū phlegma vice alia, &c.* Qua causa  
Epiphanius in sua empirica chymica, *litera C.* in anchæ do-  
lore expurgantia approbat, parata ex iis medicamentis,  
quæ bilem, & pituitam euacuant; & hoc consilium com-  
munis Medicorum sententia probat.

Colocynthis eligenda fœmina, magna, exactè matura,  
alba, læuis seu glabra; quod enim leuior, eò melior; colle-  
cta autumno, ex agro laxo, arenoso, libero, quū languet-  
cente virore cœperit in luteum mutari colorem, & con-  
stet medulla interiore albissima, rara leui.

De quantitate, qua debet exhiberi, variant auctores.  
Mesuës exhibet à siliquis sex ad decem Actuarius solius  
scrupuli quantitatem offert. Dioscorides quatuor obolo-  
rum pondere porrigendam censet.

De trituratione aliquid addendum. Cū vtendi tem-  
pus instat, vel aliis medicamentis est permiscenda, ab in-  
teraneis granulis, & exteriori cortice expurgetur, sic vt  
pulpâ pura relinquantur: ita docuit Serapio *cap. 272.* Me-  
suës, & Actuarius tenuissime tritutam præcipiunt, vt  
eius vis malefica, dum multum in puluerem euolat, ob-  
tundatur, & permeet citius per intestina. Si enim pot-  
iones eius crassiores fibræ ventriculi, & spiris intestino-  
rum adhæreant, fauces exulcerant, quod Paulus asseruit  
lib. 7. cap. 4. Audi Auic. loc. cit. *Et oportet vt in eius tritu-  
ratione ad summū perueniatur, & ne decipiatur aliquis cri-  
dendo, quod ipsa sit valde trita, pars enim minima eius in  
sensu, cū inuenit humiditatē, inflatur, & adheret parietibus  
stomachi, & innolutionibus intestinorum, & apostemat:  
Quare oportet vt cū teritur, hydromel infundatur, deinde  
siccat, & conteratur, &c.* De colocynthis efficacia, &  
viribus, cōsule Fallopiū *tract. de medic. purgantib. c. 51.*  
Massariū eodem tract. cap. 26. Costarū in Mesuëm.

Mathioli ad cit. c. Dioscorid. Nicolaum Fontanum

Medicum eximium in suis instit. pharma-

ceuticis, in com. trochisc. alban-

dal, sect. 10. c. 3.

\*\*\*

Vtrum morbi improporionati sint periculosiores pro-  
portionatis, vt prædixit Hippocrates.

## COMMENTARIUM.

**P**roportionata.] Esse morbos similes dissimilibus secu-  
prioribus, vniuersus Medicorum chorus, in quorum ore  
nullum est frequentius axioma, cum suo Megistro Hippo-  
constanter asseuerat: subscribunt Græci, Arabes & Rhalis  
in hoc loco confirmat; licet renuant multi pluribus ar-  
gumentis muniti, quæ referunt Gentilis in *extranagatib.*  
q. 50. Conciliator in *appendice*, dif. 74 & expostores in  
c. 8. fen. 2. 1. doct. 1. Auic. & interpretes ad aph. 34. lib. 2.  
Alp. Hipp. explicuit etiam Vallesius lib. ult. cont. cap. ult.  
sed illi ita perplexè & confusè, hic ita succinctè & bre-  
uiter, prout arduum negotium & necessarium expostular  
vt nisi plura alia firmissima in proparulum referamus, ti-  
meam ne Hippocratica sententia absurdissima videatur,  
& minimè omnium demonstrari possit, vt scitè notauit  
Heurnius, acutissimus in *com. citari Aph.*

Ergo audi scientissimum senem, qui sic loquitur: *In  
morbis minus periclitantur, quorū natura, aut ætati, aut cō-  
suetudini, aut anni temporis magis conuenit morbus, quā ubi  
nulli istorum congruit.* Probat & explicat eleganter hoc  
pronuntiatum Galenus lib. 7. meth. c. ult. & lib. 1. prog. 7.  
& lib. 3. prog. 39. nam morbi proportionales ex minori  
causa generantur: sic dicebat Gal. 3. de caus. puls. cap. 4.  
ante med. qui habitu sunt valenti, & raro in morbos incide-  
runt, si incidant in morbos, periclitantur. Et hoc loco de-  
sumpsit Auic. 1. 4. tract. cap. 28. §. Et scias quod quando in-  
firmatur sani pauca infirmitatis, significat mortem. Idè do-  
cuit Arist. lib. 1. probl. 28. §. Quod idem in athletis, & in iis  
qui secunda valetudine esse solent, licet perspicere: aut enim  
nullo modo premuntur, aut pressi celeriter è vita, decedū  
quippe qui nisi magna cū causa agrotare nequeāt. Explicat  
in com. Guastauinius, & Septalius vbertim. Nec obstat,  
quod lib. 5. probl. 22. asserat corpora cominensurata fa-  
cilius agrotare, quoniam loquitur eo loco de corporibus  
mollibus, raris, & delicatis. Hoc modo febres acutæ  
in senibus sunt periculosæ valde, ex Hipp. lib. 1. aph. 14.  
& Galenus in com. sic ratiocinatur. Ob hanc igitur causā  
neque senes magna ex parte febricitant acuias febres, sicut  
iuniores, & si quando, quamuis rarer, talis iis accidat  
febris, qualis inuenibus, omnino hæc ad interitū agrotantis  
terminatur. Indicio enim est, immensam quandā esse causā  
febrem facientis magnitudinem. Pari ratione in hyeme fe-  
bris si accidat, periculosior est, quā in æstate, ex Aristot.  
1. prob. cit.

Sed contra hanc doctrinam primò sic insurgo. Corpora  
impura, & quæ obstructionibus scatent, facile incidunt  
in pestilentem febrem, & difficulter ab ea sanantur; cōtrā  
corpora pura difficile corripuntur à pestilenti febre, &  
ab ea facile liberantur, vt constat ex Gal. lib. 1. de dif. feb.  
4. Sed febris pestilens est proportionalis impuris corpo-  
ribus, & in iis difficilius curatur, quā in puris, quibus  
est improporionalis Ergo morbi improporionales non  
sunt proportionatis periculosiores.

Secundò. Conuulsio sicca, est proportionalis iuueni,  
qui siccus est, & improporionalis puero, qui est humi-  
dus. Sed in iuvene est periculosior quā in puero, qui ab  
ea solet liberari: in iuvene verò est letalis, ex 3. prog. 14.  
Auic. 2. 3. tract. 1. c. 2. ergo &c.

Terriò. Pulmonia biliosa magis est proportionalis  
pulmoni, quā pituitosa, quia pulmo pars calida est,  
& ex sanguine subtili, spumoso, & bilioso nutritur.  
Sed biliola est periculosior pituitosa. Etgo. Maior est  
certa. Minorem probat Auic. 1. 1. 3. tract. 4. cap. 10. nam  
in biliosa pulmonia adest maior febris, vt gent vehemē-  
tia symptomata. Confirmatur ampliùs, quoniam inflama-  
tio calida magis est proportionalis cordi, quā frigida,  
& velocius interficit, vt docuit Auic. 1. 1. 3. tract. 1.  
cap. 3.

Quartò. Apoplexia morbus est hyemalis, Sed hæc

Citiùs internecat hyeme, quàm in æstate. Ergo. Minor probatur: nam apoplexia necat suffocando, & frigiditas hyemalis coarctando canales, per quos spiritus ad partes sentientes deferri debent.

Quintò. Quartana est morbus proportionalis autumno, & improporionalis ætati, ex Gal. 1. *crif. c. 4.* & alibi passim. Sed quartana æstiva meliùs curatur quàm autunnalis, ex Hipp. 1. 2. *aph. 25.* *Æstiva quartana magna ex parte breues, autumnales longæ, & maximè quæ hyemem attingunt.* Igitur morbus similis, & proportionalis deterior est, & difficiliùs curatur.

Sextò. Morbi frigidi partibus frigidis sunt similes, & tamen deteriores sunt quàm calidi: nam frigiditas partibus frigidis est inimica, caliditas autem utilis, & amica, ex Hipp. 5. *aph. 18.* Igitur

Septimò. In natura calida morbus calidus facilè, & promptè generatur. Igitur difficulter curabitur, & deterior erit. Patet sequela: nam quidpiam cum vnico motu facilè mouetur, contrariò motu difficulter mouetur: ita grauià quia facilè descendunt, difficulter ascendunt; contrà leuià. Igitur si partes calidæ, quia promptè incalescunt, facilè incidunt in morbos calidos, difficulter auxiliis frigidis curantur. Ob hanc causam morbi calidi difficilem curationem habent. Confirmatur, quia bilioso, & pituitoso æqualiter se recipiantibus, frigidiora præsidia conueniunt bilioso, quàm pituitoso, propter resistantiam maiorem. Igitur morbi similes, & difficiliùs curantur, & sunt deteriores.

Octauò. Sicut morbus calidus est proportionalis naturæ calidæ, sic & frigidus; & sicut frigidus est improporionalis, sic & calidus. Igitur ratio maioris, aut minoris periculi, non est petenda ex similitudine, aut dissimilitudine cum natura. Patet antecedens: nam sanitas naturæ calidæ consistit in mediocritate quadam, quæ sicut corrumpitur per excessum caloris, & fit morbus calidus, sic corrumpitur per remissionem caloris, & excessum frigoris. Igitur & morbi frigidi, & calidi eadem est ratio, quoniam vterque æqualiter corrumpit naturam: & sicut in morbo calido natura redit ad pristinum statum, sic in frigido. Ergo in proportionè, & improporitione æqualis est ratio.

Nonò. Raucedo, & grauedo senibus similis est, & in illis non curatur ex Hipp. 2. *aph. 40.* & iuuenibus est dissimilis, & tamen in illis curatur. Ergo.

Decimò. Tabes est proportionata tabidis. Sed in illis plus habet periculi. Ergo. Sic enim habet Hipp. lib. 1. *D. epid. sect. 1. comm. 18.* *Maximè verò moriebantur, quorum natura vergebat ad tabem.*

Vndecimò. Aciditas in naturis calidis & siccis, rarissimè accidit, & minùs nocet, licet sit dissimilis, ex Gal. lib. 8. *meth. cap. 5.*

Duodecimò. Febris ardens in Indo, & Æthiope est multò periculosior, quàm in Anglo, quoniam illi sunt debilis virtutis, Angli verò fortes. Sed illis ut potè calidioribus est proportionalis. Ergo.

Hæc tamen fortissima tela ut extricare possis, notabis primò: Vocati morbum proportionalem dupliciter, vno modo formaliter, sic morbus calidus naturæ est proportionalis. Dicitur alio modo virtualiter, quando videlicet ratione alicuius dispositionis facilè generatur; veluti conuulsio sicca pueris est proportionalis, non formaliter, sed virtualiter, quia eorum substantia est tenella, & mollis. Nota secundò: Morbum proportionalem posse esse æqualem improporionali, vel secundum sensum, vel secundum rei naturam. Nota terciò: Hanc questionem intelligendam esse, seruata in omnibus paritate, præterquam in sola proportionè, vel improporitione, in qua fit comparatio: hæc enim est lex comparationis, ut in omnibus paritas obseruetur, præterquam in eo in quo comparantur, ut asserit Galenus lib. 2. *de temper. cap. 2.* agens de calore pueri, & iuuenis, & 3. *de alim. facult. cap. 2.* agens de carnibus, & eas inter se comparans. Nota quartò: Morbum aut esse materialem, aut immaterialem: Ille est qui pendet ex materia, tanquam ex causa efficiente, & non tanquam ex causa materiali; quia

A morbus est accidens, & cum sit accidens, est forma simplex carens causâ materiali, & solùm habet materiâ subiectiuam cui inhaeret, ut Galenus docuit lib. 7. *meth. c. 8.* Immaterialis est, qui non pendet ex materia, sed solùm qualitas est, partibus tanquam subiecto inhaerens. Vltimò nota: Morbum vocari periculosum, aut quia sua magnitudine, vel malignitate periculum vitæ minatur, aut quia difficulter curatur: difficultas autem curationis accidit, vel quia morbus est in habitu, vel propter imbecillitatem virtutis, quæ ad æquata remedia non tolerat, vel complicationem contrarij affectus, qui curationem impedire solet.

His præhabitis sit prima conclusio. *Morbus improporionalis materialis, seruata paritate in robore virtutis, in magnitudine, in malignitate, plus habet periculi, quàm proportionalis.* Hæc conclusio explicatur per suas partes. Dicitur est quòd debet seruari paritas in robore virtutis, quoniam morbus proportionalis cum virtute languida periculosior est, quàm cum robusta: nam ob virtutis debilitatem, quilibet morbus tam proportionalis, quàm improporionalis, periculosior est, ut firmat Auic. 2. 1. *doct. 2. cap. 4.* Debet seruari paritas in magnitudine, & malignitate, quoniam sine dubio tertiana vehementissima, acutissima, & maligna, periculosior est in homine bilioso, cui est proportionalis, quàm tertiana remissa, & mitis in homine pituitoso, cui est improporionalis. Et conuulsio sicca in iuvene, & respectu neruorum, est proportionalis, & est deterior, ac periculosior conuulsione humida, ex natura sua.

Deinde prædictæ conclusionis ratio in eo consistit, quòd morbus improporionalis materialis difficiliùs soluitur, & maiorem habet causam quàm proportionalis; quia si vterque morbus sit æqualis secundum sensum, improporionalis multò maior existit, cum in eo multò maior sit recessus à naturali statu; & quantus est recessus, tanta debet esse reductio ad pristinam naturam, si morbus curari debet, ut aduertit Galenus lib. 7. *meth. cap. ult. in princip.* nam curatio nihil aliud est, quàm affectus præter naturam præsentis in naturalem habitum mutatio, auctore Gal. lib. 9. *meth. cap. 4.* maiori igitur, & diuturniori alteratione curabitur. Et quando non est æqualis secundum sensum, sed secundum rei naturam, ita ut æqualiter ab statu naturali recedat, tunc non proportionalis habet maiorem & efficaciorè causam, quia morbus proportionalis promptè generatur à causa morbosa; nam multa aut exigua est resistantia, quæ ex leui, & parua causâ poterit generari: contrà verò morbus improporionalis nõ generatur promptè, quia est magna resistantia, & maiorem, & efficaciorè causam prærequirit; ideo morbus improporionalis habet plus periculi.

Hæc doctrina non solùm veritatem habet in morbis ut seruant proportionem, vel improporitionem cum natura, ætate, anni tempore, regione, & corporis habitu, sed etiam in symptomatibus, & aliis quàm plurimis. Symptomata enim quando sunt proportionalia, minùs sunt periculosa, improporionalia verò deteriora. Sic in homine composito, & modesto iracundia, & ferocitas est pessima: quia significat delirium: & in taciturno loquacitas est periculosa, quia improporionalis. Contrà verò in iracundo, & loquaci, modestia, & taciturnitas, mala: sic nota Hipp. 1. *prog. 9.* & 1. *epid. sect. 3. text. 1.* dum explicat quomodo morbi sint cognoscendi ex ægrotante.

Sic in febre ardenti sitis vehementia, quum illi sit proportionalis, paruum habet periculum; illius verò defectus, & priuatio, reproba valde; nam vel mentis læsionem, vel facultatis extinctionem portendit, ex lib. 2. *prophet. text. 22.* *sitis in acutis nõ ex ratione leuatur, mala, & lib. 3. epid. sect. 1. text. 5.* in historia Hermocratis, & *sect. 2. text. 3.* in historia filia Euryanæti, modò tussis non adit leuiter irritans, ex Hipp. 4. *aph. 45.* Sic facies cadauerosâ, quâ describit Hipp. 2. *prog. text. 5.* in iuvene acutè febriente, & in principio morbi, pessima; in sene verò extenuato, ex morbi magnitudine, diuturnitate, alui fluxu, vigilia immoderata, minùs periculosa, ut bellè notabat Gal. 12. *meth. cap. 6.* Sic morbi consueti minùs habent

habent periculi, & minùs lædunt, diffineti ob causas contrarias, periculosiores, ex Auic. 16. 3. tract. 1. 2. *prope fin.* dum assuetos passioni cholerica minùs periclitari affirmat. §. Et illa cholerica passio, cuius causa est corruptio cibi, incolumior est ea, cuius est frequentia corruptionis post corruptionem, &c. Sic primiparae ob inassuetudinem magis læduntur, ut docet Hipp. lib. de natur. pueri, num. 11. §. Ceterum maxime laborant, ac dolent in partu, & partus purgationibus, mulieres primiparae; & quae rariùs pariunt, magis dolent, quam quae saepius, &c. Similiter illi qui dolorem colicum, nephriticum, arthriticum, aut alterius partis frequenter experiuntur, minùs dolent & læduntur, illis qui de nouo experiuntur dolores. Cur autem morbi consueti, minùs graues sint, explicant Argenterius lib. 2. aph. 49. Vallesius lib. 8. cont. cap. 5.

Secunda conclusio. *Morbis proportionalis alicui dispositioni præter naturam, plus habet periculi, quam improprio-* nalis. Iuxta hanc doctrinam febris pestilens in impuris corporibus plus habet periculi, etiam si illis sit proportionalis; & tabes in iis quorum natura vergit ad tabem, est periculosior; & vlcera in hydropicis difficiliùs curantur, licet sint illis proportionalia. Probat conclusio: quia sicut morbus faciliè generatur propter dispositionem illam præter naturam, sic difficiliùs soluitur; quia dispositio illa manet, & non habet virtutem corrumpendi morbum, sed fouendi, & augendi: & hoc insinuat Galenus 2. aph. 3. 4. ubi docet Hippocraticam sententiam esse intelligendam de natura, ut dicit temperiem, & non ut significat conformationem; quoniam vitiosa conformatio manet, fouens & augens morbum; at vero temperatura non manet, quia immutatur in ægitudine, & in reditu ad sanitatem, & temperies habet virtutem corrumpendi morbum; cum enim consistat in omnium qualitatuum mediocritate, est causa vniuersalis curationis omnium morborum, & ideo Hipp. lib. 6. epid. sect. 5. text. 1. naturam vocat morborum medicatricem, quia tanquam aduersatrix omni morbo opponitur ex Gal. lib. 11. meth. cap. 3. hæc est causa, ob quam alij morbi citra externorum præsidiorum opem soluantur, ut monuit Gal. 11. meth. cap. 1. dum asseruit fortunam, artem, & artificem operari mediante materia præsidiorum, naturam verò per se operari, licet ars sæpe illi opem ferat, dum remedia medica adaptat. Sicut enim aqua calida redit sponte ad frigiditatem pristinam remota calefaciente causa, sic partes tam ex morbo calido, quam frigido ad pristinam naturam redire solent; ab intrinseco, remota alterante causa, quam sæpe natura remouere solet.

Tertia conclusio. *Morbis immaterialis proportionalis plus habet periculi, & difficiliùs soluitur, quam improprio-* nalis. Patet conclusio: nam febris hæctica primæ speciei, quæ sæpe solet curari, meliùs soluitur in hyeme, quam in æstate: in morbo enim immateriali, ratio difficultis curationis non est petenda à magnitudine causæ: nam ea caret; neque ex magnitudine, quoniam tam morbus improprio- nalis, quam proportionalis debent seruari paritatem in magnitudine, ut dictum est; sed difficultas curationis emanat ex eo, quod morbi sicuti ad similia benè se habent in generatione, sic malè in solutione: contra ramen aliqui ad contraria malè se habent in generatione, hoc est, difficulter generantur, & benè se habent in solutione, quia faciliè curantur: nam vnumquodque à simili conseruatur & augetur, à contrario corrumpitur, ut lib. 3. Aph. com. 3. monebat Galenus.

Modò argumenta soluenda, quorum explicatio ex dictis faciliè constat. Ad primum, responde ex secunda conclusione, febrem pestilentem proportionalem esse impuris corporibus, & sicuti propter impuritatem, quæ dispositio est præter naturam, faciliè in illis generatur, sic difficulter soluitur.

Ad secundum. Conuulsio sicca proportionalis est pueris, non formaliter, sed virtualiter, & iuuenibus improprio- nalis existit, licet denominatiuè proportionalis appareat: nam puerorum substantia cum calida & humida sit, tenella, & mollis, faciliè resoluitur, & exiccatur: contra

A iuuenum substantia cum sit compacta, & solida, ac resolutioni resistens, difficiliùs exiccatur, & conuellitur, quia conuulsio sicca siccitatem consequitur, quæ ad euacuationem substantiæ nervorum subito introducit. Deinde conuulsio sicca ineptè cum humida comparatur, quia natura sua est deterior, & periculosior, & sic non seruatur paritas, quam esse obseruandam supra retulimus, quando morbus proportionalis, & improprio- nalis comparantur in magnitudine, & malignitate; qua ratione peperam in homine bilioso comparatur febris ardens cum febricituitosa, quum impares sint magnitudine, & periculo: nec enim debent comparari duo morbi impares cum vna natura, sed vnus ac idem morbus debet comparari cum diuersis naturis; ideo febris ardens in homine bilioso, & pituitoso conferri debet, & febris similiter pituitosa in homine bilioso, & pituitoso; hoc enim insinuat Gal. lib. 2. aph. 34. & notantur ibi Brachelius, & Vega in com. lib. 3. progn. 39.

Ad tertium. Hoc modo pulmonia biliosa non est comparanda cum pituitosa, quia est deterior, & periculosior, grauioræque infert symptomata; sed solum pulmonia biliosa conferenda est in pulmone calido, vel frigido; & pituitosa non est comparanda cum biliosa, sed in pulmone calido, vel frigido. Eodem modo inflammatio calida cordis non debet comparari cum inflammatione frigida ipsius, quia acutior est, & velociùs interficit, sed solum inflammatio calida debet comparari in corde calido, & in corde frigido; in illo enim non ita velociter interficit.

C Ad quartum. Ex dictis apparet, quomodo argumentum de apoplexia nihil concludat: nam apoplexia velociùs interficit æstate, quam hyeme, quoniam cum inter- necet ob respirationis defectum, & in æstate vsus est magis adactus respirationis, ita minùs durant Apoplectici, & citiùs moriuntur: nam ex vehementia læsionis respirationis, colligit Galenus magnitudinem affectus, 2. Aph. 42. & 3. de loc. affect. cap. 7.

Ad quintum. Obiectio illa de quartana, nulla est: quoniam febris quartana proportionalis est æstati; humor enim melancholicus ex quo generatur, efficitur etiam per modum adustionis à calore immodico: ideo ob adustionem flauæ bilis & sanguinis, æstate inualescere, & generari solet, & quia faciliùs concoquitur, & euacuatur humor melancholicus genitus per adustionem, quam ille qui produetur per subsidentiam, ex eo æstiuæ quartanæ faciliùs soluantur. Accedit etiam temporis natura, quæ maxime iuvat resolutionem humoris, caliditas nimirum humorem crassum extenuans, pororum cutis apertio, maior corporis diffusio; ob quas causas transpirat natura & discutitur humor.

Ad sextum dic. In partibus frigidis duplex temperamentum reperitur, alterum natium, contractum ex primordiis generationis, & hoc frigidum est; alterum est influens, ob præsentiam sanguinis, spiritus, & humidi natui, quo actu calent. Vtramque temperamentum seruari debet calidis actu, frigidis potentia: nam si actu frigida adhibeas, exiguum calorem partium extingues; vnde morbus frigidus non absolurè proportionalis dicitur partibus frigidis, nec morbus calidus improprio- nalis: & quia difficile est excogitare materias, per quas actus iste perficiatur. ideo Respon- desecundo modo, neruum, & reliquas partes frigiditas non esse conseruandas per similia, sed potiùs præseruandas, & corrigendas contrariorum vsu; ex similibus enim vsu periclitantur ne congelentur, & parua earum caliditas euanescat, & exhalat. Terriò solue, quod sicuti quando concurrunt contrariæ indicationes, via media curationem instituere debemus, vtrique condonando, licet vrgentioris habeamus rationem, altero non neglecto; sic quia in partibus frigidis contrariæ indicationes concurrunt, & ad conseruationem vitæ, functionesque obeundas caliditas actualis magis necessaria sit, ideo frigidis partibus non admo- uemus frigida, neque temperata, sed quæ modicè calida sunt. Quod si aliquando vehementer calida applicamus, est causa, ut illa tenuitate sua partem frigidarum

frigidarum substantiam solidam, & compactam penetrare queant.

Ad septimum dic. Quod quando primus motus est naturalis, & contrarius est violentus, tunc res quæ facile unico motu mouetur, difficulter mouetur motu contrario, ut constat in grauibas, & lenibus. Verum si primus motus est violentus, & contrarius naturalis, sicuti difficile primo mouetur, sic facile contrario motu solet moueri. Tunc sic, quando natura calida, quia promptè incalcescit, facile incidit in morbum calidum, quando refrigeratur, ut redeat ad naturalem statum, hic motus non est violentus, sed naturalis. Igitur sicut facile corripitur morbo calido, sic facile ab eo sanari solet. Sed hæc solutio non videtur esse congrua menti Galeni: nam hic 3. *aph.* 3. dicit, morbos ad similia in generatione bene se habere, in solutione verò male, hoc est, morbos facile generari, difficulter resolui. At verò male se habere in generatione, & bene in solutione, hoc est, tunc difficile generari, & facile solui, quia vnumquodque à suo simili incitatur, & conseruatur, & à contrario augetur. Igitur morbus calidus in natura calida, in tempore calido facile generatur, & difficulter curatur: contra tamen morbus frigidus difficulter generatur in illis, & facile curatur. Hæc erat obiectio Dioclis, quam adducit Galenus 2. *aph.* 34. vbi docet, Dioclem, & alios fuisse deceptos, existimantes hac ratione febrem ardentem hyeme generatam facilius sanari, quam eam quæ fit æstate, ignorantes febrem ardentem hoc tempore factam, maiorem, & vehementiorem habere causam: nam si temporis contrarietas non potuit vincere causam, neque impedire generationem febris ardentis, multo minus poterit febrem iam factam soluere. Si enim febris ardens generetur æstate, & fiat subito deinceps mutatio ad constitutionem frigidam, tunc vtraque constitutio utilis est, prima velut signum, quia significat ex moriri causa oram fuisse, secunda utilis est, veluti causa curatoria febrem corrigens.

Hæc doctrina non videtur omni ex parte satisfacere obiectioni: nam si in morbo proportionali minor est causa, si hæc semper augetur, difficiliorem habebit curationem; at verò morbus impropotionalis, etiam si maiorem habeat causam, hæc aliunde corrigi potest. Quo pacto dicendum est, ut rectè Hipp. & Galeni intelligatur doctrina, hos auctores 3. *aph.* 3. tantum agere de habitudine naturarum, ætatum, & morborum ad anni tempora, regiones, & victus rationem. Et intemperatæ naturæ in contrario tempore, contraria regione, & victus ratione contraria, rectè se habent; at verò in similibus, quoniam intemperantia intenditur, male viuunt, & ægrotant: sola temperata & symmetra natura, & ætas, similibus bene afficitur; nam hæc solum sui conseruationem desiderat: reliquæ verò naturæ intemperatæ potius sunt præseruandæ, & reducendæ, quam conseruandæ. Sic etiam morbi ad contraria tempora, & loca, & victus genera malè se habent in generatione, quia rarè & difficulter accidunt, & bene se habent in solutione, quia magis ac magis intenduntur: at verò in generatione bene se habent: nam faciliè solent generari, quia similes sunt. Non agit ibi Hipp. de habitudine morborum ad naturas, & ætates, quoniam de hac egerat supra lib. 2. *aph.* 34. in quibus morbi similes sicuti faciliè generantur, sic faciliè soluuntur; natura enim morbum iam genitum non incitat, immò cum expectat redire ad naturalem statum, & se conseruare, morbum, sine sit similis, siue dissimilis, corrumpere contendit.

Insuper aduerte, quod morbus similis tempori, aut regioni minus habet periculi, & facilius curatur, modò legitima, & recta curatio administreretur, in qua semper ærambiens debet esse contrarius, & dissimilis morbo: nam, ut Galenus docet lib. 9. *meth.* cap. 14. quando concors & similis est morbo, semper est causa morbifica augens morbum, & quando discors & dissimilis, ex præsidiorum numero vnus est; quare præcipit semper æcrem immutare, lib. 10. *meth.* cap. 8.

Ad Octauam, Natura calida non minùs corrumpi-

tur morbo calido, quàm frigido; & sicuti natura contendit corrigere morbum frigidum, sic etiam calidum: nam dum egreditur natura extra proprios limites, siue excedente calore, siue adaucto frigore, semper appetit redire ad naturalem statum: morbus tamen frigidus in natura calida, quia impropotionalis est, difficilius curatur, non quia minor sit propensio naturæ in morbo frigido, quàm in calido, sed quoniam insinuat maiorem causam calefacientem propter maiorem resistentiam: quando enim morbus calidus, æqualis secundum rei naturam, producit in natura calida, & natura frigida, sine dubio est maior causa in natura frigida, quàm in calida, & maior resistentia non potest vinci, nisi à maiori causa.

Ad nonum. Respondet Gal. 2. *aph.* cit. dicendo, quod aliud est raucedines, & grauedines esse periculosas, aliud non concoqui. Dic secundo, quod non seruatur paritas in virtute, & idè dicit Hipp. in valde senibus, in quibus ob imbecillitatem virtutis, morbi omnes sunt periculosissimi, quoniam, ut dicit Auic. 2. 1. *doct.* 2. cap. 4. in initio: In valde debili proportionale, & impropotionalis ladit.

Ad Decimum dic, quod ibi Hipp. per naturam, intelligit temperiem, non verò conformationem, aut habitudinem corporis: nam conformatio, sicuti est causa ut morbus similis generetur, sic etiam est causa conseruationis illius: & nostra quæstio solum reducenda est ad morbos in temperamento; nam morbi in conformatione etiam si magnitudine sint æquales, semper tamen difficilius curatur proportionalis, ut constat in tabe, cuius curatio debet fieri spuitione, quæ difficilior est in his, quorum natura vergit ad tabem, ob thoracis debilitatem, & angustiam. Ex his patet Vallesium loco cit. sedulo reprehendentem Galenum, & infra petulanter nimis, Brachelium, (hunc enim rectè citat) esse dignum reprehensione, nam Galenum vocat immemorem falsum Hipp. interpretem, non diligentem: non taxo illius ingenium, sed superbiam, licet enim sit perdoctus, in exprimenda mente Galeni cæcutit, & sub mandragoræ obdormiit: neque enim Galenus ineptè, ut ipse falsò sibi persuasit, Hipp. textum adduxit: quoniam Hipp. eo loco non solum asserit in ea tempestate frequenter tabem accidisse, & in his præcipue, quorum natura vergebat ad tabem, sed, ut textu 19. addit, maximè moriebantur illi quorum natura vergebat ad tabem.

Ad vndecimum dic, cruditatem acidam interdum fieri ob intemperiem ventriculi, sæpe ob alimenti malitiam. Galenus autem eo loco non loquitur de aciditate illa quæ fit vitio ventriculi, sed ex vitio alimenti, ob ipsius immodicam quantitatem, aut qualitatem, in qua solum causa nocens consideratur, & non similitudo, aut dissimilitudo morbi. Ob hanc causam succus acidus plus nocet in naturis calidis & siccis quàm succus amarus, quoniam corpora lapsa à similibus plus læduntur, ex Gal. lib. art. med. cap. 63.

Ad vltimum dic, in Indis, Æthiopibus, & Anglis non seruari paritatem in virtute, quod ad veritatem quæstionis necessarium est, ut supra in notabili tertio monuimus. Hoc modo intelligendus Apic. 2. 3. cap. 11. in fin. dicens: tremorem lateris sinistri esse peruersum: & 22. 3. tract. cap. 24. ante med. asserens, Ischiaticam in latere sinistro esse difficiliorem, quàm in dextro, licet morbus sit magis proportionalis partibus sinistris, utpote debilibus; tamen in virtute, & robore non seruatur paritas, quoniam partes dextræ sunt robustiores sinistris. Idem iudicium ferendum est de Hemicrania, Angina, colico

dolore, nephritico, padagra, paralyti, & aliis qui latus vtrumque infestare solent: nam orti in parte sinistra sunt difficiliore. Lege Santorellum doctissimum lib. 10. antepraxis cap. 19.



## HISTOR. XXXII. GALENI.

## De ischiadico dolore.

Coxendicis dolor à sanguine ortus  
vena secta curatur.

**M**Emini me ischiadas, siue coxendices uno die facta ex crure euacuatione curasse; nimirum ubi non ex frigore, sed implevis sanguine, quæ in coxa sunt, venis prouenissent, &c. Galenus lib. de curand. rat. per sang. misf. cap. 18. in fin.

Excitatus est in quodam vicino meo, cuius complexio erat cholericæ, dolor Ancha: & facta minutione in una manu mitigatus est dolor ipsius, & excitatus est in ancha alia: & sic post quadriduum facta minutione de manu: mitigata est pars maior doloris, tamen per biduum conualuit perfectè. Rhaf. 26. continet. tract. 1. cap. 2.

## PARAPHRASIS.

**O**Riri quandoque coxendicis dolorem à sanguine in hanc coarticulationem delapso, supra citati auctores memorizæ prodiderunt. Anicenna loco cit. cap. 5. sic ait, Materia verò sunt sanguis singularis, aut sanguis phlegmaticus, aut sanguis cholericus, aut sanguis melancholicus, &c. Accepit à Gal. lib. 10. sect. loc. cap. 2. de Ischiade, §. Aliquando quidem igitur irruens humor sanguineus est, ut plurimum verò pituitosus, aut ex pituitoso, & bilioso mixtus, aut etiam sanguine cum ipsis permixto, &c. Patet ampliùs euidenter ex Aëtio loco cit. §. Generant autem hunc affectum hamorrhoides suppressæ, & vomendi consuetudo intermissa, & purgationes menstrua, &c. ita Hipp. lib. 5. epid. inquit. Polemarchi uxori in morbo articulari coxa dolor quidam vehemens, causa erat quòd menses non prodirent. Si ergo sanguinis copia irruat in coxam, aut aliquis humor cum sanguine permixtus dolorem exciet, reuulsio, & vacuationis causa, est ferienda vena, hoc enim præsidio etiam præseruatur pars ab inflammatione: nam ob dolorem attrahentem, in debilem partem irrunt succi, & impetu quodam in eam furiosè veluti decumbentes, vel inflammationem de nouo regenerant, vel adaugent.

Sed circa contextum plurima sunt difficilia, quæ expedire oportet. Primum est. Num in coxæ dolore solum redundante sanguine, non aliis humoribus, mittendus sit sanguis? Dic. Articularium affectuum curationem graphicè proposuerunt præci, & iuniores omnes, fecit etiam Trallianus lib. 10. 11. elegantissimè. Omnes in sanguinis missione celebranda consentiunt. Ita Auic. loco cit. cap. 7. & si fuerit sanguinea, aut cum domino sanguinis, oportet ut administres phlebotomiam, &c. Hanc methodum priùs patefecit Galenus lib. 10. sec. loc. cit. §. Tanquam igitur maximam vim ad affectionis curationem habeat totius corporis euacuatio, ab ipsa incipiendum est, non solum à cruribus, sed etiam à cubito, primum sanguinis detractione facta, &c. Paulus lib. 3. cap. 77. in pituitosa etiam, & melancholica protinus venæ sectionem exercet. Sic etiam Aëtius. Neque hi auctores aduersantur Auicennæ, solum in sanguine coxendicis dolore hoc præsidium admittendi: nam Auic. tam exercet vacuationis causa, ceteri reuulsio, nis gratia eam celebrant: in omni enim recenti dolore, præsertim intenso, præseruationis causa sanguis est emittendus, & magis in præsentia sanguinis, iuxta oraculum Galeni, 4. de sanit. tuend. cap. 4. §. Vbi paululum, vel citra sanguinem restitum, vel ultra processum est, audacter sanguis mittendus est. Vbi plus, consideratius agendum. Vbi plurimum, in his nullus omnino mittendus est, &c. Solue secundò. In iis omnibus, qui tunc primum id morbi genus experiuntur, vena est secanda: In iis verò quos fluxio frequenter infestat, solum in sanguinea, ut ait Auicenna. Hoc edocuit Paulus loco cit. §. Statim igitur cum quis morbum experiri primum cøperit, sanguinis missio erit tentanda: nam quos fluxio frequenter infestauerit, ipsius inde noxa, quàm auxilij sentiunt; præferim quibus

Lib. III.

**A** corpus natura frigidius est, aut imbecillius, &c. Explicant dilucidè Mercatus lib. 4. de morb. intern. cap. 20. Septalius lib. 8. caution. num. 179. Quapropter si vel transactum sit initium morbi, quo tempore reuellere ampliùs non licet; vel alij humores sanguinem superent; aut illi qualitate potius, quàm plethora premant, tunc laudatissima Auicennæ sententia amplectenda, ut probant Gentilis, & Iacobus in com. Galenus hoc loco sanguinis missionem summopere probat ob causas dictas; pro cuius maiori explicatione, lege Menam, Fuchsum, & Hieronymum Nonnium, vbertimos huius loci interpretes.

**Q**uæro secundò. Vtrum ex opposito latere vena sit secanda? Respondet Auic. loco cit. §. Oportet ut administres phlebotomiam ex parte contraria. fauet Celsus lib. 2. cap. 10. qui venam secat ab humero ad humerum. Hoc modo Galen. 13. meth. cap. 5. manu laborante, scarificat crura; altero crurum male habente, reliquum crus. Dic. ex eodem latere in coxæ, cæterisque articulariis doloribus secandam esse venam, ut Aëtius monuit, loco cit. §. Secanda autem vena ex directo cruris fluxione infestati, in brachio interna. Quòd si hæc non appareat, media. Quòd si manus dextra dolore infestetur, venam in dextro crure secabis. Nam magni semper Galenus fecit rectitudinem, & ampliùs hanc amat, quàm vasorum communitatem. Hoc tibi fiet manifestum, si expendas mentem Galeni, qui 13. meth. 11. non apparente interna, mediam eiusdem lateris secat, & hæc non apparente cephalicam. Ex quo colligis, rectitudinem communitati prætulisse. Si verò Auicenna, ex contraria parte sanguinem emittit, per hanc, non intelligas oppositam secundum corporis latitudinem, sed longitudinem; quo pacto laborante dextro pede, dextrum cubitum secamus, & sinistro, sinistram. Celsum verò de præseruatione explica, quando ex aduerso latere fluxio emanat. Ita interpretandus Galenus 13. meth. quando in annuis, & per circuitum recurrentibus manuum affectibus, præcautionis gratia à distantissimis partibus, à parte tentata fluxione valde remotis, sanguinem exhaurit, ut scilicet assuescat natura sanguinem ad alias partes transmittere. Quo pacto autem in hac venæ pedis sectione, alio pede dolorem patiente, seruetur Hipp. decretum ubique ab eo prolaturum, dicentis secundum rectum debere semper fieri euacuationes, præterquam quòd intelligendus est Hipp. de curatione, ceteri verò de præseruatione, ut monuimus lib. 2. in com. bistor. 19. in fin. non est huius loci demonstrare. Lege pro soluendo hoc dubio momenti tantum, quod multorum hactenus malè torsit ingenia, Manard. 14. epist. 1. Menam in com. Gal. lib. de curand. rat. per sang. misf. cap. 18. fol. 121. Brissorium, Trineauel, Acakiam, Turinum, Curtium, qui in tract. de secanda vena in pleuritide, hoc argumentum vbertim explanarunt.

**Q**uæro tertio. Num in coxendicis dolore, ex talo, an gibbero sit hauriendus sanguis? Hæc repugnantes in his historiis, Galeni, & Rhafis sententiæ, interpretem reddunt dubium, & ambiguum: nam in coxæ dolore ex sanguine orto venam secat in crure Galenus; & in eodem affectu ab eadem causa concitato, Rhafis è manu sanguinem exhaurit: par manu autem, non intelligit summam manum, sed totum illud quod ab humero ad summos digitos protenditur, ut 13. meth. cap. 5. §. Manu laborante scarificabis crura: & infra, in cap. 1. per venas manus, brachij venas intelligit: firmat Auicenna, 4. 1. cap. 20. in fin. §. Vena præterea manus qua phlebotomantur, &c.

**S**ed si methodum horum auctorum (quam multum celebrant) attenta mente rimeris, eius vim maximam, & vsum præstantem commendabis. Partes Galenitutas primò est Hipp. lib. 6. de natur. human. text. 8. è poplite celebrandam esse docens: repetit lib. 5. epid. in Epolemi curatione, dicens. Huic sanguis detractus est è talo, multus valde, niger, ac crassus. Explica Vallesius in com. sic dicens. Nam ob partes hypochondriis humiliores, ex crure eiusdem lateris vacuare oportet; velut ob superiores ex brachio. Itaque & ob nephritim, & ob Ischiadem, & ob inflammatas hamorrhoides, & bubonum tumores, oportet ex

B B b 3

crure

crure affecti lateris sanguinem mitti. Ita Auic. 4. 1. cap. 20. A  
 et talis venam fecit: firmant A. Quarius lib. 3. meth. cap. 1.  
 Audi Galenum lib. 6. Aph. com. 36. dum exponit mentem  
 Hipp. dicentis, difficultatem urinae venae sectione solui, secare  
 vero interiores, adiecit: Quod autem dicitur, secare vero in-  
 teriores, si de venis manuum dicitur, caret veritate, neque con-  
 sentaneum est Hippocrati: videtur siquidem in omnibus libris  
 suis, in partibus, quae supra hepar sunt, ex manibus sanguinem  
 mittere, in inferioribus vero venas quae in poplite, & malleolo  
 sunt, secari iubet, &c. Si autem inquiras quae sint partes  
 inferiores, responderi Galenus in hunc modum lib. de cu-  
 rand. rat. per sang. mis. cap. 18. §. Porro quemadmodum dicta  
 omnes partes in cubito secta vena iuuantur; sic quae his inferio-  
 res sunt, illis quae per poplites, & malleolos decurrunt. Sunt  
 autem dictis inferiores, coxendix, uterus, vesica, &c. firmat  
 lib. de const. art. medic. cap. 17.

Rhasis sententiam firmat Caelius Aurelianus lib. 5. tar-  
 dar. passion. cap. 1. §. Item plurimi ex talo, atque ancha eius-  
 dem partis, quae fuerit passione possessa, venam diuidentes, san-  
 guinem detraxerunt, sed magis partes impletae grauantur, &c.  
 Ob hanc causam dicebat Auic. 22. tract. cap. 24. & non fiat  
 phlebotomia ex pede, nisi post phlebotomiam ex manu: Si b. scri-  
 bunt Alzaharaius lib. pract. tract. 18. cap. 6. Idem firmat  
 Rhasis lib. de egritudinibus iuncturarum, cap. 19. & 29. Ex-  
 ponit Guainerius tract. de egritudinibus iuncturar.

Certum sit in dolore recenti, in cubito: in inueterato  
 autem, in talo venae sectionem esse celebrandam; nam in  
 initio maior est dolor, repletio maior, quare si tunc in  
 talo venam seces, totus humor praecipiti lapsu ruit in af-  
 fectam partem, & geminatur dolor; quando autem cor-  
 pus multo sanguine non est refertum, sed solum coxae  
 crasso sanguine ibi impacto premuntur; tunc inueterato  
 dolori venae sectio tali summopere prodest: ita nos do-  
 cuit faciendum Galenus 2. ad Glau. cap. 2. posito exemplo  
 in genu tumore tentato, dum sic inquit. Veluti in ea, de  
 qua nunc agitur, dispositione fluxio ad genu deferatur, atque  
 hoc subitò plurimum attollatur, tibi vero totum corpus sangui-  
 ne repletam appareat, & valida laborantis vis, tempus autem an-  
 ti sit ver. regio temperata, aeger vero sit adolescens, aut iuuenis,  
 is sanguinis vacuatione ex superioribus partibus indiget, opor-  
 tetque incidere eius in cubito venam, aut scilicet anteriorem,  
 aut mediam. Si vero aliqua pars superior pateretur, per infe-  
 riora sanguis est educendus; semper enim fluxionis motum ad  
 contraria trahere expedit, &c. Quare hoc modo intelligen-  
 dus Galenus, qui 10. sect. loc. cap. citatim de cubito, vt  
 facit Rhasius, deinde de talo sanguinem euacuat. Consule  
 Alimaron lib. de medend. human. corpor. malis, cap. penult.  
 Vtrum verò in hoc affectu, lumborumque morbis sit venae  
 sectio celebranda à talo interno, an externo, quaestio est ad  
 praxim utilis valde: eam lege lib. 2. in com. histor. 12. §. 1.

Redundantis sanguinis indicia sunt totius corporis  
 plenitudo, cum cutis tumore, rubore, & venarum pulsa-  
 tione confecta. Pulsus adest in alto inflammationis me-  
 diocris. Urinae fulvae sunt, & medioeri crassitudine pra-  
 edictae. Aetas generando sanguini est accommodata, ab ado-  
 leſcentia vsque ad aetatem vigoris. Praecessit vita laeta, ci-  
 bis nutrientibus, & vini potui assueta. Tempus anni, ver,  
 regio temperata. Suppressa est aliqua euacuatio consue-  
 ta. Ex iis sanguinem redandantem coniectabis, & magis  
 si febris accedat, quae omnia proponit Gal. lib. de medic.  
 parat. facilibus, cap. 5. Trallian. lib. 14. cap. 1. & 10. sec. loc.  
 cap. 2. Quomodo autem vsusquisque humor in corpore  
 redundans sit cognoscendus, explicat Ioan. Brauuus lib. 2.  
 de purgation. cap. 7.

## HISTORIA XXXIII. AETII.

### De genu tumore.

Genu tumor antiquus, emplastro ex ster-  
 core caprino parato, curatur.

Stercoris caprini vsus frequentissimus est: acrem, & discuf-  
 soriam vim habet: induratis tumoribus conuenis, non licnis

tanium, sed aliarum partium. Itaque ego in genuum tumore  
 inueterato, & aegre solubili, ipso vsus sum ex posca, cataplasma-  
 te parato ex herdaceti farina stercore admixta; & qui curaba-  
 tur homo, mirifice adiutus est, &c. Aërius tetrab. 1. serm. 2.  
 cap. 34.

## PARAPHRASIS.

**G**enu articulus plurima ligamenta habet, ex Galen.  
 lib. 2. de anatomic. administ. cap. 10. Cum enim qua-  
 tuor sint regiones circa genu, anterior, posterior, dextra,  
 sinistra, vt auctor est Galenus lib. 3. de vsu part. cap. 15.  
 in his partibus robustum adest ligamentum, adsunt mus-  
 culi, & aliae partes durae, osses, nervosae, quae facile ab hu-  
 moribus frigidis infestantur; in quas cum humor semel  
 decumbit, & in hac coarticulatione imbibitur, vix resolui  
 potest, ob partium duritiem, soliditatem, & motum fre-  
 quentem, qui excrementa continuo, accito calore, ad par-  
 tem superius natura decliuem attrahit, in quam humor gra-  
 uitate sua facile inclinatur.

Et hac de causa in hac parte accidunt tumores, praeter-  
 tim ventosi, à flatu nebuloso & crasso suborti, accidit cu-  
 tis densitas, & meatuum adstrictio. Ita dixit Auic. 4. 1.  
 cap. 25. causa in apostematibus inflatis est ventositatis crassities,  
 & pororum clausura, &c. & 4. 1. tract. 2. cap. 19. sic ait. Et  
 ventositas remanet, & retinetur propter spissitudinem suam, &  
 propter grossitiem suam, & propter spissitudinem eius quod con-  
 tinet eam, & constrictionem insignem, &c. & prius praedixit  
 Gal. lib. 2. ad Glau. cap. 6. adiuuat autem ne huiusmodi spi-  
 ritus difflet, etiam densitas corporum. Subſcribit Paulus lib. 4.  
 cap. 28. §. Membrorum autem densitas, tum spiritus simul cras-  
 stities efficit, vt idem spiritus non dissipetur. Eleuantur fla-  
 rus ab humoribus crassis, pituitosis, & lentis, qui à de-  
 bili calore verruntur in flatum; hunc autem generari à  
 diminutione caloris innati, ex Galeni mente supra satis  
 explicuimus.

Hic tumor cognoscitur primò ex tactu: nam si manu  
 tangas, ac comprimās, intus murmur sentitur, & sonus: ita  
 dicit Paulus loc. cit. & Auic. 3. 4. tract. 2. cap. 10. §. Et  
 fortasse causat sonitum percussio ipsius cum manu. Deinde  
 palpitatio sentitur: ita inquit Gal. 1. prorrh. sect. 1. com. 31.  
 Palpitationem ergo à staturo spiritu proficisci demonstraui-  
 mus, Distingues ab oedemate; nam si hunc tumorem  
 comprimās, fit fouea, in tumore ventoso minimè. Audi  
 Galen. 14. meth. cap. 7. Differunt quoque ab oedemate, quod  
 & pressa digitis non retinent vestigium, & sonitum velut  
 tympanum reddunt. Denique cognoscere hunc tumo-  
 rem in genu subortum, est facillimum; sicut difficili-  
 mum, an intus aqua, flatus, aptus contineantur, distin-  
 guere: id quod perbellè significauit Auic. 3. 4. tract. 2.  
 cap. 10. §. Et quandoque existimat homo, quod super mem-  
 brum eius sicut genu sit apostema indigens perforatione; quare  
 perforat ipsum, & egreditur ventositas tantum, &c. & nos  
 notabili exemplo etiam firmauimus lib. 2. de praxi admi-  
 randa, obs. 172.

De prognosi quid proferendum? Respondet Galenus  
 lib. 2. ad Glaucon. cap. 6. §. Quis longiori tempore durat, ac  
 tum praecipue, quum fuerit articulationi vicina, &c. Quare hi  
 tumores diuturni sunt ob causas dictas, & licet resoluan-  
 tur flatus medicamentis aptis, remanet tamen quaedam  
 habitualis intemperies, ex qua de nouo regenerantur, &  
 ad partem debilem confluentes, malum fouent, & au-  
 gent. Denique hi tumores aegros excarnificant, & reme-  
 dia medica deludunt, vt inquit Aërius loc. cit. §. Sumque  
 huiusmodi musculorum affectiones difficiles, quoniam in omnes  
 ferè musculi partes, flatuosus spiritus dispergitur, constringi-  
 turque, ac intercluditur ab ambientibus pelliculis, & plurimis  
 aliis corpusculis vsque ad cutem praesentis.

Curabitur hoc vitium, licet aegre & difficulter, exi-  
 cante victu, vacuato humore ex quo flatuosus hic spiritus  
 eleuatur. Ita censuit Gal. 13. meth. cap. 22. §. Atque exten-  
 siones scilicet ex flatuoso spiritu curabimus, vacuato prius in his  
 quoque toto corpore, & humorum momento deorsum auerso, &c.  
 Auic. 4. 1. c. 25. sic inquit. Studiū quoque est adhibendum  
 in prohibendo materiam, ex qua ventus, us provenit vapor &c.

Nec obstat Hipp. locus ex lib. 4. acut. text. 15. qui flatuosus non esse medicamentum potrigendum asseruit: nam loquitur de causa coniuncta ipsius tumoris, quæ solum resoluentibus flatu perficitur.

Vacuato ergo bene corpore, iis quæ pituitosos humores expurgare nata sunt, & aliis quæ roborandi viscera, & resoluendi flatu vim habent, ut sunt sudorifica ex similitudine aspera, & ebena parata, balnea sulphurea, ad resoluendum flatum in tumore contentum, accedere opus est: ita asseruit Galenus lib. 1. 4. meth. cap. 7. dum sic loquitur. *Communis indicatio est, ut euacuetur, quod ibi continetur. Propria vero post hanc, ut tenuissimis, & calidis medicamentis pori cutis rarefiant, per quos spiritus facile exhalare possit, &c.* Sed ita suavia sint, neque mordacia, ut dolorem leniant, neque irritent, ut aduertit Gal. 2. ad Glauc. 6. §. *Curatio autem communis omnibus per subtiliorem substantiam, & quando passioni dolor adiunctus sit, salem habentem naturam, ut dolorem queat sedare, &c.* Transulit Auic. 3. 4. tract. 2. cap. 10. *Quod si fuerit illic dolor ex principio, tunc administrantur desuper olea, in quibus est sedatio doloris, &c.* Auxilia autem sunt quæ laxent, & ad extra euocent: ita docuit Gal. 13. meth. c. 2. 2. §. *Mox localibus remediis utendum, non tamen medicamentis his quæ repercutiant, ac reprimant, immo his quæ euocant, &c.* 2. ad Glauc. 6. sic inquit. *Quare huiusmodi curatio unam communem habebit intensionem, ad laxanda ea quæ stricta sunt corpora, atque ad crassos spiritus exennuandos.* Si medicamento- rum materiam scire aues, consule Gal. Paul. Aërium, Auic. loc. cit. & doctissimos Hieronym. Fabricium ab aqua pendente, lib. 1. de apostemat. cap. 11. Forest. ex multorum mente lib. 4. de tumorib. præter natur. cap. 1. & 2. Vidium Vidium lib. de curat. membrat. Eustachium Rudium, Andreæ à cruce, proprio c. de tumore ventoso.

Sed cum in diuturno hoc affectu plurima citra leuamen- tententur, ut par est in morbo rebelli celebrasse Aërium, merito ad hoc ex stercore caprino auxilium accessit cum utilitate summa. Et licet nihil sit in hac mundi machina tam pulchra, tam concinna, à quo tantopere abhorreant sensus, quod fastidiosius refugiant ipsi, quam stercora, & lochia viuientium: iis tamen inest suum munus, sua operatio, & virtus ponderosa. Stercus bubulum, præterquam quod prærogatiua fecundandi terram, præstans est, & laudabile, ex Varrone lib. 1. de re rustica, c. 38. quam efficaciam humano attribuit Columella lib. 2. cap. 15. quoniam est naturæ feruentioris, & terram fermentat, etiam Galenus illi maximam attribuit facultatem, 5. simpl. 17. quoniam ob putrefactionem vehementi pollet attrahendi vi, & sic quæ sunt in alio tenaciter impacta, promptè foras euocat: nam stercus humanum omnium pessimè olet, apud Alexand. 1. probl. 29. quoniam homo vescitur eduliis variis, & multis, & illa reprobè coquit, & calido humido constat temperamento; unde inodora stercora sunt à siccitate, ex Philosopho 12. probl. 1. quoniam calida & humida corpora putredini sunt valde obnoxia, ex Gal. 11. meth. 13. & alibi: quare fæces hominum illicò foetent; foetor enim ex putrefactione oritur, 1. progn. ult. 1. cris. 11. explicant Auerr. 1. part. Physic. text. 333. Andreas Laurentius lib. 6. de hist. anatom. quest. 15. Rodericus à Fonteca lib. 2. de excrement. cap. 5. Quapropter humanum stercus gutturi tumores exiccat, & Anginæ strenuè medetur, prout celebri historia confirmat ipse Galenus, 10. simpl. sic de stercore humano: cuius explicacione lege lib. 1. in com. hist. 81. Panthera enim ubi faucium dolore vexatur, sibi humano stercore medetur, ex Plinio lib. 8. cap. 27. Insuper humanum, venenorum est tutissimum alexipharmacum, ex Arist. lib. 9. de hist. animal. cap. 6. & Auic. 6. 4. tract. 1. cap. 11. De cuius admiranda efficacia lege Danielem Beckerum Medicum omnium scientiarum genere ornatissimum, in sua spagyrica Microcosmi, cap. 10. de stercore humano.

Stercus lupinum insigne leuamen affert colicis cruciatibus, & basanifimos lancinantes artuum mitigat. Salsifi recens egesti foetor, & odor profluente impetuoso sanguini è naribus remedio est. Anginam curat spurcus, & luto velut glutine obsitus nidus hirundinum, & canum fæx exiccata gutturi per fistulam insufflata, si excepta fuerit

Aërio anni tempore, in cuius medio caniculam exoriri contingit: de cuius vi eximia pro curandis multis morbiplura diximus lib. 1. in com. hist. 82. Asininom hæmorrhagiam cohibet. Columbinum impensè calefacit, & resolu- uit. Demum omnia suam obtinent facultatem ex Dioscoride lib. 2. cap. 73. Gal. lib. 10. simpl. Paul. lib. 7. sit. de stercore, Auic. lib. 2. tract. 2. cap. 673.

Quapropter stercora omnia excalescunt, ut Galenus edocuit loc. cit. de sterc. lupino. Cæterum caprillum dige- rentis est facultatis, & acris adeò, ut induratis scirrhosis tumoribus non lienis modò, sed etiam aliarum partium vnicè auxilietur. Digerit, resoluit, abstergit, quo pacto prodest Hydropsi, & diuturnis bubonibus reme- dio est, ut citati omnes prodiderunt auctores, & Ga- lenus edocuit loc. cit. de stercore caprillo. Crematum va- lentius abstergit, & extenuat, & miscetur digerenti- bus emplastris quæ dissoluendis tumoribus crassis utilia sunt.

Miraberis, cur Aërius dissoluerit stercus in posca, cum hæc ex aceto, & aqua simul mixtis constet, ex ipso, terrab. 1. ferm. 1. cap. 1. & acetum adstringentis faculta- ris particeps sit, ex Galen. 1. de simpl. 18. quare videtur posca induratis tumoribus inepta: nam adstrictione qua- dam arctat humorem, exernique prohibet. Dic, ace- tum esse acidum profus, acida verò quatenus acida mi- nimè adstringunt: licet enim acidus sapor vincente sem- per interna frigidityte oriatur; quum tamen ex putre- dine fiat, caloris præter naturam energiam referuat: etsi enim vinosæ partes, dum ipsum in acetum transit, re- frigerentur, aqueum tamen excrementum adscititiam obinet caliditatem, veluti cætera omnia quæ putre- scunt; quæ sanè cancta, si Galeno fides est adhibenda, lib. de caus. morbor. cap. 2. & 1. de dif. feb. cap. 7. ob putre- dinem calidiora redduntur. Hinc fit ut acetum, reliquo- rum acidorum modo penetret, aperiat, incidat, diuidat, tenuet, tergat, caloremque extinguat: nam hæc quali- tates sortuntur acida, ex Gal. 2. de facult. natural. cap. 21. & Mesuè lib. 1. theorem. 1. quoniam sapor acidus frigidus est, simul & tenuium partium, ex Gal. 4. simpl. cap. 3. 7. & 8. & maximè si stercus aceto subactum miscueris cum farina hordeacea, quæ discutit, & exiecat, ex Gal. 2. ad Glauc. cap. 7. §. *Nam farina triticea maximè ad suppurationem valet, hordeacea verò plurimum resoluit, &c.* quoniam hordeum exiecat, ut ex tam multis Galeni locis probant, Iulius Alexandrinus apud Mathiol. lib. 1. epist. 2. & 3. Valleriola 1. enarrat. 6.

Hoc ergo modo paratum emplastrum, ad scirrhosos tumores attenuandos est nulli secundum. Id summè lau- dat Ioannes Vigonius lib. 2. de apostematib. tract. 8. cap. 3. de tumore genu, cuius descriptio, hæc est.

℞. Farin. fabar. farina bord. an. 3. iij. furfur. benè tri- turati, M. ij. stercor. caprin. benè irriturati, lb. 5. camomil. melilot. triturat. an. M. 1. olei. camomil. olei anethini. an. 3. ij. cum lixio, & sapa fiat emplastrum.

Hoc mirabiliter tumorem ventosum resoluit, & dolo- rem sedat: cuius laudes decantant citati auctores, & ex- tollit maximè Gulielmus Varnagata tract. 19. de dispositio- nibus iuncturarum, cap. 3. Nec mirum: nam stercus capra- rum, ex mente Dioscoridis loc. cit. præsertim in montibus degentium, porum in vino, regium morbum emendar, menses mouet cum odoramentis haustum, & partus euo- cat: tritum in farinam, & impositum lanis cum thure, foeminarum profusio sistit, cæterosque sanguinis impe- tus ex aceto cohibet: medetur Alopecis exustum, & cum aceto, aut oxy-melie illitum: cum axungia verò imposi- tum his qui podagra tentantur, auxilio est, &c. Quæ om- nia explanant Mathiolus, & Amarus, in com. & luculenter, huius stercoris vires eximias, ex Priscorum, & Iu- niorum mente retulit Conradus Gesnerus, lib. de quadrupedib. cap. de capra, tit. de stercore caprina.



## HIST. XXXIV. RHASIS.

## De genium dolore.

Genuum dolor diuturnus, acuto enemate,  
& prouocantibus vrinam, persanatur.

**Q**uidam laborans genium dolore antiquo sumpsit medicinas multas. At clystere usus est cum Centaurea, non solum una vice. Cui consului quod\* habitet in domo calida, & frequenter utatur medicamentis attenuantibus, prouocantibus vrinam, eo quod complexionis erat frigida, & humida. Rhasius lib. 26. continetur. tract. 1. cap. 2.

## PARAPHRASIS.

**G**enua dolore præsertim à frigiditate, & flatu in cauitate huius coarticationis incluso, probat Auicenna 22. 3. tract. 2. cap. 25. Hunc dolorem esse diuturnum ob causas supra dictas firmat ipse auctor, hoc loco dum sic profatur. Dolorum huius partis curatio difficilis sit in frigore, & in tempore frigido, & in pingui, & in parte sinistra est difficilior, &c. Maxime si partium superiorum habitualis intemperies adsit, quæ crudum, & flatu plenum humorem generando, eum ad doletem, debilemque partem excernere solet.

Auicenna intimius hanc curationem absoluit, loc. cit. in princip. dum sic inquit. Cura qua magis propria est doloribus genium fixis, est, quod oportet, ut redeatur in curatione eorum, ad canones vniuersales in doloribus iuncturarum. Et tu quidem scis, quod ipsi defferunt ab aliis doloribus iuncturarum, nam percussio in principio nocet eis quandoque nocumēto vehementi: quoniam materia profunda est, & percussio retinet eam illis, & ponit eam taliter, quod difficilis sit eius resolutio, & preparat eam ad hoc ut dissocet iuncturas absque reprehensione similiter. Immo oportet si volueris sedationem dolorum in principio, ut sedes eos cum mollificatione, & lenificationibus, &c. Idem prædixit Vigo lib. 2. de apostematibus, cap. 2.

Necessaria ergo sunt tam vniuersalia, quam peculiaria, & topica auxilia, quæ in coxendicis dolore à causa frigida concitato auctores celebranda monent, ut sunt venæ sectio, expurgantia, roborantia, superfluum humiditatem absorbentia, calefacientia, quæ parantur ex decocto ebēni, smilacis asperæ, radicis chinæ. Balnea naturalia, præsertim sulphurea, aluminosa summo sunt auxilio. Topica parti imponenda fiant ex anodynis temperatis, absorbentibus, flatibus; quorum copiam legat qui velit apud Vigonem loc. cit. ut sunt fomenta, lauacra, vnguenta, emplastra. Et cætera quæ latè proponit Vidus lib. 5. de curat. membrat. cap. 2. Sed cum omnia essent ab auctore nostro celebrata, quod patet ex verbis (*sumpsit medicinas multas*) clysteribus usus est acutis, quorum usus in coxæ, geniumque diuturnis doloribus summe prodest, prout supra, in com. histor. 30. monuimus; hæc enim clysteria acuta potenter humorem tenacissime impactum exhaustiunt ex iuncturis, humoremque ventosum resoluunt, & absorbunt. Inter cætera tamen quæ proficua sunt, est illud quod ex Centaurea paratur. Hæc duplex est apud Dioscoridem lib. 3. cap. 6. & 7. maior, vel minor. Vtraque calida & sicca est in gradu tertio, abstergens, exiccans; quare ad crassos humores, bilēque crassam educendam in partibus nervosis impactam est efficacissima; & coli, coxæque affectibus summopere auxiliatur, ex Auic. lib. 2. tract. 2. cap. 161. Huius decoctum in iuncturarum doloribus per clysterem infusum esse vtilissimum Paulus edocuit lib. 7. tit. de centaurea. Quando ergo vacuantia per aluum satis non sunt, ad acuta clysteria ex centaurea, & aliis fortissimis medicamentis parata accedere, morbi diuturni, & diu conditio expostulat, quibus non semel vtendum est: cum enim hic humor viscidus sit, ac tenax, vnica vacuatione educi non potest; quare paulatim est præparandus, & paulatim per clysteres vacuandus, ut 9. meth. cap. 11. admonuit Galenus. Quod autem medicamentum sit centaurea, & quæ

A illius electio, & vires, explicuit Marhiolus in com. cit. loc. Dioscorid. & prius edocuit Mesnès, & eius interpretes cap. de centaurea.

Si hæc non prosint, optimum consilium est vti medicamentis attenuantibus, prouocantibus vrinam, quæ iuncturarum doloribus mirifice auxiliari, testantur Guido tract. 6. doct. 1. de arthritide, ex mente Rhasis lib. de agitudine iuncturarum. cap. 22. Auicenna sic habet 22. 3. tract. 2. cap. 7. in med. Veruntamen plures habentium dolores iuncturarum frigidos, & complexionibus humidis, non vacuantur cum solutione plurima facta potione, & clysteri & cum medicinis cum diureticis sanantur, &c. Diuretica enim si vera sunt, acria, vehementerque calida sicca, sanguinem incidunt, disceruntque à crassioribus partibus eas quæ aqueæ sunt, tenues, ac serosæ, quas renes attrahentes in vrinam conuertunt. Hanc vacuationem commendat Gal. 3. prog. com. 25.

B si crassis succis abundent, sic enim ait. Sape enim dictum iam est, ut humores corporis calidiores, tenuioresque paratissimi sint ad excretionē: crudis vero, & crassis aut per abscessum, aut per concoctionem natura medeatur. Porro id ipsum ut per concoctionem medeatur, excretio quadam est, quæ ex vrina magna ex parte, raro per aluum efficiatur, &c. Verè diuretica in morbis diuturnis exhibita, non solum humorem crassum, & viscidum præparant, & coquunt, sed attenuatum per vrinam expellunt, & demum frigidis omnibus affectibus, diuturnis, & qui paulatim finiri debent, valde congruunt. Plurimos enim morbos finiri vacuatione facta per vrinæ vias locupletissime firmat Hippocrates in locis multis, præsertim lib. 3. epidem. sect. 3. text. 61. dum sic ait. Vrina multa erant, neque erant illa ex potu ingesto, sed illum excedebant: multumque etiam vitiose erant vrina reddite; neque enim inerat crassitudo, vel concoctio, vel purgatio proba. Nam purgationes per vesicam commoda bonum multis portendebant, &c. Hinc factum est, ut vniuersalis fiat vacuatio per vrinam: quare quando celebrem facit Galenus sæpe commemorationem vacuationum, quæ totum corpus expurgant, nempe per ventrem, vomitum, sudorem, hæmorrhoidas, vterum, sanguinis profluuium per nares, posse quoque per vrinam vniuersum corpus expurgari non ita inficias. Diureticorum enim usus multorum morborum curationes rectè facit. Licet enim diuturni morbi extra venas sedem habeant, vnde vrina non distillat, tamen cum illi causam antecedentem, in venis habeant, quæ velut radix fouet causam continentem, iccirco plurima, copiosaque vrina solui possunt. Quæ autem dicantur prouocare vrinam, & quot eorum differentię, explicant Paulus lib. 1. D cap. 44. Mercatus lib. 1. indicat. cap. 10.

## QVAESTIO XLV.

Vtrum commoda agri habitatio, ad morborum curationem sit necessaria.

## COMMENTARIUM.

**E**T habitet in domo calida] Quanta si ad conseruationem vitæ, curandisque morbos aëris non ambientis necessitas, & in corporis nostri alteratione efficacia mira diuino oraculo significauit Hippocrates lib. de flatibus, n. 6. dum sententiam memorabilem profatus sic inquit. Mortalibus autem vitæ, & morborum agrotis solus aër est auctor. Tantaque omnibus corporibus spiritus necessitas extat, ut siquidem omnibus aliis abstineat homo, neque cibum sumat, neque potum, possit tamen dies duos, vel tres, & plures ducere: si cui verò spiritus in corpus via intercipientur, in breui parte vnius diei intereat, ut vel hinc quanto vsui spiritus corpori sit, liceat estimare. Amplius autem ab omnibus operibus aliquando immunes quiescunt homines, verum ab hoc opere nulla omnibus mortalibus animantibus requies contingit, ut cessent spiritum adducere, ac rursum exhalare. Hactenus Hippocrates.

Nec immerito: nam aërem continuò inspiramus, & illius vsu viuimus, ita ut si desit attractio filius, illico animal occumbat: quoniam adeò respiratio ad vitam est necessaria, ut viuente non respirare, & respirante non viuere sit impossibile, ex Gal. lib. 6. de loc. affect. cap. 5. necessitas enim



enim aëris summa est, quā vsui sit multis modis proficiuus, A  
 & commoditate longo intervallo reliquas res non natura-  
 les superet: nam calor cordis exæstians illius refrige-  
 rio attemperatur, & ipse est idonea spirituum materia, ut  
 mille in locis prædixit Galenus, quos legat qui velit lib. 1.  
 in com. hist. 9. quo loco spiritus aëre nutriri prædiximus.

Deinde aër nos inevitabiliter alterat; quin lib. 1. de  
 sanit. tuend. cap. 3. dum inquiri, quomobrem senescimus,  
 & perimus: propterea (ait) quodd aër variè immutat sani-  
 tatis nostræ statum, modò quidem siccans, modò hume-  
 ctans, & similiter in actiuis efficiens: reliquæ res non  
 naturales per intervalla in corpus operantur, aër conti-  
 nuò agit, tum per inspirationem, tum per transpirationem  
 attractus, & penitissimè irruens, corporis pene-  
 tralia velocissimè subit, & deinde alimenta, & porus  
 sibi attemperat. Demùm, non solum in acutis morbis B  
 curandis, sed in diuturnis summè præstat, ut monuit  
 Hipp. 6. epid. sect. 5. text. 5. dicens: *solum vertere in morbis  
 longis convenit.*

Hæc si vera sunt, verè plurimam indicationem ab aëris  
 statu Medicus desumar est necesse, ut monuit Galenus  
 lib. 8. meth. 7. ut commodam habitationem; & congruam  
 curando morbo consulat ægrotis. Hæc probe expendet,  
 si prius rectè agnoscat, quibus de causis aër immutetur:  
 nam aer moderatus, cordis, & cutis, membrorumque  
 omnium temperiem tuetur; mutæ enim vicissitudine,  
 complexuque attracti aeris, & expulsi, vita nostra ab in-  
 iuriis vindicatur, & sanum corpus efflorescit, & viget.  
 Lege Fernel. lib. 1. patholog. cap. 13.

Ergo immutatur aër ex varietate climatis, ventorum,  
 maris, situs eius, fluminum, situs terræ, cubationis, tem-  
 porum anni, quæ aërem reddunt noxium & suspectum,  
 aut salubrem & salutarem. De omnibus sigillatim agen-  
 dum. Mutatur aër maximè ex varietate climatis, id est, pa-  
 ralleli. Galenus 3. aph. 14. opinatur, temperatissimum esse  
 quartum, in quo sita est Coos, Hippocratis patria. Auer-  
 rhoës lib. 2. collect. 22. præfert quintum, in quo sita est  
 Corduba patria sua. Manardus lib. 7. epist. 1. extollit sextum,  
 in quo Ferraria patria sua. Sed verè temperamentum loci  
 multa alia faciunt, sicut situs, venti, quatuor anni tempo-  
 ra, & plura alia præter solem particularim mutant. Expe-  
 rimento autem quartum, & quintum, complectentia ferè  
 Hispaniam & Lusitaniam, temperatissima sunt. Quod au-  
 tem scribitur in lib. de aëre, & aqua, in Asia minori loca es-  
 se temperatiora Coos, intelligit ob particulares circum-  
 stantias loci: neque quod legitur apud Auerrhoem 2. col-  
 lig. cit. temperatam scilicet regionem esse, cuius ver pro-  
 lium est, autumnus brevissimus, non omnino consentit  
 cum vulgari finitione, describente temperantiam loci.  
 ex remissa frigiditate hyemis, & modico calore æstatis.  
 Si verò conditiones loci ad amussim explicatas scire desi-  
 deras, lege loco cit. Auerrhoem, & Mercatum lib. 1. part. 1.  
 physiolog. clas. 4. de temperament. quest. 56. Vallerioli. lib. 1. loc.  
 com. cap. 10. in med.

Sumit aër magnam varietatem ex ventorum flatu: &  
 cum ventorum alij sint particulares, alij vniuersales; hi  
 salubriores, quia in longa via deputantur, sicut aqua flu-  
 minis quò remotior est ab origine, eò putior. Inter vni-  
 versales autem Boreas saluberrimus est, ob vehementiam  
 autem flandi minùs suavis. Zephyrus ab Occidente mi-  
 nùs salubris, sed ob lenitatem suavisissimus. Pravi sunt, &  
 vehementes Euri ab Ortu. Austri vehementes, & caput  
 grauantes.

De temperamento ventorum, illud est certum, quòd  
 omnis ventus infrigidat & siccatur, quatenus tollit va-  
 pore calidum humidum cuti proximam: licet alia  
 misceantur ventis, quæ illorum temperiem mutare  
 queant: vnde frigidi sicci euaserant Aquilonares, quia  
 ad nos accedunt à nebulosis partibus poli Arctici, &  
 quia impetuose efflant, & à Septentrione minimum  
 mare interiacet. Austri calidi humidi, quia ad nos acce-  
 dunt ab adusta Zona, & quia ad meridiem plurimum  
 mare est. Recipienda autem sunt hæc tanquam frequen-  
 tia: nam Austri aliquando nos refrigerat & siccatur, ex  
 Gal. 3. epid. sect. 3. com. 3. & 2. meteor. cap. 5. sed parum du-

rat, & ferè initio veris appellatur Læconotus, quia eius  
 flatu albet aër, & Ornithias, quia flat aduentantibus auibus:  
 verum quia hoc est rarum, & semper est Austri, mi-  
 nùs Aquilone refrigerat, idè solet dicere Hip. in epide-  
 mia, flatu austrinus, id est, calidus humidus. Ita est reci-  
 pienda sententia in Hispania, vbi à meridie plurimum est  
 mare: nam aliis quibus est ad Septentrionem mare, con-  
 trā accidit, & illis qui incolunt partes poli antarctici: nam  
 hos Austri perpetuò refrigerat, vtpote flans ab antarctico.  
 Lege Rhodigin. lib. 15. lect. antiq. cap. 7. Consule Libertum  
 Fromondum. Philosophum insignem, in com. cap. 5. lib. 4.  
 Meteoror. Aristot.

Deinde recipiendum est quòd habet: Austrum flare à  
 zona torrida incolentibus climata septentrionalia: vni-  
 uersaliter enim agens de ventis perflantibus totam ter-  
 ram, dixit cap. 4. meteor. Austrum spirare ab antarctico po-  
 lo, sicut Boreā ab arctico, & sic liberatur à calumnia quam  
 illi pertexit Valleriola lib. 5. enarrat. cap. 1. Orientales au-  
 tem, & Occidentales Hispanis sunt temperatiores: supe-  
 rioribus, quia causis immodici incipienti destituuntur.  
 Inter eos blandissimus est Zephyrus, vehementissi-  
 mus Eurus. Causa lenitatis Zephyri duplex assignatur à  
 Philosopho. Prima. Venti ferè sequuntur solem, idè fre-  
 quentiores sunt interdiu: cum ergo Zephyrus intercedat  
 Boream, & Austrum, illorum imperus vehementissimos  
 sedans, iudicatur lenissimus. Eurus verò flans oriēte solē  
 maturinam tempestatem non cedit, & sol inferiùs non  
 solet nobis excitare ventos. Altera causa, quia ad occi-  
 dentem adest plurimum mare, quare Zephyrus caret mon-  
 tium obicibus, augmentibus eius imperum. Ob duo con-  
 traria Eurus est vehementissimus apud Aërium, excitans  
 morbos ex siccitate: maximè enim humores mouet, vnde  
 arboribus fecundus est, & piscium capturæ accommo-  
 dus, & arthriticos morbos præfagit.

Apud Celsum lib. 2. cap. 1. *optimi dies hyeme, qui omni  
 vento carent; æstate, quibus perflant. Fauoni.* Nec obstat  
 quòd hyems sit secundum naturam ventola; quia alia est  
 moderantia debita toti tempori, alia diei, nempe recreare  
 moderantiam totius temporis. Quare ordo salubritatis  
 ventorum relatus ab Aërio præferendus videtur ordini  
 Auicennæ, numeranti Boream, Eurus, Zephyrum,  
 Austrum. De temperie autem horum duorum: licet  
 neuter recedat à temperamento; calidior videtur Eurus,  
 quoniam ferè flat Oriente sole, à quo calorem susceptum  
 conseruat, quum tota die eo fruatur; tamen quia per  
 mediterranea accedit ad nos, in hyeme valde friget, in  
 æstate valde calet: est etiam siccior quia Oriens mari ca-  
 rer. Ob duas causas contrarias, recedit parum Fauoniùs  
 ad frigidum humidum, quia incipiens flare vespere, cum  
 calorem non seruat.

Ex parte vicinæ, qui à campis spirant, boni sunt, ex  
 Oribasio, lib. 9. collect. cap. 9. Qui à mari salubriores hye-  
 me, & vere, æstate calidiores quàm par sit, maximè pro-  
 pter repectum solis ab arenis ardentissimum. Ex fluuiis  
 contrā æstate boni, hyeme prauis. In paludibus autem vel  
 prauis locis, vel antris, vel mineralibus, vel thermis, vel  
 oclusis domibus, pessimi. Consule de ventorum natura,  
 & causa, Scaliger. exercit. 285. Cardan. in lib. 3. Aph. in  
 com. sent. 5. & in lib. de varietate. Et ut breuiter, sic politè,  
 & ornate differuit Castrensis Lusitanus lib. 4. de meteor.  
 microcosm. cap. 9. nec non stupendæ eruditionis vir, Claris-  
 simus Claudius Salmasius in com. cap. 56. in Solinum.

Mutatur etiam aër ex mari: aër enim inducit va-  
 rietatem loco, primò in ratione maris, secundò in ra-  
 tione situs maris, tertio in ratione situs terræ. In ratio-  
 ne maris, ob quatuor causas, apud Auerr. lib. 2. meteor. cap.  
 2. est salubris habitatio maritima, Primò salugine re-  
 nititur pruttedini. Secundò humiditate producit vitam.  
 Tertio, purgatur aër per frequētes flatu à mari. Quar-  
 to, modica crassities aëris ex communicato vapore  
 aquæ prohibet immodicum calorem æstatis, & immo-  
 dicum frigus hyemis. Sicut enim aqua tenuis citò cale-  
 fit, & citò refrigeratur; crassa verò è conuerso: sic te-  
 nuitas aëris mediterranei vtramque immoderantiam faci-  
 le suscipit; crassities verò maritimi aliquantulum renititur;  
 quare

quare temperata habet vtraque tempora. Nec obstat A. Primò, quòd oportet damnari aërem maritimum, ceu crassum: nam crassities aquæ salæ minùs noxia est propter mixtam saluginem, & adhuc minùs, quia continuis ventis tenuatur, ac purgatur. Non obstat secundò etiam, quòd in ponto hyemes sint frigidissimæ, ex Arist. 21. *prob. 6.* æstates verò feruentissimæ, ob aëris crassitiem, quia quod ibi Arist. insinuat, crassities multa iuncta cum longitudine noctium, facit ut per breues dies non deponatur frigiditas multa nocturnæ hyemis; & prolixitas diei in ætate, non deponit per exiguam noctem feruentissimum calorem diei. Nec obstat tertio, quòd asseratur producere vitam per humiditatem, apud Gal. *lib. 1. de dieb. decretor. cap. 3.* apud Oribasium autem *loc. cit.* contra conferre neruis, & morbis propter siccitatem, quia ea est natura mixti ex contrariis, ut effectus sequantur contrarij pro varietate passi, & temporis; quare vapor maris humectat, & facit facies lenes, & bene coloratas maritima loca incolentibus, quod est indicium aëris humidij; & tamen propter saluginem tuetur à febribus putridis, & chronicis morbis. Nec obstat quartò, quòd legitur apud Aristotelem 24. *probl. 39.* natantes in mari gracilesce, ob vaporem maris calidum siccum exiccantem: nam intelligendum est de aqua ipsa maris, non de vapore aëri communicato, alias non produceret vitam, & corporis cutem leniret.

Mutat etiam nos maximè mare, in ratione situs eius apud Alzaharaium *lib. 1. theoric. cap. 3.* nam regio si habet mare à Septentrione, frigidior redditur, quoniam ingrediuntur vapores maris habitationes flante Borea: si verò ab Austro, calidior est, propter oppositam causam: Est etiam secundò ex parte situs maris consideratio: nam si mare vel flumen meat inter solem, & regionem, maturini radij inferunt vapores per noctem concretos capitibus incolarum; quare redditur habitatio catarrhosa, & cerebri distillationibus obnoxia; unde tabes, phthisis, & ceteræ defluxiones.

Mare mutet in ratione situs terræ: nam loca Septentrionalia cum sint omnia frigida, maritima tamen in illis sunt temperatoria, quoniam, auctore Galeno *lib. 3. aph. 14.* maritima loca sunt humidiora mediterraneis, & ita flatibus Aquilonaribus minùs obnoxia, poterat etiam afferri supradicta causa, quia mare vtramque intemperiem remittit. Addit Oribasius *loc. cit.* maritima accommodatiora esse curandis diurnis malis, quia calefaciunt, deobstruunt, neruis profunt; mediterranea autem acutis. Consule Christoph. à Vega *lib. 2. de art. medend. sect. 1. cap. 1.*

Aër immutatur à præterlabente flumine; nam si moderatum est, inundationibus carens, & terra sicca est, saluberrimum reddit aërem; si contra, pessimum, & magis si aqua stagnat, quoniam multa humiditas corpus humectans parit putredinem, & fructus ob immodicam humiditatem non maturantur, & cum hæc terra sit arboribus confita, addit hoc ad crassitiem aëris. Postremò ob exhalationes fluuiorum matutinas, & vespertinas, in illis diei partibus valde friget aër, & meridie ob aëris crassitiem valde calet, quare habitatio instar autumnij morbida euadit. Terræ verò citra mare, & flumen aridæ aërem habent tenniore, sic ut & fructus magis maturescentes. Terra verò ipsa si argillosa est, sicca, & magis rubra, optima est; nigra pessima; sic paludosa, quia putrens.

Agnosceat gleba terræ apud Oribasium *loc. cit.* his notis. Primò, Siodorata sit, siue exploretur ex defl. ætibus autumnalibus pluuiis, siue ex vasis figulinis ex ea paratis. Si verò terra praua est, madefacta pluuiis, spirat ex se fumum, qui à carbone extincto exhalat, sicut salubris gleba suauem auram efflat. Secundò, Si quis in ea humi cubet, lætior excitatur, & cibum magis appetit; somnus super eam suauis est, & citra perturbatiora somnia. Tertio, Plantæ omnes suauiter virescunt, suo colore saturæ, placidæ, benè nutritæ, citò maturescunt fructibus, & odoratis turgentes. Quarto, In fantes, & catuli floridi sunt, viuidi, benè colorati. Quintò, fructus, legumina, frumenta reposita diu durant. Vide Leuinium Lemnium *lib. 1. de natur. miracul. cap. 18.*

Immutatur aër ex situ loci. Primò penes sublimitatem, & humilitatem: Sublimiora enim loca frigidiora sunt, quia radiotum reflexionibus carent, & quia tenuiori aëre gaudent, propter facilem ventorum vndique perflatum: idcirco sublimis habitatio est salubrior, sed in hyeme morbis ex frigidityte est obnoxia. Contra habet humilis, id est, in parte ima oppidi, & maximè caua; quare senibus, & syncopen patientibus confert, pro reliquis præfertur, sublimis. Secundò, mutatur ex plantis: regio enim plantis confita hyemem perfrigidam habet, propter solis inopiam; æstate suffocantem, propter recursum eius; quare deteriore efficit habitationem. Ex varietate autem plantarum, quæ fructum ferunt odoratum, aut flores, aut folia, aut vim habent tenuantem, aërem purificant, & reddunt familiarem spiritibus nostris, ut arbores pomiferæ, laurus, ruta, thymum, rosmarinus, melissa, melismophyllum: quæ verò his dotibus carent, reprobantur. Ex oleandro, & cicuta prauus aër exurgit: noxius etiam ex nucibus, & ficibus: ex oletibus etiam propter finum, & facilem corruptionem, ut notabat Galenus *lib. 11. meth. cap. 5.* Oliueta, & adhuc magis pinetæ aërem incrassant, propter flatum oleosum, & resinofum; & ita Plinius *lib. 17. cap. 12.* omnem arborem, cuius folia adedò densa sunt, ut umbram opacam reddant, condemnat: nam eius umbra noxia est, ut iuglandis, pineæ, piceæ: neque existimes umbram ipsam nocere posse, ut notat Cardanus *lib. 1. de venen. cap. 16.* cum sola sit carentia luminis, sed vapores ex arbore pestilentes, qui caput grauant, & sua humiditate lenia feriunt, & concutunt.

Deinde ubi multi bufones creantur, vel ranæ cum pluuia descendunt, tunc vapor terræ noxius aëri communicatus capiti & oculis est infestus valde. Plurimum nocet aër segnis, maximè ex suffocatis carbonibus, præsertim si non habuerit exitum: nam ex illo vapore crasso & nebuloso, aër inspiratus, subito suffocat spiritus vias, unde cor non sufficienter ventilatum, fuligine copia obrutum marcescit, & animal perit; & ita firmat Galenus *libro de utilitate respirat. cap. 4.*

Laudatur aër punicorum, vinearum, arborum medicarum, propter perpetuum feliorum odorem. Insuper si pars Septentrionalis oppidi vergit in sublime, reddit oppidum calidius, quia tuetur à flatu Aquilonis; si verò deorsum, frigidius. Si planus est locus, minùs infrigidat, parum verò ad Austrum vergens, è contrario. Loci inclinantes ad Orientem, & Occidentem minùs mutant aëris temperiem. Regio spectans Austrum, optima est: Septentrionem, contra. Legè Valleriol. *lib. 2. loc. com. cap. 5.*

Variat aër ex decubitu. Primò, ex Oribasio *cit.* Cubatio in domo subterranea, nocturnus aër, & diurnus nubibus obstitus valde noxia sunt, quia incrassant, & turbidum spiritum reddunt; quare oportet tunc intra domum se continere. Optima constitutio est serena; minùs pluuiæ, pessima nubila, ait Celsus *loc. supra cit.* quare 3. *epidemiæ, in initio*, status anni in totum à ventis silens pesti corpora parat; ventus enim longiorem aëris fructiorem nobis exhibet, motu suo introducens aërem: non tamen sit violentus; nam is sæpius humores turbat, & caput etiam replet.

Secundò, Terrestris domus conueniant iis qui refrigerio indigent, vel viribus sunt debilibus, hæmoptoicis, & cephalalgicis, reliquis meliora sunt tabulara, maximè inter duo solaria, quia tuta sunt etiam à supernis excessibus. Tertio, Magna domus præstat, ubi materia multa discutienda est, & in æstate: in contrariis flatibus, parua. Quarto, Sublimes domus respirationem facilem efficiunt, & caput leuant: humiles reprobantur. Quintò, Ex fenestrarum situ, quæ respiciunt meridiem, optimæ sunt, ubi calefactione opus est, toto enim die sole illustrantur: in illis qui egent refrigeratione, præstant Aquilonares, secundo loco Orientales, pessimæ Occidentales sunt, quia manè quando lux suauissima est, ea carent, & vespere cum nocte, præsertim æstate, æstuosissimas habent.

Sextò, Ex parietibus præstant crassi: nam tenues intemperantiis continentis patent. Parietes ex lateribus miores

iniores sunt, & minùs frigidi quàm ex lapidibus. Pavimenta ex lateribus valde frigida. Parietes calce illiti splendore visum tentant, ornari verò picturis, vel tape-  
 ribus non valde tinctis visum fouent. Domus recenter calce, aut gypso illitæ, valde noxiæ, quoniam turbidum reddunt aërem, & asthma parit earum vapor, & mortem subitam, ex Gal. 7. de usu part. cap. 8. Septimò. Decubitus super terram iniucundus est, & corpus flatu replet. Supra lectum magis immunis à sordibus, apriorque confabulationi, & surrectioni. In tabularo aliquando eligitur propter mutationem, & quia pondere stragulorum minùs grauat. Octauò. Lectica humilis exhalationi terræ onoxia est: excelsa, timoris plena, quasi pendens: opportuna est modicè alta. Sic parua molesta est, nimis magna lassat, optima mediæ magnitudinis.

Sic lectica firma, & non vacillans, lassat enim, & turbat somnum: & si funibus substrata est, intenti sint. Non si admodum mollis, quia valde calefacit, & in vtramque partem conuersionem æger habebit difficilem. Modicè mollis conuenit senibus, & debilibus. Est autem mollis ex culcitris duabus laneis: mollissima ex plumaceis, suis stratis funibus. Substrata linteamini coria, licet statim refrigerent, paulo post valde calefaciunt. Stragula splendida, aut valde tincta feriunt sensus, figurata mentem debilem perturbant.

Cervicalia in febribus non plumacea sint, sed lanea frigidiora verò sunt, & odora ex rosis siccis minutim incisis. Situs longitudinis lecti planus ferè vtilior est, quia non lassat corpus: quod facit sublimis ad caput; licet hic morbis capitis conferat, & fluxiones vterinas promoueat; quare parientibus aptus, suppositis capiti multis cervicalibus ita Oribasius lib. 6. collectan. cap. 1. ex Antyllo. Figura autem decubitus eorum quibus caput laborat, in sublime vergat, præterquam in phreniticis; quoniam in iis humilem, atque inclinatum deest itum volumus, quia decubitus in sublime elarius quodammodo eos perturbat: quare figura decubitus eleuata laborantibus salutaria, quoniam (vt notat Conciliator, diff. 122.) in hoc decubitu superflua ad partes viliores decumbunt. Quomodo verò sit conciliandus Auicenn. 5. 3. tract. 1. vlt. qui iubet catarrholis, vt dormiant capite minimè eleuato, sed potiùs demisso. 5. Et oportet secundum omnem dispositionem, vt assidue demissionem capitis, & teneat decliue puluinar, vel capitale: lege Matthæum Gradium in lib. 9. ad Almanf. cap. de catharro, Gentilem in com. Mercurial. 2. variar. lectio. cap. 1. 5. Iulium Guastauinum lib. 1. de locis medicin. selectis, cap. 8.

Æger habitet in lecto, & dormiat ore clauso, cohibitisque labris: nam hiare, apertoque ore dormire, saluti est incommodum, quoniam aër turbidus, qui sub nocte ferè infestat per inspirationem haustus, meatu spiritus spiranti imbuat, raucam efficit vocem & obusam, spiritusalia membra refrigerat; & sic ex frigida fuligines retentæ inflammant cor, exasperant fauces, & sitis superuenit intensa. Occluso verò ore dormiendo, sensim, & non confestim, aër per nares anfractuosa rapitur in viscera, cordis calorem attemperans, vt eleganter docuit Leuinus Lemnius lib. de occultis nat. miraculis, c. 27.

Linteamina, & interlæ mundæ sint, sed siccitate sua mouent sanguinem introsum, quod experiuntur menstruantem scemine, nam earum, vlu prouocatur menstrua, vnde in febre punctulari, morbillis, & variolis suspecte, nam exanthematum eruptionem impediunt; quare noxiæ sepe, nam sudorem impediunt. Quare in iis morbis, in quibus ad cutem expectantur abscessus, valde munda indusia, reprobata in aliis morbis contraria optima sunt; & sic mutanda, & renouanda, vt ingenuè probat inter omnes Leuinus Lemnius lib. 4. de occultis, cap. 8.

Tegumenta in debili membro, siue à natura, siue à tempore, ea sint oportet, vt corpus ab aëris intemperantia tueatur, non ea copia vt rarefaciant, aut trahant, aut efflorescant, aut grauent, aut prouocent sudorem, & debilitent.

Aër suspectus vitandus, præsentissimo emolumento summorum malorum: & si non potest fieri reditus ad pa-

trium aërem, pareatur arte similis: ita infantes si non possunt nutrir materno lacte, cui insueuerunt, optimè aluntur saltem simili materno; quod enim circumferunt, lac puellæ commodius esse puero, & è conuerso; non est verum in conseruatione, sed in curandis affectibus exigentibus contrarium: saltem fiat ad aliam regionem mutatio, vel vicum, vel cubiculum, quia tractu temporis inficitur habitatio ægri. Addit Celsus lib. 1. cap. 3. à prauo aëre ad salubrem mutatio fiat per æstatem, à salubri ad prauum, non nisi hyeme, propter incolumitatem hyemis, & per exiguum eo tempore perspirationem.

De aëris electione in natura sua optima vltimò agendum. Esto, sicut & aqua, purissimus. Præstant puritatem lux, flatus, absentia externæ mixtionis: ideo loca aprica meliora sunt vmbrosis, & aër diurnus nocturno; ob quam causam ægri noctu amplius affliguntur, & aër villæ præstat aëri vr̄is: inanit enim corpus, & meatus fluxiles facit, vnde augentur appetitus ad cibum, coctio, & sensatio: vr̄is verò aër multo est crassior, quia non similiter agitur ventorum flatus; quoniam vmbrosus est, & mixtas habet vr̄is exhalationes. In villa, potissimum offendit aër noxius membra debilius, propter facilem impressionem continentis, & ita læduntur curis, pectus, cerebrum. Vtilis est autem aër salubris in longis morbis; ij enim vt motu sunt tardi, ita & rarda exigunt medicamenta; hæc autem velociter imprimunt, aër autem tardè.

De salubritate aëris ex parte anni explicandum est primò, num præstet totum annum esse æqualis temperamenti, deinde si inæqualis, qua proportionem erit saluberrimus. De primo dic, facile fuisse Creatori nostro indere toti orbi cœlesti influxum, vniuersū terræ ambitum perpetuò æqualiter temperantem, sole modò accedente ad nos, modò recedente à terra superna & illustrantem hemispherium nostrum; sed placuit ita condere, eo quod in orbe sublunari, omnia tanquam peritura, quadam contrarietate cōstent, discordia enim elementorum in omnibus visitur; in elementis quidem separatim, in mixtis autem iūctim, & cum humo mixtis similiter cōstet quatuor elementis, si Aristoteli, & Peripateticis standum est; vel tribus, & loco ignis, Sole, vt probauimus lib. 2. in com. histor. 6. 3. & ex sacris eloquiis nuper confirmauit Rabbi Menassech Ben. Israël, lib. de creat. mundi, prob. 14. proportionem quadam cōiunctibus; oportet quatuor anni tempora variè temperata esse, in quibus proportionem mutua illa augeatur. Præterea per hyemem crescunt stirpium radices, per æstatem fructus, & sic ex his mutationibus temporum anni, fit terra fertilissima; & vicissitudine hac, diei & noctis, somni & vigiliæ proportio fit commodissima, quæ omnia magnam commoditatem mortalibus pariunt.

Ergo summa aëris bonitas in tribus cōstituitur. Primò quando iam annus etiam saluberrimus, includit in se excessus frigoris & caloris, dummodò non sint immodici, quod maximè reperitur in quarto, & quinto climate, quando annus est temperatus, vel legitimus; nam etiam in iis ipsis climatibus, quando non seruatur lex quatuor temporum anni, sequuntur morbi plurimi, & grauissimi. Reliquorum autem climatum aër improbat: in Septentrionalibus propter excellentiam frigoris hyemalis; in Orientalibus propter excessum caloris æstiu. Et adhuc magis reprobata est habitatio extra climata; nam sub Septentrione crassissimus aër, cum longitudine diei æstiu durantis horas viginti, reddit feruentissimam æstatem & eadē crassities in nocte hybernā, duras viginti horas, reddit algidissimam hyemē. Sub æquinoctiali autem demonstrauit experientia, nec recipiendam esse priscorum sententiam, opinantium habitari non posse propter summum calorem; nec aliorum, esse temperatissimam: habitatur enim, sed cum insalubritate magna, & calore. Licet enim aliquid possit ad temperiæ æqualitatem la perpetua diei & noctis, & remissio caloris, quæ paratur ex duplici hyeme in quouis anno; vel vicinitas illa perpetua solis, & directio, quæ faciunt eam regionē eximie calidam; tamen Sol ex circundante mari attrahit perpetuam nubium copiam, ad locum æquinoctiali subditum, sic

fic redditur morbosissima habitatio, ob pluitiarum, & nubium continuatam cum multo calore sociatam, & sic hic status putredini, & febrib. pestiferis valde est obnoxius. Lege Guliel. Insulanū tract. de rat. vict. salubris, cap. 5. & 6.

Est alia conditio salubris aëris in toto anno, vt non sit validus excessus, aut hyemis, aut æstatis; propter quam causam Hipp. lib. de aëre, loc. & aquis, præfert Asiam minorem, & aërem suæ patriæ. Altera est, vt duo illa tempora diu non durent: nam qualitas etiam moderata per moram immodicè intemperat, non minùs quàm si in qualitate excederet. Vnde fit vt præstet, vnicuique quadræ anni interponi dies aliquot contrarios naturæ temporis, vt naturam nostram incipientem labefactari refocillent, & ab imminente morbo tueantur, dummodò sint pauci, qui debitam temperiem non euertant: & non sint insignes mutationes; nam illæ propter repentinum accessum lædunt, 3. aph. 1. & 2. aph. 51. & lib. 6. epid. sect. 3. text. 27. Ex hac ratione pèdet, quòd Celsus laudat dies hyemales sine ventis, & æstiuos cum Fauoniis. Ex eadem intelligitur doctrina Auic. 3. 1. doct. 2. cap. de natura tempor. dicentis: in multitudine pluuiarum consistit sanitas, si sint moderatæ; nam hæc interpositio maximè necessaria est, quoniam intemperies durat per quadras duas, vt siccitas per totam æstatem, & autumnum. Vel intelligatur Auic. de salubritate ipsius autumnii, non de salubritate totius anni: nam autumnus dicatur augmento melancholiæ, siccitatem aëris requirit: quare non videtur recipiendum, quòd Brachelius ait in com. cit. Aph. Hipp. quòd vnumquodque tempus anni eò sit temperatius, quò magis ad temperiem veris accesserit. Consule Vallesium lib. 1. meth. cap. 17.

Tertia, & postrema conditio aëris ad anni salubritatem est, vt respondeant sibi proportione æstas, & hyems: siquidem æqualis illa proportio, sanitas est. Refertur autem legitimus annus, lib. 1. epid. in initio, & lib. de aëre, & aquis, & Plinio lib. 2. cap. 47. Initio autumnii pluit, & venit frigidus spirans; sequitur hyems nec valde procellosa, nec ferena: in vere aliquantulum pluuia descendit, & adest aëris moderatio, & temperies: æstate calor, & siccitas abundè crescunt: sed ante canem dies octo efflant Austri vocati percurrentes: circiter diem duodecimum Iunij sequuntur Aquilonares vocati anniuersarij, qui ferè perpetuò comitantur caniculares dies, & pluuiæ respondentes proportionè anniuersariis. Causam refert Auerrhoës, 2. meteor. cap. 5. eo quòd post solstitium æstiuum, Sol magis potest, quàm in solstitio æstiuo, glacies Aquilonares liquare, & ventos excitare; sicut calor pomeridianus plus potest quàm meridianus: eo fit vt noctes canicularium feruentiores sint diebus, propterea quòd per noctem deficiunt Aquilones ij deficiente Sole. In hoc igitur anno saluberrimè degunt homines, 3. aph. 8. Si autem totus annus declinat ad vnam ex quatuor qualitatibus, Hipp. habet, deterrimam esse constitutionem humidam, 3. aph. 13. & 16. tam in aëre, quàm in corpore ipso, 3. aph. 2. Licet autem actiuæ qualitates per se sint efficaciores in mutando, passiuæ magis imprimunt per accidens, quoniam mutant humorum copiam, ex qua mutatione potissimum emanat sanitas, aut morbus. Adde quòd actiuæ qualitates magis mutant, secundum varietatem climatum. Hipp. verò supponens vnum climà, primum locum salubritatis, & insalubritatis tribuit passiuis. Lege Cardanum lib. 2. contract. 1. cont. 9.

Cur autem humidà tempestas sit morbosa, & humidæ temperaturæ homines morbis sint obnoxij, causa est, quia illa abundant copia humorum, quæ est origo omnium morborum: copia enim illa difficulter exhauritur exercitio; insufficienter balneo, quoniam balneum externas tantum partes inanit; purgatione autem periculosè, quia omnis purgatio nocet membris præcipuis, quare purgantibus Hipp. miscet odorata, 2. acut. 12. altera causa, quia 3. 1. doct. 2. cap. 1. omne purgans, purgat & inueterat; deinde nocet, quoniam debilitat vacuando spiritum: nam simul cum inurili, vtilis spirituum portio excernitur, 6. aph. 27. Neque obstat, quòd describit Mesuës, quòd plura expurgantia faciunt reuiuenscere, vt de Elle-

A boro, sena, tryphera, & aliis; hoc enim est per accidens, in illis qui propter copiam melancholiæ ante tempus senescunt. Terria causa apud Galenum est, quia inducitur mala consuetudo, sicut ex frequentia clysterum. 4. 1. cap. 11. de enemate. Huc spectat celebris sententia Celsi lib. 1. cap. 3. §. Sed purgationes quoque vt interdum necessariae sunt, sic ubi frequentes sunt periculum afferunt; assuescit enim non ali corpus, & ob hoc infirmum erit, cum omnibus morbis obnoxia maximè infirmitas sit, &c. Cur ita? Respondet Brachelius, quòd crebra purgatio facit concidere poros, vt postea natura non possit faeces expurgare: quæ hominis imaginatio non est admittenda; nec enim conuenient porum, nisi propter ingentem vacationem, quæ hic locum non habet. Adde quartam causam noxæ frequentis purgationis, ex Celso lib. 1. cap. 4. quòd tales non habent quò confugiant, cum ægrotauerint.

B Cum igitur aëris sit necessitas tanta, cum in eo semper versemur, comedamus, bibamus, vigilemus, dormiamus, eumque continuò ambientem, ad æstuantis cordis incendium, & totius compescendum, & alendos spiritus, cum per inspirationem, tum per transpirationem hauriamus, vt Gal. 9. meth. 14. & in art. medic. 85. & alibi edocuit; necesse est vt pro sanitatis custodia, & morborum curatione, sit lucidus, clarus, temperatus, mundus, exquisitè syncerus, purus, nullis vaporibus inquinatus minimè foetidus, neque crassus, aut nebulosus; nam ille est vitæ salutaris, benignus, & spirituum commoda materia, ac appositissimum pabulum: quem à tot suprà numeratis immutari iam prædixi. De aëris electione consule Gal. lib. 1. de sanit. tuend. cap. 16. & inter omnes clarissimum Montanum part. 2. medic. uniuers. titulo, de signis quibus bonitas, aut malitia aëris æstimari debet, Ludouicum Septalium doctissimum in com. 1. lib. Hipp. de aëre, & aq. & in oratione inaugurali ad libros de celo; proposuit Belgicus Varro, Gaspar Barlaeus, omnium scientiarum vetus, nouaque bibliotheca eloquenter, à textu 2. vsque ad 9.

## HISTOR. XXXV. GALENI, De genu rigore.

Genu rigor ex frigore ortus, caustico medicamento curatus.

D Profectus ad me quispiam hyeme vehementi, ostendensque genu facile, dicebat, rigore id affici, statim verò calefaciendis iuuari. Rogabat igitur huiusmodi aliquod medicamentum darem, vt qui profectus frigore in algeret, doleatque vehementius, quam alias. Nunc igitur, inquit, loturus discedo, mittam autem ex balneo, qui medicamentum accipiat. Hæc cum dixisset, abiit. At ego cum tale nullum medicamentum ad manus haberem, Euphorbium cum oleo riuini, & cerâ liquefactum iminisci. Cum verò amicus pharmaco ferendo putrum misisset, exhibui, dolore prorinus cessante, &c. Galenus lib. 3. de compos. medicament. sec. gen. cap. 2. post princip.

## P A R A P H R A S I S.

E Vm humor contumax exclusus è venis, in aliquam partem debilem, scilicet genu articulationem magnam decubuit, in ea parte frigida & exangui minùs coquetur, qui in calidiori concoqui non potuit: est enim huiusmodi articulus; quia osse multo, & neruo constat, natura frigidus. Hic ergo coaceruatus, magisque præ frigore condensante impactus, in genu rigorem, hoc est, conuulsionem concitabat. Hoc modo dicitur à Celso lib. 4. cap. 3. rigor neruorum, qui modò caput scapulis, modò mentum pectori annectit, modò rectam & immobilem ceruicem reddit. Vel si de rigore facto ab externo frigore intelligas, non de eo qui agnoscit causam internam sui effectricem, non errabis. De multiplici rigoris significato, lege eruditissimum Marcellum Virgilium lib. 1. in Dioscor. in com. cap. 1. & 46.

Genu refrigerato calefacientia medicamenta, vnguentis



inguenta, lauacra, fomenta, & emplastra, & alia esse imponenda, quæ tum frigiditatem arcerent, flatuolum spiritum discuterent, & partem roborarent, supra satis ostendimus. Hæc omnia vsus euphorbij extrâ appositæ, rectè prius (vt par est) purgato corpore, manifestè completam calefacit, abstergit, & confert. *Ischiadicum*, & *innungitur*, ex eo paralytis, & stupor & confert valde, vt lib. 2. tract. 2. cap. 235. prædixit Auicenna: de cuius vi sæpè plura diximus in com. hist. 27.

Insuper extrâ appositum, humorem potentissimè euacuat extrâ, quum sit calidissimum medicamentum, apud Paulum lib. 7. tit. de euphorbio: quoniam adurentem sortitur vim, causticique medicamenti instar à centro ad circumferentiam peccantem succum deducit. Aliquando enim in hoc affectu, vt supra notauimus, cogit necessitas ad vesicatoria deuenire, quando affectus rebellis est, & aliis præsidij non succumbit, quo auxilio solertissimus in chirurgica facultate Hildanus lib. 3. centuriar. chirurg. c. 158. dolorem in calce pedis immanissimum persanasse gloriatur: de quo auxilio consule Michaellem Ioan. Paschal. lib. 1. meth. curand. morbos, c. 61. Cardan. lib. de curat. admirand. num. 17. Douynet. lib. 4. apolog. cap. 15. & alios proprio capite de arthritide, Leonardum Turnesium lib. 1. de hist. plantar. tit. de euphorbio.

Galenus euphorbio, vt putò, ad refrigeratum genu refouendum, calefaciendūque vsus est: & cum hic dolor à causa fortè primitiua, & externa, citrà apparatus morbosum duxerit ortum, iccirco hoc auxilio citra totius purgationem vsus est. Nam in perfrictionibus vsitatum erat Galeno cerotum, dieuphorbiū appellatur, factum ex oleo tenui & calido, adiecta cera cum recenti euphorbio, vt ipse auctor est, lib. 3. sec. gener. titulo, de medicamentis ex euphorbio paratis. Eius compositionem tradidit Paulus lib. 7. cap. 19. de acopis, dropacibus, & sinapisinis, tit. de euphorbio, in hunc modum.

*℞ opopanax 3. j. cera tyrrhenica, lb. j. euphorb. castor. piper. albi, an. 3. ij. medul. ceruin. 3. iij. cypri 3. iij. adarce 3. lb. olei styracin. laurin. irini. amaracin. an. 3. v. olei veteris, lb. ij. resin. terebinth. lb. ij. & lb. galbani 3. j. stilla ammoniac. 3. ij. bedycroi 3. v. fiat ceratum.*

Hoc mirabile est pro dolore coxæ, cæterasque partes dolentes miniscè iuuat. Si non sufficiat, ad ignem accedere doloris inclementia nos compellit. De pyroricis, phœnigmis, septicis, causticisque medicamentis, consule Hollerium, strenuum Chirurgiæ ducem, lib. 3. instit. Chirurg. cap. 5.

## QVÆSTIO XLVI.

*Virum frigus alicui functioni sit ex usu, vt contra Recentiores firmat Conciliator.*

### COMMENTARIUM.

**F**rigore in algeret. Celebratissima quæstio est, & à priscorum scientissimis agitata, vtrum frigus alicui functioni possit esse ex usu. Gal. lib. 3. de caus. symptomat. c. 3. fin. sic suam expendit sententiam. Calor ad auctus valentius aliat, modò tamè non eo incrementi perueniat, vt iam colliquet, tum nāque ad omnia est inutilis. Frigus verò nulli functioni est ex usu. Subscribit Auicenna 1. 1. doct. 6. c. 3. 5. Et frigus non intrat in seruitiū harū virtutum, nisi per accides. Si enim in ipsū ingrederetur, operationibus noceret, & motiones debilitaret. &c. nam natiuus calor in omnibus operationibus primus est auctor, & præcipuum agens nuncupatur ab Arist. lib. 4. meteor. c. 2. sic enim ait: Atque perfectionis exordium à natui calore prouenit, &c. Itaque calor naturalis primò, & per se coctionem operatur, quandoquidem docente Gal. omnium operationum quæ in corpore fiunt, ipse auctor est & causa, ex lib. 1. aph. 3. & 15. & lib. de art. medic. const. c. 12. & 16. epid. sect. 4. com. 13. & 25. Viuentia enim calore operantur, & viuunt, omneque suas exequuntur functiones. Frigus prohibet vaporum resolutionem in corpore, putrefacit, debilitat viscera, extinguit calorem innatum, denique cum vita consistat in

Lib. III.

A calido & humido, frigus valde nocebit corporis operationi, us, quum sit calori ex diametro contrarium.

Conciliator differet. 61. multis conatur ostendere, frigus plurimis functionibus esse ex usu; & nos aliquas addimus rationes firmissimas: Nam si calor, & frigus miscerent in coctione, & sunt actiue qualitates, cur operationes non triuentur vtrisque? quare coctio rectè potest definiri, perfectio natui frigoris. Sed definitur per calorem, tanquam per digniorem qualitatem.

Secundo. Coctio in hyeme est faciliior, non tam obmagis unitum in visceribus, ob circumstans frigus, calorem, quàm quia frigus, immodicum illum, & ardentem in intimis partibus calorem attemperat, & modificat. Hoc modo hyeme ventres calidissimi, omni longissimi, appetentia maior, nutritio melior, ex Galen. lib. 1. aph. 1. Audi Auic. lib. de remouendis nocuentis, quæ accidunt in regimine sanitatis, 2. Et frigus quidem quando operatur inspiratione, solum quæ non fuerit multū distans ab eo, causat prohibitionem vaporum à resolutione, sed in corporibus mundis inspiratione moderata causat retentionem, vel retractionem caloris innati ad interiora; quare aggregatur caliditas innata, & fortificatur, unde reperitur in eis digestio cibi, & maturatio humorum plurima, & magis completa, &c. Ergo frigus promouet coctiones, & ingreditur opus, & vsum naturæ.

Tertiò. Frigus, sicut reliquæ facultates, est causa temperamenti agentis. Ergo erit causa actionis à temperamento prodeuntis: nam quod est causa causæ, est causa causari.

Quartò. Putredo fit à peregrina frigiditate, ex Arist. lib. 4. meteor. cap. 2. Ergo coctio putredini contraria, fiet à moderato frigore: nam frigus coctionem attingit, vt efficiens causa: ad coctionem enim non solum est necessarium, vt utilis materia coquatur, sed simul vt aliæ partes rerum quæ coquuntur, denentur, coagulentur, vniantur; quæ operationes à frigore præstantur. Ergo necesse est, vt sicut calidum, sic frigidum in opus incumbat in generatione nostra, & humorem ac siccitatem misceant, ac gubernent. Ergo frigus alicui functioni naturali est ex usu.

Quintò. Coctio fit à calore, non absoluto quidem, neque igneo (nam si ab hoc fieret, testimonio Gal. lib. 3. de placit. Hipp. & Plator. 7. multo citius, & melius in febrientibus absolueretur, sed à moderato, benigno, & halituofo, qui in pueris copiosissimus est, ex Gal. lib. 1. de simpl. medic. facult. c. 9. & omnes facultates adauget. Ergo quæcunque refrigerando in febribus ardentibus, ingentem illum calorem remittunt, & de eius intensione detrahunt, faciunt, vt natiuus noster calor moderationem consequatur. Sed hoc facit per se frigus in frigidando. Ergo per se in operationes vitæ ingreditur.

Sextò. Propter putredinem coctio impeditur, quum illa huic sit contraria. Sed frigida sicca putredinem arcent, & coctioni opem ferunt, non vt sicca, & excrementitiam humiditatem absumentia, sed qua calori extranea relutantur, vnde putredo. Ergo frigidum coctioni adminiculatur, & per consequens, &c.

Septimò. Respiratio est opus ad vitam maximè necessarium, & ita dicitur cum vita ad conuertentiam, vt viuere non respirare, & respirare non viuere sit impossibile, ex Gal. lib. 5. de loc. affect. c. 5. Sed sine aëre frigido inspirato, caloris nostri symmetria non durat, nec temporis momentum æstuans cor conseruari potest. Ergo, &c. Quare cum infusus calor noster, moderato frigore per respiracionem attracto seruetur, ac foueatur, illi non est contrarium, vt eloquenter probat Valleriola lib. 1. de loc. com. c. 15. in med.

Octauò. Non quicumque calor est naturæ operantis instrumentum, sed ille qui proportionatus est, & commensuratus, ex Gal. Sed non potest attemperari, nisi à frigore moderato, vt obeundis functionibus commodus existat. Ergo, &c.

Nonò. Nisi intercederet frigoris operatio, natiui nostri caloris, ne exorberet, æstum compescens, ignis internus, cum sit flamma ardens, liquaret, immò vreret. Ergo frigus per se agit. Hæc est causa, cur tantopere iquat contra operantia illa muria membrorum inter se, quam summè extollit Galenus in locis multis, vt scilicet

CCc

partes

partes frigida actionem calidarum retundant, & infrenent.

Decimò. In plantis, & animalibus non minora opera videntur in aestate, quam in hyeme, ita Hip. 3. aphor. 1. Mutationes temporum potissimum pariunt morbos, & praesertim insignes mutationes frigoris, aut aestus; quia frigus excedens, & laesum calor mutant ventos, nubes, nebulas, & aërem, cumque diuersimodè alterant. Ergo sicut calor excedens, & frigus, externa immutant; sic temperiem seruant in corpore, plurimis functionibus sunt ex usu.

Vndecimò. Adeps calore soluitur. Ergo frigore concreuit: nam, ut ait Auic. 4. meteor. cap. 3. quæ à calore liquantur, frigore concreuere: ut tam multis contendit Laurentius pro Galeni tutela, lib. 6. de histor. anatomic. quest. 5. Sed adipis usus multus est in corpore: nam inuat coctionem, humectat corpus, & arida ossa lenit, ne excidentur in motu. Ergo frigus concreescens alicui functioni est ex usu.

Duodecimò. Frigus facit ad retentionem, quatenus constingit villos omnes, & inuat ad expulsionem, quando constingit circulares. Sed retentio, & expulsio fecum v. g. aut urinae, est actio à natura intentata, qui effectus per se sunt frigiditatis. Ergo.

Vltimò. Frigus immodicum capinatur appetentiam excitat, ut constat ex Gal. 2. aphor. 21. Ergo modicum famem naturalem excitabat. Sed appetentia est functio intentata à natura. Ergo frigus sicut generat aliquas partes, ut calor, etiam per se, se habet ad conseruationem mixti: Nam docente Arist. 2. de generat. animal. cap. 4. actiones partium à frigore, & à calore sunt. Hæc sunt potissima argumenta, quibus conuictus Conciliatoris sententiam amplector, qui loc. cit. nostras partes tutatus est acerrimè.

Renuunt Christophorus à Vega lib. 1. art. med. sect. 1. cap. 5. Doctissimus Veiga lib. 1. art. medic. in com. cap. 62. Vallesius 5. controu. 11. Dicunt ergo omnes, tam retentionem, quam appetentiam à frigiditate iuari, sed ex accidenti tantum, hoc est, media corrugatione, adstrictione, & diuisione: ex quo intelligitur, non esse appetentis facultatis ministram frigiditatem, sed præparare tantum os ventriculi sensuræ facultari, quia scilicet densat, coigitque partes ventriculi, & secundum partem superiorem, cui appetentia inest, arctat, & diuellit. Quare calor solum essentia sua per se functiones naturales ingreditur: Sed hæc solutio est ficulnea, & tantis viris indigna. Ita enim calor non agit per se, quia frigus per se non agit, sed alterius interuentu. Quare liceat argumentum colligere in hunc modum. Frigus non agit de per se, sed secundariò, hoc est, constringendo, condensando, contrahendo partem cui inest. Ergo calor de per se non agit nisi inuadendo, & dissipando; si verum est contrariorum eandem esse legem, aut quod vni illorum conuenit, eius contrarium similiter, ac eodem modo alteri debeat conuenire.

Quæ verò obiicit Vallesius, & sic demonstratione quadam putat concludere, nihil vrgent, solum probant adaucto frigore, & intensiore facto, ad portionem actiones minui, quod nos non negamus, qui non loquimur de intenso, sed de moderato, cuius præsentia actiones perficiuntur: quemadmodum cum eo concedimus, crescente frigore non corrumpi actiones, quia natura nostra magis accedit calori extremo, quam extremo frigori, quo pacto non est dubium, quod à frigore excedente tot damna scatulant, quæ Auicenna retulit, quæ ex modico frigore non oriuntur, cuius usus ad vitæ conseruationem per se etiam est necessarius.

Neque ob hoc damnandus est Galenus aut Auicenna, qui frigus nulli functioni esse ex usu prædixerint: quos auctores non erit multum operosum in nostram amicitiam admittere, (quod obnixè Vallesius à Conciliatore expostulat) nam frigus nulli functioni ita promptè ut calor est ex usu, quia caliditas est qualitas magis amica naturæ, & à partibus auidè amplexatur. In hunc modum intelligendus Hip. 5. aph. 18. dicens: frigidum esse inimicum dentibus, ossibus, nervis, cerebro, spinali medulla. addere, ten-

donibus, ligamentis, & aliis partibus exanguibus: nam hæc frigida partes, ut nervi, modico frigoris usu ad sui conseruationem indigent; licet cum sunt lapsæ, calidis acti, & facultate gaudeant, quarum intemperantiis calor remedio est. Ergo cum omnes ferè operationes naturales cum motu dispensentur, celerius calore, qui motionis auctor est, perficiuntur; quare calore magis, quam frigiditate, aut qualitatibus ceteris, tanquam potissimo instrumento, ad obeundas functiones vitæ natura. Vel dicas, frigus adauctum nulli functioni esse ex usu: nam, ut dicit eo loco Gal. caliditas adaucta carnem, & sanguinem colliquat: sic frigus immobilitatem facit, stuporemque inducit, & ut summatim dicam, de per se omnes actiones impedit: ut algorem fecit in ægro, de quo est scripta historia hæc: sicut moderatum eas mirum in modum promouet, atque excitat. Consule Carnerium doctissimum in com. cap. 1. sen. 1. Auic. qui doct. 7. cap. 3. acutè, at fuse præmore suo, hoc argumentum emedullat.

## HIST. XXXVI. GALENI, De articulorum dolore.

Dolore articulorum laborantes quidam, ossium humanorum puluere assumpto curantur.

Noni nostrarium quosdam ossa potui exhibuisse, haud scientibus quidnam ebibissent, ne videlicet auersarentur, ac multorum arthritidem curasse. &c. Gal. lib. 11. simpl. tit. de ossibus.

### PARAPHRASIS.

A Vicentia 21. 3. tract. 2. cap. 9. sic inquit: Et existima uerunt quidam, quod de expertis, quæ non diuersificatur, omnino est, ut in partem dentur ossa hominis adusta, & ita quidem usi fuerunt eis quidam de famosis, & sanati sunt, ex podagra, & doloribus iuncturarum omnino, &c. Idè firmat Paulus lib. 7. tit. de ossibus. Hoc præsidium prodesse confirmant, quoniam ossa digerentem, exiccantemque vim sortita sunt. Hac ratione Aubertus exercit. 50. in addit. Fernely, felicissimo euentu ea in puluerem redacta, cum conserua roris marini, & betonicæ commixta, non paucis arthriticis exhibuisse refert.

Hac de causa Crato lib. 8. in catarrho frigidus sistendo puluerem ex ossibus humanis in fornace combustis, & in laeuorem redactis maximè probat. Ita Donzellinus consil. 52. puluerem ossium humanorum, paralysi esse firmat salutarem valde. Plurima vnguenta parat Petrus ex ossibus humanis, pro variis morbis curandis, in Nosol. tract. 1. pag. 151. Crollius facit antipodagricum ex iis, lib. 2. fol. 243. Quapropter Euonymus in antidotario suo, mirum in modum laudat oleum ex ossibus humanis extractum: nam ex ossibus mortuorum frustulatim concisis, & positis in igne, quod excandescant, extinctisque in oleo vetustissimo, & contusis, distillat oleum ad omnes iuncturarum dolores efficacissimum. Deinde in dolorificis alui profluviiis, nec non hæmorrhagia compescenda, cum aquis aut decoctis exhibita, quantitate drachmæ vnius, valde iuuat.

Queris causam? Galenus ad manifestas qualitates confugit, nempe ad exiccantem qualitatem, cuius ope excrementitia humiditas, quæ ferè in diuturnis affectibus exuperat, absimitur, & partes roborantur. Sed si quispiam ad sympathiam recurrat, quæ vnum membrum adiuuat aliud, verè proponet. Sic multæ partes cum aliis sibi similibus mutuum obtinent consensum. Omentum veruecinum natura quadam proprietate simul cum mulcebre calore, humani orpentis dolorem, qui ventriculum & intestina opprimit vehementer, recenter ab animali extractum, & parti dolenti impositum, lenit atque contemperat: quare in diarrhæa, & dysenteria summo est auxilio, ut experimento fidissimo experimur, & notauit Amatus lib. 6. centur. 2. Pulmo vulpinus humani pulmonis vires collapsas restituit, quare Asthmaticos iuuat

tuat, ex Galen. lib. 1. simpl. tit. de pulmone : quo factum est ut Melsæ, cæterique Arabicæ familiz procures scientissimi, loco de pulmone vulpis tor celebrent laudibus, & encomiis, pro roborando pulmone, abstergendis pectoris cavitatibus, vlceribus pulmonis consolidandis. Sic ossa cranij humani ab omnibus ferè ad præseruationem, & curationem epilepsiæ collaudantur. Nam vnum membrum, sibi simile sympathia quadam, & tacito naturæ consensu respicit, & roborat. Si verò pro leniendis doloribus articulorum præsidia queris, vnum proferam eximium, & est lapis Nephriticus, quem si parti topho oppressæ imponas, mirum ex tempore leuamen senties: nam licet hic lapis renales dolores lenit, sic omnem cruciatum abditi quadam proprietate mitigat, fidissimo experimento adinueni, in Protege Orientalis Indiæ, qui diuersarum partium doloribus sanis tentatus, solo hoc conualuit semper: de cuius efficacia mirabili pulchra conscripsit Angeris Clitius, Medicus Amstelodamensis celeberrimus, & secretorum naturalium acerrimus indagator, in suo eleganti de lapide Nephritico libello.

## HIST. XXXVIII. GALENI.

## De tophis articulorum.

Articulorum tophi, caseo acri in cruris suilli falsi decocto macerato discussi.

Cum mihi olim caseus allatus esset bubulus, quem ex odore grauem esse coniiciebam, abiecti, & iam a famulis absumptum præcebam. Cæterum illi talia seruare soliti, longo post tempore ex promptuario afferentes, quidnam de illo fieri iuberem, rogabant. Cum igitur edendo non esset propter acrimoniam, ludicrum nobis problemâ exstitit, proponentibus cui rei quis illum posset accommodare. Interea cum ad me arthriticus quispiam in curru conuectus esset, tophos, quos Greci poros vocant, in articulis habens, subiit mihi crure suillo falso decocto, caseum decocto macerare, ac probè in mortario subigendo unitum tophi imponere. Et sanè arthriticus ab hoc medicamento mirificè adiutus est: nam rupra sponse sue cure, absque incisione videlicet, effluxere quotidie citra dolorem tophorum particula. Vbi verò totus qui apud me erat caseus fuisset absumptus, talem sibi alium comparans arthriticus in posterum seruauit, & postea rursus usus est inueterato: atque ubi tunc quoque idem percepit commodum, sæpius deinceps uti perseuerabat, & quosdam amicorum similiter affectorum docuit. Atque id quidem nos excogitauimus, cæterum\* comprobauit experientia, & Galenus lib. 10. de simpl. medicament. facult. cap. 9. de Caseo.

## PARAPHRASIS.

Frequentissimo experimento constat, pleròsque quibus dolores articulorum diu durant, & malum diuturnitate temporis fit habituale, tophos deinde in manibus, & pedibus pati. Est autem tophus, humor datus præter naturam, ex crasso, terrestrique humore pronatus. Hic arstatim tumoris initio talis existit, ut cum vel gypseæ pituita, vel naturalis melancholia in parte aliqua congesta est; aut propter immoderatum discutientiam, resistentiumque medicamentorum usum resoluta tenui portione, reliqua magis crassa remanente, & ad immedicabilitatem duritiem degenerante.

Deinde in tantam duritiem sæpe conuertitur humor, ut concreseat in lapides, quos exemptos esse à podagricorum iuncturis testatur Mula lib. 4. apb. in com. sent. 79. Ioan. Kantmannus lib. de calculis, Vvicius lib. 3. de præstig. demon. cap. 14. Iulius Alexandr. lib. 14. meth. cap. 13. Pituita enim in corpore nostro reperitur mucò similis, quæ si caloris vi, & appulsu (inquit Fernelius lib. 6. physiol. cap. 9.) tantam adipiscatur crassitudinem; & iam partibus conclusa possit adhærescere, vitrea appellabitur, quæ ex

A concrezione ita durefcit, ut à lapidis, aut gypsi natura non procul absit. Hanc sæpe deprehendisse refert in pulmonibus, & in digitorum articulis, accepto quidem ex distillatione principio, tandem in extremam tophi, aut calculi duritiem euasisse.

Hunc humorem induratum prius medicamentis, ut facilius cedat, emollire oportet: sin autem tophacea durities perseveret, malam figuram affectæ partes adipiscuntur, ita ut distoreis, & thrombolis digitis vix incedere possint: & adeo hæc materia est tenaciter in articulis impacta, ut necesse sit sæpius cutem incidere, & subiectum humorem radere, vel vitæ; paulatimque ferramento extrahere; sed securius est medicamentis emollire, quò facilias cedat, à carnosaque substantia separetur.

B Emollientium, & discutientium varios esse gradus censet Galenus 2. ad Glauc. 4. & 3. lib. 14. method. cap. 4. ut ex Galeni doctrina probat Mercatus lib. 2. indicat. cap. 6. Hæc concretum humorem fundunt, & sensim per halitum resoluunt. Inter hæc optimum indicauit medicamentum, caseum vetustum, qui si in cruris suilli falsi decocto maceretur, & particulis affectis imponatur, pro eradicandis poris est præsidium præstantissimum, auctore Paulo lib. 3. cap. 78. rubric. 4. tit. de tophis, quos Greci poros vocant: quod auxilium esse potentissimum ad tophosam particulas sine ferro detrahendas & sanandas, tradit Hollerius lib. 1. insit. Chirurgic. cap. 4. de emollientibus, in med.

C Omnis caseus acris est, apud Paulum lib. 1. cap. 89. & Galen. lib. 3. de alimentor. facult. Nam dum paratur, assumit ab injecto coagulo acrimoniam, humiditatemque omnem deponit, ut asseruit Galenus loc. cit. Nam coagula omnia sunt sicca, ignea, ex Auic. lib. 2. tract. 2. cap. 118. & vetustior, acrior est, ex Auic. & Galen. loc. cit. Hic ergo si sit bubulus, cum crassior sit, adstringit, & firmat, & eo amplius si falso decocto sit maceratus: nam præter adstrictionem, faldedine amplius exiccat, ex Galen. 4. aphor. 13. & siccitate qua pollet, ratione falsis. 2. acut. 6. humiditatem absorbit, ex Galen. lib. 6. epid. sect. 6. com. 5.

D Elegit autem crus suillum ad decoctum, quoniam pinguius est, & viscosius: nam eo nomine etiam adipēs vetusti emolliunt, quoniam viscositate adherentes melius operantur. Hac ratione caseus bubulus plus prodest, quia pinguior, ex Galen. lib. de bonit. & vitio succor. cap. 4. Galeni experimentum laudantur postea Trallianus lib. 11. cap. 1. Auic. loc. cit. Oribasi lib. 9. synops. cap. 59. hoc enim medicamentum maxime penetrat, & acrimoniam, ardorem, caliditatem rumpit cutem, & tophum exhaurit: nam ut Paulus inquit loc. cit. sua sponse topho dehiscente, humor qui intus coierat, eructatur. Hoc auxilio se vique ad miraculum usum fuisse refert Petrus Bayrus lib. 4. de duritie, & nodosis iunctur. tit. de tophis. Ambrosius Paræus lib. 17. cap. 20. de nodis, seu tophis qui in articulis concrefcunt, addit pyrethrum, sulphur, & miscet euphorbium, ut efficacius ruptorium paretur. Quo præsidio, vnà cum pyritæ vsti scobe, rupta cure ex podagricorum iuncturis plurimos tophos extraxisse duritie inuictos, gloriatur Scaliger exercit. 108. ad lib. de subtilit. Cardani. Quæ autem deinceps tophorum generationem impediunt, docet Paulus cit. loc. rubric. 2. Explanat eloquenter Franciscus India Veronenfis, lib. 1. de gutta, cap. 4.

## QVÆSTIO XLVII.

E Virum rationi citra experimentum magis, quam experimento citra rationem fidendum sit, ut haecenus Medici sunt opinati.

## COMMENTARIUM.

Cum præceperit experientia. ] Quom de ratione, & experientia, quæ celebratum est hoc tam proficuum pro rebeli morbo curando, auxilium, in hac historia facta



fit mentio, placet nobis Principum historias enarrantibus per antecessimos medicæ facultatis campos discurrere; præsertim in questione hac, quam Iesunè & Galenicæ doctrinæ obliti ventilarunt Iuniores, quos honoris causa in propatulum non referam, ne semper ut iniucius eorum doctrinam consuellerè videat. Expendamus ergo, utrum horum principiorum quibus constituitur ars nostra, præcipuum sit, experimentum, an potius ratio; cui scilicet magis fidendum. Et firmius quidem esse experimentum suaderi potest hoc modo.

Experimentalis cognitio, usque ad eam certa evidensque est, ut vel ea sola prima artium principia agnoscantur, reliqua ex illis deducta confirmantur, ita ut ab experimento fiduciam, & certitudinem accipiant. Igitur illud præferendum est rationi.

Secundò. Liceret una sit veritas rei de qua agitur, quæ tamen inuentio difficillima sit, & valde abscondita, frequenter labatur intellectus noster in ea indaganda, atque sensus in suis sensibilibus cognoscendis errorem non committat. Igitur nec experimentum a sensationibus deductum, fallax ac incertum erit, & ex consequenti, &c.

Tertiò. Modus cognoscendi qui a sensibus procedit, magis proportionatus est nobis, quandiu in corpore sumus. Ergo illi maiorem fidem præstabimus, quam rationibus ab intellectu inuentis, si sensui, & experimento repugnent.

Quartò. Communia artium præcepta ratiocinatione, & discursu inuenta, sæpe in indiuiduis deficiunt, ob particulares eorum naturas, & proprietates, ex Auer. lib. 6. collig. cap. 1. Igitur potius sequendum est illud, quod in vnoquoque experimur, quam quod ratio in communi dicat.

Vltimò. Sensualis artifex magis sensu, & experimento, quam intellectu mouetur. Cum igitur Medicus sit artifex sensualis, magis secundum sensum, & experientiam, quam secundum rationem, illi iudicandum est, quemadmodum apertis verbis firmavit Gal. lib. art. medic. cap. 88. præsertim cum experientia ipsa, fidissima sit omnium iudicatrix, 1. simpl. cap. ult. & 6. epid. sect. 3. com. 19. & sit index eorum, quæ quant & profunt, 9. de placit. 6. & usque ad eam, aut quæ ipsa comprobant, sine causa nouisse sufficiat, 2. aph. 24. sintque aliis stabiliora, 5. de compos. med. sec. loc. c. 1. prope fin. nec distinctione indigeant, 4. simp. 18. atque ubi ratio pugnat, experimentum sequendum, 3. 1. doct. 2. cap. 7. & 4. 1. cap. 20. nam illi qui ratiocinantur, falsia pro veris frequenter accipiunt, 1. simpl. cit. & sophisticum esse ait, propter apparentium rationum similitudinem sensibus fidem abrogare: & 1. de natural. facul. 13. Asclepiadem delirare asserit, qui illis prohibet fidem habendam.

Ob hanc causam Auenzoar lib. 2. tract. 2. cap. 5. scribit: *so experientia inuari, & saluari tam in vita, quam in morte, factis, & scriptis, eo quod iusta sit, & equalis statera, libræque & id à quo ratio ipsa fidem accipit, 5. de sanit. tuend. 1. 1. & lib. 6. cap. 14. & 3. cris. cap. 8.* ita ut rationi experimento destitutæ nullatenus credendum sit; quod innere videtur Hip. 2. aph. 7. probationem addens ab ipso experimento, & Galenus aperte docet, in proem. epid. ad fin. Quare, &c.

Denique medicina incepit ab experimento. Nam Medicorum diligentissimus Hippocrates Cous, hoc modo medicinam à tenebris in lucem reuocauit, & quodam veluti partu genuit, per omnia membra aluit, eduxit, vestiuit, atque ornauit. Cum enim tunc mos fuisset liberatos morbis scribere in templo eius Dei qui auxiliatus esset remedia, ut postea similitudo proficeret, ea experimento inuenta scripsisse traditur: ex quibus hanc artem excepisse refert Plinius lib. 3. cap. 37. & lib. 26. cap. 3. firmat lib. 29. c. 1.

Pluris verò esse faciendam rationem, non leuioribus argumentis contendere potest. Et primò sic. Artificiosa ratio, qua iudicatur taliter, aut taliter operandum, vel demonstratio est, vel usque ad eam probabilis discursus, ut ad eam proximè accedat. Sed qualiscunque fuerit, scientiam, & certitudinem gignit secundum plurimum, ut paulo supra Galenus docuit: experimentum autem cum non raro

A fallax sit, plerumque inducit errorem. Igitur illi præferenda est ratio.

Secundò. Agendi methodus, quæ ex corporum naturis, morbis, eorum causis, remedium facultatibus elicitur, magis accurata est, quam experimentalis, ut supra ostensum est, & colligitur ex Arist. 1. metaphys. 1. Atqui illa discursu, & ratiocinatione acquiritur. Ergo his magis fidendum, quam experimento.

Tertiò. Illa quæ ratione in artibus inueniuntur, ut certò sciantur, experimento non indigent. Sed experimentum ratione destitutum, vel nullum est, 2. meth. 6. vel saltem infirmum, parumque tutum & fidele, 9. de placit. 6. Igitur multò præstantior est ratio. Maior constat, quia quæ in vnaquaque arte repetiuntur, principia sunt, & conclusiones: ad illorum verò scientiam comparandam, sufficit cognitio terminorum, ex quibus constant principia ipsa; his autem euidenter cognitis, & rectè applicatis, absque alio requisito, protinus intellectus iudicat alterum extremum alteri conuenire, & scientiam illius assequitur.

Quartò. Non minus sensibilibus multa sensum effugiant, quam rationabilium rationem ipsam, ex Gal. lib. an. sanguis in arteriis contineatur, cap. 5. Sed magis aptus, magisque perspicax intellectus ad rationabilia, & occulta indaganda, inueniendaque, quam sensus ad sua sensibilia; cum hic sola præsentia, & manifesta agnoscat, sæpeque labatur, ubi planè non sunt manifesta. Igitur.

Vltimò. Non solum maior medicamentorum copia methodo rationali comparatur, sed ea quæ ratione inueniuntur, præstant experientia inuentis, 6. de compos. med. sec. loc. & 3. sec. gener. cap. 2. & 3. de loc. affect. cap. 2. Dubium ergo non videtur, sequendum potius rationis dictamen, posthabito sensu, & experimento; præsertim cum multò certior sit demonstratio inductione, etiam testante Gal. lib. 4. simpl. cap. 7. ad initium.

Cæterum ambo hæc esse necessaria, & vnum sine alio esse inutile, firmat in hac historia Galenus, in fine. 5. Atque id quidem nos excogitauimus, cæterum comprobant experientia, quasi diceret: hoc auxilium ex casco acri nos ratione inuenimus, & firmavit experimentum, & meritò sanè: nam experientia, & ratio duo instrumenta sunt ad artes inueniendas necessaria, & veluti crura quædam quibus illæ firmantur, ex Hip. 1. aph. 1. & 8. sec. loc. 1. & 7. & 1. meth. 3. & lib. 2. cap. 1. & lib. 9. cap. 6. & lib. num. sanguis in arteriis contineatur, cap. 5. & innumeris ferè aliis in locis: non omnia tamen, aut sola experientia, aut ratione inueniri posse testatur 3. meth. 1. Verum etiam si quædam sola ratio excogitet, alia experimentum inueniat, lib. de iheriac. ad Pison. cap. 3. semper, tamen quoad fieri potest, experientia, & ratio iungenda: ita ut in medicinis, vel theorematibus ratione exploratis experimentum sequatur, ratio autem in illis quæ sunt experimento inuenta, 2. meth. cap. 6. & 6. de sanit. tuend. 14. Sic enim illa connectuntur, ut mutuè inter sese firmentur, mutuamque fidem vicissim accipiant; nec possit dari vera ratio quæ oppositum habeat artificiosum experimentum, nec e contra: ambo siquidem vera sunt, quæ sunt ab illis rectè excogitata, 2. aph. 17. Quare firmiter sequendum, id quod vnum inuenierit, aliud confirmauerit. Vbi verò illa pugnaverint, necesse est aut inartificiosum esse experimentum, aut oppositas rationes tantum apparenter veras, quibus standum non est, nec propter eas à sensibus, & experimento recedendum, id quod fundamenta in principio adducta confirmant. Ergo hæc duo medicinæ crura omnino necessaria sunt, & quilibet soli non fidendum, quia experientia citra rationem est inualida; & hæc citra illam fallax & captiosa. Quare vtriusque partestationes sunt soluendæ, & percutrendæ, ne omnino conuincere videantur.

Primum verò argumentum, quod suadebat magis esse fidendum experimento, rectè concludit, præferendam videlicet esse experientiam aduersanti rationi, quia scientifica non erit, nec demonstratio: & ab euidenter cognitis recedere non oportet, ob ea quæ dubia sunt, & nondum comperta, cit. lib. & cap. num. sanguis in arter. contineatur.



Ad secundum. Negari non potest difficultas veritatis A per intellectum, & rationem inveniendæ; inde siquidem errores, sectæ, varizque in scientiis discordiæ, 1. *aph.* 1. & 9. *de placit.* 6. sed cum non minus etiam sensus decipiantur frequenter, præstat quidquid sensu, & experimento assequimur, ratione firmari.

Ad tertium. Licet anima nostra quamdiu corpori immergitur, ita sensibus corporeis alligata existat, ut illorum interuentu intelligat, non ideo tamen sensum cognitio nobis etiam inuia magis, vel sola propria est, quam rationis; ac proinde sensibus solis, brutorum instar, moueri non debemus.

Ad quartum. Experimentum etiam circa individua quædam acquisitum, deficere potest in aliis, ob non omnimodam similitudinem, vel occultas proprietates: unde quævis in se ambiguum non sit, & incertum, quemadmodum nec sunt artium theorematum; relatione tamen ad operationem fallax esse potest, & timorosa eius operatio, ac proinde in singulis firmandum, iuncta tamen ratione.

Ad quintum. Non considerat solum Medicus illa quæ sensibus subiecta sunt; cum innumera ferè alia contempletur, & ratiocinando assequatur; nec minus vera, & scientifica ratione mouetur, quam experimento, quibus medica ars integratur. Artifices verò reliquarum artium, quæ multo sensuum habitu, pauca tamen theorematum cognitione constant, solo sensu, vel magis ducuntur, Medico verò perpetuo iungenda est intellectus ratio. Vbi tamen ea repugnauerint, sensuum euidentiæ, & experientiz sequenda; quia vera si sit, & multo usu acquisita, contradicentem demonstrationem non habebit, propter quod dixit Galenus 2. *aph.* 24. quæ ipsa comprobatur, sine causa nouisse sufficit: nempe quoniam licet non occurrat, saltem non repugnabit vera ratio; nec omnino necessaria est in euidenti experimento, cui ipsa conformis erit, quod significauit Galenus 4. *simpl.* 18. dicens, demonstratione non indigere: quamuis firmitus tutiusque sit, experimentum ratione firmari, à qua maiorem euidentiæ, nec minorem fidem recipit, quam ab eo ratio ipsa.

Quod si Auicenna 2. 1. *doct.* 1. *cap.* 7. de regimine eius quod comeditur, & bibitur, scripsit recipiendum experimentum, vel posthabita ratione, eam non omnino contemnit, sed præfert illud rationi, quæ ab assuetudine desumitur, indicationeque ex natura complexionis desumptæ. D lam verò 4. 1. *cap.* de phlebotomia, si in Ischiatica, vel saphæna secunda, neglecta ratione sequi iubet experimentum, dixit quia ibi ratio completa non est, sed deficiens; quia quamuis considerata origine venarum, æquale iuuamentum sequi videatur in coxendicis dolore, ex Ischiatica, vel saphæna scissa, experimentum tamen fortiori, & integra ratione, ex rectitudine Ischiaticæ cum affecto loco, demonstrat maioris esse iuuamenti Ischiaticæ sectionem.

Denique in aliis adductis locis, tantum suadet non esse fidem abrogandam sensibus, & experimento ob apparentes rationes, quod non diffidendum, licet tutius sit experimentum, cui simul cum ratione coniuncto fidendum: nam altero deficiente non omnino certum iudicium sit. Medicinam verò incœpisse ab experimentis, verum est, ex quibus non nudis, sed cum ratione coniunctis, nostra medicina magis ac magis inclinat.

Eodem tenore respondendum est ad argumenta, quibus ostendi videbatur, plaris esse faciendam rationem, nec curandum experimentum. Et ad primum dicendum, quod quemadmodum scientifica ratio, certa & infallibilis est, sic artificiosum experimentum, nequit inter sese mutuo aduersari, atque ideo vno illorum dato, tanquam suspectum habendum est alterum repugnans.

Ad secundum. Fatemur magis accuratam esse rationalem methodum, quam empiricam & experimentalem, ut infra dicemus: sed illa ratione quidem inuenitur, & experimento firmatur, quod non minorem etiam vim habet, & certitudinem in iis quæ solo sensu, & experientia inueniuntur, quam ratio in rationalibus.

Lib. III.

Ad tertium. Sicut ea quæ experimento inuenta sunt, firmari oportet ratione; ita ratiocinatione, & iudicio exogitata, experimento probanda sunt, antequam in usum trahantur: Nec argumentum euincit, plurima siquidem principia communia in aliis artibus, præter terminorum notitiam, indigent aliquando experimento, ut illis fides præstetur; & multò frequentius conclusiones ab illis, & in bona consequentia deductæ, quibus sæpe non assentimur, antequam euentu confirmentur; quod sanè maiori cum ratione in medicina obseruandum, ne circa nobilissimum subiectum operatio fiat cum damno irreparabili.

Ad quartum, & quintum. Quamuis ratione, & sensu omnia comprehendantur, quæ in cognitionem veniunt, ratioque multis nominibus sensu sit præstantior; quum tamen sæpe erret, & labatur in rationalibus cognoscendis standum illi omnino non est, nec eius inuentis acquiescendum, citra sensus iudicium, & experimentum, maxime in medicamentis ratione exploratis, à quorum usu multis in locis Galenus ipse nos deterret, antequam experta sint, ob supra assignatas causas. Nec obstat, multa esse ratione inuenta, siquidem multa etiam illam subterfugiant, soloque sensu illa dignoscuntur; sed vtriusque inuentum mutuo alterius iudicio confirmari oportet. Si tamen non coeant, omittendum non est id quod sæpe sensu cognitum fuerit ob contradicentem rationem; quoniam si demonstratio esset, minimè contradiceret. Nec mirum, si 4. *simpl. cit.* Galenus demonstrationem, tanquam certiore, prætulit inductioni; hæc namque experimentum non est, & ob aliquot individuorum incognitum, à quibus ad vniuersale progreditur, peccare potest: non sic autem vera demonstratio, licet etiam in particulari deficere possit, ob peculiarem alicuius individui proprietatem; atque adeo præter illius certitudinem. Non immerito ergo Dogmatici Medici sensus euidentiæ requirunt, & è conuerso intellectus rationem in experimenti inuentis, quoniam duobus illis crucibus, & artes, & artifices perficiuntur. Ergo rationi non fidendum citra experimentum, nec huic citra rationem assentiendum. De experientiz necessitate appositè conscripsit Ioannes Baptista Persona colloquio 31. & 32. in suis nobilibus solitariis, siue, de iis quæ scripta sunt scientificè ab Homero, in *Odyssea*.

Illud etiam consequenter expendendum, Vtrum ab experimento, an à ratione potius in artibus inchoandum sit: in qua discutienda antinomia inuenio Galenum, & Aristotelem fuisse discordes. Hic enim lib. 1. *metaphysic.* 1. experientiam priorem facit, asserens ab ea principio artes emanasse, & rationem subsequatam complevisse. Galenus contra, rationem vult antecire, iubens 6. *de sanit. tuend.* cap. 14. ut ea vniuersum inueniat, de inuentis iudicium ferat experimentum: & 10. *simpl.* 1. necessarium esse ait ad confirmationem eorum quæ ratio inuenit, 6. *met.* 2. Sed in hunc modum conciliandi sunt. Aliud est constituere artem, aliud secundum artem operari: artium quidem constituendarum initium experientia fecit, à singularium enim experientis vniuersalia theorematum, atque adeo ars ipsa inceptit, ideoque illius statuendæ origo, experientia dicenda est, quo pacto intelligendus Aristot. Quod si sermo sit, unde agendi principium sumendum, quum quæritur quid circa corpus ægrum agendum, quidue circa sanum, dubium non est, quod Galenus voluit, iudicium primò ex ratione sumendum esse iuxta artis præcepta, sed ob supra allatas rationes non audacter illi fidendum, antequam confirmet experimentum, verum huius principium, illòque prior est sermone expressa doctrina, vel saltem librorum lectione acquisita, quæ integrè valere oportet Medicum, ut docet Galen. 3. *cris.* 8. antequam ad medicinam faciendam accedat: cuius loco, usu, & exercitatione perficitur; exercitatio enim disciplinam confirmat, & absoluit, nec sine ea potest quisquam appellari eruditus, quantumvis in librorum lectione sit satis versatus. Vtrum autem dogmaticus præstet empirico, & doctus parum exercitatus, minus docto, satis tamen in curationibus versato, ex

superioribus satis patere arbitror, & explicant Hugo, & A  
Turisanus in *com. cap. 3. lib. 3. de loc. affect. Gal.*

## HIST. XXXVIII. T R A L I.

### De tophis articularum.

Antidotum ad curandum, & præseruan-  
dum à tophis, præstantissimum.

**A**T quibus non adest calida intemperies, sed frigidiores, crassiores, crudioresque potius humores in articulis inferuntur, his omnia quæ extenuare, & calfacere possunt, opitulantur: & si quis ipsis uti velit, hic etiam nardus iam lapillos consumere, & ne alij renascantur, prohibere poteris. Ego sane novi quendam magnos tophos in articulis habentem consanuisse, adeo ut etiam citra impedimentum incederet: eò quod antidotum continuo assumeret. Antidotum verò quod per totum annum ebibeat, hoc est.

*℞. Centaurij ʒ. v. chamadr. ʒ. ix. hyperici, totidem: Aristoloc. rotund. gentian. petrosel. agarici, phu dulcis, mci, ap. ʒ. iij. spica nardi ʒ. j. Excipito melle, datoque ex aqua dulci. Trallianus lib. 11. cap. 1. titulo, de remediis quæ locis inflammatis imponuntur.*

At alium novi, qui cum tophos habere incepisset, non alios amplius nasci permisit, eò quod decoctum biberet, cruda, crassaque recrementa extenuans. Erat autem decoctum quod bibeat, ex eiusmodi herbis compositum, origano, & chamapity: quarum neutra calido, & bilioso recremento præditi confert, &c. Trallianus in eodem lib. cap. & tituli.

## PARAPHRASIS.

**N**illus est morbus, in cuius curatione maiorem Medici curam impendant, quam in eradicandis tophis podagricorum; nam si semel humor ex frequenti defluxione, in parte conculcatus nervosa, frigida, exangui, in duritiem commigret, immedicabilis profectò reddetur affectus: tunc enim articulis distortis & incurvis, perrennte motu, frustra deinde medicamina tentantur, incassumque imperantur purgationes, vomitus, clysteria, fomenta, vnguenta, emplastra, lauacra, euaporationes, & aliæ medicamentorum formulæ quæ parti imponi consueverunt, ut caustica, cauterium, scarificationes, hirudines, quorum usu & efficacia hic pertinax, & resiccatu humor absumi, & exhausti solet, quæ pro hoc miserabili leuando morbo, præcorum, & recentiorum solertia adinuenit.

Horum quædam sunt vniuersalia, particularia alia. In illis describendis operam omnem inposuit Paulus lib. 3. cap. 78. rubric. 2. & 4. plurimia recensens quæ tophos concrescere prohibent. Ea sunt expurgantia valida, quæ non solum humorem in venis, superioribusque partibus impactum, & restagnantem, sed actu facientem tophum educere nata sunt: nam (ut inquit Auiet. 4. i. cap. 3. in fin.) purgatio à superioribus euacuat, ab inferioribus eradicat: fortia enim medicamenta, violenta attractione in corporibus præsertim frigidis exhibita, crassos, frigidos, & terrestres humores à longinquo natiua quadam proprietate attrahunt, ut pilulæ arthriticæ, de hermodactylis maiores, & alia medicamenta expurgantia, quæ efficacissime hunc rebellem humorem à iuncturis exhauriunt.

Quid dubitandum? nonne talpæ Gallicanæ, tophi, non di ex tenaci gypseque pituita pronati, & in remotissimis partibus impacti, validissimis expurgantibus, ut stibij, aut præcipitati efficacia euanescent? Horum enim morborum causa, etiam si tenacissime infixæ, violenter tamen attracta, sputo, vomitu, secessu, & sudore vacuatur.

In hunc usum Trallianus hic, ad expurgandam, crassam, viscidamque pituitam, hæc præsidia proponit, ex quibus cum melle potest fieri electuarium ad expurgandos crassos humores, simulque roborandos articulos præstantissimum; post cuius assumptionem exhibere oportet aquam dulcem, hoc est mulsam, vel saccharo concina-

natam: nam hoc modo ob dulcedinem melius electuarium amplexabitur ventriculus, & ob mel citius liquabitur, & in penitissimas partes distribuetur medicamentum vis; hoc modo mel tantopere commendat Gal. 4. secund. loc. 5. commixtum cum medicamentis expectorantibus, ut scilicet sit vehiculum eorum, quæ ab stomacho ad partes spiritales accedere debent.

Primum medicamentum est centaurium, quod si sit minus, ex Dioscoridis mente lib. 3. cap. 7. bilem, crassosque humores per aluum expurgat, & Ischiadicis conuenientissime infunditur; attrahit enim sanguinem, & dolorem leuat. Chamædry, aliis chamædrops, Latinis tristago, recens in aqua decocta in potum exhibita, rufibuss, indurato licni, incipienti hydropi, tophis & articularum doloribus auxiliatur, auctore Dioscoride, lib. 3. cap. 94. cum sit tertio ordine calida, ex Paulo lib. 7. tit. de chamædry.

Hypericum, alij chamæpytin vocant: calefacit ex Gal. lib. 8. simpl. tit. de chamapity, & Dioscorid. lib. 3. cap. 150. in gradu secundo, & siccatur in tertio. Huius semen quadraginta diebus haustum, Ischiadicis medetur: nam præter tantas facultates, quas illi omnes attribuunt, quas inter omnes describit Ruellius lib. 3. de natur. stirp. cap. 15. sanguinem densatum, crassosque humores potentissime attrahit, ex Anic. lib. 2. tract. 2. cap. 135. 5. Confert Ischiaticæ, & propriè quando bibitur cum aqua mellis, & dixerunt quidem quod quando bibitur cum h. dromelise quadraginta diebus, sanat Ischiaticam, & resolvit duritiem podagra, &c.

Aristolochiæ species omnes, quas describit peritissimus Dodonæus, calefaciant, & exiccant ad tertium caliditatis, & siccitatis gradum, incidunt, attenuant, crassos humores educunt, ex Gal. lib. 6. simpl. tit. de Aristoloch. Mathiolo in com. cap. 4. lib. 3. Dioscorid. Gentiana calefacit, & nervorum doloribus frigidis opitulatur, ex Dioscoride lib. 3. cap. 3. Auic. lib. 2. tract. 2. cap. 278. Petroselinum, origanum, spica nardi, præterquam quod roborant, humorem crassum, lentumque præparant, ut facilius, propriusque ab expurgantibus educi possit.

Agaricum pituitam crassam clementer expurgat, præcipue in vtero, thorace, cerebro, nervosisque partibus tenaciter impactam, ut Græci, & Arabes fuscè tradiderunt. Phu, Officinæ Valerianam vocant, Dioscoridis testimonio lib. 1. cap. 10. excælefacit, humores crassos expurgat, & frigidis nervosarum partium affectibus remedio est; de cuius viribus lege Ruellium lib. 2. de natur. stirp. cap. 9. Mèum à Græcis vocatum, herbarij anethum dicunt D sylvestre; de cuius viribus Dioscorides lib. 1. de natur. stirp. cap. 3. Hoc potum ex aqua urinam mouet, inflationes stomachi mire discutit, tormina, vulnarumque noxas tritum illinctu sistit, & cum calidum sit & siccum in tertio ordine, frigidis & humidis viriis est ex usu. De quorum facultatibus lege citatos auctores, & alios Dioscoridis interpretes doctissimos.

Ex his potio facta, crassam, mucosam, viscidamque pituitam à toto, articulisque ipsis firmiter adhærescentem attrahit. Caue ne febris præsent, aut in calida viscerum intemperie eam propines: nam partes internæ excandescent, humor calidorum vi exarsatus amplius durefcit, & absumpta tenuiori parte in tophaceam naturam priore duriorem commigrat. Pro eradicandis tophis, & vacuanda causa antecedente, quæ malum continuo fouet, consule Mercurialem, Massariam, prop. cap. de arthritide.

De medicamentis topicis plures conscripserunt, & unusquisque suum pro felici eventu iactat experimentum. Mathiols lib. 1. cap. 87. balneum à Iuniperi ligno summopere laudat. Alrimarus tract. de vinaceis, horum vires, & usus admirandos ad ischiadem, podagram, articularum tumores, & dolores memorabilibus historiis decantat Sauonarola tract. de balneis, mineralia, & sulphurea laudat. Oleum ceræ præfert Crato. Oleum ex mace paratum extollit Foësius lib. 1. pharmacop. fol. 149. Oleum axungie humanæ comprobat Daretus. Oleum ex semine nicorianæ expressum expertum esse tradit Porta lib. 8. magia cap. 11. Manardus lib. 7. epist. 4. pro continu-

contemacibus podagricorum poris, & diuturnis articulo-  
rum doloribus, mitis encomis celebrat semen, & folia  
viticæ cum adipe vrsi commixta. Oleum vulpinum, ster-  
cus caprinum cum farina hordei permixtum, & aceto  
subactum. Radicem Aithææ coctam cum adipe anatis.  
Rapam in iure pingui bene coctam. Sacculum Sale con-  
tento plenum in vino ebulliente sæpe calefactum. Stercus  
bouinum calidum, vt exit, aut cum oleo Irine permixtum.  
Decoctum salicis, & medij corticis sambuci. Chamapi-  
ryn in vino coctam, si ex vino locus dolens abluatur, &  
herba ipa calida ligetur.

Ego, vt verum fatear, omnibus his tentatis, solo vn-  
guento ebulorum dolorem ex tophis contractum, sicut  
articularem, & coxendicum sæpe leuavi, cuius auctor  
fuit Andreas Lacuna lib. 4. in Dioscorid. cap. 155. de Ebulis,  
cuius descriptio esto hæc. *℞. succi radic. ebulor. 3. y. olei ca-  
momil. 3. j.* Coque quousque absumatur succus. Adde aceti,  
aut vini quod sis satis, cum cera fiat vnguentum. Hoc est no-  
bile, & tutum vnguentum, præsertim si præcedat fomen-  
tum factum ex decocto ebulorum, & foliorum sambuci.

Iis ferè omnibus, præstantius est vnguentum pro le-  
niendis podagricorum doloribus, quod ex Aëtio affert  
Petrus Væzius Lusitanus, Medicus doctissimus lib. 2. com-  
pendij medicamentorum, & ego scilicet in tophis emol-  
liendis, & eradican- dis expertus sum. Sic describit Aëtius  
reirab. 3. ferm. 4. cap. 36. *℞. galban. thuris, an. 3. ij. aceti 3. vj.  
croc. 3. j. ammoniac. thymiamat. 3. ij. picis arida 3. v. ol. ros. 3. j.  
cera. 3. vj.* Ceram, picem, rosacetum lento igne liquefacta  
excolato; Galbanum, crocū, ammoniacum, & thus  
cum aceto terito, & ad liquefacta ad igne ablata adii-  
cio.

Cæterum valde præstat pro emolliendis tophis, & se-  
dandis doloribus articulo- rum, decoctum smilacis asperæ,  
& radicis chinatū, ad multos dies excitat sudore, assu-  
mere; ex cuius decocti spuma solco facere vnguentum  
in hos vsus mirabile. *℞. spuma decoct. radic. chinat. & smilac.  
asper. an. cochlearia duo: Olei vulpin. 3. ij. styracis liquid. 3. j.  
olei laurin. 3. B. pinguedin. vrsi 3. j. axungia humana 3. B. Cera  
quod sis satis, vt fiat vnguent. Si verò particularem medica-  
mentorum ab auctore descripto- rum naturam, vires, &  
efficaciam scire cupis, consule Ioan. Bodæum in Theophras-  
tum de histor. & causis plantar. qui acri suo ingenio, artis  
botanicæ callentissimus, in hunc auctorem locupletissi-  
ma, & elaboratissima commentaria conscripsit, dignus, vt  
cum priscis illi comparetur.*

## HIST. XXXIX. GALENI, De articulo- rum doloribus.

Quidam gracili corpore præditus, calidif-  
simis medicamentis ab Empiricis sicca-  
tus, & in vehementissimos dolores, &  
tophos incidens, Galeni industria libe-  
ratur.

**A**D aliam inaequalem compositionem transire par est, in  
qua renes calculum gignunt, aut tophos, quos Græci po-  
tos vocant: totius verò corporis habitus gracilis est. Hi namque  
medicamenta, victumque qua extenuare possint, requirunt.  
At ea gracili corpori sunt inimicissima, adeo vt quidam, qui  
propter renum vitium vsus his fuerat, ubi digitos moueri dete-  
rius, sentireque sensit, communicauit rem Medicis. Hi tan-  
quam eo affectu laboraret, qui paralysin id est, nervorum resolu-  
tionem minaretur, medicamentis, qua ex euphorbio, & limnæsi  
constant, utebantur. Vt autem affectus ei in deterius cessit, &  
symptomata cum vehementi dolore ad superiores partes semper  
ascenderent: mihi, qui id temporis in Campania fore eram, rem  
inducant, opemque rogauit. Ego verò eum, ex iis medicamentis  
qua memorauit, siccaum in hunc affectum venisse intellexi: qua-  
rentique qua maxime victus ratione siccitatis sue citra renum  
noxiā mederi quis posset, præsana cremorem excogitauit, &

**A** pisces tum saxatiles, tum qui in alio mari degunt, aliosque, in  
quibus nihil esset glutinosum. Lac vero sic affectis reliquorum  
quidem animantium est prohibendum: vnum tamen asininum  
concedendum, propterea quod cæteris omnibus est tenuius, &c.  
Galenus lib. 6. de sanituenda, cap. 11.

## P A R A P H R A S I S.

**E**Xemplum proponit Galenus, de gracili corpore to-  
phis correpto, in quo si medicamentis calidissimis,  
quæ ferè in articulariis doloribus ad crassi hamoris reso-  
lutionem exhiberi solent, vtaris, non modò totum corpus  
sed etiam pedes ipsos, interim verò & manus in grauif-  
simum statum siccando perduces, quum hæc medica-  
menta attenuent, siccant, calefaciant, & si accedat na-  
turalis, vel adscititia corporis gracilitas, quæ excedentis  
caliditatis est indicium, ob caloris excessum, coadunata  
fluxione, & in tophum commigrante, in difficilem motum  
& sensum incidit æger. Ex his manifestè colliges, hos Me-  
dicos in exhibendis, & admouendis pharmacis vrentibus  
insistentes, in grauissima mala, immò in mortem præci-  
piem hominem hunc daturus fuisse, nî Galeni solertia,  
eum ab Orci faucibus liberasset.

Gracilitatem non solum præternaturalem, sed natura-  
lem, plerumque comitari temperaturam calidam & sic-  
cam, plurimis in locis ostendit Galenus. Huius signum  
inter alia est carentia pinguedinis, & gracilitas, vt docet  
Gal. cap. 36. lib. art. med. & lib. 2. de temp. cap. 4. dum sic ait.  
Quibus namque in corporis temperatura siccum præualet hu-  
mido, & calidum frigido, his corporis habitus gracilis, hirsu-  
tus, & nigrior est, & reliquis tribus intemperamentis; quæ  
hoc sunt minus calida, tactu calidior aduertitur, plurima his  
quoque flaua est bilis, vterinque. ac de iellio bili saura, & pul-  
sus magni, & somni leues, & pauci, & animi impetus vehe-  
mens, &c. Idem firmat 9. meth. cap. 15. §. Si namque gracilis  
natura, temperatura autem calida & sicca, maxime euacua-  
tionibus offenditur. Confirmat lib. 10. cap. & lib. 1. ad Glauc.  
cap. 2.

**C**um ergo in corpore calido & sicco, medicamenta  
hæc extenuantia parti imponent Empirici, in deterio-  
rem sortem ægrum duxerunt. Quamobrem vt corpus ex-  
siccatum humectaret, lapsūque siccitatis, qui ferè im-  
medicabilis est, corrigeret, vrgentiori succurrens, præsana  
cremorem in hunc vium, laudatissimum sanè medicamen-  
tum, & alimentum humiditatem deperditam restaurans,  
renesque contemperans, illic offerre conatus est. Has  
enim vires præstare præsana, probat cum Galenio Hip.  
lib. 1. acut. 18. per multas sententias: quare eam in er com-  
modissima alimenta, calidis siccisque naturis vtilissima  
lib. 8. meth. 2. summis laudibus extollit; de cuius vi, & fa-  
cultate tam multa prisci protulere, & iuniores omnes,  
quorum loca vide citata per otium. lib. 2. in com. hist. 32.  
Pisces verò laxatiles, siccum squalidūque corpus hume-  
ctare, probūque succum præbere, lac confirmat Galen.  
8. meth. 2. & lib. 1. ad Glaucon. c. 9. & 4. de sanituend. 8. & 1.  
ad Glauc. 12. & 3. alim. 15. de quorum inculpatō nutrimen-  
to plura notauimus lib. 1. in com. hist. 28.

**S**ed cur exhibuerit lac tam contrarium tophis, cum  
crassi succi sit, & viscosi, ex Gal. lib. 3. de alim. facult. cap. 15.  
merito inquires? Dic, ob gracilitatem, ne scilicet sicca-  
tum corpus, & ex carne in tabem incideret: multoties  
enim licet spernere vnam indicationem, ob aliam vrgen-  
torem. Hoc monet expressè Galen. lib. 10. meth. cap. 1. quo  
loco præsentē inflammatione interna, in cuius præsentia  
gelidæ porus ad satietatem vsque reprobis est, 9. meth. &  
lib. 11. cap. 9. & 4. acut. 12. ob timorem febris hæcticæ, ipsū  
concedit, dum sic ait. Sanè plerūque causæ maior est vis fieri  
tamen aliquando potest, vt ea sit febris magnitudo quæ præsen-  
tem perniciem, nisi occurras, afferat. Quo casu oportebit hæc  
prius submotā, deinde ad causam submouendam accedere, &c.  
ex quo loco transtulit Auicenna 1. 3. tract. 2. cap. 7. in init.  
dum dicit. Et scias quod febris quandoque est tanta vehemen-  
tia, & acuitatis, quod nō libet vti regimine causa immo indiget  
infrigidatione multa, &c. & Galenus manifestè edocuit 10.  
meth. cap. 6. §. Oportet autem quamprimum præsana cremore

& sorbitione ex alicuius nutritum, panique post oblato, frigida potione hominem cures: quippe procius extinguatur, ac cessat omnino febris, modò (ut dictum est) nec phlegmone aliqua ei sit adiuncta, nec putredo humorum; nam si horum utrumvis sit, attendere diligenter oportet, ac discernere, quo primum tempore dare homini frigidam sit audendum. Ego enim et alium quoque non paucis dedi, tutius esse ratus phlegmonas in presens augere, quam sinere hominem hecticam febrem incurrere. Quare virgientiori succurrens Galenus, lac exhibuit, ut siccitatis lapsus futurum antecurteret. Solue secundò, si dicas, Galenum exhibuisse lac asininum; quod cæteris est tenuius, ex Galen. lib. 7. meth. 6. & 10. simpl. tit. de lacte, & lib. 4. acut. text. 109. Num autem asininum camelino, aut equino sit tenuius, consule Manardum lib. 6. epist. 5. Roratum in contradiçt. Gal. contradiçt. 89. Ioannem Brauum Petrasitan. lib. 2. de simpl. medicam. delict. cap. 19. de lacte.

## HISTORIA XL. GALENI, De podagra.

Podagricus mediocriter incedens, Medici imperitia, medicamento applicito, in totum sine motu remansit.

**E**xistit Medicus, qui temerè, ac citra distinctionem medicamenta podagrico utebatur, quumque ille huius medicamenti mirificam laudem iactasset, atque etiam nunc loquente forte fortuna aduenisset podagricus quidam, qui tam mediocriter laborabat, ut incedere etiam posset; nosque in iussissemus in illo primum præbere experimentum, ille ac quiescens, pedi phar-macum apposuit. At vir ille totam noctem insomnem egit, ac postero die tantum abest, ut commodè sicut antea incederet, ut ne gestri quidem posset. Adeò citra ulla explorationem, ac temerè, cum aliis quidem fidem habent, cum alias alij scientes, ac sponte fallere gaudent, &c. Galenus lib. 1. de simplic. medicament, facult. cap. 27.

### PARAPHRASIS.

**Q**uamvis intersit inter doctum Medicum, & indoctum, in hac historia explicat Galenus: nam ille ratione ductus, veràque fretus methodo, pro more maiorum adinuenit præsidia, quæ deinceps cum morbi leuamine vtilia esse confirmat experimentum; hic verò citra rationem empiricorum more, applicat auxilia cum detrimento multo, perinde ac illi qui aleam iaciunt, quorum administratio magnum affert ægrotis incommodum, docente Galeno lib. 1. epid. sect. 3. com. 50. Nihil itaque (inquit ipse loco cit.) unquam institui, quin apud me prius periculum facerem, ne quid, si votum non obtinerem, offenderem ægrum. Cuius edicti immemor hic Medicus, omnes eodem calopodio calceabat, quod summe detestatur Galenus lib. 10. meth. cap. 16.

Sed rogabis, quod fuerit medicamentum parti impostum, ex quo tanta noxa est sequuta? Dic, fuisse nimis calidum, quod circulatorios, & Chymici admouere solent, ignorantes arthriticos dolores à causa calida, immò ex siccitate posse quandoque oriri, prout Galenus in pluribus locis asseruit, & explicuit Petrus Salius lib. de affectibus particularibus, cap. 16. de ischiade, & articulari morbo à materia biliosa suborto.

Quapropter medicamentum vel poterat esse frigidum, vel calidum. Si illud, refrigerauit articulos, & crassum impexit humorem. Si calidum nimis, innatum partis calorem resoluit, & vehementer attraxit, unde in corpore præsertim debili, & dolore vexato, suditi, & repentinè siue humorum confluxus ad debilem, & dolore oppressam particulam. Quapropter cum hoc ab Empirico, & irrationali nebulone esset inculcatum præsidium, citra præuia vniuersalia præsidia, nil mirum si confluentibus humoribus ad artus, insoleceret malum.

Pestem hanc semper habuit, & habebit ars medica,

A nempe hos Chymicos, qui sua secreta, quintas (ut vocant) essentias, magisteria, & elixir vitæ, contra morbos circumferunt, & tot laudibus prædicant, ac instantaneam sanitatem pollicentur, non sine maximo ægrotantium damno, nonnunquam etiam cum summa virium iactura. Neque verò reprehendas Galenum, quod permiserit ignaro medicamentum imponere: nam multoties ægri vel temeraria remedia amplectuntur salutis suæ audacissimi, qua nihil est pretiosius in vita, auctore Galeno lib. 7. meth. cap. 6. Adde, licere multoties, ad confundendos hos circumforaneos, experimenta eorum permitti: & eò magis quia multum præstat noxa vnius hominis, plurimorum, qui in illorum manus possunt incidere, vitam redimere.

B Narrat doctissimus Hildanus lib. 4. centur. chirurg. obs. 82. exemplum nobilis cuiusdam, qui varia expertus auxilia cum podagra esset affectus, iussu cuiusdam Empirici Mercurio vnctus, in sæua symptomata est delapsus, & vix vnixerat artus, quando sequuta faucitum, linguæ, gingivarum, totiusque corporis tumefactione, & exulceratione, cum summa virium iactura occubuit. Mercurij enim vituitosus, lentusque humor, ex omnibus corporis partibus impetuose delatus ad artus, ingrauescente dolore, & resoluta spirita, innatum ignem extinxit. Idem quoque idem Hildanus scribit lib. 3. centur. chirurg. obseru. 82. de quodam, cui cum ob podagram ex fluxu humoris, tumor scirrhusosus in tibia propullularet in parte interna, ab Empirico reciso tumore, in ipsa operatione animam efflauit. De Chymicorum inscitia, temeritate, & arrogantia, legendus elegantissimus Rodericus à Castro lib. 1. de Medico politico, cap. 6.

## HISTORIA LXI. PAVLI, De arthritide.

Arthriticus Hermodactylorum ope curatus.

**N**otus mihi est, qui non hermodactyli substantiam, neque aliquod ex ea compositum medicamentum, sed herba ipsius decoctum cum aliquo consueto medicamine, ut pote aniso, apio decoquens, ipsum potui exhibuerit, ac mirum est quam resoluta sæpe alio defluxionem sedaret. Verum quia stomacho inimicum est, iis postea que stomachum confirmant, viresque eius recolligunt, mediocri calfactione os ventriculi corrigere oportet, &c. Paulus lib. 3. cap. 78. rubric. 2.

### PARAPHRASIS.

**V**T notissima radix est ea, quam Officinæ Hermodactylum vocant; ita ignotum, obscurissimumque est quo nomine sit apud antiquos recitata, & quam rem voluerint ipsi Hermodactyli nomine significare, ut ait Manardus in com. cap. 6. Mesualib. de medicament, violentier purgantibus: nam adhuc sub iudice lis est. Alij Colchicum, & Ephemerum esse Græcorum asseuerant: negat Ruellius lib. 3. de natur. stirp. cap. 115. Vt eumque sit, eligitur Hermodactylus candidus, corpulentus, plenus, grauis, non cariosus. Nascitur in montibus, colligitur vere, siccatur in vmbra, & conseruatur per annos tres. Pituitam crassam attrahit & à iuncturis eradicat; ob id podagræ, & aliis vitiis articulorum à Paulo, Serapione, cæterisque Arabibus conceditur. Vnde Auic. 22. 3. tract. 2. cap. 8. ex sua, & aliorum mente affirmat, esse vtilitatis maximæ, licet debilitet stomachum, sic enim ait: Verum Hermodactyli sunt nocui stomacho, quare oportet ut misceantur cum eis que sunt, sicut piper, zingiber, & cyminum, & quandoque ea que sunt sicut aloës, &c.

Et licet roborent, euacuent humorem frigidum à iuncturis, & prohibeant ne ad affectos confluant articulos redundantes succi, tamen noxa non caret debilitandi ventriculū, quæ faciliè aromatis corrigitur; & sic correcti valenter,



valenter operantur, & ex iis parat Mesuë pilulas, quas maiores vocat, ad vacuandum humorem tenacem, in partibus remotissimis vehementer infixum, mirabiles: Et quamvis Costeus super Auicem. & Manardus loc. cit. ab hoc medicamento abstineant, cuius origo incertissima est; tamen ex eo nullam noxam conspexi, imò frequenter obtuli in decoctis, apozematibus, expurgantibus, & cum saccharo ex eius puluere tabellas, & electuaria paros; & pro morbis frigidis cerebri, Gallico præsertim, summam semper sensu utilitatem: nam ægri largiter per aluum vacuato humore citra molestiam, à morbo mirifice sunt lenati, maximè si cum puluere Mechoacæ, fol. sen. ainsii, cinnamon. radic. chinæ. simlacis asper. & sacchar. sit permixtum, & desuper assumatur decoctum simlacis. De cuius medicamenti utilitate, lege Iacob. Fontan. lib. 4. pharmac. general. cap. 8.

## HISTOR. XLII. GALENI.

## De femoris scirrho.

Femoris tumor durus ex Erysipelate male curato subortus, emollientibus, & resoluentibus curatus.

**I** Circo tibi in memoriam reuocanda sunt, quæ inuicem commemorabamur, quando Cercili puerulum curabam, cui ex Erysipelate nimis infrigidato, atque adstricto tumor scirrhus in toto femore relinquebatur. Existimauimus enim medicamenta, quæ ipsum curare deberent, tenuia esse oportere: quare femur oleo perfundebam, in profundam peluim posito puero, quæ multum Sabini olei continebat, eo quod omnium tenuissimum ipsum esse sciebam. A balneo vero abstinebam, nisi in longo intervallo dierum, totius corporis curandi gratia. Postquam vero partem fouimus, medicamenta ex prædictis medullis, & adipibus confecta adhibuimus, miscendo nonnunquam bdellium scythicum, mastichen Aegyptiam, atque ammoniacum thymiana vocatum, quod pingue, & non verustum esset: similiter & Chalbani. Et postquam per hac preparatum fuerat, soluens ammoniacum pinguisimum in aceto acerrimo, circumliniui totum femur circumcirca: deinde per aliquot dies opopanax pinguisimum miscui aceto acerrimo, & huius videlicet exoluens id, quod recens erat, alioqui pinguis non permaneret, quemadmodum nec bdellium, nec ammoniacum, nec chalbani. Iussique puerum alteri cruri innixum saltare, ut plus cibi ad illud ferretur. Postea ubi repulsus erat iam scirrhus tumor, timens ne eius residuum maneret, omnia è contrario facere aggressus sum, femur ex aliquo medicamento eorum, quæ pice constant, perungens. Manifestè itaque clarebat, quod ex aceto linimenta egregie tumorem comminuerant: laxatiua autem molliorem reddiderant, minorem autem nequaquam: vicissim tamen eis utendo, adhibito convenienti moderamine puerulum curavi. Nam si altero dumtaxat medicamentorum genere quis curationem attenuasset, nihil ad scirrhi solutionem profecisset, &c. Galenus lib. 2. ad Glauc. cap. 4.

## PARAPHRASIS.

**S**olertissimus Medicorum Magister exemplum proponit scirrhi tumoris, qui est contumax sanè, & rebellis: nam si exquisitus sit, incurabilis prorsus existit: quum enim pars priuatur sensu, & facultas per nervos non influat, medicamenta non operantur, quoniam à facultatibus appetitæ non fecuntur. Si durus est factus, medicamenti non cedit: nam mixta nihil efficiunt, fortia plus indurant. Non exquisitus, quum à terrestri oriatur humore, difficulter curationem susceperat, ex Galen. 3. acut. 12. & 2. progn. com. 46. & 2. ad Glauc. 4. & 7. sec. gener. cap. 9. Paulo lib. 4. cap. 32. Auicem. 3. 5. tract. 2. cap. 11. Rasio 27. continens. tract. 2. cap. 2. Guidon. tract. 2. doct. 1. cap. 5. Alzaharai. lib. pract. tract. 39. cap. 15. Explicant eleganter Hieronym Fabricius ab aq. pendente l. 1. de tumorib. præter natur. cap. 11. Vidus Vidius lib. 5. de curat. generat. c. 10.

**A** Hic ergo pertinax tumor ex glutinoso, terrestri, & exiccato humore generatus, difficilis est curationis: & si curandus est, oportet ut totum quod in parte affecta tenaciter impactum est, vacuetur, ex Gal. 14. meth. cap. 5.

Hoc opus perfici non potest, nisi emolliatur durities, & attenuetur; quod præstant calefacientia & exiccantia; sed utraque non debent esse valida, quoniam violenter digerentia, superfluitatem reliquam omnem exiccant, & sic pars ad summam duritiem deuenit. Frigida humorem incrassant, incrudant, impingunt, & tenaciorem reddunt, ut accidit huic puero, cui erysipelate tentato cum nimis infrigidantia super partem inflammata essent applicata, humor crassior est factus, & ad scirrholam naturam conuersus.

**B** Ut tamén curatio ordine suo procedat, humorque cedat, & per halitum digeratur, primò emolliendus est iis quæ tenuia sunt, partem intimius penetrant, humorem concretum fundunt, liquant, & tandem resoluunt. Hoc monuit Galen. lib. 8. sec. loc. cap. 8. dum sic ait. Quæ vero ob frigidos, & viscosos humores in solidis corporis partibus imbutos indurantur, ex necessitate frigidam habent affectionem; quare calefacientibus, simulque tenuium partium pharmacis opus habent, hæc enim sufficientia sunt, ad viscositatem humorum, in induratis particulis infarclorum extergendum, & ad secandam crassitudinem, & ad dissoluendos humores isâ extenuatos, &c.

**C** Audi Galenum lib. 14. meth. cap. 4. de curando scirrho. Siquidem humor unde eiusmodi vitium nascitur, aut glutinosus est, aut crassus, aut utriusque rationis particeps. Curandi vero eius communis indicatio est, ut quod præter naturam in particula est, totum vacuetur. Modus autem eius vacuationis proprius est: nam detergere id ubi contumaciter inhaeret, oportebit. Quod si quis iis, quæ vehementer trahunt, digeruntque medicamentis vacuare sentet, nec iis quæ humectant, & excalfaciunt, molliat, ac liqueat, huic paucis primis diebus egregie processisse curatio videbitur: cæterum quod de affectu restat, veluti lapidosa concretio linquetur. Quippe etiam qui in articulari morbo visuntur pori, ex humore crasso, glutinosoque proueniunt, quando is non paulatim est digestus, sed violentis medicamentis totus simul siccat. Ad eundem modum, & calculi generantur in renibus, asso scilicet in his crasso, glutinosoque succo. Hæc igitur de causa ad scirrhosos effectus nullum vehementer excalfaciens, siccat suæ medicamentum est aptum, sed ea tantum, quæ cum molliendo digerere queunt, &c.

**D** Hanc eximiam curandi methodum post Galenum, omnes principes obseruant. Aëtius tetrab. 4. ferm. 3. cap. 3. Paulus lib. 3. cap. 31. Auic. 3. 4. tract. 2. cap. 12. Quare oleum Sabinum cum hac facultate pollere alicrat Galenus lib. 1. sec. loc. cap. 2. & 16. method. cap. 9. imò ipsum tenuissimum esse dicat, si sit bimam, trinamve lib. 6. meth. cap. 2. & facile penetret, ex Paulo lib. 7. tit. de oleo, relaxat, emollit, & resoluit, ex Gal. lib. 3. de sanit. tuend. cap. 6. & lib. 4. eiusd. cap. 6. quo pacto partem inflammata, ut rectè oleo perfunderetur, in peluim immitti iussit, & ægrum à consueto balneo abstinuit; hoc enim ex Gal. lib. 1. ad Glauc. cap. 9. & alibi passim, potentia refrigerat, & crassum humorem incrudat. Sed ob consuetudinem, ne eius abstinencia aliquod afferret detrimentum, id consuluit. Post olei usum, emollientia imperant ex adipibus, & medullis confecta. Hæc quò recentiores fuerint, debilius emolliunt, vetustiores fortius. Quoniam verò adipēs, axungie, & medullæ parum emolliunt, gradatim ad fortiora peruenire, salubre iudicauit, & sic adiecit bdellium, mastichen, ammoniacum pingue non verustum; hæc enim validius emolliunt, & in robustis corporibus, aut inueterata duritie prosunt, ut reuoluit Galenus lib. 7. sec. gener. cap. 3.

**E** His celebratis, ad aceti applicationem accessit, quoniam femur nervis caret; ob quam causam in tendonibus, & ligamentis vitur aceti vapore, lib. 4. meth. cap. 6. quare quando particula nervis sunt orbatæ, aut exiguò sensu polleat, ut iecur, splen, & carnosæ musculi partes, tunc tutior est aceti usus: nam penetrat, incidit, & crassum humorem citra molestiam extenuat, & eò amplius si sit ammoniacò dissolutum. Quare in veteri duritie, & ea quæ

quæ ventriculi os attingit, acetum renuit. Auxilia in dies vicissim mutauit, ne assidua mollitione, & digestionem tumor duresceret magis. Altero cruri innixum puerum saltare iussit, vt ob motum, calore excitato, plus cibi ad illud deferretur: nam cum pars est malè affecta, quanto minus sanguinis, & nutrimenti ad eam transmittitur, citius sanabitur.

Post emolliationem repulso tumore scirrhus, ne eius residuum remaneret, contrariam methodum obseruauit medicamentis ex pice constantibus partem perungens, vt graciles partes nutrentur. Quantam autem partes, appositis medicamentis ex pice, seu picatione, suscipiant utilitatem, & attracto cibo ratione caloris, ad partem debilem & excarnem, sic scilicet nutrantur, docuit Galenus 7. meth. 7. & 14. cap. 16. & lib. 3. de officin. medic. cap. 32. & alibi. Si enim alio medicamenti genere usus esset, nimiumque exicasset, & emollientia non præmisisset, vel inuerso ordine eius usus esset, vtrique vel nihil profecisset, vel in immedicabilem duritiem, tumorem perduxisset. Hæc & succincta, breuisque huius historię explanatio.

Rogabis, quæ fuerit causa, cur ex Erysipelate nimis infrigidato; atque adstricto scirrhus propullulauerit tumor? Respondet Galenus lib. 2. ad Glauc. cap. 1. quoniam humoris biliosi pars crassior adstringentium vi coercita in duritiem abiit. Adde tu, quoniam repellentium vsu superfluo pars tenuior fuit expressa & vacuata, remanente terrestri adusta, & crassa. Repellentia autem cum frigida, & sicca sint, adstrictione sua posse repellere, & vacuare humorem in parte inflammata contentum, appositissime probat Galenus lib. 13. meth. cap. 65. Vacuatur autem quod impletum est, non modo medicamentis iis quæ digerunt, sed etiam quæ adstringunt & refrigerant, &c. Probat Galenus in art. medic. cap. 95. explanant graphicè Andreas Planerus in com. cit. cap. Gal. & Valleriola lib. 1. enarra. 5.

## QVÆSTIO XLVIII.

*Vtrum in celebranda phlebotomia in Erysipelate posito inter duas cutes, errauerit Auicenna, vt firmat Valleriola.*

### COMMENTARIUM.

**E**rysipelate.] De Erysipelatis natura, causis, & duratione, veterum, & iuniorum doctissimi satis multa scriptis promulgarunt. Illud hinc non ita censetur abiunctum, quod Arabum, & præsertim Auicennæ, Medici eximij ingressi pomercia præceperunt: Cur tantus auctor sanguinem emiserit liberalius, in Erysipelate posito inter duas cutes: & in profundo, ab ea abstinerit. Ita enim habet Auicenn. 34. tract. 1. cap. 5. Et phlebotomia quidem non multum confert, nisi quando materia est inter duas cutes: si autem profunda fuerit, tunc eius inuementum minerasur, & fortasse attrahit.

Sed hæc sententia maximas patitur difficultates. Nam in Erysipelate sanguis mittendus non est, quia à sola syncera bile oritur, ex Gal. 13. meth. cap. 21. & 3. de loc. 7. & lib. 1. prorrh. 1. & 6. aph. 33. & 2. feb. 3. Pauli lib. 3. cap. 6. quare Galenus lib. 2. ad Glauc. 3. & 14. meth. cap. 3. in Erysipelate tenuit venæ sectionem. Porro in talibus sanguis mittendus non est, sed ventrem tantum expurgare sufficit; dandum autem medicamentum quod bilem flauam educat, &c. Cum enim cacochymia biliosa in habitu corporis redundat, alienissima venæ sectio est; nam ducitur æger ad cholerorum ebullitionem quod tantopere timuit Auicenna 4. 1. cap. 20. Hanc methodum secuti sunt Paulus lib. 2. cap. 21. Aëtius 2. 2. serm. 1. cap. 80. Trallianus lib. 12. cap. 6. Haly 3. pract. cap. 12. Rhazis 7. continent. cap. 3.

Deinde cur concedit venæ sectionem in Erysipelate posito inter duas cutes, & renuit in eo qui est in profundo? siquidem phlebotomia promptius euacuat humorem, qui in trunco corporis redundat, quoniam magis efficax, necessaria, & utilior censetur sanguinis missio, quando interiores partes phlegmone infestat; cur ergo

si hoc auxilium peccantem humorem ex profundis corporis partibus promptius euacuat, tunc securius non administrabitur?

Valleriola non incelebris auctor lib. 3. enarra. 4. Auicennam erroris insinuat, eiusque edicta temnit, & damnat, falsumque inflatis buccis appellare non erubescit: nam Erysipelas in habitu corporis propullulans, à tenuiori oritur humore, & bilioso, in cuius præsentia sanguinis missio est inuicilis, quia tunc Erysipelas est exquisitum.

Andreas à Cruce, Chirurgus famigeratissimus lib. 1. de humorib. choler. tract. 3. cap. 2. varias pro huius tenebricolæ sententiæ sensu affert expositiones, tandemque iis relictis, contextum Auic. esse corruptum, tollendamque particulam (nisi) asseuerat. Costæus in com. legit: quando materia est inter duas cutes: & dum dicit Auicenna: si autem est profunda, vertit ille pura. Sed hi misere decipiuntur; nam prior nullo habito respectu de tanti viri fama, aut dignitate, balantum more sequutus Manardum & Leoniceum, qui perfricta fronte Arabes tot iniuriis lacebant, eum errasse, veram tanti loci conciliationem ignorans asseuerat. Alij ad libitum veteres scripturas permutant, quas tantopete esse obseruandas Galenus commendat, 6. epid. sect. 3. com. 31. 8. Ceterum ego veteres scripturas, etsi difficiliter explanentur, semper eligo, &c.

Solue tu hoc modo. Erysipelas aliud est exquisitum, à sola bile syncerè pronatum; aliud, cum flaua ipsa bilis sanguini feruentissimo, & tenuissimo permiscetur, quod non simpliciter Erysipelas, sed cum addito phlegmonosum appellatur à Gal. 14. meth. 3. & lib. 2. ad Glauc. cap. 1. & 2. lib. de tumorib. præternatur. cap. 7. in vtrisque præstant sanguinis missio, & purgatio. Sed in tanto feruore quis audebit citra præuiam phlebotomiam, istam exercere, ob hepatis & viscerum feruorem, & ob agitationem quam vel benigna pharmaca inferre solent: nam sanguinis missio renellit à parte fluxione tentata, euacuat, transpirat, & biliosum sanguinem, vt iacet in venis, promptissime educit.

Neque enim sola pura bilis, aut separata in totum à sanguine, concurrit ad partem, sed dicitur syncera, & pura, quod minimum alterius humoris admittat, ex Gal. 2. prog. 38. & lib. de dif. morbor. 12. Audi Auenzoarem lib. 1. thesaur. tract. 3. cap. 5. dum agit de erysipelate cerebri. Et scias quod non generatur apostema in hoc panniculo, nec in alio loco, ex vno simplici humore, cui etiam alius humor non sit adiunctus, sed denominatio fit à maiori: v. g. quando dicimus quod est ex cholera, non intelligas quod est ex cholera pura, sed cum aliis humoribus mixta, sed eam cholera nomenclamus, quia aliis humoribus præualeat in quantitate, virtute, & natura, &c.

Cessent ergo infamare Auicennam, cuius salutaria præcepta tam multis fuere salutis. Concedit ergo hic auctor venæ sectionem, tam in materia posita inter duas cutes, quam in profunda: sed non tantam in ista, quam in alia utilitatem afferre, ex contextus serie patet manifestè, quia materia est profunda; & per hoc verbum profundum, non intelligit quod sit in profunda corporis parte reposita, quia tunc maius commodum afferret, sed intelligit quod profundetur in membro, ipsumque exulceret, & alius penetraret, quia est biliosa, crassa, atque adusta; nam si subtilis esset, non adusta, & naturæ sanguinis valde propinqua, non profundaretur, nec alius penetraret, sed aliam inflammationem faceret, quam inter duas cutes; nempe cutem, & cuticulam ipse appellat, in qua phlebotomia est utilis; in profunda non tantam affert utilitatem; quoniam bilis in maiori copia redundat, in cuius præsentia sanguinis missionem non ita esse proficuum asseuerat, quoniam vacuato sanguine, qui est frænum bilis, hæc furit & excandescit, & ab extremis sedibus ad intimas attracta venæ sectionis vi, febris exasperatur, & fit cholerorum ebullitio, quod explicat per verbum (& fortasse attrahit) vt susè diximus lib. 1. in com. hist. 63. Lege Gentilem, & Dinum, acutissimos Auicennæ interpretes, qui de hoc argumento apposuit disceptarunt.

## Q V Æ S T I O X L I X.

*Verum in imponendis topicis in Erysipelate, frigidis & siccis, Auicenna fuerit acceptus, ut retur Valleriola.*

**V**erò quia veterum Medicorum scita, de topicorum administratione in Erysipelate patefacimus, placet parumper, sepositis aliis, in eisdem excurrere amoenitates. Dumenim Galenus causam scirrhusi huius tumoris assignat, eam fuisse potissimum refert, quod super partem Erysipelate effectam nimis adstringentia essent applicata, censens nimirum in initio affectus huius, repellentia propriè dicta reproba esse, & nullius usus, frigida nempe & sicca, quæ adstrictione sua impensè infrigidant, & cohibent exhalationem vaporis mordacis, & acris, qui ex feruida bile in inflammata parte contenta retentus, prohibitus diffari, cum sit calidissimus & siccissimus, innari caloris substantiam resoluit, spiritus absorbit, erodit, ulcerat, atque ita natio partis calore depopulato corrumpitur pars, & sequuntur liuores, nigroresque, magnum certè, & irreparabile erysipelatibus malum, ex Gal. lib. 1. sec. gener. cap. 4.

Quapropter prudenter Galenus lib. 2. ad Glauco. 2. illa pro Erysipelatis curatione amplectitur, quæ sine forci adstrictione infrigidant. Sequuntur Dioscorides lib. 5. cap. 54. Aëtius tetrab. 4. serm. 2. cap. 59. Oribas. 7. synops. c. 32. Rhafis lib. de diuisione. c. 126. Alzaharau. lib. pract. tract. 34. cap. 5. Paulus lib. 4. cap. 11. Hæc est concors omnium Medicorum, & Chirurgorum sententia ab usu ipso edocta. Nec dissuadet ratio, quoniam bilis est calidissimus & siccissimus humor, omnium qui sunt in corpore, ex Galen. 10. simp. 11. de felle: quare cum feruet, & ebullit, contrariis, frigidis & humidis est infrigandus.

Sed quid respondebimus Auicennæ, asserenti ex diametro contrarium, dum 3. 4. tract. 1. cap. 5. sic profatur. *Et oportet ut sit infrigidatio eius in principio fortis stipticitatis, ad hoc ut fortis augumentetur eius stipticitas super ipsius frigus vehementius stipticitate sua.* & c. & infra sic ait, *Et si fuerit Erysipelas super cutem, curetur ex scoria plumbi cum vino pontico ebullito cum foliis sicla bullita cum vino & curetur cum eo in quo est resolutio, & exiccatio fortis cum infrigidatione, & c.*

Vidit istam controuersiam Valleriola lib. 2. enarrat. 4. qui vtrò, citòque discursans, Auicennam deferere, quàm interpretari maluit. Andreas à Cruce lib. 1. de tumorib. cholerici, tract. 3. cap. 12. mutando contextum, Auicennam conciliare conatur, & legit verba (*fortis stipticitatis*) ita resonent (*fortis exulcerationis*) sed cum textus citra necessitatem non sint inuertiendi, illius solutioni acquiescere non possum; & licet rectè essent translata verba, secunda Auicennæ sententia adhuc insoluta manet, nec minimum stare potest cum Galeni mente; nam infra sic ait, & curetur cum eo, in quo est resolutio, & exiccatio fortis cum infrigidatione.

Solue tu dupliciter. Primò cum doctissimo Costæo, qui in com. cit. cap. Auic. hunc auctorem de Erysipelate ulcerato intelligendum putat, Cuius explanationem alata Vigonis sententia sic confirmo; hic enim lib. 2. de apostematibus, cap. 5. in fin. sic nodum soluit. *Repercussiuum itaque apostematis cholerici, testem adducendo Rhafim, debet esse frigida & humida complexionis, nisi Erysipelas reperiatur cum ulcere, quia licet ratione maiora, ipsa medicina deberet esse frigida & humida complexionis, ratione tamen ulceris debet esse frigida & sicca.* Quapropter de Erysipelate simplici Galenus est intelligendus, Auicenna de ulcerato explanandus. Lege Petrum Pigrazum lib. de 1. de tumorib. præter natur. cap. 10. de erysipelat.

Solue secundò, cum eruditissimo Dionysio Dacæ lib. 2. de apostemat. cap. 2. nam Auicen. imponit in medicamenta fortis stipticitatis, non ea quidem sola, sed cum maiori humectantium copia permixta: hæc enim roborant, repellunt, & biliosum humorem contemperant. Ita intelligendus est Celsus, qui lib. 5. cap. 26. in hoc affectu im-

ponit reprimentia. Accedit, quod si Auicennæ mens esset, in simplici erysipelate sola stiptica adhibere impermixta, non tantopere in huius tumoris curatione, humoris retrocessum ad partes internas pertimesceret, quem recursum valde formidat Hip. 6. aph. 25. Nec inistes, Galenum 14. meth. cap. 3. in erysipelate, post totius corporis euacuationem repellentibus fuisse vium: nam per ea intelligit frigida & humida, ut sunt malua, viola, & alia, quæ contemperando calorem innatum, & biliosi humoris acrimoniam retundendo, latè repellere dicuntur, quæ in Erysipelate summo esse ex usu, ob dictas causas, supra monuimus.

## HIST. XLIII. TRALLIANI, De œdemate pedum.

Pedum œdema, salis fomento curatum.

**S**i laxi tumores sint, in quibus humor qui influxit, neque scassus & terrestris existit, sed laxeus & mollis, tangenti-  
bus statim digitis cedens, spiritum flatuosum, & pituita humidam aquosamque fluere suspicamur. In his conueniunt potissimum & ceratum quod ex sale paratur, & inunctiones. In quibus autem illius, aut inunctiones nihil proficiunt, his etiam fomenta ex sale torrefacto frequentius mutata, aptè accommodantur. Etenim ab ipsis non modo leniuntur, sed etiam plurimè adiuuantur. Ego sanè noui Roma virum quendam longè clarissimū, qui fomento ex sale semper uteretur, atque hinc valde mitigaretur. Quod autem hoc opusculum, omnibus manifestum est: nunquam enim lesionem aliquam articularum, neque topum exuisse visum est, & c. Trallianus lib. 11. cap. 1. tit. si pedes tumoribus pituitosis, lexisque infestentur.

## C O M M E N T A R I V M.

**P**edes, extremasque corporis partes sæpe pituitosis, laxisque tumoribus infestari, res est manifesta. Cum enim hæc remotæ sint à fonte caloris, frigida sint, osses, exangues, præ natiui caloris inopia crudum, aquosumque humorem generant, & flatus multos, quos præ debilitate absorbere nequeunt. Accedit quod in febribus chronicis, frigidisque morbis, natura crisi quadam pituitosa excrementa ad eas, tanquam ignobiles; & à visceribus longè remotas detrudit, ut Hippocr. 2. prog. 3. scite edocuit.

Hinc factum est, ut proferat Aristoteles lib. 2. probl. 16. pedes minimè omnium sudare, quoniam cum ossibus, venis, atque aliis partibus duris consent, humorem infixum elidere nequeunt. Qua ratione sæpe cessante morbo, & deletis symptomatis, dolores pedum diutissime durant, ut monuit Gal. lib. 3. epid. sect. 3. com. 78. in historia virginis Abderitanæ, quæ cum à causo euasisset, pedum dolores diu sustinuit. Cum ergo humor aquosus est, ex partium frigido intemperamento, hepatisque debilitate genitus, ut in hydrope, & conualescentibus accidere solet, vel in aliis partibus, ut in capite, & scroto, isque flatu plenus in pedes, aut alias imbecilles partes confluit, fit mollis, laxusque tumor, ex Galen. lib. 10. sec. loc. cap. 2. qui tangenti-  
bus digitis facillè cedit, foveamque facit, & vocatur à Galeno œdema, 10. meth. cap. 4. & 2. ad Glauco. & lib. de tumorib. præter natur. c. 11. Aëtio tetrab. 3. serm. 4. ap. 16.

Pro hoc tumore curando licet plurima parentur auxilia, quæ latè præsci, & iuniores descripserunt, nullum est commodius, quàm quod ex salis fomento paratur. De sale solum historiam retexere est opus, tanquam re in plurimos usus laudabili; nam symbolum est sapientiæ in sacris literis; & prophani scriptores eandem sapientiam, ac prudentiam salis nomine afficiunt, ut testatur Vallesius lib. de sacra philosoph. cap. 16. & 34. & prius dixit Rhodiginus lib. 6. de 7. antiq. 1. qui sale, & sole nihil vilius esse corporibus asseruit.

De effe-  
tibus salis, sat plura prædixere Discoridis interpretes, in com. c. 80. lib. 5. Sed præcipuus est, ut eius usu corpora



corpora à putredine præseruentur: nam, vt ait Gal. lib. 5. A. simpl. c. 26. *salum contrahit, constringit, condiendo seruat, & desiccatur, citra apertam, aut caliditatem, aut frigiditatem.* Auicenna similiter lib. 2. tract. 1. c. 3. *Operationes salsedinis sunt abstergio, ablutio, exsiccatio, & putrefactionis prohibitio nam quæ putrescunt, excrementitium continet humorem, substantiamque minimè compactam. Quibus ergo corporibus nulla prorsus est humiditas superflua, ceterum melli optimo, aut corpus solidum est, atque compactum, ceterum lapidibus, ea à putredine aliena sunt omnino, ac proinde in his salis non probatur usus, sed in iis quibus suspecta est putredo.* Alteram istarum causarum protulit Aristot. lib. 21. probl. 5. dum querit, cur panes non saliti plus ponderent, quam saliti, cum contrarium sit verisimilius, cum sal adiciatur, & grauior sit quam aqua. Respondet, quia sal exicare potest, ex quo corrupta seruantur, quæ condita sale reponuntur, absunt enim à sale, resiccaturque humor, qui ex calore putrescat: in pane igitur humor à sale consumitur, extraque efflatur. Quocirca panes postquam refrixerunt, leuiiores, quam calidi sunt: contra iis qui sale vacant, humor largior insidens, efficit grauiores. Hanc prærogatiuam salis contra putredinem, Ægyptiorum comprobant instituta, quibus mortuos sale condire moris fuisse planè Herodoto credimus, restante Cælio Rhodigino loc. nuper. cit. sed ne te suspensum teneamus, in describendis salis effectibus, consule Leuinium Lemnium, qui lib. 3. de oculis natur. miracul. c. 9. de salis conficiendi modo, natura, effectus, & viribus, vsu, & differentiis egitelouenter.

Cæterum rectius fecerimus, si hisce nostris commentationibus aliquid de nutrimento salis inferamus: nam aliqui vsu salis tabescere corpora, alij pinguescere assueverant. Primum mihi semper attulit plurimum: quoniam hoc est verissimum Medicorum pronuntiatum: Quidni? cum alimentum suppeditetur ex dulci, ex Arist. Deinde sal pinguioribus partibus, quæ siccus, & acris rodit: ideoque necesse est gracilecant membra; acris enim & salis humoribus in thoracem confluentibus, & erodentibus pulmonem, tabescere corpora docet Cornelius Celsus lib. 3. cap. 22.

Terriò. Animantes sicco nutriuntur & humido, si credendum Aristot. 2. de partib. animal. cap. 3. Sal verò siccus est, parui autem humoris, mox vt calore resoluatur, vt ait Aristot. 1. 1. sect. probl. 26. hanc rationem assignans, cur in ignem iniectus edat crepitum; neque tamen sal omnis hoc paritur: nam ignium patientem esse Agrigentinum testatur Plin. lib. 31. cap. 7.

Accedit, quòd alimentum restituit eas partes quæ quotidie absunt. Sal verò ineptus restituendo, nam potius auferet. Igitur extenuabitur corpus. Inde Plinius loc. cit. *Omnis locus in quo reperitur sal, sterilis est, ita in arenis plumbæ non sunt ob exuperantem salsedinem: quare sapor salis edendo idoneus non est, ex Theophrast. lib. 6. de caus. plant. ar. c. 14.* Sal enim, vt inquit Plato in Timeo, fit ex mixtione aquæ, sed parua; sed ita est terrestris, vt sit maximè siccus cum acrimonia; ita impeditur ex eo nutritio.

Obiicies primò. Pisces mari nutriuntur. Sed hoc verum non est, nam in mari nutriuntur, non mari, id est aqua, salia; siccis omnino salis, sed dulcibus; nam piscium esca sunt pisces, & sordes maris, cænum, limus, & alia præter sordes.

Obiicies secundo. Plinius lib. 31. c. 7. pecudes, armenta iumenta sale maximè sollicitantur ad pastum. Plut. 3. & 4. quest. natural. huius rei querit causam, & reddit, multorum sententia amplius nutriti, & pinguescere, quòd cibi appetentiam sal acuit, & poris aperiendis digestionem iuuat, sic Apollonius Herophili discipulus dulcibus vesci animantia verbatim, sed salsamentis, & salsioribus cibis uti iubeat, vt pinguescerent. Huic dubio aptè respondet Marcellus Virgilius in com. cir. c. Dioscorid. quoniam salis acrimonia excitatur auiditas cibi, & alimentum in membra ipsa, partisque corporis deferit, vt sit quasi vehiculum, & cuneus deueniendi commodius. Adde quòd salia gustui saporosiora sunt, & sic promptius amplexata à ventriculo, felicius coquantur, facilius distribuuntur,

& citius nutriunt. Deinde armentarij, & pastores pecori suo sal cum aqua delibutum lambendum proponunt, vt minuatur pinguedinis copia, quæ pecori morbosa est, quoniam sal, & salia absunt, & propter siccam intemperiem, vel acrem siccitatem radunt. Quòd si rei pecuariæ magistri, armentis salem in cibis, vel aquam apponunt, vt fiant fecundiora, id efficiunt. Hac de causa mare terra fecundius, & animalibus plenius, & diuersorum magis generum, ac fornarum, quam ob rem non inscite veteres Poëtæ, salaciores finxerunt marinos Deos, vnde Arist. 6. de histor. animal. cap. ult. mures affirmat impleri absque coitu, salem lingendo: enimvero libidinem irritat, vim seminalem excitando; opinor, quia calefacit, acuit, & penietrat acrimonia sua: Ita Venus dicitur salax; & libidinosi vocantur salaces, quibus salacium nomen à sale impositum. Hæc causa fuit, cur apud Ægyptios Sacerdotes, sal non erat in vsu, eumque auerfarentur ipsi, ac si Typhonis esset spuma, neque mentæ, ac tibus adhiberent, cum tamen in sacrificiis vterentur, non quidem è mari, sed è fonte quodam Ammonis petito, vt auctor est Plutarch. lib. de Isid. & Osir. qui l. 5. sympr. quest. 10. tradit Ægyptiorum sacerdotes castissimos abstinere à sale, adeò vt pane etiam sine sale vescantur. Quantus verò semper fuerit in vita hominum salis vsus, habes à Plut. crudite explicatum quest. 8. lib. 8. smpr.

At ne longior de sale oratio insulsa videatur, de eo agamus tanquam medicamento multis morbis, & præsertim œdemati valde proficuo.

Galenus enim lib. 14. meth. cap. 4. & 2. ad Glauc. 3. oleo salem admiscet ad discutiendum; quòd auxilium huic vlui esse præstantissimum, tenet Aëtius terrab. 3. serm. 4. c. 16. Horum suauis monitus Hildanus centur. 1. epist. 35. Vnguentum parat ex sale ad roborandos artus utilissimum, cuius ope ac efficacia podagram se sanasse gloriatur, & est huiusmodi. *℞. salis marini in furno exsiccati, & tenuissime puluerisati 3. ij. olei lumbric. olei vulpin. an. 3. iij.* Misce diligenter, & in mortario marmoreo fiat vnguentum.

Hunc vsu complet Oleum salis, cuius descriptionem proponunt Andernacius, Rubeus, Querceranus, & Septalius lib. 7. caution. medic. num. 184. quòd dolores podagricos egregie sedat, topholque discutit.

Nam foris salis insitus partis calor roboratur, noxius discutitur humor, absuntur excrementa, resoluuntur flatus, affecta membra robustiora fiunt, & maximè si sacculi pleni sale benè triturato coquantur prius vino, & sic madefacti actu calidi parti imponantur, quòd auxilium in frigida fluxione, humoreque pituitosiore existente nunquam me fefellit. Quo pacto Paulus lib. 3. cap. 87. rit. de tophis, inter cetera præsidia discutientia, fomentum ex sale connumerat; nam calore suo crassum humorem extenuat, & adstrictione particulam firmat, ex Galen. lib. 3. aliment. c. 21. & lib. 6. secund. gener. cap. 2. rit. de emplastro ex scilla.

Hæc est causa, cur contra Hydropicorum tumores tantopere sal laudetur à Dioscoride loc. cit. & Auicenna lib. 2. tract. 2. cap. 623. ex ipso cum farina & melle parat emplastrum podagræ utilissimum, Galen. lib. 6. per gener. cap. 5. ex sale fieri emplastrum assueverat quòd valde digerit, & in eodem lib. cap. 7. ex eo plurima emplastra discussoria proponit. Quapropter lib. 3. acut. 6. fomentum ex sale ad dolorem lateris ex flatu plurimum laudat: nam auctore Auicenna loc. citat. *Sal est calefactius, resolutius, carminatiuus, & roborans:* explicat Ioannes Sphronius in sua anatomia vitali cap. 37. de morbis sulphureis.

Ob has facultates, balneum ex sale summè commendatur à Medicis, cuius admirandas vires confirmant Gabucinus lib. de podagra, cap. 40. Sauonarola tract. de balneis, rubric. 3. Mercat. lib. 1. indicat cap. 13. Sic balnea ex aqua marina, saluginosa vocata, salis vi, profunt aquæ inter cutem, tumoribus laxis, & pituitosis, ex Galen. lib. 14. meth. cap. 15. & 1. simpl. 4. & 3. aliment. 31. Paulo lib. 1. cap. 32. Aëtio lib. 1. serm. 3. c. 168. Auicenna 2. 1. doct. 2. cap. 29. si desit aqua marina, fiat artificiale, iniecto sale



in aquam, quouique lignum innaret; quod similes naturali Balneo salso vires habere, in meth. cir. loc. Galenus inculcat.

Vltimò laxis tumoribus salis fomentum optimum, vt partem à putredine præseruet; nam humor hic frigidus, lentus facillè putrescit, & copia sua innatum calorem suffocans, mortificat: quapropter prudenter Galen. 2. ad Glanc. c. 9. de gangrena, medicamentis contra putredinè salem commiscet; quare ad partes nimia humiditate grauatas, fidissimo experimento compertum hæc eo emplastrum hoc, quod ad exiccandum, & præseruandum à corruptione, est nulli secundum. 24. Salis minutissime tritum 3. ij. aluminis pulueris 3. j. stercor. caprini 3. s. stercor. columbin. 3. ij. farin. orobi. farin. lupinor. an. 3. s. cum aceto pauco, mellè, & lixiuio sarmentorum, fiat cataplasma.

Cetera verò præsidia selecta pro œdemate curando, lege apud Dionysium Dacam chirurgum celeberrimum Hispanum lib. 2. de apostematib. c. 59. Vtrum autem falsa adstringant, an deiciant, lege disputationem non incelebrè apud Septalium com. 3. lib. Hip. de aere & aq. text. 15. An verò sal, & salita cibaria à febrientium mensa sint ableganda, vt supersticiosi autumant, controuertit Alzarius à Cruce eleganter, centur. 3. quæst. fol. 250.

## HISTOR. XLIV. AETII. De podagra.

Podagricus, frigido balneo, leuatus.

Vidi etiam alium hac affectione occupatum, qui immisiss in frigida aquam pedibus, & a iquadrin in ea detentis præclaram opem ruli, & c. Aetius retrab. 3. serm. 4. cap. 28.

### PARAPHRASIS.

**A** Bilioso humore arthriticum dolorem originem ducere, certa res est, & firmat Galen. lib. 10. secund. loc. cap. 2. & ceteri Principes loc. supra cit. confirmant, explicat ingenuè Chalmetæus Vergesacus lib. 4. chirurgic. enchirid. c. 3. de arthritide à causa calida. Redundare bilioso humore dolor est acerrimus, & pungituo similis, exacerbationes alternis diebus sæuius recurrunt, præcessit videlicet calidus & siccus, exercitia valida, adest habitus gracilis, temperatura biliosa, ætas iuuenilis, regio, & tempus calidum, dolor à calfacientibus exasperatur, antecessit biliosi humoris soliti vacuari suppressio, sitis viget, & febris premit.

Abundante ergo bile, ad reuulsionem, & corrigendam heparis calidam intemperiem secetur vena, administrentur declinante affectu cholagoga. Infundantur clementia enemata, quæ biliosum humorem contemperent, eumque suauiter per infernam aluum propellant, lenientia topica imponantur, postremò applicentur lauacra, inunctiones, fomenta leuiter discurrentia. Demum omnia administrentur, quæ intemperiem calidam corrigant, & humoris biliosi generationem impedire nata sint.

Si verò his malum non confanescat, quid faciendum? A Medicis peritissimis obseruatum legimus; vt frigida aqua loco affecto adinqueatur; quando ea vt erratè bilis in artubus redundat, vt copia lædar, qualitatèque acris, & mordaci dolores immanes excitent: nam Galenus lib. 6. eisdem. sect. 6. com. 4. articularum dolores nonnunquam euenire inculcat, inquit us fluxio biliosa, calida est, eisque infrigidatione mederi docet firmat Auicenn. 2. 3. tract. 2. c. 7. §. Et si possibile est, vt cesses ab enacnatione usque ad maturatiōem, & sis contentus embrochis cū aqua frigida, & c. Bilis enim calidissimè fluxio solius gelidæ affusione mitescit: nam frigida balneum, præterquam quod apud Paulum est securissimum lib. 3. c. 78. & Trallian. lib. 11. cap. 1. quoniam lenit dolorem, etiam bilis siccissimæ qualitatem refrænare, vt proprio experimento firmavit Hollerius lib. 5. aph. 25. Sicuri enim in biliosissima febre balnei frigidi vsus, & in hecica est saluberrimus, vt in Lib. III.

A lib. 4. in com. hist. 47. latius confirmabimus; sic in affectu particulari est mirificus.

Hoc tamen cautè vtaris consulo, neque in eo diutius insistas, quàm vt doloris vehementiam dumtaxat lenias; alioqui plus noceris, quàm iuuabis: quoniam impactam bilem in articulis impinges ita, vt in tophaceam naturam crassior facta concresecat: & pars ob dolorem debilis, frigida lauacro ad motum plerumque inepta euadit, & languidus partis affectus calor ita debilitatur, vt contingat mortificatio, quam accidisse cuidam, qui incalescente corpore ob exercitium, quum corpus frigida perfudisset, sub orto sphacelo in tibia occubuit, refert Hildanus lib. 3. centur. chirurg. 46. & obs. 50. eiusd. lib. exemplum narrat alterius, qui immersione corporis calefacti in frigidam, est emortuus, De balneo frigido lectu non indigna conscripsit Ioannes Franciscus Bracaleo Neapolitanus in suo elegantissimo Dialogo de Balneis, aduersus Medicos recentiores.

## HISTORIA XLV. AETII. De podagra.

Podagricus, opiatīs applicatis, curatur.

**A** Liūm etiam videtur, qui ostreorum carnibus cum argenti assuma, & viridib' Hyoscyami foliis, ac oleo veteri diligenter tritis utebatur, & tum illinendo, tum imponendo ea, prope restitutus est, & c. Aetius retrab. 3. serm. 4. cap. 28. de his, qui ob bilis influxum laborant.

### PARAPHRASIS.

**D**olor si levis est, & medioeris, non attrahit ad se curationem totam, quoniam symptomati, vt symptoma est, curatio non debetur, sed soli morbo, quo remoto auferitur symptoma, ex Galen. 1. meth. cap. 12. & 12. meth. cap. 1. Dolor vehemens semper leniri debet: nam siue sit symptoma alterius morbi, siue distinctum quidpiam ab illo, tunc attrahit ad se curationem totam, quoniam vires exoluit; cum enim natura spiritum vitalem ad partem dolentem transmittat, cor relinquit spiritum priuatim. Deinde animalis facultas tam est intenta dolori, vt conuersa ad partem dolentem, & ad sensum vehementer contristantis, cesser ab omni functione, ita vt neque sentiat, neque moueat; & ob irrequietum motum humorum, plurima humoris portio ad partem affectam concurrat, quo pacto doctor habet rationem causæ, sine qua alter affectus curari potest: hic docet Auicenn. 4. 1. c. 20. §. Quacumque agritudo dolori coniuncta fuerit, aut causa ipsius est dolor, aut agritudo est causa doloris, si ut est percussio, aut casus, incipies sedare dolorem, & c. Si verò Auicenna contrarium asserere videatur 1. 4. tract. 2. cap. 7. quo loco febre, & dolore vnà affligentibus, illius curationem esse digniorem præscripsit, de leui dolore intelligendus est.

Sed notabis primò, sedantia dolorem in triplici esse differentia; cum enim in dolore concurrat affectus morbosus dolorem efficiens, & dolor ipse, & sensus percipiens causam dolorificam, quouis illorum extincto dolor cessat; tamen quæ euacuant causam morbosam, & quæ stupefaciendo sensum partis dolentis auferunt, ex accidenti dolorem sedant; nec propriè anodyna vocantur; sola autem verè anodyna censeri debent, quæ calida sunt in gradu primo, & simul tenuium partium, vt docet Gal. lib. 5. simpl. 19.

Obiicies primò. Si simile non agit in simile, quomodo ea quæ nobiscum eiusdem temperamenti sunt, verè anodyna, id est, sedantia dolorem esse possunt? Dic, temperata tripliciter possunt sedare dolorem, primò quia licet habeant idem temperamentum cum cute, tamen cum hæc ex aere ambiente densetur, appositione temperari rarefit, & ita sedatur dolor. Secundò, quia temperata augent calidum innatum, quod ad noxiæ expulsionem, & ad leniendum dolorem multum iuuat. Tertiò, quia

temperata attrahunt spiritus extrorsum, quo impetu noxia transpirant, & dissipantur.

Obiicies secundò. Quomodo anodyna asseruntur esse certe temperata, cum dolor ortus à solutione continui, solum per vniuentia consanescat, & ex intemperamento immateriali sanetur per intemperamentum contrarium, & ortus ab humore frigido per euacuantia cum calore? Dic, frequentissimi dolores oriuntur à vapore, vel humore noxio retento, quare commodè sanantur per ea quæ modicè calida sunt, & tenuium partium, ex Auer. 5. collig. 13. eo quod membrum dolens ex resolutione refrigeratum est, quare indiget medicamento inclinante ad calidum, ut sic per calorem intensiorem, reparetur defectus quantitatis inqati caloris. Solue secundò, & videtur certior ratio, quia quæ modicè calida sunt, & tenuium partium, refaciunt membrum, & attenuant humorem, ita ut facile dissipetur, ad quod opus doloris cessatio sequitur.

Obiicies tertio. Quomodo Galenus determinat anodyna ad certum temperamentum, scilicet calidum in primo, quum ea debeant esse diuersa pro varietate temperamenti humoris, & ægri? Dic. Anodyna explicantur à Gal. collatione facta ad temperatum tantum, quod etiam fecit agens de primis qualitatibus: anodyna igitur vera, collatione facta ad humorem temperatum, & corpus temperatum, debent esse calida in primo.

Alia verò anodyna, quæ opiata, seu stupefacientia dicuntur, & narcotica, sunt quæ immodicè refrigerant, extinguunt partis calorem, & comprimunt nervos, obstruuntque vias per quas spiritus ad partes sentientes peruenire solet, & suo valido frigore sensum auferunt, & sic dolorem sedant: hæc solum necessitate vigente, ob magnam euitandum periculum, sunt intus porrigenda, ut 12. meth. 1. & ult. 6. aph. 31. & 2. sec. loc. c. 1. rubric. 5. & lib. 9. eiusd. cap. 4. Galenus admonuit. Vtrum in causa calida an frigida liberalius concedantur, ex Gal. mente discussimus lib. 1. in com. hist. 61.

Nec inistes, dicendo narcotica esse propriè anodyna, quum auferant dolorem citra ablationem causæ: Deinde quæ calida sunt in primo, & tenuium partium, cum auferant dolorem, propter ablationem causæ doloris, non esse propriè anodyna, hæc enim diuersa sunt ab illis, quæ sedant dolorem auferendo eius causam, ut constat ex Galen. 5. simpl. cit. Dic. Narcotica ex Galen. non esse anodyna, quia non auferunt dolorem ipsum, sed solum vim sentiendi dolorem: Ea autem quæ calida sunt in primo, & tenuium partium, peculiariter auferre dolorem, quia dissipant immediatam doloris causam, scilicet noxium retentum, licet eorum vi quandoque augeatur morbus ipse, unde in initio defluxionum; propria sedatio doloris fit per laxantia calida, curatio verò per adstringentia frigida. Tu verò de anodynorum usu, pulchra lege apud Mercatum lib. 1. indicat.

Merito ergo fecisse Aëtium iudicabis, qui in præsentis doloris angustia, præsertim à causa calida concitati, stupefacientia parti apposuit, quoniam præterquam quod bilis calidissimæ acrimoniam cōtemperant, & frigiditate sua eius furorem infrænant, etiam stuporem inducunt, & dolorem sedant; quam Aëtij sententiam confirmant Paulus, Trallianus, & Aëtien. loc. citat. Elegit autem Hyoscyamum, tanquam magis incolumem, qui pedum, cæterarumque partium nervosarum dolores sedat, ex Auicenn. 2. 2. tract. 2. cap. 7. & in cap. 15. cum psyllio, opio, acacia, & lacte vaccino emplastrum parat. Refert clarissimus Durerus in suis eruditissimis enarrationib. ad c. 63. lib. 1. de morb. internis Hollerij, se curasse quendam egrum sæua arthritide correptum, ex affluxu humoris biliosi enata, phlebotomia, clysteribus, abstinencia vini: qui his non conferentibus, cataplasmate admoto ex foliis Hyoscyami coctis in lacte, à tormento euasit. Hoc enim auxilium est anodynum, & humorem acrem inerasat, ac summam suam refrigerandi vim coctione amittit. Consule Gulielmum Budæum lib. de curandis articularibus morbis, fol. 25. & Dioscoridem lib. 4. cap. 59. qui Hyoscyamum ad omnes calidas defluxiones, & partium dolores ex tenui humore pronatos esse saluberrimum asseuerat. Explicat

eius naturam Ferdinandus Pintianus, illustris Plinij interpretæ, lib. 27. cap. 11. qui pro arthritide eius usum extollit vehementer.

Quoniam tamen horum medicamentorum usus in partibus frigidis, nervosis, & exanguius suspectus esse solet, iis correctoria admiscere oportet, ne alias in posterum ledere posse cōtingat. Quare Aëtius cum Hyoscyamo oleum verus miscuit: nam hoc etiam est anodynum, & moderatè calefacit, apud Galenum lib. 2. simpl. c. 21. & Paul. lib. 7. de Oleo. Argenti autem spuma roborat, & sic ad collyria est aptissima, ut retulit Dioscorides lib. 5. c. 53. in fin. Carnem ostreorum adiecit, iis enim inest salus succus, qui partem roborat, & calefacit: quia ratione eorum caro valentiùs subducitur, apud Gal. lib. 3. alimentor. cap. 53. & lib. 11. simpl. tit. de ostreis. Sedato dolore, confestim partes hæc nervosæ, & debiles, ne in posterum sensu, & motu orbari contingat, foueantur iis quæ roborare, & modicè calefacere nata sunt, ut citati monuere auctores.

## HISTORIA XLVI. CELSI, De articularum dolore.

Asininum lac, ad arthritidis præseruationem, vtilissimum.

Q Vidam etiam cum asinino lacte epoto se aluissent, in perpetuum hoc malum, euaserunt, &c. Celsus lib. 4. cap. 27.

### PARAPHRASIS.

Non solum à crasso, frigido, sed etiam subtili calidoque humore arthritidem concitari, supra diximus, firmatque luculenter Petrus Salius lib. de affectib. particularib. c. 16. Pro huius humoris expurgatione, nullum poterat lacte asinino præstantius parari medicamen: nam præterquam quod iecur refrigerat, à parte reuellit; expurgata copia, quæ ex humoris intemperie, & calore quotidie generari solet, etiam humoris acrimoniam retundit; corpus ex dolore, vigiliisque exhaustum reficit, & instaurat, & ira alimonie, & remedij vicem supplet. De cuius saluberrimo alimento pro renutriendis phthysicis, plura ex Gal. mète diximus lib. 2. in com. hist. 35. & de eius varia differentia ex tempore partus, corporis habitu, anni tempore, ætate, pastu, non indigna scitu proferemus lib. 4. in com. hist. 44. Nunc de illius expurgante vi breuiter differendum.

Eac aluum mouet, liquidius quidem magis; crassius autem minus. Hanc expurgandi vim habere lac ratione feri, notum est, & firmat Galen. in loc. multis, & præsertim lib. 3. de alimentor. facult. cap. 15. quoloco ad retinendam aluum vitur lacte bene chalybeato, quousque ignis vi rota serosa pars quæ aluum mouet, sit absumpta. Sic enim ait. Iniectis verò lapillis ignitis, tantisper dum serum omne consumatur, præterquam quod sic paratam aluum non subducit, contrarium etiam efficit, ipsūque iis exhibemus, quibus venter acrium excrementorum demorsu infestatur: id ipsum autem efficiunt lapilli, aut etiam efficacius ferri orbiculi igniti, &c. Quare serum nitrosum, qua pollet qualitate, non solum biliosum & tenuem, sed adustum & retortidum humorem, immò frigidum, tenacem expurgat, ut Mesuè cap. de sero lactis, affirmat, & nos ad præcorum mentem tam multa diximus lib. 2. in comment. histor. 109. Hinc fit ut lactis asinini potores, iis expurgatis excrementis, à cruciatu arthritico reddantur immunes, quia hoc lac serosissimum, & liquidissimum est, auctore Galen. 6. alim. cit. & 7. meth. 6. quod sive sit, camelinum, equinum, ouinum, sero cum abundant, hanc etiam præstant commoditatem. In hunc usum, præci asininò utebantur in magna quantitate, ad expurgandam aluum, ut constat ex Hippocrat. 7. epid. num. 4. ibi. Eratolai filio bibenti lactis asinini excocti quasi non corylas Astricæ, duobus diebus biliosa purgatio vehemens oborta est, &c.

&c. probat lib. acut. 4. text. 19. & 109. §. Verum si dolor non accessauerit, asine lac bibendum, ut purgetur, dabis: & Galen. in com. sic inquit: Lacte asine utendum precipit, quod purgantia inter medicamenta omnia, mitius, tranquilliusque existat, &c.

Sic Plinius lib. 28. cap. 9. refert, plurimos asinini lactis usu ab articulari morbo fuisse liberatos: quare veteribus creditum est lac asinæ arthriticis salutare, auctore Holliero lib. 5. Aph. in com. sent. 64. nam biliosum humorem expurgat, vires fouet, & sic articulariis morbis mirifice succurrit, ut ait Douynerus lib. 4. apolog. cap. 2. Hoc modo serum caprinum tantæ efficacitæ est in hoc præseruando morbo, ut eo vtentes, ab illo in posterum immunes euadant, ut notauit Amatus lib. 5. centur. 29. Quod auxilium miris celebrat encomiis Stephanus Lanreus apud Schenckium lib. 4. obs. de arthritide. Consule Vlysses Alodioandum lib. 1. de quadrupedibus, cap. 2. de Asino, tit. usus in medicina.

Sed si hoc verum est, & lac omne ratione seri expurgat, ita monente Auicena lib. 2. tract. 2. cap. 44. §. Aqueitas lactis est subtiliata, lanatua, & solutina: cur Hippocr. 4. acut. 7. & 109. lacte asinæ decocto vitur ad expurgandum: quod firmat Aëtius tetrab. 1. serm. 2. cap. 30. de carbunculo, si per decoctionem absumpto sero, lac minus subducit: Dic cum Mercuriali lib. 4. acut. in com. sent. 29. duplicem esse coctionem, aliam insignem, mediocrem aliam, illam reprobât Hippocrat. eius enim vi aquosa humiditas absumitur; hanc probat: nam ea serosam lactis partem non exoluit, quin potius est in causa, ut lac ex ignis commercio acrimoniam aliquam acquirat. Hæc solutio menti Galeni est consona: nam (ut ipse 3. alim. cit. prædixit) si quis lac prius elixando, serum omne consumpserit, nihil prorsus subducit. Lege Rorari. contradiçt. 30. Hip. De muni asinini lactis usus, tutior est in articulari dolore, quia calido humore ortum ducit: nam lac omne cum crassi succi sit, & serum frigidum, crassum generat humorem & intemperiem frigidam auger. Si de lactis asinini facultate plura scire aues, lege Gulielmum Ballonium lib. 1. consilior. medicinal. 50.

## HISTORIA XLVII. CÆLSI,

### De articularum dolore.

Quidam abstinencia vini, & veneris, in perpetuum à cruciatu arthritico præseruati.

**Q**uidam cum toto anno, à vino, & venere sibi temperassent, securitatem totius vite consequuti sunt, &c. Celsus lib. 4. cap. 24.

### PARAPHRASIS.

**L**icet vinum modicè sumptum plurimas secum afferat utilitates, quas ex veterum, & iuniorum mentè proposuimus lib. 2. in com. hist. 61. & refert inter omnes omniscius Canonherius in suo eloquentissimo primo de vini miraculis libro cap. 3. tamèn si cum modo non ebibatur, grauissimos, eosque irreparabiles morbos excitare solet, ex quorum genere præcipuus, podagra est, & fusè notauimus lib. 2. in com. hist. 72. quo pacto prudenter monuit Auic. 22. 3. tract. 2. cap. 7. in fin. ut in hoc affectu ab eo abstineamus, dum sic fatuit. Et oportet ut dimittat vinum omnino, usque quo sane rursus ex eo sanatione integra, & veniant super ipsum quatuor tempora, &c. quod consilium approbat Trallianus lib. 11. cap. 1. immò huius abstinencia se vidisse aliquos, & sanatos, & præseruatos refert: nam vinum neruos emollit, ferit, penetrat, percellit; quare inter causas podagricæ affectionis præcipuè connumerat Gal. vini potum lib. 6. Aph. com. 20. neruos enim facillè replet, utpote calidum temperamento, tale siquidem promptè penetrat omnia, præsertim si non ita crassis partibus constet, &c.

Lib. III.

Nec mirum: nam vinum dissoluit vires, artus debilitat, cruditates parit, frigidos morbos gignit, ut Galen. auctor est lib. 3. simp. c. 4. vnde incertus auctor Anthol. epigr. lib. 2. podagram hoc epithero exornat, hoc disticho, quo podagra exponit originem.

*Membra resoluendum Bacchi, Venerisque podagra Corpora dissolvens filia iure vocor.*

Opinor, quia priuat eorum usu membrorum, atque articularum quos inuadit. Alius ita reddidit.

*Soluere membra solet Bacchus, solet & Venus ipsa, Soluere & ex illis nata podagra solet.*

Ob eandem causam vinum, seu Bacchus appellatur, ut etiam Lysius, & Lyæus; nam ex eo non nili vacillatio, ac tremor: sic & Venus, ex quo & Amorem eodem epithero affectit Sappho, illis qui apud Hephæstionem leguntur, vorticulis.

*Amor rursus membra soluens*

*Dulciter, inexpugnabile reptile.*

Vnde plures à vino penitus abstinent, quia turbat mentem, & instigat ad venerem. Quare Poëtæ vinum vocarunt fel terræ, principem tenebrarum; vitem dicentes è semine diaboli in specie serpentis germinasse, cuius acini velut veneni guttæ sunt, quæ de vino nimium sumptis sunt intelligenda, ut notant Diotimus 2. epigram. lib. tit. 6 Theopompus lib. 26. suar. hist. ferè per totam. Consule omniscium Tiraquellum lib. 1. §. leg. connub. gloss. 1. part. 1. §. num. 20. 23. & 24.

Contrà aqua est saluberrima, ut docuit Galen. lib. 1. simpl. cap. 4. in princip. §. Est conuenientissima omnibus hominibus, tam sanis, quam agrotis, & ad vitam maximè necessaria, &c. Ideoque primi illi parentes, 800. 900. annos vixerunt, quod hoc solo salutifero potu vterentur, idque ex sacra pagina liquet manifestè; nam qui post vitem à Noë plantatam vixerunt, breuius vitam cum morte commutarunt. Lege Plutarchum in lib. qui inscribitur, Virum aqua, an ignis sit utilior: & nos plura notauimus in lib. 2. in com. hist. 54. & differit eloquentissimus Ludouicus Nonnius lib. 4. de re cibaria, cap. 1. & maxime si in immoderata sumatur quantitate, quia remanet incoctum, & frigidos morbos parit, tentat artus, & vires eneruat. Quo pacto prudenter asseruit Vallesius in comm. cap. 29. lib. de sacra Philosoph. in fin. §. Iam verò nihil arbitrorsultius, quam senibus caloris augendi gratia vinum abundanter, meracum præcipuè indulgere. Quanto enim vinum calidius est, per se festinò maiori ventris, ac viscerum omnium calore opus est, ut superetur, aliqui à minori acescit, crudumque succum auget, vnde & calorem naturalem suffocat, & morbos innumeros parit, ac mortem properat. Quare vinum esse lac senum non valde probò: censeo enim potius senibus sensim esse dādū dilutius, usque dum in extremo senio constitutis toto vino detracto, detur pro eo mulsæ, aut decocta aqua. Satiùs enim est permittere calori naturali sensim venire ad naturalem interitum, quam vino obruere, & senectam facere miserabiliorē, & breuiorem. Hactenus Vallesius. Ut videas, quot noxas pariat vinum immodicum, vel etiam in senibus, quibus ab omnibus indicatur salutare valde.

Quidni? nonne tempore Galeni eunuchi podagra vexabantur sæpius, qui Hippocr. sæculo ea non laborabant? Audi ipsum lib. 6. Aph. com. 28. hæc verba profanem. Nocent autem & potus multorum, & fortium vinorum, præsertim cum aliquis ea ieiunus potauerit: hæc enim neruosâ substantiam promptissimè offendunt, sicuti & coitus. Etate quidem Hippocratis, pauci quidam podagra laborabant, propter vitæ moderantiam; nostris verò temporibus usque adeo autis edulsi, ut nihil eis addi posse videatur, infinita est podagarum multitudo; quum nonnulli sint qui nihil exercitentur, & cruditatibus, atque ebrietatibus offendantur, & ante cibum assumptum bibant vina potentia, veneris utantur immoderatis &c. De cuius potus varia differentia penes colorem, odorem, saporem, modum substantiæ, latè proferemus multa lib. 4. in com. hist. 18.

Quare ad generandos morbos articularum vinum strenuè iuuat; cuius potus magna est vis ad venerem, quoniam parit libidines, & alios turbulentos affectus excitat, ut legitur apud Ecclesiasticum cap. 31. & 39. Deinde vino-

lentia concitat furorem, & iram, ex quibus irrequieto motu agitati humores in articulos debiles decumbunt. Irā autem sēuos procreari affectus corpus diuersimodē agitantes, diximus *lib. 2. in com. hist. 1. 3.* & testis est locupletissimus Ioannes Gerardus Vossius, auctor sanē incomparabilis, scientissimus, & dicendi facundia clarus *lib. 2. instit. oratoriar. cap. 7. de Ira.*

Insuper temulentia cum Venere plurimum consentit, ita ut vinolenti sint lasciuī, ob multas causas citatas à Tiraquello *loc. cit.* Hæc vitia si copulentur vñā, morbi propullant exitiales, trueulenti, funesti: exemplum habemus apud Hip. *lib. 3. epid. sect. 3. text. 81. & 82. Nicodemi, & adolescentis Melibææ*, qui ex nimia venere, & poculis multis ægrotarunt, & ex illis vnus igni oppressus euasit. Nam, ut Galenus ait, *in com. multa quidem pocula nervis nocent, & origini eorum cerebro*, ut Vallesius explanat luculenter *in com.* Quare ex hoc perennissimo fonte, morbi præsertim nervolarum partium, percussis, & debilitatis nervis, scaturire solent, dummodò excipias ventriculo debiles: nam si illis parcē non exhibeas tenuē vinum, durare nequeunt, ut notat Solenander *sect. 4. cons. 24.*

Deinde Veneris vsus exhausto spiritu, dissipato interno igne, excreta elaboratissima substantia artus eneruat; quare ex eius immodico vsu corporis vacillatio, ac tremor. Venerem sequuntur concussio, motus & concalesfactio articulorum, quibus de causis crudus, & noxiussuccus in artus decumbit, ut notarunt Amat. *1. cent. 99. Crato lib. 1. consil. 17.* quo pacto vsu crebriore veneris debilitas oritur in corpore; nam vacuatur nobilissima substantia quæ ex sanguine fit optimè decocto, confecto, ac digesto; nam ex omni corporis parte verè, & formaliter secernitur semen, ex Aristotel. *4. sect. probl. 22.* ex qua sententia sumitur explicandi ratio, cur morbi quidam sint hæreditarij, quos videlicet parentes in liberos generatione transfundunt, quales censentur phthisis, epilepsia, splenis affectus, podagra, calculus renum, surditas, & alij propositi ab Hippocrat. *lib. de morb. sacro*, quodd bona pars seminis à cerebro, deriuatur. Ob hæc execranda damna ex Veneris immoderato vsu, monet Aristot. *lib. 7. politic. cap. 1.* & tuenculas non esse elocandas, & firmat elegantissimus Paraphrastes Daniel Heinſius, nostri xui phoenix *in com.*

Hac de causa vini, & veneris abſtinentia à podagra plurimos fuisse præſervatos, exemplis illustant Trincauelli *lib. 12. de curand. morb. c. 2. & lib. 3. consil. 37.* Guainerius *lib. de ægritudinib. iunctur. cap. 27.* Legimus (inquit Rhodiginus *lib. 13. antiq. cap. 25.*) quosdam morbo articulari, & podagra vexatos, proſcriptione bonorum, ad simplicem mentam, & pauperes cibos redactos conualuisse: nam diuites podagrici, luxu, deliciis, atque otio affluentēs, vino, libidiniquē dediti, à vino, venerēque abſtinentes, à podagra fuisse vendicatos memoriæ prodiderunt, Porphyrius *in vita Plotini*, Franciscus Alexander *in Apollinis radio primo, in descriptione electuarij Diacoralij*, Vtrum autem in articulorum affectionibus aliquando porrigendum, disceptant Conciliat. *diff. 185. Matthæus in com. cap. 7. tract. 2. Auic. 22. 3. in 9. Et oportet ut dimittat vinum, usque quò sanetur ex eo sanatione integra, & veniant supra ipsum quatuor tempora.* Pro cuius sententiæ explanatione, varia proponit, contra Amat. *1. cent. 82.* Petrus Væzius Lusitanus Doctissimus *in com. medic. cap. 8. in fin. lege Cardan. lib. 1. contradist. tract. 4. contradist. 2.*

## HIST. VLT. RHASIS ET GAL.

### De podagra.

Podagrici, repetitis euacuationibus, & attenuante victu, perſanati.

**E**Rat quidam obesus, frequentis quietis, & superabundantis comestionis, qui passus est ex motu dolorem articulorum, cui præcepi quod in quibuslibet nonaginta diebus faceret

A minutionem, & in qualibet hebdomada purgationem leuem, facientem assellare quater, aut quinquies, & in quibuslibet duobus mensibus laxationem, potentiorē laxatione illa, & procederet in temporibus interpellatis cum minutione, & laxatione; quibus sequens alieniata est passio eius, appropinquando sanitati, ita tamen quod nullo utatur balneo, &c. Rhasis *lib. 20. continent. tract. 1. cap. 2.*

Siquidem etiam podagricos, & arthricos omnes veris initio vacuabis, exhibito videlicet aut medicamento purgante, aut sanguinis missione. Equidem complures ipse sanavi, qui tribus quatuorve annis per intervalla laborassent tumoribus, exundante humore, veris initio vacuatis, aut sanguine misso, &c. Galen. *lib. de curand. rat. per sang. mis. cap. 7.*

B Sed & podagram, & morbum articulare adhuc incipientem, & nondum poros circa articulos facientem, ex tali vacuatione multis iam annis fieri prohibuimus, &c. Galenus *lib. 6. Aph. com. 47.*

Vidi etiam non paucas arthritidas, alias quidem hac victus ratione in totum perſanatas, alias mitiores fuisse redditas, &c. Galenus *lib. de attenuante victus rat. cap. 1.*

## PARAPHRASIS.

**D**E præcautoria euacuatione est in hoc loco sermo, cuius ope, & efficacia, mortales vacuato noxiolucco, qui ex partium debilitate, vel præpostero viuendi ordine progignitur, pacatam, tranquillamque vitam traducunt, Hi enim præsertim si sint pingues, & obesi, & præfrigiditate crudos humores aceruent, sunt præſervandi: nam pinguedo, & obesitas frigidioris, & humidioris temperaturæ est indicium, *lib. art. med. cap. 58.* ob quam succrescit cruditas, quæ est omnium morborum radix, atque origo, ex Gal. *lib. de succor. bonit. & vit. cap. 5.*

Hæc damna patiuntur præcipuè inexercitati, & qui ob otium, & quierem, excrementorum copiam non resoluunt, quæ ex multiplici coctione fuliginosa, vaporoſa, & crassa relinqui solent; exercitatio enim calorem adauget, dilatat vias, coctionis instrumenta viuificat, obſtructos reſerat meatus, ex Galen. *2. de sanit. tuend. cap. 2. & Auic. 3. 1. doct. 2. cap. 1.* quare homo edens, sanus esse non potest nisi laboret, dicebat Hip. *lib. 1. de diet. num. 1.* nam otio rabscent corpora, firmanitur labore, apud Celsum *lib. 1. cap. 1.* probat Aristot. *1. probl. 46.*

Deinde hic cum esset gulæ, ingluuiæque deditus, plurimam excrementorum copiam congestit, quæ indices magis ac magis aucta, in debiles artus confluens, articulorum generauit dolores. Quantum autem noceat ciborum varietas, proposuit Gal. *1. acut. 16.* firmat Plutarchus *4. sympt. 1.* Accedit, quodd doloribus articulorum occasionem dedit motus, qui si sit post nimiam alimenti copiam celebratus, noxas inemendabiles facit. Audi Galen. *lib. de succor. bonit. & vit. cap. 3.* quemadmodum enim omnium maxime commendatur ad sanitatem exercitatio ante cibos, sic à cibis motus vnusquisque vel in primis damnatur, eo quod à ventre alimentum ante concoctionem distribuatur, crudorumque ita humorum vis colligatur in venis, unde genus omne morborum progigni solet, nisi prius aut laboribus pluribus dissipentur ipsi, aut concoquantur, inque sanguinem vertantur, à iecoris, venarumque facultate, &c. Hoc ipsum docet Auic. *lib. de remouendis nocumentis*, qua accidunt in regimine sanitatis, *tract. 4. cap. 25.* Fortis ergo motus, & exercitium nimium post cibum nocet impensè, quia distrahit naturam à coctione, & intempestiuè attrahit alimentum à ventriculo semicoctum ad membra; præsertimque ad artus ex motu concalesfactos, qui crudus cum sit, articularis doloris deinceps causa existit. Si verò Hipp. *2. acut. 23.* & Galen. *ibi, & lib. de dissolut. continua, cap. 1.* Auic. *doct. 2. cap. 1.* motum consulunt post cibum, de paruo, & leui motu sunt intelligendi.

Hanc crudi humoris copiam in corpore congestam, antequam rueret in artus, vacuandam esse consuluit sanguinis missione & purgatione; quæ vacuationes ex interuallis factæ vacuata copia ita naturam leuantur, ut æger alacrius viuens, sanorum mûnia veluti perageret. Vacuatio



Vacuacionem autem per aluum æstimaui amplius, quia nullum vitium erat in artubus; nam si dolor actu vigeret, à forti deiectione abstinere proprus: nam eius vi humores præcipiti lapsu confluent in dolentem partem. Abstinuit etiam à vomitoriis, nam hæc vacuatio minus est familiaris, & violenta magis.

Cæterum multis videbitur difficile, cur in podagrico obeso, crudis succis referto, nativa sorte frigido, quater in anno phlebotomiam consuluerit, si hæc spiritu resoluta, caloréque exhausto, artus exangues debilitat, & enervat? Auget dubitationem locus Galen. lib. 2. aph. 44. dicentis, obesos paucum omnino sanguinem habere, cum totum alimentum verratur in pinguedinem. Insuper obstructionibus facillimè tentantur, & frigidis vitis sunt obnoxii, quæ ex professo citant Haly lib. 1. pract. cap. 16. Auicen. 7. 4. tract. 4. cap. 6. in med. ut sunt Paralysis, Apoplexia, Asthma, Syncope, & mors subita, quæ omnia in tenui corpore vix eueniunt, ex Celso lib. 2. cap. 1. nam plurima sanguinis copia redundat, ex Galen. 6. epidem. sect. 3. comment. 29. Quare si articuli venæ sectione debilitantur, & ad eos imbelles fluxio decumbit, & venæ sectio corpora disponit ad ægitudines frigidas, ex Rhafi 4. ad Almanf. cap. 4. cur ea, præsertim in obesis, pro præseruatione tam frequenter repetita administrabitur? Adde, quod hic morbus diuturnus est, nec ex sua natura periculosus, ut assiduo experimento comprobatur est; & notauit Mercatus lib. 4. de morb. infernis, cap. ult. denegato hoc auxilio, corpora difficilius in hunc morbum incidere: quod præsci monuere in locis multis, maxime Paulus lib. 3. c. 78. rubric. 2. §. Sciam igitur quum quis morbum experiri præsumit capere, sanguinis missio erit tentanda: nam quos iam fluxio frequenter infestaret, ij plus inde noxæ, quam auxilij sentiunt, præsertim quibus corpus est natura frigidius, aut etiam imbecillius, &c.

Huius argumentationis tenebras discute hoc modo, Verum quidem est, hæc salutaria circa venæ sectionem præcepta pro præseruatione podagræ generaliter esse obseruanda: sed cum non curetur homo in communi, sed vnusquisque nostrum aliud temperamentum habens, ut disertè protulit Galenus lib. 3. meth. cap. 8. quum cuiusque naturæ proprietas ineffabilis sit, nec exacta scientia comprehensibilis, sit ut præcautio facta in hoc ægro, à communi degeneret. Erat enim gulæ deditus, otiosus, crudis succis refertus. Hæc omnia, ut ille asserit, frequentem exoptant vacuacionem; hæc ut prosperè eueniat, citra præuiam phlebotomiam celebrari nequit; quæ cum sit ex interuallis facta, non ita debilitat, quia vires in spatio intermedio refocillantur. Hoc monuit Galenus lib. de ren. dignot. cap. 4. & notauit Fernellius lib. 2. de ven. sect. cap. 4. dum sic ait. In omni igitur impura plenitudine, à secta vena auspicanda vacuatio est, sine qua vix quid purgatio decernatur. Etenim medicamentum quod præsertim validius sit, tum calore, tum trahendi facultate humores exagitant, perturbantque, plethoricum corpus in grauius discrimen adducit, &c. Ut verò fausta fieret purgatio hæc toties repetita, in homine obeso, cui angustæ sunt venæ & arteriæ, ad fluidum faciendum corpus necessaria fuit præuia phlebotomia, & maxime in homine laetè viuente in quo nimia sanguinis copia redundat; nam tunc ad præseruandum à podagra summè laudatur, ut aduertit Septalius lib. 7. caution. num. 178.

Obiicies secundò. Cur Auctor interdicit ægrum ab omni balneo, si Auicen. Arabicæque familiz proceres scientissimi, in articulariis morbis ut saluberrimum concedunt, ut Auicen. 2. 3. tract. 2. cap. 7. §. Et non fiat balneatio nisi in aqua thermarum? Dic, quod balneum simpliciter prolatum significat dulcis aquæ lauacrum, ex Galen. 11. meth. 6. & lib. 7. sec. loc. cap. 1. Hoc reprobat auctor, tanquam Mauritanis hominibus assuetum, quia neruos emollit, relaxat, debilitat, ex mente Galen. lib. 11. meth. cap. 20. vnde Auicen. loc. citat. cap. 25. sic ait. Et minorantur in balneationibus, quoniam ipsa liquefaciunt humores, & faciunt eos currere ad iuncturas, &c. Area verò, ferrea, aluminosa, articularum morbis frigidis summè sunt ex vsu: nam roborant, resoluunt, frigidam intemperiem sanant,

Lib. III.

A ex Paulo lib. 1. cap. 62. Actio tetrab. 1. ferm. 3. cap. 167. Oribal. lib. 1. synops. cap. 29. explicant Cardanus lib. 2. contrad. tract. 4. cont. 3. Fallop. tract. de aquis thermalib. in princip. Langius lib. 2. epist. 52.

Thermarum verò aquas ab Auicen. vocari balnea naturalia, præterquam quod nomen ipsum ostendit manifestè, Gentilis, & Iacob. de partibus etiam testantur, in com. Sunt autem Thermæ, aut balnearia, ea loca, quæ aut calentibus aquis, aut ipso sine fornace igne calefacta, lauandi, sudandive visibus sunt destinata. Ea vocat Seneca in epistolis sudatoria, ut notat Antonius Nesbrissen sis, Cicero Hispanus in suo Latino dictionario, litera T. Consule Senecam lib. 3. quest. natural. cap. 24. & in epist. 90. & lib. de tranquillit. cap. 9. Plin. lib. 28. cap. 12. & lib. 31. cap. 4. Antiqui etiam vocabant vnctuarium, hypocaustum, vaporarium, & aliis nominibus nempe præfurnij, piscinæque insigniebant; de quorum apparatu, etymologia, & vsu lege non aspernanda apud Mercurialem, Medicum præstantissimum in lib. de art. gymnastica, in qua, de vngendi ratione post thermas, ex veteribus colliges scitu dignissima. De conditionibus verò ad balnea necessariis citati auctores diligentissimè conscripserunt, interim consule elegantissimum Septalius in com. 3. lib. Hippocr. de aer. & aqu. text. 15. Cardanum lib. 2. contr. tract. 4. cont. 3. & Gabrielem Frascatum lib. 2. de aquis Reurbienfibus, cap. ult.

Ad secundæ & tertiz historiz explanationem accedamus. Podagram non confirmatam, & nondum topheos habentem sanari posse, hoc exemplo docuit Galenus: cum enim in corpore paulatim est congestus humor, præ debilitate partium genitus, eum antequam in artus decumbat, vel venæ sectione, si sanguis abundet; vel purgatione, si alij humores exuperent, extra corpus vacuare oportet. Verè hanc præcautionem vacuacionem esse celebrandam monuit Galen. 6. aphor. 47. ob plures causas citatas lib. 1. in comment. histor. 39. & infra in comment. huius historia latius referemus: nam humores sunt fusi, & vires rectè valent, & verè est tempus saluberrimum.

Pro quartæ historiz interpretatione assero, plurimas, easque non contemnendas vtilitates ex attenuante victu comparari: nam nullum tam efficax remedium medicina habet, quod solitum auxilium asserre queat, nisi ratio victus ei non cooperetur; & eo plus, si sit attenuans, quam plurimis, iisque diuturnis morbis præsidio fuisse, eo loco Galenus inculcat. Cibus enim attenuans incidit, aperit, deobstruit, penetrat, crassos secat humores, exiccat, lentos coquit, terrestres diuidit, eosque tenuatos, per vrinam, aluum, & alias corporis regiones natura alacrior facta, & ab humoris excrementitij copia libera detrudit; quo pacto diuturnis morbis confert eximie, Arthritidi, Dispnoæ, lienis tumoribus, hepatis scirrho, obstructionibus internis, aquosis tumoribus, comitiali morbo, & demum omnibus frigidis morbis remedio est. Victum attenuantem ab omni alimentorum materia desumi posse, latè ostendit Galenus lib. de attenuante victus ratione, per totum. De cuius præstantia, & efficacia, si meliora legere concupiscis, adi Ludouic. Lemosium Lusitanum, virum in Galeni doctrina versatissimum in com. cap. 15. lib. 11. meth. medend. Galen. disp. 8.

E De curatione, & præcautione ab articulariis doloribus, consule per otium, quæ ex facunda veterum, & iuniorum penu proponunt Nicolaus Abrahamus Frambesarius lib. 6. canon. & consult. medic. tract. de arthritid. Deme-trius Pepagomenus, Gulielmus Budæus prop. tract. de arthritid. Ioannes Hagius eod. tit. Lobera, ab Hispanica lingua in Latinam conuersus, lib. de quatuor ægitudinibus aulicis, Forestus, Spigelius, Claudinus, Andreas Laurentius, Æmilius Campolongus, Gualtherus Bruellius, Henricus Garetus, Ioannes Rochelius, Fabius Summerus, Gabriel Frascatus, Nicolaus Dortomanus, Conradus, Gesnerus, & alij propemodum innumeri, qui de arthritidis medela conscripserunt. Nos pro historiarum interpretatione epilogum facimus, non tractatum, per varios Medicinæ campos amoenissimos discurrendi occasionem nacti.

DD d 3

QVÆS.

## QVÆSTIO VLTIMA.

*Utrum in veris initio, aut fine, vacuatio præcautoria celebranda, ut voluit Galenus.*

## COMMENTARIUM.

**V**eris initio.] Et si libro primo, in comment. histor. 39. de præcautoria vacuatione in vere celebranda, obscura (ut reor) facta nobis mentio sit; quia tamen non ambigimus rem multis fore obscuriorem, quem ut facili illius assequantur intellectum, iam hinc, ut quis satisfactum omnibus velimus, atterere pergamus argumentum, vnde nubilum doctrinæ Galenicæ discutitur. Ex eo enim coniectatio erit facillima, quoniam inter anni tempora, ver ad præcautoriam euacuationem tempus est aptissimum, iuxta Hippocrat. 6. aphor. 47. & 7. aphor. 53. & lib. 5. de loc. 2. & alibi, quam sententiam omnes confirmant, nec immerito: nam opportuna censeretur vacuandi occasio ad præseruandum, in qua nondum consistente morbo humores abundant, insuper & mobiles existunt, nec aëris temperamentum, aut natura quidquam resistit. Sed in vere abundant succi, quos hyems antecedens produxit, ob innatum calorem tunc temporis redundantem, & coctiones plusquam in reliquis promouentem; ver ipsum fusione auget, ebullitione mouet, nec suo temperamento aduersatur, quia omni ex parte iuuat, & feliciorem reddit vacuationem, quam robustæ tunc vires ferunt. Ergo conuenientissima est occasio præcauendi à morbis, per vacuationem verno tempore celebratam, antequam morbus sequatur ex humorum abundantia, æstatis fusione multò magis aucta, & viribus debilioribus factis.

Deinde vires conseruantur in verè robustissimæ, (quod pulsus vehementia monstrat, 3. de caus. puls. 6.) & temperatissimum intrà, & extra est corpus, quod sua temperie mulcebræqualiter disponit, vnde salubre redditur, & succulentum; secus quàm in aliis anni temporibus, in quibus diminutionem, vel excessum corpora debilia euadunt. Quo pacto in reliquis anni quadris, hyeme, & æstate, prædictæ commoditates cum non dentur ad euacuationem præseruantem, inde constat, quia hyeme innatus calor, quem naturæ opera temperatum exigunt, frigescit qualitate, & intensione superatur; æstate in qualitate excedit, quantitate deficit, atque ita vires deficiunt notabiliter.

Rursus hyemale frigus humores ad interiora trudens, in viscera adigens, incrassans, meatus angustans, corpus vacuationi reddit ineptissimum; fluidum namque esse oportet, 2. aph. 9. & fluidos vacuandos humores. Contrà æstas corporis dissolutione, & valido humorum tractu ad cutem, purgationi repugnat, simul & temperie sua calidissima omni vacuationis generi resistit, quod significauit Hip. 4. aph. 5. vnde aëris temperiem docent obseruandam omnes, & in immodica abstinendum, ipsius Hip. consilio, 1. aph. 2. & 9. meth. ult. & 1. ad Glauc. 4. & alibi, Auic. 4. 1. cap. 3. 20. & alibi.

Insuper præter dictas rationes, peculiare quædam concurrunt, ver esse eligendum ad vacuationem corporum, quæ moram patiuntur ob morbum nondum præsentem; quarum prima aëris dispositio, plethoræ similis propter humorum fusionem, 1. Aph. com. 17. Atqui in plethora, etiam si morbus non adsit, vacuatio necessaria est, lib. de sang. mis. 7. & alibi. Igitur & in vere expedit vacuare, saltem his quibus ex succorum redundantia morbus timeretur, quique ex ea ægrotare solent. Secunda. Ver est medium inter hyemem humores augmentem, & æstatem ita fundentem ipsos, ut in vasis contineri non possint citra putredinem, aut saltem cutaneorum morborum generationem. Igitur antequam æstate liquentur, & periculose augeantur, minuendi sunt in vere, ut ab imminetibus præcaueatur morbis. Tertia. In verè extorsum mouetur, quiescens per hyemem humor. Ergo ne cum noxa decumbat ad partem illam imbecillam ad

quam fluere solebat, commodè tunc temporis vacuationis artificio ad organa vacuationis deducetur, atque inde extra corpus.

Porro quoniam plerumque vna non sufficit vacuatio, & ob magnam, & frequentem ægrotandi occasionem, & vehementiam causæ, res amplius urget, exigique bis, aut pluries vacuationem in anno, ut prudenter auctor noster huic ægro consuluit, vel secta vena, ut in plethorico vitio; vel purgatione, ut in cacochymia, eam potius in autumno, quàm æstate, aut hyeme frequendam auctores tradiderunt omnes, cum Hipp. 6. aph. 46. præsertim si melancholia abundet, cuius ferax est autumnus.

Cur verò autumnus illis duobus temporibus præferendus, partim ex virium robore desumitur, partim ex mediocritate, in quibus veri ferè assimilatur, ut auctor est Gal. cit. de causis puls. Licet enim autumnus vires reddat debiliores, 1. aphor. 18. & 3. aphor. 9. his qui per autumnum fructibus implentur, & qui ob immodicam gracilitatem, magis inæqualitate huius temporis offenduntur, quàm temperamento iuuentur, tales tamen perpauci sunt: atque ideò à multis reprehenditur Auerrhoes 2. collect. ult. asserens vniuersaliter cum Rhasio 3. ad Almanf. 33. vires in autumno summè debilitari, immò & per illud tempus, quàm in reliquo anno infirmiores esse: nam quamuis inæquale dicatur autumnus intemperamentum, & in eo frigiditas & siccitas dominantur, vitæ nostræ principiis aduersæ, qua ratione mouebatur Auerrhoes; excessus tamen super temperamentum minor est, quàm ut vires vniuersaliter labefacteret, licet à quibusdam, ut diximus cum Galen. 3. aphor. 9. pariter ac in æstate, gracilibus videlicet, parum abstinentibus, & in vitæ intemperantibus, debiles seruentur.

Conueniens ergo videtur occasio vacuandi, in qua vitiosi humores intrò se ad viscera, nobiliâque loca incipiunt recipere, nempe ut ad exteriora, ignobiliâque trahantur. Sed in autumno humores per æstatem vitati, simul & quos ipse ex prauis alimentis gignit, ad interiora trahuntur, 1. aphor. 18. & 3. aphor. 9. internos, ac periculosos generaturi morbos. Ergo præstat eos tunc temporis vacante remedio ad exteriora cedere. Præterea in cacochymia morbis opportunissima est purgatio. Atqui autumnus morbis ex cacochymia assimilatur, 7. aphor. 17. Igitur in autumno aptissima erit vacuatio, maximè per purgationem.

Cæterum quamuis dictæ commoditates ad vacuandum in autumno inuitent, & concurrente simul necessitate cogant; quoad fieri tamen potest, excusanda, tunc temporis vacuatio, præsertim per venæ sectionem, id quod admonuit Auic. 3. 1. doct. 5. cap. 1. de regimine temporum & multa, nec contemnenda incommoda suadent. Primum, quod autumnus æstatem sequatur, exhaustientem vires simul cum humorum copia. Secundum, quod humores non auget fusionem, quin potius concretionem minuit, præ frigore cogens ad viscera. Tertium, introrsum mouet humores, 1. Aph. & 3. cit. pharmacum extra corpus trahit, vnde si exhibeatur, parum feliciter natura repugnante tentabitur vacuatio, & medicamenti ope miscens, si quid in corpore relictum est sanum, & incolume, exusti commercio vitatur, & simul corrumpitur. Quartum, humor per autumnum redundans, tum ex adustione præcedende, tum concretionem frigoris autūnalis, v. plurimum crassus est; is cum non cedat leui medicamento, validum requirit, à quo magis adurit, & inflammatur; præterquam quod pharmacum forte, vires, quas autumnus excepit ab æstate dissolutas, non patiuntur.

Iam verò quantum phlebotomia in autumno verenda sit, ostendit paucitas sanguinis per æstatem exhausti, necdum in autumno ipso reperati; insuper & aëris inæqualitas ostendens imbecillum corpus; denique & frigida, & sicca intemperatura temporis, temperiei sanguinis omnino aduersa, atque eius generationi inepta; quare licet plusquam hyeme, & æstate concedatur vacuatio autumno, quoad fieri tamen potest vitanda, nec nisi re valdè urgente, & cautè celebranda, post pluuiæ descensum, quod

quod significat Auicen. *ubi supra*, virtute aliquantulum A roborata, nec priusquam deponatur humoris ariditas, & meatus laxentur; ver autem tanquam accommodatius eligendum.

Nec obstat quod antea obiciebatur, hyeme nempe atque autumnno innadere morbos internos, ac proinde tunc temporis, vel saltem in æstate ab illis esse præcauendum; opportuna siquidem est proximè ante morbum præcautio, quemadmodum opportuna imminente accessione per vacationem reuulsio, vt notauit Auerrhoës 6. collect. 15. quando iam aliquod signum ægritudinis sese ostendit: nam licet autumnales, hyemalésque morbi maiori ex parte interni sint, ob humorum recursum ad viscera, & interiora corporis; sint è contra plurimi eorum qui vere, & æstate accidunt, exteriores, propter humorum tractum ad exteriora, & cutem, atque B aded tunc curari oporteat, non expectato vllò anni circui: præcaueri tamen tunc per euacuationem non debent, nec commodè possunt, ex causis supra adductis, & commoditarum defectu quibus ver præ omnibus pollet; atque ided autumnum etiam timemus ad euacuandum, etiam præsentè cacochymia, prauorum humorum copia, & ægorandi periculo.

Hæc ita recipienda sunt, vt intelligantur de his, quæ vt plurimum obseruari oporteat, (nam vt plurimum etiã morbi per interualla agredientes, in vere pullulare solent 6. aph. 55.) non perpetuò, & semper, si fortè in aliis temporibus morbus per interualla, ac frequenter adoriatur, non semel tantum in anno per ver, sed & per autumnum etiam, immò & si res amplius urgeat, pluries, & quocunque tempore vacuandum, prout exigit necessitas, cui aliæ leges succumbunt. Licet enim requisitæ conditiones in aliis tēporibus non dentur æqualiter, nec omnino opportunæ ad purgandum, vel sanguinem mittendum, ipsa tamen necessitas eas operationes quouis tempore facit opportunas; quin & opportuna, tempestiuæque censetur morbi per vacationem cautio, quæ ægotaturo iam homini, & aucto humori ad generationem adhibetur, sicut imminente accessione conueniens etiam per euacuationem censetur reuulsio. Vnde non contemnendum, sed recipiendum potius, & in opere obseruandum iudicium Auerrhoës 6. collect. 14. existimantis ferè per annorum hebdomadas, vel dimidias, præcautionis gratia, non semel, aut bis tantum in anno, vacuandos illos qui frequenter ægotare solent, videlicet quia rarum (inquit) est, vt quis quotannis ægotet, frequens vt per annorum hebdomadas, saltem 11. qui cum ad morbos sint procliuēs, intemperanter viuunt, exactam regiminis rationem negligentes; reliqui non ita frequenter ægotare soliti, sanitatis tempore contenti sint vna vacatione, eaque in vere celebrata. Consule de argumento hoc inter omnes Ioannem Brauum Petrasianum, celeberrimæ Salmaticensis Scholæ Professore eximium lib. 2. de purgand. rat. cap. 4.

Sed quænam potissimum veris pars eligenda, dubitatio est non exigua, apud Hip. interpretes, 6. aph. 47. Sed inter omnes, recitanda est primò Galeni sententia, dum eo loco docet, veris initium accommodum esse, tam ad sanguinem mittendum, quàm ad pituitosos, melancholicosque humores expurgandos; solum tamen in biliosis finem præfert. Causa vna est, quoniam tunc cum abundant, nec deest sufficiens præparatio, vacuandi sunt humores. Sed melancholici, pituitosi, & sanguinei humores multiplicantur, & augentur per hyemem; præparantur, & funduntur sufficienter veris initio. Igitur tunc commodè sunt vacuandi. Bilis autem è contra, cum paucissima generetur in hyeme, accrescat autem veris progressu, in illius fine purganda, antequam per æstatem nimis aucta solitos morbos inducat. Altera causa. Tempestiuè fit (vt diximus) per euacuationem cautio proximè ante morbi inuasionem. Atqui pituitosi morbi, & melancholici post primam veris fusionem eueniunt, sanguinei paulo post, biliosi ad æstatis initium. Igitur hos ad veris finem, illos ad initium opportunè cauebimus vacuando.

Nec obstat, quòd lib. de curand. rat. per sang. mis. cap. 7. vniuersim in omnibus siue purgandum sit, siue sanguis mittendus, veris principium eligit: nam ibi frequentem occasionem docet; in aph. autem vnamquamque seorsim exactius definit. Quòd si obiciās, humorem crassum longiori attenuazione per veris calorem indigere, ad hoc vt commodè vacuari possit; atque aded seriùs quàm biliosos, purgandos esse melancholicos humores, & pituitosos. Dic, hos magis attenuari, magisque paratos reddi processu veris: sed quia maior est ea quæ sumitur ab imminente morbo indicatio, vacuantur in initio ante morbi euentum; nam tunc iam sunt sufficienter fusi, & commodè parati. Bilis autem purgatio non differtur in finem, vt maior attenuatio expectetur, sed illius generatio; paucissima siquidem in hyeme multiplicatur, quòd si aliquando multa hoc tempore aceruetur, (feri namque potest, 4. aph. 4.) atque eius attenuazione, & augmento, morbus incunte vere timeatur, opportunè etiam tunc expurgatur.

Nec obstat secundò, si opponas Galeni sententiam, lib. 1. aph. 15. referentis, vulgus sibi, & iumentis sanguinem in fine veris detrahare, ad cauendum periculum, ne æstate fundantur succi, quamuis enim in iumentis id vtiliter obseruetur, propter ebullientem tunc ex viridi pastu serosum, & tenuem sanguinem, perperam tamen homines obseruant, venam ad finem veris secantes, iumentorum exemplo delusi.

Nec obstat tertio, quòd veris initium simile sit hyemis fini, 4. acut. 1. & prohibeantur ab Hip. tam in epid. quàm in lib. de aere & aqua, cauteria, & purgationes in duobus æquinoctiis: nam sat erit duos, vel tres dies obseruare, in quibus non moueamus, ob exiguitatem mutationis in æquinoctio; licet Auic. non cauerit, immò præcipiat, quòd si per autumnum vacuandum est, fiat vel in æquinoctio, vel proximè: quod recipiendum, dummodò necessitas urgeat, quia eius indicatio fortior est, vt doctè explicuit Vallesius lib. 7. cont. ult. & scitu non indigna protulit Cardanus lib. 2. contradict. tract. 5. cont. 5.

Porrò cum præcautio ante morbum conueniat, & sanis debeat, vt illius beneficio impendentes morbi prohibeantur, quærendum est quibusnam sanis conueniat vacuatio, & à Gal. quidem in explicatione cit. aph. & lib. de curand. rat. per sang. mis. cap. 7. quadruplex recensetur differentia sanorum, qui per sanitatem vacuari postulant. Primi sunt, quos aliquot iam retrò annis morbus aliquis per interualla corripuit, arthritis, podagra, comitialis, pleuritis, &c. mirè enim in talibus anteuerrens per sanitatem vacuatio morbum prohibet, & vetat generari. Secundi sunt, quos insignis, & metuendus morbus tentauit, vt elephantiasis, sed propter adhibitam curationem firmatus non est: verum licet à præcipiti immedicabilis morbi periculo euaserint, nisi tempestiuis vacationibus impetum humoris aliò diuertamus, & seminaria mali extra corpus pellamus, non leue periculum est, ne denuò innadens occupet, & obtineat. Terrij, nec morbo aliquo sæpe correpti sunt, nec magno aut immedicabili tentati, aliquo tamen habitu sunt ad morbum appposito, quia hæreditate contraxerunt seminaria articularis v. g. morbi, phthisis, vel comitialis; aut ipsa corporis structura, aut valida cuiuspiam partis intemperatura eos constituit morbis obnoxios, & pati faciles, atque in his quidem cauendi, timendique sunt lapsus, qui in prioribus experimentis visi sunt. Quartò, sanorum genere comprehenduntur illi, quibus suppressa est consueta aliqua vacuatio mensium, hæmorrhoidum, aut diurni vlceris; vel restitit solitus fluxus; vel insigne membrum est abscissum: par enim est, vt reventa abundantia decumbens in partem aliquam corporis insigniter offendar.

Quæ quatuor hominum genera, si incolumitati, vitæque suæ consultum volunt, dum adhuc sani sunt, impendentes morbos anteuertere oportet, & cauere ne fiant, expectando tamen aliquod plenitudinis, vel morbi symptoma, quod monent Galenus cit. de sang. mis. 7. & Auer. 6. collect. 15. Adde præter sanos, quatuor dicti

generibus comprehensos, vacuatione etiam aliquando A tractandos, qui licet incolomi, & robusta valitudine fruuntur, tamen ostendunt in se modò, vel plethoræ, vel cacochymia indicia, ex Hip. 1. aph. 3. & cit. loc. & alibi passim.

Num verò & illi, qui integra omnino inculpatâque fruuntur sanitate, non soliti incidere in periodicum morbum; non tentati insigni, atque immedicabili; non proclives à natura ad morbum; non assuetam vacuationem intermittentes, sed integra & totius, & partium valetudine præditi, non hæreditario iure contrahentes lærens

morbi seminarium; denique neque cacochymia, aut plenitudinis vitia ostentantes, num (inquam) tales per quædam annorum spatia expediat vacuare, erat consequenter differendum: sed quoniam tibi, Lector optime, nimis iam sum fortasse molestus, ideo ab hac quaestione explicanda supersedeo. Qualiacunque tamen sint ludicra hæc, velim diligenter explores, quorum (nisi fallor) dulci sapore delinitus, animum tuum recte, fove, reco, cilla: nam ego ad quarti libri historias explanandas iam accedo, in quibus de febrium essentia, differentiis, causis signis, prælagio, & curatione apprimè dissero.

## FINIS LIBRI TERTII.



ZACUTI





# ZACVTI LVSITANI,

## DE MEDICORVM

### PRINCIPVM HISTORIA,

#### LIBER IV.

*De februm essentia, differentiis, causis, signis, prognosi, & curatione.*

#### PROLOGIV. M.



INTER plurimas affectiones quibus subsunt mixta, frequentissimus morbus, febris est, omnique ætati, regioni, morbo, tempori, sexui, complexioni valde familiaris, vt eleganter *lib. 3. sui operis, cap. 3.* Cornelius firmat; immò hostis infestissimus, diligens, irrequietus, audax, temerarius, vitæque fontis avidus, per vniuersum corpus sæuiens, nemini parcens, abdita & abstrusa claustra penetrans, & adeò humanam compagem depopulans, vt huic soli

prisci inter morbos reliquos, diuinos ac sacros tribuerint honores, & ceu numini cuidam placabiles hostias immolarent assidue, vt ab eius tyrannide vindicarentur. Hæc, ex Galeno *6. epidem. sect. 1. com. 29.* non secundum Hippocratem modò, verum secundum omnium hominum intelligentiam, est præter naturam caliditas, in totum animal extensa; sin minus, in plurimis, & maximè in præcipuis partibus eueniens: & *lib. 1. aph. 16. & 1. de rat. vict. com. 18.* febrem ait esse conuersionem natiui caloris in igneam naturam: & *lib. 8. meth. 1.* febrem vocat, quum adeò immodicè calor auctus est, vt hominem offendat, & actiones lædat: & *lib. de caus. morb. 2.* calorem in totum sparsum, appellat febrem: & *lib. 4. de caus. puls. cap. 2.* calorem immodicum, totum corpus occupantem, febrem dici, disertissimè inculcat. Aristoteles *lib. 1. probl. 2.* totius corporis superantem calorem, appellat febrem. Auicenna *1. 4. tract. 1. cap. 1.* rectè definit, *quòd sit calor extraneus accensus in corde, ab eo procedens, mediante spiritu, & sanguine per venas, & arterias in totum corpus.*

Cum ergo calor præter naturam cordis vitalem firmitudinem lædens, cum omnibus morbis complicetur, & maximè cum acutis, quorum vi plures occumbunt, *1. acut. 8.* fit meritò, vt post omnes affectus, qui humanum corpus infestant, de eo dignam celeberrimus commemorationem. Quo pacto quartum hoc volumen à febribus exorsi, singula eo ordine quo paulò antea recensuimus, prosequi consilium est. Et licèt non ignoremus vniuersales morbos particularibus, lege methodi, haud postponi debere, visum tamen est mihi auctorum ordinem sequi, argumentum hoc post reliquorum morborum tractatus, proponentium. Deinde in febribus varia historiarum illustrium exempla, & plura alia admirabilia contingunt, vt si hæc in rectum artis vsum contempleris, plurimam lucem tuis medicationibus afferas, & his munitus, debellantium, sæuorum, malignorumque morborum impetus, cum quibus ferè semper complicatur febris, præest, aut superuenit, coërcere, & insipientium symptomatum effrænes vires retundere, illorum furiosam efficaciam refrænare, atque mira sagacia & dexteritate Principum facunda doctrina instructus, auertere possis.

Nam excellens omnino fuit priscorum Medicorum ingenium, ex quorum monumentis historiarum, pro salute mortalium pari excellentiæ laude dignissimæ, exierunt in lucem; ex quibus ingeniosis, breuibus, argutis summam hauries vtilitatem, ex tam multis, quæ illi expertissimi auctores per historias aut fecere scribenda, aut scripsere legenda. Ergo, charissime Lector, non cesses ad illius opem confugere: nam præterquam quod est gratissima, & iucunda, est etiam Medicis vsibus apprimè vtilis, & pernecessaria.

# HISTORIA I. CELSI, DE FEBRI DIARIA.

Diaria febris ex ebrietate orta, aquæ  
frigida potu, sanata.



**R**egō etiam ingeniosissimus sæculi nostri Medicus (quem nuper vidimus) Cassius,\* febricitanti cuidam, & magna siti affecto, quum post ebrietatem eum premi cœpisse cognosceret, aquam frigidam ingessit: quia illa epota, cum vim vini miscendo frégisset, proxinus febrem somno, & sudore discussit, &c. Cornelius Celsus in præfat. ad libros de re medica suos, iuxta finem.

## PARAPHRASIS.

**E**xecrandam esse ebrietatem, ex qua omnis morborum farrago scaturire solet, latè ex veterum, & iuniorum mente prædiximus lib. 2. in com. hist. 72. Ex nimia enim potatione non solum omnis generis febres, sed grauissimos affectus suboriri, docuit Hippoc. lib. 7. aph. 7. Nam non solum capite oppleto multo sanguine, ac spiritu calido, sed toto corpore efferuescente, februnt ægri, & deinceps (vt explicat scitè Heurnius in com.) si reuiuiscant, morbis frigidis tentantur ægri, obruto nimia copia calore natiuo, vnde conuulsio, stupiditas, & alia damna emergunt, quorum syluam legat qui velit apud Arist. lib. 3. probl. ferè per totum, explicant Laconicè Hollerius, & Durerus lib. 1. de morb. intern. cap. 3. fusissimè, & appositissimè Canonherius peritissimus lib. 3. de admirandis virtutibus vini, ferè per totum.

Hoc enim vitium est tam nefarium, vt potentias omnes conturbet, cerebrum concutiat, & vaporibus continua fuligine ex repleto ventriculo exhalantibus vellicet, ac feriat, vnde spiritus animalis turbatur, vitalis ebullit & efferuescit. Hinc vagabundi, & instabiles cogitationum motus sine iudicio, sine ordine scaturiunt, impediunturque omnium sensuum, & membrorum actiones; quare nec oculus, nec manus suum munus exercent. Quapropter non est denegandum, multis modis præcludi, crudis illis, densisque fumis, quos membra nutritioni seruientia à nimio potu exhalant, quominus ad partes inferiores transmittantur; ex eo temulentia, cerebri, naturalium, & animalium partium firmitudinem labefactat.

Hæc multis firmare possem, quæ licet à summis illis Philosophis sint agitata, modò ea Laconicè perstringam: nam Stromateus lib. 2. pedagog. cap. 2. necessarium potum naturalem ac sobrium, aquam esse tradit, vino vtendum temperatissimo statuit, denique hic auctor grauissimis verbis inuehitur in ebrietatem: nam aqua est concessa ob necessitatem; vinum, iuuandi corporis gratia; quare Barbari, hoc est Thraeces, Celtæ, Iberi, Scythæ, nationes efferæ ac bellatrices vehementer abhorrent vinum. Ebrietas enim fatuos reddit, & insanos; quare Plutar-

**A**chus lib. de garrulit. insaniam contubernalem vocat ebrietatem: vnde sapienter apud Chinas vetitum iudicibus esse, antequam causas audiant, vel definiant, vel guttam vini absque Regis imperio bibere, refert histor. Chines. lib. 3. cap. 10. explicant Plut. lib. 2. sympos. quest. 1. Cyrus lib. pedag. 1. Samius lib. hist. 7. apud Athen. lib. 10. cap. 11. Dionysius Areopagita epist. quadam ad Titum, non valde longè à fine. Menander apud Athen. lib. 10. cap. 14. Anacharsis lib. de ebrietate, Nonnus lib. 13. de vinolentia. Sed quid plura confector, ac colligo, quando ex ebrietate morbi contingunt funesti, exitiales, & qui citissimam opem Medici expostulant. Quamobrem sapienter Callisthenes apud Plut. 1. decad. quest. 6. symp. & lib. de frand. ira, & lib. 10. cap. 11. Athen. cum ei poculo grandi meracum in Alexandri conuiuio ordine suo bibendum offerretur, recusauit hac ratione, nolo in Medicorum per temulentiam manus incidere, aut nolo Æsculapio indigere: ô Alexander. Denique nullus esset finis orationi nostræ, si omnia quæ ab auctoribus de noxis ebrietatis sunt prolata, narrare aggrediar. Quare velut te manu duco ad lib. 2. elegantissimum Pauli Zacchiæ Medici omnium calculis doctissimi, quest. 11. medic. legal. & Arnaldum in regimine Salernitano, cap. 15. de incommodis nimia vini potationis.

**C** Hanc ergo febrem fuisse diariam ex duobus patet aperte, & quod à causa primitiua, & externa ortum duxit, à qua diarias oriri infra, ex Galeni mente confirmabimus, in com. hist. 6. & quod citò alterantibus cessauerit. Et licet Cornelius Celsus lib. 3. c. 5. existimet diarias, vt pote simplicissimas, vix dicendas esse morbos, quoniam sponte suæ, & vel nullo adhibito præsidio cessant, quia spiritus suapte naturæ tenuissimi, qui in hac febre accenduntur, facillimè resoluuntur: tamen magna diligentia esse curandas, ne in corporibus præsertim impuris & calidis, in putridam, vel hecticam transeant, monuit Galen. in lib. 8. meth. & alibi sæpe, & omnes auctores eius mentem vnam nimitè confirmant.

**D** Plura sunt auxilia ad curandam ebrietatem, quæ à Medicis præscribi solent: sed aduertere primò debes, crapulam distingui ab ebrietate, ex Galen. lib. 4. acut. com. 90. nam etsi confundantur inter se multoties, tamen ebrietas significat eam turbationem, quæ vno tantum die durat, crapula quæ pluribus premere solet. Rursus ebrietas est duplex, alia in qua neque animus, neque corpus quicquam operari potest, & de hac intelligendus Hip. 5. aph. 5. alia est, in qua licet animus sit sopitus, corpus tamen aliquid operatur, de qua intelligendi Arist. 3. probl. 2. & 28. & Plutarch. 3. quest. conuiual. cap. 8.

Ex his omnibus solet oriri diaria, eo quod calore à vino inducto, ita spiritus incallescunt, vt febris concitetur. Curatur, vt inquit Auic. 1. 4. tract. 2. cap. 42. clysteri, vomitu, phlebotomia, somno, fame, quiete, & corporis tranquillitate, lenientibus aluum, & prouocantibus vrinam. Sed Auic. 1. 3. tract. 2. cap. 24. de foda, ex ebrietate

ebrietate, si adest incendium internum, sanguinis missio-  
nem laudar ad attemperandum cauma internum. Cassius,  
vt refert hoc loco Celsus, incendiū in visceribus persen-  
tens, nullo alio poruit citius, & promptius succurrere  
auxilio, quā aqua potu: & merito sanē: nam si post  
aquam subito haustam, & lethales dolores efficientem,  
meri potus salubris est, ex Dioscoride lib. 6. cap. 3. Auic.  
6. 4. tract. 1. sum. 1. cap. ult. Sic post copiosum vini potum,  
frigida est ex usu. Ita Paulus lib. 1. cap. 13. ad ebrietatem,  
aqua libealem potum superbibere iubet, & lib. 3. cap. 4.  
rubric. 6. idem confirmat. Ita Galen. lib. 2. sec. loc. c. 1. tit. de  
iis quae Apollonius ad capitis dolorem, ex ebrietate, & me-  
ri potu scripsit, aqua potum vehementer extollit, quo-  
niam sua frigiditate febrilis ætus ardorem compescit, &  
sic refocillat naturam, quæ rot orata vel superabundan-  
tem copiam vini per vomitum expellit, vel eius tenuio-  
rem partem per sudorem detrudit.

Multa sunt quæ præseruant ab ebrietate, vel occulta  
vi, vel qualitatibus manifestis, vt brassica, hederæ ramu-  
li, rosacea, laureæ, myrthæ, & hederaceæ coronæ, quæ  
vim habent vapores reprimendi, quia mitis aura florum  
naribus hausta succurrit, caputque ab ebrietate propu-  
gnaculi vice tutatur; nam si calidi sint, laxant spiracula,  
à quibus vinosus euadit vapor; si frigidi, noxios halitus  
repellunt, somnos mulcebre alliciunt, & ad placidam  
quietem potos perducunt. Pulvis pumicis, cremor ab-  
sinthij, portulaca, crocum, lactuca, folia lauri, amygdala  
amaræ, (quarum ope, multa vini copia ingesta, madi-  
dos arcere ebrietatem, Plutarchus Charoneus putauit  
lib. 1. symp. quæst. 6. qui apud Drusum Tiberij Cæsaris fi-  
lium, quendam Medicum comessari solitum retulit, qui  
omnes bibendi certamine prouocabar, nemini que ce-  
debar in vini potu. Is tandem deprehensus est antequam  
biberet, quina, senaue amara comesse amygdala, quomi-  
nus temulentia tentaretur: porro cum deuorare vetuif-  
sent, ne paucillum quidem in huiusmodi potu resiste-  
bat. Nam hoc auxilium amaritudinis vi desiccet, & hu-  
morem absumit, vt Athenæus putat lib. 1. de symp. 2. pag.  
41.) betonica: quæ omnia præseruare ab ebrietate, protu-  
lit Arist. sect. 3. probl. 17.

Deinde ebrietatem inductam plura sunt quæ persua-  
nant, quorum ope, ac beneficio ebrij commodè ad so-  
brietatem reducuntur: ex horum numero est oxycra-  
tum, hoc est, acetum aqua mixtum, quæ à Latinis po-  
sca, Græcis recentioribus phusca appellatur; quæ si sim-  
plici ratione construatur, refrigerat, & humectat, & fri-  
gidum natura cerebrum, ab ardore & incendio vini,  
tuetur ac defendit. Radix ari ebrietatem discutit, & alia  
quæ passim à Medicis describuntur. Consule Iason. Pra-  
tensem lib. de morb. cerebri, & Ioan. Ionsionum classe 10.  
thaumatograph. art. 5.

De brassica vulgaris fama est, ab antiquissimis Medi-  
cis deducta, quod summo cibo sumpta crapulam discuti-  
at, & vini noxam restinguat: hoc ita esse primus om-  
nium prædixit Dioscorides lib. 2. cap. 11. 2. quoniam vitis,  
& brassica tanta laborant discordia, vt si in agris olus hoc  
affixum viti profiliat, vel ipsa confestim emarcescat, vel  
certè sarmenta eius elanguescentia contabescant. Si  
brassica fuerit vicina vitii, luxuriantes eius palmites po-  
tius repandi curuabuntur, quā recti velint propius ac-  
cedere. Similiter si quis feruescenti in olla brassicæ vi-  
nupaululum guttatim instillauerit, ne ampliùs quidem  
excoquetur, sed suis viribus defuncta ad perniciem tra-  
hetur: quare qui multum hauriunt vini, vt qui certa-  
mine potandi se prouocant, ne temulentia tententur,  
brassicam crudam cibus anteponunt. Sunt etiam qui fre-  
quenti syrupo vtuntur ex brassicæ succo cum saccharo  
parato.

Quæris causam? Ad Arist. qui 3. sect. probl. 17. ratio-  
nem subdidit, quod dulcem succum, discurrentemque conti-  
neat: eaque in plenum excocta, & expurgato caule refrigera-  
ta, Medici vehementes ventris deiectiones moluntur; quo fit  
vt iis qui crapula tentantur, succus humores in aluum eliciat.  
Crudis etiam humoribus, temulentis que supra in ventriculo  
remanens, corpus refrigerat, fitque vt humores per urinarios

Ameatus euadentes ad vesicam delabantur: qui cum vtrinque  
abigantur, refrigerato corpore, eos liberari ca-  
nia conspiciunt  
est, præsertim cum sequax vini vapor, humoribus deorsum  
conuersis deuocetur, & præcepta ad ima deuoluatur, qui sese  
effertens in caput, mentis arcem obsidet, & temulentiam, gra-  
uitatemque creat. Lege Villanouanum in Schola Salerni-  
tana, cap. 57.

Porro licet hæc sint vera contra ebrietatem amethy-  
sta, quando scilicet merum caput occuparit, arcemque  
sensuum obsederit, & sic mirum in modum conturbatur  
homo, quia ab eis expirat lenis aura, ac blandum odoris  
effluuium, quo in temulentorum corporibus inæqualita-  
tes obortæ, asperitudinēque sensum dissipantur, ac ita  
exteruntur, vt conciliata tranquillitate, crapula retunda-  
tur, ac excoquatur; tamen aqua frigida super ita fu-  
rentes vapores in cerebrum elatos compescit, cauma in-  
ternum mitigat, & somnum placidum inducit, cuius ope  
recreata natura superfluum vaporem per sudorem elimi-  
nat. Audi Dioscoridem lib. 5. cap. 6. Noxia omnis ebrietas,  
præsertimque continuata, cedunt enim nervi, quotidiana velut  
obsidione laborantes: ingeneratque copiosus quotidie vini po-  
tus, acutorum morborum principia. Oportet tamē post vino-  
sitatem hanc aquam bibere, ab ea enim veluti contraria cura-  
tione, auxilij ratio aliqua querenda est, &c. & vt doctè ex-  
ponit Marcellus Virgilius in com. post vinositatem super-  
bibita aqua, & ea quidam copiosa, summum remediū est, vt  
vomitu quamplurima reiciamus, & erosiones stomachi ea  
ratione hebetemus. Si tamen de curatione ebrietatis, & vi-  
tiis ab ea subortis, plura legere aues, lege quæ proponunt  
Iacobus Othæus in obseruationibus propriis, c. de ebrietate,  
Langius lib. 1. 1. epist. 30. Holler. & Durer. lib. 1. de morb.  
intern. cap. 3.

Sed his prælibatis, plura sunt, quæ explanationem  
desiderant. Primum, quo signo ductus Cassius, hunc  
ægrum ex ebrietate febrile cognouerit? Dic, multa esse  
quæ ebrietatem ostendunt, vt citati protulere auctores.  
Ea sunt sudor longè consueto copiosior, respiratio diffi-  
cilis, corporis grauedo, cephalalgia, tremor, vertigo, vi-  
sus geminatio, vt Arist. recitat in probl. 10. sect. 3. lachrymæ  
inuoluntariæ, linguæ incontinentia, balbuties, in risum  
procliuuitas, importuna locutio, inflatio venarum capitis,  
oculorum rubedo, propensio in somnum, deliria, stupi-  
ditas, frequens oscitatio, febris, delirium, & alia, quæ om-  
nia varia in variis apparent, secundum temperamentum,  
humorum qualitatem, copiam, ætatem, temulentia gradum,  
vini quantitatem, qualitatem, ebrij naturam, consue-  
tudinem, stomachi debilitatem, ac robur. Lege Cælium  
Rhodiginum lib. 28. lect. antiquar. cap. 33.

Secundò quæro; Num sicut vir hic tentatus ebrietate,  
in febrim incidit, possit etiam femina inebriari? Respon-  
det Macrobius lib. 7. Saturnal. c. 6. Aristotelem voluisse in  
libro de ebrietate, mulieres raro ebrietate totari, crebro senes:  
nam contrariā naturā sortita sunt muliebri corpus, & seni-  
le. Mulier humectissimo est corpore, quod lenitas cutis, splen-  
dor, assidue purgationes, superfluo exonerantes corpore humore,  
ostendunt manifestè: cum ergo vinum in tam largum humo-  
rem ceciderit, edomitum, vim suam exuit, & fit dilutius, nec  
facile cerebri sedē ferit, deuictio, & prorsus extinctio eius vi-  
gore. Demum femineum corpus pluribus confectum forami-  
nibus, vias prabet vaporibus vini, celeriter sic euanescit. Senes  
autem omnium minimè copiam ferunt; cum enim arido sint  
corpore, atque exsucco, caloreque debili, largiore vini potum  
offenduntur, & sic haustum vinum senile corpus non expirat,  
sed ad ipsam mentis arcem ascendit; quare senes vitii ebrio-  
rum laborant, membrorum tremore, lingua titubatu, obliuione,  
loquacique garrulitate, quibus tam subiaceant iuuenes ebrij,  
quā senes sobrij. Si ergo leuem pertulerint impulsus vini,  
non accipiunt hac mala, sed incitant, quibus ætatis ratione, iā  
capri sunt. Sed pace tanti viri, hæc solutio à veritate  
abest: nam etiam senes crudis succis scatent, & redun-  
dant pituitæ copia, à cuius humiditate dilui potest vi-  
num. Deinde ebrietas concitatur à vino, quia sua cali-  
ditate, tenuitate, & euaporatione cerebrum perrepat,  
quæ in senibus non ita facillè contingunt: nam præ de-  
bilitate innati caloris non ita vinum ebullit in stomacho,

nec halitus in cerebrum emittit, & hæc ratio superat aliam, quæ ex debilitate cerebri, in senibus facile vapores recipientis, à Macrobio pro firmissima habetur. Quapropter asserendum est, feminas vini potui assuetas, facilius senibus ebrietate tentari, quia calidiores: nec vapor vini, per raram corporis contexturam, ita citò exhalat, ut simul sursum in cerebrum non penetret. Ergo contrarium asserit Philosophus, naturalem mulierum consuetudinem respiciens: nam ex parum, aut minus bibunt, quam viri. Lege Forest. lib. 9. obs. 28. in schol. Tiraquel. de legib. connubial. glos. 1. part. 9. num. 210. Canonherium elegantissimum lib. 3. de vini facult. admirand. cap. 1. num. 17. qui aliis machinis contra Macrobiu inuehitur.

Tertio quæro. Si diaria, est febris veluti immaterialis, & habet pro materia spiritus tenues, calidos, siccos, qui ob subtilitatem resolvuntur, & ob siccitatem, humoris sunt exortes, cur calor diu durat in illis, cum facile evanescant? Dic, sumpto aliùs dicendi exordio. Licet multiplex sit febrium differentia ab accidentibus desumpta, quas Galenus commemorat eleganter lib. 6. epid. sect. 1. com. 29. differentiam à materia desumptam omnium esse celeberrimam, & vltimatissimam, eo loco, & 1. feb. 1. cum Auic. 1. 4. tract. 1. cap. 1. inculcat. Quare cum tria sint, quæ nostrum corpus constituunt, ex Hip. 6. epid. sect. 8. text. 8. ut citato de diff. feb. loc. retulit Gal. continentia, cõtinentia, & impetum facientia, hoc est, solidæ partes, humores, & spiritus; sic erunt tria febrium genera, in his tribus substantiis accensa: nam si immodicus, ac præternaturalis calor in spiritibus accendatur, fit diaria; si in humoribus, putrida; si in solidis, excitatur hectica. Et hæc sunt propriæ, & essentiales febrium differentia, immediatæ, proximæ, & principales: aliæ verò si dantur, à calore in aliis partibus accenso desumptæ, mediatae sunt, remotæ, secundariæ, & ad cæteras febres reducendæ, ut illa quæ concitatur à calore præter naturam, vel putredine lactis, seminis, ichorosa substantiæ, puris, stercoreis, vermium, grumi, urinae, membri putrentis, quatuor humiditatum quas inuexit Auicenna 1. 1. doct. 3. cap. 1. Consule Gentilem in extranagantib. quæst. 20.

Diaria ergo dicitur, quia vno die durat; appellatur etiam ephemera, à similitudine cuiusdam animalis ephemeri vocari, cuius meminit Arist. lib. 3. de hist. animal. c. 19. est animal volucte, & quadrupes, à quibusdam veluti folliculis erumpens, quod in pomeridianum vsque tempus diei vivit, & volat, mox descendente sole marcescit, & occidente languet, & emoritur. Assimilatur hæc febris vento calido vtri incluso; ut enim ille vitem, cui includitur, calefacit, sic spiritus plus iusto excafactus, vniuersum corpus, in quo continetur, accendit; & cum sit subtilis, & in opere resoluatur, alios de nouo genitos tandem inflammat, & sic vna die calorem sustinent durante, & fixum, qui ad rationem febris huius satis est.

Quarto quæro. Si febris est passio viuientis, quomodo illa potest accendi in spiritibus, si hi non viuunt? Siquidem verum est, in carentibus vita impossibile esse fieri sanitatem, & morbum, prout protulit Philosophus lib. de sensu, & iis quæ sentiuntur, c. 1. Spiritus autem viuere non posse constat, quia nullam ex se depromunt virtutem, sed tanquam delatores facultatum, vires ad membra deferunt, excepto tantum genitiuo, seu implantato, quem alente vita viuere affirmat Arist. lib. 2. de generat. animal. cap. 3. ob id quòd vim habeat generandi, & iam genitas partes nutriendi, & augendi. Dic, quòd licet spiritus non viuant, dicuntur tamen subiectum inhesionis, quamuis subiectum denominationis partes solidæ constituentur.

Quinto quæro. Cur ex calore vini, & effervescencia interna potius spiritus sunt inflammati, & orta diaria, quam humores, vnde febris humoralis originem ducit? Dic, quòd licet febris humoralis, & hectica, in initio possint incipere nulla præcedente diaria, quia hæc substantiæ aptissimæ sunt ad suscipiendum incendium; & nullum agens sine passi aptitudine agere potest, ex Gal. lib. 1. feb. cap. 4. tamen ferè semper præcedit diaria: nam prius cale-

fiunt spiritus, quia tenuiores, & promptius alterantur; omnis siquidem substantia tenuis, facilius alteratur, quam crassa, ex Gal. lib. 1. feb. c. 1. Deinde quicquid calidum est natura, primò à quouis calefaciente calefit, ex Galen. lib. de inequal. intemper. c. 4. Quare diaria excitata est potius in hoc ægro, quia à calefaciente causa, spiritus citissime calorem concipiunt, ob rationes dictas.

## Q V Æ S T I O I.

Vtrum febris possit dari absque calore, ut contra Galenum arbitratu Fernelius.

### C O M M E N T A R I V M.

**F**abricanti. ] Quoniam Medicorum principum historias, illarumque interpretationem, tuo fauore, benevolentia, & auspiciis, accuratissime Lector, quotidie prosequor, & crebrioribus, longioribus, & (nisi fallor) vtilioribus argumentis, quantum res ipsa postulat, explano: idcirco cum nuper, ad argumentum de febribus, tantopere Medico vsui necessarium, peruenissem, placuit illud aliquanto latius explicare, præsertim cum in eo plurimæ sint controuersia arduæ, & scitu dignæ, quæ in theoria, & praxi Medicum instruunt apprimè.

Et ut à prima exordium sumam, difficile semper mihi visum fuit, quod Auicenna (qui præ omnibus febrem rectius definiisse visus est) 1. 4. tract. 2. cap. 1. à Galeno mutuatus protulit, febrem esse calorem, quum febris essentia à calore videatur aliena. Primò. Auicenna 1. 3. tract. 1. cap. 1. in fin. sic ait. Febres aliæ sunt frigida, habentes rigorem, &c. Ergo excessus caloris, non est semper de ratione febris.

Secundò. Febris ex omnium Medicorum consensu, morbus est. Igitur & mala corporis dispositio (definitur namque morbus, per dispositionem præter naturam, quæ functiones sensibiliter ledit;) dispositio autem ad primam pertinet qualitatæ speciem, quæ definitur qualitas, bene aut malè afficiens subiectum; & huiusmodi est febris, & quiuis alius etiam morbosus affectus. Calor autem, cum paribilis sit qualitas, quæ sensum apra sit mouere, ad tertiam pertinet qualitatæ speciem. Vnde non rectè ab Auicenna, febris per calorem definitur.

Tertio. Datur febris absque calore, immò tum caloris penuria & defectu. Ergo febris essentia in calore non consistit. Assumptum luaderetur ex colliquante febre, in qua datur caloris defectus, cuius ratione vinum, & oua exhibemus, quæ calorem adaugere nata sunt.

Quarto. Moriens ex febre, verè febricit, quia patitur maiorem calorem, quàm in statu naturali, in partibus internis, & externis; & tamen frigida cordis, & corporis intemperie laborat, ex Hipp. 6. epid. sect. 4. text. penult. Vnde expiratio prope mortem frigida, 4. aph. 48. & 2. prog. 24. Ergo.

Quinto. Si calor esset de essentia febris, nunquam ab ea separaretur. Sed in principio quartanarum, & tertianarum, tantum adest frigus, ut omnes corporis partes rigeant. Ergo. Confirmatur ex Auic. 1. 4. tract. 1. cap. 3. §. Et principium quidem est hora, &c. ubi docet quòd principium est tempus, in quo caliditas naturalis suffocatur. Ergo calor non est de essentia febris.

Sextò. Sunt quamplurimæ febres, in quibus partes vnae calent, & frigent, ut in epiala, & lipyria, ex Gal. lib. de inequal. intemper. cap. 8. Ergo datur febris sine calore.

Septimò. Febres plures auxiliis calidis curantur. Ergo frigidae sunt: si verum est illud axioma, contraria contrariis curantur, ut 8. meth. cap. 1. & alibi prædixit Galenus.

Octauò. Febris syncopalis, verè febris est. Sed in ea multoties neque in interioribus, neque exterioribus caliditas percipitur, ut constat ex tarditate, raritate, & paruitate pulsus. Ergo.

Verum sententia Galeni, cæterorumque Medicorum est amplectenda, qui communi consensu febrem per calorem esse definiendam comprobarunt; quare Græci illam appellarunt pyreton, ac sæpius pyrexiam. Sic. Hip. in epidemiis



*epidemiis* vocantur ignem: & etymologia nominis id aper- A  
te demonstrat; dicta namque est febris à feruore. Hæc fuit  
causa ob quam Galenus *lib. 1. feb. c. 1.* prius diuisit febrem  
quam definiit, quoniam manifestum erat, eam in calore  
consistere.

Quæ verò proposita sunt, & aduersæ parti fauere viden-  
tur, nihil vrgent. Dic ad primum. Auicenna vocat aliquas  
febres frigidas, ratione causæ, id est humoris à quo origi-  
nem ducunt; qui antequam putrescat, frigidus est, post-  
quam verò putruerit, calidus.

Ad secundum. Communior ad praxim videtur respon-  
sio, febrem ab Auic. non definiri pro formalitate sua, &  
iuxta nudam, absolutamque veritatis considerationem, vt  
Philosophi sentiunt; qua ratione febris verè dispositio est,  
prima scilicet qualitaris species, vt & quiuis alius mor-  
bus meritò censetur, vt colligitur ex Galidodrina *lib. 1. B*  
*meth. cap. 7. & 2. meth. cap. 7. iuxta finem, Auic. 2. 2. doct. 1.*  
*cap. 2. Arist. 5. physior. 7. & 7. physior. cap. 3.* Sed definitur  
febris essentia à Medicis per materiam; in qua febris ipsa  
consistit; cuiusmodi est calor, & iuxta quam patitur sen-  
sibiles in morbi progressu mutationes, in humani corpo-  
ris vtilitatem aut perniciem, sanitatem aut morbum, bo-  
num vel malum euentum, quæ sunt iuxta curationis mu-  
nus contemplabiles ad operantem Medium passionem,  
quemadmodum calor ( si ipsam speciem caloris formam )  
qui cum species infima à Medicis, & Philosophis cen-  
seatur, nullamque patiatur specificam diuisionem; in  
plures tamen diuiditur caloris febrilis species, & à Ga-  
leno, & ab omnibus medicinæ Professoribus vnani-  
miter consentientibus, iuxta materiæ varietatem, in C  
qua calor ipse consistit, & ad cuius mutationem varios  
subit intensiōis, malitiæ, rebellionis, acutiei, magni-  
tudinisque terminis, diuersa temperamenta, dubiōque  
euentus. Quare cum febris non formaliter quidem,  
sed per materiam, in qua veluti sua basi consistit, con-  
sistat, & ad medendi opus definiatur, nihil mirum si ad  
primam qualitaris speciem non pertineat, sed ad ter-  
tiam, in qua materia per quam definitur, habet locum;  
hæc enim solum à Medicis necessariò inquiritur, sub qua  
dum taxat ratione, variam subit febris ipsa in opere cura-  
tionem.

Ad tertium. Dic, in colliquante dari quidem calorem;  
ad quem ipsa colliuationis consumptio est referenda:  
vnde falsum est argumenti antecedens, quod scilicet de-  
tur febris absque calore. Ad probationem verò negandā  
est consequentia: nec enim rectè infertur, ex eo quod in D  
quantitate deficiat, deficere etiam in intensiōe, & quali-  
tate: non enim pari commensurantur gradu caloris quan-  
titas eiusdemque qualitas, ita vt ex vnius accretione, aut  
defectu, alterius etiam inferatur accretio, & augmentum;  
cum vtræque suam peculiarem, longèque distinctam se-  
quatur viam atque legem, vt in præsentī cernitur exemplo  
vbi caloris intensiō, & in qualitate augmentum, cum qua-  
ritatis inopia, & defectu concurrunt: vnde duplex datur mor-  
bosus affectus, & caloris in intensiōe qualitateve augmē-  
tum, in qua febris consistit, & defectus in quantitate, ra-  
tione cuius vinum, & oia exhibentur. Quare non sequi-  
tur, quod ex quantitatis absentia qualitas etiam necessa-  
riò deficiat.

Ad quartum. Dic ex eodem Hipp. citata auctoritatē, E  
morientem non febrire eo tempore, quod vltimò moritur,  
siquidem verum est, quod ex frigido corporis intempera-  
mento vita finitur, ex Hipp. *cir.* sed dicitur ex febre tunc  
temporis perire, quia ex febre, antè interitum sua actione  
minante perit æger, ex eo quod totum cordis calorem na-  
turalem, præcedente illo tempore, consumpserit; quem-  
admodum dicitur hydrops ex calida iccoris intemperie  
sæpe proficisci, cum non à caliditate proximè, sed ab ipsius  
potius frigiditate ortum habeat, ex Gal. *2. de natural. facult.*  
*7. & 6. de loc. affect. cap. 2. & lib. introduct. cap. 13.* Dicitur  
tamen hydrops ex caliditate iccoris oriri, eo quod calor  
antecedenter, & dispositiue causa sit sequenti hydropis,  
quarenus scilicet frigiditatem hepatis parauerit per caloris  
naturalis priuationem: est tamen frigiditas proxima, &  
immediata hydropis causa.

Lib. IV.

Ad quintum. Fernelius *lib. 4. patholog. cap. 1. in princip*  
respondet, rigorem, siue horrorem esse febris principium  
non tamen ægrotantes eo tempore febrire. Sed hæc solu-  
tio est contra Galenum *lib. 2. de diff. feb. cap. 11. multò post*  
*med. 9. Ostendimus, ubicunque accenditur, & augetur cali-*  
*ditas, istuc ab aliis partibus sanguinem solere confluere. Quo*  
*verò tempore confluit, illas quidem refrigerari priuatim sanguine*  
*est necessarium: quod verò patitur membrum, granari, ac di-*  
*stendi, ac sanguinem ipsum confluentem alterari: hoc quoque du-*  
*plici ex causa, & quia aliis quæ putrescunt superfluitatibus per-*  
*miscetur, & quia intrinsecus diffilari non potest: quo fit ut instar*  
*lignorum humidorum, quæ paucam super flammâ uniuersim*  
*proiciuntur, succedatur; atq; hoc tempus, accessionis principium*  
*nuncupatur, &c.* Quò pacto eam acriter impugnat Dona-  
tus Anton. ab Alto *mar. part. 1. de feb. cap. 5. in med.* Dic er-  
go, quod licet in exterioribus frigiditas adfuit, sufficit tamē  
ad febris essentiam, quod in interioribus, immoderata ca-  
lidas vigeat: Non nego tamen, interdum rigore sine fe-  
bri contingere posse, ex Gal. *lib. de inæqual. intemp. cap. 8.*  
*post med. & nos infra in com. histor. 22. agitabimus.* Eodem  
modo ad confirmationem Auic. respondendum est.

Ad sextum. Dic. Intemperies frigida in his febribus  
cum calida permixta est. At in Lipyria viscera vniuntur, cor  
inealescit, corpus exardescit. In hepiala verò, quæ fit ex  
pituita vitrea putrescente, calida intemperies vincit fri-  
gidam, vt probant Vallesius *lib. 5. contr. cap. 24.* Mercatus  
*lib. 6. de feb. c. de febre Epiala, & Lipyria: Fonsæta lib. de*  
*curat. feb. quas Iacchimsa omisit, cap. de Epiala; & alij*

Ad septimum. Dic, licet remedia calida interdum in  
febribus exhibeantur, ea offerri ratione causæ, & non fe-  
bris: nā hæc præsidia frigida semper exposita: cum enim  
sunt febres ex succis putridis, & crassis; obstructioneque  
viscerum subortæ, calida præsidia, extenuantia, aperientia  
efflagitant, vt monuit Auic. *4. 1. cap. 24. & frequenti expe-*  
*rimento compertum est; in curatione morbi virginei, re-*  
*tenti menstrui, scirrhi lienis, duritiæ hepatis, in productis*  
*venosi generis morbis; ac quartanis, in quibus morbis, vt*  
*humorem lentum vacuamus, à quo febris scaturit, vtinam*  
*diureticis, & aliis, quæ tum ad aluum, & vrinam detru-*  
*dunt.*

Ad vltimum. Dic, quod sufficit ad febris esse ntiam, ad-  
esse calorem supra moderatum, cū tamen non euidenter se-  
tiatur, ob frigidorum humorum commercium; ex acrimo-  
nia tamen tactus cognoscitur: Deinde si pulsus exactissime  
perpendatur, calidior erit magis quam naturalis temperies  
requirit. Lege Argenterium *in lib. de febrib. ad Glaucon. c. 1.*  
*fol. mibi 2186. Melchiorum Sebiziū tract. de febrib. disp.*  
*1. Vidum Vidiū lib. 1. de febrib. cap. 2.*

## HISTORIA II. GALENI, De febre diaria.

### Diariæ ex meatuum constipatione curatio, & Historia illustris contra Diatritarios.

E Go namque reliquis omnibus omissis, tū tibi in memo-  
riam reuocabo, qui in aquis aluminosis, quæ Albula vo-  
cant, lauerat: ac ex eo cutē densata, postea coepit febrici tate  
quippe satisfaciēt is pro claritate sermonis nostri, veluti exē-  
plum. Sanè hominem inuisebant Medici quidā non incelebrēs  
alter Erasistratus, alter Methodicus. Visum autē est ambo-  
bus hominem à cibo cōtinere. Quod tamen nos, cū post illos  
digressos superuenimus, non permisimus, sed statim in balneū  
perductum, & repenti oleo largissime perfusum, tum blandis-  
sime perfrictū, quamplurimum temporis in calidi solij aqua  
versari iussimus. Mox egresso, ac frigida ex consuetudine uso  
iūm sindone cooperto, considere paululū, ad vires recreandas  
precepimus. Postea denuo in balneum perducto, ac rursus si-  
militer tū vincto, tū perfrictō, ne in calida morari inisso, dein  
rursus educto, ac frigida merso, deteroſoque, exhibuimus cibū:  
protinus quidem, vt egressus est, atque aquam bibiti prissa-  
mā cremorem: dein paruo intervallo lacuam: ac post hanc

E E c

et

ex simplici albo iare piscium aliquid eorum qui molli sunt carnes, cuiusmodi saxatiles sunt omnes, & aselli quos vocant. Porro non alienum sit, quo nihil narrationi desit, omnia recensere. Tempus anni erat quo hec agebantur, paululum post caniculares, quos vocat dies. Homo ipse circiter quinque & triginta annorum, colore nigello, & habitu corporis gracili, atque hirtotum qui tangentibus, etiam cum valeret, manifestè calorem exhiberet mordentè. Urinas quoque habebat abundè flavas, ac si plusculum a cibo abstineret, etiam mordentes. Alius assidue sicca erat. Tum qua excernebat, exigua, acriusque & sicca. Mores animi ad iram, & cogitationem propensi. Ipse pauci omnino somni, & qui perpetuò de vigiliis quereretur. Hic quodam loco, quò negotiorum gratia cōcesserat, Albulis (qua haud longè aberant) est usus, septima (ut aiebat) diei hora: ac ter quaterque se lavit, salubriter sibi consuluisse ratus. Hinc quoque ubi rursus in agrum se recepisset, ac cibum sumpsisset, & paululum indormisset, venit ad urbem sero vespere: ubi destitutus idoneo balneo, nocte febricitavit. Cum autem tertia ferè diei hora, cōtemplati eum Medici essent, insurrunt non eum modo diem, verum etiam posterum totum, per inedia erangere, quò tertia diei nocte observarent, atque his dictis abierunt. Nostum lavato, tum (ut prædictum est) cibato, ministris præcepimus, si Medici vespere venirent, quiescere hominem dicerent: eosque statim remitterent, ac postridie manè redire iuberent. Ut verò abierunt, rursus hominè simili modo lavatum, ac cibatum, iis ipsis qua egimus, dormire probè fecimus. Accedentes autem manè postridie Medici, censuerunt etiam eo die cibo illi abstinendū, etiam si quàm maximè sine febris prorsus esset. Illo verò promittente se facturū quod iuberent, scis quantum illis digressis risus sit excitatus, què nos paulo post superveniētes deprehēdimus. Non fugit verò, nec quomodo cum laborante ipso sit actum: nam quoniā (inquā) cum valeres, bis lavare solebas, ac Medici tibi omnino cibum circumcēdunt: nec illis iure in totum obsequendum esse, & aliquid eorum, quibus per sanitatem es usus, immutandū arbitror. Eo vero putante me sibi suadere, ut lavaret quidē, sed nos bis: tum paratum se affirmante quicquid iusserim exequi. Ergo (inquā) neque inediam tolerabis, neque lavabis bis: siquidem & laborasse mihi videris iam triduo, & calefactus vehementius à sole fuisse. Propter igitur laborem, & vitionem, unam te adicere lavationem ad duas oportet, ac ter mihi audientem lavari: quoniam id mihi te facturū pollicitus es. Ille subridens, dura (inquit) imperas, ceterum quoniā stare patis est iustum, faciam qua iubes. Qua verò Medici post hec egere, nostri planè, quanto erant digna risu. Bis iam lavatus fuerat, pransusque dormierat, cum circa occasum solis, ministrorum quispiam adesse Medicos denuntiat. Hic verò febricitare se simulat: ac veste circumdatus, inuolatusque, quo minus bibisse vinū ab ipsis deprehēderetur, amico cuidam mandat, Medicis, si quid percontentur, pro se respondeat. Erant autem de more, ubi inuolutum curiosè hominem, etiam cum capite viderent, primum illud solenne ipsi rogari, quota hora accessio inuasisset. Cum autē amicus respondisset, ferè ne unam quidem integram, ex quo cœpisset, intercessisse horam; cū horrorēne, an frigore cœpisset, rogant. Eo cum horrore respondente, tangunt hominem, iam corpore, propter risum & operimentū madentem. Itaque ubi hominè laudassent: quòd sibi obtemperasset, nec quicquam ante tertia diei accessionem deliquisset: ob id ipsum (inquit) nunc te deseruit horror, est que sudoris indicium, ac multa humiditas circa cutem: qua haudquaquam euenissent, nisi inediam tolerasses, & triduum transmississes. Iussis igitur propinquis, si qua guttula illi manarent, diligenter detergerēt, ne frigore afficeretur: tum manè se redituros præfari discedunt, ne tum quidem post sudores iusso homine nutrirī. Visa namque sunt illis noctes eo tēpore breves, utilisque esse postridie manè nutrire. Digressis igitur illis, peresus sudore iuuenis, ita ut inuolutus vestibus fuerat, in balneum cucurrit, ac ter tiò lavit, & similiter est cibatus. Postridie priusquam advenirent Medici, egressus domo ded ita opera est, ne se deprehenderent. Itaque cum paulo post venirent, & egressum intelligerent, mitati inter se sunt, quid tandem hominem egredi subegisset, iam bidui passum inediam, &c. Galenus lib. 8. meth. cap. 2. in med.

Similem historiam affert Galenus lib. de causis pr oca-

tarcticis cap. 1. Menandri, qui post certamen exiens, estū fatigatus, dolore capitis, & febris diaria correptus, oleo rosaceo syncipiti admoro, & balnei usu, contra Diarrhæiarum votum, curatus est.

## PARAPHRASIS.

**M**Irari subit Galeni acutum ingenium, ut qui in confutandis pseudomedicorum erroribus, tempus consumat: id tamen consultò ab ipso factum existima, in re tam seria, in qua ipse Diarrhæiarum Medicorum inscientiam redarguit luculenter, qui ægros tridui inedia excruciant, febris etiam valida prehenso. Hanc ergo præposteram curandi normam, ut nocentissimam condemnatam, si diarrhæia lege observata ægri gubernentur, & præsertim qui sunt calido sicco temperamento, & habitu squallido præditi, facillè in hecticam febrem, aut marasimum incident, quoniam, ipso auctore lib. 1. ò. meth. cap. 5. calidis & siccis naturis aduersissima res inedia est, & febrium paratissima causa: fames enim corpora exiccat, ex Hipp. 7. aph. 59. quare denegato alimento corpora exarescunt, & ob pororum excessum, & amplitudinem, sanguinis tenuitatem, spiritus subtilitatem citissimè resoluuntur, ita ut vix deinceps refici possint.

Præfatus ergo æger, in diariam incidit, ex mearum constipatione lubortam, cū balneum aquarum aluminosarum originem dedit, quas in Italia dicit vocari Albulas Galenus 1. simpl. 17. suapte natura calfacientes, & adstringentes aluminis instar, ex Dioscoride lib. 5. cap. 82. quarum lauacrum multoties febrem concitare, immodò ad putredinem perducere, docet Auic. 1. 4. tract. 2. cap. 39. de febre orta ex aquis stipticis. Cum enim cutis nostra sit foraminulenta, & cribi instar meatibus sit circumtexta, per quos fumida fuligo continuò exhalat, & aer ingreditur innari caloris symmetriam conservans, sit ut densata cute, acritusque fuliginibus retentis, natiuus ignis, & prohibito effluvio exardescat.

Hoc veritatem si obtinet in subiecto omni, quantò magis in calido sicco? maximè quoniam id quod transpirabat, mordax erat, acre, & fuliginosum, ut pote ex corpore bilioso eleuatum; nam retentum maiorem acrimoniam acquirir.

Hæc omnia ita esse, signa quæ biliosam naturam comitantur, ostendebant satis: nam tempus erat paulò post caniculares dies, quo tempore corpus est exuccum nimis, tum ob ambientis conditionem, tum ob mulæ humiditatis defectum, ob calorem temporis præcedentis resolutæ. Nec enim te latet, quantopere Sirius ardore nostra corpora alteret, & exagitet, quando canis sæuit: cum enim in cælo sint duæ stellarum constellationes, vnam canem maiorem, alteram minorem vocant: maiorem canem ex 29. stellis constare, minorem ex duabus duntaxat, Rex Alphonsus memoriæ prodidit. Maior, stellam habet in mandibula, quam caniculam Latini vocant, ut ex Galeno constar lib. 1. epid. sect. 1. com. 1. Ab hoc sidere dies caniculares dicuntur, qui secundum Gal. opinionem lib. 2. de alim. facult. in iniurio, & lib. de puero epileptic. prope finem, 40. sunt, viginti quidem ante, totidēque post caniculæ exortum. Oritur hoc sidus, teste Plinio lib. 18. c. 28. ardentissimo æstatis tempore, Sole primam leonis partem ingrediente; quanquam pro varietate locorum, hic exortus, à quibusdam varius constituatur. Quantam verò illud rebus sublunaribus afferat mutationem, probat Plinius lib. 2. cap. 4. nam hoc exoriente feruēt maria, accenduntur solis vapores, fluctuāt in cellis vina, mouentur stagna, canes etiam eo tempore maximè aguntur in rabiem. Quo pacto hoc tempore ingentissimi astus infestant, & corpora admodum calida sunt, ut Gal. protulit 6. epid. sect. 4. comm. 44. Unde in eodem lib. sect. 2. com. 7. hoc tempore, semper vigere febres ardentes asseuerat, & 5. aph. 62. sub cane semina iacta non nasci, ob caliditatis excessum, scriptum reliquit: exurit enim eo tempore natura, ut Manardus notar, 15. epist. in med. non quòd stella, canis vocata, adurendi aliquam vim habeat, sed quia, dum illa oritur, Sol & vertici nostro magis appropinquat, & in nostro

nostro hemisphærio longiorem moram trahit. De cuius sideris effluvia in hæc inferiora, lege Manilium lib. 1. *astronom. circa finem*. Pierium Valerial. lib. hier. 44. *Perf. init. 3. saur.* Proclum ad Hesiodum; in operibus, & diebus. Iul. Firmic. lib. 8. cap. 9. *Pontan. in sua Vrania, sine de stellis, lib. 3. & ex nostris Lang. lib. 1. epist. 13.*

Insuper erat iuuenis, sicus & excarnis: nam carentia pinguedinis, caliditatis signum est manifestum, ex Gal. in *art. med. cap. 76*. Tempore sanitatis tactum habebat mordacem, urinas flauas, quæ omnia biliosi humoris prouentum appetit ostendunt: Deinde si à cibo abstinerebat, hæc erant mordentes: quoniam denegato alimento, iecur hac de causa nimis retorridum, & igneum humorem acrem generat, cuius naturam serum repræsentat: biliosis enim naturis impransis hoc accidit, ut calidum mingant, & viride, ex Hipp. 2. *acut. 24. & 29. & in com. 29. sententia, eiusdem lib.* asserit Gal. in his enim naturis calor ad igneum vertitur: quoniam non oblato humido nutrimentali exarescunt partes.

Ob hanc causam absumpta humiditate, & ob retorridum calorem scybalis combustis, excrementa siccantur, & caprarum stercorei similia apparent, ex Gal. 4. *acut. 4. & 13. & Auic. firmat. 163. tract. 3. cap. 6. & maxime si cogitationibus vexetur homo, quæ sanguinem cum spiritu resoluunt, & absumunt: nam vitione nimia bilis flaua in atram transit, vnde cum corpus suapte natura esset nimis calidum, feruidum, & ad iram propensum, & ex sanguinis, & spiritus vehementi agitatione, & motu concuteretur, fit ratum, ut ille esset pauci somni, & vigilare sæpe cogeretur, si verum est, somnum fieri cerebro humectato, & utili vaporum copia irrigato: at vigilia præsentem totum corpus siccescit, quum sanguis non ita generetur, nec coctiones fiant, quæ opera tempore somni affluentiùs perficiuntur.*

Pro cuius curatione cum duo essent Medici vocati, utrisque visum est, ipsum à cibo esse abstinendum, aliter censente Galeno: post ipsos ad curationem accersito, qui cum cerneret ægrum ex pororum stipatione, & sic prohibito effluuiio febricitasse, eum in balneum perduxit, repenti oleo perfudit, ac molliter perfricuit, ut sic per cutis patentes meatus, fuligines interius congestæ resolerentur: ubi enim vehemens causa condensando cutem, prædictos meatus occludit, sæpe plethoram inducit, præsertim quibus vaporosa materia priùs effluebat, acris & mordax: nam hoc modo refrigerans aër nec intro attrahitur, nec corpus transpirat, ut lib. 1. *de diff. feb. cap. 4. & lib. de causis morbor. cap. 3.* notabat Galenus: qua de causa frigidissimum aërem abdicat Galenus febrientibus, quoniam cum exteriùs ægrum contingit, densat, arctatque cutem, ac calidorum vaporum exhalationem cohibet. Quo pacto autem prohiberetur effluuium possit febrem concitare, protulimus lib. 2. in *com. hist. 77.*

Ob hanc causam Galenus eum ad balneum deduxit, & febris ratione, victu frigido, cremore prisanæ, lactuæ, & piscibus saxatilibus in simplici albo iure decoctis nutriendum imperauit. Nam ut pisces saxatiles prætereant, quorum usus in febribus à Galeno conceditur, in locis plurimis, ob multas causas latas lib. 1. in *com. hist. 28.* c. prisanam, biliosis calidis & siccis corporibus vtilissimam, lactuca, & præsertim cruda est accommoda valde, ex Gal. lib. 2. *de aliment. facult. cap. 40.* sua enim frigiditate & humiditate, bilis feruorem retundit & infrenat. Parum autem & sæpe illum nutriuit, quoniam semel oblato alimentum vires debiles superare non poterant. Ex quo exemplo constat manifestè, quantopere necessarium sit, vel in primæ accessionis insultu, ægros siccos, biliosos, & excarnes nutrire, ut Paulus edocuit lib. 2. *cap. 2.* aliter si feceris, & inedia ipsos macerare coneris, in hæc febrem promptissimè commigrant, ut infra appposito celebri exemplo Galenus confirmat. Lege excellentissimum Capiuaccium lib. *de febrib. cap. 14. de curanda di-  
ria ex adstrictione.*

Quæro primo, pro historiarum explicatione. Cur Galenus hunc ægrum post balneum calidæ aquæ, iussit in frigidum balneum immergere, contra præceptum Hipp.

Lib. IV.

*acut. 9. & 54.* quo loco sanos à balneo calido debere protinus immergi in frigidum asseuerat, nequaquam ægros. Dic, Galenum hoc loco per balneum calidum, non prorsus calidum intelligere, sed tepidum, maxime cum ille diaria laboraret, ac firmas vires haberet, de cuius balnei utilitate, lege infra, in *com. hist. 25.*

Quæro secundò. Cur protinus à balneo cibum exhibuit, si Hipp. & Gal. lib. 3. *acut. 56.* cibum, & potum post balneum reprobant? Sic enim ait Hipp. *Neque confestim à balneo sorbendum, neque bibendum, &c.* Non offerendus potus, quoniam expanso ad exteriores partes calore, innatus à potu oblato offenditur. Non cibus, quoniam distracto ad superficiem calore, internus pusillus alimentum non rectè conficit. Addit Gal. in *com. sedata, quæ ex balneo est, turbatione, tum esse, tum bibere melius est, velui & composita ea, quæ ab exercitatione oritur.* Nam cibum protinus, vel potum sumere, caput replet, deuoratumque superfluitate facit, &c. Dic, præceptum Hippocraticum esse intelligendum in sanis, vel in robustis ægris, qui post balneum sine cibo per aliquod temporis spatium perdurare possunt, citra virium dispendium vllum. At verò in nostro ægro calido, sicco, excarni, attendenda erat maior utilitas, ex concessio cibo, quàm damnum: si enim in arefacto corpore, cibum non propines, ex diaria, hæctica confurgeret, & magis, si non sit alimentum refrigerans, & humectans. Hanc methodum obsecurat Gal. lib. 7. *cap. 6.* de curanda siccitate, & hæctica febre, dum sic ait: *Ab eiusmodi lauacro statim asininum exhibui lac, &c.* Quare, si in hoc resolutio ægro differretur cibus, plurima damna euenire erat necessarium.

Quæro tertio. Quid sit ius album, quo hunc ægrum nutriendum imperat, quis parandi modus, qui illius usus? Dic, quoddam ius album, apud Gal. lib. 7. *meth. cap. 6. & lib. 3. de alim. facult. cap. 30.* conficitur ex copiosiori aqua, oleo sufficiente, sale, paucis anethi, & porro. Hoc ius ægrotis maxime est accommodum, ex Gal. 4. *sanit. 10. & 12. meth. cap. vlt. & 1. ad Glau. 13. & 1. acut. 27.* quibus locis, præter salem, marrubium, & oxymel, adiicit piper. Præparat autem in albo iure pisces, ut calidorum mixtione frigiditas, & humiditas piscium emendentur, melius ipsi coquantur, faciliùs secedant, fiant suauiores, stomacho gratiores, & minùs noxii, ut cit. *de alim. loco* prædixit Gal. 9. *Qui enim condimentum accipiunt, melius coquantur, & delectio nihil eis deterius procedit, cuius potissimum gratia ex vino, & garo quidam frigos pisces mandunt, plerisque piper immittentibus, paucis oleum: nonnulli autem ex memoratis piscibus, cum frigi fuerint, paucis sale inpersi, in cibo sunt suauissimi; præterea ad concoquendum sunt meliores: ac stomacho vtiliores, quàm si quouis alio modo essent apparatus, &c.* In quem sensum dixit Auic. lib. 2. *tract. 2. cap. 553.* meliores esse illos, qui sunt conditi cum aceto, & cum rebus condientibus cibaria: quod etiam legitur in *regimine Salernitano*, quo loco Anguillam coctam cum vino esse minùs noxiam, asseuerat Villanouanus in *com.* nam vinum frigidiorum cibarium malitiam corrigit, instrumenta coctionis roberat, crassos & viscosos humores extenuat, quare Auic. 3. 1. *doct. 2. cap. 7. prope finem*, frigidorum nutrientium impedimenta remouet cum diacymino. Ex quibus patet variam esse iuris albi præparandi rationem: variè enim Galenus id præparat, ob diuersas, ad plurimos morbos intentiones, Sic pro victu extenuante piperis meminit, ad penetrationem acetum apponit, hoc non admittit in pleuritide, ut contrarium pectori, & neruis. Erat quoque antiquis Medicis in frequenti usu ius nigrum, quod ex sapa, vel defruto conficiebatur, adiectis sanguine hædi, aut alterius quadrupedis, melle, aceto, lacte, caseo, cumino, laserpitio, ut notat

Hermolaus ex mente Iulij Pollucis lib. 2. *corollar. in Dioscoridem, cap. 298.* Lege Platinam lib. 6. *de honesta voluptate*, quo loco diuersa proponit iuris albi conficiendi artificia.

## QVÆSTIO II.

*Utrum ad febris essentiam, necessaria sit caloris naturalis intensio, ut contra Galenum, Gentilis, Vega, & Vgo asseuerant.*

## COMMENTARIUM.

**F**ebriticare caperat.] Inter ea quæ dissertatione multi-  
iuga, ingenioque excusso, ab Auicennæ interpretibus,  
& à classicis tractari solent, illud non est neglectum,  
vtrum febris calor sit extraneus, hoc est, excedens, im-  
moderatus, intensus: sic enim videtur, in ea quidem sen-  
tentia, in explicanda illa particula, *extraneus*, explanan-  
dus Auicenna, quoad præsentem attinet intentionem,  
auctorisue institutum, si propriam vniuscuiusque natu-  
ræ spectes; duobus namque modis, quæuis dicitur ca-  
lidas extraneæ, quemadmodum & quæuis alia qualitat-  
is species; vel propter sumitur pro caliditate à vitæ functio-  
nibus omnino aliena, quæ nulla in re sit naturæ operum  
instrumentum: huiusmodi caliditas ignea, solaris, aut  
quæuis alia externa, respectu corporis nostri nullam ha-  
bet in suis actionibus à corpore, sed à causa externa de-  
pendentiam, & radicem; qua ratione non dicitur calor  
febrilis, quoad præsens attinet opus, extraneus, quum  
naturales nonnunquam ingrediatur operationes, sitque  
aliqua ex parte naturæ instrumentum, ut infra parebit.  
Dicitur ergo & alia ratione extraneus, quia solet natura-  
lis caloris limites transcendere, terminoque ad naturæ  
opera necessarios, sua intensione excellere.

De huiusmodi ergo intensione dubitandum; vtrum  
ad febris essentiam sit necessaria caloris intensio? Quod  
verò non requiratur, suadetur primò ex Gal. lib. 3. de pra-  
sag. ex pulsib. cap. 2. vbi docet: quod si cum hectica febre  
iungantur frigidi notabiles humores, non sentitur tunc  
temporis, caloris excellentia vlla, & intensio. Ergo abs-  
que febris intensione, febris manifestè reperitur. Nam  
si in pulsu non apparet caloris excessus, nec in corde dari  
est impossibile, ac per consequens datur in corde febris,  
absque caloris intensione. Non absimile etiam potest in-  
ferri argumentum, de febre syncopali, ex frigidis humo-  
ribus concitata, in qua ex mente Gal. 12. meth. cap. 3. pul-  
sus est tardior, & rarior naturali. Ergo in hac febre non  
datur caloris intensio in corde. Quare, si absque caloris  
intensione, in corde datur febris, dari etiam in vniuerso  
corpore rectè inferitur.

Secundò. Febris, ex Gal. auctoritate lib. 1. aph. 16. &  
1. acut. com. 18. est caloris natui ad igneam naturam con-  
uersio; per conuersionem autem non intelligit ter-  
minum conuersionis vltimum, in quo solum vera, &  
integra consistit caloris intensio: nam si terminum intel-  
lexisset, sequeretur omnem febrem esse hecticam, ut inter  
omnes notauit Turisanius lib. art. med. cap. 89. cum febris  
sit motus & via, cuius terminus, hectica, & marasmus  
constituitur: significauit ergo per conuersionem, con-  
uersionis motum & viam. Sed hæc non paritur caloris  
intensio, quia in conuersionis actione calor non  
est versus in igneam naturam, neque est factus igneus,  
quia in facto termino non consistit. Ergo absque caloris  
intensio febris consistere potest.

Terriò. Calor in febricitantibus, non est aptus læde-  
re virtutum operationes. Ergo nec habet in febre in-  
tensionem naturali calore maiorem. Patet consequentia.  
quia, nec calor, nec aliud quodcumque præternaturale  
agens, aptum est; actiones in eo gradu impedire, nisi  
sub ratione excessus supra naturæ requisitum modera-  
men, ratione cuius, agens ipsum dicatur extraneum, &  
naturæ infestum. Non habet autem aliud quippiam ca-  
lor extraneum, quam intensio. Ergo si non lædit,  
non est intensior pristino, & antea præhabito calore.  
Antecedens suadetur: nam febris non habet quippiam,  
per quod apta sit minuere naturæ actiones, præterquam  
humoralem materiam, in qua febris ipsa subiectatur: si  
namque ratione alicuius symptomatis aduenientis, vi-  
deatur læsio in morbifico corpore aduenire, id contingit

A ratione materiæ, quam ipsum symptoma in morbo con-  
comitatur. Ergo febris, ratione solum materiæ, actio-  
nes naturales apta est impedire: quod & ipsa testatur  
manifestè experientia, docetque frequentissimus me-  
dicamentum vltus, qui in morborum propria medela, apta-  
que medicamentorum administratione, per euacuatio-  
nem, ægritudinum curationem integrè, & exactè per-  
ficere conantur. Vacuatio autem nonnisi in excedente  
noxie materiæ quantitate habet locum, iuxta illud Hip-  
pocraticum principium lib. 2. aph. 22. *Quicumque morbi  
ex repletionem sunt, curat euacuatio, &c.* Suadetur ex eo,  
quoniam in morbis immaterialibus, nullum datur, à ca-  
lore in actionibus naturalibus impedimentum: nam in  
febris hectica operationes naturales integrè fiunt. Igi-  
tur si non impedit calor in hectica laborantibus actio-  
nes, aliæque naturæ actiones, optime inde poteris in-  
ferre, quod actiones in corpore lædere ex se nequaquam  
est potens.

Quarò. Probat Vgo in com. Auic. 1. 4. tract. 1. cap. 1.  
Gentilis in extraneis. quest. 2. & in 2. 1. doct. 1. cap. 2.  
ad essentiam febris sufficere, quod calor non ut naturalis  
operetur, hoc est, à natura in opere gubernatus, eius-  
demque aptum instrumentum; sed ut igneus, extra-  
neus, vel (quod idem est) qualitatiuus, & elementalis,  
iuxta opus, quod secundum suam naturam exequi per-  
petuò assuevit. Licet autem communiter & frequenter,  
calor eiusmodi sortiatur igneam naturam, elementalem-  
que operationem, per additam maioris, pristini, & natu-  
ralis caloris intensio: plurima tamen verè ex illorum  
sententia existunt, ratione quorum eam potest subire ca-  
lor naturam, & quæ naturali calori adiuncta possunt abs-  
que intensio efficere, ut calor non ut naturalis, &  
sub dominantis naturæ imperio, sed ut qualitatiuus, ele-  
mentalis, & præternaturalis in corpore operetur. Eius-  
modi potest esse siccitas aliqua, dumtaxat citra intensio-  
nem calori adiuncta; praua in humoribus, aut in corpore  
vniuerso, vel speciatim membro existens qualitat-  
is proprietates, venenum, aut malitia; vapor aliquis ad cor  
ascendens, putridus, foetidus, tenuis, acer, salus, aut  
quacumque alia affectus qualitate, virtute & dispositione;  
quoduis tandem in principali membro lædens sympto-  
ma, & id genus alia.

Hanc ergo contendunt fuisse Galeni mentem, 1. aph. 16.  
& cit. de rat. vult. quibus in locis febrem definiuit per con-  
uersionem caloris naturalis in igneam naturam: vbi non  
solum voluit intelligere caloris intensio; nam si hoc  
veller, poterat sic definire: calor naturalis intensus, non  
verò calor naturalis conuersus in igneum. Quare si Galeno  
placuit hoc modo definire, & calor naturalis verri in igne-  
um, ab alio, præterquam ab intensio, possit, sequitur  
quod non in sola intensio febris natura est constituenda.

Sed inter varias opinantium ambiguitates, satius est se-  
qui magistrum Galenum, è cuius perenni fonte Classici  
ferè omnes hauriunt conclusionem, quæ operis exercitio,  
& rectæ curandi methodo est consona valde. nempe, fe-  
brem in essentia sua includere caloris intensio, natu-  
rali calore antea in corpore præexistente, maiorem.

Suadetur hæc conclusio ex ipsa nominis proprietate,  
& etymologia; dicitur namque febris à feruore, sicut  
Græcè Pyretos ab igne. Deinde, quia ipso Galeno au-  
dore, 4. de diff. puls. cap. 2. nominis definitio, & etymolo-  
gia, testimonium debent habere à vulgari hominum as-  
suetudine, à quibus nomen est rebus, iuxta ipsorum natu-  
ram, non sine ratione impositum: Ex communi autem ho-  
minum consensu, febrem nominauit Gal. lib. 6. epid. sect. 1.  
com. 29. calorem immodicum, aut totius, aut viscerum, hoc  
est, membrorum principalium, per hæc verba: *Essentia  
verò febrium, est non secundum Hipp. modum, atque præclarissi-  
mos Medicos, sed etiam secundum communem omnium homi-  
num notionem, præter naturam caliditas, &c.* Idem asserit  
1. prorrh. com. 7. ex Hipp. consensu magis febrile eum,  
qui immodicè in solis visceribus calet, quam qui in toto:  
& lib. de diff. morb. cap. 5. febrem definit per calidam in-  
temperiem, quæ caloris intensio manifestè includit:  
& lib. 8. meth. c. 1. *Est, inquit, febrilis intemperantia excessus*



in caloris abundantia; huic ergo ad temperamentum via erit, A  
per id quod refrigeret, ex eiusdem tradita doctrina lib. de ma-  
rasmo, cap. 5. Ex quibus colligitur manifestè, quòd si æger  
in tactu, pulsu, respiratione, caloris excellentiam non de-  
monstrat, non febricitat: nam, ut 2. de natural. facult. cap. 8.  
& multis aliis in locis confirmat Gal. febrim esse im-  
modicum calorem, adeò manifestum est, ut nullo rationum  
robore, nullaque argumenti vi indigere videatur.

Sed præstat aduersariorum argumentis respondere,  
ut sic Galeni placitum firmum maneat, & inconcussum.  
Dic ac primam Gal. auctoritatem; 3. de prasag. ex pulsib.  
in febre hæctica, frigidis humoribus copulata, non indi-  
cari, vel sentiri calorem excedentem in pulsu, quoniam  
caloris immoderantia impeditur, in corde existens, à  
copia humorum illam caloris excellentiam occultante,  
& suffocante; & sic sensibilibus non iudicatur: ex eo  
autem non proinde inferas, non dari in corde caloris ex-  
cessum, qui tangenti minimè sentiat. Ad probationem  
dic, necessariò in pulsu deprehendi calorem in corde re-  
sidentem, nò aliunde adueniat impedimentum: illa enim  
frigida in corde superabundans materia, præternaturalis  
caloris, ibi verè existens, sensationem, in pulsuque noti-  
tiam, & apparentiam impedit, & itcirco in syncopali  
febri hac de causa efficitur pulsus rarus, & tardus: nam  
frigidi succi motum arteriarum impediunt copia sua,  
vltimumque minuunt.

Ad secundum. Galenus locis citatis, per conuersionem  
non intelligit viam, atque medium in intensiorem, sed  
terminum motus, conuersionisque finem, quo sci-  
licet calor dicitur intensus simpliciter, factusque igneus.  
Neque ideò sequitur, quod infert Turisanus cit. om-  
nem scilicet febrem, si ita Galenus intelligatur; esse he-  
cticam: nam aliud omnino, distinctumque nimis est, fa-  
ctum igneam, & intensum: aliud factum hæcticæ, quem  
vltimum caloris in febricitantibus terminum constituit  
Galenus lib. de inequal. intemp. cap. 5. cum factum igneam,  
ut ex ipsius doctrina colligitur, solum dicat recessum à  
naturalis calore, & exuperantiam in tali actione termi-  
natam: factum verò hæcticæ, notat excellentis caloris  
æqualem in membris expansiorem, occupatis scilicet  
adeò omnibus, & singulis corporis partibus illo caloris  
excessu, ut nulla maneat pars caloris experta, & libera,  
nec vlla corporis pars habeat maiorem, aut minorem  
caloris intensiorem, sed omnes æquè caloris immode-  
rantiam participant, ideòque à Medicis æquale, & fa-  
ctum intemperamentum nuncupatur: in reliquis nam-  
que ab hæctica febribus, partium quædam calefactæ  
existunt, quædam notabiliter intensum calorem parti-  
cipant, quædam mediocrem, aliz minimum, aliz ta-  
men à calore liberæ, & prorsus immunes euadunt: Qua-  
est causa cur quodcumque febrilis caloris genus, præter  
hæcticam, ab intrinseco curari possit. Ob quam calor-  
is in partibus singulis diuersitatem, inequalémque in  
membris intensiorem, quævis febris ab hæctica species,  
hens solet à Medicis nuncupari. Sub hac fientis caloris  
consideratione, appellatur à Gal. lib. de inequal. intemp.  
cap. 5. hæctica febris aliarum febrium terminus: reliquæ  
autem febres, mediæ in huiusmodi terminum ab eodem  
Galeno constituuntur: hæcticus autem calor factus, &  
ob dictam in morbis æqualitatem, æqualis, atque ideò  
æqualis membrorum morbus; atque habitus à Medi-  
cis appellatur, difficilémque ideò curationem in cor-  
pore patitur. Cum igitur aliud omnino sit factum he-  
cticæ, qui vltimus est reliquarum febrium terminus; &  
factum igneam, quod solummodò caloris intensiorem,  
versionemque naturalis caloris in igneam supponit, in  
quo febris essentia consistit, facile tibi erit huic argu-  
mento respondere. Læge Valleriolam in appendice locor.  
com. cap. 1.

Ad tertium. Negandum est antecedens: & ad con-  
firmationem de morbis quotidianis, respondendum,  
quòd ideò in morbis materialibus, in quibus febris con-  
iungitur, nitimur expellere è corpore febrilem mate-  
riam, quia ad materiæ defectum, febrilem calorem defi-  
cere consuevit existimamus, iuxta illud Gal. lib. 6. de sanit.

Lib. IV.

tenend. omne medicamentum inducit corpori contrariam intem-  
periem humori, quem educere est aptum. Ad secundam verò,  
de morbis immaterialibus obiectionem, oppositamque de  
hæcticis instantiam, dic, non minùs dari in hæcticis, à fe-  
brili calore læsionem operationum, ac in aliis febribus,  
ut experienti patebit manifestè, licet illud in naturalibus  
operationibus non adeò manifestè, ac in aliis appareat,  
propter habituales iam, & veluti naturalem in hæcticis  
calorem febrilem, ut frequens est Medicorum vsus: non  
tamen est omnino in hæcticis naturalium actionum ab-  
neganda læsio, licet non tam sensibilis, ac in aliis febrili-  
bus passionibus appareat.

Ad quartum dic. Requiritur ad essentiam febris, quòd  
calor operetur in corpore, ut igneus, & elementalis,  
non tamen ut naturalis, secundum suam naturam re-  
soluentem, igneam, elementalemque vim, à qua per-  
petuò deficiamus, in exitumque assidua tendimus hu-  
miditatis exiccatione: Verum non sufficere huiusmo-  
di elementalis caloris opus, ad propriam febris abs-  
que intensiorem constitutionem; unde nec agens vltimum  
calori adiunctum, potens erit calorem vertere in pas-  
sionem febrilem, sine eo quòd illum naturali inten-  
sionem reddat, licet alios innumeros ægritudinis affe-  
ctus, varique generis morbos parere possit. Nec quic-  
quam aliud voluit Galenus lib. 1. aph. 16. & 1. de rat.  
vict. 18. per igneam, & Auic. cit. loc. per extraneam,  
naturali intensiorem, ut ex suprà citatis locis patet  
manifestè: alioqui sequeretur, omnes homines perpe-  
tuò febricitare, cum sortiantur calorem elementalem, si  
Philosopho & Peripateticis fidem adhibemus, qui calo-  
rem nostram esse elementalem arbitrantur, à quo con-  
tinuò exiccamur, & resoluimur, iuxta illud de marasmo  
cap. 4. idem calor qui nos generat, nos perimit. Insuper se-  
queretur, iuvenes semper febricitare: habent enim cum  
calore siccitatem coniunctam. Deinde sequeretur, cor-  
pus quoduis quod comburitur, febricitare; vrentem-  
que calorem, febrem existimari, quod valde à ratione  
alienum est.

Dic secundò, quòd licet siccitas, venenum, fætor,  
acrimonia, aut quodcumque aliud calori adiunctum pos-  
sit calorem reddere præternaturalem, & febrilem, non  
tamen calor ille, febris iure appellabitur, quum non  
sit permanens, & independens in suo esse, & conservari,  
cum ab adiuncta illa, quæcumque sit causa dependeat:  
permanentiæ autem ad morbum esse necessariam, om-  
nibus compertum esse reor. Consule Christoph. à Vega  
lib. 1. de differem. feb. cap. 1. Mercatum lib. 1. de feb. in  
princip. quorum argumenta exactè soluit Cardanus lib. 2.  
contrad. tract. 5. cont. 18.

## HISTORIA III. GALENI. De febris diaria.

Premigenes Mitylenæus, à balneo  
abstinens, febricitabat.

N Ara de Premigene cum audirem, nisi lauaret, omnino \* fe-  
bricitare: collegi ratione, eum fumida excrementa gigne-  
re, qua transpirare emitti postulerent: ceterum cum densior  
cutis esset, quam ut ea transmitti omnia sineret, collecta sub cute  
calorem excitare. Itaque etiam balneum eiusmodi naturis uti-  
lissimum esse, non ob id modò quòd fumidum euocet, sed etiam  
quòd humectet, idque dulci humore. Ergo placuit, expli-  
cata quoque manu Premigenis thoraci iniecta, cuiusmo-  
di esset caloris qualitas, explorare. Ut verò acrem, morda-  
cémque comperi, non dissimilem calori illorum, qui ca-  
pas ampliter comedissent: multò adhuc magis euentus  
causam probè coniectasse mihi persuadens, percontabar, ec-  
quid sudoris illi citra balneum incideret: negantemque id,  
iam firmiorem habere me notitiam affectus eius mihi per-  
suasi. Quinetiam alios quosdam vidimus, quibus mor-  
dax calor erat similiter, ut huic: non tamen hi una bal-  
nei intermissione febricitabant, propterea quòd per sudores  
excre

excrementa vacuabantur. Premigeni præter naturalem habitum, etiam victus ratio, vel semel intermisso balneo febricitandi occasio erat. Nam plurimum domi versabatur, ibique scribens, vel legens perseverabat, propterea quod Peripatetica doctrina incumberebat. Itaque etiam alteri cuidam, cui aquæ, atque illi, mordax calor erat, tamen si balneum vno die intermitteres, contigit non febrere, propterea quod nec studiis deditus erat, & negotia sua per urbem inambulans obibat, emens, vendensque multa, etiam pugnans subinde in quibus sudare coactus est, &c. Gal. lib. 5. de sanit. tuend. cap. 11. in med.

## PARAPHRASIS.

**F**ebrem diariam ex prohibito effluvio in cutis densitate concitari, res est manifesta, & firmavi in superiori historia, cum enim necessarium sit, ut libera sint cutis spiracula, per quorum patentes meatus, fuligines adustæ interiorius congelatæ debent expurgari, quas natura ex coquente calore, ad cutem continuò transmittit, si hæc fumida excrementa retineantur, calorem exacuunt internum, & interdito ingressu aëris ad partes internas, viscera non ventilantur, nec transpirant, immò denegato refrigerio gliscunt, & excandescunt: maxime si corpus sit curis, & studiis deditum; nam curæ exiccant corpus, primigeniam humiditatem absumunt, & sic febribus paratissimum reddunt.

Quapropter licet Galenus huius Philosophi vitæ institutum agnosceret, tamen ut exactè magis huius rei certitudinem exploraret, thoraci manum imposuit, num fortè occurreret tactus suavis, an mordax, ex quo caloris acrimoniam, ex fuliginosis excrementis contractam, percipere posset: nam promptius hoc experimentum fit in thorace, qua parte sunt spiritalia membra, & fornacis internæ, calorisque nativi efficacia viger. Quum ergo calor qualitatem mordacem repeteret, similem illorum calori, qui capas largiter comederunt, certior est factus fuligines interiorius adustas esse congelatas, quæ balnei ope quotidiani expurgabantur foras.

Sola ergo soluenda dubitatio, cur assimiler Galenus calorem acrem, in cute perceptum, illorum calori, qui capas largiter comederunt? Dic: capas præstare alimentum calidum, attenuans, ex quo sanguis acris progignitur, & vapor elevatur ad cutem fumosus, & acris, qui manum insuaviter mordet: nam capæ sunt acres, ex Dioscorid. lib. 2. cap. 145. maxime si sint longæ, flauæ, siccæ, crudæ, sale conditæ, ex Paulo lib. 6. cap. 76. Oribas. lib. 2. collect. cap. 27. quapropter si hæmorrhoidibus apponantur, aperiunt, ex Gal. lib. 5. simpl. cap. prop. Oribas. lib. 5. de natura simpl. cap. prop. nam ex hoc reprobo cibo generatur vitiosus humor, qui delatus in cutem, non solum eam reddit squalidam, & exulcerat, sed variis biliosis & melancholicis vlcibus conspurcat, ut 3. de temp. 3. docuit Galenus.

Sed quia in hunc locum incidimus, non dissimulanda est calumnia, quam prætexere tentat Galeno Cardanus lib. 2. de valetud. tuend. cap. 42. Cur nempe capæ sint ab eò, in quarto excalfacientium ordine repositæ: lib. 7. simpl. cap. prop. cum tamen opinione sua vix secundum ordinem attingant, si gustum, effectus, & noxas quas producunt, respiciamus: libram (inquit) caparum deuorare licet, pipervis verò neque semunciam sine noxa. Nam lachrymas excitant. Appositæ hæmorrhoides aperiunt, si præsertim aceto fuerint imbibitæ. Alopeciiis tritæ pilos alcyonio citius restitunt, qui effectus eorum non sunt medicamentorum, quæ in quarto caliditatis gradu constituta deunt.

Obiectio reproba, & tanto viro indigna, quam multò antea præsensit Galenus lib. 3. de temper. cap. 3. dum lata oratione contendit, & probat, plurima foris imposita exulcerare, intus verò assumpta non nocere, quia mutantur, alterantur, coquuntur, in vno loco non permanent, succis, & cibis in ventriculo contentis miscentur, & eorum partes separantur, ita ut quod conveniens est, assimiletur; quod superuacuum, & acre per aluum, vrinas, & sudorem expellatur: propter hæc (inquam) omnia, quæ

foris imposita exulcerant, ea comesta non exulcerant. Ex qua doctrina Galeni constat manifestè, cur capæ in quarto excalfacientium ordine existentes, si comedantur, non vrant internas partes: si verò hoc efficiunt nonnulla, in eodem caliditatis gradu existentia, est, quia nullam habent partem nutrientem, & cum nullo alio cibo assumentur.

Vt verò de causa morbi certior esset, num sudaret, percontatus est; quum verò hanc per sudorem vacuationem negasset, cuius ope excrementitia humiditas expurgatur, ex intermisso balneo in febrem incidisse cōiectavit: nam balneum humectat, fuligines expurgat, aperit meatus, ventilat viscera, corpus præ febrili calore siccum, madefacit, & alias secum affert vitilitates, quas ex professo proponit Gal. lib. de marcore, cap. 6. lib. 11. meth. 20. lib. 3. acut. per multas sententiās. Explicat diligenter Fernelius lib. 2. de vena sectione cap. ult. licet enim exercitatio, & validus motus sudorem proliciat, & balnei vices gerat: tamen balneum cutis spiracula potentiùs laxat, remollitque, humores calefacit, extenuat, fluxosque colliquat. Curatio autem febris, quæ exercebat Premigenem, facilem habebat expeditionem, si ad pristinam balnei consuetudinem reuertetetur: cum enim suppressio alicuius vacuationis est causa febris, reuersio illius secundum plurimum ei medicabitur, auctore Auicenna, 4.1. cap. 3. in fin. Sed quoniam de balneorum differentiis, & vitilitate plura dicenda sunt infra, quum de febris hætica sermonem instituiemus, iccirco ab eorum commodis describendis superfedemus.

## QVÆSTIO III.

*Vtrum caloris intensio ad febrem requisita, ad aliquod ex quatuor temperamentis sit referenda.*

### COMMENTARIUM.

**F**ebriticare. ] Quamvis affatim paulo antè, ac multo sermonis axiomate, de caloris intensione ad febrem essentia necessaria tractauimus, adiici non inscìre tamen & ista possunt, quæ hoc argumentum arduum explanant luculenter. A paucissimis ergo agitarum inuenio, quænam sit illa caloris naturalis mensura, & mediocritas, ad quam eiusmodi intensio sit à Medicis conferenda: nam excessus in quo febrilis passio verè consistit, alicuius rebus excessus est æstimandus: cum ergo naturalis calor in certo consistat moderamine, sub quo aptum est naturæ in suis operationibus instrumentum: temperamentum autem non vnum, sed varium in diuersis existat naturis; iccirco querendum, nec immerito, ad quod ex quatuor temperamentis, quæ humanum corpus ex prima sui formatione sortitur, bilioso scilicet, pituitoso, melancholico, & temperato, sit hæc febrilis intensio referenda.

Quod ergo ad naturalem temperati duntaxat hominis calorem, sit febrilis intensio commensuranda, potest & inprimis suaderi, ex Gal. doctrina 3. de simpl. med. facili. cap. 7. qui optimam præcipit ad iudicare temperiem cuiuscunque medicamenti, si similem habeat medicamentum mediæ naturæ complexionem; mediæ autem temperatura non nisi intemperato homine reperitur, ex Galen. lib. 3. simpl. ferè per totum, Anic. 1.1. doct. 3. cap. 1. Deinde Gal. 3. simpl. 13. medicamentorum vires, & temperaturas ad hominem temperatum esse commensurandas asseuerat: quare ad eundem scopum est morbus, seu cuiusque generis præternaturalis affectus referendus, ad quem medicamentum ipsum commensuratur, proprium scilicet morbosæ affectionis remedium: nam hoc ex ipsa colligitur Galeni doctrina, 3. simpl. cap. 12. §. Vt autem vno verbo exprimam, tanta abesse à medio quod medebitur, quanto ipsum cui medela adhibetur, oportet nimirum cum in contrarium utriusque vergat excessus, &c. Cum ergo medicina ad mediam hominis temperiem, quæ optima est, referatur, & quæ in homine solum temperato reperitur, sequitur ut & in

& intensio, in qua febilem calorem consistere asseruimus, quæ morbus est, ad mediam temperiem consultò referatur.

Secundò. Intemperies quævis, & cuiusque affectus immoderantia, non ad aliud, præterquam ad simplicem moderantiam, & temperiem est referenda: nam ex omnium Medicorum, & Philosophantium consensu, intemperamentum non consistit nisi in excessu, & immoderantia supra temperatum. Atqui febrilis intensio supra naturalem calorem, in intemperamento manifestè existit. Ergo non ad aliud, præterquam ad temperiem est eiusmodi intensio consultò commensuranda.

Tertio. Febrilis hæc intensio, non potest referri ad biliosum, pituitosum, aut melancholicum hominem. Ergo ad temperatum est reducenda. Probatur antecedens: nam si ad biliosum conferas, sequitur nullum prorsus cuiusque complexionis hominem posse per vnum gradum febrile, præterquam ipsummet biliosum: siquidem temperatus à suo naturali recedens temperamento, per vnum caloris gradum, sub biliosi hominis naturali temperie manet, in qua, facta suppositione, non datur febris. Pituitosus autem similiter, si per vnum caloris gradum, à suo naturali excedat temperamento, sub temperati hominis complexionem cadit, sub qua febrem nequaquam dari non est obscurum. Deinde, si ad pituitosum febris intensio referatur, aperte sequitur, & temperatum, & biliosum perpetuò febrile, cum in sua quisque naturali dispositione perpetuò, à frigida pituitosi natura per calorem, manifestè, licet inæqualiter, recedant, ut discurrenri facillè patebit. Si verò ad superiora argumenta animum aduertas, similiter de melancholica natura pronuntiabis.

Quarto. Nisi ad temperatum hominem fieret comparatio, sequeretur complexionibus omnes, præter ipsam solum, ad quam talis relatio fiat, perpetuò aut vno, aut altero morbi genere ægrotare. Sequela probatur: si namque ad biliosum, aut sanguineum, temperatus, pituitosus, & melancholicus perpetuò frigiditatis ægritudinem patientur, cum à biliosi, sanguineique natura calida, per frigiditatem manifestè recedant: etenim quidquid ab optima symmetria recedit, morbus est. Si verò ad pituitosum febris ipsa referatur, reliqua temperamenta, pituitoso excepto, morbosos patientur continuò caloris affectus; per colorem namque, à pituitosi frigida natura manifestè deflectunt.

Vltimò. Similis hæc febrilis intensio, non nisi à rectè iudicante hominis tactu percipitur, ita ut quidquid à tactus temperie recedit, intensum, & intemperatum iudicetur. Sed ad perfectam, & nequaquam fallacem estimationem necessum est, ut tactus optima, media, & inculcata constet temperie, quam in homine temperato quantaxat, tactus sortiri est aptus. Ergo per temperatum solum hominem, apta fit & inculcata, iuxta febrem, commensuratio.

Sed antequam nostram proferamus sententiam, in re momenti tantis, & ad curandum summo opere necessaria, aliqua memoria comprehendere debes, quæ ad huius questionis explanationem conducere videntur: quorum primum est, duplicem dari in naturalibus complexionibus excessum; alterum naturalem, & intra sanitatis statum; alterum morbosum, & extra debite sanitatis terminos constitutum. Illa complexio dicitur pati naturalem excessum, quæ in ipso integræ sanitatis statu recedit ab optima, mediæque temperie, quæ homini temperato ita debetur, ut sub illa duntaxat temperatus reperitur homo. Huiusmodi lapsus temperamentum, seu recedens ob optima complexionem temperies, idè intemperamentum à Medicis appellatur, & excessus simpliciter censetur, quia in hoc aut illo, deflectit ab optimo, mediæque temperamento, in quo solummodò consistit perfecta simpliciter, & debita humanæ naturæ temperies, & quæ sola, media simpliciter, & optima appellatur; & quod ab ea deflectit intemperamentum, excessus, intemperies, & lapsus simpliciter appellatur: intemperamentum autem non simpliciter, sed secundum quid. Dicitur verò eiusmodi lapsus naturalis, quia sub eodem

A dantur quamplures in sua optima sanitate complexionibus, cum quo permanent, vivunt, bene habent, & quoad suam naturæ proprias, & debitas operationes conservantur; extra verò illum lapsum, infirmantur & ægrotant, eo quod lapsus ille, immoderantia, & excessus, sua est cuiusque propria natura & sanitas, idèque naturale appellatur in eis, in intemperamentum. Huiusmodi est complexio biliosa, & pituitosa: utraque namque ab optima & media recedit temperie, hæc per vnum frigiditatis, illa per vnum caliditatis gradum, sub qua cuiusque intemperie, integra consistit biliosi & pituitosi hominis natura; & sic idem erit de reliquis, singulisque complexionibus ferendum iudicium. Illa autem complexio dicitur pati morbosum excessum, ægritudinisque immoderatum statum, quæ à sua naturali sanæque temperie, in hanc vel illam immoderantiam recedit, tantumque iure consuebitur excessus & morbus, quantus fuerit à naturali cuiusque hominis temperie recessus. Idè autem lapsus is morbosus nuncupatur, quia sub eodem sanitas vlla nequit consistere, immò perpetuò secum concomitanter excitat ægritudinis affectus & passionibus, adè ut ipsummet intemperamentum, à Medicis morbus consultò iudicetur. Primus ergo naturalis excessus, ad mediam optimamque temperiem, seu ad temperatum hominem, in quo solum optima temperies reperitur, erit referendus. Secundus verò, hoc est morbosus, ad ipsummet ægrotantis naturalem temperiem erit demerendus, & in sua magnitudine aut paruitate commensurandus: nam quidquid extra naturalem cuiusque temperiem in corpore ipso existit, morbus est; quidquid autem extra optimam temperiem in corpore humano exierit, excessus, non tamen morbosus dicendus est.

C Nota secundò. Longè aliud est, magis aut minus ad tactum incallescere, ac magis aut minus febrile: in vno namque temperamento, datur sæpenuerò maior cum minori caliditate febris, ut patet in pituitoso homine, in quo, cum minori multò caliditate, datur magis intensa febris, quam in bilioso, cum maiori ad tactum calore: febrile enim vnumquemque hominem, dicit excedere naturalem suum sanitatis in calore statum, atque ita morbosum importat, ac præternaturalem caliditatis excessum: calere autem solum, dicit in calore recessum à medio; moderatòque temperamento, absque vlla morbi ratione; potest enim sub tali caloris recessu à media temperie, integra & perfecta corporis alicuius sanitas consistere; ut in bilioso homine contingit, qui per vnum caliditatis gradum, ab optima mediæque temperie, in sua sanitate deflectens, sub eodem caloris gradu vivit, & in sanitate sua conservatur; quod similiter de aliis temperamentis ferendum iudicium est. Ex his fit manifestum, duos posse homines æqualiter febrile, & simul inæqualiter ad tactum calefcere; vel vice versa, quod in prædicto bilioso, & pituitosi hominis exemplo satis patet: nam pituitosus calidus ut duo (ad tactum scilicet,) febricitat vere ut tria, quia per tres gradus caloris, à sua naturali temperie distat: biliosus autem sub iisdem duobus ad tactum gradibus, ut vnum solum febricitat; per vnum namque tantummodo caliditatis gradum, à suo naturali, & sanitatis statu recedit, calido scilicet ut vnum. Si verò vise versa, duobus homines æqualiter febricitent, & ita unusquisque febricitet, v.g. ut duo, inæqualiter inter sese ad tactum incallescunt; cum pituitosus febricitans ut duo, ut vnum tantum ad tactum incalascit: biliosus autem similiter ut duo febricitans, incalascit ad tactum, ut tria. Ex quo manifestè patet: duos homines posse æqualiter febrile, & inæqualiter ad tactum incalascere, vel è contrà. Unde cum tactus solummodò sit tanti, vel tanti præcisè caloris iudex, sub quo possunt diversi febrilis intensiois gradus in diversis complexionibus consistere, sit ut tactus non sit verus, ac firmus huius febrilis intensiois iudex: potest namque sæpenuerò falli; iudicans scilicet suo modo caloris quemcunque gradum, febrem, & morbum in corpore humano existere, quod à veritate est alienum valde, ut exemplis adductis dilucidè patet.

Nota tertio. Licet ex Arist. & Philosophantium sententia

tentia, viuentia omnia per excessum calida sint, atque ita A perpetuò in homine, ea ratione qua viuens est, immoderata & excedens caliditas vigeat, ob quam causam asseritur homo, omnium animalium calidissimus, ab Arist. 10. probl. 55. vnde non videtur dari tactui locus, iudicandi moderatam, & intensam caliditatem, quum prædictum caliditatis excessum moderatus calor non patiatur, quem possit tactus sentire; nihilominus tamen Philosophorum sententia est intelligenda de actuali solum calore, qualitativo, & influente, qui in viuentibus reperitur, & qui aut à corde influit, & membris communicatur, vt in perfectis animalibus; aut ab aliquo derivatur, quod cordis vicem subeat, vt in imperfectis animalibus, plantis, herbis, & aliis huius generis viuentibus insensibilibus: influens namque caliditas, excedens quidem est, & vt sit ad tactum B intensa, sub actualique eiusdem caliditatis opere & influxu, omnimoda consistit viuentis operatio, vitæque permanentia; vnde solet à Physicis vita definiri, permanentia caloris in humido; in qua definitione, per calorem, calor intelligitur actualis, qualitativus, & à corde continuò influens & emanans.

Arist. autem 10. problem. cit. cum hominem animalium omnium determinat calidissimum, de caloris solummodo quantitate, seu calidi innati materia, sanguine scilicet, & spiritu esse intelligendus. Sic Gal. cum iuuenem calidiorum esse puero pronunciat, 6. epid. com. 5. de sola qualitate, actualiue calore est intelligendus: cum verò 3. simpl. 2. & 1. aph. 14. puerum iuuenem determinat calidiorum, de quantitativo solummodo calore recipitur. Sic interiora corporis membra propriæque caloris officinæ, vere & hyeme, cum Hipp. 1. aph. 15. calidissimæ à Medicis quantitativè censentur; æstiuo autem tempore qualitativè calidiores iudicantur. Sic cor calidius hepate, quoad qualitatem, calorisue intensiorem. Sic pars dextra quantitate, sinistra verò qualitate calidior existit. Demum plura sunt exempla quæ confirmant, eundem hominem, posse dici simul habere moderatum, & excedentem calorem, iuxta variam caloris habitudinem, & significatum.

Nota quarto. Triplex datur in humanis corporibus temperamentum. Primum, innatum membrorum ex componentibus elementis, ratione cuius hominis corpus dicitur frigidum, & terreum: in omnibus namque, ex vnico Philosophorum consensu, quæ apud nos sunt, vincit terra, & pondere, & mole. Secundum, influens & actuale, à corde communicatum, cuius respectu homo dicitur calidus per excessum, cunctaque in animalibus viuentia. Tertium, compositum ex utroque, natiuo scilicet, & influente, quod appellatur naturale temperamentum, ratione cuius dicitur homo in temperamento optimus, & medius inter animalia cetera, inter substantias generabiles & corruptibiles, & ratione cuius dicitur humana temperatura moderatum habere inter reliquas substantias calorem. Iuxta variam autem horum temperamentorum in corpore unionem, & concursum, quo mediante tertium constituunt naturale temperamentum, varias sortitur natura humana naturales complexionem, biliosam, pituitosam, temperatam, &c. Ita vt temperamentum quod quisque homo ex huiusmodi duorum principiorum coniunctione sit sortitus, propria sit sui ipsius, & naturalis complexio, in qua eiusdemmet sanitas perfectè consistit, & à qua suam subit vnusquisque homo naturalem simpliciter denominationem, isque denominatur temperatus, aut biliosus homo, ille pituitosus, aut sanguineus. Quemadmodum ergo in sola temperata complexionem, optima temperies, & perfecta simpliciter reperitur, quæque sola temperies simpliciter solet à Medicis appellari, quam ponderalem temperiem, seu quoad pondus nuncupant: in reliquis verò naturis non simpliciter temperies inuenitur; sed temperies secundum quid, hoc est, illius tantum naturæ determinatè, quam temperamentum iustitiale, seu quoad iustitiam vocant: Sic moderatus simpliciter calor in perfecta solum, & optima complexionem reperitur, & in eadem tantummodo, solet tactus moderatum præcisè calorem experiri; in

reliquis verò immoderatis complexionibus, non simpliciter moderatus existit calor, sed moderatus secundum quid, hoc est, ipsius particularis complexionis duntaxat, & naturæ respectu. Licet autem tactus, temperari solum hominis calorem moderatum soleat iudicare, reliquorum autem hominum immoderatum, & excedentem: nihilominus propter suauitatem, & veluti cum tactu ipso familiaritatem, quam ipse tactus intemperatis complexionibus certo quodam modo in calore consequitur, in sanitatis scilicet statu, quia nimirum naturalis existit calor ille, & sub tali intensiorem, aut remissione sanitati congruens; certa quadam ratione tactus eundem calorem moderatum censet, licet non tam verè atque perfectè, atque in homine temperato. Quare illud sit firmum, quod in omnibus naturalibus tam temperatis, quam intemperatis complexionibus, moderatus calor habet locum, licet diuerso in quavis complexionem modo, atque respectu.

Nota vltimò. Duobus modis potest dici actum super caloris mediocritatem, aut intentionem diiudicare, vel simpliciter & ratione sui proprii muneris, vel concurrente simul intellectiōe, & discursu in iudicando: Primo modo, solet tactus per cutem, proprium scilicet suum tangibilium qualitatum instrumentum, sui proprias efficere in corpore sensationes: qua ratione, tanti, vel tanti præcisè caloris, aut frigiditatis, verus & firmus est iudex, & qui non mentitur, iuxta illud Philosophorum axioma, *Sensus circa proprium sensibile non errat*: Secundo modo, potest tactus, præsentem scilicet in opere intellectum, non parum ferre de sensibilibus qualitatibus iudicium, sub naturalis, aut præternaturalis ratione, licet & illud opus sub vario intellectus auxilio diuersimodè efficiat: duobus namque modis, iuuante intellectu, super morbosos qualitatis affectus, tactus iudicare potest; vel mediante cure, vel mediante pulsatione, in quibus diuersum requirit ab intellectu concurrente auxilium: etenim multò maius exigit tactus intellectiōis subsidium, ad hoc quod possit eiusmodi ferre suo modo iudiciam, de morbosicis passionibus per pulsationem, quàm per cutis sensationem, quum celeritas, frequentia, magnitudo, vel his oppositæ in pulsatione differentia intellectui magis, quàm tactui propriè sint perceptibiles. Verum utroque modo huiusmodi præbendi iudicis opus tactui adscribunt, eo quod magna sit tactus similis perceptionis pars, & in eodem opere sese offerens agens, concurrēsq; principium; quare solent febres æquales ad tactum in diuersis subiectis vendicare, quodcumque ex his duobus modis iudicium ad tactum simul cum intellectu præbeatur: nunquam tamen solent febrium petere æqualitatem, aut inæqualitatem à tactu, suo simpliciter modo, & ratione, absque intellectus concursu iudicante: sub qua solummodo consideratione volunt plures, itque non infimæ notæ Medici, febres, in diuersis complexionibus æquales, aut inæquales, mediante tactu solum commensurari, in quo sanè longè à veritate aberrant, nec poterunt, assiduam in iudicando fallaciam subterfugere.

Denique pro coronide addo: solum temperatum tactum (qualis est ille, qui in temperato solum homine reperitur) posse aptè, simpliciter, & perfectè circa quascunque qualitates vera sensatione iudicare: quo pacto ille tactus iudicat perfectiùs, qui propiùs ad temperatum accedit. Dicitur autem temperatus, non solum qui in homine duntaxat temperato reperitur, sed qui naturali, & sanæ debetur cuiusque hominis complexionem. Sano ergo, & naturali tactui, adiuuante simul intellectu, concedere oportet: nam non paruam ad curationis methodum fidem præstat.

His iactis fundamentis, concludendum hoc modo est de quæstione proposita. Caloris intensio in qua febris essentia consistit, quemadmodum & cuiusque generis morbus, tam vniuersalis, id est, totius, quàm particularis, hoc est, cuiusque speciatim membri, non ad temperatum simpliciter corpus, aut membrum, sed ad suam cuiusque ægrotantis corporis, aut membri naturalem temperiem, sanitatisue



sanitatisue statum est referendus, & ad eundem tam ab-

solutè, quam quoad gradus commensurandus. Hæc sententia poterit imprimis ex communi practi-

cantium usu, seruatæque optimè inter eos assuetudine confirmari, qui aliud quicquam in medendi rectè ordine præscripto non intendunt, præterquam ægotantis regressum ad suum naturalem pristinum, & deperditum sanitatis statum, qualiscunque æger in sua sanitate ex-

isterit, reducere. Fauet deinde Galeni doctrina lib. 8. meth. cap. 9. ubi curatrices indicationes desumendas præ-

cipit à morbo, ætate, & naturali ægri temperamento, qualecunque illud temperamentum in ægotante existerit, siue temperatum, siue intemperatum: nam naturale, inquit, temperamentum basis est, à qua & sanitas, & morbus veniunt consideranda. Insuper idem Galenus 9. meth. 14. morbi quantitatem auspicari præcipit, ex collatione morbi cum naturali habitu patientis; nam quantum æger à naturali habitu recesserit, tantum opus est eum refrigeres, & humectes. Deinde colligitur ex Gal. qui lib. 3. & 4. de sanit. tuend. varia tradit documenta, quorum ope naturalis seruetur integre cuiusque habitus, qualemcunque sit homo in sua temperie sortitus; in eo enim solummodò sanitatem ægotantis consistere auspicatur, & extra illum, quemcunque statum morbosum Gelenus arbitratur.

Idem etiam non inconcinne potest firmari ex Gal. in lib. de morb. & simpl. quo loco, morbi essentiam, in cuiusque generis extra naturalem habitum egressu constituit. Hoc conspiciens Gal. in libris de facit. natural. docet, corporis, aut cuiusque membri actionem atque munus, ab integro & naturali corporis, aut membri statu proficisci, qualiscunque illè in sua natura existit. Ad hæc Hipp. & Gal. 3. aph. 2. hoc confirmant manifestè, quum pro conseruando naturali lapsu in intemperatis naturis, hyemem biliosis naturis, pituitosis verò ætatem sanabilem constituunt: sic enim melius vtriusque temperamenti naturalis habitus seruetur, in quo solum ex eorum mente sanitas consistit. Ex quo patet, à naturali habitu solummodò, morbosam cuiusque genitis dyscrasiam, & intemperiem esse petendam. Quare morbus quiuvis in recessu extra naturalem habitum consistit, & ab eodem naturali habitu morbi quantitas, & qualitas est coniectanda. Ita Hipp. 3. aph. 34. & Galenus in com. præportionales morbos minores impropotionalibus prædixerunt, quia maiorem hi arguunt à naturali habitu recessum.

Euiuerò hoc non obscure probatur ab Auic. 1. 1. delect. 3. qui in tribus capitibus, varia tradens in humano corpore, & in quouis etiam speciatim membro temperamenta, iuxta varias cuiusque corporis, aut membri complexionnes, ætates, domicilia, tempora, regiones, æris tandem influentias, & concursus; particulares proponit cuiusque complexionis, ætatis, regionis naturales status sub quibus integra, & perfecta sanitas consistit; docetque paculiam cuiusque sanitatem, ita in suo particulari statu, qualiscunque sit, naturalisque habitu consistere, vt si quis ab illo in quemcumque alium licet meliorem immutetur, necessariò sit ægotaturus, dicitque si corpus inde fiat quale est solani, aut infirmabitur, aut morietur. Inde colliges, morbum quemuis & in quantitate, & in qualitate, esse à naturali præsentis ægotantis habitu metiendum.

Si verò deinde febris definitionem exactè rimeris, ab ipso Auic. propositam, hoc ita esse inuenies: nam inflammatur in eo inflammatione quæ nocet operationibus naturalibus, quoniam naturales operationes in naturali habitu iuxta perfectionem suam consistunt: nec potest quicquam naturales cuiusque corporis, aut membri actiones lædere, nisi prius illud à suo naturali habitu in præternaturalem statum immutetur. Patracinantur huic expositioni Auic. interpretes, & præsertim Nicolaus Florentinus ferm. 2. tract. 2. sum. 1. de generalib. considerat. circa feb. cap. 12. iuxta fin. qui per operationum læsionem in definitionem Auic. intelligunt læsionem independentem à causa externa, & ratione sui in corpore permanentem, & à naturali habitu egressum. Igitur morbus cuiuscunque generis sit, & in quouis temperamento reperiatur, ad

naturalem temperiem, sanitatisue statum est commensurandus. Ita enim 7. meth. cap. 3. dirimit hanc litem Galenus, dum sic ait: Semper enim pro eo quod exuperat, inducendum eo usque contrarium est, quod particulam in symmetriam, & naturalem habitum vindicaberis.

Sed relictis aliis auctoritatibus, ad rationes accedamus. Inde est petendus morbus, vnde sanitas, & integra salus expectatur. Sed ab habitu naturali est sanitas expectanda, & in eo consistit integer sanitatis status. Ergo ab eodem naturali habitu est morbus in corpore coniectandus, & in qualitate, & quantitate commensurandus. Consequentia legitima est. Minor satis patet ex suprà allatis rationibus, & auctoritatibus: nam si sanitas in actionum perfectione consistit; perfectior autem operationum ab integra, & optimè constante natura proficiscitur; colligitur apertè, sanitatem in constanti, integro, & optimo naturæ habitu consistere. Maior ex communi deducitur Medicorum principio, estque illud inter eos receptissimum, videlicet contrariorum eandem esse scientiam, eandem perscrutationem, eandem in acquirenda disputatione notitiam: nam morbus consistit in naturalis temperamenti propriique habitus alteratione; sanitas è contrario, in integro naturalis habitus & temperamenti statu, absque vlla in quemcumque exitum immutatione, & deflexa. Hoc ita esse contestantur signa sanitatis, & morbi, licet sub vario bonitatis, vel malitiæ respectu, vt probat Gal. lib. 1. ad Glan. 2. nam pulsus, & vrina significant, si bona sunt, supra naturalem habitum; ita si mala, supra præternaturalem statum demonstrant, & eiusdem corporis, aut membri passionem ostendunt.

Secundò. Sanitas, & ægritudo de eodem vicissim corpore, aut membro, à quose se mutuo de more contrariorum expellunt, dicuntur; ratione scilicet boni, aut mali corporis habitus, & dispositionis; sub quo bono, vel malo habitu in eodem corpore, aut membro recipiuntur, & ab eodem expelluntur. Igitur & sanitas, & ægritudo ab eodem expectantur, & in essentia sua, quantitatene, & qualitate commensurantur.

Sed satisfaciendum est obiectis aduersantibus, quæ lectori remorari possunt. Dic ad primum: Galenus 3. simpl. cit. per medium temperiem significat optimam simpliciter, qualis est solum illa, quæ in homine temperato reperitur. Neque ex hoc inferas, ad hanc solam esse commensuranda reliqua, quæ à Medico in medendi opere considerantur: neque enim commendauit medicamentorum temperamenta iudicare, si similem habeant mediæ temperaturæ temperiem, quod existimariæ in sola media, & optima temperie humanam sanitatem integrè consistere: sed quod media temperies optima sit inter reliquas, atque idèò quæcunque medicamenta simile habent mediæ temperiei temperameurum, illa optima, & temperata medicamenta censerit. Ad 2. Gal. auctoritatem. Dic, medicamentorum facultates ad temperatum hominem esse commensurandas: non tamen rectè inferri, ad eundem etiam temperatū hominem esse morbosam passionem metiendam. Et ad vltimam Galeni auctoritatem, ex cap. 12. simpl. Dic primò: per medium in præsentia doctrina intellexisse Galenum, naturalem habitum, sanitatisue statum, quem idèò medium appellauit, quod medium verè sit inter ægritudinem, & medicamentum. Solue secundò. Licet per medium cit. loc. Galenus intellexerit optimam, & mediam temperiem illam, id fecit, non quod in optima solum, & mediæ temperie hominis sanitatem consistere arbitretur, sed quod per allatum in mediæ temperie exemplum, cætera ab optimi Medici æstimatione perpendantur. Solue tertio. Longè aliud est inquirere cuiusuis medicamenti vires, in ordine ad curationis munus, vt scilicet cognoscatur quænam effectus, ex quauis medicamenti in corpus humanum applicatione speretur; aliud verò examinare, quale, & quantum conueniat in quolibet curationis actu medicamentum, ad integram peculiaris morbi expulsionem, præsentisque affectionis medelam: cum namque diuersæ sint in opere ipso intentiones, diuersi

diuersi ægritudinis & sanitatis status, diuersus scopus, diuersumque medium, diuersa etiam ea à quibus eiusmodi considerationes gubernantur, & dependent; quare non recte inferitur, ex eo quod Galenus doceat, medicamentorum vires ad temperatum hominem in sanitatis statu referri, quod inde iubeat in morboſo ſtatu, curationis ſue actū & progreſſu, & medicamentorum effectus ad eundem commensurari.

Ad ſecundum. Fatemur intemperiem, quæ ſimpliciter naturalis aliquando dicitur, eo quod ſub ipſa humani corporis ſanitas integrè conſeruatur, ad optimam, mediāque temperiem referri; non tamen inde inferitur intemperiem morboſam & præternaturalem, ad eandem ſcilicet temperiem eſſe referendam, ſed ad ipſius ægrotantis naturale temperamentum.

Ad tertium. Dic. conſeſſo antecedente neganda eſt conſequentia, dicendumque febrilem intenſionem, & quemcunque etiam morbum, ad ſanam quidem, & naturalem humani corporis temperiem eſſe conieſtandam, verum indeterminatè, hoc eſt, ad ſanitatē, naturalemue ægri corporis habitudinem, quod medendum actualiter offertur, quodcunque illud in ſua natura & ſanitate, quoad ſuum naturale temperamentum exiſtat.

Ad quartum. Non concludit argumentum: nam eodem modo poteſt fieri ſimilis ratio, ſi ad temperatum huiusmodi fiat meſura, atque ſi ad intemperatum: nec enim aliter ſequitur, ſi ad temperatum ſolum commenſuretur morbus; eo quod in ſolo temperato datur ſanitas, in reliquis verò nequaquam. Ad confirmationem reſpondet ſequi quidem omnes homines perperuò ægrotare, præter illum ad quem fiat commenſuratio, ſi determinatè fiat ad vnā temperiem, qualiſcunque illa exiſtat; ſi verò indeterminatè ad quamcunque fiat meſuræ iudicium, falſam eſſe omnino ſequelam pronuntiabis.

Ad vltimum dic. Licet verum ſit, quod ſolum temperatus ſimpliciter tactus, & qui in homine tantummodò temperato reperitur, poſſit exactum, verum, & perfectum ferre circa quamcunque moderantiam iudicium; nihilominus intemperatus, dummodò naturalis ſanus, hoc eſt in ſano corpore exiſtat, intellectus ope, & concurſu potens erit, ſufficienter, & ad medendi rationem congruè, morboſam intemperiem in humano corpore notare, quam per ſe, & citra intellectus inuamen iudicare non poterat, & hoc iudicium de cæteris ſenſibus eſt ferendum. Quapropter diſtinguenda tibi erit maior argumentationis propoſitio: neque enim vera eſt, ſi ſolum de tactu ſimpliciter abſque vilo intellectus ſubſidio intelligatur: tactus namque in ſe ſimpliciter ſpectatus non eſt verus morboſæ, aut ſanæ & naturalis qualitatis iudex, licet ſuprà tangibilis cuiusque qualitatis ſimplicem intenſionem, aut remiſſionem propriè iudicare poſſit, iuxta illud citatum Philoſophorum axioma: *Senſus circa proprium ſenſibile non errat*: ſi autem propoſitio de tactu intelligatur, non ſecundum ſe ſolum, ſed ab intellectu concurrente ducto, & illuſtrato, veram fateberis eſſe maiorem. Similiter minorem propoſitionem explicabis: ſi dicas verum eſſe, quod ad perfectam, & exactam omnino meſuram, tactus requiratur exactus, & optima inculpatæque temperie præditus: verum meſura hæc, & ponderatio inartificioſa eſt, & ad curationis opus impertinens: cum namque rariffimus ſit, & ferè impoſſibilis exactus in optima temperie tactus, rariffimè etiam poterit exacta ſimpliciter meſuratio contingere: medicina autem non eſt de raris, ſed de iis quæ ſæpius contingunt: nam *frequentia pro perpetuis habentur*: vt monuit Gal. lib. de ſætu formatione, cap. 6. & lib. 6. apb. 18. Verum ſi ad congruum, & exactum curationis finem, ordinatè fiat meſura, ſufficit intemperatus tactus, dummodò ſub ſana & naturali intemperie exiſtat, & ab intellectu, vt diximus, adintus ſit.

Ex iis deducere poteris corollaria plura, ad Medicos uſus vtilia valde, quorum primum eſt. Quando Medici contendunt febrem eſſe calorem intenſiorem moderato, per hunc non intelligunt moderatum ſimpliciter, & qui in optima ſimpliciter temperie reperitur; ſed calorem

A naturalem ægri intelligere debent, qui ſub naturali & ſana temperie continetur, quæcunque ea ſit: qui idè moderatus appellatur, quia cuiusque temperamentum verum, & ad ſuas perfectiones commodum moderamen conſtituit.

Secundum corollarium. Quemadmodum febris, & quicunque calidus morbus, ad naturalem ægrotantis calorem eſt commenſurandus: ita frigidus, ad naturalem ægri frigiditatem, ſiccus ad naturalem ſiccitatem, &c. & quicunque in vniuerſum morbus, ſine in intemperie, ſive in compoſitione, ſive in vnitæte, ad ægrotantis corporis, ſanitatſue naturalem habitum referendus.

Tertium corollarium. Sicut tactus ad morboſam tangibilis qualitatis intenſionem, & remiſſionem iudicandam, opus habet intellectu, ſine quo non eſt potens, verum & exactum præbere circa morboſas paſſiones iudicium: ita reliqui ſenſus, non poterunt per ſe abſque intellectus concurſu & ope, ſuprà ſuas ſenſibiles qualitates, verè in ratione naturæ, aut præternaturam iudicare, licet eaſdem per ſe ſimpliciter, & abſolutè valeant infallibiliter agnoſcere, veluti ſuam propriam, & à natura ſenſile conſtitutum.

Quartum corollarium. Per temperatum tactum, ſicut & per reliquas temperatas à corpore dependentes potentias, intelligendæ ſunt non ſimpliciter temperatæ, ſed temperatæ ſecundum corporum naturas, quibus inſunt, & ſub naturali eorum temperie; licet in ſe corpora ipſa cum ſuis potentiis intemperata ſimpliciter exiſtant, hoc eſt, in ordine ad optimam & mediā temperiem conferendo, iuxta quam ſolum corpora ſimpliciter temperata nuncupantur.

Quintum corollarium. Vnum & idem corpus, ſub eodem numero temperamento; poteſt ſimul verè & artiſcioſè temperatum, & intemperatum nuncupari; ſub diuerſo tamen temperiei, & intemperiei reſpectu & conſideratione: qua ratione intemperata corpora omnia, ſimpliciter intemperata nuncupantur, ad ſimpliciter temperatas naturas collatione facta: eadem tamen temperata appellantur, in ordine ad ſuam cuiusque naturam, & temperiem. Ex his colligetur, non eſſe redarguendos Medicos, qui ſolent intemperata naturaliter corpora, modò temperata, modò intemperata nuncupare, quum temperata idè iudicent, quia ſanat, intemperata autem, quoniam ab optima temperie recedunt. Concludo ergo, vt ex ſuprà tradita doctrina ſit manifeſtum, morboſam intemperiem ad quamcunque temperiem, ſub qua humana ſanitas ſit apta conſeruari, optimè, artiſcioſè, & accommodè ad medicinæ praxim eſſe commenſurandam.

## HISTORIA IV. GALENI, De febris diaria.

In calidis naturis exercitij intermiſſio  
febrem accendit.

**E** Quidem quosdam noui, qui ſi triduo ab exercitatione ſe abſtinebant, proximus\* februebant. Alios in perpetua quiete degentes, tamen ſecundam valetudinem tueri, &c. Galenus, lib. 5. de ſanit. tuenda, cap. 11.

## P A R A P H R A S I S.

**P**ropoſuerat Galenus capite, in quo eſt deſcripta hiſtoria hæc, præſcribere victus rationem, quæ cuiſbet intemperiei corrigendæ ſit vtilis. Sed quoniam contrarij inter ſe multorum hominum corporis ſunt ſtatus, nihil mirum ſi ab iſdem plures vtilitatem, detrimentumque accipiant: quo pacto Medicus vnā omnibus vitæ ſpeciem exhibere non poteſt. Ita alij abundè quotidie exercitantur, alij in quiete vitam tranſigunt, quidam in balneum descendunt, plures ab eo abſtinent, & ita in cibi, poruſque vario ordine tutiſſimè viuunt. Quare Premigenes, de quo ſuprà facta eſt mentio, abſtinens

et finiens à balneo, febricitabat. Alij ab exercitio iuuantur, alij summè læduntur.

Iuuantur frigidi, humidi, voraces, gulæ dediti, & qui ob caloris debilitatem, & ingluuiem, plurimam succorum copiam coaceruant: nam exercitatio attenuat, calefacit, resoluit, excrementitiâ humiditatem absumit; quæ si retineatur, non gubernata à natura morbos concitat, & corpus ad putridas præsertim febres reddit paratum. Quocirca *dimittens exercitium incidit in hecticam*, dicebat Auic. 3. 1. doct. 2. cap. 1. hoc est, in atrophiam, & extenuationem: nam calor insitus partium à copia crudorum humorum obrutus, non potest alimentum sibi commissum coquere, neque ipsum per angustos, & minimè patentes meatus, vias, & poros commodè pertransire, aut assimilari potest; & sic denegato alimento partes tabescunt, spiritus influentis, & viuifici sanguinis illustratione priuata. Hæc respicientes priscorum doctissimi, pro auertendis morbis exercitium summopere commendarunt: vt Hipp. 6. epid. sect. 4. text. 2. 2. & in multis locis, quos ex professo lib. 1. in com. hist. 28. proposui. Demum ab intermissa exercitatione, grauissimos morbos, immò & dysenteriam concitari, probat Gal. 1. feb. 1. 1. & 3. de symp. caus. 2. & lib. 1. de articul. com. 40.

Sed si hæc vera sunt, & exercitium tot ex se præstat utilitates, cur alij in quiete degentes, sanissimè viuunt? Dic: quia calidi & sicci sunt, & sic ob motum & exercitium inflammantur, excandescunt, & in febrem promptissimè incurrunt. Hos enim impensè calidos in quiete esse continendos, minimèque exercendos, & resoluendos, illustri oraculo docuit Gal. lib. 8. meth. 15. §. Si nāque natura gracilis, temperatura autem calida & sicca, maximè euacuationibus offenditur, &c. Exercitium autem vnam esse ex vacuationum numero, probat Gal. 2. aph. 17. & 4. aph. 2. hæc enim corpora propter caloris copiam, & meatuum laxitatem, sanguinis, & spirituum tenuitatem, promptissimè ob exercitium resoluuntur, & ad humiditatis absorptionem siccitas acuitur magis, & corpora hoc modo in febrem & sæpe hecticam labuntur.

Calidæ ergo & siccæ naturæ quiete sunt conseruandæ; hæc enim diffilari corpora non permittit, naturalem calorem minimè dissipat; contra motus immoderatiôr attenuat, & resoluit. Deinde quies hac de causa humectat. Quapropter Hipp. lib. 6. epid. sect. 3. text. 33 sic ait, *siti carentem, os claudere, tacere, ventum cum potu frigido introducere, &c.* & sic in febriculis, & in alijs qui calidi natura sunt, frigidum potum consuluit, qui humectat, & squalidum corpus irrigat. Si enim quispiam premitur affectu aliquo siticuloso, & calidum est temperamentum sortitus, præsertim si adsit æstiuum tempus, hic domi se contineat, quiescat in cubiculo temperato, taceat: nam sermo excitat in oris partibus caliditatem magnam; claudat os, quo occluso humectantur fauces, cum oris salua conseruetur melius, quæ loquendo plurimum dissipatur. Sic aer inspiratus sit frigidus, vel per se, vel arte paratus.

Porro, si tantam cautionem exposcit Hipp. ad moderandam sitim in corpore calido & sicco, cur similis temperatura homines, ab exercitio non abstinebimus, maximè quod tum corporis, tum humorum perturbatione absumit, resoluit, calefacit, incendit, sanguinem acriorem reddit, spiritus inflammat, & tandem exiccat, febremque accendit?

#### Q V Æ S T I O IV.

*Utrum febrilis calor sit idem cum naturali, ut contra Galenum, Gentilis asseuerat.*

#### COMMENTARIUM

**F**ebriticabant. ] Amplissimi sese ostentant dubitationum fluctus, vastissimus controuersiarum oceanus, vada sese offerunt impenetrabilia; in quæ si semel ingreditur quispiam, etsi ingenio Philosophico, lectioneque multilinguæ sit præditus, vereor ne tantis iretibus

labyrinthis, ab his salebris euadere nequeat. Multa quidem à Latino-barbaris abundè sunt congesta de quæstione hac, plurima satis superque à Philosophis, & recentioribus Medicis prolata: sed illorum placita hodie veluti squalore obrita iacent; horum dogmata, ita sunt tenebrosos diffusionum ænigmatis obscurata, vt ex iis vel mediocrem doctrinā haurire vix possis. Ea omnia nitori suo pro tempore conabimur restituere, in Medicorum, & Philosophorum pomæria ingressi, variis doctrinæ flosculis ornata, & peramœna.

Neque putes leuiculam esse disceptationem hanc, vt rentur plures: cum enim dupliciter sumatur febris, vno modo pro formali, altero pro materiali; si illo modo febrem contempleris; non ita utilis est tractatio hæc: nam febris pro formali accepta, & secundum suam propriam & formalem essentiam, non est calor, sed dispositio & intemperies, quæ ad illum excedentem gradum caloris consequitur; cuius cognitio non ad medicinæ, sed dialecticæ perscrutationem conducit, cum logici sit nudam, & absolutam veritatem rimari: Medicus autem non absolute veritatem perscrutatur solum, sed in ordine ad curationis opus: quare diuersi sunt vtriusque fines, diuersa circa quodcunque quod in speculationem venit, consideratio, diuersus contemplationis modus.

Cum ergo febris, secundum suam propriam & formalem essentiam, sit dispositio qua corpus humanum ægrè afficitur, quæ ex diametro naturali dispositioni aduersatur, & cum hæc sit constans & permanens qualitas, à qua subiectum ad suas debitas operationes aptè afficitur, quæ sanitas nuncupatur: patet manifestè, naturalem, aut præternaturalem dispositionem, in qua sanitas & febris consistunt, si secundum suas proprias formas accipiantur, diuersas esse omnino, & contrarias qualitates in se includere.

Sed hæc consideratio parum, aut nihil profus ad mendi rationem conducit; quò pacto si hoc modo febrem accipiamus, idcirco de febrilis caloris identitate Medici parum sunt solliciti. Si tamen febris pro materiali, id est, pro materia in qua febrilis passio consistit, & per quam febris essentia solet definiri, accipiat, tunc hæc quæstio est plurimæ utilitatis, & multi vsus, cum solum Medicus illam à corpore remouere conetur: maximè quod varietas in materia varietatem in opere exigit, licet vna, aut diuersa sit affectionis forma, atque essentia. Hoc præsupposito ad reliqua accedamus.

Acurissimus Gentilis in extraneis, quæst. 4. proponit quæstionem ventilandam, multisque machinis protare contendit, calorem febrilem specie distare à naturali, quæ omnia in medium proponam; allatis alijs quæ eius placitum confirmant. Et primò facit pro illo, Galenus in multis locis, vt in lib. 6. epid. sect. 4. comm. 17. §. *Quandoquidem caloris in corpore humano duplex genus est, vnum familiare & congenitum, alterum præter naturam, &c.* Deinde 2. aph. 47. puris generationem refert esse opus medium inter calorem naturalem, & præternaturalem: nam *pneuma neque à solo calore extra naturam, nec à solo secundum naturam conficitur, sed ab utroque, cum mixtus sit inflammationis calor.* Insuper 4. aph. 37. eos calores aperte facit distinctos, dum sic ait: *Dari aliquando in corpore humanum multitudinem tantam habentium frigiditatem, vt neque à calore nativo, neque à febrili calefiant.*

Hæc sententia suadet primò. Diuersæ operationes non possunt iuxta Philosophorum decreta, ab vna agente causa proficisci. Atqui operationes ab his duobus caloribus euenientes, diuersæ penitus existunt. Igitur diuersi erunt censendi calores, à quibus proueniunt. Maior patet, quia diuersæ actiones diuersa formæ requirunt temperamenta. Minor facillè probatur, si vtriusque caloris opera contempleris: nam naturalis, vt pote mitis, salutaris, & vitalis concoquit, ex Gal. lib. 1. progn. comm. ult. conseruat, roborat, generat, ex Gal. lib. 11. meth. cap. 8. immò nutrit, humiditatis substantificæ incrementum promouet, naturales actiones perficit, & intendit: præternaturalis verò putrefacit, destruit, debilitat, corrumpit, tabefacit, & actiones deteriores

deteriores reddat. Ergo specie differunt. Quapropter A  
cum calor naturalis, & præter naturam contrariantur  
inter se, ex Gal. lib. de inaequali intemper. cap. 3. & contra-  
ria differant specie, ex Arist. cap. de oppositis, sunt calo-  
res hi specie differant: quod firmat Galen. 3. de presag.  
expulsi. cap. 2. §. Cordis calor, &c. Ergo, si diuersi actus  
diuersas arguunt potentias, quia potentia per suos  
actus distinguuntur, ignes, & calores inter se erunt di-  
uersi.

Secundò. Diuersi sunt inter se febriles calores, qui in  
humoribus, spiritibus, & membris recipiuntur, (immò  
caelestes quatuor, vt placuit Cardano lib. 2. de subtilit.)  
ex Gal. lib. de dif. feb. 1. quo loco diuersas febris diffe-  
rentias, & species constituit, penes varias materias,  
in quibus calor febrilis accenditur. Ergo sunt omni-  
no distincti inter se calores; & calor qui datur in humo-  
ribus, erit specie distinctus ab illo, qui accenditur in spiri-  
tibus.

Tertiò. Sic se habet calor febrilis ad calorem natura-  
lem, & morbus vniuersim calidus ad caliditatem antea  
secundum naturam in corpore præexistentem; vt fri-  
gidus morbus ad frigiditatem naturalem, & morbus in  
compositione præter naturam ad naturalem torporis  
compositionem, & morbus denique in sola continui-  
tate ad congruam, & requisitam naturaliter corporis  
vnitatem, & sic de reliquis morbis. Sed nullus horum  
morborum est idem cum naturali antea præexistente.  
Igitur nec febrilis calor potest esse idem cum præha-  
bito in corpore calore. Maior patet, quia nulla datur  
maior ratio in vno quàm in alio morbi genere, ad hoc  
quòd morbus seruet realem cum naturali habitudine,  
identitatem, aut distinctionem. Minor suaderetur, quia  
vnitatis solutio eadem dici non potest, cum ipsa inte-  
gra, & naturaliter debita vnitatem; frigiditas præterna-  
turalis, & morbosa (cuius proprium est naturalem calo-  
rem suffocare, & extinguere) non est eadem cum natu-  
rali; & congrua corporis frigiditate, quæ ipsum calo-  
rem naturalem aptè moderari, & temperare valet.  
Ergo si nulla est maior in vno, quàm in alio morbo ratio;  
sequitur quòd nec febris est eiusdem speciei cum calore  
naturali.

Quartò. Calor febrilis, & naturalis, à diuersis pen-  
dent omnino in sua cuiusque generatione principiis;  
tam in causa, quàm in effectu. Ergo distincti erunt calo-  
res. Naturalis enim, intrinsecus, eiusdemque viuen-  
tis calor, in ipsis naturæ primordiis, primòque sui ortu  
& formatione, generatur & coalescit, ex sanguine & spi-  
ritu, aptè ad generati corporis vitam coeuntibus, & op-  
timè secundum quantitatem, & qualitatem dispositis:  
febris autem à putrida, corrupta, & extra naturæ requisi-  
tum moderamen affecta, & indisposita materia suum ha-  
bet ortum.

Quinto. Calor solaris, à quo cuncta mixta producun-  
tur, specie distat à calore elementalī, siue igneo, siue ex-  
traneo, ex Arist. 2. de generat. animal. cap. 3. probat Tho-  
mas à Veiga lib. 1. de dif. feb. cap. 1. quæst. 3. Igitur febrilis,  
& naturalis calor maiori cum ratione specie distinguun-  
tur. Pater, quia multò minùs distant calor solaris, & ele-  
mentalī, quàm calor naturalis, & præter naturam, quum  
sæpenumero illi ad mixtorum generationem concurrant,  
si fides est habenda Philosophis, qui cum suo Magistro  
Aristotele elementum ignis concedunt; de quo negotio E  
fatis multa protulimus lib. 1. in com. hist. 66.

Sexto. Si calor febrilis vnus esset cum innato, & non  
tantum aduentitium, sed vniuersum calorem dicas fe-  
brem, omnis febris esset habitualis, nullaque ab intrinse-  
co sanabilis, quia sanitas restitui debet mediantibus actio-  
nibus secundum naturam, at ex sunt viciatæ, quia calor fa-  
ctus est præter naturam, & non est principium à quo sanari  
possit laborans, aut ad præstinam sanitatem restitui.

Septimò. Calor naturalis, & præter naturam in eo-  
dem subiecto se inuicem corrumpunt; experimento  
enim compertum est, plurimas febres à solo calore  
naturali citra aliquod externum præsidium fuisse perfa-  
ctas.

Sed antequàm hanc dirimamus litteram, aliqua adnotare  
libet, quæ ad quæstionis explanationem summè condu-  
cunt, & plurimam doctrinam inuoluunt, ad argumentum  
de febribus valde necessariam. Et primò quod ad medi-  
tam speculationem attinet, duobus potissimum modis di-  
cuntur duo vel plura distingui, vel essentialiter, vel acci-  
dentaliter: essentialiter differunt, quæ secundum suas pro-  
prias & essentielles formas, re, & essentia, verè & absolute  
sunt distinctæ, siue ipsæ sint substantiæ, siue accidentia, &  
hæc nulla ratione eadem esse possunt. Accidentaliter di-  
stinguuntur, quæ ob suorum accidentium varietatem ita  
sunt distinctæ, vt nullam in suo esse mutationem; sed ali-  
quam, immò variam à variis accidentibus subeant muta-  
tionem, iuxta illam à Philosophis latam sententiam: *accidens est, quod adest, & abest sine subiecti corruptione*, hoc est,  
sine subiecti essentiali alteratione.

Nota secundò. Quæstio quam frequenter Medici ia-  
ctant, vtrum calor febrilis, & naturalis distinguantur,  
multiplicem potest habere sensum. Primum, vtrum diuer-  
sæ illæ (vt ita dicam) naturalitatis, & præternaturalitatis  
formæ, aptæ sint, & sufficientes, duos constituere, diuersos-  
que re ipsa calores. Secundum, vtrum accidentales illæ calo-  
ris formæ, & qualitates, in calore ipso distinguantur, aut  
illum faciant re ipsa, quæ naturalis est, aut præternaturam,  
distinctum. Tertium, vtrum illum faciant calorem & in se,  
& in suis operationibus distinctum, hoc est, illum reddant  
diuersimodè affectum. Quartum, vtrum calor febrilis, &  
naturalis sint vnicum naturæ instrumentum, aut duo di-  
uersa in opere (naturalis, & præternaturalis ratione) in-  
strumenta reddantur.

Nota tertio. Licet verum sit, febris essentiam consiste-  
re in caloris extra naturam intensiōe, vt supra firmaui;  
hoc est, in gradu, aut gradibus naturalis caloris requisi-  
tam mensuram, & mediocritatem excedentibus: attamen  
non ille solum determinatè gradus, (vnus scilicet, aut  
plures) qui additus sit antea in corpore præexistentibus, &  
corpori de nouo superueniens, est febris. Deinde nec omnes  
habiti caloris in corpore gradus, sed vnusquisque, & qui-  
uis indeterminatè ex his omnibus, in corpore tunc tem-  
poris habitis, gradus indifferenter consideratus, vt ad-  
ditus, est præternaturalis, & febris. Si namque solum  
ille indeterminatè gradus, qui naturalibus in corpore  
præexistentibus de nouo additur, esset febris, sequeretur  
quòd si alius à corpore, & non ille determinatus au-  
ferretur, qui de nouo est additus, caloris gradus; ne-  
quaquam per illius gradus ablationem sanaretur ager;  
sed duplici morbi genere premeretur, excessu præter-  
naturalis caloris, per illum superadditum gradum ad-  
huc in corpore remanentem; & defectu naturalis ca-  
loris per gradum illum caloris antea in corpore præ-  
existentis, extinctum; quod non ita, sed aliter contin-  
git, vt assidua testatur experientia: nam quocunque ca-  
liditatis gradu, ex omnibus qui in corpore pro illo nunc  
reperiuntur, ablato & extincto, in suum pristinum sta-  
tum ægrum corpus reducitur: quod manifestum sanè est  
indiciū, quòd non in vno determinatè illo superaddito  
de nouo caliditatis gradu, sed in quolibet indeterminatè  
consistat.

Insuper non obscure hoc potest suaderi: nam sanitas  
corporis consistit v. g. in duobus caloris gradibus in cor-  
pore existentibus. Si ergo addatur tertius, iam verè aderit  
morbus, quum iam plures adsint caloris gradus quàm duo;  
ad integram corporis sanitatem requisiti. Atqui per  
quemlibet caloris gradum à corpore ablatum, siue ille  
sit, qui de nouo superuenit, siue quiuis alius ex his qui in  
corpore præextiterint, manet corpus à tertio caloris gra-  
du excedente liberum, inanetque cum duobus solummo-  
dò caloris gradibus, in quibus perfecta eiusdem sanitas  
consistit; ac proinde per cuiusvis gradus extinctionem,  
corpus in naturalem statum restituitur. Igitur febrilis mor-  
bus, non in vno determinato caloris excedente gradu, sed  
in quouis indifferenter consistit.

Huc facit & illud: nam si omnes tam naturalis, quàm  
præternaturalis caloris gradus, qui in febriente calore  
reperiuntur, essent febris, in qua sententia videretur esse



Auerrhoës 3. collect. cap. 3. definiens febrem, per calorem A  
compositum ex calore naturali, & extraneo putredinali,  
sequeretur quod prius exstingueretur vita; quam quævis  
posset febris integrè curari. Cum namque integra cuius-  
que morbi curatio ab omnimoda morbi extinctione;  
eiusque in corpore absentia depèdeat, iuxta Gal. 3. simpl.  
cap. 12. non poterit perfectè & integrè febris curari, nisi  
omnes caloris gradus; in quibus febris consistit, extin-  
guantur & evanescant. Si ergo tam naturales, quam præ-  
ternaturales gradus, qui in febrientis corpore reperiun-  
tur, essent febriles, essent quidem ad febrientis corporis  
sanitatem, & naturales, & præternaturales gradus è cor-  
pore omnino expellendi; quod opus superfluitate vita fieri  
non potest. Igitur non in omnibus habitis in febrientis  
corpore caloris gradibus consistit febris, sed in gradu;  
aut gradibus de nouo in corpore additis, & superuenien- B  
tibus.

Hoc modo intelligendi sunt auctores, cum doctissimo  
Thomà à Veiga loc. cit. asserentes; febrilem intensiorem  
fieri per maiorem caloris fixationem in subiecto illius in-  
diuisibilis qualitatibus. Sic etiam intelligendus est subti-  
lissimus Auerrhoës lib. 3. collect. c. cit. vbi febrem consti-  
tuit, calorem compositum ex calore naturali, & præter na-  
turam: etenim cum omnes, & quicquid indifferenter gra-  
dus possit dici naturalis, & præternaturalis, in quo quæ-  
dam videtur cerni compositio; poterit cum Auerrhoë to-  
tus ille calor, omnes, & singulos continens gradus, quo-  
dammodo compositus appellari: quo pacto Auerrhoës à  
communi, & nostra non discedit opinione; opinentur alij  
vt velint, qui in varios sensus huius auctoris mentem di-  
strahunt more suo.

Et hac doctrina patet explicatio ad alium obscurum  
locum eiusdem auctoris, qui 7. collect. c. 2. docet, febrilem  
calorem à naturali ramificari, hoc est, ad omnes & solas  
partes febrem communicari; ad quas calor naturalis se  
extendit: indeque in omnibus, & singulis partibus, in  
quibus febris reperitur, coniungi simul & coire natura-  
lem calorem, & febrilem, in quo certa quodammodo vi-  
detur dari vtriusque caloris compositio: licet plurimi in-  
terpretum, Auerrhoëm loc. cit. de caloris intensiōe, non  
autem de extensione intelligant: asserunt enī quod fe-  
brilis calor, in vnoquoque corpore, aut membro, pro na-  
turalis caloris quantitate aut intensiōe, tantus vel tantus  
accèdatur, & magis aut minus in sua intensiōe efferve-  
cat; asseruntque Gal. auctoritatem lib. 1. aph. 14. qui sic fa-  
tur. Verum tantam euenire senibus conuersionem, vt aqua D  
sit ei qua iunioribus accidit; vix fieri potest. Multum enim  
calidum promptè in imensum attollitur; paucum verò non  
facile, sed maximam exigit causam qua cogat ad hoc, &c.  
Iacobus de Forliuio supra cit. aph. sic ait. Si enim febris ni-  
hil aliud est, quam calor in ignem mutatus; cōstat hunc non  
tantum mutari in senibus, quantum in iuuenibus, in quibus  
multitudo caloris facile ad vltimitatem deuenit, &c. Hugo  
Senensis aph. cit. quem ibi refert Hieremias Brachelius,  
hanc Auerrhois exponens sententiam, sic asserit, quod ca-  
lor præter naturā ideo ex Auerrhois sententia, mensuratur  
calori naturali, quia membra naturaliter calidiora aliis  
paribus, ab equali causa vtrorumque calefactura, plus ca-  
lescunt.

Verum quocunque modo velis Auerrhoëm intelligere,  
illijs mens & intentio locis citatis non est alia, quam  
ita febrilem calorem, & naturalem in febrientis corpore  
yniri, coniungi, & ad compositionis modum coire, vt  
vnus & idem calor sub diuersis gradibus, possit natura-  
lis, & febrilis censeri; immò vnus & idem gradus, natu-  
ralis, & præternaturalis, sub diuersa consideratione dici  
possit: hoc est, si vt additus vnus gradus consideretur, ve-  
rè iudicetur febris; si autem idem, vt moderatus per-  
cipiatur, & intra debitos naturæ terminos atque fines,  
naturalis censetur. Non est ergo exponendus Auer-  
rhoës circa febris essentiam, quasi velit febrem consti-  
tuere in vera caloris naturalis, & præternaturalis compo-  
sitione seu in aggregato ex his duobus caloribus, quod  
idem est ferè; sed de gradu, seu gradibus caloris supra ex-  
plicatis.

Lib. IV.

His iactis accedo ad negotium. Calor febrilis, & na-  
turalis, vnus est penitus calor, vna & eadem essentia, vni-  
ca forma, singularisve qualitas, nec vllam recipit à natu-  
rali, & præternaturali; natiuo, & extraneo; temperato; &  
intemperato; intenso, & remisso; in sua essentia differen-  
tiam, & mutationem. Eiusmodi verò formæ, maximè tem-  
peries & intemperies, naturalitas & præternaturalitas,  
quæ ad nostræ quæstionis explanationem præcipuè cō-  
ducunt, etsi caloris essentiam nequaquam immutent, di-  
uerfos verè, & re ipsa distinctos in vno calore gradus  
præsupponunt; quare calorem in accidentibus diuersum  
hoc est, diuersimodè affectum (accidentaliter scilicet) di-  
uersoque modo, & ratione operantem reddunt; & sic di-  
uersa constituunt naturæ ad suas operationes in calore  
instrumenta.

Si testes pro huius assertionis confirmatione legere  
cupis, extant in primis tractata venerandi Gal. senten-  
tiæ, ab omni Medicorum cœtu vnanimitè receptæ, in  
lib. 1. aph. 16. & 1. acut. 18. & 8. meth. cap. 1. & 2. meth. c. 7.  
& lib. de caus. morb. cap. 2. & alijs in locis supra cit. in qui-  
bus definit febrem; per calorem naturalem in ignem  
mutatum; calor autem naturalis non vertitur in ignem,  
nisi mediante intensiōe, seu (quod idem est) per gradum  
de nouo corpori superuenientem; & additum præexisten-  
ti. Quare Auicennæ definitio de caloris augmento, & in-  
tensiōe est explicanda; nam Galenus loc. cit. aliquando  
calorem naturalem auctum; vocat accensum, intensum,  
immodicum: Si ergo febris solum per intensiōem à  
calore naturali differt, & non arguit diuersam caloris  
formam; essentiamque distinctam; ita nec calor febrilis,  
& naturalis vllam patientur in caloris essentia distin- C  
ctionem.

Secundò. Ea conueniunt specie, quibus vna est diffe-  
rentia essentialis. Sed hoc modo se habent calor natu-  
ralis, & præter naturam. Ergo. Maior patet ex Arist. lib. 2. de  
generat. cap. 2. §. Calidum est, quod congregat homogenea, &  
disgregat heterogenea. Sed hæc proprietas conuenit vtri-  
que calori, vt constar in ligno quando adurit; & in ca-  
lore nostri corporis; quando humores generantur; & in  
calore seminis, diuersas portiones pro diuersis partibus  
ad generationem separante. Ergo conueniunt specie, si-  
quidem hi duo calores solum differunt secundum magis  
& minus.

Tertiò. Si calores differrent specie, sequeretur quod  
necessariò consideranda essent duo frigora, specie etiam  
differentia, quæ illis duobus caloribus ex æquo essent  
contraria. Sed hoc dicendum non est, quia frigus opponi-  
tur calori naturali, & extraneo. Ergo nec illud.

Quartò. Febris oritur, ex mente Gal. 1. feb. 3. ob prohi-  
bitam ventilationem calore naturali intensiori reddito;  
similiter ex ira, & exercitio sequitur febris, quoniam, vt  
suprà diximus, caliditas naturalis præexistens intenditur.  
Sed per intensiōem non resultat noua species caloris à  
præcedente differens. Ergo.

Quintò. Calor naturalis, & febrilis in eodem subiecto  
cùm vnum intensius efficiant, & omnes effectus pariter  
inducant, sunt eiusdem speciei: nam calefaciunt, combu-  
runt; attenuant, liquant, resoluunt, aperiunt, frigus cor-  
rumpunt. Ergo.

Sextò. Mixtum redditur calidius ex approximatione,  
ad solem, & ignem. Ergo suus innatus calor fit vnus in-  
tensior eum celesti, & igneo, ac proinde omnes sunt eius-  
dem speciei: quæ enim diuersa sunt, yniri nequaquam  
possunt, nec se in opere iuare, oppositum cùm diuersa  
intendant, & vnumquodque sibi simile producere con-  
tetur, vnde alterum omnino impedit, & quod præualet in  
mixtione operatur.

Septimò. Specifica calorum vnitas per effectuum  
identitatem arguitur, quia naturalis desiccat, 1. aph. 16.  
quod opus præstare igneum, nulli est non manifestum.  
Deinde sol per se calefacit animalia, plantas producit  
etiam calidissimas, in quibus igneus calor viget ab ipso  
sole productus. Neque hanc sententiam parum cōfirmat,  
experimentum ignis geniti à solari luce in cauo speculo,  
dum ad eius centrum stupam comburit, & flammam  
concitatur.

fff

conciat; manifestum indicium calorem solarem ab alio non differre. Ergo calor naturalis, & febrilis eiusdem sunt speciei, & in eodem subiecto, ritu aliorum accidentium quæ solo numero differunt, vnum intensius efficiunt, & sese mutuò in opere vniunt, & iuuant.

Nunc, vt hæc firmiora euadant, soluendæ sunt obiectiones. Dic ad auctoritates, solum velle Galenum, calorem naturalem, & febrilem diuersos esse in actione, non autem in essentia sua, hoc est, diuersa esse agentia, non autem diuersas formas: neque ex illa validiori prima auctoritate infertur rectè, duos esse distinctos in sua essentia calores, distinctasque formas, sed solum esse diuersa in actione instrumenta. Solue secundò: Galenus per alienum calorem & præter naturam, extraneum seu ascititiu calorem intelligit, non verò febrilem: per congenitum autem eum intelligit calorem, qui in ipso formationis principio in viuente congeneratur: neque hoc tollit, quo minùs acquisitus calor cum naturali, & congenito in corpore coniungatur, vt vna prorsus caloris forma ex extraneo, & naturali calore constituatur, licet in actione diuersi quodammodo videantur calores. Galeni verò lib. 2. aph. 47. auctoritas non aliud concludit, præterquam quòd naturalis, & febrilis calor sint diuersa instrumentalia agentia, quod libenter fatemur. Tertia verò auctoritas, ex 4. aph. 37. de frigido sudore, solum probat calorem præternaturalem, esse maioris actiuitatis, quàm naturalem, quod non negamus: cum enim febrilis calor per caloris additionem in corpore generetur, additus autem calor in opere fortior reddatur, satis patet febrilem calorem maioris esse efficaciz, quàm naturalem.

Ad primum argumentum dic, maiorem non esse veram: fieri namque potest, diuersas immò & oppositas actiones ab vnico agente, vnicaque forma sub diuersis dispositionibus proficisci, hoc namque nos docet quotidianum experimentum: vnus namque aer, aut aqua sub variis dispositionibus verè corpora nostra immutat; immò vnica aeris, aut aquæ caliditas, seu frigiditas, iuxta varias intensiõis, aut remissionis dispositiones, humiditatis, aut siccitatis consortium, aliasque quotquot potest subire varietates, diuersas imprimit in corpore nostro affectiones.

Deinde. Vnus & idem calor iuxta maiorem aut minorem distantiã, maiorem vel minorem lucem, iuxta rectitudinem aut obliquitatem, aliasque multas differentias, potentiam visuam variè afficit. Vnus calor modicè calefaciendo, concoquit, & humectat; immodica autem calefactione comburit, extinguit, & exiccat. Vnica lux iuxta varias receptas affectiones, substantiam vnã reddit ignitam, aliam nimis calidam, aliam nimis tepidam; aliam solummodo lucidam, & sic de reliquis. Vel dic. Esto, quòd distinctæ operationes non possint ab vnica prodire causa, hoc de prima, & immèdiata causa, non de remota est intelligendum, cuiusmodi est calor in ordine ad prædictas actiones: mediata enim & remotè ab vna solummodo causa diuersi possunt prodire effectus: sic se habet concoctio, & putredo; conseruatio, & interitus ad calorem. Quare minor proposito est inuoluta.

Ad secundum, dic. Actus primarij sunt, qui distinctionem, aut vnitatem arguunt in potentiis, non autem secundarij: primus autem, & immediatus caloris vniuersi actus vnica est calefactio; reliqui verò qui ad calefactionem consequuntur, generatio scilicet & corruptio, concoctio, & putredo, secundarij & remoti existunt, qui licet diuersi, tamen distinctionem caloris à quo secundariò emanant, nequaquam inducunt.

Ad tertium. Concessa maiori, neganda est minor, & ad confirmationem respondendum, verum quidem esse solutionem, & vnitatem in vno corpore, particulariue membro varias esse dispositiones, diuersasque accidètia, nihilominus non esse verum, naturalem habitudinẽ sanam, quæ in vnitatem consistit, aliam esse à sua forma & essentia, ab habitudine quæ datur in corpore, aut morboso membro; ratione aduenientis solutionis: idem

namque est cum vnitare, & solutione corporis, aut membri habitus, secundum suam propriam, & formalem essentiam: est tamen diuersus accidentaliter, id est, bonus vel malus, sanus vel æger, naturalis vel præternaturalis, & idem de frigiditate, ceterisque cuiusque generis affectionibus morbofis est ferendum iudicium.

Ad quartum dic. Verum esse, illa quæ à diuersis efficientibus principiis dependent, diuersa esse: non tamen ita differre, quæ à diuersis in generatione sua materialibus principiis proficiscuntur: nam materia non est apta moliri in rebus quibuscunque distinctionem, aut vnitatem, quum se habeat ex parte passi, sitque nudum, & receptiuum principium: calor verò naturalis & præternaturalis à diuersis dependent in sua generatione materialibus, non verò efficientibus principiis: sanguis enim, & spiritus sub optimo, & quantitatibus, & qualitatis moderamine, probique & inculpati humores, & benigna materia sunt caloris naturalis subiectum receptiuum: putridi namque excedentes, & vitiosi humores, propria febrilis caloris, materia, non sunt generantes causæ, efficientiæque principia naturalis, & præternaturalis caloris, sed solum materialia suo quouis modo subiecta, in quibus febrilis, & naturalis calor recipiuntur, & sic in pluribus distinctis materialibus subiectis vnum potest accidens, vnique specifica natura, & forma recipi. Quapropter distinguendum est antecedens: nam verum est si propositionibus sensus sit, quòd naturalis, & febrilis calor à diuersis materialibus principiis dependent, & sic consequentia falsa: si verò de principiis efficientibus intelligatur, illud est negandum.

Ad quintum, Negandum antecedens: neque enim solaris calor, & igneus diuersas includunt caloris species, & naturas: nam vnica est vtriusque caloris natura, vnica species, forma, & essentia vnã. Ad confirmationem dic, diuersas specie naturas, siue materiam, siue formam, siue compositum ex vtroque, non necessariò arguere diuersas efficientes in specie causas, diuersosque producentes effectus: & licet hoc aliquando accidar, non tamen ex naturæ necessitate contingit, quod quotidiano experimento ratum est; quoniam mures, & cuiuscunque generis vermes, & alia quàm plurima eadem in specie, à diuersis omnino specie, & genere formis procreantur. Deinde experimur vnã, & eandem frigiditatem in specie, ab aère, aqua, & quamplurimis mixtis corporibus nostris induci; vnum & eundem specie ex inferioribus calorem à variis causis congenerari, & produci; ab igne namque propriè calor tanquam à sua propria forma generatur, vt omnibus Philosophis est in confessio; deinde à motu, & fricatione, collisioneque duorum corporum inter se, calor producitur. Quare calor solaris, & igneus licet in materia, forma, & compositione à diuersis causis oriantur, non idèò sunt diuersi specie, atque natura. Philosophus autem 2. de generat. animal. c. 3. natura diuersos appellat calorem igneum, & celestem, seu animalibus naturalem, quia diuersos habent generationis modos, à diuersis natura causis, & formis productos, quum diuersos nonnunquam, iuxta varia quibus iunguntur, fines attingant.

Ad sextum. Non ex eo quòd calor febrilis, & naturalis eiusdem sint speciei, rectè infertur, omnem febrem esse habitualem, nullamque ab intrinseco sanabilem: non enim in omni febre vniuersa, & singule partes ponuntur in calefacto esse, nec perinde totus calor factus est igneus: Deinde non omnis est ab intrinseco insanabilis, quum adhuc remaneat calor naturalis, & non totus sit factus præter naturam, & aliqua remaneat partes frigide, quæ in calidas agere, & corpus ad pristinam naturam deducere possint.

Ad septimum. Dic in febris quæ heclicæ non sunt licet totum corpus denominetur calidum, tamen calor nõ occupat in hæsiuẽ omnes, & singulas corporis partes; quare in quibusdam eius partibus permanet solus naturalis calor: qui cum temperatus sit, & ita frigidus, collatione ad calorem præter naturam & febrilem, qui intemperatus est, diutina actione hunc tanquam sibi contrariu

& aduersum, vincit, & corrumpit, adiuuante præsertim forma, & natura febricitantis, quæ calorem naturalem conseruare nititur, & extraneum expellere, à quo ipsa destruitur. Neque obiciat, tunc non adesse vires, nam habes contra te Galenum 3. de præfag. ex puls. cap. 2. qui pulsus excitari magno assueuerat, quando cor nimis incalescit: licet enim cor tunc sit intemperatum, non est tamen factum intemperamentum, sed fiens, cum quo virium robur potest consistere; vires enim ab intemperamento facto debilitantur solum vehementer.

Hæc sunt poriora argumenta, quibus aduersarij nituntur confirmare opinionem suam, quæ, vt vidisti, nihil concludunt. Si tamen alios auctores de hoc argumento legere concupiscis, consule ex Medicis Conciliator. dif. 59. Cardanum lib. 2. contrad. tract. 5. cont. 18. Doctissimum Castrensem Lusitanum lib. 3. de meteor. microcosm. cap. 7. Ioan. Brauum, & Christoph. à Vega lib. 1. de dif. feb. com. cap. 1. Mercatum lib. 1. de feb. in init. Carterium in Auic. & alios. Ex Philosophis Marcel. lib. 2. de anim. text. 143. Bartholom. Anglic. lib. 3. de propriet. rerum, 1. Niphum lib. 1. meteor. com. 35. quest. 2. Aegidium, ad text. 41. lib. 2. de anim. Albert. Magnum, lib. 20. de animalib. tract. 2. cap. 4. Bonauentur. in 2. distinct. 17. quest. 2. Marsil. lib. 2. de generat. quest. 4. Saxoniam. quest. 5. Achillinum lib. 3. de element. dub. 10. & alios, qui fuscæ quæstionem hanc sunt speculati: sed maior & melior horum auctorum pars nostram sententiam approbat, & confirmat: nam naturale, & innaturale addita calori, non dicunt entia realia varia, sed solas relationes, vel intensiorem gradualem caloris important; quare cum iidem calores in subiecto vnâ faciant intensius, & varietas, quam alij fingunt, nec iudicetur tactu, nec intellectu, consonum est rationi, ac Philosophiæ, & Medico vsui est valde conforme, vt calor febrilis, & naturalis sint eiusdem speciei. Quare cum hoc ita sit, non curabimus quid nouatores quidam perperam, & longè ab Arist. Hip. & summorum Medicorum mente interpretentur, quorum argumenta si refricare velim, in infinitum procedet oratio: quæ omnia ex dictis facile solui possunt.

## HISTORIA V. GALENI, De febris diaria.

### Diariæ febris, ex motu, & exercitio subortæ, balnei ope curatio.

**N**Ex obliuioni præterea mandauerat Menander, ea quæ peracta erant, quando iuuenis ille qui ex motu, & labore febricitauerat, balneis adhibitis; reclamantibus tamen Medicis aliis, confessim integritati restitutus est, &c. Galenus lib. de caus. procatart. cap. 1. post init.

### PARAPHRASIS.

**G**alenus supra in historia secunda, vt conuinceret Medicos Diatritarios, attolit in medium historiam Menandri, qui cum ex æstu capitis dolore laboraret, in febrem incidit diariam, & neglecta diatrito, rosaceoque capiti imposito conualuit. Hic autem æger præbuit fidem Galeno, quod prius de ingenio eius, rectæque curandi methode factus fuisset conscius, habita curatione in iuene, ex motu & labore, seu exercitio febris correpto, quem cibo, & balneo ad sanitatem perduxerat: nam malum febriculosum est inimicum fami, vt dicebat Hip. lib. 6. epid. sect. 3. text. 22. quia fames corpora exiccat, ex ipso lib. 7. aph. 59. diætæ enim, & omnimoda cibi abstinencia, sicuti corporibus humidis conferunt valde, sic extenuatis, ac laboriosis impensè nocent; nam calorem natium acriorem, reddunt, & inflammant hepar: alimento enim denegato viscera vruntur, & exiccat corpus: febris ergo curationem totam repones cum Gal. in humectante victu, & balnei vsu, de cuius laudibus pro siccis humectandis corporibus, ibi ab eo multa dicta sunt satis.

Lib. IV.

**A** Illud dubitationem facit maximam, cur ex labore, motu, & exercitio febris concitetur, si motus non est causa caloris: nam cum sit formaliter calidus, vt ignis; neque eminenter, vt sol; neque potentia, vt piper, calefacere non potest. Adde iuscula, & quælibet alia liquida calidissima, tantò magis refrigerari, quantò plus mouentur. Deinde. Aquæ stagnantes, & immotæ plus solent calefieri, quàm velociter decurrentes.

**D**ic, quinque esse causas caloris, vt testis est locupletissimus Galenus, tum lib. 1. de dif. feb. c. 3. tum lib. de caus. morb. cap. 2. à quo desumpsit Auic. 2. 1. doct. 1. cap. 1. suntque motus, putredo, prohibitum effluuium, vicinia rei calidæ, eiusdem rei calidæ permixtio. De motu hoc loco agendum est. De putredine, in hoc loco, infra agemus, & in lib. 1. in com. hist. 84. disceptauimus. De prohibito effluuiio, & reliquis causis caloris, plura diximus lib. 2. in com. hist. 78. & infra latius peragemus.

De motu autem, neganda foret propositio illa Aristotelica, nisi certissimis, manifestissimis, frequentissimisque, exemplis sui certitudinem, euidentiamque exhiberet, vt est illud, de terra inflammata inter secanda ligna; de igne à ferro, & silice excusso; vel quauis mole ferrea ad lapidem, vel quodlibet aliud durissimum corpus collisa; quibus experimentis allatis ab ipso lib. 5. probl. 13. & 14. & lib. 2. de calo, cap. 1. text. 42. & lib. 1. meteor. cap. 3. motum non solum natura comburere, verum etiam ignire ligna, lapides, & ferrum apertissime confirmat; quæ omnia exemplo sagittæ patent manifestè, quæ per aërem delata in motu sic ignitur, vt plumbeus mucro liquefiat.

**C**ausam ob quam motus calorem generet, rimatur soletissime Scaliger exercit. 16. aduersus Cardanum, & in ea vestiganda ita Philosophi sunt discordes, vt illorum solutio nihil aliud sapiat quàm rixas. Inter plures hi sunt potissimi. Quidam ex attritione illa inter dura ignem concitari putant, quoniam partes igneæ intus delitescences foras extrahuntur: ita sentit Thomas Garbius in sum. med. lib. 2. tract. 2. quest. 6. Corruit solutio: nam hæc partes non ita corporibus solidis, & compactis extrahuntur: aut enim per eas intelligunt eum ignem qui in partibus mixti internis permixtus est cum elementis cæteris, aut solum caliditatem: si primum, sequitur mixtionem ignis cum aliis elementis in intimis partibus solidi corporis moti, ac collisi dissolui, igne ab ipsis secedente: & hoc stare non potest, quia ignis non actus, sed potentia in mixtis manet. Si tamen caliditatem sic extrahidant, id est impossibile, quum qualitas de subiecto in subiectum migrare non possit. Deinde ex motu non posset calor generari, nisi adesset confictio vehemens: nam ex Arist. sagitta per aërem impulsæ citra attritionem incalescit.

**A**lij sic philosophantur. Motus cum omnium motuum sit præcipuus, potissimam gignit qualitatem primam, quæ calor est. Explicatio hæc Philosophorum placitis maximè repugnat: sic enim simili ratione diceremus, motum generare dulcedinem, quoniam hæc est prima qualitas gustabilium.

**Q**uidam ratiocinantur hoc modo: nam ex tali corporum confictione aër intermedius rarefit, ad quam rarefactionem, calorem sequi opinantur. Ratio inualida: raritas enim cum sit qualitas secunda, & de genere agentium minimè sit, primam qualitatem generare nequit.

**E**Motus ergo calefacit, quia sic extenuat, & rarefacit aërem, vt sub propria forma conseruari non possit, quare corrupto aëre generari ignem est necesse: licet enim raritas, & tenuitas non sint qualitates actiue, quæ calorem producere possint, vt ignis ignem; attamen ex dispositione materiæ sine causa vniuoca, & particulari, generantur animalia ex putredine, quoniam disposita materia, causa vniuersalis subit vicem causæ particularis, diciturque generatio ex accidenti. Consule Vallesium lib. 4. controu. 3.

**H**oc modo motus, etsi non sit calidus, calorem generat: maximè cum quæstio sit intelligenda de motu, qui fit inter corpora solida, & dura; ex quo patet responsio

ad secundum argumentum. Deinde liquida motu refrigerantur, quoniam partes calidae euolant, & rarefiunt, & remanentes ad frigiditatem externam recipiendam redduntur promptissimæ. Aquæ autem immotæ motis citius incallescunt, quoniam radij solares in eis amplius reflectuntur.

Insuper animata corpora vno è duobus modis ex motu calefieri comperio: tum quoniam sanguis, & spiritus motu ebullientes ab intimis partibus ad extimas expelluntur, & per totum corpus ob sui tenuitatem permeantes, cæteras partes concalfaciunt; tum quia solida articularum ossa confricantur.

Neque solum corporis, sed animi motus febrem excitant manifestè; nam irâ feruēt sanguis, spiritus inflammantur, accenduntur humores irrequieto motu agitati, ut lib. 2. in com. hist. 13. latè ex veterum, & iuniorum mente firmauimus.

Ira proximum est gaudium, ex quo febrem oriri certum est: licet enim in eo non ita sanguis, & spiritus velocitè ac in ira moueantur, nec introrsum, ac extrorsum ebulliant, ac incallescant, hoc solum arguit quod gaudium rarè febrem concitare possit, ut docuit Auic. 1.4. tract. 1. cap. 21. nam si immodicum sit, vel mortem inducit: Ex nimio quippe gaudio, præsertim pusillanimes vitam cum morte commutarunt, haud aliter quàm timentes, ut 2. de caus. sympt. cap. 5. docuit Gal. quod variis antiquorum testimoniis probat Plinius lib. 7. cap. 32. & 33.

Post gaudium sequuntur mœror, tristitia, timor, quæ animi pathemata febrem concitare conscripsimus, lib. 2. in com. hist. 10. Sed cum in illis non ita sanguis, & spiritus ebulliant, ut in iratis; & hi animi affectus potius quietem, quàm motum inducant: ita ab illis non ita frequenter, ac ex ira concitatur febris: nam ira præsertim cum biliosas naturas corripit, acutas febres facit: cum hoc concedendum, has animi passionēs diu perseverantes symptomata admiranda parere, & sæpe mortem, ut referunt Valerius Maximus lib. 9. tract. 11. de morte non vulgari, Aulus Gellius lib. 3. noct. Atticæ. cap. 15. Plin lib. 7. cap. 57. & Valleriola lib. 5. de morb. & sympt. cap. 5. in med. appositis historis, ex præcorum mente satis confirmat.

## QVÆSTIO V.

*Utrum febris sit intemperantia simplex calida, an composita ex calore, & siccitate; ut contra Galenum voluit Altimarus.*

### COMMENTARIUM.

**F**ebritauerat.] Hippocraticæ doctrinæ studiosi, nullam de febrium curatione notitiam haberi posse asseuerant, nisi ipsiusmet essentia intimius agnoscat; immò Galenus inter Medicos veteres summè celebris, hoc etiam confirmat in locis multis: quo pacto operæpretium me facturum opinor, ne in argumento de febribus quippiam maneat indecisum, si nos hic, quæ ex multis (quod dicitur) magistris didicimus, in medium attulerimus, ut labores nostri proficiant omnibus; eò ferè amplius, quoniam pro utraque parte, in hac quæstione Medici ad raium vique decertant.

Quod verò ad propriam essentiam febris, excedens, & immoderata siccitas cum excedente calore iungatur, potest suaderi imprimis ex communi medentium usu, ritu, & consuetudine, qui vulgarem, & assiduam in febrium curatione normam, per humectantia, & refrigerantia medicamenta præscribunt, quæ solum sicco, & calido affectui aduersari, omnibus compertum esse reor. Deinde Galen. 1. aph. 16. & 1. acut. 18. febrem, & acutos morbos, quos febris continua consequitur, in ignea constituit naturam; & Hip. in lib. epid. febrem Ignem vocat, & definit per conuersionem caloris in igneam naturam, quæ calida & sicca est. Hoc firmat lib. 1. meth. cap. 6. & 8. & meth. cap. 9. & lib. 9. cap. 14. & lib. 1. de temp. cap. 5. & lib. 2. acut. com. 22. quo loco cõctionem fieri à calore vaporoso & humido

asseuerat, non verò squaliente & sicco quæ in febribus reperitur.

Secundò. Nulla in inferioribus corporibus datur substantia, quæ vinca tantum qualitate in sui constitutione formetur, vnicæque in sui essentia contineatur: nam neque elementa, quæ omnium substantiarum simplicissima sunt: vnicam solum, sed duplicem sibi vendicant qualitatem: cuiusque enim elemento, vnicæ ex Philosophorum decreto debetur qualitatum combinatio, sine qua elementi forma nequit consistere, & naturaliter permanere. Igitur nec mixta corpora possunt vnicæ tantum qualitate conseruari. Consequentia legitima est: nam quod corpora simpliciora sunt, eò paucioribus in suo esse consistunt. Si ergo simplicia elementa non possunt vna solum qualitate iuxta suam propriam naturam permanere, optimè inde inferitur, quod nec mixta, quæ maiori ad sui integram naturam egent compositione, persistere queant. Atqui febrientis corporis mixta est, & composita ex elementis substantia. Ergo vna solum qualitate consistere nequit. Neque hanc rationem conuellas, quod in exemplo hoc non detur paritas; quoniam febris, non corpus, sed passio corporis existit: nam idem potest fieri argumentum de passionibus tam simplicium elementorum, quàm mixtorum corporum, in quibus perfecta, & absoluta mixtio conspicitur. Ergo qualitas febris adiuncta, nulla alia est quàm siccitas, quæ cum excedente calore ad febrem requiritur.

Terriò. Propria, & naturalis virtus caloris, propriumque eiusdem munus est resolutio, & exiccario; idèò namque naturaliter asseritur mors viuenti contingere, quoniam humidum primigenium, quo necessariò viuunt, absumitur. Ergo nulla ratione potest in subiecto aliquo reperiri calor, quin siccitas ad eius propriam actionem necessariò sequatur. At qui primum calor in quouis subiecto recipitur, non potest non operari: est namque naturalis virtus & potentia, quæ ita de necessitate naturæ agit, ut actionem suam retinere, & aliqua ex parte retardare nequeat. Ergo necessariò siccitas ad calorem immodicum, qualis in febriente reperitur, consequetur.

Quartò. Calor non potest operari, nisi in subiecto & materia, in qua siccitas humiditati præualet, & quæ iuxta superantem siccitatem, sicca apta sit denominari. Ergo nec potest existere, aut permanere, nisi in sicco similiter subiecto, exiccatæque materia. Patet: neque enim calor reperiri potest in subiecto aliquo, in quod non possit iuxta suas vires operari, idèò namque ex omnium Medicorum sententia, qui in substantiis, & radicali humiditate calor existit, durat, & ad vitæ permanentiam conseruatur, quia in illam perpetuò humiditatem operatur, quam continuo depascitur, & ex qua nutritur, iuxta illud Medicorum, & Philosophorum axioma, *Humidum est pabulum caloris*; quo pacto vita definitur, quod sit caloris in humido permansio. Ergo si calor non potest operari, nisi in subiectum in quo dominatur siccitas; sic permanere nequit nisi in subiecto, quod siccum possit denominari. Antecedens assiduo firmatur experimento: nam ignis in lignis siccis ardet, viridibus suffocatur, & obruitur: siccitas caloris actionem dirigit, & acuit, iuxta Philosophorum placitum, *Siccitas est lima caloris*; humiditas coërcet, liebetat, & infrenat: ita aquæ potiores sunt viuaciores, quoniam ab aquæ humiditate morosa, caloris actio retardatur, & impeditur.

Quintò. Causæ quæ assidue, & magis frequenter febrem in corpore generare solent, aptæ sunt siccitatem simul cum calore inducere, immò non possunt calorem corpori inferre, quin simul siccitatem in excelsa materia congenerent. Ergo utraque qualitate simul reddetur affectum corpus, febrili calore correptum: Antecedens ex Galen. doctrina suaderetur lib. 1. de diff. feb. 2. 3. & 4. ubi tam interiores, quàm externas recensens causas, concludit, idèò febrem producere, quia ipsum inflammant, & aliquam ex contentis in eo substantiis excelsam incendunt: nulla autem potest accendi, quin ab eademmet



eademmet accedente causa exiccetur. Ergo causa indu- A  
centes siccitatem in febrienti corpore, cum febrili calore  
ipsam necessariò producant, & congenerant. Neque in-  
stes dari posse febres cum excedente humiditate, in qua-  
rum numero humores, & putridæ reponendæ, quæ ab  
exuperante humore scaturiunt: ita Arist. 1. probl. 23. fe-  
bres in anstrina tēpestare subortas, à caliditatis, & humi-  
ditatis excessu generari affirmat; nam licet hæc à quanti-  
tate humidæ materiæ ortum ducant, tamen hæc qualita-  
te siccior est reddita, & indies magis ac magis siccior euadit,  
quoniam calor exiccat. Ergo, &c.

Ultimò. Cuiuscunque febris communis, apta, & con-  
ueniens curatio solum humiditate inchoatur, & perfici-  
tur, minimè verò siccitate, quæ nullum habet in febrium  
curatione locum. Ita Hippocrates admirandus lib. 1.  
aph. 16. visum humidum febrientibus præscribit, tan-  
quam siccitati, quæ necessariò in omni febre reperitur,  
contrarium. Ergo si ab humiditate corrumpitur febris, &  
in omnibus, & singulis febricitantibus humiditatis be-  
neficio extinguitur & resoluitur; consequens est ut à sic-  
citate perpetuò conseruetur. Ergo, &c.

Tu verò, utramlibet opinionem amplectaris, semper  
febris curatio humidis est celebranda, sed probabilius,  
& vsui magis conueniens est, arbitrari posse febrem in  
humano corpore generari, diùque permanere, absque  
ullo siccitatis excessu. Immo cum humiditate qualita-  
tiue, & intense excedente consistere, suadetur primò.  
Etsi caloris proprium sit (ut argumenta proposita sua-  
dent) non solum calefacere, sed etiam exiccare, potest  
tamen nonnunquam ex ipsa caloris actione, non siccitas,  
sed humiditas in corpore permanere, siue illud cal-  
oris beneficio, siue per accidens in corpore contingat:  
parum enim Medicos reddit sollicitos, permanens in cu-  
iusque actionis sine affectus, quicumque ille sit, siue di-  
rectè & per se, siue per accidens & indirectè ab agente  
sit productus, dummodò post absolutam actionem firmus,  
& durans in corpore persistat. Manere autem humi-  
ditatem, ostendit illud firmissimum argumentum,  
quòd calor possit humores crassos, & lentos in corpore  
exuperantes liquare, & attenuare; ad cuius liquefa-  
ctionis opus sequi humectationem, licet per accidens  
nullus Medicorum it inficias. Hoc modo calor in æsta-  
re, liquando tenues humiditates, somnum mouet: sic  
balneum attenuatis caloris opè, quoscumque inuenit,  
humoribus, corpus reddit humidius. Hac de causa sola-  
ris calor post gelu, niuem, grandinem, crassamque ne-  
bulam, humentem reddit terram. Sic calor maximus  
licet comburat, & exiccet, moderatus tamen conco-  
quit, & humectat. Sic oleum à frigore concretum, &  
aliquantulum exiccatum, ad ignem liquefcit, humidius-  
que in opere euadit, quod similiter in quouis gummi ge-  
nere palam fit.

Secundò. Si febris esset intemperies calida sicca, sem-  
per in ea reperiretur siccitas. Sed contrarium accidit in  
febri, quæ excitatur in natura pituitosa, & frigida. Ergo.  
Nam tantum abest, ut febris excedentem siccitatem im-  
portet, ut potius ad gradum siccitatis mediocrem corpus  
deducat: quare tunc humiditas non erit febris aptum  
medicamen, sed per siccitatem caloris beneficio acquisi-  
tam, integra & absoluta curatio perficietur. Explicat Tho-  
mas à Veiga lib. 1. de dif. feb. cap. 1. satis doctè & ingenuè.

Terriò. Humores febres, ob quantitatum humidita-  
tis excessum, solent in corpore generari. Ergo non repu-  
gnat dari febrem cum humiditate in qualitate excedente:  
nam quòd corpus; & membrum est in quantitate humi-  
dius, eò humidiores in se acernat materiam, & humidiores  
parit in qualitate effectus, ut constat de febribus hu-  
midis, quas perpetuò sudor comitatur, quæ typhodes ap-  
pellantur, lib. aduersus Lycum, cap. 2.

Quartò. Durities in pulsu verum est, & perpetuum ex-  
cedentis in corpore siccitatis testimonium, ex Gal. lib. 1.  
de dif. feb. cap. 9. & 5. simpl. cap. 8. Sed in omni febre non re-  
peritur in arteria durities, ut firmit Gal. 1. feb. cit. Ergo non  
semper siccitas febrem comitatur; ac proinde febris solum  
in caloris intensione, & immoderantia consistit.

Lib. IV.

Quartò. Si febris etiam in siccitate confisteret, diffici-  
lem, aut saltem impossibilem haberet curationem: nam  
siccitas valde resistit, & corrigitur per humiditatem,  
quæ iners est & in agendo pigra: si autem consummata  
sit, immedicabilis est, ex Gal. lib. 7. meth. cap. 6. Sed quam-  
plurimæ febres facillimè curantur. Ergo.

Sextò. Si febris confisteret in siccitate, ineptè Galen.  
lib. 1. aph. 14. ad fin. pronuntiaret, in lenibus difficulter fe-  
brim accendi: nam etiam si ratione exigui caloris rariùs  
in febrem incidant, ob siccitatem tamen illa corripere-  
ntur faciliùs, quàm pueri; quod quàm falsum sit, nemo  
non videt.

Ultimò. Naturalis, & prædominans in quouis subiecto  
caliditas, non perpetuò cum prædominante iungitur sic-  
citate. Ergo nec excedens caliditas & præter naturam,  
secum habet admixtam excellentem siccitatem. Conse-  
quentia est vera: nam ratio propter quam aliqui præstam  
opinionem sequuntur, non est alia, quàm quòd calor  
non operatur nisi exiccando, hoc est, non potest non  
sua calefactione exiccare corpus in quo residet, & ope-  
ratur. Ergo illatio optima est. Patet ampliùs exemplis  
multis: nam in plurimis tam mixtis, quàm simplici-  
bus, elementalibusque corporibus, caliditas cum præ-  
dominante humiditate potest consistere, ut aëre, san-  
guine, sanguinea temperatura, ætate adolescentiæ,  
temperata regione, verè. Ergo non repugnat, in  
quouis subiecto caliditatem vincentem cum prædo-  
minante humiditate existere; ac per consequens non  
perpetuò in febri caliditas cum siccitate coniun-  
gitur.

Hanc sententiam amplexus est Galenus, in locis mul-  
tis, in quibus febrem, intemperantiam simplicem vocat,  
ut lib. de dif. morbor. cap. 5. & lib. de caus. morbor. cap. 2. & 1.  
de dif. feb. cap. 3. & 8. meth. cap. 1. & 6. aph. 5. ad fin. sequitur  
Aui. 1. part. canticor. num. 159. firmant luculenter eximij  
medicinæ Professores, Vallesius 5. con. 18. Christoph. à  
Vega, 1. de dif. feb. in com. cap. 3. Cardan. lib. 2. cont. tract. 5.  
con. 25. dummodò tamen intelligas, ferè semper sic-  
citatem comitari febrem; intemperies enim sim-  
plex nunquam diu durat, quin illicò sibi adsciscat so-  
ciam qualitatem, ex Gal. 6. de sanit. cap. 2. Aui. 1. 1. doct. 3.  
ta. 1. ad fin. 5. Caliditas namque maior, &c. Quare omnis  
febris per se, & ratione suæ caliditatis, quam essentialiter  
importat, perpetuò reddit corpus calidius & siccius,  
quàm antè; & ob eam causam Galen. 8. meth. ult. febrem  
semper indurare affirmat.

Contrariæ verò factionis argumentis ista satisfacien-  
dum est. Dic ad primum. Humectantia à Medicis com-  
mendantur, quoniam siccitas suspecta est: nam in febri-  
bus semel introducta, difficulter expelli potest, ut in he-  
cticis, melancholicis, immò scirrhis dispositionibus de-  
monstrat experimentum: Galenus verò & alij auctores  
non ideo febrem appellant calidam & siccam passionem,  
quasi caliditatem & siccitatem morbosam, ad febris essen-  
tiam requisitam arbitrentur, sed quòd has qualitates in  
febri vincere; & prædominari putent. Hip. verò febrem  
vocat ignem, quoniam corpus calidum & siccum reddit,  
ignis instat: quare febrilem calorem, igneum hac de causa  
veteres nuncuparunt.

Ad secundum. Licet quodcumque tam simplex, quàm  
mixtum corpus, non vnica, sed duplici qualitate conti-  
neatur, non inde sequitur, utramque in febre qualitatē  
præternaturalem, & excedentem esse necessariam: satis  
namque est quòd febris bina qualitate contineatur, quæ-  
admodum & quodcumque naturale corpus, seu passio,  
quæ excellentia sua potens est denominare subiectum in  
quo recipitur: febris in caliditate præternaturali consi-  
stet, non quia affectus sit compositus, sed cum morbosus  
sit, in eius immoderantia & excessu reponitur.

Ad tertium. Etsi calor necessariò exiccet corpus, & fe-  
bris siccitatem corpori inducat; non ideo siccitas à fe-  
bri inseparabilis: quamuis enim concedamus febrem sua  
actione maiorem excitare in corpore siccitatem, quàm  
antè; non tamen morbosam, & quæ apta sit actiones  
corporis lædere, & vires labefactare.

FFF 3

Ad

Ad quartum. Esto, concedamus calorem non posse A operari, nec existere, nisi in corpore in quo detur prædominans, & validior sibi contraria humiditate siccitas (quod modò non controuertitur) non tamen inde sequitur, illam siccitatem fore morbosam, & quæ operationes perturbare queat.

Ad quintum. Fateamur causas febrem generantes, siccitatem etiam in febrienti corpore comproducere, simul cum caliditate, & utrâque simul in febrili corpore reperiri: verum non sicut caliditatem morbosam producunt, ita etiam siccitatem intensam, quæ operationibus nocere possit. Ad instantiam dic, quòd licet possit reperiri in corpore, materia in quantitate, & qualitate, humidior, quàm par sit, quæ ob huiusmodi excessum præternaturalis facta, apta sit febrem recipere, & conseruare: cum hac tamen nunquam potest siccitas excedens, & morbo in corpore compati, ad vnius namque contrarij excessum, & furorem in quouis subiecto, alterum deficere & refringi est necessarium: nam contraria murò à subiecto se expellunt, quia videlicet nequaquam aliter incrementum possunt.

Ad vltimum. Iccirò humiditas tantopere commendatur in febribus ab Hip. quia præcauet à siccitatis lapsu, quæ si semel introducit, difficilè eradicatur. Dic secundo. Hip. humidi, & non frigidi fecit commemorationem: quoniam licet hoc ratione febris semper conueniat, ex Gal. lib. 8. meth. c. 1. tamen frigida obstructions pariunt, humores incrassant, & nativum calorem à præternaturali depopulatum minuunt. Dic tertio. Humiditas constrictos ex febrili calore meatus emollit, aperit, per quos patentiores promptius penetrat alimentum, & perfectius humectatur, feliciusque corpus nutrirî solet. Ex quibus sit manifestum, quo intervallo à Galeni mente, immò veritate ipsa, recedat Donatus Antonius ab Altomari, qui in prima parte de febribus, cap. 10. ad initium, febris essentiam in caliditate, & siccitate esse reponendam, dictis argumentis conuictus, pertinaciter contendit.

## HISTORIA VI. GALENI, De febre diaria.

### Casus febrientis ex copiosa cœna.

N<sup>U</sup>per enim è plebe quidam, qui in splendida cœna prolixius sibi epulis, potisque indulisset, venit domum errabundus, & manu deductus. Cum autem ea quibus granabatur, in ventriculo eius fluitarent, omnia eaque omniuit, & per noctem quidem\* febricitauit. Dormiuit autem in magnam partem sequentis diei. Postea surgens, ac paululum inambulans, lauit, visit eum qui sibi diatrioton manendam suaserat: illo namque auctore etiam postero die in ediam tolerare debuisset. Vt autem (res ipsa monebat, & ipse sua sponte faciebat) lotus, & modicè cibatus, post somno deditus, eoque inoffensè fruens, mane surrexisset, ad consuetudinem redisset, etiam in ipsa diatrioto, in qua eum tolerare in ediam oportuisset, si diatriotariis Medicis paruisset, &c. Galenus lib. 8. meth. cap. 6.

### PARAPHRASIS.

D<sup>E</sup> febre diaria ex satietate & crapula agit hoc loco Galenus; ex quibus causis, inflammatis spiritibus, concalfacto corpore febrem concitari testatur Auic. 1. 4. pract. 1. cap. 34. cuius curationem ibi docet doctissimè, & explicat Mercatus inter omnes lib. 4. de feb. num. 68. Curatur vomitu redundantis materie, excretionem per aluum, somno, inedia moderata, roborantibus stomachum, & probam coctionem procurantibus. Noster verò æger somni, vomitus, & balnei ope euasit, in ediam trium dierum non expectans: nam in calidis naturis hæc viuendi forma periculosa est, & plurimis morbis reddit corpus. obnoxium, vt infra in com. hist. 10. profertemus.

Quia verò de cœna mentio nobis est facta, placet de eius vocabulo, vsu, ordine, & varietate tantisper disce-

ptare; quare prius commonendi sumus, quod interpretes, Medicinæ memoriæ mandarunt, super Galenum in locis variis: & primò sic. Si cœna in statu naturali debet esse maior prandio, cur copiosa cœna excitauit febrem? Primam quæsitam partem grauissimi testes confirmant, quibus non assentiri nefas est; nam post cœnam sequitur quies, somnus, & tempus longius, quæ omnia ad exactam ciborum concoctionem summè conducunt: exemplo sunt athletæ; hi enim cum corporis robur solum seruire studerent, solo pane manè vescerantur, vesperi verò in cœna, carne suilla, & crassioribus cibis vtebantur, vt docuit Gal. lib. 1. acut. 18. ante fin.

Deinde Gal. lib. 6. de sanit. tuend. cap. 7. de sene, & aliis verba faciens, ipsos in prandio solo pane, aut obsonio vsos, vesperi verò plenius comedentes, longuam vitam protraxisse, affirmat; & Hip. lib. 1. acut. 25. mane portionem, vesperi verò sorbitionem præbere præcipit. Nec dissuadet ratio: nam alimentum debet esse proportionatum calori coquenti, ex Hip. & Galeni doctrina lib. 1. aph. 15. Sed vesperi, & noctu fortior est caliditas naturalis, utpote magis vnita, & retracta in visceribus, ob noctis frigiditatem, tenebras, & somnum. Ergo tunc copiosiora alimenta exhibenda. Ob hanc causam lib. 1. de caus. simp. 8. & 3. de caus. pul. cap. 9. somni tempore non solum in intimis partibus, sed in corporis habitu fieri perfectiores coctiones asseuerat, vt colligitur ex Hip. lib. 6. epid. sect. 5. text. 10. Accedit quòd vesperi, & noctu maior est resolutio, ob ampliorem calorem coquentem. Si verò cœna febrem excitauit, in causa fuit, quia copiose alimenta sunt ingesta simul cum potu multo.

Sed quæres primò, cur apud Galen. de sanit. tuend. cap. 4. in fine. Telephus Grammaticus diuissimè vixit, qui in prandio vescebatür piscibus saxatilibus, & carnes, quæ viuendi ratio à recta norma valde recedit, vesperi verò solum vtebatur pane cum vino? Dic quia erat assuetus tenuissimè viuere in cœna, & consuetudo semper est seruanda, quæcunque ea fuerit: nam leuis mutatio in senibus, noxas inemendabiles facit, vt inibi docet Galenus. Dic secundo. Senes parcius cibum debent accipere noctu, quoniam ob solis absentiam, eorum calor languidus minùs concoquere potest: nam ex Galeno lib. 1. aph. 15. senes hyeme aut torpent, aut pereunt; ita nocte, quæ hyemi responder, sunt inualidi.

Quæres secundo. Si matutino tempore ob solis aduentum, & quia tempore longiori in visceribus vnitus, factaque maiori regeneratione sanguinis, & spiritus, calor noster factus est vigorosior, cur eo tempore copiosior cibus non est propinandus? Dic, assumptum verum esse, sed quòd dies magis procedit magis ac magis dissoluitur ac distrahitur natura: contrà accidit in nocte, nam quòd nox magis procedit, eò ampliùs in visceribus augetur calor, & perfectiores fiunt concoctiones.

Quæres tertio. Si homines interdiu laborant, & noctu quiescunt, cur ad reficiendum corpus copiosius non debent prandere, quàm cœnare, si verum est illud oraculum Hip. lib. 2. aph. 16. ubi fames laborandum non est? Huic obiectioni facilè responder Conciliator dif. 121. qui postquam varias retulit sententias antiquorum de hac re, & propositiones proposuit, firmat laboribus assiduis dissolutos, vt fossores, messor, & alios qui victum labore quærent, lautius debere prandere, quàm cœnare, vt possint laboribus sufficere: nam alimentum non solum ad reparandam substantiam deperditam exhibetur, sed vt humectet, irroret, prohibeatque resolutionem, quæ ex labore, & vehementi motu concitari solet. Sed non rectè distinguit controuersiam hanc, quoniam hi, ob motum distracto calore sunt debiles, & copiosam alimoniam concoquere nequeunt: parcius ergo sunt interdiu cibandi, & copiosius noctu, vt sic ob dictas causas felicius alimentum concoquant, vt notauit Fuchsius lib. 2. paradox. 21. Hip. autem intelligendus est, de corporibus quæ famescunt cum inanitione totius, in quibus post exercitationem, cibum subsequi est necessè: si verò cibus non sit accipiendus, vt in ieiunantibus, non

non conuenit exercitium, quoniam corpus vehementer A  
exiccat.

Quæres quartò. Si vigilia digerit, sicut somnus con-  
coquit, ex Gal. 12. *meth. cap. 3.* cur tempore vigiliæ, sicut  
tempore somni copiosius non edendum, quia vigilia  
edax, ex Hippocr. *lib. 6. epid. sect. 4. text. 20.* & per eam ali-  
mentum aptius distribuitur? Dic, vigiliam distributio-  
nem iuuare, euocando sanguinem, & calorem ad partes  
extimas: verum hæc distributio solum post coctionem  
commodè perficitur, cui potissimum debemus esse at-  
tenti: & quia hæc præcipue fit, & magis fausta, ratione  
somnia, & distributio in die propter vigiliam, idcirco  
liberalius cœnandum, parcius prandendum. Vtrum verò  
in ægrotantibus sit copiosior consulenda cœna, quàm  
prandium, disceptant Conciliator *loc. citat.* Langius  
*lib. 1. epist. 54.* Valesius *lib. 6. cont. cap. 7.* & eleganter San-  
torcellus *lib. 14. antephrasis, cap. 9.*

His factis, amplius perscrutandum, quoties in die ve-  
teres comederint: neque enim Medicis hoc dubium  
inutile esse reor, qui eos imitari, variam sanis poterunt  
præscribere viuendi normam. Persuasum est apud omnes,  
veteres olim Græcos, & Romanos, solitos in die semel  
tantum comedere, sed hanc opinionem vanam esse de-  
prehendit Athenæus *lib. 1. c. 4.* qui antiquis varia fuisse  
in die comedendi tempora adstruit: nam erant qui pau-  
ciora habebant, erant qui plura; qui enim vitam age-  
bant contemplationi addictam, vt studiosi, parcius co-  
medebant, ne multa cibi copia ventriculus obrueretur:  
qui verò laboriosam ducebant, copiosiori cibo uteban-  
tur, vt negotiatores, agricolæ, milites, & sic plures mo-  
rem habebant edendi ientaculo, prandio, merenda, & C  
cœna, vt apud Athenæum notauit Philemo. Ita Strabo  
*lib. 15.* docet, non vnâ omnibus cœnandi, & pranden-  
di horam fuisse, sed vt cuique erat libitum, cum tamen  
victu frugalissimo vterentur, ac simplicissimo.

Hoc ex Hipp. pater manifestè: nam *lib. 2. acut. text. 12.*  
& per alias multas sententias præscribit, quibus semel,  
quibus bis, aut etiam sæpius sumendus cibus, ex diffe-  
rentia ætatum, exercitationum, constitutionum corpo-  
ris, naturæ locorum in quibus viuatur, temporum quo-  
que, & varietatis anni, quia certus omnibus modus  
nequit præscribi; nam grauiata pati solent qui prandent  
non soliti; vel soliti, si non prandcant, vt probat  
Arist. *lib. 3. probl. 32.*

Prandisse autem veteres, & Græcos, & Romanos, con-  
stat ex eo quod narrat Apoll. in *mir. hist. ex Arist. in physi-  
cis quest.* qui semel edunt, acerbioribus esse moribus, quàm  
qui bis: & Plin. *lib. 27. c. 5.* ex Hipp. affirmat non pranden-  
tium extra celerius fenescere: & Celsus *lib. 1. c. 3.* assuetis  
bis comedere, si semel solum cibus impleantur, aluum ad-  
stringi. Auctorem sanè vterque habet Hip. *lib. 2. de dieta:*  
*semel in die comedere, astenuat, & exiccat.* Quanquam ve-  
teres prandium temperatius sumebant, Cicero, de priuato  
prandio *lib. 5. ad Att. epist. 1.* prandimus in Arcano. Mox:  
Antecesserat Scatius, vt prandium nobis videret, & *lib. 2. in*  
*Ver. quid ego istius prandia, & cœnas commemorem?* & 2.  
Phil. *apparatus prandiorum.* De publicis item prandiis,  
pro L. Murena. Probat Horatius *lib. 2. serm. sat. 3.* Senec.  
*epist. 123.* Sed quid opus est longius progredi, vt demon-  
stremus bis vesci solitos fuisse præcos, quum essent tamen  
qui vel semel, vel ter, & quater ederent?

Sic Hebræi bis die, potu, ciboque reficiebantur,  
*Tob. 6. Daniel. 4.* quem morem sumendi cibum obseruasse  
Medos, Persas, Assyrios, probant Valerius Maximus  
*lib. 2. cap. 1.* Macrobius *lib. 3. Saturnal. cap. 17.* Cur autem  
tantopere increpauerit Plato, referent Cicero *lib. 5.*  
*Tusculan.* bis in die comedere (dum sic ait: *Quò cum*  
*venissem, visa illa beata que ferebatur, plena Italicarum,*  
*Syracusanarumque mensarum, nullo modo mihi placuit, bis*  
*in die saturum fieri,* (explicant eleganter Cælius Rhodi-  
ginus *lib. 7. lect. antiq. cap. 9.* & ingeniosissimus Mercu-  
rialis *lib. 5. variar. cap. 21.*

Accedamus ad reliqua, & aliqua antiquitatis loca, ob-  
scura satis explicemus. Cœnæ vocabulum non ipsam  
modò solidam cœnam significat, id est, fundum cœnæ, &

fundamentum, vt Agell. nominat *lib. 17. cap. 8.* hoc est, to-  
tum apparatus; sed etiam missus, & fercula ipsa solidæ  
cœnæ, vt missus piscium, cœna piscium, missus auium,  
cœna dicebatur, ex Varrone *lib. 3. de re rustica, c. 5.* Deinde  
cœna tripartitò diuiditur, in antecœnam, cœnam, & bel-  
laria: ita Martialis 11. *epigram. 32.*

*Has prima feret, alteraue cœna,*

*Hæc cœna tibi tertia reponet.*

Prima cœna gustus erat, in qua apponebantur lactucæ,  
olivæ, echini, ostreae, & alia minutiora. Secunda cœna quæ  
caput cœnæ, seu flos dicitur, in qua carnes, pisces. Tertia  
cœna, in qua bellaria, caseus, placentæ, mozzæ, dulciaria,  
& id genus cupediæ.

Locum vbi cœnatur, vocabant veteres cœnationem,  
seu cœnaculum, ex Plin. *lib. 12. cap. 1.* Valla distinguit  
*lib. 4. eleg. cap. 22.* ita vt cœnaculum sit locus ad cœnan-  
dum in loco superiori, cœnatio in inferiori. Sed cœnacu-  
lum dicitur magis vniuersè, locus ad quem scalis ascen-  
ditur, id est, locus sublimis à terra: ita Martialis *lib. 1.*  
*epigram. 162.*

*Et scalis habito tribus, sed altis.*

Quineriam Plautus *Amphitr. act. 3. scen. 1.* cœnaculum par-  
tem vocat cœli supremam.

Cœnatum multiplex est varietas: Alia dicitur aduen-  
titia, seu aduentoria, siue exceptitia. Ita nominatur,  
quia aduentanti amico, aut Principi erat parata, quæ  
& viatica dicta Plauto, quia peregrè venientes consu-  
uio excipiebantur ab amicis. Ita Suetonius in *Vitel. cap. 13.*  
*famosissima super ceteras fuit cœna aduentitia ei data à fra-*  
*tre, in qua 2000. lectissimorum piscium, 7000. auium apposta*  
*traduntur.*

Est & ambulatoria cœna, siue ambulans. Hinc Mar-  
tialis *lib. 7. epigram. 47.* sic ait,

*Non offendimur ambulante cœna.*

In qua nihil ferè potest comedi, propter ministrorum ve-  
locitatem, inferentium portiones in lancibus, & mox au-  
ferentium.

Cœna adicialis sacerdotum erat propria, quæ & pon-  
tificialis dicta: Cicero *lib. 7. familiar.* augularem vocat.  
Varro *lib. 3. de re rustica, cap. 6.* & Plin. *lib. 29. cap. 20.* & 41.  
ita appellari putant, quòd extra ordinem multa, & ultra  
iusta fercula adicerentur.

Adipalis, cuius erat multus in sacrificiis vsus, siue quia  
erat valde pinguis, vncta, & delicata, qualem describit  
*lib. 3. Saturnal. cap. 13.* Macrobius & Horatius *lib. 2. Ode 14.*  
quasi cœnam ditissimorum, & potentissimorum eam ce-  
lebrat, cuius fuerunt immensi, & non credendi luxus, à  
præ excellentibus ganeonibus inuenti, de quibus Martia-  
lis 12. *epigram. 48.* & *lib. 3. epigr. 22.* Consule Plinium *lib. 9.*  
*cap. 17.* & *lib. 10. 48.* Senecam *lib. de consol. ad Heluiam*  
*Albinam;* Budæum *lib. de asse, 2.*

Vitellianæ, à duobus Vitelliis, patrno, & nepote am-  
bobus Aulis inuentæ. De patrno, ita Suetonius *cap. 2. sui*  
*Vitellij.* Aulus famosus cœnarum magnificentia, De nepote,  
qui Augustus fuit, idem, *cap. 13.* de cuius extrema lauritia  
Plinius scribit, *lib. 35. cap. 12.* earum pretia collegit maxi-  
mi iudicij, & doctrinæ vir Budæus *lib. 2. de asse.*

Centenariæ cœnæ, id est, frugales, in quibus non plus  
quàm centum asses impendebantur, qui nummi erant ex  
ære breues, de quibus Petrus Crinitus *lib. 14. de honest.*  
*discipl. cap. 6.*

Cereales cœnæ, quæ lautæ atque opiparæ, & multis  
ferculis onustæ, similes adicialibus, sed illæ Cerealibus  
feriis agitatæ, quum veteres illi populariter genio libe-  
rius indulgerent, & sacra facerent, ante messem epulan-  
tes Ceteri, quæ vt nutritrix, educatrixque mortalium, alma  
est Virgilio, cæterisque Poëtis. Terentius dubiam cœnam  
vocat, *scen. 1. act. 2.* est variis epulis instructa. Horat. *serm. 2.*  
*sat. 2.*

— Vides, vt pallidus omnis

Cœnæ desurgat dubia? —

Lege eruditissimum Matthæum Raderum in huius loci  
expositione, ferè per totum.

Cœna exequialis, quòd in exequiis daretur mortuo-  
rum: eadem etiam copiosa, quòd exciperetur eorum  
multitudo;

multitudo, qui cadaver sequebantur. Funeris dicitur A  
à Persio sat. 6.

— Sed cenam funeris heres

Negliget iratus. —

Iuuenalis vocat feralem, sat. 8.

Ponitur exigua feralis cena patella.

A morte, quam feram veteres appellauerunt. Consule  
*Synagma* 17. de diis gentium, Giraldi Ferrariensis. Festus  
Pomp. lib. 6. silicernium vocat funebre conuiuium. Cur  
autem? vel quod istud silentes umbræ cernerent, vel  
quod qui inferebant, ecinerent tantum, non degu-  
starent.

Cena popularis, quod populo daretur: vocatur etiam  
publica, ex Plaut. *trin. act. 2. scen. 4.*

Cena recta vocabatur ea, quæ Augusti instituto da-  
batur à diuitibus, quæ magnæ erat liberalitatis, & im-  
pensæ, ex Sueton. *cap. 19. §. Conuiuabatur assidue, ac sapius* B  
*recte, ac dapilè*: ubi vides per vocem dapilè, explicari  
vocem rectè, rectè enim viuere, est viuere delicate &  
laute, & rectus apparatus sumptuosus. Seneca *epist. 123.*  
de cœtis luxuriosis. *Hanc petunt omnes isti, qui, ut ita di-*  
*cam, rectè viuunt.*

Saliaræ cenæ, siue dapes, in proverbium abierunt,  
pro lauris, & magnificis conuiuiis. Vocantur & pon-  
tificales, sed in Saliaribus maior erat apparatus, maior  
& gula, ex Varrone *lib. 6. de ling. Latin.* Turnebo. *lib. 11.*  
*aduers. cap. 7.*

Cena terrestris, in qua olera, & alia quæ è terra na-  
scuntur, offeruntur, ex Plaut. *cap. act. 2. scen. 1.*

Cena ferina, qua humanæ inferuntur carnes, ex Mar-  
tiali *lib. 3. epigr. 25.*

Cenæ Deorum, hoc est, modestæ & frugales, sed iu-  
cundæ & suauis, apud Horat. *sat. 6 lib. 1. serm.*

O noctes, cœneque Deum!

Quas anteponit nocturnis, & opiparis: epulæ enim in ho-  
norem Deorum olim Romæ in templis appositæ erant te-  
nues, & parabiles, ut ex priscorum mente docet Turnebus  
*lib. 13. aduers. cap. 17.* quomodo & Lambinus in *Horatio* su-  
mit:at Cælius *lib. 27. cap. 24. antiq.* pro laurissimis accipit,  
in quibus non ambrosia desit, non nectar.

Cena etiam vocatur pura, ita credo appellata, quod  
esset simplex, & frugalitatis antiquæ laude insignis, sed  
propriè cena Iudæorum pura dicitur, ut notat Tertullian.  
*lib. 5. aduers. Marcionem, cap. 4. Dies obseruatis, & tempora, &*  
*annos, & sabbata, & cenas puras, & dies magnos. Et maxime*  
*in Paschate, quando ad vesperam primò incipiunt azima co-*  
*medere.* Cur ita? quia puro pane ipsi puri, hoc est, absque  
fermento, quod impuritatis est symbolum, vescuntur.

Cena etiam dicitur canina, à Varr. in *Menipp.* apud  
Agell. *lib. 13. cap. ult.* in qua nihil potatur, quoniam canis  
vino caret. Si de pluribus antiquar. m. g. neribus cenarum  
legere plura aues, docet multa Athenæus *in suis dipno-*  
*soph. libris*, qui in manibus versantur eruditorum.

## QVÆSTIO VI.

Utrum Galenus Ephemeræ signa rectè descripserit,  
ut contra eum existimant Harculanus, Vega,

Brauuus, Mercatus, Iacobus, & alij

Medici doctissimi.

## COMMENTARIUM.

**F**ebriticant.] Non cessant plures, siue non infirmæ  
notæ Medici, accusare Galenum, quod prolixus fuerit  
& multa citra necessitatem sæpe repetat, qui dicendi sti-  
lus potius parit lectoribus obscuritatem, quam lucem:  
nam libri de crisisbus eandem habent doctrinam cum li-  
bris de diebus decretoriis: libri de locis affectis, cum li-  
bris de symptomatum causis: libri prothetorum cum  
prognosticis: libri de bonitate, & vitio succorum, cum  
libris de alimentorum facultatibus. Et ut videas quanto-  
pere hæc opinio vera sit, proposita de febre diaria signa  
attentè rimator: quorum seriem tum *lib. 2. cris. cap. ult. &*  
*lib. 1. de diff. feb. cap. 7. tū lib. 1. ad Glau. cap. 2. proponit.* Sed

si hæc omnia pensites exactè in bonam partem esse refe-  
renda arbitraberis: cum enim Hippocrates oracula sua  
anigmatis velaret, & in omnibus suæ doctrinæ operibus  
Laconicè præcepta referret, aut ipso Hippocrate, aut  
Galeno explanatore opus erat, qui nō vberimus esset,  
& in dicendo fusus, quo pacto illius mens obscurissima  
intelligeretur, vix percipere queo: maxime cum balbu-  
tiens tunc esset Medicina, & eloquia Hippocratica plures  
in varios sensus distorquerent.

Hic ergo fecundus auctor, dilucidè, facundè, & per-  
spicue, totam artem firmissimis rationibus tunc orbam  
fulciuit, & summi dictatoris recondita sensa aperuit.  
Quare locis citatis inter signa Ephemeræ primum nume-  
rat, quod omnis febris diaria perpetuò habeat ortum à  
causa externa, quam iuniores procatarticam, siue primi-  
tiuam, seu præincipientem vocant. Hoc signum à diariis  
est inseparabile, adeò ut nulla sit diaria febris, quæ à  
causa manifesta non exciteretur. Firmat *lib. 1. ad Glau. cit.*  
Auicenna, etiam *1. 4. tract. 1. cap. 5.* explicat inter omnes Ar-  
genterius *lib. 2. de caus. morb. cap. 2.* non tamen soli illi est  
proprium: nam ab eadem hecticæ, & putridæ pestilentes  
originem ducunt.

Sed contra hanc doctrinam obiicies primò. Diaria  
oritur à bubone *4. aph. §. 5.* catarrho, obstructione, inedia,  
vigilia, dolore. Sed hæc & similia, intra corpus consi-  
stunt, & tamen ab illis diariæ febres concitantur. Igi-  
tur, &c. Harculanus *1. 4. tract. 1. cap. 5.* his rationibus  
victus, confirmat diarias ex bubone, aut obstructione  
subortas non esse verè diarias, primò quoniam ex his  
causis pronatæ sæpe ultra vnum diem extenduntur, cum  
tamen vera diaria ratione sui vnico tantum die duret. C  
Secundò, quoniam in curatione dictarum febrium ha-  
betur intentio ad causam, quam in vera diaria non ob-  
seruamus.

Sed eius opinio eiicienda, quoniam Galenus *9. meth.*  
*cap. 4.* concedit diarias ex bubonibus ortas vnica tan-  
tum die durare ratione sui, nisi quid delinquat ægrotans.  
Deinde diaria orra ex densitate cutis, & ex obstructione  
meatuum, in prima die persanatur, & vera diaria ap-  
pellatur, ut *cit. 9. meth.* docuit Galenus. Secunda verò  
ratio eiusdem, manifestè refellitur, ex Galen. *10. meth.*  
*cap. 1.* docente, in febribus diariis quando præsens est  
causa, illius esse habendam rationem, secus verò quando  
causa abest.

Ut tamen huius dubij possis assequi solutionem, dic  
causas morificas quasdam in corpore gigni, quasdam ve-  
rò extrinsecus aduenire. Rursus earum quæ in corpore gi-  
gnuntur, alias abditas esse, & antecedentes vocari; alias  
manifestas, quas Galenus etiam procatarticas vocat, de  
quarum numero sunt quæ extrinsecus occurrunt, ut col-  
ligitur ex Gal. *lib. 1. ad Glau. cap. 2.* quas Auicenna *1. 4. cit.*  
primitiuas appellat: per has non intelligit solum exter-  
nas, sed & manifestas, siue in corpore, siue extra corpus  
consistant, & sic nomine causæ primitiuæ, externas etiam  
inflammationes comprehendit.

Hoc modo bubones, vigilia, inedia, & similia, in cau-  
sarum manifestarum numero sunt reponenda, atque sub  
procatarticis numeranda. Quare mirum videri non de-  
bet, si ab illis febres diariæ, ex mente Galeni generen-  
tur; adeò enim manifestæ sunt, ut extrinsecus aduenire  
E videantur.

Neque hanc doctrinam euerit, quod aliqua sit diaria,  
quæ nec à causa externa, nec à manifesta oriatur, nempe  
obstructione, quæ nobis manifesta non est, sed intus in  
corpore latet: nam, relicta eorum sententia, qui diariam  
ortam ex obstructione non esse veram diariam affirmant,  
quam ultra diem extendatur, concedendum est obstruc-  
tionem esse causam internam, & ab ea diariam oriri  
posse: quo pacto ad Galen. respondendum, quod licet  
diaria à causa primitiuâ, & manifesta ferè originem  
ducatur, interdum etsi rarissimè, contingat veram diariam  
à causa externa non oriri: quare Auic. *1. 4. cit.* postquam  
vniuersaliter protulit, omnem diariam à causa primitiuâ  
concitari, subiungit aliquando etiam oriri ab obstructio-  
ne, & hanc à causa primitiuâ non produci.

Secundum



Secundum diariorum signum, quod statim prima die A  
concoctio in vrina appareat, nihil aut minimum ab in-  
tegra sanitate distans: cum enim hæc febris omne vi-  
tium humorale excludat, à quo inquinari possit, statim  
prima, vel secunda die excernitur in ea, vrina cocta, colore  
subrufa, substantia mediocris, & quod in ea subsidet,  
album est, læue, & æquale; quæ omnes condiciones  
optimam coctionem ostendunt, ex Galen. 1. *cris.* 12. & 2.  
*prog.* 26. quod quidem indicium proprium est, & insepa-  
rabile diariorum: cum in nulla alia febre statim prima  
die hæc vrina appareat: & ita Galenus lib. 1. *feb.* 7. sic  
ait; *Inseparabile verò, ac proprium est coctio in vrina, statim  
prima die, &c.*

Sed hæc doctrina dubiis patet ob multas causas: Nam  
vrinæ sanorum sæpe non sunt boni coloris, nec sedi-  
mentum habent; quare si accedat febris diaria, erunt B  
crudiores: Deinde ut ex Galen. 1. *cris.* 12. & experimento  
constat, in diaria orta ex cruditate vrinæ apparent subal-  
bidæ, & in ortis ex ira rufæ, qui colores præternaturales  
sunt. Dic, hoc signum dici inseparabile, quia conuenit  
omni diariz, ratione sui, & per se: nam coctio perfici-  
tur à membris, & id quod coquitur, sunt humores; quare  
cum diaria neutrum horum occupet, sit ut per se non  
lædat coctionem; per accidens tamen contingit, ut vrina  
prauè cocta sit, & colorata, ut propter affectus præexi-  
stentes in sanitate: utcumque tamen sit; in febre diaria  
ratione sui, nulla fit mutatio in colore, nec in coctione  
vrinæ ob causam dictam; & hoc solum significat Gale-  
nus, dum coctionem vrinæ statim prima die apparentem  
diariz esse signum inseparabile pronuntiauit; nisi ex cru-  
ditate oriatur, quoniam tunc apparebit alba, cruditatis  
quidem indicium certum: rufiores verò conspiciuntur,  
quando ex affectibus animi, præsertimque ex gaudio, &  
ira generantur: nam ob bilis agitationem, humores in-  
flammanur, & spiritus ignescunt: quoniam, ut dicebat  
Galen. lib. 1. *de sanit. tuend. cap.* 1. sicut moderati animi  
affectus ad conseruandum sanitatem maximè conduc-  
unt; sic immoderati incendunt corpus, & excalfaciunt  
humores.

Obiicies secundò. Multi morbi statim in primo die ad  
statum perueniunt, & cum signis perfectæ coctionis  
finiuntur; in quibus in prima die vrinam coctam appa-  
tere par est, & docuit Galen. lib. 1. *cris.* 17. cum Auicē.  
1. 4. *tract.* 1. *cap.* 3. Ergo hoc signum solius diariz non est  
proprium, sed aliis etiam febribus conuenit. Dic, licet  
in ægitudinibus dictis vrina appareat probè concocta, D  
non tamen hoc contingit in primo morbi insultu, sed in  
processu primi diei, in quo iam ægrotudo, finito vero  
principio, peruenit ad statum; cum tamen in diaria statim  
in primo die, id est, in primo insultu febris, & in toto  
illius processu, vrina appareat optimè cocta. Quod si in  
febris putridis aliquando statim in primo insultu vri-  
ra cum sedimento conspiciatur, hoc non est verum sedi-  
mentum, sed humor crudus sedimento similis.

Obiicies tertio. In prima inuasionē febris pestilentis,  
sæpe apparet vrina bene colorata, & cum sedimento,  
Dic ex Galen. 1. *feb. cit.* solam coctionem integram, & ab-  
solutam in primo die apparentem, dici signum proprium  
diariz: nam ipse facetur in initio putridatum, vrinam ap-  
parere debiliter coctam. Sic in pestilentibus in initio, non  
est perfectè, sed tenuiter cocta: natura enim veneni vi op-  
pressa, ad plenum concoquere non potest.

Obiicies quarto. In Anaxione rediit febris, & statim  
vrina habuit optimum sedimentum, ut referunt Hipp. 3.  
*epid. sect.* 3. *text.* 79. Galenus lib. 1. *cris.* 18. Dic, omiſſis alio-  
rum interpretationibus, tunc temporis fuit status totius  
morbi; licet fuerit principium recidivæ, ut eius historiam  
intuenti facile patebit.

Obiicies quinto. In febre putrida, facta ex permuta-  
tione diariz, in principio apparet magnum, aut effatu di-  
gnum coctionis signum, ut firmant Galenus, & Auic. 1. 4.  
*tract.* 1. *cap.* 8. Dic, varij variè respondent: prætermiſſis ta-  
men illorum sententiis, verior est solutio quæ affirmat,  
tunc reperiri posse signa coctionis copiosa, tum ob beni-  
gnitatem humoris, qui tunc nondum est valde putrefa-

ctus; tum quia obſtructiones adhuc in vasis non vigent:  
attamen hoc sedimentum perfectum non est, quemad-  
modum in sanitate, quod est proprium febris diariz;  
non enim ob conceptam putredinem humor tam inte-  
grè potest coqui, sicut antea.

Tertium diariorum signum. Pulsus æqualitas, & libe-  
rum incrementum in calore: quippe in diariis neque  
humorum abundantia, neque obſtructio existunt, tanta  
saltam quæ motum remoretur; neque tanta arteriæ du-  
rities, quam valida facultas vsu efflagitante non nisi ma-  
gna vi distendere queat. In diariis ergo pulsus exquisitè  
seruat æqualitatem, secundum naturam, atque molli-  
tiam, & ordinem: nam ut 2. *cris. ult.* & 1. *ad Glaucon.* 2. in-  
quit Galenus, *paucæ admodum ex illis, eam quæ secundum  
vnam percussione est, inæqualitatem ostendunt, &c.* quod  
additum puo propter aliquas diarias, quæ pulsum quo-  
dammodo permutat, veluti putridæ, cuiusmodi sunt ortæ  
ex bubonibus, & obſtructione. Quoniam igitur omnibus  
diariis communis est pulsus æqu- litas, proinde lib. 1. *feb.*  
7. dictum est, pulsus inæqualitatem esse signum proprium  
febrium putridarum.

Sed contrà obiicies quod Galenus, 1. *ad Glaucon.* 5.  
quandam pulsus inæqualitatem propriam febrium esse;  
& cap. 6. eiusdem lib. inquit: *omnibus febribus communis est  
inæqualitas in vno pulſu arteria.* Dic, quod ad præſens atti-  
net (nam de hoc argumento latius egimus lib. 2. *in com.*  
*hist.* 12.) duplicem esse pulsus inæqualitatem, collectiuam  
aliam; alteram verò in vno arteriæ ictu, quam propriam  
febrium appellat. Illa in eo cernitur, quod prima pul-  
satio differat à proximè ſequentibus in magnitudine, vel  
C celeritate, vel frequentia, quod contingit propter arteria-  
rum obſtructionem, aut compressionem, aut duritiem,  
vel propter humoris multitudinem, aut arteriarum,  
vel propter humoris multitudinem, aut arteriarum, &  
cordis inæquale intemperamentum, ut docet Gal. 2. *de  
caus. pulſ.* cap. 2. Altera pulsus inæqualitas in eo consistit,  
quod vnica dilatatio arteriæ, in principio & fine celerius  
fiat, quàm in medio; quod fit quia vigente statim in prin-  
cipio neceſſitate, arteria velociter mouetur; in medio  
tardius, quia natura à copia humorum virtutem mouen-  
tium impeditur, vel à multitudine vaporum, aut humo-  
rum obſtruentium, & ita æris ingressum impediendum;  
& tandem in fine, vigente nimis neceſſitate velocius di-  
latatur. Quod verò hæc sit inæqualitas, quam Galenus  
*locis citatis* propriam febriam, & omnibus communem  
appellat, constat ex Galen. lib. 1. *ad Glaucon.* cap. 6. cum  
de signis quartanæ agens, inquit, *Nam quæ omnibus com-  
munis est febribus pulsus inæqualitas, in quartana manifestissi-  
mè comprehenditur; multo enim velocius principium, & finem  
motus inuenies, quàm medium; &c.* Idem colligitur ex 4. *de  
caus. pulſ.* cap. 14. *de pulſu phreniticorum,* cum inquit. *Etenim  
febrium proprium celeritatis symptoma hic obtinet clarissime,  
in utroque termino distentionis, præcipuè externo.*

Quare diaria nullam ex dictis habet inæqualitatem;  
non collectiuam: nam ut Galen. ait 2. *de caus. pulſ.* 2. ex sola  
vsus alteratione non potest in pulsibus collectiua inæqua-  
litas constitui: cum igitur in diaria ratione sui, solus vsus  
ob auctam caliditatem immutetur, patet in ea hanc in-  
æqualitatem non reperi; sicut nec secundam, quam  
propriam febrium diximus appellari, quoniam causæ  
eam efficientes non adsunt. Secundò, quia 9. *meth.* 5. & 4.  
in synocho pulsus asseritur æqualis, & lib. 1. *ad Glaucon.* c. 5.  
E in tertiana exquisita nulla adest in vno motu arteriæ in-  
æqualitas, nec in collectione plurium. Si ergo in humo-  
ralibus non reperitur sensibilis inæqualitas, multo mi-  
nus reperietur in diaria, quæ à simplici oritur in tempe-  
ramento: & iccirco Gal. 2. *cris. ult.* asseuerat, hæc feb-  
rium pulsus exquisitè seruare eam inæqualitatem, quæ  
secundum naturam est.

Si verò quæras, cur *locis citatis* Galenus asseruit, quam-  
dam pulsus inæqualitatem propriam febrium esse, & om-  
nibus communem? Responde, ipsum de febribus putri-  
dis esse intelligendum, in quibus fuliginū, aut humorum  
copiæ eam solet efficere, ut supra explicuimus, licet in ter-  
tianis adedò exigua sit, ut fermè sensam effugiat; in diariis  
autem nulla reperitur, quam si velis concedere, eam cum  
ferè

ferè insensibilis sit, neque doctrinam habet, neque medicæ considerationis est, ut 2. de caus. puls. cap. 1. docuit Galenus.

Auicenna inter omnes intimius diariarum ex pulsus signa proposuit, 1. 4. tract. 1. cap. 6. & de hac re statuit propositiones quinque; quarum prima est. In diariis pulsus mutatur ad spissitudinem, fortitudinem, & magnitudinem, id est, fit frequens, vehemens, & magnus. Velox est saltem secundum dilatationem, ut aduertit Galenus 1. feb. 7. & 2. cris. ult. & 7. de prasag. ex puls. lib. cap. 7. Quæ propositio si non intelligatur, dummodò febris diaria à causis vires debilitantibus non oriatur, veritatem habere non potest, in quarum numero repomendæ sunt curæ, vigilæ, tristitia, immodicum exercitium resoluens, & nimia fames, ut dicebat Galen. 3. de prasag. ex puls. lib. cit. Quod si cum febre diaria alius affectus concurrat, mixtam esse in pulsus mutationem ex illo, & ex febre iudicabis, & 2. cris. cit. inquit: *pulsus in diaria nonnunquam esse magnum, aliquando paruum.*

Explicabis propositionem hoc modo, quia cum in febre diaria usus sit auctus, instrumentum obediens, facultas non sit debilis, eo quod febris diaria natura sua vires non debilitat, pulsus mutabitur in magnitudinem, & velocitatem. Quod verò ait pulsus esse frequentem, non est intelligendum secundum quietem externam: nam non est frequentior momentaneè moderato; sed secundum internam, quia secundum eam argetur frequentia: quod propterea fit, quia cum motus contractionis in pulsus non sit momentaneè velocior moderato, dilatatio verò sit velocior, necesse erit ut quies antecedens contractionem, nempe externa, non sit minor naturali; antecedens verò dilatationem, nempe interna, sit minor; & sic pulsus diariæ erit frequens secundum internam quietem, non verò secundum externam. Quare quando Galenus ait 1. feb. 7. ad initium, in pulsus diariarum frequentiam à proportionem deficere secundum quietem externam, vult pulsus diariarum non seruare proportionem in frequentia, quia quoad internam quietem est frequentior, quoad externam verò frequentior non est. Huius rei ratio petenda ex Galen. lib. 1. de difficult. respirat. 24. ubi docet quod quælibet quies in respiratione (quod etiam intelligendum est in pulsus: cum pulsus, & respiratio inter se mutuo consentiant) insequitur mutationem illius motus quem præcedit: nam utrum ex motibus, inquit ille ad finem capitæ, ipsa uilitas virgebit, is præcedentem cessationem cunctari non permittit: & sic cum in diaria necessitas dilatationis vigeat, minimè verò contractionis, quies interna brevis erit, ac proinde quoad eam pulsus fiet frequens: quæ expositio conformis est menti Galeni. Explicat insignis Thomas à Veiga in com. cap. 7. lib. 1. de diff. feb. Gal. sect. 3. §. Causas autem.

Secunda propositio. In febribus diariis pulsus non est diuersus, id est, inæqualis; & si est inæqualis, semper est inordinatus; & si inæqualis est, hoc non contingit propter febrem, sed propter causam aliam antecedentem febrem, aut associatam ei, vel his similia. Auicenna autem causam internam non intelligit, quia hæc febris ab ea ortum non ducit: intelligit ergo causam euenientem ante febrem, ut sunt vehemens labor, & fortis mordicatio, quæ possunt etiam esse causæ associatæ ei. Per similia his, intelligit angustiam, & animi passionem, in quibus spiritus, & humores variis motibus agitantur, & sic fiunt pulsus inæquales.

Tertia propositio. Quandoque dilatatio pulsus est velocior, & contractio minimè. Hoc signum tradit Galenus 1. feb. 7. §. Est autem magis inseparabile, & proprium, quod nullo modo ad celeritatem, ea pars pulsus quæ systole dicitur, tendit: & si aliquando contingit, hoc minimum, ac vix perceptibile existit, parumque à naturali tenore mutatum. Huius rei causam reddit Auic. quoniam in diaria urget necessitas dilatationis, aucto scilicet illius usu, non sic necessitas contractionis. Quare augmentum celeritatis fit in dilatatione, manente contractione naturali, quod diuerso modo fit in principiis accessionum febrium putridarum; nam in his inuadente accessione, & paulò ante

ipsam, manente adhuc dilatatione naturali, vel etiam diminuta velocitate, contractio est velocior quam solebat; quo signo solo 3. de prasag. ex puls. 7. principium febris putridæ distinguitur, ab aliis affectibus consimilibus, ut frigiditate totius corporis, affectione oris ventriculi, delatione sanguinis in profundum, præ mœrore, metu, vel alia causa, quia in his omnibus affectibus similis tarditas est in pulsus, & in dilatatione, & contractione: at verò in inuadente accessione febris putridæ, semper contractionis velocitas augetur.

Verum ut hoc signum, etsi vtilissimum agnoscas, magna artis exercitatione opus est, ut asseuerat Galenus lib. de morbor. temporib. cap. 7. post med. & licet Galenus conetur exercere generosum Medicum ad sensationem eius, 3. de prasag. ex puls. lib. cit. raro tamen hoc percipitur: quoniam cum celeritas, & tarditas contractionis solum in pulsus vehementi, vel in pulsus moderato in vehementia, & languore percipitur, ex Gal. lib. 1. de dignoscend. puls. lib. cap. 5. & in principiis accessionis, propter frigus & humorem obruentem vires, ferè pulsus sit parvus & languidus, rarissimè in principiis accessionum febrium putridarum hoc percipietur signum.

At contra hanc propositionem obiciet primò, ex Gal. lib. 3. de prasag. ex puls. lib. cap. 7. dicente, in febre hectica, quamuis augeatur celeritas in dilatatione, non augetur tamen in contractione. Ergo hoc signum non est proprium diariarum. Secundò Galenus lib. 1. de diff. respirat. cap. 24. tradit notam separandi calorem innatum auctum ab extraneo, videlicet, quod aucto calore naturali, in dilatatione velocitas augetur; at verò calore extraneo aucto, velocitas in contractione augetur. Sed febris diaria, calor est extraneus. Ergo in ea augebitur contractionis velocitas, ac proinde defectus celeritatis in contractione, non erit signum proprium diariæ.

Sed hæc ita solues. Dic primò hoc signum tradi, ad dignoscendas febres incipientes: cum autem inter febres diarias, & hecticas, solæ diariæ fiant incipiendo, idè hoc signum diariarum erit proprium; licet autem hectica in primo insultu generari queant, hoc rarissimè contingit, & frequentia pro perpetuis habentur in medicina, ut probat Galenus lib. 6. aph. 18. 20. & 38. Dic secundò. Defectus celeritatis in contractione esse signum proprium diariarum, non simpliciter, sed simul cum magnitudine copulatum, quod significauit Gal. 1. de diff. respirat. 7. in princ. Quod signum in hecticis non reperitur, quoniam etiam si in illis cum defectu celeritatis in contractione, augetur celeritas dilatationis, non augetur tamen magnitudo, immò ob virium debilitatem minuitur. Ad secundum dic, Galenum per calorem extraneum, non quemvis calorem extraneum intelligere, sed putredinosum, ut ex contextus serie patet manifestè; ait enim: *abundantia verò caloris præter naturam, & fumosi, &c.* At in diaria fumosus calor non datur. Quare in ea celer contractio non reperitur.

Quarta propositio. Quando pulsus difficulter cognoscitur, tunc respiratio considerari debet, quia inter se proportionantur: nam parum abest (inquit Galenus lib. 1. de diff. respirat. cap. 5.) quin omnis respiratio ad pulsus proportionem, proprietatem habeat; & tam pulsus, quam respiratio, ex iisdem causis usum variantibus, similes mutationes accipiunt, auctore Gal. lib. de usu puls. cap. 1. explanat eloquenter Vallesius lib. 3. com. cap. 2.

Ultima propositio. Post diariæ eradicationem pulsus ad suam reuertitur naturam, quod in nulla alia febre contingit, ex Gal. lib. 1. ad Glauc. cap. 2. ante med. quare Auic. cit. loc. concludit: *quando pulsus est bonus, & urina bona, tunc necessariò febris illa est Ephemera.* Exponit inter omnes Thomas Garbius in com. cit. loc. Auic.

Neque obstat, quod etiam in putridis intermittentibus, cessante paroxysmo, nulla relinquatur febris, ut experimento constat, & ex Hip. & Gal. 4. aph. 63. & 1. ad Glauc. 4. ubi asseritur, cum in quartana febris cessauerit, pulsus reddi tardiores, & rariorem naturali; quæ verba ostendunt, in interuallo quartanæ non modò non relinqui febrem, sed etiam nullum eius vestigium: id enim ostendit pulsus

pulsus tardior, & rarior naturali, qui non calorem, sed A  
frigiditatem excedere demonstrat. Dic. In intervallo fe-  
bris putridæ, licet nulla relinquatur febris, in pulsu ta-  
men aliquod eius vestigium manet, quod docet 1. ad  
Glauc. 2. hoc tamen excessum aliquem caloris. non impor-  
tat, vt 1. ad Glauc. 6. docuit Galenus, sed solū quia quies  
externa est frequentior naturali, & systole velocior: nam  
in intervallo febrium intermittantium, vaporū putrido-  
rum reliquæ adhuc manent, ad quorum expulsionem  
sequitur celeritas contractionis, & frequentia quietis ex-  
ternæ. Proprium igitur asseritur febris diariæ, quod ad  
integram infabricitationē finiatur, quia illius accessione  
cessante, arteriarum motus omnino assimilatur ei qui in  
sanis deprehenditur, cum tamen in nulla alia febre ad na-  
turalem habitum reuertatur, etiam multum temporis in-  
tercedat inter primæ accessionis finem, & secundæ prin-  
cipium, quemadmodum in tertiana, & quartana, quod  
apertè docet Galen. 1. ad Glauc. cap. 2. in med.

Quantum diariarum signum: caliditas ad tactū suavis  
& vaporosa, non acris & mordax, qualis apparet in exer-  
citatis, & ebriis. Sed hoc signum non videtur esse veri-  
dicū: nam primò obstat Galenus 6. epid. sect. 1. com. 29. 5.  
Febrilis igitur caliditas febricitantia corpora tangentibus,  
aut acriter mordacemque, aut mediocriter molestā sese offert,  
suave enim illud, atque familiare, quale calori naturali  
inest, nequaquam habet, &c. Calor ergo diariæ non potest  
esse suavis. Secundo Galenus 2. cris. ult. sic inquit: Adest  
autem iis quidem, qui ob tristitiam febricitant, acritudo  
potius quam multitudo caloris, &c. Ergo, &c.

Dic ad obiectionem primam, caloris suauitatem solū  
in sanis temperatis reperiri: biliosi enim per sanitatem,  
calorem habent aliquantulum mordentem; verū sanis  
omnibus magis mordacem habent, qui diariam patiun-  
tur; & magis qui ex sanguine putrido febricitant; & ma-  
gis qui ex pituita, & melancholia putrescentibus; & om-  
nium maximè qui ex bile: & sic calor laborantis febre  
diaria acris est & mordax, facta collatione ad sanos; per  
comparationem verò ad reliquos febrientes, suavis est,  
& vaporosus. Ad secundam dic. Significare ibi Galenum;  
ex tristitia febrientes, comparisonē ad eos qui ex ira fe-  
bricitant, acrimoniam repræsentare, id est, minorem  
suauitatem. Nam suauitas caloris in omnibus diariis re-  
peritur; maior tamen, vel minor in variis speciebus per-  
sentitur.

Sed non grauiabitur Galenicæ doctrinæ studiosus per-  
contari, cur febris ex tristitia habet calorem acriorem &  
parciorem, quàm febris ex ira? Dic, causam esse, quia  
tristitia absupra corporis humiditate, illud reddit siccius:  
calor autem in subiecto sicco, tangenti occurrat parciot  
& acrior, quàm si in subiecto humido repræsentaretur,  
quod de calore pueri, & iuuenis docuit Galenus 2. de  
temp. 7. Ira autem cum importet feruorē sanguinis circa  
cor, calorem copiosorem, & suauiorē facit. Omnis ita-  
que febris habet calorem acrem & mordacem; hic tamē  
minimus reperitur in diariis, maximè in putridis, & he-  
cticis; in putridis quidem, quia ab eis non solū prodit  
calor, sed tactui sese offerunt vapores putridi, qui suapte  
natura acres sunt & mordaces; in hecticis autem, ob sic-  
citatem subiecti, quæ efficit vt calor magis molestus, &  
acrior sentiarur, iuxta doctrinam Gal. 2. de temp. cap. cit.

Quintum diariarum signum: mitities, seu lenitas vi-  
goris, hoc est, defectus symptomatum: cum enim in aliis  
morbis hæc sint fortiora, ex Hippocr. 2. aph. 29. & 30. in  
statu diariæ non sunt vehementia, neque intensio, ne-  
que numero; vel maligna, ex Gal. lib. 2. cris. ult. & 1. feb. 7.  
neque dolores valde molestant. Quod si aliquando ea  
contingant, cum febre ipsa sedantur, ex Galen. lib. 1. ad  
Glauc. 2. Hoc modo principium diariarum est leue, & to-  
lerari facile; calor enim in iis à materia non opprimitur,  
sed augetur solū, sicut in balneo contingit, vt docet  
Trallianus lib. 12. cap. 1. rubric. 2. Augmentum similiter  
breue est, substantia enim spiritus subtilissima cum sit,  
facillimè inflammatur, & resoluitur.

Sextum signum diariarum, est desumptum ab experi-  
mēto, & proponitur loc. cit. ab Auic. & Gal. lib. 1. ad Glauc.

cap. 2. in med. Si enim aliquis febre laborans balneum  
ingredietur, & horrorem sentiat, febris diaria non est; si  
verò non sentiat, febris diaria est, Ratio est, quia cum in  
febre putrida humores balnei calore fundantur, mēbris-  
que sentientibus vapores acres eleuati communicentur,  
horror solet accidere: in febre verò diaria minimè, quo-  
niam in ea humor non redundat. Hoc tamen signum  
intelligendum est cum limitatione quadam, quam citato  
loco proposuit Auic. dum apposuit verbum [non con-  
suetum,] quoniam in aliquibus statim dum balneum in-  
grediuntur, horror vel propter repentinam mutationem,  
vel humoris motum, vel acutissimum cutis sensum con-  
citari solet.

Septimum signum diariarum, est quod non incipiant  
cum rigore, pulsus coarctione, nec cum aliis quæ rigo-  
rem antecedere solent, aut comitari: cum enim rigor  
impetuosum humoris motum, aut vaporis per musculos  
requirat, extra humorales febres non reperietur, vt infra  
latius patebit, cum de signis febrium putridarum sermo-  
nem instituemus. Et licet aliquando possint incipere cum  
similitudine rigoris, aut frigoris, id est, cum leui frigore,  
& rigore, tamen hoc in ea contingit, quæ ex obstructio-  
ne ortum ducit, præsertim si corpus sit cacochymum, in quo  
ob densam cutem detenti vapores acres & mordaces, &  
per musculos impetuosè delati, leues rigores efficiunt, quæ  
facile propter ipsorum vaporum tenuitatem soluuntur.  
Aliquando etiam verus rigor accidere solet, ex accidenti  
tamen, & rarissimè, quum maxima mordacium vaporum  
copia adest, qui incipiente diaria mouentur, à quibus  
verus rigor concitari potest. Consule Vidum Vidium  
C lib. 2. de feb. cap. 5.

Ultimum signum, & in praxi frequentissimè obserua-  
tum est, quod soluatursudore, madore, aut aliquo  
bono rore, dummodò sudor similis sit naturali, hoc est,  
illi qui sit in exercitio temperato; neque sit multus, acris,  
aut naturam alicuius humoris redolens: nam hic non in  
diaria, sed in humoralī febre frequenter reperitur. Et  
hoc signum ita à diariis est inseparabile, vt asserat Auic-  
enna 1. 4. tract. 1. cap. 8. diariam absque huiusmodi su-  
dore declinantem, in alias febres transire. Sed hoc signum  
non videtur esse proprium diariæ: quæ enim fieri potest,  
vt hæc febris, immaterialis veluti cum sit, per sudorem  
finiatur? Deinde si sudor sit, humiditate ad cutem trans-  
missa: ex Galen. 4. aph. 38. & 56. quo pacto in diaria eue-  
niet sudor, si habet pro causa spiritus, qui sunt calidi, sic-  
ci, facile resolutibiles, & minimè apti, vt possint conuer-  
ti in sudorem?

Videre istam dubitationem Stephanus Atheniensis,  
& Acakia in com. lib. cit. ad Glauc. Christophor. à Vega,  
& Ioan. Brauus in com. lib. 1. de dif. febr. cap. 7. Thadæus, &  
Iacobus de partibus in cir. loc. Auic. & eam hoc modo sol-  
uere conantur: nam vehemens calor in spiritibus semel  
ebulliens, humiditates in membris colliquans, expultricis  
beneficio ad partes extimas detrudit, quæ iuxta cutem  
densatæ in formam sudoris erumpunt, non secus ac in sa-  
nis, & inculparis corporibus: quemadmodum enim in his  
ab immodico exercitio, vniuerso corpore incalescente, li-  
quantur intus humores, qui euocari ad cutem sudorē ge-  
nerant; ita ab spiritibus calefactis in arterioso & venoso  
genere, corpus & humores incalescunt, attenuantur, pro-  
pulsantur, & concitatur sudor. Hanc solutionem assert  
etiam Ludouicus Mercatus lib. 4. de feb. num. 63.

Sed illa falsò niritur fundamento: nam febris soluitur  
ad solutionem causæ: quid ergo oportet liquari humidi-  
tates corporis, & iuxta cutem condensatas in modum su-  
doris abire, vt hac vacatione diaria remitti possit, si eius  
materia non est humiditas in sudorem conuersa? Galenus  
enim laudat diariam cum sudore declinantem, quia solui-  
tur ex toto ea, soluta, & extrā pulsa causa, à qua ipsa diaria  
ortum ducebat. Rectius ergo solues hoc modo: Nam  
spiritus licet sicci sint, humiditatem participant, in sudo-  
rēque verti possunt: nec mirum; nam ex tenuissima  
parte sanguinis, & subtilissimi aëris inspirati portione sūt  
fabrefacti, humiditatemque primigeniam in se continēt,  
ab eaque non sunt exuri & spoliari: quare in sudore etiam  
abest.

abeunt, ut ipse sanguis, si subtiliores, in rorem; si crassiusculi, in sudorem. De quo argumento consule Gentilem in com. c. 6. Auic. 1. 4. tract. 1. dub. 10. & Ludouicum Lemosi in com. c. 4. Gal. lib. 8. meth. Carrerium in com. 1. 4. tract. 1. c. 6. de signis diaria, qui etsi doctissimi, vltro citoque discursantes, tantum dubium dissoluere non potuerunt.

## HISTORIA VII. GALENI, De febris diaria.

Galenus ex lassitudine in diariam febrem incurrit.

**I**ta cum a caussis obicitur: aliis medens, at ipse vltimis scateat, hoc imputat Medici astui, frigori, lassitudini, & aliis occasionibus: si ita sit, illos vindicare à culpa decet; sin alia qualibet, minime. Quippe nec ipsi omnino sine febris exegimus, immò ex lassitudine nonnunquam febricitamus, nullam aliàs morbum multis iam annis experti. Quintià percussus certis corporis partibus, unde alij phlegmonibus, bubonibusque contractis febricitant; ipse nunquam phlegmonem, bubonemve sensi, nec febris laborauit aliunde certe, quam alioqui nec salubrem corporis statum ab ortu ipso summat; nec vitam planè liberam sortitus; sed in qua tum artis officiis seruierim; tum amicis, cognatis; & ciuibus in pluribus inseruierim: tum plurimam noctium partem, nonnunquam egrotantium ipsorum causa, semper autem dulcedinis studiorum gratia peruigilauerim; nec tamen ullo sensu me eorum; qui è corpore originem ducunt morbo tentatum multis iam annis, excepta (ut dixi) diaria quandoque febris, qua tamen & rarissime, nec nisi ex lassitudine incidit, &c. Galenus lib. 5. de sanituend. cap. 1.

### PARAPHRASIS:

**P**rouerbium est gratissimum, & vetustissimum; Aliis mederis, cum ipse vltimis scateas: unde abiit in scôma, Medice, cura te ipsum: ad quod illustrandum, ex vltimis multa concinnator adagiorum doctè traduxit: nam si morbi in Medicis ex intemperato vitæ regimine nascantur, hoc turpe est, & illis indecorum. Si verò ex lassitudine, labore, æstu, frigore, aliave occasione externa oriuntur, tunc hoc reprehensionem nullam meretur.

Ut ergo demonstret Galenus, quantopere vitiosum sit, Medicum ex gula, ingluvie, comestationibus in morbos incurrit, cū pluribus animi, & corporis dotibus debeat esse instructus, ut latè proposuit Hippocr. lib. de Medico, & illustrat Septalius lib. 1. caution. ferè per totum, & ipse Galenus hæc vitia nimium detestatus est in locis multis; præsertim lib. 1. meth. c. 1. & lib. de præcognit. ad Posthum. accitò se diaria sepe laborasse ex labore inuisendi egros, lassitudine, studio, vigiliis; & sic concalfactis spiritibus in eam incidisse affirmat:

Sciens ergo conseruaticis artis ope homines à morbis immunes fieri, idè ille cum esset Medicus singularis, præceptis medicinæ obtemperans, ita sanum se præseruauit, ut nullo morbo tentaretur; qui à causa interna ortum ducit, & sic tanta in cibo, & potu abstinentia est usus, ut ad satiætam nunquam comederit, biberitve, nec erudum quicquam gustarit, unde est factum ut odoriferum semper anhelitum spiraret, & citra vllam omnino affectionem; longèquam vitam traducens, sola defecerit senectute, quod est in humanis rarissimum, ut probat Cælius Rhodiginus lib. 30. lect. antiq. cap. 1. 2.

Et licet in pueritia, & adolescentia in magnos morbos inciderit, tamen post annum vigesimum octauum, cum exploratum illi esset, sanitatis esse artem aliquam, cuius præceptis qui vtens, à morbis custodiretur immunis, morbos declinauit, excepta diaria quæ ex labore, & lassitudine erat suborta. Quamuis autem valetudo Galeni plurima esset, ita ut adagium obreperet, ut Galeni valetudinem di-

camus, pro ea quæ vltra humanum captum nititur sit prospera, nimisque inoffensa: attamen aliquibus morbis, etsi raro, est prehensus, ut constat ex 2. de loc. c. 5. & 1. 3. de alim. facult. & lib. de curand. rar. per sang. mis. quibus locis se passum fuisse alios morbos præter diariam palam proficitur.

Concludit ergo, hanc febrem ex lassitudine fuisse progenitam, sed quæ fuerit lassitudo; non explicat. At cum triplex sit lassitudinis species, ex Galen. 2. aph. 5. & 1. de sanit. c. 5. tensiva, vlcerosa, inflammatoria (licet Auic. 2. 1. doct. 2. cap. 1. 2. aliam addat, quæ neque vlcetis, tensionis, aut phlegmones refert affectum; & vocant arefactiuam) vlcerosa correptum fuisse eum; ratio dicat: nam tensiva est in qua corpus distenditur, cuius causa est plethora; vlcerosa fit à labore, ex qua qui eam incurrunt; in superficie corporis tactus vlcerum similitudinem sentiunt; hæc fit ab exercitio, æstu, motu, &c.

Lassitudo ergo est affectio corporis; in qua si vel minimum quis moueatur, sensio quædam excitatur, phlegmonosa, aut vlcerosa, aut tensiva, de cuius causis; & differentiis; lege Auic. cit. loc. Gal. 4. de sanit. 2. & 7. meth. 1. 2. & 2. de sympt. caus. c. 2. & 4. aph. 3. 1. Christoph. à Vega lib. 2. arr. medic. sect. 2. cap. vltimo, Valles. lib. 6. cont. 1. 1.

Sed inquires, quonam auxilio sibi ipsi opem tulerit: Dic balneo; cuius vis apud Romanos in curandis febribus, præsertimque diariis erat maxima: Hoc modo strenuè iuuant quies; vinctio ex hydrelæo, mollis frictio; cibis reficiens; si nempe exercitium validum fuit: Ita mōnent celebranda Gal. loc. cit. de sanit. tuend. & Paulus lib. 1. cap. 20. Explanat luculenter Auic. interpretes ad cap. 5. Auic. 1. 4. tract. 1. & omnes qui de curatione febris Ephemeræ disceptarunt.

## QVÆSTIO VII.

Verum possit ab aliquo principali corporis membro, præterquam à corde, febrilis caliditas proficisci, ut contra Medicinæ proceres Ioannes Brauus contendit.

### COMMENTARIUM:

**F**ebritasimus. Auicentiam inter omnes auctores fecit, & vsui Medico accommodari febri definitionem proposuisse; ab eminentissimis vitis proditum est; qui vnanimi voto confirmant, febrem esse calorem extraneum; accensum in corde, sed ita, ut à solo corde habeat febrilis passio originem suam, propriamque in suo actuali esse dependentiam, & cōseruationem. Quo pacto febris in sui generatione, & cōseruatione à solo corde, primò, & immediatè progignitur; nec ab aliquo membro præterquam à corde, potest calor in corpore, sub duratione, & permanentia persistere, in quo natura febris, & essentia consistit.

Hanc sententiam hausit Auicentia à Galeno lib. 1. feb. 1. & 3. quibus locis febris radicem in aliqua cordis substantia calefacta constituit; & iuxta variam illius substantiam inflammaram, varias febris differentias enumerat; quare febris essentia peculiaris in hoc consistit, quod calor præter naturam in corde accendatur: probat etiam lib. de inequal. intemper. c. 4. & lib. 10. meth. c. 8. & 7. meth. cap. 8.

Galenus vortum amplectuntur Fernelius lib. 4. patholog. c. 1. Thomas à Veiga lib. 1. de diff. feb. in com. cap. 4. Christoph. à Vega in cit. c. com. Donatus ab Alro mari part. 1. de medend. feb. cap. 6. Vallesius lib. 5. cont. 1. 8. Conciliator diff. 87. Thom. Garbius 1. de diff. feb. c. 1. Vgo Senensis, Dirus, Harculanus, Gentilis in cit. c. Auic. Nicòl. Florentin. serm. 1. tract. 2. sum. 1. cap. 2. & 3. Auerthoës lib. 3. collig. c. 3. & alij, quos citat Carrerius in Auic. in principio.

Quæ sententia sensui manifestior; rationique consentiens magis, sic probatur primò. Inde procedit morbus, à quo sanitas proficiscitur. Sed sanitas quæ in calore consistit, à solo corde scaturit. Igitur à solo corde emanat morbus, qui in calore continetur. Maior est manifesta, quia sanitas, & morbus quatenus termini oppositi sunt, in vna eademque qualitate consistunt, sub temperamenti



intemperative ratione, ita vt sanitas, provt à calore dependet, in optimo caloris temperamento, iustitiamque æqualitatis perfectione consistat, morbus autem à calore subortus, ab eadem caliditate extranea suboritur. Sed ab eodem emergit principio cuiusque qualitatis intemperies, à quo eiusdem qualitatis temperies. Ergo ab eodem proficiscitur morbus, à quo sanitas eidem opposita. Minor suadetur ex eo, quia integra & absoluta caloris perfectio, in qua sanitas caloris consistit, à corde perpetuo influit, dependet, conseruatur, vt docuit Trallianus lib. 1. 2. cap. 1. Quare Medici calorem à corde in singula corporis membra deriuatum, temperamentum naturale appellare consueuerunt: ea solum ducti ratione, quoniam membrorum adæquata & perfecta sanitas, maxime & præcipue ab illo influente conseruatur, qui naturium membrorum calorem auget, tuetur, & perficit. Ergo si à solo corde singulorum membrorum sanitas emanat, ab eodem & morbus, &c.

Secundo. Ex omnium Medicorum sententia, febris dicitur propria, & peculiaris cordis affectio, & non aliorum membrorum. Ergo aliquid diuersum habet à membris, cuius merito febris illius passio nuncupatur. Hoc autem non fit ex eo, quod cor sit proprium inhesionis, & denominationis febris subiectum, hoc enim habet cum reliquis membris commune. Ergo eiusmodi peculiarem denominationem sortitum est cor, extra cuiusvis alterius membri morem, quod sit febrilis affectionis principium, opifex, & origo; & sic nulli alteri membro, excepto corde, hoc munus conceditur. Ergo necesse est ad perfectam constitutionem febris, vt caliditas illa primo in corde accendatur: quare in febre hectica in cordis corpore accensa est, in putrida in humoribus, in diaria in spiritibus. In hunc sensum dicit Gal. de lo. cap. 2. quod quemadmodum totius corporis sanitas ex cordis temperamento dependet, sic vniuersalis morbus omnes corporis actiones lædens, veluti febris, debet primo occupare cor: nec immerito, nam hoc viscus cum sit calidissimus, 1. de temper. cap. ult. illico accenditur, & cum toti corpori calorem comunicet, statim vniuersis corporis partibus, spirituum vitalium ope, extraneum, præternaturalemve calorem impertitur. Hoc probat lib. de marasm. cap. 1. dicens: nullum affectum vniuersum corpus afficere posse, nisi prius cor occupetur.

Ex his vide, quam inepto fundamento innixa sit Ioannis Braui opinio, lib. 1. de dif. feb. c. 3. qui ex eo Auicennæ definitionem reprehendit, quod in febribus symptomaticis, calor in foco, vel inflammata particula accendatur, & febris cõciteretur. Sed non aduertit vir eruditissimus, quod tunc, licet calor adsit immodicus, febris non denominabitur, quin comprehendat, & adusta vel putrefacta fuligo, vel calor alteratione continua cordi comunicetur, & id ponat in calefacto esse.

Tertio. Si totius sensus, aut motus læditur, læsio est in cerebro: si deficit nutritio in toro, vitium est in hepate, à quo prauum alimentum gigni solet. Ergo si temperies totius læditur, vt in febre, cor est læsum. Nec aliud significauit Gal. lib. de sang. mis. cap. 5. docens caliditatem, aut frigiditatem non posse in totum corpus extendi, quin prius immutentur cor.

Vidisti quo pacto necesse sit, vt febris denominetur, quod calor accendatur prius in corde, membro naturalia æstuant valde, immò calidiore, quam pro sui conseruatione esset opus; quare indita est à natura perpetua inspiratio, cuius beneficio, aëre nempe attracto, excedens illa & intensa caliditas coërceretur, ne videlicet membrum ipsum corrueret, & extra naturam ab ipsa sua caliditate excandesceret. est enim naturalis cordis caliditas, velut flamma, ita docente Magistro lib. de vsu puls. cap. 2. Quo pacto cor est actualis caloris radix & principium, à quo primo velut à perpetuo, perennique fonte assidue deriuatur. Quamuis autem hepar, cerebrum, & quodcumque aliud corporis membrum, naturaliter sit calidissimum, nunquam tamen cor, quantumuis frigidissimum sua caliditate superabit, ita asserente Galeno lib. art. 1. med. c. 28. Necumque enim exierit cor natura frigidius, multo

Lib. IV.

A. sanè calidiorem naturam possidebit calidissimo cerebro, &c. Demum, cum nullum membrum sit calidius corde, nec citius à quauis causa inflammetur, & immodicum calorem toti communicet, fit vt febris merito passio cordis sit assignanda.

Sed ne temporis iacturam sub inutili silentio faciamus, liceat mihi disputationem hanc in epilogum colligere, & multis, efficacibusque argumentis tradita doctrinæ relictari. Et primo videtur, quod possit calor præter naturam in corpore durare, qui ab alio præterquam à corde originem ducat, nam Galen. in art. med. cap. 37. ex calidiori hepate colligit vniuersi corporis excedentem caliditatem, nisi cor frigiditate obstitit, hoc est, nisi cor frigidius sit natura suapte. Ergo iecur calidum, sanguinis ab eo geniti calidissimi ope, poterit partibus vniuersis, quæ eo nutriuntur, citra læsionem cordis, calorem immodicum, & permanentem communicare, ad essentiam febris requisitum: nam vt scite notat Thomas à Viega, illustris huius loci explanator, hepar immutat totum corpus, quia tangit singula membra instrumento à se demandato, & sic tenuitate sanguinis sui, meatibus omnes membrorum penetrat, & quia alimentum à se genitum transit in membra omnia corporis.

Secundo. Hydrops ab hepatis frigida intemperie ortum ducit, ex Gal. 5. de loc. 7. & alibi sæpe: quare in hoc affectu, hepar vniuerso corpori frigiditatem communicat vt patet in Anasarca, in quo ob refrigerationem corporis, habitus subalbidus apparet; & in ascite, & tympanite membra ob defectum facultatis sanguificæ extenuantur. Ergo si hepar permanentem, & morbosam frigiditatem corpori communicat, à fortiori communicabit caliditatem, si igneum sit; nam hæc agilior est, & promptius penetrat.

Tertio. Cerebrum in statu naturali, immittit virtutem animalem mediante spiritu in corpus vniuersum; sicut cor per arterias vim vitalem toti communicat. Ergo cerebrum præternaturaliter calefactum, caliditatem suam per membra distribuet citissime, durantem, & lædentem actiones, quia spiritus animalis est tenuior vitali. Hoc modo in paralyti vniuersali, totum corpus redditur frigidum & torpidum, quia sensitiva virtus, ob cerebri læsionem in corpore vniuerso deficit, quæ ab eodem cerebro originem habet. Igitur sicut cor præternaturales affectiones corpori dispensat, sic & cerebrum.

Quarto. Omnis febris à corde non deriuatur semper. Ergo non semper ab eo originem habet. Patet maior, in hectica febre: nam si febris non potest à corde procedere, nisi mediante spiritu, & sanguine; in quibus veluti in proprio inhesionis subiecto consistit, & spiritus, & sanguis constituunt diariam, & humoralem, fit manifestum ab alio principio præterquam à corde, hecticam generari.

Quinto. Febris est affectus lædens naturales operationes. Sed non potest illud nocumentum præstare, nisi originem ipsam lædar, à qua naturales operationes veluti à radice emanant. Ergo febris est passio hepatis, quod est naturalium actionum principium, atque origo.

Sexto. Inde morbus expectatur, vnde sanitas procedit. Sed corporis sanitas non solum à corde proficiscitur, sed à cerebro, hepate, ventriculo, pulmone, & à pluribus corporis membris. Ergo febris non solum oritur à corde. Nam à sano cerebro, in sensu & motu integritas emergit: ab illaso hepate, perfecta hæmatosis, in qua membrorum salus, & viuacitas consistunt: à ventriculo bene affecto, totius corporis harmonia dependet. Ergo membrorum sanitas, & morbus ab aliis partibus emanant.

Sed hæc licet prima facie fortia videantur, facile tamen solui possunt. Dic ad primum. Licet possit hepar suam naturalem caliditatem reliquis membris infundere, quia illam permanentem habet, fixam, & durantem, non inde sequitur præternaturalem posse imperiri, quia eam non habet; quæ videlicet possit actiones lædere. Adde quod calidam hepatis intemperiem,

G G g sanum

sanum cor illico corrigit, atque emendat: nam cor actioni à calido hepate profectum vehementer relinquitur, & hoc est quod firmabat. Galenus dicens [nisi cor obstituerit,] Deum cor immutat totum corpus instrumenti sui ope, hoc est spiritus vitalis adminiculo, qui cum sit tenuior, & sanguine, & spiritu naturali, celerrimè per totum corpus oberrat: hepatis autem influxus, morosus, & paulatinus existit.

Ad secundum dic. Quemadmodum incipientis hydro-  
pis secus est sedes atque origo; sic febris referenda est membro omnium calidissimo, quale est cor. Adde frigiditatem illam in hoc affectu repertam, (etsi primò, & immediatè ex hepatis vitio oriatur,) ex assiduo nutritionis defectu, ex prauo sanguine ab hepate confluyente, ex vitioso habitu quò hepar malè affectum contracto, in aliis membris regenerari, postquam illam ab aliquo vniuersali susceperint principio. Dicitur ergo hydrops hepatis propria affectio, quia hæc pars sanguificæ facultatis, nutritivæque sanguinis est principium.

Ad tertium dic. Paralysis, & quicumque alius affectus ex sensus, aut motus priuatione subortus, non idè contingit, quia à cerebro aliqua vitiosa qualitas emanat, sed quoniam animalis illa virtus in vnoquoque membro, in quod à cerebro influit, deficit; cuius ratione in membris morbofa affectio generatur, vt Epilepsia, morbus attonitus, &c. Neque refert quòd cerebrum possit caliditatem membris impertiri, mediante spiritu per nervos omnibus partibus communicato: nam cor positivam, fixam, & durantem sicut distribuit per totum corpus sanitatis tempore caliditatem, sic in statu morbofo, præternaturalem diffundit, quæ cum hac eadem est, in intensione duntaxat diuersa.

Ad quartum dic. Hæctica febris non minùs à corde, mediante sanguine, & spiritu deriuatur, quàm reliquæ febres. Neque enim Galenus 1. feb. 1. constituit varias febres differentias penès varia caloris subiecta, vt spiritus, humores, & solida mēbra, quæ in variis nostri corporis partibus sunt reposita, sed penès has substantias ad excelsitudinē esse cordis deductas: quævis enim substantia, ex quibus cor cōponitur, posita in excelsa esse, propria causa est, & radix præternaturalis caloris permanētis in corpore, qui ad febrem naturam, & essentiam sequitur necessariò.

Ad quintum dic. Auicennam per naturales operationes, non solum naturales operationes intellexisse, quæ animalibus, & vitalibus opponuntur, sed naturæ actiones in vniuersum, sub quo nomine vitales, & animales etiam comprehenduntur, & quæcumque aliæ quæ in vtilitatem, & conseruationem totius à natura sunt institutæ.

Ad sextum dic. Maiorem esse falsam: nam sanitas quæ in calore consistit, non ab alio membro præterquam à corde primò deriuatur, licet ab aliis, remotè tamen, possit originem ducere. Et de hac quæstione satis.

## Q V Æ S T I O VIII.

*Virum ad integram febris essentiam requiratur immodica caliditas in toto; an sufficiat in corde.*

Argumentum de febribus eximium, vtile, vel inenarrabile potius, contemplari mihi subit quandoque; quare existimo dignissimum, vt in eo explicando docti industriam suam imponant. Ergo exactius pensitare id totum cum hoc libro profitear, quò hæc præstantes historiz proponuntur, iccirco illud, interpretis officio fungens, emedullare cogor. Proxima ergo his dubitatio est, quæ non iniuria inuestiganda: Virum præternaturalis caliditas, quæ priuatim in corde reperitur, quin vniuerso corpori communicetur, iure possit dici febris; aut solà illa mereatur nomen febris, quæ per vniuersum corpus, aut eiusdem singula membra sit ab eodem corde diffusa, & communicata.

Constans est sententia Galeni lib. 1. feb. cap. 2. qui penès triplicem cordis substantiam, triplicem febris differentiam constituit; ex qua doctrina colligitur ad perfe-

ctam febris essentiam sufficere, quòd cor præternaturali caliditate dicatur affectum: nam nulla facta mentione de excedenti in totum corpus caliditate, in sola & nuda cordis substantia integram febris essentiam reponit. Deinde in cap. 3. lib. 1. feb. definit febrem, quando calor præter naturam in corde accenditur: & lib. 7. meth. cap. 8. febrem descripsit in calida affectione, quæ vel in toto animali, vel in corde reperitur: & lib. de inæqual. in temper. cap. 4. docet calorem qui in vnoquoque, vel pluribus membris præternaturaliter reperitur, nequaquam febris subire rationem, nisi in cor, tanquam in febris radicem transmittatur: & lib. 6. epidem. sect. 1. com. 29. asserit, febrem esse caliditatem immodicam totius, aut viscerum. Similiter 1. prorrhetic. comment. 7. firmat, magis febrere eos qui immodicè calent in solis visceribus, quoniam deteriùs februnt: cor autem internum membrum, principaleque viscus existere, nullus vnquam dubitauit. Et lib. de marasmo, cap. 4. asseruit, quòd hæger in pulsu, & respiratione, non monstret excessum caloris, non febricit, quasi dicat, caloris excellentiam cōgnitam per pulsum, & respirationem, integram febris rationem, essentiam, eiusque actualem in corpore existentiam significare. Cum ergo pulsus, & respiratio, sint febrilis caloris, & cuiusque affectus in corde existentis testimonia manifesta (orta namque suis principiis attestantur;) sit vt, siquidem Galenus ex pulsu, & anhelitu, caloris excessum iudicat, quæ solius cordis affectiones denotare solent, nos existemus, excedentem in corde calorem ad integram & completam febris essentiam sufficere, quin corpori eiusmodi caloris excellentia communicetur.

Nec desunt rationes, quibus hæc sententia corroboretur. Et primò sic. Cor recipit in se naturalem calorem, absque eo quòd quicquam caloris corpori communicetur. Ergo & febrilem calorem poterit recipere, illumque in suo esse conseruare, absque vlla eiusdem caloris in corpus communicatione. Consequentia patet: nam fundamentum, & principium febrilis caloris, est naturalis ipse calor; quoniam vterque calor, febrilis scilicet, & naturalis eundem seruant in corpore ordinem, eandem formam retinent, atque legem; neque potest dari calor febrilis, nisi in corpore, aut membro in quo calor naturalis reperitur, ita vt quoduis corpus naturali calore destitutum, ad febrem recipientem ineptum censeatur, iuxta illud axioma Auerrhois lib. 7. collig. cap. 2. existimantis calorem febrilem ramificari ad proportionem caloris inuati, quoniam febris viuientis solius passio est: sola enim viuientia naturalem recipiunt calorem, quo mediante viuere dicuntur. Ergo si cor potest calorem naturalem recipere absque corporis communicatione, eodem potest consequenter modo febrilem caliditatem admittere, licet hæc nequaquam in corpus extendatur. Maior patet, ex communi Medicorum, & Philosophorum sententia: nam cor dicitur principium vitæ, quia primò inter reliqua membra naturali calore mediante viuitt. Ergo illo tempore quo primò viuitt, in se calorem naturalem recipit, qui naturalis verè & propriè appellatur, quin in corpus extendatur; ac proinde febrilis caliditas in corde, absque eiusdem in membra distributione est concedenda.

Secundò. Immodica, & præter naturam caliditas, quæ in corde potest dari, antequam reliqua membra viuant, caloremve participant naturalem, verè morbus est. Igitur febris non dicit actualem caliditatis in vniuersum corpus communicationem, sed sufficit quòd eiusmodi immodica caliditas in corde resideat, siue corpori communicetur, siue non.

Tertiò. Moriens ex febre, eo tempore quo viuitt, verè dicitur febrere: nullus tamen tunc datur in vniuerso corpore calor, immò omnia, & singula membra frigent excepto corde. Ergo datur febris absque caliditate per corpus, seu membra diffusa.

Quartò. In quocunque particulari membro potest cuiusque generis morbus reperiri, vt diutino constat experimento. Ergo & in corde potest qualibet morbofa affectio

affectio peculiariter consistere, absque vlla in reliqua A  
membra communicatione.

Quintò. Hip. & Galenus, cæterique medicinz Duces, febrem vocant propriam, & specialem cordis passionem; quod non fecissent, nisi in corde solum posse perfectè, & integrè febrilem affectum efformari, citra vllam in reliqua membra dispensationem, intelligerent.

Vt tamen huius quæstionis veritas pateat, aduerte, morbum esse affectionem notabiliter, diu, permanenter, & manifestè operationes lædentem, ex Gal. lib. 1. de diff. morbor. cap. 1. & 2. de natural. facult. cap. 9. & 1. meth. cap. 3. in cuius cœtu reponendam esse febrem, nullus ignorat. At hæc nequaquam eiusmodi potest fortiri munus. Pater, cum non sit permanens qualitas, sed de genere successi-  
uorum à Philosophis numeretur: quare non potest per se independenter conseruari citra cordis calorem, qui febris rationem ingreditur, eiusdemque formam attingit; qui adhuc integram febris constitutionem & essentiam non attingit, nisi eodem temporis momento membris communicetur, nisi aliquod adsit impedimentum, quod eius per corpus expansionem impediatur. Hoc modo in lippia febre, rigore, febribus malignis, extrema frigent. In hectica, in primo insultu inuadente, calor ob temporis angustiam ad omnes non expanditur corporis partes, sed in solo cordis corpore consistit: nam definitiones potentiam notant, & aptitudinem: quare febris dicitur calor procedens à corde, vel aptus procedere. Sufficit enim quod calor immodicus, & præter naturam adsit in corde, & deinde sublato impedimento possit toti communicari. Sic in lippia impedimentum est calor inflammationis in visceribus vicens, quæ ritu cucurbitulæ à toto corporis ambitu calorem ad se attrahit, quo pacto frigent extrema, vt docet Hip. 4. aph. 48. & 7. eiusd. 1. Sic in rigoris initio, in febribus intermittentibus, & malignis, calor ad externas partes non expanditur, quoniam in profundo corporis, veluti in foco est coercitus, & vnitus.

Verum ergo sit, ad essentiam febris, cum sit morbus vniuersalis, necessariò requiri, quod calor præter naturam in quo febris consistit, corpus totum vniuersaliter afficiat; nec sufficit quod peculiare aliquod membrum lædat, aut cor tantummodò calore præternaturali corripit, nisi corpus eadem excedente caliditate vnà cum corde patiatur. Ita asseruit Auicenna loco cit. cum febrem definiuit, & explicant interpretes in com. Hoc Galenus lib. de caus. morbor. c. 2. confirmat, dum sic ait. At si in totum extensa fuerit corpus aliena caliditas, tunc eiusmodi affectus febris nuncupatur, quæ est quedam totius corporis immoderata caliditas, &c. & 2. meth. cap. 7. sic fatetur. Deinde calorem ipsum, qui adeo auctus sit, vt occasione eius corpus labores, nec probè perfungi actione possit, permittit volenti appellare febrem, siquidem omnes homines eum, qui ita sit calidus, febricitare dicunt. Quo pacto Medici febrem, vniuersalem corporis affectum vocare consueuerunt, non ignorantes, singularem calorem præter naturam in quouis particulari membro, ad febris essentiam non sufficere. Ergo tam in corde, quàm in corpore, febris formalis essentia, atque sedes est constituenda.

Neque difficilis est ad oppositas rationes responsio. Nam Galenus in citatis locis idè febris essentiam in excelsa constituit cordis substantia (iuxta quam triplicem assignat febris differentiam, nulla facta de corpore, reliquisque membris mentione.) quoniam certum erat, necessariò dari in corpore calorem præter naturam, vbi primum ob aliquam calefactam substantiam in corde generatur.

Ad primam rationem dic. Cor illo tempore, quo primò reliqua membra in sua generatione præcedit, non propriè dici vitæ principium. calorisque naturalis originem, quum nec generet naturalem calorem pro toto, immò eundem patriciper; idèque, esto, sit febrilis calor capax, non est tamen potens vt calorem præternaturalem, aut naturalem pro reliquis membris generare queat; nec enim adhuc proprio cordis vtitur officio, cum non sit actuale viuientis membrum, sed matris vtero

Lib. IV.

gerentis; quo pacto non actu cor, sed potentia solet appellari.

Ad secundam dic. Calorem præter naturam, qui in corde ante membrorum generationem datur, esse quidem febrem communicatam ab vtero gerentis corde, in membrum illud quod potentia est cor.

Ad tertiam dic. Dari in moriente ex febre, tempore mortis febrem, & in corde, & in membris; ob defectum tamen caloris naturalis in toto, in membris non sentiri. Dic secundò, nullam dari tunc in corpore febrem, quoniam in omnibus partibus, & in corde frigida intemperies reperitur: quoniam animantia frigida cordis intemperie occupata moriuntur.

Ad quartam dic. Non posse dari calidam in corde passionem, sub ratione facti caloris, quin statim corpori communicetur; vel si adest calida affectio in corde, esse quidem morbum, verum non esse febrem.

Ad vltimam dic. Idè febrem appellari proprium cordis affectum, quia in corde primò efformatur, & in eo primam sui existentiam refert, indèque per vniuersa corporis membra diffunditur: quare cordi solum febrilis passio non debetur, inibique dumtaxat inhaeret, illudque peculiariter denominat, licet durans & permanens calor, à corde, tanquam ab origine & radice conseruetur; aliàs statim euanescet, nec permanebit, vt febris nomen fortiri queat.

## HISTORIA VIII. GALENI, De syncho imputri.

Synochus imputris, sola sanguinis missione  
vsque ad animi deliquium,  
perfanatur.

Ergo qui palestra peritum iuuenis erat, vbi febricitare hora prima noctis cepisset, postridie eum manè circiter horarum diei tertiam vidimus. Cum autem inuenissem febrem admodum calidam, sed \* pulsus aequales, & maximos, & celeres, & frequentes, & vehementes, tum caloris qualitatem qua ratum minimè morderet, iam verò & irinas, tum crassitudine, tum calore à naturali habitu non multum alienas: audiens præterè hominem circiter triginta dies exercitationis consuetudinem intermisisse, pridie tamen exercitasse se vehementius, cæterum non multum: sumpsisse autem solitos cibos, atque eos concoxisse, quamuis tardè & egrè, utpote cum febris vespere occupasset: cum interim rubicundus, plenusque homo appareret, atque etiam plenitudinis sensum se percipere diceret: faciente interim quodam eorum qui aderant, de vena secanda mentionem, visum nobis est eius auxilij considerationem in aliud tempus remittere, simul vt certius sciremus, cuius generis febris esset, simul necessariò propter eam que præcesserat concoctionis tarditatem. Cum autem vespere similem vigorem tueri febris est visa, ceu nihil sensibiliter remittens, suspicio iam erat, Synochon esse, hancque ex obstructione, & sanguinis abundantia, & præ carnis copia, stipatione. Ac cum parem magnitudinem per totam noctem febris seruaret, postero die visum est Medicis omnibus, qui eum inuenerant, sanguinem esse mittendum. Discordia verò orta de tempore: & vinctibus, qui id in sequentem diem differendam suaderent, febris per totum eum diem euidenter visa est vigorem suum augere. Mox tertia sequenti nocte, alia quidè accessio minimè incidit, quæ prima ad portionem responderet: erat tamen astus ipse laboranti intolerabilis; urgebaturque cum tensio totius corporis utpote repleti, tum capitis pulsatio; atque ob hac gravis vigilis, iuvene in aliam alias se figuram iactante. Itaque cum ultra ferre non posset, hora noctis circiter octaua misit ad me ministrum, rogaturque ad se ocyus veniam. Ipse annuo, atque ab eo inuenioque febrem calidissimam, pulsusque qualem prædixi. Quoniam autem nec in hoc, nec in lotio, nec in ipsa caloris qualitate indicium aliquod humorum putrescentium apparuit, optimum factu visum est venam incidere, amequam pueredo inciperet. Ausero itaque ab homine eò usque



de industria sanguinem, quoad animo linqueretur: maximum planè ubi valentes vires sunt, continentis febris remedium, id quod tum ratione, tum experientia didici. Primum namque in contrarium statum agitur corpus, celerrimè ex animi defectu refrigeratum: hoc verò nemo inuenire potest, neque quod ipsis agris, neque quod natura qua animantes gubernat, iucundius, visus sit. Postmodum in huiusmodi corporibus necessariò superuenit alui deiectio, nonnunquam etiam bilis vomitio; quas res statim à toto corpore madores, sudoresve excipiunt: quæ nimirum omnia cum huic quoque contigissent, protinus febrim extinxerunt: ut quidam ex iis qui aderant, iugulasse me febre per iocum dicerent, unde omnes risimus. Verum quò narrationem omnem absolui, nihil mali erit paucula addidisse. Post duas namque à sanguinis missione horas paulo nutrimenti dato, ac iusso quiescere, discessi. Quinta verò hora reuersus, iam profundo somno indormientem inueni, ut tangentem me prorsus non sentiret. Cum verò & ministri adeò illi altum somnum fuisse dicerent, ut nec cum madores eius abstergerent, expergisceretur: suasi ita facerem; esse namque hominem iam prorsus à febre liberum. Reuersus autem & decima rursus hora, etiam tunc dormientem inueni. Egressus autem iterum ad alios visendos agros, redeo hora prima noctis, non tamen ut antè tacens, sed voce de industria sublata, quò agrum à somno excitarem. Quod cum ita accidisset, ubi solo pissana cremore ipsum nutriui, abij. Cuius modum postero die augens, tertio lauatum dimisi. Ac qua ad hunc pertinent agrum, ita sunt gesta, &c. Galenus lib. 9. meth. cap. 4.

## PARAPHRASIS.

**G**rauiissima est historia hæc, quoniam gravem in ea obseruo doctrinam: continet enim in se continentis febris citra putredinem signa, causas, & curationem appositè delineatam à Galeno, qui pro hoc iuvene libero sanando, plurima diligentia vltus est. Vocatur Synochos, vna accessio, quæ ab initio ad finem perpetuò manens, in multos dies porrigitur, quam febre, continentem Medici appellare consueuerunt, Arabes inflationem dicunt, quoniam sanguis multitudine sua effervescescens venas inflat; aut quia pars tenuior copiosum vaporem emittens, inflationem repræsentat. In hac in magnis vasibus, & cordi proximis accenditur sanguis, siue id ex suppressa vacuatione eueniat, siue ex immoderato calefactionum alimentorum vltu contingat; qua de causa præ copia denegato refrigerio, & commoda ventilatione prohibita, sanguis sponte gliscit, & effervescescens, synochum imputrem concitat.

Hac febre iuuenem hunc fuisse correptum dubitari minimè potest, quam fuisse de illarum natura, quas Græci homotonas vocant, Galenus 8. meth. cap. 3. asseruit: nam semper similem tenorem seruare visa est. Huic intermissa exercitatio præbuit occasionem: cum enim exercitationi vehementissimæ esset assuetus, & crassioris succi cibis vesceretur, ut corpus palæstritarum more in magno robore conseruaretur, factum fuit, ut ipse ætate florens sanguinis saburram congereret, quam intermisso exercitio resolueret non potuit, quæ in vasibus maximis stabulans, febris continentis materiam suppeditauit conuenientem. Hos autem palæstritas, hoc est, exercitatorum in ludo versatos, habuisse morem, varios, eosque valentis materiæ cibos edendi, testatur Galenus lib. 1. de aliment. facult. cap. 2. Sic Athletæ, Pancratiastæ, pugiles, omnifariis palæstræ exercitiis, crassioris alimenti victu, obesorem corporis habitum, & robur sibi comparare studebant, & in cœna liberaliùs genio indulgebant, & præcipuè carne suilla, quæ copiosè nutrit, utebantur.

Febrim fuisse validam, & ex sanguine copioso subortam, signa à Galeno proposita ostendunt manifestè: nam pulsus celeres & frequentes, sanguinis superabundantis exalta quantitatè nimiam, & natiui caloris incendium maximum significant, ex Gal. lib. de vltu puls. cap. 1. Sed erant æquales: cum enim hæc in genere diariarum proponatur, ex Gal. 9. meth. cit. pulsus in magnitudinem,

celeritatem, & crebritatem mutat, diariæ instar, ex Gal. 3. de presag. ex puls. cap. 7. contrario modo febres putridæ in vigore vtrumque habent motum celerem, & distensionis, & contractionis, & ex æquo crebritatem mutant tam in interna, quàm externa quiete, ut in com. sequentis historia latius disceptabimus, cum de signis putridarum sermonem instituemus.

Deinde huius febris naturam apertè demonstrabat calor minimè mordax, & insuauis, qui sese tactui repræsentabat: nam sanguis copia sola abundans, & alienam qualitatem non induens, mitis est, & eius vapor suauis, & non acris. Sic & vrina à statu naturali non multum distabat. cum sanguis solùm esset exalfectus, & non putris, ut Galenus lib. 1. ad Glaucon. 2. & 3. & 1. de diff. feb. 7. asseruit. Quare in crassitie, & colore non vehementer excedebat. B aliquantisper enim crassam, & rubram fuisse iure merito quis dicere poterit, qui contenta ex humore superabundante generari non negauerit, cum Gal. lib. 1. cris. cap. 12. & hoc modo vrina erat crassa, ex crasso sanguine generata; & ab exalfecto, rubra, ut probat Gal. 6. epid. sect. 1. com. 19. §. Rubra autem à sanguine, &c. & sect. 5. com. 14. Quare si in venis ebulliunt homores, eis vrinam respondere est necesse.

Ex hoc sanguine crasso, inflammato, igneum calorem adepti, elati sunt vapores, qui cerebri membranis communicati, & è vasibus exilientes, oberrantesque per corpus totum, concitauerunt vigilias, inquietudinem, capitis pulsationem, æstum; calorem ingentem, quæ omnia simultaneæ phlebotomiæ ope, leuatæque natura à copia, qua velut sarcina, & onere magno premebatur, fuisse C discussa, crassa parte humoris vacuata per aluum, & per vomitum; tenuiori per sudorem, & per insensilem transpirationem, ex serie contextus dilucidè patet. De cuius venæ sectionis mira vtilitate tam multa diximus lib. 1. in com. histor. 9. & referunt Græci, Arabes, & Classici ferè omnes. Lege Auic. interpretes in com. cap. 3. fen. 4. lib. 1. & 1. 4. tract. 2. cap. 43. Conciliator. diff. 164. Cardan. lib. 1. contr. tract. 4. com. 13. Valles. 7. com. 8. Iacchin. in methodo feb. cap. 26. & alios præstantissimos viros.

Sed plurima sunt in hac historia dubia, & valde controuersa, quæ expedire oportet, cum ea possint lectorem ingenium remorari. Et primò quæro. Si omnis intemperies deiecit actum virtutis, unde languet virtus, & fit pulsus paruus, cur in hac febre adfuit pulsus vehemens? Dic primò cum Gal. 3. de presag. ex puls. lib. cap. 2. tunc fieri D pulsus magnum in febribus, quum humores incalescunt; tunc paruum, quando substantia cordis incaluit quam ventriculi continent, quoniam tunc adest debilitas facultatis: ita intelligendus est Galenus 1. de presag. ex puls. 7. & 1. de caus. puls. 7. dicens, calidorum affectuum proprios esse magnos pulsus, & quamuis in febriente virtus debiliior sit, quàm antè, tamen ob magnum conatum aucta necessitate refrigerandi robustior reddita, facit magnum pulsus: ita iratorum pulsus est vehemensissimus, 4. de caus. puls. 2. Solue Secundò. Licet dicatur pulsus vehemens, non absolute id est intelligendum, sed respectu ad alias febres, & maxime ad hecticam, in qua maior debilitas adest: simpliciter enim pulsus vehemens in sanitate solummodò visitur.

Quæro secundò. Cur manifestissimis signis iam propo- E sitis Galenus ductus, prima die febrim continentem non cognouit? quod fecisse sæpius gloriatur 1. feb. 7. & 10. qui febris speciem, & cum aliis complicationem primis diebus se agnouisse enarrat. Sic enim habet lib. 2. cris. 1. Et quoniam eas ex multis firri demonstrauimus, quorum unum est, ipsius agnitionis natura: quo pacto & hanc optime quispiam possit internoscere, ad hunc secundum librum tradere distuli. Itaque si quispiam nobiscum affuit in curatione agrotantium, ex prima accessione, & quotidianâ febre, & tertianâ, & quartanâ, & semitertianâ, & eam qua ab ardore causos vocatur, plurimòque alios morbos præcognoscemibus, ex ipso opere huius contemplationis habuit experientiam, &c. Dic, non semper Medicus prima die febris speciem cognoscere tenetur: quoniam si prima statim dic hoc fieri non potest (inquit ipse lib. 1. ad Glaucon. cap. 4.) in secundo saltem formam



formam inuenire est tendendum; quod si nec in hoc aliquid firmum sciatur, in tertio manifestius apparebit: quod & lib. de typis, cap. 2. affirmat. Solue secundò. Galenus certus erat de genere febris, sed prudenter certiorum desiderabat cognitionem, quam in alio sequenti vespere, obseruatis certioribus signis est assecutus, quia habebat socios qui eius doctrinam carpebant vehementer, & fortè erant de illorum numero, qui sprete venæ sectione, triduana inedia ægros cruciabant, de quibus supra egimus; & sic cautè se gessit Galenus, ne forè celebrata phlebotomia copiosa, quæ vnicum huius febris remedium erat, & ægro in peius ruente, sinister euentus, aut mors illius adscriberentur errori.

Quæro tertio. Si Galenus non erat ita certus de specie febris, quare illam sanguinis missione curauit: nonne rectius erat sequi consilium Auic. 4. 1. cap. 1. & 1. 4. tract. 2. cap. 7. dum monet, ne curetur febris, nisi prius cognoscatur. Sic enim ait. *Et caue ne cures febrem, nisi cognoueris eam: quod si non cognoueris, subtilia regimen: nam natura aut curabit eam, aut manifestabit*: quoniam cum inedia, aut vitæ tenuis adhibetur, quum non distrahatur natura à coctione, & sit species euacuationis ex accidenti. 4. aph. 2. concocta, & dissoluta materia morbifica, aut superatur morbus, aut sic manifestior: & humor qui est morbi causa, alimenti benignitate destitutus, syncerior redditur, & sui vim euidentius demonstrat, vt Fernellius eleganter notat lib. 1. patholog. 14. Quare quando morbus secundum speciem non cognoscitur, vt si v. g. cognoscatur, quod si febris putrida, ignoramus tamen an sit biliosa, vel pituitosa, victum tenuem præscribere oportet, Quod præceptum omnibus morbis est commune: nam vt Galen. docet 9. meth. cap. 14. medicatorum indicationes à morbo ipso desumuntur: quoniam, vt ipse dicebat lib. 1. de aliment. facult. cap. 1. ad fin. affectuum cognitio est remedium materia, & lib. 3. meth. cap. 7. in init. monuit, remedium inueniendorum initium ex morbi natura desumi, quum absurdum sit aliud esse quod curatur, & aliud quod curationem præscribit. Hoc pacto docet lib. 2. meth. cap. 4. ad fin. exemplo posito in affectibus ventriculi, dicens, quod nisi prius inueniatur ventriculi affectus, fieri non potest, vt remedium sis compos: & 1. acut. comment. 3. ante med. profert, quod prius cognoscere oportet, quisnam sit morbus, deinde verò ipsius aggredi curationem: quod placitum hac ratione potest deduci. Morbus ad sui curationem contrarium requirit. Sed impossibile est vnum contrarium cognosci, quin alterum cognoscatur. Ergo impossibile est cognoscere remedium contrarium, quin morbus ipse cognoscatur. Quapropter sequendum est Auicen. præceptum 1. 4. tract. 2. cap. 9. post med. cum monet. *Et cum ambiguum sit tibi dispositio in agitudine, & non cognoscis eam, tunc vt declines ad subtiliationem est melius, quam vt declines ad additionem, &c.*

Dic. Vera sunt hæc, & ex recta curandi methodo desumpta, sed in procrastinatione erat periculum; maxime cum signa manifestæ plenitudinis adessent, & inedia sit morosa vacuatio, & solum sensum plenitudinem exhauriat, & non ita celeriter, vt morbi acuties efflagitat. Dic secundò. Medicus, antequam exquisitè inpotescat morbi species, vti potest auxiliis aliis communibus, quod opere ipso exercuit Galen. lib. 2. de loc. 5. §. Porro memini mihi ipsi, &c. qui cum ex doloris specie existimaret se habere lapidem in altero vterum impactum, tunc oleo rutaceo cum vtilitate vsus est per clysterem iniecto, quia doloris colici, & nephritici præsidia communia sunt, & quidem calorifica omnia, siue intus, siue extrà sint applicita: nam hi duo affectus, antequam in initio exquisitè internoscantur, similibus præsidij leuantur. Hoc modo antequam certus esset de plenitudine totius, 6. aph. 31. & 2. acut. 1. in Ophthalmia, & Pleuritide vitur fomentis. Sic in præsentia humoris calidissimi in iuvene hoc sanguinem vsque ad animi deliquium emisit, licet de exquisita specie febris certus non esset. Vtrum verò morbo ignorato quicquam Medicus agere debeat, agitat Syllaticus eleganter controu. 16.

Lib. IV.

A Quæro quartò. Cur oculatissimus Galenus, præsentem manifesta plethora, omiserit venæ sectionem, & in sequentem diem distulerit, huic febris tantopere necessariam? Respondebit quispiam Galenicæ doctrinæ amantissimus, quoniam præcesserat concoctionis tarditas, & cibus adhuc præexistebat in ventre, quo tempore si venam leces, alimentum semicrudum intempestiuè attrahes ad venas, loco illius quod euacuasti, quod cauet Auic. 4. 1. cap. 20. explicant Dinus in com. Santorellus lib. 19. anteprax. cap. 21. sic enim iubet Hippocrat. 4. acut. text. 36. si febris hominem prehenderit, vtere excremento descendente, vel nuper cibatum siue cum lateris dolore, siue non, is quieti sanctius permittendus, donec cibus ad ventrem inimum primùm descenderit, &c. Sed hac solutione tantum abest, vt iucamur Galenum, vt potius eum condemnemus: nam vt notabat grauissimus auctor Aëtius tetrab. 3. ferm. 4. cap. 23. si cibus in ventriculo continetur, qui nequit clystere vacuari, non debet venæ sectio differri, sed præcipiendus est vomitus, & post vomitum vena est secanda: quo pacto nullam videretur habere excusationem Galenus, qui in hoc iuvene plethorico, & in quo timor erat, ne præ copia crassi sanguinis ignis suffocaretur internus, in tertium diem phlebotomiam differendam imperauit, quoniam cibum ob febrem præuè concoxerat; nec enim hoc ad periculosam dilatacionem videretur sufficiens, quum cibus in ventriculo, vel intestinis contentus incipiente febre, vomitu, vel enemate posset expelli, & ita confestim ad venæ sectionem accedere. Deinde quando quis cadit ab alto, percussus est, aut vehementi dolore opprimitur, in omni diei hora vena secari potest. Ergo si affectus vrget à sanguinis copia excitatus, mox debet aperiri vena: sic enim monet Galenus lib. de curand. rat. per sang. mis. c. 12. §. Vbi effervescentis sanguinis copia inest, acutissimam febrem accendens, subito & confestim expedit ducere, &c. Hoc erat faciendum in hoc iuvene in die prima, ne postea intempestiuè ob nimiam effervescentiam, & implacabilem æstum cogereretur sanguinem emittere. Si tamen historiarum seriem attentè contempleremur, solum vnicò die eius voto fuisse dilatam venæ sectionem inueniemus, in febre præsertim miti, & quam nulla putredinis comitabantur signa, & cuius genus adhuc notum non erat. Aliorum tamen Medicorum consilio, qui cum Galeno ad curationem sunt vocati, in tertium diem venæ sectionem fuisse dilatam, patet ex verbis, & vincentibus, qui id in sequentem diem differendum suaderent. Non ergo redarguas Galenum cum Augenio lib. 8. de sang. mis. cap. 23. qui si explicetur hoc modo, cum seipso valde consentit.

Quæro quintò. Cur obstructio vnà cum sanguinis abundantia non excitauerit putredinem, si illa huius est potissima causa, ex Gal. in meth. & lib. de feb. dif. & locis multis, & sanguis est calidus & humidus, & erat in loco calido & humido constitutus? Nam pori cutis præ carnis copia erant stipati, & in vasorum internorum sinibus, inter alas & inguina existentium, in quibus transpiratione impedita conculcatus sanguis incaluit multum, febrimque excitauit, aderant obstructions, quas par est à sanguinis crassitie, lentore, & copia fuisse subortas; firmat Galenus lib. 8. meth. c. 4. & lib. 9. meth. c. 1. & 11. meth. c. 4. quibus locis continentium febrium causas inquirat. Dic in hoc ægro obstructions non fuisse magnas, neque sanguinis crassitiem insignem, quum hæc febris intra diatarum fines constituerit: Nam si magna esset obstructio, ex necessitate humorum putredo eueniret: hanc enim timens Galenus, iccirco sanguinem copiosissimè emisit, antequam putredo inciperet.

Quæro sextò. Cur ex pulsu venatur concoctionem, aut putredinem, si hic solum est signum facultatis vitalis? Dic. Pulsus primò & per se indicat de facultate vitali, secundò de naturali; si enim est robusta vitalis, quæ est norma, & regula cæterarum, ex Gal. lib. 7. meth. ult. & lib. 5. de loc. affect. c. 1. naturalis etiam constat, à qua proba concoctio. Dic secundò. Coctio ex pulsu significatur priuariuè, quia videlicet non adsunt putredinis indicia, nec velocitas contractionis magis quam dilatationis

augetur, quia non adiunt interius putridæ fulgines expellendæ; sed dilatatio est maior contractione, vsus enim maioris refrigerij causa vrget magis, quod lignum ephemeræ, aut impuris febris sanguinæ est indicium. Consule Gal. 4. de prasag. ex p. s. b. cap. vlt. & Ioannem Lupum lib. 4. de p. s. b. ad tyrones, dialog. 9.

Quæro septimò. Si in febris impuri sanguis calidissimus in vasis redundat, sola copiosa, conferimusque facta venæ sectione auferendis, ad quam subsequitur aliqua tenuissimi humoris excretio à natura celebrata, vt per sudorem, vomitum, hæmorrhagiam, cur exoptat alui profluuium, si per inferiorem ventrem crassi solum humores, & non sanguis effertur, escens vacuari solet? Dic, sanguinem licet tenuissimum etiam suam habere faciem, cum in eo, velut in lacte, terrea, & lenta humoris melancholici, & pituitosi pars sit comixta, vt patet in sanguine per venam extracto, in quo subsidet lutulentum, innatat pituitosum, & biliosum. Quare non est mirum, si venæ sectionis beneficio deonerata natura, spirituosum, & fernidum sanguinem per nares quandoque, interdum per sudorem eliminet cum ægtorantis commodo; sæpe rumpatur aluus, crassiore eius parte per infernam regionem expulsa; multoties subsequatur vomitus, exonerante sese natura, & excernente sanguinis tenuiorem partem, quæ ad bilis naturam proximè accedit. Quare in febris sanguinea primò post factam phlebotomiam mouetur aliqua vacuatio, per quam sanguis foras extruditur, vt per nares, vomitum, vterum, mariscas, vrinam cruentam; secundariò verò cæteras per diuersas partes victrix natura vacuationes promouet.

Quæro octauò. Cur post duas à sanguinis missione horas exhibuit cibum, si virtus tantopere erat ex præcedenti venæ sectione exhausta, quæ oblata alimonia illicò erat reparanda? Dic, quoniam vires ex præcedenti venæ sectione debiliores factæ alimentum concoquere nequeant: hoc enim si exhibeas, id vasa inanita intempestiue à ventriculo rapiunt, antequam concoquantur, vt Galenus retulit 4. de sanit. tuend. cap. vlt. probat Rhafius lib. 7. ad Almanfor. cap. de phlebotom. Hæc methodus deducitur ex simili doctrina Hippocrat. 2. acut. 13. vbi inquit: *at vbi purgatio deserit, tunc sorbitio detur, sed consueta minor, deinde liberalius perpetuò exhibeatur.* Sed eontrà obiciet, quod 1. aph. 18. scribitur, virtutem debilem indicare nutriendum esse parum, & frequenter; quod verò post phlebotomiam vtile sit copiosius alimentum, colligitur, ex Hippocrat. 2. aph. 10. dicente: *impura corpora quando magis nutris, tanto magis lassis.* Ergo à contrario sensu, corpora pura, & iam rectè vacuata per phlebotomiam, quanto magis nutriuntur, magis iuuantur. Hæc solum ostendunt post purgationem, & copiosam phlebotomiam exhibendam esse quantitatem cibi discretam, & ampliore; & vtilem esse cibum magis alentem, tamen in quantitate minori. Sed si ita est, quomodo Hippocrat. cit. 2. acut. post purgationem non mutat qualitatem cibi, & minuit quantitatem illius? Dic causam esse, quia plurimum fudit maximo robori virtutis sui tēporis, quo constabant tunc homines, ob rationes quas affert Galenus 1. 2. de fract. com. 27. §. Hippocratis seculum verarum album fortasse tunc sumebatur, ob rationem visum eorum hominum qui curabantur, qui vite genus non otiosum sequebatur, aut inemperans, sed laboriosum, paucisque alimentis erant contenti, sic vt crassos succos nulla ratione contraherent; neque enim nos lates fieri hos, tum otio, tum abundantia. Quod si vim æstimaueris corporum eius seculi, quam ex eis, modi vite comparabant, magis adhuc dari verarum permiseris, quum, quæ vomitus affert incommoda, ferre homines illi facile potuerint. Repetit lib. 6. Aph. com. 28. Quapropter rectissime fecisse Galenum arbitrator, qui post phlebotomiam paucum alimentum offerendum imperauit, quod firmat Auic. 4. 1. c. 20. post princip. §. *Et oportet ne phlebotomatus in se replendo sit audax, sed secundum ordinem nutriatur, & cibum primò subtiliet, &c.* Nam, vt cit. 4. de sanit. dicebat Gal. *nec venter externa, quæ sumpsit, exactè concoquit; nec vena hæc, quæ à ventre excipitur: sed nec carnes, quæ ex*

*venis, vbi probe antè non sunt confecta, atque interim excrementi copiam in corpore prouenire est necesse, &c.*

Quæro nond. Si somnus in declinatione valde iuuat, quoniam scilicet debilis facta natura ex resolutione, & ex statu febris prægresso ratione somni reficitur, & roboratur, immò non nocet apud statum, ex Gal. 2. aph. 1. §. *Nam aliquando etiam consistente morbo somnus manifestam attulit utilitatem, quandoque etiam in extremis partibus augmenti, quæ ad consistentiam, copulantur, &c.* cur Galenus hunc ægrum iam à febris libeum, è somno de industria excitauit? Dic Auic. 1. 4. tract. 2. cap. 7. sic habet. *Et prohibe eum à somno in principio febris, &c.* & præcipue quando adest rigor, vel horror, vel frigus, somnumque nocere triplici de causa affirmat, quas desumpsit ex Gal. 2. Aph. cit. Prima, quia rigor, horror, & frigus per somnum protrahuntur, sanguine & spiritu ad interiora collecto, quæ ratione non ita citò occupatur materia febris à nativo calore; quare Galen. dixit. *Et propterea si in principiis dormierint, casus illi protrahuntur, & vix febres ad consistentiam perueniunt, &c.* Secunda causa, quia somnus adiuuat materias, si fuerint commotæ ad quædam viscera: nam si aliqua in visceribus inflammatio adest, vt in iecore, ventriculo, & similibus, fluxio retrocedente sanguine, & calore ad internas sedes per somnum, magis augetur. Tertia, quoniam humorum concoctio prohibetur; ex concursu enim sanguinis ad intima calor suffocatur, ad externasque impeditur expandi corporis partes.

Sed sententia hæc Gal. & Auic. videtur redarguenda: nam hic ipse 2. 1. tract. 1. c. 49. videtur oppositum sentire, §. *In principio verò paroxysmi multoties fit, & non nocet.* Deinde 1. 4. tract. 2. c. 12. §. *Et in agarico est inuamentum, &c.* In rigore vehementi commendat Agaricum permixtum cum opio, ad conciliandum somnum. Tertiò, quoniam per somnum omnes operationes naturales roborantur, vnito calore in partibus interioribus, & sic alimenta, & humores perfectius concoquuntur. Ergo somnus in nullo putridarum febrium tempore debet prohiberi.

Ad primam rationem dic: Auicennam ibi velle, læsionem, quæ in principiis accessionum ex somno aduenit, non esse maximè pertimescendam, si contingat; de ea enim profert Galenus 2. Aph. cit. *Illæ enim neque mortem, neque aliud græue significat, quum naturam temporis consequatur, &c.* & sic ratione signi deterior est læsio, quæ ex somno contingit in aliis temporibus, quàm quæ in principio accessionis accidere solet. Ad secundam rationem dic: quod in principio aliquando conceditur somnus, ob utilitatem quæ ex mitigatione rigoris sequi solet, non tamen quia non noceat. Ad tertiam dic: quod somnus roborat omnes operationes naturales, quando naturalis est, in principiis verò accessionum non est secundum naturam, & ex eo actiones naturales non roborantur, immò impediuntur, quoniam ex aucto spirituum, & sanguinis ad interiora motu, calor natiuus suffocatur; hinc cit. Aph. dicebat Galenus: *siquæ humores aliqui ad ventrem confluant, non vt in aliis somnis concoquuntur, sed multo plures sunt, incocti permanentes, &c.*

His iactis: Galenus in huius iuuenis curatione, post exhibitum cibum, quinta hora reuersus, à profundo somno eum non excitauit, non ignorans ex somno plures utilitates sequuturas: nam reliquæ humorum partim coctione, & insensibili transpiratione, partim per sudorem resoluuntur; vacuatio enim in somno fit præstantior: licet enim hic omnes vacuationes cohibeat, tamen sudorem magis prouocat, auctore Auicenn. 2. 1. doct. 2. c. 13. & 2. 4. tract. 2. cap. 68. ob rationes plures, præsertim quia fit maior coctio, & multus vapor ex alimenti coctione fertur ad cutem, qui transit in sudorem, & sic factum est vt ob somnum prouocaretur sudor. At verò rediens hora prima noctis somnum interdixit, quoniam longus iam erat, & profundus, & timor erat ne in corpore ex copiosa phlebotomia debiliore facto posset nocere, & sic impedita expansione caloris ad partes extimas, tota corporis moles flaccesceret: nam ex Gal. & Auicenn. locis citatis, somnus in statu multoties nocet, quia à magna causa concitari solet; tunc enim ob vehementiam caloris

caloris expansi per corpus, æger multo minùs procl. uis A  
eit ad somnum.

Quædò vltimò. Si maxima continentium febrium remedia duo sunt, detractio sanguinis, & potio frigida, vt notat Galenus lib. 9. meth. cap. 5. cur frigidam non exhibuit? Dic: quoniam sanguinis missio in hac febre anteposenda est frigida potui: cum enim plenitudo vacuationem expos- tuler, si is quæ refrigerent vtaris, copiam intra corpus coërcebis, quare frigida non est exhibenda, venæ se- ctione neglecta: Sin aliter feceris, & vasa non transpi- res, ventilesque præuia phlebotomia, innatus ignis à san- guinis multi, & crassi copia retenta obrutus, & iussocatus extinguetur prorsus.

### QVÆSTIO IX.

*Vtrum aucto, aut minuto vsu, aliquis seruetur ordo, in pulsum differentiis comparandis, & amitten- dis, vt contra Galenum plurimi Barbarorum cum Fernelio opinantur.*

#### COMMENTARIUM.

**P**ulsus & maximos, & celeres, & frequentes, & vehemen- tes.] Plurima ardua, & in intimis veræ medicinæ sa- crariis recondita poterant in hac historia controuerti: sed quia ea in sequenti ad vnguem sunt exponenda, iccirco modò ea consultò prætermittimus. Hoc loco agi- tanda est illustris antinomia, quæ hætenus scribes plurimùm torquet, atque fatigat: Vtrum scilicet vna ex differentiis pulsum immutata, aliæ duæ quæ sequuntur, necessariò immutentur: vel quo ordine acquirantur. Quod dubium grauissimum est, & à paucissimis iunio- rum ad amussim agitur.

Magnitudini enim semper velocitatem, crebritatè- que accedere, quidam Barbarorum arbitrantur: alij vel nullum ordinem seruari in dictis differentiis comparan- dis, & amittendis: vel incremente calore, primò crebri- tatem acquiri: diminuto, paruitatem, sibi persuadent. Horum sententias, eo quo proponuntur ordine, suis fun- damentis firmare conabimur. Et primam sic.

Natura virgèti necessitati non modò succurrit, sed quoad fieri potest melius, & celerius. Atqui excedenti calori, tribus illis differentiis simul immutatis, commo- dius, & celerius succurritur. Igitur ex necessitate simul omnes augebuntur.

Præterea vis pulsifica merè naturalis est; respiratoria licet animalis, secundum exigentiam, & tanquam merè naturalis agit. Ergo vbi primùm virgènte vsu operantur, secundum vltimum quoad possunt operabuntur, & ex consequenti, &c.

Deinde, si vna & eadem est causa à principio, quæ & posterius, & aliquando tandem omnes differentias si- mul augeat, cur non semper augebit? aut qua cognitione pulsifica vis irrationalis, & similiter respirationis agens, quæ illi aucto vsu conformatur, suorum motuum species poterunt modò cohibere, modò minuere, aliquando augere, non semel edere?

Insuper crebritas tam in pulsu, quàm in respiratione, reperiri nunquam potest sine magnitudine, & velocita- te, si virtus sit constans, & instrumentum obediens, ex Galpassim, & præsertim lib. de puls. dif. & Anic. 2. 1. doct. 3. cap. 6. Sed aucto vsu necessariò fit immutatio ad frequen- tiam. Igitur & ad alias simul differentias, sine quibus illa dari nequit. Probatum minor, quia si vsus refrige- rij increseat, corde & arteriis internè quiescentibus; confestim, & citius quàm antea incipient dilatarì ad fri- gidi aëris captum; & rursus ob copiam fuliginum, à multo calore festinabunt contrahi: idque tandiù effi- cient, quamdiu durauerit necessitas; quare minor erit quies inter systolea & diastolen media, & ex consequen- ti maior frequentia, quæ ex tempore minoris quietis desumitur. Igitur, &c.

Denique. Vfus ex causis continentibus respirationis, & pulsus vna est, & ad quem alæ ordinantur, ex Galen.

lib. 1. de caus. puls. 1. & illius gratia omnes differentia im- mutantur. Ergo facta mutatione in vsu, fiet & in diffe- rentiis, & ex consequenti vsu aucto omnes differen- tia quæ illi inserviunt, simul augebuntur, magnitudo, velocitas & crebritas. Nec ita putare, alienum existimant à Galeni doctrina, cum ipse lib. art. medic. cap. 29. & 33. tria illa calido cordi perpetua faciat, etiam in dispositio- ne naturali; vnde à fortiori inferunt, in statu præterna- turaliter calido, nunquam vnâ differentiam sine aliis posse reperiri, sed secundum omnes, simul respiratio- nem, & pulsum immutari.

In eiusdem confirmationem adducitur etiam locus ex 1. de caus. puls. cap. 5. vbi inquit, aucto calore, opus esse tum respiratione, tum pulsu maioribus, & quia maiori- bus, continuò etiam celerioribus, & crebrioribus: ac si B inseparabiles sint prædictæ differentia, idque sitientium exemplo ibidem confirmat, non modò multum, sed celeriter, & crebrò potantium.

Nec minùs etiam facit pro prædicta opinione quod scribit 1. de dif. respirat. cap. 22. & 24. dicens, abundantiam caloris magnam reddere, & densam respirationem; & vt magnam effici, ita & præcedentem cessationem brevis temporis reddi, hoc est, frequentem, ac si nunquam vna simplex differentia reperiatur. Quod si asserit sentiri primò magnitudinem, non inficiatur omnes simul ac- quirì, sed illam veluti superiorem, & magis insignem percipi, reliquas in initio occultari.

Et videtur confirmari, ex 1. de præfag. ex puls. paulò post princip. 8. At verò si paruus fiat à natura flexus ob vsu, sola perspicua erit magnitudo, nondum autem celeritas: si maior, C increset magis magnitudo, & clarè celeritas apparebit. Si am- plificetur adhuc, magnitudo, celeritasque augebuntur, atque accedet crebritas: euidenter scilicet, quasi omnes tres dif- ferentia simul cõparentur, sed duæ primû non appareant.

Cæterum licet Iacobus de Forliuio lib. 2. art. medic. quæst. 25. dictam opinionem cum multis Barbarorum se- quatur, tanquam probabiliorem, licet minùs communem dicat; contraria tamen verior est, & communior, etiam inter Arabes ipsos, vel præcipuos, ex Auic. 2. 1. doct. 1. de pulsib. cap. 6. & 10. 3. tract. 1. cap. 20. & Auerroë 4. collect. 18. cum aliis: quæ affirmat non omnes tres differentias simul acquiri, sed acquiri pro necessitate. Firmat Galenus expressè in multis locis, 1. de præfag. ex pulsib. 1. scri- bens quod iam alibi dixerat, vsu non multum mutato, maiorem duntaxat fieri: & lib. 3. eiusd. operis, cap. 2. Si calor (inquit) solus increuerit, & in naturali statu maneat D facultas, instrumentaque, cum mutatio est parua, magnitudo tantum in pulsu augeatur; cum maior, etiam celeritas; cum insignis iam, etiam crebritas.

Ratione verò suadetur ita. Natura eo modo pro vsu, & necessitate sua applicat instrumenta, & variat actiones, vt quoad fieri potest, nec in opere deficiat, nec excedat. Sed modico caloris augmento supra naturalem, vel mo- deratum, sufficit plerumque sola magnitudo. Igitur pe- nes illam tantum immutabit natura pulsum: penes duas, vel omnes simul, vbi nimis adaucto vsu requiruntur; agit siquidem pro ratione indigentia. Quæ sententia ex solutione argumentorum firmior euadet.

Dic ad primum. Naturam quidem bonum semper in- tendere, & in malis subuenire cum celeritate: verum ex eo non proinde sequitur, per omnia illa cuius augmen- to perpetuò occurrere; excederet enim in opere, quod non minùs abhorret, quàm deesse; & licet celerius, non æquè bene, aut tutò; maxime quod sicut non paritur, ita nec subitas mutationes solet efficere; sed paulatim procedere, & paucioribus instrumentis, quia ita melius, præcipue si non vrget necessitas, cui suas functiones accommodat.

Neque obstat, quod actio pulsandi merè naturalis di- catur; respirandi autem ad modum illius pro indigentia fiat, & ambæ ad necessitatem pariter ordinantur: quia li- cèt pulsatio à natura sit, & operatio quædam de genere vegetabilium, non ita tamen veluti illa plantis simul, & animalibus communis, purè naturalis dicitur, sed media quædam inter hanc, & animaleam; videlicet, quia cum naturali

naturali conuenit in eò, quòd sine cognitione fiat à virtute pulsarili; cum animali, quia non semper secundum vltimam, sed pro vsu varietur, quandoque ad magnitudinem, nonnunquam ad celeritatem etiam, & sic de aliis. Lege Conciliat. *dis.* 57. Ad tertium, sequitur Forlinius, vbi *suprà* ad solutionem secundi: respirationem autem, quamuis vsibus naturæ inseruiat, euidentissimum est ex mera necessitate non nasci, quum pro arbitrio inchoari, terminari, accelerari, tardari, & idè retineri possit: atque idè, &c.

Secundò, etiamsi operationes illas merè naturales diceremus, non magis mirabimur vsui, & tempori inseruire, quàm plures alias, quæ à virtutibus naturalibus in corpore efficiuntur, stata corpora suarum actionum obseruantibus, se mutuo inter agendum non impediuntibus quamdiu constant, nec secundum vltimum semper operantibus, sed pro ratione indigentia: nec enim se tota applicat expultrix, nisi opportunè, & valde stimulat; naturaliter moventur graua, & leuia, non semper quàm celerrimè possunt, sed in fine suorum naturalium motuum celerius, quàm in initio, & sic de multis.

Minus vrget, quòd si aliquando in subsidium aucti caloris tres dictæ differentia simul comparantur, perpetuò comparentur; natura siquidem licet plura habeat ad eundem finem parata auxilia, non semper vititur omnibus simul, sed ex multis vnum eligit quod sufficiat, possitque presenti necessitati succurrere. Sic naturalem respirationem solo septo exequitur: vbi maior requiritur, intercostalibus etiam musculis: in necessitate extrema, superioribus quoque, immò & narium pinnis. Verum non perinde æquum est, vt omnibus vbique vtatur, modum enim excederet, & sibi constans ultra intentionem ageret, & destruendo potius, quàm fouendo calorem innatum.

Ad aliud: num prima mutatio in pulsu, & respiratione, aliquando fiat ad crebritatem, paulo pòst videbitur: sed licet admittamus, quòd constantè virtute, & obediēte instrumento huiusmodi differentia ab aliis separari non possit, non proinde euincit argumentum omnes simul comparari: negamus enim in proposito casu, naturam necessariò festinare ad distentionem, & contractionem: vel quia interim dum cor à motu quiescit, tam subito non oritur necessitas, (eum calor sensim, & paulatim increseat) quæ cogat ad intermedias quietes, saltem sensibilibus abbreviandas; vel quia quouis vsu aucto non statim moueri satagit, cogiturque suarum quietum tempora interrompere; vt patet in calido corde, quod quamuis etiam quiescens, calidius sit temperato pariter quiescente, non tamen necessaria quietis tempora anteuerit. Nec verò ex hoc sequitur, aut causa continēte murata nullam dari in pulsu mutationem; aut penes crebritatem fieri, quæ sola cordi, & asteriis quiescentibus accidit: nam præterquam quòd non oportet confestim naturam mala nascentia, & quæ nondum constituerunt emendare, suo tempore per magnitudinem subuenit aucto vsui, de quo paulo pòst.

Ad vltimum, negamus consequentiam: vsus namque licet vna sit ex continentibus causis pulsus, quem tres memoratæ differentia complent; sicut tamen non omnes simul cuius inseruiunt, ita vsu ipso immutato non omnes simul necessariò immutantur: quanquam necessariò fiat vna ex illis; omnes, vbi nimis increuerit calor, neque sola vsui magnitudo sat est, siue calor ipse adauctus præternaturalis sit, siue secundum naturam.

Idè *lib. art. medic. cit.* omnes illas calido cordi perpetuas fecit, licet, vt explicant alij ibidem, in corde ab ortu excedenter calido non est solus vsus auctus, sed & facultas ob contractam intemperiem imbecilla, atque adèd in opere deficiens, immò & instrumentum ex siccitate inobediens: vnde cum sufficiens magnitudo fieri non possit, reliquis duabus differentiis compensatur, iungunturque celeritas, & crebritas, quia magni simpliciter pulsus non sunt; tales enim præter calorem copiosum postulant facultatem validam, & mollia instru-

menta, vt ipse Galenus scribit, *1. de caus. puls.* 4. & 5.

Quòd si ibidem, sine distinctione celeritatem, frequentiam, & magnitudinem familiares facit ducto calori, de plurimo loquitur, à quo omnes exiguntur, nec vna sufficit differentia, vt ex contextus serie euidenter constat, & confirmat sitientium exemplo, nonnisi cum vehementi siti vrgentur, magno haustu, celeriter, & crebro potantium: vel, vt alij interpretantur, in initio tractationis illius, quum nondum exactam traderet doctrinam, omnes differentias aucto vsui inseruientes simul apposuit; paulo pòst verò eam absolvens, docet ordinem quo singulæ acquirantur.

Adductus autem locus, ex *primo de dis. respirat.* huiusmodi sententia non repugnat: quum enim Galenus ibi nihil aliud intendar, quàm discrimen tradere, quo auctus calor innatus ab extraneo excedente separetur, hoc vnum potissimum, & ex professo suadere conatur, docens, naturali aucto magnam fieri inspirationem, ob aëris copiam necessariam in multi spiritus alimoniam; præternaturali autem redundante, increfcere expirationem, ad retentas fulgines purgandas; & ultra intentionem, quanquam minùs elaboratè, adiungit quietem antecedentem vtriusvis motum, statim breuem euadere, significans parum durare magnitudinem citra frequentiam: quod quidem fatemur, dummodò vsus ipse durer, ac magis increfcet; omnes tamen simul comparari incipiamur.

Nec admittenda est solutio illorum, tres simul ab initio quamprimùm acquiri, sed solam magnitudinem percipi: nam si aliæ sensibus delitescunt, vnde sensualis artifex adesse iudicabis; aut si mutatio in velocitate, & crebritate ab initio occultatur, quamuis iam detur, & sola se magnitudo profert, quomodo stare poterit, quod Galenus toties affirmat, & demonstrat experimentum sensu acquisitum, vsu diminuto primùm crebritatem minui, deinde celeritatem, tandem magnitudinem: quod inferiùs latiùs ostendemus.

Ex eo autem, quòd *lib. de præfag. ex pulsib.* doceat, in paruo recessu per calorem, solam conspici magnitudinem; deinde vsu magis adaucto celeritatem apparere, &c. potius inferes differentias illas simul non acquiri, nec Medicis censendas nasci, nisi quia percipiuntur, cum ex iis quæ sese offerunt sensibus Medicus iudicet, reliqua, ac si non essent, arbitreretur. Corruit ergo Barbarorum opinio, asserentium perpetuò magnitudini celeritatem, & crebritatem accedere.

Sed quo ordine huiusmodi differentia comparentur, magis controuersa est quæstio quàm prima, in qua soluenda veteres, & iuniores strenuè insudant. Et Galenus quidem censet, vt constat ex *1. de dis. respirat. cap. 7. & 1. de vsu puls. cap. 3. & 1. de præfag. ex pulsib. cit.* crescente vsu, primùm magnitudinem acquiri; deinde, vbi ea non sufficit, celeritatem; vltimò crebritatem; dummodò cum aucto vsu causæ aliæ inuariatæ permaneant, facultas nempe, & instrumentum: hoc autem siue vsus ipse auctus sit, & spiritus animalis exhaustus, quod in fatigatis euenit; siue auctus calor, quod in diariis; siue putganda fuligo, quod in putridis febribus.

Suadetur hæc sententia. Natura inter agendum ab eo primùm exorditur, quo melius & citius propositæ necessitati subuenitur, & sua opera minùs euertuntur. Atqui ita contingit per magnitudinem. Igitur prima mutatio in pulsu, vsu imminuto, fiet penès illam. Probat minor, quia magnæ distentionis ope maior aëris copia attrahitur, in exhausti spiritus reparationem, & excedentis caloris refrigerium; magna contractione, plures fulgines melius expurgantur.

Rursus. Spirituum concoctio quietem desiderans, vsque adèd per magnitudinem non impeditur, nec iis defatigatis, aut pellitur spiritus frigidior quàm oporteat, nec edomitus ad cor, sicut per celeritatem, & frequentiam. Igitur, &c.

Deinde. Viri ad foeminas collati, & omnes ferè per ver collatione ad alia tempora, ob vsu auctum pulsus habent maiores, non necessariò celeriores, aut frequentiores.



riores. Ergo verisimile est naturam sæpe, sola magnitudine incrementi, calori primum satisfacere.

Denique. Quod necessitatis tempore in motu voluntario experimur, probabiliter credendum est in aliis similiter fieri. Sed ubi urgente necessitate festinare est animus, primum passus prolongamus; si id non videtur satis, acceleramus etiam; ubi maior est causa, nequaquam in itinere quiescimus, quantumvis defatigati. Igitur, &c. Lege Montan. *part. 2. medicin. in fin. tract. de pulsib.*

Fernelius, quoniam iuravit in omnibus Galeno contradicere, in hoc dogmate ab illius mente valde dissenit; dum *lib. 3. patholog. cap. 5. de causis pulsuum*, opinatur aucto calore primo augeri crebritatem, secundo celeritatem, tandem magnitudinem: sic enim ait. *Quum usu & necessitate cor lassetur, stimulatum id, primum quidem pulsus edit crebrius, idque siue valida, siue imbecilla sit facultas: creber enim omnium primus est, quia facillimus. Si necessitas non satisfaciatur crebritas, huic etiam celeritas accedet: atque etiam si ne duo illa quidem satis sint, addetur & magnitudo, modo non imbecilla sit facultas; tum quippe totis hac opitulatur viribus. Ita quidem artis usu, & exercitatione observamus, per febres omnes, frequentem, necnon celerem pulsus edi, at non perpetuò magnam, &c.*

Cæterum non aduertit causam, ob quam sæpe in febribus non reperitur pulsus magnus, esse virium debilitatem propter inediam, & vacationes: quare febrientes vim habent quam sani imbecilliores, ideo non sola magnitudine succurrit natura, sed magis celeritate, & frequentia. Neque mireretur Galenum, quasi asserentem, primam pulsus mutationem aucto calore, in magnitudinem fieri, idque siue robusta, siue debilis sit facultas; Hoc enim ultimum nusquam pronunciauit Galenus, immò *1. de caus. puls. 3. & 3. de præfag. ex pulsib. 2. & lib. de usu puls. circa finem*, docuit contrarium, aucto scilicet calore augeri pulsus magnitudinem, dummodò robusta sit facultas, & instrumentum obediens.

Neque instes pro Fernelio, quod Galenus *lib. de typis, cap. 30.* scribat, tertiana laborantibus pulsus frequentem, sed exiguum supernenire: & *cap. 5.* docet pulsus tertianæ esse minorem pulsu quotidianæ. Cæterum hæc intelligenda sunt, non præsentem iam febre, sed in accessionis initio, ut constat ex *Gal. 2. feb. 4.* cum inquit: *quotidianam febrem paruos, & debiles pulsus efficere, quum primum febris inuadit: & statim subiungit. Fieri itaque in biliosa febre in accessionis initio, dicta circa pulsus symptomata, scilicet paruitatem, & debilitatem, sed statim sedari.* Quod autem prædicta sententia non possit intelligi præsentem febre, patet, quoniam experimento videmus quod tradit Galenus *lib. 1. ad Glanc. cap. 7.* in putridis febribus maximum esse pulsus tertianæ, minimum quotidianæ, mediocrem quartanæ.

Sed relictiis opinionibus, ne in tractatum quæstio excrescat, in medium afferamus rationes, quibus victi plures, sanam Galeni mentem interturbant: & primo sic. Natura perpetuo, & naturali ordine semper à facilioribus, & minoribus incipit, atque ex iis ad difficiliora procedit; nec contra insurgit, nisi perturbata, & coacta. Sed multum pulsare, multumque respirare est maius opus, & difficilius, quam celeriter, aut crebro. Igitur aucto usu non apponet natura magnitudinem, priusquam aliquam ex aliis differentiis. Minor ostenditur, quoniam magnitudine plus aer attrahitur, maiusque paratur refrigerium. Rursus maius exigitur virtutis robur, proinde enim, eo deficiente ad celeritatem recurrit natura, deinde ad frequentiam, quæ inter alias facillima est, & debili facultati familiaris.

Secundo. Si urgeat usus tempore distensionis, aut contractionis, non potest non immutari pulsus penes celeritatem ante magnitudinem, cum hæc non detur nisi arteria progrediatur ante consuetum terminum, necdum ad eam perueniat quamdiu mouetur, saltem in initio, aut medio. Si verò increseat calor, arteria quiescente, sola crebritas potest comparari, quæ ex quietis breuitate defumitur: cum igitur aut motus, aut quietis tempore, ne-

cessario usus incipiat augeri, & eo aucto quamprimum oporteat usum immutari, non videtur magnitudo alias mutationes antecedere. Addunt si in prima parte distensionis calor subito crescat, & in altera medietate minuat, prodire non potest magnus, cum toto distensionis tempore necessitas non durauerit; superest igitur, quod in prima medietate pulsus fuerit velocior, & ex consequenti, &c.

Tertio. Si pulsus constituatur magnitudine mediocris, tardior autem aut rarior moderato; calore incrementi, prima mutatio fiet ad celeritatem, deinde ad frequentiam, ultimo ad magnitudinem: si verò magnitudine, & celeritate mediocris existat, & cum hoc rarior, primum ad crebritatem mutabitur. Igitur. Probatur antecedens, quia naturales, & perfectiores differentie quam maximè à natura retinentur, & seruantur, nec immutari patitur, antequam reliquæ mediocritatem attingant. Igitur, &c.

Quarto. Si crebritas compararetur ultimo, videlicet postquam usus nimium increuit, maius ad refrigerandum auxilium, quam aliæ differentie afferret, extremis liquidem extrema, & magnis magna proportionantur. Atqui ex nulla minus paratur refrigerium, quam ex crebritate. Igitur hæc prius, non posterius adhibetur. In cuius confirmationem quidam suum iactant, & febrientium experimentum, quo sibi persuadent primo monstrari frequentiam, posterius reliqua. Alij nullam certam, & determinatam differentiam primo acquiti, sed pro naturali varietate modo ab una, modo ab alia exordium sumi, usu incrementi, idque progressui motus comparatione satis confirmari putant: sicut enim (aiunt) quidam longum iter etiam lente nequaquam facere possunt; breue autem facillimè, licet celeriter: alij contra celerem motum non patiuntur, tardum autem sic, quantumvis longum: alij breuium quietum potius, quam longi itineris, aut brevis cum celeritate sunt patientes: ita de vitali motu existimant iudicandum.

Cæterum parum urgent rationes dictæ. Ad primam enim fatemur, plus quidem magnitudinem præ reliquis attemperare, insuper & crebritatem esse faciliorem, celeritatem mediam inter illam, & magnitudinem; sed non proinde sequitur à crebritate, aut velocitate inchoandum, quoniam ita natura solet à facilioribus & leuioribus exordiri, ut meliora, & proposito vsui necessaria non postponat: agit enim secundum rationem exigentiam, ut supra diximus, & eorum quæ potest semper optimum in ordine ad necessitatem: cum verò non solum maior, sed & melior fiat per magnitudinem attemperatio, & parato refrigerio, & fuliginum expurgatione, nihil mirum, si constans natura, usu aucto, & aliis causis inuariatis, primo magnitudinem efficiat.

Ad secundam, ex dictis supra ferè constat, quid sit dicendum: non enim tam repente potest calor crescere in una quiete, vnaue dilatatione, ut usum sensibiliter augeat, & aliquam pulsus differentiam, saltem quæ sentiri queat, efficiat: quod si tantum incipiat usus ipse augeri, cum nondum vigeat, nec cogitur naturæ quietem interrumpere, nec motum accelerare. Si verò iam ad notabile incrementum perueniat, & maioris refrigerij, vel excernendarum fuliginum necessitas adsit, paulo post ei satisfaciatur natura per magnitudinem, qua melius, & commodius aucto vsui paratur subsidium, ea deficiente ad reliqua properatur. Nec mirum commodiorem agendi occasionem naturam expectare, quum id passim in illius operibus experiamur, maximè quod licet cor cum mouetur, adhuc ad iustum dilatationis terminum non peruenit, nedum ultra (quod ad magnum pulsus requiritur): quamprimum tamen usu urgente magnitudinem tentare videamus, latius, & altius seipsum extendendo. Si autem calor in medio itinere cesseret, longius non progredietur, sed tentatam magnitudinem intermitteret.

Ad tertiam. Putant aliqui in propositis casibus, ad velocitatem, aut frequentiam fieri primam mutationem, & præscriptum à Galeno ordinem comparandi dictas differentias,

rentias, solum habere locum, cum vel omnes naturales sunt, vel omnes præter naturam. Sed non placet limitatio, quoniam cum magnitudo multo melius, & commodius aucto vsui subueniat, deinde celeritas, & eorum quæ potest semper optimum agat natura, ut diximus, quamdiu constiterit, magnitudinem ante celeritatem, & hanc prius quam crebritatem apponet. Nec obstat, quod ea quæ naturalia sunt, & perfectiora plus retinet, utpote sibi magis dilecta, & à celeritate, aut crebritate incipiens differentiam naturalem retinet, & alias ad mediocritatem reducit: nam cum naturæ actiones pro exigentia regulentur, nec ita bene velocitas, aut crebritas attemperet, cogitur natura illam prius immutare, à qua melius virgente necessitate subsidium sperat, cuius gratia à naturali symmetria ad non naturalem secedit, paulo post ad naturam debito parato refrigerio reditura.

Ad ultimam. Negamus sequelam: non enim ultimò crebritas adhibetur, quasi potentissimum afferat ad refrigerandum auxilium, sed quasi prioribus superueniens, aliquid etiam iunatura, non secus ac narium pinnæ in extremis agitantur, à quibus vel nullus ferè, vel exiguus aer attrahitur. Minus vrgent suo, & febricitantium testimonio, quo exactissimum Galeni iudicium contemnant; fallax enim putandum est, nec Galeni iudicio anteponendum: cum constet hunc auctorem felicissimo, & acutissimo sensu præditum; nam in febricitantibus si quandoque simul velocitas, vel crebritas percipiuntur, vel ante magnitudinem fiet, aut quia sola hæc non sufficit ob vehementem calorem, quem habent, aut quia iungitur virium imbecillitas. Denique animalis cum vitali motu comparatio valde aliena est; animali siquidem potest quis assuescere, ut volet, minimè autem vitali; quia cum naturalis sit pulsandi actio non à consuetudine, sed à natura est, nec aliter fieri potest.

Præterea elaborandum nobis est, ne hoc argumentum indecisum maneat, num tres illæ differentiæ vsui nimis aucto infernientes, eo decrecente simul minuantur; vel si vna tantum aliis immotis, quo ordine incipiant deperdi, & oppositæ succedere. Multi opinantur (siue vsus decrescat in eo, cuius naturalis calor fuerat auctus; siue in sano, temperatoque homine, quia fortè præternaturaliter infrigidetur) primum magnitudinem amitti, secundò celeritatem, denique frequentiam, &c. Simili ordine oppositas comparari, paruitatem primò, deinde tarditatem, ultimò raritatem.

Mouentur potissimum, quia calor auctus, ut ostensum est, pulsus magnitudinem primum omnium auget. Igitur diminutus remittet, & inducet paruitatem. Probant consequentiam, quia si vnum extremum aliquid in obiectum operatur, contrarium illius in idem obiectum inducit oppositum, sic albedo disgregat, nigredo congregat, &c.

Deinde, si ex tribus causis ad pulsum magnum requisitis, de quibus 1. de caus. puls. §. & alibi plus potest ad magnificandum necessitas aucta, cur illius priuatio non faciat ad paruificandum; præsertim cum pulsu, & respiratione, mutationes omnes pro fine regulentur.

Tertiò. Paucò, diminutòque calori paucum debetur refrigerium. Atqui hoc non melius quam paruitate comparatur. Igitur hæc vsu decrecente primum acquiritur. Obiciunt & fœminas, quæ cum viris collatz pulsus habent celeres ac frequentiores, simul & paruos, ob minorem, quo constant, calorem. Igitur, &c. Denique Galenum adducunt lib. 1. de caus. puls. cap. 6, vbi calore decrecente primum locum paruitati concedit, secundum tarditati, postremum raritati. Et lib. art. med. cap. 30. quo loco frigido cordi paruum pulsum addixit. Igitur paruitas videtur esse peculiaris differentia vsus diminuti.

Ceterum primum crebritatem amitti, deinde velocitatem, tandem cum magno defectu, aut omnimodo magnitudinem, fierique vsu deficiente primum pulsus rariores, secundò tardiores, ultimò minores, doctrinæ Galeni magis consonum est. Nam 1. de diff. respirat. cap. 7, insigniorem aliis docet fieri raritatem calore diminuto, ac si in ea prima fiat, & potissima immutatio. Idem etiam

A colligitur, ex 1. de caus. puls. passim, & 4. maxime, c. 6. quia frigidus est affectus, adimenda est raritas, quasi sit peculiaris, & prima pauci caloris; quod paulo post cap. subsequenti explicat, loquens de frigidis affectibus, quia enim, inquit, frigidi sunt, pulsum habent rarum; nam dissoluto vsu idem gigni ostendimus, &c. Idem expressè asserit Auic. 2. 1. de pulsib. cap. 6. & 10. 3. tract. 1. cap. 20.

Confirmatur, quia illud natura, deficiente necessitate primum relinquit, quod in defectu aliorum subierat, & à quo plurimum lædebatur: è contra verò illud retinebit diutius, & quamdiu durauerit necessitas, quod illius gratia tanquam melius, & conuenientius assumpserat. Sed mutatio ad crebritatem fit in necessitate extrema, vbi aliz differentiz non sufficiunt, vel in illarum defectu, 1. de diff. respirat. cit. & 4. de caus. puls. 20. nam vires nimium dissoluit, non patiens quiescere; magnitudo autem melioris vsus gratia primum comparatur, nec vsque adeò fatigat. Ergo hæc ultimò deponetur à natura, illa prius, secundo loco celeritas, & tali ordine acquirentur oppositæ.

Deiade, dum tentatum iter moderari placet ob diminutam necessitatem, quæ antea vrgens cogebat properari (ut progressui motus exemplo non semel vtamur) non confestim passus contrahimus, aut lentius progredimur, sed paululum in diuersorio moramur. Igitur probabiliter credendum est, idem similiter efficere naturam, diminuto vsu, in cordis arteriarumque motu, priusque sibi quietem longiorem parare, relicta frequentia à qua magis debilitabatur. Atqui ita fieri par erat: quoniam sicut calor ex sibi inferuentibus differentiis (quæ omnes vires debilitant) illam prius inducit, quæ melius attemperat, & minus dissoluit, ita conueniebat eam primò euertere, à qua maius damnum, maioremque fatigationem percipiebat natura: quumque illa sit crebritas, ut diximus, hanc primò perimet, quamuis ultimò fuerit adhibita, tandemque magnitudinem minuet, licet primò acquisitam. Nec mirum: quia sic plantæ fructus quos ultimò comparant, primò deponunt, segetes aristas.

Nec verò rationes aduersæ hanc sententiam evertunt. Ad primam. Non negamus oppositos affectus, ab agentibus inter id subiectum contrariis posse produci, paruitatem, tarditatem, & raritatem à calore diminuto, opposita tribus illis, magnitudini, celeritati, & frequentiz, quæ ab aucto inducuntur; quod si in ordine agendi dissidere etiam conuenit, in eo magis pugnate conspiciuntur, si primum perimat frigus, quod calor ultimò induxit.

Ad secundam. Quemadmodum ob vsum adauctum, ad magnitudinem immutatur pulsus; ita ob diminutum ad paruitatem, licet non primò, aut præcipuè, quia paruitas magis virtutem debilem, quam diminutum vsum consequitur. Cur verò perinde ac magnitudo ad necessitatem, potissimum non referatur, aliunde commodius petendum. Lege Gentilem 2. 1. de diff. 3. cap. 6. de pulsib. dub. 3.

Ad tertiam. Etiam minus paratur refrigerium deposita crebritate, quanquam magis proportionabiliter ex paruitate: sed cum sit necesse adhuc remanenti satisfieri, meliusque per residuas alias succurratur, oportuit eas diutius seruari, & ad ultimam magnitudinem.

E Ad postremam. In fœminis, & frigido corde, per vsum diminutum datur etiam virium defectus, quo præsentè quamprimum cessat magnitudo. Sermo autem nobis est de vsu diminuto, aliis inuariatis causis: atque ita Galenus, ex arte medica.

Pro explicatione verò alterius loci, ex 1. de caus. puls. 6. vbi paruitas, & tarditas raritati anteponuntur, aduertendum in his collocandis differentiis duplicem considerari ordinem, naturæ scilicet, & operis; & si illarum quidem naturam spectes, negari non potest, vsui diminuto primum respondere paruitatem, deinde tarditatem, remotius & ultimò raritatem: cuius ratio est, quia minori, diminutòque vsui paucum refrigerium debetur, quod primò & per se, paucòquæ, paruo, tardòque pulsu paratur: raro

rariò per accidens, & secundariò, quatenus scilicet per rarum pulsum paucus aer accedit parum infrigidans. Verum in opere res aliter se habet, quoniam antecedit raritas, priusque acquiritur ob rationes assignatas. Cum verò Galenus *cit. loc. naturæ ordinem* in huiusmodi differentiis indagasset, primò paruitatem fecit familiarem deficienti calori, posterius raritatem, cui tamen in opere priorem locum concessit. Si verò aliorum opiniones in hac quæstione controuersa scire affectas, consule Vallisium 3. *controu. 10. Mercat lib. 2. de pulsib. tract. 3. cap. 3.* qui etsi plura proponant, à tantis salebris extricare sese non potuerunt.

## HISTOR. IX. GALENI, B

### De synocho cum putredine.

Synochus putris, venæ sectione vsque ad animi deliquium curatur.

**Q**Uæ verò ad alteri (infimum pertinent) nunc dicā. Is cum toto die multū laborasset, deinde lauatū paucula comedisset, cepit nocte febricitare, totum etiā cōtinuans sequentē diem. Hunc nos post secundam noctem vidim⁹ in ceteris quidem omnib⁹ iam dicto iuueni similiter affectum; verum putrescentiū humorū\* euidenter præbentē notas. Itaque vena quoque huic protin⁹ incisa, vsque ad animi deliquiū uacuauimus. Post id, idoneo interposito spatio, cibariū primū mulsū, deinde vna interposita hora, ptissana cremore. Atque hac omnia intra quintam acta sunt horā. Cum autē similis sibi perseveraret febris, synochon eā fore ex putredine expectauimus: ita atque accidit. Quippe cum eam secundæ noctis hora pari magnitudine cernerem⁹, tertiæ diei accessiui nem, futurane esset, an secus, diligenter obseruare volebam⁹, cuius in septimā horam noctis suspicio erat. Itaque cum somno manē superuenissem, inueni quod expectauerā.\* Nā nec veritiana inciderat accessiuo, febrisque remissior paululō quā vesperti fuerat, apparuit. Vt autem rursus hominem meridie vidi, eratque iam certissimū. & febrē decreuisse, & synochon febrem esse, sed quā assidue decresceret: satius visū est, tum quoque hominē similiter curare. Quarta verò exacta nocte, manifestē minor etiam quarto die erat. Quo rursus quoque ad eundem modum homine cibato, aduerimus, tum die illā toto, tum quā hunc sequuta est quinta nocte, magnitudinem remittere, sic ut quinto die liquido planē appareret, minor esse febris quā antē. Itaque ad portionem minuentis se febris, urina quoque concoctio processerat; eratque haud obscurum, septimo (id quod factum est) finiendam. Hanc igitur continentem ex humorum putredine febrem, & quā assidue decresceret, vidimus; & c. Galenus lib. 9. meth. cap. 4.

### P. A. R. A. P. H. R. A. S. I. S.

**N**Vlla est febris, quæ frequentius premat mortales; quā synochus cum putredine: nam imputris raro accidit, & si corripit, parum durat; quoniam sanguis licet sit thesaurus naturæ, & filius eius dilectus, cum sit mitissimus, benignissimus, & familiarissimus humor, ex Gal. lib. 3. *simpl. 27.* tamen cum humidus sit & calidus, si copia abundet, crassitie, & lentore obstruat, arctat canales; quare non ventilatus facillimè conspurcatur; & in deteriorem abit labem, & corruptionem, ut notat Galenus lib. 1. 1. *meth. c. 8.* Quare solertissimè ipse in superiori historia hoc aduertens, sanguinem tam copiosè emisit, antequam putredo inciperet. Ergo ne miseris, si hanc historiam vlti tam necessariam lenitē fuerim interpretatus, & alia proposuerim de putredinis natura, causis, loco, signis, & curatione in generali, quæ ad illius explicationem pertinent apprinē: nam febres frequenter ex putrescentibus humoribus generantur, licet perperam arbitretur Iohertus 2. *paradox. 1.* nullam dari febrem ex putredine sanguinis, sed omnes ex humoribus efferuescentibus, vel exustis oriri contendens; cuius rationes tepulit Bruno Seidelius, acerrimo vir ingenio, proprio de

A hac re contra Iohertum tractatu, & multò antea præmeditatus fuerat Galenus 1. *feb. 7.* & doctissimi illius interpretes in com.

In ea agit de synocho cum putredine, estque secunda febrium differentia, dicta humoralis, & assimilatur aquæ calidæ vasi alicui infusæ; ut enim hæc vas cui infunditur, calefacit, ita & humores calefacti corpus inflammant; qui si putredinosè cor ponant in calefacto esse, humoralis putrida concitatur, cuius triplex constituitur differentia: vel enim est semper accrescens, quæ Græcè dicitur epacmastica, vel anatarica, vel est semper decrescens, quæ vocatur paracmastica; vel semper eodem modo perseverat, quæ acmastica, seu homotona noncupatur, ex Gal. 2. *feb. 2. & 2. cris. 6. & 9. meth. 3.* quæ diuisio non solum febribus ardentibus, sed etiam synochis conuenit, quæ ardentes quantitate caloris dici solent, ut optimè notat Christoph. à Vega lib. 2. *de diff. feb. cap. 2.* de quibus intelligendus est Gal. *aph. 23.* dum in ardentissimis febribus sanguinem vsque ad animi deliquium imperat emittendum.

Ratio verò huius diuisionis, sic à Galeno *cit. lib. meth.* constituitur. Quando calor continetur in vasis maximis, hæc febris continens manifestis circuitibus carens concitatur, quoniam materia aliunde non confluit, sed in iis locis accenditur, ob putridas fuligines cordi continuo communicatas, in quas materia, putredine, & vitione accensa extenuatur, ita tamen ut non rota simul accendatur, ut accidit in inflammatione, sed potius cum vna pars est putris & accensa, statim altera incipit accendi; quod quia aliquando fit æqualiter, hoc est, tantum resoluitur partis putridæ quantum additur materiæ quæ putrescit, tunc febris æqualem magnitudinem seruat, & dicitur febris homotona, hoc est, seruans eundem tenorem; Quando verò propter dispositionem humoris vitiosi, inæqualiter procedit putredo, ita ut quod additur, sit plus quā id quod est resolutum, tunc febris semper accrescit, quia illius causa semper augetur, & tunc febris fit acmastica, siue semper accrescens. Quando tamen contrario modo accidit, tunc febris semper decrescit, quia causa illius semper minuitur, paracmasticæque appellatur.

Videns ergo Galenus febrem, in qua magnus erat febris, & incendium maximum in vasis internis erat exciratum; ad sanguinis missionem tam copiosam accedere ausus est: quoniam ut ipse refert lib. *de curad. rat. per sanguinis missionem, c. 12.* cum efferuescentis sanguinis copia inest, acutissimam febrem accendens, subito ac confertim expedit emittere. Explicant Gal. lib. 4. *de sanit. tuend. c. 4.* Ferdinandus Mena, & Fuchsius in com. cit. lib. Gal. *de sang. mis.*

Notis autem singula hæc, & omnia paulò diligentius contemplantibus, eorum aliqua propter obscuritatem, alia ob difficultatem; certius & lucidius esse explananda visa sunt. Illud ergo primò dubitationem facit maximam, cur sanguinem miserit vsque ad animi deliquium; in febre ex sanguinis putredine orta, si in ea vires sunt debiles, quæ vacationem tam subitò factam ferre minimè queunt, si verum est putredinem fieri à debilitate caloris innati: cum enim imbellis est, patibilisque qualitates gubernare nequit; humidum dissoluitur à sicco, & subiectum à calore extraneo occupatur, & hoc modo concitatur putredo; quare si vis non est robusta, in principio tantum sanguinis detrahendum est quod sit satis; deinde quod deest, iteratione supplere oportet. Dic, Licet maiori cum fiducia accedendum sit ad sanguinis missionem vsque ad animi deliquium, in synocho imputris, quoniam vires sunt valentes, ut in *supra citata historia* Galenus prædixit, sanguis enim tunc integer est, & nulla putredinis labe fœdatus: tamen in synocho sine putredine, in initio, quum sanguis solam leuiter putrescere incipit, & seruat suam formam, & potest actione naturæ ad benignam pristinamque naturam reduci, ut probat Galenus 2. *aph. 17.* viresque adsunt fortes, quæ largam hanc vacationem possunt sustinere, illam esse celebrandam non eo inficias, maxime cum ex corrupto sanguine sumatur indicatio ad sanguinem mittendum,



dum, vt lib. 2. in com. histor. 19. late firmari.

Secundo. Illud obscurum est enucleandum, cur in febre putrida ita audacter sanguinem emiserit, si putredo sanguinis missione non curatur, vt ipse Galenus admonuit lib. 11. meth. cap. 14. ex quo loco patet; neque in syncho putri, neque in omnibus aliis febribus putridis vtilem esse venæ sectionem. Et Auic. iubet 1. 4. trakt. 2. cap. 56. §. Et quoties videris urinam grossam, &c. in febre pituitosa sanguinem non esse mittendum, nisi quando urina fuerit rubra & crassa. Ergo non conuenit in putridis omnibus sanguinis missio, præsertim tam copiosa. Deinde Galen. lib. de venæ sectione aduersus Erasistras. 6. ad inir. monet maximè egros offendi ab illis Medicis, qui omnes febres in principio venæ sectione indigere putabant. Ergo si in principio non conuenit in omnibus venæ sectio, multo minùs in aliis febribus conueniet; maximè cum doceat Hip. 3. aph. 29. Si quid tibi videtur mouendum, moue. Rursus lib. 12. meth. cap. 3. in febre synchopali, orta ex succis crudis, sanguinis missionem prohibet: & 1. ad Glaucon. cap. de tertiana exquisita curatione, sanguinem non mittit, & cap. 10. sequenti, agens de tertiana notha dicit: quod si sanguinem mittere oporteat, neque hoc esse omittendum, significans in omnibus venæ sectionem vtilem non esse: quod potest etiam deduci ex eodem; lib. de constit. art. medic. cap. 19. ad fin. firmante; solam plenitudinem sanguinis missione curari, reliquos verò humores coctione; & vacuatione. Vltimò, si sanguinis missio in omnibus febribus haberet locum, vel id esset ratione febris; vel ratione putredinis; non ratione febris, nam huic solum debetur refrigeratio, ex Gal. 10. meth. cap. 10. aliàs in diariis, & hecticis posset celebrari, quod est absurdum: non conuenit etiam ratione putredinis, quoniam hæc, vt supra diximus, venæ sectione non curatur. Ergo in febribus putridis sanguinis missio, non semper necessaria est.

Sed obstat celeberrima Galeni auctoritas lib. 11. meth. cap. 15. monentis; in omnibus putridis sanguinem esse mittendum. Idem etiam firmat lib. de curand. rat. per sang. mis. cap. 8. & 9. probat Auic. 4. 1. cap. 20. dicens: Multoties phlebotomia in febribus, licet necessaria non sit, efficit vt natura fortis fiat supra materiam, propterea quod eam efficit paucam, &c.

Antiqui Auic. interpretes, & Horatius Augenius inter omnes lib. 4. de sang. mis. cap. 9. & 10. affirmant, in omnibus febribus putridis necessariam esse sanguinis missionem; id est, in omni specie febris putridæ, non tamen in omnibus febribus putridis sigillatim, nisi cum sanguinis adfuerit redundantia; & sic intelligunt Galenum 11. meth. cit. vt patet ex cap. 9. in fin. nam hoc pro hypothese sumere Galenum assueuerant, in verbo, vt prædiximus, Locum autem Auic. 4. 1. ap. 20. ita explicandum arbitrantur, quando febris est biliosa, vel pituitosa, aut melancholia redundat; tunc enim non extrahitur sanguis, neque ratione febris, neque ratione causæ, cui potius expurgatio conuenit; sed solum fit, vt leuata natura à plenitudine qua grauatur, propriam febris causam magis deuincat; Consule Clementium Clementinum trakt. de febrib. ris. de plebotomia.

Verum hæc sententia minimè est recipienda, quare vt huius quæsti intimius naturam perpendas (in cuius enodatione, cum Augenio rantopere digladiatur Massaria, trakt. proprio de sanguinis missione, & alij strenuam operam nauarunt) notabis cum Galeno lib. 11. meth. cap. 10. febrem putridam non esse simplicem affectum, sed compositum ex febre; & putredine; & idè in febre putrida duæ consurgunt indicationes, altera ex febre, altera ex putredine. Illa dupliciter diuiditur; prima vt febris portio quæ iam genita est, sanetur; altera, vt id quod est in generatione, prohibeatur: similiter à putredine duæ indicationes sumuntur, altera, vt id quod factum est, sanetur; altera, vt id quod est in generatione, sistatur: & cum id quod est in generatione, ex prohibita transpiratione dependeat, rursus ab hac aliæ duæ emanant indicationes; primo vt id quod factum est, curetur, id est, re-

tentum euacuetur; altera, vt id quod retinendum est, prohibeatur, hoc autem fit præsidii quæ obstructionem auferunt, cuius etiam sunt duæ aliæ indicationes, altera, vt id quod factum est, per medicamenta deobstruentia vacuetur; altera, vt id quod futurum est, inhibeatur, quod fit si effluxum obstruentium succorum compescamus: de quarum indicationum vsu, & necessitate, lege doctissimum Ludouicum Colladum lib. de indicationibus, cap. 23.

Quo pacto coarguendus est Augenius, qui prociduo argumento munitus, sibi persuasit, in febris putridis, ab inutili & vitioso sanguine subortis, venam non esse secandam, nî plenitudo adsit; nam lib. 11. meth. cap. 8. docet curare, & euacuare quæ putruerunt, nulla sectionis venæ mentione facta; & cap. 9. monet, expellenda esse quæ putruerunt, per urinas, aluum, sudores, & aliquando per vomitum. Sed hoc mihi ridiculum argumentum videtur, (licet alij aliter respondeant) quippe in presenti contextu tacet in particulari venæ sectionem ad vacationem putridi, & corrupti sanguinis, quam satis superque iam in superioribus commendauerat, lib. 9. cap. 10. & 11. & 7. meth. 4. quo loco ad vacuandum corruptum, iubet vacationem esse celebrandam; vacationum autem potissimam esse sanguinis detractionem, ambigit nemo, & ipse Galenus eam summis laudum encomiis prædicat. Speciatim autem meminit vacationis per urinas, secessum, vomitum, & per sudorem, quoniam de iis hætenus mentionem non fecerat, & vt latenter insinuarer non solam sanguinis detractionem superius laudatam, sufficere ad euacunda quæ putruerunt, sed aliis etiam opus esse. Deinde in cap. 89. art. medic. priori loco refert venæ sectionem, gratia vacuandi ea quæ putrida sunt. Addit insuper Augenius aliud ficulneum argumentum, quod venæ sectio euacuet vtile, & inutile; ac si purgatio synceros, & viles cum putridis non vacuaret; & tamen maius sequitur commodum ex purgatione putridi, quam ex euacuatione innoxij, & spirituum dissipatione detrimentum, vt rectè monebat Magister lib. 1. aph. com. 24.

Ex superioribus indicationibus constat aperte, maximè esse laudandos, qui methodum hanc resolutionem obseruantes, ab vltima indicatione curationem incipiunt, antequam ad purgationem, coctionem, attenuationem, & alia præsidia accedant, quæ medicamentis calidis perficiuntur: quare purgationem, vt valde suspectam condemnat Galenus 8. meth. 4. cum ante eam deobstruentibus vti non liceat, & tunc sanguinis missio necessario præmittenda est, vt fiat humorum obstruentium remissio, & vt tutò auxiliis deobstruentibus vti possimus; cum enim obstructio ex humorum multitudine, vel crassitie, vel visciditate generetur, vt torius Galenus in methode prædixit: prima, sanguinis missione demitur: crassities, & visciditas attenuantia; & incidentia præsidia expostulant; quibus siquis ante venæ sectionem vti conetur, attenuatus, & calefactus sanguis, & alij humores amplius inflammati ad partes obstructas fluent, & hoc modo obstructions augebuntur.

Si verò contra hanc doctrinam obicias Galenum lib. 10. meth. ap. 2. ad fin. §. Iam verò obstructionum, &c. quo loco docet obstructions ex plenitudine ortas sanguinis missione curari; ex crassis verò, & viscidis succis generatas, attenuantibus curandas esse auxiliis. Dic, Gal. tibi de remediis propriè curatiuis obstructionum fuisse loquutum, quæ indicantur ab eo quod ex obstructionibus factum est; non verò de remediis præcautoriis, quæ indicantur ab eo quod futurum est obstructionum. Quare quod est factum in obstructione orta ex plenitudine, sanguinis missione curatur; quod verò factum est in aliis obstructionibus, præsidii attenuantibus curari debet. Cum hoc tamen stat, in his febribus sanguinis missionem, remissionis causa, multo esse ex vsu, ad cohibendum id quod futurum est, in obstructionibus à crassis succis subortis, licet gratia illius quod factum est, remediorum attenuantium vsus præferatur semper.

Quapropter



Quapropter in omnibus putridis febribus, etiam si A plenitudo non adsit, utilis est sanguinis missio, ratione ob- stractionis, reuulsionis, præcautionis, & refrigerationis, utque corruptus sanguis educatur, & qui corrumpitur, alteretur, quæ duæ indicationes humoribus putrescen- tibus sunt communes, ex Gal. lib. art. medic. cap. 88. §. *Esto enim sita contrigerit, &c.* Deinde venæ sectio fluidum red- dit corpus, quia humorem euacuat, quo vasorum cavi- tates infarciuntur, quare ad medicamentum purgantis opera- tionem utilis est: nam medicamentum ex venis, aut ple- nioribus, aut obstructis nihil artrahere sine nocumento poterit. Quæ omnia intelligi debent, dummodò nec ætas, nec vires prohibeant, nec aliud ex iis quæ ve- næ sectionem remorari solent, ut notauit Sylluatic. B cont. 40.

Accirco Galenus 1. meth. monet, putredinem non sola sanguinis missione curari, quoniam aliis indiget remediis abstergentibus, & euacuantibus. Idem vero lib. aduers. Erasist. reprehendit Medicos, qui omnes febres in prin- cipio venæ sectione copiosa indigere putabant, quum sæpe parca utilis sit. Lib. autem 1. 2. meth. & cir. ad Glau- cur non mittat sanguinem, in syncopali, & in notha ter- tiana, in sequentibus historiis explanabimus. Num autem ratione febris, an causæ eius sit celebranda phlebotomia, infra inuestigabimus in hoc capite. De quo argumento le- ge latè differentem Moxium, in spicilegio, de curandi ra- tione per venæ sectionem, febres quas humor putrescens ac- cendit, & nuperrimè agitauit in 1. 4. tract. 2. cap. 7. Ioan- nes Mata Moros, Medicus doctissimus Hispanus, qui li- brum de febribus à Petro Garcia Carrerio in Auic. con- scriptum, in compendium redegit, & ex suo ingenio Mar- te plura addidit scitu dignissima.

Tertiò illud difficillimum semper mihi visum est, cur Gal. sicut in sanguine effervescente, celebravit sanguinis missionem usque ad animi deliquium, sic in putridi & vi- tiosi sanguinis abundantiæ summa, non exercuit purgatio- nem usque ad animi deliquium, quam lib. 1. aph. 23. con- cedit Hipp. nam ipsum loquutum de purgatione, pater per verba (*talìa, qualia*) sic enim inquit. *Deiectiones non multitudine sunt aestimanda, sed si talia deiciantur, qualia deici oportet, confert, & leuiter ferunt: & usque ad animi deliquium faciendum, si ager possit tolerare.* Arduū dubiū, & in quo ambiguus videtur Galenus: nam cum Hippo- crates de euacuatione per aluum loquatur, ipse exponit de sectione venæ, ut notat Cardanus in huius loci commen- to: maximè cum ipse lib. 1. de humorib. 17. Hippocratem loquutum fuisse de deiectione asseueret.

Dic, Galenus non est anceps in expositione Hippo- craticæ sententiæ: neque enim ibi Senex de alui deie- ctione solum, sed de omni alia vacuatione, tam per venæ sectionem, quam per aliam regionem facta, est intelligen- dus, ut perperam contra Galenum somniauit Cardanus, & aduertit acutissimus Argentærius in com. In hoc autem egro synochio putri laborante purgationem usque ad ani- mi deliquium non administravit, quoniam sanguis put- rescere incipiebat, neque erat insigniter in alios humo- res mutatus; aliàs illam sine dubio excerneret. Et licet ex immoderata, copiosaque purgatione, irreparabilia peri- cula subsequatur, quæ lib. de venæ sectione aduersus Erasist. stratum, cap. 7. & 2. acut. 11. & lib. de sang. mis. cap. 12. ipse refert luculenter; & firmavit Mesuës theoremat. 3. de re medica. Explicat Santorcellus lib. 18. antepraxis. cap. 4. tamen in pluribus morbis esse imperandam non nega- mus, quoniam acutus, & periculosus morbus multa cogit mo- liri temere, auctore Celso lib. 3. cap. 9. in quo melius est an- ceptum remedium experiri, quam nullum, ex Gal. 10. meth. cap. 10. Nec enim in omnibus morbis hoc tantum præ- sidium exequendum; nam in longis nulla conuenit ef- fusa vacuatio, cum potius iteratam optemus; cum in iis nimia deiectio citra morbi leuamen vires proster- nat, quas firmas seruare oportet. Ergo in acutis solum erit ne- cessaria: neque in omnibus, quoniam in apoplexia, & morbo comitiali, ea vti non licet, sed duntaxat in calidis merè atque iis præsertim, in quibus est copia humorum vberior, & vires magis liberales: subito enim & extre-

Lib. IV.

mo morbo, subitum & extremum præsidium vtile est, Le- ge Brachelium in com. sent. 23. lib. 1. Aph. Horat. Auge- nium rom. 2. epist. lib. 8. epist. 50. qui nostras partes acriter nientur, quidquid superioribus argumentis munitis Val- lesius contradicat lib. 7. cont. cap. 8. neque enim contextus Galeni corrigendus est, ut aliqui falso opinantur.

Quartò dubitandum est. Cur in altero iuvene, post sanguinis missionem supervenere vtiliter vomitus, & alui fluxus, si sanguis peccabat inflammatus, tenuis, & effervescent, qui potius sudore, aut hæmorrhagia excer- nitur à natura: Et cur in seruo non sequuta est vacuatio per vomitum, aluum, sudorem, sicut in libero? Dic. San- guis venarum non est simplex, & vniufmodi, sed ex pitui- ta, & vtriusque bilis, ac puri sanguinis permixtione con- flatus. Quare nihil mirum, si deonerata natura venæ sec- tionis ope, tenuis pars per sudorem, & vomitum, crassior per infernam aluum fuerit euacuata. In seruo non conti- gerunt hæc, quoniam sanguis erat magis lentus, & cras- sus, qui cum putridus esset, erat ad motum ineptus, ex- pulsionique minùs paratus; hunc autem adfuisse, ex pu- tredinis natura colligere licet, quæ cum ab obstructione oriatur, & hæc à crasso, lento, & multo succo, is non potest ita facile extra corpus expelli: nam *tenuis humoris vacuatio est facillima; crassioris vero, & lenti, difficillima*, ut monuit Galenus 1. 4. meth. 17.

Quintò. Videtur reprehendendus Galenus, quod in febris validæ præsentia mulsam obtulerit, quæ calida est, & biliosis naturis inutilis: nam facile vertitur in bilem. ex Hipp. 3. acut. text. 9. Dic, Galenus exhibuit mulsam di- lutiozem; nam syncera ratione mellis maximam habet vim generandi bilem; quare diluta, quia habet multam portionem aquæ, magis humectat, æstumque compescit, neque est siticulosa, neque bilem generat, neque caput ferit; ex Hipp. 3. acut. cir. & 1. quin. penetrat, ac obstru- ctiones aufert. Si verò quæras, cur ante pristinæ sorbitio- nem, mulsam propinet? Respondet Mercurialis lib. 2. acut. in com. sente. 1. 22. fol. mihi 478. quoniam perpetuò prius ingerenda sunt, quæ facilius coquuntur, & subdu- cuntur, posterius verò contraria: pristina autem diffici- lius concoquitur, & tardiùs descendit. Accedit, quod si pristinæ misceatur mulsæ, sit repletio, quoniam hæc ab il- lius visciditate retenta obruit calorem, status eleuat, in- flat hypochondria. Hæc est causa apud Arist. 2. 4. probl. 19. cur potiones dulces si misceantur farinæ, dulciores per- cipiantur, quoniam illæ, farinæ lentore in ore detentæ, dulcedinem linguæ communicant. Deinde mulsæ sola ex- hibita, etsi diluta, acrimonia aliquali irritat, & prouocat deiectionem. Ob has causas Hip. lib. 2. de morbis, dolo- rem capitis à bile factum curaturus, mulsam propinat di- lutam. De mulsæ viribus, differentiis, & conficiendi modo præter Dioscoridis interpretes lib. 5. c. 9. scitu digna pro- fert Mercurialis.

Sextò. Illud est inuestigandum. Si febris ipsa curatio- nem indicat, cur post sanguinis missionem alteratione non est usus; & remedia non obtulit quæ ventilent, coquerent, refrigerarent, quod monuit Gal. in art. medic. cap. 89. Ex natura morbi sumi indicationem curatorium, verum est, & est illius remotio; & est principium à quo emanat ea indicatio quæ contrarietatem præscribit, sum- pta ex peculiari natura morbi, qua inveniuntur ea quæ conferunt. Quod autem hæc indicatio curatoria suma- tur ex morbo, constat, quia remotio causæ, siue ali- quid actu efficiat, siue parata sit efficere, præseruatio est, auctore Galeno 4. meth. cap. 3. ad fin. & 11. meth. cap. 2. quia præcautio fit ablatione causæ, quemad- modum vera curatio soli morbo debetur, & hæc so- lum morbis factis utilis est. Si verò lib. de optima secta ad Thrasib. cap. 23. 24. 25. contra Methodicos con- tendit, morbos non indicare curationem, illud non negauit, sed solum illos reprehendit, qui commu- nissima morbi indicatione, quæ illius ablationem in- dicat, erant contenti. Dic, omnes indicationes facta phlebotomia compleuisse Galenum: nam sanguinis missio ventilat detrahendo copiam, & calidam substan- tiam vacuando refrigerat, qua deonerata natura putridos

HHh

humores

humores excernit, semiputridos vero coquit, & ad medietatem reducit.

Septimò. Ex hac dubitatione, alia non minoris momenti insurgit, cui nempe potissimum conueniat curatio, febrine, an causæ? nam Galenus lib. 8. meth. cap. 4. agens de febre ex obstructione, docet, prius causam, hoc est, obstructionem esse auferendam, & sic prius, utendum esse referantibus: & lib. 10. meth. cap. 1. ait, in febribus quæ originis suæ causam intus habent, primam indicationem ab ipsa causa sumendam esse, ac proinde prius putredinem esse sanandam, habendam tamen esse rationem ipsius febris. Idem docet 3. meth. 14. dum vlcus in pulmone exiccantibus esse curandum præcepit, quæ febris contraria sunt: & sic lib. 7. meth. 11. & 12. monet, prius esse expurgandos humores in ventriculo contentos, quam interperies tollatur. Huc alludit commune illud pronuntiatum, ex cap. 89. lib. art. medicinali ut unamquamque prius quæ efficit causam rescindamus, deinde ad illam, quæ ab eadem causa facta est, ageritudinem accedamus.

Pro parte contraria videtur esse Galenus lib. 8. meth. cap. ult. dicens, indicationem à febre desumptam esse digniorem, & ceteras obscurare: & Auic. 1. 4. tract. 2. cap. 7. in princip. idem affirmat. § Et quandoque febris est tanta vehementia, & acuitas, ut non liceat vii regimine causâ, sed necesse est vii infrigidatione multa.

Tu autem huic quæstioni breuiter responde: in cura ordinaria, & legitima, à causa esse incipiendum; in cura tamen coacta, & extraordinaria, interdum à febre; & sic omnia quæ adducta sunt, facili consentiunt. Quando tamen Galenus inquit 8. meth. ult. febris indicationem esse digniorem, intelligit facta comparatione cum ætate, natura, & consuetudine, de quibus ibi loquitur, non tamen facta collatione cum causa. Quod si quæras, quo pacto febris, & causæ, quando sunt contraria, possumus occurrere? eleganter respondent Galenus lib. 8. meth. cap. 2. agens de oxymelite, & Auic. 1. 4. tract. 2. cap. 7. § Multoties quid inuenitur res, &c. Quod si rursus quæras, quo pacto febris possit esse intensa, si causa illi contrariatur? nam acutissima febris solum ex humoribus calidis, & siccis videtur posse generari, non ex frigidis, ac proinde nunquam febris, & causa habent indicationes contrarias, sed semper idem expostulat irremissis, & causa. Dic interdum contingere febrem, & causam sibi aduersari, ut accidit in causo notho, & hemittiræo. Dic secundò, quod licet causa conueniat in qualitate cum febre, gratia tamen demendæ obstructionis, & euacuationis sensilis, & insensilis, remedia infrigidantia valde minimè conueniunt, ut patet in inflammatione, & erysipelate, quæ licet ab humore calido fiant, calidis tamen præsiidiis resoluntur, & ad motus frigidis indurantur.

Octauò. Admiratione non caret, cur in valida febris accessione, & augmento, remissionem non expectans Galenus, ita copiose sanguinem emisit? maxime cum febris esset de genere earum quæ assidue decrescunt, & Hipp. in accessione ab omni auxilio abstinendum esse imperauerit, firmat Gal. lib. de curand. ration. per sang. mis. cap. 21. quo loco in continuis, ad sanguinis missionem, tempus remissionis expectat. Dic hoc præceptum obseruandum esse in cura methodica & legitima; in coacta verò, & illegitima, in qua prohibitorium non attenditur, in accessione ipsa potest sanguis emitti, ut in inflammationibus internis, vehementi dolore, febris periculosa, in quibus si sperata phlebotomia nullum præsidium consulas, vel dolor partis augebitur, vel caliditas febris intenderetur; vel ad aliquam partem principem decurrerent illi, qui per corpus vagantur humores; vel ex copia multa, suffocatus innatus ignis, & obstructis canalibus non ventilatus, periret subito, & exstingueretur. Ita in tantæ plethoræ præsentia ex tempore huic iuueni opem tulit Galenus, & saluberrimo phlebotomiae antidoto, vel in feruore febris celebratæ, à mortis faucibus liberauit.

Nonò posset quærere non incuriosè aliquis, hoc modo. Si putredo sola sanguinis missione non curatur, ex Gal. 11. meth. 14. si fortè febris putrida phlebotomiae præsidio

non succumbat, quod deinceps auxilium faciendum? Galenus respondet in multis suæ doctrine locis hoc modo, in primis lib. 11. meth. c. 9. dum de febribus putridis curandis sermonem attexit, sic ait. Ergo à corporibus, quæ sic affiuntur, expellenda quæ putruerunt, per urinas, & alium, & sudorem sunt: quod si ad os ventriculi aliquando sua sponte impetum capiant, etiam per vomitiones, &c. Auicenna 1. 4. tract. 2. cap. 7. de curatione febrium putridarum, in princip. sic ait. Quod si fuerit virtus fortis, & fuerit illud quod vincit sanguis, aut cum humore qui vincit, sanguis, tunc phlebotomia est magis conueniens, & propriè cum urina est rubra, grossa. Deinde fac sequi phlebotomiam, solutionem ventris subtilem, propriè si fuerit ibi siccitas, &c. Et ad leuiter soluendum, approbat aquam hordei, mannâ, (vocat siracost) syrupum acetosum, & violaceum: Aqua hordei, id est, pitissima, est suavis, lubrica, & ventrem emolliens, ex Hipp. 1. acut. 18. 28. 29. & 30. Manna, non est purgamentum thuris, quod manna thuris vocauit Gal. 5. meth. cap. 4. & 13. meth. cap. 6. Paul. lib. 7. Explicat Manna lib. 1. epist. 4. sed est mel æreum, de quo lib. 3. de aliment. facult. cap. 39. ipse dixerunt, & Arabes, præsertim Meluè, de manna purgatrice rectius ratiocinati sunt. Tertium medicamentum est syrupus acetosus. Quartum est syrupus violaceus, ex violis recentibus paratus, vel ex pluribus infusionibus earum: hoc enim modo paratus ampliùs refrigerat & lenis, & febribus ardentibus miro est auxilio.

At cum plurima sint medicamenta, quæ humores peccantes à corpore excernunt, & alia primam corporis regionem exonerent, neque iecur transcendant, alia ex partibus longinquis, & venoso genere attrahant, de illis intelligendum esse Auicennam eo loco, interpretes firmant. Vtrum verò in febribus putridis illa sint exhibenda per os, an solum per clysteres, acriter contra Thomam à Veiga contendimus lib. 1. com. hist. 63. quò loco in febribus tam acutis, quàm chronicis, purgantia medicamenta ex Galeni mente esse propinanda, non solum lenientia, sed quæ soluendo euacuant, determinauimus. Nam præter plurimas auctoritates eo loco recitatas, Galenus lib. 13. meth. cap. 15. in inflammatione iecoris, quam febris comitari solet, purgatyrica, mercuriali, cnico, polypodio, & cortice veratri. Deinde, si in affectibus à calidissimo biliosoque humore concitatis, vitur medicamentis purgantibus, cur in febribus ea non imperabit, lenia, & quæ suauiter retorridam, & exandescendentem bilem euacuent? Hanc methodum proprio exemplo notauit 14. meth. cap. 17. quando in muliere Romana, quæ herpetem in malleolo patiebatur, scammonio vsus est; & in erysipelate medicamentum consulit quod bilem attrahat, lib. 14. meth. ap. 3. & 2. ad Glauc. cap. 2. post princip.

Decimò. Quærit etiam posse arbitror. Num licitum sit in principio febrium putridarum, ante syropos aperientes, & phlebotomiam, medicamentis lenientibus vii per os assumptis, etiam si humor crudus sit, quam purgationem minoratiuam, seu minorantem vocant iuniores, moniti oraculo Hipp. lib. 2. aph. 29. dicentis: Cum morbi inchoant, siquid mouendum videtur, moue: cum verò consistunt, ac vigent, melius est quietem habere. Quam sententiam explanans Galenus, sic inquit. Circa initia verò illorum morborum, in quibus speratur agrotus conualiturus, ietanda maiora sunt remedia, de quibus Hipp. dixit, Siquid videtur mouendum, moue. Sunt autem hac præcipue quidem vene sectio; nonnunquam verò & purgatio, quorum neutrum oportet morbo iam consistente adhibere: ut enim in libro de crisi manifesta auimus, cæctiones morborum tunc maxime sunt ut igitur hac citius eueniat, melius est circa principia euacuare, quò minore iam facta materia facilius natura concoquere possit, &c. firmat Auic. 1. 4. tract. 2. cap. 7. §. Et similiter si times victoriâ humoris, magis necessaria cautela est euacuatio, & non moueas nisi in principio, &c. approbat Auerhoës lib. 7. collig. cap. 1. docens pleuriticos phlebotomatos à Rhasio in hospitali, sine hac lenitione, omnes interiisse: & Auic. loc. cit. purgantia exhibet statim in initio febrium, ante aperientia, prouocantia urinam, & sudorem: & cap. 55. de cura quotidiana, §. Et omnes eius species communicant in

in hora principij in tribus rebus, in necessitate lenificationis A  
 equalis: & Auenzoar lib. 3. thez. tract. 1. cap. 14. non solum ante usum aperientium, sed ante phlebotomiam in febre sanguinea medicamenta per os administrat. Et Gal. 8. meth. 4. ante syropos deobstruentes purgantia propinat: nam si illi primò offerantur, obstructions augentur. Itaque humor crudus, & multus minuendus est, ut natura à multitudine lenata, exonerataque facilius concoquat, & ne humor incoctus derelictus à regimine naturæ, deteriori labe & putredine inquinetur, & præ copia calorem obruat. Ita sentit Manardus 1. epist. 1. hostiliter contra recentiores dimicans, qui contrarium asserere ausi sunt: cum ex hac minorante purgatione clementibus medicamentis celebrata, nullum unquam sequutum fuisse incommodum firmiter asseueret.

Ex diametro dissentat Antonius Musa in com. lib. 1. aph. com. 22. pluribus rationibus fretus. Nam Hip. 4. acut. 43. sic ait. Quod si urina inter initia tenuis fuerint, tales non purgabis: ac si videatur, clysterem exhibebis: & lib. 4. acut. 12. in initio, usum medicamentorum purgantium summopere reprobatur: & ea solum approbat lib. de medicament. purgantib. in fin. quando remiserit febris: nam si ea exhibeas in principio, magna vis infertur naturæ, liquatur caro, & sanguis: quoniam purgatio fit medicamento attrahente, natura verò expellente, ex Gal. 1. aph. 22. & natura non excernit in principio, sed post coctionem, quæ in statu fit ex Gal. 3. cris. 10. & 4. aph. 2. omnis enim excretio quæ naturæ lege perficitur, coctionem sequitur, ut bellè dictabat Galenus lib. 4. de prasag. ex pulsib. cap. ult. Scio quid contrariæ partis defensores asseuerent: Hippoc. & Gal. in com. & 8. secund. loc. cap. 5. & alibi passim, reprobasse medicamenta electiua, calida, fortia, vehementia; & quæ à venoso genere intempestiue attrahere humores nara sunt, & magnam vim corpori inferunt, quum perturbent, exagitant, & corpus inflant, quæ suo tempore erant in usu; non verò lenientia, & clementia pharmaca, quæ materias in prima corporis regione adhærescentes, sine vili perturbatione euacuant, qualia sunt Manna, pulpæ cassiæ atramentum, syrupus rosæ, & violac. ex plurib. infus. cathol. & cætera mitissima electiua, quæ citra motum virium dispendium, & agitationem vllam, peccantes humores ex prima regione exhaustiunt; quibus si in principio febrium non utaris, & fomentum morbi non extrahas, damna irreparabilia subsequuntur: nam humores hi putredinem concipientes, & in statu morbi efferuescentes, furiant & ebulliunt, fiuntque causa morbi, & eum sæuiorem pariunt, quàm ex natura sua esse deberet.

His, & alijs quamplurimis argumentis irretiti iuniores, huc illucque Euripi modo agitari, inter sese digladiantur; de quorum numero præter Manardum, & Brasauolum, cæterosque Auicennæ, & Galeni celeberrimos vereres interpretes, extant Augenius lib. 1. epist. tom. 1. epist. 2. Valles. lib. 7. controu. 13. Saluus Sclanus lib. 1. aph. 22. Cardosus lib. de sex reb. non natural. quæst. 5. Altimarus cap. prop. tract. de purgatione. Ioan Brauus lib. 3. de purgand. rat. cap. 8. Mercatus lib. 1. indicat. cap. 6. Trincanellius epist. 1. Santorellus lib. 20. antepraxis. cap. 14. Syliaticus controu. 19. & alij. Sed maxima admiratione dignum est quod tam generosum, & præsentaneum vitæ humanæ præsidium, tantis obscuritatum labyrinthis involuatur; pluribus hostibus oppugnetur, tandemque tam variis censuris, Neotericis scriptores de eo hætenus iudicant. Sed cum infinitum propemodum sit; recitare quæ illi pro vtraque parte in sui subsidium afferunt, aliquando ineptè, immò distortè Galenicam sententiam interpretantes, iocircò ne actum agere videar, animosa veritate cogente, ut tantis sedulo præuideam incommodis, methodum vradam breuiter exactam, qua febres putridæ hæc præstantissimo præsidio aliquando sint curandæ, & quò sperto feliciter earum curatio absoluantur sæpe: & sic inextricabiles mæandri, durissimi nodi patefiant, & dissoluantur, quos si rectè perpendisset Garzias Lopus lib. de varia rei medica. lectione, c. 15. non ita minorantium pharmacorum utilitatem redargueret.

Lib. IV.

Falsissimum ergo est existimare, in omnibus febribus putridis in principio esse hanc minorantem purgationem offerendam: licet verissimum sit, in aliquibus non vtiliter tantum, sed necessariò esse propinandam, & sic inter hos auctores soluta est rixa, & pax oborta. Quando enim in ventriculo, intestinis, vel vicinis partibus, ea est recrementorum, vel vitiosorum humorum redundantia, quæ clystere demi non potest, tunc medicamenta lenientia per os sunt exhibenda, nulla facta per syropos, vel phlebotomiam vacatione. Hoc modo Hipp. 4. acut. 6. in curatione febris ardentis, si os amarum fuerit, hoc est, si bilis in ventre redundauerit, eam per vomitum, & clysterem euacuat. Et textu sequenti sic inquit. Verum si adhuc non solvatur, lacte asine cocto purgabis, &c. quibus verbis innuit, quod si ea sit bilis redundantia in ventre, quæ vomitibus, & clysteribus extrahi non possit, tunc medicamentum leniens per os exhibendum esse. Elegit autem lac asinæ, quoniam serosum est, & sic intestina abluat, & ratione feri expurgat. Quare si bilis copia in ventriculo, & primis venis adest, aut crudi hoc loco in multa quantitate redundant succi, tunc à pharmaco leniente incipiendum est, ut in tertiana exquisita sæpe contingit. Hoc ita esse ostendunt magnus oris amaricatus, vomitus biliosus, nausea, ventriculi vel intestinorum morsus, & murmur, maximè si hæc extra accessionem infestant. Hoc etiam obseruandum est in tertiana norha, & quotidiana; quare Galenus lib. 1. ad Glaucon. cap. de cura quotidiana, primò humores in primis venis positos expurgat: si verò plenitudinis sese ostendent signa, tunc à phlebotomia inchoanda curatio est. Quare ne omnes vno calcees calopodio, quod maximè detestatur Galenus lib. 9. meth. cap. 16. & lib. 5. de sanit. cap. 11. neque indiscriminatum nulla humorum habita ratione, nec ab apparatus corporis, aut humoris indicatione desumpta, quarta die, quadam veluti sancita lege, cum auctore lib. 4. acut. text. 76. expurges: Nam sæpe prima die, ut Galenus admonuit in com. aliquando nonnisi concocta materia, & transacto statu, purgante medicamento vti opus est. Lege Vallesium lib. 4. meth. cap. 2. in med. & Vidum Vidium lib. 4. de febrib. cap. 5. de quo argumentò luculenter Masfaria tract. de purgat. in initio morborum celebranda. Cardanus lib. 1. contradiçt. tract. 6. cont. 16.

Vltimò percontaberis. Si hæc non satis sint, ut febris putrida eradicetur, quid restat peragendum? Responderet Gal. lib. 11. meth. cap. 9. humores putrescentes vacuandos esse per aluum, urinam, sudorem, & vomitum. Ita cit. loc. firmat Auic. dum humorem ad ventriculum vergentem, per eam regionem esse vacuandum asseuerat, neque naturam esse diuersificandam, id est, non esse illius motum impediendum, sed imitandum. Vomitus autem lenibus medicamentis est prouocandus, ut est syrupus acetosus cum aqua tepida; nam tepidum ventrem laxat, ex Galen. 8. meth. 7. 5. Esto autem abundè calens, quodcumque ventriculo imponitur; quæ enim tepida sunt, ventriculi firmitudinem dissolunt, &c. Confirmat Auic. 1. 4. tract. 1. cap. 26. Vomitus esse prouocandum, significant nausea, subuersio ventriculi, & alia signa proposita à Gal. & Hipp. 4. aph. 17. cuius vacationis quanta sit præstantia, & usus, leges lib. 3. in com. hist. 26.

Galenus lib. 11. cap. 8. docet non posse curari febrem ex putredine ortam, nisi prius putredo remoueat. Hæc autem corrigi debet, inquit Gal. veluti solet emendari in corporibus putridis non viuientibus, in quibus id quod putruit, incidimus; id verò quod semiputre est, ut ad naturalem redeat symmetriam, in aërem frigidum deferitur: sic in viuientibus exequendum est: nam putre vacuandum; semiputre, mediocri motu, & transpiratione refrigerante castigandum. Et cap. 13. inquit, quod quemadmodum reclusioni opponitur obstructio; sic putredini, excretio, ventilatio, refrigeratio, & coctio. Et in art. medic. cap. 89. docet, in curanda febre accensa ex putridis humoribus, duplicem esse habendam intentionem, alteram, quæ ex toto corpore materiam educat: aliam, quæ dicitur alteratio, quæ manente substantia putredinem finit.

H H h 2

Sed



Sed dubitabis, qua ratione refrigerantia, ventilantia, & concoquentia putredinem sistant? Dic. Putrefactio ex actione caloris extranei, & debilitate innati emanat: refrigerantia ergo illius excessum corrigunt; ventilantia, & concoquentia natium roborant calorem. Et quamvis coctio, à calore naturali fiat, & non à medico, aut medicamentis, auctore Gal. lib. de constit. art. med. c. 12. tamen Medicus, quatenus disponit materiam, ut facultas alteratrix possit concoquere, & fouet, augētque calorem naturalem, iuuat coctionem: sic febrilis calor concoquit, quia humores crassos extenuat, & hac ratione ad coctionem disponit. Sic frigida humores biliosos coquant; quoniam remouent ea quibus eorum coctio impeditur. Sic Gal. lib. 5. simpl. 6. & 7. meth. 7. coctionem ventriculi ab extrinseco calore iuuari affirmat. Hoc modo apud Gal. 5. simpl. 9. suppurantia coquunt, quia quantitatem caloris adaugent. Hac ratione, calore solari maturantur fructus, mustum feruet, & fit vinum, non solum ex ingenito, sed ex acquisito à sole calore ex Gal. 4. simpl. cap. 1. Ita fomentum, balneum, unctio, quies moderata, frictio, exercitium, vsus cibi boni succi, vini modici potus, iuuant coctionem, quoniam calorem naturalem adaugent, & facultatem roborant, à quibus potissimum concoctiones fiunt, sic monente Gal. lib. 1. epid. sect. 2. com. 44. & lib. 4. acut. com. 44.

Post hæc Galenus, & Auic. humores putridos deturbandos esse per vrinam asseuerant: nam hæc vacuatio est vniuersalis, qua non solum vesicam, renes, & partem sinam iecoris euacuat, sed consequutione quadam omnes venas, & totum corpus exhaurit; quapropter pars serosa sanguinis superflua, & simul cum ea vitiosi humores, tam à natura, quam arte hac via expurgari solent.

Hæc medicamenta solum post vniuersales vacuationes exhiberi debent, ne scilicet ex primis venis intestinis, & corpore vniuerso, confluentes succi, ad angustas vrinæ vias, eas obstruant: ita docuit Gal. 7. meth. cap. ult. quare Auic. 1. 4. tract. 2. cap. 7. post med. docuit: in curatione febris putrida fac sequi phlebotomiam, deinde lenificationem ventris, postea exhibe qua vrinam prouocant, &c. Hæc vacuatio paulatina est, & morosa, ut asseruit Gal. 4. aph. 14. & 3. prog. 23. quare solum in chronicis morbis, & febribus productis est tentanda, & non in acutis, quæ præfidiis citò, & celeriter operantibus indigent.

Porro prouocantia vrinam in triplici sunt differentia: quædam acia, exiccantia, extenuantia, & quæ coaguli instar partem serosam à sanguine secernunt, & pituitam, cæterosque humores liquant, partique serosæ permiscunt, de quibus agit Gal. 5. simp. 22. Alia augent feri quantitatem, ut vinum aquosum; aut ad vias vrinæ humores deferunt, ut Rhab. Alia quæ vias vrinæ abstergunt, ut terebinthina, semina frigida. In acutis morbis his frigidis vtimur in productis, ad humorum reliquias expurgandas, concedenda sunt propriè diuretica, quæ humores crassos extenuant, liquant, & obstructions auferunt, à quibus febris foueri solet. De quorum vsu, & efficacia, consule Mercat. lib. 1. indicat. cap. 10.

Quando verò febris his præfidiis non succumbit, prædicti auctores sudorem prouocandum consulunt, ut si aliqua serosi humoris quantitas in corporis porositatibus fuerit relicta, sudore euacuetur. Auic. cit. loc. tripliciter sudorem mouere docuit: primò, cum inunctione ex oleo camomillæ, & fricatione. Secundò, cum vino albo, aquoso, ebibito. Tertio, cum aqua dulci tepida, quæ abluatur, vel foueatur. Quæ sententia ad Galeni mentem est exponenda, 11. meth. cap. 9. in princ. ubi ita inquit: sanè totum corpus priusquam vacuaueris, rarefacere non expedit. Vbi vacuatum est, vique licebit id medicamento aliquo, cui calor tepidus insit, rarefacias, cuiusmodi est quod ex chamæmelo conficitur. In hoc tempore, si vinum quoque aquosum bibatur, id omnes vacuationes promouerit: idem faciet & temperatum dulcis aqua lauacro, &c. Quibus præfidiis vt turò vti possimus, totum corpus debet esse exquisitè euacuatum, non solum sanguinis missione, sed & purgatione, si ex opus sit: si enim aliter feceris, humores subito ad cutem irruentes, eius angustos obstruunt

meatus: neque febris debet esse intensa, ut loc. cit. aduertit Galenus, dicens. Ceterum ubi magnitudo febris obstet sicut in continentibus, nec vino est vtendum, nec lauacro, nec iis qua habitum rarefaciunt vntionibus, &c.

Hæc vacuatio quæ per sudorem celebrari solet, licet immediatè habitum corporis euacuet, & idè nota sit succorum, qui in ambitu, & superficie consistunt, ut ait Galenus lib. 4. de sanit. tuend. cap. 4. in med. mediatè tamen, & consequutione quadam, venas & reliquas corporis partes inanit, & idè vniuersalis est vacuatio, cuius ope febres soluuntur, ut ait Gal. 4. acut. 10. & alibi passim in cris. libris, & prognost. quibus locis notas tradit, quibus vtilem & optimum sudorem internoscere possimus; nam non solum ea pars feri, quæ vehiculi instar alimentum ad singulas partes deduxit, & functa est officio suo, per sudorem expellitur, ut ait Gal. lib. de sanit. tuend. cap. 12. sed simul cum sero, tam à natura, quam ab arte reliqui humores expurgari solent: necesse tamen est, ut priùs serum, & humores cæteri à calore extenuentur, ut sic in halitus conuersi ad partes extimas deferantur, in quibus ob cutis densitatem, aut ambientis frigiditatem, in formam sudoris erumpunt.

Si vltà expositules: quare medicamenta quæ sudorem mouent, debeant esse fortiora his quæ vrinam prouocant? Dic, quia multò difficilior est humores in halitus transmutare, quam eosdem extenuare, & à sanguine partem serosam separare. Præterea materia vrinæ attrahitur à renibus; sudoris autem materia non attrahitur, sed impellitur versus cutem. Simili ratione dicebat Gal. 5. simpl. 22. medicamenta quæ menses prouocant, efficaciora sunt iis quæ lac mouent, quoniam menses non attrahuntur ab vtero, sed feruntur; at sanguis ex quo fit lac, non solum ad mammillas fertur, sed ab eisdem attrahitur. Accidit tamen pro varia inclinatione naturæ, ut quæ mouent vrinam, prouocent sudorem: si enim natura ad cutem vergat: à diureticis medicamentis prouocatur sudor; si ad vias vrinæ, ab iis quæ mouent sudorem, vrina multiplicatur: rarè enim vnum medicamentum à virtute alterius exiuit.

Sudorifica, alia intrus exhibentur, alia extrà cuti admoventur. Illa, quorum sylum tam in acutis, quam chronicis morbis variè describunt auctores, ieiuno ventriculo assumi debent, ut monuit Arist. 2. sect. probl. 25. ne fortè alimenta cruda & semicocta, simul cum medicamentis ex ventriculo distribuuntur. Tu verò de ordine exhibendi sudorifica, consule Mercat. inter omnes, lib. 1. indicat. cap. 12.

Quòd si interroges: vtrum prouocantia vrinam debeant præcedere prouocantia sudorem? Dic, quòd aliquando siue prouocatione vrinæ potest sudor prouocari, præsertim quando humor solum in vasis extremis continetur, sed securius multò est, ut medicamenta diuretica præcedant. Primò, quoniam medico certò non constat, vtrum humores serosi in vasis maioribus retineantur, an solum in extremis. Secundò, quoniam facilius est vrinam prouocari quam sudorem, & semper à facilioribus est inchoandum; & hoc modo intelligendus Galenus 11. meth. cit. qui non solum post sanguinis missionem, & purgationem, sed post vrinam prouocantia, sudorifica propinanda consuluit. Si ergo naturam rectè operantem medicus imitari debet, sudorem prouocabit; nam ipsa onere grauata hanc vacuationem promouet cum emolumento summo. Illa liberatus est Pericles igni oppressus lib. 3. epidem. sect. 3. text. 77. Anaxion quoque sudauit vigesima, & remisit febris. Deinde Nicodemus, & illa mulier quæ in Thaso decumbebat: & lib. 1. eiusdem operis Herophon, Cleonactides, Meton, & alij, qui in iudicatoriis sudarunt, & à febre facti sunt immunes. Hinc optimè dixit Hip. lib. 4. Aph. 36. sudores bonos esse, euenientes in tertio die, & 5. 7. 9. 11. 14. 17. 21. 27. 31. & 34. hi enim sudores, iudicant morbos. Quæ verò conditiones ad sudorem optimum sint necessariæ, explicat Gal. 3. cris. 3. edoctus ab Hip. lib. 1. prog. 22. Cuius mentem explanat luculenter Christoph. à Vega in com.



Si verò vacationibus vniuersalibus, & aliis præfidiis quæ ventilant, concoquunt, refrigerant, reſerant, aperiant, prouocant ſudorem, & vrinam febris putrida non remittatur, monet Auic. loc. cit. vt ſi febris ſit multæ caliditatis, corpus diſſoluens, & perducens ad hæſicam, inunctiones, & embrochationes ſiant cum rebus frigidis, v. g. ſupra iecur. Et licet Bellunenſis in nouis codicibus affirmatiuè legat: quòd quando febris fuerit valde acuta, non conceditur aliquid ex inunctionibus, & embrochationibus, ſcilicet ſudorem prouocantibus, & poros aperientibus, quale eſt oleum chamæmelinum, & cætera cutem rarefacientia, tamen prior lectio magis amplectenda eſt, quæ cum Galeni mente ampliùs conſentit, qui in ætuoſis, vel productis febribus, iecur & cor occupata incendio, refrigerantibus epithematis, & roborantibus medicamentis extrâ applicitis attemperanda eſſe docet, tum lib. 11. meth. cap. 15. tum 13. eiusdem, 15. in quem vſum ſuum parabat refrigerans vnguentum lib. 10. meth. cap. 8. & lib. 1. ſimpl. cap. 6. quando in febribus ardentibus totum corpus exardeſcit, & viſcera excandescunt. Quare ſi membra hæc calidiſſima non refrigeres, hæticus ſuperueniet marcor, & vel abſumpta humiditate primigenia extinguetur innatus ignis, vel febris in longum protrahetur tempus, ad quam retortida ſubſequetur febris: nam ſcitum eſt in Galeni doctrina lib. 3. progn. 23. quòd triplex eſt cauſa prorogationis febrium, aut propter aliquam partem affectam curatu difficilem; aut propter humores craſſos, crudos, incoctòſque; aut propter aliquod commiſſum. Vocat autem partem curatu difficilem in com. Chriſtophorus à Vega, illuſtris librorum prognosticon explinator, iecur inflammatum, à cuius intenſo calore febres excitantur; vel alias partes principes intemperie calida affectas, à qua febres originem ducunt. In hunc vſum ad temperandum cauma internum, optimũ conſilium eſt dorſum, per quam partem arteria magna perreptat, vnguentis refrigerare, quorum copiam leges apud Mercatum, tom. 1. quaſt. 217. Sed cùm febris, qua inuenis hic premebatur, paracmaſtica eſſet & decreſcens, & quarto, & quinto die manifeſtè magnitudinem remittere viſa fuiſſet, & præceſſiſſet concoctio in vrina, aliis præfidiis præter ſanguinis miſſionem opus non fuit, quoniam in ſeptimo finita eſt, iuxta oraculum Senis lib. 4. aph. 71. dicentis: *Quibus ſeptimo die fit criſis, ſi nubecula rubra quarto die in vrina apparet, & alia ex ratione; nam leuata natura venæ ſectionis ope, humorem reſiduum per inſenſilem halitum excreuit. Si tamen generalia, & peculiaria præfidia pro curanda putredine, & ſymptomatibus ab ea oriis, memoria retinere vis, adi Vidum Vidium lib. 4. de feb. cap. 7. & 8.*

## QVÆSTIO X.

*Utrum putredo ab Ariſtotele, & Galeno rectè definiatur, vt contra eos Argent. Thomas à Vega, & alij peritiſſimi opinantur.*

## COMMENTARIUM.

**P**utrefcentium humorum.] Quia ex hac historia promiſſa poterant, quæ ad curandas febres putridas neceſſaria ſunt, & hæ recta methode curari nequeunt, niſi putredinis eſſentia, natura, & cauſæ examinentur ad vnguem, placet de hoc argumento Laco-nicè diſſerere, ex tam multis quæ Philoſophorum, & Medicorum primarij controuertunt, ad cap. 1. lib. 4. meteor. & lib. 1. de feb. cap. 6. & in medendi methode, & arte medica: ſicut clariſſimi Auic. interpretes ad cap. 7. tract. 2. 1. 4. & alibi.

Adnotemus ergo illud loco primo, doctiſculè prolatum à Philoſopho 4. meteor. 1. quòd *putredo eſt natini caloris in humido exiſtentis ab extranea caliditate corruptio.* Quæ definitio non per corruptionis terminum, ſeu finem, ſed viam tradita eſt, de qua Galen. 2. acut. 44. & in art. med. 89. loquutus fuit, dicens: *Cocctio facit ceſſare pu-*  
Lib. IV.

*tre dinem.* De completa verò, & in termino, fecit commemorationem ipſe Gal. 11. meth. cap. 8. cùm inquit: *Putredo eſt totius putreſcentis ſubſtantia ab extranea caliditate corruptio:* de qua 5. ſimpl. 14. quam inſignis fœtor comitatur, putredinis manifeſtum indicium 1. prog. ult. nam quòd pius putredo intenditur, eo maior, & deterior fœtor arguitur: hic enim ab humido exuperanti contingit, à natura non regulato, nec cum ſicco exactè permixto.

Loco generis in definitione ponitur [ *corruptio.* ] Traditur per, materialem cauſam, nempe [ *calor innatus,* ] cùm enim hic ſolus, aut ſaltem præcipuus, ſit generationis auctor, ita corruptio ab illius defectu dependet. Traditur & per efficientem cauſam, nempe [ *calor extraneus;* ] hic enim natium calorem ad ſuperficiem attrahens, eſt in cauſa, quòd patibiles ſeparentur qualitates, & accidat putredo.

Deinde putredinis natura altiùs eſt indaganda, & primò ſic. Si vtræque qualitas generationis, & coctio-nis cauſa eſt efficiens, cur putredo, etiam frigoris non dicitur corruptio? Sed cùm calor innatus ſolus ſit acti- uior, præſtantior, & ſolus mixtionem conſeruet, nihil mirum ſi per illius defectum definiatur putredo, quod in hac definitione intelligi par eſt, illius ſcilicet moderari, quia antea in mixtione præexiſtebat: partes etiam calidæ, auctore Philoſopho cit. loc. cùm diminuto calore natiuo inſrigidentur, & frigidæ præternaturaliter incaleſcant, conſtat frigiditatem illam moderatam etiam diminui & corrumpi. Lege de hoc dubio Simonem Simonium, diſputatione de putredine, contra Thomam Era- ſmum, ſerè per totum.

Secundo. Si ſiccum etiam in coctione miſcetur, & diſſoluitur ab humido in putredine, cur ſolius humidi fecit commemorationem Philoſophus, cùm in ſicco etiam calor contineatur, & non minùs in hoc, quàm in illo operetur, quum ambo pariter permisceat? Dic: Caloris energia, & vis ampliùs in humido apparet, quàm in ſicco: licet enim hoc vniendo, generationis, co- ctionisſque ſit materia, præcipua tamen eſt humidum non ſolum quia aptius eſt ebullitioni, cuius ope ſit com- moda permixtio, ſed quoniam in ipſo notatur quod de- finitum, aut indefinitum ſit. Adde humidum eſſe ignis. calorisſque propriam materiam; ambo enim proſiliunt in humidum, in quò concipiuntur facilè, & conſeruan- tur, fugiunt à merè ſiccis. Conſule Duncanum Lidde- lium lib. 2. de feb. c. 1. de putredinis eſſentia, & natura.

Tertiò. Aduſtio, putrefactio eſt: nam res quæ com- burnitur, ſui innati caloris corruptionem patitur ab extra- neo, & tamen in definitione non comprehenditur. Ergo hæc totum non comprehendit definitum. Dic. Plurimis modis putredo ab aduſtione ſeparatur: primò, quia per aduſtionem calor innatus propriè non corumpitur, ſed abſumpto humido intenditur, atque aded potiùs cale- factionem & exiccationem, quàm corruptionem, ef- fuſionemue caloris & humidi importat. Secundò. Putre- factio, non defectum humidi, ſed ipſius ſeparationem oſtendit, in qua ratio putredinis conſiſtit. Tertiò. Pu- trefactio dicit prohibitam ventilationem, ſine qua nun- quam fit interna putredo. Quartò. In putrefactione ap- parent omnia humidiora; in aduſtione, ſicca & com- buſta. Quintò. In aduſtis non poſſunt generari vermes; in putredine maximè. Sextò. In putrentibus adeſt in- ſignis fœtor, ob humidum non regulatum; in aduſtis, leuis. Septimò. Putrefactio eſt à calore humido; viſtio à calore ſicco. Octauò. In aduſtis fit carbo, & verus ci- nis: in putredine autem puluerulentia excitatur. Vide Valleſium lib. 4. meteor. in com. cap. cit.

Quartò. Non videtur definitio omnem putrefactio- nis modum comprehendere: cùm ſuppuratio, quæ etiam eſt putrefactio, in ea non contineatur. Hanc autem actionem, putrefactionem eſſe, conſtat ex Gal. 1. prog. ult. Deinde puris coſectio valde aſſimilatur ſedimenti generationi, ex Gal. nuper cit. quum ergo ſedimentum ex putrentis humoris portione generetur, quæ per in- ſenſiles poros præ craſſiori modo ſubſtantia natura excerni non potuit, ex Gal. 1. feb. 6. meritò ſuppuratio,  
H H h 3 putre-

putrefactio erit : & maxime cum Gal. lib. 4. meth. 5. Hip- A  
pocratis sententiam l. de vulneribus confirmans, asseueret,  
carnem caesam ac telo contusam quamprimum suppura-  
ntibus esse putrefaciendam, vt in pus versa liquetur, &  
alia de nouo generetur, aperte significans suppurationem,  
putrefactionem esse, quod 2. aph. 47. ipse testatur:  
quoniam in pure adsunt praternaturalis caloris vesti-  
gia, nempe fœtor, qui putredinem semper comitatur.

Dic. Hac de causa suppurationem quodammodo sub  
putredinis natura contineri, licet in suppuratione vter-  
que calor concurrat: mixtus enim est calor inflammatio-  
nis, ex Gal. 2. aph. cit. & 5. simpl. 15. Quare non est ne-  
gandum, agens effectiuum, & principale, solum esse ca-  
lorem naturalem, vnde fit vt Gal. 5. simpl. 9. asserat, idem  
esse agens coctionis, & suppurationis; & ea dicenda sunt  
suppurantia, quæ vim habent augendi operationem calo-  
ris innati: calor enim praternaturalis habet ingressum  
in suppuratione, id est, non quia suppurat, sed quia vitiat,  
& putrefacit materiam, quam calor innatus concoquit,  
sine quo materia vitio suppuratio non fit: nam quemad-  
modum docet Galenus lib. 1. epid. sect. 2. com. 44. coctio,  
& putrefactio distinguuntur penes materiam in quam  
agunt, quia coctio operatur circa materiam benignam;  
suppuratio verò circa vitiosam, & ineptam vt transmu-  
teretur in naturam membri. Quare licet in vtrisque idem  
sit agens, scilicet calor naturalis, & idem finis intentus,  
scilicet nutritio, hanc tamen assequitur natura in coctio-  
ne; in suppuratione verò minime. Denique si materia  
circa quam versatur suppuratio esset benigna, quemad-  
modum illa in quam operatur coctio, non sequeretur  
puris generatio, sed potius vera coctio, & nutritio.

Quod si in suppuratione solum requiritur calor extra-  
neus, & putredinalis, tanquam vitians materiam, quum  
hæc possit esse excrementitia, & vitiosa sine calore putre-  
dinali, videtur sine hoc posse fieri suppurationem. Dic,  
licet ad suppurationem solum requiratur caloris natura-  
lis coquentis actio in materiam non benignam, id est,  
vitiatam; tamen hanc necessariò putrere: cum agitur à  
dicto calore coquente, ab hocque in loco humido con-  
tenta non rectè obtineatur, ob quam causam fit vt calor  
extraneus semper habeat ingressum in suppuratione.

Sed vnus superest scrupulus, quo pacto eadem mate-  
ria, à calore innato, & à praternaturali simul possit al-  
terari, quum quidpiam moribus contrariis moueri non  
possit. Cæterum cum ambo agentia in eadem materia  
non operentur, nihil mirum si vterque calor agat. Et D  
licet in eadem materia operentur, diuerso tamen  
tempore agunt: quæ de causa ob horum agentium va-  
rietatem, pus, & sedimentum interdum optimas notas  
habent, interdum putrefactionis signa ostendunt. Num  
autem coctio, & putrefactio in humore simul intendantur,  
differit acurissimè, vt solet Thomas à Veiga, lib. 1.  
de dif. feb. Gal. in com. c. 6. Lege Vallesium lib. 5. cont. c.  
4. Mercat. lib. 2. indicat. cap. 11.

Quintò, Philosophas loc. cit. putrescentia primò fieri  
humidiora, deinde sicciora asseuerat. Hoc videtur rationi  
dissonum. Nam aer, & aqua putrescunt. At hæc non pos-  
sunt fieri sicciora, quia semper humida manent. Ergo.  
Dic. Putredo propria & exquisita, licet omnibus rebus natu-  
ra constantibus communis sit, solum tamen mixtis per-  
fectis conuenit, vt sunt cadauera; in quibus ob mixtionis  
perfectionem dominium qualitarum actiuarum in passi-  
uas reperitur solum. Elementa, & metalla corrumpuntur,  
non per putredinem exquisitam, quia in illis dissolutio  
humidi à sicco non reperitur, sed solum veluti infectio,  
& per vapores suspectos vsque ad penitissimas partes in-  
quinatio. Sic metalla quando rubiginem contrahunt,  
improprie dicuntur putrescere; nam alia putrefactio in  
illis non animaduertiur. Hoc dicebat Arist. loc. cit. pro-  
prie putredo fit in his, quæ ex parte intereunt, & à natura sunt  
distracta, vt sunt cadauera, quæ dicuntur secundum par-  
tem corrumpi, quoniam viuencia anima constant & cor-  
pore, & separata anima cadauer relinquitur, quod est  
corpus. Iccirco omnia possunt putrescere, quia hanc par-  
tium distractionem pati possunt. Aqua sanè, aer, & terra,

quia in suis naturis impura sunt, putrescere possunt, ra-  
tione mixtionis quam participant: nam si elementa pura  
essent, putredine non afficerentur, quoniam hæc propria  
est mixtorum passio: maxime quia in illis est calor, qui  
obtinetur ab extraneo. Excepit autem ignem, quoniam  
omnem humiditatem depascitur alienam, & propria car-  
er, & ob alias rationes quas eloquenter proponit Buc-  
caferreus in com. cap. 1. lib. 4. meteor. Arist.

Sextò. Inuestigandum: An putredo per corruptionem,  
an potius per alterationem sit definienda? Nam putredo  
est actio caloris præter naturam, fitque ab extranea cali-  
ditate, & est passio caloris natui. Ergo corruptio esse  
non potest, cum non sit mutatio secundum substantiam,  
sed secundum qualitatem. Deinde Gal. 5. simpl. cap. 6.  
inter alterationes, putrefactionem reponit; vnde c. 15.  
B sequenti, dicit, medicamenta putrefaciencia esse calefa-  
cencia & humectantia; & quæ putredini resistunt, esse  
frigida & sicca: & hoc modo constitutio calida & hu-  
mida, est pestilens, & putredinosa, apud Gal. l. 1. de temp.  
cap. 4. post. med. quo etiam pacto Gal. 3. epid. sect. 3. com. 1.  
ad fin. caliditatem, & humiditatem causas esse putredi-  
nis, efficientem, & materialem asseruit. Ergo putredo  
per alterationem definiri debet, non per corruptionem,  
aut totius substantiæ mutationem.

Pro parte contraria habemus Aristotelem, & Galenum,  
qui eam per corruptionem, & per mutationem totius  
substantiæ corporis putrescentis definiunt. Dicendum  
ergo, rationem putrefactionis non in sola alteratione con-  
sistere, quia interdum humores putridi euacuatione in-  
digent, quoniam nequeunt ad pristinum statum redire,  
auctore Galen. 2. aph. 17. ad fin. & si solum aliqua qua-  
litate essent intemperati, alteratione per contraria cor-  
rigi possent: quia tamen sunt præter temperiem im-  
mutati secundum substantiam, idè sola alteratione  
corrigi non possunt. Sic partes putridæ indigent sectio-  
ne: vnde præter intemperiem, ad putredinem, mu-  
tatio totius putrescentis substantiæ ad corruptelam ne-  
cessaria est, idè Gal. 11. meth. cap. 8. & Auic. 1. 4. tract. 2.  
cap. 43. putredinem esse corruptionem non in via, sed in  
termino asseuerant: quapropter in definitione Gal. per  
mutationem substantiæ, non debemus intelligere muta-  
tionem formæ substantialis, nec torius compositi penes  
formam substantialem: cum enim non recipiat magis  
aut minus, successiue immutari non potest: res autem  
quando putrescit, successiue immutatur: non ergo im-  
mutatur secundum formam. Hoc firmari potest doctri-  
na Galeni 2. aph. com. cit. quo loco sanguinem putref-  
centem, esse sanguinem asseruit. Ergo putrefactio non  
est mutatio formæ. Idè per mutationem intelligere  
debemus non solum secundum primas qualitates, sed  
etiam secundas, & modum substantiæ: per putredinem  
enim necessariò fit separatio partium humidarum à par-  
tibus siccis, in qua putredinis essentia consistit: quare  
quæ putrescunt, non solum calefiunt, & humectantur,  
sed etiam in colore, odore, sapore, & aliis qualitatibus  
immutationem suscipiunt, quæ proximè ad rei substan-  
tiam accedunt; & iccirco putredo per corruptionem, &  
mutationem totius substantiæ definietur.

Ex iis patet, non esse recipiendam illorum interpreta-  
tionem, qui asseuerant iccirco putredinem ab Arist. dici  
corruptionem caloris proprii & natui, quia per calo-  
rem natium intelligit spiritum, & calidum innatum,  
substantiam scilicet calidam & humidam, quam firman-  
t in putrefactione corrumpi; quæ ratione putredo dicitur  
corruptio caloris, id est, substantiæ calidæ.

Sed hæc interpretatio defendi non potest: nam Arist.  
non appellat putredinem, corruptionem calidi natui,  
sed caliditatis natui: quemadmodum autem calidum  
de substantia calida dicitur, l. 1. aph. 14. ita caliditas solam  
qualitatem significat. Deinde frustra addidisset verbum  
[in vnoquoque humido.] Insuper quia cadauera, & plantæ  
iam demortuæ, & reliqua mixta inanimata non putref-  
cerent, cum calido innato destituantur.

Dicendum ergo est, Aristotelem per calorem natu-  
ralem intelligere calorem contractum ab elementis,

mixtum reliquis qualitatibus elementalibus, proportionatum, & attemperatum, ut conuenit formæ mixti, qui calor frigiditate commodè attemperatus, agens mixtionis est. Nam cum mixta fiant commodè permixtis qualitatibus passivis, humido scilicet, & sicco, dum scilicet elementa in minima diuiduntur, & diuisa, contra quantitatem, qualitate, & ordine vniuntur, & miscentur, sequitur ut illud sit proprius mixtionis opifex, quod has diuidendi, & vniendi operationes efficit; & quoniam diuisio, & unio citra motum non fiunt, nec motus citra calorem, constat quod immediatum mixtionis agens non sit frigus, sed calor frigore determinatus, qui calor natiuus dicitur.

Denique sicut hic, quando fit mixtio, pro indigentia formæ mixti patibiles qualitates permiscet, & eam mixtionem conseruat; sic etiam quando improporcionatus, neque reliquis qualitatibus attemperatur, ut decet & sit extraneus, humidum à sicco separari incipit, & per putrefactionem dissoluitur mixtum, & ad corruptionem vergit. Ut igitur Aristoteles istam necessariam consequentiam explicaret, definit putredinem per corruptionem naturalis caloris; siquidem ad eius corruptionem mixtionis sequitur dissolutio, & ex ea totius corruptio: calor tamen non dicitur propriè corruptus, aut putrefactus, sed solum compositum: dicitur tamen calor visciatus, qui separat, dissoluit, & putrefacit. Ex quibus constat, quæ ratione putrefactio dicatur corruptio.

Septimò. Etiam videtur difficillimum, siue hæc corruptio naturalis, an præter naturam: quoniam Aristoteles *loc. cit.* inquit, putrefactionem esse contrariam simplici generationi; & senectutem, & ariditatem ad eam ducere, & esse naturalem finem omnium natura constantium, nisi violenter corrumpantur. Ex qua doctrina constat, putredinem esse naturalem corruptionem, & mixta omnia naturaliter per putredinem desinere.

Hæc tamen doctrina nec rationi, nec Aristoteli, aut Galeno videtur consentanea. Primò, animata morte naturali pereunt, quæ tamen putrefactio non est. Ergo putrefactio non est finis omnium natura constantium. Pater: nam quæ putrescunt, id à calore extraneo patiuntur; quæ autem senescunt, & naturaliter desinunt, à calore naturali, & proprio pariuntur: nam sicut calor natiuus fuit principium actuum generationis, sic est principium senectutis, & mortis, ut colligitur ex Gal. *lib. de marcore, cap. 3.* Deinde Arist. *lib. de respirat. cap. 10.* in eo distinguit mortem naturalem à violenta, quod huius principium extrinsecum sit, illius verò intrinsecum, & in ipsomet animali. Sed principium putredinis extrinsecum est, quum fiat à calore alieno, & præter naturam. Ergo putredo non est corruptio naturalis.

Ut verò hæc fiant manifesta, aduersas simplicem generationem appellari ab Arist. *loc. cit.* eam per quam mixta ex elementis immediatè generantur: cum autem ea sit mutatio à passivis seiunctis ad coniuncta; putrefactio verò contrà à passivis coniunctis ad diuisa, sine seiuncta, erunt mutationes contrariæ, utpote à contrariis terminis in contrarios; unde meritò vocat Arist. putrefactionem, contrarium maximè commune generationi mixti, quoniam per putredinem mixtio dissoluitur, & mixtum in elementa soluitur. Consule Matthiam Flacium in suis *disputat. Medicophysicis, disp. 2. de Putredine.*

Deinde notabis, putrefactionem aliquando naturalem esse, aliquando violentam: illa dicitur naturalis, quæ rebus non antè accidit, quàm calor natiuus ita seipsum temporis processu debilitat, ut corruptus ab extraneo, ad conseruandam mixtionem impotens fiat. Violenta illa nuncupatur, quæ viciato calore proprio, ante legitimum tempus à natura præfinitum contingit.

De priori intelligendus est Aristoteles, dum asseruit putrefactionem esse finem omnium natura constantium, & simplici generationi contrarium esse commune. Hac ratione desinunt plantæ: & animalia post paulatinam arefactionem naturaliter intereunt. Dicitur autem naturalis, etiam si fiat à caliditate præter naturam, & principio extrinseco, quoniam propter debilitatem caloris naturali,

ter contingentem, accidere solet; & quia ad operationem naturæ consequitur, quo nomine etiam nuncupari potest naturalis, ex Gal. *lib. de marcore, cap. 2.* Lege Argenterium, *com. 1. in art. medic. fol. mibi 601.*

Ad obiecta verò dicendum est, animata perire morte naturali, quæ non est putrefactio: nam ea mors est corruptio animati quatenus animatum, non verò quatenus mixtum, quod post mortem naturalem per putrefactionem desinit; & sic est intelligendum, quod ait Arist. arefactionem, senectutem, & corruptionem ad putredinem ducere, quoniam videlicet post interitum animatorum sequitur putredo.

Octauò. Dubitandum est: vtrum putredo à caliditate ambientis oriatur semper? Contrarium enim videtur consonum Aristoteli, *4. meteor. cit.* qui quærens, quare per hyemem res minùs, quàm per æstatem & calorem putrescant; respondet, quia tum temporis calor in aëre, & in aqua paucior est. Ergo non oritur solum putredo à calore aëris ambientis, sed etiam à calore aquæ, immò & terræ. Deinde, putredo quæ fit per contactum putridi corporis, vera putredo est; & tamen non fit à calore aëris ambientis. Ergo non semper ab aëre oritur putredo. Insuper, quando à frigiditate aëris ambientis prohibita transpiratio putredinem inducit, hæc à caliditate aëris non emanat. Non est ergo semper caliditas ambientis efficiens causa putredinis.

Dic. Aristoteles vocat calorem ambientis siue continens, omnem qui proprius & insitus non est, sed alienus & extraneus, siue is sit aëris, siue aquæ, aut terræ, vel cuiuscunque alterius rei. Immo quando putredo ab una parte eiusdem rei in aliam serpit, à calore ambientis fit, quoniam non fit à calore insito & proprio, sed à calore alieno. Philosophus autem exemplum in caliditate ambientis proposuit, quoniam hæc est maximè corruptiua, vel quia quæcunque res calorem insitum reddit extraneum, habet se respectu illius, instar ambientis externi, quum illi sit extrinseca; denique omnia quæ continent, & ambiunt rem quæ putrescit, nomine continens intelligit Philosophus. Ita putrent metalla, carnes, pisces, fructus, Ex quo ad primum, & secundum argumentum solutio pater. Tertium dilues si dicas, in aëre frigido putredinem ex prohibita transpiratione, non ab ipsius aëris frigore, sed à fuliginum calore, quæ à frigiditate constipante detinentur induci: illæ autem nomine ambientis in definitione putredinis etiam comprehenduntur. Lege Eustachium Rudium, *lib. 3. de feb. cap. 11.*

Ultimò. Non minùs controuersum est apud Philosophos, & Medicos. An calor extraneus sit perpetua putredinis causa, ut Arist. & Gal. asseruere. Primò. Obstat ipse Arist. qui *4. meteor. cit.* asseruit putredinem esse frigiditatis propriæ, & caliditatis alienæ communem affectionem. Secundò. Renuere videtur. Gal. *1. de loc. 2. vbi* à frigore corruptos fuisse, & putruisse pedes manifestè affirmat. Tertio. Sequeretur, res in temporibus, & locis frigidis, nulla ratione putrescere; quod est contra experimentum. Quarto urget & illud. Si causa immediata putredinis est debilitas caloris innati, cur à frigore potius non orietur putredo, quàm à calore extraneo, si ampliùs innatus calor à frigore, quàm à calore debilitatur, & ad paribiles qualitates regendas redditur ineptus debilitari etiam calorem insitum ab humidi copia, inopia, & ineptitudine, certum est. Ultimò. Omnes febres essent putridæ, quum omnes præternaturalem, extraneamue calorem secum importent: quod falsum esse nemo non videt.

Vidère istam controuersiam inter alios Argenterius *lib. 3. art. med. fol. 338.* & Thomas à Veiga in *com. cap. 3. lib. 1. de diff. feb. Gal.* ille his conuictus, non semper à caliditate extranea putredinem proficisci arbitratur; hic liberum relinquit unicuique quod velit opinari. Sed standum sententiæ Philosophi, & Gal. arbitrantium, causam efficientem putredinis semper esse calorem excedentem, & præter naturam, ut ex vtraque definitione colligi potest, & docet Gal. *3. epid. sect. 3. com. 1. ad fin.* dicens: *Et videtur putredo omnis ex materia quidem gigni humida; ex causa verò efficiente, extraneo, & præter naturam calore, &c.*

Hic calor naturalem calorem educit, quoniam proprium humidum continere nequit, in quo consistit: res enim putrescens caliditate extranea funditur, & ebullit; & calor naturalis propter feruorem exolutus secum educit humidum: ob quam causam res putrescentes exterius humidiores apparent, interius sicciores, humido cum ipso calore à centro ad circumferentiam attracto; quo nomine putrescentia etsi in principio reddantur humidiora, tandem in finem, & cinerem soluantur, ex Arist. 4. meteor. cap. 1.

Ex iis manifestè patet, quid ad auctoritatem Arist. sit respondendum: nam Gal. 2. de temp. cap. 6. asseuerat, illa quæ putrescunt, quamuis alieno calore calida sint, proprio tamen esse frigida: idè Arist. nihil aliud eo loco asseuerat, quàm in rebus putrescentibus concurrere debilitatem caloris natui, & excessum caloris extranei. Ad secundum respondet Vallesius loc. cit. frigus ambientis per se non deduxisse pedes ad putredinem, sed ex accidenti, refrigeratione enecante membra, vel cutis meatus constipante; quare innata ventilatione prohibita subiectum putredine occupatur. Hoc modo cadauera sub terra sepulta putrescunt, licet citra calorem continentis, suo tamen facto alieno, & extraneo, quo occupata primò defluunt rabo, post in terram abeunt cum foetore eximio, & planè cadauerali. Ad tertium, In temporibus, & locis frigidis, res à frigiditate non putrescunt, sed ab excessu caloris extranei, reperti vel in vaporibus, & fuliginibus detentis, vel in aëre existente in porositatibus rei putrescentis. Ad quartum, Essentia putredinis consistit in separatione humidi à sicco, & eius ad circumferentiam attractione, præcedente feruore, & ebullitione humidi. Sed separatio, extractio, & ebullitio non possunt fieri à frigore, sed à calore. Ergo. Et licet frigus magis aduersetur innato calori, quàm extraneus calor; prius tamen est passiuas qualitates separari, ac humidum attrahi ad extrà, quàm debilitari calorem. Quamuis autem plurimæ causæ adsint, quæ natium calorem debilitant, hæc sunt mediata, & secundaria. Nec inde omnes febres appellabis putridas: nam calor diariæ, & hæticæ est siccus, humoralium verò, & putridarum, humidus. Consule Santorcellum lib. postpraxis, fol. 127. qui hoc argumentum ingenue agitauit.

Solus ergo extraneus calor est primaria, immediata, & perpetua causa putredinis. Nam coctio fit à calore naturali; putrefactio à frigiditate propria rei putrescentis, hoc est, minutione & debilitate natui caloris, & excessu extranei: putredinem autem coctioni esse contrariam probauimus lib. 2. in com. hist. 66. Nam cum res putrescunt, partes frigida præter naturam incalescunt, partes naturalis calidæ dissipatione calidi innati refrigerantur: ut cum ex vino acetum fit, pars aquæ, & frigida, putredinis calorem comparat; vinosa verò, & calidæ extincto calore frigida manent. Sed cum calor extraneus ebulliat, effervescat, & infiliat in humidum, omnia putrescentia, antequam in cineres redacta sint calent præter naturam: putredinem autem esse causam caloris, manifestis exemplis patefecimus lib. 1. in com. hist. ult. Sed de putredinis definitione hæc sint satis, modò de eius causis disputemus. Consule pro explicanda putredinis definitione, Thomam Erastum disputat. de putredine, & Argenterium in com. cap. 89. art. medic. Galeni: de quo argumento elegantissimè disceptauit Petrus Æneas Caprilius, Medicus Ferrariensis doctissimus, lib. 1. de febrib. putridis, in med.

## Q V Æ S T I O X I.

Utrum putredo præter varias causas, perpetuè à prohibita transpiratione oriatur, ut contra Gal. asseuerant Gentilis, Dinus, Vgo, Harculanus, Lemsius, Vallesius, Thomas à Veiga, & alij Medici scientissimi.

**A**Rduum est post tot, tamque celeberrimos viros, de putredinis causis promere sententiam, sed quia

A cogente stilo nostram proferre est necesse, aduertimus, post doctissimum Galenum, qui abundè in lib. meth. & de diff. feb. hanc exsoluit difficultatem, nullum auctorem magis concinnè, & appositè eas descripsisse quàm Auicennam: hic enim facundus auctor 1. 4. tract. 2. cap. 1. numerosas febrium putridarum causas enarrat, quarum prima est causa efficiens, nempe calor extraneus, vel præter naturam, qui, ut ipse inquit 2. 1. doct. 2. sum. 2. cap. 1. in med. calorem innatum ad exteriores partes educit; quare debilis innatus passiuas regere non potest, & sic separatur humidum à sicco, & subiectum in exteriori parte redditur humidius, & non cessante putrefactione in cinerem conuertitur: quod ferè intelligendum est; nam metalla quum putrescunt, potius cariola fiunt, & rubiginosa. Ex iis constat, multò minùs putrescere res in locis, & temporibus frigidis, quàm in calidis. Ceterum est etiam, quòd ea quæ ex sua natura calida sunt, multò difficiliùs putrescunt, veluti piper, zingiber, cinnamomum, & alia huiusmodi. Verum etiam est, magnas res difficulter putredinem contrahere, quia virtus vnita fortior est.

Secunda causa est humiditas, & pro materiali causa ab omnibus constituitur, nihil enim sine humiditate putrescere potest, & idè putredo quiete augetur: motu enim, & exercitio ampliùs illa absimitur, monente Galeno lib. 3. epid. sect. 1. com. ult. quoniam quod omni ex parte siccum est, putrescere nequit, ut experientia constat, & Aristoteles f. mat. lib. 4. meteor. cap. 1. cit. ubi docet omnia putrescere, excepto igne: neque obstat quòd lib. 26. probl. 20. etiam aërem non putrescere asserat: nam etiam si Christoph. à Vega lib. 1. de diff. feb. in com. cap. 6. part. 2. asserat hanc sententiam non esse Aristotelis: tamen errat: nam loquitur de aëre syncero, & puro, qui putrescere non potest. Hinc constat, corpora quò sunt humidiora, eò putredini ampliùs esse obnoxia, maximè si humiditas illa calori sit coniuncta, ut voluit Gal. 8. meth. cap. 7. & lib. 1. de diff. feb. cap. 3. post med. & lib. art. medic. cap. 57. & inductione probat Gal. lib. 1. de temp. cap. 4. post med. quæ etiam ratione 4. simp. cap. 14. docet, vinum, & mustum propter humiditatem superfluam facillimè putrescere, præsertim si aëri, aut vento calido exponantur: quo etiam pacto nihil à frigido, vel à sicco putrescere posse, exemplo posito in carnibus cit. de temperam. Gal. confirmat.

Causa formalis putredinis est ipsa corruptio, monente Galeno lib. 2. de diff. feb. cap. 9. Finalis causa est incineratio: quæ enim putrescunt finis & cinis fiunt; huc enim putredo dirigitur: licet enim in combustionem, quæ fit à calore vehementi & forti, qui simul alterat, & corrumpit, incineratio accadat, ex Arist. 4. meteor. cap. 3. & Aphrodis. 1. probl. 64. tamen illa quæ euenit in putredine est remissa; quia quæ putredinem efficiunt, pigrè & morosè agunt. Ex his constat causam foetoris in putredine, esse humidum à calore non rectè gubernatum; quare contraria ratione flores suauiter olent, quoniam humidum exactè à calore obtinetur.

Porrò Auicenna loc. cit. præter has vniuersales putredinis causas, alias constituit, quarum primam profert cibum, seu alimentum, de quo probat septem modis putredinis causam esse posse, quos infra, in com. hist. 13. tanquam in commodiori loco explicabimus. Secunda putredinis causa, est obstructio, ex Gal. lib. 1. de diff. feb. cap. 3. post med. & 11. meth. 4. quæ vel est angustia meatuum, quum pori redduntur angustiores, & propriè dicitur stipatio, siue constipatio, siue adstrictio; vel est infarctus, seu plenitudo meatuum vel pori ab aliquo replente, & verè vocatur obstructio. Latius tamen de vtraque affectione dicitur obstructio, ut quando diuiditur in coarctatoriam, & attenuatoriam. Obstructio ergo latè sumpta, causa est putredinis, quoniam ventilationem prohibet: diffiatur autem duplici modo corpus, auctore Gal. lib. 1. de diff. feb. cap. 3. effusus ad exteriora vaporosis, ac fuliginosis recrementis, ac rursus intro attracta refrigerante aërea substantia, cuius ope calor innatus transpirat: qua ratione duplici modo prohibita diffiatio contingit, & calor extraneus augetur, quoniam naturalis



naturalis non rectè attemperatur, fuligines non expurgantur, & sic cor, visceraque, gliscunt, & excandescunt, ad quorum calidam intemperiem sequitur putredo. Deinde calor innatus, cum ob obstructionem prohibeatur diffilari, minuitur & debiliior fit, & sic non potens regere humidum cum sicco, subiectum à calore extraneo obtrinetur, & sequitur putredo. Insuper intemperies ab obstructione suborta humores vitiosos generat, qui citissime putrescunt.

Tertia putredinis causa est aer, qui dupliciter inquinari potest, ex Gal. *lib. art. medic. cap. 85.* vel secundum qualitates, vel secundum substantiam. In substantia dicitur immutari, cum putrescit, vel acquirit deleteriam, aut malignam, à cælo, vel aliunde communicatam qualitatē: putrescit autem aer ob plures causas, inter quas assignandæ sunt prauarum rerum exhalationes, quæ cum ipso permisceri solent, ut ex aquis stagnantibus, & rebus quæ in aquis macerantur, ut probat Baptista Theodosius *epistol. 53.* à vaporibus eleuatis à terra, & aqua; ab iis quæ per ipsum aerem deferuntur, cuiusmodi sunt grandines, pluiæ, pruina, ventorum varia genera, nubes, tonitrua, fulgura, hiatus, ardores, stellæ currentes, voragines, necnon ab iis quæ oculis nostris conspicua videntur, ut Iris, Halo, Aëra, Virga, ex quibus aer ipse inficitur, ac redditur impurus: sicut à cadaueribus, corruptis frugibus, leguminibus, oleribus, paludibus, barathris, & ab aliis putridis exhalationibus: quas ex professo numerat Montanus *part. 2. vniuers. medic. tit. de aëris bonitate, aut malitia*: & Galen. prius proposuit *lib. 9. meth. cap. 5.*

Deinde Aer corrumpitur à cæli influxu, ut communi Astrologorum, & Medicorum consensu ratum est, hoc est, à maligno, & occulto siderum, & planetarum omnium aspectu; vel ab eius mutatione secundum qualitates manifestas, ut in ortu caniculæ, vigente maximo æstu frequenter conspiciamus. Sed quid respondebimus Philosopho *lib. 25. probl. 20.* aerem non putrescere asserenti? Dic. Aer prout sumitur pro elemento puro, non putrescit, quia putredo mixtorum est passio: si verò corrumpitur, id accidit ratione mixtionis, cuius est particeps.

Quarta putredinis causa, sumitur ex parte humorum, à quibus fit obstructio, à qua emanat putredo. Obstructionis causa triplex est, humorum multitudo, crassities, lentor, ex Gal. *9. meth. 1. & 11. meth. cap. 8. & lib. de caus. morbor. cap. 7.* Auic. *1. 4. tract. 1. cap. 33. & 2. 1. doct. 2. sum. 2. cap. 6.* Obstructio prout conspationem significat, ab aliis etiam causis emanat, ex frigore ambientis, balneis, rebus exiccantibus, tumoribus præter naturam, vel aliqua re adnata, ut callo, carne, calculo, ut firmat Gal. *lib. 1. de loc. affect. cap. 1.* posito exemplo in retentione vrinæ.

Deinde diuersitas putredinis desumitur, ex varietate quatuor humorum, qui putrescere possunt, quorum putredo cognoscitur ex vaporibus eleuatis, qui naturam redolent humorum à quibus eleuantur: numerantur autem humores solum, licet alia etiam putrescere possint, ut vermes, stercus, pus, membrum, chylus, excrementa terræ coctionis, & spiritus, quia frequentius putredine occupantur, maxime cum febres ab aliis substantiis exortæ, ad putridas sint reducendæ.

Insuper diuersitas putredinis ex parte loci est desumenda auctore Auicenna *1. 4. tract. 2. cap. 1.* nam putredo quandoque est communis vniuerso corpori, quandoque in vno membro determinato reperitur. Appellatur autem communis, non quod in toto corpore, & in vnaquaque parte reperitur, sed quod existat in venis omnibus, vel in maximis, & præcipuis, ut docuit Gal. *lib. 1. meth. cap. 4. 5.* Quoniam putredo vel inæqualiter in omnibus subsistit vasis, vel in maximis, maximeque principalibus, ea porro sunt inter alas, & inguina; vel in vna quapiam particula, qua vel phlegmonem in se habet, vel etiam circa phlegmonem principium febris in se continet, &c. Quo pacto est intelligenda doctrina ipsius *cap. 8. sequenti ad fin.*

Putredinem verò quæ in aliqua parte consistit, ut in febribus intermittentibus, & tumoribus præter natu-

ram, quatuor de causis accidere certum est. Prima, ob partium debilitatem, cuius ratione partes excrementa a'iarum partium corporis recipiunt, ut docet Gal. *lib. de sang. mis. cap. 8. & lib. de caus. morbor. cap. 6. post. med.* quare imbecilles partes excrementitios humores in ipsis receptos à se expellere nequeunt, & tunc per paulatimam congestionem excitatur putredo. Accidit etiam, quoniam pars debilis alimentum sibi commissum concoquere nequit, quare semicrudum relictum à regimine naturæ putrescit. Secunda, ob caloris exuberantiam, cuius ratione partes immodicè attrahunt: nam calor attrahit, ex Galen. *6. de usu part. cap. 15. & alibi.* Tertia, ob caloris acrimoniam, ut quando cum calore coniungitur siccitas, cuius causa calor mordacior fit, & magis attrahit. Quarta causa dolor est, ob quem pars debilis vehementer attrahit, ex Gal. *2. de diff. feb. cap. ult. & 5. aph. 53. & alibi.*

Amplius, varietas febrium putridarum ex parte humoris putrescentis desumenda est: nam ex bile generatur tertiana; ex pituita, quotidiana; ex melancholia, quartana; ex sanguine verò gignitur conclusa, ut *loc. cit.* firmavit Auicenna: quod etiam docuit Gal. *lib. 2. de diff. feb. cap. 1.* Ex dictis colligitur deceptum fuisse Iouertum, frustra contra maiorum placita debacchantem, qui *2. paradox. 2.* nullas febres salubres ex putrescentibus humoribus, sed efferuescentibus, & adustis concitari; immò *paradox. 3.* omnes febres putridas ex bile potissimum generari asseuerat: cuius argumenta eleganter dissoluit Thomas Erastus, *disputat. de febrib. part. 1. & 2.*

Necessarium pariter, & inexcusandum argumentum est, & ad curationem febrium putridarum vtilissimum: possitne putredo citra prohibitam transpirationem generari. Galenus *11. meth. cap. 4.* eam semper à prohibita transpiratione oriri pronunciat. *5. Ergo ostensum est, ubi morborum causas reddidimus, illa tantum putrescere corpora, quæ cum calida humidaque natura sint, neque perflata, neque ventilata, in calido & humido loco maneant, &c.* Similiter etiam *lib. 1. feb. 3.* docet, putredinem à prohibita ventilatione semper habere ortum: & *5. simpl. cap. 15.* asserit, non omnem corruptionem esse putredinem, sed corruptionem cum fœtore: & *1. prog. ult.* graueolentiam signum esse putredinis confirmat: Sed fœtor solum à prohibita distillatione contingit, auctore Arist. *lib. 13. probl. 8. & 10.* dum enim quatit, quare inter omnes corporis partes axillæ magis fœteant, & cur gibbosi expirationem grauius olentem reddant; respondet, quia habent inapeditam transpirationem. Eandem sententiam videtur confirmare Gal. *lib. 9. meth. cap. 4.*

Pro parte contraria plurima sunt, eaque validissima argumenta. Extat in primis celebris Galeni locus, ex *lib. de inæquali intemperie, cap. 7.* dicentis: neque enim ea solum quæ conciliata sunt, & per spiratū prohibita putrescunt, verum celerissime ea, maximeque, cæterum putrescunt & alia multa, quæ putredini sunt opportuna, &c. & *lib. 2. feb. cap. 9.* inquit: sanguinem putrescere, aut quia non diffilatur, aut quia non gubernatur à natura: & *lib. 1. feb. 3.* asserit, in plenitudine quoad vires citissime putredinem euenire, quia vis quæ regit, inualida est: & *cap. 4.* sequenti docet, corpora quæ adstrictionibus, & obstructionibus carent, & bene diffilantur, raro in febrem pestilentem incidere. Ergo præter prohibitam transpirationem, alia causa putredinis est assignanda. Et *lib. de caus. morbor. cap. 8.* non solum putrescere quæ non transpirant, sed putredinem à medicamentis putrefacientibus oriri affirmat.

Deinde, si putredo semper oriretur à prohibita transpiratione, ineptè Galenus *lib. de caus. morbor. cap. 2. & lib. 1. de diff. feb. cap. 3.* putredinem à prohibita distillatione distingueret.

Secundò. Si prohibita transpiratio esset perpetua causa putredinis, includeretur in definitione putredinis, ab Arist. & Gal. proposita; Ergo, &c.

Tertiò. Putrefactio est naturalis corruptio mixti, ex Arist. *loc. cit.* Sed mixta plurima possunt prohiberi à mala distillatione. Ergo si sola prohibita distillatio esset causa putredinis, posset curari naturalis corruptio mixti.

Quartò.

Quartò. Putredo est corruptio innati caloris ab extraneo. Sed potest hæc corruptio à calore extraneo contingere multis aliis de causis, præterquam à prohibita diffilatione, auctore Auic. 1. 4. tract. 2. cap. 2. Ergo. Nam à contactu rei putridæ emanet, ut in uvis, pyris, & aliis fructibus experimur; deinde oritur ab aëre putrido, & pestilente inspirato.

Quintò. Res solidæ externæ, quæ magis resistunt putredini, bene ventilatæ citra prohibitam diffilationem putrescunt. Ergo interni humores similiter etiam putrescere possunt.

Sextò. Non solum in plenitudine quoad vasa, sed etiam in plenitudine quoad vires putredo contingit: in illa propter prohibitam diffilationem; in hac minimè, quia non includit obstructionem, sed ob debilitatem innati caloris, humorem gubernare non potest. Ergo, &c.

Septimò. Ventilatio iccirco præseruat à putredine, quia calorem naturalem moderata sua frigiditate conseruat, & eius prohibet corruptionem ab extraneo calore: sed carnes, pisces, & alia putrescunt, quando ventilantur ab austro, vento calido & humido, ex Gal. 4. simpl. 13. & 14. & non solum in cerealibus, fructibus, herbis, imò & in omnibus aliis observare præcipit Mathiolus lib. 1. in Diosc. in proœmio: & tempore pestis generatur in corporibus putredo. At tunc temporis respiratio est libera. Ergo.

Octauò. Plures sunt causæ conseruandi calorem, quàm perspiratio. Ergo plures erunt causæ putredinis, quàm prohibita ventilatio. Maior patet; nam medicamentum mediocriter calidum, aut tegumentum ventriculo insitum coctionem iuuat: & calorem naturalem roborat.

Vltimò. Corpora latorum pororum, & contexturæ raræ, si à caliditate aëris ambientis superentur, in febres incidunt putridas, & tamen in his corporibus non prohibetur transpiratio. Ergo.

Hæc tam repugnantia argumenta auctores cum rimarentur varios excogitarunt soluendi modos, Dinus, Harculanus, Vgo, & veteres Auicennæ interpretes loc. cit. quos sequitur, & explicat Vallesius lib. 5. cont. cap. 26. Galenum asserentem putredinem perpetuò oriri ob prohibitam transpirationem, interpretantur de putredine humorum, quæ oritur à causa interna, quasi ab hac non possint humores putrescere, aut in toto, aut in parte corporis, quin adsit prohibita transpiratio. Sed hæc explanatio recipienda non est: nam putredinis humorum causa etiam asseritur plenitudo quoad vires in qua citra obstructionem, aut prohibitam diffilationem humores putrescunt, ea solum de causa, quoniam non bene à natura reguntur: plenitudinem autem quoad vires, efficientem putredinem, esse causam internam, nullus ignorat.

Gentilis cit. loco aliter interpretatur Galenum, asserens prohibitam diffilationem dici perpetuam causam putredinis, non quia huius sit semper efficiens causa, sed quia semper concurrat cum ea, ut communicans, vel coagens, id est, quia etiam si putredo fiat non præcedente prohibita diffilatione, tamen humor ex putredine redditus calidior incongruè diffilatur, quoniam attractus aër eum sicut oportet non attemperat, quare cum non sufficiat diffilatio, ut calor auctus refrigerari queat, ad humorum putredinem coagens est: quia cum putredo oriatur à calore alieno, & calor dum agit in substantiam humidam, semper eleuat fumos & vapores, qui meatus internos, & externos obstruunt, & prohibent transpirationem, sit ut putredo tam à causa interna, quàm externa, citra prohibitam transpirationem concitari possit, nunquam tamen citra ipsam reperiatur, quia ad calorem putridum necessariò prohibita transpiratio consequitur. Hanc opinionem omnes Latino-barbari postea sunt sequuti.

Sed non satisfacit viri alioqui doctissimi interpretatio hæc: nam præterquam quòd peruertit significationes verborum, repugnat manifestè Galeno in lib. 1. de diff. feb. cap. 4. ubi ait, quòd ea corpora quæ adstrictionibus, & obstructionibus carent, & pura sunt, difficulter incidunt in febrem pestilentem, & cum incidunt, faciliè sanantur, quia bene diffillantur: quare sicuti putredo febris pestilentis citra prohibitam transpirationem concitatur, si hanc secum

non compatitur. Præterea quando alimentum putrescit in ventriculo, vel propter intemperantiam calidam, vel quoniam est putrefactioni idoneum, ea putredo sine prohibita transpiratione incipit, neque deinceps ob capacitatem ventriculi prohibita diffilatio sequitur. Deinde, quando in dolium vini semiplenum res putris proiicitur, ob illius rei contactum vinum putrescit citra prohibitam transpirationem, neque hæc deinceps impeditur. Ergo.

Thomas à Veiga lib. 1. de diff. feb. in com. cap. 3. arbitrat, prohibitam transpirationem non esse perpetuam causam putredinis, sed frequentem, ita ut in generatione putredinis obtineat rationem causæ sine qua non; & ita Galenus non affirmat, putredinem habere perpetuò pro causa prohibitam ventilationem, sed solum asserit, putredinem maximè, frequenter, & facillimè ab illa concitari, & hanc ab obstructione, quæ vel est in re quæ putrescit, vel in loco ubi putrescit. Sed huius opinio non est vndeque vera: Nam flante subsolano vinum in doliis citra aliquam obstructionem putrescit; & hæc in vino assignari non potest, quoniam tenuius multò, & rarius efficitur, quum acescit, & acetum tenuius est vino. Rursus in dolio, siue pleno, siue semipieno, vinum acescit, si est languidum. Ita experimur sanguinem putrem multò magis esse fustum, quàm antea, ita ut ex venis extractus crescere nequeat. Ergo obstructio pro generanda putredine necessaria non est, neque in re putri, neque in loco ubi putrescit.

Sed relictis aliorum expositionibus, me Græcorum candore illustratum audias rogo, qui illorum Mineræ ingenuæ minimè reluctor: nam semper putredinem cum illis, à prohibita transpiratione concitari affirmo. At ut meam mentem rectè percipias, aduerte tria. Primum, quòd per diffilationem, intelligimus eam ventilationem, quæ sit attracta aërea substantia frigida, & expurgatione fulginum, quæ non solum à facultate vitali, sed etiam à naturali expultrice perficitur. Secundum, quòd per impeditam diffilationem, intelligendum non est ut cesser omnino, aut quòd minor, quàm sanitatis tempore sit; nam interdum multò maior est: sed quòd ad naturam corporis non sufficiat, aut humoris, aut spiritus, qui in ipso continentur; deber enim esse corpus fluxile, & transpirabile, ut Hipp. reulit lib. de aliment. num. 4. & non minus humores, & spiritus, quàm corpus diffilationem, ut conseruentur, expostulant. Vltimum, quòd prohibita diffilatio, & transpiratio non solum oritur ex obstructione, sed etiam ex adstrictione, & densitate cutis, copia humoris qui facultatem vitalem, aut naturalem opprimit, siccitate articularum, dilatationem & contractionem impediende, augmento caloris, fuliginum copia, ex quibus prohiberi transpiratum, Galenus locis citatis manifestè edocuit.

Porro rationem meæ assertionis ita perpende. Calor præter naturam, qui principium est putrefaciendi, non putrefacit quia imminuitur, ita ut hac ratione asseratur putredo, affectio propria frigiditatis, id est, remissi caloris; nam quamuis verum sit, in fine putredinis diminui calorem, ob humidi absorptionem; & finita putredine calorem extinguere, separato humido à sicco, & evanescente; toto eo tempore quo fit putredo; & viget, non imminuitur caliditas, sed potius intenditur, ut ostendunt febres putridæ, inflammationes quando ad suppurationem vergunt, putrescentia stercora, in quibus propter putredinem accenditur caliditas. Hic calor non putrefacit, quia intensior est: nam hac ratione caliditas ignis, aut feruentis solis, febris diariæ, hecticæ, medicamentorum vrèntium, quæ septica vocantur, putrefaceret; quod est falsum, quia nunquam darentur hæc febres sine putredine. Putrefacit ergo hic calor, quia viriatur, & impurius redditur; quod contingit, quia substantia cui inhaeret, nebulosa, vaporosa, aut maligna qualitate, & recrementitia humiditate inficitur: quum enim adiunctam habet siccitatem, liberè permeat, & non impeditur, tunc non putrefacit, sed potius à putredine præseruat; & si corrumpit, quia modum excedit, illud facit exicando, & comburendo: nam prohibita diffilatio non solum intendit calorem, quia hic attracta aërea substantia commodè

commodè non attemperatur, sed etiam impedita purgatione fuliginum, illius vitiat qualitatem.

Ex hac doctrina dilucidè constar, quomodo contactus rei putris vim habeat putrefaciendi, quia communicantur vapores putridi, qui cum sint calidi & humidi, non solum augent calorem rei quæ putrescit, sed eius qualitatem vitiant, & inficiunt; quare ob impeditam transpirationem, tum à vaporibus externis meatibus rei adhærescentibus, tum etiam ab his, qui actione caloris naturalis eleuantur, caliditas rei non ita vrantè diffiliari potest. Eodem modo humoris copia virtutem opprimens, vim habet putrefaciendi, quando tanta est, ut neque transmutari, neque expelli possit: tunc enim fuligines remanentes cum commodè non expurgentur, transpirationem impediendo qualitatem caloris vitare nata sunt.

Si ergo iis instructus, argumenta contempleris attentè, ea facillè solues. Nam Galenus quando distinguit putredinem à prohibita transpiratione, est, quando hæc ex obstructione, & curis densitate emanat. Neque ille intelligendus de prohibita transpiratione vniuersali, sed particulari, à qua putredo solet distingui, quia non semper ab illa oritur. Quando verò affirmat, non solum putrescere quæ non transpirant, sed aliis modis, ita explicandus est: Non solum res putrescunt, quando continentur in locis, in quibus non diffilantur, sed etiam propter rei putris contactum, aut facultatis imbecillitatem, etiam si loca in quibus sunt, optime diffilentur: quia caliditas quæ inhæret rei, non rectè ventilatur.

Ex iis patet solutio illius problematis, quod proponit Philosophus lib. 4. metaph. cap. 1. iuxta fin. quod mota minus putrescunt, quàm ea quæ quiescunt: nam soluit Arist. quia motus qui excitatur à calore ambientis, minor est illo qui est in re quæ mouetur. Quæ verba duplicem sensum habere videntur; alter, quod sit maior calor in re quæ mouetur, quàm in ambiente; sed non explicat mentem auctoris; quoniam sæpe multo maior caliditas est in re quæ mouetur, ut constat per æstatem, & quando exercitatio est moderata. Præterea multa sunt, quæ ex motu calorem acquirunt, ut patet in aëre, & aqua. Secundus sensus est, quod res quæ mouetur, minus patitur ab impressione aëris ambientis, quàm res quiescens propter moram: & hic licet verus sit, omnino tamen problemati non satisfacit; multa enim citra impressionem aëris ambientis putrescunt. Dic ergo, & fortasse melius, quoniam quæ mouentur, commodius diffilantur, & à suis recrementis purgantur. Hæc responsio firmatur experimento: vestes enim agitatione, & concussionem facta cum virga, solent à putredine præseruari, quia sic à pulvere, & aliis superfluis solent repurgari, quæ transpirationem impedire nata sunt.

Quod si post motum sequatur putredo, ut accidit quando post laborem, aut exercitacionem consequitur febris putrida, non contingit solum propter intensiorem caloris, nisi simul prohibita transpiratio accedat, ut experimur in iis qui post laborem incalescentes aëri frigido se exponunt, aut manent in loco frigido, bibunt gelidam, aut tunicam sudore infectam non mutant, aut si illorum corpus humoribus sit repletum, qui extrorsum commoti cutaneos meatus obstruunt.

Nihil verò te moueat, quod idem Aristoteles profert 22. probl. 4. & 25. i. probl. 16. quærens, quare ea quæ in vitribus, & vasis plenæ ob turatis continentur, non solent putrescere. Nam respondet, quia manent immota, & ea quæ putrescunt, necesse est moueri. Igitur ea quæ mouentur, magis putrescunt. Soluit, dicendo duplicem esse motum, localem & alterationis: ea quæ mouentur, motu locali, minus solent putrescere; motus verò alterationis putredini est necessarius, ita ut omnia quæ putrescunt, necesse sit prius alterari: quare cum in vasis plenæ ob turatis non pateat aëri ingressus, à quo possint res alterari, non solent putrescere, quia manent immotæ; hoc est, in alteratæ. Contrà autem in vasis semiplenæ aëri datur ingressus, & sic res contentæ alterantur, sed cum neque ingressus, neque egressus liber sit, prohibetur eorum diffusio, & putrescunt. Lege Christoph. à Vega lib. 1.

A de diff. feb. Galeni, in com. cap. 3. part. 1. Argenter lib. 3. art. medic. Gal. fol. mibi 605. qui prohibitam transpirationem perpetuam esse causam putredinis constanter affirmant. Hoc modo aluina excrementa grauius ferunt, quàm vrina, quoniam intestinorum substantia crassior est, & ob eorum reuolutiones, & sinus liberè moueri nequeunt, nec transpirant. Si verò de hoc argumento plura legere desideras, consule Ludou. Lemosium in lib. 11. meth. Gal. c. 3. disp. 3. Gasparum Lopium in lib. 1. Gal. de temper. in com. c. 9. Fridericum Schroterum, tract. de putredine, prope fin.

Ceterum priusquam ab hisce digrediamur, non ineptè videmur facturi, si quæpiam adhuc ex veterum Philosophorum thesauris, delibetim carptimque degustemus, & explicemus quanta sit ventilationis necessitas, primò in igne cuius ope conseruatur purus: secundò in animalibus: tertio in plantis: postremo in solidis corporibus, qualia sunt lapides, metalla, &c.

Ergo conseruando igni faciunt quatuor, nempe refrigeratio, ventilatio, continuum alimentum, & aprum, ellychnium. Refrigeratio quidem, quia cum ignis per se coerceri non possit, duratio eius, est perpetua: alterius substitutio, generatioque, non aliter quàm in fluminis alueo. Et quia ignis generatio ex materia licet apta, moram requirit quæ attenuetur, igniaturque materia, nisi modica illa complectentis aëris refrigeratione detineatur, euolabit leuitate sua qua pollet, ante nouæ flammæ generationem, quod flammæ extinctionem vocamus. Huius refrigerij inopia, faces, vel ardentes prunæ ad radios solis marcescunt, quoniam citius à continentis calore flamma dissipatur, quàm noua sitituitur. Oportet autem refrigerationem tantam esse, quæ respondeat igni conseruando, non quæ superet & extinguat, sed retineat tantum, & retardet: idè exiguam candelam obiecto tegumento velamus; idè etiam paucas prunas per hyemales noctes ignem conseruaturas cinere obducunt mulierculæ, cineris raritati fidentes, per quam portio aëris ingrediatur, quæ sufficiat refrigerare, non extinguere.

Ventilatio, ob quinque causas conseruando igni comoda est. Prima: nisi flammula continuò ascendens, ventilatione dissipetur & minuiatur, subiectæ materiæ vaporem ignitioni aptum in fuliginem verteret, nouæ flammæ sititituti inepiam: hinc fit ut flamma in cucurbitula, vel quouis alio vase, licet adèd increfcat, ut vniuersum vasis spatium occupet, tamen statim tota deficiat, pereatque exusto, & in fuliginem verso vapore ignitioni apto. Eo etiam fit, ut si candela extincta fastigium in mediam magnam flammam admoueatur, non accendatur, sed si accedat tantum ad ignis latus, ita ut flammæ vis ellychnium attingat, non exurat contentum in ellychnio vaporem.

Secunda ventilationis commoditas, quia ignis vim ad inflammandam materiam impellit, ut tanto citius attenuet & inflammet, quanto viciniùs ad eam accedit. Eo fit ut candela etiam nuper extincta igniatur, & carbō totus promptè ardeat, si è valida flamma exiens insuffletur, & introrsum aëris impetu pellatur.

Tertius ventilationis in flammis vsus, nec cōtemnendus, est expurgatio viti vaporis, quem vocamus fuliginem; cum enim hæc, terrea, exusta, humorisque expers sit, ignem concipere non possit, & occupet igniendi vaporis locum, nec duorum corporum idem locus capax esse queat, fit ut nisi quidquid flammarum vi exustum est, ventilatione purgetur, locus nouæ flammæ nullus supersit, oppletus scilicet fuliginum copia. In hunc finem mulieres fornacibus suis foramen expirandæ fuliginis retro molliuntur. In eundem sigili suis ampullis quibus sigulina vasa coquunt, aut lapides calcinant: Architecti caminis aperta relinquant fastigia: omnia scilicet huic ventilationi, expurgationique fuliginum parata, quæ si semel obturentur, vniuersum ignem perire, extinguique videmus.

Quarta ventilationis vtilitas est, ne ignis exiens in circumfuso aëre aceruetur, adèd ut non sit naturalis rei vnde exit, sed extraneus & præter naturam; ob quam causam innatum rei calorem, ipsamque rem putrefieri non



non erit mirum. Hinc fit, vt domus occlusa cariae obducantur, & citò vestes intra arcam reconditæ, nisi per interualla insolentur, tinea occupentur; & carnes, ni aëri exponantur, putreant; & partes nostræ cauæ, intra quas exiens flamma moratur, quoniam ventilationem sufficientem non excipiunt, molestum odorem concipiant, vt alæ, & interfeminea.

Postremus etiam addi potest ventilationis vsus: est enim admodum verosimile, flammæ, & innato calori alimentum suppeditari, non ex solo subiecto vapore, sed adiecta etiam aliqua aëris portione, ex qua simul cum vapore alimentum, & materia præstetur. Eam aëris, & vaporis permixtionem ad ignitionem, ventilatio præstat: argumentum est, quod arbores vento expositæ fecundiores surgunt; immò & agricolis receptum est Subsolanum, quoniam est ventorum violentissimus, plurimum promouere plantarum incrementum. Est & illud non leue argumentum, quod vbi ignis vase quopiam inclusus est, datur stimula per quam multo impetu aër ingreditur, quasi vi flammæ ad alitionem trahatur, non secus quàm ex ellychnio oleum.

De refrigeratione, & ventilatione dictum iam est, superest vt videamus quid flammis conferant alimentum, & ellychnium; cum flamma omnis ex mixtis habeat substitutionem, quæ in ignem citissimè transferantur, alimenta eligi oportere certum est, non quidem terrea, vt lapides, & metalla; nam quæ exactè sicca sunt, ignem non concipiunt: argumentum est quod cinis, & exusta quæuis, admoto licet crebro igne, inflammari nequeunt. Deinde non aquea; cum enim aqua vtraque qualitate repugnet igni, facile, & sine medio in ignem transmutari nequit. Non aërea; nam etsi aër in ignem facile transmutari queat, tamen quia lentoris omnino expertus est, pari celeritate labitur, defluitque; & ideo ignem diu retinere non potest. Eligenda ergo est materia aërea, aquæ vehementer permixta, ita vt huius permixtionis beneficio lentorem plurimum obtineat, quo veloci resolutioni renitatur valde. Hæc sunt pingua, oleosa; resinosa; Adeoque hoc verum est, vt etiam inter animalium alimenta, ea potentiùs dicantur alere, quæ huiusmodi naturam habent, vt triticum, & suilla: hoc enim mansum si tangatur summopere glutinosum est; & inter carnes, suilla.

Ellychnium verò ideò igni conseruando confert, & lampadibus, & cereis candelis necessitate quadà accedit, quoniam proxima & immediata flammæ gignendæ materia, est vapor ex humido lento attenuatus. Is vapor non minus periclitatur dispergi, quàm flamma ipsa euolare: & quemadmodum flammæ, ne citius euolet, refrigeratione succurrimus; ita vaporì ne dispergatur, carbone, ligno, & ellychnio; hoc enim est solida quædam materia, sed intus rara, cauernosa, & foraminulenta: Oportuit autem talem esse, vt interna raritate exhalantem vaporem susciperet inflammari aptum, & soliditate sua vsque ad ignitionem retineret. Hinc fit, vt bombax, aptissima sit ellychnij materia; habet enim internam raritatem, cum externa aliqua soliditate. Stuppæ, lintea attrita, quò sunt vetustiora, rariora euadunt. Ideò verò ellychniū per interualla refecimus, quia quod exustum est, caret humore, ac proinde ignitioni ineptum, esse iudicatur. Deinde quæ vehementer rara sunt, vtræque, quia non retinent vaporem; & quæ immodicè densa, vt lapides, metalla, quia non facile soluuntur in halitum, non igniuntur, nisi longa mora in calcinatione.

Consequens est vt animalia, & aquatilia secundo loco proposita in medium afferantur, & in illis explorandum, similibusne an variis ingeniis vita conseruetur, quidque illis vtilitatis ex respiratione accedat. Nam animalium vita similibus remediis, vt pote refrigeratione, & ventilatione, quamvis minoribus ac ignis purus, conseruatur; alimento verò per quædam temporum interuallo sumpto. Nam inter omnia mixta, nullibi tanta ignis copia aceruata est, quantam in animalibus videmus: piper enim, & sulphur, licet habeant flammeas quasdam intermixtas portiones; quæ vbi ab illis se-

parantur, & animalibus approximantur, eorum carnes deurnt; nihilominus tamen tam multis terreis constant, vt tota ipsa mixta si extrà tangas, siue integra, siue trita, & puluerata; frigida sentias, non feruentia, aut calida. At verò animalium caro, sanguis, & spiritus non solum intus ebulliunt, sed extrà adeò calent, vt facile tangi nequeant, tantò est amplior animalium calor, quàm ille qui vel stirpibus datus est, vel seminibus, vel solidis quibusuis, aut corporibus, aut metallis! aliàs diu citra eam opem durare non possent, quare multo eguerunt calore ad operationes suas, nempe vegetabilia ad sui nutritionem, & reparationem; animalia ad sensationes, & motus perpetuos, quibus operibus omnibus multa caloris copia necessaria absumitur; & maximè in hominibus, quippe qui alias exercent actiones nobiliores, vt sunt meditationes, cogitationes, & ratiocinia, in quibus spiritus plurimi resoluuntur.

Insuper minoribus remediis animalium vita conseruatur, quàm purus ignis, quantò calore ab igne animalia deficiunt; ob quam causam aër, & aqua ex quibus refrigeratio animalibus accedit, per respirationem, & membrorum pulsum, priùs in pectore, & membrorum meatibus temperantur, & à suo frigore mirescunt, vt tantò moderatiora accedant animalibus, quantò ipsa in calore flammæ; seu igni puro cedunt; ad cuius refrigerium durationemque, purus & minimè refractus aër est necessarius.

Sicut ignis quatuor modis præsertim conseruatur, sic animalium vita. Refrigeratio prædicto modo eam conseruat, & tueretur. Ventilatio verò per exiguos meatus animalium accedit; suctione non exufflatione vlla externa comparata. Alimentum, non vt in flamma continuum; sed per longa spatia sumitur. Ellychnij verò vsum quarto loco relatum, corpus ipsum præbet vaporem sanguinis, & aërem per inspirationem attractum; ad spiritus & innati ignis nutritionem.

Cæterum quæret aliquis, cur natura aquatilibus, quorum minor est temperies, parauerit refrigerium ex aqua; tantò aëre frigidore, quum exigat ratio, vt calidiori animali ex aqua minus calido ex aëre refrigeratio comparatur. Dic, aërem potentiùs aqua refrigerare; licet aqua id se frigidior sit, quia aër substantia sua, & mole cum spiritu nostro conuersatur, non sic autem aqua cum piscibus sed solum qualitate, & insensibili halitu eorum calorem refrigerat, quum accedat tantum ad locum quendam branchiarum communem, cuiusque vicinum; non verò intro mittatur.

Vltra has rationes vniuersales de necessitate respirandi, addit Galenus lib. de causis morbor. c. 3. duas alias particulares, quæ in vnam coeunt, nempe cordis ventilationem; quare membra, pulsu refrigerantur; cor respiratione; ignis ventilatione promouente motum, modò infernè, modò sursum. Iedò vtroque modò confert exufflatio igni tam deorsum, quàm sursum per interualla. Hinc fit vt lucerna opetra denigret vas, & corda præfocatorum, combusta appareant; quia defuit ventilatio, nec proinde consumptus est in totum vapor, aptus calefieri, & inflammari. Sic à magna face minor exstinguitur, & extincta lucerna missa in magnam flammam non extrahitur inflammata, quòd multus calor continetis; in his omnibus dissipat materiam, quæ substituenda erat ascendenti flammæ. Demum, quod Gal. ait lib. de usu respirat. cum flamma requirat vicissim motum sursum, & deorsum, deficiente alterutro ex illis, necessariò exstinguitur.

Hæc cordis ventilatio, inspiratione perficitur, attracto aëre frigido ad nutritionem animalis spiritus, & contemperamentū vitalis; ac expiratione, ad expurgandas fuligines: fuligo enim cum sit fumus ex adustione sicca, cineris instar, calorem continere non potest, ideò occupas locum flammæ; exstinguitur: fit autem fuliginum purgatio expiratione, conferente etiam non parum inspiratione: sicut enim sordes abluto linteo facile euanescent, ita fuligines permixtione inspirati aëris purgantur: nam id quod aqua pollet in expurgando linteo, idem confert permixtio aëris puri, expurgando aëri fumoso intra cor contento.



Paritur tamen instantias hæc doctrina. Prima Si conseruatio omnium requirit similia, cur ventilatio facit ad conseruationem? Dic, ventilatio utilis est ad durationem ignis specificam, per continuam successionem: quemadmodum autem calor æstatis primò calefacit omnia, deinde per moram siccatur, & extinguit; sic innatus calor in omni mixto citò per moram consumeret humidum, nisi ventilatione moderata immodica illa mora impediretur.

Secunda. Si cor creatum est cum sua illa quàm exigit temperie, non secus quàm cerebrum, & reliqua membra, cur in eius tutelam parauit respirationem, si illud refrigerio non indiget? Dic, quòd natura refrigerio respirationis, non conatur remittere, ac minuere cordis calorem, sed dum circumstans refrigerium prohibet velocem ignis discessum, conseruat, & in officio retinet, vsque ad sequentis ignis ex apro vapore substitutionem; quare non parat innato calori in corde diminutionem, sed durationem.

Tertia. Respiratio non semper utilis est, aut necessaria refrigerando cordi, cur ergo à natura intentat? Hoc parer experimento, in eo affectu, in quo ægri frigidum ex ore, & naribus exufflant cum periculo summo, ex Hipp. lib. 2. *prog.* Tunc enim cordis conditio calefactionem magis, quàm refrigerationem exigebat, quæ per respirationem paratur. Dic, id facit attractio aeris frigidi, ad eum qui frigidum expirat, quod facit in exiguo foco flabellatio, & modica refrigeratio; retinet enim modicum illud ne euolet, & expiret, quo præsidio abeuntem animam natura remoratur, vt in omnibus morientibus est manifestum.

Accedamus ad plantas, in quibus etiam respiratio locum habet. Illæ similibus conseruantur remediis ac animalia, nihilominus tamen languidioribus, quantum earum calor ab animalium calore recedit. Ergo refrigeratio, & alimentum similiter faciunt ad plantarum vitam conseruandam: cæterum hæc minùs potentia sunt; nam refrigeratio, & ventilatio parte tantum externa accedunt, non intrò per os, bronchia, aut cutem attrahunt, sicut, in animalibus. Deinde alimentariaiora accedunt plantis: & per maiora temporum interualla, quàm in animalibus nam solari calore, licet ferè per æstatem fruuntur, tamen hyemè raro, & exiguo; pluuia contrà hyemè sæpe, raro æstate. Insuper terræ quàm exiguum absument, quod indicat substratæ terræ moles non detumescens; aut in se subsidens; cum animalia nec die quidem integra, citra cibum, & potum transeant.

Quòd verò ventilatio, & refrigeratio non nihil ad plantarum faciat conseruationem, compertum est. Nam quæ in opacis, & conuallibus adolefcunt, minore proceritate surgunt, quàm quæ in apricis, & aëri expositis locis. Deinde lapidosi terrarum tractus fecundiores sunt. Denique radicibus, lapidum frequentia vtilem refrigerationem conciliamus. Si verò interroges, quomodo lapides frigiditate sua fecunditatem, & durationem promoueant, si legetum & arborum radicibus stercora applicantur, & aqua calidam affundant olitoribus, accelerandis, maturandisque fructibus? Dic, illa calida benefacere, dum caloris natiui quantitatem augent; frigida verò circumstantia, natiui ignis halitum remorantia, vitam tuentur, diuturnioresque efficiunt. Sic ignem ligna alunt pinguis, & ventilatio, quorum alterum calidum, alterum verò frigidum est.

Nunc ad solida, duraque corpora. Quædam vegetabili principio pollent, vt semina, quæ partes plantarum dicuntur: alia verò illo carent, vt lapides, & metalla. In iis sola sufficit refrigeratio exigua, quoniam omnium minimam igneæ permixtionis portionem obtinuerunt, siquidem omnimotu catent. Eam autem refrigerationem iis quæ super terram sunt circumfusis aër præbet, illis verò quæ intra adyta terræ, aut maris viscera latent, apertè, aut terræ aut aquæ commeatus. In seminibus autem non solum refrigeratio, sed etiam ventilatio requiritur: semina enim cum partes plantarum sint, ampliori igne reliquis duris prædita sunt: quo fit vt nisi per interualla quædam agi-

Lib. I V.

A tentur, & boream excipiant, igniantur, vitientur, & intereant.

Ex hac doctrina constar, igni puro conseruando quatuor illa facere, refrigerationem, ventilationem, alimentum, & elychnium. Animalibus tria priora, eaque vehementia. Stirpibus totidem tria, sed languidiora. Duris, & vetegabilibus principio abundantibus, duo tantum, refrigerationem, & ventilationem. Duris verò, omnis animæ, & vegetabilis principio expertibus, solam sufficere refrigerationem. Et hæc est porior de necessitate ventilationis explicatio, quàm interpretum ad artem medicam Gal. in comm. c. 33. & lib. de caus. morbor. cap. 3. Lege Laurentium lib. 9. de re anatomic. quest. 19.

## Q V Æ S T I O X I I.

*Utrum Galenus, & Auicenna, signa febrium putridarum rectè proponant.*

**E** *Videntes præbentem notas.* Galenus Pergamenus, Medicorum Princeps, cuius operam, ingenium, ac prudentiam in medendo, non raro Roma Antonino Pio imperante experta est, postquam in lib. 1. de differentiis febrium, febris essentiam, causas, & differentias proposuit, de signis febrium putridarum elegantem sermonem lib. 1. cap. 7. instituit. Hunc post Græcos æmulatus est Auicenna, Arabum Princeps, qui sen. 1. 4. tract. 1. cap. 2. illorum seriem exactè descripsit, quo loco non solum signa, quæ sequuntur febres putridas, sed quæ ipsas antecedunt, affabrè delineauit.

Primum ergo est, non tamen inseparabile, quòd nulla earum quæ præincipientes causæ dicuntur, eas antecedit. Dicitur hoc signum proprium, quia solis putridis conuenit, non tamen est inseparabile, quia non conuenit omnibus: possunt enim febres putridæ generari à causis procatarticis, nulla alia febre præcedente, vt constat ex Galeno, 1. epid. sect. 3. com. 19. quando videlicet corpus est morbis opportunum, morbosusque præest apparatus. Deinde, si febris hectica potest fieri, incipiendo à causa procatartica, ob agentis robur, ex Galen. 3. de præfag. ex pulsib. cap. 4. cur non humoralis, cum humores faciliùs alterentur, quàm solida? Insuper potest esse externa causa putrefaciens, vt aër, cui vitio sunt multò magis obnoxij humores, quàm spiritus. Denique, quoniam ex errore victus aliquando statim sequitur putrida febris, ita Trallianus lib. 12. cap. 2. febres putredinis non solum ex causa prægressa, sed ex diariarum genere oriri admonuit. Vltimò, ab inflammatione externa putrida concitantur, ex Hipp. 4. aph. 55. Sed hoc est rarum, putridas nempe febres à causa primitiua generari, quum ferè ab interna oriantur. Solue secundo, febres putridæ à causa interna immediatè; ab externa autem mediatè originem ducunt.

Secundum signum est, velocitas pulsus, & respirationis in contractione, magis quàm in dilatatione: nam necessitas expellendi fuligines maior est in hac febre, quàm sit in diaria refrigerij; quòd signum est proprium, & inseparabile, debetque intelligi facta comparatione ad dilatationem in eadem febre, vel ad contractionem in aliis febribus, vel ad statum naturalem, vt docent interpretes in com. Hæc velocitas contractionis, in augmento accessionum manifesta est, in principio, & statu non admodum obscura: eam necessariò consequitur externæ quietis frequentia. Hoc signum constituit Gal. 3. de præfag. ex pulsib. c. 7. non multum post principium, dicens esse perpetuum, & præ cæteris proprium inuasioni febris putridæ, ob dictam causam.

Sed à quibusdam non recipitur hoc signum. Primò, nam frustraneum est, quum contractio sit imperceptibilis, ex Galen. lib. 1. de præfag. ex pulsib. c. 3. & 5. adeò vt hic eius cognitionem impossibilem iudicauerit, & solum in vehemènti, magnòque pulsu posse deprehendi arbitretur. Dic, licet arduum & difficile sit, pulsus systolen per tactum percipere, cognosci tamen posse non imus inficias, tum propter defectum dilatationis, tum quoniam affectus

affectus imprimitur tactui, modò arteriæ non leui, sed forti impressione tangantur, quam solam in paruo pulsu difficilem agnouit Gal. egeréque diuturna exercitatione ipse prædixit. Melius enim est hoc modo Galenum tueri, quàm deserere cum Cardano, lib. 2. cont. tract. 2. cont. 9.

Secundò aduersatur sibi Galenus: nam lib. 1. 2. meth. c. 3. affirmat, in febre syncopali orta ex crudis succis, pulsum esse tardum, paruum, & rarum. Ergo in putridis aliquando velocitas contractionis non apparet. Galenus eo loco persentiens difficultatem, dupliciter respondet, asseritque experientia esse compertum, in his accessionibus syncopalibus pulsus esse tardiores, quàm in statu naturali; ex quo patet in febribus putridis, velocitatem contractionis non reperiri, in omni tempore febrilis accessionis; sed solum quando humores inceduntur, vt monuit Galen. 3. de prasag. ex pulsb. cap. 7. post med. §. *Ac in de linationibus, &c.* Quando verò non incenduntur, fumum non edunt, ac proinde non accelerabitur contractio; quo pacto loquitur Galenus, 1. 2. meth. cit. quoniam in primo infultu humor non incenditur, præsertim si fuerit frigidus, & crassus, eo enim tempore sanguis ad interiora recurrit, & calor opprimitur, velut ignis strue lignorum viridum obrui solet. At verò cum febris accenditur, statim pulsus velocitatem acquirit in contractione, vt ait Galen. loc. cit. de prasag. ex pulsb. §. *Clarissime enim recedit, &c.* & parum infra §. *In solis enim inuasi onibus, &c.* Quare ex mente Galeni, celeritas contractionis est signum proprium, & inseparabile febrium putridarum, quod omni tempore accessionis adest; quum primùm humores incenduntur. Respondet secundò Galenus, pulsus esse tardos, paruos, & raros, facta comparatione ipsorum, accessione iam transacta, ad alios febricitantes, quum sunt extra accessionem: ex quibus nulla inter hæc loca Galeni est contradictio.

Terrium signum est, quod caliditas putridarum in tactu sit acris, insuavis, & mordax; ob caloris, & fuliginis adustarum copiam. Hoc modo persentitur, primò ratione intensiōis: secundò, quia velocius imprimitur: tertio, propter densitatem subiecti: quartò, quia coniungitur siccitati. Hoc signum illis non est proprium, quum hæc etiam conueniat, in quibus ob siccitatem calor exurens redditur; nec est inseparabile, quum non in omni tempore, sed in augmento, & vigore conspiciatur: nam in principiis accessionum; ob retrocessum caloris ad internas sedes, tactum immorari oportet, vt caloris acrimonia sentiat.

Quartum signum ex Auic. loc. cit. quod febris putrida antecedat Almeliletu: & statim explicuit Auic. quid sit, dicens esse dispositionem cui admiscetur caliditas, non perueniens ad hoc vt sit febris, & associantur accidentia plura, quæ Galen. enarrat lib. 1. de dieb. decretor. cap. 6. in init. & 2. de sympt. caus. c. 5. in princ. §. *Præterea incipientibus morbis &c.*

Primum symptoma, quod concurrat cum Almeliletu, est lassitudo spontanea, ex Hipp. 2. aph. 5. Secundum, fractio membrorum; & pigritia ratione lassitudinis. Tertium, alycæ, id est, pandiculationes, ob vapores expultricem membrorum irritantes. Quartum, saltus, id est, palpitatio: Quintum, commotio somni, & vigiliæ, id est, permutatio eorum à dispositione naturali. Sextum, difficultas anhelitus, vel ex humorum crassitie, vel plenitudine suborta: qua etiam ratione sit septimum, tumor venarum; & octauum, tumor hypochondriorum. Nonum, & decimum sunt dolor capitis, atque pulsatio eius, ratione humorum seu vaporum ad caput ascendentium. Deinde, si hæc dispositio producat, significat febrem putridam, & Auicenna in contextu alia symptomata recenset, quæ istam dispositionem comitantur, vt debilitas, caloris citrinitas, neusea, vrinæ copia, deiectio putrida, grauitas capitis, & Tebegi, hoc est, tumefactio quædam vt in oculis ex nimio somno, vel quæ alia quauis de causa contingere solet.

Quoniam verò istam dispositionem antecedentem subsequitur febris, aduertit Auic. loc. cit. quod vnicum est signum, distinguens eam à principio accessionis febrilis,

A nempe coarctio pulsus, per quam intelligit submersiōnem, & paruitatem diuersam, id est, inæqualem, in qua accidunt pulsationes magnæ, fortes, & non est velocitas eius fortis. Hoc signum scribit Galen. 1. feb. 7. ante med. §. *Sicut & pulsum afflicto, seu compressio.* (sic enim nominant, quando incipiente accessione satis paruos, & inæquales habent:) quo loco hanc coarctationem, pulsus compressiōnem vocat; & sic febres quæ cum hac pulsus submersiōne incipiunt, cum annotatione compressa inuadere dicuntur; quemadmodum quæ sine ea incipiunt, dicuntur inuadere cum annotatione incompressa.

Hæc pulsus coarctatio febrium putridarum signum est proprium; nam illis solis in initio accessionis, sui ratione conuenit: non tamen est inseparabile, quia illis non conuenit semper, nec omnibus; nam ex Gal. lib. 3. de prasag. ex pulsb. c. 6. *Aliquæ sunt febres quæ incompressas habent accessiones, in quibus (inquit) prima permutatio in magnitudinem, & celeritatem fit, mox his succedit augescens crebris:* in quibus calor cum humoribus ad interiora non recurrit, nec hac de causa suffocatur internus ignis, neque instrumentum præ humorum copia est inobediens, neque facultas debilis adest, & sic accessio fit incompressa, & febres sine pulsu, & caloris compressione excitantur, cuiusmodi sunt illæ quæ à tenuibus, & facile inflammabilibus humoribus ortum ducunt; quæ omnia cum in principio accessionis, in aliis febribus contrario modo eueniant, ob imbecillitatem virtutis, humorem grauantem, & obstruentem arterias, iccirco apparet pulsus paruus, & inæqualis.

Ex quibus notabis, Galenum lib. 3. de prasag. ex pulsb. 7. §. *Nam si laboranti tale nihil acciderit, &c.* vera pronuntiare, dum asserit; pulsum in principiis accessionum aliquando esse velocem, nonnunquam tardum, nam si magis augetur calor ob putredinem confluentis humoris, quàm præcupia, & frigiditate suffocetur, fit pulsus velox; si verò maior est suffocatio, ob plenitudinem, fit paruus.

Deinde colliges, id quod habet Auic. loc. cit. in pulsu coarctato accideré pulsationes magnas, fortes, non esse ita intelligendum, quasi solum tales in eo reperiantur; nam ita sibi contradiceret, affirmanti pulsum coarctatum esse paruum, & inæqualem. Sed cum pulsus in principiis accessionum sit inæqualis, ob debilitatem ex aggrauatione, aliquæ pulsationes paræ sunt & languidæ, aliquæ magnæ & vehementes. In eo enim, inquit Gal. 3. de casu. puls. cap. 16. in med. §. *Atque hoc scilicet ipsum, &c.* distinguitur pulsus facultatis debilis per aggrauationem; à debili per resolutionem, quia in hoc pulsu sunt parui & languidi, & quales tamen, quia illis non permiscetur pulsationes aliquæ magnæ, & vehementes. At verò in debili per aggrauationem, pulsus sunt inæquales; aliz enim sunt pulsationes paræ & languidæ, aliz inagnæ & vehementes.

Ex iis intelliges locum obscurum Galeni, qui lib. 1. feb. 7. in med. asseuerat, in putridarum febrium initio pulsū adesse paruum, & velocem: quæ sententia non ita simpliciter recipienda est; nam constat aliquando esse tardum, licet sæpe sit velox; vel si eam intelligas de contractione, quæ semper est velocior distentione, Galenum à calumnia liberabis. In hunc sensum dicebat Auic. loc. cit. agens de pulsu principij accessionis: *Non est velocitas eius fortis, cū aliquando eo tempore pulsus sit velox, interdum tardus, vt supra prædiximus.*

Quintum signum. Pulsus in principio, & augmento putridarum est diuersus, & inæqualis. Hoc signum proposuit Galenus lib. 1. feb. c. 7. & 3. de prasag. ex pulsb. cit. Pulsus inæqualis est, quia virtus maximè suffocatur, & grauat in augmento, quia etiam humor nō vniformiter calefit; & sic in tertiana, hæc inæqualitas minor est propter humoris tenuitatem, virtus parum grauat, & humor citò vniformiter calefit.

Galenus hoc signum refert esse proprium putridarum; quia nulli alteri generi febrium conuenit: nam hæc inæqualitas consurgit, vel propter multitudinē quoad vires, vel obstructions, vel ob inæqualem cordis intemperiem,

intemperiem, ex intemperie calida, & frigida constan- A  
tem, quorum nullum in diariis, aut hecticis reperitur,  
illarum scilicet ratione; licet ob aliquod symptoma  
possit hæc inæqualitas in diariis inueniri, ut ex acrimonia  
humoris ad os ventriculi decumbentis: cum enim  
oris ventriculi cum corde maximus sit consensus ex Ga-  
len. 1. *ed. sympt. causis, cap. 7. & 5. de loc. affect. cap. 6.* nihil  
mirum si illo affecto cor etiam afficiatur, & sic pulsus  
immutetur, & propter humoris mordacitatem os ven-  
triculi lædenti, immutetur ad inæqualitatem, quia fa-  
cultas pulsus magnum efficere conatur; quare graui-  
ta deflitt, & sic fit inæqualis.

Hæc inæqualitas tam est collectina, id est, in pluribus  
pulsationibus, quam in vnica pulsatione: cum enim au-  
cti caloris vsus vrgeat, accelerat natura principium, v.g.  
distentionis; in medio autem ob vapores, vel grauantes  
humores, aut obstruētes, motum remoratur: quæ rur-  
sus irritata ab vsu, distentionis finem accelerat. Eodem  
modo fit in multis pulsationibus, quoniam ob easdem  
causas vna fit velocior, & altera tardior.

Quo pacto autem distinguatur pulsus paruus & inæ-  
qualis, qui fit in principiis accessionum, à pulsu paruo &  
inæquali, qui fit ratione alicuius symptomatis, docet Gal.  
lib. 3. *de presag. ex pulsib. cap. 7. ante medium, §. Nam ceteris  
quidem omnibus, &c.* Hæc pulsus inæqualitas est signum  
proprium febrium putridarum, quia solis putridis conue-  
nit ratione sui, ex Gal. 1. *de diff. feb. cit.* quod ut verum sit,  
de magna inæqualitate intelligi debet: nam parua pulsus  
inæqualitas, omnis febris commune est signum, ut docet  
Galen. lib. 1. *ad Glauc. cap. 6. in med.* Verum euident inæ-  
qualitas in solis putridis reperitur: immò ex putridis, C  
tertianæ pulsus æqualis dicitur à Gal. 2. *cris. 3. prope fin. &  
pulsus synochi, 9. meth. 3. in fin. & 4. ante med.* quod colla-  
tione facta ad alias putridas intelligi debet: nam si  
conferantur ad pulsus diariarum, vel pulsus sanum,  
omnes illi pulsus inæquales sunt. Solis ergo putridis  
conuenit hoc signum, non tamen est inseparabile, quia  
non conuenit omnibus; de quarum genere sunt illæ,  
quarum principium habet annotationem incompressam,  
in quibus minima inæqualitas apparet, ex Galen. 3. *de pre-  
sag. ex pulsib. c. 7. §. Verum hos neque rigor, &c.*

Sextum signum est euacuatio primæ periodi, sudoris,  
& humectationis. Id est, quod non finiatur prima perio-  
dus cum sudore, aut rore, ut in diaria contingit. Hoc si-  
gnum proposuit Auic. *loc. cit.* excipit tamen tertianam, in  
qua ob humoris tenuitatem, in prima accessione solet  
adesse sudor; nisi quia tertianæ augmentum est promif-  
sum, non proportionatum, non simile: vbi per promif-  
sum, intelligit longum; per non proportionatum, quod  
non gradatim in calore ascendat; per non simile, quod  
non sit vniforme. Tertiana ergo, facta comparatione ad  
diariam, habet augmentum magis prolixum, minus pro-  
portionatum, & minus vniforme.

Septimum signum est productio augmenti, & non est  
veluti diariæ, quod duas horas non transcendit. Sed si-  
gnum augmenti est augmentum in magnitudine pulsus,  
nam crescente calore augetur vsus; quo aucto, si in-  
strumentum obediens est, & facultas valet, prima diffe-  
rentia pulsus, est magnitudo. Lege Richardum lib. *de  
signis febrium, cap. 5.*

Octauum signum. Febris putrida, vel est intermit-  
tens, vel continua: illa incipit cum horrore, vel rigore,  
vel frigore, & finitur per sudorem, & sic repetit per  
periodos. Hæc signa simul in nulla diaria, aut hectica  
reperiri possunt. Si febris est continua, vel est pro-  
portionalis, vel continens, & tunc constituit nonum  
signum Auicenna, dicens quod distinguitur primò à  
diaria in vrina: nam, ut Galenus docet, 1. *feb. 7.* in  
diaria, vrina parum à naturali statu recedit, in putrida  
verò multum. Secundò in pulsu, quoniam in diaria  
pulsus non est paruus, nec inæqualis. Tertiò, quia  
licet febres continuæ imminuantur, non tamen omni-  
no cessant, quemadmodum diaria. Quartò, quia in hac  
symptomata penitus conualescunt, non sic in remis-  
sionē continuarum.

Lib. IV.

Decimum signum sumitur à symptomaticis, quoniam  
plura in putridis in statu contingunt, ut prædixit Hip. 2.  
*aph. 30.* quæ omnia ex conatu naturæ, pagna, huius oris  
ebullitione emanare, Galenus prædixit in *com.* quæ in  
quocunque tempore si appareant, eandem significatio-  
nem ex se præbent. Primum symptoma est sitis, quæ ex  
fuligine acuta & adusta, ex pulmone & corde, ad fauces  
& linguam eleuata oritur. Secundum, dolor capitis.  
Tertium, linguæ nigredo, quæ ex eisdem causis oriun-  
tur. Quartum, & quintum sunt inquietudo, & angustia,  
id est, cordis oppressio. Quid autem sit anxietas, docet  
Galen. 7. *aph. 56. & 4. acut. 47.* Hæc omnia vim morbi  
sequuntur, & si natura victrix euadit, pulsus fit vehe-  
mens; si contrà superat humor, fit paruus, languidus.  
Hoc signum licet sit proprium febrium putridarum,  
non tamen est inseparabile: nam aliquæ febres putridæ  
sine his symptomaticis constant. Alicui tamen speciei fe-  
bris putridæ hoc signum est proprium, & inseparabile,  
ut patet in febre ardenti exquisita, cuius signa patho-  
gnomonica sunt sitis intensa, & calor immodicus, ut  
monet Galen. 3. *epid. sect. 3. com. 34.*

Vndecimum signum sumitur ex pulsu duro, qui in fe-  
bribus putridis aliquando reperitur. De hoc signo asserit  
Auic. *cit. loc.* quod non est proprium febrium putridarum:  
accidit tamen aliquando propter causas quas Auic. re-  
censet, & docuit 2. *1. doct. 3. sum. 1. cap. 6.* & accepit à Gal.  
lib. 1. *de diff. feb. cap. 7. & lib. 1. de caus. puls. cap. 9. & 1. de pre-  
sag. ex puls. cap. 4.* Galenus lib. 1. *de diff. feb. cit.* reprobatur Ar-  
chigenem, quod pulsus durus metaphoricè vocat, it in-  
suauem, & molestum, in qua significatione omnis fe-  
brientis pulsus durus erit, reprehenditque ipsum hac ra-  
tione: nam durities propriè est obiectum tactus; & sic  
propria significatione pulsus durus diceretur, cui tactus ce-  
dit, docente Galen. 1. *simpl. cap. 4.* Secundò pulsus durus  
nulli febre conuenit: quoniam hæc solum includit calo-  
rem, cuiuscunque generis illa sit; siccitas vero accedit ex  
accidenti, quia licet cum calore coniungatur, non tamen  
tanta est, ut arterias, & reliquas corporis partes exiccet,  
& induret. Si verò aliquando in hecticis durities in pul-  
su conspicitur, id accidit quando marasmo hectici fit  
oppressi. Notum enim est in doctrina Gal. 1. *de presag. ex  
puls. cap. 4.* tripliciter arterias fieri duras, vel propter con-  
gelationem, vel propter siccitatem, vel tensionem. Con-  
cretio exiccat, tensio parit renitentiam, 1. *simpl. 5.* Con-  
cretio fit ex vehementi frigiditate: tensio ex inflam-  
matione, vel scirrhus, vel aliqua dispositione neruorum, ut  
accidit in epilepsia, conuulsione, tetano. Siccitas ex mul-  
tis causis emanat, ex immodicis vacationibus febribus  
ardentibus, & similibus. Hæc ergo omnia, vel singula, in  
omnibus febribus fieri cum possunt, iccirco pulsus durus  
aliquando in febribus putridis potest reperiri.

Duodecimum signum addit Auic. *loc. cit.* nempe quod  
quandiu pulsus non est fortis, nec fit velox in contra-  
ctione, adhuc febris diaria non permittatur in putri-  
dam. Sed dubitabis, quomodo sine fortitudine pulsus,  
diaria non permittatur in putridam, si in diaria virtus  
fortior est? Dic, legendum esse contextum Auic. affir-  
matiuè [ & dum pulsus est fortis, &c. ] Vel dic, in transitu  
diariæ in putridam, plerumque calorem augeri, quo au-  
cto pulsus apparet magnus, velox, & fortis.

Vltimum est cruditas in vrina: cum enim illa ab im-  
becillo oriatur calore, in putridis est manifestior, quæ à  
debilitate generantur caloris innati: quod signum illis  
non videtur proprium, quoniam hecticis etiam conueniat,  
in quibus solida membra, à quibus fiunt coctiones, vehe-  
menter sunt labefactata. Vrina in putridis non est cocta,  
sed debiliter cocta, ex Gal. lib. 1. *feb. 7.* qualis autem sit vri-  
na debiliter cocta, explicat Gal. lib. 1. *de cris. cap. 17. ad fin.*  
§. *Debilis autem coctio, &c.* Auic. *loc. cit.* addit, quod vrina  
sit acuta, pungens, mordicans, quoniam cum sero aliqua  
humoris calidissimi portio permiscetur.

Vltra signa à Galen. lib. 1. *de diff. feb. citata*, aduertit Auic-  
enna, alia duo esse adiungenda putridis febribus, ex  
quibus certior harum notitia potest desumi. Primum  
est paruus, & fetidus odor febrientis, ex Galen. 6. *epid.*  
sect. 4.



*sect. 4. com. 9. in fin.* cum enim foetoris causa vniuersalis sit A putrefactio, oris foetor ex vapore putrido per expirationem è visceribus, pulmone, ventriculo elatus, febris putrida erit signum certissimum; quare Gal. 4. *de prasag. ex pulsib. cap. 3.* halitum foetere in pestilentibus febris, ob spiritus putrefactos asseuerat, vt notant Mercurialis *lib. de decorat. cap. 29.* Fernel. *lib. 4. patholog. cap. 17. de febre pestilenti.* Cui signo adiungit & aliud, nempe inæqualitatem subsidentiz vrinæ, propter virtutis oppressionem, quæ ex copia, & varietate humoris putrescentis emanat.

### QVÆSTIO XIII.

*Vtrum ex sanguine putrescente generetur febris sanguinea, distincta à pituitosa, biliosa, & melancholica, vt contra Galenum Turisanus, Conciliator. Fernel. Valles. Veiga, & alij arbitrantur.*

**N**am nec tertiana incidat accessio.] Satis superque à Classicis agitata quæstio est, num detur febris ex putredine sanguinis, an verò sit pituitosa, biliosa, aut melancholica. Quæ controuersia maximi est ad curationem momenti; in qua illi variè tanquam varium interpretantur Galenum, immò multiplicibus telis instructi reprehendunt, & accusant. Nam l. 2. *cris. c. 12.* sic ait. *Liquet autem quod cum is putrescit, non amplius bonus remanet; pars enim tenuis vertitur in flauam bilem, & pars crassa, in melancholiam, & lib. 2. de diff. feb. c. 9.* Postquam affirmavit sanguinem in vasis, & extra vasa putrescere, putat febrem C ortam ex sanguine putrescenti biliosam esse, & assumere accessiones circuitibus tertianariis maximè similes: nam cum sanguis putrescit, pars tenuis conuertitur in bilem, crassa verò in melancholiam.

E diametro pugnat sibi ipsi in historia hac, dum in hoc adolescente synochum, seu febrem sanguineam, cum manifestis putredinis notis curaturus, sanguinem emisit vsque ad animi deliquium: quod auxilium non celebraret, si non esset febris sanguinea, sine eo quòd assumeret accessiones in circuitu tertiano. Indicium certum, sanguinem putrescentem, ex quo febris illa habuit ortum, non fuisse versum in bilem, sed adhuc remansisse sub propria sanguinis forma. His tam diuersis Galeni auctoritatibus conuictus Auerrhoës *lib. 4. collig. cap. 31.* ipsum varium fuisse, asserere non dubitauit.

Nos quid medicinæ heroës, ac præsidēs, de hac quæstione fuerint commentati, primò proferemus in lucem. Deinde Galeni mentem interpretabimur eo modo, vt deinceps iuniorum calumnias effugiat, qui eius sana doctrina sit munitus. Auicenna 1. 4. *tract. 2. c. 43. de febre sanguinea*, latè videtur refellere Gal. *loc. cit.* asserentem non dari febrem ex putredine sanguinis, quia sanguis cum putrescit, fit bilis, & non remanet sanguis; quare febris ex putredine sanguinis orta, biliosa, & non sanguinea est dicenda. Et licet hæc Galeni ratio duplicem sensum possit habere, in utroque sensu illam impugnat.

Primus sensus illius sententiæ, *sanguis dum putrescit, fit bilis*, id est, sanguis postquam putrefactus est, manet bilis. Secundus sensus est. *Sanguis dum putrescit, fit bilis*, id est, cum primò incipit putrescere, & simul incipit conuersio illius in bilem, ita vt illo tempore quo sanguis est in putrescere, verum iam fit esse bilem (illud enim sic intelligendum est.) Primam igitur expositionem tripliciter damnat, primò quia sanguis per putredinem omnino in bilem non vertitur, sed secundum partem tenuem: nam secundum crassam conuertitur in melancholiam; quare febris ex sanguinis putredine orta, inter biliosas non est connumeranda. Secundò, quia si sanguis post putredinem fit bilis, sequitur quòd illo tempore quo putrescit, & adhuc non est conuersus in bilem, faciat febrem putridam, quæ tamen biliosa non erit. Tertiò: dato quòd sanguis post putredinem verratur in bilem, tamen non est necesse eam bilem genitam ex putredine sanguinis, putrescere: plurima enim ex re putrida genita, non putrescit,

vt patet in aceto ex vino putrescenti generato, & in vermibus, qui ex putredine terræ, & putridis recrementis generantur, qui tamen putridi non sunt. Ergo ea bilis quæ ex putredine sanguinis gignitur, non erit necessariò putris, neque biliosa febrem putridam accendet. Quare concludit [ *hoc igitur est illud,* ] quasi dicat, hæc sunt incommoda, quæ ex Galeni sententia consequuntur, iuxta primum illum sensum.

In secundo verò sensu, tripliciter Galeni doctrinam euerit. Primò. Putredo est via ad corruptionem; quare sequitur quòd sanguis dum putrescit, tendit ad corruptionem. At non est adhuc corruptus, vnde non erit iam bilis, quum hæc per sanguinis corruptionem generetur. Secundò. Putredo fit in instanti. At conuersio sanguinis in bilem fit in tempore. Quare putredo sanguinis non erit conuersio illius in bilem. Aliqui hanc rationem, vt debilem redarguunt: nam eo modo quo putredo fit in instanti, sic etiam conuersio sanguinis in bilem in instanti fit, & sicut hæc in tempore, sic etiam illa. Tertiò. Sicut pituita, & melancholia accidit putredo, his suam formam seruantibus, similiter putredo poterit accidere sanguini, manente eo sub propria forma.

Conciliator *dis. 89.* Auicennam non sufficienter percepisse mentem Galeni, & citra rationem illum reprehendere asseuerat: nam mens Gal. est, sanguinem cum incipit putrescere, non amittere formam, & aliam acquirere, sed quòd putrescens febrem sanguineam accendat; nam ante sui corruptionem, febrem biliosam non concitat, sed dum putrescit febrem accendit, quia prima, & immediata causa febris, est putredo: nihilominus multam putredinem non paritur, nec diu illam tolerare potest, sicut reliqui humores, qui maximam putredinem concipere possunt, & diuturno tempore seruare, quin in alterius speciei substantiam degenerent, quoniam sunt intemperati; & imperfecti, & idè sub maiori latitudine eas conseruant, nam ad sui conseruationem minorem dispositionem requirunt. Contrà tamen sanguis, leuiter putrescit, & non tantam, nec tam diuturnam patitur putredinem; perfectior enim est, & magis attemperatus, & à moderato calore exquisitè conficitur, ex Galen. 8. *de placit. c. 4. ante fin.* & quia illius forma adeò exactam dispositionem requirit ad sui conseruationem, sub minori latitudine, & angustioribus terminis putrescit, & ita quin in alios humores degeneret, diu putredinem non sustinet; arque idè quando asseritur, sanguinem cum incipit putrescere, febrem sanguineam concitare, intelligendum est, quando leuiter putrescit. Secus autem pronuntiandum de reliquis humoribus, qui ob causam assignatam, non solum leuiter, sed vehementer putrescunt. Quare licet sanguis putrescens post putredinem versatur in bilem, & melancholiam, non tamen inde sequitur febrem illam esse compositam, sed solum biliosam: nam pars crassa, & terrestris quæ permutatur in atram bilem, exigua esse solet, vt docet Galen. 2. *feb. ult.* quæ à copia humoris biliosi obscuratur, & sic febris biliosa remanebit.

At responsio hæc non satisfacit, quoniam sanguis post putredinem non semper vertitur in bilem, sed sæpenuerò tam in venis, quàm extra venas in pus transmutatur; vnde post putredinem non concitabit febrem biliosam, sed vel adhuc erit sanguinea, vel alterius generis, contra Galenum. Deinde propositæ difficultati non respondet, quia Gal. 2. *feb. 9.* manifestè videtur insinuare, sanguinem quum primò putrescit, mutari in flauam bilem, & febrem accendere biliosam, vt accidit in pleuritide sanguinea, in qua, eo tempore quo sputum rubrum educitur, febris orta ex putredine sanguinis, accessiones circuitus tertiani assumit.

Turisanus 3. *art. med. com. 38.* affirmat, febrem sanguineam non concitari ex putredine sanguinis, vt dicit quartam substantiam à reliquis humoribus distinctam: asserit enim non reperiri sanguinem pro quarto humore, qui materia sit diuersus à reliquis tribus, sed sola forma: nam sanguis nihil est aliud quàm aggregatum trium humorum, & cum putrescit, dissoluitur vniò in humores tres,



ex quibus constabat: sicut enim lac ex tribus substantiis componitur, butyrosa, caseosa, & serosa; sic etiam sanguis ex tribus illis humoribus. Secundò: Si daretur sanguis pro quarto humore, assignaretur medicamentum attrahens ipsum, sicut sunt plura quæ reliquos humores attrahunt. Tertiò, Si esset hæc febris sanguinea constituenda, daretur quartum genus febrium simplicium; ex sanguine nimis putrescente subortum, contra Gal. Ultimò, Si esset febris sanguinea, haberet aliquem circuitum, sicuti reliqui humores dum putrescunt.

Hæc opinio reiicienda est, & præter varia argumenta quibus punitus eam impugnat Mercatus tom. 1. quest. 67. multò antea refutauerat Hip. lib. 1. de natur. hum. text. 18. 20. 25. & 26. ubi docet quatuor humores, calore, virtute, specie, & quantitate distinctos, pro materia generationis nostræ, & conditionis animalium, in corpore reperiiri. Hoc affirmat Gal. lib. 2. de element. per totum 8. de placit. 4. & 6. epid. sect. 2. com. 38. & sect. 4. com. 39. docet sanguinem dici bifariam, de mole, & massa sanguineæ, quæ quidem sanguis dicitur, quia sua multitudine, & colore reliquos obscurat; & dici de quarta substantia à reliquis humoribus seijuncta.

Insuper, si sanguis esset aggregatum trium humorum, esset frigidus, & siccus; in eo namque humores frigidi, & sicci exuperant. Præterea non esset rubeus; nec esset dulcis; nam ex insipido, qualis pituita est; & amaro, veluti flaua bilis; & austero, ut melancholia, permixtis, non emanat sapor dulcis. Deinde in massa sanguinea datur succus melancholicus, qui frigidus & siccus est. Ergo debet assignari humor calidus, qualis sanguis est, qui bili contrà opponatur: nam posito vno contrariò, debet poni & alterum. Insuper, humores conficiuntur actione iecoris, à qua emanat aliquid diminutè coctum, & aliquid supra modum coctum, ut est flaua bilis. Ergo debet dari aliquid modicè coctum, quod est sanguis: aliàs frustraretur agens actione sua. Ad hæc, fuerunt necessarii quatuor humores, quia diuersa substantia, & natura constant animalis partes; quare necesse est, ut quilibet suo familiari alimento nutriatur, ut Gal. lib. 2. de element. c. ult. edocuit. Porro, pituita per vltiorem elaborationem fit sanguis. Igitur si is esset aggregatum trium humorum, pituita in seipsam vertetur, aut flauam bilem, aut atram, quod est absurdum. Rursus in sanguine reperiuntur quatuor humores: hoc probari potest in lacte, in quo diuersæ quatuor substantiæ reperiuntur, ex Galen. 4. simpl. 3. Ultimò confirmari potest: nam sicut datur medicamentum cholagogum, phlegmagogum, & menalagogum, sic datur medicamentum sanguinem euacuans, ut apposit à historia confirmat Galenus lib. de medicam. purgantib. c. 4. in cuius interpretatione plura diximus lib. 2. in com. hist. 1.

Eius verò argumenta ficulnea sunt: nam ad id quod addit, quia sequeretur si huiusmodi febris esset sanguinea, dari quartum genus febrium simplicis, patet responsio ex suprà dictis. Ad vltimum deductum ex Auic. 1. 4. tract. 4. cap. de febr. apostematum, pronuntiante vnicuique humori suam inesse periodum: dicendum, omnes humores suum obseruare circuitum, excepto sanguine, qui continuò, & continenter propter illius multitudinem, & vniuniformem substantiam, continentem febrem concitat; quæ licet non repetat per circuitum, est tamen vnica accessio ab initio usque ad finem, vel semper accrescens, vel semper decrescens, vel semper seruans eundem renorem, ex Galen. 9. meth. 3. Vel dic, febrem illam propriè non esse periodicam, quia periodicatio non est tantum tribuenda naturæ humoris, sed potius dispositioni partis mandantis, aut recipientis: quare cum sanguis per interna ad aliquam corporis partem non detrahendū, sed semper intra vasa putrefactus contineatur, hinc est quod continuò, & perpetuò affligat, & continuam, continentem concitet febrem, quæ licet suas exacerbationes habeat, non tamen periodica est. Lege Cardanum lib. 1. contradi. tract. 4. cont. 14. qui Turilani argumenta multiplicibus telis oppugnat.

Fernelius lib. 4. de feb. cap. 5. hac distinctione se soluisse controuersiam arbitrat: asserit enim sanguinem duobus

modis putrescere posse. Primò generaliori modo, quum vi caloris præternaturalis, separantur quæ in eo sunt substantiæ dissimiles, & bilis flaua ac tenuis, seceratur ab atra, terrestri, & crassa, quæ quidem degeneratio verius corruptio, quàm putredo censeri debet; quare si sanguis hoc modo putrescat, accendaturque febris, ea non synochus, sed biliosa, vel melancholica euadet. Alio modo verè, & propriè sanguis putrescit, quum citra partium diremptum, totus corrumpitur cum fœtore magno, & graucolentia: (posse autem hoc modo in venis maioribus putrescere; Fernelius ipse loc. cit. eleganti similitudine demonstrat) tunc febris ex hac putredine accensa, est synochus, ab aliis tribus diuersa, & distincta.

Hæc solutio non dissoluit difficultatem: oportebat enim illum explicare, quomodo Galenus loc. citatis dixerit, tria tantum esse genera febrium putridarum, quum tamen, ut ex hac solutione constat, quatuor species sit addenda ex sanguine putrefacto, ab aliis verè diuersa. Secundò non ostendit, quare sanguis dum putrescit, degeneret in flauam bilem, aut atram; & interdum in pus. Præterea, sicuti sanguis putrescens, quando degenerat in flauam bilem, non concitat febrem sanguineam, sed biliosam; sic quando transmutatur in pus, (quia degenerat in aliam substantiam distinctam) non concitabit febrem sanguineam: & sicuti concitat febrem sanguineam, atqueam transmutetur in pus; sic etiam atqueam transmutetur in bilem, febrem sanguineam generabit.

Vallesius lib. 5. com. cap. 19. in fin. ex sanguine putrescente febrem sanguineam non generari affirmat, quia cum primò incipit putrescere, corrumpitur, & in alium humorem vertitur: nam sanguis, inquit, limites naturæ egreditur, vel quia peccat quantitate, aut qualitate: & hoc dupliciter, vel alterius humoris mixtione, vel quia frigidior, calidior, siccior, aut humidior redditur, quum in substantia mutetur: nam cum secundum ipsam mutari incipit, ob eius æqualitatem, & perfectionem corrumpitur; & sic saluatur triplex genus febrium putridarum: nam hæc febris est composita ex sanguine ebulliente, & ex flaua bile ex putrescente sanguine orta, & sic intelligit locum Galeni, quando inquit lib. 2. de cris. 12.

Hanc febrem quodammodo esse biliosam. Verum hæc opinio amplectenda non est, tum quia putredinem cum corruptione confundit, tum quoniam est contraria Galeno: nam in 2. de diff. feb. c. 9. late confirmat, in laterum inflammatione sanguinem putrescere, & febrem accendere; quo tempore cruentum expuunt ægri. Igitur sanguis sub forma putrescens febrem concitat. Denique, sicut sanguis dum putrescit, secundum partem tenuem, & pinguem vertitur in flauam bilem; sic etiam secundum crassam, & quæ veluti fax est, vertitur in melancholiam, ex Galen. 2. cris. cit. Ergo non solum febris illa sanguinea, & biliosa dicitur; ut Vallesius tenet; sed etiam melancholica.

Doctissimus Thomas à Veiga in cit. cap. lib. 2. de diff. feb. aliter soluit, dicens: Cum Galenus asserit, tres tantum esse species febrium putridarum, non intelligere de febribus simplicibus; febrem autem ex sanguinis putredine simplicem non esse, sed compositam ex febre sanguinis adhuc non putrefacti, & ex febre bilis genitæ ex putredine sanguinis. Nam in huius putrefactione intra venas, terminus ad quem, est bilis; & propterea quia transmutatur, partim est in termino à quo; partim in termino ad quem: proinde sanguis dum putrescit, secundum partem, est in termino à quo, qui est verè sanguis; & secundum partem, est in termino ad quem, qui est bilis: quo pacto febris ex sanguinis putredine orta, simplex non erit, sed ex duabus traditis composita; & aliquid etiam ex melancholica, ob partes sanguinis crassas in melancholiam conuersas. Sed hæc interpretatio dubiū non emedullat. Primò, quoniam apud Galenum nunquam fuit facta huius compositionis mentio, quæ tamen prætermittenda non erat. Secundò, quia adhuc oportet concedere, per aliquod tempus dari febrem ex sanguine putrido, sine biliosa: nec enim cum primò

sanguis putret, statim simulane tantabilis generatur, quæ biliosam febrem producere sufficiat. Tertio, quia non concludit febrem compositam esse, sed humorem solum, quoniam compositio febris non attenditur tantum penes multitudinem humorum, sed ex quibus componitur, sed ex complicatione febris.

Hæc non potui dissimulare silentio, quæ non infimæ classis Medici, immò florentis huius ævi doctores de hoc argumento protulerunt: quin plura contra Galenum moliantur Altimarus, Argenterius, Augenus, Trincavellius, Christoph. à Vega, Acakia, Capiuacius, Mercatus, Simon Simonius, Erastus, Carreus Maramoros, & alij celebres viri, qui illum verbigerant, & cachinnantur, quorum opiniones referrem in popatulum, & exploderem, nisi lectori tædio futurus essem, & illis inimicitia: quare me in mediocentia iuvet, neque amplius vergebo, sed ad huius controuersie enodationem accedam.

Dupliciter ergo illam explicari posse video. Nempe Gal. 2. feb. 6. 2. crif. cit. cum asserit tres tantum esse formas, scilicet tantum esse genera simplicium febrium putridarum, biliosam nempe, pituitosam, & melancholicam, non velle febrem ex putredine sanguinis ab illis diuersam non esse, sed eam sub febre biliosa comprehendere, etiam enim verè biliosa non sit, maxime tamen illi assimilatur. Hanc fuisse mentem Galeni, aperte colligitur ex eodem, lib. 2. crif. c. 1. §. 1. *Liquet autem quod cum sanguis putrescere capere, non amplius bonus remanet, sed iam ad amarè bilis naturam transit: atque in hoc illud seruatur, triplex esse genus vniuersum febrium simplicium, quæ enim ex sanguinis putredine fit, iam quodammodo biliosa est, &c.* quibus verbis vltimis aperte significat, non esse verè biliosam, sed ei assimilari valde: maxime cum sanguis per putredinem multum excalescit, valde disponatur, ut per partes suas tenues in bilem transmutetur, unde assumit periodum biliosæ febris, 2. feb. 9. & ex eadem causa sub febre biliosa comprehenditur: quod similiter fecit Galenus, in febre sanguinis non putrentis, illam sub ephemera comprehendens, 9. meth. 1. & 2. feb. 9. quare vniuersaliter profert, res tantum esse febrium species, diariam scilicet, putridam, & hæcticam, quæ tamen ultra illas, detur febris ex sanguine inflammata, ab illis verè diuersa. Licet autem Galenus locis citatis febrem putrentis sanguinis sub biliosa comprehendat ob dictam causam: tamen cum methodum curatoriam, illarum persequitur, eas inter se distinguit, & sic 9. meth. 3. 4. & 5. cap. cum agit de synocha putri, separatim à febribus biliosis docet in illa febre, sanguinis missionem usque ad animi deliquium summo esse ex usu, quod tamen auxilium in febre verè biliosa nemo concedet. Atque in hoc sensu, cum Auicenna Galenum non interpretetur, iccirco illum reprobare ausus est.

Si verò hanc controuersiam hoc modo rescindas, ipsum cum Galeno, & hunc cum cæteris iunioribus rectè conciliabis. Dic ergo, sanguinem aut esse putrem, aut putrescentem, aut semiputrescentem. Putris vocatur, quando non seruat suam formam, sed iam corruptus est. Quando verò mutatur secundum qualitates primas, & accidentia, quæ inseparabiliter formam comitantur, ob proprii caloris remissionem, putrescens dicitur. Quando verò mutatur secundum qualitates primas, & leuiter secundum prædicta accidentia, est semiputrescens; qui vel naturæ, vel artis actione ad pristinam naturam redire solet, ut exemplo vini Galenus confirmat lib. 2. aph. com. 17. in fin.

Deinde. Reperitur sanguis biliosus, melancholicus, pituitosus, temperatus, & inculpatus, in quo nullus humor exuperat. Quando biliosus est, & putrescit, magna illius pars in bilem transit, exigua verò in melancholicam, quia cum hic sanguis sit calidissimus, tenuissimus, & naturæ bilis flauæ valde proximus, promptè in ipsam vertitur. Quando sanguis est melancholicus, & putrescit, magna eius pars transit in atram bilem, exigua in flauam, ut in carbunculo accedere solet. Quando verò pituitosus, aut temperatus est, ob repugnantiam quam habet ut

transeat in prædictos humores; in pus putredine affectus mutari solet.

His præsuppositis. Dic primò. Ex sanguine putrescenti generatur febris sanguinea putrida, distincta ab aliis tribus, biliosa scilicet, pituitosa, & melancholica. Patet, quoniam sanguis non mutat formam, antequam corruptionem, & toto illo tempore quæ putrescit, non est corruptus. Putredo namque res est distincta à corruptione: hæc enim mixta est, aut formæ mixti, & fit in instanti, putrefactio verò ad qualitates pertinet, inter alterationes reponitur, & fit successiue, & in tempore. Igitur cum sanguis dum putrescit, seruat adhuc propriam formam, toto illo tempore quæ non est corruptus, febrem sanguineam generabit, ab aliis tribus distinctam. In hoc sensu intelligendus est Gal. in historia hac, dum

B. febrem sanguineam putridam sanguinis missione usque ad animi deliquium persanatur.

Dic Secundo. Ex sanguine putri, & omnino corrupto non generatur febris sanguinea, sed vel biliosa, vel melancholica. Nam sanguis ob putredinem, & omnino corruptiōnem, non seruans suam propriam formam, in aliam substantiam degenerat biliosam, vel melancholicam, quapropter Gal. 2. feb. 9. dixit febrem ex sanguine putrescente biliosam esse, & assumere accessiones circuitus tertianæ instans, & in hoc seruari triplex genus febrium putridarum, quæ vellet asserere, quod sanguis cum omnino corrumpitur, non potest febrem sanguineam generare, sed vel biliosam, vel melancholicam. Et quia Auicenna intellexit, Galenum fuisse loquutum de febre orta ex sanguine putrescente, iccirco eum redargueret ausus est, cum Galenus de ea, quæ ex putri sanguine fit, sermonem instituatur, quum asserit biliosam esse: nam sanguis non cum primò putrescit, sed post putredinem in aliam substantiam degenerat, & tunc febris alterius generis constituitur. Hæc est causa, quare in hac febre post septimum timetur phlebotomia, quia plenitudo est mutata in cacochymiam. Quare post sanguinis missionem, optimum consilium est in hac febre medicamentum expurgans exhibere: nam sanguis ob sui æqualitatem, magnam non patitur putredinem, quin in aliam substantiam distincta commigret, ut notat Auer. 3. collig. c. 8.

Dic tertio. Ex sanguine semiputrescente non fit febris sanguinea putrida, nec etiam biliosa, nec melancholica: generatur tamen sanguinea non putrida, cum dispositionibus ad putredinem, quæ (ut diximus) sub diaria comprehendendi potest: nam in lenitate symptomatum, & minime caloris illi valde est similis.

Huius historiar dignitas, & usus necessarius expostulat, ut differamus de periculo huius febris, facta collatione ad eam quæ ex putrescente bile concitari solet, utra acutior, & aut simplicior sit censenda. Nam in hac explicanda questione multus fuit Valleriola lib. 2. enarrat. 2. existimans contra Hieronymum Lopium, synochum esse ardentem, febri acutiorē: Nam quæ habet substantiam quod perfectior est, quæ putrescit, deteriori putredinis labe inficitur hoc constat in semine, lacte, & cæteris substantiis valde elaboratis. Igitur cum sanguis sit perfectior flaua bile, dum putrescit, prauiores febrem concitabit exemplo sit grumus, in quem si sanguis extra venas effusus, & corruptus conuertatur, grauiora, & deteriora excitabuntur symptomata, quæ refert Gal. lib. de tibus boni & mali succi, cap. 4. & lib. 6. de loc. cap. 4. quoniam sequuntur anxietas, pulsus paruus, syncope, exolutio, mortificatio partium, atque putredo.

Ex altera parte obstat Galen. 2. prog. 46. docens, pro discrimine humorum exuperantium, morbos mitiores fieri, aut maligniores: quo pacto morbi à sanguine, aut pituita generati cæteris sunt leniores, & benigniores: nam qui ex flaua, aut atræ bile generantur sunt deteriores. Ita lib. 6. apud. sect. 2. com. 38. agens de seris humorum, sanguinis serum esse mitissimum asseuerat, deinde pituita postea flauæ bilis, postremo atræ. Igitur cum sanguis sit mitior flaua bile, febris sanguinis erit mitior, quæ ex flaua bile generatur: & lib. 2. de diff. feb. cap. 9. agens de febre biliosa, quæ ex sanguine putrescente

oritur, asserit non solum qualitate caloris, sed in omnibus aliis, febribus biliosis esse mitiorem, quia eius causa est ex sanguine orta. Simili ratione *lib. de atra bile, cap. 3. & 6. aph. 53.* agens de atra bile, profecti multò mitiorem esse eam quæ sit ex sanguine, quàm quæ ex bile, generatur: quia in hac frequentius adiungitur incendium, vigilia, furor, sitis, linguæ siccitas, angustia, syncope, & alia mortifera & lethalia penè symptomata, quæ omnia à bilis maiori acrimonia, tenuitate, siccitate, celerique motu euenire certum est. Quare sanguinei morbi biliosis sunt, simpliciore, & mitiores, ex *Gal. 3. aph. 7. & 16.* nam à sanguine, mitissimo, humido, & naturæ familiari, lenis eleuatur vapor, & benignus valde. Quare illius calor, ardentis calore mitior erit.

Solue tu dubium hoc modo. Vel simplex semitur, ut distinguitur contra compositum, vel contra malignum. Si primo modo, secundum rei naturam, febris ex sanguine putrescenti composita est, quocunque modo sanguis sumatur: quoad sensum tamen simplex apparet, à sanguinis enim multitudine alij humores obscurantur, ita ut neque eorum circuitus, neque symptomata sentiantur. Si secundo modo sumatur, simplex est, non simpliciter & in se considerata, sed facta collatione ad biliosas febres, quæ & calorem acriorem, & vehementiora symptomata habent, quia bilis magis naturam irritat.

Ad contrariæ verò partis argumentum dic, sanguinem minus, & rariùs putrescere: nam magis resistit, & seruatur à natura: quando verò ab eius regimine derelinquitur, celeriter, & maximè corrumpitur, & ob causæ magnitudinem putrescit vehementer: reliqui verò humores ob contrarias causas frequentius corrumpuntur. Quare si agens detur æqualiter agens, & corrumperis, magis quàm sanguis corrumpi solent, ut affectus ferinos perpendenti liquet manifestè: qui ex bile utraque putrefacta scaturire solent. Consulè de hac questione Vallesium *lib. 5. cont. cap. 22.* Carreterium in *Auic. 1. 4. tract. 2. cap. 4.*

#### QVÆSTIO XIV.

*Utrum tempora morborum, penès essentiam, symptomata, & coctionem perpetuò simul concurrant.*

**S**Epimo, id quod factum est, finiendam.] Postquam saluagim viles, & arduas quæstiones proposuimus, quæ ad febriis sanguineæ naturam indagandam sunt vtilissimæ, pergamus porro subnectere, quæ ex magnis classicisque auctoribus comperta sunt nobis, Græcorum copiam multiplicem, variamque, ac reconditam doctrinam in nostra arua transferentes. Galenus enim in historia hac, quum videret coctionem in die quinta, in septima finiendam hanc febrem rectè prædixit: Ita cecinit Hipp. *lib. 2. aph. 24. & lib. 4. Aph.* nam penès coctionem distinguit tempora morborum, apud omnes in confesso est, ut patet ex *Gal. lib. de totius morb. temporib. cap. 3. & in lib. de cris. & dieb. decretariis*, ipse latè explicuit. Si verò Auic. *1. 4. tract. 2. cap. 3.* per coctionem, & putredinem ea distingui affirmat, nulla est inter eum, & Galenum dissensio: nam hic solum de salubribus, ille tam de iis, quàm de lethaliibus venit intelligendus.

Insuper. Morbos omnes salubres, materiales percurrere quatuor tempora, nulli est non manifestum, explanant luculenter Thom. à Veiga *lib. 2. de dif. feb. in com. cap. 11.* Valles. *1. 9. cont. 7.* interpretes apud *Gal. lib. 1. cris. cap. 2.* & apud *Auic. 1. 4. tract. 2. cap. 3.* Inter hos conuenit, tripliciter hæc tempora considerari, tribusve modis ab eisdem auctoribus distingui. Primò penès ipsius affectionis magnitudinem simplicem, seu quod idem est, penès morbi essentiam, & ita tempora hæc propria, & essentialia appellantur, ut varietates morborum, secundum magnitudinem & essentiam constituent. Quando ergo iuxta suam magnitudinem nulla ratione morbus increfcit, principium proprium morbi rectè vocatur: quum verò iam furit, & augetur, dicitur

**A** incrementum: quum consistit, status, &c. Considerantur secundò morbi tempora, penès symptomata & accidentia, quæ in morbis contingere solent, & secundum suam varietatem varia tempora constituent. Tertiò penès coctionem, aut putredinem materiæ, quæ sit morbi radix, aut principium. Quæ quidem varia temporum consideratio, diuersaque eorumdem acceptio ab omnibus vnanimiter recipitur.

**B** Vtrum verò hæc omnia, iuxta diuersas considerationes constituta, & determinata tempora simul in morborum processu perpetuò concurrant, & in eodem morbi die necessario coeant, aut potius possint sese aliquando antecedere, aut subsequi, atque ita in diuersis morbi diebus contingere, & in sua existentia differre, non parua est inter medicorum doctores, controuersia: nec enim omnes vnanimiter iuxta præsentem sententiam sunt concordēs.

Sed anrequam propositam quæstionem enodandam aggrediamur, dubius est animus, & in lubrico positus, sed tentanda semel est via in argumento vtili, ut ista auctorum, huc illucque impellentium opinionum iactatio tantisper conquiescat, quare non pigebis tantulum laboris suscipere. Quod autem tempora, hæc non perpetuò in morbis coniungantur, sed magnam sortiantur differentiam atque discrimen, ex Hippocrati auctoritate in primis colligitur, *2. aph. 47. Dum pus conficitur, &c.* Vbi Hipp. statum inflammationis penès symptomata determinat: in augmento eiusdem inflammationis, penès coctionem puris namque generatio nihil aliud est, quàm concoctionis & putredinis accretio, quæ in membro inflammato perficitur, & augetur, quod Galenus aperte significauit in *com.* dicens, quod pus est quiuus affectus calori naturali, & præternaturali superueniens, atque ita compositum esse affectum ex concoctione, & putredine: nam à calore naturali, concoctio, à præternaturali verò putredo intenditur, & perficitur: vnde ex *Gal. sententia*, puris generatio concoctionem, & putredinem sentem importat.

**C** Quando autem putredo, aut concoctio sunt, tunc temporis augentur, & perficiuntur. Igitur in puris generatione accrescit simul concoctio, & putredo in affecta parte, augmentum autem concoctionis nihil aliud importat, præterquam eiusdem concoctionis intensiorem, & incrementum. Quare tunc est augmentum concoctionis & putredinis, quando putredo & concoctio generantur. Cum ergo ex Hippocrati, quandocunque coctio, & putredo in puris generatione intenduntur, dolores & febres maximè contingant, sequitur ex Hippocrati doctrina, quod augmentum morbi penès concoctionem & putredinem, concurret cum eiusdem morbi statu penès symptomata: nam tunc est status penès symptomata, quando eadem maxima, & vehementissima existunt: dolores autem, & febres verè symptomata à Medicis appellari solent.

**D** Non absimilem videtur Auic. tradere sententiam, *3. 4. tract. 1. 24.* dicens, quod *quando materia fit sanies, quiescit caliditas foris, & inflammatio in viscerum, seu membrorum internorum, apostemata, & quanto magis appropinquat status, tanto magis minuantur dolores, quum in principio vehementiores existant, &c.* Ex hac sententia patet manifestè, non concurrere statum symptomatum in inflammationibus membrorum internorum, cum statu concoctionis aut putredinis. Si namque per saniem factam ex materia, intelligit Auic. factam concoctionem aut putredinem, aut generatum pus, & ex consequenti morbi statum penès concoctionem aut putredinem, in præcedentem Hippocratis coincidet sententiam. Si verò per mutationem materiæ in saniem, intelligit puris generationem, indeque sententiam aliquantulum, sit diuersa, cum Hippoc. in puris generatione constituat statum, & vehementiam symptomatum, Auicenna verò declinationem: in hoc tamen hi duo principes auctores conueniunt, quod diuersum faciant statum, augmentum, & reliqua morbi tempora in inflammatione, penès concoctionem, & penès symptomata. Si autem per mutationem materiæ in saniem, intel-



ligit Aulc. puris generationem, quæ in augmento concoctionis perficitur, & tunc docet cessare & decrescere symptomata, (ille enim intelligit per calefactionem fortè, inflammationem, & dolores) aperte concludit, symptomatum declinationem coniungi in internis inflammationibus cum morbi augmento, penès concoctionem considerato.

Idem docet Auicenna 10.3. tract. 4. cap. 5. affirmans tunc esse statum in pleuritide, quum æger excernit sputum plurimum, & concoctum, & dolor est levis. Quibus verbis aperte coniungit statum doloris, & symptomatum cum statu concoctionis: nam per plurimum, & concoctum sputum, summam concoctionem intelligunt interpretes, quæ in statu duntaxat perficitur, ex Gal. 3. cris. 2. & alibi. Per leuem autem dolorem, huius, & symptomatum declinationem intelligit.

Denique Gal. lib. 3. de morb. acut. com. ult. statim in princip. affirmat vigorem sæpe in morbis cum concoctionis consistentia coniungi; iuxta quam sententiam satis videtur credidisse Galenus, non perpetuam fore eiusmodi temporum conformationem, & vniquem, sed posse hæc tempora diuersis morbi diebus contingere.

Nec minùs ad stipulatur ratio auctoritatis: quarum prima est. In plurimis cuiusque generis morbis, paulatim fit morbificæ materiæ expulsio, à principio statim morbi usque ad ultimam eiusdem resolutionem, atque terminum; in his autem necessariò morbus minuitur, & aliqua ex parte deficit ad morbosa materiæ inanitionem, & defectum: tunc in statu penès concoctionem morbus minor est, quia materia non retinetur, sed paulatim à morbi principio euacuatur. Ergo in his omnibus, concurret morbi status iuxta concoctionem considerato cum eiusdem morbi declinatione, penès sui naturam & essentiam, & fortè penès symptomata: nam ad materiæ minutionem, dolores, febres, angustia, & vigilie cessant.

Secunda. In morbis salubribus, qui scilicet in integram sanitatem finiuntur, perpetuò in processu morbi, hic à natura restringitur, & coercetur: toto namque morbi cursu natura in morbosam operatur affectionem; & in statu, in quo perfecta apparet concoctio, iam natura superato humore morbifico superior euasit, illumque in magnitudine, intensione, & quantitate reddidit minorem: quare à multis tunc morbus iudicatur mitior, benignior, & minor. Atqui non potest talis euadere morbus, quin prius minutionem, & decrementum patiatur. Igitur in statu concoctionis salubrium morborum, iam morbus passus est declinationem, aut saltem est in ultima declinationis parte; ac proinde cum incremento & statu concoctionis, concurret declinatio & decrementum morbi.

Tertia. In synocha decrescente, in qua iuxta omnium Medicorum sententiam, datur à principio usque ad ultimam morbi resolutionem, febrilis passionis declinatio, datur in eodem morbo augmentum, status, & reliqua morbi tempora cum eiusdem febrilis morbi declinatione sumpta, scilicet penès suam essentiam, simplicemque magnitudinem. Ergo omnia & singula in prædicto morbo tempora penès concoctionem spectata, concurrunt cum temporibus eiusdem morbi penès essentiam. Assumptum suaderunt nam ex decrescente synocha potest æger periclitari, & mortis periculum pati. Hoc autem in vera, & reali declinatione contingere nequit. Ergo cum ipsa febris declinatione, reliqua morbi tempora iuxta diuersam considerationem concurrunt. Deinde in decrescente febre datur causæ morbificæ cruditas; postea concoctio maior, accrescens, & tandem perfecta, iuxta quam concoctionis varietatem in morbis tempora distinguuntur. Igitur, &c.

Quarta. Nulla possunt ratione morbi incrementum penès essentiam, & penès symptomata & concoctionem, in eodem morbo coniungi, & coire. Ergo duo hæc saltem tempora non possunt non in eodem morbo iuxta suam concursum dissidere. Antecedens suadetur: quoniam quando concoctio accrescit, morbus necessariò, & iuxta suam essentiam, & iuxta symptomata minuitur: cum

namque concoctio sit naturæ victoria supra morbum, nil aliud præterquam morbi refractionem prorsus significat, ita ut quò minor sit causæ morbificæ supra naturam potentia, minor morbus existat. Ergo in incremento morbi penès concoctionem, minor necessariò morbus euadit, & quò magis concoctio incresecit, eò magis morbus minoratur ac decrescit, similiterque symptomata, & concomitantia, accidentia, ad morbi minutionem necessariò minuuntur, & hebetantur, ut patet in morbis acutis, & malignis. Ergo symptomata, & morbus, cum concoctionis incremento decrescunt; ac proinde morbus quum est in statu quoad concoctionem, est in principio quoad symptomata.

Quinta. Si tempora omnia, quoad triplicem considerationem accepta, simul in morbis concurrerent, nulla posset dari certa salutis prænotio ex concoctione, nulla posset haberi fides de signis indicantibus salutem. Atqui ex Hip. & Gal. & reliquorum doctrina, certam auspicantur Medici salutem ex signis concoctionis. Ergo ex eorundem mente, non simul in morbis concurrunt omnia hæc, iuxta variam considerationem, tempora. Antecedens suadetur: nec enim alia ratione concoctionis signa, & quæcunque in morbis ad fidem necessaria admittuntur, possunt salutem attestari, nisi quia significant morbum iam mitiorem euadere in intensione sua, magnitudine, & malitia quam antea habebat. Sed si simul accrescit morbus cum symptomatibus, & maiori concoctione coniunctus, non mitior, sed vehementior; non benignior, sed malignior, non melioris, sed deterioris conditionis iudicabitur. Si ergo simul cum accrescente concoctione, aut in suo vigore consistente, morbus simul, eiusdemque symptomata accrescunt, nullam ex signis concoctionis possumus ægrotanti salutem coniectari. Ergo vel frustra eiusmodi in morbis euentus ex concoctione prædicimus; vel tempora hæc non æquè simul in cuiusque morbi processu, & varietate concurrunt.

Ultima. Morbi quidam salubres sunt, quidam lethales; & inter eosdem, alij maxime, quidam verò minime, alij magis, alij minùs lethales; aut salubres euadunt. Salubres verò idèò tales iudicantur, quia salubria signa in eisdem, plura & maiora apparent, quàm lethalia; contra accidit, si exitiosa, & mortifera signa adsint: quare iuxta plura vel pauciora, maiora vel minora, salubria aut deterrima signa, salubriores aut in salubres morbosæ affectiones constituuntur, talisque à Medicis nuncupantur. Qua facta suppositione, si in salubribus morbis eiusmodi tempora concurrunt; ergo non in lethalibus: si in lethalibus; ergo non in salubribus. Igitur non necessariò tempora hæc in omnibus morbis coincidunt. Sequela probatur: nam lethales morbi diuerso longè à salubribus ordine procedunt; ex eo namque salubres, vel exitiosi dicuntur, quia salutem, aut mortem in suo ordine, terminis, atque processu pollicentur: si verò concurrant simul in ytrisque morbis tempora, eodem necessariò ordine, eademque via procedunt; igitur nequaquam possunt tempora hæc in salubribus, & exitiosis morbis pariter concurrere.

Sed priusquam nostram præstamus sententiam, notabis primò dupliciter posse duo aliqua, aut plura in morbis, quocunque successu mori æqualiter concurrere, hoc est, æqualiter accrescere, decrescere, consistere, aut aliqua cuiusque generis alteratione moueri, & quiescere. Dicuntur namque duo, vel plura æqualiter moueri, quæ eodem temporis spatio mouentur, licet magis, aut minùs alterum moueatur, celerius, aut tardius in maiorem tendat perfectionem, intensiōemve gradum. Dicuntur secundo duo aliqua, tria, seu plura æqualiter moueri, quæ eodem prorsus celeritatis aut moræ, intensiōis aut remissionis, & cuiusque demum perfectionis gradu incrementum, consistunt, & minuantur. Licet autem putredo, & concoctio in morbis, & quæ ad illa sequuntur lethalia, aut salubria signa, possint primo modo æqualiter in morborum processu incipere, augeri, & quiescere, non tamè inde rectè poteris inferre, signa salubria, & lethalia simul, pariterque in intensiōe perfectioneue formæ incrementum, diminui, & consistere; quod idem poteris ferre iudicium



iudicium de concoctione, in ordine ad symptomata, morbiue essentiam & magnitudinem : licet namque simul hæc omnia, pariterque in morbis augeantur, & decrescant, id est, eodem tempore, inde sequitur æquali motu, cursu & perfectione perpetuò moueri.

Nota secundò. Licet morbus à principio sui, ad statum usque & consistentiam, haberetur & refringatur, siue ab operante natura, siue ab exhibitis medicamentis, non tamen inde rectè infertur, morbum in statu esse minorem, quàm in principio : etsi verè affirmandum sit, minorem multò reddi morbum in statu, agente natura à medicamento adiuta, quàm si morbus nullam in sui processu actionem patiatur : aliàs magis sæuieret morbus, & fureret, nì à Medico, & ab ea coërceatur, & infrænctur, quorum beneficio multò mitior euadit, & benignior.

Cum hoc stat, morbum suapte natura increfcere, & sic maiorem & vrgentiorcm fieri in statu, quàm in principio. Hoc quotidiano confirmatur experimento : quamplurimà enim dantur in rerum natura, quæ aliqua ex parte non parum refracta, assiduisque actionibus diminuta, tandem maiora multò, quàm in suis principiis euadunt, quod in plantis, animalibus, & aliis palàm fit.

Ratio autem id ipsum concludit : Nam etsi natura artis beneficio nonnunquam perficiatur, aliquando etiam diminuatur, artificiali denique correctione emendetur, non tamen in totum poterit natura, quoad suas virtutes, aptitudinem, inclinationem, & operationes in totum prosterni & euerri, naturali subiecto manente, in quo natura ipsa possit, quoad suas naturales actiones, reuiuiscere & vigere. Morbus autem ex se hoc sibi vendicat munus, quemadmodum & omnia quæ successione motu incipiunt, & finiuntur, vt scilicet in sui naturali processu, & concursu, postquam inceperint, accrescant, consistent, & finiantur, vt ex supra dictis pater manifestè. Ergo nequaquam potest morbus ab aliquo externo, valido etsi agente, in totum quoad suum naturalem cursum detineri, hoc est, impediri, quominus morbus ipse, iuxta suam naturalem inclinationem & aptitudinem, vigeat & accrescat, nisi morbus ipse omnino euertatur, & euanescat.

Ob hanc rationem Auicennæ interpretes assueuerant, omnem morbum salubrem, hoc est, ante suam naturalem cursum non extinctum, omnia quatuor tempora necessariò percurrere. Quamuis verum sit, quod & artis, & cuiusque etiam naturæ actionis munere, possit quoad aliquam sui partem coërceci & refringi, atque ita non tantum increfcere, quantum suæ naturæ relictus morbus accresceret, & fureret : nec aliud præstant medicinæ approposita medicamina, artificiosaque præcepta ab auctoribus tradita, præterquam ita morbum reprimere, vt non tantum insolescat, quantum naturæ suæ debetur ; quod non exiguum, paruique faciendum ægrotanti auxilium.

Neque obiciat hoc modo. Naturæ vires, artisque instrumenta possunt nonnunquam morbum, eiusque naturalem cursum impedire, immò nonnunquam euertere, antequam ad augmentum, statum, & declinationem perueniat. Ergo poterunt eiusdem naturalem aptitudinem, & inclinationem non solum in partem, verum etiam in totum perdere, & prosternere : sic intelligendum est commune Medicorum eloquium, pronuntiantium morbum salubrem percurrere quatuor tempora, nisi à natura, vel ab arte præpediatur. Dic &, si verum fatearis, (quod mea sanè sententia dubium maximum videtur) posse morbum ab arte nonnunquam finiri, antequam quatuor sibi debitas partes, seu tempora percurrat ; illud tamen nequaquam poterit sine magno naturæ dispendio contingere, & cum maximo vitæ discrimine à Medico tentari. Quare cum Medici primum munus, non solum sit naturam conseruare, sed & morbum reprimere, idèò artificiosa coniectura instructus, vtilia & accommodata præsidia, ad curationis opus perscrutatur. Quare cum illa quæ ex toto morbum euerunt, antequam suum naturalem cursum morbus perficiat, periculosa sint valde, & perniciofa vitæ, à medicinæ consideratione sunt aliena : quapropter licet concedatur assumptum, minimè tamen

A doctrinæ traditæ fundamentum euerit : magis enim arduum est naturales cuiusque obiecti potentias omnino prosternere manente subiecto, quàm idem subiectum penitus extinguere, & euertere.

Nota terciò. Inter symptomata quæ in morbis solent contingere, quædam sunt vniuersalia, alia particularia. Deinde tam illa quàm hæc, duplici de causa talia dicuntur : vniuersalia enim dicuntur, quia in suo esse augentur, & minuuntur : nam sequuntur morbi cum natura confictum, & tanta taliæ sunt in qualitate, magnitudine, & paritate, qualis & quantus confictus existit, sicque appellantur, quia vniuersalem morbi causam sequuntur, de quibus est intelligendus Hippocrates *sententia* ; o. lib. 2. *Aph.* dum dixit : *circa initia & fines, omnia mitiora ; dum verò consistunt ac videntur, fortiora* : & Gal. in *com.* interpretatus est casus omnes, id est, vniuersalia symptomata : explicat sciè Brachelius in *com.* eiusmodi sunt inquietationes, angustia, dolores, sitis, caloris acrimonia, vehemētiō febris. Dicuntur secundo modo symptomata vniuersalia, quia non vni tantum morbi speciei sunt addicta, sed plurimis affectionibus communia ; eiusmodi sunt plenitudo, putredo, malignitas, cruditas, concoctio, quamplurimi dolores, pulsus, & respirationis inæqualitas, celeritas, &c. sitis, vigilia, fastidium, &c.

Particularia etiam symptomata sub duplici etiam à Medicis considerantur differentia, vel enim talia dicuntur, quia particularem morbi causam sequuntur, qualis est cuiusque morbi species, & constitutio : nam sicut quæ confictum sequuntur vniuersalem, vniuersalia dicuntur, sic quæ naturam, particularia. Vocantur secundo modo, quæ vni duntaxat morbo, & non multis conueniunt, quæ quidem non de vno symptomate est intelligenda propositio, quasi expectetur vnum dari numero symptoma, quod vni tantum morbo, & non alij conueniat, sed de pluribus simul sumptis symptomatis est necessariò dictio hæc interpretanda.

Sufficit tamen communis hæc supra vnum symptoma conuenientia, ad hoc vt vnum possit per se proprium, & peculiarem morbo appellari : vt dolor pancreaticus, tussis, crebra seu impedita respiratio, pulsus ferrinus, febris acuta, simul sumpta, firma sunt & certa pleuritidis signa, idèòque peculiaria huic morbo appellantur, licet vnumquodque per se possit aliam morbi à pleuritide speciem concomitari ; quia tamen simul sumpta, vni tantum morbo, pleuritidi scilicet conueniunt, vnâque solam pleuritidem, & non alium morbum denuntiant, iccirco particularia pleuritidi appellantur, tam omnia simul sumpta, quàm vnumquodque separatim per se ; vnde passim ex Medicorum communi sermone inuenies signa in morbis, seu symptomata pathognomonica, quæ de huiusmodi particularibus signis tam simul sumptis, quàm de vnoquoque sigillatim intelligenda putant.

Particularia deinde symptomata, quæ ex eo particularia dicuntur, quia morbi naturam, veluti peculiarem causam consequuntur, multiplicia, & varia sunt : Nam quædam morbum à principio usque ad finem pariter comitantur, ita vt æqualiter, id est, eodem tempore, & motu simul cum morbo accrescant, diminuuntur, & consistent : quædam eodem tempore accretionis, & decretionis motu mouentur, verum non pariter in eodem motu, sed in celeritate, magnitudine, & intentione inæqualia euadunt, ita vt morbus magis increfcet, quàm symptomata, vel vice versa, morbus minùs augeatur, symptomata verò magis. Alia idèò dicuntur morbi essentiam concomitari, quia communiter, hoc est perpetuò, aut frequenter in tali morbo reperiuntur, siue antea, siue simul cum morbo finiantur, inter quæ plurima dantur, quæ diminuuntur accrescente morbo, & concoctione ; & aut ante statum morbi finiuntur, aut in statu minores sunt.

Ex iis plures persuadere (falsè tamen) sibi, valde diuersum esse statum symptomatum, à statu concoctionis, & statu morbi : arbitrantur enim priscorum doctrinam de his particularibus esse intelligendam, quod nempe in statu symptomata sint fortissima : nam experiuntur quamplurima ex his particularibus symptomata, in statu morbi, &

& concoctionis, aut multò minora esse, aut extincta A fit solum, quando morbus est in statu, & morbifica materia est summe concocta.

Falluntur secundò, commensurantes naturam morbi & essentiam, quoad eiusdem intensiorem & remissionem, magnitudinem, & paritatem, benignitatem & malitiam, per magnitudinem, incrementum, & diminutionem horum particularium symptomatum: quare reluctanter valde, aduersusque Galeni sententiam assenerant, quòd morbus sit maior in statu, quàm in principio in morbis salubribus; quod in lethaliibus, & insalubribus morbis verum esse arbitrantur; quoniam in his symptomata omnia, & accidentia perpetuò cum morbo crescunt, nunquam verò declinant, atque mitescunt, quum lethales morbi declinationem minimè pariantur, immò in statu symptomata sint vehementissima.

Ideo communem propositionem, quòd in statu symptomata sint fortissima, recipiunt de statu symptomatum solum; non verò morbi, aut concoctionis: quæ opinio Galeni decretis maximè repugnat, qui Hippocraticam sententiam non solum de statu symptomatum, sed morbi, & concoctionis interpretandam esse confirmat, ut infra latè: symptomata autem, quæ necessariò maxima in prædicto statu existunt, sunt vniuersalia tantummodo, hoc est, sequentia pugnam & conflictum, non verò particularia, quæ essentiam & naturam morbi spectant: hæc enim aliquando in statu possunt esse maxima, sæpe minima, multoties minora, aliquando enim simul cum morbo, & concoctione, & putredine accrescunt; interdum verò accrescente morbo decrescunt, & minuuntur, atque ideo in statu apparent minora, aut minima, aut potius extinguuntur, & cessant: vniuersalia autem perpetuò, & necessario ex vi naturæ, vehementissima in statu morbi existunt, quare de illis est propositio intelligenda. Vtrum autem morbus in statu sit maior, consule Thomam à Veiga lib. 1. de diff. feb. in com. cap. 8.

His præhabitis, quæstioni respondebis hoc modo. Tempora omnia, scilicet morbi, coctionis, & symptomatum, perpetuò in morbis concurrunt, nec aliter possunt contingere, ita ut vnus tantum detur in morbis status, vnicum augmentum, vnicum principium, atque declinatio, quæ sint coctionis, morbi, & symptomatum. Hæc sententia colligitur in primis auctoritate Hippocrat. lib. 2. aph. 47. dicentis. *Dum pus conficitur, dolores, ac febres accidunt magis, quàm in confecto*, hoc est: quando fit puris generatio, crescit concoctio, & putredo, accrescunt etiam & intenduntur dolores, & febres, quæ sunt symptomata, quæ pugnam inter naturam coquentem, & morbum consequuntur. Colligitur secundò ex 4. aph. 30. *Circa initia & fines, omnia debilia, circa statum verò fortiora.*

Hæc sententia non est intelligenda de statu morbi, coctionis, & symptomatum, facta collatione ad seipsa in principio, ita ut sensus sit, coctio in statu fortior est, quàm in principio: aut, morbus & symptomata, maiora in statu sui sunt, quàm in sui principio: nam hoc modo sententia Hippocratica esset nugatoria, minimè scientifica, & tanto auctore indigna: satis namque patet, vnumquodque in fine sui augmenti maius necessariò euadere, antequam crescat. Est ergo Hippocrat. mens, in morbi statu cognito per suam coctionem, symptomata vniuersalia esse vehementissima, quasi dicat, status morbi coctionis, & symptomatum, simul & eo dem tempore concurrunt.

Colligitur tertio ex Hippocrat. 1. aph. 7. *Vbi morbus peracutus est, statim extremos habet labores*: & 2. aph. 13. *Quibuscumque crisis, id est, iudicatio fit, his nox gravis ante accessionem.* Quam sententiam reperit lib. 6. epidem. sect. 2. text. 23. de his scilicet, qui tertiana legitima corripiuntur, Quibus locis non obscure docet Galenus, statum morbi, coctionis, & symptomatum æquè in morbis coire, quemadmodum & reliqua tempora: gravis enim nox non aliter antecedit, nisi quia symptomata grauiora, & maxima in suo vigore existunt. Esse autem morbum, & concoctionem tunc temporis in vigore suo, patet, quia crisis

Idem docuit Hippocrat. lib. 1. cit. aph. 7. nam ideo dixit, quòd peracutus morbus statim extremos habet labores, id est, symptomata vniuersalia statim habet, ut Galenus explicat in com. quia ad suum vigorem, & consistentiam statim peruenit, in qua casus omnes, seu symptomata vniuersalia vehementissima existunt. Nec aliud voluit Galenus 1. cris. 3. & 10. quum morbi augmentum per magnitudinem morbi auctam, accrescentem concoctionem, & symptomatum incrementum docet agnoscere; statum autem cognoscendum esse asseruit per vehementiam vtriusque ex his tribus, ita ut status per hæc tria demonstretur, tanquam per vera eiusdem status testimonia, scilicet per omnia simul, & præsertim per illa, quæ magis, & clariùs sensibus offeruntur.

Colligitur quartò, ex Auic. 1. 4. tract. 1. cap. 4. per hæc verba. *Et similiter cognoscitur dispositio horarum ex augmento accidentium febris, & statione eorum, & declinatione eorum, &c.* Quibus verbis non obscure significat Auicenna, morbi tempora augmentum, statum, & declinationem, per augmentum symptomatum, eorundemque statum, & declinationem esse colligenda. Et hæc doctrina præcipuo nititur fundamento, quòd scilicet tempora hæc omnia simul in morbis concurrant, alioqui vana esset sententia, ut aduertenti facillè patebit.

Nunc rationibus aduersariorum satisfaciendum. Non virget prima, desumpta 2. aph. 47. immò nostram potius, quàm oppositam roborat sententiam: neque enim ibi intelligit Hippocrat. quòd quando pus est in via, sunt accidentia in statu; sed quòd accrescunt febres, & dolores, simul cum addita generatione puris, ita ut quò magis in perfectionem tendit pus, eò magis dolores, & febres accrescant, confecto namque iam in totum pure incipit declinatio, ac proinde non est mirum, febres & symptomata ex Hip. auctoritate diminui.

Ad secundam auctoritatem ex Auic. 3. 4. tract. 1. cap. 24. aperte responde, illum non esse intelligendum de calcificatione, & doloribus qui fiunt gratia conflictus morbi, qui sicuti reliqua eiusmodi accidentia, vniuersalia à Medicis solent nuncupari; sed de forti calcificatione, & doloribus qui fiunt ex distentione, & ruptione partium, ut ipse statim explicuit; quare non concludit, quemadmodum nec idem Auic. 10. 3. tract. 4. cap. 5. de dolore in statu pleuritidis diminuto, eiusmodi namque dolor, particulare, & non vniuersale censendum est symptoma.

Ad vltimam Galeni auctoritatem, 3. de rat. vult. in morbis acutis, com. ult. Dic, Galenum significare optimam simpliciter, & exactam concoctionem, aliquando in morbis reperiri, quæ quidem in statu, & non in alio morbi tempore contingere solet, & quia morbi status non perfectam simpliciter dicit concoctionem, sed collatione facta ad alia eiusdem morbi tempora, non verò ad reliquos morbos, quia poterit in quibusdam morbis perfecta concoctio apparere, in aliis verò perfectior, in aliis perfectissima, propterea dixit Galenus, &c.

Ad primam, & secundam rationem, patet quid respondendum sit, ex notabili secundo. Ad terriam dic, febrem in syncho non debere commensurari, quoad sui tempora, penès sui intensiorem aut remissionem, eo quòd eiusmodi symptomata, particularia, & propria in hac febre existunt; sed penès illa, quæ vniuersaliter morbi contentiorem sequuntur, quæ vniuersalia vocantur, ut anxietas, sitis, dolor, delirium, vigilia, infestus sapor, amaritudo linguæ, & reliqua huius generis, quæ cum coctione, & causa morbi, quoad suas varietates concurrunt. Quare nihil concludit argumentum.

Ad quartam dic. Per coctionem non minorari simpliciter morbum, sed ex coctione significari morbum in sanitatem vergere, forèque à naturæ viribus suo tempore superandum, & licet aliqua ex parte mitior fiat, poterit alia ex causa augeri, ac proinde non sequitur, quòd quò magis concoctio accrescit, eò magis morbus simpliciter minor fit.

Ad quintam neganda est sequela: & ad probationem dicendum

dicendum, non ideo ex signis concoctionis sanitatem pronuntiari, quia illa significant morbum iam in totum esse superatum, sed quia demonstrant posse à natura morbum suo determinato tempore deuinci. Nec aliud vult Hippocrat. *cir. loc. epid.* qui solum monet, vt semper coctioni simus valde attenti, ex qua certam salutem polliceri possumus: nam coctionis signa, non presentem, sed futuram proculdubio vaticinantur sanitatem, licet non sit negandum, ex iis aliquam morbi refractionem significari. Quare coctio morbum simpliciter minorem non reddit, sed minorem quam si natura non esset operata in eum.

Ad postremam concessa, & ex vtraque parte recepta suppositione, videlicet, quod morborum quidam salubres, quidam verò lethales dicuntur, & ex iis quidam magis, alij minus salubres habentur, quorum iudicium per salubria, aut lethalia signa profertur & acquiritur, neganda est sequela: & ad confirmationem dicendum, quod diuerso longè ordine procedunt morbi salubres, & insalubres: negandum tamen est sequi ex eo, quod si tempora in morbis quoad coctionem & reliqua concurrant, non diuerso prorsus, sed eodem ordine procedant morbi salubres, & insalubres: neque enim malicia morbi, & magnitudo, furiosaque accrescentia cum coctione symptomata, signa sunt, quæ lethalia à Galeno, aliisque peritis Medicis appellari solent, quoniam hæc in omnibus reperiuntur morbis necessario, licet in quibusdam magis, in aliis minus appareant. Sed lethalia signa sunt, quæ putredinem, cruditatem, aut malitiam, quam morbus habet ex se, consequuntur; eiusmodi enim sunt illa, quæ simul cum concoctione accrescunt, incipiunt, & quiescunt, quæ vniuersalia vocantur: reliqua verò particularia, quæ scilicet à morbi natura, & constitutione oriuntur, bonum, vel malum euentum in morbis prælagiunt.

Ex iis satis patere arbitror, quàm tenuis sit argumentatio hæc; ex eo scilicet quod tempora coctionis simul cum temporibus symptomatum, & essentia morbi concurrant, sequi salubria, & insalubria signa simul necessario accrescere, & consistere, &c. ideoque eodem prorsus ordine procedere salubres, & insalubres morbos, nec posse vllam haberi circa salutem, aut mortem in morbis prænotationem: nam signa quorum vi hæc agnitio acquiritur, non sunt quæ cum morbi temporibus concurrunt, quæ vniuersalia vocantur, sed quæ particularia dicuntur, quæ scilicet morbi naturam, conditionem, & morem consequuntur. Hoc modò vltimam instantiam facillè solues. Quomodo verò distinguantur vniuersalia morborum tempora, *infra lege, in com. hist. penult.* Tu verò si plura in hac difficili, & intricata quæstione scire aues, consule præter antiquos Auicem. interpretes, 1. 4. *tract. 1. cap. 3.* & apud Galenum *lib. 1. cris. cap. 2.* Vallesium 10. *cont. cap. 6.* Mercat. *tom. 1. lib. 3. part. 2. clas. 4. quæst. 201.* Carreterium 1. 4. *tract. 1. cap. 4. quæst. 6.*

## HISTORIA X. GALENI, De febre ardenti.

Causus in corpore calido sicco, assumpto cibo in accessione, contra Diatritariorum errorem, à Galeno curatur.

Ergo iuuenis qui febre est correptus, annos natus erat quinque & viginti, gracili corpore & musculofo, veluti canis, tū sicco calidoque omnino temperamento. Iam idē exercitatione quodāmodo delectabatur, & alioquin cogitabundus, & industrius erat. Is peregrè agens, quū nuntium parum gratū accepisset, & tristatus est, & properè se accingens ad urbem festinauit. Ac priori quidem die, & laborauit modicè, & lotus, cœnatūque in quodā diuersorio quieuit, sed maxima ex parte sine somno. Postera die etiam magis festinauit, ac longa via, & sabulosa, & squallente, sum sub feruente sole confecta;

A hora propè septima & semisse peruenit ad urbem. Ibi, cū ea, quorum causa maturasset, meliora audiret, in gymnasium la-naturus proficiscitur, dein vnctus, vna cum quodā eorum qui aderant iuvene, perfrictus est. A quo cum, vt paululum dimoueret, provocaretur, orta inter eos contentione (qualia sepe accidunt iis qui exercitationibus indulgent) plus iusto est exercitatus, eratque iam immodicè siccus. Egressus verò gymnasium inuenit amicorum quosdam pugnantes, quos dū dirimit, imprudens in aliam exercitationem non leuē incidit, dū alios eorū dinellit, alios impellit, alios complectitur medios, alios vt iniuriis increpat, ac pro iis qui iniuriis affecti esset, irascitur, adeo vt domum se in summa siccitate reciperet, lassitudine, inaequalitatemque sentiens. Aquā igitur ex consuetudine bibens, ubi nihilo se leuatum, sed inaequalitatem sibi intendi sentit, hanc quidem vomuit. Ratus autē utilius adhuc cibo abstinere, accubuit, ac quieti se dedit hora ferme diei vndecimæ: quod cū fecisset, ac nocte tota febre diuexatus vigilasset, postridie quoque quieuit vsque ad meridiē, sperās se somni aliquid consequuturum. Quo tēpore cū eum Medici quidam diatriton colētes inuiferent, tum quidem homini satis magnā esse febrim aiebant, vesperi autem se illum reuisuros. Itaque & vesperi cū redirent, ac febrim inclinaram cernerent, ne tum quidem nutriendum censuerunt: quamuis etiam id aliis quidam Medicus suaderet, immò strenuè restiterunt, adicientes, siquidem sine febre esset, fortasse cibum daturus, febricitante autē adhuc minimè id facturos. Quinetiā cū tertio die manē redirent, eam tertia diei accessionem transmittendā censuerunt. Erat autem, vt prius dictum est, suspecta hora illius diei vndecima. Ergo digressis illis, ipse accessi, ac faciem iuuenis contemplatus, vidi talem esse qualem in prognosticis Hip. depingit his verbis. Nasus acutus, concaui oculi, ac reliqua quæ deinceps ab eo dicta scimus. Itaque cū omnino mihi persuaderem, fore, vt tum in hecticam febrim, tum quā mara, modum vocant, homo nisi cibaretur, incideret, sorbitionem ex alica quam primum paro, atque exhibeo. Et tamen quamuis hac sumpta, cū accessio suo tēpore circa vndecimā inuaderet, sic extremis partibus perfrictis, vt calefieri ha vix posset, & pulsus illi paruus, imbecillisque maximè fuit. Quæ ex causa illi etiam quarto die, tū manē, tum vesperi cibū dedi, quod scilicet & vires repararem, & corpus humectarē; erat namque cutis eius, seu corium arida. Vbi autem febris tenuis, & similis persenerauit, statui deinde quinto die, non simplici sorbitione hominē cibare, vt antè, sed alica ex aqua calida, curaque condituram, iniectis in eam mali punici granis. Est namque is optimus cibus bilioso stomacho: nam & roborat hūc malum punicum, & alica, cū diutissime in ventriculo citra corruptionem maneat, sensim concoquitur, nec acefciens, nec innatans, quæ vitia accedere sorbitionibus aliquando solent. Incidit verò & in ipso quinto principium accessionis simile. Itēque cū & sexto, & septimo eum simili ratione cibasse, in octauo rursus simile principium precedentibus fuit. Vbi nimirum vel amentiam, vel pertinaciam, vel haud scio quid dicam, eorum qui in principio hominem transmittere tertia diei accessionem sine cibo iusserant, prorsus intelligere licebat. Nā cū cunctis euidenter appareret, nunquam peruenturum eū ad quartum fuisse, si nutritus ante accessionē tertij nō fuisset: illi & tum eum, & secutis etiam diebus non rectè nutritum aiebant. Caterum committendum non erat, vt eorum redarguendi studio, agrum quis non exhibito in ipso accessionis die cibo proderet. Igitur nono die similiter hominem nutries, cernensque in accessione pulsū eius redditū, quàm prius erat, firmiorē, caterum imbecillitatem illā adhuc præferentem cum extremarum partium frigore, non potui sustinere illorū Medicorū meras nugas: sed vndecimo die præfatus prius agrotātis amicis, fore vt ipso die intelligerent hominē hactenus nostrā opera fuisse seruatiū, permisimus illi præterire accessionis horas. Ergo cū & sine pulsu omnino in ipsis esset, & frigus, eum vehemens totius corporis premeret, sic vt nec loqueretur amplius, & vix impellentē sentiret, conuocati in vnu Medici omnes, qui ab initio videramus, ab agrotātis propinquis pro-pemodum sumus discepti. Ego quidem, quod ob pertinaciam vltro agri salutē prodidissē: qui verò diatriton colebāt, propter ignorantiam, & stupiditatem. Ac illi quidē pallidiores, frigidioresque quàm ipse ager, consiliū quoddā fugæ captabant: quod ego prospiciens, aula ostium obserari iusseram, & simul



simul amico cuidam clauem seruare. Post medius eorum stās, A  
iā, in qua, vobis constare planē arbitror, quis hactenus homi-  
nē seruari, seruabitur autē & nūc nostra opera. Neque enim  
si periturū omnino in hac accessione putassem, a cibatione de-  
stitissem: sed quoniam ex precedenti iam victu tantū illi robo-  
ris superesse noueram, ut tolerare accessionem posset, permisi  
accessionis horas sine cibo transmittere. Ac satius quidē fuis-  
set multo antē hominem nutrire: verū quō & istos redar-  
guam, & quibusdam his auscultantium, qui confici à nobis  
iuuenem, quod illam occasionem omiserim, dicant, persua-  
deam, nunc illis ostendam, vel in accessione ipsa egrotantes  
quosdam nutiri debere, nedum ante hanc. His dictis, ac di-  
ductis hominis maxillis, infundo ex angustis oris vasculo, cre-  
moris prissana cyathos tres: paulo autē post albi & tenuis vi-  
ni, modicęque calida diluti duos cyathos. Post quos, & sustu-  
lis oculos, & tū audire, tum loqui, tum presentes nosse cōpit:  
quum ante velut lignum aridum porrectus sine voce, ac sensu  
iaceret. Rursus itaque dato ex vino, quo dixi modo, diluto, B  
pane ad comedendum exiguo, prorsus hominem reuocauī. Quē  
ut rursus ad institutā ab initio victus rationem reduxi, &  
tertiū decimi diei accessionem faciliē tolerare vidi: in quarto  
decimo rursus manē cibauī: ac post circiter horā octauā laui.  
Deinde rursus liberalius cibauī, ac mox vinum bibendū ex-  
hibui. Idem verō & in duodecimo, & tertio decimo feceram.  
In quinto autē decimo rursus cibauī manē. Cū verō facilius  
tum quoque accessione ferret, in sexodecimo denuō laui, ca-  
terāque circa hominem peregi, sicut in precedentibus diebus.  
At ubi in decimo septimo minimē grauis, paruaque accessio  
fuit, audacter hominem de cetero sub conualescentium victus  
ratione habui, &c. Galenus lib. 1. meth. cap. 3. & lib. de caus.  
procatactis. cap. 1. in initio.

## PARAPHRASIS.

NVlla est historia, ex qua maior vtilitas comparetur  
Medicis quā ex hac: quum enim nihil frequentius  
in ore habeant quā oraculum illud Hippo. lib. 1. aph. 1. i.  
quo monet ægros à cibo in accessione esse abstinendos,  
tamen aliquando in ea esse nutriendos, vel ante ipsam,  
hoc exemplo fit manifestum: nam dictiones Hippocra-  
ticę frequentiam notant, non perpetuitatem; ex Galen.  
lib. de for. format. cap. 2. & lib. 6. aph. 58. cū enim Galenus  
rationalem sectam instituere, & pseudomedicorum tunc  
Romę degentium irrationalem curandi methodum de-  
struere conareretur, qui sibi licere putabant, impunē  
ægros triduana inedia interficere, iccirco vt suam famam  
tueretur, & ab illorum calumnia vindicaret, qui iuuenem  
illum ab eo occidi prædicabant, quia illius nutriendi op-  
portunam occasionem omisisset, dum ægro, ob interdi-  
ctum cibum in siccitatem omnimodam redacto opem fer-  
ret, hanc historiam ita fusē recitat, inuentumque suum fe-  
stiuē celebrat, quod ante eum ab aliis non erat obserua-  
tum, ægros scilicet in ipsa accessione, & nonnunquam  
tribus, duabūve horis ante ipsam esse cibandos, cū vi-  
delicet debiles sunt, graciles, sicci, ad hecticam, & talem  
paratissimi, ad cuius imitationem proponit Aëtius, ex Phi-  
lagrij mente; alias elegantes historias, tetrab. 2. serm. 1.  
cap. 90. & 91.

Proponit ergo iuuenem calidum siccum, biliosum, ex  
nimia inedia febrientem, qui ab aliis Medicis exiccatus, E  
& in extremum periculum adactus, humido alimento  
vel in ipsa accessione nutritus, Galeni industria euasit.  
Nam Hippocrat. 1. acut. 46. & Galenus lib. de morb. tempo-  
rib. cap. 6. ægros in accessione à cibo esse arcendos asse-  
uerant, cū eo tempore natura circa morbi materiam  
negotietur, & alimentum distracta concoquere nequeat;  
quare crudum relictum fit deinceps materia morbi. Nam  
coctio fit quiete; natura autem in accessione dimicat, &  
contra causam morificam veluti decertat, & cū in  
excernendo noxio humore per varias regiones, sudorem  
nempe, vomitum, & aluum sit intenta, coctionis officinas  
deserit. Deinde cū circa oblatum alimentum aliquantulum  
sit occupata, ab humoris noxij coctione auertitur. In-  
super, si in accessione, refluentibus humoribus ad cor-  
poris centrum, calorēque ob copiam oppresso, cibum

propines, in impuritatem ille abit, ac distentis hypo-  
chrondis opprimitur pectus, anxia fit respiratio, & ca-  
lor cordis intenditur. Hoc significauit perbellē Hippo-  
crat. lib. 4. acut. 39. dicens. Cū autem purgaueris, sorbitio-  
nibus vitior, obseruatis ita febrium accessionibus, ut nunquā  
cū adsunt, neque cū future sunt; sed vel cū cessant, vel  
quiescerunt, & maximē à principio recesserunt. Frigentibus  
ergo pedibus, neque potum, neque sorbitionem, neque aliud  
quidpiam huiusmodi dabis, nisi cū calor ad pedes descen-  
derit, curritque vrina, & omnia cessant, quo tempore sorbi-  
tionem dare expediat: nam alias perniciofa existis, &c. expli-  
cat scitē Mercurialis in com.

Hoc tamen intelligendum est, nī aliud addit maximē  
urgens, in quod curantis consilium dirigi debeat, vt est  
calida siccāque temperies, tum naturalis, tum acquisita,  
præsertimque si corpus sit squalidum, humorque acris in  
corpore redundet, cum mordaci vapōre coniunctus, sit  
æstas, & febris ex æstu, labore, ira, sole, & inedia concite-  
tur: æger debilis, excarnis, & ob has causas in consilio-  
nem ex siccitate, syncopen, aut talem incidere sit paratus:  
tunc antequam corpus ocysimē resoluatur, alimonia an-  
te accessionem, vel in ipsa est exhibenda: Nam æger cū  
eam usque ad exactam accessionis declinationem sine  
euidenti periculo durare non potest.

Id significauit Auicenna 1. 4. tract. 2. cap. 8. dum in hac  
verba pronūpit. Et de corporibus sunt corpora cholericā, que  
requirunt regimē diuersum ab illo quod diximus; & proprie  
quādo sunt assueti comestioni plurima: ipsi enim cū cibari  
saltem in ipso principio febris, immō in hora que est præuor-  
ea, & est hora status. Nam vacua sunt dispositiones earum à  
duabus rebus, quoniam cū ipsi sint debiliū virtutū, super-  
uenit eis syncope, & moriuntur in paroxysmo; & si sint for-  
tium virtutum, cadunt in extenuationem; & apparent super  
eos signa cruditatis; & ex minoratione nasci, aut profunditate  
oculorum; & quod tempora sunt depressa; & fortasse sa-  
peruenit eis syncope ante illud propter id quod effunditur ad  
C stomachum de cholera mordacitua. Hæc Auicenna.

Ex iis patere arbitror, gracile, siccūque corpus febrili  
calore occupatum, denegato alimento areferi: Nam Hip.  
6. epid. sect. 3. text. 31. sic inquit: malū febriculūsum inimicū  
fami, quoniam fames (hoc est, omnimoda diæta) corpora exic-  
cat, ex Hip. 7. aph. 59. Quapropter calida sicca corpora in  
ipso vigore sunt cibo humectanda, in quibus ad alimen-  
tum exhibendum nunquā declinatio expectari debet: ex  
D prohibita enim, vel retardata alimonia plurima mala oriū-  
tur: est necesse, cū denegato humido nutrimentali: corpora  
exarescant, maximē cū ob meatuum amplitudinem, sub-  
tilitatem sanguinis, & continuam spirituum agitationem  
faciliē resoluantur, quare iis virium robur adesse non po-  
test.

Potō iuuenis erat pinguedine carens, gracilis; mani-  
festum calidæ siccæ temperaturæ indicium, ex Gal. in art.  
medic. c. 56. & lib. 2. de temp. 4. Erat insuper exercitationi-  
bus deditus, quæ sanguinem attenuant, calefaciunt, debi-  
litant, extenuant, maximēque si corpus tristitia antea sit  
confectum. Non ergo est mirum, si hic in febrem inciderit  
adiæctionēque cibi fuerit deinceps reffectus, & ab immi-  
nenti febre hectica præseruatus.

Nec signa à marasmo de febre erant aliena: nam faciem  
exhausto primigenio humore, resolutis viribus, absum-  
pto sanguine, minuto innato calore, Hippocraticam  
habeat, quam ipse lib. 1. prognost. text. 3. sic describit.  
Oculi cavi, tempora collapsa, aures frigida, & contracta,  
ac lobi earum inuersi, & cuius cir. a frontem dura, circum-  
tensa, & arida existens, & color totius faciei chlorus, vel ni-  
ger, aut lividus, aut plumbeus. Et licet huius cadauerosæ  
faciei plures causas Galenus, Christoph. à Vega, Metcu-  
rialis, & Heurnius proponant, in com. tamen oculi cavi  
sunt ob partium mollium, & carnosarum in illis exi-  
stentium, à vehementi calore consumptionem: fit au-  
tem maiori ex parte extenuatio in oculis potius, quā  
in aliis faciei partibus, quia molliores sunt, & hu-  
midiores; quare accedente causa dissipante, febrilis ca-  
loris vi faciliē absumuntur; ex qua causa adstricta sunt  
tempora. Aures frigidæ, ob natiui caloris inopiam, qui  
cum



cum pusillus sit ad partes extremas expandi nequit. Fibra inuersione, curis dura ac intenta, pessima est; conuulsionem enim vel praesentem significat, vel imminentem portendit: haec si semel hominem apprehendit, immedicabilis est, ex Gal. 2. aph. 26. 7. meth. 7. & 12. eiusd. c. ult. Viridis color, ob virium debilitatem apparet in facie autem, ob eius laxitatem, & molliem amplius conspiciatur; cum enim natura viuendum, roseumque colorem cuti indidisset, qui sanguinis optimi copiam, spirituum splendorem, & natui caloris vbertatem praestendit, quid mirabimur, si ob contrarias causas, color niger plumbeusque appareat, inter morientis facultatis apertum indicium ex Galen.

Quare hunc aegrum tot oppressum angustiis, & praenimia imbecillitate iam morti propinquum, nutrire in ipsa accessione sibi persuasit, oblata alica, iniectis in eam mali punici granis. Nam alica cibo stomacho bilioso est utilis, humectat, sensum concoquitur, non acescit, neque innarat, & vbertim nutrit, ex Gal. 1. de alim. 13. & 2. aph. 18. & 4. de sanis. c. 4. de cuius apparatu, & usu plura diximus lib. 4. in com. 92. Puniceum autem, praesertim acidum, aestuanti ventriculo, & biliosis naturis esse accommodatum, probat Gal. lib. 3. acut. 2. de cuius praestantia lege quae notauimus lib. 2. in com. hist. 5. & refert Mundella epist. 3.

Denique hoc alimento recreatis, & refocillaris viribus, cum sine cibo data opera eum Galenus transigere permisisset, (nam celerrime eius exhaustas vires relaxari posse coniecit, cum essent ex praecedenti victu iam leuatae) & ipse in accessione a cibo priuatus velut lignum aridum iaceret, mortiferam faciem representans, exhibitis vini albi, tenuis, modiceque calida diluti cyathis duobus, ad vitam est reuocatus. Vinum obtulit, licet febris adesset, quia cum sit album; manifeste non calefacit, ex Galen. lib. 1. 2. meth. c. 4. & 3. acut. 6. vt explicat Amatus. 1. cent. 28. & cum, essent in modica duorum cyathorum quantitate exhibitum, nocere non poterat, maxime cum febrientibus ipsum concedat Galen. 3. acut. 8. §. Quod sciit fecit febrientibus maxime idoneum aquosum sit, & supra in com. hist. 18. late protulimus.

Romani hac mensura, ad curandos suos aegros, erant contenti. Sextarius duas heminas continet, & respondet fere dimidia mensura vini metrae Germanicae; continet autem cyathos duodecim, in quos Romani, tanquam assem in uncias distribuerunt. Sextans duos cyathos, id est, duas uncias pendebat. Choenix duos sextarios, Congius sextarios sex. Chus quatuor sextarios. Metreta, vel Cadus (quod idem est) decem congios habet, Modius ambit decem sextarios. Amphora tres modios continet. Medimnus tres modios complectitur. Cyathus ergo habet drachmas duodecim, ex Oribasio lib. 2. collect. cap. 58. Paulo lib. 7. cap. ult. Lege Manardum lib. 1. 2. epist. 1. Hoc modo bini cyathi continent uncias tres.

Sed miraberis, cur ad recreandas vires, & firmanda viscera, tantopere ab omnimoda dieta, & febris exhausta, vinum dilutum obtulerit; si hoc, ventris tonum & robur dissoluit? Sic enim ait Galenus lib. 2. acut. com. 28. Dilutum enim, ventris tonum, seu robur exoluit, &c. Dic, maximum fuisse usum, & morem apud veteres sanitatis tempore vinum diluendi, vt sic huius calor frigiditate aquae temperetur, & mitescat. Hunc modum obseruauerunt prisca, qui vino, maris praesertim aquam esse affundendam iudicabant, quod ipsius quasi praesidio, purius ac firmitus vinum efficeretur: Nam, vt ait Plinius lib. 14. cap. 8. suauis vinum est infusa maris aqua. Ideoque veteres Baccho Delphinum appingebant, quod vinum aqua maris dilutum facilius, ac diutius conferuaretur, id quod se ab agricola patruo Columella hausisse fatetur, lib. 12. cap. 21. & 22. de quo & Caroc. 24. & 106. de re rustica, & Dioscorides lib. 5. c. 20. Athenaeus vero sic loquitur, ad Eustath. lib. 1. n. 41. vina diligentius mixta aqua maris, crapulam impediunt, ventrem solvunt, mordicant ventriculum, nec inflationes efficiunt, & conferunt ad nutritionem, & sic vino saporis gratia conciliatur, vt probat Plutarch. lib. 10. quaest. natural.

Quapropter Plutarchus lib. de rat. tuend. sanis, prudenter, & docte vinum diluere docuit, aut si inter vina diluta per

A se sola bibatur aqua, vtiliorem efficit vini diluti portionem, & maxime si praecedat labor, ira, estus: nam tunc aqua est aptior ad refocillandam sensum, recreandamque naturam; vehementi enim, & veloci efficacitate vini meriti corpus facilius commouetur, & agitur. Hinc Plutarchus 3. sympos. quaest. 9. plures Baccho assignari nutrices tradit, quia pluribus lympharum mensuris est mansuefaciendus, hoc est vinum diluendum; laudans citatum Platonis dictum, & eleganter, atque ingeniose accommodans Reipublicae gubernationi ex prudentia seniorum, & ardori iuniorum temperata: Videntur etiam veteres duas quidem Ioui nutrices attribuisse, Baccho autem plures, quod hunc Diuum pluribus aquae mensuris cicurare, & quodammodo instituere mitiorem ipsum, & prudentiorem efficere oporteat.

B Patet ob quas causas vinum sit diluendum: Nam aqua vini calorem remittit, & praesertim in febribus, in quarum curatione frigida portio optis est. Quo pacto maxime laudauero Galenum, qui vinum dilutum huic egro aestuoso, & inedia macerato, summèque exiccato obtulerit. Nam vires reficit, humectat, non inflamat. Si vero dilutum debilitare ventriculum asseuerat, quoniam humiditatem, flatuumque copiam in superiori ventre regenerat, vt probat 2. acut. 34. intelligendus, si propinetur illis qui frigiditatem ventriculi fortiantur, vel dic: quod Galenus respexit ad vasa inanita, in quibus corporibus vinum cito rapitur ad venas, & sic crudum remanet, inepte nutrit, & vires deiecit. Sed cur calida diluit, si 1. ad Glaucon. 13. procuranda syncope, frigida temperat, ea est causa; quoniam lib. ad Glaucon. requirit repulsionem, quae ob frigiditatem per moram fit, in hoc aegro citissimam exoptat penetrationem, & nutritionem quae calore praestatur.

C Requirit hic locus vt perscrutemur ad quam differentiam pertineat febris qua iuuenis hic laborauit. Non enim fuit diuturna, quia eius terminum est praetergressa, non putrida; quoniam ex adusta, & non putrente bile fuit concitata, non hectica; nam habuit signa ab ea longe diuersa. Die fuisse continentem biliosam absque putredine, quam dari ex hac historia manifeste colligi potest: cum enim ex bile inflammata, & non putrida esset exorta, iecicordibus summo fuit auxilio, qui valde obesser, si vel ex copia, obstructione, plegmone, vel putredine consisteret. Posse autem hanc contingere firmat Galenus lib. 1. epidem. sect. 2. comment. 20. qui arduas febres ex bile in genere carnoso congesta oriri sibi persuadet, subscribunt Aetius tetrab. 2. serm. 1. cap. 91. Auerrhoes lib. 3. c. 4. qui non omnem calorem praeter naturam esse putredinalem, sed alium esse adurentem, & assantem asseuerant, vt videas humoralem febrem, & putridam non dici ad conuertentiam: Nam illa citra putredinem datur aliquando, quod perperam voluit negare Alzarius a Cruce cent. 4. quaestorum fol. 340.

D Deinde si agens putredinosum non sit, sed valde calidum siccum, humores exallabit, aduret, inflammabit, atque febrem potius excitabit humoralem, quam putridam, praesertim in materia biliosa, ad combustionem amplius, quam ad putredinem apta: cum enim in subiecto adest humiditas, si hoc excedat, quod est putrefactionis materia, febris orietur putredinosa. Quare si bilis accendatur in vasorum cavitatibus, febris biliosa excitabitur, ex Gal. 1. epid. sect. 2. com. 22.

Continetis biliosa citra putredinem causae evidentes, non aliae sunt, quam quae Ephemeram mouent, vt lib. 4. de feb. cap. 4. docte Fernellius docet, de harum cetera sunt cruciatus summus, qualis nephritici, aut parturientis est, exercitatio, laborque immodicus, balnearum intemperatius usus, animi exandescencia. In hac nulla putredinis notae impulsu, aut in vrinis cernuntur, verumtamen os amarefcit, delicitur appetentia, sitis excruciat, capitis dolor, ac vigilia vrgent, & in cute arida calor acer ferit. Hae soluitur ex mente Galeni 5. acut. 121. quando humor biliosus vel perfecte euacuatur, vel extinguitur. Hae auctoritas nostrae solutioni patrocinatur valde: Nam si haec febris fieret ex bile putrefacta solum

ola biliosi humoris extinctio non sufficeret, sed necessariæ esset euacuatio. Si verò Galenus *lib. 1. feb. §. in princip.* profert ex antiquorum mente, omnes febres ex putredine fieri, magna ex parte intelligendum est.

Quapropter ex effluuientia bilis citra putredinem febris concitatur: neque humorale cum putrido dicitur ad conuertentiam, ut scitè aduertit Thomas à Veiga *1. feb. 1. verbo, caloris autem, &c.* Et si enim diuersa res sit combustio, & putrefactio, quia tamen in vtriusque calor est insuauis, & mordax, idè hæc ad putridam reduci potest. Hoc modo *2. simpl. 14.* vrentia vocat putrefactientia ob symptomatis similitudinem. Quod autem vitio faciat febrem, probant perdoctè Vallesius *§. cont. 19.* Ludouic. Lemosius *lib. 9. meth. c. 3. diff. 2.* Si verò pulchra de hoc dubio legete desideras, consule Mercurialem *lib. 2. acut. com. sent. 1.*

## QVÆSTIO XV.

*Verum in constituendo temperamento magis parato ad febres, Galenus, & Auicenna sint concordēs ut perperam plures Auicenna interpretes opinantur.*

### COMMENTARIUM

**E**rgo iuuenis qui febre est correptus. ] Auicennam, summum Arabum principem; addo Galenicæ doctrinæ audum, & solemem fuisse indagatorem; omnes asseuerant ut ex huius monumentis vniuersos suos canones exornari. Hic cum Galeni interpretem se esse fateatur, in inultris ab eo dissentire cogitur, cuius edicta nō commodè explanentur, à Galeni mente diuisa videntur. Cum enim *1. 4. tract. 1. cap. 2. de corporibus ad febres præparatis*, sermonem instituit, hunc ordinem seruat

Primum locum adscribit corporibus calidis, & humidis, & quamuis hoc non ex propria videatur asserere sententia, quod prima capituli verba significant; [ & dixerunt quidam ] illam tamen statim & recipit, & explicat. Docet ergo calida, & humida corpora febribus esse paratissima. Secundo loco calida, & sicca. Tertio, in passiuis, humiditate scilicet, & siccitate temperata, in sola autem caliditate exuperantia. Quarto, in actiuis temperata. Frigida tamen sicca, & frigida humida ad recipiendum febrilem calorem omnium esse ineptissima asseuerat.

Galenus inuerso ordine enumerat *lib. 8. meth. 8.* Nam primum locum concedit temperaturæ calidæ siccæ, & D merito, ob magnam enim conuenientiam quam habet cum febre, huic est maximè obnoxia. Cum enim tria sint febrium genera, hectica, diaria, & humoralis, calida sicca ad hecticas, diarias, & aliquas humorales, biliosas nempe, est paratissima. Secundū locum concedit calidæ, & humidæ. Tertium calidæ tantum. Quartum, siccæ tantum. Quintum temperatæ. Alias quatuor temperaturas non proponit, sed ita sunt referendæ, ut sextus locus concedatur humidæ tantum. Septimus, frigidæ, & siccæ. Octauus, frigidæ tantum. Nonus, frigidæ, & humidæ.

Si tamen horum auctorum mentem attentè contempleris, in iis nullam adesse dissentionem reperies: nam illi iuxta diuersam considerationem, & respectū in prædictis corporibus promptitudinem, & difficultatem incurrendi in febres diiudicant, penes quam rationem Galenus ad febres in vniuersū corpora calida & sicca esse paratiora asseuerat, quoniā febris, calida & sicca passio est, *1. aph. 16.* Auicenna verò materiam respexit, quæ ad putredinem, & ebullitionem magis est parata, quare corpora calida, & humida putridis febribus plus esse obnoxia statuit, quæ febres frequentius inuadunt, & de quibus Medici amplius debent esse solliciti, quod videtur significasse Galenus *loc. cit.* cum dixit, *Et propriè cū humiditas est fortior caliditate*, quæ verba ipsum de febribus materialibus fuisse loquutum, manifestè ostendunt, quum præualens humiditas minori calori coniuncta proprium sit putredinis principium, ut ait Galenus *1. de diff. feb. cap. 3. & in 1. med. cap. 19. 34. 42. 57. & lib. 1. de temp. 4. post med.*

A Idèoque statim subdit Auicenna, quia isti sunt foetidi sudoris, urinae, & egestionis. Quare corpora calida humida febribus putridis paratiora sunt, ut voluit Auicenna in quibus frequenter accidunt bubones, tumores præter naturam, & febres pestilentes, ex *Gal. 8. meth. cit.* corpora verò calida sicca, biliosis, & acutis febribus magis sunt parata. Lege Massariam *lib. 5. de febrib. cap. 2.* Mercurialem *tract. de febrib. cap. 3.*

Sed hoc dubio explicato, explananda est doctrina Galeni superius tradita, patet enim obiectionibus non paucis, quarum prima est. Si corpus temperatum operationes habet perfectiores, & omnibus morbis magis resistit, ex *Galen. lib. art. medic. cap. 8.* & non virtute, sed & viribus reliquis præstat, *1. de temper. cap. 5. probat.* Arist. *5. probl. 22.* quomodo hanc ponit in quinto loco? Dic, temperatum collectiue omnes operationes perfectiores habet, & similiter omnibus morbis magis resistit, cæterum distributiue minus resistit aliquibus morbis quam intemperatum corpus, ex *Galen. lib. de opt. corp. const. cap. 6.* Quod enim non habeat singulas operationes perfectiores, ostenditur, quia inter ætates (de his enim eadem ratio est; ac de complexionibus) adolescentia temperatissima est, *6. de sanitat. 2.* tamen in operationibus naturalibus à pueritia superatur, ut ibi docet *Galen. & 3. de caus. symp. 8.* & non modò in illis, sed etiam in vitalibus superatur, *1. prog. 34. & 3. de symp. caus. cit.* temperies calida, & humida inter omnes optimam coctionem, & nutritionem habet, & melancholici omnium sapientissimi sunt *30. probl. 1.* explanat eloquenter Valleriola *6. enarrat. vltima*, & hæc ponior solutio quam interpreti ibi, Thom. de Garbo *sum. 4. tract. 2. quest. 9.* Cardani *lib. 2. cont. tract. 6. quest. 14.* Lege Thomam à Veiga in *com. c. 8. cit. loc. art. med. Gal. Vallès. 1. cont. 11.* Mercatum *rom. 1. part. 1. quest. 52.*

Plurimi Auic. interpretes aliter respondent Galenū *8. meth. cit.* assignare ordinem facilitatis incidendi in febres; indicatione tantum desumpta à familiaritate temperamenti, ratione cuius temperatus facilius febre corripitur, quia scilicet habet temperamentum magis familiare, & conueniens cum intemperamento febrili: tamen indicatione sumpta è robore virium, quæ multò est præstantior, & potentior ad resistendum, quam contrarietas intemperamenti, temperatum, febribus, & aliis morbis magis resistere quouis intemperato arbitrantur.

Hæc sententia recipienda non est. Primò, quia si Galenus *loc. cit.* tantum adscriberet temperaturas ratione maioris, aut minoris similitudinis quam habent cum febre, secundum locum concedit calidæ simplici, hæc enim cum intemperamento febrili maiorem similitudinem habet, quam temperatura calida humida, ut patet. Secundò. Quia ad resistendum plus potest contrarietas temperamenti, quam robur virtutis, ut apertè constat *9. meth. cap. 16.* quò loco sic argumentatur Galenus: Frigidæ potius non lædit hominem sanum, ergo nec lædet eundem hominem iam febrientem, quod non valeret, si robur viriū plus posset ad resistendum, quam contrarietas temperamenti: ut enim patet, sanus vires robustiores habet, quam febriens. Tertio. Quoniam Galenus *8. meth. cit.* inuestigat quænam temperamenta facilius febriant, & ab inedia magis lædantur ad exercitium operis curatorij, ut scilicet eos magis à febre, & inedia præseruemus: Quare si temperata natura virium robore magis resistit, simpliciter à Galeno dicendum erat temperatum febre, & inediæ magis resistere: aliàs enim doctrina eius in opere curatorio falsa esset, cum simpliciter asserat temperatum magis resistere febre, quam frigidum, quod tamen in opere, & à parte rei ex illorum sententia falsum est.

Neque obstat quòd obiciunt, temperatum debere habere operationes perfectiores, & debere magis resistere omnibus causis morbificis, quia habet temperiem omnium maximè proportionatam formæ agentis: Nam temperata complexio dicitur maximè proportionata formæ agentis, solum ex eo; quia ad omnes operationes accommodata est, ita ut ad nullam sit valdè inepta, & ita Galenus *lib. art. med. cap. 13.* cerebrum temperatum omnia moderata habere affirmat, quibus verbis insinuat non

non omnes operationes perfectissimas habere. Similiter 2. de temp. 1. in fin. Temperatus omnes tum naturales, tum animales virtutes inculpatas habet: intemperatus autem licet ad aliquas operationes accommodatior sit, ad alias tamen est valde ineptus. Eadem etiam ratione temperata complexio dicitur maximè proportionata formæ viuientis ad resistendum morbis, collectiue tantum, quia scilicet nullus est morbus cui licet valde parum non resistat, tamen distributiue ad resistendum singulis morbis magis proportionata est intemperata complexio, vt apertè constat ex lib. de opt. corp. constit. cap. 6. Verbi gratia, frigida magis proportionata est formæ viuientis ad resistendum causis calefacientibus, quam temperata & sic de alijs.

Secunda obiectio. Cur Galenus ad faciliè incidendum in febrem, calidam humidam temperaturam præfert humidæ tantum? Oppositum enim suadetur: nam ex Auic. 1. 4. cap. cit. calida humida temperatura eò est magis parata ad febrem, quò humiditas magis superat calorem, cum igitur in humida tantum, humiditas magis superet calorem, quam in calida humida, vt constat, erit illa ad faciliè incidendum in febres magis parata. Dic, eadem ratione sequeretur magis paratam esse ad febrem temperaturam frigidam humidam (quòd nemo concedet) in hac enim humiditas magis calorem superat, quam in temperatura calida, & humida. Ad obiectionem dic solum excessum humiditatis non præparare ad faciliè incidendum in febres, & putredinem, sed si iungatur excessui caloris: quibus duabus qualitatibus simul excedentibus, quò humiditas fuerit amplior calore, eò facilius in febres corpora incidunt, quòd loc. cit. significat Auicenna. Consule eruditissimum Carterium in Auic. 1. 4. tract. 1. cap. 2.

## HIST. XI. GAL. ET RAS.

## De febre ardenti.

## Febris ardens, gelidæ potu sanatur.

**Q**ui enim in feruoribus sub Canicula ex ira febricitauit (iuuenis autem hic erat siccus, & calidus) ubi in prima accessione \* duas frigida heminas bibisset, statim quidem vomuit flauissimam bilem: non multò autem post etiam deorsum excreuit. Deinde cum rursus post cibum aqua circiter heminam similiter sumpisset, iam febricitare desinit, &c. Galenus lib. 10. meth. cap. 5.

Quidam iuuenis febricitauit diebus canicularibus, & potauit hora insuitus aquam frigidam in quantitate vnius cocoli, & euomit incontinenti cholera rubeam, & asselaui sapè, & post cibum sumpsit aqua frigida cocolos duos, & febris cessauit, &c. Rasius lib. 3. continent. tract. 1. cap. 2.

## PARAPHRASIS.

**I**nstitutum prosequitur Galenus posito exemplo in iuene calido sicco, qui frigida epota, flauissima bile euomita conualuit, vt scias hæc corpora esse refrigeranda, & humectanda. Licet autem Galenus, vt par est pluribus esset vsus auxilijs, tamen hoc solum sanitati fuit restitutus æger: Nam membra calore exiccata, frigida potu refocillata, peccantem humorem per vomitum, & aluum expellere potuerunt, quòd auxilium aut mitigandas ex ardore ingenti febres, summum esse, veteres edocti à Galeno lib. 9. meth. 4. 5. & 11. eiusdem cap. 9. & alibi vnanimiter confirmarunt, cuius opè natura alacrior facta, vtiles humores retinet, inutiles expellit per aluum, vrinam, vomitum, & sudorem. De cuius potus utilitate sat plura diximus lib. 2. in com. hist. 54.

Sed quæres qui sint dies caniculares, de quibus apud veteres, & iuniores celebris facta est mentio, & à quorum efficacia tot mutationes in corporibus humanis fieri experimento cognoscimus? Hippocrates lib. 5. Aph. sent. 4. Sic ait. Sub cane, & ante canem difficiles sunt purgationes. In cuius explicatione varij varia pronunciant, sed

Lib. IV.

**A** omni sciùm primò audiamus Galenum lib. 1. epid. sect. 1. com. 1. S. Canicula stella est illustrissima, cuius ortus in astatem incidit, & hac itidem aliqui nomine abutentes totius sideris, canem etiam nominant, atque vniuerso sideri canis est nomen: stella verò que in eius est mandibula canicula, quam ante canem, non canem appelles, &c. Ab hoc sidere dies caniculares sunt dicti, qui secundum Galeni opinionem lib. 2. de aliment. facult. in initio, & lib. de documento pueri epileptici, cap. 4. in fin. sunt viginti quidem ante, toridemque post caniculæ exortum.

**B** Exoritur sidus hoc ex Plin. lib. 18. cap. 28. tempore æstatis ardentissimo, sole primam leonis partem ingrediente, quanquam pro varietate locorum hic exortus à quibusdam variis constituatur. Et licet ab omnibus canicula dicatur, quem calor furibundus exæstuat; tamen canis, & canicula, non vnum, atque idem est sidus, siue astrum, sed duo sidera, seu duæ stellarum constellationes, vnā canem maiorem, alteram minorem appellant. Maiorem canem ex 29. stellis constare, minorem ex duabus solum Rex Alphionus, Principum Lusitanorum sapientissimus, & mathematicus insignis memoriz commendauit.

Vtrumque astrum dicitur Sirius, & Plinius caniculam vocat maius astrum, lib. 2. cap. 40. & 47. & lib. 9. cap. 16. Idem firmanit Iulius Firmicus lib. 8. cap. 9. Ioan. Pontan. in sua vrania, siue de stellis lib. 3. Galeotus Martius lib. de promiscua doctrina, cap. 36. Cælius Rhodigin. lib. 17. antiq. lect. cap. 27. Et nuper Petrus VVinfemius libello de sirio, metro 35. eloquenter.

**C** Quantam ex his sideribus sublunaria sentiant mutationem supra citati auctores vnanimiter retulerunt: Nam vt Plinius cit. loc. asseuerat, in horum exortu feruent Maria, accenduntur solis vapores, fluctuant in cellis vina, mouentur stagna, canes maximè in rabiem aguntur. Quapropter merito Galenus etiam vigere febres ardentis confirmat, lib. 1. epidem. sect. 2. com. 7. quoniam sidus hoc corpora vehementissimè calefacit, & adeò ingentissimi hoc tempore æstus vigent, vt femina iactata non nasci ob caliditatis, & siccitatis excessum scriptum reliquerit.

Hoc ita esse, experimentum testatissimam fidem facit: Nam aridum est corpus præ æstu, quoniam feruidus sirius, ignis ardentis immittit vicinior flammæ, hinc illud Virgilij. Georg. 2.

Aique ubi huiusca siti findit canis æstifer arua.  
Et Æneid. 3.

Tum sterilis exurere sirius agros  
Arabant herba, & victum seges agra negabat.

Et Æneid. 10.

Ille sitim, morbosque ferens mortalibus agris  
Nascitur, & læuo contristat lumine cælum.

Quare Homerus Iliad. 22. Sic ait. Lucidissimus quidem canis, sed malum signum perficit, & multam febrem adfert miseris mortalibus. C. Tib. lib. 1. el. 4.

Et canis ærenti torreat arua siti.

Perfius initio 3. sat.

Siccas insana canicula messes  
Iam dudum coquit, & patula pecus omne sum vltimo est  
Sic. & Homerus lib. 3. carm. Od. 13.

Te flagrantis atrox hora canicula:

Et Od. 19.

Iam procyon furit, & stella vasani leonis,  
Sole dies referente siccos.

Ouidius lib. 5. Pastor. post ortum caniculæ.

Tota siti tellus, præcipitiæque seges.

Martialis lib. 4. epigram. 66.

Nec nocuit tectis ignis, nec Syrius agris.

Silius Italicus Annibalis pertinaciam describēs ita canit.

Nec puluere fessum,

Agminis ardenti labefecit sirius astro,

Flammiferis tellus radiis cum exusta debiscit,

Candemique globo medius coquit æthera feruor.

Auienus in Arato suo.

Liber vestigia sirius ardet, &c.

Cui plurimus ardor.

KKk 2

Æstuat

*Æstuat in mento multus rubor imbuat ora,  
Sudet anhelanti face pestifer aëra motu  
Torret, & immo dicit terras coquit ignibus astri,*  
Aratus latinè conuersus sic sonat.

*Ora canis summa accendit graue sidus, & aëri,  
Igne micat splendens, quo nomine sirius audit.*  
Senec. O Edip. act. 1.

*Non Zephiri leues  
Spirant, sed ignes auget astiferi canis  
Titan leonis terga Nemai premeus  
Deseruit amnes humor, atque herbas color.*

Valerius Flac. lib. Argon. 1.  
*Et Calabri populator sirius arui.*  
Lucan. lib. 10. Phars.

*Rapidus qua sirius ignes—Exerit.  
Manilius ita cecinit lib. Astron. 1. circa fin.  
Nunquam futilibus excanduit ignibus aether,  
Squalidaque elusi deplorant arua coloni,  
Est steriles inter sulcos desessus arator,  
Ad iuga inharenteis cogit frustrata iuuenos,  
Aut granibus morbis, & lenta corpora tabe,  
Corripit exustis lethalis flamma medullis,  
Labentisque rapit populos, totasque per vrbes,  
Publica suspensis peraguntur fata sepulchris.*

Hinc fit vt præ æstu, & calore sub hoc astro canes concipiant rabiem: Nam mortalium, & mutorum animantium corpora extenuantur ob copiosum sudorem, diffluuntque, ac penè exanimantur, ipsæ quoque plantæ corrumpuntur, neque enim humorem ex arido, planèque vstulato solo, quo viuunt, haurire possunt. Tu verò de sirij ortu, & effectibus lege Claudium Salmasium immensæ lectionis virium in com. cap. 32. Solini.

Ex iis liquet manifestè, quàm prudenter in huius iuuenis curatione se gesserit Galenus, qui his rationibus ductus, in biliosa febrî nec sanguinem emiserit, neque medicamentum purgans exhibuerit. Nam tempora quæ sunt propè canis ortum admodum sunt calida, atque ob id in eis à sanguinis missione cauere præcipit, lib. 6. epid. sect. 4. com. 44. vires enim debiles sunt, & corpora flaccida valdè, nimis exusta, & si tunc venæ sectionem celebres, impensè nocebis, ita docuit Galenus 9. meth. cap. 15. §. *Temperatura calida sicca maxime euacuationibus offenditur, &c.* hæc enim corpora cum febricitant, facillimè resoluntur, nam ob caloris excessum, pororum amplitudinem, & tenuitatem sanguinis, & spirituum promptissimè deficient; quia illis virium robur non adest, ex Gal. 10. meth. cap. 5. quare si in iis venæ sectionem exerceas, animo linquntur, & vix refici possunt. Ita intelligendus est Gal. 1. ad Glau. cap. 14. in principio, dicens. *Ob hæc igitur neque in locis supra modum calidis sanguinem mittere audemus, sed si regio ipsa, & temporis status consentiunt omnino abstinemus.* Hoc modo alloquitur 11. meth. cap. 14. §. *Et omnino non mittes in tempore æstatis, & regione æstiuosa, & celsitatu calido, & sicco.* Ex iis edoctus Auic. 4. 1. cap. 20. Sic pronuntiat, & caue tibi à sectione in regione, aut complexione vehementis caliditatis &c.

Quantum autem incommodum afferat purgatio hoc tempore celebrata docuit Hippoc. cit. loc. non quòd per se sidus hoc purgationibus aduersetur, vt arbitratur Manardus lib. 15. epist. 5. in init. sed ob ingentem calorem, quò tempore fatigat: quoniam, vt Gal. ait in com. exusta eo tempore natura nostra, purgantis medicamenti acritudinem non sustinet. Exurit autem eo tempore natura, eiusdem Manardi sententia, non quòd stella canis vocata adurendi vim aliquam habeat, sed ex accidenti nostro aëri contingere, quia dum illa oritur, sol & vertici nostro magis propinquat, & in nostro hemispherio longiorem moram trahit: Nam si à propria sirij vi fieret, iis qui ad antarcticum polum eadem qua nos ad arcticum vergunt inclinatione, eos quos nobis calores incularetur, quum tamen eodem tempore iidem maxime algeant, quo nos maxime æstuamus.

Causa ergo ob quam exoriente sirio laboriosæ fiant purgationes ad immodicum aëris calorem est referenda, sunt namque purgantia medicamenta cuncta Galeni te-

A. stimonio potentia calida, quare exusta ab ambientis æstu natura illorum calorem ferre non poterit, & sic humores ebullientes futiunt, & febrem accedunt. Deinde natura ex vehemètia caloris, imbecillis reddita, amplius ex purgatione dissoluitur. Insuper aëris calor attrahit ad partem externam, medicamentum ad internam, quò fit vt purgatio difficilis reddatur. Hoc voluit significare Auic. 4. 1. cap. 3. *Ad hæc regio meridionalis ad modum calida non parum obstat, quum etiam purgantia medicamenta maiori ex parte sint acris, & calida, coniunctio autem duorum calorum intolerabilis est; nam & vires in eiusmodi regionibus sunt imbecillæ, & laxæ, & calor exterior humores e corpore foras euocat, medicamentum verò intrò trahit, quare varia fiet attractio, & veluti quadampugna, &c.*

B. Hæc satis sint ac probandum merito Galenum in curatione huius iuuenis non fuisse exequutum præsidia magna, sed sola alteratione vsum, illum ad sanitatem perduxisse. Cum enim ex ira febricitaret, & corpus tempore caniculæ esset incensum nimis, refrigerationem, optimam esse sibi persuasit, quàm aquæ potu citissimè perfici, nullus ignorat. Exhibuit autem heminas tres, quæ mensura apud varias nationes varia est: hemina enim attica, vt docet Galenus lib. 6. sec. gener. cap. 10. capit. vncias mensurales, quibusdam nouem, quibusdam duodecim, Arabibus verò plures, cuius potu natura recreata flauam bilem, febris causam, vt pote tenuem per superiorem regionem excreuit.

## QVÆSTIO XVI.

C. *Vtrum in biliosis febribus, aqua potus, sensim, aut affatim sit concedendus.*

## COMMENTARIUM.

D. *Vas frigida heminas bibisset.* [Celeberrimus Medicinæ magister lib. 9. meth. cap. 5. tantam in frigido aquæ potu pro curandis continentibus spem collocat, vt has solo hoc præsidio, & venæ sectione vsque ad animi deliquium esse curandas arbitretur. Sic enim inquit. *Maxima verò continentium febrium remedia, hæc duo sunt, detractio sanguinis, & potio frigida, &c.* De cuius vtilitate in ægris l. 2. in com. hist. 54. & in sanis l. 1. in com. hist. 66. aliqualaconicè licet sumus cōmentati, tamen hoc loco clariùs de eius vsu, conditionibus, & exhibendi modo differemus.

Frigidæ potionis in febribus plurimos esse, eosque non contemnendos vsus lib. 2. demonstrauimus. Eius tamen potum reprobum esse minimèque in biliosis febribus concedendum firmat Hip. lib. 2. acut. text. 40. quia neque sitim sedat, immò amarescit, & Gal. in com. sic ait. *Hæc igitur quanquam optima sit, multo tamen tempore in ventriculo manet, fluctuationesque plurimum parit, quo fit, vt cum biliosus ventriculus fuerit, corrumpatur & illa.* Idem etiam docet parum infra §. *Nam syncera, puraque, &c.* & Hip. 3. de fractur. text. 49. manifestè in biliosis aquam prohibet.

In contrarium tamen est Auicenna 1. 4. tract. 2. cap. 7. dicens in febribus non esse prohibendam aquam frigidam, & illius interuentu humorem biliosum incrassari, & concoqui. Hos autem auctores concordēs reddes, si dicas primò ex Tralliano lib. 6. cap. 1. aquam iccirco dicendam biliosam, quia non nutrit, & sic calefaciendo, & exiccando sanguinem, inædia, bilem auget, quare exhibita in copia multa, præsertim in biliosis generatur bilis.

Solue secundò. Ex. Auic. 1. 4. tract. 4. cap. 4. quo loco docet hic auctor aquam frigidam subito multa quantitate oblatam esse iuuatiuam valdè, quia scilicet febrem extinguit, cum potentior sit febrî ipsa, contra tamen quando in pauca quantitate assumitur, & assidue, corpus æstuat, non enim superatur illius caliditas, sed per antiperistaltism roboratur, & intenditur, quare ipsa inflammatur, & ignescit, qui modus explicandi ex eo quòd apparet in fornace, confirmatur satis.

Tertio modo solunt plures cum Hugone Senensi in com. c. 7. 1. 4. tract. 2. Auic. qui arbitratur aquam in biliosis biliosam esse, non quòd corrumpatur, & transeat in naturam



naturam bilis, nam hoc purat illi repugnare ob simplicitatem eius, & quia licet crasse simplex non sit, non tamen apta est conuertri in humorem aliquem, quia ratione non nutrit, in biliosis tamen fit biliosa, quia quando bilis redundat in ventriculo, aut in partibus vicinis, aut in venis, aqua ob sui tenuitatem attenuatur, & fundit bilem, & cum ea permiscetur, & dissoluitur, & quia omnis saporis, & coloris, expertus est, bilis etiam qualitates acquirit, & fit biliosa, & bilis ab ea augeri dicitur, tum quoadphantasiam, tum etiam quia ad corporis lesionem, perinde est, ac si bilis aucta fuisset.

Quamuis autem hæc expositio à multis recipiatur, est tamen aperte contraria Hip. & Gal. decretis: Ille enim eam reprobat in acutis, quia in biliosis biliosa est, id est quia bilem auget, non ad sensum tantum, sed verè, alias in biliosis non reprobaretur, quia calorem, & amaritudinem bilis remitteret. Galenus verò expressè in com. docet eam in ventriculo bilioso corrumpi, per corruptionem autem non solum qualitates mutat, sed & formam, & sic verè in bilem conuertitur.

Dic ergo & magis propriè ad Hip. mentem, aquam in bilem conuertri in biliosis febribus, nempe quando sola sumitur, ut in acutissimis, in quibus ægros sine cibo usque ad statum feruabat Hip. nam ita se explicat, 3. acut. cit. dicens, eam neque tussim sedare, neque sputum educere, si quis aqua potione prorsus utatur, id est si quis sola aqua utatur, & parum infra inquit, Atque & pessima, biliosissimaque est, & vires maxime labefacit ubi in vacuitatem venerit, per quæ verba intelligit Musa in com. ventriculi vacuitatem, hoc est, quando ventriculus fuerit vacuus. Melius tamen explicat Galenus lib. 3. acut. 49. dicens, aquam bilem facere, & vires conuelleret, cum ab inani corpore sumitur: Cum ergo in morbis acutissimis prorsus sumatur sola, ab intensissima bilis præexistentis caliditate ob suæ substantiæ puritatem, & moram in visceribus in bilem vertitur. Neque hoc illius simplicitati repugnat, nam licet propter hanc nequeat sola in humorem verti, sicut & sola nutrire non potest, potest tamen conuertri bili permixta, quemadmodum cum succo alimentitio in sanguinem verti potest. Consule Mercurialem lib. 1. variar. cap. 22.

Reprobat ergo eam Hip. cit loco solam, nam in medio alimentorum, & medicamentorum eam concedit, ut inter oximel, & mulsam. Ita intelligendus est Hip. 6. epid. sect. 4. com. 15. Per calidam naturam refrigeratio conuenit, potius aqua, quiescere. Nam Auic. 1. 4. cap. cit. eius potum in febribus putridis non interdicit. Qua ratione Gal. 3. acut. 42. reprobat Erasistratum qui Hippocratem accusat, tanquam ægros excruciantem siti, quod quam falsum sit, patet ex ipso Hip. qui lib. 1. de morbis in fin. sitientibus non solum multam aquam, sed valde multam quousque sudarent, & vomerent, propinat, & Gal. lib. de causis, procatur. c. 2. Gorgiam adducit testem ad comprobandum magnam cum utilitate sæpe id fecisse, & lib. de consuetud. in princ. & lib. 4. acut. 12. præcipuam curationis spem in potione aquæ frigida repositam esse asseuerat, modò non perniciosè agrotet, qui febri ardenti corripitur.

Quoniam verò intempestiue exhibita grauissimas solet afferre noxas, idè, ut cum magna utilitate, & citra noxam propinetur, aliquas conditiones observare oportet, quarum prima est, ne sit humor crudus, & crassus, quæ conditio non debet intelligi disiunctiue, sed copulatiue. Nam etiam si humor crudus sit, non tamen aqua frigida est prohibenda, quando tenuis est, & calidus, quoniam illius interuentu concoquitur, ut docet Auic. 1. 4. tract. 2. cap. 7. Et aqua quidem frigida facit illud, &c. Similiter etiam, etsi humor crassus sit, quando iam est concoctus, non est prohibenda aqua frigida, ut parebit. Circa quam conditionem notandum est non solum prohiberi aquam frigidam quando humor crudus, & crassus, est propria febris materia, sed similiter etiam quando in corpore reperiuntur humores crudi, & crassi, licet febris ex humoribus tenuibus oriarur.

Secunda conditio prohibens aquam frigidam est ventriculus debilis, vel secur imbecille, sub qua conditione quacunquemenibri nobilis, aut principalis debilitas in-

reelligenda est, & sic nec in thorace, nec in ventre debet esse aliqua debilitas nativa, vel morboia, tunc enim aqua frigida partes reddit languidas, & ad proprias actiones valde ineptas, grauissimaque deinde excitat symptomata, aliquando gula ita afficitur, ut impediatur omnino deglutitio, quod viro quadragenario contrigisse scribit Galenus lib. 7. meth. cap. 8. quare Auic. 4. 1. cap. 1. post. med. 5. Et secunda quidem semita, &c. in febribus cum ventriculi debilitate, vehementis frigiditatis aquam prohibet. Et licet hæc conditio de quacumque debilitate possit intelligi, magis tamen propriè de illa, quæ pororum laxitatem sequi solet est intelligenda, de qua Auic. 2. 1. doct. 2. cap. 2. ad fin. 5. Amplitudo quoque pororum, &c.

Tertia conditio est, quando ventriculus frigidus est, aut hepar, si enim pars frigida sit, ex gelidæ potu valde lædi solet, siue frigiditas sit naturalis ratione ætatis, & temperamenti, siue sit morboia, & præternaturalis. Si ergo frigidus existente ventriculo frigidam propines, frigida illius partis intemperies incenditur, & illius operationes impediuntur, ut lib. 7. meth. cap. 8. notauit Galenus.

Quarta conditio est quando inflammatio in visceribus adest, ut in ventriculo, intestinis, iecore, liene, & similibus. Nam frigiditate sua hic potus humorem concoqui, & excerni prohibet: obstruit enim, & humoris resolutionem impedit. Aëtius tetrab. 4. serm. 1. c. 72. addit sacrum ignem, id est erysipelas. Sed ipse sibi contradicit manifestè, qui tetrab. 2. serm. 1. c. 89. de febris lippria, hoc est de ignis sacri circa viscera affectione, in hoc affectu gelidæ potu cum utilitate se visum fuisse appositam historia gloriatur. Deinde reluctatur Galeno, hic enim lib. 9. meth. cap. 5. purum erysipelas non aliter, quam potu frigida posse sanari contendit. Dic, prohibet Aëtius gelidæ potum ante coctionis notas, cum Tralliano lib. 12. cap. 4. & Celso lib. 3. cap. 17. qui in febris pestilenti quando maxime viget, gelidæ potum non propinat ante diem quartum, sed in incremento summo. Galenus verò cum signis coctionis concedit. Dic secundo. Si ignis sacer in visceribus non valde opprimit, interdicens frigida potus, ut tetrab. 4. Aëtius docet, si verò febris est ardentissima, vruntur viscera, tunc citissime exhibendus ob imminens febris hæcicæ periculum, nam tunc maior est utilitas quæ ex febris intensissima remissione sequi solet, quam sit noxa ex impedita resolutione humoris suborta, quod confirmat Galenus in locis multis à me lib. 2. recitatis.

Quinta conditio est quando est dolor in nervis, hoc est quando in genere nervoso, vel in cerebro debilitas adest, quod firmat Hip. 5. aph. 18. dicens, Frigidum inimicum est visceribus, dentibus, nervis, cerebro, & spinali medulla, calidum vero amicum. Hanc conditionem proposuit Auic. 1. 4. tract. 2. cap. 7. sed verus interpretes legit alio modo, [aut sit in visceribus dolor.] id est si fuerit dolor, aliquis colicus, aut iliacus, qui cum ab humoribus frigidis, vel flatibus sæpe oritur, ex frigida potu exacerbatur valde, nisi ex calido, & tenui humore oriatur, tunc enim gelidæ potio summo est auxilio, ut cum artis gloria experti sunt Amatus lib. 1. cennar. & 58. Alexander Benedict. lib. 20. cap. 1. quam etiam frigidam actu emplastri modo applicitam intestinorum tormenta persanasse referunt Vallesius Tarentinus lib. 4. Philon. cap. 28. Ioannes Crato lib. 4. epist. ad Thomam Iordanum fol. 198.

Sexta conditio est temperamentum pauci sanguinis, sic enim Aëtius loquitur Auic. quia tunc calor est debilis, & sic partes à calore naturali destitute à frigida potu valde læduntur, siue paucitas sanguinis ex prolixa ægitudine, siue alia ex causa ortum ducat. Sic est intelligendus textus Galeni lib. 7. meth. cap. 9. docentis in corpore calido, & sicco cum maiori metu, & cautela aquam frigidam concedendam esse, quàm in calido, & humido, illud enim minus de sanguine habet, quare lib. 9. sequenti cap. 5. ad fin. dicebat, Ideoque minus tuta his qui exiguum sanguinem, carnemque obtrinent, frigida potio est: celeriter namque ad solidum animalis partes peruenit, nulli quod eius vim frangat occurrens, &c.

Septima conditio est debilitas caloris innati, hæc autem latius patet quam superior: calor enim naturalis

non solum ex sanguinis, sed spirituum inopia debilitatur. Deinde flaccescit in opere; & minuitur ex raritate totius corporis, vel partium principalium, vel ex mixtionis modo, vel ratione proprietatis occultæ, quæ duæ ultimæ causæ non nisi per experientiam cognoscuntur.

Octava conditio est dissuetudo potandi. aquam frigidam: nam, ut colligitur ex Galen. 1. aph. 50. consuetudo duo facit, primum, ut alteratio minor sit, secundum ut facilius, & minori cum periculo sentiat, & hoc modo insueti potare frigidam ex ipsius portione aliquando in grauissimas affectiones incidunt, & moriuntur sæpe ut contigit Philosopho cuidam, cuius historiam refert Galenus lib. de consuetud. cap. 1. qui febris licet correptus, cum esset frigida inassuetus, Medicorum voto coactus, assumppta ipsa interiit.

Nona conditio quod æger sit boni habitus, carnosus, viribus valens, sanguine, & spiritu abundans, ut occursum frigidæ citra noxam tolerare queat: Nam in iis qui exiguum sanguinem, carnemque habent, minus rura frigidæ portio est, ex Galen. 9. meth. cap. 5. quoniam ubi corpus exangue, & parum carnosum est, frigida sumpta apta est extinguere innatum ignem. Quo pacto recte pronuntiavit Auicenna, 3. 1. doct. 2. cap. 8. aquam frigidam ventriculo ieiuno assumptam, venenum esse. Inde etiam fit, ut febris hectica consummata quamuis magna sit, tamen non admittat copiosum frigidæ potum, ad quem requiritur crassities carnis, & sanguinis abundantia, quia hæc remouetur, & temperat aquam, antequam ad solidas partes perueniat, atque perinde securior est dictus potus in sanguineo, quam in biliolo.

Ultima conditio est, ut non adsit humorum cruditas, crassities, aut putredo, hæc enim curatur partim coctione, partim vacuatione, quæ duo impediuntur potu frigida, quare in principio putridarum non conuenit. His de causis Paulus lib. 2. cap. 30. & Aëtius tetrab. 2. ferm. 1. cap. 72. in causo pendente à bile, quæ tenuissima est, non concedunt in initio dictum potum ob obstructionem, & putredinem, quæ tunc adsunt. Si autem causus oriatur ex sola inflammatione bilis, negandum non est statim à principio illius potum summo esse ex usu, maxime cum Gal. 9. meth. 5. in erysipelate puto non expectet coctionis signa, & in principio synochi imputris hunc concedit potum. Vbi igitur adest obstructio, aut humorum crassities, coctio expectanda est, si non integra, saltem manifestat, ut constat ex Galen. 1. 1. meth. cap. 5. & 9. quod fit ut etiam in augmento hic potus utilis sit, licet Aëtius cit. loc. in statu concedat.

Sed rogas cur ad potum frigidæ expectatur humorum concoctio? Dic: quoniam ille potus ad sequentes vacuationes maxime iuuat, quæ multo melius fiunt post coctionem, tunc enim natura adminiculatur euacuationi, è contra verò ei valde renititur, quando humores omnino sunt crudi: tunc enim intendens eorum coctioni, illos valde retinet, ut lib. 1. aph. 22. probauit Galenus. *Verum verò aliquando ante coctionem sic exhibenda, lib. 2. loc. cit. prædiximus.*

Licet autem nostro uo ab usu Medico hoc auxilium recesserit, tamen cum aqua paulatim exhibita in febribus magni soleat esse momenti, ideo addenda sunt aliqua sciti digna, & apud Medicos controuersa. Et primum de aquæ quantitate, an paulatim, vel subito exhibenda. Hippocras lib. 1. acut. 4. tantam exhibet portionem, quantum quispiam vno haustu haurire possit, & 4. acut. text. 5. propinat quantum æger voluerit, hoc loco duas heminas exhibet, & terriam adiicit, & Galen. lib. 9. meth. 5. & lib. 1. 1. cap. 9. audacter, & usque ad satietatem eam præbet. Auic. 1. 4. tract. 2. cap. 7. heminam cum dimidia offert, docetque tantam esse bibendam, quousque mutetur color, & æger tremat. Celsus lib. 3. cap. 7. 8. Sed ipsa aqua frigida tantum ad satietatem data pro medicamento viuunt. Vbi utrum libet factum est, multa veste operiendus est, & collocandus ut dormiat. Fæquæ post longam sitim, & vigiliam, post multam satietatem, post infractum calorem plenus somnus venit, per quem ingens sudor effunditur, idque presentissimum auxilium est. Sed in his tamen, in quibus præter ardorem, nulli do-

Alores, nullus præcordiorum tumor, nihil prohibens vel in thorace, vel pulmone, vel in faucibus, non viciis, neque deiectione, non profusum alui sit, &c.

Hæc sententiæ licet sint variæ, possunt tamen hoc modo conciliari. Quando omnes conditiones conueniunt, tunc ad extinguendam febrem, & ut natura omnem causam morbificam profus expellat, aqua frigida sumenda est usque ad satietatem, & ultra etiam quousque æger rigeat, & immutetur color, hæc enim sunt signa extinctionis febris, & contingunt, quoniam ex vehementi, & subita refrigeratione partes circa ventriculum feriuntur, & spiritus ad interna retrocedunt, & refrigerantur. Hæc autem signa non semper sunt expectanda, quia sæpe periculosa sunt, & sic sufficit calor, & sitis extinctio, quæ ab aqua sumpta usque ad satietatem inducitur, siue unico haustu citra anhelationem, siue pluribus bibatur, & sæpe sufficit quod sumatur quantum vnica inspiratione bibi possit, & si enim ob febris caliditatem respiratio crebra sit, & videantur non posse multum aquæ sumere quin respirent, tamen propter actualement frigiditatem, quæ dum bibitur, thoraci, & cordi communicatur, illis tunc crebra respiratio non fit, quare accidit, ut sæpe unico haustu citra respirationem, sufficientem aquæ quantitatem sumere queant. Si verò propter difficilem respirationem non potest æger vnica vice multum bibere, tunc multis vicibus bibendum est ad satietatem usque. Si verò desunt aliquæ conditiones, tunc in minori quantitate propinanda, & cum ea cyathus aquæ calidæ permiscendus ex Aëtij mente tetrab. 2. ferm. 1. cap. 78. vel adicienda olei rosacei, vel melini quantitas ad roboranda viscera, sic enim q̃ lubricitatem olei facilius aqua descendit. Nostri loco olei, vel cum frigida, vel stilatitris, syrupum rosaceum, vel violaceum permiscunt, vel cogunt ægros prius sumere saccharum album, vel rosaceum, vel tabellas diamargaritonis frigidi.

Sed magna, & contentionis plenissima est ambiguitas apud eos qui Auicennam interpretantur, quomodo auctor hic citato loco asseuerat, quod portione aquæ frigidæ febris biliola, vel sanguinea transiit in pituitosam: quod placitum falsum apparet, quia sequeretur sanguinem, & bilem posse conuerti in pituitam, hoc enim fieri non potest, cum coctum non possit incrudari, & assum nequeat reuerti ad elixum, ex Auer. collect. cap. 4.

Admittenda tamen est doctrina Auic. quæ Galeni decretis minime repugnat: Nam lib. 6. epid. sect. 6. comp. ult. phrenitidem mutari aliquando in lethargum arbitrat, & hoc tribus modis posse fieri certum est, primò quando propter intensam refrigerationem ad curationem febris biliolæ necessariam, refrigerato ventriculo, iccore, & venis, multa pituita & crudorum humorum copia coaceruatur, qui cum putrescant, cessante febre biliola vel sanguinea febrem pituitosam committunt, sed tunc potius dicemus febrem pituitosam biliolæ, vel sanguineæ superuenire, quam hanc in illam conuerti.

Secundo modo fieri hæc transmutatio potest, quando in febre biliola simul abundat pituita cum flaua bile, & accenditur prius febris in bile quia tenuior est, & calidior. Quare potu aquæ bilis caliditas extinguitur, vel ipsa resoluitur, aut cōcoquitur, & remanet putredo in pituita, & tunc videtur quod febris biliola mutetur in pituitosam.

Tertio modo hoc potest accidere quando sola flaua bilis redundat, quæ frigida patu immodicè refrigeratur, & humectatur: tunc enim licet verè, & essentialiter in pituitam non transeat, mutat tamen temperamentum, & pituitæ qualitates, conditiones, & ex vehementi refrigeratione crassitudinem, & frigiditatem acquirit, & amittit calorem, & acrimoniam exuit. Et illa intelligendus est Galenus dum phrenitidem mutari in lethargum affirmat: Nam ex prædictis frigidis diu assumptis bilis refrigeratur, crassior, & crudior redditur: & quamuis non mutetur in pituitam (hoc enim est impossibile) pituitæ qualitates induit, quod fit ut sicut antea calore, & acrimonia facultatem animalem excitabat, sic contrariis qualitatibus eam consopire valet, & hoc modo est exponendus

exponendus Avicenna. Ad rationem verò in contrarium A  
allatam dicendum est, coctum vere incrudari non posse,  
sed cum liquidius, frigidius, & humidius qualitatibus red-  
datur aliquo modo incrudari. De hoc argumento le-  
gendus Alvarius & Croce centur. 4. quæstior. fol. 301.

## LIST. XII. TRALLIANI,

### De febris ardenti.

#### Febris ardens, purgatione curata.

**N**Oui autem me etiam acuta laborantem febris purgasse, ve-  
rum hoc, multam, diligentemque notationem requirit, & B  
Medicum qui animo fuerit confidens. Noui autem purgasse  
me medicamento quod ex malis coroneis paratur, & hominem pe-  
nuria solum usum scammonium, quod enim ipso non modo bi-  
lem, sed pituitam melius \* attrahit, manifestum est, & c. Trallia-  
nus lib. 12. cap. 3.

#### PARAPHRASIS.

**Q**Uantum oporteat Medicos esse sollicitos in exhi-  
bendis pharmacis pro acutarum febrium curatione,  
hoc exemplo monuit Trallianus: cum enim expurgantia  
ferè calida sint, ex Galen. 2. acut. 1. & lib. de curand. rat. per  
sang. mis. cap. 12. & præsertim ea quibus utebantur præci,  
& febris sit passio calida sicca, sit ut cataractica febrem  
augeant, intemperiem calidam exasperent, & iecur  
squallidum inflamment, 4. acut. 7. hæc ratione. 8. meth.  
cap. 4. asserit in febribus, oximel, & aquam mulsam esse  
fugienda, in quibus medicamenta calida fuerint decocta,  
veluti organum, hyssopus, serpillum, & alia huiusmodi,  
quia febrem accendunt siccitate, & caliditate sua. Et  
lib. 1. aph. 24. in morbis acutis solum concedit medicamen-  
ta purgantia quando humor turget, corpus est disposi-  
tum euacuationi, & maior utilitas quam noxa ex purga-  
tione sequatur, quæ omnia rarissime conueniunt. His  
commotus Celsus lib. 5. cap. 1. refert Asclepiadem pro-  
pter istas causas medicamentorum purgantium usum su-  
stulisse.

Licet autem hæc cautum reddant Medicum in propi-  
nandis medicamentis expurgantibus, tamen eæ febris-  
bus putridis, acutis, chronicis, & in inflammationibus  
tam internis, quam externis esse concedenda acriter con-  
tra doctissimum Thomam à Veiga contendimus. lib. 1. in D  
com. hist. 6. & præter alias auctoritates quas eo loco ad-  
duximus, est alia eximia apud Galenum, qui 13. meth. c. 15.  
in inflammatione iecoris non solum vtrica, mercuriali,  
cnico, polipodio, sed cortice veratri nigri vitur, &  
lib. 14. meth. cap. 19. in medio, in muliere illa Romana,  
quæ herpetem in malleolo pariebat, usus est scam-  
monio.

Quapropter prudenter monuit Medicos Trallianus  
hoc in loco, ut in curandis febribus maxima conside-  
ratione utantur in propinandis pharmacis, & maxime  
si sint continuæ, & vehementes: Nam runc ad offe-  
renda expurgantia Medicus debet esse generosus, &  
arte Hippocratica dignus, ne febrilis calor exandef-  
centia perterritus, rusticæ timore ductus ea exhibe-  
re vereatur, & sic non vacuata morbi causa miserè  
eger occumbat.

Audacter ergo, & confidenti animo in febribus acutis  
medicamenta purgatoria exhibere oportet, in quorum nu-  
mero ab antiquis erat repositum scammonium, ex malis  
coroneis paratum, de cuius præparatione ad Galeni, &  
Mesue mentem plurima diximus lib. 2. in com. hist. 92. Si  
tamen febris acuta ex ingenti sanguinis, aut bilis feruore  
fuerit concitata, tunc exequendum est consilium Auic.  
1. 4. tract. 2. cap. 7. §. Et magis dilectum est apud me admini-  
stratio clysteriorum, & c. Intellige in ea mensura, seu vir-  
tute qua indigemus, quoniam lenientia exhibita per os  
magis nocent infusus per clysteres. Primò, quia intestina  
crassa, in quibus materia clysteris recipitur, sunt ignobi-

lia, & difficilis substantia ad patiendum, ex quo minus  
debilitantur vires, & corpus minori temporis spatio  
commouetur, quoniam si sit lenis, suauiter abstergit,  
emollit, & febris nullatenus nocet.

Sed dubitabis cur Trallianus, solo, hoc est incorrecto  
fuerit usus scammonio, cum hoc medicamentum frau-  
dulentam habeat vim, & partes malitia sua nimium fati-  
ger: Dic: propinandum esse in parua quantitate; nam  
sic exhibitum plus prodest vacuando causam, quam no-  
cet inflammatione sua. Dic secundò, Trallianum incor-  
rectum obrulisse scammonium, non per se solum exhibi-  
tum, sed cum aliis medicamentis permixtum in compo-  
sitionibus, à quibus satis, superque retunditur, & infrana-  
tur, ut in examine diaphaniconis optime animaduertit  
Musa. Sic incorrectum apponunt sæpè auctores, & cum  
innuere volunt præparatum, diagridion, vel scammonium  
coctum in pomo enuntiant. Hoc multoties asserunt Ni-  
colaus Alexandrinus, & Mesue in compositione pilula-  
rum aggregatiuarum, & de lapide armeno, & electuario  
de pilio, & Indo maiori, & in hiera cui titulus est ex in-  
uentione nostra.

Deinde rogabis quo pacto scammonium melius, hoc  
est prius attrahat, euacuetque pituitam, quam bilem, ut  
hoc loco retur Trallianus, edoctus à Dioscoride lib. 4.  
cap. 152. si Mesue tract. de simplicib. tit. de scammonio chola-  
gogum esse confirmat: Dic sententiam Dioscoridis, &  
Tralliani maxima consideratione esse explanandam: Nam  
licet pituitæ, hoc medicamentum aliquid euacuet, præ-  
sertim tamen bilem attrahere certum est, pituitam verò  
non nisi tenuem, & paucam, ac eam fortè, quæ in inte-  
stinis tantum abundat: alioqui si pituitam ex vniuerso  
corpore alliceret, certè ducenda pituita magis, aut sal-  
tem æquè aptum medicamentum existeret, quod falsum  
est, & præcorum, recentiumque Medicorum decretis  
aduersum, ut tam multis eorum testimoniis probari po-  
terat. Consule Mathiolum in com. Dioscoridis. Dic vltimò  
hoc modo explanandum esse Tralliani contextum, ac  
si dicat, Quod ipsa non modo bilem melius, sed pituitam  
attrahit.

## QUESTIO XVII.

Virum plura dentur vera attractionum genera, à fa-  
cultate, vacuo, calore, dolore, & siccitate, ut contra  
Galenum rentur Puteanus, & Vallesius: & contra  
me grauitè decertant Francasianus, Gallindus, &  
Lopius Medici præclari.

#### COMMENTARIUM.

**A**Trahit. ] Multa satis, nî fallor, scitu digna, de facul-  
tate, seu proprietate medicamentorum expurgan-  
tium, certos, & similes humores lib. 1. in com. hist. 25. &  
lib. 2. in com. 115. protulimus, sed cum post excussos hos  
tomos, plurimi, iique non imi subsellij viri, plurima,  
fortissima tela, in me per literas coniecerint, ea in stu-  
diosorum gratiam in præpatulum reponere non grau-  
bor, siquidem in hoc de tractionum differentiis argu-  
mentum ex professo enucleandum incidimus.

Medicamenta à proprietate purgantia, propter simili-  
tudinem in substantia, hoc est ob similitudinem in tem-  
peramento occulto, quod consistit in quadam elementor-  
um componentium proportionem, attrahere humores,  
certa res est, ad quod genus pertinet attractio aliorum  
omnium, quæ certum aliquid trahunt, hoc est vim ha-  
bent trahendi vnum, & non alterum, quo modo plantæ,  
& animalia, & singulæ partes animalium certa sibi ali-  
menta attrahunt.

Sed hoc placitum paulò obscurius est. Primò. Si simi-  
litudo purgantis esset causa purgationis, pharmacum  
assuetum ob maiorem similitudinem contractam magis  
purgaret, contra experimentum; nam medicamenta con-  
fuerat frustrantur purgatione, ex Galeno lib. 5. de sanit-  
tuend. cap. 11. assueti enim vsui veratri, ab hoc parum, aut



nihil mouentur, et Theophrastus 3. de hist. plantar. 18. Dic. In purgatione ultra vim pharmaci magna causa est expultricis facultatis operatio orta ob imitationem pharmaci, quæ in aliuero ob similitudinem cessat. Dic secundò. Medicamenta consueuerunt non purgant, quia non solum humoribus, sed partibus sunt similia, ob quam similitudinem à partibus transmutantur, & vim purgatricem adiungunt; quia de potentia ad actum non reducuntur.

Secundò. Si similitudo purgantis cum humore purgando esset causa purgationis, cur in superpurgatione omnes humores vacuantur. Dic. Insuper purgatione vacuati omnes humores non propter vim pharmaci purgantis, sed ob alias causas, scilicet dilatationem vasorum, morbum iritantem expultricem, & debilitatem retentricis, quæ omnia à violentia maligni medicamenti consequuntur. Sed adhuc instabis saltem oportere quandiu in corpore manet portio aliqua humoris similis cum pharmaco purgante, debere fieri illius attractionem quousque in totum vacuetur. Dic. Purgationem efficit non sola attractio medicamenti, sed etiam expulsio naturæ, iuxta axioma Galeni, *purgatio fit medicamento attrahente natura vero expellente*. Vbi igitur in corpore minimum continetur de humore simili, non trahitur à pharmaco, quia plurimum renititur natura. Ob eandem causam accidit ut in principio morbi in quo humor erudus est, & valde retinetur à natura, foeliciter purgatio non administratur.

Tertiò. Ex principio Geometrico constat, Quæcunque sunt similia vni tertio, eadem esse similia inter se, si igitur pharmaca sunt similia humoribus quos attrahunt, cum etiam membra corporis sint similia eisdem humoribus, quum ab eis nutriantur, sequitur pharmaca, & membra inter se similia esse contra Gal. 1. acut. 12. Dic. Principium illud Geometricum solum notat necessitatem in his quæ eadem sunt: perpetuo enim quæ eadem sunt vni tertio, sunt etiam eadem inter se, sed non quæcunque sunt similia vni tertio, sunt similia inter se, quia ad similitudinem non requiritur conuenientia in omnibus, & ita fieri potest, ut aliquid sit simile vni tertio propter conuenientiam quam cum illo habet in aliquibus, & alterum sit etiam simile eidem tertio ob conuenientiam quam cum illo habet in aliis, quod fit ut aliquando quæ similia sunt vni tertio, non sint similia inter se. Dic secundò. Non valet consequutio, eadem enim ratione sequeretur omnes cibos humanos similes esse inter se. Dic tertiò. Pharmaca dicuntur aduersa naturæ nostræ, non quia habent modum mixtionis planè diuersum à nobis, sed quia naturalem humorum constitutionem violententer separant.

Quartò. Vnicum medicamentum simplex sæpè trahit plures, & diuersos humores cum quibus omnibus ob simpliciteratam suam non videtur habere posse similitudinem; nam eleborus euacuat pituitam, & succum melancholicum, igitur vel pituita, & succus melancholicus habent eandem formam, vel eleborus habet duas formas, neutrum est dicendum nam hoc asserere absurdum est, quoniam vnius rei vnica est forma. Dic: proprietatem temperamenti non esse formam substantialem, sed accidentalem, quæ in specie diuersis similis potest reperiri, quia nullum est mixtum quod licet simplex ad sensum appareat, & homogeneum, non sit heterogeneum, & contrarias habeat facultates ob varietatem partium ex quibus constat, ex Galen. 3. simpl. 14. quare impossibile non est idem medicamentum attrahere posse diuersos humores, & diuersa medicamenta eundem humorem. Sicut enim in alimento vno variæ reperiuntur facultates ob partium varietatem ex quibus componitur, ita etiam vnum pharmacum potest habere similitudinem substantiæ ad varios humores attrahendos, ob diuersitatem partium ex quibus constat.

Quintò. Si medicamentum purgans attrahunt humores certos ob similitudinem quam cum illis habent, cur non statim postquam sumpta sunt attrahunt illos, & cur extra imposita eos non attrahunt, sicut magnes attrahit

ferrum. Dic. ut medicamenta operentur inefficax est, ut attrahantur calore nostro, cuius ope similitudo à qua habent vim attrahendi in actum producit. Hinc fit ut piper extrapposum non calefaciat. Nam ad eius qualitatiuam operationem requiritur, quod inuisum assumptum à calore nostro actuerur.

Sextò. Multa similia se non trahunt, igitur similitudo non est causa attractionis. Dic. Ad attractionem requiritur non quæuis, sed certa quædam similitudo. Dic secundò. Non dicimus omnia similia se trahere, sed omnia à proprietate attrahentia similitudinem mutuam habere cum illis quæ trahunt.

Septimò. Medicamenta potius attrahunt dissimiles humores, ergo non similes: nam agaricus attrahit pituitam, & euphorbium humorem aquosum, qui humores sunt frigidi, & humidi, medicamenta autem calida, & sicca. Dic: non rectè inferri medicamenta similia in modo substantiæ quæ sequitur modum mixtionis, esse similia in temperamento, quia hæc totius rei substantia, non solum est elemental, sed ex influxu cælesti etiam nascitur, & non participatur semper ab eodem modo mixtionis elementorum, nec ab eadem præparatione materiæ. Nam sicuti hominis forma non semper requirit eandem temperaturam in materia, neque eundem modum mixtionis, sed solum conuenientem qualiscunque sit, sic proprietas ista temperamenti requirit conuenientem præparationem in materia, licet non semper eadem sit, ideo possunt esse similia in temperamento, & in omnibus qualitatibus, & dissimilia in modo mixtionis elementorum.

Octauò. Si medicamenta à similitudine, & familiaritate attraherent humores, alimenta etiam eos attraherent, cum sint magis familiaria, ex Gal. 3. de sanit. 3. & 3. de temp. 2. Dic: Alimenta vinci, & immutari à corpore, & sic superata attrahere nequeunt. Esi remaneant incotta, & cruda, non attrahunt humores, quia non sunt actu similia, sed potentia.

Nonò. Attractio facta à vacua extenditur vsque ad remota, facta verò à proprietate substantiæ, vsque ad propinqua, ut docet Galenus lib. 3. de natural. facult. cap. vlt. Sic magnes non attrahit ferrum, nisi in distantia propinqua, atqui pharmaca contenta in ventriculo sæpè trahunt non modò à vicinis, sed etiam à remotis, & extremis corporis partibus, igitur attractio non fit à similitudine, siue proprietate substantiæ. Dic: Non negat Gal. loc. cit. trahentia à proprietate posse trahere à partibus remotis, sed solum docet tractionem à vacuo cum sit vehemenrior ad remota extendi, & longius quam tractionem à proprietate, quod verissimum est.

Decimò. Si similitudo purgantis cum humore vacuando est causa attractionis, cur pharmacum attrahit humores, & ij non attrahunt medicamentum? Respondet Galenus lib. 3. simpl. 25. dicens. *Verum esse purgantia medicamenta esse quidem trahendis humoribus familiaria, verum quæ trahunt, quodam modo esse efficaciora, valentioraque, sicut magnes lapis ferro, quippe qui ad ferri naturam accedat, inque ferri metalli reperiatur, eique magnopere specie persimilis sit, verum fortior est quoddammodo ut trahere sit aptior, quam trahi, &c.* Interpretantur multi, ac si ille dicat pharmaca esse fortiora, & potentiora humoribus quos trahunt ob annexum calorem, sed hoc est falsum, nam inde sequeretur bilem attrahere violas, & tamarindos, quoniam hæc frigida sunt, bilis verò calida, cuius contrarium demonstrat experientia. Deinde bilis calidissima, & inflammata nimis attraheret rhabarbarum, vel aliud medicamentum calidum cholagogum, igitur proprietas peculiarem humorem expurgandi in calore non continetur, sed ex intimis principiis emanat, ac desinit. Neque negandum est tractricem facultatem plurimum iuuari calore, quoniam hic morbum promouet, cuius ope facultates cunctæ ad agendum vtuntur (sic succinum fricatum potentius trahit paleas) lib. 3. simpl. cap. 5. & Aui. 1. doct. 6. cap. 1. §. *Caliditas omnibus virtutibus inseruit, sed tractrici magis, &c.* Dic ergo ex eo bilem non attrahere rhabarbarum, quia in illa est vis passiva ut trahatur, in hoc est



vis actiua, vt bilem attrahat.

Vndecimò. Si similitudo esset causa attractionis sequeretur scammonium attrahere rhabarbarum, quia vtrūque est simile humori bilioso, igitur si scammonium est simile rhabarbaro, & potentius illo, necessario ipsum attrahet. Respondent plures scammonium extra corpus non attrahere rhabarbarum quia non sunt actu similia, sed potentia: Nam si essent intra corpus assumpta, & reducta iam ad actum, & distarent, non esset inconueniens scammonium attrahere rhabarbarum. Inepta solutio, quia in rhabarbaro non est dispositio patiens vt trahatur, eo quod trahere, non trahi sit aptum Firmat Auic. 1. 4. tract. 4. cap. 1. §. *Agens solum cum peruenit, & in patiente non est preparatio, non accidit actio, & passio, &c.* Quare licet hæc duo expurgantia, vni tertio, nempe bili similia, sint, non est necesse vt inuicem similia habeantur, ea videlicet similitudine quæ ad attractionem exigitur, ad quam efficiendam oportet vt vnum sit veluti agens, & mouens, aliud veluti patiens, & motum, ac trahenti cedens, quale certè rhabarbarum non est, vt pote totum agendi virtute præditum.

Duodecimò. Hæc proprietas attrahendi humores, seu similitudo, proportio quædam est, ex Auic. lib. 5. collect. cap. 22. Sed hæc, cum relatio sit, non est de numero eorum quæ aliquid agunt ex Arist. 5. metaph. cap. 15. Igitur, &c. Dic in omni attractione quæ fit à facultate attrahente multa considerari, nempe formam substantialem trahentis, huius formæ facultatem, & instrumentum quo facultas ad propriam obiectam operationem utitur & causa sine qua non, & finis, seu causa finalis. Ita rhabarbarum à forma specifica bilem attrahit, sed hoc facit similitudinis interuentu, quæ est causa sine qua attractio fieri nequit. Sic in expulsionem dissimilitudo est causa sine qua non expulsio fit, causa autem excernens post substantialem formam virtus expultrix est quæ temperamento, tanquam instrumento ad excernendum id quod infestat utitur, excernit enim hoc, & non illud, quia non ei aduersum, & dissimile est, & non illud. Ad eundem modum contrarium venenum antipathia, & insita contrarietate (quæ relatio quædam est) agit tanquam causa sine qua non.

Hæc sunt validissima argumenta quibus Nicolaus Francartianus Venetus, Emmanuël Gallindus Matricensis, Antonius Lopius Olyssiponensis Medici præstantes, commoti cum Puteano lib. 1. de purgantib. medic. cap. vii. Galeni sententiam irrident, existimantis medicamenta attrahere humores ob similitudinem substantiæ quam cum illis habent, quibus etsi difficillimis apprimè satisfecimus. Igitur rhabarbarum similitudine & familiaritate substantiæ, & veluti sympathia quadam, tacitoque naturæ consensu, qui ex modo mixtionis emanat, bilem expurgat, ita magnes attrahit ferrum, & alij sunt admirandi effectus quos præsci, & iuniores agentes de consensu, & dissensu rerum retulerunt.

Vacuum esse alteram causam attractionis. docuit Galenus lib. 6. de usu part. cap. 15. & 3. de naturalib. facult. cap. 15. firmat Auic. 1. 1. doct. 6. cap. 1. negant aliqui: Nam vacuum non dari, nec ullius esse actionis causam asseuerant, quum in rerum natura non existat; cæterum ij à veritate aberrant; non enim intelligunt res moueri, aut trahi, non quidem à vacuo, sed ne illud detur, succedunt enim ad implendum id quod euacuatur ne vacuum consistat: abhorret summopere natura vacuum, & conatur perpetuò arcere, vt rerum continuitas seruetur, vt constat in folle, cuius si iuncta, foramina obstruantur, nulla vis naturalis poterit asserem vnum ab alio separare, nisi aliquibi fiat ruptura per quam aer ingredi ad locum implendum possit: Obest enim rebus omnibus vacuum docente Arist. meteor. cap. 2.

Alij res moueri ad vacuum implendum concedunt putant tamen motum hunc violentum esse, idque pluribus rationibus confirmant, quas legat qui velit apud Scaligerum in Cardanum de subtilit. exercit. 5. ferè per totam. Sed quod aqua v.g. per fistulam factu attracta sine impulsu, aut violentia, sed naturaliter ascendat ad im-

A plendum vacuum hoc argumento conuinci potest. Aqua non descendit naturaliter, sed quiescit, nulle corpore descensum impediens, ne detur vacuum, ergo eadem propter ipsum finem & vt non amittatur rerum continuitas, naturaliter ascendit: Assumptum experimento constat, in elepsydra aqua plena, cuius superius officium si obtureretur, per inferiora foramina aqua non profueret, sed ibidem retenta manebit, quidquid aliter opinetur Christoph. à Vega lib. 2. de art. med. sect. 5. cap. 3. tit. ac tractionum causis.

Sed in hac tractione à vacuo valdè dubium est quodnam sit mouens: Nam quòd non sit vacuum ipsum, patet, quia cum nihil sit, agere non potest. Gentilis apud Auic. loc. cit. asserit in attractione à vacuo agens esse vim mouentem vniuersaliter inditam rebus: Cum enim hæc inferiora duplici egeant conseruatione, altera quæ paratur ex influxu celesti, altera, quæ à suo loco naturali, constant, vt inquit, duplici vi motrice, altera vniuersali, per quam conantur prohibere vacuum, vt participant influxum celestem, altera particulari, qua deferuntur in proprium locum, quòd si hæc duæ facultates inter se pugnant, superat vniuersalis, & ita ascendit aqua, ex illa natura vniuersali prævalente particulari.

Contrà obicit Vgo cit. in Auic. loco, & primò sic, sequeretur trahum sursum, non esse laboriosum: sicut enim ascensus olei super aquam sponte sua, & sine labore fit, quia pars aërea olei vincit, licet pars terrea eiusdem huic ascensui renitatur, sic in aqua cum vis vniuersalis sursum ferens præualeat particulari deorsum ferenti, sine vlllo labore conscendit aqua, & ob eandem rationem in tractione à vacuo, non esset difficilius trahere sursum multam aquam, quam trahere paucam contra quotidianum experimentum.

Secundò. In tractione à vacuo præsentibus aqua, & lapide non esset maior ratio quare prius attrahatur aqua, quam lapis, nam etiam in lapide est principium illud motuum vniuersale quòd in tractione à vacuo vincit grauitatem lapidis.

Dic ad primum. In tractione à vacuo aqua sine labore conscendit postquam per suctum vniuersus aer extractus est, suctioni tamen resistit aqua grauitate sua, & ideo suctio laboriosa est, & eo magis quòd plus aquæ trahendum est.

Ad secundum dic. In motu à vacuo vniuersalis natura conatur quàm maximè potest, ita prohibere vacuum, vt tamen seruetur ordo naturalis leuium super grauium. Idè in clepsydra, præsentibus aëre, aqua, & luto, primò quidem attrahitur aer, secundò aqua, postremò lutum.

Porro licet hæc videantur satisfacere rationibus Vgonis, & aliorum Philosophorum, probabilior tamen videtur illius sententia asserens in tractione à vacuo motum grauium sursum non fieri effectiue ab aliquo principio intrinseco ipsis grauib. quemadmodum Gentilis opinatur, sed effectiue prodire à principio extrinseco mouente corpus contiguum grauib. attrahendis, fugam autem vacui, & appetitum quem habent corpora ad conripuationem non esse causam effectiuam quare grauiasendant sursum, sed esse causam sine qua non, eadem planè ratione, qua qui violenter trahit lignum, trahit etiam ferrum infixum illi, fixio tamen ferri in ligno non est asserenda causa effectiua sui motus, sed tantum causa sine qua non.

Calorem esse causam attractionis pluribus in locis confirmat Galenus, lib. 6. de usu part. 15. & 5. simpl. 17. & 13. meth. cap. 3. §. *Qua attrahunt, ea morbofo calore attrahunt, &c.* & 7. aph. 1. & lib. 2. de diff. feb. cap. 13. Vtrum verò calor verè dicatur trahere, an suscipere, Galenus iis locis non explicat, Auicenna 1. 1. doct. 6. cap. 3. putat calorem non attrahere ratione sui, sed gratia vacui, sic tractio olei ab igne lucernæ, ad vacuum reducenda est, quia dissipato humido contento in poris vicinis sequitur ad replendam inanitatem humiditas distantior. Hoc modo inflammata pars excrementa ad se attrahit. Hac ratione fomenta in corpore pleno attrahunt ad affectam partem,

partem, 2. acut. 1. & 6. aph. 3. 1.

Vallesius etiam doctissimus in hac dirimenda lixè in luto hætere videtur, dum lib. 7. controu. cap. 3. tractionem factam a calore ad eam quæ sit ratione vacui reducendam non esse affirmat. Primò quòd dicat Galenus loc. cit. quædam calore attrahere, vt stercora, & alia quæ vehementem obtinent calorem. Deinde si foveamus partem aliquam iuxta ignem, fricemus, vngamus resina modicè calida, attolli cutem citra vacui periculum certum est. Eodem modo si quampiam partem thapsia illinamus, pars intumescet. Præterea frigus per se materiam repercutit, ergo calor illi contrarius per se attrahet. Denique successione eius quòd vacuatur nunquam confluit magis, quàm vacuatum est: quum tamen ad partem phlegmone obsessam magis confluat, quàm quòd vacuatum est, alioqui in tumore non attolleretur pars. Vltimò succinum calefactum potentiùs attrahit, & medicamenta quòd calidiore, vehementiùs expurgant. Ergo attractio quæ fit à calore ad eam quæ sit ratione eius quòd euacuatur redigi non debet.

Sed hæc non valdè vrgete videntur. Neque enim nos cum Galeno negamus calorem attrahere, sed per se, & propriè potentiam habere attrahendi inficiamur. Vel dic Galenum non simpliciter colligere calorem trahendi esse causam, sed vel trahere, vel suscipere: Nam ob calorem pars ampliùs quam par est calefit, & sic rarior patentior efficitur, & ad suscipiendos humores redditur aprissima.

Altera verò ratio qua ipse velut Herculeo clypeo se munit, tantum abest vt suam quin nostram confirmet sententiam, & in ipsum retorqueri possit hoc modo. Frigus per se repellit, sed secundariò, & alterius interuentu constringendo & condensando, vt patet ex Gal. 13. meth. cap. 6. §. Vacuatur autem quod impletum est non solum iis qua calefaciunt, sed iis quæ refrigerant, & adstringunt, &c. quod probat Galenus lib. de inequal. intemper. cap. 6. Ergo sicut calor attrahit media resolutione, sic frigus medianre constrictione repellit.

Insuper mirandum non est, cum affectus caloris simplex non sit, quòd ad partem affectam plus attrahatur, quàm quòd a calore dissipatum est; hocque ob plures occasiones accidere supra docuimus. Demùm fatendum est calorem, tanquam instrumentum facultati attractrici inseruire, sic magnes, & succinum si perfricentur potentiùs attrahunt, eò quod sibi auxiliariū adiunxerunt calorem, calor enim plusquam frigiditas attractrici facultati opitulatur, ex Auicena. 1. 1. doct. 6. cap. 3. calore enim mouentur omnia, conseruantur, perficiuntur, frigore mortificantur, immò immobilia fiunt, ex Galen. lib. 13. meth. cap. 21. Ergo calor per se non attrahit, sed ratione vacui.

Dolorem esse causam attractionis vbiq; fatetur Galenus, præsertim lib. de sang. mis. cap. 8. & 2. de diff. feb. cap. 15. §. Ita igitur dolor attrahit in affecta dolore partes fluxionem, &c. Id quod in dentium dolore, & arthritide quotidie experimur, in principio quorum sæpe frigidus humor, ac tenuis articulorum vincula, membranas, tendonesque implens dolorem infert vehementem, ex quo attractio sanguine tumor, rubor, atque calor in parte affecta conspiciuntur.

Verùm hæc non probant, dolorem vnā esse ex attractionis causis. Neque Galenus id voluit vnquam, qui pruribus locis, dolorem fluxiones commouere, atque irritare asseruit manifestè, vt 5. aph. 2. 3. & in art. med. cap. 95. §. Omnis præterea dolor fluxiones commouet, &c. & 5. meth. cap. 4. Vitandum, ait, ne dolo incidat ac rursus profluuium excitet, cum nihil sit, quod sanguinis profluuium magis, quàm dolor prouocet, ac phlegmonas augeat, &c.

Huius rei prima sit causa, quam Galenus profert lib. 11. meth. cap. 20. & 3. de crisib. cap. 10. Nam ex dolore partes imbecilles redduntur, & sic ad suscipiendos humores promptissime fiunt, quo pacto illi in dolentes partes potius decumbunt, quàm ab ipsis attrahuntur. Sed cur per dolorem in affectam partem humores confluant, explicat perbellè Galenus lib. 13. meth. cap. 3. Nam natura

A dolorem, vt triste aliquod sentiens, idque sollicita de animantis commodo, magno conatu expellere satagens. aliquid ex vicinis partibus, & extremis in affectam exprimit, atque eo confluyente partem attolli in tumorem est necesse. Hoc docuit Galenus 5. aph. 55. dicens, hæc enim est quadam ratio communis in iis qua natura aliquid violenter excernit, vt sanguinis, & spiritus impetus eò feratur, quibus duobus velut instrumentis natura utens, ea qua infestant per vim expellit. Hæc ratione igitur & dolentibus partibus inflammationes adueniunt natura excernere, atque expellere causam doloris properante. Ergo dolor per se non attrahit. Lege Syluaticum controuers. 22.

Utrum autem siccitas à proprietate attrahat, quidam respondent cum Hip. affirmatiuè, hic enim 4. acut. asseruerat causam, id est febrem ardentem fieri cum venula tempore æstiuo exsiccata acres & biliosas, quæ tenues sunt trahit ad se humiditates quas ichoras vocant. Deinde sicca, & rara attrahunt, vt pannus, & funes & ligna sicca, & ripæ fluuiorum. Insuper lana contorta humidum ad se corpus allicit, ita vt vasis in quo altera pars immergitur totam exhauriat aquam. Idem faciunt saccharum, & spongia, & alia huiusmodi sicca, quæ ex parte immersa aquæ, tota replentur aqua.

Sed ij non satisfaciunt: Nam quæ à proprietate trahunt propter similitudinem substantiæ cum rebus attrahendis id efficiunt, sicca autem cum aqua similitudinē non habent. Genilis in extranagantib. quest. 22. Soluit affirmans sicca attrahere aquam ob huius fluxibilitatem, sed reiciit, nam aqua non fluit ad superiora. Nec etiam quadrat quod alij proponunt, densari ærem spongiæ à frigiditate aquæ, & proinde ascendere aquam ad replendam illam inanitatem. Nam contra facit, primò quia sic potiùs ad replendam dictam inanitatem traheret ær ambiens spongiam, cum multò tenuior sit quàm aqua. Secundò, quia spongia non modo si immergatur aquæ frigida, sed etiam si ex parte mergitur in aqua calida, tota repletur aqua.

Quare dicendum videtur non quauis sicca trahere solum aquam, sed solum ea quæ valdè laxa, & porosa sunt. Vbi igitur hæc ex parte immerguntur aquæ, ær in poris contentus submersus intra aquam ex natura sua ascendit, & cogit coascendere aquam supra positam, & ita in hoc exemplo aqua non trahitur sursum, sed potiùs impellitur. In panno autem, quo fit destillatio, madefacto, & expresso, aqua ob grauitatem defluit ex ore pendente per internos poros, quare necessitate vacui consequitur pars tenuis liquoris destillandi, quia magis est naturale aquæ graui descendere, quàm sit contra naturam parti tenuissimæ liquoris ascendere, & ita clarescit aqua turbida, & omphacium.

Si verò velis exactiùs sententiam Hip. interpretari, dicentis venas exiccatas attrahere, intelligè per exiccatas, inanitas, vt ita velit venas euacuatas ichorosas humiditates ad se trahere: cum enim tunc naturali appetitu impleri desiderent, alliciunt ad se humiditates, vt se impleant, acres, & biliosas, quæ æstiuo tempore in corpore redundant. Ad alius verò dicendum contortam lanam non attrahere ad se aquam, sed hanc potiùs per illam ascendere, hocque facit appetitu naturali quo nititur vt aridum subiectum, humidum, ac sibi simile efficiat, quod assequitur dum sensim per poros spogiæ, aut lanæ, aut calcis ascendens singulas horum partes humectauerit. Lege de hoc instituto acutissimū Ioubertum lib. 2. paradox. 7.

## HIST. XIII. GALENI,

### De febre ardenti.

Galenus, acutam, putridamque febrem ex fugacium fructuum vsu expertus, vena secta curatur.

Pater meus omnibus artibus apprime instructus, prescripta victus ratione me puerum a morbis intactum seruauit. Adolescens

*Adiiscens deinde factus cum essem, in agro toto canicula tempore cum fugacibus fructibus me implevissem, in morbum incidi acutum, sic ut sanguinem mittere necesse mihi fuerit. Quumque, monente patre, sequenti anno viuendi rationem obseruarem, & de fugacibus fructibus nisi modicè attingerem, incolumis euasi. At cum sequenti anno obiisset pater, liberaliter una in victu fructibus usus, morbum incurri priori non dissimilem, ut tunc quoque vena mihi necessario secanda fuerit: sed cum sequentibus annis semper egrotarem ad annum vigesimum octauum quo tempore cum periculum adissem ne qua parte septo transuerso iecur adhereret, abscessus esset, mihi ipsi usum interdixi fugacium omnium præterquam ficuum, vuarumque exactè maturarum, hisque ipsis, non immodicè sicut antea, sed moderatè adhibitis, & adhibita diligenti de exercitatione cura, tum ne quid cruditate laborarem, immunis hætenus à morbo perseveravi annorum multorum spatio, &c. Galenus lib. de succor. bonit. & vitio, cap. 2. in fin.*

*Ego autem rigorem tertianarum sum expertus, ut qui in iuuentute quater tertiana febris laborauerim, causo autem semel. Galenus lib. de tremor. rigor. & palpit. cap. 7. in fin.*

## PARAPHRASIS.

**G**alenus cæterorum mortalium instar morbis fuisse obnoxium, præsertim in pueritia, & iuuentute ob incautam victus rationem, ex hac historia fit manifestum. Nam animalia à principiis internis corripiuntur morbis, & maximè homines ob plures causas quas pertellè tradidit Arist. in locis multis. Prima, quia homo est animalium medium, auctore Gal. 1. de temp. in fin. Sicut ergo inter homines, temperatus ægrotat frequentius, sed citius conualescit, ex Arist. 5. probl. 2. siue ob consensum mutuum membrorum, quod Aristoteles ait, siue ob id, quia temperatum non admodum recedit ab omni extremo, & vitio, palam est parem esse utrobique rationem. Secunda, quia homo inter animalia, inermis est, & debilis dempro capite, ex Arist. 2. de hist. animal. cap. 1. & curam habet proportionem corporis tenuissimam, ex Arist. de hist. animal. 1. quare externis iniuriis crebrius afficitur. Tertia, quod omnium sit sanguine refertissimus, & ideo calidissimus; & ideo solus patitur hæmorrhagias, ex Arist. 10. probl. 2. Nam habet venas crassas, iecur magnum, 1. de hist. animal. cap. 17. calor autem, & humiditas humorum citissime putrent, quare internis morbis frequentius corripitur, & febris ex putredine, quapropter stercus humanum, & cadaver pessimè omnium foetent. Quarta ratio, & potissima, immodicus esus, & varius, cum parcissimo exercitio, quæ duo morbis occasionem præstant apud Hipp. 6. epid. sect. 3. text. 21. & apud Arist. 1. probl. 46.

Sed oportet appungere aliqua de varietate morborum iuxta varias hominum condiciones: Nam hominum status sunt tres. Primi, diuites, urbani, ij ferè viuunt valetudinarij secundum aliquod membrum imbecillimum ob voluptuosum victum, & laboris inopiam, quorum inuالتudines, sicut & mollities incurabiles sunt, ægrotant frequenter internis morbis, non admodum malignis, calidis, aut diuturnis, ratio consideranti aperta est. Horum curatio, exercitium, cibi parcitas, & ubi res est virgentior, sanguinis missio, ex Rasio. 4. ad Almanf. Purgandi sunt parcissime. Primò, quia parum accumulanti cacochymia ob delicatum victum. Secundò, quia in plerhora, quæ subinde abundant, purgans medicamentum inflammationem inducit, & ebullitionem. Tertio, quia vires habent imbecilles ob crudos humores copia opprimentes.

Secundi generis sunt pauperes, labore tamen sibi sufficientes: his similes sunt rustici, mecanici, horum habitus inter homines optimus est, inculparè enim sanitate struuntur, raro ægrotant, morbis tamen magis externis, ideoque ex frigore maximè ortis, non valdè malignis: victus enim eorum magis simplex est. Hos Galenus temperatos vocat, 5. de sanit. tuend. ad. fin. quod ergo 3. simpl. 23. & 1. epid. sect. 3. com. 1. appellauit eos biliolos, intelligendum est de temperamento per laborem acquisito, superior autem locus explanetur de temperamento natiuo.

**I**j ergo temperati sunt: nam plus valet ad sanitatem simplex victus cum exercitio, licet prauior, quam multò melior, sed varius cum otio. Exemplum patet in his duobus statibus hominum. Immo plus valet simplicitas, & ordo victus, quam facultatis coquentis robur, ex Gal. 3. prog. 35. In hoc statu hominum raro exercetur phlebotomia, tum quia parum accumulanti, tum quia labori committendi sunt, 2. aph. 16.

Tertij generis sunt mendici pauperissimi, qui prauissimis morbis, & diuturnis ægrotant, comitialibus abscessibus, vlceribus: Nam prauus victus, humi cubatio, immodicæ continuatio intemperantiæ plurimos morbos in illis excirant, 2. aph. 45. partim ob prauissimos cibos, partim ob imbecillem vim, quæ nec cohibere, nec corrigere malitiam potest. Ij omnino phlebotomandi non sunt ob debilitatem, & cacochymiam, parcè tamen purgandi, & sic Galenus, 6. de sanit. tuend. cap. 6. ex interualis aluum subducit: Nam prauo vtuntur cibo, 2. aph. 36. quare bono victu paulatim fouendi.

**S**i verò diligenter inquiras ad quam classem hominum sit reducendus Galenus noster? Dic ad primam: Nam se fructibus immodicè implebat, & otiosus erat. Deinde verò cum ex reprobi alimenti copia, aquosi, & putredini maximè parati in febrem putridam, & acutam incideret, secta vena curatus est, quod auxilium ad putridas febres curandas esse præstantissimum, nulli puto non manifestum, & supra in Paraphrasi hist. 9. latè prædiximus. Deinde verò cum ex fructuum fugacium esu copioso in eadem febre esset oppressus, cum hepatis inflammationis periculo, quia in eam partem tantisper decubuerat humor cui sanguinis missione est occursum, (sic enim abscessum vocauit Gal. 6. aph. 43.) tunc oprimo in posterum vitæ regimine, & exercitio usus, immunis à morbo perseveravi.

Equidem consideranti mihi amplius causam ob quam cibis putredinem gignere queat, multiplex occurrit, quam inter omnes Auicenna, landatissimus auctor protulit, 1. 4. tract. 2. cap. 1. quarum prima est propter malitiam suæ substantiæ, ratione cuius humor qui ex eo generatur putredini est obnoxius, de quibus alimentis agit Galenus lib. de cibis boni, & mali succi, cap. 8. ad fin. & 1. de dif. feb. cap. 3. §. Voco autem praua cibaria, &c. quo loco recenset alia, cæpas, nasturtium, porum, brassicam, vrticam, & quæcunque alia agrestia.

Secunda causa est, quia licet cibi sit probi succi in natura sua consideratus, & secundum familiaritatem quam habet cum corpore humano, nihilominus tamen propter facilitatem corruptionis suæ, facillimè succos gignit, qui citò putredinem concipiunt, & affert in exemplum, lac, quod cum sit probi succi, facillè tamen alteratur, & corrumpitur, ut scribit Auic. 13. 3. tract. cap. 2. ad princ. & 16. 3. tract. 1. cap. 2. in fin. quod deprompsit ex Galen. 5. aph. 64. Idem accidit ouis forcilibus, piscibus saxatilibus, & inter fructus horarios, moris, ex Galen. 2. de alim. facult. cap. 11. quæ alimenta, etsi probi sint succi, sæpissime tamen, quia promptè alterantur, & corrumpuntur, corpus cacochymia replent.

Quapropter ne sumentibus noceant, tres obseruari condiciones debent. Prima, quod corpus sumens non sit immundum secundum vasa, & multò magis secundum ventericulum: sicut enim in corpore mundo superata à calore nostro in laudabiles humores conuertuntur, ita obrenta à cacochymia citò in viciosos humores transmutantur. Secunda conditio est ne misceantur alimentis rædè coctilibus: Nam ob moram in coctionis officinis rætentæ simul cum illis viciantur, vnde fit, ut Monachi qui solis piscibus vescuntur rariùs morbis infestentur, quam illi qui carnes anteponunt, & infantes solo lacte nutriti iubentur, quamdiu lactantur, & similiter laudantur hædi, & vituli lactantes quando prohibentur à pastu. Quo nomine etiam reprobat mixtio carniū cum piscibus, & multò magis mixtio duorum facillè corruptibilium, ut piscium cum lacte, vel ouis forcilibus. Tertia conditio, quod hæc recentissima sumantur, & ferè nihil à continente passa, quia facillimè etiam extra alterantur, & sic à tribus

tribus viriāter, ab aëre, ab immundo corpore, à mixto A  
alimento.

Tertia causa ob quam cibus putredinem parit, est quando est aquosus, & mali nutrimenti, quales sunt fugaces, & horarij fructus; cum enim abundant a quo succo ob paucam moram sub sole, serosum sanguinem generant, qui facili de causa ebullit, & putrescit, quod etiam extrā in succis herbarum non insolari accidere comperimus. Nam præterquam quod fructus omnes humidum habent aqueum, minimè lentum, & glutinosum, quod partibus nutriendis minimè adhaeret, & sic derelictum à regimine naturæ, & putrescens, morbos gravissimos concitat, quoniam sua copia distendunt, frigiditatem debilitant os ventriculi, humiditate relaxant, tamen fugaces præioris esse succi testatur Galenus 2. de alim. fac. cult. cap. 2. firmat Auic. 3. 1. doct. 2. cap. 7. de quorum malitia, & noxis legendi Christoph. à Vega lib. 2. art. medic. 6. de fructib. arborum. Mercat. tom. 1. suor. operum lib. 2. clas. 2. quest. 164. num. 65. & 66. quare illi qui per æstatem his fructibus se ingurgitant, in febres putridas sæpissime incidunt, ut sibi accidisse in hac historia retulit Galenus. Nam hi fructus sanguinem generant ex facili occasione ebullientem, nam ab illis sanguis genitus, aqueus, & serosus est. Hoc modo asserit Auic. 1. 4. 3. tract. 1. cap. 6. in homine hepatis frigidi, quoniam sanguis est subtilis, & aquosus, multoties febres accidere.

Quarta causa ob quam alimentum est causa putredinis, est quando non convertitur in optimum sanguinem, sed ex eo humor frigidus generatur, cui cum calor naturalis non dominetur, necessario corripitur ab extraneo, & putrescit. Afferit Auic. 1. 4. tract. 2. cap. 1. in exemplum citrulos, cucumeres, & pyra. Differt autem modus iste à primo, quia hic propter frigiditatem succi, primus verò ob præiutatem, & malitiam suæ substantiæ, putredinem generat. Ob quam causam à cucumeribus Galenus abstinendum censet lib. 2. de alim. facul. cap. 6. licet belle coquantur, nam frigidus ex ipsis succus in venis progignitur, qui longo temporis tractu putrescens noxas inenudabiles facit.

Quinta causa ob quam alimentum putredinem parit, est ob depravatam præparationem, ut quando pisces cum lacte miscuntur, vel coquantur in vase immundo, vel aqua putrefacta, vel friguntur in vase æneo aliquid æruginis habente, aut cum oleo rancido, axungia antiqua, butyro corrupto, & vetusto. Tunc enim non bene cibus à ventriculo amplexatur, sed crudus remanens à natura D non gubernatur, immò putrescit, & febres putridas ferè progignit.

Sexta causa propter horam, veluti si intempestivo tempore alimentum sumatur, ut si sumatur, quando prius acceptum, coctum adhuc non est. Nam, ut dicebat Auic. 3. 1. doct. 2. cap. 7. quod in corpore est deserim, est nutriendum supra nutriendum, quod non est digestum, mittere: quam etiam causam affert, 1. 3. 3. tract. 3. cap. 2. quod etiam contingit si sumatur cibus hora non consueta, præsertim mutata repente consuetudine, quod maxime reprobat Hip. 2. acut. text. 20. Hoc etiam contingit quando sumitur multus cibus, post quem sequatur exercitium, siue labor; Nam tunc crudum alimentum rapitur ad venas, ex Gal. 1. de alim. facul. cap. 2. dicens. Carnes enim inanita rapiunt ex ventre succum non modò semicoctum, sed nonnunquam etiam crudum, aut incoctum, quum cibo sumpto operibus se tradiderit, ob eamque causam hi gravissimis morbis postea prehunduntur, & ante senectam intereunt. Idem etiam contingit si post alimentum copiosum somnus sequatur: nam non solum capitis repletio, & fatigatio, sed cruditas consequuntur.

Septima, & vltima causa, cibus putredinem gignit, quando in ipsius assumptione debitus ordo non servatur, ut si præcedat crassum, & sequatur subtile, ut Auic. docet, 4. 1. c. 1. ante med. 5. Ex nos quidem à nutriente terremur, &c. Aduertendum tamen alimentum etiam esse putredinis causam ob quantitatem, quam natura neque tolerare, neque gubernare potest.

Sed quætes cur speritis alijs fugacibus fructibus solum deinde usus est ficibus, & vuis, cum illi obstruatur, inflam-

ment, morbos cutaneos generent, vix autem, etli dulces, & maturæ tardè coquantur, & in bilem vertantur? Dic quoniam inter autumnales fructus, ficus magis præstant, nam valdè nutritunt, abstergunt pituitam à ventriculo, ventrem proritant, & facili exeunt, quare si sint maturæ, nihil omnino lædunt, maxime si parçè quispiam eis utatur, ut faciebatur Galenus: si quis enim eis largiùs esitauerit, effatu dignam noxam persentiscet: nam sanguinem non modò improbum gignunt, quod fit ut ex ipsarum usu cutanei repulsiōent affectus, & pediculorum copia in ambitu corporis succrescat: vix autem maturæ, hoc est dulces, & recentes, sicut & ficus, inter autumnales fructus principatum obtinent, & fugacibus omnibus magis nutriunt, minimùmque prauis succi habent, argumento sunt vinearum custodes, qui cum duos menses solis vuis, ac ficibus vescantur, corpulenti admodum fiunt, robusti, & viuidi, & maxime si vix sint pensiles, & quæ hyeme recondi solent. Nam hæ humiditatem excrementitiam magis absumptam habent, & membranulam exteriorem magis tenuem sortiuntur, quapropter facilius à calore superantur, de qua re lege Gal. lib. 2. de aliment. facul. cap. 9.

## HIST. XIV. AVERRHOIS.

Valida febris materia noxia ad artus transmissa, sanatur.

Sicut mihi accidit quando egrotavi cum febre fortissima, & criticaui ex illa per apostema in testiculis, eo quod mihi necessaria administrata non fuerunt, quare remansit arthriticus, & podagricus, &c. Averrhoës lib. 7. collig. cap. 31.

### PARAPHRASIS.

Natura repugnante irrita sunt omnia, dicebat Hip. lib. de lege, num. 2. Cum ipsa sit morborum præcipua medicatrix. Adeoque hoc verum est, ut ipsa si non possit per amplios canales, conspicuosque ductus humorem peccantem expellere, per ossium medullarium vacuare, & ad ignobiles partes, ut testiculos, & artus excernere contendant, & præsertim si sit robusta, & valida, hæc enim lethales morbos contemnit, ut monuit Galenus lib. 10. meth. cap. 4. sic experimento fidissimo compertum est arduas febres, immò tertianas, easque maxime productas in artuum dolores definire: Nam in febribus longis tubercula, & dolores ad articulos expectare oportet; ex Hipp. 4. aph. 44. hocque fieri sola naturæ ope certum est, quæ est morborum medicatrix ex Hip. 6. epid. sect. 5. text. 1. quæ suis semper viribus vsa, vtilia seruat, noxia expellit, ex Galen. 1. feb. 5. & sapientissima cum sit, malum sentiens, mederi summopere gestit, & sudore; vomitu, soluta aluo, & reliquis vacuationibus hominem sanat, & plura alia facit in animantis commodum, de cuius prudentia, & providentia multa conscripsit eleganter Iouertus lib. 1. paradox. 6.

Hoc modo ex variis morbis in varios fieri metaprostasi probat Hip. 6. epid. sect. 6. text. 8. quæ ex quibus, aut ut alij codices legunt, quæ ex quibus, in quos, & 1. epid. sect. 2. text. 10. sed his alia pro alijs. Sic abscessus, & fistula aliorum medela sunt, ex Hip. 6. epid. sect. 3. text. 20. Et licet transmutatio vnius morbi ad aliam, abeunte priore aliquando sit in solutionem, interdum in perniciem, tamen in auctore nostro à prauis ad bona transmutatio facta est. Nam podagra minus est periculosus morbus, quam febris valida, & testiculorum inflammatio non tantum periculum portendit, quum sit in parte remota à corde, & fonte caloris, quam causus, ex cuius sanitate alia emanant pathemata dira, quæ vires cordis, & viscerum firmitudinem exoluere queunt.

Sic metastasis à membro nobili ad ignobile, bona. Nam tunc natura viribus suis vtens, quod alienum est expellere nouit, ut lib. 1. de diff. feb. cap. 5. monuit Gal. sagax enim,



& prouida, principes partes, vt cor, hepar, in quibus febrilis caloris insolentia effertur summis facultatibus ornata, multis quasi satellitibus circumpositis munit, easdemque innato robore ad morborum insultus tolerandos tuetur, ac defendit. Si verò non potest totam materiam peccantem deuincere, eam in ignobiles partes transmittit, quare priore cessante morbo, superuenit alter. Hoc manifestè conspicimus in Apoplexia, cui, si euadit æger, superuenit paralysis, vt docent Gal. 4. de loc. cap. 2. Auic. 3. tract. 5. cap. 8. Erasius lib. 4. disput. contra Paracelsum, Salius ad cap. 19. Altomarij Amat. 4. centur. 22. & alij. Sic in fine intermittentiū februm bile flaua in spinam dorsī, & neruorum origines effusa, accidit paralysis, monente Fernelio lib. 5. patholog. cap. 3.

Sed rogabis quo pacto hæc febris dici poterat valida, & fortis, si fuit producta, & per abscessus soluta: nam acutæ febres iudicantur sudore, hæmorrhagia, alui deiectione, & excretionem per urinam, diuturnæ verò per abscessus: nam vt ait Gal. 3. aph. 36. in longis morbis humor tenuis est dissolutus, remanet crassus, quem ad infernas partes expellit natura, & ille grauitate sua, proprioque momento deorsum vergit, vt ait Gal. 2. prog. 34. quare in acutis abscessus in superioribus partibus, in chronicis morbis in inferioribus excitantur, ex Hipp. & Gal. 3. prog. 25. & 2. eiusd. 6. tenuis enim humor leuitate sua ascendit sursum. Dic: vocauit validam febrim, vehementem, per quam, febrim magni feruoris intelligere possumus, in qua ob collapsas vires, minuro calore interno, à febre vires prosternente; in processu morbi generantur obstructions, cruditates, & crassorum humorum copia repullular, quos ad artus, partesque inferiores crisi quadam transmisit. Hoc modo ex ardentibus febribus hydrops excitatur, ex phrenitide lethargus, & alij frigidi morbi superueniunt.

Hanc autem transmutationem, crisim appellat, loquentibus nobis in latiori crisis significato, & sumentibus hoc nomen crisis pro solutione qualibet facta à natura: cum sola subita ad sanitatem mutatio; crisis nomen mereatur, Gal. 3. cris. cap. 2. Nam varia est crisis acceptio, & sex modis fieri dicitur, vt docuit Gal. 2. cris. 5. & 3. eiusd. cap. 1. de quo argumento lege pulchra apud Laurentium lib. 1. de cris. cap. 2. Ludou. Lemos. lib. 3. de optim. prædicend. ration. cap. 1. & 2.

## Q V Æ S T I O X V I I I.

*Vtrum nomen crisis, iudicium significet, an separationem humoris, & excretionem, vt contra Galenum Langius opinatur.*

### COM M E N T A R I V M

**C**ritici.] Licet de crisi, criticis diebus, eorumque causis, accuratè, & copiosè simus lib. 6. in comm. hist. 17. verba facturi, tamen optima ratione à nobis in comm. huius historię est constitutum, quod de crisis etymologia differamus: video enim plurimas crisis ad Galenum significationes, quæ ambiguum reddunt Medicum, & si non rectè explièntur, in intelligendis libris de crisis, & de diebus decretoriis valdè perplexum, cum ad rerum cognitionem nominum distinctio valdè sit utilis, vt probat Gal. 3. simpl. 3. explicat Manardus lib. 2. epist. 1.

Crisis, seu iudicij vox est ambigua: nam variè solet definiri à Galeno lib. enim 2. aph. 13. & 23. & 3. progn. 1. & 1. epid. sect. 3. com. 16. docet crisim esse subitam in morbo mutationem ad salutem, vel mortem, ad melius, vel ad peius. Sumitur etiam à Gal. 1. de dieb. de rector. cap. 1. ad fin. pro turbatione, quæ abscessus, & excretionem solet antecedere, quibus prædicta siue ad salutem, siue ad mortem superuenit mutatio, nam, vt lib. 3. cap. 2. de dieb. decret. Galenus ostendit, priusquam morbus per abscessus, vel excretionem iudicetur, non mediocris in ægro corpore perturbatio efficitur, separante natura à bonis mala, & ad excretionem properante 2. aph. 23. Sumitur tercio modo crisis pro sola subita morbi solutio-

Lib. IV.

ne ex Gal. 1. de dieb. decretor. cap. 9. & ex eodem 1. acut. 2. 5. quo loco Galenus per crisim intellexit vel perfectam morbi solutionem, vel mutationem eam quæ usque adeò insignis est, vt æger periculum omne eualerit. Sumitur vltimò, vt vtrumque complectatur, & turbationem præcedentem, & solutionem repentina, vt lib. 2. cap. 1. 1. cris. ipse pronunciat. §. Eas igitur quæ cum magno, & repentino certamine fiunt morborum solutiones, quas præcipue, crises nominauit, febrium earum quæ ex calidis humoribus accenduntur proprias esse, est existimandum, &c.

Ex iis nominis crisis significatis, solam repentina ad sanitatem mutationem, crisis nomen adipisci dicendum est cum Galeno lib. 3. cris. cap. 2. & 1. de dieb. decretor. cap. 9. & 3. prog. com. 1. quæ autem repente hominem interficit, non simpliciter crisis, sed mala crisis nuncupatur, ex Gal. 4. acut. 43. Illa verò acceptio nominis crisis, seu iudicij, secundum quam quæuis morbi solutio, crisis appellatur, quomodo diariæ febres crisi solui dicuntur, & morbi etiam qui paulatim solvuntur 1. de dieb. decretor. cap. 9. & 2. eiusd. cap. 5. sed hæc crisis est impropria, ex Gal. lib. 2. de dieb. decretor. cap. 11.

Insuper vox Crisis idem Græcis significat quod Latinis iudicium. Dicitur à κρίνω, verbo Græco, quod iudico, seu decerno significat. Translata verò est vox crisis à iudiciali foro ad morbos ex Gal. lib. 3. de diebus decretor. cap. 2. & 3. progn. com. vlt. & Auic. 2. 4. tract. 1. cap. 2. ad finem, & sic inditum fuit nomen crisis ab analogia, seu similitudine externi iudicij, quia quemadmodum in hoc datur pugna inter actorem, & reum, ita etiam hic adest pugna inter morbum, & naturam, & fuit inuentum hominis vulgaris vt inquit Galenus lib. 3. de crisib. cap. 2. qui cum symptomatis criticis, seu iudicatoriis adest, ipse re cogente pronuntiauit, quod iudicium tunc de vitæ ægrotantis ageretur, nec enim Medicorum aliquis inuenit hoc nomen, sed necessarium fuit, vt qui præsens adest, conturbaretur, atque ideò exclamaret, & crisim, id est iudicium, rem ipsam appellaret.

Quia autem in crisi tria conueniunt, turbatio præcedens, media excretio, seu vacuatio, postrema morbi solutio, controuerti potest, de quo ex tribus dicatur nomen crisis, quando videlicet distribuatur in varios dies. Et licet quæstio sit de nomine, Galenus tamen nomine crisis, magis perturbationem, quàm morbi solutionem appellandam censet, ita inquit, lib. 1. cris. c. .... §. Et multo magis adhuc eam agitationem quæ ipsam præcedit, nempe solutionem ita appellare consueui, &c. Ratio est in promptu: nam solutio citra perturbationem nunquam fit, quare ex ea crisis nomen inuenit, vt notat Gal. lib. 3. cap. 2. firmat Aëtius 1. de feb. 2. cap. 23.

Sed accedamus ad Langium acutissimum, qui lib. 1. epistol. 37. contendit crisim non significare iudicium, sed potius separationem humoris, & ipsius expulsionem. Suum placitum triplici medio probare conatur. Primò ex Galeno dicente, 2. aph. com. 1. 7. Fit autem crisis natura separare à bonis mala, & ad excretionem properante, &c. similiter ex 4. aph. com. 22. quo loco Galenus asseruit ad bonam crisim requiri, quod præcedente concoctione fiat, & postea sequatur expulsio. Secundò, probat ex ipsa vocis significatione: κρίνω enim verbum Græcum Latinis significat separo, diuido, discerno. Tertiò confirmat ex Gal. lib. 3. cris. cap. 12. §. Et quispiam homo vulgaris. Cum istis adest, ipsa re cogente ita pronuntiauit quod iudicium tunc de vitæ hominis ageretur, &c. Quo loco inuentum fuisse hoc nomen non à Medico, aut Philosopho docto, sed à vulgari, aut idiota asseuerat Galenus. Concludit ergo in crisis desiderari iudicem, qui in foro contentioso adest: nec enim natura diceretur agere personam iudicis, sed potius rei, nec Medicus iudex diceretur, cum procuratoris, & patronicem gerat.

Porro cum Langius receptissimam verbi significationem euertere conetur, iccirco eius opinio admittenda non est, nec eius argumenta quicquam concludunt. Dic: ad primum, Galenum 2. aph. 17. cit. Solam explicare causam perturbationis præcedentis crisim, dicens causam perturbationis esse separationem præuorum

LET

PENULT

humorum à bonis quarto verò aph. cit. solum explicat causam futuræ bonæ crisis, sed in utroque loco nunquam vocavit crisin, separationem ipsam.

Ad secundum. Dic, *κρίσις* verbum Græcum similiter significat iudicio; nam in iudicio fit etiam separatio, quemadmodum optimè interpretatur Auic. 2. 4. tract. 1. cap. 2. in princip. dicens: *Crisis intentio est, & separatio in alterationibus, &c.* quod magis interpretatur in fine capituli. §. *Et scias quod nomen crisis secundum quod dixit ille, cuius sermoni creditur, est derivatum à separatione prolocutionis, quæ est uni duorum disputantium, aut contendendum apud iudices supra aliud quasi sit separatio, aut exitus ab altercatione.* Quibus verbis Auic. aperte demonstrat crisin, seu iudicium esse sententiam prolatam, per quam separatur subito non humor, sed potius egritudo, aut vita, quæ inuicem certabant.

Ad tertium. Dictob id addidisse Galenum in lib. 3. c. 2. cit. ipsa re cogente, ac si diceret rem ipsam coëgisse; idiomam, vulgarem, nedum doctum, & Philosophum Medicum ut sic vocaret, nec in hoc certamine desideratur aliquid quod in iudicio externo, & foro contentioso adsit: nam morbus actor est, reus natura, testes signa, Medicus naturæ patronus, seu procurator, crisis incompleta, seu imperfecta, sententia interlocutoria, crisis completa, seu perfecta, sententia definitiva. Iudex, dies ipse in quo fit crisis: nam dies ob hanc causam dicuntur critici, decretorii, seu iudicatorij, & hoc modo Gal. 1. de dieb. decretor. cap. 4. comparat diem septimum Regi clementissimo, diem verò sextum tyranno crudelissimo. Ex his fit manifestè longè à Galeni mente aberrasse Langium; nam ille non separationem humoris, sed subitam in morbo transmutationem, crisin vocat.

Si verò peras cum Conciliatore dif. 103. & Valesio 10. cont. cap. 11. utrùm crises nocturnæ sint frequentiores, & salubriores diurnis? Dic: perturbationes præcedentes euacuationem non solum sunt manifestiores noctu, quia interruptitur somnus, ut inquit Gal. 2. aph. 13; sed frequentiores; quia eo tempore potentiùs operatur natura, ex Gal. lib. 1. de caus. sympr. cap. ult. & quia commotiones humorum præsertim in acutis morbis magis fiunt noctu, quo tempore luna vehementiùs operatur, & sic inundationes, terræ motus, & similia frequentius in magno mundo noctu contingunt, ita Galenus lib. 3. de dieb. decretoriis cap. 1. 2. & 3: causam dierum criticorum ad lunam esse referendam longa oratione contendit. At verò salubritas crisis non ex nocte, aut die colligenda est, sed ex aliis quæ affert Galenus 1. aph. 20. sunt autem indicia optimæ crisis summam à Galeno ibi descripta; numero sex. Primum si fit per euacuationem. 2. Si sit humoris noxi. 3. Si fiat secundum rectum. 4. Si sit cum tolerantia. 5. Si præcessit exacta concoctio. 6. Si fuit facta in die decretorio.

## HISTORIA XV. AETII,

Febris ardens; vigente bruma, citra coctionem, & viribus infirmis, lethalis.

**N**am si aliquando contigerit, ut frigido existente ambiente ager fortiter à febre exuratur, modicam salutis spem de ipso habere oportet. Si verò neque concoctionis signa affuerint in tali aëris statu, neque vires fortes habere apparuerint, talem servari impossibile est. Quare neque lauabis ipsum, neque inunges rarefactis medicamentis, neque vinum dabis, neque frigidam. In quibus enim desperata est salus, vanum est auxilium multos seruantiæ imperiorum calumnia exponere. Proinde ego Medicos quosdam noui methodi ignaros, qui imitari sunt ea quæ à nobis fieri solent, & vti sunt iis auxiliis, in iis qui penitus moriui fuerunt, & neque quicquam profecisse, & opportunum ipsorum usum suspectum, ac horrendum fecisse. At nos, & temporum occasiones, & auxilia describimus in iis qui seruari possunt: nā qui incurabiles sunt

A agri, iis neque occasio, neque auxilia commodant, &c. Aëtii, terrab. 2. sem. 1. cap. 78.

### P A R A P H R A S I S.

**D**ixerat prius Aëtius febribus ardentibus duo esse præsidia vtilissima, & balneum, & chamæmeli decoctum. Illud enim humorem peccantem per totum corporis habitum, tum resoluit, tum viscera refrigerat, & igneum calorem valdè contemperat fuliginosa excrementa educens, ut lib. 1. 1. meth. cap. 20. & lib. 3. acut. firmavit Galenus. Hoc, repida caliditate prouocat sudorem. Sed hæc duabus conditionibus præhabitis administrari debent, ut docuit Galenus in hoc lib. cap. 9. §. *Sane totum corpus prius, quam id vacuaueris, rarefacere non expedit: ubi vacuatum est, utique licebit id medicamento aliquo, cui calor repidus insit, rarefacias, cuiusmodi est quod ex chamæmelo conficitur, &c.* Sed hæc auxilia duabus conditionibus celebrari debent. Prima ut adsit coctio in vrina, secunda, ut vires sint fortes, & robustæ: nam ad balneum necessaria concoctio est, ut ibi in cap. 10. Galenus affirmat. §. *Balneum in febribus administrabis, quando multitudo crudorum humorum in primis venis non contineatur: nam ex eo horum copia in totum corpus digeritur, &c.*

Sed in hac re dubium est maximum, cur nempe Galenus non concedit balneum nisi post coctionem, si balneum coquit, ex Galeno lib. 1. epid. sect. 2. com. 44. Dic. Galenus balneum ministrat post vacuationem non omnimoda, patet ex verbis Galeni, *balneoque, cum in remissione febris adhibetur, corpore iam mediocriter transpirante, non exiguum affert commodum, &c.* Quapropter balneum in remissione febris est consulendum, ut residuus humor coqui possit.

Deinde si vires non sunt alacres, balneum est inutile: nam Balneum spiracula cutis relaxat, sudorem procurat, sanguinem, & spiritum resoluit, & sic euacuat, totumque corporis habitum exhaustit & vires minuit, lib. 4. aph. 2. monuit Galenus. Quare Hipp. 3. acut. 59. Illud in summa imbecillitate vehementer negari quoniam viribus resolutos amplius enervat. ut Galen. inquit in com.

Si ergo febris ardens incocto humore, vires validas apprehenderit, tunc nec vinum dabis, neque frigidam offeres: hæc enim citra coctionem offerenda non est, neque cum vires sunt inualidæ, ut latè in com. histor. 5. supra notauimus. Illud, si sit aquosum, crudos humores intempestiue in totum deferet corpus, si sit vinosum, & nimis calidum, inflammabit viscera. Id præcepit Galenus lib. 1. ad Glanc. cap. 14. in med. dum sic inquit, *sed aduertendum est, an aliquid sit quod prohibeat huiusmodi exhibitionem: velut si aliquod unum ex visceribus inflammationem patiatur, aut caput vehementius doluerit, aut passio aliqua qua delirare cogat, aut febris incendens in morbo crudo: magna enim, & quasi insanabilia ex potu vini in huiusmodi affectibus, nocumenta proueniunt, &c.*

De secunda conditione quæ vires respicit, illud sciendum est, quod si in febre ardenti incoctus sit humor, & vires sint debiles, tunc iam in malis esse ægrum est existimandum; quum enim concoctio à valido calore perficiatur, si hic pusillus est, & remissus, materiam peccantem concoquere haud poterit: nam vires in calore, hoc est sanguine, & spiritu permanentiam obtinent, ut docet Gal. lib. de curand. rat. per sang. mis. cap. 9. quare ad curationem omnium morborum exigit Gal. vitalis, & animalis facultatis robur, lib. 7. meth. cap. ult. & 11 meth. cap. 9. ad febrium putridarum curationem, naturales vires firmas prærequirit, nec citra rationem: illorum enim curatio, coctione, separatione, & excretionem perficitur, quæ facultatis naturalis ope perficiuntur.

Porro adeo vires necessariæ sunt in omni morbo, ut eas, fortes, & lethales morbos contemnere asseueret 10. meth. c. 4. & ex earum firmitudine, & robore, ægri salutem, & victoriam morbi solum expectet lib. 10. meth. c. 5. nec mirum, nam vita nihil aliud est quam ipsæ vires, aut earum actiones, ita monente Gal. lib. 9. meth. cap. 10. in princip.

Quare

Quare in coctione humoris, & virium firmitudine totius salutis spes reposita est, quia coctiones iudicij celeritatem pollicentur, ex Hipp. 1. epid. sect. 2. text. 45. ita ut morbi qui sine coctione finiuntur, malignius retrocedant, 3. cris. 4. & 2. aph. 27. præsertim si vires sint inualidae, quarum auxilio humor concoqui, & excerni debet.

Hæc omnia summum periculum portendunt, maxime si febris hyeme contingat, quæ hoc tempore inualefcens deterior est, quàm si fieret æstate contra Dioclis sententiam, qui ut refert Galenus 2. aph. 34. putabat cum aliis febrem ardentem factam hyemali tempore facilius sanari, quàm ea quæ sit in æstate. cum contrarium maxime sit verum: quoniam febris hyeme generata, maiorem, & vehementiorem causam arguit: si enim temporis contrarietas non potuit vincere causam, neque febris ardentis generationem impedire, cum sanitatem haberet suffragantem cum virium robore, quæ causis morbosicis repugnat, multò minus poterit febrem iam factam solvere, deficiente sanitate: & virium robore.

Hæc omnia si vni ægro adueniant, hunc seruari, inquit Aëtius, impossibile est, quod ita intelligi debet, ut licet ex vi morbi mors prædicenda sit, tamen aliquando euadere contingit; neque enim lethalia signa semper necessarii, sed magna ex parte mortem afferunt, ex Gal. 5. aph. com. 2. sic vterque gerentem capi acuto morbo, lethale, hoc est impossibile est, ut euadat, quum tamen plures grauidas acutissimis morbis præhensas citra auxiliorum opem, sed solo naturæ ductu saluari quotidiano experimento ratum sit, ut probant Valleriola lib. 4. obs. 1. & lib. 6. obs. 6. Hollerius lib. 5. aph. 30. Forestus lib. 2. de feb. obs. 27. & lib. 15. obs. 22.

Quod si hæc omnia funesta sint, nihil nos agere oportet, sed morbi finem prædicere, nam deploratos non oportet attingere, ne infamemus præsidia quæ multis fuere saluti, ut prædixit Hipp. lib. de art. num. 4. & Galen. 1. aph. 8. & 2. aph. 29. quoniam tamen præfatio mortis præfatio licet auxilia, vel grauiissima in conclamato morbo adhibere. Medicus enim præfagiens culpa vacabit 1. prog. 4. & Celso lib. 5. cap. 25. & multi citra spem mirabiliter sanantur, ex Auic. 4. 4. tract. 2. cap. 10. Idcirco habito prius præfatio de morte, aliqua non solum in gratiam assistentiam, sed ægri sunt celebranda, quoniam plures sanantur, de quibus Medicus desperat, ut scite docuit Celsus lib. 2. cap. 6. Lege quæ diximus lib. 1. in com. hist. 63. & Galenum lib. 12. meth. cap. 3.

## QVÆSTIO XIX.

*Virum coctio rectè à Philosopho finiatur, ut contra cum voluere Argenterius, & Manardus, & an sit dicenda alteratio secundum qualitates, an secundum substantiam.*

### COMMENTARIUM

**C**oncoctionis signa.] Argumentum de coctione, & putredine, ad febres, omnesque morbos curandos esse vtilissimum, affirmant omnes, qui in explicando argumento de febribus, palmarium fecerunt: has alterationes esse inter se contrarias diximus lib. 2. in com. hist. 66. De putredinis natura. sat multa in hoc libro supra in com. hist. 9. Modò coctionis natura altius inuestiganda cum Philosopho, qui inter omnes eius essentiam intimius explicuit lib. 4. meteor. cap. 2.

Concoctio est perfectio quæ à naturali, proprioque calore fit ex oppositis passivis, quæ sua cuique materies existunt. Hanc finitionem recipiunt omnes vno excepto Argenterio in com. cap. 89. lib. art. medic. Gal. sed immerito, quia pleniùs omnes causas coctionis emedullat. Causa formalis illius est perfectio, & per perfectionem, non intelligit terminum, & finem alterationis, ut placuit Auerrhoi, sed ipsam alterationem. Primò, quia ita explicat Gal. 1. de natural. facult. cap. 2. dicens: coctionem digestionem, & sanguificationem esse actiones. Secundò, quia idem Aristoteles distin-

Lib. IV.

guat coctionem à fine coctionis, & cap. sequenti distinguat marurationem à maturitate. Tertiò, quoniam verba illa, ut elixatio, assatio, coctio, alteratio motum significant.

Intelligitur ergo per motum alteratio, siue transmutatio ducens ad esse perfectum: per hoc autem perfectior forma non intelligitur, quia hæc, ope illius perfectior non acquiritur, ut quando lac sumitur à puerpera ex quo per coctiones plures aliud lac in vberibus generatur, quod non habet perfectiorem formam essentialem, quàm assumptum: similiter etiam per supurationem, quæ maturatio est, & species coctionis, acquiritur forma puris, quæ non est perfectior forma sanguinis ex quo fuit generatum. Nec etiam per coctionem acquiritur perfectius esse, id est, mixtio maior, quia ex carne assumpta fit per coctionem chylus qui non habet maiorem mixtionem, quàm caro. Dicitur ergo concoctio, perfectio, quia est transmutatio per quam aliqua perfectio utilis ad aliquod opus, ut alitionem, vel ad aliud comparatur.

Sed occurrit hoc loco in proposita definitione dubitatio non inutilis. Vtrum hæc mutatio sit secundum qualitates, an secundum substantiam. Et quod sit mutatio secundum qualitates tantum, apparet. Primò, quia definitur alteratio à Galeno, & est operatio facultatis alteratricis, sed alteratio est motus secundum qualitates, ergo coctio, mutatio est. Secundò, definitur à Galeno. lib. art. med. cap. 89. est alteratio faciens cessare putredinem manente substantia, ergo etiam si res cocta mutetur secundum qualitates, eadem tamen substantia manet. Tertiò, bilis cruda, & flaua admodum est actis, & malè olens, cocta autem & pallidior & minimum malè olens auctore Galeno 2. acut. 44. & in fructibus tunc maturatio, siue concoctio perfecta est, cum semina quæ in eis sunt aliud eiusmodi quale ipsum est efficere valent ex Arist. 4. meteor. 3. sed ista solum mutantur secundum qualitates, ut patet, ergo coctio non mutat secundum substantiam, formam.

Pro altera parte validissimæ sunt rationes, quas præstat auctorum firmare sententiis, & ostendere hanc fuisse Arist. & Galeni mentem. Primò quia alimenta per coctionem non mutantur secundum qualitates solum, sed etiam secundum substantiam, & formam, ut constat in coctione ventriculi, in qua alimenta non mutant solum qualitates, sed etiam substantiam, & formam, & in secunda coctione chylus mutat qualitates, substantiam & formam, & in humores conuertitur, aliqui incideremus in opinionem eorum quos impugnat Gal. 2. de natural. facult. cap. 8. ad fin. afferentium extrinsecus in cibis humores consistere, & in corpore non generari.

Secundò. Coctio est opposita putredini, sed putredo non solum mutat qualitates, sed substantiam, & patet quia definitur ab Arist. 4. meth. 2. est corruptio, &c. & à Gal. 1. 1. meth. 8. est mutatio totius putrescentis corporis substantia ad corruptelam à calore extraneo, ergo similiter coctio est mutatio substantiæ, & confirmatur, quia coctio putredinem emendat, & finit lib. art. med. cit. sed putridi humores præterintemperiem, & vitium in qualitatibus, sunt etiam immutati secundum substantiam, aliqui sola alteratione per contrarias qualitates corrigeretur putredo, non est ergo coctio mutatio solum secundum qualitates.

Tertiò, etiam si coctio definiatur per alterationem, & sit actio facultatis alteratricis, nõ perpetua est solum mutatio secundum qualitates, quia similiter etiam nutritio quæ est mutatio secundum formam dicitur species alterationis à Gal. 3. de sympt. caus. cap. 2. post princip. 5. Naturalium actionum prima, ac propemodum maxime necessaria nutritio est, quæ alteratricis actionis quædam esse species, &c.

Quartò. Licet Galenus dicat coctionem esse alterationem in similem qualitatem eius quod nutritur, per qualitatem intelligit substantiam, & formam, siue speciem, & hoc significauit 1. epid. sect. 2. com. 44. cum dixit coctionem esse deductionem eius quod concoquitur in concoquentis substantiam: qualitatem autem apud Galenum quamplurimis locis sumi pro substantia forma,

LLI 2 &

& essentia rei, est manifestum : nam *1. aph. 2. in princip.* Afferit purgationem esse humorum, qui sua qualitate molestant vacuationem & *lib. 1. de facult. natural. 10.* asseuerat fieri non posse, ut assimilentur, mutanturque inter se vlla nisi societatem aliquam, cognationemque in qualitatibus habeant & *5. de usu part. cap. 10 post med.* agens de partibus quæ sanguinem expurgant ab excrementis, inquit, *neque enim trahere huiusmodi excrementa potuissent, nisi qualitatis communitas quadam cum excrementis ipsis inperceffisset, & 3. simpl. cap. 25. in princ.* Determinatum, inquit, est plerumque perfici attractiones qualitatum familiaritate, &c. Quibus locis per qualitatem non intelligit Galenus primas, aut secundas qualitates, sed rei substantiam. Ergo similiter intelligit, quando coctionem esse alterationem in similem qualitatem definit.

At priusquam dubitatio soluat, non abis coctionem semper esse transmutationem ad perfectius esse, ut dictum est, & illius finis, inquit Arist. *loc. cit. meth.* aliis natura existit, natura autem est, quam veluti formam, essentiamque dicimus, aliis ad quandam formam contendit, id est terminus, & finis actionis, aliquando est noua forma, & substantia, sæpe est eadem substantia, & forma, in esse tamen perfectiori.

Quare respondendum ad questionem, per coctionem aliquando mutari rem secundum formam, aliquando minimè, acquirere tamen perfectius esse in ordine ad aliquod opus. Acquiritur noua forma in coctione ventriculi, & iecoris, & per eas alimenta mutantur secundum formam; in inuratione verò fructuum, & in coctione recrementorum, & humorum putridorum, ferè non acquiritur noua forma, acquiruntur tamen qualitates naturæ conuenientiores: cum hoc tamen stat coctionem non esse simplicem alterationem secundum qualitates primas; nam si talis alteratio esset, naturæ, & caloris natui operatio esse non posset, res enim sic ab extrinseco alteraretur. Quò fit ut per coctionem non solum res secundum qualitates primas, sed etiam secundas immutentur, quia semper magis permiscetur humidum cum sicco, quare licet non mutantur semper secundum formam, tamen secundum substantiam mutari dicuntur quia vel acquirunt crassitiem, vel tenuitatem, vel diuersum odorem, & alias qualitates, quæ ad substantiam rei proximè accedunt.

Ex iis argumenta proposita iam solui poterant, verum quia contendunt probare coctionem semper esse mutationem solum secundum qualitates, alia verò esse semper mutationem secundum formam, sigillatim ea diluenda sunt. Et ad primum dicendum est, quòd quemadmodum Galenus Medicum agens in elementis non agnoscit aliam formam ultra qualitates primas, ita etiam in mixtis non agnoscit aliam formam ultra temperamentum, quo pacto etiam *5. de loc. aff. & cap. 7. ante medium. S. Porra omnium facultatum essentia, &c.* dicebat, essentiam facultatum in temperamento consistere, & *3. de sympt. caus. cap. 1.* facultatem lædi in sua substantia vitiato temperamento asseruit, quare quando affirmat coctionem esse alterationem in qualitatem similem, nihil aliud vult, quàm esse mutationem in substantiam, vel formam similem.

Ad secundum dicendum est: verum quidem esse in humoribus putridis, quando per coctionem corriguntur, non mutari formam, mutari tamen eos ad substantiam similem rei concoquenti, quòd autem Galenus *cit.* inquit coctionem esse alterationem, quæ putredinem finit manente substantia, solum vult in febre putrida duo præstidia esse ex usu, nempe humoribus putridis coctionem, quæ illud quod semiputridum est emendet, & ad benignum reducat manente substantia id est substantia non vacuata, sed intra corpus remanente, & proficiam etiam vacuationem esse quæ extra corpus educat quod omnino putridum est, nec potest ad benignum reduci.

Ad tertium dicendum est bilem putridam, & fructus immaturos per coctionem non mutare formam, mutare tamen qualitates etiam secundas, nempe odorem, saporem, & consistentiam quæ ad substantiam rei proximè accedunt. Alia verò hoc modo soluenda sunt: ne-

que enim nos negamus in coctione ventriculi, iecoris, mammarum, & testium, alimenta formam mutare, & hæc est causa ob quam veterum nonnulli coctionem ventriculi putrefactionem, & corruptionem appellabant, ut refert Gal. *6. aph. com. 1.* & ventriculum asseuerant concoquere putrefaciendo, quia forma præcedens corrumpitur, & alia de nouo acquiritur: Verum quia id fit perfectiori modo, corruptionis nomen non meretur præsertim cum fiat à calore naturali, & intendatur, à natura. Ad secundum. Dic: rem, dum putrescit, formam seruire, etiam si mutetur secundum qualitates primas, & secundas, ut supra in *com. hist. 9.* satis confirmari, quare si coctio putredinem tollat, & finiat, non necessarid formam mutabit. Tertium, & quartum conuincunt coctionem esse mutationem ad substantiam, quod non negamus.

Actum est de formali causa quæ est perfectio ad esse perfectum. Causa efficiens est calor proprius, & naturalis, licet, si exquisitè loquendum est, præcipua causa efficiens sit anima mediante facultate concoctrice, calor autem naturalis tantum instrumentum est, non solum quæ calor, sed quæ vim naturæ, seu animæ retinet, & ab ea dirigitur: & hæc est causa ob quam struthiocamelus concoquit ferrum, quod ignis conterere nequit, & aues paruissimæ semina durissima concoquunt, quæ robusta, & calidissima animalia frangere, nec minuere queunt, quidquid hunc euentum à causa manifesta, & non à proprietate accidere contendat Iouertus *1. parad. 7.* Et quia calor hic est temperatus, ut natura cuiusque viuientis, vel partis requirit, non semper est similis, sed in quibusdam intensior, in aliis remissior, & in quibusdam vincit frigiditatem, & in aliis à frigiditate superatur, ut constat in mammis, ossibus, plantis, & animalibus frigidis, & aliquando vincit calorem rei coquendæ quia intensissimus est, ut in corde, & ventriculo calido, qui dura alimenta optimè coquit, interdum ab eo vincitur: tamen in efficacia, & actione coctionis semper vincit.

Hic calor si est humidus, coctioni magis est aptus, ut Galenus explicat *3. de caus. sympt. cap. 3.* argumento est quòd naturæ calidæ, humidæ ætates, & partes similis temperamenti facilius concoquunt, & nutriuntur. Quoniam verò calor natiuus duplex est, alius insitus singulis membris, alius à corde influens, neuter per se solus ad coctiones obeundas est sufficiens: nam insitus, debilis est, & veluti in potentia, & sic oportet quòd ab influenti ad actum reducat, hæc est causa quare per somnum viscera facilius concoquunt: tunc enim influens calor totus ad interiora defertur.

Insuper licet concoctio à calore naturale rei concoquentis proficiatur, cum hic sit naturæ instrumentum, à calore tamen rei concoquendæ adiungetur: hic enim solum excitat, & calorem natiuum fouet, & hac ratione concoquere dicitur. Hoc modo corricem citri etsi concoctu difficilem, coctioni tamen conferre asseuerat Galenus *2. de alimentor. facult. cap. 37.* Nam calor naturalis ab extrinseco iuuatur, & sic magis fausta coctio celebratur, ex Arist. *4. meth. 2.* Gal. *5. simpl. 6. & 7. meth. 7. & lib. de const. art. med. 12. ad fin. & cap. 19. ad fin. & 1. epid. sect. 2. com. 44. & 4. acut. 44.* Sic coctio iuuatur à medicamentis, fomentis, vnguentis, balneis, quiete, exercitio, potu vini, calore pueri: quoniam hæc modicè calefaciunt, & coctiones iuuant. Quomodo autem hæc quantitatem caloris adaugeant, explicuimus *lib. 2. in com. hist. 66.*

Deinde non solum quæ modicè calefaciunt, & humectant, coctionem iuuant, & calorem naturalem refocillant, sed illa quæ ipsum roborant: hæc autem non solum sunt calida, sed frigida: cum enim innatus ignis ob excessum debilis esse (calor enim aprus functionibus obeundis, debet esse mitis, & temperatus) à frigidis coërcetur, & infrænatur. Hoc apertè insinuat Gal. *9. meth. 3.* qui in synochis febribus aquæ potu naturam roborari affirmat.

Similiter etiam dicuntur naturam roborare, quæ tollunt impedimentum coctionis, illud autem non vnum est,



est, sed multiplex: impeditur enim coctio propter humoris crassitiam, lentorem, frigiditatem, caliditatem, acrimoniam, multitudinem. Hac ratione Syrupi omnes possunt concoquere humores. Sic sanguinis missio, & purgatio coctionem iuvare censetur 2. aph. 29. & 11. meth. cap. 15. Nam natura deore nata venæ sectionis ope peccantem humorem concoquit. Sicut enim generatio carnis, & agglutinatio à sola natura fiunt, repèriuntur tamè medicamenta carnem generantia, & agglutinantia, quæ submouent ea quæ actioni naturæ resistunt, ut docuit Gal. 3. meth. cap. 6. Sic licet coctio fiat à sola natura, & à calore nativo, dicuntur tamen medicamenta concoquentia illa, quæ impedimentum coctionis tollere nata sunt. Sic Gal. lib. de const. art. med. cap. 12. in fin. affirmat quo etiam si sola natura possit vlcus carne implere, & semicocta concoquere, attamen Medici indultia naturæ potest esse ex vlu, dum vlcus purum reddit, & offert eaquæ calefacere possunt.

Causa materialis assignatur in verbo [ex oppositis passivis] explicat Aphrodiseus in passivis, vel passivarum, ita ut coctio sit perfectio passivarum, vel in passivis à calore nativo procedens. Per opposita passiva intelligit Arist. humidum, & siccum in concreto, id est, partes humidas, & siccas: hæ enim per coctionem patiuntur, & miscentur inter se. Vocat autem passiva, opposita, vel quia sunt opposita inter se, nempe humidum sicco, vel quia ambo sunt opposita calori: licet enim verè non sint contraria calori, quatenus tamen calor agit in humidum, & illud cum sicco permiscet, dicuntur opposita, quia agens opponitur passo: nec enim datur actio, ubi non est contrarietas. Aphrodiseus per opposita passiva, intelligit alimenta, quæ sunt passiva, quia in coctione patiuntur à calore nativo, & sunt opposita: nam initio sunt dissimilia, in fine verò coctionis similia evadunt, ex Arist. 2. de anim. 4. Sed hæc expositio non est consona Arist. menti: nam arctat coctionis definitionem ad solam eam quæ fit in alimentis, quum Arist. eam etiam ad ipsa excrementa extendat.

Causa finalis est species ad quam res quæ concoquuntur tendit: quædam enim perfecta est, exprimit finem coctionis, ut in coctione ventriculi, forma chyli, in coctione iccoris, forma sanguinis, in suppuratione tuberculi, forma puris, in coctione facis, & vrinæ, & aliorum recrementorum, forma eorum perfecta est quæ ostendit calore superasse, quatenus eorum materia patitur.

Ex dictis patet quod quando Arist. 4. meteor. 3. proponit tres coctionis species, maturationem, elixationem, & assationem, de ea coctione agit quæ consideratur in viventibus, & animalibus; nam etiam si elixatio, & assatio sint coctiones quæ fiunt ab igneo calore propter aliquem usum, affectiones etiam sunt, quæ considerantur in animalibus, ut inquit Arist. cap. cit. versus fin. & propriè coctiones dicuntur, quia à calore naturali prodeunt: illæ verò quæ in externis fiunt, quoniam ab igneo calore emanant, non sunt propriè coctiones, sed per similitudinem quandam, quemadmodum enim in nobis à natura mediante calore à nativo ad aliquam perfectionem coctiones fiunt, ita elixatio, & assatio in externis fiunt mediante igneo calore ab arte, quæ naturæ exempla existit. Verum licet externæ non sint propriè coctiones, propriè tamen dicuntur assatio, & elixatio, species verò coctionum quæ in nobis fiunt ob nomen penuriam artificialium coctionum appellationem subeunt, & sic ea coctio quæ fit à calore nativo, humido, & vaporoso, elixationis nomen subit, qualis illa est quæ fit in ventriculo, in iccore, & in carnibus, quare Gal. 3. de facult. natural. cap. 7. post. med. docet coctionem quæ fit in ventriculo esse similem elixationi, quod similiter docet 2. acut. 22. ad fin. ut enim coctio ventriculi fiat, humiditatem propriam, & adscitam requirit, quæ deficiente, concoctio non celebratur, sed cibus exurit, & corrumpitur. Assatio verò dicitur illa coctio quæ in nobis fit à calore sicco, qualis est illa quæ fit in ossibus,

Lib. IV.

A cartilaginibus siccis. Hoc modo coctio quæ fit in pueris potest appellari elixatio, quæ verò in iuvenibus, assationis nomen mereri potest.

Ex his liquet manifestè summopere errare eos qui Aristotelicam definitionem impugnant, quod elixatio, & assatio cum sint species coctionis, fiant à calore igneo, & extraneo: nam hæc per similitudinem dicendæ sunt coctiones, ut suprà notavimus. Nec magis audiendi sunt qui Philosophum reprehendunt, quod coctionem semper à calido oriri arbitretur, quum à frigido emanare rationi consonum sit: nam sicut calor miscet, sic etiam frigus, cum per se, & actiue agit in coctione. Sed non advertunt quod Philosophus definit per id quod perfectius est, & nobilius, ut est calor natiuus, qui obeundatum functionum potissimum est instrumentum.

B Ad hæc gravissimè peccant qui Aristotelem calumniantur, quod inter paribiles qualitates, solum mentionem fecerit de humido, cum siccum etiam misceri debeat: nam ob id fecit, quoniam actio caloris amplius elucet in humido, & fugit à merè siccis. Deinde et si coctionis materia, humidum, & siccum sit, tamen coctio magis est humidi, quàm sicci, quia quod definitum, aut indefinitum est, in humido notatur.

C Explicata definitione Aristotelica notandum est varias fuisse sententias de coctione: nonnulli enim asserunt esse separationem boni à malo; nam in coctione conveniens cum conveniente permisceri, & inconueniens separari arbitrantur. Hæc sententia falsa est: etsi enim verum sit post coctionem dari separationem, ut in coctione ventriculi, & iccoris constat; tamen separatio est res distincta à coctione: Galenus firmat, 4. aph. 22. quo loco coctionem à separatione, seu discretionem distinguit. S. Si quidem oportet præire coctionem, subsequi discretionem, & postea vacationem, ut bona sit crisis, atque iudicium. Secundo confirmatur, quia separatio non est actio facultatis coctricis, sed separatricis, quam constituit Auerthoës 3. collect. 16. iuxta finem, S. Et istius virtutis non fuit memor Galenus, &c. Vel potius dicendum separationem esse operationem communem facultati tractrici, & expultrici, iuxta doctrinam Avic. 1. 3. tract. 4. cap. 5. 5. Causa itaque quæ est in virtute separativa, est quoniam separatio est communis inter virtutem expulsiuam in hepate, virtutem attractivam in renibus, ut eleganter explicat Fernelius 5. physiolog. cap. 5. in fin. semper enim separatio fit una parte trahente id, quod sibi utile est, & alia expellente tantum inutile. Tertiò, si coctio esset separatio, non esset perfectio: nam separatio proxima est corruptioni, & via ad ipsam. Quarto per coctionem permiscetur humidum cum sicco, & omnia sub determinata forma ununtur, non ergo est separatio. Vltimò Coctio assimilat rem coctam coquenti & sic definitur à Gal. 3. de facult. natural. cap. 7. mutatio enim similitudinem, separatio verò dissimilitudinem parit: hæc enim est causa quare humores separati excernuntur, quia nullam habent similitudinem.

E Alij coctionem esse humoris preparationem ad expurgationem asserunt, quæ sententia solum habet locum in humoribus peccantibus, & est falsa. Primò quia Hipp. 1. aph. 22. docet humores non esse purgandos ante coctionem, & lib. 2. sentent. 9. docet humores esse preparandos ad purgationem, si ergo preparatio humoris esset coctio, eadem esset viriutis Aphorismi sententia, & confunderentur Aphorismi inter se, quod non est dicendum. Secundo. Quia Avic. 1. 4. tract. 2. cap. 7. in med. probat contra Rhasium humorem biliosum non esse ex natura sua coctum in principio morbi: humor autem biliosus statim in principio preparatus est, quum suapte natura sit tenuis: nam humoris preparatio consistit in extenuatione, & incisione ipsius, ex Gal. 2. aph. 9. Ergo si preparatio esset coctio, humor biliosus in principio coctus esset, & posset expurgari. Tertiò. Coctio incrassat humores, ut infra patebit, sed ad preparationem humores debent incidi, & extenuari. Ergo. Vltimò. humor interdum est coctus, & non est preparatus expulsionem, quia crassitudinem, & lentorem

L L I 3

habet

habet 2. *prog. 67.* igitur preparatio humoris quæ in exterioratione consistit, res est distincta à coctione: coctio enim à natura, & non ab arte fit, preparatio verò ab arte potius, quàm ab ipsa natura: Nam utriusque finis est diuersus, preparat enim Medicus, ut euacuet, natura ut retineat, sibi que commodum nutrimentum parat, quod eum non possit ob ineptitudinem materia, à commutatione desistere, ad expulsionemque conuertitur, ut scitè probant Donatus ab Alcomari *tract. de preparat.* & Ioannes Brauus *lib. 2. prog. 16.* contra Valeriolam.

Manardus doctissimus 13. *epist. 1.* quem plurimi sequuntur, arbitrat non vnam esse in omnibus quæ concoquantur coctionis rationem, & naturam, & sic non posse coctionem vnica definitione finire, quia ea quæ concoquantur, multiplicia sunt: nam vel sunt alimenta, vel humores semiputridi, in alimentis coctio est alteratio in similitudinè, in humoribus putridis est alteratio faciès cessare putredinem, in semiputridis est reductio ad benignum.

Sed hæc sententia recipienda non est, quoniam propter diuersitatem eorum quæ concoquantur diuersæ essent coctiones constituendæ, diuersæ etiam essent attractiones, & diuersæ expulsioniones in nostro corpore, quia diuersa sunt ea quæ attrahuntur, & expelluntur, Præterea quia in quauis coctione facultas alteratrix eadem est, & idem instrumentum, nempe calor natiuus, & idem finis: nam semper cum facultas assimilatrix agit, intendit assimilare sibi passum, ex Gal. 2. *feb. 5.* & cum sit agens naturale semper eodem modo agit vsque ad vltimum potentia: materia etiam coctionis, siue obiectum concoctricis, prout coctile est, semper idem est, nempe humidum, & siccum: licet autem non semper idem effectus in eodem appareat, non est quia facultas mutat finem, nam operaretur ex electione, & non esset agens naturale: illa tamen varietas ex varia materiz dispositione contingit, ob quam maior, aut minor actio apparet: omnium ergo quæ concoquantur vna est ratio, natura, ac proinde vna etiam definitio. Et sic Fernelius *lib. 3. meth. c. 12.* affert definitionem omni coctioni communem, dum sic ait, *Concoctio est substantia in natura conuentiore statu caloris vi facta mutatio.*

Sed accedamus ad Galenum qui variis locis varias assignat coctionis definitiones. Nam *lib. 2. natural. facult. cap. 4. in princ. & lib. 3. cap. 7. post med.* affirmat coctionem esse alterationem in propriam eius quod nutritur qualitatem. *lib. 3. de caus. symp. cap. 1. in princip. & 1. epid. sect. 2. com. 44.* Coctionem esse ait deductionem quandam eius quod concoquitur in concoquentis substantiam, & 8. *secund. loc. c. 7. parum post med.* Coctionem vocari affirmat eam alterationem qua alimentum in similitudinem partis quæ nutritur, transmutatur, & 2. *acut. comm. 43.* asserit esse victoriam naturæ, quod etiam scribit. 3. *cris. 5. & 1. epid. sect. 2. com. 6.* At verò *lib. art. med. cap. 89.* Coctionem dicit esse alterationem quæ facit cessare putredinem manente substantia, & 6. *epid. sect. 5. com. 6.* ait esse reductionem ad mediocre temperamentum: quæ ratione 5. *aph. 17. v.* humorem facientem conuulsionem calore febrili quartanæ concoqui asseuerat, & 6. *epid. sect. 3. com. 10.* febrem rucedini, & grauedini superuenientem, ipsas concoquere docet.

Rursum coctio in Galeni doctrina est mutatio eius quod concoquitur in naturam similem coquentis, quando autem id quod concoquitur, familiare est, & vtile, totum, aut pluriimum illius transmutatur, & simile redditur in natura, & in qualitatibus, & minimum eius manet semicoctum, quando verò id quod concoquitur alienum, & inutile, exiguum est quod transit in substantiam concoquentis, & plurimum est quod manet semicoctum, & inutile.

Hæc coctio quæ circa inutilia versatur, vocatur maturatio ab Hip. 1. *epid. sect. 2. sect. 44.* Sicut enim fructus qui non habent perfectionem suam, crudi appellantur, quando verò eam habent maturi appellantur, sic ea omnia quæ cruda vocamus, quando concoquantur, maturari dicuntur, cuius enim est cruditas, eiusdem est maturatio, ut inquit Arist. 4. *meth. cap. 3.*

Humor crudus dupliciter dicitur, vno modo quando minorem coctionem habuit quàm sanguis, & pituita est, quæ alimentum ex dimidio coctum vocatur, ex Gal. 2. *de natural. facult. cap. ult. ante fin.* & ideo per vltiorem coctionem vertitur in sanguinem, ex Gal. 1. *acut. 30. & 44.* Verum inter species pituitæ repetitur quædam quæ propriè succus crudus vocatur, & dicitur à Gal. *lib. de plenitudo. cap. ult. ante fin.* humor crassior, quàm alia pituita, & minus flatulentus, quare gravis est & subsidet in vniuersis edacium, & orisoforum, & puri similis est in crassitie, & albedine, non tamen in fœtore, & lentore, ut docet Gal. 1. *de aliment. facult. cap. 2. ante fin.* & quæ pituita habet lentorem, vitrea nuncupatur, ut monet Gal. 4. *de sanit. 4. in med.* Pituita enim naturalis plerumque lentorem non habet.

Non quævis species pituitæ per vltiorem elaborationem potest verti in sanguinem, sed solum naturalis, & dulcis, & ea quæ modicè calida est, ut ait Galenus *lib. de const. art. med. cap. 19. ad fin.* reliquæ verò species ad naturam sanguinis nullo modo peruenire possunt, nec nutrire queunt, quare eas vacuandas præcipit *lib. de const. art. med. cit.* qualis est pituita falsa, vitrea, muscilaginosa, & quæ immodicè acida est.

Altero modo crudum dicitur, & in generaliori significato illud quod non est victum à natura, & à calore naturali, quando reperitur dissimilitudo in substantia, & qualitatibus inter partes coquentes, & humores tunc crudi dicuntur. Quando verò actione partium redduntur similes, non in substantia, quia viles nutritioni esse non possunt, sed in qualitatibus, tunc dicuntur cocti, quia sunt victi à natura, & à calore naturali eo modo quo potuerunt superari, & hæc concoctio, victoria naturæ appellatur, qua ratione excrementum, ichores, sanies, & humores putridos vocat Galenus concoctos, etsi nutrire nequeant. Hoc modo rectè Auerrhoës *negat. 3. collect. c. 4.* flauam bilem concoqui, quia coctum in crudari non potest: nam agentia naturalia non retrahunt actiones suas, & hæc coctio quæ debetur humoribus putridis, omnino putredinem non excludit, quum sit concoctio putredinis particeps, ut ait Galenus 1. *feb. 6.* Sed putredinem coctæ, ne ad intensissimum gradum perueniat, & corruptionem, quæ est terminus illius, & sic poterit intelligi Galenus in *art. med. cap. 89.* quum definit putredinem, si hæc definitio humori putrido adaptari potest.

Quando humores semiputrescentes concoquantur, redeunt ad antiquam naturam, fiunt benigni, nutritioni viles, & relinquuntur similes secundum substantiam, & qualitates, ut Galen. insinuat 2. *aph. 17. in fin. & 11. meth. cap. 8. §. Tanquam igitur in iis corporibus quæ non viuunt, &c. & cap. 9. ad med. §. Nunc cum in viuente corpore, &c.* & tunc coctio verè facit cessare putredinem, & eam omnino excludit, & manet eadem substantia in corpore nutritioni utilis, & ideo illa definitio Gal. in *art. med.* coctioni humoris semiputridi debetur, qui ad pristinam naturam redit, quia solum incipit calefieri, & præter naturam humectari, & non est facta separatio humidi à sicco, & ob humidi resolutionem, quantumuis alterentur, & concoquantur, non possunt fieri benigna, & vilia nutritioni. Verum quando ea quæ semiputrescunt, non solum principium putredinis concipiunt, hoc est caliditatem, & humiditatem extraneam, sed etiam leuiter secundum aliquas partes putrent, tunc non solum alterationem, sed aliquam etiam coctionem requirunt ut insinuat Galenus *lib. 2. aph. 17.*

Ex dictis constat, quod etiam si coctio à facultate concoctrice, & calore naturali celebretur, potest tamen adiuari ab extrinseco, & à medicamentis, quæ sunt vel similia calori naturali illumque fouent, & in quantitate adaugent, vel tollunt impedimenta coctionis; contemperando, extenuando, inscindendo, referando, & in iis applicandis iubet Auic. 1. 4. *tract. 2. cap. 7.* ut Medicus sedulam operam impendat. Quapropter etsi Galenica coctionis definitio sit optima, Aristotelica tamen multò est præstantior, ut quæ ipsius naturam intimius explanat. Consule de hoc argumento elegantissimos Thomam & Veiga

Veiga lib. 1. de dif. feb. cap. 5. & Thomam Eraſtum, qui A proprio libro de coctione vbertim diſceprauiſit.

## QVÆSTIO XX.

*Utrum omnia per coctionem fiant craſſiora, calidiora, ſuauiora, & dulciora, ut contra Ariſtotelem, Conciliator, Gentilis, & Garbius opinantur.*

**I**Nter alia quæ diſertiffimè apud Ariſt. loc. cit. meteor. & ſcientiffimè apud Gal. 2. prog. 33. à Neotericis agitari ſolent, dubium eſt præcipuum. Utrum omnia quæ coquantur, craſſiora, calidiora, & ſuauiora euadant. Philoſophus ſic ait. *Necesse eſt cocta craſſiora, & calidiora eſſe, & infra in c. 3. §. Ea quæ matureſcunt omnia, ex aeris aquæ, & ex aquis terrea conſiſtendo fieri.* Alexander in com. 9. eam recipit. §. *Vniuerſaliter quacunque pepaſin paſſa, ex tenuibus craſſiora redduntur.* Approbat Galenus cit. prog. §. *Concoctio craſſiorem reddit, non ſolum urinam, ſed etiam deiectionem, item ſcreationem, atque etiam pituitam per diſtillationes, & grauedines, nec non per lippitudinē, & pus quoque in ulceribus, &c.* Repetit lib. de totius morb. temp. c. 3. & 1. epid. ſect. 1. com. 25. & 4. acut. com. 4. Cum enim concoctio proficiſcatur à calore, actionēque eius permixcentis humidum cum ſecco celebretur, & humidum à calido extenuetur, & reſoluatur, necesse eſt id quod concoquitur, partibus tenuioribus reſolutis, & diſſipatis, craſſius euadere. Sola aqua, inquit Ariſt. eodem c. parum infra poſt elixationem non craſſeſcit. Rario eſt, quia cum ſit corpus ſimplex, & non habeat ſuccum terreum, poteſt humidum diſſolui, & diminui, non tamen ipla craſſeſcere, quod eleganter explicat Auic. 2. 1. doct. 2. cap. 16. de diſpoſitionib. aquar. poſt princip. §. *Et torpidi quidem Medicorum, &c.*

Verum hæc doctrina plures patitur difficultates, & videtur falſa. Primò. Animalis ſpiritus generatur ex vitali magis concocto, ex Gal. 7. de placit. cap. 3. ante fin. ſpiritus tamen animalis eſt tenuior vitali ex omnium ſententia. Ruſſus vitalis generatur in corde, & arteriis ex ſanguinis euaporatione per coctionem, qui tenuior eſt euaporatione ſanguinis. Sic etiam ſanguis generatur ex chylo, & chylus ex panē, & carne, ſanguis tamen tenuior eſt chylo, & chylus tenuior panē, & carne. Igitur coctio non omnia cogit, increaſatque.

Secundò. Plerique fructus quando ſunt crudi, ſunt duri, & compacti, quando verò matureſcunt, ſunt molliores, & tenuiores. Igitur, &c. Terriò. Urina non ſolum cruda eſt, quando eſt tenuis, & aquoſa, ſed quando craſſa exiſtit: nam quæ cocta eſt, debet habere mediocrem ſubſtantiam, ergo coctio urinam craſſam attenuat, & non increaſat.

Quartò Galenus lib. de conſt. art. med. cap. 19. agens de coctione qua humores redeunt ad naturalem ſtatum, dicit humores craſſos debere attenuari. Vltimò. Ex Gal. 1. ſimpl. 4. de pinguedine, & adipe, vinum, oleum, mel, & adeps per antiquitatem redduntur non ſolum calidiora, & acriora, ſed etiam tenuium partium, hæc autem in dies magis patiuntur à calore, & magis concoquuntur, vel ſaltem recipiunt alterationem coctioni ſimillimam. Ergo, &c.

Multi apud Gentilem 1. 4. tract. 1. cap. 7. §. *Et cum ad miniſtraueris canones, &c.* conati ſunt diſſoluere difficultatem hanc, dicentes coctionem in iuuatiuo (hoc enim modo loquuntur) ſemper procedere increaſſando, in noſcitiuo aliquando procedere extenuando, interdum increaſſando. Sed hæc reſponſio falſa eſt, & contra Ariſt. & Galeni mentem: ſiue enim fiat in humore benigno, aut putrido, ſemper ſit actione caloris qui neceſſario reſoluit id quod tenue, & humidum eſt, igitur id quod coquitur, vel ſit vtile, vel inutile, ſemper abſumpta parte tenuiori craſſius euadit.

Conciliator diſ. 50. docet coctionem in iuuatiuo quando ordinatur in reſtaurationem craſſi, procedere increaſſando, ut quando ſanguis ad membrorum nutritionem

concoquitur, quando verò ordinatur in reſtaurationem tenuis, procedere attenuando, ut quando per coctionem ex ſanguine fit ſpiritus vitalis, & ex vitali animalis. Sed errat bonus Conciliator: nam vniuerſaliter Ariſt. & Galenus coctionem increaſſare aſſeuerant. Præterea falſum eſt coctionem quæ dirigitur ad reſtaurationem craſſi, procedere increaſſando, quia chylus tenuior eſt panē & carne, & ſanguis tenuior chylo.

Gentilis acutiſſimus in com. cit. loc. Auic. reſpondet coctionem ſemper procedere increaſſando, quia ſemper humidum per coctionem admixto ſecco terreo craſſius redditur, humido autem debetur concoctio quod per eam terminatur termino alieno. Si verò ſpectetur ſiccum terreum cui humidum permixſetur procedere coctionem attenuando. Sed fallitur: nam quando Ariſt. & Galenus aſſerunt cocta reddi craſſiora, illud de toto cocto pronuntiant, non de humido tantum, quia materia coctionis non eſt ſolum humidum, ſed etiam ſiccum, ut dictum eſt, immò totum compoſitum eſt illud quod coquitur, & per illam tranſmutationem quæ fit à calore, partes tenuiores deperdit, & remanet craſſius.

Thomas de Garbo in ſua medicinali ſuma lib. 1. tract. 5. queſt. 61. Opinatur rem propriè ſubiectam coctioni, non eſſe eam, quam comuni ſermone coctam dicimus, ut panē, carnem, & ſimilia, ſed partes illius humidæ, quare cum hæc per coctionem cum craſſis miſceantur, fit ut quod propriè coctionem accipit craſſeſcat perperuò, res tamen quæ coquitur, modò craſſeſcit, ut cum ex medulla fit os, modò attenuatur, ut cum ex ſanguine fit ſpiritus.

Sed hæc opinio merito eſt reſicienda: nam materia coctionis, non ſolam eſt humidum, ſed ſiccum, & definitio Ariſt. oſtendit manifeſtè, quam hic auctor non bene perpendiſſe viſus eſt: quoniam Ariſt. ipſam definit perfectionem ab innato, propriòque calore ex oppoſitis paſſiuis, quæ dicit eſſe propriam materiam coctionis in quam agit calor, patibilia autem ſunt humidum, & ſiccum.

Dic ergo coctionem perperuò increaſſare conſiderato ſcilicet effectu caloris coquentis in re cocta ſimpliciter. Ex accidenti tamen cocta redduntur aliquando tenuiora propter aliquas diſpoſitiones, vel actiones, quæ coctionem antecedunt, vel ſubſequentur, quæ coctioni non tribuuntur, veluti eſt fuſio, extenuatio, contritio, & attractio humidæ ſubſtantię, & expurgatio ſecrementorum. Effectus autem rari qui ex accidenti contingunt, pronuntiat vniuerſalis veritatem non tollunt, quod per ſe ſemper eſt verum. Hic autem modus loquendi non eſt præter Hipp. Galeni mentem, qui 1. aph. 16. Victum humidum omnibus febricitantibus conſerre, quum tamen victus humicus febricitantibus hydropticis ſit inutilis: nam reſponder Galenus in com. ſatis eſſe ad veritatem ſententiæ Hippocraticæ quod febris ipſa per ſe ſola conſiderata victu humido adiungetur. Sic Ariſt. & Gal. calorem coquentem omnia craſſiora reddere ſemper docere, ſi illius operatio per ſe ſola expendatur, ſi verò conſiderentur quæ aliquando inter coquendum ſecedunt, coctum aliquando tenuius euadit.

His poſitis ſolues argumenta aduerſa. Dic ad primum, Spiritum animale tenuiorem eſſe vitalem, quia excrementa fuliginofa ſeparantur, & repurgantur, & ob hanc cauſam, vitalis ſanguinis euaporatione tenuior eſt, & quia non ſolum ex hac conſtituitur, ſed etiam ex ætere, utraque autem ſubſtantia ſimul tenuior eſt ſpiritu vitali, & ſanguis non eſt tenuior chylo, nec chylus panē, & carne, niſi poſtquam ſecrementa ſunt ſeparata. Hinc fit, ut craſſiſſimus humor dum à naturali calore concoquitur, reddatur per accidenſ minus craſſus, quia inter coquendum ſecedit portio craſſiſſima, quare non eſt mirum ſi coctum muſtum, tenuius ſit ſe ipſo crudo, quia actione caloris partes craſſæ ſubſident.

Ad ſecundum. Dic: ſolum humiditatem ex aqua, & terra conſectam concoqui, & ſemper craſſeſcere; fructus verò ſolum nutrirī, & augeri humiditate illa intruſ ſuſcepta. Dic ſecundò. Fructus plures ante maturitatem craſſiores; poſtea tenuiores eſſe ex accidenti, nam à terra ſemper humidam ſubſtantiam attrahunt, quæ cum



cum sicco permixta, fructus reddit humidiores, & tenuiores.

Ad tertium. Dic: yrinam crassam per coctionem extenuari, non ratione coctionis, sed separationis quarundam partium crassarum, quæ cum re coquenda erant confusa, quæ cum faculentæ sint, rei quæ coquitur, partes non sunt. Lege Ioan. Brauum. 2. *prog. in com. sent.* 16. Vel hoc contingit, ut notat Thomas à Veiga *lib. 1. feb. cap. 6.* quia prius trahitur terreum, quam aqueum.

Ad quartum. Dic: humorem crassum coctione non posse attenuari, sed quia propter crassitiam coctioni resistit, attenuandum esse medicamentis. Sic humores crassi aliquando per coctionem attenuantur, non ratione coctionis, sed quia partes inter coquendum separantur, & dissoluntur.

Ad vltimum. Dic: non esse idem aliquid esse tenue, & esse tenuium partium, aut esse crassum, aut crassarum partium, ut colligitur ex Gal. 4. *simpl. cap. 3.* possunt enim aliqua actione caloris resoluentis partes aqueas euadere crassiora, & tenuium partium, hoc est habere partes aliquas crassiores per calorem videlicet attenuatas: idem enim calor dum resoluit illas, reddit aliquas tenuiores, quam antea, & sic licet vinum, oleum, mel, & adeps temporis diuturnitate reddantur crassiora, sunt tamen tenuium partium, ob id magis penetrant, & potentius agunt.

Sed adhuc supersunt soluendæ obiectiões arduæ, quarum prima est, si coctio omnia increffat, cur aer, & aqua tenuantur calore, gelantur verò frigore, & crassescunt. Dic: in simplicibus corporibus calor suapte natura rarefacit, non increffat, in mixtis verò per accidens siccat, & deplat, dum ad resolutionem humidi aërei, & aquei, partes residuæ terræ, densitatem, maioremque crassitiam in mixto representant.

Secundò. Si coctio perpetuò increffat, cur Medici humori attenuando sunt intenti muniti oraculo senis. *lib. 9. aph. 9.* Dic. Medicus præparat, ut fluidum fiat corpus, & humores tenuiores fiant attenuantibus virtutibus: natura coquit, increffat, ut retineat, & sic pareat sibi alimentum optimum, & humorem reddit sibi adminiculantem magis.

Instabis, si natura coquit, & Medicus præparationis est auctor, & tam coctio, quam præparatio calidis perficitur, & quò plus coquitur humor amplius increffatur, & expulsionì sit ineptus magis, cur attenuantibus, & coquentibus Medici ante expurgationem vtuntur? Dic: licet humor crassior reddatur, tamen incidentium ope in minutissimas secatur particulas, & hoc modo fit excretioni magis idoneus. Dic secundò: Pituitam, ac succum melancholicum post coctionem crassiores fieri, neque tamen ob id expulsionì valentius reniti, atque aduersari: nam si natura eos concoquit, necessum est ut euincat, & expellat, nec ea crassities quam à calido innato acquirunt, ineptos eos reddit expulsionì, velut ea quæ à frigido, seu calore immodico præstatur: quinimò humores vitii, quum nutrire nequeant, naturæ obediētiōres facti ocyus secernuntur: adde quòd natura eos alterat, non ut crassiores reddat, sed ut separet ab eis qui familiares sunt, & è corpore excernat: Consule Donatum ab Alto mari tract. de concoctione post med. Cardanum *lib. 1. cont. tract. 6. cont. 13.*

His præfatis ad secundam dubitationem accedamus, *Utrum per coctionem omnia fiant calidiora.* Nam coctio per se, & ratione sui reddit omnia cocta calidiora, cum enim fiat actione caloris, ea quæ coquantur calefieri debent, & quando actio diurnior fuerit, tantò magis imprimatur calor. Sic vina vetera calidiora sunt recentibus, quia diutius concocta sunt in dolis. Quòd si ex vino recentì plures oriuntur morbi calidi, ut febres ardentes, pleuritides, & phrenitides, id accidit quia hæc, minùs abeunt in vrinas, & insensilem vaporem ob crassitiam, cuius causa detenta in ventriculo, & visceribus incocta ebulliunt, & feruunt, & vitia concitant calidissima. Sed obstant contra hanc sententiam plura: quoniam spiritus animalis est frigidior vitali ex quo per coctionem efficitur. Lac

est frigidius sanguine ex quo fit. Coctabilis euadit frigidior se ipsa cruda.

Sed verè propositio Aristotelis est intelligenda: per se enim coctione res quæ concoquuntur fiunt calidiores, ex accidenti tamen aliquando cocta redduntur frigidiora, quia videlicet inter coquendum separatur pars calidior à re cocta, vel quando in coquente remissior est, quam in re quæ concoquitur, quare bilis cocta frigidior est se ipsa cruda 2. *acut. 44.* & spiritus animalis frigidior vitali, concoquitur enim, & in cerebro pro operationibus animalibus, quæ temperiem requirunt, attenuatur. Sic lac tantò frigidius est sanguine, quanto partes adnolæ carne iecoris sunt frigidiores, ut Galenus monet 4. *aph. com. 40.*

Coctione omnia fieri suauiora ac magis odora, res est manifesta, hoc in fructibus sæpe omnibus palam fit, qui dum maturescunt, odoratiōres, & suauiores redduntur, ex coctione enim gratus, seu aromaticus odor progignitur: sicut enim in putredine & separatim humido à sicco, & foras euaporante molestus, & vitiosus odor, quem fetorem vocamus, odoratum afficit, ita ex coctione, quæ putredini contraria, est suavis, ac gratus ob eiusdem humidi cum sicco mixtionem, resurgit: nam in coctione humidum aqueum, aëreumque semper cum sicco terreo permiscetur, & vnitur, quemadmodum in putredine humidum à sicco separatur. Huius rei causa est, quia in putredine humidum nec vincitur, nec à calore superatur, sed eidem prædominans, ab ipso regulari non potest; at in coctione cum patius calor superior sit, humidum euincit, & superat, & illud probè moderatur, ac regit, & sicco vnitur, atque permiscetur.

Vltimò. Coctione omnia fieri dulciora firmavit Arist. *lib. 5. de generat. animal. cap. 6. §. Concoctione enim dulce efficitur, concoctio autem calore, &c.* Nam dulcis sapor fit ex aquosa humiditate amplius cocta, & elaborata, expurgatis per coctionem ab eodem calore coquente partibus amaris: iccirco fructus immaturi frigidi sunt, & interdum amaris quibusdam partibus præditi, quæ dum maturescunt, tanquam excrementitiæ excernuntur: siquidem ea ratione qua peponis, aut cucumeris calor fortis est ad substantiam illam dulcem reddendam, est etiam potens ad partes excrementitias expurgandas, quas pepo, & cucumis habent, quibus sapor amarus adhæret. Quapropter in similibus fructibus sapor dulcis ex amaro non fit, sed per coctionem fructus hi redduntur dulces expurgatis ipsorum partibus amaris, & elaboratis aquosis, & humidis, aut partes eadem amaræ fructibus ipsis per coctionem humidioribus redditis amittunt ariditatem, quam deponentes, simul & amaritudinem expiunt. Quia cum amarus sapor ex calore, & siccitate emanet, fit, ut qualibet deposita qualitate, remittatur, aut aboleri possit.

Deinde argumento sunt fructus, qui iniq̃ acerbi cum essent, tempore maturescentes dulcescunt auctore Galeno 4. *simpl. cap. 7.* ex quo sequi ait, dulcedinem ipsis à calore provenire: nam si dulcedo maturatione acquiritur, & maturatio coctio quædam est, sequitur dulcedinem calore etiam acquiri, si verum est coctionem à calore proficisci.

Quòd autem fructus omnes à calido maturescant, concoquantur, & dulcescant, cunctis cum Philosophis, tum Medicis persuasum est: cumque in ipsum duplex sit alterum proprium, & cuique ingentum, alterum externum à sole videlicet, vel ab igne, sed tamen naturæ ipsorum conueniens, ac familiare, quare minime mirandum est quosdam esse qui non in arboribus, sed postea cum decerpti, conditi que aliquandiu fuerint coctionis complementum nanciscantur, & dulcedinem assumant, dulcescunt enim adscititio calore omnia ea quæ ab igne præparantur, ac proinde, ut Galenus ait, 4. *simpl. 1. 1.* dum calida sunt, suauiora iis quibus nutritione est opus, apparent.

Hæc doctrina veritatem obtinet dummodò dulcia modicè coquantur: nam si immoderatam coctionem patiuntur, fiunt amara, & salsa, qua ratione pituita dum concoquitur, fit sanguis, & sanguis vltèrius calefactus, bilescit,



ex Hipp. 2. acut. 30. & maximè in calidis naturis, in quibus dulcia omnia, & pinguis facile sunt bilis. ob quam causam sitim excitant, quia multas partes aëreas habent, quæ facile in bilem degenerant; quemadmodum aër promptè fit ignis, ob mutuum naturarum symbolum.

## QVÆSTIO XXI.

*Utum humor noxius, medicamentis calidis attenuantibus ut voluere Græci, an frigidis, incrassantibus, sit preparandus, & concoquendus, ut Arabes confirmant.*

**A**rdum de coctionis natura explanationem prosequor, & breuioribus distinctionibus, & argumentis, quantum res ipsa postulat, interpretor. Itaque cum ad umbilicium perduxissem, incidi in questionem maximè controuersam de syrupis preparantibus humores, in qua dilucidanda cum medicinz proceres cernam inter se discordes, placuit rem tantam aliquantò latiùs explicare præsertim quia Auicenna Arabum primus à plurimis, illique primæ notæ viris in hoc dogmate recipitur, cuius sententia ut commodè percipi possit, altior rem indaginem prærequirit.

Apud auctores omnes receptissimum est humores noxios non statim esse expurgandos, sed ante euacuationem, præparationem esse necessariam. Qualis tamen esse oporteat, & ex quibus medicamentis fieri debeat, inter se rixantur iuniores. Pro cuius difficultatis enodatione aduertendum est præparationem requisitam ante purgationem duplicem esse, alteram artificialem, naturalem alteram, quæ in humorum coctione consistit. Illa igitur posita est in attenuatione humoris, & apertione viarum per quas vacuatio fieri debet auctore Galeno 2. aph. 9. & lib. quot. quib. & quand. cap. 3. & 5. Præparatio viarum requirit primò quod canales, per quos debet fieri vacuatio humorum, de obstruatur, quod aded ad facilitatem purgandi exoptat Gal. ut lib. cit. cap. 5. sine eo, etiam torrente materia purgationem non cõcedat. Secundò, quod venter tum alimentis, tum clysteribus humectetur, & leniatur, quod fit ut purgandis exhibeatur cocta, & iura, & clysteres sine sale: hi enim cum diutius immorentur in intestinis exquisitiùs operantur. Incommoda autem quæ sequuntur omissa dicta præparatione, sunt plurima tradita à Gal. cit. loc. ut tormina, vertigo, fastidium, pulsus diuersus, dissolutio, siue totius corporis lassitudo difficilis purgatio, & cum grauib. symptomatis eueniens, immò superpurgatio.

Sed maior dubitatio est ex parte humoris: reddaturne aptior ad euacuationem quò magis attenuatur. Auicenna in ea est firmus opinione 1. 4. tract. 2. cap. 7. ut putet tunc humores optimè ad euacuationem præparati, quum ad mediocritatem reducuntur, ad quam reductionem constat crassa attenuari, & tenuia crassescere; cuius doctrinam tota barbarorum Schola libenter amplectitur. Nec eis desunt rationes vtiq. quibus hoc placitum queat corroborari. Primò Medicus debet imitari naturam 4. aph. 2. Atqui natura tendens humores per coctionem reddit crassiores; & ita illi euadunt paratiores vacuationi. Ergo & nos ad eius imitationem debemus humores tenues, crassiores facere.

Secundò, Galenus lib. 1. simpl. 24. sic inquit, quod planè tenue est, medicamentis vim efficiens præerabitur. Tertiò, Quod humor tenuis non commodè exeat, probari potest ex Galeno 4. de sanit. tuend. cap. 4. Nam ubi abundant humores calidi à sanguine plurimùm recedentes, quales sunt tenues, omnino reprobatur phlebotomia, relictis enim humoribus tenuibus euacuatur sanguis. Quartò, si humor valde tenuis amplius attenuetur, periculum imminet ne imbibatur in poris tunicarum; ac proinde difficiliùs vacuetur. Quintò, ex Auic. 1. 4. cit. humores subiles imbibiti in membris, & crassi in eis infixi, & viscosi ad herenies, omnes sunt inepti ad facilem expulsionem; immo necesse est, ut subiles inspissentur.

Sextò, Si subtilitas est vltimum quod intenditur ad

A digestionem, & in principio morbi qui oritur ab humore tenui humor magis tenuis est, & per consequens magis digestus, cur in dictorum morborum principiis non expellitur sedimentum laudabile, quod nihil est aliud quàm portio humoris morbifici iam concocti? Insuper cur non euacuat statim in principio humores noxios, cum tunc tenuiores sint, sed expectat statum?

Sed si ardentè veritas à nobis est inquirenda in rem momenti tanti, nisi Auicennæ doctrina commodè explicetur, non video quo pacto cum Galeni sententia conciliari possit: si enim huius monumenta attenta mente renoluas, eam docentem inuenies humores ad euacuationem attenuandos esse semper, nunquam verò incrassandos, ceteri tenues valde existant.

Primò, Quia humores, quò tenuiores, eò sunt fluxibiliore, ut patet in superpurgatione, in qua humores tenues priùs vacuantur, posteriù, verò crassi, ex Gal. 1. de natur. human. com. 31. Secundò, Quoniam medicamenta purgantia attrahunt humores à proprietate substantiæ hæc autem attractio meliùs fit in tenuiori, ut constat in attractione magnetis, & succini. Tertiò, Quia prouocatio sudoris per attenuantia perficitur, ergo & purgatio.

Auicenna verò intelligendus est de iis medicamentis quæ ad morbos thoracis imperantur: nam vacuatio quæ fit ex thorace, vi aëris impellentis præstat, quæ requirit resistantiam passivæ aëri impellenti respondentem, & nec in humore tenui, nec in crasso rectè perficitur, quare humor, ut commodè vacuetur, ad mediocritatem reduci debet. Hinc fit ut eclegmata spiritum promouentia modò sint attenuantia, modò incrassantia, præparatione humoris vacuandi; cum tamen syrupi præparantes humores ad euacuationem, perpetuò sint attenuantes.

Neque hæc doctrina aliena est à mente Galeni, qui inter tussendum pauca vacuari, tum ob tenuitatem humoris, tum ob crassitiem asseuerat. Sic enim ait lib. 4. de loc. cap. 8. quippe bisariam accidere potest, ut vehementer insuendo pauca quis expuat, aliquando ob crassitiem humoris, aliquando ob tenuitatem: si quidem tenuis humor cum subleuatur inter tussendum à spiritu diuisus refluit, lenius verò, & valde crassus difficulter effertur, & lib. 2. aer. cap. 10. sic loquitur. Tussier igitur statim homo, non tamen omnino statim spuet: sed si quidem multum, ac crassum ab inflammatione defluerit, cum tussis expuet, si verò paucum, & tenue irritabitur quidem necessario, ita ut tussis moveatur, non tamen expuet, antequam collectum simul, atque concoctum ad multitudinem, crassitudinemque peruenierit, & c. repetit. 2. de caus. sympr. cap. 4. ante med. 5. talia sunt, & c. 2. prop. 43. ex quo loco colligitur manifestè naturam tenuem, irritatamque humorem in thorace contentum non excernere, nisi postquam ad crassitudinem deductus sit. Què pacto humor semper ad euacuationem est attenuandus, nisi in iis morbis qui ad thoracem pertinent ob dictas causas.

Quare argumenta quæ vniuersaliter probant hominem quandoque in valis contentum esse incrassatum, si tenuis sit, nihil concludunt. Dic ad primum: Humor tenuis per coctionem redditur crassior, non efficitur aptior vacuationi; quia crassior, sed quia coctus: sic enim natura desistens ab eius retentione, cum profus vacuare contendit. Quando autem asseritur quod medicus debet imitari naturam, intelligendum est, si ambo propter eundem finem agant, quod in exemplo propositio non contingit: nam Medicus ante purgationem præparat humores, ut eos euacuet, natura verò non similiter, sed solum ut eos retineat, & concoquat, & sic ex illis commodum alimentum eliciat, post quod ex accidenti sequitur illorum expulsio: quia scilicet cum natura non possit eos vestere in naturam membrorum, eosdem, veluti excrementum inutile expellit.

Ad secundum. Dic, Galenum ibi non agere de vacuantibus per proprietatem, sed repellentibus per densitatem potiorum, quæ densitas si non fuerit magna, non prohibet transire humorem valde tenuem, sed solum crassum: ille enim cum sit tenuissimus, per vasa, quæ non

non protius sunt oclusa, & constricta à reprimentibus A  
impositis facile permeat, & hoc est præterlabi vim ho-  
rum medicamentorum.

Ad tertium. Humor valde tenuis cum non sit bene  
commixtus sanguini, idè simul cum illo non exit. opti-  
mè tamen à pharmacis purgantibus attrahetur, de qui-  
bus hic. Dic, præterea, in hoc exemplo prohibetur à Ga-  
leno phlebotomia, quia sanguis ad coctionem humoris  
valde tenuis, & valde crassus est necessarius.

Ad quartum. Dic: propterea quando humor est valde  
tenuis, non est necessarium quod magis attenuetur ad  
purgationem, sed sufficit præparatio ex parte viarum, sed  
in morbis in quibus non expectatur coctio, statim va-  
cuatur. Sic Galenus *lib. quos, & quando 4.* humores tenues,  
& aquosos statim in principio euacuat, in crassis coctio-  
nem expectat.

Ad quintum. Humores subriles imbibiti inepti sunt  
ad vacuationem, non quia tenues, sed quia imbibiti, & ij  
si incrassentur, quod crassiores èd difficilius vacuantur,  
quare ineptè. Auicennæ interpretes generatim eos in-  
crassandos arbitrantur.

Ad sextum. Subtilitas est vltimum quod intenditur ad  
digestionem, id est, ad artificialem præparationem, per  
quam humor reddatur aptior ad euacuationem, non au-  
tem ad digestionem, id est, concoctionem naturalem fa-  
ctam à natura, quod falso Auic. expostores supponunt.  
Licet igitur in principio humor tenuior sit, non tamen  
vacuatur, quia natura expectans & intendens coctio-  
nem, non vacuat ante illam, nisi valde irritetur. Deinde  
in principio non apparet sedimentum, quia hoc est effe-  
ctus coctionis quæ in principio non adest.

Summa igitur huius controuersie est humores cras-  
sos, & tenaces perpetuò attenuantibus ad exitum esse  
præparandos tenues verò ex parte sui non exposcere  
aliquam artificialem vacuationem. Et licet hoc verum sit  
in omnibus ferè morbis, ante purgationem syrupi atte-  
nuantes, & deobstruentes viles sunt. Primò, quia nostris  
temporibus ob ingluuiem ferè omnes morbi ab humo-  
ribus crassis ortum dicunt. Secundò, Quoniam etsi ali-  
qui morbi ab initio ab humoribus tenuibus oriantur, hi  
tamen procedente morbo, partibus tenuioribus tum per  
sudorem, tum per insensilem transpirationem resolutis,  
obstructionem faciunt, & attenuationem, vt commodè  
vacuentur, expostulant.

Possit tamen quis hic dubitare hoc modo, si humores  
ad vacuationem perpetuò attenuantibus præparandi  
sunt, quomodo Medici sæpè vtuntur syrupis infrigidan-  
tibus, & incrassantibus? Dic: syrupi incrassantes in pluri-  
mis morbis maximo sunt ex usu, non vt præparent hu-  
mores ad euacuationem, sed ad varios vsus, vel vt im-  
modicas euacuationes cohibeant, vel vt humores mor-  
daces contemperent, eorum acrimoniam retundant, hoc  
enim modo victi, ac superati, & coctioni, & expulsionì  
aptiores redduntur.

Ex iis notabis ex Manardo 13. *epist. 1.* corollarium  
vnum ad praxim maxime necessarium syropos habere  
vim concoquendi, qui moderato calore, odore, & ad-  
stringendi vi natio nostro calori adminiculantur. Qua-  
re sicut ij calidum natium languidum ob caloris remis-  
sionem, & defectum roborant, sic quando calor ob ardo-  
ris exuperantiam debilis est, frigida ad mediocritatem  
redigunt, ac eum firmanant. Neque dubium est apud eos  
qui Galeni sensa perlustrant, medicamenta frigida, nati-  
uum calorem cum supra modum ardet, & propter calo-  
ris excessum à propria temperie plurimum exorbitat,  
fortiorem reddere posse. Nam 9. *meth. cap. 5.* asseuerat in  
febris synochis naturam aquæ frigidae potu roboratam,  
præternatos iam humores aggredi, eosque qui vti-  
les sunt, & ad nutriendum habiles, hos quidem ad se  
trahere, inutiles verò vel per ventrem, vel per cutem ex-  
cernere: si namque docente Galeno 3. *de presag. expulsib.*  
*cap. 3.* robur facultatis intemperiem sequitur, & eiusdem  
imbecillitas intemperiem, sequi par est, refrigerantia re-  
media nostri corporis partes roborare, quando illas supra  
modum calefactas, & ardore nimio occupatas attempe-

rant, & ad mediocritatem reducunt, vt egregiè notauit  
Cardanus *lib. 1. com. tract. 6. com. 14.*

Deinde si coctio sit à calore non absoluto, nec igneo  
(nam si ab hoc fieret multò citius, & melius in febrien-  
tibus absolueretur, ita docente Gal. 8. *de placit. cap. 7.*)  
sed à moderato, benigno, & halituoso, quippe hic in  
pueris copiosissimus existens omnes actiones naturales  
adanger, *lib. 5. simpl. cap. 9.* Ergo quæcunque refrigeran-  
do in ardentibus febribus vehementem, illum calorem  
remittunt: & de eius intensione detrahunt, faciuntque  
vt moderationem nativus calor seruet, coctionem iuare  
dicuntur.

Insuper exhibendi syrupi frigidi, vt humoris calidissi-  
mi acrimonia infrænaretur, ex cuius coctione maior sequi-  
tur utilitas, quàm sit noxa quæ ex aliquantula incrassatio-  
ne sequi solet. Deinde vt viæ fiant laxiores quæ ob cali-  
ditatem, & siccitatem contrahuntur. Ad hæc vt minus ab  
assante calore aduratur, & crassescat humor: nam quæ ca-  
lore concresecunt, frigidis soluantur, vt docet Arist. 4. *me-  
teor. cap. 6.* sequitur Auic. *lib. 2. tract. 1. cap. 3. post princip.*  
*§. Et res quarum proprium est in calore congelari, &c.* quod  
etiam colligitur ex Gal. 5. *simpl. cap. 5. §. Sed illud tamen  
moneo, &c.* probat luculenter Gal. 2. *prog. 38.* dicens, *quin  
& synceri humores crassiores existunt, pituitosus quidem pro-  
pter frigiditatem, biliosus verò propter exuperantiam calo-  
ris euaporatus, & tanquam assatus, &c.*

Ex his arripuit ansam Trallianus *lib. 5. cap. 4.* calum-  
niandi Galenum; quod *lib. 4. de loc. affect. cap. vlt.* in ægris  
tussi vehementi vexatis, & grandinosa corpuscula per  
tussim excernentibus medicamenta calida & attenuan-  
tia exhibuerit, vt Theriacam, Ambrosiam, Athanasiam,  
& alia, quum ex his humores necessariò exurantur, &  
incrassantur: licet enim Galenus recta methodo fuerit  
vltus, vt latè pro eius turela diximus *lib. 2. in com. hist. 36.*  
tamen Alexandri consilium est amplectendum: nec  
enim semper attenuatio calidis perfici debet, sed ali-  
quando frigidis, quæ vim attenuandi habent: nam præ-  
terquam quod attenuatione sua præparant, corpus ad  
euacuationem, ob alias etiam causas valde iuuant. Pri-  
mò quia partem humoris quæ adhuc non putret, pu-  
trere prohibent, & eam quæ iam putret, prohibent à  
maiori calore, & putredine. Secundò, quia satisfaciunt  
indicationi sumptæ à causa requirente attenuationem  
ad euacuationem, & simul respiciunt indicationem  
sumptam à febre, quæ est ad infrigidandum. Hac ra-  
tione, præsentè crassitie humoris, à calore excedente  
oborta in diariis ex obstructione, vtitur Trallianus  
*lib. 12. cap. 1.* decoctis non exalfaciensibus, quæ aduer-  
sissima sunt febri, cuius magna ratio est habenda, sed  
frigidis attenuantibus, in quem usum maxime commen-  
dat oxymel, non tamen perpetuò: si enim crassities ob-  
struentis humoris oriatur à siccitate, vel calore, quem-  
admodum in rebus plus æquo coctis, aut nimium assis  
fieri cernimus; ab oxymeli abstinendum docet, nam etsi  
non multum calefaciat, tamen siccando humores, eos  
crassiores efficit. Hactenus de præparatione artificiali ne-  
cessaria ad vacuationem tum ex parte humoris vacuandi,  
tum ex parte viarum per quas humor debet vacuari. Nunc  
de præparatione naturali, quam in coctione humoris va-  
cuandi consistere diximus, agendum est, & in primis  
quærendum quid sit concoctio in humore noxio.

Auicenna, Medicus grauissimus 1. 1. *doct. 6. cap. 3. &  
1. 4. tract. 2. cap. 7.* Opinatur coctionem in humoribus no-  
xiis nihil aliud esse quàm præparationem eorum ad va-  
cuationem factam à calore innato, quando crassus humor  
attenuatur, & tenuis incrassatur. Sed nisi, vt diximus  
suprà de humore contento in thorace explicetur, à Ga-  
leni doctrina maxime disceperit. Primò, quia pus sit per  
coctionem ex sanguine, & post quàm decoctum est, red-  
ditur magis lentum, & crassum, & difficilius expellitur,  
quàm sanguis quod vltra experimentum, constat ex  
Gal. 2. *prog. 60.* Igitur sanguis cum per coctionem verte-  
batur in pus, non acquirerebat dictam præparationem  
ad expulsionem. Secundò. Si coctio in humore noxio  
nihil aliud esset quàm dicta præparatio ad expulsionem  
non

non oporteret ad illam. expectare morbi statum: nam ea præparatio multo celerius perfici potest. Tertio, quia in humore noxio per coctionem acquiruntur membri concoquentis qualitates, & quod coctio magis intenditur, eo perfectiores apparent, quod manifestè demonstrat membra concoquentia humores noxios solum conari illos in sui naturam transmutare.

Si verò ulterius pergās, & huius difficultatis explanationem scire concupiscas, ex Galeno notabis 2. acut. 44. & 1. epid. sect. 2. com. 44. duplicem esse coctionem, perfectam vnam, imperfectam alteram. Illa dicitur operatio facultatis naturalis in materiam benignam, quæ tota, vel secundum maximam sui partem in substantiam corporis vertitur, minima eius portione semicocta remanente. In qua significatione & pituita naturalis recipit coctionem: ea enim per ulteriorem elaborationem facultatis concoquentis in sanguinem versa corpus nutrit, ob quam causam nullum à natura tributum est receptaculum ad expurgandum sanguinem à pituita, sicut datum est ad expurgandam bilem, melancholiam, & substantiam ferrosam, ut docuit Gal. lib. de atra bile cap. 8. & 2. de facult. naturalib. cap. ult.

Secunda coctio definitur operatio facultatis naturalis in humore non benigno, cuius vel nulla pars, vel tantum exigua in naturam concoquentis verti potest. In hac significatione, pus, biliosi humores, & alia excrementa vitiosa, qui dicuntur, docente Gal. 2. acut. cit. In utraque coctione idem est agens, scilicet innatus calor concoquens, & idem est finis à natura intentus, videlicet nutritio membri, ut cit. loc. monuit Galenus.

Licet autem hoc ita sit, tamen ob indispositionem materię sit, ut natura in secunda coctione dictum non assequatur finem. In vniuersaliori igitur coctionis significato coctionem definiemus ex Gal. 2. acut. cit. quum natura causis fortior sit, easque permutauerit robore suo. Quare humor noxius tunc dicitur coctus, cum à natura deuictus fuerit, & superatus, quæ eum quoad potest in aptum membrorum alimentum vertere conatur, quod si ob materię ineptitudinem assequi non potest, ad eius expulsionem conuertitur.

Natura autem & Medicus hanc victoriam naturæ ante vacationem expectant, primo, quia per coctionem natura eligit partem vtilem ad sui nutritionem, & reliquam scernit, atque expellit, quare tunc temporis habemus naturam administrantem vacationi, 1. aph. 22. Secundo quia naturales facultates seruant ordinem in agendo iuxta quem non operatur expultrix, antequam perficiat opus suum concoctrix: Quare cum in purgatione, per phāntacum non modò sequatur vacuatio humoris noxij, pharmaci purgantis ope, sed facultatis expellentis vi, est necesse ut Medicus ad similem purgationem, coctionem naturæ expectet. Tertio, quia natura agens in vnumquemque humorem perpetuò in nutritionem, tanquam in primum scopum collimat, quare primò retinet humorem, ut ex eo per concoctionem partem aliquam auferat nutritioni accommodam, & postea ad expellendum inutile insurgit.

Sed cur expectatur concoctio ante vacationem in omnibus febribus humoralibus, si multi humores incoctiles sunt, quod patet de bile, & melancholia; quæ cum expellantur, & separentur à natura in generatione sanguinis, tanquam excrementa inutilia ad recipiendam coctionem, manifestum videtur ampliùs concoqui non posse? Dic: vtramque bilem sanguini permixtam posse quidem nutrire, ac propriè concoqui, ex Gal. lib. de atra bile, cap. 7. bilem tamen synceram licet nutrire non possit, ac proinde perfectam coctionem recipere nequeat, tamen concoqui, hoc est superari, loquentibus nobis in secundo coctionis significato.

Ob hæc refutandi meritò sunt Manardus 13. epist. 1. & Valeriola apud Gal. lib. de const. art. medic. in com. cap. 21. qui fortè nixi auctoritate Auerrhois lib. 7. collect. cap. 9. & Rhafij 16. continent. cap. 2. quem reprehendit Auic. 1. 4. tract. 2. cap. 7. §. Et tu non auscultes virum, &c. Concedunt bilem flauam, tenuem, non turgentem posse expurgari in principio non expectata coctione, quam non

A est apta recipere. Primo, quia cum tenuis sit, & calida, prompta est ad euacuationem, ex Gal. 3. simpl. 27. & 31. prog. 23. & 3. de natural. facult. 14. Secundo, quia id ipsum monuit Galenus lib. quos, quib. & quando, cap. 4. dicens tenues, & aquosos humores inter initia morbi illico esse expurgandos.

Licet enim humores, quod tenuiores, eo faciliùs expellantur, id intelligendum est dummodò concocti sint, nec aliqualis crassities quæ per coctionem comparatur, eorum expurgationem remoretur. Quo pacto biliosi humores ante coctionem expurgandi non sunt, id enim voluit Galenus lib. 1. de art. curat. ad Glaucon. cap. de curat. tertiana exquisita, quo loco abstinere non exhibet (quod cerè modicè purgat) nec lauatrum, nec vinum tenue, aquosum & paucum, nisi postquam signa coctionis apparuerint. Deinde Auicenna 1. 4. tract. 2. in curatione tertianæ puræ, agrotantem à purgatione arcerante coctionem. §. Quod si consequatur crisis, & videris digestionem in urina, & sedimen laudabile quod cognovisti, tunc si excusat bene est, & si non, tunc cura cum eo quo inuatur natura ex procuratione urine, aut solutione ventris aut vomitu, aut fluxu sanguinis narium, & non agas contra ipsam in hoc, &c. & paulò inferius subdit, & non sumat in potu de solutione in principio, nec approximent alicui eorum, nisi ea quæ sunt sicut syrupus uolarum, & aqua fructuum, & non utatur nisi clysteribus lenibus, &c.

Ad secundum argumentum ex celebri Galen auctoritate desumptum, quo illi interturbantur. Respondet Cardanus lib. 1. contra tract. 6. 14. humorem biliosum tenuem esse vacuandum in principio quoad opus artis, quia non debet eum Medicus præparare attenuando, non debet etiam eum euacuare in principio quoad opus naturæ, quia debet ipsius coctionem expectare, nempe victoriam naturæ, quod diuersimodè faciendum est in humoribus crassis, quia ij nec quoad opus naturæ, nec quoad opus artis sunt in principio vacuandi, sunt enim prius & à Medico præparandi, & attenuandi, & à natura concoquendi. Sed hæc interpretatio non videtur consona menti Galeni, quia id quod concedit Galenus humoribus crassis, & viscidis, illud denegat tenuibus, sed in crassis expectat coctionem quæ est naturæ operatio, ergo vult eam non esse expectandam in tenuibus.

Ioannes Brauus doctissimus, & in Galeni doctrina versatissimus in fin. cap. 8. lib. 2. de purgand. rat. explicat Galenum asserens per tenues, & aqueos humores non intelligere humorem biliosum tenuem, sed eos qui simul tenues sunt, & aquei, siue serosi quos censet Galenus non expectata coctione esse expurgandos, non solum quia tenuissimi sunt, & ad fluendum paratissimi, sed quia separati, & secreti ab aliis existunt.

Verum quia humoribus crassis, & viscidis opposuit tenues, & aqueos, videtur hos generalius sumpsisse, & sic non videtur solum intelligere tenues aqueos, sed tenues quosuis, ita ut humorem biliosum etiam comprehendat. Quapropter videtur interpretanda prædicta sententia iuxta ea quæ docuit 1. aph. 24. in morbis longis semper oportere expectare coctionem affirmans, in acutis verò contingere aliquando vtiliter circa initia purgare. Monet ergo lib. quos, quibus & quando, in humoribus crassis qualis est pituita, & melancholia, à quibus præcipue morbi oriuntur longi, semper expectandam esse coctionem, tenues verò à quibus acuti emanant circa initia esse euacuandos, hoc est licere circa initia vacuare, quia in his solum necessaria est purgatio in principio. Lege Donatum ab Alro mari qui de hoc instituto elegantissimè disseruit tract. de concoctione. & hæc de coctione satis, nam nos epilogum facimus

non tractatum. Si verò plura de coctionis natura scire desideras, Consule Carre-  
rium 1. 4. tract. 1. à cap. 1.  
usque ad 12.



## HISTORIA XVI. RHASII,

## De febris ardenti.

Causo correptus, expulso humore ad partes extremas, sanatur, facta tamen deinceps phlebotomia intempestiva, emoritur.

**A**lchaseim ostiarius incidit uno die, subito in morbum vehementem calidum, & incontinenti fluxit superfluitas ad eius manus, & pedes, & putrefacta est, & hac de causa cessavit febris. Et aliquis Medicorum fecit phlebotomare, eum & recidivavit in morbum alicuius caliditatis, & acuitatis, & fuit dissoluta virus eius, & post tertium diem mortuus est, & c. Rhasius in libro de mirabilibus curationibus.

## P A R A P H R A S I S.

**V**ulgare admodum est, & a p̄ficeis scientissimis intulcatum morbos materiales tum vacuatione, tum permutatione iudicari: nam si sine vacuatione quieverint, malignius retrocedunt, minanturque recidivam, ex Gal. 3. *cris. 4.* quod experimento patet in hoc agro, in quo, cum esset ab igne correptus, (sic enim intelligo per morbum vehementem calidum, nam in febris ardenti, quam ignem s̄p̄e vocat Hipp. vehemens caliditas adest *4. acut. 1.*) excrementa subrilia, & crassa ad manus, & pedes a natura sunt expulsa; tenuia ad superas partes, ad quas ob levitatem conuolant sponte sua, grauius verò ad partes inferas quæ suo pondere ad imas præsertim vergunt corporis partes.

Quæ autem esset superfluitas, non explicat, at cum varia sunt superflua quæ a natura excernuntur ad regiones diuersas, tumores, abscessus, pustulæ, &c. Existimo has potius fuisse, quàm abscessus: quoniam hi morbi præsertim chronici iudicantur, vt constat ex Galeno: Nec mirum? Narrat enim Auic. *1. part. anticor. a text. 476. usque ad fin.* morbos quamplures; quorum aduentu priores curantur, quare ait ipse. *Et pustula narium, aut labiorum, in tertiana est signum salutis prognosticum.* Et licet sit hoc excrementum in parua copia expulsum; tamen hac portione excreta leuatur natura, & supra residuum insurgens, noxios, peccantesque succos deinceps per manifestos ductus, aut inconspicuos meatus validè excernit: Quapropter pustulis ipsis in suppurationem versis, hoc est putrefactis, (nam suppuratio, putrefactio est *2. aph. 47.*) vel emissio humore per ipsas pustulas putrefacto, hoc est concocto; (nam antiqui concoctum vocabant putrefacta *6. Aph. primò*) cessavit febris.

Sed cum ob phlogosim internam adhuc superessent signa ardoris opprimentis viscera, & esset necessarium sanguinem exhaurire, ad ventilandum hepar; nam venæ sectio extrahendo calidam substantiam, refrigerat *10. meth. 10.* factum est, vt ea celebrata, diminuto calore nativo, resolutis spiritibus, attractioque a partibus extremis, manibus, & pedibus humore, ad quas cum utilitate eum expulit natura, in febrem, ebullientibus de nouo humoribus incidere, & ob nimiam debilitatem exhaustus occubuerit.

Ex hoc exemplo coniectate licet quantis periculis se opponant qui Medicos imperitos, & infelices ad sui curationem vocant, qui, vt inquit Hipp. *3. de articul. text. 17.* sine ulla profecti magnam solent adhibere turbam, magnam spectaculum polliceri, & multa verba facere, quorum ignorantiam elleboro dignam patefecimus *lib. 1. in com. hist. 64.* & explicat Rodericus à Castro *lib. 3. de medic. politic. cap. 23. & 24.*

Hæc est succineta breuique historiæ explanatio; sed licet Rhasius culpam mortis in alium Medicum reiciat, qui intempestiuè exercens phlebotomiam, vires extracto sanguine mirum in modum resoluens, ægrum in perni-

**A**ciem præcipitavit tamen sanguinis missionem, occasiōnem solum morti non dedisse patere potest. Primò, quoniam morbus fuit malignus, & ex venenata qualitate, humorēque intus delitescēte recidivā fuit concitata. Secundò, quia mortuus absque concoctione quieuit, & euacuationi citra coctionem non est fidendum ex Hipp. *2. aph. 27.* dicente *is qui sine ratione leuant fidere non oportet.* Argumento est quod excrementa in primo die natura ad manus, & pedes expulit, à malitia humoris, & copia grauantē irritata, & hoc tempore euacuationes factæ, sunt casus præter naturam earum quæ sunt in corpore dispositioni: nam oportet præire coctionem, subsequi discretionem, & tandem euacuationem, vt bona sit crisis, atque iudiciū, vt bellè dictauit Gal. *4. Aph. comm. 22.* Cum enim tertio die mortuus esset; in primo euacuatio facta est; quo tempore si eueniat, inutilis est, & reprobā, cum hæc solum fiat in statu *3. cris. 5.* Nam oportet concoctum esse morbum, & excerni rectè materiam per locum conuenientem, vt ait Galen. *2. prog. 67.* quare in principio non fit crisis, nisi pernicioſa quæ ex debilitate retentricis humores ob copiam retinere non potentis, & praua eorum qualitate expultricem irritantium scaturit, quare si crisis anticipet statum, timenda est vel enim ex ea mortis periculum imminet; vel saltem si ægritudo omninò salubris sit, verendum est ne crisis imperfecta sit, aut cum prauis symptomatis fiat, aut eam sequatur recidivā. Tantam enim vim habent coctiones, in morbi statu celebratæ, vt nulla crisis præcedens perfecta esse possit. Quo pacto recidivā, & mors humori intus delicto, crudo, & incocto, iterum ebullienti potius, quàm inscitiz Medici adscribi debeant.

**C** Sed rogabis cur tantoperè laudantur vacuationes si præcedat coctio? Dic illas laudauit Hipp. *lib. 2. epid.* cum inquit. *Abscessus optimi sunt si maxime deorsum, & quam longissime ab agrotatione distent, magis vero si concoctione pariter erumpant, &c.* Nam omnibus vacuationibus commune est, vt cum signis coctionis, plus, absque illis minus conferant, vt colligitur *4. aph. 22.* quoniam naturam sibi constare, & sic criticè factos esse abscessus demonstrant.

## HISTORIA XVII. RHASII,

## De febris ardenti.

**D** Febris ardens ex humore turgenti originem ducens phlebotomiz ope curatur.

**Q**uidam nomine Aber passus est morbum calidum, & hic morbus mutabatur de loco in locum, & urina apparuit tincta per plures dies, & aliqua hora sentiebat se grauem, & aliqua leuem, & cum hoc tota urina non remittebatur in suo colore; nec febris ex ea eradicabatur, sed reuertebatur, & percepi post paruum tempus quod phlebotomaretur ex basilica, & subtraxit minor de sanguine ultra quam volueris, & eius urina rediit bona, & liberatus est, & c. Rhasius in lib. de mirabilibus curis.

## P A R A P H R A S I S.

**E**X humore turgente fuisse hanc febrem concitatum ex textus serie facile deduci potest, quum dicat auctor morbum mutatum fuisse de loco in locum, quæ mutatio irrequieta, proprium est humoris turgentis signum, vt *4. aph. 1. & lib. 1. cris. 9. & lib. 1. aph. 22.* & alibi passim explicuit Galenus.

Hic ergo biliosus, & tenuis humor febrem excitauit continuam, quæ licet esset vehemens, & eradicari ex toto videretur, tamen ferociter deinde insiliebat, quam urina tincta, hoc est ignea, flammea, rubea, seu crocea pura comitabatur, quæ copiam sanguinis biliosi, synceri, & calidissimi, excedentemque hepatis calorem significat, vt docuere Galenus *lib. 3. prog. 34.* & Actuarius *lib. 1. de prauis urinarum.*

Sed inquires, si hæc urina rubra nimiam hepatis caliditatem



caliditatem, & sanguinis copiam ostendit, cur hic euasit? A Dic: quoniam hæc vrina morbum salutem, diuturniorē tamen significat, ex Hip. 2. prog. 27. salutaris est, inquit Galenus in com. quia materia benigna est, nec humida nimis aut acris, aut purida, aut tenuis, aut aquæ, aut crassa, sed ad sanguinis ideam, in quo sibi benè natura complacet, proximè accedat. Igitur quia integerrimi humoris exuperantia est, idcirco sine periculo est. Sed quia humidioris, & itē serosioris, eget cōcoctione, &c. Lege Christoph. à Vega in com.

Si ergo hæc vera sunt, cur Hermocrates lib. 3. epid. sect. 1. text. 5. cū hac vrina perierit? Respondet Gal. in hunc modum Rubra verò spatio longo laboraturum hominē, non tamē planè moriturum, arguunt, ut in commentariis in librū presagiorum, & prædictionū planum fecimus, ubi eius libri reprehendimus auctorem. Nam quæ alia de occasione agrotantib⁹ acciderunt, quia ad aliud refert, errat. Id in iis commentariis prolix⁹ sumus cū phrenitidis peculiaris signa persecuti, tum quod in libris Hip. citra cōtrouersia germanis, de quib⁹ presagia sunt, uniuscuiusque facultate signi ex altē, & sigillatim explanauit, ac de rubris, & prærubris urinis verbū nullū fecit, sed de subrubra urina cum mentionē facit simul prærubrarum vint indicauit, atque adeo de subrubris urinis hæc præscripsit verba. Si vrina fuerit subrubra, ac subrubrū quod subsidet, diuturniorē hac quidē morbum, quā prima significat, sed admodum tamē salubris est. Cū ergo sit subrubra præter ceteras salubris quidem, longius tamen quā prædictē trahat, quas ocys dixit morbum exoluere, quæ magnoperè sunt rubra, longius significabunt spatium, ceterum non mortem, quantum ex se ipsiis, neque delirium, &c.

In hoc incendio interno, ab hepatis caliditate excedenti suborto, quod remedium excogitari poterat efficacius sanguinis missione: Nam humores omnes furentes, & feruidos promptè ex venis euacuat, viscera contemperat, & exonerat naturam vt potentior reddita separet vtile ab inutili, & deinceps hoc, maximo cum ægri commodo eliminat, maximè si ex basilica extrahatur sanguis: Nam hæc vena ex vasis maximis velocissimè euacuat apud Gal. 4. acut. 2. 3. & 4. de sanit. tuend. c. 4. & lib. de curand. rat. per sang. mis. c. 16. & 2. acut. 1. 1. Quare copiosa facta phlebotomia ad naturalem colorem vrina rediit, & ipse à morbo liberatus est.

Miraberis in bilioso morbo à furioso, turgentique humore pronato ita sanguinem copiosè extraxisse, cum in febribus biliosis parçè sit secanda vena, ex Auic. 4. 1. c. 20. §. Caue ne agrum ad vnā duarum rerum perducas, scilicet cholericorum ebullitionem, &c. & in turgēte humore nullo modo sit phlebotomia celebranda; sed medicamentū purgans offerendum, ex Hipp. 1. aph. 4. aph. 1. & 10. Dic: in biliosis febribus quando bilis est aliquantulum permixta cū sanguine, & humor non est exquisitè turgens, utilis est sæpe phlebotomia ad ventilandum, refrigerandum, & vacuandum, vt latè lib. 1. in com. hist. 63 comprobauimus, & firmat Gentilis, 1. 4. tract. 2. c. 7. dub. 48. In humoris autem turgentis præsentia plura sunt quæ purgationem aliquādo impediunt, ex Gal. 1. aph. 24. primum quando hypochondria sunt ignita & inflammata; nam tunc si exardescant viscera, commodā est phlebotomia ob causas dictas, maximè si humor noxi⁹, sit sanguis tenuis, & feruidus; qui cū acris sit, & mobilis, turgere potest, post quam vacuationem alia sunt exequenda præsidia, quæ internas partes refrigerent; & turgentem humorem demulcere queant, vt infra in com. patebit manifestè, & notat Santorellus lib. 20. antepraxis cap. 1. 3.

## Q V Æ S T I O XXII.

*Vtrum humores turgeant, & ante coctionem expurgandi sint, vt contra Hip. & Galenum asserunt; Mercatus, Toræus, & Cardanus, Medici præstantissimi.*

## C O M M E N T A R I V M.

**M**utabatur de loco in locum. Et quia de febribus agimus, in quibus humor furiosus; & turgens fre-

quenter viger, de eius natura tanisper differemus. Nec illud in hoc argumento ambiguitatē caret. Vtrum humores turgeant, siquidem plurimi nostræ ætatis Medici longè doctissimi, naturam, non humores propriè turgere opinantur, quum contrarium & Hip. & Galenus assererent.

Ludouicus Mercatus lib. 1. indicat. cap. 6. & Ludouicus Toræus libro suo de febre punctulari, hoc placitum sic cōfirmant. Nam Theophrastus lib. 1. de hist. plantar. 6. probat plantas turgere ad partum, id est vere ineunte habere appetitum, seu impetum naturalem germinandi, & producendi fructus ex materia quam hyeme contraxerunt. Deinde Arist. lib. 6. de hist. animal. cap. 18. loquens de quadrupedum fœminis, ad concubitum eas turgere affirmat, sumpta ad id cognitione ex prominentia genitalium partium, nec non ex frequenti mictu, vnde etiam apud Arist. etiam turgere naturale significat desiderium, & insitum appetitum quo fœminæ ad propagandam sobolem concutitum querunt. Insuper id ipsum Hip. testimonio comprobatur, 3. de fract. 18. dicentis, pua. copiosum ex ulcere manat, turgereque pars affecta videtur. In cuius sententiæ enarratione Galenus partem turgere asseruit. §. Turgere, est ad excretionem festinare.

Porro Actuarius id docet manifestè lib. 1. meth. cap. 20. §. Si quādo facultas expultrix turget, quid tum postea? Hoc modo partes quæ irritatæ humores noxios expellere festinant, turgere dicuntur. Ergo humores propriè non turgēt, sed natura, quia in illis nec reperitur naturalis appetentia, & potētia aliqua, qua extra corpus pellantur, aut illac, hūcque moueantur, sed hoc ex natura irritata potius contingit: quare impropriè, & per similitudinem humores turgere dicuntur. Hoc modo egritudines appellantur turgentes quando velociter properant ad statum, vt lib. 1. cris. cap. 9. Galenus affirmat.

At hæc indigna sunt tantis viris, min⁹que lectorem mouere possunt: cū totam Medicorum scholam sibi aduersam hateant, qui turgentiam ad humores pertinere vnanimiter asseuerant. Hippocrates enim Medicorum summus lib. 4. aph. 1. sic ait. Vtero gerentes sūt medicanda, si materia turget à quarto mense, & vsque ad septimū. Et rursus aph. 10. sequenti, sic inquit. Medicari in valdè acutis si materia turget, eadem die. Et Gal. in com. turgentiam ad humores refert, quod etiam facit lib. quos, quib. & quando, & 8. sec. loc. cap. 3. dum turgere dixit, ad excretionem moueri; & nondum ad certam sedem impetum habere, aut consistentiam, quæ verba non de aliis, quā de humoribus debent intelligi, siquidem hi sunt, qui ad excretionem mouentur, non partes, hæc namque humores ad excretionem mouent. Hanc sententiam sequitur Auic. 4. 1. cap. 1. post princip. dum inquit. Egritudo quoque si multa furiosa materia fuerit, in principio eam euacuabis, non expectans vacuationem.

Turgere interdum de natura dicitur, & facultate, ergo impropriè, inquit, dicitur de corporibus, & humoribus. At neganda est consequentia: Nam hoc verbum turgere apud Classicos auctores propriè duplicem significationem habet, ad motum concitari, & moueri ad expulsionem, & sic propriè dicitur de natura: significat enim propriissimè idem quod inflari, seu tumere, & tunc propriè dicitur de mari, & de humoribus, & de aliis substantiis corporeis; per similitudinem verò in isto significatō dicitur de animo superbo, & de natura. Cicero. lib. 3. Tusculanar. quæst.

*Cōrque meum penitus turgescit iristibus iris,  
Cum decore atque omni orbatum laude recorder.*

Num manus affecta rectè est, quum in tumore est? aut num aliud quidpiam membrum tumidum, aut turgidum non vitiosè se habet? Sic igitur inflatus, & tumens animus in vitio est, sapientis autem animus semper vacat vitio, nunquam turgescit, nunquam inflatur. Quo pacto de solidis corporibus turgentia dicitur, vt manus turget, facies turget, id est inflatur. Liquida autem corpora tunc turgent, quando concitato motu mouentur, & impelluntur, vt in maris eurypo cernere est.

Sed quid dubitandum turgentiam humoribus posse  
M M m adiungi,

adiungi, pariterque priscos, vocē hanc ab animalibus ad A humores transtulisse, cum eademmet de oratione, aliisque plerisque enuncietur. Cicero namque lib. 4. ad Herennium, non longe à principio, sic ait. *Ut corporis bonam habitudine tumor imitatur sepe, ita grauis oratio sepe imperiis videtur ea quæ turgēt, & inflata est.* Huic sententiæ ad stipulatur Vitruuius lib. 8. *architectur. c. 3.* dicens. *In Italia, & Alpib<sup>9</sup> esse genus aquæ, quam qui bibunt, turgidis gutturib<sup>9</sup> efficiuntur,* quo loco turgidis pro tumidis vltus est, vt apud Iuuenalem videre licet.

*Quis tumidum guttur miratur in Alpibus?*

In qua significatione dictio turgere sumitur à Gal. 6. *epid. sect. 2. com. 30.* vbi de tuberculis verba faciens, inquit. *Iam & de phymatis antea didicisti, quæ in acutum fastigiantur, veluti turgent, calidorum humorum sobolem esse, contraria verò frigidorum.*

Quod si Galen. 1. *aph. 2. 2.* scribit verbum turgere transtulatum esse de animalibus concitatis ad coitum ad humores, id non arguit improprie dici de humoribus: nam, ait, sicuti illa animalia stare loco nesciunt, titillatione quadam impulsæ, eo affectio concitata, sic & humores plerumque in motu vehementiori, & transfluxu ab vna parte ad aliam in morbi principio hominem infestant. Num hæc similitudo reddit significationem impropriam? minime. Præterea ex incerto motu isto humores vagantes tument quodammodo, & inflantur, & sic etiam proprie turgere dicuntur: Nam in externis aqua vehementer commota inflatur impulsu, tumet, turgēt. Qui ergo improprie sermonis hac in re Hippocratem carpunt, & Galenum notant, suam palam propriam produnt inscitiam, quorum rationes aduersas soluere ex dictis operosum non est. Consule Castrensem Lusitanum, qui doctè, & ingeniosè de hoc argumento disseruit *tract. de complexu morbor. cap. 17.*

Proximum his videtur vt de natura turgentis humoris aliqua edisseramus, ac primum quidem æstimatione dignum est perscrutari. *An humores turgentés tennes sint, an crassi.* Quod autem crassi sint, patet, ex Gal. 1. *aph. 1. 4. & lib. quos, quib<sup>9</sup> & quando, ante fin. quo loco ad præparationem turgentium humorum, decoctum extenuans propinatur.* Sic enim habet. *Verū in acutis morbis circa principia, statim circa primum videlicet diem, vel non ultra secundū, si sum<sup>9</sup> vsuri purgantib<sup>9</sup> medicamentis, quando turgent humores non datur facultas ista præparandi, nisi qui fortè arripiat occasionem propinandi melicratum, in quo decoctum sit aliquid hyssopi, vel origani, vel tragerigani, vel thymi, vel pulegy, siue quid huiusmodi vinum habens humoris extenuandi, &c.* Ergo turgentés humores crassi sunt, cum extenuationem desiderant.

Ex altera parte. Humor turgens debet esse valde acris, sed acrimonia solum videtur reperiri in materia calida, & crassa. Ergo: Nam illud contingit membris quæ molestantur ab humoribus, quod contingit illis qui manu flammam, aut carbonem tangūt, carbonis enim caliditatem nec momento temporis ob eius crassitiē ferre possunt, flammæ verò longè diutius ob eius tenuitatem, ita membra nec per minimum spatium humoris crassi, & calidi acrimoniam tolerant.

Deinde, si naturam turgentis humoris pensites ad vnguem, qui valde mobilis est, & irrequieto motu mouetur, eum nimis tenuem esse affirmabis: Quoniam conditiones requisitæ ad turgentiam à crassitiē humorum nimis sunt alienæ. Nam prima conditio est, vt sit mobilis ex natura sua, careatque lentore; & crassitudine, qua de causa sola flaua bilis, aut sanguis biliosus dicitur turgere, atra bilis etiam si valde sit maligna, non turgēt ob crassitiem, pituita non turgēt ob lentorem, & quia acrimoniam non sortitur, qua naturam irritare queat. Vapores calidi non turgent: Nam celeriter resoluuntur. Flatus turgere possunt, quia motu inordinato moueri possunt, & hoc insinuat Gal. 1. *crif. 9. in fin.* Secunda est, vt naturam irriter, & de loco in locum inordinato motu moueatur, & habeat caliditatem acrem, exurentem, aut qualiteratē malignam, ita affirmat Gal. 4. *aph. 1. & 10. & Auic. 1. 4. tract. 2. c. 7.* rectè explicuit agens de materia turgenti, quam ipse

furiolosam vocat, hanc esse multam, mobilem, & permutablem de loco in locum asseuerat. Vltima est vt sic moueatur humor à parte in partem, vt certam inclinationem non habeat, quare quando humor mouetur ad determinatum locum, vt in arthritide, & tertiana, non turgēt, quia habet certum locum ad quem mouetur.

Ad obiecta verò ita respondendum est, Galenum scilicet non præcipere exhibenda esse decocta extenuantia turgentés humores, sed humores crassos, & viscidos, si qui simul in viis ductuum reperiuntur, quia alij in venis maioribus turgent, qui plerumque tennes, calidi, & fluxiles sunt, neque medicamentis calidis extenuationem desiderant, sed frigidis temperari postulant. Dic secundo Galenum propinare decocta calefacientia in humoribus turgentibus, non vt iis extenuentur, quia tennes sunt natura suapte, sed vt pori, & meatus per quos debet fieri exurgatio aperiantur. Ad secundam objectionem dic, in humoribus tenuibus acrimoniam non deficere, quæ ad turgentiam requiritur, quia ipsorum tenuitas tanta esse non potest, vt acrimoniam impediat, quum flammæ tenuitatem non æquet.

Quæres secundo, quænam sit qualitas quæ humores turgere facit? Respondent plures inquit vltima semper turgentiam, ad calorem, & acrimoniam, in aliis verò solum sequi ad malignitatem, & malum morem humoris: ab alterutro enim natura irritata, infestantem humorem protinus expellere cogitur, & sic in aliquibus membris facit humores turgere caliditas, & acrimonia, in aliis mala qualitas, & certa humorum malignitas, aliquando citra vehementem caliditatem copulata. Sed cum ferè in ardentibus, biliosisque febribus, quæ à tenuissimo, & calidissimo humore originē ducunt, humores citra malignitatem irrequieto motu moueantur, irritent naturam, eamque quiescere non permittant, approbanda est amplius sententia Manardi qui, 1. 3. *epist. 1.* soli calori esse attribuentiam causam turgentis asseuerat, qui adeo si vehemens, & acris humor, vt à nullo ferè membro recipiatur. Quò nomine non semper in febre ardente bilis turgēt, quia licet caliditas semper vehemens sit, non tamen bilis semper habet eam acrimoniam, ob quam à nullo ferè membro recipiatur.

Quæres tertio. An ex humore turgenti inflammari interna possit concitati? Dic. Si generatio inflammatorum prærequisit, quod humor in parte aliqua firmetur, non videtur quod ex humore turgente inflammatio gigni possit, quum hoc illius naturæ maximè repugnet, perpetuò enim à loco in locum mouetur, irritando, pungendo, & vellicando naturam. Quo pacto toto celo errare eos puto, qui pleuritidem, aliisque inflammationes internas ab humore turgente oriri asseuerant: Nam licet in his inflammationibus moueatur humor ab vna ad aliam partem, dolorem & titillationem inferendo, tamen vel in determinatum locum mouentur, vel deinde in certo loco sunt infixi, vt superioribus locis firmant Galenus.

Quæres quarto. An humores intra venas, & extra eas turgere possint? Nam intra venas non turgent, quoniam ibi neque dolorem, neque titillationem efficere queunt, quum venæ sensus sint expertes, vt monuit Gal. 1. 6. *de vssu part. c. 1. 2.* dum sic ait. *Arteria enim & vena partis cuiusque sensus omnino sunt expertes, siue illas frangere velis, siue vrere siue incidere, siue laqueis excipere, &c.* & quauis sensus participes essent, humores intra eas neque dolorem, neque molestiam inferre possunt: acris enim eorum qualitas benignitate sanguinis obscuratur. Hac de causa flaua bilis intra venas contenta, etiam si mordax sit, neque lassitudine, inæqualitatem, horrorem, aut rigorem efficere potest, ex Gal. 4. *de sanit. tuend. c. 2.* Hac ratione dicebat Gal. lib. 2. *feb. c. 8.* *continuarum proprium esse, neque rigere, neque horre-* re, quia in febribus continuis humor continetur intra venas. Extra venas non turgent, quia turgentia humoris non potest inueniri nisi in febribus continuis, & acutis, in quibus humor intra venas continetur. Adde quod propter meatuum angustiam, & densitatem humor celeriter non potest moueri de parte in partem.

Quæro responde hoc modo. Humor potest turgere intra venas, & extra venas. Nam venæ licet ratione sui sensu non polleant, tamen ratione fibrarum nervorum quæ illis implantantur, sentiunt. Et non solum hac ratione dolorem inferunt, sed quia vehementer commoti partibus sentientibus vapores acres communicant, qui dolorem, & titillationem inferre queunt. Et quia per febres continuas acutas solet expelli humor ex venis extra venas, hic in corporis habitu, celeriter, & violenter commotus turgere potest neque obstat meatuum astrictio: nam in viventibus ob caloris copiam, ampliores sunt, & latiores, quàm in cadauere apparent, ut notavit Galenus lib. 3. de facult. natural. c. ult. in quo ob caloris absentiam, & refrigerationem latere solent.

Sed relidua est illa adhuc dubitatio: *Vtrum turgentes humores ante coctionem statim expurgandi?* Dic: cum Hip. 4. aph. 10. hanc purgationem statim prima die esse celebrandam, vel ut adnotavit Gal. 1. aph. 24. non ultra secundam. Galenus in com. 4. aph. & Avic. 1. 4. tract. 2. cap. 7. plures rationes reddunt. Nam si eam non exequaris, dolor patris augetur, febris caliditas increfcit, & ad aliquam partem principem decumbunt ij, qui per corpus vagantur humores, dissolvitur virtus ab eorum acrimonia agitata. Deinde ij humores in motu positi sunt, & natura incitatur eos extra corpus pellere: Nam ab eorum copia obruitur, & à malicia lancinatur, quare cum non sint in aliqua parte firmati, & ad eos expellendos irritetur natura, paruo indiget negocio, ut expurgentur. Insuper humor turgens non potest concoqui, quum valde nobilis sit, & irrequiere motu agitur, coctio autem perficitur quiete, ex Gal. lib. 4. acut. 44.

Hæc est causa cur tantopere Hip. & Galenus monent, ut in principio reuulsiva purgatio administraretur, ne forte ij humores vagantes, & furibundi, in cor, cerebrum, thoracem, & aliquam ex præcipuis partibus decumbant: Quocirca prudenter Galenus, 1. 4. meth. c. 8. cum vespere hora diei ferè decima ad ægrotum quendam qui sexagenarius iam erat, linguam tumidam ita habentem, ut ore eam continere non posset, accessisset, ei protinus absque alia præparatione pilulas ex aloë, scammonio, & colocynthide constantes exhibuit, quibus humoribus ad inferna reuulsis, hominem à suffocationis periculo tutum servauit.

Trallianus etiam lib. 4. cap. 1. titulo de sang. mis. anginoso enidam virgente valde affectione vespere ex cremore ptisanæ, lachrymam scammonij omni prorsus præparatione omiſſa exhibuit, & alium simili malo pressum post duorum brachiorum venarum sectiones, liquore tithymali ex herba ipsa expresso trium siliquarum pondere eodem die purgavit, sequente non expectato. Itaque humorem turgentem antequam in partem aliquam illabatur confestim reuellere oportet.

Ita Galenus lib. 4. meth. cap. 6. in erysipelate vlceri superueniente, purgatione ad contraria reuellere monet, qua maximè parte vlceri conducit, siue id per superna, siue per inferna celebretur. Hoc modo lib. 1. 3. meth. cap. 11. scribit ipse, nonnullos quibus oculi tentari phlegmone cæperunt, sola purgatione per aluum vna die sanatos vidisse, & lib. 2. acut. 11. in humore ad præcordia descendente ventrem nigro eratro purgare imperauit. Sic lib. 4. acut. 37. & 76. prima die pharmacum propinasse refert, antequam humores errabundi in partem aliquam decumbant.

Instabis primò. Cur ex humore turgente augebitur febris; si hic mouetur ad partes distantes à corde remotas, quare tunc potius remittetur febris, quàm intendetur? Dic: quando humor turget, non tota humoris quantitas huc mouetur, & illuc, sed magna portio illius manet in venis maximis febrem conseruans, & augens. Dic secundò, quòd licet hic humor moueatur ad partes à corde remotas, celeriter tamen ad interiora recurrit.

Obiicies secundò. Cur humor turgens purgatione educendus est, si ex eius vacuatione inflammatur iecur? cum enim per aluum excerni non possint nisi ad iecur recurrant, ex hoc decubitu incendi iecur est necesse.

Lib. IV.

A Nam nullà est via per quam eiusmodi humor ex venis, & ex ipso corporis habitu in aluum duci possit, nisi iecur, ita docente Galeno lib. 2. prog. 13. quia venter per iecur, omnitus partibus copulatur, & per illud recipit excrementa illarum, & in com. 1. 4. omne corpus per iecur purgari scribit. Dic: diuerso modo humores in iecur incidunt quum suo impetu in id prolabantur, atque cum à medicamento purgante attrahuntur: Nam cum suo impetu confluunt, ibi morantur, cæterum quum à medicamentis purgantibus ad intestina attrahuntur, nullam prorsus moram in iecore faciunt, sed illicò excernuntur: posse enim aliquem humorem per viscus aliquod etſi præstantissimum, sine noxa pertransire, si huiusmodi transitus velocissimè fiat, testimonio sunt ea quæ de fracta pulmonis vomica lib. 6. de loc. affect. Galenus inculcat, cuius pus per laues arterias, & sinistram cordis ventriculorum, in renes, & vesicam deferri, & tandem per urinam expurgari admonuit. Ergo turgentes humores non decumbunt in iecur, sed per illud innoxie expurgantur.

Sed vtrum humores turgentes semper sint expurgandi, respondet Cardan. lib. 1. com. tract. 6. cont. 15. non semper humorem turgentem esse purgandum: Nam plura sunt quæ illius expurgationem impediunt: videlicet assidua cruditas, assumptio ciborum qui crassi, & tenaces sunt, obstructio, tensio viscerum, hypochondriorum ardor, & inflatio, viscerum inflammatio: nam omnes ij haudquam sunt apti ad expurgationem, ut notauit Galen. lib. 1. aph. 24. quoniam ij citra præuiam præparationem, aut commodam attemperatorem expurgandi non sunt. Si enim in febre acuta, præſente incendio interno medicamenta purgantia offeras, Maior accendetur febris, & viscera exardescunt, ut monuit Hip. lib. de med. purgantibus medicamentis num. 4. & 2. acut. 11. & 4. aph. 5. Tunc iubet Hip. eodem lib. de medicam. vtendum esse infusis per clysterem, & hoc consilium exequendum docet 4. acut. 43. quando humores crassi in primis viis continentur, & urinae tenues sunt. Quapropter tunc præstantior est phlebotomia, & vtiliora sunt quæ humores tenues contemperant, & eorum caliditatem retundunt.

Hæc tamen sententia videretur repugnare veritati, & Hip. Galeni, & aliorum summorum Medicorū doctrinæ: valde est aduersa, qui humorem turgentem statim citra coctionem expurgandum esse assueant: Nam purgationis procrastinatio vitæ periculum portendit, & tunc in acceleranda purgatione spes tota salutis reposita est. Neque Galenus in com. cit. aph. quæ Cardanus in sui subsidium adducit, vllam de humore turgente facit cōmorationem, quum solum in acutis morbis raro, & in morborum principio medicinis purgantibus vtendū sit. Si tamen morbus maximè virgeat, & vitæ periculum minetur, tunc si adsit copia humoris crudi in viis primis, vigeat cauma internum, premat inflammatio, non indistinctè sed maxima cum præmeditatione purgatio celebranda. Secus si turgat humor, tunc confestim expurgandus æger: Nam læsio quæ ex purgantibus imminet, ampliùs eligenda est, quàm mors, ut 12. meth. 1. præcepit Gal. Lege elegantissimum Manardum lib. 13. epist. 1.

## HIST. XVIII. GALENI

### De febre ardente.

Puer mero epoto, acutè febricitans, suborto delirio, & vigiliis interiit.

G Rammatica singulis diebus balneum petens, unum ex pueris secum ducebat, altero domi relicto qui rem familiarem seruaret, atque ea quæ ad victum essent necessaria pararet. Puer itaque demum custodiens cum vehementi siti cruciaretur, nec esset ei aqua domi copia, vinum antiquum liberaliter potauit, atque ex reliquo tempore vigil omnino permansit, postea correptus febre, vna cum vigiliis oborto delirio periit, &c. Galenus lib. 2. de loc. affectis cap. ult.

## PARAPHRASIS:

**Q**uod damna vinum afferat pueris exhibitum hoc exemplo ostendit Galenus, quum enim hæc ætas caloris copia exæstuet, illos valde inflamat, & calefacit, licet vini potus moderati sit fomes ingenij, confirmet vires, corpus mirum in modum sustineat, animum alacriorem reddat, sit laborum omnium medicina, infantes nutriet, sit fortitudinis calcar, dolores à corpore pellat, sit tristitiæ, & curarum antidotum, sanitatem custodiat, veri sit gaudij thesaurus, & humanæ vitæ solatium, naturæ ventricoli temperamentum tueatur, appetitum alimentorum excitet, à morbo conualescentibus proffit, & non solum frigidis, sed calidis, immò pestiferis, & venenatis opem ferat, quum sit venenorum securissimū alexipharmacum, ut docuit Dioscorides, & nos lib. 2. in com. hist. 61. protulimus, ob quas raras utilitates Medici præstantissimi parant julapia, syrupos, & claretæ ex vino. ut Quercetanus, Crollius, Libavius, quorum usu, & efficacia roboretur ventriculus, abluuntur flatūs, facultates firmiores fiunt, & frigidi omnium partium morbi persanantur. Denique vinā sunt purgantia, pro curandis diuersis morbis utilissima. Neque mireris, inquit Quercetanus in diætico de tantis, & inexplicabilibus facultatibus vini: Nam abundat spirituum vitalium copia, & est præterea aliorum medicamentorum, ac ipsorum quoque purgantium vehiculum, cuius virtute, & correctione operationes illorum promptiores, & tutiores euadunt, & tanquam ab alexipharmaco quodam malignæ ipsorum qualitates, si quæ sunt, corriguntur, & tolluntur: est enim vinum, gratus, iucundus, citiusque delator ad partes humani corporis minimas: Nam obuiis quasi plenis mira voluptate excipitur absque ullo horrore, aut metu.

Prætermittit usum vini in fomentationibus, ablutionibus, lue venerea, balneis, antidotis, extractis, odoribus, & infinita propemodum, quæ ex vino parari consueuerunt. Neque immerito pronuntiavit Albiciz, nec cibum, nec medicinam vino vnquam priuari debere: vinum enim simile est, calorique innato maximè conuenit. Quapropter, inquit Ianus Cornarius lib. de re vitatoria, contemplari debemus considerationem providentiæ, quæ si vllibi in rerum terra nascentium serie, hic certe illustrissimo se documento ostendit, dum in uno hoc liquore tot salutaria remedia tantis morbis apponenda subministrat: quidquid enim saluberrimarum virium natura ceteris plantis indidit, illud omne facillima participatione vino, & in vino homini ad diuersissima inuoluntudinum genera communicari potest. Hunc pretiosum potum tantoperè commédât Salomon in Proverbiis, dicēs, date vinum iis qui amaro sunt animo, bibat, & obliuiscantur ægestatis suæ, & doloris sui non recordentur amplius.

Denique si vini commoditates, & efficaciam pro arcenda peste, pestiferis morbis curandis, & fugandis venenis recitare incipiam in immensum euadet oratio, lege scitu non indigna apud Laurentium Gryllum lib. 1. de sapore dulci, & amaro. Antream Bacchum lib. 3. de natur. vini, à c. 10. vsque ad 16. Anton. Fumanel. lib. de natur. vini, & facultatib. c. 6. Fracastor. lib. de vini temperat. & alios quos citat Petrus Andreas Canonhetius eloquentissimus in suo lib. 1. de admirand. vini facult. c. 3. à num. 1. vsque ad 57. & nobilis, insignisque Poëta Marcus Antonius Flaminus eius vires eleganti carmine descripsit.

O vinum tenue, aureum, suave,

Instar nectaris? O merum Deorum

Vira presidium mea fugacis?

Cedam Peony tibi liquores

Et quidquid remediis salubribus

Ostendit medicæ repertor artis

Iacebant lateris dolore membra

Semimortua, febris astuabat

Vt fornacibus ignis, ipse plantas

Lethi limina dura transfercham

Cum tu languidulos fluens in artus

Celestis liquor, & lenas dolorem

Et vitam mihi reddis, &c.

Legit Saunarolam lib. de conficienda aqua vite, & Auge-

A nium tom. 3. epist. medicinal. epist. 3. Valles. lib. de sacra Philosoph. cap. 27. Ruell. lib. 1. de nat. stirp. cap. 143.

Sed si tot facultates habet admirandas vinum, cur pueris tantoperè nocet, ut Galenus hac historia demonstrat: Dic: quod præterquam quod inflamat, & ignefacit illorum corpora, natura sua calidissima, etiam tentat caput, quod suapte natura imbecillum est, ut probat Themistius ex Aristotelis de somno, & vigilia libro, quum enim puerorum caput, veluti remulentorum vaporibus fluctuantis, & pituita sit repletum, quod mole vacillet humorum, quibus, meatibus spiritus, & animæ infarctis, necesse est ut fontico, vel diuino Herculis morbo conuellatur: temperandum igitur est iis, à vino præcipuè veteri, quod caliditate sua vrit viscera, nequos præsertim puerorum emolliat, s. aph. 5. & semicrudos humores ad caput deferat, ex Auic. 3. 1. doct. 2. c. 7. Hoc modo Plato lib. 2. de legibus, pueris vinum vsque ad annum duodevigessimum, ne ignis addatur igni, interdicit, cum Arist. lib. de somn. & vigil. cap. 3. & membra mollissima vim vini non tolerant, sed resoluantur. Consule Langium lib. 2. de somn. s. 1. Rhodigin. lib. 4. lect. antiq. 28. & 29. Cardan. lib. 1. contr. tract. 2. contr. ad. 9.

Porrò excutiamus græcæ à Galeno. Si vinum antiquum melius, & salubrius est nouo, & ob calorem vberiore promptius resolutum per sudorem antequam nocere possit, cur febrem, & delirium, illius exciuit potus? Rursus si vinū vetus maiori cum voluptate à natura amplectitur ob suauitatem, & facilius coquitur, & secedit per ventrem, & urinam, cur mors ex eius potu sequatur? Dic. Vinum vetus est iucundius, id probat sacra pagina Ecclesiasticæ. cap. 9. Vinum nouum, amicus nouus, veterascet, & cum suauitate bibes illud. Quare Homerus lib. 1. Iliad. vinum vetus portionem vocauit diuinam.

Intus autem dolia vini veteris dulcis ad potandum

Erant meracum diuinam positionem intus habentia.

Idem præfert Pindarus in Olymp. od. 9. & Horatius 3. lib. carmin. od. 21. consule Tullo factum. Et Ouidius lib. 2. de art. amandi.

Qui praperant, noua musta bibant, mihi fundat animum,

Consulibus priscis condita testa merum.

Et Plautus in Casina in prologo, sapientes sunt, qui veteri, vino viuunt. Hæc etsi vera sunt, tamen plura in pueris damna oboriuntur ex meri potu, quod calorem innatum in feruorem deducit, ex Gal. 4. acut. 406. & in calidis naturis condemnatur, ex Galen. lib. de bonis. & vitio succorum cap. 19. præsertim si liberalius assumatur: tunc enim præ copia concoqui nequit, & febrilem æstum concitat. Quare vinum antiquum vigilias facit copiosè sumptum, nouum verò vberius haustum, frigidos morbos parit, ex Gal. 3. de temp. cap. 5. & lib. de caus. morb. 3. & 2. præherber. 19. & 1. de caus. symp. 8. ut carum, profundum somnum, apoplexiam, & comitalem morbum, quia semicrudos humores generat.

Dic secundò. Merum calefacit, & exiccat, spiritus inflamat, & vigilias parit. Dilutum aquosum, humectat, cerebrum emollit, & meatus, per quos vis animalis communicari debet, obturat, & somnum gignit. Hoc non ita nocere pueris, cum modo ebibitur, immò illis posse concedi testatur Alphonsus Luperius lib. de vini commoditatibus, quoniam benè dilutum non ferocire faciet genuinum calorem, immò illum tutabitur, suppeditabitque humorem alimonie, & augmento, quo pueri egent decensissimum, pituitosæque humiditates vacuabit. Hinc fit ut ex potu vini iuuenes facilius in sæuiora damna incurrant, quàm pueri. Quare auctor de salubri diæta vinum pueris non interdicit, subscribit Galenus in com. & firmat Aëtius tetrab. 3. ferm. 1. cap. 28. Neque hoc tibi videatur mirum: Nam Galenus, cæterique Græci vinum in febribus concedunt in declinatione, post coctionem & euacuationem, ut ex plurimorum auctoritatibus confirmat

Syluatic. cont. 12.

\* \*

\*



## QVÆSTIO XXIII.

Vtrum vinorum plures sint differentia.

## COMMENTARIUM.

**V**inum antiquum. ] Quoniam Prisci, Iuniores, immò Poëtæ illustres plurimi, fabulosè vino diuinos honores, immò illi iconas, ac simulacra dicunt, nos ab eis super sedentes, ea agitabimus quæ intra medicinæ aream solent disceptari. Compertum illud imprimis est vino vti Medicos ad sedandam sitim, elixandos cibos in ventriculo, horum distributionem promouendam, rescindendas vires: Nam facillimè transmutatur, auctore Galeno, 3. de temper. cap. 2. in princip. Idèd Gal. lib. 7. meth. c. 6. pro intemperantia sicca ventriculi vtitur vino, & in 12. meth. c. 5. pro curanda sincope vinum propinat, & alibi sæpè.

Sed vt intelligamus quale vinum sit quod auctores in morbis exhibere consulant, notandum est Gal. 3. de rat. vult. 1. plurimas esse vinorum differentias. Prima sumitur ex colore: nam vinum, aut est album, aut fuluum, aut rubrum, aut nigrum, vt tradit Plinius lib. 4. natural. hist. c. 9. Galenus loc. cit. & 5. de sanit. tuend. 5. addit flauum, & ea quæ medios colores retinent inter album, & flauum. Aliqui addunt giluum, rutilum, pellucidum, & vermiculare, qui colores sub quatuor primis continentur, vel ex illis sunt compositi, vel sunt qualitates à coloribus distinctæ, illis tamen adiunctæ.

Album dicitur, non sicuti lac, aut nix, quoniam beneficio naturæ, aut sponte nullum tale existit. Vocatur ergo album, quod color aquæ simile est, præsertim quando tenuem substantiam habet. Pallidum sequitur, cui annumerandum subpallidum, quod ex pallido albicans vocatur à Galeno de sanit. tuend. cit. subflauum appellat ex pallido flauum. Ab hoc rufum, & fuluum sola intensione, & remissione distinguuntur, & quando hi colores substantiæ tenui, & perspicuæ coniunguntur, rutilum, & pellucidum constituunt, cuius meminit Galenus lib. de bonit. & vit. succor. cap. 11.

De rubro etiam locus citatis egit Galenus, sub quo remisso giluum, & vermiculare continetur. Vltimum est nigrum, & non vocatur ita, quia est sicut attramentum, sed quia est rubrum obscurum, quale in Asia erat thexum, & scibelites, apud Romanos falernum. Vtrum hoc tantis laudum encomiis à Galeno laudatum, inter alias vinorum differentias sit præstantius luculenter, & doctè disceptat Canonherius clarissimus ex multorum mente lib. 1. de admirand. vini virtutibus cap. 7.

Secunda differentia sumitur ex sapore vini. Nam est dulce, aut austerum, aut medium inter hæc, vel per participationem, vel per negationem extremorum, aut est acre. Verum vt hæc illustriora reddantur noranda est doctrina Galeni, 1. simpl. 36. & 37. docentis saporum species certo numero comprehendere non posse, possunt tamen in numerum redigi, vt ipse ex mente Platonis in Thymæo conatur ostendere, quum de sensibilibus linguæ differuit, quo loco, sicut, & 4. simpl. vniuscuiusque saporis naturam exactè proposuit, & postea Mesuè theoremate 1. & inter omnes perdoctus Ioannes Brauns ex Galeni mente affabrè explicuit in aureo libello de saporibus.

At dubitabis cur Gal. 3. acut. 1. opponit dulce, austero, & non amaro? Dic: hos sapes esse contrarios secundum effectus quos imprimunt, & secundum qualitates à quibus dimanant, 2. ad Glaucon. cap. 8. in med. nec immeritò: Nam austera qualitas sua ipsius virtute refrigerat, & exiccat, ex Gal. 7. meth. cap. 7. & 4. simpl. cap. 7. quare adstringentia terrena sunt, & crassa, ex Auic. lib. 2. tract. 1. cap. 3. Sapor autem dulcis ex caliditate mediocri, & substantia non admodum crassa ortum ducit, ex Gal. 5. simpl. c. 26. Rhasio 3. ad Almanf. cap. 1.

Deinde dubitabis quare Galenus dum de vini saporibus differit, prætermittit acidum, salsum, & amarum? Dic: non dari vinum acidum, quia iam ex Galeno lib. aduersus Lycium, cap. 4. in fin. est acetum, nec salsum nisi quando aqua salsa permiscetur, & quando est amarum, iam potui

Lib. IV.

A est ineptum, & non solum iniucundum, sed succum landabilem amisit, vt Gal. docet 12. meth. c. 8. in princip. quæ enim exactè sunt amara, nutrire nequeunt, vt 4. simpl. 9. & 20. monuit Gal. quoniam amarum omnibus tum hominibus, tum plantis est inimicum, firmiter Auic. 1. canonis. tract. 1. cap. 3. & Auerrhoës 5. collig. cap. 25.

Tertia differentia colligitur ex consistentia vini, quia vinum aut est tenue, aut crassum, aut mediocre, licet omnibus vinis pro modo crassitiei, parcius, aut copiosius, & pro modo tenuitatis, magis aut minus alimentorum iuent distributionem, vt lib. de bonit. & vitio succor. cap. 12. Gal. edocuit.

Quarta differentia sumitur ex odore: Nam vinum aut est boni odoris, aut mali, aut inodorum, vt aqua. Odor in vino semper virtutem, & robur significat, contra tamen odoris priuatio signum est frigiditatis, & debilitatis, vt inquit Galen. 3. acut. com. 20. quo loco huius rei proposuit causam, quia quando lignum vitis assumit multum aquosæ substantiæ, & parum substantiæ calidæ, & in eo leuis fit alteratio, tunc vina frigida, & inodora euadunt, caliditas enim, & odor in vinis ob plurimam alterationem, & substantiæ calidæ permixtionem comparantur. Ex hac doctrina intelligi potest quod affirmat Galenus eod. lib. 3. acut. com. 8. in feruidis regionibus raro vina tenuia, & inodora reperi, sed magna ex parte vinosa, & odora, in frigidis verò regionibus contrarium accidere affirmat.

Odor in vinis facit ad succi bonitatem, graueolentia verò præcipue quando crassitiei, & austeritatis est adiuncta succorum virium progignit ex Galen. lib. de bonit. & vitio succor. cap. 2. Vina odorata, quia calidissima sunt, biliosis corporibus siue ex natura, siue ex ætate, siue ex quacunque alia valde nocent, non quod prauum sanguinem generent, sed quia hæc corpora humoribus abundant qui refrigerari potius, quam calefieri desiderant: contra tamen pituitosis corporibus, in regione frigida, & tempore frigido ob contrariam causam sunt vtilia, vt loco citato notauit Galenus. Insuper odorata vina, quia caput tentant, feriunt, & replent, in capitis etiam frigidi affectibus nocua sunt, thoracis tamen, & pulmonis morbos diuturnos, qui citra febrem insistant, iuuant, quoniam humores crudos, & crassos concoquunt, & extenuant, & si dulcia sunt, crassa sua humiditate, per sputum expurgationem promouent, ex Galen. lib. de attenuante victu, cap. ult. Vina verò inodora, tenuia, & aquosa, præsertim si leuiter adstringant, leues capitis affectus ob consensum ventriculi subortos, humores contemperando, & roborando, corrigere solent.

Quinta differentia ex vini facultate desumitur: nam vinum aut est potens, aut imbecillum, aut mediocre. Potens illud dicitur, ex Galen. 3. acut. com. 1. quod vehementer, & celeriter corpus calefacit, caputque ferit, & vinosum dicitur, quia in eo id in quo aquam euincit, vehementissimum est, qui locus videtur difficilis, nam quando vinum purum est, & nullam habet aquam permixtam, videtur intellectu difficile quomodo tunc vincat aquam. At tripliciter posse explicari sententiam hanc mihi persuadeo, & primo modo sic. Vinum aquæ dissimile est, sapore, odore, consistentia, & facultate, quando igitur hæc vehementiora habet, tanto magis potens, & magis vinosum dicitur, cum ea in quibus aquam vincit, habeat intensiora. Vinum tamen aquosum, quia in omnibus ferè est simile aquæ, propterea aquosum vocatur, & dicitur parum euincere aquam. Dic secundo. Vites nec nutrir, nec fructum ferre possunt nisi ex terra aqueam humiditatem alliciant, quæ interdum in ligno vitis transmutatur mulum, & tunc fit vinosum, interdum parum transmutatur, & fit vinum aquosum. Dic tertio, ex Galen. 3. acut. 20. quod vinum potens ad bene temperatam mixtionem multum aquæ sustinere potest, quare polygophorum, id est multifenum appellatur, contra verò aquosum dicitur, quando exigua permixta ita diluitur, vt bibi non possit, & parum aquæ tolerat, & vocatur olygophoron, id est, pauciferum,

M M m 3

Postre-

Postrema differentia sumitur ex tempore, & ætate, nam aut nouum est, aut mediæ ætatis, aut antiquum, quæ differentia extrinseca est: quia vina non iuuant, aut lædunt ob tempora, sed ob mutationem quæ in dictis differentiis fit, cuius mensura, & signum est tempus, & quando illis non immutantur, neque antiquum, neque nouum vocatur, & mutationem istam non acquirit ex tempore, sed ex interno calore, qui paulatim partes aqueas concoquit, & aëreas ignitas reddit. Quare rectè traditum est omnia vina antiquitate fieri aciora, & calidiora, vt firmat Gal. lib. 1. de antidot. cap. 3. & 4. simpl. 11. & 12. meth. 4. Illa tamen antiqua sententia quæ ponitur à Gal. 1. de antidot. cap. cit. in fin. omnia senescere præter vinum intelligenda est, vt longissimo tempore incorrupta durent, quia vsque ad certum tempus vetustate sunt fortiora, deinde paulatim exoluuntur, nam partes quas continent necessariorum, tractu temporis debent dissolui, & experimentum hoc confirmat: & quemadmodum in facultate mutationem accipiunt, ita & in calore, & sapore.

Vina alba, & aquosa sicuti citò acescunt, ita etiam citò inueterascunt: quando enim sunt nouella, imbecilliora, & aquosiora existunt, & incrementaria, quòd si simul fuerint austera, & rubra, omninò sunt fugienda, quia facile acescunt in ventriculo, & neque coctionem, neque distributionem iuuant, neque aliquam vacuationem promouent. Solum nouella, quæ alba, & aquosa sunt bibi possunt, vt præcipit Galenus lib. de cibis bonis, & malis: succi, cap. 11. post med. Quando iam sunt antiqua vimur illis magis pro medicamento quàm pro alimento. Ea solum quæ sunt mediæ ætatis, aut modicè calida debent esse in vsu, vt insinuat Auic. 3. 1. doct. 2. cap. 8. de regimine aquæ, & vini.

Galenus lib. 7. meth. cap. 6. & lib. 4. sec. gener. cap. 5. Vinum nouum dicit esse vsque ad quintum annum, ab octauo in decimum, est mediæ ætatis. Post decimum, antiquum est. Vinum nouum est ex primo ordine calfacientium, mediæ ætatis ex secundo, antiquum tertij esse ordinis. Modus mixtionis debet esse pro natura vini, & prout vnusquisque obseruauit experientia talem modum sibi fore utilem, quare vniuersim intelligenda est doctrina Hip. 7. aph. 56. dicentis vinum æquali porzione aquæ esse attemperandum. Galenus 3. acut. 40. docet aliam esse symmetriam mixtionis aquæ cum vino voluptatis gratia, & aliam esse quæ fit ad operi ferendam in sanis hominibus, in illa sic vinum temperatur, vt aqua in sapore, & odore semper deuinciat. In ægrotis fit ad corrigendam aquæ malitiam, cruditatem, & frigiditatem, quia præ frigore quantumuis optima sit incoctilis est, & ægre distribuitur.

Breuitè vini boni proprietates describendæ: Vinum neque debet esse vetulum, neque torculari vicinum, sed medium, quod colore sit vermiculum, optimi odoris, non acerbum, seu dulce, non acutum, aut fortitudine vincens, sed æquale, natum in terra libera, à vento perflata, non minùs plana, seu lapidosis montibus, non ad meridien sita, sed phœbo surgenti contermina, regionis, neque calore nimio æstuantis, neque frigore nimium torpentis. Auerrhoës lib. 5. collect. 16. his conditionibus probat vinum. Et vinum quod melius reperitur est aromaticum, cuius caliditas penetrare potest per totum corpus, quod sit sine amaritudine, & stipticitate, & est illud vinum, quod est vinosum, pungituum in principio, & post delectabile sine aliqua amaritudine & pœnticitate.

Sed vt Laconicè vini proprietates complectamur pro iis describendis carmina illa Arnaldi Villanouani mihi attrisere semper recitata in schola Salernitana.

Vina probantur odore, sapore, nitore, colore,

Si bona vina cupis, quinque hæc laudantur in illis,

Fortia, formosa, & fragrantia, frigida, prisca.

Odor in vino, aromatis instar, optimam coctionem præostendit, quare alimentum corpori suppeditat non mediocriter, succum gignit laudabilem, facultates principes corroborat, exhilarat, spiritus restituit: Nam solo halitu, hypothimia, aut syncope languentibus mirè succurrit. Contra foetidum, aut aliquo graui odore præditum, spiri-

tus prosternit, facultates labefaciat, reprobam succum generat, & vaporem tetrum capiti transmittit qui capitis dolorem infert promptissimè.

Sapor in vino maximè expetitur: Nam cum voluptate assumptum auidius à ventriculo attrahitur, perfectius concoquitur, & promptissimè distribuitur. Nitor, seu splendor, quòd sanè si pellucidum sit, non solum vini tenuitatem arguit, sed spirituum, qui ex eo gigni debent, subtilitatem prælagit.

Color etiam est necessarius. Rubicunda, potentiùs nutriunt, quàm alba, illa frigidis naturis, hæc calidis magis conueniunt. Vinum debet esse forte, vt sic plurimum nutriat, & non exiguam spiritus copiam progignat. Formosum, siue pulchrum maiori cum iucunditate assumitur, melius coquitur, citius à partibus attrahitur. Fragrans, siue suauiter olens, vires roborat, tenues gignit spiritus. Frigidum actu assumi debet: Nam calidum inflammatur, tepidum, ventriculum enervat, vomitum concitat. Priscum sit seu leue: quoniam perfectius coquitur, penetrat, nutrit. Denique debet esse clarum, vt perspicuos gignat spiritus. Vetustum: quoniam nouum, siue mustum faciliùs inebriat, tormina gignit, inflat ventrem, febres ardentes gignit, concitat cephalalgiam. Maturum est optimum, non austerrum, nec stipticum. Si alias condiciones scire cupis, quibus vinum probandum est, adi Mattheol. lib. 5. in Dioscorid. cap. 6. Constantin. African. lib. 3. theoric. cap. 28. Iulium Alexandrin. lib. 17. Salubrium cap. 6. Cædian. lib. 6. de variet. cap. 24. Gratarolum lib. de vini natura, cap. 12. & alios qui de vini natura conscripserunt.

Num verò omne vinum calidum sit, etiam addubitant Iuniores, & videtur in pluribus locis probare Galenus omne vinum esse calidum: Nam 8. simpl. tit. de vino, & 3. acut. 106. & 4. simpl. 11. docet vinum omne calefacere, quoniam ex solis calore, & vite calorem contraxit, quam doctrinam accepit ab Hip. lib. 2. de diæta. Obstat tamen Galenus lib. 12. meth. cap. 4. 5. Nullum enim ex alborum genere vidi calidum, & c. repetit lib. 5. de sanit. tuend. cap. 5. & lib. de bonis, & vit. succor. cap. 11.

Dic, omne vinum calidum esse, licet Macrobius lib. 7. Saturnal. cap. 6. ipsum natura sua frigidum esse plurimis argumentis contendat, quorum solutionem, lege apud clarissimum Ludouicum Nonnium lib. 2. diætic. cap. 5. Hoc modo vinum flauum est calidissimum, fuluum, rubrum, & c. album parum calidum. Ita Galenus nullum vidit ex alborum genere multum calidum. Hoc modo se ipsum explicat Gal. lib. 3. acut. com. 6. 5. Nempe ex vinis albis nullum valenter calefacere potest, quod enim summè calidum est, id continuò & flauum existit, veluti & quod ab ipso est fuluum, mox ab his rubrum, & deinde dulce. Album autem minus quidem his omnibus calefacit, & c. Quare etsi vinum aquosum, calore, sapore, & odore aquæ simillimum sit, quia in ligno vitis leuem suscepit transmutationem, aëreas tamen partes sortitur ratione quarum aliquantulum calefacit. Neque refert quòd Gal. 4. simpl. 9. & 11. vinum austerrum, & acidum frigidum esse asseuerat, nam hi sapores à frigiditate fiunt, quare Galen. 2. simpl. 21. acerba vina non calefacere affirmat, tamen acidus sapor tenuium est parrium; quoniam acidum penetrat, aperit, incidit, diuidit, tenuat, ex Gal. 4. simpl. 7. & 23. Mesuë lib. 1. theoremat. 1. Et vinum austerrum, non est ita frigidum, nec partibus crassis, & terrenis constat, vt cæterorum stipticorum instar infigidet, & exiccet.

Nèque ob id putes vinum non esse in febribus offerendum: Nam caliditas eius non est tanta, vt inflammare possit, & contrarium docuit Galenus, qui vinum aquosum in diariis, & acutis esse porrigendum non semel inculcat: quoniam hoc, vini, & aquæ damna effugit. 3. acut. 8: aqua enim etsi optima, cruda est, flatuosa, & difficulter permeat. 3. acut. 40. Vinum vinosum calefacit, ea put tentat, ferit neruo, fluxiones mouet, perturbat corpus: aquosum autem omnia naturalia instrumenta roborat, coctionem iuuat omnes naturales excretionem adauget, non tentat caput, nec lædit neruos, nec calefacit. Ita ex auctoritate Hip. in acutis id cōcedit, 8. meth. 5. & 4. acut. 4. & 8. & 7. meth. 6. illud sine noxa in hæctica febri offerri

offerri posse asseuerat, & Auic. 1. 4. tract. 2. cap. in febribus tunc esse exhibendum quando febris est in declinatione, corpus vacuarum, & signa coctionis apparuerint, quam doctrinam exhauserat, ex Gal. 11. meth. c. 9. 9. *At si mediocris est febris, &c.* quia quando febris est vehementissima, & in summo vigore consistit, vinum solet febrem adangere: quamuis enim aquosum sit, propter partes aëreas, & igneas quas habet, facile solet inflammari, sic etiam quando humor crudus est, aut multus, vini ratione agitari solet, & sic obstructions, & putredinem auget, ut notat Iacchinus in *methodo curandar. feb. c. 3. de curatione tertianae interpollatae*. Conceditur etiam, & prohibetur in febribus ratione symptomatum; nam quando adest delirium, dolor capitis, vel inflammatio, vel erysipelas, vel intemperies admodum calida alicuius partis, neganda est, etsi sit aquosum, quia ab eius potu mala insanabilia eueniunt, ut 1. ad Glauc. 14. & 8. sec. loc. cap. 7. post princip. docuit Galenus. Deinde in moderata copia offerri potest, si vires sint resolutae, immodica vigilia adsit, in appetentia, deprauata coctio, suspicio veneni, vel maligna qualitas insulescat, ut in febribus pestiferis, & malignis saepe contingit: Vinum enim veneno vehementer resistit, ex Dioscorid. lib. 5. c. 7. & lib. 6. c. 1. putredinem arceat, ex Gal. 3. sec. loc. cap. 7. & pesti reluctatur; referunt enim Arrianus, & Simplicius in praedicamento qualitatibus suo tempore pestem fuisse grassatam, quae praeter oleum, & vinum, quibus omnes sanabantur, caetera praedia respuebat, probant Iulius Palmarius lib. de feb. pestil. c. 14. Alexand. Benedict. lib. 1. de peste, cap. 14. Forestus lib. 6. de feb. obs. 23. Ergo aquosum vinum in omnibus febribus post coctionem concedi potest, ut appositis tam multis sententiis probant Amatus lib. 1. centur. 28. Syriacus contrauers. 16. Vtrum autem in passivis qualitatibus sit siccum, vel humidum differunt Manardus 14. epist. 3. Vallesius lib. 9. com. 6. Si verò de vinorum differentiis plura scire tentas, lege Mercurialem in com. Hip. lib. 3. de rar. vict. in morbis acutis.

## HISTOR. XIX. GALENI, De febre ardenti.

Quidam ob copiosum vini potum, alij ob salforum esum, aestum, exercitium, iram, D vigilias, in causum inciderunt.

**S**cio equidem nonnullos ob liberalem vini, quod rethaliasmenom vocant, potationem, causo fuisse correptos: veluti & alios ob salamentorum, salfarumque carniū, atque aliorum quorundam salforum usum immoderatū. Alius ex ambulatione, & astu veniens, primum quidem lauit se; deinde domum perductus vini mixti plus bibis, capiti quē protinus affici causo. Alius autem ob iram, & alius ob vigilias causum incurrit, &c. Galenus lib. 4. de ratione vict. in morbis acut. com. 4.

## PARAPHRASIS.

**L**icet verum sit febrem non posse concitari humorem ex causa externa non praecedente diaria, quoniam spiritus tenuiores sunt, quam humores, & facilius ob caliditatem, & siccitatem flammam concipiunt; tamen si in humoribus maior adsit dispositio quam in spiritibus ad recipiendum calorem febrilem, prius generabitur putrida, quam diaria: Nam agens non potest introduci nisi in passio bene disposito, ut eleganter docuit Galenus lib. 1. feb. cap. 4. Accedit etiam quod calor in spiritibus ob eorum raritatem diu conservari non possit, quare inducetur continens, biliosa, ex adusta, & non putrente bile, quam posse fieri supra in com. hist. 9. latè praediximus, & maximè ex vini potentis meraciori, & copioso potu, quod incendit bilem, & adurit, de cuius effectibus plura protulimus supra.

Salforum esum etiam inflammare corpus, notum est:

**A** Nam ea calida sunt ex Arist. lib. 23. probl. 30. Auerthoë lib. 3. collect. 27. Galen. lib. 5. simpl. 26. Auic. lib. 2. tract. 1. c. 3. Ishaac lib. dietar. universal. cap. 12. probat Manardus 18. epist. 5. quare sanguinem & bilem adurunt, & ardentibus febribus occasionem praebent, de cuius effectibus sat plura diximus lib. 2. in com. hist. 73.

**B** Similiter febrem ardentem ab exercitio, magnoque furore externo gigni non est dubitandum, quoniam exercitio nimio incalcescit corpus, attenuatur sanguis, inflammatur bilis, praesertim in calidis temperaturis, & æstatis tempore, de cuius vi lege lib. 1. in com. hist. 28. Aestum calefacere corpus, & febrem concitare, ubique in lib. epid. & de diff. feb. protulit Gal. Nam inspiratus aer calidissimus, & attractus per transpirationem, bonum non parat cordi refrigerium, quare hoc incenditur, & exardescit, & calorem concitat febrilem, nam ex vicinia rei calidae oriri febrem, demonstravit Gal. lib. 1. feb. cap. 7. de quo argumento satis lib. 2. in com. hist. 79.

**C** Ex ira, effervescente sanguine, ebullientibus spiritibus, omnis generis febres excitari, nullus dubitabit qui huius pathematis effectus perpenderit: vehementer enim calefacit, & inflammatur cor, quia illa substantiae incompositae per totum corpus moventur; quare si adsit dispositio in humoribus, & corpus sit calidum, & siccum, non solum diaria febris, sed ardens generatur. Quoniam verò plura protulimus de ira lib. 2. in com. hist. 13. ad eum locum te remitto.

Vigiliam eodem modo febres accendere, quia sanguine resoluta, & adusta, resiccatur corpus, praesertim ex carne, immò maiora mala, & convulsionem, arescente corpore, firmavit praclaro elogio Hip. lib. 7. aph. 18. dicens, ex vigiliis, convulsio, & desipientia, malum. Reddit causam Galenus in com. quia in longis vigiliis biliosior redditur sanguis. Idque maximè, ut ait Galen. 6. epid. sect. 1. com. 6. quoniam ob vigilias corrumpitur sanguis illis quibus praesertim corpus in media est maceratum. Ab iis enim causis si causus acciderit curabitur iuxta causam à qua originem duxerit.

## HISTOR. XX. GALENI, De febre acuta.

Quibus artibus Cyrillum, Boëthi filium, clam cibum sumereprehenderit Galenus in febre.

**C**um itaque egrotasset alter filiorum Boëthi, & liber à morbo factus rursus in morbum incidisset, deindeque soluta febre denovo febriles, & qua palam offerebantur, & qualitate idonea, & quantitate congrua essent, puerum aliquid clam comedere, Galenus confidenter asseueravit. Re autem à Boëtho audita custos adhibitus fuit, qui tota die circa puerum sederet, nec ad eum quinquam accedere sineret; nocturne cubiculum in quo dormiebat, diligenter clauderet: rursus non posse posthac puerum quidpiam clam comedere, atque ideo cum quatuor diebus puer ita servatus, nocte incalcescit, indignabundus Boëthius in thalamum pueri, Galenum manu apprehensum duxit, subsequenter quicumque in via eis obviam fiebant, ab ipsius pueri matre, eum illa diligentia, diebus illis custoditum fuisse, intelligeret, ut nihil in victu aberratum esset, tuncque an febricitaret, determinaret. At Galenus pueri pulsū explorato, nullo quidem pacto eum febricitare passus est: erratum tamen adhuc in victu fuisse, & puerum aliquid clam comedisse, constanter affirmavit: in cella immò illa, quidpiam ad comedendum etiam tunc absconditum esse, dixit: ut quando mater ad balneum iura domum clauderet, & securitatis causa, clavem in loculo coniectam obsignabat (quod interdum facere eam Galenus sciebat) id filius comederet. Quibus auditis statim Galenus surrexit, arreptumque puerum in cubicle matris transfudit, puerique lectum in sterni, & agitari, & quae super imponebantur, substernebanturque vestes, excutit, & sellam attolli iussit, an quidpiam in eis absconditum esset, ut videret,

deret, quod idem in cubile matris fecit, quod totum excuit, & A denuò inferni voluit. Miratus itaque fuit Galenus nihil oculum ibi fuisse reperiunt, surrexit, & exiguum matris velum sella impostum, quod solum intactum fuerat, excussit, ex quo commoto panis frustum cum cecidisset, clamorem magnum omnes sustulerunt, atque cum Boëtho simul omnes riserunt, & Galenum, à Romanis Medicis vatem vocatum laudauerunt, &c. Galenus lib. de præcognit. ad posthum. cap. 7.

## PARAPHRASIS.

**C**Yrilli Boëthi filium clam cibum sumere, ex artis præceptis, fuisse Galenum assequutum, illa affirmabit qui Hip. sensa perlustrat. Is enim lib. 2. aph. 8. Sic prædixit. Si à morbo cibum assumens quis non corroboratur, pluri alimento corpus vii significatur, quod si non assumenti cibum hoc accidat, scire oportet quod indiget euacuatione. Huic ergo cum in quantitate, & qualitate moderata Galenus alimentum consuleret, & palam non offerretur, erat necesse, ut clam assumeretur, sed qui fieri potest, ut hoc ratiocinio inductus huius recidivam fuerit assequutus? nonne ex humoribus relictis in corpore, & denuò rectu- descendentibus poterat oriri recidiva? minimè quidem: nam Gal. pueri illius corpus multa egere vacuatione in historiz initio adstruxit, signum profectò maximum non ex relictis humoris portione, non ex apparatu morbofo iterum passum fuisse puerum recidivam.

Exactum autem Galeni iudicium mirari licet, qui modum quo puer clam assumeret alimentum adinuenit: Cum enim mater in balneum proficisceretur, ille escam assumebat: Nam pueri suapte natura edacissimi sunt, ut docuit Galen. & experimentum satis confirmat, & quum ob vehementiam caliditatis multum conficiat, & iccirco plurimo indigeant alimento, victus rationem exactam servare haud queunt, sed vario, & inordinato, & de industria quæsito videntes cibo sæpius solent pati recidivas adauctis crudis succis, quorum copia scarant. Quare mira solertia solum hunc modum recidivæ respexit Galenus, propriam puerorum naturam exactè contemplans, quare in eam devenit sententiam, ut crederet illum à cibo qualitate in idoneo, & quantitate immoderato iterum in morbum reincidisse: maximè cum debilis esset, & convalescens. Quoniam ubi cibus præter naturam ingestus est, is morbum facit, ut monuit Hip. 2. aph. 17. Nam alimentum debet esse proportionatum calori coquenti, quare in convalescentibus alimonia parum, & sæpe offerenda, ut in com. animaduertit Galenus: Sic enim aliter feceris non cocto, neque gubernato cibo succrescet cruditas, à qua omnis morbi scarutigo emanat, ut retulit Galenus lib. de cibis bonis, & malis succis, cap. 4. præsertim si alimentum sit crassum, & terrestre, & succum generet lentum, ut panis sine obsonio, qui cum sit lenti succi obstruit, difficulter coquitur, ut notavit Galenus lib. 1. de alimentor. facult. c. 5. & recidivas facere consuevit.

## HISTOR. XXI. GALENI,

### De febris acuta.

### Recidivæ febris præcognitio, & illius per sudorem discessus, historia.

**S**extus in morbum incidit acutum, adeo ut septimum diem suadere non posset quin indicaretur. Corrupto itaque Sexto à febris acuta, de futuro eventu, Galeni sententiam quæsiuit Pitholans cubicularius. Huic subridens Galenus non posse morbum ultra diem septimum extendi: Verum septimo, vel sexto die indicatum iri, quod si sexta die iudicium contigisset, reuersurum illum, sua septimo, optimâ fore indicationem, eamque per sudorem ex necessitate eventuram. Sexto itaque die morbi indicatio evenit, & cum supra modum contentiosus esset Sextus, ut Galenum, febre non redeunte, redargueret, quotidie quidem lauari concedebat, sed neque vinum bibebat, neque

quicquam aliud sumebat præter prissanam, vel solam, vel cum panis micis: interdumque solo pane in aqua macerato contentus erat, quæ cum ad duodecimum diem observasset, Galeni prædictionem se vicisse iactabat. Sed cum decimo die aquosi vini paucillum bibisset, ac parumper copiosorem cibum quam antea, tenuem tamen adhuc accepisset, sequenti die qui à primo decubitus tempore dicimus quartus erat, febre cepit. Sed ne quis id Galeno renuntiaret, magnopere vetuit, existimans eam febrem neque vehementem fore, neque ultra diem unum progressuram. Procedente verò die, quum febris assidue plus augeretur, & ob concertationis studium, Galenum non renocaret Sextus; re à Claudio Seuero, vicino, & amico intellecta, statim Galenus vocatus fuit, qui post tres dies, septimo nimirum, si quis à primo decubitus die eos enumerasset, febrem iudicium suscepuram, & discessuram, hominemque sanum remansurum, prædixit sudore erumpente hora noctis secunda decimi illius septimi diei, quod evenit, Seuero id planè non credente. Visa hæc res, est admirabilis Seuero, & vulgaribus quibusdam Medicis: minimè tamen iis admirabilis qui quæ scripsit Galenus commentaria in lib. Hip. epid. & lib. de crisi- bus didicerunt. Quo pacto sicuti modo narrabam, hæc predicere quamvis vulgaribus istis Medicis admirabilis res videatur, re vera tamen admiratione digna non est, &c. Galenus lib. de præcognit. ad posthum. cap. 10.

## PARAPHRASIS.

**P**lurima sunt quæ admirationem merentur in historia hac, sed cum mirabilis fuerit Galenus, & diuini Hip. mentem coluerit apprimè, mirum non est quod in prædictionibus ita sit verax, & certus. Sed si hoc ita est, rogabit aliquis ex iis qui contra hunc diuinum auctorem plura machinantur, cur ipse dubitanter fuerit loquutus, dum dixit quod in septimo, vel sexto die morbus esset iudicaturus: Nam vel vidit signa coctionis, vel non. Si primum, perfecta debebat esse crisis, minimèque reuersurum morbum poterat prælagire, sin contra, malum erat pronuntiandum. Sed hæc facili negotio dissolui possunt, quum enim in quarto signa bonæ coctionis non viderit, duos dies comprehendit, ne falsus deprehenderetur, eò maximè quum morbus non esset peracutus qui ad septimum terminatur, 2. cris. 12. Quare cum morbus hunc terminum excedere non posset, ad sextum iudicium necessariò ferebatur.

Reuersurum autem morbum statuit si sexto iudicaretur, nam hic dies non simpliciter, & absolute, sed cum addito decretorius malus nuncupatur, quoniam cum periculo, infidè, obscure, imperfectè iudicat, contra septimus dies, decretorius omnium primus iudicat securè, fidè, perfectè, & hoc adeò verum est, ut ferè omnes in septimo iudicari viuunt, pereant contra qui in sexto iudicantur, quia cum difficilibus symptomatibus, & periculo maximo, sine notis, & ad malum hic dies iudicare solet, ut toties monuit Gal. 1. ad Glauc. 15. & 4. Aph. com. 29. & 3. prog. com. 1. & propterea iudicantem hunc diem tyranno assimilandum censuit lib. 1. de dieb. decretor. cap. 4. Ex eo fit, ut qui in quarto ad peiorem statum recidunt, plerique sexto moriantur. Ita Hippocrat. 1. epidem. sect. 2. text. 75. omnes tempestate illa tertia ægotantes sexta die periisse affirmat.

**E**d longe difficilius est quod scribit Hip. in epid. Virginem quæ Larissæ habitabat, lib. 3. de morb. vulgarib. sect. 3. text. 83. sexto die per fluorem sanguinis narium fuisse liberatam. Deinde vnus ex fratribus Epigenis sexto fuit iudicatus, ut refert Hip. 1. epid. sect. 2. text. 83. & Auic. 2. 4. sect. 1. c. 6. docet planè posse dari crisin optimam sexto. Et Hip. 1. 4. de morb. vulgaribus, plurimos ægros sexta die iudicatos fuisse scribit. At hoc contingebat quia febres paribus repetebant, aliàs crisis in eo nunquam fit bona. Quod si aliquando contingat vacuatione in eo fieri, quæ ægro conferat, impossibile est quin post sequatur fortis ægri labor, & magnus timor, neque æger est securus, quin aliquid ex materia ægritudinis remanserit, ex quo ægritudo faciet recidivam, ut scire norauit Rhafius lib. 10. ad Almanf. c. 29. Consule Amatus tract. de diebus decretoriis, tit. de sexto die.



Ergo rearsurum morbum prædixit quia signa cœtionis non aderant, nam iis quæ non ex ratione leuant, fide re non oportet. 2. aph. 27. & 3. prog. 22. & 2. prorrheticor. 17. & si crudi humores relictæ iterum putrescentes febrem reaccendere queunt, utpote relictæ à regimine natæ, neque nutritioni accommodi. Iudicandum tamen illum assueverat, quoniam symptomata ab initio concomitantia secuta erant, salutaria, & hæc ad bonum solvendum morbum significant. Sed quibus indicis cognoverit febrem esse finiendam per sudorem, ipse non explicuit. Die tñ, plura adfuisse signa quæ sudorem futurum indicabant; affirmabimus autem quia humores tenues suapte natura convertuntur in sudorem.

His accedunt aliâ firmissima signa quæ sudorem cœntutur prælagire queunt, ut urinz suppressio, ut monuit Hip. 6. epid. sect. 1. text. 5. quodd autem hæc suppressio, sudoris sit prænuntia, ea est ratio, quoniam urinz, & sudoris eadem est materia. si ergo serosi humoris fiat in univsum corporis habitum translatio, aut supprimetur urina, aut certe exigua erit illius quantitas, quare qui multum sudant, parum mēunt, & e contrâ.

Alterum futuri sudoris signum, est rigor, qui à seri acrimonia oritur, panniculum nervosum exquisitissimi sensus vellicante, quem rigorem tandem sequitur sudor, ut Hip. 4. aph. 5. 8. manifeste edocuit. His addunt alij pulsus mollem, fluctuantem, & vndosum, ut Gal. 3. cris. 11. edocuit. Nam hic pulsus ex humiditate arteriæ, & facultate modicè affecta oritur, ex Gal. 2. de prælag. expulsib. cap. 9. Extrema omnia his calent, facies rubescit calidus, copiosusque vapor è corpore sentitur efferi, ut cum Gal. loc. cit. cris. Avic. 2. 4. tract. 1. c. 7. pronuntiavit.

Si verò perconteris num hic sudor q. 10 iudicata fuit hæc febris fuerit optimus, vel bonus, dic fuisse optimam. Nam Hip. 2. prog. 26. duo esse genera sudorum prædixit. Sudor optimus, inquit, per omnes acutos morbos, si per diem evenit decretorium, & integrè sedat febrem. Quare cum in decimo septimo sudor eueniret, & perscctè sedaverit febrem, in optimorum numero connumerandum esse dubitat nemo. Hunc indicantem sudorem passus est Pericles lib. 3. epid. sect. 3. text. 77. & cū illo iudicati sunt Anaxion, Nicodemus & illa mulier quæ in Thaso decumbebat, & in lib. 1. eiusdem operis Herophon, Nicodemus, Cleonactides, Meron, & alij qui diebus decretoriis sudarunt, & à febribus sunt liberati. Quare optimè dixit Hip. 4. aph. 36. Sudores febricitantis si inciperint, boni, tertio die, & quinto, & septimo, & nono, & undecimo, & quarto decimo, & decimo septimo, & vigesimo primo, & vigesimo septimo, & trigesimo primo, & trigesimo quarto. Quapropter non est mirum si Medici Romani non observantes Hip. mentem, & doctrinam sæpius repetitam, neque contemplantes dies, Galenum, delusorem, atque vatem appellarint, & ab illius methodo recedentes ita miserimè fuerint decepti.

## HISTOR. XXII. GALENI, De rigore sine febre.

Rigor sine febre à crassis eduliis subortus,  
medicamentorum calefacientium  
ope sublatus.

Cognovi adolescenti cuidam ex condiscipulis nostris in Alexandria accidisse, quando primū in ipsam navigavi initio autumnii. Ingresserat autem hic pluribus ex ordine diebus palmarum glandes, multas, teneras, ac recentes, & à balneis, & antè ipsas. Erant autem plures earum non exactè maturæ. Accidit itaque ei, ut primum post exercitium, & balneum à vehementi inciperet horrore, propter quem & opinatus se febricitaturum decubuit, & vestimentis contextus conquieuit. Cum autem tota nocte transacta febris careret, surrexit manè ad consueta opera revertens, horrorem interea sentiens iterum decubuit, quicquid usque ad balnei horæ, ac cū ad balneum rursus surrexisset vehemensior inuasit, & itaque accidens rigor

A quoque iam exiguus, tunc igitur febricitaturum se arbitrans, multò adhuc magis in quiete se continuit. Cum autem toto die, nocteque insequenti experiundo deprehenderes se ob medicres motus horrore, si quando largius moveretur, rigere: consilio nostro de iis quæ fieri expediebat usus est. Ego itaque memorans huiusmodi quiddam in Asia nostra accidisse, familiarem & metu liberavi, & hortatus sum, ut cibis, potionibus, & medicamentis uteretur, quæ & calefacerent, & crassitiem humorum diffecarent. Ille igitur hoc pacto convaluit, & deinde dedit medicamentum ex triplici pipere, deinde nostrū diacalamynthos, postea ex liquore cyrenaico, & castorio compositum, quod etiam quartanariis circuitibus est utilissimum. Galenus lib. de tremore, palpit. convuls. & rigore, cap. 7.

## PARAPHRASIS.

Rigor sine febre conatur hac historia persanato Galenus, de quo non ita expressam habuit Hippocrates notitiam, ut constet ex ipso lib. 1. epid. sect. 3. text. 22. in historia vxoris Epicratis, & lib. 1. prorrhetic. sect. 2. text. 31. Nam ex aliorum sententia, & velut aliud agens rigoris non recalcenscentis ex debilitate orti solum meminisse videtur, quia ad rigorem necessariò febris consequitur, nam ob agitationem incalescunt humores, ex quibus febris accenditur, ut notat Hip. 1. de morb. num. 7. & 79. Galenum eum expresse cognovisse constat ex hoc loco, & lib. de inæqual. intemper. c. 8. & lib. de diff. morbor. c. 5. Subscribunt. Avic. 1. 4. tract. 2. cap. 6. Rhazius 30. continens. tract. 1. cap. 1. In illis ergo locis ad contraria respondet Galenus, firmas quodd tempore Hip. non fuit visus rigor sine febre ob temperantiam vitæ: veteres enim victu parco contenti erant, neque tantam cacochymiam in corpore serubant: contrario verò modo nostris temporibus ob ingiuuiem, & oriosâ vitam visus fuit, ut obseruârunt Iacobus Oerhæus lib. de obseruationibus propriis, & Casparus Volphius eadem tit. quos refert Schenklius lib. 6. de febrib. Sic Hip. tempore feciminæ, & eunuchi, & pueri ob frugalitatem non corripiebantur podagra, quum tamen tempore Galeni ea frequenter vexetur, ut notat Galenus lib. 6. aph. 27. & 28.

Audi Galenum lib. 2. de caus. sympt. c. 5. Ac verus quidem sermo est rigori semper febrem succedere, non tamen est in totum verus, etiam si quis eum commodè determinet. Verum nec sic quidem verus sermo est, nec si determinans dixeris. Qui citra externam occasionem ex corpore nostro concutientes rigores oriuntur, hos febris necessario sequitur: Quippe non nobis modo, sed etiam multis. Medicis qui nos præcesserunt iam visi sunt concutientes rigores citra febrem, non tamen ita validi, ac qui legitimas tertianas, quartanasve præcedunt, aut qui ardentes febres finiunt. Solent sanè eiusmodi rigores vitiōsam sequi victus rationem, quum homines in desidia se repleuerunt, ac sæpè à cibo se lauarunt: Cum verè ipsa ciborum qualitates frigidioris sæpè, ac pituitosioris temperamenti sint, promptissime qui sic sunt affecti, rigoribus qui agere recalciant, capiuntur. Nihil igitur miri est antiquos Medicos nullum eiusmodi rigorem vidisse, hominibus qui tunc vivebant, nihil perinde ac qui nunc viuunt, in salubri victu peccantibus, sed nec balnearum usu tam frequenti, &c.

Sed cum inter humores crudos præcipuum locum obtineat pituita vitrea, quid obstat ut hæc vel alius crassus, lentus, aut glutinosus humor exuperet in corpore, & ob E crassitiem, & frigiditatem nec accendi nec putrescere possit, & sic rigorem, sine febre committat, qui nonnullis semel accidat, aliis per circuitum pluribus diebus, vel continuus ab initio usque ad finem. Hinc discas quare aliquando ad rigorem sequatur febris, interdum sine febre contingat: neque enim est vna, & eadem ratio crassitiei, & frigiditatis, nec eadem laborantis virtus, nec eadem causa putredinis, nec eadem multitudo humoris, nec idem locus per quem mouetur, & in quò redundat, etsi post rigorem superuenit febris, ob dictas causas non est æquè intensa, licet ad genus quotidianæ semper reducenda sit, & cum hæc pituita humor admodum sit frigidus, non putrens, per membra sentientia delata rigores non concitat, sed horrores. Consi rigore sine febre Gentilem, & Iacobum de partip. it. cap. Avic. Valies.

Vallef. *controu. 1. Simon. lib. de humoral. feb. natura, & ex luniorum mente plura retulit Carrerius in com. Auic. 1. 4. tract. 2. cap. 6.*

Rigorem hunc sine febris ex copia alimentorum crassorum, & frigidorum, ex quibus puitosus, & lentus humor est generatus in hoc adolescente emanasse, præcedens victus, quo se affatim repleuit, demonstrat manifeste. Nam vescabatur fructibus immaturis, qui cum sint pleni semicoctæ humiditas crassos humores in corpore gignunt, vt 2. de alim. facult. cap. 2. notauit Galenus, & maxime palmarum glandes in copia multa, virides, & recentes, quod alimentum flatulentum est, concoctu difficile, prauis succis, & ob lentorem tardè permeari, mucosumque succum gignit, vt scitè dictabat Galenus lib. 2. de alim. facult. c. 26. §. Palmae glandes difficiles sunt concoctæ, si largius sumantur, succus autem qui ab ipsis in corpus distribuitur, crassus quidem omnino est, habet autem, & lentoris quidpiam, quum palma ipsa pinguis fuerit, quum autem dulcedo tali succo mixta fuerit, celerrimè quidem hepar ab ipsa obstruitur, leditur autem maxime ab ipsorum esu, quando aut inflammatio, aut scirrhus obsidetur, post autem lien obstruitur, & leditur. Multò autem palma virides, si paulò largius sumantur ad omnia sunt noxia, &c. repetit lib. de suctor. bonis, & vitio, c. 4. in fin. Explicant diligenter Marcel. Virgilius, Helmolauus Barbarus, Mathiolus, & Lacuna in comment. cap. 125. lib. 1. Dioscorid.

Quòd si fructus crassi suapte natura obstruunt, & frigidum, lentum, crudumque humorem gignunt, quantò magis si intempestiuè, hoc est ante, & post balneum assumantur. Nam si ante balneum edulium offeras, balnei vi, crudum adhuc, & semicoctum alimentum rapitur ad viscera, & obstructions parit; si verò post balneum aliquid assumas, attracto ob bilnei calorem, innato calido ad externas partes, ventriculus debilis alimentum coquere nequit, vt monuit Gal. lib. de succor. bonis, & vitio, cap. 3. in fin. & repetit Auic. 3. 1. doct. 2. cap. 7.

Quum ergo rigor hic ad quem non est sequuta recalescentia à frigidis, & crassis succis ortum duceret, meritò non solum ad curationem, sed ad præseruationem, cibos, potiones & medicamenta consuluit Galenus quæ huius rigoris causæ aduersarentur. Inter medicamenta præstat celebre illud quod ex tribus piperis generibus parari solet, quod Diatriumpipericon à Galeno appellatur, & ad crudos coquendos humores in ventriculo pertinaciter impactos est vtile valdè, quonià illius refrigerationi opitulatur, confert acido ructui, quartanis, resolutis, iecinorosis, & inflationibus auxiliatur, cuius laudem proposuit Gal. lib. 8. meth. c. 5. in med. & compositionem describit 4. de sanit. cap. 5. 2. piperis nigri, albi, longi an. 3. j. anisi, thymi, zingiber. an. 3. j. Mellis quod sit satis vt fiat electuarium.

Melueis verò lib. 3. de antidot. aliam compositionem affert, additis spica, amomo, cinnamomo, seseleos, asaro, & rad. enulæ. Nicolaus aliud facit medicamentosius ob additum melanopiper, leucopiper, macropiper, maratrum, hyssopum, crocum, trochiscos, hedicroos, betonicam, rutam, vt interim ponderum varietatem omittam.

Hoc medicamentum optimum est, sed huic facultate ferè, par est, quod vocat Diacalaminthion, quod auxiliatur iis quos cibi fastidium vrget, appetentiam reuocàs, ægræ spirantibus remedio est, ventriculi frigiditatem curat, flatu absumit, & ciuitatibus remouendis opem fert eximiam, eiusque compositionem proponit lib. 4. de sanit. tuend. c. 7. hunc in modum. 2. calaminth montan. calaminth. campestre, sileris montani, petroselin. an. 3. vj. zingiber. 3. iij. sem. apij. comar. thymi. an. 3. ij. ligustici. 3. vj. piperis nigri 3. xij. Mellis quantum sufficit, vt fiat electuarium.

Et cum æger sæpè vnum abhorreat præsidium, & amplectatur aliud, vel multoties hoc noniuuet, vtile sit aliud, mutare auxilia aliquando est opus ob causas multas, quas lib. 1. in com. hist. 3. latè ex veterum mente monuimus. Hoc modo confectionem ex liquore cyrenæico (officinæ laserpitium vocant, decuius viribus Dioscorid. 1. 3. c. 76. Gal. 8. simpl. sit. de laserpitio. Auic. lib. 2. c. 9. obtulit in hos vsus, cuius descriptionē inuenies apud Aëtium terrab. 2. ferm. 1.

c. 84. & ad rigores summè commendat Gal. lib. 1. ad Glau. c. 11. non dissimilem habet virtutem medicamentum ex castorio paratum, quod prisce Diacastorium appellabant, & compositionem tradit Nicolans quæ ex plurimis medicamentis calidis paratur, quæ flatu, discutere, crassos humores attenuare, viscidos, incidere nata sunt, vt eleganter docuit Oribasius lib. 8. Synopses, cap. 15. de rigore qui caletieri non potest, de quo legendi Iacobus Oertheus lib. de obs. propriis, & Casparius VVolphius eod. tit. citati ab Schenckio lib. 4. de febr. sit. de rigore.

## QVÆSTIO XXIV.

*Utrum in rigore moueatur humor per partes internas vel externas, & an hic à flatibus vel humoribus ortum ducat, vt contra Galenum, Fernellius, & Thomas à Veiga, asseuerant.*

### COMMENTARIUM.

**A**ccidens rigor.] Retexo materiam arduam, argumentum vtile, & multi vsus. Ad pugnam me prouocat peritissimus Lusitanus, qui etsi in omnibus spiritu Galenico sit afflatus, nescio quo malo genio inductus ab illius mente in hac quæstione desecit. De Fernello nihil loquor, quem in multis, aduersum fuisse Galeno, norunt omnes. Sed antequam ad illius opinionem impugnandam accedamus, de rigoris natura particula quædam prælibare oportet ex tam multis quæ interpretes ad cap. lib. 2. de diff. feb. Galen. & ad c. 6. Auic. fen. 1. 4. tract. 2. eloquenter disseruere.

Plurimum ergo consentiunt inter se horripilatio, fractio, frigus, & rigor, vt notauit Auic. loc. cit. quoniam horripilatio est dispositio in qua inuenit corpus diuersitatem in frigore, id est, in qua percipit frigoris delationem, & aliqualem punctiōem non vniformem, sed inæqualem in cute, & lacertis: per lacertos intelligit musculos, & antecedit eam pigritia, id est difficultas ad motum, & fractio, id est lassitudo præcipuè vlcerosa. Fractio est quasi species eius, ac si dicat lassitudo est via in horrorem, quia causa quæ efficit lassitudinem vlcerosam, si augeatur, & moueatur, efficit horripilationem, siue horrorem: in lassitudine enim vlcerosa materia immobilis est, & ferè illius est tantum sensus, at verò in horrore materia mouetur, ex Gal. 2. de caus. sympt. in init. Frigus definit Auicenna quando sentitur in membris suis, & dorsis lacertorum frigus purum, & per membra sua intelligit extrema, per dorsa lacertorum, intelligit partes carnosas musculorū per frigus purū, intelligit frigus sine cōmixtione alterius dispositionis, v. g. punctiōis, aut motus cōuulsiui, vt contingit in horrore, & rigore. Rigor verò est vt non possit continere membra sua ex commotione, & tremore eueniente in eis, & motibus inuoluntariis, id est rigor est dispositio in qua laborantes non possunt continere membra sua à cōuulsione, & à commotione, & tremore, id est concussione.

Notabis tamen non agere hic de rigore, quatenus solam corporis perfrictionem significat, nec etiam quatenus quandam cōuulsionis speciem denotat, quæ à Græcis tetanos, à Latinis distentio, & rigor vocatur à Celso lib. 4. c. 3. de qua agit Hippocr. 5. aph. 6. Sed solum agimus de rigore, qui in aliquarum febrium principiis contingere solet.

Notabis secundò, ex Gal. lib. 2. de caus. sympt. cap. 5. post princip. §. Quòd si augeatur symptoma, &c. & post med. §. Primum enim quod ex vitiosis, & lib. 10. meth. cap. 4. & 1. epid. sect. 1. com. 25. §. At enim paruus rigor, &c. harum quatuor dispositiones, fractionem scilicet, id est lassitudinem vlcerosam, frigus, horrorem, & rigorem solum differre intensiōe, & remissiōe, quod etiam innuit Auic. 1. 4. tract. 2. cap. 6. §. Et materia quæ facit lassitudinem per paucitatem suam, facit rigorem per suam multitudinem, & sic non separatur aliquando rigor ab horrore, vt sit apud Gal. 1. ad Glau. 5. quo loco monet Galenus quotidianam, quartanam, & continuas posse cum paruo rigore incipere,

incipere, id est cum horrore, quum parvus rigor ab horrore non differat.

Verum iis videtur aduersari quod profert Galenus lib. de tremor. c. 6. ante med. §. Ita cum quis cum nulla concussione, &c. ubi docet differre frigus, horrorem, & rigorem, quoniam in frigore datur sola perfrictio sine aliquo motu concussiuo, nec cutis quidem; in horrore verò datur motus concussiuus solius cutis; in rigore motus concussiuus, totius corporis; & sic horror solius cutis, rigor verò totius corporis affectus dicitur. Quare si hæc vera sunt, non videtur dicendum horrorem, & rigorem solum secundum magis, & minus differre, quod videtur innuere Auic. loc. cit. cum horrorem appellat non solius cutis, sed etiam laceratorum, hoc est musculorum dispositionem. Dic horrorem & rigorem exquisitè loquendo esse earundem partium affectiones, quum fiant ab eadem causa per easdem partes mota, differre tamè quod in horrore parvus motus concussiuus datur, in rigore verò vehementior, quare in illo in sola cure sit magis manifestus, & sic à Galeno, horror, solius cutis affectus dicitur, licet eadem partes afficiantur, & moueantur quæ in rigore.

Consequens est ut definitio rigoris summam tradatur, quam lib. de rigore, cap. 6. proposuit Gal. est perfrictio dolorifica cum quada inaequalitate, totius corporis concussione, agitationeque. Hoc ergo loco docet rigorem esse perfrictionem, quia ab omnibus in confessio est rigorem esse affectum caloris natiui, quum in rigore detur ipsius caloris natiui perfrictio. Porro in eodem loco Galenus affirmat caloris natiui perfrictionem, quemadmodum & ignis quatuor modis perire potest, vel à flamma maiori, quo pacto parua candela in magno, & splendido sole contabescit. Secundò, à defectu materiz. Tertio, per suffocationem. Quarto, à contrario extinguente, ex quibus modis primis tres paulatim refrigerant, ultimus nempe, adhibitis contrariis, ut aqua perfusa repente refrigerat.

In principiis ergo accessionum cum per habitum corporis mandetur humor calori natiuo contrarius, tum quia mordax est, tum quia victus non est, sequitur repentina refrigeratio, quia verò repente etiam refrigerantur æstuant, quando frigida perfunduntur, & tamen rigorem non patiuntur, quia ad habitum naturalem reducuntur, addendum erit definitioni rigoris, quod perfrictio sit subita, & violenta, siue dolorifica, id est, corpus extra naturalem habitum deducens. Repente autem corpus refrigeratur, quia calidum innatum hoc est sanguis, & spiritus fugiens contrarium, nempe humorem mordacem per habitum corporis delatum, subito intro recurrit, ubi quiescere non potest cum sit igneus, & æreus, extrorsum, & introrsum mouetur semper, ita ut vnus illius motus alium incessanter sequatur, & excipiat, cuius perpetuæ mobilitatis causam assignat Galenus cit. loc. quia si intus permaneret, otiosus peristeret, si extra quiesceret, à continenti frigido corrumperetur, & sic in interioribus, reconditus, vnitus, & fortior factus, & suffocari incipiens, rursus ad expulsionem recrementorum in extrema fertur, à quo calido partes refectæ mordacem humorem iterum agitant, & sic rursus dolor facit calidum intro recurrere.

Ex hoc apparet sententiam Auic. loc. cit. §. Et sanguis submergitur cum rigore ad interiora, &c. intelligendam esse quod mutuo etiam redit ad exteriora ex mente Galen. Quo pacto hæc refrigeratio quæ datur in rigore non dicitur quamuis refrigerationem, sed eam quæ est propria passio calidi innati per se; quoniam in rigore calidum innatum, id est spiritus ex natura sua subit eam passionem; & sic aliz refrigerationes; sunt passionem membrorum, hæc autem refrigeratio primò est spiritus, per consensum autem membrorum.

Ab hac reciproca duorum motuum caloris innati vicissitudine docuit Galenus sequi & perfrictionem in exterioribus, & motum totius corporis concussiuum in rigore, solius cutis in horrore; durat verò hæc motuum reciprocatio, & corporis concussio donec calor natiuus excrementum superauerit, & intemperies illa frigida vincatur, & sequatur febris, aut vice versa vincente hu-

more calor suffocetur, & pereat homo.

Hinc concludit Galenus: quare post rigorem corpus maximè calet, & sequitur febris. Nam calor in profundo corporis antea collectus, & vnitus valde intèditur. Deinde cum antea intus moraretur, ne diu membra spiritu priuarentur, magno impetu ad extremas ruit corporis partes, ad quem caloris sui sequitur augmentum. Iam super per motum corporis concussiuum augetur calor, cuius vi, lapides, & ligna inflammantur. Potissima verò huius quæsitæ causa, ut optime aduertit Thomas à Veiga lib. 2. feb. cap. 1. est materia quæ per rigorem expellitur ad focum in quo putrescit, quæ calorem febrilem excitat: Nam intensio febris non responderet intensiori rigoris, quum quandoque ad paruum rigorem sequatur magna febris, quandoque è conuerso.

Ut autem ulterius causam huius motus inquiramus expendendum est cum Galeno lib. de tremore, c. cit. eam in motu vicissitudinario calidi natiui introorsum, & extrorsum positam esse, sed alia potior assignanda est cum eo 2. de caus. sympt. c. 5. ante med. §. Nec mirum corpus cum excrementa quiescunt, &c. docente motum hunc concussiuum propterea fieri in rigore, quoniam excrementa mota per membra sentientia, partes ipsas & pungunt, quare vnaquæque ipsarum irritata maximo tonatu noxium humorem expellere nititur, quod ut faciant, particule ipsæ sese contrahunt, atque constriungunt, ad quarum constrictionem, totius corporis sequitur concussio, atque vibratio: cum enim muscoli contrahantur, & concutiuntur, necesse est articulos quibus muscoli inseruntur, concuti, etiam, atque vibrari, & sic totum corpus. Quapropter cum Galeno concludendum est causam huius concussiuus motus, facultatem particularem expultricem esse constituendam, ut luculenter cit. 3. de causis symptom. ipse confirmat. §. Verum ubi mordens aliquid, &c. Motus iste concussiuus inæqualis est, tum quia humor mordax non æqualiter per omnes musculos diffunditur, tum etiam quia non omnes æquè offendentur, & sic non æquè concutiuntur.

Sed circa definitionem rigoris plura querenda sunt scitu non indigna, & primò dubitari potest in quo magis consistat essentia rigoris in perfectione, an in motu concussiuo: quia in hoc dogmate varia videtur protulisse Galen, nam lib. de tremor. c. cit. eum per perfrictionem definiuit, lib. verò de sympt. caus. cit. & 10. meth. c. 4. ad inis. potius per motum concussiuum definire videtur, quod facit etiam lib. 4. de sanit. tuend. c. 2. post. med. dicens, appello nunc rigorem, nec illum vehementis frigoris sensum, nec duritiem, sed inaequalem totius concussum, & turbationem. Dic rigorem non, esse solam refrigerationem, nec solam concussionem sed ambo simul, quia tamen Galenus lib. de tremor. cit. causam assignauit reciprocum motum calidi natiui, ad cuius motum introorsum primò, & per se sequitur perfrictio, secundariò verò motus concussiuus, idèò cito loco eum definiuit per perfrictionem in recto; per motum verò concussiuum in obliquo: quia verò 2. de caus. sympt. cit. & aliis locis causam rigoris assignauit facultatem membrorum expulsivam, ad cuius actionem primò sequitur particularum constrictio, & membrorum concussio, idèò eo loco rigorem definiuit per motum concussiuum in recto, per refrigerationem in obliquo. Verum cum vehementia rigoris potius vehementia motus concussiuus, quam intensio frigoris spectetur, potius essentia rigoris in motu concussiuo, quam in frigore dicitur consistere. Consule doctissimum Santorellum lib. 3. ante praxim, cap. 3. tit. de rigore, qui pulchra de hoc argumento disceptauit.

Dubitari etiam potest vtrum rigor sit motus voluntarius. Galenus lib. de tremor. cap. 6. ad princip. in hoc distinguit rigorem à tremore, quia motus in rigentibus citra mouendi partes voluntatem omnino inuitus est, in tremoribus non citra mouendi arbitrium, quod etià scribit 2. de caus. sympt. §. ad med. ubi docet in rigore agitari musculis quasdam extensiones, inflexionesque præter voluntatem accidere. Præterea rigor fit à facultate expulsivæ conante expellere noxium humorem, cuius motus cum

cum sit naturalis, non videtur dicendus voluntarius.

Ex altera parte respiratio etiam si non fiat præcedente imperio voluntatis, voluntarius tamen motus dicitur à Gal. lib. 2. de motu musculorum. cap. 6. quia hic motus accelerari, & retardari ex arbitrio potest, quare similiter rigor videtur posse dici motus voluntarius. Dic. Rigor potest dici motus voluntarius, quia non expectat imperium voluntatis, & sit nobis inuitis, nec sistimus ab eo quando volumus, nec mouemus, quando volumus, potest etiam dici innouoluntarius, quia in eo potest habere ingressum voluntas ad accelerandum, & retardandum, quemadmodum in respiratione, & tussi, quarum utraque fit à musculis thoracis, & septi qui voluntariè operantur.

Illud etiam dubitatione carere non videtur, vtrum sit motus animalis. Naturalem esse ex eo probari potest, quia fit à facultate expultrice: Sed videtur dicendum habere etiam in eo ingressum facultatem animalem, quum sit motus qui fit per musculos, & in eo fiant membrorum extensiones, & inflexiones ex Galen. 2. de caus. sympr. cap. cit. vbi etiam docet esse motum similem tussi, in qua etiam facultas animalis locum habet, cum validissima, & celerissima thoracis constrictione fiat, ex Galen. 5. de loc. cap. 3. ad fin. In rigore ergo facultas etiam animalis operatur, quia data sensatione dolorifica non solum facultas expultrix irritatur, sed animalis musculos contrahit ad expellendum.

Iam de causis vehementiæ rigoris dubitant nonnulli, vtrum in valida facultate fortior fiat rigor, quam in debili: Quomodo enim constabit Auicennæ sententia. 1. 4. tract. 1. cap. 6. §. Et de causis vehementiæ rigoris, est vehementia virtutis expulsiua in lacertis, &c. quare robur facultatis expultricis est causa magnitudinis rigoris: quæ Auic. opinio poterit probari hoc modo. Rigor ed est vehementior, quod motus humorum per membra fuerit velocior, atqui quantum virtus expultrix fuerit fortior, tantum cum maiori celeritate mouebit humores per membra: igitur cæteris paribus rigor ed erit maior quod facultas expultrix rigentis maior fuerit. Nec ita intelligas Auicennam quod existimet ad magnitudinem rigoris requiri facultatem expultricem in sua essentia robustam, quia vt constat experimento, & patet ex Hippocrat. 4. aph. 46. sæpe in virium debiliū præsentia, & iuxta mortem rigor vehemens incidit, ad quod sæpe sufficit magnus conatus quem adhibet facultas in operando; licet ipsa in se sit valde debilis, vt docet Gal. 4. de caus. puls. cap. 1. de pulsu ira. Itaque ad magnitudinem rigoris plurimum facit vehementis operatio facultatis expellentis, siue ipsa facultas in sua essentia robusta, siue debilis existat, & ob magnum quem adhibet conatum, vehementer expellat.

Pro contraria parte est textus non incelebris Galeni in lib. 10. meth. cap. 4. & 2. de caus. sympr. cap. 5. docentis vnam ex causis fortitudinis rigoris esse debilitatem virtutis, rationemque subiungit, quia vbi vires valentes sunt, omnia contemnunt, & tolerant, vbi verò infirmæ sunt reddita, vel à quouis offenduntur. Gentilis in cit. loc. Auicenn. sic hos auctores conciliare intendit, dicens fortitudinem virtutis esse duplicem, alteram simpliciter talem, quæ excrementa insensibiliter expellit, per quam non fit rigor, alteram verò fortitudinem virtutis esse respectu superfluitatum sensibiliter expellendarum, quæ collatione facta ad primam fortitudinem potest dici debilitas: quare virtus primo modo fortis, cum omnia contemnat, ac toleret, rigorem non efficit, at verò quæ secundo modo fortior fuerit, ed vehementiorem rigorem efficiet. De prima fortitudine intelligit Galenum in 10. meth. de secunda explanandum Auicennam retur.

Harculanus hanc solutionem primò reprobat, aliamque proponit, affirmans Galenum de facultate sentiente musculorum esse interpretandum, quæ quantum fortior fuerit, tantum magis causam rigoris contemnat, & sic minor sequetur concussio, quantum verò debilior fuerit, tanto maiorem rigorem efficiet, quia magis irritabitur, & maiorem adhibebit conatum. Hæc ramen solutio minime sustineri potest: falsum enim est facultatem validam

sentientem magis contemnere causam rigoris, quam debilem: nam sequeretur indicationem à sensu partis desumptam nullam esse, quod est contra Gal. 2. ad Glaucon. cap. 2. ante finem. §. In indicatione extem quæ habetur ex virtute, &c. vbi docet quod partes quæ inter se sentiunt, non tolerant humores, & medicamenta acia. Præterea improprie appellaret Galenus facultatem sentientem robustam illam, quæ omnia contemnit, quoniam sic robustissima diceretur quæ nihil sentiret, & nullo pacto exerceret operationem suam, quod nemo firmabit, cum habeat contra se Galenum in locis multis, & præsertim in lib. de curand. rat. per sang. mis. cap. 6. qui facultatum robur, aut debilitatem ex propriis functionibus deprehendi asseuerat.

Cum Vgone verò hanc controuersiam sedare operæ pretium duxi, hic enim in com. cit. cap. Auic. hunc auctorem exponit de facultate expultrice, Galenum verò de debilitate caloris naturalis, hoc est facultatis vitalis, cuius imbecillitas ad magnitudinem rigoris plurimum facit, vt experimento patet in iis, in quibus defectus sanguinis, spiritus, & carnis inuenitur, quod deducitur ex Hippocrat. 5. aph. 69. docente rigores ferè incipere per dorsum, & lumbos, quoniam hæ partes propter debilitatem caloris facillimè patiuntur, & alterantur, citiusque in sceminis contingere asseuerat, quoniam, vt inquit Galenus, scemina est natura frigidior, & imbecillior, quod docuit etiam 6. epid. sect. 3. rext. 19. Rigores, inquit, incipiunt mulieribus quidem magis à lumbis, & per dorsum, & tunc in caput: Verum & viris posterius magis, quam à priore parte. Horrent exteriora magis, quam interiora corporis vt cubitorum, femorum, sed etiam cutis rara, id verò pilis indicat, &c. Hoc nomine dicebat Aphrodisæus sect. 1. probl. 24. partes corporis posteriores magis rigere, & Aristor. 8. probl. 5. affirmat crassos, & pingues magis, & ex minori causa rigere, quare rigor ed euadit maior, quo molestia percepta maior est, qui verò habent calorem innatum debilem, à quauis causa facile, & multum molestantur, ex quo constat debilitatem calidi innati ad magnitudinem rigoris plurimum facere, vt apparet in sceminis, delicatis, & conualescentibus, qui omnes à quauis causa externa, etiam leuissima valde læduntur, & in rigorem incurrunt, contra verò qui habent calorem innatum robustum, non sic facile, sed solum à vehemēti causa offenduntur, virtus enim fortis omnia contemnit, vt conspiciamus in rusticis, athleticis, & aliis huiusmodi. Hoc modo retulit Galenus 2. de sympr. caus. 5. ad fin. in anagonia, verecundia, timore & similibus animi affectibus magis rigere imbelles, & timidos, quam robustos, & hæc est potior solutio, quam Valsij lib. 5. cont. 17. prope fin. qui in his conciliandis auctoribus tantoperè se excruciat.

Sed ordo exigit vt de sequenti quæstione agamus, quæramusque vtrum humor mordax, qui est rigoris materialis causa, violenter per habitum corporis & membra sentientia moueatur. Fernelius, vel grauissimus, cum opinetur lib. 4. parhol. c. 9. & 10. & 2. de abdit. morbor. caus. cap. 13. intermittentium febrium mineram non in habitu corporis, sed in prima corporis regione esse constituendam, quod placitum infra in com. hist. 32. resurabimus, cogitur allerere materiam rigoris contingentis in principio febrium intermittentium non moueri per corporis habitum, sed solum per primam corporis regionem, vt per partes circa ventriculum, præcordia, diaphragma, caua iccoris, lienem, omentum, & pancreas, quæ partes membranis obuoluuntur, quæ cum nervos à cerebri sexa coniugatione recipiant, eximio sensu præditæ sunt, quare tunc reliquæ partes ob consensum attrahuntur.

Nec Fernelij sententia ratione caret, immò validissimò argumento potest confirmari. Si rigor fieret delata materia per corporis habitum, & membra sentientia, non verò per primam corporis regionem, & partes internas, potius in eo sanguis & spiritus ad habitum corporis ferrentur, quam intrò sederent, quod vel hac ratione fieri erat necessarium, quod doleant partes sentientes; nam ad locum doloris sanguis, & spiritus decumbunt, ex Galen.



*lib. 13. meth. c. 3.* cuius rationem tradit *lib. 5. aph. 53. in med.* A rigorem autem in rigore sanguis, & spiritus ad interiora decumant, videtur potius dicendum per partes internas moveri materiam rigoris, quam per externas.

Enimvero si ad mentem Galeni veritas est pensanda, hæc Fernelij sententia defendi non potest; licet enim aliquando contingat rigorem ita fieri, non tamen dicendum est in vniuersum, humores efficientes rigorem eueniente in principio febrium intermittentium, per partes internas tantum moveri, primo quia rigor ardenti febre superueniens, sudore febrem non solueret, sed vel vomitu, vel deiectione bilis, quod est contra Galenum *lib. 4. aph. 58.* Secundò. Si ex solo consensu partes externæ rigerent, non afficerentur, vt partes quæ à sagittis acutissimis, & tenuissimis transfiguntur, vt proprio in seipso facto experimento docuit *lib. de tremor. cap. 7. ad fin. §. Nam in quartana, &c.* Nec etiam in tertiana partes in rigore veluti pungi, & vulnerari viderentur, quod fieri etiam affirmat *2. cris. 3. ad med.* Deinde in febribus continuis, & hepatis inflammatione mordacissima bilis, ad ventriculi os solet deferri, firmante Galeno *5. de loc. cap. 7.* non tamen adest totius corporis rigor. Quare concludendum est materiam rigoris per corporis habitum ferri, vt ex plurimis Gallo. cis demonstrabimus infra.

Ad argumentum verò Fernelij respondet Hieremias Brachelius in *com. sent. 48. lib. 4. Aph. Hipp.* dicens dolores euenientes partibus nostri corporis, vel esse mediocres, & tunc spiritum, & sanguinem ad se euocare, vel vehementes qui ad cor pertingant, & tunc in cor, sanguinem & spiritum colligi, vnde aliquando in magno dolore animi deliquium contingit, non solum autem in magno dolore docet sanguinem, & spiritum in cor colligi, sed etiam in mediocri, valde subito, qualis contingit in rigore: nam tunc calor veluti mutatus ex eo dolore impetu vehementi simul cum sanguine ad interiora confugit, & præcipue ad cor, vt in suo principio collectus, & fortior factus maiori cum impetu ad partes dolore affectas, postea reuertatur, nisi impediarur, vt eo tanquam proprio instrumento natura utatur, quæ doctrina desupra est, ex Gal. *2. de caus. sympt. c. 5. ad fin.*

Maiores verò est controuersia an à causa calida fortiores fiant rigores quam à frigida, sed antequam ad questionem ventilandam accedamus, notabis rigorem tam à causa calida, quam à frigida oriri ex Gal. *2. de caus. sympt. c. 5. §. Quid autem omnis mordax, &c.* de causa calida aperte constat in causone, & tertiana, *4. aph. 58.* & in affusione aquæ feruentis supra corpus, & ex appositione medicamenti caustici in parte ulcerata. De frigida patet in illis qui cruditatibus laborant, qui si balneum ingrediantur, vel moderato vrantur exercitio, rigore corpiuntur, docente Gal. *1. in meth. c. 3. & 10. meth. c. 10. ad ins.* hoc etiam colligitur si aquam gelidam super corpus affundas.

Verum dubium insurgit maximum ex doctrina Aristotel. desumptum *lib. 8. probl. 7.* Cur nempe ex occasionibus maximè contrariis idem symptoma accidat, præsertim cum contrarij causarum contrarij sint effectus, vel idem monuit Aristotel. *5. politicor. c. 8.* & caliditas, & frigiditas sint contraria *lib. 2. de generat. & corrupt. c. 3.* Hanc questionem monet Galenus *lib. 2. de caus. sympt. c. 5. ante med.* soluitque dicens hoc referendum esse in facultatem expultricem, rigorem efficientem, quæ tam causam calidam, quam frigidam expellit, ex quibus oritur rigor, & sic non sunt contrariæ causæ rigoris, sed vna duntaxat facultas expultrix, quæ ab illis contrariis causis potest stimulari, cuius etiam rationem videtur tradere Galenus *lib. de tremor. c. 6.* vbi latissime demonstrat calidum innatum esse attemperatum, & veluti ex frigore, & calore permixtum, & sic non esse admirandum quod ab utroque patiatur. Dic secundo cum Gal. *4. simpl. 2.* quod calidum soluendo, & pinguendo, frigidum verò constringendo continuum soluit, vnde fit dolor, & rigor excitatur, nam frigiditas rigores efficit, & mordax est, ex Hip. *5. aph. 17. & 20.*

Insuper hæsitant plures, iique Gal. & Auicennæ non contemnendi interpretes quos citat Carrelius *loc. cit. in Auic. 1. 4. tract. 2. c. 6.* Vtrum à causa frigida vehementior

A rigor fiat, quam à calida, & primò deducitur, quia quando causa rigoris difficilius expellitur, tantò maior est cōussio, & rigor vehementior, causa verò frigida difficilius expellitur, quia magis viscida, maior ergo ab ea sequetur rigor, quod etiam potest deduci, ex Auic. *2. 1. doct. 2. sum. 2. cap. 13.* vbi docet rigorem fieri à causa frigida, horrorem vero à causa mordaci, siue calida. Et in eo loco affirmat Auicenn. rigorem eò esse vehementiorem, quò causa eius viscosior est.

Secundò. Eadē ratio debet esse de causa rigoris externa, & interna, ex Auenhoë *3. collect. c. 30.* sed causa externa frigida maiorem facit rigorem, quam calida, vt si quis vêtoto frigido se exponat, magis rigit, quam si calido exponatur, ergo similiter de causa interna erit dicendum.

Tertiò. Rigor fit impedito motu calidi innati, ex Auerrois, sed magis impeditur à causa frigida, quam à calida, ergo. Assumptum patet, quia causa frigida non solum cōstipando caloris motum impedit, sed frigiditate sua contraria calorem intercludit, causa verò calida neque obstruit, neque calorem concludit. Accedit & quarta ratio, nam similes motus sunt rigor, & tussis, ex Gal. *2. de sympt. caus. c. 1.* sed tussis vehementior fit à causa frigida, ex Gal. *2. de sympt. caus. ap. 4. ante med.* ergo & rigor.

Contrariam tamen sententiam veram esse firmat Galenus *2. de sympt. caus. c. 5. post. med. §. Hic rigor à frigidis succis nunquam creatur, omnino enim eiusmodi succi præ crassitudine sua concitato motu non mouentur. Quod si aliquando attenuantur, rigorem quidem excoitant, non tamen vehementem: neque enim eandem potest recipere tenuitatem attenuata pituita, quam attenuata recipit bilis, &c.* Quare quò humor est calidior, & tenuior, eò maiorem molestiam inducit, & sic ex eò vehementior rigor concitatur. Idem docet Galenus *lib. 10. meth. cap. 4. & 2. cris. 1.* exemplo posito in tertiana, & quartana, docens distinguere harum febrium rigores in accessionibus primis, & probat *2. feb. c. 1. & lib. de rigor. cap. 7.*

Dic ergo quod licet à causa frigida possit fieri rigor longior, & diuturnior ob maiorem causæ crassitiem, & leniorem, & cum maiori sensu frigiditatis, propter frigiditatem humoris positiuam, à causa tamen calida vehementior fit, quia vehementia rigoris magnitudinem doloris consequitur, sicut magnitudo doloris magnitudinē morbus sequitur, humor autem calidus, sicut bilis, tam acrimonia, quam tenuitate magis mordet, & citius penetrat, vnde vehementior concitatur rigor.

Neque infest cum Gal. *2. cris. 3.* in quartana sæpe fieri rigorem vehementem à melancholia, quæ tamen crassa est, & frigida: Nam id non contingit in principio quartanæ, sed in processu illius, quo tempore iam est attenuata, & reddita calidior, quia tamen nunquam peruenit ad tenuitatem, & caliditatem bilis, proinde nunquam faciet rigorem adeò vehementem, sicut bilis, vt cit. *de caus. sympt.* docuit Galenus. Si verò adhuc insistas, & arguas plurimum celebrium Medicorum experimento munitus, in quartana sæpe vehementiorem rigorem apparere, quam in tertiana, respondet Harculanus in *1. 4. tit. cap. Auic.* hoc contingere quando quartana à maiori copia humoris oritur, quam tertiana, & præcipue si cum hoc ortum habeat ex melancholia genita ex adustione bilis, nam aliàs posita utrobique pari quantitate, rigorem tertianæ vehementiorem perpetuò fore, quam quartanæ. Dic secundo, rigorem in quartana in se non esse vehementiorem, sed ita apparere ob vehementia symptomatum, & longam durationem, quæ ægros valde torquere solent. Ob hanc causam dicebat Ralius *10. ad Almanf. cap. 8.* quartanam cum tam violento motu inchoare, vt dentes constingar, & concurjat.

Neque obicias secundo hoc modo. Velocitas motus humoris per musculos non facit ad magnitudinem rigoris, nam ille humor non facit rigorem nisi ob læsionem, quam in membris inducit, si autem valde velociter moueatur, nec suam læsionem poterit imprimere, nec ea à membris percipitur, similiter atque contingit dum alicui repente vulnus infligitur. Dic: si humor tardè, & paulatim per membra moueatur, non imprimitur illis,

illis nixam dolorificam, maxime vero illam inducit, si velociter moueatur, nec potest adeo velociter per angustos meatus membrorum moueri, ut sensum effugiat.

Argumenta vero in principio proposita nihil nos mouere debent. Dic ad primum, quod quanto causa rigoris difficilius expellitur, tanto rigor est diuturnior, non tamen vehemensior, & sic licet causa frigida, & crassa difficulter expellatur, quia tamen non vehementer mordet, non ita stimulat facultas, quare magnum conatum non adhibet, & sic non fit vehemens rigor. Ad auctoritatem ex *sen. 2. 1.* dicendum est quod ibi per rigorem, intelligit frigus, alioqui illius sententia esset falsa. Ad alteram vero auctoritatem licet aliqui interpretentur eum locum de vehementia rigoris secundum durationem, tamen frustra in hac explananda sententia torquentur, quoniam per *[viscosior]* quod in textu antiquo legebatur, legendum ex Bellunenfi *[mordacior]* & hoc modo inter Gal. & Auic. nulla est contradictio. Ad secundum dic: dissimilem esse rationem, quia intra corpus plerumque non reperitur humor frigidus, & mordax, sicut calidus. Ad tertium dic: multo magis impediri motum calidi innati facta irritatione à causa calida, quam à frigida: Nam cum potissima causa rigoris sit conatus expultricis precedente tristi, ac dolorosa sensatione, multo maior sensatio fit à causa calida, quam à frigida. Ad quartum dic, quod ferè à causa frigida sunt diuturniores ruses, non tamen intensiores. De hac re videndus Costæus in *com. cap. 6. loc. cit. Auic.*

Proximum his videtur ut illius questionis disputationem aggrediamur, contemplemurque nouum illud, & subtilissimum inuentum insignis Thomæ à Veiga qui 2. feb. ult. contra Galenum, & vniuersam Medicorum scholam arbitrat in accessionibus, causam rigoris non esse motum humorum per membra, sed esse solum vaporem qui exhalat ab humore contento in minera, quando agitur à natura in eadem minera persistens, quod placitum difficile videtur, & habet contra se irrefragabiles objectiones multas.

Prima, quia licet solus vapor, sine humore transiens per corpus horrorem exciter, & aliquando rigorem, nunquam tamen poterit efficere vehemensimum illum rigorem, cumque diu durantem, qui sæpe in inuasionibus febris tertianæ, & quartanæ apparet.

Secunda, quia qui ita affecti sunt, ut à solo vapore transeunte per membra horrore, & rigore corripiantur, nec sudant, nec vomunt, quum illa quæ expultricem facultatem irritant, acris sint, ut docet Galenus 2. de *symp. caus. cap. 5. post. med.* cum igitur in multis accessionibus videamus post rigorem sequi copiosum vomitum, sudorem, & deiectionem alui, ut monuit Hip. 4. aph. 58. credibile non est eum rigorem à solo vapore, & non ab humore delato per membra oriri.

Tertia quia nulla assignatur causa quare in febribus intermittentibus cessante rigore statim sequatur febris: Nam si rigor in dictis febribus fit, quia agitato humore in foco eleuantur vapores molestantes membra, sequitur quandiu humor agitur, randiu durare rigorem; vnde igitur postea sequitur febris.

Quarta, quare rigor ex bile innadet de tertio in tertium, & pituita singulis diebus? Nam si in singulis accessionibus humor semper permanet in foco, nec alius aceruat de nouo, & solum ab eo agitur in dicta minera, communicato inde vapore molestat membra, sequitur rigor, citius adueniet rigor ex bile contenta in minera, quam ex pituita, quia illa ob caliditatem, & tenuitatem suam substantia, agilior est quam pituita, & magis molestat naturam, quam hæc. Vltima, vnde habet pituita, quod contenta, & permanens in minera agitur singulis diebus, bilis de tertio in tertium, melancholia de quarto in quartum.

Causa ergo rigoris secundum Galeni mentem est delatio humoris per membra qui in vnaquaque accessione consumitur, & de nouo aceruat alter in minera sequentem accessionem effecturus. In aliis tamen affectibus periodicis concedendum est, semper causam repetitionis non esse nouam congestionem humoris in minera, sed solam agitationem illius communicantem prauum vaporem

membris, ut fit in epilepsia, & suffocatione vteri, in quibus cum videamus accessiones, siue symptomata in die, creberrime, & aliquando centies repetere, credibile non est adeo frequentem repetitionem accessionum, oriri à noua congestionem humoris in quauis accessione multiplicata, sed concedendum est à vapore communicato scaturire. Sic igitur in suffocatione vteri agitato semine vapore suo inducit Aphnæam, Aphoniam, & corporis immobilitatem, & in epilepsia sæpe solus vapor eleuatur, fontem sensus, & motus valde lædens, totius corporis vehementem concussionem efficit. Nec similis causa reddi potest de concussionem totius apparente in rigore; sic enim omnis rigor annexum haberet capitis dolorem, quem non obseruamus.

Vltimò, videamus quanti momenti sint argumenta, quibus Galeni sententiam nititur euertere. Et licet in eo capite plura afferat quæ probant repetitionis febrium causam non esse illam vulgatam quam Medici imaginantur, de qua infra, sed conatum naturæ aggredientis expellere humorem per intervalla cæta, de qua re infra latè in *com. hist. 3.* tamen his quinque probare confendit causam rigoris non esse effusionem bilis extra vasa, sed vaporem eius motum ab innato calore.

Primò: Si motus humoris supra membra sentientia rigorem efficit, siue calidus, siue frigidus, cur à pituita non fit rigor notabilis? Dicit quia pituita etsi putris, & ob putredinem acris, non ita pungit, ac stimulat naturam, neque ob lentorem celeriter per membra sentientia mouetur, & sic non contigit rigorem.

Secundò: Si causa rigoris esset effusio bilis extra vasa, maxime funditur in sudore critico, vomitu, fluxu, ictericia, in quibus vel nunquam, vel rarissime accidit rigor, sed semper in initio accessionum maxime, quia bilis crassitie sua non ita penetrat membra, sed vapor eius innotus ab innato calore. Dicit: Non adest rigor in sudore critico, quia bilis, quæ à natura excernitur in biliosis febribus non est separata ab humiditate multa, cuius commercio retunditur. Deinde in sudore critico bilis est cocta, & edomita, magis crassa, & minus acris. In vomitu bilioso non accidit rigor, nam à pituitæ lentore, & mulcebris humiditate bilis acrimonia hebetatur, sicut nec in fluxu bilioso: quoniam intestina assueta bilem recipere, non patiuntur. Secundò, quia intestina hebetiori sensu prædita sunt, ne ex acrimonia bilis ad ipsa decumbentis in perpetuo dolore esset animal, quare interiorum tunicam, pingui, concretæque humore natura obliniunt, qui crassitie, & lentore suo bilis acrimoniam prohiberet, ut Galenus auctor est lib. 5. de *usu part. cap. 4.* In ictero flauo non visitur rigor: quia in hoc affectu bilis porositas partes occupat. Secundò, non putrescit; nam per corpus expansa transpirat, & ventilatur. Tertiò, non subito excernitur, & crassior est ea quæ in febribus redundat. Neque vrget instantia vltima, quia falsum est affirmare bilem in tertiana, v.g. exquisita esse crassam, cum tenuissima sit, & feruentissima, ut ait Gal. & ita sudore sæpe euanescit.

Tertiò. Si fluere in quauis accessione ad partem inflammatam bilis, cum inflammatio sit extra vasa, oportet ut rigerent ægri in quauis periodo ophthalmiæ, & pleuritidis? Dicit: in ophthalmia, & pleuritide non adest rigor, quia bilis ad partem determinatam, & in pauca copia detruditur, præsertim cum sanguine commixta, cuius humiditate hebetatur: Nam si in magna quantitate effundatur, aliquando pleuritici rigent, & phrenitici, in quibus affectibus sæpe circuitus tertianarij contingunt, ex Gal. 1. aph. 12.

Quartò: Apparet esse ex fuga bilis introrsum rigorem illi, quia illis alius soluitur, sicut & timentibus. Dicit: Alui fluxus in initio accessionum ex dicta causa non contingit, sequitur enim ex copia bilis, quam natura magno impetu, tam ad habitum corporis, quam ad intestina protrudit, quæ acrimonia sua irritat ad excrersionem: sicut sæpe confluit in ventriculum, vnde biliosus vomitus.

Quintò, Ad quancumque partem fluit humor, symptomata ad sunt manifesta recipientis membri, calor, tumor, & dolor, quæ non apparent in periodicis febribus. Dicit: In

In externis inflammationibus confluit humor ad partem determinatam, in qua circumscribitur, & conculcatus diffunditur, concitat dolorem, & prohibitus diffilari incalcescit, inflammatur partem, eamque in tumorem eleuat, in periodicis verò febribus hæc non apparent, quoniam humor per totum corporis habitum disseminatus solum rigorem facit, qui cum non sit vnitus, nec in aliqua certa parte retentus symptomata illa non excitat. Ergo solus vapor citra humorem rigoris causa esse non potest, ut perperam fuit opinatus Veiga, cuius rationes hæcenus intolutæ plurimis errandianam præbuerunt.

## HIST. XXIII. ORIBASII, De exacerbatione febris.

### Febris exacerbatio, balneis naturalibus curata.

**I**n exacerbationibus accuratè omnis hæc faciendæ est præparatio: Nam qui plurimas partes dolent, hi accedentes, citi introeant, si verò aliquas laborantes habeant, madescent, labore sedato eos deducemus, deinde cum rursus accessio redierit, ut in aquam descendant imperabimus, aquis viuentes non secus quam fomentis extrinsecus adhibitis. Noni ego quosdam quumper totum diem hoc curationis genere vterentur, mirum in modum adiutos fuisse: Nam exacerbatio quæ prius longa, & ad soluendum difficilis erat facta, cessauit, &c. Oribasius lib. 10. collectaneor. cap. 3. de aquis sponte nascentibus.

#### PARAPHRASIS.

**I**cet aquarum sponte nascentium multiplex sit differentia, natura, vis, atque potestas, ut monuere præsci, & inniores fatentur, ut Fallopius, Bacchius, Solenander, & alij qui de illorū efficacia, & admirandis viribus diligenter pertractarunt: Nam alia sunt nitrosa, sulphurea, bituminosa, calchantosa, aluminosa, &c. ferè tamè hæc omnia calida sunt, aperiunt, attenuant, resoluunt, digerunt crassos succos, eoque contumaces secant, & incidunt, quare mirum non est si febrium incrementum ex crudis, crassisque humoribus ortum, ipsæ aquæ balnei modo adhibita, vel prohibeant, aut saltem ex toto eradicient, & maxime si morbus sit in declinatione, quo tempore viles, & presentaneæ esse censentur, quoniam in retorridis, & biliosis febribus eas summopere vetat Gal. lib. 1. ad Glauc. cap. 9. de tertiana exquisita; quod plus calefaciendò noceant, quam vacuatione prosint. In quotidianæ autem, tertianæque nothæ curatione earum usus improbandus non est, si vires adsint; quandoquidem humentiori pituitæ, viscosisque humoribus exiccandis, & resoluendis præsidio sunt, ut lib. 1. cap. 52. Paulus edocuit, & in seipso, tertiana primò, deinde continua correpto thesmarum haustum felici euentu fuisse expertum narrat Symphorianus Campegius lib. 3. in Galeni campos, hist. 7.

Sed hoc videtur & rationi, & Galeni sententiæ repugnare: sunt enim omnibus febribus balnea calida incommoda. Deinde si hæc, ad resoluendum humores imperantur, cur sunt admittenda in febribus, in quibus liberæ, & patentes vias esse oportet, si nimio calore absumpta humiditate tenues meatus constringunt, & densant? Dic: febribus quatenus febris est calida præsidia tenuit, & frigida postulat, at cum eius causæ vtpotè pituitæ consilere yolimus, opposita nobis indicationes sese offerunt, quare si causa est remouenda, tunc interdicens frigoris, nam humorem magis arctant, & impingunt, offerenda calorifica, & aliis resoluentibus; immò & balneis naturalibus utemur, quæ licet primo occurssu aliquantulum corrugatione facta densent, deinde calore suo actuali aperiunt, relaxant, & dilarant, maxime si aqua balnei temperata sit, quæ emollit, & humectat, & quidquid fuliginosum, vel humidum est in visceribus non solum euacuat, sed humores qui circa cutem sunt expurgat, ut scitè notauit Galenus lib. 10.

Lib. IV.

A meth. cap. 10. & 11. eiusdem cap. 20. & 3. lib. acut. per multas sententias, & alibi passim.

## QUESTIO XXV.

Virum in putridis febribus balneum possit esse ex usu.

### COMMENTARIUM.

**V**t in aquâ descendant imperabimus. [Miratus sum aliquando, nec prius desij animo fluctuare quàm Galenæ sacraria hinc inde adortus essem, quo pacto tantus auctor tam varia de balneorum administratione pro curatione febriū putridarū promeret in lucem: nam in aliis febribus nempe diaria, id concedit 8. meth. c. 3. in princip. & 7. aph. 42. & in hectica vbique passim ministrat 7. meth. 6. & 10. eiusd. c. 10. & 11. Immo in putrida posito exemplo in multis ægris celebrandū imperat lib. 1. meth. 9. & 20. quoniam illud remedium in putridis febribus saluberrimum est quod febrilem calorem exstinguit, & causam eius resoluit, & attemperat, vniuersum corpus refrigerat, calidam intemperiem sanat, fuliginosa excrementa, tum fumida educit. At vacuatio excrementorum omni febri putridæ utilis est, sicut exiguorum meatuum rarefactio, & eorum quæ in corpore sunt liquatio, quæ omnia à balneo præstari nullus ignorat, & exemplo firmat Gal. 16. meth. 3. ergo, &c.

Opposita sententia plurimos habet patronos, quorum primus est, Gal. qui illi fauere videtur, qui 1. 10. meth. c. 10. balnea in febre hectica consuluit, modo cū putrida febre non complicetur, quoniam si actu calida sunt, febrem, & calorem intendunt, viscera magis inflammant, si frigida, amplius obstruunt. Hoc pacto Trall. lib. 5. cap. 22. solum in hectica febri balnea conferre asseuerat, quemadmodum è diuerso eos, qui ad cōmixtos, & putridos humores putridam febrem patiuntur non modò non iuuant, sed vehementer lædunt. Hoc pacto Auic. 2. 1. nocumenta balnei sic colligit, facit, inquit, superfluitates ad membra in quibus est debilitas leuiter descendere, & laxat corpus, & impedit nervos, & resoluit calorem innatum, & comedendi desiderium deicit, & cōeundi debilitat virtutem, facit syncopen, nauseam, humores quætos mouet, eos præparat ad putrefactionem, & 1. 4. c. de cura tertiana notha, in ea prohibet balneum, quia facit descendere phlegma indigestum, & permiscet humore malū cum putrido, resoluit subtile, & facit remanere crassum, & Rasis in diuisionib. c. de tertiana, præcipit ut in eius curatione à balneo Medicus prorsus abstineat.

Pro solutione huius quæstionis dic: balneum in febribus putridis vrile esse, positis tamen conditionibus requisitis, & pro balneo iutelligendum est quod ex aqua potabili paratur, ex Gal. lib. 7. sec. loc. cap. 1. aqua autem debet esse fontana, aut fluuiatilis, aut pluuiialis, & hoc balneum Auctore Galenò 3. de sanit. 8. aut est calidum, ita scilicet ut ferueat vi ignis, aut est actu frigidum, aut est tepidum, quod caliditatem habet temperatam, quæ à manu, & à corpore sine molestia percipi potest, ex Gal. lib. 3. de officio Medici, text. 15.

Deinde balnei aquæ dulcis frequens erat tempore Galenæ usus, & non solum pro deliciis, & conseruatione valetudinis, sed etiam pro curatione morborum eo utebantur præsci, & sic pro his balneis sumptuosa ædificia erant fabricata, & in omni palæstra, & domibus particularibus magnificè erant instructa. Balneorum quatuor assignantur partes, siue domus à Gal. 10. meth. cap. 10. & hæ præter abditum quod erat locus in quo denudabantur, prima pars erat calidarium, seu sudatorium, quod veteres hypocaustum, seu laconicum vocabant, constabatque aëre calido. Secunda dicebatur tepidarium, in quo erat piscina, siue vas quoddam magnum aqua tepida plenum. Tertia dicebatur frigidarium in quo erat vas aquæ frigida, Quarta dicebatur vinctuarium in quo vnebantur.

Tempore Hip. non erat ita frequens balneorum usus, ut ex eo colligitur 3. acut. 44. & à Galeno 1. de officio Medici com. 6. nec enim idonei aderant ministri, nec idonea loca, nec vasa necessaria, & sic antiquis non erat balneum in frequenti usu, ut docet Gal. 2. de sympt. caus. 6. 5. post med.



quando autem non bene parantur, prodesse non possunt, A immo qui lauantur, non mediocrem noxam incurrunt, vt inquit Hip. 3. *acut. cir.*

Balneum ergo aquæ temperatæ, vel tepidæ in omni specie febris prodesse potest, & sic in curatione febris diariæ, vel hecticæ est vtilissimum. In febre putrida, summo per se iuuat adhibitis conditionibus multis, quarum prima est, vt febris sit mediocris, & in declinatione secunda, quod corpus sit vacuatum, & signa coctionis appareant. Tertia est, vt administretur citra horrorem: Nam horror qui tunc accidit, humorum multitudinem significat, & febrem auget, vel si non adest, eam de nouo generat. Quarta, quod imbecillitas alicuius visceris non adsit: nam imbecilles partes, humores vi balnei liquatos promptè recipiunt, quando ramen est imbecillitas alicuius partitis ignobilis, tunc amplius nocere solet; ex Gal. 11. *meth.* 20. & constat in iis qui podagræ, & arthritidi sunt obnoxij, quoniam tunc tota salutis spes est si humores noxij à partibus nobilibus ad ignobiles transferantur. Vltima conditio est, quod in prima regione humorum crudorum copia non adsit, quoniam balnei vi per corpus distribuuntur, in quorum præsentia non solum balnea, sed frictiones, & exercitia reprobant Galenus lib. 4. *de sanit. tuend.* cap. 5. quando videlicet humores crudi in prima corporis regione abundant. Quare balneum in febrium putridarum declinatione, cum signis coctionis, est celebrandum, præsertim si viscera sint robusta, & in prima regione crudi succi non exuperent.

Aduersus hæc nonnulla obstat videntur, primo; æstuantibus quibusdam febribus balneum summè auxiliatur, vt ex Hip. mente docet Gal. 3. *acut.* 58. non oportet ergo quod febris mitis sit, vt balneum conueniat. Secundo. Balneum remedium euacuatorium est, & inter vniuersales vacuationes numeratur à Galen. 4. *meth.* 6. & 2. *Aph. com.* 17. & 4. *aph.* 2. & plethoratum sanguinis missionem, tum balneo curatur ex Gal. 13. *meth. cap.* 6. Igitur in febribus putridis non oportet quod corpus sit euacuatum, ipso enim euacuabitur. Tertiò ante sanguinis missionem, & purgationem Hipp. & Galenus 6. *epid. sect.* 5. *text.* 29. iubent vt balneo vt fluxiles humores reddantur, & ad euacuationem paratiores. Quarto. 1. ad *Glauc. cap.* 9. & 3. *acut. com. ult.* Galenus in febre ardenti, & in tertiana exquisita ante signa coctionis balneum concedit. Vltimò si balneum non conueniret in febribus putridis, quando alicuius visceris imbecillitas adest, minimè esset vtilis, quando pars aliqua interna esset inflammata, quo nomine Galenus 10. *meth.* 10. firmat, quod quando adest phlegmone, aut affectio aliqua phlegmoni similis, nocet balneum, quia inflammationem auget, humores enim vi balnei liquati in affectam partem promptissimè conflunt. Ob eandem etiã causam lib. *de marasmo, cap.* 8. in hectica in qua erysipelatodes, affectio adest à balneo prorsus abstinendum censet. Similiter Auic. 3. 1. *doct.* 2. *cap.* 5. *ante finem*, dicebat, quod ille qui febrem habet & solutionem continuitatis patitur, aut apostema, à balneo se custodire debet. Hip. tamen contrarium docet 3. *acut.* 58. vbi in pleuritide, & peripneumonia dicit magis prodesse balneum quàm in febre ardente, sed in febre ardente prodest, ergo etiã in internis inflammationibus.

Antequam has obiectiones extricare coneris, aduerte quod balneum aquæ temperatæ per se humectat, & actu calefacit, licet potentia in frigidet, ex Galen. lib. 1. ad *Glauc.* cap. 9. emollit, & laxat cutem, detergit sordes, aperit meatus, corroborat, concoquit, ad partes extimas conuocat calorem, superflua euacuat, ex Galen. 3. *de sanit. cap.* 4. & 10. *meth. cap.* 10. *ante med.* & inter vniuersales vacuationes reponitur à Gal. *loc. cir.* explicat inter omnes Fernell. lib. 2. *de ven. sect. cap.* 20.

Neque infes cum Galen. 3. *aph.* 15. dicente vacuationem quæ sit per balneas, paruum esse, & ferè solum cutem euacuare, & non superfuitates quæ sunt per carnes, & partes solidiores disperis: nam intelligendus est de balneo in quo homines immorantur breuiter: quando enim longiori tempore in eo versantur, non tantum cutem euacuat, sed etiã partes solidas visce-

ra, & venas, præsertim si sulphurea sint, aut bituminosa.

Quum balneum per poros caris, & vias angustas euacuet, si humor multus sit, aut crudus, aut crassius, & lentus, periculum est quod non commodè vacuetur, immò obstruantur pori, & sic dicebat Galenus lib. 13. *meth.* 6. quod si plurima sit succorum abundantia, nec balneo, nec excitatione vtendum est sine periculo, si verò exigua sit, per hæc vacuare licet: quare quando adest cacochymia, vel plenitudo quoad vala, vel quoad vires, balneum est inimicissimum, ex Gal. 10. *meth.* 10. *ante med.* & 7. *Aph. com.* 46. confirmat, quod plethorica dispositio balneum non admittit, vel sine magna noxa, vinum, si enim prius non euacuas, humores liquescunt, & fluxiones pariunt, quia agitantur, & putrescunt, 3. *acut. com. ult.*

Quæ verò opposita sunt, nihil vrgent. Dic ad primum balneum esse vtile in æstuosis febribus in declinatione, quando iam mites sunt, neque Galenus 10. *meth.* 10. per mititatem febris ad balneum requisitam, intelligit quod febris ex natura sua mitem habeat calorem, sed quod sit iam in tempore in quo calor sit mitis, & remissus, nimirum in declinatione. Ad secundum dic: balneum esse quidein remedium vacuatorium, verum corpore toto ante vacuato adhibendum, vacuatoriam habere facultatem, ex Gal. 3. *acut. ult.* & si eger febricitet, non licet abundantiam tollere excitatione, frictione, nec balneo, ex ipso 13. *meth. cap.* 6.

Ad tertium dic: quod quando sanguis, & reliqui humores crassi sunt, & visceri, & plenitudo est exigua, balneum in quo æger breui tempore immoretur, ante sanguinis missionem, & purgationem potest esse vtile, & hoc conceditur ab Auic. 1. 4. *tract.* 2. *cap.* 63. omni die, morbo etiam existente crudo: Nam balneum remedium concoctorium est, ex Gal. *epid. sect.* 2. *com.* 44. & sic potest esse præsidium ante purgationem, quæ optimè confert, si corpus prius fluidum fiat, ex Hippocr. 2. *aph.* 9. hoc est, vt explicat Gal. in *com.* si omnes meatus referentur, & humores crassi extenuentur, quod opus balneo fieri posse, patet, quoniam eius ope humores sine agitatione liquantur, & euacuantur. In hunc sensum intelligendus est Auic. 4. 1. *cap.* 10. non longè ab initio. 5. Si verò mali humores crassi fuerint, antiqui præceperunt, vt æger balnearetur, & in suis ministeriis moneatur. Deinde non solum in dictis exemplis balneum est vtile ante euacuationem, sed etiam in incipiente melancholia: quoniam huiusmodi morbum hoc auxilio se curasse refert Gal. 3. *de loc. cap.* 7. *post med.* 5. *Interim monendi sunt mihi amici mei, & c.* quod de melancholia, in qua melancholicus humor cerebrum occupat, intelligendum est, iuxta mentem Pauli lib. 3. *cap.* 14. & Aëtij *retrab.* 2. *serm.* 2. *cap.* 10.

Ad quartum dic: quod in febribus biliosis quando humor non peccat putredine, crassitie, aut lentore, sed sola effervescentia ante coctionis signa balneum prodesse potest, non propter vacuationem, sed solum ad bilis actionem temperandam, eiusque ebullitionem compescendam: post signa tamen coctionis in his febribus salutare est valde: nec enim tantum narratas vtilitates præstat, sed bilem etiam euacuat, quæ ob sui tenuitatem per cutem facile potest vacuari: contra tamen se habent humor pituitosus, & melancholicus 3. *acut. com. ult.* quapropter in febribus melancholicis, & pituitosis balneum solummodò confert, vt recrementa fuliginosa transpirent, non verò vt humor vacuetur.

Ad vltimum dic: quod in inflammationibus, præsertim thoracis, balneum vtile est, quoniam sedat dolorem, coctionem adiuuat, sputum promouet, sed illud in principio, quando humores fluunt, adhibendum non est, quoniam tunc corpus est plenum, quare post vacuationem, cessante fluxione & quando humor coepit concoqui,

consulendum ex Galen. 3. *acut.* 61. Videndi

Conciliator de hac re differens. 173.

in fin. Donatus Santorus  
lib. 7. epist. 1.



## HIST. XXIV. TRALLIANI,

## De febris ardenti.

Febris ardentis accessio, succo peponum curata.

**E**go sanè noui me frequenter agros ne amplius accessione febris infestarentur, impeditisse, quum pepones probe refrigeratos una hora ante accessiorem morbi affumere iussissem, & rursus aquam temperatam copiosam, quàm iam peponi superbibero percepissem. Sequutus est itaque non multo post aquam epotam; aliquibus sanè sudor, aliis copiosa bilis per aluum. Trallianus lib. 1. cap. 62.

P A R A P H R A S I S

**N**ullus est auctor in cuius scriptis maiorem debeant impendere Medici curam ad mentem eius percipiendam, quàm in Tralliano. Licet enim inter Principes primatum obtineat, tamen in porrigendo victu egrotantibus liberalis est, & licentiosus nimis: etsi enim a laborantibus gratia sint concedenda, ut monuit Hip. lib. 6. epid. sect. 4. text. 8. tamen non ita larga manu propinanda sunt alimenta reprobata, quoniam in variis suar doctrinæ locis offert egrotantibus, chronicis, & acutis morbis detentis, ostrea, cocleas, bulbos, pedes bubulos, suillos, uvas dulces, persica cocta, & cruda, pomaceos fructus, & reliqua edulia, quæ negotium ventriculo, vel etiam robusto facessere solent, quum crassi sint succi, tardè distribuuntur, contumpanitur facile, & noxas pariant inemendabiles, viscerum obstructions, omnis generis febres, ex quarum sententia plures occumbunt.

A fructibus ergo, & prani succi alimentis interdicendi sunt ægri, nam ratione alimenti febricitantibus nocent manifestè, quoniam ob ebullitionem facile inflammantur, & eorum succus cum aqueus sit à partibus non retinetur, & sic derelictus à regimine naturæ putrescit; & febres accendit, præsertim in ventriculo; qui in febricitantibus solet esse impurus. Gratia tamen medicamento aliquando prodesse solent: acidi enim fructus non ita prohibentur, nam præter succum ebullitioni ineptum, qualitatem quandam medicamentosam sortiuntur, cuius ratione refrigerant, calori febrili resistunt, & interuentu aciditatis humores incidunt. Deinde oportet habere rationem consuetudinis, sunt enim plurimi, qui audito nomine prissanæ, statim nausea, & vomituprehenduntur, in quibus, etiamsi exquisita tertiana laborent, concedit Gal. 1. ad Glauc. cap. prop. cerebrum suillum, & 1. acut. 17. in pleuritide, pisces saxatiles, si prissanam fastidiuerint. Quæ etiam ratione fructus febricitantibus offerri possunt: excitandæ appetentiæ gratia, & in illis qui eis delectantur valdè, iuxta senis oraculum, 2. aph. 38. tunc enim minus nocere solent; quorum iucunditate recreata natura, eos amplectens, & concoquens, superfluum humorem præparat, & per varias regiones excernit cum animantis commodo, & licet Auic. 1. 4. tract. 1. c. 7. in princip. 5. Et omnes fructus nocent febricitantibus cum ebullitione sua, & corruptione sua in stomacho, &c. fructus reprobet, tamen iucunditatis causa concedi possunt.

Ex his constat quæ ratione fructus hic qui à Græcis Pepo, ab Arabibus Melon Indus, à Recentioribus Anguria appellatur, ante accessiorem ob latus, eam possit impedire. Nam frigiditate sua bilem ad os ventriculi confluentem contemperat, & copiosa aqua superbibita tepida, cogitur natura vel per vomitum, aluum, vel sudorem excernere. Si enim crassa est, grauitate sua deorsum ruens per fedem expellitur, si tenuis, per vomitum, si tenuissima per sudorem detruhi solet.

Hoc præceptum desumpsit ex Auicenna, Trallianus: ille enim cit. loco, dum sic ait. Et fortasse contrariū est illud quod conuenit febre de infriagatione cum eis quæ sunt si. ut. b. tech. Indi, (hoc est melones Indi) & reliqua cetera, si quod

Lib. IV.

**A** conuenit materiei de minoratione, &c. quasi dicat quod licet fructus noceant frigiditate sua, quia humoris resolutionem impediunt, eumque excretioni contumacem reddunt, tamen ratione febris viles sunt, refrigerant enim, & humectant. Quare in febribus humoris expertibus, ut acria, & hectica vtiliter conceduntur, vel in febribus acutis, & putridis, quæ à sanguinis feruore, vel bilis acrimonia scaturiunt, quoniam humectant, ducunt trinitatem, molliunt aluum, quare sub canis æstu non possumus maius commodum habere, quàm ab hoc pomo, ut notauit doctissimus Iacchinus in modo curand. febrium, cap. 33.

Hoc modo præbet Auic. loc. cit. hebdomadam, hoc est post coctionem fructuum post febris feruorem ante coctionem sit exhibenda (licet ob autem aqua fructuum variè paretur ab auctoribus, amnis Meluon in antidotario distinet. 7. sit. de aqua fructuum, qui eam conficiendam docet ex decocto rerum infrigidantium, & lenientium, ut prunor. iuiubar. violar. tamarindor. gum manna, & cassia, quæ aqua bilis caliditatem refundit, & clementer educit, & apud alios conficiatur ex succis acidis, ut granatorum, citri, limonum, & similibus, cuius meminit Auic. 1. 4. tract. 1. cap. 32. tamen aqua fructuum illa, propriè dicitur quæ fit ex decoctione, vel expressione, vel ex distillatione rerum frigidarum, ut cucumeris, cucubita, melonum, & peponis, hæc enim aqua humorum acrimoniam infrenat, caliditatem attemperat, & eorum furibundos motus coarctat. Si de peponis natura, & viribus plura legere affectas, ea adamussim exarata inuenies lib. 1. in com. hist. 28. & de eorum natura luculenter egere Hieronymus Rubeus proprio tract. de melonibus, & Sebastianus Iozzius citatus ab Alzario à Cruce centur. 2. quæstionum, fol. 122. Consule de eodem argumento Baccium Baldinium prop. tract. de cucumerib. & peponibus.

## HISTOR. XXV. GALENI,

## De tertiana.

Annua tertiana, sola præcautionis purgatione, sanata.

**Q**uidam æstiuo tempore semper tertiana corripitur solitus, iam annos multos febrem non est expertus, bile pallida per nos sub veris finem præpurgetur, tunc enim tales vacuare multo præstat, &c. Galenus lib. 6. aph. 47.

## P A R A P H R A S I S.

**T**ertianam exquisitam ab humore bilioso generari per partes sentientes extra vasa delato Medicorum schola vnanimiter firmat, probat Galenus variis in locis, præsertim lib. 2. prorrh. com. 7. & lib. de tremor. cap. 7. Hoc ita esse signa satis testantur, proposita à Galeno 2. cris. 3. & 1. ad Glauc. cap. 5. & 2. de diff. feb. cap. 3. validus rigor ab acri, biliosoque humore concitatus, vomitus biliosus, urina ignea, sitis intensa, diæctio biliosa, sudor copiosus, calor exurens, vigilia, quæ omnia à tenuissimo, & calidissimo humore euenire certum est.

Quum in magna copia bilis acernatur in corpore, tertiana exquisita fit, si eam extra venas emittrat natura, si verò intra venas stabuletur, causus concitatur: quoniam, ut inquit Galenus lib. 4. aph. 59. tertiana febris ab ea qua ardens nominatur, humore faciente non differt, utraque enim à bile flaua fit. Differunt autem, quoniam febris ardens habet in venis una cum sanguine flauam bilem plurimam ebullientem tertiana verò eandem naturam habet in toto corpore, euntem, ac moram, &c.

Quando hominis intemperamentum, & ætas ad generandam bilem inclinant, sitque natura squalida, sicca, exusta, biliosa, acceduntque cura, vigiliæ, inediæ, mœrores, exercitia, tunc corpus ut tempore æstiuo incidat in

N N a 3

tertia

tertianam, est paratū, id significauit Gal. 4. *Apb. com. super A* do ceat cit. loco in curatione quartanæ, dum inquit, *venam* verò secare op. oportet vel interiore, vel mediā sinistri cubiti: & in curatione tertianæ nothæ ait. *Quod si sanguis mittere oporteat, nec hoc quòque omittendū, sed ab initio statim adhibere eorum, etum quas scis distinctione, tantum mittendū, quantum præsens exigat statū.* Quare in morbis biliosis sanguinis missio se probanda est. Galeni doctrinam amplectuntur Paulus lib. 2. cap. 2. 1. Aëtius *teirab. 2. serm. 1. c. 8. o.* Trallianus lib. 12. cap. 6. Haliab. 3. *pract. cap. 12.* Ishaac 3. *pract. cap. 3. 1.* Auenhoës. 3. *collig. c. 11.* Rastius lib. 17. *continent. cap. 3.* Serapio *tract. 3. cap. 13.*

Ergo si corpus simile, et tertiana singulis annis recur- gignenda accommo- rbi generentur, vt causus, pleuritidis, rat, aut alij bili- ceteri qui biliosi humoris germina esse ce- phrenitico esse hanc mala applicitis remediis anteuert- te, quoniam, vt belle monebat Galenus lib. 2. de natu- ralis facult. c. 8. longè satius est, prohibere ab initio ne multa- gignatur, quam sollicitos, & occupatos esse de vacuanda bile. Quapropter sub finem veris, quando hic humor aduen- tante ætate incipit ebullire, illum redundantem in cor- pore, educere oportet, nam hoc tempus huic vacuationi est utile valde, prout ex Galeni mente probauimus lib. 3. in com. hist. olt.

In hunc vsum corpus, intus adhibitis, & extra apposi- tis frigidis, & humidis auxiliis preferuabis, & medicame- tum quod pallidam bilem euacuet, exhibebis. Ita monuit Gal. 1. 3. meth. c. 6. §. *Vbi enim æquabiliter inter se succi sunt aduanti, id est Plethos, & Plethoræ Græci vocat, nos plenitudinem, & succorum redundantiam dixerimus. Vbi enim vel flaua bile, vel nigra vel pituita, vel serosis humoribus refer- tum corpus iam fuerit, eum habitum cacochymiam (quasi succorum vitium dicat) non plethoram nominant. Ergo plethora tum sanguinis missione curatur, tum frequenti balneo, tum exercitatione, tum frictione, præterea digerentibus me- dicamentis, & præter hac omnia inedia, succorū autē vitium, purgatione, quæ cuique superanti succo sit accommodata, corrigitur, &c.* Quare cum biliosus humor in corpore red- undat, turissima est purgatio. Vtrum autem in tertiana exquisita mittendus sit sanguis, & quò tempore sit cele- branda, in commentario differemus.

## Q V Æ S T I O XXVI.

*Vtrum in tertiana exquisita, ante tres accessiones ve- na sit secanda, ut contra mentem Galeni, & Auicennæ, opinantur Fernellius, Vidus Vi- dius, Hollerius, Paschalius Eustachius, Brauus, & Alij Medici præ- stantissimi.*

## COMMENTARIUM.

**V**acuare multo præstat. Difficilem provinciam aggre- dior, quam vt ingrediar, semita per umbrā, vix agnos- co, ea tamen licet cum periculo retanda, nam & in arduis sat est voluntas sola. Conabor tamen in hac de sanguinis missione in curatione tertianæ questione vtili fallaces opiniones refellere, quibus intricari plures itque haud vulgates Medici sanguinem non esse mittendum in ea asseuerant.

Fernellius in *methodo generali curandi febres, c. 11.* Vidus Vidius lib. 5. de feb. c. 4. Hollerius lib. 2. de morb. internis c. de tertiana exquisita, Paschalius eodem cap. in ea sangui- nem non esse mittendum contendunt his fortè rationi- bus nixi. Primò quoniam illa oritur ex simplici biliosa cacochymia, nempe ex bilioso humore putrescente per membra sentientia delato quod vitium purgatione remo- uetur. Secundò Galenus 2. ad Glaucon. 2. in erysipellate, & herpete sanguinis missionem non esse necessariam asse- ruit, sed loco illius purgationem vt salubriorem iudica- uit. Hoc modo in herpete medicamento purgante vltus est 1. 4. meth. cap. 3. Tertio, quod Galenus cit. lib. ad Glau- con. ex professo de illius curatione discopans, venæ sectio- nem silentio prætermisit, quum tamen eam exercendam

do ceat cit. loco in curatione quartanæ, dum inquit, *venam* verò secare op. oportet vel interiore, vel mediā sinistri cubiti: & in curatione tertianæ nothæ ait. *Quod si sanguis mittere oporteat, nec hoc quòque omittendū, sed ab initio statim adhibere eorum, etum quas scis distinctione, tantum mittendū, quantum præsens exigat statū.* Quare in morbis biliosis sanguinis missio se probanda est. Galeni doctrinam amplectuntur Paulus lib. 2. cap. 2. 1. Aëtius *teirab. 2. serm. 1. c. 8. o.* Trallianus lib. 12. cap. 6. Haliab. 3. *pract. cap. 12.* Ishaac 3. *pract. cap. 3. 1.* Auenhoës. 3. *collig. c. 11.* Rastius lib. 17. *continent. cap. 3.* Serapio *tract. 3. cap. 13.*

Secundā tamen esse venam in tertiana pura, iuxta do- ctrinam Galeni multæ suadent validæ rationes, quas ex Actuario depromptas lib. 3. *sua methodi, cap. 19.* recitare non erit abs re. Prima, quia cum sanguis post spiritum pri- mum feruorem excipiat, & totum corpus afficiat, si eius quidpiam effluerit, multum caloris vnā detrahet. Secun- da, quod quanquam à flaua bile febris oriatur, attamen, sanguis propriè succenditur, eique materiā subministrat. Tertia, quoniam cum per vniuersum permeet corpus, vni- uersum quoque calcfacit, quare si quid eius euacuetur, multa quoque febris portio vnā dissolabitur. Nam si ex la- tentibus, & materiæ expertibus perspirationibus febrien- tes opem sentire, est persuasum, febremque, adstricta, & densata cutē, vehementius accendi constat: an non que- so multo melius ægri degent, si humoris qui eam in vni- uersum corpus defert, lenis fiat euacuatione? Quapropter si vires valeant, permittat ætas, adsit plenitudo, vel hæc cacochymia biliosa sit adiuncta, tunc secunda vena, sin- perperam, immò purgatio imperanda. Deinde plenitudo sola demitur sanguinis missione, febris verò eam expo- stulat, quia hæc calidam substantiam educit, & refrigerat, ex Galen. 10. meth. 10. & sanguinis inflammationem, ac feruorem compescit, & bilem ipsam cum calido sangui- ne permixtam detrahit, & hunc ebullientem iam, & citis- sime conuertendum in bilem promptissime detrahit, ven- tilat, iecur, reuellit à corde, & eius ope viscera detracta copia transpirant, maximeque hoc generosum præsidium in hac febre exequendum, si robur multo plus quam cō- ueniat naturæ adsit, & maior quam pro consuetudine ro- tius corporis tumor, & venæ appareant eminentes, & late, leuata namque eo tempore natura, exonerataque eo, quò, veluti sarcinā premebatur, haud ægri quod reliquum est vincet. Hanc sententiam defendunt in- ter omnes Ludouicus Mercatus lib. 6. de febrib. tit. de tertiana exquisita. Mercurialis lib. 5. *praxis, cap. 9.* & alij viri peritissimi.

Quare argumenta supra allata quæ nostram positi- onem labefactare conabantur, ita sunt reiicienda: Nam in tertiana si plenitudo adest, huius habita ratione ve- nam secamus, qua non præsentē eam celebramus, non ad euacuandum, sed ad repellendum, refrigerandum, & ventilandum. Deinde bilis non ita exacta, & imper- mixta redundat in corpore, vt sanguinis missionem im- pediat.

Quid verò sit respondendum ad Galenum, qui profusus contrariam videtur profert assertionem, sunt qui hoc modo hanc licem dissoluant, asserunt enim iccirco sangui- nem non emisisse Galenum, quoniam tertiana exquisita non est morbus magnus, ita soluit Trincauellius lib. 1. ad Glaucon. c. de tertiana exquisita, inepta solutio, quoniam quæ- libet putrida febris est morbus magnus, qua ratione in omni putrida febre sanguinem esse emittendum docuit Galenus lib. 1. 1. meth. cap. 15.

Donatus Antonius 3. *part. de feb. c. 3. in fin.* ex eo firmat Galenum non fuisse recordatum venæ sectionis, quia ter- tiana exquisita est sine periculo, & citò iudicatur, nō acce- dat error Medici, aut ægri, & ideo non errabit Medicus, inquit ipse, si in ea sanguinem non emittat. Quæ opinio falsa est, & superiori ratione improbat, quoniam putrida febris periculo non caret. Hoc modo ipse 8. meth. 4. in diaria, quæ biliosa febri mitior est, sanguinem vacuan- dum imperat, ne in aliam deteriore speciem febris transmutetur. Lege Alzarium à Cruce *centur. 4. quæstor. per epistolam fol. 357.*

Alij ex eo non misisse sanguinem assueverant, quia in tertiana exquisita non reperitur plenitudo, quorum sententia etsi probabilis sit, defendi non potest: quia non emittere sanguinem in ea, Galeni, Avicennæ, summorumque Medicorum placitis maxime repugnat, maxime cum ob alias indicationes venæ sectio sit celebranda.

Eustachius Rudius doctissimus lib. 3. de feb. cap. 28. existimat prætermisam fuisse à Galeno venæ sectionem, quia loquitur de exquisitissima tertiana, in qua ætas, regio, temperamentum, anni tempus, victus ratio, & alia omnia ad calidum, & siccum vergunt, nam tunc vires non possunt esse valentes, iuxta Galeni mentem, 10. meth. cap. 5. quoniam si hæc omnia consentiant, omnino à sanguinis missione abstinendum est, ut monuit Gal. lib. 1. ad Glaucon. c. 14. Quæ sententia vniuersim prolata, Galeno, & Avicennæ aduersatur, quoniam in exquisitissima tertiana sanguis etsi parce mittendus sit, moderata tamen venæ sectio iuuat, & nocere nequit.

Solue primo. Galenus venæ sectionem omisit, quia eam tanquam claram præsupposuit ex præcepto generali, & ea quæ parent, repetenda non sunt, ex Galen. lib. 2. de diff. respirat. cap. 7. Sed obscura, ex ipso, lib. 10. meth. cap. 5. 5. Nam quæ maxime sunt ad curationem necessaria, eademque maxime ignorata, nec Hippocrates ipse identidem repetere grauatur, &c.

Solue secundo. Argumentum ab auctoritate negatiua nihil probat, quare licet eo loco Galenus venæ sectionis non recordetur, non ideo sequitur sanguinem in ea non esse emittendum, quum huius sanguinis missionis exercendæ in qualibet febre putrida recordetur, 11. meth. cit. Nec obstat quod hoc præsidium proponat cap. 10. sequenti de tertiana notha: Nam in hac, venæ sectio magis dubia est, quoniam in ea tantus feruor internus non adest, plurimæque pituitosi, crudique humoris copia redundat, quæ hoc auxilium remoratur, ex Gal. lib. de curand. rat. per sang. mis. cap. 10.

Solue tertio cum Iacchino tract. de febrib. c. 33. de curatione tertianæ exquisitæ, Galenum venæ sectionem omisisse, quia ibi non sunt omnia remedia exarata, quoniam librum hunc dicauit viro illi Glauconi, & non tradidit in vulgus. Sæpe enim cogimur hæc de causâ plurima ex aliis eius operibus emendicare: occupatissimus enim vir in faciendâ Romæ medicina non potuit vsquam argumentum semel assumptum ad exitum perducere, & omnibus suis numeris absolueret, quapropter necesse est minus elaborata, ex alio eiusdem auctoris elaboratiore loco supplere, ut conueniat secum Galenus, & singularium rerum doctrinâ, quæ per diuersos locos dispersa mutila erat, in vnum locum congesta, perfecta sit, & absoluta, ut in præfatione in art. medic. Gal. non inscite promittit Thomas à Veiga.

Solue quarto. Galenus vt lib. ad Glaucon. tantum verba facit de causâ coniuncta tertianæ exquisitæ, cuius ratione venæ sectio faciendâ non est, nam eam esse vacuandam monet per vomitum, alui fluxum, sudorem: Ratione verò causæ antecedentis, venæ sectionem celebrare conuenit, si cætera quæ retulimus consentiant. Si verò in prima corporis regione cacochymia biliosa reperiatur, in primis venis, iuxta vias, & canales communes, quod ex vomitu, & alui fluxu bilioso, mordicatione ventriculi, & intestinorum, oris amaritudine coniicies, maxime si præcessit corruptela nidorosa ex vsu succorum prauis succi pronata: tunc enim medicamentum purgans ante sanguinis missionem concedendum, & hoc transacta prima accessione, etsi plenitudo sanguinis reperiatur, est exequendum, aliter si feceris, ægrum ad cholicorum ebullitionem deduces, quod summè timer Avic. 4. 1. cap. 20. attrahitur enim ad venas: inanitas humor biliosus à prima corporis regione qui in sanguine parit ebullitionem & hac ratione sæpe ex simplici tertiana sit duplex, vel cõtina, quod ita esse præterquam quod ratio dicat, experimento fidissimo cognoui, maxime si adsit æstiuum tempus, in quo hic humor abundat, & inolefcit. Et hæc solutio est porior quàm interpretum ibi, quæ etiam summo perè pleniè excellentissimo Doctore Rumsio, fere-

nissimi Principis Auracii archiatro, viro omnium disciplinarum cognitione prædito, & ob acutissimum ingenium, felicissimam curandi methodum, Medicorum totius Belgij decori, & ornamento, qui in quadam transmissa epistola, eandem explanationem satis confititur.

Num autem secundum Avic. mentem in tertiana exquisita ante tres accessiones, an post eas venæ sectio sit celebranda, non continentur auctores, qui in variis dispersi sunt classes, quidam Avicennam, 1. 4. tract. 2. cap. 39. interpretantur sic dicentem, & quando est possibile ut non phlebotomes vsque ad tres periodos fac, putantque ante tres periodos venam non esse secandam. Hanc opinionem tueretur Eustachius Rudius loc. cit. Gordonius part. 1. de feb. cap. 4. Vallescus Tarantinas cap. de tertiana exquisita.

Augustin. Valsquius in suis questionib. cit. de febre tertiana, Ioan. Brauus lib. 2. de curand. rat. cap. 2. expectant enim ut cum sanguine bilis permisceatur, & in prioribus accessionebus per vomitum vacuetur: si enim initio vena secetur, timor est ne cacochymia biliosa ex prima regione ad venas attrahatur, & sic ex simplici tertiana duplex efficiatur. Hoc modo Nicolus ferm. 2. tract. 2. sum. 4. distinet. 3. 1. 6. vt damna anteuertat ex venæ sectione in principio celebrata, legit hoc modo Avic. contextum, dicens, quod ubi habet litera, vt phlebotomes vsque ad tres periodos, debet legi, vt euacues materiam peccantem minoratiue vel leuitiue, quasi velit quod in principio debemus ventrem lenire, humorem minorando superabundantem, & non phlebotomare.

Contrariam lectionem vt veriore amplector, & probō, & quando possibile est, vt phlebotomes, vsque ad tres periodos, fac, eam defendunt Gentilis, & Iacobus de partib. in com. Avic. quem variè interpretantur Harculanus. 1. 4. tract. 2. cap. 3. & 39. Trincauel. lib. 1. ad Glaucon. c. 9. Mercatus, & Donatus loc. cit. Pifo tract. de feb. cap. 8. Dionysius Fontanonus lib. 4. cap. 5. Petrus Mercatus tract. 7. de feb. c. 61. Guainerius tract. 2. de febrib. cap. 1. Costæus in com. Avic. Amatus cent. 1. curat. 91. Rondeletius, & Pereda prop. cap. Christoph. Basilius tract. de feb. cit. de tertiana interpolata. Anton. de Gradis tract. de feb. cap. 9.

Pater hæc sententia manifestè. Quando in aliquibus morbis sanguis mittendus est ad exonerandam naturam, & imminuendam causam morbificam, illud debet fieri in principio, ex Hip. 2. aph. 29. quando copia est maior, & vires magis robustæ, sed post tres accessiones in tertiana exquisita constituitur status, ex Gal. lib. 1. cris. cap. 3. quo tempore neque sanguis mittendus, neque purgatio administranda, 2. aph. cit. ergo in tertiana exquisita in principio ante tres accessiones sanguis est mittendus. Scitum enim est apud eos qui Galeni monumenta perlustrant, primam tertianæ accessione esse leuem, secundam, maiorem, tertiam, maiorem, quartam, maximam, & hoc forte insinuauit Hip. 4. aph. 59. docens tertianam exquisitam septem circuitibus terminari. Quinta accessio est mitior, Sexra remissior. Seprima, vel omnino deficit, vel est leuissima. Quapropter cum in quarta accessione constituitur status, in quo ea non est utilis, ipsa debet fieri potius in principio, quàm in augmento, vel statu.

Nec refert si asseras hoc non esse intelligendum in febribus intermittentibus, sed in continuis: cum enim in illis in die intermissionis hoc auxilium celebretur, ex eo vis non infertur naturæ, neque ruina vlla imminere potest: Nam præterquam quod siue vena secetur ante tres periodos, siue post illas, semper secatur in die intermissionis, & hac ratione æqualis est ratio vtriusque. Adde quod venæ sectio in principio fit ad deonerandam naturam, minuendamque causam antecedentem, vt melius ipsa in statu possit denincere, at verò quando reperitur quarta accessio, iam est status vniuersalis tertianæ, & materia est quasi deuicta, & tunc si secetur vena, deiicit vires, & citra morbi leuamen naturam à coctione disturbat. Cætera verò de phlebotomiæ factæ in biliosis febribus utilitate, & quando ex ea cholicorum ebullitiæ si timenda, latè pro Avicennæ tutela retulimus lib. 1. in com. histor. 6. 3. Consule Gulielmum Ballonium lib. 1. consil. 44. & eruditissimum Andreæ Anthonium, olim excel-



lentissimi Ducis Briganini primarium Medicum, nunc A eiusdem Serenissimi Lusitanorum Regis electi, Ioannis huius nominis IV. Archiatrum, qui lib. 3. de febr. cap. de tertiana exquisita, de hoc argumento appositè conscripsit.

## HIST. XXVI. TRALLIANI, De tertiana exquisita.

Exemplum illustre senis exquisita tertiana laborantis, frigido, & humido victu, contra aliorum opinionem perlanati.

**E**go sane oculis meis hac in senē quodā confexi, qui flā, Enam bilē euomeret, vehementer febricitaret. At accessio valido rigore eum inuadebat, ac declinatio multis sudoribus accedebat. Detinebatur autē accessione horis fere decē, aut duodecim. Huius alij sanē familiares, eo quod senex esset, decoctum ei bibere precipiebant, ac omnia illi facere qua falsis tertianis, ut aiunt, idonea existunt, ferēque interisset, ager decoctis ex hyssopo, origano, & pulegio assumptis, nisi quis sedulo ipsum ex periculo subtraxisset, iubens eum, etiam pepones, & lactucas, & prisanā, qua nihil auriosum habent, operosūque, ac omnem alium victum qui humectaret, & refrigeraret, ut in tertiana exquisita, non deceptus aetate, quod senex esset, tum potius toto temperamento, & C. Trallianus lib. 2. cap. 6.

### PARAPHRASIS.

**M**emorabilis est historia hac, & omnibus veram curandi methodum affectantibus vtilissima, quippe quæ docet in omnibus ætatibus, & temperamentis diuersos, & maximè contrarios morbos posse renasci. Licet enim senibus febres non ita acutæ fiant ob in nati caloris inopiam, 1. aph. 1. 4. & calor extraneus ramificetur ad proportionem caloris innati, ut bellè distant Auerrhoës lib. 7. collig. 2. tamen illis ob errorem victus, & potentie debilitatem aduenire febres acutæ, & ex bilioso plerumque humore pronatas non est dubitandum: quoniam sicuti ob peccata quæ in victu committuntur, morbi fiunt, ut dicebat Hip. 3. aph. 19. omnes quidem in omnibus temporibus, plures verò in singulis, naturæ temporis accommodati, sic in omni ætate ob eandem causam omnes morbi eueniunt. Adde quod etsi nulli in ætate senili constituto virium robur inesse possit, ex Gal. lib. de curand. rat. per sang. mis. cap. 9. Sunt tamen aliqui, ait ipse cit. loco, vel septuagenarii, qui in hac ætate multo abundant sanguine, vires habent robustas, iecur calidum, & biliosus humoris ferax.

Hunc ergo senem tertiana exquisita laborasse, ipse firmabit, qui signa attentè perpenderit, quibus fuerit oppressus: quoniam vehemens febris, bilis per superiorē, & inferiorem ventrem excretio, validus rigor, sudor multus in declinatione adueniens, tempus breue durationis accessionis, hoc ita esse testantur explicata à Galen. 1. ad Glanc. 5. & 2. feb. 3. & cris. 3. quæ omnia à bilioso humore, ab hepate, & locis in quibus bilis stabulatur, expulso, euenisse liquet aperte, & Auic. 1. 4. tract. 2. cap. 36. doctè inculcat.

Verum obstat Galenus, 4. aph. 59. & 2. feb. 3. dicentis ad generationem tertianæ exquisitæ necessarium esse concursum omnium causarum bilem efficientium, nempe tempus æstiuum, locum temporis similem, hominis ætatem, temperaturam eandem, & in senili ætate plurā deficient, maxime cum in hac difficilis sit conuersio naturæ caliditatis in igneam naturam, non tamen impossibilis, quare in hac generari posse exquisitam tertianam, in alijs verò nativis, in quibus nulla causa deficit, exquisitissimam generari, non ibo inficias: Nam in exquisita etsi vi

causæ contrariæ possit generari alterius humoris portio, quum tamen hæc sit exigua, & naturam febris non præuertat, non ob id notha, aut spuria tertiana censeri debet: alias nunquam fieret in senibus, nec alia regione, & alio tempore anni, quàm in calidis, siccis contra experimentū, & Hip. 3. aph. 19. asserentem morbos omnes in omnibus temporibus fieri. Quapropter rectè Trallian. tertianam, exquisitam esse, ex tactu, breuitate accessionis, & ab excretis iudicauit. Neque ob id accusandus Gal. cit. loc. & 2. cris. 3. quia ibi non proponit concursum signorum quæ ad productionem tertianæ exquisitæ requiruntur, sed solum ea signa enumerat, quæ ut plurimum concurrunt, & cum quibus si fiat aliqua tertiana, eam exquisitam esse iudicare possumus.

Illud ratum sit febrem acutam, aut aliam quampiam ex bilioso humore concitaram, periculosius senibus accidere, quàm iuuenibus, aut pueris; nam quæ in senili ætate accidit, funesta est, & periculo plena, indicium enim præbet vehementem esse magnitudinem causæ febrim facientis, quare apud Auic. 1. 4. tract. 2. cap. 41. omnino est lethalis, nam causæ immanitatem denunciat, quæ frigidum corpus in flammam abripit, & eorum effectas vires pusillumque innatum calorem illico resoluit, ut notantet aduertit Heurnius lib. 1. aph. 8. num. 8.

Sed mirum censeri debet cur in tanta biliosi humoris copia, & apparatu morbofo, nec sanguinem emiserit, aut medicamentum purgans exhibuerit: vtrumque enim videbatur exequendum, quum vehemens calor intus vrgeret, cuius attemperandi gratia venæ sectio summo est ex vfu, & in senibus sæpissime celebranda auctore Galeno lib. de curand. rat. per sang. mis. cap. 3. Celso, lib. 2. c. 10. explicat proprio exēplo Valleriola, 6. obs. 7. & vlt. Purgatio autem valde vtilis est, quoniam citra virium dispendium peccantem humorem educit. Dic: In senibus morbo acuto oppressis summa cum præmeditatione sanguinis missio exercenda; id explicuit Auic. 4. 1. cap. 20. §. Et cæne in ætate senū quanto magis poteris, & c. quanto magis si occupentur tertiana, quæ luapte natura salutifera est, mitissima, & neminem iugulat, ex Galeno, 1. ad Glanc. cap. 8. & 1. 4. tract. 2. cap. 8. & 4. aph. 43. Deinde non aderant vires, quæ ex copioso sudore, continuo bilis vomitu, valido rigore, febris intensa erant deiectæ nimis, ob quam causam purgationem non consuluit: quoniam senile corpus purgatione exoluitur, & amplius si decrepitum sit, in qua ætate solidorum humiditas consumitur, ex Galen. 3. de sanit. 2. & 5. eiusd. cap. 12. & 6. eiusd. c. 4. & 1. aph. 1. 3. & 3. aph. 30. & lib. de mara!moc. 3. & 5. de generat. animal. cap. 3. & 4. Quo pacto in hac ætate iuuat humorem biliosum per urinam, & sudorem excernere, seu, ut alij legunt apud Gal. loc. cit. per inferiores partes expurgare, & mollibus clysteribus exinanire.

Etenim cum bilis flauæ humor inter omnes qui in nostro corpore sunt humores, calidissimus sit, & siccissimus, ut cit. ad Glanc. monuit Galen. accircò offerenda quæ refrigerent, & humectent. In hunc vsum prisanā est præstantissima: Nam hæc præter has dotes, si quid excerni oportet, facillè abluit, abstergit, & clementer biliosum humorem per deiectionem propellit, ut 1. acut. 18. Galenus inculcat. Quapropter cum morbus esset mitis, brevis, & in quo ob accessionum breuitatem, & raritatem magis leuantur vires, sumpta indicatione ab intemperie, quæ calida est, & sicca, omnem posuit in refrigeratione, & humectatione industriam, ob ætatem, non curans alteram quæ à materia desumitur, indicationem: cum enim hæc febris qualitate amplius peccaret, in extinctione caloris extranei totam esse reponendam curationem sibi persuasit, relictis illis quæ calefacere possunt.

Ergo frigidus & humidus victus biliosis febribus est vtilissimus, ex Paulo, lib. 2. cap. 2. Auic.

loc. cit. & cap. 42. de febris ardenti.



## QVÆSTIO XXVII.

*Virum seni, & iuueni aqualiter febrientibus, senius minus frigida remedia offerenda, ut voluit Auerrhoës.*

## COMMENTARIUM.

**Q**uod senex esset. ] Quoniam hic de senum febrientium victu, & auxiliis à nobis facta est mentio, subnotabimus protinus nonnulla ex supellectile medica, quæ qui curiosius inspexerit, nos non de ludicris, sed seriis agere affirmabit. Nam maximam inuoluit difficultatem, quod adeò frigidum victum huic seni. Trallianus concesserit, ut lactucas & pepones, seu angurias, quæ sunt frigida, & humida in gradu secundo: Licet enim vniuersa peponum natura frigidior sit cum humiditate copiosa, ex Gal. lib. 2. alim. cap. 4. & hac ratione biliosi humoris siccitatem contemperet, & eius furibundos motus retardet, & interna illius pars febricitantium sitim leuet, ex Auic. 1. 4. tract. 2. cap. 42. & eius succus biliosis febribus, & æstiuis utilis sit, ex Auerrhoë, lib. 7. collig. cap. 12. tamen hic fructus senes nimium refrigerat, & flaccidas eorum vires, pusillumque calorem innatum exringuit.

Auger dubitationem communis medentium vsus, ratione firmatus, qui in sene æqualiter febricitante cum iuvene, non æqualia infrigidantia propinant: Nam etsi æqualia morbo sint applicanda contraria, tamen ob virtutis debilitatem sunt adhibenda remissiora. Si enim iuueni æqualiter febricitanti medicamenta frigida propinet ultra suum naturale temperamentum, ei non nocent, immò tum ob ætatem, tum ob febrem prodesse solent, quum eorum vis fortis existat, & iccirco ad gradum corrumperendi naturam non perueniunt, immò ipsam ad mediocritatem perducunt, quod senibus ob radicalium frigiditatem euenire non potest. Ob hanc causam gelidam iuuenibus dare expedit, senibus verò nequaquam, 9. meth. 5. & 11. eiusd. 9. & 20. quoniã in auxiliorum applicatione, siue alterantia sint, siue vacuantia, non solum morbi magnitudinem attendere oportet qui præsidium expostulat, verum virtutem respicere est necesse, quæ ipsum debet tolerare. Si ergo vires ob debilitatem tantum auxilium non ferunt, quantum morbus efflagitat, minus hac de causa applicandum, quam morbi causa desiderat, quare seni febricitanti exhibebis, quæ præterquam quod morbo auxiliantur, vires etiam infirmas lædere nequeant, etsi cum iuvene æqualiter febricitet, illi ut debiliore frigida, & humida auxilia, remissiora sunt concedenda. Si enim Auic. 1. 4. tract. 2. cap. 34. in tertiana timet refrigerationem ultimam, quãto magis in sene, quia frigidus est natura suapte.

Hæc facile admitteret Auerrhoës, qui lib. 7. collig. c. 2. existimat, bilioso, & pituitoso sene, & iuvene æqualiter febrientibus, frigidiora remedia requirere iuuenem, & biliosum, quàm senem, & pituitosum, quoniam ubi maior est resistentia ad causas refrigerantes, magis refrigerandum est, sed in iuvene maior est resistentia ob abundantiam sanguinis, & spiritus, igitur iuuenis, & biliosus, maiori refrigerio egent. Et hæc est causa, inquit, ob quam in iuvene vtitur aqua cucumeris, & camphoræ, potu aquæ frigida ad satietatem vsque, & balneo aquæ frigida, & non in sene.

Nec desunt illi argumenta, quibus intentum suum facile collegisse putat. Primum. Senex non potest febricitare, sicut iuuenis, quia calor febrilis ramificatur à naturali, & pro modo caloris naturalis solet intendi, & ad gradum extraneum eleuari, igitur cum calor in sene minor sit, semper febris erit minor, & minori eget refrigeratione. Hoc satis firmavit Hip. lib. 1. aph. 14. dicens *senes non similiter incidere in febres acutas.*

Secundum. Iuuenis eget refrigeratione pro curanda febre, & pro corrigenda intemperantia ætatis. Nam hæc cum intemperata est, qualis est iuuenilis, ad similia male se habet, ad contraria, bene ex 3. aph. 2. 3. 18. Senex verò

A solum eget refrigeratione pro curanda febre, quia pro corrigenda intemperantia ætatis, calefacientibus, & humectantibus eget, ex Galen. 5. de sanis. cap. 3. in princ. Auic. 3. 1. doct. 3. cap. 1. igitur in iuvene magis refrigerandum est.

Tertium. Senis membræ radicalia frigida sunt, igitur cum febricit, non requirit remedia vehementer frigida, quoniam hæc senis temperamentum evertunt, à moderato plurimum recedens per frigiditatem.

Quartum. Corpora frigida quando calido morbo laborant, naturalem habent propensionem, & principium quò se reducant ad pristinam naturam: igitur ut redeant, non tanta egent refrigeratione, sicut corpora calida, quæ hoc principio carent.

B Verum etsi Auerrhoës excusandus sit, quoniam senes natiuo temperamento frigidi sunt, exangues, debiles, & frigiditatem nimiam remediorum ferre non possunt, & sic pro vnica applicatione vehementius frigida solum conueniunt iuueni: Nam si aliter feceris, timor est, ne ob virtutis imbecillitatem, & caloris inopiam, eorum vires possint dissolui; tamen corpora frigida, & senilia maiori egent sensim, & paulatim facta refrigeratione, quia in eis maior est lapsus.

C Probat ex Gal. 1. met. 3. ante medium, quum inquit. Si qua ulcera sunt, quibus par est humiditas, ea maiori egent exiccatione, quæ sunt in sicciore parte, quia egent exiccatione pro curatione vlcis, & pro conseruatione naturæ partis, quæ vsu similium solum perficitur: quam sententiam defendit Auic. 4. 1. cap. 1. 5. Ergo mensura quantitatis, &c.

Galenus hoc negotium adamussim explicuit, dum 8. meth. 9. ab iis quæ naturaliter insunt, cuiusmodi sunt proprium temperamentum, & ætas, indicationem non ad contraria, sed ad similia sumendam esse pronunciat, quod non ita intelligendum est, quasi significet à proprio temperamento ita sumi indicationem ad similia, ut si biliosus febricit, remedia calida exposcat, sed solum significat, v. g. homini calido si febricit, remedia tantò minus frigida conuenire, quãto ipse est calidior moderato, indicatione scilicet sumpta ab illius intemperie sana calida, quæ sui conseruationem requirit.

D Hæc intemperies, aut quæuis alia tempore morbi, expellenda non est, sed conseruanda, ut constat ex Galen. 8. meth. cit. & lib. 11. eiusd. cap. 3. & 5. de sanis. suend. c. 11. & in art. med. 86. Licet enim magna, & contentionis plenissima sit quæstio, quo modo naturæ intemperatæ sint gubernandæ, an similibus, vel contrariis sint conseruandæ, ut notat Thom. à Veiga in com. c. 86. art. medic. Galeni, de hoc argumento fusè contra morem suum disceptans, & varias auctorum opiniones referens Conciliator: diff. 116. Cardanus lib. 1. contrad. tract. 6. cap. 3. Valleriola, 4. enarrat. 4. Vallesius 6. cons. 2. Christoph. à Vega lib. 2. de art. temedendi, sect. 1. tamen omnes conueniunt in hoc, quod, quando homines ægrotant, aut sibi displicent, & sunt in neutra dispositione, vel iter agunt, aliisque negociis, & vitæ occupationibus sunt impediti, non licet naturas intemperatas mutare, aut ad meliorem naturam reducere.

E Huius autem positionis ea ratio reddi potest, quia temperamentum sanum, siue prauum sit, siue bonum, præsentem morbum expellere conatur, ut constat ex 6. epid. sect. 5. text. 1. quare illud tempore morbi qualecunque fuerit, erit conseruandum. Deinde præsentem morbo nihil aliud intendimus, quàm pristinam sanitatem recuperare, quod fit conseruando intemperiem sanam proximè antecedentem morbum, in hac enim licet mala sit, illius indiuidui consistebat sanitas. Nec rationi conueniens. quo tempore natura à morbo labefactatur, tunc conari in meliorem statum reducere, si enim id intendas, vires amplius deiciēs. Tempus igitur conuenientissimum ad intemperiem sanam vitiolam corrigendam est, quando corpus à morbis, negociisque est immune, quod solum significauit Galenus locis citatis. Nec credendum est omnino velle per morbos, & vitæ occupationem nunquam licere intemperiem sanam modicè contrariis aliqua ex parte in meliorem reducere, quare impe-

tirò refellitur ab Argenterio lib. 1. de officiis Medeci, c. 5. Ad fin. Ex iis concludere senem, & pituitosum, iuuenem, & biliosum æqualiter febrientes, frigidiora remedia requirere senem, & pituitosum, quum in his proprium temperamentum sit conseruandum, & maior intemperies morosa corrumpenda, quam in iuvene, & bilioso.

Tu verò superiora argumenta hoc modo dissolue. Dic ad primum negandam esse maiorem: Nam etsi verum sit, quòd ex qualicumque causa calefaciente magis accendatur caliditas in iuvene, quam in sene, tamen quanto vehementior est causa calefaciens in sene, quam in iuvene, ita ex æquo, & multò magis solet accendi caliditas febrilis in sene quam in iuvene, vt docuit Galenus lib. 1. aph. 1. 4. ad fin.

Ad secundum dic; in morborum curatione naturam B intemperatam non esse corrigendam; sed seruandam: Nam hæc qualiscunque sit, est curationis principium, & ad ipsum æger reducendus est, vt 8. meth. ult. monuit Galenus: Neque vsu similium semper est conseruanda, nisi consentiente consuetudine, vt eodem loco Galenus edocuit.

Ad tertium dic: remedia frigidiora quæ seni febrienti adhibentur solum sufficiunt refrigerare calorem febrilem illius; intemperiem autem frigidam sanam non immutant; sed expellendo febrem illam in pristino statu conseruant.

Ad quartum dic: tam in corporibus frigidis, quam calidis, siue morbo simili, siue dissimili laborent, reperiri principium, & naturalem propensionem, vt redeant ad pristinum statum, & idèd argumentum non concludit. Et hæc est potior & breuior huius dubij explicatio; quam C Gentilis in extranagantibus quæst. 21. Conciliatoris diff. 173. Cardani lib. 2. contradi. tract. 5. contradi. 28. qui eam multis verborum ambagibus obscurarunt.

## Q V Æ S T I O XXVIII.

*Verum tertiana exquisita sit morbus salubris, & acutus, vt retur Altimarus.*

**A**Rabum Princeps Auicenna in commentatione de febribus, gradum parans ad diluendam Hip. sententiam, 1. 4. tract. 2. cap. 4. de tertiana exquisita sic præfatur. *Tertiana pura est salutaris, propterea quod cholera est levis super naturam, & quoniam ipsa facit quietem:* Hippocrates sic prædixit, 1. epid. sect. 3. text. 8. *Tertiana exquisita cito indicatur, nec est lethalis.* Galenus illorum sententiam approbat lib. 4. aph. 4. 3. dum sic inquit. *Sola enim illa qua in quietem febre vacantem desinunt periculo carent, etiam si vehemenssimam, & valde longam habuerint accessionem: si enim adeò brevis fuerit, vt in tertianis exquisitis, minori duodenis horis tempore circumscripta, non modò sine periculo talis est febris, sed etiam cito indicatur, & 1. ad Glaucon. cap. 8. ex intermittentibus tertianam esse breuissimam, & mitissimam asseuerat: tempore enim intermissionis reficitur natura, & causa eius est bilis, tenuis, calida, quæ sponte sua insensibiliter resoluitur.*

At hoc axioma semper mihi ambiguum visum est. Nam si tertiana exquisita oritur à syncera bile, cur erit leuissima, si ex Hip. 2. prog. 38. syncerus vomitus, pessimus est, permixtus autem, levis, in cuius com. Galenus, biliosum humorem syncerum dicit reprobati, quia multam caliditatem, pituitosum verò, quia multam frigiditatem significat, ex frigiditate autem remanent veluti concretus; biliosus verò ob exuperantiam caloris torrefit, & 2. prog. 45. sic ait, *antea enim iam dictum est salubrius esse permisceri materias quodammodo inter se qua euacuantur, & com. 47. inquit, præter sanguinem quibus alius humor si syncerus fuerit, prauam indicat affectionem, & lib. 2. prorebet. text. 28. vomitiones synceras, implacidas, malas vocat, in cuius com. Gal. non solum vomitiones synceras, & implacidas, malas esse docet; sed deiectiones, sputa, vrinas, & quiduis aliud syncerum, reprobum esse asseuerat.*

Insuper confirmari potest hæc sententia ex Tralliano; qui lib. 1. 2. cap. 6. ex tertiana exquisita in grauioribus morbis

fieri transmutationem asseuerat, & Galenus lib. 1. ad Glaucon. cap. 9. ex ea subortam fuisse maciem enarrat. Hoc ira esse confirmauit Mercatus lib. 6. de febribus, qui tertianæ perniciosæ varias eleganti stilo describens species, eas esse lethales edocuit. Deinde non omnes intermittentes periculo vacant, nam ex Rhasio 10. ad Alm. 22. quotidiana non est sine periculo, & tertiana notha, est periculosa, & quartana sæpè perducit ad hydropem, ex Gal. 1. epid. sect. 3. com. 4. & Auic. 1. 4. tract. 2. cap. 62.

Licet autem non leuem nobis dubitandi ansam præbeant adductæ rationes, tamen dicendum est tertianam exquisitam; quantum, ex se est, & rectè tractatam à Medico, & ab ipso ægro, esse breuem, facili curationis, & salutiferam ob rationes dictas. Vt verò irretientes veritatis obices commodè explodas; aduerte duobus modis humores appellari posse synceros, primo quando alterius humoris sensibilem permixtionem non habent, quò pacto humor biliosus dicitur syncerus, quia miscellam alterius humoris non habet, cum quo in sua naturali dispositione non est permixtus. Altero modo dicuntur humores synceri, quoniam in suo naturali serosam humiditatem permixtam non habent, hoc modo humor biliosus dicitur syncerus, quia in eo ob excessum caloris aquosa humiditas est absumpta, quæ ipsum diluens, mitionem reddebat, ita bilem synceram appallauit Galenus, 7. aph. 6. & 23. & lib. 1. sect. 1. com. 25. quo loco synceras deiectiones vocat, quæ sunt aquosæ humiditati impermixtæ: Nam quando est permixta, colore quidem pallida apparet, consistentia autem tenuis, & humida, si verò serosa humiditate priuatur, fit syncera, colore quidem flaua, vel vitellina, & substantia crassa, & exusta.

Hoc ergo supposito dic tertianam exquisitam fieri quidem à bile syncera; cui non est permixtus alius humor generis alterius, quæ tamen aquosam humiditatem habet permixtam, ratione cuius, etiam non syncera dicitur. Bilis ergo ex qua tertiana exquisita oritur, syncera est, id est impermixta, non est tamen syncera, id est suæ aquosæ humiditati impermixta. Sola autem bilis syncera, synceraque excretio, quæ serosa humiditate priuatur, ab Hip. reprobatur, respectu illius quæ propria humiditate serosa non caret, ita explicat doctissimus Vgo inter alios 1. 4. tract. 2. cap. 4.

Deinde tertiana exquisita in graues morbos transmutatur sæpè, si non vt decet, à Medico; vel ab ægro tractetur. Ita æger quidam insanus hac febre correptus, balneis naturalibus vsus, extenuato corpore ad tantam peruenit perniciem, calefacto balneorum vi, iecore & rorida absumpta humiditate, vt tæbe consumptus interierit, vt historia quadam firmavit Galenus lib. 1. ad Glaucon. cap. 9. quam nos infra in historia 41. exponemus. Tertiana ergo exquisita non est de genere earum, quas describit Mercatus: Nam hæc sunt nothæ, quæ; vt ille refert, perniciosæ esse possunt, vel ex defluxu humoris tempore accessionis ad aliquod membrum princeps, vel ex praua humoris natura, vel ob aliquod accidens quod superuenit; vel humoris malignitatem, qui delitescens in corpore, tempore iudicij, vel purgationis commotus, & exagitatus, & ad aliam partem principem delatus subito interficit. Tertiana ergo ratione sui salubris est, quia bilis suapte natura resolutioni est paratissima, & in pauca quantitate exuperans naturam non ita excitat ad expulsionem. Cæteræ intermittentes periculo vacant apud Hip. collatione facta ad cæteras febres, in quibus maius periculum adest.

Maioris verò negocij est exquirere, vtrum tertiana exquisita; sit acutus morbus, quoniam patrocinator auctoritas Altimari proprio tractatu de hoc argumento, ex professo disceptans, in quo tertianam exquisitam in genere acutorum morborum esse reponendam sibi persuasit, quòd placitum multis probare contendit. Primò, ex Auic. 1. 4. tract. 2. cap. 4. & tract. 1. cap. 45. *Spasmus siccus, epilepsia, apoplexia, & schinantia, sunt ex acutis valde, tertiana verò & causon sunt de acutis non valde.* Deinde Hip. 3. prog. 32. illam dicit solui vomitibus biliosis, & in hoc opere Hip. solum,

solum agit de morbis acutis: Nam lib. 1. sent. 5. inquit, A  
considerare oportet per morbos acutos, &c. & lib. 3. sent. 36.  
inquit, hac autē intelligo de morbis acutis. Insuper Galenus  
lib. 3. aph. 29. reddens causam quare tertiana exquisita, &  
febris ardens plurimum iuuenibus accidant, dicit quod  
hæ inter acutas febres sunt biliosissimæ. Sic enim inquit,  
sed ex acutis tertianas maxime, & febres arden-  
tes, &c. Idē confirmat, lib. 8. de placit. cap. 7. ad princip. asserens acutissi-  
mas scilicet, & vehementissimas febres à flaua bile ori-  
ti, & tertianam ex ardentium genere esse, & lib. de tremor.  
cap. 7.

Secundò. Acutus morbus ille dicitur qui in quatuor-  
decim diebus terminatur, ex Hip. 2. aph. 23. sed tertiana  
exquisita in quatuordecim diebus terminatur, ex Hip. 4.  
aph. 59. Nam quod in continuis est vna dies, id in inter-  
mittentibus accessio est.

Tertiò. Morbus acutus ille dicitur, qui cum magnitu-  
dine symptomatum celeriter properat ad statum, ex Ga-  
len. 2. aph. 19. & 23. sed tertiana cito iudicatur, & in illa  
ad sunt vehementia symptomata, vt validus rigor, sitis in-  
exhausta, febris intensa, cardialgia, vomitus, anxietudi-  
nes, cephalalgia, & alia quæ grauitè molestant solent,  
ergo, &c.

Verum opposita sententia est probabilior. Primo, quo-  
niam Galenus 1. de dieb. decretor. 12. vbi exactius morbum  
acutum definiuit ex sua, & Archigenis sententia, acutum  
morbum eum appellat, qui cum velocitate periculosus  
est, cum autem tertiana exquisita sit saluifera, ex Auic. &  
Hip. loc. supra citatis, non poterit morbus acutus censeri.

Præterea acutus morbus si febrilis sit, inquit Galen. 5.  
aph. com. 30. necesse est vt habeat febres continuas, in  
quem sensum intelligendus est Galen. 1. aph. 1. ad med. di-  
cens, febres à morbis acutis esse inseparabiles, quia videlicet  
si morbus febrilis sit, febris debet esse continua, quod etia  
scripsit, 1. acur. 8. quum ergo tertiana febris continua non  
sit, idē nec acuta erit.

Deinde. Tertiana exquisita nulla ratione est morbus  
magnus, ergo nulla ratione est morbus acutus: Nam si  
triplicem magnitudinis differentiam perquiras latam, 4.  
meth. 6. in nulla magnitudinem tertianæ exquisitæ conti-  
neri perspicies. Nec inesse esse morbum magnum ratio-  
ne particularium accessionum, quia in ea magna repe-  
riuntur symptomata, quia tunc non erit morbus magnus  
in essentia sua.

Oppositas verò rationes hac ratione solue: Auicenna  
tertianam morbum acutum appellauit non pure, & ex-  
quisitè, sed improprie, scilicet secundum terminationem,  
quo pacto forte Hip. & Gal. acutam appellant, ita explanat  
Mercurialis lib. 5. de febr. cap. 9. Dic secundò. Citari au-  
ctores de tertiana intermittente non loquuntur, sed de  
continua. Ad id verò quod adducitur, ex 2. aph. 19. & 23.  
dicendum est per magnum intelligi periculosum, vt de-  
ducitur ex 1. de dieb. decret. cit. & hoc modo in acutis de-  
bet dari ea magnitudo quæ periculum adiunctum ha-  
beat, quæ cum in exquisita tertiana non detur, inter acu-  
tos morbos non est reponenda.

## HIST. XXVII. GALENI,

### De tertiana notha.

#### Febris tertianæ memorabile exemplum.

**E**Rat anni tempus median inter occasum pleiadum, &  
æquinoctium antecedens. Inciperat autem febris cum  
horrore: adolescenti circa auroram ferè, vt neque in caliditate  
similis tertianæ videretur, neque in pulsibus, sed neque  
vomitus bilis subsequutus est, neque sudor sufficiens, præter-  
quam quod in die secundo tantummodò circa horam tertiam  
quidam pauci humidi vapores exierunt, ex quibus febris  
quidem transpirabat, vt vix circa vesperam expers febris  
videretur: Nam febris signum satis manifestum in pulsibus  
inanserat: in reliquis verò circa vesperam satis bene se ha-  
bebat, & per totam pariter noctem. Rursus verò circa tertia

diei auroram secunda accessio facta est omnino, præterquam  
in tempore similis primæ: Nam nocte superueniente paululū  
ante diem vapores humidi exhalauerunt, ac circa quarta diei  
auroram febris cessauit, ac reliquo deinceps autumni tempore,  
atque hyemis, quo aegrorauit, alia omnia, & hora accessionis,  
& solutionis febris eundem modum seruauerunt. Agebat an-  
tem adolescens circiter decimum octauum ætatis annum,  
albus aspectu, & pinguis, qui sæpe ante in otio degerat, &  
crapulæ balnei quæ plurimis, & repletionibus usus erat,  
quare neque bene cibos concoquebat, simul autem aduenit ei  
durus pulsus, in prima quidem die atque secunda mediocri-  
ter, in tertia autem, & quarta, atque sequentibus usque ad  
septimam ad tantam peruenit duritiem, vt quispiam, qui so-  
li crederet pulsui, multorum fore mensiam ægritudinem  
iudicaret. Talis autem perdurauit usque ad tertium æquino-  
ctium, in quo cepit mollescere, & rursus postea quadragesimo  
die omnino æger à tertiana est liberatus, tendente paulatim  
ad molliorem pulsui, ac mineri quotidie fiente accessione,  
vndeque bonam habentibus subsidiam. Etenim hæ quo-  
que in priore tempore erant admodum cruda. Talis quidem  
est tertiana quæ alteri exquisita maxime contraria existit,  
& Galenus lib. 1. ad Glaucon. cap. 8.

## PARAPHRASIS.

**G**alenus docetur modum quo exquisitam tertianam  
notha possumus distinguere, huius signa exactè de-  
scribitur posito exemplo in adolescente hoc, in quo etia ex  
stat præcedente esset in corpore bilis relicta, eiusque  
etatis biliosis febribus obnoxia, ex Hip. 3. aph. 29. & Galen.  
com. 5. Sed ex tertianis maxime, & febres arden-  
tes: hæ enim præ cæteris febribus sunt biliosissima, & multis iuuenibus  
accidunt, quoniam & bilis flaua hac ipsa super abundat  
ætatē, &c. tamen reliquæ causæ ad generandam pituitam  
erant efficaciores.

Hoc ita esse inuenies si temperamentum eius, & antea-  
ctam vitam ad vnguem rimetis, quoniam albo erat prædi-  
tus colore, quod signum frigiditatis est indicium, ex Gal.  
8. meth. 2. & in art. medic. cap. 38. 5. Frigidior autem ac hu-  
midior temperatura, si parum quidem utraque augetur, pi-  
lis nuda est, & alba, & mollis, & crassa, & pinguis, &c. ex-  
plicante eleganter Thomas à Veiga, & Argentarius in com.  
quoniam carentia pinguedinis, & gracilitas, temperamen-  
tum calidum, sicut habitus pinguis, frigidum significat, ex  
ipso lib. 10. meth. cap. 3. licet temperamenta ad vnguem  
agnoscere difficile sit, & laboriosum, ea tamen ex ætate,  
anteacta vita, exercitio, regione, anni tempore, & corporis  
habitu esse venanda monet ipse Galenus lib. 9. meth. c. 15.  
Si enim in desidia vixerit homo, frigidis cibis, humidis  
portionibus, balneis intempestiuis, gulæ, crapulæ, somno  
multo fuerit assuetus, habitet in regione frigida, & humi-  
da, humorum frigidorum, & crudorum copiam in corpore  
redundare non est denegandum.

Hæc de causa ea omnia Galenus recensuit, quæ pitui-  
tosi humoris collecti putredinem arguebant. Tempus  
enim in quo febricitare cepit, erat medium inter occa-  
sum pleiadum, & æquinoctium antecedens, in vltima au-  
tumni parte, circa hyemis initium, ex Gal. 3. aph. 14. quas  
ab initio autumnus diebus circiter quinquaginta occidere  
docuit, 1. epidem. sempest. 1. in initio, qui cum otiosus esset,  
plurimam pituitæ copiam accumulauit, nam otium  
enervat vires, minuit calorem, ex Celso lib. 1. cap. 1. non  
digerit, cruditates parit, ex Galen. 4. de sanit. tuend. cap. 4.  
& 2. de natur. human. com. 1. quas facere crapulam, hoc est  
capitis noxam ex vino contractam 3. aph. 5. sicut & lon-  
giores somnos, omnibus compertum esse reor. Etas  
ergo, temperies, præcedens victus, tempus, crassos hu-  
mores cum genuerint, longiorem morbi constitutio-  
nem effecerunt, cæius rei rationem quære ex Galen. 1.  
aph. 12.

Morbi longitudinem ostendebat durities in pulsu in  
primis accessionibus perseuerans, quæ in processu mor-  
bi ita aucta est, vt citra dubium morbum multorum fo-  
re mensium iudicares, cum multo spatio opus sit: vt cru-  
di humores, frigidique flatūs, arteriam tendentes, &  
indurantes



indurantes concoquantur, hæc enim est vna causa duri A  
pulsus tradita à Galeno lib. 1. feb. cap. 7. & aucta ab ipso  
lib. 5. simpl. cap. 8.

Sed dubitationem facit maximam, quod tanta pulsus  
durities ab initio huius febris fuerit facta, auctaque deinceps,  
& vere aduentante sensim emollita, si ipse Galenus  
1. feb. cit. asseuerat in febribus ea ratione qua febres sunt,  
nunquam fieri pulsus durum neque in ephemeris, ne-  
que in iis quæ ex humorum putredine accenduntur, nisi  
in corpore adsit aliqua congelatio ex frigore, vel siccitas,  
vel tensio, vel inflammatio, vel durus tumor quem Græci  
scyrthion vocant. Congelationem vehementes algores  
efficiunt, tensionem, inflammationes, duri tumores &  
neruorum dispositio inflammationi correspondens, siccita-  
tem diuturnæ euacuationes, quæ vel ex ventris pro-  
fluio, vel intestinorum leuitate, aut dysenteria, aut diu-  
turno vomitu, aut tali alia causa proueniunt & longi tem-  
poris famēs, & febres ardenres longæ, demum quacun-  
que solidas animalis partes vehementer exiccant, vt he-  
ctica febris, &c. Ex quibus patet nullam causarum dicta-  
rum in initio in hoc adolescente apparuisse, ob quam du-  
rus pulsus excitari posset.

Huic ergo tam arduæ difficultati hoc modo responde  
cum Galeno, 1. de prasag. ex pulsib. ap. 4. dicente in putri-  
dis febribus duros pulsus fieri ex pituitæ frigida copia,  
quam poma intempestiue ingesta generauerunt, & resus  
quorundam abstrorum fructuum immodicus, vt ipse 1.  
feb. cit. fateretur aperte. Quare cum constet ex historia  
adolefcentem hunc crudis succis abundasse ob crapulas,  
otium, deprauatam concoctionem, & caloris natui  
inopiam, ex proprio frigidiori temperamento contra-  
ctam, nulla deinceps remanebit dubitandi occasio, cum  
ij humores pituitosi tendant arteriam, & indurent, & sic  
mediocri in primis duabus accessionibus facta fuit du-  
rities, non potente adhuc febrili calore humorem illum  
vitreum exicare, maiori deinceps duritie aucta, humore  
illo à calore putredinoso magis exiccato, quæ pulsus con-  
ditio vsque ad æquinoctium vernale perseuerauit, quo-  
usque veram concoctionem incipiente natura emolliri,  
& humectari pulsus coeperunt, procedentemque in me-  
lius coctione, & demum perfectiori facta, tota durities  
euauit.

Nec mirum tanto tempore humores crudos coxisse D  
naturam: cum ij essent valde crudi, lenti, accesserint in  
victus ratione errata, hyems fuerit frigida, adfuerint lie-  
nis tumor, præcordiorum distentio, mali habitus crurum,  
& faciei, quæ omnia ex humoribus crassis, obstructioni-  
bus internis, flatuum copia euenisse certa res est. Hanc  
fuisse huius morbi euidentissimam, & potentissimam  
causam ille iudicabit, qui reliqua tertianæ nothæ, & il-  
legitimæ fuit contemplatus: quoniam in hac omnia  
symptomata tertianæ exquisitè minorantur, vt ait Auic,  
1. 4. tract. 2. cap. 37. hoc est miriora fiunt, in exquisita enim  
bilis, in spuria pituita redudant, & hoc modo ea incipit  
cum horrore, miti ad tactum calore, pulsu minori, tardio-  
ri, & rariori, cum vomitu pituitoso, vrina cruda, accessione  
longiore.

Galenus verò vt distingueret notham tertianam ab  
exquisita, hoc protulit in medium exemplum, quo Medi-  
cus certior factus possit vtramque exactè dignoscere:  
quoniam signa tertianæ puræ sunt plura, nempe vehe-  
mens rigor, breuitas paroxysmi, ob tenuitatem bilis quæ  
citò resoluitur, ob quam causam citò peruenit ad statum;  
calor vaporosus, primo tactu acris, qui paulo post mirior  
apparet, æqualitas caloris in vniuerso corpore, sudor co-  
piosus in statu, aut declinatione paroxysmi, facilis expur-  
gatio bilis per deiectionem, vomitum & sudorem. Pulsus  
æqualitas, tam in vnica pulsatione, quam in collectione  
plurium. Pulsus inuadente accessione non adeo paruus,  
respectu aliorum paroxysmorum, in statu ob ebullitione  
bilis, maximus, celertimus, creberrimus. Vrina valde bi-  
liosa. Concurfus rerum non naturalium augmentum bi-  
lem. Quæ omnia proponuntur à Gal. 2. feb. 3. & 2. cris. 3. &  
vera esse reperies, præsertim si eo tempore tertianæ ex-  
quisitè vagantur:

Sed inquires quæ fuerint maiora remedia quibus ad-  
lenienda symptomata quæ adolescentem malè oppresse-  
rant, vsus erat, nî morbus aliis succumbere et auxiliis. Nam  
hoc modo in eodem capite sic fatur Gal. *Vidi quandoque  
cum in autumno incipisset, in vere desinere, deinde vero in  
tempore adeo longo, tum quia agrotus Medicis præceptis pa-  
tere nolisset, sed in aliquo deliquisset, tum quia ex hyeme  
lesus esset: lien valde intumuit, & præcordia flatibus sunt  
oppleta, ita vt subeumida quedam erat decoloratio in facie,  
ac præsertim circa crura, adeo vt nobis de iuvene dubitare  
contigerit, ac maioribus viis remediis fuerit necessarium.*

Hæc maiora præsidia, sunt valida deobstruentia, flatus  
discurientia, viscera interna roborantia, calefacientia, quæ  
pro contumacibus, interaneisque tenaciter adhærescenti-  
bus obstructionibus à Medicis usurpantur, quorum mul-  
tiplicem syluam alibi proponemus. Has dotes duo com-  
plent medicamenta ab antiquis, & iunioribus maxime  
celebrata, videlicet aloë, & theriaca: quoniam aloë robo-  
rat, calefacit, exccat, attenuat, ventrem clementer mouet,  
vt 8. sec. loc. cap. 2. late monuit Gal. quas dotes habere  
theriacam pro febribus longis curandis docuit ipse lib. de  
theriac. ad Pison. ferè per totum, & Neoterici omnes pleno  
ore confirmant.

Illis vehementibus auxiliis vtendum est, quando sym-  
ptomata nimium ingrauescunt, & accessio vsque ad 36.  
vel 40. horas extenditur, vt 2. feb. 8. & 6. epid. lect. 2. com. 23.  
retulit Gal. quibus locis ita accessionem dicit prorogari,  
vt æger ad infebriuationem non perueniat, & sic con-  
stituitur tertiana continua per subingressum accessionis,  
quæ febres dicuntur auctæ, extensæ, & sufficienter pro-  
ductæ, vt 1. 4. tract. 2. cap. 37. finiat Auicenna. Quarum ac-  
cessionum longitudo totius constitutionis, longitudinem  
portendit, vt 1. 4. tract. 2. cap. 45. voluit Auicenna. Tunc ne  
lien scyrthus, aut hepatis percinax succrescat obstructio  
hydropem prælagiens, à leuibus inchoare auxiliis est inu-  
tile, sicque maioribus remediis pugnare oportet. Sed mul-  
tories rebellis, & contumax humor vim remediorum con-  
temnit, & respuit, & sic tertianæ in longum tempus pro-  
ducuntur. Nam visa est tertiana triginta annis perdurans,  
vt refert Balduinus Ronsseus epist. 15. Consule Henricum  
disputatione de febre tertiana intermitte.

## Q V Æ S T I O XXIX.

*Verum necessarium sit Medico breuitatem, & longi-  
tudinem morbi præcognoscere, vt docent  
Galenus, & Auicenna,*

## C O M M E N T A R I V M.

**M**ultorum fore mensuram agnituram indicaret. ] Gal.  
ditissimus medicinæ Oceanus verius appellandus,  
rationalem methodum, cuius prima tantum semina iecit  
Hippocrates, numeris omnibus absolutam posteritati re-  
liquit. Quapropter ab omnibus summis laudum præco-  
niis commendatur. Hæc prospiciens Leonardus Iacchi-  
nus superioris æui Medicus illustris, ita de eo scribit lib.  
9. Rhasis cap. 1. Huic disciplinæ post multos celebres vi-  
tos Galenus summam manum imposuit, atque ita effe-  
cit, vt posteris omnem gloriæ ansam adimeret, priores ve-  
rò luce sua obscuriores reddidit, vt de eo facile dici pos-  
sit, quod de Epicuro Lucretius:

*Omnes restinxit stellæ exortus vti æthereus sol.*

Huius ergo virtutes præcipuæ sunt sex, eloquentia, mul-  
tarum rerum peritia, studium, methodus pulchra, veritatis  
amor indefessus, & iudicium in medenda arte singulare.  
*Est nobis, inquit scientissimus Vallesius in præsar. ad cen-  
trouersias ab initio. Hippocrates vnus instar mille auctorum,  
& vnus Galenus pro innumeris explanationibus: nulla enim  
est artis medicæ pars, quam ille non inuenerit, neque quam  
hic ad summum non excoluerit.*

Hic ergo auctor incomparabilis lib. 2. feb. vlt. & 1. aph.  
12. & 1. cris. 6. Medicum instruit, & certis signis velut  
manuducit ad morbi statum breuem, aut longum præ-  
cognoscendum



cognoscendum. Nec immerito: nam ut dicebat Gal. i. ad A. Glauco. 8. ab initio statim ad vniuersum agnitum tempus respicientes, ratione victus instituimus: nam agnitionibus qua acuti sunt, ac celeriter ad statum veniunt, et si valde reme victum exhibueris, haud magnum afferes detrimentum. Quae vero sunt diuturniores, nisi ab initio grandiori cibo reficias, hominem cum morbo pariter perimes, aut intempestive victum modum commutabis: neque enim oportet statu aduentante grandiore, quam prius, cibum offerre, sed contra potius, tenuissimum victum, qui in toto morbo exhibeatur, ad statum referuare.

Deinde non parum facit ad perfectam cuiusvis morbi medelam, tam in ratione victus instituenda, quam in medicaminum, aliorumque auxiliorum oblatione, morbi, eiusdemque temporum longitudinem, aut breuitatem agnoscere, siquidem varia haec tempora, veluti integrantes morborum partes, varium, Medicis omnibus consentientibus, & medicandi, & nutriendi ordinem praebent.

Huius praecognitionis necessitatem post Galenum perpendens Auicenna, illius facunda doctrina imbutus, mira diligentia, studio summo, & exacto artificio, signa omnia tradere conatur i. 4. tract. i. cap. 4. quibus Medicus ductus in cognitionem, & notitiam breuitatis, aut longitudinis temporum circa quascunque agnitiones possit deuenire. Horum signorum primum est morbi species. In huius ergo doctrinae confirmationem proponit morbos acutos, & chronicos, epilepsiam numerat apoplexiam, & anginam, quos valde acutos appellat, quod citissime finiuntur, breuissimamque contineant sui temporis durationem.

Auicennam autem cit. loc. nam intelligas, ac si de propria, & vera mortuorum acutiae loquatur, quae ex caliditate, & tenuitate humoris ortum ducit, sed de citissima morborum terminatione, quae acutiem refert ob similitudinem quam habet cum morbis acutis, in velocitate, celerique motu, siue huiusmodi morbi a tenui, calida, vel crassa, frigida materia generentur, ut conuulsio ex inanitione, apoplexia, epilepsia, & angina, quos morbos affert in exemplum, quia citissime finiuntur. Per epilepsiam autem, non integrum morbum, sed eius inuasionem significat. In exemplum autem acutorum reponit febrem ardentem, & tertianam exquisitam, scilicet continuam: neque enim acutus mortuus febrem intermittentem, sed continuam ferè admittit. In numero chronicorum morborum, quartanam, & paralysem comprehendit. Cognita ergo cuiusque morbi natura, & specie, non erit difficile praecognoscere num longiora, aut breuiora sint eiusmodi morbi tempora futura.

Secundum signum quo munitus Medicus debet longitudinem, vel breuitatem morbi praecognoscere, est motus agnitionis, ex cuius maiori, vel minori impetu, vehementia, aut magis remissa, morbi tempora longa, aut breuia futura aspiciantur: si namque morbus cum vehementia symptomatum, intensione, celeri motu, & concursu statim ab initio inuadit, morbum fore breuem, eiusdemque tempora futura breuia pollicetur. Si vero pigro & moroso gradu progrediatur, totum mortuum longum fore poterit Medicus audacter praesagire.

Nec placet interpretum quorundam expositio, ut Vgonis, Iacobi, & aliorum, qui Auicennam tantummodo de morbis habentibus paroxysmos intelligunt, non vero de illis qui omnino periodis carent, qui licet verbis Auicennae commoti id adstuant, non recte tamen illius mentem percipiunt. Sic enim ait cit. loc. Auic. Na si paroxysmi sint breues, significat quod statim est propinquus, &c. Sed exempla clarioris doctrinae gratia ab auctoribus solent adduci, sunt enim addiscentibus magis perspicua, maxime cum non sit obscurum ex hoc, vel illo morbi impetu, celeri, vel remisso, cititiae, aut vehementia symptomatum, longum, vel breuem morbum coniectare absque ulla habita paroxysmorum ratione.

Sed contra Auicennam loc. cit. est satis obscurus Galeni locus ex diametro pugnat, quia i. cris. 3. & i. aph. 1. ex longitudine paroxysmi praecipit aduenientem proximè statum coniectare, Auicenna vero loc. cit. ex paroxysmorum breuitate status celeritatem pronunciat. Dic. Galenus

confert vnius, & eiusdem morbi paroxysmos inter sese, quo modo verum est longiores paroxysmos quam in principio significare morbum prope iam accedere ad statum, quod enim longiores paroxysmi existunt, eo magis status appropinquat. Auicenna vero non vnius, sed diuersorum morborum paroxysmos nititur conferre, & ita verum est, quod quod paroxysmi in morbi principio breuiiores existunt, eo totus morbus breuior est: quoniam paroxysmorum breuitas, materiam morbi paucam, tenuem, calidam, & facilem resoluibilem, longitudo vero, crassam, & nimis rebellem significat.

Tertium signum ex aegri perspecta forma, aut figura desumitur, ut colore, compositione, vultu, accidentibus, & similibus, ut si totum corpus fiat magis pingue, aut tumidum, quam antea, vel potius magis gracile, & siccum, directum, tensum, tortum, conuulsum, viuidum, pulchrum, gracile, languidum, agile, praecipit, pigrum, torpidum, rubrum, pallidum, nigrum, viride, plumbeum, &c. Ex vultu, si facies naturali sit similis, aut dissimilis, conformis in se, & proportionata, difformis, aut male composita, si tumescat aut rubescat, si tota facies, vel pars naturali colore, aut praeternaturali afficiatur. Similiter ex accidentibus, ut si eodem modo se habeat aeger, atque in sanitate, ut si letus, hilaris, vel potius maestus, & melancholicus, si fastidiosus, aut e. contra si placidus, aut furiosus, & iratus.

Haec doctrina à mente Hipp. non est aliena, qui i. prog. 8. 9. 10. ex aegrotantis facie, morbi acutiem, periculum, securitatem, & ex consequenti breuitatem, & longitudinem temporum morbi iudicauit. Colligitur etiam ex 2. aph. 18. Febricitanti non omnino leuiter permanere corpus, & nihil minus, vel etiam plusquam ratio postulat, contabescere, malum, illud enim morbi longitudinem, hoc vero imbecillitatem significat. Ut Hipp. eo quod aeger non leuetur, & eius corpus simul non minuatur, aut totum, aut pars, in solita, & naturali forma, & eadem quam sanitaris tempore fruebatur, permaneat, longum fore morbum certo pronuntiat, signum enim est quod natura quiescit, & morbi causa immobilis ferè existit. Lege Costæum in com. cit. loc. Auic.

Quartum signum ex forti, aut debili aegrotantis virtute colligitur, ita firmat Gal. 2. feb. ult. §. Et potentia quidè robur, minus diuturnas facit accessiones, imbecillitas autè in longum tempus producit. Na quod potentia vegetior existerit, eo promptius omne alienum a se depellit, & infra sic ait. Longissima quidè ob materia inutilis multitudinem, crassitudinem, atque lentorem, potentia imbecillitatem, ac meatuum angustiam: breuissima autem propter materia inutilis subtilitatem, paucitatem, & potentia vigorem, ac meatuum laxitatem.

Sed Galenicæ sententiæ aduersatur Auic. i. 4. tract. 1. c. 4. in princip. §. Et quandoque est ex virtute aegri, cui velociter aduenit debilitas, quare est agnitionis acuta, aut non apparet illud, & est agnitionis non acuta, &c. qui contra Galenum, ex aegrotantis virium robore, morborum breuitatem, ex debili vero aegrotantis virtute, longitudinem pronuntiat. Costæus in com. breuib. conciliare conatur, etsi enim, inquit, facultatis imbecillitas morbi causa est longioris, non tamen indicium. Non placet solutio, quoniam Auicenna, virtutis debilitatem, ut causam, & ut signum, breuem morbum facere affirmat.

Auicennae interpretes, inter quos primus est Gentilis, asserunt virtutis robur salubres morbos reddere breuiiores insalubres autem longos efficere, è contra vero virtutis debilitatem, morbos salubres facere longiores, insalubres autem, quam breuissimos, & hoc modo Galenum loquutum de morbis salubribus, Auicennam de insalubribus, & lethalibus intelligunt. Haec expositio auctorum menti non satisfacit, maxime cum medentium experimento cōpettum sit cum viriū vigore, plures saluberrimos morbos fieri longos, eorumque temporum vniuersalia longissima.

Melius ergo solues, si asseras Galenum esse intelligendum de naturali virtutis robore, & debilitate, quae in aegrotante sanitaris tempore praexistebat, cum quae incipit morbus. Hinc est quod robusti in magnos incidunt morbos, debiles vero in remissos, iuxta Hipp. 1. aph. 14. docentem, senes non similiter aegrotare ac coetui acutis morbis, ac iuuenes: robusta namque virtutis

non nisi à magna causa succumbit, debilis vero à quacun- A  
que leui præternaturaliter afficitur, *ut in com. cit. Aph.* ele-  
ganter docuit Brasauolus. Accedit quod naturalis virium  
fortitudo multò fortius operatur, quàm virtus debilis,  
quæ morbum facit longiorem; nam debilitat, & pigre  
commouens humorem, parum contra morbum insurgit.  
Auicennam autem explana de debilitate virtutis, quæ post  
morbi principium velociter superuenit, hæc enim morbi  
vehementiam notat, morbum futurum breuem, et hocque  
increfcere præostendit. Virtutis autem robur si post mor-  
bi insultum in ægrotante appareat, breuitatem morbi,  
moram, & quietem significat manifestè.

Quintum signum longitudinis, & breuitatis morbi de-  
promitur ex ægrotantis, ætate, tēpore, regione, cæli statu,  
in quibus ægitudines contingunt. Ætas calida, & cætera, B  
calida morbos parit acutos, & contra tēpora, & reliqua  
frigida morbos frigidos & diuturnos constituunt. Quoni-  
am licet morbi omnes in omnibus tēporibus fiant 3. *aph. 1.9.*  
tamen orti in regione, ætate, tempore, calidis breuiore  
sunt, & acutiores. Hoc modo æstiuæ quartanæ, breuiore,  
autumnales, & hyemales, longiores 2. *aph. 2.5.* quoniam, *ut*  
inquit Galen. *com. non solum quartana æstate sunt breuiore,*  
*sed alia ægitudines, propterea quod humores ex cremo-*  
*si funduntur, & per totum corpus feruntur, atque diffantur.*

Sextum signum ex pulsu, & eius differentiis colligitur:  
ex magnitudine enim, velocitate, & frequentia, morbi  
acutiem, & breuitatem arguere oportet, ex paruitate, ra-  
ritate, & mora, longitudinem. Ratio huius signi sic osten-  
ditur: quoniam magna, velox, & frequens pulsatio, calo-  
ris non paruum notat incrementum, atque incendium, C  
calor autem necessariò morbum quàm breuissimum red-  
dit iuxta enim maiorem usum, & necessitatem in prædi-  
ctas differentias augetur pulsus, *ut Gal. 1. ad Glauc. 2. &*  
*1. de caus. puls. 4.* confirmat. Oppositi: ærè pulsatōis si-  
gna, contraria ex se præbent testimonia.

Septimum signum ex rigoris breuitate, aut longitudi-  
ne, cum quo paroxysmus inuadit, desumitur: quoniam si  
rigor est brevis, totus morbus erit brevis, si sit prolixus,  
morbus erit productus. Per rigorem autem non solum  
intelligas rigorem propriè, & præse sumprum, sed lato  
modo, prout quodcūque paroxysmi initium compre-  
hendit. Accessiones enim initium habent interdum à fri-  
gore, horripilatione, lassitudine, nota, vel occulta, &c. quæ  
omnia symptomata si morosa sint, crassam in corpore la-  
titare materiam attestantur, ex Gal. 10. *meth. 9.* brevis verò  
rigor, frigus, & reliqua symptomata, calidam significat  
materiam, tenuem, & faciliè resolvablem.

Octauum signum & ad methodum maximè necessa-  
rium, quo breuitas in morbis futura colligenda est, ex pa-  
roxysmorum anticipatione desumitur. Igitur Auicenna  
ingenue, & artificiosè satis ex anticipatione accessionis  
colligit morbum esse in augmento, & ex postpositione,  
morbum esse in declinatione. Et ex eo quod seruat horam  
vnam, id est, quod eadem hora inuadat, morbi longitu-  
dinem venatur, quod vltimum aperte docuit Hipp. 4.  
*aph. 30.* dicens, *quibuscunque accessiones sunt quacunque hora*  
*febris diuaserit, si eadem cras occupauerit, iudicium habent*  
*difficile.* Et secundum hunc sensum reprobatur Conciliator  
dis. 88. Auerrhoem dicentem 4. *collige cap. 27.* prauum  
esse quod in accessionibus mutetur inuasionis hora, sed  
si Auerrhoes intelligatur, quando morbus est crudus, à E  
calumnia fiet immunis.

Multa quidem fusè satis in huius signi propositi ab  
Auic. explanatione proferunt antiqui illius expositores,  
quin Gal. *cit. feb. & Aph. loco* interpretes, *ut* Thomas à  
Veiga, Christoph. à Vega, Trincauellius, Brauus, Argen-  
terius, Cardanus, & alij, nos in hoc argumento vtili rem  
totam de accessionum anticipatione, postpositione, equa-  
litate, duplicatione, & varietate, seu incerto, & erroneo in-  
uadendi modo perstringemus breuiter.

Dic primò. Anticipatio accessionis notat augmentum,  
quia in hoc insurgit natura ad coctionem, & humor ma-  
gis funditur, & effluuiscit, quare natura ob eam causam  
citius irritata quàm ante, citius etiam mouet humorem,  
atque ita anticipat horam assuetam, & ob contrariam

causam in declinatione accessio postponit, quia si accessio  
eandem horam seruat, morbum adhuc in principio esse  
significat, & causam illius fixam esse, & inconcussam, qua-  
re iudicium erit difficile, & *ut interpretatur Galenus in*  
*com. aph. cit.* morbus erit difficulter solubilis.

Dic secundò ex Gal. 1. *cris. 3.* anticipationem accessio-  
nis non esse certum signum augmenti, nec postpositio-  
nem declinationis, quia aliquæ sunt febres, quæ ob natu-  
ram humoris, & causas traditas à Gentile 1. 4. *tract. 1. c. 4.*  
procedunt anticipando, & aliquæ postponendo. Quare  
simpliciter ex anticipatione febris non possumus collige-  
re augmentum, sic nec ex postpositione, declinationem,  
sed ad horum temporum cognitionem oportet simul ad-  
uertere ad longitudinem, magnitudinem, & accessionis  
morem, his enim simul actis anticipatio indicat augmē-  
tum, sicut & postpositio, cum illis diminutis indicat de-  
clinationem. Vtrum autem anticipatio fiat ratione au-  
gmenti, an ex natura humoris, intelligetur, quia hæc ab  
initio morbi fit, illa verò posterius accedit.

Dic tertio etiam in febribus ex natura humoris antici-  
pantibus, aut postponentibus dignosci posse augmentum,  
& declinationem, ex anticipatione, & postpositione scili-  
cet excedentibus ultra solitum, quod significauit Galenus  
1. *cris. 3.* cum dixit, *sed in his plusquàm proportio exigit, &c.*  
& ob eam causam Auicenna 1. 4. *tract. 1. cap. 4.* non asserit.  
pro signo augmenti simpliciter anticipationem, sed hanc  
superfluentem, id est, non seruantem proportionem cum  
anticipatione præcedente: hæc enim notat naturam iam  
mouisse humorem, & aggredi pugnam cum morbo, &  
hanc iam esse in augmento.

Ex iis duo corollaria inferes ad curationem vtilia valde.  
Primum non modo quando accessiones inuadunt ab in-  
itio eadem hora significare morbum fore longum, *ut* do-  
cuit Hipp. 4. *aph. 30.* sed etiam quando accessiones cer-  
tam seruant proportionem, quam ab initio obtrauerant  
in anticipatione, vel postpositione, in utroque enim casu  
cernere licet causam morbi fixam esse, & permanentem,  
id est, non agitatam à natura, & morbum ipsum adhuc  
esse in principio, ac proinde fore productum.

Inferes secundò causam esse assignandam, quare sæpe  
duplatio accessionum abbreviet earum durationem, quæ  
obseruationem ante Thomam à Veiga. 2. *feb. ult.* experi-  
mentis pluribus à se confirmatam commendauit experi-  
tissimus Nicolaus *ferm. 2. tract. 2. sum. 4. doct. 3. c. 5.* duplatio  
igitur tertianæ, vel quartanæ, eius durationem breuiorem  
facit tum in ratione signi, tum in ratione causæ; nam si-  
gnum est naturam iam mouisse humorem, & causam mor-  
bi non ita stat ilem; & durantem, in ratione autem causæ,  
quia parit humor facilius superatur à natura. Hæc in-  
telligentur dummodo antecedant signa concoctionis, &  
qualibet accessio ex duplatis minor sit quàm erat ante  
duplationem: alias enim duplatio illa magnam esse hu-  
moris peccantis copiam significat.

In febribus itaque in quibus à principio accessio ea-  
dem hora inuadit, anticipatio horæ solitæ denotat au-  
gmentum, & postpositio, declinationem. Non similiter  
autem contingit in his quæ ab initio procedunt antici-  
pando, vel postponendo, sed in anticipantibus anticipatio  
maior solita denotat augmentum, & anticipatio minor  
solita, declinationem notat. Neque enim oportet in  
declinatione harum febrium accessionem simpliciter  
postponere horam solitam. In postponentibus verò mi-  
nor postpositio solita notat augmentum, & minor solita,  
declinationem.

De quartò signa tradita, scilicet anticipationem acces-  
sionis, longitudinem illius, magnitudinem, &c. non esse  
signa infallibilia augmenti: nam sæpe contingunt in  
principio morbi ob influxum astrorum, & errorem in  
victu, & in aliis rebus non naturalibus, si enim sit ali-  
quod astum inimicum temperamento ægri, facit magnam  
accessionem, et si sua vi incitat naturam, facit anticipa-  
re accessionem. Quare ex dictis signis non debemus il-  
licò colligere morbum esse in augmento, sed solum  
cū nobis constet in dictis causis varietatem nullam  
contigisse.

Dic quintò. Causam quare inter febres quædam ab initio procedant anticipando, quædam postponendo, esse, quia verbi gratia accessio tertiana inuadit de tertio in tertium ob certam quantitatem, & certum modum substantiæ, & temperamentum bilis à qua pender, quæ in dicto spatio acervatur sufficiens ad irritandam naturam, & inducendam accessionem. Cæterum cum intemperamentum, modus substantiæ, & quantitas bilis efficientia accessionem, & de tertio in tertio repetentia in puncto indivisibili non consistant, sed latitudinem habeant, sit, ut pro ratione illorum varietur hora accessionis, etsi semper repetat de tertio in tertium.

Ita igitur si in aliqua tertiana intemperamentum, modus substantiæ, & quantitas bilis certo modo se habuerint, accessio singulis 48. horis adueniet, quia in hoc spatio acervabitur bilis sufficiens ad inducendam accessionem, & ita accessio inuadet eadem hora. Cæterum si bilis calidior sit, & tenuior, aut in maiori copia acervetur, atque ob eam causam citius stimulet naturam, accessio ante 48. horas adueniet, & ita procedet anticipando, è contra autem si in bilis sit minus calida, & crassior, & minori copia acervetur, ac proinde tardiùs irriter, plus temporis requirit ad mouendam accessionem, quam dictas 48. horas, & ita huiusmodi tertiana procedet postponendo.

Ultra dictas causas facientes ad anticipationem, aut postpositionem accessionum, oportet etiam addere sensum acutum, & obtusum, tum membrorum demandantium humorem ad focum, seu mineram putredinis, tum ipsius mineræ: nam cæteris paribus sensus acutus citius percipiens noxam, ac proinde citius irritans facultatem ad expellendum facit anticipare accessionem, sensus verò obtusus ob contrariam causam facit postponere accessionem. Nec recipiendum cum Thadeo in com. cit. cap. Auic. & aliis, causam quare ex febribus, aliæ procedant anticipando, aliæ postponendo, esse inæqualitatem humoris in tenuitate, & crassitie, ut si primò putrescat portio humoris subtilior, & successiue crassior, accessiones procedant postponendo, etsi priùs putrescat, pars humoris crassior, & deinde tenuior, accessiones procedant anticipando: nam hæc causa vniuersaliter recipienda non est, quoniam quæadmodum 1. 4. tract. 1. cap. 4. in Auicennam docuit Gentilis, experimento constat aliquas tertianas exquisitas ab humore æquali, & vniiformi subortas procedere anticipando, & alias postponendo.

Dic sextò. Causa quare in febribus sæpe accessiones intra suum periodum nullum ordinem seruant, sed erroræ, modò anticipant, modò postponunt, est diuersitas humoris in crassitie, & tenuitate, acrimonia, & calore, & ob maiorem fixationem humoris contenti in minera, ita ut aliquæ accessiones fiant à parte tenuiori, aut acriori, aut calidiore, & sic anticipant. Si autem à parte crassiore, minus acri, minus calida, postponunt. In iis nulla hora inuasionis cognosci potest.

Vltimum signum quo longitudinem, & breuitatem morbi colligere oportet, sunt excrementa quæ per solitas in paroxysmis euacuationes excernuntur, sudorem videlicet, alui fluxum, vomitum, quæ nomine exeuntium cit. loc. significat Auicenna, neque per illa intelligas quæ à Medicis talia solent appellari, cuiusmodi sunt vrina, fæces, sputum, pus, de quibus Hipp. 1. ap. 1. 2. sed illa quæ per has tres prædictas, & assiduas in paroxysmis vacuationes excernuntur, sudorem, alui fluxum, & vomitum.

Hæc doctrina ab Hipp. mente non est aliena quoniam ille 4. aph. 5. 1. in febribus abscessus qui ad primas indicationes non solvunt, longitudinem morbi significare affirmat, quo loco Hippocrates docere intèdit abscessus, hoc est fluxiones, & recursus materiæ in partē, absque morbi solutione contingentes, huius longitudinem prælagire, & aliquando licet rariùs mortem, iuxta aliam eiusdem Hipp. sententiam latà 2. prorrh. 33. & 34. & 3. eiusdem 35. decretoria non decernētia, aut lethalia sunt, aut difficilis indicationis repetit Galenus 1. aph. 1. 2. & 1. cris. 14: quo loco signa decretoria infida appellat quia pro varietate temporis morbi in quo apparent, aliquando bona sunt; interdum mala;

Lib. IV.

A signa autem coctionis semper firmam, & stabilem potestatem habent, perpetuò enim optima sunt.

Sed quæres quomodo cognoscemus quando hæc reprobata signa significant mortem, & quando difficile iudicium? Dic: Id explicatur à Gal. 3. prorrh. 35. ita ut quæ nihil iuant, sint difficilis iudicij: quæ verò vitia quod nihil leuant, in contrarium repunt, sint lethalia, id est, deducant ægrum in maximum vitæ periculum. Hoc patet in sudore, ut affirmat Galenus 1. prorrh. 23. qui enim in febribus continuis non soluit febrem, si frequens sit, & non copiosus, producit morbum, non tamen est lethalis, at si frequens sit, & multus, & exitialis, citò enim virtutem exolucendam præostendit, quæ omnia de aliis vacuationibus non conferentibus sunt intelligenda: superior doctrina etiam consentit cum alia quam prouult B Hipp. 4. aph. 56. Febricitari sudor superueniens, febre non desiciente, malum, prouocat enim morbum, & multa significat humiditatem. Quæ sententia licet ex mente senis in continuis præcipuum locum habeat, nihilominus tamen de intermittentibus potest intelligi, si per periodos, & accessiones computatio fiat.

Ex varietate igitur eorum quæ per eiusmodi euacuationes in paroxysmis excernuntur, iuxta quantitatem, formam, seu substantiam, cum qualitate, & reliquis, in morbis penes longitudinem, & breuitatem varias colligitur. Si namque sudor, alui fluxus, & vomitio in paroxysmis, si humores facientis morbum, & sit in quantitate, & qualitate respondente ad materiæ morbificæ suspectam à Medico copiam, seu qualitatem, hoc est caliditatem, frigiditatem, putredinem, malignitatem, acrimoniam, &c. eiusmodique euacuatio per conferentia loca intentata cum reliquis signis conueniat, hanc vacuationem esse vtilem, & à natura constanter operante factam, cuius ope necessariò minuetur morbus, poterit Medicus cerò prædicere, iuxta illud Hipp. 1. aph. 2. in perturbationibus ventris, & vomitibus spontinis, si talia purgētur, qualia purgari oportet: conferri, & leniter ferunt: sin minus contra, & aph. 2. 3. & 4. aph. 3. Si qualia oportet purgari, purgantur, confert, & leniter ferunt: contraria verò grauiter, quæ de materiæ morbificæ qualitate sunt intelligenda, si autem hæc vacuatio fiat à natura irritata, minimèque constante virtute, & citra morbi leuamen, morbi longitudinem significat. Quare quò morbus ex prædictis vacuationibus factis in paroxysmis magis minuitur, eò breuior existit, quò verò magis accrescit, aut in pristino statu persistit, eò longior euadit, quòd prælagium desumitur ex doctrina Hipp. & Gal. 1. progn. 22. sudores optimi quidē sunt in omnibus acutis morbis, quicunque in diebus decretoriis fiunt, & integrè febrē sedant. Boni verò quicunque ex toto corpore procedere fecerint, ut homo facilius morbum ferret: si verò nihil horum fecerint inutiles sunt. Pessimi verò sunt frigidi, & circa caput tantum, & vultum, & cernicem facti, hi enim cum acuta febre mortē, cum leniori verò morbi longitudinem significant, & 4. aph. 56. & 1. prorrh. com. 2. text. 33. & 47. quoniam eiusmodi vacuationes, multitudinem, crassitiem, & frigiditatem humorum naturam grauantium, & virium debilitatem significant. Multa namque crassa, rebellisque materia non nisi difficilè, & longo temporis spatio resoluitur, naturæ verò debilitas morosè, & tardè humorem resoluit. Si verò contra cum optimo prædictorum signorum concursu eueniant, fortem naturam, humorisque aptitudinem, & obedientiam præostendunt, ideòque morbum fore breuiem attestantur.

Denique breuitas, & longitudo cuiusque morbi ex coctione, & cruditate cognoscitur in iis excrementis quæ à Medicis exeuntia vocantur, quòd consilium ad praxim exercendam saluberrimum est: si namque illa cruditatem in humoribus morbum facientibus ostendant, longitudinem significant, si verò coctionem, breuitatem morbi pollicentur. Hoc signum à superiori differt: siquidem supra de excrementis egere auctores, & præsertim loc. cit. Auic. non prout sunt coctionis residua, sed prout in paroxysmis hoc, vel illo modo excernuntur: ex iis verò longitudinem, aut breuitatem morbi colligere licet, prout cruda, cocta, aut putrida expelluntur, & sunt superflua decisa

714  
decisa ex humoribus, quæ hoc, vel illo modo in morbis A  
concoquuntur, & putrescunt.

Rationes præsentis sententiæ adeo sunt vulgares, & à  
Medicis receptæ vt in eis proferendis tempus non con-  
sumam. Verum vnâ veluti præcipuam, & à qua cæ-  
teræ vt è fonte emanant ex immensa Galeni doctrina in  
lib. de crisib. feb. morb. temp. & multis locis in medium  
referam, videlicet quod concoctio, aut putredo effe-  
ctus sunt actionis quæ inter morbum, & naturam inter-  
cedit, idcirco quod euidentius apparent, maiorem ar-  
guunt actionem: atque ita si sola, aut maior putredo  
adsit in morbo quouis, maiorem morbum significat,  
eundemque in opere dominantem, & vincentem pro-  
nuntiat: si verò vice versa, concoctio, aut maior, aut  
sola appareat, validum prælagit, & triumphans naturæ  
opus portendit. Cum ergo occulta concoctio, atque pu- B  
tredo, hoc est minimè sensibilis, nullam, aut occultam  
significent inter morbum, & naturam, actionem, ma-  
nifesta autem, aut sensibilis concoctio, atque putredo,  
notabilem indicent actionem, & quod magis harum quæ-  
uis in morbi processu accrescit, eo maius prælagit actio-  
nis incrementum, sequitur, quod accrescens, aut in vi-  
gore consistens concoctio, seu eidem contraria putredo,  
ex eo quod robustam significant actionem, quæ inter  
morbum, & naturam intercedit, eadem augmentum, aut  
statum morbi, indeque & reliqua morbi tempora quam  
verissimè significant, quare occulta concoctio, morbi  
principium, manifesta, & accrescens, augmentum, con-  
sistens autem, & summa, morbi statum ostendit. Con-  
sulit ergo Hipp. Galenus, & Auicenna, immò artificiosè  
nimis præcipiunt ex coctione, aut putredine, tempora C  
morborum auspicari, illorumque breuitatem, aut longitu-  
dinem futuram prædicere.

## HISTORIA XXVIII. GALENI, De tertiana.

### Historia adolescentis triplici tertiana laborantis.

**A**dolescens qui circa autumnum finem, cum in prima die  
circa quintam horam cepisset febricitare, vna cum ri-  
gore breui, deinde cum paululum sudasset multo vespere, D  
innox circa horam septimam noctis, priusquam exactè febris  
desisteret, febricitare rursus incepit cum rigore breui, de-  
inde paululum sudauit. In secunda die, ac circa decimam ho-  
ram iterum similiter accessionem habuit, & statim simili-  
ter sudauit in nocte. Deinde tertia die hora secunda cepit  
febricitare simul cum rigore, antequam prioris diei declina-  
tio in quietem desineret. Nobis igitur omnem febris for-  
mam diligenter considerantibus, visa fuit trium complicatio  
tertianarum: nam quæ primo die cæperat hora quinta, &  
sequenti nocte rursus hora septima, & quæ in secunda die  
hora decima, & pulsus, & caliditatem omnia propria ter-  
tiana habebant, sicut etiam rigores, & sudores, nulla verò  
ex iis ad quietem perueniebat, quoniam sequentis ipsam ter-  
tiana accessionis principium anticipabat, sicuti si nulla alia  
febris successisset, horis tribus, aut quatuor homo sine febre  
perstisset. Trium verò tertianarum complicatio in secundo, E  
statim die nobis visa est manifestè. Quod autem anticipanda  
accessiones facerent, tertio die primum cognouimus: nam  
hora secunda febris inuasit, non quinta quemadmodum in  
primo. Tertiani verò circuitus indicia omnia, iis quæ in pri-  
mo die apparuerant attulit manifestiora. Ab hoc verò die  
deinceps obseruantes, omnes inuenimus accessiones duabus, aut  
tribus horis anticipantes, quare & illa quæ prima propor-  
tioni respondebat in circuitus successione, quinto die orien-  
te sole facta est, septimo verò multo celerius, veluti circa  
horam noctis nonam, deinde quæ post hanc secundum ean-  
dem proportionem in hora noctis septima, & quæ sequens  
est, hora quarta, & quæ post hanc, quinta, deinde iterum  
 sexta, deinde octaua hora, decima à principio accessio facta

est. Secundum verò similem huic proportionem, similisque  
modos, & alia duæ post septimum periodum, non solum  
non anticipauerunt, sed etiam tardius aduenerunt, quando &  
mibi, & reliquis omnibus manifestè apparuit, qui semiter-  
tianam febrim esse putarunt, quantum sua opinione aberras-  
serunt. \* Nam accessionum prolixitas ad octo horas contracta,  
ipsaque accessionis insulm non amplius anticipante, sed po-  
tius retardante duabus iam horis tunc accessiones ad infibri-  
cationem deuenerant, & iam paulatim a longitudine de-  
mentes cessauerunt. Primum quidem qualemissima erat, deinceps,  
quæ magnitudine secunda erat, & tertio vehementissima  
inter ipsas, quod & ipsum non mediocriter fuit indicium, quod  
statim ab initio tres tertiana existissent, &c. Galenus lib. 2.  
de crisibus, cap. 9.

## PARAPHRASIS.

**C**omplicari febres nouum non est, id asseruit Gale-  
nus lib. 2. cris. cap. 7. hæc permixtio multifariam fit,  
quædam enim fit per commixtionem diuersorum ge-  
nerum, vt quando continua commiscetur cum inter-  
mittente, & hectica cum putrida, alia fit per permix-  
tionem variatum specierum, vt quando tertiana per-  
miscetur cum quotidiana. Altera fit per commixtionem  
variorum indiuiduorum eiusdem speciei, vt tertiana  
cum altera tertiana, & quartana cum alia quartana, adeo  
vt per hanc permixtionem detur tertiana, vel quartana  
triplex, quam complicationem tradit Galenus lib. de  
typis, cap. 3. & Anic. 1. 4. tract. 4. cap. 16. Possunt au-  
tem tres tertianæ duobus modis simul connecti, vel  
quando eadem die febris ter inuadit, & vna die integra  
est, ita tamen vt tertia quaque die tres illæ accessiones  
sibi respondeant, vel sunt tres tertianæ, quando qualibet  
die febris inuadit, ita tamen vt tertia quaque die tres illæ  
accessiones sibi respondeant.

Triplex tertiana euadit, vel quod copiosior sit hu-  
mor, quem natura semel expellere nequit, vel quod  
plures sint putredinis mineræ, vel quod diuersimode pi-  
uita cum flaua bile, vel melancholia permisceatur: qua-  
re ex hac miscella varia, mira tertianarum varietas con-  
tingit, diuersis symptomatibus insignita, ex quibus acce-  
dit plurium membrorum læsio, vt iecoris, lienis, & me-  
særei, quoniam hæc partes recrementa præstant, quæ  
bilioso humori adiuncta in accessionem triplicem com-  
migrant.

Vt ergo hanc veritatem tertianarum possimus inter-  
noscere, oportet omnes simplices dispositiones agnosce-  
re, & earum signa rimari. Hipp. verò præceptis certior  
factus, Galenus triplicem adesse tertianam iudicauit con-  
tra aliorum votum, qui semitertianam esse persuasere sibi:  
& certe aberrant à cognitione veri, nam aderant signa  
quæ tertianam ostendunt manifestè, proposita à Gal. 1.  
ad Glauc. cap. 5. & 2. de dif. feb. cap. 3. & 2. de crisib. cap. 3.  
quorum primum est rigor cum quo adolescens hic cepit  
febricitare, isque fuit brevis, ab humore acri, sed tenui,  
qui celeriter extra venas per membra sentientia commo-  
tus rigorem fecit, sed ob humoris subtilitatem, duran-  
tem parum. Secundum fuit sudor in declinatione, qui  
tertianis proprius est, quæ ab humore tenui generantur.  
Deinde pulsus erat qualis in tertianis apparet, inuaden-  
te paroxysmo non adeo paruus, sicut in inuasionibus  
aliorum paroxysmorum, deinde in statu paroxysmi ob  
vehementem caliditatem, & ebullitionem bilis fit maxi-  
mus, celerissimus, & creberrimus. Iis omnibus signis erat  
adiunctum aliud quod ex calore desumitur: quoniam  
aderat eius æqualitas in vniuerso corpore, qui ob deob-  
structos meatus illico percipitur, quæ omnia signa quàm  
longè abunt à signis semitertianæ in sequenti historia pa-  
lam facit Galenus.

Sed non erit iniucundum scitu, immò ad curatiuâ me-  
thodum, præsentisque historiæ explanationem valde ne-  
cessarium perscrutari quæ sit causa varietatis accessionum,  
tam in hora accessionis, quàm in longitudine, & breuitate  
ipsarum, quam Galenus 2. feb. vlt. §. Nec & illud mirandū  
quod non statim temporibus, &c. ad naturam ægrotantis,  
habitu



habitu corporis, & ad humorem referendam esse docuit, de quibus seorsim agendum.

Ex parte quidem naturæ circuitus euariant, quoniam natura robusta celerius expellit, imbellis verò tardius, & segnius, quare non solum anticipatio accessionum, sed etiam maior vehementia, & longitudo ipsarum fiunt à virtute valente, sicut postpositio est signum imbellis naturæ, ita rigor fortior sit à firma virtute, ut notat Auic. 1. 4. tract. 2. cap. 6.

Ex parte dispositionis corporis similiter solent variare accessiones: nam quemadmodum fiunt longiores, aut breuiores propter varios corporis habitus, ut colligitur ex Gal. 2. aph. 25. & 2. de dif. feb. cap. ult. §. Nam si quod corpus rarius existerit, breuiores sui ratione reddit accessiones, & c. quo loco concludit in obstructis, & constipatis morbos, & accessiones esse longiores, in raris verò, & deobstructis, longiores, quare multum confert ad curationem accessionum quod prius obstructiones auferantur. Ob hanc causam 11. meth. cap. 15. saluberrimum iudicat in omnibus febribus sanguinem emittere, quod intelligas velim dummodo putredo ex obstructione propter sanguinis copiam oriatur, ut optimè interpretatur Trallianus lib. 12. cap. 1.

Ex parte humoris euariant accessiones, ut cum Gal. 2. feb. cit. firmat Auicenna 1. 4. tract. 2. cap. 7. §. Et ista quidem febris quibus sunt paroxysmi, & c. quibus locis causam varietatis esse dissimilitudinem humoris contestatur: quoniam in multa, aut pauca quantitate, crassus, aut tenuis incipit fluere, & putrescere, non enim torus simul confluit, & putret, sed per partes ut 4. collig. 27. Auerrhoës docet, quando ergo humor qui futurus est materia accessionis, & fluit ad mineram, secundum omnes sui partes est vni-formis temperamento, & modo substantiæ, seruatur eadem inuasionis hora, si autem est difformis, non seruatur eadem hora, & sic si incipit mandari ad focum à parte crassiori, ita ut indies in omnibus accessionibus sequentibus mandetur portio humoris tenuior, & calidior, erunt semper accessiones anticipantes, si verò incipiat mandari à parte tenuiori, ita ut indies humor crassior, & segnior ad motum mandetur, procedent accessiones postponendo; seruabitur verò in sequentibus accessionibus proportio primarum in anticipando, & postponendo quando humor ad focum fluat vni-formiter difformis: non seruabitur verò proportio si vni-formitas in difformitate non seruetur, ut si fluat in prima accessione pars crassior, in secunda tenuior, in tertia rursus crassior, in secunda accessio anticipabit, tertia verò postponet.

Deinde potest accidere varietas in accessionibus ratione humoris, quando videlicet transmutatur in aliam naturam, ut apparet in sanguine, cuius pars tenuis putrescens mutatur in bilem, crassa in melancholiam, assumens secundum proportionem mutationis circuitus tertianarios, vel quartanarios, ut docet Gal. 2. de dif. feb. cap. 10.

Contingit varietas etiam, præcipuè anticipatio ob errorem in victu: quia, ut inquit Galenus 2. feb. ult. si ipsis sanis victus deprauatus ægrotandi attulit occasionem, eodem, ut arbitror modo, vel etiam magis ægrotantibus ex erroribus admixtis fient accessiones, & sicut auxilium Medicum est causa retardationis, ita error ægi est causa anticipationis.

Ex parte humoris, vel à toto, vel aliqua parte fluentis, qui fluere non solebat, accidit etiam varietas in accessionibus: Latent enim interdum humores in corpore qui progrediente morbo suscitantur, & fluunt cum magno nonnunquam ægrotorum discrimine, vocat vulgus materias latitantes: varietas autem, & mutatio ob hanc causam eueniens reprobanda est, & in hoc sensu amplectenda est sententia Auerrhoës 4. collig. 27. reprobantis in accessionibus mutationes.

Ex parte complicationis aliarum febrium accidere etiam solet, ut cap. ult. cit. Galenus aduertit, dicens: sæpe verò ob circuituum complicationem qua à Medicis ignoratur, videtur absque ordine accessiones in ægrotantibus fieri.

De curatione nihil à nobis agendum, quoniam hoc

Lib. IV.

solùm exemplum proposuit Galenus, ut Medici deinceps edocti duplicatas accessiones internoscere, & remedium conuenientem ordinem offerre possint: certum enim est humorem superfluum esse expurgandum, ita ut si cum bile flaua, crassi, pituitosi, & melancholici humores redundant, qui vnica vice excerni nequeant: ij cautè, & maxima cum præmeditatione sint vacuandi, roboranda viscera, intus, & extra adhibitis. Demum deobstruentia offerenda, & cætera quæ in tertiana notha Medicorum peritissimi celebranda consulunt: nam huius febris natura eadem est cum tertiana duplici, aut triplici, solùm dissident in duobus, primò quia in notha vnica tantum est minera putredinis, in duplici, aut triplici, duplex, aut triplex esse contingit. Secundò, quoniam simplex à minori, triplex à maiori humoris copia scaturit, quare maiorem expostulat vacationem. De duplicis, & triplicis tertianæ curatione proprium faciemus caput in praxi Historiarum, proprio libro de febribus. quam ad omnes de Medicorum Principum Historia libros paratam habemus. Interim lege expertissimum Ludouicum Mercatum lib. 6. de febribus, cap. de notha, & duplici tertiana.

## QUESTIO XXX.

Utrum tertiana notha sit longior quotidiana, ut contra Galeni, & Auicenna mentem, Vega, Brauum, Gentilis, & alij arbitrantur.

## COMMENTARIUM.

**N**am accessionum prolixitas ad octo horas contracta. ] Vt omnia quæ hæcenus de accessionum anticipatione, postpositione, breuitate, longitudine, duplicatione, & varietate diximus inter se cohæreant, vehementer facit quod summus auctor Auicenna ad hunc ferè modum prodidit. Dum enim comparisonem faceret inter longitudinem accessionis tertianæ nothæ, & quotidianæ sic alloquitur 1. 4. tract. 2. cap. 47. de febre phlegmatica, & eius eradicatio in pluribus est intra quadraginta dies, & c. Tertiana verò notha durat ultra medietatem anni, ex ipso 1. 4. tract. 2. cap. 45. Et hæc quidem non pura quandoque prolongatur tempore longo, & circiter medietatem anni, & c. Deinde tertianæ nothæ accessio longior est accessione quotidianæ: quoniam huius accessio ad 18. horas extenditur, ut ait Auicenn. 1. 4. tract. 2. cap. 47. §. Et sunt ei hora sicut reliquis febribus, & minor horarum sui principij secundum plurimum est decima octaua, & c. & tertianæ nothæ accessio extenditur ad 40. & 48. horas ut 2. feb. 8. post med. probauit Galenus, & firmat Auicenn. 1. 4. tract. 2. cap. 37. §. Et in non pura prolongatur paroxysmus, ut perueniat ad viginti quatuor horas, aut triginta horas, usque ad horam suam, & reperiatur donec complentur 48. hora, & c. Ex quibus omnibus fit manifestum tam in temporibus vniuersalibus, quam particularibus tertianam notham esse longiorem quotidianam.

Ex altera parte video argumentum fortissimum ex præclara Galeni doctrina desumptum. Is enim strenuus dux 2. feb. 8. ante med. de hemitritæo verba faciens docet quod quando miscetur flaua bilis cum pituita, sicut pituita reprimit celeritatem bilis, eiusque acrimoniam, & calorem remittit, ita bilis, pituitæ tarditatem accelerat, & hoc modo pituita ob miscellam bilis, redditur minus frigida, lenta, aut crassa, flaua autem bilis ex pituitæ mixtione, minus calida fit, magis crassa, & difficilior concoquitur. Si hanc doctrinam pensites ad vnguem, tertiana notha breuior tibi videbitur quotidiana, quia tertiana notha fit ex humore minus crasso, & magis calido. In hunc sensum dicebat Auic. 1. 4. tract. 4. cap. 18. statum semitertianæ esse velociorem statum quotidianæ.

Ut verò hunc tantum nodum extricare queas longitudinis, & breuitatis accessionum, & temporum vniuersalium causas cum Gal. 2. feb. ult. in compendium redigas velim: quoniam breuiores fiunt accessiones, vel ratione humorum, vel ratione virtutis, vel ratione corporis. Crassities enim, lentor, aut humorum copia,

O o o 3 accessio

accessiones longiores, & tempora vniuersalia morborum faciunt longiora, vt in quotidiana, & quartana satis patet: multitudo enim materiæ suffocat, vix accenditur, tardè resoluitur, vt patet in combustione plurium lignorum, contra tenuitas, & parua quantitas sunt breuitatis causa. Facultas robusta, breuiores; debilis longiores constituit accessiones. Corpus rarum, transpirabile, abbreviat, densum producit accessiones. Similiter tempus frigidum, regio frigida, longos generat morbos, & prolixas gignit accessiones, tempus autem calidum, abbreviat.

His iactis insurgit Christoph. à Vega, Medicus præclarus, in com. lib. 2. de diff. feb. Gal. cap. 9. tertianam notham minus longam esse in temporibus vniuersalibus ea febre quæ sit ex sola pituita, dummodo aggregatum ex bile & pituita non excedat pituitam solam: nam si maior quantitas humoris reperitur in tertiana notha, nil mirum si ipsa quotidiana longior existat. Sed quoad primam partem, miror doctissimum virum ita contra Galenum depugnasse, quoniam apud eius doctrinam ratum est, tempora particularia valde esse proportionata temporibus vniuersalibus, sed tempora particularia tertianæ nothæ longiora sunt temporibus particularibus quotidianæ, vt supra ex Gal. & Auij. mente comprobauimus, ergo & tempora vniuersalia erunt longiora.

Secunda pars quæ probat tertianam notham esse longiorem ratione maioris quantitatis materiæ, & defenditur à Ioanne Brauo, viro in Galeni monumentis versatissimo in com. cap. 9. lib. 2. de diff. feb. Galeni, hoc modo impugnatur, quia si maior quantitas materiæ id efficere, maximè esset, quia posset coniungi tota materia pituitosa, quæ efficit quotidianam, & tota materia biliosa quæ constituit tertianam exquisitam, sed si hoc concedas accessio solum potest extendi ad 30. horas, cum quotidiana ad 18. horas, & exquisita ad 12. extendatur, ergo cum sæpè tertiana notha extendatur ad 40. & 48. horas, ratione quantitatis materiæ, temporum vniuersalium, vel particularium in tertiana notha prorogatio contingere nequit.

Omnes propemodum consentiunt posita paritate in copia humoris, dispositione virtutis, & corporis, & in reliquis, de quantitate, & substantia, humoris solum consideratione facta, quotidianam esse longiorem tertiana notha, & semitertiana: si verò paritas hæc non seruetur, non esse extra rationem respondent, tertianam notham esse quotidianam longiorem. Sed hæc solutio defendi non potest; nam præterquam facta æqualitate in omnibus intelligenda sit quæstio, aduersatur planè priscorum decretis, & superiori argumento contra Vegam posito facile redarguitur.

Neque istas causam longitudinis oriri non ex maiori causa, aut duplicatione eius, sed ex miscella humorum, qua ratione Galenus 2. prog. 23. & 1. cris. 11. & 4. aph. 40. morbos ex variis causis concitatos tanquam difficiles, & diurnos reprobatur, magis quam simplices: nam natura cum multis pugnat, imbellis fit, & sic longo tempore vincit. Hæc responsio facile reicitur, quoniam tertiana notha ex humoribus diuersis non pender, sed ex vitellina bile, licet enim ad eius generationem supponantur diuersi humores, iam ipsi non permanent, alioqui constituerent hemitritæum, sed solum permanet humor ille biliosus præter naturam, qui tertianam notham constituit.

Alij, vt refert Gentilis in extrauagantibus, quæst. 14. sic soluunt dubitationem. Sumpta indicatione à substantia, & qualitatibus humorum licet tertiana notha debeat esse breuior, attamen ratione noxæ quam partes in ea patiuntur, cuius causa à suis actionibus distracta, peccantem humorem nec coquunt, nec resoluunt, ideo tertiana notha longior esse solet: etenim resolutio non solum fit à calore febrili, sed naturali. Si autem ab illis iniquitas quæ sit causa maioris læsionis in tertiana notha, respondent, quia bilis vitellina, habet se veluti caliditas inherens materiæ densæ, & crassæ, & ideo diu, & importunè stimulans, & naturam premens, vehementer transmutat, & grauià symptomata excitat, caliditas verò

quotidianæ est in pituita veluti consopita, & ideo vniuersa causa quæ facit tertianam notham ob læsionem partium, & nouum humorem ex earum debilitate regentium, tardius resoluitur.

Hæc expositio licet vera sit, & diutino medentium experimento firmata, non reddit tamen causam ob quam tertiana notha in quæbilis vitellina componitur ex tota materia febris quotidianæ, & ex tota materia tertianæ exquisitæ, duret longiori tempore, quam duraret vitæque febris per se. Deinde etsi verum sit magis lædi partes à calore recepto in bile vitellina, quam à calore recepto in pituita, hac ratione tertiana exquisita esset longior, tertiana notha, quia à calore bilis flauæ amplius patet læduntur, quam à calore bilis vitellinæ, quia illa tenuior est, calidior, acrior, & magis irritat, vitellina verò est sufficienter crassa, sed hoc non est dicendum, ergo nec illud.

Ergo, vt semel concludam, causa longitudinis tertianæ nothæ, posita paritate in omnibus, præterquam in humoribus ea est dicenda, quod bilis vitellina, cum tenuior sit pituita, ob mixtionem flauæ bilis, remotissimas partes amplius penetrat, in quarum meatibus ita insigitur, vt vix educi, aut resolui queat, cum verò pituita ob crassitiem, & lentorem neque penetrare, neque adhærere poris partium possit, ex eo tertiana longior est in temporibus vniuersalibus, & particularibus quam quotidiana, maximè quoniam in tertiana notha adsunt obstructions internæ visceribus contumaciter adhærescentes, quæ quantum faciant ad longitudinem, omnibus compertum esse reor, & firmavit supra citato exemplo Galenus.

## HISTORIA XXIX. GALENI, De semitertiana.

### Exquisitæ semitertianæ, historia celebris.

Nuper quadam muliercula in paribus diebus horridam habebat accessionem, semitertiana exquisita propriam, in imparibus manè altera quandam; ea qua præcesserat longè minorem, vt altera die semitertiana febris accessio supra accessionem aduenire videretur, quod in tali febre fieri cõsuevit: circa octauam verò horam diei altera inuadebat accessio cum vigore vehemēti, omnia tertiana febris indicia exquisitè afferens, iam verò hac contracta sudoribus, ac bilis vomitionibus hora tertia noctis, mox extendebatur ad diei paris horam secundam, & cum iam infirmitati appropinquaret, rursus horrida, atque inequalis accessio succedebat quam in paribus diebus fieri diximus, deinde per totū diem malignè compressa, ac deinceps adauicta, vix occidēte sole ad statum perueniebat, ac declinare incipiebat hora quarta noctis, deinde mane rursus ex abundantibus reliquis augmentum non valdè inaequale usque ad octauam horam intendebatur, & cum iam manifestè statum obtinere febris videretur, iam febrē hanc altera febris exquisita tertiana accessio excipiebat. Hæc nos febrem statim die secundā ex complicatione semitertianæ febris, atque tertianæ factam agnouimus. Longè verò certiozem tertius dies præbuit cognitionem, atque in spem venimus alterum tertiana febris circuitum citò finem habiturum, alterum in longū tempus debere porrendi; quod etiam contigit, & tunc aperte visum est in reliqua parte agnitionis solam superesse semitertianā, quæ principium quidem totius circuitus in pari die faciebat, in die verò impari superaccendebatur. Tales quidem mixtiones non est vniuscuiusque dignoscere, &c. Galenus lib. 2. de crisib. 9.

## PARAPHRASIS.

Galenus postquam hoc libro in antecedentibus capitulis de febribus compositis disseruit, has diuise in eas quæ fiunt per confusionem, & in eas quæ fiunt per complicationem. Hæ sunt quando eodem tempore sed diuersis horis inuadunt, cuiusmodi sunt tertiana duplex, & subintrans,

subintrans, quæ licet variis horis reperant, vnam tamen febrem compositam efficiunt: nam duplex tertiana quotidie suas facit accessiones, ita tamen ut de tertio in tertium sibi respondeant, tertiana verò subintrans tertio quoque die suas habet accessiones, cæterum antequam vna finiatur alia succedit. Per confusionem autem sunt quæ vno eodemque tempore laborantem aggrediuntur, ut est hemitritæus.

De hac febre tam præsci, quam Iuniores peculiarem fecerunt commemorationem, & præsertim Hipp. in *epidemiis*, & Galenus hoc loco, & 2. feb. 8. Hemitritæus ergo ex Galeni, & Auic. sententia 1. 4. tract. 4. cap. 17. est febris composita ex duabus febribus, quarum vna est tertiana, & altera est phlegmatica, & fit in vno die paroxysmus tertianæ, & quotidianæ simul. Quamvis autem multiplex sit huius febris compositio ob varias complicationes quæ ex tertiana, & quotidiana fieri possunt, quas citatis locis retulit Galenus, tamen exquisita semitertiana fit duntaxat, quando componitur tertiana intermittens cum quotidiana continua, & in ea humor æqualiter dominatur, & eodem tempore, licet diuersis horis, accessionem habet.

Hanc passum fuisse hunc adolescentem ex historia constat manifestè. Hæc quadrupliciter componitur, videlicet tertiana continua, cum quotidiana continua, tertiana intermittens, cum quotidiana intermittente, tertiana continua cum quotidiana intermittente, tertiana intermittens, cum quotidiana continua.

Sed superius dicta exquisita est facta ex quotidiana continua cum tertiana intermittente, quæcumque vtraque simul inuadit, & altero die vnicam tantum habet accessionem, altero verò die duas efficit, si pares ambo sint humores exquisita sit, si tamen bilis exuperet, ardentior fit, & tertianæ magis affinis, si pituita, mitior, magisque quotidianæ particeps.

Semitertiana, ex mente Hipp. 1. epid. sect. 1. text. 23. est horrida, continua, acuta, non omnino intermittens, vno die leuior, altero inuadens grauior, & in summa in dies acutior, addit 1. epid. sect. 3. text. 5. maxime lethalis. Non dicitur horrida, quia incipit cum horrore, sed quoniam per totam ferè accessionem producit horror.

Est continua, quia ex duabus intermittentibus fieri non potest, sed ex altera intermittente, altera continua. Ita firmavit Galenus lib. 1. epid. sect. 3. com. 5. eiusdem opinionis Hippocratem fuisse affirmans. Sed cur ille in lib. introduct. c. 13. & in lib. de typis c. 4. hanc febrem non solum inter continuas, quam intermittentes numerauerit, Respondent Anutius Fœsius in *œconomia librorum Hipp.* & Ioannes Gottæus lib. *definit. medicor.* textum esse corruptum, immò libellum de typis non esse Galeni, sed Agathini. Sed non est approbanda solutio: quoniam citra necessitatem mendam arguit in sententia quæ commodam patitur explicationem. Dic tu in utroque loco vera pronuntiare Galenus: nam in libro de typis loquitur de non exquisita, quo pacto explanandus Celsus lib. 1. cap. 3. qui eam facit intermittentem in epid. de exquisita est intelligendus.

Est acuta, & periculosa, immò valde lethalis, morbi enim acuti, ut Archigenes ait referente Galeno cum velocitate sunt periculosi 3. de dieb. decretor. 13. & 1. acut. 8. Sed quid respondebimus Hippocrati 1. epid. sect. 3. text. 5. qui eam morbis longis annumerat dum de semitertiana loquitur. *Tabidi, & qui longis morbis detinentur, hac præcipue agrosant?* Respondet Vallesius perdoctus in com. febrem hanc morbum longum non esse, sed longis superuenire: cum enim hæc febris, variis, & periculosis symptomatibus stipata, vigiliis, delirio, syncope, cataphora & aliis prolatis à Galeno lib. de typis, cap. 4. ægros premat, facultatēque omnes labefactet, non potest non esse morbus acutus, sed longis morbis superuenit, infirmata facultate, auctis cruditatibus, adusto sanguine, & adaucta bile, quæ omnia & quotidianæ, & tertianæ fomentum præstant. Deinde præcipuis membris debilibus factis pituitosi, & bilioli humoris in corpore copia accrescit. Quæ omnia cum

A exacto iudicio Galenus perpenderet, semitertianam esse iudicauit.

## QVÆSTIO XXXI.

Vtrum febres continua rectè ab intermittentibus à Galeno, & Auicenna distinguantur.

### COMMENTARIUM.

**T**ertiana febris circuitum. ] Galenum, Medicorum summum, quem ut diuinum virum suspicit, & admiratur Græcia, ea fuisse prudentia legimus, ea mentis acie, nunquam non collimante, insuper & ingenij promptitudine, ut discipulos suos toto animi affectu docens, illis salubria forent monita, ab eius ore vberim, docetque prolata. Hic in multis locis, præsertim lib. 2. cris. 3. febrem continuam ab intermittente distinguit, quoniam in hac humor extra vasa defertur non autem intra ea continetur, in continuis autem modo contrario hæc contingunt, quoniam humor intra venas est, à quo ob viciniam cum corde eleuantur fuligines putridæ, quæ febrem non intermittentem faciunt, sed continuam. Quapropter 2. feb. 1. & 3. & 2. cris. 6. probat febrem ardentem non distingui à tertiana exquisita, nisi quia illa habet causam extra venas, illa intra, 4. aph. 59. & 63.

Sed si hæc vera sunt, cur Galenus 2. cris. 6. confundit tertianam cum exquisito causo, vtrasque febres completens nomine febris ardentis, cuius duo inseparabilia signa traduntur à Galeno 3. epid. sect. 3. com. 30. & 4. acut. com. 1. scilicet si is intentus, & deurens calor? Dic: Galenum de tertiana continua esse intelligendum; Arabes tamen eas tripliciter distinguunt, primò quia in tertiana continua notabiles exacerbationes de tertio in tertium reperiuntur, at in causo non similiter contingit ob ingentem inflammationem bilis. Secundò, humores in tertiana continua continentur in vasis rotius, in causo autem iuxta cor. Tertio, quia causus maximam habet inflammationem bilis, tertiana verò continua fit à magna copia bilis, sed non tantum inflammata, cum magis à corde distet, quare in causo maior refrigeratio est necessaria, quam in illa.

Insuper hæc doctrina Gal. lata 2. cris. 6. & 2. feb. 1. quod intermittentes distinguantur à continuis; quia hæc habent humorem intra vasa, secus illæ, intelligenda non est de febribus symptomaticis, quales statuuntur, quæ ab inflammatione alicuius membri principalis ortum ducunt: hæc enim etsi generentur ab humore extra vasa contento, tamen continuæ sunt, quia assidue à membris inflammato putridæ fuligines eleuantur, quæ in propria substantia excalfaciunt cor, febrem continuam constituunt: Cur igitur Galenus locis citatis simpliciter asserit febrem continuam generari ab humoribus intra vasa contentis? Dic: causam esse quia ibi solum Galenus de febribus simplicibus sermonem instituit, in quibus eius doctrina est verissima: nam febris simplex non fit continua nisi putrida fuligo accedat ad cor, quod in febribus simplicibus solum fit quando humor morbosus intra vasa continetur.

Verum rogabis, si in inflammationibus, siue febribus symptomaticis humor contentus extra vasa potest efficere febrem continuam, cur etiam in interpolatis humor contentus extra vasa eandem continuam non gignet? Dic: causam esse quia in inflammatione humor circumscriptus & vnitus, continuò euaporat ad cor, nec dissipatur, quemadmodum humor accessionem faciens, qui per ambitum corporis dispersus, tum magis transpirat, minus calet, & ebullit, nec ita continuum vaporem ex se emittit.

Deinde febres continuæ ab intermittentibus distinguuntur penes periculum: quoniam continuæ maxime sunt periculosæ, 4. aph. 43. ita ut asserat Hipp. 1. epid. sect. 3. text. 3. in continua febre morbos esse acutissimos, maximos, grauissimos, ac præ cæteris lethales, febres autem intermittentes periculo vacant, ex Hipp. 4. Aph. cit. quod intelligatur penes naturam morbi: nam ex natura

humoris maligni, & pestilentis etiam tertiana interpolata A  
interimit. Adde sententiam Hippocraticam non esse sim-  
pliciter intelligendam, sed collatione facta ad febres con-  
tinuas; nec omnes interpolate periculo carent; nam  
quotidiana longa est, & periculosa, ex Ratio 10. ad. Al-  
mans. 2. 2. & tertiana notha est febris mala, & periculosa,  
ut ibidem docet. Si autem quæras ordinem periculi in  
intermittentibus. Dic; magis periculosam esse quotidia-  
nam tum ob frequentiam accessionum, tum ob earum  
longitudinem tum ob membrorum naturalium, scilicet  
iecoris, & ventriculi læsionem concomitantem hanc fe-  
brem, tum ob curationis contrarietatem: febris enim  
requirit auxilia frigida, & humida, & causa illius, nempe  
pituita expostulat præsidia calida, sicca. Secundum locum  
periculi videtur obtinere febris tertiana, præsertim si fue-  
rit notha: quoniam pura multò salubrior est 4. aph. 59. B  
& 1. epid. sect. 3. text. 8. Vltimum locum sibi vendicat  
quartana, hæc enim ex se omnium est saluberrima, adeò  
ut Hipp. 1. epid. sect. 3. text. 4. eam appellet omnium fe-  
brium securissimam, & facillimam.

Si ultra expostules quomodo febres intermittentes in-  
ter se distinguantur penes longitudinem, dic ex Gal. 1. ad  
Glauc. 8. & 2. cris. 11. inter omnes febres intermittentes,  
breuissimam esse tertianam, secundo loco quotidianam,  
& omnium longissimam esse quartanam. Nec inistes quod  
à quibusdam asseritur accessionem quotidianæ longio-  
rem esse quartanæ: licet enim id concedatur, non tamen  
inde sequitur, quotidianam longiorem fore quartanæ:  
quoniam longitudo cuiusque accessionis ortum habet ex  
eo quod humor faciens febrem diutius febrilem calorem  
conseruet, quare cum pituita ob humiditatem quam ha-  
bet diu illum retineat, quam melancholia, sequitur, ut fe-  
bris pituitosa accessio longior sit quàm febris melanco-  
licæ. Longitudo autem totius morbi in intermittentibus  
ex alia causa emanat, nempe ex portione humoris relictæ  
in putredinis foco, qui nouam concitat accessionem, quo-  
usque attenuatus integrè expurgeretur, & quoniam inter  
omnes humores melancholia ob summam crassitiem  
quam habet longiori tempore durat in dicta minera, an-  
tequam tenuior facta resoluatur, proinde facit febrem  
longiorem, quàm alij humores, adeò ut ex Auicenna 1. 4.  
tract. 2. cap. 6. 1. quando non accidit in ea error durat per  
integrum annum, & quandoque durat duodecim annis,  
& ex Gal. 2. de dieb. decretor. cap. 10. in tot annos incidit,  
quot alia diebus iudicata est, id est, in 14. annos incidit,  
sicut febris acuta in 14. dies.

Differunt etiam ex Galeno 2. cris. cap. 6. quia intermit-  
tentes incipiunt cum rigore, aut horrore, & intermit-  
tunt; siue desinunt in quietem cum vomitu, aut sudore,  
continuas verò non antecedit rigor, ex Auic. 1. 4. tract. 2.  
cap. 3. quod intelligendum est de rigore magno, & perio-  
dico, qualis in solis febribus intermittantibus reperitur,  
ut constat ex 4. aph. 63. paruus tamen rigor aliquando in-  
cidit in principio febris continuæ, ut testatur experi-  
mentum, & Galenus 1. ad Glauc. 5. cuius effectus duplex  
causa traditur, prima quia venæ per quarum cavitatem  
humor mouetur sensum participant, 6. aph. 5. Sed ea ratio  
non videtur recipienda, quia, ut constat ex Gal. 16. de usu  
part. 12. venæ, & arterie cuiusque partis omnino sunt sen-  
sus expertæ, siue illas frangere velis, siue laqueis excipere; quod  
igitur Galenus asserit, alijs partibus quæ sunt in rene, nêpe  
arteriis, & venis patientibus dolorem sentiri acutum, non  
significat arterias ipsas in se, & venas sentire, & dolere,  
sed ob ipsarum affectum sequi dolorem, vitio scilicet  
parti sentienti communicato, nempe membranis ipsis ar-  
terias, & venas parte externa succingentibus. Altera cau-  
sa certior est, quia licet humores intra vasa moueantur,  
vapores tamen musculis communicari aliquem possunt  
dolorem inducere, maximè si acres sint, & mordaces, qui  
in biliosis febribus cum redundant, partium rigorem ex-  
citare queunt.

Itaque in febre intermittente apparet momentaneus  
rigor, continuæ verò ex Auic. 1. 4. tract. 2. cap. 1. nec cum  
rigore, aut notabili horrore, inuadunt, in quam senten-  
tiam ipse 1. 4. tract. 4. cap. 16. ad fin. scribit, quod si ap-

pareat euidentis rigor, aut frigus extremorum, significatur  
adesse etiam intermittentem, & sic febrem esse compo-  
sitam. Quo pacto Galenus 1. feb. 8. ad. med. 9. Nam cum  
omnis febris continua, &c. continuarum propriū esse non hor-  
rere, nec rigere affirmat, quæ sententia de frigore, rigore,  
aut horrore periodico est interpretanda: potest enim fe-  
bris continua cum frigore, rigore, aut horrore in primo  
insultu inuadere.

Si tamen, inquit Auic. loco nuper citato, paroxysmi con-  
tinuarum cum frigore incipiunt, hoc ex duplici causa  
euenire profert, vel ob virtutis imbecillitatem, ex 4. aph.  
46. aut ob retrocessum caloris innati 7. aph. 1. non tamen  
recipiendum est in febribus continuis posse dari frigus,  
vel rigorem in primo earum insultu nisi ob causas dictas,  
id significauit Galenus. 2. prog. com. dicens: At verò per  
morbos acutos annotatio interdum cum rigore prehendit, aut  
frigore non solum extremas corporis partes, sed etiam cutem  
circa costas, ac ventrem, frigidum reddens. Hoc pacto est  
explanandus Auicenna 1. 4. tract. 2. c. 6. ad fin. dum ait. Sed  
parum de ambobus est in conclusa, hoc est parum de frigore  
& rigore, quoniam hæc ambo remissa in principiis acces-  
sionum febrium continuarum apparere possunt.

Igitur propter debilitatem virtutis, aut propter retro-  
cessum caloris ad interiora, possunt continuæ suas in-  
choare accessiones, quo pacto contingit in intermit-  
tentibus, differunt tamen, quod in continuis per horrorem  
humor extra vasa non demandatur ad partes sentientes,  
sed ad vasa minora quæ obtuso sensu prædita sunt. Pro-  
pter debilitatem virtutis contingit frigus, siue horror  
in principiis accessionum febrium continuarum, quia  
natura in principio singularum accessionum ob sensatam  
humoris malitiam, se exonerare, & extra vasa maiorem  
humoris partem pellere conatur: illa tamen ob virtutis  
debilitatem intra vasa remanet, quæ continuitatem ser-  
uat. Quare apud Hipp. 4. aph. 46. in febre non intermit-  
tente contingit rigor febre non deficiente, ægro iam de-  
bili. Iccirco ob hanc causam rigor eueniens, est signum  
malum, ex Auic. 1. 4. tract. 2. cap. 1.

Ob hanc causam experimento fidissimo compertum  
est quam plurimos ex tertiana continua decedere, affe-  
rente tertio quoque die rigorem manifestum, qui pleris-  
que ex tertiana notha subintrante perire iudicantur,  
quum potius hæc febres tertianæ sint: continuæ simpli-  
ces, exitiales ob dietam causam. Ita febres puncticu-  
lares, & illæ in quibus minutæ apparent vacationes, vel  
sudor exiguus, stilla sanguinis è naribus cum rigore, vel  
horrore suas inchoant accessiones, & ferè sunt mortife-  
ræ, & ex toto prauitatem denunciant, ex Hipp. 2. prorrh.  
47. quoniam hæc vacationes sunt decretoria non decer-  
nentia, quæ lethalia sunt, aut difficilis iudicationis, hæc  
febres naturam semitertianarum æmulantur, quæ horri-  
fice appellantur ab Hipp. 1. epid. sect. 1. text. 23. dicente. In-  
festabant plerisque febres horrida, continua, occulta, omnino  
non intermittentes, quodam autem semitertianæ, &c.

Rursus Auicenna 1. 4. tract. 2. cap. 3. addit alia indicia  
quibus febris continua ab interpolata dignoscitur. Pri-  
mam sumit ex pulsū, dicens quod in eo diuersitas, id est,  
inæqualitas est valde apparens secundum febrem, ad dif-  
ferentiam aliarum inæqualitatum quæ ex causis acciden-  
talibus contingere possunt, & ad differentiam inæqualita-  
tis ratione paroxysmi, quæ in intermittentibus est maior.  
Est etiam pulsus ut plurimum inordinatus in continuis,  
& sine ordine, id est, sine rythmo, non seruans propor-  
tionem, & consonantiam, huius euentus causa assignari  
potest, quia materia intra vasa multò magis virtutem gra-  
uat, quam extra vasa existens.

Aliud signum est continuas, & vehementia diuer-  
sifatis, id est, inæqualitatis ipsius febris in augmento,  
quod signum affert Galenus lib. 1. ad Glauc. cap. 8. in  
princip. 9. Si verò inæquale habuerit incrementum, &c. di-  
citur autem inæquale fieri augmentum, quum non æqua-  
liter, & vniiformiter semper increfcit febris donec confi-  
stat, sed aliquando increfcere, postea verò consistere, &  
quasi inclinare videtur, & paulo post iterum increfcit, &  
hoc est quod innuit Auic. 1. 4. tract. 2. c. 3. dicens: minuitur  
enim



*Enim quandoque, & augetur vice alia.* Hoc signum non tantum indicat quod febris sit continua, sed quod etiam futura si diuturnior, ex Gal. loc. *nuper citato.* quia putrescentiam humorum diversitatem fortè significat, & cum hæc varietas, seu inæqualitas in continuis potius, quàm in intermittentibus reperitur, ob id hoc signum febrem continuam significat.

## HISTOR. XXX. RHASI, De semitertiana.

Semitertiana maligna, & diuturna, ptissana, & aliis commodis auxiliis, sanata.

**F**ilius Anohoc monoculus passus est deteriolem, & maligniorem speciem hemitritæ, qua erat multa acuitatis, & cronicata est, & Medicus eius assuescebat dare ei trochiscos de spodio, & consului ei quod acciperet prysanam per duas horas post syrupum acerosum, & quod tardaret cibum suum quolibet die, quousque alieniatus esset à febre, & quod hora paroxysmi provocaret vomitum, & cum regulatus esset isto regimine satis, fuit visum sibi difficile, & perebat aliud regimen melius, dixique ignoro pro se melius, & convenientius regimen, & discessi ab eius cura, & post decem dies inveni ipsum ambulante per villam, & liberatus est omnino, & c. Rhasius in lib. de mirabilibus curis quas ipse expertus est.

## PARAPHRASIS.

**F**ebrem semitertianam esse feram, periculoseque plenissimam, horridaque symptomata in accessione excitare Galenus auctor est lib. de typis, cap. 4. quippe quæ non solum ventriculum, & nervosas partes, sed cor vehementer lædit, atque profligat; nam delirium, syncope, vigiliamque affert importunam, quare lingua exurit, anima deficit, viscera agone premuntur, feruent humores, spiritus excandescunt, sanguis ebullit. Demum periculosissimus hic typus est, horridus, ferinus, lethalis, & rigoribus assiduus continuè naturam laceffens, & premens.

Sed soluenda est dubitatio quæ ex dictis Galeni depromitur: nam si semitertiana componitur ex quotidiana continua, & tertiana intermittente, & harum utraque non ita est lethalis, cur ex his composita febris erit illis deterior, maximè quia pituitæ lentorem bilis calor attenuat, & eius pigrum motum accelerat, & acrimoniam bilis, pituitæ humiditas contemperat. Hoc modo Hipp. 2. prog. 38. vomitum syncerum reprobatur, laudat permixtum ex pituita, & bile. Ita ipse accessum contrarij morbi ad præcedentem laudat, ut febrem superuenientem convulsioni 2. aph. 26. & 4. aph. 57. & 5. eiusdem s. ebrietati, & 6. lib. aph. 40. dolori circa hypochondrium, & eodem lib. 1. aph. 51. Apoplexiæ & 6. epid. sect. 3. text. 10. Epilepsiæ. Igitur morbi compositi minus sunt deteriores simplicibus, & ex consequenti hemitritæ minus periculosus est quàm quælibet ex componentibus febribus.

Dic tu hoc modo. Morbus compositus, & longior, & deterior est vnoquoque simplici componente; si compositio fiat ex contrariis affectibus quorum unusquisque propriam curationem requirat. Hoc modo Hipp. 2. prog. 23. & 40. & Galenus ibidem, & 4. aph. 21. in fin. & 40. & Celsus lib. 2. cap. 6. maximè reprobatur deiectiones variegatas, id est, habentes varios calores, hæ enim ut lib. 1. cris. c. 11. in fin. corpus variis affectibus obnoxium significant, & proinde longum, & malignum fore morbum præostendunt.

Ratio est in promptu, quia si curatio fiat à natura, hæc contraria tam adversa, & inuicem pugnantia superare nequit, aut saltem longo temporis spatio id efficit, vno solum moderato calore utens, quod est ipsius primum instrumentum, si fiat ab arte, Medicus ægrè, ac difficulter tam varios, & complicatos affectus curare non poterit. Remedia enim quæ alteri ex illis prosunt, aliis nocent, quare meritò hemitritæ multo periculosior est tertiana;

A & quotidiana ex quibus componitur, & sic meritò vocatur ab Hipp. lethalis 1. epid. sect. 3. text. 5.

Ex eadem causa compositæ febres reprobantur valde, quia ex maiori humoris copia emanant, maximè si ex acuta, & cronica consensent, ut febris continua cum quartana, quoniam acuta febris diu non potest durare, cronica verò citò non potest curari. Ob hanc causam hydrops cum febre lethalis est 2. prog. 1. & deiectio vërlicolor reprobatur, ex Hipp. eodem lib. com. 27. & vomitus varij, eodem lib. sext. 40. quoniam varias humorum sortes intra corpus contineri indicant. Hoc pacto quivis lapsus inæqualis deterior censetur æquali, ex Gal. 6. de sanit. 9. contraria enim intemperamenta reddunt corpus maximè insalubre. Hoc modo varia aëris constitutio damnatur 3. aph. 1. Nam vires mirandum in modum labefactat, atque enervat, & hac causa autumnus, ferinus censetur, & lethalis ab Hipp. 3. aph. 9. & in eadem mensa ciborum varietas condemnatur 1. acut. 18. & 3. 1. doct. 1. cap. 3. quoniam nec facili, nec benè à natura concoqui, nec superari queunt.

Si tamen compositio ita fiat ex variis affectibus, ut alter alterius vitium emendet, neque propriam curationem requirat, hæc compositio laudabilis est, & omnino reddit morbum salubriorem, & brevior, & sic laudatur febris convulsioni superueniens 2. aph. 26. & 4. aph. 57. & in aliis morbis 6. aph. 40. & vtiliter in morbis frigidis 2. prorrhetic. 50. & in ebriis 5. aph. 50. dummodò tamen hæc febris non maneat propriam curationem expositulans, sed solum affectum contrarium cui superuenit, emendet. Similiter laudatur esus contrariorum ciborum, si alter illorum in pauca quantitate assumatur, gratia corrigendi alterius intemperamentum 3. 1. doct. 2. cap. 7. ita laudantur condimenta alimentorum, quia intemperamentum alimenti assumpti corrigunt, eodem modo in febre quotidiana laudatur commixtio bilis cum pituita, & pituitosa pura orta ex permixtione bilis malitiam pituitæ emendantis, est minus periculosa illa quæ ex pituita pura ortum ducit. Consule elegantissimum Castrensem Lusitanum tract. de complexu morborum, cap. 8.

Cum ergo hemitritæ ob exuperantem pituitam diuturnior interdum existat, & secum graves morbos accersat, & periculosos, & temporis decursu officinis debilitatis alij repullulent morbi qui difficilem habent correctionem, & sæpè ob copiam prædominantis bilis, acutissimus sit, ut Paulus inquit lib. 2. cap. 34. Idcirco necesse est huic febre illico auxiliares manus adhibere. Et licet ob exuperantiam contrariorum humorum incerta mendiendi ratio succrescat, & Medicus læuissimis symptomatibus, ex variis causis enatis perterritus curationem aggredi vereatur. Tamen necesse est aduersus pericula ire, & obuiantibus malis sese opponere.

Quare si calor vrgentissimus sit, corpus calidum, & exustum, frigidis attemperantibus vtaris tam in victu, quam in cæteris, si sanguinis præsentia adsit, virisque permittant, sanguinem parçè tamen emittere oportet, humores præparandi, attenuanda pituita, & coquenda, attemperanda bilis, & exuperantes deinde humores propriis pharmacis expurgandi, qui si mixti fuerint, alternatim, & paulatim vacuandi, pituitosi tamen humoris expurgatione in aliud tempus reservata, cum ob sui crassitiem difficilius concoqui possit.

Rhasius ad præsidia magna non accessit. fortè ob comminutum virium robur, sed solum contemperantibus usus est, quum febris esset acuitatis multæ, & ex bilioso, acutoque humore ortum duceret, & idcirco reiectis trochiscis de spodio, quia nimis adstringunt, ad alia remedia accessit. Horum compositionem tradit Mesuè, tractatu de trochiscis, & Nicolaus Fontanus, Medicus, nò minus elegans, quàm doctus explanat luculenter in suis institutionibus pharmaceuticis, sect. 10. de trochiscis, cap. 13. scis autem in febribus longis, qualis fuit hic, quod explicat per verbum *Cronicata est*, in quibus ferè adsunt obstructions internæ, ex pituitoso humore etiam prædominante concitatur, adstringentia non esse ex usu, quia obstructions adaugent, id equidem observat

obseruat Auic. 1. 4. tract. 2. cap. 7. adstringentia in initio febrium interdicens, ut sunt trochisci de rosis, spodio: nam astringentia resolutionem, & euacuationem impediunt 1. acut. 18.

In quem usum pristinam summè iuuat: nam furentis humoris acrimoniam retundit, pituitam abstergit, quas operationes excellentiori modo præstare probat Auicenna 1. 4. tract. 2. cap. 7. dicens: quod interdum una & eadem res confert febri, & causa, veluti syrupus acetosus, simplex, qui componitur ex aqua, aceto, & saccharo, quod firmat infra in cap. 9. confert febri quia ratione aquæ, & aceti infrigidat, & sic complet indicationem quæ sumitur à febri. Deinde ratione aceti incindit, & crassos, viscidosque humores attenuat, & ob saccharum abstergit, & hoc modo indicationem quæ à materia desumitur complet, nempe coctionem, & quodammodo etiam vacuationem. Consule Vidium Vidium lib. 6. de febrib. cap. 4. de Hemisriso.

Qua de causa optimo viuendi ordine præscripto, quod scilicet in hora accessionis abstinere à cibo, ob causas relaxas ab Hipp. lib. 1. aph. 11. ne scilicet distrahatur natura à coctione humoris, nèue alimentum oblatum corrumpatur, tandem vomitu in hora accessionis prouocato, à morbo conualuit, quoniam vomitus in febribus productis, quando videlicet materia mali, in primis venis copiosior stabulatur, est efficacissimus, hoc animaduerso, ut si veis materiam antecedentem vomitu expurgare, in die quietis eum celebrare oportet, si verò gratia instantis accessionis eum exercere coneris, ad vacuandum humorem qui fieri debet futura causa morbi, mox ante accessionem imperabis, mite illud quidem sit vomitorium, quod suauiter peccantem humorem ex ventriculo, primisque venis exhauiat. Vomitus mouendus est tepida, oxyacchara, oxy-melite cum aqua tepida, vel raphani decocto, aut seminis eius. Lenis vomitorij, & mediocris formam lege lib. 3. in tom. histor. 26.

## HISTORIA XXXI. GALENI,

### De quotidiana.

A quotidiana, calidæ, & siccæ temperaturæ sunt immunes.

**N**am iuuenem, biliosam, ac siccam temperaturam præditum nunquam vidi\* huiusmodi corripere febre, &c. Gal. lib. 1. ad Glauconem cap. 7.

### PARAPHRASIS.

**I**nter plurima quotidianæ signa quæ à Gal. 2. cris. 5. Auicenna 1. 4. tract. 2. cap. 47. & aliis proponuntur, illud est non infimum, cuius vi ad illius cognitionem accedimus, quum scilicet temperaturam paratam ad hanc febrem in promptu cognitam habeamus, dicit ergo Galenus in cap. in quo est propositum exemplum hoc, quod pueri, paruuli, pituitosi, crassi, ociosi, crapulis dediti, ebrietatibus, balneis post cibum à quotidianis facile capiuntur, nequaquam calidi, iuuenes, graciles, exercitati, abstemij, tempestiuis balneis vtentes, ab ea apprehenduntur. Iuuat consuetudo, anni tempus, regio, & aliæ res non naturales augentes pituitam, quibus omnibus concurrentibus præcipue si co tempore, quotidiana plures inuadat, tunc febrem pituitosam fore certè Medicus poterit prædicere, quæ omnia in praxi Historiarum, lib. de febrib. tit. de quotidiana examinabimus diligenter.

### QVÆSTIO XXXII.

*Utrum causa circuituum in febribus intermittentibus, & aliis morbis referenda sit ad motum luna, planetarum, occultam proprietatem, actionem naturæ, an ad multiplicatam humoris congestionem. ut contra Galenum opinantur Conciliator, Gentilis, Garbius, Fernelius, Veiga, Valleriola, & alij Medici præstantissimi.*

### COMMENTARIUM.

**H**uiusmodi corripere febre.] Discordia nullum esse perniciosius vitium humanis ingentum mentibus, à magnis proditum auctoribus scimus: siquidem dum quidam ad veritatis indaginem acuum ingenium, variè tunc exoriantur rerum formæ, quæ veritatis speciem ostendentes, animis nostris fallaciarum nubila obiculant, & sic falsis opinionibus irreti non solum alios persuadere conantur, sed Magistratibus multipliciter telis lacessunt, ac premunt. Quo pacto cogimur in hac contemplatione paulò acrius, grauiusque incumbere ut eius obscuritate dilucida veritas eluceat, & à legentibus fruatur: percipiatur vberior.

**D**ubium est arduum, & plurimis difficultatum labyrinthis intricatum, utrum causa circuituum in intermittentibus, sit referenda ad corpora cælestia, occultam proprietatem, naturam nostram ut Classici putant, an ad multiplicatam humoris congestionem, ut Galenus sibi persuasit, de qua quæstione varij varia protulere, de quorum numero sunt Galeni interpretes ad cap. ult. Gal. lib. 2. de diff. feb. & ad cap. 7. Auic. 1. 4. tract. 2. & Gentilis in extrauagantibus quæst. 2. Conciliator diff. 88. Turisani 3. arr. medic. com. 38. Nicolus ferm. 2. tract. 2. sum. 4. c. 16. Argenter. 3. de caus. morbor. cap. 7. Vallesius 5. contr. 25. Altimarus 2. part. de febrib. cap. 10. Fernel. lib. 4. patholog. cap. 11. Valleriola in appendice loc. com. c. 1. ad fin. Castrensis Lusitanus lib. 3. de meteoris microcosmi, cap. 17. Cardanus lib. 2. contr. tract. 2. contr. 13. Ludouicus Mercatus lib. 3. de febrium causis. Carreus, Petrus Mercatus, & alij viri peritissimi.

**C** Hanc quæstionem ad curationem facere plurimum, præter sententiam Galeni 2. feb. ult. §. Nam reliqua omnia silentio præteream, &c. etiam euidenter constat: neque enim reditus accessionum impediri poterunt, nisi causa propter quam redeunt, intelligatur: quoniam ut 6. aph. 31. probauit Galenus, neque dolores oculorum poterunt persanari, nisi causa à qua generantur, cognoscatur, quæ cum varia sit, variis præfidiis indiget.

Quapropter nos argumentum hoc ad mentem Galeni, & Auic. locis citatis agitabimus breuiter, diuersas proferentes iuniorum opiniones, ut iis reiectis, præcorum doctrina, stabilis maneat, & inconcussa. Febris ergo cessat, quia calor putredinosus agit in humorem putridum, donec ipsum dissoluat, atque ipsius humidum absumat, & fiat omnimoda eius resolutio, quod exactè docuerat Galenus 2. feb. ult. §. Restat nunc ergo, &c. ubi docet quod sicuti se habent ligna ad ignem, sic humor putrescens ad calorem, qui ex ipso accenditur: nam sicuti ligna eo usque exuruntur, & ignem conseruant, quousque aliquid habent natui humoris, qui ubi est absumptus, ligna in cineres vertuntur, & non manet ignis, hoc idem obseruatur in humore putrescente.

**E** His sic constitutis docent Galenus, & Auicenna locis citatis remissionem febris tunc contingere, quando humores non omnino dissoluuntur, & transpirant, si verò omnino dissoluuntur, quia non remanet substantia aliqua quæ calorem conseruet, intermitte febris quousque alia materia de nouo accendatur, & sic reuertitur alia accessio, accenditur verò alia materia de nouo, quia semper in minera putredinis, humoris putridi & caloris, remanet vestigium quoddam, & quædam veluti incineratio, & exustio ex priori putrefactione relicta, cuius ratione iterum in eodem loco alius putrescit humor, & hoc est quod ait Auic. 1. 4. tract. 2. cap. 1. & remanet cinereitas eius, & ipsius retreitas, & infra subdit, & iam remanserunt in eo reliquia caliditatis ex putredine prima, quæuis non remaneat materia, &c.

Ex hac ergo vltione relicta principium sumit alterius accessionis reditus, & hoc voluit etiam significare Hipp. 2. aph. 1. 2. dicens, quæ relinquuntur in morbis recidiu facere consueuerunt, & idem significauit Gal. 4. aph. 63. docens relinqui in corpore dispositionem præter naturam à qua secundum circuitum febres reuertuntur, unde colligitur merito dixisse Auicennam in quotidianis intermittentibus omnimodam, & exquisitam intermissionem non reperiri, in §. Quævis phlegmatica non eradicetur quin ibi sint reliquia occultæ,

occulta, quod etiam adnotauit Galenus 2. feb. 4. quia videlicet ex humore, crasso frigido, & humido, magna fuliginum, & visionis copia relinquitur, quæ cum multo minor sit in tertianis, & quartanis, fit, ut ipsarum interuallum magis à febre sit immune.

Utrum autem humor accessionem aliam effecturus de nouo accedat, vel ibi generetur, loc. 11. non explicuit Auic. quod prius docuit Gal. 2. feb. ult. duo prius præsupponens, primum quod in qualil et parte corporis quatuor reperiuntur facultates, attractrix scilicet, &c. ut constat ex Gal. lib. de natur. facult. passim. Supponit secundo quod in quouis uiuente duo sunt extranea, siuecrementa, alterum quantitate, alterum qualitate grauians, & sic quando partes sunt robustæ, & viæ patent, tunc se habet corpus, quando verò pars aliqua de illis est, excrementa generantur in quantitate multa, quæ si commodè expurgari possunt, extra corpus pelluntur, ut ibi posito exemplo in ventriculo ipse edocuit, qui per vomitum, ac per anum superflua expurgare solet, quando verò hæc excrementa generantur in partibus, in quibus expulsionem extra corpus viæ non patent, tunc ex naturæ ordine expelluntur ad alias imbecilliores partes, donec ad imbecillimas pertentum sit in quibus humores residentes; quum deficiat virtus, vel non adsint viæ per quas vacuentur, ibi putrescunt, & hac ratione quamplurimæ fluxiones in corpore excitantur, sed hæc ratione partis suscipientis interdum eueniunt, quando scilicet debilis est, vel plus iusto calidior, vel aliqua affectione dolorifica laborat. Ob hanc ergo rationem aggregatur in loco putredinis alia materia de nouo, quæ nouam facit accessionem. Intelligentum tamen est humorem prædictæ fluxionis, vel putredini paratum non simul secundum se totum fluere, vel putrescere, sed paulatim; secundum partes, quod scripsit Auerrhoës 4. collig. 27. dicens: *Et causa propter quam habent circuitus, est, quia humor qui putrefieri debet simul, & semel non putrefit.*

Plurimi de quorum numero est Conciliator dis. 88. interpolatarum ordinatos circuitus lunæ esse tribuendos asseuerant: nam hac de causa menstruar purgationes certo quodam, & inuariabili ordine recurrunt. Sed hi facile reiciuntur, quia solum alicuius circuitus causas docent, non tamen circuituum febrilium tradunt occasionem.

Alij verò causam circuituum ad lunæ motum non referunt, sed asserunt, quod quemadmodum motus pituitæ tribuitur lunæ, sic motus melancholiæ tribuitur Saturno, & motus bilis, Marti, ac proinde hos humores moueri secundum illos planetarum motus asseuerant. Verumtamen hæc opinio nulla ratione defendi potest, & eam reprobant Aphrodisæus 1. aph. 12. fol. 104. Argenterius 3. de caus. morbor. c. 7. Donatus ab Alto-mari 2. part. de febr. cap. 10. ad med. Primum, quoniam hæc causa communissima est, de qua in præsentia non est sermo, sed de particulari, quoniam sidera, & orbis caelestes, non primo, & per se, sed aliquo mediante in nos operantur, quare hoc modo, non magis huius rei, quam aliarum omnium rerum causas, quæ in nostro corpore peraguntur, ad superiorum vim, & providentiam reuocare possemus. Secundò, quoniam ex hac opinione solum colligitur quare aliquis humor tardius, alius citius ebulliat & insolescat; non tamen intelligimus quare circuitus in febribus sint ordinati. Tertiò, sequeretur quod perpetuò accessionibus cruciaremur, quum humores in nostro corpore contineantur semper. Vltimò etiam sanguini suus etiam circuitus esset tribuendus; contra Gal. 2. de dif. feb. ult. nam motus illius etiam tribuitur Ioui.

Tertia opinio famatissima est; quam tumentur obnixè Gentilis, Fernellius, & Valleriola loc. cit. asseuerantq; causam reditus ordinati accessionum, esse proprietatem occultam, siue formam specificam vniuscuiusque humoris. Si verò ab eis quæras, quid sit proprietas, respondent cum Auic. 2. 1. sim. 1. cap. 15. esse formam substantialem, quæ ratione in libro de medicinis cordialibus, tract. 1. cap. 10. ad fin. dicebat; *est natura inuenta in mixtis corporibus procedens ab eis*, & sic quado aliqua actio à nulla agens qualitate procedit, proprietati tribuitur, quæ interdum

ad actiones vititur instrumentis, ut ignis in calefaciendo vititur calore.

Hæc sententia confirmatur, quia motus v. g. bilis, quod facit periodum de tertio in tertium certus est, & ordinatus, ergo certam aliquam causam debet habere, qualis esse non potest quantitas, aut qualitas humoris, hæc enim valde euariant pro varietate victus, temporis, intemperamenti ipsius ægri, denique leui quocunque humore interturbantur.

At hæc opinio reproba est ob causas multas, & merito refutatur ab Argeterio, Donato, Aphrodisæo, Harculano, & Hugone in 1. 4. Auic. tract. 2. cap. 1. Cardano loc. cit. qui argumenta Gentilis apprimè dissoluunt. Primum, quia hoc modo omnia quæ sita dissoluere esset facile. Secundò, hoc non est quæstionem explicare, sed effugere. Tertiò, proprietates hæc non inest nisi rebus perfectis & animatis, sed humores non sunt perfecti, nec animati, quomodo igitur poterunt habere motum à proprietate?

Quartò. Multi homines solent alium expurgare singulis diebus, certis horis, & ordinatim, quod ad proprietatem factum referri non potest. Paret amplius, quia feminis singulis mensibus menstruar purgationes ordinatim fluunt, cuius ordinis causa esse non potest proprietas; siue forma substantialis humoris qui vacuatur; hic enim quandoque ichorosus est, aliquando sanguineus, sæpe melancholicus.

Quintò. Si ordo circuituum febrium contingeret propter proprietatem, & formam specificam humoris facientis febrem, numerus dictorum circuituum responderet numero humorum; quod falsum est; nam humores qui per circuitus mouentur, tres tantum sunt, pituita, bilis, & melancholia, multo autem plures sunt circuitus: nec enim solum datur quotidianus, tertianus, quartanus, sed etiam quintanus, seprimanus, & nonanus, ut docet Hipp. 1. epid. lect. 3. text. 2. 7. 9. multis auctorum testimoniis palam fecimus lib. 1. in com. hist. 30.

Sextò. Non modo febres, sed etiam ophthalmia, aurium, & capitis dolores, podagra, & arthritidis per certa interualla; & statutis temporibus exacerbantur, ut experimento constat, & docet Galenus 2. feb. 11. in quibus proprietas occulta seu forma specifica humoris à quo fiunt, assignanda non est: nam capitis dolor, podagra, & arthritidis ab eadem specie humoris exorta sæpe in variis hominibus secundum varias periodos exacerbantur.

Illorum verò præcipuum fundamentum corrui, quoniam licet bilis habeat perpetuum, & constantem ordinem inuadendi de tertio in tertium, variata tamè quantitate, aut qualitate humoris ob aliquem errorem commissum etiam ille ordo interturbatur aliquando per decem, sæpe per plures horas, anticipando, aut postponendo (etiam si semper inuadat de tertio in tertium) quod fieri non posset; si ordo inuadendi fieret propter proprietatem, & formam specificam humoris. Consule Mercurialem lib. 5. de feb. ap. 8. de feb. putridis.

Summus medicinæ magister 2. feb. ult. ut supra ex eius mente delineauimus in febribus putridis, certæ periodi, quam habent, causam, esse similem acervationem humoris in minera, quantitate sua, vel qualitate; vel vtraque simul lædentem, & ita excitantem expultricem ad expellendum. In singulis itaque diebus aceruat pituita in ea quantitate, & qualitate quæ sufficiat irritare naturam ad excernendum; bilis die tertio; melancholia die quarto; cuius causa sumitur partim ex varia quantitate humorum in vas; in his enim plurimum continetur pituita, minus de bile; minimum de melancholia.

Alterca causa sumitur ex modo substantiæ in hunc modum. In paroxysmo febris pituitosæ, ob lentorem crassitiem, & frigiditatem pituitæ; plurimū huius relinquitur in minera, quod accedentem humorem cito inficit, & ob putredinem, & calorem contractum multum, & velociter attrahit. Contra autem in paroxysmo febris melancholicæ, tota ferè melancholia in minera contenta expellitur, quia lentore caret, & licet ob crassitiem suam plus adhuc illius in minera relinquatur, quam bilis in paroxysmo febris biliosæ, tamen quia melancholia ob frigiditatem suam

suam, & siccitatem vehementer putredini relucatur, sit ut fomes quartanæ minus attrahat in minera, & tardius adueniens alimentum inficiat, quàm fomes relictus in minera tertianæ, quare hæc reuertetur citius, quàm quartana. Ergo pituita citius facit periodum in vnaquaque die bilis, in tertia, melancholia in quarta, quoniã experimentum docet quantitatem pituitæ sufficientem irritare expultricem citius, tardius bilem, tardissimè melancholiam. Hoc modo experientia cognoscimus tertianam exquisitam septem circuitibus terminari, & morbos acutos quatuordecim.

Nunc ad opposita quibus plures Galeni doctrinam lancinant, & temunt. Et primò sic, si bilis est actor, & ampliùs irritat expultricem, quàm pituita, cur citius non concitat accessionem, aut saltem æquè citò, quàm hæc. Dic: quia pituita magis, & citius molestat ob nimiam multitudinem suam, quàm bilis ob maiorem acrimoniam quam habet, & præcipuè ob conceptam putredinem, quàm magis, & citius contrahit, quàm bilis.

Secundò, Cur in minera febris quotidie aceruat potius pituita, quàm alij humores? Si enim humor aceruat in minera, quia ab ea trahitur, trahentur præcipuè humores contenti in vasis, non pituita sola, immò potius attrahetur humor tenuior, & mobilior, qualis est bilis. Si verò aceruat quia à membro expulsus, eò mandatur, cum illud à quouis noxio irritetur, non solum pituita, sed alios humores expellet, & similiter in aliis febribus non acruabitur in foco humor vnus speciei, sed promiscuè, & indifferenter humor in vasis contentus.

In hoc difficili Euripo fluctuant plures. Quidam respondent, si causa aceruandi est tractus à foco, quod trahitur reddi simile fomiti præexistenti in dicta minera, si verò causa est in membro mandante, quum in hoc reperiatur vitium inficiens alimentum, simili qualitate inficietur, id quod confluere debet. Sed non videtur satisfacere, quia fermentum in minera febris pituitosæ, est portio pituitæ, ut dictum est, quod autem attrahitur, si sit bilis, aut sanguis, aut melancholia, non potest verti in pituitam, nec videtur credibile bilem tractam ad eò breuiter verti in pituitam ob fomitem in minera relictum.

Dic ergo, in febre pituitosa pituitam in toto redundare, & proinde à minera potissimum trahi: licet enim ex modo suæ substantiæ ampliùs tractioni renitatur, quàm bilis, tamen cum superflua est, non ad eò à membris retinetur, quemadmodum alij humores cum præ copia sunt nature infensi, & onerosi, atque ita minera in febre pituitosa, à vasis trahens potissimum pituitam attrahit, quia hæc cum superflua sit, non ad eò à natura retinetur, non similiter verò trahit alios humores, quia cum hi non excedant, multò magis à natura retinentur, & ob eam causam tractioni reniuntur, licet ex modo suæ substantiæ sint multo aptiores ut trahantur. Quòd si humor aceruat in minera quia eò mandantur à membro mandante, dic in febre pituitosa mandari solam pituitam, & non alios humores, quia illa sola excedit, & noxia est, quare sola membri expultricè irritat in quo continetur. Cæterum ferè simul cum pituita attrahitur etiam, & demandatur bilis ob suæ substantiæ tenuitatem, ob quam causam contingit, cur rarissimè febres pituitosæ exquisitè reperiuntur.

Tertiò. Bilis faciens paroxysmum potest mandari à paruo membro, sicut à magno, & in illo multo minor copia bilis sufficit ad irritandam expultricem, & ita ad inducendam accessionem, quàm in magno, igitur febris biliosæ circuitus maximè variabitur penes illam varietatè membri mandantis, & eadem ratione penes varietatem magnitudinis, & paruitatis minere, in qua aceruat humor. Dic. Cum in dicta minera aceruat humor, adest in illa aliqua causa corrumpens adueniens alimentum, qualis est coctio imbecillitas, vel vitium alimenti, vel obstructio meatuum, vel fomentum in minera relictum, quare in tempore æquali membrum paruum acruabit excrementum irritans expultricem suam, & membrum magnum acruabit multum excrementum, irritans suam atque ita seruabitur eadem periodus, solum eo distans,

quia quando membrum recipiens, aut mandans est magnum, multum durabit paroxysmus, contra verò si membrum sit paruum, accessio breuius erit, quum à minori copia humoris oriatur. Itaque iuxta varietatem magnitudinis, aut paruitatis membri in quo aceruat humor, accessionis duratio variabit, eadem tamen semper periodus seruabitur. Dic præterea, illam varietatem non variare speciem periodi, sed solum efficere anticipationem, aut postpositionem paroxysmi.

Quartò, Aceruatio humoris in minera sufficientis molestare naturam, & irritare expultricem, plurimum variatur, tum penes victum, tum penes dispositionem membri & humoris, & penes alia de quibus diximus supra cum de causis anticipationis, & postpositionis verba fecimus: igitur cum horum varietas immodica fuerit, variabitur periodus. Dic: sufficit quòd periodus intra suos terminos magnam aliquam mutationem in anticipatione, aut postpositione penes dictorum varietatem suscipiat, quòd si illa varietas immodica fuerit, tunc licet ferè nunquam id contingat, tamen fieri potest, ut periodus varietur, & bilis de quarto in quartum inuadat, & pituita de tertio in tertium, quòd aliquando contigisse restatur Hugo in 1.4. Anic. tract. 2. cap. 1. ad finem, & colligitur ex Auic. eodem loco c. 67. & sic melancholia facit periodum quartanam, & quintanam, & sextanam, & nonanum, quia omnes ab Auic. loc. cit. & ab auctoribus à melancholia fieri censentur.

Quapropter causam circuituum cum Galeno, & Halabbate 8. theoric. cap. 3. ad velocem vel tardam humoris aggregationem, ad facilitatem, vel difficultatem putrescendi, & ad velocem, vel tardam humoris putrescentis expulsionem esse referendam concludendum est, & sic hi circuitus determinati pendent ex quantitate, qualitate, modo substantiæ humorum, & ex loco in quo continentur, & ad quem propelluntur. Quòd factum est ut pituita ex parte quantitatis, qualitatis & modi substantiæ crebriores habeat accessiones, nam oportuit eam post sanguinem magis abundare in corpore, quum magis peccet defectu, quàm malitia, deinde bilem, paucissimam esse melancholiam, ut quæ vtrique qualitate vitæ sit opposita. Quare cum ex alimento citius colligatur copia pituitæ sufficiens ad putrescendum, quæ putredo illico irritat naturam ad expulsionem, tardissimè melancholia, bilis medio modo, sit ut pituita singulis diebus accessiones efficiat, melancholia quarto quoque die, bilis medio modo. Hoc etiam contingit, quia pituita propter humiditatem manens in foco citius putredinem concipit, secundo loco bilis propter calorem sine humiditate, tardissimè melancholia, quia siccitate, & frigidityte putredini valde resistit. Ita explicant Hugo, Vallesius, Altimatus, & Argenterius loc. supra citatis.

Verum Fernellius loc. cit. dubio quodam commotus à præfata Galeni doctrina discedere nò erubescit, qui enim fieri potest, inquit ille, ut non possint reddere auctores ratione, Galeni sententiã tuentes, qui fieri possit, cur pituita etiã si paucaputrescat, quotidie tamè accessione efficiat, nò verò tertio quoque die, vtrique verò bilis etiã si in paucâ quantitate in uno loco putrescat, nò frequentius quàm tertio, vel quarto die faciat accessiones? Dic: Miror Fernellij ingenium sagacissimum, ut qui in re non ita obscura hoc fultus argumento Galeni placita contemnat, & damnet: nam sola quantitas non sufficit, sed sunt simul alia adiungenda, & licet pituitam redundare in paucâ quantitate concedamus, tamen ob suas qualitates, & modum substantiæ crebrius putrescit, quàm bilis, & melancholia etiam in multa quantitate excedens. Quòd si dicamus bilem in tertiana duplici, & melancholiam in quartana simplici propter redundantiam singulis diebus suas facere accessiones: respondendum est in tertiana duplici duas esse constituendas mineras putredinis, & in quartana triplici, tres, ex quibus in locum putredinis humores per vices demandantur, quòd deducitur ex eo, quia in tertiana duplici primis accessionibus proportionem respondent tertiar, & secundis, quartæ, quòd etiam in quartana triplici, quando verò ex vno loco demandatur bilis, & melancholia



melancholia, illa semper de tertio in tertium, hæc de quarto in quartum suas facit accessiones.

Sed iam tempus est, ut ad eas restringendas rationes accedamus, quibus insignis Thomas à Veiga persuasus à Galenica doctrina discedere cogitur, & contra has periodorum causas à Galeno, Auicenna, & plerisque receptas insurgit, lib. 2. de dif. feb. cap. ult. multiplicationem accessionum, nec in febribus, nec extra febres pendere à multiplicata humoris congestione in quavis accessione, sed ab opere naturæ agredientis per certa intervalla humorem iam contentum in minera, ad coctionem semi mali, & ad expulsionem integrè mali, ex pluribus potiores rationes in medium afferemus, quibus solutis aliæ quas ibi affert minoris momenti explicantur.

Prima in febribus continuis proportionalibus materia febris quæ efficit secundam, & reliquas accessiones, non generatur post primam accessionem, sed ante eam præerat in vasis, ergo similiter in febribus intermittibus humor efficiens secundam, & reliquas accessiones præexisterat etiam extra venas, & non fuit à vasis demandatus. Dic: in continuis proportionalibus in quavis accessione demandari etiam materiam febris ad locum putredinis, in quo licet non omnino absumatur in fine cuiuscunque accessionis, resolvitur tamen secundum aliquam partem, ut patet ex notabili remissione febris.

Secunda. Si accessio tertianæ v. g. penderet ab expulsionem bilis ad locum putredinis, sequeretur in declinatione ipsius accessiones inuadere per quartum, aut quintum, quàm per tertium, quia ea bilis copia quæ ante declinationem membri mandantis expultricem irritabat, iam in declinatione longius tempus requirit, ut aceruetur, ergo non pendet secunda accessio ex eo quod humor iterum demandetur à parte mandante ad suscipientem. Dic: In declinatione tertianæ licet accessiones non inuadant per quartum, aut quintum, sed per tertium, ut in aliis temporibus, postponere in eadè die notabiliter propter minorem copiam bilis, postpositio enim in accessionibus comitatur declinationem vniuersalem, ut colligitur ex Gal. 1. cris. 3.

Tertia. Repetitio plurimarum accessionum intermittens pendet ex sola agitatione humoris noxij, & non ab expulsionem ipsius in aliquam partem, ergo similiter in febribus nouæ accessiones pendebunt ex sola noua humoris agitatione in loco putredinis, quin ille in quavis accessione ad locum putredinis demandetur, & absumatur. Antecedens patet in morbis multis, quoniam in omnibus inflammationibus, tam externis, quàm internis, in quibus per declinationem quando iam cessat in totum fluxio, reperiuntur etiam certæ accessiones, siue exacerbationes, quæ ex noua defluxione oriri non possunt, ergo ex sola agitatione humoris in parte inflammata oriuntur. Patet secundò in epilepticis, qui intra diem vnam centum habent accessiones, in quibus omnibus non videtur humor quamlibet accessionem efficiens ad partem laborantem demandari præsertim cum in ipsis disiectis appareat intra caluariam paucissima aqua, vel humor perniciosus per intervalla agitur. Patet tertio in hystericis accessionibus, in quibus non videtur in quavis accessione demandari copiam seminis, vel mensium corruptorum ad locum putredinis, quum aliquando creberrimè repetat accessio in die, ergo sola agitatio eiusdem humoris sufficiens est generare plures accessiones in affectibus intermittibus, & sic non oportet in quavis earum humorem ipsum absumi, & alium de nouo acervari.

Dic: quod licet concedatur in aliquibus affectionibus intermittibus accessiones, & repentinas pendere ex sola humoris agitatione sine noua humoris demandatione, in febribus tamen illud non propterea concedetur, in quibus in accessione quavis nouæ deflexionis signa apparent, ut constat ex rigore, sudore, vomitu, alui deiectione, & aliis. Deinde id quod assumit argumentum vndequeque verum est. Ad probationem dicendum est in ipsa inflammationum declinatione pendere accessiones ex fluxione nouæ materiæ, quia adhuc in eo tempore aliquid fuit licet in quantitate parua, ut colligitur ex Gal. lib. 1. de compos. medicament. per genera cap. 4. dum sic ait.

Lib. IV.

*Itaque propterea chalcitidem & palmam digerentibus admiscui non ignarus paucas omnino phlegmonas diuturnas existerè quibus nihil insuat: Nam ob humores in eas confluens diuturna esse solent.* In epilepsia autem etiam accessiones per notabilia intervalla ex noua demandatione, vel acervatione humoris contingunt, quum maior ipsius pars in vnaquaque accessione absumatur, ut patet ex spuma per quam finitur accessio, licet rarissimè contrarium eueniat, quando videlicet accessiones rarissimæ sunt, quod similiter de accessionibus hystericis est affirmandum.

Quarta. Si materia febrium intermittens in quavis accessione fluere à vasis ad putredinis locum, semper vrina in illis intra vasa existentibus indicaret vitium ipsius, atqui sæpè in iis vrina bona est, ergo materia febrium intermittens non demandatur à vasis in quavis accessione. Dic: vrinam in febribus intermittibus non esse semper bonam, quia humores qui in vasis consistunt notabile vitium habent, nec enim oportet in febribus vrinam semper vitium ostendere, nisi quando materia coniuncta febris in vasis continetur, in intermittibus autem sola causa antecedens in vasis existit, quæ aliquando non est sufficiens vitare vrinam, ut per statum, & declinationem continuarum etiam contingit.

Quinta. Quartana continua rarissima est, intermittens verò frequens, hoc autem accidit, quia ob malitiam atræ bilis ea non acervatur intra vasa, sed extra, ergo in quartana intermittente non demandatur atræ bilis in quavis accessione, à vasis ad putredinis locum extra vasa, sed ibi acervatur. Dic: quartanam non ex eo raro continuam esse, quia humor ex quo generatur, propter paruitatem non acervatur in vasis, sed extra: Nam hic humor non ita prauus est quum morbum adeò salubrem efficiat, non fit enim quartana ab atræ bile, sed à melancholia putrefacta, quæ est in confinio atræ bilis, fit verò raro quartana continua, quia propter exiguitatem illius facillè humor potest pelli extra vasa.

Sexta. In tertiana intermittente salubris sæpè excernitur prauissima bilis, quæ in vasis non nisi lethaliter generatur, ergo dicendum est eam extra vasa acervari, non verò eo demandari ab ipsis vasis. Dic: mirum non esse eam bilem decerni à vasis in tertiana intermittente, quum per alios morbos salubres, immò in ipsa tertiana non admodum dissimilis ab ipsis vasis excernatur, ut patet in superpurgationibus in quibus tanta bilis quantitas non potest educi, nisi ab ipsis vasis, firma ergo, & constans manet causa circuituum febrium in generali, quàm admirabili ordine Galenus, & post eum Auicenna diligentissimè exposuit.

Adde quod quemadmodum natura docta sine doctore, ex Hip. lib. de alimento, num. 8. in variis morbis, varios eligit dies ad pugnam quos criticos vocant, sic etiam iuxta variam necessitatem in variis humoribus febrem facientibus, breui tempore, aut diutius quiescit ante suam pugnam. In quotidiana, quia ex præcedente actione propter lenitatem symptomatum, & febris non ita debilis euasit, non eget tam ampla quiete, quare quotidie inuadit. In tertiana verò ob magnitudinem rigoris, & febris manet magis defessa vno interposito die quietis, tertio quoque die redit. In quartana verò propter magnitudinem febris cum longitudine rigoris vehementer defatigata existit, quarto quoque die reuertitur. Hanc opinionem habuit Thomas à Veiga loco supra citato, quæ cum superiori concurrere nullus ignorat, nam causam circuituum ad opus naturæ, eiusque innatam doctrinam referre videtur, & firmari potest ex Hippocrat. 1. aph. 9. qui accessiones, crises, siue iudicationes appellat, quod non alia ratione fecisse videtur, nisi, quia quemadmodum crisis, siue iudicium fit à natura separante à bonis mala, & ad excernendum properante, 2. aph. 13. ita & accessio à natura ipsa pugnante fit, quæ certos habet dies, determinatos, ut in illis accessiones queat excitare. Verum licet hæc opinio, non sit omnino incepta, quum ad mouendas accessiones natura plurimum iuuat, non est tamen hæc causa, ut totalis recipienda, quum aliæ etiam præter opus naturæ à Gal. doctæ, & ingeniosè nimis proponatur, ut supra ex eius mente

P P P

palam

palam fecimus. Consule de hoc argumento Amatum, 7. A  
centur. Peramatum lib. de bismorib. cap. 33.

## HIST. XXXII. TRALLIANI, Auenzoaris, & Rhasis, de quartana.

Quartana, purgatione curata,

**E**Go itaque noui quendam ex his qui quartana ex terrestri, & frigido humore laboraret, ita huius victus rationis vsu liberatum, ut etiam per alium humorem superantem excreuerit. Erat autem id quod excreuerat adeo valde nigrum, ut nonnullis Medicorum metum induceret, non modo ob colorem, sed etiam propter aspiam euacuantem. Verum quod ager paulo post, morbum facilius ferre incaperit, & quod lien, qui antea maximus erat, paruus euaserit, effecit, ut omnes bene sperarent, & nihil amplius metuerent, &c. Trallianus lib. 12. cap. 8. tit. de vomitu.

### PARAPHRASIS.

**Q**uartanarios non semper calfacientibus egere hac historia conatur Trallianus patefacere: Cum enim multiplex sit quartanæ species, & alia quæ ex flaua bile nimium adusta, altera, quæ ex sæculento sanguine oritur, ita curationis modus est diuersus: Nam hæc calfacientibus, & humectantibus; illa refrigerantibus, & humectantibus eget. Mihi itaque subit mirari, inquit hoc loco Trallianus, quomodo diuinissimus Galenus in omnibus non alium quendam victum, quam qui calefacere ipsos, & exiccare possit, præcipere videatur; præbet enim ipsis antidotum diatrion pipereon, & quod diaspolites dicitur, item liquorem cyrenaicum, & piper, & in uniuersam præcipit abstinere ab iis quæ refrigerant, & humectant, quod humor morbum faciens frigidus sit. Verum etsi humor melancholicus calefacientia desideret, non tamen necessariò etiam siccantibus indiget, siquidem frigidus est, & siccus calfacientibus, & humectantibus opus habet, nam humida febri conferunt, terrenum humorem emolliunt, calida enim siccant, assant humorem, & crassiorem reddunt, & absorpta humiditate magis terrestrem faciunt.

Quapropter frigido victu hic æger gubernatus, & eius ope remisso feruore, eum ita deuictum, natura alacrior facta ut grauem per inferiorem regionem excreuit. At si inquiras utrùm ab omnibus calfacientibus sint abstinendi quartanarij, ut Trallianus voluit, an illis contra curandi, ut Gal. affirmat; Dicant auctores in huius dubij explicatione esse discordes. Galenum sequuntur Aëtius *tetrab. serm. 1. cap. 84.* Oribas. *lib. 1. synops. 13.* Auer. *7. collig. 14.* Eum carpunt Trallianus hic, & Auic. *1. 4. tract. 2. cap. 64.*

Viderunt hanc controuersiam Andernacus, Altimarus, Acachia, & Trincauellius in *com. cap. 11. lib. 1. Galeni ad Glauc.* quo loco scribit Gal. quartana correptos abstinendos esse à frigefacientibus, & humectantibus, omnésque cum Leoniceo deprauatam esse contextum asseuerant, legendumque potius ipsos ab omnibus frigefacientibus & exiccantibus esse interdicens. Sed qua ratione hoc proponant, ignoro prorsus, cum antiqui, & manu scripti, Græci codices, & citati auctores fidè Gal. verba transferentes contrarium affirmant, & Stephanus Atheniensis, huius loci eruditissimus interpret apposuit: licet enim frigida, & humida prosint ratione humiditatis, frigiditatis tamen causa plurimum obesse queunt. Hos ergo concilia hoc modo. Si quartana ex flaua bile adusta oriatur, frigida, & humida offerenda, si ex limoso sanguine, calida, & humida sunt ex vsu. Consule Mercurial. *lib. 5. de feb. cap. 11.*

Hoc modo curatio à Tralliano præscripta summo remedio fuit. Qui nigerrimus humor, bilis assatione, sanguinis sæx redditus, si signis coctionis præcedentibus excernatur, iuuat: quando enim post morbi coctionem aliquis humor vitiosus excernitur, tunc corpus à natura expurgatur, & propterea atra bilis, & alius omnis huiusmodi humor, ubi signa coctionis in morbi processu

apparuerint bonam significat euacuationem, ut monuit Galenus, *4. aph. 22.* sic plurimis deiectiones nigras in pestilenti morbo apparuisse, *cit. loc. aph. & lib. de atra bile cap. 4.* retulit Galenus. Quare deiectio nigra etsi in aphorismis, & prognosticis reproberetur, si tamen cum signis coctionis vacuetur, morbum leuat, prout *lib. 2. in com. hist. 78.* late protulimus.

Historia secunda. Et pater meus curauit quendam ex quartana tali modo, scilicet quod præcepit infirmo, ut qualibet die comedere deberet tria nuclea persicorum, mundata cum aqua calida usque ad decem dies, & postea purgaret eum sufficienter cum medicamento laxativo educente illum humorem, & sic liberatus fuit perfecta, &c. Auenzoar lib. 3. thez. tact. 2. cap. vlt.

**B** Cum quartana ex frigido, terrestrive humore originem suam habeat, necesse est medicamenta calida exhibere, quorum ope frigidus humor coqui, crassusque attenuari queat. In hunc vsu ex nucleis persicorum parat auxilium, quod vtilissimum esse, in hoc morbo, & erraticis febribus ter iam sum expertus, nec dissuadet ratio: Nam persicorum nuclei amaritudine sua infarctus expediunt, crassa attenuant, lentæque incidunt & partes mirandum in modum roborant, & adstrictione sua satis firmant; Ita Galenus *11. meth. cap. 16.* absinthium Ponticum in iecinoris, & ventriculi inflammatione plurimum laudat, firmat Mesuë in *canonibus uniuersalibus theoremat. 1.* & probat Manardus *19. epist. 2.* Insuper pituitam, crassosque humores, in hoc morbo ex debilitate partium naturalium regenitos, ventriculòque tenaciter hærentes absque alterius adminiculo abstergunt, & expurgant. Ita nuclei amygdalarum amararum deobstruunt, & abstergunt, ex *Gal. 2. alim. cap. 29.* Exhibuit ea mundata, hoc est extracta pellicula exteriori, quæ cum crassa sit, ventriculo negocium facessit, & licet in alio codice legatur [abluta cum aqua calida] priorem lectionem magis probo: Nam ablu-tione vis illa amara deperditur, cuius vi attenuant, & incidunt: plura enim inueniuntur amaritudinem non exiguum præ se ferentia, ut virides nuces, quæ per assiduam ablu-tionem, seu macerationem, aqua ipsa singulis permutata diebus, omnem amaritudinem exuunt, & insipida fiunt.

Huius ergo præsidij vi, attenuato & vacuato humore crasso, terreno, & melancholico conualuit. Notabis tamen ipsum exhibuisse laxatiuum medicamentum, lene illud quidem, & non violentum, quod in curatione quartanæ est reprobum valde: quoniam quartanas ab initio blandè tractare oportet, nullum forte medicamen acre propinantes: Nam melancholicus humor ferinam habet naturam, naturæ nostræ admodum infensam, & utrisque qualitatibus aduersam, quare ad coctionem difficilis est, & difficilior ad euacuationem, quam si eum medicamentis calidis, & acribus vel præparare, vel vacuare coneris, partes tenuiores discutiuntur, & crassæ sicciores redduntur, & sic humore tenaciori reddito diuturnior fit, & contumacior, quæ autem sint purgantium leuiorum formulæ tibi indicabit Ludouicus Mercatus *lib. 6. de febrib. cap. de quartana.*

Historia tertia. Vidi ego quartanarium qui paucos paroxysmos habebat, & sumpsit in potu catholicum, & laxatus est quindecim vicibus, nec rediit febris omnino, &c. Rhasis lib. 3. continent. tract. 9. cap. 2. Quartana longissima est, nam terrestris humor medicamentis cedit difficulter, quia siccitate sua valdè resistit, & hæc corrigitur per humiditatem quæ minus actiua est, & pigra in agendo. Hanc autem febrem, legitimam fuisse, & exquisitam ex eo coniectandum est, quoniam vel leuissimo expurganti, quale est catholicum succubuit, quoniam à naturali melancholia ceterius humoris admixtionem originem ducebat, quæ minori negotio à natura, & medicamentis curatur, quàm quæ à melancholia adusta, aut flaua bile superassata, quæ in atram commigrat, oriri consuevit.

Merito autem catholicum obrulit, quippe quod medicamentum est benignum, & familiare, & citra molestiam omnes humores euacuans, si Mesuë fidem adhibemus *tract. de electuariis tit. de catholico*: Nam in præsentia humoris

humoris melancholici benignis solum pugnandum est. Si verò Galenus lib. de atra bile cap. ult. strenue expurgat in initio affectus, qui à melancholico humore originem ducit, de præseruatione est intelligendus: & in lib.ad Glanc. de curatione interpretandas.

## QVÆSTIO XXXIII

Verum in quartana accessione sit aliquando purgatio celebranda, ut Hippocrates voluit.

## COMMENTARIUM.

**E**T sumpsit in potu catholicum. ] Occurrit in proposita dubitatione controuersia non exigua, vtrum aliquando in quartana in die accessionis, vel in ipsa accessione sit purgatio imperanda. Pro parte affirmatiua habemus strenuum duce Hippocratem, qui lib. de affectionib. n. 17. sic præfatur. Si verò quartana apprehenderit, siquidem impurgatus fuerit, primum caput purgato, & interpositis tribus, aut quatuor diebus pharmacum sursum versus purgans dato in ipsa apprehensione, &c. Idem consuluit faciendum Aëtius, retrab. 1. serm. 3. cap. 125. probant proprio experimento Amatus, 1. centur. 8. Harculanus, cap. de febre quartana, & colligitur ex Auic. 1. 4. tract. 2. cap. 12.

Secundò in duplici tertiana, quartana triplici, quotidiana, & in febribus continuis per subingressum in die accessionis vacuandum est, idem etiam sit in syncho putri, causo legitimo in quibus exacerbationes sensum latent. Ergo si in his morbis, etsi paroxysmus singulis diebus inuadat, purgatio celebratur, multò magis in paroxismo quartanæ est imperanda.

Tertiò. Quo tempore humores mouentur, magis apti sunt vacuationi, sed in die accessionis mouentur, tunc ergo à Medico sunt vacuandi. Maior est manifesta, minor probatur, quia si Medicus debet imitari naturam rectè operantem, 1. aph. 2. & lib. de ven. sectione aduers. Erasistrat. cap. 5. & natura sæpe finit morbum vacuationibus magnis factis in tempore paroxysmi, immò crisis perpetuò fit in paroxismo, 3. cris. 4. §. Oportet enim crism in idem tempus incidere cum accessione, &c. & 4. aph. 36. & 3. de dieb. decretor. 8. ergo in eiusmodi tempore debet Medicus vacuationem exercere.

Quartò. Quò natura vergit, eò ducere oportet, 1. aph. 21. sed sæpe in accessionibus humor vergit ad os ventriculi, & intestina, vomitum concitans, & alui fluxum, ergo hic motus debet à Medico adiuuari, ita faciendum Auic. præcipit, 1. 4. tract. 2. cap. 12. offerens in accessione agaricum, diaphanicum, & alia.

Pro parte negatiua facit textus eximius Auciennæ, 1. 4. tract. 2. cap. 7. §. Et ne moueas in die paroxysmi quantum tibi possibile est, neque cures febrem, & 4. 1. cap. 20. §. Phlebotomia quoque, nec vacuatio ventris non fiat in die motus agitudinis. Ratio vulgaris, quia afflictio non est danda afflicto, quare ultra illam afflictionem, aut perturbationem naturæ quam præstat paroxysmus, non est vtile aliam adiungere, quam purgatio præstat. Hoc modo imperat faciendum, 1. 4. tract. 2. cap. 7. §. Cum ergo exerces vacuationem, tunc considera horam interpolationis, aut horam ipsius temporis, aut frigidiores horam quæ est in die, & non euacues per fluxum ventris in die periodi, &c. audi inter multos Sauanarolam cap. 15. rubric. 2. de cura quartan. Quidam dederunt in principio accessionis medicinas fortissimas educentes melancholiam, quos non sequar, quauis sibi aliquando bene successerit, est enim rectum ab errore, nec caret reprehensione, sicut dux errans quauis sibi bene succedat, &c. Consule Petrum Mercatum tract. de febrib. cap. de quartana.

Hanc doctrinam plures confirmant rationes, prima, quia natura accessionum violentia perturbata, nec probè medicamentum in actum deducere, nec regulare potest. Secunda, quia vires ex accessione imbecilles, ex medicamento, & euacuatione debiliores reddentur ita, vt concidere possint. Tertia, quia per accessionem intensio febris maior est, quàm in aliis circuitus partibus, & tunc à caliditate medicamentorum febricitantes in immodicam in-

Lib. IV.

temperiem labuntur. Quarta, quia in die accessionis mouetur humor à centro ad circumferentiam, medicamentum verò diuerso motu humorem atrahit, quare perturbatur natura, impeditur purgatio, vel cum difficillimis symptomatibus celebratur. Vltima, quia in die accessionis, seu exacerbationis solet crisis contingere, at in diebus criticis non licet vacuationem moliri: Nam si aliter feceris, vel distrahes naturam vel eam præcipitem reddes.

Thadeus, & Gentilis. 1. 4. tract. 2. cap. 7. aliam, nec minorem assignant causam: Nam vel in die paroxysmi vacuanda est materia coniuncta, vel antecedens, non illa, quia tempore paroxysmi extra venas ad partes externas mouetur, & sic non conuenienter medicamento educitur: non antecedens, hæc enim in die quietis, & in die paroxysmi, quiescit, quare tutius in die quietis vacuabitur, in quo virtus robustior existit, nec adeò à medicamento purgante reddetur imbecillior.

His iactis dubium dissolue, si dicas de cura regulari non esse vacuationem faciendam in paroxismo, & responde ad primam rationem, librum non esse Hip. nec ea doctrina Hip. est digna, quum ibi curationem quartanæ præcipiat à capitis purgatione, quod consilium à recta methodo est alienum. Immò, 6. aph. 1. Galenus ambigit num hic liber Hip. an Polybi eius discipuli. Aëtius verò non loquitur de vacuatione per alium, sed per vomitum, & forte, non ex sua, sed aliorum opinione id facit. Si verò aliqui quartanarios se curasse gloriantur exhibitio medicamento in accessionis die, vt scilicet motus humoris qui fit in die accessionis, crassum, & terreum humorem attenuaret, facilioremque faceret ad expurgationem, ita explicandi sunt cum auctore lib. de morbis, vt fiat purgatio in quartana quinque aut sex horis ante aduentum accessionis, quo tempore adhuc non adest molestia paroxysmi, & humor iam commotus est, & ita paratior ad euacuationem, qui ad eam ex natura sua ob crassitatem, & tenacitatem erat ineptissimus. Quare licet in die quietis natura sit magis robusta, & ad ferendam ex vacuatione agitationem magis capax, tamen quia hoc tempore hic contumax, & rebellis humor valde quiescit, fit vt non adeò comoda sit purgatio vt in die paroxysmi, quod similiter de tertiana notha, & longis aliis febribus est proferendum; nam si hæc producantur, vel quartana dupletur, & timor sit ne ob copiam humoris naturæ suffocetur, vel ob symptomatum ferocitatem vires dissoluantur, tunc de cura coacta, in die accessionis, non in ipsa apprehensione, vt auctor lib. de affectionibus imperat faciendum, purgatio offerenda: quo tempore si ob vrgens periculum morbi præsentis sanguinis missio sæpe vtiliter exercetur; vt in exitu sanguinis ab ore, suffocationis periculo, aut interna inflammatione, cur etiam purgatio non administrabitur; Hoc voluit significare Auic. 1. 4. tract. 2. cap. 7. dicens, ne moueas in die paroxysmi quantum tibi possibile est, quia aliquando Medicus purgationem eo tempore moliri cogitur.

Ad secundam dic: in illis febribus vacuationes faciendas esse tempore remissionis, quum non possint fieri extra accessiones.

Ad tertiam dic. quod licet humores tempore accessionis moueantur, motus tamen ille est maximè molestus naturæ, ac proinde non est illi alia commotio adiungenda, ne scilicet duo validi motus in vno die contingant, naturæ mouentis ad extra, & medicamenti trahentis ad intra, quo pacto vel impeditur purgatio, vel hæc effrenis fit, ac molesta valde.

Ad quartam dic: crism fieri in tempore paroxysmi, & in exacerbatione febris, non quia hoc tempus magis conueniens sit ad vacuationem, sed quia in eo natura maximè oppressa, & agitata à morbo, quasi coacta, aduersus morbum insurgens, causam morbificam expellere tentat, & tunc in hunc vsum præbet Auic. agaricum ad iuuandum vomitum, quæ pugna non fit similiter in die quietis: nec enim eo tempore irritatur valde, quare cum artificialis vacuatio Medici non fiat, propter pugnam naturæ aduersus causam morbi, commodior fiet in die quietis, quo tempore virtus firmior est. Quod igitur

PPP 2

affectus

asseritur Medicum debere imitari naturam rectè operantem, intelligatur penès genus orationis, non autem penès horam illius. Quare licèt in die paroxysmi ferè medicamentum purgans non sit propinandum, tamen in quartana aliquando posse concedi vtiliter, affirmamus, nam axiomata medica, & cautelæ Auicennæ non significant perpetuitatem, sed frequentiam. Hoc modo sanguinis missio in die accessionis interdicitur, quæ interdum eo tempore salubriter evitandi maioris morbi, aut periculi auertendi gratia, celebratur. Sic in accessione à cibo abstinere optimum est, ut præcepit Hip. 1. aph. 1. 1. cum sæpe in hoc tempore alimonia oblata summo sit ex usu, ut docuit Gal. lib. 10. meth. cap. 4.

## HIST. XXXIII. GALENI, De quartana.

### Quartanam theriaca sanat.

**Q**ua de causa theriaca quartanis etiam febribus optimè convenit, quum enim febris ab atra bile consurgat, facile sumpsa theriaca discedit, modò quis ipsa servatis medica artis præceptis utatur. Ego namque multos quartana laborantes, hac usus artis semita facillimè à morbo vindicant: primum enim cum cœnassent, ut enumerent feci, deinde sequente die succum absinthij bibendum tradidi, quo bilem contemperarem, ac veluti edulcorarem, postremo duabus horis ante \* inuasionem antidotum exhibui, atque ita cum omnium admiratione voti compos euasi, cum celeriter, is qui theriacam sumpserat, liber ab inuasionem maneret. Galenus lib. de theriaca ad Pison. c. 15.

### PARAPHRASIS.

**M**ira est theriacæ aduersus morbos chronicos, & acutos efficacia, atque potestas, quorum amplam sylum si numerare intendas, timeo ne in ipso limine obruaris, quam optatum finem attingere possis, & præsertim cum in lib. de theriaca ad Pison. eorum catalogum latissimè proponat Galenus, & nos de eius admirandis virtutibus fusè infra referemus. In quartana autem prodest, quoniam melancholicum humorem attenuat, coquit, & ad euacuationem paratum reddit, & ita illius ope roborata natura per varias regiones humorem peccantem excernit.

Cur autem ante antidotum, prius consuluit vomitum, & succum absinthij obrulit, ea est ratio, ut scilicet deobstructis viis medicamentum promptius penetraret, tenacemque humorem educeret. Vomitus ergo beneficio, primas vias, crassi, lentique succi sarcina obrutas, & infarctas lenauit: deinde ad maiorem præparationem succum obrulit absinthij, ut stomachum ex vomitu cōcussum firmaret, & ad ferendum deinceps antidotum redderet robustiorem: His peractis, duabus horis ante accessionem theriacam obrulit, antiquam intellige: Nam hæc cum in postrema sua ætate est, rigoriferos febrium insultus mitigat, & humorem attenuatum per varias regiones expellit, ut testantur Aëtius tetrah. 4. ferm. 1. cap. 9. Paulus lib. 7. cap. 10. quo autem tempore sit theriaca propinanda in sequenti historia late enarrat Galenus.

### QVÆSTIO XXXIV

*Utrum minera febriam intermittentium perpetuò sit constituenda in primæ cor poris regione, ut contra Galenum opinantur Fernellius, Mercatus, & Thomas à Veiga, an in habitu corporis, ut docuit Galenus, an aliquando in aliis partibus possit reperiri.*

### COMMENTARIUM.

**I**nuasionem] Tam anceps, difficilis, & à variis agitata. Est quæstio hæc, tot auctorum opinionibus inuoluta,

**A** & tantis, iisque probabilibus rationibus à peritissimis auctoribus munita, ut quam partem ipse sequar, prorsus ignorem, quo pacto in tanta discordia, quid sentiendum sit arduum videtur. Et sic cum doctissimo Costo in com. cap. 1. fen. 1. 4. tract. 2. Auicenna, rectè omnes de intermittebant, & continuarum febrium loco arbitrari, sed non perpetuò id esse quod singuli asserunt, mihi persuadeo, Sed priusquam de proposita quæstione inter has variè opinantium classes, meam apponam. Assuero omnes vnanimitè concedere, constituendum esse locum in febribus putridis, in quo humores cumulantur, & in eo putrescentes, sunt causa accessionis, & rigoris. Hunc locum Barbari mineram, Latiniorez focum, seu fomitem putredinis vocant. Auic. 1. 4. tract. 2. cap. 1. §. Cholera autem, & phlegma, & melancholia, &c. in intermittentibus febribus humores putrete extra vasa, in continuis verò intra vasa manifestè edocuit, quam doctrinam exhaustit à Galen. 2. feb. 1. §. Vbi etiam generis febrium diximus differentiam, &c. Quapropter Galenus 2. feb. ult. ad fin. §. Reliquum est ut febrium genus, &c. colligit rationem ob quam aliæ febres habeant circuitus, & aliæ sine circuitu vnica finiuntur accessione, & sic lib. 2. cap. 2. duplex esse genus continuarum febrium asseruit, alterum earum quæ à continuo feruore synochæ appellantur, alterum earum quæ per circuitus intermittentium instar repetere solent. Idem confirmat, 2. cris. 6. §. Nam exquisita febris ardens, &c.

**C** Praxagoras discriminis causam esse assererat, quia in continentibus putrescebat humor in vena cava, quam opinionem referens Galenus, 2. feb. ult. ad fin. inquit, quamquam absolutior, ac verior sermo hunc in modum diceretur, quæcunque agnitionum per circuitus accessiones faciunt, ex membrorum dispositionibus ortum habent, quæ scilicet membra vel mittunt, vel suscipiunt, vel generant, vel attrahunt superfluitates eo quo nuper diximus modo, sed quæ circuitum non habent, in iis nulla est corporis pars, quæ præcipuè sit offensa, sed qui in venis, & arteriis omnibus continentur humores.

Hanc sententiam optimè interpretatur Auic. 1. 4. tract. 2. cap. 1. dicens, & quando est intrinseca, communis super venas omnes, aut super plurimum earum quæ vicinatur cordi, tunc non sunt forsitan additiones, & remissiones apparentes, cum autem est, secundum contrarium eius apparent alterationes manifesta, &c. vbi per verbum [secundum contrarium eius,] intelligit in aliis continuis putrescere humores non in omnibus vasis, neque in magnis, sed in paruis, vel remotis à corde. Ex quibus constat apartè mineram putredinis, in febribus continentibus esse in omnibus vasis, vel in plurimis cordi propinquis, in continuis verò per circuitus repetentibus, in aliis, non quidem maximis nec cordi propinquis, in intermittentibus autem extra vasa.

**D** Sed hæc Galeni, & Auic. de causa continuitatis febrium, & intermittentis sententia non videtur perpetuò vera: Nam durum, & creditu difficile est, in continuis contineri humorem intra venas, in intermittentibus verò semper extra. Primò, quia febres illæ quæ subintrantes appellantur, continuæ sunt, quum non intermittant: intermittere enim dicuntur, quæ in quietem febre vacantem desinunt, ex Gal. 2. feb. 1. & 4. aph. 43. & tamen in subintrantibus putrescit humor extra vasa, quod ex eo apparet, quia earum singulæ accessiones cum rigore inuadunt, & procedente morbo manifesta intermittencia apparet, non semper ergo in febribus continuis putrescit humor intra vasa.

**E** Secundò. In inflammationibus externis, in empyemate, & in lumbricis putrescentibus dantur febres continuæ, & tamen in his putredo est extra vasa. Ergo, &c.

Tertiò. In sanguine extracto quorundam scabiosorum apparet putredo intra vasa, & hi sæpè non febriunt, aut si febricitant, febre intermittente occupantur, ergo non semper putredo intra vasa contenta, est causa continuitatis febris.

Vltimò probatur ex Gal. 4. aph. 43. dicente febrem fieri continuam ex maligna humorum putredine, sed maligna putredo sicut & intra vasa ita & extra concitari potest, ergo ex putredine extra vasa febris continua excitare poterit.

Sed



Sed antequam hos nodos dissoluas, adverte causam continuitatis febrium esse continuam delationem fuliginum adustarum, & putridarum à loco putredinis ad cor, quia verò quando materia febris est intra vasa, facilis est commeatus à vasis exiguis per magna ad cor, difficilis autem à locis extra vasa, idèdè ferè focus materię in febribus continuis est intra vasa, in intermittentibus verò extra ea. Auicenna 1.4. tract. 2. §. Cum autem putredo est intra venas, &c. tres assignat causas, quare febres ortę ex putredine humorum intra vasa difficulter solvantur, tum propter crassitiem, & densitatem tunicarum vasorum, tum quia humor intra vasa, est collectus in vno loco, & non ita facilè resoluitur, quando verò consistit extra vasa, per poros carneos dispersus, citius, & facilius absorbitur. Secunda, quoniam putredo continuitate quodam à venis in venas serpit, non sit autem quando extra vasa affligit. Tertia, quoniam humor intra vasa stabularis facilius cordi suas fuligines per manifestas cavitates, non autem per meatus angustos, & exiles, sicuti quando est extra vasa cordi communicat.

Verum licet causę ab Auic. & Galeno propositę faciant humorum putrescentium resolutionem difficilem, ita non impossibilem; quare horum auctorum determinatio de causa continuitatis, & intermittentię etiam febrium putridarum, tanquam frequentissima, non tamen perpetua recipienda est: cum contingere possit, etsi rarissime, vt humor intra vasa impactus ob sui paucitatem, & tenuitatem, febrem concitet intermittentem, quemadmodum aliquando ob copiam, & crassitiem extra vasa putrescens continuam faciat, vt in continuis per subintrantiam palam sit, & in hoc conueniunt, prima, secunda, & tertia ratio contra Auic. sententiam.

Ad quartam dic: malignam putredinem ferè nunquam à natura expelli extra vasa, si enim natura humorem putrescentem extra vasa potuit detrudere, non est valde maligna putredo. Ex iis patet meritò contemnendam esse Iouerti opinionem asserentis, 2. decad. paradox. 4. materiam febrium continuarum, & intermittentium, sede, & loco non differre, sed in omnibus in corde contineri, in qua refellenda tempus non absumam, cum eam multo ante tempore refutauerint ingeniosissimus Erasmus de febr. part. 3. & solertissimus Mercurialis lib. 5. de febr. cap. 8. de febr. putridis, firmum ergo sit locum putredinis in febribus continuis esse intra vasa, in intermittentibus verò extra ea esse constituendum.

Sed his iactis, ne in materia de febribus aliquid indecisi sum super sit, speculandum, quis sit in febribus intermittentibus putredinis locus extra vasa? Eum lata oratione docuit Galenus, epid. sect. 2. com. 20. dum sic inquit. Tertianae sunt cum in totius corporis carnibus dominatur flaua bilis. Proinde spiraculis impeditis eorum, qui natura biliosa sunt, quantum bilis in carneo congestum genere antea vacnabatur, in hoc statu non vacuatum, tertianas generauit ardentibus frequentiores, &c. Hoc etiam confirmat, 2. febr. 3. ad princip. dicens, namque ex flauabile per sensibiles corporis partes delata oritur febris cum rigore vehementi innadit, &c. & cap. 4. de quotidiana, sic ait, est & altera exquisita simplicitatis febris, qua ex pituita putredinosa ortum habet, per sentientes corporis partes à natura detrusa, &c. Eandem refert sententiam, 4. aph. 59. in init. tradens discrimen inter febres ardentes, & tertianam, & 2. cris. cap. 3. & 4. aph. 63. & 2. de caus. sympt. cap. 5. ante med. referens Hip. sententiam, 4. aph. 58. probat Trallianus, lib. 12. cap. 2. Concludit ergo Galenus humorem peccantem in intermittentibus febribus putrescere in habitu corporis, quoniam à vasis maioribus ad minora truditur, & ex his expellitur ad corporis habitudinem, cuius ratione excitatur rigor, quoniam hic humor per membra sentientia delatus, vellicat, stimulat, pungit, & in petu quodam per partes sentientes delatus rigorem concitat. Nam hoc commoto, partes humorem noxium expellere conantur.

Hęc est Galeni, Auic. omniumque ferè voto de minera febrium intermittentium receptissima sententia, quam ego quoque libenter amplector, cum frequentissima sit, & itcirco recipienda, nam quę frequentia sunt pro per-

Lib. IV.

A petuis habentur in medicina; ex ipso Gal. 2. aph. 43. & lib. de fetus format. cap. 2. & 6. aph. 58. Verum non esse perpetuam asserere cogor, quoniam multę obstant contra eam rationes grauissimę, quas proposuit doctissimus Fernelius lib. 4. pathol. cap. 9. & 10. & lib. 2. de abdit. rer. caus. cap. 13. & post eum Thomas à Veiga 2. feb. vlt. fol. 145. propos. 5. Ludouicus Mercatus lib. 6. de febrib. in princip. in ea quęstione qua quęrit: An in febribus interpolatis humor intra vasa putrescat. Fernelij ergo rationes proponemus, solum, existimantis omnium intermittentium sedem, arque mineram in prima corporis regione consistere, circa pręcordia, ventriculum, diaphragma, iecoris cauum mesenterium, lienem, pancreas, aut omentum, in has enim partes solet natura excrementa sua, tanquam in publicam corporis sentinam detrudere, ergo absurdum est existimare humores qui morborum causę existunt semper contineri in venis, quoniam in superioribus partibus putrescentes, febres excitant.

Secunda. Acerbum auditu est, immò creditu difficilius quod humor sanguini permixtus, pręsertim pituita crassa, lenta, & valde inepta ad motum, & bilis atra, terrena, & grauis quartanum circuitum effectura à vasis excidar, ac per angustissima carnis, ac sentientium partium foramina permeet, & post insensibiliter adeò breui tempore attenuetur, & abeat in halitum.

Tertia. Si humor in intermittentibus febribus excernitur à vasis ad mineram, cur etiam non excernitur in continuis, quum hæc aliquando etiam incipiant cum rigore?

C Quarta. Febris tertiana nunquam fit sine vitio iecoris, neque quotidiana sine noxa ventriculi, neque quartana sine læsione lienis, ex Gal. 1. ad Glau. 5. ergo in partibus interioribus minera intermittentium est constituenda.

Quinta. Si in habitu corporis, generęque carnosus esset minera putredinis reponenda, & ibi humores à vasis delati putrescerent, aliquid in ea parte appareret vestigium illarę læsionis: aliquidque in carne eluceret damnum vigente, aut cessante febre: nam si paruissima bilis copia, quę erysipelas concitat, vel quouis alius humor tumorem excitans, antequam resoluatur aut suppuret, dolores ingentes creat, cur biliosus humoris, acrioris, & ibi putrescentis copia, maiora damna non procreabit, sed ex rigore, & transmissione humoris ad partes externas nullum sequi, demonstrat experimentum, ergo in hac parte non putrescit humor, ac per consequens in hoc loco non est minera putredinis collocanda.

D Sexta. Vrgentius argumentatur: an principio accessionis apparet vrina cruda, tenuis scilicet, & alba, & alia accidunt symptomata, quę ostendunt humorem potius in prima corporis regione contineri, quàm ad carnes, & ambitum corporis propelli, ea sunt suffocatio, tussis sicca, sitis, hypochondriorum distentio, ventriculi dolor, morsus, nausea, vomitus anxietas, quare vbi dolor est, ibi morbus, aph. 38. & 39. Nam ex prima & secunda coctione remanent excrementa, & humores vitiosi, qui ibi quiescent, & prohibiti transpirari putrescunt, & similia concitant symptomata.

E Septima. Sæpè in intermittentibus febribus vrina apparet laudabilis, colore substantia, & sedimento, ergo in illis humor noxius, & morbosus intra venas non continetur, nec ab eis in habitum corporis propellitur.

Octaua. In tertiana exquisita mihi sæpè non apparet rigor, sed leue frigus, vel horror, sed frigus ab humore calido per venas externas demandato fieri non potest, nam hic non potest habitum corporis refrigerare, ergo initio accessionis per habitum corporis non demandatur.

Nona. Si sententia Galeni esset vera tunc compositurum febrium causa reddi non potest, nec enim dicendum est tertianam duplicem solum ex immodica bilis quantitate generari: alioqui omnis simplex tertiana vehemens, fieret duplex, & idem accideret in quartana.

Decima. Si antecedens causa intermittentium in venis contineretur, facta sanguinis missione protinus cessaret, consequens est contra experimentum, ergo & antecedens falsum: Nam intermittentes vt tertiana notha, &

PPP 3

quartana

quartana non cedunt vacationibus vaforum, facta phlebotomia, & purgatione, quoniam in iis humor morbosus non continetur, sed extra vasa stabulatur, quare cum illa crassa sit, & lenta, non potest recurrere ad vasa, & hoc modo his auxiliis vacuari nequit. Demum hoc ipsum demonstrat historia quadam hominis à se dissecti, in quo repertam fuisse ait circa iecoris cauum copiam bilis, quæ præcedentis tertianæ causa erat.

Hæc est opinio Fernelij, quam plurimi, iique non potestemæ notæ viri laudant, & sequuntur. Sed quoniam Fernelius legistorum more, eam ut perpetuam, sprete doctrina Galeni nobis proposuit, asserere cogor mineram putredinis non semper, sed frequenter, & magna ex parte in prima corporis regione esse constituendam, ut sibi persuasit Fernelius.

Si enim Fernelianum dogma esset perpetuò verum, falsa essent Gal. Auic. aliorumque peritissimorum Medicorum testimonia, qui in genere carnoso reponendam esse sedem febrium intermittentium assueverant, quorum numerum longum esset recensere, quos legat qui velit apud Trincavellium lib. 1. *epist. penult. & ultima ad Honorium Faroldum*.

Deinde non potest esse perpetua doctrina Fernelij: nam tollit vniuersam doctrinam de rigore traditam à Galeno, & Auic. Tertiò non potest defendi, quia si in illis locis materia putresceret, febris potius continens, vel saltem continua generaretur, quam intermittens, tum ob harum partium cum corde propinquitatem, & mediantibus vasis consensum, tum quia ob crassitiem membrorum, quibus prima corporis regio obuoluitur, difficillima esset humorum putrescentium resolutio, quare continuis febribus locus hic magis esset accommodatus. Adhæc sequeretur in omni febre interpollata semper symptomata sæuissima debere apparere, si circa viscera humores putrescerent, quæ in omnibus intermittens non obseruamus.

Insuper si materia febrium intermittentium semper in prima corporis regione circa illas partes contineretur, vel per locum circum illas partes intelligit spatium extra illas, vel illasmet partes: non est dicendum primum, quia extra illas partes in ea regione non datur locus in quo possint humores contineri, & putrescere, nec putandum illud voluisse Fernelium: si continetur in ipsis partibus, vel intra vasa earum, vel extra, non est dicendum primum, quoniam ex ipsomet Fernelio constat humores in febribus intermittens extra vasa putrere: si intra vasa illarum partium putresceret, efficeret febres ardentissimas, ut Gal. notauit, lib. 1. *epid. sect. 2. com. 20.* dicens, *ardentes febres fieri abundante bile in venis iecoris, & ventris, & calore in vasis, & visceribus aucto, & dilucida oratione probat in com. 73. sequenti, dicens, nam cum in vaforum capedibus una cum sanguine continetur flaua bilis, vitumque accendatur, contingit febres ardentes prodire, præcipue vero ubi in ventris, aut iecoris, aut pulmonis venis bilis effervescat, &c.* Et Fernelius ipse non inficiatur 4. *patholog. cap. 7.* dum causas febrium intermittens proposuit, ergo in febribus intermittens non putrescit semper humor in vasis prædictarum partium.

Si autem asseras putrescere extra vasa illarum partium, tunc ex humore præsertim bilioso oritur erysipelas, ac proinde febris ardentissima, hæc enim ex erysipelate harum partium generari solet. Quod si adhuc instes posse bilem acerrimam, qualis in tertiana exquisita putrescit, contineri in eo loco putredini valde obnoxio citra particulæ inflammationem, vel erysipelas, non poteris inficiari ex eo solum generari dispositionem erysipelati similem, & sic saltem fieri febrem continuam, non intermittens: nam si ex erysipelate notabili partium externarum, & adenosarum oritur febris putrida continua, ob putredinis communicationem, ex Gal. 2. *febr. cap. 5.* quanto magis ex bile effervescente, & in interiori corporis parte putrescente, iuxta yenam cauum, ventriculum, septum transversum, & similes partes, quibus in locis excrementorum copia adest, vel potius humorum redundantia, qui facile possunt labem contrahere.

Illud verò quod asserit intermittens febrium materiam, non à venis in habitum corporis propelli, sed in prima corporis regione contineri, ex eo redarguitur, quia si in ea regione materia tertianæ febris v.g. existeret, valde noxium esset in hac febre sanguinem emittere, caco-chymia per venæ sectionem, in iecur, & vasa maiora euocata, sed nonnunquam sola venæ incisione tertiana febris prorsus cessat, ac funditus extirpatur, ergo causa non consistebat in prima regione corporis, sed in venis, delitescbat.

Quod verò asserit febres intermittens differte à continuis, non solum loco, sed etiam materia, quia inquit *humores febrium intermittens non sunt bilis, nec pituita, nec melancholia, sed ex illorum generibus*, prædicta ratione non solum conuincitur, sed & nostrorum placitis valde aduersus est, & præsertim Galeno 4. *aph. 59.* dicenti, *tertiana febris ab ea qua ardens nominatur, humore febrem faciente non differt, &c.*

Deinde experientia demonstrat in tertiana exquisita talem excerni bilem, qualis in febre ardente apparet, cuius rei etiam signum est sæpè continuas febres in intermittens transire, & è conuerso intermittens reddi continuas, hoc autem nulla alia ratione fieri videtur, nisi quia materia quæ aliquando solita est in venis putrescere, reddita magis naturæ obediens, vel quia parcius, magis concocta incipiat à natura in corporis habitum expelli, & sic dicebat idem Fernelius 4. *pathol. cap. ult.* rigorem qui in continua febre interdum apparet aut commutationis, aut solutionis esse indicem: permutari verò intermittens in continuas, idè contingit, quia humores qui antea à natura melius gubernati extra venas propellebantur, modò vel propter aliquos commissos errores, vel alia de causa excerni non possunt, sed intra putrescunt.

Quapropter Fernelij sententia perpetuò veritatem non habet, & idè hoc modo eum refutat Ioan. Riolanus in *com. cap. 13. lib. 2. de abdit. rer. caus.* licet sit eius fidissimus interpret. Ne tamen Ferneliani de Galeno, communi medicinæ Magistro videantur victoriam reportare, argumenta proposita sunt soluenda.

Dic ad primum. Verum est humores morbum generantes non semper contineri in venis, quum sæpè in mesenterio, omento, cæterisque vicinis partibus redundent, in quibus putrescentes concitabunt febres, sed hæc intermittens non sunt, immò continuæ, vel continentes debent esse.

Ad secundum dic: multò maiorem esse naturæ vim in humore noxio extra corpus expellendo quemadmodum ex plurimis eius operibus facile demonstrari potest. Id in crisisbus sæpius apparet, in quibus humores vitiosos ad distantissimas regiones ipsa vel subito reponit. Ita rigor febrem ardentem soluit 4. *aph. 58.* hoc modo viam semper materiebz inuenit natura, quando valida fuerit, eise illa sint crassiores, & per angusta foramina debeant permeare, quando & per ossa sunt abscessus, inquit Galenus lib. 7. *aph. 54.* Adde istam separationem subitò non fieri, quemadmodum apparet in multis accessionibus, quas præcedere solet inquietatio, & molestia, ut notat Hip. 6. *epid. sect. 2. text. 23.* dicens, *quacunque tertiana naturam habent, his nox ante accessionem molesta est*, ob eandem scilicet rationem, quam retulit, 2. *aph. 1. 3.* quibuscunque crisis sit, iis nox gravis ante accessionem; qua vero subsequitur, magna ex parte leuior existit. Neque subitò excernitur semper humor ad mineram putredinis, quod facile ex varietate rigoris, & frigoris accessionum probari potest: rigor enim euariat ex parte humoris quatenus velociter, vel inæqualiter à natura solet expelli.

Ad tertium dic: cum Aëtio *tetrab. 2. serm. 1. cap. 74.* in intermittens excerni à vasis humorem ad mineram, quia in iis ferè adest humorum crassorum, & viscidorum copia multa. Adde hoc etiam contingere ob vaforum obstructionem, constipationem, & naturæ imbecillitatem, & alia similia, quod si aliquæ continuæ incipiant cum rigore, ex Gal. 1. *ad Glauco. 5.* hic non est periodicus, qualis in intermittens fieri consuevit: ille namque in initio febris continuæ à natura excitatur humorum expulsionem tentans,

tentans, extra venas aliquali portione eius excreta, maiori tamen parte intus remanente, quæ febris continuitatem conseruare valet.

Ad quartum dic: raro in tertiana iecur à noxa absolui, nec in quotidiana, ventriculū, nec in quartana lienem, quia hæ partes sunt loca ubi humores generantur, vel redundant, & inde ad vasa, postea ad mineram putredinis trudentur, quo nomine potius dicuntur partes mandantes, quàm suscipientes, si enim in illis humores putrescerent, non fierent febres intermittentes, sed potius continuæ, vel continentes. Adde etiam mineram putredinis communem esse, & non distinctam in febribus intermittētibz vel ex ipso Fernelio, quod prædictæ auctoritati repugnat, & sic idem Fernelius 4. *pathol. cit.* nullam huius auctoritatis fecit mentionem, sciens eam placito suo esse aduersam valde.

Ad quintum dic: duplici de causa ex humore, etsi bilioso, & acri, à vasis ad corporis ambitum delato non apparere damni, aut læsionis vestigium in cute, velut conspicimus in curaneis affectibus, aut alio quouis humore ad extimam corporis superficiem transmissio, quia si tenuis est, motu illo reciproco innati caloris ab extimis partibus ad intimas & ab his ad illas resoluitur, & euahescit. Si crassus tum eodem motu attenuatur, absorbetur tum per vniuersam molem sparsus, transpirat, & paulatim acrimoniam exuit: qui humor in tumore collectus, circumscribitur, prohibitusque diffusi, acrior redditur, & maiora damna sæpissimè concitat.

Ad sextum dic: symptomata à Fernelio numerata non concurrere omnia simul in accessione vna, sed varia iuxta varietatem humoris, & motus naturæ, quorum omnium causam assignare non est difficile, asserentibus in intermittētibz in ambitu corporis mineram esse constituentem, percurramus singula. Vrina apparet initio accessionum cruda, quia tunc ad partes externas propellitur, & natura ad aliam auertitur partem. Suffocatio fit ob caloris naturalis quādam veluti compressionem, & ipsius ad partes externas fugam, quo nomine initio accessionis extrema frigent, vngues linefcunt: Oscitatio verò, & tussis sunt operationes facultatis expultricis 2. *de caus. symp. cap. 1. & 6.* excitantur autem eo tempore, vel ex rigoris concussionē exprimente portionem humoris ad illas partes, vel ex fuliginoso vapore, pulmonem, & eas partes pertingente, quæ omnia procedente accessione, & præsertim in declinatione mitescunt, quoniam natura iam superat, & per sudorem humorem vniuersum propellere satagit. Deinde ex motu illo rigorifero, & concussionē totius corporis dolorifica eleuantur ad ventriculū vapores fuliginosi, qui hanc partem diuersimodè prosterunt, & sic ventriculus debilis retinere nequit, vnde nausea, vomitus, qui versicolor est, quia aliqua humoris portio ad eam partem confluere consuevit, sicut irruere sæpè solet in artus, cerebrum, & alias partes & hoc modo intolerabiles excitantur dolores, & grauissimi morbi repullulant.

Ad septimum dic: in initio febrium intermittētiū vrinam apparere crudam, & illaudabilem, si verò oppositum contingat, illud est, quoniam humores non putrescunt saltem notabiliter intra venas, sed postquam extra pelluntur, vrina verò venosi generis nota est.

Ad octauam dic: frigus in febribus intermittētibz ab humore calido in partibus externis non concitari per se, sed ex accidenti, fit enim ex spirituum, & caloris naturalis retrocessu ad interna loca.

Ad nonum dic: immodicam bilis copiam non esse solam causam tertianæ duplicis, sed duplicem esse, quia ex variis, & diuersis mineris humores demandantur, & sic duplicantur, & triplicantur accessiones.

Ad decimum dic: non sufficere ad prohibendum accessionum reditum, quod antecedens causa auferatur, sed est necesse vt nulla remaneat intemperies, nec similis causa, aut dispositio in parte mandante, aut recipiente, vt disertè notauit Auic. 1. 4. *tract. 2. cap. 7.* maxime cum non possit vniuersus humor peccans semper sanguinis missione vacuari. Neque historia eius quicquam concludit: Nam in

A tertiana producta, licet focus putredinis non sit in prima corporis regione semper iecur excandescit, & incenditur, & flauæ bilis copiam iuxta sua vasa accumulatur. Cum ergo argumenta Fernelij facili negotio resoluuntur, non erat cur vir doctissimus à frequentissima doctrina Galeni sic recederet.

Demum licet in prima, & tertia corporis regione minera febrium intermittētiū possit reponi, vt Galenus, & Fernelius confirmat, tamen rationi, & ipsius Galeni doctrinæ consentaneum est asserere, focum putredinis non semper esse eandem partem: nam aliquando est in prima corporis regione, interdum in genere carnoso, sæpè in vtero, multoties in renibus, & in capite.

B Quamuis autem 2. *cris. 3. & loc. supra citatis*, videatur vniuersaliter insinuare intermittētis febris materiam intra venas contineri, & inde per singulos paroxysmos in totum corpus deferri, & eo dictas febres à continuis distingui, quia in his humor à vasis in quibus continetur, non demandatur extra: tamen 2. *feb. vlt. maturit. iudicio* statuit sedem, ac fomitem cuiusvis febris intermittētis, esse partem illam corporis in qua excrementa acervantur, partis illius vitio, vel imbecillitate, vel alterius mittentis robore, vnde constat etiam iuxta Galeni sententiam febris intermittētis sedem, atque fomitem etiam extra vasa contineri. Neque ob id varium fuisse in hac enodanda quæstione Galenum asseueres, vt contra eum falsò effudit Mercatus, quoniam 2. *feb. vlt.* de hac causa meminit tanquam magis frequenti, in alio loco illam vt minus frequentem approbat, cum tamen nulla perpetua sit, & inuariabilis, quum in omnibus nostri corporis partibus minera putredinis possit consistere, immò Hugo auctor grauius artificalia coniectura ex duobus Hip. Aphorismis 38. & 39. *lib. 4. Aph.* scribit elici posse indicium de minera putredinis in febribus, eamque esse partem illam, quæ frequentius sudat, aut calet, aut dolet.

C Si verò quæras vtrum ex arteriis ad corporis habitum possit aliquando humor ad sentientes partes demandari, sicut truditur à venis: Dic affirmatiuè, & ea fortasse causa est quare aliquando febres contumacissimæ sint, & diutissimè durent, & contemnunt vacationes vasorum quæ per phlebotomiam, & purgationem celebrantur: Nam humor difficilius attrahitur ex arteriis, quàm ex venis, frequentius ramen causa antecedens est in venis, quàm in arteriis, harum enim sanguis crassior est, magis flatulentus, minùsque diffatur, ac transpirat, quare promptius concipit putredinem, quàm arterialis. Neque obicias contra sententiam Galeni *lib. de usu puls. cap. 6.* humorem contentum in arteriis per venas vacuari: quoniam id non est perpetuum: Si enim crassus sit, non poterit ad eas sine difficultate commeari.

## HIST. XXXIV. GALENI, De quartana.

Admirandum Galeni circa duplicem quartanam præfagium.

E COEpi Eudemum quodam die, postquā lotus fuerat quamdam pulsus inæqualitas vexare, & ab vna hora horror, ob quam causam sine cæna manere coactus est postridie tutius esse iudicauit si octauam horam sine cibo transgrediretur, sed cum ad horam nouam incenatus perseuerasset, ablutus postea modicum cænauit. Tertiò die nos conuenit, securitatis ramen gratia. visum est ipsi illa quoque die suspectam sine cibo horam præserire, quamobrem transacta nona lotus cibum abundanter sumpsit: Quarto die quum nos conuenisset, iurus ad balneum, quesuit, tutius ne esset octauam horam transgredi, an ad lauandum concedere; At Medici nihil mali ei superuenturum opinantes, eum ad balneum dimitendum esse constituerunt. Solus ego tacebam, percunctatusque cur tacerem, respondi enim diem mihi suspitione vacuum prorsus non videri: Nam eo quo pulsus Eudemi tetigi, quartani circuitus initium exiisse suspici-

catus sum, sed id non affirmari certe quia naturalis eius pulsus cognitionem antea non habueram, quo ignoto fieri non potest ut exigue eius mutationes præter naturam agnoscantur, quare pulsus iterum observato; eandem suspicionem me habere dixi. Quare domi præstituto die se continens, lauit se, & cibum accepit, Medicis multis ipsum esse sine febre affirmantibus, sed ego quartani cuiusdam circuitus longissimi principium instare affirmavi. Lotus igitur cibum sumpsit Eudemus, nec multo post, toto corpore calorem percepit, quem tamen ob potum euenisse putavi, antiquum enim id vinum fuerat, quod & alij Medici affirmarunt. At quarto die ex quo calorem senserat, quum se Philosophus lauasset de more, cenauit, verum febre paulo post aperte iam incipiens, credidit demum quartane periodum illam esse, & me de exquisita pulsuum noticia commendare cepit. Quum autem febris exacerbatio maior in die efficeretur, optimos quoque urbis Medicos, vs consultarent, quo pacto morbus sanari posset, conuocari Eudemus iussit, sed ego ad contentiones evitandas de industria abfui eo die quo expectabatur accessio quartana. At Medici primo die ut biberet theriacam, iusserunt: sed ego reuersus ad Eudemum, & interrogatus quidnam ex usu theriacæ sperarem, non modo illi tam non profuturam, respondi, sed febre esse duplicaturam affirmavi, quia morbus tunc erat crudus, at theriaca humores tum malos, tum crudos in principio præsertim hyemis agitat quidem, non tamen exactè concoquit. Hac nos tum Eudemo prædiximus. Sequenti die primo mane cum nondum ego aduenissem, conuenerunt Medici, senique theriacam exhibenti verenti, licet enixè medicinam non parum profuturam pollicerentur Medici. Hac assumpta febris non expectato sequenti accessiois tempore, post die hora octaua ex improviso senem inuasit, vehementior multo, quam pridie fuerat. Sed aduenientes Medici unanimiter theriacam denuò exhibuerunt, eo die qui primo paroxismo respondebat, & abiire, sed una accessio, prima correspondens, & altera illi qui superuenerat similis, plurimum vexauit. Quo circa vespere me percontatus est Eudemus quidnam fore expectarem. Cui ego, ve scis, expectato prius arteriarum motu, nihil me certi quid responderem, tunc habere dixi, sed mane forsitan habiturum, si quod noctu minxeris, inspexero, quod & factum est, nam sub ortum solis accedens matulam conspexi, & si quid interim mægeret seruaretur iussi, me enim hora quarta rediturum, reuersus igitur, urinis inspectis, pulsusque diligenter examinato tertiam quartana accessioem hora consueta affore dixi, atque discessi, aduenitque illa eadem hora, qua & cætera venerant, &c. Galenus lib. de præcognit. ad Posthum. cap. 2.

### PARAPHRASIS.

**P**lurima continet historia hæc celebris non solum ad quartanæ morbi sanè conrumacissimi, & omnium intermittentium curationem, necessaria, sed alia proponit quæ Medicis gloriosum nomen conciliare solent, scilicet morbi euentum, certam morbi cognitionem, & veram futurorum prædictionem: Nam ab initio futuram quartanam cognouit, eandem ex intempestiuæ theriacæ usu triplicem euasuram enuntiauit, rectæque curationis institutæ medio sanitatem Eudemo promisit, & qua die discessura esset febris, etiam cum sua, & artis medicæ gloria prælagiuit.

Sed quæres primò, quis fuerit pulsus qui quartani circuitus initium Galeno significauit? Dic: plurima rimatum fuisse Galenum, in pulsuum noticia veratissimum, ut initium quartanarij circuitus prælagiret, quæ ex professo proposuit lib. 2. *cris.* cap. 4. & 1. ad *Glauc.* cap. 6. Primò debebat contemplari res non naturales augentes melancholiam, cuiusmodi sunt tempus anni autumnale, in quo quartanæ insolere solent 3. *aph.* 2. 2. ægri temperies frigida sicca, regionis conditio, morbi populariter vagantes, & antea victus ratio, quæ omnia in Eudemo conuenerant. Erat senex Eudemus annum agens tertium supra sexagesimum, qua ætate melancholici humores abundant, erat hyems, quo tempore collecti in autumno humores adhuc non sunt absumpti.

Deinde debebat Galenus animaduertere pulsus, quem ueniret tardum, & rarus, quartani circuitus initium manifestè collegit: nam quartanæ adeò est

**A** familiaris tarditas, paruitas, & raritas pulsus, ut ex sola pulsus mutatione agnoscat, accessio quartanæ 2. *cris.* 4. Rhasio 10. ad *Almanf.* cap. 8. audi Galenum loc. cit. Si enim cognoueris pulsus, agrotantis naturalem, vel in aëre ipsius morbo per initia accessionis affueris, nihil amplius expectabis quin febre inuadentem, quartanam esse pronuncies: Nam eximia quadam ad tarditatem, & raritatem conuersio fit. Ego quidem nonnullos meos familiares, quorum pulsus exquisitè cognoueram, iam ingruente accessione contemplatus, quod tale principium nullius alterius quam quartanæ febris fore contingeret, pronunciaui, atque id euenit, &c. Raritatis, & tarditatis causam refrigerationi, & facultatis imbecillitati quæ à succi crassitie grauatur, assignandam esse, certum est: Nam melancholicus humor ob frigiditatem difficulter accenditur, & cum non adsit refrigerij necessitas, fit pulsus rarus, & cum ex humore terrestri, & nebuloso vapores eleuentur crassi, virtutem opprimentes, fit pulsus tardus.

**B** Adde quòd licet in statu paroxismi pulsus euadat maior, celerior, & frequentior, quam ante, tamen est minor quam in tertiana, & maior, quam in quotidiana, quia in hac & calor est minor, & virtus debilior, celeritas verò pulsus minor est in quartana, quam in tertiana, sed tamen æqualis est, atque in quotidiana, ratio est quia licet in quartana maior sit calor quam in quotidiana, tamen in hac pulsus ob debilitatem adeò fit paruus, ut requirat augmentum celeritatis, per quam succurratur refrigerationi caloris. Frequentia pulsus minor est in quartana, quam in quotidiana, quia in illa magnitudine, & celeritate pulsus excessui caloris natura satisfacit, at in quotidiana non simpliciter contingit: Nam cum in hac febre ob virtutis debilitatem non possit adesse pulsus adeò magnus, & celer, quemadmodum pro abundantia caloris erat necessarium, id natura aucta pulsus crebri- tate resarcit, & hoc significauit Galenus 1. ad *Glauc.* 7. Est igitur pulsus in quartana præsentem iam febre, minor, tardior, & rarior, quam in tertiana, sed collatione facta ad quotidianam maior est, & æquè celer, sed tamen rarior, quia natura in quartana robustior cum sit, quam in quotidiana, excedenti calori succurrit magnitudine, & celeritate pulsus citra frequentie incrementum. In quotidiana autem cum ob virtutis imbecillitatem pulsus non possit fieri adeò magnus, & celer quantum erat necessarium, natura magnitudinis defectum frequentia supplet.

**C** Quæres secundo, cur ex pulsus inæqualitate initium quartanarij circuitus prælagiuit? Dic: quòd febrilis inæqualitas licet omnibus febribus sit communis, tamen in quartana est maximè nota, id manifestè asserit Gal. 1. ad *Glauc.* c. 6. de signis quartanæ, §. Et ipsius unius motus inæqualitas in quartana febre eius formam ostendit: Nam quæ omnibus communis est febribus in uno pulsus arteria inæqualitas, in hac manifestissime licet comprehendere; multo enim velocius principium, finemque motus inuenies, quam medium, &c. Ob hanc causam illicò in initio hanc inæqualitatem in quartana deprehendes: Nam pulsus quartanarum sunt maximè tardi, obscuri, parui, rarique adeo in inuasionibus, sicut in nulla alia dispositione: Quia in quartanarum principiis videbitur tibi arteria quodammodo esse alligata, atque ad anteriora retracta: cum verò quartanæ febres inuadunt, quamuis ægrotus iuuenis fuerit, talis sit motus arteriæ, qualis in ætate decrepita, quum autem consistit febris, aut etiam augetur, necesse est veloces fiant, atque frequentes, seruatur tamen etiam tunc propria ipsius tarditas, ac raritas, si additam velocitatem, atque frequentiam accessionis ratione perpendas, ex Gal. cit. ad *Glauc.* in princip. si enim id quod additum est febris animaduertas, pulsus tardum, ac rarus semper intelliges, at cum febris cessauerit, pulsus tardiores, ac rariores fiunt. Cum itaque in quartana pulsus semper si tardus, facile hæc inæqualitas discerni potest: cum enim pulsus est velox, non tam diuersa est extremorum velocitas à medijs velocitate, ut percipiatur facile, & ideo 2. *cris.* 3. §. Ac præterea, &c. dicit tertianæ pulsus carere inæqualitate.



Obſicies ſecundò, ſi pulſus quotidianæ eſt inæqualis **A** 2. feb. 4. in princip. & æquè tardus atque in quartana 1. ad Glanc. cap. 7. cur vtrobiſque non erit manifeſta inæqualitas? Dic: noranda eſt ex Gal. cit. ad Glanc. in princip. differentia inter magnitudinem, celeritatem, & crebritatem pulſus quotidianæ, tertianæ, & quartanæ: & primò magnitudo quæ in quartana magis ſuperat quotidianam, quàm ſuperetur à tertiana: tarditas verò in quotidiana, & quartana, eodem modo ſe habet, tardior tamen vtræque, quàm in tertiana, in raritate verò tantùm excedit pulſus quartanæ, pulſum quotidianæ, quantum pulſus quotidianæ, pulſum tertianæ. Quartanæ itaque omnis pulſus excedit raritate, (ſatisfacit enim vſui magnitudo, & celeritas) & magnitudine quotidianam, (nam in hac plurima adest pituitæ copia facultatem multis de cauſis debilitans.) Quare licet in quotidiana, & quartana pulſus ſit æquè tardus, & vtrobiſque inæqualitas adſit, hæc tamen non eſt adeò manifeſta in quotidiana ob pulſus paruitatem. Si enim pulſus quiete interrupti duæ partes animaduerti non poſſunt, ſi pulſus ſit paruus 2. de cauſ. pulſ. cap. 4. in princip. longè difficiliùs in motu continuo eius differentias percipies.

Quæres tertio. Cur in hoc ægro ab initio ſequutus eſt horror, ſi 2. criſ. 4. Galenus aſſerit ſignum quartanæ eſſe rigorem inferentem ſenſum, ac ſi oſſa frangantur, ac caro contundatur? Dic: quod per horrorem, intelligenda eſt refrigeratio honorifica, quod ſignum deſumitur ex Gal. 2. feb. 5. & 2. criſ. 4. ita cenſent Serapio, Halyabbas, Auenzoar cap. 6. de quartana, dicentes qui quartanæ rigorem incurrit, ſentit frigus magnum horrificum vt oſſa videantur confrangi, ac ſi eſſent percuſſa veluti grandinibus. Cauſam ſenſationis huius referunt nonnulli teſte Thoma de Garbio 2. feb. 5. ad melancholiam oſſa nutrientem, humor enim qui quartanam creat, melancholia eſt, quæ cum ſit oſſium alimentum, in cauſa eſt, vt hic ſenſus in oſſibus oriatur ob conſenſum quem habet melancholia cum iſtis. At hæc ſolutio non placet, quoniam materia quæ eſt oſſium nutrimentum, non eſt materia quæ in quartana putreſcit. Deinde nutrimentum mediatum eſt ſanguis cum portione melancholiæ, immediatum verò eſt ipſa medulla, vt Hip. docet lib. de alim. num. 4. firmat Galenus lib. 1. de facult. naturalib. cap. 10. & nos latè probauimus lib. 2. in com. hiſt. 4. certior tamen cauſa eſt quia humor faciens quartanam quum in principio paroxiſmi deſertur per membra, ob craſſitiem ſuam, & terreſtrem naturam non poteſt verſus cutem expelli, immò cum in profundo remaneat nimium aggrauans membra, læſionem circa oſſa imprimat mediantibus eorum panniculis, nec enim oſſa dolent, quia non ſentiunt, vt inter omnes probat Thomas à Veiga 2. de loc. cap. 10.

An verò quartana incipiat cum paruo rigore dubium eſt: Nam Rhafius lib. 10. ad Almanſ. cap. 8. eam cum tam violento motu inchoare aſſerit, vt dentes conſtringat, & concutiat. Oppoſitum tamen conſtat ex Gal. 2. criſ. 4. & 2. feb. 5. & Auic. 1. 4. traſt. 2. cap. 6. & 62. Dic: verba Rhafij non eſſe intelligenda de principio vniuerſali quartanæ, ſed de principio paroxiſmi, in quo procedente morbo, & ſic humore per putredinem excaſſato, & attenuato ſit vehemens vigor, quum tamen melancholia non poſſit peruenire ad tenuitatem bilis, inde ſit, vt nunquam poſſit efficere adeò vehementem rigorem, quemadmodum bilis, vt conſtat ex Galeno 2. de ſymp. cauſ. cap. 5. Quòd ſi aliquando in quartana vehementior rigor appareat, quàm in tertiana, id eueniet, quando illa à maiori humoris copia oriatur, & maximè ſi ex melancholia orta ex bilis aduſione generetur.

Quæres quarto. An huius ægri quartana fuerit continua, an intermittens, nec enim hoc Galenus adiunxit? Dic: licet ex ductu hiſtoriæ non conſtet fuiſſe intermittentem, quoniam in primo inſultu, ſolius meminerit inæqualitatis, & rigoris, cuius per totum morbi decurſum non eſt facta mentio, maximè cum à Medici febrem illam periculofam eſſe aſſeuerarent, quia debebat eſſe continua, quam eſſe lethalem ſignat 1. ad Glanc. cap. 1. cum intermittens periculo vacet 2. aph. 43. tamen eam fuiſſe intermittentem ex eo poſeſt conuinci, quoniam Galenus

ſanatum iri Eudemum ſemper conſtanter aſſeruit, id minimè facturum, ſi continua fuiſſet. Deinde accéſſiones inuadebant de quarto in quartum, & Medici dubitabant num eſſet reditura febris.

Quæres quinto, cur longiſſimum circuitum quartanum fore prædixit? Dic: quia ferè ſi exquiſita eſt ſit ab humore craſſo, & terreno, quare longiſſima dicitur ab Hip. lib. 1. epid. ſect. 3. ſext. 4. ſi verò notha, & ſpuria, id eſt, cum permixtione bilis, breuior erit, ſit cum permixtione pituitæ, longior. Sed ſi hoc verum eſt cur 2. feb. 5. quartanæ accéſſionem ſimilem eſſe tertianæ accéſſioni pronūciat? quare ſi tertiana durat ſpatio duodecim horarum, quartana etiam id ſpatium peragrabit, plures reſpondent duplicem eſſe melancholiam, alteram naturalem, præternaturalem aliam, quæ ſit ex bile, & ſanguine aduſto, ex qua melancholia quartana ſi oriatur, æquali tempore durat cum paroxiſmo tertianæ de qua intelligendus Gal. loc. cit. ſi tamen quartana oriatur à melancholia naturali paroxiſmum longiorem excitat, quàm tertiana. Hæc ſolutio impugnatur, quia quiuis humor quartanæ craſſior eſt, magisque terrenus, quàm qui tertianam producit, quare difficiliùs reſoluetur, longiorémque efficiet paroxiſmum, quàm qui tertianam producit.

Dic ergo ex Gal. 2. feb. cit. cauſas breuioris, aut longioris accéſſionis quartanæ eaſdem eſſe, quæ tertianæ, huius enim paroxiſmus longiori tempore durat, ſi cōcurrant cauſæ tres quas Galenus 2. feb. 3. propoſuit, & repetit cap. 5. nempe quando paroxiſmus pendet à multa copia bilis, ſecundò ſi æger affectus tertiana, debilis ſit. Tertiò ſi habeat poros denſos. Ob contrarias cauſas paroxiſmus tertianæ redditur breuior, ſimiliter in quartana varia duratio, pro copia humoris, robore, vel imbecillitate virtutis, denique pro raritate, vel denſitate corporis. Has cauſas cenſemus ampliandas eſſe ad omnes morbos materiales, in quibus pro varietate harum cauſarum, breuior, aut longior eſt ærum terminus.

Neque dicas quotidianam maioris durationis eſſe debere, quandoquidem plurimum de pituita in corpore aceruat, minùs autem de melancholia, dupliciter reſpondemus; primò quia malitia humoris in quartana facit longam durationem paroxiſmi, quamvis melancholia in parua quantitate aceruetur, argumentum autem valet data paritate in malitia, & benignitate vtriuſque humoris. Secundò fieri poſeſt, vt maior copia ſit ea quæ facit paroxiſmum quartanæ, quàm quæ quotidianæ, quoniam in quatuor diebus plus melancholiæ, quàm vnica die pituitæ in corpore aceruari poſeſt.

Quæres ſextò, cur ex pulſu quartanum circuitum longiſſimum fore præſenſerit? Dic: non ſolùm ex pulſus raritate, & tarditate inſigni longitudinem præſagiſſe Galenum, ſed ex vrinarum cruditate nimia: licet enim in quartana vrina appareat alba, tenuis, & aquoſa, tamen in hoc ægro erat extremè alba, obſtructiones internas oſtendens, præſertim in ſene, aduentante hyeme, quæ ſolùm ab humore craſſiſſimo & difficulter reſolubili ortum ducunt. Licet in ſtatu quartanæ vrina certum colorem non habeat, ſed euariet pro varietate humoris ex quo ſit melancholia. In declinatione nigrior eſt ob humorem per vrinam euacuatum, ex Auic. 1. 4. traſt. 2. cap. 6. Cur verò in tempeſtiuius theriacæ vſus triplicem quartanam effecerit, & tempeſtiuius eam eradicauerit, & quo auxilio fuerit Galenus vſus, an ſolo præſagio fretus naturæ totam curationem committens, in ſequenti hiſtoria palam fiet.

## HIST. XXXV. GALENI,

### De quartana.

Quo pacto Galenus Eudemi curatione ſuſcepta prædixerit quo die à tribus quartanis liberaretur.

**A**D Eudemum nunc redeo qui cum à tribus quartanis affligeretur, deſperatum à Medicis lecto iacebat, hyeme ferè mediæ

media. Antigenes unus ex Quinzi discipulis, qui cum Martiano versatus etiam fuerat, & inter Medicos urbis primum locum tenere videbatur, dicebat hisce, qui me laudabant, irridens, postmodum agnosceris quem laudatis, quando videbitis Eudemum efferrī, ea potissimum ratione fretus, quod sexagesimam tertium annum agens, tribus quartanis effluuiis in media hyeme esset. Tu verò, mi Posthume, & quæ postea de Eudemo prædixerim, quo pacto ipsum sanaria passim diuulgasti: Nam ex tribus quartanis, quæ prima incæperat eo die, quod prædixerim, cum abiisset, admirari omnes cæperunt, ubi verò & de secunda discessu verax exiit, multo magis obstupuerunt, ac iccirco de tertia saltem falsi me deos precabantur, sed & illa, quod prædixeram cum desuisset, non solum in præcognoscendo, sed in sanando inaud paruum nomen adeptus sum. Sed referam quod postremo penes Eudemum contigit, quum dies aduenisset, in quo tertia quartanæ discessum fore prædixeram. Accedens Martianus hora nona, & multo vehementiorem precedente accessione presentem exacerbationem cum esse dixisset, abiit statim hilari vultu planè lætitiā præ se ferens, me meā prædictionis frustratum iri intelligens: Interea Eudemus febrem vehementem, qualem nondum senserat, sentiens, quamvis me non deceptum iri consideret, alterius tamen Medici aduentum expectabat. Cum itaque non unus, sed & duo, & tres aduenissent, observabant enim omnes quo modo prædictio nostra caderet, optabantque ne saltem in huiusce tertie quartanæ discessu, nève in sanando Eudemo compos fierem, Eudemus quid de se, ipsis videretur, cunctos interrogabat, audiensque ea à singulis quæ Martianus responderat, aduertensque ipsos gaudio affici, me statim accersitum misit, volens à nobis quoque febris magnitudinem diiudicari. Ut igitur affui, ne sedere me quidem passus est, sed brachium porrigens, ut pulsum tangerem iussit, & percutuntari cæpit quid annunciarem, cui ego subridens, quid aliud, quam bonum, at ille hoc bonum speciatim expone? Audi igitur, dixi ego, & lataberis. Liberaberis hac nocte ab omni dispositione morboſa, quæ soluta, symptomatum quoque omnium, cum quæ superuenerant, cum quæ superuenire debebant, solutio subsequetur, atque hoc nobis subiecit, facultas, quæ corpus tuum regit, per pulsum nobis significauit, excitata enim, & commota est, ut è tuo corpore quicquid in humoribus prauis reperitur, foras eiciat. Tum ille quomodo dicis naturam me tibi meam significasse? Neque enim verbis id elocuta est, quia inquam in mouendo arteriam ipsam plus extulit, quam utriusque dimensionis conueniat, quod facere semper assuevit, quoties aggreditur, id quod corpus lædit, eicere. Et quoniam multe sunt viæ, quas natura excrementis expellendis aperuit, ut per vomitum, sudorem, ventris profluuium, hæmorrhagiam, apertionem venarum ani, tamen cum nulla signa adsint quæ alias vacuationes passi-giant, reliquum est ut speremus per alui profluuium in te morbum solutum iri. At cum hoc euenisset Eudemus alta voce clamabat vatcinari Pythium Apollinem agrosantibus voluisse per os Galeni. Me senem, hyemis tempore tribus quartanis laborantem ex intempestiua potione theriaca liberauit, eadem suo tempore data, &c. Galenus lib. de præcognit. ad Posthum. cap. 4.

Novi autem Medicum, qui ausus est homini, qui triplici quartana laborabat, medicamen ex viperis exhibere, quando nondum morbus in statu esset, deinde (ut par est) auctis omnibus febris continua subsecuta hominem occidit, &c. Galenus lib. 1. ad Glaucl. cap. 11.

## PARAPHRASIS.

Medicorum Romæ degentium mores dereguit in hac historia Galenus, qui neglecta morbi cognitione, intempestiuis medicamentis, & in cruditate humorum exhibitis miseris ægròs exæstificabant, & quod peius est, invidia obcæcati, in Galenum, summum medicinæ Magistrum petulanter sæuientes, quòd oraculis diuini senis instructus, non sine sui nominis, artisque gloria, Eudemum Philosophum peripateticum, in vrbe magnæ exultationis, & ad quem ægrotantem accesserunt visuri, Sergius, Paulus, Flavius, prætores, & consules, immò Boëthius, & Barbarus, Imperatoris Lucij auunculus, ipsa theriaca tempestiuè oblata, à tribus quartanis præhensum liberauerit, quem eadem citra ordinem exhibita Ro-

mani medicastri interficere inscienter tentabant: Neque putes hanc historiam falsò conscripsisse Galenum, ut huius diuini viri calumniatores augurantur, qui ex pulsu, qua die, & hora soluendos esse morbos, non posse præcognosci pertinaciter contendunt, de horum fæce, & struè esse nostro æuo chimicos certum est, qui spreta doctrina Hippocratis, totum salutis humanæ cardinem, in arte chymica, chymicisque auxiliis, & quas illi tantopere iactant essentiis quintis esse repositum impudenter effutire non erubescunt, quorum vana, & præstigiosa remedia à suo magistro Paracelso, mago temerè, & citra ullam methodum inuenta, semper in nugas abeunt, & in fumum à quo emanant, ut contra hos blaterones, inter omnes duobus libris ex professo doctissimus exclamat Erasus.

Quare cum idiotæ illi in tertie quartanæ discessu, febris vehementia decepti, ipsius vigorem contemplarentur, in plurima mala Eudemum delapsum iri sunt arbitrati, non auertentes illud pronunciatum Hippocratis 2. aph. 13. quibus crisis futura est, iis nox grauis ante accessionem, hoc est, ante crīsim, atque iudicium: tunc enim formidanda adsunt symptomata, quæ ipse latè in libris de crisis, & de diebus decretoriis, proposuit, & in compendium redegit lib. 1. Aph. com. 12. prope finem. §. Alia porro sunt signorum genera quæ crisim, id est indicatoria ab ipso nominantur, sunt autem hæc sudores, sanguinis fluxus, & rigores, multum alui profluuium, & similis vomitus, dolor capitis repente inuadens, difficultas spirandi præter rationem, & vehemens, vel cordis morsus, hypochondria citra dolorem extensa, vigilia plurima, delirium, & nox absque ratione molesta & accessio anticipans, & lacryma inuoluntaria nihil patientibus oculis neque ex tristitia provenientes, rabor faciei, & labrum inferius agitatū, lucida, vel obscura, & tenebrosa quadam ante oculos obuersantia, & hallucinationes quadam, & natus, vel mala repente rubescētes, parotides, aut omnino abscessus alicuius in articulum decumbentis generatio. Hac igitur omnia, & præter hæc alia multa huiusmodi secundum propriam eorum substantiam symptomata nominata, quatenus verò subitam mutationem ostendunt, signa crisim, id est indicatoria appellata, duplicem tibi præstabant præcognitionem; siquidem morbo iam cocto si peruenierint, futuram statim sanitatem denuntiant, si verò crudo adhuc morbo, iudicationem non bonam, quæ scilicet aut ad perniciem agat, aut in longum tempus morbum producat.

Quo pacto cum hi insciji statum morbi non præcognoscerent, suborta maiori febre obstupere, & ægrum in malis esse, moriturumque esse pronunciarunt, cum illa ex crisi, vnionēque caloris innati ad coquendum, ex maiori ebullitione humoris in statu morbi contingente euenire sæpe, vel ipse Hippocrates nos docuit, lib. 2. aph. 30. dicens, circa initia, & fines omnia imbecilliora, circa statum verò fortiora. His ergo generosus Medicus, & arte Hippocratica dignus perterriti non debet, sed ex iis, ut fecit Galenus, futuram, quin immò instantem crīsim confidenter prælagire conetur. Quare cum isti inuidi, & maledici sententiam latam 3. prog. 37. ignorarent, quæ docet Hippocrates saluandos, & morituros, breui, aut diuturno tempore morbum passuros præcognosci ex vrinis, deiectionibus, & aliis excretis, quare cum hæc distinguere, ac eorum vires æstimare, Medicum non posse putarent, prælagia prolata à Galenō, ex diuinatrice, non medica scientia prædici contentiosè omnibus inculcabant.

Sed quia tota prælagij Galeni circa hunc ægrotantem doctrina consistit in coctione, quam debebant habere humores, ne in cruditate exhibita theriaca tantopere noceret, aut prodesset præsentē coctione, non immeritò dubitabis cur illa humores crudos agitauit, non tamen ex toro concoxit, quum concoquendi vim habeat, & iccirco frigidis, & diuturnis morbis, febribusque contumacibus remedio sit? Dic: Theriacam cocto morbo oblatam in quartana esse mirabile auxilium: hoc est in postrema parte status: nam licet attenuet, & excalfaciat crudos, & frigidus humores, tamen periculosus est illius vsus in cruditate, quia illos intempestiuè euacuat per vrinam, & per cutem. Galenus verò lib. de theriac. ad Pison. cap. 15. laudat theriacam non solum ut crudos humores ad coctionem disponat, sed ut eos iam concoctos absumat, & euacuet, hinc

hinc fit vt non solum quartanæ, sed melancholicis morbis prisci Medici veteres saluberrimam esse indicant, dummodo coctis humoribus propinetur. Ex quo colligitur manifestè quod ex intempestiua humorum agitatione, febris reduplicatio, & triplicatio facta fuerit, quia humores sunt excoacti, agitati, & moti, & inordinate per corpus impulsu febrem de nouo exsuscitant, vrinis existentibus crudis, quo tempore oblata theriaca humores perturbant, coctis verò exhibita tempestiue coquit, & sine molestia euacuat: antequam, par erat, Galenum vsum fuisse remediis abstergentibus, attenuantibus, concoquentibus præterea victus rationem congruam instituisse, vt humores amplius concocti theriacæ ope vacuarentur promptius.

Videamus deinde quibus rationibus nixus salutem certam Eudemo fuerit pollicitus, quam alij esse desperatam certò pronuntiabant? Dic: quod quartana erat intermitteus, quam absolutè, & in se citra complicationem alterius vitij esse securissimam Hippocrates prædixit lib. 1. epid. sect. 3. text. 4. Quartana omnium est securissima, quoniam, vt ait Galenus in com. continuæ, quia nullam habent vsque ad iudicium remissionem molestiarum, sed perpetuò infestant, merito graues, & dicuntur, & sunt. In quartana, maximè vbi sit moderata, licet diebus, qui inter accessiones intercedunt, prodire, ac nonnunquam solita munera obire, quare quartana meminem iugulat apud Celsum lib. 3. cap. 15. Deinde licet senex esset, habebat vitalem facultatem fortem, atque robustam, in cuius robore totus sanationis cardo consistit, monente sic Galeno lib. 10. meth. cap. 5. §. Vna salus est virium robur. Neque dubites plurimis senibus adesse posse vires firmas: nam id scripsit lib. de curand. rat. per sang. mis. cap. 13. §. Itaque & septuagenariis modo dicti adsint pulsus, si affectus inbeat, venam secabis, sunt enim quidam & in hac ætate multi sanguinis, viresque habent robustas. Et ideo mirum non est si senes aliquando grauissimos morbos, quanto magis quartanam triplicem superent, probat proprio exemplo Valleriola lib. 6. obs. 7. & ult. Cum enim viribus esset valentibus, & febris vehemens, ob conatum, & pugnam cum morbo natura excitata crism adesse significaret, aliquam euenturam vacationem prædixit: quare cum signa quæ alias vacationes præfagiunt, non adessent, morbum alui proflauio finiendum iudicauit. Licet autem futuri alui fluxus aliqua sint signa à Galeno prolata in libris de crisibus; provt in lib. 2. in com. hist. 79. ostendimus: tamen hoc modo de hac futura vacatione nos posse certò iudicium facere, ipse edocuit 3. cris. ult. Ergo Galenus perspectis Eudemi viribus, pulsusque robore diligenter obseruato, tantam adesse facultatum vim colligit, vt ægrum ad expugnandum morbum sufficere posse intelligeret. Neque infes senes frequenter ex quartana interire: quoniam hoc non semper verum est, si vires adsint, vt in Eudemo, quæ ad superandum morbum satis erant: aliàs iuuenes debiles vna cum quartana commoriuntur, vt firmiter Forestus 3. obs. 32. & Gregorius Hostius lib. 7. de medic. hist. mirabili, apud Marcel. cap. 6.

Vltimò contemblemur vnum difficillimū, quo pacto, aut qua scientia medica fretus Galenus potuerit diem, & horam in quibus vnaquæque febris discessura esset exactè cognoscere, & prædicere, ob quod præfagium tantam admirationem, aut potius inuidiam aliis Medicis Eudemi curationi vnà assistentibus afferre potuerit, vt rei causam ignorantes, non ex medica facultate, sed ex diuinatrice scientia, augurio, extispicio, coniectatrice, & mathematica, huiusmodi prædictiones facere Galenum proclamarent; Sed cessent conuiciis lacessere Galenum bi bardi medicali, quum præcepta Hippocratica nec à primo limine degustarint, quibus ille velut manu ductus hæc præfagiuit, quæ etsi aliis ob ipsorum ignorantiam admiranda videantur, tamen admirationem non habent vllam, nec difficilia cognituri sunt illis qui legitime artem medicam exercent, vt manifestè docuit Galenus lib. de crisib. & de dieb. decretor. Nam lib. 3. cris. c. 9. & 1. de dieb. decretor. 12 tradidit documenta ad præfagiendum salutem, aut mortis euentum necessaria. Sic enim ait 1. de dieb. decretor.

A cap. ult. oportet autem dixit Hippocrates, eum qui sit rectè persensurus superstitiosos futuros, & morituros, & in quibus morbis pluribus diebus duraturus est, & in quibus paucioribus indicia ediscendo omnia interstingere, æstimando vires eorum inter se: quemadmodum scriptum est, cum de aliis, tum de vrinis, & secretionibus, vbi pariter pus, bilis, & excreta.

Sed ea animi moderatione accipiendam esse hanc methodum constituit lib. 1. de dieb. cap. 12. vt non putemus nunquam falli nos non posse talia obseruantes, sed maiori ex parte vera esse, quapropter signorum facultates diligenter prænosce, & examinare oportet, & vbi hæturò definiri possunt, præfagio vtendum, sin autem sequentem diem expectare oportet, quod si nihil in illo præfagire firmiter possumus, melius est tacere quàm temerè pronuntiantem falli: quare caueat Medicus ne quid citra maximam considerationem præfagiat, antequam aliquod euident signum elucescat, neque statim inter morbi initia iudicium de morbo ferre ausus sit, hinc factum est vt gloriatur Galenus se nunquam in prædicendo aberrasse. Ego verò, inquit ipse lib. 1. epid. sect. 3. com. 17. etiam hanc speculationem cum apud Eudemum Philosophum prædicerem, qui tribus tenebatur quartanis, primam de illis recessuram primum, qua certis diebus inuadebat: ac post totidem circuitus ab hac depulsa alteram certo die: Similique modo cum postea tertiam pronunciarem, ex diuinandi arte hæc prædicere iactabant, non ex medica speculatione, tamen si vates nunquam vidissent vera Romæ de agris prædicentes: nam illorum, qui aliis in urbibus sunt, nullum feci periculum. Nos, quod Deo approbante dicam, nulla vnquam re prædicenda offendimur. Atque si ea, quæ de iudicio sunt exposita mediteris, Hippocrate eris, ariæque dignus, &c. Quapropter ne mireris si contra hos Thesalicos asinos ita acriter contendat Galenus, cuius oracula multi faciendæ esse ex hac curatione liquet manifestè, quam, & alias summa cum laude, & nominis sui fama effecisse, auctores fidissimi constantur.

## HIST. XXXVI. GALENI, De quartana.

Quartana ex liene suborta, ferè lethalis.

D Vandoquidem ex liene sæpenumero vidimus homines febre laborasse quartana, ac deinde collecta aqua inter ceterum esse defunctos, &c. Galenus lib. 1. epid. sect. 3. com. 4.

### P A R A P H R A S I S.

E Licet quartana vt diximus supra, securissima, & neminem interficiat, quia duobus diebus intermediis natura recuperat vires suas, tamen si cum magnis morbis complicetur, est sæpè lethalis: nam quando lien melancholici humoris copia turgit, plurimam portionem extra venas emittere natura conatur, qui cum sit crassus, terrenus, & melancholicus quartanam generat. Deinde si lien debile sit, & crassum, fœculentumque humorem attrahere, neque purum sanguinem ab hoc nigro humore separare queat, suoque rectè officio non fungatur, aut ob infarctas à viscido humore vias sanguinis fax à iecore in lienem permeare non possit, hic in iecur regurgitans copia sua, & frigiditate natium calorem suffocat, vnde hydrops, lethalis sanè affectus, prorsus dirus: quoniam in producto morbo flaccescunt vires, hepatisque non decenter ab hoc nigro humore expurgatum, marcescit, languet, & refrigeratur, & sic calor natius humoris tenacis copia obrutus minuit, & tandem exstinguitur, quare rectè dixit Auicenna 1. 4. tract. 2. c. 6 quartana quæ euenit ex apostemate splenis, aut in qua est apostema splenis, multoties perducit ad hydropisim, & perniciem. Sed quomodo tantis malis sit opitulandum, meritò inquires? Dic: complicatis morbis ad id quod magis vrget, dirigendum esse curantis consilium: quare si hydropis elucet signa manifesta, illi auxiliares manus præstare oportet.

oportet. Si verò solùm quartana affligat cùm lienis debilitate tunc roborandus lien, expurgandum corpus, deobstruenda viscera, aperientia vnguenta, & emplastra parti afflicte apponenda.

Sed dubitabis cur ex quartana subortus hydrops est lethalis, si hydrops cuiuscunque generis sit, frigidus affectus est, & ex frigida iecoris intemperie originem ducit, & sic quartanæ superueniens, eam potius sedabit, quàm augebit, quare tantùm abest ut sit exitialis, quin potius tanquam contrarius febri hanc persanabit. Dices idè non posse fieri leuiorem febrem adueniente hydrope, quia febris totum occupat corpus, cùm sit affectus vniuersalis, hydrops autem oritur ab humore in vna parte collecto, non potente vniuersalem intemperiem remittere, quam opinionem videtur habuisse Thadæus in suis commentariis in lib. 2. prog. in com. sem. 1. inquitens quod fomes febris in arteriis est prope cor, aqua verò hydropicorum continetur in peritonæo, & idè quàmuis circa membra in inferiori ventre existentia aliqua ratione remittatur febris, tamen circa cor, & proximas arterias remitti nequit. At hæc ratio apparens est, & non ex toto vera: nam solùm habet locum in tympanite, & ascite, quin immò nec in his veritatem habere censenda est: etsi enim humor in vna parte contineatur, non longè tamen à corde distat, maximè cùm abundet in arteriis multis ortis ab ipso corde, cuius vicinitatis ratione, & arterias, & cor ipsum refrigerare poterit, cuius feruore minuto, & extincto facillè membra ipsa refrigerantur.

Alia ergo ratio est assignanda magis congruens dicto euentui. Aqua quæ in hydropicis reperitur, licet frigida & humida appareat, potestate tamen est humor vitiosus, & nitrosus, notante Aëtio terrab. 3. ferm. 2. cap. 20. nec expers falsedinis, alicuiusque putredinis particeps, idcirco non potest non calefacere, & exiccare, ob quam causam in hoc affectu inexhausta excitatur sitis, quare sit ut superueniente hydrope non sedetur febris, quod prædixit Hip. 2. prog. 1. §. *Aqua inter cutem omnis si ex acuto morbo existit, mala est, non enim sedat febrem.* Accedit quod labascente iecoris facultate humores febrem constituentes non concoquuntur, sed crudi persistentes febrem producant. Denique eo aceruato intus humore, augetur putredo, putridorum vaporum copia accrescit, quibus febris stabilita perseverantiam habet, nullumque auxilium accipit adueniente hydrope. Quàmuis autem morbi morbis superueniant (Græci metaptofin vocant) ut febris conuulsioni 2. aph. 26. quartana conuulsioni, 5. aph. 70. Abscessus erumpentes in cruribus peripneumoniæ 2. prog. 67. aliter se habet hydrops febri superueniens: Nam alij præexistentium morborum intemperiem sanant; hydrops verò febrem adauget ob dictam causam; ampliùs debilitat virtutem, cuius robore egemus ad curationem morborum materialium, accedit quod hydrops, quartanæ accedens quæ ex lienis præsertim duritie orta est, & suapte natura est morbus grauis, & ad tabem perducens, grauior efficitur, & non potest non in ingentem terminari ruinam, & alia periculosiora mala de quorum numero sunt, alui fluxus immedicabilis, febris hectica, ad quæ tandem mors subsequi consuevit, quæ omnia ex hepatis, aut lienis scirrho euenire latè probauimus lib. 2. in com. hist. 105.

## HIST. XXXVII. AVICENNÆ,

### De quintana.

Quintana febris sæpe animaduersa.

**Q**uintanam verò nos multoties vidimus, & non cogimur propter hoc dicere quod illic sit humor alius, &c. Auicenna 1. 4. tract. 2 cap. 68.

### PARAPHRASIS.

**M**ulta satis de quintanæ causa, & periculo diximus lib. 1. in com. hist. 30. quo loco quintanos, sextanos, septimanos, octonanos, & nonanos circuitus, & alios lon-

**A**giores concedendos esse vel ipse Galenus fatetur locis ibi citatis, qui ob triplicem rationem hos longissimos typos experientia se non adinuenisse refert, prima quòd nullus est in corpore humor cui hos circuitus adscribas, deinde nullis signis dignosci hi possint, & quod particulatim de iis senex mentionem non faciat: cæterum qui quintanum, & alios longiores concedunt, non propterea coguntur asserere alios esse humores præter sanguinem, pituitam, & vtramque bilem, sed ex iis, paucioribus tamen, & crassioribus generari.

**B**Quintanam febrem & alias longissimas periodos, concedunt Aëtius terrab. 2. ferm. 1. cap. 14. Actuarius 2. meth. cap. 1. Cellus lib. 3. cap. 3. Halyabas 3. pract. 19. Rhafius 16. & 18. continens. Niculus ferm. 2. sum. 4. doct. 5. cap. 9. Vallesius lib. 5. cont. cap. 25. Marcellus Donatus lib. 3. de medic. hist. mirabili, cap. ult. Antonius Maria Venustus in consilio pro Ioanne Heluetio, & plures alij in lib. 1. citati, quam sententiam præterquam quod firmaui lib. 3. de praxi medica admiranda, obs. 34. positis octauanæ, & decimanæ historiis, nunc ampliùs confirmo, quippe qui in puero decimo quinto anno constante, obeso, & pingui, quintanam febrem clarissimè notauit, qui cùm per annum ea premeretur, tandem pluribus auxiliis adiutus, solo decocto Eupatorii pro continuo potu ebibito conualuit.

Sed hæc speculatio ad vsum Medicum parum, aut nihil confert, quia quintana febris, & alij longiores circuitus eandem expostulant curandi methodum, quàm quartana, ut in cit. cap. Auicenna edocuit. Si tamen plenam de iis productis febribus notitiam habere velis, adi Ioannem Baptistam Syluaticum controuers. 57.

## HIST. XXXVIII. AETII, De febre lypiria.

Febris lypiria, gelidæ potu sanata.

**V**idi mulierem supinam decubentem in terra & voce destitutam, habentemque pulsus formicantes, una cum manuum, ac pedum perfrictione, putabam autem esse calidam affectionem: nam simul cum relaxis pessimis signis densiorem videbam respirationem factam, hoc autem signum est magni doloris, ac calidi morbi in præcordiis, & thoracis partibus existentis. Dixit autem quidam ex adstantibus, se audiuisset mulierem dicere, quod arderet eius stomachus, & frigida potionis magnam cupiditatem haberet, quapropter etiam in panimento iacet, inquit, venans frigiditatem. Itaque confusus ipsi dedi per cochlearium aquam frigidam, iterum, atque iterum immittebam ipsam ori violenter, videbam autem labia ipsius placidè aquam intus attrahere, & ratiocinatus ipsam appetere frigida potum propter insitam feruidam affectionem, rursus ampliùs exhibui, post hoc autem oculis annuere incepit, indicans sic me facere debere. Accepta itaque confectio ex papaueris capitibus constante, (diacodion vocant) parè de ea cum vino Gnidio, & aqua frigida per cochlearium ori infudi, & ex hoc nimirum paulò post sensim loqui cœpit, quare rursus ampliùs de hac potione dedi vino emmeleo pro Gnidio accepto cum modica aqua. Ori item ventris semperuium cum lactuca & pane, & rosaceo tritum imposui. Frigida autem hac adhibui propter affectionis caliditatem, &c. Aëtius terrab. 2. ferm. 1. cap. 89. de lypiria, hoc est, de ignis sacri circa viscera affectione,

### PARAPHRASIS.

**D**e igne sacro circa viscera, & partes internas exorto agit Aëtius in præsentì, quem partes internas occupare sæpè, visceraque deurere, ex Galeno pluribus in locis patet aperte, Græci lypiriam vocant, quam valdè distare à lypiria Arabum contendimus lib. 2. in com. hist. 20. Quando ergo cum extremorum frigiditate interna vruntur, ac sitim habent, tunc febris dicitur lypiria, & licet huius febris multiplex possit assignari causa, de qua alibi ex professo agemus, tamen quoad nostrum institutum attinet, est inflammatio vehemens in visceribus insolenscens,



ita firmat Galenus 4.aph.48. & 7.aph.1. & 26. & 2.prog.4. A quo loco Hippocrates sic prædixit, si caput, manus, & pedes frigidi, ventres, osisque calentibus, malum.

Sed antequam causas refrigerationis extremorum exponamus, aduerte partes externas omnibus aliis facilius, & citius non in ægris solum, sed & in sanis frigere, quoniam sunt remotissimæ à fonte caloris, qui quidem in visceribus est, calidissima enim sunt cor, & iecur, à quibus cætera omnia per sanguinem & spiritum incalescunt, quocirca nisi admodum fortis sit calor, non facile eò usque peruenire potest.

Causa verò cur extrema in morbis acutis frigeant, multiplex assignatur à Gal. in locis dictis; oritur enim aliquando ex magna viscerum inflammatione, omnem ferè sanguinem ab extrema corporis superficie attrahentem, quare extremæ partes calore destitutæ frigent. Quamvis autem necesse sit, ut magna sit inflammatio, non tamen semper est necesse, ut eadem sit inflammationis magnitudo, pro cuius diuersitate, diuersi sequuntur refrigerationis modi: nam si caput, manus, ac pedes frigescunt, mediis partibus calidis remanentibus, tam internis, quàm externis multò minor est inflammatio, quàm quando non solum partes extremæ, sed & cutis vniuersa, & pectoris, & ventris frigescit, tunc enim longè maior est, ut pote quæ possit non solum ab extremis partibus, sed ab omnibus exterioribus, calorem, & sanguinem retrahere, in qua non potest in non interioribus magnum suscitari incendium, ac tandem sitis, linguæque siccitas atque nigredo, & hoc videtur voluisse Hippocrates 4.aph.48. dum habet, in febribus non intermissis si partes externa frigent; interiores verò vruntur, ac sitim habent, lethale, quod verbum lethale maiorem malignitatem, quàm malum significat, quo verbo 2.prog.1. & 7.aph.1. vsus est.

Cum ergo viscera erysipelate esset oppressa, & igneus, flammeusque calor vrgeret in partibus intimis, lypiria erat febris, qua fæmina hæc fuit correpta: fuit ergo febris continua, perniciofa, & maligna valdè, in qua perurebantur interiora perfrigerata cute. Neque dubites frigus, & calorem simul sentiri non per omnes corporis partes, velut in epiala, in qua in eadem parte frigus, & calor sentiuntur, quomodo autem possit contingere, ut quæcunque pars simul frigus sentiat & calorem, subtiliter explanat Gentilis 1.4.tract.2. cap.50. dicens hoc contingere non secundum partes formales, sed secundum diuersas, attramen adeo propinquas, ut sensus in iudicio de situ partium decipiat, iudicans totum esse calidum, & totum esse frigidum, & adducit exemplum de collo columbæ, & de aliis multis coloribus, de quibus affirmamus diuersos in eisdem partibus esse. Quod autem sit impossibile secundum easdem partes formales sentiri frigus, & calorem, probatur: nam si in eisdem partibus formalibus hæc duæ qualitates contrariæ imprimerentur, hæc neque calorem sentirent, neque frigus, sed tepiditatem quandam, quæ media ex contrariis est ut ibi notauit Iacobus, quod ex definitione contrariorum etiam sit manifestum, de quo argumento sat pulchra proposuit Vallesius 5. controuers. 2.4.

Sed dubitabis merito in quo differat lypiria febris ab epiala: nam nonnulli vtriusque definitionem confundunt. Ishaac lib. feb. part.5. cap.15. asserit quod febris epiala est in qua corporis interiora incendiuntur, & exteriora in frigidantur, similiter & Serapio tract.6. de feb. cap.17. quæ definitio potius lypiriæ conuenit, quàm epialæ, in qua frigus, & calor simul sentitur in omnibus corporis partibus, ex Gal. 2.feb. cap.6. subscribunt Paulus lib.2. cap.26. Aëtius tract.2. ferm.1. cap.87. dicens, in hac febre simul febricitant, & rigent, & utrunque eodem tempore percipiunt in omni corporis parte. Ita Haly 8.theoric. cap.6. quid verò dicendum Auicennæ, & quomodo cum Græcis, & aliis Arabibus conciliari possit, 1.4.tract.2. cap.49. docuit ipse, dum firmat epialam esse quando frigus adest in interioribus, ex exterioribus verò calor sentitur, consule Herculæum, & Costæum in.com.

Quare internam inflammationem, viscerumque incendiū arguebant multa. Primum, aphonia, eueniens

quod instrumenta vocis ob defectum caloris innati ab igneo depopulati languerent valdè, vel quod à malignitate vaporis ab inflammata parte ascendente rarius calor esset diminutus; nam hoc non in omni lypiria accidit, sed maligna, ut 4.aph.etr. & 4.acut. 16. retulit Galenus, loquentibus nobis de lypiria Græcorum, quæ internas calque vehementissimas sequitur inflammationes, quæ maligna est 2.cris.7.5. Febris ardens maligna, vel pulmonis, vel hepatis, vel ventriculi erysipelatibus aduenit.

Secundum fuit pullus formicans, qui extractionem & suffocationem caloris ortam ex magnitudine inflammationis significabat, sicque etiam obrutus præ copia innatus ignis flaccescit, præ tanto alieni caloris impetu natura fatiscit, ut notauit Actuarius lib.2. meth.1. in med. quare ea tunc virium adest iactura, ut Medici existiment ægrotantes pulsu carere, & ita in hoc pulsu nulla inuenitur inter motus contrarios sensibilis quies, & sic falsam celeritatem æmulatur: sortiuntur enim hi pulsus nomen à formicæ tardo, & imminuto motu, est enim omnium minimus, tardissimus, & languidissimus, ita ut plures eum esse celerrimum decipiantur, quos proculdubio fallit crebritas illa maxima quam habent: quoniam ut formica crebros, & paruos faciens gradus videtur celeriter moueri, ita pulsus paruissimi, & tardi, ac creberrimi falsam celeritatis speciem præ se ferunt de cuius pulsus differentia Galenus lib.1. de diff. puls. 24. Paulus lib.2. cap.12. late differuerunt.

Tertium quod ardorem internum significabat, erat densa respiratio, signum profectò maximum & caliditatis interiores occupantis sedes, aut phlegmonis vias coarctantis manifestum, ut Galenus notauit 3. de diff. respirat. cap.6. rectè autem nosti pulsū, & respirationem inter se summam habere efficaciam in significandis internis affectibus, quum respirationis vsus similis sit pulsuum vsui, & ambo maximas, & præstantissimas vires habent ad prædicendum, ut eleganter probat ex priscomum mente Vallesius lib.3. cont.2. Densa ergo respiratio fit caliditate multa in respirationis organo coarctuata id quod ferè omni die in omnibus exurentibus febribus apparet, ut neminem latere possit, etenim quod inflammationem præter naturam, phlogosin Græcis dictam, non Hippocrates solum, sed omnes ferè alij qui ante Erasistratum fuerunt phlegmonem nominarint, & non à nobis tantum, sed ab omnibus Hippocratis expositoribus est ostensum. His itaque sic stantibus, nihil amplius mirum est prædictas ambas differentias Hippocratem simul ostendere, cum ait spiritus densus existens, dolorem, aut inflammationem significat in locis supra septum transuersum, ita meminit Hippocrates magnæ, & densæ respirationis 2.prog.56. & 2.acut.44.

Cauma internum, auxilium refrigeratorium citò, & celeriter exposulabat, sed primò erat cogitandum de phlebotomia, quod auxilium calidam substantiam cum euacuet, nempe humorem feruidum, & ebullientem sanguinem, mitificè interiora refrigerat, ex Galeno 10. meth.10. Si ergo has utilitates præstat venæ sectio, cur eam non exercuit Aëtius? Dicitur quia febris erat multæ acuitatis, ut loquitur Auic. 1.4. tract.2. cap.7. & necessitas erat maior refrigerij, quàm vacuationis, ne hectica introduceretur febris, quare pugnare aduersus futuram siccitatem salubre fuit consilium.

At cum inter refrigerantia primatum obtineat potus aquæ frigidæ, ad eam auctor se contulit, & merito sanè: quoniam sitim temperat, æstuantem calorem compescit, furentem bilem demulcet, feruidum sanguinem refrænat, eiusque furiosos motus retundit, humiditatem à calore intenso absumptam refarcit, arida membra humectat, calorem innatum viuificat, leuat naturam, soluit aluum, & incendiosos, tenuésque humores proicit in sudorem, qui potus si sit cardiacis aquis permixtus, promptissimè calidæ dispositioni auxiliatur. Quare calidis naturis aquæ potum ut præsentaneum iudicat Hipp. auxilium lib.6. epid. sect.4. text. 15. Neque dubitè aquam exhibere in principio morbi citra coctionem

villam, aut præfente inflammatione interna, quia quando febris ardens adeo immaniter vexat interiora, fuoque calore principes partes læcessit, ac fatigat, ut si non temperetur hic calor igneus, & exurens, timor sit ne hæctica exciteretur, tunc tunc ob imminens ex protractatione periculum concedi potest: nam melius febrem prorogari, & pituitosam fieri, quam ægram frigida non exhibita, sed calore innato ab igneo depopulato è vita decedere, & eo maxime cum non sit ad satietatem vsque offerenda, in quo exemplo ex conditiones expetuntur: accedit quod Galenus 9. meth. §. verum erysipelas non aliter quam frigida potu sanandum docuit. Possè autem multoties circa coctionem aquæ potum ad satietatem vsque offerri, diximus lib. 2. in com. hist. §. 4. de cuius utilitate satis multa protulimus supra in hoc libro, in com. hist. §. 11.

Cum autem à iuuantibus, & nocentibus maxima sumatur indicatio, ex Gal. 10. sec. loc. cap. 2. & ex leuamine naturæ, oculorum erectione, & maiori utilitate Aëtius coniecit aquæ potum magno fuisse ex usu, audacius frigidam offerendam est arbitratus, quia oblata, cum in meliorem statum esset redacta fæmina, ad maiora auxilia accessit, quæ magis refrigerant, tenuem humorem incrassant, & eius mordacitatem, & acrimoniam retardant. In hunc usum elegit diacodion, hoc est confectioem quæ ex capitibus papaueris parari solet, cuius descriptionem quare ex Galeno lib. 7. secund. loc. cap. 2. & Peulo lib. 7. tit. de confect. ex papaueris capitibus. Sed cum hoc medicamen sit nimis frigidum, & calor innatus ab igneo resolutus debilis esset, idcirco cum vino hanc assumendam iussit: nam vinum medicamentorum frigidorum est præstantissimum antidotum.

Sed obiicies. Si vinum caliditate, & tenuitate sua succum papaueris penetrare facit, & est in causa ut ad cor citò permeet & frigiditate sua cordis calorem extinguat, cur vinum cum diacodio miscendum imperauit? Narrat enim Plinius lib. 14. cap. 4. quod sicut vinum est venenum cicuræ, potatum post ipsam, quia illius vim hebetat, & refringit, sic cum ipsa commixtum, & citius interficit, quia liquat succum cicuræ, & attenuat, & facit ut ad cor pertranseat, fuoque frigore illud strangulet, & hæc causa apud Arist. quare vinum dilutum citius, & magis inebriat, quam merum; caput enim ob maiorem tenuitatem promptius penetrat. Sed dispar in similitudine est ratio: quoniam Plinius loquitur de succo cicuræ permixto, in diacodio autem plurima calida ingrediuntur, ut myrrha, sapa glycyrrhiza, quæ papaueris succi vires refringunt: antiqui enim maxime cauti fuerunt in parandis compositionibus, in quas ingreditur papaueris succus, ut constat ex Gal. in locis multis, præsertim lib. 8. sec. loc. cap. 1. §. Opio iubet admisceri calefacientia, ut ipsum reddant innocens, quum corpora viuensium mortificationi simile quidpiam perpetiantur, ab omnium ex opio, & hyoscyamo, & mandragora compositorum medicamentorum usu, ideoque Medicis mos est admiscere piper, castoreum, & crocum.

Porrò cum viscera arderent incendio, ori ventriculi refrigerantia iussit admouere, & quæ adstrictione sua illi firmitudinem conciliarent, de quorum classe esse semperuium firmant Dioscorides lib. 4. cap. 77. Paulus lib. 7. prop. titulo de semperuium, cuius succum cum rosaceo inflammationibus, & aliis morbis calidis, qui summam cutem infestant, esse imponendum docuit Gal. lib. 6. simpl. eodem titulo.

## HIST. XXXIX. TRALLIANI, De febris syncopali.

Quidam febris syncopali laborans, nimia frictione, & tenuissima victus ratione vsus, resolutus interiit.

Crandi sunt qui ex humorum copia in syncopem incidunt. tenui victu, acque omnibus quæ extenuare possunt. Quan-

um ad copiam attingit, \* variationem per seclum venam moliri, & eam iterare oportet: præsertim si humor ita exasperauerit, ut periculum sit ne vires suffocentur, nam tunc ex copia modicum detrabere absurdum non est, & grauatas ipsas leuare, præsertim si vires robustæ sint, si verò imbecillæ, & crudæ multa subsit, frictionibus utendum, & iis quæ extenuare, discutere, & concoquere possunt, quale est camelalum, sed frictionibus à cruribus deorsum, per totam spinam, & brachia, & ab his ad inferiores partes, & pedes utendum, ita ut virium ratio habeatur, quum enim nonnulli immoderatam magis frictionem adhibuissent, vires subito digestæ, dissolutæque fuerunt: Ego itaque quemdam ex inscitia fricantium in syncopem prolapsum conspexi: iusserat enim ille continuè integram diem, & noctem illam perfricari, & à cibo omni vsque ad quartum diem abstinere: Deinde cum impiè hos ipse faceret, ager qui non potuit utrumque, sum defatigationem, tum inedia in alios quinque dies tolerare, syncope interiit, &c. Trallianus lib. 12. cap. 3. titulo de iis qui syncope periclitantur.

## PARAPHRASIS.

DE febris syncopali humorosa agit in hoc loco Trallianus, de qua exactissime Galenus sermonem instituit lib. 12. meth. cap. 3. Vterque tamen auctor hanc febrem ex succis crudis subortam frictionibus rarefacientibus, concoquentibus, & extenuantibus, & calore suo crassum, crudumque humorem absumentibus, omnimodæque inedia esse curandam asseuerat: nam frictiones cum linteo aspero factæ calorem naturalem excitant, & per cutem vniuersam rarefaciendo humorem noxium vertunt in halitus, præsertim si oleis relaxantibus, & digerentibus parentur. Tenuis victus, & inedia euacuat ex accidenti: qui enim cruditatibus scatent, paucissimo egent alimento, succi enim crudi per vltiorem elaborationem in sanguinem versi, nutrire possunt, ex Gal. 2. acut. 30. hoc tamen intelligendum est dummodò vires valeant, quas firmas esse, ex pulsus vehementia, æqualitate, & ordine intelliges: si tamen tenuissimum victum præfente virium debilitatè, cum nimia, & frequenti frictione imperes, exhausto spiritu, & resoluta calido innato exanimis æger vitam cum morte commutabit. Non ergo frictionem, & tenuem victum renuit Trallianus, sed hunc mortuum fuisse ex fricantium inscitia, ipse refert: quoniam quando vires debiles sunt, validis, & assiduis frictionibus ægri non sunt defatigandi, & vires aliquantulum pleniori victu sunt reficiendæ, ut morbum deinceps tolerare queant.

Sed antequam ad cætera accedamus dicendum febrem syncopalem dici quia cum syncope coniuncta est, appellatur humorosa ad differentiam alterius febris syncopalis quæ minuta vocatur Galeno: illam efficit copia humorum crudorum, qui calorem suffocare sunt apti, hanc verò inopia; vtriusque causas inuenies apud Galenum loc. cit. & nos lib. 2. in com. hist. §. 1. fusè explicuimus.

Obiicies cur Galenus tantoperè cum Tralliano hic commendat frictiones antequam euacuet, & cur asperas laudat, si hæc cutem astringunt, & meatus sunt aperiendi, per quos humor exhalat? Dic: quod prius mulla, & clystere alium procurat, & deinde fricat, frictio autem trahit lentè humores ad cutem, & ad eam calorem euocat. Deinde frictio debet esse media, inter mollem, & duram, quæ sensum aperit, & non occludit, immò vna cum inedia imperatà obstructions impedit.

Insuper quoniam ex significato crudi succi multiplici plurima de syncope humorosa dubia, ad eius curationem necessaria explicantur, aduertere oportet variam esse in doctrina Galeni, illius acceptionem. Strictè ergo, & propriè succus crudus, est species quædam pituitæ, crassæ, & grauis, quæ plerumque subsidet in vrina edacium maxime puerorum & otiosam vitam degentium, ut docet Galenus 1. cris. 12. circa med. hic succus à pituita differt, quia hæc minus est crassa, cum habeat plurimam humiditatem sibi commixtam, & spiritu sit plena flatulento, ille verò habet substantiam similem puri, & albus est, & crassus, ut docet Galenus lib. de plenitudine, cap. 11. ante med. & 10. sec. loc. cap. 5. ad med. ab eo tamè differt, quoniam nec.

nec foetet, nec lentus est, ut pus auctore Galeno lib. 1. de aliment. facili. cap. 3. §. Est sane & purita succus crudus, &c. quod verò dicit succum crudum non esse lentum, intelligendum est quod non sit necessarîo lentus, alioquin enim lentus est, ut idem voluit lib. 6. de sanit. tuend. cap. 6. in fin. ubi de eo succo agens sic inquit, qui crassus, quidem omnino est non tamen perpetuò glutinosus. Hic humor propriissimè, & per excellentiam crudus succus nuncupatur.

In secunda acceptione latius, & generalius dicitur crudus succus quicumque citra sanguinem est, quales sunt omnes pituitæ species, quia omnes hi humores albi, crudi que sunt, neque sunt percocti à natura: ita accipit Galenus 4. de sanit. tuend. cap. 4. §. Generaliter: igitur eiusmodi succi omnes, &c. In tertia acceptione, & adhuc magis latè dicitur humor crudus de omni humido qui à natura eiectus non est, siue frigidus, siue calidus sit, siue etiam excrementum, in qua significatione, & bilis flava, & vrina dicitur cruda, & quicumque alius humor qui à natura non est eiectus, ut docet latè Galenus 2. acut. 44. post princip. §. Biliosa cruda ita appellatur, &c.

## QVÆSTIO XXXV.

Virum in febre syncopali humorosa, sanguinis missio, & frictions sint ex usu, ut contra Galenum firmanit Trallianus.

## COMMENTARIUM.

**V**acuacionem per venam scilicet moliri. ] Durissimum solum euoluo, irrefragabilem antinomial agito, salubrosam viam ingredior, quam hactenus percurrit nullus: omnes enim Galenum in syncopali febre humorosa nunquam misisse sanguinem vnanimiter firmanit, illius clarissima doctrina suffulti: & ut ordine quàm optimo singula persequar, æstimatione dignum est, quid de hac re Galenus statuerit lib. 12. meth. cap. 3. quo loco sic inquit: Nulli saltem sanguis missi sine maximo dispendio solet, quum tamen vacuacionem desiderant, verum nec sanguinis missionem, nec purgationem sustinent, utpote quod sine his syncope facile adoriuntur. Quenam igitur est ratio talibus mœdendi, qui cum vacuari postulent, vacuantiæ præsidia non ferunt; Sane nullam aliam his idoneam vacuacionem inueni præter eam quæ ex frictione paratur, &c.

Queris causam quare hoc affirmet Galenus? ea est quia in copia succorum crudorum vires adesse non possunt, si de crudis succis sermo sit, qui pituitosi sunt, & à sanguinis natura alieni: hi enim valde opprimunt vires, calorem nativum frigiditate sua extinguunt, onerant quantitate sua, obstruunt crassitie, prohibent accessum sanguinis ad membra, lædunt os ventriculi, quod consortij lege maximè afficitur, hi ergo humores: si diutius in corpore morentur, incocti, utpote derelicti à regimine naturæ, amplius putrescunt, febrilesque accendunt, quare Galenus lib. de curand. rat. per sang. mis. cap. 10. ipsi exuperantibus si non adsit febris cautè vacuandum monuit ob dictas causas, sed ubi iam febris corripuerit, nequaquam esse imperandam phlebotomiam consuluit, quoniam Intemperies febrilis, præexistenti accedens amplius, vires debilitat, ut inter omnes expositores notauit Ferdinandus Mena in com. Quare cum raro, aut nunquam his febribus laborantes viribus consentent, meritò in eis venæ sectio prohibenda est.

Trallianus hoc loco, quem sequuntur Rhastus 16. cons. cap. 2. & Auer. 7. collig. cap. 2. Venam esse secandam contra Galenum consuluit, quare omnes hactenus existimarunt illum Galeno summè esse aduersum, quorum mentem si attentè percipias, illos valdè esse concordēs assue-rabis: Nam quando humor est extremè crudus, & à sanguinis natura valdè distat, & vires debiles sunt, tunc Galenus venæ sectionem abhorret, ipsamque renuit Trallianus hoc in loco. §. Metus enim est ne vires prostrata humorem crudum nequeant concoquere, & distribuere, satius igitur arbitror ut venæ sectionem potius vitemus, &c.

Si verò humor est semicoctus, & abundat cum præsentia sanguinis, tunc sanguis tutò potest emitti neque hoc dogma à Galeni mente puto alienum, quippe qui

lib. de curand. rat. per sang. mis. cap. 12. sic ait. Vbi ergo multa vacuacione est opus, verum vires sunt imbecilliores, in his vacuacionem pariri expedit, uti nimirum & nos fecisse videmus in his quibus succorum crudorum copia inerat: nam paucò sanguine detractò proximè melioratum exhibeo præbè coctionem cum incidentium Medicaminum quopiam, velut hyssopo, origano, & interim etiam nepeta, aut pulegio, aut ceriè cum melicrato oxymel, aut oxglyci, ac si rursus sanguinè minus vel ipso eodem, nonnunquam die postero in quo rursus exhibito propositorum medicaminum quopiam iterum de sanguine quid aufero, ac rursus tertio die similiter his, &c.

Eandem sententiam firmat lib. 4. de sanit. tuend. cap. 4. quo loco si crudus succi parum recedunt à sanguinis natura, sanguinem emittit, si medio modo se habeant, mediocriter sanguis mittendus est, si omninò à sanguinis natura recedant, nullo modo est venæ secanda, & hoc est quod asseruit Trallianus, salubrius esse censens facta phlebotomia in febre syncopali leuare naturam, ut deinceps residuum concoquere queat: nam sicuti in exterioribus experimur ignem lignorum viridium copia suffocari, nisi aliqua sufficiens quantitas detraxatur, quæ detracta ignis fulget, & emicat, sic calor noster, qui internus ignis est, si crudorum humorum congerie obstruatur, sponte sua suffocatur, marcescit, & aliquando perit, oportet ergo ipsam detracta copia leuare celebrata venæ sectione, ut deinceps præexistentem humorem superare possit.

Si verò valdè à natura sanguinis recedant, siquæ sanguis paucus, & bonus, humores autem frigidi, & crudi, præsertim in hyeme, natura, regione, & ætate frigidis, omnino à sanguinis missione abstinendum est; nam sic deducitur æger ad frigidorum cruditatem ex Auic. 4. 1. cap. 20. quoniam cum vires non adsint, extracto sanguine in quo calor perseverantiam habet, humores crudiores fiunt, & affectus frigidissimi eueniunt, descripti à Gal. lib. de curand. rat. per sang. mis. cap. 6. ij sunt apoplexia, epilepsia, carus, & alij à frigidis succis subortii.

Ex iis iudicabis quàm malo fundamento iuniores contra Trallianum debacchenrur, ac si Galeni sententiam temnat, & damnet renuatque phlebotomiam, qui, ut vidisti, eam in hac febre amplectitur, & probat: si verò Galeno aduersari videretur, ea est causa, quoniam Galenum generaliter loquutum intellexit, cum hic auctor distinctionem faciat in eo humore qui crudus est, vel semicrudus, vel extremè crudus, cuius considerationis respectu sanguinem, parum vel nullo modo emittit, quod etiam faciendum monet hoc loco Trallianus, qui, si vires sint satis robustæ, & copia quæ offendit ampla, sanguinem extrahit, sin autem vires sint imbecillæ, & cruditas nimia, eam interdicit, sed solum coctionem procurat quiete, cibo, potu, & medicamentis quæ attenuandi, & desiccandi vim habeant.

Totam ergo curationis spem pro curatione huius humoralis febris Trallianus, & Galenus in frictionibus repositam esse arbitrantur, quarum ope humores crudi coquuntur, euocato per motum ad partes externas calore, quo excitato, lenti humores attenuantur, ac absumuntur.

Sed tantorum auctorum doctrina videretur suspecta, & valdè dubia: nam in redundantia crudorum humorum ipse Galenus 4. de sanit. tuend. cap. 5. non solum prohibet sanguinis missionem, ac purgationem, sed etiam balneum, exercitationem, & omnem corporis motum interdicit, quoniam humores crudos mouent, agitant, & per corpus distribuunt, & ad venas habitumque corporis attrahunt, frictio verò easdem vires habet, quàm exercitatio, unde in debilibus, qui exercitationes ferre non possunt hanc loco frictions salubres sunt, auctore Galeno lib. de pueri epil. ptico, cap. 3.

Deinde quando corpus impurum est prohibet Hipp. exercitationem 6. epid. sect. 5. text. 34. dicens, si immundus laboret, ulcera proueniunt, &c. ut tubercula, cutanei affectus, immò obstructions attractis humoribus exercitationis vi à centro ad circumferentiam, sed frictions in corpore impuro has noxas pariunt. Ergo reprobandæ.

Insuper videretur Galeno aduersari Trallianus in hoc capite in quo est descripta historia hæc. §. Haud noui quid

etiam diuiniſſimo Galeno in mentem veneris. Quod ita faciendum eſſe precipiat, frictionibus autem immoderatis vtendum, oleumque frictionum induendum, ac inediam imperet. Nam ſi vires languent in hac febre ægri inediam, & frictiones ferre non poterunt, quoniam vt ait Hipp. 2. aph. 16. ubi fames laborandum non eſt.

Vltimò. In febre diaria orta ex crudis ſuccis 8. meth. 4. Galenus prohibet abſtergentia, & deobſtruentia: nam magis obſtructiones impingunt, quia humores attrahunt ad cutem, & partes obſtructas, quare cum frictiones etiam à centro ad circumferentiam eos attrahant, eo nomine videntur reiiciendæ.

At hæc non ita fortia ſunt vt euincant: nam etſi balneum, & exercitatio cum frictionibus, in multis conueniant, in pluribus differunt, quoniam hæ plus attenuant, incendunt, & diſcutiunt humores, & ſic Galenus plenitudinem corrigit frictionibus, non balneis, aut exercitationibus, quæ plethoricam diſpoſitionem non admittunt. Quamuis autem in hac febre frictiones aliquam inducant noxam, nempe obſtructiones auocando humorem ad partes extimas, quoniam tamen ob imbecillitatem, & timorem animi deliquij nec ſanguinis miſſio, aut purgatio poſſunt celebrari, & totus curationis cardo ſit reſpoſitus quod humores in profundo corporis exiſtentes, præcipua membra grauantes & celerem mortem minantes ad extimas partes frictionibus attrahantur, tunc eæ cum maiori vtilitate, etſi aliquali noxa celebrandæ. Galenus verò 4. de ſaniti. mend. agit de redundantia ſuccorum crudorum in ſanis, vel neurris corporibus, citra febrim, in quibus non ſimile periculum vertitur. Ex quibus ad 2. & 3. argumentum ſolutio pater.

Ad tertium dic: Trallianũ ſolum impedire frictionum immoderatum uſum, ſi enim moderatæ, & aſiduæ ſiant, & tenuem victum obſeruent ægri, tantum abeſt vt vires langueant, quin potiùs ſuccis crudis concoctis, & in ſanguinem verſis reſciantur vires Hipp. 2. Aph. de redundantia crudorum humorum non eſt loquutus.

Si verò in diaria orta ex obſtructione vtendum non eſſe deobſtruentibus Galenus aſſeuerat, ne obſtructiones augeamus, diſpar eſt ratio; licet enim frictionibus in ſincipali febre eæ magis increſcant, has tamen contemnimus, dummodò humores crudi ad partes extimas trahantur, quum liceat maiorem noxam minori corrigere.

## HISTOR. XL. GALENI. D

### De febris hectica.

Ex inflammationibus internis diuturnis, febris hectica generatur.

**E**go quidem vidi ex laxioris inteſtini, (Græci colon appellane) inflammatione diuturna, & tabidam febrim fuiſſe ſequutam. Item ex ſimilibus ſtomachi, veſicæ, ac renum affectionibus, nec minus à tali febre nonnulli ſunt capti, qui dyſenteriam patiebantur, quum ſcilicet inteſtina inflammatione laborarent. Ex laxitate etiam inteſtinorum, & longo profluuiio, quum ſcilicet vel ab initio ſtatim, vel progreſſu temporis febricula inuaſerit, tabida febres conſequentur, & vt ſimpliciter dicam quando præexiccatum cordis corpus febrilem caliditatem qua cū difficultate amouetur, acceperit, &c. Gal. lib. 1. de diſ. feb. cap. 9. in fin.

## PARAPHRASIS.

**F**ebriſ hecticæ nomen licet Latinum videatur, à Græco tamen ſermone eſt deductum, habitumque ſignificat, qua de cauſa ipſa febris, dicitur habitualis, hoc eſt difficulter ſolubilis, & ab aliis vocatur conſumptio, quod ſcilicet in ea humiditates corporis abſumantur. Quo pacto merito reprehendendus eſt Galeorus Martius lib. de promiſcua doctrina, cap. 29. hecticam ab ardore nuncupari autumans: maximus autem huius febris eſt ardor, qui propter inueteratam conſuetudinem non ita ſentitur, ſicut in tertiana, vel hemitritico.

Hoc ita eſſe ex euentu probari poteſt: nam ex ardentibus febribus oritur magna ex parte, quæ uſque adeò protrahuntur, vt longitudine temporis omnem cordis hauriant humorem: quoniam cor ellychoio lucernæ redditur perſimile, quum plurimum fuerit exuſtum, quod vt vehementer ſiccum diſſoluitur, & conteritur, & corpus arboris inſtar tabeſcit, quæ aut diuturnitate temporis, aut flammæ vicinitate areſcit. Hæc vaſi calido ſimilis eſt, vt enim hoc aquam illi inſuſam calefacit, ita hectica ſolidis inhærens partibus, uſque inſixa eas calefacit.

Id etiam docet exemplo iuuenis cuiuſdam, quem ipſe curandum ſuſceperat lib. 10. meth. cap. 3. & 6. diuerſo curationis genere quo alij medici vtébantur, dicens diarias febres in hecticas mutari in his præſertim, quorum calidior, & aridior eſt temperatura, qui balneo frigido, & humido maxime iuuantur, ac illi qui ardētibus febribus ſunt correpti quia ſectui habent calorem reſtorridum, ac ſiccum, & in illis viſcera ardent, & interno ſignant incendio; calor enim hecticus præter naturam ſemper magis, ac magis perſcitur, & magis radicatur in ſubiecto.

Sed falſum eſt febrim hecticam ab ardore habere nomen. Primò quoniam Galenus, cæterique Medici febres hecticas ab ardentibus diſtinguunt; quoniam illæ vix percipiuntur, & minus expertos Medicos fallant, & ab ea ægroti ſe liberos quandoque putant, ardentem verò maxime ſentiuntur & non occupant ferè ſolidas partes, quum in his accenſis febris hectica conſiſtat.

Sed quæres cauſam cur febris hectica cum calorem inducat grauem, & vehementem, non eam tamen laborantes ſentiant, ita vt inter loquendum ſæpiſſime abſque ullo doloris ſenſu emoriantur? Dic: quod calor hic febrilis, ita eſt immerſus in calorem innatum. cumque adeò penetrauit, vt penè extinguit, vicemque innati gerat, quaſi in illius naturam conuerſus. Hæc ratione in ſolis hecticis febribus æqualis inuenitur, ſue vniformis intemperies, quod æqualiter ſemper afficiat ille calor, vt contrario carens, ex contratio autem oritur dolor. Quare Galenus lib. de inæqual. intemperie ſ. iure inquit, quum omnes particulæ ſolidæ perfectè caleſcunt, hecticam febrim vocant, quæ non in humoribus, aut ſpiritibus ſedem locauit ſuam, ſed in membris, quæ habitus rationem habent, ſicque doloris expers eſt; quare qui ea conſiſtantur putant ſe liberos. Ita hecticæ peſtilentæ nonnullæ æqualem ſortiuntur intemperiem, maxime hæ, in quibus reſtorridus, & marcidus calor cordis ſubſtantiâ inuaſit, quod Galenus docet 3. de præſag. ex pulſib. cap. 3. & 4. Inæqualis verò intemperies eſt quæ impuri aliquid habet, & contrarij ex quo naſci dolor poteſt.

Ex inflammationibus internis diuturnis oriri hecticam febrim experientia paſſim confirmat, quum enim has, febris continua, magni feruoris, & vehementiſſima comiteretur, cum diu dureret, neceſſariò actione caloris diuturna, aut vehementi membri ſolidi temperie euerſa, ipſemet calor adeò ſeſe inſinuat, vt radicatus, habitualisque fiat. Hoc modo qui prolixam perpeſſi ſunt dyſenteriam, diuturnas, & immodicas vacuationes per aluum, ſanguinis fluxum, ij ob humidi defectum introducta ſiccitate, & ſic colliquatis membris ſolidis quæ ad recipiendum calorem habituales ſunt paratiſſima, hectica febris conſurgit, quæ ſine ſiccitate fieri non poteſt: licet enim Galenus lib. 1. de diſ. feb. cap. 9. aſſerat fieri hecticam febrim, tanquam nihil adhuc virtute perpeſſa, hoc intelligendum eſt ad alias hecticæ febris ſpecies, in quibus multum perperitur virtus, collatione facta, quoniam in omni hectica eſt neceſſarium vt humiditas abſumatur, & ſuccreſcat ſiccitas morboſa, vt ingenuè explicant

Mercatus lib. 5. de feb. cap. de febre hectica,

Mercurialis lib. 5. de feb. cap. 7.

de hectica febre.

\* \*



## QVÆSTIO XXXVI

*utrum calor febris hectica sit independens à causa conseruante, ut contra Galenum Pererius, & Lemosius opinantur, & an ea in species tres sit diuidenda, ut contra eum firmat Argenterius.*

## COMMENTARIUM.

**T** *Abidam febrim.* Confularis vir, Celsus, qui ante Galenum, vniuersam artem medicam, vno paruo volumine, at eleganti, satis fermentato, & pinguis cremoris pleno, posteris tradidit, & excoluit, lib. 3. cap. 22. triplicem facit speciem tabis. Prima est qua corpus non alicur, & naturaliter semper aliquibus decedentibus, nullis verò in eorum locum subeuntibus, summa macies oritur, & nisi occurratur, tollit, atrophiam Græci vocant. Altera species est quam Græci cachexiam appellant, vbi malus corporis habitus est; ideòque omnia alimenta corrumpuntur. Tertia est, longèque periculosissima, quam Græci phthisim vocant.

Hunc autem auctorem, sicut nec Hippocratem de febre hectica nunquam fecisse mentionem, certa res est, qui solùm de febre tabida, seu marcida sermonem instituunt, hoc ita esse inuenies si Hippocratis monumenta attentè contempleris: immò Celsus lib. eodem 3. à cap. 5. usque ad 17. in quibus omnium febrium argumentum ex professo profequitur, hanc febrem sub nomine hecticæ non appellat, neque hanc cum phthisi esse coniunctam citato loco asseuerat; nisi fortè affirmes cum Fernelio lib. 4. patholog. cap. 8. febrem quæ phthisim comitatur hecticam non esse, sed putridam, ex putrescente pulmonum substantia subortam, cuius opinionem coarguerat multò antea Galenus lib. 1. epid. sect. 3. com. 9. §. *Tabidi hectica febre laborant nunquam cessante*, ut contra Fernelium strenuè dissertat Carerius disputat. 20. ad libros de loc. affectis, cap. 12.

Maiores tamen est lis, & controuersia utrum calor præter naturam hecticæ sit independens à causa conseruante: nam in hoc dubio explicando Medici summopere contendunt. Gomezius Pererius in sua noua medicina columna 225. & 226. Ludouicus Lemosius lib. 10. meth. cap. 7. disput. 2. in ea sunt opinione ut putent eum esse dependentem, & habere causam conseruantem sicut habet humoralium febrium calor. Hancque sententiam vnico confirmant, eoque satis valido argumento.

Caliditas producta in aqua non potest permanere in illa sine causa fouente, & conseruante, quia caliditas formæ substantiali aquæ est disconueniens, & ad corruptionem illius disponit, quare hac causa conseruante deficiente per simplicem emanationem à forma aquæ ad pristinam frigiditatem redit, & calor in ea existens corrumpitur, sed calor febris hecticæ partibus in quibus est, præter naturam existit, & ad corruptionem formæ substantialis disponit, ergo hic calor in partibus sine aliqua causa permanere non poterit, quæ efficienter illum conseruat: nam hac causa deficiente partes ipsæ per simplicem emanationem à sua forma substantiali ad pristinam temperiem redibunt, & calor febrilis corrumpetur.

Contra tamen suadet communis Medicorum sententia, quorum primarius dux extat Galenus, cuius clypeo ipsi muniti, caliditatem præter naturam quæ in hectica reperitur esse independentem à causa, à qua in genere causæ efficientis conseruetur constanter asseuerant: ille enim lib. 8. meth. cap. ult. in fine statuit nullam causam febres hecticas accendere, nec conseruare, postquam semel sunt productæ, & lib. 1. prorrh. 33. docuit quod febres hecticæ solidas animalis partes apprehendunt, & ex aliquo putredinoso humore non fiunt, id est, non conseruantur. Deinde 2. prorrh. 17. affirmat, quod sicut ligna quando solùm calefiunt ab igne ipso separata, illorum calor corrumpitur, quando verò non solùm calefiunt, sed etiam inuri incipiunt, etiamsi ab igne auferantur, nihilominus inurantur, sic similiter partes solidæ corporis,

Lib. IV

**A** quando ab aliqua causa solùm in fieri alterantur, & causa vacuatur, partium solidarum qualitas per alterationem inducta breuiter cessat, quando verò partes alteratæ iam sunt in facto esse, & completæ, quamuis vacuetur causa, quæ alterabat, qualitas in partibus producta non remouetur.

Ratione suadebis hoc modo. Partes solidæ in febre hectica non ampliùs calefiunt, sed perfectè, & absolutè iam sunt exalfactæ, & intemperie calida facta sunt affectæ, ex Gal. lib. de inequal. intemper. cap. 5. ergo caliditas præter naturam in hecticis permanens in partibus est fixa, & non indiget aliqua causa à qua conseruetur.

**B** Secundo. Si caliditas febris hecticæ dependeret à causa præter naturam conseruante, ea in partibus deberet esse inæqualis, quia partes proximiores dictæ causæ deberent esse calidiores, quàm partes magis distantes, sequeretur etiam quod hectici calorem febrilem sentirent: nam ex alteratione caloris in partes sibi proximas, & ex ea quam inducunt partes calidiores in minus calidas, oritur sensatio caloris, & dolor, sed hecticus calor æqualis est ex Gal. lib. de inequal. intemp. 5. & à lobarantibus non perfitur, ut Gal. ibi docuit, & supra retulimus, experientiaque confirmat, ergo caliditas hecticæ febris non dependet à conseruante causa.

**T**ertio. Si hecticus calor haberet conseruantem causam, hæc procuratione illius deberet remoueri per sanguinis missionem, purgationem, & alia vacuantia auxilia, sed hæc præsidia reproba sunt, & à nullo auctore proponuntur in hac febre, ergo & per consequens.

**C** Argumentum verò pro contraria parte oppositum est difficile, adeò ut eruditissimus Thomas Garbius lib. 1. de diff. feb. cap. 9. in quæstione qua quærit utrum caliditas febris hecticæ sit maior, quàm caliditas aliarum febrium (quam quæstionem ad plenum post eum agitauit Mercatus lib. 5. de febrib.) asseueret quod causa propter quam caliditas hecticæ febris est facta, & à causa independens, est dispositio subiecti, seque ignorare quid sit hæc dispositio, ingenuè, libenterque confiteretur.

**D** Cæterum ut certè percipias causam ob quam hecticus calor sine causa conseruante possit perdurare, aduerte primò partes nostri corporis dupliciter alterari posse, vno modo quando in ipsis aliqua, ex primis qualitatibus alteratur, & illa alteratione proportio primarum qualitatum præuertitur, altero modo quando non solùm hæc proportio, sed modus substantiæ, & mixtionis ipsarum partium corrumpitur, & alius mixtionis modus in ipsis produci-  
tur. Primus modus alterationis reperitur in partibus quando sola intemperie inæquali, & fiente laborant, secundus quando intemperie æquali, facta, sunt affectæ, ut notarunt Thomas à Veiga lib. 1. de diff. feb. cap. 8. sect. 4. propos. 2. & 7. & Vallesius lib. 4. controuers. cap. 2. Quando ergo partes primo modo solùm alterantur, licet magnam patiantur intemperiem, nihilominus facultates maximè non debilitantur, & earum actiones non valdè læduntur, quando verò secundo modo alterantur tunc essentialis debilitas fit.

**E** Aduerte secundo, quod licet anima nostra, quæ est forma substantialis partium viuentium in omnibus hominibus sit eadem secundum speciem, & in eodem homine per diuersas ætates, & in diuersis partibus dissimilari-  
bus sit eadem numero, nihilominus tamen hæc anima ut operetur, & conseruetur in partibus longè diuersam proportionem temperamenti requirit, quam si habet partes per simplicem emanationem ad se reducit: quando verò ab aliqua causa leuiter alterante perturbatur, hæc proportio corrumpitur, & ita videmus quod in diuersis hominibus, diuersas regiones incolentibus, & diuerso victu, & diuerso viuendi modo vtentibus, diuerso admodum temperamento anima gaudet, & cum illo permanet. Idem etiam in diuersis partibus dissimilari-  
bus eiusdem hominis in eadem ætate obseruatur, immò in omnibus partibus eiusdem in diuersis illius ætatibus sit manifestum.

Huius diuersitatis temperamenti respectu eiusdem animæ nulla alia videtur posse assignari causa, nisi diuersitas modi substantiæ, & mixtionis quæ in partibus viuentibus

viuentibus reperitur ratione diuersæ naturæ ipsarum partium, & diuersarum ætatum, & aliarum rerum quas diximus, iuxta quam diuersitatem modi substantiæ, & mixtionis eadem anima conseruatur, & permanet in esse quieto cum illo modo temperamenti, qui aptus est emanare ex certo modo substantiæ, & mixtionis qui reperitur in partibus viuentibus, quas anima informat. Itaque in senectute verbi gratia hominis temperari, eius anima quamuis tunc perfectè non operetur, nihilominus permanet in esse quieto cum maiori frigiditate, & siccitate partium viuentium, quàm habebat in tempore adolescentiæ, in quibus ætatibus perfectè anima operabatur, quia scilicet ex certo modo substantiæ, & mixtionis qui in ipsa senectute in partibus reperitur, apta sunt emanare frigiditas, & siccitas in maiori intensiōe quàm in tempore adolescentiæ, & iuuentutis; in illis enim ætatibus diuersus modus substantiæ in partibus reperiebatur.

Ex hoc experimento constat quod quando mixtionis modus in partibus præuertitur, tunc partes ipsæ per solam simplicem emanationem ab anima non possunt redire ad pristinam temperiem, quando aliqua qualitate sunt affectæ, quibus anima ipsa ad conseruationem, & operationem malè se habet.

His præmissis aduersum argumentum non est multo operosum demoliri: nam calor febrilis hecticus productus in partibus viuentibus, quamuis sit disconueniens animæ, nihilominus tamen in ipsis permanet in esse quieto, sine aliqua causa conseruante, quia in febre hectica non producit ille calor à causa, quæ partes viuentes tantum secundum primas qualitates alteret, sed producit per quandam veluti vstionem, vel putredinem partium, à quibus alterationibus modus substantiæ, & mixtionis in ipsis peruertitur, & alius de nouo producit, à quo calor ille febrilis emanare est aptus, & sic veluti naturalis in ipsis partibus efficitur. Propter hanc ergo rationem anima quæ est in dictis partibus, has ipsas ad pristinam frigiditatem non reducit, & ita nec calorem illum febrilem corrumpit: in aqua verò calefacta diuersa est ratio: quoniam cum ipsa simplex sit, & ideo in ea non possit produci modus mixtionis à quo calor emanare queat, hinc fit vt calor in aqua nunquam possit esse habitualis, nec permanere sine causa efficiente, & conseruante.

Satis actum de quæstione hac, nunc ad species hecticæ febris explicandas accedamus. Nam alij duas, quidam tres constituunt, & vtrique suum placitum ex Galeni doctrina roborare conantur. Penès humoris alimentitij inter spatia similarium partium dispersi consumptionem, in tres diuidunt: si enim humor feruorem concipit, non tamen absumitur, prima species hecticæ confurgit; si verò effernescit, & maior illius pars absumitur, secunda fit: dum tamen absumpto hoc humore partes fibrosæ, & membranossæ à calore sunt exiccatae, tertia constituitur. Hanc diuisionem approbant Thomas à Veiga lib. de diff. feb. 1. cap. 9. Donatus ab Altomari part. 1. de febrib. cap. 18. & 19. Eustachius lib. 3. praxis. cap. 34. quæ recipienda non est, quoniam essentia febris hecticæ non in effernescencia solum, sed in siccitate consistit, vt supra notauimus.

Inter hos alij diligentius sic dubium rimantur, asseruntque quod partes solidæ corporis quatenus ab humoribus distinguuntur, & spiritibus, ex triplici constant substantia, quarum prima rorida vocatur, quæ roris instat in spatiis dictarum partium est reposita, & naturalis partium humiditas vocatur, ex qua nutriuntur, vt Galenus docet lib. 1. de diff. feb. cap. 9. Secunda dicitur carnosa, & adiposa, tertia, fibrosa & membranosa nuncupatur, quarum facit commemorationem Gal. 7. meth. 6. & 10. meth. ult. in fin. Quando ergo inquirunt ipsi rorida humiditas ponitur in calefacto esse, reliquæ verò duæ substantiæ in calefieri, tunc fit prima, secunda verò quando rorida humiditas consumpta est, carnosa verò, & adiposa posita est, in calefacto esse, fibrosa verò & membranosa in calefieri, & tertia quando consumptis duabus substantiis, substantia fibrosa, & membranosa exiccari incipit.

Sed non aduertunt doctissimi viri quod in omni febre

A hectica calor præter naturam debet esse in calefacto esse in partibus viuentibus cordis, in quo à diaria, cæterisque humoralibus distinguitur: deinde quando aliqua ex secundis humiditatibus, quæ à partibus viuentibus est distincta, solum ponitur in calefacto esse, hæc febris ad humoralem potius, quàm ad hecticam est referenda: humiditates namque secundæ, quæ verè non sunt partes, potius referunt naturam humorum, quàm partium. Insuper sequeretur quod prima, & secunda hecticæ species essent intemperies inæquales, & fientes, quum calor in illis non sit æqualiter productus, sed in quibusdam partibus in facto esse, in aliis in fieri. Vltimò si esset inæqualis intemperies, in primis duabus speciebus calorem febrilem sentirent, quoniam vna pars ab alia calefit, & alteratur.

B Sed expressè tres solum posuit Galenus lib. 10. meth. cap. ult. post med. §. Nam primum eiusmodi febris propriam partium humiditatem, ex qua nutriuntur, depascit, hinc verò ad carnosum genus transit, quod circa tum fibrosas, tum membranosas partes solidiorum corporum habet: ita deinde ipsas solidas depopulatur, &c. quod etiam asserit lib. de marcore cap. 6. & clarissimè docuit 1. feb. 9. in princip. §. Cum enim naturalis cordis temperies. Ergo ex mente Galeni prima species fit ex consumptione humidi roridi ex quo partes immediate nutriuntur. Secunda ex consumptione adipis, & carnis. Tertia ex consumptione substantiæ humidæ partium solidarum, veluti sunt fibræ, & membranæ. Hanc sententiam defendunt cum suo duce Auicenna 1. 4. tract. 3. cap. 1. omnes qui in eius libris interpretandis primas tenent. Neque Galenum asseras esse intelligendum de hectica tabida, & marasmode: quoniam solum de hac ipse eo loco loquutus est, quando de tertia specie sermonem instituit. Neque obstat auctoritas Galeni lib. 1. de diff. feb. cap. 9. in initio, vbi solum diuidit febrem hecticam, in exquisitè, & non exquisitè tabidam, quoniam sub hoc vltimo membro, primæ duæ hecticæ species comprehenduntur.

C Species hæ inter se distinguuntur, quia calor præter naturam in hectica primæ speciei, minùs habitualis est, in secunda specie magis, in tertia, maximè, quæ maior habitatio hectici caloris in hac specie, quàm in illa, ex diuturna mora in subiecto oritur, ratione cuius, magis partibus connaturalis factus est, & ita cum maiori difficultate ab ipsis remouetur, neque emanat ratione maioris intensiōis caloris, quoniam calor præternaturam in eadem intensiōe, magis, vel minùs habitualis esse potest. Ex iis constat ineptè, vt multoties solet, Argenterium, inuidiæ forsan cæstro commotum moderè, Galenum lib. art. medic. cap. 59. fol. mihi 301. in initio. quòd tres species hecticæ consignet quum ipse eandem cum Galeno sententiam amplectatur, vt legenti manifestè patebit.

## HISTOR. XLI. GALENI, De febre hectica.

Hectica febris ex balneis naturalibus intempestiuè applicitis, concitata.

E *M*arina autem aqua, & salsa, & nitrosa atque sulphurea plus quidem bilis educunt, sed multò minùs quàm potabiles profunt, præstat verò neque ipsas viles dicere, quandoquidem plus qualitate nocent, quàm euacuationibus iuuent. Equidem noui quandam corrupto iudicio hisce balneis vti persuasum, deinde extenuato corporis habitu ad tantam venisse perniciem, vt tæbe consumptus interiret, &c. Gal. lib. 1. ad Glaucon. cap. 9.

## P A R A P H R A S I S.

P *O*stquam Galenus lib. hoc ad Glauconem, & capite in quo est scripta historia hæc, plurimas, easque efficacissimas dotes, & admirandas vires descripsit balneorum quæ ex dulci aqua parantur pro curanda tertiana exquisita, quoniam

quoniam si sint calida, profunt, quia per apertos, minimè-  
que conuientes poros, biliosum humorem suapte na-  
tura tenuissimum discutiunt, & humiditate sua actuali,  
aerem hunc humorem contemperant, & potentia refri-  
gerant, reprobant balneum ex aqua marina, salsa, nitrosa, &  
sulphurea, nam præter quàm quod ex sulphure, & nitro  
parata totius corporis habitum calefaciunt, ex Paulo lib. 1.  
cap. 52. Plinio lib. 31. cap. 6. & aliis, salsa, & marina me-  
tus cutaneos adstringunt, & humorem biliosum per cu-  
tem, & sudorem excerni prohibent, præsertim si corpus  
sit squalidum, siccum, & temperamento calidum: tunc  
enim inflamment viscera, bilem exacuunt, hepar debili-  
tant, corpus extenuant: non solum quia calore suo ni-  
mio resoluunt, & innatum calorem absumunt, sed quia  
qualitate sua calorifica febrem adaugent. Cum ergo tot  
damna in febribus maximè biliosis ex horum balneorum  
vfu subsequantur, summa cum ratione vocat Galenus in-  
sanum illum qui ab aliis persuasus, vel vulgaribus, vel  
Medicis, illis vsus est, quum gracili esset corpore, & tem-  
peramento calidus, vel tertiana exquisita, aliàque biliosa  
febre detentus: nec enim Galenus affectum quo hic pre-  
mebatur assignat, quem ego tertianam exquisitam fuisse  
reor, cuius causa cum bilis sit, à balneorum naturalium  
calore exasperatur, & acuitatem induens, acrior multo  
redditur, ac mordacior.

De balneis, & affectibus in quibus conueniunt, eorum  
viribus, & conditionibus obseruandis pro eorum applica-  
tione lege Aërium terrab. 1. serm. 3. cap. 166. 67. & 68. Auic.  
2. 1. doct. 2. sum. 2. cap. 19. & 3. 1. doct. 2. c. 5. Fallopius, Bac-  
chium, Sauanarolam, Mercatum, Reinerum Solenadrum,  
& alios qui de hoc negotio eximè pertractarunt.

Senes non ingrediantur balnea naturalia, sicut & debi-  
les, ex carnes, quia maximè resoluuntur, prohibentur tem-  
pore æstatis: nam debilitant vires, febres concitant, ieco-  
ris inflammationes mouent, sicut & tempore hyemis, quia  
facile aër ambiens penetrat, humores sunt concreti, cana-  
les adstricti, vernale, & autumnale tempus est accommo-  
datissimum. Denique febrientes ab eorum vfu sunt absti-  
nendi: plus enim resoluuntur, & deurrunt viscera. Idem  
obseruandum si in tempore quo assumuntur balnea ac-  
cidat febris: quoniam si ea repetas, superuenit vertigo,  
tunc enim balnea sunt interdicens. Qui calidam iecoris  
intemperiem partiuntur, postquam à balneo exierint, ne  
renes, & hepar excalescant, dorsum, & iecoris regionem  
aliquo refrigeranti vnguento inungere oportet.

Porro in his corporibus balnea, vel in morbis aliarum  
partium frigidis administrare haud tutum est, de quorum  
classe fuisse hunc ægrum coniectare licet, qui non semel,  
sed sæpe vsus his balneis, liquata humiditate primigenia,  
& torida, cuius nutrimento, & pabulo viuificus calor in-  
situs partium recreatur, & reuiuiscit, absumpto, euanes-  
cente spiritu, & exhausto sanguine, ob feruidum balneo-  
rum calorem in summam maciem est delapsus, deinceps  
que sensum, ac sine sensu magis contabefactus occubuit.  
Si pro huius historię maiori explicatione plura videre  
cupis, adi Gulielmum Giscaferium, qui in tract. de febrium  
natur. balneorum vires naturalium febrium curationi  
tantopere aduersas diligenter explicuit.

### QVÆSTIO XXXVII

*Virum incalescentia à cibo sit febris hectica propri-  
um, & inseparabile signum, ut contra Galenum  
contendit Mercatus.*

### COMMENTARIUM.

**T**Abconsumptus interiret.] Nihil aliud, inquit diuinus  
Plato, celeberrimas, vsuque humano præstantissimas,  
ac valdè necessarias scientias prostravit solo, quàm secta-  
rum verietas, & in tuendis variis dogmatis mira ostenta-  
tio, dum spretis artium magistris quispiam propriam opi-  
nionem mordicus tueri conatur, & mutatis præcorum re-  
mediis, ratione, & diuturno vfu comparatis, nouam cu-  
randi morbos, & indagandi illorum causas methodum, ac

**A** legem præscribunt. Mirabilis fuit Galenus in describen-  
dis febris hectica signis, inter quæ vnum constituit, quod  
hac febre detenti post assumptum cibum duabus horis  
incalescant, quem plures contemnunt, euentus causam  
damnant, & eius mentem in varios sensus distorquent.

Ille enim lib. 1. feb. 9. & 2. prog. 60. signum hectica-  
rum febrium proprium, & inseparabile esse ait, quod ab  
accepto cibo duabus horis major sentiat calor, quàm  
antea, ita vt pulsus tangens, alteram febris accessionem  
adesse opinetur, & pulsus ad magnitudinem, & velocita-  
tem ita sit auctus, vt accessio incompressa facta esse vi-  
deatur, accessionem autem incompressam vocat Galenus,  
in qua neque horror est, neque frigus extremorum, neque som-  
nus, aut pigritia insignis, vel omnino inæqualitas aliqua, vel in  
caliditate, vel in pulsu appareat, neque comprimitur pulsus, fa-  
cta ab extremis ad intimas partes calor, & humorum reuocatio-  
ne, neque vsus diminuitur, calorue, aut arteria a graname co-  
pia obstruuntur, ac suffocantur, quia in hac febre non redundat  
humor qui sua copia hac vitia efficere queat.

Inquit ergo Galenus, Maximum ergo tibi, ac indubita-  
rum hoc erit signum, si cibum homini obtuleris eo tempore quo  
maximè omnes horas suspectas subterfugisse videtur, statim enim  
hora una, aut duabus post acceptum cibum, quicumque agrotan-  
tem tetigerint, alteram febris accessionem opinabuntur. & infra  
in eodem cap. 9. lib. 1. de diff. feb. sic ait. Nam si in diuerso  
tempore cibum illis obtuleris, caliditatem ex cibo adauctam sen-  
ties, & pulsus alteratos: id enim in eis contingere videtur quod  
in calce, ac lapidibus calefactis: si enim aquam frigidissimam  
infuderis, multo calidiores sentiuntur, nutriente humida substan-  
tia aridam caliditatem.

**C** Galenus huius rei causam perscrutandam esse à stu-  
diosius exposcitur. Ab ingesto cibo sequitur incalescentia  
in hecticis quia calor intensè siccus in humidum pro-  
siliens ebullit, & veluti effervesceat, quare amplius quàm  
antea increscit: maximè quia vbi primum cibum incipit  
concoqui vapores eleuantur, qui totum corpus pene-  
trantes, calorem vberem ipsi communicant, pulsus verò  
in magnitudinem, & velocitatem augetur: quoniam ac-  
cedente alimento, & roboratur facultas, & ex ampliore  
calore adaugetur vsus, & instrumentum est obediens:  
cum enim arteriæ sicæ sunt, humido vapore molliores  
redduntur, quod intelligendum est dummodo cibum non  
sit ita copiosus, vt vires granet, tunc enim fiunt pulsus  
inordinati, & inæquales, ex Galeno 3. de præfag. ex pulsib.  
cap. 6. Deinde hæc magnitudo absoluta non existit, sed  
facta comparatione ad præcedentem statum, quia in he-  
ctica febre, neque magnus, neque vehemens reperitur,  
3. de præfag. ex pulsib. cap. 7. facultas enim vitalis essentiali-  
ter debilis est.

**D** Qua tamen ratione calx infusa aqua effervesceat, non-  
dum constat inter auctores. Cardanus huius euentus cau-  
sam esse retur, quia ignis in calce latitans, quem in for-  
nace acquisiuit exiguæ aquæ frigore intus concluditur,  
& tum motu, tum coctione in ignem euadit, vt ineptè  
philosophatur, nam quicumque liquor tepidus eundem  
ignem in calce excitat. Respondent alij, vt Scaliger  
etiam ignem in calcis meatibus existentem aquam effu-  
gere ac sese in partes solidas inducere rentur, quapropter  
stipat seipsum atque condensatione acuitur. Sed si ignis  
in meatibus calcis relinquitur, cur non etiam in meatibus  
carbonis; occurrit Thomas à Veiga in calce pro-  
pter densitatem lapidis, quando vritur plus ignis manere,  
quàm in carbone, accendi verò calcem ab aqua, quia na-  
tura inducit vim sicco, vt imbibat humidum, calido, vt  
transseat in humidum, & ideo piper non accenditur ab  
aqua, quia piper non trahit aquam ad intimum, sed non  
videtur recipienda solutio: nam densitas lapidis non est  
in causa, cur in calce quæ densa non est, plus ignis re-  
linquatur, neque ignis transit in humidum, si illud est  
aqueum, quoniam solum amat pingue, aëreum, non  
aqueum, aut friabile.

**E** Sunt qui dicant quod frigida condensando poros, per  
antiperistaltismum calorem ad interiores partes reuocan-  
do, ipsum vniat, ac intendat, sed hi à veritate distant,  
quia ad antiperistaltismum requiritur quod contrarium non  
valdè

valdè penetret: sic enim magis innatus calor qualitate remittitur, quia de causa senes, & conualescentes hunc non roborantur, quia licet frigus circumstantis calorem ad internas reuocet sedes, quoniam tamen est exiguus, & debilis, ipsius qualitas refingitur. Dic ergo cum Auerrhoë 4. *collig.* 33. quod calor relictus in calce ad sui contrarij præsentiam furit, excitatur, & ebullit, & licet à liquore tepido supra calcem iniecto fauor concitetur, non est magnus, & vehemens, ut qui affusa frigida excitatur. Sed cur piper non ebullit affuso liquore, aut linguæ appositum, tunc habeat tantum intus calorem quantum habet calx; Dic: quoniam non est tam siccum, & eius calor ab humiditate saluæ sit edomitus.

Hoc signum in omni specie hecticæ inueniri probat Fernelius 4. *patholog.* 6. Nam si incalescentia à cibo siccitatem sequitur, cur in omnibus non reperitur, quum ea citra siccitatem consistere nequeant. Dic: quod nec in prima, nec in tertia accidit incalescentia à cibo, non in illa, quia exquisitam non obtinet siccitatem, & membra multo humore scatent, & larga adhuc sanguinis in corpore copia continetur, non in hac in qua adest incineratio quædam, exiguus adest ignis, calor innatus est pusillus valdè, qui ad humidam præsentiam non ebullit, nec effervescit, quod ostendit exemplum ellychnij allatum à Galeno 1. *feb.* 8. Nam tunc tale aliquid cor patitur, quale lucernæ fomes cum fuit plurimum exustus: nam qui ita torrefactus est, frangitur, atque dissolvitur, atque ex ariditate continuitatem amittit, adeo, ut neque si magnam olei copiam effundas, flamma abundantior possit accendi: semper enim, parua, & debilis in ipsa palpitat flamma, ac continuo fit minor, donec ex toto dissoluatur. Quapropter solum in secunda specie hoc signum locum habet. Consule Balthezar. Brunum *disputat. de feb. hectica in fin.*

Accedamus ergo ad rationes quibus plures à Galenica doctrina discedere coguntur, inter quos est Ludouicus Mercatus lib. 5. *de feb. cap. de feb. hectic.* qui modum à Galeno expositum non probat, quare oblato alimento calor hecticus increseat, ut increseat in calce viua affusa aqua, quoniam impossibile est viuo animali tantam adeste caliditatem, & siccitatem, quæ calcis naturam æmuletur. Secundò si alimentum ad partes arefactas non peruenit nisi transactis ad minus sex horis, cur hectici mox à cibo incalescunt, maximè cum in tam paruo tempore conuersio alimenti vires augmentis præstari non possit. Adde similitudinem calcis ad aquam, simulque alimenti cum membro non esse optimam, quia etsi calx contrarietatem habeat cum aqua, nutrimentum non habet adeo magnum cum membro, quum illi sit familiare; quare non fiet in membro superiniecto cibo effervescencia, ac fit in calce superinfusa aqua. Insuper quis calorem in calce consopitum à frigida, & humida aqua dicat excitari, quum hæc potius extinguere ignem atque abolere, quam promouere nata sit. Vltimò non est assignandum hoc signum ut proprium hecticis febribus, quum putridis etiam conueniat, in iis præsertim in quibus calor cum siccitate coniunctus viger, ut in biliosis, ardentibusque febribus palam fit, in quibus post ingestum cibum calor fit vehementior, & pulsus ad magnitudinem, & velocitatem augetur.

Sed hæc facili negotio perfolues. Dic ad primum, in febre hectica caliditatem, & siccitatem intensam adeste, sed ita vehementem ut cum ea possit stare vita, & non omnis primigenius humor sit exhaustus, velut in calce in qua reperitur humiditas adhuc quæ ignis latentis est pabulum.

Ad secundum dic. Cibus licet non sit post duas horas in membra conuersus, tamen ex eo calorem augeri necesse est, quia alimenti vapor ad omnes corporis partes accedens, calorem aridum accendit: qui in humidum proficiens, multum ebullit. Nec enim est necesse ut alimentum assumptum vniuersim exeat à ventriculo: nam aliqua pars eius inter coquendum accedit ad membra in vaporis modum. Adde quod præexistens cibus in ventriculo ab ingestio impellitur, & sic successione quadam ex iecore sanguis transit ad partes nutriendas, & roborantur vires non tantum ex cibo, quin ex vapore eius,

A ex quo spiritus regenerantur, quorum præsentia calor augetur. facultates robustiores fiunt, maximè si alimentum sit coctum facile, circissimæ distributionis, vrgearque necessitas. Consule Petrum Mercatum lib. 4. *de febrib.* c. 2. *in scholia.*

Ad tertium dic: similitudinem esse à Galeno ingeniosè appositam, quia similiter accidit in membris hectici arefcentibus, veluti contingit in calce, in vtrisque calor continetur sopitus, adueniente verò humore maior redditur, & magis sese tactui ostendit. Et licet alimentum sit simile, & familiare partibus nutriendis, tamen in principio cum illis habet contrarietatem, cum principio sit dissimile, & contrarium, auctore Arist. 2. *de anima cap.* 2.

Ad quartum dic. Quod licet calor in calce sopitus, & in membris in principio accedente aqua, & alimento, ab horum frigiditate, & copia sit minutus, & obrutus, tamen postea deuicta frigiditate ampliorem reddi, quod in igne obturato, & multa lignorum strue obruto fit manifestum.

Ad vltimum dic. Corpus nostrum post cibum semper ignescit, sed magis in putridis febribus, maximè, & notabiliter in hectica febre, sed hoc augmentum à febrium putridarum augmento distingues, quoniam in putridis signa præcedunt, non in hectica. Deinde quia in hectica augetur ignis quacunque hora æger cibetur, putrida suas habet statutas horas, & humorum motum sequitur. Tertiò, quia incrementum hecticarum durat vsque ad distributionem alimenti, ad quod putridæ non respiciunt. Quartò, in putridis augetur calor ab ingestio cibo, sed non manifestè, in hecticis conspicuè, & à Medico, & ægroto pariter sentitur. Vltimò, in putridis calor augetur cum quadam pulsus, & caloris compressione, in hecticis ita increfcit, ut accessio incompressa videatur, ut ex Galeni doctrina supra citata dilucidè constat. Lege contra Auerrhoem eleganter disputantem Christoph. à Vega in *com.* 60. lib. 2. *prognosticon.*

## HISTOR. XLII. GALENI, De febre hectica.

Extenuatio tabifica ex intempestiuo theriacæ vsu adaucta, mortem inducens.

D *A*t pueris maximè omnium theriacam interdico, quoniam ipsius magnitudo illorum vires plurimum excedit: nam & puerile corpus facile dissoluit, & complantatum spiritum celeriter extinguit, non aliter atque lucerna flammam, plusquam conueniat infusum oleum. Vidi ego aliàs puerum ab intempestiuo theriacæ vsu solutum, febrierat enim longo tempore, fueratque corpore valdè macilento, & viribus adeo debilis, ut viuere magna cura vix posset: qua conspiciat medica prudentia vetabam antidotum puero dari, cum autem quidam ipsius curam haberet, qui patrem se esse pueri dicebat, & potius imperiosa quadam iubendi licentia vteretur, quam profectum à ratione iudicium audiret, temerario quodam impetu, & violento coëgit theriacam puero exhibere, quam ille acceptam concoquere non valuit, eò quod potentior esset viribus ipsius, soluit itaque vniuersum pueri habitum, aluumque fluere cum fecisset ob datam præter rationem antidotum subsequente nocte periit, &c. Galenus. lib. 1. *de theriac.* ad. Pison. cap. 17.

## PARAPHRASIS.

D E theriacæ efficacia admiranda, eiusque aduersus plurimos præsertimque venenosos morbos facultate eximia lib. 5. *de venenis proponemus plura.* Hoc loco satis sit dixisse theriacam non esse propinandam iis qui calido sunt temperamento, & calidas incolunt regiones: nam hoc est, ignem igni addere, & calorem extraneum amplius acuire, quo pacto pueris cum summa cautela est propinanda, cum enim calefaciat, & excitet vehementer, puerorum corpus calidissimum inflammat, maximè si præcessit febris, & corpus sit excarnatum: tunc enim si propinetur antidotum, excitat ingentes morbos, qui deinde difficilem habent correctionem.



Ne ergo pates pueris Galenum absolute theriacam interdixisse: cum hæc pro morbo puerili, aliisque affectibus, quibus hæc ætas est obnoxia, persanandis sit efficacissima, sed illius usum assiduum prohibere, potissimum si sit antiqua, & in ultima ætate constituta, quia vehementius calefacit puerorum mollem, & tenellum corporis habitum absumit, ignefacit viscera, calorem implantarum absumit, spiritus exhaurit, humidum primigenium depopulatur. De hac intelligendus est Aëtius *teirab. 4. serm. 1. cap. 96.* qui eam pueris denegat, diuersas autem esse ætates theriacæ penes quarum varietatem variari eius temperamentum docent Gal. *latè lib. de theriac. ad Pison. cap. 1. & Auic. 1. 3. tract. 1. cap. 1. Haliabas 10. pract. 5. Damascenus aph. 49. Iordanus tract. de peste, cap. 7.*

Deinde Galenus tantoperè pueris theriacam propinandam recusat, à cuius potu tõe recitata mala, & mortem euenisse commemorat, quoniam corpus erat extenuatum nimis, & præ diuturnæ febris vehementia imbecille, quare si tunc propinetur, corporis habitum extenuat, sanguinem, & carnem colliquat, & calorem ab extraneo iam resolutum amplius extinguit, præsertim si exhibeatur in ea quantitate quam affectus magnitudo desiderat. Cum ergo puer antidotum concoquere non posset, ipsa, calefactione sua inflammavit iecur, quod exandescens plurima bilis æcris copia regenita, biliosam diarrhæam concitauit, & soluta aliò, debilitato corpore, resoluta spiritus, & sanguine, exanimis puer occubuit.

## HISTOR. XLIII. GALENI,

### De febris hectica.

Hectica febris cum putrida complicatio possibilis.

**S**icut mulieri accidit que autumno ex vigiliis, & tristitia febricitare cepit, perseverauit autem ad plurimum hyemis, \* hanc quarto die, ut scis, vidimus,prehendimusque statim hecticam esse febrem, cum alia quam humores excitant coniunctam. Curatio autem una tum fuerat, ut frigida tempestiue tum moderate daretur, consueta scilicet hanc per sanitatem bibere: verum aliis curatio huius erat commissa, quare nobis silere est visum. Gal. lib. 10. meth. cap. 5. in med.

Alteri verò associata difficilius cognoscitur, sicut qua nuper cuidam muliercula contigit, cuius accessio, non die tantum, sed etiam nocte manifestè fiebat: Latebat enim tabida febris omnes Medicos quibus eiusdem curatio fuerat demandata, ut qui arbitrarentur neque principium aliquod sensibile febribus hecticis inesse oportere, neque incrementum, neque consistentiam, tanquam non possit eis associari altera febris ex humorum putrefactione proueniens, at nos primis diebus statim in eadem muliere cognouimus: utraque enim annotatio, & que interdiu, & noctu fiebat, partim quidem breues accessiones faciebat, & sæpius cum rore aliquo, aut perspiratione vaporosa, ita manifestè soluebatur, ut corpus in temperie possum tangentibus appareret, signa autem ex arteriis acceptus, de quibus paulò ante sermo habebatur, semper remanebant, cum neque similiter ut alia partes refrigerarentur, neque celeritatem, aut frequentiam motus amitterent. Gal. lib. 1. feb. cap. 10.

## PARAPHRASIS.

**V**tilissima est historia hæc, & ad praxim summoperè necessaria: nam tradit signa difficilissimi morbi, & ad cognoscendum intricatissimi, nempe febris hectica cum putrida complicari, quam cognoscere non cuiusvis Medici est, neque triuialis, immò arte Hippocratica dignissimi. Quotidie enim videmus post arduas febres non integrè eradicatas introduci febrem hecticam, quam si non cognoueris, & in auxiliis putridæ febris congruis insistas, aperientia, abstergentia, & euacuantia administres, nulla de hectico, & facto calore præmeditatione habita, contabefacto corpore miserissimi clam, furtimque è vita discedent. Hoc quotidie experimur in suppuratis, quorum fe-

**A**bris hectica est, cum putrida febre commixta: nam præter id quod in temporis processu facta permanet in membris, vapor adhuc eleuatur ex putrescente pure, qui febrem quoque facere potest de genere febrium putridarum. Accedit quod anrequam febris hectica adueniret, putrida aderat, quæ non habuit causam aliam præter humorem suppuratum, ac putrescentem, qui hectica producta adhuc manet, ut inter omnes explicuit elegantissime Henricus Cuelhar in *com. sent. 60. lib. 2. progn.*

**F**requens ergo est hecticam cum putrida complicari, id affirmat Auic. *1. 4. tract. 3. cap. 1. in fin. §. Et quandoque componitur hectica cum febribus putredinis, &c.* Sed hoc mirum videri non debet, quoniam post humores febres illa subsequatur ferè. Deinde si diaria potest complicari cum hectica, cur non putrida, quæ per longius tempus durat ob crassiores humorum naturam in quibus putridus calor subsistat? Primum non negabis cum Ishaac *lib. de feb. particularib. tit. de Ephemera c. 1. §. Ephemera gignit reliquas febres, non tamen gignitur ab illis*: nam agens postulat moram in agendo, & passi identitatem, quæ duo calor in spiritibus non habet quia citò resoluuntur: hoc licet verum sit, tamen spiritus denuò reficiuntur, nec omnes resoluuntur, sed eorum pars aliqua accensa remanet. At cum diaria non durer ultra diem, quia pars spirituum quæ remanet calefacta, euanesceat, recitò hæc cum aliis febribus complicata, non apparet, quoniam spiritus febricitantium febres hectica pauci sunt, & qui non possunt aspectu grauem suscitare Ephemeram, & lenitas caloris quæ in diaria reperitur, aliorum calore obtunditur, quo pacto hoc modo si Ishaacum intelligas, non errabis dicentem diariam ab aliis non gigni, hoc est diariam ab aliis febribus genitam, perinde esse ac si non gignatur, quia nihil nec de curatione, aut prognosi immutat.

**H**ecticam cum putrida complicatam agnoscere difficile videtur, & laboriosum, maxime si putrida ex continuatum genere existat, sed cum calor eodem tenore semper similis sibi in eodem statu neque incrementum, neque sensibilem aliquam remissionem faciens tactui se repræsentat verendum est ne in putridam hectica commigret, & magis si in vrina pinguedo appareat, aut manifesta à cibo recalescentia sentiantur: si verò cum intermittente complicitur, ex morbi specie, accessionum repetitione agnosces. Deinde transacta accessione cæteræ corporis partes temperatiores apparent, arteriæ verò loca calidiora conspiciuntur, signum profecto radicati, & fixi in solidis partibus caloris certissimum. Accedit quod laborante melius se habente contabescit corpus, & extenuatur in dies magis.

**H**is ergo signis munitus putridam cum hectica complicatam agnosces, quas commisceri posse non dubites? quid enim obstat quo minus putredo possit vigere in humoribus, corpusque cordis possit esse in calefacto esse: nam licet putrida præexistente, calor, singula, & omnia corporis membra occupet, hecticus de nouo introductus est magis fixus, & durans, & diuturna caloris actione adeò sese in solida insinuat, ut habitualis citra ullam independentiam fiat, quod non solum in diurnis, & ardentissimis febribus ob caloris vehementissimam actionem, consumpta humiditate, sed in Ephemeris ob ipsius caloris efficaciam sæpè contingit, ut plurimis exemplis in methodo generali Galenus confirmat: in corporibus enim adultis, vigiliis, curisque confectis, calor siccus, & retorridus perpetua actione ipsam quoque cordis substantiam calefaciens faciliè radicitur, & fit habitualis.

**E**x quibus causis femipam hanc in hecticam febrem incidisse cum putrida coniunctam, non est denegandum: nam vigilie diurnæ spiritus resoluunt, exiccant corpus, humiditatem depopulantur, contabefaciunt, & ionatū calorem absumunt: quæ damna eminetiori gradu ex tristitia diuturna emanare, certa res est, & nos latè plurimis variorum auctorum testimoniis comprobauimus *lib. 2. in com. hist. 1. 4.* Si ergo corpori mœrore contabefacto causa calefaciens accedat: certum est promptius solidam substantiam calorem suscepturam, quam humores, aut spiritus: ingens enim mœstitia ossa ipsa, ne dum carnes exiccare possent, quum natiuam humiditatem conterant natura suapte.

Cognita

Cognita putrida cum hectica complicata, difficilis tunc curandi ratio restat, & intricata prorsus, quoniam hectica humectantia exposulat auxilia, putrida verò referantia, & abstergentia: & maxime si cum pituitosa febre complicetur: nam diuersæ indicationes insurgunt; pituitosa enim calefacientia, & exiccantia hectice valde contraria: minus periculum vertitur, si cum biliosa febris complicetur hectica: quoniam utraque alterantibus indiget auxiliis. Consule doctissimum Paulum Tuccam *lib. de curat. febr. hecticarum in fin.*

De curatione quid superest dicendum; Galenus totum curationis cardinem in frigida, tempestiue, & moderate oblata potu reponit, cuius ope se iuuenem; ne in febrem hecticam incidisset, præseruasse gloriatur, *lib. 10. meth. c. 6. & lib. de marcore cap. 7.* dum sic alloquitur. *At cum primum cognita fuerint, aqua frigida danda est, quippe eo tempore est tutissima, cum & virtus valida sit, & sanguis copiosus in corpore contineatur: nam ubi febres moram traxerint, tunc & vires redduntur imbecilliores, & sanguis fit paucus.* Frigida ergo potus utrique febre succurrit, præsertim si corpus sit squalidum, in hoc enim humectatio à futura siccitate præseruat, cuius lapsus difficulter corrigitur.

Curatio tamen in hunc modum instituenda. Putrida prius debet curari, quam hectica, & purgatio offerenda clementius, quam si sola putrida adesset. Si vires validæ sint, præsentiaque sanguinis adsit, vena est secanda, viæ reserandæ, accessiones semper obseruandæ, ita ut cum adsint, vel futuræ sunt, ab alimentis, vel medicamentis abstinemus, sed solum propinentur, cum vel cessant, vel conualescunt, vel longè à principio recesserunt.

His factis ad hectice curationem accedendum. Lactis potus præsertim asinini imperandus, administranda balnea, quæ utrique febre sunt utilia, *ut supra in com. hist. 23.* latè docuimus, & probat elegantissime Ludouicus Lemosius *lib. 10. meth. in com. cap. 10. disput. 6.* dummodò tamen vires fortes existant, quas validas pro hoc ferendo auxilio exoptat cum Hipp. Gal. *lib. 3. acut. in com. text. 59.* Cætera verò præsidia quære apud Io. Bapt. Theod. *epist. 35.*

### QVÆSTIO XXXVIII.

*Utrum hectica in principio nulla alia febre præcedente inuadere possit.*

### COMMENTARIUM.

**H**anc quarto die vidimus] Hecticam febrem Galenus arbitratur *lib. 2. cris. cap. ult.* in primis diebus generari non posse, sed in processu morbi, præcedentibus scilicet aliis febribus, sic enim in fine capitis citati hic auctor protulit. *De hecticis autem non est presentia temporis sermo; nulla enim eorum in primis diebus, sed in progressu temporis fit.* Idem sentit Rhafius *16. cont. cap. ult.* & subiungit rationem, quia non possunt calefieri membra, quin prius calefiant humores, & spiritus. Quæ ratio desumpta est, ex Gal. *lib. de inæqual. intemper. cap. 4.* quo loco vniuersaliter asserit, facile alterabile aut calidum natura, à quouis excafaciente primum excafaci: cum ergo spiritus facillimè alterentur, & tenuius sint partium, & humores tenuiores sint, crassius, & solidius particulis, concludunt Galenus, & Rhafius *locus citatus* nunquam fieri hecticam, quin prius diaria, aut putrida præcedant.

In oppositum est celeberrima doctrina Galeni *lib. 1. feb. 8. & 3. de præfag. ex pulsib. cap. 4. & 7.* asserentis febres hecticas aliquando statim à principio fieri. Ita sentiunt Paulus *lib. 2. cap. 32. §. duplex hecticarum febrium species est, prima ardentibus magna ex parte superuenit qua prorogatur adeo, ut tempore cordis ipsius madorem absumant: reliqua verò est, quam statim ab initio inuadit, primam originem diariis similem, ex morore, ira, lassitudine maiore, una cum exustione in sole sortita.* &c. ad stipulatur Auic. *1. 4. tract. 3. cap. 1.*

Quidam soluunt hecticam dici à Galeno fieri incipiendo, vel inter initia morbi, id est, in tribus primis, aut quatuor diebus, ita tamen ut ante illam præcedat alia febris, quam interpretationem deducunt ex Gal. *lib. 10. meth. c. 5.*

**A** Sed horum sententia conuincitur. Primò, quia Gal. *1. feb. cit.* asserit hecticam aliquando statim ab initio inuadere, & similem primum sui ortum Ephemeris facere. Deinde, *3. de præfag. ex pulsib. 4.* ait nullam febrem ab initio hecticam fieri, nisi cum oriatur a causis procatarteticis, nempe tristitia, aut ira.

His fretus existimo Galeni sententiam firmam esse, hecticam aliquando incipere nulla altera febre præcedente: si enim verum est quod concedit, hecticam nunquam à principio fieri nisi cum sit à causa procatartetica, morore scilicet, aut ira, patet illud verbum à principio, significare principium totius ægitudinis, & non primos tres, vel quatuor dies, nam in his facile contingit ut febris hectica fiat ex ardente, nulla ex causis procatarteticis præcedente. Neque obstat quod adducunt ex Gal. *cit. meth. loco,* in quo est scripta historia hæc; quod enim ibi asserit se deprehendisse quarto die mulierem correptam febre hectica, non negat eandem febrem à principio habuisse: solum enim inquit se hanc foeminam quarto die vidisse, & statim deprehendisse eam febre hectica laborare. Hoc modo exponit hunc locum subtilissimus Valesius *lib. 5. cont. 20.*

**B** Sed quoniam hic auctor argumenta non soluit, quæ aduersam opinionem confirmant, ea sic sunt soluenda. Primum; Fiens & remissus calor qualis reperitur in diaria, semper debet præcedere factum, & intensum qui febrem hecticam comitatur, ergo prius semper inducitur diaria. Dic: primo caliditatem fientem præcedentem calorem factum, & hecticum, quum breuissimè duret, & ad hunc dirigatur tanquam ad terminum, nomine hectice comprehendendi: solue secundò cum Thomà à Veiga *1. feb. 8.* quod licet verum sit calorem fientem, & remissum antecedere factum, & intensum, tamen hectica incipiens cum à causa vehementissima proficiscatur, fit ut calor in spiritibus accensus non conseruetur, quia à calidissimo agente attenuari, & resoluti ad calorem suscipiendum, & conseruandum redduntur inepti.

**C** Secundum. Quod tenuius est facilius alteratur quam crassum, ex Gal. *1. feb. 1.* quare aërea substantia citius accenditur, quam solida, ex Gal. *lib. de inæqual. intemper. cap. 5.* sed spiritus sunt tenuiores, quam solida, ergo calor prius accenditur in illis, quam in his, ac per consequens prius semper antecedit diaria. Dic: licet magna ex parte hoc contingat, tamen aliquando ob fortitudinem causæ agentis, & dispositionem passii ad recipiendum calorem, fieri potest, ut prius caliditas sit facta in membris, quam in spiritibus, aut humoribus, quod constat de hectica pestilenti quam concedit Gal. *3. præfag. ex pulsib. cap. 4.* fieri illicò in initio. Sic fulgur comburit enssem intacta vagina: quare Aphrodis. *4. prob. 5. 1.* rectè asseuerat leuiter resistentia magis effugere actionem causæ validissimæ, quam quæ multum resistunt: hoc modo vehemens ventus arbores fortissimas euellit humilibus intactis fruticibus. Ob hanc causam nempe ob aptitudinem passii contingit, ut hectica aliquando fiat aliis non præcedentibus, utpote si humores, & spiritus cordis sint frigidores & humidiores, & cordis substantia exiccata, & ad incendium aptissima, quare accedens, hectica, & non aliam inducet, sed cum hic euentus rarissimus sit, iccirco Rhafius, & Galenus *loc. cit.* hecticam nunquam à principio fieri, id est, rarissimè asseuerant.

**E** Tertium. Varia membra reperiuntur in corpore nostro, hæc inæqualiter cum resistant, non possunt vno, & eodem tempore perducì ad excafactum esse, ergo quædam ex illis habent calorem iam factum, aliis habentibus eum solum in fieri, quare tunc temporis febris adest, quæ non est hectica: hæc enim requirit excafactum omnium membrorum, ex Gal. *lib. de inæqual. intemper. cap. 5.* Deinde hectica est intemperamentorum æquale totius, ex Gal. *loc. cit.* non potest autem æqualis caliditas simul imprimi in omnibus partibus ob illarum inæqualem resistentiam, igitur hectica nunquam incipiet altera febre non præcedente. Dic: æqualitatem quam includit hectica seruare inæqualitatem naturam temperamenti membrorum, neque enim cutis ad æqualem caliditatem perducitur atque cor, ac proinde posse simul in omnibus partibus

penitus acquiri, & licet quædam membra habeant calorem iam factum quo tempore alia habent cum solum fieri, quia tamen calor ille fiens brevissimo tempore ætat, & vergit ad calorem factum totius, proinde tota febris sub nomine hecticæ comprehenditur, nec enim diaria est, nec putrida. Si autem in hac quæstione velis latius spatium, adi Ludeuicum Mercatum qui more suo eam fuisse pettractat, lib. 5. de febr. cap. de febr. hectica. nobis hæc paucula pro historię interpretatione dixisse sit satis.

## HISTOR. XLIV. GALENI, De marasmo.

Quidam marasmo laborans, lacte, balneo, & aliis humectantibus auxiliis, Galeni ope restitutus.

**V**eluti quem memorauimus à Medicis siccaturum curauimus, siccus & gracilis erat redditus, propterea quod ventriculus eius ex sicca intemperie imbecillus male concoxerat. Huic omne curationis consilium huc tendebat, ut humectaretur tum ventriculus, tum reliquum omne corpus. Quibus autem sigillatim agendis, quibusque maxime materiis sin usus, ut voti compos essent, non sit abs re dicere. \* Domum ei parari maxime balneo vicinam, ab hac statim in balneum super linteis manentuli, utique ne, si ipse se moueret, tum siccatus, & exolueretur. Aqua esto ad vnguem temperata: nam frigidior latenter corpori infirmo frigus insinuat, calida siccatur, constringit tenues meatus, ac densat, quos nos laxari, ac dilatarsi postulat. Ab eiusmodi lauacro statim asininum exhibui lac, sed inducta in ipsam, quæ iacebat domum, asina. Et sanè vtilissimum lac est cum ex ipsis mammillis quis hauserit, cognatum enim, & optimum muliebre lac est, sin minus, sit asininum, quoniam enim tenuissimum sit minime coagulatur, & quoquo versus occurrat in corpus digeritur, cui mellis tepidi ne coaguletur, paucillum immiscendum, & de veriusque bonitate maxima cura habenda est: nam mel sit optimum, & lac nullam externam qualitatem, odore, gustuque præ se ferat, sit dulcissimum, sibi ipsi conueniens, & animal a quo emargitur lac idoneis alimentis nutriatur. Post balneum, & frictio mollis conuenit, & vnguentum humectans: nam hac ad reuentionem conducunt, perfectionis terminus sit rubor lotionis, cum calor in cute sentitur. Nutrimendum sit coctum facile nutriens, minimeque glutinosum, atque excrementosum. Iam vini tum qualitatem, tum quantitatem memoremus, quod maximam vim habet ad nutriendum, quo potu utendum censeo, modo non febricitent, sit aquosum tenue, oligophoron, non nouellum: nam aquosius, imbecillius, agrius coquitur, magis excrementosum est, antiquius, vinosius est, & vehementius. Illud cum aqua temperabis: nam hac sola plura damna affert, moratur in præcordiis, flatu excitat, enervat ventriculum, & ciborum distributionem impedit. Potionis modus erit, ut nec in ventriculo innatet, nec fluctuationis sensum inuadat; ciborum, ut ne grauent quidem. Denique humidum radicale commoda victus ratione regignitur, somnus conciliandus, siccatur namque totum corporis habitus vigilia, & ideo infestissima est iis qui ex siccitate laborant. Demum paulatim hac sunt peragenda, & longo tempore administranda: nam quæ longo tempore extenuata sunt corpora, ea in signiter rescere conuenit, quæ breui, breuius, ut præcipit Hipp. & Galenus lib. 7. meth. c. 6.

### PARAPHRASIS.

**I**n nulla historia Galenus ita accuratè procuranda siccitate præcepta omnia curatiua proposuit, quàm in exemplo hoc quod ita exactè describit, quantitatem, qualitatem præsidiorum renutrientium, modum, tempus, & formam graphicè præscribens, & merito sanè, marcor enim est frequentissimus affectus, & qui ex frequentissimis morbis sæpissime scaturit, ut sunt febres acutæ, inflammationes internæ, vacuationes immodicæ, & alij morbi quorum sanities depopulata & absumpta primigenia humiditate plures contabefacti occumbunt.

Sed in primis dubitabis cur hic humectantium præsidiorum ope reuixit, si siccatus erat, & marasmo affectus, hic autem incurabilis est, ita ut dicat Galenus lib. 10.

**A** meth. cap. 10. quos autem marasmus iam occupauit, hos sanare non sentabis. Dic duplicem esse marasum, alius enim est frigidus, alius calidus, hic est cõsumptio omniū humiditatum facta à calore, hic etiā habet duos gradus, vel enim ex toto primigenia humiditas est absumpta: ut vires resoluatur, & hic à Gal. in meth. dicitur torridus, & vocatur sin-coposus, alter est in quo nondū primigenia humiditas est exhausta, & hic à Medicis, febris marasmodos nuncupatur. Alius est marasmus frigidus, & est cõsumptio humidi primigenij à frigido facta. Hic quoque duplex est, alter naturalis, alius aduentitiuus, ille est cõsumptio humidi radicalis sponte naturæ facta propter defectū caloris natui, aduentitiuus fit à causa præter naturam, natium calorem extinguente. Tunc sic. Marasmus calidus in quo radicalis humiditas ex toto est absumpta, incurabilis est, ita docente Gal. loc. cit. & 7. meth. 6. 5. Accidit autē sic affici corpus in diuturnis potissimū morbis, utique cū natua cuiusque partis humiditas, ex qua prima nutritur, præpotē omnis exhausta iam est, nam ut solidorum ipsarū siccitas corrigatur, id fieri omnino non potest, sicut nec senium, veluti in libro de marasmo docuimus, hanc verò humiditatem, etiam si omnino sit absumpta, regigni modo dicta victus ratione licet.

Gloriatur ergo se cõmoda victus ratione, & aliis reuoluentibus auxiliis, curasse hunc ægrū, qui Medicorū incuria ad extremā siccitatē erat reductus, de quo fecerat commemorationē hoc libro in c. 7. dum sic inquit. Alium verò non pridē, qui iam adeo siccatus furrat, ut simillimū habitū præferret iis qui marasmo marcescunt sanant, cõtrariis omnino exhibitis, iis quæ egregij isti Medici suaserant, quippe non ex alia occasione eò periculi venerat, quoniam inter iniuria exigua intemperie ex siccitate qua madefieri postulabat habuisset, quam quod y qui eum curandū suscepit, tum absinthio potantes, tum amarus asparagos, ac bulbos edendos dantes, cum omnis madoris expertem reddiderunt, hunc nos sanauimus omni ratione humectantes.

Videns ergo Galenus primigeniam humiditatem in carnosissimis partibus absumptam, quæ actione caloris torridi in solidioribus partibus etiam incipit resolui, tunc ad eam refarciendam, iam omnino depopulatam totam curationis spem in humectando corpore reposuit. Hoc opus multiplici perficitur præsidio, sed præcipuè lactis potu, & humectantibus balneis, sunt enim substantificè humectantia præsidia, lac viscera renutrit per se, balneum, externas partes refocillat, & ex accidenti connutrit: sicut enim lucernæ oleo ex toto consumpto, & elychnio quasi rescicato ignis perit, sic carnosa, & solida substantia absumpta, humiditatēque resoluta perit animal.

De lactis efficacia, vi, electione, differentiis, & vtendi modo in præfati nihil dicendum, quoniam de hoc argumento multa sunt dicta satis lib. 2. in com. hist. 2. & 35. de temperamento addamus aliqua, quoniam lac est frequentissimū vltus, & est saniorū alimentum, & ægrorum medicamentum. Nam in hoc dubio explicando auctores dissentiunt. Gal. lib. 5. simpl. c. 21. mediam dicit habere temperaturam inter sanguinem, & pituitam, magisque accedere ad sanguinem, quàm ad pituitā, cum autē sanguis temperatus sit, & caloris mediocris, lac modicè calidū erit. Maxime cum fiat ex sanguine ut probat Alexander 2. probl. 80. asseueras lac esse sanguinē in māmīs mutatū, & dealbatum, immo lac fit ex sanguine purissimo, pinguisimo, & dulcissimo si Philosopho fidē adhibemus lib. 4. de gener. anim. c. 8. quo pacto pro

**E** foetu nutriendo eius generationē fabricauit natura 5. aph. 37. Terriò, lac fit per concoctionē mediocrem, quia lac est sanguis percoctus, & elaboratus in mammis: licet enim hæc frigida sint, glandulosæ, exangues, & laxæ, tamen per moram coquunt, & ob viciniam cordis ita incallescunt, ut possint sufficere coctioni: nam etsi beneficio mammillarum lac frigus acquirat, tamē ratione materiæ, quæ est sanguis, caliditatē participat. Quartò Ishaac in particularibus dietis lac esse calidū vsque ad secundū asseuerat. Ad hæc Gal. 3. aph. 24. refert lac in infantibus in ore vlcera gignere propter qualitatē suam, hoc est quia vertitur in morden-tem bilem. Vltimò, temperatura lactantis est calida, & humida, oportet igitur ali ex alimento calido, & humido.

Sed præstat subscribere doctrinæ Galeni qui lactis naturam ad frigidum & humidum inclinare manifestissimis verbis asseuerat. lib. 4. simpl. 17. dū sic præfatur, lac est gustu

fit dulce, tamen ex se nunquam amarum efficitur, vincitur enim in eo à frigore magis caliditas, quàm ipsa vincat, proinde etiam repositum accessit. Ex tribus enim substantiis qualitate dissidentibus constat. Prima quidem crassa, ex qua caseus conficitur, altera pingui, ex qua butyrum, & tertia aquea, quod serum nuncupamus. Verum est lacte pingui quidem substantia vel maxime separata est, crassa verò paulatim ab ea declinat, ac excrementum illud serosum frigidum, & humidum est. Quare lac uniuersum à modica caliditate corporis longo intervallo relinquitur, quapropter ex se accessit potius, quàm amarescit. Hactenus Galenus, ex cuius præclara doctrina tota dubitationem euenscere putamus. Hanc doctrinam sequuntur Christoph. à Veg. lib. 2. *art. medic. sect. 3. c. 9. tit. de lacte*. Lud. Merc. tom. 1. lib. 2. *claf. 2. quest. 164. n. 47.*

Argumenta autem non poterunt obtinere quod tentant. Dic ad primum. Lac ea frigiditate, & humiditate gaudet, ut parum à calore recedat, & ita temperatum dici potest, quoniam quæ paululum in frigiditate, & humiditate excedit, temperata appellat Gal. lib. 6. *simpl. 67.* Dic ad secundum, etsi lac per vltiorem coctionem ex sanguine fiat; tamen non omnia coctione, magis, ac magis fiunt calidiora, ita lac ex sanguine genitum frigidius est sanguine, sic spiritus animalis ex vitali regegitus frigidior est vitali. Deinde quæ summè coquuntur coctione fiunt calidiora, non tamen ubi mediocriter coquuntur: nam mel si intensè coquitur, fit calidius, quia amarescit: si coquatur mediocriter, non fit calidius, quia mel crudum acrius est: nam intestina pungit, cum verò mediocriter coctum est, non stimulat, quoniam per moderatam coctionem partes aciores dissipantur, quare lac est sanguine frigidius, de qua re multa diximus supra in *com. bust. 15.* Ad quartum, Gentilis Galenum vult conciliare Cum Auicenna in *com. cap. 44. tract. 2.* asseritque lac esse calidum, quia vertitur in sanguinem calidum, & humidum, non placet concordia, quoniam hoc modo cuncta alimenta erunt calida: dicerem Isaacum respexisse partes butyrosas, & serosas lactis, quæ nitrosæ sunt, & acres, quarum causa Galenus, serum numerat inter acia, & saluginosa 2. *simpl. 1. 2. & 3. alim. 15.* quod facit etiam Auic. *loc. cit.* & ipsum serum aperit, deobstruit, & expurgat apud Meluem *tract. de simpl. cap. de sero lactis*. Dic ad quintum Lac ob qualitatem suam acrem non vlcere: quoniam nulla est causa cur lac, pituitosum alimentum, & pituitosi humoris, ferax, quum generet calculos renum, crassos humores, & frigidis morbis valde noceat, & in pituitosa natura, qualis est puerorum, maxime lactentium verti debeat in bilem: quoniam si hoc verum esset non solum os, sed totum corpus deberet vlcerei, ergo amplectenda est Galeni sententia in *com. reiciens vlcere causam in abstersionem adiuncti seri*, accedente etiam cutis summa mollicie. Ad vltimum dic: temperiem puerorum quoad intentionem esse paulò frigidiorē temperato, sicut iuuentus parum calidior, adolescentia temperatissima, quare nil mirum si pueris alimentum lactis, dulce, & suauē sit, intentione subfrigidum.

Differentiæ lactis sumuntur ex animalium specie: nec enim omnium animalium lacte vitimur, sed eorum, quorum natura, nostræ non est valde dissimilis, & quorum carnes fastidium non pariunt, & ideo experientia edocti vitimur lacte camelino, equino, asinino, caprino, ouillo, vaccino, sed licet ita sit, solum ex caprino, ouillo, & bubulo butyrum extrahitur, & caseus conficitur, & ut notat Gal. 10. *simpl. tit. de lacte* Suilo non vitimur, quia liquidissimum est, asinino vitimur ut medicamentofo alimento: nam præterquam quod nutrit, ob tenuitatem ocysimè longissimas penetrat corporis partes, & valde humectat, caprino vitimur quia est mediocris consistentiæ, ventriculo gratum, & in sanorum vsus magis commendatum; ouillum crassum est etiam, bubulum pinguisimum, & crassissimum.

At hoc loco triplex insurgit dubitatio. Prima si ouillum caseo, bubulum butyro abundat, quomodo est crassissimum bubulum, crassius ouillo 3. *alim. 15.* cum caseus crassior sit butyro: Dic: butyrum actu esse crassius caseo; caseus autem cum cogitur, efficitur crassior, in lacte non est crassior. Patet; nam butyrum per solam separationem crassius est recentissimo caseo. Solue secundò. In vacca plus est butyri, quàm sit in oue casei, & ideo vaccinum crassius.

Secunda. Cur in animali humidiorē, id est, pecude, lac

A fit serosius, in sicciorē, id est, armento, pinguis; Dic: tale reddi lac per separationem, quæ autem per separationem excernuntur, non redolent naturam eius à quo emanant, sed è contrario, ergo sicut ius vaccinæ carnis est pinguis, ita & lac. Sic & capita piscium suauiora, quoniam pinguedo plurima relinquitur ab ossibus: Ovis autem trahit ad membra plurimum humidi, ideo relinquitur lacti permixtum siccum, caseosum; capra quia medium habet temperamentum, inter ea moderationem habet in lacte.

Tertia. Si quod lac est crassius, eò magis adstringit, bubulum autem crassissimum, ergo summè adstringit contra rationem, & experientiam: nam butyrum laxat. Dic. Lac magis nutrit, & aluum sistit, eo quod magis expers seri, & hoc significauit Gal. lib. de *suc. bonis. & vniu. cap. 4.* asserens crassius lac magis adstringere, nam crassities casei magis retrahit, ideo ad fluxus commodius est ouillum vaccino, & caprino.

B Sumitur etiam differentia lactis ex anni tempore vere primo liquidissimum, proinde deterius; autumno, crassissimum, longè deterius: procedente vere, æstate prima, optimum: in particularibus tum ob temporis temperiem, tum ob partus modicam distantiam; si verò aliqui auctores vernale commendant, de fine veris intelligendi sunt. Iaque vernum torminosum, laxans, parum nutriens, non boni succi ob aquosos humores ex partu relictos, Initio autumnus duræ coctionis, adstringens, flatus eleuat crassos, qui capitis dolorem, & anhelitus præfocationem inducunt, in fine autumnus pessimus, ex Isaac in *diæt. vniuers. salub. num. 57.*

C Sumitur etiam differentia ex tempore partus. Optimum est quod non minus quinque diebus distet à partu. Tradit Haly. causam 5. *theoric. 40.* quia in gestatione prauis humores vbera implent, qui in lac soluuntur, ubi autem immodicè recedit à partu non excrementitia tantum humiditas, sed & natiua vberum exhauritur, quare lac prauum redditur, ut doctè probat Sennertus lib. de *morb. infantium cap. 2. de electione nutritio.* In tempore gestationis ante septimum mensem, inutile ex Arist. 4. de *generat. 5.*

D Sumitur etiam differentia ex locis ubi pascuntur: nam alimenta mutant lac: virides enim herbæ, & recentes, aquosius lac generant, aridiores, & duriores, crassius. Denique diuersus cibus lac euariare potest ut ostendit Hipp. lib. 6. *epid. sect. 5. text. 35.* dicens: *Mulier, aut capra, elaterium, aut cucumer syluestre comedentes, pueris purgatio.* Denique sumitur differentia ex corporis habitu, temperie, ætate, calore, quæ omnia quoniam Isaac loco cit. Arnaldus in *com. cap. 7. regiminis Salernitani*, Antòius Gazius, & Bruerynus in *saïs libris de alimentis facultatibus* late agitarunt: idcirco hos auctores attentè perlege, præcipuè omniscium Cardanum, qui lib. 2. *contradic. tract. 4. cont. 1. de his omnibus, lac, ac doctè disceptauit.*

E Sed indaganda est vltèrius altera difficultas, cur si lac in ægris præbet alimentum probissimum, & illis summo est auxilio, nempe tabidis, diuturnis febribus, & præter rationem consumptis ex Hipp. 5. *aph. 64* cur aliquando non solum sanis, sed ægris tantopere nocet? Dic: quia cum sit præstantissima substantia, & elaborata, cum corrumpitur in deteriore abitu labem, & sic in sanis in ventriculo frigido accessit, in calido in nidorem abit. In ægrotantibus verò plurima damna parit. Nocet itaque capite dolentibus: lac enim quantumvis optimè concoquatur in ventriculo; semper est flatuosum, & caput tentat, quum enim sit humidum, & pingue, actione caloris vertitur in halitus, qui caput replent, & grauatur, doloremque concitant. Hæc doctrina intelligenda est sumpta indicatione ex dolore, qui partem dolentem concitata fluxione replere solet, & quando à vaporum, aut flatuum copia dolor concitatur: si enim sit ob calidam siccamque intemperiem sine materia, lac intus assumptum, aut extra applicatum, prodest, quia calidam intemperiem corrigit.

Noxam deinde affert lac febricitantibus sed, iis non quacunque febre, sed valida, & acuta detentis: lac enim ex modo substantiæ, & temperamenti; & ob diuersitatem partium quibus constat facillè corrumpitur, & vel in acorem, vel in nidorem vertitur: nam in ventriculo frigido non satis concoctum accessit, & in calido cum



fit pingue, inflammatur, bilefcit, & nidorem acquirit. Neque obstat Galeni locus 4. simp. 17. dicentis, quod quando calor animantis est fortis tantam dulcedinem lac acquirit, quantum mel perdit, quoniam ibi de naturali calore agit, non de igneo, & exurenti: cum igitur per febres materiales viscera sunt excalefacta, & vitiosis humoribus redundant, corrumpitur lac, & febris causam adauget.

Nocet etiam quibus hypochondria suspensa murmurant: nam hæc ob dispositionem inflammatoriam, scirrhum, ædema, vel obstructions solent distendi: quare tunc corrumpitur lac ob viscerum intemperantiam, recrementorum colluuiem, viarum angustiam. Insuper ob flatuosam substantiam impactam distendi solent, vel ob eam quæ à superioribus ad inferiora cum murmure commouetur, ut notauit Galenus 4. aph. 73. tunc enim lac eorum etiam rectè concoquatur, flatuosum est, & nocet, dummodò tamen pro alimento, aut medicamento attemperante, aut leniente assumatur: nam quando assumitur pro medicamento expurgante, ob maiorem utilitatem concedi debet, sic Hip. 4. acut. 7. & 19. in curatione febris ardentis vitur lacte asinino, & Auic. 1. 5. 3. tract. 2. cap. 7. agens de scirrho lienis inquit, omne lac lienis est contrarium præter lac camelarum, & 14. 3. tract. 4. c. 13. in med. 5. Et non decipias in hoc, &c. in curatione hydropis usum lactis asinini, & caprini summè commendat.

Nocumentum deinde infert siticulosus: si enim sitis ex humoris saluginosi, aut biliosi copia, aut caloris incendio oriatur, facile corrumpitur, quia ut notat doctè Heurnius in com. butyrosa pars illis in bilem vertitur, quapropter picrocholis est valde incommodum. Si verò ex humidi inopia sitis ducat originem, tunc lac illis remedio est.

Damnum etiam infert lac si in febribus acutis biliosæ apparent deiectiones: siue enim exhibeatur in febribus acutis, siue in biliosas deiectiones habentibus, semper reprobat, quoniam ob dictas causas corrumpitur, vel aucta cacochymia in bilem vertitur. Si verò Galenus lib. 10. simpl. sit. de lacte, hoc contra mordaces fluxiones commendat, quia dolorem mitigat, acres humores attemperat, ob quam causam ab Auic. lib. 2. cap. cit. contra venena calida, & acria offertur, in causa est, quia maior copia humoris biliosi est euacuata, tunc enim lac nocere non potest, ut 2. simpl. cap. 12. affirmat Galenus, de qua re lege quæ diximus lib. 2. in com. hist. 85.

Reprobat etiam lac quando multi sanguinis deiectio facta est, quoniam ob collapsas vires & ventrem refrigeratum coquitur difficulter, & distribuitur pessimè. Sed quid respondemus Galeno 3. de aliment. facult. 15. & 10. simpl. cap. de lacte, concedenti lac in cruentis deiectionibus, præsertim si in ipso ferrum candens, aut lapides igniti extinguantur: quia sistit fluxum, consolidat, & lenit dolorem, quæ in dysenteria sunt valde vitia: solvunt pluri lac esse vitale quando vexant tormina, & mouetur aluus, quando verò cessauit fluxus, reprobum est: accescit enim, quia à stomacho debili, & frigido non concoquitur, sed non explicant difficultatem, quoniam ob hanc causam neque in hæctica senectutis, aut ventriculi concederetur, quod falsum est. Intelligendus ergo est Hippocrates de hepatica dysenteria, quæ ex hepatis obstructione illiusque frigida intemperantia scaturit, tunc enim lac nocentissimum est.

Quo pacto lac hæcticus est appositissimum edulium, prout expertus est Galenus, qui eius potu iuuenem hunc persanasse refert, quod intelligendum est dummodo febris hæctica putridam non habeat adiunctam, quoniam tabidi abstersione, vlcere consolidatione, & renutritione opus habent, quæ omnia perturbantur si in præsentia febris putridæ id propiæ, à maiori enim putridarum calore lac corrumpitur, & ab illius fuliginoso vapore, & spurco contactu conspurcatur lac, quod enim Auic. affirmat lib. de virib. cord. c. 4. & 2. 1. doct. 2. sum. 1. cap. 19. calorem hæcticæ maiorem esse calore tertianæ, & febris acutæ, intelligendum est quod eius caliditas sit magis mansua ut ipse ibi asseuerat quia est æqualis, & facta, alioqui hæcticus calor minor est, debilis, & pusillus, ut ait Galen. 1. lib. de disp. puls. cap. 9. in med.

Lib. IV.

A Porro ne lac in stomacho cōcrescat, & ut ad distantissimas possit permeare corporis partes, mel admiscuit, quod ita præparatum, optimum esse ait Arist. lib. 5. de hist. animal. cap. 22. Sed cum triplex sit genus mellis, apum, roscidum, & mel cannæ, videndum quod mel sit cum lacte permiscendum? Dic: quod non est mel roscidum, quod 3. alim. 39. acereum vocat Galenus, & Auic. lib. 2. c. vlt. appellat saccharum alhulār; nos mannam dicimus: & nihil est aliud quàm ros, aut liquor suauis qui æstiuo tempore sublucanis temporibus noctis frigiditate concretus ex aëre descendit, hoc ergo mel cum lacte permisceri non debet, quoniam abstergit intestina, & aluum soluit, alui tamen fluxum in tabidis noxium esse firmat Hip. lib. 5. aph. 14.

Deinde licet nostro æuo loco melis eligatur saccharum cum lacte permiscendum, quia magis est temperatum, nec ob caliditatem, febrilem calorem adauget, de cuius temperamento, & electione plura proponunt Dioscorides lib. 2. c. 74. Gal. lib. 8. meth. cap. 4. Paulus lib. 3. cap. 7. Manardus lib. 2. epist. 2. & lib. 9. epist. 3. Mathiolus in com. Dioscoridis, & alij, nosque plura diximus lib. 2. in com. hist. 33. tamen Galenus hoc non elegit in hunc usum, quoniam eius sæculo illius copia non exibat multa.

Est ergo mel apum, quod colligitur ex plantis, & herbis, licet neque succus sit, fructus, aut earum pars, sed eiusdem generis cum rore cœli: hunc igitur rorem decidentem super arbores, & herbas pro sui nutritione apes sugunt, cuius copia tumidæ, aliquantulum elaboratum in suis alucolis reponunt, in quibus de nouo eum immutant, hoc igitur est mel cuius materia est cœli ros, qui non est salua siderum, aut cœli, ærisve se repurgantis sudor, ut Plinius inquit lib. 11. cap. 12. sed ex vaporibus sit calore solis eleuatis, concoctis, elaboratis, & æris frigiditate concretis, ut 3. de aliment. facult. cap. cit. dicebat Galenus.

Immutatur hic ros tum ex arboribus super quas decedit, à quibus aliquid boni, vel mali acquirit, quia concoctus, deinde calorem, acrimoniāque induit, est calidum, & siccum in secundo gradu, ex Galen. 7. simpl. sit. de melle, Paulo lib. 7. codē tit. Auic. 2. Canon. cap. 496. & quia in vnoquoque genere quæ flaua, & rubra sunt, calidiora existunt, quæ verò pallida, aut candida, frigidiora, iccirco mel flauum est calidius, pallidum verò, & candidum, erit minus calidum, & temperamento magis proprium. Eligitur flauum, colore, odore, & sapore iucundo, acre, purum, syncerum, totum pellucens tam sibi cohærens, ut continuitatem suam quasi linea longissima non intercissim seruet, si digito attollitur, & quod inter coquendum paucam spumam emittit. Hoc non solum alimentum, sed medicamenti vicem gerit, parum tamen nutrit auctore Galen. lib. 3. acut. 12. & in naturis, & ætatibus calidis in bilem vertitur, quia exurit, & non concoquitur, contra tamen in ætatibus, & corporibus frigidis, siue ex morbo, siue ex natura, quia modicè concoquitur, optimum generat sanguinem, ut notauit Galenus lib. 4. simpl. 17. de cuius generatione, electione, natura, & viribus sat plura protulere Dioscorid. lib. 2. c. 74. Mathiolus, Marcellus, Virgilius, & Ruellius in com. Hermolaus, Barbarus lib. 2. corollar. in Dioscorid. c. 303. Arist. lib. 5. de hist. animal. cap. 22. & lib. 9. c. 40. Plin. lib. 13. c. 6. Theophrast. lib. 6. de hist. plantar. c. 7. Cælius Rhodigin. lib. 28. cap. 27. Macrob. lib. 7. saturn. cap. 12. quanta autem sit eius præstantia in producenda vita, tradit Cælius lib. 22. left. antiq. cap. 3.

E Huius ergo, sicut & lactis summam curam habendam esse, docet Galen. hoc in loco, si enim Veneti, & Prasini studiosi sectatores equorum stercora, ut intelligant quemadmodum alimenta concoxerint, odorabantur, ut hoc loco, scripsit Galenus, quando profectò magis est necessarium pro hominum salute omnia rimari, & prospicere, cum ea nihil sit iucundius in vita nostra. Qui autem sint Prasini, & Veneti sectatores eleganter, ut solet, explicat Ioannes Langius lib. 1. epist. 78.

Accedit deinde ad balneum, cuius beneficio humiditatem perditam, reparatam fuisse ipse inculcat, sed in eo ex Hip. mente 3. de officina Medici. sex. 1. 5. & 16. est consideranda qualitas aquæ, quæ præterquam quod sit dulcis ira debet esse temperata in calore, ut sine noxa, & labore à manu

R R r

manu

manu ægrotantis possit tolerari. Consideranda est etiam A quantitas, hoc est spatium temporis, quo æger in balneo immorari debet, nam cum primum corpus coepit insu-  
mescere, tunc debet balneum cessare. Post balneum cor-  
pus est mediocriter fricandum, quoniam frictio lenis hu-  
mectat, & replet, dura autem, & immodica contrarium fa-  
cit ex Hipp. lib. 3. de offic. medic. sect. 2 §. quam sententiam  
latissime narrat Gal. 2. de sanit. tuend. cap. 3. & 4. Post bal-  
neum, & frictionem mollem, totum corpus vnguentis hu-  
mectari debet, tam ut aridum corpus humore orbatum  
recreetur, tum ut substantifica humiditas deperdita resar-  
ciatur. Vngueta varia proponunt auctores in hunc usum,  
sed ipse Galenus refrigerans parat vnguentum, facile, ac  
nulli secundum, cuius descriptionem proponit lib. 10.  
meth. 9. & 1. simpl. cap. 6.

His factis de lacte offerendo est sollicitus quod illico  
assumendum iussit, §. Ab eiusmodi lauacro statim asininum  
exhibui lac, &c. ut vires ex balneo, & frictione aliquanti-  
per debiles factæ rescicerentur. Sed quæres, cur statim à  
balneo lac præbuit, si hoc crudum remanet, corrumpitur,  
& noxam deinceps infert, si à debili hæctico calore, vi  
balnei ad exteriores partes euocato concoqui non potest?  
Dic: quod in robustis, & sanis hominibus cibus post bal-  
neum illico oblati non est utilis, quoniam calor innatus  
est expansus ad extra, & sic nec alimentum amplectitur,  
nec concoquit. At verò in debilibus post balneum ad re-  
focillandas vires potest citra noxam concedi, quæ si sequa-  
tur, est minor, quam utilitas quæ ex alimonia oblata con-  
sequitur, quare in hunc usum post balneum, nutrimentum  
utilissimum est, præsertim si coctu sit facile, citò distribu-  
atur, optimum præstet succum, ut ius gallinæ, caponis, vi-  
telli ouorum, lac, vinum, aqua carnis, & alia quorum natu-  
ra est vicinior substantiæ sanguinis, & in illum ocyssimè  
conuertitur. Hoc documentum præbet Galenus lib. 1. de  
sanit. tuend. cap. 10. in puellorum educatione obseruan-  
dum, §. Huic expedit ut cibus balneum sequatur.

Galenus in hoc capite in quo scripta historia hæc pro  
iuuenis huius curatione varia recenset edulia, cuius vires,  
& efficaciam legat qui velit apud Ludouicum Lemosium  
in com. capit. huius, qui eleganter eorum naturam ex pri-  
scorum mente exponit. Vinum tamen renutritionis gra-  
tia, aquosum, quod humectat, non inflat præcordia, immò  
si inflata sunt, subsidere facit, in ventriculo moram non  
trahit ob caloris mediocritatem, digestionis vias aperit, ad  
celeritatem distributionis in cordis alimentum deducit, est  
boni succi, & admiscenda, concoquendæque ea, quæ in  
ventriculo, & venis sunt, est idoneum, vires organorum  
adaugere, expellendis excrementis viam facit, vrinas mo-  
ueri, & totum corpus celeriter pertransiens, impetu cursus  
sui excrementa secum depellit; demum aquæ vitia tollit:  
hæc enim in præcordiis diutissime moratur, fluctuationes  
excitat, in flatum mutatur, & corrumpitur, ventriculi ro-  
bur exoluit, sic ut deterius deinde coquat. Insuper digeren-  
do per corpus alimento aliquid magnoperè conducit. Vi-  
num ergo offerendum tenue, aquosum, quod posse tutò  
febricitantibus concedi ex Galeni mente supra prædixi-  
mus in com. hist. 18. Sed cum hæctici ventriculus sit debi-  
lis, aquæ vsu solius, illius robur facile enervatur quo pacto  
vinum aqua temperare salubrius.

Quæ aqua pro sanorum conseruatione sit eligenda fuscè  
diximus lib. 1. in comm. hist. 7. quo loco nullam in hunc  
usum, & pro curatione morborum esse purissima pluuiali  
meliorem eligendam ex veterum mente contendimus, &  
multò magis pro ardore hæctico compescendo, nam tunc,  
ut toties, & præsertim in methodo Galenus prædixit, re-  
frigeratione, & humectatione opus est, quod opus præsta-  
re pluuiam citius, quam fontanam aut fluuialem, ibi ostē-  
dimus, in quem usum Ludouicus Mercatus, in opere pra-  
ctico dexterrimus, felicissimus lib. 5. de febrib. cap. de cura-  
tione feb. hæctica, dum de potu sermonem instituit sic ait,  
Mec minor potus habenda cura est in huiusmodi laboranti-  
bus, cui vsui primas tenet aqua hordei, aqua saccharata, aqua  
diu in cisterna asseruata, &c. In quem usum Galenus lib.  
7. meth. cap. 4. Pro curanda calida & sicca ventriculi in-  
semperie, quam Arabes hæcticam ventriculi appellant, ex-

hibet aquam, & cibos nunc refrigeratos.

Sed vtraque amplius suauis euadat, & citissime per cor-  
pus distribui possit, potiorque fiat, consulunt peritissimi  
auctores ut aqua transcoleatur & decoquatur, sed facit pro  
parte negatiua illud, quod coctio mixti est, & non ele-  
menti, & cum aqua non nutriat, concoqui non potest, &  
eo amplius cum aqua coctione reddatur tenuior, & hac  
ratione fiat facile putrescibilis, denique Galenus lib. 6.  
epid. sect. 4. com. 10. huic opinioni fauere videtur, quo loco  
ex aquæ decoctione nullum fructum ex elixatione nos  
percipere manifestè pronunciat, dum sic ait, in quibus as-  
fectibus, aut cuius utilitatis causa aquam elixare, aut quan-  
cumque, aut vitiosam conueniat in verbis istis declaratum  
non est, quamobrem neque ullum ex ipsis inuamentum perci-  
piamus.

B Dic ergo quod licet aqua non nutriat pro ut manifestis-  
sime rationibus probauimus lib. 2. in com. hist. § 4. con-  
coqui tamen potest, quamuis autem tenuior coctione  
euadat (partes enim inter coquendum crassiores secedunt,  
hac de causa præstantior est, sic enim tenuitate sua distan-  
tissima penetrat corporis partes, melius alteratur in cor-  
pore, & facilius descendit per vrinam, neque Galenus cit.  
loco epid. de aqua loquitur, sed de verbis Hipp. quæ cum  
adulterina sint, testante Galeno in com. nullum fructum  
legentibus præbent. Deinde coctione aqua fit tenuissima,  
dulcissima, & suauissima. Nostram positionem elegantis-  
simè firmat Auicenna 2. 1. doct. 2. c. 16. §. Aqua enim decocta  
sicut testificati sunt sapientes, minoris est inflationis, & velo-  
cioris descensionis, & torpidi quidam Medicorum existimant  
quod aqua cocta subtile resoluatur, & ipsius remaneat spis-  
sum, unde in coquendo ipsam non existat inuamentum, quo-  
niam spissitudinem in aqua augmentat, sequitur Rhazius 3.  
ad Alman. 4. §. Aqua præterea decocta, quousque minor red-  
datur eius substantia minus est inflata, citiusque descendit  
& propter hanc causam infirmis & sanis omnibus conue-  
nientior existit, & propter hoc Medici iubent aquam decoqui  
debere, ut ex veterum mète allatis pluribus sententiis pro-  
bat Antonius Gazius in sua florida corona, c. 260.

## QVÆSTIO XXXIX.

Vtrum balneum tepidum, vel frigidum, pro curan-  
da febre hæctica sit ex vsu, ut contra Gale-  
num, Barbari, & alij asseuerant.

### COMMENTARIUM.

D Omum ei paravi maximè balneo vicinam. ] Balneorū  
apud veteres Græcos, Romanos, Barbaros luxurio-  
sum fuisse apparatus inter omnes tradit bonarum artiū  
genius mirabilis Rhodig lib. 30. lect. antiq. c. 19. & quam-  
uis nostro æuo obliuioni penè traditus eorum vsus, tamen  
à Medicis multis hodie probatur valde. Tribus portò cō-  
stabant apud Romanos balnea, quarum vna dicebatur cal-  
daria, altera frigidaria, tepidaria, tertia, locus videlicet sum-  
mus æreū continebat calidum, laconicum nominatus, re-  
spondet hypocaustis nostris: medius aquarum erat calida-  
rum, imus, frigidarum; alij sic explicant: prior tamen parti-  
tio Vitruuij est, fiebant verò tectis fornicatis, & locis cō-  
cameratis, ut corpora ad sudorem largè educendum denu-  
darentur. Sic enim deinde melius strigili detergi, & vngi  
poterant, de variis balneorum partibus legat qui velit  
Plin. Junior. lib. 1. epist. ad Rufum, & lib. 2. ad Gallum. Cice-  
ron. lib. 14. epist. 20. Senec. epist. 86. de balneo Scipionis  
Africani, Valer. Maxim. lib. 2. c. 1. Agel. lib. 10. c. 3. Mercu-  
rialem in arte gymnastica, in qua & de vngendi ratione ex  
veteribus plurima colliges non indigna scitu.

E Pro hæcticis totam curationem humectantibus, & mo-  
dicè refrigerantibus esse perficiendam Galenus lib. 10.  
meth. 10. & 7. cap. 6. latissime edocuit. Hoc opus hume-  
ctantia extrinsecè adhibita mirificè complent, sicut epite-  
mata, vnguenta, & alia quæ humiditatem primigeniam  
deperditam restaurare queunt. Inter hæc primum lo-  
cum obtinere balnea, seu dulcis aquæ lanacra, millies  
à Galeno proditum est: Nam præter excellentes dotes,  
alijs

aliis curâdis morbis mirificas, & salutaris, in febris hectica A  
corpus, & membra humectant, indurata resoluunt, impin-  
guant, calorem natium, & humorem augent, somnum  
conciliant, carnem, & cutem restituunt, naturale tempera-  
mentum conseruant, cibum distribuunt, mundificant, ab-  
stergunt conuiuentes meatus aperiunt, quibus dilatis, &  
laxioribus factis, calor natius transpirat, & tori corpori  
vberius paratur refrigerium, denique attrahendo alimen-  
tum ad extimas corporis partes, extenuatum, & arefactum  
corpus nutrit, vt eleganter profert Galenus lib. 11. meth.  
cap. 20. & 14. cap. 16. & 3. acut. 62. & lib. de marcore, c. 6.  
quo loco aduersus Philippum mirabiles virtutes pro cu-  
rando marcore balneis attribuit: dummodò tamen adsint  
conditiones quas pro illorum vsu exoptat lib. 3. acut. cit.  
reperunt Paulus lib. 2. cap. 33. Auic. 1. 4. tract. 3. c. 6. Ludo-  
uicus Lemosius in com. cap. 10. lib. 10. meth. Gal. Mercatus B  
lib. 1. indicat. cap. 13. quoniam si vires debiles sint, aut bal-  
neorum vsus sit immoderatus cordi nocet, syncopem in-  
ducit, appetentiam deiecit, nauseam mouet, artus debi-  
litas, calorem innatum resoluunt, siccant corpus, acuit fe-  
brem, laxat membra, humores mouet, vigiliam concitat,  
spiritum extinguit.

Sed restat exponenda difficultas, non leuis, quare Gale-  
nus pro curanda intemperie sicca ventriculi, & hectici  
humectandis cõsultat balneum aquæ dulcis, si aqua neque  
bibita, neque extrinsecus occurrans partes animalis so-  
lidas humectare potest, vt docet Galenus lib. 4. aph. 13.  
Secundò balneum euocat humiditatem ex ventriculo, &  
partibus interioribus ad partes externas, ergo potius re-  
soluit humiditatem, quàm auget. Tertiò balneum dilatat  
meatus, extenuat sanguinem & spiritum resoluunt, ergo po-  
tius, exiccat, quàm humectat. Quartò balneum inutile est  
quibus vires languent, ex Hipp. 3. acut. § 9. sed hectici im-  
belles sunt, languidi, ergo, &c. Hac de causa Auicenna. 2. 1.  
doff. 2. cap. 19. de his quæ proueniunt ex balneatione, sic  
ait. Est namque quum accidit balneo, vt suo infrigidet aere,  
propterea quod multum caloris resoluunt innati, & vt membra-  
rum etiam substantias exiccat, propterea quod vehementer  
humores resoluunt naturales, licet extraneos augeat humores,  
&c. Quare cum balneum resoluat humiditatem, absumat  
spiritum, & sic debilitet, hectici non confert.

Sed præter rationem non est improbandum præsidium  
quod tantoperè in subsidium febris hecticæ laudauit pri-  
sca veritas. Audi clarissimum Fernelium lib. 2. meth. cap.  
vlt. de vniuersali quæ per habitum sit corporis vacuatione,  
Vile, & accommodatum balneum iis deprehenditur, qui squa-  
lidi, extenuatique sunt, ex quibus iam magna partium soli-  
dorum ariditas inest, atque iis etiam qui ex febris ardore  
quasi retorridi inuaserunt, &c.

Verum non euertunt obiecta Galeni sententiam diu-  
tino experimento, eoque firmissimo confirmatam. Dic  
ad primum aquam qualitatiuè, & per se humectare, non  
verò substantificè, quia non nutrit, & quia in hoc sensu  
fortè Auic. loc. cit. intellexit Galenus, iccirco illius mentem  
reprobare videtur, dum sic ait, & non attendenda sunt ver-  
ba illius, qui dicit quod aqua non humectat membra radica-  
lia, quum bibitur, aut cum ei obuiatur, &c. Neque enim Ga-  
lenus hoc negauit vnquam, solum monet ipsam substan-  
tificè non humectare, quod firmat 3. acut. 17. §. At qua  
nullo modo nutriunt, vt aqua, ea virtutem neque summè imbe-  
cillitare, neque robore quispiam verè dixerit, nisi id ali-  
quando per accidens contingat. Aqua siquidem non vt ali-  
mentum vires recreat, sed bene vt medicamentum, ad tempe-  
ramenti symmetriam, quæ propter ipsius immoderationem  
imbecilla sunt, deducens, &c. Ergo aqua extrinsecè hume-  
ctat, & squalidum corpus temperat, non nutrit.

Dic ad secundum, quod etiam si siccitas partium oriatur  
ex siccitate ventriculi, partium siccitas auget siccitatem  
ventriculi quatenus partes inanitz celeriter rapiunt sub-  
stantiam humidam ventriculi, si igitur humectentur, &  
renutrientur, non ita velociter rapiunt, & idè ex acci-  
denti ad ventriculi iuuant humectationem, quatenus hu-  
midam substantiam ibi diutius morari permittunt.

Dic ad tertium, balneum tempestiue adhibitum non  
exiccare, neque dissoluere, nisi solum quando modum ex-  
Lib. IV.

cedit, quia cum primum partes incipiunt intumescere,  
cessandum est à balneo ne videlicet sanguis, & spiritus  
dissoluantur: neque dilatio pororum potest esse causa  
dissolutionis virtutis, quia statim à balneo corpus vel vn-  
gendum est, vel aqua frigida inspergendum, quæ den-  
sando, & obstruendo poros, huiusmodi caloris, & spirituum dis-  
solutionem prohibet. Auicennam autem loquutum fuisse  
citato loco, de balneo calido ex serie contextus dilucidè  
patet. Ad quartum dic: Hippocratem loqui de balneo  
euacuatorio, quod sudorem valde mouet, quale hectici  
non confert, tepidum autem quod ad calorem exceden-  
tem contemperandum exhibetur, pro hecticorum cura-  
tione est saluberrimum.

Altior tamen expostulat speculationem dubium de  
balneo frigido applicando in hectici. Auicenna 1. 4. tract.  
2. cap. 7. docet in febre calidissima, & in homine boni ha-  
bitus & musculofo, post coctionem, & euacuationem hu-  
moris quandoque concedendum esse balneum aquæ fri-  
gidæ, sic enim ait. Immo cum videris figuram fortem, & cõ-  
plexionem calidam, & siccam, & euacuaueris, tunc quando-  
que concedes infusionem in aqua frigida, apud declinatio-  
nem, & apparitionem digestionis, & euacuationem humo-  
rum, &c. quam doctrinam latius tradit Galenus lib. 11. me-  
th. cap. 9. redditque huius rei rationem, quoniam post hoc  
balneum omnes sudant, & aliqui biliosa deiciunt, & sa-  
nantur, quod tunc præferim faciendum est, quando bal-  
neo aquæ frigidæ homo sit assuetus, & illud maximè cu-  
piat. Auicenna tamen loc. cit. solum tres conditiones notat,  
prima quando figura sit fortis, & muscoli grossi, id est ha-  
bitudo corporis sit firma & carnosa: secunda conditio  
quod temperamentum sit calidum, & siccum.

Verum hæc conditio videtur repugnare primæ, quia  
habitudo corporis firma, & carnosa non reperitur in tem-  
peramento calido, & sicco, vt notat Galenus lib. art. med.  
cap. 56. sed in calido humido, vel saltem temperato, quo  
pacto Galen. cit. 11. meth. vt hoc frigidum balneum tutò  
possit administrari, exoptat quod æger sit optima corporis  
habitudine præditus.

Responde pro sutela Auicennæ quod corpus calidum &  
siccum si non valdè recedit, non est eximie gracile, & sic  
occursum balnei aquæ frigidæ poterit tolerare, & iccirco  
Auicenna illud concedit in naturis calidis, & siccis, quan-  
do timeret lapsum in hecticam febrem, præsertim in his na-  
turis, quæ ad febres retorridas sunt magis pronæ Galenus  
verò in naturis quadratis illud admittit, vt calor ad inte-  
riora reuocatus, robustiorque factus noxium humorem  
expellere possit, qui caloris retrocessus, & vniò in partibus  
intimis sit in carnosissimis hominibus, ex Hip. & Gal. 5. aph. 21.  
Vel dic, ex Gal. cit. 11. meth. ex quo loco Auic. hausit hanc  
doctrinam, per complexionem calidam, & siccam, legen-  
dum coeli statum calidum, & siccum, quoniam in aliis  
temporibus hoc frigidum balneum non est administran-  
dum. Tertia conditio est quod præcesserit vacuatio, Gale-  
nus lib. 10. meth. c. 10. ad med. §. Iuuenis verò cui abundè sit  
carnis, &c. addit quod febris sit in summo vigore, & quod  
nulla inflammatio in visceribus adsit.

Hæc doctrina de balneo aquæ frigidæ videtur suspecta,  
nec in curatione febris putridæ, aut hecticæ recipienda,  
quia in febribus putridis, & hectici potissima ratio con-  
sistit in apertione meatuum, & in refectione cutis, vt ex  
E. crementa fuliginosa transpirent, diffletur corpus, conui-  
uentes, & adstricti pori laxentur, aperiantur, & humecten-  
tur, sed balneum aquæ frigidæ densat cutem, & constrin-  
git poros, & calidum effluuium cohibet, ergo in harum  
februm curatione est reprobandum.

Secundò Galenus 10. meth. c. 8. agens de præparatione  
aëris pro curatione febrium, multis ingeniis aërem esse  
refrigerandum edocuit, ita tamen vt frigidus inspiretur,  
non tamen ægrum extrinsecus contingat: sic enim ma-  
ximè nocet, quoniam humorum effluuium putridorum  
cohibet, & in hectica humorem innatum pusillum illum  
quidem, & extinctioni proximum siccitate sua exprimit,  
& resoluunt.

Tertiò. Cum febricitans proicitur in balneum aquæ fri-  
gidæ, proinde se habet ac ferrum candens cum submergitur  
RRr 2 in

in aquam frigidam, ex Gal. 10. meth. 10. ad med. sed hoc non fit citra violentiam, & strepitum, ergo eodem modo quando febricitans, maximè febricitans hēctica dērentus vritur balneo aquæ frigidæ, necessariò violentiam, & læsionem patietur; tunc enim non solum partes externæ, sed internæ læduntur vehementer, ita ut periculum imminet, caloris natiui.

Quartò. Hēctici exiguum habent calorem, poterunt ergo faciliè extingui ab aquæ frigiditate. Hoc timēs Auerrhoes lib. 7. collig. cap. 15. de cura hēctica, sic ait ex mente Rhafij. *Sed Rhafis sentire videtur quod tales infirmi nō indigeant nisi balneatione aquæ tepidæ, sed quia impossibile est ut tales quando expoliantur eis non eueniant horripilationes, & specialiter in exisu ab aqua calida: ideo necesse est ut tina, vel balneum sit in camera temperata, qua non excedat in caliditate, vel frigiditate, & aqua similiter temperata esse debet, &c.* & infra sic inquit. *Abumeron Auenzoar autem velle videtur, quod eos in tina aqua tepida solum ponere debemus. &c.*

Dic tu verum esse balnei aquam debere esse temperatissimam, quoniam si ad frigus declinat, ob carnis defectū densat magis, si vergit ad caliditatē, mordet, & ita ex sensata noxa calor refugit ad interna, & sic in parte externa, extrema superficie frigente, maior sequitur pororum adstrictio, ad quam internus calor valde intenditur. Et quia corpus hēctici tam subitam, & repentinam mutationem à balneo calido ad frigidum non tolerat, iccirco optimum est, quod notauit Ludouicus Mercatus lib. 5. de febr. cap. de febre hēctica, sinere ægrum in balneo morari, donec aqua tepescere, ac refrigerari incipiat; nam hoc sufficere videtur loco balnei frigidi. Sed quoniam post balneum calidum moderata frigiditas hēctici est summo-perè necessaria, in hunc usum iubet Auicenna. 1. 4. tract. 2. c. 6. de rememoratione medicinarum humectantium hēcticos, ægros frigida aspergere, postquam à calido balneo exierint, sic enim ait. *Et si possibile est ut submergatur post tinam calidam in aquam frigidam subito, absque gradatione, est magis ultimum ex parte cura, & magis forte ex parte timoris, & effusio eius cum facilitate est minoris timoris, quam submersio infirmi in ea subito, &c.*

Licet autem balneum frigidum putridis, & hēctici febribus summa cum præmeditatione sit concedendum, tamen in putridis si adsint conditiones requisitæ, est vtilissimum, & in febre hēctica est saluberrimū, dummodò fiat, ut ait Auic. loc. cit. *inceptio cum aqua, qua est calida ad terminum, & fiat gradatio ad frigidam, & ad temperatam frigidam tolerabilem, &c.* quare si hēctici vires nō sint ita deiectæ, frigidum balneum summo est ex usu. Sed quia in hēctici, & in putridis aliquæ conditiones semper desunt, iccirco hoc periculoso remedio raro vtimur, quia si non exactè nobis nota sit ægrotantis dispositio, maxima ex errore noxa impendet, ut 10. meth. protulit.

Quare aliquando valdè confert præsidium hoc. Et sic dic ad primum argumentum, balneum aquæ frigidæ constipare cutim, & prohibere diffilationem, quia tamen extinguit calorem febrilem, & aridum hēctici corpus humectat, & sic roborat naturam, quæ alacrior facta, statim causam morificam euincit, & corpus extenuatum crassescit, potest maximè prodesse. Dic ad secundum, balneum aquæ frigidæ non adhiberi sine noxa, est tamen maior utilitas, quando tempestinè adhibetur, quare licet fiat cum violentia, est tamen ob imminens mortis periculum exequendum, ut aduertit Vidius Vidius lib. 7. de febr. cap. 7. quoniam ut 10. meth. cit. notauit Galenus, *vbi semel agro moriendum est, à lenibus inchoare præsidia est inutile, nam extremis morbis, extrema remedia optima sunt.* Et licet hēctici exiguum habeant calorem, tamen non est omittendum auxiliū, quod etsi languidis interdicit Galenus cum Hipp. 3. acut. 59. ibi loquitur de febribus acutis, ut scitè notauit Pereda ad c. 8. lib. 2. Paschal. de medend. febr. Auerrhoes verò, & Rhafius balneū non interdiciunt in hēctici frigidum, sed respectiue loquuntur facta collatione cum temperato, quod præstantius esse, vel ipse Galenus faterur apertè, vel certè Medicos cautos reddunt ne balneo frigido in omnibus vtantur, sed in illis solum quibus larga sanguinis copia in corpore abundat, nec ita viribus lan-

guent, aut imbelles sunt. Legendus in hanc rem Ioannes Antonius Siccus, Medicus Venetus doctissimus, qui de balneis ex Galeno, & Hipp. eloquentissimè conscripsit.

## HISTORIA XLV. GALENI,

### De marasmo senectutis.

Hēctica senectutis iuuenis laborans, medicinæ auxilio, vitam in longum tempus produxit.

Ergo ilico eos qui hēctica febricitant, omni ratione refrigeremus antequam progressi in marasum perueniant, quem autem marasmus iam occupauit, hunc sanare ne tentaueris: Nam etsi calorem eius extinxeris; assamen siccitas qua relinquitur, senectutis ritu hominem conficiet, & antisper nimirum victurum quoad solida partes reniti aduersus summam siccitatem valebunt. Atqui maluerit fortasse propinquorum ægrotantis aliquis, atque etiam ægrotans ipse aliquo spatio in senis habitu viuere, quam illico mori. Itaque curare eos quæ cum præfatione expedit, ac in alterum transferre marasum, quem iam nominare senium ex morbo insueuimus: licet enim his non tantum plures dies, verum etiam menses viuere. Ego namque cum iuuenem quendam qui ita laborabat sanassem, \* reficiens deinde, ac senile eius imbecillitatem pro senum ratione tractans, non solum in menses, sed etiam in annos viuum seruauit, &c. Galenus lib. 10. meth. c. 10. prope fin.

## P A R A P H R A S I S.

Marasum senectutis posito exemplo in hoc iuvene Mexatè describit Galenus, quæ passio licet senibus sit proportionata magis, ea tamen hanc ætatem prehendi posse non est denegandum, prout firmat Auicenna 1. 4. tract. 4. c. 9. Causa similis est illis ex quibus febris hēctica oriri consuevit, cum enim sit corruptio viuientis ex siccitate, ut lib. de marcore, c. 1. confirmat Galenus, in eo humiditas primigenia est quasi exhausta, & calor natiuus extinctioni est proximus, in quo homines excarnes, gracilisque & propè exiccati ritu senum vitam degunt, est ergo hēctica senectutis, totius corporis sicca intemperies.

In hac, cum insitum, & ex semine contractum humidum primigenium absumptum fuerit, refarciri nunquam potest, & sic paulatim, ac sensim properat ad interitum, ut verò diutius vitam protrahat æger, necesse est iis auxiliis pugnare quæ deperditam humiditatem recuperare queunt. Hoc opus difficillimè perficitur, tum quia siccitas, ex se multum resistit, tum quia per qualitatem curatur, quæ parum actiua est, & nullam ferè agendi vim habet, quare lacte, balneo, & aliis humectantibus præsidiiis res agenda, quorum ope febrem hēcticam curari in superiori historia prædiximus.

Sed dubitabis meritò num vita, artis medicæ ope produci possit: firmat hoc loco Galenus, dum iuuenem marasmo affectum in multos annos commodis artis medicæ præsidiiis seruasse gloriatur. Contra obstat Seneca lib. epist. 102. ad Lucilium: *Stat quidem terminus nobis, ubi illi inexorabilis fatorum necessitas fixit; cui conuenit illud Iob c. 14. breues dies hominis sunt, numerus mensium eius apud te est, E constituis terminos eius, qui præteriri nō possunt.* Ergo si hæc vera sunt, frustra medicamenta tentantur, quorum beneficio vitam Medici producendam sperant, cuius finis, & terminus præteriri non potest. Iccirco Arnaldus à Villanova lib. de humido radicali cap. ult. eos arguit qui sophisticis rationibus probare nituntur mortem naturalem arte medica produci posse, quoniam humidum primigenium quod semel absumptum est, quale est deperditum refarciri non potest.

Verum etsi semel moriendum sit, idque fixum maximè & statutum sit, & Propheta omnium famigeratissimus sic canat Psal. 88. sic dicēs, *Quis est homo qui uiuit, & nō videbit mortē? Et ars sanitatē custodiendi, non sit ars, quæ à morte nos securos faciat, ut ait Auicenna. 3. 1. cap. 1. tamen cum ob prauam*



prauam victus rationem, inopinatos morborum euentus, A  
& alias animi curas, plurimi ad determinatum finem, decretumque terminum non perueniant, sit vt medicina vi, ac beneficio homines vitam producant, sublatis impedimentis quæ ipsam breuiorem efficere debebant, quare sit vt hac de causa vita prorogetur, & homo naturalem terminum à Deo constitutum non excedat, quem pertransire nullo modo possumus: tamen mors quæ accidentalis est, & ex aliqua humorum exuperantia aduentitia, arceri, euitarique potest.

Hoc firmat Raimundus Lulius, abstrusa doctrinæ vir lib. de secret. naturalib. part. 1. dum sic ait. *Vnicuique vita terminus est status quem nullo ingenio transgredi possumus, sed intra eum terminum mortem accelerare in promptu est omnibus, ideo à medicina petendū remedium, quo corpus nostrū à putredine præseruemus, & infirmum curemus, & quod perditum est restitueamus, donec veniat is postremus dies à Deo præstitutus;* Lege de hoc argumento Nicol. serm. 4. tract. 3. sum. 1. c. 8. de vita & morte. Valleriol. 3. loc. commun. cap. 19. Langium lib. 1. epist. 79. Ludouic. Lemosium lib. 5. meth. 14. Valles. 6. cont. c. 1. & Cardan. lib. 2. tract. 3. contrad. 9.

Quamuis autem vita nostra, mors potius, quàm vita dicenda sit, vt eloquenter probat Iacobus Pontanus lib. 3. philocalia, cap. ultim. cum maximis laboribus, assiduisque ærumnis eam transigamus docente experientia, & præpotentis Dei execratio Genes. 3. commemorata facit, & de eo veterum testimonia extant quam plurima, vt Epicharmi, Xenophontis, & aliorum quos operosum esset referre; tamen ea nihil pretiosius, aut magis gratum mortalibus. Quapropter non nimia laus est attribuenda medicinæ, quod longiorem vitam præstare possit: Nam eius longitudinem velut magnum virtutis præmium Deus probis promittit, & qui ipsius mandata custodierint, contra vitæ breuitatem improbis, velut maximam flagitiorum poenam pollicetur. Illis enim dixit. Exod. 23. *numerus dierum tuorum impleto,* & Deuteron. 6. *timeas Deum tuum, vt custodias mandata omnia, & præcepta eius, quæ ego precipio tibi, vt prologentur dies tui,* & cap. 5. eiusd. *pondus habebis verum, & iustū, & modius equalis, & verus eris tibi, vt multo viuas tempore,* & Psal. 20. *Tribuisti ei longitudinem dierum,* & Psal. 33. *Quis est homo qui vult vitam, & diligit dies videre bonos,* & in Psal. 90. *Longitudine dierum replebo eum,* & Prouerb. cap. 9. sic ait sapiens. *Principium sapientia, timor Domini, & scientia sanctorum prudentia, per me enim multiplicabuntur dies tui, & addentur tibi anni vite,* & c. 10. *Timor Domini apponit dies, & anni improborum abbreviabuntur.* De quibus profertur illud Iob c. 22. *Iniqui sublatis sunt ante tempus suum, & Ecclesiast. 8. non sit bonum impio, nec prolongentur dies eius, sed quasi umbra transeant,* & in Psal. 54. *Viri sanguinum & dolosi non dimidiabunt dies suos,* & Psal. 77. *Defecerunt in vanitate dies eorum, & anni eorum cum festinatione.* Quare hoc diuinum institutum leges gentium imitata, facinorosos, deprauatosque homines capite plectere solent.

Pluris ergo facienda est medicina, quæ aptis remediis, commodo victus ordine, remediorumque inethodo vitæ longitudinem præstare potest, quoniam exultatio viri est longæuitas, Ecclesiast. 30. de quo instituto ex veterum, & summorum Medicorum mente lege per ocium omniscium Tiraquellum lib. de nobilit. cap. 31. num. 488. Vtrum autem vitæ nostræ terminus ita fixus, certus, immutabilis ab æterno sit, & planè fatalis, an verò mutabilis, & qui industria, & Medicorum arte produci possit, disceptauit nuperrimè, eloquentissimè Ioannes Beueroicius, Medicus eruditissimus, proprio lib. de præfixo vitæ termino, ex sua, & illustrium virorum sententia, inter quos extat strenuus omnium bonarum artium dux, & primipilus, Belgarum decus, clarissimus Caspar Barlæus, literarum cultor admirabilis, literatorum amator amabilis, qui illud opus eximie felicitat.

## QVÆSTIO XL.

*Vtrum quatuor humiditates secunda absumptæ, medica artis ope reparari possint.*

Lib. IV.

**R** *Efficiens deinde.* Postulat hic locus, vt de quatuor humiditatibus secundis faciamus commemorationem, ex quarum explicatione dilucida fiet Galeni doctrina quatuor siccitatis gradus in hoc cap. methodi constituendis, quæ ad hecticæ febris naturam intelligendam est vtilissima. Igitur Auicenna atrepta occasione ex Galeni dictis proposuit quatuor humiditates 1. 1. doct. 4. c. 1. in princip. & 1. 4. tract. 3. c. 1. princip. & eas diuidit, subdiuidit, & explicat membra diuidentia, dicens quod humiditatum alia sunt primæ, alia secundæ. Primæ sunt quatuor humores; qui in iecore generantur, & tempore, & ordine præcedunt. Secundæ rursus diuiduntur, quia vel sunt superfluitates de quibus agit 1. 1. cit. B cap. 2. ad fin. §. *Duarum verò digestionum, &c.* Vel non sunt superfluitates, sed ex humoribus generationem habent, & sunt numero quatuor, quas sigillatim Auicenna enumerat.

Prima dicitur innominata, secunda ros, tertia, cambium, quarta vocatur gluten. Prima humiditas quæ nomine caret, est humor in extremitatibus exilium venarum. Ros est humor per omnia transiens membra, qui in nutrimentum conuerteretur aptus. Cambium est quod parum ante congelatum est, & nondum integrè ad similitudinem completæ substantiæ transmutatum. Gluten est humor per quem partium continuitas existit.

Auicennæ interpretes inuentum Auicennæ summè collaudant, sed vt verum fatear, illud licet sit verissimum, nouum tamen non est, quum ille iuxta quatuor siccitatis gradus, quatuor humiditates solum proponat, sic enim habet Gal. lib. 7. meth. cap. 6. *Est autem consummata siccitas ubi solida simplicium partium substantia reddita est siccior. Nam est & altera siccitas, utique, cum ea, quorum substantia ex humore concreto constat, sicut caro, & adeps sunt liquatae etiam tertia ante has, quum proprius humor, unde partes nutriuntur, omnino est absumptus: continetur is in omnibus animalis partibus, roris more per eas sparsus. Altera siccitas est quæ in propriis cuiusque particule exilibus venis, & arteriis consistit, prouenit hac ex sanguinis penuria.*

Quapropter cum siccitas humori contraria sit, & vnum vni opponatur, & plura pluribus ex Aristot. lib. 1. de celo, c. 2. ad med. hinc Auicenna quatuor humiditates illis contrarias constituit, quas etiam ad mentem Auicennæ describit Fernelius lib. 6. physiolog. cap. 5. post med. & in c. 6. etiam post med. firmat Auicennæ doctrinam Vallesius lib. 1. cont. cap. ult. quarum etiam meminit Galenus lib. 10. meth. cap. 11. ad fin. quo loco primam solum excepit, quia hæc sub sanguine comprehenditur: nam, vt notat Thomas à Veiga in com. c. 37. lib. art. medic. Galeni ad fin. nihil aliud est quam sanguis purior, & defecior, multiplicique coctione elaboratus, & aliquantulum à naturali dispositione mutatus, in venis, & arteriis gracilibus existens, e quibus locis resudatione quapiam ad caua similarium partium loca confluit, & per earoris modo spargitur, specie à sanguine, & aliis humoribus distinctus vt ex colore constat.

Secundam humiditatem constituit similarium partium nutrimentum vt optimè docet Galen. lib. art. med. c. 59. in fin. quæ pro diuersitate partium diuersa est, & vnicuique parti nutriendæ opportunissima, quæ est vltimum alimentum quod iam nutrit, de quo intelligendus Galenus lib. 3. de temp. cap. 2. ros, siue insitus humor à Galeno vocatur 7. meth. cit. & lib. 1. de diff. feb. c. 9. ad initium. §. *Dico autem tabem, &c.* quia similaribus partibus insitus est. Appellatur etiam exhalatio à Gal. lib. 1. de sem. c. 11. & lib. 3. de facult. natural. cap. 9. in initio, & 3. de sympt. caus. cap. 3. ante med. §. *Appositio autem fit,* quo pacto à multis reprehenditur Auicenna, quod rorem non fecerit vltimum alimentum, quoniam tertia, & quarta humiditas potius sunt substantiæ partium similarium postri corporis quàm veræ humiditates.

Nec obstat Arist. 2. de partib. animal. c. 3. post med. & c. 4. sequenti in fin. & 1. de generat. animal. c. 9. in init. & lib. de iuuentut. & senect. c. 2. in med. quibus locis sanguinem vocat vltimum alimentum, quod etiam ratio suadere videtur,

cum eadem sit materia generationis, & nutritionis, ex Gal. 1. de sem. cap. 16. in fin. sed generatio fit ex sanguine menstruato, ergo etiam nutritio fit ex solo sanguine, quod etiam confirmat Galenus lib. 1. de facult. naturalib. c. 10. ante med. 5. Quippe caro ex sanguine, &c.

In contrarium est ratio fortissima: Nam cum solidi membri substantia sit crassa, & alba, sanguis vero tenuis, fluidus & ruber, nisi aliquæ intercedant mutationes, nulla ratione sanguis in partis naturam poterit commutari, quoniam partes non nutriuntur immediatè ex sanguine, sed quædam semine, aliæ lacte, aliæ medulla, hæc enim partibus ipsis viciniora existunt, ex Gal. 1. de natural. facult. cit. & lib. 3. cap. ult. post med.

Quare ad Arist. respondendum ex Thoma à Veiga lib. art. med. cap. cit. & Christoph. à Vega lib. 1. art. med. c. 1. ad fin. Vallesio 1. cons. 14. Mercato tom. 1. lib. 1. part. 3. classe. 1. quest. 68. Carterio in 1. 1. Auic. doct. 4. cap. 1. Costo supra idem caput Auic. Peramato lib. de humorib. cap. 2. & aliis quod ibi Aristoteles non loquitur de immediato alimento, sed de communi ad membra demandato, ad differentiam chyli, & pituitæ, quæ nutrire nequeunt nisi in sanguinem conuertantur, quare Aristoteles proferens sanguinem esse ultimum alimentum, solum voluit significare nihil posse nutrire nisi sanguis non sit, aut ex sanguine ortum habeat, quoniam nervi crassio, & albo alimento nutriuntur, ex Arist. 3. de hist. animal. cap. 5. pili vero, & cutis, glutine, cap. 1. sequenti, ossa nutriuntur medulla, mammae nutriuntur lacte, testes semine, ex Galen. 1. de sem. c. 16. quare solum partes carnosæ, & adeps, sanguine nutriuntur, spermaticæ sanguine, per mediam tamen humiditatem quæ ros dicitur: Sic citato libro de semine, cap. 11. docens communem modum nutritionis tam in carne, quam in aliis partibus, affirmat quamlibet partem attrahere quod sibi familiare est ex sanguine, deinde in varias partes dissolutum exhalationis modo vndique distribuere, ut adiungatur, agglutinetur, assimiletur; igitur tam in carne, quam in partibus solidis hæc mediæ substantiæ sunt constituendæ, in solidis tamen evidentius, in carnosis obscurius apparent, & præsertim in viscerum carne ob maiorem dissimilitudinem.

Neque asseras quod hæc substantiæ humidæ non differunt specie à sanguine, sed solum accidentali quadam dispositione, quoniam hæc responsio nulla est, quia non est alia via ad dignoscendam specificam distinctionem humorum, & aliarum substantiarum nisi secundum colorem, modum substantiæ, & alias accidentales dispositiones quæ consequuntur formam, si igitur in his omnibus humiditates secundæ differunt à sanguine, necesse est ut differant in forma, præsertim cum in diuerso loco, & à diuerso agente elaborationem suscipiant, quare iuxta hanc doctrinam Galen. lib. 3. de sympt. caus. c. 2. ante med. 5. Naturalium autem actionum prima, &c. tres constituit coctiones quæ speciem mutant, prima, quæ fit in ventriculo, secunda in iecore, tertia in singulis partibus, præter quas addit assimilationem quæ à nutritione non differt, & ratio huius doctrinæ est, quia licet sint quatuor humiditates, prima non est specie distincta à sanguine, secunda differt specie, & generatur per tertiam concoctionem, & in ossibus est medulla, in partibus solidis est semen, in mammis est lac, tertia, & quarta humiditas cum ex sententia Galeni sit caro, & adeps, & substantia humida partium solidarum specie distinguitur à secunda, & sanguine, & generantur per nutritionem, quam, quartam alterationem appellat Galenus. Ad rationem vero Arist. dic quod sicut partes immediatè ex sanguine non nutriuntur, ita nec generantur, cum sanguis menstruus easdem in vtero mutationes ad partium formationem recipiat.

Tertia humiditas, Cambium vocatur, quia loco illius quæ fuit dissoluta subsequitur, & est substantia illa quæ iam partibus alendis cœpit vniri, & agglutinari, quam si pinguedinem, aut carnem recentem concretam vocaueris, à Galeno non discedes 7. meth. cit. & 10. meth. ult.

Quarta humiditas dicitur gluten, & est partium solidarum substantificum, & primigenium humidum quo veluti glutine continuitas partium retinetur. Fuerunt necessariæ

hæc humiditates, ut partes possent sanguine nutriri: natura enim non transit ab extremo ad extremum nisi per medium, sensum, non committens saltum, ut Aristotel. inquit lib. 8. de hist. animal. cap. 1. cum igitur partes præsertim solidæ plurimum distent à sanguine, necessarium est, si sanguis in eas transmutari debebat, id multis alterationibus fieret, ut Galenus ait lib. 1. de facult. 10. & lib. 3. cap. ultim. in fin. Igitur mediis his alterationibus hæc secundæ humidæ substantiæ generantur, quas medium immediatum inter nutrens, & nutritum esse constituendas arbitramur.

Ex harum humiditatum consumptione tres hæcticæ species sunt constituendæ, prima ex consumptione primæ, & secundæ humiditatis; secunda ex consumptione tertiæ, quando tunc plurimum per febres colliquantur, & recens concreta caro caloris vehementia liquantur, & sic vrina, & alui excrementa pingua redduntur. Tertia fit ex consumptione quartæ. Quæ autem ratione hæcticus calor dissipet carnes, & pinguedinem liquet an magnitudine, an diuturnitate disputat eleganter Mercurialis lib. 5. de febr. c. 7. & videtur diuturnitate hoc efficere; nam præterquam quod nulla febris hæctica magna est, ut ait Galenus 3. de prasag. ex pulsib. cap. 4. in principio, hic calor non colliquit sed in progressu. Si vero Auic. 1. 1. doct. 3. cap. 19. & lib. de virib. cordis, cap. 4. dicit calorem hæctici esse maiorem calore causi, & tertianæ, extensiuè non intensiuè intelligendus: Nam hoc modo calor febris ardentis est maior calore hæctici, illo vero modo hæcticus calor aliarum febrium superat calorem, quoniam æqualiter, & vniuniformiter per omnes diffunditur, & extenditur corporis partes.

Sed dices si hæctica medicabilis est, ut frequenti experimento fit manifestum, & Galenus firmat lib. 1. feb. cap. 9. cur humiditas prima, & secunda, ex cuius consumptione febris hæctica confurgit, non restaurabitur? Dic, ut ad questionem pateat solutio, primam & secundam hæcticæ speciem esse curabilem, tertiam immedicabilem prorsus, & artis ope curari non posse. Hoc confirmat Galenus lib. 1. feb. c. 9. per hæc verba. Cum enim naturalis cordis temperies primum euerit incœperit, nativa humiditas neque prorsus abolita est, neque virtus plurimum laborat, sed primò fit veluti quadam effervescentia humiditatis, quo in tempore facillimum est huiusmodi febrem sanare, tanquam nihil aliud virtute perpeffa, deinceps autem consumptio quadam effervescentiam sequitur: hæcque in longum iam protracta ipsa similares particula quæ sunt veluti cordis elementa, sicciores redduntur, atque inopia alimenti, tenuiores, ac tantum virtus laborat, quantum siccitas, atque caliditas in ipso corde inualuerit, quando altera exuperans, virtutem imbecilliorē reddere potuit. Huiusmodi febris iam ad utramque partem declinat, ac medium obtinet locum inter eam tabidam febrem, quæ penitus curam non admittit, atque illam de qua paulò ante diximus, quæ facillimè in principio curari potest. Est verò in hac laceranda multa, quoniam & dispositionis ipsius multa, in eo quod magis, ac minus, diuersitates. Quæ igitur æqualiter distat ab utraque febre, & ea scilicet quæ exquisitè tabida existit, & illa, in qua nihil est adhuc tale, medio quodam se modo habet ad curationem, dubio ad partes ambas inclinans momento, quæ autem tibi est proximior, est periculo vicinior: cum quæ alteri magis adheret, non parnam salutis spem habet. Hæctenus diuiniſſimus Galenus.

Ex cuius præclara doctrina depromi possunt corollaria plura. Primum euidenter ex hoc loco colligendas esse tres febres hæcticæ species, primam non exquisitam, tertiam exquisitè tabidam, mediam, hoc est secundam, æqualiter ab utrisque recedentem. Secundum; omnem hæcticam esse difficilis sanationis, quia lapsus ex siccitate valde periculosus est, quia siccitas resistit multum, & corrigitur per aduersam humiditatem quæ iners, & pigra est in agendo. In hunc sensum intellige Hipp. 1. aph. 26. affirmantem pessimum esse conuulsionem febri superuenire: Nam ut inquit Galen. in com. si febribus ardentibus totum corpus excutitur, & nervus deinde ex siccitate conuulsio accidat, hoc maximè est malum, & pene insanabile, quoniam longum tempus exigitur ad siccitatē nervorum remouendam. Si verò

Galenus esse facilis curationis eam, quæ in primo gradu A consistit asseuerat, intellige respectu eius quæ ad secundum; aut tertium gradum iam accessit, in quibus virtus iam multum perpeffa est.

Tertium corollarium desumi potest, quod sicut prima, & secunda hæcticæ species, quæ scilicet non multum recessit à prima est curabilis, sic prima, secunda, & tertia humiditas recuperari possunt, tunc enim humiditas carnis infusa, & carnes ipsæ circumfusæ, membranæ, fibræ, & neruis consumptæ artis medicæ opẽ, renutrientibus succis reparari queunt. Et sicut tertia species est incurabilis, aut secunda quæ iam ad illam proximè accedit, sic quarta humiditas, nempe gluten, ex cuius consumptione tertia species consurgit, nulla arte, nec artis medicæ auxilio restaurari potest, quare quos marasmus iam occupauit hos sanare ne tentaueris.

Queris huius vltimi corollarij causam. Prima sit: nam hoc humidum, est glutinum quoddam, seu vinculum, quo partes solidæ, sua natura sicca tenacissimè coniunguntur, quare cum absumitur, vehementem causam arguit, nempe pertinacem torridum calorem, qui nulla arte emendari potest. Secunda, hoc humidum est veluti auctor vitæ, & subiectum, seu verum pabulum natiui caloris, quo absumpto, & ob hanc causam diminuto calido innato, debilioribusque viribus factis, nullum postea æger remedium habet, quum non supersit calor, qui illud valeat reficere. Tertia causa est, quoniam hæc humiditas substantifica, & primigenia quæ solida ipsa continet, ac vnit, absumpta, reddit membra instar senij frigida, atque sicca, cuius dissolutione, marasmodes febres prodeunt, quare cum hæc ex semine originem ducat, aut potius seminalis pars sit; nobis à primo ortu tributa, haud secus quàm quæuis alia particula solida, & spermatica semel deperdita, nec generatur, nec alimento, alioue artificio recreari potest.

## QVÆSTIO XLI.

*Verum solida partes resiccata humectari possint.*

**S**ed etiam in annos viuum seruauit. ] Proxima superiori spro historię explanatione controuersia est de solidis partibus, an resiccatae artis medicæ opẽ humectari possint: partem negatiuam sequitur Galen. in hoc sexto cap. lib. 7. meth. medendi, quod affirmat in cap. 59. art. medic. 5. Ipsa enim solida corporis partes, quæ verè solida sunt, ac prima, nullò modo possunt effici humidiores. At satis est, si quis eas celerius exsiccare prohibeat, &c. confirmatur: nam si partes solidas humectare liceret, sequeretur vitam in perpetuum durare; patet sequela, quia vita definitur per permanentionem caloris in humido; igitur si humidum quod est caloris pabulum, tale potest conseruari, vt simile pro eo refarciri possit, licebit perpetuò calorem conseruare, sed impossibile est alimentum quod apponitur esse eiusdem speciei cum eo quod effluxit, vt probat Galenus lib. 1. de sanit. tuenda, cap. 2. & lib. de marasmo cap. 2. & 4. docens necessariò siccitatem in plantis, & animalibus euenire, quæ senij, & mortis causa sit, quo pacto solidarum partium siccitas sanari non potest, ex eius mente lib. 10. meth. cap. 11.

Pro altera parte est idem Galenus, lib. 1. de sanit. tuenda, cap. 2. in fin. quo loco asserit animalis substantiam in perpetuo fluere esse, & nisi similis substantia pro ea quæ defluxit reparetur, citissimè absumeretur, quare plantis, & animalibus indidit natura virtutes, quarum auxilio, id quod dissoluitur, restituunt, ergo partes solidas humectare licet. Et non solum humidum deperditum, sed multò perfectius recuperare possumus, vt constat in hæcticis, & leprosis, in quibus post curationem, humidum acquisitum multò est perfectius; nam tunc perfectiores edunt operationes, & diutius viuunt, & confirmatur, quia biliosi, & melancholici possunt reduci ad temperiem, quia innatum temperamentum mutare licet, & post reductionem perfectiores edunt operationes, igitur humidum acquisitum perfectius potest esse deperdito.

Vt verò huius quæstionis finem, & explicationem assequaris, norabis duplex esse humidum, alterum radicale, seu natiuum, quod est contractum à primordiis generationis, & est propria partium substantia humida, vel humidum illud quod ex sanguine, & semine in partium meatibus relinquitur; alterum humidum est acquisitum, quod ex alimentis per nutritionem à singulis partibus loco humidi radicalis substituitur. Aduerte deinde quod humidum potest dici perfectius, vel pro operationibus, vel pro duratione vitæ; & hoc duobus modis, vel absolute, & est quando est ærcum, pingue, oleosum; vel quando remouetur ab eo aliqua praua qualitas, cuius ratione illud erat inquinatum.

His præfatis sit prima conclusio. Per nutritionem possibile est humidum restituere perfectius pro operationibus. Probatur, quia omnes actiones tam animales, quàm vitales, & naturales moderatam siccitatem in instrumentis requirunt, excepta actione facultatis alteratricis, hæc enim caliditatem, & humiditatem expostulat, & hæc est causa, quare adolescentes, & iuuenes, non solum animi actiones, sed & vitales, & naturales excepta alteratione habeant perfectiores, vt Galen. inquit, lib. 3. de caus. sympr. cap. 3. in med. quoniam in ea ætate moderatam siccitatem iam acquisitam habent, ita asserit Auicenna, 3. 1. doct. 1. cap. 1. post princip. 5. Verumtamen perfectio, & integritas, & potentia perficiendi actiones non est nisi propter siccitatem, quæ incessanter agit donec nos perimat.

Secunda propositio. Non solum pro operationibus, sed pro duratione vitæ perfectius acquiritur humidum, non simpliciter, sed quia restituitur expers prauæ qualitatis, quæ impedit quo minus foueat, ac conseruet calorem. Patet in hæcticis, & leprosis, postquam à morbo iam curato euaserunt, in quibus humidum nutritione acquisitum, non ita inquinatum est, sed in maiori copia in corpore abundat, & ideò post curationem, longiori temporis spatio viuunt, & perfectiores edunt operationes. Neque tibi difficile videatur hæcticum curatum reparari secundum humidum, quum hoc non sit intelligendum de restauratione quæ opponitur siccitati natiuæ, id est consumptioni humidi natiui, sed reparatione quæ siccitati morbosæ opponitur. Sed cur impinguantur magis radicalis in hæctico curato, quàm si non incidere in hæcticam? Dic: verè apposuit plus de humido, non restaurauit melius humidum.

Sed clarioris doctrinæ gratia percontabris, cur humidum reparatum possit esse melius pro vita, & duratione vitæ, quàm resolutum, si semper non tale, quale erat, restituitur? Dic: quod in aliquo statu morbofo, v.g. hæctica pestilenti, 3. præfag. 4. humidum restauratum potest esse melius pro longitudine vitæ, quàm resolutum, ratio est quia sanguis ex quo quis nutritur potest esse multis numeris melior, eo quo quis genitus est, vel humido resolutum, in statu tamen sano, siue sit per reductionem vnus temperamenti ad aliud, siue secus, nunquam reparatur melius pro vita, quia quantumcumque nutrimentum sit bonum, nunquam est æquè bonum, sicut humidi radicalis portio quæ resoluitur.

Nec obstat quod humidum temperati sit melius, quàm melancholici, igitur etiam temperati facti ex melancholico, quàm melancholici. Dic, humidum temperati ex melancholico facti non est melius humido resolutum in melancholico. Nec etiam obstat, quod diutius uiuat temperatus ex melancholico, quia causa prolixioris vitæ est, quia humidum resolutum in melancholico non manet in melancholico, quare si humidum quod reparatur in melancholico esset sicut illud quod resoluitur in ipso, tunc diutius uiuere melancholicus, quàm temperatus factus ex melancholico. Si iterum obicias, quod nunquam reparatur humidum æque bonum, vel melius resolutum pro vita, quia tunc cum causæ durationis sint eadem, semper uiuet? Dic quod reparatur tale, sed non tantum, & ideò moritur. Dic secundò & melius, licet reparetur humidum exolutum simile in quantitate, & qualitate causa durationis vitæ, non manet eadem, quia humidum quod primò erat, nec exolutum, nec acquisitum,

tum, est factum deterius pro vita.

Tertia propositio. Per nutritionem impossibile est humidum ita perfectum restituere simpliciter; nam semper est deterius, quia siccus, & crassius. Duplex ratio conclusionis probatur hoc modo; quia humidum acquisitum est minus elaboratum, quam radicale: Nam solum in ventriculo, iecore, & venis fuit concoctum, at humidum nativum non solum in his partibus, sed in valis præparantibus, testibus, & in ipso vtero multiplici actione fuit concoctum, & ad summum perfectionis gradum deductum, secunda ratio est quam Avicenna tradit § 1.1. doct. 3. cap. 3. §. Et si virtus infinita foret, &c. cum humidum restauratur per nutritionem quæ est assimilatio nutrimenti ad partes quæ nutriuntur, non debet assimilari alimentum partibus sub præcedenti dispositione, sed sub ea quæ præsens est quando nutritur, igitur cum partes semper sicciores reddantur, & crassiores, necesse est ut id quod acquiritur semper sit siccus, & crassius, & quod siccus, minus calorem conferuat.

Ex dictis apparet humidum radicale per actum virtutis nutritivæ esse reparabile, si per restaurationem intelligimus reparationem humidi exoluti, & reappositionem novi humidi, sic non est dubium quin humidum radicale restauretur, 1. de sanit. 2. ad med. alioqui brevis duraret animans: si verò intelligas restaurationem exoluti, eiusdem prorsus naturæ, & perfectionis cum exoluta, hoc modo humidum radicale reparari nequit, 1. aph. 14. & 1. de sanit. 2. & lib. de marcore 5. quia humidum nutritivum quod cedit in locum exoluti non potest esse tale, uti est illud ab ortu contractum, aliàs animal non esset nunc terrestrius, quam heri, nec curreteret per ætates actione caloris in humidum radicale immò possent ætates quiescere, aut retrocedere, & periret animal vivere per infinitos annos. Ultimò partes seminales potuissent regnari, & reitari contra præceptum Galeni lib. art. med. cap. 87.

Sed dubitabis primò. Si humidum radicale non restauratur, iuvenis, & puer non erunt in calore æquales, quia humidum radicale est inæquale in utrisque? Dic: Calor non solum multiplicatur ad multiplicationem humidi radicalis, sed cuiuslibet humidi membrorum, quod humidum supplet defectum radicalis in iuvene, & manent pares in calore cum latitudine quadam, id est ad tactum.

Dubitabis secundò. Cibus habet virtutem suam propriam, ut conuertatur ad humiditatem similem radicali, & ad calorem intrinsecum similem; qui est in nutrito, ita ut sint idem per modum omnem? Dic: sunt idem in specie, & quoad dispositiones, & calorem, quod est esse idem secundum omnem modum, non tamen quod ista sint similia præcisè, & in eadem mensura determinata, vel dicendum, non est inconueniens quod reparetur in eodem gradu perfectionis cum remanente.

Dubitabis tertio. An humidum semper restauretur melius pro operationibus quam sit resolutum? Dic: potest restaurari melius pro actionibus ex Galeno in art. med. cap. 21. quia cum humido quod acquirit iuvenis in processu ætatis facit meliores operationes, quam puer, igitur si humidum iuvenis restauratum non esset melius pro operationibus, quam humidum pueri resolutum, semper ab instanti pueritatis usque ad iuventutem operationes fierent deteriores, & in quolibet momento signa viciniore ortui operationes essent perfectiores.

Sed contra obstat primò. In senecta humidum restauratum non est melius pro actionibus? Dic: hoc verum esse usque ad iuventutem, quia post ipsam marcescit, & extinguatur calor, & cum humido restaurato imperfectiores fiunt operationes. Obstat secundò. Si id quod resolutum in puero mansisset in iuvene, vel id quod restauratur in iuvene esset sicut resolutum in puero, iuvenis faceret perfectiores operationes. Responde negativè, quia operationes meliores non fiunt à meliori humido, id est à magis substantifico, sed ab humido temperato secundum iustitiam, ad actiones relatione facta.

A Dubitabis quartò, num humidum radicale duret ad finem vitæ? Dic affirmativè, licet Fernelius lib. 4. physilog. cap. 4. asserat quod maior portio manet in fine vitæ: Nam ut ipse inquit, cum triplex sit humor, cuius vi, & beneficio, constantia, firmitasque partium nostri corporis continetur, elementaris, primigenius, & alimentarius, duo quidem propriam illarum substantiam complent, tertius illius adventitius quodammodo, & externus. Quocirca vitam etiamnum agenti animali hic quidem absorberi, siccatique potest, at reliqui nunquam funditus, sed neque maiori ex parte disperdi possunt: Nam priusquam in id discrimen res veniat, propria detracta materia spiritus, calorque emarcescet, & animal vitam naturæ reddet. Dissipata enim materia quæ spiritus, & caloris propria est sedes, quæ spiritum continet, atque servat, quæ fieri potest ut spiritus substantia, & calor diutius persistat?

B & ratio pro Fernelio esse potest: quia post mortem partes habent continuas, quod est radicale. Dic quod continuas potest iuvare per humidum membrorum factum ex nutritivum, Pomponatius autem in questione de humido radicali, existimat nil manere, & humidum radicale esse necessarium ad generationem animæ, non ad conservationem, sed Fernelij sententiam libentius amplector.

Ad argumenta verò quæ probabant partes solidas resiccitas humectari non posse, dic quod quando Galenus, lib. 7. meth. cap. 6. affirmat intemperantiam siccam consummatam esse insanabilem, illud est quia deficit virtus quæ humidam substantiam restituere debet, quod similiter docuit lib. 10. meth. cap. ult. in med.

C Ad locum eiusdem Galeni in arte medica dicendum est partes solidas non posse humectari, non quia humidum non reparatur, sed quia semper restituitur siccus, quousque calorem fovere, conservareque non possit. & idè partes exiccatæ semel, non amplius substantificæ humectantur, nam humectationem qualitativam non negat Galenus, sicut enim partes solidæ patiuntur morbos siccus, sic etiam humidus, & humidum illud quod in corporibus intemperatis acquiri solet, quando ad temperiem reducuntur, licet sit multo melius, non debet intelligi respectu illius humidi, quod fuit deperditum ante reductionem, quoniam semper peius acquiritur, sed comparatione illius quod acquireretur in tali corpore tunc, si non esset reductum: similiter dicendum est, quod humidum illud quod acquiritur post morborum curationem, non est simpliciter melius, sed secundum quid. Hic Galeni locus difficilis est; nam videtur veritati repugnare, cum inquit, solidas partes, quæ verè, exquisitè, & primò tales sunt, non posse humectari solum: quoniam videtur insinuare carnem, & adipem posse humectari, quod apparet falsum, sicut enim humidum quod nutritione acquiritur in partibus solidis semper est siccus, & crassius, sic etiam in carne debet esse, igitur si partes solidæ humectari nequeunt, hac ratione sic etiam sentendum de carne.

D Dic ergo pro tam intricati textus expositione cum doctissimo Laurentio lib. 1. de histor. anatomica, quasi. 10 qui licet ieiunè hanc questionem pertractet, tamen in hoc explicando loco primas tenuit, partes solidas à Galeno interdum dici spermaticas, & carnosas, & adiposas, quia sunt solidiores spiritibus, & humoribus, veluti dixit, lib. 1. de diff. feb. cap. 7. post princip. interdum appellari partes spermaticas, ut fecit, 1. meth. cap. 1. & 3. lib. 10. meth. cap. ult. hæ partes dicuntur verè solidæ, quia duræ sunt, compactæ, & primæ, quia primò tanquam fundamenta corporis generantur, deinde caro, & adeps, ut earum spatia repleant, hæ humectari non possunt, quia frigidæ sunt, sicæ, duræ, idè parum resolvuntur, & paucò alimento indigent, neque plurimum possunt attrahere, neque si attraherent, concoquerent, facultate enim attrahente, neque alteratrice ob nativam temperiem non valent. Deinde valdè humectationi resistunt, & alimentum est exiguum, & solum post varias alterationes nutrit, hoc modo paulatim humiditatem deponit, quare hoc modo partes exiccatas humectare non possumus, quia non potest alimentum humiditatem tantum addere, quantum solidarum



rum partium actio detrahit, priusquam nutriantur, quare cum continua actione calor fatiscat fibrosa partis substantia nunquam refarciri potest, etsi humectari posse negandum non sit.

Contra tamen in carne, quia multum dissoluitur, alimentum copiosius accedit, & magis immediatè, & illa minus resistit, minori que elaboratione eget, ut alimentum in carnem vertatur, & hæc est causa, ob quam in omni ætate, & in omni statu augeatur, & diminuatur, ut firmat Galenus lib. 11. meth. cap. 1. transmutatur igitur magis ab alimento, quam partes solidæ, non tamen mollior, & humidior reddi potest ob rationem dictam etsi ob eius copiam corpus aliquando humidius, & mollius appareat; cum ante ob eius defectum amplius exiccaturum videretur.

Ad postremum argumentum dic, vitam in perpetuum prorogari non posse, non solum ratione humidi, quod siccus semper acquiritur, sed ratione virtutis, quæ finita est, & ratione caloris, qui in dies defatigatur, & acrior redditur, & ob materiam, elementorum pugnam, & assiduum substantiæ fluorem.

Hæc omnia perbellè significavit Auic. 1. 1. doct. 3. cap. 3. post. medium. §. Præterea sciendum est, &c. 2. 1. doct. 2. cap. 3. quo loco varias senij, & mortis naturalis afferens causas, ut aërem qui continuò resoluat, propter id quod in eo est de virtute solis, & stellarum, calorem nativum continuò seipsum consumentem, animæ, & corporis motiones, humores crudos sua frigiditate calorem minuentes, qui in senectute redundant, & virtutem finitam in corpore finito, & sic affirmat nullum hominem effugere posse mortem, licet humidum radicale, neque ab externis, aut internis iniuriis exiccaretur.

Auicenna à Galeno omnia hæc exhaustisse videtur; qui lib. 1. de sanis. suend. cap. 2. eloquenter duplicem esse causam nostræ corruptionis constituens, ob hanc rationem alimentum esse necessarium asseuerat, prima causa, quæ omni genito corpori, corruptelæ, interitusque est connata necessitas, est internus ignis, ac calor, qui siccatur,urit, torret, humidum absumit, corpus macilentius, gracilius, immò rugosius reddit, unde artus invalidi, & ad motus suos incerti, & inconstantes probantur, & sic fit senium, siccitatis excessu eueniens.

Altera est quæ etiam in animalibus præcipuè cernitur, totius substantiæ fluor, quem insitus calor excitat, in proprium humidum agens, ipsum temporis diuturnitate deuasans. Ut enim flamma ellychnij humidum absumit, & in fumum, ac favillam citissime vertit, nî suppetat oleum irrigans, & conservans ipsum, sic nativum calidum intra triduum, aut citius proprium humidum absumit, nî alimentitium humidum accedat.

Hoc loco cum Philosophis, & Medicis querendum, quo pacto calor noster innatus, contraria possit efficere, formare nempe. nutrire, augere, & conservare corpus nostrum, simulque corrumpere, exicare, & humidum nostrum perpetuo fluore consumere, ita ut sæpe ab Hip. proferatur, calor idem nos conficit, qui nos generavit. Dic: quod calor noster, & natiuus calor, ut natiuus, nos format, nutrit, auget, & tunc simpliciter calidi naturam non exuit, cuius ratione, à paulatina exiccatione, quæ per ætates fit, non potuit absolui. Neque dicas cum Valesio, lib. 6. controu. 1. & 4. meteor. in com. cap. 1. fol. mibi 31. calorem nativum non consumere, nisi in non naturalem migrer: Nam contra te obiciam Galenum lib. de marcore cap. 4. §. Quod autem natura progressu corpora siccantur, quodque innatum id calidum efficiat, ut primo de valetudine tuenda demonstravimus, & necessario nunc repetemus, est undequeque verum, &c. & lib. 7. aph. 59. in vapores corpus exolui. duplici de causa asseruit, extrinsecus quidem ab aëre ambiente, insus vero à calore nativo, & 1. aph. 15. & 17. hoc etiam confirmat, calidum ergo non solum qua calidum, sed qua nativum calidum corpora nostra exiccat.

Sed obtrudes quomodo nativum calidum se ipsum consumit, si se ipso calidius non est, quod enim calefacit, calidius est calefacto? Dic: quod calor natiuus non calefacit se ipsum, sed suum calorem servando ob id exic-

cat, quod humidam substantiam effluere, ac evaporare facit, proinde ac feruens aqua, quæ ab igne separata, ex calore in se concepto tamdiu evaporat, quamdiu calorem servat.

Senium ergo, & mors evitari non possunt, quia partes solidæ verè, & substantificè humectari nequeunt. Nam multæ sunt causæ mortis naturalis, prima, innatus calor, pars terrea membrorum, & alimenti, quæ nunquam effluit, sed semper permanens membra tandem reddit terrea. Parcior est post iuventutem nutritio, tum ex parte caloris commutantis, qui declinare cœpit simul cum humidi radicalis exiccatione, tum ex parte corporis nutriendi, quod ob siccitatem difficiliter admittit alimentum, & siccus ad membra, quam antea, è ventriculo semper allicit. Accedunt & causæ externæ exiccantes, motus corporei, labores, exercitia, ira, exandescentiæ, metus, tristitiæ, timores, vigiliæ, vacuationes, venetea, quæ inter cæteræ causas promptissimè exiccant, alimenta, quæ citò putredinem concipiunt, recrementa quæ putrescentia febres excitant, quarum vi corpora siccantur. Accedit aër qui multipliciter nos exiccat, ut inquit Auerrhoës 6. col. lig. cap. 4.

Quæ ergo erit ars quæ naturalem vitæ terminum protrahat dixit Auic. 3. 1. cap. 1. Nam conservatoria medicinæ pars de duabus rebus securitatem præbet, putrefactionis prohibitione, & defensione humiditatis ne citò resolvaatur. Alexipharmaca ob id nos à veneno defendunt, quoniam etsi vim veneni nos interimentis superent & corrumpant, ab innati tamen caloris exiccatione tueri non possunt, quoniam si innatum calorem corrumpant, & superent, mortem pro exiccationis carentia accersent. Quo pacto remedium, aut artem invenire quorum efficacia senium, aut mortem effugere possimus, supra caput hominis est, hanc artem invenire desperavit Galenus lib. de marcore cap. cit. Qui enim quæ primordia generationis animalium necessario sequuntur, fieri vetet quis? aut facta infecta reddat? quasi dicat, nulla est ars, neque potentia quæ hoc facere possit, & Auic. 1. 1. doct. 3. cap. 3. postquam mortis naturalis, & accidentariæ meminit, subdit, Totum tamen divino provenit præcepto.

Quid plura? est ne aliquis qui effugiat senium, aut mortem? est ne aliquod ab aliquo auctore propositum remedium ad evitanda hæc? nonne exiccatio nostri corporis ab ortu in interitum, perpes, & necessaria est, & irrefragabili experimento confirmata, quo nullus usque in hodiernum diem, quantumvis exacta vivendi ratione tractetur, desinit consenescere: quo pacto meritò deridet Galenus lib. de marcore, cap. 2. Philosophum quendam, qui cum quadragenarius scripisset librum, quo pacto citra senium superesse liceret, postea verò octogenarius factus, tanta erat consumptione, & senio confectus, ut risui esset omnibus, quam historiam explicatam lege lib. 6. hist. 8. Quapropter genita omnia interire debent, quæ non esse interitura, fallaci, & deceptoria quadam ratione contendit Proclus, cuius dissolutionem per ocium, lege apud Phyloponum lib. 6. adversus viginti duas Procli propositiones, de mundi aternitate: Nam nos Medici sumus, non Theologi, maxime cum diuturnitatis, aut brevitatis hominum vitæ, varietate, & varietatis causis lib. 6. in com. hist. 17. latius simas acturi.

## HISTORIA XLVI. GALENI, De peste.

### Pestis horribilis.

Testimonium autem eius rei locuples tulerunt nobis duorum exempla, quæ haud ita pridem casu quodam obrigerunt, pestis senu in summos pedes grassata, & crudelitate prædonis. Pestilentia namque putrefaciebat, prædo autem abscondebat extremos pedes, ut sine baculo non possent ambulare, qui in eiusmodi incidissent infortunium, &c. Galenus lib. 3. de usu partium cap. 5.

## PARAPHRASIS.

## QVÆSTIO XLII.

*Verum sit aliquis morbus crudelior peste.*

## COMMENTARIUM.

**P**estis seu. ] Cæterum, opinor, diu, iam multumque in aliis febrium historiis delineandis elaborauimus, proinde peraccommodum videntur, pestis alia exempla, qua poterimus breuitate recensere, vt quum subiecta oculis omnia fuerint, agnoscamus, quæ sit diuinæ maiestatis ratio in cohibenda, ac refrænanda pestilentis sæuissimæ populariter grassantis potestate dira, de quo argumento cum tot veterum, & recentiorum elegantissimorum doctissima, & penè inexhausta scripta considero, ea in epitomem, & syllogem redigere despero (ita sunt fuisse, latè, doctèque disceptata) quo pacto ad historiarum nostrarum expositionem me conuertam, & aliqua ab illis nondum animaduersa, ex variis, additionibusque locis deprompta proponam, quibus possim ruinofam medicinam erigere ac instaurare, quod est huius loci, ac temporis institutum maximè cum de pestis natura, *lib. 2. in com. hist. 89.* plura sumus prælibati, pro expositione Pauli, & de curatione in *praxi historiarum, tomo de febrib. cap. de peste,* hæc omnia luculenter pertractentur.

Pestis ergo nihil aliud est, quàm substantiæ totius cordis primum, deinde principalium partium corruptio ab ambientis inquinamento totius substantiæ proprietate infenso inuenta, quæque contagionis perniciosissimæ seminaria in se continet. Vel à fine hoc modo definiti potest. Pestilentia, morbus est peracutus, exitialis, communis, qui contagione ab vno ad alterum instar veneni serpit, immanis bellua, quæ non solum multos simul homines interimat, sed integras quoque ciuitates depascens miserabiliter conficiat.

Quare verè pestilentes morbi, diri sunt, atroces, & semper plurimos, aut certè multos celerius è medio tollunt, pro venenosæ materiæ, & humorum, qui ex ea inficiuntur, ratione, quo pacto breuius à Galeno finitur *1. epid. in proœmio, & 1. acut. 9.* quod sit epidemia perniciosissima, hoc est, pestis est morbus vulgaris, multos perimens, ex *Gal. 3. epid. sect. 3. com. 20.* an verò detur pestis citra perniciem, hoc est, an in sua natura contineat quod plures interimat, diximus breuiter *lib. 2. in com. hist. 89.* & fusè agitat Septalius in *suo eleganti lib. 1. de peste, cap. 14.*

Porro pestis aliqua visa est ita intensæ, & effrænata feritatis, vt ferè omnes correptos perdat. Hoc modo sæpè apparent deluxiones pestilentes, quæ plurimas nostri corporis partes miserimè fatigant. Sic visæ sunt peripneumonix, & anginx, quarum truculenta vi multi veluti strangulati, & denegato vitali spiritu resoluti subito occubuerunt, vt refert Vviers *lib. 7. rarar. obseruat.* aliquando peripneumonia maligna, sputo sanguinis sequuto pestis horridæ instar prouinciam penè vniuersam deuastauit, vt narrat Andreas Gallus *lib. 4. fasciculi de peste,* quod scribit etiam Dodonæus *lib. obs. medic. cap. 21.* Interdum pleuritides pestilentes immaniter sæuiunt, quæ maleficientissimis comitatæ symptomatis cor occupant, & venenata aura inquinant, de quibus egere Cardanus *lib. 3. de venenis cap. 25.* & Iacobus Othæus *lib. de obseruationib. propriis.* Hoc modo sæuiit dysenteria pestilens, & contagiosa, de cuius natura, & curatione perdoctè egit Ioannes Colle *lib. 2. de morb. malignis cap. 3.* Hoc modo grassatæ sunt phrenitides pestilentes, hemitritæus pestilens, de cuius curatione disceptauit eximie Cornelius Gemma, *tract. de hemitritæo pestilenti.* Frequentissimè etiam insolens diaria pestilens, de qua ex Iuniorum mente egimus *lib. 1. in com. hist. vlt.* Hoc modo genus humanum inuadit, & prosterit perniciè summa hectica pestilens, de cuius natura, & causis disceptauit clarissimus Castrensis Lusitanus *lib. 3. de meteoris microcosm. c. 20.* multoties inuadit maleficientissimis stipata signis febris quæ iam horrida, quæ certo rigore, eoque molesto, & totum corpus lassante tertianæ

A perniciosæ ritu, de tertio in tertium repetens homines ex improviso præter Medicorum opinionem è medio tollit, posse autem febrem pestilentem esse intermittentem probauimus *lib. 1. in com. hist. vlt.* sæpissimè apparent mitissima, & placida febres in statu pestifero, quæ lenitate symptomatum, mitis tædus, & nulla percepta noxa in pulsu arripiunt multos, qui à Medicis vix febricitare creduntur, & in quibus vix est similis sanæ, & hi, clām, furimque maligna sæuiente putredine, & veneno principes partes occupante inopinatè moriuntur, de quibus & huius euentus causa pulchrè, vt reor, differuimus *lib. 1. in com. hist. vlt.*

Aliqui sideratorum more, ac fulmine icti, in terram corruunt, vt notarunt Valleriola *lib. 3. loc. commun. cap. 18.* Gemma *lib. 1. cap. 17.* Cosmocritu. Salius *lib. de peste, cap. 7.* Sic formidabilis erat pestis species qua correpti circa caput, ac pectus sudorem sanguineum excluderunt, vt scribit G. Agricola *lib. 2. de peste.* Vidi anno 1601. quum totam ferè Lusitaniam, & dulcissimam meam patriam Olyssipponem immanis hic morbus arriperet, sæuissimam pestis speciem: Nam in morbi principio omnibus vermium rotundorum nigrorum copia per nares solum emanauit, & cum profilirent viui, antequam excluderentur foras, illis torminibus diris excitatis prius, quasi rodebatur viscera, sudores in vultu, & thorace apparebant syncoptici, cum totius corporis liuore, & subsequuto morticinio omnes peribant. Hanc speciem pestis, sed non ita grauem, æ perniciosam euenisse in peste Veneta prodit Angelus Bellicochus in *tract. de peste.*

C Quid commemorem varia, terribiliæque symptomata, quæ in peste contingere assueuerant auctores: sed omnem fidem excedit, quod scribit Cardanus *lib. 2. de subtilis.* pestem fuisse oborram Constantinopoli, quæ huius erat generis, vt qui laborarent, aut quibus morbus imminabat, viderentur ab alio homine cædi, & sic hoc terrore perturbati moriebantur. Quidam etiam ob sitim in puteos se præcipitant.

Quid plura? nonne hæc immanis fera cjuitates deuastat, prouincias solo æquat, omniæque animalia prosligat, & premit diu, & importunè hinc miserandæ clades, ocysissima mortis, non tantum ex sæuientis veneni malitia, quin ex diuturnitate, & prolixitate huius mali subortæ, de cuius ingenti sæuitie, ac tyrannide, tam veterum quàm patrum nostrorum memoria, sæpissimè in miseros mortales concitata, varij horrenda, & planè inaudita recitantur, vt plurimis exemplis confirmat Ioan. Eunuichius *lib. de officio magist. cap. 10.*

Procopius *lib. 11. de bello Persico,* scribit regnante Justiniano Imperatore, tam atrocè Byzantij viguisse pestem, vt quotidie 5000. interdum etiam (quod fidem omnem excedit) 10000. hominum sepulturæ traderentur. Platina in *vita Clementis V. I.* annotauit olim in Italia tam sæuam grassatam fuisse pestilentiam, quod ex millesimo vix decimus euaserit. Idem affirmat Michaël Scæuola in *vita Frederici III. Imperatoris.* Denique tanta sæpè sese ostentat huius luis sæuities, & atrocitas, vt nulli sexui, ætatiue parcat, sed indiscriminatim in obuios quosuis grassetur, ac ferociam suam exerceat.

Si enim acutissimos, & diuturnos morbos cum hoc miserando conferas, Gallicam luem, lepram, arthritidem, morbillos, variolas, & aliorum, morborum tormenta varia, horum minimam esse sæuitiem respectu huius hydræ inuenies, cuius ea est tyrannis inexorabilis, vt paucorum mensium spatio regiones integras deuastet, & breui tempore absumat, vt exemplis probant Ioan. Hugo Linchor-tius *lib. 1. nauigar. sue, cap. 1.* Zonaras *tom. 2.* scribit sub Gallo, & Volusiano Imp. pestem ab Æthyopia exorientem, omnes Romani Imperij prouincias peruasisse, & per 15. continuos annos incredibiliter exhaustisse. Firmant plurimis historiis Paulus Orosius, *lib. 7. cap. 15.* Bónifius *decad. 1. lib. 8. annal.* Riolan. *lib. 2. meth. cap. 19.* Eua-grius *lib. 4. hist. Ecclesiast. cap. 29.* Gulielm. Grattarollus in *descript. pestis.* Nicephorus *lib. 3. hist. Ecclesiast. cap. 11.* Crucius *lib. 11. parr. 1.* Leonclavius in *pandect. hist. iuric.*

n. 130. Ioan. Vvolffius *centur. 1. 1. memorabil. lectio.* Blondus *lib. 7. decad. 2.* Lypsius *lib. 2. de const. c. 23.* Baronius *tom. 2. annalium, anno. 263. sub Galieno Imperatore,* tantam Romæ extitisse pestilentiam refert, ut vno die 5000. perirent, & Fracastorius in Siphilide memorat anno 1348. ita diram inualuisse pestem, ut vix quartam gentium partem intactam reliquerit.

Sed antequam progrediamur ultra, & finem faciamus, admirari licet Plinium *lib. 7. natural. hist. cap. 50.* dicentem pestilentiam nunquam ferè inualefcere nisi hyeme, ita tamen ut ternos non excedat menses, quod pronunciatum falsum esse non erit operosum demonstrare: nam in omni ferè terrarum tractu pestiferæ sunt quædam regiones, à quibus, aut nunquam, aut rarò pestis auellitur, vnam solam excepit Scaliger, *exercit. 3. 2.* quæ huius est expert maledicij, nempe ora illa occidentalis Æthyopiæ, quæ Nigrit accolit fluuium, cum tamen calidissima sit. Deinde quædam loca ferè semper laborant peste. Accedit quod multæ pestes triennium durarunt, aliæ septennium, aliæ quinquagesimum superarunt annum, ut illa quæ commemoratur ab Euagrio sub Iustin. Imperat. *lib. 4. hist. Ecclesiast. cap. 39.* & Nicephoro *lib. 17. cap. 18.* totum ferè orbem depasta, quæ nec certo, aut definito tempore grassari cœpit, sed alicubi ineunte hyeme, alibi æstate, vel autumno, & interdum vere, Ticinum inuadens, occupauit, tres tantum menses calidissimos, Iulium, Augustum, & Septembrem, de qua Paulus Diaconus *lib. 6. de gestis Longob. cap. 2.* Iisdem argumentis, atque historiis Plinij repudiatur effatum firmantis pestem ternos menses non excedere, ut ex plurium mente auctorum firmat in auctorum lectione veratissimus Ionstonus *claf. 2. Thaumograph. cap. 2. art. 3.*

Fallitur etiam quum profert senes minimè pestilentiam sentire: Nam in pestibus iam commemoratis non excipiuntur ab interitu senes: & hoc videtur ridiculum, cum quoridianum experimentum contrarium monstret, & nos scimus multos senes peste periisse. At cur non? an quia frigidissimi, & siccissimi, quæ qualitates, putredini, & contagio reluctantur valdè calore autem, atque humore gigni pestilentiam. Cur igitur hyeme incipiet? cur sæuiente canicula maximè grassabitur, quæ summè est siccitas? neque humiditate semper fit, neque calore, tolleretur enim desiccatione, & frigore: non auferri autem præter experientiam, docuit aduersus Cardanum breuissimè Scaliger *exercit. 94.* & quæquam siccissimi sint senes, humore carentes natiuo, atque vtili, sunt humidissimi tamen, quod humiditate abundant, non bona extrinseca, & aduentitia: quare senes peste tentantur, ut probant inter multos Ianus Antonius Saracenus *tract. de peste in med.* Ioan. Guinterius Andernacus *dialog. 1. de pest. fol. 64.*

Fallitur deinde quod putatur à meridianis partibus ad occasum Solis pestilentiam semper ire, quod Plinij pronuntiatum ab ipso met Plinio arguitur mendacij. Narrat enim *cap. antecedenti. 37.* ab Hippocrate venientem ab Illyriis pestilentiam prædictam: non ergo pestis à meridianis partibus ad occasum semper it, cum Illyris Epiro, & Macedonia finitima, si ratio habeatur Græciæ, in occasu sit, & Amm. Marcel. *lib. 22.* commemorat Seleuciæ direpto, & aperto templi adito quodam Chaldæorum tabem exiluisse incurabilem morborum, qui ab ipsis Persarum finibus adque Rhenum, & Gallicis omnia fœdarit. Scimus præterea pestem anni 1514. à foro Iulio ad finitimas regiones peruagatam, anno 1524. ab ipsa Italia natam: anno 1576. ex Germania, siue ab Heluetiis importatam. Scribit Iacobus Mejerus in *Chron. Fland.* in Belgis perpetuò pluuisse ab idibus Octobris ad Aprilem usque mensem, mox grauissimam ortam pestilentiam, quæ magnam consumpsit partem mortalium, ut anno 1025. natam in Germania cum fame, qua tertia pars hominum confecta, ut Io. Cuspinus adnotauit, quæ sanè pestes à meridianis partibus ad Solis occasum non incubuerunt. Quo pacto errauit Plinius, quicquid Ioan. Bodinus *5. cap. meth. histor.* fideliter non descripserit ab ortu ad occasum ferri pestem narrans à Plinio dici. Neque

A Annibal Codretus etsi hunc locum satis expliciter diligenter, non tamen ab errore Plinium liberauit, sicut Dalechampius, aut Ferdinandus Pintianus, qui Plinij verba ad libitum inuertunt. Consule veratissimum Mercurialen, *lib. 5. variar. cap. 7. in fin.*

Quid referam grauissima, eaque immania symptomata, quibus peste oppressi premuntur, & diuexantur, quæ omnia quàm sint horrenda, & in nullo reperiantur morbo perspicier, qui attentè ea contempletur: nam præter pulsum, & vrinam, & quibus in aliis morbis certum quid, & definitum coniectare licet, in hoc incertum, & prorsus fallax, quoniam cum signis optimis, & certam salutis spem pollicentibus ægros perire contingit. Respiratio est frequens, & graueolens, sitis intensa, cibi fastidium ingens, bilis vomitus, præcordiorum distentiones, dolores vehementes, cordis morsus, sudores multi, cordis palpitatio, extremorum frigiditas, stillæ à naribus, ætus in thorace, linguæ adustio, scabrities, & nigrities, delirium, animi deliquium, syncope, vigilia importuna, animi, angor, aponia, sopor, horrores, læuitares intestinorum, exulceratio, tormina, & alia quæ narrat Paulus *lib. 2. c. 36.*

Quid describam interiorum membrorum inflammationes, oris, ginginarum, palati, gulæ cacoëthica vlcera, quæ usque ad pulmonis venas depascentia, lethales excitant hæmorrhagias, exesis, disruptisque huius visceris vasis, & usque ad ventriculum serpentina ægros cum singultu, anxietate, exolutione, cardiogmo, vomitu, fastidio summo anhelitus fœtore, pulsum abolitione de repente è medio tollunt.

Si verò in medio conflictu, & pugna, natura à causa morbifica agitata, stimulataque excretionem molietur, sed eam irritam, & symptomaticam, ut non desinat portio veneni reliqua, serpente, paulatimque augescente noxa, in cordis substantiam ipsam tamdiu debacchari, tunc vel venenum internum prorsus interimit, vel natura vltimis suis viribus utens, venenum ipsum ad extimas debilesque corporis partes, maximèque ad cutem excernit. Quoties igitur vnus, duo, pluresue, aut omnes humores, facillimè veluti furentes excandescunt, & concipiendæ venenatæ qualitati apti redduntur, tunc in cute varia tubercula, & excrescentiæ oriri consueuere, quæ in processu morbi halitus venenosos ex se fundunt, qui communicati partibus principibus eas lancinant, & premunt.

Tunc augescente, vigentique malo præter bubones in adenum locis erumpentes, de quorum natura *infra* proponemus plura, oriuntur pustulæ vlcerosæ, & siccæ, à bilioso, acrique humore pronatæ, effere, stigmata, vibices, puncticulæ, ignis sacer, herpes miliaris, formica, phlyctænæ, pruna, carbunculus venenosus, à sæculento, crasso, effervescente, ac præ adustione in bilem retorridam conuerso excitatus: hæc omnia comitantur sæpe eruptiones aliæ partim latæ, & humiles, colore rubræ, aut purpureæ, partim etiam sublimes, quæ infantibus, aut pueris sæpe, grandioribus rarò non modò extrema cute efflorescunt, sed & viscera, musculos, nervos, cæteraque interiora obsident, Plinius papulas vocat, Alzaharaius Algidra, & Alhasba appellat, Arabum interpretes variolas, & morbillos nuncuparunt.

Non minori cum periculo pestilentie tempore per summam cutem expullulant pustulæ, seu vesiculæ ex sanguine serosiore, pituitosiorene, simul & biliosiore parte, eademque venenata prorumpentes, quæ Græcis Ecthyrata dicuntur, colore variæ, ita ut quandoque nigra, liuidæ, aut etiam pallidæ conspiciantur. Pruriginosæ quidem omnes: at modo ruptis, is in subiecta carne vlcuscula se produnt sanie manantia, & carbunculorum imitata naturam; quæ modo absque vlcere nota tandem sponte in squammas siccescunt, & feruore, inflammatione, immanique dolore ægros excruciant. Hæc omnia quàm sæua sint, & diram afferant perniciem, vigente peste, eleganti oratione ostendit Fernellius *lib. 4. patholog. 17. & 18. & 2. de abdit. 12. & 13.* & Ioan. Riolanus, huius auctoris doctissimus paraphrastes in com. explanat.

Omitto alia ferocissima damna, quæ in medio pestis A  
feruore ægros, eorumque vires labefaciunt, nempe tumores ædematoïdes qui in cararrhosis defluxionibus pestiferis in iugulo, thoracæque apparent, & tussi, dolore capitis, & subita suffocatione ex tempore iugulant, de quibus egit Schroterus *thematæ* 30. & 31. de peste. Multoties accidit in cuteliuor, ex quo extimarum partium morticinium consequitur, sicut ex carbunculo gangrena lethalis sapissimè oritur; aliquando partem putredine absumit. Sic pes è tibia, & brachium à scapula diuulsam visum est, vt refert Palmarius *lib. de peste, cap. 27.*

Quid proponam mala quæ ex peste relicta miseros mortales diuexare solent? Nam præter ea quæ proposuimus, *lib. 1. in com. hist. 41.* de memoria amissa ex peste, sæpè vidi in statu pestilente citra dolorem vllum, nullaque præcedente liuedine loci, crurum mortificationem, quæ serpente altius veneno subito interfecit, aliquando cum crurum abscissione vitam ægri redimebant. Hoc modo confluyente humore venenoïo ad pedum extrema, & ob sui deleteriam vim, aut copiam, innatum patris calorem extinguente, vel suffocante, sequiturque sphacelo summos pedes computruisse in hac historia asseuerat Galenus, cui malo ne in superiores partes serperet putredo, præsentaneum auxilium erat pedum abscissio: quo pacto Thucydides tempore plures post pestem remanserunt, sine virili, oculis, & pedibus. Ita referente Lucretio.

*Vinebant ferro priuati parte virili*

*Et manibus siue nonnullis, pedibusque vinebant,*

*In vita tamen, & perdebant lumina partim.*

Ingentis putrilaginis est exemplum hoc, quæ nullis vnquam auxiliis putredinem coercitibus sed per abscissionem potuit refrænari. Hæc dira putredo cum summa malignitate coniuncta, pustula nigra in talo apparente biduo mortem in Critone accelerauit, vt narrat Hip. *1. epid. sect. 3. text. 26.* quem correptum fuisse venenosa febre grauissimi huius loci interpretes Vallesius, & Mercurialis testantur *in com.*

Denique vt semel concludam. Omnium morborum symptomata, extincto ægro quem opprimebant, cessant, at verò in cadanere peste enecto adhuc contagium superest, tanta est veneni pestiferi vis, ac efficacia, vt post mortem etiam inolefcat: Nam cadauera peste emortua esse contagiosa probauimus *lib. 2. in com. hist. 89.* & firmat Forestus *lib. 6. de febrib. schol. 28.* quare nullus morbus fauor peste, nec rabies ipsa, cuius contagiosi veneni tam maxima est vis vt per multos dies, & annos non exolefcat. Verum rabies non tam miserandas concitat clades, & solum contactu, & fomite est contagiosus morbus, & non ad distans, vt pestis, cuius renacissimus, summèque virulentus vapor longissimas prouincias peruadit, eleuatus ex insigni putredine, quæ gradu, & malignitate ab aliarum putridarum febrium putredine differt, vt docuit Gal. *lib. 6. epid. sect. 1. com. 29.* & replicat ingenuè Sepralius *lib. 1. de peste, cap. 16.*

Ex quibus clarissimè inferri potest. pestem inter omnes morbos esse deteriolem: nam ita eminenti quodam veneni, & contagionismo emicat inter omnes, vt omnes superet, de cuius contagij dira vi agit egregiè Theodorus Beza *tract. de pestis contagio, & fuga.* Quare non possum non mirari Belgas: viros aliqui prudentissimos, & humanissimos, qui cadauera peste emortua in templis sepelire iubent, quem morem obnixè redarguit ob multas causas Andreas Riuerus, qui de pestis contagio egit eximie.

Igitur pestis est morbus atrocissimus, & omnes alios superat atrocitate sua, vt ex Iureconsultis testantur Ripa *lib. de peste, part. 1. num. 5.* Maleardus *conclus. 20. num. 4.* tom. 1. ex nostris Alexand. Benedict. *de febre pestifer. in præf. Fumanel. de peste cap. 1.* Hucherus *lib. 4. de feb. cap. 2.* quare per antonomasiam, maiorum morborum maximus nuncupatur, vt ex plurium mente auctorum firmat Paulus Zacchius, Medicus, & Iureconsultus celebratissimus *lib. 3. quest. medico legalium, tit. 3.*

*quest. 1. num. 20.*

\*\*\*

## HISTOR. XLVII. GALENI, de peste.

Galenus peste sæua affectus, cæteri que omnes illius exemplo, cruribus scarificatis, ab ipsa eualerunt.

ET sanè dum pestilentia vehemens Asiam deprehendisset, multosque perdidisset, inique etiam morbus attingisset, secunda morbi die, remissione febris facta, crus scarificauit, & duasque ferè sanguinis libras detraxit: hæcque de causa periculum vitauit. Plerique igitur etiam alij hoc præsidio vsi superstities euasere, erant autem plenitudinis signa, illique præcipuè seruabantur, qui sanguinem copiosum exhaurebant, &c. Galenus *lib. de cucurbitul. & scarification. &c. cap. 20.*

## QVÆSTIO XLIII.

Vtrum in peste ex partibus inferioribus sit aliquando emittendus sanguis, vt contra Galenum opinantur Fracastorius, Fernelius, Paræus, Salius, Cardanus, Palmarius, & plurimi medici eruditissimi.

## COMMENTARIUM.

D Vāsque ferè sanguinis libras detraxi.] Hanc de peste historiam Apollonio putat Gadaldinus adscribendam, sed ego malo cum pluribus errare, qui in suis de hoc morbo propositis libellis, hanc ex Galeno sæpè recitant, quàm huius enarrationem prætermittere, quæ in opere practico multæ est utilitatis, & summi vlus. In ea enim proponitur obseruandum præsidium magnum, nempe sanguinis missio, quod magno morbo, & extremo, qualis est pestis ex aduerso repugnat. Ergo si contrariis remediis, contrarij morbi sunt curandi, non dubitabo, nec dubitavi vnquam, immò cum scilicet euentu exercui sæpè grassante pestilente lue sanguinem emittere, maxime si adsint plenitudinis signa, vt Gal. retulit, aut morbosus in corpore adsit apparatus, ex sanguinis, aut aliorum humorum copia congestus, vires valeant, ætas sit florens, venæ sanguine turgant, & alia signa adsint quæ sanguinis missionem dehortantur: quæ quæstio non de Apollinis barba, Iunonis peplo, Veneris cesto, Palladis speculo, aut Helenæ comis, sed de auxilio hominum salutari tam necessario est instituta.

Hoc præsidium esse præstantissimum, ac necessarium præsertim in principio administratum, suadet Hippocrates, *lib. 6. epid. sect. 7. text. 1.* in recès occupatis Ralario interprete. Vbi Hip. in pestilentiæ aëris constitutione, in qua nonnullis angina, peripneumonia erant pestiferæ, aliis dolores manuum violentissimi, lumborum, crurum, femorum, surarum, qui ad resolutionem perducebant, memoriæ tradidit, primò se in talibus venam secuisse. Etsi ingenuè fateatur, hæc, & multa alia quæ probauerat, nullum notabile auxilium attulisse. Quæ illustris explanator Galenus ad finem commentarij exponens, sic fatetur. Atqui huiusmodi erant præsidia, quæ se admoisse Hip. scribit, nec tamen superare morbum potuerunt: nam quæ superueniebant symptomata maligniora erant, quàm vt remediis cederent, atque talis erat pestilentis aëris constitutio, & infra subdit. Nec id tamen culpa medica artis contingit, sed quia ipsorum morborum malitia cuncta superabat. Nihil enim Hippocrates non fecit, vt remedium adhiberet. Ac si totum corpus esse plenum inueniebat, utebatur vene sectione: si vero corpus qualitate peccantes succos ad locum mandabat, purgabat, & peracta communi curatione, ad loci propriam accedebat. Hanc sententiam probant Ruffus apud Oribas. 6. *synops. 25.* Auenzoar. *lib. 2. thez. ir. tract. 3. cap. 1.* Rhafius 3. *cont. tract. 13. cap. 2. & lib. de pestil. cap. 6.*

Auicenna sic suam expendit sententiam, 1. 4. *tract. 4. cap. 4.* summa curationis pestilentiæ febrium est exiccatio, & illud



illud cum phlebotomia, & solutione ventris. Et oportet ut incipiat in ea ad euacuandum. Si autem materia vincens fuerit sanguis, fiat phlebotomia, et si fuerint humores alij, euacuentur. Hanc doctrinam amplectuntur Ioan. Costarus, & Paulus Mongius in com. Ludouic. Mercatus lib. 7. de febr. c. 1. de febre pestilenti, c. 1. Ludouic. Septalius lib. 5. de peste, c. 14. Vaczius lib. de epidemia pestil. c. 4. Paschalius, & eius Scholiastes Pereda lib. 2. methodi curandi morbos c. 9. Mercurialis lib. 17. de febr. c. 17. de febr. malignis. Roderic. à Fonseca in methodo curandar. feb. quas Iacchinus omisit, c. de curat. malefica feb. Ianus Anton. Saracen. tract. de peste, fol. 188. Guinterius Andernacus dialog. 2. de peste, fol. 98. & 141. Massar. lib. 2. de peste in med.

Nec desunt validæ rationes, quibus hoc placitum confirmetur: quoniam si plethoricum corpus sit, & pestis ex sanguine, aut humoribus cum multo sanguine permixtis originem ducat, querendum est auxilium quod transpiret corpus, & sarcinā leuet, quale est phlebotomia, ex Gal. 2. aph. 29. & 1. feb. 4. & cum febris putrida maiori ex parte in peste adsit, ut ex Hip. & Gal. auctoritate probarunt Oddus de peste c. 12. Rudius lib. 3. art. medic. cap. 30. Lidellius Scorus lib. 3. de feb. cap. 9. Diomedes Amicus lib. de peste, cap. 14. Manardus 2. epist. 1. & alij, necesse est ob febrem, ardorem interorum, obstructionem sanguinem emittere: cuius ope refrigeratur corpus, 1. c. meth. 10. & noxius humor vacuatur, 4. de sanit. 10. & 4. aph. 2. & 8. meth. 4. quapropter phlebotomia cum fomitem malignitatis, ac putredinis, sanguinem nimicum, qui facillimè ob copiam, calorem, & humiditatem, putredinis labe fœdatur, euacuet, tutissimè in hoc modo erit exequenda, eius enim beneficio ne ampliùs putredo serpat, & incrementum capessat, auertemus. Deinde cum hæc febris copulata sit cum abscessibus, carbonibus, & bubonibus, oportet à parte affecta reuellere, & euacuare, ut natura tanti auxilij potestate, ac vi deonerata humorē concoquere possit. Hoc euidentissimè probat Manardus 5. epist. 3. ad fin. Ut ergo remedia profint deobstruentia, auxiliantur sudorifica, alexipharmaca præstent vtilitatem citissimam, necesse est prius sanguinem aperta vena effundere.

Sed ex aduersa parte obstat grauissimorum auctorum sententia, quam acriter defendunt Fracastorius lib. 3. de morb. contagiosis, c. 7. Fernel. 2. de abdit. 2. Paræus lib. 21. de peste, c. 24. Petrus Salius lib. de febre pestil. cap. 21. Cardan. lib. 2. contradi. tract. 4. cont. 4. Palmarius de febre pestil. 23. Heurnius lib. de peste, c. 9. Raymundus à Vinario, Minderus lib. de peste, c. 14. Andreas Chiocchus in com. quest. de febre maligna, & morbis epidemicis, c. 3. Andreas Treuilius lib. de caus. sig. & curat. feb. pestil. & alij, qui nunquam in peste esse feriendam venam pertinaciter contendunt.

Primò, quod venenum pestilens solùm alexipharmacis possit deuinci, & iis quæ à proprietate occulta veneno resistunt. Secundò, quod cæterorum omnium venenorum curatio minimè per phlebotomiam perficiatur: & sic eam non consulunt Dioscorides, Paulus, & scientissimi Medici. Terriò, quod ope sanguinis missionis non possit extrahi foras venenum circa cor tenaciter adhærens. Quartò; quod effuso sanguine sæpe laudabili, exhaustisque vitalibus spiritibus vires eneruentur, adeò ut ferendo deinceps morbo superesse nequeat. Quintò, quod vtilis naturæ motus per sudorem, vomitum, hæmorrhagiam, aut per externos abscessus venæ sectione distrahatur. Sextò, quod hæc ratione omnibus pueris, gravidis, & senibus sanguis sit mittendus, quum tanto occupantur morbo, in quo statu ob imbecillitatem sanguis mixti non potest. Septimò. Quod vi phlebotomiz agitantur noxij succi, & permixti spiritibus vitalibus in cor promptissimè irruunt. Octauò. Quod in locum vacuati sanguinis venenum attrahatur ad manitas venas. Nondè. Quod nec Hipp. nec Galenus, aut Arabes de hoc præsidio faciant commemorationem vllam. Immodò Cellius lib. 3. cap. 7. id interdicit. 5. Non facile sanguinē mittere, non facile ducere aluum. Decimò. Quod tumores in extima corporis superficie geniti ad interiora recurrant. Vndecimò. Quod citati auctores hoc præsidium sæpe noxam attulisse assuerent: se enim sedulò obseruasse affirmant, omnes peste correptos qui

Lib. IV.

bus sanguinis missio fuit adhibita, periisse, reliquos solis adiutos alexipharmacis fuisse seruatos. Duodecimò. Quod in pestilenti lue adsit diarrhœa maligna, & dysenteria læua, in quibus affectibus sanguinem non esse mittendum Galenus edocuit, 1. ad Glauc. 14. & 4. acut. 116. Decimotertiò, quod lib. de cibis bonis, & mali succi cap. 1. Galenus laudet Medicos, qui in peste paucissimis ausi fuerunt sanguinem emittere. Quare multò melius censent pugnandum esse antidotis, cardiacis, & alterantibus præidiis, quæ malignæ qualitatis efficaciam retundunt, spirituum, humorumque agitationem temperant, & feruorem compescunt, quàm celebrata venæ sectione, resolutio calore nativo, à deleteria aura depopulato ægrum exolutis viribus extingui.

Sed hi ut rustico veluti timore perciti, immò si fas est dicere, insolentes, meritò sunt conuellendi, qui in peste nunquam esse sanguinem mittendum assuerant. Idcirco si vires sint validæ, suppressaque sit aliqua vacuatio consueta, & æger copioso sanguine abudet, carnosus sit, bene educatus, in initio potest tutò aliquando sanguis emitte. Sed quia suis argumentis irretiti catholicum, idque perpetuum statuunt rheorema, cum sit euidenter falsum, idèd in re momenti tanti, ea seriatim sunt soluenda.

Ad primum dic: Quando pestis non solùm venenata qualitate, sed magis intensa putredine cor fatigat, tunc ni vniuersalia præidia exequaris, alexiteria parum iuuant, nam præ copia venarum ductus obstruuntur, per quos adstrictos, cardiaca vis, impetu maiore in viscera, principisque partes sese insinuare, ac vires vi morbi labefactatas, fractasque fouere, ac tueri nequit, quo pacto necesse est prius copiam demere.

Ad secundum dic. Falsum supponere: nam in curatione venenorum non solùm cardiaca profunt, sed sanguinis missio est vtilis, ut probat Auic. 6. 4. tract. 1. c. 4. in med. 5. Et si indiget phlebotomia, phlebotometur, & c. hoc est, si signa repletionis apparuerint, ut explicuit Rhazius lib. 8. ad Almanf. cap. 1. est etiam vtilissimum hoc præsidium, tum ut parum veneni vacuetur, tum maximè, ut pabulum ei auferatur. Quare si nihil prohibeat, & corpus sit sanguineum & venena relinquant accidentia aliqua inflammatoria, vtile, & necessarium est sanguinem emittere, ut firmitat Mercurialis lib. 1. de morbis venenosis cap. 21. & 22. Deinde dispar est ratio in hausto veneno, & pestilenti: illud enim in ventriculo stabulatum, vomitu, aut purgatione expellitur, pestilens verò in venis impactum simul cum sanguine attrahitur, quare veneno in venis existente Paulus lib. 5. cap. 2. sanguinem mittit. 5. At si per corpus venenum fuerit dispersum, sanguis statim dimittendus est.

Ad tertium dic: nullum esse auxilium adeò efficax ad extrahendum foras materiam venenosam firmiter circa cor, visceraque præcipua adhærentem, quàm phlebotomiam, quoniam apertis venarum tubis, sanguinè omnesque indiscriminatim humores maligna labe fœdatos, successiue, paulatim, facile; & citra violentiā vllam exhaurit. Hoc pacto ad euacuandum humorem in internis inflammationibus corporis, vel remotissimis impactum, ut cerebri, cordis, iecoris tantoperè ab auctoribus celebratur.

Ad quartum dic: cuilibet vacuationi annexum esse casum virtutis, & maximè illi quæ sit per phlebotomiam: at verò nos vires validas præsupponimus, citra quarum præsentiam non est imperanda sanguinis missio, quæ licet debilitet, hoc habet cum reliquis præidiis, quæ plus iuant, quàm nocere possint. Neque timeas venæ sectionem quod laudabilis sanguis vacuetur: quoniam cum multis de causis id contingat, videndum num experientia sit bona: sæpe enim sanguis quantitate exuperat, & in initio præsertim morbi non est putrilagine infectus, aliquando later altius putredo, & est in profundo corporis recondita, quare contingit persæpe ut prima vice exeat inculparus, & in secunda vitiosus, niger, & putridus emanet.

Ad quintum dic: verum non esse vacuationes sponte à natura tentatas impediri à venæ sectione, immò si asseris eas huius ope iuari, vera pronuntiabis: quoniam deonerata natura à sarcina, qua opprimebatur,

SSS

excernit

excernit id quod expellit est habile, vt 11. *metb. cap. 15. di-* A  
*tauit Gal. qui lib. 9. metb. cap. 4. & 5. & 1. apb. 23.* sanguinem mittit vsque ad animi deliquium in ardentissimis febribus, vt refrigeretur totius corporis habitus, & sudores emanent, & rumpatur aluus, quoniam leuata natura per varias regiones peccantem humorem eliminat, cum ægrotantis commodo.

Ad sextum dic: in senibus, grauidis, & pueris hoc morbo tentatis tutissime celebrandam esse venæ sectionem: nam præter insignium auctorum experimentum Celsus vulgarissima, memorabili tamen confirmat sententia, *lib. 2. c. 10. de sanguinis detractioe per venas*, qui postquam in iis phlebotomiam esse vtilem, & citra noxam longa oratione stabiliiuit, in hæc verba prorumpit. *At firmus puer, & robustus senex, & grauida mulier valens, tuto curantur, & nos ex veterum, & classicorum mente satis probauimus lib. 1. in com. hist. 32.*

Ad septimum. Licet vi phlebotomiz agitentur noxij succi, quia maiore impetu ad locum sectum mouentur, & natura ob dolorem, frictionem, & ligaturam furentem humorem extra corpus expellere conetur, quæ excretio citra motum, & agitationem fieri non potest, tamen hoc est in primo sectionis impetu, deinde vacuato virulento humore, & recreata natura, & immuni facta à malo tanto, quies subsequitur. Sic dicebat Auic. 4. 1. *cap. 20. & scias quod phlebotomia est conturbans donec quiescat.* Deinde si ob hanc rationem repudiandum hoc auxilium esset, etiam cætera vacuantia præsidia essent inutilia, quæ cum agitatione humorem exhauriunt, vt purgatio, vomitus, clyster, cucurbitulæ humidæ, quæ cum approbentur, quia cum maiori vtilitate humorem attrahant, quam sit noxa quæ ab illis inferri solet, iccirco iure, & necessitate sunt admittenda.

Ad octauum dic: ridiculum esse, quod loco sanguinis extracti sanguis venenosus attrahatur ad inanitas venas: Nam si corpus sit plenum vitiosis humoribus, qui cum sanguine sint permixti, venæ inanitæ concidunt, & remanent in veteri illa sua proportione, quam in statu naturali obtinebant, maximè cum naturâ leuata deleterium humorem non attrahat, sed à se longè expellat, pessimus enim est, & à sui mediocritate, & perfectione alienus, quare eum vt inutilem non allicit, sed respuit.

Ad nonum. Mirum est quod aduersarij auctoritates non viderint tam firmas, quibus non assentiri nefas est: firmat meritò Gal. aut si mauis Apollonius, auctor grauissimus hîc, dum sanguinem emittit copiosè scarificato crure, ad stipulantur Celsus *loco iam citato*, qui dum documenta proponit, quo pacto pestilentes febres curari debeant, sic ait. *Si vires sinunt, sanguinem mittere optimum est.* Subscribit Paulus *lib. 2. cap. 36. §. Quibus autem sanguis abundauerit, secare venam oportet.* Insuper Gal. *lib. 1. epid. sect. 3. com. 6.* miratur Hippocratem, cur in Critone cui pustulæ nigræ ad talum eruperunt, non secuerit venam in initio, quem ægrum laborasse febre pestilenti, & venenata, firmant Vallesius *in com.* Trincauellius *lib. de febre pestilenti lect. 110.* Mercurialis *in com. cit. histor.* qui ab Hippocrate factam fuisse venæ sectionem, sed ipsum eam siluisse asseuerat, quia res erat manifesta in hoc morbo venæ sectionem esse summè necessariam.

Aliqui ex citatis auctoribus perfrita fronte Græcos, Arabes erroris insimulare non cessant, quod sanguinem in peste emisserint: hos, tanquam peruicaces cum sua opinione relinquamus, qui cum magistri sui rectè tamen opinantis dedecore, gradum sibi parant ad gloriam. Alij Critonem peste non fuisse tentatum asseuerant. Sed obstant febris vehementia, cita pedis corruptio, nigri humoris excretio intempestiua, insania ilico superueniens, mors veluti repentina, quæ signa vt deterrima sunt, & malignissima, ita maleficientissimam febrem quarto die, aut citius interimentem manifestè ostendunt, si Hippocrati adhibemus fidem *lib. 3. prog. text. 2.*

Ad decimum dic: quod tantum abest, vt tumores in extrema corporis superficie geniti ope phlebotomiz ad interiores partes recurrant, quin potius leuata natura, si valent vires, quas non esse deiectas præsupponimus, ad par-

tes externas detrudat. Hoc modo in variolis, & morbillis, sanguinem euacuat. Auic. 1. 4. *tract. 4. c. 10. §. Sed quando procedunt variolæ non oportet tunc vt administraretur phlebotomia, nisi inueniatur vehementia repletionis, & dominium materiei, tunc enim phlebotomizatur quantitate quæ alleuet, seu minoret, &c.* Deinde Auenzoar *loco cit.* emisit sanguinem in iuvene phlegmone pestilenti correpto, sciens motum naturæ, quem imitandum præsci monuere, ab intimis ad extrema non impediri: quoniam sanguinis missio cum contraria sit purgationi, sicut hæc à circumferentia attrahit ad centrum, sic illa attrahit modo contrario, & extra corpus peccantem humorem eliminat.

Et vt videas quanta in caligine versentur, audi Galenum, qui 6. *epid. sect. 2. com. 30.* sic ait. *Tantum illud non esse satis est, succos ad cutē vergentes per eam esse vacuandos: nam iterum ad intima corporis reuersio ipsis valde longinqua est, vt per aluum, aut vomitū euacuentur. Sed forsitan me dicere putabis nunquam purgatione per aluum in talibus videndum esse. Ego verò non id dico, nam in libris de arte curandi, in quibus corporibus permulta humorum copia inest, iis vtile esse purgationes didicisti: priusquam enim ita redundantiem materiam, aut vena scissione, aut purgatione quis eduxerit, si sonēs, hoc est calidis vitens ipsam discutere conetur, plus attrahet, quàm per cutem euacuet, &c.* Ex qua serie dilucidè patet Medicos rectè procedere, qui in externis abscessibus, aut cutaneis aliis affectibus prius sanguinem mittunt, quos in hoc imitari Hippocratem & Galenum nullus negabit, qui horum auctorum loca penitauerit ad vnguem.

Ad vndecimum dic: non negandum esse experimentum peritorum, qui artis vsu enixi obseruarunt in regione quadam, aut vrbe nocuam fuisse in peste venæ sectionem: sed febris hæc erat, aut diaria, aut hectica pestilens, in quibus cum vires fatiscant, & spiritus vitales sint veluti extincti, & venenata, occultaque mala qualitas altis sit in corpore defixa radicibus, cordisque atonia sit labefactata nimis: quis sanguinem mittere audebit? nullus sanè nisi insanæ mentis compos: quoniam in hac nulla sese ostendant plenitudinis signa, sed adsunt deterrima symptomata, quæ Medicum à tanto remedio deterrent. Pulsus sunt languidi, parui, frequentes, celeres, inæquales, adest syncope, anxietas, exolutio, extremorum frigiditas, vrinæ similes sanis, sitis non opprimit, febris non est admodum ardens, immò ægri nec se febricitare putant, & plerumque sine manifestis putredinis signis, aliquando sine sensu doloris inopinatò occumbunt: in hac si sanguinem emisseris, ægrum præcipitem dabis in mortem, quum hæc venenata febris belzaartica, & cardiacis sit debellanda. Ergo sicut vtile est aliquando in peste sanguinem emittere, sic aliquando impium, crudele, & temerarium, vt perdoctè notauit Donatus Santorus *lib. 1. epist. 2.*

Ad duodecimum dic: quod si vires consentiant, etiam fluente aluo licet aliquando sanguinem educere: hic enim motus symptomaticus est, & irritata natura concitatus, quo pacto non est iuuandus. Si verò fluente aluo timuit Galenus venæ sectionem, intelligendus est, si criticè fluat cum conferentia, & tolerantia, quare cum alui profluuium sit in principio factum, non est iuuandum. Lege quæ de hoc negotio diximus pro Galeni tutela, *lib. 2. in com. hist. 81.*

Ad vltimum dic: Meritò in illa tempestate Medicos non fuisse austos sanguinem emittere, quia vires erant debiles, ex ingenti fame præcedente exhaustæ, & corpora cacochema latis, & vitiosis humoribus planè repleta, & venæ sanguine inutili, crudo, & mordaci turgebant. Et licet tunc non adesset pestilens constitutio, vt illi arbitrantur, tamen inutile erat sanguinem emittere, quia humores erant à natura sanguinis prorsus alieni, in quorum præsentia reproba est sanguinis missio, & prorsus nulla, vt 4. *de sanit. tuend. cap. 4.* probauit Galenus, & firmat Auic. 4. 1. *cap. 3. §. Cum sanguis alicuius fuerit bonus, humores autem crassi, & crudi, à phlebotomia tibi cauere debes: nam phlebotomia bonum rapit, malum relinquit.* Quare aliquando ex veterum & recentiorum mente in peste est secanda vena, vt perperam alij sunt opinati, qui nunquam in

illa hoc auxilium esse celebrandum sibi persuasere.

Sed ex qua parte sit sanguis emittendus inquires obnix: Dic: quod si vniuersum corpus occupet affectus, nullamque natura ad partem determinatam tentauerit vacuationem, morbusque sit in initio, tunc citra dubium ferienda in talo est vena: nam reuellit, euacuat, ad ignobiles partes humorem malignum attrahit: vehementius enim sic remouetur, & reuellitur sanguis maligna qualitate infectus à corde, & cerebro. Simili modo maximam opem fert inferiorum partium scarificatio, crurum, femorum: Nam præterquam quod vires minus exhaurit præsidium hoc, potentissimè reuellit à corde, & partibus superis, & minuit plenitudinem, 2. ad Glauc. 7. & 2. aph. 17. §. Qua vero sit per tibiarum scarificationem proxima est vena sectioni. Eisdem commoditates complent hirudines hæmorrhoidalibus venis appositæ, maximè si sufficienter per maiores venas sanguis sit extractus, aut pro maiori vacuatione vires non adsint, tunc extractio sanguinis quæ sit per sanguisugas profundior est extractione, quæ sit per ventosas, dicebat Auicenna 4. 1. cap. 20. de quorum præsidiorum vtilitatibus eximii, cum plura pro curatione variorum morborum, & pestis à me sint prolata, lib. 1. in com. hist. 4. & lib. 2. in com. histor. 89. non est cur modo in iis explicandis tempus absumamus.

Sed circa historię expositionem prima sese offert difficultas. Cur in plenitudine commendauit scarificationem cruris, & sectionis venæ non meminerit, quæ in morbo acuto, extracto sanguine per maiores venas plenitudinem citissimè deponit, quæ enim celeriter fieri debent, celeriter peragere oportet, ex Hipp. 1. acut. 8. Dic: fortè magis commendat scarificationem in peste, quod hæc, cæteris partibus, minus eneruet vires, quàm venæ sectio. Quo pacto tutius, & securius iudicauit hanc copiosam vacuationem, & vique ad animi defectum factam exercere, per scarificationem, quàm per venæ sectionem, quia sectis amplioribus venis maior spirituum copia exhauritur, quàm si capillares venæ incidantur: Semper enim solliciti esse debemus, ne vires tantoperè dissoluantur, & maximè in peste, in qua ipsæ absolute fortes esse non possunt.

Secunda difficultas. Cur ad celebrandam venæ sectionem, remissionem febris expectauit, si in morbo acuto, suæque sæuitie perniciem minante, vel etiam in augmento febris, ob imminens ex procrastinatione periculum illico erat exercenda: Nam in valde acutis præsidia, sine mora sunt peragenda, tardare enim in talibus, malum? Dic: quod licet in peste, quæ ob sui magnitudinem, & malignitatem celerrimum periculum minatur, venâ sine cunctatione sit secanda, si vires valent, & sanguis abundat; tamen in incremento febris sanguinem mittere non est rationi consonum, sed melius est remissionem febris expectare, & per remissionem febris, non intelligas declinationem particularem febris, quia ex morbi acumine, & malitia prius æger occumbet, sed intellige tempus illud in quo æger minus à febre vexatur: quoniam natura in omni tempore à venenata aura agitata, humores diuersimodè mouet, qui sic commoti in horas, & furentes vehementiorem febrem concitant. Quamuis autem in accessione mittere sanguinem, sit iugulare ægrum, ex Celso lib. 2. c. 10. tamen in morbo acutissimo, & pernicioso, visceraque occupante, tantum remedium differre non est, immò necessitate coacti id exercere debemus, quia maior est vtilitas noxa. In hunc sensum intelligendus est Auicenna 4. 1. cap. 20. dum ait. Et scias quod phlebotomia duas habet hor. u., alteram electam, alteram necessariam: electa qua fit in lumine diei post super fluitatum expulsionem; necessaria, in qua res prohibitoria non attenditur. Quare si necesse sit vrget in omni tempore particulari tuto sanguis potest emitte.

\* \* \*

## A HISTORIA XLVIII. AVENZOAR.

### De peste.

Iuuenis phlegmone pestifero correptus, phlebotomiæ, purgationis, & antidotorum ope liberatur.

**V**idi iuuenem habentem apostema perniciosum, & studui circa salutem ipsius, & incipi primò vacuare eum cum phlebotomia, & posui postea super apostema confortantia, eò quod nō erat ex vilibus membris, demum purgaui eum ab humoribus malis, qui peccabant in eo, & propinxi, & medicina laudatis in epidemia, sicut & bolum armenum, & terra sigillata, & interdum dedi ei aliquid ex myrrhidato, & sic visum fuit conferre ei cura, & dissolutum fuit apostema, & sic de bono in melius conualuit, donec fuit perfèctè liberatus, &c. Auenzoar lib. 3. thezic. tract. 3. cap. 1.

## P A R A P H R A S I S.

**D**E peste cum caractere veneni est in hoc loco sermo; apparent enim anthraces, bubones, carbunculi in cute, aliquando sine febre, sæpè ea præcedente, atque primariò tum erumpunt, quum seminaria contagij virus insigni virium robore pollens à se depellit, adeò vt minimo negotio venenum ipsum quàm primùm auertat, & ad partes viles, imbelles, laxas, detrudat; hæc verò suapte natura sunt summæ corporis partes, tum cutis extrema, maximèque adenum, seu glandularum, quæ in partium principum emissariis positæ sunt.

Hæ omnes inflammationes perniciosæ sunt, & feruorem, incendiūque viscerum manifestè ostendunt, & malignitatem summam. Hoc per celebri oraculo prædixit Hip. lib. 6. sect. 2. text. 20. Abscessus veluti bubones signa quidem sunt germina habentium, tum aliorū, tum præcipuè viscerum maligni autem sunt hi. Cum enim viscera malè habent, & excrementorum plurima copia adest in partibus præcipuis, hæc quum robore valeant in ignobiles partes illa detrudunt, vt à sarcina sese exonerent. Præcipuè autem circa viscera sunt hi abscessus, quia in illis humores noxij colliguntur. Sunt autem maligni, vt Hipp. docuit 4. aph. 55. dicens. ex inguinum tumoribus omnes febres male præter diariam, quia à membris principatum habentibus, vt est cerebrum, cor, & iecur scaturiunt: hæc enim membra cum cæteris omnibus præstent, & corpori maximè necessaria sint, si in illis redundantia præter naturam fuerit, quod illorum officium intercidat, præsens ægro exitium minantur, id quod in pestiferis bubonibus apparet, vt interpretatur Fuchs in comm. cit. sentent. Hipp. quem laudat Cardanus lib. 4. aph. 55.

Quatuor ergo auxilia pro huius diri mali curatione celebranda iussit: ea sunt sanguinis missio, roborantia super phlegmonem venenosam applicita, purgatio, & alexipharmaca. De primo cum phlegmone tumor sit præter naturam, causam vacuandam efflagitat: quare si vires valent, & ætas permittit, pro affecti loci situ vena incidenda est: si dolor, aut tumor in collo, aut iuxta aures consistat, humeraria secanda, quæ summam præbet vtilitatem, si secari non possit, ferendus eius ramus, qui inter pollicem, & primum digitum manus, vel in carpo situs est. Si sub alis, iecoraria, aut media. Si inguina, aut inferiores partes occupet tumor, secanda saphæna. Si in utroque latere tumor infestet, vel ex utraque parte, ex dextera potius, quàm sinistra sanguis detrahatur. Hæc est omnium ferè Medicorum methodus, quam probat Manardus lib. 5. epist. 3. in fin. si tumor iuxta cubitum aut in ipso cubito repullulet, quid faciendum? nullus exemplum proposuit. Si è parte contraria, aut talo eiusdem partis euacues, non succurris celeriter, prout morbi acuties efflagitat. Si ex cubito laborate sanguinem exhauris, ad partem affectam humorem promptissimè conuocas, & timor est, ne corrumpente fluxione maligna calor

calor partis extinguatur, & accidar sideratio, seu sphacelus: quare ad has angustias Medici redacti, vel cucurbitulas adhibent scapulis, quarum ope commoda peccantis humoris fiat vna cum reuulsione vacuatio, vel è talo selecta vena sanguinem demunt, vel scarificato crure, iuxta præceptum Galeni 13. *meth. c. 5. manu laborante scarificabis crura.* Sed cum ego sæpius perspexerim utilitatem ex sectione venæ factæ in ipsomet laborante cubito, idcirco ab hac parte emittendum impero, quam methodum felicissimo euentu obseruavi, nec desunt rationes, quibus hoc placitum confirmetur, eas lege sub proprio exemplo in nostro lib. 3. *de praxi admiranda. obseru. 118.* adde quod Medico rectè curaturo, non est animus sanguinis detractione, aliò reuellere malignum succum ad partem debilem confluentem, sed eundem protinus vacuare, & è ducere quo natura vergit. Administrata ergo semper venæ sectione in parte affecta, plenitudinem totius vacuamus, veneficum humorem educimus, & ad bubonis locum, & externa trahimus.

De secundo auxilio etiam potest esse dubitatio, quid sanè intelligat auctor per confortantia posita super apostema. Dic: quod licet axioma sit vulgare, in omni externa inflammatione à calido humore suborta repellentia esse ex usu, quia roborant partem adstrictione sua, tamen hæc in pestiferis tumoribus non esse imponenda ab omnibus est determinatum, & monuit ipse Galenus 3. *sec. loc. cap. 2.* atque id potissimum faciendum, cum neque malignum est quod influit, neque corpus humoribus ex æquo redundat. Si enim aliter feceris, repulso ad internas partes humore venenoso, viscera conspurcantur labe dira: hoc demonstrat Gal. lib. 13. *meth. cap. 6.* vbi in dolore, & ictu venenosi humoris repellentia arcet omnino, firmat Paulus lib. 4. *cap. 22.* qui in bubone à materia venenosa excitato, tempore præteritæ pestilentie reprimentia arceat, ne videlicet materia ad profundum recurrat. Erunt ergo confortantia quæ venenoso tumori apposita, partem à veneni malicia concussam, & debilem factam roborant, tuentur, & à virulentæ auræ perniciæ dira eam defendunt. Hæc dicuntur alexiteria, quæ natua quadam facultate veneni impetum compescunt, & deleteriam cacœthiam refrænant, ac retundunt. In hunc usum summè laudatur theriaca foris buboni admota, vel cum emplastris permixta, aut mithridatium, aut alia quæ virulenti humoris maliciam coërcent, vt salua, scabiosa, oleum de scorpionibus Matthioli, succus rutæ, oleum hyperici, lapis Belzaar, & alia.

De tertio præsidio nempe purgatione præsentis tumore externo dubium potest esse non exiguum: quoniam videtur noxia, & nullius vñs, humores enim in extrema corporis superficie impacti, medicamento vi non possunt facile ad aliud detrudi, & si possunt, venenositate sua partes internas inficient, & à circumferentia ad centrum attracti, & restagnantes subito perniciem afferent immedicabilem. Medicamenta quæ in lue pestifera debent propinari, sint leuia, & non violenta, nec vim naturæ inferant, nec motum naturæ ad partes externas impediunt, vt proprio exemplo firmaui ex veterum mente lib. 3. *de praxi admiranda. obseru. 119.* De alexipharmacis tam simplicibus, quàm compositis, quæ vltimo loco proposuit Auenzoar, quæ roborant cor, principes partes firmant, & humoris noxiæ malignitatem arcent, in sequentibus historiis differemus.

## QVÆSTIO XLIV.

*Vtrum in peste, purgatio celebranda, vt contra Galenum tuentur Crato, Valleriola, Paraus, Forestus, Massaria, Salius, Pereda, & alij Medici præstantissimi.*

### COMMENTARIUM.

**P**urgari eum ab humoribus malis. Cum quæstionem de purgatione in peste celebranda agitare intendo, profundissimum, & turbulentum Oceanum sulcare tento, in

A quo nauigaturus si semel vela pando, timeo ne ventorum, procellarum, que tumultu concussus ea non colligam: immò huc, & illic turbinibus videor iam obrui rapidis, & voracibus, qui mentem meam in gyrum veluti circumrotant. Hi sunt argumenta Herculeæ illorum, qui in peste, pestiferique febribus in initio morbi citra coctionem non esse medicamenta purgantia offerenda, omninè sibi persuadent. Et licet plures penitissimi Medici quæstionem controuertant, aliis affirmantibus, negantibus cæteris, tamen ita indistincte, & fuse, vt aliud argumentum controuertere videatur, quod ego breuiter explicabo, & dulcidè.

Negantem partem qui sequuntur, Hippocratem in sui subsidium vocant. Is enim diuinus vir, lib. 1. *aph. 22.* concocta solum medicanda esse docuit, non cruda, neque in principio: quo loco solum excepit turgentiam, & in lib. 4. *acut. 43.* sic ait. *Quibus in principio urina, & nebulosa, & crassa existunt, hos ammentibus cæteris, abpurgare conuenit. Quod si urina inter initia tenuis fuerint, tales non purgabis, &c.* Primò, quia medicamenta corpora frangunt, & plura symptomata excitant, vt animi deliquia, nauseam, vertiginem & tormina, lib. 2. *aph. com. 9.* deinde membra colligunt, 4. *acut. 22.* coctionem impediunt, obstructions augent commoto humore, febrem accendunt, 1. *aph. 24.* & ex Auer. 7. *collig. cap. 9.*

Secundò. Purgatio fit medicamento attrahente, natura verò expellente, sed natura non expellit nisi coctum, ergo: Maior est Gal. lib. 1. *aph. 22.* quia cruda passio non cedit, 4. *acut. 22.* & 4. *aph. 2.* minor probatur, quia similis coctio est quæ fit in venis illi quæ fit in inflammatis particulis ex Gal. 1. *de diff. feb. c. 6.* & 3. *de præsa. ex pulsib. cap. 7.* C ad fin. ergo sicuti in principiis inflammationum non educitur pus, quia crudus est humor, sic etiam in aliis morbis purgatio non est administranda nisi cocto humore.

Tertiò. Quando humores sunt in aliqua corporis parte firmati, eos natura valdè retinet ad concoquendum, nec nisi post coctionem exire permittit, ergo si Medicus debet imitari naturam, eos solum post coctionem vacuabit. In hunc sensum intelligendus est lib. quos quib. & quando cap. 4. docens humores in aliqua parte firmatos, neque medicamentis purgantibus, neque villo alio remedio esse in principio mouendos.

Quartò Hip. lib. de medicam. purgantib. n. 4. sic ait. *In febribus ardentibus medicamenta purgatoria dare non oportet, donec remiserit febris; sin minus, saltem intra quatuordecim dies. Carnes enim ipsorum, & ventres cum calidi sint, medicamentum absument, & nihil depurgantur, & febris maior fit, & calor euertitur, & morbi regij specie præ se ferunt. Cometa enim bile, & non purgata non sorbere vult æger, neque bibere, sed omnia abominatur, & plerumque perit.* Ergo solum post hos transactos limites quando morbus concoquitur, purgantia administranda. Nam vt ait Gal. 4. *acut. 64.* morbus ante decimum quartum diem concoctus esse non potest.

Quintò. Pestis non solum à putredine scaturit, sed à maligna, venenatæque aura ortum ducit, ob cuius ferocitatem, & sæuitiem tor horrenda accidunt in hoc morbo symptomata, sed venenatus vapor, alexipharmacis, & antidotis, non expurgantibus debet expugnari, ergo hæc in peste reproba sunt.

Sextò. Ad purgationem obeundam vires robustæ necessariæ sunt; nam purgatio spiritus resoluunt vacatione sua, & sic debilitat, agit, alterat, perturbat, & est periculosa in morbo, in quo vires à malefica aura rantoperè lancinantur, quod enim semel deuoratum est pharmacum, non possumus rursus educere, quare hæc respiciens Celsus lib. 2. *cap. 13.* expurgantia rantoperè veretur, dum sic inquit. *Omne eiusmodi medicamentum quod potui datur, non semper ægri prodest, sanis semper nocet.* Ergo extrema virium iactura in peste frequentissima medicamentorum purgantium usum in initio vehementer respuit.

Septimò. In peste lethales accidunt dysentericæ, alui fluxus eueniunt colliquantes, quia humores maligni præcipientes in ventrem decumbunt, quorum vi prosteruntur vires, resoluuntur spiritus, innati spiritus copia minuitur, ergo exhibitis expurgantibus citius euenient hæc symptomata. Hoc modo dixit Hipp. 3. *epid. sect. 3. text. 56.* statum



statum pestilentem describens dum inquit, *purgationes multos offendebant.*

Octauò. Turgens humor citra coctionem solùm est expurgandus, ergo non pestifer, qui minime turget, sed faciens carbonem, anthracem, & alias inflammationes externas in aliquo loco determinato est firmatus, certam stationem habens, patet hoc ex Hip. doctrina, tum lib. 1. aph. 22. & 4. aph. 1. & alibi, qui in principio excepta turgentia nunquam expurgat.

Nonò. Nunquam in principio licet expurgare in febre pestilenti, quia ferè omnes, qui purgantur, moriuntur, & merito: natura enim aut expulit humorem ad cutem, vel non, si expulsi iam iuuanda est, neque impediendus est eius motus, qui ad externa fit, præsertim cum humor hic venenatus sit, & in motu ad interiora possit maximè lædere aliquod ex visceribus. Si natura non expulit humorem, cum crudus sit, non poterit purgari.

Vltimò. Probatum experimento illustrium Medicorum, qui confirmant ex purgatione in initio in peste oblata plures periisse, & sic eam summè detestantur, & improbant, de quorum numero sunt Aloisius Mundella epist. 16. Palmarius lib. de febre pestilenti, cap. 23. Paræus lib. de pest. cap. 24. Forestus lib. 6. obs. 9. Ioan. Crato lib. de peste, Vallerioli cap. 2. in appendic. loc. com. Massaria lib. 2. de peste. Petrus Salius cap. 22. de peste, Cardanus lib. 2. contr. tract. 5. cont. 3. Pereda lib. 2. in Paschal. cap. 9. & alij.

Sed hi omnino à mente Galeni exorbitant, sicut à veritate ipsa: nam purgationem esse salubrem in peste, nullus inficias; firmant, vnanimiter Medici edocti ab Paulo, lib. 2. cap. 36. Actio terræ. 2. serm. 1. cap. 95. Auerrhoë lib. 7. collect. cap. 31. Oribal. 6. synopsis 35. Aui. c. 1. 4. tract. 4. ca. 1. §. Summa curationis pestilentium febrium est exiccatio, & illud cum phlebotomia, & solutione ventris, si autem materia fuerit sanguis, fiat phlebotomia, & si fuerint humores alij, euacuentur. Auerr. 7. collect. 31. Nec te moueat Celsi auctoritas lib. 3. cap. 7. purgationem reprobantis in peste, §. In pestilenti febre minimè vile est aut fame, aut medicamentis uti, aut ducere aluum. Nam ibi interdicit medicamenta effrænia, & fortia, si enim sint benigna, & quæ veneni naturam non sapiant, neque calore immodico febris feruorem adaugeant, neque alui fluorem superfluum excitent, concedi debent, ut aloë, agaricum, senna, rhabarbarum, rosa persica, manna, cassia, syrupus violatus, solutius, & rosaceus solutius, tamarindi, & similia, de quibus proposita controuersia agit. Alia enim fortia fugienda, ut scammonium colocynthis, peplium, veratrum: hæc enim cum venenosæ qualitatibus expertia non sint, partes principes percellunt, exagitant humores, & hypercatharsim moluntur, quod natura succorum malignitate irritatur vehementer.

Sed accedamus ad institutum. Ego, ut meam censuram interponam in re momenti tanti, in initio pestis purgationem esse exercendam necessariò, vtilissimum iudico, vtpote rationi, experimento assiduo, & Iuniorum decretis consentaneum. Quoniam inquietudines, anxietates, cardialgiæ, porraceæ, bilis vomitus, subita deliria, comata ex ortu exanthematum, bubonum, & carbonum ægrotantes inuadunt, hæcque omnia sic adparent, ut de vno in aliud subito, & affatim fiat transitus, & ob id inquietissimi sunt ægri, titillatione quadam irritati, & impulsii. Hæc omnia arguunt manifestè humores furioso, irrequietoque motu, huc, illucque commoueri, qui statim expurgationem expostulant.

Hoc confirmat Gal lib. quos, quib. & quando, cap. 5. dum sic fatur. In iis autem qui iam ægrosant, si diurnus futurus est morbus, expectanda semper est coctio, sin brevis solvenda, inter iniuncta, si modo à concitatis pendeat humoribus, purgare licet. Quapropter pluries in constitutione pestilenti obseruauimus euasisse plurimos, qui primis diebus expurgari à cacoehymia turgente potuerunt.

Quapropter non immerito miratur Manardus lib. 13. epist. 1. Medicos suæ ætatis præcellentis doctrinæ, aliis persuadentes in pestilenti constitutione, benignas, & clementes expurgationes in principio non esse proficuas, sed inclinante morbo, taxantes Medicos. videntes illis.

Lib. IV.

Ergo antequam veneficus humor viscera labefaceret, expurgandus est, maximè cum coctionem non indicet, nec gratiam naturæ admittat, sed semper vacationem, Gale- no auctore 4. de sanit. tuend. cap. 3. §. Quod omnino alienum est, nulla fieri ratione potest, ut id natura gratiam recipiat, sed educere id quam primum est tentandum.

Enimvero si constitutio pestilens inuadit, præsertim corpora cacoehymia, prauo succo referta, horum potissima, & adæquata medela, expurgatio est, qua tandem prætermittitur, & prætermisso remedio destituti ægri, incassum postea omnibus ræatis in peius ruunt. Hoc aduertens Gal. lib. 1. de diff. feb. c. 4. in peste hæc corpora cacoehymia statim initio expurgabat, & sanabat. Reuulsoria igitur expurgatio exercenda protinus in initio, quo tempore timor est ne repètè humor veneficus possit adoriri partes principes.

Placet verba præstantissimi viri Gentilis Fulginatis in com. cap. cit. 1. 4. Aui. in proparulum afferre. Properare debemus quantum possumus, ad euacuationem malignæ materiæ, & citò. Semper enim plus speramus de eius corruptione, quam de concoctione, propter hoc incipimus ad euacuandum. Et ego vidi socios nostros, viros expertos, qui in praua pestilentia, prima, secunda, tertia, vel quarta die, quam citius poterant, pharmaca vacuantiæ propinabant, ut rhabarbarum, agaricum, & vidimus plures euasisse per manus istorum, quam per manus eorum qui non expurgebant nisi cum lenibus, & clysteriis. Dicebant autem illi viri solennes, quod si in morbis furiosis ante coctionem præceptum est vacuari: multò magis illa vacuatio competit in materia pestilenti, qua dici potest furiosior omni materia furiosa. Sed tu dices. Si illa materia est ita praua, sicut materia furiosa, quare ergo non euacuas eradicando? Dicendū hoc non fieri propter casum virtutis. Hæc ille.

Vltimò, ut videant quo in errore versentur præstat ipsissima Gal. verba in mediū afferre, qui omnia sic disertè expendit, lib. 5. meth. cap. 12. Qui ex pestilentia hoc virio laborarunt, propterea mihi facile sanati videntur quod præsiccatum iis, per purgatumque totum corpus fuerit: quippe qui, & vomuerint ex iis nonnulli, & omnibus venter proflexerit. Atque cum iam vacuati essent, iis qui euasuri erant, pustula. (quas exanthemata vocat) nigra toto corpore cōfertim multa apparuerunt, ulcerosa quidē plurimis, omnibus certè sicca, erantque inueniunt perspicuum, reliquias esse sanguinis, quas veluti cinerem quempia natura ad cutem trussisset. Hæc Gal. Ex qua verborum serie duo potissima liquent contra eos, qui aduersam doctrinam mordicus tuentur. Primum expurgatione in cacoehymia esse vsui in peste, siue arte, siue sponte fiat. Alterum ab expurgatione naturam leuaram facilius postea superuacua trudere ad externa. Hanc sententiā defendunt Vallesius 7. contr. 13. Manard. loc. cit. Donatus ab Altomari tract. de coct. fol. mihi 53. Gêrilis, Harculanus, Vgo apud Aui. 4. 1. cap. 3. in §. & quarta quidem est hora. Ioan. Brauus lib. 2. de purg. rat. cap. 8. in med. Donatus Santorus 1. epist. 2. Conciliator diff. 161. Sclanus 1. aph. 22. Augenius lib. 1. epist. 10. 1. epist. 1. Paschalius cit. loco. & alij.

Argumenta verò contraria non ita magno negotio sunt soluenda. Ad primum responderet Brudus Lusitanus lib. 2. de vict. acut. cap. 14. dicens sententiam illam 1. aph. 22. pati triplicem exceptionem, primam de humoribus urgentibus, secundam de quibusdam acutis, in quibus in principio diligens examinatio facienda est 1. aph. 24. sicut in omnibus aliis morbis, ex Paulo lib. 2. cap. 2. tertiam de aliis morbis 2. aph. 29. & sub urgentibus comprehendit venenosos, certum est; hi enim sua praua qualitate, ac fuligine principes partes offendunt, quæ nituntur humores illos noxios à se propellere, quare nisi statim nulla spectata coctione purgentur, cordi, cæterisque visceribus summam afferunt perniciem, quam ob causam tutius est dum vires in principio firmæ sunt, sarcinam exonerare, quam alio tempore, vbi vires languent, summo cum periculo id aggredi.

Solue secundò. Hippocrates explicandus est de purgatione vacuatiua, & eradicatiua, non verò de reuulsua, & minoratiua, quam Hip. & Gal. in aliis morbis concedunt, & supra citati auctores latè confirmant, & probat eruditissimus Trincavellius 1. epist. 1. Solue tertio. Licet illa sententia sit ab Hip. vniuersaliter prolata, nullum tamen

tam inuolabile præceptum est, quod alterum obscurer, quo docemur, succurrendum esse illi quod magis urget, cui valde attentus Medicus sit oportet, non additus præceptis tanquam legibus, ut monet Gal. lib. 1. de fractur. 24. §. Id autem definiuit, ne quis existimet perpetuum esse quod supra imperauit, fracturam quamlibet usque ad vigesimum diem seruandam esse penitus immobilem, semper enim pugnare Medicus aduersus id quod magis urget, neque obligare se præceptis, tanquam legi, quam contemnere nefas sit, quum omnia præter rationem eueniunt, &c. Ita monuit Hipp. 5. aph. 19. refrigerata esse excalescenda, hoc est contraria contrariis esse curanda, iuxta axioma artis vniuersale, exceptis illis, quibus sanguis fluit, aut fluxurus est. Cur ita? quia et si theorema sit, contrariorum contraria sunt remedia, tamen aliud est theorema magis necessarium, illa prius esse curanda quæ magis urgent, hoc est quæ maius periculum afferunt, sicuti & nunc profluuium sanguinis. Quapropter cum humor pestilens, venenatus sit, & promptus, ut in aliquam partem irruere possit, statim vacuandus. Nam si ita non feceris, hi vitiosissimi humores in intimis corporis partibus redundantes, & per moram detenti cæteros inficiunt, & aded copia, & prauitas augetur illorum, ut præcordia lancinentur, vitales vires concidant, & aliarum facultatum viuacitas prostretur, & collabatur.

Ad auctoritatem autem Hipp. responde medicamenta leuia, & clementia illas noxas facere non posse, ut committunt illa, quibus ferè antiqui utebantur, quæ erant fortia, & exurentia, & licet hæc in minori quantitate in peste offeramus, & symptomata aliqua succrescerent, ea amplius æstimanda sunt, quàm mors, quæ ex veneni sæuentis malitia certò impendet. Hoc modo Chirurghi ad maius periculum euitandum, arterias secant, membra notabilis magnitudinis abscindunt, aperiunt thoracem ad extractionem puris in empyematicis pro redimenda vita, & ob banc causam multa alia mala mortalium corpora patiuntur.

Ad secundum dic: naturam expellere humorem furiosum, & irrequietum, qui cum tenuis sit, & stimulet naturam, & ab ipsa citissime excernitur, et si crudus: quare cum naturam habeamus adminiculantem, facillimo negotio hic educitur: humorem autem pestilentem turgentem esse participem supra demonstrauimus. In inflammationibus autem internis reuulsionis causa in initio purgationem esse exercendam, docuit Galenus, lib. 4. acut. com. 7. Hoc modo oculorum inflammationes purgatione in principio celebrata sanantur, ut 13. meth. 1. cap. 11. ipse confirmat. Deinde fatemur similem esse coctionem quæ fit in venis, illi, quæ fit in inflammatis particulis, quare sicut in inflammationibus pestilentibus coacta necessitate, vel crudo existente humore abscessus aperiimus, sic etiam in morbis vasorum ob imminens periculum euitandum, quando venenati humores aura sua deleteria cor lancinant, & spiritus vitales extinguunt, & suo motu, huc & illuc oberrantes ægrum variis, iisque grauissimis symptomatis excruciant, & naturam quiescere non permittunt, purgatio citrà moram exercenda: pestilentes autem tumores ante perfectam suppurationem esse sapiendos constanter asseuerat Paulus lib. 6. c. 34. in huc modum. Sciendum tamen est, quod ante perfectam in pus mutationem, aliquando crudos adhuc tumores secamus, ubi vel articulis, vel principalibus partibus fuerint vicini, &c. Nec enim nouum est aliquando ante suppurationem aperiendos esse abscessus, firmat Vallesius lib. 5. epid. comm. 16. in historia Hippocomi, dum sic ait. Quanti usus fuerit Hippocrati vltio, sæpe iam animaduertimus. Ego quoque in parotidibus quæ ex morbis aliis non lenibus sunt, cito, vel nulla expectata suppuratione, vltione vtor in ipso tumore, nulla enim ratione melius prouideretur ne tumor recurrat, sed materia, per ipsum vlcus quod infigitur, expurgetur, &c. subscribit Mercatus lib. 7. de feb. cap. 2. de febre maligna. §. Quod si comperimus fuerit, aut tantum crescere, aut venenosa esse natura, ut laborans suffocatione periclitetur, antequam aut dissectioni, aut suppurationi sufficiat natura consultissimum est, candenti auro, aut leui aliquo ferro parotides unico foramine aperire, ut veneni vis, aut immodica humorum copia facilius expiret: quo sanè

auxilio plurimos veluti deploratos sanitati fuisse restitutos compertum est, &c. quoniam vltio, ut asserit Aquapendens lib. 1. de tumorib. præter naturam cap. 16. putredinem absumit.

Ad tertium dic; humores firmatos non esse purgatione eradiciui ante coctionem euacuandos, si verò in motu sint, neque firmum locum obtineant, reuulsionis gratia esse ad aluum deturbandos exhibito medicamento luauis & leni, hoc ita exequendum natura ipsa palam facit: sæpe nam, ut inquit Hip. 3. epid. sect. 3. text. 29. in pestilenti statu quæ per suppurationem, abscessum molita esset natura, aut commodè turbata esset aluum, aut bonarum urinarum existeret excretio, hinc soluerentur, quibus horum nihil acciderat, obscurèque euanescebant, ut lethalia essent, &c. deinde hic humor veneficus est, concoqui non potest, neque gratiam naturæ recipere, ex Galen. 4. de sanis. tuend. cap. 3. in fin. quantò enim ipsa magis contendit agere in illum, tantò ferocior redditur, & deterior. Pereda loc. supra cit. sic explicat Galenum, ut sensus sit quod humor veneficus non coquitur pro nutritione, sed ut ad excretionem aprus reddatur, quæ etiam atram bilem vincit, probat ex Galen. 5. meth. 12. quo loco post expurgationem corporis, in fine post coctionem natura expulit ad cutem humoris reliquias exanthematis subortis. Sed non satisfacit. Nam nec quoad nutritionem, nec alterationem pestifer humor, utpote à tota substantia, totisque viribus naturæ nostræ contrarius concoqui nequit, cum sit humor à gremio naturæ valde alienus, & ut videas hanc expositionem menti Galeni minimè esse conformem, audi ipsum cit. loc. de sanis. §. Quod igitur omnino alienum est, nulla fieri ratione potest, ut id natura sua gratiam recipiat, sed educere id quàm primum est tentandum, æquè cerè, ut quæ in ventre corrupta prorsus sunt, ea vel vomitione, vel deiectione expelli profecto est optimum, &c. bilis atra non ita est deleterius humor, ac venenatus, ut is à quo pestis scaturit. Obiicies iterum, non cedit humor in principio expurgantibus, quia crudus? Dic: cedit quia est in motu, & non firmatus in partem, ille scilicet qui capacitate vasorum continetur, & prope membra principalia, is est qui expurgationem desiderat, minimè verò conculcatus, & firmatus in bubonibus, anthracibus, aut aliis abscessibus externis.

Ad quartum dic: medicamenta clementia, & benigna apta non esse facere illas noxas ab Hip. recitatas, quoniam quocunque tempore offerantur, securè mouent humorem ad aluum. Si verò ex commotione humoris maligni aliqua subsequantur symptomata, illa non medicamenti motui, sed humori furioso, & sua acutie ebullienti sunt attribuenda. Et licet contra accideret, maiori vtilitate minor noxa est compensanda, ut bellè dicebat Galen. 1. aph. 24. quoniam melior est noxa, quàm mors, 12. meth. vlt. quæ ex lethali humore intrus relicto imminet, certò. Lege quæ fusa, at eleganti oratione prosequitur Vallesius lib. 7. epid. in com. sent. 77. manifestissimis rationibus confirmans vtilissimum esse in febre publicari quæ frequentissimè accidit in peste, expurgantia medicamenta in initio exhibere.

Ad quintum dic: purgationem in principio difficilem esse, & cum grauissimis symptomatibus ob renitentiam materiæ, & motum naturæ; exercendam tamen esse ad maius periculum euitandum. Licet autem venenata qualitas alexipharmacis, & non vacuantibus refrænatur, tamen ut illas operationes suas exercere queant, & ad cor penetrare possint, necesse est prius totum corpus exinanire à vitiosis succis, quibus aura venefica tenaciter adhærescit. Quapropter alexiteria cum vim veneni refringant, & per sudorem, cutaneasque excretiones detruant venenosum succum, quomodo præstare poterunt, quin prius referentur meatus, & viæ pharmacorum ope deobstruantur, sudorifica autem non esse assumenda priusquàm totum corpus vacuatum sit, docuit Galen. 8. meth. 4. & 11. meth. 9. & 10.

Ad sextum dic; in peste in initio vires non esse ita deiectas, ut lenium expurgantium vim ferre nequeant, licet enim omnis æger debilis sit, ex Galen. 1. cris. 9. & cuiuslibet

cuiuslibet vacuationi annexus sit casus virtutis; tamen nos supponimus eas esse firmas; quare melius est aliquid cum periculo tentare, quam spe omni adempta ægrum certo perire. Quod si virtus sit ita debilis ut ferendo pharmaco sit insufficiens, tunc clysteribus pugnandum. Celsus medicamenta ægris, & sanis interdicens, de vomitoriis fortibus, & violentis de quibus eo loco agit est intelligendus, quæ periculosa sunt; calefaciunt, vires debilitant, & commouendo humores sursum contra innatam gravitatem suam, cor, cæterasque partes spirituales lancinant, & concutiunt, quo pacto hæc solum coacta necessitate admittenda, sicut & illa quæ valenter per aluum euacuant, à quibus periculosa symptomata emanant. De utrisque explicandus Plato ad finem dialogi de natura, dum inquit: *tertia motionis species aliquando iis quos vehementer cogit necessitas, utilis, aliter vero nullo modo ei qui mentem habeat suscipienda Medicorum illa purgatio est, quæ pharmacis fit, morbi enim, nisi qui magna habent pericula, pharmacis irritandi non sunt.*

Ad septimum dic: Alui fluxus tempore Hip. in pestilenti statu contingentes, à medicamento purgante nos detertere non debent, quod symptoma raro in initio pestis euenire solet, quod si præsens sit, aut imminet, à medicamento supersedendum, si absit, exhibendum, hoc enim cum lene sit, non proritat fluxum immodicum, aut colligat carnem. Insuper plures fluxu illo excitato perire, quoniam natura irritata, onus deponere tentabat, sed oppressa succubuit.

Ad octauum dic: purgationem in peste non esse exercendam ratione causæ coniunctæ, hoc est tumorum, & inflammationum in cute apparentium, sed antecedentis; nam hæc si in corpore remaneat, & clementi pharmaco non excernatur, periculosissima mala efficere potest, neque Hip. præcipiens ibi solum turgentibus humores citra coctionem esse expurgandos, excepit vrgentes, venenosos, & alios qui ita copia crescunt, ut timor sit ne possint deinceps procedente morbo deuinci: quamuis autem ex ipsius Aphorismi vi, & figura solum turgentiam excipiat, in aliis quas citauimus sententiis aliud pronunciauit. Quare crudi humores vrgente necessitate in principio aliquando sunt expurgandi: nam vel ipsa natura hoc ita esse exequendum commonuit, quæ ægros peripneumonia oppressos, humore existente crudo excitatis abscessibus in cruribus, liberare solet. sic enim ait Hip. lib. 2. prog. 67. *omnes autem abscessus qui sunt in cruribus, in pulmonibus vehementibus, ac periculosus viles sunt. Optimi vero qui sunt spuro iam in pus mutato, &c.* Licet enim iudicatio hæc non sit optima quia non liberatur omnino æger, tamen est bona, quia saltem à pulmonia liberabitur, ut eruditè notarunt Henricus Celhar, & Christoph à Vega in com.

Ad nonum dic, Falium est, & à recta medendi methodo alienum quod citato loco affirmavit Pereda, omnes ferè in peste emortuos fuisse, quibus pharmacum expurgans fuit oblatum, quum contrarium quotidiana demonstret experientia, decretis Galeni, & Hippocratis loc. cit. consona valde. Licet enim natura expulerit humorem ad cutem, plurima tamen eius pars remansit in venis adhuc feruens, atque ebulliens, quia illa in principio excernit irritata, sarcinam à se expellere satagens, quo pacto iuuanda est, & deoneranda, ut promptius expellat ad extra. Neque timeas retrocessum humoris impacti in cute ad internas sedes, ut supra docuimus, plerumque verò in iis insufficiens est symptomaticus motus naturæ ad externa, illegitimè in principio factus, proinde cæteras curatiuas indicationes obumbrare non potest, ut illi falsò sibi persuadent. Si autem natura non expulit humorem, licet crudus sit, expurgari debet, ut supra latè probauimus.

Ad vltimum dic: multoties purgationem in peste nocere, quando ipsa sæua ac immanis est, tum quia in morbo lethali prorsus nulla remedia prosunt: Nam ut inquit Galenus lib. 3. de præfag. ex pulsib. cap. 4. Quod remedium excogitari poterit ubi putredo cor occupauerit: tum quia in illa euacuantia non iuuant, quum febris hectica immaterialis veluti sit, quæ restaurantibus, & cardiacis oppugnari debet, ut cit. loc. Fernellius docuit. Vtrum autem

A hectica pestilens sit constituenda cum Galeno, & ea ex solida cordis substantia putrefacta, an ex humoribus in sinibus cordis contentis originem ducat debacchantur inter se Septalius doctissimus lib. 1. de pest. cap. 22. & clarissimus Trincauellius tract. de feb. pestilenti. Et nos in praxi historiarum, tomo de febribus, cap. de curat. febris hectica discipabimus.

## HISTORIA XLIX. GALENI, De peste.

Theriaceæ ad pestis tum præseruationem,  
tum curationem vis mirabilis.

\* **D**eprehensaque est mihi sola in pestilenti cõstitutione languentibus posse succurrere: cum nullum aliud præsidium iam magno malo ac ipsa resistere valeat: nec immeritò, quum pestis ipsa seu fera quadam venenata non paucos aliquos misere perdat: verum totas ciuitates depascatur: immutat enim aërem malo quodam modo, ut homines interficiat, qui cum respirare non possint, contragiū miseri euadere nequeunt: attrahunt enim ipsi \* aërem infectū, tanquā præsentaneum aliquod venenum. Quocirca summis laudibus præsequor admirandum Hippocrati qui pestē illā ex Aethyopia ad Græcos venientem non alio præsidio repulit quàm aërem purum faciendo, ne ab hominibus qualis tunc erat infectus hauriretur. Præcepit itaque ut per totam ciuitatem ignis accenderetur, qui non solum à simplici materia constaret, sed bene olentes coronas, & flores haberet: ita siquidem ignibus alimenta subministrare cõsultuit, & ut unguenta quàm pinguisima infunderet, & id genus alia boni odoris fundentia, ut hoc pacto ciues aërē purū spirātes ab imminenti lue tuti forent. Ad istū modū, & theriaca, tanquā ignis quidam purificans & ipsa esset, illos quidem qui adhuc sani illam biberunt, non permittere ut pestilentia prorsus capiantur, illos autem qui iam agrotassent, sanare posse, tum aëris inspiratu malignitatem commutando, tum corporis temperaturam corrumpi non sinendo, &c. Galenus lib. de theriac. ad Pison. cap. 16.

## PARAPHRASIS.

**D**uplicem historiam hoc loco describit Galenus, utramque memorabilem. Prima theriaceæ admirandam contra pestem facultatem proponit. In secunda narrat artificium, cuius vi, & beneficio summus vir Hippocrates pestem illam sæuam, ac maximam, aëre puriori reddito depulerit. A prima sumamus exordium. De nomine theriaceæ conueniunt omnes quod dicatur à thyro, quod vocabulum Græcè significat viperam, conficitur enim illa ex carne viperina. Hoc tamen in loco non est silendus error Galeoti Martij, qui lib. 3. de promiscua disciplina, theriacā denominari à verbo *τίρω*, i. [Serno] asseuerat: vnde & theriaca quasi seruatrix, sicut Sotera medicamen appellatum, propter salutem quam affert: & idè reprehendens Auicēnam, & Conciliatorem corrumpit textum illum Plinij eo loco [sunt pastilli ex viperis], qui theriaci dicuntur, id est seruatrices: sed ne ab omnibus codicibus nouis, & vetustis auferamus literam H. ex voce theriaca, ut fiat teriaca vni: Galeoto vnum opponamus Galenum lib. de theriac. ad Pison. cap. 1. docentem nomen theriaceæ ab eo acceptum quia vipersas ad medicamentum adiunxerit, non solum quod moribus serpentum valde proficeret. Ignorauit deinde Arabum linguam, Arabis Auicennæ studiosus homo: nam ex Græca voce deducta thyron, Arabibus est vipera.

Quomodo, inquit Galeotus appellatur theriaca Diatesseron, cui nulla viperæ, aut serpentis admixtio? Ita est sanè; eam enim incisam lapide versibus in limine Aesculapij narrat Plinius lib. 20. cap. ult. & ex quibus cõficiatur docet: nec verbum quidem de vipera, aut vlla venenata bestia, immò nullius animantis carne, ea magnus utebatur Antiochus aduersus omnia venena: & Mithridatis

compositio qua magnus ille rex Ponti utebatur quotidie, ut idem narrat *lib. 2. 3. cap. 8.* cōstans videlicet duabus nucibus siccis, ficibus totidem, nucis foliis viginti, simul tritis addito grano salis, quam si ieiunus sumat, ab omni veneno illo die tutus euadet, theriaca tamen appellantur, quia pollent contra venena, denominatione sumpta ab iis animantibus quæ venenum inspergunt, aut moriū, aut tactu, aut ratione alia, licet ipsorum animantium carnibus non constent, quare sapiēter Ioan. Brodæus *lib. 2. epigram. tit. 43.* theriaca definit antidota quæ venenorum maleficiis aduersantur. Eandem ob causam Plinius *lib. 14. cap. 18.* Vitrem apud Thasios vocat theriacem, quod eius & vinum, & vna contra serpentium ictus medeatur; quod & Palladius habet *lib. 3.* & rationem eius cōficiendæ docet, si antidotus videlicet radicibus vitis infundatur, & fusiū in *Geop. lib. 1. c. 2. Florentinus*, ut iam non natua sit ei viti vis aduersus venena quod tamē credit, & ut prodigiosum commemorat Plinius, sed arte inducta, ut hi posteriores indicant, & Cælius *lib. 6. lect. antiq. 16.* vidit nomen theriacæ etiam ad præsentanea remedia quæ non sunt ex viperis transferri, quod & aduertit Marius Grapaldus *lib. 1. de partib. cap. 2.*

Magnam eius esse potentiam, & admirabilem aduersus venena omnia potestatem, & tum sanis pro præseruatione tum ægris pro curatione efficacissimas habere dotes diximus *lib. 1. in com. hist. 27.* eius benè confectæ mirabilia commemorat Mathiolus *lib. 6. in cap. 40.* nam quæ adulterinis medicamentis deprauatur, quia legitima non est, hoc est, lege & methodo medica composita euentus infelices habet, ut idem notat *lib. 1. in com. cap. 59. Dioscorid.* Nec omittendum quod Galenus scripsit *lib. 1. c. 1. de anti.* depruari compositionem medicamentorum, theriacæ potissimum antidoti præsentissimæ, tum quod qui remedium præstant aliis perentibus de industria corrumpunt, tum quod alij libros deturpant vna litera in aliam facile transducta, quæ ratio valet in numeris præcipuè qui per notas characterum alphabeti describuntur, facilis enim est transitus ex v. in x. vel n. & contra ex o. in e. & i. ex quo laudat Andromachum quod de theriaca scripserit versibus, & Democratem qui de omni re medica: sic enim veteratores non possunt medicamenta præueterere: id quod vidi postea adnotatum à Fernelio, immò seruatum, quod hanc maximè compositionem fuerit sequutus, ut scribit Gulielmus Plantius in *Scholiis in 7. meth. med. lib. ipsius*, quia neque numerus, neque pondus facile mutari potest.

Sed durum tibi videbitur, quod notauit Galenus *lib. 1. de theriac. ad Pison. cap. 6.* cur huic antidoto viperæ potius admiscuerint Medici, quàm alios serpentes? Responderet illis minùs rabificam esse vim quàm aliis serpentibus: nam & Plinius scripsit *lib. 29. c. 6.* vltimū esse viperarum in cibo, & nos ex variis auctoribus notauimus *lib. 1. in com. hist. vlt.* quod si ita est, cur venenatorum animal nullum morsor à vipera attingit, aut ladit? tantumne homini à vipera demorsio alia venenata honorem deferunt? aut tam acre est, & pestilens venenum viperæ in corpus hominis diffusum? Qualis autem sit serpens vipera sequenti libro in *com. hist. 1.* enucleabimus.

Plurima esse antidota preciosa aduersus pestiferam luem ab omnibus est concessum, quorum descriptionem latè proponemus in *praxi historiarum*. Hæc ex plurimis componuntur alexipharmacis, & alexiteriis medicamentis, seu ut ita dicam belzartiacis, quæ ita vocantur quia mutua inimicitia, atque repugnantia, immò cæca quadam, & occulta qualitate veneno resistunt, & reluctantur, & antipathia certa illius efficaces vires infrænant, & retundunt: quin certa dantur aliqua, quæ peculiari dote, & certò veneno aduersantur. Hæc ex Gal. 5 *simpl. 18.* antidota propriè dicuntur, quæ ore sumpta internis venenis resistunt, quæ scilicet proprietate, & familiaritate occulta aduersus venenosos affectus, cuiusque generis venena, lethales serpentum, aliorumque virulentorum animalium morsus mirabiliter opitulantur, quorum alia veneni virus eicurant & domant, alia è corpore venenum expellunt, extrahunt, & euocant.

Verum miraberis quomodo fieri possit ut alexiterium

A medicamentum tam paruo temporis spatio in tam parua quantitate assumptum, possit veneni vim per totum corpus diffusam deuincere? Dic: quod alexipharmaca occulta proprietate agunt, & sic instar lucis solis per aërem diffusa sine solis substantia spiritali actione citissimè salutarem suam vim corpori communicant, & inter transeundum veneni vires oppugnant, quare partes hac benefica aura recreant, & munitæ venenosos humores extra corpus per varias corporis regiones expellunt.

Has benignas opes inter cætera, eminentiori quodam iuuandi modo præstat theriaca Andromachi senioris, iu-cunda, letena, & tranquilla, quæ a glos perturbatione, anxietudine, & languoribus oppræssis, in tranquillitatis, & hilaritatis portum securos deferat. Hæc è regione cordis, temporibus, carpis illita, aut ore sumpta, inter-mortuum calorem ab aura venenata concussum, & penè extinctum refocillat, & instaurat, partes principes tuetur, venenum debellat, & citissimè ad partes externas detru-dit, putredinem arcet, obstructions auferit, quia humores dissoluit, glutinosa abstergit, lenta incidit, concoquit cras-sos succos, actiones robustiores reddit, denique nihil est in febre noxium pestilenti, cui vsus theriacæ non succur-rat. Neque timeas febrem quæ in peste, pestiferisque fe-bribus est sæpe valde intensa: Nam in rabie in qua adest cum febre vrente sitis inextinguibilis eam concedit Ga-lenus 1. *de antidot. 16.* subicribit Paulus *lib. 7. cap. 11.* immò commoris à Dyplade *lib. de theriac. ad Pison. 14.* cum Dypladis morsum æstus ingens comiretur, ex ipso *lib. de theriac. ad Pison. 16.* & deliriis phreniticorum, ex ipso *lib. de theriac. ad Pison. cap. 8. & 18.* & ita Androma-chus commendat eam in morbo regio, & cholera morbo, ut refert Gal. *lib. de theriac. ad Pison. cap. 13.* & licet febre videatur nocere, malignam tamen qualitatem corrumpit, & sic maior est utilitas noxa.

Neque rursus timeas calorem theriacæ, quum ea ad vltimum caliditatis gradum non perueniat. Scit enim vi-perina caro exiccet apud Gal. 1. *simpl.* quæ in eius com-positionem ingreditur, & multa medicamenta calida su-perent in qualitate & quantitate frigida, tamen hæc in magna copia ingrediuntur ut rosa, acacia, terra lemnia, præsertim verò succus papaueris, siue opium, quod re-frigerat in extremo ad quartum gradum, & in pondere drachmarum viginti quatuor est repositum, quare ex tanta quantitate ingredientium frigidorum necesse est ut remittatur calor in tertio gradu calefacientium, & ad se-cundum redigatur fermentata theriaca, & coctionem adepta, quod assequitur anno quinto, sexto, septimo, duo-decimo, ita firmat Auic. *lib. de viribus cordis, tract. 2. cap. 4.* quo loco, de vsu, & vi theriacæ agens eximie, eam non excedere finem secundi gradus, aut principium tertij asse-uerat: licet autem hoc ita sit, præstabit tamen eam in ve-herementi febre, calido cæli statu, regione æstuosa, tempe-ramento frigidis permiscere, ut acido citri, limonum, con-serua rosacea, aut violacea: contra verò offerretur imper-mixta, si febris mitis sit, materia crassa, ichores frigidi, quibus venenum pestilens inhaeret, ad sint comatosi affe-ctus, tempus sit frigidum, ætas senilis, & alia ad sint quæ copiam crudorum succorum ostendunt manifestè.

Ad secundam historiā accedamus. Aëris summam esse necessitatem pro refrigerando corde, nullus ignorat: nam tandiu viuimus, quandiu aërem per inspirationem hau-rimus, & idèd viuētem non respirare, nec respirantem non viuere est impossibile, ut notauit Galenus *lib. 6. de vsu part. cap. 5.* aër enim vocis, & imaginum quæ in sen-sus feruntur vehiculum est, vtilem, ac salubrem spiritum præbens animalibus, cuiusque inspiratione ita natiuus ca-lor indiget, ut ea inhibita confestim oppressus intereat, quare Auic. 2. 1. *doct. 2. cap. 2.* dixit, aërem nostrorum cor-porum veluti pabulum esse, & Galenus *lib. 9. meth. 4.* sine ambiente nos aëre neque morbum vllum solui posse ne-que sanitatem constare asseuerat, quin neque ipse ignis sine aëre durare potest.

Infimam aëris regionem, aquæ, & terræ vicinia alterari, ac vaporibus inde eleuatis permisceri, solaribusque radiis reflexis calcesceri, nullus Philosophorum negauit vquam, quare



quare Auicenn. 2. 1. doct. 2. cap. 9. cū dixisset esse putrefactionem quæ accidit aëri, putredini restagnantis, & fœtidæ aquæ non absimilem, subdit; nos enim cū aërem dicimus, nolumus intelligere aërem simplicem, purum, quippe eiusmodi non est aer qui nos circumdat, etsi fortè inuentus fuerit purus, erit alius ab isto putrescibili: & paulò infra ait. Aer hic noster est corpus commixtum ex aëre puro simplici, & partibus aqueis vaporosis, & partibus terreis eleuatis in fumo, & puluere, & partibus igneis. In suprema aëris regione, etiam simplicem & elementarem aërem non esse purum, immò à celi motu disgregatum assidue rarefcere, & à variis celi, astrorumque latioribus, atque aspectibus immutari, certum est: Nam astra mediante aëre communi illa calefaciendi facultate, & in gignendis morbis, & in restituenda sanitate plurimum posse, vel ipse Hippocrates lib. de aëre, aq. & loc. num. 1. confirmat, qui morbos futuros ex siderum aspectu, & ortu, & canis Arcturi, & Pleiadum occasu præcognoscendos esse asseuerat, & ipse quoque non inficiatur Auicenna part. 1. cantic. tract. 2. cap. 104. & præter hanc communem causam, quam calefactionem Philosophi vocant, peculiarem quandam, & obscuram aëri vim ab astris inesse non negauit Ptolomæus in centilog. enunciat. 69. & lib. Apotelesmarum 3.

Quid dicā de media aëris regione quæ alterabilis est, vt lib. 1. meteor. cap. 1. 2. Aristoteles sentit, quæ pura, ac simplex non est, in qua mixta imperfecta gignuntur, & interdum etiam perfecta, vt ranæ, & monstrosa quædam animalia, quibus Iouem plueri antiqui dicebant: sed nec eum, qui ad polos propinquat, aërem, aut inter circulos Arcticum, & Antarcticum esse purum verum est: cū enim illic elementa frigida, terra nimirum, & aqua, absentia solis, aut longo à perpendicularibus eius radiis recessu magis incalescant, & suas vires intensius exerant, necesse est, vt aërem illum nimis frigefaciant, vt ex plurimum mente virorum probant Coniimbrienses in com. lib. in lib. meteor. tract. 1. cap. 2. ad fin.

Adde cunctas ab exhalationibus, atque vaporibus eleuatis à terra, & aqua, & ab iis quæ per ipsum aërem deferuntur, alterari, cuiusmodi sunt grandines, pluiæ, pruina, ventorum varia genera, nubes, tonitrua, fulgura, hiatus, ardores, stellæ currentes, voragines, necnon ab iis quæ oculis nostris conspicua sunt, vt iris, halo, arca, virga, quæ aërem impurum reddunt.

Neque ob hæc existimes in aëre necessario semper adesse intensam putredinem secundum substantiam ex causis euidētibus, quia multoties nullæ apparent: nam si aër semper esset corruptus, fere cuncti eo vrentes occumberent. Multoties enim aër inficitur aliqua mala qualitate cœlitus demissa, & cometis, & luminarium deliquiis, quæ potens est eos afficere qui morbosum habent apparatus, cæteros minimè. Cæterum de efficacia effectuum deliquiorum solis, plurima assidua nos docet experientia quæ Poëta cecinit hoc modo.

Sol tibi signa dabit, solem quis dicere falsum  
Audeat: Ille etiam cæcos instare tumulus,  
Sepe monet, fraudemque, & operta tumescere bella,  
Ille etiam extincto, miseratus Casare Romam,  
Cum caput obscura nitidum ferrugine texit;  
Impiæque æternam immerunt secula noctem.

Præterea quod prauos effectus producat in iis inferioribus solis deliquium nobis argumento sit: quoniam qui laborantem intuentur occæcantui facili, vt prodidit Galenus lib. 10. usu pari. cap. 4. & hoc non accidere vi lucis disgregante visum, id enim magis fieret à sole non laborante, quod est falsum, ergo potius dicendum id fieri à prauo influxu oculos intuentes obfuscante, & offundente, & licet Auerrhoës affiruet astra non posse aliquod malum influere, sed semper operari bonum, hoc tamen intelligendum est. ita vt influxus siderum simpliciter dici possit bonus: verum pro materiæ dispositæ varietate, saltem ex accidenti prauos interdum producere potest effectus in aëre, & iis inferioribus: vt eruditissimè probauit Vallesius lib. de sacra Philosophia, in com. c. 31. in med. cū enim sint agentia naturalia, sunt prædita virtute immutandi, & alterandi elementa, & mixta, idque operatur lumi-

ne, motu, & influentia, ex quibus humana corpora ad varias, & malignas affectiones pro varietate particularis influentia disponuntur. Si verò de hac re dissertatione longiorē expostulas adi Mercatū lib. 7. de feb. c. 1. in de causis pestis, Ludouic. Septaliū lib. 2. de peste, c. 2. & lib. 1. 1. in cō. Hip. de aër. ag. & loc. c. 10. & præsertim Lucium Bellantium qui contra Picum Mirandulan. centimè decerrat.

Quare cū mundus hic inferior sit contiguus superioribus latioribus, vt inde tota virtus gubernetur, constantè asserendum est aërem alterari virtute cœlitus demissa, vt non solum secundum qualitates manifestas sit hominibus contrarius, verum etiam quandoque qualitate maligna, nostris corporibus aduersa. Atque hanc in aëre posse produci tum ex cometis præcedentibus, tum ex deliquiis luminarium, & siderum errantium congressibus, B Probant latè Matthæus Zeisius in orat. de caus. & period. pestil. feb. Gregorius Tolosan. lib. 2. de repet. c. 7. Matthias Mechonius lib. 3. chron. cap. 26. Paulus Vvarnefridus in annal. Suevia, Forest. lib. 6. obs. 9. quiddid contra sententiæ Iamblicus lib. de mysteriis, Mirandulan. lib. 4. aduers. Astrologos. Pierius lib. 3. hieroglyph. Vallerioli in appendic. loc. com. cap. 2. de quo argumento lege eruditissimum Rodericum a Castro lib. 3. de morb. mulier. part. 2. cap. 3.

Proinde reiicienda prorsus est opinio Donati Antonij ab Alcomari, qui tract. de medend. febrib. pestilent. cap. 3. asseruit, in omni pestilenti constitutione aërem putrefactū esse, & omnino corruptum secundum substantiam, idque semper à causis manifestis, & nullo pacto ab abditis, seu occultis cœlitus demissis. Ex iis etiam redarguenda est opinio Thomæ Iordani tract. de peste, cap. 3. prope finem, C qui nullam accidere dicit febrem pestilentem, absque aëris substantiæ corruptione.

Huius dogmatis falsitatem impugnant plura. Primum. Si in omni peste esset corruptus aër secundum substantiam, cuncta animantia vastaret, & periret. Respondet vir eruditissimus sic corrupti aërem in peste, vt à proprietate substantiæ totius sit contrarius hominibus, non ita cæteris animantibus; inane subterfugium! nam hoc occultam proprietatem, non verò manifestam putredinem quæ necessariò erit infesta cunctis animantibus, arguit. Deinde fœtidus semper esset aër, talia enim sunt omnia secundum substantiam putrefacta, & in termino corrupta. Insuper deterior pestis est quæ sænit hyeme, ex Gal. lib. de libris prop. c. 2. quo tempore aër magis denudatus est à calore putrefaciente, & corruptente. Neque nos negamus dari posse pestilentem constitutionem ex putredine, & corruptione manifesta substantiæ aëris, quæ omnium est sæuissima.

Cū aëris putredo insignis, sit potissima, immediata, & communissima pestilentium morborum causa, vt in com. latius patebit, atque per contactum apra sit aliis communicari, - fit vt aër circumfusis res etiam inanimes, vt ligna, lapides, metalla suo contactu afficiat, & eum sanguinea animalia per inspirationem, & transpirationem attrahunt vberim, & assidue. Duobus autem modis permutatur, aut in qualitatibus solum immutatus, aut substantia putrefactus, & corruptus: illo modo in caliditate, aut in frigiditate, cæterisve qualitatibus nimium excedit, quare ex diueria temporum mutatione, morbosa subsequitur transmutatio, quo pacto in calidissimis aëris & temporum constitutionibus, aliquando in autumno pluuiolo febres pestilentes vagantur, vt refert Galen. 3. epid. sect. 3. com. 57. quo pacto immodica aëris caliditas pestem antecedit, vt asserit Gal. 1. feb. 4. Aër enim cū non sit purus, vt supra ostendimus, sed sit permixtus, putredine potest, cū putredo sit mixtorum passio. Inficitur aër ex terrorum, & putridorum vaporum admixtione, qui aërem crassiorem reddunt, & humidiores, & cum ad concipiendam putredinem disponunt. Eleuantur vapores ex cadaueribus insepultis ex quibus graues, & perniciosæ expirationes aërem inficiunt. Ipsum vicinum inquinant, cloacarum, sentinarum illuuias, aut ciuitatis populosæ, aut numerosi exercitus purgamenta. Idem præstant terribilissimæ exhalationes ex cœnosis locis, oleribus, herbis, plantis putrescentibus, publicis macellis pecorum fœtore intolerabili,

terribili, coriariarum officinarum, aliis sterquiliniis, & excrementis publicarum viarum, vaporibus lini, & canabis diu in aqua maceratorum, vaporibus eleuatis perniciosus à terræ penetralibus exsepulchretis, antris, specubus, voraginibus, alijsue subterraneis locis, ex charoneis baratris mortiferum spiritum exhalantibus apud Plin. lib. 2. cap. 93. & Gal. 7. de usu part. cap. 8. ex terræ, motu, aëre, in cubiculo incluso, ex puteis, diu, arctèque contextis, ex aquis pestilentibus quæ latent in abditis terræ, ex quarum lacunis ob terræ motum apertis exhalat perniciosissimus vapor aërem inficiens, sed à nullare externa promptius inficitur, atque inquinatur aër, quam ab expiratione eorum qui peste laborant, maxime si concluso cubiculo plures contineantur. Hoc modo miseri mortales, velint, nolint, inspirando coguntur aërem venenosum, & putrilagine infectum haurire, quo modo verò hoc accadat, & an venenosus aër inspiratione, & transpiratione attrahatur, an penetret, in intimasque sese insinuet corporis partes, eaque inficiat, & inquinet, dissertare licuerat latius, sed quia in hac exponenda historia iam sumus longiusculi, consule doctissimum Santorellum lib. 6. antephraxis, cap. 16. qui allatis plurium auctorum opinionibus, hoc argumentum ex professo agitauit.

Cum ergo solertissimus vir Hippocrates, aërem infectum, communissimam pestis causam intelligeret, qui nimium humidorum vaporum putridorum corruptione erat inquinatus, eum corrigere tentauit. Et cum duplex sit via corrigendi aërem, altera quæ docet ne aër pestilens euadat, aut aliunde pestilens ad nos adferatur, alia, cum pestilens iam est factus, & tunc necesse est aërem euitare, aut certe, si non possit fieri, dare operam, ne ita infectus hauriatur, hanc secundam viam elegit Hippocrates, proponens sibi aërem iam tabo inquinatum corrigere.

Quare relicta præsentis præseruatione quæ sumitur ex parte ventorum, aut ab externis causis quas laconicè supra recitauimus, ut vapores ex fœtidis, inferioribus exhalationibus eleuati, aëremque inficientes, nunc de præseruatione quæ aëri iam infecto debetur, disseremus. Quo pacto Hippocrates ad ignem accessit, conflatum ex siccissimis lignis, & odoriferis, & aliis benè olentibus coronis, & vnguentis redolentibus, quæ caliditate sua, & siccitate, odorèque suauis aërem puriorem, & suauiore reddunt, & magis sanum: nam quicquid humiditatis excrementitiæ, & putredinosæ in se habet, in qua maligna qualitas adhærescit, auferit, & absumit, & putrentes halitus dissipat, & omnino extinguit.

Hoc modo per totam ciuitatem, immò ut par est per omnia cubicula iussit accendi ignem in hunc vsum, conflatum ex odoriferis, & siccis lignis, floribus, corticibus, ut quercu, pinu, abiete, fraxino, iunipero, lauro, larice, lentisco, cupressu, myrto, stœchade, rose marino, assa dulci, styrace, thure, myrrha, ladano, belzoino, ligno aloës, quæ aërem diuersum à pestilenti reddunt, & ad meliorem conditionem deducunt. Quod si vrgeat æstas, in ignem iniicienda frigida sint, ut rami myrti, salicis, vitæ, rubi, vlni, quercus, populi, santalorum genus omne, pyrorum, mali punici cotoneorum, citrij mali putamina, semina coriandri, rosæ, violæ, flores sambuci, præcipuè si aceto omnia hæc prius irrores: nam hoc nullo non tempore esse auxilium vtilissimum, ad venenum arcendum pestiferum, præstantissimi Medici rati sunt, ut Leuinus Lemnius lib. 2. de occult. cap. 36. Heurnius lib. de peste, cap. 8. Bartholom. Hubnerus in diæretic. lib. 10. cap. 3. Ioan. Hennemannus in idea pestilenti, Augenius lib. 2. de pest. c. 12. & alij. Hoc modo ex iis aromaticis in cubiculis ignis excitabitur frequens, & formulæ cicerales, vel pastilli conficiuntur super prunas iniiciendi, vel fumales ignes accensis candelis ex simili materia parabuntur, quibus si addas liquidambar, styracem, lignum aloës, malchum, ambarum, zibetum, ladanum, rosas & alia, & cum tragacantho, & aqua rosacea cum cera parabuntur. Tunc enim aër redditur purus, & odoriferus, & contagionis seminaria absumuntur, suauibus enim odoribus spiritus recreari, & animam veluti hilariorē reddi, & vitam ipsam conseruari, corpusque reddi aptum, & tamplius à veneno fiat immune

A testatur Plinius lib. 7. cap. 2. Solinus cap. 56. & eius interpres Salmasius vir ad miraculum vsque doctus, Ioan. Boëmius lib. 2. de moribus gentium, cap. 8. Franciscus Petrarca dialog. 22. odores eleuantur etiam ex Caryophyllis, mosch dictamno, abrotano, absinth. ruta, melit. laundul. hisop. polio, organ. saluia, ocymo, maiorana, mellisophil. serpil. Calendul. ipic. mastiche. Eadem medica arte, eodem fere tempore Acron Agrigentinus, & Empedocles à Siciliæ urbibus pestem depulit, ut notauit Plinius lib. 7. cap. 27. & lib. 36. cap. 26. explicat perbellè Augenius lib. 2. de peste, cap. 3.

Nec minima laus reddenda est Hippocrati qui efficacissimæ aëris putredini, tam contrariam, & summè aduersam appoluit, quum enim tabo est infectus aër, nullum ad putrilagine, crassitudinem, & sordidam humiditatem absumendam potest igne efficacius excogitari auxilium, cum bombardarum crebras explosiones pestem arcere exemplo quodam firmavit Leuinus Lemnius lib. 2. de occultis, cap. 10. cum enim pestis crudeliter exerceret. Tormentales milites prædiciarios illius urbis, machinas, tormentaque bellica, puluere tantum bombardico opplera urbi obuerrisse refert, eaque sub diei, ac noctis crepulum explosisse, quorum sonitu violento effectum fuit, ut aëris contagio discusso, ciuitas à peste facta fuerit immunis.

Nec dubites ignem hæc, & alia multò maiora posse præstare: quoniam ignis est bellua audissima, & inexplebilis, quæ omnia consumit, ac deuastat: furibundus, enim, & edax est illius calor, ut annuit Virgilius.

*Scilicet ignis edax summa ad fastigia vento*

*Voluitur exuperant flammæ, furit æstus ad auras.*

& Homerus lib. 2. Odyssæa. ignem perniciosum vocat, ideòque Cælius affirmat lib. 8. antiquar. lect. cap. 35. Perlas igni summos honores tribuere, non religionis gratia, sed potius formidine rei nocentissimæ, ita Medi, Sarmatæ, Macedones ut Deum coluerunt ignem, ut prodidit Clem. lib. 1. rer. Persicæ. probant Nimphorodus lib. de lege Barb. & Diuo, & Menander ignem inter præcipua mala connumerat.

*Ignis, & mare, & mulier, mala tria.*

quam sententiam expressit Ioannes Secundus.

*Qua mala sunt hominum rebus, tria maxima scire,*

*Quæris? habe paucis, fœmina, flammæ, fretum.*

Ignis enim omnium elementorum maximè actiuus est, ut Galenus ait lib. 1. de simpl. medic. facult. cap. 11. immò citissime penetrat omnia, nihilque eum potest cohibere, quum minutissimis, ut in Tim. Plato tradit, particulis cōstet: Nam raritate, leuitate, agilitate reliquis præstat, quia, ut inquit Cicero lib. 2. de natur. Deorum, noster ignis omnium confessor est, atque consumptor, & quodcumque inuasit, disturbat, & dissipat. Hoc pluribus locis probat Aristot. naturæ solertissimus indagator, quæ consulo prætereo, quia cum sit omnium tenuissimus, simul & calidissimus in profundum facillè permeat, comminuit, vincit, extenuat, atque transmutat, separat, & soluit; nam validissimus est, omnia in sui naturam conuertens, ut subtiliter arguit Scaliger exercit. 20. aduersus Cardanum, & ut nuperrimè, sic eloquentissimè explicuit omniscius Ioannes Gerardus Vossius in Academia Amstelodamensi historiarum Professor insignis, lib. 3. de origine & progressu Idololatriæ, cap. 7. ferè per totum.

E

## QVÆSTIO XLV.

*Utrum theriaca fermentata diuersam virtutem habeat ab actione simplicium quibus constat.*

### COMMENTARIUM.

**D**Eprehensaque est mihi theriaca.] Multa vellicatio de theriacæ viribus disseruimus, sed ostendit se dubium obseruatione dignum, dum mutos consalutamus magistros, præsertimque Arabum primarios, quod in publicam commoditatem excerpere satius duxi. An scilicet theriaca, & alia medicamenta arte composita habeant diuersam

diuersam actionem, & virtutem ab actione simplicium quibus constant?

Sed antequam quæstionem agitandam aggrediamur, explicandum est quid sit simplex, & compositum medicamentum. Secundò autem compositio medicamentorum sit necessaria. De primò sic. Medicamentum quoddam est simplex, compositum alterum: illud dicitur, quod secundum naturam syncerum est, hoc est nulla externa mixtione concinnatum, etsi enim verum sit, omnia prope modum medicamenta etiam si simplicia appareant, natura tamen esse composita, & valde diuersas obtinere facultates, ut adstringendi, aperiendi, &c. ut notauit Galenus lib. 3. simpl. 14. hæc tamen compositio non est de qua in præsentia agimus, cum illa intrinsecis principiis constet, nos de extrinsecis loquamur. Ergo medicamentum id simplex erit, quod natura pollet synceritate, nec alienæ substantiæ consortio miscetur, cuique nulla alia res Medici opera accessit. Compositum verò erit quod ex multis simplicibus medicamentis, arte, & industria admixtum est. Hoc modo Galenus 4. de sanit. tuend. cap. 5. diatrion piperon, aliud simplex vocat, aliud compositum. Sic dicitur oximel simplex, oxisacchara, diaprunus vocatur simplex, & compositus. Simplicia medicamenta sunt compositis priora, tempore, natura, & doctrina: Nam natura simplicia ante composita produxit, & simplicium cognitio compositorum cognitione prius est habenda, ex Gal. 7. sec. loc. cap. 1. prope fin. Deinde compositis medicamentis is solùm vretur, qui solùm simplicium vires nouerit, ex Gal. 8. sec. loc. cap. 1.

Composita medicamenta improbanda esse, solisque simplicibus in morborum curatione esse vrendum arbitrantur plures, hoc videtur asserere Plinius lib. 22. cap. 24. & lib. 24. cap. 1. dum sic ait. *Non fecit cerata, malagmata emplastra, collyria, antidota parens illa, ac diuina verum artifex, officinarum hæc, immò verius auaritia commenta sunt: natura quidem opera, absoluta, atque perfecta gignuntur. Sed hoc Plinij placitum, est ridiculum ob causas multas: Nam si esset verum, medicamentorum compositorum nullus esset vsus, ut Galenus inquit lib. 1. sec. gener. cap. 3. verum cum plurimi morbi solis simplicibus curari nequeant, ut omnes morbi compositi curationem commodam essent adepti, idcirco compositio medicamentorum fuit necessaria: quoniam affectus simplex simplici remedio curabilis est, etsi est compositus, simplici quidem nobis, sed natura composito curatur, ut rectè notauit Syluius in præfat. ad lib. 3. de modo miscendi medicamenta.*

Quare triplex est compositionis ratio. Prima sumitur ex morbo, secunda ex parte affecta, tertia ex ipso medicamento: ea sanè quæ fuit sumpta ex morbo, fuit propter eius magnitudinem, ut quando nullum est remedium quod illi ex proportionem respondeat, tunc permiscentur medicamenta, ut debile ex permixtione fortioris validius euadat, & forte in mixtione remissioris, aut contrarij remittatur: vel quando morbus contrarias habet indicationes, quæ à simplici medicamento perfici nequeunt, vel quia contrarias habet causas, vel affectus inter se complicati sunt.

Secunda ratio componendorum medicamentorum est sumpta ex parte affecta: nam quando longè distat ut iecur, lien, renes, aut viscus aliud, tunc miscenda sunt liquida, tenuia, quæ medicamenti facultatem ad partem affectam deducant, & roborent. Eadem viarum longitudo est in causa, ut in hæmoptoica passione, viscosis, & obturantibus medicamentis, calida alia, & tenuium partium congruenti mensura misceantur, quæ valorem apertioni, rptioni, & corrosioni sunt infestissima: miscentur tamen distributionis eorum in corpus gratia: etenim astringentia, viscida, ac tenacia sibi ipsis viam præcludunt, quare opus habent facultate ipsis vias struente, ac præparante.

Postrema ratio desumitur ex ipso medicamento, quando videlicet est noxium, deleteriū, aut amaritudinem præ se fert, aut est horridum, & insuaue: tunc enim permiscemus quæ illius malitiam retundunt, aut addimus quæ grato odore, aut sapore prædita sunt. Sic Hip. 2. acut. 11. veratro admiscet daucum, anisum, cuminum, vel aliquod

odoriferum, nempe silphij succum. Hanc sententiam confirmans Galenus lib. 3. sec. gener. cap. 3. sic alloquitur, *usum quidem pharmaci purgantis esse ostendit, sed insuauitatem eius in potu, moramque in ventriculo, condimentum requirere: multa siquidem quæ bibuntur pharmaca tam sunt assumentibus insuauia, ut stomachum subuertant, vomitumque protinus cieant: quæ dum licet paululum in ventriculo manere possint, postea tamen euomantur cum prauas eructationes mouerint.* Hoc modo scammonio alia miscemus frigida, crassa, adstringentia, partes principes roborantia, ut illius calori, reuocari, & dissolutioni partium principum occurramus. Sic opium, castorio, hyoschiamum, alio, cæpa, semine raphani, mandragoræ corticem, absinthio, & sic frigida calidis attemperamus, & deleteriam, & venenatam eorum facultatem corrigimus, admixtis iis quæ malitiam eorum infranare valent. Hæ sunt potissimæ causæ ob quas compositio medicamentorum est summè necessaria, præter alias quas ex professo proponit Auic. 5. Canon. cap. 1. & non siluit doctissimus Trincauellius lib. 1. de compos. medicament. cap. 2.

His iactis fundamentis accedamus ad quæstionem propositam in qua pro parte affirmatiua habemus Galenum lib. 3. meth. cap. 2. qui dum doceret methodum contraria medicamenta permiscendi, sic inquit. *Atqui, amice, in commixtis speciebus non seruatur actio sua cuiusque substantia, sicut in unaquaque corporis specie adsit, quod morbo curando conueniat, &c. & lib. de theriac. ad Pis. 10. in fin. asserit, simplicium medicamentorum virtutes non easdem manere in compositione, sed diuersam ex ipsorum confusione consergere, & Auic. 5. Canon. loc. cit. dicit medicinas compositas duplex iudicium habere, alterum ex simplicibus, alterum ex forma compositionis, & maiorem esse vtilitatem, & virtutem in forma complexionali, quàm sit ea quæ est in simplicibus, quare inquit. *Et non respicias ad illud quod dicunt Medici quod confert theriaca ad hoc propter spicam, & confert ad hoc propter myrrham, immò confert ita: verum illud cui intendendum, est forma eius, & infra sic ait. Et scias quod in theriaca plurima ex compositis perducuntur ad corruptionem, & quadam perducuntur ad perfectionem, & operationem eius, &c.* Igitur aliam habent actionem medicamenta composita ab actione simplicium, & confirmatur, quoniam diuersos effectus producunt medicamenta composita ab effectibus simplicium, ut constat in medicamento sarcotico, theriaca, & aliis.*

Pro altera parte videtur esse Galenus lib. 1. de antidot. cap. 5. in fin. cum ait, *medicamentorum vires easdem esse cum virtute simplicium parua interueniente differentia ex componentibus, & lib. de theriac. ad Pison. cap. 16. ante fin. affirmat, theriacam omnes suos effectus producere propter simplicia ex quibus fit, & maxime ob viperam.* Patet argumento hoc. Medicamenta arte composita non habent aliam formam, neque aliam virtutem præter formas, & virtutes simplicium, ergo non possunt producere diuersos effectus: probatur antecedens, quia ars non mutat intrinsecè, & substantialiter, sed extrinsecè, & accidentaliter, ut Gal. firmat lib. 2. de facult. natural. cap. 2. & sequeretur; quod artificiale non distingueretur à naturali si haberet formam, quæ actionis esset principium. Secundò, si diuersam formam haberet compositum à simplicibus, ex quibus componitur, vel esset actione simplicium, vel à calore cœlesti; non actione simplicium, quia hæc non sunt diuersa, non à calore cœlesti, quia est causa æquioca, indefinita, & forma illa compositi cum sit definita, agens determinatum requirit.

Dic ergo, medicamenta componi aut ex similibus, quæ vel sunt similia in specie, & in gradu, aut componi ex his quæ sunt similia in specie, & dissimilia in gradu, aut ex diuersis, & contrariis. Deinde medicamenta composita, aut sunt fermentata, & sunt illa quæ facta sunt vnum secundum formam, aut non sunt fermentata, & sunt illa quæ facta sunt vnum per aggregationem, ut cumulus tritici, & lapidum, & quemadmodum panem fermentatum dicimus, quando actione fermenti, & actione cœlesti acquirit quendam calorem concoquentem qui per totum permeat, cuius signum est raritas facta spongiæ instar,

instar, sic quando medicamentum compositum à calore cœlesti, & simplicium, quendam calorem acquirit, qui concoquit, & permutat, & omnia in vnum redigit, tunc fermentatum dicitur.

Quapropter respondebis huic dubio hoc modo. Quando medicamentum componitur ex similibus in specie, & virtute, tunc non habet medicamentum compositum, virtutem præter virtutem simplicium, quia cum sint omnino similia non agunt, neque patiuntur inter se, & ideo virtus neque remittitur, neque immutatur, & quamvis Galenus lib. 3. meth. cap. 2. damnet huiusmodi modum compositionis ex similibus, recipitur tamen à Medicis, quia etsi similia sint secundum primas qualitates, diuersa tamen sunt in facultatibus secundis, & tertiis, à quibus diuersi effectus emanant, quibus in morbis indigemus. Si tamen simplicia similia sint in specie, dissimilia tamen in gradu, composita eandem habent virtutem quam simplicia, aliquanculum tamen immutatam; nam sicuti remissum remittit intentum, sic intentum intendit remissum. Quando tamen componitur ex contrariis, virtutem retinet mediam, & compositam; modò contraria æqualia sint in virtute: Nam quando disparia sunt, retinent virtutem potentiores.

Si verò medicamentum est fermentatum præter virtutem simplicium, retinet diuersam naturam quæ diuersos effectus producit: patet, quia post fermentationem acquirit medicamentum formam, à formis simplicium diuersam, quæ in illa corrumuntur, & sic diuersam virtutem acquirit. quæ formam illam consequitur, sicuti in mixtis naturalibus experimur. Ex iis intelligitur locus Auic. lib. de virib. cord. irael. 2. cap. 4. dicens, in medicina fermentata esse duplum virtutis, hoc est, præter virtutem simplicium esse aliam virtutem quæ fermentationem consequitur, & deinde dicit. *Quod si tota operatio theriaca procederet ex parte simplicium & non ex parte dispositionis quæ sua comp' exio præbet, esset utique recens efficacior, & viilior fermentata, cuius contrarium tamen est: recens enim pauci iuuamenti est, &c.* Ex dictis constat quid sit respondendum ad Galenum loci suprà citatis, & quomodo difficilis illa ratio sit soluenda, quia statuendum est principium intrinsecum, ætium, naturale, quod est causa fermentationis, & introductionis formæ de nouo. Consule de viribus theriacæ penes eius ætates, Ioan. Baptistam Siluaticum lib. suo de theriaca, qui hæc omnia diligenter profectus est, & eius compositionem laconicè, & doctè proposuit eruditissimus Nicolaus Fontanus, Medicus præclarus sect. 8. instit. pharmac. cap. 3.

## QVÆSTIO XLVI.

*Verum aer sit frigidus, aut calidus, an tam in ætate quam passius temperatus, ut contra Galenum asserunt Stoici, Peripatetici, Brauus, Carrelius, Peramatus, Carmona, Mercatus, Canimbrienses, & alij Neoterici præstantissimi.*

### COMMENTARIUM.

**A**erem infestum.] Licet cum medicinæ peritis hunc totum hæcenus librum simus negotiari, pergamus in his duabus quæstionibus Philosophorum scita cõtexere, in illos aciem dirigentes, quum enim communissima pestis causa, aer sit, & nos variè immutet continuò, non erit indecens Medico curaturo illius temperamentum callere ad vnguem, maximè cum Philosophi, & Medici in hoc argumento discutiendo summo perè digladiantur, quorum commentationes de hac re cum legis, nos compertius quidpiam in literas illis deprompsisse arbitramur, & maximè Vallesio, qui lib. 1. cont. cap. 3. meam sententiam confirmat, quam ego fortioribus machinis muniam ac defendam. Quamuis autem quæstio apud antiquos Philosophos tam Stoicos, quàm Peripateticos variè sit ventilata, ut refert Galenus lib. 2. simpl. cap. 20. quorum alij frigidum, alij calidum affirmabant, habet tamen

**A** spinas, & aculeos asperissimos acutissimòsque.

Seneca Stoicorum opinionem amplexus est lib. 2. natural. quæst. cap. 10. Cicero lib. 2. de natur. Deor. ita dixit. *Aër qui natura est maximè frigidus*, & statim subdit, ipse enim oritur ex respiratione aquarum, & earum quasi vapor habendus. Idem firmat Philo Iudæus in lib. de plantar. Noë, subscribit Galenus lib. quod an. mor. cap. 4. & 8 de usu part. cap. 3. vbi apertè Aristotelem reprehendit, qui ærem calidum statuerit, & 8. de usu part. cap. 1. dixit ærem esse cerebro frigidior, quam opinionem validis argumentis sic confirmo.

**Primò.** Medium æris interitium semper est frigidum, sed nullum violentum est perpetuum, ut ait Arist. lib. 1. de celo, cap. 3. text. 18. ergo aer naturaliter frigidus est. **Secundò.** Vbi elementum magis à contrariis est sciunctum, & ab eorum actionibus liberatum, magis suas qualitates seruat, sed aer in sua regione media est magis à contrariis liber: Nam inferior eius pars à terra, & ab aqua alteratur, in superiori autem regione alteratur ab igne, ergo cum media eius regio sit frigida in ea videtur aer magis naturam suam seruare, sed ibi est frigidus, ergo naturaliter frigidus est.

**Tertio.** Aer per absentiam solis qui eum alterabat, redit ad frigidam naturam, ergo frigidus est. Nam ea potissimum de causa asserimus aquam esse frigidam naturaliter, & quia tactui ita ostenditur, & quia ab igne alterata, absente igne ad suam naturam redit.

**Quartò.** Quando violentè stabello mouemus ærem, etiam si æstas vigeat, & aer calore veluti excandescat, aer à nobis frigidus percipitur, nosque calentes infrigidat, sed motus hoc modo magis suam naturam seruat, ergo frigidus erit suapte natura. Seruare autem tunc magis naturam suam ex eo fit manifestum, quia aer per motum illum magis vnitur, pars enim æris ad partem motu illo allisa magis iungitur, quod si aer magis iunctus est, tunc eius virtus, & qualitates fortius debebant apparere: Nam virtus vnita fortior est se ipsa dispersa, sed tunc euidentius apparet frigiditas, ergo aer frigidus est.

**Quintò.** Quantò magis montium cacumina sese erigunt, tantò magis in illis aer est frigidior, ut ostendunt nives ibi vel æstatis tempore concreta: at si natura sua aer esset calidus, quantò magis montes ad illius regionem accederent, tantò magis aer illos circumdans esset calidus, ac proinde montes illius calore incalescerent, nivesque liquarentur, vel ob æris calorem in montibus nūquam apparerent, sed contrarium apparet, ergo aer frigidus est.

**Sextò.** Ex primis qualitatibus nullum habemus meliorem iudicem quàm tactum, ut passim Arist. & Gal. affirmant, sed si ærem moueas quamuis tempus æstuet, semper frigidus tactu percipitur, ergo aer frigidus est. Neque intes in æstate ærem videri frigidum, quia tunc tempus æstuat, & calor virget: Nam si ærem non moueas, caliditas potius, quàm frigiditas percipitur.

**Septimò.** Aqua aëri exposita congelatur, quod aliter contingeret si aer natura calidus esset, potius enim tunc liquaretur, quàm concreveret. Nec dicas cum Thoma à Veiga lib. 1. arr. medic. cap. 1. id fieri ob vapores à septentrionali mari eleuatos, aërique mixtos: Nam ipsi vapores ab aqua saluginosa maris eleuantur, quæ non adeò frigida est, ut hæc nostra. Præterea cum à tam longinqua regione afflent, & in aëre natura calido, ut ille affirmat, recipiantur, & à calore solis eleuentur, eorum profectò frigiditas infringetur, & non ita frigidi erunt, ut aquam congelare queant, neque enim videtur quomodò tanta frigiditas eis remaneat, quum rari sint, & actionis debilis, ut aquam ad gelu perducere queant. Deinde vel isti vapores sua frigiditate congelant aquam, vel frigiditate aëris, primum, falsum est: quia illa septentrionalis aqua à qua vapores isti eleuantur, non est frigidior fontana nostra, immò calidior, quum sit saluginosa; secundum si asseras, iam ærem frigidum efficis, ergo, &c. Accedit quia cum ipsi vapores præ maxima frigiditate aquam possint congelare, meritò ipsi prius concreverent, suam à propria forma intendendo frigiditatem, ac proinde non immeritò ipsi congelari descendent grandinis instar.

Vltimò.



Vltimò. Cùm aqua aëri est exposita, & congelatur, non A  
semper adest ventus septentrionalis, & quamuis aliquan-  
do adsit, vapores illi non gelantur, nec in modum grandi-  
nis, aut niuis semper apparent, ergo hunc frequentissi-  
mum euentum non ex vaporibus frigidis, sed ex aëris fri-  
gidi natura, contingere est dicendum.

Octauò. Aër ex aqua, quæ natura frigida est, per solam  
rarefactionem fit, vt Aristot. & Cicero affirmant 2. de nat.  
Deor. ergo aër natura sua frigidus est. Deinde oleum  
aëreum est natura sua, insidet enim aquæ, & superius  
ascendit, sed oleum quauis ex causa densatur, ergo frigi-  
dum est, ac proinde aër, cuius naturæ oleum est, frigidus  
erit natura.

Nonò. Aër non solum ventilatione corpora nostra re-  
frigerat, sed etiam respiratione attractus cordis calorem  
attemperat, in quacumque parte corporis nostri inclusus,  
siue in intestinis, ventriculo, aut vtero vehementis fri-  
goris symptomata excitat, quæ solum caloricis auxiliis  
euascent, ergo aër frigidus est.

Sed hæc opinio reprobat ab Aristotele, Philosophis,  
& Medicis, argumentis multis, qui aërem calidum esse  
enixe comprobarunt, de quorum numero sunt Ioannes  
Brauuus doctissimus lib. 1. de purgant. rat. c. 6. Catmona lib.  
de febre puncticulari in med. Christoph. à Vega lib. 1. art.  
med. c. 1. Conciliator dif. 14. Mercatus tom. 1. part. 1. clas. 4.  
quaest. 26. Argenter. lib. art. med. c. 8. fol. mihi 133. Petrus de  
Peramato lib. de element. cap. 11. & primò sic. Aër genera-  
tur actione excedentis caloris, vt patet in igne cùm aquam  
in aërem resoluit, ergo aër natura sua calidus est. Se-  
cundò. Leuitas est comes caloris: quare quæ calefiunt, ra-  
riora redduntur, & leuiores, sed aër est levis, ergo. Tertiò.  
Nisi aër esset calidus, dissolueretur harmonia illa, & con-  
cors discordia quæ in elementari mundo ex quatuor pri-  
marum qualitatum distributione exoritur. Quartò. Essent  
tria elementa excellenti gradu frigida, nec ignis cum aëre,  
qualitate altera pugnaret, altera conueniret, ergo. Quintò.  
Aër in abditis terræ locis frigore corrumpitur, quod ibi  
nimium algens crassescit, & in aquam vertitur, ergo si à  
frigidityte corrumpitur, non frigidus, sed calidus erit: nam  
si frigidus esset, potius à terræ frigidityte conseruaretur,  
quàm corrumpere, etenim vnumquodque conseruatur  
à sibi simili, & destruitur à contrario.

Sed nos vtriusque partis rationes redarguemus diligen-  
tissimè, si nostram prius firmemus positionem. Aër neque  
frigidityte, neque caliditate excedit, sed potius in actiuis  
temperatus est. Hanc defendunt Thomas Garbius lib. 1.  
sum. rat. 1. quaest. 2. Valesius lib. 1. contr. 3. Archangelus  
Piccolhominæus in lib. Gal. de humori. fol. mihi 32. Heurnius  
doctissimus lib. 1. instit. medic. c. 3. Patet primò. Nam au-  
thoritas Galeni nos non cogit asserere aërem esse frigi-  
dum, negando illum habere caliditatem, quoniam tantum  
aërem infrigidare, frigiditytatemque habere affirmauit,  
quàm frigiditytatem quidpiam temperatum habere potest,  
respectu calidi frigidum nuncupari: hoc modo cùm  
æstantem cordis calorem contemperet, etsi temperatus  
frigidus potest vocari. Præterea Galen. lib. quod anim. mor.  
cap. 4. non pronuntiauit aërem esse frigidum, sed permix-  
tione ignei elementi esse temperatum, etsi aliquando id  
asseruit, non ex propria, sed Stoicorum mente loquutum  
fuisse intellige. Et licet aërem cerebro esse frigidiorē  
assereret, non inde sequitur aërem esse excellenter frigi-  
dum; cerebrum enim, & reliquæ partes quæ in viuente  
frigidas appellamus, ætu calidæ sunt, & aëre calidiores,  
etiam quando ætate excandescit, quare ex Galeni sen-  
tentia aër non frigidus, sed temperatus est statuendus.

Primò. Oleum, & cera aërea sunt, at hæc temperata sunt  
ita, vt tam frigidorum, quàm calidorum medicamentor-  
um materia sint, quia cum quolibet medicamento, siue  
calido, siue frigido permixta facillè ad illorum medica-  
mentorum naturam transeunt, ergo aër in actiuis qualita-  
tibus temperatus est.

Secundò. Temperata dolores mulcent, sed hæc aërea  
sunt, ergo. Maiorem & minorem probat experientia: Nam  
oleum amygdalarum dulcium, & lini, dolores lenit, &  
aëreum, & temperatum est, ergo & aër, &c.

Lib. IV.

Tertiò. Quod æquè est ad alterutrum extremorum trās-  
mutabile, illud vtriusque extremi æquè est expers, vel de  
vtrouque extremo æquè participat, hæc enim de causa sym-  
metra, & temperata corpora sunt ad mutationes contra-  
rias aptiora, ex Aristot. 5. probl. 2. 2. Sed aër facillimè, & ex  
quacumque causa, nunc ad frigiditytatem, nunc ad calidi-  
tem vergit, ergo aër natura temperatus est. Sed firmissima  
hæc ratio apud aduersarios inualida videtur, dum rentur  
hanc facillimam mutationem ex aëris tenuitate emanare, nam  
tenuis essentia corpora facillè perperuntur, & promptè  
incalescunt, & refrigerantur, idem affirmant Auicenna. 2. 1.  
doct. 2. sum. 1. c. 23. & Auer. 1. part. canonic. com. 100. & 109.  
Huic obiectioni responde Galenus, Auicenna. & citatos au-  
ctores de rebus eiusdem naturæ esse intelligendos: non  
enim vapor opij facillimè incalescit, quàm granum pipe-  
ris, nec ignis, qui tenuior multò est aqua, facillimè alteratur,  
quàm aqua, nam sui caloris est tenacissimus, & inter cæte-  
ra elementa efficacissimus: hæc enim diuersæ naturæ sunt:  
quoniam si aquam cum aqua conseras, tenuior aqua fa-  
cillimè alterabitur, quàm crassior, hæc namque eiusdem  
naturæ sunt, quæ omnia, vt cætera bellè explicat loc. cit.  
Valesius.

Vltimò. Aër propter nos creatus est, eius vsu caloris no-  
stri symmetria seruatur, eius interuentu viuimus, ergo ad  
hos vsus tam necessarios debuit esse temperatus: Nam  
aëris qualitates excedentes morbos pariunt, & eius exce-  
dens calor, febrem concitat, & plurimi aëris caliditate suf-  
focati sunt, & frigidityte extrema extincto vitali igne,  
subitò oecubuerunt, vt in algidis, & niuosis locis quotidie  
hæc damna euenire experimur.

C Nunc Stoicorum argumenta soluenda. Dic: ad primum,  
aëris mediam regionem non esse perpetuò frigidam se-  
cundum easdem partes vaporum facientium illam violentam  
frigiditytatem, sed per successionem: Nam semper aliqui  
eorum vaporum corrumpuntur, & de nouo aliqui succe-  
dunt. Quando autem Aristoteles dixit nullum violentum  
esse perpetuum, intelligitur secundum easdem partes.  
Solue secundò. Nullum violentum semper est perpe-  
tuum, dummodò non habeat perpetuam causam fouentem  
eam violentiam, at media aëris regio semper est violentè  
frigida, à terra enim, & aqua semper vapores ascendunt  
illam violentam frigiditytatem fouentes.

Ad secundum dic: mediam aëris regionem etsi per se  
& ratione loci sit à contrariis magis libera, quàm reliquæ  
aëris regiones, tamen per accidens à contrariis esse magis  
occursatam, nempe à vaporibus per radios solares è terra  
in mediam illam regionem deuectis: quamuis enim hæc  
infima aëris regio, aquæ, & terræ propinquior sit, tamen  
ob caliditatem in ea genitam à reflexione radiorum solis,  
à contrariis est magis libera: caliditate enim illa vapores  
è terra, & aqua eleuari absumuntur, & aërem hunc no-  
strum non ita infrigidant, sed cum parum ibi morentur,  
statim à solis radiis in mediam regionem eleuantur, ad  
quam nec caliditas solis, nec radij ipsius reflexi non acce-  
dunt, quare cùm vapores non dissipentur, iccirco media  
aëris regio frigidior existit.

Ad tertium dic, quod aër per absentiam solis refrigera-  
tur, quia tunc eleuantur è terra, & aqua vapores qui aërem  
alterant, & cùm à solis calore non calefiant, neque ablu-  
mantur, & ibi vsque ad solis reditum persistant, aërem ad  
suam frigidam naturam reducant, aqua autem quæ fuit  
calefacta, non à re extranea, vt aër, & vaporibus infrigi-  
datur iterum, sed à propria forma ad suam naturam redit,  
quare multo maior ratio est in aqua, quàm in aëre.

Ad quartum dic; non reprobata hac in re opinione Arist.  
5. probl. 34. & Alex. 5. probl. q. 3. aërem motum flabello nos  
non infrigidare, quia ipse magis vnietur, sed quia vapores  
aquei, & terrei qui frigidi sunt, ei immixti ventilatione  
vnietur, & per vnionem fortius naturam suam, quæ fri-  
gida est, tuentur, ac proinde magis nos refrigerare valent.

Ad quintum dic: quod cùm medium aëris interstitium  
sit frigidum, idè montes illi viciniore esse frigidissimos.  
Ad sextum patet responsio ex dictis: Nam aër vaporibus  
frigidis immixtus, dum manu mouetur, tactui ea de causa  
frigidus apparer.

T T t

Ad

Ad septimū dic. Aqua in fonte, vel mari contenta habet multos vapores calidos sibi adiunctos: quia è sinu terræ scaturit, quæ habet calidos vapores à sole genitos, qui in ea derelicti: non solum terram calefaciunt, sed etiā aquam, quæ terræ quasi immixta est, ad calorem ducunt, terra enim cum tenacissima sit, retineatque vehementer qualitates sibi à natura, sole, vel quacumque alia causa semel impressas, illos calidos vapores exhalare non sinit. Adde sub terra multos ac ingentes latere ignes, qui aquas quæ à terræ cauernis erumpunt calefaciunt. Ab aqua ergo quæ à fonte extrahitur, vapores illi calidi exhalant, & cum aliis de nouo non foueatur, & ob aëris frigidam constitutionem, non propriam, sed adscititiam ipsa aqua frigida manet, & à propria forma ita intenditur; quousque remanentibus partibus crassis concrefcit.

Ad octauum dic: non inde sequi aërem esse frigidum, quia fit ab aqua vi caloris rarefacta, nam calore ignis aquæ qualitates corrumpuntur, & in aëre genito ex aqua non manent. Ad nonum dic. Oleum in hyeme crassescere non quod natura frigidum sit, sed quia temperatum est, & facile ad quoduis extremum ducitur: insuper quia præter naturalem suam constitutionem frigore correptum, eius calore intereunte corrumpitur, & in eum modum densatur, ut firmat Arist. 4. meteor. 7. & lib. 2. de generat. cap. 2. de quo argumento lege Vicomercatum in com. cit. loc. Arist. Ad vltimum ex dictis solutio patet, nam aër non infrigidatur nisi alteratus: deinde quia etsi temperatus sit, nostri caloris respectu frigidus potest vocari, nos enim dum viuimus, aëre multo sumus calidiores, etiam in æstate, idcirco nos potest infrigidare.

His solutis ad Peripateticorum rationes dissoluendas accedamus. Ad primam dic: non omnia quæ generantur à calore, esse calida, ut patet in cicura, & opio. Accedit quod vapores illi ex aqua geniti non sunt aër, sed potius statim ubi in supremam regionem sunt eleuati, in imbres nives, & grandines conuertuntur. Ad secundum dic: quod leuitas non est comes caloris, sed potius raritatis. Deinde non omnia quæ calefiunt, rariora euadunt, immò aliqua incrassantur, ut patet in saccharo, melle, & aliis, in quibus resolutis à calore partibus tenuioribus, cocta, crassiora euadunt.

Ad tertiam dic: illam concordem discordiam, illamque harmoniam necessariam non esse, neque rationibus physicis inuentam: & quamuis inter elementa dari harmoniam concedamus, hanc non in elementorum qualitatibus primis consistere, sed potius in modo substantiæ asserimus: quoniam in vnoquoque elementorum, ut ait Plato in *Tym.* alia est conuenientia, quam hisce verbis describit. *Oportet autem considerare in vnoquoque elemento tria, nempe substantiam, virtutem, actionem, ut v.g. ignis, substantia leuis, virtute actiuus, actione mobilis, aër, leuis obfus, mobilis, aqua grauis, obfus, mobilis, terra grauis, obfus, immobilis.* Quo pacto conueniunt: Nam aër conuenit cum igne, leuitate, ut mobilitate, aqua cum aëre, obtusione, & mobilitate, terra cum aqua, eadem obtusione, & grauitate.

Ad quartam dic: superfluum esse illam elementorum pugnam statuere. Ad illud verò de conuenientia ignis, & aëris ex proximè dictis solutio patet. Quod verò non sint tria elementa in supremo gradu frigida, patet aperte, nam aër non est frigidus, sed temperatus. Ad vltimum dic: aërem non esse frigidum, sed temperatum: quare facile ad quoduis extremum ducitur: maxime quia terræ frigiditate eius calor corrumpitur, & terream frigiditatem acquirit, à qua alteratus, & in spissitudinem ductus in aquam migrat. Ad vltimam dic aëra non esse calida, sed temperata.

Sed prosequentes ceptam de aëris temperamento tractationem, in actiuis qualitatibus & aliam de eius temperamento in passiuis inquiramus. Aërem autem non esse summè humidum, sed temperatum probari potest primò. Nullum habemus meliorem, & certiorum de primis qualitatibus indicem, quam tactum, at nullam humiditatem percipit tactus in aëre ergo aër non est humidus. Si neges maiorem, confirmabo hoc modo, quoniam nullus sensus benè dispositus obiecto debite approximato potest falli circa proprium sensibile. Præterea Aristoteles tactu vitur

ad primas qualitates indagandas, elementis enim has qualitates inesse nullo alio euidentiori argumento demonstrat, quam sensu tactus: Sensus enim nunquam fallitur circa proprium obiectum, si non sit impedimentum tam ex parte organi, quam obiecti, ut affirmat Aristor, quem sequitur Tullius in *Academicis questionibus*, subscribunt Mirandul. lib. 2. de examine vanitatis, Magnus Albertus tract. 3. c. 5. Apollinaris quest. 13. probant Conimbricenses in lib. 1. Arist. de anima, c. 6. quest. 6. art. 2. assert. 2. & Lucretius lib. 1. quem citat Fernellius lib. 3. de temper. c. 5.

*Quid referemus enim, quid nobis certius ipsis  
Sensibus esse potest, quo vera, ac falsa notemus?*

Quoniam sensus optime dispositus apprehendit rem ut ipsi in ipse repræsentatur, species verò talis est, quale obiectum ipsum in se, quum naturalis eius imago sit; quò sit, ut sensus respondeat speciei, species rei cognita, sicque nullus deceptionis locus relinquitur, modò sensus benè disponatur, & obiectum sit proportionatum. Nec obstat obiectio Conimbricensium loc. supra cit. qui asserunt posse errare sensum quum sensibile ita apprehendit, ac si haberet in se aliquam qualitatem, quam non habet, & ponunt exemplum in gustu, cuius instrumenta, nempe palatum, & lingua bile occupantur, tunc enim asserunt percipere gustum amarorem in cibo ob bilis portionem qua sunt delibuta, cum re vera cibus amarus non sit, sed licet purent concludere, non tamen euincunt: Nam in proposito exemplo sensus non est benè dispositus, quum sit intemperatus: neque enim hoc erat necessarium argumentis comprobare: qui enim à sensibus certitudinem abstulerit, abrogabit etiam omnem in scientiis certitudinem, ut eleganter asserit Fernellius loc. supra cit. qui sequentibus Lucretij carminibus id confirmat.

*Inuenies primis ab sensibus esse creatam*

*Notitiam veri, neque sensibus posse refelli*

*Qui nisi sint veri, ratio quoque falsa sit omnis.*

quod eo loco Fernellius alio eiusdem auctoris poemata etiam comprobant.

Secundò. Ideò ignem dicimus summè calidum, quia summè, & vehementer calefacit, sed aër summè non humectat, ergo non est summè humidus. Obstabis aërem ob tenuitatem substantiæ non humectare tantum, ut aqua? Dic: quod tenuiores sunt milesies radij quos emittit sol, tenuiorque, & rarior est ignis, & tamen impensè, tam radij, quàm ignis calefaciunt.

Tertiò. Quòd est summè humidum, non potest exiccare, sed aër suo efflatu terram, & corpora siccatur, ergo, quare Auic. 1. 1. de complexionib. cap. ult. aërem dicit esse siccum, idcirco mortis causam esse, & Galenus lib. de caus. sympr. cap. 7. aërem ambientem exiccare, & idcirco famem efficere affirmat, ergo non est summè humidus.

Quartò. Si aër omnium humidissimus esset, omnium tenaciùs humiditatem retineret, sed aqua tenaciùs humiditatem retinet, quàm aër. Maior cum minori patet: nam difficiliùs humor aquæ, quàm aëris remittitur, ergo.

Quintò. Aqua tempore pluuiæ humectat aërem, at non humectaret humidum in summo, ergo Sextò. Planeta qui humidissimus censetur, nempe luna, dicitur aquæ dominari, sed si aër humidissimus esset, aëri dominaretur: ergo aër, &c. Septimò. Probatur auctoritate Galeni lib. 1. de elem. cap. 3. & 1. simpl. cap. 8. & 12. Albert. Magi. tract. 1. cap. 12. Auic. 1. 1. doct. 2. Garb. in sum. tract. 1. quest. 2. fauet Arist. 4. meteor. cap. 4. in med. Aëtius tetrab. 1. serm. 1. cap. 1. subscribit Arist. 2. de generat. c. 8. text. 48. asserentis solam ex omnibus elementis aquam optime terminari, quod humidissimi proprium est, & cit. meteor. ipse edocuit firmans aquam maxime propriè dici humidam, & hoc experimento comprobatur: hectici enim potius balneis aquæ dulcis humectantur, quàm aëre.

Octauò. Quòd æquè ab extremis distat, æqualiter de eis participat, sed aër æqualiter distat ab extremis, quum æquè facilliter humectetur, & exiccetur, ergo temperatus in humiditate est: nam nulla percipitur in aëre humiditas, vel paruissima, nisi dum pluuiis, ac nebulis obsideretur.

Nonò. Omnia quæ in hoc mundo sunt propter homines

nes secundariò sunt creata, ita ut hic ab omnibus Philosophis, mundi finis appelletur, sed ad hominis conseruationem, & tutelam melius fuit, cum in actiuis, & passiuis esse temperatum, ergo, quoniam hic ad vitam, sanitatemque magis conducit, intemperatus verò principii vitæ est aduersus valde, omnia enim ad sui conseruationem similibus gaudent, calor autem naturalis in quo vita consistit, & in humido perseuerantiam habet, temperatus est, solum enim ille est naturæ operantis instrumentum, qui proportionatus est, & commensuratus ex Gal. lib. de inequal. in temper. cap. 3. ergo aer qui calori adeò infernit debet esse temperatus, humidus enim rheumata parit, generat comitalem morbum, paralysim, dentium dolores, ergo, &c.

Decimò. Superflua esset hæc humiditas quum aqua magis humectet, & eius humiditas sufficiat. Præterea plantæ nisi aqua, vel pluuia irrigentur, ob humiditatis defectum siccescunt, non germinant, pereunt, at si aer esset humidus in summo, non exiccarentur, quia aer perpetuò plantas tangit, ac ex consequenti humectaret, sed non humectat, ergo non est humidus in summo. Nec insites aeris humiditatem non sufficere, nam plantæ, sicut nec alia mixta ad summum humiditatis gradum peruenire non possunt, sed hunc habet aer, ergo sufficit, ac superabundat eius humiditas. Insuper aer humidus pro salutis tutela non est utilis, ex Hip. 3. aph. 15. siccitates imbribus salubriores.

Instant acerrimè contrariæ partis defensores in principio quæstionis citati, & præsertim Conimbricenses com. in lib. 2. de generat. & corrupt. c. 3. quæst. 4. qui aerem summè humidum esse contendunt. Primò. Humidum est quod facile terminatur termino alieno, suo difficulter coercetur, at hoc præ cæteris elementis aëri accommodatur, ergo. Secundò. Quæ humidiora sunt, effluxu aeris humidiora fiunt, ut oleum, & cera. Tertiò inductione probant: Nam summa humiditas non competit igni, alioqui cum calor humiditate hebescat, non esset ignis, uti est, summè actiuus: non conuenit terræ, quum sit maximè compacta, & solida: non aquæ, cum non tam facillimè terminis alienis claudatur, ergo aëri.

Sed hæc parum videntur. Dic ad primum definitionem humiditatis non aëri, sed aquæ conuenire. De secundò illam definitionem non esse quidditatiuam, nec propriam humiditatis immò potius esse raritatis, & tenuitatis, ideò quæ facilius clauditur termino alieno aer, non propter humiditatem, sed propter substantiæ tenuitatem, quæ magis penetrat, & facilius huc, & illuc ducitur. Ad secundum, respòde minorem esse falsam, ut quotidiano experimento comprobatur, quis enim non videt contrarium. Sic corium siccum aëri appositum, siccius euadit, aqua tamen madefactum, humidius.

Ad vltimum dic: aquæ illam humiditatem conuenire, & ad illud quod obiicitur aquam non tam facilius claudere termino alieno, iam respondimus in superioris argumenti solutione. Ex his patet non rectè conciliasse Vallesium lib. 1. cont. cap. 2. Aristotelem cum Galeno dum affirmat Galenum statuisse aquam humidissimam esse tanquam medicamentum, Aristotelem verò aerem humidissimum effecisse tanquam elementum: quia eadem ratione ignis esset siccior terra, & terra igni, ignis tanquam medicamentum, terra tanquam elementum. Deinde medicamenta non alia de causa qualitatibus præcellunt, nisi quia elementa eas qualitates habentia in illis medicamentis exuperant, & non nisi ratione elementorum talia dicuntur: Sed si ratione elementorum imprimunt qualitates suas, suosque effectus fortiores producunt, elementa profectò magis suas qualitates imprimunt: Nam propter quod & vnumquodque tale, & illud magis, sed propter elementa humectant medicamenta, ergo elementum magis humectabit, quàm medicamentum, si id ut elementum, siue ut medicamentum sumas, semper aqua plus humectabit. Ergo aer tam in actiuis, quàm in passiuis temperatus est, quum in medio sit extremorum, medium autem temperatum est, vnde illud.

*Cum media semper gaudebam ludere forma,  
Maior enim mediis gratia rebus inest.*

Lib. IV.

A & illud Martialis.

*Illud quod medium est, atque inter utrumque probatur,  
Nec volo quod cruciat, nec volo quod satiat.*

## QVÆSTIO XLVII.

*Vtrum solus aer, an cetera elementa pestem generent, ut contra Hippocratem, & Galenum Septalius, & Valleriola asseuerant.*

**A** *Erem infectum.* Elementa omnia posse esse potissimam causam pestis, videtur à ratione alienum: indecens enim erat ea quæ ad hominis mixtionem concurrunt, putredinis causis esse obnoxia, & ad producendam pestem paratissima, homo enim finis huius mundi censetur, ut post Platonem asseruit Arist. 1. Politicor. cap. 5. quia spectabilem hunc mundum hominis gratia procreauit, tum quia homo iure insitæ nobilitatis, & eminentioris formæ prærogatiua, totam corpoream naturam ad se conuocat: est enim naturæ lege comparatum, ut quæ inferioris notæ sunt, ad præstantiora, si eis præsertim aliquo modo vsui esse possint, referantur. Quo pacto forma elementæ, quæ omnium despiciatissima est, ad formam corporis mixti proximius accedit, hæc, ad vegetatricem, hæc, ad sensus compotem, hæc denique ad animam rationalem, quæ omnium formarum numeros, & perfectionem in se continet: nam homo, inquit Plato in Phædro, sapienter est planta cœlestis, non terrena: fusiùs hæc docet Epictetus dicens sapienter omnia animantia Dei esse opera, hominem præcipuè, omnium animalium perfectissimum, cuius gratia cætera illa Deum in se habere, vbique enim, & intra omnia Deus, hominem diuinæ naturæ esse particulam, Deum intra se circumferre.

Ex his constare arbitror quàm ridicula sit eorum Philosophorum opinatio qui ex putri materia, hoc est terra cum putri humore incalescente, procreari hominis corpus opinati sunt, confutat hoc solum argumento I. C. Scaliger de subtilit. exercit. 6. n. 6. hoc si verum esset aliquando certe extisteret: at quibus cælorum circumactionibus hætenus compertum sit, ignoramus, quem tam insipientis sapientiæ, tamque absurdæ opinionis auctorem multis argumentis reprehendit eximius Philosophus Benedictus Pererius lib. 8. de princip. rerum natural. c. 16. refutat etiam hanc insaniam Aristot. lib. 2. Politic. cap. 6. Ita irridendus Hieronymus Cardanus qui in suarum subtilitatum classe, hanc sanè crassam censuit reponendam, non solum minuta, sed & maiora animalia è putredine, immò omnia credendum esse originem ducere, validissimo vsus argumento, à minori ad maius, Mus è putredine potest nasci, ergo & homo potest, egregia probandi ratio: eam iure suo risit Scaliger exercit. 193. Horum Philosophorum sententiam à Virgilio expressam notat Lactant. Firmianus, errantes, inquit, quidam Philosophi aiunt homines, ceteraque animalia sine ullo artifice orta esse de terra, vnde illud Virgilij.

*Terræ progenies duris caput extulit aruis.*

Quapropter si homo ex putri materia non gignitur, quo pacto ex elementis conflabitur, quæ corruptioni sunt prona?

Ignis putrere non potest, nec pestem generare: hic enim calidissimus est, siccissimus, omnis humoris expertus, putredo autem sine humore non consistit. Deinde omnia absumit, habetque ut subtractam materiam, quare apud Philosophum 4. meteor. c. 3. omnia putrescunt præter ignem. Insuper tam nobile elementum non decebat ita putredini esse paratum. Quocumque enim modo creetur, ut igne, luce, reflexione lucis, corporum collisione, motu, frictione, ut Plato animaduertit in Theæt. & exëpla varia proponit ex variis auctoribus Ionstons clas. 2. Thaumastogr. c. 7. semper cæteris elementis antecellit.

Hoc confirmatur primò. Nobiliora sunt quæ tenuiora, ac subtiliora, magis enim accedunt, ut ita dicam, ad spiritualitatem, atque immaterialitatem: cæteris tenuior, ac subtilior est ignis, hinc, & agilior. Secundò. Nobiliora quæ leuiora, ignis reliquis est leuior, sic quæta petit motu celerissimo. Tertiò veterum opinione Philosophorum, ignis formam

formam decernentium esse globosam, ac rotundam, quia corpus præstantissimum qui de reliquorum figuris elementorum nihil statuebant. Quartò. Lucida non lucidis præferuntur, ignis per se lucet, sic Plato in *Timeo*, statuit nihil igne vacuum videri. Quintò. Forma nobilior subiecto, sed ær, atque ignis formæ comparantur ab Aristot. Sextò. Inter mouentes qualitates nobilissima est leuitas, inter efficientes, calor, & has, vt sibi proprias vendicat ignis. Septimò. Nobilius id quod ad vitam maximè accedit, huiusmodi est ignis quem tradit *lib. de anim. 2.* Arist. augeri, ac nutrirî animantium pendè morè, & Lucius apud Plutarch *lib. 7. symp. quæst. 4.* nihil similius esse dixerit animato, quàm ignem, qui per se mouetur, & nutritur, suoque splendore animæ instar res omnes manifestas reddit, & vi quadam pollet non experte vitalis principij, & dum extinguitur edit strepitum, quasi vocem morti relucantis, vt qui necatur.

Deinde quomodo putrescet ignis, & pestem generabit cuius multa est necessitas, multò maior vsus. Quàm verò præ cæteris elementis vtilis, commodus, necessarius, hæc maximè indicant. Primum, animantium vita calore, & humore continetur: calor ad ignem refertur, humor ad aquam. Secundò vitam conseruant potissimum calida, & caloris interitu animantis continetur interitus, sic Arist. de *iunem. & senect.* Tertiò, nulla maior in parente rerum natura sollicitudo, quàm in igne conseruando, cur autem? quia eius ope, ac præsidio eget maximè, ac præcipuè consistit, ita prouidè consuluit, vt multis modis creati ignis possit, vt suprà retulimus. Quartò. Ita ad artes plurimas commodus, vt sit necessarius: his enim artibus plurima experitur hominum genus, non vtilia modò, sed necessaria, cuiusmodi artes sunt pictorum, fictorum, fusorum, ferrariorum, figulorum, aurificum, cuforum, chalcymicorum, pistorum, coquorum, metalliorum, & ferè omnium quæ chirurgicæ sunt, & mechanicæ, vt rectè Plutarchus *lib. de vtilit. ex amico percipienda*, omnium artium instrumentum dixerit esse ignem, & Prodicus apud eundem *lib. de tuend. sanit.* optimum esse condimentum, ignem affirmavit, attendens ipsius in cibis coquendis vsum. Hinc iure Tzertzes in *Lycophr. omnes artes*, inquit, ignis constituit, quare Schol. Thucid. *lib. 2.* ad verba quædam Periclis in *secunda orat.* cum vocat Deum instrumentorum, seu cooperariorum Mineræ, sine quibus artes illæ quibus præsidet Minerva non exerceantur, quare est ignis omnibus communis, vnde Ouidius *lib. 2. Trist.*

*Ignis quid vtilius? si quis tamen vrere testæ*

*Comparat, audaces instruet igne manus.*

Vltimò ignis admirabilis est vsus, & par cum vino, ita Callimachus, & Panyasis, Poætæ celebres, sic enim ille ex versione Nat. com.

*Vita viros ingressa tenent par robur, & ignis.*  
hic verò.

*Est cibus igni par vinum mortalibus ipsum.*

Quid plura? nonne ignis vi consistunt omnia, & in ignem dissoluuntur, vt duobus expressit versibus Cornelius Suetus in sua *Ætina*.

*Et discet verò nihil insuperabile ab igni,*

*Omnia quo rerum natura semina coacta*

Denique de ignis vi, necessitate, & vsu consulendus Vitruuius, Nicephor. *lib. 14. c. 18.* & *lib. 18. c. 2.* Euagrius *lib. 5. cap. 14.* Max. Tyrius *serm. 38.* Solinus *cap. 31.* Strabo *lib. 15.* Alex. ab Alex. *lib. 6. diæ. genial. c. 4.* & 26. Epiphani. contra *hereses, lib. 3. c. ult. auctor. lib. sapientia, c. 13.* Vltimò, ignis vsus esse in sacris prodit Valesius *lib. 1. de sacra Philosoph. in fin. c. 16.* maximè enim in diuinis inferuit, quare Deut. *c. 4.* sic scribitur. Dominus tuus ignis consumens est. Et in Exod. *13.* Dominus præcedebat eos ad ostendendam viam per noctem, in columna ignis. Et cap. *19.* Descendit Dominus super montem Sinai in igne. Et cap. *24.* Exod. Erat autem species gloria Domini quasi ignis ardens super verticem montis, &c. Cur ergo ignem, tot præditum vsibus, commoditatibus tantis, putredini resistentem maximè, impugnabilem non dicemus?

Ær sequitur ignem, cuius esse summam necessitatem ad conseruandam vitam, diximus suprà, nam magna est

eius vis, & potentia in alterando corpore, quia continuè agit, & minimè refractus rapitur in viscera inspiratione, transpiratione, immutat alimenta, & eorum interuentu corpus nostrum, non solum qualitate sua, sed & substantia in spiritus vertitur alendos, ita ær plus quàm aqua assumpta alterat, 1. *probl. 13.* quare Auic. *4. 1. cap. 1. versus finem*, agens de sex rebus non naturalibus ærem in transmutando corpore digniorem esse confirmat. Annuit Hip. *lib. 6. epid. sect. 5. text. 20. in morbis longis patrium solum vertere præcipiens.* Si igitur morbi neque victu, neque medicamentis superari solent, & mutatione æris perlanantur, multò potentior est ær reliquis non naturalibus rebus: Nam sine his per aliquot dies viuere possumus, sine ære verò nec momento temporis vitam traducimus, vt Hipp. inquit *lib. de flatib. n. 5.* explanat Gal. *lib. 1. de diff. respirat. cap. 12.* quare ær indicat curationem, quidquid contra Galenum effuriet Argenterius *lib. 2. de officiis med. cap. 6.* Ergo tam nobile elementum cuius ope, ac ministerio viuimus, non debet esse corruptioni facile obnoxium, nec pestis causa.

Aqua tanto vsu, & facultate calorem nostrum recreans, sine cuius beneficio animalia vitam ducere nequeunt putredini non debet esse exposita: quum frigiditate sua putredinis, & contagij seminaria arceat, & maximè marina, quæ sicciore est, & salsuginis ratione putredini resistit: nam *lib. 5. simpl. cap. 26.* & Auic. *lib. 2. tract. 1. cap. 3.* à putredine defendunt, quidquid enim in corporibus humidum inest quodammodo absorbet, & quod reliquum est substantiæ solidæ adstrictione defendit, vt Galenus inquit *lib. 11. simpl. tit. de sale.*

Insuper mare tantis insignitum commoditatibus in humanos vsus non debebat esse putredini pronum; bonum enim mare est hospitium fluuiorum, fons imbrium, deriuatio illuuium, inuectio comæatuum, quo sibi distantes populi copulantur, quo præliorum remouentur pericula, quo barbaricus furor clauditur, subsidium in necessitatibus, refugium in periculis, gratia in voluptatibus, salubritas valetudinis, separatorum coniunctio, itineris compendium, transfugium laborantium, subsidium vêtigalium, sterilitatis alimentum, ex hoc pluuia in terras transfunditur, siquidem ex mari aqua radiis solis hauritur, & quod subtile eius est, rapitur: deinde quantò altius eleuatur, tantò magis etiam nubium obumbratione frigescit, & imber fit, qui non solum terrenam temperat siccitatem, sed etiam ieiuna arua fecundat, & irrigat, quas & alias commoditates summas describit Cælius *lib. 14.*

*D suarum antiq. lect. cap. 38.*

Quid referam quanti antiqui aquam æstimarint, vt probant Alexand. ab Alex. *lib. 5. diæ. genial. cap. 10.* Plinius *lib. 2. cap. 103.* & *lib. 3. c. 2.* Seneca *lib. 3. natural. quæst.* & quanti sit facienda semper, & quam infœlix sit patria quæ aqua caret, aut eam noxiam habet, ita qui aqua priuantur, sine gladio interficiuntur, *lib. Iudith. cap. 7.* hoc probat textus in *l. final. ff. de riuis*, & *l. de pupillo. §. Si quis riuis*, &c. notat glossa in verbo securitatis, *ff. de operis noui nûciatione.* Huc alludit maximè illud *Eccles. 39.* vbi sic scribitur, *inirium necessarium rei vita hominum, aqua, ignis, sal, panis, vna, vestimentum*, explanant Theodoretus *ser. 2. de prouidentia*, Plutarchus in *lib. qui inscribitur utrum aqua, an ignis sit vtilior.* Denique cum aqua, teste Gal. *lib. 1. simpl. cap. 4.* sit conuenientissima omnibus hominibus, tum sanis, tum ægtotis, & ad vitam maximè necessaria putredinis & pestis principia in se non debet obtinere.

Terra, non videtur corruptionis, & pestis infortuniis esse obnoxia, quoniam frigida, & sicca est, quibus qualitatibus hæc vitia quæ à calore, & humiditate emanant vehementer arceat. Deinde non erat conueniens hominem animalium omnium principem ex terra formati, & constare. Insuper quomodo pestem experietur terra, cuius in producendis maxima vis inest, vt eorum mater à Philosophis appelleretur, vnde Virgilius 3. *Æneid.*

*Quæ vos à stirpe parentum,*

*Prima tulit tellus, eadem vos ubere lato,*

*Recipiet reducus; antiquam exquirite matrem*  
& cli b. Georg. terram vocat parentem.



*Salve magna parens, frugum saturnia tellus  
Magna virum.*

Magna enim sunt beneficia quæ nobis perpetuo libertatissime præstat, ob quæ antiqui Terræ, tãquam Deæ Deorum maximæ sacrificabant, ut refert Alex. ab Alex. lib. 5. dier. genial. cap. 10. Quid terræ moles: nonne sua magnitudine, constantia, pulchritudine, utilitate alia antecellit elementa: hæc est in medio mundi stabiliter suspensa, ac veluti paribus examinata ponderibus, eadem rotunda, & forma dispar, vallibus humilis, collibus supina, montibus ardua, fluuiorum cursu, fontium scatebris irrigua, nulla sui parte inutilis, nulla propemodum infructuosa, interiùs gemmarum, auri, argenti, & aliorum metallorum opulencia, diues, exteriùs vestita floribus, herbis, arboribus, frugibus, quorum incredibilis multitudo insatiabili varietate distinguitur.

Plinius lib. 2. de natur. hist. c. 65. eam mirum in modum sic laudat, terra nos nascētes excipit, natos alit, nouissime complexa gremio tandē ut mater operis semper placida, mitis indulgēs, raro homini irascitur, perpetuo ad omnes illius cōmoditates sese effingit, visceribus enim suis omniū rerū nobis copiā præcreat, & stirpiū, atque herbarum genera ad animantium sustentationē magna largitate fundit, quare præsci eā iustissimam, & liberale appellabant. Sic Virgilius lib. 2. Georg.

*Quibus ipsa procul discordibus armis*

*Fundit homo, faciem victum iustissima tellus.*

& lib. 1. eiusdem operis. --- ipsa tellus.

*Omnia liberius nullo poscente ferebat.*

Amplius terra materiam mixtis quasi ministrat, si aues inspicias, terram præ se ferunt, quid enim pennæ & plumæ sunt, quàm quædam fuliginosa, & adusta terræ portio? quid pili? quid nisi concretam terram in vnguibus, & ossibus videmus? Quid si faciem, vel aliquam corporis partem fricaueris, præter terram inuenies nihil? & est hæc causa ob quam Euripides in supplicibus corpus hominis vocat terram insensibilem.

*Sinite iam terra occultari cadauera,*

*Nam vnde vnaquæque pars ad corpus venit,*

*Illud rediit, spiritus quidem in æthera,*

*Corpus verò in terram.*

Idcirco terram almam, & Poëtæ celebrant, & Philosophi, & ab eis appellatur Ceres, quasi gerēs, à gerendis seu creandis frugibus, ut 1. & 2. de natur. Deorum, prodidit Cicero: quia è terra maxima capiunt emolumenta mortales: Nam omnium animantium immò viuentium est capax locus, ut in Tymæo Platonis Chalcidius notat, & Tertullianus in oratione Apol. Cælum vocat patrem, terram, matrem, quia tam est liberalis, & munifica, neminem ut repudiet, ut refert lib. 7. Pausanias.

Iam verò Marcus Brutus qui primus hoc nomen adeptus in iuniorum familiam intulit, ut est apud T. Liuium lib. 1. cum oraculo moniti legati fuissent, caterorū dominū futurū illum qui primus in patriā reuersus osculum matri obtulisset, quum reliqui matres suas oscularentur, ipse humi cadēs, terra, cōmuni omnium parenti osculum infixit. Ita intelliges illud Iobi c. 1. nudus egressus sum de utero matris meæ, & nudus reuertar illuc, hoc est ab utero matris propriæ in ventrē matris communis, sic Cæsius dist. 6. §. 77. terram vocauit æternam, quod probat multis exemplis. M. A. Sabellicus tom. 2. Anead. lib. 8. Popelinerius lib. 2. de tribus mundis.

Iure ergo terra summis præconiis laudatur, & tanquam templum mundi eam celebrat Manilius lib. 1. astronomicon.

*Quod nisi librato penderet pondere tellus,*

*Non ageret cursu mundi subeuntibus astris*

*Phæbus ad occasum, & nunquam remearet ad ortus.*

Denique tantam cognationem habet homo cum terra, ut verum sit illud Prophetæ Hieremiæ verbis ter inclamantis, Terra, Terra, Terra, audi verbum Domini, de terra, enim sumptus homo, viuit è terra, reuertitur in terram. Sed cur in terræ laudibus decantandis sum multiloquus? Lege Cælum Rhodig. lib. 1. antiq. lect. cap. 4. Maphæum Vegium tract. de terra, & auro, & omniscium Scaliger. in lib. 1. Arist. de plantis, cap. 2. & in lib. 2. Theoph. de caus. plantar. cap. 23. Bernardum Cæsum lib. 1. de mineralibus, Lib. IV.

A cap. 7. sect. 1. qui ut nuperrimè, sic eloquentissimè, de utilitate & excellentia terræ, ex veterum & iuniorum penu scitu dignissima conscripsit.

Sed ne ego vllam temporis iacturam sub inuiti silēcio facere videar, liceat mihi disputationem hanc in epilogum colligere, dum tu in elementorum vsu, & encomiis perlegendis magnam ad vnguem impendis diligentiam: Nam quæ tot vigiliis, tot sudoribus didici, & à multis magistris, exhausti ad extremum vno omnia verbo comprobabo superioribus rationibus, & auctoritatibus alias aduersas opponens, à singulis elementis initium sumens.

Ignis putredini est paratus: cum enim putredo mixtorum passio sit, cur illum dicemus imputribilem, si permixtusest, & impurus? probat hoc Galenus lib. de clement. c. 5. dum sic ait. Impermixtam autem terram, neque in animalibus, neque in mundo inuenies, sicut nec aquam synceram, omnis mixtionis expertem, neque ignem, neque aërem, &c.

B Patet hoc in igne: Nam mixtus est, quia coloratus, color autem ex permixtione quatuor emanat qualitatium. Neque dicas cum coloratum esse propter vapores immixtos: Nam æstate media dum sol est in nostro Zenit, aërque impense est siccus, & nullus in se videtur habere vapores ob vehementem solis calorem eos absumentem, flammulam ignis sursum repere per aërem inspicies, quæ solum ratione coloris visum mouet, & tamen in se vapores admixtos non habet, nec enim ibi est materia à qua vapores accipiat, nisi solus aër, quem tunc vapores non habere ex dictis sit manifestum. Quod si demus colorem euenire propter vapores admixtos, eum à mixtione non faciemus immunem. Multi ignem esse mixtum confirmant, quoniam illo nutriuntur animalia, & conseruantur, ut firmant Aristor. 5. de hist. cap. 19. Plin. lib. 11. cap. 37. Alianus lib. 2. cap. 30. Olimpiodorus in com. lib. 4. meteor. & alij, quam opinacionem esse vanam diximus lib. 2. in com. hist. §. 4.

Aër putredini, & pesti paratissimus est, immò vnicus aër pestilentie causa est potissima, & communissima, sic enim ait, Hippocrat. lib. 1. de nat. hum. text. 3. Quum multi homines vno corripuntur morbo, tempore eodem, id in causa est arbutandum, quod communissimum sit quoque omnes maxime vitimur, id verò est quod respiramus. Constat enim quod victus cuiusque nostrum causa minimè sit, ubi omnes morbus subinde sentat, tam iuuenes, quàm senes, tam viros, quàm feminas, prætereaque tam eos qui vinū, quàm qui aquam bibunt, quique maza, & qui pane vescantur, & tam eos qui in multis sunt, quàm qui in paucis laboribus. Nō igitur, quum homines quocumque victu visi in eundem morbum incidunt, ratio victus erit causanda, &c. ob hanc causam inquit Hip. lib. de flatibus, num. 6. Atque hætenus quidem quantum aër aliis commodet diximus. Mortalibus autem vita, & morborum agrotis solus is est auctor, à quo non aliunde vnquam verisimile est morbos euenire, si is aut plus, aut minus, aut cumulatior, aut morbidis sordibus inquinatior in corpus se ingerat, & Galenus passim in epidemiis causam communem pestis producendæ solum aërem constituit vitiatum.

Quæris rationē? hæc sit potissima, quod aër mixtus sit, ex Auic. 2. 1. 4. tract. 4. c. 1. & 2. 1. doct. 2. c. 9. §. Nos namque cum antè dicimus, volumus dicere aërem simplicē, nudū, quoniam ipse nō est aër qui nos circumdat, quare putrescere potest, & nos inficere. Id affirmat Virgilius lib. 3. Georg. dicens,

E Hic quondam morbo cæli miseranda coorta est  
Tempestas, toroq̃ue autumni incanduit æstu  
Et genus omne neci pecudum dedit omne ferarum  
Corripuitque lacus, infecit pabula tabo  
Nec via mortis erat simplex.

Ita Gal. lib. 1. de sanit. tuend. cap. 11. firmat Lucretius lib. 6.

*Primum malarum semina rerum.*

*Esse supra docui, quæ sunt vitalia nobis,*

*Et contra quæ sine morbo, mori que necesse est*

*Multa volare, ea cum casu sint fortè coorta,*

*Et perturbant cælum sit morbidus aër,*

*Atque ea vis omnis morborum; pestilensque.*

Quod autem aër non solum in se vehementer putreat, sed etiam aues per ipsum volantes interficiat videtur asserere Virgil. lib. 3. Georg. ad fin. dum sic ait.

*Ipsis est aer aëribus non aquis, & ille*

*Precipue alta vitam sub nube relinquunt.*

Immo & plantas tabo corrumpit *Eclog. 7.*

*Aer ager, & vitio moriens sitit aeris herba.*

Hoc firmitur *Plin. lib. 2. cap. 3. Arist. 14. prob. 3. & 3. de generat. c. 3. & 11. 5. Aer, & unumquodque eorum que apud nos sunt, haudquaquam simplex est, sed mixtum.* subicitur Plato in *lib. de phædone, & in lib. de sum. bono.*

Aqua etiam putredini summè est obnoxia quia à Deo mixta fuit creata, & nunc mixta existit, quod sic confirmo. Aqua si pura creata fuisset, concreta esset, & fluere non posset, monente Galeno *loc. supra cit. de nat. human.* quod experientia firmatur quotidiana: nam aqua concreta magis infrigidat, sed aqua quò frigidior est, eo magis conseruat naturam suam, ergo si concreta frigidior percipitur, concreta magis seruabit naturam suam. Neque allestas aquam concretam ampliùs ob modum substantiæ infrigidare, nempe quia crassior est, quoniam ipsa congelatur, quia intentam frigiditatem est adepta, quando enim calida est, liquidissima apparet, ergo quando frigidissima est, & ex consequenti magis seruatur naturam suam, concreta erit.

Nec obstat quod plures asserunt aquam ob admixtionem terreæ substantiæ congelari, si enim propter admixtionem terream congelaretur, in vere, & in aliis temporibus, in quibus non viget frigiditas concreveret, cum tanta terreæ portio tunc ei sit admixta, ut hyberno tempore, sed aqua non congelatur nisi maxima prædominante frigiditate, ergo ratione frigiditatis, & non terreæ substantiæ congelatur. Accedit quia quantumuis terram aquæ admisceas, ac magis semper addas, nunquam illa sine frigoris vehementis aduentu, nec tantillum gelascet. Nec infestis aquam non solum propter terram, sed ob exuperantem frigiditatem in gelu se conuerrere, nam si propter modicam frigiditatem congelatur, quanto frigidior, tanto magis concreveret, sed in sua puritate frigidissima est, ergo tunc erit magis concreta.

Deinde vel terra congelat aquam frigiditate sua, vel siccitate, primum nõ dices, nam id eueniret, quia intenderet aquæ frigiditatem, & aliquem aquæ adderet frigiditatis gradum, sed terra id præstare nequit, quia aqua est frigida in summo, terra verò est frigida prope summum, & remissum non intendit intentum, neque potest generare nouum frigiditatis gradum ultra frigiditatis latitudinem summam, ergo; non propter siccitatem, nam tunc induceret siccitatem in aquam, illiusque humiditatem corruperet, quantum enim de vno contrario generatur, tantum de altero corrumpi fas est, sed hoc allere, est falsum, terra namque est debilissimæ actionis, neque potest aquam præcipue frigidissimam corrumpere, atque exiccare. Alij respondent hoc modo. Aqua congelatur, quum viget aliqua constellatio exiccans, quæ aquam cogit, & exiccat. Absurda solutio, aqua enim congelata non est sicca, neque illius humiditas per constellationem est exiccata, quum videamus præsentem ignem statim aquam fluere, sequeretur deinde æstate aquas magis congelari, tunc enim sicciores constellationes vigent.

Ex iis manifestè constat vera dixisse Galenum aquam puram debere esse concretam, & non posse fluere, ut probant Auerthoës *lib. 4. de calo. com. 32.* Albertus *4. tom. meteor. tract. 2. cap. 5.* ratio firmat: contrariorum enim eadem est ratio, sed aqua ab igne liquatur violenter, ergo naturaliter seruando suam naturam concreveret: quæ enim violenter eueniunt vni subiecto, non possunt eodem prorsus modo ei euenire naturaliter, ergo si aqua violenter liquatur, naturaliter concreveret.

Quare si aqua seruando suam puritatem esset concreta, & fluere non posset, ad se inuicem non congregaretur, neque moueretur, ut patet in gelu, sed aqua vbi primum fuit creata, statim fluxit, & ad se inuicem est congregata, ut constat ex *lib. 1. Genes. 1.* quo loco legimus Deum congregasse aquas & fuisse congregatas, & fluxisse ad se inuicem, & Deum congregationes aquarum vocasse Maria, ergo iam aqua pura non est creata.

Præterea si aqua pura daretur, in ea maximè parte esset

A in qua suum situm, & naturalem ordinem magis seruaret, sed in mari hunc seruatur, ut colligitur ex *Sacra pagina loc. cit.* & in mari non est pura iminò mixta, saluginoia, & aliquantulum calida, ergo nullibi datur aqua pura, sed vbi que mixta in mari, & in fontibus, quoniam hi, alij salsi sunt, bituminosi alij, plures sulphurei, multi calidi, ex *Plinio lib. 3. c. 7.* quorum plurimos recitat Solenander in suo *eleganti de calore fontium libello.*

Deinde vbi unumquodque elementum magis est coniunctum à reliquis, quæ illud possunt alterare, purius erit, sed aqua maris est libera à terra, quam aqua fontium, quæ ab ipso terræ sinu prorumpit, meritoque in terræ inuolucris ipsi terræ miscetur, ergo illa merito purior erit, ac suas qualitates tenaciùs seruabit, fontana, sed aqua marina mixta est, ergo & reliquæ, hinc euenit ut aquæ maris sint fecundissimæ, nam sanguis, nisi omnino sit maxima, ut in mari Sodomæ, fecunditati non officit, nullibi enim adeò luxuriatur generandi facultas, neque est tam multiplex generatio, sed has, ut scitè retur Valesius *cap. 34. lib. de sacra Philosoph.* fecit ille Dei Spiritus qui aquas incubauit initio, (qui ignis est) crassas, salas, atque ita multiplici rerum generationi aptiores multò, quam dulces. Hinc factum est, ut in aquis visi ignes, ex *Plin. lib. 2. cap. 107. Liuius lib. 33.* Hoc modo lacus multi ignibus perpetuò ardent ex *Niceph. lib. 13. cap. 36. Agricola lib. 4. de natur. fossilium, c. 22. Plin. lib. 2. c. 104. Strabo lib. 6.* Ergo aqua mixta est, putredinis capax, à qua cænosa, turbida, palustri, stagnante, immota, lacunali in aërem eleuantur halitus noxij qui illum inficiunt, inquinant, & tabo conspurcant, vnde pestilentia.

C Terra pura non est, nec à principio mundi pura fuit creata: Galenus enim *loc. cit. de natur. hum.* sic ait. *Si terram prorsus frigidam, & siccam cogites, erit adamante corpus durius, quæ si sic esset, potius esset omnium nouerca, quam parens, neque germinaret semina, neque pullularent plantæ, sitam sicca, & dura esset, quod prosequitur doctissimus Lupeus lib. 1. sui enchiridij, cap. 2. & agit Plinius lib. 2. de natur. hist. c. 16.* ostenditque luculenta oratione Philo Iudæus *lib. de mundi opificio*, quare si terra esset pura creata, plantas non generaret, sed terra vbi primum fuit creata statim genuit plantas, herbæque virentes, ut constat ex *1. cap. lib. Genes.* Ergo.

Deinde si terra alicubi pura daretur, esset in cætro, quia ibi à contrariis occursum magis est libera, sed in centro mixta est, ergo nullibi pura datur, minorem frequens confirmat euentus: nam quanto magis ad terræ centrum excauando accedis, tanto magis aqua permixtam inuenies, ut in altissimis puteis palam conspicimus. Hoc confirmat mineralia sulphuris, quanto enim inferius terram penetramus, tanto maiorem sulphuris, auri, argenti copiam reperimus. Hanc sententiam approbat Solenander *cap. 17. lib. de calore fontium* dum sic ait. *In hac densa, & corpulenta mole, quam terram appellamus, multa sunt, & varia corpora, quorum compositione hoc totum constituitur, ea, ut dixi, disparia sunt, diuersa natura, necnon etiam qualitatum differentium, quædam calida, alia humida nonnulla sicca, pleraque frigida, eodem modo, duritie, & mollitie, densitate, & raritate, & id genus aliis qualitatibus discrepantia.* Hæc ille.

Hoc ita esse confirmant continui ignes quos quotidie erumpere à terra videmus: multoties enim visi sunt fontes, & campi subterraneis ignibus ardere, & nostra ætate in monte Hecla Hyberniz, in Scotia, Italia, aliquibus Germaniz locis, insuper & in Campania felici Vesuluius mons sæpè interno igne exarsit, omnisque Baianus sinus, insuper Ænaria insula quæ vulgò Ischia appellatur, igne flagrat. Ætna insula ignes ingentes euomit, de qua Virgil. *3. Georgic.*

*Sed horridis iuxta tonat Ætna ruinis,  
Interdumque atram prorumpit ad æthera nubem  
Turbine fumantem, & candente favilla  
Atollisque globos flammæ, & sidera lambit.*

Accedunt insulæ nuperrimè repertæ quæ igne aliquando exardent, ut refert Petrus Aluaradus ad Co tezum in descriptione harum ipsularum, de quibus Pontanus his carminibus.

*Latè multum tellure sub ima*

*Debacchari ignem, camposque exurere opertos.*

Et statim subdit,

*Inde fluit calidum referens ex igne vaporem,*

*Vnda fugax, seclis feruens & balnea flammis.*

In Mexicani regni prouincia vocata Quahutemallan, duo montes sibi ad duas leucas proximi, ignem euomunt, ac tremunt, vt refert Petrus Hispalens. *part. 5. cap. 23.* Iaua maiori proxima est insula, in cuius mediterraneis perpetuus ignis ardet, vt scribit Odoardus Barboſa noui orbis Historiographus insignis, & plures insulas euomentes ignem ardore multo describit Antonius de Herrera, in *descriptione orbis occidentalis*. Hac de causa thermales aquæ calidissimæ scaturiunt ex terra, calore adedò intenso, vt si digitum fortè in aquam immittas, comburatur prorsus; nam ignis subterraneus, qui sulphure, & bitumine nutritur, aquas decurrentes calefacit vehementer.

Fluuij enim ingentes in infimis terræ plagis inueniuntur simul cum fontibus, aut metallorum fossiores passim confirmant, & Virgilius describit hoc modo, 4. *Georgic.*

*Speluncisque lacus clausos, lucisque sonantes*

*Ibat, & ingenti metu suspensus aquarum*

*Omnia sub magna labentia flumina terra*

*Speſtabat.*

E terra emanant fontes, qui antea per internos terræ meandros oberrabant, & deinde repente extra terram repullulant. Immo cum intus vastum alueum habeant, externum autem foramen per quod debent exire, sit angustum, maximum strepitum edunt, de quorum fontium varietate legendi Abrahamus Ortelius, Saxo Grammaticus in *sua Dania*, Vitruuius *lib. 8. cap. 3.* Iacobus Mejerus in *annalib. Flandriae*, Iebizius *lib. de acidulis diet. 50. sect. 1.* Thomas Lydiatus Anglus in *tract. de origine fontium*, Illustriſſi Thuanus *lib. 138.* Cromerus *lib. 1. descript. Polonic.* & alij qui de fluuiorum, & fontium origine, & aliis aquarum admirandis conscripserunt, quos refert Simon Majolus *collog. 13. dierum canicularium*. Quod verò aer sub terra contineatur, terræ motus, qui ab aëre intus incluso excitantur manifestè ostendunt. Ergo terra mixta est, & impura, & putredini obnoxia.

Quamuis rationes pro vtraque parte propositæ intestina discordia laborare videantur, tamen nos duabus conclusionibus totà hanc dirimemus litem. *Elementa alia putrescunt, & pestem generant, præter ignem*, nam hic omnia deuastat, dedoratque, & vt substratam materiam habet. Licet enim vapores per totum eius corpus sint permixti, ij sicciſſimi sunt, & ad concipiendam putredinem, & contagium ineptissimi. Fateor multam habere mortales aëris necessitatem, tamen de alijs elaboratissimis natura semper est sollicita, has tamen putredine, & dira labe fœdari frequenter conspiciamus, hoc modo sanguis, semen, spiritus putrescunt, immò & ipsum cor, vt latè probauimus *lib. 1. in com. hist. ult.* Terra plurimas præstat mortalibus vtilitates, ea tamen plurima venena generat, quæ ex plantis, animalibus, & fossilibus desumi solent. Aqua præbet commoda multa, immotam tamen vitium capere adedò certum est, vt probatione non indigeat.

Secunda conclusio. *Solus aer pestis, & communium morborum est potissima, & communissima causa*, vt Hip. 2. *de nat. hum. & lib. de flatib.* prædixit. Sed contra hanc conclusionem, quæ *suprà* satis confirmata est, insurgit Valleriola *lib. 5. enarrat. 1.* qui librum de flatibus spurium, & Hip. auctoritate indignum arbitratur, sicque illi nullam esse adhibendam fidem plurimis allatis argumentis contra huius libri auctorem arbitratur; sed labitur vir doctissimus, legitimus enim est, & plurima continet scitu dignissima, quæ puriorem Hip. stilum, dicendi facundiam, & phrasim elegantissimam penitus redolent, vt contra eum grauiter decernat Stephanus Rodericus Castrensis, *lib. 1. meteor. microcosm. cap. 10.* & prius firmavit perdoctus Mercurialis *lib. 3. variar. 6.*

Septalius eruditissimus *lib. 2. de peste, c. 3.* omnis pestis causam in solum aërem non esse referendam constanter asseruat. Nam communis causa non in solo aëre consi-

stet, sed in cibo, & potu, vigente enim fame coguntur homines edere edulia putria, vitiosa, & bibere cœnosam aquam, ita dicebat Hip. 6. *epid. sect. 4. sect. 14.* in Aeno homines fame coactos, orobum, & legumina comedentes in dolorem genuum incidisse, & Galen. *lib. de bonis. & vitio succor. cap. 1.* scribit suo tempore pestem fuisse grassatam, quoniam plurimæ nationes ob sterilitatem vitiosis alimentis vescerantur, & 1. *de diff. feb. cap. 4.* febrem pestilentem ob alimenta suapte natura vitiosa orari docet.

Hanc obiectionem facillimè dilues. Si asseras aërem esse auctorem omnium morborum, qui in generatione ægritudinum communium solus est à statu naturali immutatus, in generatione tamen morborum dispersorum velut concausa cum cibo, & potu concurrat, cum enim per inspirationem simul cum his attrahatur in viscera, ea calefaciendo, refrigerando, humectando, vel exiccando alterat, coctionum organa immutat, & ad huius, vel illius humoris generationem disponit. Dic secundò, quod etsi præter aërem aliæ sint causæ communium morborum, vt communis cibi & potus vsus, labor communis, tamen morbi ab his causis enati sunt infrequentes, & facilis cognitionis, contra tamen ab aëre orti sunt frequentes, & difficilis cognitionis, præcipuè quando ab aëre emanant in substantia immutato, putri, infecto, & aliqua maligna influentia alterato, idedò Hip. 1. *prog. 4.* consulit considerandum esse si quid diuinum est. Dic terciò, febrem pestilentem incipere ab alimentis corruptis, & prauis succis, quia eorum ratione accenditur in plerisque febris maligna, deleteria, contagiosa, plurimos interficiens, quæ aërem vbique corrumpit, & propter corruptionem aëris excitatur febris communis, quæ antea erat particularis. Ergo vt receptui canamus, elementa omnia putrescunt, & pestem generant præter ignem, & solus aer communium morborum causa est præcipua.

## HISTOR. LI. GALENI,

### De peste.

#### Armeniaæ terræ, ad pestem vis mirabilis.

**P**orro in magna hac peste, cuius etiam eadem facies fuit, atque eius quæ Thucydidis memoria grassabatur, quotquot hoc medicamen, hoc est Armeniam terram biberunt, celeriter curati sunt, at quibus non profuit, celeriter interierunt, scilicet cum nec alio quouis inuarentur, unde colligitur, quod iis dumtaxat non fuerit auxilio, qui planè erant incurabiles. Ceterum bibitur ex vino albo, consistentia tenui, modicè diluto: si aut planè febri careat, aut leniter ea teneatur, sin grauius febrias, admodum aqueo, & c. Galenus *lib. 9. simpl. tit. de terra Samia.*

### PARAPHRASIS.

**E**pidemicis morbis occultum quiddam inesse, hoc est illos non nisi occulta, abdita, & nobis incognita qualitate corpora affligere, probat subtilissimè Fernellius, *lib. 2. de abdit. rer. caus. 12. 13. & 17.* quibus morbis, medicamentis tacita, & occulta proprietate operantibus esse occurrendum eo loco auctor hic confirmat: sicut enim repletio, inanitione, hæc, repletionem, omnisque intemperies, intemperie contraria curatur, sicutotius substantiæ morbus, medicamentis profligatur totius substantiæ proprietate contrariis. Quum ergo pestis non solum putredine, sed maligna, & pestilenti aura cor fatiget, cæcæque qualitate viscera labefactet, quarendum est præsidium quod illi sit aduersum, & contrarium. Has proprietates habere terram Armeniam hoc loco Galenus confirmat: nec enim ob siccitatem putredinem arcet, tunc enim alia sicciora essent admittenda, sed ob innatam contrarietatem quam aduersus pestiferum venenum

in se continet : cuius ope plures celeriter euasere , quo A est multiplex: Nam veniunt in plura pretiosa antidota, de quorum saluberrimo usu , lege Stephanum Castrensem, *lib. 4. de meteor. microcosm. cap. 3.* Lapidis pretiosi, & eorum fragmenta eadem pollent facultate, ut carbunculus, rubinus, granatus, balagius, adamas, cui in pestifera lue domanda attribuenda auctoritas, ex *Plin. lib. 27. cap. 4.* qui sinistro brachio ligatus omnia venena facit irrita, topazius, cuius vires decantant Vinarius, & alij, Achates, lardonius, carneola, iturchina, amethystus, chrysolitus, saphirus, iaspidis species, calchedonius, chrysoprasus, zircones, beryllus, de quorum proprietatibus miris pro praeservatione, & curatione morborum epidemicorum luculenter agitarunt Franciscus Rueus *lib. de gemmis*, Paschasius Balduinus eius interpres, Syluaticus *cont. 47.* & luculenter Anselmus Boëtius *libris suis elegantissimis de lapidibus*. His adde smaragdum, cuius admirandas facultates pro domando veneno esse praestantissimas, ex veterum, & Iuniorum mente probauimus *lib. 1. in com. hist. 22.* cuius vires eleganter descripsit Ferdinandus Sepulveda *proprio de theriaca smaragdor. libello*.

Hæc terra appellatur etiam, bolus armena, & ab illo qui Galeno primò obtulit dictus fuit lapis armenus, nam materiz erat admodum solidæ lapidis instar, sed cum irrigetur aqua, & mollescat, inter terras reponi debet: eligitur colore pallida, insigni debet carere adstrictione. Sed quæres utrum hæc terra adstrictione curet pestem, an occulta vi? Respondent plures, si pestis fiat ab aëre inspirato, ipsa occludendo meatus adstrictione sua, aëris pestilentis ingressum prohibet, si ab interna causa emanet, reprobata est, quia obstructions auget, & putredinem concitat maiorem, at hi adstrictionem huius medicamenti non recte perpendunt, quæ cum mediocris sit, interna vasa obstruere nequit, si verò sanat dysenteriam, & sanguinis sputum cohibet, id facit lentore suo, tenacitate, & visciditate, nam multa lenta sunt, quæ non adstringunt, ut viscus, & lenta pituita.

Bolus armena duorum est generum, alia orientalis, nostra altera; hæc in triplici est differentia, quædam est valde rubra, friabilis, raræ, & substantiæ minimè compactæ, alia est colore valde rubro prædita, sed aliquantulum dilutiore, multum compacta, & lapidi simillima, tertia quæ ad Galenicam proximè accedit, est pallida colore, similis auro substantia satis compacta, ut lapidem æmuletur, quum sit densa, & grauis. Portari debet ex Armenia contermina Cappadociæ. Sed cum bolo armeno careamus, & falsus in officinis habeatur, nec orientalis verus sit, iccirco in pestilenti constitutione oblatus nihil prodest: Licet enim hic cum proprietate substantiæ, tum etiam primis, secundisque qualitatibus, cunctis venenis aduersetur, tamen vereor ne pro legitimo, & vero supponatur alius, qui viribus longè est inferior, cuius occasione multi Galenum carpunt, qui miris laudibus contra pestem hoc celebravit medicamentum non sic experientia suffragante.

Sed cum pestilentiz virus cum spiritu haustum, pulmones citissime, & deinde sine sensu in cor penetret, non videbitur à mente Galeni, historizque instituto recedere, si omnia medicamenta simplicia alexiteria seriatim & compendiosè numeremus, quæ deleterij humoris pestilentis vires retundunt, occulta qualitate eius vim mortiferam prosternunt, labefaciunt, & à tota substantia alterant, aut è corpore euacuunt. Et cum venena à triplici fonte emanent, ex fossilibus, animalibus, & plantis, ita sagacissima natura ex triplici etiam fonte alexipharmaca, & antidota creauit, quæ in subsidium, & fauorem mortaliū contra omnis generis venena, & ferarum noxiarum virulentos morsus, præsentaneo essent auxilio.

Inter fossilia multiplex terrarum varietas numeratur. Post armeniam, terra lemnia, quam sigillatam vocant, numeranda venit, pro arcenda, curandæ pestilenti lue celebratissima & cæteris auxiliis excellens, cuius generatignem, effusionis modum, differentias, vires, & facultates præter Gal. *lib. 9. simpl. cæteri* Græci, & Arabes descripserunt, explanant Marthioli *lib. 6. in Dioscorid. cap. 1.* Petr. Bellonius *lib. 1. obs. 28.* Syluaticus *lib. 1. de theriaca, 20.* Terra samia arcendæ pariter, ac propulsandæ pestilentiz est accommodatissima, ex *Diosc. lib. 5. sap. 94. & 95.*

Inter fossilia numerandum aurum de cuius vi cardiaca, & alexiteria plura diximus *lib. 1. in com. hist. 36.* cōfirmant Iobus Fincelius *de cura pestis*, Bernard. Pennotius *de medicam. chymic.* Christoph. Hornius *in dialogo de auro.* Franciscus Anton. *de auro potabili.* Argentum etiam auro multò inferius, illius tamen vires quadamtenus æmularur, cor à veneno præseruat, melancholicis præsidio est, arceat pestem, viscera à labe pestifera tuetur, ut testatur Auic. *lib. 2. tract. 2. cap. 85.* Stribium, Antimonium dicunt, pro præseruanda, & curanda pestifera lue primas tener, de cuius vi, *lib. 1. in com. hist. 36.* Margaritæ præsertim imperforatæ roborant cor, præseruant à peste, de quarum facultate, *lib. 1. in com. hist. 36.*

Gemmae omnes pollent contra pestem, quarum usus

est multiplex: Nam veniunt in plura pretiosa antidota, de quorum saluberrimo usu, lege Stephanum Castrensem, *lib. 4. de meteor. microcosm. cap. 3.* Lapidis pretiosi, & eorum fragmenta eadem pollent facultate, ut carbunculus, rubinus, granatus, balagius, adamas, cui in pestifera lue domanda attribuenda auctoritas, ex *Plin. lib. 27. cap. 4.* qui sinistro brachio ligatus omnia venena facit irrita, topazius, cuius vires decantant Vinarius, & alij, Achates, lardonius, carneola, iturchina, amethystus, chrysolitus, saphirus, iaspidis species, calchedonius, chrysoprasus, zircones, beryllus, de quorum proprietatibus miris pro praeservatione, & curatione morborum epidemicorum luculenter agitarunt Franciscus Rueus *lib. de gemmis*, Paschasius Balduinus eius interpres, Syluaticus *cont. 47.* & luculenter Anselmus Boëtius *libris suis elegantissimis de lapidibus*. His adde smaragdum, cuius admirandas facultates pro domando veneno esse praestantissimas, ex veterum, & Iuniorum mente probauimus *lib. 1. in com. hist. 22.* cuius vires eleganter descripsit Ferdinandus Sepulveda *proprio de theriaca smaragdor. libello*.

Lapis Philosophicus contra pestilentem luem vim quoque mirificam habere creditur, nam calorem natium instaurat, spiritus omnes recreat, putredinem arcet, venenum domat, ac coercet, probant Gerardus Dornæus *de transmut. metallor. cap. 14.* Iustus Balbianus *tract. 5. rosar. abbrev. circa fin.* Michael Scottus *de natur. solis, & luna, Richardus cap. 14. Calid. cap. 14.* Rogerius Baccho *de mirab. pot. art. & nat.* Robertus Vallensis *de verit. & antiq. art. chym. cap. 14.*

C Oleum vitrioli summum est etiam auxilium contra pestem: quoniam refrigerat, incendium malignum remittit, exiccat, putredinem arcet, veneno resistit, & sic pestilentibus, & malignis febribus valde opitulatur, firmant Marthiolus *lib. 5. in Dioscorid. cap. 74.* Anton. Portus *lib. 2. de peste, cap. 45.* Crollius *in Basilic. chymic.* Ioan. Mollerus *tract. de peste, cap. 5.* Ioan. Bokelius *in regim. pestil. part. 1. cap. 20.* Esaias Lescelius *in disputat. medicochym. de peste.* Rudolphus Goclenius, *in loimogra.* David Herlixius *in suo de peste tract.* Andreas Starckius *tract. de peste*, Iordanus *tract. 1. de peste, cap. 19.* Augenius *rom. 2. epist. lib. 6. epist. 8.* & alij, quidquid contra sentiat Syluaticus *cont. 48.* de hoc argumento ex professo disceptans, cuius rationes quum non valde vrgeant, facillimè solui possunt.

D Inter mineralia reponendum ambarum, cuius generatio etsi apud auctores sit incerta, affirmantibus nonnullis esse maritimum fungum in alto maris concrecentem, qui quidem erutus inde, vel aquis tandem supernatet, vel immanioribus, sæuioribusque procellis vnà cum saxis in litus ipsum propellatur, quæ opinio placuit Auic. *lib. 2. cap. 63.* Serapioni *lib. 1. simpl. c. 196.* aliis dicentibus esse bituminis speciem quibusdam è fontibus, aut ex ipso maris aluco scaturientis, ut probat Simeon Sethi. Alij stercois auium maritimarum, aut balenæ semen, aut maris spumam esse sunt arbitrati. Vt cumque sit, cordis vires proprietate quadam tuetur, reficit cerebrum, sensus viuificat, & odore suo suauissimo reficit spiritus, & tum olfactum, tum bibitum aëri pestilenti egregiè auxiliatur.

E Ex animalibus animaliumue partibus, aut excrementis alexipharmaca petenda sunt, inter quæ principarum obtinet lapis belzaar, de cuius generatione, sæpè plura conscripserunt Garzias ab Horto, Monardus, Christoph. à Costa, Bauhinus, & alij, & nos de eius temperamento, propinandi modo, & mirandis effectibus plura diximus *lib. 1. in com. hist. 36.* Legendi de hoc argumento præter ibi citatos, Diomedes Cornarius *in lib. cons. & obs. hist. 22.* Claudius Richardus *in descriptione huius lapidis*, Rulandus *de febre ungarica, quest. 28.* Ioachim. Schillerus *sect. 2. de pest. Brat.* Anselmus Boëtius *lib. 2. de gem. cap. 193.* Gualtherus Ryffius *tract. de peste*, Bodinus *lib. 2. thear. nat.* Leonh. Rauuollius *in suo itinerar.* Antonius Fonesius *lib. 1. de peste, in med.* Diomedes Amicus *lib. de peste, cap. 45.* Gabel. Kouerus *in annot. ad cap. 34. Baci de gemmis.* Ioan. Franciscus Vlms *lib. 4. de occult. propriet. cap. 5.*

Deinde meminisse oportet cornu rhinocerotis, ossa, sanguinem, cutem istius immanis bestię aduersus venena maximam



maximam vim habere. De corio, & sanguine dicam, quod A fido experimento compertum habeo. Nobilissimus quidam Comes, arcis Malacensis in Orientali plaga dux maximus sæpe mihi narrabat, se in bello milites in deserto errabundos, & violentis moribus à tygride dilaniatos epotis granis quinque sanguinis rhinocerotis cum aqua pluvia permixtis ad vitam iam penè animam agentes, & diris symptomatis, animi deliquio, distortionem oculorum, sudore frigido, pulsu abolito oppressos, summi Omnipotentis auxilio reuocasse. Hoc ita esse experimento præsentem me palam fecit: oblata enim cani cuidam drachma vna arsenici sublimati, cum casco inuoluti, postquam canis prostratus per terram huc, & illuc veluti mortuus oberraret gemitu miserabili vociferans epotauit ex aqua acetosæ, v.g. sanguinis huius, qui post dimidiam horam obambulans per domum claudicans, & imbellis paulatim post quinque horas reuiuiscere cœpit. Nos aquam incoctam frustulo eius corij durissimi, postquam in ea aurum candens extinctum fuerat bibendam sæpe propinauimus peste, & febribus malignis detentis cum emolumento maximo: Nam excitato sudore copioso immunes euasere.

Ceruinum cornu, & huius animalis os è corde extractum, mirabilem contra pestem, venenososque morbos habet efficaciam, de qua egimus lib. 1. in com. hist. 36. Cerui lachrymam in nostris Musarum thesauris habemus carissimam: ante centesimum annum in ceruo nulla est. Post eam ætatem excrescit ad oculi canthum ipsis ossibus, atque in os protuberans concrevit ea duritie qua corium superet. Qua parte prominet, rotunda est, insigni nitore, coloris fului non sine vestigiis atriorum venularum: tanta leuitate ut pene tactum effugiat: ita enim sese subtrahit, ut propemodum seipsam mouere videatur. Aduersus venena remedium præstantissimum. Peste correptis datur cum vini momento, unde tantus cietur sudor, ut pene totum solui corpus credas. Hæc I. C. Scalliger exercit. 1. 12. prope fin. non dubitamus ratum hoc alexipharmacum omnium esse præstantissimum, cuius penuria osse de corde serui uti fas est.

Eboris quanta sit vis pro domando veneno diximus lib. 1. in com. hist. 24. Sericum quoque crudum, præsertim purpureum, in tenuissimas particulas concisum, aut etiam vstum, atque tritum, cardiacum est, & sic in pretiosa venit antidota, ut confect. hyacinth. Alchem. diamarg. frigid. & alia; vitæ principio robur confert, spiritus instaurat, ex Auic. lib. de virib. cordis tract. 2. sit. de serico. Moschus odoratus, & zibetrum, suauis suo odore à peste præseruant, quia spiritus augent, vires imminutas resarciunt, cardiacis affectibus remedio sunt, de quorum generatione, ac viribus multa lib. 1. in com. hist. 9. in fin. Huiusce generis sunt buffonis vsti cineres si cordis è regione applicentur. Ranarum puluis cum cinnamomo, vrina humana, cuius potu in Syria plurimos fuisse à peste præseruatos, & curatos tradit Gal. lib. 10. simpl.

Denique pulueri serpentum inesse ad præseruandum, & curandum à peste vim mirabilem plures confirmarunt: Nam ex colubrorum carne elota, exiccata, & tandem in alcohol redacta constantur pulueres, quorum vi omne veneni genus domari, & ad curem propelli firmant Angelus Baldus in lib. de vipera, Cunradus Kuntadus in 2. part. medul. distil. tract. 27. Ernestus Burggrauus in lampade viæ, & mortis, sicut enim ex viperarum carne trochisci confecti, & in theriacæ compositionem assumpti, omni generis veneno maximè resistunt, cur hæc virtus earum pulueri est deroganda? Deinde si vinum viperinum, in quo vipera extincta sunt, venenum à corpore expellit, ut ex multorum mète auctorum probauimus lib. 1. in com. hist. ult. cur viperarum puluis, quas serpentes vocant Arist. 8. de hist. animal. cap. 17. veneno enecando, ex usu non erit?

Alia sunt animalia ex quibus alexipharmaca desumuntur, quorum catalogum posuimus, lib. 2. in com. hist. 89. quæ, & plura ex plantis desumpta sciēs, volēsque prætermitto, quoniam hæc, præstantiora, & longo usu, multaque experientia comprobata semper agnouimus. Modo ad tertij ordinis alexiteria simplicia, nempe ad plantas ipsas accedamus. Inter quas carduus benedictus non inferiorem lo-

cum occupat, cuius decoctum, puluis, & stillatitia aqua ad febres pestilentes valde prodesse solent. Sequitur succus medullæ fructus Brasiliensis vocati Maracuião Ha-fu, cuius vires pro peste, febribus malignis, & æstuosis esse admirabiles diximus lib. 3. de praxi admiranda, obs. 27. & eius effigiem, naturam, & efficaciam describit Ioannes de Laët, auctor grauissimus in sua descriptione regni Occidentalis in med. scabiola, scordium, pimpinella, bistorta, tormentilla, angelica, scorzonera, vincetoxikum, carlina, tussilago, santali omnes, agallochum, helenium, valeriana, acorus, galanga, cinnamomum, flores croci, citri aurantij, rosarum, caryophyllorum, rorismarini, aurātia, punica, citronca, limones, semē citri, napi siluestris, anisi, succi citri, aloës, myrrha, ammoniacum, belzoinum, acetosa oxilapathum, ruta, trifolium, buglossum, borrago, & eius flores, B sonchus, hypericum, betonica, zedoaria, doricum orientale, anchusa, gentiana, serpentina, allium, raphanus siluestris, agaricus, dictamnus creticus, eupatorium, trifago, origanum, genista, fumaria, melissophylus, pulegium, lysimachia, quæ vulgò pestifuga appellatur, baccæ iuniperi, carui, & myrthi, ribes, nux myristica, cerasa acida, mirobalanorum omne genus, eorandri semen, ocymum, crocus, calendula, viola purpurea, nymphaea, stæcha, acetum, omphacium, fraxini cortex, corallum, balsamum, zingiber, & alia pretiosa simplicia, de quorum facultatibus si singulatim sermonem retexam, legentibus rædium pariam: Nam in recensenda horum magna congerie iam me fuisse longiorem cognosco, legat qui velit Matthiolum doctissimum, qui in suis in Dioscorid. commentariis omnia hæc ad viuum descripta inueniet.

Referam tamen vnum solum à me expertum, nouissimum pro peste, malignisque febribus curandis, ac tutissimum alexipharmacum, de cuius facultate nec veteres, nec aromatum Indiæ scriptores quidquam memoriæ commendarunt. Agitur trigessimus-quartus annus cum ab India Orientali, ex insulis vocatis Molucensibus, in Olyssipponem, emporium totius orbis celeberrimum allata est magna copia coccorum paruorum, quorum virtutem esse mirabilem aduersus venena, & morbos venenatos, mercatores qui eos afferebant, summis laudibus prædicabant. Coccus hic Molucensis est rotundus, intus albidissimus, in superficie externa habet colorem cinnamomi, sed dilutiorem, nucleus amygdalæ instar latet intus, gustui dulcis, albus, durus, caret medulla, magnitudine est paruus, castaneæ modo, tota illius substantia est durissima, ita ut solum cultello acutissimo, aut lima abradi possit. Placuit sæpissimè de illius usu, & vi in peste, pestiferis febribus, malignis, & aliis ardentibus, melancholicisque affectibus periculum facere. Quapropter eius scobem, tenuissimè trituratam pondere granorum quinque, aut sex, aqua rosacea, aut acetosæ, aut alio cardiaco decocto, aut iulapio exceptam ægris anxietate oppressis exhibui, Deus bone, symptomata sunt sedata, & ferè maior pars laborantium euasit, cuius antidoti usu roborata natura largo alui profluuiio sequuto, & aliquando excitato sudore copioso venenum infrænauit. Si huius cocci ramentum dentibus validissimè comminuas, sapor quidam insipidus in lingua percipitur, sed temperamento frigidus est, & siccus, & sic firmat ventriculum, viscera roborat, cardiacis succurrit affectionibus, prodest febribus productis, quartanis, cutaneis affectibus, contagiosæ, & E pestilenti diarrhææ, & dysentericæ opitulatur apprimè, & contagiosis morbis summo est auxilio, in deliciis nunc referuo vnum, cuius puluere quum datur occasio vtor cum utilitate summa. Sed quæres quæ sit inter hunc, & coccum Maldiuensem differentia? dic quod Molucensis distat à Maldiuensi longissimè, & sic in solo, & cælo multum differunt. Maldiuensis est maximus, intus cineritio, extra subnigro est præditus colore, cuius descriptionem, & vires diligenter, & eleganter proposuit Augerius Clutius Medicus eruditissimus tract. de cocco Maldiuensi, Molucensis verò contrariam sortitur electionem.

Si tamen vltimo loco perconteris, num in natura extet aliquod verum, ac certum pestis alexipharmacum? Dic-

cum Gesnero lib. 1. epist. 64. pestis alexicacon à solo Deo esse cognitum, & penes illum adhuc latitare, qui flagelli huius naturam, eiusque antidotum in peccata hominum sibi soli hactenus reteruare voluit. Sic enim habet: Remedia aduersus pestem nos nulla habemus, fortè etiam non placeat Deo, ut contra flagellum peccatis nostris debitum, ullum certum presidium habeamus. Crato conf. 166. sic ait. Veram pestis antidotum Deo soli notam esse non est dubium. Palmatius lib. de febre pestilenti, cap. 17. sic inquit. Cum peculiare pestis remedium adhuc in natura sine delitescat abditum, ad communia venenorum alexiteria, & cardiaca medicamenta confugere necesse est.

## HISTOR. LII. ACTVARIJ,

### De febre maligna.

Febris maligna, signis maleficentissimis comitata sexto die interficiens.

**V**eluti nos iam pridem in adolescente vidimus: is enim corporis firmitate, & magnitudine præstabat, sed plurimis, atque variis videbatur, sine ulla viuendi ratione escis. Quin etiam adolescens interdum corripiebatur febris continua, atque incidendo in ventris fluxum liberabatur, sed tandem capitis à febre accensa à magna putredine, ne vocauit, mihiq; curam eius credidit. Erat dies tertia qua ad eum accitus sum, veni, & eger non mediocriter se habebat, reigipulsum, nouique non parua febre à putredine humorum genita esse. Deinde marulapi vidi multa crassitudine continentem, usque adeo, ut maiorem non potuisset habere, cuius color erat varius, & alienus; non enim videbatur albus, neque rubens, neque niger, neque rufus, atque omnibus his coloribus apparentibus, nihil tamen exactè secretum, & definitum proprio loco erat, neque valde mixta, sed mediocri mixtura erant, quæ omnia ex magna humorum corruptione erant. Aderant namque excretionem ventris immodica, grauiterque olentes, atque quedam dissolutio corporis adgrat ob vehementiam febris virtute deiecta: namque bilis pura, & veluti aquea profluebat multa, & assidua surrectione excedens mediocritatem. Ea itaque die malè se habuit, postea verò etiam vrina excretionem continuit, tum quia totus impetus materia in ventrem concesserat, tum quia febris vehemens exiccatu fuerat musculi circa vesicæ collum, qui continet ne vrina intempestiue efflueret: at verò usque adeo remissa est eius virtus concoctrix a magno momento materia fluens deorsum, ut iam mortificata videretur, quin etiam è naribus aliqua frustra sanguinis mortificati effluxerit, atque per fauces expulsa sunt, quod ubi Medicus quidam ex iis qui frequentabant, vidit, venam incidit, quum nihil opus esset, arbitratus sanguinem expelli debere ob multitudinem. Quoniam verò quarta dies iam erat ab ea qua vrinam continuit, vesicæ verò extumuit à multa collecta vrina, nec viam exitum habente, & dies iam sexta erat, atque spasmi immodici corripuit egrotum, atque eo modo facilius prostrata reliqua viriute succubuit exer accidentibus, &c. Actuarius lib. 1. de præuidentiis vrinarum cap. 14.

## PARAPHRASIS.

**A**ctuarius proposuit hoc exemplum, ut confirmet magnam esse habendam prouidentiam, quando eger vrinam crassam excernit præsentè accessione febris, quæ procedente morbo non attenuatur, neque ad meliores colores mutatur, quæ vrina virtutis debilitatem, & humorum copiam significat, ita ut metus sit ne defarigata natura succumbat. Hanc admodum crassam habebat adolescens quidam, qui in febrem putridam, malè tamen morigeratam lapsus est. Et primò dicendum vrinam valde crassam exitialem esse & deterriam, cum summam cruditatem significet, ita enim dicit Hip. 2. prog. 31. ex vrinis verò magis exitiosæ sunt, fortidæ, & aquosæ, & nigrae, & crassæ.

Circa crassam duo notat Gal. in com. primum, quod per crassam, non quacumque intelligimus, sed eam quæ vehem-

enter crassa est: nam si simpliciter crassior, quàm naturalis existit. non admodum exitiosa habetur: licet enim aliquis cruditatis sit indicium, non tamen exitij, quare longiorem potius morbum significat, quàm exitialem.

Sed instabis dicendo Hip. non reprobasse vrinam absolute crassam, sed cum nigredine coniunctam? Dic: quod etsi Hip. non distinxerit an sola crassities sit sufficiens indicium ad nunciandum ægrotantis interitum, an potius oporteat cum nigredine copulari, tamen Galenus similitum sententiarum nullam meliorem expositionem adinuenit, quàm sit ipsa experientia, sic enim ait in com. Ceterum crassa virum per se seorsum exitiosa censenda sit, an copulanda cum predictis, aut nigra, dignum consideratione est. Igitur quæ ipsi nonimus diligenter obseruando, dicemus, ut ex illis orsus simul scias veritatem, simulque meliorem eligas enarrationem, vrinam nigram quò fuerit crassior, eo deteriorem haberi obseruauimus: at si colorem habeat naturalem, duplicem habet euentum, interdum ad mortem, interdum ad sanitatem propinquam, quemadmodum multa præter naturam, quippe corpus per illa expurgatur. Ceterum constat ut ab Hip. crassa dicatur, quæ per nimum talis habeatur, quæ enim simpliciter crassior, quàm naturalis existit, non admodum exitiosa habetur, &c. quare admodum crassa, pessima est, quia crassæ materiæ, ac de se agitatione à calore facta significat, ut ait Gal. 4. aph. 70. & apud Auic. 2. 1. doct. 3. cap. 3. vrina valde crassa ut plurimum coctionis priuatione præostendit.

Rogabis vrinam constituendum sit discrimen inter vrinam crassam, & perturbatam, an potius vrina quæ crassa est, sit etiam simul perturbata. Gal. lib. 1. cris. cap. 12. crassas cum perturbatis videtur confundere, dicens vrinam quæ seipsa crassior est, conturbatam esse. Idem affirmat, 1. epid. sect. 3. com 21. & 2. prog. 26. appellat vrinam crassam, quæ iumentorum vrinis similis est, & 4. de sanit. tuend. 4. vocat turbidam. Et Aërius terrab. 2. serm. 1. cap. 34. & Paulus lib. 2. cap. 14. & hanc esse Galeni sententiam, & ceterorum Græcorum asserit Vallesius lib. 3. cont. cap. 23. Subscribit Christoph. à Vega tract. de vrinis, cap. 2. in princ.

Auicenna tamen 2. 1. doct. 3. cap. 1. docet diuersas differentias vrinæ, esse crassitiem, & turbulentiam, quod aliarum rerum exemplo ostendit: sæpe enim multa reperiuntur quæ crassa sunt, & non turbulenta, immò clara, & perspicua, cuiusmodi sunt albumen oui, crystallus, gluten piscium liquatum, oleum, & alia similia. Dic: simpliciter crassitiem, & turbulentiam esse res impertinentes, & inter se diuersas, tamen in vrinis coincidere in idem, ita ut omnis vrina crassa præter naturam, turbulenta sit: nam vrina quæ in sua substantia tenuis est, & aquosa, non acquirit crassitiem nisi per commixtionem humorum crassorum, aut multam quantitatem alicuius humoris permixti, qui si optimè commisceantur, per concoctionem, reddunt vrinam mediocrem in crassitie, quod si perfecte non misceantur, reddunt vrinam crassiorem naturali, & simul perturbatam.

Quod si obiecias quod Auicenna loc. cit. cap. 3. asserit vrinam valde crassam secundum plurimum significare coctionis priuationem, sed aliquando coctionem crassorum humorum præostendere, quare tunc hæc vrina, crassa erit, & tamen non erit turbulenta cum fiat per coctionem? Dic: hanc vrinam etiam turbulentam esse; nam hæc coctio non est perfecta omnino: aliàs non videretur sententia Auic. admittenda, nisi fortè intelligamus eam vrinam fieri valde crassam, per concoctionem humoris noxij crassi, quem cum coquitur; natura per vias vrinæ expurgare solet, & ita tum temporis has reddit crassas, sed simul ob eandem causam etiam turbulentas.

Ergo adolescens hic robustus, & firmus incidit in febrem putridam, sed ob hanc causam satis periculosa: quoniam ut dicebat Galenus lib. 3. de præsag. ex puls. cap. 3. qui habitu sunt valenti, si incidunt, periclitantur: quoniam si fortes vires lethales morbos contemnunt, 10. meth. 4. & hæc morba succumbunt, vehementiam morbi arguunt manifestè, & magnitudinem causæ præostendunt, iuxta textum Hip. 2. aph. 34. quare Auicenna 2. 4. tract. 1. cap. 28. dicit, & scias quod sani pauci infirmitatis cum ægrotant, significant timorem, &c.

Insuper hic alimentis vellebatur plurimis, ex quibus A cruditates emanant: cum enim cibus debeat esse proportionatus calori coquenti, si in magna quantitate assumitur, nocet, cum semicottus remaneat, quare ex cruditate, quæ est omnium malorum seminarium, atque origo, ut ait Auic. 1.6.3. irat. 3. cap. 21. scaturiunt obstructions, mali habitus, podagra, articulorum morbi, acuræ, & diuturnæ febres, apoplexiæ, paralyces, conuulsiones peripneumonix, ophthalmix; & vniuersa prope morborum farrago seu è fonte vberissimo oriuntur.

Quod si accedat ut assumpta edulia sint varia, tunc damna accidunt quæ difficilem postea habent correctionem: quoniam ciborum varietas reproba est, ut docuit Galenus 1. acut. 18. §. Quo fit ut qui de concoctione scripserunt, ciborum varietatem, præsertimque ubi variis constant facultatibus, nocentissimam dixerint, utpote qua ingesta ipsa probe concoqui prohiberet. Observant id maxime qui luctantur, cum qui legitime certant, prandio siquidem panem dumtaxat edunt, in cæna verò carnem, &c. explicat Plutarchus 4. probl. sympos. 1. nam ut ait Auic. 3. 1. doct. 2. cap. 7. §. Nihil quidè deterius est quam diuersa nutrientia simul adiungere, &c. alij enim citius, alij difficilius cōcoquuntur. Cōsule Santorellum doctissimum lib. 15. antepraxis cap. 12.

Deinde si omnibus his iungatur etiam varius, & inordinatus viuendi modus, tunc nihil deesse iam potest, ut debilitato calore ex alimenti copia, eoque distracto, humorum in corpore accrescat congeries, ex quibus putredo oriatur, foueatur, & increseat: tunc autem nulla obseruatur viuendi ratio, quando in multa quantitate, eaque varia sumuntur alimenta, & postea nullus ordo obseruetur, sumantur frigida, & calida actu, tenuia cum crassis, & ea, antequam coquantur talia, iterum ingurgitare, quoniam nihil deterius est in corpore quam nutrens super nutrens, quod non est digestum mittere, ut ait Auic. 3. 1. doct. 2. cap. 7. Amplius cruditates parit, & obstructions, motus post cibum intempestiuus, alimentum enim à ventriculo deturbat semicrudum, & ab officinis coctionis calorem distrahit, non enim ex iis quæ comeduntur, & bibuntur, sed ex iis quæ probe in ventriculo concoquuntur, fit nutritio, ut eleganter dicebat Gal. 11. meth. 15.

Ex iis aduertere licet salubre esse consilium Galeni monentis illos qui suæ salutis curam habere debent, ne virium firmitudini confisi edulia praua esitent, licet ea optimè concoquant, sic enim ait, lib. 2. de alimentor. facult. cap. 6. Ergo qui cucumeres bellè concoquunt, cum eo ipso fisci affarim iis se implenerint, iis tandem longo temporis tractu accidit, ut succus frigidus, ac mediocriter crassus in venis coaceruetur, quæ in ea coctione quæ fit in venis, hand facile mutationem in probum sanguinem recipiat. Ob eam igitur causam omnibus prauis succi edulibus censeo abstinendum: etiā si ea quibusdam concoctis sint facilia: nobis enim non aduerentibus prauis succis ex ipsis post longum tempus in venis colligitur, qui postea exigam ad putredinem occasionem natus, febres malignas accendit, &c. Transtulit Auicenna 3. 1. doct. 2. cap. 7. in hunc modum. Ille verò in quo mala digeruntur nutrientia, ob hoc non decipiat, quoniam post dies in ipso mali generabuntur humores, egrotudinis facientes, & pernecantes, &c.

Nec enim hic viuendi reprobis ordo potuit naturam robustam, & validam diuertere, ne ex temporum intervallicis saburram extra corpus excitato alui profluuiio cum continua febre coniuncto propelleret, quæ vacuatione à febre euadebat immunitas. Sed cum in eodem victu perseverasset, indies, magis, ac magis auctis cruditatibus factum est, ut incrementum putredine, & corruptione in venis, quam præ copia natura non potuit excernere, ipse tandem putri sinocho corripere, ex feruore, & ebullitione putrentis sanguinis suborta. Hoc vrinæ crassissimæ demonstrabant ex recitata causa profectæ, aderat etiam plenitudo, seu succorum æqualiter se habentium redundancia, quam plethoram appellat Galenus lib. 3. de sanit. tuend. cap. 9. & 4. meth. 4. & 13. eiusd. cap. 6. Nam in hoc agro succi omnes, seruata veteri proportionem fuerunt accumulati: quoniam vrina, quæ est serum sanguinis, & aliorum humorum, id indicabat, neque enim erat alba,

rubra, nigra, aut rufa, sed aliquando hunc, interdum alium colorem repræsentabat, in qua nullum aderat sedimen, nec ipsa coctionis futuræ spem de se præbebat.

Immo vexabat nimium alui profluuium, quod in initio morbi si eueniat citra leuamen vllum, est symptomatiscum, & reprobum, 4. aph. 22. Nihil enim in initio ad bonū euacuari est impossibile, omnia enim sunt casus præter naturā earum quæ sunt in corpore dispositionum, oportet enim prius præire coctionem, subsequi discretionem, & ultimò excretionem, ut bona sit crisis, atque iudiciū, repetit 3. epid. sect. 1. com. 5. quoniam iis quæ sine ratione (hoc est sine coctione) leuant fideri non oportet ex Hip. 2. aph. 27. maxime cum foetida essent impensæ, quæ intemtam putredinem intra venas contentam præostendunt, superans enim graucolentia putredinis est, non concoctionis signum, auctore Galeno lib. 1. prog. ult. in princ. Nam foetor, nisi fiat à rebus foetorem inducentibus, ut allis, cruca, porris, ouis, quæ omnia foetorem concitare testatur Auic. 7. 4. irat. 3. cap. 24. si vehementer est summam putrefactionem significat, ex Gal. lib. 1. cris. cap. 11. & Auic. 21. parti. cantic. text. 333.

Enimvero si hanc immodicam vacuationem consideres, & ob hanc causam virium iacturam summam, non est dubium quin hic malè habuerit. Accessit alia huius damni causa, nempe confluxus materię ad vias vrinæ, quare ischuria sequuta, quæ ex obstructione meatuum vesicæ in febribus oriri consuevit, & firmat Paulus lib. 3. cap. 45. non dubito etiam quod à febris vehementia, toto corpore veluti exiccato, etiam musculus vesicæ ceruicem claudens exiccaretur, & sic nimium contractus, chordarum instar ad solem, vel ignem exiccaturum, laxari non posset, sed magis corrugatus vrinam retineret. Ob quam causam spiritibus ob nimium incendium internum dissipatis, & resolutis veluti calore natiuo, vires ad extremam debilitatem sunt redactæ, ita ut sanguinem retinere non possent, & sic per nates & fauces ipsum concretum, & grumosum excreuit, quæ vacuatio occasionem præbuit imperito Medico ut sanguinem secta vena emitteret; quem errorem notauit inter omnes Fernellius lib. 2. de ven. sect. cap. 4. dum sic ait. Neque imperitorum more, si vel nates stillant sanguine, vel vrina rubra sese offerunt, protinus imperanda vena sectio, &c. Hic ergo sanguis mortificatus, hoc est liuidus, extremam penuriam innati caloris ostendens, vehementem naturalis caloris arguebat imbecillitatem, quam primò cerebrum persentiscit, quum sit laxum, molle, friabile, maxime cum spiritus animales, quibus ut instrumento vritur à calore igneo essent dissipati, quare ex vrina retenta, ac putrida eleuati acres ad superas partes, vapores, & neruoso generi communicati, conuulsionem excitant: à foetida enim vrina exurgit aura venenosa quæ concutit cerebrum, & neruos lancinat, & ferit, & sequitur spasmus, ex quo hic vitam tandem cum morte commutauit. Hoc modo narrat Heurnius cap. 22. de morb. capitis, fol. mibi 234. mortuum fuisse robustissimum militem, qui cum toto biduo vrinam non reddidisset, tremulum, delirum, sequuta epilepsia, & validis conuulsionibus occubuisse, & ego aliquos vidi qui ischuria diuturna oppressi superueniente epilepsia, & apoplexia, disseminato fero per totam corporis molem, tumefacto corpore, & nimis laxo reddito, extincti sunt.

Ex iis manifestè patet hanc febrem non fuisse simpliciter putridam, sed malignam. Primò, quia paucissimo tempore cor prostrauit, & spiritus vitales extinxit: nam grauissimi morbi sunt qui præcordia obsident, dum eis venenata qualitate insensui sunt, vnde cum delerius vapor aëri inspersus cum spiritu intro subiens, cor viscus nobilissimum exerceat, affectum valde malignum inde procreari est necesse. Secundò, quod febris incipit à magna putredine, & deinde in magnam humorum corruptionem degenerauit: quoniam maligna febris à putredine corruptelam excitat ut suis viribus sese ostendat, & in actum erumpat. Et à corruptione malignitas, quæ à putredine, caloréque suscitatur leuissima symptomata parit, & magis funesta, quam ea quæ à putredine fiunt: ex illa enim facultates vitales magis concidunt, & febris magis lethalis, & perniciofa est: datur enim corruptio

quæ longè differt à putredine : humores enim nostri corporis eo corruptionis aliquando deueniunt , vt propria destituti natura, alienamque subeunt, lethali bus venenis finitimi reddantur. Accedit alia coniectura , quod omnibus celebratis auxiliis non mitescat , ita dicit Galenus lib. 1. epid. sect. 3. com. 1. in snit. nam morbum constat cacoethem esse , vbi cum omnia rectè administrantur nihil fiat mitior , & lib. 3. sect. 3. com. 79. 5. Reticuit autem Hippocrates sicut remedia alia omnia , tamen necesse interdum habuit dicere , nihil eos ab iis que offerebantur adiutos fuisse, vt malignitatem suggereret morbi, explicat perdoctè Ioannes Colle. lib. 1. de morbis malign. cap. 8. plurima autem remedia ab Actuario, vt à Medico expertissimo fuisse celebrata non negabimus, sed ea reticuit, vt fecit Hippocrates in Anaxione, quoniam attulit historiam solùm, vt probaret urinam admodum crassam in febribus reprobam esse, & inutilem.

### HIST. LIII. AVENZOARIS; De variolis.

Auenzoar correptus variolis , assumpto melle , & exacerbato morbo, naturæ tamen beneficio à morte euasit.

**Q**uoniam stulti vulgares dant istis dulcia, mel, pisces falsos. Ego fui ex illis qui cecidi in illum errorem , quia eum esse parvulus habui variolas , & pater meus non erat mecum, & consilio quorundam accepi mel , & ex illa angustia, & labore, & fortitudine agriudinis quam habui mirum fuit quod euasit. Auenzoar lib. 2. thezir. tract. 7. cap. 3.

#### PARAPHRASIS.

**D**ulcia quia bilefcunt, feruorem concitant calore suo, faciliè inflammantur, sicut & mel, in variolis, in quibus febris adest vehementissima , non esse concedenda omnibus est manifestum. De piscibus falsis maior est hæsitatio : nam à vulgo receptissimum est illos exhibere, qui variolis , & morbillis sunt oppressi. Neque hæc opinio contemnenda , quum sit à peritissimis Medicorum confirmata. Brudus enim Lusitanus lib. 3. de regimine febricitantium cap. 23. quem sequutus est Ludouicus Mercatus lib. 1. indicat. in consilio cap. 1. piscium salitorum vsum in hoc affectu vtilem esse asseuerant : Nam ratione salis exanthemata ad cutem facilius erumpunt, maximè si humores crassi sint , viæque angustiores : falsa enim penetrant, attenuant , humorem ad cutem propellunt. Sed hunc vitandis vsum non laudo : ex quo plures aucta febre, sequutis vehementissimis symptomatis perire vidi. Nam falsa nocua sunt, inflammant enim calore suo, excitant humorem, eumque excerni prohibent, quoniam vt ait Auic. lib. 2. tract. 1. cap. 3. exiccant, & adstrictione contrahunt, ex Gal. 1. 1. simpl. sir. de sale; deinde pisces in medio febris feruore , qui in exanthematis intensus adest, oblatis corrumpuntur , & humiditate sua excrementitia humores vitiosos generant. Insuper licet in febribus laxatiles concedantur , vt latè probauimus lib. 1. in com. hist. 28. tamen salici difficulter in stomacho concoquuntur , quum crassiore substantia constant. Quare pisces falsi in exanthematis merito reprobantur, quum plurima edulia iis prouocandis sint accommoda magis, quorum catalogum legat qui vellet apud Auic. 1. 4. tract. 4. cap. 10. & alios Arabicæ familiæ Medicos scientissimos, qui in eorum curatione cæteros antecellunt.

\* \* \*

### HISTORIA LIV. RHASIS; De variolis.

Variolis correpti licet in initio videantur melius habere, in declinatione tamen sæpissimè pereunt.

**Q**uidam passus fuit variolas satis malignas , & fuit phlebotomatus priusquam constringeretur guttur eius, & non remansit aliqua medicina extinctiua, qua esset non ei facta, & melioratum est, & elargatum eius guttur, & variolæ similiter, ita quod habuimus de eo bonam spem , & postea in statu aucta sunt accidentia, & in declinatione euenit ei dolor vehemens in tibia, & denigrata est, & intensionis mea erat scarificare locum, & in eadem hora habuit casum virutis, & sum desperavi de eo omnino , & deuenit ad talem statum , quod sanguis emanabat ab eius poris , & eodem die mortuus est. Rhafius lib. 30. cont. tract. 13. cap. 1.

#### PARAPHRASIS.

**D**e causa exanthematum satis superque disceptatum, lib. 2. in com. hist. 3. quo loco à vitio menstrui sanguinis oriri determinauimus. Nunc historiae explanationem aggrediamur. Variolas esse malignas certum est, quando ante eruptionem , & postea contingunt symptomata sæua : Nam variolæ pestem portendunt , aut subsequuntur, & vehementissimis pathematis ægros exercent, tamen si anxietas adest, tremor cordis infestet, febris vergeat intensa , conuulsiones premant ex aura venenosa eleuata, quæ ferit, concutit, & partes neruofas lancinat, & vexat, tunc malignissimæ sunt, quem vaporem virulentum , & noxium cum natura separat, atque ad partes externas pellere contendit, eo ebulliente , & retrum halitum eructante, hæc & grauiora damna accidere compemimus.

Licet autem variolæ ex crassiore, & minus acri humore oriantur, quàm morbilli , tamen ex illis plures occumbunt, quoniam lentus humor contumaciter glutinis instar visceribus adhærescit, & præ mora retentus amplius putrescens; acrior fit, & mordacior, & sic interna, membra rodit, & exulcerat: hinc dysenteria lethales, pulmonis, & spiritalium vlcerà cacoethica, tabes, totius corporis deformitas, & alia immania monstra repullulant, quæ vix coërceri, infrænarique possunt.

**O**mnia hæc præuidens auctor noster, quum febris adesset valida , & feruoris magni, quæ non solum ob confluxum humoris maligni ad fauces , vt ferè solet, sed ob flammeam in visceribus latentem dispositionem, respirationem densam efficientem , & veluti suffocantem, eueniebat, sanguinem emisit, quod auxilium ante eruptionem exanthematum , & postquam erumpere incipiunt, si plethora vrget, & vires valent, esse præstantissimum, facillimum , & securissimum , monuere Arabes, & eorum dox maximus Auicenna , quem sequuntur vnanimiter omnes Medici, quorquor hætenus de exanthematis scripsere, Hispani, Lusitani, Itali, Galli, Angli, Germani, exceptis iis qui medicinam exercent in nostro Belgio , qui cum alioqui doctissimi sint, & expertissimi, hoc tantum auxilium in hoc morbo acriter infamant , & cane, angueque peius aspernantur, quod ego sælicissimè in hoc terræ tractu, non solum in Lusitanis nostris, quos esse assuetos phlebotomiæ ipsi prædicant, sed Belgis, cuiuscumque ætatis, sexus, conditionis expertus sum. Immodò si satius non esset mihi calamo præstare habenas , plures in propatulum ægros nobiles reponerem, sequutus Galeniconsilium libris de vene sect. aduersus Erasist. cum Medicis Romanis se exercentis, qui aliis auxiliis nempe aperientibus eutaneos poros, rarefacientibus, sudorificis, citra totius prouidentiam, miserè ægros excarnificabant, qui ob plethoram summam, sanguinem excernentes per os, nares, & sedem, delirio præhensi quidam, alij ob incendij interni æstum



estum, depopulato, & resolutio innato igne, extinctis spiritibus spreta phlebotomia occubere.

Sed quid plura confector ac colligo, & in his minutulis, & triuialibus tempus consumo, crambémque recoctam præbere videor? nonne Hippocratica oracula sunt vera in Lybia, regione calidissima, Delo, temperata, Scythia, frigidissima, ut cecinit Dictator summus lib. 3. prog. 40. & peritissimus Christophorus à Vega in fine com. sic ait. Vnde fit ut Scythia, regio satis frigida sit pro maiori parte, hominesque ferat robustissimos, & qui inuicti semper manserint, neque externum dominum admiserint, neque ipsorum Romanorum arca senserint; ferinias, ac murinis pellibus contra regionis frigiditatem muniuntur, &c. Quare licet in Lybia ob caloris excessum, vires resoluantur, reddanturque ad tanti præsidij administrationem ineptæ satis, in frigida ob rationes dictas vel etiam vigente bruma longè calidiora multò sunt viscera, nam ventres hyeme natura calidissimi 1. aph. 15.

Neque inistes cum Græcis solùm loquutum Hippocratem, & ad ætatem suam collatione facta. Nam primum est falsum, habesque contra te, perdoctum, & Laconicum paraphrastem Heurnium, qui sic præfatur, in eodem com. num. 9. verbo veracia, contra eos qui hac tantum ad Græcia homines pertinere putant, & ad ætatem Hippocratis non enim natura fatiscit: si enim illa elanguesceret iam sanè diu internectione deleta essent quam plurima rerum species, immò homines ipsi: nec Philosophi vllum argumentum inuenissent, quo mundi æternitatem firmassent, &c.

Ergo si Hippocrates & Galenus in regionibus omnibus, in curaneis affectibus, in tumoribus, & inflammationibus exterioribus, in omni excreto ad corporis superficiem, sanguinem emittunt permittentibus viribus, retrocessum humoris à cute ad centrum non verentes, cur in frigidis terris in parca phlebotomia ante eruptionem exanthematum celebranda Erasistrati hemophobi instar quem tantopere Galenus obiurgat, erimus meticulosi?

Et relictis horum auctorum locis, ne in iis seriatim recitandis sim multiloquus, vnum Auicennam proponam, qui 1. 4. tract. 4. cap. 10. sic alloquitur, Oportet in variolis ut incipiatur, & extrahatur sanguis sufficenter, quum conditiones fuerint, & similiter si morbillus fuerit cum repletione sanguinis, & spatium illius est usque ad quartum, sed quando procedunt variola non oportet tunc ut administretur phlebotomia, nisi inueniatur vehementia repletionis, & dominium materiei, tunc enim phlebotometur quantitate qua alieniet, seu minore, &c. Vides ipsissima Auicennæ verba, ne tibi vllus subterfugij locus relinquatur, nisi in pectore, non in fronte oculos habueris.

Demum exercerem ingenium meum in quæstione de mittendo sanguine in exanthematis, sed ea est tyrunculis indigna, & doctissimorum virorum censura iam penitus aboluit. Annus agitur duodecimus, si rectè recordor quo ad hanc populosissimam ciuitatem. Amstelodamensem, securissimum tranquillitatis portum accessi,

*Sedes ubi fata quietas ostendunt,*

Paululum in ea moratus ad consilium vocor cuiusdam vigesimo ætatis suæ anno constituti Belgæ, cui summa plethora corrupto apparentibus variolis, febris inerat ardentissima, pulsus magnus, sitis ingens, aderat toto corpore rubor, tumebant venæ, cocto sanguine plenæ, phlebotomiam consulo, renuunt focij, & licet contra duo nec Hercules ipse, tamen pro veritate contendens iterum annuentibus affinis de sanguine mittendo sum sollicitus, sic factum, & sic quater extracto sanguine duobus diebus deonerata natura potentius variolas ad cutem transmisit, & æger à tanto agone superstes remansit.

Pertinaciter insistebant illi quod expurgatio facta per variolas erat critica & à natura inuenta, & sic celebrata phlebotomia certè naturæ ordo erat inuertendus: sed hæc methodus non est recta, quoniam habet contra se Galenum in locis multis: nam quando incompletè agit, supplere nos medicando conuenit. Est textus celebris 2. aph. com. 15. Animalium natura ex principalioribus membris humores malos euacuans, alios per urinas, vel vomitus, vel alium inferiorè excernit, alios ad cutem extrudit, quos quæ euacuare

Lib. IV.

pro crassitudine nō possit, ibi eos deponit, atque hoc modo tubercula nascuntur in corpore: tunc igitur considerandū est, & distinguendū, nunquid natura totam in patientibus partibus superfluitatē deposuerit, an adhuc corpus totius animalis vitiosis humoribus abundet, quod excrementa indicabunt: nā si natura mora est ad expurgandū corpus impurum, biliosa apparebunt, patetque prius esse purganda, quàm murenda huiusmodi corpora: sin autē excretiones sunt similes sanis, totum corpus sanum esse indicatur, & sine vlllo periculo nutriti potest, &c. Hactenus Galeni aurea distinctio, luculenter docens quādo euacuatione sit opus, quando natura humores superfluos critico modo expellit ad cutē. Quod si Galenus expurgat in imperfecta crisi, ad cutē quæ vacuatio magis à superficie attrahit ad centrum, ampliùs eliget venæ sectionem si illius scopi adsint requisiti, quod probat Galenus lib. epid. sect. com. Vbi in Simone latis pustulis correpto venam secar, retrocessum humoris ad partes intimas minimè veritus, sic enim ait, In quibus corporibus permulta humorum copia inest, iis utiles esse purgationes didicisti; priusquam enim ita redundantem materiam, aut venæ sectione, aut purgatione quis eduxerit, si fouens, hoc est calidis utens, ipsam discutere conetur plus attrahet, quàm per cutem vacuabit.

Iunior Medicus elapsis diebus stomachabundus alia argumenta in me coniecit valoris non multi, quæ lubens, & silens prætermitto: Sed cū nō hic contemptim, & negliger de ingenij mei penè delitescens tenuitate periculum facere tentaret, & infelicis ingenij sit nihil ex se parere, & aliorum vestigiis inhaerere, nullum illi carmine sequenti excepto, responsum dedi, ostendens controuersiam de phlebotomia in variolis triuiale esse, quum ab ingenuitate mea alienum sit, de ea aliquid commentari, omnibus enim, vel illis qui sacræ medicinæ limina prima salutarunt, in exanthematis sanguinem esse emittendum est notissimum.

*Non tam auersus equos nostra sol iungit ab vrbe,  
Nec mihi tam tenuis subsistunt pectore sensus,  
Quin tua non pateant, quæ tanquam oracula nobis  
Proponens, pariter me, tæque indigna requiris;  
At si tantus amor laudis, si tanta voluptas,  
Et te magnarum stimulant præconia rerum,  
Non nodum in scypro quære? ast enigmata sphingos.  
In te verte manus, per te speculata ferantur,  
Non quæ sunt cunctis passim patefacta libellis.  
Ergo siste gradum, tæque in tua mania volue,  
Et nos qui in tenebris, & caco carcere vitam  
Ducimus, in tenebris iterum permitte latere.*

Possem in hoc argumento plura ex veterum, & Iuniorum penu fecunda præclara depromere sed ea cū sint quotidiano, euidentique argumento stabilita, silentio inuoluo. Quare Medicus arguens, cū non esset rudis ingenij, consilijque expers palinodiā recantauit, immò dum sese offerebat occasio, ante eruptionē exanthematum in succulentis, & benè educatis puellis sanguinem interdum per sectam venam, aliquando per scarificatas cucurbitas emittendum imperabat cum vtilitate multa: sed hic attendere debebat prius in quas angustias, se, tanquā in carceris barathrum coniecerat, dum ardentiori Medicos Belgas monendi studio hostes sibi pro hac exercenda praxi infestissimos comparauerit, & timeo ne eum mittant in eam domum, ubi viuos homines mortui incurvant bones. Hæc in rem præsentem satis sint, ad historiam iterum accedamus,

Facta ergo phlebotomia, & celebratis omnibus auxiliis quæ sanguinis, & aliorum humorum feruorem temperarent, & illorum cauma extinguerent, ut sunt cardiaca iulapia, potiones, decocta, eclegmata, syrapi, arteriaca, factum est, ut suffocatio illa ex humore tenaciter viis spiritus adhærescente, & infarcto, tolleretur, expurgato per sputum humore medicaminum ope. Et cum respiratio esset magis libera, aliquam leuaminis spem Medicus concepit, sed hic morbus lætos non habet exitus: Cū enim pars crassa venenosi humoris delitesceret in visceribus, eam ad partes extremas natura expellere tentans, dolor excitatus in tibia, in qua aderat nigredo, signum veneni interni, & mortis imminens certissimum: Hoc modo Sileus cum liuore extremorum

V V V

mortuus

mortuus est maligna febris oppressus apud Hipp. 1. *epid.* A  
*sect.* 3. *text.* 19. Hac febris detentus perit Crito 1. *epid.* *sect.*  
 3. *text.* 26. cui pes in initio morbi vehementer dolere cœ-  
 pit, & altero die pustula nigra toto pede apparuerunt:  
 Galenus in *com.* sic ait. *Malignis excrementis statim indi-*  
*cium quod pustula nigra generarentur ad salum, &c.* Sic Ado-  
 lescensculus qui in mendacium foro decumbebat. 3. *epid.*  
*sect.* 2. *text.* 5. cum extremarum partium liuore occubuit  
 in cuius textus explanatione ita fatur Galenus. *Mortu ve-*  
*rò apertum signum est extremarum partium liuor, & frigus, &c.*  
 Nam à venenata aura partium externarum calor insitus  
 emoritur, spiritus extinguitur, sanguis floridus resoluitur,  
 quorum viuacitate antea recreabatur, unde partium mor-  
 ticinium contingit.

Scarificatio tunc, ut auctor notat maximo erat ex usu  
 ut Galenus affirmat 2. *ad Glanc.* 7. & alibi sæpè: verum  
 cum humor virulentus, malignaque recondita in pro-  
 fundo corporis excrementa terro suo vapore internum  
 ignem depopularentur, non potuit hoc auxilium exhaui-  
 stis, & fatiiscentibus viribus celebrari, immò extinctis  
 veluti facultatibus & nequeunte retentrice sanguinem  
 continere in loco suo è parte affecta, & denigrata sensim  
 sanguis resudabat.

Caueant ergo Medici nec nisi cum præmeditatione in  
 curatione exanthematum prælagiant, in quibus utpote  
 perniciosi non sunt certa prælagia ad salutem, vel mor-  
 tem, ex Gal. 2. *aph.* 13. dicente, *post signa decretoria, & in*  
*declinatione in omnibus morbis plures esse sanatos, quàm mor-*  
*tuos, nisi pestilens constitutio sit.* Exanthemata autem à ma-  
 lignitate non esse aliena, immò antecedere pestem, & esse  
 contagiosa firmat Auic. 1. 4. *tract.* 4. c. 6. §. *Et variola qui-*  
*dem, & morbillus sunt de summa agnitudinum contagiosarum*  
 & Rhafius lib. de peste, scribit, *quod variola etiam opus ha-*  
*bent præseruatione, ac omnis pestis, quod pronuntiatum de ma-*  
*lignis, & populariter vagantibus intelligendum est:* nam ex  
 ita atrociter sæuiunt, maleficientissimis symptomatis insi-  
 gnitz, ut omnes perimant.

## QVÆSTIO XLVIII.

*Vtrum vniversalia morbi tempora variis signis di-*  
*stinguantur, ut cõtra Gal. contendit Argenterius.*

### COMMENTARIUM.

**I**N statu.] Cum accuratius, attentiusque mente voluta-  
 rem, percepturus indidem quæ hæc nostras historias  
 ornarent luculentius, incidi forte in quasdam quæstiones,  
 quæ licet ab aliis agerentur, tamen ad argumentum de fe-  
 bribus intimius explicandum apprimè sunt utiles, quare  
 in calce huius libri puriori scribendi stylo eas auxi, illu-  
 stravi, & inserui, ut vna cum aliis coalescentes eant in  
 corpus. Galenus lib. 1. *cris.* cap. 2. non vitur vniuersali ali-  
 qua ratione qua omnia morborum tempora distinguantur,  
 sed in variis morbis varia ratione illorum tempora di-  
 stinguit, ut patet ex lib. de totius morbi temporibus, cap. 3.  
 maxime quia solum prosequitur rationem aliquam vni-  
 uersalem qua cuiusvis morbi tempora possit distinguere.

Galenus doctrinam cit. loc. æmulatus Auic. 1. 4. *tract.* 1.  
 cap. 3. nititur docere quo modo varietates, seu tempora  
 morborum possint distingui. Refert ergo principium  
 morbi consistere in ingenti naturæ ab eodem morbo  
 grauamine, suffocatione, atque in operationibus impedi-  
 mento, quo tempore nulla existit notabilis, inter natu-  
 ram, & morbum actualis contentio, ac proinde nullus ap-  
 pareat, nec morbi, nec naturæ affectus, & ut inquit Auic-  
 cenna, *quod nec concoctio sentitur, nec contrarium coctionis,*  
*hoc est putredo.* Augmentum verò ex eiusdem Auic, sen-  
 tentia consistit in naturæ accrescenti motu, & in morbi-  
 ficam materiam insultu, notabiliq; tunc existit inter  
 naturam, & pugnam conflictus, ideoque manifesta iam  
 apparent concoctionis, aut putredinis signa. *Statim*, inquit,  
*est morbi pars in qua vehemens intercedit inter morbum & na-*  
*turam contentio,* ideoque vehementissima apparent sym-  
 ptomata, summa etiam concoctio, aut putredo sentitur,

quare eo tempore, aut morbi, aut naturæ victoria pa-  
 ter, habeturque inter vtrumque vltima resolutio, & indi-  
 cium. Declinatio tantum quæ in salubribus tantum mor-  
 bis reperitur, quum nequaquam possit moriturus æger  
 vltra morbi statum pertransire, ut infra dicemus, tempus  
 est in quo natura morbificum humorem dominata, iam  
 iam victoriam prosequitur, & ad integram vsque, & per-  
 fectam sanitatem, morbum in materia, intentione, ma-  
 liria, & magnitudine diminuit, illumque iam deuictum in  
 totum prostermit, & in vltimum suæ durationis finem,  
 atque terminum perducit, & sic sequitur vera, & integra  
 laborantis salus.

Sed videntur hi medicinz proceres inter se discordes:  
 Nam Gal. lib. de totius morbi temporibus. 3. per solam con-  
 coctionem temporum differentias tradidit, Auic. verò  
 loc. cit. per concoctionem, & putredinem, at facile eos  
 concordēs reddes, si illum de salubribus, Auicennam tam  
 de salubribus, quàm lethaliibus interpreteris. Et licet  
 Auic. per contrarium digestionem intelligat etiam crudita-  
 tem, quæ coctioni etiam contraria est, tamen cum crudi-  
 tas raro in morbo processu præterquam in principio  
 appareat, potius per contrarium digestionem intelligenda  
 est putredo, quàm cruditas.

Insuper tripliciter ad medendi opus potest principium  
 considerari. Primo modo pro primo morbi insultu, hoc  
 est pro illo temporis momento quo morbosa quævis af-  
 fectio incipit ægrotantis actiones notabiliter, & mani-  
 festè impedire, quæ contemplatio ad dierum decreto-  
 riorum computationem est vtilissima, ut 1. de dieb. decretor.  
 cap. 8. & 9. prædixit Galenus. Secundo modo accipitur  
 pro primis tribus, aut quatuor diebus, hoc est non pro  
 certo dierum numero, sed pro illo contento temporis spa-  
 tio quod quatuor primis diebus morbi concluditur, quod  
 solet à Medicis primum ex quaternionibus appellari:  
 quamvis autem hæc principij acceptio inartificiosa à  
 nonnullis iudicetur, ad operis tamen varietatem, cibo-  
 rum exhibitionem, & prædictionem non parum confert  
 quare eam sæpè sæpius Hipp. ad hos usus vtilem, & ni-  
 mis necessariam commendat: variè enim docet operari  
 primis morbi diebus à reliquo curationis progressu 2.  
 aph. 29. in principijs morborum mouendum docens, & senten-  
 tia sequenti 30. circa initia, & fines, &c. & lib. 1. *epid.*  
*sect.* 3. *text.* 10. variam cibandi normam consulit iuxta va-  
 rietatem cum qua primis diebus incipiunt, variam deinde  
 prædictionem circa morbi euentum commendat. 1. *aph.*  
 12. *In morbo laterali si circa inter initia spūū appareat, mor-*  
*bum abbreviat.* Tertiò sumitur principium pro vno, &  
 primo ex quatuor morbi temporibus, quæ acceptio ad  
 victus institutionem, prædictionem, & auxiliorum ap-  
 plicationem est commodissima, & sic acceptum prin-  
 cipium definitur ab Auic. loc. cit. pro tempore in quo  
 nulla apparent concoctionis, aut putredinis manifesta in-  
 dicia, & hæc distinctio ab auctoribus penes morbi essen-  
 tiam appellatur.

Hæc difficilis quæstio ut penitus intelligatur, exigit  
 animaduersiones duas: nam licet prædicta distinctio pe-  
 nès morbi essentiam omnibus morbis communis sit, ta-  
 men Medico non sufficit ad distinguenda tempora in  
 quouis morbo: aliqui enim morbi suam essentiam ha-  
 bent occultam, & intus reconditam, quam sensu compre-  
 hendere non possumus, quare tunc Medicus solum tem-  
 pora morborum distinguere poterit penès morbi effectus,  
 & symptomata, quomodo epilepsiam, colicam, maniam,  
 melancholiam, obstructionem, & alios eiusmodi morbos  
 commodissime distinguit, quæ distinctio ab auctoribus  
 penès morbi symptomata appellari solet.

Aduerte secundò. Quamuis superiores temporum mor-  
 bi distinctiones communes sint omnibus morbis cuius-  
 cunque generis fuerint, siue sint lethales, siue salubres,  
 tamen Galenus in plurimis morbis non assignat alias, quæ  
 sunt magis artificiosæ, & Medico accommodatiores, quod  
 fortè effecit, quoniam ibi solum conatur asserere signa  
 quibus vniuersalia tempora morbi cognoscantur: signa  
 autem illa in variis morbis varia sunt, ob quam causam  
 in variis morbis varias tradit temporum distinctiones,  
 quod

quod fecit *cit. de tot. morb. temp.* 3. explicans quomodo distinguantur tempora in morbis salubribus.

Tempora igitur inflammationum, & februm quæ ab illis producuntur sic distinguit, ut principium sit compars sanguinolento humore repletur. Augmentum cum quod in parte inflammata continetur, putrefieri cœperit, & fluxus cessauerit, hoc est impetus defluxionis cessauerit, qui solum adest in principio: quod enim in augmento, & statu etiam adsit fluxus humorum ad partem, patet ex 3. *simpl.* 9. & 6. *de comp. sec. loc. cap.* 1. & 4. *1. cap.* 25. in his enim duobus temporibus repellentia conueniunt. Status dicitur cum humor contentus vertitur in pus, quo tempore maximi dolores, & febres contingunt. 2. *aph.* 47. Declinatio, quum pus iam factum est, quod enim ibilegitur, declinationem esse cum fluor in pus mutatur, vel coquitur, pro [*mutatur,*] legendum est, [*mutatum esse.*]

In febribus autem humoralibus salubribus quæ ab inflammatione non oriuntur, sic tempora distinguit, ut principium sit tempus in quo humor omnino crudus est, 1. *cris.* ult. id est non habet aliqua signa manifestæ coctionis: nam signa coctionis occultæ etiam in principio possunt reperiri 1. *cris.* 17. augmentum ubi humor manifestè coqui cœperit; status cum ipsa concoctio maximè conficitur, declinatio, quum symptomatum magnitudo, & humorum copia cessauit. Similiter ex signis coctionis, & cruditatis excrementorum quæ excernuntur à parte affecta distinguit tempora in vlcere, lippitudine, catarrho, pleuritide, & peripneumonia.

Contra hanc sanissimam doctrinam Galeni plurima obijcit Argenterius *lib. de temporib. morb. c.* 4. & 9. quibus addam, alia quæ illam validissimè impugnant, & primò sic Galenus *cit. de totius morb. temp.* distinxit principium inflammationum per fluxum, augmentum, per cessationem ipsius, & per tumorem, & in eodem *cap.* 3. ad fin. tempora in pleuritide distinguit per signa cruditatis, & coctionis: nam docet principium esse, quando nihil sputitur, vel sputum admodum tenue est, augmentum quando id quod sputitur, est modicè coctum, quum potius deberet distinguere penès fluxum, & cessationem ipsius, cum pleuritidis inflammatio sit membranz costas succingentis. Dic temporum distinctionem positam à Galen. in inflammationibus, & febribus eas comitantibus intelligendam esse de iis inflammationibus à quibus excrementa sensim non excernuntur, sed in iis sunt impacta, quousque vel resoluantur, vel in pus mutata vacuentur, aliter verò distinguenda esse tempora in iis inflammationibus è quibus ob membranz obductæ tenuitatem sensim aliquid resudat, & sensim vacuatur, ut contingit in pleuritide, peripneumonia, ophthalmia, & reliquis huiusmodi, in quibus tempora commodius ad vltus ex cruditate, vel coctione illius quod educitur distinguitur.

Secundò. Si vlcetis essentia nihil aliud importat quàm solutionem contrarij 3. *meth.* 2. & ult. cur Galenus *loc. cit.* distinguit vlcetis tempora non penès magnitudinem, & paruitatem solutionis, quæ illi essentialis est, sed penès signa coctionis, & cruditatis saniei exeuntis. Dic: causam esse quia solum considerat tempora morbi quatenus pro illorum varietate victus, & medicamenta variantur, hæc autem in vlcere varia sunt penès saniei exeuntis diuersitatem, non similiter autem penès varietatem solutionis, quare huius consideratio Medico inutilis est.

Tertiò. Quomodo tempora morborum distinguuntur per cruditatem, & coctionem humoris, quum illa ex prauitate victus, sicut & à medicamentis mutantur, adeò ut morbus lethalis reddatur salubris, & è contrà. Dic: vnicuique morbo inest ex sua natura salubritas, aut insalubritas & certa mensura temporum non videtur inuariabilis, itaque ex probitate, vel malicia eorum quæ adhibentur ægis contingit mutari salubritatem morbi, & tempora eius: ea tamen temporum mutatio nunquam fit nisi intercedente varietate penès coctionem, & cruditatem in humore morbifico, quare conuenienter per signa coctionis, & cruditatis morborum tempora distinguuntur.

Quartò. In principio morbi sæpè adiunt coctionis signa: nam, ut experimento constat, in febribus pestilen-

tibus sæpè in principio apparet vrina cum sedimento finissima vrinæ sanorum. Deinde in principio putridæ factæ ex permutatione diariæ apparet coctio in vrina, 1. *feb.* 7. Dic, experimentum verissimum esse & à Galeno 3. *de presag. ex pulsib.* 4. confirmatum, de quo luculenter egimus *lib. 1. in com. hist. ult.* At febris pestilens de qua ibi loquitur Galenus est immaterialis, & hectica, & in febribus immaterialibus, penès signa coctionis, & cruditatis tempora non distinguuntur, quum in illis humor coquendus non adsit, atque ita in principio huius febris vrina potest apparere cum colore bono, & cum bono sedimento, quod est falsum, & non verum sedimentum, decisum à materia cibi, non morbi, ut in diariis, & in aliis immaterialibus febribus contingit.

Ad alteram verò obiectionem, ex *lib. 1. feb.* 7. in principio scilicet febris putridæ factæ ex permutatione diariæ. Dic, hoc dupliciter posse intelligi, primò quod hæc coctio appareat quandiu est diaria sola, secundò quod appareat post generatam iam putridam, & certius videtur Galenū ibi intelligere durante diaria apparere coctionem non autem postquam successit putrida: non enim videtur quomodo in principio putridæ nõ adsit cruditas humoris, cum illa ab humore putrido oriatur, foueatur, & dependeat, qui coctionem exoprat, quare humor putridam faciens, in principio nõ erit coctus, sed crudus. Similiter etiam dicendū de morbis qui à materia cocta incipere dicuntur quæ solum premendo, & suffocando naturam morbum generant, quare cum ob eam causam à regimine naturæ relinquatur, & ita de nouo putrefiat, & corrumpatur, in initio signa coctionis apparebunt, manifesta. Nec obstat quod sæpè in prima die hæc signa in morbis acutissimis appareant, & in tertiana simplicissima 2. *cris.* 3. nam hoc fit, quia illa dies augmentum etiam, & statum complectitur 1. *cris.* 4. & 17. in quibus temporibus hæc signa apparent, non autem in verò principio, contra alia tempora distincto.

Quintò. Quo pacto tempora vniuersalia morbi distinguuntur per signa coctionis, si in declinatione nulla coctionis signa apparent? Dic: declinationem febris penès coctionem cognosci ex vrina, si color huius tendit in mediocrem, sicut in sanis, & quantitas contentorum minuitur: simpliciter tamen Galenus in febribus, & aliis morbis quorum tempora distinguit per signa coctionis, & cruditatis, declinationem esse inquit, quum symptomatum magnitudo, & humorum copia cessauit.

Vltimò. Cur Galenus solum docet modum quo distinguantur tempora in certis quibusdam morbis quos diximus, nullam faciens commemorationem immaterialium, qui tamen sua tempora habent? Dic: causa videtur quia solum instituit explicare distinctionem temporum tanquam rem necessariam ad instituendum victum, præsidiorum varietatem, quod potissimum conuenit in morbis in quibus id explicat, & ita *lib. de tot. morb. temp.* 8. sic scribit, neque enim quisquam qui victus rationem instituet, inueniri poterit, neque unquam nutrire sine certa temporū distinctione. & 10. *meth.* 5. In omni agro duo spectanda sunt à quibus cibandi consilium petas, morbi summus vigor, & agrotantis robur. & 1. *cris.* 13. Si quis victus rationem instituat, non respiciens ad statum, fieri non potest, ut magnum aliquod malum agrotanti non afferat. Secus accidit in immaterialibus morbis in quibus temporum varietas ad instituendum victum, & remediorum applicationem parum facit, quare merito non in iis, sed in aliis, in quibus victus, & remedia pro varietate temporum, maximè variantur, docet quomodo illorum tempora distinguantur.

Hæc autem sunt intelligenda de morbis salubribus: nam si sint lethales aliter tempora morborum debent distinguui, ut citatus locus retulit Galenus: in quibus principium in morbi generatione constituitur, & est illud tempus in quo morbus eundem tenorem seruat, quem à principio sine aliquo notabili incremento recepit. Augmentum consistit in cruditatis, lethaliūque apparentibus signis post morbi generationem. Status summam vehementiam importat ad quam morbus ex natura sua potest peruenire: si enim solum summam vehementiam importaret ad quam morbus peruenit, sequeretur omnem morientem

morientem in statu mori, cum tamen constet plurimos A mori in principio, & augmento ut infra dicemus. Ex quibus iudicabis quam ineptè Argenterius more suo rectam Galeni methodum conuellat, in cuius mente explicanda breuiore fuimus quàm barbari, & antiqui Auic. loc. cit. expositores, & Vallesius qui lib. 10. cont. cap. 6. non ita dilucidè eius doctrinam est interpretatus.

## QVÆSTIO VLTIMA.

*Vtrum in declinatione vniuersali Variolarum possit æger mori, ut voluit Auicenna.*

**E**T in declinatione.] Etsi peritissimus Lusitanus in com. cap. ult. lib. 2. de dif. feb. Gal. plurimis, iisque validissimis machinis quæstionem hanc explicandam fuerit aggressus, cum Auicennæ expositores ad cap. 3. 1. 4. Auic. Conciliator. diff. 107. Vallesio 10. cont. 7. Cardano & aliis iunioribus, conandum tamen post hos scientissimos viros pro historiæ, & textus Auicennæ interpretatione argumentum hoc tumultuario licet stylo explicare; & quidem tantò impensius, quantò pro venosi generis morbis curandis est utilior, & valdè necessaria inuestigatio hæc.

Auicenna enim Medicus, & Philosophus admirabilis, & qui compendioso sermone vniuersam artem medicam illustrauit, auxit, atque perfecit 1. 4. tract. 1. cap. 3. præcepta tradens saluberrima, instruit Medicum, ut bonum, vel malum ægritudinis euentum possit præcognoscere, docetque cum ut in principio, & augmento morbi, eiusdemque vigore sit vigilantissimus, & magis sollicitus, quoniam ægri in his tribus temporibus pati possunt mortis periculum, in postremo autem morbi tempore, decrefcentia, seu declinatione, à prædicto mortis discrimine ægrum necessariò euadere immunem: nam nulla ratione in hoc ultimo morbi tempore perire potest.

Hanc quidem sententiam, absolutamque veritatem à Gal. 3. cris. 5. primò prolaram, ratio, auctoritas, & experimentum vbertim confirmant. Quocunque morbi tempore æger poterit perire quò morbus naturam omninò superauerit: sed primis his tribus morbi temporibus morbus poterit naturam euincere, nequaquam autem in postremo, quod iam inclumis euadat æger à primis tribus, ergo quocunque horum trium temporum, & non postremo poterit æger perire. Maior verissima est, & traditur ab Hipp. 4. acut. 22. §. *Vbi autem corpus imbecille sit, morbus præualeat; ubi autem morbus corpori præualuerit, remedium non habet, &c.* Idè enim mors ægrotanti contingit, quia morbus naturam prostermit, & euincit. Minor suadetur, nam morbus in summa malitia consistens poterit naturam labefactare, & ducere ad interitum, & antequam ad summam malitiam perueniat, tempore quo adhuc increfcit, tantæ potest esse magnitudinis, & potentiz, ut omninò vires decicere possit, neque hoc putes rationi aduersum, quoniam id docuit Hippocrates lib. 3. progn. text. 2. *febris malefcentissima, & signis firmata malefcentissimis quarto die, aut citius interimunt.* Postremo autem morbi tempore quo scilicet morbus notabilem omninò patitur remissionem non valet morbus naturam supposita præcedenti pugna eo modo immutare, ut eam ad extremam debilitatem, summumque interitum perducatur. Igitur æger non poterit declinationis tempore morte periclitari.

Secundò. Toto morbi tempore quo datur inter naturam, & morbum decretatio, pugna, & quo eadem accrescit, & in suo vigore durat, poterit natura succumbere, & ægritudinis vehementia perire, atqui tribus bis prædictis temporibus, principio scilicet, augmento, & statu durat morbi cum natura contentio, & conflictus, nulla autem in declinatione accidit inter morbum, & naturam decretatio, etsi aliqua datur, ea parua est, paruique momenti. Igitur, &c. Maior patet, minor suadetur, quia ex omnium Medicorum decreto, ex signis varij naturæ cum morbo conflictus, varia etiam hæc tempora à Medicis colliguntur, siquidem ex eorum sententia vehementissima symptomata, quæ maximum significant na-

zæ cum morbo congressum, signa sunt summi morbi vigoris, & consistentiz, quare tunc apud Hipp. symptomata fortiora; tempore autem principij eiusmodi symptomata exoriuntur, in incremento verò ad statum usque augentur, ergo his tribus temporibus durat naturæ cum morbo contentio, & in statu contentio, morbi solutio, & iudicium contingunt, quia præcedentibus temporibus habita discordia finitur. Ergo, &c.

Tertiò. In morbi principio, augmento, & statu lethalia signa in morbis apparere solent, in declinatione verò nunquam, suadetur antecedens: nam lethalia signa terno vniuersum numero comprehenduntur, sunt enim signa, aut putredinis, aut cruditaris, aut malitiz, horum signorum nulla apparent in declinatione, nec enim æger cum huiusmodi signis poterit statum vnquam euadere, apparent autem in aliis præcedentibus temporibus, ut medentium vsu est compertum. Igitur.

Quartò, acutissimè arguit Vallesius loc. cit. Tribus de causis poterit ægrotantibus corporibus mors euenire, aut suffocatione, aut morbi violentia, aut resolutione virium, nulla autem potest contingere in declinatione morbi vniuersali, sed in præcedentibus illis tribus temporibus, igitur in his, & non in declinatione vniuersali poterit mors contingere: quare suffocatione poterit frequenter, & principaliter æger in principio mori, & nonnunquam, licet rariùs in augmento, & non propriè, id est, solius suffocationis causa, quæ videlicet sit mortis totalis causa, sed partialis, & coadiuuans morbi vehementiam, & intensiorem, à qua propriè solet mors in augmento contingere, etsi qua etiam in statu mors eueniat, hæc etiam frequenter à morbi vehementia, & magnitudine solet proficisci, etsi aliquando rariùs tamèn possit ex virium debilitate contingere. Priores enim hæc duæ causæ, videlicet suffocatio, & violentia, seu magnitudo frequentiores in morbis existunt, ex debilitate verò potest etiam, licet rariùs, mors in quouis morbi genere euenire.

Si auctoritates ad hanc doctrinam confirmandam exoptas, præcipua est. Gal. 1. cris. 2. & 3. eiusdem cap. 5. & 9. cam sequuntur Principes Græci, Arabes ut Auic. loc. cit. Rhasis 10. ad Almanf. 23. Halyabbas 10. theoric. cap. 4. & omnes Medici hæcenus amplectuntur, & vsus medentium approbat frequentissimus, qui morborum euentus à principio usque ad statum solum pertimescere consueuere, & sic morborum curationem prædictis temporibus, nimio vigilantique studio attendunt, in declinatione autem nullum solent ægritudinis periculum formidare: hoc enim tempore, nî adsit error Medici, ægri, aut ministri, non contingit mors, quia iam omnia mitiora 1. aph. 30. cessante enim morbo virtus validior est facta.

Hæc autem intelligas velim dummodo declinatio sit vniuersalis, de qua quæstio venit explicanda: nam in particulari æger potest mori, sicut etiam si sit falsa: nam in vera quæ est tempus illud in quo natura superat omnino morbum, & omnia iam ferè leuiora sunt, nullus potest mori: falsa enim, est tempus in quo omnia apparent remissa, non propter aliquam victoriam naturæ, aut humoris vacationem, sed ob morbi malignitatem, & quia natura præ debilitate succumbit, & cessat conatus, & pugna, vnde prope mortem omnia apparent simillima sanis: sic accidit Hermocrati apud Hipp. 3. epid. sect. 1. text. 5. qui cum ad vigesimum diem solutus morbo videretur, vigesima tamen septima interiit. Quare in declinatione vniuersali, & vera morbi, æger non potest mori ex vi morbi, sed ex aliquo errore commissio,

Verum contra hanc doctrinam obiciendum primò; nam Auic. 1. 4. tract. 1. cap. 98. sic ait. *Et multoties moritur aliquis ex variolis in declinatione, &c.* Dic: cum Thoma à Veiga loc. cit. hoc accidere ob frequens erratum, ex quo pereunt nonnulli etiam in vera declinatione, quia est nouus morbus ex errore, sicut sudans si aëri frigido se exponat. Dic secundò. Hæc declinatio falsa est, nam variolæ videntur declinare, & non declinant, quoniam ex cætero humore ad cutem leuata natura videtur ægri melius habere, sed remanente in visceribus crassiori parte demum in pulmone concitat



conciat phthisim, in intestinis vlcera cacoethica, in gutture, lethalem anginam : nam vt ait Auic. 1. 4. tract. 4. c. 6. *Variola non accidunt in cute solum, & in eo quod sequitur illud quod apparet, immo accidunt in omnibus membris similium partium, apparentibus, occultis, vt velaminibus, & nervis.* Tandem in apparente declinatione, exiccatis omnino viceribus in cute, conuulsione, & epilepsia triculenta oppressi cito occumbunt: quoniam non recte expurgatus humor suo tetro, & maligno vapore nervos conuellit, vel moritur aeger ratione febris relicta, vel gangraena. Quare in exanthematis, praesertimque variolis, violaceis, liuidis, & cum diris symptomatibus erumpentibus caute praesagias ne si forte mors contingat, vel sefellisse, vel ignorasse videaris, quod monuit Celsus lib. 5. c. 26.

Secundo obstat Auicennae auctoritas 2. 4. tract. 1. c. 98. *5. Mors etiam fit in declinatione, sed est pauca, & rara, & plurimum illius est in declinatione particulari non generali,* quibus verbis aperte videtur significare etiam in declinatione vniuersali aegrum posse mori. Gentilis affirmat id non contingere ob rationem ipsius morbi declinantis sed propter aliquam portionem materiae manentem intra corpus, & latitantem, qua postea mora in processu declinationis potest mors contingere. Alij soluunt hanc mortem euenire ob errorem commissum, & dici ab Auic. paucam, & raram, & quae rara sunt, ab arte excluduntur. Ego autem existimo ibi loqui Auicennam de speciebus, siue modis morbi contingentis in temporibus particularibus, vt ex contextu dilucide patet: in quo nihil aliud facit Auic. quam transcribere rotam sententiam Galen. 3. cris. 9. sed, vt verum fatear, confuse, & obscure, quod ob Gerardi Cremonensis, & Bellunenensis male factam ex Arabica in Latinam linguam versionem euenisse puto. Postquam igitur docuit modos mortis in principio, & statu paroxysmi contingentis, subiungit tertiam esse mortem, id est, tertium modum moris esse in declinatione, sed esse paucam, & raram, quod etiam firmauerat Galenus 3. cris. cap. cit. in fin. dicens tertium illum modum mortis in declinationibus rarissime accidere, sic enim ait. *Tres sunt omnes mortis modi is qui sine crisi moriuntur. Tertius accidit in reliquis declinationibus qui rarissime accidit vigore soluto vitali, &c.* loquutum autem fuisse Galenum de particulari declinatione patet, nam adiecit, *horum vero nullus contingit cum crisi,* in declinatione autem vera crisis fit sapissime. Dic tertio in declinatione mortem esse paucam, & raram, respectu temporum particularium in quibus frequenter contingit.

Tertio obstat. In declinatione particulari contingit mors 3. cris. 9. ergo & in vniuersali? Dic, disparem esse rationem in vtraque declinatione: nam in particulari adhuc causa morifica non est concocta, sicut in vniuersali: in illa itaque contingit mors quia calore naturali a medio ad extrema retrocedente, naturae habitus dissoluitur, qui in tribus aliis temporibus particularibus licet valde debilis esset, quia tamen erat vnitus durabat, & conseruabatur, vt docet Galenus in declinatione autem vniuersali calor innatus non ita diffunditur ad extra: cum enim in hac humores sint concocti, & euicti, non adsunt fuligines acres, & mordaces stimulantur sicut in declinatione particulari.

Quarto obstat. Fieri potest vt pugil post partam victoriam moriatur; nam ex illa pugna adeo debilis relinquitur, vt non possit amplius permanere, igitur in morbis similiter euenire poterit. Dic: non valet consequentia, quia in morbis post partam victoriam virtus roboratur cibis exhibitis. Deinde reficitur virtus durante pugna, quia humor qui coquitur, ex parte nutrit: quod si non offeratur cibus ad restaurandas vires in declinatione poterit aeger mori, caeterum ex errore, quod aliquando euenire posse *vir. loc.* non negauit Galenus.

Quinto obstat. Status colligitur per signa perfectae & integrae coctionis, atqui post peractam coctionem aeger potest mori, igitur, minor ostenditur, quia ad sanationem non modo requiritur coctio humoris noxij, sed etiam eius vacuatio 2. progn. 67. quae duo cum perficiantur a duabus facultatibus diuersis, nempe coctrice, &

A expultrice, fieri potest, vt vna ex illis valde robusta sit, altera existente debili, atque hoc modo humor perfecte coquetur ob coctricis robur, sed ob debilitatem expultricis non expelletur. Dic: falsum esse quod obiectio praesupponit, statum morbi determinari per signa integrae, & perfectae coctionis, quod non ita est: status non solum comprehendit coctionem, sed etiam notabilem humoris cocti vacuationem, post quam declinatio sequitur, quod aperte constat ex Galeno 1. aph. 22. & 4. aph. 22. nec enim fieri potest vt nulla materia vacuata morbus declinet: quare si quispiam post peractam coctionem retentis humoribus noxiis ob debilitatem expultricis moriatur, is non in declinatione, sed in statu morbi mori censendus est. Nec videtur satisfacere quod aliqui respondent, post peractam coctionem neminem posse mori ratione illius morbi, etiam si rota materia retineatur, sed mori, quia morbus ex retentione materiae in deteriore alium morbum permutatur, quare asserunt eum qui tunc moritur, non mori in declinatione, sed in principio, aut augmento sequentis morbi. Non placet responsio: quia sequeretur falso Galenum *loc. cit.* & 2. progn. 67. asseruisse ad sanationem pulmoniae, non solum coctionem humoris noxij, sed illius vacuationem esse necessariam.

Sexto obstat. In processu morborum saepe videmus morbo vincente, naturam reuincere ipsum, igitur etiam e conuerso naturam vincente morbum poterit ab hoc reuinci. Dic: quando morbus integre vincit naturam, non amplius superatur ab illa, sed necessario perit aeger, & similiter quando integre, & perfecte morbum superat natura, quod contingit in declinatione, non amplius superatur ab illo, sed necessario sanitas consequitur, quae doctrina intelligenda est ratione ipsius morbi declinantis, aliter enim, etiam in declinatione vera, & vniuersali poterit contingere mors, quare quidam 1. epid. sect. 2. text. 84. post suppuratas parotidas interiit, quia scilicet febris annexa ex cruditate humorum infra vasa erat suborta, cuius ratione mors est subsequuta.

Septimo obstat. Virtus in declinatione remanet fatigata, & debilissima ob praesidia, quae suapte natura exauriendo sanguinem & spiritum, vires eneruant, ob vigilias, ob sauitiem morbi, quare ex virtutis resolutione poterit aeger decretionis tempore mortis periculum pati. Dic: quod licet natura eo tempore sit debilior, tamen est magis libera in opus, minusque a morbo impedita, & turbata, & sic in opere fortior existit, accedit quod hoc tempore natura, melius, & celerius, quam aliis temporibus reficitur, quapropter natura in ordine ad morbum tunc temporis, robustior censenda est.

## HISTORIA VLT. RHASIS, De variolis.

Variolarum symptomatibus oppressus quidam, in declinatione, leui assumpta purgatione curatur.

E P Vella quadam fuerat consueta bibere lac camelarum absque meo consilio, & cum sentiebat inflationem propter lac, accipiebat de Diamuscho corpore non purgato, nec phlebotomato, & occasione lactis incidit in febrem continuam de sanguine, & apparuerunt signa variolarum, & post quartum variola in suo corpore exiuerunt. In principio collyrisani suos oculos confortando eos cum antimonio dissoluto in aqua rosarum, & propter hanc curam non exiuerunt variola in eius oculis, & assiduam ipsam assumere pyysana, & similia per aliquot tempus, & venter eius erat stipiticus, vt moris est in hoc morbo, & meliorata est. Remansit tamen aliquid febris acuta, & putauit quod esset residuum humorum non euctorum per egestionem, & non poterat subito & semel in totum purgari propter debilitatem virtutis eius, feci tamen ipsam assiduare aquam fructuum quindecim diebus in aurora,

& prysanā, & affelabat ex hoc bis in die, & fuit mūdificata perfectā mundificatione, & post quadraginta dies apparuit in urina cōpleta digestio, & post quinquaginta fuit liberata in totum, &c. *Rhasis* lib. de mirabilibus curis prope finem.

## P A R A P H R A S I S.

**L** Ac omne licet sit oprimi succi, tamen generat flatus, auctore Hipp. lib. 5. aph. 64. qui præsente murmure hypochondriorum id denegat, & maxime camelarum, quod suapte natura tenuius est, & aquosius, ex Auicen. lib. 2. tract. 2. cap. 441. de lacte, quare ex lactis usu flatus cum sentit ipse in ventriculo, ad eos absumendos, vnaque roborandam primam officinam coctionis erat assueta assumere diamsulchum, quod siue sit amarum, siue dulce, ventriculum firmat, coctionem procurat, flatus resoluit, putres ventriculi humores potenter attenuat, & ad frigidos viscerum affectus sine febre est mirabile, ut auctor est *Mesue* in antidotario.

Lac in ventriculo frigido illico acescit, & cum sit purissima substantia, quando non recte coquitur, corrumpitur, & in maiorem abit perniciem, ac putredinem, omnisque generis febrem committit, ex qua ebullitio promptè in sanguine excitatur ad quam reliquæ menstrui sanguinis labem concipiunt, & feruorem, quem inflammatum sanguinem cum natura velit expellere, ab eius acrimonia irritata, conatu maxima, velut crisi quadam corpus à noxio humore mundificare satagens, ad cutem excernit, & generat exanthemata: qui si crassiusculus est abit in variolas, si biliosior, & subtilior in morbillos, quoniam ut recte inquit Auic. 1. 4. tract. 4. c. 8. *Morbillus omnis est variola cholericæ.*

Deinde cum hæc puella assueta esset sumere lac, ob hanc causam incidit in variolas, ita scribit Auic. loc. cit. c. 6. *Et de cibis sunt cibi qui faciunt cadere in variolas velociter, & proprie quando non sunt consueti, & administrantur super eos medicina, & cibi calefacientes, sicut lac, & proprie camelarum, & equarum, quum multum repletur ex eis ille, qui non assuetus est eis, deinde bibit vinum plurimum, & medicinas calidas, &c.* Quoniam si lac camelarum quia humidius facile corrumpitur vel in robusto ventriculo, quia à naturæ regimine derelinquitur, sicut cætera aqueam substantiam habentia, quæ non amplexa à natura promptè putrescunt, quoniam humidum nutrimentale debet esse pingue; nam hoc est aptum innati caloris pabulum, quanto magis si à debili ventriculo coquatur, in quo abit in flatus, obstructionem, & putredinem.

Insuper cum iam essent eruptæ variolæ, & harum materia natua quadam proprietate concutiat oculos, eos custodire, ac firmare oportet, refrigerantibus, & modicè adstringentibus, quæ roborent, & confluentis in hanc partem humoris mordacitatem retundant, inter hæc primum locum obtinet Antimonium, à Græcis stimmi, seu stibium appellatum, quod auctore Dioscoride lib. 5. c. 49. adstringit, meatus obstruit, refrigerat, & excrescentiam in carne cohibet, viscera ad cicatricem perducit, sordes, & vlcera oculorum expurgat, & præcipuè oculariis collyriis miscetur, ut docet Paulus lib. 7. cit. de stimmi. Nec enim prisce vim purgatricem in hoc medicamento agnouerunt, quod huic vsui pro desperatis morbis esse saluberrimum scripserunt iuniores, & præcipuè Mathiolus ad citatum


locum Dioscoridis, & nos de hac re aliqua prælibauimus lib. 1. in com. hist. 36.

In variolis aluum ferè esse adstrictam morbi conditio indicat manifesta: nam natura humores, & excrementa cuti destinat, non intestinis: vniuersus enim corporis ambitus scater pustulis, tumoribus, vlceribus, quæ calore, & dolore tum distrahunt naturam, & eò auocant. Insuper ob calorem febrilem, igneumque feruorem in visceribus excitatum, fæces redduntur veluti exuccæ, quas natura solum magno conatu detrudat, maxime cum natura biliosum humorem qui solebat proritare aluum irritando expultricem, ad corporis superficiem detrudat.

Hinc fit ut excrementa retenta suo retro vapore altas partes lancinent, & deinceps fiant materia morbi. Idcirco in initio leniter aluum prouocare oportet glandibus, clisteribus minimè acerbis, & aliis quæ suauiter, & nulla facta agitatione ventrem moueant, neque naturæ motum ad externas partes impediunt, aut ab ambitu attrahere queant. Hoc consilium proposuit Auic. loc. cit. cap. 10. §. *Et oportet ut sit natura lenis in principio, & melius cum quo fit lenificatio, sunt tamarindi, &c.* Sequitur inter omnes Mercurialis lib. 1. de morb. pueror. cap. 2. in fin.

Sed nū purgatio sit celebranda in hoc morbo varij varia proponunt. Dicerè ego in declinatione si tota materia est expurgata, quod cognoscetur ex leuamine, & tolerantia ægri, totum naturæ committendum, si verò febris adhuc supersit, feruor adsit in venis, ex crassiore humoris parte in corpore relicta, tussis adhuc infestet, in oculis appareat damnum, tunc commoda est purgatio clemens, ut noster auctor consuluit, & optimum est propinare ex interuallis aquam fructuum, & cum tres reperiatur aquæ fructuum, illa salubrior mihi censeretur quam affert *Mesues* in antidotario, distinct. 7. tit. de aqua fructuum, quæ bilis feruorem retundit, & eam sine noxa, aut violentia vlla educit, sitque ex decoctione rerum infrigidantium, & lenientium, ut prunor. iuiubar, violar. tamarindor, cum casia, & manna.

Licet autem vlcera in cute omninò delecta non sint, medicamentum clementer expurgans semper erit vtile, quia tunc non curamus variolas, sed nouum morbum, qui cum à prauo humore originem ducat, si non expurgeretur, damna potest committere quæ difficilem postea, aut nullam admittant correctionem. Neque timeas attractionem à circumferentia ad centrum: quoniam ut dictabat Galenus lib. 6. epid. sect. 2. comm. 10. ab vna parte ad aliam via est longinqua, sic enim ait. *tantum illud monuisse satis sit, succos ad cutem vergentes per eam esse vacuandos: nam iterum ad intima corporis reuulsio, ipsis valde longinqua est, ut per aluum, & vomitum vacuentur.* Si verò veremur lapsum humoris delitescens ad intestina, & timor sit ne superueniat dysenteria, quæ in hoc morbo funesta est, cum iis permisce quæ roborandi vim habent, & cum leui adstrictione aluum benignè expurgent, de quorum numero sunt rhabarbarum vel per se, vel modicè vstulatum, vna cum corticibus myrobalanorum correctorum, hæc enim frænum secum inducunt, & ventriculum, intestinalque mirandum in modum tuentur, & firmant. Sed iam tempus est, ut historiarum, & libro coronide inducta conticescam, curationem febrium in specie, & earum symptomata in praxi historiarum descripturus. Nunc ad quintum librum, in quo historiarum de venenis proponuntur, properemus.



# ZACVTLVSITANI, DE MEDICORVM PRINCIPVM HISTORIA,

## LIBER V.

*De venenis, morbis venenosus, & antidotis.*

### EXORDIVM.



**N**ULLA est disciplina obscurior, nulla via amplius tenebricosa, nulla denique scientia maioribus difficultatum inuolucris irretita, quàm illa quæ de venenis, & antidotis agit, ac ratiocinatur. Quo pacto inter alias artes, eam semper arduam cognoui, quæ venena, venenosaque medicamenta declinare, ac præcauere præcipit, propterea quòd ij, qui huiusmodi insidias homini clàm machinantur, tanto id astu, solertia, sagacitatèque faciunt, vt quisque vel peritissimus decipi possit. Ex eo factum est, vt ad hæc incommoda euitanda prisca illi Medicinæ parentes nil aliud magis curæ habuerint, quàm vt hoc argumentum luculentissimè agitent. Ob hanc causam nos, tot noctium euigilatis, emensisque laboribus, exhaustis lucernarum fuliginibus, dierumque sudore assiduo in publicam studiorum vtilitatem hæc promere pergitur. Visum autem est commodius, post historias de morbis internis, & febribus, eas quæ ad morbos venenatos spectant, proponere, vt veterum, & recentiorum morem probarem. Cæterum quò certiore cubito hunc libellum metiri, etiam in vestibulo valeat vnusquisque, velut pertesseram edicto itinere, operis rationem habeat, vt sciat nos primò agere de venenis ex animalibus, deinde ex plantis, tandem ex fossilibus; in hoc enim sequimur Dioscoridis ordinem, qui inter omnes auctores rectius de iis differuit in libro sexto, in cuius calce antidota descripsit, quæ vel præcauendis, aut arcendis venenis, cuiuscunque sortis illa sint, magnificè conferunt. In his ergo dirimendis, & explanandis sedulam imponemus operam, rimabimurque Medicorum sacraria: nam passim adhibuimus curam, vt quæ traduntur, omnia ferè classicis, ac maiorum gentium obfirmata, suffultaque auctoribus starent validius, vt aduersantium tela declinare possemus, illorum qui tumultus ostentare magis, quàm bellum gerere semper consuevere. Nobis ergo in tam lato eruditorum prouentu fuerit turpissimum ista reticere.

# HISTORIA I. GALENI, DE VIPERE MORSV.

Vipera ictus, si partem commorsam absciderit, aut ligauerit, sanus euadet.



**I**N primis conferunt vincula superioribus partibus indita, ab iis enim presentaneum presidium expectatur: id quod in \* viperarum, scorpionumque ictibus, item aspidum quoque expertus sum. Etenim cum Alexandria essem, rusticus quidam non longè ab urbe, in vno manus digitorum ictus, eius radicem apud palmam validissimo vinculo ligauit, accurrensque ad urbem ad familiarem sibi Medicum, totum digitum ab ipsa articuli iunctura ad palmam usque abscindendum prebuit, sperans inde nihil se mali passurum: neque frustratus est sua spe, quippe nihil aliud faciens, sanus euasit. Similiter alium noni qui epoto ex viperis medicamento, rescisso prius digito, à periculo liberatus est. Vidi præterea rusticum, cuius totum digitum vipera momorderat, qui falce, quam tum fortè habebat (erat enim vinitor) ab ultimo articulo ictam partem rescans, deinde inducta visitatis pharmacis in digito cicatrice, nullo sumpto medicamine sanatus est, &c. Gal. lib. 3. de loc. affect. cap. 8.

## PARAPHRASIS.

**M**ulti viperam nominatam voluerunt, quòd vi pariat, disruptis, atque erosis à foetu visceribus matris, iusta in eam vindicta, quòd ipsa mari copulata, qui in os ipsius caput inserit ad coitum, illud præ voluptatis dulcedine abicindat. Sanè lib. 3. Herodotus hoc refert ad prouidentiam Dei, maris interitum vlciscentis. Id ipsum affirmat Nicander in ther. & eius interpretes Horat. lib. 2. Plin. lib. 10. cap. 62. Alianus 15. de animal. cap. 16. quos sequuntur posteriores, ut Apuleius in sua magia. Græci Grammatici echin. voluerunt appellati, quòd in se foetum contineat usque ad mortem.

At verò melius iudicarunt alij, dictam quasi viuiparâ, quòd viuum animal pariat. cum reliqui serpentes oua pariant: ita apud Philostratum Apollonius refert, visam viperam quæ lamberet quas excluderat vipersas; non igitur mater interierat. Firmat Amatus eius experimentum: nam 1. cenur. 1. narrat se viperam inclusisse grauidam in pyxide, in qua foetus edidit sana atque integra. Quare vipersas à foetibus numerosissimis erumpentibus rumpi, & interire, falsum deprehendit Scaliger, exercis. 201. quoniam in Vincentij Camerini circulatoris lignea theca vidit enatas viperillas parente salua. Quo pacto Arist. 5. de hist. animal. cap. vlt. tradit, & lib. 1. cap. 6. plures parere viginti, singulos singulis diebus, sed posteriores moræ impatientes, laceratis iis membranibus quibus inuoluuntur: nec enim dicit lacerato matris vtero, aut latere, sed membranibus quæ secundæ nominantur, & hic fortasse locus, auctor erroris fuit Plinio, cæterisque contrarium opinantibus, enecta scil. matre carulos prodire ex eius aluo: ita Lucanus lib. 7. Phars.

Viperæ coeunt abrupto corpore nati.

De quo argumento lege Brodzum lib. 3. miscel. c. 11.

Nec verò videtur esse verum, capite cum mare congre-di: nam recentes, ac diligentes auctores experti sunt, ad prolem coniungi marem, & foeminam, caudis ad medium usque corpus circumuolutis, altera superiori corporis parte elata, multis osculis mutuò datis; & mari genitale inest, in ea parte, in qua se amplexantur, intus occul-

tum, & è directo inest vulua foeminæ. De quo animali plura lectu non indigna vide apud Cælium lib. 6. antiq. lect. cap. 13. & 16. & lib. 23. cap. 26.

Vipera communiter quasi tres palmos magnitudine corporis æquat, ut norunt vulgares, & sensit Dioscorides lib. 6. cap. 44. Galenus lib. de theriaca ad Pison. 2. & 3. Nicander in theriacis. Alianus lib. 16. cap. 3. Sed Nymphes lib. 9. de Ptolomæis Regibus Egypti, refert in Troglodytide esse vipersas decem, & septem cubitorum, proceræ magnitudinis, & grandis, ubi & tegumenta testudinum lex capere Atticos modios asserunt ipsi.

Est viperis duplicata vulua, secus ac omni animanti inest; intra se enim parit primò oua, quæ impertit secundæ vuluæ, & suscipit postea secundus vterus, omisque ibidem elisis, postea diebus triginta, foetum quem fouet, & alit, nouis membranibus inuoluit, circumligat, & tenet, ultra eas quas ducit primò ouis iam disruptis, viis naturæ, & ductibus. Susceptus secundo vtero foetus antiquas excludit ante foeturam diebus viginti septem: hæc verò circa æquinoctium vernale, à conceptu sex mensibus, structura monstrosa, & mirabili vteri duplicati, viis naturæ vuluæ reiectis, detento foetu, ut & menstrua prægnantibus fluere videmus non rarò seruata foetura, vteri canalibus variis, ita docent citati auctores lib. 1. cap. 37. & Arist. loc. cit.

Nulli animanti nequitur vulua se pro transuerso, & cordis inuolucris, pectori, gutturi, œsophago, faucibus, viis, ductibusque parentibus, ut illi inseritur, ex Arist. 3. de hist. animal. cap. 2. quum omnibus aliis serpentibus infra septum locetur. Immo asserit 3. de hist. animal. cap. 1. foeminam obtinere vterum distantem plus multò à corde animantibus cæteris, in specie humana; viperam verò vicinior omnibus naturæ aliis. Vterus enim foeminis, ex Galen. lib. de dissection. vuluæ, cap. 4. è plurimis pendet partibus, aliquibus nequitur, aliis textitur, nutritur illis, communionem habet cum eis: annexus est offi sacro, intestino recto, vesicæ; pendet è medulla spinali, lumbis, distans minùs à septo transuerso, viperæ contra longè diffusus cordi hæret. Lege Arist. lib. 8. de hist. animal. cap. 15.

Vipera quatuor frigidissimis mensibus latet, nec per id tempus quidquam comedit; cæteri serpentes cauernas subeunt terræ, sed vipera sub saxis conditur. Nec obstat Plinius lib. 8. cap. 39. dicens. *Serpentum vipera sola terra dicitur condi; cætera arborum, aut saxorum canis*: de fuga enim loquitur, qua vitam saluare ab hoste, sollicitè, & anxie tentant, & hoc modo imminetia pericula euitare satagunt; quia capitis robore, & potentia qua pollent, terram subeunt, & in cauernas fugiunt, vsquedum totæ subitus illam ruinam impendentem euascent: Dum verò latitat, & foetat vipera, saxis frigidis, & duris excubat, saxaque inhabitat adhuc hyeme, non solum vere æstuante, & calente, immò & frigido hyemali latet saxis; & sic occulta placidèque viuunt, quibus nec Arist. nec Plinius dissentiant in locis dictis, quum quietem agere & saxis recondi, lapidibusque viuere, utrèque affirmer. Natura denique non fuga frigidus amant lapides, & algida saxa, dum tamen fugiunt quæuis, immittunt sese in terram, eam capitis robore findentes, perforantisque omnino, quod nulli alteri serpentium contigit; minore enim aliæ capitis firmitudine sunt præditæ, ut eleganter notauit Baldus Angelus Abbatius lib. de admirabili vipera natura.

Nullum inter animantia salacius animal vipera, in veneremque



veneremque proclivius nullum, ut referunt Plinius ex Arist. lib. 9. cap. 23. Arist. 5. de hist. animal. cap. 4. & 10. Apuleius in magia, Galenus lib. de theriac. ad Pison. Hi omnes enarrant, infames viperas sollicitare murænas ad litora gurgitis sibilo, & gannitu quasi allicere, trahereque amâtes complices, & infames pellices signo dato, & quod magis admirandum est, ipsas ablato prius ore concumbere, ut sic exuta à veneno, à suâque degenerantes natura venefica & horrida, inficere nequeant. Adulteræ ergo viperæ has explent, sollicitant, ament, oblitæ naturæ, & speciei propriæ, tum sobolis, legitimæque familiæ; sed hoc intelligas velim, dummodò non adsit præsens maritus, cuius est tanta reuerentia, ut illicò venenum deponant, inferiores se iudicent, fateanturque, quòd unquam mitescunt usque ad mariti præsentiam, aliàs insuperabiles, & intractabiles.

Hic ergo serpens, ut describit Aëtius tetrab. 4. serm. 1. cap. 90. & firmat Hermolaus Barbarus lib. 1. corollar. in Dioscorid. cap. 218. præditus est calore subflauo, multis maculatur capillamentis, habet caudam non paulatim gracilescens, sed vniuersim, & protinus asperam, & sine carne: oculi subrubent, caput læuiusculum, ceruix angustior, aluus prominula, meatus ad extrema caudæ, incessus quieti proximus, dentes canini quatuor. Contrà mari angustius caput, ceruix crassior, corpus vniuersum tenuius, & procerius, meat superiori ventris parte festinantiùs, dentes canini duo totidemque vulnera, ut notauit Franciscus Caballus lib. de animali theriacam ingrediente, prope med.

Laxa nimis, spongiosaque est substantia viperæ oris, quæ viuo animali facillimè dilatatur, atque porrigitur, spiritibus, & calore, sanguinéque vda, cuius superna parte in rostro animantis, verruca protuberat tanti reboris, ut ea terram findat, & aperiat, more capreoli. Expirat continuò tetros halitus, ore præcipuè, ipsisque filamentis cauis & perforatis, quibus si vitrum contingat, aut speculum ore concluso reliquo (illis solùm exertis) ea nebuloso vapore inquinat, & conspurcat, ut inter omnes probat Gregorianus Garnerus lib. 3. de mysticis scripturarum, cap. 31.

Tanta denique malitia, & venenosa vi prædita est, ut ex morfu huius læua repullulèt symptomata, & terroris plena: nam è vulnere excernitur sanguis, postea sanies, deinde sanguinolenta, & oleosa quædam materia: postquam verò venenum inquinavit interna, diffluit humor æruginæ coloris, virefcentis. Circa morsum adest pallidus tumor, cutis æstuat ampullis, deinde liuet, & denigratur. Exiccatur os percussis, exoluuntur animo, algent, inhorrescunt, biliosa euomunt; intestinorum tormina patiuntur, capitis grauitates, vertigines, pallores, singultus, febres, anhelationes, exudant frigidum, adsunt vrinæ angustia, tremor, & sopor.

Est mirabile satis illud in vipera, viperarumque progenie, illicò ac icit, & quempiam læsit, statim sitis inextinguibilis illam premit, & sic aquas quæritat, vndisque sese ingurgitat, aquæ auidissima, ad quas tanquam ad sacram anchoram, & tutissimum remedij asylum confugit, quo & leuatur, & pristina reuocatur saluti, si ut decet utatur lauacro, & aquis limpidis ebibitis. Hinc fit ut ab hoc animali commorosi sit inexplabili crucientur: nam præterquam quòd hoc animal calidam & siccam sortitur temperaturam, ut ex plurium doctrina firmanimus lib. 2. in com. hist. 72. natiua quadam sorte sitim concitat; quo pacto præstantissima sunt frigorifera intus oblata, ut sic veneni calidi, feruidi, & æstuantis natura refrænatur, viæque internæ constringantur, quò minus pateat in viscera aditus, & constrictione expellatur venenum versus cruorem. Profunt etiam balnea tepentis aquæ, ut caloris ope, euocato veneno ad extrà, corpus transpiret.

Cùm ergo hoc animal extremis sui corporis partibus obtineat venenum, dirum, fatale, horrendum, capite inquam, & cauda, quæ in remediis arte paratis abiguntur idcò, idcirco solùm corporis medium inter vitiosa extrema, recipitur in alexipharmacis præsidii: ita sentiunt Gal. 11. simpl. cap. 2. & 1. de symp. caus. cap. 2. & lib. de theriac. ad Pison. cap. 3. Paulus Ægineta lib. 5. cap. 13. Ni-

A cander in theriacis, sect. de vipera, Nicomus, Edoardus Vottronius lib. 6. cap. 115. Marcellus Virgilius lib. 6. in Dioscorid. in com. cap. 45. Vidus Vidius lib. 2. de curat. generat. cap. 7. in princip. & ad plenum explicat Conradus Gesnerus lib. 5. de reptilibus, cap. de vipera, lit. G. Vlysses Aldrouandus lib. 5. de serpentibus, cap. 17. 18. & 20. Nicolaus Leoniceus lib. de serpentibus, thyro, & dyssade.

Quare cùm huius animalis malitia sit veluti insuperabilis, & eius vis indomita, necesse est, ut morsum locum illicò excidas, vel saltem validissimis vinculis cōstringas, ut sic venenum intercepta via altius in corpus diffundi non possit. Caue tamen ne membrum liges vehementer nimis, ne torpeat, quod monuit Celsus lib. 5. cap. 27. Si verò virulenta animalis perniciēs ad partes internas serpat, vtilissimum erit per os exhibere, quæ à tota substantia venenatis bestiarum ictibus resistere solent: quæ autem hæc sint, sigillatim narrat Paræus lib. 20. cap. 16. qui incaute à vipera ictus, in extremo indice, qua inter vnguem, carnemque hiat, sola atctissima ligatura supra vulnus, & theriaca, vna cum mithridatio vulnere imposita, curatus est. Denique tanta est vis viperæ veneni, ut sola Æsculapij virga refrænatur: ea enim erat huius senis in curando hoc veneno dexteritas, ut ob id prisca eum depinxerint cum baculo, quem vipera implicata circumambit, ut notauit eleganter ex veterum mente, Thomas Dempsterus lib. 2. antiquitat. Romanar. cap. 17. Enimuerò licet plura sint antidota, quæ huius deleterij, veneni malignitatem retundunt, quæ lib. 1. cent. 1. enarrat Amatus, & non siluere Matthiolus, & Lacuna lib. 6. proprio cap. de vipera, inter quæ succus fraxini primas tenet, ex citatis auctoribus & Paulo lib. 7. tit. de Fraxino, firmat Ruellius lib. 1. de natur. stirp. cap. 82. Allij esus & vini meraci potus, ex Dioscoride loc. cit. Paulo lib. 5. cap. 13. Aëtio tetrab. 4. serm. 1. cap. 21. tamen super omnia medicamenta alexiteria, quæ viperarum virulentis moribus opitulantur, nullum aliud admirabilius est theriaca ipsa, & sic Rhasis lib. 8. ad Almans. cap. de moribus viperarum, in hæc verba prorumpit. Cùm vipera aliquem momorderit, locus qui est supra morsum vipera, fortissimè est deligandus: quòd si morsus fuerit in membro parno, fueritque morsus generis viperarum, quæ pessima esse cognoscuntur, de quibus non speratur, ut ab eius moribus euadere possit, membrum illicò sub ligatura abscindatur. Si autem vipera talis non fuerit, patienti illicò detur theriaca de viperis facta: non enim usque ad nostrum tempus inuenimus, quòd à viperarum moribus magis hac medicina liberare possit, propriè quæ recens est, &c. Idem probant Sanctius de Arduinis lib. 6. de venen. cap. 1. ad fin. Cardanus lib. 2. de venen. c. 10. & cæteri citati auctores.

Sed illud notandum hoc loco, quòd veteres nullum maius, æqualeue cognouere præsidium vipera læsis, quàm musicam: ut docet Aulus Gellius lib. 4. noct. Atticar. c. 13. ex Theophrasti sententia; nam plurimis morbis, & non solùm melancholiz, immò viperarum moribus opem ferre sibi persuasit: firmant Ishaac. 2. Viatic. cap. 20. Haly Abbas 5. Theoric. cap. vlt. Galenus lib. 1. de sanit. tuend. cap. 8. Cælius Rhodigin. lib. 8. lect. antiq. cap. 1. Arist. lib. 8. politicor. 3. Vallesius lib. de sacra Philosoph. cap. 28. cur autem morbis medeatur musica, explicat Rodericus à Castro lib. 4. de Medico politico, cap. 16. satis politè, & doctè.

Verùm mirabilius est quòd narrat Matthiolus lib. 2. in Dioscoridem, in com. cap. 57. in agris Tarenti Apuliz vrbis, inueniri aranci genus, à quo icti solo ribiarum, aut aliorum instrumentorum musicorum sono demulcentur, & ad pristinam sanitatem reuocantur, vocant incolæ Tarantulam; hoc Neapoli, & omnibus proximis locis est notissimum, vbi ad musicam, tanquam ad sacram anchoram confugiunt læsi, qui non secus ac Saül, cytharam dum pulsabat David, melius habebat, recedebat enim ab eo spiritus, 1. Regum, cap. 16. sic musica ij leuantur maximè, interim dum harmonia durat, cruciatibus, & accidentibus aliis liberi, motuque vehementissimo, quo saltant, & tripudiant continuò inquieti, inconstantes, ut interim salutaria remedia theriacæ suscipiant, & alexipharmaca alia veneni correctiua administrentur, recreantur, reuocantur

in mentem, sapiunt, quiescunt, obtemperant, auxiliis parent; ob quam causam in ea regione plurimi ex arte musicæ victum faciunt. Lege Forestum, *lib. 30. qui est de venenis, obs. 12.*

Est omni admiratione dignum, quod de hoc animanti in quibusdam regionibus orto referunt auctores dicti, mortu venienti stridere sono quodam per vices vario, dum venenum effundere tentat, læsos tamen non antea saluti restitui, quam eundem concentum, tonumque eundem musica inueniat. Nec mireris: nam musica harmonia, & concentu Pythagoram expulisse morbos plurimos, docent Alexander ab Alexandro *lib. 2. dier. genial. cap. 25.* Ficinus *lib. de epidemia antidoto*: hæc namque mulcet animos, quietat, lenit, impellit, agitat, instigar, tristes reddit hilares, & feros facit mansuetos: quare Ecclesiast. inquit *cap. 40. vinum, & musica lætificat cor, & cap. 32. non impedias musicam.*

Quæris causam? facilis reddi potest: quoniam musica sic concitat, elenat, animum extollit, ut temperato cerebro, spiritibus commotis, & purioribus factis, subtilissimis è corde ascendentibus expurgatis, puroque è sanguine genitis cerebrum alteretur, prout affectus petit, secundum dispositionem præsentem in hunc, illumue animi affectum, passionem, & motum, ut iam illi alciùs astruat poemata, isti irascantur, tristentur illi, hilares fiant alij, melancholici, quierit, inconstantes: mouentur ij pedes, manus, ora, saltant, quiescunt, in variisq; trahuntur affectus, vna, aut diuersa harmoniæ ratione, hoc rythmo, aut illo, hac consonantia, illaue seruata. Hanc verò energiam, & vim agendi, ad naturam spirituum referendam esse pater, quam exposcit animal, ut harmoniam seruet, percipiat concentum, quæ non sentiuntur quouis facile auditu, aut subiecto quouis, immò quasi alciùs obiectum purissimo auditu, etsi musicæ sonum, & voces omnes percipiant, quo & subtilissimis spiritibus eget in totum musica; harmonia verò quasi spiritalibus, quod vocis acutæ sunt naturæ liberæ, ioculares, inconstantes, lenes, mobiles faciles.

Disponit ergo maximè cerebrum musica, viuificat, aptum facit in opus quoduis, sese excedere facit animantia, prout quodlibet temperatur illa, mentem erigit, ut contemplationes altiores edat intensius, subtilioribus spiritibus, purioribus rerum imaginibus oblati sensibus, quo inturbantur minùs actiones, fiuntque longo excessu vinaciores. Sentiuntur enim iis, quæ aliis spiritibus obscurarentur, aut euanescerent. Videret præsentit quædam in quibusdam sensatis, quæ aliàs non prænderet obscurata dispositione spirituum, quod & sensatio delitesceret. Hinc disponitur natura, ut altiora suscipiat intellectus, cum analogia ad perfectiores sensuum actus habita, tum ut postea sensus exquantur, quæ altiori suscepit extasi. Hinc Eliaus 4. *Regum, 3.* Psalte coram se canente prophetizabat, disponebatur enim alciùs, ut sensus semel accepto Spiritu desuper, obsequerentur rationi in spiritu prophetico, tum discurreret raptu sensuum, aut adminiculo altiori distrahatur minùs circa semel accepta, in iis quibus prudentiæ est locus, & in analogia ex sensatis ad reliqua quæ præuidebat, spiritu prophetiæ supernaturali.

Tanta est musicæ vis, atque potestas, & pro curandis plurimis morbis, & debellando vipereo, cæterorumque animalium virulentorum veneno, efficacia. Hinc Parrhasius pictor celeberrimus, referente Eliano *lib. 9. de variar. histor. cap. 6.* cantilenis, & modulis, laborem, & dolores, cruciatibusque omnes mitigabat, & *lib. 2.* profert, Cretenses cantilenis, & cantionibus leges condidisse, & promulgasse; ut homines in bonum publicum incitarent. Hinc Athenienses aggressuri hostes pugna, Iouis hymnem decantabant antea; à quibus postea, & reliqui Græci, ita firmante Alexandro *lib. 4. dier. genial. cap. 7.* tum melos laconicum ad promouendos militum animos plurimum valuisse Alexander eo loco inculcat, & testantur Polyænus stratagematum auctor antiquissimus, Lærtius *lib. 1.* Porphyrius, & plures alij; & modò in se

A quilibet tubam bellicam, tympana, & alia corpus monere, & animum accendere, pedes permouere, mentem erigere, & affectus efficere admirandos, experitur. Ex eo ut laborem temperemus, canimus, & animantibus adhuc sonalia nolas, tintinnabula, cymbala collo appendimus, ut Musica delectentur, & onere grauentur minùs, labores facilius ferant, distracta Musica, recreato cerebro; quare sic commota, onera gestant robustius, & validius, ut notauit Vairus *lib. 2. de fascino, cap. 11.* Immo infantes ad cunarum agitationem, & nutricum cantum à vagitu cessant, & dormiunt, quoniam Musica, sonus, & suaves concentus, qui viua voce, vel instrumentis modularè resonantibus, aures, animumque suauitate permulcent, spiritus sopitos excitant, mentemque depressam erigunt, ut inquit Leuinus Lemnius *lib. 1. de complexionib. cap. 7.* Nonne pestis musica curatur? ut ex multorum voto probat Vntzerus *lib. 1. antidot. pestil. lib. 1. part. 2. distinct. 3. med. 5. num. 6.* & priùs prædixerat Plutarchus *lib. de Musica in fin.* firmat perdoctus Beuerouicius in *sua Idea Medicina veterum, part. 3. cap. 2.* & nuper Ioan. Andreas Bannus *lib. de Musica origine, & excellentia*, mira conscripsit.

## QVÆSTIO PRIMA.

*Vtrum definitio veneni, à Galeno, & Auicenna tradita, sit optima.*

### COMMENTARIUM.

C *V* *Iperarum.*] Ad adipiscendam scientiam medicam, artem sanè diuinissimam, multo labore opus est: Quisquis enim nosse quid supra vulgares Medicos cupit, & debet, is statim non natura modò, verum etiam primis doctrinarum elementis multum cæteris præstet oportet: idem ubi ià adoleuerit, infano veritatis reneatur amore est necesse, tum sine vlla diei, noctisue intermissione properare, ac contendere ea quæ à doctissimis veterum tradita sunt addiscere, eademque ubi didicerit indicare, multoque tempore considerare, & quæ rebus sensui parentibus consentiant, quæque rursus dissentiant, ac sic illa quidem suscipere, hac respuere, ut bellè dictabat Galenus *lib. 3. de natural. facult. cap. 10.* Ex hac doctrina apparet, quàm falso fundamento arbitrentur scioli quidam, se iam ad artis finem peruenisse, ad quem nec ipse Hippocrates accessit, ex ipso in *epistol. numer. 20.* cum vix quatuor literas Græcas, & Galenum optimè Latine factum intelligant, venam secant, expurgant, alterantia propinant, & sic argumentum hoc de venenis, inflatis (ut aiunt) buccis irident, & damnant, quod iis infrequenter mortales premantur. Sed ij falluntur apertè: nam ea præcauere, & illorum virulentam efficaciam retundere, difficillimum esse plerique maiorum arbitrantur.

Ob hanc causam à multo tempore, Tractatum de venenis Laconicum paraui, ut fragilis senectutis labascanti memoriæ auxilio esset, modò plures doctissimi hoc institutum ita eleganter sunt prosequuti, ut in eo explicando tempus conterere videar. Sed cum in hac amplissima scientia tam laetus sit campus, tam vastus Oceanus, ut cum plurimum spatium te confecisse videaris, multò tamen plus supersit, & antè in ipso cursu obruaris, quàm experitum illum portum attingere possis: ita nulli mirum videri debet, summis quotidie ingeniis euenire, ut quæ olim iuuenili quodam æstro impulsus, ieiuniùs, frigidiusue tractarunt; eadem prouectiores, confirmato iam multa lectione studio, locupletanda sibi putent, atque auctius eliminanda. Quorus enim quisque tam paratus, rationibusque omnibus tam probè subductis ad opus aliquod scribendum accedit, quin priùs multa non penset, & rimetur, ut argumentum agitandum multò efficiat absolutius, & copiosius. Idcirco illud per quæsitum, & responsa in his primis historiis enucleabo, & postea ad alias arduas quæstiones explicandas me conuertam, in quibus etiam sincerae medicinæ doctrina elucet, ex qua utilitas non aspernabilis emanabit.

Quæro primò, quomodo definiatur venenum? Galenus lib. 3. de temp. cap. 3. sic definit, vt sit illud quod humani corporis temperamentum destruit, vincit, atque permutat. Sequitur Auicenna lib. de virib. cordis, tract. 2. cap. 1. in fin. & 2. 1. doct. 2. cap. 1. 1. Venenum ergo est complexionis nostræ destructiuum, & nihil habet nisi quod sit humanæ naturæ aduersum, & contrarium: subscribunt Nicolus tract. 4. serm. 4. de venenis, c. 1. Conciliator dif. 178. & lib. de venen. c. 1. Valleriola lib. 3. loc. communium, cap. 18. Iou- bert. decad. 1. paradoxor. 10. Bacchius in prolegomenis, c. 9. art. 2. Mercurialis lib. 1. de venen. cap. 5. Cæsalpinus lib. 3. praxis, qui est de venenis, cap. 2.

Quæro secundò. In quo differt venenum ab alimento, & medicamento? Dic, quod cum tria sint quæ nos immutant, alimentum, medicamentum, & venenum illud cum naturæ nostræ adsimile sit, substantiam nostram augere potest, ex Galeno 1. simpl. cap. ult. medicamentum verò est, quod naturam nostram alterare potest, aut (vt Hipp. firmat. lib. de loc. in homin. propè fin.) quodd præsentem statum transmouet: sed hoc non simpliciter intelligendum est, sed vt exponit Manardus lib. 13. epist. 4. alimenta, & medicamenta in hoc conueniunt, quodd vtraque in nos agunt, & à nobis patiuntur: in hoc tamen differunt, quodd medicamenta agant. quidem potius quàm patiuntur; alimenta è contrario, magis patiuntur quàm agant: quod significauit Galenus lib. 3. de temp. cap. 4. dum inquit, Castorium, & piper agere magis in corpus nostrum, quàm pati ab eo valent: vinum, mel, ac prissana pati magis, quàm agere. Et deinde scribit. Ergo hæc omnia tum agunt circa corpus aliquid, tum verò patiuntur.

Neminem enim latere puto, quanta sit alimentorum vis quamque vehementer corpora nostra immutent; hoc enim testatur Philosophus lib. 3. de hist. animal. cap. 2. 1. & lib. 8. eiusdem tract. c. 28. quibus in locis, terrarum meminit, ad quas deducta pecora tum in colore, tum in aliis quibusdam, quæ ne sensum quidem fugiunt differentiis, mutari conspiciuntur. Qui verò negant (inquit Galenus 3. de sympt. caus. cap. 2.) alitum ab alimento mutari posse, quodd vincentis, non victi alimentum sit nomen, hi nec de animantium, nec de plantarum transmutatione quicquam sanum dicere possunt, & circa literas hallucinantur. Nam hoc firmat Plinius lib. 23. cap. 9. etenim Persica planta quæ natali in solo lethalis erat, in Ægyptum translata, exitiosam suam mutauit naturam, fructum quinimò edendo aptissimum produxit; hoc enim rei rusticæ, & agriculturæ periti viri agnoscunt rectè. Hoc modo vites quæ apud nos natæ sunt, si in alienam deferantur terram, vinum longè diuersum reddunt.

Quare alimenta in hominis corpus aliquid faciunt, ex Galen. 3. de temp. cap. 4. & licet vna vel altera ingestione, nec sensibile prorsus, nec euident operentur, temporis tamen diuturnitate magnopere corpora nostra alterant, atque immutant: nam hoc modo durissimum lapidem aquæ gutta diu in eum distillans excauare potest: & maximè si sint medicamentosa; hæc namque ad vnâ propriam qualitatem, calefaciendo, refrigerando, exiccando, vel humectando, corpus deducere queunt: zingiber enim, piper, cæteraque aromata calefaciunt; lactuca, & similia olera refrigerant, & humectant, salsa exiccant. Insuper alimenta aliquid in corpus agunt, sed ita exiguè, vt vix à Medico sentiantur: Medicamenta verò sensibilibiter id facere nata sunt, vt doctissimè explicat perdoctus Ludouicus Nonnius, lib. 1. de re cibaria, cap. 1.

Et licet hoc ita sit, sintque medicamenta nobis multò potentiora, à nobis tamen nonnihil affici, negare non possumus: quoniam omne agens agendo repati- tur, ex Arist. 3. Physicor. 3. & lib. 1. de generat. cap. 7. & lib. 4. de generat. animal. cap. 3. vt quod secat, hebetatur ab eo quod secat; quod calefacit, refrigeratur à calefaciente, denique quodcunque mouet, excepto primo motore, mouetur aliquo modo. Ita dicebat Galenus lib. 3. simpl. cap. 8. non magnopere stupendam rem esse,

A si quidpiam eorum quæ propriè, & per se sunt calida, cum calidiori aliquo commixtum, frigidius efficere ipsum queat: *Et enim est (inquit) communis alterabilius corporum omnium natura, vt in se agant, & patiantur admoda: quodque minus est calidum, à magis calido calidius euadat: quod verò magis calidum, à minus calido contra afficiatur.* Agunt igitur in nos medicamenta, & itidem patiuntur, verum plurimum est quod agunt; minimum quod patiuntur.

Venena verò ab alimento, & medicamento valde distant. Cum enim toto genere, totis viribus, totaque substantia nobis sint infensa atque contraria, nulla substantiæ suæ mutata parte, sed tota seruata integra, corpus ipsum afficiunt; quare horum genus totum deleterium est, atque pestiferum, vt scitè notauit Galenus lib. 3. de temp. cap. 4. hæc quæ talia corrumpunt, temperiem nostram inquinant, vitæ aduersantur, & principiis illius vehementer repugnant: quia cæca, & delitescente vi, variè nos symptomatum cruciatu fatigant, & totius naturæ diffidio vitæ nostræ primordia demoluntur, vt Fernelius docet lib. 2. de abditis, cap. 15. Ex his patet, venena à forma specifica, substantiali, & occulta quadam proprietate corporibus esse infensa: quod autem per hanc naturam, seu proprietatem sit intelligendum, legat qui velit apud eruditissimum Mercurialem, lib. 1. de venen. cap. 8.

Quæro tertio. Si venena tantopere calori nostro aduersantur, quomodo ab ipsomet calore ad actum reducuntur, vt nocere possint? Dic, venena quæ ab animalibus eiulantur cum à viuente mittantur, statim, promptèque altas penetrant corporis partes, quare alio calore auxiliari minimè egent. Cætera verò per os assumpta, aut calore actuali priuata, aliqua vi indigere videntur, quod eorum potentia in actum dirigi possit, ita docuit Galenus 3. de temp. cap. 5. & 3. simpl. cap. 18. Quæ enim frigore, aut calore mortifera sunt, necesse est calorem nostrum concipiant, priusquam nos offendant: quæcunque enim aded calida sunt, vt erodendi, atque adurendi vim habeant, dicet non copia, sed toto genere aliena sint, neque naturam nostram mutare possint, & in alimentum conuerti, tamen non antè suum calorem nobis impertiunt, quàm nostrum fuerint experta: quod autem diutius ab eo afficiuntur, eò deteriora euadunt, & ampliùs viscera exedunt, dum corprehendunt. Quæ autem frigore nocent, similiter calore nostro egent, quod calefacta magis penetrare possunt, Hinc fit vt capite damnatis immixta vino propinentur, vt ab eo calefacta ampliùs, cor, cæterasque intimas partes per arterias peruadant, vt auctor est Galenus lib. 3. simpl. cap. 20. Quæ verò calore obsunt: si toto genere à nostra natura sint aliena, non tamen noxam afferunt insignem, nisi aded in magna quantitate propinentur, vt sensui sint manifesta. Neque enim modo eorum quæ tota substantia mortifera sunt, si horum tantillum detur, perniciosum est, cum nec scintilla ignis, nec exigua gutta frigidissimi imbris suo contactu nos euidenter lædat, ex Gal. 3. de temp. cap. 4. Quo pacto quæ proprietate, & tota substantia interficiunt, cum potentissima vi prædita sint, calore nostro egent, vt tantummodò incalescant, & penetrare possint, partesque vicinas opprimere; hæc autem læsæ venenum ad partes viciniore propellunt, quæ cum noxam persentiant, ad proximas venenum transmittunt, & sic ad cor citissimè pernicies communicatur. Frigida verò in actum rediguntur, quia cum crassa consent substantia, & ad morum pigra sint, à calore attenuata, cor petunt, & deinde prosternunt. Natura enim nostra sagacissima cum sit, conatu valido, vt partes tueatur incolumes, aduersus venenum insurgit, & adaucto calore per accidens liquat, & atreuat venenum, quod ob fundentem calorem dilatatis viis citissimè rapitur in viscera. Hinc fit vt venena frigida citius, & faciliùs in corporibus calidis interimant; quare cura vino permiscetur in hunc usum, in parca quantitate assumpto: si enim sit immodicum,

immodicum, parum venenum ledit; nam frigidi veneni inclementia calore vini retunditur, & hebetatur. Sed si hoc verum est, quomodo venena extrâ admota, ut curi, vesti, stapedibus nocere possunt, & interimere, si ad actum non reducuntur? Dic, quod venenum illis partibus admotum ex attritu pedum, motu corporis incalescit, & mittit ex se vapores, qui eructantur in cerebrum & cor, mortemque inferunt pernicio sua.

Quæro quartò. Si sapientissimus rerum omnium parens, opifexque Deus, postremum omnium, quæ sub aspectum cadunt, hominem condidit: ut dominus esset illorum, super terram imperaret, & cæteris animantibus dominaretur, ipsumque in hoc mundi theatro constitutum habuit in deliciis, ut latè, & doctè probant Ioan. Berouicius in *sua idea medicina veterum*, fol. 7. & Amilius Campolongus in *theoremat. de humana perfectione*, cur in eius damnum & perniciem, venena produxit, quæ illi ruinam possunt parare, & interitum? Primum probat satis eruditus & sapiens auctor Philo lib. de opificio mundi: unde Ovidius *Metam.* 1.

*Sanctius his animal, mentisque capaciùs alia*

*Deerat adhuc, & quod dominari in cætera posset.*

*Natus homo est.*

Hinc apud Moysen, Deus ait; Genes. 1. *replete terram, & subiicite eam, & dominamini piscibus, &c.* Quid aliud hoc est nisi plantis, ut liber, vimini, metallis, lapidibus, & sub iugum seruitutis vestræ animantes omnes redigite, atque adedò domini estote eorum, quæ in agris vinunt, & quæ per aëra volant, & in mari versantur. Si ergo summus Architectus hominem creauit Dominum, cur captiuum, & veluti seruum illum effecit, & tot venenorum insidiis obnoxium? ut tam multis argumentis exclamat veluti Ianochius de Manetis, lib. 2. de dignitate & excellentia hominis. Dic, tres esse utilitates: ob quas Dominus creauit venena. Prima est, ut essent adiumento artibus multis, tinctoriæ, pictoriæ, sutoriæ, argentariorum, quæ omnes venenis vtuntur. Secunda, quoniam animalia plura aluntur venenis: nam sturni, capræ vescuntur cicuta, sues hyoscyamo, hirudines cantharidibus, coturnices elleboro. Tertia, quia misericors Deus non solum vtilia, sed quæ inutilia videntur, & ab humana natura longè diuersa, ea in hominum salutem sapienter procreauit. Elleborus infaniam curat, aconitum scorpionis morsus, mercurius, & arsenicum, scabiem ferinam, & morbum Gallicum: immò Galenus 5. *meth. cap. 6.* vtitur pastillis andronis, & passionis aduersus sputum sanguinis, qui parantur ex arsenico, & chalcanto, quibus, & aliis causticis: tum per os oblatis, tum per sedem infusis sæpe feliciter vtimur, ut lib. 2. in com. hist. 85. latè probauimus. Quidni? Nonne venenum veneno depellitur, prout in sequenti commentario explicauimus? Tu verò per otium lege alias causas apud Plin. lib. 2. cap. 63. qui contra fabricatorem terræ Deum, aliam causam affert, licet illam refutet lib. 18. cap. 1.

Quæro quintò, cur sicut in natura producuntur venena, sic etiam in corpore nostro generentur? Dic, quod licet lib. 1. in com. hist. 52. hoc dubium proposuerim, tamen nè in hoc compendio de venenis quidquam remaneat intactum, iccirco particulariùs ad propositam dubitationem accedam & alia denuò adiungam. Generari ergo intrâ corpus venenum, quod & hominem, & alios nonnunquam perimat, aut morbos inducat lethales, præter Galeni 3. de loc. 7. & 6. eiusd. cap. 5. testimonia eo loco citata, ratio, & experimentum confirmant. Sed hoc semper mihi valde dubium visum fuit. Nam in plurimis morbis in quibus suspicamur latere venenosos humores in corpore, qui nouo quodam aggressu inopinatò homines apprehendunt, ut experimur in epilepsia ab aura venenosa eleuata, vteri strangulatu, qui à semine retento, & putrefacto, & sanguine menstruo oritur, & in pestiferis febribus, vel pro singulis accessionibus venenum de nouo generatur, aut in membro mandante veluti sopitum contine-

tur, vel per intervalla ascendit accessiones facturum. Non primum, quoniam 2. feb. 11. accessionum multiplicatio, & repetitio causam habet primam, humoris nempe in vna parte asseruationem, præterquam quod non semper dabitur materia à qua denuò similis generetur. Si secundum, quomodo intermedio tempore existere potest intra corpus venenum sine noxa? Quomodo ut ab eo non offendatur continens membrum, in quo diutius immoratur, magisque viget qualitas maligna, solo accessu in longinquo, distantique tam vehementia nocumenta inducens? Rursus, cur magis frequenter cerebrum inuadit, quàm hepar, aut cor, quibus sunt parentiores viæ, & principalis venenorum occurus sit ad cor, tanquam vitæ fontem, cui illa à tota natura aduersantur? Deinde si cerebrum est insensile, ac immobile, unde in dictis affectibus nocumenta percipit molestantia, & tam vehementer agitur, ut vniuersas corporis partes secum in consensum trahat?

Sed multò faciliùs, & Galeno magis consentaneum est asseruare, venenum innasce in corpore. Quis enim inficiabitur, posse alimentum aut humorem in nobis corrumpi, & tam praua putredine viciari, ut qualitatem acquirat non minùs deleteriam, quàm cuiusvis alterius veneni? id quod in dictis affectibus Galenus ostendit: non enim aliunde fera illa, & sæua symptomata quibus infestamur, vires vsque adedò prosternuntur, naturam debellant, sensum, motum, vocem, & cursum auferunt, conuulsiones inducunt, refrigerationes, tremores, frigidos sudores, & apentias, ac reliquos eptoti veneni affectus, nisi quia illorum causa, virulenta quadam, & non minus perniciosa qualitate sit prædita, ut inter omnes probat Castrensis Lusitanus, auctor inter classicos celeberrimus lib. 2. de meteoris microcosmi, cap. 12.

Neque instes, in corpore non posse reperiri tam prauum succum, qui materiam præstare possit ad generationem substantiæ vsque adedò deleteriæ, & ipsimet corpori valde aduersæ. Nam vel ex probis alimentis qualitas potest euadere venenosa, maximè in non rectè sanis, nec bene gubernatis corporibus, nedum ex retentis; & corruptis excrementis, à quibus eleuatus vapor vim deferens malignam, vel ipsa sine materia aliqua ad cerebrum perueniens, epilepticas, aut hystericas excitat accessiones, non secus ac syncopas, & alia symptomatum genera, pro varietate membri quod inuadit.

Nec necessarium est, omnium accessionum materiam in membro mandante simul generari; sufficit enim relinqui fomitem, à quo inficitur adueniens de nouo alimentum, quantumvis probum: & malignitate carens. Cum quo stat adhuc, omnium circuituum causam esse primam asseruationem in parte, iuxta Galenum adductum. Quinimò etiamsi totum venenum pro singulis paroxysmis simul progenitum foret in mandante membro, per intervalla inuaderet, & sine corporis offensa permaneret, Venena enim, & multa alia morbi seminaria diutissime possunt intra corpus occultari, oppressura postea, & sæpè internecatura, etiam post 14. vel 20. annos, ut testatur Hipp. lib. de internis affectionibus, & rabidi canis virus, & aliud eptotum venenum longo tempore transacto se prodere cum symptomatibus diris tradunt omnes, & docet Galenus 1. prorrhetic. sect. 2. com. 17.

Quomodo verò sine noxa tamdiu occultetur venenum siue haustum, siue intrus genitum, causa (inquit Galen. cit. prorrhetic.) Quoniam vbi existit, sensum alterat, & paulatim inficit vicina, ac in malignam qualitatē commutat temperamentum, & quia quamdiu sit necdum impressum est malum, imbecilliter mouet, toto agendi tempore nulla perniciosi morbi symptomata spectantur: maxima, repente vbi iam multa fuerit, & insigniter altera membri constitutio. Adde, sæpè in ignobili membro contineri venenum, vbi vel paruum,



paruam, vel nullam inducit offensam; ad nobile autem commigrans inducit vehementer. Assuefactio etiam partis facit, ut non modò ex contento veneno non ægrotet, sed alatur, & viuatur; lædatur verò recipiens etiam à minori quantitate, & quia per totum corpus iam malum effunditur, & quia insuetum. Insuper cum indies more fermenti ex ingesto alimento augeatur, ad eam magnitudinem accedit, ut ab irritata expultrice pellatur, antequam particulam lædat in qua generatur; cerebrumque aut cor aggreditur, prout maiorem habet proprietatem ad vnum, quàm ad alterum membrum, quod in plurimis venenis reperitur, vel quia in nervosis partibus, aut arteriosis magis radiceretur. Denique aut quia talis erit naturæ, quæ magis parata sit pati, & recipere, in cerebro, quod licet insensibile, naturali perceptione potuit noxam percipere, & naturali expulsiua pellere, seipsum concutiens, & in similem concussionem vniuersum trahere; cum mentis, ac sensuum læsione, quod sine affecto cerebro contingere non potest. Non ergo negandum est, intra corpus posse nasci venenum, quod testantur Auerrhoës 3. collig. 3. hinc fit ut ex morbo natura salubri quis moriatur, vel multò citius, quàm ratio morbi exigebat: & mors non sequitur ad morbum, sed ad venenum iatus genitum, cuius motum morbus insequitur. Hinc etiam fit, ut quispiam moriatur repente non sumpto veneno, & pereat diris vexatus symptomatis, similibus illis, quibus premuntur ij qui sumpsertunt. Tu verò de hoc argumento consule eruditissimum Sennertum lib. 6. de morbo occultis, part. 2. cap. 2. & Paulum Zacchiam Medicum celeberrimum lib. 2. quæst. medicolegalium, tit. 2. quæst. 5. qui ex sua, & multorum sententia hoc negotium diligentissimè explanat.

Quæro sextò. Si venena tantopere naturæ nostræ infesta sunt, cur attrahuntur intrò, & cor petunt, si in statu sano solus adest innatus calor, qui omnia membra regit, ab aduersantibus tuctur, oppositis resistit, noxia pellit, & veneni vim diram à se abigit, tantum abest ut attrahat? Dic, venenum non attrahitur à partibus. quoniam nihil attrahit propter ipsum attrahere, sed ut eo quod attrahit compos fruatur, ex Galen 3 de facult. naturalib. c. 7. illud non deferretur ad cor sponte sua, natura enim id respuit, nè irruat: non detruditur à partibus; hæ enim ad debiliores ferè demittunt, ut sic principes tueantur à noxis, cor autem membrum est fortissimum. Attrahitur ergo à corde venenum, per accidens tamen: quoniam per inspirationem, & transpirationem attrahitur cum aëre permixta aura venenosa; quæ semel hausta, in pulmones, & per arterias omnes quæ per corporis ambitum sunt disseminatæ, attracta, cor petit, & sua vi dira prosternit, & premit, & venenosa qualitate viscus hoc præstantissimum fatigat. Consule Cardanum lib. 1. de venenis, c. 4. Alphonsum à Fontecha in speculo medicina Christiana, luminari 2. tit. de corde venenato.

## HISTORIA II. AETII,

### De morfu viperæ.

Stercus caprinum ad viperæ morsum, auxilium celeberrimum.

**M**edicus certè quidam ruralis, ipso ad \* viperarum morsum, multoque magis aliarum bestiarum utebatur cum aceto, & multos seruauit, &c. Actius terrab. 1. serm. 2. cap. 94. de stercore caprino.

## PARAPHRASIS.

**N**illum est ad venenosarum bestiarum morsus præstantius auxilium, quàm succus, factus in ea parte, qua læsit animans: huius enim præsidij ope euocatur venenum ad externas partes, quo pacto in altas, profundasque remeare non potest. Hoc remedium præsentat Lib. V.

A neum esse docuit Celsus lib. 5. cap. 27. rubric. 3. §. Ergo quispiam exemplum Psylli sequutus, id vulnus exuxerit, & ipse tutus erit, & tutum hominem præstabit, &c. dummodò neque in gingiuis, neque in palato, neque in alia, oris parte vlcus habuerit: id autem quod fugitur, ut expuatur statim est necesse, ut videlicet aliquod infortunium accadat deinceps, ut narrat Amatus lib. 3. centur. 14. contigisse iuueni cuidam, qui à truculenta vipera, rabido morfu percita, in manu digito commorsus, citissimè ori digitum admoxit, ut sanguinem dentibus compresso digito exugeret, quo in ore detento, & vapore suo, calore linguæ adiuuante, ad spiritalia membra communicato, mortuus est: quare sugens sit satur, & os ejus cum vino, & oleo lauetur, ut prædixit Ishaac 4. præst. cap. 39. de morfu serpentis.

**B** Hunc vsum complet cucurbitula, remedium sanè eximium ad extrahenda, quæ in alto firmiter sunt impacta, & maximè si multa flamma sit agglutinata, cuius vi venenum foràs extrahitur, ac reuocatur. Quapropter à Dioscoride, cæterisque priscis Medicis, in hoc affectu summopere commendatur: est enim cucurbitula, auctore Galeno lib. 13. meth. cap. 6. iuxta finem, instrumentum ad violentam attractionem à Medicis excogitatum: nam cum dixisset, in punctu, morsuue animalis vacuandum virus esse medicamentorum ope, quæ potenter attrahunt, subdit: Vacuant id tum calfacientia omnia, tum quæ citra calefactionem vehementer attrahunt, veluti cucurbitula, & cana cornua quadam, quibus nonnulli cucurbitularum vice utuntur. Debet tamen cucurbitula adhiberi non semel, sed iterum, atque ter, idque cum flamma copiosa, ad hoc ut ignis naturam atque potestatem veneni eneruet, atque dissoluat. Hæc si fuerit ænea, cum maiorem sustineat flammam, multò est vitæ efficacior.

**C** Si verò cum scarificatu adhibeatur, ut ait Paulus lib. 6. cap. 41. efficacior causis perspiratum prabet, sensibiliter ex alto ea quæ nocent, eliciens, quippe non modò sanguinem, sed alios etiam humores euacuat. Quare, ut citati auctores monuerunt, si locus id patitur, altioribus vlculculis est scarificandus, quò pluribus quasi canalibus, ac riuiulis vitiatu sanguis queat exhauriri, ut sanguinis illius corrupti copiosa vacuatio obstitat, ne venenum membrarum corpori insinuetur vniuerso. Attrahetur enim, & foràs euacuabitur vna cum sanguine, & spiritu, ipsius virulentæ bestię venenum. Profundioribus tamen vlculculis secari locus debet; nam ex maioribus cumulatus, copiosusque sanguis dum effunditur, aliquid quoque veneni exhauritur; at ex minoribus nequaquam. Quinimò à maioribus abscedentes carnes adimendæ sunt, & labiorum margines acie scalpelli præscindendæ, & apprehensa hamo caro amputanda, quum Galenus, ut ex illius sententia in superiori historia notauimus, non tantum carnem abscondere, sed interdum membrum mutilare subeant, ut sic à lethali, & virulenta fera morsum, vel ictum præseruetur.

**D** Hirudines in hunc vsum sunt efficacissimæ loco icto, vel commorso impositæ, ut docuit Ishaac lib. 4. præst. cap. 37. hæ enim trifido inflicto vulnere altius penetrant, venenum exugunt, & à parte iam læsa sanguinem manifestè exhauriunt, ut probauit Fernelius lib. 2. de ven. sect. cap. 19. de particulari sanguinis vacatione: quòd **E** auxilium maximè probo, dummodò ipsæ virus quod continent exuant, ut Auicenna monuit 4. 1. cap. 22. quoniam in multis existit venenositas, præsertim in illis quæ magno capite, & nigro colore sunt præditæ, & ex earum suctu proueniunt apostemata, syncope, sanguinis fluxus, febris, laxitas, & vlcera mala. Quocirca melius est, ut post earum casum apponatur cucurbitula, ut ipsarum malitia remoueat.

Vitio etiam necessaria est, hanc enim esse magni momenti in venenatis ictibus Medici veteres prodiderunt, ubi locus hanc patitur, hoc est, ubi nec nervosus, nec musculosus existit: etsi non defuerint qui eam reprobare sint ausi, quoniam ignis adstrictione sua denset partem, cutem prohibeat, & sic venenum ad intra reprimatur; quare crusta ab igne inducta crassitudine sua

venenatos affluxus coercet. Sed hi non aduertunt, quod A cauteria calore, atque dolore versus partem vltam venenum validissime attrahunt, cuius diffusioni exigua illa densitas non obstitit.

Profunt etiam adaperita plaga auxilia, quæ vel calore, siue tota substantia, siue viroque nomine venenum potenter euocant; inter quæ utilis est pullus gallinaceus per medium sectus, & protinus calidus super vulnus impositus, ita vt pars interior iungatur corpori. Præterea iuuant medicamenta quæ calore suo venenum ad externas partes eliciunt, vt galbanum, sinapi, farina erui, scilla, folia fraxini, & ipsa contusa, atque admota, allium cum aceto, hastulæ regiz folia, cum pane, lauri teneræ baccæ, & folia coctæ, & cum oleo trita, ebuli, & sambuci radices in vino coctæ, cinis ex sarmentis ex aceto subactis, ruta, calamentum, & origanum. Prodest fomentum factum ex fæce vini, ruta, sale, melle. Muria acida, & multa alia quæ à citatis auctoribus comprobantur. Præter hæc mira quadam efficacia strenuè iuuat stercus caprinum: nam stercora omnia ob putrefactionem maximam, valida polere attrahendi vi probat Galenus lib. 5. simpl. cap. 17. & maximè caprinum, quoniam hoc præterquam quod venenosum humorem attrahit ad partes externas caliditate sua, dilatat eadem vi partem commorsam, vt virus sic foras expiret. Deinde proprietate quadam contra virulentorum animalium morsus auxiliatur, vt firmat Dioscorides lib. 2. c. 72. de firmo. §. Caprillus finus in aceto decoctus imponitur serpentium morsibus, &c. Caprinum autem stercus inter cætera pro hoc complendo opere primatum tenet, quia calidus; ita sensit Paulus lib. 7. tit. de stercore. §. Caprillum stercus acius, magisque discutiens, &c. Lege Iacobum de Bondis in su. sui aggregatoris, tit. de remediis, contra vipera morsum venenosum.

Sed hoc loco quæsitum dignum videtur; cur imponat parti commorsæ acetum, si ex omnium Medicorum voto astringit, & applicita auxilia debent esse calida, attrahentia foras venenum, & meatus dilatantia? Dic, Galenus acetum repellere assenerat lib. 1. simpl. cap. 24. & adstringere firmat lib. 1. eiusd. c. 18. & sic ad sanguinis fluxiones velut remedium reprimens id præfert. §. Aracetum hand perinde vt crustam facientia medicamenta, sed potius vt adstringentia, & refrigerantia, citra crustam sanguinis fluxiones cohibet: itaque hac quidem ratione non excalfacere, sed refrigerare putetur, &c. Sed si hæc Galeni verba attentè examinentur, etsi acetum duplici facultate calida nempe, & frigida constare asseramus, hanc illam vincere apertè fatebimur, quod & ipse Galenus confirmat manifestè: quoniam acetum est sinapæ natura acidum proflus, & acida minimè adstringunt; quare acetum primò, & per se non adstringit, sed incidit, & est tenuium partium, quo nomine ad sanguinis grumos in visceribus incidendos, poscam summopere laudat §. meth. cap. 9. quam ex aceto, & aqua simul mixtis constare, scripsit Aetius, terrab. 1. ferm. 1. cap. 1. Sapor enim acidus, etsi frigidus sit, tenuibus tamen partibus constat, ex Gal. 4. simpl. cap. 3. 7. & 8. Ex iis constat, non errare Medicos, qui acetum medicamenti penetrandi causa permiscent, quoniam omnium medicamentorum vehiculum est: quinimò cum stercore caprillo subactum, & parti à virulento animali commorsæ impositum veneni maliciam refrænât, est enim medicamentum alexiterium, vt in com. hist. 6. infra comprobaui. Si verò Galenus id adstringere firmat, cum respexisse partes crassas quibus etiam constat, dicendum est. Consule Abderamen Arabem lib. de virtutibus medicinarum, cap. de aceto.

## QVÆSTIO II.

Vtrum venenorum diuisio à Dioscoride tradita, sit perfecta.

### COMMENTARIUM.

Viperarum morsus.] Dioscoridem Anazarbæum adeò summa in re herbaria doctrina, in cognoscenda aromatum natura, præcauendis, & curandis venenis, præcel-

luisse tradunt Græcorum scientissimi, vt vel Galenus ipse cum summè laudet in locis multis, quem in simplicium medicamentorum inuestigandis arcanis, metallorum proprietatibus, & viribus describendis inter omnes palmam præcipere neminem latere puto. Is postquam de hoc argumento quinque libros perfecit omnifaria, eruditione refertissimos, librum sextum de venenis, morbisque venosis conscripsit, & in theatrum Medicorum euulgauit, non vt hi doceant, quo pacto possint alius exitium imponere comparare, & per insidias viciendæ iniuriæ, vel obcupdæ hæreditariæ causâ offerri apta, sed vt cognita partim vitari, partim deuinci queant, id quod fieri non potest nisi commemorentur, & nota sint omnibus, vt Galenus affirmat lib. 2. de antidot. cap. 7.

Idcirco in eius libri præfatione, venena diuidit in ea quæ sumuntur ex animalibus, plantis, & mineralibus, quam diuisionem recipiunt omnes, & vt rectè traditam amplectuntur: licet enim per omnes sensus possit inferri venenum, tamen ex his tribus depromitur, ex quibus variè, atque variè commixtis venefici moluntur insidias, & multiplici forma paratis, vtro, vmbilico, naribus, vt concitent abortum, & aliis partibus admotis, repentinam cladem machinantur.

Ex animalibus sunt vipera, aspis, scorpio, lacerta, scorpæna marina, carnis rabidus, & siquæ alia animalia rapiunt excepto cane, vt equus, mulus, boues, simia, vrsi, lupi, feles, & pleræque multa, cantharides, buprestis, hirtudines, amphisbena, salamandra, rana palustris, pinorum eruca, lepus marinus, bufo, cerebrum felis, vrina muris, sudor equi, sanguis tauri, menstruus sanguis, phalangium, tarantula, pisces suffocari, caro quadripedis quæ fulmine percussa interierit, castorium, cerui extrema cauda, lac ubi in ventriculo concreuit, mel venenatum, quod apes proferunt, & colligunt ex aconito herba, & ex floribus rhododendri, ligna excisa ex cauernis serpentum, quibus vltis eleuatur veneficus vapor adstantes perimens. Virus quod à magnis serpentibus illis exprimitur, quod solo externarum partium contactu est perniciosum, in quorum catalogo reponuntur basiliscus, torpedo, pastinaca marina, dracones, scorpiones alati, crocodilus, cherstyros, cenchris, hæmorrhoids serpens, diplas, cerastes, dryinus, apes, vespæ, luporum morsus etiam non rabientium, quod plerumque in renibus eorum serpentes nascuntur. Barbi, & Lucij piscium onorum esus, aconia, & alia.

Ex iis quorum stirpes è terra nascuntur, plura colliguntur venena, quæ vel cathartica vi, vel nimio calore, aut frigore, vel totius substantiæ repugnantia perniciofa sunt, & homini præsentaneam ruinam parere solent. At per plantas, quæ hanc exitiosam labem, virûsque maleficum sortiuntur, intelligo non solas eas quæ in laudabile alimentum non conuertuntur, sanguinis, & spirituum generationi maximè accommodum, sed humores in corpore contentos conspurcare solent, vt sunt elleborus, colocynthis, scammonium, elaterium, thymelæa, chamelæa, rithymalus, lathyrus, bryonia, cyclaminus, brassica marina, soldanella, & euphorbium. Naturam nostram etiam prosternunt napellus, aconitum, hyoscyamus, psyllium, cicuta, mandragora, meconium, opocarpasum, pineorum nucleorum malucorum esus, thapsiæ succus, ephemerum, coriandrum quod aliqui colchicum vocant, quia in Colchide nascitur, solanum, sardonina herba, quæ ranunculi genus est, corniculatum papauer, pharicum, ruta sylvestris, fungi, toxicum, rhododendros, similax arbor, quæ & taxus dicitur, nux metellica, ixia, medullæ fructuum rancidæ; iuniperi, nucis arboris, tamarindorum, & buxi vis morriferæ.

Quæ restant nobis ex fossilibus longè præsentia sunt, & exitiosa, vt gypsum, calx, cerussa, plumbi recrementum, ferri scobs, squamma æris, argentum viuum, cinnabrium, ærugo æris, duo sandarachæ genera, spuma ægenti, auripigmentum, arsenicum, præcipitatum, risagalum, antimonium, scobina campanarum, vitrum. Ex iis euidenter patet, quomodo omnia venena sub his comprehendatur, & ab his desumantur, tam quæ illi,

illitu, contactu, odore, aut umbra à veneficis parari consueverunt.

Rursus venena multipliciter diuiduntur: Primò, in ea quæ tota substantia; totis viribus, & toto genere interimunt, & alia quæ suis maximè manifestis qualitatibus, ex Galen. 3. de temp. 17. 18. 19. 20. & 21. & Auic. 6. 4. tract. 1. c. 2. ita sentit Petrus Aponensis in tract. suo de venenis. Illa enim quatuor modis naturæ nostræ inimica sunt; atque infesta, ut testatur Auerrhoës lib. 5. collect. 25. Primò, quoniam vi sua deleteria spiritum innatum resoluunt, & absumunt, & natua quadam proprietate venefica, viscera, & cor vitiant, & corrumpunt. Secundò, temperamentum naturale permutant, & vniuersum corpus labefaciunt. Tertiò, vehementi attractione humores quoscunque è corpore extrahunt, ut elleborus, & alia huiusmodi. Quartò, euacuant sanguinem, in cuius perseverantia calor noster consistit, & spiritus extinguunt. Si ergo in harum substantiarum duratione vita consistat, ut inter omnes probavit Cæsar Cremoninus, Peripateticus Philosophus eximius libello de calido innato, ferè per totum, venena illa dicuntur, quæ sanguinem, & spiritum mortificant.

Insuper, quæ qualitate manifesta interimunt, id præstant, vel quia calida sunt, vel quia frigida, vel quia sicca. Calida æstunt mouent, in ventriculo ardorem, & sitim concitant, excoquant linguam, guttur exasperant, febri pariunt, membrorum genuinum humidum depascuntur, & hoc modo visceribus inquinatis, & deiectis, deloribus, ac vigiliis oppressum animal occumbit. Ita venena calida tabefaciunt, putrefaciunt, erodunt; absumunt enim spiritus, & superfluo calore eos inflammant, quorum inopia mors contingit. Alia membra hac de causa erodunt, & dilaniant, & minuto, resolutoque colore innato, humana membrorum compages putrescit, eorumque harmonia separatur. Frigida somnum profundum concitant, & sic retentis recrementis innatus ignis obruitur, & suffocatur. Deinde congelant sanguinem, & spiritus vehementer incrassant, quibus ad motum ineptis torpet corpus, diffuunt membra, & obstructis præ frigore canalibus, & viis fluxus immedicabilis sequitur, & dato ad imbecillitatem corpore, & ob prostratam nutritionem tabefacto, perit animal. Vtrum autem hæc quantitate solum, an genere sint deleteria, inter omnes proponit Vallesius, lib. 9. com. cap. 12. Sicca venena etiam extrinsece mortem accelerant: nam cum ferè calida sint, caloris insuperabiles pariunt effectus, præterquam quòd siccitate sua exprimunt humidum, calorem complantatum nimium absumunt, & excitata conuulsione immedicabili, cerebrumque in consortium ducto interficiunt.

De veneno humido, dissidium est inter auctores: negant Mercurialis lib. 1. de venen. cap. 10. Fernel lib. 2. de abdit. rer. caus. cap. 15. Bacch. in prolegomen. de venenis, cap. 3. art. 7. quorum vtrum libenter amplector: quoniam si humidum dolorem inferre non potest, ex Gal. lib. 1. de caus. sympt. cap. 6. & 12. meth. cap. 7. & lib. 2. sec. loc. cap. 1. 5. Ad humidum nullus consequitur dolor, & c. cur mortis causa statuenda, cum humiditas parum actiua sit, & inertis facultatis esse dicatur, nec ad quartum humiditatis gradum quodpiam medicamentum, aut quiduis aliud ascendere possit? quoniam si absint calefactio, & refrigeratio, humiditas citra violentiam corpus contingit, ob quam causam, si venenum humiditatis excedentis effectus ex se parit, hos frigiditatis ratione euenire asseremus. Venenum ergo merè humidum non reperitur, ut probat euidenter Bartholomæus Fritschius in sua disputatione elegantia de venenis, in med.

Secundò, diuiduntur venena, in ea quæ secundum totum venena sunt, ut cicuta, lepus marinus, & ea quæ secundum partem, ut felis, secundum cerebrum, cenchris, secundum caudæ extremitatem. Diuiduntur tertiò venena, ex modo administrationis, nam quædam per os assumuntur, quædam extrinsece applicantur, alia communicantur morsu, ut viperæ, serpentum, & canis rabidi venenum; plura punctione, ut araneorum, & phalangiorum venenum; multa illitu, tactu, olfactu, visu, & auditu.

Lib. V.

Diuiduntur quartò venena, iuxta eorum effectus: quoniam alia citissime interficiunt, alia post aliquam interpositam moram. De illorum genere est aconitum, quod in occidendo inter omnia venena est ocysimum, ut docuere Plinius lib. 27. cap. 2. Ruell. lib. 3. de natur. stirp. cap. 113. & alia venena etiam reperiuntur præsentanea, quæ spatio quadrantis horæ interficiunt, ut firmat Ioannes Leopart. 7. sue Africa, in fin. & cuiusdam facit commemorationem Cardanus lib. 2. cons. tract. 2. cons. 10. cuius granum inter decem homines partitum spatio quadrantis horæ omnes interimit. Hæc à tota substantia corruptoria nuncupantur, & sunt præ cæteris vehementer noxia, & deleteria, ut fatentur Vallesius à Taranta in suo philon. c. 29. Bertruc. lib. 2. pari. tract. 3. cap. 1. Arduinus lib. 1. de venen. cap. 7. Gortæus in præfat. ad Nicandr. Alexipharmac. Guainerius cap. 1. de venen. Nicolus sum. 4. serm. 4. c. 3. Tardiora sunt in operando, quæ putrefaciunt, & crassa, terrenaque substantia constant.

Diuiduntur quintò venena, in præsentanea, & temporanea, illa citissime interficiunt, & velocissime; hæc ad tempus, hoc est post vnum, vel duos, vel paucos dies, menses, vel annos. Sed dubitatio insurgit maxima, cur venena non noceant illicò intra corpus assumpta, aut extrinsece applicita, si naturam habent cordi inimicam, & corpori humano insensam valde? Dic, quòd huius dubij duplex potest esse sensus, vnus, an dentur, vel possint dari venena, sine naturalia, siue artificialia, quæ certo die, ac tempore pro administrantis voluntate, non antè, neque post occidant. Alter, an dentur venena, quorum actio vel ex sua natura, non illicò, sed aliquanto, aut etiam multo post tempore appareat; vel quæ arte, ac præparatione ita retardari possint, ut si ipsa spatio vnus diei, aut plurium sustulissent, ob præparationem ita tardè operentur, ut si multo post interimant, mors non in venena, sed in morbum reici possit. Primo, & secundo modo dari venena temporanea, plurimis pro vtraque parte allatis rationibus, & auctorum sententiis munitus defendit clarissimus Paul. Zacchias lib. 2. quæst. medic. legal. tit. 2. quæst. 10. licet enim venena naturæ nostræ sint aduersa, & citò occidant; tamen non est impossibile, ut si Medicus sit exercitissimus, & cognitam habeat assumentis naturam, ætatem, temperamentum, constitutionem corporis, & alia, possit componere medicamentum, quod certo, & determinato tempore operetur, si efficaciam, & caliditatem excedentem vnus veneni alterius frigiditate, aut è contra rerundat; & ita nec venenum à tota substantia tale citissime occidet, ne frigidum tardissime. Consule Mercurialis lib. 1. de venen. cap. 7. Amat. 6. cenit. 68. & lib. 4. in Dioscorid. cap. 8. Valleriol. 3. loc. com. cap. 18.

Illud quoque non silendum inuolucrum est, an venena, venenorum sint remedia. Id equidem videtur testari Galenus, si de venenis extrinsece appositis sermo sit: nam vnus cuiusque caro multum prodest, ictu suo, vel morsui superposita, sic viperæ caro, viperarum morsibus medetur, & iecur rabidi canis, huius morsui auxiliatur, & scorpius, scorpionis ictu remedio est, ut Galenus lib. de theriac. ad Pison. & antidot. sæpè pronuntiat, quoniam venenum externum proprietate quadam, & totius substantiæ similitudine attrahit internum, & sic veneni vim restringit: ita cremati scorpionis nidore reliqui omnes protinus fugantur, ut ex mente Diophanis testatur Ruellius lib. 2. de nat. stirp. cap. 45.

Si verò de venenis intrinsece assumptis loquendum sit, tunc non quodlibet venenum veneno reluctatur, immò potius intendit, maximè si ambo idem temperamentum sortiantur, ut si post euphorbium proponitur auripigmentum, aut post mandragoram, opium. Si autem loquamur de intus assumpto veneno, aliquando venenum veneno curatur: cum enim venena vtraque mutuam inter se habeant antipathiam, vnum expellit aliud, & sic in pugna commoriuntur, & quòd potentius est, alterum deuincit: sic ex Theoph. lib. 9. de histor. plantar. cap. 10. Plin. lib. 27. cap. 2. Aconitum contra ictus scorpionis eximie pollet, & mandragora proprietate quadam contra elleborum, ex Plin. lib. 25. cap. 13. Ruell. lib. 3. de natur. stirp. cap. 111.

XXX 2

Hoc

Hoc modo cantharides ad canis rabiosi, & salamandræ A morsum potenter opitulantur, ex Plin. lib. 29. cap. 4. Raf. lib. 20. diuision. c. 2. Matthioli in prefat. ad lib. 6. Dioscoridi. & euphorbium contra scorpionum ictus, ex Matthioli. loc. cit. Ruel. lib. 3. cap. 5. 3. Consule Greuinium lib. 1. de venen. cap. 1. Conciliator lib. de venen. cap. 3. Ponzettum lib. 1. de venen. cap. 12. & omniscium Tiraquellum cap. 31. de nobilitate, num. 552.

Deinde, non dissimulandum dubium arduum, à nullo ante me animaduersum, cur thunni piscis caro, viperæ commorsis remedio sit, apud Dioscoridem lib. 2. cap. 29. de thunno, dum sic ait: *Conditaneei thunni caro, quam omotarichon vocant, sumpta iis auxiliatur, quos vipera nomine prester momorderit, sed oportet vinum quam plurimum subinde cogantur haurire, ita ut vomitione reddatur.* Habentne caro thunni contra venena antipathiam, aut cæca quadam, & abdita qualitate contra virulentorum animalium ictus prodesse creditur? Nullus interpretum Dioscoridis, vidit antinomiā hanc. Cui hoc modo, aptè tamen responderi posse puro. Omotarichon (Romani salmentum simpliciter dicunt) salis thunni caro est, quæ ex crudis thynnorum carnibus sale maceratis fit. Ergo omotarichus in cibo iuuat morsui viperarum, non sui causa, sed ratione salis; hic enim defendit à putredine, & animalium venenosorum morsibus valenter succurrit, ut probat Leuinus Lemnius lib. 3. de occult. natur. miracul. cap. 9. quapropter sal acrimonia sua vomitum concitat, quem esse pro veneno refrænando proficuum, norunt omnes: impetu enim illo violento humores virulenti tunicis ventriculi submersi vacuantur foras. Solue secundò. Caro thunnina non prodest contra venenum: nam grauat naturam, crassi est succi, terreni, melancholici, ex Galeni. 3. de loc. affect. cap. 7. sed vinum superbibitum post carnem, veneni pocumentum retundit vehementer, vinum enim est venenorum vnicum alexipharmacum, ex Dioscoride, lib. 5. cap. 5. 5. *Faciunt vina aduersus venena quæ exulcerando interimunt, ex oleo pota, & vomitionibus reddita, &c.* & infra sic ait. *Vinum potum liberalius, auxilio est contra serpentium morsus, & omnium ictus, quæ refrigerando necant.* Probant Auicena. & Gentilis 2. 1. doct. 3. sum. 1. cap. 11. Fallopius lib. de purgantib. medic. cap. 6. & de tumoribus præter natur. cap. 14.

## HISTORIA III. GALENI, De veneno serpentum.

### Serpentum quorundam perniciosissimum venenum.

**M**imini me in historiis legisse, quod Dux magnus cum Romanis bello navali dimicaturus, animaduertens se militari manu imparē, ollas multas impleuit serpentibus, qui confestim interimere solent. Cum itaque testas operas omnes repente in hostes iaculatus fuisset, ne illi quid inclusum foret, suspicarentur, atque idē sibi non cauerent, brevi tempore quam plurimi\* serpentum veneno icti ceciderunt, &c. Galenus lib. de theriaca ad Pison. cap. 5.

### PARAPHRASIS.

**P**er omnes sensus posse venenum inferri, auctorum testimoniis compertum est. Tactu posse venenum inficere probant Iouertus decad. 2. paradox. 10. Matthioli lib. 6. in Dioscoridem, in prefat. Greuinius lib. 1. de venen. cap. 1. Salius lib. de feb. pestilent. cap. 11. Cæsalpin. lib. 3. praxi. cap. 46. Nam plurimi adē præsentaneum venenum parare solent, ut eo illiris domuum ostiis, aut parietibus, plures ex contactu parietum fuerint infecti. Et Turcæ adē efficax habent venenum, ut refert Cardanus lib. 1. de venen. cap. 8. ut eodem die solo contactu interficiant: & prius prædixit Abinbitar, Medicus Arabs clarissimus lib. 1. de venen. cap. 12.

Visu interficit basiliscus, de quo infra, & licet spiritus

visuus non adē materialis sit, & facilius ab aëre intermedio dissipari possit, tamen si ille qui infici debet, sit proximus inficienti, non dubito quod hoc modo possit communicari venenum. Auditū etiam venenum potest inferri: quoniam si parua distantia audiens à vociferante absit, ut halitus venenosi ad auditum perueniant, audientem venenari posse non negabimus. De gustu nulla est dubitatio, quoniam calore linguæ humiditateque saluali virtus composita veneni sese in actum exerit, & halitus exhalat virulentus, qui per inspirationem attractus cor inficit promptè tabe dira.

Olfactu communicari venenum adē est manifestum ut probari opus non sit: si enim vaporis boni odor inspiratus cerebrum demulcet, & roborat, cur noxius vapor non corrumpet, & prosterneat? unde cordis tremor, capitis dolor, vertigo, & alia huiusmodi symptomata repullulant; & homines ex certis quibusdam tetrīs, immò suauibus odoribus exanimantur, animo linguuntur, & subito pereunt; narrat enim Cromerus lib. 8. de rebus Polonicis, Oliuerium Caraffam Cardinalem solo rosarum odore fuisse extinctum: firmant Amarus 2. centur. 36. Pierius Valer. lib. 8. Hieroglyph. in Scarabeo, & alij, quos refert Schenck. lib. 7. de idiosyncrasia, & prius prædixere Marcellus de histor. mirabil. lib. 6. cap. 3. Balhaz. Fabricius lib. 1. physiolog. cap. 12. Nōne odor nutrit, ex Galeni. 2. aph. 11. Conciliatore, dif. 155. & alij, quos lib. 1. in comm. hist. 9. retuli, eleuato quodam vapore fumali qui per inspirationem attractus spiritus nutrit? nōne bufones noxio vapore à se expirato obuio homines stupefaciunt, ut probant Arduinus lib. 4. de venen. cap. 7. Ponzettus lib. 3. de venen. c. 12. sic plures extincti sunt ex fumo venenatæ lucernæ, aut facis, eius fumo in corpus admissō, ut notat Paræus lib. 20. de venen. cap. 7. Hoc modo post quatuor horas periit apud Lusitanos illustris Diuus Antonius Brigantinus, Ducis Brigantini filius, ex odore fasciculi floribus suauibus circumtexti, qui præsentaneo veneno erant delibuti. Non est ergo negandum, venenum solo olfactu posse interimere.

Ob quā causam serpentes, de quibus hoc loco fit mentio, suo virulento halitu exercitum totum infecerunt, & veneficium aërem, taboque scædaturum milites inspirantes occubuerunt: & maxime si sint viperæ, & serpentes volantes, quæ tum ictu malefico, tum infecto aëre illos usque ad mortem excruciarunt. Dari autem viperas volantes firmat Isaias cap. 30. dum sic loquitur: *In terra tribulationis, & angustia exis regulus, & vipera volans.* Quæ verba difficultatem in se inuoluunt maximam, quæ ut extricetur, tum ex nostris, tum ex Rabbiniis locum illum explanantibus doctrinam haurire oportet, & notare viperam continere sub se, & vulgares nostras notissimas, & ultra, speciem quandam dictam iaculus, quam Aëtius vocat cenchritem, & aconitam: vocatur autem à verbo, iaculor; sic dicuntur aconitæ, ocyssimi volatus, quod more iaculorum vibrentur rapidissime, ut docet Plinius lib. 2. cap. 25. & aconitum dicitur venenum, quod iacula eo ringerentur mortifera. De hoc serpente, seu viperæ sic scriptum reliquit Aëtius terrab. 4. serm. 1. cap. 27. *Cenchrites serpens est magnitudine duorum cubitorum, figura autem crassa in tenuem abeunte, colore viridi maxime iuxta aluum, ut milium colore referat, unde cenchrias, id est, miliaris appellatur.* Aiunt etiam, inquit Aëtius, hunc seipso fortiorem fieri, dum milium floret, huius virescentis floribus mansit in terram decisis tempore venientibus. Ceterum ubi se ad ladendum parat, extendit seipsum, ac veluti iaculum vibratum, corporibus innolat, hocque modo verberat, à cuius morsu omnia quæ de viperæ dicta sunt, sequuntur, etsi grauiora, remediaque eadem, quæ ad viperæ morsum constituit, parat iaculum morsus: quibus constat, quum iaculi veneni accidentia, & effectus, sint eadem, & iisdem remediis concedant, esse eiusdem rationis, & formæ, cum affectibus & symptomatibus viperæ.

Vipera ergo, & iaculus natura non differunt, iaculumque, cenchritem, aconitam, serpentem vnum esse constat, & viperam, & specie viperæ contineri, iaculoque esse



esse viperas potentiores solum reliquis. Hoc docent Auic. A  
6.4. tract. 3. c. 40. & 44. Paulus lib. 5. cap. 18. §. Quod si cen-  
chris nocuit, morsus eius similis vipera est. Ælianus lib. 9. c.  
49. Plin. lib. 8. c. 23. Denique est iaculus, vipera deterior  
veneno, & magis noxia, & volans in aëre, tum ictu lanci-  
nat, tum vapore suo virulento aërem inquinat; quare cit.  
cap. Isaias dicit, occidet eas lingua vipera à longinquo adhuc:  
quoniam hæc vipera ex lingua ad distans mittit cruorem,  
& sic vehementer nocet. Quod verò iaculus vipera volat,  
Aët. docuit his verbis. Velut iaculū vibratum corporibus in-  
nolat iaculus. Lege Albericum Londinensem lib. de cura-  
tione venent, cap. 5.

Lucanus lib. 9. dum miseras, mortēque quas passus est  
exercitus Catonis in Africa enarrat, venenatorumque il-  
lius climatis morsus, quibus plurimi interiere tristissima,  
& infelici morte venenata dinumerans, inquit. Et serpens  
victor aqua, iaculūque volucres. Quid clarius: Plinius lib.  
8. c. 23. Sic loquitur. Iaculus ex arborum ramis vibratur, ar-  
borēque ascendit, nec pedibus tantum cauendas serpentes, sed  
& missili volare tormento, more pilarum excussarum ē bom-  
bardis, & Archiducibus. Has multoties ob soli, cœlique ca-  
lidam, & humidam constitutionem alas vagari per aë-  
rem confirmat Ælianus, lib. 9. c. 42. & Polyclethus lib. 3. c. 5.  
Scorpiones alatos, angues, viperas, iaculos, aspidas narrat,  
& Megasthenes lib. 1. cap. 6. refert in India serpentium  
plurima genera alata oriri, ita Scaliger, exercit. 189. num.  
5. Quid mirum? nonne Regius Psaltes Psal. 148. inuitans  
creaturas, vt debitas Deo soluant laudes, cum de aliis  
dixisset, subdit: Bestia, & uniuersa pecora, serpentes, & volu-  
cres pennata.

Vt aër ab horum animalium venenosis halitibus tu-  
tus reddatur, præstat illum purum reddere, & à rabo cor-  
ruptionēque præseruare. Hoc naturæ quadam proprietate  
efficiunt, fugantque serpentes nidore suo, cedrum, gal-  
banum, de quibus sic loquitur omnis eruditionis parens  
Virgilius lib. 3. Georg.

Disce & odoratum st abulis incendere cedrum,  
Galbanēque agitato graui nidore.

Hoc modo miram præbent vtilitatem, castorium, sulphur,  
sagapenum, amurca, hederæ, cornu ceruinum, calamintha,  
cuius odore serpentes internecantur, apud Aristopha-  
nem. Fraxini folia gestata, cuius arboris ad venefica ani-  
malia interficienda tanta est potestas, vt ipsius vmbra  
licet spatiosam minimè serpens attingat: Rei fidem facit  
quod expertum prodimus, vt Plinianis vtat verbis, lib. 29. c.  
5. si fronde ea gyro claudatur ignis, & serpens, in ignē potius,  
quam in fraxinum fugere serpentem. Mira benignitas natu-  
ræ, priusquam ea prodeant, florere fraxinum, nec ante con-  
ditas folia dimittere, vt grauissimus auctor Ruellius pro-  
bat, ex Didymi sententia lib. 1. c. 82. Ita in hunc vsum opi-  
ulantur lapis gagates, iuniperus, ebulus, ex Arduino lib.  
5. de vener. c. 2. Ita nasturtium, dracunculus maior, origa-  
num, peucedanum, polium, znanthe, lysimachia, vinum  
conyzites, styrax, cuius fumus in odoriferis syluis sua-  
uissimus ad fugandos serpentes est frequentissimus. In  
cubili stratum, & suffutum abrotonum serpentes fugat,  
ruta, sagapenum, euphorbium, ammoniacum, assa fœti-  
da, aster herba, vitis albæ radix. Demum serpentes omni  
fugantur austeritate, & nocentes spiritus innocentia fu-  
mi graueolentis exagitat. Vramus ergo radices lilij, vn-  
gulas capræ, & alia fœtida, ex quibus halitus horribiles  
eleuantur, qui nidore suo, & proprietate hæc animalia  
perniciosa per aëra volitantia fugant, & interimunt. Cæ-  
tera verò remedia pro hoc vfu salutifera, legat qui velit  
apud Conradum lib. de serpentibus, & omniscium Salma-  
lium in com. cit. c. Plin. qui eloquenti, & lata oratione  
plurima præsidia parant huic vsui  
commodissima.

\* \*

### QVÆSTIO III.

Vtrum homo inter cetera animalia, venenorum, &  
morborum insidiis magis sit obnoxius.

#### COMMENTARIUM.

**S**erpentem veneno icti interiere.] Hominem, animalium  
Somnium superbissimum, ex natua forte, pluribus  
morborum generibus esse obnoxium animalibus cæteris,  
fusse, ac dilucidè, lib. 4. cem. hist. 13. prædiximus, & infra  
parebit ob causas multas. Sed hoc à veritate alienum esse  
videtur, nam obstant contra hanc doctrinam argumenta  
duo irrefragabilia, quæ ipsum à morbis, periculis, & vene-  
norum insidiis ostendant magis immunem.

Primum, nonne animal hoc est prouidum, sagax, mul-  
ti-plex, acutum, memor, plenum rationis, & consilij? Qui-  
bus dotibus præditum euitare pericula poterit? Nonne  
summus ille Architectus hominem non solum celeritate  
mentis ornauit, sed sensus, tanquam satellites attribuit,  
ac nuncios, & illi rerum plurimarum obscuras, & neces-  
sarias intelligentias inculcauit, quibus instructus optimo  
posset vti regimine, & ductu naturæ imminetia mala  
declinare? Nonne cæteras an. mantes abiecit ad pastum,  
& tanquam diuinum animal erexit, & ad cœli, domici-  
lijque pristini conspectum excitauit, vt terrestria auerte-  
ret? Cur ergo si hominem tantis donis insigniuit, & ha-  
bilem fecit vt Deum coleret, eum miseriis, & morbis fre-  
quentius scaterere asseuerabimus?

Hoc modo Ouidius lib. 1. metam. Hominem vocauit  
sanctum, Plato in Tim. religiosissimum. Aristoteles 30.  
probl. 5. tradidit, solum hominem Deum venerari, cui  
propterea sit credendum potius, quam animantibus cæ-  
teris. Et Cicero lib. 1. de legibus, nullum esse animal præ-  
ter hominem, quod habeat notitiam aliquam Dei. Qua-  
re rectissime Lact. Firmian. lib. 3. de fals. sapiens. 10. de-  
monstrat non tam rationem homini esse propriam, quam  
religionem, quod etiam persequitur lib. de ora. Dei. cap. 2.  
& 12. nam mentis est capacior, quod summus ille le-  
gislator, Dei numine afflatus prædixit, Genes. 5. cap. 7.  
& 8. ad imaginem Dei fecit illum. Lege de hominis  
præstantia orationem Melchioris Fleckij elegantis-  
simam, & synopsis de hominis excellentia Iosephi Pha-  
uorini.

**H**oc modo erecta facie hominem formauit, quæ figu-  
ra nulli generi animantium, etsi nobilissimo, con-  
cessa fuit. Idem iure Ouidius eodem lib. decantat pul-  
cherrimè.

Pronaque cum spectent animalia cetera ter-  
ram.

Os homini sublime dedit, cœlūque videre  
Iussit, & erectos ad sidera tollere vultus.

Quare hoc factum? Depromit causam Orator sapientis-  
simus, lib. 2. de nat. Deor. vt primò hi excitati, celsi & ere-  
cti, Dei cognitionem, cœlum intuentes capere possent:  
Sunt enim è terra homines, non vt incolæ, atque habita-  
tores, sed quasi spectatores superarum rerum, atque cœle-  
stium, quarum spectaculum ad nullum aliud genus ani-  
mantium pertinet.

Insipiens vetus Poëta Lycurgus, qui non valdè realia  
hominem differre à bestiis scripsit, sed figura, quod pro-  
næ in terram cæteræ, ipse belua est erecto corpore.  
Aristot. lib. 2. de part. animal. cap. 7. & Senec. cap. 13. recti  
hominis hanc esse causam scribunt, quoniam habet loca  
cordis, & pulmonis calidissima, idè sanguine plenissima:  
Plurimum, inquit, cerebri omnium animantium habet pro  
corporis mole, & mares magis, quam femina, quoniam loca  
circa pulmonem, & cor abundans & calore, & sanguine, qua  
etiam causa est, cur solus inter alias animantes sit rectus, cum  
exuperans natura caloris suo impetu à medio ad superiora  
efficiat incrementum.

Hanc rationem Cæl. Lact. enucleauit lib. 2. de orig.  
err. cap. 10. Postea tamen cap. 10. hanc etiam assignat  
XXx 3 quod

quòd solus ex omnibus animantibus nobis notis, est particeps diuinitatis, vel quòd eius natura, & substantia est diuina: Officium autem Diuini est intelligere, & sapere: Sapere verò non est facile, quos moles premit corporis: Grauitas enim, ac pondus tardiores efficit, segniorèque mentem, ac sensum communem. Intellexit hanc eandem rectè staturæ rationem, Iouen. sat. 15.

*Cuius egent prona, & terram spectantia mundi,  
Principio indulsit communis conditor illis  
Tantum animas. Nobis animum quoque, mutus ut nos,  
Affectum petere auxilium, & prestare inberet.*

Manil. Astron. lib. 4.

--- Genitricque accedimus astris,

*An dubium est habitare Deum sub pectore nostro?*

*In cælumque redire animas, cælòque venire.*

Et mox sic cecinit.

--- Stetit vnus in arce

*Erectus capitis, victorque ad sidera mittit  
Sideros oculos propiusque aspectat olympum,  
Inquirisque Iouem, nec sola fronte Deorum  
Contentus manet, ac cælum scrutatur in alto,  
Cognatumque sequens corpus se quarit in astris.*

Ita Laët. lib. 6. de opific. Dei, cap. 8. cum igitur statuisset Deus ex omnibus animalibus, solum hominem facere cœlestem, cetera vniuersa terrena: hunc ad cœli contemplationem rigidum erexit, bipedemque constituit. Et lib. de falsa sapientia, cap. 12. Idcirco enim soli animantium ad aspectum cœli erecti sumus, ut summum bonum nostrum in summo Deo esse credamus, scilicet ut eadem spectaret, unde illi origo est: illa verò depressa ad terram, ut quia nulla his immortalitatis expectatio est, toto corpore in humum proiecta, ventri, pabulòque seruirent. Hoc firmant Seneca, epist. 92. & lib. 5. quæst. natural. cap. 15. Cicero lib. de consol. & expressit Cornelius Seuerus in Æna his carminibus, ex emendatione Iosephi Scaligeri.

*Non digesta pati, nec aceruo incondita rerum,  
Sed manifesta notis certa disponere sede,  
Singula diuini est animi, ac incunda voluptas:  
Non oculis solum pecudum miranda videre  
More, nec effusis in humum graue pascere corpus.*

Baptista Mant. in somnio Rom. Sic fatur.

*Taliter humanas Deus ad cœlestia mentes  
Contemplanda vocat, terramque infestat, ut altum  
Arbera queramus, ratione carentia prono  
Qua vultu pascuntur, humum, mortalia supra  
Nil sperare licet, nobis domus ultima cælum.*

Alias, autem causas, ob quas homo figura incedat erecta, lege apud Galen. 3. de usu part. 7. Explicant ingenue Laurentius lib. 1. de re anatomic. c. 2. Beuerouicius in sua idea medicina veterum, in præfat. Si ergo homo natus est ad mundum contemplandum, & imitandum, & creatus erectus, ut cælum inspiceret, cur plurimis morbis, & periculis eum fecit obuium, quæ ab his operibus ipsum vehementer distrahunt?

Deinde illud facit argumentum maximum, quòd homo sicut constat ex corpore, sic & ex anima, quæ est æterna, nobilis, diuina: nam hominem non esse corpus, illud argumento est, quoniam hoc vtimur ut instrumento; neque item est vita corpori propria, & annexa, quando hæc nobis est cum brutis quoque communis, & quia huic nonnunquam ratio ipsa, per quam ipsi sumus, aduersatur, & imperat. Non porro quiddam ex corpore, & eius vita propria consurgens, hoc enim est animal. Non denique ex anima rationali, & viuente irrationali coniunctum, quoniam ex indissolubili, & dissolubili vnum confici nequit.

Est ergo homo, anima, id est, substantia incorporea, rationalis, ex diuino quidem intellectu existens, in se verò consistens, corpori autem non inhærens, sed potius assistens atque ipse sui præsentia vitam producens in corpore ex qua & ipso compositum, animal appelleretur. Anima enim teste Philosopho in lib. de anima, est actus primus corporis physici organici in potentia vitam habentis: seu (vt alibi testatur) est principium quo viuimus, sentimus, mouemur, & intelligimus. Quare anima in se ipsa essen-

trialiter est actus in corpore organico, tribuens illi esse formale, neque solum est perfectio, & actus primus, sed omnium actionum principium. Quare licet abstrusa nimis, sensibilibusque abditæ animi essentia sit, tamen solis operibus proditam mens nostra eam vider, ac eius naturam peruestigare potest. Quare omnium actionum quas quotidie obimus, aliqua causa esse debet, hæc est temperies, sine qua anima munera sua non proferat, sed totam vim in anima esse constat: Nam anima est causa prima omnium actionum corporis nostri.

Anima rationalis, cœlestis est, & angelicæ substantiæ, & in ea est diuinæ maiestatis sedes, est enim immortalis: Sicut enim corpus ex materia, & quantitate passuum, inhærentem sibi qualitatem reddit subiectam corruptioni; ita Deus & Angelus ætæni, animam sibi proximam, & à corpore segregatam diuinitate sua efficiunt immortalem. Sed in hoc maximè immortalitas eius apparet, quòd oportet primam ipsam rerum materiam, quæ mouetur, & formatur ab anima, perpetuam esse.

Anima deinde est à Deo super materiam, vt eam non attingat elementorum procella, & iniquitas certantium qualitarum. Præterea cum indiuisibilis sit, diuisibiles, & corporeas non suscipit qualitates. Potissima insuper conditio est, cuius virtute anima sit semper, ea non est per respectum aliquem ad corpora, quorum adiumento non eget, sed respectu ad causam primam vnde descendit, quia à Deo vnico procreatur, & ab eo accipit esse sine medio, si relictis Plotino, & Proclo, animam fieri ab Angelo arbitrantibus, sequamur Dionysium Areopagitam, & Origenem, Platonicos excellentissimos: quoniam est essentia, & vita, & totum quod est in ea, est vita. Quapropter corpore est longè præstantior, quia in ea diuinorum imagines refulgent, & ipsa format, continetque totam machinam corporalem, & diuinam, & corporalia conciliat inuicem. Omnes ergo hæc dotes animam esse sempiternam ostendunt, quæ secundum Theologos proximè ad naturam accedit Angelicam, ratione intellectus, originis, imaginis, cognitionis, & beatitudinis. Quomodo ergo poterit homo esse subiectus corruptioni, si ipsi anima assistit, cuius vi, & ope ab omnibus iniuriis defenditur?

Si verò ex altera parte argumenteris, hominem licet omnes mundi perfectiones in se vno comprehendat, vitro esse fragiliorem, ærumnis plenum, calamitatibus oppressum, & tandem in pericula, morbos, venena, exitium denique, & mortem quotidie in horas, magis ac magis rueri, & sese præcipitem dare inuenies. Quamuis autem maiori sit opus sapientia, vt quisque nostrum, quibus ruinis homo pateat perspicere valeat, tamen in præsentia promere iam enitar, quæ mihi Medicorum magistra lectio suggerit, ex qua velut cella prosa, vitam doctrinam hauriemus.

Postquam in aluo mulieris ipsius semen, quod à toto viri corpore antè defluerat, traxeratque secum formatricem vim ab anima viri, per hanc ipsam vim diebus quadraginta sic fuit affectum, vt sex primis diebus lac euaserit, nouem sequentibus sanguis, decem aliis caro, quindecim fuerit figuratum, tunc anima creatur, atque corpori infunditur. Hæc, quæ est medium rerum, iussu Dei, qui est mundi centrum, in punctum cordis medium, qui est centrum corporis primum infunditur, inde per vniuersa corporis membra se fundit, quando cursum suum naturali iungit calori, per calorem spiritui corporis, per hunc spiritum immergit se humoribus, membris inserit per humores. Denique per morbum solutis iis mediis statim sese colligit, refluatque in cor, vnde primum effluerat. Cordis extincto calore, quod proprium erat illius receptaculum, cor deserit, & aduenit mors.

Insuper corpus generatur ex semine & sanguine; omne enim quod gignitur, ex aliquo, & ab aliquo generatur. Semen principium est, à quo tanquam ab efficiente, & opifice fit conformatio, & ex quo velut ex materia partes spermaticæ generantur: sanguis verò maternus, materiz solius, & passui principij rationem habet; ex eo enim carnosæ partes, & generantur, & nutriuntur.

Partium

Partium confortationem si descriptam scire aues, eam A Laconicè proposuimus sic accipe. Quæ prius in semine sopita erat, & veluti intercepta generandi facultas, calore, & ingenua vteri proprietate suscitata, statim in actum erumpit. Tunc nobilis, & diuina illa architectrix opus suum aggreditur, & idoneum functionibus suis edendis sibi ædificat domicilium, id autem cum sine organo præstare nequeat, spiritu, quo vndeunque spumofum turgit semen, tanquam opifice, & pictore ad singularem partium delineationem utitur. Spiritus hic per totum seminis corpus vagatur, & quoquoersum se diffundit. Hic est spiritus, qui ( vt dicebat Mercurius ille Trimegistus, ) omnem viuificat in mundo speciem, omnia dispensans, & omnia veluti primum instrumentum gubernans.

Hic in seminis molem, sensu quidem vniformem, sed reuerà heterogeneam dum agere incipit, dissimiles eius partes primum secernit, tenuiores quidem, nobiliores, & magis spirituosas intrò recondit; crassiores verò, frigidiore, & viscosiores, quas fœmineum semen ferè semper suppeditat, extrinsecus obducens, ab his frigidioribus formationem inchoat, & sic membranas effingit, mirabilique providentia elaborat, quarum ope nobilior seminis pars obuallatur, & interni concluduntur spiritus, ne ob tenuitatem facillè euanescent. Qua ratione membranz solùm duæ in humano fœtu reperiuntur, prima vocatur chorion, secunda amnios; illa neruosa est, valida, & omni ex parte fœtum ambit; hæc substerniculi instar venas omnes, & arterias vmbilicales fulcit, & sustinet: in ea, massa quædam carnea coryledonum vicem gerit, ex infinitis venarum, & arteriarum ramusculis miro artificio implicatis, & sanguine affuso contexta, quam placentam Recentiores vocant. Deinde simul iaciuntur partium fundamenta, tres bullæ, & mille filamenta. Septimo die omnium spermaticarum partium rudimenta conspicua sunt Hippocrati, qui diuino afflatus numine, primus omnium hæc omnia prodidit: Nobiliores, & magis necessariae perficiuntur, vt iecur, cor, & cerebrum, & eorundem arteriæ, ac nerui: deinde solidiores partes & duriores simul quidem figurantur, sed non simul perficiuntur, vt costæ, gena inferior, auricularum ossicula, clauis, quæ primis diebus ossæam acquirunt naturam; brachij, tibiz, & femoris ossa posterius; postea, carnosæ partes conformantur.

Fœtus in vtero coërcitus, & in ipso velut in proprio centro locatus, sanguine purissimo nutritur, non per os, sed per venam vmbilicalem attracto, quem mutat, & alterat concoctione vna: nam rationabilius est tertiam in illo fieri coctionem: Quid enim chylosi, quid noua hæmarosi opus est? quum sanguinem maternum hauriat, eumque elaboratum valde, & excoctum, qui in maioribus & exilioribus vasis iterum defæcatus, ipsi fœtui alimentum præstat salutare, & alendis partibus maximè idoneum, & necessarium, cuius beneficio accrescit, perficitur, & ad iustam molem accedens, quum grandior sit, calcitrat & membranas distumpens viam sibi parat, & in lucem exit.

Sed accedamus propius ad institutum nostrum, videamusque ex quibus principiis diuinum illud animal, plenum rationis & consilij, quem vocamus hominem, generetur. Nam elementa, ex quibus componitur inter se inuicem debacchantur, mutuo deerant, & corpus nostrum diuersimodè alterant. Aër variè immutat, quum continuò hauriatur in viscera, ambiatque nos; quare si frigidus est, innatum ignem diminuit, si calidus, resoluit; si succus, absorbet; si humidus, suffocat. Ignis internus, qui in calore viuifico consistit, humidum depopulatur, & nos perimit. Aqua frigiditate sua calori aduersatur, eumque extinguit. Terra, siccitate sua exprimit humidum, quo absumpto euolat calor.

Ad hæc. Quis cogiter quàm sit pessima menstrui sanguinis, ex quo generatur homo, conditio, & virulentia, quem esse venenosum firmiter opinantur Plin. lib. 2. c. 15. & lib. 28. cap. 7. Columel. lib. 11. de re rustica, c. 11. Ælianus, Ferneliu, & alij.

Contemplemur deinde, quàm laboriosa sit eius gestatio in vtero, & quàm diris cruciatibus, & morbis ipse dum tenellus est, & adultus sæpe prematur. Hoc ostendit diuinissimus Hip. lib. de octimestri partu, numer. 2. dum sic ait: quare multi iam pueri principium morbi intus nati prodierunt, & consequenter alij perierunt, alij morbi supervixerunt, &c. Causam reddit idem solertissimus Magister lib. illo aureo, & ineffabili de natur. puer. num. 22. Alimento autem, & augmentum puerorum fit, ubi ea quæ à matre veniunt in vteros processerint, & proxi mater habet iuxta sanitatem, aut debilitatem, sic & puer habet. Quare cum vtero gerens grauissimis vitiis, & morbis truculentis laboret, euidenter patet, ipsum, cum sanguine materno alatur, plurimis, iisque exitalibus affectibus in vtero premi: grauidas autem diris ægritudinibus vexari, testatur Hip. lib. de morb. mulieb. passim, & eius mentem interpretatur doctissimus Mauritius Cordæus. Hi sunt picaceus appetitus, quo retro morbo correptæ, lutum apperunt, testas, carbones, calcem, arenam, salem, gossipium, & alia absurda alimenta continuò esitant, ex quibus sanguis generatur spurcus, & fœdus, qui puellum inficit labe dira. Vomitus assiduus eas corripit cum inappetentia coniunctus, quo fit vt ipsæ esca conuenienti orbatæ, fœtus imbelles gerant, & mille calamitatibus obnoxios, maximè cum ventris dolore, cordis salui, syncope, rufi, anxietudine, sanguinis profluvio vterino, & aliis pathematis assidue vexentur.

Quid proferam occasiones varias, præsertim externas, quarum vi, ac sæuitie fœtus in vtero perit, & extinguitur, & concitatur abortus, vt febris vehemens, alui profluvium, sanguinis vacuatio immodica, expurgans medicamentum, vel quoduis aliud acre & efficacius pharmacum, C saltus, ictus, clamor, ira, tristitia, timor, terror, inedia, subitus casus, res ardentè concupitæ, & denegatæ, exercitium immodicum; tunc enim vel spiritus cum sanguine vacuantur, vel ad partes internas subito recurrunt, & sic innato calore deferente vterina vasa, ipsa flaccida reddita fœtum continere nequeunt. Præter hæc, etiam concitant, teste Fernelio lib. 6. pathol. cap. 17. violenta saltatio, durior equitatio, aut vectio, grauioris oneris gestatio: quæ prius prædixerat Auic. 21. 3. tract. 2. cap. 8. quod & aliquando contingit, subito audito tonitru, vt probat Vidus Vidius lib. 1. de curat. membrat. cap. 32. Demum ex veste nimis arcta, vt notat Mercurialis lib. 1. de morb. mulier. cap. 4. Denique, quid magis funestum est, quàm D vtero gerentes ad odorem extinctæ lucernæ abortire, vt scribit Arist. lib. 8. de hist. animal. cap. 24.

Quid referam de fœtu, qui à supradictis causis in vtero emoritur, ex quo retento, putrescente, & aliquando corrupto eleuantur halitus horribiles, qui in ipso veluti in cloaca coërciti, partesque superas lancinantes, immania excitant tormenta, vnde acerbi cruciatus, anxietas ingens, delirium, & alia ferina symptomata propullulant, quæ sæpe inexorabilem mortem, & vitam amaritudine plenam repræsentant.

Quid palam faciam horrenda mala, quæ fœminas in partu circumdant, quot dolores, quot miseriæ, quot angustię: si enim in partu naturali tanti adsunt cruciatus, quantò magis in præternaturali, in quo violenter mouentur humores, exagitantur spiritus, delirium superuenit, adsunt vigilię, vmbilici, pubis, & ossis sacri immania tormenta infestant, & excitata hæmorrhagia nimia vires labascunt, & sæpe animi deliquium cum syncope coniunctum, ipsas in certam mortem præcipitat.

Quid commemorem morbos feroces, qui infantem comitantur, postquam creatoris auxilio hæc inenarrabilia, & stupèda mala priora euasit. Ea Laconicus vir Hippocrates more suo proposuit lib. 3. Aph. per multas sententias; dum enim narraret morbos, qui in vnaquaque ætate contingunt, in sententia 24. sic inquit. Parnis, & nuper natis puerulis oris ulcera, ( quæ aphthæ vocantur ) vomitus, tusses, vigilie, pauores, vmbilici inflammationes, aurium humiditates, & sent. 25. In progressu verò cum iam dentire incipiunt, gingiuarum prurigines, febres, conuulsiones, alui profluvia,

*& maxime cum caninos edunt dentes, & iis præferim pueris, qui crassissimi sunt, & alius duras habet, & sent. 26. Cum vero magis adoleuerint, tonsilla, & vertebra, quæ est in occipitio, ad interiora luxationes, crebri anhelitus, ( quos Græci asthmata vocant ) calculi, lûbrici, rotundi, ascarides, verruca (quas Græci atrochordonas vocant) satyria, straguria, struma, tubercula, & in sent. 27. Grâdioribus, & iam accedentibus ad pubertatē, plurima ex his, & febres diuturna magis, & ex naribus profusio sanguinis, & sent. 29. Iuuenibus sanguinis spuitiones, tabes, febres acuta, morbus comitialis, & alij, sed præcipuè antedicti, & sent. 30. Ultra hanc ætatem progressis asthma, morbi laterales, pulmonis inflammationes, lethargi, phrenitides, ardentes febres, diuturna alui profusio, cholera, difficultates, & laniationes intestinorum, hamorrhoides, & sent. 31. senibus spirandi difficultates, distillationes cum tussi, urina stitilicidia, urina difficultates, articularum dolores, & renū, vertigines, apoplexia, habitus corporis deprauatio, pruritus totius corporis, vigilia, alui, oculorum, & narium humiditates, visus obfus, glaucedines, auditus graues. Quare si totum vitæ humanæ spatium percurras, in eo miseriarum, & truculentorum morborum turgentes fluctus reperies.*

Quid conscribam duo illa fortissima tela, quorum vi, ac sauitiæ humanum genus immisericorditer opprimitur, & concutitur? Primum vocatur exanthema, hoc variolas, & morbillos comprehendit: hæc mala in omni ætate, sed frequentius in pueritia inuadunt, quia tunc natura sanguinis menstrui reliquias, à quibus oriuntur, crisi quadam ad cutem, velut ad partem debilissimam excernere satagit, ante quorum eruptionem formidabilia accidunt symptomata, & quod peius est, ipsis iam sicciscentibus, & velut ad cicatricem perductis, supervenit crudelis dysenteria, ferini pullulant abscessus, diæ rufles exoriuntur tabem comitantes, & tandem vlcibus, & tabo suffocatus æger miserissime vitam finit.

Secundum est inhumanum illud morbi genus, immò immane, deleterium, insuperabile, ad coercenda hominum flagitia à Deo optimo permixtum, quod septemplex hydræ instar, ut inquit Clarissimus Manardus lib. 17. epist. 7. turbulentis, funestis, miserandisque symptomatis, foedis vlcibus, calpis, dolore intolerabili, gulæ, pudendique carcinomate, febri puilla, tabe, vigiliis, ossium corrosionem excruciat, & tandem perimit. Denique si omnes morbos quorum efficacia, in hac miserabili vita, aliisque venenorum insidiis sæpissime premuntur mortales, enarrare aggrediar, prius apimus, & vita deficient, quàm illorum numerum describere queam.

Ex hac ergo perenni, indicibilique morborum strue, qui incessanter genus humanum fatigant, colligere possumus, quàm sit vita nostra miseriis, calamitatibusque obstita; maximis laboribus, assiduisque ærumnis oppressa. Hoc ira esse experientia confirmat, & præpotentis Dei execratio facit, Genesis, cap. 5. commemorata. Quare à Philosophis, Cicerone, Seneca, & aliorum exemplis multifariis, vita nostra vocatur fabula & ludus, homo appellatur histrio. In hunc modum, prudentissimus Cato in initio dialogi de senectute, fabulæ partibus, vitæ nostræ partes rectissime contulit; quod argumentum eleganter, atque vtiliter Stoicus Epictetus, siue in eius enchiridio Artianus interpretatur, cap. 3. Hoc egregio disticho Pallas argutissimus epigrammatum scriptor, Epicteti sententiam expressit.

*Vita quid est? locus & ludus, vel ludere discere,  
Cris sepelitis, vel cruciari miser.*

Certamen plenum miseriis est vita mortalium, quam præclare declarat Menander apud Stobæum serm. 120. & explicat perdoctus Nonnius à Costa Lusitanus lib. 2. de quadruplici hominis ortu, prope finem. Huc spectat illud priscorum Philosophorum elogium, asserentium vitam nostram esse globum, seu rotam miseriarum plenam, quod omnia sursum, atque deorsum voluantur miseriis; quo pacto tragœdia est vita nostra, aut comœdia, aut porius utrumque: Tragœdia, quod quæ nobis bona vitam beare videntur, ea tandem sempiternæ sint infelicitati. Comœdia, quod qui vagiætes, & lugentes in hanc quasi scenam introimus, egrediamur miseri, & tristes. Vel potius in hac vita Democriti persona, & Heracliti sit admittenda,

Ac si his duobus vacare nunquam possit hæc vita, & sapienter ad utrumque Græcum illud Hexastichon ad ridendum humanarum rerum varietatem, & ad flendum illarum miseras politissimis versibus decantat Bartholomæus Simoneta doctus vir, in hunc modum.

*Desse hominum vitam plusquam, ô Heraclite, sclebas,  
In lachrymas totos solue age nunc oculos,  
Concute maiori spem, Democrite risu,  
Et toto resonans ore cachinnus hiet.  
Vita fuit nunquam post condita secula mundi,  
Et risu pariter dignior, & lachrymis.*

Ergo vita nostra, ridicula fabula est, plena luctu, & miseriis, immò mors, ut politissimus tradit Leonardus Coquæus in com. epist. 24. Senec. Iccircò ne miretis, si homo, planta potius cœlestis, & animal propè diuinum, ex anima præstantissima compositum, tot morborum generibus, tot venenorum insidiis ab intrinseco, & extrinseco scaturientibus vbertim sit expositus: & Galenus in hac historia confirmat, dicens, non animalia, non plantas, non victum, tam numeroso exercitui necessarium, à virulenta volantium serpentum aura fuisse infecta, sed solos milites earum perniciosus ictibus concussos, aut vapore deleterio per aërem sparsio foedatos, & oppressos occubuisse narrat. An verò venenosis morbis, aliisque ærumnis scæminæ sint viris plus obnoxia, quia frigidiores, debiliores, imperfectiores, responderi posse affirmariue non dubito.

## HISTORIA IV. GALENI, De Scorpionis ictu.

Ab Scorpione ictus, frigidum exudans, debitis auxiliis, difficulter tamen, sanatur.

**P**raterea marina turtur, sicuti & terreni scorpionis aculeus, quâvis in exiremam illam, acutissimamque partem finiatur, ubi nullum foramen est, per quod venenū eiici possit: necessarium tamen est ut excogitemus, substantiam quandam inesse illi, aut spiritalem, aut fluidam, quæ ut mole minima, ita facultate est quàm maxima. Siquidem cùm nuper fuisset quidam ictus à Scorpione, videor mihi esse, inquit, percussus grandine, eratque omnino frigidus, frigidoque sudore persusus, & sine motu. Quippe ubi ex ista parte per totam ipsam celeriter distributa fuerit veneni vis, contingit eam, eodem rursus contritus, in singulas subiectarum ei partium recipi, mox ex illis in alias continuas, donec in aliquam pervenerit principem, quo tempore moris periculum instat. Ad hanc rem imprimis conferunt vincula partibus supernis iniecta, abscissioque partium venenatarum, &c. Galenus lib. 3. de loc. affect. cap. 7.

## PARAPHRASIS.

**T**anta est perniciosarum ferarum, quæ aculeo venenum iaculantur, efficacia, & fraudulenta potestas, ut si partem quampiam ictu suo venenato lancinent, illico eam emori sit necesse. Et licet Scorpio ex infectis acutum habeat aculeum, sine foramine villo, ira ut non videatur posse virus aliquod infundere, tamen mortifer est, gravissimamque symptomata inducit, hæcque vel spiritu quodam, vel tenui humiditate iniecta, vel qualitate venefica communicata, quæ primò vulneratam partem mutat, deinde proximam, quousque ad cor accedat, ipsi exitium paratura.

Scorpij varia sunt significata: Nā dicitur scorpius cœleste signum Zodiaci, quod Sol ingreditur 14. Calendas Nouembris, qui propter magnitudinem membrorum in duo signa diuiditur, quorum vnus effigiem nostri libram appellatur. Dicitur scorpius piscis, apud Plin. lib. 3. 2. c. 11. & Aristot. 5. de hist. animal. c. 9. Dioscorid. lib. 4. cap. 194. Gesnerum lib. 4. de piscib. cap. de scorpio marino. At scorpio animal varius est natura, de quo Elianus lib. 6. cap. 19. Arist. 4. de hist. animal. 7. & 5. lib. cap. 26.



Scorpij mares nocentissimi sunt, foeminae multò remissiores: non enim earum virus ita est perniciosum. Eorum nouem facit genera Arist. 5. de histor. animal. cap. 26. subscripsit Plinius lib. 29. cap. 4. Album, fulvum, fumosum, nigrum, viride, ventricosum, cancri simile, infestissimum quod flammeum appellant, alatum, & aliud duplici armatum aculeo, aliud quod septem habet internodia; quæ omnes differentiz ex colore colliguntur: ex quo non esse sumendum varium temperamentum, ut contrà aliqui putarunt, ostendit Auerrh. lib. 5. collect. cap. 26. Quoniam color positus est in superficie corporum, ex quo non esse sumendas substantias remediorum, neque ipsorum temperamenta, ex Auerrhoë probat Mercurialis lib. 2. de morb. venenos. cap. 4.

Scorpius insectile est animal, sanguineum, viniparum, neque oua, immò foetus viuos in lucem edit, ex Arist. loc. cit. Sed tantæ est virulentia, & perniciæ, ut mala qualitate per alterationem partium transmissa, & cor, principisque partes vehementer immutante, & confluentibus sanguine, & spiritu ad cor, cæterisque partes internas, extrema frigeant, & sudore frigido madescant, stupentes veluti, & emortuæ: non quòd scorpionum venenum frigidum sit, quod modò non controuertit, excussum iam à Mercuriali lib. 2. de morb. venenos. cap. 4. Ludouic. Lemosio in com. c. 3. lib. 4. Gal. meth. medend. diff. 1. qui commoti sententia Gal. in hoc. loc. 5. Nam pone, se iam scorpionis venenum frigidum vi esse, sumamque veluti à frigido, remedij indicationem, & id frigidum esse arbitrantur; sed quoniam aura venenosa insitum partium calorem veluti extinxit. Lege quæ de serpentium temperamēto diximus lib. 2. in com. hist. 7. 2.

Scorpionis ictum significant, ex Dioscorid. sententia lib. 6. cap. 4. vulnerati loci inflammatio, tumor, ruber, durus, ac vicissim dolore premittitur, ac stupor: si ictus fuerit in partibus inferioribus tumescunt inguina; si in superioribus, alæ; corpus frigidum, ac si esset grandine percussum, deinde efferuescit. Accedunt horrores, tremores, rigent pili, discolor fit cutis, dolor tota cute adest, ceu acus confossionibus factus. Nec mirum. Declarat hoc Petrus Apopenus libello de venenis, cap. 3. quum inquit. Venenum perniciosum, ac destruentem vim cordis habet: Quidquid attingit in corpore humano, hoc conuertit in suam speciem venenosam, & seipsum ita multiplicat, inficiendo humiditates nostri corporis in venenosam naturam, qua multiplicata augetur virtus veneni. Geometricum enim est axioma: Geminata quantitas auget virtutem, unde paucillo veneno absorptio, quod transformatur, quidquid attingit in sui simile, augetur virtus eius: ita ut per facile ratione continui, cuius ultima sunt vni, paucillum veneni cor ipsum attingens in venenum conuertatur. Vnde vitalis spiritus organum non habens idoneum, & inoffensum, in quo resideat, cedit formæ veneni, relinquitque cor, & corpus absque motione, id quod ipsissima mors est.

Scorpionis ictus curatio consistit, primò in dilatando plagam; quo facto desuper medicamenta imponere oportet, quæ foris venenum extrahant, & huius veneni vires mirè refringant, suæque proprietate illi relictentur, maxime si adsit delirium, & perpetua rerum obliuio comiteatur; nam tunc signum est, quòd à nigro, & ieiuno Scorpione ictus fuit inflicus, præsertim si sit tempus æstiuum, ut firmiter Dioscorides loc. cit. Plin. lib. 21. cap. 25. Amat. 6. cent. 31. Beniuen. cap. 56. de abditis, Thaddæus Dunus miscellan. cap. 9. Peculiariter resistunt Asparagum in vino elixatum, aqua raphani, de qua tot mirabilia prædicat Serapio lib. de simpl. cap. de raphano: subscribit Rhafis 20. continent. cap. 2. Theriaca Andromachi, & diatessaron etiam strenuè iuuant, sicut epotum balsamum; cætera verò quæ extrà apponi solent, præter vincula, & partium abscissionem, ne altius vis veneni penetrer, descripta fuere suprà in com. hist. 1. Proponunt Cardanus lib. 3. de venen. cap. 10. & præter Gesnerum, & Aldrouandum,

Thomas Moufetius doctissimus lib. 2. de

insectis, cap. 10.

\* \* \*

## QVÆSTIO IV.

Vtrum facultas vitalis, & animalis qualitate diffundantur per nervos, an cum substantia spiritus. Contra Vallesium, & Argenterium doctissimos.

## COMMENTARIUM.

**E**T sine motu.] Multa sunt, inquit Dioscorides loc. cit. & referunt scriptores, quæ ex ictu Scorpionis scaturiunt symptomata dira, & terroris plena, inter quæ numeratur membri immobilitas, stupor, & quædam veluti mortificatio, resolutio videlicet spiritu insito, & extincto à venenata aura. Sed obiciet, si vis animalis influit qualitate, licet exhaustus sit spiritus connaturalis partis, motu illico non destitueretur, quoniam natura sagax mittit nonas vires irradiatione facta: Dic, venenum partis insitum calorem, quin facultatē animalē prorsus extinxit, communicato noxio vapore, vnde totius corporis sequuta immobilitas. Quapropter mihi temperare nequeo, quin huic potissimū parti appingā, quod ex hac historia suggeritur appositissimè, agitemque vtrum facultas animalis qualitate tantum influat per nervos, an cū substantia spiritus: In qua quidē difficultate princeps Medicorum Galenus, & magister amplissimus, etsi spiritū agentis animæ instrumentū esse persæpe affirmet, & per omnia organa transire, omnesque animæ operationes facere asseueret, ut patet 7. de placit. 3. & 6. epid. sect. 3. com. 5. & lib. de vilit. respirat. c. 5. manifestè tamen lib. 1. de loc. affect. cap. 6. mentem aperuit, facultatem scilicet animalē excepta visiva, sola irradiatione à cerebro promanare, eamque absque spiritu nervos suscipere: quod ex professo, & apertius asseruit lib. 7. de placit. c. 4. & 1. de sem. cap. 16. & lib. de usu puls. cap. 4. ad fin. ubi inquit. Vitalem etiam vim à corde non cum spiritu per arteriarum cavitatem, quam habent patientem, sed per tunicas sola illustratione emanare, ad modū quo lux per aërem à sote diffunditur.

Si verò quæras, quo fundamento in hanc sententiam deuenit Galenus: dic, quòd existimauit nervos omnes, opticis demptis, cavitare destitui, per quam possit spiritus meare facultatem deferens: cū enim exigui, tenuisque sint, verisimile (inquit) non est, interius esse perforatos; quod tamen requirebatur, ut spiritus, qui corporei sunt, & mediocris cuiusdam crassitie, liberè dimanarent: quoniam verò visorij tantum nervi foramine sensui patente perforati sunt, solam visivam virtutem existimat spiritum ad oculum deportari, non sic autem reliquas animales ad alia membra. Hæc autem opinio suaderetur.

Primò. In instanti quo voluntas imperat, pars corporis remotissima mouetur, simulque ad motum cordis arteriæ omnes etiam extremarum partium. Sed tam repente non mouerentur, si cum spiritu virtutes illæ à suis principiis communicarentur. Ergo sola irradiatione absque materia aliqua influunt, ac proinde tam repente ad longinqua, & extrema loca perueniunt: quod non fieret si cum spiritu fluere, quoniam cū res corporea sit, nonnisi in manifesto tempore ad partes illas poterat deuenire.

Secundò. Si non aliter quàm per spiritum virtutes ad membra deferrentur, tamdiu illæ simul, & actiones seruarentur in membris, quamdiu spirituum copia duraret. Sed secto ubi vis, vel ligato nervo partes infra ligaturam existentes, quantumvis spiritu animali turgant, repente sensu, & motu destituuntur. Non ergo influunt facultates illæ mediantibus spiritibus. Quod similiter de vitali existimandum est, ut manifesto experimento confirmat Galenus libro, an sanguis in arteriis natura contineatur, cap. ult. Si enim in præcisam arteriam secundum illius longitudinem calamus immittas, laqueoque deinde constringas, licet spiritus cum sanguine per calami cavitatem feratur, partes tamen quæ infra laqueum sunt, pulsare omnino desinunt. Quod quidem aliunde non contingit, nisi quia pulsifica virtus, non per cavitatem cum spiritu, sed per arteriarum tunicas, quarum transitus laqueo est interclusus, sola illustratione influit; eo maxime quod immediate

diatè post solutionem, animalis, & vitalis vis quamprimum redeant; non redirent verò adeò momentanee si cum spiritu vhererentur.

Tertiò. Nulla animæ facultas recipi potest in re non animata: quum ergo spiritus sint animæ expertes, erunt incapaces ad recipiendum, deferendumque virtutes. Deinde, si illæ spiritibus mitterentur, spirituum copiam, aut penuriam motiones responderent, nec validæ fierent, nisi ubi foret multitudo spirituum. Sed phrenitici cum paucissimo spiritu animali validissime mouentur. Ergo motus potius ad qualitatis diffusionem, quàm ad spirituum copiam sequuntur: & ex consequenti, &c. Quam opinionem tuentur Vallesius *lib. 2. cont. c. 15*. Argentarius *lib. de som. & vigilia, cap. 4.* & alij.

Oppositum tamen sequitur tota Barbarorum schola, cum Avicenna *1. 1. doct. 6. cap. 4.* affirmante, spiritu quidè primò virtutes recipi, & eo ad membra deferri: unde spiritus ipsos vocant facultatum delatores, existimantque animales spiritus extra cerebrum in nervos commeari, non secus ac vitales suo delationis impetu in totas arterias diffunduntur, secumque deferre facultates ad sentiendi, mouendi que organa. Quæ quidem sententia suadetur.

Primò. Facultas animalis sensuum, & motuum auctor, ex ipso Galeno *7. de placit. 3. 6. epid. & lib. de vilit. respirat.* suprà relatis, videtur spiritibus tanquam suarum actionum instrumentis. Ergo oportet illos simul cum facultate ad organa ipsa accedere. Si quidem non potest agens in actionem prodire, nisi debita approximata habeat instrumenta, & ea præcipuè à quibus magis immediate actio dependet, cuius generis sunt spiritus. Quod si ipsi in cerebro existentes, nec inde prodeuntes, possunt agere in partem remotissimam, cur similiter non ager facultas fixa, & immobilis in suo principio existens? Quare si hæc à cerebro emanat, necessariò ad organa accedit ut operentur, & permixti simul prodeunt spiritus, nec aliter poterunt membra operari.

Secundò. Vbi pars aliqua nostri corporis nimis exercetur, notabilem defatigationem sentit. Sed nulla alia causa potest excogitari, cur pars exercitata ita fatigetur, nisi quia immodica spirituum resolutio facta fuit in ipsa. Ergo simul cum virtute accedunt spiritus ad membra. Nec verò referri potest causa, ad resolutionem in cerebro factam, in quo fortè exhauriuntur spiritus, dum ad mouendi nervi originem demandantur: cum enim defatigatio illa solum occupet partem quæ laboravit, non autè cerebrum, in ipsa est facta spirituum dissolutio, qui per motum absuntur in membris mouentibus: id quod etiam aperte confirmant exercitatorum pulsus, in quibus quidem augentur, & crebrescunt, ex Galeno *3. de caus. puls. 13.* non propter solum calorem auctum, ut firmat Avicenna *2. 1. cap. de puls.* sed etiam multò magis propter reparationem spiritus per exercitium exhausti.

Tertiò. Si facultas animalis non diffunderet cum spiritu per nervorum cavitates, ligati, aut refrigerati nervi non priuarentur facultate: Sed quamprimum illam amittunt, ubi refrigerantur, aut ligantur. Ergo, &c. Ostenditur maior, quoniam ad ligaturam, vel ad refrigerationem, nihil in nervis substantiæ commutatur, sed tantum meatus si qui aderant, angustantur, & densantur. Si igitur per solam substantiam, & non per cavitatem recepissent vim animalem, non obstante ligatura, aut refrigeratione, adhuc reciperent. Quare negari non potest, per cavitates derivari simul cum spiritu: eò maxime, quia nisi ita emanarent, frustra videretur naturam à cerebro deduxisse nervos in corpus uniuersum; siquidem cum caro per se absque alio medio vim ipsam possit suscipere, necessarius non erat ductus nervorum ad solam facultatem deferendam. Aliud ergo intendit natura in illorum constitutione, videlicet delationem spirituum ad partes longinquas: nempe quoniam materiæ, nisi ampla dimittantur via, non possunt in altum corporis penetrare; quod patet in venis, & arteriis ab hepate, & corde deductis, ut alibi dixit Galenus.

Quartò. In deliquio, & timore uniuersum corpus pallescit, nec vis motrix ipsam potest sustinere. Sed hoc non

aliunde contingit, nisi quia animalis spiritus, qui corpus floridum, firmumque, & erectum conseruabat, ex toto corpore confluit ad cerebrum. Ergo præter virtutem, spiritus etiam ad membra deferuntur. Probatur minor, quoniam si sola facultas ad cerebrum retraheretur, ipsaque sine spiritu corpus sustineret, multò magis tempore deliquij influeret, corpusque illuminaret, siquidem tunc multò plus in cerebro lucis à toto retractæ, & illuminantis spiritus continetur.

Vltimò. Vbi utraque vis sensuum, & motuum effectrix per eundem neruum mandatur, fit nonnunquam ut motus amittatur sensu manente, non verò è contra. Cum ergo neruus utramque facultatem receperit, palam est deficere motum, quoniam ad illum maior spirituum copia requiritur. Negari ergo non potest, demandari spiritus simul cum virtute per nervos: aliàs enim cur optici obstructio induceret cæcitatem, si substantia nervi capax esset recipiendi visoriam facultatem citra spiritum: vel si hæc spiritum requirit in organo præsentem ad operandum, cur non aliæ virtutes.

Quod verò in nervis meatus pateant, per quos spiritus rectè possint distribuui, apertissimo testimonio compertum est, cerebri, dorsalis, & opticoe, qui quidem manifesta cavitates sunt perforati. Cum ergo reliqui nervi ab illis sola quantitate differant, & idem munus habeant, credendum est similibus meatibus, licet minoribus esse peruios: nec enim natura, inquit Galenus *6. de usu part. cap. 9.* pro corporis magnitudine, aut paruitate diuersas facit, aut mutat instrumentorum formas. Deinde fidem facit, quod sæpe fit colicæ in paralyfin mutatio, & è contra: nec verò posset frigidus, & crassus humor per nervorum angustias deferri, nisi in illis media cavitates pateret.

Amplectendum ergo est Arabum dogma, cui etiam subscribunt nonnulli eorum qui Galeni partes defendunt, inter quos extant Thomas à Veiga *lib. 1. de loc. affect. cap. 6.* Laurentius *lib. 4. de historia anatomica, quest. 12.* neque enim Galenus omnino negavit hanc facultatis diffusionem cum spiritu, sed non per omnes nervos corporeum spiritum transmitti asseruit.

Neque obstat, quòd nervi perspicuam cavitatem non habeant, qua possint illabi spiritus deferentes facultatem, ut constat ex *15. de usu part. cap. 1. & lib. 1. de sem. cap. 5. & 7. de placit. cap. 4. & 5.* nam quamvis nervorum meatus sensui manifesti non sint propter sui exiguitatem, non euincitur inde nervos ipsos non esse perforatos: nec enim omnia quæ in corpore continentur, sensu assequimur, aut iudicamus, immò verò multa iudiciis, & ratione venamus, quæ sensum omnino subterfugiunt, ut considerandi patebit.

Cum ergo spiritus animalis, utpote tenuissimus, & æthereus, patentem alueum non requirat, ut per seruos possit commeari, nihil mirum si meatus quibus fluit, angusti sint, exigui, & insensibiles: hos verò apertos semper, & ab obstructione immunes tota ferè vita seruari, nec ex leui causa frequentissime ocludi, non maiorem admirationem meretur, quàm multa alia quæ in nostro corpore reperiuntur, & assidue fiunt miro artificio plenissima.

Nec valde vrgent rationes pro parte Galeni adductæ, & prima quidem magis fortè vrgeret, si pro singulis motionibus tantum vis, & spiritus mitterentur, sed cum assidue profundantur, & in sentientibus, mouentibusque membris semper adsint; cumque vno influxu plures possint motiones obiri, non est necessarius nouus virtutis, & spirituum accessus ad membra, ut moueantur, quoniam voluntas imperat, ac proinde in instanti quo ipsa iubet, rectè motus perfici potest, etiam in distante, & longinqua parte.

Ad secundam non est facile respondere, utpote quæ nonnullos oppositæ sententiæ addixit. Et Galenus *7. de placit. 5.* aperte scribit, idèò sectis, vel laqueo interclusis arteriis, vel nervis confestim nos facultate priuari, quia ad ligaturam partes illæ priuantur ea communitate, quam habebant cum principiis, à quibus virtutes assiduam irradiationem accipiunt, luminis instar à sole in ærem derivati.

uari. *Quemadmodum ergo, inquit, si solidum aliquod corpus in medio aeris opponamus, protinus interceptus aer lumine, & fulgore destituitur, ita si nervum præscindas, aut liges, tota ea pars quæ à cerebri continuitate fuerit separata, stupida redditur, quoniam prohibetur facultatis accessus, qualuminis instar continuo influxu à cerebro affluebat, idemque de arteriis dicendum.*

Verum cum non illustratione, sed defluente simul spiritu deriuntur facultates, alia querenda est propositi argumenti solutio. Dicendum ergo videtur, servari quidem virtutes in membris, quamdiu spiritus in illis adsunt; atque ideo nihil mirum, si immediate post solutionem, confestim possint operari, antequam virtutis, & spiritus de nouo influxus fiat. Cur verò non similiter servantur actiones, sed illico pereant ad ligaturam, aut sectionem arteriarum, causa videtur, quoniam liberam non habent, & expeditam cum principiis, à quibus facultates recipiunt, communitatem, non quidem quia ea deficiente, deficit virtus, illustratioque continuo requisita, quemadmodum opinantur illi ( hæc enim præsens adest, ut diximus, quamdiu spiritus adsunt, ) sed quia natura comparatum est, ut nervi cum cerebro, arteriæ cum corde, societatem, unitatemque per liberos canales haberent, ad hoc ut ordinate mouerentur: nec aliter possunt in actionem prodire, alias destrueretur concentus, motumque æqualitas, quæ servari oportebat inter cerebrum & nervos, cor & arterias: propter hanc verò interclusam cum principiis communionem, ligati, vel secti nervi, aut arteriæ non mouentur.

Ad tertiam, in com. hist. 7. infra explicabitur, quid sit quod in spiritu recipitur, & à cerebro, & à corde influit, an animæ vis, potentiæ, aut temperamentum, aut modus ad operandum. Et si illud quidem animæ potentia non sit, sed alteratio quædam, aut modus quo spiritus sit aptus actionum instrumentum, & ad membra accedens ea reddit apta ut hoc, vel illo modo operentur, nihil urget difficultas. Quod si animæ vim recipere, & deferre ad membra dicatur, recipit quidem, ut instrumentum, non ut subiectum, quoniam in solo vivente membro animæ potentia recipi potest, ut in subiecto, quod tantum concludit argumentum.

Ad ultimam, fateamur motus sequi ad spirituum copiam, nec nisi ubi illa datur, validos fieri, & constantes, quales non sunt delirantium, sed quædam tantum furibunda concitamenta à spiritu inflammato edita, in quibus tamen diu non perseverant, ob spirituum indigentiam, defectumve. Si tamen Avicennam cum Galeno conciliare velis, dic facultatem cum spiritu clarissime ad opticos defluere, licet non negarit ad omnes inferiores partes etiam cum spiritu, etsi obscure influere. Vtrum autem per partem externam nervi, an internam feratur cum facultate spiritus, agitatur solenter Laurentius lib. 4. de hist. anatomica, quest. 13.

## QVÆSTIO V.

*Vtrum motu servato possit aboleri sensus, & è contra, ut voluit Galenus.*

**S**ine motu.] Ex aura venenosa, & deleteria, ob ictum Scorpionis, alteriusve feræ virulentæ, posse cerebri vires resolui, spiritum extinguere animale, facultatis ad organa sensus, & motus delatorem, & sic aboleri motum, supra prædiximus: sed cur pereunte motu, sensus remaneat, si per eosdem nervos ex spinali medulla emanantes facultas motiva, & sensitiua communicatur, & causa quæ motum abstulit, debebat etiam sensum auferre, difficultas est ardua, & implicita, quam etsi Galenus lib. 1. de loc. affect. cap. 6. & lib. 1. de sympt. caus. c. 5. eleganter agitauerit, explicentque Iuniores, ut Laurentius lib. 4. de re anatomic. quest. 11. Thomas à Veiga in com. cit. de loc. affect. lib. Vallesius lib. 5. cont. c. 10. tamè obiter Galeni mentem explanant, quum hoc dubium ad paralytis curationem conferat apprimè, & maximè ad historiam 48. propositam lib. 1. & ad hist. 16. lib. 2. quibus Galenus monstrat, Pausa-

niam Syrum Sophistam ex vehiculo decidentem ad dorsi initium, inde in duobus digitis, & medietate medij, sensum illatso motu amisisse. Quo loco per transennam dubij huius solutionem apposui, nunc maturiori calamo ad vmbilicum perductorus.

Nervi à dorso, venarum instar, ita exoriuntur, ut credere quis possit vnumquemque apparentem, vnum esse, non aliter ac venam: non ita tamen est, sed omnes ferè ab ipsomet initio multi sunt constructi simul, ac veluti plures funiculi ad invicem connexi: ratio verò ob quam natura non deduxit singula nervorum vna tantum propagine, disseminationeque, ea est, quoniam cum nervus tenuis sit, & mollis cuiusdam naturæ, medullarisque constitutionis, ac præterea cavitatem etiam habeat, nequaquam in sui progressu, deductioneque multas sustinere poterat divisiones, quales vasa in corpore, & stirpes in terra patiuntur. Quoniam enim oportebat nervos in varias corporis partes disseminari, multitudini providit, educens mox ab initio triginta illa nervorum paria, non vno quidem tapetum caudice singulos, sed numerosa quadam, & infinita ferè propagine, iuxta partium varietatem, ad quas nervos accedere oportebat. Ne verò in via, præ debilitate, tenuitateque sua rumperentur, ad invicem alligavit simul multos, & tanquam funiculos quosdam simul connexit: duabus præterea vnumquemque circumdedit membranis, ita ut plus roboris, & firmitatis compararet, quam ex sua natura habebant. Lege Galænum à Sancta Sophia in lib. 9. Rhas. ad Almanf. cap. de paralyfi, qui de hac re doctè conscripsit.

Sed cum hoc ita sit, non videretur possibile, quod sensus alicuius partis perdat, manente in ea motu; nam si vna tantum est virtus animalis, quæ sensus & motus facit, & ea mediante spiritu in nervo primum recipitur, qui fieri potest, ut ipsamet deficiat & pereat, simulque incolumis maneat in parte eadem? Quod si duplex asseratur, cum idem spiritus sit utriusque vector, ambæque simul, & permixtæ à cerebri corpore, substantiæque emanent, 7. de placit. 3. & in eodem recipiantur nervo, 16. de usu part. cap. 2. ubi docet expressè, nervos omnes utramque habere facultatem, sentiendi scilicet, & mouendi, & 1. de caus. sympt. cap. 5. partes, inquit, quæ per nervum aliquem voluntariè mouentur, eadem protinus sensum quoque per eundem possint. Quare non videtur posse contingere, ut maneat vllus altero pereunte, vel saltem servari nequaquam poterit actio mouendi, quæ robustior est, plurisque vires requirit, ex Galen. 1. de loc. 6. & 7. de placit. 5. & 1. de caus. sympt. cit. deficiente imbecilliori, nempe sensatione.

Ut verò hæc intimius assequaris, adverte, quod sensatio non est simpliciter actio, sed quidpiam ex ea constans, & magis adhuc ex passione, ex Gal. paulò antè citato ( nihil enim aliud est quam impressionis ab obiecto receptæ agnitio, 7. de placit. 14. ) at impressio quidem, seu passio multò melius, faciliusque fit in molli corpore facile suscipiente prædictas formas. Oportuit ergo sensorios nervos, teneros, mollesque creari, ut ita facile paterentur, alterarenturque, quemadmodum necessum erat ut sensus fieret, cit. de placit. cap. 6. è contra verò, cum motus in agendo solum consistat, magis durum requirebat instrumentum, ac proinde motorios nervos sensoriis robustiores, nec adhuc cum eo sufficientes ad illud munus creavit natura, hos quidem, id est sensorios, ut facilius paterentur, & valido sensu pollerent, à tenero, mollique cerebro maiori ex parte, illos à dorsi medulla deducens, cit. de placit. 5. & aliis adductis locis.

Deinde etsi sensorij nervi præ sui debilitate ad motum prorsus inepti sint, non ideo tamen motorij, qui musculis inseruntur, sensu destituuntur, saltem tactus ( licet minorem obtineant, quia propter sui duritiem difficilius patiuntur. ) Ad tactum etiam nervos conferre vniuersos, præterquàm docuit Galenus 16. de usu part. cit. ex eo patet, quia sicuti tactus obiectum, terreum est, ita & terreæ substantiæ nervus omnis, ac proinde datur ea proportio, & familiaritas, quæ inter receptum, & recipiens requiritur, quæque inter alios sensus, & sua obiecta reperitur terram:

terram enim agnoscimus tellure, hoc est terreo instrumento, quemadmodum solo igneo, & aëreo organo, visus, & auditus obiecta percipimus; quia igneam, & aëream habent naturam; de quo pulchrè Galenus 7. de placit. 5. & interiorum per viscera, interiorumque partes iuxta cuiusque exigentiam diffundit, & exteriorum per cutem ad externa occurrentia agnoscenda, ita ut solius, nullius motus essent auctores. Denique & ab spinali medulla, unde nervi omnes qui sub capite sunt oriuntur, 16. de usu part. 2. motores deduxit, & iuxta partes mouendas musculis inserviit, qui propriè sunt mouendi instrumenta: nec enim nervus ipse, quantumvis durus, robur sufficiens poterat obtinere ad ossa mouenda, ac proinde oportuit vires aliunde comparari, musculumque construere, ut 1. de loc. cap. 6. euidenter Galenus demonstrat.

Cum ergo diuersa sint sensus, & motus instrumenta, & nervi quidam sensum deferentes per externam cutem disseminantur: alij verò in profunda ossa ad præstandam virtutem musculis mandantur: cumque possit contingere, ut præternaturalis causa, modò hos, modò illos infestet, nihil mirum si pro varietate affectu nervi, aliquando perdatursensus, ut resolutis sensorijs nervis, motu seruat: nonnunquam motus incolumi sensu deperdaturs, aut lædatur; ut cum muscoli nervus afficitur; ita tamen, ut sensus deperditio manente motu, secundum diuersos nervos consideretur; non enim fieri poterit, ut in vno eodemque nervo, robustior actio mouendi seruetur, deperdita infirmiore sentiendi: quod præterquam quòd manifestum est, asseruit etiam Galenus 1. de caus. symp. cap. 1. quòd licet cute nudata subiectus musculus immobilis appareat, rectè tamen potest sentire; nunquam verò è contra deprehenderetur musculus moueri, ut idem non sentiat.

Nec verò huic solutioni obstat adducta ratio: nam si vnam tantum asseramus esse animalem facultatem, quæ motus, ac sensuum omnium sit auctor, ut opinantur plures, quæ secundum varia instrumenta varias exerceat operationes, & si in membrum quidem incidat firmum, qualis est musculus, moueat, si in debile, ut nervum, sentiat tantum, quid mirum si modò hanc, modò illam non possit exercere? dummodò tamen nunquam in eodem nervo sensum amittat incolumi motu, licet è contra, ob defectum capitis spirituum ad motum requisitum. Quòd si diuersas existimemus prædictas facultates, tanquam diuersarum actionum auctores, diuersaque organa, & instrumenta habentes, dici potest vnamquamque suis recipi nervis, & vtramque nonnunquam in vno eodemque, si ad vtriusque actionem aptum fuerit instrumentum, ut neque quisque mouens, & mouendi, & tangendi vim suscipit.

Quòd si Galenus 16. de usu part. cit. nervos habere vtramque facultatem scribat, vel de omnibus collectiuè sumptis intelligatur, non quòd vtraque in omnibus, & singulis reperitur, otiosa enim esset vis mouens in his, qui inspi sunt ad motum, quòd à natura alienum est. Primò verò de caus. symp. solum affirmat, motorem nervum ad sensum etiam conferre, quòd nos non negamus, siquidem sensu tactus præditus: ac proinde duplex noxa, sensus scilicet, & motus priuatio potest in parte contingere eadem, ex eiusdem nervi motoris resolutione, quemadmodum possunt membra ex toto resolui, hoc est, motum simul, & sensum amittere, per consensum communis principij, primariique organi motionis inuoluntariæ, quòd Galenus in fine, cap. 6. lib. 1. de loc. affect. edocuit.

Ut verò hæc doctrina amplius sit manifesta, aduerter Galenum 1. de loc. nuper cit. duo constituisse voluntarij motus organa, Principium scilicet, seu originem, & musculum: quare deinceps videndum quo pacto motum efficiant, quòve ordine cohereant. Sed prius sciendum, duo hæc actionum genera, quæ in animalibus perfectis supra plantas potissimum reperiuntur, sensus scilicet, & motus secundum locum, cum ad eundem finem, nempe perfectiorem vitam animalis, ipsiusque conseruationem subordinantur, ita connecti & coniungi, ut pro sensus

A perfectione, perfectior appareat motus, nec vnus sine altero vnquam reperiatur. Diminutus fuisset omnino sensus, & quodammodo frustra datus circa motum; si verò hic circa sensum, temerarius. Quid enim proficeret sensu cognoscere vtilia, & inutelia, & nisi hæc fugere, illa prosequi valeremus? quidve nocentia posse fugere, vtilia prosequi, nisi vtraque dignosci possent? Cum ergo moueatur animal, ut ea conlectetur, quæ boni speciem præ se ferunt, aut declinet ea quæ aduersa videantur, in quibus conseruatio consistit, nec hæc boni à malo discretio fiat, nisi communi iudicio, requiritur necessariò, ut illud præcedat bene ordinatus motus, quoniam interiores potentia pro huius vitæ statu agere nequaquam possunt, nisi præcedente sensatione; vel maxime si super sensibile, & externum obiectum sit iudicium, id quòd nos primùm mouet, primùmque ad motum concitat, est prosequendū, vel fugiendum obiectum; quòd quidem immobile existens, primò sensum mouet externum, internum deinde, & phantasiam, seu imaginationem; à qua cum primùm assensus, & iudicium præstatur iucundi aut delectabilis, vtilis aut inutiles, insurgit contestim appetitio, hoc est, interna quædam agitatio, motusque animæ, & prosequendi, vel fugiendi desiderium; cuius quidem causa est quædam sensitiva potentia, appetitus nuncupata, ab alijs distincta, & omnium præsertim phantasie veluti assecla. Vbi verò appetitus promptus & efficax est, contestim animal ad motum imperum facit, unde rectè Aristotel. 3. de anima, cogitationem, inquit, & appetitum, principia, & causas esse actionis atque progressionis animalium: non quidem quasi appetitus ipse proximè sit causa, quæ animal mouet.

C Insuper facultas mouendi admittenda est, sed quoniam formato appetitu, quamprimùm virtus ipsa à cerebro deriuata, & in mouendi instrumento existens, imaginationi, & appetitui obtemperans, exequitur motum in parte imperata moueri, nisi aliquid impediat, ut in nobis rationalis voluntas, quæ sensitiuos appetitus sæpe frænatur & coercet, utpote quæ mentis, & rationis iudicio conformata, non errantis facilisque sensus, illius dumtaxat quòd re ipsa, & verè bonum est, desiderio capi, & deliniri potest, & ideo in nobis liber est, & propriè voluntarius motus progressus, etiam cum brutis communis; non sic autem in illis, quoniam insurgente appetitu circa propositum obiectum sub specie boni, ita effrenatè feruntur, ut motum ex se cohibere non possint. Dum itaque ad motum voluntarium, præter obiectum mouens ad sui prosequutionem, vel fugam, concurrat virtus quædam imperans motum, nempe voluntas sequens rationis iudicium, & alia, quæ motum ipsum imperatum exequitur, mediante organo ad illud munus destinato, superest indagare, quodnam sit hoc mouendi organum primum, & immediatum, & quòd vltimum; cuius dubij solutionem, legat qui velit lib. 3. in com. hist. 27. & de proposita questione consulte Peramat. lib. de anima facultatibus nostrum corpus dispensantibus, cap. 10.

## HISTORIA V. AVICENNÆ, De pernicioso Basilisci veneno.

E Quidam \* basiliscum, emoritur. At verò possibile est in quibusdam horis, ut tangat eum cum virga, & secundum plurimum qui tangit eum cum virga, moritur, & est mediante virga; & propter illud iam tetigit illud miles cum lancea sua, quare mortuus est miles, & animal eius, & tetigit ipse labium equi, & mortuus est equus, & miles, & hic serpens multiplicatur in terra Turcarum, Avicenna 6. 4. tract. 3. cap. 22. de morfu Basilisci.

## PARAPHRASIS.

Similem historiam narrat Mathiolus in com. ad præfat. Lib. 6. Dioscorid. quam in agro Tridético accidisse vidit: Cum enim rusticus quidam magnum serpentem hasta confo



confodisset, subito, vehemētiq; terrore correptus, non nisi theriaca assumpta, & aliis antidotis conualuit. Quam prius notauit Plinius *lib. 8. c. 21.* & retulit Scaliger *exercit. 200.* Tanta est huius animalis malefica ac dira vis, ut ex eo, elenato vapore venenoso, & per transpirationem cutis attracto, & alteratione per continuum facta cordi communicato, ipsum prosterнат, & ex toto eius potentias interimat. Quid plura? Nonne ex sanguine serpentino venenati oriuntur affectus? Narrat Barthol. Karrichter *lib. 2. praxis. c. 7.* tres historias eorum, qui enectis serpentibus, cum harum sanguine pedes, manusq; abluerent, veneno sursum in corpus penetrante, ita hz partes vlceribus diris, & dolorificis fuerunt affectæ, ut illis pœnē absumptis, in graue periculum, immo & mortem inciderint. Ita scribit Scumpsius *in chronica*, de quodam, qui horrido dracone debellato, brachium quo cruentum baculum tenebat, hilaris attollens, de victoria sibi, ac popularibus gratulabatur, sed draconis sanguis in corpus distillans, presentem ei mortem attulit.

Quamuis autem morsui Basilisci ut *loc. cit.* ait Auicenna non sit curatio prorsus, quum nō interficiat solum morsu, immo visu, & auditu sui sibili, quod curationē difficiliorē facit: tamen non desunt plura, quæ huius veneni malitiam arceant, refrenent, & obtundant, de quorum numero est basilica herba, sic vocata, quod huius venenati animalis moribus remedio sit; oritur autem vbi habitat Basiliscus. Ut autem tutō eam legere possis, fac fumum ex cornu ceruino, & lapide gagate, ut fugatis serpentibus innoxius euadas. Rutæ odor huic animali maximē est aduersus, quare quoties mustela cum eo, aut aliis serpentibus est dimicatura, rutam comedit, teste Arist. *9. de hist. animal. c. 6.* quia, ut ipse ait, odor eius herba serpentibus infestis existit. Sed non minus quā ruta, alliorum odor serpentibus est inimicus; quapropter Persæ, auctore Simeone Serhi, coquinas alliis implent, ut ipsas ab eorum consortio tucantur. Alliis itidem perunctos, Pantheras, & Leones non attingere affirmat Plinius *lib. 29. cap. 4.* Basilisco rursus mustelæ virus exitio esse, eiusdem Plinij testimonio constat *lib. 8. cap. 21.* Aded enim naturæ nihil placuit esse sine pari, iniiciunt eas cauernis facile cognititis sola tæbe, necant illi simul odore; moriunturque ambo, & naturæ pugnam conficiunt: quam enim Basiliscus visu occidere non potuit, odore interimit. Deinde si quis ruta viridi totus circumdatus fuerit, potest securus ad venenatum animal accedere. Auicenna *hoc cap.* semen papaueris vsque ad drachmam vnam, & castorium vsque ad drachmam vnam, huic veneno auxiliari posse alleuerat.

## QVÆSTIO VI.

*Virum reperiatur Basiliscus in rerum natura. Contra Mathiolum, Hermolaum Barbarum, Cardanum doctissimos.*

### COMMENTARIUM.

**B**asilisci.] Verum priusquā ab hac historia discedamus, addenda scitu non indigna pleraque, & in hisce commentatiunculis nostris explicanda natura Basilisci, quem non existere in rerum natura contendunt plures, sicque hanc historiam fabulosam esse arbitrantur. Ex iis insurgit Cardan. *lib. 1. de venen. c. 16.* contra Auicennam, dicentem *loc. cit.* illum esse duorum palmorum, acuti capitis valde, oculorumque rubentium. Deinde ridiculum putat militem occubuisse, qui eum cum lancea tetigerit, aut quod animal transiens iuxta ipsum, obstupescat, & pereat, aut plantæ omnes in illius circuitu emoriantur. Insuper nugas esse retur, quod avis volans super illius foveam, illicō concidat: Nam Galenus *lib. 10. de simpl. medic. faculr. cap. 1.* negat se vllum tale animal vidisse, dum sic ait: Nam bestiam, seu feram regiam, quam vocat Basiliscum, ne videre quidem mihi unquam contigit: Et si vera sunt quæ de illa referuntur, periculosum etiam est, vel propē accedere ad hoc animal: proinde nec ego Basiliscorum, aut elephantorum, aut

Lib. V.

*A equorum Niloorum, neque alius cuiusquam, cuius ipse periculum non fecerim, meminero.*

Ad hæc, non videtur verisimile, naturam procreasse genus animalis adeo omnibus exitiale, ut ab eo reliqua omnia extinguī possint. Demum, si audiendo, & videndo illius vocem homo moritur, quis vidiſſe, aut audiuisse referre potest? Præterea Dioscorides *lib. 6. cap. ult.* cum dixisset, quod est bestia, quæ raro sese offert oculis hominum, proponit effigiem morsus eius, dicens, quod plaga est aurei coloris, & quod curatur castorio epoto pondere drachmarum trium: quare constat, non adeo esse lethiferum animal, cuius etiam vulnus curam admittit.

Ergo historia hæc non est credenda prorsus, ait Mathiolus *ad cit. cap. Dioscoridis.* Quum enim hoc animal tam paruum sit, & eius spiritus, ac præsentia tam exitialis, quis eam ad viuum considerare potuit, aut ausus est? Quare Arabes, & præsertim Auicenna in natura serpentum describenda, & planē omni rerum vsu vani fuisse videntur, quoniam plura de illis sordide, & negligenter, immo plena mendaciis memoriæ commendauerunt, ut inquit Hermolaus Barbarus *lib. 2. corollariorum in Dioscoridem. cap. 219.*

At horum auctororum dicta ridicula esse nemo non videt, qui testimonia probatissimorum auctorum attente contempletur. Nam Basiliscum existere in rerum natura frequens memoria est. Est in primis veneranda sacri textus auctoritas, *Psalm. 90.* dum regius vates sic cecinit. *Super Aspidem, & Basiliscum ambulabis, & conculcabis Leonem, & Draconem.* De Regulo, quem esse eundem cum Basilisco, infra patebit, sunt alia loca in Scriptura Sancta. Sic enim hominum sapientissimus loquitur *lib. 2. Prover. Ne intuearis vinum, quando flauescit: cum splenderit in vitro color eius, ingreditur blandē, sed in nouissimo mordebis ut coluber, & sicut regulus venena diffundet.* *Isaias 14.* sic prædixit. *Ne lateris Philisthæa omnis tu, quoniam comminuta est virga percussoris tui; de radice enim colubri egredietur regulus, & semen eius absorbens volucrem.* *Cap. verò 59.* sic. *Ona Aspidum ruperunt, & velas araneæ texerunt: qui comederit de ouis eorum, morietur, & quod conforium est, erumpet in regulum.* *Ieremias cap. 8.* sic fatur. *Ecce ego mittam vobis serpentes regulos, quibus non est incantatio, & mordebunt vos, ait Dominus.* Firmant Rabbini non incelebres in com. Rabi David Kimhi, Diuus Ishak, Brabanelius, & alij.

**D** Basiliscus ergo, nomine, & voce magis notus est, quā visu. Est animal regium, dictum à Basilica, quod nomen Græcè domum regiam significat, & sic ab auctoribus, diademate & corona in capite insignitur: nam triplici frontis apice, quasi alba mitrula, & planē ornatu regali condecoratur; & ab aliis regulus, quasi venenosorum animalium rex paruus, regulusve appellatur, quoniam omnium sine dubio pestilentissimum est animal, quod tanquam regem reliqua venerantur, & colunt, & ut potentissimum tyrannum fugiunt, eumque velut immanem, & dirum auersantur.

Sunt ergo synonyma, Basiliscus, & Regulus hic enim, regnum paruum, & regem paruum denotat. Dicitur enim, *Ioluz 13. cap. Terra Chanaam diuiditur in quinque regulos Philisthiim,* hoc est, in quinque regna parua, quæ numerantur ibi: quare idem est Basiliscum, & Regulum compellare, regemve paruum animantium: nam hæc inter se non dissident. Probat Plinius etymologiam hanc, *lib. 8. cap. 21.* sequuntur Auicenna. *hoc loco.* Dioscorides *lib. 6. cap. 53.* Galenus *lib. de theriac. ad Pison. cap. 4.* sic ait. *Nam Basiliscus, bellua substatua, & triplici frontis apice munita, vel si cernatur tantum, aut sibilus eius audiat, attutum hominem perimit. Quod si ex cæteris animalibus aliquod attrigerit animal, à Basilisco extinctum subito etiam exanimatur.* Subscribunt Solinus *cap. 4.* Polybius. *Archelaus lib. 2. cap. 9.*

Audi Plinium *loc. cit.* *Apud Hesperios, Æthiops, fons est Nigris, ut plerique existimauere Nili caput, iuxta hunc fera appellatur Casoblepa, quasi somnolenta, & pigri visus, modica alioqui, cæterisque membris iners, caput tantum pregrauē*

Y Y Y

agré

agere ferens, idque deiectum semper in terram, aliàs internecio humani generis, omnibus qui oculos eius videre confestim expirantibus. Eadem & Basilisci serpentis est vis. Cyrenaica hunc generat Provincia, duodecim non amplius digitorum magnitudine, candida in capite macula, ut quodam diademate insignem, sibilu omnes fugat serpentes; nec flexu multiplici, ut reliqua, corpus impellit, sed celsus & erectus medio incedens. Necat frutesces, non contactos modò, verum & afflatos, exurit herbas, rumpit saxa, tanta vis malo est. Credi, ut ex equo occiso hasta, & per eam subeunte vi, non equitem modò, sed equum quoque absumptum, &c.

Solinus loco adducto, hoc animal tantæ constituit virulentia, ut mortuus adhuc, non solum viuis inficiat, alites immò præuolantes halitu, ut quæ momordit, nullum animans contingat in posterum. Hoc firmant Aëtius tetrab. 4. serm. 1. c. 29. Ælianus lib. 7. de hist. animal. cap. 1. Albert. Magnus lib. 2. 5. de anim. vit. de Basilisco Rhodiginus lib. 3. 3. cap. 2. 1. Basiliscum Aegyptiis dici vræum, seu aureum, quod auri referat colorem tergioribus, & capite, quo pacto nostri vnguentum basilicum vocant, quod sit aurei coloris illud.

Basilisci non est forma vna, aut effigies, immò variant, ut serpentes reliqui. Est enim Catoblepas Basiliscus; Dryinus etiam Basiliscus est, figura varia. Basilisco acutum maximè caput est, breue, altum forma; magnum verò, rotundum, planum supernè catoblepæ instar. Est Catoblepa, Harmene Arabum, dissidens magnitudine solum, reliquis eadem. Est Dryinus capite aspideo: Hoc ita esse, probant Dryini serpentis accidentia, & effectus, quibus rerum species, & substantias percallemus, communia vtriusque: nam ex sententia Aëtij, flatu adurit, viuientia enecat, rumpit saxa halitu terro, noxio, mortifero, ut Nicolaus Leonicensis, vir præstanti doctrina excellens confirmat lib. suo de serpentibus, in med. & prius firmavit Galenus lib. de theriac. ad Pison. cap. 4.

De hac immani fera sic scribunt Aëtius tetrab. 4. serm. 1. c. 33. Archelaus, antiquissimus auctor, à quo, in exponenda animalium historia, plura desumpsit Ælianus lib. 2. c. 7. In Africa multos, vel casos, vel sui animo deficientes, pleròque mortuos humi iacere, proiectos nonimus, sapèque magnâ serpētium vim confluere ad eorū cadauera depascēda: eas verò Basilisci ex audito sibilu statim sese in cauernas intrudere, aut infra arenas se abdere, ut ille eo profectus, ubi iacent insepulta cadauera, in irāquilla permulta pacis libertate prædeat solus, postea verò pransus sibilu reperito, latitātibz serpētibus signū dare absentiæ, sēque iam pransum ex cadaueribus abire.

Ælianus sic. Basiliscus, eisi magnitudine sit dodrantali, tamen serpentium maximus, sola spiratione necat, & si baculum quem quispiam tenet, ille mormoderit, baculi asportator necatur. Ita Lucanus cum his auctoribus maximè consensit, qui lib. 9. sic ait.

Sibilāque effundens cunctas terrentia pestes,  
Ante venena nocens, latē sibi submouet omne  
Vulgu, & in vacua regnat Basiliscus arena.

Quid ultra? nonne mirabilia symptomata enarrat Aëtius tetrab. 4. serm. 1. c. 29. quæ ad venenum huius animantis sequuntur, dum sic ait. Ceterum percussos ab eo totius corporis ardor comitatur, irēmque liuor; desuunt capilli, mors instantanea. Corpus eius mortuū nullum cōtingit animal carniuorum, cum calcant reliqua, & conculcent, contingantque: cōtingens enim emoritur illico, visu, & auditu necat, sibilu, & aspectu; quare vana sunt omnis natura remedia, auxilia, & medicamina, &c. Sed mirabilis est quod narrant naturæ interpretes, huius tanti animantis robur, venenum tātum, summam & indomitam stragem, virulentiam insuperabilem, omni animali valde infestam, solo Galli gallinacei cantu exaudito exanimari, languescere, & omnino deficere. Hoc affirmat Ælianus lib. 5. cap. 50. 6. Gallorum canus Lecnes exterret metu, Basiliscos exanimat, &c. & lib. 3. c. 30. sic ait. Leo Gallo gallinaceo magno timore afficitur, eodem timore est Basiliscus, quum enim eum videt, tremie animo, cūque eundem audit canentem, terrore concussus propemodum emoritur. Quam rem non ignorantes qui per Africam iter faciunt, Gallum itineris comitem sibi adiungunt, qui eos à tam pestilenti malo Basilisci prohibeat.

Sed quid pluribus opus est, ut comprobemus dari Basi-

liscum in rerum natura: hoc non ignorauit totius naturæ genius mirabilis, qui lib. 8. de historia animalium, plura serpentum genera describit, quæ sibilu solum interficiunt. An illum hoc ignorasse dicendum est, cui ob admirandā rerum naturalium peritiā veteres statuat excreuerunt: ut in eius vita Callisthenes eius discipulus confirmat, & notauit deinde Ioan. Petrus Nanneus Barcinonensis doctissimus in Scholiis ad eius vitam, num. 2.

Si enim auctores veteres, & recentes perpendas & examines, Basiliscum existere, & auditu, & visu interficere inuenies. Nam Erasistratus lib. 14. cap. 9. Paulus lib. 5. cap. 20. ad eius morsum laudant Castorij drachmas tres, aut opij scrupulum vino ebibitas. Subscribunt Fracast. lib. 1. de antipath. cap. 1. in fin. 5. Catoblepa animal, hominem ad mille passus conspectum interficit, &c. Cæsalpin. lib. 3. qui est de venenis, cap. 40. Scaliger exercit. 246. Mercurialis lib. 1. de morb. venenos. cap. 2. 1. gloriatur se vidisse cadaver Basilisci, in thesauris Maximiliani Imperatoris reueratū. Fernellius lib. 2. de abditis, cap. 14. in principio. Auicennæ historiam amplectitur. 6. Basiliscus tanta perniciē ab Auicenna describitur, ut nō eos modò, qui vel manu, vel aliā corporis sui parte, sed etiam qui virga attigerint momento necet: quod & visu, & sibilu efficere tradunt, &c. Lacuna, & Marcel. Vergilius in Dioscorid. loc. cit. Claudius Salmasius in com. citati, cap. Solini, fol. 370. n. C. Sennertus lib. 6. de morb. oculis, part. 6. cap. 12. de Basilisco. Hermolaus Barbarus in com. cap. 25. Plinij lib. 18. Riolanus ad lib. 2. de abditis Fernel. cap. 15. Vallesius c. 48. lib. de sacra philosoph. Basiliscum interficere exeuntibus visioris radiis, cum quibus sunt permixti vapores venenosi, affuerant.

Nos, hos viros, priscorum Medicorum exemplaria, & Iuniores omnes, nostræ artis fortissimos duces prosequemur modò, qui diffusè in vastis suis libris, Basiliscum esse in rerum natura affirmarunt. Quis ergo de hac veritate ambiget? de firmitate dubitabit? De Cardano non loquor quem in Aphorismis sæpe non solum contra Auicennam, verum aduersus Galenum, Medicorum magistrum, plura inflatis buccis effutire, omnes norunt: sicut Hermolai Barbari rationes floccipendo, qui in segetem alienam, hoc est, scholam medicam, falcem immittens, sæpe misere labitur, dū Plinij, & Dioscoridis libros interpretatur. Sed dolendum maximè de Mathiolo doctissimo, qui in hoc difficili euripo fluctuat valdè, iactatur, procellosisque agitur tormentis: perperam namque in com. ult. c. lib. 6. Dioscoridis, scedere relicto Auicennam temnit & damnat, Medicus, si quis alter, in obscurioribus animalium arcanis perferutandis sagacissimus.

Horum argumenta ex professo dissoluamus, & quæ contra præceptorem Auicennam monstra arroganter pepererunt, perdomemus. Quare Cardanus inquit, quod non est duorum palmorum, ignorans prorsus hoc animal esse mole minimum, esse ex Aëtij mente, duodecim ad maius longitudinem digitorum, aut trium palmorum magnitudinem æquare, & aliquando ad palmum accedere firmat Solinus lib. Polyhistor. cap. 5. quam varietatem ex diuerso climate, vario cœli statu, & terræ ortu accidere, citati docuere auctores.

Neque fabulosum existimandum est, milirē occubuisse, qui Basiliscum cum lancea tetigerit. Quod ita esse præter testimonium ipsius Mathioli loco cit. alij probatæ fidei auctores appositis historiis affirmarunt. Narrat Scaliger exercit. 200. ad subtilit. Cardani, in Lōbardia, & agro Ferrariensi serpentum magnam copiam esse, in quo cū quidam in venatione cum Hispanica lancea serpentem interfecisset, eum, eiūsq; equum morte fuisse elatos. Hoc modo cū Iacobus Riconius ingenti venabulo anguem transuerberasset, & virus expressum manum eius attingeret, factum est, ut manus cum toro brachio, cum intolerabili dolore cutēque detracta intumesceret, sed tandem idoneis remediis conualuit, ut refert Vidus Vidius sect. 2. lib. 2. de curat. membrat. cap. 13. Idem se obseruasse affirmant Alphol. Ferreus lib. 1. de sclopator. vulnerib. c. 4. Amat. 1. centur. 62. Quare non est dubitandum, esse venenorum genus, quod tactu interimat: vis enim venenata per cutis poros ad interiores meatus, & venas, arteriasque, & tendines oeyssimè penetrat,

penetrat, per quas, velut per quosdam riuulos ad nobiliora membra defertur, aliud post aliud inficiendo, ab eaque parte sumpto initio, quæ primo contactu læsa est, donec ad ipsum cor, vti membrorum omnium nobilissimum peruenit. Cuius quidem rei causa arteriæ sunt, quæ sua dilatatione semper attrahunt quicquid eis offertur. Venenata ergo animalia non minus per tactum, quàm per morsum nocere queunt. Hoc modo torpedo, piscatoris manum per medium tridentem reddit torpidam, ex Galen. 6. de loc. affect. cap. 5. Sic serpens vocata Ptyas, ceruicem exporrigens, longitudinemque interualli metita, venenum corporibus inspuat, ex Galen. lib. de theriac. ad Pison. cap. 4. Hac ratione sputum canis rabiosi si entem tetigerit, in rabiem agi animal est necesse, ex Gal. 6. de loc. cap. 5. ex his enim tenuis humiditas, aut spiritalis aura venefica alteratione continua communicatur, quousque partes principes concutiat, & prosterneat. Ita miles qui lancea serpentem perfodit, occubuit. Hunc mortis modum eleganter explicuit Lucanus lib. 9. dum de Murone illo feroci milite verba fecit.

*Quid prodest, miseri, Basiliscus cuspide Murro  
Transactus? Velox currit per tela venenum,  
Insuasitque manum, quam protinus ille reiecto,  
Ense ferit: totoque simul demittit ab armo,  
Exemplarque sui spectans miserabile lethi.*

Neque est mirum, quod animal quoduis transiens iuxta ipsum, moriatur, aut plantæ omnes in illius circuitu marcescant: cum enim hoc animal virulentum vaporem ex ore, faucibusque perniciosus exufflet vbertim, hæc illius aura perniciosa velut pestilentiſſimo vapore contaminata, ad distansque infecta contabescunt, & emoriuntur.

Si verò Galenus hoc animal non vidisse asseuerat, non ex eo id non existere in rerum natura affirmabimus: omnia enim videre non potuit, Medicus alioquin diligentissimus, plura enim nostro æuo afferuntur exotica remedia, medicamenta varia, quorum ipse nec nomen per somnium agnouit, quæ post eum oculatissimi viri inuenerunt. Varia enim animalia quotidie producit Africa, America, & aliæ regiones nostro sæculo inuentæ. Animal ergo hoc procreari à natura, cæterorum venenosorum animalium instar, non est cur negemus.

Ad Basilisci contagium accedamus, quem visu & sibilo ad distans enecare, fatentur auctores. Cum enim hoc virulentum animal fixo obrutu spiritibus veneficis, & sanguine motis in oculos bile, & melancholia inquinatos, liquore, & odio naturæ commotos in faciem, & externa animantis, venena retrahat expellat iugiter, & continuò venenolas exhalationes, fit ut qui inspexerit, emoriatur, quoniam venenum oculis cor penetrat, quo occupato subito occumbit animal. Visu verò potius, quàm alio sensu venenum diffunditur, quod sanguinis, & spirituum copia, huic sensui insit, impertiatque maior cæteris, cum sit sensus actionis altioris, perfectiorisque multò reliquis aliis: purioribus enim, & in maiori copia spiritibus eget, ut in iis perspicuis, & lucidis rerum spectra eluceant, & fulgores rerum emineant, perfectiusque qualitates visus organum suscipiat.

Hinc clauso vno oculo protuberat alter, & in maiorem molem insurgit, copia spirituum, & sanguinis vni commissa, quæ in alium confluere debebat. Quare si visui spiritus suapte natura sunt lucentes, & ignei, & fulgurant in noctibus, qui etsi sint aëreæ naturæ, lucent tamen, quod ignis portiones aliquot in eis residuant: quanto magis potentiores, actiuioresque erunt basilisci spiritus oculorum, tenuis substantiæ, & subtilis: animantis ignei, & vrentis, qui exentes ab oculis, halitu spirante retro, ad distans inficiunt, & inquinabunt præcipue hominem contagio, ob contrarietatem, antipathiam, & repugnantiam summam: quare spirituales venefici halitus eo tendunt magis vbi conuertitur aciem linea recta, plus pupilla in obiectum.

Audiri etiam, & sibilo interimit hoc animal terribilissimum spirante halitu, forti sufflatione sibilans, propius tamen, eo animantia inficit, alterato aëre prius in visceribus virulentis, corde, & præcordiis, ut eloquentissimè probat Paulus Zacchias lib. 1. quæst. medic. legal. tit. 2. q. 2. n. 16.

Lib. V.

A Refert Ælianus lib. 5. c. 31. Basiliscum cor habere in gutture, sed in intestinis, testes ad caudam, venenum oculis, & ore. Agunt quidam in magnum spatium, nulla substantia immissa, sola virtute, luminis modo effusa per medium, ut magnes attrahit ferrum. Hoc pacto oculi inuidorum, lucescentium, iratorum noxam inferre valent; nam animi motus quasi in animæ fenestris oculis representantur: ita Prouerb. 16. omnes via hominis in oculis eius. Ita nequam est oculus liuidi, & auertens faciem suam, Ecclesiast. 14.

Vltimò negandum non est, aliquem vidisse Basiliscum: Patet, quia Galenus loquutus lib. de theriac. ad Pison. ex aliorum sententia effigiem animalis huius proposuit, & Paulus, edoctus ab Erasistrato, & Dioscoride, parat præsidia contra huius morsus virulenti perniciem vtilissima. Aura pestifera eminenti quodam perdendi modo, contactu, fomite, & ad distans, animalia interficit: attamen non omnes qui cum pestilentibus conuersantur, peste inficiuntur, nec pereunt, propterea eleganter protulit Galenus lib. 1. feb. cap. 4. quare non omnes, quos inspicit Basiliscus, occumbunt, sed aliqui superstites euadere queunt, qui huius animalis effigiem in propatulum reponant. A: que in hunc modum, hanc auctorum de Basilisco discordiam componendam puto, quam si politiori stylo solutam, huiusque historiam elegantius delineatam legere concupiscis, reuolue per otium, vultum illum de serpentibus librum, Gesneri tit. de Basilisco, qui facundè, & luculenter more suo, de hac dira fera plura notatu digna commemorat. Vtrum verò Basiliscus, ex ouo Galli gallinacii decrepiti excluso generetur, dubium est: & pro parte affirmatiua extat memorabilis historia, apud Ioannem Pincierum lib. 3. enigmat. 3. quam per otium lege; ex qua huius feræ, & venenosissimæ bestię venenum præsentaneum, præsertim afflatu, & visu illarum dignoscis, & vnà figuram, substantiam, colorem, magnitudinem, & plura alia de Basilisco inuenies.

Situ tamen iucundissimum est, qua industria capiatur, perimatque, & quidem impunè, terrificus hic omnium animantium regulus & tyrannus. Scribunt Ludouicus Viues in lib. 18. de ciuitate Dei, ad cap. 13. Ioan. Baptista Porta lib. 8. magia natural. c. 13. Maiolus colloq. 8. & Caussin. lib. 9. symbol. 19. contra Basiliscum serpentem armari homines speculis, ut serpens ipse se videat: nempe si se in speculo intueatur, repercussio in se halitu propriis telis enecatur. Porò Basiliscus ad speculum moriens (est Caussini apodosis,) symbolum est inuidi & calumniatoris, qui cum maledicta in puram iaculatur animam, suis inde sagittis conficitur. Sic in eam materiam lusit aliquis ingenuæ indolis Poëta:

*Acer in aduerso dum figit lumina vitro,  
Niliacæ serpens pestis acerba plage,  
Obscurat glaciale decus lethalibus auris,  
In caput auctoris sed redit omne scelus.  
Namque repercussio in corpus spiramine, vitam  
Quam dederat (mirum!) spiritus ipse rapit.  
Sic cum pestifera torques conuitia lingua  
In puros, proprio te iugulas gladio.*

## HISTOR. VI. CORNELII CELSI, De Aspidis veneno.

Puer ab Aspide ictus, aceto superbibito,  
liberatur.

Hæc aduersus omnes ictus communia sunt: vsu tamen ipse edocuit, eum quem aspis percussit, acutum potius bibere debere, quod demonstrasse videtur casus cuiusdam pueri, qui cum ab hac ictus esset, & partim ob ipsum vulnus, partim ob immedicos astus sui premereur, ac locis siccis alium humorem non reperiret, acutum, quod fortè secum habebat, ebibit, & liberatus est, & c. Cornelium Celsus lib. 5. cap. de Aspidis ictu.

## PARAPHRASIS.

**D**iuinus ille Hebræorum legislator Moses, Philosophus insignis, incomparabilis Medicus, in inclytis Ægyptiorum litterarum emporiis educatus, & sacro lumine afflatus, sic prædixit, *Deuteronomij* 32. *Fel Draconum vinum ipsorum, & venenum Aspidum insanabile*, quasi summus vir explicet naturam alpidei præpotentis veneni, quod suapte natura est dirum, immane, insuperabile.

Dicitur ergo hoc animal à Græcis Aspis, quod hic serpens frequentissimus sit in insula dicta Aspis, in mari Lycio, ex Plinio *lib. 1. cap. 31.* à quo auctore tres huius animalis constituuntur species: firmant Paulus *lib. 5. cap. 19.* Aëtius *teirab. 3. serm. 1. cap. 20.* quædam sunt terrestres, seu Chersææ dictæ; quædam chelidoniæ, quæ circa fluuiorum ripas, præsertim Nili, latibula possident; dictæ chelidoniæ, quod colore hirundines aues, Græcis appellatas chelidonas imitentur, parte dorsi cærulea, & nigricante, tum quod ventre æmulentur viride chelidoniæ virentis herbæ; quædam verò Ptyades nominantur, ex Plinio *lib. 28. cap. 6.* quod venenum in oculos expuant, hosque solum interficere tentent, obcæcaréque antipathia, & contrarietate naturæ, oculorum splendoribus obuersantes, nulli enim alij conantur officere parti, præterquam altiori, & perfectiori sensui animantis.

Aëtius sic eas distinguit. Chersææ, seu terrestres, maiores sunt, & quandoque ad quinque cubitorum longitudinem extenduntur: Ptyades, cubitales: Chelidoniæ, cubitales, & aliquantulum maiores. Ita sentiunt Plinius, & Paulus *loc. cit.* Galenus *lib. de theriac. ad Pison. cap. 3. 4. & 5.* Dioscorides *lib. 6. cap. 5. 2. & 68.* Rhodiginus *lib. 25. c. 31. & 17. cap. 14.* Auicenna *6. 4. tract. 3. cap. 21. 24. 26.* Mercurialis *lib. 1. de morbis venenosis, cap. 11.*

Hæc fera, igneos protuberantesque conicit oculos, fulgoris plenos, linguamque exerit viperæ more, capillamentis dilectam; natura ouiparum, non viuiparum animal, oua solum excubans, aliorum serpentium more, conuoluta membranis, quæ fouet mas; femina autem de victu est sollicita, quod sit robustior, ferociorque natura maris. Terræ puluerem catulis subortis in lucem primò suppeditat, quem lingunt post toto vitæ decursu, si desunt reliqua, non secus ac reliqui serpentes, mures, & alia: quare Isaias 65. sic dixit, *Serpenti puluis, panis eius.*

Communes, viperæ magnitudinem æquant. In Africa ad quatuor cubitorum magnitudinem accedunt. Ampli tudinem verò dixit Nicander *in theriacis, sect. de viperis*, tantam esse, quantus est iactus sagittæ communis, terribilis virulentæ moles. Vario depictæ sunt, & diuerso colore, aliæ albicant, corpore squalido, dorso virides, & maculis insperæ, cineræ, ardentes, ignitæ, nigrae. Huius animalis ea est fecunditas, vt sexaginta oua simul circumligata membranis exponat, ex Plinio *lib. 10. c. 74.* Eliano *lib. 3. cap. 32.*

Icti ab Aspide incendio flagrant, & æstuant, postea verò spiritibus calidis resolutis, tenuibusque sanguinis partibus virulagine terra euanescentibus sistitur sanguis, concrefcitque frigore succedente, calidorum absentia, substantia calida exoluta euolante, subita potentia veneni. Ipsa verò venenata omnia torpida, somnifera, grauias, mucore illo frigido vnde quaque sunt referta. Insuper icti ab Aspide sentiunt stuporem, pallorem vultus, cordis tremorem, refrigerationem, crebros hiatus, & alia.

In huius morsus subsidium, Dioscorides *lib. 6. cap. ult.* protinus iubet ictam partem amputare, aut scalpro confestim circumcidere, & vitionem facere. Aristolochia cum vino pota, trifolium herba, radix hastulæ regiz similiter assumpta, & fructus ex omni quercus genere, & rusæ ilicis radices, & illicæ parti ictæ auxiliantur. Optimum etiam est theriacâ, & mythrordatium exhibere, & alia quæ cardiaca sua vi venenosorum animalium moribus auxiliantur. Rutæ, & centaureæ puluis, vtilissimus cum mero, quæ præsidia, esse propria contra Aspidis morsus antidota, firmat Chrysosthorus de honestis

*A in suis problematibus de venenis, probl. de morfu aspidis, sub-*  
*scribunt Nymphæus lib. 9. de venen. c. 10. Philadelphus*  
*lib. 30. c. 3.* Sunt etiam de hac classe, fel mustelæ, cimum puluis, vrina humana, hyoscyamus, & alia tradita à Plinio *lib. 24. cap. de vrina.* Omnia tamen hæc, & alia contra hunc virulentum Aspidis morsum alexipharmaca, longo intervallo superat aceti potus, de cuius vtilitate in com. plura dicemus.

Adnotatione verò dignum illud quoque esse debet, abstrusa naturæ arcana indagatoribus, pertinacissimum duellum, magnisque auctorum elogiis concelebratum, quod incunt Ichneumon, & Aspis: quod odium, inimicitiam, dissensumque meruum inter has animâtes antiquissimus descripsit Nicander; dum de horum antipathia, & pugnantia natura verba facit. Proinde solus Ichneumon citra noxam Aspidis furorem fert, & cum pugnam cum ea init, declinat, & tristia serpentis oua, quæ ipsa in perniciem multorum fouet, in terra planè omnia discerpit, & pelliculis suis lacerans, deuoransque excutit, noxique suis confringit dentibus.

Plinius sic de Aspide *lib. 8. c. 25.* *Habet deinde internecinum bellum cum Ichneumone. Notum est animal hac gloria maxime, quod Aspidas superat, in eadem natum Ægypto: Mergit se limo sapius, siccâque sole, mox ubi pluribus se eodem modo coriis luteis loricauit, in dimicationem pergit, in eam caudam attollens, ictus irritos auersus excipit, donec obliquo capite specularum inuadat in fauces aspidis venenatas, neque hoc contentus, aliud haud mirius debellat animal, Crocodilum Ichneumon.* Quam historiam Elianus *lib. 10. de hist. animal, cap. 48.* & Martialis descripsit *lib. 7. epigram. 86. 5.* *Delectat Marium si perniciosus Ichneumon,* cuius mentem graphicè explicuit Matthæus Raderus huius Poëtæ famatissimus interpres.

Est Ichneumon, Indicus mus, magnus cuniculi instar, caudæ amplissimæ, qua se totum obteggit & cingit, terra genitus, & solis virtute, & cæterorum animantium ritu ex putrefactione subortus. Nilo, eiusque oris frequentissime habitat. Hermaphroditus natura, sexûque vtriusque particeps, qui tam maris, quàm fœminæ officium exercet; quare caloris fori, & terræ vditate generatur, quod Ouidius indicauit in *Metamorphosi* in hunc modum.

*Quippe ibi temperiem sumpsere humôrque calorque,*  
*Concipiunt, & ab his oriuntur cuncta duobus.*

*Trunca vident humeris, & eodem in corpore sepe,*  
*Altera pars vinit, rudis est pars altera tellus.*

Est autem Ichneumonis forma, qualis est iracundæ ictidis, seu mustelæ, quæ aubus domesticis perniciem meditatatur. Parat nidum Ichneumon super tabulata aliquot lignosa, & exsucca, ne humiditate torpescat: fouet sobolem continuò sub brachiis, cuius pugna cum Aspide est iuxta Ægypti florentes iuncos musculos, fluuiariles ireritos alga. Sed cum nihil natura relinquat sine vindice, vt homines in perpetua militia esse totius naturæ exemplo persentirent, (*militia est vita hominis super terram*, dixit Iob c. 7.) Ichneumonis luteis loriciis munito, vndique armato, hosti acerrimo Aspidum, obiecit natura Aspidem adhuc Pryam, cuius est ille naturæ instinctus, vt virus expuat in lumina, & oculos, cum quibus solum habet repugnantiam, vt eam partem, quam solum peruiam, immunitatemque reliquit Ichneumon, periculum subear; & quam videnti causa luto non infecit, nec vallauit, ea excidium, & mortem parer, vt qui in Aspidas acriter inuehitur, his idem morti succumbit.

## QVÆSTIO VII.

*Vtrum acetum virulentis animalium moribus, aliisque venenosis morbis relictetur.*

**A** Cetum.] Priscorum Medicorum phœnix Dioscorides *lib. 5. c. 11. de aceto*, præter plurimas, easque admirabiles virtutes, & excellentias, multis curandis morbis necessarias, quibus acetum mirè opitulari asseuerat, sic prædixit. *Acetum prodest contra venenatos serpentium ictus, qui refrigerando nocent, calidum commodè fouetur, & frigidum iuuat*



qua exurens virtus ei aculantur. Calidum potum, atque vomitionibus redditū aduersus omnia venena efficax est. præsertim contra meconii, & haustam cicutam, conglobarum in ventre sanguinem lac, coagulatum, fungos, ixiā, taxūque cum sale. Quam sententiam transtulit Auic. lib. 2. cap. de aceto.

Hanc eximiam contra venena prærogatam admiratus Plinius lib. 23. c. de aceto, ipsam historiam recitat, in hunc modum. Nam nesciunt Medici quantum contra Aspidum morsus valeat acetum. Nam nuper ab Aspide percussus, virem aceti ferens, quoties deposuisset, sentiebat ictum, ubi verò vas illud recipiebat, dolor, & anxietas cessabant, &c. Ex his discite, acetum, validissimum esse aduersus virulentorum animalium morsus alexipharmacum, quoniam & venenum exugentes hoc solum colluere os consuecere, & sanitati restituuntur eximie.

Sed qua de causa hoc auxilium huic operi tantopere proficit. Celsus responderet, quia etsi refrigerandi vim habeat, habet tamen etiam dissipandi, quo fit, ut terra eo respersa spumat; qua vi verisimile est spissescentem intus humorem hominis ab eo discuti; neque ratio hæc est incongrua: sed alia meo voto potior afferenda: Acetum enim ad arcendum venenum est apud omnes familiarissimum, ita ut inueniantur plures qui odorato aceto acerrimo in spongia imbuta, omni corrupti aeris contagium fugauerint: Cum frigiditate qua pollet, putredinem arceat, grato odore spiritus recreet. At cur magis Aspidum veneno, quam alicuius virulenti animalis noxis relictetur, ea est causa, quoniam ceterum pro hoc debellando veneno, plus quam cum alio obtinet consensum. Huius potu, cæteris etiam applicitis, fuisse quendam curatum, qui ab aspide erat commorsus, & sine sensu, & voce, grauissimis symptomatibus oppressum, narrat Gulielmus Placentinus lib. 3. praxis, part. 2. cap. 3. Gentilis in consilio, pro quodam seruo Dei.

Aceti vsum, pro curandis morbis, refrænando veneno, pestiferis, maleficientissimisque febribus, à veteribus fuisse celebratum, præcorum scientissimorum testimonia satis confirmant; & probat Ioan. Bochangelinus lib. 3. de curat. feb. pestilentis, cap. 4. Ut verò hæc explicentur, aceti prius natura, & vires sunt pensandæ. Ex purissima vni substantia, vitali, & integra, corruptione & impuritate distributa, violentia calori externi in humidum vini insitum, naturæ actione, & putredine acetum fit, oriturque substantia diuersum, forma alterum; non secus ac cadauera oriuntur ex viuente genere, dum senio intereunt, alterantibus causis putrefactione supposita: quare Galenus 1. simpl. 13. mortuum vinum, vocat acetum, vinumque putre: ita Arist. 4. meteor. cap. 3. & 26. probl. 17. Colum. el. lib. de arborib. cap. 4. Macrobius vocat culpatum vinum 7. Saturnal. 6.

Acetum diuersis partibus constat, longè inter se diuersis, & oppositis; non simplex, aut vnum substantia, compositum immò, & varium; nam etsi prædominio sit frigidum totum, calidisque affectibus remedio sit, ut Galenus lib. 1. simpl. lacè edocuit, & omnes Medici consentiunt, & tum intus oblatum, tum extrà applicitum infrigidet: tamen cum vinum non vniuersum æqualiter putreat, partes plurimæ super sunt calidæ vini generis, refertæ humidis exhalationibus, interim dum exhalant igneæ partes, putredine disunctæ à frigidis, defectu frigidarum quibus temperabantur, quibus fermentat acetum, vinumve corruptum; quare effervescente facit terram ipsam, & spumam eleuat.

Frigidum esse testantur affectus: Nam extrà ad motum adstringit repercutit, roborat, quare ex illo paratur oxyrrhodium bregmati applicandum, quod in phrenitide, lethargo, cæterisque calidis, & inflammatoriis cerebri affectibus miro est ex vfu, ex Galen. 13. meth. cap. 21. Quo pacto confert sodæ calidæ, ex Auicenn. lib. 2. tract. 2. cap. 77. de aceto. 5. Prohibet aduentum apostematum, & ambulationem gangranarum, & sanat erysipelam comestum, & bibitum, & linitum, & prohibet ambulationem apostematis omnis, & confert panaritio, & formicæ, & erysipela, & prohibet ut non eueniat apostema, &c. quo pacto ex ipso confert adustioni ignis.

Intus assumptum refrigerat. Quare sitim hydropicis mirifice extinguit, & sic aqua chalybeata dilutum, oris Lib. V.

A ardorem compescit, ut scribit Horatius Rescius in consil. medic. 131. & maximè si aqua misceatur; tunc enim melius, & citius refrigerat, & sitim compescit, ex Iulio Alexandrino lib. 33. salubr. cap. 21. Iccircò sitim ex inflammatione, balnei æstu, febriumque ardore subortam lenit, ex Plutarcho 3. Sympos. cap. 5. Vtrum autem partes vinosæ, aquosæ, an terrestres, in generatione infrigidentur, disceptat eleganter Petrus Hispanus lib. diatar. partic. Isaac. in com. sit. de aceto.

Eius caliditatem arguunt plura, quoniam abstergit, liquat, attenuat, dissolvit, aperit, & penetrat. Eius vi Annibal lapides durissimos, inuisque Alpium rupes, & inaccessos aditus fregit, rupique aceti alpergine, quod ignis, cuius vis est potentissima, & efficacissima, efficere haud potuisset, ut narrat Plinius lib. 2. c. 48. Hac vi in tabem, & puluerem vniones, & margaritas resoluit. Extat apud Plinium notissima historia lib. 9. c. 35. Macrobi. lib. 3. Saturnal. c. 17, & refert Langius lib. 2. epist. 33. Cleopatraz reginæ, quæ in cœna adiciali, & fastidiosa, Antonio Consuli Romano oblata, vnionem pretij centies sestertium acerrimo aceto dissoluit. Ita ouum in aceto acerrimo triduo maceratum, aut plus paulò, in eam teneritatem testa mollescit; ut veluti tenuis membranula per annuli angustiam adigatur, ut firmat inter cæteros Gratarolus lib. de vini natur. c. 28. Immò silices aceto septem dierum spatio in ipso maceratos, digiti attritu in puluerem resolui, & lapides renales comminui, firmat Crato epist. 167. & quod mirabilius est, plumbum ex aceto in cerusa conteritur, ut probat Franciscus Hildesheim lib. de cerebri, & capitis morbis.

Deinde acuit appetitum, quia superflua, quæ in Hepate sunt, attenuat, ut docet Gregorius Valla in physicis questionibus. Potentissimè penetrat, ita ut Galenus lib. 10. & 14. meth. nullum inuenerit medicamentum refrigerans, quod partibus tenuissimis constaret, & amplius penetraret, excepto aceto; ex quo distillatur liquor ita mordax, ac qualitate caustica imbutus, ut ne ipsi oleo vitrioli cedat; ex Quercetano in Alexicato. Quo pacto facit penetrare medicamenta, ad ea loca ad quæ fortasse non penetrarent; & sic cum eo maioris penetrationis causa abluuntur vnguenta, miscentur fomenta, ac cataplasmata, quæ ad scirrholas partes emolliendas admoventur, in quo pyrites, aut molaris lapis extinctus sit, ut docuit Galenus lib. 14. meth. cap. 4. & lib. 2. ad Glaucon. cap. 5.

Siccitatem eius ostendunt multa: quoniam eius ope roborat, sistit, adstringit, fluxum sanguinis, & ventrem compescit; quare amplastra ventri applicita aceto prius macerantur, ut inter omnes probat Petrus Crescentius lib. 4. de omnibus agricultura partibus, c. 41. Fructus, ut persica incorrupta seruat, ex Scaligero exercit. 179. Nihil putrefactioni obnoxium relinquit, ex Alexandrino lib. 18. salubr. cap. 8. cum enim summè penetret, frigiditatem, & siccitatem, qualitates putredini valde reluctantes, quibus constat, in profundum adiicit. Facultatēque excitat ad sua officia exequenda, ex Bacchio lib. 1. cap. 23. de natur. vinor. Vtrum autem ad medicamenta verustius sit eligendum, & ad condienda alimenta, recentius, lege apud Petrum Hispanum in com. lib. diatar. vniuers. Isaac, sit. de fassamentis, in fin.

Hac virtute mirifica, tempore pestis, corpora ab ea præseruat: quoniam, ut 3. 1. doct. 5. cap. 1. ait, Auicenna, aceto in cibo, & potu vti in pestilentia, est nocuenti ipsius securario: quare Medici præcipiunt, pestifero existente aere, vti aceto in cibo, & potu. Audi celebrem sententiam Paræi in sua chirurgia, lib. 21. c. 8. Ceterum acetū omnibus in genere venenis, seu calida sint, seu frigida aduersatur, & putredinem arceat, quia frigidū, & siccum: itaque in hoc cadauera, carnes, herbe, fructus, & alia pleraque in multum tempus imputria seruantur. Nec verendum ne illius corpori frigore suo obstruat: nam tenuium est partium, & incocta aromatica aperiedi vim habent. Qui totum corpus eo lauare molestum duxerit, lauet saltem axillas, regionem cordis, tempora, inguina, & genitalia, quibus cum visceribus nobilibus maxima est, & aperta sympathia. Quare extrà applicitum, & maximè rosaceum, in quo medicamenta alexiteria prius macerentur, ad præseruandum à pestilenti veneno est aptissimum. Probant

Gratarolus lib. de vini natura, cap. 28. Sennertus lib. 4. A de febril.

## P A R A P H R A S I S.

Deinde alias præstantissimas habet acetum virtutes, cibarij enim insipiditatem, & nimiam dulcedinem corrigit, ac emendat, ut Carolus Stephanus lib. 1. de nutritis, scribit, & condimenti numeros omnes implet, ex Alexandrino 18. salubr. cap. 4. Ne ergo mireris, si tam multa esculenta, & medicamentosa cum aceto parentur. Ex eo distillantur aquæ ad multos morbos mirabiles, aqua vitæ, & theriacalis, quæ felici successu se vsum fuisse tempore pestilentie, gloriatur Bauderonus. Fit acetum laxativum, oxymel, oxycratum, Latini poscam vocant, syrapi parantur acerati, oxysacchara, & alia quæ plurimis morbis summo sunt ex usu, ut acetum scilliticum, in cuius admirandis virtutibus tam multus fuit Galenus.

In multa denique transit remedia acetum, fastidia discutit, singultus cohibet, sternutamenta olfactu sistit. Lepri, furfuribus, manantibus ulceribus, canis moribus, scorpionum ictibus, muris aranei, & scolopendrarum venenis auxiliatur, contra aculeatorum virus, & multipedum morsus remedio est. Tussim veterem inhibet, gutturis rheumatismos, orthopneam, & dentium labefactionem lenat.

Non est prætereundum silentio, quosdam graui pedum morbo confictatos, quum dolori pares non essent, demersis in acetum calidum cruribus, in acerrimo valeridipis impetu, sospites euasisse. Eodem instillato, aut mixto cum medicamentis amaris vermes necantur. Anginis vtiliter gargarizatur, gingiuas labantes collutum adstringit, mobiles dentes firmat, quorum dolores persanat, graues oris halitus, & putrilagines tollit.

Quapropter licet vinum tor constet prærogatiuis, & doribus miris, quas non inuenies fortè in tota natura vegetabilium, & acetum sit vini soboles, seu potius quædam vini regeneratio, difficile erit discernere (cum acetum, liquor sit vino potentior) utrum ad vitam sit vtilius vinum, an acetum. Si tamen de aceti virtutibus admirandis plura scire aues, consulte Petrum Andreæ Canonherium, virum omni scientiarum genere ornatissimum lib. 1. de admirandis vini virtutibus, cap. 4. de cuius tartari viribus scitu digna conscripserunt Ruellius lib. 1. de natur. stirp. cap. 143. Renodæus lib. 1. sect. 1. cap. 3.

## HISTORIA VII. GALENI, De Aspidis veneno.

Aspidum venenum celeriter interficit, quod illustri Cleopatraræ Reginae exemplo comprobatur.

**N**am reuera serpentes hi celeriter interficiunt, sicut ego in magna Alexandria spectauimus: cum enim aliquem hoc supplicij genere condemnatum, sine longo cruciatu, dilatione, que necare volunt, Aspidem illorum cordi, aut pectoribus admovent, ambulare que parum faciunt, atque ipsos breui perimunt. Proinde Cleopatraræ Egypti regina cum venenorum omnium vires in hominibus condemnatis experiretur, ut eo quod magis probasset, si quando fors tulisset, vteretur, inuenit quidem, & didicit alia quadam venena qua cito interimerent, mortem per dolores inferre; quæ vero indoloria essent, velocitatem illius actionis, quæ opus esset, non habere, sed demum ad Aspidis venenum peruenit, quod somnos conciliando occideret, & fratrem fratris, id est somnum cum morte copularet, ut & ipsa voluntatem expleret, & sensu doloris priuaretur. Quamobrem cum mortuo Antonio coniuge viuere amplius non decreuisset, & Augustum latere vellet, ne in illum perpetuam seruilitatem, redacta esset, in cista ficum clanculum abductam Aspidem, ut sibi brachium morderet, provocauit, & sic sine convulsione, dolore, gemitu, molli vultus sudore, & sensuum hebetudine, graui sopore corrupta interiit, &c. Galenus lib. de theriac. ad Rison. cap. 8.

**E**X tribus illis Aspidum speciebus, Ptyade, Chelidonia, & Chersæa, quas supra descripsimus, hanc terrestrem, & subterram diutius viuente, à Græcis Hypnalen appellatam, profundissimum inferre soporem, firmant præter Alianum, & Plinium, Aëtius 1. 3. serm. 1. c. 20. Paulus lib. 5. c. 19. nam iis, quos semel inuasit, inexplabilem affert dormiendi necessitatem, sic ut citra orbem doloris genus discedant, lethargo altissimo veternoque consopiti, morbo, & somno inexpugnabili sepalti, ut non solum sine dolore, & molestia obeant læsi, immò volupate, blandissimoque excitato sensu, dulcedine mira, quieti, tranquillæ, & placidi, ut quiescentes exhalet animam, improuisaque occupentur morte, & inopinatè occumbant, quoniam venenum aspidum in occidendo occisum est, ut affirmat Bacchius in prolegomen. venenor. & cap. 15. art. 1. quapropter venenum Aspidum vocatur insanabile, Denigronom. cap. 33. firmat Arist. 8. de hist. animal. cap. 29.

Hoc firmant Dioscorides lib. 6. c. 52. Paulus lib. 5. c. 19. Solinus in Polyhistor. cap. 30. neque arguas Aspidum venenum frigidum esse, quoniam ad huius animalis morsum symptomata subsequuntur, quæ frigiditatem arguunt manifestè, ut profundus somnus, pigriria, torpor: quoniam Aspidem sunt calidissimi; at cum resoluant spiritus, retracto calore ad viscera, somnus oritur.

Idcirco Cleopatraræ hoc Aspidum genere subito decessit, ut eloquenter narrat Antonius Ludouicus Olyssipponensis lib. 3. de oculis. proprietatib. c. 7. ne Marco Antonio deuicto, victorias, & triumphos Augusti subdita dehonestaret; nullus enim ictus, morsus nullus inter serpentes leuior, minor est, aspidis morsu, sed nullus deterior, virulentiorve in natura omni. Hac antiquitus feriebantur morte damnati latere sinistro, qui cum per tres, quatuorve spatij passus processissent, concidebant illico, vita postea illi defuncti. Cleopatraræ cum apud Egyptios hoc mortis genus expertum haberet, suoque iussu multos edicto regio eo mortis genere dampnasset, viriliter mortem eodem sustinuit, ut infamiam euitaret, & ignominiam, triumphisque Augusti non interesset.

Hæc fera minimum infert vulnus, insensibile quasi, tum ictu, tum postea est minimum, minusque acui punctura leui, minimè dolens, quin dulcedinem affectumque volupuosum, & placidum afferens, immò profundo somno mortem infert, quò respiciens Lucanus lib. 9. dixit.

Hinc qua prima caput monit de pulvere sabet,  
Aspida somniferam tumida ceruice lenauit.  
Plenior huic sanguis, & crassi gutta veneni  
Decidit, in nulla plus est serpente coactum.  
Ipsa caloris egens, gelidum non transit in orbem  
Sponte sua, Niloque tenuis metitur arenas.

Quare hæc fera vocatur somniculosa, seu somnifera, quam sibi apposuisse Cleopatraræ testantur supradicti auctores, quæ, ut Florus notat, sic morte quasi somno soluta est, qui propius est affectus Aspidis: ita Lucanus.

At tibi laua miser, fixus præcordia pressis,  
Niliaca serpente cruor: nulloque dolore  
Testatur morsus, subita caligine mortem  
Accipis, & Srigias somno descendis ad umbras.

Vocatur etiam ab Onidio serpens peregrina: Plenaque somniferis serpens peregrina venenis.

Cum enim aliæ feræ, & cætera venena, dolorum cruciatibus, conuulsione, angustia, euerfione ventriculi, cordis anxietate, & aliis diris symptomatis corpus conficiant, Aspidem necat absque dolore, quia interficit inducendo torporem, & somnum profundum, quo qui opprimitur, indolens fit. Huius vulneri inter plura supra recitata antidota, theriacam diatesaron esse strenuum auxilium, inter omnes probat Ioannes Amsteldius lib. 27. encyclopadia medicinae, in appendice.

De Aspide ex præcorum musæis ampliter, nunc ex historia quæ sese ingerunt haud præterire possum. Cur nepe cordi, aut pectori veteres Aspidem applicabant? Estne in morbis venenatis cor, vera & perpetua sedes affecta, ita ut veneni deleteria vis, hoc viscus primò aggrediatur semper?

Dic cum multis, quos latè, & doctè refert Paulus Zacchias lib. 2. *quest. medico-legalium*, tit. 2. *quest. 2. n. 20.* quòd licet plura venena ex natua proprietate cordi non obfint, quum vel cerebro, hepati, renibus, vesicæ, aut aliis partibus primariò aduerfentur, tamen cor patitur femp; cum enim partes mutuò inter fe consentiant, & præfertim cordi illicò fuas communicent noxas, fieri non potest, vt hoc viscus damnum non sentiat: de qua re lege Mercurial. lib. 1. *de morb. venenos. cap. 2.* Veteres autem vt citissimam mortem inferrent, pectori, in quo partes spirituales nobilissimæ, & ad vitam summè necessariæ sunt repositæ, feras venenosas applicabant, aut cordi, vt sic spiritus vitalis à virulenta aura subitò extingueretur prorsus; & cor, vitæ fons, flaccesceret in opere; & deficiente, vel abolita virtute pulsantili, impediràque spirituum regeneratione, animal velut laqueo strangulatum, fideratorum modo repente corrueret.

## QVÆSTIO VIII.

*Vtrum cor, omnium facultatum sit principium. Contra Aristotelem, Peripateticos, & Cæsarem Cremoninum Philosophos eximios.*

## COMMENTARIUM.

**C**ordi.] De corde, eiusque principatū agendum hoc loco est, nec citra rationem hoc factum puta: nam has celebres quæstiones ob iustas causas omisimus, lib. 2. in com. hist. 38. & sequentibus. Quoniam verò in præcedentibus prò ingenij capru de veneno, cor tandem occupante facta nobis mentio est, memorabile dubium hoc adiiciamus, in pugnam pro Magistri tutela, contra Aristotelem, & Peripateticos, prudenter prodeuntes; nec nos deterrent proceres, & coryphæi, qui fecunda facundia de eodem argumento scribentes, rugatiore fronte armati, Catonianam induunt feneritatem, & facem præ se ferre gloriantur: nam hi stimulis me concitant vehementius, & ad capeffendas disciplinas incitatiùs promouent. Si enim illorum fundamenta, & rationes penes ad vnguem, inuenies Medicorum ingressum scholas, & virecta Philosophorum iucunda, excellens me præflorare argumentum, & illorum placita, etsi subtilitate immensa naturalium arcana extra omnem aleam perferutantia, fœliciùs explicasse.

Problema est admodum difficile, inquit expertissimus Rhafius 6. *aph. 8.* in quo Aristoteles, & Galenus inter se dissentiunt: nam sapientissimi hominum fuerunt Hippocrates, & Plato, quibus tamen citra demonstrationem credendum non est, 3. *de placit. 5. in fin. 6. epid. sect. 2. com. 25. & sect. 4. com. 19.* & alibi passim. Quo pacto ad alia transeundum, non est antequàm Galeni sententia circa animæ principatum in examen trahatur: licet enim Medici non sit animæ essentiam speculari, 6. *epid. sect. 5. com. 1.* & 5. eo quod illius cognitio nec ad morborum curationem, nec ad sanitatis tutelam quicquam faciat, interest tamen Medicis, & magis quàm Philosophis, cognitionem habere in quam corporis parte princeps animæ facultas contineatur, quæ princeps dicenda sit, & num vna tantum principatum obtrineat, vel plures simul, videlicet vt in principum facultatum læsionibus sciant ægrotanti loco præsidia adhibere, 9. *de placit. cap. 7. & 2. de loc. affect. cap. ult.* Auerrhoës 2. *collect. 9.*

Quod verò principatus vniuersus soli cordi tribuendus sit, quòdque in eo, veluti in fonte, primæque radice & origine, princeps animæ facultas, & reliquæ omnes quæ præfides nuncupantur, animalis nempe, vitalis, & naturalis resideant, cum Aristotele contendunt Peripatetici, & alij, quorum numerum operosum esset valde recensere, quos sequitur Cæsar Cremoninus, insignis sanè Philosophus lib. *de calido innato*: confirmant autem his potissimum fundamentis.

Primò. Anima hominis sicut vna tantum est, ita vni tantum membro affistit, ex quo cætera omnia gubernat, lib. *de inuentur. cap. 1. lib. de animal. gressu ad fin.* Igitur in

A illo virtutes omnes vigeant, ab illòque in reliqua emanabunt: cum autem tale membrum sit cor & non alia de causa in medio corpore à natura constitutum, illud solum erit princeps, ac virtutum sedes, sed & reliquorum membrorum nobilissimum, in quod omnia tenentur, & ordinantur, tanquam in vnum quod præst in humano corpore; non aliter ac in magno mundo, ad cuius similitudinem microcosmos appellatur.

Secundò. Pars illa dicenda est prima, & reliquarum omnium princeps, cui primò inseritur anima, & à qua vltimò secedit, quæque ex se citra alicuius opem sufficiens habet instrumentum ad principes functiones. Sed cor primò animam recipit, primòque vivit, & vltimò moritur, calorem insuper habet copiosum, quem influit per totum corpus, quo tanquam instrumento singulæ partes operantur. Igitur omnium functionum principium dicendum est,

Tertiò. Nerui virtutis animalis, simul & venæ altricis, naturalisue facultatis instrumenta à corde originem ducunt: videntur igitur dictæ virtutes, arque adeò omnes in corde residere: nec enim de vitali quispiam dubitat. Et quod ad neruos attinet, probatur, quia cum duri sint, duròsque esse oporteat præfertim motorios, commodius à crassa, duræque cordis substantia, quàm ab infirmo, mollissimòque cerebro oriuntur, & oriri attestantur illi, quibus contextum est cor ipsum. Iam verò non ab hepate, sed à corde venas deduci, probabile facit venarum accessus ad cor: illud enim vbi primum pertingunt, cessant, & finiuntur, tanquam in sua radice, nec amplius penetrant: iecur autem non aliter recta via perforant, & penetrant, quàm reliqua membra ad quæ alimentum deferunt, ac si ab hepate ipso initium non trahant.

Quartò. Si altrix, sensilisque facultates in vno corde non locarentur, sed locis separatæ existerent, distinctæ etiam forent, diuersæque natura, atque ita vna sine altera daretur. At impossibile est sensibilem sine altrice reperiri. Igitur cum hæc in corde locata sit, ibidem fatendum est conuenire omnes; licet enim in plantis sine sensu alitio detur, in animalium tamen corpore vndique sensibili, separari non possunt, atque idè ex vno licet inferre.

Quartò. Vnus & idem numero calor nutritoriæ vi, & sensificæ inseruit. Ergo in vno locandus loco simul cum facultatibus ipsis. Nullus autem potest aptius accommodari, quàm cor. Ergo, &c. Antecedens ostenditur, quoniam sicut meditatio coctionem vitiat, ita coctio meditationem impedit, & interturbat, quod sanè non eueniret, nisi vtriusque virtutis sensoriæ nempe, & nutritoriæ idem esset instrumentum.

Sextò. Cerebrum insensibile est, frigidum, imbecille, & mollissimum: igitur nec sensus potest esse auctor, nec corporis molem mouere, nec motibus ministrare: illis siquidem repugnat innata frigiditas, quæ omnes motiones impedit. Demum membrum illud est recipiendum pro sensus, & motus origine, in quod recipitur sensificus, motiuusque calor, vbi externa membra sentiendi, mouendique actionibus priuantur, & in quod mandatur ad eas obeundas. Sed ad cor per somnum calor retrahitur, à corde per vigiliam prodit. Illud igitur statum sensus, & motus initium: cuius non leue etiam argumentum videtur, quòd in syncope, corde ipso affecto, & deficiente in membris vitali spiritu, cessat in illis sensus & motus; ligata ampla arteria, sequitur resolutio in membro, ad quod pertingebat arteria aliqua; & ligatis carotidibus, carus inducitur: quod quidem minimè accideret, nisi ipsa animalis facultas per arterias influeret à corde; quo etiam leso naturalia opera non parum etiam offenduntur. Omnium igitur virtutum fons, cor est, solumque inter membra principale, vtpote quod nullo indiget; omnia autem illius influxum, opemque expectant, & recipiunt, nec aliter vivere, consistere, aut operari possunt. Hæc Peripatetici.

Medici verò contrà tria principalia membra constituunt, à quibus gubernatur corpus, præfidesque virtutes oriuntur. Idem in pluribus locis asseruit Galenus, sed præfertim lib. 1. *de placitis Hip. & Platon.* in quo aduersus Arist. Praxagoram, Chrysippum, Zenonem, Diogenem

Babylonium, & alios hostiliter contendit, non esse soli A cordi principatum inter membra tribuendum; sed cerebro etiam, & hepati; neque cor omnium virtutum initium esse.

Ostenditur veritas huius sententiæ hoc modo. Illa membra dicenda sunt principalia, quæ totius corporis salutem, & incolumitatem tuentur, vel facultatem mandando ad actiones obeundas necessariam, vel vtilem materiam ad alitionem ( princeps enim definitur membrum à Gal. 6. de placit. ult. quod si facultatem tori, vel materiâ largitur. ) Sed cerebrum, animalem vim sensuum, & motuum auctorem tori communicat; hepar in se sanguinem conficit, & per vniuersum distribuit, ad membrorum omnium nutritionem. Igitur non modò principatum in corpore obinere dicuntur, sed fontes & origines esse animalis, & naturalis virtutis; huius nempe iecur, illius autem cerebrum. Hoc sigillatim ostenditur.

Pro cerebro sunt euidencia argumenta. Tamdiu partes nostri corporis sentiunt, & mouentur, quamdiu nervo à cerebro delato, & ad cerebrum ipsum terminato fruuntur; quippe ex dissectione constat, ex cerebro nervos, aut spinali medulla, quæ ab ipso procedit, descendere.

Rursus. Capite refrigerato somnus sequitur, sensus scilicet & motus priuatio in organis. Similiter compressis cerebri ventriculis oriantur omnia, nec sensum, & motum recuperant, quamdiu obstructio, compressioque durat. Igitur in ipso cerebro residet, & ab eo, non verò à corde emanat animalis facultas: quod satis confirmat historia illa à Gal. relata 1. de placitis, de victima, quæ corde auulso per aliquot horas cucurrit, & vociferata fuit.

Deinde. Vbi intemperies, vel tumor, vel insignis aliqua affectio præter naturam cerebrum occupat, vitatur membrum, nec sibi satis constat homo. Præterea auxiliis capiti admotis restituitur, & sanatur. Igitur princeps animi facultas suam habet in capite domicilium; quod sanè conueniens erat, quemadmodum Plato in dialogo de natura scripsit. Decebat siquidem sublimem, & præ cæteris eminentem virtutem, in sublimi & excelso loco, non in medio collocari, & ut inquit Galenus 2. de placit. cap. 5. in ea parte, in qua rerum notitiæ imprimuntur.

Denique. Mira cerebri structura, varia formatio, artificiosa compositio, tot plexibus sinibus, ventriculis, nervis, regentibus membranis, &c. ad magnum aliquem vsum fuisse formata demonstrant. Nullus autem potest esse præstantior, quàm principem animæ facultatem continere, & illius actiones in se edere. Igitur, &c.

Adde, quòd non alia de causa videtur natura sensus omnes capiti affixisse, nisi ut tanquam serui, & magni Regis stipatores, ut ait Galen. 8. de usu part. 2. mentem in ipso capite locatam comitarentur, & essent velati illius ianuæ, per quas ingrederentur omnia ab intellectu cognoscenda.

Vltimò. Cùm non terrestris, sed cœlestis planta sit homo, decuit in summo corpore, radicem, hoc est, vim rationantem habere, & ut cœlestibus inhiareret, & ab illis traheret, & totum corpus erectum, suspensumque ad cœlum, vnde prima animæ generatio prodit, haberet ex Gal. lib. de consuetudin. cap. 4. vbi Galen. refert Platonis sententiam, circa principalissimam animæ partem.

Eam igitur in capite, maximèque in ipsius cerebri penetralibus contineri, indeque reliquis, & toti corpori præesse, ac in omnia membra influere, innumeris ferè locis docuit, & ultra citatos, lib. finit. medicar. cap. 5. lib. 9. de usu part. cap. 4. & lib. 7. cap. penult. 2. de placit. 7. & lib. 7. cap. 1. quod animi mores, cap. 3. ad fin. & 1. de rat. viñt. sect. 3. com. 41. & 7. aph. 14. Quod sanè vsque adeò certum est, & compertum, ut multi etiam eorum qui partes Aristotelis defendunt, inficiari non audeant, cerebri interuentu membra frui animali facultate.

Contendunt tamen adhuc, & vel Arabicæ familiæ antesignani, facultatis animalis radicem esse cor, indeque demandari ad cerebrum, & in eo manifestari, magisque vigere, atque ex cerebro ipso ad membra immediatè emanare, sed radicaliter à corde; non aliter ac vidèdi facultas, juxta Gal. sententiā, in cerebro, tanquam in primo fonte existit, sed in oculis elucet, quia sunt accommodum vi-

dendi instrumentum: hoc autem aiunt Aristor. voluisse, ut ex plurium sententia notat Albertus Nouocampianus in disput. an cor, vel iecur in formatione factus, consistat prius, in fin.

Cæterum manifestè eorum interpretatio, & inuentum redarguitur, tum quia Arist. 2. de part. animal. 7. cerebri necessitatem ad sentiendi, mouendique vsum prorsus negauit, solumque gratia moderandi caloris cordis dixit fuisse creatum, ac proinde frigidissimum, & ad reliqua omnia inutile, quod Galen. apertè impugnat 8. de usu part. cap. 2. & 3. Tum quia si animalis vis in corde radicaliter contineretur, & ab eo tanquam à prima radice ad cerebrum, & ad reliqua membra mandaretur, præciso corde, aut illius viis obstructis, non modò cerebrum, sed reliqua omnia membra virtute animali priuarentur: at tantum abest ut id contingat, ut viderit Gal. ubi supra, animalia multa in sacrificiis currere, & vociferari cordibus abscissis. Non à corde igitur, tanquam à fonte, primòque principio emanat vis animalis.

Nec argumèti vires infringit, quod 7. Physicor. 4. Auerrhoës subtiliter adducit, nempe fieri posse, quòd cor etiam auulsum auctor illius motus sit, primùmque mouens, & virtute ab illo deriuata moueatur animal, non aliter ac moueri dicitur lapis à proiciente, quamdiu durat præstitus impulsus, quamuis proiciens pereat, aut quiescat: licet enim in iis quæ consequenter mouent, & mouentur, rectè quidem sequatur, si vltimum non mouetur, nec primum fuisse motum; non tamen è conuerso, si primum mouens quiescit, necesse erit quiescere secundum; moueri siquidem poterat virtute antea recepta ab ipso primo mouente, ut patet ex adducto lapidis exemplo.

Sed quamuis illud locum habeat in effectibus permanentibus, à primo mouente productis, stare tamen in successiuis non potest. Cùm verò vis ipsa motiua, qualitas quædam successiua sit luci solari simillima, impossibile est à corde emanare, tanquam à fonte, & eo ablato mouendi munus efficere; sed oportet confestim aboleri, luminis & lucis instar, ad Solis & cuiusvis alterius absentiam, à quo producuntur. Cùm ergo compresso, aut vitiatò corde non mutetur protinus vis ipsa animalis, mouens, sentiens, cogitans, discurrens, & reminiscens; cerebro autem insigniter affecto, manifestam sui cæssionem ostendat, eoque compresso cesser in corpore vniuerso, motus & sensus, in cerebro residere, & ab eo, non à corde prodire asserendum est, nec vnicum cor in corpore principatum obtinere, sed cerebrum etiam ipsum.

Neque obstant Peripateticorum fundamenta, contentientium solum cor inter membra principale esse, omniumque virtutum corpus gubernantium fontem, & originem. Dic ergo ad primum, animam vni cordi non assistere; omnibus siquidem, singulisque membris præsens adest: cùm enim omnia & singula, quamdiu in corpore animato sunt, viuunt & nutriantur; sitque anima ipsa, principium vitæ, tam essentialis, quàm accidentalis, sit planè manifestum, animam, quæ vna est in toto, singulas illius partes æqualiter informare, atque adeò omnes animæ vires non in vno tantum membro residere.

Nec verò Arist. adductis locis de senect. & animalium gressu, de anima loquitur, quoad informationem, sed quoad peculiarem vim quandam, vitalem scilicet, ratione cuius dicitur esse in corde, veluti in vitæ fonte, principioque innati caloris, quem quia per vniuersum corpus perpetuò mitti oportebat, & seruari, debuit cor ipsum in medio thoracis locari, ut inde innatum calorem, quo animal regitur, dispensaret, & pulsatione tueretur.

Quamuis autem gratia caloris quem influit, videatur habere ingressum; & in cerebri, & iecoris functionibus, non idèò tamen in illis principatus est ei tribuendus, quum prædicta membra facultatibus propriis, non à corde mutuatis, sua munera exequantur. & vniuerso prouideant, in quo principatus consistit. Neque inconueniens est, plura dari principalia membra, quemadmodum nec plures esse principes facultates, quibus vna anima præsit, totam agens molem, omnèque & singulas tum vires, tum corporis partes gubernans.



Ad secundum, rectè posset negari maior: Licet enim primò cor viueret, primòque animam reciperet, quod Peripatetici arbitrantur, elsetque primum subiectum caloris, sensuum, motuum, demum & cunctarum actionum instrumentum, non ex eo magis sequeretur, quam vitalem vim in eo consistere, siue ea alitrix sit, siue alterius ordinis; non perinde tamen eam quæ sensus, & motus facit; cum etiam ex Arist. & Peripateticorum sententia, vis animalis necessaria non sit in prima fœtus formatione: uiuit siquidem primò, & dispensatur vita plantæ, ac proinde sensu, & motu non indiget, sed tantum alitricem vi. Cum tamen huius sedem, & originem iecur esse arbitremur, illud primò viuere, primòque animam recipere asserendum est. Oportet siquidem fœtum hepatis beneficio prius ali, quam sentire, & moueri; quod experimentum etiam confirmat, de quo præter Gal. lib. de fœtus formatione, videndus Hip. lib. de natur. pueri, cuius mentem ad vnguem interpretatur Hannibal Albertinus tract. de membrorum principatu, in fine.

Iam verò cor esse focum, & innati caloris mineram, non inficiamur: nec similiter ab eo iam constante, & edito in lucem animali membra corporis expectare influxum, eoque deficiente diu consistere, aut operari non posse: minus siquidem innati caloris habent omnia, quam ad actiones peragendas requiratur. Cum enim oportuisset cor calidissimum creari, & ad eius, non aliter quam ad solis præsentiam in orbe, omnia calidiora essent euasura, quam nascerentur reliqua membra corporis, decuit minori caloris copia donari, quam ad operandum requireretur, vt influente, & infuso iuncto sufficiens compararetur. Verum quamuis cerebrum, & iecur ad sua obeunda munera maximo cordis beneficio præ reliquis fruuntur, principia tamen illis sunt, non minus quam cor in vitalibus functionibus, vt diximus. Confule Antonium Ludouicum lib. de corde, in initio.

Nec sufficit hoc principium esse, & fontem caloris, perpetuòque influere, vt omnium virtutum radix, & origo dicatur, principatumque obtinere in sanguinis confectione, distributioneque, ac in sensibus præstandis: Nam præterquam quod innatus, infususue calor magis præcipuum est instrumentum singularum actionum, quam influens ille cordis vsque adeò vehemens, & intensus, satis accommodatus non est ad animales functiones, nec insuper ad sanguinem venalem procreandum, quem minus calidum esse oportebat; atque idè non decuit virtutes omnes in corde locari, sed varias in variis membris, quorum temperamenta, & structura singularum functionibus pro cuiusque exigentia inseruirent.

Ad tertium argumentum, negandum est antecedens: Anatome siquidem distinctè docet, ex cerebro nervos, à iecore venas oriri: nec admittendum cor esse multis nervis vallatum; quum enim illi, quos in corde fingunt, sensu destituti sint, nervi appellari non possunt, quoniam membra à functionibus, non ab apparente phantasia sibi nomen sortiuntur; hinc enim mortuus oculus ab ipso etiam Aristot. non nisi æquivocè oculus nuncupatur: nervos autem siccos, duròsue esse non oportuit, sed sensorios quidem, reneros, molles, & qui facillè paterentur ab obiectis; motorios licet aliquantulum robustiores, non tamen siccos, & duros simpliciter; atque idè hos à dorsi medulla, illos à tenero, mollique cerebro deduxit natura, 16. de usu part. cap. 2. Iam verò cauam venam iecur permeare, non prohibet illud esse sanguinis originem; quemadmodum nec impedit arborum truncos diciradicacionis initia, et si alimenti lacunam, stagnumue non contineant, sed tantum fibras iuxta se crassiores, quam ascendentes, & descendentes, quemadmodum in iecore etiam conspiciuntur. Nec obstat, cauam vbi cor contingit, quamprimùm cessare, nec illius substantiam permeare, quod necessarium erat, si alimentum à iecore deferret: Nam caua illa sanguinem non deducit ad cordis alimoniam, sed ad ardentis sanguinis generationem pro totius corporis usu, ac proinde, &c.

Ad quartum. Quamuis alitrix facultas, & sensibilis distinctis sint locis, non idè tamè sensilem damus sine alitricem, quæ reliquarum omnium materia est: hæc verò ipsa, sicut

in iecore vbi viget potissimum, mediante illius forma, & temperamento sanguinem procreat, ita animale spiritum in cerebro, præsentibus sensibus, & moribus.

Ad quintum. Non negamus innatum calorem vñ esse, & commune omnium operationum instrumentum, & illius gratia sese mutuo actiones impedire. Verum cum idè calor eodem modo se habens, similiterque temperatus, non posset variis operationibus inseruire, oportuit pro singulari usu variari, singulasque partes propriū habere, & peculiare temperamentum, suis functionibus proportionatum; ac proinde nō licuit virtutes omnes in corde locare, licet fons sit, & in totū influentis caloris comune principium.

Ad sextum. Alibi disputabitur commodius, num cerebrum sensu sit præditum, sed quantumuis eo careat, molissimumque membrum dicatur, non tollit hoc posse esse sensus, & motus originem, quum in se principem animæ facultatem, imaginationem & iudicium contineat, possitque vim dignoscentem ad organa sentiendi mādare, mouentemque virtutem, imperiumue ad musculos ipsos arbitrarij motus instrumenta. Nec asserentes cerebrum præstare sensum, & motum, significamus, quod omnia ad vtrumque opus requisita largiatur (non enim aptum est instrumentum sensibilibus recipiendis nec sufficiens habere robur ad mouendam molem partis), sed quod alteram tantum sensationis motionisque partem exequatur; præstando nempe sensuum organis vim, qua susceptas ab obiectis impressiones discernant; musculus autem, qua vtile prosequantur, & noxium inutileque fugiant. Nec verò ad hoc requiritur quod sentiat, & arbitrariè moueatur cerebrum: quod si requiri contendas, eodem profus fundamento, excludendum venit cor à sensuum, & motuum principatu, quum vtroque priuatum sit, punctum siquidè non dolet, nisi vel parum in membrana circumdante, & ratione accedentis nervi, nec voluntariè mouetur. Minus obstat, frigidū esse naturæ, atque ita aduersum animi functionibus: nam licet innata cerebri temperies per se sumpta, non sit apta sensationibus, iuncta tamè calori è corde influenti, accommodata efficitur. Cur autem fuerit cerebrum frigidum creatum, hoc est, minus calidum, causa est, quia si calidissimū esset, motus essent temerarij, & sensationes deliræ, quales sunt phreniticorum.

Ad vltimum. Somni tempore non minus animales spiritus ad cerebrum, & venarum sanguis ad iecur, quam vitales spiritus ad cor retrahuntur; & proinde parum efficaciter ex retractu caloris ad cor, inferunt ab eo oriri sentientem, & arbitrariam mouentem: ipsa enim anima, vel regitina facultas totius, quemadmodum per vigiliam expandit calorem per ambitum corporis, quo sensus, & motus fiat; ita per somnum ad sua principia deducit, & animales quidem spiritus in cerebrum, tanquam in arcem, & radicem sensuum, ac motionū colligit. Si verò in syncope, aliisque cordis passionibus concidit animalis facultas, sit propter mutuum consensum membrorum principalium, & communem ingressum cordis in animales, & reliquas omnes operationes: vnde nihil mirum, si corde affecto reliqua membra consentiant; si in syncope virtus animalis deficiat; si constrictis magnis arteriis sequatur resolutio, si ligatis carotidibus sequatur capitis refrigeratio, & somnus profundissimus: nempe quia destituta membra caloris influxu à corde, refrigerantur, & inepta ad motū, ac nonnunquam etiam ad sensum redduntur. Verum ex eo non sequitur, à corde oriri animale vim illorum alitricem, nec illud solum in corde principatum obtineret tria enim sunt principalia membra constituenda, vt diximus, à quibus vita nostra dispensatur, inter se quidem diuersa, sed mutuas operas desiderantia, nec diuersa quidem ob varias, distinctaque animas: cum vna tantum sit totius & singularum partium forma; sed propter diuersas facultates, quibus influunt in totum, quæque licet ab ipsa anima profuant partes omnes informante, in illis tamè tribus resident veluti in suis principijs, indèque corpus gubernat, vegetatrix, quamuis toti communis, in iecore potissimum, vitalis in corde, animalis in cerebro, vnde ad sua organa manant. Et hæc est potior solutio, & explicatio argumentorum Aristotelis, illa quam proponunt Vallesius

sius lib. 2. cont. 13. Laurentius lib. 1. de hist. anatomic. qu. 2. A Thomas à Veiga, qui lib. 3. Gal. de loc. affect. in com. cap. 4. obscurius more suo de hoc instituto est ratiocinatus, inter quos nunquam satis laudatus Fernel. lib. 5. physiolog. ac. 12. usque ad ult. Galenicam veritatem adamussum explicuit.

## QVÆSTIO IX.

*Utrum vis à cerebro, & corde influens, sit anima potentia, temperamentum; aut modus ad operandum.*

**I**llud verò difficultatem inuoluit maximam, cuius solutionem arduam esse firmiter Hugo Senensis in com. 1. 1. doct. 6. c. 4. notabili 2. Mercatus tom. 1. suor. oper. lib. 1. part. 4. clas. 3. quest. 107. 4. quæ, quidue sit facultas hæc à cerebro, toti, & à corde arteriis influens, nec ex eo sit difficile, quod si anima vna est, omnibus partibus præsens, & perpetua, eisdem etiam aderunt ipsius animæ vires, ac proinde quidpiam aliud oportere esse, quod ab illis principiis communicatur: nam cum inter potentias ab anima emanantes, quædam in corpore proximè recipiantur, atque idè ex parte illius varias dispositiones requirant, quæ in eadem parte coniungi non possunt, necesse sit diuersas sedes in corpore habere, nec omnes in singulis reperiri.

Illud valde vrget, cur insitæ non erunt organis sibi accommodatis, vt v. g. visus oculo, tangens omni corpori, mouens musculis, pulsatis arteriis, &c. Cûrue ab anima illis præsentis non emanabunt, si naturalis est hæc emanatio, nec potest cohiberi in subiecto capaci? Deinde si animæ vires vtpote quædam naturales passionibus ab ipsa anima separari non possunt, quomodo in spiritu animæ experte recipiuntur, & eo mediante ad membra deferrentur?

Quidam arbitrantur virtutes animæ, siue idem omnino cum ipsa sint, siue quidpiam diuersum, vbique esse, dummodo totum sit illarum capax; nec respectu illarum cerebrum, aut cor dici magis primum sensitivum, principis in aliqua functione, quàm illud quod agenti animæ aptum præparat instrumentum, & per corpus distribuit, tale autem apud quosdam, temperamentum est. Quoniam verò illud quod sensibus, & motibus inseruit, in cerebro paratur, & ab eo per nervos distribuitur; inseruiens autem pulsationi, quia à corde per arterias appellari, inquit cerebrum princeps, & domicilium virtutis animalis, cor vitalis, & eas corpori largiri, quamvis ipsæ teneræ suis organis adsint, Nec mirum: quoniam & intellectus omnibus membris cum anima præsens, dicitur in capite peculiariter existere, quia ibi sedem habent sensitivæ vires, veluti illius instrumenta, sine quibus in hac vita intelligere non potest.

Nec hoc aduersari inquit, Gal. afferenti animalem facultatem ad sensum & motum, à cerebro mandari, distendentem & contrahentem arterias, à corde, quum per sæpe facultatem spirituum, & nonnunquam animam ipsam appeller temperamentum.

Verum multa, nec inualida conuincunt vt credamus, vim quæ dictis principiis communicatur, non esse temperamentum. Et primò sic temperamentum cum permanens res sit, ablata conducente causa durat aliquamdiu. Sed ligato nerno confestim membrum virtute animali destituitur, eaque repente fruitur ad ipsius nervi solutionem: similiterque ligata, vel soluta arteria amittit, & recuperat pulsationem. Qualitas igitur alia est à temperamento diuersa, quæ à cerebro per nervos, & à corde per arterias accedit.

Secundò. Nervus quicumque adest in parte, sufficit ad temperandum calorem, vt fiat sensationibus aptus: quod si nervus ipse immodicè refrigeretur, propter spirituum animalium defectum, potest illius calor calorificis foueri. Atqui impedita nervi origine, sensus, & motus deperditur, quantumvis paretur temperamentum parti. Igitur, &c.

Tertiò. Multò magis intemperata sit hydropici, vel acutè febrientis manus, quàm illius qui ad humerum habet

neruum alligatum. Sed huius manus, licet aliàs sana, sine sensu & motu iacet veluti emortua; in illis autem sine noxa sentit ac mouetur. Igitur virtus illa quam deducit nervus, non est temperies.

Quartò. Magis mutatur temperamentum ad cordis, & articularum mutationem, quàm cerebri, aut nervorum. Atqui corde ablato victima cucurrit, & vociferata fuit; ligatis arteriis nulla ferè sit in animalibus actionibus mutatio; cerebro autem, aut nervis impeditis, maximè. Ergò instrumentum illud à cerebro per nervos veniens, quidpiam aliud est temperamento, & aliud similiter vis illa quæ arteriis accedit à corde: si enim hæc temperamentum foret, multo promptius per arteriarum cavitatem cum feruente sanguine, & spiritu mandaretur, quum tamen experimento illo Gal. lib. num. solum sanguis in arteriis, ad fin. per membranam arteriarum diffundatur. Quare, &c.

Id ipsum significauit Auic. 1. 1. doct. 6. cap. 4. dicens, requiri certam complexionem ex parte spirituum ad virtutem recipiendam, & notauit Iacobus; sed fortè ea difficultate motus, quod spiritus inanimatus sit: virtutes inquit, in spiritu non contineri formaliter, sed virtualiter tantum, quatenus scilicet à corde, & à cerebro spiritus vim recipiunt, ad producendum virtutes in membris illarum capacibus, non aliter ac lumen virtualiter dicitur habere calorem quem producit, & semen formaliter animam. Sicut verò lux productiua caloris, à corporis luminosi præsentia dependet, sic vis illa à principio vnde emanat, quia qualitas quædam successiua est ipsi similis.

Gentilis ibidem putat ipsammet virtutem formaliter in spiritu recipi, & per eum ad membra deferri: nec inconueniens esse ait, recipi animæ potentiam in non inanimato spiritu, qui a tanquam in instrumento recipitur, non tanquam in subiecto.

Cæterum si anima membri assistit, cur in illis quæ apta sunt recipere, suas passionibus non producit, sed ab spiritu expectabunt producente, vel deferente. Rursus, si potentia animæ sunt à subiectis animatis inseparabiles, in spiritu animæ experte, etiam tanquam in instrumento recipi non poterunt.

Quare dicendum potius videtur, ipsas sentiendi, mouendique potentias, simul & pulsatilem, cum quædam passionibus animæ sint, simul cum ipsa anima suis organis adesse: sed nec arterias pulsare citra cordis, nec citra cerebri influxum; sentiendi, mouendique organa posse in suas actiones prodire. Nec verò dicendum, principia illa solum cum spiritu debite complexionato influere, sed simul cum vi, qualitatè quædam lucis sobole: & eam quidem quæ à cerebro in spiritu animali ad musculos deferretur, nihil aliud esse arbitrantur, quàm imaginationis, voluntatis imperium, vt debite, & consultò moueant ad sensum organa lucem, quæ exactè suorum obiectorum impressionibus discernant: quæ verò à corde in vitali spiritu ad arterias accedit, putant vim similem, quæ apta redduntur ad distentiones, constrictionesque suas.

Nò ergo est negandus à corde, & cerebro, per arterias, & nervos influxus. Sed mirari subit plurimos, qui cum præclare verbis, & sententiis Aristotelis illustrer, ausi sint dicere, quod post quinquagesimum annu non adest hic influxus, sed falluntur: tunc enim occuberet animal, quum vita nostra ab hoc influxu depèderet, citra quem partes illi cò cessare à suis actionibus est necesse. Sed fortè aliquam possunt opinionis suæ excusationem adferre: quod reatut homines ultra centesimum annum viuere non posse.

Si autem causam scire affectas, hæc est potissima, & ab Aegyptiis ita redditur, vt inuenio apud Plin. lib. 11. c. 37. (quibus quidem mos est cadavera medicata conseruare) quod augeatur cor per singulos annos in homine, ac binas drachmas ponderis ad quinquagesimum annum accedere; ab eo detrahi tantumdem, idèoque non viuat homo ultra centesimum annum, defectu cordis.

Sed tamen etiam ultra centesimum annum viuere multos præter Plin. lib. 7. cap. 49. Solinus etiam tradit, & alij plerique: at in hoc argumento elegantissimus est Censorini locus cap. 14. panè extremo, cum alio eiusdem Plin. ex quo correctionem loci Censorini captauit doctus vir

vt Franciscus Mochius Nouantius, *lect. epist. 27.* ita enim A  
Celsotinus: *Præterea sileri non potest, quod refert Varro, quod  
Dioscorides Astrologus scripsit, Alexandria inter eos qui mor-  
tuos solent conseruare, constare, hominem, plus centum annis  
uiuere non posse; id, cor humanum declarare eorum qui inte-  
gri perierunt sine corporis tabe: id quod multis annis pen-  
dendo, cor omnis ætatis incrementa, & diminutiones cōseruet,  
& aniculo pendere duas drachmas, bimis quatuor, & sic in  
annos singulos usque ad quinquagesimum accedere binas: ab  
his ceterum drachmas, atque anno quinquagesimo item decede-  
re in vnoquoque binas; ex quo perspicuum sit, centesimo anno  
redire ad anni primi pōdus, nec longius vitam posse produci.*

Idem affirmat Plat. *lib. 4. synop. quest. 5.* Ibim scribens,  
Ciconiæ speciem esse quæ cum excluditur, duas pendet  
drachmas, vt recens orti infantis cor, & credit Valler. *lib.  
Hieroglyph. 17. in ibide.* Quapropter cum impossibile sit  
viuere animal citra cordis influxum, & post quinquagesi-  
mum annum minuatur illud, & tabescat, iccirco non ne-  
gandum, post hanc ætatem non ita validum esse cor, aut  
cerebrum, nec cum tanto robore influere, vt in vitæ pri-  
mordiis: hoc ita esse; ostendunt in senescenti ætate pul-  
sum tarditas, raritas, debilitas, vitiatæ coctiones, impo-  
rentia ad motum, pigritia, torpor, sensuum obtusio, actio-  
num omnium tam internarum, quàm externarum defe-  
ctus. Attamen partes hæ præcipuæ nunquam durante  
vita cessant à motu, & præsertim cor, cuius vel brevis  
quocunque casu ab agitatione cessatio repentinum affert  
interitum: nam, vt idem Mochius legit in Plin. *lib. eodem,  
epist. 40.* & prius notauit Macrobius. *lib. 1. in somn. Scipion.*  
Cor in animali, est quod Sol in æthere: sicut enim ab hoc  
pendent omnia, quæ stata ratione per cælum fieri vide-  
mus, diem, noctem: sic quæ in animalis corpore fiunt,  
pendent à corde.

## QVÆSTIO X.

*Vtrum vena à iecore, an à corde oriantur. Contra  
Conciliatorem, Vesalium, & Peripateticos.*

C Or non esse solum membrum nostri corporis prin-  
ceps, satis in superioribus quæstionibus exposui-  
mus: nunc consequenter affirmandum, hepar non esse à  
numero principalium membrorum excludendum, utpote  
quod sanguinem in se conficiat, & per venas ab ipso de-  
ductas, in corpus vniuersum distribuat, singula membra  
aliturum. Hoc manifestum facit ipsarum venarum origo.  
Supposito igitur, quod nec Aristotelici inficiantur, mem-  
brum illud esse constituendum facultatis naturalis altrici-  
s, vegetabilis, vel concupiscibilis principium, & sangui-  
nis officinam, à quo venæ oriuntur, eas non à corde, sed à  
iecore proficisci efficaciter aduersus Aristotelem conuin-  
cit Galenus *lib. 6. de placit. à cap. 3. usque ad libri finem,*  
plurimis rationibus; quarum hæ sunt fortissimæ.

Prima. Quemadmodum in plantis, quibus sola inest vis  
naturalis alitrix, pars illa dicitur initium radicationis, hoc  
est habere facultatem, quæ arborem regit, & vim ad radi-  
cum fibras, & ad fructuum extrema mandare, in qua fibræ  
omnes iunguntur, ad inuicemque copulantur; ita in ani-  
malibus credendum est, ibi adesse alimenti originem, vi-  
gerèque naturalem virtutem, vbi venæ connectuntur.  
Atqui venæ membrorum omnium naturalium iecori ipsi,  
vt ex dissectione constat, non cordi coherant. Iecur igitur  
est venarum, & alitionis principium.

Secunda. Ex duobus truncis qui ad hepar conspiciun-  
tur, ille qui ascendit, vt partes superiores nutriat, vbi con-  
tinetur cor, multò minor & tenuior est descendente, ali-  
turo partes infra iecur existentes. Igitur non oriuntur il-  
læ ab ipsa cordis regione: Oportet enim superiorem  
truncum, maiorem esse, & crassiores; maiora siquidem  
minoribus præstare solent, non è contrà; & iuxta sua prin-  
cipia orta omnia, etiam maiora sunt, quemadmodum flu-  
uius ad fontem, &c.

Tertia. Si caua vena à corde oriretur, & ab eo sangui-  
nem traheret ad distribuendum per corpus, utique & cum  
arteriis simul pulsaret (pulsat siquidem totum cor, & ab

eo ortæ venæ, & aperta haberet orificia, quibus posset  
sanguis exire, quando cor sui constrictione deoneratur:  
Atqui vena illa caua cordi inserta nequaquam pulsaret, vt  
patet. Insuper liberos non habet sanguinis exitus, sed  
omnino præclusos, *6. de usu part. 14.* Igitur nec è corde or-  
tum habet, nec ab eo distribuitur sanguis.

Quarta. Pisces, & nonnulla alia animalia dextro cordis  
ventriculo destituuntur. Atqui fieri non potest vt in vno,  
nec satis amplo sinu sanguis pro toto conficiatur. Ergo  
saltem in illis ab alio membro petenda est sanguinis ge-  
neratio, & distributio; maximè quod non videtur possibi-  
le, quod in vna eademque cauitate generentur duo san-  
guines, temperamento diuersi, arterialis nempe, & vena-  
lis, per duo genera vasorum mandandi.

Quinta. Vena qua fœtus in vtero materno per vmbili-  
cum sanguinem recipit, ad iecur directò tendit, illique in-  
feritur; in lucem verò iam edito, chylus in ventriculo con-  
fectus, & per pylorum descendens, nulla via potest ad alia  
membra transmitti, quàm per mesaraicas, hæ recta via ad  
hepar deducuntur, & terminantur, vt intuenti patebit. Er-  
go ibi chylum reponunt, vt ex eo ibi conficiatur sanguis.  
Satis autem hoc ipsum ostendunt membra sanguinis ex-  
purgatoria, fel scilicet, & lien, quæ natura iecori apposuit,  
quorum enim iecori circumdedit, nisi in eo expurganda  
materia contineretur, & per coctionem generaretur.

Nec dicas iecur sanguinem pro toto non conficere,  
nec omnino elaborare, sed veluti ministrum cordi præpa-  
rare, (non aliter ac iecori ipsi præparat ventriculus) in eo  
perfici, & ab eo per totum distribui. Nam præterquam  
quod iecur totam materiam quam recipit, & circa quam  
agit, cordi non remittit, totam autem mittere necesse erat,  
ad hoc vt illi præparare diceretur, *6. de placit. 4.* Nō repe-  
riuntur in corde vasa; quibus possit sanguis per vniuersū  
distribui: nec enim fieri potest per cauā, quæ vna dextrū  
cordis sinum ingreditur, per eam siquidem inelaboratum  
sanguinem à iecore cor recipit; non solet autē natura, vno  
eodemque vase inculcā, crudamque materiā introducere  
simul, & vtilem iam, coctamque rursus educere. In iecore  
igitur pro toto sanguis conficitur, & ab eo per venas in  
ipsomet ortas, ad singula corporis membra distribuitur.

Quod sanè dogma licet prædictis fundamentis, immò  
& conspectu ipso satis confirmetur: non desunt tamen,  
quibus illa parum efficacia videantur, quique ob vnum  
Aristotelem contradicentem, concepto errori pertinaci-  
ter adhæreant, minùs curantes Galeni rationes. Inter hos  
duces extant præcipui Conciliator *dis. 47.* & Vesalius, qui  
*lib. 3. de fabric. cap. 6. & 7.* nō solum Galenum, falsum, cal-  
lidum, vafum, sed inscium appellat, immò contra Philo-  
sophum plura finxisse de industria asserere ausus est. Sed  
impudentiæ suæ, temeritatis, & superbiæ meritis luet  
pœnas, quum illius argumenta fabulæ sint, & meræ nu-  
gæ. Age igitur, & vide quàm pugnaciter, maleuolentia  
quadam in Magistrum percitus, ita blaterare ausus sit, at-  
tendèque quàm ridiculis nitatur fundamentis.

Sic ergo contra primam Galeni rationem, quam nihil  
conuincere arbitrat, hostiliter insurgit, quoniam si cor-  
di mesaraicæ venæ non connectuntur, atque idè negatur  
esse venarum origo, negabitur simul iecur, cui nec arte-  
rialis vena sanguinem à corde ad pulmones deferens co-  
hæret, nec arteria venalis inspiratum aërem à corde tra-  
hens. Sed nō considerat rationis vim in eo sitam esse, quod  
oporteat vasa alimentum deferentia illi membro annexi,  
quod radicationis, atque aded alitionis principium dicendū  
est; quumque eas iecori connecti experiamur, non cordi,  
iecur meritò appellamus venarū, & nutritionis originem.

Nec obstat duo illa vasa ab hepate non prodire, arteria  
enim venalis, vena non est: venarum verò, non arteriarum  
radicem quærimus: vena autem arterialis licet vena sit, ob  
peculiarem tamen causam oportuit à corde deduci, nempe  
quia ab eo erat sanguinem arterialem ad pulmonis nu-  
tritionem latura, & quia cum esset duplici tunica vesti-  
enda, nec vtramque posset à caua habere, quæ vnica tantum  
contacta est, necessarium fuit alibi oriri.

Secundam deinde rationem calumniatur, primò, quia  
non apparet in omnibus animalibus cauam venam esse  
ad

ad iecur bipartitam, nec semper illius truncum ascendentem in ramulos duos tenuiores scindi, vñque cor, altero iugulum petere: necesse autem (inquit) erat, ut generatim conuinceret ratio, illam venarum distributionem in omnibus apparere.

Deinde etiam in illis, in quibus experimur ascendentem cauam esse minorem descendente, illud tantum euincitur, iecore nempe sanguinem distribui, & in eo fortè confici, non propria tamen virtute, sed à corde suppeditata, idèque superiorem causæ partem fuisse tenuiorem; præterquam quòd nihil prohibet, minora esse, aliquando principia maiorum, non aliter ac maiora minorum; chorij enim vasa priora sunt simul, & minora, quàm alia vmbilici ab illis exorta: tunica oculi vitream humorem circumdans, retina videlicet, maior est optico, à quo initium trahit. Dorsalis medulla à posteriore capitis parte nascitur prope lumbos, tamen magis crassescit, maiorique foramine quàm sursum patet. Fluuius nonnunquam exiguus incipit, angustusque à suo fonte descendit, deinceps autem in magnitudinem assurgit. Cur ergo similiter ascendens vena, licet prope cor minor appareat, non erit principium maioris descendentes, & reliquarum omnium?

Cæterum parum urget adductis. Si enim eadem est iecoris vis in omnibus animalibus, & in plurimis experimur, venarum distributionem à iecore ipso, cur eam in aliquibus inficiabimur, quamuis in illis bipartita similiter non appareat caua? Iam verò sanguinem ab hepate manare, quid aliud est quàm sanguinis effectricem facultatem in eo contineri: maxime cum naturalis vis sit, cuius influxus aliunde omnino interdicitur.

Si enim chorij vasa, non aliter ac plantarum fibræ suis ortis minora conspiciuntur, initia sunt formationis, non autem distributionis, dispensationisue, de quibus nobis est sermo; hæc enim maiora esse oportet, maioraque simul orta iuxta suas origines. Sic venam distribuendam prope officinam, iecur nempe, ampliorem, latiorèque fuisse decurrit. Dorsalis verò medulla si ad lumbos latiore foramine aperitur, fuit, quia ibi veluti in stagno recipiendus erat spiritus moribus peragendis copiosus. Opticus autem dum in membranam transit, non efficitur maior, sed latior, quemadmodum nec fluuius qua parte inundat.

Contra tertiam obiicit, quòd vena arterialis non pulsar, licet à corde oriatur. Opponit etiam venalem arteriam, in qua licet tres similiter reperiantur valvulæ, non prohibetur egressus fuliginum ab ipso corde; ita ut mirum non sit ab eo oriri cauam, & pulsu destitui; nec dici possit sanguinis exitum negari, quamuis caua cordi inserta habere videatur exteriùs præclusa orificia. Sed fallitur aperte: non enim probat arterialem venam esse pulsu destitutam, cur enim ea parte qua prodit à corde, simul cum reliquis vasis cor attingentibus non pulsabit? In progressu verò per pulmones ipsos minime (proprio enim motu distendi non potest, quoniam tota pectoris inanitas ab arteriis occupatur, 7. de usu part. cap. 9.) Quod autem de arteria venali adductum omnino est, cum duas tantum habeat oppositas membranas, & has quidem non exactè claudentes exteriùs. Insuper quamuis similes haberet valvulas, à vena ipsa caua prodire posset exigui fuligo: Sanguis autem corpus totum aliturus, nequaquam nisi vena ipsa satis amplum, patensque haberet foramen. Lege Valleriol. lib. 1. loc. com. cap. 12. in med.

Aduersus quartam obiicit, saltem in animalibus, quibus cor vno tantum ventriculo constar, non trahi sanguinem à iecore; trahendus siquidem erat ad dextrum ventriculum, quo destituuntur, unde infert sanguinem in corde generari. Sed manifestè decipitur: in illis siquidem & à vena caua trahitur sanguis ad cor; neque enim in eodem sinu possunt sanguines gigni temperamento vsque adeò diuersi, ut diximus.

Contra quintam Gal. non potest negare, id quod visus ipse ostendit, terminari scilicet ad iecur vmbilici venam, simulque melsarais deferentes ab stomacho chylum, sed liquet ut in iecore ipso, materia præparetur cordi, à quo exactè elaboranda est, eaque de causa expurgatoria membra fuisse hepati apposita, nempe ut mundaretur à super-

fluitatibus materia ipsa, in cordis officinam transitura, & ab eo distribuenda. Verum cum ostensum sit, iecur cordi non inferuire, nec illi tanquam ministrum præparare, non est quòd in his refutandis amplius immoremur.

Stat igitur iecur, sedem esse, & radicem virtutis naturalis alticis, sanguinem pro toto conficere, & per venas, quæ ab eo oriuntur, distribuere, ac in eo munere principatum obtinere, non aliter ac cerebrum in sensibus, & moribus largiendis. Si tamen de hac quæstione, contra Arist. & eius sequaces, plura legere cupis, adi Andr. Laurentium lib. 4. de hist. anatomic. exercit. 2. Qui licet exercit. 4. Vesalij rationes adamussim non explicet, illorum tamen argumenta dilucidè extricat.

Sed dissidium inter celebres Medicos iamdudum versatur: An sicut cerebrum fons dicitur, & origo facultatum, quibus sentimus, & mouemur, cor autem vitalis, seu pulsificæ, ita iecur illarum quas naturales appellamus: & sicut illæ per neruos, & arterias à principiis suis emanare dicuntur; ita etiam à iecore naturales emanent per venas ab illo deductas? Respondet Valsellus lib. 2. contr. 16. negatiuè, variis argumentis munitus, cuius verum libenter amplector. Quo pacto reiciendi sunt Thom. à Veiga in com. cap. 37. art. med. Gal. & lib. 1. de loc. in com. cap. ult. Christoph. à Vega lib. 1. art. med. cap. 5. Caspar Lopus lib. 2. de temperam. Gal. in com. cap. 8. qui facultatem naturalem influere asseuerant: fatentur tamen Galen. esse intelligendū de quadam vniuersali facultate, sanguinem gignente, quæ in iecore alimentum pro toto operatur, quæque licet naturalis, ita oritur, & residet in iecore ipso. ut nullibi nisi per influxum ab eo reperiatur. Aliter explicandus, de quatuor illis particularibus ad abiectionem necessariis, quæ tam in plantis, quàm in animalibus ita insitæ sunt, & innatæ membranis omnibus, ut per se citra virtutis aliunde influxum, alimentum præparent & dispensent, trahendo, decoquendo, & superflua expellendo.

Sed illorum interpretatio manifestam redargutionem includit: nam si membri principatus in eo consistit, quòd toti materiam, vel facultatem largiatur, 6. de placit. cap. 10. vis autem sanguifica non vniuerso corpori, sed solis venis communicatur, 4. de usu part. 2. 12. & 17. & 6. de placit. 8. planè non idè iecur principalis membri nomen obtinet, quòd vim sanguificandi demandet, præsertim quòd illa venis insita est, & innata, & non ab hepate influens, cum naturalis sit, & eadem cum ipsamet coëctrice venarum, 2. de natural. facult. 4. ac proinde, vbicunque reperitur fixa, & independens, ex Auic. 1. 1. doct. 5. c. 1. idè merito Galenus vniuersaliter pronuntiauit, non affici naturalia membra per consensum denegatæ facultatis, in eoque ab animalibus distingui. Consule Peramat. lib. de anima facult. nostrum corpus dispensantibus, cap. 3. in med. & Casparum Bartholinum in controuersis anatomicis, sit. de musculis, & venis, quæst. 4.

## QVÆSTIO XI.

*Utrum cor fons innati caloris, & vitæ principium sit constituendum.*

**C**Or vitæ esse principium, supra vbertim exposuimus. Esse membrum calidissimum, firmat Galenus in locis multis. 1. de temp. ult. ad fin. & lib. 2. de temp. c. 3. Nam ita calidum est, ut si viuo animante, neque adhuc febre tentato, in cordis sinistram ventriculum digitum intromittamus, vehementissimum in ipso perferentiamus calorem, ut firmavit Gal. lib. de inequal. in temp. cap. 5. Hanc de temperamento cordis doctrinam, Medici, & Philosophi amplectuntur, si Auerrhoem excipias, qui ipsum per se, & natura sua frigidum esse contendit, quoniam constat partibus frigidis, fibris, venis, arteriis, quæ partes sunt spermaticæ, & frigidæ, cuius rationes leges solutas apud Laurentium, lib. 9. de histor. anatomic. quæst. 13. Iacobum, & Gentil. in com. cap. 2. Auic. 1. 1. doct. 3. Nam Gal. hoc membrum esse fontem caloris innati non semel inculcat, 8. de usu part. c. 7. & 1. de semin. c. 8. & lib. de fetus format. c. 6. ad fin. & lib. de viliis respirat. cap. 5. in med. & lib. de usu puls. cap. 1.



cap. 1. Vtrum autem in passivis humidum sit, an siccum A  
disputant Peramatus lib. de temp. cap. 6. ad med. Valles lib.  
1. contr. cap. 10. Calpar Lopius lib. 1. de temp. Gal. in comm.  
cap. vlt.

De dignitate cordis plura scitu digna edocuit Magister  
lib. 7. meth. cap. 6. §. Igitur maxima est cordis officij dignitas,  
&c. Hæc est causa cur lib. 5. de loc. affect. cap. 1. hoc mem-  
brum fontem esse caloris iure merito arbitretur: quo-  
niam in eo narius singularum partium calor conserva-  
tur, & vitæ nostræ focus est, centrum, & origo. Adeo enim  
præstans est, & veluti divinum, ut nullum ex membris in-  
ternis Deo attribuitur excepto corde. Ita Regius Psaltes  
Psalm. 40. & lex tua in medio cordis mei: ut non minus do-  
ctè, quàm laculenter probat auctoritatibus plurimis om-  
niscius Rabbi Moses Ægyptius, totius orbis lumen (sic  
enim illum vocant Iosephus Scaliger, Casaubonus, &  
Baronius) lib. 1. perplexorum, cap. 46. quod opus Ioannes  
Buxtorfius ex Hebraica lingua in Latinam transtulit ele-  
ganter.

Sed si hoc verum est, ut cor, fons & principium innati  
caloris asseratur, quia membrum calidissimum existit, &  
eo præditum calore, qui sibi, & aliis membris, quibus eum  
impertitur, sufficiat, quæritur, cur potius non fuit cum  
minori calore, eoque sibi soli necessario creatum, simul &  
reliqua membra cum eo qui sibi necessarius erat, ad hoc  
ut cum proprio, & innato instrumento possent pro neces-  
sitate in suas actiones prodire: quod facius videbatur,  
quàm mediati caloris influxum à corde expectare, & eo  
deficiente protinus ab agendi munere cessare, & ne ad in-  
teritum vnius membri omnia simul perirent, siquidem  
sua temperie viuunt, durant, & operantur.

Deinde si caloris innati fons, atque adeo vitæ origo  
esset cor, primum omnium membrorum formaretur, pri-  
mumque animam reciperet, quæ dat esse, & vitam. Atqui  
in animalis generatione iecoris formatio antecedit, ex  
Gal. sententia, lib. de fæt. format. cap. 3. quam doctrinam,  
multorum & Hipp. etiam testimonio confirmat, contra  
communem Philosphorum, tam Stoicorum, quàm Peri-  
pateticorum Scholam, primum locum cordi conceden-  
tium. Ergo sibi manifestè videtur contradicere, dum ap-  
pellat cor innati caloris, & vitæ principium, maxime quod  
principium esse oportebat etiam alitionis, (hac siquidem  
vita ipsa apud Arist. definitur) quod tamen ipse diffinitur  
2. de placit. vlt. de quo supra,

Sed his ita satisfaciendum est. Et ad primum sic. Non  
ut inuida, sed cuiusdam maioris utilitatis gratia, minùs in-  
fisi caloris indidit natura membris, quàm pro eorù actio-  
nibus requirebatur, voluitque deficientem à corde expe-  
ctari, & ut ex innato, & influente per arterias sufficiens  
compararetur: scilicet ut vita nostra & sanitas perduraret,  
breui alioqui peritura, atque ut accommodum instrumē-  
tum animalibus functionibus. haberemus: cum enim sa-  
nitas, & vita ipsa, ut docet Galenus 1. de sanit. 2. quatuor  
elementorum moderatione unicuique speciei, & indi-  
viduo accommodata consistat, neque ipsa possit se diu tueri,  
cit. de sanit. 5. & 1. aph. 3. & in art. med. 84. ad initium, ut  
doctissime probat Simon Simonius in com. text. 73. Arist.  
parvior. natural. ob pugnam, actionemque cōcuntium, &  
aduersantium elementorum, vnicum supererat vitæ salu-  
tisque subsidium, in reparatione deficientis, & iamiam  
perituri elementi, ut multis annis, quod natura intendit,  
prorogaretur vita, quæ citra eam substitutionem nec die-  
bus quidem multis erat duratura: fieri enim nequit, ut  
viuat homo, inquit Hip. lib. d. natur. human. sect. 1. text. 39.  
deficiente aliquo eorum, quæ in eo connata sunt, id est,  
pereunte, vel deficiente aliquo elemento.

Adde quòd cum terreas portiones, quæ in nobis con-  
tinuò absumentur, cibis restituant, aqueas resolutas porus,  
aëreas continua exhalatione, & perspiratu respiratio re-  
ponat: & ignis quidem longè distans (qui omnium ele-  
mentorum citissime euanescit, & absimitur, quique ma-  
gis necessarius est, & maiori indigens, & velociore repa-  
ratione) propter intercedentem aërem, nec attrahi, nec  
citra corporis offensam à terrestribus ingeri possit; miro  
artificio providit Creator noster, ut intra animalia cor  
Lib. V.

crearetur calidissimum, in quo aër per respirationem at-  
tractus vehementi motu, & calore attenuatus, in ignem  
abiret, ut ita quod igneum elementum subministrato ex-  
trà igne adhiberi non poterat, artificiosissima cordis ge-  
neratione alibi ministraretur, & deficiens repararetur: quo  
factum est, ut nullum prorsus animal cordis expers fuerit  
formatum, ad hoc ut eius beneficio deficiens ignis mem-  
bris suppeditetur.

Porro quoniam ignis in nobis reparandus, ipsum ele-  
mentum non est, (nec enim primis illis simplicibusque actu  
constamus, sed potestate tantum; actu verò substantiis qui-  
busdam, quæ elementis respondent, ut ex Hipp. docet  
Gal. 8. de placit. cap. 4. quas alunt humores, elementa se-  
cunda nostri corporis ab ipso Galeno appellati,) sed bilis  
potius, quæ ignem in nobis alit, & spiritus: is verò cum ex  
solo aëre reparari non possit, necessariò ad sui generatio-  
nem sanguinis vapore indiguit, 7. de placit. 3. & 6. de usu  
part. 17. cumque crassus sanguis sit, nec possit in tenuem  
exhalationem verti, nisi per ebullitionem, spumificatio-  
nemque vehementer attenuetur, quod à modico calore  
prodire non poterat: opus fuit tantò aliis membris, & he-  
pate calidius formari cor, quantum oportebat spiritus ex-  
cedere sanguinem calore, quantoque difficilior erat ex  
crasso sanguine spiritus gigni tenuissimos.

Hæc ergo est causa, ob quam calidissimum omnium  
viscus fuit efformatum, 1. de temp. vlt. lib. de fæt. format. c.  
3. & 1. de sem. c. 8. & adeo, ut ferueret semper, & eius mi-  
nimus calor maior omnibus asseratur, lib. de usu puls. c. 2.  
ac si nulla alioquin futura esset spirituum generatio. Hinc  
innati caloris feruor, focus, ignis, lares, ac veluti fons, &  
principium appellatur, 7. de anat. administ. 8. ad fin. 6. de  
usu part. 7. lib. de usu puls. 2. & 3. lib. de fæt. format. 3. 2. de  
placit. vlt. & innumeris aliis in locis. Insimul & vitæ se-  
des, atque origo, videlicet quia ea qualitate exuberat, qua  
vivimus, & operamur, & cuius merito vita definitur par-  
ticipatio calidi in humido: & tanto calore, & igne pollet  
cor persæpe, ut adustas, crassiores fulgines expiratione  
non excernat, sed in pilos vertat; quare veteres cor pilo-  
sum obseruauerunt, Plin. lib. 11. cap. 37. Valerius Maxim.  
lib. 1. cap. 6. Aristides lib. 3. de reb. Pers. Rhodig. lib. 4. lect.  
antiq. 16. Anton. Muretus lib. 1. 2. variar. lect. c. 10. Beniuen.  
cap. 83. de abditis, Amat. 6. centur. 65. qui homines sunt  
industrij, feroces, fortes, audaces.

Insuper quia eam perpetuò mēbris impertitur, influen-  
tem calorem appellamus. ex quo simul cum ingenito suf-  
ficiens comparatur membris: uterque verò beneficio cor-  
dis fouetur, & conservatur, & rursus deficiens restituitur;  
vitalis enim facultas ipsius cordis propria spiritum gignit,  
cuius potissimum alitione vita animalium definitur, & in  
quo narius calor continetur: pulsabilis, hoc est, mouens  
contractione & dilatatione, tueretur, fouet, ac distribuit.

Verum quamuis ita sit, non proinde dixeris primum  
formari cor, primumque animam recipere & vivere; fœtui  
enim plantæ vita primum viuenti, sat erat iecur, ut ex om-  
nium sententia scribit Galenus cap. 3. lib. de fæt. format.  
cuius munere aleretur, & terreas, aqueasque portiones  
repararet: huius enim nutritionis, & virtutis quæ sit, quæ  
simpliciter vegetabilis, seu potius naturalis Medicis nun-  
cupatur, principium est iecur ipsum; cor verò spiritualis,  
à qua potissimum pender vita animalium superantium  
plantas, spiritu igneo, & aëreo: huius autem alitionis non  
negat Galenus 2. de placit. cit. cor ipsum esse principium.  
sed tantum illius facultatis quæ naturalis appellatur, quæ-  
que prioris alitionis est auctor. Ex quibus ad ea quæ con-  
trà adduximus. De quo argumento eleganter conscripsit  
Felix Platerus in suis quest. medic. quest. 4.

## QVÆSTIO XII.

Vtrum mors sit passio cordis.

His iactis, necessum est ut Galenici axiomatis discu-  
tiatur nubilum, ex lib. 5. de loc. affect. c. 1. docentis,  
mortem euenire nequaquam posse, sine cordis læsione,  
vel primaria, vel per consensum; nam si vita, quidquid  
Z Z z illa

illa sit, ab vno corde dependet, tanquam vitæ sede, plenum est mortem, quæ oppositum vitæ priuationum dicitur, etiam ad illud ipsum attinere, atque adeo nequaquam posse euenire, quamdiu cor permanens illatum.

Porro hanc cordis læsionem, ad quam consequitur mors pronunciat esse intemperamentum, & cum eo quidem mortem ad conuertentiam dici: ac si sufficiat, & omnino requiratur cordis temperantia, vt pereat animal, eo potissimum fundamento, quia ad intemperantiam cordis præsertim validam, omnium partium temperies, quam cor ipsum conseruat, & fouet suo perpetuo, nec incorrupto influxu, necessario dissoluitur, & cum ea simul vita, quæ à temperamento dependet. Non è conuerso tamen se res habet in corde; non perinde siquidem ab aliis membris, quoad suum conseruari dependet; ac proinde etiam si cerebrum, & hepar afficiantur, nec sentiat, nec nutriatur animal, viuet tamen quamdiu cor habuerit incolume. Quod si nonnunquam ex aliarum partium noxa mors contingit, sit corde iam patiente. Patitur enim, atque intemperatur non raro per consensum, præsertim reliquorum principiorum, cerebri scilicet, & iecoris, quibuscum magis communicat; atque idè cerebro vehementer affecto, vt in vehemēti apoplexia, dissoluta cordis temperie ob priuatam respirationem moritur animal: non minùs iecinoris consensu, vt accidit in atrophia, præsumma illius membri imbecillitate sanguificare non potens, nec corpus nutrire, nec cordi mandare materiam ad vitales spiritus, & sanguinem arterialem in ipso conficiendos. Vnde, &c.

Ex syncope etiam, stomachi vehementissimo dolore, timore, mœstitia, exuberante gaudio, denique excedentibus animi affectibus, à quibus vel dissoluntur, vel contrahuntur, vel ultra modum expanduntur spiritus, & intemperatur cor, atque adeo mors subsequitur.

Sed singula altiori indagine sunt perpendenda, ob non leues quas patiuntur difficultates. Licet apud Galenum, & Medicos, tribus principibus facultatibus animalium vita dispenſetur, & constet, potissimum tamè dependet à gradu illo sensitio animalibus super plantas dato. Ergo eo abolito peribit omnino animal. Atqui cerebrum, non verò cor (ex sententia ipsius Galeni) est principium sentiendi. Ergo pereunte cerebro morietur omnino animal, etiam si incolume, & sanum permaneat cor: & ex consequenti, &c.

Nec minùs iecoris actione amissa cessabit quæprimùm vita: ad conuertentiam siquidem dicitur cum nutritione, 1. de anima, vlt. cuius origo asseritur iecur ipsum. Præterea ante cordis formationem solo iecore prius efformato, factus vita alebatur. Ergo etiam si cor postea formatum percat, iecur sicut antea vitam sustinebit; & ex consequenti mors non ita ad cor attinet, vt eo pereunte, pereant statim membra omnia, simul & animal ipsum; sed tribus simul principibus extinctis, vel quolibet eorum.

Insuper à quouis morbi genere, si magnus, vehemētiſque sit, mors potest induci. Atqui plures sunt morbi differentie, quàm intemperamenti. Ergo & plures mortis occasionēs: continui enim solutio (quam cor cum vita non patitur, vt paulò post) & deprauata compositio morbi sunt, ex vnitae siquidem, & compositione vita integratur, & constat.

Quinimò etiam si demus ad solam sui temperamenti læsionem cessare cordis actionem, atque adeo perire cor ipsum (mors enim est actionum priuatio: ) cur statim reliqua membra suis actionibus priuabuntur, & in omnibus vita adimetur?

Nec dicas, quia anima quæ dat esse, & vitam, soli cordi assistit, atque inde totum corpus animat, viuificat; & gubernat: certum siquidem est totius formam esse, ac omnia, & singula membra informare. Non item, quia cor vitalem virtutem, (cuius sedes, & origo dicitur) membris impertiat, quasi vis illa in omni membro viuente omnino requiratur, atque adeo ea in corde pereunte, necessum sit vitam in totum aboleri: cum enim vita, testante Galeno 9. meth. 10. vel anima sit, vel eius operatio; aut secundum Aristotelem, permanſio calidi in humido, cuius interuentu anima ipsa corpus informat, & viuificat, non

erit necessaria vis aliqua membris, per quam viuant, distincta ab anima, & calore innato.

Quod si tandem adicias, innatū ipsum calidum membrorum non esse sufficiens ad vitam conseruandam, sine illo quod à corde influit, nec durare posse sine refrigerio, & ventilatione, quæ cordis, & arteriarum pulsatione parantur: arguitur quod etiam si demus, cor influere calorem in omnes corporis partes, non illicò tamen eo destitutæ priuantur vita, immò aliquo dierum spatio sine illo cordis influxu seruari possunt, & viuere eo innato calore quem habent, quèmq; à primordiis contraxerunt: cum verò calor ipse, res quædam permanens sit, nec causam habeat continentem, non ita à pulsatione quoad suum conseruari dependet, vt ea cessante quamprimum extinguatur. Quare lib. de usu puls. cap. 2. docet idem Galenus, quod si arterias vinculo constringas, non statim partium infra ligaturam, omnes adimes calorem, nec ipsæ confestim morientur, quantumvis influentis caloris à corde, & pulsationis beneficio priuentur: & paulo post, reliquorum (inquit) calor longo spatio durat, etiam corde omnino refrigerato. Quinimò sicut in plantis, & solidis corporibus, sine pulſu, & respiratione seruatür eorum calor, cur non etiam in animalibus? Adde quod cum cerebrum à corde non pendeat, immò nec iecur ad operandum, quia suas habent insitas, & independentes virtutes, cur eorum actio non durabit, deficiente sua in corde?

At hæc non valdè vrgēt. Non primū, quoniam etiam si demus, animalium formam per gradū sensitium ab anima plantarum distingui, & illum quidem cōstituere animal in esse animalis, nec sine cerebro posse sensu, motūque fungi, non idè cerebro ablato confestim morietur animal, si des cor illatum permanere: videlicet quia anima ipsa sensitua, quæ primum est sentiendi, mouendique principium, non in solo cerebro sita, & veluti circumscripta existit, sed in totum corpus expanditur; quum verò vt in eo permaneat, magis à corde pendeat, quamdiu cor ipsum valuerit, à corpore non secedet, & viuet animal, sed sensu, motūque orbatum, quia sine cerebri concursu exerceri nequaquam possunt; sicut nec videndi actio, nisi accedente illa oculi constitutione.

Cæterum quia impossibile est, ad notabiles cerebri læsiones, aut cuiusvis alterius, saltem principalis membri, non compati cor, propter mutuum consensum, & dependentiam quam inter se habet, nequaquam viuet. durabitve animal cerebro ablato, aut insigniter affecto. Quamvis enim ex tribus principibus nullum alio egeat ad suā actionem edendam, sed tantum vt duret, 2. de placit. passim; possitque vnum lædi alio illato, 8. eiusd. cap. 1. qua vita fruatur, aut sub quo viuorum genere ex tribus à Galeno memoratis, lib. de marasmo, cap. 1. comprehendetur, plantæ, animalis, aut seminis?

Quod verò attinet ad iecur quamvis fons dicatur, & auctor nutritionis, & inter varias animæ functiones nutritione ipsa potissimū definiatur, non proinde tamè illius actione cessante protinus sequetur mors, ad modū quo statim sequitur, si pereat cordis actio: nam hæc alitrix est, seu vegetabilis, & nō minùs quàm illa iecoris sub vegetatiua continetur; vtraque enim reparat quod à corpore absumitur, & deficit; quod sentire etiā videtur Auerr. 2. collig. 7. Sed quia alitio ea, quæ cordis munere peragitur, magis necessaria est, & perpetua, nec intermitteri patitur, vt pote quæ partes æreas, & igneas reparat velocissimè in nobis deficientes, & velocius quàm terræ, & aqueæ quas iecur reponit; idè huius operatione cessante non illicò moritur anima quantumvis vita nutritione determinetur: perit autem quamprimum, si cor desinit operari, & ex priuata quidem nutritione: innutritio enim, immò & substantiæ, seu partis ad vitā sūmoperè necessariæ est abolita pulsatio, qua cor, & arteriæ in circumstātem ærem, & sanguinis vaporem ferunt, quo exhaustus restituitur spiritus: ac proinde dum Galenus 5. de loc. 1. & alibi, mortem cōstituit in priuata respiratione, cuius etiam cor auctor est, & principium, non agens, seu inducens ærem, sed suscipiens; & pulſu abolito, magis quàm in ablata iecoris alitio, non repugnat Aristoteli, definienti mortem ipsam per innutritionem.

Ad aliud negamus consequentiam, tum quia vita, quam A  
iecur prius efformatum per se sustinebat, vita plantæ erat,  
ad cuius conseruationem cordis præsentia non requiritur;  
tum quia factu intra vterum existente, iecoris calor  
materna pulsatione fouebatur, in suæque retinebatur tem-  
perie, *lib. de for. format. cap. 2.* Animali verò iam in lucem  
edito, cordèque perempto, quum commoditate hac, &  
vsque adeò necessario præsidio destituatur iecur, vitam  
nequaquam potest sustinere. Quinetiam nec valet, quòd  
si in foetus formatione iecur primum omnium vixit, om-  
nium etiam vltimum moriatur: nam in mixti genera-  
tione materia etiam antecedit, nec proinde tamen mix-  
tum ipsum durat, donec aboleatur illa, sed forma abolita  
quamprimum corrumpitur; cum igitur iecur in mem-  
brorum formatione materiam præstet, immò & veluti  
materia se habeat; cor formæ instar, tenuiora, & perfe-  
ctiora elementa, quæ animal perficiunt, subministret, ni-  
hil mirum si corde ablato, aut vehementer læso, sequatur  
in toto corruptio.

Nec verò inficiamur, vt pereat animal, necessum esse  
extingui tria vitæ principia: nam ad vnius interitum vnà  
pereunt reliqua; sed quamprimum corde extincto, paulò  
tardius ad aliorum extinctionem, vel noxam. Quòd si  
5. *de loc. 1.* docet Galenus, sine sensu & motu, immò &  
motrice facultate priuatum viuere posse animal, atque  
etiam sine nutritione, adductis in medium animalibus in  
latebris per hyemem degentibus, innuens cerebro, ac  
hepate (quæ sunt illarum operationum, & facultatum  
quibus efficiuntur, principia) quamuis offensis mortem  
non sequi; non ita intelligendus est, quasi velit, omni  
actione facultatèque motrice priuatum animal viuere  
posse, ac sine alitione vlla (impossibile enim esset vitam  
seruari saltem absque respiratione, quæ animalis opera-  
tio est, quàm latentia seruant simul cum nutritione, inter-  
nis enim succis nutriuntur, & pinguescunt) sed motrice  
facultate priuatum, hoc est, mouendi actione, & ea qui-  
dem non omni, sed artuum, id est, motu progressiuo, &  
sine alitione, hoc est, externi alimenti sumptione.

Iam verò requiri cordis intemperamentum, vt mors ad-  
sit, vel inde etiam constat, quoniam actio, qua vita, & sani-  
tas agnoscitur, à partis temperamento oritur: Licet enim  
vnitas, & compositio, compositionem etiam agentis orga-  
ni ingrediantur, ac vsum aliquem actioni præstent; nihilo-  
minus sicut ex multis similibus, quibus organum constat,  
vna tamen est pars princeps à qua organi functio depen-  
det; ita ex tribus illis potissimum, & immediatè actio ipsa  
tribuitur vni temperamento. Igitur hoc ipsum necessum  
est lædi, ad hoc vt membrum desinat operari. Cumque sin-  
gularum partium tēperies ab vnius cordis temperamento  
dependeat, vt in toto sequatur abolita operatio (quam  
mortem appellamus) requiritur læsio in communi illo  
cordis temperamento, quo totum viuit, & operatur.

Nec obstat, quòd etiam ex duobus aliis vitiatis morbi  
fiunt, & sine temperamenti læsione, ac nonnunquam gra-  
uissimi, à quibus sicut læditur actio, ita etiam si nimis in-  
crescant, potest auferri, atque mors induci: nam quamuis  
fateremur lædi ab illis, & vitiari posse functionem, non  
tamen aboleri, donec agens particula in temperamento  
afficiatur; quia quando commodè habuerit temperiem, ab  
opere nequaquam cessabit.

### QVÆSTIO XIII.

*Verum ad quamuis cordis intemperiem, vel ad so-  
lam frigidam siccam mors sequatur.*

Q Voniā in quæstiones de corde incidimus, prius-  
quam ad vltiora pergamus, succurrunt amulsiata  
pleraque digna omnino quæ non prætereantur in nostra  
hac historiarum cura. Apponemus verò primum, quæ ex  
Galeno *lib. 5. de loc. affect. cap. 1.* colligere potuimus, quo  
loco citra cordis intemperiem mortem haud quaquā eue-  
nire pronuntiauit. Verum vero illa solum frigida sit & sic-  
ca, dubitandum, & videri quidem quamlibet ex octo,  
siue simplex sit, siue composita, mortem posse inducere,  
*Lib. V.*

vel potissimum ex eo, quia si vita consistit in calidi innati  
cum humido duratione, vel est ipsa calidi innati cum hu-  
mido participatio, & calor non minus ab humido exce-  
dente extingui, quàm à frigido corrumpi potest. Rursus  
& humidum ipsum à calore exicari, & à sicco destrui,  
planè tam à calido humido, quàm à frigido sicco intempe-  
ramento, corruptio, interitùsve succedit.

Deinde. Quāuis calori tribuatur actio, qua potissimum  
vita dignoscitur, non quicumque tamen calor actionū est  
instrumentū, sed commensuratus tantum, siue temperatus.  
Atqui is non magis à moderantia recedit per frigus, quàm  
per calorem excedentem. Ergo etiam immodicus calor po-  
test esse causa abolitæ functionis, & ex consequenti mor-  
tis. Neque id videtur à Galeni sententia alienū: *Libro enim  
de marcore, c. 5.* aperte scribit, viuentia omnia quatuor in-  
temperantis corrumpti, & toridem compositis: nec immeri-  
tò, ab omni siquidem valida, & excedenti intemperie vir-  
tutis tenor dissoluitur, & quolibet elemento immodicè  
aucto, aut insigniter diminuto perit corpus, ex *Hip. lib. 1.  
de nat. human. sect. 1. ext. 39. & lib. quod animi mores, c. 3.*  
Anima migrat à corpore vehementer refrigerato, aut cale-  
facto, siccato, aut calefacto; & *1. de temp. 3.* vbi calidum fri-  
gido, vel humidum sicco præualet, intemperies fit; vbi  
amplius exuperat, morbus; vbi plurimum, mors.

Denique animi affectus mortem inducunt, vt lætitia ve-  
hemens, iubitum gaudium. Sed in his licet spiritus expā-  
dantur, sufficiens tamen remanet calor in æstuate corde  
ad conseruandam vitam. Ergo ab intemperie calida mors  
contingit sæpe; nam in his animi motibus calor viget in-  
gens, ebulliunt humores, & per corpus cum spiritibus ir-  
requieto motu mouentur, & sic totum corpus incalescit;  
quare subsequuta mors, à calore, & non à frigore emanat.

Aristoteles tamen, Galenus, & eruditi pariter, ac politi  
nostri zui Medici aliter opinari sunt: Cum enim vitæ  
principia ab illis, & omnibus constituantur, calor, & hu-  
miditas, & per ea definiatur vita ipsa, calidi & humidi per-  
mansio, siue duratio; opposita vitæ principia, & per conse-  
quens mortis, ea videntur constituenda, frigiditas, & sic-  
citas; atque adeò asserendum, viuentis corruptionem à fri-  
gido potissimum pendere intemperamento,

Præterea tamdiu dicitur vita durare, quamdiu durant  
in corpore functiones: cum verò hæc à calore fiant licet  
enim actio toti temperamento tribuatur, non tamen cen-  
agenti in mixtione, nisi soli calori, quamdiu illæ duraue-  
rint, indicabunt durationem agentis caloris in membris;  
& per consequens mors (quam diximus abolitam actio-  
nem in toto) significabit ablationem eiusdem caloris ab  
aucto, immodicòve frigore, corruptente calorem ipsum,  
& eius actiuitatem petimente. Id verò ipsum Galenus vi-  
detur innuere, cum mortē cum *Arist. lib. de ortu, & interitu  
definit, extinctionem natiui caloris, 2. de temp. 2. & 1. feb. 8.  
& lib. de marcore. 3.* Planum est autem qualitatem quamuis  
à sua contraria præcipuè corrumpi, ab aliis nonnisi per  
accidens, & mediāt: vnde *6. epid. sect. 4. com. 30.* vniuer-  
saliter pronuntiat, cor omne prope mortem frigida esse  
intemperie affectum quantumuis ex vehementissima fe-  
bre moriatur animal. Nam licet à præternaturali calore  
dissoluatur innatus ipse quo viuimus, atque ab humidi-  
tate etiam immodica extingui, & suffocari possit, immò &  
humidum ipsum in quo sustentatur calor, magis à calore  
absumatur, quàm à suo contrario exicetur: cum tamen  
innatus calor non in solo temperamento, sed & substan-  
tia spirituum contineatur, his à calore extraneo dissolu-  
tis, necesse est sequi caloris, & spirituum inopiam, quam  
frigus appellamus.

Nec dissimiliter sanè, siue calor ipse ab humido suffo-  
cetur, siue à quacunque alia qualitate ad vitæ functiones  
incommodetur, proximè antequam in toto aboleatur actio,  
& succedat mors, saltem priuatiuo frigore cor præoccu-  
pabitur; atque ideò occasionaliter quidem, per accidens, &  
remotè, quælibet intemperies mortis causa esse poterit;  
siue medio tamen, proximè, ac per se frigus ipsum: & ita  
intelligendus est Galenus, dum locis supra adductis asse-  
rit, ab omni crescente intemperie posse mortem oriri.

Cur verò cordis temperie dissoluta, vel insigniter læsa  
Z Z z 2 quam

quamprimum sequatur in toto nocumentum, & ad illius A  
interitum confectum reliqua omnia membra moriantur,  
non est quia soli cordi anima assistat, vel quia necessaria  
sit in omni membro viuente facultas vitalis per commu-  
nicationem à corde, tanquam finem reliquarum; sed  
quia cordis, eiusque actionis munere, omnium membro-  
rum temperies, & vita seruatur. Cum enim ea, vt non  
semel diximus, definiatur calidi in humido permansio:  
permaneat autem, tum quia refrigeratur, tum quia ali-  
tur respiratione, & pulsus in corde primum, deinde vi ab  
eo per arterias deriuata in corpus vniuersum, quacunque  
spiritus deferuntur; sic vt pereunte cordis actione, nec  
ventilationis beneficio detineri possit iamiam euolaturus  
calor, nec amissus reparari; vnde simul cum vita euanes-  
cit, duraturus alioquin, si illo cordis influxu frueretur,  
nec cor ipsum ab agendi munere cessaret, 3. simpl. 17. B  
Quamuis enim innatus reliquorum membrorum calor  
spatio aliquo citra ventilationem, pulsus, & respiratio-  
nem paratam durare possit, non sit tamen cordis, quia  
valde intensus, & ebulliens, 1. de usu puls. 2. adducto flam-  
mæ exemplo in cucurbitula apposita; atque adeò sine  
cordis influxu, seruari posse videatur in membris cum vita  
calor (quod victima illa ostendit, quæ corde ablato voci-  
ferata est, & cucurrit, 1. de placit. 2. & 3.) Tantisper ta-  
men erit, nec per tempus valde considerabile. Quod si  
cit. de usu puls. dixit Galenus longo spatio, loquitur per  
comparationem ad cor, quod nec per instans ferè viuet, si  
pulsatione priuetur.

In plantis verò, & solidis corporibus minor ignis co-  
pia cum sit, quàm in animalibus, (quæ multò magis  
oportuit, quàm stirpes calere, ob sensus, & motus, quibus  
supra plantas donantur) tanto refrigerio non indiguit at-  
que adeò sola ventilatione ex circumfuso aëre parata, non  
intra attracto, quemadmodum in animalibus, sed parte  
tantum externa, vel potissimum quæ fortè ob germinatio-  
nem magis calent plantæ, & ob mutuatum à sole calo-  
rem, quo potissimum fruuntur. In duris, aliisque solidis  
corporibus, cum nullus ferè motus reperiatur, minor  
etiam datur calor, quàm in plantis, sursum, deorsum, &  
ad latera mouentibus alimentum, quo nutriuntur, au-  
gentur, & propagantur, exiguum admodum refrigerium  
sufficit ad durationem exigui caloris quo constant: & his  
quidem quæ terræ supereminent, circumfusus aër satis  
abundè refrigerationem præstat, quæ verò intra terræ,  
vel maris viscera latent, ipse terræ, vel aquæ commeatus  
ruetur; potest enim solo refrigerio durare, conseruari-  
que remissus eorum calor, vel si intensus, vt in sulphure,  
& mineralibus aliis, non ebulliens, sed permixtis terræ  
portionibus valdè sopitus: in animalibus tamen ampliori  
igne præditis, eoque ebulliente, refrigeratio simul, & ven-  
tilatio necessaria fuit: nec parte tantum externa, sed vel  
præsertim internis, vbi magis æstuat, sumpto aëre per os,  
bronchia, & cutim, ad ventilationem, & refrigerationem  
ignis intus aceruati. Cumque id munus cordis actione  
membris omnibus præstetur, nec cerebrum, nec iecur cor-  
de ablato, aut insigniter læso seruari poterunt, licet enim  
infectas habeant vires quibus operantur, nec eas suscipiant,  
matuant tamen ad durandum influxum, ex quibus ad ar-  
gumenta patet responsio.

Denique ad ea quæ de animi effectibus obiectabantur,  
responderetur, idèò mortem inducere, quia cum excedunt,  
vel immodicam spirituum contractionem, vel expansio-  
nem operantur. Alteruter verò motus vbi modum exce-  
dit, periculosus est, & lethalis, videlicet quia caloris, &  
spirituum duratio, quum ex duorum motuum vicissitu-  
dine constet, contractionis scilicet, & distentionis, quouis  
pereunte, necesse est calorem ipsum aboleri. Vbi verò  
alter immodicus est, alterum impedit, nec enim simul  
fieri possunt: vnde ex nimia effusione sequitur  
infrigidatio; ab immodica contractione,  
adustio; & præ nimia retentorum  
fuliginum copia,  
luffocatio.

## QVÆSTIO XIV.

*Vtrum sinister cordis ventriculus sit præstantior  
dextro. Contra Aristotelem*

Proximè ad Hippocratis elegantiam Galenus accedit,  
quem propterea lego auidè, & iucundè, qui lib. 6. de  
usu partium, cap. 9. duos tantum sinus in corde, contra  
Aristotelem agnoscit: Summus enim auctor lib. de corde,  
num. 4. sic profatur, vt recens Medicus veritè Australis.  
Cor musculus est validus, non nervo, sed densitate, ac confri-  
ctione carnis, & duos ventriculos habet discretos in vno ami-  
culo, ab utraque parte vnum. Nihil autè inter se similes sunt.  
Alter enim in dextris ad osculū situs est, contingens alteram  
venam; alter in sinistris. Totum enim cor in his sedem suam  
firmavit. Sed ille etiā omnino amplioris ventris, & magis ina-  
nis, quàm alter est, neque extremitatē cordis attingit, sed cau-  
dam eius ambit, solidus item est, velut extrinsecus assutus.  
Alter autem subter sinistram mammam maximè in directum  
situs est, vbi etiam saltus ipsius significationē sui præbet, &c.

Contra firmavit Aristoteles lib. 3. de partib. cap. 4. §. Si-  
nus verò habent magnorum animalium corda tres, &c. & lib.  
1. de hist. animal. cap. 17. cor (inquit) tres sinus habet, &c. &  
mox: habet autem tres sinus, maximum quidem in dextra,  
minimū verò in sinistra, medium autem magnitudine in me-  
dia parte, &c. & 3. de hist. animal. cap. 3. §. Ecce tibi omnium  
quidem animalium cordi tres inesse sinus, sed maximorum  
evidentes esse omnes, aliorum duos maiores, & minorum mini-  
mè evidentes, &c. Vsum horum sinuum Aristoteli fuisse  
compertum, hæc eadem indicant loca, vt nunc explicare  
C minimè sit necesse.

Sed ne mireris summum Philosophum, quem, vnicum  
spiritum veritatis, omnes vnanimiter prædicant, ita fuisse  
lapsum. Neque enim hominum corpora secuisse verifi-  
mile est; quapropter in re anatomica plura absurda pro-  
fert, in libris de generatione, partibus, & historia anima-  
lium: neque enim animalis magnitudo multitudinem  
ventriculorum arguit, nec organorum formam paruitas  
immutat; maximè cum ab eruditissimis huius artis pro-  
fessoribus in homine, equo, elephante duo solum in corde  
reperiuntur sinus.

Vtrum autem præstantior sit dexter, an sinister, ar-  
duum est: confido tamen rem vniuersam ex medicæ fa-  
cultatis principiis, sic demonstraturum, vt ei qui synce-  
ro, candidoque animo totam præceptionem diligenter  
audiat, nulla postea irrepit calumpniandi occasio. Galenus  
enim lib. 6. de usu part. cap. 7. & lib. 7. cap. 2. atque alibi,  
expressit sinistrum cordis sinum esse dextro præstantio-  
rem, dum vulnerato corde, quamprimum interitum se-  
qui asseuerat, maximè si vulnus ad partis sinistræ ven-  
trem penetret.

Sed obstat non aspernabilis, nec lectione prorsus in-  
digna opposita opinio Aristotelis 3. de partib. animal.  
cap. 5. Pro qua contendunt multi, & primò, quia quem-  
admodum inter reliqua corporis membra, cor idèò di-  
citur omnium nobilissimum, quia suo motu ita vitam  
conseruat, vt vltimò moriatur, definatque moueri: sic  
ex ipsius ventriculis, ille censendus præstantior, in quo  
vita diutius durat, posteriùsque cessat motus. Sed is in  
sinistro ventriculo, priusquàm in dextro cessat, vt cor-  
de extracto apparet, & manifestè sentitur in morituris  
E Ergo, &c.

Denique in vniuerso corpore pars dextra præstantior  
est sinistra, atque robustior, 14. de usu part. 2. & 6. epid.  
sect. 2. text. 44. & 5. aph. 48. tam ex loci præstantia, quàm  
ex operationum robore. Dexter pulsus multò perfectior  
est, & vegetior sinistro, quod dextræ partis calorem ma-  
iorem, maioremque arguit nobilitatem. Insuper animali  
suffocato vniuersus ferè sanguis, & spiritus ad venas, &  
dextrum cordis sinum recurrit, paucissimus in sinistram,  
& arterias. Atqui hoc non aliunde, nisi quia natura cum  
sanguine, & spiritu, in partis nobilioris subsidium accu-  
rit. Igitur, &c.

Præterea, in dextro plurimus sanguis cum spiritu con-  
tinetur, ex Arist. cit. de partib. animal. cap. 4. & cap. 5. Hoc  
docet



docet magna, & latè patens vena à membris omnibus communis vocata, à dextro sinu deducta: cùm à sinistro arteria, neque ita magna, nec communis, nec perinde necessaria deriuetur. Ergo maior nobilitas datur in dextro, à quo maiora illa deducuntur vasa, plures, & vtiliores materias receptura, ac per vniuersum corpus deductura; quod & expressè sentit Auic. lib. 1. 3. animal. cap. 3. vbi de corde loquens, *Melior (inquit) & nobilior duarum partium cordis est dextera, quia ab illa multum emanat de spiritu, &c.* Quòd si cum Arist. suprà, & Peripateticis, tres admittantur ventres, quod non tenuit Auic. 1. 3. tract. 1. cap. 1. & Galenus non dissentire videtur, lib. de dissect. venar. & arteriar. c. 9. cur medius non dicetur nobilior, similiter atque medium cerebri?

Pro solutione nota, quòd cùm ea fuerit Aristotelis sententia, vt arbitrareretur cor non solum vitæ, innatiquè caloris principium, sed sensus, & motus, atque etiam nutritionis, omnia ferè vasorum genera, arterias, venas, & neruos, atque adedò sanguinem, spiritus, & facultates omnes à corde ipso prodire existimauit, & amplissimam quidem venam toti corpori communem, & per vniuersum, sanguinem delaturam, ex sinu dextro; à sinistro autem arteriam, vena illa multò minorem, minùsque communem, atque necessariam: Cùmque dexter ille venter plurimum, inquit, sanguinem, eumque calidissimum, & plurimos spiritus contineat, atque adedò vasa maiora, insuper & huius gratia in dextro latere melior fiat nutritio, pulsus fortior, sensus exquisitior, & robustiores etiam motus, dextrum cordis ventriculum sinistro præstantiorem asseruit.

Sed cùm Aristoteles, vt diximus, in arte secandi parum fuerit versatus, quia nec eius tempore vigeat, nihil mirum si in proposito, & multis alijs, quæ ad anatomen spectant, aberrauerit; ac proinde non multum monere debent, quæ de vasorum origine, & similibus scripsit, maxime vbi Galenum habet aduersantem, qui sensu fuit exactissimo & in dissectione absolutissimus.

Necrationes desunt, quibus placitum Galeni de sinistri ventriculi præstantia roboretur. Quò enim spiritus est sanguine præstantior, eò nobilior existimandus sinus, in quo ille elaboratur; eum verò esse sinistram, præterquam, quòd Galenus docet 6. de usu part. 7. 3. de facult. natur. ult. dixit etiam Auic. c. 1. de viribus cordis, & id ipsum demonstrat illius cõpositio, quia solus duplici tegitur membrana; nec alia de causa, quoniam vitalem spiritum vitæ magis necessarium in se erat contenturus, simul & potiorum sanguinem quo turget, 1. de placit. 5. quod libri initium est.

Quinimò nisi in sinistro generarentur spiritus, nec ibi potissimum vigerent, minor illorum copia inueniretur in arteriis ab hoc prouidentibus, quàm in venis, quæ à dextro secundum Aristot. oriuntur, quod nullus unquam admisit. Insuper & quorsum arteriæ duabus constarent membranis, vel cur potius quàm venæ non quiescerent, ac proinde saltem, vel omnes non mouerentur simul?

Denique qui venenum sumit, multò euidentior noxam in sinistro ventriculo, quàm in dextro sentit, vt eorum qui sumpserunt, experimentum demonstrat; atque hoc non alia de causa, nisi quia vitalis facultas, & spiritus ibi potissimum vigent, quibus venena ipsa ex natura sua aduersantur, & sic partem principalissimam, & præcipuam vitæ sedem inuadunt. Igitur negari non potest, sinistram longè esse præstantiorem dextro.

Nec erit laboriosum, rationes pro Aristotele adductas ad vnguem dissoluere. Et primam facillè infringes, appposito etiam motu de cordis auriculis: quæ licet multò minorem vim habeant, quàm cor, nihilominus vltimò mouentur, etiam corde ipso iam immoto, vt experimentum monstrat, & suppressa ratione docet Galenus 7. anatomic. administ. 1. 5. non solum (vt ipse inquit) quia appendices diutius moueri videantur (neque enim pendentia ex pariete ipso quiescente agitantur) sed quia leniores, & tenuiores motum magis manifestant, qui in corde ob granitatem, & crassitiem sensum effugit; vt perinde in sinistro ventre accidit, quem natura crassum, & durum constituit, in maiorem custodiam, & conseruationem

Lib. V.

A spirituum; dextrum mollem, & tenuem; atque idedò huius motus facillè sentiri potest, & vt magis euident, diutius durare videtur.

Iam verò dextri carpi pulsus, si diuturnior esse sceler, quàm sinistri, non accidit, quia vis mouens dextro cordis ventriculo potentior insit, sed ob maiorem dextri lateris calorem, qua ratione & pulsus etiam dexter maior, & dextera ferè omnia collata sinistris, validiora, quia calidiora: verum hoc non ob maiorem influxum ventriculi dextri cordis, sed ob cordis in medio, 6. de usu part. cap. 7. & iecoris situm in dextro, 6. epid. sect. 2. comm. 44. & alibi, nec non frequentius dextri lateris exercitium, quo calor augetur, fortitudo, & robur.

Plurimum vero sanguinem in dextro cordis ventre suffocati animalis reperiri, indicat magis sanguineum esse, id quod Galenus 6. de usu part. cit. & vasa ibi posita testantur, quorum alterum, sanguinem ducit à iecore, alterum, deferat ad pulmonem; hoc tamen ignobilitatem arguit collatione ad sinistram, qui spirituolus, & superior, atque adedò nobilior: ille enim tanquam coquus, & minister sanguinem præparat, & per mediæ cauitatis angustiam, elaboratum iam, & subtiliorem factum ad spirituum generationem transmittit in sinistram, 3. de facult. natur. ult. hic autem auctor generat, continet, & per arterias inde exortas toti communicat, 6. de usu part. 2. & 1. de placit. 7. & lib. de dissect. venar. & arteriar. 7.

Non deduci autè venas à corde, suprà ostendimus, neque verò tres in eo viscere ventriculos dari: quemadmodum Arist. opinatur, fide oculari demonstrat Galenus cit. de usu part. nec medius ille meatus, ventriculus est, sed angusta quædam via; qua sanguis in angustum percolatus, & coctus naturaliter mandatur, vt diximus. Immo quamuis tertius admitteretur, non foret sinistro nobilior: in cerebro enim medius si principatum obtinet, est quia imaginationis, principalioris virtutis sedes constituitur. Auicennam autem (licet Aristoteli ferè semper adhæreat) 1. 3. animalium, aiunt non dixisse dextrum simpliciter, & absolutè nobiliorem, sed ex parte loci; nec plus inde de spiritu, quàm à sinistro emanare, sed multum: quare ex aliorum, vel ipsius Arist. loquitur sententia. Ex quibus ad reliquas rationes, quæ in oppositæ sententiæ confirmationem adduximus, patet responsio.

## QVÆSTIO XV.

D Virum cor, vita superstite, abscessus patiatur, validas intemperies, & morbos omnes, vt Galenus contra Aristotelem confirmat.

Aristotelem in omni quidem scientia multum ante alios admirabili subtilitate virum, sed in animalium natura perscrutanda vel maxime memorandum, legimus prolixa oratione rimatum acerrimè 3. lib. de partib. animal. cap. 4. cur cor solum viscerum, atque omnium partium corporis, nullum vitium graue patiatur, ea ratione, quia principio corrupto nihil sit, quod cæteris quæ inde pendeant, præbere auxilium possit. Sequutus forsan Hipp. qui 4. lib. de morbis, num. 16. nullum oboriri morbum testatur: Cor ita solidum, ac densum est, vt ab humore non egrotet, propterea nullus morbus in corde oboritur.

Auicenna 1. 3. tract. 1. cap. 2. cor ipsum non tolerare inflammationem scribit Halyabbas 9. theoric. cap. 23. Non est possibile (inquit) vt apostemetur cor, vt accidat in eo opilatio in plures eius ventres, sicut possibile sit illud in cerebro: nam mors antecedit illud. Idem firmant Auerrhoës 3. collig. c. 25. Mesuè lib. de appropriat. cap. ult. Serapio 4. breuiar. cap. 27. & 28. Auezoar. 1. thei. tract. 1. 2. cap. 1.

De phlegmone autem, & erysipelate pronuntiat Galenus 5. de loc. 1. vbi primum incipiunt, statim internecare, nec viuente animali posse ad augmentum peruenire: quamuis enim cerebrum, & iecur inflammationes nonnunquam sine interitu sustineant, cor tamen ob sui principatum non patitur cum vita inflammari.

Obstant tamen in cõtrarium grauissimorum auctorum experimenta, & rationes: nam Gal. 5. de loc. cap. 1. narrat

duo memorabilia exēpla, de simia, & gallo, in quibus post mortem in cordis inuolucro scirrholi tumores inuenti sunt. Testatur etiam id ipsum *lib. 7. de anatomic. administ. cap. 5.* proponens historiam Marulli Mimographi filij, cui cor denudatum fuit, corrupto cordis inuolucro, & sphacelato osse thoracis, & tamen sanitati restitutus est. Confirmant etiam illustrium auctorum testimonia, quibus fidem derogare nefas est, qui in corde, viuente animali, inuenerunt vermes, calculos, carnosas excrescentias, tubercula nigra, abscessus, tumores prægrandes, aliquando magnitudinem oui æquantes, viscera lordida. Quid plura? nonne viderunt plures cor extenuatum, cuius superficies erat cōsumpta putredine? nonne cor phthisi occupatur? nonne aliquando torrefit, & ita absumitur, vt sola tunica superficiē quibus omnibus affectibus cor premi, durante vita, fidiſſimi auctores contestantur, quorum numerum descriptimus *lib. 2. in com. hist. 41.* homines enim repente sideratorum more concidere ex eo euenit, quoniam cor paralyſi concutitur, cæterorum viscerum instar, quorum paralyſes nos latent, quia propria signa quibus deprehendantur, non habemus, vt discretè tradit Prosper Alpinus *lib. 10. de medicin. methodica, cap. 3.*

Hoc placitum validissimis argumentis roboratur. Tot morborum genera possunt in corde fieri, quot sunt naturæ ex quibus illius sanitas integratur. Atqui cor non minus compositione, & vnitatem, quam temperamento constat, quæ sunt omnes naturæ, (habet enim simplices, atque instrumentales partes, & in omnibus quidem vnitatem, vt commune quoddam, & temperamento, & conformationi, necessaria.) Ergo omne genus morbi perpeti potest, intemperiem nempe, malam compositionem, & solutam vnitatem; id quod expressit Auicē. *loc. cit.* Quum verò inflammatio morbus quidam sit de genere instrumentalium, negari non potest eam, vel omnino confirmatam posse cordi accidere, siue à materia paulatim congesta generentur, siue aliunde subito defluente; nutritur enim instar aliorum membrorum, & materias ab aliis aduenientes quandoque recipit.

Deinde. Periculosior est, & lethalior in corde solutio continui, quam ipsa sit inflammatio. Sed cum vita cor patitur magnum; & penetrans vulnus (nec enim eo saltem substantiæ cordis inflicto quamprimum mors sequitur, vt *5. de loc. cap. 1.* docuit Galenus, immò & corde vulnerato, multo tempore potest viuere animal.) Ergo à fortiori citra interitum patietur inflammationem. Maior præterquam quod scribitur ab Auicē. *ubi supra*, ostenditur ex eo, quia ab inflammatione sperari potest nonnunquam euasio, extractione collectæ materiæ, quod facilius est; & prohibitione fluentis, si quæ datur: à solutione autem minime, tum quia post vulnus prohiberi nequit inflammatio, atque adeò duplicis morbi grauissimi coniunctio, tum quia solutio dolorem grauissimum inducit, ac spirituum resolutionem; denique ex iugi, perpetuoque motu sanatio impeditur.

Rursus, si inflammatio quamprimum vbi incipit, perimeret, aut esset propter solutionem quam facit, & illius interuentu dolorem, aut propter intemperiem quam excitat, demum aut quia vitiatō compositionem, obstruendōve, cordis dilationem impedit, vel quia ex omnibus simul. Sed grauior est solutio ex vulnere, quæ partes separat, vehementiorque dolor quam ab inflammatione, quæ solum distendit; maior insuper intemperies, & æstus ex ardentissima febre, minorque impotentia ad motum sequitur ab obstructione, quam vulnere cordis, denique & minus impedimentum ex asseruatis, quam resolutis spiritibus. Igitur si ab vnoquoque horum necessariò mors non inducitur, nec etiam ab inflammatione saltem incipiente, & ex consequenti cor cum vita patietur inflammari absolūtè, & completè.

Licet autem hæc ita contingant, non euertunt tamen doctrinam Galeni, qui *lib. 5. de loc. cit.* constanter asseuerat, pari quidem cor erysipelas, vel inflammationem, sed incipientem tantum, & nec diu, nec longo tempore, quia antequam augeatur, animal corrumpitur; idque multorum quos vidit testimonio confirmat idem Auicē. *11. 3.* &

A Auerrhoës, & omnes alij, cuius placiti ea potissima ratio assignatur, quia cor eo quod sit vitæ principium, nullum graue vitium; vehementerque affectum patitur, instar aliorum viscerum minus principalium: nam in confirmata inflammatione plurima nocumenta, eaque grauissima simul coniunguntur, febris nempe acutissima, tensio, & continui solutio, dolor ingens, saltem in panniculo, & circumiacentibus partibus, demum & grauitas, atque obstructio ex collectione materiæ, à quibus impediuntur cor, & arteriæ dilatari, debiteque ventilari. Igitur cor viuente animali absolutam inflammationem pati non potest.

Nec concludunt rationes in contrarium adductæ. Quoniam primum licet euincat cor subitici inflammationi, non tamen vget posse eam confirmatam cum vita sustinere. Plurimi verò morbi ob sui vehementiam, & extremos quos inferunt labores, subito, & nonnunquam incipientes interimunt, ac proinde nihil mirum, &c.

Ad secundum. Quamuis admitteremus solutionem in communi periculosiorem esse in homine, quam inflammationem etiam genericè acceptam, eo quod ab hac saltem incipiente in corde, speratur aliquando euasio, à solutione saltem penetrante nunquam prout opponebatur; si penetrans tamen vulnus non sit, nec ad cordis ventres pertingens, minus periculosum erit, illudque diutius cor, quam inflammationem tolerabit. Quod si magnum vsque fuerit, & in sinum vsque penetrans, magna sanguinis, & spirituum effusione quamprimum interimet, & citius quam inflammatio. Certe enim si vixit corde vulnerato, vt Thomas à Veiga, auctor fidiſſimus scribit *5. de loc. affectis, cap. 1.* in verbo, *sequenti*, (præterquam penetrans vulnus non esset à sagittæ aculeo inflicto, atque ita nec grauis affectus, & qualis in homine fuisset) carnem habet duriorē quam homo, sanguinem pauciorē, & minus calentē, vasa insuper tenuiora, vnde multus simul cum vita fundi non potest, saltem ex quocunque vulnere; cum multo enim simul effluente exhalat anima, & interit vita, inquit Arist. *3. de histor. animal. 9.*

Ad tertium. Vbi increſcit, & producit inflammationem plurium simul nocumentorum, & symptomatum vehementia augetur, *2. aph. 30.* si verò vnumquodque illorum per se, dolor scilicet ingens, intensissima febris, vel prohibita ventilatio, celerimè interimit, nec patitur vitam durare, quomodo noxis tot simul cor opprimentibus ea diu conseruabitur.

Cæterum pro interpretanda mente Galeni *lib. 5. de loc. affect. cap. 2.* addenda sunt aliqua in argumento hoc, quæ eius doctrinam vbertim explanent. Ille enim *loc. cit.* de continui solutione pronuntiat, omnino lethalem esse; quod prius prædixerat Hipp. *6. aph. 18.* *Discisso corde, lethale*, tum propter motus perpetuitatem, tum quia cor fons est vitæ, innatque caloris, & spirituum origo: quamprimum autem, & cum magna sanguinis effusione interimet, si vulnus ad ventrem penetraverit, & velocissimè quidem; si sinistrum nobilissimum pertingat: spiritibus enim dissolutis confestim morietur animal. Quod si cordis tantum substantia vulneretur, *per noctem*, inquit, *ac diem poterit perdurare*, subsequuta tamen inflammatione peribit.

Quod si sola membrana cor ambiens, inflammatione, vel quouis alio affectu infestetur, quum ea inter partes ignobiles numeretur, nullum periculum afferet, nec quicquam ratione sui timendum inducet, sed ex noxa tantum, quæ potest cordi accidere. Quod autem addit, validam intemperiem cor occupantem subito interimere, difficultatem habet non exiguam. Nam sicut valida intemperies repente induci non potest, ita nec mortem inducere repentinam. Ergo siue in partibus cordis instrumentalibus, siue in similibus accidat, nequaquam subito interficiet.

Rursus. Si intemperies propria est similiarium, nec nisi ratione illarum in organicis reperitur, quomodo de ea asserit, subito internecare, si organicas inuadat, & negat de similibus? Præterea sicut in temperamenti duratione vita

vita consistit, ita & in incolumitate earum partium, quarum essentia est ipsum temperamentum. Ergo si illud in his partibus euertatur, subito morietur animal, & ex consequenti, &c. Adde quod syncope, & tremor, quorum interuentu, valida intemperies cordis dicitur interficere, non minus inducuntur, quum ea similes partes occupat, quàm quum instrumentales. Ergo utrobique subito interimet.

Fuchsius explicat non conferri *citato loco* à Galeno intemperies partium similarium, & instrumentalium, sed affectus illarum proprios, & de illis qui in instrumentalibus fiunt, quales sunt inflammationes, tumores, &c. pronuntiare repentinam mortem posse inducere, & antequam augeantur, ut dictum est; non sic verò intemperantiam propriam similarium, quia tanta subito fieri nequit, quæ sufficiat ad subito interficiendum: Potest verò multus humor repente ad partem fluere, & in ea subito inflammationem incipientem gignere.

Sed si mens Galeni ponderetur, ille de illarum partium intemperantiis loquitur, & per eas quæ ad instrumentales pertinent, subito internecari animal asseuerat. Dicendum ergo, quod licet intemperies propria similarium sit, nec nisi ratione illarum instrumentalibus accidat, quum tamen hæ ex illis componantur, ad has etiam pertinere dicitur. Rursus & quamuis in similaribus per se sumptis, hoc est, extra compositionem, periculum aut mortem inducere non possit, poterit tamen dum componunt, atque adeo in organicis ipsis, vel aliquibus, propter earum præstantiam, & maius nocumentum, quod ex illarum læsione sequitur.

Cum verò cordis sinus, & magnarum arteriarum eius cavitates, sint partes quædam præstantissimæ, & eæ quidem organicæ, si valida illas occupauerit intemperies (quæ organi intemperiem Galenus appellat; quia organi partes occupat similes,) nihil mirum si vehementissima noxa, syncope, & tremor subito inducantur, & ab his nonnunquam repentina mors.

Nec id mirum videri debet, quia in ipsis instrumentalibus partibus, atque ventribus, maxima pars habitat vitalis facultatis, vel saltem spirituum quibus ipsa constat, & operatur. Sicut enim animales functiones non qualibet cerebri parte affecta interceptiuntur, sed affectis, atque obstructis ipsis ventriculis; ita & in corde his ipsis potissimum affectis contingit virtutem exolui, hoc est, in deliquium incidere, & nonnunquam subito, atque omnino corrumpere, ita ut repente moriatur homo; id quod formidandum prædixit Hipp. *ubi supra*, in habentibus cor imbecillum. Cum enim prana materia in corpore redundans soleat decumbere ad infirma, debiliæque membra, in quæ se robustiora exonerant, timeri iure potest, ne etiam ad debile cor, tanta aliquando fluat excrementi congestio, quæ subito opprimat.

Porro cordis imbecillitatem repentinæ morti obnoxiam, colligendam docuit ex animi defectu forti, hoc est, qui nonnisi longo post tempore recreatur, frequenti, ac citra manifestam occasionem eueniente. Nam si exiguus sit; vel licet fortis, frequenter non incidit, vel ex manifesta causa, siue externa, seu cognita interna, nec virtutem suspectam facit, nec quicquam aliud formidandum ostendit Auicenna 3. 1. doct. 5. cap. 1. scribit, non minus ex tremore assiduo cordis infirmitatem indicari, & subito mortis periculum: quod etiam recipi potest, quum germani ferè affectus sint, & sibi ad inuicem plerumque succedentes, deliquium, & palpitatio. Imbecillitatis verò causa, vel potissima quum sit intemperies, dicente Galeno 2. art. medic. præsertim cap. 13. cuiusque potentia virium, & virium, temperatura principalis causa existit: & apertius lib. 5. de loc. cap. 1. quanquam ea subito induci non possit, nec ad organicas pertinere dicatur, nisi gratia similarium, non tollit hoc, quo minus si organicas occupet, vix digniores, exolutionem facilius, & nonnunquam subitam mortem inducit. Atque de cordis quæstionibus hæc sint satis. Alias per otium legere ne graueris, apud eruditissimos Æmilium

A Parisanum, & Iacobum Primerosium, qui contra Harueum in suo libello de motu cordis, strenuè disserunt.

## HIST. VIII. ALZAHARAVII,

De ictu venenoso scorpenæ  
marinæ.Ictus scorpenæ marinæ virulentus,  
eiusque curatio.

**E**Go pluries piscari, & cum inuenirem, & tetigi manu, ita quod puxit me in minimo digito, signis eius quod accidit mihi ex sua punctura, quoniam imprimis sensi modicum doloris, & non cessauit dolor paulatim augmentari, donec peruenit, & ascendit ad brachium, & sic usque ad spatulam, & sic vigoratus est, super me dolor: & sumpsi theriacam Alfaroch, & non fuit mihi manifestum inuauentum eius, donec acceptis surfuribus, & distemperatis cum aqua calida loco superposui; & hoc pluries reuocato cessauit dolor, & remansit perditio motus digiti puncti logo tempore, & visus remansit cum auditu quasi destructus, & ante oculos videbatur muscas, & mihi retulerunt piscatores quod impossibile est manum, vel digitum ex sui punctione arefcere, & non est dubium apud me, quoniam cauterisatio puncti super cætera valet mihi inuauento, vel ablutione; & hoc bene sciunt piscatores, & præseruat se ab eo, &c. Al Zaharavius tract. 30. pract. sect. 2. cap. 21.

## PARAPHRASIS.

**C**onradus Gesnerus Tigurinus, Varro Germanus. vetius appellandus, in illo suo admirando 4. de piscibus libro, ex Rondeletio & Plinio lib. 32. cap. 11. Scorpenæ marinæ ictum, virulentum esse affirmat, eiusque curationem apponit in hunc modum. Sic & scorpio ledit, dum manu tollitur; tot enim aculeos habet in capite, ut sine noxa tractari non possit, nisi cauda arripiatur, vel duobus tantum digitis medium corpus apprehendatur: ob id accidit plerumque ut piscatores nostri à piscibus istis pungantur, & expuncta partis inflammatione dolor magnus oriatur, &c.

Hoc ergo animal virulentum est, nervosque lethaliter ferit, & pungit aculeo suo; cuius puncturam sequuntur dolores vehementes, partis inflammatio, & ex veneno, malæque qualitate nervoso generi communicata, conuulsio accidit, vel resolutis animalibus spiritibus paralysis contingit: nec enim sufficiens copia spirituum ad partes sentientes pro motu, & sensu demandari solet.

Pro cuius curatione tria machinatus est auctor noster, primum debellare vim veneni, eiusque efficaciam retundere. Et cum plura sint quæ hoc opus præstare possunt, inter cætera Theriacam elegit Alfaroch, id est, liberantem à morte: sic enim hoc nomen interpretandum est, si fidem præbemus Alpago Bellunensi, qui in tractatu, de interpretatione nominum Arabicorum, sic exponit. Per quam, nullā aliam intelligendam esse, nisi Theriacam magnā, omnibus compertum esse reor, quia hæc ex omnium auctorum voto calorem natium, mirandum in modum roborat, & perniciosam auram à quolibet venenoso humore eleuatam, vehementer infraznat, ut eleganter probat Ioannes Contarenus, tract. de Bezararicorum usu, prope med.

Secundum fuit lenire dolorem, cuius causa sæpe fluxiones eueniunt, & ex iis inflammationes ingentes contingunt; nihil enim est quod amplius fluxiones accersat, quā dolor, ut innumeris ferè locis docuit Galenus, præsertim lib. de curand. rat. per sang. mis. cap. 8. & lib. 2. de diff. feb. c. 5. & 13. meth. cap. 5. & 5. aph. 23. & lib. art. medic. cap. 95. Viandum enim (ait lib. 5. meth. cap. 4.) ne dolor incidas, ac rursus profusum exciet, quum nihil sit quod sanguinis profusum magis prouocet, & phlegmonas augeat. Cur autem dolor fluxiones moueat, alibi demonstrauimus, & probat eruditissimus Siluaticus, cont. 22. & Iohannes Brauus, vir in Galeni doctrina versatissimus, lib. 1. de curand. rat. per medicam. purgans, cap. 10. graphicè explicuit,

Inter lenientia, aquam calidam summopere probavit, quæ æstuantem partis calorem contemperat, & remedium anodynum est, ut proprio exemplo confirmat Galenus 6. aph. 31. & calore suo aperit meatus, venenumque euocat ad extrâ, præsertim si misceatur fursure; Hoc enim auctore Gal. lib. 1. de alim. facult. cap. de irrisco, virus ex ictu relictum abstergit, & calore suo sorditiem exiccat, ex ipso lib. 5. simpl. cap. 8. partem ictam dilatat, & emplasticum est.

Tertium erat, cauterium supra partem ictam impositum. Nam ignis vi sua valentissima, & efficacissimo calore, & dolore, venenum potenter attrahit, & foras euocat, illudque domat, & absumit; in profundum enim facile permeat, comminuit, vincit, extenuat, atque transmutat.

Amplius duplex antipharmoniæ genus agnoscit Gesnerus, antipathiam nempe, & sympathiam; ut hepar venenatorum animalium vulnere impositum, quo admoto ad vulnere ambitum cum lécisco permixto, puerum ab hoc pilce misere ictum, dum eum in sinu recondere vellet, pertransisse gloriatur: quod auxilium similitudine substantiæ venenum attrahere, illi est manifestum, qui Galeni mentem pensauerit ad vnguem plura à tota substantia attrahere arbitrantis. Carnes vero impositæ idem præstant per antipathiam, ut firmat Dioscorides lib. 2. cap. 13. & interpretes testantur in com. Ne verò venenum alius serpat, & æger ab imminente conuulsione præseruetur, optimum erit arctissimo vinculo partem ligare, ut proprio exemplo firmavit Forestus lib. 10. obs. 119. Sed insigni quodam iuuandi modo auxiliatur nicotiana trita, & emplastri modo commorsæ parti admota; nam veneni virulentam vim retundit euidenter, ut notant Monardus prop. irati. de nicotiana, Agidius Eueratus irati. de herba panacea, & latè Ioannes Neander in suo non incuriosolabello de Tabacologia, in med.

## QVÆSTIO XVI.

*Vtrum præter causas à Galenò numeratas sint alia, ob quas videndi sensus amittatur, ut falsò contra eum sibi persuasit Gentilis.*

### COMMENTARIUM.

**E**T visus remansit quasi destructus. ] Quoniam verò de visu facta est mentio, placuit perpulchra delibare, inter alia quæ haud parum multa suis complexi voluminibus sunt qui de visu elegantes libellos conscripserunt; inter quos palmam præripere clarissimus Aquapendens, subtilissimus Montaltus Lusitanus, & ingeniosissimus Plempius, qui nunc summa cum sui nominis commendatione Medicinam Louanij proficitur. Quoniam verò ij plura reliquerunt intacta, ut locupletius in argumento necessario, & intricato satisfaciam, operæpretium arbitratum sum, tantorum in medendi scientia virorum scriptis addere scitu non indigna, maxime quum labor hic noster planè miscellaneus sit, ac (ut ita dixerim) congestius.

In Medicis arcanis perpoliendis Græcorum gentem fuisse sagacem, vniuersus Medicorum chorus prædicat vbertim: inter eos Galenum semper habitum fuisse primipilum, & coryphæum non ab iis solum, sed ab omnibus qui scientiarum omnium amore exardescunt, ita patet, ut probatione non indigeat. Is ergo summus Medicus lib. 4. de loc. affect. cap. 2. postquam internos cerebri affectus descripsit, ab illis exorditur qui oculos infestare solent: Oculorum enim præstantia sicut maior erat, quàm reliquorum sensuum, 5. de placit. cap. 8. & lib. 7. cap. 5. & 10. de usu part. cap. 6. & lib. 16. cap. 3. adeò ut illorum gratia humanum caput efformari dixerit, 8. de usu part. cap. 5. & veluti solem esse in capite animalis, 3. de usu part. c. 10. ad fin. Ita priorem, sublimioremque capitis locum, situmque inter reliqua sensoria postulabant.

Cum igitur oculi visus gratia fuerint creati, & ut speculatoris instar vndique prospicientis, aciem in omnes partes intenderent, ac non tererentur, ex horum læsione, aut

defectu, totidem affectus genera in videndi nempe, ac mouendi actione oculis oriuntur. Ex triplici ergo causa affectus videndi sensum amitti, videlicet quia obturatus sit nervus à cerebro ad oculos deriuatus, vnde visifica facultas ad eos transmitti nequit; vel quia crystallinus humor, pars oculi præcipua, quæ videndi actione edit, aliqua ex octo, intemperie afficitur. Deperditur tandem, aut minuitur visus, eo quòd parum, aut nihil omnino splendidi spiritus ad oculum accedit. Dignoscitur autem in visorio nervo mali causam contineri, vbi nullo vitio in oculo apparente visus aufertur. Porro huiusmodi affectus oculo accidit, ut pars est instrumentalis; siquidem quatenus organum, obstruitur; obstructio enim morbus est organicus seu instrumentalis: secundus, quatenus similis, ut talis namque intemperiem patitur: visus autem priuationem, aut imbecillitatem ex inopia spiritus, ab utroque morbi genere seiungit, longèque diuersam facit.

Sed ex iis maxima sese offert dubitandi occasio, & primò sic. Non minùs hebetatur, & aboletur etiam visus, ex defectu, paucitate nempe humorum, tunicarum densitate, crassitie, aut corrugatione, & similibus aliis, de quibus Aët. teor. 2. ferm. 3. cap. 43. quàm ex tribus à Galenò cit. de loc. lib. memoratis, nempe spiritus visui incrassatione, debilitate eiusdem, crassitie, & viscositate humorum, nervi visui corrugatione, quæ etiam senibus accidit; eius obstructione à crassis humoribus confectum illapsis, eiusdemque nervi resolutione. Ergo ex cuiuslibet harum partium defectu, aut vitio lædi visum est necesse.

Secundò. Morbus omnis vel similis est, organicus, vel communis; in hoc genere solum cõprehenditur conuulsio: solutio: aut igitur illum qui accidit oculo ex visorio spiritus inopia, perperam Galenus separauit ab organicis, & intemperamenti morbis; aut tale quidpiam non datur, à quo visus heberetur, quod videtur probabilius: alias enim sequeretur, quòd multus etiam, & exuberans spiritus videndi actionem, & reliquas incommodaret: par siquidem ratio est in excessu, ac in defectu, quum non minùs in vno, quàm in altero peccetur; immò ex utroque pariter lædi functiones experimur manifestè in membris, quæ sicut diminuta, ita etiam aucta lædunt: non minùs etiam in humoribus, & in sanguine præcipuè, qui sicut modicus, robur & commoditatem præstat ad operandum, ita auctus impedit, grauat, & vasa rumpit. Cur igitur idem de spiritu non existimabitur? Nam ex immodica copia calet spiritus, & sic lædit intemperamento suo, & ob conculationem crassifacit, & densior, impedit delationem spirituum ad crystalloïdem. Quod si admittas, necessariò inter morbos intemperamenti numerabis illum, in quo hebetatur ex spirituum paucitate: immaterialis siquidem est, atque adeò sola alteratione curandus.

Sed hæc etsi arguta, Galenicam doctrinam non enertit, Dic ad primum, Non negat Galenus obscurari, & deperdi visum ab aliis particularibus causis loc. cit. prolaris, sed in harum genere reliquæ omnes cõprehenduntur. Vbi enim malum ex humorum oculi inopia contingit, morbus organicus est, & in quantitate, deficiente scilicet oculi substantia: vbi ex membranarum corrugatione, densitate, aut crassitie, quamuis in dictis casibus, oculis intemperamento laborat, illius siquidem temperies ex omnium partium, quibus constituitur, integritate constat. Organici verò sunt, & intemperamenti morbi, quos Galenus recensuit, ac proinde eiusdem generis cum illis; nec erat necesse causas omnes particularim numerare, sed sufficiebat illarum genera proponere, adducto singularum exemplo.

Ad secundum dic. Quemadmodum spiritus nec materia, nec substantia absolute dicuntur, propter sui subtilitatem, inconstantiam, & immobilitatem, vnde ephemera ab illorum calefacto dependens, simpliciter immaterialis est, & ut talis, habita solius intemperamenti ratione, curatur: ita morbi ex deficiente spiritu, vel excedente, (si illius excessus potest nocere) ad organicos referri nequeunt, ex adita, vel deficiente substantia, sed ad morbos intemperamenti. Ab iis tamè Galenus loc. citato de locis, seiungit deperditum visum ex lucidi spiritus defectu, & veluti alterius ordinis constituit, quia non alteratione, instar aliarum ægritudinum



egritudinum intemperamenti, illius curatio perficitur, A sed multa & proba alitione, qua spiritus deficientes reparantur, quorum inopia visionem lædit, & alias functiones quibus inseruit; quod vsque adeo certum est, ut nullus dubitandi locus relinquatur.

Dubitari tamen potest, num multus similiter præ sui copia officiat? Gentilis enim Medicus, & Philosophus grauissimus 3.3. tract. 4. cap. 1. in Auic. tum ex paulò antè dictis, tum ex sequentibus persuasus, aliter sentire cogitur: vbi enim membri temperies insigniter immutatur, necesse est illius actionem lædi; nùm igitur spiritus, calida res sit, sicut ex moderato nativum oculi temperamentum servatur, ita nimio, & excedente ad calidum, euertitur, & ex consequenti, &c.

Deinde spiritus densus, crassus, tenebrosus, & opacus procul dubio visum heberat, & obscurat (lucidum enim, & splendidum esse oportet, ut constat ex supradictis.) Sed vbi multa copia influit, cogitur & conculcatur, vnde densatur, non aliter ac aer in parte aliqua aggregatus: densatus autem, crassus, & opacus minùs aptè imagines recipit, minùs penetrat, minùsque aptè ad cerebrum deducit; quare apud Auic. legitur, obtenebrari visum in tenebroso loco, propter non resolutum spiritum, videlicet, quia auctus crassescit. Igitur, &c.

Insuper licet ad visionem splendor, & lux requiratur, à multo tamen, & excedente lumine læditur, non minùs interno, quàm externo: & de hoc quidem manifesta res est, frequenter siquidem à sole conspecto oculi nostri cæcutiunt, & non aliunde nisi à luminis excessu: quod verò similiter internum abundans officiat, patet in animalibus oculos glaucos habentibus, quæ non alia de causa pessimè interdum vident, nisi quia internum lumen quo abundant, iunctum externo dici efficitur immoderatum; aptum verò ad videndi instrumentum ex modica vtriusque mixtione paratur. Cum igitur animalis spiritus, lucidus & splendidus sit, eo plurimum incrementum, necesse est lumen, & fulgorem augeri; id quod testatur Galenus 7. de placit. 7. & ex consequenti, &c.

Quòd tamen abundantia spirituum visum non offendat, quin potius acuat, & perficiat, suadetur. Perfectio visus in eo consistit, quod & remota inspiciat, & minima etiam discernat. Atqui vbi multus est spiritus, & æthereus, id est, lucidus & purus, ratione quantitatis, quæ longissimè absunt, videntur, ob qualitatem etiam minima discernuntur, 1. de caus. symptom. c. 2. & 3.3. tract. 4. cap. 2. Igitur spirituum copia non impedit, quin potius D iuuat visum.

Secundò. Si aliquando impedire posset, tunc maximè eueniret, cum vno tantum oculo, altero clauso intuemur. Sed eo tempore non deficit, immò multò magis acuitur, & excitatur. Igitur, &c. Probatu sequela, quoniam vno oculo clauso, vniuersus spiritus irruit in apertum, in eoque aceruat, cuius indicium est dilatata pupilla: non enim aliunde amplificatur, nisi ob dilatatum spiritum.

Tertiò. Roborata facultate visifica intenditur, & perficitur visio. Sed ex augmento spirituum vis ipsa fortificatur, vehementiorque fit, ex Auicenna lib. de medicin. cordial. c. 4. Igitur, &c. Hinc exactè conspecturi, oculis conuiuemus, ad angustandam pupillam, & vniendos spiritus. Hinc oculus paruus visui confert, videlicet quia vtrobiusque spiritus non spargitur, sed magis vnitus angetur ad pupillam, vnde roboratur vis. Accedit in huius partis confirmationem Galenus, qui in præsentì læsionem visus non abundantia spirituum, sed inopia adscripsit, & Auicenna vbi supra, apertè docens, spirituum multitudinem summopere iuuare visum, non lædere, aut vitare, quod probabilius videtur.

Vltimò. Spirituum multitudo nunquam tanta simul generari potest, quæ perpetuis membrorum motibus, sensibusque sufficiat. Igitur credibile non est, ex illorum copia lædi aliquando animales functiones. Ostenditur antecedens, quia nec spiritus vitales animalium materia ita exuberanter à corde mandantur, nec cerebri ventres, in quibus ipsi animales elaborantur, tam amplam habent, patentemque cavitatem.

Rursus. Sensuum, & motuum organa, per quæ distribuuntur, innumera ferè sunt: licet igitur plurimus gignatur, ad multum sufficit perpetuò vni motioni, aut visioni, aut diurnæ meditationi, imò vix aut nunquam contingit, tantum simul generari, qui satis sit ad prædictas actiones, si diutius durent: manifestum siquidem est neminem citra fatigationem, vel paucis horis moueri, meditari, aut alterius sensus ministerio uti; fatigatio autem non aliunde quàm ex spiritus defectu oritur. Cum igitur non excedat spiritus, nec impediende copia membrorum vnquam suppeditetur, nunquam illius abundantia impedit: membrum verò auctum, sic, cuius augmentum aliorum munera vitiat; nec minùs excedens languis noxam affert, & actionum læsionem: ad sanitatem autem, sanasque actiones modicus requiritur, & qui possit à natura regulari. Contingit autem sanguinem in toto excedere, quoniam sicut continuò in iecore conficitur, ita sine intermissione ad vasa demandatur, cumque non inanitur vbi plurimus est, necessariò abundat, vnde vasorum plenitudo, corporis grauitas, & actionum læsio sequuntur. Non sic ex spiritu, ut diximus, quia licet perpetuò generari concedamus, continuòque influere, velocissimè tamen volat, & inanitur, nec vltra moderantiam, mensuramue continentis loci aggregatur, ita ut præ aucto calore intemperet, ut præ copia conculcatus densetur, crassescat, & obtenebretur, multò minus ut præ nimio fulgore cæcutite faciat. Ex quibus ad argumenta in contrarium adducta, patet responsio. Tenebræ autem visum si hebeant, non est propterea quòd aceruari faciant spiritus, atque ita densari, sed vel quia distributus spiritus, & ob impediendes tenebras non agens, quodammodo hebetatur, non aliter ac ferrum si in vsum non trahatur, & otiosa membra quæ præ otio languescunt, & marcescunt; vel quia tenebrarum frigus densat, & spissat spiritus, quibus ita affectis obtenebratur visus. Consule Iacobum Carantam, qui lib. de natura visionis, hæc omnia exactè explicuit.

## QVÆSTIO XVII.

Vtrum ex qualibet oculorum peruersione, læsio in visu contingat; & cur visibile, duplex appareat.

Contra Conciliatorem, Gentilem, Iacobum, & alios Auic. interpretes doctissimos.

I N hac verò de Visu mentione, non improbum fuerit I aperuisse Galeni modum, ex quarto de locis affectis, c. 1. vbi de vitiosis oculis accedentibus differens, sic ait: Si vero vitium oculorum motum duntaxat amiserit, secunda copula nervum, qui à cerebro oritur, molestari est necesse, ab aliquo videlicet eorum affectuum, quos alteri nervo, qui à prima coniugatione oritur, & cui soli meatus conspicuus inest, nuper accidere diximus. Quæ verba in auctore doctissimo, plurimis huius loci interpretibus ambiguitatem pariunt non exiguam: hanc, ducto alitè exordio pulchrè enodabo.

Cum oculi videndi gratia creati, non ex quavis positione cernere possint obiecta, sed tantum ea quæ secundum rectitudinem pupillæ opponuntur; si immobiles extitissent, paucissima cerneremus, paucissima siquidem E sese ex directo nobis opponunt: huic igitur incommodo vitando, & ut ad obliqua, lateralia, superiora, & inferiora visus extenderetur, duplices, & mobilissimos oportuit creati oculos, ut collustrare omnia, & vndique circumagi possent; in cuius gratiam musculos, voluptarij motus auctores, eosque numero sex singulis oculis natura circumposuit, quorum quatuor mouent ad quatuor loci differentias, sursum scilicet, deorsum, dextrorsum, & sinistrorsum: reliqui duo quoque uersus promptè oculum circumuoluunt.

Horum sex musculorum, duo lateribus inseruntur, magno angulo vnus, minori alter, & eorum ope ad vtrumque angulum oculi mouentur. Tertius parte superiori locatur, & eo quidem sursum, versus supercilia attolluntur. Quartus inferius existit; & deorsum, versus malas trahuntur.

hantur. Quintus videlicet, & sextus circumuoluentes appellati, situm habent obliquum, & à magni anguli regione prodeuntes versus minorem, per singulas palpebras, supra, & infra protrahuntur, & oculum circumuolutes motui rotationis præstunt, ex Gal. *lib. de dissect. muscul. cap. 5. & 10. de usu part. cap. 8.* Auic. 1. 1. doct. 1. cap. 4. Probat anatomie peritissimi, Laurentius *lib. 8. de re anatomic. tit. de oculis*, Realdus *lib. 10. anatom. Baubinus lib. 3. theatri anatomic. cap. 35.* & alij.

Præter sex dictos musculos, septimus datur visorium neruum opticum videlicet complectens, hunc nonnulli rnum, alij plures dixerunt, *ut cit. loc.* retulit Gal. sed præstat vnicum asserere, quoniam vna circumscriptione constet, nec facile in partes separatur. Illius munus putat Galenus esse, sursum trahere, firmareque oculum, & illius pondus sustinere, ne cum noxa molliissimi nerui prolaberetur. Alij non in eum usum fuisse creatum arbitrantur, sed magis, ut suarum fibrarum varietate oculi motus à variis musculis prodeuntes iuaret. Contradixit aliqui, tum quia maior firmitas ex immoto ligamento poterat comparari; nulla, vel exigua, ex carnis musculorum fibris motis, & laxatis: tum quia ad magis promouendos motus, præstabat creari quatuor illos musculos oculo insertos.

Putant ergo non alia de causa naturam inseruisse oculis musculum, nisi ut dum sui contractione ageret, tensos oculos, & rectos constitueret, quod omnino necessarium erat: cum enim illi in suis extremis pupillas in vna, & æqua superficie formatas sustineant, ne error inter videndum contingat, de quo paulo post; & suapte natura molles sint, teneri, & flexibiles (quod fieri oportuit, ut facile paterentur ab obiecto, exacteque sentirent) nisi musculis munirentur, ac dirigerentur, laberentur undique, ac inuenterentur pupillæ, & ab vna planitie secederent, unde frequens esset in conspectu deceptio: ut igitur per tensos, rectosque optice meatus defluerent visorii spiritus, & in eodem plano serparentur pupillæ, singuli suos musculos induerunt, quibus in orbem ambiuntur.

Ex eo verò dicti nerui, optici, hoc est, visorii nuncupantur, quod videndi facultatem ad oculum deferunt, indiro nomine à functione quam obeunt. Insuper & pori seu meatus dicuntur, propterea quod soli inter nervos omnes manifestam habent, & sensibilem viam, qua spiritus possint meare, 8. *de usu part. cap. 6. & lib. 10. cap. 12. & 14. & 7. de placit. cap. 5.* cuius quidem cavitatis, præterquam quod evidens argumentum præbet, dilatatio pupillæ apertæ, altero oculorum clauso, ex irruente spiritu per mediam inanitatem, eam exacte secanti conspici, testatur Galenus; licet enim illud nunquam sibi accidisse Vesalius, & Laurentius *lib. 4. de hist. anatomic. cap. 17.* asserunt, alij tamen hunc euentum certum esse, literis postea confirmantur.

Sicut ergo obturato optico, vel quapiam dictarum causarum oculi sensus deperditur, ita etiam motus quolibet dictorum musculorum affecto, vel in sua essentia, vel quia neruus, vim deferens à cerebro motoriam, obstruitur: & si musculus ille superior qui oculum sursum attollit, resolutione afficiatur, oculus ipse delapsus apparet: quouis alio verò resolutio, à sua sede dimotus in oppositum situm trahitur, nempe versus sanam partem; cum tamen multo aliter se res habeat in cōuulsione, ex ea enim ad ægram sit potius attractio, quod manifestè in oris tortura conspicitur. Quod si aliquis ex circumuoluentibus resoluatur, obliqua fiet cōuersio, hoc est strabismus, totusque oculus oblique peruerteretur. Prociduus autem, ac eminens apparebit, resolutio musculo, qui optice neruum circumdat: cum enim sic affectus sustinere nequeat oculi pondus, procidere necesse est oculum ipsum; verum ex eo non incommodabitur visus, saltem quod effatu dignum sit; quemadmodum nec si ad maiorem, vel minorem angulum oculus contorqueatur: si tamen oblique, sursum aut deorsum inflectatur, non levis noxa visui accedit; contingit namque inter videndum deceptio, & quæcunque conspiciuntur, gemina, duplicique apparent, ex Gal. 4. *de loc. affect. cap. 2. & 1. de caus. sympr. cap. 2. & 10. de usu part. cap. 8.* Arist. 31. *probl. 17.* Auic. 3. 3. *tract. 2. cap.*

28. Hæc est firma Galeni, & Auic. *cit. loc.* sententia.

Cæterum ea in examen trahenda est, videndumque num ex qualibet oculorum peruersione læsio, & qualis in visu sequatur. Et primò, quod oculi procidentia ex resolutione musculi optice circumdantis minuat, vel ex toto perdat, aut saltem visum deprauet, ostenditur. Nisi visorii nerui extensi, & recti seruentur, neque spiritus cum facultate meare, neque in eorum extremitatibus firmiter possunt contineri pupillæ: cum igitur præ innata molitie tendi, ac firmari nequeant sine musculorum ope, his planè resolutis, necesse erit his dictis commoditatibus privari, & vi resoluta ex toto cessare, aut diminui visum, vel saltem cum optice inuersione ab vna planitie pupillas secedere; unde deprauata visio, deceptioque in conspectu.

Deinde. Si cōuulsio circumdantis musculi, cum multo minus malum sit, officit visioni (alioquin morbida, & præternaturalis operatio perfectior esset, & præferenda sanæ, quod absurdum videtur; pars siquidem naturaliter disposita, perfectius & melius operatur, quod solet & intendit natura, 3. *de part. animal. 1.*) quomodo paralysis, maior & periculosior morbus non incommodabit?

Secundò. Non minùs ad dupliciter visus facit, imagines in diuersis sitibus recipi, quam in eisdem visile festinanter contineri, aut à variis planis species ad oculum accedere. Sed vbi oculus ad vtrumvis angulum contorquetur, per diuersas imagines in variis sitibus repertas obiectum repræsentatur. Igitur & ex tali peruersione res apparebit gemina.

Nec dicas, similitudines illas diuersis locis primò receptas in vno coire, nempe optice congressu, vbi visio fit, atque idè non duplicem, sed simplicem rem videri; alioquin verò futurum si in crystalloide cerneremus: nam præterquam quod improbabile est asserere, non fieri sensationes in sensorijs, atque ita nec videndi actionem in oculo, quod paulo post ostenderetur, cur similiter non vniuerse species receptæ in pupillis sursum, vel deorsum inuensis, ne multiplex censeatur visile?

Rursus. Quemadmodum oculi depressi, aut eleuati ab vna superficie, deflectunt à sua naturali sede; ita ad dextrum vel sinistram torti. (vtrouque enim morbus idem accidit instrumentalis, & is quidem in situ, 1. *de caus. sympr. cap. 2.*) Sed oculis à naturali superficie suo situ ad alium dimotis, credetur res in diuerso loco existere. Igitur ex huiusmodi peruersione, etiam error in videndo contingit.

Tertiò. Vbi musculi oblique resoluuntur, aut conuoluntur, ad maiorem, vel minorem angulum inclinant. Ergo similem efficient torturam ei, quæ accidit ex laterali resolutione. Cum igitur ex sententia Galeni visus non incommodetur contortis oculis ad angulos, nec etiam incommodabitur ex obliqua peruersione.

Quartò. Ab eleuatione, vel depressione, sequi tantum videtur in pupilla, amplificatio sursum, vel deorsum versus. Sed dilatatio pupillæ nihil facit ad rei situm, aut dupliciter. Ergo etiam si superior, vel inferior musculus resoluatur, duplex non apparebit visile. Denique, cur magis duplex, quam quadruplex, si in vtroque oculo pariter accidat resolutio, & inæqualiter pupillæ deprimantur, aut eleuentur? Demum. Ebrii à vini copia exhausta, duplicia cernunt vniuersa: similiter & qui faciem in fracto speculo, aut solem in aqua agitant, intuentur; ita ex alijs occasionibus, in quibus oculi nullo dictorum modorum perueruntur. Igitur aliunde procedit error dupliciter in videndo.

Vt verò ab his durissimis nodis te facile extricare possis, aduertere prius, quod (præter alia quæ ad visionem requiruntur) quæcunque cernuntur, per lineas rectas, quas vocant visiones, cernantur; id quod Mathematici demonstrant, & radiorum Solis excidentium per angustum foramen exemplo confirmant; eos enim si ita aspicias, nunquam deflectentes, sed recta omnino via, ac inflexibili videntes intueberis, & talem inquiunt esse visus viam.

Insuper

Insuper necessarium omnino esse, ne inter videndum A deceptio contingat, radorum visualium cuspides, ad pupillas quibus recipiuntur, in vna superficie plana positionem habere: ita enim fit, ut res etiam duobus oculis visa, vna censeatur, non duæ: nam si duæ eiusdem rei imagines, duabus, pupillis in eadem planitie existentibus receptæ, paulo post coeunt, & in vnum rediguntur, nihil diuersitatis in natura, vel situ præ se ferentes, vnde res apparere potest multiplex, aut diuersa? Quod si radorum vertices in vna planitie non constituentur, sed depressior vnus, magis eleuatus alter; quum iam eiusdem superficiiei vnitas non seruetur, sed ex duplici situ pupillæ inspiciantur, duo spectantur, duoque creduntur visa, altum scilicet, & depressum: tum quia ex variis illis planis progredientes species non vniuntur, tum quia vnum iudicari non potest, quod variis simul locis spectatur, in quibus simul res eadem contineri nequit. Nasci autem huiusmodi errorem ex situs varietate, & duplicitate plani, tibi fiet manifestum, si id quod altero oculorum compresso duplex apparebat eo clauso altero intuearis; vnum enim simpliciter videbis, non multiplex; nempe quia in duplici plano species non recipiuntur, celsæque iam situs inæqualitas, à qua dupliciter occasio oriebatur, & vna tantum positio apprehenditur. Ob eandem verò causam si vno tantum oculo, eoque compresso rem aliquam inspicias, simplicem etiam iudicabis.

Aduerte secundò. Quod etiam si oculi medio interiecto inter se distent, eorum tamen pupillæ naturaliter constitutæ, in vno & eodem sunt plano. Cum enim eas natura optici affixerit, & hos à diuersis cerebri partibus per lineam rectam deducens in medio itinere iungi, coiræque voluerit, fit ut nerui illi, & pupillæ suis extremis inhaerentes, in vna, & æqua planitie contineantur: duæ enim lineæ rectæ sibi in commune quoddam punctum occurrentes, in vno penitus sunt plano, etiam si in immensam longitudinem per vtramque partem protrahantur, quod lib. 11. *elementor. theoremat.* 2. monstrat Euclides à Galeno relatus lib. 10. *de usu partium*, cap. 13. explicat inter omnes interpretes, Federicus Commandinus *ad cit. loc. Euclidis* disertissime.

Cur verò ex eodem loco simul iuncti non prodierint optici, sed separatim, nec rectè oculos petant, quin prius in vnum coeant, vnianturque, inde rursus seiuncti oculis inferantur, vide apud Gal. *cit. de usu part. à cap. 12. vsque ad 14.* vbi inter alias causas, coniungi, inquit, oportuit visorios neruos, ut ita mollitiem suam, qua reliquos omnes superant, tuerentur; insuper & ut si vnum claudi contigerit, vel altero tantum intueri placuerit, visus in vno augeretur, vi tota, & spiritu in apertum commeante; sed vel maximè & potissimè, ne quod extrà intueremur, duplex appareat, cui incommodo occurritur coitu, & vnione optidorum: non quidem ut in congressu illo, vnitæ species duplici oculo receptis, & in vnum redactis, visio fieret, quod alij opinantur; sed quia ex eo quod coeunt, necessarium est in vno plano situari; & nisi coirent, fieret ut inuiderentur nonnunquam, & temerè ab vna superficie secederent, simulque pupillæ ipsæ in eorum extremitatibus constitutæ; atque ita deluderentur oculi, vnam rem iudicantes geminam: quamuis autem non coeuntes optici, etiam possint in eodem plano existere, & rem simplicem ostendere, potest tamen apparere duplex, vbi sponte vniuntur, nisi aliunde diuicari contingat, aut ob aliam causam dupliciter, ex infra dicendis, & probat peritissimus anatomicus, Constantius Varolius *prop. tract. de nervis opticiis*.

Quod verò non idèd fuerint optici vnitæ, ut in illorum congressu visio ac sine errore fieret, præter alia multa, quæ possent in confirmationem adduci, hæc rem ipsam efficaciter ostendunt. Si ad visionem, & ad vnitate visibilium iudicium, coitus ille requireretur, ita ut alibi visio, aut sine deceptio non fieret, sequeretur nunquam videre, aut certè duplicia, quibus nullibi coeunt optici (fatentur enim peritissimi anatomici, de quorum numero est Real-dus Columbus lib. 8. cap. 3. & Vesalius 4. *fabric. cap. 4.* nonnullos fuisse visos eo coitu destitutos.) Sed neutrum

A illorum, talibus accidisse expertum est. Igitur non sunt iuncti visorii nerui ob visionem ibidem peragendam, aut propter iudicii vnitate circa visibile.

Secundò. Sensatio efficitur in parte quæ à sensibili immutatur, & patitur. Sed crystalloides est pars oculi, in quam visibilia agunt, & recipiuntur. Igitur ipsamet videt, colorum spectris alterata; non aliter ac linguæ caro saporem sentit, cutis tangibile, & sic de reliquis sensoris: fieri autem gustum in lingua, tactum in cute, non in cerebro, ostendit gustantis linguæ amaror, punctæ cutis dolor, qui sine sensu dari non potest.

Tertiò. Si nondum re visa species à crystalloide ad congressum accederet, nequaquam situs agnosceretur ipsius rei quæ videtur; cum igitur is simul, vel maximè agnoscat, ante dictum coitum efficitur visio. Probatur sequela, quia simili modo imago ipsa à crystalloide progredieretur ad coitum, ac ab obiecto primum prodierat. Igitur coniectari non licebit, vnde primum fuerit progressa, & ex consequenti, &c. Nisi velis, situs duos simul representari, & rem semper geminam apparere.

Vltimò. Spiritus sunt facultatum, non specierum delatores; rursus animæ agentis potius instrumentum, quam medium: si igitur in optidorum coitu res erant conspiciendæ, eò tantum accedere oportebat spiritus cum vi ipsa visoria. Sed ad glaciale vsque perpetuò deferuntur. Igitur, &c. Nec dixeris ad specierum delationem, tum ob assignatam causam, tum quia ministerio illi, partium constitutio & conditio conducit, non spiritus visorii accessus. Quare, &c.

Ex quibus colliges, non esse recipiendas geminitatis causas à Barbaris traditas, Conciliatore, Genuli, Iacobo, & aliis Auicennæ expositoribus, nempe si mutuo secedant optici, non congregiantur. Cum enim tunc per duos canales cerebrum ingrediantur duæ similitudines, necessarium, inquit, est, duplex visile cerebro representari. Sed manifestè redarguuntur: nam si optici sunt à natura vnitæ, cum vita nequaquam seiungi patiuntur; si minùs, etiam simplicia comprehendere, comprobatur est experimento illorum, quibus dicti nerui nullibi coibant, ut diximus. Quod si res iudicetur vna, necessum omnino est per vnam tantum imaginem representari, satis scilicet erit duas illas duabus pupillis receptas in sensu communi iungi, & in vnam redigi.

Secundam dupliciter causam, aiunt esse motum visorii spiritus ad coitum optidorum mandati: si enim prælationis vehementia congressum prætergreditur, & ad pupillas accedit, duas recipit imagines, ac proinde rei duplicis imaginationem inducit. Sed præterquam quod ostensum est, rem duobus oculis visam, & per duo spectra, vnam æstimari, quum spiritus ipse semper ad pupillas accedat, perpetuò nobis gemina apparebunt omnia.

Tertiam referunt etiam ad ipsius spiritus agitationem, motumque fluctuosum ad congressum à cerebro: Cum enim ab hoc ad illum spiritus moueatur, & è conuerso ad cerebrum ipsum à coitu rei visæ speciem referens, si ab aliqua causa fluctuet, & agitur, accidit ut præ motus celeritate feratur secundò eiusdem obiecti species, antequam prima ab imaginatione deleatur, vnde vnum censeatur duplex; atque hinc, aiunt, ebriis, & dispositis ad cataractas nil simplex videtur, in quo conueniunt omnes, ex Arist. 3. *probl.* 10. Quod verò secunda eiusdem visibilis imago, accedens antequam prior evanescat, diuersitatem efficiat, confirmatur exemplo guttæ velociter cadentis, quæ non aliunde linea iudicatur, & igniti baculi celeriter versati, igneus circulus apparentis. Verum si in sensu communi, imaginatione, vel cerebro visio non fit, quid ad simplicitatem, vel dupliciter visus, agitatio spiritus à coitu ad cerebrum? vnde verò per secundam inspectionem res iudicetur varia, paulo post constabit.

Quartam denique constituunt, concussionem, & motum qui accidit in vna foramine, ex quo sequitur pupillæ dilatio, & contractio, mutatioque à suo situ, & positione naturali; vnde fit necesse mutari iudicium de situ, simplicitate, magnitudine, & paruitate rei visæ. Cæterum licet

licet admittamus fieri in vna foramine mutationes illas A  
à defluente spiritu, ac proinde modò angustari, modò  
dilatari: pupillam, cum ex ea varietate planitie æquali-  
tas non deperdatur, quanquam maius solito, aut minùs,  
visile possit apparere, non tamen multiplex. Corruunt  
ergo rationes assignatæ ab Auerrhoë *comm. 7. de sensu, &  
sensibili*, Conciliatore apud Aristot. 3. *probl. 10. in comm.*  
& Auicennæ interpretibus suprâ ciuitatis 3. 3. *tract. 2.*  
*cap. 28.*

Verè igitur dupliciter causâ triplici genere contine-  
ri debent, & eæ quidem omnes ab vno pendere situ, ob-  
iecti nempe, radorum visualium, & oculorum. Ex situ  
quidem obiecti, quia si ab vno in alterum tam festinan-  
ter moueatur, vt antequam prioris situs species ab oculo  
euanescat, altera succedat ab alio loco remissa; vel  
durante primi situs visione, alibi videatur res ipsa, non  
vna sed duplex, & varia censetur: neque enim vnum  
& idem credi potest, quod variis in locis simul specta-  
tur; hinc gutta cadens, visui apparet linea, baculus in  
gyrum celeriter versus, circulus radorum, vt si ex dupli-  
ci; aut variis planis ad oculum accedant: licet enim pri-  
mò ab vno prodierint, multorum imaginem imprimunt.  
Hinc cum faciem in fracto speculo intuemur, aut  
solem in agitata aqua, non vnum quidpiam, sed multiplex  
conspicitur.

Denique ex oculorum situ, vt si ab vna planitie sece-  
dant, quod accidit cum oculi sursum, aut deorsum con-  
torquentur, ad eleuantium, vel deprimentium musculo-  
rum resolutionem, de qua Galenus *lib. 4. de loc. affect. 1.* vel  
si quis digito oculum comprimat, eumque similiter im-  
pellat; aut si ab aliqua alia causâ vsque adeò laxetur opti-  
cus, vt pupillas non sustineat in vna æquabilitate, pro-  
pter quod ebrios duplicia videre omnia contingit. Ex eo  
namque quòd pupillæ ab vna planitie secedant, fit vt nec  
vnum visionis principium cum altero coire possit, 3. *probl.*  
31. nec ad idem punctum peruenire radij, 31. *probl. 11.*  
Vbi verò visus in partes diuersas proiciuntur, multiplicia  
apparent quæ videntur: nam si radius vnus sublimior  
existat, alter verò depressior, res sublimior simul, & de-  
pressior repræsentatur (quæ enim sublimioribus radiis  
spectantur, sublimiora apparent, quæ humilioribus, hu-  
miliora, vt docet Euclides *lib. perspectiv. 7. & 8. proposit.*)  
Sed quod eodem tempore simul ita variè cernitur, vnum  
censeri non potest; quod etiam colligitur ex Aristot. 3.  
*probl. 10.* vbi de ebriis. Igitur, &c.

Quibus ita præhabitis, non erit difficile soluere argu-  
menta, contra traditam in principio quæstionis doctrinam  
adducta. Et ad primum, fateamur quidem non parum iuua-  
ri visum musculi circumdantis ope, eoque resolutio non  
tam commodè sensum, rectumque seruari opticum, neque  
ita firmiter in vna planitie pupillam sustineri, immò nec  
oculum, sed prociduum fieri. Interim quamvis deficiente  
ea musculi tensione, tener ille, mollisque nervus solito  
destituatur robore, maneatque paratior ad flexibilitatem,  
& casum, non idèò tamen protinus inuertetur, aut desinet  
vis cum spiritu defluere: fluent enim, & visus peragetur  
adhuc, saltem sine noxa considerabili, dummodò resolutio  
tanta non sit, quæ opticum etiam infestet: aliàs enim ne-  
cesse erit, aut ex toto cessare, aut saltem minui visum, pro  
nocummenti magnitudine.

Quòd si instes, fieri non posse vt resoluatur musculus  
circumdans sine visus læsione, quia cum ad procidui oculo  
pondus opticus ipse extendatur, simul cum eminente  
oculo eminet pupilla, atque ita sit visili proximior, quàm  
altera. Tunc sic, ergo maiori angulo, minorèque di-  
stantia spectabit. Sed quæ ita inspicuntur, maiora, &  
proximiora apparent. Igitur in vno oculo maior & pro-  
ximior alteratio, distantior & minor videbitur res; quum-  
que varium illud iudicium de eadem simul ferri non  
possit, duplex, & diuersa censebitur, & ex consequenti.  
Lege Annibal. Bimbiollum, apud Mariam Venustum  
*consil. 44.*

Dic, non vsque adeò in proposito casu opticum extèdi,  
vt talis improporatio detur inter vtramque pupillam, ac  
proinde nihil mirum, si sana adhuc peragatur visio, optico

scilicet leuiter extenso: quinimò licet pupilla magis emi-  
nentis oculi propius ad obiectum aliquantulum accedat,  
atque ita ex maiori distantia, anguloque maiore inspiciat,  
non tamen duplex, sed euidentius, & aliquantulum maius  
spectatur: adhuc enim in eadem recta linea continentur,  
& vnus planitie æquabilitatem obseruant; idèòque po-  
tius alterius oculi visus perficietur, quam variabitur, & res  
vtrouque simul melius spectabitur; non aliter ac si quid-  
piam vno tantum opposito oculari intueamur, in quo quia  
species per aërem accedens vt pote densiori medio vnitur,  
amplior ad oculum fit, anguloque ampliori accedit, visus  
roboratur, & visile clariùs dignoscitur, maxime vbi iun-  
guntur visiones. Quare citra noxam cernere potest, cui  
oculus procedit ex circumdantis musculi resolutione,  
dummodò non afficiatur opticus. Consule Ioannem Run-  
gium *lib. de præcipuis visus symptomatis, in med.* qui felici  
penicillo hæc omnia emedullat.

Num verò eiusdem musculi conuulsio conferat an po-  
tius visui incommodet, dignam est disceptatione, & Rha-  
sius quærit, 2. *comm. cap. 3.* cum de strabositate loquitur, vi-  
deturque summopere iuuare: nam eo musculo conuulso,  
opticus ipse directus, & pupillæ in vna planitie æquales  
constituuntur. Sed his ita constitutis, spiritus visorius li-  
berè, & celerius fluit, vt pote recto canali radij visuales ad  
idem terminantur punctum. Igitur promouebitur visio,  
acutiùsque, & certior euadet. Rursus oculi profunditas ad  
videndum est valde accommodata, (profundi enim ex-  
actius vident longinqua, in quo visus perfectio consistit,  
vnde ab Auerrhoë commendantur, 3. *collect. cap. 38.*) Sed  
per spasmus dicti musculi, oculus intrò trahitur, & pro-  
fundatur, sicut per relaxationem prociduum, & eminens  
versus extrà fit; nec inconueniens est, sani membri ope-  
rationem ab vna ægri superari, quoniam licet ita aliquan-  
do contingat, omnes tamen iunctæ à sano potiores edun-  
tur, & vt tales præferendæ: non secus ac temperati ho-  
minis functiones perfectiores dicuntur, etiam si in vna  
aliqua ab intemperie vincatur: eo autem musculo con-  
uulso, quamvis visio pronunc exactius fiat, non tamen  
simpliciter omnes actiones; nec enim oculo sensu facile  
circumducetur oculus, & in varios situs deflectet: præ-  
terquam quòd si nervo, & oculo malum communice-  
tur, tempore minuetur visus, atque adeò ille non sim-  
pliciter præferendus. Minus obstat, quòd res præter na-  
turam infestat, lædit, & non iuuat: confert enim ali-  
quando, licet non simpliciter; sic febris post conuulsio-  
nem, sanies in magnis inflammationibus, abscessus in  
morbis, vermès in aliquibus morbis, & ophthalmia ali-  
quando ad videndum.

Ad secundum. Si standum esset illis, qui asserunt visum  
fieri in opticonum congressu, fateamur parem dupli-  
citer rationem dari in adductis exemplis, omniæque duo-  
bus oculis visa fore duplicia æstimanda, tanquam duo-  
bus sitibus apparentia, nisi duo illi situs ad vnum termina-  
rentur, in quo radij visuales per duas pupillas transeuntes  
vniuntur ad vnum idemque punctum: quoniam verò  
hoc ipsum contingit oculo in latus verso, 31. *probl. 7. &  
17.* sic eleuato, vel depresso, immò sic affecto oculo quæ-  
libet visio, seu visibilis species per propriam lineam fer-  
tur, nullatenus in puncto eodem concurrentes, *cir. probl.*  
11. & 17. & quælibet per se iudicatur; idèò ad torturam  
oculi sursum aut deorsum, res vna videtur gemina: sim-  
plex verò sicut ipsa est, vbi in dextrum, vel sinistrum in-  
torquetur.

Verum cum ostensum sit, videndi actionem in pupilla  
fieri, iamque à crystalloide visam, & iudicatam madari ad  
congressum speciem, nec dupliciter causam esse defe-  
ctum vnionis opticonum, vel specierum, aliter soluendum  
est argumentum, & simpliciter neganda maior: cum enim  
receptæ in oculis imagines illorum situs non repræsentet,  
sed illos tantum vnde fuerunt emissæ, non est cur duobus  
oculis impressæ, rem in diuersis sitibus, ac duplicem appa-  
rere faciant, dummodò pupillæ in vna planitie æquabili-  
tate contineantur: alioqui necesse erit inæqualiter ad pu-  
pillas ipsas terminari visuales radios, vnusque angulum  
sublimiorem, alterum depressiorem fieri, similiterque  
spectari



spectari visile, & ex consequenti ut varium, & diuersum: præterquam quod ita recepti vniri non possunt, si ad exactum iudicium illorum vnio requiritur. Iam verò depresso, aut eleuato oculo, illius pupillam ab alterius vnitate secedere, nec seruari iam planitie æqualitatem, satis apertum est.

Non sic autem si ad sinistrum, vel dextrum fiat inuersio, penes latera liquidem extenditur superficies, & in latitudinem protenta, vna eademque manet; atque ideò licet ad latera contortus oculus, ex conuulsione, aut paralyti, à suo situ naturali deflectat, non tamen visile vnum, ut duplex videtur, quanquam fortè magis ad dextrum, aut sinistrum, quàm sit pro torturæ ratione, de quo *ro. de usu part. cap. 12*.

Quæri etiam potest, vnde accadat quosdam sine conuulsione, aut spasmo strabosos inter viuendum apparere, pupilla altera magis in angulum aliquem deflexa, & hoc vel maximè vbi oculos mouent, quiescentibus autem nulla visitur deformitas, quæ tamen futura erat perpetua, si affectis musculis causa referretur accepta. Dic, euenire illud ex musculorum imbecillitate ad latera mouentium, vel saltem alicuius, & hoc in vno, aut vtroque oculo: vbi enim inualidi sunt musculi, licet æqualiter possint sustinere oculos cum quiescant, quod facilius est, non tamen pariter mouere; ac proinde sit necesse, ut si oculi ad latera aliquod mouentur, quia debiles musculi fortibus æquari non possunt, altera pupillarum magis altera in vnum angulum vergat, & oculus, ut aiunt, per oculum mitatur.

Ad tertium. Cum obliqui musculi oculum circumuerset, licet aliquis illorum conuulsus, versus eum angulum inclinet in quo constituitur, secum trahit pupillam, ac sursum vel deorsum peruenit, separatque à planitie vnitate quam cum altera obseruabat.

Ad quartum. Sine dilatatione, vel constrictione pupillæ potest oculus sursum, & deorsum intorqueri; quod si cum hoc simul altera dilaretur, vel angustetur, cum duplicitate res maior, aut minor apparebit. Et si vterque oculus pariter inuertatur, ita ut æqualiter inuersi in vna planitie situentur, simplex apparebit res; duplex autem & multiplex pro varietate, inæqualitatēque situum in quibus representatur visile; propter quod dixit Arist. 3. *probl. 10*. Vinolentis rem vnā, duas, & plures aliquando videri, videlicet quia ex vini vapore spiritus agitantur, & fluctuant, nec in vno situ quiescunt, sed ex variis, & diuersis veluti simul inspiciunt; vnde, &c.

Ad vltimum, non negamus ab aliis etiam causis, præterquam à tortura sursum, aut deorsum versus, gemitatis occasionem nasci, de quibus *suprà*, ac proinde satis.

## QVÆSTIO XVIII.

*Verum ad oculorum custodiam palpebra inferiores eum maiori commoditate immobiles sint creatæ, ut voluit Galenus. Contra Fortunatum Plempium, Academia Louaniensis Professore ineluctum.*

DE palpebræ inferioris immobilitate quæstionē dissoluamus obscurissimam, & à nemine adhuc (quod sciam) ita distinctè enodatam, cur scilicet inferior palpebra fuerit creata immobilis, quum ad eundem vsum, ut superior, fuerit constructa. Cuius problematis explicationem antequam aggrediar, aduertendum est, inter omnia sensoria quæ nuda fuere creata à natura, solos oculos ob innatam mollitiem, palpebris, veluti tegumentis quibusdam, in munimentum & tutelam operiri: aliter namque anterior eorum pars omnium nobilissima, aëri, ventis, fumo, pulueri, animalculis, aliisque corpusculis esset exposita, & ob naturæ frigiditatem & ignauiam, ob occurrentibus maximè periclitarentur perspicui, tenuēsque humores, & facile extingueretur, marcesceretque illorum lumen exiguum ab externo solari nō palpebrarum nictatio prohiberet, oculos breuissimis quibusdam interuallis

*Tib. V.*

claudentium. Insuper & somni gratia, ad vitæ durationem vsque adeò necessarij, cui tamen locus non esset, excitatis ab externa luce luminibus, 2. *de partib. animal. cap. 13*; Gal. *de instrument. odo. at. cap. 5*. & 10. *de usu part. cap. 6*. in cuius expositione doctè spariatur Ioannes Lonicerus, excellenti Medicus ingenio, & doctrina.

Ob hanc causam palpebris distituuntur animalia, quorum oculi tunica exteriore proteguntur dura, ait *cit. de instrument. odo. at.* ex sententia Arist. Nobis, ex huius auctoris sententia, duæ datæ sunt ob dictas commoditates, inferior quidem immobilis, superiorque minor, nempe ut oculo semper adstricta, appressaque existeret, neque vnquam ab eo secederet, & excrementa facile exprimeret: præterea ne si maior esset visum offenderet, magnitudine enim conspectum occurrentium impediret, & maximè pedestribus, quæ in terram, vnde pascuntur, expeditum desiderabant. Denique ne lemmam, lachrymam, ac eiusdem generis omnia in sese colligeret, turpiterque non sine visus nocumento retineret.

His omnibus sagax occurrit natura, superiorem solam mobilem, simul & maiorem creando, ut & amplitudine sua incidentia arceret, nec oculum ingredi pateretur, & motu pro necessitate clauderet, oculosque ipsos aperiret.

Cum igitur superior hæc ex arbitrio, & consulto moueatur, non naturæ instinctu (quemadmodum putauit Aristoteles, *vbi supra*) musculos habet suo muneri destinatos, voluntarij motus auctores, & de occultis palpebrarum affectibus, *lib. 4. de loc. cit.* facturus sermonem Gal. eos tantum prosequitur, qui penes vitiatum morum, earumque musculos affectos spectantur, quia licet multò plura sint mala, quæ palpebræ internè patiuntur, de quibus *lib. introduct. cap. 15*. & *de oculis, cap. 9*. magis vrgent ea, quæ motionis nocumentum inducunt, ut pote præcipuam illarum functionem, vsūque infestantia: quemadmodum ergo accidit oculorum musculis (ut dixit) laborare, & in suis actionibus deficere, interdum proprio, nonnunquam neruorum, qui ipsis inseruntur, affectu, sic musculis palpebrarum superiorem mouentibus: cumque ea sursum ad oculum aperiendum, & deorsum ad claudendum feratur, & elevationi quidem vnus (ut *cit. de loc.* ipse edocuit) inseruiat, depressioni autem duo; si sursum attollens resoluatur, laxata palpebra descendet, ita ut nequaquam oculus possit aperiri. Si verò resoluatur aliquis ex his qui ipsam deorsum agunt, supina hia-

bit, nec oculus claudi poterit. Quod si alter tantum claudentium, aut aperiens conuellatur, oppositum eueniet: cum enim pars palpebræ, quæ prope conuulsus musculi est, ad eum deflectat, conuulsio aperiende sursum trahetur palpebra, vnde claudi non potest oculus; nec aperiri ad conuulsionem claudentium. Si verò contingat musculos ambos pariter conuelli, intorta palpebra apparebit, & quasi fracta in medio: cum enim dimidia eius pars musculo sursum conuulsio vicina, cum eo sursum trahatur, reliquam quæ ad alterum existit, deorsum necesse est intorqueri, & apparere fractam, demum curuam, ac reflexam, quam palpebrarum figuram. Hippocrates peruersionem appellat, satisque exitialem, & in ea oculus non magis clausus est, quàm apertus, 1. *prorrhetic. sect. 1. sect. 35*. & 49. & 1. *prop. 12*. citatis à Galeno 10. *de usu part. 11. ad fin.* Legendi de historia palpebrarum Arist. 2. *de histor. animal. cap. 12*. Plinius *lib. 11. cap. 37*. sicut de earum peruersione Christoph. à Vega *in com. cit. sent. prog.*

Sed sententia Galeni, de inferioris palpebræ immobilitate, grauissimas patitur obiectiones, quarum prima est: nam si ad eundem vsum ac superior facta fuit, quod ibidem fateatur Gal. cur motus particeps creata non fuit? & maximè, quia ita melius simul coirent, & complicarentur ad oculi clausuram, & custodiam.

Deinde. Non minùs aues, quàm pedestria animalia ex terra ipsa pascuntur. Atqui alites magna ex parte infernā palpebram mobilem habent, & nonnullæ ingentem, ex Arist. *cit. de histor. animal. sing.* aliquo visus nocumento,

AAAa immo

immò ut magis expedite viderentur non igitur idem in pedestribus? quod fieri decuisse innuit Auic. 1. 1. doct. 5. sum. 2. cap. 5. immò & Arist. ipse 2. de part. animal. 1. 3. 5. Quæ animal pariu u. geminam habent palpebram, & committere utraque solent, &c.

Secundò. Si 10. de usu part. 9. vnum tantum posuit musculum aperientem, alterum claudentem, de quibus tantum anatomici auctores, quomodo 4. de loc. cit. tecum manifestè pugnans, geminos constituit ad deprimendu, quos etiam insinuauit, 1. prog. 1. 2. cum tamen si vni tantum illorum motuum dup essent præficiendi, decuerit potius eos eleuationi, utpote magis laborioso operi, magisque robur postulanti dicare? Et si plures, vel duo tantum sunt, cum vnus ex his in maiori, eoque interno oculi angulo apud nasum contineatur, alter in externo, minoreque iuxta tempora, utrius munere deprimitur, aut eleuatur palpebra.

Tertiò. Sicut quilibet illorum musculorum vniuersam tarsi sedem non perrepat, sed parti tantum illius implanatur, sic dum contrahendo agit, eam tantum sursum, aut deorsum trahit, quæ sibi vicina est, & continua; vna igitur similiter relaxabitur ad cuiuslibet musculi resolutionem, atque ita licet attollens resoluatur, non proinde tota palpebra concideret, aut oculus omnino claudetur, nec è conuerso hiabit ad claudentis relaxationem: eo maxime quoniam cum superior palpebra per relaxationem elongetur, nec eleuari possit, immò propter sui grauitatem deprimatur, necesse est super inferiorem cadere, atque adeò potius aperiri, quam recludi oculum, propter quod Auic. 3. 3. tract. 3. cap. 1. 2. inter causas inuersionis, illam non apposuit. Igitur, &c.

Vltimò. Quid accideret musculo utroque resolutò? nec dixeris deprimi omnino, aut attolli palpebram, tum quia musculi illi resoluti oppositas habent inuersiones, sursum nempe, & deorsum, tum quia nulla pars tarsi tunc agit, à qua altera simul trahatur: non item attolli simul, ac deprimi: Nam si altero tantum affecto vsque adeò incommodatur palpebra, ut tota sursum, vel deorsum feratur ita ut ad oppositum, nec secundum sui partem moueri queat; unde geminato malo minuendum est nocumentum?

Hæc omnia per partes ita dissoluenda, expediendaque sunt, ne illis Medici irriteri, Galeni sanam doctrinam conuellant; de quorum numero fuisse doleo, Fortunatum Plempium, doctissimum Louanienſis scholæ, ac celeberrimum Professore, qui lib. 1. cap. 2. Ophthalmographia, iis & similibus relis, quæ ex solutione argumentorum solui facile possunt, Galenum derideret & temnit, quod auctoritate sua Medicos seduxerit, ut crederent palpebram inferiorem esse immobilem, cum tamen mobilis sit. Quæ in Magistrum conuitia, quantum ab ingenui Medici, immò huius viri cordatissimi & sincerissimi mente abhorreant, norunt omnes, qui eius candidissimos mores, vnâ cum selectissimis disciplinis coniunctos intimè agnoscunt.

Dic ad primum Licet Auicenna velit posse cum æquali commoditate infernam palpebram mobilem creari, melioris tamen vsus gratia, & minor, & sine motu fuit facta, ut diximus ex Gal. ubi supra. Quod si auius magna ex parte natura effinxit mobilem, & maiorem, aliquibus solam, aliis nullam, sed à maiori angulo prodeunte membrana nectantur, sua vitæ ratio ita postulabat: Sursum enim quò volaturæ erant, magis expeditum conspectum habere conueniebat, ac proinde inferiore potius conuiuere, ut in volatu sursum melius prospectarent; deorsum autem ad terram, id quod ex dictæ palpebræ magnitudine impeditur, colli longitudine compensatur, quæ caput cum oculis ad esum è terra decenter constituunt, de quibus Arist. cit. de hist. & partib. animal.

Pro secundo. Supposito quòd oportuit superiorem, palpebram ex arbitratu nostro moueri, alioquin in nullum usum nobis accommodaturam, & quòd vno eodemque musculo eleuatio; & depressio fieri non poterant: non satis constar, quot musculis utrumque opus perficiatur, immò eorum cognitionem, sicut & omnium faciem mouentium, arduam, & difficilem farentur anatomici, eo maxi-

mè quòd varius in hoc reperiatur Galenus: cap. enim nono cit. lib. de usu part. vnum vni operi dicat, lib. verò 4. de loc. cit. & in prognosticis, quem sequitur Auic. 1. 1. doct. 5. sum. 2. cap. 5. & Haly Abbas, 4. theoric. cap. 1. 3. versus finem, vnum eleuandæ; duos deprimendæ palpebræ præfecit: quales verò illi sint, licet non expreſſerit, aliunde tamen colligitur, eum qui ad frontem existit, cuius munere non hærens illa, sed nutans cutis suspenditur, eleuationi destituisse; depressioni geminos, maior vnum, alterum minori angulo obuolutos. Cæterum magis congruè videtur loquutus cit. de usu part. ubi ex oppresso, & omnes ferè anatomici tradunt, duorum musculorum ope superiorem palpebram attolli, & deprimi. Quin potius si duo necessarii erant ad aliquod illorum operum, magis ad eleuationem requiri videbantur: grauis enim palpebra cum sit, difficilius sursum trahenda erat, ac proinde ad motum illum maius exigebat robur, & multiplicatum, aut saltem validius instrumentum: deorsum vnum, vel nullum, facilis siquidem, & spontaneus omni graui descensus, ideò enim palpebra ipsa resoluta sponte concidit, nullòque deorsum trahente oculum claudit; immò & propter hoc ipsum, cum natura fronti musculum supra dictum apposuisse, qui nutantem cutem sursum conuelleret, in palpebrarum, & visus gratiam, alterum ad deprimendum videtur non creasse, quum tamen necessarium fuisset quandoque deprimi, non semper suspensam retineri, videlicet, aut quia se ipsa deorsum traheret, vel quia claudens oculum musculus simul munus illud præstabit. Cum igitur ille fronti appositus, interim dum contrahitur, vniuersam illius cutem sursum conuellens, palpebram etiam superiorem versus frontem ipsam magna sui parte retrahat, & attollat (quod fieri decuit, ne si dicta palpebra in se tota plicaretur, visum impediret simul, & grauaret,) negari non potest etiam illius, atque ita duorum ministerio confici eleuationem.

Nec obstat, quòd 10. de usu part. cit. ei vnum tantum accidit, alterum depressioni, loquitur enim de musculis ad palpebram ipsam constitutis: horum alter ad nasi latum ex maiore angulo oculi, eiusque medio incipit, & obliquus quidem ad tarsi dimidium proreuditur, mediam illius sedem quæ maiore angulum respicit vniuersam occupans: alter obliquus etiam, sed quodammodo magis circularis, à medio inferioris palpebræ ortus, & per minorem angulum extensus, in palpebram superiorem ascendit, & medio illius se inserit, alterique musculo committitur; quin immò mutuo pariter committuntur suis fibris, non solum ad tarsum, sed per reliquam superioris palpebræ longitudinem; & prioris quidem beneficio, scribit Gal. palpebram deorsum ferri, & oculum claudi; eleuare alteri, & aperire: rationem autem assignat, quoniam musculi omnes versus suum principium contrahuntur; cumque prior ad maiorem angulū caput habeat constitutum, atque ideò deorsum, secundus sursum ad superciliū, versus ea loca, dum agunt, palpebram trahent; ac proinde contractione illius qui ad maiorem angulum existit, deprimetur; ab altero, qui minorem perrepat, suspenderetur.

Oppositum tamen etiam veritatem habere posse deprehendo, à musculo scilicet externi anguli oculum claudi ab altero aperiri, nec ad id confirmandum probabiles desunt rationes. Prima. Natura, ut dictum est, oculos muniuit operculis, quibus per intervalla clauderentur, & ab occurrentibus custodirentur. Sed ea pars oculi quæ ad naris est, nasi momento satis defenditur; quæ ad minorem angulum, nuda patensque existit, & occurrentibus obnoxia. Ergo hic decuit naturam musculum claudentem apponere.

Secunda. Offenso externo angulo confestim clauditur, & corrugatur oculus; non sic si offendantur interni. Igitur probabiliter credendum, illic contineri musculum clausioni destinatum. Nec leue etiam argumentum est, quòd oculum valde claudentes, ad minorem oculi oculum dolemus; aperientes verò, ad maiorem iuxta nasum: non aliunde autem accidere videtur, nisi quia præ nimio opere fatigantur musculi ibidem inserti, &

& vnusquisque vessus locum vnde nerui operantes oriuntur. Quare, &c.

Ad Galeni autem rationem aptè quispiam respondere poterit, musculum anguli maioris etiam suo capite superciliorum partem nato proximam contingere, ac proinde verius suum principium contrahi, quum palpebram attollit ex ortu verò, & positione alterius colligitur, quomodo ab eo possit absoluta clausio sperari.

Ad tertium. Quamuis vnusquisque musculus ad tarsi medietatem solum extendatur, vt diximus: vbi tamen quilibet agit, non modò partem cui implantatur, attrahit, sed & reliquam etiam, atque palpebram totam; cuius rei causa est ipsius tarsi durities, hæc enim facit vt motam, contractamque partem altera sequatur, totusque tarsus ad vtriusque musculi contractionem alternatim rapiatur; ac proinde si musculus vnus resoluatur, ad agentem alterum trahetur, de quo *infra*, simulque palpebra tota sursum, vel deorsum; pro eleuantis, aut deprimentis musculi contractione, licet deorsum facilius ob innatam grauitatem. Si itaque resoluatur ille qui à nasi vertice prodit, descendet palpebra, & aperiri non poterit oculus; eleuabitur, & hiabit, si iis qui per minorem angulum circumducitur: non enim elongatur, aut concidit palpebra ex qualibet mollificatione, immò in proposito casu ab agente, suoque officio adhuc fungente musculo retracta plicatur, & abbreviatur, corrugaturque; nec tanta est grauitas ob dimidiam sui partem resolutam, quæ eleuationem à sana omnino impediat. Parum autem vrget, resolutionem musculorum palpebræ inter causas inuersionis non fuisse numeratam ab Auic. ad quem per Gentilem *ibidem*.

Ad vltimum. Attolli videtur impossibile, cum non sit à quo eleuetur, præsertim frontis musculo etiam resoluto: at ipsam igitur continere non valens, concideret & prolaberetur, non deprimeretur aptè, ita vt cum altera plicetur committaturque, nec oculum exactè clauderet, sed aliquantulum apertum, & albo apparente retinebit, quod satis exitiale in acutis prædixit Hip. *vbi supra*. Si tanta fuerit mollificatio, quæ palpebram ipsam elongari, distendique faciat, totus quidem oculus claudetur, verum non concinnè & decenter. Nec obstat, quòd pars quædam palpebræ sursum altera deorsum, suam habet inuersionem in musculorum resolutione; illud enim tantum accidit si alteruter tantum afficiatur: siquidem vbi pariter resoluuntur, cum impotentes reddantur ad agendum, mutuo se trahere non possunt, solumque relinquitur ex sua grauitate cum palpebra deorsum ferri. Lege eruditissimum Montanum, *lib. 3. optica, art. 4.*

## QVÆSTIO XIX.

*Vtrum visio quæ sit per imagines & visa, illusoria, an certa, & vera: & an ea intra oculum contenta per propriam speciem videri possint. Contra Thomam Garbium Medicum acutissimum.*

### COMMENTARIUM.

**E**T ante oculos videbam muscas. ] Altioris negotij est, Græcorum circa imaginationes doctrinam rimari, in quorum monumentis legimus, oculos nonnunquam deludi apparitionibus quibusdam, quas Medici visa, & imaginationes appellant, eo quòd sic affecti, culices, festucas, floccos, inanes ymbras, & veluti simulachra quædam, perinde ac si extrinsecus circumferrentur, videre existimant. Definuit malum hoc Galeno, & Medicis, apparitio externa, ob crassum opacumque vaporem, inter corneam, & glaciale positum, de quo 1. de caus. sympt. cap. 2. & Auic. 3. 3. tract. 4. cap. 9. Quoniam verò huiusmodi visa oculis plerumque obuersantur, nullo in eis vitio apparente; nonnunquam autem, suffusionem, & cataractam antecedunt, quæ propria est oculorum affectio; aliquando per consensum alterius membri fiunt: illorum exemplo docet Galenus, oculorum affectus per consensum discer-

Lib. V.

A nere ab iis, qui per proprietatem infestant.

Imaginationes enim quocunque modo accidunt, semper ignotam habent, occultamque originem, cuius indagatio pertinet ad institutum librorum de locis affectis, ac proinde in *lib. 4. cap. 4.* factam iam suffusionem non inquit Galenus, vt pote visui manifestam, & de genere externorum morborum. Cum igitur duo sint membra, quorum consensu deprauata hæc visio potissimum contingit, cerebrum nempe, & ventriculus, primò indiciis quatuor venari docet, num per ventriculi consensum, aut ex suffusione incipiente oriatur, hoc est, per proprietatem: videlicet si vtrique simul, vel alteri tantum oculo visa appareant: ex tempore, quo apparere inceperint, cum claritate, vel obscuritate pupillæ: ex assiduitate, vel remissione: denique ex coctione, vel cruditate, vomitu, ac idonea purgatione.

Primum, quia si apparitio fuerit in vno tantum oculo, ex suffusione erit: si in vtroque pariter, ob vapores à ventriculi ore exhalantes, *lib. de oculis, cap. 12.* Auic. *vbi supra, cap. 10.* nec enim credi potest, tanti mali causam etiam duos oculos simul, & æqualiter inuasisse. Secundum, quia si tribus quatuorue mensibus, pupilla clara & perspicua appareat, contemplanti nihil tenebrosum, obscurumue præse ferens, suffusio abesse significatur, & ventriculi vitio fieri imagines: quòd si per sex, vel plures, quos Auicenna ponit, absque tenebrositate durauerint, maiorem certitudinem præstabunt; verisimile enim non est, tanto temporis spatio non aggregari vapores iuxta vueæ foramen, ex quorum congelatione, aqua, suffusione generetur, si ipsi fuissent apti ad congelandum.

Tertium, quia assiduitas mali, causam in oculo, vel propè adesse significat: intermissio, in distante loco, vel ob rationem prædictæ similem; quia vbi ex toto remouentur visa, licet redeant, indicatur illorum materia vaporosa nimis, subtilis, & congelationi inepta, atque adeò aquam, suffusionem, seu cataractam non portendunt.

Quantum. Si aucta cruditate augentur perfectè, celebrata coctione omnino euanescent, vel notabiliter minuuntur, certum est à ventriculo oriri: maxime si quamdiu oculis obuersantur, ipsius ventriculi os dolore vexetur, remittatur verò, aut penitus cesset, eiecta per vomitum infestante causa; idque tibi euidentius constabit, si propinata hiera nihil amplius apparuerit; à iuuantibus enim, & nocentibus, &c. illud namque medicamentum vim habet educendi è ventriculo humores, ex quibus similia symptomata in oculis generabantur, eoque incipientem suffusionem, & apparitiones eam antecedentes sapissimè curasse gloriatur Galenus.

Visorum species per consensum à cerebro, euenit in phrenitide, cephalalgia, & similibus aliis corporis affectibus, in acuta etiam febre, & pulmonia, in quibus exusti biliosi vapores, & præ adustione incrassati ad oculos accedunt, & delusiones pariunt, obscurantes interdum, & impediunt visum; in quorum gratiam Gal. varias species phrenitidis commemorat, & quid sibi laboranti circa visa illa contigerit, prout *lib. 4. de loc. affectis, cap. 1.* ipse recitat. Hanc visorum differentiam, ex morbi præsentia satis dignoscet, idèoque Gal. *cis. nuper loco* eam indiciis aliis indagare non curauit, insuper quia non suffusionis, sed vitæ discrimen importat: *cap. tamen 12. de oculis*, tum demum à cerebro esse apparitiones docet, quum vel in vno tantum oculo, vel in vtroque, sed diuersè & inæqualiter fuerint. Hæc sedem latentem indagandam monent ex occultis oculorum affectibus, quorum exactam cognitionem, & species, ex *lib. de morb. & sympt.* petendas docet.

Cæterum possunt nonnulla ex traditis hîc, nos meritò remorari, quæ expedire non erit abs re. Primum, si ad visionem (quod Philosophi pariter, & perspectiui omnes fatentur) distantia quædam inter sensum, & obiectum requiritur, mediūque perspicuum, & illud quidem externum, cuiusmodi sunt aer, & aqua: qua ratione vapor intus iuxta crystalloïdem positus, apparere videtur, viderique poterit? maxime cum vuea tunica à glaciale remotior, & sui specie in ipsum emittens, ob solam vicinitatem non cernatur, quia vt Philosophus ait, percipi non potest

AAA 2 2 sensibile



Insensibile super sensum possumus, Deinde id quod videtur, in loco videtur ubi est; quum igitur intra oculum contineatur vapor, si in conspectum caderet, ibidem appareret, & adesse iudicaretur: nemo autem eum perspicit. Intra igitur nequaquam videtur: aut unde contingit decipi visum, ad præsentiam obiecti usque adeo sibi propinqui, & expressi?

Secundum. Ex vaporibus à ventriculo ad oculum eleuatis potest etiam generari suffusio. Igitur illò etiam tendent visa per stomachi consensum orta, & ea consequenti frustra Galenus duas has vasorum species separauit inter sese, quum in idem prorsus concidant. Antecedens præterquam manifestum est ex eo, quod docente ipsomet Galeno 7. *meth.* 11. si excrementa diu in partem decumbentia imprimunt, cur ex diuturna vaporum ad oculos delatione non timebitur suffusio? ab omnibus admittitur, & Auenzoar tradit *lib. 1. tract. 8. cap. 18.* ex ea causa frequenter oriri, unde Auic. c. 18. apparentibus imaginationibus præcauet à suffusione, ventriculi purgatione.

Tertium. Fieri potest quod oculus vnus magis aptus sit ad suscipiendos vapores ab stomacho ascendentes. Igitur in illo solum imaginationes apparebunt. Rursus si aquosi sint, & quoridie ad oculos mandentur, breuissimo spatio longè labentur, & in aqueam naturam conuertentur, & tenebrosam efficiunt pupillam, aliquando ad conspectum suffusam: quare Aëtius *tetrab. 2. serm. 3. cap. 5. 1. Licet*, inquit, *apparentibus visis pupilla pura appareat, is qui negligentius considerant, iam tamen pelagirefert colorem*: & Haly Abbas 9. *theoric. c. 13.* & Zoar. paulò ante citatus, nullum præscribunt tempus, nempe quia in eadem die in qua incipit imaginatio, seu oculorum, seu stomachi vitio oritur, sæpe obtenebratio, nonnunquam suffusio videtur: insufficienter igitur Galen. duas has visorum species per illa documenta distinxit: & sic de reliquis: cum enim magna detur inter ventriculum, & oculos communio, assidue poterunt ab eo fumi exhalare, & visa sine intermissione efficere. Deinde per digestionem agitata materia, magna fit euaporatio; ad hanc sequitur imaginationum augmentum: ergo subsidebunt, & minuentur per cruditatem, multiplicabuntur per coctionem, quod aperte scribit Auic. *cap. 10. & ex consequenti, &c.*

Vltimum. Delirantium visa etiam in tenebris, & clausis oculis apparent, potiusque imaginariæ, quam visus læsionem attestantur: perperam igitur inter deprauatas visiones, & imaginationes quæ sese intuenti, & apertos oculos habenti offerunt, perperam (inquam) illas phreniticorum enumerauit, omittens alias proprias, & veras visorum differentias, vomitum, & sanguinis è naribus eruptionem significantes, de quibus Hip. 3. *prog. 40. & 33.* & meminit ipse Galenus 1. *cris. vlt. & lib. 1. de loc. affect. cap. 2.* quæque iudiciis erant à prioribus discernendæ, ne deciperetur Medicus, aut saltem fatigaretur in illarum sede affecta indaganda.

Enimvero licet in iis nodis durissimis deludantur nonnulli Galeni interpretes, dum *citatæ locis* interpretantur Galenum: tamen commodissimam habent solutionem. Dic ad primum. Videri formas illas in oculo, & pro sui diuersitate varias efficere imaginationes, penes colorem, figuram, & substantiam, de quibus apud auctores, inter quos extat clarissimus Mercurialis *lib. 1. praxis, cap. 3.* & præterquam ex visu ita iudicante, colligunt ex Galen. 1. *prog. 23.* ubi de huiusmodi accidentibus loquens, *quæcumque*, inquit, *in medio crystalloidis videntur, &c.* Sad imperfectam esse huiusmodi visionem, nempe quia per medium extrinsecum, actuque perspicuum non fit, quod omnino requiritur ad perfectam, & exactam, de qua solum intelligenda est Peripateticorum sententia; aliter enim nec lumen, pupillam attinges sentiremus, nec moto, attritòque oculo illius splendorem in tenebris, quum tamen sentiri experiamur, & asserat idem Arist. *lib. 6. de sensu, & sensili, cap. 2.* licet enim velis non videri quod in pupilla est, vel illi valde propinquum, sed quod aliquantulum distat, & à regione sua similitudinem mittit, adhuc tamen intra oculum continetur, & inde perspicitur.

Quod si medium quodque requiris, vt res etiam im-

perfectè videatur, proponunt tenuem, aqueumue humorem, & eum quidem diaphanum, ab externo, & interno lumine illustratum, in quo vaporis imago prius recipitur, & eo mediante in glacialis, nec prædicti vaporis opacitas externi luminis accessum vndique prohibebit; siquidem ex toto vuez foramen non cooperit, alioqui, siquidem cæcitas fieret, nec propinquitas, approximatique speciem improporionabit, quæ sit minutissimi obiecti, & quod ex maiori distantia vix cerni, aut nequaquam poterit.

Quod si vuezam opponas, quæ licet colorata sit, & visibilis, eundemque albugineum humorem habeat intermedium, per quem sui imaginem possit in crystallinum remittere, nullo tamen pacto conspicitur, non negabunt tamen vuez speciem per glaciale expandi (hoc enim manifestè ostendit nigredo apparens in pupilla, suapte natura candida, & splendente, nec habere unde nigredinem præ se ferat, nisi ex speciebus ab vuez in crystalloidem refractis; monstrat & visus robur, & spirituum vnio ex ipsius vuez vicinitate, ex idolis nigredinis, à qua visus, & spiritus congregantur: sed dicent penes eam tantum partem videri posse, qua glaciale ambit, nequaquam verus substantiam, quæ directò è regione pupillæ non continetur.

Verum quod vuez conspectu omnino fugiat, nihilque ex ea videatur, manifestum fit ex eo, quia alias semper aliquid nigrum, qualis est vuez color, ante oculos sentiremus; cumque hoc non experiamur, nec ipsa, nec quicquam aliud cernitur intra oculum, saltem per se, id est, per propriam speciem, atque ita nec vapor imaginationum causa: si enim (quod obiciebatur) per imaginem suam videretur, quum in illa quæ alicuius propria est, præter colorem, magnitudinem, & figuram situs etiam repræsentetur, intus adesse crederetur, inde siquidem dicitur speciem transmittere quæ possit videri. Rursus visibile quod per propriam speciem mouet, ipso inuariato, & pupilla in eodem spatio existente, semper in vna distantia apparet. Sed huiusmodi visa vapore intra oculum permanente, nec variata pupilla, vbicumque oculum figas, ibidem adesse creditur, in aëre, & in quauis alia re conspectui obiecta, proxima, vel remota. Igitur, &c.

Dicendū ergo visionem illam nec certam, nec veram esse, sed fallacem, illusoriam, & deprauatam, quod satis confirmat sequens ad eam iudiciū, vanū & corruptum, nempe medio acri inesse quod nusquam est, culices, muscas, atomos, & id genus alia. Insuper quomodo recta esse poterit, & exacta fectio, quæ sequitur ad oculorum vitia, nullaque data inter sensatam rem, & sensorium distantia, sine medio externo? ideoque merito ab Arist. 3. *probl. 9. & 10.* illusoria appellatur visio, & à Gal. 1. *de caus. sympt. supra relato*, potius hallucinationem non enim saltem propriam, & per se videtur corpuscula illa intra oculum latere; sed quia obiecti externi speciem modificant, secundum naturam suam colorem, & figuram, imaginantur videri cum visio potius sit de re ab extra veniente, & per illius speciem fiat, modificatam tamen secundum dispositionem vaporis, qui quia modificat, sentitur etiam, & extrà iudicatur esse, quia ad externi obiecti speciem, & visionem videtur, vel cum Gal. 1. *prog. 23.* ob assuefactionem crystalloidis, quæ externarum rerum visioni assuectæ, quæcumque intus sentit, extrà locata iudicat, suo iudicandi modo. Vbi tamen vapor extra oculum, negari non potest & per propriam imaginem conspici à laborante, non enim est quod impediat, quinimò experimur in medio aëre spectari, & veluti oculis obiectos abigi ab ægotantibus, sentiri; modò accedere, modò recedere. Quare, &c.

Nec obstat, quod ab aliis similiter non conspiciatur; aliorum enim conspectum præ tenuitate fugit, non sic autem laborantium, quia horum visus ab exeunte sensim vapore excitatur, atque ita in illius quantumvis latentis, & obscuri notitiam ducitur. Quantum verò faciat ad melius videndum prosecutio obiecti ab initio sui motus, monstrant sagittæ, & aues in altum conscendentes, quæ & melius, & magis prospectantur ab iis, qui primum exeuntes oculis prosecuti sunt, ex quibus ad argumentum patet responsio.

Adnotandum verò hoc potissimum loco inter multa, tamque conquisita curiosè super imagines, illud quod Medicis



Medicis auctoritatis non dilata dubitationem maximam in gessit, vtrum imaginationes, & visa orta ob vapores, & humores intra foramen vuez, & humorem crystallinum contenta, per se, id est, per suam speciem videri possint: Nam videri aliquid intra oculum, multis probat Laurentius lib. 11. de hist. anatomica, quest. 2. sed non per propriam, an per alienam speciem, difficilius dubium iudicauit Mercatus tom. 1. suor. oper. part. 5. class. 6. quest. 156. num. ult.

Thomas Garbius lib. 1. tract. 5. quest. 67. affirmat, contenta in oculo per se, id est, per propriam speciem videri suamque opinionem tueretur primò. Qui habet visa, ea videt, etiam si ad solum aërem respiciat, & non ad aliquod obiectum. Ergo ea non videntur per speciem obiecti externi. Respondet Iacobus in com. cap. 9. Auic. 33. tract. 1, in eo casu vaporem exeuntem ab oculo à frigiditate aëris condensari, atque ita per suas species videri: sed non satisfacit, primò quia sic talis vapor etiam à circumstantibus perciperetur. Secundò, quia sic non esset visio læsa, iudicando ea visa esse extra oculum, contra Galenum 1. prog. 26. Dic ergo, impossibile esse nos solum respicere versus aërem, quia aliquid obiectum percipiamus, utpote nubem, aut cælum, ad horum igitur species similia visa percipiuntur, quemadmodum & in aliis affectibus contingit.

Obiicit secundò vrgentiùs: nam sicut nos sæpe videmus fulgorem intra oculum contentum, sic similiter videre possumus vaporem peruium coloratum in oculo existentem. Dic cum Gentili loc. cit. super Auic. disparem esse rationem, quia lumen quod intra oculos videtur, habet esse magis intentionale, quàm color, ac proinde non adeò requirit medium ut videatur, quemadmodum color.

Nec concludit tertium argumentum, quo instructus sic ratiocinatur. Species tractæ in memoriam, reuerentes ad oculum possunt videri, & iudicabuntur quasi essent extra. Ergo multo magis vapor in oculo existens. Dic, has species iam acquisiuisse suam, ut ita dicam immaterialitatem & ideo posse videri, quia non requirunt medium, sicut nec lumen, seu fulgor.

Falsitas autem opinionis huius ostenditur, primò, quia sensibile supra sensum non facit sensationem, 2. de anim. 6. Secundò, si contenta in oculo per propriam speciem viderentur, sequeretur punctum album relictum in cornea ex cicatrice, debere apparere, quale est, cum tamen nigrum appareat, & eò nigrius, quò albius existit, ut constat experimento. Tertio, sequeretur quod huiusmodi visa semper in eodem loco apparent, contra experientiam; nam si æger respiciat parietem, in hoc esse iudicatur, & si respiciat librum, in hoc esse apparent. Consule Ioannem Buridanum in sua 4. quest. super lib. de sensu & sensibili Arist.

Ad secundum. Quamuis imaginationes ex ventriculo profectæ aquam etiam portendant, certius tamen ex quæ cerebri, vel oculi vitio fiunt, tum quia vapores ex cerebro, vel oculo ascendentes propinquiore magis sunt, quàm aquei & phlegmatici (qualis est horum membrorum natura,) tum quia difficile est materias generâtes visa ab illis euacuari, facile autem ab stomacho, ac proinde huius consensu euenientes imagines non admodum laboriosè curentur, prout 4. de loc. cit. Gal. Confirmat, Rursus, aliud est imminere malum, aliud præsens esse; cum igitur visa suffusionem antecedentia iam iam adesse, aut certò futuram significant, non sic orta à ventriculo, quia sæpe non sequitur suffusio, nonnunquam sine noxa per longum tempus durat visum, nihil mirum, si duo hæc genera tanquam diuersa Gal. separauerit.

Ad tertium. Ambo oculi corpori, & stomacho pariter communicant, ferèque eiusdem naturæ sunt, & consimilis passibilitatis: quòd si aliquando secus contingat, rarum erit, nec generalis documenti fidem euerter. Iam verò tempus certum non est, nec infallibile, sed illud certum, quamprimum nempe, & citius obtenebrari pupillam, ubi ex suffusione renascuntur visa; atque ita de his loquens Aëtius, ubi inquit, apparere incæperint, pelagi coloris similis pupilla videbitur. Si ex stomacho, non statim Galen. aperat

Lib. V.

A tenebrosam, sed post tres menses; sic ferè Auic. & post sex. manifestè iussulam: hoc autem intellige, ut plurimum, & data paritate materiæ: Si enim maior copia aquei vaporis ab stomacho semel mandetur, vel singulis diebus, absque intermissione, quamprimum fiet iussusio, & in vtroque oculo, cæterum non ita frequenter euenit, atque ideo, &c. Denique quod ad digestionem attinet, putant aliqui legendum apud Auicennam, indigestionem, quamuis tamen habeat multiplicari imaginationes per digestionem, hoc est, in ore illius, per comparisonem ad celebratam iam, & peractam coctionem, non sic per respectum ad cruditatem, & indigestionem.

Ad vltimum. Non est hic sermo de visis illis, quæ nonnunquam delirantibus, & omnibus propè morituris clausis oculis videri creduntur, sed de imaginibus oculis apertis falsò apparentibus, & quæ sese offerunt intruentibus, veluti ante oculos sitas: nec dubium est hat phreniticis etiam apparere: plures autem species licet reperiantur, ex Galeno 1. de caus. sympt. & adductis locis sunt petendæ, de quibus graphicè, ut solet, disseruit Marcellus Donatus, de medica histor. mirabili, lib. 2. cap. 9.

## QVÆSTIO XX.

Vtrum visus organum, præstantius, & vtilius sit organo auditus.

## COMMENTARIUM.

CET visus cum auditu remansit quasi destructus. ] Inter plurimos, eoque eruditissimos nostræ gentis scriptores, duo extant clarissima sidera, alter Iosephus, historiarum coditor, & in eo genere auctoritatis percelebris, immò Græcus planè Liuius, alius, Philo, qui Platoniam strenui ducis instar doctrinam soli sibi reseruans, eam abditissimis philosophiæ arcanis, abstrusisque mysteriis vallauit. Ille decimo octauo antiquitatum, hic libro de Abrah. & confusione linguarum, proponunt, etsi per transfennam, quæstionem, num visus auditu sit præstantior, nec immeritò: nam horum sensuum ope, ac beneficio disciplinas omnes capeffimus, ex Arist. 1. poster. 1. & 1. metaph. cap. 1. quare illorum par videtur esse præstantia, & vtilitas.

D Hic aliorum opera doctos, ac scientes facit: ille inuentione, atque industria sua: nam per vim audiendi quisque magistri excipiens verba, & in animum tanquam pes canales transmittens, multa discit: qui verò oculorum acie vtitur, ex his quæ sub eam cadunt, & in mentem per se influunt: ut iam ille industriâ alterius, & quasi per accidens discat; hic per se, & suapte opera, atque ingenio: iure ut queratur Pythagoras in aureo carmine de mortalibus, quod his duobus prædiis, & quasi instrumentis non vtantur ad capeffendam fœlicitatem. Miseri, qui bona, quæ vicina sunt, non vident, neque audiunt.

Hæc omnia Stoicus explanans Hierocles, duobus, inquit, modis rerum peritiâ sumimus, aut per doctrinam auditu, aut per inuentionem aspectu. Confirmat eo antiquior Arist. tum citatis locis, tum etiam cap. 1. de sensu, & sensibili, docens valde esse necessarium ad rerum intelligentiam auditum, atque aspectum, sed hunc per se, illum ex accidenti, quia nimium confert ad verba doctoris in pectus inferenda auditoris.

E Quare lib. metaphys. 1. oculorum sensum maximè extollit, quoniam hic auctor est nobis cognoscendi, variâque differentias rerum comprehendendi, & ut Plato in Tim. refert optimarum rerum cognitionem affert. Ex eo Cicero ad finem fragmenti de vniuerso, & lib. 3. de natur. Deor. oculos à natura nobis datos voluit, ut duo lumina ab animo ad oculos perforata haberemus: quibus duobus sensibus vis rationis explicatur; in his enim vtitur mens gemino nuncio pro corporis necessitate, vno, qui oculorum, altero, qui aurium. Cicero lib. 1. Tusculanar. quest. sensus animi esse fenestras, dixit, aures præsertim, atque oculos.

Eorundem sensuum usu, & efficacitate, magis quam A  
ceterorum, mirandum in modum commouentur affe-  
ctiones animi, oculorum maximè, ex Horatii sententia, ad  
Pisones.

*Segnius irritant animos demissa per aurem,  
Quàm quæ sunt oculis subiecta fidelibus, & quæ  
Ipse sibi tradit spectator.*

Qui tamen epist. 1. lib. 1. etiam feris moribus hominem,  
auris beneficio traduci ad mansuetudinem monet.

*Si modo cultura patientem commodet aurem.*

Euripides, & prius Herodorus in Clio, sic ait: aures mino-  
rem apud mortales fidem merentur, quàm oculi.

Contrà sapientes, ex Platone in Phædro, oculis princi-  
pem locum tribuunt. §. *Visus sensibus omnibus corporis præ-  
stat.* Ita Isidorus lib. 1. Orig. cap. 80. melius oculis quæ sunt de-  
prehendimus, quàm ea quæ auditione colligimus; quæ enim viden-  
tur, sine mendacio proferuntur. Hoc modo Galenus oculos B  
vocat membra diuina, lib. 16. de usu part. cap. 3. hic enim  
sensus certissimus est, à quo cum orta sit philosophia, ut  
Philo probauit non longè ab extremo libro de legibus spe-  
cialibus. magis quàm auditus ad veritatis confert cogni-  
tionem: quare Arist. lib. 2. de anima. Maximè, inquit, sen-  
sus est visus, & nomen accepit à luce, quia sine luce videri non  
potest.

Hinc illud Philonis, siue alterius cuiuspiam, de oculo-  
rum præstantia. Cum ex materia corruptionis obnoxia concre-  
ti sint oculi, eo se tamen sustulerunt, ut ab omni loco terreno lon-  
gissimè disjuncti, vel in cælum usque, remotissimam à terra se-  
dem recurrant. Plutarchus extremo libro, de aqua, & ignis  
comparatione, acutissimum esse omnium sensuum arbitrat-  
ur, ex eo quòd ignea eius vis sit, ac natura, & iuxta Pla-  
tonem cælestium globorum conuersionibus se accom-  
modet; licet Aristoteli placuerit, aquæ esse illum naturæ,  
lib. 2. de part. animal. cap. 10. & lib. 5. de generat. animal. cap. 1.  
quidquid Carpentarius hos auctores conciliare studeat,  
explosus à Laurentio lib. 11. de hist. anatomic. quest. 4.

Milesius Thales tantum ab oculis aures discrepare  
sensit, quantum à veritate mendacium. Itaque veteres illi  
prudentes, & acuti mortales, ea nos potissimum arbitran-  
tur scire, quæ videmus: ex hac certitudine celebre or-  
tum prouerbium, *Auribus fideiiores oculi*, de quo plurà  
congerunt Adrianus Iunius cent. 4. num. 41. Adagiograph.  
qui eruditè hoc prouerbium explicat chil. 1. cent. 1. n. 71.  
Apuleius de dogmat. Platon. oculorum opera hominem  
tradit meritum fuisse cælum, siderum cursus, astrorum  
ortus, atque obitus; ex quo pulcherrimus, & vberimus  
fons ille manauit philosophiæ.

De audiendi verò facultate sic scribit. *Auditum verò quid  
homini magnificentiùs potuit euenire, per quem prudentiam, sa-  
pientiâque disceret, numerosque orationis metiretur, ac modos  
faceret, fierique totus ipse modulatus, ac musicas.* Ita homo nihil  
scit absque doct. ina, hoc est, aurium ope, atque presidio: & La-  
tantius lib. 3. cap. 9. plus in auribus, quàm in oculis positum  
esse prodit, quoniam & doctrina, & sapientiâ percipi auribus  
solis potest, oculis solis non possit. Ita reconditoris doctrinæ  
libri Aristotelici, ab audiendo vocati sunt Acromatici,  
ut est apud Ciceron. lib. de finib. 5. & Herodotus lib. 7. se-  
dem animi in auribus statuit.

Præclarus est Callimæhi locus, in literarum, eruditio-  
nisque commendationem, quo id solum viuere nobis-  
cum docet, quod per aures influxit in animum, quem in  
suam Anthologiam transtulit Ioan. Stobæus serm. 79.  
Hexastichon est sic Latine versum ab Augustino Vi-  
gnolio, Poëta famigerato.

*Nil sparsisse iunat fragrantem rore capillos,*

*Sertaque odoratis implicuisse comis.*

*Luxuriosa dapum cito deperit hausta voluptas,*

*Nota vel extremo gutture rapta perit.*

*Fixa manent quæcumque animo sunt fusa per aures,*

*Hæc mecum nunquam deperiura fero.*

Plantus tamen Trucul. sc. 6. act. 2.

*Pluris est (inquit) oculatus testis unus, quàm auriti decem:*

*Qui audiunt, audita dicunt, qui vident, planè sciunt.*

Contrà Thebanus Epaminondas putauit sapienter,  
quemlibet audiendi potius, quàm loquendi studiosum

esse debere, ex auditu enim nascitur doctrina. Huc illa  
quæstio spectat, plùsne conferat ad discendum lectio, an  
auditio, hoc est, vox viua, an magistri muri; hinc Clean-  
this laudata patientia in Zenone audiendo.

Redeo ad vim oculorum, quos nimis argutos arguit  
Cicero dixit, lib. de legib. 1. Ex iis absque vilo sermone  
etiam intimas animi cogitationes aliorum cognoscimus:  
sic ardor oculorum, iratum ut agnoscamus, facinorosus &  
agitatio crebrior, admonentem, vel simulantem: defixi  
hærentesque, admirandum: modesti ac deiectionis, pud-  
bendum: læti atque hilares, amantem: tristes ac torui,  
inimicum atque infestum.

Insuper, quomodo valent oculi, valere & corpus, siue  
in melius, siue in peius, Galenus demonstrat ex Hip. 6.  
epid. sect. 4. text. 28. quia affectus penè omnes interni, ex-  
terni, corporis, animique iudicantur oculis; & ex his me-  
lius, quàm vilo alio ex membro, fortè etiam pulsa; quo-  
rum fabricam, usum, ac præstantiam Plato celebrat in  
Tim. præ cæteris.

Deinde, nihil nos magis in Dei, & rerum ab eo pro-  
creatarum erigit contemplationem, quàm acies oculo-  
rum. Iam verò Homerus, & ex eo Virgilius 6. *Æneid.*  
quæ de duplici porta fingunt eburnea, & cornea planè  
vsum exprimunt horum sensuum: eburnea sensum indi-  
cat aurium, quòd quæ ex ore prodèunt verba, eburnea  
propter candorem dentium, quæ aures feriunt: cornea  
oculorum, ob nigrum pupillæ colorem. Sic Didymus  
somnia portarum explicaturus, *Vlix.* 19. quidam per sy-  
necdochen corneam portam affirmant significare oculos,  
quòd prior oculi tunica sit cornea; eburneam verò, os, &  
internos dentes colore eboris: Hinc fideliora sunt quæ  
videntur, quàm quæ dicuntur, quòd per cornu quidem  
videri potest, per ebur nequaquam.

Vidisti quanta sit in homine, aurium, oculorumque  
præstantia, quod discrimen, sed maxima est vis aurium,  
maxima oculorum, vtriusque rara nobilitas. Omnino ma-  
ior oculorum, cui omnes etiam aliorum sensuum functio-  
nes propterea tribuuntur, quare ipsis sensibus nostris  
quibus anima per corpus vitur, nihil est oculis præfe-  
rendum; & idè in Scriptura Sancta visibilibus nomine  
sensibilia cuncta significantur. Omittò rationes ex Ari-  
stotelicorum penu depromptas, quas collegit non ig-  
nobilis Philosophus Veronensis Gabriel, quest. 6. in lib.  
Arist. de prima philosophia.

Quid plurà? nonne apud antiquissimos Sophos, immò  
D eruditissimum, ac grauissimum Philosophum, ac Theolo-  
gum Platonem lib. de ebrietate, & de plantar.  
Noë, oculus, princeps est corporis pars? Nonne ex ipso, in  
lib. de opificio Moysi, eadem est oculi, ac mentis compara-  
tio? quia quòd est mens in anima, hoc est oculus in cor-  
pore. Quare Plato in Alcibiade, 1. non longè à fine, oculum  
esse animam, & pupillæ aciem, sapientiâ tradit: & lib. 7.  
de republic. affirmat, nulla corporis parte melius videri al-  
terius animum, quàm oculo; qui iccirco à Platone, &  
Arist. in Physiogn. speculum naturæ vocatur, ut probat per-  
doctus Thomas Campanella in suis dissertationibus, de na-  
tura rerum, cap. 12. art. 5. in med. Nonne quod in cælo Sol,  
& Luna, ipsum id sunt in homine oculi? Sol, & Luna,  
duo mundi lumina; oculi certissima in carne sidera, ful-  
gent è sublimi, splendore micantissima interna collustrat,  
perinde ac in statione speculatores, interdum noctuque  
nobis excubantes, dignitate & usu Soli non cedunt. Ani-  
mi enim sunt indices, cuius omnes affectus exprimunt  
apprimè: nam mirantur, amant, concupiscunt, amoris, iræ,  
furoris, misericordiæ, vtrionis ex se manifesta præbent  
indicia, in audacia prosiliunt, in reuerentia subdunt, in  
amore blandiuntur, in odio efferuntur, gaudente animo  
hilares, subrident, eodem mœrente languescunt, eo ira  
flagrante exasperantur, in cogitatione quiescunt: quapro-  
pter ex vario, & multiformi aspectu variè nuncupantur,  
torui, truces, flagrant, graues, transuersi, submissi, blan-  
di: quare illis natura dedit locum, quem in cælo Soli,  
tanquam mundi oculo, & in homine menti.

Vltimò. Organum visus præstat organo auditus: nam  
illius ope plures differentiæ rerum certius, promptiusque  
cognoscun

cognoscuntur, ex Arist. lib. de sensu, & sensibili, cap. 1. Sic ab officio, à materia, à potestate, auditu præstantior est visus, & plura, & meliora, & è longinquo magis cognoscimus, & tenuiores sunt eius spiritus, & cum luce cognatio, quæ qualitarum omnium est nobilissima, communissima, & notissima, vt probat Scaliger, in Cardanum, exercit. 302. num. 6. quare visus sensuum omnium acerrimus, præstantissimūque est, vt firmat Cælius Rhodiginus lib. 20. lect. antiq. cap. 17. Quare idem Platonius Philo lib. de opificio Moysis, oculi pupillæ mentem confert. §. Homini Deus excellentem quandam largitus est animam animam, tanquam in oculo pupillum, &c. Nec te pigeat consulere eum: nam tam grauis, & politi scriptoris, insignes & præclaræ sententiæ mihi semper visæ sunt, vt relictis Arist. & cæterorum philosophorum, huius præcipuè auctoritate rem istam confirmare nunc placeat.

Ex eo (inquit idem Cælius lib. 3. lect. antiq. cap. 28.) factum est, vt quemadmodum imago animi, vultus est, ita indices oculi, & propterea à prudentissimis dictum, animum in oculis habitare: & ob id Galenus, vir in medicina tantus, & rerum scientia non incelebris lib. 3. de usu part. cap. 10. cum Platone dialogo 6. de republica, nunc organum vocat lucidum, nunc solarem animalis particulam, & diuinum quoque membrum nuncupauit.

Visum ergo sensuum omnium nobilissimum ostendit plura, primum, quia perfectione, certitudineque cognitionis cæteros sensus lōgè superat, & temporis momēto peragitur. Quare ad præstantissimas vtilitates vsus omnium maximè confert, & sic eum præ cæteris diligimus, ita Aristoteles lib. 1. metaphysic. ipsum omnibus sensibus anteponit, quia hic vnus ex omnibus maximam nobis rerum cognitionem affert, vt tract. de visus nobilitate, firmavit Andreas Laurentius, sic pientissimus ille senex Tobias cæcitatem deplorabat, inquiens: quale gaudium mihi erit, qui in tenebris sēdeo, & lumen cæli non video. Denique adèd excellentissimum est videndi organum, vt ad aliorum sensuum significandas operationes, videndi functio ob illius dignitatem accommodetur; sic Exod. 20. & omnis populus videbat tonitruum, seu voces, pro audiebat. Præstantior ergo est organum visus auditu, præsertim quod nil videri possit absque luce, nec discerni colores absque ea, vt Mathematicæ disciplinæ, ac naturalium rerum studiosi validis argumentorum comprobationibus: Lux autem inter ea quæ sub sensus nostros cadunt, pulchrior, venustior, amabilior, ac delectabilior, quia eius incomparabilis est puritas, & efficacia sua omnia penetrat, & causarum cœlestium generale, & principale instrumentum est; immo est pulchritudo, & ornamentum, omnis creaturæ visibilis quare Salomon Ecclesiastic. 11. ait. Dulce lumen, & delectabile, oculis vide Solem. Si enim auferas lucem, omnia in tenebris ignota iacebunt, vt lib. 4. in Daniele, doctissimus probat Benedictus Pererius. Et de his arduis quæstionibus hæc sint satis.

## HISTORIA IX. GALENI, De Cantharidum veneno.

Cantharidum noxia vis, ex quarum assumptione plures emortui.

**Q**uidam dictionis huius mentem haudquaquam intelligens audax Medicus, prædictas partes à cantharidibus abiectis, deditque corpora hydropico: cui cum à primo die abscessus in sura apparuisset, post tres alios dies sectus est, effusaque copiosa aqua curatus esse visus est, quod pars tumoris præter naturam plurima statim ad moderationem redacta sit, verumtamen non multis post diebus obiit. Quam ob causam Medico quidam crimen ingessit, perperam data esse cantharidum corpora inquiens: nempe propinanda ablatis corporibus, tum caput, tum pedes, tum alas, idque esse quod in dictione enuntiaretur. Quare non cunctatus audax ille Medicus, hydropico alteri ita propinavit, moxque factò similiter in femore abscessu, sectoque

A atque effluxo similiter humore, multis post diebus hominem mori contingit, &c. Galenus lib. 4. de rat. vict. in morb. acur. com. 122.

### PARAPHRASIS.

**C**antharides, etsi aliquibus partibus sui corporis venenosas, correctas tamen, & permixtis medicamentis quæ illarum malitiam retundere queant, hydropi posse esse ex vsu ad prouocandam vrinam, serososque humores per eam euacuandos, apposita historia, late prædiximus lib. 2. in com. hist. 117. ad quem locum pro huius historię explicatione te remitto.

Vnum solum constet, cantharides excessu quarto excalfacere, & exiccare, habereque summam erodendi vim, B quo pacto viscera, & partes per quas transeunt, ita exulcerant, vt sanguinem fundant, vt auctor est Galenus 4. simpl. c. 18. & lib. 10. cap. de sero. Exit autem cum deiectione exulceratis intestinis aliquando, sed semper cum vrina, quod horum animalium vis natiua quadam repugnantia partes omnes vrinæ inferuientes feriat, lancinet, & premat. Hoc autem accidit, non solum cum potui dantur, sed quod magis mirum est, quum in cataplasmate miscentur, quod ad exulcerandum, & euacuandum materiam imponitur pubi, testiculis, renibus, coxis. Habere autem vrendi vim, constat quia exterius appositæ vesicas excitant, & caustici instar cutem vrunt, quando ab alto ad cutem, & ambitum corporis, venenatos, seu alios humores attrahere oportet, vbi somnus inexpugnabilis vrget, & frigidi ac chronici morbi fatigant.

**C** Epotæ cantharides ardorem in toto corpore excitant, dolorem intolerabilem, vertiginem, amentiam, & tandem absumptis spiritibus, virium defectum, atque interitum afferunt. Excalfaciunt, visceraque exurunt caliditate sua, ex Dioscorid. lib. 6. cap. 1. quo pacto præcordia magis dextra inflammantur, quam sinistra, quum per iecur transeant ad renes; sed certius signum est, si in ore cedrinæ picis sapor percipiatur, vt cum Dioscoride omnes postea auctores confirmant, quoniam humores qui in ventriculo, ac iecinore versantur, deuruntur, quorum vapores exhalantes picis odorem repræsentant, vt proprio exemplo ostendit Langius lib. 1. pist. 47.

Sed dubium est maximum, quo pacto Galenus calumnietur & vocet Medicum audacem, si sequutus mentem Hippocratis in hoc textu, exhibuit cantharides abiectis D alis, capite, & pedibus? Lacuna in suis perdoctis commentariis in Dioscoridem, hoc difficillimum dubium extricare nō potuit. Dic tu, audaces Medicos vocari posse illos, qui remedia administrant temerè, perinde ac illi qui aleam iaciunt, de quibus loquitur Galenus lib. 1. epid. sect. 2. com. 50. Quare temerarius fuit ille Medicus, qui ductus oraculo auctoris lib. acutorum, qui non est magnus Hippocrates, vt passim in illis libris Galenus inculcat, & præsertim in proœmio lib. 4. & in hoc lib. com. 5. & lib. 2. com. 8. & lib. 1. com. 18. & 3. de dif. resp. 6. & lib. 9. de placit. 6. alibi, ventrem illarum hydropico solummodò obtulit, quum constet ventrem tantummodò esse venenosum, cæteras verò partes alexiterias. Hoc modo Galenus lib. 11. de simpl. cap. de cantharidib. & 2. de antidotis, cap. 7. inter propria alexipharmaca cantharidum, reponit illarum pedes.

**E** Maior tamen machinæ est explicare, cur cantharidum venter hydropico oblatus, non alia horrida symptomata excitauerit, præter abscessum in sura, ex tam multis quæ huic funesto morbo superuenire solent? Dic, naturam ex epoto veneno labefactam, maiori aquosi humoris copia viribus iam penè extinctis regenerata, crudum, & pituitosum sanguinem potius ad pedes excreuisse, quia hic deorsum magis fertur; deinde pedes in decliu loco positi, frigidi sunt, ossei, neruosi, & remoti à fonte caloris. Sed cur post abscessum œdematosum, sectum, & ex quo humoris copia emanauit, cuius excretio ægrum erat leuatura, mortuus fuerit, ea est causa, quoniam ex morbo, & ex veneno erodente viscera erant corrupta; & sic remanente intemperie in iecore, eaque magis adaucta, resoluta spiritu, & exhaustis viribus vitam finiuit. Interim



de curatione veneni à cantharidibus illati, lege Langium A  
cit. loc. Mathiol. in cit. loc. Dioscorid. & alios, qui de vene-  
norum curatione eximie disceptarunt.

## HIST. X. ALZAHARAVII

### De morfu Apum.

Ictus ab Apibus, cinere superposito,  
curatus.

**E**t vidi qui curaret educere fauam ex vasis apum, & mor-  
sus esset ab ipsis, super maxillam inferiore. \* & sequutus  
est stupor dentium, & festinanter currebat ad ignem, & igni lo-  
cum approximabat, licet supponebat ei cinerem calidum, & in-  
terrogatus à me super hoc, dixit, quod non inuenitur medicamen-  
tum ad minuendum dolorem melius, quam illud, &c. Alzaha-  
rauius lib. 29. pract. sect. 2. cap. 29.

### PARAPHRASIS.

**A** Pes aculeo suo pungere, ac mordere, & dolorem in-  
ferre, & ex concursu humorum ad ictam partem,  
inflammationem concitare cum rubore, & tumore con-  
iunctam, quin simul venenosa qualitate cor opprimere,  
firmat Serapio lib. 5. Breuiarij, cap. de punctura apum. Opor-  
tet ergo in parte affecta imponere, quæ reperiendo,  
dolorem lenire possunt, vt sunt aqua rosacea, aceto, &  
succo plantaginis, bolo armeno, & fantalo permixta. In  
hanc rem plura Arabes ad apum morsus consimilia pa-  
rant auxilia, Rhasis 20. continent. cap. 2. & 8. ad Almanf. cap.  
de puncturis apum. Gilbertus Anglicus 7. compendij, eodem  
titulo. Varignana ferm. 4. praxia, tract. 3. cap. 6. Conciliator  
lib. de venenis, tit. de morfu apum.

Post sanguinis missionem, & reuellentia auxilia, lauri  
folia virida, trita, & super partem apposita venenosis  
apum ictibus mederi certum est, de cuius auxilij laudibus  
mira auctores supra citari prodidere. Maluam contra acu-  
leos apum morsus prerogatiuam habere, firmat Ruel-  
lius lib. 2. de natur. stirp. c. 52. His si non succumbat dolor,  
vehemensque ardor in parte sentiat, pars scarificetur,  
quam sugendam, ac dilatandam illi monuerit, cum Haly  
Abbate 4. pract. cap. de medela punctura apum.

Ad dilatandum autem, venenumque foras euocandum,  
nullum cinere præstantius esse auxilium, & vtilius iudi-  
cabit, qui non ignorat ex Dioscoridis lectione lib. 5. c. 93.  
Huius vim esse calefactiuam, & attrahentem valde. Eli-  
gendus cinis præferim ficulneus; nam caliditate sua attra-  
hit & abstergit. Scis enim apud doctrinam Galeni lib. 7.  
simul. tit. de cinere, & Pauli lib. 7. eodem titulo, non omnem  
cinerem idem exactè habere temperamentum, quoniam  
pro materia combustæ differentia euariet: Acerbarum  
enim arborum cinis, nempe quercus, & ilicis, arbuti, fagi,  
lemisci, hederæ adstringendi vim non modicam obri-  
nent, qua sanguinis eruptionem compescit.

Ob id Ponzettus ad aculeum extrahendum lib. 3. de ve-  
nenis, cap. 15. non alio vtitur medicamine, nisi ex oleo, ci-  
nere, & fermento simul permixtis: cuius veneni antido-  
tum est succus coriandri cum saccharo epotus, ex Chri-  
stophoro de Honestis in suis problematib. de venenis, probl. de  
morfu apum. Cætera præsidia lege apud clarissimum Mou-  
fettum tit. de morfu apum, qui de insectis, post Gesnerum,  
& Arnoldum VVerckelium lib. 4. de venen. cap. 3. de morfu  
apicularum, & alios, selecta remedia proposuit. Si verò de  
apum alimento, mira in opere suo industria, magistratu,  
castitate, munditiæ, reparatione, si fortè earum genus vni-  
uersum extinguatur, pulchra audire gestis, lege Mathiol.  
lib. 2. in Dioscorid. cap. 77. Virgil. lib. 4. Georgic. Florentin. in  
Geop. lib. 15. cap. 2. Arist. 3. de generat. animal. cap. 10. & lib. 5.  
de hist. cap. 11. Plin. lib. 31. cap. 16. Lactant. Firmian. lib. 1.  
cap. 18. Varron. lib. 3. de lingua Lat. cap. 16. Archelaum lib.  
Anthol. epig. 1. tit. 37. Colum. lib. 10. cap. 11. Plutarch. lib. de  
caus. natural. cap. 36. Albert. Magnum lib. 8. de animalib.

tract. 4. cap. 4. Auic. lib. 8. de animal. cap. 6. Pallad. lib. 1. cap. 39.  
Ionstonum in sua Thaumatrographia, tit. de exanguiibus, cap. 2.  
& alios, quos ex facundissimis præcorum, & Recentiorum  
monumentis citat laboriosissimus, & omniscius Aldro-  
mandus lib. de insectis, cap. 1. de apibus.

## QVÆSTIO XXI

Vtrum Hamodia, sit propria dentium passio.

### COMMENTARIUM.

**E**t sequutus est stupor dentium.] Quoniam cum Alzaha-  
raui agenda res est, ne id quidem amplius explicare  
grauemur, cur scilicet ad apum morsum sequuta est con-  
gelatio dentium, quam Græci hæmodiam vocant, (hoc  
enim verbum in vetustissimis huius auctoris codicibus  
adinueni.) Quare vt luculentior, expressiorque fiat emi-  
nentissimi auctoris enarratio, ad Auicennæ vireta diuer-  
tendum, abs quo didicimus dentes premi dolore, commo-  
tione, perforatione, corrosione, ruptura denigratione, ar-  
tritione, vacillatione, stridore, & congelatione, in quam  
facilius incidunt, quum sint ossei, frigidi, & exangues;  
ex quo factum est vt commossa maxilla, ob calorem, &  
dolorem patentibus poris, promptius frigori æris esset  
obnoxia, & sic dentes subiecti stupore hac de causa fue-  
rint oppressi.

Illud ergo in præsentia non omittendum, à paucissimis  
animaduersum. Vtrum dolorificus ille stupor ex acidis,  
& austeris cibis contractus, quem Medici hæmodiam ap-  
pellant, sic etiam dentium passio? Dissuaderi enim vide-  
tur ex eo, quoniam pars quæ sensu destituitur, nequa-  
quam potest obstupefcere: atqui dentes insensibiles sunt:  
ergo hæmodia laborare non possunt.

Minor multis suaderetur, & primò, quia dentes inter ossa  
numerantur lib. de ossibus, cap. 5. ossa autem sensu omnino  
carent, de element. cap. 2. 13. meth. cap. 22. vbi de capitis osse  
loquens, scribit sensu carere, quemadmodum & reliqua  
omnia: idèò namque lib. art. med. cap. 19. dicuntur à seipsis  
gubernari, quia scilicet naturales facultates, quæ insitæ  
sunt, solum habent: vnde non vllis inseruntur nerui, qui-  
bus sensifica vis, animalis que spiritus deferantur: nec verò  
necessum fuit ossa ipsa sensu donari, siquidem sua duri-  
tie, reconditioque situ tuta erant, & immunia ab iniuriis  
externis, quibus sentiendis, fugiendis que natura sensum  
tribuit animalium partibus, illis denegans, quas in imo  
corporis recondit, quantumuis mollissimis, cuiusmodi  
sunt viscerum carnes, & cap. 2. quæ terrea crassa duræque  
sunt, minimè sentiunt. Quum ergo dentes eam habeant  
constitutionem, credendum est non sentire, eo maxime  
quod illorum soliditas, & durities suam incolumitatem  
sine sensu poterat tueri. Tertio. Molestiorem sensatione  
efficit fractio, sectioque, quàm quæuis alia doloris causa.  
Sed dentes citra dolorem, citraque sensum vllum quori-  
die scinduntur, & exeduntur. Ergo videntur esse omnino  
insensibiles, & ex consequenti non posse illis competere  
hæmodiam.

Oppositum tamen docet Galenus lib. 2. de loc. affect.  
cap. 7. docens affectum illum proprium esse dentium, &  
gingiuarum: & 1. de causis symp. cap. 5. dentibus accidere  
post acidis, & acerbos cibos, præsertim immaturos, quo-  
rum esu stupent, nec suo mandendi munere fungi pos-  
sunt. Cum verò stupor, teste ipsomet Galeno lib. 5. de  
loc. cap. 1. sit insignis quædam refrigeratio, sensus & motus  
difficultatem inducens, meritò adiunxit cit. lib. de caus.  
symp. quod hæmodia est symptoma tractricis facultatis;  
& cum dentibus insit, aperte innuit eos sensu præditos  
esse, quod euidenter scripsit 5. de comp. med. sec. loc. cap. 8.  
& lib. de ossib. cap. 5. ad fin. & 16. de usu part. cap. 2. & Auic.  
1. 1. doct. 5. sum. 1. cap. 5. & 7. 3. cap. 1. & 4. Aëtius tetrab. 1.  
ferm. 4. cap. 19.

Idem poterit suaderi hunc in modum. Dentes omnes  
fufcipiunt propagines à tertia coniugatione neruorum.  
Atqui nerui illi omni parti, vel membro cui inseruntur,  
vim deferunt sentientem. Ergo ea non destituuntur den-  
tes.



tes. Secundo. Sensus datus est animantibus propter con- A  
seruationem, & custodiam. Atqui dentes cum nudi sunt,  
occurentibus iniuriis exponuntur. Ergo ut ab illis se-  
tuerentur, oportuit sensu donari. Quod experimento  
etiam ostenditur: nam quemadmodum saepe dolor per-  
manet dente ablato, ita nonnunquam confestim cessat.  
Sed non cessaret, nisi dentem ipsum occuparet, siquidem  
si in gingiuis, aut nervo consisteret, duraret adhuc dente  
auulso. Ergo negari non potest, dolere, & sentire, ac pro-  
inde stupere, & hamodia laborare.

Sed antequam ad argumenta pateat solutio, aduertere  
oportet, quod Auenzoar lib. 1. *sui thezauri, tract. 9. cap. 19.*  
arbitratur, non solum dentes, sed & ossa omnia sensum ha-  
bere, etsi crassum & obtusum, propter sui siccitatem, &  
duritiem. Inducitur autem illud existimare, quoniam si-  
cut cerebrum dicitur transmittere per nervos virtutem  
sensibilem membris, & cor spiritum vitalem per arterias,  
ita hepar per venas nutritum. Atqui ossa etiam si venis  
careant, sanguinem intra se per meatus recipiunt, quo nu-  
triantur, & crescunt; sine arteriis vitalem spiritum, quo  
vivunt, & à putredine seruantur. Ergo licet nullos ha-  
beant nervos insertos suscipiant in se à vicinis vim sen-  
sitiuam, tum quia illa minus spiritualis non est minusque  
potens ad penetrandum, quin potius magis quam vitalis,  
& multò plus quam sanguis; tum quia per exiguum, bre-  
ueque spatium, & materiam, & facultates possunt ad mem-  
bra peruenire sine canalibus: non enim necessarios esse  
nisi ad longum intervallum, scribit Galenus lib. 6. *de usu*  
*part. cap. 17.*

Nec verò putat Zoar sententiam suam à Galeno alie-  
nam, quum lib. *de plenit. cap. 4.* affirmet, in ossibus nonnun-  
quam grauitatis sensum percipi. Quod si suprà relatis lo-  
cis, ossa sensu priuauit, intelligendum esse, inquit, ac si di-  
ceret illa parum sentire; non aliter ac dicere solemus,  
visu carere eum qui parum videt; sine collo esse, qui bre-  
uissimum habet; sine memoria, qui modicam; insipi-  
dum, & ingustabile, quicquid exiguo gustu, saporeve  
præditum est.

Quod si destituantur nervis, non infert sensu etiam  
destitutos esse, quemadmodum licet arteriis, & venis  
careant, non ideo nutritione, & virali calore priuari di-  
cuntur. Quamuis autem duritie sua frangentibus causis  
resistant, multò melius sensu prædita suæ incolumitati  
consulent. Denique si, quando frangitur, scinditurve os,  
dolere non videtur, sit quia lædi non potest, quin caro  
vel membrana lædantur, quæ cum sint acutissimi sensus,  
hebetem ossis sensum simul & dolorem obducant: duobus  
enim doloribus, &c. 2. aph. 48.

Multò tamen magis consonum est doctrinæ Galeni,  
& Medicorum ferè omnium, simul & Philosophorum,  
nequaquam sentire, nec opus fuisse, cum sint interius  
sepulta, atque ita remota ab occurrentibus externis, in-  
gentique creata duritie, qua frangentibus resistere, suam-  
que integritatem poterant seruare. Præterquam quod si  
sensum obtinuissent, magis ille ad molestiam & dolorem,  
quam ad incolumitatem inferuieret; perpetuò enim dole-  
rent à pondere, & grauitate corporeæ molis. Demum  
fidem manifestam facit insensibilia esse ossa, quod in vl-  
cere antiquo si os carne iam, & membrana penitus nu-  
dum secetur, aut lima radatur, nihil profus sentire  
experimur.

Et sic commodè interpretandus Zoar, circa ossium  
sensibilitatem, ac si dicat ratione membrana vestientis  
ea sentire, sicut intelligendus Galenus lib. 5. *sec. loc. cap. 8.*  
dum in seipso maximum expertum fuisse dentium dolo-  
rem asseuerat, quam historiam lib. 1. *in hist. 67.* descripsimus.  
Quare dic ad primam confirmationem minoris, propositi  
in initio argumenti idque secundum Galenum, quod  
licet dentes inter ossa referantur, & hæc sensu careant,  
specialem tamen ob causam, decui eos ex cerebro nervos  
recipere, simul & sentientem virtutem, sic instituentem na-  
tura, tum quod iis quæ sibi occurrunt nudi sint exposti,  
tum quod ipsos vnà cum lingua sentire oportebat, ac sa-  
pores discernere, non aliter quam cæteras oris particulas.  
16. *de usu part. cap. 2. prope finem.*

Ad secundum. Quamuis ea quæ dura sent, frigida &  
sicca, hebetem & obtusum sensum habeat, eo tamen non  
omnino priuantur, nec illud voluit Arist. sed tantum pa-  
rum, & debiliter sentire, ad mollium comparisonem, quæ  
quia facile pariuntur, formæque & impressiones obiecto-  
rum melius suscipiunt, acutissimi sunt sensus; præterquam  
quod ita decuit, ad hoc ut sentiendi acrimonia suæ molli-  
tiei prouiderent ab occurrentibus obiectis.

Ad tertium. Aretæus antiquissimus Medicus lib. 2. *de*  
*morb. diuturnis, c. 12.* instar miraculi esse putat, & quæstio-  
nem ab homine insolubilem, soli Deo cognitam, cur fra-  
cti, scilicet dentes non doleant, intemperati autem doleant  
vehementer; quum sectio, vel fractura sit maior dolendi  
causa, quam quoduis intemperamentum, & causam præ-  
dicti cætus arbitratur dentium soliditatem, & duritiem:  
cum enim dolor (inquit) res quædam sit aspera sensui, nec  
ea quæ densa duraque sunt, ut dentes, contactu & vulnere  
exasperantur, sit ut non doleant, quando secantur, vel  
franguntur. At si ex subita, & repentina naturæ mutatione  
proveniunt dolores in parte sentiente, cur non molesta-  
bitur dens, & dolebit vehementer, vbi repente soluitur  
naturalis vnio, continuitasque suarum partium.

Adiungunt alij, voluisse naturam, ut non doleret den-  
tes ex fractura, & diuisione, propter naturam duritiem, &  
soliditatem, qua fragentibus poterant resistere, & suam  
vnitatem rueri, non aliter ac mollissimæ carni datum est  
ad mollitiei tutelam, ut ex intemperamento molestiam,  
dolorumque perciperet, sed multò maiorem ex diuisione,  
cui carnis mollities maximè subiecta erat. Verum si po-  
tentior est dolendi causa, diuisio, quam intemperamen-  
tum, quomodo efficere potest natura, ut dentes solum ex  
minore occasione doleant, & sensitiua virtus in vna  
eademque parte, non sentiat illud quod magis sensi-  
bile est.

Conciliator *dis. 43. in appendice, prope finem tertij,* scribit,  
dentes quidem (quod verum est) gratia suæ duritiei sen-  
sum habere obtusum, & obtusionem penes superficiem  
externam, partemque à nervo remotas: præterea diapha-  
nos esse, & porosos: & quia externa potissimum parte  
tanguntur, vel minimum, vel nequaquam occurrentia  
corpulenta, & terrea sentiunt: cum verò huiusmodi sint  
illa quæ frangunt, & continuitatem soluunt, ideo non de-  
bent dentes quando secantur, ita dolere, quam cum ex  
intemperamento, dolore afficiuntur; quoniam qualita-  
tes primæ, & inter eas illæ quæ magis actiue sunt, tan-  
quam magis spirituales, vndique penetrant, & senti-  
untur.

Serapio *tract. 2. cap. 16.* & Haly Abbas 2. *theoric. cap. 10.*  
& lib. 9. *cap. 17.* cum quibus multi, affirmant dentes omnes  
insensibiles esse, nec vllum per se habere dolorem, siue  
à solutione, siue à temperie, cum verò quo saepe vexamur,  
potius in nervis, & pelliculis gingivarum, quam in denti-  
bus consistere. Cur verò ad dentis intemperiem dolea-  
mus, non ad sectionem, aut fracturam, sit quoniam sectio  
ad nervum non pertingit: dentium autem calor, aut fri-  
gus magna cum celeritate ad nervum penetrat dentis ra-  
dici appositum. Quemadmodum enim metalla calorem,  
& frigas promptissime suscipiunt, & per se tota transmi-  
tunt; ita dentes, quam contrahunt intemperiem, per  
occultos, rectosque meatus quos habent, celerrimè ad  
nervum demandant, ut cum dolore ingenti sentiantur; sic  
instituentem naturam, ut dentes sine sensu, quem durities  
non admittebat, incolumitatem suam ab intemperanti-  
bus tuerentur; fragentibus enim & secantibus satis  
prouisum esse arbitrabatur soliditate, & duritie; & hac de  
causa dici potest dentes suscepisse nervos à tertia coniu-  
gatione, 9. *de usu part. c. 15.* quamuis expresserit Galenus  
deciuisse illos sentire, eo quod nudi occurrentibus expo-  
nantur: sine sensu siquidem poterant integritatem suam  
seruare, non aliter ac ungues, quibus natura simili artifi-  
cio prouidit, supposito nervo, ad quem velocissime trans-  
mitterent perceptum intemperamentum cum magno  
dolore sentiendum.

Iam verò si dente sublato confestim cessat dolor, non  
est, quia ad dentis ablationem aufertur sensifica vis in eo  
existens,

existens, sed quia tollitur putredo, à qua dolor excitatur. Verum secundum Serapionem, & Haly Abbatem *vbi supra*, mitigatur nonnunquam dolor cum eruitur dens, eo quod cessat distentio, oppressioque facta à dentis mole, & corpulentia. Defendi ergo potest, non sentire dentes, quemadmodum nec etiam pulsant, quia arteriis destituuntur, licet vicini nervi dolor imaginari faciat dentem ipsum dolere, sicut arteria gingivæ prope dentem pulsans, imaginationem inducit pulsantis dentis, quod imaginatus fuit Galenus *lib. 5. de compos. med. sec. loc. cit.*

Sed ad hæmodiam reuertamur, quæ auctore Galeno *lib. 1. de caus. sympt. cap. 5. est oris, & dentium stupor, ob acidus, acerbosque cibos subortus*: stupent enim dentes, nec suo mandendi munere fungi possunt. Accidit etiam hoc malum, ob naturam humoris in dentibus cõnenti, aut à ventriculo ad dentes exhalantis, aut ob vomitum eos offendentem. Galenus verò vnius tantum causæ commemorationem fecit, scilicet ciborum acidorum, quia hæc in prædicti mali generatione est frequentissima. Differt ergo hæmodia ab stupore: hic enim accidit nervis, membranis, venis, arteriis, carni, & cuti, & totius corporis symptoma est, quod insigniter ad tactum spectat; illa solum dentibus, & gingivis contingit, de qua Arist. *1. probl. 37. & 38. Auic. 7. 3. tract. 1. cap. 23.*

Inquires hoc modo, quomodo exasperabitur à leui agente externo dens, si à ferro non alteratur? Dic saporis validè alterant; cum ergo, meatus dentium dicti faciliè transmittant alterationem nervis, acidam, vel austeram, inducunt cum refrigeratione densationem in nervos, quæ densatio, congelatio appellatur.

Cur verò hæmodia ex acidis contracta sanentur à portulaca frigida, difficile quæsitum est. Illud concedit Galenus *lib. 6. simpl. tit. de portulaca, & lib. 2. cap. 46. Paul. lib. 7. eod. tit.* Respondet Arist. *1. probl. 38.* quoniam succus portulacæ acorem habet, cuius gratia trahit ad se affinitate quadam acidum faciens hæmodiam. Sed difficilis est solutio: nam quod similitudo totius substantiæ sit causa attrahendi, creditum est Galeno *3. simpl. 24. & alibi.* Quod verò similitudo saporis trahat, à nullo est proditum. Dic, similitudinem saporis indicare similitudinem totius substantiæ; quæ verò in modo substantiæ conveniunt, faciliè uniuntur, ut ita iuncta abstergantur; minus enim sordidæ aqua diluuntur, pice verò coinquinatæ non aqua, sed oleo, ob substantiæ similitudinem; sic maculam ex maturis moris contractam illitio immaturæ abluit, quoniam ob similitudinem substantiæ miscentur, & minor lentor facit ut simul abstergantur; quod idem censet Arist. accidere acido stupefacienti, vbi succo portulacæ permiscetur. Forte verò manifestior causa est, cur portulaca, cera, oleum, lac, amygdalæ sanent hæmodiam, quia lentore suo opponuntur percussioni, & densitati nervi ab acido prodeunt. Cur autem hæmodia sequatur ex acerborum esu, quod firmat Aristotel. *7. probl. 5. & Avic. loc. cit.* ingeniosissimus Costæus in *Auic. com.* diligenter explicuit.

## HISTORIA XI. GALENI,

### De veneno coturnicum.

Ex coturnicum esu, conuulsio frequenter generatur.

**N**Ecnon & in Dorido, & Bæotia, & Thessalia, omnibusque finitimis locis, multi ex coturnicum esu musculorum conuulsionibus correpti sunt, quoniam veratrum scilicet illa comedunt. Istud idem & Athenis, quibusdam accidisse novimus, qui coturnicibus largiter se implerant, & c. Galenus *lib. 6. epid. sect. 5. com. 3.*

## PARAPHRASIS.

**C**oturnices pessimè apud omnes scriptores audiunt, quoniam spasmodum, tremorem, Herculeum morbum

**A** gignere perhibentur; quo fit ut tam his qui bona, quam qui prava sunt in temperie, earum usus interdiciatur: earum enim caro quum difficulter conficiatur, putrescit in stomacho, & febrem accersit, & sic omnium animæ carnes malitia superat. Causam reddunt, ob ellebori pastum, quo mirum in modum delectantur, & maximè quod aliis venenatis seminibus vescantur continuo, ut docuit Aboaly Aben Zoar Arabs *lib. de regimine sanitatis, tit. de carne coturnicum*, & postea probant Gulielmus Turnerus *lib. de avibus præcipuis*, quarum apud Plinium, & Arist. mentio est. Christoph. à Vega *lib. 2. de art. medend.* De qua re Lucretius Poeta Epicuræus ita doctè cecinit:

*Est utique serpens hominis qua tacta salinis  
Disperit, ac sese mandendo conficit ipsa.  
Prætere nobis veratrum est acre venenum,  
At capris adipes, & coturnicibus auget.*

**B** Licet enim coturnicis caro calida sit, & humida; cum tamen frigidum, & mucosum generet humorem, & qualitate perniciofa à veratro accepta nervos feriat, conuulsionem hac de causa conciliare potest; quod ita esse Iuniorum peritissimi confirmarunt, de quorum numero sunt Mundella *epist. 6. Bruyerinus lib. 15. de re cibaria, c. 35. Cardanus lib. 3. de sanit. tuenda, cap. 21.* Narrat Seideius *lib. de morb. incurabilibus, pag. 102.* in conuiuio ob coturnicum esum, captarum in loco vbi magna erat ellebori copia, quosdam fuisse emortuos, alios conuulsionibus captos remansisse. Nam hæc caro putredinosam sortitur naturam, & ad febres corpus præparantem; quare ab Arabibus summopere reprobatur; probat Alexandrinus *lib. 3. salubrium, cap. 7.*

**C** Elleborum enim venenum est, & nervorum substantiam vellicat, & exiccat. Neque dubites sanguinem, & alios succos, servare facultatem eorum quæ ingesta sunt, usque ad coctionem tertiam, quod Galenus confirmat *lib. 6. epid. sect. 5. com. 35.* dum in alimentis post coctionem, & sanguinis conversionem, validas vires remanere asseuerat, adeo ut & sudores ipsas redolent. Plinius *lib. 10. cap. 23.* sic ait. *Coturnicibus veneni semen gravissimus cibus, quam ob causam eas damnare mensa, simulque comitalem propter morbum desui suerum, ut notavit Ioannes de Mediolano, auctor regiminis Salernitani cap. 29. de avibus, & non siluit elegantissimus Ludovic. Nonnius lib. 2. de re cibaria, c. 28. Ita Isaac lib. diatar. uniuersal. lect. 40.* omnibus volatilibus facit peiores coturnices nec enim nutrimento, nec in digestionem sunt laudabiles. Quare nec sanis, nec ægris exhibendæ, ut probant Melchior Charterius *tract. de epilepsia, c. 16. Conciliat. diff. 68.* Quare Avic. *lib. 2. c. 153.* sic ait. *ex comestione carnis coturnicis timeatur letanus, & spasmus, non quia comedant elleborum tantum, immò quia in substantia earum est hac virtus; & existimo quod nutrimentum earum est ab elleboro, propter similitudinem completionis.* Hinc fit, ut Deus cum veller punire populum Israël pertinacissimum, illum simili carni esu saturauerit, & sic usque ad fatietatem vescentes, exitiæ morbis oppressi sint; malignum enim & perniciosum præbet succum hæc caro pessima; ut legimus *lib. Numer. cap. 11.* de quarum malitia consule Iulium Alexandrin. *13. salubr. cap. 7.*

**D** Si verò Auerrhoës *5. collig. Rhafius lib. 3. ad Almans. cap. 10.* eam laudant, & in cibis experunt, per eam intelligunt aliam auem perdice aliquantulum maiorem, genis rostro, & pedibus, rubenti colore, quæ ab Italis coturnix appellatur, quæ grati est saporis, & laudabile nutrimentum præbet. Lege de vtraque coturnice pulchra apud Mundellam *cit. epist.* Quando autem ex esu coturnicum conuulsio acciderit, offerenda sunt cardiaca, & præsertim quæ ellebori perniciosam vim retundat, quorum copiam tradit Mesuè *c. de elleboro.* Utendum roborantibus cerebrum, nervos, & ventriculum. Consule elegantissimum Renatum Moreau, Medicum Regium Parisiensem, solertissimum, Reipublicæ Medicæ Primipilum qui in *navis, & copiosis animaduersionibus in scholam Salernitanam, cap. 25. prope fin. de huius avis natura ingeniosissimè disceptat.*

## QVÆSTIO XXII.

*Verum præter hominem, sola coturnices epilepsia tententur. Contra Plinium.*

## COMMENTARIUM.

**E**X coturnicibus esu musculorum convulsionibus correpti sunt. Plinium omnium scientiarum parentem optimum, omnifaria disciplina præcelluisse, omnibus compertum esse reor. Is enim facundus auctor, cum Solino loc. sui, ra-  
cis. postquam coturnices, ob veratri cibum quo incundissime nutriuntur, in epilepsia, spasmumque incidere affirmavit, solas præter hominem his morbis premi asseuerat. Contra hos famigeratissimos, viros pugnandum est experimento: nam capræ, oves, equi, accipitres, graculi sent-  
B riant epilepsiam. Habui enim in iuventute mea equum affectum hoc morbo; cum enim eo incederem cursu veloci ad inuendos ægros, ille contremiscere cepit; ego subfultum toto corpore sentiens, subito ab stapedibus pedes eduxi, & bona fauente fortuna in solum cecidi citra noxam ullam ille in terram corruens, iactabat sese, ore spumabat, quod nulla ei vi aperiri poterat; is ergo per duos annos in pleniluniis epileptico insultu quatiebatur ferociter, quo tandem miserrime accessionum frequentia concussus occubuit.

Plutarchus grauissimus auctor in Roman. quæst. quæst. III. quærit, cur veritum Romano sacerdoti canis, & capræ tactu, ac nominatione abstinere? Respondet, vel ob lasciviam, vel fœtorem, vel quod capra morbo comitiali est obnoxia. Addit Plutarchus, ut & Auicenna lib. 2. canon. tract. 2. cap. 230. & 3. tract. 5. cap. 8. eos qui caprinam gustarent, aut etiam tangerent, ea lue facillime inquinari; & ex veterum auctoritate demonstrat Alexandr. Clemens lib. 7. Strom. quare merito Platina lib. de honest. volupt. sic præcipit. Caprarum, & hircorum iecora fugito, ne in epilepsiam incurras.

Cur facile capræ, aut hirci morbum hunc concipiant, videretur esse causa, angustia meatuum, quibus quasi obstructis spiritus intercludatur: argumento est vocis tenuitas in capra: idemque affecti hac lue similem caprinæ vocem emittunt. Coturnicibus verò edendis assuetos, etiam fieri comitiales, idem Plinius scribit lib. 10. cap. 13. Caprarum adiuvat in hunc morbum pronitatem, quod corruptum, & crassum è terra vaporem, facillime hauriunt, prono semper humi capite, quæ non naribus, ut cæteræ animantes, sed auribus spiritum trahunt. Eadem vehementer abiecti capi tis in humum ratio, oves etiam reddit obnoxias epilepsie; ac multò magis in capra, in qua calor exsuperat causam, quæ ad eius caput impellit vapores.

Vbi verò iam omnis ad plenum absoluta est quæstio de coturnicibus, quod epilepsiam generent, superest ut breuiter, rara, immò prodigiosa proponamus, quibus convulsio hac de causa contrahenda vitari, & contracta curari possit. Mirum enim, & vix credibile, quod lib. 20. cap. 17. Plinius tradit, ex sententia Pythagoræ, anisum in manu habentes non corripi hac lue: minus illud quod ab Olao Magno proditum est, lib. 18. histor. septent. cap. 31. pueros si assuescant esui cerebri vulpini, perpetuò futuros ab hoc morbo liberos. Minutius Felix in Octavio, Gentiles notat, quod comitalem morbum hominis sanguine, id est, morbo grauiore sanent: est enim præsentissimum istius morbi remedium sanguis humanus. Ita Ethnici noxiorum iugulorum sanguinem recentem, de iugulo decurrentem, exceptum auida siti, comitali morbo de-  
E rentis offerebant, quod etiam Plinius tradit lib. 28. cap. 11. sanguinem namque gladiatorum bibunt, ut bibentibus populis procul sint comitiales morbi. At hercule illi ex homine ipso ferberi efficacissimum putant, calidum spirantemque, ut una ipsam animam ex osculo vulnerum: cum è plagis hunc ne ferarum quidem admoventi ori fas sit humano.

Nec illud admiratione indignum, vinum exteriùs adhibiturum leuare epilepticos, admissum interiùs epilepsiam inducere; ita scribit Arist. lib. de somn. & vigilia, propterea

A vinum, inquit, nutritibus, ac pueris nocet, siue ipsa, vel potent. Quid ita? quia spirituosum est, præsertim nigrum, ut pluribus in locis retulit Galenus: & illud Plutarchus in Lycurgo narrat, infantes non aqua, sed vino in Laconum agro à mulieribus lauari: nam si morbo comitali tententur, sine ægritudine alia, leuari fama est: si firmiore sint va-  
letudine, acui; & firmari.

Cum his conueniunt Medici, qui epilepticorum liberis, non ut ægris, sed ne ægri fiant, accommodatas præscribunt excitationum, & victus rationes, quod proniores sint cæteris in hanc pestem, propter infecti seminis paterni labem. Occasionem etiam præbet huic morbo Veneris usus, ut non malus Poëta Faustus Andreliaus cecinit.

*Turpis est morbi species horrenda caduci,*

*Cum iacet exanimis post sua furta Venus.*

Quo disticho indicat veterum Græcorum effatum, Veneris usum paruum esse epilepsiam affirmantium: ita Eryximachus apud Strobæum ferm. 6. solo tempore differentem vocat. Ita Agellius 19. lib. Saturnal. apud Macrobi. cap. 2. & Galen. 3. epidem. sect. 1. comment. 4. & 14. de usu part. c. 4. & 10. coitum esse spasmum tradit. Cui malo ex Venere orto ellebori usus salutaris est: nam crassos, & flatulentos humores ex debilitate caloris, quam Venus præsertim nimia induxit, generatos mirifice educit. Neque obstat, coturnices ob vim ab elleboro acceptam, re-  
C rientem neruos, hoc laborare morbo: Nam mandunt incorrectum, & sic nocentissimum; præparatum verò, & permixtum cum aliis, quæ eius deleteriam vim retundunt, plurimis, iisque contumacissimis, & periculosissimis morbis esse remedium præsentissimum, præsci omnes vnanimiter docuere, & recentiores firmant, quos legat qui velit, lib. 2. huius operis, in com. hist. 29. & sic Plinius refert lib. 25. cap. 5. Drulium Tribunorum popularium clarissimum ellebori candidi medicamento fuisse à morbo comitali liberatum.

Plutarchus in vita Iulij Cæsaris, affirmat eum comitali morbo obnoxium, quæsiuisse militiam, itinera, & tenuem victum. Plinius lib. 20. cap. 7. iis qui ob crassos humores genitos ob reprobum victum, in epilepsiam incurrunt, anisum recens cum polenta consuluit. Idem lib. 20. cap. 6. allium hoc morbo correptis consuluit, & cap. 13. rutæ decoctum propinat, & cap. 14. pulegium offert, & cap. 24. radicis vitis albæ decoctum exhibet in potum, & cap. 26. plura refert præsidia propè prodigiosa, ut sunt testes vrsini, vel aprini ex lacte equino, pulmo leporis sale macerati, asini cerebrum ex aqua mulsa, vrina equi, carnes caprinæ in rogo hominis tostæ, seuum caprinum cum felle taurino permixtum, & cap. 30. numerat mustelæ cineres, cespitem cum myrrhæ momento, lapidem Samium, Castorium, quæ auxilia, & alia ibi citata, vel manifestis, vel occultis qualitatibus prodesse possunt.

Rutæ odorem iis etiam auxiliari probant Trallianus lib. 1. cap. 15. Valleriola lib. 3. obs. 7. Iason. cap. 23. de morbis cerebri, Contradinus cap. 12. libel. de febre theriade vngarica. Pzonizæ usum epilepsie opitulari à quacumque causa pronatæ, tradit Galenus lib. 6. simpl. firmant Lemnius lib. 2. de occultis, cap. 3. Mentus lib. 1. cap. 8. haloscos febrium. Hieronym. Tragus lib. 1. cap. 200. hist. stirp. Alces vngulam valenter resistere epilepsie confirmant Cardanus lib. 10. de subtilis. Menabenus lib. de Alce, cap. 9. Fernel. in consil. pro epileptico. Demum plura sunt remedia admiranda, quæ citatis locis proferunt auctores, quæ tacita quadam facultate epilepsiam curare queunt. Et alia, quibus vsos fuisse Iulium Cæsarem caprum hoc morbo, refert

Ludouicus Dorlians in suis elegantissimis  
commentariis in Tacitum,

lib. 13. fol. 673.

\* \*

\*



## HIST. XII. CÆLII AVREL.

## De Rabie.

Sarricis chlamydem scissam rabidis mor-  
sibus, lambentis, & rabidæ factæ,  
stupendum, & memorabile  
exemplum.

**H**ominum hydrophoborum quidam in hydrophobicam pas-  
sionem deueniunt,\* solius aspirationis odore, ex rabido  
cane abducto, cum defatigatione quadam naturalis spiratio ve-  
nata venenosū aërem adducit, & principalibus insertit partibus.  
Alij rabidi animalis unguibus læsi in rabiem deueniunt. Me-  
moratur denique sic mulierem in hydrophobicam passionē deue-  
nisse, cui facies fuerat à paruulo canulo laceffita. Quidam à gal-  
lo gallinaccio pugnantē leuiter læsus, in rabiem deuenisse dicitur.  
Sarrix etiam quadam quum chlamydem rabidæ morsibus  
scissam, sarcinendam sumeret, atque ore stamina componeret,  
& lingua pannorum futuras lambere assuendo, quò transistam  
acut faceret faciliorem, sexta die in rabiem venisse memoratur,  
& C. Cælius Aurelianus lib. 3. acut. morb. cap. 9.

## PARAPHRASIS.

**C**anis ad totius domus, sed præcipuè stabuli custo-  
diam, tam in oppidis, quàm pagis eligendus est; fami-  
liam namque & pecora obseruat, latrat fures indi-  
cando. Quis famulus, inquit Columella lib. 7. c. 12. amantior  
domini? Quis fidelior comes? Quis custos incorruptior? Quis  
excubitor inueniri potest vigilantior? Quis denique victor, &  
vindex constantior? Quis docilior? Quis sagacior? Ob hanc  
causam Plato lib. 2. de repub. generosi canis, & generosi  
iuuenis naturam examinat, aptam custodiæ, in quam &  
sagacitas, & velocitas, & robur debet ingredi, qui mihi  
fidem malè videtur omisisse: & Daniel Barbarus vir do-  
ctus, & eloquens in 2. Rhet. Arist. lib. Veterum notat pro-  
uerbium hoc, canem turpissimum carere, quod domus in qua  
non esset canis, haberetur contemptui.

Ergo Plinius lib. 8. cap. 40. iure, cum aggreditur histo-  
riam canum, ita scribit, Fidissimi ante omnia homini canes,  
atque equi, hoc enim canum est omnium: deinde adiungit: Sed  
in venatu solertia, & sagacitas præcipua est. Fides quidem ca-  
num aduersus dominos par, ac similis prodigio: nec me  
continere possum, quin veteribus, & nouis eorum fidei  
exemplis vnum addam singulare: noua quidem reperies in  
Cardano lib. 7. de variet. c. 3. Scalig. de subtilit. ad Cardan.  
exercit. 20. 1. num. 6. Pierio lib. 5. Hieroglyph. Gesnero, & Al-  
drouado in magnis illis voluminibus de quadrupedibus, Lipsio  
centur. 1. ad Belgas. epist. 44. Vetera recensent Plinius lib. 8.  
cap. 4. Cornelius Tacitus lib. 3. Plutarch. in amator. narr.  
Hyginus lib. 2. in Arctophylace, & fabul. 103. Pollux lib. 5.  
cap. 5. Ælianus lib. 10. c. 41. de animalib. & lib. 7. cap. 4. &  
omnium vetustissimus Homerus lib. 17. Plixi. cuius mentem  
interpretatur dilucidè, varisq; in hanc rem historici  
confirmat Ioannes Baptista Persona in com.

Georgius Cedrenus in compendio historia, hoc refert  
exemplum, quod mihi supra miraculum est. Sub Cōstan-  
tino Pogonato, quidam solus cane socio obtruncatus in  
itinere à latrone fuit. Subducit se latro fuga, cane domini  
cadauer seruante: superuenit viator, piè dat cadaueri se-  
pulturā: canis quāsi gratitudinis ergo homini abeunti ad-  
iungit se comitem: is erat artificio caupo: post dies aliquot  
in cauponam bibendi causa diuertit latrocanis, qui cete-  
ris omnibus blandissimus solebat esse, allatrare latronem  
vehementius cœpit, vestes lacerare, insilire in faciem, ne-  
que aut minis increpitus, aut ictus veteribus poterat  
abigi. Facti religione qui aderant, latronem comprehen-  
dunt, in forum ad iudicem trahunt. Factam à se domini ca-  
nis fatetur cædē, & capite punitur. Nec mireris, cum nul-  
lum cane sagacius anima, & fortè memoria valentius.

De docilitate canum multa Plinius lib. 8. cap. 8. soli, in-  
quit Plinius, nomina sua, soli vocem domesticam agnoscunt,

A itinera quamuis magna meminere, ita ut canes, vrsi, simia, equi,  
licet propriè non sint rationis compotes, panem tamen rationi ac-  
commodentur. Ut de elephanto, formicis, apibus veteres  
affirmarunt, in quibus affectiones sunt, commotionesque  
animorū, ut metus, cupiditas, zelotypia, tristitia, qua sæpè  
belluæ, vel in se, vel in alijs, si quid erratum fuit, castigat,  
& in illis non est obscura multarum virtutū significatio,  
iustitiæ, fortitudinis, temperantiæ, magnanimitatis, gloriæ,  
amoris in liberos, cognatos, dominos, ut fidei in canibus:  
de quo argumento cōsule Plutarch. lib. utrum plus rationis  
insit animantibus terrestribus, an aquaticis, Ælianus lib. 7. de  
animal. c. 11. Sagacitas quanta sit, Plinius exponit, scrutatur  
vestigia, atque persequitur, comitantē ad feram inquisito-  
rem loco retrahēs, quamuis aqua transiliēs se occultasset.

Præstare cæteris dicuntur à quibusdam Scorici canes  
trium generum, præter vulgò notos, ac domesticos ab He-  
ctore Boethio in descriptione Scotia. Venatici quidam sunt  
velocissimi, audacissimi, promptissimi etiam in hostes, la-  
tronēsque, præsertim si dominum, ac ducem inuadi, lædi-  
que vident, aut si in eos concitatur. Quidam odoratu va-  
lentes plurimum, sic ut feras, aues, pisces insequantur, &  
inter saxa occultos præsentiant. Quidam sunt tanta saga-  
citate, ut fures furtoque ablata persequantur, & illos com-  
prehendant; hæc deprehendant: si fallendi gratia fur trai-  
ciat flumen, obstinatè consequuntur ad alteram ripam, &  
assequuntur itaque ea in regione suspectus redditur fur-  
ti, qui domi suæ neget his canibus ingressum.

De fortitudine quid dicam? iis vsum in præliis ad pu-  
gnam Halyatten, lib. 7. tradit Ælianus. Probat multis ex-  
emplis Olaus Magnus lib. 17. c. 6. & 7. nostra memoria Pe-  
trus Cieza Leo in sua hist. Indica, Hispanos commemorat  
canum præsidio in nouo orbe subigendo, vfos. Cōsule  
Tretrem de cane Nicodemis in hist. Chil. lib. 3. cap. 14.

Si ergo cani præter sagacitatem, docilitatem, robur,  
fidem, memoriam, tanta adest familiaritas, & beneuolen-  
tia erga hominem, & animal est generosum, amabile, &  
præ cæteris homini gratum, & fidelissimum; cur ubi sauo  
hoc morbi genere corripitur, familiares cognitos, & do-  
mesticos, quosque magno amore prosequatur, inuadit,  
insequitur, & mordet, nullius habito discrimine, instat  
delirantis, & furentis hominis, qui ab attrabile sensus  
omnes infectos habet, & mentem ita aberrantem, ut se  
ipsum, & proprios ignoret, seque, liberos, & notissimos  
aliquando interimat? ob quam causam canes tantopere  
fuere exosi à Romanis, ut notat Marcus Zuerius lib. quest.  
Romanar. quest. 8.

Dic. Rabiem esse furorem quendam, insaniam, seu ma-  
niam, & eam sanè diram, truculentam, ferocissimam om-  
nium, & maximè lethiferam, à veneno-canis rabie exan-  
descens subortam. Quo pacto ad maniam, seu furorem  
hoc malum referri debet, patet: nam mania, ac delirium  
est, quo correpti vinculis sunt coercendi, ne sibi, & ad-  
stantibus contumeliam inferant. Paulus ita ait: si quando  
verò præssata plus aquo flaua bili in atram facta iam fuerit  
permutatio, maniam inferre solet, in qua ferocius quàm in me-  
lancholia desipiunt. Simili in eorum dispositione afficiuntur,  
qui ex rabie periclitantur.

Quapropter rabies nihil aliud est, quàm mania quæ-  
dam, seu furoris species maligna, venenosa, ex assata bile  
in atram commutata: ita Dioscorides lib. 6. c. 36. Themiso-  
nem alioqui demorsum in hunc furorem incidisse refert,  
& firmat Arist. 8. de hist. animal. c. 22. §. Facit rabies furorem.  
Subscribunt Aërius tesrab. 2. ferm. 2. c. 24. & Galenus lib.  
de theriac. ad Pison. c. 16. asseruit, in pessimo hoc morbo non so-  
lum exircari corpus, febrique intus aspera comburi, sed & deli-  
rare animum, atque ideò aquam expauescere laborantes, licet  
ipsam ob nimiam siccitatem vehementer affectent, quia corrupto  
mentis indicio, quid ipsis prodesse possit, non intelligunt, & c. In  
hunc sensum Auic. 6. 4. tract. 4. c. 1. & Aëtius cit. loc. §. Insa-  
niunt canes, & insania hac rabies vocatur. Ita testantur Haly  
lib. 8. theoric. cap. 10. Ioan Damasc. lib. 7. cap. 18. Auenzoar  
lib. 1. theizir. tract. 9. c. 16. Canes ergo insani, & dementes,  
furiis veluti agitati, in notos & ignotos proiliunt, & di-  
lacerant. Cur verò canes, vel soli, vel frequentius inter  
cætera animalia rabie tententur, infra dicemus.



## QVÆSTIO XXIII

*Petrus rabies sit morbus contactu, & ad distans contagiosus. Contra Conciliatorem, Petrum Salium, Fracastorium, & Amatum Medicos doctissimos.*

## COMMENTARIUM.

**S**olius aspirationis odore.] Rabiem, morbum sanè periculossimum, esse contagiosum, præter frequens experimentum, grauissimi auctores contestantur. Valleriola 3. obs. 3. Palmarius lib. de morb. contagios. pag. 270. Ludouic. Lemosius in com. lib. 9. meth. disp. 9. Fracastorius lib. 2. de morb. contagios. cap. 10. Vidus Vidius part. 2. de curat. membrat. sect. 2. cap. 6. Greuin. lib. 1. de venen. cap. 35. & alij quàm plurimi. Sed in hoc morbo, quo pacto communicetur contagium, dubitant inter se auctores quia tamen in hunc scopulum impigimus, locum videri perobscurum interfati sumus: posse tamen, quantum ex Medicorum non incuriosa lectione aucupemur, sic fermè explicari.

Fracastorius liquidem loco nuper. cit. & Petrus Salius doctissimus lib. de affectibus ab alijs practicijs non exhibitis, cap. 19. cum Conciliatore dis. 179. arbitrantur venenum illud non posse corpori communicari per simplicem contactum, sed dilaceratione cutis indigere: nam tunc vapor veneticus lacerata cute, & sanguine educto cum spiritu & calore per contactum dentis, & spumæ animalis rabientis, interna viscera penetrat, & similem affectum inducit. Ita sensu Amatus 7. centur. 41. in schol. 5. Nos verò scimus canis rabidi sputum, si sanguinem non attigerit, exterius applicitum nihil noxij inducere posse.

At licet horum auctorum doctrinam, & ingenium non vulgare sit semper admiratus; conatusque eorum laude semper prosequar multa; Galeni tamen communis præceptoris partes tueri conabor. Is enim in lib. 6. de loc. affect. cap. 5. illorum opinionem ex directo refutat, dum sic ait. *Tanta sit in cane tunc humorum corruptio, ut solum eius sputum si humanum corpus tetigerit, rabiem excitare possit, &c.* Quod saratrix illa, de qua hoc loco agimus, suo malo fuit experta.

Si enim venenum rabidi canis, cæteris est perniciosius, tur veneni promptissimi instar in alia viscerum penetrantia attractum per transpirationem, illa non immutabit, inficietque rabe dira? Ea enim est rabidi veneni vis ad notendum, siue homo sit, siue quoduis aliud animal, ut ex morfu, vel solius sputi contactu, nisi maturè fuerit occursum, similem litem, quemcunque momorderint vel tetigerint, inducant: quo mortis genere miserabiliter Tridenti occubuisse Baldum Iuris vtriusque peritissimum, ex rabientis catuli salua inferiori labro vix approximata, quarto iam ab inde mense, testatur Mathiolus Senensis, ubi supra. Quin & vetulam ab equo furente deprehensam, nullo vulnere illato, sed solo fortè spumæ contactu fuisse rabie correptam citati confirmant.

Simile quidpiam, immò & mirandum magis commemorat Cardanus tract. de venenis, de patritio Venèro, Narrat Matthæus de Gradi consil. 82. Magnificum Dominum Ioannem Coquerantum, infectum fuisse rabie post multos dies, ex sola impositione manus in os canis rabidi, etsi eum canis non momorderit. Quapropter rabidorum canum salua, nuda corporis membra contingens, non aliter homines rabidos efficit, quàm si demordeantur: proinde prudenter monuit Auicenna, eos qui rabidorum curam gerunt, ne eorundem ciborum reliquias comedant. Adeo rabido cani contagiosum virus inest, ut qui canem rabie laborantem dissecuerit, ea affatus exhalatione, contagionis vim experiatir efficacissimam.

Alius mortuus est rabie, ex osculo illato cani rabido, antequam emitteret suffocandum; auctore Cardano lib. 2. com. tract. 5. cont. 9. Palmarius lib. 6. de morb. contagios. fol. mibi 266. & 267. vidit ex straminis esu, in quo rabie perciti sues decubuerant, equos, boues, oves, & reliqua animalia, quæ stramentum degustassent, rabiem contraxisse.

Lib. V.

**A** Refert Surtius in com. rerum in orbe gestarum, in Ducatu VVirtembergenfi cauponem hospitibus carnes porci, rabidi canis morfu infestati, edendas proposuisse parum hospitaliter: quas ubi homines eius rei gnari, comederunt, mox versi in rabiem mutuis se moribus lacerarunt.

At omnem fidem superant historiæ celebratissimæ, quarum primam proposuit Palmarius loc. cit. Cuiusdam rustici qui rabie percussus, furisq; agitato, cum sibi è viuis breui migrandum esse intelligeret, assidentes, qui eum vinculis constrictum tenebant, in furoris intermissione obnixè rogauit, ut quos mox deserturus esset, liberos, sibi deosculari liceret; quod cum esset concessum, liberisq; oscula libasset, præfocatus est: sed ecce septimo post die liberi eodem morbo correpti, eisdemque cruciatibus torti, breui miserissimam vitam cum morte commutarunt.

**B** Aliam affert Esaias Meischnerus lib. de obs. proprijs, firmæque Principem Illustrissimum sanctè illi reuoluisse, puerum equitem apud nobilem fortè fortuna inuenisse sub sponda delitescentem gladium, quo exactis pluribus annis canis rabidus confossus fuerat: is sibi concederetur petiti; quo facto, cum ensen rubigine, vel ferrugine obductum extergere, & perpolire vellet puer, improvidus sibi digito inflixit vulnusculum, vnde rabie percitus, nemine aduerente occubuit. Legat qui velitrabie contagium stupendum, lib. 3. de praxi medic. admiranda; obs. 87.

Neque inistes Galenum 3. de temperam. cap. 4. expressis verbis affirmasse, nihil noxij à veneno quantumvis exitiali sanæ cuti exterius applicito euenire posse; quare nec viperæ, nec aspidis virus, aut rabidi canis spuma habet vim paræ, vel soli cuti applicita, vel intro assumpta: nam licet salua, ac virtus ræ rabiosi canis, quàm canis alterius bestie venenatæ, maiore vim habeat intro per os assumpta, quàm extra sanæ, illasq; cuti impositæ (id quod tantum voluit Galenus cit. de temp. loco:) negari tamè non potest exterius etiam applicitam, vel solo contactu offendere, ex eodè Gal. ibid. & insigniter quidem, si curi vlceratæ accedat, & sanguinem pertingat, atque ita vulgò asseritur de infecta elleboro sagitta, scilicet quia à tota substantia, natura, & essentia nobis inimica sunt, & aduersa, maximèque illa rabidorum salua, quemadmodum Galenus testatur 5. simpl. cap. 99.

**D** Verumenimverò si tem à primis principijs reperamus, inueniemus Fernelium, inter omnes melius de hoc negotio philosophari, dū lib. 2. de abdit. rerum causis, cap. 14. phaleratis verbis sic loquitur: *Rabidus canis demorsu salua, aut humoris quiddam eructat, in quo vis est veneni. Id intro subiens spiritus, sanguinem, humores, partisque substantiam contagione labefactat: hinc serpit longius sensim in partes principes; sed tam segniter, ut rarò ante diem vigesimum, interdum non nisi anno symptomatis se prodât. Per has moras, nec febris, nec malum aliud ullum percipitur, nec scit ager quæa perniciës lateat: at cum hac tempore in cor penetraverit, vellicantur præcordia, ager indignabundus euadit, nec stare, nec quiescere potest, furens in modum huc illucq; effrenatè agitur, manibus ora dilacerat, alios dente peti; ex ore spuma promanans, oculi torui, & aspectu horrendi, febris valida, sitis inexhausta; & tamen ager aquam, omniaque liquida adeo perhorrescit, ut emori potius eligat, quàm bibere, aut ad aquam deduci, quibus malis defatigatus tandem misere cedit è vita.*

**E** Denique si venenum cuti applicitum contactu potest interimere, ut varijs exemplis probant Iouberius de iad. 2. paradox. 10. Greuinijs lib. 1. de venen. cap. 1. Cæsalpinus lib. 3. praxis, cap. 46. & alij, venetica aura per cutis spiracula intro per transpirationem attracta, & viscera penetrante, cuti rabidum venenum cuti solùm admodum, animalia simili morbo non inficiet?

Quod verò venenum rabidum sit contagiosum ad distas, firmat hoc loco Aurelianus, dum ex solius spirationis odore ex rabido cane communicato vicino aëri, & præcipuis partibus inserto, conitari rabiem asseuerat; nam si ab vlceratâ elephantiasi, sordida scabiè, virulenta lue, pulmonis vlcere, & ophthalmia lippientium oculorum, ad distans vicinum corpus inficitur, emissis seminarijs ab vno corpore ad alterum; cur ab odore & vapore ex animali rabioso eleuato, & vicino corpori communicato, eoque venenossimo, maximè efficaci, & humores valde

B B B

inimū

immutante, oriri non dicitur? Quare caueant Medici, & adstantes, ne circa rabiosos versentur, aut eos alloquantur: nam in his tanta est humorum corruptio, ut illorum veneficam auram, & maximè contagiosam, continuò ab ipsorum expiratione eleuaram, & aëri communicatam nemo possit effugere.

Nec obstat, quòd plurimi illos alloquentes, & videntes non rabiunt, immò nec à cane demorsis, in rabiem agantur, sed dispositi tantum, quod historia quadam confirmauit Nicolaus *serm. 4. tract. 4. cap. 15.* in hunc modum. *Ego vidi canem rabiosum mordere quendam anserem, & dilaniare de cute eius multum cum sanguinis effusione, & tamen nullum malum accedens anser ille exinde passus est, & tamen erat canis ille valde rabiosus, quia post valde paruum moram momordit quendam iuuenem, qui factus rabiosus mortuus est, &c.* quoniam agens sine patientis aptitudine agere non potest, ex Gal. 1. feb. 4. Consule de hac re Gulielmum Fabricium Hildanum lib. 1. *observat. chirurg. 86. & 87.* & Abelem Roicium in epistola elegantissima, de canis rabidi morsu.

## HISTOR. XIII. RHASIS, De hydrophobia.

Aquæ timor, inseparabile est rabiosorum symptoma.

**Q**uidam homo latrabat de nocte, ut canis, & mortuus fuit. & erat quidam \* qui quando videbat aquam, passus est tremorem, & horripilationem, & rigorem, & quando auferabatur ab eo aqua, cessabant supradicta, &c. Rhasius lib. 20. continentis, cap. 2.

### PARAPHRASIS.

**H**uius atrocissimi, & sæuissimi morbi varia ab auctori- bus citatis describuntur signa: nam alia imminen- tem, futuramque rabiem portendunt, alia iam factam adesse significant. Illis enim frequentius noctu interrumpitur somnus, sæpiusque pauore experguntur, hominum, & domesticorum consortia vitant, solitudinem diligunt, & cum ferino quodam aspectu submurmurant, ac præter consuetudinem de aëre conqueruntur, tanquam austrino, quamuis serena fuerit temporis constitutio, quod signum à Cælio Aureliano fuit adnotatum. Eos comitantur tædium, & recusatio imbrum, parua bibendi contra consuetudinem voluntas, pulsus densus, paruus, inordinatus, lucus fuga; corruptæ imaginationes singultus, conuulsio, faciei oculorumque rubor, febricula, salus stomachi, articulorum torpor, excensio præcordiorum ad superiores partes, alius astricta, assidua mingendi cupiditas: in ultimo vox obtrusa, & velut larrabilis, corporis decubitus canum dormientium contractioni similis, siue canina inuolutio, spiratio difficilis, corporis iactatio, veretri frequens disten- tio cum seminis inuolutario fluxu.

Præsentem rabiem si ex morsu rimari coneris, nullum prorsus reperies indicium, eo quòd, ut scribit Dioscorides, vulnus protinus infectum nihil infligit præter dolorem, atque ob id, lib. de const. art. medic. cap. 19. Galenus dicebat: *Canis rabidi virus difficulter cognoscitur. Statim enim morsus canis rabidi nullum peculiare indicium in corpore relinquit, antequam propè infectus rabies, etiam si Rhasius cum Halyabba- te, & Paulo, ex ipso vulnere nonnulla signa tradere conetur, quæ ictus malignitatem demonstrent: asserunt enim quòd appositis nucibus iuglandibus contritis, super canis morsum, per integram noctem, & postmodum gallis in cibum oblatis, gallinacei ipsi sequenti die intereant, si à rabido cane acceptum fuerit vulnus. Deinde aliud commemorant experimentum, si panis manante è vulnere sanguine imbutus, cuiuscumque etiam famelico offeratur, canem nec mandere illum, nec olfacere quidem, & si fortè mandat, sequenti die mori.*

Verum in re tam dubia, & tot periculis plena, eiusmodi experimentis fidendum non est. Quapropter incipientis

**A** morbi indicia vniuersa ex causa prægressa, hoc est, ex cane rabie percito petenda sunt. Hæc pulchrè describit Dioscorides loco cit. & explanatur à Galeno lib. de theriac. ad Pison. cap. 16. Rabidus canis his agnoscitur signis: Spumam ore & naribus prodit, sine larratu irruit, familiares quosque temerè aggreditur, toruè aspicit, solito tristior incedit, cibos & potus auersatur, oculos rubricatos habet, cauda incedit demissa, linguam exertam, & crocea bile infectam habet currit citra causam, subito consistit, & rursus furiosa quadam indignatione plures improvisò aggreditur, & demorder, ac mordendo simili vitio labefactat.

Quo vexati, auctore Dioscoride loco cit. & Actua rio 7. meth. cap. 11. neruorum distentione premuntur, cum sudore & anxietate cor & præcordia vellicantur, minimè quiescunt, sed furentium more, huc & illuc impelluntur, manibus os, & corpus dilacerant, mœrore contabescunt, canum more, eorum plures oblatrant, & obuios mordent, & eodem vitio inquinant.

His iudiciis aquæ timor addi debet: Nam ut ait Plinius lib. 25. cap. 2. in fin. Rabidi canis mortis pauorem aquæ, potusque omnis odium affert: subscribit Aëtius *tetrab. 2. serm. 2. cap. 24. §.* Contingit ipsis grauis perturbatio, quum aquam, vel aliud pellucidum corpus vident, quapropter ipsam fugiunt, & summo perè auersantur, quare toti affectui hydrophobia nomen est inditum: quod symptoma illi proprium, & inseparabile existit, quia nullum alium morbum sequi solet, & hunc perpetuò: cuius signi rationem subiiciemus infra. Consule Lacunam lib. 6. in Dioscoridem, in com. cap. 36. Ioan. Agricol. ammonium in lib. 6. de loc. affect. Gal. in com. cap. 5. Thom. à Veiga in eodem loco. Forestum lib. 10. obs. 27. & 28. Vitalem de Furno cap. 82. de morsu venenosorum animalium.

## QVÆSTIO XXIV.

Utrum aquæ timor ab intensa siccitate, deprauata imaginatione, aut antipathia occulta oriatur. Contra Mathiolum, Salium, & Brauum Petrasitanum, Medicos eximios.

### COMMENTARIUM.

**Q**ui quando videbat aquam, passus est tremorem.] Cum Principum Medicorum monumenta præclara contemplor, cum præstantissimorum Iuniorum scripta eruditissima reuoluo, cum varias, circa diuersas, easque abstrusas quæstiones, interpretum clarissimorum sententias animo verso, in nulla controuersia factam fuisse maiorem discordiam, quam in hac, mihi persuadeo: illas ergo in propatulum si reponerem, lectoribus tædiosus essem, sufficeret ergo plerasque à vero alienas refutare, & nostram, quam putamus veram opinionem, planius comprobare.

Adeo aquæ pavor inseparabiliter rabiosos comitatur, ut hoc solo signo, certò rabiem distinguere possimus à reliquis malis, quæ humanum corpus opprimunt, atque excruciant: posita namque in eorum conspectu aqua, cuius desiderio exardescunt, eiusque potu iuuarentur, si bibere possent copiosè, ingentissimis clamoribus, & canum larratibus adstantes dererrent. Quòd si aquam illis offerre insistas, & ut eam exhauriant cogas, vociferantur, plorant, animo linquntur, tremunt, sudant, pauore concutuntur: hinc factum est, ut Celsus lib. 5. cap. 27. hunc morbum miserrimum esse asseueret, in quo simul æger, & siti, & aquæ pauore cruciatur, quorum exempla legat qui velit apud Cælium Aurelium loco cit. Hi non arque solùm potum, sed liquida omnia exhorrent, non modò visu, sed tactu, gustu, atque auditu: quare pauentes aquam miserrimo mortis genere pereunt, & ob humoris defectum citius interficiuntur.

Cur verò aqua, immò & omne genus liquoris tantoperè expauescant rabiosi, apud Medicos, & Philosophos valde controuersum est. Mathiolum loco cit. in Dioscoridem, huiusmodi admirabilis symptomatis causam tradidit heciticam, seu abitualem membrorum siccitatē à rabidi canis veneno inductam

inductam, quæ cum iam solidis insit, i. prorrh. sect. 2. com. A  
 17. & veluti naturalis hectica, in sicca sibi similia fertur,  
 opposita respuit: quare Auicenna ex mente Ruffi sic fatur.  
*Dixerunt quidam, & est sicut Ruffus, non terrentur ex aqua, &*  
*diligunt volutari in terra, nisi quia complexionibus illorum à ve-*  
*veno sicca facta iam diligunt siccitatem, quare abhorrent con-*  
*trarium complexionis, & diligunt simile, &c.* & Mathiolus ait  
 Occupante veneno humorum omnium facultatum, & functio-  
 num imperia, & sibi similes totius corporis dispositiones reddente,  
 irrumpunt vires omnes contra id quod sibi contrarium existimant.

Sed merito improbat, quia pari ratione, hectica testis  
 speciei, seu marasmo laborantes, quibus iam solidas partes  
 siccitas habitualis obsider, aqua profus auersantes similia  
 paterentur: præterquam quod expresse dixit Galenus cit.  
 de theriac. ad Pison. rabie correptos aquam vehementer affe-  
 ctare. Deinde licet factum intemperamentum contraria B  
 non appetat, contrario tamen non tremit, animo deficit,  
 pauore concutitur, & delirat, quod efficiunt rabiosi.

Alij ad morbi proprietatem referunt, ita ut quemadmo-  
 dum in quibusdam aliis abominatio accidit quorundam  
 ciborum, propter oris, ventriculi, ac linguæ affectum, ita &  
 in hoc aquæ auersio. Cum tamen ex Gal. cit. ad Pison. sitis  
 adfit, & stomachus ac lingua exsperant humida, ad fasti-  
 dium, vel abominationem reduci non potest eiusmodi  
 symptoma. Minus ad humidum in ventriculo, vel cerebro  
 imbibitum, quod aquæ vfu in contrarium moueatur,  
 prout nonnulli quos citat Conciliator diff. 179. Superat  
 liquidem siccitas, & ut dictum est, quamuis ea non inelinet  
 ad humidum, non ita tamen facit horrere, aut auersari.

Ioannes Brauus Petrasitanus, scholæ Salmanticensis  
 peritissimus Professor in libello de hydrophobia natura, cau-  
 sis, atque medela, fol. 29. tam peregrini accidentis causam  
 ad nihil aliud quam ad antipathiam referendam censet;  
 quam opinionem etsi ille confirmet, huius tamen primum  
 fuisse auctorem Petrum Salium, ex cap. cit. dilucide pate-  
 re potest.

Ergo ad antipathiam recurrunt hi auctores (repugnanti-  
 am vocant, ac naturalem discordiam, ex Plin. lib. 32. cap. 2.  
 ad fin.) quam in rebus plurimis quotidie experimur, quam-  
 que dari putant inter canis rabidi venenum, & liquida  
 omnia. Cum verò perniciosum hoc virus phantasiam, &  
 reliquas omnes facultates potissimum aggrediatur, occu-  
 per, & labefactet, vel quia maiorem obtinent cum melan-  
 cholico humore analogiam, propter quod in eo facilius,  
 & crebrius suscipitur, & ipse humor magis quam reliqui  
 humores imaginationem, & cerebrum immutat; commo-  
 uet, & impedit, ex omnium ferè consensu; vel quia huius-  
 modi venenum hoc proprium habet, ut cerebro plusquam  
 aliis partibus officiat, quod in multis aliis experimur, cer-  
 tam aliquam corporis partem respicientibus, tam iuuando  
 quam nocendo, nihil mirum si phantasia à veneno obsessa;  
 cerebri temperamento illius vi deleteria infecto, seu im-  
 mutato, impèret totius corporis viribus, & membris, ut li-  
 quida omnia auersentur, arceant & omnino abhorreant,  
 atque illorum conspectu expauescant, tremant, clament &  
 vociferentur, quia cum illis virus illud caninum manife-  
 stam habet, & quæ sese sensibus prodir, inimicitiam & di-  
 scordiam: cum canis autem fluuiatilibus, & cæteris an-  
 tidotis ad hanc lucem præsentaneis, licet non minorem, oc-  
 cultam tamen, nec visui se prodentem: atque idèd rabiosi  
 aquam, & liquores fugiunt, non alia auxilia tali morbo ad-  
 uersaria, dummodò liquida non sint.

Quod si feras obicias infecta sagitta percussas, riuos ac  
 fontes audidissimè petentes, quum tamen inter aquam, &  
 venenum ex veratri succo, non minor detur contrarietas;  
 (alioqui veneni vis ab aqua non infringetur) nec magis  
 sensibus occulta, quam illa rabientis canis. Respondebunt  
 cum Galeno lib. de theriac. ad Pison. cit. Quia rabie correptis  
 mens fluctuat, mentèque alienati, quid sibi prodesse possit,  
 non considerant, immò veluti à tyranno quodam oppressa  
 imaginatio, arentium partium, & aquæ desiderio flagran-  
 tium appetitui obsistit, imperans auersari quod cupiunt;  
 & summopere potest iuuare: nam si simul non sit, vel in-  
 totum deprauata cogitatio, seu ratio, ut imaginationi impe-  
 ter, eiusque errorem in iudicando emender, aliquando non

Lib. V.

abstinent, immò in aquam feruntur, prout, referente Aërio  
 ubi supra, constat ex historia Philosophi, qui à rabido cane  
 commorsus; & aquam expauescens, diu intra se medita-  
 tus; constanti animo; apparentis in aqua canis; de quo  
 paulo post, imaginationem superans, ecquid tandem dixit  
 cani cum balneo? atque intrepidè bibens affectionem su-  
 perauit. Sed hæc solutio; problematis difficultatem non  
 explanat: nam si rabiosi aquæ pauorem patiuntur, quia  
 his mens laborat, & manæ genere corripuntur, sequeretur  
 omnes maniacos hoc symptoma fore passuros, quod cum  
 non experiamur, sequitur ut huius dubij difficillimi po-  
 tior ratio sit indaganda.

Deinde qui ad occultam antipathiam recurrunt, Galeni  
 sententiam aspernantur, qui lib. 10. de vfu part. cap. 4. eos  
 vocat ignaros, qui relictis rerum, & demonstrationum  
 causis, omnia cupiunt esse occulta. Insuper si Galenus  
 occultas multarum rerum proprietates cognouit, & ap-  
 probauit, deque canum, & hominum rabie, multa pleris-  
 que in locis summo cum iudicio scripsit, & de proprietate  
 huiusmodi occulta nihil dixit, cur eam commentitiam esse  
 non suspicabimur?

Dioscoridis ingenium, & in perscrutandis venenorum  
 naturis miram sedulitatem, maxima cum humani generis  
 vtilitate, cognoscunt Medici omnes, cui in materia medi-  
 ca, Galenus, & alios priscos Medicos Græcos, multum  
 tribuisse certi sumus; ille tamen rabidi veneni occultam  
 hanc antipathiam, neque cognouit, neque alicubi scripsit.  
 Velut nec illius, nec Galeni, aliorumque Græcorum se-  
 ctatores, & imitatores diligentissimi, nec Arabes de re hu-  
 iusmodi quicquam memoriæ commendauerunt; neque ipse  
 Plinius in his omnibus ac singulis, quæ ad res naturales  
 pertinet, disertissimus, quem abundasse potius, quam defe-  
 cisse omnibus patet, & qui infinitarum propemodum rerum  
 occultas discordias nouit, & adamussim examinauit, de ra-  
 bie nō aliter quam alij scriptores, est loquutus Neque du-  
 bito posse ingenia subtilitate sua aliquid adhuc ignotum  
 inuenire, & quæ obscura sunt, plana magis facere, sed in re  
 quæ suas manifestas habet causas; ægorum rabie corre-  
 prorum experimento confirmatas, ad occultas deflectere  
 velle, tumultuosi, subsultantisque ingenij partes sunt.

Quare multò probabilius est, veram hydrophobiæ cau-  
 sam, esse referendam ad manæ proprietatem, ex tali ve-  
 neno inductam; scilicet ut quemadmodum melancholi-  
 cos alios, seu insanientes, alia timere nouimus, & ex hu-  
 more melancholico varias concipere phantasias; ita rabie  
 percitos, veneno humorem illum imitato, ut loquitur Pau-  
 lus lib. 5. cap. 3. ex Ruffi sententia, hoc delirij genere tor-  
 queri, ut aquam reformident, vel imaginantes canis, à quo  
 sunt commorsi, effigiem in aqua videre, metuensque ne  
 si bibant, simili afficiantur damno. Atque ita visos fuisse  
 multos conqueri, quod in aqua, & liquore omni; canes, &  
 eorum viscera continerentur; testantur auctores, & con-  
 firmat illa Rhasis hist. 2. continent. quæ sic habet: Nos vidi-  
 mus quendam in Hospitali, quem momorderat canis rabiosus, &  
 vidi quod non terrebar ex aqua, immò eam petebat & de forti  
 querebatur siti: cum autem aquam darem ei, ipsam abhorre-  
 bat, & dicebat quod sordes in ea erant: & cum quæreremus ab  
 eo, quæ sordes in ea essent, aiebat quod intestina canum; & rogā-  
 bat ut ei aliquam aliam aquam affereremus: & cum afferretur;  
 idem dicebat, & nobiscum litigabat, & irascebatur: & rogabat  
 ut illi aquam mundam, & nitidam dāremus.

Quare cum aquam, vel poculum vel tersum aliquid in-  
 tuentur, ipsis canes apparent, non quod vapor subtilis per  
 oculum exiens cum imagine canis, in denso, ut aqua, spe-  
 culo, & terso omni vniatur, & densetur; atque ita expres-  
 sam canis formam oculis repræsentet, prout arbitrantur  
 nonnulli; sed quia imaginatio; cuius solum vitium est, in-  
 fecta à tali veneno, iudicat in omni liquore canem adesse;  
 & videt: non secus quā in vno, pro melancholici humoris  
 diuersitate & natura, phantasiam inducit cælum ruere; in  
 illo, quod vas vitreum sit; in alio, quod iam petierit, &c.

Adde quod, quemadmodum non paucæ reperiuntur  
 phantasie, quæ ex humoris aut vaporis qualitate; cere-  
 brum & corpus occupantis; originē trahunt, ut quod opi-  
 netur quis, se vas figulinum esse; ex melancholiæ siccitate

per corpus sparsa : quòd alius se fingat tympanum corio tectum, ex cutis ariditate, de quo *lib. 7. de loc. affect. cap. 3.* plura exempla proposuit, Galenus : ita nihil mirum, si à vapore canis complexionem infecto; canis phantasia inducatur, & apparere videatur in aqua, & similibus, in quibus figuræ repræsentantur.

Licet verò intenta alicuius rei cogitatio, aut vitæ conditio, sit etiam nonnunquam occasio delirantis imaginationis; atque adeò canis qui momordit species, & recordatio, in mente perimaciter retenta, plurimum faciat ad hoc, ut perpetuò canes concipiant animo, & sibi ubique apparere imaginentur : quia tamen sæpenuerò absque vlla mordentis canis imagine relicta, utpote non visi, aut non sensari, vel temporis diuturnitate abolita, tam homines, quam bruta in rabiem deueniunt, & aquam expauescunt, ab intrinseco petenda est causa phantasiæ apparentium canum, & formidinis aquæ.

Porro nec putēs omnino necessariū esse, omnes aquam expauescentes canum effigies oculis intueri, sed satis est imaginari in omni genere liquoris canes adesse : solo quidem nomine, vel aquæ sonitu, horrent, & expauescunt, & memorat Aurelianus *lib. 3. acut. 11.* infantem hoc malo correptum, etiam matris vbera vehementer horruisse, cum tamen simulachrum canis in lacte intra vbera recondito apparere non potuerit; immò nec puer ipse canē imaginari, ex obrusa, nec satis expedita imaginatione, ad quodpiam concipiendum. Quare contendit Brauns *loc. cit.* rabie detentus, non ex canis phantasia, sed potius à veneni proprietate aut illius antipathia aquam ipsam expauescere.

At si nulla phantasia puerulus premerecur, etiam visum lac proculdubio non horreret, nedum in vberibus reconditum, quòd fortioiem adhuc animi conatum arguit liquoris auerfandi. Insuper, si hydrophobia delirium quoddam est, seu mania, ut diximus, & actio quædam deprauata facultatis imaginatricis, qualis est delirium omne, *lib. de diff. sympt. c. 3.* quomodo insaniret infans lac metuendo, nullam prorsus habens imaginationem canis, aut cuiusvis alterius rei incutientis formidinem illam : vel vnde formidaret, nulla præcedente phantasia, seu conceptu rei formidandæ, si meritis in imaginatione concipitur. Consule Iosephum de Aromatariis *part. 2. de rabie contagiosa, particul. 6.*

Quòd verò hac canum phantasia perpetuò detineantur rabie infecti omnes, quibus iam veneni vis vniuersum corpus, & cerebri facultates ferè in totum occupat, præter quam in omni ter. o fatentur canes videre, ex eo etiam confirmant quòd canes se opinentur, & ad canum similitudinem vocem edant saucam, obrulam, & velut latrabilem, in terra volutentur, corpore contracto instar canum decumbant, demum & obuios mordeant : de qua re in *historia sequenti* differemus.

## HIST. XIV. ALZAHARAVII, De Rabie.

In vrina rabientium, corpuscula catulis similia conspiciuntur.

**N**oni quendā sanati à morsu canis rabiosi, qui interrogatus à me quid vidisset, respondit se caninos catulos in vrina sua vidisse &c. Alzaharavius *tract. 30. præf. sect. 2. c. 30.*

### PARAPHRASIS.

**I**N vrinis eorum, qui à cane rabido commorfi sunt, imagines aut simulacra canibus similia apparere, confirmant exempla illorum, qui hoc miserando malo vexati, vnanimiter confessi sunt, similia corpuscula in vrinis, & in aqua conspexisse; ob quam causam liquorem tantoperè timent. Nam Auenzoar *lib. 1. thetix tract. 9. cap. 16.* affirmat, in hac mania vnum quoddam mirabile reperiri, quòd si collectū fuerit de vrina istius in quantitate multa, in vrinali vitreo, videbis quòd clarificabitur vrina, & sine dubio videbis formas intus catulorum natantes : & si illam colaueris per

A pannum subtilem, nullum vestigium illorum, seu signum in petita poteris inuenire; & si iterum vrinam in vrinali reponas, & ibidem aliquantulum permanserit, veraciter iterum reuidebis eos ut prius. Quæ omnia ex deprauata imaginatione nos diximus *suprà*, euenire, & auctor est Cardanus *lib. 2. cont. tract. 2. cap. 7.* Nihil enim est quod imaginationis vim magis declaret, quàm rabidi canis morsus : qui enim rabiem concepit, se canem esse imaginatus, obuios morder.

Quod verò Auicenna *6. 4. tract. 4. c. 7.* & Niculus *serm. 4. tract. 4. c. 4.* affirmant, se vidisse in vrinis istorum frustra carnis cum dolore excreta, non dubito, quidquid alij fabulosum putent : nam præterquam quòd monstra accidunt in arte, & mira in corporibus, præter naturam, illiusque institutum euenire quotidie cernamus, ut notauit Valleriola *ad cap. 20. lib. de const. art. medic.* etiam rabiosos frustra carnis, quæ canum effigiem æmulentur, per vrinam excernere non est impossibile, quæ à liquata pinguedine ob calorem euenire certum est; hæc enim in vrina innatans mille formas fingit. Sic per vrinam excernuntur vermes, scarabæi, & alia monstra ex crassa, & purulenta materia generata. Hoc modo Mathiæ *lib. 6. cap. 36.* à quibusdam sui temporis audiuisse refert, quòd in vrina eorum, qui à Phalange commorfi sunt, conspiciantur substantiæ quædam innatantes araneorum telis persimiles : quod ex dicta causa euenire non negamus, neque Auicenna dixit per vrinam excerni canes paruos, sed res carnosas mirabiles, quasi animalia; & quæ effigiem canum paruulorum quasi repræsentent. Quod si renuas, asserasque hos euentus extraneos, & mirabiles, ex vehementissima canum imaginatione, qua perpetuò inuoluuntur, euenire, proferes vera. Quanta verò sit vis imaginationis, in immutandis corporibus, factus formatione, & monstris effingendis, diximus *lib. 3. in com. hist. 12.* & ad plenum explicuit scientissimus Thomas Erastus *lib. de viribus imaginationis.* Si verò pro huius historiæ maiori explicatione, plura videre cupis, adi Conciliator. *diff. 179. ad fin. Gentilem in Auic. cit. loco, dub. 5.* & Mercurialem *tract. de veneno canis rabidi, cap. 11.*

## HISTORIA XV. AETII, De Rabie.

Philosophus rabiens, generosè citra timorem bibens, seruatus est.

**P**hilosophus quidam morsus à rabioso cane, & generoso animo affectioni resistens, & per consequens ratus canem in balneo apparere : (apparebat enim ipsi, quemadmodum etiam aliis hoc modo affectis) ratiocinatus igitur, & sic secum loquutus quid cani & balneo commune est? superauit affectionem, & sanatus est ab affectione, ubi citra timorem bibisset, &c. Aetius *tetrab. 2. serm. 2. cap. 24.*

### PARAPHRASIS.

**C**ornelius Celsus vnicum rabiosis remedium esse putat, balneum, dulcisque aquæ potum : cum enim siccitas sit iis habitualis, & veluti connaturalis facta, spes salutis est, si corpus humectetur, & illi in aquam immerfi bibant, & sic corpus squalidum madescat, ac recreetur : quod auxilium, præcautionis gratia, ne venenum intro amplius serpat, ac morbus confirmetur, esse proficuum, rationi consentaneū est. Cum verò facta hydrophobia opprimitur æger, infeliciter hanc curationem contigisse, affirmant Palmarius *lib. de morb. contagios. pag. 179.* Paræus *lib. 20. c. 14.* ex Ponzetti sententia, Cardanus *lib. 3. de venen. cap. 14.* Petrus Salius *lib. cit. cap. 19.* qui propria experientia edocti, hoc auxilium imaginarium esse rati sunt, quo administrato, ægros in peius incidisse, narrat Valleriola *3. obs. 3.*

At licet aquæ potus, & submersio in balneum citra voluntatē, non ita proffit, quia huius passionis curatio est, non ut bibant, sed ut bibere velint; quod eueniet, cum affectus prædius fuerit adiutus tamen cum affectio sicca sit, humectatione



Statione copiosa non mediocriter iuari solet: quo pacto est necesse eos cogere, ut bibant, & in hunc usum, gelu, nix, ficus viridis, pyrus, cucumis, & his similia offerenda. Auic. 6.4.tract.4.cap.9. & Rasius 35. cont. tract.2. cap.495. calami perforati initium ori ægrotantium immittunt, & ex alia parte per aliam cauernam aquam infundunt. Aurelianus potum his offert fictili vasculo, tenui cauerna perforato, qualis vberum est papilla. Halyabbas 4. pract. cap.31. infundibulo quodam ligneo, vel argenteo ori illorum imposito, aquam esse mittendam suadet, ut liquorem assumant, & nulla indignatione afficiantur, visu perterriti.

Verum hi omnes, etsi laude digni sunt, non tamen aduertunt, non in visu, aut aliquo externo sensu, sed in phantasia damnum consistere, quæ cum iam diu sit à veneno occupata, antiqui hospitis vestigia sequitur, illiusque naturam æmulatur. Quare cum in imaginandi facultate liquoris omnis odium consistat, cuicumque sensui aqua occurrerit, protinus ille quisque fuerit, tanquam fidissimus satelles, discordiam fiducie facultati renunciat, quam cum sentit hæc potentia, corpus commouet & exagitat, & toris viribus efficit, ut aqua auferatur.

Hinc fit ut solo gustu, aut tactu, ab hydrophobico aqua percepta, aut illius sonitu audito, eadem accidentia sequantur, quæ ab ea visa sequi consueuerunt, quod demonstrauit Medicus ille apud Aurelianus, qui tantum ex contactu lachrymarum terrore vehementi fuit affectus, qua de causa ex loco ubi erat, exilium vestem conscidit: & puer etiam, qui lacte degustato, vbera matris formidauit. Quare in potaturis non vnus, sed omnes sensus sunt decipiendi, quod fiet constructa fistula illa oblonga, ex concreto saccharo, aut coagulato melle, vel redolenti maxime cera, quæ ab Auicenna ingeniose in hunc usum excogitata, ut istarum materiarum odor, atque sapor, aqua gustu ementiantur; quod in tenebris, vel oculis eorum oclusis, aut obleratis fenestris faciendum est, ne visus ipsis aquæ formidinem afferat.

Sed dignum est speculatione, ut inuestigemus, cur hic philosophus rabiem de ingressu in balneum ratiocinatus est, si delirium est à rabie inseparabile? Dic. Delirio affici ducta animalia in rabiem, experimentum confirmat, & auctores vno ore contestantur. Immo Gariopontus lib.1.c.11. ex canis rabidi morfu fieri anteneasmos, quæ est manie species, nos docuit. Nihil est rabies, inquit Halyab. lib.8. theoric. c.20. cum Ioan. Damasceno lib.7. cap.18. quam alienatio mentis, & Auenzoar lib.1. th. ix. tract.9. c.16. rabidos numerat inter maniacos: probant Tagaultius lib.2. inst. chirurg. cap.11. Baccius in prolegomen. venenor. c. de canis rabidi morfu, art.5. Nec dicas, quod obiciunt Eustachius Rudius lib.4. de morb. occult. & venenos. c.13. & Salius loc. cit. contrarium sentientes, quod nonnulli rabientes mente constant, appositè respondent, & fuere aliqui qui citra rationem aquam timentes, orarent adstantes, ut oculis sibi clausis, aquam per vim offerant, quæ omnia sanam, & non læsam rationem præ se ferunt. Sed cum rabidi inextinguibilem sitim patiantur, & aquam, aut liquidum abhorreant, manifestissimo delirii genere occupantur. Deinde, rabies est species quædam melancholice, & sicut in hac circa particulare quoddam tantummodò ægri delirant, v.g. timent, odio habent homines, metuunt, &c. circa cætera verò sana mente se habent; sic rabidi recta mente constant, cum tamen aquæ pauore, qui ex mero delirio originem ducit, occupentur, immò à cane rabido commorli, etiam antequam in rabiem incendant, integra mentis sanitate non fruuntur, ut de Patre suo testatur Cardanus lib.1. de venen. cap.16. ex quibus ad propositum quaesitum, patet responsio.

A run, & à primo principio in quo morsu fuerant, post duos vel tres, vel quatuor, vel multo plures menses. Noni sanè & quendā qui exacto anno in eum incurrit affectū, quem hydrophobiam (id est, aquæ timorem) vocant, &c. Galen. lib.1. prorrh. sect.2. com.17. & lib. de sect. ad eos qui introducuntur, cap.15.

## P A R A P H R A S I S.

**E**X rabidi carnis morfu, p'ures mortuos fuisse in his locis confirmat Galenus, & exemplis lustrant Recentiores, Paræus lib.20. cap.14. Gesnerus lib.3. epist. pag.82. Niccolus ferm.4. tract.4. c.15. Baccius cit. loc. Forestus lib.10. obs.15. Alios fuisse seruatos iidem auctores memorie commendarunt. Dioscorides & Aërius loc. cit. experti sunt Amat.7. cent.65. Vallerioli lib.3. obs.3. Forestus lib.4. obseru. schol.28. Philostratus in vita Apollonis Thyranei, hist.6. l.18.

Non ergo cum Salio existimes, omnes rabie correptos insanabiles esse: frustra enim à priscis, & Recentioribus Medicis, tam ad præcautionem, quam ad curationem plura describerentur præsidia: immò Aërius multos probè curatos euasisse affirmat. Quando ergo partium solidarum substantia in aliam transit conditionem, & rabies est confirmata, tunc curatio est impossibilis: quando verò est in fieri, & incipiens, tunc curationem admittit.

Deinde accidit frequenter non solum in rabie, sed in omnibus aliis malignissimis affectibus, ut ex pluribus eodem contagio infectis vnus seruetur, pereat alter: multa enim in temperamento, virtute, robore, naturæ est diuersitas. Ob has causas accidit per sæpe, ut è duobus æquali morbo, vitioque oppressis, quidam reuiuiscat, alter occumbat.

At cur huiusmodi venenum, cum sit siccissimum, & calidissimum, ex Gal. lib. de theriac. ad Pison. 16. per menses, & annos lateat in corpore, obscurum est. Huic quaesito responderet Galenus lib.3. epid. sect.3. com.75. enarrans enim illius phrenetici historiam, qui celerrime mortuus est, asseuerat rabiem, in his quos canis rabidus momorderit, longo tempore augeri, dum pedetentim agens, nullam sui notam prodit donec subito tandem manifestatur, & interficit: ut quo tempore causa generationis venenosorum in corpore agit, & eos generat, latere illi videantur, quum ad eam adhuc non peruenerint quantitatem, & malicie gradum, quæ sunt necessaræ ut occidere possint; quare celerius vel tardius animalia aguntur in rabiem, pro agendi & patiendi mora, actiuitate veneni, & patientis dispositione: & sic aliis contigit post annum; quin & elapso septennio fuisse nonnullos aquæ metu correptos, scribit Dioscorides ubi supra, & Actuarius lib.6. meth. c.11. explanant Albertus Magnus lib.7. natural. hist. cap.2. Palmaris lib. de morb. contagios. fol.270. Petrus Salius loc. cit. Amat.7. cent.41. & nos in hoc lib. in com. hist.1. satis firmamus.

Hocque maxime accidere solet, iuxta anni tempus, cæli constitutionem, &c. Anni tempus æstiuum morbo fauet, sicut hyems, ac aliæ anni partes illi aduersantur; quare læuiente cane, & vehementissimis æstibus, pariter & vigeant bruma, canes facilius rabie tentantur, ex Plin. lib.2. cap.40. hoc enim tempore sanguis, & bilis aduruntur, & in nigram bilem conuertuntur; in canibus præsertim, ob calidissimam, & siccissimam eorum temperaturam, externo feruori aptissimam.

**E** Auicenna verò 6.4. tract.4. cap.5. in autumnino, tempore quidem neque calidissimo, neque frigidissimo, facile canes in rabiem agi asseuerat, quod verissimum est; sed propter adustos humores, quos æstas ipsa insigni sua præparat caliditate: quare non autumnii, sed æstatis causa redundat. Rabie etiam corripiuntur canes in aligda hyeme, cōcreto utique à frigore sanguine, ac melancholico effecto, ut cit. loc. inquit Auic. Est enim canis animal pingue, excarne, musculolum, contextura rarum, quapropter frigoris iniurias maxime sentit: iccirco frigus patens eorum corpus penetrans, tenuiorem sanguinis partem exprimit, & dissipat; crassiorem verò, & magis terrenam amplius incrassat, & in melancholicam commutat: huius rei euidentis testimoniū præbet huius animalis lien, quem impensè nigrum habet auctore Galeno lib.6. de anatomicis administrationib. cap.10.

## HISTOR. XVI. GALENI, De Rabie.

Ex hydrophobia, alij moriuntur, alij euadunt.

**S**umus autem nonnullos & à cane rabido morsos, qui postea sum aquas formidauerunt, sum interierunt: & aliqui euasere. Lib. V.

## HISTORIA SECVNDA.

**D**Vo fuisse qui à cane rabioso morfi, ad eos Medicos, quibuscumque consuetudo intercederet, confugere, medicinam petentes, erasque vlcus utrique exiguum, ut ne tota quidem discissa esset cutis. E Medicis autem vnus vlceri tantummodo curationem adhibuit, nulla alia sollicitus de re. paucisque diebus partem sanam ostendit. Alter verò qui canem rabiosum esse nouisset, tantum non festinauit, ut vlcus ad cicatricem perduceret, contra etiam ut magis amplum, magisque semper efficeret, validis utens, acerbisque ad multum tempus medicamentis, itémque agrotum interea cogeret, medicamenta bibere, quæ, ut ille dicebat, rabiei remedia essent: ac ita quidem res cecit utrique, ut qui medicamenta bibisset, is seruetur, in sanitatem restitutus: alter qui nil sibi mali inesse putaret, repente & aquam formidauit, & conuulsus interiit, &c. Galenus lib. de sect. ad eos qui introducuntur, cap. 8.

Galenus hac historia nos commonefacit, ut rationes perpendamus empiricorum aduersus methodicos, qui citra rationem auxilia ægris exhibere solent: quantum enim differat curatio eorum qui à cane quouis, aut rabido sunt commorfi, citati monuere auctores: in iis qui à rabioso cane vlcera acceperunt, necesse est ut non coalescant, & cicatrice inducantur, sed ad minus, ad quadragesimum vsque diem sordida adhuc, & inflammationem minantia prorogentur, quò rabidi canis venenum egredi queat; quo pacto ad extrahendum virus ad externas partes, ne in altas penetrare queat, plura machinantur auxilia, quæ dilucide proposuit Iacobus Trunconius lib. de peste, cap. 15.

Cucurbitula etiam cum multa flamma imposita, summè iuuat: venenum enim foras potentissimè extrahit, quod prædixit Galenus lib. 13. meth. cap. 6. quo loco ad vacuandum virus, in morfu animalis venenosi hoc remedio vsus est. Quòd si locus id patiatur, altioribus vlcusculis scarificandus est, quò pluribus quasi canalibus, ac riuiulis multum viriati sanguinis extrahatur, ne venenum paulatim corpori insinuetur vniuerso; copiosè tamen sanguis extrahendus, ut sic quoque aliquid veneni exhauriatur.

Vitio, seu cauterium in parte affecta impositum, salubre auxilium est: nam ignis veneni sœuitiem domat. Suctus ad attrahendum venenum est potentissimus, si reperiat homo aliquis vilis, qui hoc opus exerceat. Loco suctus imponendæ sunt hirudines exulcerato loco, ut monuit Ishaac lib. 4. pract. cap. 37.

Aliquando ne aliud venenum serpat, membrum amputandum: sic enim Galenus 3. de loc. cap. 7. refert, vinitorum quendam à vipera in vno digitorum morsum: quum feram agnosceret, falce quam tunc fortè habebat, ab ultimo articulo, ietam partem rescasse; deinde inducta vstratis pharmacis in digito cicatrice, nullo sumpto medicamento, vitæ superstitem permansisse.

Imponenda sunt medicamenta supra commorsam partem, quæ præterquam quòd veneni rabidi efficaciam à proprietate retundunt, dilatant vulneris orificium; quorum copiam proponit Gal. 3. sect. gener. cap. 5. Per os etiam propinanda, quæ similes vires habere supra citati confirmant auctores, ut cancrorum fluuiatilium puluis, Gentiana, Alyssum, quorum omnium in praxi historiarum tomo ultimo, peculiarem faciemus commemorationem. Lege Andreæ Aurifabrum tract. de cura canum, Daniele Danielis lib. de morfu canis rabidi, Iosephum de Aromatariis, dissertatione eleganti, de rabie contagiosa.

HIST. XVII. AVENZOARIS,  
De Rabie.

Præter canem, alia etiam animalia in rabiem aguntur.

**A**Ccidit rabies pluribus animalibus, scilicet leonibus, canibus, equis, mulis, asinis: & iam accidit quòd quidam mulus

**A** voluit mordere quendam hominem, & homo versus est in fugam, vadens per viam unam strictam, & mulus sequebatur eum, qui cum peruenisset ad introitum loci stricti, & brevis, infixit se ibi, & cum non potuisset exire propter stricturam, & breuitatem, mortuus fuit ibidem, &c. Auenzoar. lib. 1. theizir, tract. 9. cap. 16.

## PARAPHRASIS.

**Q**Uæ animantes rabie tententur, non est facilis operæ diiudicare. Galenus lib. 6. de loc. c. 5. excepto homine, nullam cæterarum animantium præter solum canem rabie corripit scribit, sic enim ait. §. Quum enim reliquorum animalium nullum rabie capiatur, solus canis rabie corripitur, &c. Contra sentit Arist. lib. 8. de hist. animal. cap. 22. subscribunt Conciliator diff. 179. Mathiolus lib. 6. in Dioscoriden, cap. cit. quibus locis arbitrantur, non solum canes, sed & lupos, vulpes, simias, mustelas, murenas, camelos, sues, mulos, leones, asinos, equos, feles, vrsos, leopardos, cæteraque id genus animalia, rabida fieri; quod etiam testantur Salins, Valleriola, Mathiolus, Baccius, Amatus loc. cit.

Christophorus à Vega in com. sent. 22. lib. 3. prognost. & Brauus loc. cit. arbitrantur solis canibus euenire primogenia affectione, aliis non nisi à cane rabido commorfi; atque ita esse intelligendum Galenum lib. 6. de loc. & 1. prorrh. cit. & 11. simpl. cap. de iecore canis rabidi, cum rabientes homines appellat. Plurimæ autem sunt occasiones, quibus canes in hoc mali genus adiguntur. His addunt Conciliator, & Mathiolus, morticinorum, ac putridarum, vermibusque scatentium carniū esum, & marescentis earum sanguinis, præsertim si hæc carnes, eorum fuerint animalium, quæ pestilentia, aut ictu fulminis, aut virus vibrantium animalium moribus interierint. Sed cum plurima animalia sint gulæ dedita, & excrementa putrida & fœtida edant, ea hac de causa sine morfu in rabiem aguntur. Efferantur tamen frequentius canes ipsi, propter maiorem sui temperamenti aptitudinem, (sunt enim temperamento calidi, & ficci, ex Gal. 2. simpl. 20. & 1. de temp. 5.) ratione cuius sunt magis obnoxij huic morbo, qui illis ob siccitatem, præsertim æstate est familiaris, quo tempore bilis, & sanguis aduruntur, & in atram bilem vertuntur: quare reliquis animantibus illæsis, solus ipse canis vel saltem frequentius rabie corripitur, minùs verò homo quàm reliqua, ob humidi natiui copiam quo pollet; ex Philosopho 4. probl. 6. cuius gratia huiusmodi veneno magis resistit, rariùsque succumbit: & in hunc quidem sensum recipi potest dictum Aristotelis, solum hominem à rabie excipientis, non quasi ipse nunquam rabiatur, sed quia magis seruetur.

Deinde Aristotelis sententia loc. cit. animaduersione digna est interpretanda, quæ sic habet: Facit rabies furorem, & quæ momorderint, omnia rabiunt excepto homine. Intereunt canes hoc morbo, & quæcunque morsæ fuerint à cane rabido, excepto homine, &c. Marcellus Donatus lib. 6. de hist. mirabili, cap. 1. cum Leoniceo lib. de serpentibus, ante fin. textum mendosum esse rentur, quum experimentum quotidianum ostendat contrarium; maximè cum bis in eodem capite, eoque breuissimo eandem sententiam repetat: quare legendum putant (priùs homine) nam morsæ à cane rabido priùs rabiunt, quàm homo, ob adductam causam; quia multis hominibus, ut supra ostendimus, post ictum, venenum longo tempore sæpenuero occultatur.

Licet enim Leoniceni explicationem summo opere probem, tamen Theodori Gazæ interpretationem esse rectè propositam, quoad vtramque textus partem non ibo inficias Omnia commorsa à cane rabido, rabiunt, excepto homine, non quia nullus rabiatur, sed quia non omnis etiam commorsus à rabido, rabie corripitur; quasi species humana hanc habeat præ cæteris prærogatiuam, quòd aliqui in ea sint ea natura præditi, ut etiam à rabioso morfi in rabiem non adigantur, quod nulli alij animantium concessum est. Reperiuntur enim nonnulli qui à rabido commorfi non rabiunt, ut Pphylli in Lybia, & Marfi in Italia, quibuscum non ea serpentum inimicitia est, quæ cum reliquo hominum genere; de quo Fracastorius lib. de sympathia, cap. 19. de timore. Credi autem potest, illorum proprietatem non latuisse Philosophum, rerum

terum naturæ scientissimum : de quibus Plin. lib. 7. cap. 2. A  
 & lib. 28. cap. 3. Elian. lib. 16. de animal. hist. cap. 27. Solin.  
 cap. 40.

Intererunt autem canes rabie, & quæcumque morfa à  
 cane rabido, excepto homine. Nam aliæ animantes non  
 tam facile sibi possunt adhibere remedia, nec tam multa  
 habent parata & cognita : quare solus homo à tam sæuo  
 morbo aliquando sanatur. Hoc confirmavit Iulius Pollux  
 lib. 4. nom. cap. 9. §. Tres sunt canū morbi, rabies, podagra, an-  
 gina. Podagra non est quidem insanabilis, rabies difficillimè,  
 angina lethalis: quodcumque verò à cane rabido fuerit morsum,  
 interit, solus homo non absque periculo euadit. Et hæc est me-  
 lior expositio sententiæ Aristotelicæ, quàm illorum qui de  
 hoc argumento conscribentes, sententiam mendosam,  
 & deprauatam sunt suspicati : Lege aliam expositionem  
 apud doctissimum Mercurialem, lib. 1. variar. cap. 2. & me- B  
 morabilem historiam luporum rabidorum, apud Ioan-  
 nem Bauhinum doctissimum, lib. prop. de rabie luporum,  
 lect. cap. 2. & lib. de hydrophobia, cap. 5.

## HISTOR. XVIII. AETII, & Galeni, de rabie.

Auxilium ad rabiem præstantissimum,  
 cuius vsu nemo mortuus est.

Noui ego senem, qui morsos à cane rabido, acido rumice  
 (oxalidem vocant) curabat : primum enim vlcus eius  
 decocto fovebat, deinde herbam ipsā illinebat, eandemque po- C  
 tandam exhibebat, quod quidem medicamentum tanquam  
 efficacissimum summo porè commendabat. Plurima, & turbu-  
 lenta & biliosa, qui eam assumpserint, meiere solent. Nos quo-  
 que non raro cum reliquis medicamentis eam miscuimus, &c.  
 Aëtius tetrab. 2. serm. 2, cap. 2. 4.

Fluuiatilium cancrorum cinis, quanquam valde exiccatorius  
 est, substantia tamen totius proprietate mirabilis est in iis, qui  
 à rabiente cane sunt morsī, iisque tum solus, tum cum gentiana  
 & thure multo præstantior. Thuris sanè partem esse unam  
 oportet, gentiana autem quinque, porò cancrorum decem. Et  
 raro equidem aliter illis vltis non sumus vsi, ceterum ad eundē  
 modum plerumque, quo Æschrion Empiricus utebatur medi-  
 camentorum peritissimus senex, concius ac præceptor meus.  
 Patella erat grisea rubri, in quam impositos cancris viuentes  
 hætenus vrebatur, donec in cinerem redigerentur, ut facile ad  
 leuiorem redigi possent. Hic Æschrion sic paratum, promptum  
 semper in adibus hoc habebat medicamentum, tempore æstiuo  
 urens cancris ipsos post ortum canis, quando Sol in Leonem  
 transisset, Luna decima octaua. Porò bibendum hoc medica-  
 mentum, iis qui à cane rabido fuissent morsī, præbebat quotidie vs-  
 que ad diem quadragesimum, mensura cochlearij satis magni  
 aqua inspersum. At si non protinus ab initio, verum aliquot post  
 dies à morsu curam cœpisset demorsī, tunc quotidie duo cochle-  
 aria aqua inspergebat. Ad ipsum verò vulnus emplasticum ap-  
 plicabat medicamentum, quod ex pice Brutia, opopanace, ace-  
 rôque conficitur, habens picis libram unam, aceti acerrimi sex-  
 tantium unum Italicum, opopanacis verò uncias tres. Hæc ita-  
 que monita volui de cancris, quum nullus eorum, qui vsi illo  
 medicamento fuerunt, extinctus sit, &c. Galenus lib. 1. de  
 simp. medic. facult. tit. de caneris vltis

### PARAPHRASIS.

Alberti Magni inconcussa auctoritas est lib. 22. de  
 Animal. lib. tract. 2. cap. 1. canes nouem plurimum  
 morbis confictari; ita remedia apud Medicos reperian-  
 tur est necesse, quæ morsis à rabido cane rabiem auer-  
 tant, qualia Æsclepiades 5. lib. conscripta reliquit, apud  
 Galen. 2. de antidot. cap. 10. & quæ Damocrates in ele-  
 gantissimis Iambis, ex Nicerato, apud eundem lib. cit.  
 cap. 15. Cuiusmodi est album Heræ Cappadocis empla-  
 strum, apud eundem Galenum lib. 1. sec. gener. cap. 16. &  
 lib. de theriac. ad Pison. 1. 4. Dioscorides lib. cit. Gratius ve-  
 tus Poëta de venatione, & ceteri Principes loc. cit. Arnab.

duis in Breuiario, lib. 3. cap. 13. Conciliator discit. Gordon-  
 nius lib. 1. cap. 2. 17. Arduynus à fol. 385. usque ad fol. 402.  
 Varignana 1. part. tract. 3. cap. 2. Guainerius cap. 12. de ve-  
 nenis, Ponzettus eodem titulo, & ceteri citati Recen-  
 tiores.

Inter reliqua acidus rumex primatum tenet, cuius se-  
 men epotum, aut decoctum ab scorpione commorsis  
 opitulari affirmat Dioscorides lib. 2. cap. 106. Sed cum  
 rumicis quatuor sint species, illam intelligere oportet,  
 quæ cum hortensis sit, cæteris altior est, latioribus foliis  
 constans, & radice crocea, qua loco rhæbarbari in Italia  
 uti Medicos, Lacuna in comment. affirmat, quæ adeo va-  
 lentissimè purgat bilem, ut sua efficacia cætera purgantia  
 excedat; cuius antidoti vi biliosa, & turbulenta (quæ  
 sui acrimonia in ventre tormina, & turbationem effi-  
 ciunt, quæ venenosam labem amplius concipiunt) edu-  
 cuntur: de cuius viribus, aduersus plurimas, aliasque  
 venenosas ægitudines eleganter agit Ruellius lib. 2. de  
 natur. stirp. cap. 49.

Hoc ergo auxilium, contra rabiem à proprietate pro-  
 desse, patet manifestè: alioqui enim alia præsidia frigi-  
 diora, & humorem venenosum per urinam expurgan-  
 tia, hydrophobis auxilio essent, quod non experimur.  
 Plurima autem esse, quæ à proprietate, totaque sub-  
 stantia virus rabidum extinguunt, consentiunt vnanimi-  
 ter auctores.

De horum classe esse cancris fluuiatiles, Galenus con-  
 scripsit eo loco, quo est descripta historia hæc, contra  
 præceptorem Pelopem, qui ob id eos rabiei prodesse exi-  
 stimabat, quoniam cancer cum sit animal aquaticum,  
 morsis à cane rabido prodest, quibus videlicet metus est,  
 ne corripiantur affectu siccissimo nempe rabie: conue-  
 niunt autem fluuiatiles, non marini, quod animalia ma-  
 rina ob admissionem salis naturæ siccissimi, haud æque  
 exactam tuerentur eam, quæ est aduersus rabiem contra-  
 rietatem: neque hoc modo putes animalia fluuiatilia  
 esse rabiei præsentanea, quia similem cancris præpara-  
 tionem non admittunt; eo maxime quod horum cinis  
 exiccatorius cum sit, canum rabientium venenum ab-  
 sumit, & digerit. Sed hæc Pelopis ratiocinatio longè  
 abest à mente Galeni, qui hoc præsidium ex proprietate  
 totius substantiæ prodesse sibi persuasit: omnia enim  
 marina animalia similem patiuntur præparationem, &  
 vehementer exiccant, ut ostreorum, & conchyliorum  
 omne genus. Ergo hoc antidotum à proprietate iuuat,  
 quod miris laudibus auctores celebrarunt.

Andreas Lacuna lib. 2. in Dioscoridem, in com. cap. 10.  
 vlcera cacoëthica, & dolosa horum puluerum illitorum  
 vsu perfanasse gloriatur: & prius dixit Aëtarius 6. meth. 8.  
 qui illorum cinere cum cadmia desuper imposito, vlcera  
 cancrofa, & maligna perfanasse refert, & Dioscorides loco  
 cit. hoc auxilium summè probat, si in vino cum gentiana  
 assumatur, quod pro veneno rabidi canis domando esse  
 nulli secundum ibi inculcat.

Vrendi sunt in furno, & in patella æris rubri. Haly  
 Abbas 4. pract. 31. viuos esse assandos ait. Æschrion quo-  
 tidie hoc medicamen bibendum præbebat diebus qua-  
 draginta, mensura cochlearij magni (hoc est drachmæ  
 vnus) aquæ inspersum. At si non protinus ab initio, ve-  
 rum aliquot post dies curam cœpisset demorsī; tunc  
 quotidie duo cochlearia aquæ inspergebat, Auic. 6. 4.  
 tract. 4. cap. 9. ad quatuor vsque cochlearia progredi-  
 tur.

Eliguntur fluuiatiles, quod nihil falsi habeant, humi-  
 diorèsq; sint, quos cum aqua hordei summè probat  
 Auic. pro febris hæticæ curatione, 1. 4. tract. 3. cap. 4. ma-  
 ximè si prius suffocentur lacte; tunc enim dulciores, me-  
 liorèsq; fiunt: quorum copiam frequenter inueniri in  
 Græcia, Sicilia, Hetruria, & in vniuersa Italia, testatur  
 Rondeletius, cap. 14. de piscibus fluuiarilibus. Cætera  
 verò ad rabiem curandam auxilia in  
 praxi proponemus.

\* \*

## HISTOR. XIX. GALENI, De Rabie.

Theriaca tam foris vlceribus illita, quàm  
intus assumpta, rabiosos valen-  
tissimè iuuat.

**E**quidem olim mecum ipse aliquod remedium excogitans,  
hanc ipsam theriacam oleo rosaceo mollitam linamentis  
imposui, ac veluti medicamentum aliquod vulnerarium foret,  
vlceri superimposui, ut tanquam cucurbitula venenum trahere-  
ret: denique theriaca (perinde ac Paonia aliqua medicina) &  
foris imposita, & intus assumpta, presentaneum auxilium  
commoris à cane rabido præstat, &c. Galenus lib. de theriac.  
ad Pisonem, cap. 16.

### PARAPHRASIS.

**A**uxilia extrinsecus ictæ parti apponenda, non debe-  
re esse desiccantia, repellentia, neque ad cicatricem  
ducentia, immò attrahentia, dilatantia, relaxantia, atque  
emollientia, omnes auctores confirmant: nam in omnium  
virulentorum morsuum curatione enitendum est sum-  
moperè, ut per quam partem venenum in corpus pene-  
trat, per eandem foras extrahatur, atque euocetur; quem  
vsum attrahentia præstant emplastra, quæ virus alliciunt,  
& vulneris labra dilatant: horum descriptionem propo-  
nit Galen. 3. sec. gener. cap. 5. Quo pacto theriaca cum ca-  
lida sit & sicca, venenum ad exteriores partes euocare  
nata est, maximè cum à tota substantia venenum euincat,  
& ignis instar dissipet & absumat.

In potum verò assumpta theriaca, generosa, ac excel-  
lens est antidotus, quippe quæ non solum à plurimis  
morbis corpus facit immune, verum etiam à noxiis portio-  
nibus, & virulentorum animalium morsibus tuetur, ac  
defendit, ut lib. de theriac. ad Pison. cap. 2. protulit Galen. &  
peculiariter iis bene facit, qui à cane rabioso sunt icti, non  
modò in morsus initio, verum etiam cum iam hydropho-  
bici fiunt; dummodò tamen recens sit, nam potentiùs ve-  
neno aduersatur, refrigeratque, non exalfacit, ut Euricius  
Cordus eloquenter probat in suis poematibus de theriaca.

Sed multa sunt, quæ Medicum ab huius auxilij admi-  
nistratione auertere possunt. Nam aquæ formidinem,  
morborum omnium pessimum, comitantur totius corpo-  
ris siccitas, febris non ignaua, qua ægri intus vri solent  
(ex Gal. in eo capite quo est descripta historia hæc,) quæ  
putrida est, & venenata, ex putridis, corruptis, virulentis,  
& malignis humoribus pronata. Insuper in rabie adest  
calida admodum, & sicca intemperies, vniuerso rabientis  
animalis corpori communicata, ab humoribus venenosis,  
ac contagiosis excitata: quare si tunc theriacam propi-  
nes, nocebis impansè, corpus erit furibundū, & in igneam  
naturam veluti conuersum inflammabis, spiritus exan-  
descens, magis exustos reddes, solidas corporis parti-  
culas ad tabitudinem deduces.

His forsàn permotus Conciliator dis. 179, pugnacissi-  
mè contendit, theriacam à cane rabido morsus inutilem  
esse & nullius vsus, maximè quum nec Serapio, nec Ra-  
sius, nec Halyabbas, illius, in huius morsus medela fece-  
runt commemorationem. Sed errat toto cælo bonus  
Cōciliator, qui quid scriberet Galen. non vidit, quid ipse  
loqueretur, ignorauit. Nam theriaca non qualitate mani-  
festa, sed tota substantia, occulta cæcæque proprietate ictis  
à rabioso cane auxiliatur, alioquin in morsu viperæ non  
conferret, cuius venenum, calidum & siccum est, auctore  
Auic. 6. 4. tract. 3. cap. 21. & 2. 1. doct. 2. cap. 15. Aëtius re-  
trab. 4. serm. 1. cap. 21. Neque scordiam, caliditate prædi-  
tum, corpora à putredine posset præseruare, cuius hac in  
re tantam vim esse, 1. de antidot. cap. 12. Galen. est auctor  
ut quæcumque supra illud in prælio quodam interempto-  
rum cadauera, per multos dies insepulta iacuisent, diu-  
tius remanerent incorrupta, secundum eas potissimum

A partes, quæ herbam ipsam attigerant. Neque bonum argu-  
mentum, proponit Conciliator, quòd de vi theriacæ, pro-  
morsu virulentorum animalium veteres non meminerint,  
quum eam Dioscorides, Galen. Paulus, Aëtius, Auicenna &  
alii, miris laudum præconiis extollant. Quare non est in-  
terdicendum præsidium hoc, quoniam febris adest inten-  
sa, aut calida vrget viscerum intemperies: si enim frigidis  
medicamentis cardiacis id permisceas, & veneno, & febrì  
opitulaberis: sic in febre pestilente, theriacam, & alia ca-  
lida alexipharmaca exhibemus, quæ potiùs antipathia, &  
contrarietate iuuant, extinguendo venenum, quàm calore  
suo nocere queant. Theriaca ergo commoris à rabido ca-  
ne auxilium præstat, quia venenum ignis purifici instar ab-  
sumit, deuastat, & facultates corporis sumè roborat. Ig-  
nem autem, & medicamenta caustica super commorsam  
partem imposita, quæ suo calore ad partes externas vene-  
num potenter attrahant, esse necessaria, confirmauit Ioan-  
nes Thomas Minadoiùs, olim in Parauina Academia Pro-  
fessor clarissimus, disputatione de cucurbitulis corneis, vltione,  
& aurium sacrificatu: & non siluit perdoctus Melchior  
Sebizius in epist. de serpentibus in humano corpore repertiis,  
prope fin. immò cauterium ipsum, præsentaneum est auxi-  
lium, quia ut notat Ioannes Lygæus lib. 8. aph. com. 6.  
ignis putrentes qualitates puriores reddit.

## HISTOR. XX. GALENI, De Rabie.

**C** Humor in corpore aliquando progignitur,  
veneno rabientium canum simillimus.

**N**on est igitur absurdum, ut talis in corpore paulatim pro-  
genitus sit humor, qualis est & rabientium canum, & tra-  
ctu temporis longiore corrumpentium medicamentorum, ita ve  
plerumque Medicos lateant: quomodo in eo qui ob lassitudi-  
nem, ut videbatur, moderatissimè febricit, qui post quartum  
diem \* urinam secernit substantia quidem tenuem, sed colore  
nigram: ut in utroque eam, quæ ex paucis atramento scriptorio  
aqua multa diluto consurgit, mixturam repræsenteret: atque  
modo alio, si non atramentum ipsum dilutum intellexerimus,  
certè eam, quam multi appellant fuliginem. Visus est hic æger  
quarto die bene habere, ita ut sequentibus diebus lauaret, dein-  
de die septimo vespere cum febre capisset, labefactus obiit,  
&c. Galenus lib. 1. prorethet. sect. 2. com. 17.

### PARAPHRASIS.

**V**enenum in corpore a nasci, ex antiquorum, & Iu-  
niorum mente demonstrauius, tom. 1. huius operis,  
in com. hist. 50. & in hoc libro, hist. 1. In eo tamen gigni posse  
humores ita venenatos, qui rabidi canis venenum æmul-  
lentur, nullo ex cane rabido accepto contagio, eleganter  
ex observationibus Ioannis Baptistæ Cauallarij probant  
Marcellus Donatus lib. 6. de medic. hist. mirabili, cap. 1. ad fin.  
Petrus Salius lib. de affectib. particularib. cap. cit.

Præsentem ergo historiam scripsit Galenus hoc loco, ut  
hoc exemplo venenosorum humorum generationem com-  
probaret: nam cum proponit moderatissimam febrem, eam  
tamen ut lethalissimam, corpus breuissimo tempore extin-  
xisse asseuerat. Etsi enim attentè Medicus arte Hippocra-  
tica dignus, signa rimetur, inueniet Medicos in illius cog-  
nitione valde fuisse deceptos: miris enim, & placida cum  
videretur, non potuit non esse vehementissimè maligna, &  
ab huiusmodi humorum putredine succensa, quæ vene-  
ni efficaciam sortiuntur.

Hanc fuisse de genere hecctiarum pestilentium, quæ  
ob exuperantem calorem febrilem, attenuantem, colli-  
quantem, & adurentem sanguinem, corpus celerrimè ad ra-  
bē deduxit, ex historia satis patere puto. Urina enim nigra,  
etsi rarè ad bonum iudicet, prout lib. 2. hist. 127. prædixi-  
mus, incendium tamen internum demonstrat, & insignem  
notat humorum torrefactionem: quæ licet à frigiditate  
vehementi interdum oriatur, ut ex Gal. mente lib. 2. in com.  
hist. 132.



*hist. 1. 3. 2. probanimus, in hoc ægro hac de causa originem non duxisse, res est manifesta; tenuis enim cum illa esset, ex caliditate nigrorem fuisse effectum, signum erat evidens, quoniam ut perbellè docuit Gal. in com. 29. lib. 2. prog. Sanguis trahit nigrorem, si crematur, quemadmodum imnia alia corpora, & qui diutius in sole diversatur aestivo, nigri redduntur: ex vehementi verò frigiditate nigrescit in globos congefitus, & quidquid exstinguitur in plenum frigescentis, &c.*

Quibus signis hæc febris, ad tactum, & aspectum mitis, cognoscatur, cum sit inquieta interior, & de genere earum quæ hecticæ sunt pestilentes, de quibus Galen. 3. de presag. ex pulsib. cap. 4. satis abundè explicuimus lib. 1. in com. hist. 82. vnum solum constet, tantum fuisse incendium in visceribus excitatum, ut urinam atramento scriptorio, vel fuligini similem efficeret: fuligo enim est vapor terrestris ex materiis immodicè assis vtilisque, in hoc à fumo differēs, quod fumus mixtio sit ex terrestri, aqueaque substantia, materiis tantum semiustis: vel si per fuliginem intelligas substantiam tenuium partium, & terrestrem, summis caminorum parietibus adhærentem, ex multo rerum pinguium vstarum halitu, & vapore concrecentem, verè pronunciabis. Plinius lib. 3. 5. cap. 6. Columella lib. 1. cap. 6. vocant nigrum illud excrementum, quod ex fumo caminis, aut furnis adhæret.

Docet profectò Medicos Galenus, eosque instruit, ut in febris malignæ latentis cognitione non decipiantur, quam ex expiratione esse venendam loc. cit. confirmat; quæ si foetet, maximam febris huiusmodi suspicionē deprehendet. At licet thoraci manum imponat, facillimè decipietur, quia hæc febres non sunt calore vehementes, ex Gal. 3. simpl. tit. de terra Samia. Ne ergo mireris, ob venenatos humores intus delitescentes, hanc febrim ex putredine excellenti succensam, cum perniciofa qualitate cordi inimica coniunctam, ita furtim, sensim, & sine sensu veneni rabiosi promptissimi instar, corpus ad interitum deduxisse, quin Medici illius ideam agnoscerent, alleuationis spe valde delusi. Quibus autem signis leuamen in ægris falsum sit cognoscendum, & à vero distinguendum, diximus ex Galeni mente, lib. 3. in com. hist. 5.

## QVÆSTIO XXV.

*Utrum urina sit mixtum de nouo genitum, habens distinctam formam ab humore ebibito an alteratus potus.*

### COMMENTARIUM.

**V**rinam secrevit. Plurima de hydrophobiæ natura, & causis, ex veterum, & Classicorum mente, indagine scrupulosa protulimus: nunc consentaneum videtur alia prosequi, ex quibus vtilitatem Medici consequantur, ut sic ad ea quæ nostri sunt calculi respectemus: pergamus ergo ambigua Hip. Gal. & summorum Medicorum perpendere inuolucra, quæ à nostrorum scientissimis, inserta lucubrationibus suis, illotis manibus explicantur, & circa vrinarum argumentum; de quo disserit historia hæc, publico emolumento vtilia missitemus, ne in nostris operibus aliqua deesse possint, quæ ex aliorum monumentis cogatur nostræ artis studiosus emendicare: quo pacto non pigebit tantillum laboris in iis dirimendis suscipere, altius sic prius clarioris doctrinæ gratia ducto exordio.

Urina definitur à Gal. lib. 3. epid. sect. 1. com. 6. serum sanguinis, & aliorum humorum, quod à renibus per venas emulgentes attrahitur, & in vesica, veluti in extrema parte coaceruatur, & deinde per penem excernitur. Hæc, quæ est recrementum serosum ex secunda coctione emanans, quatuor habet causas. Materia vrinæ est humor ebibitus, aut liquor, quo cibi solidiores diluuntur, aut pars aquea ciborum: sed secundum maximam partem est potus, ex Gal. 1. simpl. 1. 3. & lib. de atra bile, cap. 2. & 4. de usu part. 5. & 1. natural. ult. nam vrina potus quantitati respondet. Formalis, est modus ille substantiæ, quem vrina per alterationem acquisiuit, ex miscella humoris biliosi, quam in iecore comparauit, quod enim formam præstat vtili, idem

inutili præbet: eadem enim actione, & eodem calore benignum, & excrementitium generatur: sicut enim fæces generantur in ventriculo simul cum reliquo chylo, in intestinis tamen figuram, & colorem acquirunt; sic potulenta materia in ventriculo, & iecore alteratur, forma tamen illius in renibus perficitur. Causa efficiens, est iecur, quod mediante sua actione, alterando, & perficiendo humorem serosum, & cum illo humoris biliosi portionem permiscendo, urinam generat; renes tamen attrahendo, ac separando ipsam perficiunt. Causa finalis est, ne sanguis per venas distribuendus pro nutriendis partibus, multitudinè seri esset vitiat, & impurus; nam vesicam, & renes ad expurgandam urinam fabricauit natura. Accedit quoddam partes vrina fruuntur, ac delectantur: nam hoc excrementum est illis suauissimum, ex Gal. 3. de facult. natural. cap. 9. nihil enim attrahit propter ipsum attrahere; & vesica vrinaria nunquam reperitur sine vrina, sicut folliculus fellis sine bilioso humore. De qua re lege Laurentium lib. 6. de hist. anatomic. cap. 20. acriter contra Iouberii opinionem disputantem. Deinde vrina humorum constitutionem, & partium dispositionem repræsentat.

Perferutaberis, quomodo inter se distinguantur lotium, serum, & vrina, hoc enim quæsitum hæcenus Hippocratis, & Gal. malè torsit interpretes. Dic, hæc vocabula apud Latinos etsi videantur synonyma, duplicem tamen patiuntur significationē, ut aduertit Gal. 6. epid. sect. 5. com. 14. dicens, linguam lotium significare, aut propriè sic vocatum, quod quotidie mictu eiicimus, aut succorum serum. Quare hæc dicuntur aliquando de tenui, & serosa cuiuscumque humoris parte: nam vnusquisque humor suum habet serum, quemadmodum lac habet in se serosam quandam humiditatem, quam serum dicimus, ut docet Gal. 3. simpl. 1. 4. In hac significatione sumitur à Galen. serum; 6. epid. sect. 2. com. 38. vbi docet, quoddam quemadmodum in lacte serosa quædam humiditas adest, quæ crassiorē eius partem circumfluit, eodem sanè modo in omnibus succis, & humoribus, serosus quidam, ac tenuis liquor reperitur, qui à Græcis appellatur ichor: quo loco ex mente Platonis docet, hos ichores inter se differre, secundum humorum naturas, à quibus deciduntur: hoc modo infestissimum est atræ bilis serum, minùs infestum flauæ, minùs quam hoc pituitæ, omnium mitissimum est sanguinis serum. In eadem significatione dicebat, 2. prog. 27. quoties sanguinis serum pariter cum vrina excernitur, colore subrubra apparet: & 1. prorrhæ. com. 4. ad princip. Determinatum (inquit) est, urinas nigras ob serum atræ bilis, vnà cum excrementis aquosis emissum procreari.

Secundò, Lotium, & serum significant etiam quintam substantiam, separatam à quatuor humoribus, & est illud quod per mictum eiicitur: in qua significatione sumitur à Gal. 10. simpl. tit. de sudore, vbi docet, eandē esse materiam vrinæ, & sudoris, & eundem generationis modum. Vrinæque (inquit) ex ebibito humore constat generatio, ex calfacto simul in corpore, & biliosa nonnihil substantia adepto.

Ex iis verbis plures hanc colligunt vrinæ definitionē, est potus alteratus, cui bilis portio est permixta. In qua definitione, per potum est intelligendū omne liquidum, quod sorbetur: ut sumitur 2. aph. 1. 1. facilius est impleri potu, quam cibo: nam pueri lactentes, qui non bibunt, vrinam reddunt, & ex alimentis solidis portio vrinæ debet separari, quia 4. de usu part. cap. 3. & 2. simpl. 1. 7. & 3. eiusd. cap. 5. in generatione sanguinis, vini, olei, & omnium succorum supersunt duo recremēta, præter aquam; & sic mirandum non est, si vrina excernatur in maiori quantitate, quam sit potus: verum quia maxima, & potissima vrinæ pars ex potu excernitur, meritò Auicenna 1. 1. doct. 4. cap. 1. in fine dicebat: Aquositas namque non est ex humoribus, neque est nisi ex eo quod bibitur, & non nutrit; neque est necessaria nisi in nutrimenti penetratione, & attenuatione, &c. Quod desumpsit ex Gal. 4. de usu part. cap. 5. quo loco vrinam esse vehiculum alimenti confirmat.

In eadem definitione vrinæ, per verbum [bilis] debemus intelligere alios humores, immò potiùs aliorum humorum ichores: quoniam in optima vrina sanorum, permiscetur etiā portio, siue ichor sanguinis, & propterea est subrufa, &

& subflava, & magis subrufa, quàm subflava, 1. *cris.* 1. 2. docuit Gal. scilicet manifestior est permixtio ichoris biliosi, quàm sanguinei, & sic *lib. 3. epid. sect. 1. com. 5.* dicebat, vrinam serum esse humorum in venis contentorum. Idcirco plures sic definiunt: *Est serum sanguinis, & aliorum humorum tenuius excrementum, vi hepatis, & venarum confectum à renibus transcolatum, in vesicam reservatum, & per penem excretum.* Lege Mercurialem, *lib. 3. de excrementis, c. 2.*

Constat ergo ex dictis, vrinam ex duplici substantia habere constitutionem, quarum vna est serum sanguinis, & aliorum humorum; altera est liquor, quem quotidie bibimus: quæ ambo in vnam vrinæ substantiam in iecore coëunt, quæ etsi simplex sit, vel sensui simplex videatur, ex duplici tamen substantia constat.

Quod autem vrina etiam fiat ex parte serosa humorum, præter Gal. 3. *epid. sect. 1. com. 5. & sect. 3. com. 41.* patet primo, quia in hyeme, & in aliis temporibus, sæpe multò maior est copia mictus, quàm potus. Secundò, quia quemadmodum docet Gal. *lib. 6. epid. sect. 2. com. 38.* ex Platone in *Timæo*, in omnibus succis, & humoribus, serosus quidam, ac tenuis liquor reperitur: cum igitur hic in venis sit permixtus substantiæ aquæ bibitiæ, & illi sit omnino similis, non videtur possibile solam partem aqueam à renibus attrahi, relinqui autem partem serosam humorum illi permixtā, maximè cum Gal. *lib. 2. de natural. facult.* asserat, seri genera quæ in succis habentur, omnia esse excrementa, parumque ab illis nutriri animalis corpus. Tertiò, quia plurimi morbi sæpe finiuntur criticè copiosa excreta vrina, sic per illam expurgante natura humorum serositates superabundantes. Quartò, quia aliàs non videtur, quomodo vrina indicaret supra salutem, aut mortem ægri: quare asserendum videtur, vrinam licet maxima ex parte fiat ex potu ebibito, tamen non solum ex illo fieri, sed etiam ex serositate humorum, quæ cum illo simul à renibus attrahitur, vt colligitur ex Galen. 1. *de sanit. tuend. 17. & 6. epid. sect. 1. com. 6. in med.*

Nec obstat, quod 2. *presag. com. 27.* scribit Hip. vrinam subrubram apparere, quum sanguinis serum simul cum vrina excernitur, perinde ac si in vrina naturali id serum non esset permixtum: nam hic locus debet intelligi de superabundantia seri permixti.

Nec obstat secundò, quod 6. *epid. sect. 5. com. 15.* inquit, *Naturaliter autē se habente creandis succis vna commutatus potus, & colore infectus, vinarum differentias facit, &c.* nam inde non colligitur solum potum esse materiam vrinæ, immò potiùs elicitur, ex aliqua parte esse humorum serositates; ab illarum enim commixtione potus colore infectus, vinarum differentias facit.

Vt verò dilucidè vinarum colores, substantiam, contenta, & cætera possis contemplari, plurima diligentia vti Medicus debet: nam vrinam debet inspicere matutino tempore, præsertim quum alimenti concoctio integrè est perfecta, collectaque sit in vase pellucido, totius liquoris capace; & illud in loco quietum & obturatum, sine agitatione permaneat, vbi nec à caliditate alteretur, nec à frigidityte corrumpatur: potest etiam inspicere meridie, vespere, & noctu, vt notauit Gal. *lib. de pracog. ad Posth. cap. 2.* Deinde vrinæ non fidendum, statim vbi excreta est; non enim datur locus, vt sedimentum, sublimamentum, vel nebula suas petant regiones, vt adnotarunt Actuarius *lib. de iudiciis vinarum. cap. 3.* Halyabbas 7. *theoric. 1. 2.* Cum hoc tamen stat optimum esse, inspicere lotium illicò postquam est excretum; nam aliquando à vesica perturbatum exit, postea verò clarescit; vel contrà clarum emittitur, post conturbatur; vel turbidum excernitur, & in eodem statu perseverat, vt docuit Gal. 1. *cris. 1. 2.* Quæ varietas varia significare solet, vt infra latè explicabimus.

Locus in quo inspicienda est vrina, non sit obscurus, nec luminosus multum, & intra horam inspiciatur, vt notat Auicenna 2. 1. *doct. 3. sum. 2. cap. 1.* Auenzoar *tract. 8. cap. 2.* hora tertia, & etiam decima ab exitu, asserit posse inspicere, Fernellius *lib. 3. patholog. cap. 9.* vsque ad horā sextam, sed rectiùs putat Auicenna. Nam si intra horam inspiciamus, non fallimur, & meliùs de colore, substantia, & contentis iudicamus: tunc enim non euanescere spiritus

A quorum vi quoduis contentum suum petit locum. Ex iis colliges, non esse fidendum putido lotio, quod ad Medicorum ædes à longinquis partibus defertur, corruptum enim est, & contenta ob nimiam agitationem sunt dissoluta. Neque deinde fidas vrinæ, quæ postquam perturbata est, ad ignem, vt clarescat, apponitur, quia consulente Baptista Montano 1. *consult. 1. 2.* etsi clarescat, multum tamen certitudinis amisit, mutatur enim color, quia partes vrinæ tenuiores à caliditate adustæ, quæ vrinam tingunt, euanuerunt: deinde mutatur substantia, hanc enim calor efficit naturalis, magis vel minùs attenuans, & commiscens, quod externus ignis præstare non potest, qui segregat & dissolvit: iam verò contenta ignis caliditate dissipantur, & resoluuntur.

B Aduerte tamen ne te decipiat vrina, quæ ab aliqua re extrinseca est immutata. Nam esu asparagorum, & aliorum foetet vrina, & ob vsum terebinthinæ refert odorem violarum, & ob rhabarbarum, crocum, sennam, rubiam tinctorum, & ob alia multa sæpè immutari solet. Sic ex vfu ciborum frigidorum, remisso natius calore, & sanguine crudiore genito, apparet vrina tenuis, & decolor. Hoc modo medicamenta diuretica, quum ad vias vrinæ humores deducant, vrinam in colore, & substantia permutant. Immutatur etiam à Venere: ex eius enim vfu vrina redditur pinguis, & solent filamenta in ipsa apparere, ex reliquiis feminis in meatu vrinario relictis. Etas etiam puerilis peruertit etiam iudicium vrinæ, ex lactis enim vfu, lactea excernitur.

C Reliquum est vt perpendamus, vtrum vrina sit quoddam mixtum de nouo genitum, habens distinctam formam ab humore ebibito; an potiùs nihil aliud sit, quàm potus alteratus: Respondent nonnulli, quòd quando potus non est aqua sed vinum, vel aliud liquidum, vrina est mixtum quoddam de nouo genitum: quandò verò potus est aqua, vrina non est nouum mixtum secundum maiorem ipsius partem, quia maior ipsius pars est aqua ebibita, alterata in corpore; secundum aliam partem nouum mixtum est, quia est serum sanguinis, & aliorum humorum: & sic probant vrinam non esse vnicam tantum substantiam, sed duplicem; vnicam tamen ad sensum apparere, quoniam ex duabus substantiis actu constat.

D Non esse autem secundum maiorem sui partem nouum mixtum, probari potest ex eo, quòd ait Gal. 1. *o. simpl. tit. de sudore*, vrinam habere generationem ex humore ebibito & in corpore excalefacto. Ergo in corpore solam recipit concalefactionem, & non mutat formam, & per solam alterationem fit vrinæ pars. Præterea aqua propriè coctilis non est, sed recipit alterationem elixationi similem. Deducitur, quia coctio, & putrefactio sunt passionες mixtorum, & idcirco Arist. de illis non egit, in *lib. de generatione*, sed *lib. 4. meteor.* vbi de passionibus mixtorum disceptat. Deinde aqua, simplex elementum est, Ergo coqui non potest, & ex consequenti solam alterationem in corpore recipit, & formam non mutat.

E Verum non minùs probabile nobis videtur, vrinam naturalem semper esse nouum mixtum, & vnicam tantum substantiam quæ vnam formam tantum habeat. Inducimur autem sic opinari, quia vrina naturalis verè cocta est, non quidem tanquam alimentum, cuius propriissima est coctio: (coctio enim, ex Gal. 2. *de facult. cap. 4.* est *mutatio nutrientis in propriam aliti qualitatem*) est tamen cocta, tãquam excrementum. Igitur aqua, ex qua vrina generatur, non simplicem alterationem, sed veram concoctionem recipit.

Insuper, si per solam calefactionem, aqua fieret vrinæ pars, non acquireret modicam crassitiem, immò potiùs attenuaretur, quum calefactio aquam magis attenuet. Ergo per veram coctionem incrassatur, ac proinde nouam formam acquirit. Vltimò, Calor ignis ita potest permiscere aquam cum succo carneo, vt efficiat vnum nouum mixtum, nempe eius; & ars ita permiscet aquam cum farina, vt ad ignem efficiat nouum mixtum, nempe panem. Ergo calor naturalis cum potentiùs permisceat, poterit etiam permiscere aquam cum ichoribus humorum, & efficere nouum mixtum, nempe vrinam.

Neque

Neque obſicias aquam non poſſe concoqui, quia ſimplex elementum eſt. Nam licet per ſe ſola concoqui non poſſit, poteſt tamen permixta cum aliis, nempe cum ichoribus: quemadmodum ſimul cum ſucco carneo coqui poteſt, ita vt amittat formam, & nouum quoddam mixtum efficiatur. Vtramque partem videtur recepiſſe Vgo apud Auic. 2. 1. doct. 3. ſum. 2. cap. 1. cum dixit, quod forma vrina aut eſt forma aqua, aut forma mixti multum vicini aquæ, qua videlicet licet aqua non ſit, eſt tamen aquoſitas, qua cum aqua maximam ſimilitudinem habet: quo nomine Ariſt. 4. meteor. cap. 5 appellauit aquæ ſpecies, vinum, vrinam, & ſerum.

Ex dictis poteſt deduci, in iecore vrinam confici, & formam ſuam ſubſtantialem ſuſcipere: cum enim vrina conſtet ex ſero humorum, aſſerendum eſt in eo loco ſerum humorum generari, in quo humores ipſi generantur, quū idem membrum vtili, & inutili formam præſtet. Hoc aſſeruat Auic. loc. cit. cap. 6. §. Et vrina quidem digeſta, venarum ſignificat ſanitatē, quoniam renū agilitudines digeſtionem non prohibent vrina, quia ipſa ſuper ipſos exiſtit. Vrinam autem in renibus non generari, ex eo conſtat, quia ſi illic generaretur, eſſet ſanè illorum excrementum, cuius contrarium probat Gal. aduerſus Lycum, lib. 1. de facult. natural. cap. ult. Lege Santorellum lib. 8. anteprax. cap. 3.

Vltimò dubitabis: vtrum vrinæ portio ſanguini permixta, functa iam ſuo munere deferendi alimentum in partes, retrocedat per vaſa iterum ad veſicam, etiam ex remotiſſimis corporis partibus. Ex altera parte eſt ratio potiſſima, quod affectiones extremorum per vrinam demonſtrantur, & vrina non ſolū iecoris, ſed vaſorum omnium coctionem oſtendit. Ergo ex omnibus vaſis deciditur. Sed contraria ſententia magis videtur cōſona doctrinæ Gal. eam ipſe aperte comprobare videtur 1. de ſanit. tuend. c. 12. parum ante finem. §. Nunc functum officio humidum, &c. Quo loco concludit, humidum quod fuit vehiculum alimenti in partes extremas, partim per molliora corpora, partim per poros, & exiguos meatus corporeæ molis vacuari; hæc autem vacuatio aliquando fit inſenſibiliter, aliquando per ſudorem: quod intelligebat 10. ſimpl. tit. de ſudore, dicens, eandem eſſe vrinæ, & ſudoris materiam.

Hæc pars ratione ſic poteſt confirmari. Partes extremæ habent facultatem expultricem, & commodum locum per quem excrementum aquoſum poſſint promptè propellere. Ergo fruſtra per tam anfractuſos ductus, & longinquas partes iterum ad veſicam propellent. Ad argumentum oppoſitum dic, venas omnes noſtri coporis maximum habere conſenſum cum iecore, à quo originem ducunt; & ſic vrina, quæ ex iecore, & venis maioribus deciditur, venarum, & partium extremarum coctionem indicabit. Notandum obiter, vrinam non ſolū ex venis, ſed etiam ex arteriis decidi, vt 1. de ſanit. tuend. 12. aſſeruit Gal, quia eſt ſerum ſanguinis, & aliorum humorum, qui non ſolū in venis, ſed etiam in arteriis continentur Lege Agidium Monachum in tract. de vrinis, in med. quem locum illuſtrat Gentilis in com. luculenter.

## Q V A E S T I O XXVI.

*Vrinum vrina ſubrufa, ſubſlaua, vel citrina, omnium ſit optima, vt voluit Galenus.*

Galenus Medicorum primipilus, in illo aureo cap. 12. lib. 1. de criſ. clariffimè docuit, optimam vrinam eſſe ſubrufam, & ſubſlauam, magiſque ſubrufam, quàm ſubſlauam: quam doctrinam explicat Vgo apud Auic. 2. 3. cap. 2. de ſignificationibus coloris vrina. Nam vrina tingitur ex ſero ſanguinis, & bile ruſa, & ex horum permixtione fit vrina ſubrufa, vel ſubſlaua; ſubrufa ex bile ruſa, ſubſlaua ex ſero ſanguinis: quare naturalis vrina non eſt abſolutè vel ſubrufa, vel ſubſlaua, de vtroque tamen colore participat. Et hoc eſt quod voluit Gal. vrinam optimam eſſe ſubrufam, & ſubſlauam, hoc eſt, habere colorem mixtum ex colore ſubruiſo, & ſubſlauo, magiſ tamen participare de colore ſubruiſo, quàm ſubſlauo, quia in vrina naturali magis manifeſta eſt bilis, quàm ſeri ſanguinei permixtio.

Hæc doctrina ex Gal. loco cit. confirmari poteſt, dicen-

te, optimam vrinam eſſe ſubruiſam, & ſubſlauam conſuetum, non verò diſiunctum, ſubruiſam, vel ſubſlauam. Præterea color naturalis optimæ vrinæ in homine temperato, & perfectè ſano, vnus debet eſſe non plures. Ergo non docet Galen. vrinam ſubruiſam eſſe optimam, & præterea vrinam ſubſlauam, ſed vrinam illam quæ colorem habet mixtum ex colore ſubruiſo, & ſubſlauo, qui color ab Auicenna citrinus appellatur.

Verum hæc expoſitio non eſt conformis menti Gal. Nam cum 2. prog. com. 26. doceat vrinam pallidam eſſe naturalem, & optimam: & cap. 12. de criſ. cit. pallidam vrinam aſſereret eſſe ſubruiſam, conſtat ſubruiſam eſſe naturalem, & optimam. Igitur in doctrina Gal. vrina ſubruiſa, optima eſt; non verò ea quæ ex ſubruiſo, & ſubſlauo permixtum colorem habet.

Quare color ſubruiſus per ſe eſt naturalis, & ſimiliter color ſubſlauus, neque vnus tantum color naturalis in ſanorum vrinis reperitur, ſed pro ætate, ſexu, & temperamento euariat. Nam marium, iuuenum, & bilioſorum vrina colorem intenſiorem habet; mulierum verò, ſenum, & pituitoſorum, remiſſiorem: quare in illis color ſubſlauus, naturalis eſt; in his verò, & temperatis, ſubruiſus. Idcirco in quibus color ſubruiſus naturalis eſt, color ruſus eſt præternaturalis: ſic lib. 2. de ſanit. tuend. cap. 2. in quibus laudat vrinam pallidam, quæ ſubruiſa eſt, reprobat ruſam; quod facit etiam 2. prog. 30. in quibus verò color ſubſlauus eſt naturalis, reprobandus non eſt color ruſus. Hoc nomine Ariſt. ſect. 1. prob. 52. vrinam coctam colore eſſe ruſo affirmat: & Galen. lib. 1. criſ. cap. 17. in fin. vrinam ruſam tenuem, alicuius coctionis, eſſi debilis & occultæ, indicium eſſe ſcribit: quam coctionem cum ob ſubſtantiam indicare nequeat, ob colorem indicet eſſe neceſſe: & ſic docet Gal. lib. 1. criſ. 12. Hippocratem 2. prog. 30. non ſimpliciter vituperariſſe vrinam ruſam, ſed quando ſimul cum ruſedine tenuitatem habuerit. Lege Ludouic. Lemosium lib. 2. de optima predicendi ratione, cap. 6.

Sed ex contextu Gal. in lib. 1. de criſ. cap. cit. emanat dubium ſcitū non indignum. Hic enim auctor poſtquam in perfectè ſanis vrinam debere eſſe ſubruiſam, & ſubſlauam pronunciauit, aſſeruit hanc vrinam eſſe mediocriter craſſam, quia ad hunc colorem ſtatim mediocritas ſubſtantię conſequitur. Cuius doctrinæ occaſione dubitandum: Vtrum cum bono colore neceſſariò detur mediocritas in ſubſtantia, an potiùs cum tenuitate ſubſtantię poſſit bonus color reperiri.

Quod non poſſit dari bonus color ſine ſubſtantię mediocritate, videtur colligi ex hac ſerie Gal. dicentis ad colorem ſubruiſum, & ſubſlauum ſtatim ſequi mediocrem craſſitiem. Præterea priùs in vrina generatur ſubſtantia, quàm color, quia color bonus per coctionem in vrina generatur, coctio verò priùs efficit ſubſtantiam, quàm colorem. Igitur prima digeſtionis operatio, inquit Auic. 2. 1. cap. 3. eſt ſubſtantiam efficere, deinde ipſam tingere. Ergo quando in vrina reperitur bonus color, debet etiam bona ſubſtantia, nempe mediocritas inueniri.

Ex oppoſito reluctatur Hippocrates lib. 1. epid. ſect. 3. text. 78. vbi referens hiftoriam Virginis Abderæ laborantis, ait, vrina tenues, ſed boni coloris: & 1. epid. ſect. 3. text. ult. vrina (inquit) perpetuò quidem boni coloris, ſed ienies. Secundò, apud Gal. 1. ad Glauc. 7. in fin. in principio tertianarum apparent vrinæ ruſæ, vel ſubruiſæ; color autem ſubruiſus, optimus vrinæ color eſt. At in hoc principio non poteſt in vrina ſubſtantię mediocritas eſſe, quia eſſet vrina cocta in principio morborum, quod eſt contra doctrinam Galen. in locis multis. Dari ergo poterit color bonus cum ſubſtantię mediocritate; vt eleganter probat Alphoſus Daga tract. de ratione cognoscendi cauſas vrinarum, cap. 3. de prauidentis vrinarum.

Tertiò. Vrina poteſt eſſe cocta ſecundum colorem, quin appareat cocta ſecundum ſubſtantiam, vt colligitur ex Gal. lib. 1. criſ. 12. quo loco poſtquam loquutus fuit de vrina alba tenui, loquitur de vrina pallidâ & ſubruiſa, quæ ſcilicet tenuis adhuc ſit: eam tamen quoad colorem attinet, eſſe concoctam, eo loco inculcat. Ergo poterit apparere coctio in colore, quin appareat in ſubſtantia: quod colligitur



colligitur ex Auic. 2. 1. cap. 2. de coloribus urinarum, dum inquit. *Et color quidem urinae in agnitionibus acutis incendentibus, trahit ad colorem Zafarani, & ignitatem: quod si ibi fuerit tenuitas, aliquamurationis significat imaginationem* (id est, vestigium occultum) *etsi non appareat in substantia.* Quod videtur etiam significare Gal. 1. cris. 12. quum docet, urinam rufam tenuem non reprobare ab Hippocrate, non ratione coloris, sed substantiae.

Vt verò huius dubij assequaris expositionem, aduerte primò, Naturam in coctione urinae, prius intendere generare substantiam, hoc est, mediocritatem substantiae, quam colorem bonum; quia per coctionem intendit assimilationem, quae potius per substantiam, quam per colorem acquiritur: & hoc est quod voluit Auic. loc. cit. dicens, *primam digestionis operationem esse substantiam efficere, deinde ipsam tingere.* Cum hoc tamen stat, in sanis simul bonam substantiam, & bonum colorem generari, quia ad bonam permixtionem bilis cum urina, non solum sequitur bona substantia, sed bonus color.

Aduerte secundò, Colorem bonum in urina posse generari, vel per coctionem, vel per solam mixtionem bilis ipsam tingentis: hoc secundo modo potest generari bonus color in urina, sine bona substantia; quod etiam per imperfectam coctionem fieri potest, per coctionem verò perfectam minimè: & hoc voluit Auic. 2. 1. cap. 3. cit. cum dixit: *In tenui autem, in qua multa existit tinctura, sicut tincturam non esse propter digestionem,* ac si dicat, in urina tenui bonum colorem non dari per coctionem perfectam, sed vel per solam mixtionem bilis, vel per coctionem imperfectam, ut verbis utar Gentilis in com. quoniam si bonus color in urina esset ob coctionem perfectam, cum eo simul daretur bona substantia, non tenuis. Quod autem per imperfectam coctionem possit generari bonus color sine bona substantia (quod monuit Vallesius 3. cont. 19.) patet, quia incipiens urinae concoctio potest manifestari in colore, non tamen in substantia; quia illud facilius est, hoc difficilius: & hoc voluit Auic. cap. 1. cum de urina tenui, boni coloris, dixit *ipsam significare, quod iam incipit maturatio, etsi non appareat in substantia:* & sic saepe gradatim procedit natura in urina, in qua multoties primò apparet coctio in colore, postea in substantia, tertio in contentis.

His praenotatis, solues quaestione si asseras, dari bonum colorem in urina cum tenuitate substantiae, dummodò bonus color solum ex bilis permixtione oriatur, vel ex coctione imperfecta; ex coctione verò perfecta non posse dari bonum colorem sine substantiae mediocritate: quod tamen intelligendum est cum limitatione posita à Gal. 1. epid. sect. 3. com. ult. ubi docet, ut nas tenues posse esse boni coloris, quatenus valet bonus urinarum color cum tenuitate coniungi, quia scilicet exquisitus bonus color non potest cum urinis tenuibus reperiri; quae si etiam prorsus tenues sint, nullo pacto bonum colorem habere possunt; nam omnimodam cruditatem ostendunt, & necessariò albescent. ex Gal. loc. cit.

Ex his patet, quid ad obiecta respondendum sit, & primò ad Gal. 1. cris. 12. urinam quae habet colorem optimum (subrufum scilicet, & subflauum) in iis qui supremum sanitatis obtinent gradum, necessariò mediocrem crassitiem habere, quia hic color per perfectam coctionem generatur, ex qua necessariò mediocritas substantiae consequitur. Ad Auicennam verò dicendum, quod licet natura prius intendat generare substantiam, quam colorem, potest tamen prius coctio manifestari in colore, quam in substantia: de quo argumento sat pulchra notauit Ioan. à Belloforti in libr. Gal. de urinae significatione.

Consequenter expendendum, an urina citrina sit etiam optima, quam Gal. lib. 1. cris. 12. vocat subrufam, & subflauam; & Actuarius 1. de iudiciis urinarum, subauream, vel subcroceam, quo nomine etiam appellat Gal. 2. prog. 10. & modicam mixtionem bilis, & feri sanguinis cum urina significat, & calorem moderatum, optimamque coctionem praestendit. Hæc apparet in homine exactè sano, ætate vigoris, optimam temperaturam habente, nutrito bonis cibis, modicè exercitato, in regione temperata degente, tempore anni temperato.

A Hæc ira vocatur, ob similitudinem corticis citri bene maturi, & collecta non multò post peractâ secundam coctionem, est lex, & veluti norma cæterarum, in qua substantia est mediocris, nec aquæ modo tenuis, nec ut iumentorum crassa; clara, non turbida; colore subaureo, atque subflauo, siue citrino, quem extremorum medium collocamus, quæritate media, & hesterno, superiorumque dierum potui respondens, aut aliquantulum parcius; nam nonnihil potus in corpus absorbitur. In hac hypostasis subsidet læuis, alba, æqualis, in acutum fastigiata, neque crassum quicquam subest, neque bulla, neque filamentum, neque horum quicquam quæ inter mala ab auctoribus, referuntur.

Hæc non solum inculpatâ omnem naturæ coctionem, sed & integram corporis valetudinem indicat, virque optimam temperiem; eiusque floridam ætatem significat. Dixi viri: nam urina mulieris, etiam si temperatissima sit, ætate florès non parum ab hac deficit, substantia quippe crassiuscula, nec ut viri, pura, & pellucida, sed aliquantulum impura, & multis innatantibus turbida, ut quotidiano experimento compertum est: scæminis namque plura, quam viris superflua, in vteri, vesicæque sedes confluunt, quæ plerumque urinae permiscetur, ut optimè notauit Fernellius tract. de urinis, cap. 10.

Euariat urina non solum ex parte temperamenti, sed ex parte sexus, temporis, regionis, quare licet color citrinus sit hominis temperati lotium, innaturalis erit urinae temperatae scæminæ: licet etiam affinis, & congruus ætati floridæ, erit dissimilis senectuti. Proinde omnia inspicienda sunt, & insuper conferenda, ut certissimè noscamus, quantum quis ab hac optima recesserit; tantum enim à perfecta, inculpabilique sanitate differet, quantum eius lotium ab optimo dissidere inuenies, quamuis in ægritudine lotium cum lotio eiusdem ægrotantis, dum erat sanus, conferre debeamus, quod eò erit deterius, quod ab eo dum sanus erat, distare videbis: nam sicut Hip. commendat vultum ægri sano similem, & præcipuè sui ipsius, 1. prog. 5. & Gal. pulsus qui ad naturalem ipsius ægrotantis proximius accedit: lib. de pulsib. ad tyrones, c. 2. & 1. ad Glaucon. c. 1. ita laudabile erit lotium, ei simile, quod tempore sanitatis excernebatur. Sic intelligo Gal. 1. cris. 12. in princ. ubi habet: *Ex urinis ægrorum illa optima, quæ urina saniorum simillima est, licet Ægidius in suis carminibus colorem prædictæ urinae rufum appeller.*

*In rufum vergens puri color amictus auri.*

Quem interpretatur Gordonius tract. de urinis, cap. 2. ita ut non habeat colorem auri puri, quod est in massa, quia hic ad rubeum obscurum vergit, sed habeat colorem aureum, prout in manibus fabrorum argenteorum cõspicitur qui color est subrufus & splendidus, clarus, rutilans, qui citrinus est, quæ Isaac in suo tract. de urinis, c. de colore urinae, citrinum clarum appellat: exponunt eius mentem Petr. Hispanus in com. & Thomas Cornachinus tract. de urinis, in med.

Sed dubitabis, quomodo Galen. tradat diuersos colores urinae optimæ: nam lib. 1. cris. 12. asserit esse subrufam, vel subflauam, & 2. porrhæ. com. 1. dicit eam esse colorem mediocriter subluteo, quod idem est: tamen 2. de sanit. tuend. 4. eam dicit modicè pallidam, id est, subpallidam, qui color remissior est. Dic Hoc nullam ingerit difficultatem, quum Medicus omnia sub quadam latitudine consideret, & colores subrufus, subpallidus, & subflauus valde affines sint: Dic præterea, colores urinarum in sanis varios esse, pro varietate sexus, ætatis, & temperamenti. Deinde in hominè temperatissimo vitiantur, pro diuersitate temporis in quo excernuntur, ut 1. cris. 12. docuit Gal. quare nihil mirum, si varios urinae optimæ colores constituat. Ex dictis explicari potest Arist. mens, 1. probl. 52. urinam rufam esse optimam asserentis: de quo negotio egit diligenter Valentianus Polidanius lib. 1. de urinis, in med.

## QUESTIO XXVII.

*Urina triplex sit urinarum turbidarum differentia, ut prædixit Gal. contra Brachelium.*

Inter postremos non infimæ notæ auctores Græcos (etsi Actuarius de urinis elegantissimum opus ediderit) primus



prima laus Galeni conceditur, ut qui hoc argumentum ab Hip. pluribus in locis veluti obscure descriptum, vbertim fuerit interpretatus, & praesertim lib. 1. de crisib. c. 12. Eo enim loco triplicem facit auctor hic praestantissimus turbidarum urinarum differentiam: at licet eius perutilem doctrinam Graeci cuncti amplectantur vlnis obuiis; tamen cum obscura sit, velut obex molestior, multum per sepe expolitoribus iniicit moramenti, quippe quae auribus paulo erectioribus minus satisfaciatur: eam ergo sic explicatam accipias velim, ut ab homine inculto, rudi, & qui nostrae scientiae sacraria abdita iamdiu non rimatur, sollicitè & assidue.

Trinco ergo urinarum turbidarum differentia numero continetur: prima, quando exiens perturbata, postea clarescit. Secunda, quando exiens perturbata, sic permanet. Tertia, quando exiens pura, & clara, postea perturbatur. Tres has differentias referens Rhafius 20. contin. c. 1. dicit ex sententia Pythagorae, per illas significari tria morborum tempora, non quidem distincta ex coctione, quia in nulla illarum datur perfecta coactio, sed potius secundum seuitiem symptomatum distincta.

Galenus tamen loc. cit. de crisib. affirmat, tria haec urinarum perturbatarum genera, actionem caloris natui in materiam significare; & sic docet primum genus significare parum adhuc inaequalis perturbationis remansisse, hoc est naturam iam agere, & citò esse superaturam, praesertim si quando clarescit, adfuerit subsidencia alba, laevis, & aequalis, ut inquit Gal. 4. de sanit. tuend. c. 4. de med. 5. Si vero celeris separatio, quod etiam confirmavit Auic. cap. 3. citato, dicens. Et significat quod iam natura superavit materiam, & ipsam maturavit, intellige, dummodo celeriter haec separatio fiat, ut notavit Galenus 4. de sanit. tuend. cap. cit. docens medicos, ut contemplantur non solum colorem, & substantiam eius quod subsidet, & separatur, sed etiam tempus in quo incipit separatio: nam quanto fuerit celerior, tanto celeriore morbi terminationem significat: & sic 4. Aph. com. 70. dicebat, de his perturbatis urinis verba faciens: nonnulla sedimen cito crassum habent, & cito morbum solum iri significant.

Urina ergo quae turbida exit, & statim clarescit, cum bono sedimento, parum abest quin perfectam coctionem significet, aut parum inaequalis turbulentiae superesse: id enim ei evenit quod vinis, cum generantur feruente musto; nam ad finem ebullitionis clara manent, & sine conturbatione, subsidente faece à vino ipso separata: quo etiam pacto in humano corpore, calor naturalis humores quos conturbauerat ad finem clarificat, subsidencia separata à reliqua urinae substantia: Nam caloris praecipuus effectus est, separare heterogenea, & congregare homogenea.

Ex iis apparet merito Auerrhoem 4. collig. 23. reprehendere medicos, asserentes nullum esse iudicium ferendum ex perturbatione, quae sit in urinis extra corpus, non intelligentes simul cum ipsa externi portionem spirituum, & caloris naturalis; quo nomine docemur seruire ipsas urinas cooperto vase, ne illarum portio evanescat: & propter eandem rationem etiam si timeamus ne infrigidentur non sunt tamen igni apponendae ut calefiant, quod aduertit Vgo apud Auicennam cap. 1. cit. de venis. Hanc urinae perturbatae differentiam inter alias perturbatas, mitiorem, & meliorem esse docet Galenus.

Secunda urinarum turbidarum differentia est, quae exiens perturbata sic permanet. Eam profert Galenus significare, vigere adhuc conturbationem, & humorum agitationem, hoc est, naturam quidem agere; at confusa adhuc esse omnia: de hac urina dicebat Galen. 4. de sanit. tuend. cap. 4. quod si turbida sit, crudis humoribus refertas venas indicat; non tamen cessare naturam, sed eus valenter concoquere: neque ex eo colligendum est, Galenum velle huiusmodi urinam, summam & perfectam, vel manifestam coctionem significare, quamvis dixerit, naturam non cessare, sed humores valenter concoquere, quia in c. 17. libri primi crisum, dilucidè docet, in urina hac nullam manifestam coctionis notam, neque aliquod augmenti vestigium apparere, sed debilis & obscura coctionis esse indicium, & indicare primum aegritudinis

Lib. V.

A tempus, quod principium appellatur, nondum esse transactum.

Quare ex iis notandum est morbi principium non propterea appellari tempus cruditatis, quia tunc natura materiae morbificae coctioni non incumbat, quum pateat ex citato Gal. loco, lib. 4. de sanit. tuend. naturam tunc semper valenter concoquere: appellatur tamen tempus cruditatis, quia etiam si natura tunc vehementer concoquat, nullum tamen manifestae coctionis, ob materiae resistantiam, & parvam moram in concoquendo, signum apparet. Quare videtur falsum, asserere in principio morbi naturam solum retentioni, non concoctioni esse intentam.

In urina ergo hac perturbata, nullum apparet manifestae coctionis indicium, occultam tamen coctionem significat: quia perturbatio quae agitationem indicat, dari crudorum humorum redundantiam, & naturae conatum in excoquendo significat. Ex quibus etiam colligimus, nullam esse repugnantiam inter Gal. 1. cris. 12. & in 4. de sanit. citat. Licet enim 1. cris. causam urinae quae perturbata manet; ad humorum agitationem, & perturbationem referat; at verò 4. de sanit. ad praesentem, & vigentem coctionem: utraque tamen causa diuersa non est, imò in idem recidit, quia ad naturae conatum in coctione, humorum sequitur agitatio, & perturbatio. Conatus ergo naturae ad coctionem, qui cum humorum cruditate reperiri potest, & ex coctione sequuta agitatio, causae sunt urinae perturbatae, quae talis perseverat.

Quo pacto redarguendus merito est Brachelius in com. Hip. loc. cit. qui huius antinomiae difficultate intricatus, Galenum in iis locis manifestè sibi contradicere asseuerat. C Hae urinae à Galeno iumentalis appellatur, vel subiugalis, vel qualis veterinorum: de hac dicebat Hip. 4. Aph. 70. dolorem capitis, vel praesentem, vel futurum portendere. Quibus febricitantibus urinae sunt perturbatae, quales sunt iumentorum, iis dolor capitis vel adest, vel aderit. Hoc intelligas iuxta praceptum Auic. c. 3. cit. de urinis: Cum autem perseverauerit, & timorosa significatio non adfuerit, significabit capitis dolorem, quoniam significabit ebullitionem, & vetustates vaporosas. Hae urinae oritur à flatulento spiritu sursum elato, cum calore contra naturam: non perturbatur in venis serum à flatu, & copia crudorum humorum, & calore, à quibus caput impletur. His delirium quoque ipsum, & convulsio à capite evenit, & si cum virium debilitate apparet, lethalis est, ut accidit uxori Philini, 6. epid. sect. 5. text. 15. at cum robore, & ex ignea febre, morbi diurnitatem portendit: ita explicant perdoctus Heurnius in com. cit. sent. aph. & Vallesius in com. cit. epid.

Auicenna in fine capitis citati, sic ait: & quandoque urina perturbata cum perseverat, significat Lethargium: quod desumpsit ex Paulo lib. 3. cap. 9. ubi de Lethargicis ait, urinae reddunt iumentorum lotio similem: quod Gal. 4. de sanit. cit. asseruit, similes urinas fieri aliquando ob imbecillitatem naturae, dicens. Si vero vel omnino nulla separatio, vel id quod subsidet, malum sit, imbecillitas naturae significatur, eoque ope aliqua ad succos percoquendos. Hinc fit ut Auicenna de eodem urinarum genere agens, c. 3. cit. post med. in hac verba prorumpat. Urina quoque fit grossa, & spissa, & est hoc propter casum virtutis, & non propter expulsionem, & ad finem capitis dicebat. Urina turbulenta multoties significat casum virtutis.

E Hae urinae solet apparere in febre maligna, & pestilenti, quae aliquando in colore varia est: nam aliquando vergit ad nigrum, ut constat ex 1. epid. sect. 3. text. 19. in historia Sileni; qui periit die undecima, cuius urina (inquit Hip.) erat turbida nigra; & de hac videtur intelligendus Galenus 2. prog. com. 12. 8. Urinas nigras quod fuerint crassiores, eo deteriores haberi observavimus. Nonnumquam apparet etiam albae, quas observavit Hip. 1. epid. sect. 3. text. 1. in uxore Philini, quae periit die vigesima, habens in undecima urinam multam, crassam, albam: qualis (inquit) est, quae in melle subsidet, quum agitata fuerit, reposita multo tempore, non subsidebat color, & crassitudo similis iumentorum urinis.

Similem urinam habuit Dromedae vxor, text. 28. sequentis. Fiunt etiam eadem rubrae, ut idem notat 3. epid. sex. 1. text. 1. in historia Hemocratis, qui periit die 27.

C C C c

cuius

cuius vrinæ erant crassæ, & rubentes, depositæque non subsidebant. Nec intelligendum est in febribus malignis semper vrinas esse perturbatas: nam aliquando aquosæ, & & tenues in ipsis apparent, ut notat Gal. lib. 3. de prasag. ex pulsib. c. 4. ad fin. dicens. *Inspicienda porro præ cæteris vrina est: etenim conturbata quorundam eorū videtur esse, & aquosior, ac nonnullorum multo quam sit pro natura tenuior.* Trāsfert Auicenna 1. 4. tract. 4. cap. 2. de signis febris pestilentis. *5. Est vrina eius aquosa, cholericæ, melancholicæ.* Vbi per melancholicam, interpretes intelligunt conturbatam.

Verum non semper in his febribus vrinæ conturbatæ apparent, quia aliquando vrinis sanorum similes apparent, ut docet Galenus 3. de prasag. ex pulsib. c. 4. parum ante fin. *5. Nec ex vrina quidem petere in huiusmodi affectibus firmā notitiam semper licet, sed est ferè anceps, colore, & sedimento similis naturali.* Cur autem in febre pestilenti appareat vrina simillima sanis? Respondent Barbari, quia videlicet natura perterrita, & succumbens, nullo modo conatur insurgere contra morbum, sed conuertit se ut corpus gubernet, velut in sanitate, atque ita nullum vitium in vrina apparet. Hanc tamen rationem, Rhetoricam appellat Gentilis 1. 4. tract. 4. cap. 2. dub. 5. quoniam natura non à consilio, sed ex necessitate semper agit; ac proinde non est dicendum naturam ob timorem, à coctione materiæ peccantis se abstinere; & nos hunc soluendi modum confutauimus ex professo, lib. 1. in com. hist. ult.

Sed iis apparentibus non oportet medicum perterrerī: nam interdum ex conatu naturæ expellente humores peccantes scaturiunt. Ita dicebat sapientissimus senex 4. Aph. 74. *Quibus speratur abscessus futurus ad articulos, eos liberat ab abscessu vrina multa, crassa, alba facta.* & sic Galenus dicebat, 2. prog. 3. 2. *As vrina quæ à colore naturali non exciderint, crassæque sunt, duplicem habent euentum, interdum ad mortem, interdum ad sanitatē propinquam, quæ admodum alia multa præter naturā, quippe corpus per illa repurgatur.* Trāsfert Auicenna c. 3. de vrinis, cit. post medium, dicens. *Quando cum vrina naturalis coloris, superflua est spissitudo, plerumque significat bonitatem expulsionis multarum materierum, cui exendi associatur facilitas, &c.* Et parum infra subdit. *Vrina quidem grossa bona est, quæ est crisis agritudinis splenis & febrium permixtarum, &c.* & 2. 4. tract. 4. c. 8. dicebat. *Et scias, quod aliquando mingunt infirmi vrinas malas in substantia sua, & colore, & aliis, & est illud expulsio critica, &c.* Ab aliis autem distinguitur hæc vrina perturbata, quia illæ morbum quodammodo inchoant, hæc verò morbum finit; illæ crudæ sunt, hanc manifesta atque perfecta coctio præcessit.

Tertia differentia vrinæ perturbatæ est. quæ pura excernitur, & postea conturbatur. Hanc dicit Galenus significare naturam nondum agere, sed postea esse acturam; quæ ratione in contextu inquit, eam virtute fortiore, & longiore tempore egere ad coctionem: quod non sine distinctione asseruit Galenus 4. de sanit. tuend. cap. 4. in med. Nā diuersa nota ab ipsa sumitur, vbi statim cum micta est, turbatur, aut vbi post; inquit enim. *Sin cum emingitur pura sit, protinus verò turbetur, naturam iam crudi succi aggredi coctionem significat manifestè: at si interposito tempore turbetur non protinus, sed post aggressuram significat.*

Has tres vrinæ perturbatæ differentias comparat Galenus 1. cris. 12. dicens, earum primam optimam esse, eam scilicet quæ exiens perturbata, postea clarescit; consummatam enim, & perfectam coctionem significat. Vltimam verò, quæ scilicet pura excernitur, & extrā turbatur, pessimam appellat; notat enim naturam nondum agere, sed postea esse acturam. Mediam verò, quæ nempe perturbata exiens, eo modo perseverat, medio modo se habere, nempe peiorem esse prima, meliorem tamen vltima; & sic dicit perturbatam quæ talis perseverat meliorem esse ea quæ pura excernitur, & extrā perturbatur; illa enim præsentem coctionem significat, hæc verò futuram.

Obiicies argutè contra Galeni mentem hoc modò. Quomodo Galenus 1. cris. 12. asseruit, vrinam quæ exit clara, & postea turbatur, esse deteriolem ea, quæ mingitur turbata, & talis perseverat, si Auicenna 2. 1. c. 3. de vrinis, parum post medium, contrarium firmat. *5. Illa verò quæ*

*ex ienuitate ad turbulentiam peruenit, & sic procedit, melior est ea quæ in turbulentia permanet secundum plurimas horas, &c.* Pro hac controuersia sedanda dic, vrinam perturbatam aliquando significare crudorum humorum copiam, quorum coctionem iam natura aggreditur: interdum verò, & sæpius non solum significare cruditatem sed agitationem & perturbationem, factam à calore putredinoso, simulque virium debilitatem. Quia verò comparat Galenus vrinas perturbatas, quæ solam cruditatem significant; ea autem quæ perturbata exit, & eo modo perseverat, minorem cruditatem significat, quàm ea quæ pura exit, & postea perturbatur; ideo perturbatam sic perseverantem, meliorem esse affirmat ea, quæ pura excernitur, & extrā perturbatur, quom hæc maiorem cruditatem ostendat. At verò Auicenna, propterea dixit eam quæ pura exit, & postea perturbatur, meliorem esse, quia hæc solum cruditatem significat, perturbata verò ita perseverans, plerumque non solum cruda sed etiam praua existit.

Solue secundò, si dicas Galenum loco cit. solum considerare turbulentiam ortam à calore innato per coctionem gignentem efferuescentiam in humoribus, quod verum est. Contrà Auicennam & Arabes etiam loqui de turbulentia, orta propter calorem præternaturalem, efficientem ebullitionem in humoribus; & ratione huius rectè pronuntiāt, vrinam quæ mingitur turbida, & sic perseverat, deteriolem esse ea quæ exit clara, & postea turbatur: & quod ita intelligantur hi auctores, constat ex eodem Auic. 2. 4. tract. 1. cap. 83 & ex Auerrhoë 4. collig. 23.

Obiicies secundò Cur vrina quæ exit turbida, postea clarescit, ob agitationem, & actionem caloris innati, si postquam vrina micta est, illicò cessat calor innatus, nec amplius operatur? Dic, in vrina postquam micta est, manere per aliquod tempus virtutem caloris, qui in eam, & malam humoralem, à qua deciditur, operabatur intra venas; vnde etiam postquam vrina expellitur, calor idem in eam similiter operatur atque si esset intra venas. Cōtrā accidit in vrina, quæ clara exit, & postea turbatur: nam hoc accidit ex debilitate caloris innati, coniunctas illius vrinæ partes retinere non potens: argumentū huiusce rei est quod homines imbecilles vrinā excernūt, quæ nō diu clara permanet, robusti verò clarā expellunt, & deinde clara persistit.

Quæres deinde. Cū medicus sæpè videat vrinas perturbatas, multo tempore postquam mictæ sunt, quomodo dignoscet, num vrinæ illæ perturbatæ, tales fuerint excretæ, an verò post excretionem fuerint turbatæ? Rhasis 23. com. c. de vrinis, ex Galeno, & priscis medicis, duos huius euentus causas esse affirmat. Prima est, quod quæ exit clara, & postea turbatur, nullam transparentiam habet, sed alba est, & instar pinguedinis concreta. Altera est quod si igni apponantur, clara redditur: quæ verò turbata ex vesica exit, transparentia prorsus non destituitur: & præterea quamuis igni apponatur, nunquam claritatem acquirit. Addunt alij, vrinam corruptam post mictum parietibus matulæ adhærere; eam verò quæ perturbata fuit excreta, non adhærere.

Verum antequam hinc discedamus, notanda est Auic. doctrina, c. 3. de vrinis, cit. ante med. 6. *Verum tamen inter crassam translucentem, &c.* Vbi traditurus præsentia vrinæ crassæ non perturbatæ: ostendit eam differre à tenui, quadrupliciter: primò, quia crassa si in matula moueatur, reddit inundationes magnas; crassities enim vrinæ non fert diuisionem in portiones paruas. Secundò, inundationes prædictæ propter partium crassarum grauitatem tardius mouentur. Tertiò, abundantior in ipsa excitatur spuma. Quarto bullæ ex spuma factæ ob materiæ crassitiem, tardius soluntur.

Quæres vltimò, Quæ sit causa turbulentæ vrinæ? Dic. Plures existimant esse frigiditatem aëris externam quorum sententiam latè refellit Actuarius lib. de dif. vrinar. cap. 10. primò, quia eiusdem hominis vrina in eadem aëris constitutione, & temperie, hodierna die non turbatur sequenti verò turbatur. Secundò, quia diuersorum hominum in eadem prorsus aëris temperie, alterius vrina turbatur, alterius minimè: non ergo ab externæ aëris frigiditate turbulenti vrinæ ortum ducit.

Eius itaque causa sex sunt: prima caliditas externa putrefaciens, & frigus congelans urinam. Secunda, expurgatio naturæ per vias urinæ. Tertia, extinctio caloris innati: hæc enim similiter, atque frigiditas externa, urinam turbat. Quarta imbecillitas facultatis retentricis, ratione cuius humores cum substantia urinæ promiscue miscentur. Quinta, validus calor præternaturalis faciens ebullitionem humorum, quæ tres posteriores causæ valde prauæ sunt. Sexta, calor naturalis aggrediens coctionem, sed eam non perficiens, unde efferuescentibus humoribus, & elenaris flatibus urina turbatur.

Galen. 1. *cris.* 12. & 4. *de sanit. tuend.* 4. & 4. *aph.* 70. agens de turbata urina, solum fecit mentionem de quinta causa, quia ea omnium potissima, & frequentissima. Auic. verò 2. 1. *doct.* 3. c. 3. docet causam turbulentæ urinæ esse terretatem, id est, crassitiem simul cum ventositate, quia licet illa sola permixta urinæ possit reddere eam turbulentam; tamen flatu turbulentiam maximè iuuat & conseruat, partium crassarum permixtarum cum urina, descensum ad fundum in modum sedimenti impediendo: & ob eandem rationem Gal. 1. *cris.* 12. & 3. *epid. sect.* 1. *com.* 5. & 4. *Aph.* 70. asserit conturbatam urinam fieri, quia illi permixti sunt flatu, velut in nouis vinis adhuc efferuescentibus contingit; quod intelligendum est de turbulentia urinæ orta ob sextam causam, vel quintam: nam à causa externa, ab aliis causis supradictis urina turbulenta sine flatuum permixtione fieri potest. Reliqua de urina crassa, & perturbata legat qui velit, apud Auic. c. 3. *cit. de urinis*, qui mentem Galeni bellissimè explanat.

## QVÆSTIO XXVIII.

*Utrum inter tennes urinas primum locum sibi vendicet aquosa, & alba, & malum portendat.*  
*Contra Valleium.*

**N**Il æquè immensam artificis diuini sapientiam demonstrat, quàm corporis humani fabrica, in qua ingerunt se plurima singulari digna admiratione, quæ sigillatim, ac curiosè, contentèque siquis exequi curet vix reperiatur finis ullus. Nam si quis contempletur exactè, quo pacto insipidus potus, & omnis liquor, cuiuscumque coloris sit, aut naturæ post tot transactos mæandros, & obliquos officinarum gyros, ab ore ad renes, & vesicam flauus accedat, postquam in animalis commodum suo munere functus est, & deinde urinæ in modum, ab omni natura sua exutus, imò amarus per penem excernatur, solertissimum præpotentis auctoris ingenium admirabitur.

Quapropter et si urina continuò in salubri corpore exeat subflaua tamen cum corpus à naturali symmetria deflectit, variis coloribus est imbuta, prout hic, vel ille humor in corpore superabundat, vt Gal. disertè admonuit 4. *de sanit. tuend.* c. 4. §. *astimare præterea urina tum consistentiam, tum colorem oportebit: cuiusmodi enim sanguis sit qui in vas continetur, ea planè ostendit; quare si is biliosus sit, serum quoque eius biliosum sit, necesse est idque pro vtriusvis bilis ratione; simili modo pituitosum, si is sit pituitosus.*

Color in multiplici est differentia: nam varij auctores varias eius tradunt species. Auicenna sex tantum proponit 2. 1. *doct.* 3. *sum.* 2. c. 2. Auctor libelli *de urinis*, quinque. Fernelius, vndecim. Actuarius, Ægidius, & Sauonarola lib. *de urinis*, cap. 2. & 25. nouem; quæ varietas, si benè perpendatur, nulla est: qui enim pauciores ponunt, sub vno nomine comprehendunt alias; qui plures, subdividunt membra.

Utrum vrinarum colores possint mutari gratia intemperamenti simplicis sine additione, aut diminutione humoris dubium est arduum. Actuarius lib. 7. *de iudic. vrinar.* c. 6. & 2. *de caus. vrin.* c. 8. videtur concedere. Idem etiam Gal. 6. *epid. sect.* 5. *com.* 14. vbi vniuersaliter docet, vrinarum colores fieri, & variari, pro varia succorum redundantia. Dic. Intemperamentum simplex, per se, & per suam simplicem actionem non potest producere, & variare colores; per accidens tamen colores vrinarum possunt variari à calore, & frigore: nam frigus facit corruptionem, & concretio-

nem, quæ in sanguine liuorem inducunt; qui cum liuidus est, urinam simili colore afficit. Calor auget, aut adurit bilem flauam, quæ urinam tingit; ob quam rationem inedia, exercitium, & ira urinæ colorem permurant.

Dic præterea, calorem posse etiam per accidens intendere urinæ colorem, non quia augeat, aut adurat bilem, sed quia urinæ partes aqueas absumat, & serositates humorum tingentium resoluat: ob quam causam cum humor reddatur purior, magis tingitur. Vel cum partes aqueæ permixtæ cum re colorante, secundum quandam partem absumantur, necesse est colorem relictum intendi: quomodo videmus aquam ex permixtione alicuius rei coloratam, si ad ignem efferuescat, magis coloratam reddi, non ob aliam causam, quàm ob assumptionem aquæ, quæ ex se colorata non erat: nam vt experimento quotidiano constat, si cum certa quantitate rei colorantis miscemus aquam, quod hæc copiosior fuerit, eò remissior color orietur, quod verò parciore extiterit, eò intensior reddetur color. Differt verò color à simplici intemperie profectus, ab eo quem humorum permixtio produxit, quia ille annexam habet tenuitatem, aut mediocritatem in substantia urinæ; hic verò urinam reddit, aut turbidam, aut crassam, ex Fernelio lib. *de urinis*, cap. 13.

Si ergo mentem Gal. lib. *cit. cris.* perpendamus, is quatuor differentias assignat tenuis urinæ, quarum prima exquisitè aquosa appellatur, siue exquisitè tenuis, eo quod in extremo tenuitatis est reposita, velut sublingualis in extremo crassitudinis sita est. Extremè tenuem, docet Gal. 1. *epid. sect.* 3. *com. ult.* bono colore præditæ esse non posse, sed eam albâ esse, quæ aquosa meritò nuncupatur; duas enim fortitur conditiones, quibus aquæ similis est, substantiam nempe tenuem, & veluti aqueam, & colorem album, vt restatur Hip. 2. *prog. com.* 32. vbi per vrinæ aquosas intelligit tennes quidem substantia, colore verò candidas: quanquam improprie liceat aquam, albam, siue candidam appellare, cum sit omni colore priuata, verum ob tenuitatem, & translucentiam alba vulgò nuncupatur, vt vitrum, crystalus, & ipsa aqua, quæ est Auic. *sententia* 2. 1. *doct.* 3. c. 2. *in med.*

Vocatur etiam hæc urina diluta à Celso, lib. 2. c. 4. *ad fin.* Plin. lib. 28. c. 6. *ad fin.* Hanc asserit Galen. 1. *cris.* 12. ad summum incoctam esse: quod confirmat 4. *de sanit. tuend.* c. 4. *in med.* cum inquit: Ergo ubi crudus sanguis est, utique tenuis aquosæque urina cernitur, nihil nec quod fidat, nec quod pèdeat, in se habens, & lib. 2. *prog.* 32. firmat, summam significare cruditatem humorum, concoctricisque facultatis imbecillitatem: & sic asseribat Auic. c. 3. *de urinis, cit.* Et in acutis quidem egritudinibus significat virtutis digestiua, imbecillitatem, & mutationis priuationem, quod tamen ita videtur intelligendum, vt non semper hæc facultatis coctricis debilitatem significet, sed per respectum ad humores, qui omnino crudi sunt.

Reprobaturnamque hæc urina in acutis morbis, & phrenitide, & sic 4. *Aph.* 72. dicebat Hip. Quibus urina alba, & perspicua, mala, præsertim si in delirantibus apparent, quoniam (vt ducit Galen. *in com.*) cum significant summam cruditatem, prius vires resoluuntur, quàm morbus concoquatur: & præterea cum morbus acutus breui debeat finiri humores autem exactè crudi, quales notat urina aquosa, citò coqui nequeant necessariò fit vt morbus ante coctionem terminetur, ac proinde ad mortem. Hæc ratione 4. *Aph.* 37. sudorem frigidum in acuta febre mortem, in mitiori, longitudinem morbi significare confirmat.

Auic. c. 3. *cit. de huiusmodi urinis* agens dicebat: quoniam cum perdurant, significant perditionem, nã bona signa adiuncta sint virtutis stabilitas: tunc enim exituram significant: quod defempsit ex Hip. 2. *prog.* 34. dicente: Qui tennes, crudæque vrinæ diutius mingunt, si cetera, vt in conualitibus, indicia fuerint, in his abscessum ad sedè infra præcordia expectare oportet.

Præter hanc causam malitiæ vrinarum tenuium, quam 1. *cris.* 12. assignat Galenus, quod summam humorum cruditatem significant, aliam 4. *Aph.* 72. rerulit, raptum videlicet humorum ad caput; quo nomine potissimum damnantur in phrenitide, vt loco *cit.* aduertit Galenus, asserens nullum phreniticum cum huiusmodi urinis se saluaturn vidisse: & sic Celsus lib. 2. cap. 4. citatum aphorismum



exponit, dicens: *Vrina diluta male, maximè in phreniticis*: A quod tamen multò intimius enarrabat Aëtius *1. ser. 1. c. 37*, dicens, *hanc urinam ante phrenitidem, in ardente febre portendere phrenitidem; post phrenitidem verò, mortem*.

Huius tamen sententiæ utraque pars distinctione eget, prima quidem, quia ex vrina aquosa in febribus, solùm significatur aut humoris cruditas, aut raptus ipsius, & non determinatur locus ad quem fiat raptus, quemamodum de deiectionibus albis notabat Galen. *1. prorrh. com. 17*. Quare *1. prorrh. com. 4* reprehendit auctorem illius libri, quia vrinas phreniticas appellauit; & idem affirmavit *2. prorrh. com. 2*. Rursus & in presentia, memoria tenere medicos oportet, nullum in urinis esse signum quod delirium portendat. Cum hoc tamen, si amice interpretaretur dictam sententiam quartam, lib. 1. eam non reprobaret sic enim ait. *Vrina in turbulentis, vigilibusque decoloris, nigra, sublime petentes, atque in sudoribus, phrenitica*: significans videlicet, ex urinis decoloribus, aquosis, vel ex nigris, sublime petentibus expectandam esse phrenitidem, non quidem in omnibus, sed in vigilantibus, & turbulentis; vigilia enim, & turbulencia cerebrum laborare significant. Hoc modo Philini vxor cum tenuibus vrinis incidit in phrenitidem, quia, vt notat ibi Hip. *subdito balano, cum cætera remitterentur, permansit capitis, & colli dolor, nulli erant somni, urinæque à principio erat tenuis, decolor, & vigesimo mortua est*.

Deinde quod profert Aëtius, vrinas aquosas, si adest phrenitis, significare mortem, intelligatur ex Auic. *2. 4. tract. 1. cap. 82*. si perseverauerint, & cætera indicia salubria non fuerint. Quare Epicæris vxor delirans octogesimo liberata est, nam vrina in illa tenuis, & subnigra non perseverauit, & postea excernebat vrinam melius coloratam, quæ multum habebat sedimenti, quod confirmat Hip. *6. epid. sect. 6. text. 20* dicens: *Vrinam multam subsidentiam habens à mentis morione liberat, qualis fuit Dexippi*. Si verò cum vrinis tenuibus cætera indicia fuerint salubria, expectandus erit abscessus, ex Hip. *2. prog. 14*. A quo tamen abscessu liberat vrina multa, & crassa exiens vel hæmorrhagia superueniens, *4. Aph. 74*.

Tertia causa, ob quam apparet aliquando vrina aquosa, sunt obstructiones renum, vterum, & vesicæ, etsi hæc opinio nõ omnino placeat Vallesio *3. com. 24*. Vbi docet, vrinam exactè tenuem duobus modis posse crassam reddi, aut substantia propria concocta, aut alicuius crassi humoris permixtione: priorem crassitiem firmat non posse colatura, aut obstructione deperdi; posteriorem posse quia hæc vrinæ tenuitas est priuatio illius crassitie, quæ per conturbationem efficiebat, quandoquidem possunt humores crassi & viscosi, qui antea referatis, apertisque viis cum liquore permeabant, nunc viis obstructis hætere suo lentore & crassitie; quo casu, quod reliquum est tenue, sine crassis humoribus exibat.

Christophorus tamen à Vega *tract. de urinis, cap. 2*, comprobatur, quamlibet vrinam ob obstructiones dictas posse reddi tenuem, & aquosam. Neque obstat, Galenum *1. cris. 12* solùm dixisse, ex urinis aquosis significari humorum cruditatem, quoniam solùm docet indicia ad distantiam futuri status cognoscendam; & sic *4. Aph. 42. cit.* dixit, vrinas aquosas significare fluxum bilis totum imperum sursum in caput factum; at verò *1. de loc. affect. cap. 1* affirmat, vrinam aquosam significare lapidem vesicæ. Quare hac de causa, illam ob obstructionem vasorum etiam posse euenire, coniectare merito possumus, vt plurimis experimentis facile paret.

Insuper vrina aquosa, non solùm extremam vasorum cruditatem significat, sed ingenrem retentricis debilitatem; quo pacto à potu sumpto statim excernitur: quam ægrotantes expellere in illa passione, quæ diabetes vocatur lib. *cris. 12*. eleganter inculcat, quæ affectio læuitati intestinorum comparatur & *6. de loc. c. 3*. caninæ etiam appetentiæ similem esse scribit: nam sicuti in canina vocata fame, alimenrum immodicè ingeritur ob appetitus vehementiam; ingestum verò subinde celeriter euomitur, aut fluore deiciatur, quia facultatem grauat; pari modo contingit in diabete, in quo affectu renes immodicè ad se potatam attrahunt, & venas, cæteraque partes exicant.

Hanc vrinam aquosam, quæ in hoc morbo celeriter excernitur, confert Galenus aquosæ exquisitæ, quæ retinetur, illamque hac multò docet esse peiorem, *1. cris. 12*. quod in hunc modum probat. Quantò plures instrumentorum cuiusque generis actiones, aut vires impeditæ fuerint, tantò deteriorem morbum censerì oportet. Sed vrina exquisitè aquosa, quæ statim ab assumpto potu excernitur, indicat non solùm facultatem concoctricem, verum & retentricem læsas esse, cum tamen exquisitè aquosa quæ retinetur, solius concoctricis læsæ indicium sit. Illa ergo quæ celeritè eiicitur, deterior est, præsertim cum in eo affectu facultas renum tractrix læsa etiam sit, quia plus attrahit, quàm attrahere debebat.

In tertia differentia vrinæ tenuis, docet Galenus *1. cris. 12*. esse eam vrinam, quæ vinum tenue & album præsefert, quam vrinæ aquosæ esse proximam asseuerat, & cruditatem significat, non tamen est omnino cruda, sed ad crudam proximè accedit. Huius generatio consistit, ex prædicta tenpi aquosa, parum bilis rufæ suscipiende; quod facile deprehendit, qui exterius in aquam puram parum ochræ iniecerit: est autem ochra, teste Gal. *2. prog. com. 39*, genus quoddam terræ, cuius potissima Attica probatur.

Quartam differentiam vrinæ tenuis, dicit loco cit. Galenus, esse tenuem subpallidam. Quintam tenuem pallidam, siue quod idem est, subrufam, quæ quoad colorem iam cocta est licet quo ad consistentiam minimè. Sed notare debes, has tres vltimas differentias, non in substantia, sed in colore separari, vt aduertit Henricus Rantzouius, lib. *de sanit. tuend. cap. 3*; *de coloribus vrina*.

At vt vrinæ colori albo vltimam imponamus manum, aduertendum est, hunc duplicem esse, ex Auic. *cap. 2. cit. de urinis*, alium translucentem album, alium non, ac si diceret intensè, & remissè album; sic enim diuidit Actuarius lib. *de urinis, cap. 8*. proponens tres gradus albedinis intensæ, quales sunt niueus, crystallinus, & aqueus; otidem remissæ, qui sunt lacteus, glaucus, & charopus. Priores tres, Actuarius teste, sicut intensæ albedinis, sic summæ cruditatis sūt indices; posteriores, vt à summa albedine aliquatulum recedunt, ita nõ adeo intensam cruditatē significant.

Porro hi colores sic appellantur, quod rebus, à quibus nomen acceperunt, similes sint. Glaucus dicitur, quia veluti cornu pellucidus est. Charopus, quod subalbidis, camelorum pilis sit similis. Hæ vrinæ, ex Actuarius lib. *1. de iudiciis urinar. 12*, & cæteris Græcis, humorum cruditatem, aut horum ad caput raptum significant. Auicenna *c. 2. cit.* particulariùs videtur distinguere, in *5. & eius quidè alia est, cuius albedo, &c.* docens quod albedo mucilaginosæ, multitudinem phlegmatis, & humoris crudi significat: si verò fuerit vinctuosa, & pinguedini similis, adipis liquefactionem ostendit, qui (vt interpretes notauit in com.) ex toto exit corpore, si febris ad fuerit; sin minus, ex renibus, & lumbis.

Idem Auicenna docet, quod si vrina fuerit alba, cuius albedo sit similis albedini fungorum, vel (vt aduertit in margine Bellunenſis) similis albedini feri, vel cerusæ, si saniosa fuerit; vlcera viarum vrinæ præsignificat: sine sanie verò, humoris pituitosæ copiam, & lapidem in vesica præostendit. De hac vrina agens Rhafius *10. cont. cap. 30*, dicebat: *Vrina sero, vel alba cerusæ similis, significat egrum in aliquo ex foraminibus vrinae vulnus habere*.

Prosequitur deinceps Auicenna, ostenditque albedinem similem genituræ, significare crism apostematum phlegmaticorum, vel morborum qui ex pituita, præsertim vitrea ortum ducunt; hac tamen conditione, dicit Rhafius *loc. cit.* vt si vrina lacti, vel spermati similis, sit pauca, paralyſim, vel apoplexiam demonstret; si verò sit multa, ipsarum solutionem portendat.

Pro coronide duo addam, primum ex Brasauolo in com. *sem. 72. lib. 4. Aph.* septem esse causas, ob quas vrina alba excernitur. Prima est, nimius aquæ, aut vini aquosi potus. Secunda bilis tingentis ad alias partes tractio, vt cerebrum, intestina, & aliquod quod inflammatur, membrum. Tertia, debilitas virtutis attractiue, & expulsiue viarum vrinæ. Quarta, debilitas retentiue iecoris, & viarum vrinæ. Quinta, frigiditas vehemens iecoris & memi 10



membrorum naturalium. Sexta, valida renum attractio. Septima, obstructio meatuum, & viarum vrinæ.

Secundum est Hip. in 2. prog. 3. In pueris vrina aquosa, deterrima est, quoniam, vt Galenus in com. confirmat, in eis omnia concoquantur ocysimè, præ robore facultatis alterantis. Deinde hæc vrina periculosior est in iuuenibus, & vergentibus, quàm senilibus; nam illis est impropertio nalis, quò enim symptoma quoduis à natura ægrotantis magis recedit, periculosius est, 2. aph. 34. Denique in initiis, & incrementis febrium, eiusmodi colores vinarum sunt prauis: præsertim quò vehementiores sint febres: nam multitudine materiæ putrefactæ, & crudæ præostendunt, aut humoris tingentis ad alia membra raptum indicare solent. Et hæc de vrina aquosa, tenui, & alba, quæ ad maiorem explicationem hist. 1. 3. lib. 2. summè sunt vtilia, & vsu frequentissimo confirmata.

## QVÆSTIO XXIX.

*Vrurum vrina rubra, viridis, livida, nigra, à calore semper ortum ducant.*

Postea verò quàm affatim vrinæ albæ genera exequuti sumus, quantum nostra paruitas ruit, ex multiuga auctorum lectione, Hippocratis placita subnotare non inconcinnum omnino fuerit: Is enim facundus auctor, lib. 2. prog. 27. sic ait: Si vrina subrubra fuerit, ac sedimentum subrubrum, & leue, diuturnior hic morbus, quàm primus, sed admodum salutaris. Quam sententiam priusquam interpretemur, aliqua de vrina rubra, & subrubra, adnotare non erit abs re.

Vrinæ rubræ tria tantum genera à Galeno connumerantur, eas namque diuidit in rubras, subrubras, & impensè rubras, seu prærubras lib. 1. prorrh. com. 3. 1. & lib. 2. com. 25. de quarum prædictione ita Gal. in hoc postremo loco ait. Volo autem vt memoria mandes, quæ de subrubentibus virinis in prognostico dicta sunt his verbis. Vrina subrubens si fuerit, sedimentumque tum subrubrum, tum laue, hæc priore quidem diuturnior, sed valde salubris. Subrubens igitur vrina, cuius meministi in prognostico, ab impensè rubra, de qua nunc agit, valde distat; nempe quòd impensè rubra, cruda & incocta sit, supra explicauit. Subrubentem verò commendat quidam tanquam salubrem, sed diuturnioris temporis signum esse ait. Quod verò rubens vrina in media tum impensè rubra, tum subrubentis constituta, medium tum laudis, tum vituperij obtineat, palam est omnibus. Hæc ille. Ex iis docemur, vrinam rubentem securitatem morbi portendere; minùs subrubentem; & adhuc minùs prærubentem.

De singulis in genere breuiter dicendum, & primò. Si vrinæ color sequitur exuperantiam humorum, & in omni homine sanguinis copia maior est, quàm aliorum, ex Gal. & Hip. 1. de nat. hum. text. 8. & 28. & 2. de elem. vlt. cur non omnis vrina apparet rubea? Dic, ex Actuario 1. de caus. vrinar. cap. 6. causam esse, quia natura tempore sanitatis, præsertim si humores non superabundent, nūquam excernit aliquem ex humoribus, qui alere corpus consueuerunt, (qualis maximè sanguis est) cum eiusmodi nutrimenti semper indiga sit. Dic secundo, quia renes à proprietate trahentes serositatem, bilem quidè, cum tenuior sit, trahere possunt, sanguinem verò non similiter; & licet attrahant, non dimittunt, quia eo egent ad nutritionem sui, illo enim aluntur 5. de vsu part. 6. prope fin. & 3. de natural. facult. vlt.

Secundò, quæ sit causa vrinæ rubræ? Actuarius 1. de caus. vrinar. cap. 9. latè docet, eam produci ob permixtionem vel serositatis sanguinis, vel bilis rubræ. Sed non videtur satisfacere; nam constat ex Gal. 6. epid. sect. 5. com. 14. bilem rubram esse sanguinis serum; & inferius subiungit, propterea Hippocratem dicere, rubeas vrinas à sanguine fieri, quia nec potest cogitari ab alio abundanti humore, vlla in parte colorem rubrum fieri. Deinde Auic. 1. 1. doct. 3. cap. 2. omnes species vrinæ rubræ, dominium sanguinis significare affirmat.

Dic. Bilis rubra datur, ex Gal. 1. de natur. human. 5. & 28. Auic. 1. 1. tract. 4. cap. 1. & 4. 1. cap. 20. & Classici eam concedunt libenter. Gal. vocat 6. epid. cit. sanguinis serum, ob Lib. V.

A maximam similitudinem, & affinitatem, quam cum eo habet; & ob eam causam comprehendens Galenus bilem rubram sub sero sanguinis, videretur dixisse loc. cit. vrinas rubeas fieri non posse, ob redundantiam alterius humoris à sanguine.

Causa igitur vrinæ rubræ, est superabundantia sanguinis, aut feri eius, aut bilis rubræ, aut ob alias causas citatas ab Auic. nempe ex iccoris, & renum imbecillitate, non separantium sanguinem à partibus aquosis; tum propter putredinem pituitæ intra vasa, ex qua ipsa pituita redditur rubea, & simili colore tingitur; quare vt inquit Auic. 1. 4. tract. 2. cap. 47. in febre phlegmatica vrina imprimis est alba, deinde fit rubida. Denique in plurimis morbis frigidis rubea apparet, vt accidit perisæpe in colico dolore frigido, in quo ob vehemètiā doloris comouentis, & agitantis, bilis ipsa actior fit, & sic vrina rubido colore insignitur, vt latè lib. 2. de praxi medica admiranda, obs. 63. comprobauimus. Ex iis aduerte, maximè errare Medicos, qui visa vrina rubida illico ad sanguinis missionem accedunt, quum multoties ab aliis causis, præterquam ab abundantia sanguinis hic color oritur; in quibus morbis frigidis, vt v.g. in hydrope, aut affectibus internis scirrholis, si sanguinem demas, in grauissima dampna resolutis spiritibus ægros coniciēs.

Tertiò. Quomodo tres species vrinæ rubræ distinguuntur, penès causas à quibus producuntur? Gentilis, & Iacob. respondent, vrinā subrubrā denotare excessum sanguinis arterialis, vel ferosi, vel tenuis, qui vergit ad naturā bilis: at rubeā significare excessum sanguinis venalis moderati in crassitie. Prærubram verò, quam Auic. puluerulentam appellat, excessum quantitatum sanguinis putridi ostendere, vt in synocho quotidiano experimento palam fit.

Quartò. Si vrinæ rubræ sanguinem redundantem in venis ipsis demonstrant, & omnis sanguinis corruptio praua est, vt c. 6. lib. de bonis. & vitio succor. docuit Gal. cur securitatem morbi prælagient, & non potius periculum? Dic, quòd vrina rubra non significat sanguinis putredinem, sed eius feruorem, & abundantiam, vt cap. 8. lib. de vrinis, & 3. prog. 34. retulit Gal. Huc respiciens Actuarius lib. 1. de prauis. vrinar. cap. 4. dixit: vrinam rubram in senibus longitudinem morbi, aut mortem prænunciare, quia cum in senibus copia sanguinis non reperitur ob atatem, superest vt imbecillitatem recenteris facultatis, sanguinem non continentis, aut immodicum febris feruorem significet.

Quintò. Cur vrina rubra morbi longitudinem significat, si apud Hippocr. lib. 4. aph. 7. morbi breuitatem prænunciat? Quibus septimo die fit crisis iis nubecula rubea in vrina apparet. Dic cum Gal. in com. dum sic ait. Nisi morbus valdè vehementer moueatur, septimo die non finietur cuius vehementia nubecula rubea est signum, quæ cum rarè appareat, rarò quoque talis morbi terminatio sequetur.

Sub vrina prærubra continetur vrina vinea, & passea. Illa teste Actuario, lib. de dif. vrinar. cap. 8. (quem in loco sicut in cæteris, fidè transtulit à Græco in Latinum sermonem Henricus Mathisius, Medicus percelebris) nomen accepit à vino nigriori, quod ad rubrum inclinat, coloremque hepatis habet. Notat hæc vrina, ex Actuario 1. de iudiciis vrinar. cap. 16. sanguineum humorem exassati, atque vel in cæruleam, vel in nigram bilem transmutari. Interdum apparet in sanis hominibus, qui multum laborarunt, aut longum iter fecerunt, tunc enim præ æstu, & calore sanguis exassatur.

Post vineam sequitur vrina passea: nam passeus color, ex Actuario loc. cit. ex intensione vinei coloris constat, & similis est vino passo; vel sapæ, vel cerasis nigrescentibus. Auicenna cap. 2. cit. appellat puluerulentam, quæ ex Actuario 1. de iudiciis vrinarum, cap. 17. humorem biliosum aduri significat; & si perseverauerit, auriginosum morbum adesse, vel futurum demonstrat, & probat Auic. loc. cit. significare ictericam; quod intelligendum est, ex Actuario 1. de præidentis vrinar. cap. 8. quando non adest febris: nam aliquando hæc vrina solet apparere in febribus malignis, quando corpus, & viscera vexantur incendio, & bilis exassatur, & turbantur humores.

Sequitur color viridis, quæ Græci chlori etiam appellant; CCCc ; lant;

lant, vt constat ex Galeno *lib. 1. prog. 7. & lib. 2. com. 20. 21.* A  
39. & 47. & *lib. 2. de rat. viſt. com. 22. & 6. de morb. vulgarib.*  
*ſect. 2. com. 17.* Viridis apud eundem Galenum *lib. de arra-*  
*bile, cap. 2. & lib. 5. aph. 1. & 2. progn. 39.* duplex eſt; porra-  
ceus videlicet, & æruginofus, vterque in ventriculo, &  
valis progignitur, vt hoc poſtremo loco Galenus edo-  
cuit. *In ventriculo, inquit, ob eſculentorum cruditatem; in*  
*vaſis verò ob nimium incendium, atque aſſationem.*

Vtrum verò viridis vrina ſit ſemper caloris ſoboles, du-  
bium eſt. Auicenna 2. 1. *cit.* reſert quinque viroris ſpe-  
cies, ſcilicet fiſticalẽm colorem Iriõs Indicũm, æruginõ-  
ſum, porraceum. Fiſticalis autem color eſt ſimilis colori  
fiſticorum: fiſtica verò ſunt grana ſimilia auellanis, ob-  
longiora tamen, in quorum medullis quum franguntur,  
apparet viriditas non pura, ſed cum quadam liuiditate  
permixta. Auicenna ergo has omnes, præter duas poſtre-  
mas, à frigida cauſa naſci opinatur. Idem docet Auẽ-  
rhoës 4. *col. 22.* licet poſtea oppoſitum inſinuare videatur.  
Gal. *lib. 1. prog. 10.* aſſerit, colorem viridem eſſe tanquam  
initium quoddam nigri, liuidique, quem frigus perinde  
quaſi nigrum efficit. Deinde, quemadmodum late docet  
2. *ſimpl.* nec ex colore, nec ex aliis qualitatibus poſſumus  
certò intelligere, an res, quæ in examen venit, ſit calida,  
an frigida, ſed id experimento ſolo intelligitur: color  
enim viridis, & in frigidis, & in calidis viſitur, vt appa-  
ret in oleribus, & fructibus.

Ex iis apparet, colorem viridem aliquando caloris, in-  
terdum frigoris eſſe ſobolem. Sed hoc loco non quæri-  
mus, an viridia omnia calida ſint, id enim falſum eſſe  
apertè conſtat; ſed an color viridis apparens in vrina, &  
ſimiliter in aliis excrementis perpetuò oriatur ob aduſ-  
tionem, & calefactionem, aliquando ob perfrigeratio-  
nem? De quo dicendum videtur, viriditatem vrinæ, &  
aliorum excrementorum, abſque cauſa manifeſta, perpe-  
tuò eſſe ſobolem caloris, vt conſtat ex 2. *prog. 21. 39. 47.*  
& *lib. 1. criſ. 12. §. Calor verò viridis ſit in tranſitu ad nigrum,*  
& quodã veluti principium nigrinam ſi morbus malignus fue-  
rit. & vomitibus, & alui excrementis, & vrinis viridibus poſtmo-  
dum nigra ſuperueniunt, & c. & *lib. 1. prorrh. com. 10. §. Flaua*  
*autem bilis cum ſupra modum aſſatur, primum quidem in ær-*  
*uginofum migrat ſuccum, deinde in nigrum; ſupra modum au-*  
*tem aſſatur propter febris magnitudinem.* Idem probat  
Actuarius 1. *de cauſ. minar. cap. 12.*

Ex quibus omnibus facile colliges, ſemper calorem  
immodicum eſſe cauſam excrementi viridis in ægrotan-  
tibus: nam aliquando ſanitatis tempore in ventriculo ſo-  
lũm bilis portacea gignitur, cuius cauſa non eſt aduſtio,  
aut ingens calor, ſed alimentorum cruditas, & eorum  
qualitas, aut praua concoctio, vt *lib. 2. de temp. cap. 6.*  
& *lib. de arra. bile, cap. 2.* notabat Galenus: explanat Val-  
leſius luculenter 1. *com. 18.* nam ea ſine periculo excer-  
nitur, 3. *alim. 39.*

Nunc ad oppoſita. Dic primò, illas tres ſpecies, quas  
Auicenna frigiditati tribuit, non verè ad colorem viri-  
dem pertinere; ſed potiùs ad liuidum, ſeu Venetum, qui-  
bus valde aſſimilatur, vt notauit interpres. Ad Galenum  
verò 1. *prog. 10.* Dic. Licet color liuidus à frigidityte fiat,  
non tamen proinde oportet viridem, qui eius quoddam  
initium eſt, ſimiliter à frigore fieri. Nam liuor dupliciter  
à frigiditate ſit, primò propter frigiditatem poſitiuam  
paulatim increſcentem; ſecundò, propter ſuffocationem  
refrigerantem, & extinguentem calorem innatum, quam  
ſolet antecedere vehemens calor; & ratione huius liui-  
dum colorem aliquando præcedit viridis, tãquam quod-  
dam rudimentum illius. Dic præterea Hipp. & Galenum  
ibi non loqui de colore viridi apparente in excrementis,  
de quo hic tantũ agimus, ſed de apparète in facie ægri,  
quem ex ſolo frigore viridem apparere cõttingit, vt *lib. 1.*  
*prog. 7.* aduertit Galenus: hoc enim nigrefacit ſanguinem,  
qui permixtus cum bile ruſa, qua ægrotatis facies ringe-  
batur, efficit viridem colorem; cuius coloris generatio  
explicatur à Plarone in *dialog. de natur.* Quare tantũ in  
excrementis viridis coloris generatio perpetuò à Galeno  
calori tribuitur, & maximum incendium ſignificat, & ex  
eo morbi malignitatem præſtendit; quæ tandem inter-

ſicit, præcipuè ſi æruginofa ſit, ex Auic. *cit.* Quod intelli-  
gatur, dummodò criticè non fiat, & præcedentibus ſignis  
coctionis à natura non excernatur.

De colore liuido nunc tantisper agendum eſt, de cuius  
cauſa plura diximus *lib. 3. in com. hiſt. 5.* qui tantũ frigi-  
ditatis eſt effectus, vt ſignat Galenus 1. *criſ. 12.* Quod in-  
telligatur, aut ratione frigiditatis poſitiuæ, aut priuari-  
uæ, ſcilicet frigiditatis, quæ ad extinctionem naturalis  
caloris conſequitur, ob caloris non naturalis vehemen-  
tiam reſoluti. Hic ergo color aliquando oritur ob mode-  
ratam atræ bilis permixtionem, vt colligitur ex Galeno  
2. *preſag. 22.* & docet Actuarius *lib. 1. de cauſ. vrinar. 13* &  
interdum ob modicam permixtionem melancholiæ, vel  
ob plagas, & verbera, ex Actuario *cit. & 1. de indic.*  
*vrinar. cap. 20.*

Galenus verò *lib. 1. criſ. cit.* ſolũm de prima cauſa fecit  
mentionem; nam ea ſola in morbis acutis vrinam verè li-  
uidam conſtituit. Oritur ergo color liuidus à frigiditate,  
id eſt, defectu innati caloris, & ſic vires maximè arguit  
imbecilles, vt ſcitè aduertit Galenus *lib. 1. epid. ſect. 2.*  
*com. 75.* Qui color ſi in extremis apparet, vnguibus ſcili-  
cet, ac digitis, cum corporis grauitate, celerem mortem  
præſagit, ex Hipp. 2. *prog. 8* ſi corpus adeò graue eſt, vt un-  
gues quoque ac pedes liuidi ſint exſpectanda continuo mors eſt  
Liuidus namque color ſemper in febribus malus eſt, 6.  
*epid. ſect. 1. text. 29.* modò criticè vacuatio non fiat, 4. *aph.*  
47. *Excretiones in febribus non intermittentibus, liuidæ, cruen-*  
*tæ, feridæ, omnes malæ: at ſi benè exennt, ſive per aui excre-*  
*tionem, ſive per vrinæ, bonæ.*

Inquires primò, cur ex defectu innati calidi liuidus  
exoritur color? Dic, experimento conſtat, apparere ſæpe  
liuidum colorem in partibus naſuo calore deſtitutis,  
etiã in cadauere hominis mortui, 8. *probl. 1.* Defectus  
enim natiui caloris dupliciter gignitur, primò à frigidi-  
tate poſitiua condenſante humores; nam ſicut in nube,  
ſi ob frigiditatem ambientis condenſetur, liuidus appa-  
ret color, ſimiliter humores à frigiditate poſitiua denſati  
liueſcunt: quare Galenus 4. *de ſanit. tuend. 7.* ex colore  
liuido, albo mixto, pituitam frigidiffimam, quam vitream  
Praxagoras appellat, in corpore redundare colligit. Fit ſe-  
cundò, à ſuffocatione extingente calorem natiuum, vt  
apparet in verberatis, plagisque affectis, in quibus ſan-  
guis ob dolorem ad partem dolentem confluens copio-  
ſe, & impetuoſe, ingentium partis calorem ſuffocat, pro-  
inde liueſcit ſanguis.

Inquires ſecundò. Cur proferat Galenus 1. *criſ. cit.* li-  
uidum colorem ſolius frigiditatis eſſe effectum, ſi ali-  
quando ex modica permixtione atræ bilis oritur, & ex  
modica portione melancholiæ, vt ſuprà docuimus? Dic.  
Quia mens illius in *lib. de criſ.* eſt docere, quo pacto &  
præſens criſis poſſit intelligi, & futura præcognoſci: ve-  
ra autem, & propria criſis inuenitur in morbis acutis,  
qui celerrimè mouentur, iccirco de liuido colore men-  
tionem non fecit, cum ex permixtione atræ bilis, vel me-  
lancholiæ progignitur.

Instabis primò. Quomodo poteſt liuidus color per-  
petuò oriri à frigiditate, ſi vomitio liuida quæ graue  
E olet, & citiſſimam indicat abolitionem, ex Hipp. 2. *prog.*  
41. à calore emanat: nam fœtor à putredine oritur, 1. *prog.*  
*ult.* & hæc à caliditate extranea ortum ducit, 4. *meteor. 1.*  
& 11. *meth. cap. 8.* Dic. Hæc vomitio putredinem indicat  
cum extinctione, vt Galenus aſſerit in *com.* Quare ſicut  
vbi dantur duo effectus diuerſi, fœtor nimirum, & liuidus  
color, ſimiliter dantur duæ cauſæ, ſcilicet abundantia ex-  
tranei, & defectus proprii, innati que caloris, illi tribuitur  
fœtor, huic liuor, ideo hic ſemper ex penuria prodit ca-  
loris innati.

Instabis ſecundò. Color niger, vt patet 1. *criſ. 12. & lib.*  
*de vrinis, cap. de nigro colore,* à calore vehementi, & à fri-  
gore originem ducit. Igitur liuidus, qui eſt veluti princi-  
pium nigri, immò eſt niger remiſſus, ab eiſdem oriatur,  
cauſis, licet remiſſis. Dic. Liuidus color ſumitur duplici-  
ter, propriè, & impropiè: primo modo, pro calore plũbeo,  
& intermoruo, qui ſolummodò oritur ex inopia innati,  
caloris: impropiè, pro colore illo nigro remiſſo, qui  
aliquando

aliquando à calore gignitur; verum hic nonnihil splendoris habet, & ad viridem declinat, quod in plumbeo, & intermortuo non reperitur.

De nigro colore urinae, constans est sententia Galeni 1. *cris.* 12. & 1. *prorrh.* 4. & *lib. de arrabile, cap.* 37. fieri vel ob nimiam frigiditatem mortificantem calorem innatum, vel ob permixtione atræ bilis, genitæ ob vehemētissimum calorem, affantem bilem flauam, vel melancholicam, tum ob permixtionem melancholici humoris: firmant Actuarius 1. *de causis urinar.* 13. & Aëtius 1. *tetrab.* 2. *serm.* 1. *cap.* 44. de quo argumentò satis multa diximus *lib.* 2. *in com. hist.* 127.

Verum rogabis, si color niger & à calore, & à frigore emanat, quo pacto Medicus agnoscat an à calore, vel frigore originem ducat? Dic. Si prius fuerit mixta liuida, deinceps nigra, à frigore sine dubio ortum ducit, si verò flaua, vel viridis, à caliditate, ex Gal. *lib. de urinis, cap.* 23. & Aëtio *cit.* & Actuario 1. *de indiciis urinar.* 10. Præterea si nigra à caliditate sit, aliquantulum splendet: si à frigiditate, penuriæque caloris innati, intermotua est. Accedit quòd in exitu, si à calore gignitur, sentitur ardor, & fœtor.

Urinam nigram non semper pessimam esse, immò in morbis plurimis melancholicis quandoque salubriter excerni, ex priscorum mente diximus, *lib.* 2. *in com. hist.* 132. An tamen sit deterior liuida, difficile est explicare. Dic. Si vterque color ab vna causa emanet, vel à frigore extinguente calorem innatum, vel à calore adurente humores, perpetuò niger deterior est, & periculosior; est enim terminus liuidi. Si verò niger ortus à calore, conferatur cum nigro orto à frigore, simpliciter hic deterior est; frigiditas enim mortificans calorem innatum, deterior est calore adurente humores. Si autem vterque calor oriatur ob aliquam criticam vacuationem humoris nigri, liuidus deterior est; crassum enim imperfectam, & imbecillitatem virtutis significat, non potens nisi parum de humore noxio vacuare: & ob oppositam causam melior est; & ob hanc rationem existimo Hip. 2. *prog.* 9. dixisse: *Si digiti, ac pedes omnino nigrescant; minus pestiferum est, quam si liueant.* Quòd si vterque color oriatur propter aliquam symptomaticam vacuationem dicti humoris, constar nigrum multò deteriore esse liuido. De variis urinarum coloribus, & præfagiis, Consule Vdalicum Binder in suo *speculo videndi urinas hominum*, qui appositè de hoc negotio disseruit.

### Q V Æ S T I O XXX.

*Virum materia sedimenti in sanis, sit portio chyli inconfecta, & diuersa à materia sedimenti agrorum. Contra Turisanum, Fernelium, Cassanum, Cardanum, Santorellum, & alios Medicos doctissimos.*

**I**ndissolubilis est hæc quæstio, tot opinionum labyrinthis intricata, in cuius contemplatione caligat mēs, & altioribus mersa tenebris, rapitur transuersa. Hanc nos agitabimus breuiter, & relictis multorum sententiis (has enim esset immensum recitare,) veritatem sine ambagibus exponemus, aduertentes Galenum 1. *cris.* 12. tres contentorum differentias assignare, locis inter se distinctas, quæ omnes inepre à pluribus nomine hypostasis comprehenduntur, vt docet Auic. 1. *1. doct.* 3. c. 6 prima subsidet in ima parte matulæ, & propriè vocatur hypostasis, sedimentum, & subsidentia. Secunda residet in media parte, & vocatur Enzorema, appendiculam, & suspensum. Tertia supernat in vrina, & nominatur nephele, seu nebula. De prima igitur specie contentorum urinae, quam propriè hypostasim vocant Medici, modò agendum nobis est.

Hæc tria sicut loco differunt, sic præstantia, & significatione: nam cum calor insitus, & naturalis perniciosos humores prorsus euicerit, atque concoxerit, bona sit hypostasis, alba, læuis, & æqualis, quam Hipp. *lib.* 2. *prog.* 26.

**A** commendat nimis, & quæ est omnium perfectissima. Enzorema verò etsi album, læue, & æquale sit, minus tamen bonum est, quàm hypostasis; & debilem quodammodo calorem ostendit; qui nondum plane cociam materiam subigere, & à flatu exutam in fundum depellere potuit. Nubes denique alba, læuis, & æqualis, bona etsi sit, à cæteris tamen longo intervallo recedit; cruditatis enim, imbecilliorisque caloris est nuncia. Si verò sedimentum, vel enzorema, vel nebula fuerint præter naturam, vt nigra, aut liuida, tantò sunt deteriora, quantò magis ad locum hypostasis deurgunt: nam sicuti si bona, naturaliaque sunt, quò magis ad fundum vasis declinant, eò maiorem victoriam caloris naturalis arguunt manifestè; sic præternaturalia, caloris extranei maiorem excessum significant.

**B** Sedimentum ergo duplex est, in sanis vnum, in ægris alterum: vtrumque causam habet materialem, & formalem. Illud plusquam commentator *tract. de hypostasi*, asserit sedimentum laudabile, esse partem chyli non integrè confectam, nec in iecore in sanguinem absolute transmutatam; quæ simul cum vrina expurgatur; & sic inquit, non appellari propriè excrementorum secundæ coctionis, sed id quod in illa in sanguinem conuerti non potuit.

Esse autem sedimentum partem chylosam (vt ita dicam) infanguificatam, in primis probari potest ex Galeno 1. *cris.* 12. dicente urinam quæ sub sedimentum bonam, & multam fecerit, signum esse plus vacuari de humore, qui crudus appellatur. Sed non est intelligendum, hunc humorem crudum, esse pituitam, quia licet illa per comparisonem ad sanguinem, possit crudus humor vocari, quia infra sanguinem subsistit, non dicitur simpliciter humor crudus; nam inter illum, & pituitam, distinctionem inuenit Galenus *lib. de plenit. cap. vlt. ad med.* Dicemus ergo, multam subsidentiam significare euacuationem multi humoris crudi, id est, chyli non integrè confecti, nec in sanguinem, & alios humores transmutari. Hoc etiam innuit 1. *cris.* 2. cum docet, in pueris, edacibus, & otiosam vitam agentibus, plus de hoc crudo humore coaceruari, ac proinde in illorum urinis plus de sedimento per sapientiam apparere.

Præterea deducitur ex Gal. 1. *prog. com. vlt. ad fin.* vbi inquit. *Quicquid enim alimenti in sanguinis generatione naturæ refugit confectionem subsidet in vrina, neque vt sanguis ab ea commutatum, neque vt pus causa præternaturam particeps.* Sed id quod in sanguinis generatione naturæ refugit confectionem, non est aliud quàm portio chyli inconfecta. Illa ergo est sedimentum.

**D** Sed hæc opinio est reiicienda ob multas causas: primo, quia sequeretur, quòd in principiis morborum vrina plus sedimenti haberet, quàm in statu, quod non experimur: quia tunc plus est de crudo, & inconfecto succo, quàm de sanguine, quum natura imbellis sit; & humorum copia grauata. Hæc ratione vitur Auicenna contra Rhazium, 1. 4. *tract.* 2. *cap.* 7. §. *At si iste non audiuisset in sermone antiquorum, &c.*

Secundo, Si sedimentum esset portio chyli inconfecta, quum generetur per cruditatem, quomodo posset significare coctionem factam in iecore, & venis, & distinguere morborum tempora, quæ penes gradus humoris peccantis solent distingui?

**E** Tertiò. Sedimentum, veluti lac, & pus, debet esse candidum, quia assimilatur partibus solidis quæ sunt candidæ, dum transmutatur ab illis. Si igitur iecoris, aut venarum, & partium subterfugit coctionem, non poterit illis assimilari secundum colorem.

Ergo sedimentum cum appareat album, propter alterationem quam recipit, in poris vasorum, & reliquorum membrorum radicalium, ex Gal. *lib. 1. prog. com. vlt.* est excrementum tertiæ coctionis, quæ in meatibus solidorum perficitur, vt firmant Auer. 4. *col.* 24. & Ishaac *lib. urinar. part.* 8. Quare illud non est aliud, quàm portio sanguinis, quæ in substantiam vasorum radicalium non potuit transmutari, sed postea cum vrina expurgatur.

Intellige tamen per tertiam concoctionem, factam in



poris venarum, non verò eam quæ in meatibus membrorum extra venas celebratur; cum enim hæc concoctio fiat in partibus singulis, recementa illius cum sint meatibus impacta, neque ad venas recurrere, neque cum vrina expurgari possunt, sed per ipsas partes sordium, aut sudoris instar vacuantur, aut per insensibilem transpirationem evanescent, ut 1. de valet. tuenda, c. 12. aduertit Galenus. Licet enim totum corpus ex toto trahatur, & toti impertiatur, vnâque omnium confluxio, & conspiratio esse videatur, ut ex Hipp. docet Galenus 3. nat. al. 13. Tamen nunquam à dictis partibus fit retrocessus ad viscera, nisi cum magna vrget necessitas, sicut per famam fieri docuit Galenus 3. facul. cap. citato.

Verum hanc doctrinam auctoritates, & rationes oppugnant. Nam Galenus 1. cris. 12. ait, bonam & multam subsidentiam significare vacationem multi humoris crudi: hic autem in tertia coctione non gignitur. Ergo sedimentum non est portio sanguinis, non commutata in substantiam membrorum.

Secundò. Galenus 1. cris. cap. 5. §. Nam cum adhuc coquitur sanguis, &c. docet, quod quando sanguis concoquitur, vrina multam, & bonam subsidentiam facit; postquam verò perfecta est concoctio, color quidem vrinæ intenditur, minùs autem subsidet. Sed quamdiu sanguis coquitur, non fit tertia concoctio; quando verò perfectè sanguis coctus est, tunc fit tertia. Ergo multum euacuaretur excrementi tertiæ coctionis, antequam ipsa fiat; paucum verò quando ipsa fit, quod est impossibile. Tertiò, Galenus lib. 3. meth. cap. 3. ad princip. & 1. de sanit. 12. ad med. duo tantum recenset excrementa tertiæ coctionis, quorum neutrum sedimentum est. Ergo hæc doctrina, Galeni mentis consona non est.

At hæc facillimè solues. Dic ad primum, Galenum cit. comexu solum velle vrinam facere multum sedimentum, quando sanguis multo humore crudo abundat, quia videlicet multum illius superest incommutatum in substantiam membrorum, quod abit in formam sedimenti. Ad secundum dic, velle Galenum illo capite, vrinam facere multam subsidentiam, quando sanguis non in secunda, sed in tertia coquitur coctione, qua scilicet in substantiam membrorum transmutatur; paucum verò subsidere, quando tertia concoctio est perfecta, quod allatæ doctrinæ non repugnat. Ad tertium dic, Galenum non meminisse sedimenti inter recementa tertiæ coctionis, propter ipsius paucitatem in sanis.

Ex his patere arbitror solutionem ad primam, & secundam auctoritatem, quibus opinio Turisani erat confirmata. Ad auctoritatem verò Galeni 1. prog. ult. videtur dicendum, redundare ibi verbum, in sanguinis generatione, quia sedimentum est quicquid alimenti naturæ refugit confectionem, non in sanguinis generatione, sed in tertia concoctione, & manet incommutatum in substantiam membrorum. Vel dicendum est materiam sedimenti esse id, quod in sanguinis generatione non exquisitè in sanguinem commutatur; vel commutatur in sanguinem non exquisitè confectum: verum ipsi formam tribui in coctione tertia asserimus.

Num verò satius sit in vrinis sanorum sedimentum apparere, controuersia est apud auctores. Gentilis, Iacobus, & Mathæus Gradius putant satius esse non apparere, & Magistrum Auicennam in sui subsidium vocant, qui 2. 1. doct. 1. cap. 6. sic profatur Et hac quidem hypostasis non requiritur, nisi in agriundinibus, quoniam in sanitate non requiritur.

Si verò contrà arguas, in sanis dari materiam, & causam efficientem sedimenti, quia reperitur calor innatus materiæ prædominans, & excrementa tertiæ coctionis, quæ materia sedimenti esse possunt: nunquam enim alimentum ita simile reperitur, quin aliqua eius pars coctionem non subterfugiat. Respondet Gentilis, in absolutè, perfectèque sanis non reperiri; in aliis verò concedit: atque concludit satius esse, in perfectè sanis non dari; probatque ex eodem Auicenna 2. 4. tract. 1. cap. 68 & Gal. 1. aph. 15 vbi habetur, quod superfluitates tertiæ digestionis debent insensibiliter expelli: quod enim natura ro-

A bustior existit, eò facilius excernit; quare si in sanis hypostasis appareat, naturæ imbecillitatem, & materiæ copiam arguet.

Reluctatur tamen Galenus 1. cris. 12. qui optimam vrinam in sanis iudicauit, si habuerit sedimentum album, læue, & æquale. Idem colligitur ex Hipp. 2. prog. 16. Amplius Actuarius lib. 1. de iudiciis vrinar. cap. 4. in perfecta, & inculpabili sanitate docet apparere sedimentum in vrina; quare ex eius absentia in sanis, nisi præcesserit tenuitas victus, possumus suspicari obstructions, aut ægritudinem futuram ut monuit Actuarius 2. de prauident. vrinar. cap. 1. Nec obstat ratio Gentilis, videlicet in perfectè sanis debere superfluitates insensibiliter excerni; nam in his aliqua etiam excrementa tertiæ coctionis sensibiliter excernuntur, ut colligitur ex Gal. lib. de diff. sympt. cap. ult. afferente duram esse Dioclis opinionem, existimantis in optima sanitate non oportere, ut appareat sudor, sed quod insensibiliter excernatur.

B Valde placet hæc interpretatio, quæ meo iudicio difficultium, & obscurarum questionum facilem habet explanationem. Sed an alterius quidem sedimenti, quod obseruamus in ægris, eadem ratio habenda est? Extempore responderent Turisani, Fernelius, & Cardanus. Ille enim tract. de hypostasi, Fernelius lib. de vrinis, cap. 13. Cardanus lib. 2. contrad. tract. 3. cons. 12. Ferdinandus Cassanus prop. tract. de sedimento agrorum, contra Altimarium, opinantur commentitium esse, arbitrari, id quod subsidet in vrinis esse partem humoris, aut putrentis, aut cocti; sed idem quod in sanis, scilicet portionem crassam alimenti, quæ vrinæ mixta, actione innati calidi ad imum expellitur. Idcirco bonum prælagire in morbis, quia vbi primum in acutis febribus apparet, naturæ, atque caloris dominium significat, quæ putridos humores non ita pridem turgent, & ferocientes repressit, atque edomuit, & iam ad pristinam munerum functionem redit.

C Deinde. Materiæ febrilis concoctio, nec suppuratio est, nec maturatio propria, sed solius putredinis repressio, atque cohibitiō; ita enim in statu tota febris materia conclusa est, nec eius quicquam crisi vacuatur, & nihilominus, quia sedata est, & in naturæ dominio atque potestate, vrina purior existit, cum hypostasi, quæ huiusmodi sedatione, ac victoriam certò demonstrat, tum quia represso furore noxi humoris minus cum vrina defluit, & quæ tenuior, & minùs turbida est, quàm in initio, quando sæuiente putredine magna inerat humorum perturbatio atque confusio, quorum & magna vis in vrina quoque ferebatur; tum etiam superior, dominatrixque natura materiam in enagorema, vel hypostasim secernit: Nam sicuti vulnus salutare, pus album ac legitimè reddit, cui si febris superueniat, pus ipsum peruertit, vulnusque idcirco siccatur, quod insitus calor premarur, neque rectè possit concoctioni incumbere; ad eundem sanè modum per febres languidus, oppressusque calor, non potens cibum secundum naturam conficere, hoc modo nullam in vrina coctionem exhibet. Quo pacto perniciosum fingunt medicinarum commentum, qui sedimentum esse asseuerant portionem humoris peccantis, quæ à natura euicta, ob crassitatem non potuit insensibiliter, vel sudore expelli, sed per vasa excernitur, quum eadem sit materia sedimenti in sanis, & ægris.

D Hanc tamen opinionem esse reprobam, auctoritatibus, & rationibus palam faciam. Nam Galenus sedimentum in ægris nil aliud esse docuit, quàm portionem humoris morbum facientis, superatam à calore naturali in vasis. In lib. enim 1. de diff. feb. cap. 6. in princip. docuit, alterationem illam quæ in venis fit, similem esse alterationi, quæ fit in inflammationibus. Vnde sicuti in his superante natura fit optimum, & laudabile pus; sic in humoribus qui in venis, & arteriis continentur, generatur aliquid simile puri, quod subsidet in vrinis. Et in fine capitis expressè confirmat, sedimentum album, læue, & æquale, generari ex humore putrescente iam concocto: & in lib. 3. de prasag. ex puls. cap. 7. profert, in rigore febrilium accessionum, id quod eleuatur ex humore accessionem faciente fumidum, & fuliginosum, arteriarum contractione expelli; quod



autem remanet vitiosum per meatus insignes expurgari: & sic in inflammationibus est pus, in venis & arteriis, id quod subsidet in urinis. Idem sentit Auic. 1. 4. tract. 2. c. 7. 9. *Omni homini sedimen laudabile est tale, ab humore faciente aegritudinem, qui iam digestus est, &c.*

Insuper, si sedimentum ægrorum nihil aliud esset quam portio alimenti cruda, non video quomodo morborum tempora possent distingui ex sedimentis apparente in urina. Deinde plus sedimenti appareret in principiis morborum, quam in statu; aut saltem nulla assignabitur ratio, quare in statu morbi, maior copia sedimenti appareat, quam in declinatione.

Neque vim argumentationis effugies, si asseras in principiis morborum non apparere sedimentum, quia natura, certa, stataque habet tempora, quibus pro diuersitate facultatum operatur variè. In initio enim morborum vacat ab aliis naturalibus operationibus, solummodò ad retinendum conuersa; & cum cæca sit, non modò materiam morbum facientem, sed & omnia excrementa retinet: hinc est quòd tunc aluus supprimitur, lorium coëctetur, neque sudores effluunt; quod similiter contingit succo illi crudo sanguificationem fugienti, qui tunc cum urina non excernitur. Quum vero declinat morbus, tenditque ad manifestam coctionem, tunc in urina apparet. Speciosa quidem mehercle, est hæc, sed erroris plenissima explanatio. Quid enim frequentius in ore medicorum, aut à verustissimis auctoribus magis promulgatum, quam vacationes in principiis morborum fieri à natura, per quas etsi symptomaticas excrementa plurima emanant, per sudorem, urinam, alui profluuium, natura non solum tunc temporis non retinente, sed ad excernendum properante? Cur ergo si hæc vacationes in principiis contingunt, sedimentum non apparet in urina? Dic. Quoniam cum portio humoris peccantis, solum cocto morbo, cæterorum excrementorum instar, à natura excernatur, iccirco sedimentum in ægris, non nisi eunte morbo in iudicationem, apparere solet.

Vltimò. Quia medici omnes ad concoctionem morbi pituitosi expectant copiam sedimenti, in morbis verò biliosis, non similiter, sed tunc appendiculum, aut nubecula satis sunt: quæ omnia ridicula essent, si sedimentum nulla pars esset humoris pituitosi, aut biliosi, ægri tudinem facientium. Hanc sententiam defendunt Donatus ab Altomari *prop. tract. de sedimento*. Christoph. à Vega 1. *prog. vlt.* Thom. à Veiga *lib. 1. feb. cap. 5.* Vallesius 3. *cont. 26.* Ioubertus *tract. de urinis, cap. 14.* Mercurialis *lib. 2. de excrement. cap. 4.* Nicolus *serm. 2. tractat. 5. cap. 18.* & alij viri in arte clarissimi.

Neque Galenum intelligas cum Santorello *lib. 8. antep. praxis, c. 5.* de critico sedimento, quod esse portionem causæ morbificæ ipse concedit; quum non criticum, sit portio alimenti crudi & incocti. Nam præterquam quòd hæc distinctio est ad libitum inuenta, non profert rationem, quare sedimentum, quod in diuerso morbi statu excernitur, non sit portio materiæ morbum facientis.

Vt verò scias, quanti valoris sint argumenta Fernelij, quibus intricatus, à Galeni doctrina deflectere voluit, ea exaudi. Arguit enim primò in hunc modum. In febribus ardentibus; torrida bilis à qua pendens, non potest per concoctionem in pus verti, vel in aliquid puri simile, quale est sedimentum. Ergo. Dic. Venæ continentem dictam bilem, quicquid eius malignum est, conantur emendare, illud sibi assimilando; vnde albedinem inducunt, & in sedimentum vertunt. Et licet bilis vtraque per se incoctilis sit, sanguini tamen permixta, vel exiguo, & per sanitatem alere, & per morbos tam febriles, quam erysipelatosos in pus verri, & concoqui potest: & hoc non solum experientia docet, sed firmat Hippocrates *lib. 7. Aph. 20.*

Secundò. Bilis quæ in statu morbi iam concocta per crissim expellitur, nunquam purulenta apparet, aut alba, sed perpetuò flaua, qualis sua natura est. Igitur sedimentum quod in statu febris biliosæ album apparet, non potest esse portio bilis facientis ægri tudinem. Dic. in febribus biliosis bilem contentam in cavitare venarum, qua-

lis per crissim excernitur, non albescere; sed eam solam illius portionem, quæ ob putredinem, vel malitiam suam valde retinetur à vasis, & ab ipsis immutatur ad eorum similitudinem, albedinem acquirendo.

Tertiò. Si in statu excideret per urinam aliqua portio materiæ noxiæ, in principio verò, & augmento nihil, urina esset crassior in statu, quam in augmento, vel in principio, contra experimentum. Dic. in principio sæpe excerni aliquam portionem materiæ, quæ cum cruda sit, magis incrassat & turbat urinam, quam in statu; cæterum adhuc non habet formam sedimenti: in statu verò per urinam vacuari partem materiæ incineratam iam, & in sedimentum veram exquisitum; quare minus urinam turbat & incrassat. Dic. secundò. Vique adeò frequens est crassescere urinam, quò magis morbus tendit in statum, ut si contrarium accidar, tanquam rarum ab Hip. iudicetur: sic enim ille 4. *Aph. 69.* *Quibus adhuc febricitantibus urina crassa, & grumosa, pauca, multitudo earum tenuis superueniens, inuat: & Gal. in com. notat. Fiunt autem & sine febribus urinae tales, natura expurgante per renes totius corporis superfluitates: sunt autem & cum febre, in quibus quispiam forte existimaret, ad contraria transmutationem non esse bonam, quoniam magna ex parte in febribus, ex urinis ab initio tenuibus fit ad crassiores conuersio, tendente iam morbo ad solutionem.* Quòd verò non conueniat quod Fernelius inquit, apparere contenta in urina per augmentum, natura iam redeunte ad sani munera, patet, quoniam si per vigorem morbi, & vltimam augmenti partem tantopere laborat, & pugnat, ut Hipp. sæpe admoneat, continendum esse ægrum à cibo, ut tota natura soli intendar conflictui, quomodo credetur, cæuotians, verti ad excernendas urinae fæces?

Quartò. Si sedimentum in ægris esset humor faciens ægri tudinem, sequeretur quòd pro varietate humoris fieret diuersum sedimentum. Dic. sicut alimenta varia à ventriculo immutantur in vnam formam chyli, & à iccore in vnam formam sanguinis: ita & varij humores in vnicam sedimenti formam à vasis immutantur; ab his enim alterati, & concocti similiter albedinem acquirunt.

Quintò. In febribus intermittentibus apparet sedimentum. At illud non gignitur ex humore faciente ægri tudinem; hic enim extra vasa continentur. Igitur. Dic. in his febribus sedimentum deciditur à causa antecedente, contenta intra venas, quæ adhuc non putret, & non à causa coniuncta iam putrente, quæ extra venas continetur. Dic. secundò. Quando asserimus sedimentum in ægris esse portionem humoris facientis ægri tudinem, non de quouis morbo intelligendum esse, sed de his qui ab humoribus contentis intra vasa originem ducunt: qui soli sunt in quibus præcipue urinam medici contemplantur.

Sextò Gal. 2. *progn. 26. in fin.* agens de sedimento ægrorum, remittit se ad ea quæ dixit, *ad fin. lib. 1.* ubi asseruit sedimentum esse partem alimenti crudam. Igitur & in ægris eadem erit. Dic. Gal. 2. *progn. cit.* agere de sedimento ægrorum, non penes materiam ex qua gignitur; sed solum penes albedinem: de qua verum est quòd docet, eandem eiusdem causam esse in ægris, & sanis, scilicet concoctionem, & elaborationem in vasis factam.

Vltimò. Gal. 1. *de diff. feb. cap. 6.* similem esse dicit constitutionem quæ fit in venis, ei quæ fit inflammatis particulis: quia ut in his calor naturalis inducit puri albedinem, mediocrem crassitatem, æqualitatem, & fætoris priuationem; sic in materia intra vasa idem fieri existimandum est: ut in pleuritide, in qua spurum coctum fit puri simillimum. Sed aperto abscessu pus exit traditæ conditionis. Ergo similiter in coctione humorum in vasis fieri oportet. Sed post optimam urinam excernitur criticè bilis, & flaua, & putrens, & færens, valde dissimilis ab albedine, & æqualitate sedimenti. Ergo sedimentum non ex materia morbifica, sed ex alimenti portione deciditur.

Occurrit Thom. à Veiga *loc. cit.* non esse necessarium, ut tota materia vertatur in coctam albedinem, & æqualitate præditam, sed partem illius, quòd sufficit, ut crisis sit perfecta; tunc enim cocta portiuncula humoris noxiæ, natura

natura dominatrix remanet supra residuum. Tantra enim A est communicatio materiarum in corpore, ut si ex vna parte continuò decidatur signum coctionis, non possit ex altera inualescere putredo ad mortem.

Sed hæc ratio conuelli potest: quoniam inter conditiones optimæ coctionis est illa valde necessaria, ut sit vniuersalis, defectu cuius Cratistonaætes, & ancilla pictoris perierunt, 1. *epid.* 2. *sect.* 1. *text.* 84. ille ex crudis parotidibus, cum coctione in vasis; hæc ex cruditate vasorum suppuratis parotidibus. Ergo oportet omnem humorem peccantem simul concoqui, traditumque signum reperiri in sedimento, & excreto humore. At solum apparet illa æqualitas, albedo, & fœtoris carentia in sedimento non in excretis. Ergo diuersum est sedimentum à materia morbi.

Dic, quod excreta parte humoris morbifici, natura remanet potentior supra totum. Id probat. Auicē. in *cantic. tract.* 2. *num.* 422. asserens, pustulas in ore, & labiis, apparentes tertianam perfectè perferare. Nec mirum, quod post sedimentum appareat crisis per deiectiones humoris fœtidissimi, prauis coloris, & consistentiæ; nam sedimentum etsi sit portio humoris putrentis, non fœret, puris, aut cæterorum excrementorum instar, quia vrinæ liquore diu perfusum fœtorem amisit; aut quoniam è longinqua regione delapsum, fœtorem deposuit, excrementa autem per aluum excreta suapte conditione fœtorem contrahunt, ut fæces, ob rationes plures, quas legat, qui vel apud Laurentium *lib. 6. de hist. anatomic. quest.* 15. Mercurial. *lib. 2. de excrementis, cap. 5. in med.*

Hæc autem deiectiones post sedimentum apparent croceæ, non ex sese, sed ex flauæ bilis permixtione, quam simul fellis vesica effundit: sic enim candida pituita, & cibus paulo antè sumptus, vomitu quandoque reicitur luteus, vel viridis, vel niger, ex bilis flauæ, aut atræ confortio. Deinde etiam biliosus humor potest, in venis & arteriis coctus, ac forsitan dealbatus, quum per aluum descendit, flauus rursus apparere, ex bilis crudæ in hepate vigintis miscella. Cæteras pro Fernelio rationes solutas lege apud Nicolaum Rhodium, contra Cassanum *proprio tract. de sedimento agrorum.*

Solutis Fernelij argumentis, aduertere necesse est, aliquando sedimentum apparens in morbis, generari ex portione alimenti cruda, & non ex materia morbi, quod apparet in quartana, & aliis febribus malignis, in quibus citra leuamen ægri, sedimentum excernitur, immò potius eo tendente in deterius: materia enim morbi ob perniciem suam rebellior est dicta portione alimenti. Hinc est quod misere persæpe decipiantur medici, salutem prælagientes inspecto sedimento, quum tamen deinceps ægrum mori contingat. Quomodo autem agnoscamus, an sedimentum in vrinis ægotantium sit eiusdem naturæ cum contentis sanorum, explicat Mercurialis *loco cit.* De cæteris contentis præternaturalibus, lege quæ diximus *lib. 2. in com. hist.* 141. & consule Salomonem Albertum in *com. lib. Gal. de vrinis.*

### Q V Æ S T I O XXXI.

*Vtrum sedimenti albedo oriatur à calore naturali, an præter naturam. Contra Turisanum, & Cardanum, Medicos eximios.*

Hippocrates Medicus admirabilis, *lib. 2. prognost. text.* 26. medico curaturo esse notissimum scribit, sedimentum optimum quatuor habere conditiones celebres. Prima est albedo; secunda, æqualitas; tertia, leuitas; quarta quod non intermitat, sed appareat per omne tempus, dum morbus iudicetur. Hæc conditiones omnes victoriam arguunt caloris natiui, & robur vasorum exactè concoquentium, & superantium materiam morbosam, simulque securitatem morbi & eiusdem breuitatem significant ex Galen. in *com. & 1. epid. sect. 2. com.* 44. & alibi passim. Hæc enim est maxima similitudo, quam in humorem prauum, irreducibilemque ad benignum, natiuus noster calor inducere potest.

Turisanus *tract. de hypostasi, cap. 3.* ei se addixit opinioni ut credat causam albedinis sedimenti esse calorem, qui humorem putridum in cinerem vertit, qui sedimentum dealbat: suamque firmat opinionem, ex Galen. 2. *aph.* 47. Vbi habet, *Fit autem dolor extensa simul, ac calefacta particula: febris verò sequitur principio calefacto, & hæc ambo contingunt ex quadam veluti ebullitione, acque exustione sanguinis, qui ubi ex toto exustus fuerit, residuum eius fit pus, quemadmodum ex lignorum exustione cinis, &c.* Ob eandem causam (inquit ille) sedimentum redditur album, quia agente calore in eius materiam, pars tenuis euanescit, crassa verò quasi cinis facta dealbatur. Sed non aduertit vir doctissimus, quod Galenus non comparat pus cineri in siccitate ex qua pender albedo in sicco vito, sed in eo quidem relinqui in parte inflammata post ebullitionem, sicut cinis ex lignis manet post combustionem.

Cardanus *lib. 1. cont. tract. 6. cont. 12. in fine*; opinatur causam albedinis sedimenti esse calorem præter naturam simul cum naturali: eo argumento, quia sanguis extra vasa putrefactus etiam albet; & addit, porioem albedinis causam esse colorem non naturalem, quia quando vlcus in carne sanatur, post saniam albam videmus vincente calore innato humorem rubescere. Reijcitur sequeretur enim optimum sedimentum, non victoriam natiui, sed innaturalis caloris ostendere, proindeque in lotio apparens non esset optimum signum, contra veritatem, omniumque auctorum sententiam.

Nec etiam audiendi sunt, qui arbitrantur albedinem sedimenti oriri ab humore crudo, qui albus est, ex quo sedimentum gignitur. Nec etiam qui opinantur, albedinis causam esse permixtionem aëris cum humore, sicut spuma albescit ex permixtione flatus inclusi: hi enim meritò reprobantur, quia verum sedimentum nullum includit flatum, etsi enæorema, & nebula eo non careant, ratione cuius in suprema, vel media regione solent apparere. Deinde si albedo ab humore crudo originem duceret, non indicaret victoriam naturæ supra humorem morbificum, nec etiam robur vasorum ostenderet, contra Galenum 2. *prog.* 26. & Auicē. 3. 4. *tract.* 1. *cap.* 23.

Cum Galenò ergo 1. *prog. vlt.* asserendum est, eandem esse causam albedinis sedimenti, & puris, scilicet alterationem factam à membris radicalibus, quæ alba sunt.

Sed contra obijciēs, primò. Plura membra in corpore sunt carnosa, quàm radicalia. Igitur humores in aliquo membro contenti, ex actione carnis magis acquirunt rubedinem, quàm ex actione radicalium albedinem. Dic, quod sedimentum, in vasis quæ alba sunt, generatur; & licet in membris carnosiss gigneretur, quia tamen transmutatio humorum in carnem, est multò facilius, quàm in membra radicalia, proinde ex his plurimum elicitur excrementi; ex carne ferè nihil. Dic præterea, membra licet carnosa sint, tamen non esse omnino rubra, immò potius euacuato sanguine, ad albedinem inclinare: quod si membrum affectum habeat carnem rubram, quale est iecur, in eo laudat Auic. 1. 4. 3. *tract.* 3. *cap.* 11. pus ad rubedinem tendens.

Obijciēs secundò. Quare sedimentum minùs albet quàm pus? Dic causam esse, quia pus magis detinetur, & elaboratur in membris, integram coctionem expectans: sedimentum autem non similiter, ob facilitatem expulsionis, cum in vasis contineatur.

Obijciēs tertio. Quomodo in omnibus morbis sedimentum album esse debet si in biliosis commendatur ad rubedinem vergens? nam si biliosæ excretiones laudantur 2. *prophet.* 18. sedimentum, quum excrementum sit, flauum potius spectandum est, quàm album. Dic Galenus *ibi* agit de euacuationibus sponte factis, in quibus vna ex præcipuis conditionibus est, ut peccantis materiæ fiat excretio, 1. *Aph.* 20. Iccirco in biliosis morbis biliosas laudat excretiones, reprobans albicantes, id est, pituitosas: quæ materia in vasis existens, non ita elaboratur, sicut sedimenti materia, proinde non oportet ut similiter albescat. Neque nos negamus in genere sedimenti, aliud alio magis albescere: nam ex pituita ortum plus

plus albet quàm ex bile, quod ex parte causæ materialis A euenire certum est.

Secunda conditio est *leuitas*, quòd agitato vase facile sedimentum dispergatur, & iterum vniatur; per quod à pure, & humore crudo contentis in vrina, distinguuntur: & sic videntur explicandæ duæ conditiones, læue, & æquale. Vel per læue intellige partium æqualitatem, seu lenitatem, quod contrarium aspero est: & per æquale, continuitatem, id est, quòd diuulsum non sit, quod etiam in sedimento requiritur: nam licet læue sit, si tamen est diuulsum, integram victoriam naturæ non significat.

Tertia conditio est *æqualitas*. Nonnulli æquale sedimentum opinantur, quando per omne tempus simile semper apparet, dum morbus iudicetur: ita censent Christophorus à Vega, & Ioan. Brauus in *com.* Quæ expositio licet recipi possit, tamen quia Hippocrates superfluis non soler vi, imò misam affectat breuitatem, aliquid distinctum videtur significare.

Est ergo sedimentum æquale, cuius partes omnes in crassitie modica, & in colore, sui vbique similes sunt; inæquale verò, quando partes dissimilitudine quadam distinctæ, nec æqualiter coctæ, nec coloratæ sunt: quare æqualitas in bono sedimento commendatur, quia æqualiter ac plenè vniuersam materiam subigi, ac superari à natura, materiàmque secundum omnem sui partem naturæ obtemperare ostendit.

Quarta conditio est, vt cum prædictis conditionibus sedimentum appareat, quousque morbus iudicetur: tunc enim securitatem morbi, eiusque breuitatem significat: coctio enim est tunc perfectissima, & celeritatem iudicii, certamque salutem prædicit, 1. *epid. sect. 2. sect. 44.*

An verò sit addenda quinta conditio, sicut in pure, vt scilicet sit quàm minimè fœtidum, Auicenna videtur negasse. 2. 1. *doct. 3. c. 6.* vbi bonam distinguit hypostasim à pure per fœtorem. Christoph. à Vega 1. *prog. ult.* distinguit, in sedimento sanorum non dari fœtorem, in ægrorum autem concedit quàm minimum, & meritò, quia si fœtor ingens est, summam putredinem, caloremque præternaturalem dominari significat, quæ conditio non laudaretur: si etiam fœtore careat, imbecillitatem natui caloris non facientis ebullitionem in humore notaret, quia fœtoris priuatio exiguum indicat calorem, à pugnæque cessationem præostendit, quod pessimum est: sicut si in gangræna non adest dolor, aut febris in falsa declinatione. Verum sedimenti fœtor, puris collatione est multò minor: circò Auicenna hypostasim veram à pure discernit per fœtorem, haud inficians in sedimento ægrorum reperiri: quinimò probabilius est in sedimento sanorum posse dari, nam corpora sana fœtida habent quandoque excrementa, vt sudores, vrinas, & expirationes, vt colligitur ex Galen. 8. *meth. 7. & lib. art. med. cap. 56.* Sed cur sedimentum pure minus fœreat, docet Aphrodisæus 2. *prob. 19.* nam pus in angusto loco detentum non diffatur; sedimentum verò per vasa refluens magis ventilatur, & transpirat.

His iactis, video te obicietem hoc modo. Si ex optima hypostasi iudicium integrum vrinæ accipi potest, utpote quæ omnimodam caloris naturalis victoriam, & exquisitæ morbi concoctionem demonstret, superflua videntur esse, quæ de vrinæ substantia & colore, ab auctoribus lōga serie enarrantur. Dic à priscis, & recentioribus confirmata, circa substantiam vrinæ, & colorem, esse medica obseruatione dignissima: nam in vrinæ mutatione sunt gradus, à summa cruditate ad coctionem exquisitam. Crudissimæ sunt decolores, tennes, aquosæ, in quibus nulla, aut exigua est hypostasis. Cum natura incipit morbum concoquere, 1. *cris. 12.* color in primis mutatur, & fit subpallida, postea pallida, deinde subrufa: post colorem mutatur substantia, & quæ tenuissima erat, incipit iam quodammodo crassescere: tandem hypostasis apparet, tamen nec bene colorata, nec omnibus dotibus absoluta. Quum verò optima fuerit, erunt reliqua in bonum statum conuersa, & colorem bonum habebit vrina, & mediocrem substantiam: quare supremam manum in coctione optima ostendit hypostasis. Si verò sedimentum intermitat, & aliquando appareat, sæpe delitescat, morbus minùs securus est, & diu-

turnus, materiàmque præsupponit coctioni magis ineptam, & debilitatem caloris ostendit. Ex his discè, iudicium ex vrinæ substantia, & colore simulque contentis, summè esse (præsertim pro curatione morborum qui vasa infestant) vtile & necessarium.

Traditur, & alia conditio ab Ishaac 8. *part. de vrinis*, & priùs prædixit Auic. 2. 1. *cap. 6. cit.* vt sedimentum sit rotundum, hoc est, pineatum, & ad figuram pyramidis declinet: cuius figuræ duas attulit causas Aueniēs 4. *collig. 24.* Prima sumitur ex parte caloris agentis, qui hanc figuram desiderat, vt apparet in flamma ignis; hinc Physici cor, caloris fontem hanc figuram habuisse affirmant. Secunda ratio sumitur ex diuersitate partium sedimenti, in grauitate & leuitate, quæ à calore separantur, ita vt leniores sursum, grauiiores deorsum tendant, & sic pyramidalis figura perficitur. Hanc conditionem videtur proferre Hippocrates 7. *Aph. 3. 2.* dicens quibus biliosa sedimina, supra tenuia, acutum morbum significant, id est, breui tempore finiendum; sic enim videtur interpretari Auicenna 2. 4. *tract. 1. cap. 88. §. 6.* & magis significantum, quod agriundo est velocis status, & acuta, &c. Alias verò conditiones si ad amussim explicatas legere concupiscis, eas perbellè enucleat Ioannes Andreas Nola proprio *tract. de sedimento ægrorum, aduersus Cassanum.*

Certo certius est apud illos qui priscorum, & præsertim Galeni monumenta perlustrant vrinæ inspectionem esse ad medicos vsus vtilissimam, & in omnibus morbis esse contemplandam: id equidem probant insignium medicorum sententiæ, qui etiam in morbis non febrilibus, imò particularibus eas esse inspiciendas suadent. Actuarius lib. 1. *de præuidentia ex vrinis c. 12.* affectus extremorum per vrinam etiam demonstrari affirmat, quia videlicet ex ea non solum status iecoris, & vasorum, sed etiam cuiuscunque partis ostenditur. Galenus 3. *epid. sect. 2. com. 6.* sic ait. Atqui vrinas semper memineris vt simul inspicias in ventris affectibus, thoracis, pulmonum, neruorumque; nam bona si appareant, haud paruum præbent ad salutem momentum: contra si praua, amplificat ægri periculum, &c.

Ex iis discè, in omni affectione febrili, siue sit febris ipsa morbus, non sequuta ad affectum particularem; siue sit febris accidens, quæ affectum sequitur particularem, vt pleuritis, plurimum sibi vendicare vrinam, non solum ad prælagiendum exitum morbi, qualis futurus sit, sed ad inuestigandam materiæ concoctionem, & ad tempora morbi diuidenda: cum enim vrina iecoris, & vasorum coctionem demonstret, 1. *cris. 12.* & sit venarum, & arteriarum excrementum serosum, 1. *de sanit. 12. parum ante med.* meritò optima nota erit eorum, quæ in vasis continentur, 4. *de sanit. 4. ad med. & 1. prorrh. com. 4.* Quare eorum quæ intra venas sunt, nullum est signum magis manifestum, aut euident. Id significauit Galenus 6. *epid. sect. 1. com. 10. §. 1.* Tanta signorum ab vrina in febribus acutis vis est, vt soli ipsi credendum sit; aliis verò accendentibus etiam, diuinatio tibi erit firmissima, perpetuòque veridica. Explicat Ludouicus Lemosius lib. 2. *de optim. prædicendi rat. cap. 5.*

Insuper, licet in morbis non febrilibus coctio materiæ morbum facientis, & temporum distinctio ex alio prorsus excremento, quàm ex vrinis colligi debeat, hæc tamen in his affectibus ad præuidendum morbi exitum sedulo est inspicienda: nam ea partium hepatis, renum, vesicæ affectiones indicat, vasorumque sanguinem continentium, & virtutis succos generantis tum robur, tum imbecillitatem demonstrat, 2. *prorrh. com. 2.*

Si verò Galenus 1. *cris. 12.* in passionibus ventris, si sine febre fuerint, sola alui excrementa inspicienda docet, quod scripsit 2. *prog. 26. §. 1.* Hæc dixi de morbis febriculosis: quicumque enim sine febre, aut in cerebro, & in ipsius membranis, aut in thorace, aut in pulmone consistunt, ex aliis indiciis agnoscuntur, &c. & 3. *epid. sect. 2. com. 6.* docet vrinas bonas in eo paruam præbere salutis spem, non intelligas de quouis morbo particulari, sed de voluulo, de quo in *cir. loc. epid.* quæ affectio est lethalis. Quare in morbis non

febrilibus vrina semper inspicienda. Sed de præsentī argumento satis multa diximus.



## HISTORIA XXI. GALENI,

## De melle venenoso.

## Mellis venenati esu quidam emortui.

**Q**uidam medicis duobus, ad unguentariorum officinam conspectis, attulit ad eos mel, venditurus scilicet: illi ubi gustassent, de pretio disceperant; at hic, tanquam illi parum offerrent, properè subducit sese: verum \* neuter servatus est, &c. Hæc Galenus 10. de simpl. medic. facult. rubric. 1. aduersus Xenocratem, in fin.

## PARAPHRASIS.

**P**osse fieri mel venenatum arte, sicut & aquam, vinum, oleum, atramentum, & cætera liquida, ostendit Ioachim Camerarius in horto suo. Sed hoc mel, quod ita celeriter interfecit, fuit mel natura ab apibus constructum, quando ipsæ videlicet flores venenosos depascuntur. Tradit enim Dioscorides lib. 6. sui operis, cap. 8. Heracleæ in Ponto quibusdā annis mel perniciosissimum inueniri, ex floribus quarundam herbarum contracta nocendi potestate, ut ab aconito, ex quo apes mel construere solent; nam qui comedunt, iisdem symptomatis tentantur, quæ ab aconito inferri solent, ut probant Aëtius 1. 4. ferm. 1. cap. 60. Paulus lib. 5. cap. 58. & de hoc melle loquitur Auic. lib. 2. tract. 2. cap. 497. §. Et ipsius comestio facit posidere ablationem rationis subito, & sudorem frigidum, &c. C. Agri enim hoc melle vescentes humi se abiciunt, refrigerationem quærentes, obliuione tentantur, corpus sudore diffluit; siti, angustia, & cordis oppressionem opprimuntur.

Cognosces mel venenatum, quod omnino non densatur, color magis rutilus, est odor alienus, sternutamenta protinus mouentur, est ponderosius innoxio: quod si ita sit, iisdem penè viribus pollet, quibus & aconitum; & nascitur ex quibusdam floribus, vel conflatur potius: nam Plinius lib. 21. cap. 13. de his scribens venenatis mellibus Heracleæ, inquit, In Ponto quibusdā annis perniciosissima existunt, ab iisdem apibus facta. Ex quibusdam floribus, declarat, cuiusdam scilicet herbæ capris inimicæ, quæ ob eam causam dicitur *Egoletpros*, vere maximè aquoso, quo facilius est marcescere.

Commemorat & aliud venenati mellis genus, ex Rhododendri flore collectum, in eodem Ponti sinu, quod ex insania quam creat, menomenon appellant: eam gentem scribit Romanis in tributa ceram pendere, non vendere mel, cum sit exitiale.

Aliud mel apud Trapezuntem in Ponto ex buxo defluit, grauis odoris, quo & amentes fiunt, ut ait Cælius Rhodiginus lib. 25. lect. antiq. c. 35. de quo loquitur Strabo lib. 11. referens aliquos fuisse, qui melle tres cohortes Pompeij dementarunt, & sic milites fuisse trucidatos asserunt. Quantum autem buxi vis sit mortifera, exemplo confirmat Levinus Lemnius lib. similitudinum in bibliis herbarum, atque arborum, cap. 41.

In Perside quoque, in Gerulia Massylis contermina, venenatos produci fauos auctores asseuerant, quæ omnia pestifera mella liuore deprehenduntur, ut eleganti sermone, & testimoniis illustrent Dalechampius, & versatissimus Claudius Salmasius in com. cit. loc. Plinij. Sed quæ ratio nominis huius herbæ, ex cuius floribus hoc maleficum mel apes conficiunt, quæ origo traditur? Herbæ primam fuisse inuentricem, ac ministram Hecaten Persæ filiam. Medæ matrem, cuius succo patrem fuisse interemptum, Diod. lib. 4. cap. 4. prodit. Hinc à poetis Hecateridem vocari. Certè Ouid. lib. 5. metam. de supplicio Arachnes ita gecinit,

Postea discēdens succis Hecateridos herba  
Sparsit, & exemplo tristi medicamine tacta  
Defluxere coma.

Nisi magis placeat ab Hecate Dea inferna, quasi infer-

**A** nam, & ab inferis missam interpretemur herbam. Fabulosum principium, non fabulosum nominis etymon, idem lib. 7. expressit hoc carmine, cum Medeam inducit versam in Thelei perniciem:

Huius in exitium miscet Medea, quod olim  
Attulerat secum Scythicis Aconiton ab oris.

Ponticam herbam esse indicat: nam in Scythia celebratur Pontus.

Hæc ergo herba est inexpugnabile venenum, contra quod nullum præsidium valet, cum ad illud domandum, frustra suscipiatur labor. Nascitur verò aconitum circa Heracleam, in portu qui Acone vocatur, miliaribus ducentis distans à Ponti ore, ut notat Plinius omniscius lib. 6. cap. 1. firmant Theophrastus lib. 9. de plantar. histor. cap. 16. & Theopompus historiarum scriptor non vulgaris, Pomponius Mela lib. 1. de Euxino Pont. cap. 6.

**B** Sed duo propones ex serie historiarum deprompta, primum, cur Medici illi illicò degustato melle obiere? Dic, quia mel hoc erat præsentaneum venenum, utpote constructum ex floribus aconiti, quod internecandi vi cissima pollet, ex cit. Auctoribus, & Galeno 5. simpl. 15. & lib. 6. cap. de aconito. Quare si occyissimè odore, & tactu interfecit, quantò magis gustu: nam procul, & à longinquo, odore mures necat, & tactis genitalibus femineæ sexus animalium, eodem die mortem infert; quo intemptas dormientes à Calphurnio Bestia vxores, M. Cæcilius accusator dixit. Quare Theophrastus lib. cit. cap. 19. sic inquit. Interimit etiam boues, & iumenta, & pecora, & omne planè quadrupès, si radix, vel folium in verenda indaur, vel ipso die tactum.

Secundò miraberis, cur apes portantes in ore venenum, non moriantur? Responder Mercurialis lib. 3. variar. fol. mihi 481. naturam dedisse huic animali peculiarem facultatem ferendi venenum citra noxam vllam; nam etiam capræ nutriuntur elaterio, & coturnices veratro. Si verò quis gustato hoc melle in extremam ruinam labatur, offerenda sunt alexipharmaca, quæ lethiferam aconiti vim expugnant, inter quæ securissimum est balsamum, & ruta, cuius folia ex mulso epota, summo sunt ex usu: nam sicut supremus ille Architectus venena creauit, sic in die tertia aridam detexit, pratum vestiuit gramine, herba, floribus, liliis, rosas, radicibus, plantis odoriferis, & alexiteriis, quæ veneni malitiam vberim retunderent, quorum seriem describit eruditissimus Biniamin Mussaphia, in suo libello memoriali, die tertio.

## QVÆSTIO XXXII.

Vtrum morbi venenati, ad aliquod ex triplici morborum simplicium genere, in temperamento, cōformatione, & soluta unitate, an ad morbos formæ, & materiæ, sint reducendi. Contra Conciliatorem, Ferneliū, Argenterium, Riolanum, Sennertum, & Ioannem Sperlingium, medicos præstantissimos.

## COMMENTARIUM.

**N**enter servatus est.] De sanitatis, ac morbi ratione, quidditate, essentia dissertandum à nobis in præsentia est, ne historiarum nostrarum tanto argumento carere videantur, ut omnibus suppetat quod decerpant, sintque vice Delphici gladij. Igitur sanitas, & morbus sunt inter se contraria, ut Galenus probat lib. de diff. morb. cap. 2. & cum eo Arist. in predicam. cap. de contrariè oppositis. Sed hoc intelligendum lato modo, non autem propriè; nam potius priuatiuè opponuntur, veluti perfectum, & imperfectum: nulla enim est ægritudo tam contraria vitæ, quæ omnino sanitatem excludat, quia (ut optimè docuit Arist. 7. metaphys. cap. 9.) in quocunque corpore ægri, manente vita, semper aliqua sanitas, vel portio sanitatis remanet, id est, aliquis calor naturalis, qui præcipuè sanitatem efficit: medicus enim, & medicamenta sunt instrumenta, ille enim est artis minister, ex Hipp. lib. 1. epid. sect. 2. text. 51. sicut natura morborum medicatrix, ex ipso lib. 6. epid. sect. 5. text. 1.

Deinde



Deinde sanitas sic describitur à Galeno lib. cit. de diff. morbor. Tunc unusquisque homo sanum se esse arbitrat, quum passim corporis ministerio, actionibus ad vitam necessariis citra noxam fungi potest. Similiter etiam describitur ab Auic. 2. 1. doct. 1. cap. 1. *Sanitas est dispositio, per quam corpus hominis in sua complexione, & compositione tale existit, ut ex eo operationes eius omnes proueniant sana, & incolumes.* Definitor autem sanitas perpetuo per potentiam, non per actum, ut ita sub comprehendantur dormientes, quibus quidem, licet non moueantur, nec aliqua externa res sensus eorum afficiat, nihilominus conuenit definitio, ut cit. de diff. morbor. & 1. de sanit. tuend. cap. 1. Galenus edocuit. Arist. 7. probl. 1. dixit sanitatem esse quietem, morbum uero motionem: & 1. probl. 3. dicit esse moderantiam, morbum uero excessum, siue defectum, ut inter omnes probat Andreas Gratiolus in com. cap. 1. Auic. 1. 1. definitione medicinae.

At antequam ad definitionem morbi accedamus, querendum est. An sanitas optima, sit diuturnissima uita? Quae dubitatio ita est grauis, ut eam proponat Aristoteles, lib. de longitudin. & breuit. uita, in init. sed non soluat. Dic, diuturnitatem uitae consistere in calidi, & humidi accommodata quantitate, & qualitate, inter se constantibus: nam ut eleganter probat Galenus 6. de sanit. tuend. cap. 2. & lib. de marasin. cap. 1. & Arist. lib. 1. de anim. cap. vlt. & lib. de longit. & breuit. uis. cap. 2. uita in calido, & humido consistit: nam victus senum appositissimus ad vitam producendam, est calidus & humidus, ut ex Galeno colligitur, toto lib. 5. de sanit. tuenda. Ergo uita in calido & humido consistit. Deinde non secus uiuit ex humido calor noster, ac ignis ex lignis, & lucerna ex oleo. Sed illa pro humidi alentis copia durat. Ergo & animalium uita. Quod enim haec principia fuerint ampliora, eò uita terminus longior erit; dummodò tamen quantitate, & qualitate inter se respondeant. Sic enim calor humidoradicali non est proportionatus, festinat mors per resolutionem, quandoquidem calor perpetuo exiccat. Si uero humiditas excedit, etiam aduenit mors per suffocationem, exuperans enim humiditas innatum ignem obruit, & extinguit. Insuper diu uiuunt, quibus humidum est lentum, viscosum, non tenue: illud enim diu dura, & difficulter resoluitur; hoc facile dissipatur, & euanescit. Hinc fit ut aquatilia, etsi excedant humidi copia animantia cetera, minus tamen uiuacia sint & pedestribus, & uolatilibus, quia tenui, aqueoque humido pollent, non uero gluiniolo & lento, quale ad uitae durationem requiritur. Inter pedestria, sanguinea, & omnia quae accommodata quantitate, & qualitate calidi humidi constant uiuaciora sunt. Hoc modo inter plantas oleaceae, & resinosae, pingui humido abundantes, uiuaciores sunt breuis uero uita sunt cerasa, ac persica; humido enim constant aqueo, & promptè putredini obnoxio. De qualitate autem caloris ita pronuntiandum, quod calor non debet esse ualde intensus, ita ut urat; nec ita remissus, ut nec coquere, nec alere possit.

Ergo licet optima sanitas constet illis duobus principiis optime proportionatis, idem tamen non erit longuissima, quia ob triplicem causam potest optime sanus aegrotare: primo, ob compositionis vitium, quod cum dicta proportionem stare potest. Secundo, propter intemperamentum unius, uel plurium membrorum. Tertio, propter prauiatatem victus: sic enim plures natura salubres degunt

ualetudinarij; & ob contrarias causas potest aliquis breuis uita degere optime sanus. Ferè tamen concurrat longauitas, & sanitas, praesertim eo nomine quo raro aegrotent. Quæres secundo. Vtrum sanitas in species diuidi possit? Quum enim sanitas eas non habeat, in eas diuidi nequit. Deinde si sanitas reciperet differentias, aut esset secundum magis aut minus; aut secundum varia corporis membra; aut secundum operationes; aut denique secundum propriam rationem, & formam ipsius sanitatis. Ergo. Antecedens à sufficiente probatur partium enumeratione: nam primo modo recipere non potest, quia magis minusue speciem non mutant. Nec secundo modo, quoniam ut adsit sanitas, oportet quod omnia membra tam simplicia quam composita secundum naturam se habeant;

Lib. V.

A si enim aliquod illorum sensibilem pariat lesionem, aegrotabit animal: cum ergo sanitas, bonum quid sit, & perfectum, constabit ex integra causa. Ergo non potest diuidi in species. Quod uero nec tertio modo patet, quia in bene valentibus nulla actio est insigniter laesa: si enim noxa adsit ipi corpore, adesse morbum significat, etsi omnes aliae actiones sint perfectissimae: cum morbo autem sanitas stare non potest. Ergo nec per operationes sanitas diuidi poterit. Quod uero nec per suam formam possit differentias recipere, ostendit ipsa sanitatis natura, quae commodatio est: quod uero moderatum est, aut medium, aut mediocre, unum est; immoderata plura. Ergo nulla ratione potest sanitas species recipere, ac proinde nec morbus; liquidem hic illi est contrarius.

B Nonnulli his commoti rationibus, sanitatem esse infimam speciem arbitrantur; nec uero ex eo sequi, morbum talem esse sibi persuadent. Sic enim ratiocinantur, quod quando duo contraria ita se habent, ut unum habeat suam essentiam in extremo, sicut morbus; alterum uero in medio, ut sanitas, erit in diuidua in inferiores alias: sic se habet aequale, & inaequale; temperatum, & intemperatum. At horum opinio refutanda. Nam oportet, & eadem ratione virtutem speciem esse infimam, quoniam eius essentia in mediocritate est: res tamen non ita se habet, quia sicut vitium suas inferiores species habet, ita & virtus, nempe prudentiam, iustitiam, fortitudinem, &c.

C Dic tu, sanitatem non esse infimam speciem, immò potius diuidi in multas, per propriam rationem, & formam, quae consistit in commodatione quatuor primarum qualitarum. Quum autem haec commodatio omnibus hominibus secundum naturam non sit eadem, (quod enim uni secundum naturam est, alteri est morbus) sequitur sanitatem naturam suam non esse unicam, sed secundum temperamentorum diuersas species esse multiplicem: uidelicet bilioso homini erit sua moderatio naturalis, pituitoso sua, usque adeò diuersa, ut si pituitosi temperies, quae in illo era sanitas, ad biliosum transferatur, in hoc sit futura morbus. Hoc etiam insinauit Gal. in locis multis, praesertim lib. art. med. inquit, esse unicuique homini sanitatem ita illi propriam, ut aliis naturis sit inutilis & quandoque ab aliarum sanitate diuersissima existit: & non solum hoc reperitur in temperamentis, sed in aetatibus, quae diuersa sortuntur temperamenta. Cum ergo tot sint particulares sanitates inter se maxime diuersae, nemini dubium erit, sanitatem non infimam speciem esse, sed potius multiplicem.

D Si uero rei medica studiosus percontetur, quomodo fieri possit, ut gradus caloris, qui alteri qui est bonae dispositionis causa, in altero laedar actiones? nam si unus gradus caloris utilis erit ad conficiendum cibos, utrique erit utilis, si inutilis, utrique erit incommodus. Dic, unamquamque facultatem rectè operari, quum proportionem respondentia instrumenta habet: cum ergo unus & idem gradus caloris possit esse huic naturae proportionem respondens, alteri uero non conueniens, nihil mirum si idem gradus caloris sit huic homini ad operandum accommodatus, alteri uero inutilis.

E Neque istes hoc modo. Sanitas est moderatio; haec est medium; hoc autem est unum. Ergo sanitas non poterit esse multiplex. Dic, quod licet omnis sanitas sit quoddam medium, non tamen inde sequitur esse indiuisibile, qui unaquaeque natura habet suum medium, ab alterius naturae mediis diuersum: sic etiam virtus medium est, ceterum differt medium in actionibus fortitudinis, ab eo quod est in actionibus liberalitatis. Si tamen cit. de diff. morbor. sanitatis differentias non similiter enarrauit, ac morbi, ex eo id fecit, quia praesens liber non sanitati, sed morbis erat dicatus. De quo argumento consule inter omnes Donatum Antonium ab Alomari tract. de latitudine sanitatis.

Quæres tertio. Vtrum sanitas, & aegritudo sunt contraria? Arist. cap. de oppositis definit contraria per oppositionem, quae sub eodem genere posita maxime distant: tunc sic. In genere qualitatis magis opponitur unum extremum alteri, quam medio. Sed sanitas est medium, quandoquidem est temperantia: morbus uidetur extremum. Ergo inter se maxime non distabunt.

DDDd

Vt

Ve verò huius dubij admissim solutionem percipias, adverte, morbum calidum, & frigidum dupliciter posse considerari: primo modo, ratione materiae, quatenus scilicet ponuntur in tertia specie qualitatibus; & sic magis opponuntur quam febriens, & sanus: quo etiam pacto avaritia magis opponitur prodigalitati, quam liberalitati. Secundo possunt considerari ratione formali, iuxta quam ponuntur in prima specie qualitatibus; quomodo magis opponitur febriens sano, quam refrigerato; quia dispositio sani magis distat à dispositione febrientis quam dispositio vnius aegrotantis ab alio aegrotante: sicut avaritia magis opponitur in ratione virtutis prodigalitati, quam liberalitati; & in hac consideratione sanitas, & aegritudo dicuntur contraria, & illis sic acceptis definitio contrariorum maxime quadrat.

An verò sint contraria immediata, iure optimo perscrutaberis. Avicenna 2. 1. cap. 4. affirmat, quod non est audiendus, qui medium inter sanitatem, & aegritudinem ponit. Faut Arist. in predicamentis, cap. de oppositis, quo loco duo contrariorum genera proponit, quorum vnum non necessario rebus inhæret, ut album, & nigrum alterum, quod necessario inhæret rei cui aptum est inhære, ut sanitas, & aegritudo; par, vel impar. Inter prima ex eius sententia medium datur, quoniam non est necesse rem albam, aut nigram esse, quum possit alio intermedio colore affici. Inter secunda autem contraria, minime: Nam cum sanitas, & morbus necessario corporibus insint, sicut & numerus necessario debet esse par, vel impar, necessario hæc media carebunt.

Idem confirmat lib. 4. topic. cap. 3. & ratio suadet: nam si genera non habent medium, nec species illud habebunt. Tunc sic: Equale & inæquale, naturale & innaturale, sunt genera sanitatis, & morbi. Sed illa, seu contradictorie opposita, nullum habent medium. Ergo nec sanitas, & morbus. Deinde sanitas est moderantia, morbus immoderantia; illa est proportio, hic improporatio. Sed inter proportionatum, & improporionatum nullum datur medium. Ergo nec inter morbum, & sanitatem.

Variis varia placent: nam Conciliator diff. 77. Arist. sententiam defendit. Turisanus in com. cap. 3. art. med. Gal. hunc strenue tueretur. Nos difficultati huic respondemus, dicendo sanitatem, & aegritudinem dupliciter posse considerari, vno modo strictè, seu in rigore Logico; altero modo, latè. Si primo modo, non est negandum esse contraria immediata, inter quæ medium non est constituendum, ut Arist. docet: Si verò secundo modo, hoc est, secundum sensum, & ad Medicos usus, id est concedendum; quam affectionem Medici neutrant appellant dispositionem, quam neque esse sanitatem, neque morbum, res est manifesta: nam etiam si statim ac morbi incipiunt, suam essentiam obtineant, ut docuit Gal. lib. de loc. affect. cap. 2. & lib. de morb. temp. cap. 1. Rationem tamen morborum non subeunt, quousque manifesta sit ad sensum in operationibus læsio, ex Galen. lib. 1. de sanit. tuend. cap. 5. Quare Galenus in arte med. cap. 8. ægra corpora vocari non patitur, quæ ab optima constitutione breui tempore defecerunt: & idem docuit in eodem cap. infra. §. Quæ verò imbecilles edunt operationes, &c. Sed hæc constitutio optima non est, quia ab optima deflectit; neque morbus, quia sensibilium operationum læsionem non habet. Ergo erit media dispositio, neutra dicta. Hoc ipsum aperte confirmat Gal. dicens immoderantias quæ plurimum à modo recesserunt, iam aegritudines esse; quum verò id non obtinent, aegritudinem generationem ostendere. Quare si sensum fecerimus iudicem, & non rationem, neutra dispositio inter sanitatem, & aegritudinem est constituenda: quod firmat Gal. lib. 1. de diff. sympt. cap. 1. de affectus significatione dissertans, §. Siquidem omne quod est, sine id sanum sit, sine ægrum, sine neutrum, quodammodo afficitur: & in arte med. cap. 8. 2. appellat corpora neutra, quæ in aegritudinem sunt casura, ut conualescentium senum, & lib. 5. de sanit. tuend. cap. 4. Nec refert, quod in pluribus locis asseueret, sanitatem esse moderationem, & morbum, immoderantiam; & duas tantum esse humani corporis dispositiones,

quæ omnia solum neutra corpora secundum rationem non esse adstruenda concludunt.

Nec obstat superiori doctrinæ, quod Medicus sola ea quæ sensu diiudicari possunt, contemplantur, quare cum neuter affectus sensum effugiat, medicæ non erit considerationis. Quamvis enim sensus in neutris, non iudicet speciem certam sanitatis, vel morbi, nihilominus privatione iudicat non discerni speciem qualis sit; quare agnoscit neutrum Medicus, per privationem sensibilis cognitionis extremorum; agnoscit etiam symptomata propria neuronum, qualia sunt, operationum imbecillitas, & spontaneæ lassitudines, quæ morbos prænuntiat, iuxta oraculum senis, lib. 2. aph. 1. Lege Fernel, 1. patholog. 5.

Nec obstat secundo, quod quidam obiciunt, ex prædictis sequi omnem dispositionem aut esse ægram, aut neutram: ratio est, quia non datur perfecta sanitas, ut constat ex Gal. 1. de sanit. tuend. c. 1. & lib. 6. eiusd. cap. 6. dum sic ait. Nec enim sanus videri potest, ea saltem quæ inoffensa, inculpataque sit sanitas. Nam sanitas perfecta, seu (ut strictè loquar) in ultimo, non datur nisi per instans. At secundum Medicos datur integræ sanitas, cum maxima tamen latitudine, inter quam, & morbum potest dari neutra dispositio, videlicet toto illo tempore, quo sensibilis operationum læsio non adest.

Nunc accedamus ad morbum, qui hoc modo à Gal. solet definiri, lib. de diff. sympt. cap. 2. est affectus, à quo primo actio vitatur: quam definitionem tradit Avic. 2. 1. cap. 1. eiusdem ferè verbis; licet à Galeni definitione discrepet; nam hic per affectum, ille per dispositionem: finit: qui non sunt discordes inter se; nam Avicenna non definit morbum per dispositionem, tanquam per primam speciem qualitatibus; sed per dispositionem, seu affectum, debemus intelligere omne illud, à quo subiectum denominatur dispositum, seu affectum; quo pacto in quantitate, situ, & figura dicemus esse dispositiones, seu affectus, quemadmodum loc. cit. Hip. & Gal. docuere.

Addendæ tamen sunt finitioni, morbi aliquæ particulæ, depromptæ partim ex 2. de sanit. tuend. cap. 6. partim ex 3. de articul. cam. 204. quæ ipsam multo illustriorem reddunt: ita ut definitio proponatur hoc modo. Morbus est affectus præter naturam, constans, in membro affecto, immediate lædens functiones, & manifestè. Dicitur præter naturam, propter senes, & alios, qui actiones habent valde imbecilles. Constans dicitur propter calorem ab igne, vel ira conceptum, & dependentem, in membro affecto, propter actiones læsas per consensum, ut quando guttur non format vocem aeris defectu, aut maxilla sana intorquetur, gratia alterius resolutæ; quorum omnium actio læditur, cum tamen non sint ægra, nec valet, sunt ægra per consensum, ergo sunt ægra. Immediate lædens functiones, propter symptomata, & causas morbi. Manifestè, propter neutros.

Vtrum ex dictis oriuntur dubitationes plures. Prima. Non videtur rationi consonum, quod morbus sit affectus seu dispositio sensibilibus functiones lædens, nam 2. de loc. affect. cap. 2. Galenus oppositum videtur asserere, dum inquit: Morbus verò calidus, aut frigidus protinus ab initio, cum primum corpus temperatura quæ bona valetudinis debetur, limites excesserit, eandem sibi ipsi naturam habet: quamvis enim interdum adeo sit exiguus, ut nec à nobis agnosci, nec laborantium sensu percipi possit. Quæ quidem verba manifestè videntur significare, morbum non semper esse affectum sensibilibus operationes lædentem.

2. Dic Galenum citatis locis diuersimodè loqui: quum enim ait esse affectum lædentem operationes sensibilibus, medicæ loquitur; sunt enim Medici, artifices sensuales, & res ipsas per sensum iudicant. Secundo verò de loc. loquitur Philosophicè, & secundum rei veritatem; quo pacto quivis excessus à moderato, etsi sensibilibus operationes non lædat, morbus est.

Secunda. Morbus non est affectus constans, & factus: nam febres humorales, & reliquæ, hoc modo à morborum consortio excluderentur: quia in illis sentimus dolorem; dolor autem in ipso fieri, non in facto esse percipitur, ut colligitur ex Galen. lib. de inæqual. in temp. 4. & 2. de

de caus. sympt. 6. & adeò hoc verum est, vt ob eam causam A febris hectica dicatur indolorifica, & imperceptibilis ab ægroto.

Dic, quòd licet febris humoralis sit quidpiam factum, nihilominus est inæqualis, in quo bene potest fieri dolor: in facto verò æquali, quale est febris hectica; minimè dolor reperitur. Dic secundò. Febres humorales, licet habeant partes in fieri, plurimas tamen sortiuntur in facto esse, ratione quarum summopere lædunt.

Tertia. Causa aliquando sine medio morbi lædit functiones. Ergo non solus morbus lædit. Patet antecedens, in saturitate efficiente cruditatem citra interuentum morbi. Dic, quòd vbi ob vitium materiæ non sit actio bona, non dicitur actio læsa, sed impedita, vt probat Galen. lib. 2. de loc. affect. cap. 3.

Quarta. Febris est morbus, & tamen non definitur per affectum, seu dispositionem, quæ est qualitas secundæ B speciei, sed per calorem, qui est qualitas tertiæ, vt constat ex Galen. 2. feb. 2. & Auic. 1. 4. tract. 2. cap. 2. Ergo superior morbi definitio reproba est. Lege Valler. 4. cont. 1. & 2.

Dic. Plures opinantur nomen affectus, seu dispositionis, in definitione morbi non accipi adeò strictè, sicut Arist. accepit, pro dispositione, secunda specie qualitatis, sed latius pro quocunque affectu præter naturam, siue substantia sit, siue quantitas, siue ad aliud pertineat prædicamentum.

Aprius tamen ad prædictam difficultatem respondendum esse iudico, hoc modo. Nam si febris, aut cuiusvis alterius morbi naturam propriè, siue formaliter perpendamus, eam, & omnem alium morbum, qualitatem esse C secundæ speciei perpetuò inueniemus, siue Arist. Philosophorum, aut Galeni monumenta perscrutemur: hoc constat ex Arist. cap. de qualitate, & 5. physic. cap. 2. & lib. 7. cap. 3. & Auic. 2. 1. cit. & ex Galeno, lib. 1. meth. 7. & 2. meth. 7.

Præterea ratione deducitur hoc modo: Nam aliàs sequeretur, sanitatem, & ægritudinem non specie, sed solo numero differre, quod est contra Philosophos, & Medicos. Secundò probatur, quia si febris est calor intensior moderato, sanitas illi opposita, erit caliditas remissa & moderata, quæ quidem à priori, solo numero differt: intensum enim & remissum specificam varietatem non constituunt. Si verò febris consideretur materialiter, tunc dicendum est esse calorem: sicut & ex aliis morbis, quidam substantia sunt, quidam quantitas, vt constat ex Gal. lib. de D dif. morbor. cap. 8. vbi lapidem in renibus, vnguem in oculo, & sextum digitum additum in manu, siue quantitatem auctam ultra moderatum, morbos appellat. Consule Christoph. à Vega, lib. art. med. cap. 1.

Quinta. Superflua videtur particula immediate, quia intemperies non lædit immediate functiones: nam sicut in sanitate, ad temperamentum sequitur facultas, & ad hanc operatio bona, vt colligitur ex Auic. 1. 1. doct. 3. cap. 1. Ita in morbo, ad intemperiem sequitur infirma facultas, quæ læsæ operationis causa est immediata. Dic, facultatis essentiam apud Gal. non distingui à temperamento: quare sicut facultas sine medio lædit actionem, lædet etiam intemperies. Lege Valleriol. lib. 3. loc. com. cap. 32.

Ultima. Verbum manifestè, explodendum videtur à definitione morbi, quia Galenus 7. meth. 6. asseuerat, læsionem manifestam esse eam, quæ à consueto opere desistere cogit, quum tamen phrenitidem patientes magis moueantur, & fame canina oppressi plus appetant. Dic, licet morus in phrenitide, & appetitus in canina fame, sint operationes præstantissimæ, non tamen perinde sequi patientes phrenitidem, aut caninam dici ægros; habent enim alias operationes læsas, quæ ad rationem ægritudinis sunt satis.

Dic secundò. has operationes esse læsas manifestè: nam actio manifestè læsa dicitur à Gal. loc. cit. per desistentiam ab opere consueto, quasi ille dicatur æger, qui actiones consuetas perficere nequit, quod in citatis morbis contingit. Et hæc potior & breuior est definitionis morbi Lib. V.

explicatio, quam Montani, Fuchsi, Argentieri, Capinacii, & aliorum, quos citat Santorellus, lib. 1. antepraxis, cap. 2. 3. & 4.

Porrò ne hoc de morbo argumentum remaneat indecisum, diuisionem morbi explanandam aggrediamur. Morbus diuiditur apud Auicennam, 2. 1. cap. 2. in simplicem, & compositum: ille dicitur, qui vnā infestat naturam; hic, qui duas corripit, vel plures. Ægritudinis simplicis tres sunt differentię: altera est quæ pertinet ad partes similes, & est morbus in temperamento; altera quæ ad partes instrumentales, vt instrumentales sunt, & dicitur morbus organicus, & officialis; altera quæ pertinet ad partes similes, & instrumentales, nam vtriusque est communis: quam doctrinam desumpsit Auicenna ex Galen. lib. de dif. morbor. cap. 1. cum enim docuisset c. 2. antecedenti, morbum sanitati esse contrarium, & esse immoderationem eorum, quorum sanitas moderatio est, quum sanitas consistat in triplici natura, in temperamento, in conformatione, in vnitare, hæc enim sunt actionum principia; non enim sanitas est species infima, sed subalterna; habet enim se sicut virtus, quæ licet in mediocritate consistat, sub se plures species continet. Cum igitur morbus sit lapsus seu recessus à naturali statu, tria esse oportet morborum genera, in temperamento, in conformatione, in vnitare: nam genera lapsuum eadem sunt cum his, quæ virtutem perficiunt, vt bellè distabat Gal. lib. art. medic. cap. 8. in princip. & cum maior sit latitudo extremi, quàm medij, plures differentię morborum reperiuntur, quàm sanitatis, veluti in vitio, & virtute obseruamus.

Difficilis autem hæc quæstio, est ad vnguem examinanda: neque desunt plures, vt Fernelius, & Argentarius infra citandi, qui plura esse morborum genera rati sunt, & fortissimis machinis. Galeni sanissimam doctrinam redarguere sunt conati. Primò Galenus 2. meth. 6. sex morborum genera esse affirmat. Secundò. Idem Galenus lib. de dif. morbor. cap. 12. docet partes quæ simul vlcerare, & phlegmone laborant, interdum trifariam à naturali statu recedere, aliquando quadrifariam. Ergo plura sunt quàm tria.

Tertiò. Auerhoës 3. col. cap. 1. duo tantum communissima morborum genera recenset, in intemperie, & compositione: idem fecit Auic. 2. 1. cap. 1.

Quartò. Datur morbus contrarius solutæ vnitati videlicet illarum partium quæ debebant esse disiunctæ, & sunt coniunctæ, veluti quando podex, vel pudendum non est apertum, vel digiti sunt coniuncti.

Quintò. Soluta vnitas reducitur ad morbum in compositione. Ergo non constituit genus morbi per se. Patet antecedens: nam quando aliquod os luxatur, luxatio illa non dicitur vnitas soluta, sed morbus in deprauato situ. Ergo vnitas soluta non conuenit organo: nam quotiescunque pars à parte separatur, vitium illud est in compositione, quia debitus situs non seruatur.

Sextò. Tinnitus, vel sibilus aurium, morbus est, quia actionem audiendi lædit: sic etiam oris amaritudo, & factor olfactus, morbi sunt. At hæc in nullo dictorum genere collocantur. Ergo, &c.

Septimò. Solutio continui non est morbus partibus similaribus, & organicis communis: Primò enim ex vnitare soluta similarium partium actiones non læduntur. Ergo soluta vnitas illis morbus esse non potest, quum de ratione morbi sit actiones lædere. Patet antecedens, actiones partium similarium sunt attractio, retentio, &c. Sed pars vulnerata, dummodò intemperie non afficiatur, bene attrahit, retinet, &c. Ergo. Et non solum hoc, sed quidquid ratione vulneris deperditum est, actione diuersarum partium restituitur. Ergo.

Deinde talis est solutio respectu venarum, qualis est obstructio. Sed obstructio totius visceris morbus est, ex Gal. 2. meth. cap. 6. ante med. Ergo similiter vnitatis solutio, quoniam actiones venarum non impediuntur. Præterea sequeretur, quòd nūquam in partibus dissimilaribus solueretur vnitas, quin etiam in similaribus esset soluta. Sed hoc est contra Gal. lib. de const. art. med. c. 6. & lib. de dif. morbor. c. 1. quo loco aulsiões vocat morbos partium organicarum, quoniam

quoniam similes rectè sua munia exercent. Insuper, si A soluta vnitas esset morbus partium similarium, etiam illarum actiones læderentur ex vitio in numero, in figura, & situ. Sed hoc non est dicendum. Ergo nec illud. Demùm Galenus *lib. 7. meth. cap. 3.* & alibi, sanitatem partium similarium solum in bona temperie consistere docet.

Octauo, Insurgit acerrimè contra Galenum Argentarius *lib. de generibus morbor. cap. 4.* dicens solutionem continuitatis non pertinere ad partes similes, sed solum ad partes organicas; nam ratio organi non solum consistit in numero, in magnitudine, in figura, in situ, sed in vnitate. Probat suum placitum, quia natura partium similarium sola est temperies, quæ à soluta continuitate non læditur, dantur enim vlceres, & vulnera, citra intemperantiam vllam.

Nonò Arguunt plurimi ex suprâ citatis auctoribus, hoc modo. Solutio continuitatis solum pertinet ad partes similes, quia hæ sunt quæ habent continuitatem; organicae verò solum habent contiguitatem. Ergo hic morbus non est vtriusque partibus communis,

Vltimò, Hostiliter Galenicam morbi diuisionem conuellere conantur Fernelius *lib. 2. de abdit. rerum causis, cap. 9. & 10. patholog. c. 7.* Riolanus Fernelij doctissimus interpres, & Argentarius *loc. cit.* dum sic ratiocinantur. Morbi pestilentes, & venenati, diuini, alij orti ex maleficiis, incantationibus, præstigiis, qui multis modis à Dæmone immittuntur, occulti, vt Gallica lues, sunt morbi totius substantiæ. Sed ij neque ad temperamentum, nec ad compositionem, nec ad vnitatem solutam referri possunt. Ergo plura dantur genera morborum simplicium. Nam si sub aliquo deberent comprehendendi, esset sub morbo in temperamento; quod est falsum, quia hi morbi aliqua prima qualitate non fatigant aut premunt, sed à totius rei substantia oppugnant: quare non curantur qualitatibus primis, sed iis præstigiis quæ ab occulta qualitate auxiliantur, quæ à Medicis alexipharmaca, seu alexiteria nuncupantur.

At non ob hæc futilia ( mæo voto ) ad libitum inuenta, immò insolentia argumenta, deferenda est doctrina, quam summus Medicorum Strategus militibus suis inculcat, vt eius firmissimo clypeo muniti, aduersantium tela possint declinare cum velint. Verùm antequam ad illud morbi genus nouum, & absurdum, à Fernelio inuentum refutandum accedamus qui citra necessitatem morbos materiæ, & formæ omaium primus stabiliiuit, ( in cuius solutione, propositæ quæstionis cardo consistit ) cætera sigillatim sunt dissoluenda.

Dic ad primum, tria tantum esse morborum genera, si verò sunt alij, hi ad aliquod illorum debent reduci, Galenus autem sex morborum genera recensuit, non solum communissima, sed etiam subalterna, quæ sub genere morbi in compositione continentur: nam si mala compositio diuidatur in quatuor membra, erunt sex. Diuiditur autem compositio à Galeno, *lib. de dif. morbor. cap. 6.* in formationem, quantitatem, numerum, & situm: ita diuiditur ab Auic. 2. 1. cap. 3.

Ad secundum. Illa quatuor genera morborum sunt, vnitas soluta ratione vlceris; intemperies calida, & humida, ratione inflammationis, ( quæ duo sub intemperie continentur ) quartum genus pertinet ad compositionem, quum ita excedit magnitudo, vt actionem lædat. Vel dic quòd in deprauata compositione sunt duæ ægritudines, alia ratione magnitudinis, vt dictum est, alia ratione cauitatis, quæ est repleta & obstructa, & pertinet ad morbum figuræ, seu formationis.

Ad tertium, & quartum, Auerrhoës, & alij eo loco non ex professo de morbis differunt, & ideò tertij generis obliuiscuntur, cuius tamen meminit *cap. 14. sequenti.* Ad quartum dic, quòd ille morbus pertinet ad deprauatam compositionem in societate, seu situ, ex Galen. *lib. de dif. morbor. cap. 10.* & ex Fernelio 1. *patholog. cap. 8. in fin.* Labra enim pudendi & podicis quando disuncta sunt, debitam societatem, quæ attenditur penes situm, non habent.

Ad quintum, Dic, quòd tunc situs est deprauatus, & non soluta vnitas, licet magis propriè dicatur vnitas solu-

ta, quoniam deprauatus situs conuenit organo, & non parti illius: & sic quando pars aliqua separatur, non erit deprauatus situs, quoniam non amittitur vniuersum organum, sed potius erit soluta vnitas.

Ad sextum, Tinnitus, vel sibilus aurium pertinet ad deprauatam compositionem, cuius symptoma est: nam cauitates corporis quando naturaliter se habent, debitam figuram seruant, & situm. Quando aliquis flatus crassus, sensus cauitates replet, & querit exitum, sibilum excitat, qui ex modo in deprauata figura ortum ducit; illæ enim cauitates vacuæ esse debebant. Deinde scetor narium similiter est symptoma, quod ex vlcere in naribus excitato scaturit, cuius ratione omnia scetor. Neque dicas quòd scetor potius est causa vlceris. Nam vlcus oritur ex intemperie, & situ, & sic semper scetor erit symptoma. Lingua autem amaritudo est symptoma, quod ad deprauatam compositionem refertur; cum enim lingua sit mollis, laxa, & spongiosa, humore bilioso repletur, cuius cauitates vacuæ esse debebant.

Ad septimum dic, quòd caro quæ in diuisis partibus generatur, illis accepta referri non debet, sed parti subiecti adhuc sanæ existenti, ex Gal. *lib. 3. meth. cap. 19.* & *lib. 4. sequenti, cap. 1.* Aliæ enim partes quum constitutionem habeant euersam, purum elaboratumque sanguinem non attrahunt, ex quo caro regigni solet. Ad id verò quod obiciebatur de obstructione, est falsum: Nam obstructio est solum morbus partium instrumentalium. Adde, venas & arterias, partes similes, & dissimiles dici posse: quatenus sunt dissimiles, necessariò causæ factæ sunt; quatenus verò similes, non necessariò cauitate sunt præditæ. Ad instantiam verò dic, Galenum vera profiteri. Quòd si ipse anulliones vocat morbos partium instrumentalium, & primò, & per se intelligatur: nam & morbus partium similarium primò conuenit illis, & ex accidenti toti instrumento communicatur.

Ad vltimam instantiam dic, falsum esse assumptum: quoniam etiam si os sit contortum, & illius magnitudo deprauata, & non in conuenienti situ, neque ordine; nihilominus tamen eius actiones optimè sunt.

Ad octauum, & nonum dic, sumpto altiùs orationis exordio. Qui solutionem continuitatis non pertinere ad partes organicas, sed solum ad similes asseuerant; hoc præcipuo nituntur fundamento, quia in morbis organicis non reperitur continuitas, sed sola contiguitas. At separatio continuitatis constituit morbum in situ, & societate, & solum pertinet ad partes similes; hæ enim sunt quæ secantur, & rumpuntur: nam quando diuiditur pars organica, non alia ratione diuiditur, nisi propter diuisionem partis similis.

Hanc sententiam habuit Conciliator *dis. 65.* quem turpiter; sicut & alios fuisse deceptos scribit Fernelius *lib. 1. patholog. cap. 9.* Nam solutio continuitatis verè morbus organicus est, & ad partes organicas pertinet. Ratio enim organi consistit in figura, conformatione, & vnione continuitatis: solutio verò continuitatis, corrumpens figuram, & conformationem, efficit morbum organicum. Quæ responsio non soluit difficultatem, quam Conciliator insinuat. Nam soluta continuitas in parte organica, quatenus constituit morbum in figura, & in solutione, causa morbi est: An verò sit morbus, ita vt morbus morbum efficiat, non explicuit Fernelius, & hoc est quod Conciliator contendit, non esse morbum organicum, sed causam morbi organici.

Alia tamen, eaque certior via nobis sulcanda est, ex qua veritas abstrusa eruatur: eam solertissimus patefecit Magister, qui *lib. de dif. morborum, cap. 4.* in similaribus, & organicis partibus reperiri vnitatem euidenter affirmat; huius enim ope & ministerio pars vna est, & suum actum & vsum compler: cuius solutio commune morbi genus in partibus similaribus, & instrumentalibus constituit, quæ vnitas vocari potest continuitas: nam Aristoteles *lib. 5. phys. cap. 3.* postquam explicuit quid erat continuum, & contiguum, docet quòd quando ex pluribus vnum fit, continuum dicitur, quod accidit per insertionem, & coactum: quo loco vberimus eius



eius interpretes Auerthoës, proponit triplex esse continuum: alterum artificiale, ut ex lateribus, lapidibus, & calce sit una massa continua, licet enim extrema sint diuersa, solent esse inseparabilia; vel est naturale, velut quando arbor arbori inseritur, vel pars parti, ut ligamentum, os, caro, venis, arteriis, membranis, & cartilaginibus; interdum est mathematicum, ut constat in linea, superficie, & magnitudine, quæ propriè continuum est; nam extrema sunt eadem, & eodem termino communi inseparabiliter copulantur.

Ex qua doctrina satis constare arbitror, non solum in similibus reperiri continuitatem, sed etiam in partibus organicis; cuius separatio vocatur anulsiō, ut Gal. docet, *lib. de differ. morbor. cap. 11.*

Quæ partibus instrumentalibus accidit, integra manente continuitate partium similiarum, veluti si ligamentum, cuius interuentu muscoli cohærent, & alligantur ossibus, separatur ab osse, tunc non continuitas, sed contiguitas organi soluitur; & tunc duplex morbus, alter in situ, alter in vnitate constituitur.

Ex iis liquet manifestè, quid sit respondendum ad Conciliatorem: quoniam in partibus instrumentariis non solum continuitas, sed contiguitas reperitur, cuius separatio verè morbus est, & alios morbos inducere potest. Et ad argumentum respondendum est, partes similes præter suam temperiem retinere vnitatem, postquam in illis etiam consideramus partium vnionem, quæ ex mixtione emanare solet, quæ quando soluitur, licet non corrumpat temperiem, partium tamen similiarum actiones necessariò lædit, quia partes diuisæ non ita cum principiis consentiunt, neque eorum influxum suscipere, aut operationes naturales exercere commodè queunt; præsertim si sint partes quæ fibris præditæ sunt, quarum beneficio munia sua exequuntur, quibus separatis, attractio, retentio, expulsio, & ex consequenti alteratio vitiantur.

Nunc ad vltimum argumentum dissoluendum, tanquam ad maiorem machinam accedamus. Fernelius namque, eius scholiastes, Riolanus, Argentarius, Sennertus in *lib. de morbis occultis, & totius substantiæ*, & alij, in partibus similibus præter morbum in temperamento, constituunt morbos materiæ, & morbos formæ, sanitatēque partium similiarum ex temperie, ex materia, & forma esse constituendam sibi persuadent. Nam cum ex elementis, eorumque qualitatibus refractis componatur, acquirit temperiem, qua partes dicuntur calidæ, frigidæ, humidæ, & siccæ, aut temperatæ. At ex elementorum substantiis, & corporibus acquirunt materiam, secundum quam dicuntur crassæ, aut tenues; duræ, aut molles; raræ, aut densæ; laxæ, aut adstrictæ; graues, aut leues: & præter hæc, quælibet pars retinet suam formam, quæ species & essentia illius est.

Suam autem munit Fernelius opinionem argumentis multis, quæ omnia, sicut & alia quæ pro illius tutela facere videntur, in propatulum proponam, ne quispiam illorum difficultate deterritus, Galenicam deserat veritatem. Et primò sic ratiocinatur. Galenus *lib. 2. ad Glauc. cap. 2. ante fin.* agens de indicatione, quæ in morborum curatione sumenda est à natura partis, docet sæpe affectus curationem offendere naturam partis, & illius virtutem dissoluere. Quæ enim laxant, vires partis resoluunt; quæ refrigerant, calorem & spiritum extinguunt; at alienæ, & peregrinæ qualitates partis substantiam corrumpunt: In ventriculo enim experimur robur virtutis dissolui, non solum ob intemperiem frigidam, quæ ex potu aquæ frigidæ, & aliarum rerum refrigerantium oritur, sed propter relaxationem ventriculi, ex multitudine olei ingesti, & aliis rebus vinctuosis subortam, & ob morbos malignos, ac eorum venenum: quibus locis Galenus vitium intemperamenti, materiæ, & formæ insinuat. Igitur sicuti datur morbus in intemperamento, quando recedit ab statu naturali, sic debet assignari morbus in materia, & in forma, quando à proprio statu naturali mutantur.

Nec dicas materiam, & formam esse eandem rem cum

*Lib. V.*

A temperamento, quia sunt distinctæ. Nam reperiuntur partes eiusdem temperamenti, veluti est pulmo, & cor, quæ non retinent eandem formam. Cor enim habet substantiam densam & compactam, pulmo verò habet eam laxam & raram. At sunt eiusdem temperamenti. Igitur materia, res est distincta ab intemperie. Præterea reperitur homo temperatus, qui à causis internis facillè læditur. At qui hoc non emanat ex temperamento, sed propter mollietatem, & raritatem; & inuenitur homo intemperatus, qui non læditur à causis externis, non ratione intemperamenti, sed propter duritiem, & densitatem: quod non solum in toto corpore, sed in partibus contingit; ventriculus enim temperatus saporibus acidis, & acris tolerare non potest, nisi cum magna noxa, ob sensus acutiem, quæ ex mollietate & raritate ortum ducit: at ventriculus intemperatus, ob hebetudinem sensus, ob duritiem, & densitatem contractam, eosdem saporibus tolerat; quod etiam experimur in cerebro etiam intemperato, quod facillè, aut difficulter tolerat odores acris & graues, ob acutiem, vel hebetudinem sensus, & non ratione intemperamenti.

Quod autem materia vires habeat agendi, & disponendi ad actiones partis, probat, quia illi homines qui ossa habent mollia, & musculos ac tendines laxos, valde imbecilles sunt ad motum: contra autem, qui ossa habent valde dura, & musculos ac tendines bene compactos, sunt robustissimi.

Insuper Galen. *lib. art. med. cap. 12.* videtur comprobare hanc sententiam: Nam cum de cerebro agit, quod est organum actionum principum, affirmat eos homines qui substantiam habent cerebri crassam, & duram, tardos esse ad addiscendum; contra promptos ad doctrinam, ingenioque valere, qui mollem, & tenuem sortiuntur. Igitur durities, & mollietates; crassities, & tenuitas partium ad actiones producendas magnam vim habent: quare recessus in iis morbos excitat; & sic mollietatem, duritiem, crassitiem, tenuitatem, laxitatem, adstrictionem, raritatem, aut densitatem, morbos materiæ vocat.

Deinde morbi formæ sunt concedendi, & vocat formam, totius rei substantiam quam constituit, & morbos formæ appellat corruptelam formæ, non in termino, sed in via, veluti sunt vlcera maligna, rabies, febres pestilentes, morbi venenati. Idque triplici ratione probat: prima sumitur ab essentia partium, quæ sicuti constant temperie, sic constant materia, & forma. Igitur sicuti recessus à temperamento naturali, & à materia constituit morbum, sic quando mutatur forma, erit morbus, quum ea sit potissima actionum causa.

Secundò probat ex actionibus, quæ à totius rei substantia emanant: nam facultates quæ actionum sunt causæ, proprietatem substantiæ sequuntur, ut notauit Galenus 7. *de placit. cap. 5.* & attractio quam partes inter se exercent, ob similitudinem substantiæ fit, sicut & concoctio; quoniam Struthiocamelus concoquit ferrum, & aues durissima concoquunt semina, ob totius substantiæ similitudinem, non temperamenti: nec ratione materiæ, quum animalia calidiora, id efficere nequeant.

Tertiò probat ex modo curationis, quia prædicti morbi solum curantur his remediis, quæ non operantur primis qualitatibus, sed à totius rei substantia, qualia sunt alexipharmaca, & alexiteria, ut firmat Galenus 5. *simpl. 1. & 18.* Ergo consignandi sunt morbi formæ, qui sub dictis generibus comprehendi non possunt, & à Galeno prætermitti sunt, in *lib. de dif. morbor.* Quare qui Galeni partes tueri conatur, (inquit ipse) summa morborum genera confundit ac perturbat, & omnem doctrinæ vim inexpressibili scelere peruertit.

Hæc tamen sententia licet acuta sit, & videatur physica, falsa est, & multis erroribus implicata. Neque enim datur morbus in materia, quia in ea non reperitur sanitas, quum non sit actionum causa, nec vires habeat agendi: quoniam in eo consistit sanitas, in quo & morbus; nam cuius moderatio est sanitas, eiusdem immoderatio est morbus, ex Galeno *lib. de dif. morbor.*

DDDD 3 cap. 2.

*cap. 2.* Deinde omnes morbi quos vocat materiz, aut sunt A symptomata, quæ intemperies consequuntur, aut sunt morbi instrumentarij: nam durities, & mollities symptomata sunt de genere qualitaris tangibilis, vt Gal. firmat; *lib. de dif. sympt. cap. 5.* quæ intemperantiam humidam, aut siccam, aut frigidam, aut alias causas morbificas consequuntur. Asperitas, & læuitas constituunt morbum organicum in superficie. Raritas, & densitas; sicut laxitas, & adstrictio morbum instrumentalem constituunt ad partes instrumentales pertinentem, vt docet Galen. *lib. 5. de valet. tuend. cap. 2. in fin.* Munus enim formatricis est, præstare conformationem partibus; & sicut efficit numerum, magnitudinem; figuram, & superficiem, sic effingit vias, & cauitates. quæ ad partis organicæ conformationem pertinent, auctore Galen. *lib. 1. de facult. natural. cap. 5. & 6. in fin.* crassities, & tenuitas morbum organicum in magnitudine constituunt.

Rationes verò quibus Fernelius, Argenterius, & alij probant assignandum esse morbum materiz, & hanc distinctam esse à temperamento, fuitiles sunt, & nihil concludunt. Quoniam improbable est reperiri partes, eiusdem temperamenti, quæ eundem modum substantiz, & eandem materiam non retineant: secundæ enim qualitates non solum elementorum substantiam, sed modum requirunt, hæ enim ex primis oriuntur. Quando in corde, vel pulmone elementum igneum cum aëreo dominatur, neque eundem modum, neque idem retinet temperamentum, quia nec in his partibus, neque in renibus eadem est elementorum miscella.

Et ad eandem rationem dic, quodd repugnat reperiri hominem temperatum, cum mollitie, & duritie, raritate, aut densitate; quia deber retinere mediocritatem in secundis qualitatibus, vt constat ex Gal. *lib. 2. de temp. cap. 1.* Fieri tamen potest, vt homo ex viuendi ratione contrahat consuetudinem, vt minus à causis externis lædatur: & heberudo, aut acuties sensus, non sunt morbi materiz, sed reales quædam dispositiones & potentiz, propter quas partes facilius aut difficilius patiuntur, & in morbos incidunt.

Postrema autem ratio nullius est momenti. Materia enim nunquam ad actionem disponit: nam tota ratio quæ in actione est necessaria, ex temperie, calore, & spiritu dependet, & ex conformatione, & vnitare. At locus Galen. *in arte medica* intelligendus est cum aliqua verborum transmutatione, quoniam cerebri substantia semper est crassa, viscida, & humida, sed per tenuem substantiam debemus intelligere substantiam spiritus animalis, qui in cerebro continetur, præclaram, lucidam, & rectè temperatam; tunc enim homines valent ingenio, & intellectu, & rerum species promptius percipiuntur: contra autem res se habet, si spiritus animalis substantia sit crassa, & turbida. Vel si intelligas cerebri substantiam exactè elaboratam, & temperatam, non errabis, quoniam vt dicebat Gal. *lib. 8. de usu part. 13.* perfectio intellectus non quantitatem cerebri, aut spiritus, sed optimam eorum temperiem sequitur.

Sicuti ergo morbi in materia non sunt recipiendi, sic etiam morbi in forma, quos vocant corruptelas formæ, & morborum numero eliminandi: quia si per formam intelligamus rei essentiam, & quidditatem, quando corruptio est in instrumento, non est morbus, sed mors, vt ipsi etiam admittunt: vt tamen est in via, est morbus in temperamento, quia semper corruptio fit præcedente alteratione secundum primas qualitates, quæ non solum vim habent alterandi, sed transmutandi etiam substantiam in alienam speciem, vt norauit Gal. *lib. de constit. art. med. cap. 9.* Si verò per formam intelligatur totius rei substantia, quam Gal. etiam propriam naturam, & proprietatem temperamenti vocare solet, & Auicenna formam specificam appellat, non est res distincta à temperamento, quoniam hæc ex primis qualitatibus, & mixtione elementorum solet emanare, ex Gal. *4. simpl. 1. 4.* Auerrhoës *lib. 5. collig. cap. 21.* docente, omnes actiones quæ oriuntur ex totius rei substantia, oriri etiam ex mixtione elementorum, & ex primis qualitatibus hoc vel illo modo temperatis: veluti attractio magnetis non fit absolute à calore, sed à deter-

minato calore, & hoc vocat (inquit Auerrhoës *cit. loc.*) totius rei substantiam: & quia à priori non potest cognosci hic modus mixtionis, & temperamenti, appellat qualitates occultas, & proprietates, quæ sequuntur modum mixtionis, propter influxum cœlestem, vel aliquam qualitatem reconditam acquisitum, ratione cuius mixta admirabiles virtutes ex se produnt.

Ratio verò ex similarium partium essentia desumpta, quam in suæ opinionis fauorem adducunt, ficulnea est, & penè nulla. Quoniam actiones emanant à forma, Gal. autem non cognouit quid sit anima, & sic omnia quæ animæ tribuenda erant, adscripsit temperamento, & temperiem vocat formam & essentiam. At quando debiles sunt actiones, non dicimus debilitari formam, quia illud ob corporis dispositionem efficitur; & quando læduntur actiones, non est dicendum formam lædi, sed solum corporis dispositiones, quæ sunt illius instrumenta, temperies nempe, conformatio, & vnitatis, quia in illis solum vitium constituendum est.

Rationem secundam sic extricabis, si asseras actiones emanare à facultate, & facultatis essentiam in partium temperamento esse constitutam: vnde quando eueritur temperamentum, essentialiter læditur facultas; quare actiones à temperamento oriri aperte probant Gal. *3. de sympt. caus. cap. 3.* & Auic. *1. 1. doct. 6. cap. 2.* quo loco docent, facultates naturales ad suas actiones primis qualitatibus uti, quæ (vt dictum est) non absolute, vt tales sunt inseruiunt, sed certo modo attemperatæ; & hoc Galen. totius rei substantiam vocat.

Rationem vltimam sic dissolue, & admitte dari remedia, quæ à totius rei substantia operantur, & agere in causas, & morbos qui à totius rei substantia agunt: verum hæc omnia temperamento ex primis qualitatibus acquisito suas exercere operationes. Distinguit tamen Gal. ea, quæ operantur à totius rei substantia, ab eis quæ operantur à primis qualitatibus, quia hæc solum alterant, & qualitates contrarias immutant; ea autem quæ operantur à totius rei substantia, non solum corrumpunt primas qualitates, sed & secundas, & tertias, & alios admirabiles effectus producunt, propter certum modum mixtionis, & temperamenti. Accedit etiam quodd omnes illi morbi, quos vocant corruptelas formæ, omnes sunt (si res penitus consideretur) vel morbi in temperamento, aut in compositione, aut in solura vnitare, aut sunt morborum causæ. Reliqui verò morbi, quos diuinos vocant, siqui sunt, aut morbi qui ex maleficiis, aut incantamentis comparantur, nec methodo inueniri, nec curari possunt, nec habent causas naturaliter agentes, sed limites naturæ excedunt, & idcirco prætermitti à Galen. *in lib. de dif. morbor.* Insolens ergo hæc opinio Fernelij contra Gal. à Medicorum mente explodenda, morbi que in materia, & forma à morborum genere excludendi. Consule doctissimum Santorellum *lib. 5. antepraxis, c. 4. & 5.* Quare cum hæc videris, non existimes morbum substantiz esse diuersum à morbis intemperiei, quia morbi venenati vnà cum cæteris totius substantiz morbis, nouam morborum partium similarium classem non constituunt, vt falsò sibi persuasit Sennertus, quia ob veneni perniciem calor vitalis affligitur, opprimitur, & extinguitur, quæ affectio morbus est temperiei, quæ licet ab occultis, & non manifestis causis sit læsa & corrupta, tamen calidum innatum patitur, quo illæso homo è medio tolli non potest. Desinat ergo Ioannes Sperlingius, in Academia Vvitterbergenfi physica Professor eximius, in *tract. physicomedico, de morbis totius substantia*, conuictis laceßere clarissimum Ioannem Freitagium, Academia Groninganz celeberrimum Professore, qui in *disputat. medica, de morbis totius substantia*, præsertim *thes. 62.* verè, solidè, & eleganter venenatos, & cæteros totius substantiz morbos, nouam morborum classem non constituere, prudenter asseuerat. Aduersarij

verò argumenta, ex superiori Freitagij doctrina, faciliè, si pensites, extricabis.

## HISTORIA XXII. GALENI,

## De lolij pernicio.

## Lolij malefica vis.

**E**tenim cum anni constitutio prava aliquando foret, lolium affatim tritico innasce contigit: quod cum neque agricola accommodatis ad eam rem cribris exacte purgassent, neque pestores, quod paucus esset tritici proventus, statim quidem multis caput dolere cepit: in eunte vero aestate, in cute multorum, qui comederant, ulcera, aut aliud quoddam symptoma, quod succorum prauitatem indicaret, est pronatum, &c. Galenus lib. 1. de alim. facult. cap. ultimo.

## PARAPHRASIS.

**L**olium, Græcis dicitur zra, & à Latinis zizania etiam vocatur. Constat folio, hordei quidem (ut cuius est vitium) effigie, ceterum folio angusto, pingui, & hispido, semine exili, in cortice aculeato, Theophrast. lib. 8. de hist. plantar. c. 7. Id Plinius inter frugum morbos potius, quam terræ pestes numerat: nam lolium plura mala facit, si inter fruges adsit; noxia enim est fruticatio, quæ sementi ac frugum incremento officit; quoniam sata strangulat ac necat, succumque quo nutriuntur, depopulatur, sic ut segetes, aliæque herbæ salutes, aut malignæ emergant, aut prorsus suffocentur.

Deinde hoc modo cerealia semina, priusquam in sanorum usus veniant, diligentissime iis frugum vitii liberentur, oportet. Etenim triticum, nisi lolium à re frumentaria operose idoneis ad hoc incerniculis repurgeretur, vescentibus noxam inferet: nam capitis dolores continuo mouentur, vertigines obuerfantur; postmodum cum sequens ingruerit ætas, cutem scedis obsidet ulceribus, aliæque emergunt incommoda, quæ alimenti huius malitiam satis ostendunt. Quo pacto in hac historia Galenus, non fastidium tritici repugamenti præceptum edocuit: namque si grassantem sensim noxam, inter initia propter exiguitatem vescentes non sentiant, gliscente multo pluribus diebus vitio impune non effugient, quin tandem ea non sine magna vitæ alca manifestius eruptura prodeant.

Demum ex infelici lolio plurima damna suboriri, somnolentiam, temulentiam, amentiam, vertiginem, non illud pida historia probauit VVierus lib. 3. de prestig. demonum, c. 18. dum sic ait. *Mulier quædam optime noia, sed quæ iam suum obiit die triturratores in multos conduxerat dies, curaræque ex lolio diligenter excreto, molito, pinfitoque, admixta secalis farina panem apparari, & coqui, ut eos minoribus sumptibus aleret, quo cum essent pasti in quandam lenem inciderunt amentiam, & cum essent aliquandiu rotati vertigine, lassæ ad unum omnes in profundum, longumque inciderunt somnum; vi pro labore quem vetula præstare oportuisset, ipsi continuo sternerent, donec ea tandem post alterum, aut tertium diem, errore animaduerso, victus rationem mutaret.*

Insuper lolium panibus admixtum, capitis dolorem, oculis caliginem affert, vaporosos enim humores in cerebrum defert: unde manauit proverbium in lusciosos, lolio visitare. Sic Plautus in milite scribit.

*Mirum est lolio te visitare, tam vili tritico.*

*Quid nam? quia lusciosus. Verbero Edipol, in quidem Cecus, non lusciosus.*

Et Ouidius lib. 1. Fastorum,

*Ut careant lolis oculos viriantibus agri,*

*Nec sterilis cultus surgat auena solo.*

Quo pacto in eunte vere, antequam sata adolescant, maturæ sunt auellenda omnia frugum detrimenta, ut monuit Virgilius lib. 1. Georgic.

*Prima Ceres ferro mortales vertere terram*

*Instituit, quum iam glandes, atque arbura sacra*

*Deficerent sylua, & victum Dodona negaret.*

*Mox & frumenti labor additus, ut mala cultmos*

*Esset rubigo, segnisque horreret in aruis*

*Carduus intereunt segetes, subit aspera sylua,  
Lappaque, tribulique interque nientia culta  
Infelix lolium, & steriles dominantur auena.*

Ishaac lib. diatar. paricul. titulo de zizania, sic dicit. *Vim habet acutam, & venenosam, aliquando mentem turbans, & inebrians.*

Proponit Petrus Hispanus in comment. cap. Isbaac, dubium, quid fieri possit, ut lolium, narcoticorum instar, somnum profundum exciter, si calidum est nimis, & valenter exiccat, apud Galenum lib. 6. simpl. ii. de lolio: Respondet, ex eo lolium concitare veterum, quia emittit ex se vaporem venenosum ad cerebrum, quem cum virtus animalis sentiat; fugiens eum ut noxium, se retrahit, & cum ea sanguis & spiritus, ad quorum retractionem sequitur somnus. Non est recta solutio: nam hoc modo etiam venena calida somnum inexpugnabilem concitent, quod non experimur: nam tunc potius vigilia superflua ex calore contingit.

Dic ergo hoc modo. Multa sunt calida medicamenta, quæ somnum prouocant: aloë enim, ex mente Dioscoridis lib. 3. cap. 23. somnum inducit; ita ut Rhafius lib. 1. continet, cap. 8. aloë interdicit in cura lethargi, quia eius virtus inducit subeth. Hinc fit ut Matthæus lib. 9. ad Almanf. c. de lethargo, damnet eos, qui hieram lethargo affectis intrepide propinant.

Neque obiciias cum Lupeo lib. 3. enchiridij, fol. mihi 152. quod hæc medicamenta, sicut myrrha, & styrax, somnum, & torporem inducant, quia liquando pituitosos humores, sunt in causa ut cerebrum humectetur, & exagitando humores, faciunt ut ad caput vapores emittant; ob quam causam cuncta medicamenta expurgantia soporem inferunt.

Quæ tamen opinio à Galeni, cæterorumque Medicorum sententia valde recedit: nam Dioscorides sic ait: *natura aloës est spissare, exicare, somnum allicere, corpora densare, &c.* Si igitur spissandi naturam habet, quomodo attenuando somnum allicit? Deinde si sua natura soporem inducit, per se igitur id facit, & non ex accidenti tantum. Ad hæc, si aloë somnum induceret, alia medicamenta æquæ calida, ut myrrha, soporem producerent, quod non experimur.

Neque asseras, aloë somnum excitare, quia expurgabilem, quæ vigiliæ causa existit: nam hoc modo cholagoga omnia essent somnifera, quod nullus vnquam dixit; nec enim rhabarbarum somnum prouocat, aut Scammonium, aut aliud medicamentum quod facultatem attrahendi bilem fortitur.

Quare aloë, & alia calida, ut styrax, myrrha, & lolium, somnum inducunt, quæ etsi calida sint, habent partes quasdam humidas præpingues, quæ per actionem innati caloris ventriculi, in vapores versæ ad cerebrum velociter permeant, & humiditate sua lenta facultatem animalem consopijunt. Et licet etiam sint partes sicciore, acres & calidæ commixtæ, ex quibus vigilia emanat, tamen hæc non ita aptæ sunt verti in vapores, sicut humidæ ac pingues.

Hac de causa lolium ebrietatem diuturnam excitat; constat enim humido pingui, lento, & glutinoso. Ita myrrha, calida sicca soporem facit, ex Dioscoride lib. 1. cap. 6. Ita styrax torporem concitat, & torpidos sensus reddit, ex Galen. 12. meth. c. 1. & lib. 6. epid. sect. 5. com. 13. & lib. 2. secund. loc. cap. 1. & thus epotum sensus facit immobiles, & torpidos; quare in potu offertur iis qui supplicio sunt lacerandi. Ex quibus satis constare arbitror, quomodo plura quamuis temperamento calida, ratione diuersarum partium commixtarum, somnum illiciant.

\* \* \*

# HIST. XXIII. GAL. ET AETII, De fungorum veneno,

Syncope, & alia sæuissima symptomata, ex  
esu fungorum suborta, eorum-  
que curatione.

**E**x fungis boleti, si bellè in aqua elixi fuerint, propè acce-  
dunt ad cibos insipidos: non tamen sic solis ipsis vulgò  
viuntur, sed apparant variè, & condiunt, ut alia omnia, qua  
nulla insigni qualitate sunt prædita. Alimentum autè ex ip-  
sis est pituitosum, & frigidum videlicet, prauique succi, si quis  
ipsis largius utatur. Omnium igitur fungorum hi minimè  
sunt noxijs, secundi autem post hos sunt amanita. Reliquos ve-  
rò tutius est omnino ne attingere quidem; multi enim ex ipso-  
rum esu interierunt. Etenim noui quendam, cui post boletorum  
non satis elixorum, (qui innocentissimi esse putantur) usum  
largiorem, os ventriculi pressum, ac grauatum, coarctatumque  
fuit, difficilèque habuit respirationem, & in animi deliqui-  
incidit, sudorèque frigidum sudauit, ac demum seruari agè,  
sumptis iis qua humores crassos incidunt, potuit: cuius generis  
est oxymeli ipsum per se, & cum hyssopo, & origano ipsi medio-  
criter incoctis. Is enim tunc hæc à quodam accepit, tum nitri  
spumam ipsis inspersam: post que fungos, quos comederat, vo-  
mituit, qui iam quodammodo in succum pituitosum, frigidum,  
admodum, ac crassum erant mutati, & c. Galenus lib. 2. de ali-  
ment. facult. cap. 69.

Gallarum stercore usus etiam ipse fui, ad eos quibus strā-  
gulationis periculum ex esu fungorum imminet. Insperge-  
bam autem ipsum tritum cyathis tribus, aut quatuor posca, aut  
aceri mulsis, & breui conspicuam opem senserunt. Paulo post  
enim pituitosum, crassissimam humorem euomebant, à quo per-  
fectè suffocationis accidens conqueuit, & c. Aëtius tetrab. 1.  
serm. 2. cap. 98.

## PARAPHRASIS.

**F**ungus, ut quibusdam placet, à funere desectitur: multi  
sunt venenati, præsertim qui diluto rubore, rancido  
aspectu, liuido intus colore, rimosa stria, pallido per am-  
bitum labro cognoscuntur: cortice, medulla, neruo, vena  
carent, pediculo constant admodum æquali. Origo prima  
è limo, & acescente succo madentis terræ, aut radicis  
fermè glandiferæ. Sicut ex arborum, ac fructuum ramis,  
radicibus, caudibus, corticibus, arboribus, lignis, ut For-  
tunius Licetus probat lib. 3. de spont. vinent. ortu. c. 4. Immo  
artificialiter fieri possunt, è sicu defossa, populeis frondi-  
bus concisis atque sepuleis, ut notat Scaliger exercit. 104.  
num. 17. samentis combustis, apud Card. 13. de subtilit. pag.  
mihi 509. Immo ex lapidibus nascuntur, ex Scalig. exer-  
cit. 173. num. 2. Est fungus planta sine radice, mollis, spon-  
giola, & alba. Nicander appellauit terræ fermentum, quod  
generetur ex terra acido succo fermentata, vel ut dicit Pli-  
nius lib. 22. cap. 23. ex pituita arborum.

Theophrastus lib. 4. de hist. plantar. c. 8. & Plinius, varia  
eorum constituerunt genera: alia enim appellantur à locis  
in quibus nascuntur, alia ab arboribus prope quas oriun-  
tur, alia à colore, alia à magnitudine. Dioscorides lib. 4. cap.  
78. duo tantum posuit genera: nam alij sunt qui edi pos-  
sunt, alij perniciosi & venenati.

Qui prauis sunt, si comeduntur, vel copia nocent, quia  
cum rari sint & spongiosi, spongiæ deuoratae instar, hu-  
more in ventriculo turgidi, intumescunt, & sic mole sua  
strangulant; vel deleteria vi nativo calori sunt infensu  
valde: nam vitium & perniciem acquirunt, vel quia fiunt  
circa ferrum rubiginosum, vel circa pannos putres &  
marcidos, vel prope cavernas, in quibus cum animalia  
lateant venenosa, fungos edentia, eos exitiali veneno  
inficiunt. Redduntur autem calori nostro infesta, quando  
exactè prius non coquantur: de quorum malitia lege  
Eobanum Hessum, & eius Scholiastem Ioannem Placo-

A. comum lib. 5. de sanit. tuend. tit. de fungis, & Epiphanium  
Ferdinandum consult. 63.

Signa eorum qui ab esu fungorem læsi sunt, satis dila-  
cidè à citatis auctoribus proponuntur, cum enim crassif-  
simum generent succum, ex Gal. 7. simpl. 1. 17. Paulo lib. 5.  
cap. 55. Aëtio tetrab. 4. serm. 4. c. 73. Auicenn. lib. 2. tract. 2.  
cap. 275. Ishaac 4. theoric. c. 31. Ex hoc morbi exitiales fri-  
gidi, apoplexia, paralytis, strangulatio, stupor emanant.  
Hos affectus præcedunt frigidus sudor, syncope, extre-  
morum frigiditas, difficilis respiratio, ventriculi angus-  
tia, inflatio ventris, singultus, punctura stomachi, co-  
loris mutatio in citrinum, horripilatio, pulsuum paruitas,  
immo & mors, auctore Auic. 6. 4. tract. 2. c. 10. Dioscori-  
de lib. 6. cap. 23. Demum omnia subsequi solent, quæ  
gypsum deuoratum, aut cerulam comitantur, ut 1. de caus.  
sympt. cap. 7. Galenus affirmat. Quæ omnia ex esu eorum  
cuenire, proprio exemplo firmarunt Amatus. 1. centur. 39.  
Cardanus lib. 2. de sanit. tuend. cap. 43. Bruyerinus de re ci-  
baria, lib. 9. c. 20. Ioannes Belfortis com. ad lib. Gal. de vrina  
pag. 121. Botallus in appendice ad lib. de Medici, & agri-  
munere. Iulius Alexandrinus lib. 9. salub. c. 5. Forestus lib. 10.  
obs. in schol. 116.

Cum æger in agone est, exhibenda sunt quæ cras-  
sos humores attenuent, & eos è corpore expellant  
strenuè, per vomitum, aluum, & vrinam. Vinum est vti-  
lissimum, & id cæteris prætulit Rhafius tract. 1. cont.  
cap. 32.

Allium crudum summè laudatur à Conciliatore tract.  
de venenis, tit. de malis fungis, & cum omni præsidio deco-  
quere oportet pyra syluestria, vel loco eorum domestica  
sunt saris; nam fungorum antidota, pyra sunt, ut ele-  
ganter docuit Mathiolus lib. 6. in Dioscoridem, in com. c. 7.  
Sed inter cætera remedio sunt nitri potus, aut lixiuium  
cum acida muria, aut feruefactæ saturiæ, aut origani  
iusculum. Gallinacei fimi potus cum aceto, aut eiusdem  
linctus cum mellis copia, summo sunt auxilio: nam acetum  
crassos humores attenuat; mel coquit lentum & viscidum  
succum; sterus gallinaceum easdem præstat operationes,  
& insuper à proprietate inuat.

Sed vnum solum restat dubiolum explicandum, de po-  
sca quam oxycratum vocant, cur eam propinet ad crassos  
humores attenuandos, sit constat ex aqua, & aceto mixtis  
ex Aëtio tetrab. 1. serm. 1. c. 1. & aqua adstringit, incrassat,  
& humores cogit; & si sit diluta, hoc est, multam aquam  
habeat, nauseam aufert, ex Aëtio tetrab. 3. serm. 1. c. 11. &  
Medicus debet esse sollicitus, ut cogat ægros ad vomitum,  
& nauseam moueat, ut sic irritata natura crassum, & pitui-  
tosum humorem per vomitum expellat. Dic quoddam sit  
diluta, aut mera, aceti ratione semper attenuat; maxime si  
extinctum in ea ferrum fuerit: quam hoc modo pararam  
esse præstantissimum remedium leni in scirrhum indura-  
ta testatur Aëtius tetrab. 2. serm. 2. cap. 12. Maxime si in ea  
medicamenta emollientia misceantur, ut probant Paulus  
lib. 7. cap. 5. & Aëtius tetrab. 1. serm. 3. cap. 80. 81. In hæc  
vsum, in sanguine pectore erumpente, ut si quis latitet  
grumus, seu concretus sanguis expuatur, eam obrulit,  
5. meth. cap. 9. Nam quocunque modo componatur, sem-  
per incidentem sortitur vim; quod ita esse non negabit  
qui aceti vires, quales sint à Galeno enarratæ lib. 1.  
simpl. 17. ad vnguem examinet. Cætera de fungorum  
differentiis, & noxis, lege apud peritissimum Ludouic-  
um Nonnium lib. 1. de re cibaria, c. 21. quorum multi-  
plices differentias descriptas vide, apud Casparum Bauhi-  
num in suo theatro botanico, & de ipsorum generatione pul-  
chra præscripsit clarissimus Sennertus 5. hypomnemat.

physicor. cap. 6. dum de spontaneo  
virentium ortu agit  
eximie.



## HIST. XXIV. GAL ET AVIC.

De anu alia cicuta, & puella  
nutrita napello.

Venena nutrire queunt, quod anus Atheniensis, & puellæ nutritæ veneno historiis comprobatur.

**H**ominem quidem cicuta nutrit, id quod anus Atheniensis experimēto edocuit, cuius apud omnes percelebris est memoria. Etenim ea à minima cicuta portione auspiciata, nullo detrimento ad magnam progressa est copiam: principio enim paucum exiguitate deuictum est; ac consuetudo naturale reddidit, &c. Galenus lib. 3. de simpl. medic. facult. cap. 18.

Et dixit Ruffus, quod fuit puella nutrita veneno, per quā Reges cum ea conuersantes interficeretur, & quod ipsa consequuta est in complexione sua consecutionem maximam, ita ut salina eius interficeret animal, & non appropinquaret eius salina gallina, &c. Auicenna 6.4. tract. 1. cap. 2.

## PARAPHRASIS.

**Q**uomodo venena reducantur ad actum, ut nocere & nutrire possint, supra in com. hist. 1. explicuimus, & eruditè admodum explanauit Mercurialis lib. 1. de venen. 9. & 11. Vnum certum sit, quod proponit Galenus hoc loco, in quo est scripta historia hæc, nempe cicutam interficere homines, sturnos verò alere; nam in illis ob meatuum amplitudinem, calorisque copiam, tum ob attractionis robur validum citò ad cor pertingit, sturnos verò ob causas contrarias non interneceat; quum enim ob meatuum angustiam retineatur, ac cunctetur, ac temporis tractu concoquatur, à cordèque tanquam à foco præparetur, lactucarum instar, corpus alit: quippe quæ moderato esu hominem nutriunt, ac si quispiam earum expressum succum largiter hauserit, non secus profectò morietur, quàm qui aut cicutam aut papauer sumplerint. Sic lectuca si cor refrigerauerit, interim in concoquatur, alimentum animali efficitur.

Hoc modo cicuta, si in parua quantitate sumatur, nutrit, & natura sensim ac sensim assueta, illam deuincit. Possè autem acquiri consuetudinem circa venena, ostendit Theophrastus lib. 9. de hist. animal. cap. 18. nam omnium pharmacorum vires in assuetis deperduntur. Porro fit ut quædam ex medicamentis, ob hominis assuetudinem vim suam amittant, nec ampliùs nocere possint, cum enim à natura amplexantur, deuincuntur, conficiuntur, nec ampliùs inter medicamenta censerì possunt: quidquid enim calore, aut congenita, vel ex consuetudine acquisita corporis proprietate alteratum, in corporis alimoniam digeritur, id venenum esse non potest: sic modica cicutæ portione Ægyptiorum sacerdotes se impunè castrabant.

Nonne opij miram quantitatem plurimi quotidiano vsu sine noxa deuorant, prout lib. 1. in com. hist. 61. latè firmauimus? & mirabilius est, quod ex auctoritate Sexti Empirici scribit Mercurialis lib. 1. de venen. cap. 6. fuisse quandam anum, quæ triginta drachmas cicutæ sorbebat sine noxa vlla. Nonne hydragirum, medicamentum frigidissimum, sæpe in magna quantitate, velut vnciarum decem, aut sesquialteræ pondere sumptum, profluxisse per aluum narrat Botallus lib. de lue venerea, c. 7. & firmat Sambartolitanus commentario ad Auicenn. cap. de cura casus & offensionis, pag. 189. Quare venena frigida, quæ quantitate solum nocere solent, si paucula sumuntur quantitate, nutrire corpus possunt, ut opium, lactucæ succus; partes enim habent alimentosas, quæ in succi probi nutrimentum conuertuntur, ut 3. simpl. 22. Galenus confirmat; & maximè cum veneni vires consuetudine fiant mitiores, ut probat Mercurialis lib. 1. de venen. cap. 11. Ergo cicutæ exigua portio nutrire potest, etsi de eius vi pernicio-

A mira proferant Hieronym. Tragus lib. 1. hist. stirp. c. 159. Matthiol. lib. 6. c. 11. Scaliger exercit. 152. Cordus lib. 2. de stirp. hist. c. 150.

De historia secunda maior est hæsitatio, quoniam non desunt viri eruditi, qui hanc ex Ruffo falsam, & fabulosam esse arbitrantur: difficulter enim concedunt, corpus posse nutriri napello, quum sit venenum calidissimum, & à tota substantia tale, ut Auicenna inquit loco cit. cap. 1. & lib. 2. tract. 2. cap. 449. de cuius malitia sæpe plura proposuit Matthiolus lib. 4. cap. 73.

Quomodo ergo napellus, aut aliud venenum calidissimum nutrire poterit, quum nullam cum humano corpore habeat similitudinē: ex Gal. 1. de sem. 12. §. Iuxta eandē denique rationē minutissimus liquor ex eis que venenosa sunt animalis corpori illapsus, totum corpus breuissimo tempore transmutat, ac suæ naturæ simile reddit, &c. & lib. 5. simpl. 18. §. At sunt quæ tota substantia nobis contraria sunt, proinde si vel minimum eorum assumptū fuerit, omnino lædatur necesse est.

Etsi autem hoc verum sit, tamen venenum calidum in tam minima quantitate assumi potest, ut præ exiguitate à calore nostro possit deuinci, minimèque nocere, & sic nutrire: nam hoc intelligendum loquentibus nobis latiori nutritionis significato, non pro eo quod verè nutrit, & in aliti substantiam conuertitur, sed pro eo quod licet assumptum non verè nutriat, non lædat tamen. Deinde cum assuefacta natura veneno, ita in hac consuetudine est confirmata, tunc partes alimentales à deleteriis separare potest, & illis frui, hisque minimè offendi, ipsas delendo & frangendo.

Napellus est venenum à tota substantia tale, & perniciosum, cuius vis in necandis hominibus adeo immanis est, & perniciofa, ut vllis vix antidotis succurri possit, nisi confestim applicentur præsidia, ut proprio experimento firmavit Matthiolus lib. 4. in Dioscorid. cap. 73.

Verumenimurò aptè responderi dubio mihi persuadeo, puellam hanc non nutritam fuisse napello, sed cicuta, quia napellus Arabum, non est aconitum, sed cicuta Græcorum, ut colligitur ex Auerrhoë §. collig. 24. in fin. vbi sturnellos napello vesci asseuerauit, & ibi per napellum intelligit cicutam, qua sturnos nutriri supra demonstrauit Galenus: de quo argumento plura proponit Leoniceus libro de Plinij, & Medicorum erroribus, cap. 38. & firmat Auicenna 6.4. tract. 1. c. 2. §. Et propterea dixit Galenus, quod napellus interficit hominem, & non interficit turdos, (lege sturnos) quoniam ipse non peruenit turdis ad cor, nisi post spatium, in quo iam passus est à corpore passionem; post quam non remanet nisi passio conuersionis tibi, & in homine festinat ante illud, propter latitudinem meatuum, & vehementiam caliditatis, & virtutem motuum attrahentium arteriarum, &c. & infra inquit hoc modo. Inquit Galenus, & fuit quadam anus suscipiens in principio rei, de napello remparuam; deinde non cessauit vii eo, donec assuefacta est ei natura, & audacter vsa est eo, & nihil nocuit ei, &c.

Quare licet napellus Arabum sit cicuta Græcorum, tamen hæc solutio habet contradictionem in se maximam, quia cicuta cum sit venenum frigidum, non ita citò venenat corpus, nec inficit labe dira, nec in assumentis naturam sese insinuat, ut totum corpus veneficum reddatur; cuius causa salina animalia interficiat, & respiratio, contractusque ita sint venenosa, ut adstantes & conuersantes, maligna & venenosa aura conspurcet, & labefactet. Quare non est legendum in historia, ut multi codices habent, nutrita napello, sed ut legunt Costæus, & Mongius veneno. Consule Georgium Amasortium lib. 7. medicina theoretica, c. 26.

Neque de historiarum veritate dubites, prout plures affirmant, de quorum numero est Stephanus Rodericus Castrensis lib. 1. de meteor. microcosm. c. 12. qui hanc historiam, falsam, & fabulosam esse sibi persuadet. Quamuis autem sit Ruffi, veram tamen esse, & auctorum lectioni, scriptis- que maximè consentaneam non dubito. Primò, quia Ruffus fuit celebris apud præcos Medicus, & iudicium Medici docti magnificandum est, quum sit dignum consideratione, ex Gal. 1. epid. sect. 3. com. 1. Secundò, Auicenna

eam in suos canones congeffit. Tertio, illam exponit latè, A & subtiliter Gentilis, auctor tantus, & cum eo reliqua interpretum classis explanat, immò Conciliator *tract. suo eleganti de venenis, & Mercurialis lib. 1. de venen. c. 9.* Langius *lib. 1. epist. 69.* eam approbarunt.

Negandum autem non est, homines posse calido nutiri veneno, quum illo in tam exigua quantitate assumpto in principio vtantur, vt à calore nostro superetur: cū enim venenum dicatur id, quod suapte natura homini est contrarium, & ipsius substantiam euertit atque corrumpit; & licet venena exigua mole assumpta, breui tamen totum animalis corpus deperdant, quum efficacia sint potentia, vt instar fulguris omnia percrepent, omnia inuadant, temperiem immutent, natium calorem extinguant, cordis vires dissoluant, vitamque rapiant, quum cæca & mira quadam potentia, abditæque qualitate animantibus sint infesta; attramen in tam minima quantitate assumi possunt, vt vincantur, & non noceant.

Vis audire auctorum grauissimorum exempla, quibus hoc firmatur vberim? Narrat Arnaldus in *speculo cap. 5.* historiam cuiusdā pueri, qui cum ætate pueritiæ ob stultitiam araneas edere cœpisset, cum esset adolescens, eas ad vescendum venabatur citra noxam: quod affirmat Cælius Rhodiginus *lib. 1. 1. antiq. lect. c. 13.* & variis exemplis probat Bernardus Dessenius *lib. 6. de compos. medicament. in schol. irochisc. de viperinis, verbo cicuta.* Nōne Theophrastus luculentissimus plantarum historiæ scriptor, eleganti quadam verborum concinnitate, historiam refert *lib. 9. de hist. plantar. 18.* multorum, qui tantum ellebori esitarunt, vt manipulos totos sine noxa consumerent? Nonne Cardanus *lib. 2. cont. tract. 2. cont. 7.* describit historiam cuiusdam, qui arsenici vnciam sine vlllo auxilio, aut noxa deuorare solebat.

Scribit Mercurialis *lib. 1. de venen. cap. 6.* Æthiopus ac-  
colas Hydaspis fluuij impunè vesci solere scorpionibus, & serpentibus; quod quidem aliunde proficisci non potest, quàm ex insigni quadam corporis constitutione scelerata, & diuina. In Cuba Insula serpentes abundant noxia totius corporis specie, ac forma præditi, sesquipedis plerumque longitudine, qui ex terra, & aqua viuunt, & in laucioribus sunt epulis, vt scribit Bembus *lib. 6. hist. Venet.* Quare non dubitandum de veritate historiæ huius, neque quòd hæc puella esset venefica facta, & animalia eius saluam degustantia illico occumberent. Posse autem educatione fieri veneficos, ingenue probant Mizaldus *centur. 1. memorabil. aph. 59.* Mercurialis *lib. 1. de morb. venenof. c. 9.* Scaliger in *Cardanum, exercit. 175.* Clusius ad *c. 25. annotation. Garzia ab hortis, lib. 1. historia aromatum.*

Hoc modo plurimæ nationes sagittas illinebant, vt corporibus adhaerentes, venenosa qualitate communicata citius interficerent. Ita Scythæ, referente Plinio *lib. 11. cap. 53.* tela quodam veneno inficiebant, quod ex sanie viperina, & sanguine humano commixtis componebant. Et Arist. *lib. de mirabilib. auscultat.* Armenos sagittas pardalij veneno inficere assueuerat, & probat Langius *lib. 1. epist. 68.* eloquentissimè.

Delibatoria venena, vna, vel altera qualitate, totaque substantia corpus offendunt. Officiunt suo calore, frigore, humore, siccitate. Hæc impositis forinsecus remediis elicitur, calore, & similitudine substantiæ extrahente. Inuat stercus humanum epotum: nam id se audiuisse refert Aui-cenna *6. 4. cap. 11.* esse theriacam aduersus sagittas Armenas. Quando enim Pantheræ vel à sagittis veneno delibutis percussæ erant, vel aliquo modo venenum sumpserant, stercus humanum sibi adhibebant, vt affirmat Arist. *lib. 9. de histor. animal. c. 6.*

Contra hoc venenum, præter remedia alexipharmaca intus adhibita, & attrahentia venenum ad partes externas, hirudines nempe, suctum cucurbitulas, scarificationes, emplastra, & cauterium, nullum aliud humana sagacitas adinuenit, quàm Nicotianæ succum expressum (Indi Petum, vulgus tabacum, & herbam sanctam, Latini-ores Nicotianam vocant) vulneribus imponere, cuius folia trita ipsis admodum esse mirabili auxilio, tradit Nicolaus Monardus *lib. aromatum simplicium Occidentaliū, proprio capite de Tabaco.* Aduersus hoc venenum plurimum prodesse succum mali cotonei intus assumptum, & mirabili quodam iuvandi modo auxiliari, firmant Iulius Alexandrinus *lib. 10. salubrium, cap. 5.* & Cyriacus Lucius *de ligni cotonei natura, & viribus.* De helenio lege Bsilium Besslerum in *vasto suo hortu plantarum, tit. de Helenio.* Extrà apponenda sunt, quæ telum venenatum ad partes externas auocare queant. Vtrum autem Magnes in puluerem tenuissimum redactus, cum emplastris permixtus, vim habeat attrahendi ex corpore humano ferrum & sagittas intra carnem tenaciter infixas: responde cum doctissimo Daniele Becchero, qui *lib. de cultrino Prussiacō, positione 6.* hoc argumentum, allatis raris exemplis, & rationibus pro vtraque parte, affirmatiuam ampliùs videtur amplecti, & omnem hanc historiam, solertissimi ingenij vir, mira facundia, admirabili iudicij acrimonia, & eleganti stylo describit, dignus vt cum præfiscis illis comparetur.

## HISTORIA XXVI. GALENI, De mithridatio.

Mithridates Rex assueuerat assumere Antidotum mithridaticam, à veneno vel violentissimo interfici non potuit: quo hausto plures interiere.

V Erum vt summarim laudes huius Antidoti complectar, totum corpus ita disponit, vt ab vlla re noxia non corrumpatur. Hanc autem resistentiam procreat tam varia, & efficax tot medicinarum compositio, & præsertim quando in ipsam ingrediuntur vipera. Nam & Mithridatem magnum illum bellatorem ferunt, nō assumptæ theriacæ, qua nondū erat, sed alia quapiā multiformi Antidoto, Mithridatica de illius nomine dicta: non potuisse sumptio veneno mori: quoniā sic illius membra contemperauerat, vt ab re noxia pati non posset. Hoc autem contigit, quo tempore bellum cum Romanis gerens, à Pompeio profligatus, atque in extrema fortuna constitutus, illæsus è vita discedere festinaret. Haustus itaque venenum, & plus etiam quàm satis esset ebibit, nec tamen ipse mori potuit. Filias verò ipsius, quæ cum patre vitam finire prorsus decreuerant, atque ideo ex eodem quoque veneno hauserant, celeriter occubuisse tradunt. Mithridates igitur cum mori tardaret, eod quod Antidotum quam præsumpserat, venenum reddere irritum.

## HISTORIA XXV. GALENI, De ellebori veneno.

Dacorum & Dalmatarum, elleboro tela venenantium, sagacitas.

H Erbam, quam Græci Helenium appellant, incolæ patriæ nomine Nicum indigitarunt: est autem nicum dictio Barbara, qualem herba exotica plerumque habent. Hæc herbam Daci, & Dalmata telorum suorum cuspidibus aspergere dicuntur, & simulac sanguinem vulneratorum contigerit, è vestigio illos interimere, &c. Galenus *lib. de theriac. ad Pison, cap. 19.*

### PARAPHRASIS.

Hanc historiam transfert Paulus *lib. 6. cap. 88.* vbi per Helenium interpretes notat intelligi elleborum, quo Hispani vtuntur ad venenanda tela. Cum enim huius veneni virus sit viscidum, telis adhæret, & motu dum ipsa iaciuntur, incalescens, promptius in vulneratam partem sese insinuans, venas & arterias penitissimè peruadens, sanguinique permixtum, cor penetrat, & vitam adimit.

irritum, unum ex amicis suis nomine Byssocum vocavit, ut se ingereret. Is autem opus veneni ferro absolvens, Mithridatem violenta morte confecit, &c. Galenus lib. de theriaca ad Pisonem cap. 16. in fin.

## PARAPHRASIS.

**M**ithridatem Regem Ponti potentissimum, rerum medicarum fuisse scientissimum, adeo ut nobilissimam ab eo compositam Antidoti ope, a venenis omnibus vel perniciosissimis immunis euaserit, eaque vi superauerit, nulli puto non manifestum, de quo ita Caelius scribit lib. 29. antiq. lect. c. 17. Cur Mithridates illustris Ponti Rex, is quicum totos 42. annos, bellum Romani gesserunt, & per Pompeium debellarunt, Dionysius appellatur, exponit, opinor ex Athenæo, aut Plutarcho. Victorius quoque lib. 7. variar. lect. cap. 4. ostendit ex Athenæo vocatum fuisse Deum. At Muretus lib. 1. variar. lect. cap. 2. omnium elegantissimè, & politissimè citatis etiam Græcis Plutarchi verbis, ex lib. 1. symp. q. 6. id explicuit, cum Clem. Alexand. Sibi videlicet hoc nomē arrogasse, ut plerisque alios ob diuinitatis cupiditatem, mox inter ceteros Mithridatem Ponticum recenset Dionysium se nominantem. Fuit etiam cognomine vocatus, beneficus, qui alienam cappadociā inuasit, & successit ei Mithridates filius.

Is ergo sapientissimus Rex celeberrimam excogitauit compositionem, quæ a suo nomine Mithridatica cōfectio passim ab omnibus appellatur, quæ illis medicamentis alexiteriis longè est præstantior. Nam inter multa, excellentissimæque antidota, quæ natura rerum omnium parens produxit, & hominum solertia, miro ingenio, ad tuendam vitam, ad salutem conseruandam, ad arcendam venena, sub multiplici forma, variòque parata artificio adinuenit, nullum suauius, aut salubrius alexipharmacum est repertum, quoniam vel theriaca ipsa, compositione contra venena tam salutari valde est pretiosior, & efficacior, ut euidentissimis rationibus probat Iunius Paulus in suis meditationibus, de Mithridatica antidoto in fine.

Hoc ergo salutifero medicamento hic Rex munitus, a noxiis venenosorum animalium ictibus non lædebat, toxica non timebat, nec præteritanea venena illi nocebant, immò adeo corpus habebat præparatum hac antidoto, ut acquisuerit, vel facultatem corruptiuam veneni, vel sanè illi familiarem. Possè autem quempiam ita antidotis muniri, ut a venenis lædi non possit, agitant inter omnes Græci. lib. de venenis, c. 4. Forestus lib. 30. obs. 3. Guainerius lib. de venenis, cap. 4. & eleganter Prosper Alpinus lib. 4. de medicina methodica, c. 4. & 5. Quibus autem auxiliis quis a veneno perseuerari possit, explicat eruditè satis Gabriel Hemelbergius in Quintum Serenum Samonicum, tit. de prohibendis venenis, quorum formulas in appendice proponemus latè. Interim consule meditationes Bernardini Taurisani in Mithridaticam antidotum, accuratissimè lucubratas. Variæ sunt descriptiones Mithridatij, ut docet Galenus lib. de antidot. c. 2. & eo loco tres primarias constituit, primam per Andromachum, secundam per Antipatrum, tertiam per Democritum: hæcque vltima est præstantior, & efficacior, & qua ipse Mithridates, utebatur, ut notat Amatus 7. cent. 87. & hac ratione Bartholomæus Maranta Venusinus eam correxit, & illustrauit cuius descriptionem lege apud Renodæum lib. 3. antidot. sect. 2. c. 2. & Nicolaum Muttonum tract. de Mithridatij legitima constitutione, Nicolaum Stelliolam eod. lib. & tit. quam etiam politè, & breuiter apposuit Nicolaus Fontanus, Medicus præclarus in suis constitutionib. pharmaceuticis, tract. de opiatis, cap. 2.

HIST. XXVII. AVENZOARIS,  
De veneno lacertæ.

Aduersus venenum lacertæ, theriaca est admirabile auxilium.

**P**roprietas lacertæ est, quod si quis comederit eam, vel biberit ex aqua in qua fuerit mortua, magnum corpori infert no-

cumentum. Et mihi cum essem in Maresstan (id est, in hospitali) accidit hoc, quod in aqua quam bibebam, percipiebam horribilem odorem, & omni die mihi videbatur multiplicari. Quare ordinavi, & feci hominem intrare puteum, ad videndum quid hoc esse posset, credens, quod aliqua reptilia intus cecidissent: & ille quæstor inuenit lacertas multas mortuas, quarum pars erat dissoluta, & pars non. Unde timui ne inde habere possem \* casum pulsus, & multum nocumentum, & incipi bibere de theriaca, & recepi de ea pluribus vicibus, & sic euasi a nocumento gratia Des. Et post longum tempus orta fuit mihi pustula ad modum granuli super punctum nasi, & ego desuper posui de theriaca, eo quod cognoui quod illud erat de humore venenoso a natura expulso, qui quidem humor generatus fuit ab aqua lacertarum prædicta, &c. Auenzoar lib. 2. de theizir, tract. 7. c. 10.

## PARAPHRASIS.

**L**acertus, qui & lacerta appellari consuevit (dixit enim Virgilius Ecloga 2.

Nunc virides etiam occultant spineta lacertos.

Et Cicero ad Atticum, lib. 2. idem probat) Latine venabulum dicitur, quod eius formæ venabula existerint antiquis. Etiam appellatur à Latinis Nasturtium, quod maculis, instar granorum nasturtij, varietur tergoribus lacerti. Nobis verò lacertus vocatur, quod figura lacertos representet, musculosque lacertorum, partes scilicet confitas inter ossa scapularum, & cubiti dicit Celsus humeros, Galenus brachion.

Sanguineum est, & ouiparum animal, crustaceum, squammosa intectum cute, anguinum more, ut Arist. retulit 5. hist. animal. cap. 35. & obscurissimas plus cæteris animalibus sibi parat cauernas, & domicilia, ut firmant Arist. 1. de hist. animal. cap. 11. Alianus lib. 2. cap. 23. Solinus in polybist. cap. 42. Seps, lacerti genus est, serpens cubitorum binum, crassitudine in exilitatem, ut alia quoque genera, serpentum, descendente, ingrossu tardò, relictòque lato capite, ore acuto, maculis toto corpore candidis, iriduo, vel quatrinduo interficit, &c. Decem auctores omnes qui de lacertarum natura conscripserunt, illis veneficam naturam attribuunt, ut Arist. lib. 2. de hist. animal. c. 17. & lib. 17. eodem capite, & lib. 2. de generat. animal. cap. 1. Alianus lib. 2. cap. 23. Plinius lib. 6. cap. 32. & alij quos omniſcius citat Aldrouandus in suo facundo libro, de serpentibus.

Nostra ætate repertæ sunt Insulæ fortunatæ, quas captrarias vocat Plinius loc. cit. & modò appellat lacertorum insulam, in qua maximi adsunt lacerti. Arist. lib. 5. de hist. animal. c. 33. in Arabia magnitudine vnus cubiti inueniri docet, sed apud Indos Occidentales in regno nouæ Hispaniæ, Caymanes hos vocant lacertos, qui multoties habent viginti quatuor in longitudine pedes, & sunt aquatiles, & terrestres, naturæ amphibiz, communi aquæ & terræ incolatus caymanes, quali voraces dixeris, & ingluuiosos, tantæ magnitudinis, ut equum integrum, & equitante ore deglutiant, molis vastissimæ, ut multoties hæc animalia subuertant nauigia amplissima: Quorum effigiem, naturæ, mores, vsum in cibis, condiendi modum doctissimè simul, atque ornatissimè descripsit Clarissimus Ioannes Ilacius Pontanus, Medicus famatissimus, & in illustri Gelrorum gymnasio Professor celeberrimus, serenissimi Regis Daniæ, & Ducatus Gelr. Historiographus insignis lib. 2. rerum, & urbis Amstelædamensis, cap. 4. verius Belgicus Varro appellandus.

Dioscorides loc. cit. inter lacerti species enumerat salamandram, & lacertulam vulgarem nostram dictam sepem pedestrem, & lacertos communes virides, pallidos, nigricantes, & chalcidicos, quod chalcitidem lapidem colore representent. Estque seps Chalcidica Aëtij, & Pauli, vulgaris nostra lacertula dicta.

Frigidus est lacertus gradu secundo, & humidus primo. At succus eius calidus tertio, & siccus secundo; fel verò calidum quarti initio, & succum tertio gradu. Oleo infusus lacertus totus, resoluit, extenuat, & sensum partis demulcet; quare anodynus, sedatiùsque doloris est, attrahens, calefaciens, partes dolore constrictas relaxans, retractas resoluens, cōtrariis & dissentientibus virtutibus con-

flans,

stas, quibus contrarios affectus, effectusque varios molitur. A

Omnis ergo Lacertarum species est venenosa: non est ergo mirum, si ea in magna copia emortuat, putrida, & corrupta, aqua similem fetorem conciliarint; qua de causa, aqua euasit horribilis, & iniucunda nimis, immo venenata, cuius potus etsi ob bibentis indispositionem non noceret, non dubito quin aliis veneficus esset, inutilis, & reprobus. Quare praeservationis causa, in potum assumpsit de theriaca, quae ad retundenda veneni efficaciam, si forte mala eius qualitas erat in corpore impressa, est utilissima; cuius ope tuberculum in lepore nasi excitatum conquieuit, postquam illi ea fuit admota. Recte autem nostri theriacam tam foris impositam, quam intus oblatam, omne venenum debellare eximie, quum sit omnium venenorum tutissimum alexipharmacum: & probant Franciscus Caballus lib. de animali pastillos theriacos ingrediente, fere per totum. Iacobus Ferrarius idea theriaca, cap. 4.

### QVÆSTIO XXXIII.

*Utrum Galenus pulsus recte definiuerit, Contra Argenterium, Ioubertum, Thomam à Veiga, & Lupeum, Medicos eximios.*

#### COMMENTARIUM.

**C**Asum pulsus.] Accedamus ad argumentum de pulsibus, utile & mulci usus, de quo etsi plures, siue non incelebres scriptores tam veteres, quam noui, plura memoriz, commendarint, & in operibus nostris de eo saluatim fecerimus commemorationem, tamen ne illius subtilitate, & arduis, intricatisque quæstionibus ad vnguem pertractatis, studiosi carere videantur, rem hinc aggrediamur, præsertim cum in his quæstionibus explicandis, adeo obscuritatibus inuoluta, & in Heracliti ætate quodammodo abstrusa, circa materiam per se difficillimam, clarissimi Iuniores proponant, ut discentes tenebris tantum non offundant.

Quæri scio inter sapientiæ Hippocraticæ candidatos, qui verbum pulsus admodum frequens apud Medicos, significet? Respondet peracutus rerum medicarum consiliator 4. de differ. puls. 2. pulsus à verustissimis auctoribus solum tunc vocari, quando partes inflammatae mouentur, & ab adiacente carne comprimuntur, atque hac ratione pulsant: in corpore autem sano, hoc vocabulo uti nunquam; neque tunc omnem motum arteriarum intelligere, sed aut magnum & vehemetem, aut quem ipse potest ægrotus animaduerrere: in quem modum videtur, & Erasistratus pulsus nomen usurpasse. Posteriores vero, vsu Herophilus, omnem arteriarum motum, pulsus nominarunt, ex quo præsentem statum agnoscimus, præscimusque venientem. Alij venarum motum pro pulsu usurparunt, & venas pulsatiles, quibus moueri dari est, arterias appellabant, ut restatur Galenus com. 26. lib. 4. de rat. vi&lt. in morbis acutis: sed Gal. 4. de differ. puls. c. 1. pulsus vocat arteriarum motum omnibus partibus conspicuum. Dicitur autem pulsus à pulsando, vel quia corpora circumobstantia pellit.

Porro relictis definitionibus, quas Galenus ex antiquorum mente proponit, nos quid verè nomine pulsus in viuientium corporibus intelligi possit, ex eius mente perscrutemur. Hippocrates etsi pulsus noticiam habuerit, eiusque harmoniam obseruauit, ut latè lib. 2. in com. hist. 12. disciptrauimus, tamen in eius essentia describenda multus non fuit, quia de respiratione pulsui simillima egit diffusè.

Galenus ergo lib. 4. de diff. puls. c. 2. omittens Heraclidis, Alexandri, Demosthenis, & aliorum definitiones, quas reprobatur, sic perbellè pulsus definit, dicens. Pulsus est actio peculiaris, præcipuè cordis, deinde arteriarum, quæ dissensione, & contractione mouentur à facultate vitali, ut caloris natiui mediocritas retineatur, & spiritus animalis in cerebro generetur. Quæ definitio optima est, & omnibus suis numeris abfoluta, & eam recipit Paulus lib. 2. cap. 12. Omnia enim quæ pulsus propria, & peculiaris sunt, exactissime comprehendit, & illius naturam ac essentiam explicat; cum genus dif-

ferentias, & omnia genera causarum continet. Genus est actio, siquidem pulsus pertinet ad prædicamentum actionis, quia semper in generatione positus est, & tamdiu est quamdiu sit, veluti ceteri motus, ex Gal. cis. & Arist. 7. phys. 1. cor. c. 2. Neque interest, siue actionem, siue operationem, siue motum dicas. Impropriè tamen dicitur pulsus, passio, & affectio, siue affectus, quia Gal. 6. de placit. c. 1. ante med. maximum inter passionem, & actionem discrimen constituit. Differentiæ sunt contractio, & dilatio. Causa efficiens, est facultas vitalis ex corde in arterias procedens. Materialis, siue instrumentalis, sunt cor, & arteriæ, præter quorum cõformationem, materiam etiam per dilationem censemus. Causa signalis, est caloris natiui mediocritas, & commodoratio, & spiritus animalis in cerebro generatio.

Vt verò pulus definitio illustrior, & magis dilucida euadat, quærendum est primò. Vtrum facultas vitalis sit constituenda? Nam Arist. lib. 1. & 2. de anima, omnia genera potentiarum recensens, huius non meminit, quia ut placet Argenterio lib. arr. medic. in com. cap. 9. non videtur assignanda: quum enim animalia tantum viuunt, quantum nutriantur; & nutritio ac vita, viuere, & nutrire idem sunt, ut ex multis locis Arist. constat, & hæc omnia à facultate fiant naturali, vitalis recipienda non est.

Deinde Aristot. lib. de mo. re & vita, cap. 2. post med. docet animalia à calore generari, & illius permanentia viuere. Sed nihil est quod huiusmodi calorem magis permanere faciat, quam nutritio, quæ ex facultate naturali emanat, Ergo non opus est facultate vitali. Quam opinionem defendit Ioubertus lib. 1. de facult. natur. lib. cap. 1. mibi fol. 6. contra Fernelium. Amplectenda tamen est doctrina Galeni, qui lib. meth. c. 10. Platonem sequutus, vitalem facultatem constituit, non tantum sedes, sed etiam natura, ab animalis, & naturali distinctam, quam sententiam Medicorum schola vnanimiter firmat. Quoniã facultas animalis agit ex arbitrio; naturalis verò veritatur circa alimentum, & agit quantum potest pro suo robore, & resistentia passi, quemadmodum & reliqua agentia naturalia; vitalis verò non agit ex arbitrio, ex Gal. lib. 1. de difficult. respirationis, cap. 9. ante med. & 2. de motu musculor. cap. 5. in med. neque agit quantum potest, sed solum ut expedit, & pro indigentia vsu. Ergo ab aliis distincta est.

Secundò. Auicenna docet, quod hæ facultates ita se habent, ut vna læta reliquæ permaneant, ut constat in lethargo, & morbo attonito; in quibus functiones sensus, & motus deficiunt, non tamen abolentur operationes facultatis naturalis, aut vitalis; & in atrophia adest alimenti priuatio non tamen deficit vita, nec pulsus, nec sensus; & in febre pestilenti præcipuè læditur facultas vitalis, ceteris illæsis, aut parè læsis. Ergo facultas vitalis ab aliis distincta necessariò est constituenda, & ex his facilis est ad argumenta responsio. Consule Gentilem in Auic. 1. 1. doct. 6. c. 4.

At si hæc vera sunt, & vitalis, & naturalis separantur ita ut origo vitalis sit cor, & principium naturalis sit hepar, eur 7. de vsu part. c. 9. cordis motum à natura fieri dicit; & eur 1. de cris. 4. 14. ante med. & 2. de sympt. caus. cap. 1. lib. de sang. mis. 3. duas tantum facultates constituit, naturalem, & animalem, quemadmodum 1. de loc. vli. vbi naturalia ab animalibus distinguit; Sic etiam 6. de sanit. tuend. c. 1. post med. 5. Cum autem animalis, & c. duas in nostro corpore dicit esse actiones, animi siue animales, & corporales, vbi per animales sensum & motum intelligit, per corporales verò reliquas omnes, & 2. de motu masculor. c. 5. motum cordis, & arteriarum, esse à natura asseruit. Hoc pacto intelligendus Aphrodisæus 4. probl. vlt. quando inquit, quod anima operatur interdum, natura verò noctu. Dic, ex eo facultatem vitalem, naturalem vocari, non simpliciter, sed præstantioris ordinis; hoc modo Auic. 1. 1. doct. 6. cap. 4. asseruerat, facultatem vitalem, esse naturalem; altioris tamen ordinis, quam sit ea quæ à Medicis naturalis vocatur.

Neque obiciat Galenum lib. 1. de diff. resp. cap. 19. in initio. 5. Quatenus enim, & c. vbi actionem pulsus liberam esse docet; Nam etiam si fere semper Galenus per operationem liberam, arbitriam intelligat eo loco per liberam significanda est quæ suo ducitur impetu, & nostro non subiicitur arbitrio.



Quæres secundò. Cur facultas vitalis fuerit introdu-  
cta? Nam plantæ sine ea viuunt, ex sola animæ vegetan-  
tis participatione, à qua conseruantur; & animantia etiam  
sensibus à facultate animali profectis prædita, hac indi-  
gere non videntur. Si enim sola anima vegetatiua sufficit  
vitam fructibus conseruare, cur etiam non sufficeret hæc  
animalibus, cum altera sensus, & intellectus particeps  
copularetur? Dic. Quòd quidpiam est perfectius, eò perfectio-  
re apparatu materiæ indiget; quare cum animalia perfe-  
ctiore vita viuunt, quàm plantæ, quia viuunt vita vegeta-  
tiua, motiua, & sensitiua, perfectius etiam quàm plantæ  
nutriuntur, quæ parum à terra distant cui sunt affixæ, &  
impuro nutrimento gaudent, recreantur, & aluntur, vt  
luto, vel alio crudo humore, qui ab illis continuo attra-  
hitur & hauitur: Animalia verò excellentiore substantia  
prædita, & magis mixta, puriore indigent nutrimento, B  
quod post diurnam coctionem in sui naturam transmu-  
tant. Quare non solum magis elaborato pabulo egent,  
sed facultate alia quæ spiritus generaret, & membra ipsa  
robustiora redderet; & sic vberiori calore ad suas eden-  
das operationes indigebant, quarum exercendarum gra-  
tia, cor, viscus nobilissimum fuit creatum, in quo facultas  
vitalis sedem, ac domicilium habet, quæ sanguinem exte-  
nuat, & calefacit, & ex eo sanguinem arterialem, & spiri-  
tum vitalem, substantias calidissimas gignit, quæ impetu  
quodam vniuerso corpori transmittuntur, vt earum ca-  
liditate insita partium caliditas reuiuifcat.

Quid plura? Sicuti in rebus inanimatis calidis, tactu  
non percipitur caliditas, quia à qualitatibus aliorum ele-  
mentorum est veluti oppressa & consopita, & calore ani-  
malis indiget vt in actum exeat: sic in plantis, & animalibus  
caliditas insita, quæ mixtionem sequitur elementorum,  
est veluti extincta, & eget calore influente vt reuiuif-  
cat. In plantis ex foco radicatione influir caliditas exi-  
gua, in animalibus ex icore; verum cum hæc sit tepida,  
caliditatem insitam partium in actum nequit reducere, vt  
usus efflagitat. Quare necesse est ex corde vehementio-  
rem calorem cum sanguine & spiritu influere, & pro hac  
necessitate fuit creatum membrum actu calidissimum,  
quod non facultate sua vitali naturalem perficeret, sed  
etiam animalem, materiam pro spiritus generatione tri-  
buendo; & ideo vitalis dicitur, quia alias viuificat, tue-  
tur, & indefinenter conseruat, quum sit vitæ, & vitalis  
caloris fons atque principium.

Ex iis statu, Argenterium in com. cap. 29. art. medic. Gal.  
de signis cordis, grauiter fuisse deceptum, quum statuit  
maiores vim, & potestatem habere iecur, in immura-  
tione temperamenti corporis, quàm cor: quoniam hæc  
pars inter omnes est præstantissima, & non solum mate-  
riam alentem, nempe sanguinem arterialem, sed etiam  
spiritum plurimum partibus omnibus communicat; &  
sic non solum reliquum corpus, sed etiam iecur in san-  
guine conficiendo, calore cordis viuifico ac beneficio  
vititur; ideoque ad proportionem caloris cordis, insitus  
cuiusque partis calor se habet, quoniam maxima est cordis  
officij dignitas, & ad omnes actiones obeundas necessaria, ex  
Galen. 7. meth. cap. ult.

Cor enim est viscus calidissimum, lib. 1. de sem. c. 8. & 5.  
de loc. cap. 1. & in medio thoracis est locatum, ob quatuor  
causas: prima, ob firmitudinem & securitatem, ex Galen.  
lib. 3. de usu part. c. 2. Secunda, vt æqualiter ab omni parte  
refrigeraretur. Tertia, propter eius nobilitatem, ex Arist.  
3. de part. anim. cap. 4. Quarta, vt omnibus partibus nostri  
corporis æqualiter prospiciat, ex Gal. 5. de loc. cap. 1.

Quòd si interroges, possitne cor in alia corporis parte  
operationes suas exercere? Dic, quòd licet Galenus lib. 6.  
de loc. cap. ult. post. med. §. Siquidem actiones, &c. actiones  
non impediri propter situm asseueret, cum ex propria  
partium essentia emanent; tamen cum cor, iecur, & ven-  
triculus attrahant in sui gratiam alimnetum, vt eo fru-  
antur, & hoc etsi in quacunque corporis parte efficere pos-  
sint, commodius fuit in vtilitatem totius, habere situm  
vnicuique à natura tributum, vt rectè munus suum exer-  
cere possent.

Si verò cor est in medio thoracis, ex Gal. 1. 7. de usu part.

Lib. V.

A 2. & 2. de placit. 4. parum post prin. & 7. de anatomic. administ.  
cap. 7. Cur epithemata, inunctiones, & alia præsidia quæ  
cordia adhibentur, mamillæ sinistræ imponuntur? Dic  
quòd cum operatio externorum remediorum, vt ait Gale-  
nus 3. simpl. 18. ante med. fiat per succum arteriarum ad lo-  
cum inunctionis pertinentium, & in parte sinistra sit ma-  
xima, & vehentissima pulsatio, ex ventriculo sinistro  
cordis, qui ad illam partem inclinat, & ex arteria magna  
per illum locum obrepente, ex Gal. 7. de anatomic. administ.  
& 7. de usu part. cit. Idè in ea parte præsidia admouentur.  
Adde quòd loca, quorum interuentu auxilia debent ad-  
ministrari, patentia debent esse ac peruia; qua ratione Ga-  
lenus lib. 13. meth. cap. 21. in affectibus cerebri syncipiti  
auxilia apponenda docet, quia ibi futuræ sunt laxissimæ;  
& idè in morbis cordis, non in medio pectore, quod  
est magis osseum, sed in parte læua, vbi os degenerans  
in costas medicamentis aditum præbet, præsidia sunt  
imponenda.

Quæres tertio. Vtrum facultas pulsatilis differat à vi-  
tali? Ratio dubitandi est, quia multis locis à Galeno, &  
aliis, facultas pulsatilis, vitalis dicitur, vt constat ex defi-  
nitione pulsus; & ex lib. de usu puls. cap. 4. in fin. vbi ean-  
dem vult esse facultatem, quæ cor & arterias distendit,  
quàm cap. 6. sequenti vitalem vocat. Idem docet Galenus  
4. de præfag. expulsib. cap. ult. in med. Quam sententiam  
defendit Thomas à Veiga lib. art. med. in comment. cap. 31.  
dub. ult.

Sed non rectè dubio responderet Veiga: Nam in corde  
tres resident facultates: prima dicitur vitalis, & accipit  
nomen generis; secunda vocatur animosa, siue irascibilis;  
C tertia appellatur pulsatilis: quæ tamen omnes specie dif-  
ferunt, & sic licet facultas pulsatilis genericè cum vitali  
conueniat, specie tamen ab ipsa distinguitur, nam primæ  
vitalis vna est; pulsatilis verò duplex, vt mox dicemus. Se-  
cundò vitalis spiritus generat, pulsatilis verò cor & arte-  
rias mouet, quæ operationes sunt maximè diuersæ. Tertio  
vitalis spiritum in omnes corporis partes transmittit; pul-  
satilis verò solum communicatur arteriis ex corde, sic do-  
cente Galeno 7. de anatomicis administrat. cap. 8. dum dicit,  
vim pulsatilem ex ipsius cordis corpore oriri: quod etiam  
affirmat lib. de usu puls. 5. ad fin. & lib. quòd sanguis in arteriis  
contineatur, cap. ult. Quo loco reprehendens Erasistratum,  
& alios, qui dicabant, cor & arterias dilatar, quia replen-  
tur, quum potius repleantur, quia dilatantur, sic inquit.  
Distendantur autem ob virtutem à corde in tunicas arteriarum  
transmissam, scilicet pulsatilem.

Ex quibus liquet, quòd hæc actio pulsus, quæ fit à fa-  
cultate pulsatili, primò est cordis, deinde arteriarum, quo-  
niam arteriis non inest per se, sed per consensum quem  
cum corde habent; quo sublato, mouendi etiam facultas  
de medio tollitur, vt docuit etiam Galenus lib. de usu puls.  
c. 4. in fin. Quo etiam loco aduertit, pulsificam facultatem  
per substantiam, & tunicas arteriarum transmitti, non au-  
tem per cavitatem: quod etiam probat lib. an sanguis in  
arteriis contineatur, cap. ult. posito exemplo in fistula aenea,  
in cavitatem arteriæ intromissa, & ligata.

Quæres quartò. Quid sit facultas pulsatilis? De qua  
etsi variz fuerint antiquorum opiniones, docente Galen.  
4. de diff. puls. cap. 1. ante med. §. Alia præterea, &c. nihilomi-  
nùs tamen ex his quæ dicta sunt liquet manifestè, eam  
esse vim quandam incorpoream, propriis organis vten-  
tem, & ex corde per tunicas arteriarum influentem:  
quod etiam annuere videtur Galenus lib. 6. de placitis,  
cap. 7.

Neque obiciat sententiam Galeni 2. de caus. sympt. c. 7.  
§. Neque enim sicut arteriis, &c. Quo loco huiusmodi  
facultatem esse insiram arteriis asseuerat: nam ibi per in-  
sitam, intelligit naturalem arteriarum, non verò quòd  
aliunde non influat, ex Vallesio 2. controuers. cap. 15. Vel  
dic, quòd ibi per insiram intelligit, illis à corde datam &  
communicatam, vt in expositione illius loci doctè expli-  
cuit Valleriola. Insuper, hæc pulsifica facultas duplex est:  
alia quæ distentionem efficit, cuius interuètu fit refrige-  
ratio; alia quæ contractionem molitur, cuius ratione fuli-  
gines expurgantur: quam doctrinam proponit Gal. lib. 2.

E E E c

de

de prasag. ex pulsib. c. 3. post. med. §. Tertius qui ex intemperie nascitur, &c. & lib. de usu puls. cap. 7. Quare non meretur admirationem, facultatem hanc mouere motibus contrariis, præsertim cum hoc partibus organicis non repugnet, quales sunt arteriæ, & muscoli; nam etiam plantæ sursum, & deorsum mouentur, & ad latera.

Hæc sententia suaderetur primò, Dilatio, & contractio sunt actiones contrariæ diuersos habentes fines. Ergo necessariò diuersis facultatibus fieri debent; quemadmodum constar in facultatibus naturalibus, attractrice, expultrice, cum potentia distinguantur per actus, & actus per obiecta, ex Aristot. lib. 2. de anima, cap. 4. in init. Ergo cum actus sint diuersi, quia alter motus sit sursum, alter verò deorsum, non nisi à diuersis facultatibus fieri poterunt.

Secundò. Necessarium erat facultatem pulsatilem, & reliquas oriri, quod animanti graue, & periculosum esset; & ideo natura vtrisque satisfacere studens, facultatibus quibem orio, quod illis erat necessarium; vitæ verò animalis, perpetuo motu: decreuit opus id duabus facultatibus committere, vt dum alia operatur, orietur altera, vt ex vtriusque mutua, & successiua actione perpetuus animanti (qualis erat necessarius) accresceret motus, & citra vllam defatigationem cor in sua medioeritate conseruaretur sanum, & spiritus vitalis generaretur.

Constabit etiam, quodd etiam si facultas vitalis, & pulsans duæ sint, tam coniunctæ tamen semper habentur, & sibi mutuò necessariae, vt si vna debilis sit, alia valida esse non possit, sed ad proportionem alterius languescat. Facultas enim pulsans, dum caloris natiniuctur medioeritatem, robur vitale conseruat; ex cuius etiam defectu languet, & extinguitur. Vitalis etiam dum spiritum gignit, firmitudinem addit; & ex defectu spirituum etiam flaccescit, quoniam etiam si facultas pulsatilis per spiritus non deferatur, sine illorum tamen affluentia non operatur.

Ex dictis planum sit, facultatis vitalis robur ex pulsu certissimo indicio esse desumendum, & ex pulsus intermissione, & imbecillitate, facultatis vitalis languorem esse præcognoscendum.

Quæro quintò. Vtrum pulsatio sit operatio omnibus animantibus communis? Dic, omnia animalia pulsationem habere, qui cum ea sensu, & motu definiantur, ex Arist. lib. 1. de anim. cap. 1. in initio; sensus autem, & motus indigeant spiritu, & hic citra respirationem non nutriantur, merito dicendum erit, quæuis animalia pulsum reginere. Neque obstat Galen. 4. de prasag. ex pulsib. cap. ult. in med. §. Quam facultatem, &c. vbi docet pulsationem neque in stirpibus esse, neque in animalibus frigidis, qualia sunt ostrea, & aliis conchyliis quæ lapidibus sunt infixæ; nam idem Galenus seipsum interpretatur, l. de fac. format. cap. 3. in med. §. Quos utrosque ventriculos, &c. Hæc animalia vel nullo, vel minimo pulsante motu indigere. Ex quo pater errasse Lupeum lib. 9. meth. cap. 10. §. Altera facultas est, &c. qui in omnibus animalibus eum Galeno facultatem vitalem concedit, in aliquibus tamen pulsatilem negat.

Quæro vltimò. Num refrigerati indigeant pulsu, vel respiratione? Dic, quodd etiam si in refrigeratis ob frigiditatem positiuiam, vel defectum proprii caloris, pulsus secundum dilatationem minuat, non tamen omnino aboletur, quoniam aliis vñbus proficius est, scilicet ventilationi, & spirituum generationi; sic docet Gal. 2. de prasag. ex pulsib. cap. 1. ante med. §. Iam non videtur, &c. Quare lib. 3. sequenti cap. 4. multò ante med. dicebat, deperdito vñu respirationis, solum ob ventilationis vñum arterias distendi. Quoniam etiam si calor debilissimus sit, pulsu tamen, & respiratione non extinguitur, quoniam semper natura ad caloris proportionem, pulsum & respirationem molitur.

## QVÆSTIO XXXIV.

Vtrum pulsus sit motus naturalis, an animalis: vel immediate ab anima, aut potentia aliqua emanet. Contra Aristotelem, Turisnum, & Cardanum, Medicos doctissimos.

Sed enim quia pulsus, (de quo carprim, vellicatimque dicemus, prout tantum efflagitat argumentum (essentiam indagamus, & nos paulo antè ex Galeni fontibus (vt sæpe) humore corruato, definitionem pulsus per partes adstruximus, subit recordatio de motu cordis, qui pulsus dicitur, vtrum sit naturalis, an verò animalis.

Quod verò non sit naturalis, primò sic confirmo. Quicumque motus naturalis sit à causa naturali, & determinata. Sed motus cordis nò est huiusmodi. Ergo motus cordis non est naturalis. Minor probatur. Quæcumque causa naturalis, & determinata, semper vñiformem & determinatum producit effectum. Sed motus cordis non est vñiformis, & determinatus. Ergo. Probatur, in motibus naturalibus omnium corporum simplicium, sine sint motus recti, siue circulares: pater etiam in actionibus, quæ sunt in nostris corporibus à potentiis naturalibus. Deinde motus cordis non est vñiformis, quia modò est velox, modò tardus; aliquando in ipso contractio velocior est dilatatione, & è contra. Similiter pulsus non est motus determinatus, quum sit ad contrarias partes, quia compositus est ex motu dilatationis, & contractionis, qui sunt motus contrarij.

Secundò. Si motus cordis, siue pulsus, esset motus naturalis, esset quia fieret à propria forma, quæ est eius natura. Consequens est falsum. Ergo & antecedens. Maior probatur, quia natura est principium motus & quieris, eius in quo est, vt docet Arist. lib. 2. phys. cap. 1. Deinde si pulsus fieret à propria forma, omnes partes corporis eodem motu mouerentur, quia eadem forma informantur, vt pater in grauib, & leuib, quorum partes eodem motu mouentur, quo mouetur totum. Sed in nobis solum cor, & arteriæ eo motu mouentur. Ergo motus hic aliqua forma non fiet.

Tertiò. Si motus cordis esset motus naturalis, vel fieret ab anima ipsius viuientis, vel ab aliqua peculiari forma particulariter residente in corde. Sed neutrum est dicendum. Ergo, &c. Non enim sit ab anima viuientis, quia ad operationes quæ sunt à forma, natura aliquod peculiare instrumentum non construxit: nam hoc solum ratione potentiarum particularium fabricauit, vt suas operationes producere possent, vt pater v.g. in oculo. Sed ad motum cordis construxit natura, cordis & arteriarum structuram. Ergo non sit ab anima viuientis. Quod verò non fiat ab aliqua peculiari potentia, patet, quia hæc vel esset sensitiua, vel intellectiua, vel vegetatiua. At primò motus cordis sit nullo præcedente actu sentiendi, vel intelligendi. Neque potest fieri à potentia vegetatiua, quæ naturalis est; hæc enim vsque ad vltimum potentia operatur semper, & non pro indigentia vsu, vt animalis interest, vt colligitur ex Gal. 1. de facule. natural. cap. 13. post med. §. Consequitur autem necessariò, &c. Sed facultas vitalis quæ efficit cordis motum, non operatur vsque ad vltimum potentia, omnes suas vires imprimens, sed tantum operatur prout animalis interest: nam si instrumentum sit rectè dispositum, & facultas vitalis rectè valeat, non virgente vsu, remissè agit. Ergo pulsus non fiet à potentia vegetabili, & naturali.

Quartò. Omne illud quod naturaliter mouetur, vel mouetur naturaliter ratione dispositionis naturalis, quam in se habet; vel ratione finis naturalis, quo acquisito statim mobile quiescit à motu. Sed nullo modo ex iis cor mouetur. Ergo, &c. Maior probatur, in aqua calida reducete se ad pristinam frigiditatem, ratione dispositionis naturalis quam in se habet; probatur etiam in motu grauium, & leuium, quæ ratione finis naturaliter mouentur, & ita acquisito fine v.g. centro, statim non mouentur. At cor non mouetur ratione dispositionis naturalis, quia vna

& eadem dispositione non potest aliqua res esse disposita ad motus contrarios, qui reperiuntur in corde, nam adest motus sursum, & deorsum, scilicet contractio, & dilatatio; neque enim quidpiam potest esse dispositum, ut tendat ad terminum ad quem, & ab ipso recedat. Ergo iam non mouetur cor ratione dispositionis naturalis. Quod verò nec moueatur ratione finis, sic probatur, quia acquisito fine statim cor cessaret à motu. Sed neque acquisito termino dilatationis, aut contractionis cor cessat à motu, quia perpetuò mouetur viuente animali. Ergo etiam ratione finis, motus cordis naturalis esse non poterit.

Vltimò. Omnis motus naturalis, vel fit à principio intrinseco, scilicet à forma eius quod mouetur: vel fit ab efficiente extrinseco, scilicet à generante. Sed nullo modo ex iis pulsus est motus naturalis. Ergo Maior probatur, quia omnis motus naturalis vel conuenit viuentibus, quæ actiue mouentur à se; vel conuenit non viuentibus, quæ effectiue mouentur à generante. Minor probatur, quia motus cordis, est motus in viuentibus. Ergo non poterit fieri à generante. In hoc enim distinguuntur viuentia à non viuentibus, quod illa mouentur à se; hæc à generante, ut docet Arist. 8. ph. scap. 4. Similiter etiam motus cordis non potest fieri à principio intrinseco; quia tunc cor esset in actu, & esset in potentia respectu eiusdem motus; esset enim mouens, & motum, quod est contra Philosophi doctrinam, lib. 4. physic. c. 5. text. 40. Omne quod mouetur, ab alio moueri, asseuerante. Ergo motus cordis nullo modo poterit esse naturalis.

Quod verò motus cordis sit motus naturalis, validis rationibus confirmari potest, & primò sic. Nullum violentum conseruat naturam, quin potius præter naturam illi conuenit. Sed motus cordis conseruat animalia, quia ipsius ratione eorum naturalis calor conseruatur, & ipso deficiente animal vita priuatur. Ergo pulsus non erit motus violentus, & præter naturam, sed potius naturalis.

Secundò. Omnis motus in animali repositus, vel est motus naturalis, vel animalis. Sed motus cordis non est animalis, quum hic fiat per apprehensionem, & secundum voluntatis imperium; pulsus autem non pendet à voluntate, quia velimus, nolimus, in viuente necessario fit. Ergo motus cordis, quum non sit animalis, debet esse naturalis.

Tertiò. Omnis propria passio reperta in aliquo composito, debet insequi aliquod principium intrinsecum. Sed nihil est magis proprium animalibus, quam motus cordis, quo cessante, cessat vita. Sed hoc principium non est animale. Ergo necessario erit naturale, quia naturalia sunt, quorum principium motus in ipsis est, ut docet Aristot. 8. phys. cap. 4. cir.

Quartò. Ille est, & dicitur motus naturalis, qui necessario fit, & ad vnum tendit. Sed motus cordis est huiusmodi. Ergo. Maior patet in omnibus motibus naturalibus, siue sint recti, siue circulares; quoniam hi motus necessario fiunt, & ad vnum tendunt. Minor patet: nam motus cordis viuente animali; ad vnum tendit; & conseruationem caloris naturalis solum est determinatus.

Quintò. Causæ omnes quæ pulsus efficiunt, sunt naturales: efficiens est facultas, quæ naturalis est, ut infra dicetur: finalis, triplex est, nutritio spirituosæ substantiæ, temperatio eiusdem, & humidorum vaporum expurgatio. Instrumenta naturalia sunt, non animalia; hæc vocat Galenus, musculos, nervos. Cor musculus non est, nervi nulli ad cordis sinus feruntur. Ergo pulsus siue motus cordis, erit naturalis.

In hac dirimenda questione, difficili quidem, & intricata satis, & in qua, Euripi modo, huc illucque ingenia grauissimorum auctorum multoties naufragium fecerunt, ut notat Laurentius lib. 9. de histor. anatomi. quest. 8. de motu cordis, aliquæ sunt afferendæ in medium sententiæ, ex quarum explanatione, nostra firmior euadet, & Galeni menti magis conformis.

Sumus ille philosophorum Coryphæus lib. de vita & morte, cap. ult. hanc adstruit opinionem, dicitque cordis, & arteriarum motum à nulla facultate fieri, sed solum ex

ebullitione sanguinis, & spiritus, sumpta similitudine ab inflammationibus dum suppuratur. Nam quemadmodum in illis ob feruorem partes distenduntur; sic in corde, & arteriis fit ebullitio sanguinis & spiritus, quæ cor & arterias distendit, quare definiens pulsus, affirmat quod est humoris effervescentis flatuola elatio.

Turisanus lib. 2. art. med. com. 35. non solum Arist. opinionem probat, sed eam rationibus munit, ac defendit. Et primò sic. Sicut semen ante animæ conceptionem citra pulificam facultatem in testiculis pulsatur, propter spermificationem; eodem modo hæc in corde, & arteriis facta, sine aliqua facultate erit pulsus causa. Secundò. Sequeretur quod in vigore accessionum pulsus esset minor quàm in principio; quoniam tunc facultas debiliore est. Sed hoc est falsum, quia in statu pulsus est maior. Ergo non est facultas illius causa, sed solum feruor, qui cum in statu sit maior, maiorem efficit pulsus. Tertiò. Si aliqua facultas esset pulsus causa, vel esset animalis, vel naturalis, non illa; nam hæc pro arbitrio operatur, non naturalis, quia hæc circa alimentum versatur. Ergo pulsus ab aliqua potentia fieri non potest. Quartò. Nulla potentia naturalis potest mouere motibus contrariis. Sed ex iis motus cordis componitur, nempe ex contractione, & dilatatione. Ergo hic ab aliqua potentia fieri non potest.

Verum hæc opinio longè à veritate, rationeque est aliena cuius falsitas ostenditur. Primò. Nam improbabile est affirmare, non esse facultatem à natura tributam, pro operatione vitæ maximè necessaria, quum pro aliis operationibus facultates sint à natura concessæ. Absurdum enim, imò ridiculum est, quod feruor ille in corde reperiens, tam statuto, certo, ac determinato ordine contrahat arteriam, ac dilatat.

Secundò. Si feruor esset causa pulsus, nunquā hic tanto ordine fieret, & æqualitate, ita ut harmoniæ musicæ posset comparari; feruor enim non semper existit sibi æqualis; sed varius est, ut in exterioribus sapissime experimur. Sed in motu cordis ita certo ordine attrahitur aer media dilatatione solum necessarius, & ex consequenti vi contractionis expellitur fuligines interius congestæ. Ergo, &c.

Tertiò. Si perforaretur arteria, & fistula ænea intromitteretur, adhuc pulsabunt arteriæ existentes ultra fistulam; sed si fistula illa ænea simul cum arteria ligetur, non pulsabunt arteriæ existentes post ligaturam, ut docet experimentum Gal. lib. an sanguis in arteriis natura continetur, c. ult. Sed tunc non impeditur communicatio sanguinis feruentis, quia ipse communicatur per cavitatem arteriæ, & fistulæ. Ergo non fiet à dicto feruore, sed potius ab aliqua facultate, quæ impedita est propter ligaturam. Nec dicas cum Turisano, per substantiam arteriæ communicari calorem efficientem illum feruorem, cuius communicatio impeditur à ligatura: nam pulsus admoto vinculo, subito fit, & apposito vinculo subito cessat. Sed calor ille communicatus per substantiam arteriæ non potest subito communicari, & subito remoueri. Ergo cum pulsus subito fiat, & subito remoueat, à feruore non emanabit, sed à facultate.

Quartò. Sequeretur quod nunquam arteria contraheretur. Patet sequela, quia arteriæ contractio fit ab aere frigido attracto per dilatationem. Sed aer attrahi non potest, qui ex illorum sententia arteriæ dilatantur, quia replentur. Ergo pro quantitate eius quod replet, debent dilatari, ac proinde aeris ingressui locus non erit, & hoc modo nec feruor remitteretur, nec contraheretur arteria. Ergo cum impossibile sit in motu cordis non reperiri contractionem, impossibile etiam erit, hunc motum fieri à feruore. Nec vim argumenti subterfugit Turisanus, respondens ab impetu effluens sanguinis arterias magis dilatari, & hac de causa relinqui locum aeri extrà venienti; quia quemadmodum sanguis impetu dilatat arterias, ita similiter impetu eas replere poterit, & tunc locus aeri non relinquetur. Deinde cum arteriæ, & cor frigida intemperie laborant, huiusmodi impetum non patiuntur, ut in pulsu tardo, & raro constat manifestè. Insuper, quando non dilatantur tantum quantum expedit, & defectum dilatationis frequentia, & celeritate natura supplet, ut experientia docet in



sepius valde iprensis, tunc non reperitur impetus, & A  
adest contractio cordis. Ergo, &c.

Quinto. Sequeretur præter pulsum magnum, qui at-  
tenditur penes dimensiones arteriæ, nullum esse pulsum  
vehementem, qui sit ex facultatis parte. Sed hoc est fal-  
sum, quia inter pulsum magnum, & vehementem, ma-  
gnam differentiam agnouit Galenus 4. de caus. puls. cap.  
13. & 14. Ergo.

Sexto. Si cor, & arteriæ mouerentur à dicto feruore,  
sequeretur, cordis & arteriarum motum contractionis  
fieri, ipsi concidentibus gravitate sua, & ita hic motus  
esset naturalis; contra autem motus dilatationis à feruo-  
re subortus, esset motus violentus: quod non potest sta-  
re cum moribus ad vitæ conseruationem maximè neces-  
sariis, qualis est motus cordis. Addiderim, quod pro-  
pter violentiam natura fatigaretur. Ergo cum motus cor-  
dis sit animalibus maximè naturalis, non à feruore, sed  
aliqua facultate orietur.

Septimo. Si pulsus fieret à feruore, necessario prius mo-  
uerentur cor, & arteriæ ipsi proximæ, quam arteriæ remo-  
tæ; nam in illis maior adest feruor, quam in arteriis di-  
stantibus, quum in corde maxima sanguinis effervescen-  
tis quantitas reperitur. Ergo cum cor non moueatur  
prius quam arteriæ, arteriæ ab ebulliente sanguine non  
pulsabunt.

Argumenta verò Turisani, futilia sunt, & planè nulla.  
Dic ad primum, seminis motum non esse pultationem,  
sed palpitationem, quæ ab aliqua flauola substantia, in  
cavitate aliqua interclula, sit citra facultatem, vt lib. 3. de  
sympt. caus. 2. & lib. de rigor. & tremore. c. 4. & 5. docuit Gal.  
Ad 2. dic quod pulsus in principio est minor, quia facul-  
tas oppressa est, & sic non multu vrget vsus: in statu verò  
maior, ob contrariam causam, videlicet quia magis vrget  
vsus, & vires valent, 2. meth. 19. Ad tertium dic, quod Arist.  
solam facultatem naturalem, & sentientem agnouit: At  
Galenus Platonem sequutus, etiam vitalem connumerat,  
non solum sede, sed natura à cæteris distinctam. Ad vlti-  
mum dic, duplicem esse facultatem pulsificam, alteram  
dilatantem, contrahentem aliam, ex Gal. 2. de prasag. ex  
puls. cap. 8. in fin. Ex quibus constat aperte, inepte & citra  
rationem esse gerasse Cardanum lib. 3. cont. tract. 2. cap. 11.  
vtamque Aristotelis, & Galeni opinionem defendi  
posse, quum Philosophi opinio in hoc condendo dog-  
mate sit prorsus vana.

Galeni sententia firmissima est, cordis motum fieri im-  
mediate, à potentia virali residente in corde. Ita probat  
lib. de usu puls. c. 4. & lib. an sanguis in arteriis contineatur, c.  
vlt. & lib. 6. de placit. 7. & 8. de placit. 1. & 2. de caus. puls. 2. &  
4. de prasag. ex puls. c. vlt. iuxta quam sententiam necessa-  
rio dicendum est, in corde constituendam esse faculta-  
tem vitalem, à qua fiat motus cordis, siue pulsus, quemad-  
modum in iecore constituitur facultas naturalis sangui-  
fica, quæ chylum in sanguinem naturam conuertit: cuius  
sententiam defendit Auic. 1. 3. doct. 6. cap. 4. post. med.

Vt tamen hæc celebris controuersia melius intelligatur,  
motusque cordis natura intimius explicetur, aduerte pri-  
mo. Motum esse actum entis in potentia, ex Arist. 1. phys.  
c. 2. sex. 6. & in corde reperiri omnes species motus: Adest  
enim motus alterationis, qui ab eiusmodi calore oritur,  
dum propria actione sanguine ad se attractum calefacit,  
& ipsum in reliqua membra transmittit, vt illorum calor  
de potentia ad actum reduci possit. Reperitur etiam mo-  
tus alterationis in corde, in propriis passionibus eius, vt  
eleganter tract. de viribus cordis docuit Auicenna. Inuenitur  
etiam in corde motus augmentationis: sicut enim reliqua  
membra augentur, & debitam magnitudinem acquirunt,  
ita similiter in corde contingit. Adest etiam, & manifestè  
motus localis in ipso: Quoniam in dilatatione, mouetur  
sursum, & in contractione, deorsum. Huiusmodi tamen  
questio solum de motu locali intelligenda est.

Aduerte secundo. Motus naturalis, naturaliter conue-  
nientes corporibus, insequi formas ipsorum corporum, &  
aliquando ab ipsis effectiue emanare; quæ ratione motus  
sursum, est naturalis igni, quia sequitur ignis formam; qua-  
ratione generans ignem, appetitum, & propensionem illi

concessit ad eum motum; qui enim præstat formam, ne-  
cessario tribuit consequentia ad formam. Eodem modo,  
motus quo ferrum mouetur ad magnetem, est motus na-  
turalis, qui non conuenit ferro ratione grauis, aut levis,  
sed tantum ratione suæ formæ. Sic non est inconueniens  
aliquem motum naturalem reperiri, qui ipsi animalibus  
ratione suæ formæ conueniat; quia animalium anima,  
forma est; motus vero animalibus conueniens ratione  
suæ formæ, est motus cordis, quo cor secundum contra-  
ctionem & dilatationem mouetur; & quia motus perfe-  
ctior, perfectiorem formam consequitur, vt constat in  
corporibus cælestibus, quæ circulari motu mouentur, ic-  
circo motus insequens animam, quæ inter omnes formas  
nobilissima, & perfectissima est, similis est circulari motui  
corporum cælestium. Hic est continuus, qui est principiu,  
& causa omnium motuum, qui in inferioribus sunt; nam,  
vt 1. meteor. 2. dicebat Arist. oportet mundum hunc inferio-  
rem esse continuum superioribus latioribus, vt inde tota  
eius vis regatur, & gubernetur. Eodem modo se habet vt  
circularis in cælo, quia motus cordis est principiu, &  
causa omnium motuum qui sunt in animalibus; & vt cor  
esset hoc principiu, merito à natura habuit quendam  
motum non circularè, sed huic valde similem, qui ex di-  
latatione, & contractione est compositus; inter quos mo-  
tus, morula solum intercedit, vocata quies, quæ in motu  
circulari dicitur punctu, à quo motus incipit, & ad quod  
redit. Deinde sicut motus circularis est continuus, ita du-  
rante vita, cordis motus continuus est, quoniam nisi cor à  
proprio motu cesset, animal interire non potest, ex Gal. 3.  
simpl. 8. Insuper sicut corpora cælestia medio motu cir-  
culari influunt in hæc inferiora, ipsa regunt, gubernant, &  
conseruant: eodem modo cor medio proprio motu in omnia  
nostri corporis membra influunt, eaque in suo naturali sta-  
tu retinet, & ad producendos proprios actus apta reddit,  
quos absque simili influxu non exercerent; quare media  
dilatatione attrahit sanguinem ex vena caua, & aerem ex  
pulmone per arteriam venosam, vt docet Galen. 6. de usu  
part. 10. lib. de anat. viuar. vit. 2. & attrahit, vt deperditum  
restituatur, spiritus animalis generetur, qui ex euapora-  
tione sanguinis, & aere attracto generatur, ex Galen. 1. 2.  
meth. cas. 5. & 7. de placit. 3. & lib. de usu puls. 2.

Aduerte tertio. In nostris corporibus tres motus di-  
uerfos reperiri, quorum vnus lædi potest aliis illæsis: nam  
alius dicitur animalis; alter naturalis; alius ex vtroque  
mixtus. Animalis ex arbitrio, & voluntatis imperio pen-  
det, vt motus brachiorum, & incessus crurum. Motus na-  
turalis, duplex est: alius enim est motus alimenti, à facul-  
tate attractrice cuiuslibet partis factus; alius est motus  
cordis, qui pulsus dicitur, qui fit à facultate virali pulsifi-  
ca: & vterque motus naturalis est, quia potètia vtrumque  
motum efficiens, est naturalis; sumitur verò naturale, vt di-  
stinguitur contra voluntariu, & violentum. Mixtus verò  
motus est, qui rationem vtriusque participat, vt v. g. mi-  
ctus, excrementorum deiectio, quoniam mictus includit  
apertionem musculi claudentis vesicam, quæ apertio fit  
à facultate animali mouente musculos; includit etiam ex-  
cretionem recrementi serosi, cuius expulsio, actio natu-  
ralis est, cum à facultate expultrice velicæ celebretur, vt  
tradidit eleganter Galen. 6. de loc. cap. 4. post princip. & non  
explicuimus ad eius mentem, lib. 2. in com. bist. vlt.

Aduerte quarto. Quod omnibus animalibus ratione  
suæ formæ, connaturalis quædam inest caloris amicitia,  
qui calor simul cum aliis dispositionibus, corporis, & ani-  
mæ vinculum videtur constitutur, vt testatur Arist. lib. de  
resp. cap. 14. Quare quemadmodum grauib, & leuib  
intra est ratione formæ eorum, inclinatio ad proprium  
locum, quia in eo multo melius conseruarentur, quam  
extra illum, in loco scilicet præter naturam: ita etiam om-  
nibus animalibus ab anima insitus est quidam appetitus  
caloris, & eius conseruationis, quippe quod maximè ani-  
malibus conueniat calore vigere, & eo gaudere tanquam  
in propria natura. Quare vt hic calor tantopere animali-  
bus necessarius, & maximè expetitus, foueatur, emanat ab  
ipso anima quædam potètia huic muneri dicata, vt eum,  
ne deficiat, aut corrumpatur, mirifice perpetuo motu  
conseruet



conseruet, qualis est ille qui in corde, tanquam in foco ac minera viger. Hac ratione 2. de presag. ex pulsib. cap. 4. nō posse animal priuari pulsu trium pulsationum spatio, sine vitæ discrimine, asseuerat: quare sagacissima natura hoc opus motui voluntario non committit, sed potius potentie naturali, quæ perpetuo & semper operatur, semper existens in actu secundo, reliquarum potentiarum naturalium instar. Quare prædictus motus conuenit cum motibus naturalibus in eo, quod semper eodem modo, & propter eundem finem: differt tamen ab animali motu, quia hic pendet ex appetitu, & cessare potest; at vero motus cordis neque ab appetitu pendet, nec cessare potest durante vitæ. Ad huiusmodi ergo motum merito natura construxit cor, & arterias ab eo manantes, quia cor caloris influentis principium erat futurum.

Aduerte quintò, Quod maximā reperitur differentia interactiones formarum naturalium, & interactiones viuentium: nam illis utpote imperfectis vna solum motus ratio sufficit, & iecundo ea quæ à formā naturali mouentur, in motu semper eundem tenorem seruant, ut patet in grauib. & leuib.: nam formæ naturales simplicissima constant natura. At vero animatorum formæ, & præcipue formæ animalium, ad suas actiones, & motus producendos pluribus indigent, quia res omnes animalibus necessariae, sunt variæ ac diuersæ, & ideo finis in ipsis, variis modis obtineri debet; qua ratione prædicta vitalis facultas diuersimodè cor debet mouere, & arterias, ut proprium finem consequatur: quoniam cum ipsa facultas caloris gratia sit à natura statuta, & calor multipliciter immutetur à causis naturalibus, non naturalibus, & præter naturam, quocunque modo facultas pulsus immutetur, causa eiusdem finis operatur semper, ut scilicet symmetria caloris cordis, & totius corporis conseruetur. Quare quum calor cordis intensior sit, ipsa facultas veluti concitatur, & si ratione instrumenti, vel copia materiæ non impediatur, magnum cordis efficit motum: si vero impediatur, pulsus celer efficitur, ut celeritate magnitudinem natura recompenset, ut hac ratione frigiditate aëris attracti, æstuans & immodicus calor attemperetur. Si autem calor cordis remissior sit, ipsa facultas veluti hebetatur, & pulsus tardior efficitur. Patet euidenter, quoniam facultas pro usu, vel indigentia caloris adaucti, vel diminuti operatur semper. Huiusmodi tamen facultas in hac motuum diuersitate formarum naturalium actiones imitari videtur. Quemadmodum enim grauias, & leuias duplici motu mouentur, vno modo ad proprium locum, quia in eo multo melius conseruantur, ut in naturali loco, ut quando v.g. mouentur deorsum ad acquirendum proprium locum: alio vero modo mouentur sursum naturaliter, ne scilicet contumpanantur, in quo motu velocius moueri videntur: hoc idem videtur reperiri in motu cordis, quoniam quando animal bene se habet, eodem tenore facultas cor & arterias mouet; quando vero in calore cordis, animal naturæ legem non seruat, tunc facultas pro diuersa caloris immutatione diuersimodè mouet.

Vltimo aduerte. Huiusmodi potentiam efficientem motum cordis, esse potentiam animæ animalis, quæ anima sensitua est, homine excepto in quo est rationalis: quæ potentia hunc motum efficiens, non est potentia animæ sensitua, ut sensitua est, sed ut in se virtutes animæ vegetantis continet, quia anima vegetatiua continetur virtualiter in sensitua. Huiusmodi autem continentia virtualis, duplex est: altera in qua continens habet virtutem ad producendam rem contentam, in qua acceptione. Sol dicitur continere virtualiter aliqua inferiora, illa scilicet quorum formas producere valet. Secunda continentia virtualis est, quando res continens non valet producere res contentas, rectè tamen potest producere operationes; quas res contentæ poterant efficere. Hac est doctrina Arist. 2. de anima, cap. 3. quo loco animam intellectiuam virtualiter continere vegetatiuam, & sensitiuam asseuerat. Continere vero actualiter est, quando res continens, rem contentam secundum propriam rationem continet. Quare merito Philosophus

quidam insignis in opusculo de motu cordis, contendit cordis motum ab anima sensitua per propriam operationem non fieri, quoniam hic motus pendet à voluntate, & subiectus est arbitrio; docet tamen huiusmodi motum fieri ab anima sensitua, quatenus est forma corporis, & potentiarum inferiorum vim habet. Quapropter hic auctor lib. de potentiis animæ, cap. 5. sic alloquitur in §. Motus autem sensitua diuiditur, quia alia est naturalis, alia est animalis. Naturalis est quæ non mouet ex apprehensione; neque est subiecta imperio rationis, qualis est virtus vitalis, & pulsatiua, mouens cor & arterias secundum dilationem, & compressionem; & tantum est in animalibus perfectis, pulmonem & cor habentibus, quæ est principium contemperandi calorem cordis, & corporis. Motus vero animalis est, quæ mouet per apprehensionem, &c. Et in eodem opusculo, in med. sic profatur. Sic igitur motus cordis naturalis est, quasi consequens animam, quatenus est forma corporis, & principaliter cordis.

Nec mireris hæc ita fuisse proposita: nam antiquioris difficultas plurium nodorum difficultum extricationem expostulat, quam si prius non præmise, is, vitæ à salebris, & argumentorum labyrinthis eripere poteris, quæ ita sunt ardua, ut conuincere videantur. Sed antequam ea ad vnguem dissoluamus, duas afferemus conclusiones, ex quarum veritate totam litem euanescente arbitramur.

Sit prima conclusio. Motus cordis, quem pulsus vocamus, & est motus compositus ex dilatatione, & contractione, est motus naturalis. Hanc conclusionem acutissime defendunt inter Philosophos Ferratiensis cons. gentes, 697. Inter medicos Andreas Laurentius lib. 9. de histor. anatomica, quest. 7. Probatur deinde ex doctrina Galeni lib. 1. de motu musculor. cap. 1. & 2. eiusdem, cap. 5. & 10. de usu part. cap. 9. Quibus locis hunc motum esse naturalem, & nullo modo posse esse animale euidenter ostendit: quod sic confirmo. Omnis motus in animalibus repertus, vel est motus naturalis, vel animalis, vel ex utroque mixtus, ut ex tertio notabili patet. Sed motus cordis non est animalis, quum non pendeat à voluntate, neque ab hac imperante impediri possit; nec etiam est mixtus ex animali, & naturali, quia iam quodammodo impediri posset, quatenus scilicet à voluntate dependet, ut patet in retenta vrina, quia hæc retinetur, quando voluntas imperat. Ergo motus cordis necessario erit naturalis.

Deinde causæ omnes, quæ triplici genere continentur, hunc motum esse naturalem demonstrant: Efficiens est vitalis, quæ tota in spirituum generatione occupatur. Finalis triplex est, nutritio spirituosæ substantiæ, temperatio eiusdem, & fumidorum excrementorum expurgatio. Instrumenta, naturalia sunt, non animalia, quoniam nec cor musculus est, nec neruus ad cordis sinus deferitur. Ergo si causæ sunt naturales, naturalem hunc motum esse, nulli erit non manifestum.

Secunda conclusio. Motus cordis, qui pulsus dicitur, non sit immediate à forma, siue anima animalis, sed potius immediate sit à peculiari potentia, quæ in corde suam sedem habet, & dicitur facultas vitalis pulsifica. Conclusio, præter ea quæ posita sunt in notabili sexto, probatur, quia omnes motus qui fiunt à forma immediate sine aliqua potentia, sunt vniiformes, & eodem modo semper fiunt. Sed motus cordis neque est vniiformis, neque semper fit eodem modo. Ergo motus cordis non poterit fieri immediate à forma. Maior probatur, ex motu ferri ad magnetem, ex motu grauium, & leuium, & reliquis motibus naturalibus. Minor probatur, quia motus cordis aliquando est vehemens, aliquando velox, & tardus. Ergo motus cordis non est semper vniiformis, nec semper fit eodem modo, & ex consequenti non poterit fieri immediate à forma, sed potius ab aliqua potentia fiet.

Secundo. Quando aliqua forma est immediata causa alicuius motus, non solum compositum totum illo motu mouetur, sed etiam singulæ eius partes, ut apertissime constat in motu ferri ad magnetem, & in motu deorsum quo mouentur

mouentur grauiā, quoniam huiusmodi motibus partes dictorum corporum mouentur, vt ipsa corpora. Sed motu dilatationis, & contractionis, tantum mouentur cor, & arteria, quum hoc motu alia partes non moueantur. Ergo huiusmodi motus cordis non fit immediate à forma, sed potius fiet ab aliqua facultate, quā erit potentia vitalis pulsifica.

Tertio. Si hic motus fieret immediate à forma, vel esset necessario actus accidentalis, vel substantialis. Sed in ordine ad formam nullus istorum potest esse. Ergo, &c. Maior cum consequentia est nota. Minor quoad veramque partem probatur: Nam non est actus substantialis, quia hic nihil aliud est quā dare esse viuenti, quia ab ipsa forma tribuitur, & duos actus substantiales ipsa tribuere non valet. Nec est actus accidentalis, quia hic fit immediate ab aliqua potentia, vt manifeste constat in reliquis actionibus, quā in nostris corporibus reperiuntur. Ergo necessario motus cordis in ordine ad formam, nec erit actus substantialis, neque accidentalis, & ex consequenti ab aliqua potentia fiet, quā erit potentia vitalis pulsifica.

Argumenta verò in principio proposita sic solue. Ad primum dic. Negando minorem, & ad confirmationem responde, motum cordis determinatum esse ad vnum, scilicet ad conseruationem caloris naturalis. Concedendum etiam est, motum cordis non esse vniuniformem: nam hic fit à perfectissima potentia, quā non ad vltimum potentia, vt ceterae naturales, sed pro indigentia viū operatur. Quod verò necessarium non sit, motus naturales esse vniuniformes, constat in grauium; horum enim motus velocior est in fine, quā in principio: eadem ratione motus cordis à ratione motus naturalis non est excludendus, etiam si non sit vniuniformis.

Ad secundum dic. Motum cordis fieri à forma, tantum à principio particulari, quā ratione huiusmodi motus, non reperitur in omnibus nostri corporis partibus, sed tantum in corde, in quo residet praedicta facultas, & ab eo in arterias deriuatur: in grauius autem omnes partes eodem motu mouentur, quo mouentur grauiā, quia in ipsis quādam potentia ad illum motum, praeter grauitatem non requiritur. Tertium argumentum alio-rem indaginem expostulat, cuius explanatio in sequenti quaestione fiet magis dilucida, ac manifesta.

Ad quartum dic. Motum cordis esse naturalem ratione finis, qui nihil aliud est, quā conseruatio natiui caloris, quā media refrigeratione, & expurgatione fuligum, ope ac beneficio contractionis, & dilatationis perficitur. Quare cum hic finis semper sit praesens, viuente animali, hic motus cordis semper fit, interposita tamen media quiete, sine qua duos motus contrarios fieri est impossibile.

Ad vltimum dic. In corde reperiri diuersas partes, quia reperitur in eo ventriculus dexter, & sinister; in quo sanguis ex vena caua attractus à ventriculo dextro recipitur, qui percolatur per septum, & ad sinistram deferretur, in quo sanguis arterialis, & spiritus vitalis generantur, & in eo facultas vitalis pulsifica sedem habet; & ita cor ab illa parte sinistra mouetur, & ratione illius est in actu: ratione verò partis dextrae, est in potentia. Et hoc non est inconueniens, cum sit respectu diuersorum, quemadmodum quando animal mouetur motu animali, dicitur esse in actu, & in potentia respectu partium diuersarum; quia est in actu secundum partem impellentem, quā actu mouetur, & est in potentia secundum partem mouendam. Ex quibus argumentorum solutio

patet. Cetera verò de motu cordis, lege apud Amylium Parisanum, tract. de motu cordis, qui de hac quaestione perbellè disseruit.

*Virum facultas vitalis pulsifica sit pars anima sentientis, an vegetatiua, vel ex utraque composita, Contra Mercatum, Conciliatorem, Fernel. Vallisium, Eustachium, Gentilem, Santorellum, Campanellam, & alios Medicos praestantissimos.*

**G**alenum adeo omnifaria rerum copia praecelesse, scribunt Graecorum peritissimi, vt in libris suis de pulsibus, medicorum ceteris in admirationem attraxerit: & licet suo Asiatico sermone facundus sit, plurimaeque proponat, & saepe refutet praeceptorum opiniones; tamen in hac stabilienda quaestione vir etiam eruditissimus, innumerisque Hippocraticae doctrinae disciplinis, non potuit ita dilucidè suam sententiam propalare in lucem, de qua postea clarissimi Iuniores plura literis consecrare ausi sunt.

Sed ij in varias dispersi sunt classes: nam Mercatus in suo elegantissimo, de pulsuum arte, & harmonia, lib. tract. de facult. vital. Potentiam vitalem pulsificam pertinere ad animam sensitiuam animalis, efficacissime contendit, multaeque suam opinionem confirmat. Et primò sic. Si esset potentia naturalis vegetatiua, vel esset generatiua, vel augmentatiua, vel nutritiua. Non illa, quia haec solum respicit conseruationem speciei; pulsifica verò solum indiuidui: non est augmentatiua, quia haec post aetatem consistendi in animalibus reperitur: nutritiua non est, quoniam haec circa generationem sanguinis, appositionem, agglutinationem, & assimilationem versatur, vitalis verò ad solius naturalis caloris conseruationem est destinata.

Secundò. Anima suae aliqua potentia media animali vitam praestat. Ergo non est necessaria potentia vitalis. Tertio. Potentiae naturales, seu vegetatiuae omnibus nostri corporis partibus infusae sunt, neque ipsis aliunde communicantur. Sed vita aliis partibus communicatur à corde, sicut animalis à cerebro. Ergo vitalis non poterit esse naturalis.

Quartò. Potentia naturalis vegetatiua semper operatur propter seipsam, & in sui gratiam. Sed vitalis non agit propter seipsam, sed ad conseruandum calorem naturalem. Ergo. Quintò. Si vitalis potentia esset naturalis, non posset mouere motibus contrariis, vt mouent facultates animales. Sed potentia vitalis, cor & arterias mouet motu dilatationis, & contractionis, qui sunt motus contrarij. Ergo.

Sextò. Potentia naturalis vegetatiua diuisibilis est. Sed pulsifica non est diuisibilis, vt probat experimentum Galeni, lib. an sanguis in arteriis contineatur, cap. vlt. Ergo. Septimò. Potentia vegetatiua operatur semper eodem modo, quia conatur obiectum in suam naturam transmutare. At verò vitalis pulsifica non operatur semper eodem modo quoniam aliquando operatur vehementer, saepe debiliter, interdum tardius, multoties velocius. Ergo vitalis pulsifica animalis est potentia, & non naturalis.

Licet autem Mercatus plurima ad suae sententiae confirmationem praesupponat, tamē nullo modo admitti potest, & sic eam impugnant Gentilis 1. 1. doct. 6. cap. 4. Thomas à Veiga in com. c. 31. art. med. Gal. & 5. de loc. c. 1. Andreas Laurentius lib. 9. de hist. anatom. cap. 6. Garbius lib. 1. sum. tract. 5. quest. 51. Capiuacius tract. de pulsib. Et redarguitur primò hoc modo. Potentia sensitiua, auditiva, & reliquae sensitiuae, sunt potentiae cognoscentes sua propria obiecta, quia immutantur speciebus obiectorum, quā ratione fit eorum cognitio. Sed potentia vitalis non cognoscit aliquod obiectum. Ergo potentia vitalis, non est animalis. Quam rationem si perpenderet perdoctus Santorellus lib. 9. anepraxis, cap. 4. hanc facultatem esse loco motiuam non assereret: nam pulsus fit absque cognitione. Deinde. Arist. lib. de somn. & vigil. cap. 1. hoc negotium eleganter explanans, dicit potentias sensitiuas necessario debere quiescere, & cessare ab opere, quia defatigantur, vt patet in somno, in quo feriantur, & deinde multò praestantius operantur.

Sed potētia vitalis non potest cessare ab operatione, quia A durante vita necessario cor & arterias mouere debet. Ergo. Insuper. Potentia sensitua si percipiunt diuersas obiectorum differentias, ipsas cognoscunt. Sed etiam si facultas vitalis diuersimode efficiat motu cordis & arteriarum, nec cognoscit ipsum finem, nec ipsos motus. Ergo hac ratione vitalis potentia non dicitur animalis potentia, veluti sensitua. Est alia ratio, quod sequeretur, quod hac facultas ex cerebro emanaret, in quo precipue facultas sentiens collocatur, ac proinde non essent tria membra precipua: quod est contra veritatem, & communem Medicorum sententiam. Adde ex Gal. de placit. 1. ad mit. §. Perspicuum enim est, &c. In animalis corpore tria esse motionum genera, vnum arbitrium, alterum cordis & arteriarum, & tertium alimenti, quorum nullum ab alio dependet, & in quouis illorum potest apparere lesio, aliis illis. Ergo cor non est principium, & origo motus arbitrij. Quare ad sentientem referri non potest: est enim sentiens facultas perpetuo cum cognitione, & apprehensione obiecti. At vitalis sine cognitione est. Ergo potentia vitalis, contrahens & dilatans cor & arterias, est potentia naturalis vegetatiua, & nullo modo animalis existit. Quam sententiam ego quoque libenter amplector, & probat Auerrhoes lib. 2. collig. cap. 7. §. Sed virtus pulsatina, &c. Mercati vero rationes facile ex alia questione antecedenti diluere poteris, maxime si notabilia attenta mente rimeris.

Sed quæres, si facultas vegetabilis animalibus, & plantis est communis, cur in his non est pulsatio? Dic, quia in his maior est alimenti terre, & aquei indigentia, & sic solum partem terream, & aqueam reparat attractione alimenti solidi, vel liquidi; in animalibus vero maior est alimenti aëri necessitas: quare in illis duplex est vegetabilis operatio, prior in alimentum solidum, ad carniem, & membrorum nutritionem; posterior in aërem circumstantem, & sanguinis vaporem, ut spiritus exhaustus restauretur: eodem enim modo spiritus alimentum in cor attrahitur, quo membrorum nutrimentum in ventriculū, & iecur: quemadmodum enim oblongæ cordis fibræ subtilem aërem attrahunt ad se, & fibræ rotundæ fuliginem expellunt; eadem ratione in partium alimoniam oblongæ ventriculi, & intestinorum fibræ vile trahunt, rotundæ vero inutile expellunt; & sic quando promptior est spirituum dissipatio carniū resolutione, tanto frequentior instituit natura motum dilationis, & contractionis: & hoc est quod firmat Galenus 1. de sanitat. tuenda, cap. 2. ad fin. dicens similiter reparari ignem & aërem, respiratione & pulsū, ut terram & aquam, cibo & potu. Ergo virtus vitalis erit naturalis. Hinc est etiam, quod inuestigans Galenus 1. de sem. cap. 8. causam à priori, motus ipsius cordis, comparat huiusmodi motum flammæ ignis, quæ interuentu aëris dilatatur, contrahitur verò quando aër absorbitur.

Age deinde, & cogita, quanta reprehensione sunt digni Conciliator dis. 37. Fernellius 5. physiolog. 13. Vallerius 2. ont. 15. & lib. 3. cap. 2. Eustachius Rudius in sua prax, tract. de virtutibus cordis, qui à veritate recedentes existimant, facultatem vitalem esse potentiam mediam inter facultatem animalem, & naturalem, & esse ex vtraque compositam; & ex consequenti motum cordis, & arteriarum esse quoddam actionis genus, ex motu animali, & naturali compositum.

Hi antequam suam sententiam confirmant, præsupponunt primò potentias naturales, quemadmodum & reliqua naturalia agentia, vsque ad vltimum potentia agere, quia semper operantur iuxta aëtiuitatem agentis, & resistantiam passi, ut patet in potentia calefaciendi reperta in igne, naturalibus nostris corporis facultatibus, ut tractrice, retentrice, & reliquis; quoniam hac ratione ventriculus transmutat alimentum, quantum potest, & non quantum animalis interest: aliàs enim, nulla sequeretur noxa, si alimentum tenue ventriculo calido concedatur. At verò facultas vitalis pulsativa non operatur quantum potest, sed solum, quantum expedit, quia solum operatur pro indigentia vsus; qua ratione variato vsu, non mutatur

tis facultate, & arteriarum corporibus, variatur motus cordis, siue pulsus. Similiter vitalis facultas non est potentia animalis, quia pro arbitrio, & voluntatis imperio non operatur. Quare si non est naturalis, nec animalis, necessario erit ex vtraque mixta, & composita.

Supponunt secundò, & hoc est certissimum, facultatem motuam animalem non producere suas operationes, nisi prius fiat motus in appetitu animali, cuius motum antecedit cognitio, siue hæc sit sensitua, siue intellectiua; quia prius debet cognosci obiectum, ut delectabile, aut tristabile est; postea verò sequitur motus in appetitu, cuius ratione animalia coguntur ad fugiendum quod est tristabile & ad prosequendum delectabile; & ad hanc prosequutionem, vel fugam, necessariū est facultatis animalis motus.

Hæc doctrina colligitur ex Arist. 2. de anim. text. 27. & 3. eiusd. text. 48. Qua ratione motus animales necessario pendunt à voluntate, & mediis musculis fiunt; at verò motus naturales non fiunt mediis musculis, quia ipsi à voluntate non pendunt, sed necessario fiunt.

Hoc supposito suam sententiam sic confirmant. Cor est principium caloris naturalis, & vitæ, omniumque facultatum promptuarium, collocatum in medio corporis, ut omnibus partibus æqualiter viuificum calorem tribueret; eadem ergo ratione in omnibus facultatibus, & functionibus, tum naturalis, tum animalis facultatis sit particeps est necesse, ut hac ratione virtute illa à corde recepta, vniuersum corpus eius neccitate irrigatum effloresceret, & partes omnes in sua symmetria constitueret felicius, & facilius munera sua obirent. Ergo necessario facultas vitalis in corde domicilium habens, debet esse ex naturali & animali composita.

Secundò. In motu cordis non desideratur musculus, quia inter omnia viscera cor præ se fert musculi substantiam, ut notat Gal. 2. de temp. 3. similiter etiam habere videtur eandem figuram, & compositionem; quia substantia cordis natura sua dura est, & fibrosa, ita & rubra, & iuxta principium ac basim lata, in fastigio verò angusta. Licet tamen hæc omnia habeat cor, eius corpus non est musculus, sed potius ab eius natura differt, ut probat Gal. lib. 1. de mot. musc. ulor. cap. 3. Quare huius discriminis ratio assignanda est, quia motus cordis non est merè animalis motus, qualis est motus musculorum; sed potius motus compositus ex naturali, & animali: ita quoque potentia efficiens ipsum mixta est & composita.

Sed reprobanda est hæc opinio, ob rationes multas. Prima. Ex duabus potentiis inter se valde distantibus, non potest fieri vna potentia media ex vtriusque composita, neque enim intellectus id capere potest, neque id potest fieri à natura. Sed potentia animalis, & naturalis vegetatiua, sunt potentia longe distantes. Ergo, &c.

Neque obstat motus ille medius in superiori questione statutus, qui vocabatur motus mixtus ex naturali, & animali, quoniam hic motus, non est vnus motus compositus, sed potius sunt duo motus, & à duabus facultatibus fiunt: relaxatio enim musculi claudentis vesicam, erat vnus motus, & fiebat à facultate animali mouente musculum; alius verò erat excretio recrementi ferofi, qui à naturali facultate expultrice præstatur; & hæc ratione duo sunt motus, & duæ facultates ipsos producentes: appellatur autem mixtus, & compositus, quoniam vterque ad eam actionem necessarius erat.

Secundò. Facultas animalis motiua, ex horum sententia, non operatur, nisi prius fiat motus in appetitu animali, ante quem motum necessaria est cognitio sensitua, vel intellectiua. At nullus hic reperitur motus factus in appetitu animali. Ergo iam huiusmodi motus à facultate animali fieri non poterit. Tertio. Si huiusmodi motus cordis esset mixtus, & fieret à potentia composita ex naturali, & animali saltem ex voluntatis arbitrio & imperio dependeret, ex illa parte, quæ pendet à potentia animali. Consequens tamen est falsum, ut in superiori questione satis explicuimus. Ergo, &c.

Eorum verò argumenta sic solue. Facultas vitalis quia sit mixta ex animali, & naturali, calorem influentem partibus



partibus superioribus & inferioribus communicat: nam inter se multas operas exercent. Nam si omnia omnibus consentiunt, ut profert Hipp. lib. de alim. num. 4. quanto amplius partes præstantes, in quarum firmitudine, & robore totius harmonia consistit: Ergo facultas hæc, vegetabilis cum sit, vniuerso corpori vim, energiam, caloremque influentem per arterias, tanquam per riuulos, promptè transmittet.

Secundò solue. Nam hoc nihil concludit: etsi enim substantia cordis dura sit, densa, & solida, & Hippocrates hanc partem, musculum appelleret; hoc non nervo, tendine, sed densitate carnis intelligendum est. Hoc enim robur, & soliditatem exigebant continua motus agitatio, seruens illa innati caloris vis, & spirituum tenuitas. Sed non rectè concludunt, quia cor non est musculus, & eius motus non est animalis: Ergo erit mixtus ex naturali etiam, & animali: neque enim potentia ipsum efficiens, est mixta & composita.

Sed tangamus postremam in hac questione de vitali facultate difficultatem, & inquiramus, quæ vitalis potentia sit dicenda, ex iis quæ in corde præstant: Nam adest facultas dilatans, & constringens, quæ cor & arterias mouet; residet etiam alia, quæ sanguinem arteriosum, & spiritum conficit. Dic, quod licet præstantioris sit sortis, & efficacior facultas illa, quæ sanguinem & spiritum conficit, tamen illa quæ dilatationi, & compressioni assistit, à Galeno lib. 4. de diff. puls. cap. 2. Vitalis omnino nuncupatur. Nam vita potissimum consistit in motu caloris, & transmissione ad alias partes. Ergo facultas quæ innatum calorem temperat, & perpetuo distribuit, vitalis dicenda est. Lege Iacobum Primirosium doctissimum, in quæst. de virtute mouente puls. exercitacione in lib. Gulielmi Harvey de motu cordis, & Baptistam Fieram, qui de hac difficultate eximie decessant.

## QVÆSTIO XXXVI

*Vitam motus, & quietes pulsus, & respirationi sibi proportionem respondeant: & num in illis distentio præcedat. Contra Fracastorium, Santoellum, Garbium, Vesalium, Gentilem, & Thomam Campanellam, Medicos eruditissimos.*

**A** Græcorum scientissimis est in literas depromptum, pro conseruando calore innato, pulsum, & respirationem primatum obtinere: differunt tamen, quod pulsus totius corporis, respiratio verò solius cordis calorem moderetur, monente Galeno lib. 8. de placit. 8. & lib. de usu puls. cap. 3. Hoc significabat Gal. lib. 1. de sanit. tuend. cap. 12. dicens: *Aëreæ, igneæque substantia modum respirant, arteriarumque pulsus uerit, &c.* Qua ratione decet interpretari Hip. lib. de alim. n. 6. dum inquit: *Principi in alimentis spiritus, os guttur, pulmo, & reliqua respiratio.* Qua tamen ratione hæc caloris symmetria, interuictu pulsus, & respirationis comparatur, latissime explicat Gal. de utilitate respirationis, c. 1. posito exemplo in flamma exteriori.

Ut verò hæc omnia intimius elucidentur, querendum est primò. Vtrum motus & quietes, pulsus & respirationis, proportionem respondeant: Hanc dubitationem primus proposuit Gal. lib. de usu puls. in init. Solue tu eam hoc modo. Germani hi motus in multis conueniunt, & in pluribus differunt. Consentiant in usu; nam uterque motus caloris naturalis mediocritatem conseruant, & spirituum animalium, & vitalium generationem ministrant habent enim communem trahendi, & expellendi modum, quumambo duobus motibus, & binis quietibus consent. Tertiò, quia in utroque motu quies distentionem sequens est minor, interna quæ sequitur contractionem, multò maior, ut asseruit Gal. lib. de diff. res. c. 5. & 6. Quarto, quod extrinseque instrumenta à suis principiis facultatem per instrumenta recipiant, musculi à cerebro, arteriæ verò à corde.

Differunt primò instrumento, quoniam in respiratione est pectus cum pulmone; in pulsu cor cum arteriis; ex Gal. lib. 2. de motu muscul. c. 5. & 2. de diff. res. c. 9. Secundò.

**A** Differunt in numero motus: cor enim pluries pulsatur, intervallo vnius respirationis, ex Gal. 6. de usu part. c. 2. Fecit enim quinquies pulsatur cor vnius respirationis intervallo. Tertiò. Differunt in agente: quoniam in pulsu est facultas vitalis, in respiratione animalis; & sic illa dicitur naturalis, hæc vocatur voluntaria, ut de respiratione dicitur Gal. lib. 2. de motu muscul. c. 6. ante med. §. quid igitur mirum, &c. Neque obstat Gal. lib. 3. de officin. med. com. ult. in med. §. Hæc à medicis excogitata sunt, &c. qui respirationem vocauit naturalem operationem: ibi enim per naturalem intelligit, quod violento, & præter naturam opponitur, ut ex serie contextus deducitur manifestè. Quarto differunt secundum media, quibus finem ex utroque motu consequitur natura: quia per respirationem aerem attrahit; interueniunt autem pulsus non solum aer, sed sanguis à venis attrahitur. Quintò. Quoniam respiratio soli inferiur cordi; pulsus verò non solum cordi, sed pulmone, & singulis nostri corporis partibus opem fert. Vitimò. Quia arteriæ per compressionem non solum excrementa fuliginosa, sed etiam spiritus transmittunt; & licet in utroque motu idem beneficium præstetur dissimile est, cum enim cor nimio semper feruore sit affectum, ut singulis partibus calorem vberem præstet, ob id huic soli parti natura respirationem concessit, quæ sola æstuantem cordis calorem refrigeret, ventilet, & spiritum generationi materiam suppeditet; ex quibus actionibus multa necessariò fuliginosa excrementa colliguntur, quibus educendis diligenti, & valido motu opus fuit, quare huic operi solum respirationis compressio est dicata. Lege Valles, 3. cont. cap. 2.

**C** Dubitabis secundò. An ab vna & eadem causa, simili modo pulsus, & respiratio immutentur? Dic, quod cum pulsus, & respiratio differant facultate, & instrumentis, ita non similiter immutantur, ut in phrenitide, in qua facultas animalis est vitiosa, respiratio est magna & rara, pulsus tamen parvus & frequens; docente Gal. 4. de caus. puls. c. 14. Sic etiam in pleuritide respiratio est densa & parua, pulsus verò magnus, lib. 4. de caus. puls. c. 8. Quoniam autem utraque operatio in tertio quodam conueniunt, scilicet in fine; quæcunque immutant ratione huius, utraque poterunt immutare, ut exercitium, & labor: nisi aliquid eam immutationem impediat in vna facultate, & non in alia; ut cibo assumpto pulsus redditur magnus, ob usum adauctum; respiratio verò, cum septi transuersi opere perficiatur, quæ ob ventriculi tumorem impeditur, parua efficitur; sed adeò est frequens, ut magnitudinem naturæ frequentia recompenlet.

**D** Dubitabis tertio. Vtrum pulsus, & respiratio eodem modo se habeant in præfagendo? Dic, quod utraque operationes æque significant supra usum, & facultatem suam, respiratio supra animalem, pulsus supra vitalem: pulsus tamen excedit in prædicendo; cum enim hæc operationes, motus sint, & de his plura sentiantur tactu, quam visu; & pulsatio tactu diiudicetur, respiratio verò visu, meritis ex pulsu plura prælagire licet. Deinde sine respiratione, saltem sensibili, animal viuere, ut constat in vteri suffocatione, ex Gal. 6. de loc. c. 5. Non verò sine pulsu. Consule Ludouicum Lemosium, lib. 3. de prædicendi ratione, cap. 9. qui hoc dubium eleganter explicuit.

**E** Dubitabis quarto. An pulsus, & respiratio sint ad vitam ex æquo necessaria? Dic, cordis pulsus esse magis necessarium; siquidem fœtus in vtero non respirat, sicuti nec fœminæ hysterice, & Apoplectici, in quibus tamen necessariò cor pulsatur, cum viuunt. Arteriarum tamen pulsus minus est necessarius respiratione. Hoc est verissimum: nam ligatis, vel sectis quibusvis arteriis animal viuere; respiratione verò orbarum breuiter perire. Ergo pulsus non solum ad spirituum animalium generationem confert, ex Gal. lib. de util. respir. c. 5. & lib. de usu puls. c. 3. sed ad vitalium generationem est necessarius, ex Gal. 12. meth. c. 5. & lib. 6. epid. sect. 6. com. 1. in med. & 7. de placit. c. 3. & non solum spiritus vitales in corde, sed in arteriis gigni, asseruit Gal. lib. de usu puls. c. 2. in init. & 8. de placit. 7. post princ.

Dubitabis quinto. Vtrum sit tutum quod scribit Fracastorius lib. de sympath. 13. Quod cor non se dilatat primò & per se, ut aerem nouum attrahat, sed ut minus tangat internum



internum nocens; nec constringitur, ut pellat fuligines, A sed ut redeat ad situm proprium: Non placet. Quia post primum instans creationis cordis, dilatur cor, non ut fugiat nocens, quia non creatur cum ipso. Rursum non constringeretur ultra situm proprium, nec citra, contra experientiam. Quare dicendum, quod dilatur, iuxta dictum Gal. 6. de usu part. 2. quia appetit attrahere ad commodatum naturæ suæ; & contrahitur, propter superflua excrementa, quæ molestant.

Dubitabis sextò. Cur iecur, & venæ non pulsant, si ipsorum calor ventilatione indiget? Soluit Thomas de Garbo, in sum. lib. 1. tract. 4. q. 51. quia spiritus qui est in corde, & arteriis, quum intense caleat, solus eget refrigeratione. Non quadrat solutio. Nam lib. de usu puls. prope med. quod confert respiratio cordi, confert pulsus calori, qui est in toto animali. Dic tu, quod calor iecoris, & venarum B sufficienter per pulsus cordis, & arteriarum contemperatur. Pro cuius dubij maiori explicatione, Consule Camillum Thesaurum lib. 2. de pulsibus, cap. 5. fol. 10.

Dubitabis septimò. Si cor refrigeratur expulsiis fuliginibus, utrum plures excernantur per aortam, an per arteriā venalem? Galen. 7. de usu part. 9. scribit, quod per aortam: contrarium asserens 6. epid. sect. 6. com. 2. Velal. 6. fabric. 15. nihil dubitans asseruit, potius per arteriam venalem. Sed fallitur. Quoniam plures expelluntur per aortam, quia via patentior est. Præterea non clauditur ostiolis illis quibus clauditur venalis, quæ expulsionem fuliginum maxime ex parte per eam impediunt. Et ad Gal. locum, ex 6. epid. dic, quod comparat fuligines cordis cum fuliginibus totius corporis, non fuligines cordis inter se.

Dubitabis vltimò. Si duplici, eoque contrario motu constat respiratio, ad vitam tantopere necessariis, quorum vicissitudine animalium innatus ignis servatur; quæ ex illis antecedit, tam in respiracione quàm pulsu, distentione an constrictio? In hoc dubio soluendo tantisper immorabimur, propter acutissimum Gentilem 10. 3. tract. 1. cap. 7. cui placuit, tam in pectoris, quàm cordis & arteriarum motu, antecedere contractionem: cuius opinionem probabilem esse firmat Santorellus lib. 9. anteprax. cap. 6. in fin. & licet hi, tenui solum fundamento suam sententiam defendant, nos validioribus machinis camunieramus.

Probabiliter ergo credunt, cor in prima sui formatione, salubre, & cum moderatissimo spiritu creati. Atqui in hoc statu nulla dator necessitas refrigerij, quod distentione paratur. Igitur quamdiu salubris ille, & moderatus status durauerit, nec cor, nec thorax dilatabitur: cumque cessante dilatactione, necessario sequatur constrictio, plane negari non potest, hanc ipsam præire, atque ita expirationem, &c. Maior vel inde patet, quoniam non solet natura primam rerum configurationem insalubrem gignere, atque intemperatam, & quamprimum externi auxiliij indignam, sed quantum potest incolumem, atque exactam. Minor ostenditur, quia cor & spiritus, tum temporis cum habent statum, quem postea in reliquo vitæ cursu, distentionis beneficio consequuntur. Igitur pro tunc frustra fiet, quinimò non sine nocumento sanitatis, quæ infrigidantis aëris accessu euerteretur.

Rursus. Si illa quam exigit creatum est cor temperie, quorsum illico refrigeratione immutabitur? Deinde, si oportuit calorem in eo excedentem sua immoderantia E temperari, cur statim à natura moderatior non fuit creatus, ne ipsa sibi frustra negotium faceret?

Adde. Si res omnes, quantumvis intemperatæ in sua naturali dispositione existentes, perperuo in sibi similia, quibus conferuantur, & durant, naturali appetitu feruntur, quomodo cor sanum suapte natura calidum, refrigerantem aërem exeret, & ad illius tractum quamprimum mouebitur?

Insuper. Magis vrget usus expurgandi fuligines, quàm refrigerandi calorem: illis enim coaceruatis, periculum suffocationis imminet, & extinctionis; at verò denegato refrigerio, & ventilatione, paululum solum inflammatur calor. Igitur oportet antecedere expirationem, & similiter in pulsu systolen.

Denique. Pulmonis conceptacula inanita, vacuæque non formantur, imo nec cor immoderate calidum, nec innata promptitudine excandesceret, decuit plenum aëre creati, à quo frangeretur, continereturque in sua nativa temperie. Atqui excedens calor de necessitate adurit, fumosque & fuligines generat. Igitur ad illorum expulsionem quamprimum conuertetur, & primus illius motus erit contractio, ac similiter in respiracione expiratione.

Verum opposita sententia est verior, quam cum Arist. lib. de respir. cap. 5. & 10. nos amplectimur, quæ argumentis est munta validis. Primò. Ille motus erit prior tempore, ad quem maior cogit necessitas. Atqui hæc magis vrget distendi, quàm contrahi cor, & pectus. Igitur in pulsu, & respiracione distentio antecedit. Probarur minor, quia refrigerij usus maior est, nutritionis spiritus, minor, & minor adhuc expurgationis fuliginum. Atqui per inspirationem, dilatactionemve refrigeratio caloris comparatur, simul & spirituum nutritio; fuliginum purgatio, contractione. Igitur ex duobus illis initium mouendi à distentione sumetur, & ex consequenti, &c.

Secundò. Constrictio non fit nisi ad expurgandum fumos adustos, ex aëre attracto per adustionem genitos. Sed cor plenum aëre non formatur. Igitur necessarium est, prius dilatactionis beneficio aërem trahi, quàm eius superflua contractione expelli: & per consequens, &c.

Tertiò. Animalia expirando moriuntur, vitamque finiunt ex Arist. lib. de respir. Igitur inspirando, viuere primum incipient. Addit Auerrhoës 2. de anim. com. 89. sicuti distentio potissimum fit cordis gratia, in quo exuberat, astuatque calor: ita constrictio propter pulmonem, in quo quia prius recipitur aër, & concoquitur, antequam permeet ad cor, fumi acervantur. Sed morum propter cor oportet esse priorem. Igitur, &c.

Quartò. Refrigerij usus certissimus est, & non solum viuentibus, sed etiam mixtis, demum & cunctis corporibus viuifico calore præditis necessarius; fuliginum purgatio non nisi in animalibus natura calentibus exigitur. Igitur motus ille quo paratur refrigerium, utpote communior, & qui à pluribus, nec imperfectioribus requiritur, præire debet, & ex consequenti, &c. Consule Laurentium lib. 9. de hist. anatom. c. 8. An tamen inspirationis sit maior necessitas, quàm expirationis? Dic, in sanis esse parem; in febrientibus, præsertim qui putrida febre laborant, maiorem esse expirationis; quia adiunt fuligines interius congestæ, expurgandæ, ita in morientibus systole, & expiratione maior est.

Nec erit operosum partis aduersæ argumenta demoliri. Dic ad primum. Licet verisimilius opinemur, cor potius cum spiritu temperatissimo, quàm lapsio iam, & intemperato formari, non proinde tamen in illa prima formatione deest iam refrigerij, & distentionis necessitas, non quidem ob præsentem tantum inflammationem, sed magis, ut auerratur futura, cui cor & spiritus promptissime subiiciuntur, ob excedentem proprii temperamentum calorem. Quamuis autem spiritus, & cor, tum temporis paulò ultra naturalem statum distentione refrigerentur, non idè eueritur illorum temperamentum, quin eius opera seruetur, dum infrigidantis aëris beneficio excandescere, & inflammari prohibetur.

Neque natura huiusmodi refrigerio intendit remittere, aut minuerè cordis calorem, sed potius conseruare, ac in officio retinere; nec aliter potuit, aut solius formæ ope, ob summam, quæ datur, difficultatem seruandi, detinèdique ignem & calorem in ima hac regione; nisi enim ingeniis, artificijsque coërceatur in mixtis, tenuitate sua, quæ vniuersa penetrat, & simula leuitate, citò euolabit, hoc est, peribit, & cum mixtorum interitu exstinguetur.

Ad secundum. Constat ex dictis, quid sit dicendum: Cor enim inspirans non indiget refrigerante aëre, ut temperet, & emendet excessum caloris natium; sed in primo formationis exordio, ad prohibendum inflammationem eminentem, & lapsum proportionalem ascititij caloris. Ex his intelliges, grauiter deceptum esse Thomam Campanellam, in suis dissertationibus, de natur. rerum. part. 1. cap. 10. in annotationibus, qui contra Arist. & Galenum pugnaciter contendit,

contendit, respirationem à natura non fuisse intentam, A gratia refrigerandi calorem, sed augendi: cuius argumeta vt futilia, ex dictis facile solui possunt, immò sunt ridicula, & prorsus vana.

Ad tertium. Negamus antecedens, tum quia simpliciter & absolute, ex iis quæ præstat respiratio, maior est refrigerij vius, vt diximus; tum quia moderatus calor, hoc est, qualem exigit cor in prima formatione, cum citius calefaciendo inflammet, quam adurendo fuligines gignat, citius ob feruorem indiget refrigerio; atque ideo cogitur prius inspirare, quam ob fuligines per moram adurentem derentat, expirare.

Ad vltimum dic. Non vacua, inanitaque cordis, ac pulmonis conceptacula formantur; at non proinde aëre plena, sed viuifico spiritu, sanguine, & aliis ad vitam necessariis. Nam si paulo post distentionis munere frigidus aër trahendus erat, & proposito vsui accommodus, quorsum fuit imponendus æstuanti, & inflammanti loco, præsertim nondum exigente necessitate? Consultæ eruditissimum Francium Vltimum in suo subtilissimo tract. de liene in med. & Petrum Pintorem lib. 2. de mor. b. curand. tit. de cordis palpitatione, & lib. de cura pestis, in med.

## Q V Æ S T I O XXXVII.

*Vtrum dilatato corde, dilatentur arteria, & constricto, constringantur; & prodeant hæ actiones à facultate. Contra Gentilium, Conciliatorem, Garbium, Turisanum, Iacbum, Foroliuiensem, & Vallesium, Medicos illustrissimos.*

**P**Lura quidem traduntur in doctrina de pulsibus, meris dubitationum labyrinthis inuoluta: ea patefecerunt scientissimi Græci, Arabes explanarunt luculenter, & præsertim Auicenna, eruditus Galeni interpres, eloquentissimi Iuniores: At hi inter se digladiantur persæpe, vt lectoribus tenebras offundant, & Galenicam, sanamque doctrinam contemnentes, mille figmenta fingant, & mille tricas.

Ego verò vni huius auctoris doctrinæ censeo inhaerendum, quia ratione nititur, & experimèto. Hoc posuit ipse lib. 7. anatom. administ. cap. 14. Nam si quis manum pectori admoveat, & alteram manum alicui arteriæ, tam cordis, quam arteriæ dilatationem eodem tempore sentiat. Nec inistes cum auctore lib. compend. de pulsib. c. 3. Cor percutere pectus quo tempore constringitur, quoniam contractum fit longius, & sic accedit cuspide sua antrosum vergente ad pectus, ita vt ictus sentiat. Nam præterquam liber ille Galeni non est, hoc facit contra ipsum Galenum, qui 6. de vsu part. 2. ad fin. pulsus sensatum in sinistra papilla, procedere ab arteria magna cum sinistro cordis ventriculo asserit. Ergo cum ibi vnicus ictus sentiat, & hic docente Galeno, fiat ab arteria magna simul cum corde, necessario hoc cum arteriis vnicum motum habebit, ac proinde etiam cur percutiet pectus, quo tempore dilatatur, quia tunc amplificatur, cum minor reddatur illius longitudo, vt eleganter probat Andreas Laurentius, lib. 9. de hist. anatom. quest. 8. edoctus, vt ipse refert, à Francisco Rosello Hispano, Medico doctissimo.

Secundò, Pater ex Gal. 1. de prasag. ex pulsib. c. 1. ad init. qui eandem esse contentionem, quæ cor & arterias mouet, affirmavit, Ex qua sententia sic arguo. Eadem est facultas, qua cor & arteriæ mouentur. Ergo cum tentat distendere, omnia sibi commissæ distendet, ac proinde eodem tempore, & eodem motu arteriæ cum corde mouebuntur.

Terti. Arteriæ non dilatantur vi propria, sed à corde deriuata. Sed non potest deriuari à corde vis dilatans, quo tempore comprimitur. Ergo arteriæ simul cum corde eundem sortientur motum. Maior est manifesta. Minor probatur; nam quemadmodum facultates naturales, attractrix, & expultrix non eodem tempore operantur, etsi fibris vtantur diuersis; eodem pacto facultas dilatans cordis, nulla ratione operabitur, quando aduersa constringens in opere existit,

Quartò. Etsi concederemus à vi propria arterias moueri, vnde quæso inuariabilis ille emanaret consensus facultatum irrationalium, sic vt perpetuò dilatarentur arteriæ, in compressione cordis, & comprimerentur, in dilatatione illius?

Quintò. Confirmatur hæc sententia, Galeni auctoritate, qui hanc acerrimè defendit, lib. de pulsib. ad tyrones, c. 1. & 8. de placit. c. 8. & lib. de sectis format. c. 3. post med. & lib. de vsu puls. c. 1. in med. §. Ac princeps quidem, & cap. 4. sequenti, §. huius autem duplicis. Quibus locis arterias eundem seruare motum cum corde asseuerat; & lib. 4. de diff. puls. c. 4. reprehendit Erasistratum, dicentem non simul cor, & arterias distendi, quia res ipsa aperte id confirmat. Sequuntur Haly 7. theoric. c. 2. Paulus lib. 2. c. 12. Arist. lib. de respir. in med. §. Pulsant vena omnes simul cum corde, & c. Probat Fernel. 6. physiol. c. 17. Laurentius lib. 10. de hist. anatom. 10. Vallesius 3. cont. 3. Mercatus, qui lib. 1. tract. 2. de vsu cordis arteriarum & pulsus, post princip. Plurimis argumentis, præsertim à sectione viua desumptis, in qua cor & arteriæ, eodem dilatationis, & contractionis motu agitantur, hanc sententiam efficacissimè defendit.

Sed renunt Latino barbari, Conciliator diff. 80. Thomas de Garbo, in sum. lib. 4. 1. tract. 4. quest. 51. Turisanus 7. regni, com. 3. §. 40. Iacobus Foroliuiensis, in art. med. q. 72. Gentilis 1. 1. doct. 6. c. 4. Fefellit eos, meo voto, locus Galeni ab illis perperam intellectus: nam 7. de anatom. administ. c. 14. asseuerat, ad huius rei indagacionem, in animali viuo thoracem esse perforandum, & arteriam magnam denudandam, vt intelligamus an dum cor attollitur, submittatur arteria, & è contra.

**C** Probat suum placitum hoc modo. Dum cor comprimitur, & euacuatur; dum arteriæ tolluntur, replentur. Sed quando cor euacuatur, arteriæ replentur. Ergo, necessario compresso corde arteriæ debent dilatari. Patet, dum cor comprimitur, transmittit sanguinem & spiritum, & tunc arteriæ suscipiunt. Sed non possunt suscipere, nisi dilatentur, vt in exterioribus apparet. Ergo, &c. Eadem ratione quando comprimuntur arteriæ, transmittunt aërem frigidum cordi. Ergo tunc dilatatur cor, quum suscipiat: ac proinde cor, & arteriæ diuerso motu agitantur.

Deinde ex Galeno sic confirmantur: hic enim 3. de prasag. ex pulsib. cap. 3. docet, quod quando cor debile est, & arteriæ frigidiores, non eodem tempore facultatem suscipiunt pulsificam; sed quædam citius, quæ nempe sunt magis cordi vicinæ; quædam tardius, nempe eæ quæ longè à corde sunt remotæ. Ergo cor, & arteriæ eandem nullandi rationem non habent.

**D** Hæc tamen facile solues. Dic ad primum. Non omnia illa quæ suscipiunt, dilatantur. Vel dic, quod arteriæ in contractione non ita constringuntur, vt tunicæ se cōtingat, sed semper debita cauitas in eis relinquitur, in quam aliquid possint suscipere, præsertim si id tenue sit, & subtile. Ad aliud dic, quod doctrina tradita est intelligenda, eodem modo, & secundum naturam se habentibus corde, & arteriis: Facultas enim pulsifica eò aliquando deuenit imbecillitatis, vt non possit liberè, & repente instar luminis tori arteriæ communicari, sed paulatim cor distenditur, & tunc omnes arteriæ partes non simul mouentur, sed pedetentim, & per partes, docente Galeno 4. de diff. puls. cap. 6. in fin. & cap. 8. in med. & lib. 3. de prasag. ex pulsib. cap. 3. cit. Ergo animali pro naturæ lege se habente, eodem tempore dilatatur cor cum arteriis, & comprimitur cum illis. Lege Cardanum lib. 2. contradi. tract. 2. contr. 12.

**E** In alia verò cōtrouersia explicanda adhuc hæsitant Iuniores: An scilicet tam dilatatio, quæ contractio sint actiones ipsius arteriæ, vel à facultate emanet? Veteres, vt Herophilus, & eius sectatores, solam contractionem arteriæ esse actionem à facultate existimant; dilatationem verò esse cessationem, & reditum ad pristinum statum, ex firmitudine & continuitate arteriarum, quia corpora rotunda vt aliqua compressa, deinde dimissa, ad antiquum statum reuertuntur. Cogebatur autem ita opinari, quia mortuorum arteriæ dilatatz inueniuntur; & sic illarum esse proprium statum, & peculiarem figuram arbitrabantur. Hanc opinionem, vt falsam refutat Galenus 4. de diff. puls. c. 10.

Alij contraria firmant, nempe dilatationem esse actionem facultatis, contractionem verò, cessationem suamque opinionem probare conantur, ex similitudine quam habet pulsus cum respiratione, in qua (vt docet Galenus lib. 2. de motu muscul. c. 9. ad inr) nullus est musculus septo transuerso oppositus, causa expirationis, sed solum fit musculis inspirationem efficientibus quiescentibus, & ab operatione cessantibus: quare ita iudicant fieri in pulsibus, ac proinde contractionem esse arteriarum otium, & quietem. Aduersus hoc strenuè dimicauit Galen. lib. de usu puls. cit. asseuerans, tam dilatationem, quam contractionem esse actiones à natura intentas, & à peculiari facultate, vi, ac efficacia, in peculiare usus naturæ destinatos.

Constat hoc primò in dilatatione, quoniam aliàs pulsus magnus vel paruus, virium robustarum vel imbecillium indicium non esset. Deinde instante crisi pulsus fit altus, conante animæ vi noxium humorem expellere. Rursus sequeretur, semper dilatationem esse æqualem contractioni, ac proinde pulsus semper habere eundem usum, quod est falsum. Neque in aduersam ab eas sententiam, quod defunctorum arteriæ dilatatae reperiuntur: nam hoc ob suarum fibrarum ductum, & naturam, citra aliquam animæ vim contingit.

Quòd autem contractio fiat à facultate, patet, quia sicut formæ inanimati ita conuenit vnus motus, vt nulla ratione conueniat oppositus; sic animato si inest vnus motus ab anima, necessariò ab eadem erit facultas in oppositum. Exemplo nobis sit facultas naturalis, in qua tractio alimenti fit ab anima: ergo necessariò expulsio fiet ab eadem. Sic in facultate animali, si datur facultas contrahens brachium per internos musculos, assignari etiam debet alia extendens per externos. Eadem ratione in pulsu, si constituitur animæ facultas dilatans, debet etiam adstrui contrahens, quum eadem sit ratio.

Secundò. Contractio pro varia fuliginum copia, varia est. Ergo ab animæ facultate fit. Quare constat, quòd distensio secundum limites naturæ, fit à facultate, iuuante propria membri natura. Quando tamen arteria distenditur ultra limites naturæ, id solum à facultate fit: idem de constrictione dicendum. Quare partes omnes pulsus sunt à facultate.

Sed age, ex anima perdocti Vallesij mentem, qui lib. 3. cont. 2. affirmat, constrictionem vsque ad cauum naturale à facultate fieri, membri grauitate iuuante. Sed repressione care non potest: Nam cum constrictione non sit motus deorsum, sed à partibus extimis ad internas, fit vt ad hunc motum nihil conducatur grauitas, & sic nihil in constrictione virtus à membri grauitate iuuabitur. Neque etiam illud admittendum, quod habet idem Vallesius, dilatationem vsque ad naturale cauum, fieri à facultate adiuta à similitudine partium: Esset enim constrictione præter naturam, quia contra naturalem partis propensionem esset facta. Omnes ergo pulsus partes à facultate emanant: quod cum non posset negare Vallesius, idcirco senior, & doctior factus lib. de pulsib. cap. 2. palinodiam recantat.

### QVÆSTIO XXXVIII.

*Verum omnes partes pulsus à Medico percipi possint.*

**P**lurimas esse necessarias condiciones, vt medicus pulsus notitiam assequatur, latè firmauimus lib. 2. in com. hist. 12. Quòd si hoc rarum est, quantò maiori cum ratione hoc in pulsus contractione erit verum, quæ suapte natura imperceptibilis est? De qua re magna fuit olim controuersia apud auctores, vt notauit Galenus lib. 1. de diff. puls. cap. 7. & lib. de dignoscend. pulsib. cap. 1. Nam Herophilus, & eius sequaces, de contractione, tanquam de re insensibili disputabant. Erasistratæi partim affirmabant, partim negabant.

Ex aduersa parte aderant Agathinus, & discipuli eius, qui arteriæ contractionem percipi posse negabant, & hoc placitum non solum experimento, verum ratione probabant. Tactus solum percipit ea quæ tangit, & cum qui-

bus consuetudinem habet, non verò ea quæ à tactu recedunt: aliàs illius notitia aspiraret in longinqua & remota. Sed in contractione arteria recedit à tactu. Ergo ab eo percipi non poterit.

Adeo arripit hæc ratio Galeni, vt in eam ferè sententiam fuerit adductus, sed antequam illam confirmet, præsupponit fundamenta duo, lib. 1. de dignoscend. pulsib. c. 3. 4. & 5. Primum est, corpora quæ se tangunt, interdum mollior, & in superficie id efficiunt, id est, blandè ac leniter, ita vt tantum dicantur palpania; vel cum violentia quadam se impellunt, comprimunt, & subintrant: & tunc quod lenius & mollius est, impellitur atque euertitur, id verò quod est durius & robustius, veluti subintrat, cedente molliori.

Secundum fundamentum est, quòd horum corporum recessus non eodem modo fiunt: nam in iis quæ mollior se tangunt, recessus subitò, & sine motu fieri potest; in illis verò quæ cum violentia quadam, non nisi sensim, & cum motu recedunt, vt illis discedentibus aliquid sensibile relinquatur, quo tempore vtriusque discedentibus vtriusque motus sentitur.

Hoc in vtre, folle, & vesica, Galenus loc. cit. confirmat, summitate digitorum comparata vasi, arteria verò corpori comprimenti. His positis, arteriæ compressionem perferri posse asseuerat, quam sententiam confirmat Auic. loc. cit. explanant Vallelius 3. cont. 7. Cardanus lib. 1. contr. tract. 1. cap. 8. Munit Galenus cap. 5. de dignoscend. pulsib. hac ratione. Tactus iudicat supra affectionem quæ illi imprimitur. Sed tam in dilatatione, quàm in contractione arteriæ, summitati digitorum affectio imprimitur, videlicet compressio illius, & reditus ad pristinam sedem. Ergo sicuti perferit dilatationem, sic etiam percipit contractionem. Patet minor, quoniam arteria, & extremitas digitorum, sunt corpora quadam quæ se tangunt: atque id interdum fit leniter, vt in pulsu languido, & mediocri; interdum verò cum violentia quadam, vt in pulsu vehementi, & tunc arteria habet se veluti corpus durum, quod digiti carnem impellit, extremitas verò digitorum est veluti corpus molle & languidum. Quare arteriæ non solum quando accedunt ad tactum, scilicet in distentione, sed etiam quando recedunt, scilicet in contractione, illi suas affectiones inducunt: quia quemadmodum in dilatatione caro digitorum comprimitur, veluti arteriam fugiens; sic etiam in contractione caro compressa concomitatur arteriam, cum ad pristinam sedem reuertitur, & hoc modo etiam contractio sentitur. Et non solum tactus, sed etiam mens, ob defectum affectionis præcedentis eam percipit. Intellige tamen, dilatationem esse magis percipiendam, quando magis violenta est, & extrinsecus accedit.

Ex iis colliges duo: primum est, contractionem non nisi in pulsu vehementi percipi posse, & adhuc aperius, si fuerit magnus, durus, & tardus, ex Fernelio 3. parabol. 7. post med. Alij enim pulsus non ita summitatem digitorum comprimunt, sicut vehemens; quæ si non comprimitur, reditus ad pristinam sedem percipi non poterit, ex Galen. cit. loc. præsertim 1. de dignoscend. pulsib. cap. 8. quod loco cit. significauit Auic. dum sic ait: Et licet hoc ita sit, in plurimis tamen dispositionibus depressio non est percepta, &c.

Hoc modo intelligendus est Galenus lib. 1. de dignoscend. pulsib. cap. 9. dicens: *Iam quia tantam sentimus contractionis partem, quantam distentionis, &c.* Loquitur enim de pulsibus, qui & contractionem, & distentionem sensibus subiectam habent. Colliges secundò, distentionem non secundum omnes sui partes sensu percipi, quoniam propter partes subiectas, & circumuicinas, finis contractionis, & principium distentionis later, & interna quies, ex Gal. 1. de dignoscend. pulsib. cap. 8. 9. & 10 & lib. 3. sequenti, c. 3. ante med. Quo loco docet, quanta sit huiusmodi pars quæ delitescit, & quòd nò in omnibus est æqualis; etiam si Fernelius supra cit. loc. affirmet, in vehementissimo pulsu, & valida manus compressione, etiam quietem internam percipi posse, quòd tamen mihi difficillimum non videtur: nam quietes cognoscuntur, ex Gal. 1. de dignoscend. pulsib. 9. & 1. de diff. puls. 3. Sed obtrudes: si cognoscuntur quietes



quietes, cur non cognoscitur tota dilatio, & constrictio? Dic, quod non cognoscitur quies tanta, quanta existit, sed maior, 1. de dif. puls. 7. & 4. de dignoscend. pulsib. 1. Quare quies interna semper apparet maior, quam reuera sit, 1. de dignoscend. pulsib. 9.

Hic sic explicatis, quæres primò: Ex quibus partibus pulsus componitur? Dic, ex dilatazione, & constrictione tanquam ex partibus integrantibus: Nam quietes intermedie non sunt partes integrantes pulsus, & de ipsius essentia, quod dubitans Galenus 4. de dif. puls. 5. soluit 1. de dignoscend. vlt. & 1. de dif. 3. de 1. de difficult. respirat. 1. Nam cum quietes non perinde intenduntur à natura, non videtur quod sint per se pulsus partes. Rursus pulsus per motum constituitur, lib. de usu puls. ad mod.

Obstat primò: Quia differentia sumptæ à quiete, valde conferunt ad præagia, 2. de præag. ex pulsib. v. g. ex raro, vel crebro, cum inæqualitate vel æqualitate, ordine vel inordinatione, intermittente, vel intercurrente. Dic, licet sint partes per accidens, quia tamen ipsis muratis indicatur magna variatio in virtute, vel usu, possunt esse in præagio validæ.

Obstat secundo. Pulsus est operatio facultatis, cuius finis est refrigerare cor, quæ refrigeratio fit per quietes. Igitur sunt partes per se pulsus. Dic, in quiete sequente systolen, non fit refrigeratio, quinimò excafactio noua, & generatio humorum, quæ cogunt virtutem iterum dilatare.

Quæres secundo: Num in omni pulsu detur duplex quies? Dic, in aliquibus quietes esse perexiguas, 2. de caus. puls. 3. & 2. de dif. puls. 5. vt in caprizante: in aliquibus credit Galenus 2. de præag. ex pulsib. 8. quietes perdi, quod est mirum. Instabis ex Gal. 1. de dif. puls. 3. Non fit vnus motus, nisi priore sedato. Dic, si sunt naturales, vel subsequitur præternaturali naturalis, tunc datur quies intermedia.

Instabis secundo. 8. phys. 6. profert Philosophus: si mobile est in B & reflectitur ad C, quiescit in B. quia si est in extremo alicuius magnitudinis, aliud est instans in quo est super illud extremum, aliud in quo separatur ab eo, vnde cum inter duo instantia, sit intermedium tempus, quiescet. Dic, in eodem instanti est in B. & separatur: & hinc solues, si arteria mouetur ex A. ad B. & in B. non quiescit, mouetur, & sic nunquam est in fine motus. Dic, in B. non quiescit, & est in fine motus comparatiuo ad A. & com. cit. affirmat, quod motus eundi, & redeundi, habet quietem in motu voluntario, & in his quæ his duobus moribus mouentur, vt pulsus: & com. 6. 2. Dicit, quod demonstratio philosophi intelligitur de moribus contrariis, principium & finem habentibus, non in successiuis, nec in duobus moribus, quorum alter est principium alterius. Lege Gal. 1. de dif. puls. cap. 2. & Egidius Romanum in com. cit. loc. Arist.

## Q V Æ S T I O XXXIX.

*Vtrum decem pulsuum differentia sint assignanda, vt Galenus, & Auicenna asseuerant. Contra Fernelium, & Vallesium doctissimos.*

**Q**uoniam verò de pulsuum comparadis, aut amittendis differentiis, aucto aut minuto usu, lib. 4. com. hist. 8. abundè exequuti sumus, nunc nihilo secius proferemus plura eiudem generis peculiaria, ne quid per incuriam in hoc argumento transiliamus, velut conuiuentes, quod nostros libellos non modò adiuvet, sed exornet. Igitur quia in medicina illustranda & perficienda solertissimum fuisse Galenum, & in cognitione huius doctrinæ sagacissimum omnes prædicant, iccirco ab eius sciètia & obseruatione, pulsuum differentias hauriemus.

Hic ergo facundus auctor nouem constituit pulsuum differentias, vt patet ex lib. de dif. puls. cap. 3. quas, siue differentias, siue genera, siue species, siue qualitates voces, nihil interest, ita docente Galeno, lib. cit. cap. 2. Prima differentia sumitur ex quantitate distentionis arteriæ, siue ex spatio in quo ipsa mouetur, & in vniuersum efficit pulsuum magnum, paruum, mediocrem: particulariùs ve-

ro iuxta tres dimensiones arteriæ, siue spatium in quo mouetur, scilicet longum, latum, & profundum, hæ differentia consurgunt: ex longitudine, longus, brevis, & mediocris; ex latitudine, latus, angustus, & mediocris; ex profunditate, altus, humilis, & mediocris.

Secunda differentia desumitur ex qualitate percussio- nis arteriæ, id est, ex motore, seu robore virtutis: & fit pulsus vehemens, languidus, vel mediocris. Tertia ex tempore motus, & fit pulsus celer, tardus, vel mediocris. Quarta depromitur ex essentia instrumenti, id est, ex modo substantiæ arteriæ, & fit pulsus mollis, durus, vel mediocris. Quinta depromitur ex quantitate repletio- nis arteriæ, vel vaçuitate, & fit pulsus plenus, vacuus, vel mediocris.

Sextam differentiam posuit etiam Galenus, licet non ex propria mente, vt patet ex 1. de dif. puls. cap. 24. quæ desumitur ex qualitate arteriæ, id est, calore, vel frigiditate in corde existente, & per vniuersa corpora arteriarum disseminato, & efficit pulsuum calidum, frigidum, vel mediocrem. Septima desumitur ex ictuum intervallo, id est, ex tempore quietis, & fit pulsus creber, rarus, vel mediocris. Octaua desumitur ex consequentibus, & efficit pulsuum æqualem, vel inæqualem. Nona etiam desumitur à consequentibus, & efficit pulsuum ordinatum, vel inordinatum. Vltima desumitur ex consonantia, vel dissonantia, & fit pulsus eurythmus, arhythmus, vel medio carens.

Sed cur Rhasius 10. ad Almans. 3. 2. & Alzaharaius sect. 7. cap. 1. & Halyabbas 7. theoric. 2. & Ishaac 7. theoric. 3. & Paulus lib. 2. cap. 12. numerant decem genera? & lib. ad tyrones, septem? Auerrhoës 4. collig. 17. septem: & Auicenna loc. cit. nouem? Dic. Galenus, & Auerrhoës considerant species exquisitas pulsuum, quæ sumuntur ab essentia, vel consequentibus essentiam. Rhasius & Paulus etiam species, quæ vtrunque faciunt ad cognitionem medici Auicenna, vt ingeniosus, credit ordinatum, & inordinatum sub æquali comprehendere.

Galenus pulsuum calidum, & frigidum, non ex propria mente collocauit: nec obstat ipse lib. 1. ad Glauc. c. 5. Vbi dixit, pulsuum in febre tertiana esse magnum, calidum, &c. Quoniam verbum illud calidum, expugendum est; vel dic, differentiam pulsus non significare, sed potius qualitatem arteriæ, (per febres enim tertianas arteriæ maximè calidæ esse solent) quoniam caliditatem, & frigiditatem, sine arteriæ motu percipere possumus, & ideo à differentiis pulsuum sunt ablegandæ, vt aduertit Galenus 4. de dignoscend. pulsib. cap. 2. ante med. 5. Quando ergo existet plenus, &c. & cap. 3. parum post initium: & sic potius ad caloris modum sunt referendæ, cuius gratia pulsus harmonia constituitur.

Neque obstat Galenus lib. de pulsib. ad tyron. cap. 7. vbi quintam, & sextam recensens, vltimam omisisse videtur. Sed hunc auctorem ea causa id fecisse dicendum est, quoniam ibi solum simplices, & non compositas contemplatur differentias: aliarum autem non fecit commemorationem, quoniam sunt accidentariæ, sicut & quarta, quum durities, & mollities sine motu percipi possint, vt Gal. aduertit loc. cit. cap. 3. quam vt reliquis magis accidentariam prætermisit, vt notarunt. Niculus ferm. 2. mæth. 5. distinct. 2. cap. 4. Valleriola 3. loc. com. cap. 9.

Auerrhoës loc. cit. asseuerat, septem ex illis esse sententiales, & dignas consideratione, quum ex motu, & quiete pulsus desumantur, & non ex aliis: tres verò, quartam, quintam, & sextam, esse accidentarias. Et licet hoc verum sit, indigent tamen cognitione; quæ enim ab statu arteriæ desumuntur, ad artis vsum summopere conferunt. Quare vehementer miror Vallesium 3. cont. 4. qui octo connumerat, quintam & sextam parui faciens: forte insequitur Fernelium 3. pathol. cap. 1. qui quintam & vltimam omittens, solum octo pulsuum differentias constituit, quum non solum differentia à substantia, sed ab accidenti aliquo medicis vlibus sint dignæ. Quare de iis omnibus sigillatim disceptandum.

Prima differentia efficit pulsuum longum, & reliquas prædictas differentias iuxta differentiâ dimensionum: quando enim pulsus naturalis est, in his omnibus mediocritatem seruat;



feruat; quando verò ab statu naturali recedit, aut secundum aliquam harum dimensionum, aut secundum omnes deficit, aut excedit: & cum in qualiter dimensione sint tres pulsuum differentia, nouem erunt simplices differentia pulsuum, deumpræ est quantitate distensionis, aut contractionis, ut dictum est, & Galenus docet 2. de diff. puls. lib. cap. 6. ad fin. ex quibus per combinationem, viginti & septem consurgunt.

Combinatio autem in hunc modum fieri debet, quod duæ dimensiones priores quietæ maneant, postrema verò tripliciter immutetur. Ex his omnibus differentiis solum prima, & postrema nomen habent, quoniam prima dicitur pulsus, magnus, & est pulsus secundum omnem dimensionem auctus. Postrema dicitur paruus, & est pulsus secundum omnem dimensionem imminutus, nisi velimus, pulsus illos in quibus longitudo reliquas dimensiones excedit, graciles vocare. Si verò reliquæ dimensiones longitudinem excedant, crassos & turgidos: si verò nec superent, nec superentur, moderatos appellare possumus. Hoc modo docet Gal. lib. 1. de diff. puls. cap. 4.

Longus pulsus dicitur ille, qui plures ferit digitos quam par sit, & in quo sensibilis motus longitudo naturalem excedit, ut notat Galenus lib. de præfag. ex puls. c. 3. ad init. siue hoc sit in homine reperiato, siue in intemperato, ut inter omnes primus aduertit Nicolaus ferm. 2. in tract. 1. dist. 2. cap. 4. Nam in qualibet temperie intemperata considerandum est medium temperatum in illa. Ex quibus constat, summa cum ratione reprobasse Galenum illos, 3. de dignoscend. cap. 2. ad init. qui pulsum longum appellabant eum, qui quatuor ferit digitos, breuem, verò qui vnum, aut duos.

Neque inistes, ex hac doctrina colligi posse, aliquem tempore sanitatis breuem posse habere pulsum, & in morbo moderatum, ut si sanguineus breuem habeat pulsum, respectu moderati eiusdem naturæ, & per habitum resolutus sibi in longitudine pulsum moderatum compareret. Dic, quod duplex est moderatum, alterum per naturam, & hic pulsus est naturalis, alterum per morbum, & hic pulsus non erit naturalis; qua ratione optime Galenus lib. 1. de caus. puls. cap. 1. ad init. dicebat, non omne id quod moderatum est, esse naturale.

Ut verò huius pulsus causæ adamussim explicentur, aduerte cum Gal. 2. de caus. puls. cap. 13. post med. Pulsum longum in duplici esse differentia, alter est longus per excellentiam, id est, tenuis, & gracilis, qui pilum, aut fidem seu chordam cytharæ repræsentat, cuius causa est ingens durities instrumenti cum facultatis imbecillitate coniuncta, ut loc. cit. cap. 6. Auicenna confirmat. Alter est longus absolute, & proprie, in quo tantum longitudinis dimensio concipitur, cuius causa corporum arterias contegentium tenuitas, aut leuitas, ex Gal. lib. 4. de caus. puls. cap. 24. Ex iis constat, quod pulsus breuis erit, qui minores ferit digitos, ex Gal. 1. de præfag. ex puls. lib. cit. Cuius causæ sunt, aut corporum crassities, aut pondus corporum superpositorum, ex Gal. 2. de caus. puls. cit.

Quid autem præfagiat pulsus longus, docet Galenus lib. 1. de præfag. ex puls. cap. 3. am. med. & in fin. dicens, quod si fuerit longus per excellentiam, & remissus, id est, tardus, morbum frigidum esse indicat; si verò absolute & proprie, morbum esse calidum significat, ex Gal. cit. ad init. Perpetuo tamen virtutis imbecillitatem, humidi consumptionem, & lapsum in hecticam præostendi, & in senibus non est adeo perniciosus. Sicut pulsus absolute longus non est valde periculosus, maciem enim ostendit, quam importunus calor, vel siccitas, vel tenuis victus efficere possunt.

Latus pulsus dicitur, quotiescunque obliquæ, & laterales arteriæ partes, prominentiores, & sublimiores apparent, & carnem plus feriunt extensiuè, quam sit pulsus hominis temperati. Angustus verò est e contra. Causa latus pulsus est latitudo loci ambientis arterias, aut pondus corporum supra existentium, & ideo in senibus propter rugas, & in hydropicis ob pondus contingere solet. Cuius causa est arteriæ vacuitas, quando quantitas aëris non ingreditur, quæ arteriā attollere, sed solum collateraliter

Lib. V.

A extendere possit. Præfagit Pulsus latus euacuationes decretorias: & ex consequenti angustus naturam non esse intentam euacuationi incidabit, ex Gal. 2. de caus. puls. cap. 13. in med. Insuper latus pulsus aliqualem humoris copiam præostendit, præsertim si altitudini sit coniunctus, ut Auic. citato loco prædixit.

Altus pulsus dicitur, quando arteriæ superficies clariùs persentitur, quam reliquæ dimensiones secundum latitudinem, & longitudinem. Humilis verò appellabitur, quando altitudo strictius sentitur, ex Gal. 2. de caus. puls. cit. & ex Nicolo ferm. 2. tract. 5. dist. 7. cap. 4. Huius causa est feruens humor in corpore abundans, qui cum impetuoso motu moueatur, crisi principium præostendit, ex Gal. ibi. Qui etiam excretionem per aluum manifestè demonstrat, docente Gal. 3. de crisib. cap. 11. in med. 5. Quod si pulsus undosus, &c.

B Magnus pulsus ille est, qui à naturalibus tribus dimensionibus ex æquo auctus existit, non quod in iis dimensionibus pares motus existant, sed iuxta proportionem sanam, ita ut in longitudo altitudinem vincat, altitudo verò latitudinem. Sunt & reliquæ species magni pulsus. Nam est pulsus magnus exquisitus, quando videlicet diæ dimensiones augentur, non tamen iuxta sanam proportionem. Et est minùs exquisitus, quado hæ dimensiones inæqualiter crescunt, v. g. si plus crescat latitudo, minùs altitudo, & adhuc minùs longitudo. Pulsus verò qui in vnica tantum dimensione acceruerit, non meretur nomen magni, ut supra ex Gal. dictum est 1. de diff. puls. cap. 4.

Causæ huius pulsus ut plurimum sunt continentes C omnes tres, scilicet vsus adauctus, robur facultatis, & instrumenti obedientia ex Gal. 1. de caus. puls. 5. ad fin. Inter alterantes sunt, quæcunque continentes intendere possunt ut cibus, vinum, motus, & alia huiusmodi: plus enim pendet pulsus magnus ex vsus augmento, quam ex aliarum duarum causarum incremento, ex Gal. 1. de præfag. ex puls. lib. cap. 7. quo loco, & 3. de caus. puls. cap. 3. de præfag. ex puls. cap. 2. per magnum, intelligit maximum. Magnus indicat incrementum caloris, sed non magnum, 3. de præfag. 2. & vacat periculo, 2. de præfag. 5. Maximus aliquando nil mali indicat, immò apparet in tutis, si cum salubri arteriæ statu coniungatur, alioqui periculosus est. Indicat pulsus magnus cum robore, crudorum humorem coctionem; cum debilitate verò augmentum putredinis significat, 1. de præfag. ex puls. lib. cap. 1.

D Si quæsiueris, num pulsus magnus semper postulet virtutem fortem; Galenus 1. de caus. puls. 3. & Auic. loc. cit. respondent affirmatiuè. Contrarium videtur affirmare, 1. de præfag. ex puls. lib. 1. de dignoscend. 1. & 4. de dignoscend. 1. & 1. de caus. 8. & 4. de caus. 13. & Apud Actuarium 1. meth. 9. Quibus locis magnum pulsum fieri à virtute debili affirmant.

Dic, aliud est pulsus magnus, aliud maximus. Hic semper fit à virtute forti, 1. de dignoscend. 4. quia nō potest extremè distendi arteria, nisi virtus valeat. Dic secundò. Pulsus manus potest fieri à virtute debili absolute tali, & non respectiuè, quando arteria fuerit valde mollis, in quo casu virtus simpliciter debilis potest arteriam extendere, ad faciendum pulsum magnum. Quare auctoritates primæ, quod pulsus magnus fit à virtute forti, sunt intelligendæ, si arteria non fiat mollior moderato; vel de forti virtute respectiuè, quæ licet simpliciter sit debilis, qui tamen potest arteriam ob obedientiam in amplum spatium extendere fortis appellari potest.

E Paruus pulsus est ille, qui in omnibus dimensionibus est imminutus. Eius causa, vel vsus imminutus, vel facultatis imbecillitas, vel instrumenti durities, vel omnia simul, ex Gal. lib. 1. de præfag. ex puls. c. 2. & 1. de caus. puls. 11. in med. Idem docet Paulus lib. 2. cap. 12. post med. 5. Contrariis autem, &c. Inter has tamen causas præcipua est imbecillitas virtutis, ex Auic. loc. cit. c. 6. in med. Nam debilitas, vel paruitas, sunt motus extensiuus, plus à facultate, quam ab vsu, & instrumento dependentes.

Indicat hic pulsus caloris diminutione, quando tarditatis, & raritatis coniungitur: aliter arguit augmentum, ut constat in hecticis, & phrenitide. Nota tamen ad praxim,

FFF

in

in crassis, & pueris, licet appareat paruus, non debemus interdicare vacationem: apparet enim in pueris paruus, ob paruitatem arteriarum; in crassis, ob causas dictas, 1. de *prælag. ex pulsib. cap. 3.*

Si fuerit pulsus paruus, & mollis, est maximè periculosus, ex Gal. 2. de *prælag. ex pulsib. c. 5. in med.* tum enim indicat virtutis debilitatem, quæ arterias, etsi molles distendere non potest.

Secunda differentia Auicennæ, est illæ, quæ desumitur ex qualitate percussione arteriarum, id est, ex robore virtutis, quod Medici contentionem appellant, & efficit pulsum vehementem, languidum seu debilem, & mediocrem. Robustus ergo, seu vehemens pulsus, (omissis aliorum opinionibus, quas proponit, & reprobat Galenus lib. 3. de *uis. puls. cap. 2.*) ille est, qui valide digitos ferit, languidus verò seu debilis, è contrariis docet Gal. 1. de *dis. puls. cap. 6. & lib. 3. seq. cap. 1. in med. & Fernel. 3. parbol. g. cap. 1.* Mediocris verò est in medio, ex Gal. 1. de *caus. puls. cap. 8. in med. & sic vehemens pulsus erit ille, qui vehementer tactum impellit, eueritque digitorum pulsas, ex Galen. 4. de *diagnoscend. pulsib. cap. 1.* Quo tamen pacto pulsus vehemens separaretur à magno, celerissimo, vibrante, & duro eleganter docet Galenus 4. de *diagnoscend. pulsib. cap. 1. in init. §. Neque enim parum, & c.**

Vehementis igitur pulsus causæ sunt robustas facultas, quam in singularem partium temperamento commodo consistere monuit Galen. lib. 1. de *prælag. ex pulsib. cap. 4. in init. & lib. 3. sequenti, cap. 8. in med.* Hic vium adauctum, & instrumenti obedientiam prærequirit, ex Gal. lib. 1. de *caus. puls. cap. 4.* Indicat robustam facultatem, & idè euacuationem usque ad animi deliquium tolerat, ex Gal. 9. *meth. cap. 4.* Quare ægris secundæ valitudinis spem pollicetur, & nihil mali demonstrat, dummodo cum salubri arteriarum statu coniungatur: nam cum in salubri, periculosus est, ex Gal. 2. de *prælag. ex pulsib. cap. 5.*

Debilis pulsus à facultate semper imbecilla emanat, docente Gal. 1. de *prælag. ex pulsib. cap. 7. ad init.* Idem docet Paulus lib. 2. c. 12. *post med. §. Pulsus autem, & c.* Hic exitium ostendit, vehementem enim virtutis imbecillitatem significat; quæ si ex diuturno morbo fuerit contracta, efficit pulsum tardum absente febre; si verò hæc adsit, crebrum, atque velocem. Si autem per se debilis non est, sed aliqua causa natura impedita, atque oppressa, quemadmodum in magnorum vasorum insigni obstructione, repentina præcordiorum conuulsione, malignis, pestilentibusque febribus contingere solet, tunc pulsus debilis eundem tenorem non seruat, sed inæqualis est.

Causæ non naturales pulsus vehementis, sunt omnes illæ, quæ continentes intendere valent, vt cibus, vinum, exercitium, ira, & alia huiusmodi, quæ à Galeno referuntur lib. 1. de *prælag. ex pulsib. cap. 8.* At vehementia ab his posterioribus causis suborta citò perit, quoniam aduentitia qualitas citò deperditur, ex Gal. 3. de *temper. cap. 4. ante med. & Arist. 2. de partib. animal. cap. 2. post med.*

Sed antequam ad tertiam differentiam pulsus explicandam accedamus, duo sunt prius necessariò expèdenda. Primum. Quis sit pulsus naturalis? Dic, quòd hic tribus modis potest considerari: vno modo absolute & simpliciter, quia est causa, & norma reliquorum, & hic solum inuenitur in ætate temperata, bono habitu, regione & tempore temperato. Secundo modo dicitur naturalis non absolute, sed respectu huius vel illius naturæ, quæ vel biliosa, vel pituitosa est; vel ratione ætatis, quæcunque ea sit, vel temporis, vel regionis ratione. Postremò vocatur naturalis, respectu huius hominis particularis. Auic. *loc. cit. cap. 4.* præscribens pulsum naturalem absolute, dicit quòd in prædictis differentiis medium debet seruare: id enim quod naturale est, moderatum est; immoderatum autem, est præternaturam, ex Gal. lib. de *dis. morb. cap. 2. & 2. de dis. respirat. 1. & 2. aph. 51.* Quoniam naturale operationes naturales solum respicit, & conseruat; præternaturam verò & intemperatam, nimium est & corrumpit. Quare pulsus naturalis debet esse medius inter paruus & magnum, velocem & tardum, raram & frequentem, durum & mollem, modò sit æqualis, boni ponderis, & vehemens.

Secundum. An semper vehemens pulsus sit naturalis? Dubitationem proposuit Gal. lib. 1. de *causis, c. 4.* Nam pro parte affirmatiua facit, quòd vehemens pulsus sit à robusta facultate vitali, quæ quo robustior, eò vehementior pulsus emanat, quo nihil præstantius excogitari potest. Ex altera parte obstat aliud argumentum, quòd est huiusmodi. Pulsus naturalis absolute, & simpliciter, in corpore temperato debet reperiri. Sed datur vehemens pulsus, qui non reperitur in corpore temperato, quum secundum naturam se habet, sed solum quando febris afficitur, vel ira, aut propter vini potum. Igitur cum hæc vehementia ex causa violenta, & præternaturam emanet, non erit pulsus naturalis.

Vallelius lib. 3. *cont. 11.* sic difficultatem soluit: Vehemens pulsus ex robore virtutis emanat, & tunc quò vehementior, eò est magis naturalis, & præstantior. Quando tamen ex conatu & impetu, vehementia oritur, tunc vehementia est præternaturam: omnes enim virtutes virgenter necessitate impetum capessunt, vt Galenus ait, 4. de *caus. puls. cap. 2.*

Hæc tamen responsio est contra Galeni mentem, & nullius momenti: Hic enim lib. 1. de *prælag. ex pulsib. c. 7.* Vehementiam pulsus semper esse familiarem virtuti robustæ asseuerat. Igitur quocunque modo pulsus vehemens fiat, semper est robore facultatis vitalis icaturus, & erit secundum naturam, vt *loc. cit. c. 4.* asseruit Auic. Nec enim pulsus vehemens aliquando erit præternaturam, quia à causa violenta ortum ducit, quæ facultatem vitalem cogit ad capiendum impetum; alioqui euacuationes omnes quæ à causa morboia, & violenta excitantur, & vtiliter promouentur à natura, essent præternaturam: quòd faten, absurdum est.

Tertia differentia desumitur ex tempore motus, & efficit pulsum celerem, tardum, & mediocrem. Celer pulsus verè, & propriè ille erit, qui impetum motus celerem habet. Tardus è contra. Celer verò tempore ille dicitur, qui breui tempore motum absoluit: tardus, contra, ex Auic. *loc. cit. & 1. de dis. puls. c. 4. & 7.* Ratio est, quoniam celeritas, aut tarditas motus, expendenda non est ex temporis, vel interualli quantitate, vt philosophi faciunt, docti ab Aristot. lib. 6. *physic. 2. in init.* id ratione indagantes, sed potius medicè, & sensibiliter, ex ipsa motus qualitate, vt late docet Galenus 2. de *diagnoscend. pulsib. cap. 4. & lib. 3. cap. 2.* Quam etiam difficultatem proposuit lib. 3. de *caus. puls. cap. 2. ad fin.* vt Vallelius 3. *cont. 8.* explicuit eleganter.

Causæ huius pulsus robori facultatis tribuuntur, simul & adaucto vsui, & instrumento molli, ex Gal. 1. de *caus. puls. c. 4. & 5. & 1. de prælag. c. 2.* Prælagiū huius pulsus proponitur à Galeno, 1. de *prælag. ex pulsib. c. 5.* Quo loco celerem pulsum indicare caliditatem, tardum verò frigiditatem asseuerat. Explicat ingenuè Valleriola 3. *loc. corn. cap. 9.*

Quarta, quinta, & sexta differentia, accidentales sunt. Nam prima quæ desumitur ex modo substantiæ arteriæ, & efficit pulsum mollem, & mediocrem, accidentalis est, ex Gal. lib. de *pulsib. ad tyron. cap. 3.* Sicut & alia, quæ ex quantitate plenitudinis arteriæ depromitur; & efficit pulsum calidum, frigidum, vel mediocrem, etiam est accidentalis, ex Gal. 1. de *dis. puls. cap. 2. 4.* Quia hæ differentiæ neque ab essentia motus, neque à consequentibus ipsum desumuntur, & idè istarum prælagia non magnam certitudinem sortiuntur.

Aduerte tamen, quòd mollities & durities arteriæ, multo minùs accidentalis est, quàm aliæ differentiæ, quoniam hæ qualitates multo melius motu percipiuntur, quemadmodum quinta. Nam de pulsu duro loquens Galenus 1. de *dis. feb. cap. 7. post med. & lib. 3. de caus. puls. c. 7. in fin. & 3. de prælag. cap. 6. in med.* reprobat Archigenem, quoniam pulsum durum metaphoricè vocabat insuauem, & molestum, quoniam in hoc significato omnis febrientium pulsus esset durus. Et reprobat hæc ratione, quoniam pulsus durus est proprium obiectum tactus, & sic in propria significatione, pulsus durus ille erit cui tactus cedit; mollis verò è contra, qui tactui cedit vt constat ex Gal. *loc. cit. & 1. de dis. puls. cap. 6. & 5. simpl. cap. 4. in med. & c. 5. seq.* Quòd si interroges: quo pacto pulsus durus à vehementi distinguatur? Respondet Galenus lib. 4. de *diagnoscend. pulsib. cap. 1.*

*c. 1. post. med.* Quòd vehemens euerit vnuerfos digitos, A  
sicuti ventus calidus, non tamen perforat, aut pungit:  
pulsus autem durus, instar lapidis qui lentè mouetur, non  
valet euertere digitos, sed veluti premit, contundit, &  
perforat.

Pulsus duri, & mollis causæ eleganter traduntur ab  
Auic. *loc. cit. cap. 6. post. med. & 1. 4. tract. 2. cap. 1. ad fin. &*  
*c. 2. post. med. & accepit à Galeno 1. de diff. feb. 5. & 1. de*  
*caus. puls. 9. & 1. presag. ex puls. 4. ante med.* Quare Auic.  
*loc. cit. cap. 2.* asseruat, pulsus durum non esse proprium  
febrium, sed quòd interdum accidit illis ob dictas causas:  
& Gal. *cit. feb. affirmat*, quòd pulsus durus nulli conuenit  
febri: nam de ratione febris, solum est calor, & ex acci-  
denti siccitas; quare etiam si siccitas cum calore coniun-  
cta sit, rarissime tamen tanta est, vt arterias, & reliquas par-  
tes solidas exicare possit, ita vt hac ratione pulsus durus  
efficiatur: quamuis enim in hecticis febribus sit pulsus  
durus, non tamen semper, sed quando ad marcorem  
accedunt.

Pulsus ergo durus tripliciter fit, vel propter constri-  
ctionem, siccitatem, vel tensionem, vt docuit *1. de presag.*  
*expulsib. cap. 4. ad med.* vbi per constrictionem intelligit con-  
cretionem. Aduerte tamen quòd concretio, & multò ma-  
gis siccitas pulsus durum reddunt, tensio verò potius  
pulsus remittentem, quàm durum, ex Gal. *5. simpl. cap. 5.*  
Rursus concretio à frigore fit; tensio verò ex inflamma-  
tione, scirrhus, aut ex aliqua dispositione neruorum, qua-  
lis per inflammatorias affectiones concitari solet; insu-  
per ex epilepsia, conuulsione, tetano, & reliquis: siccita-  
tem verò multa efficiunt, vt immodicæ vacuationes, in-  
gens fames, febres ardentes, & hectica.

Pulsus durus præagit siccitatem, tensionem à plenitu-  
dine humorum vel statuum concitatum, & adustionem.  
Quæ tamē harum causarum vigeat, facile ex iis quæ præ-  
cesserunt, vel adfunt, venaberis. Mollities verò arteria-  
rum in statu secundum naturam, immodicum vsum po-  
tionis, aut humectantis cibi significat, quæ ipsa frequen-  
ter ex balneis, inglutie, & otio scaturit: in statu verò præ-  
ter naturam, præagit hydropem, cachexiam, immodicum  
somnum, peripneumoniam, viscerum cedemata, & alia  
quæ à seroso, pituitosoque humore oriuntur, qui irri-  
gandi arterias, & eas humectandi, sortitur facultatem.

Pulsus plenus, & vacuus, ab Hierophili sectatoribus fuit  
inuentus, vt notat Galenus *3. de caus. puls. c. 9. ad fin.* Quam  
etiam differentiam constituit Archigenes, vt docuit Gale-  
nus *1. de diff. puls. cap. 6.* qui pulsus plenum vocabat, qui  
plenior arteriam ostendit; vacuum verò qui arteriæ ele-  
uationem facit bullosam, ita vt impressio digitorum va-  
cua occurrat. Quare Galenus *lib. 3. de presag. ex pulsib. cap. 6. in init.* dicit, huius pulsus notionem esse euidentem, il-  
lius tamen notitiam nulli sensui representari: qua etiam  
ratione Galenus *1. de dignoscend. pulsib. cap. 2. & 3.* latissime  
ostendit, nullam esse differentiam pulsus, quæ plenum &  
vacuum constituat. Nam vel pulsus dicitur plenus pro-  
pter quantitatem substantiæ, vel qualitatem, vt facultatem  
spiritus: quam rationem insinuat Galenus *3. de diff. puls.*  
*cap. 6. multo post. med. §. Communia igitur, & generalia hæc sunt,*  
*&c.* Non propter multam quantitatem substantiæ, id est,  
quia multam substantiæ materiam contineat, respectu il-  
lius qui contineat paucam, sic enim efficietur pulsus ma-  
gnus, vel parvus. Nec etiam propter facultatem, siue vigo-  
rem spiritus, quoniam hoc constituit pulsus vehementem  
siue languidum. Neque similiter propter qualitatem  
substantiæ: nam cum arteria non possit esse inanis, illa  
quæ continet sanguinem, dicitur plena, ad differen-  
tiam illius quæ continet spiritum. Sed hoc est falsum,  
& contra Galenum *lib. quod sanguis in arteriis contineatur,*  
*ferè per totum.* Ergo non est differentia pulsus pleni, nec  
vacui.

Adde quòd tactus non possit percipere, nec deprehen-  
dere quantitatem, aut qualitatem materiæ in arteriis con-  
tentæ, vt constat in vtre, & vesica. Accedit quòd arteria  
est in perpetuo motu, quare ex dispositione illius facta  
molliori; aut duriori, hoc solum præcipi potest: alioqui alia  
pulsus differentiæ essent constituendæ, videlicet albi & nigri,

Lib. V.

dulcis & amari, vt latè Galenus prosequitur *locis citatis.*  
Neque obiciat Galenum *1. de diff. puls. cap. 3.* & Auicen-  
nam *2. 1. doct. 3. sum. 1. cap. 1.* qui pulsus plenum, aut va-  
cuum constituunt: nam hi vniversaliter pulsus contem-  
plantur & perpendunt, cum tamen particulariter enarrari  
non possit. Idem de pulsu calido & frigido dicendum,  
qui potius ad modum caloris, cuius gratia pulsus fit,  
quàm ad differentiam pulsus debet referri.

Septima differentia est illa, quæ ex ictuum interuallo,  
siue ex tempore quietis desumitur, & efficit pulsus cre-  
brum, rarum, & mediocrem, ex Gal. *lib. de pulsib. ad rythones,*  
*cap. 4.* Quo loco aduertit Galenus, quòd tempus illud in  
quo quiescit arteria, nihil interest siue quietem, siue in-  
teruallum, siue contractionem vocet: idem docuit *1. de*  
*diff. puls. cap. 7.* Ictum verò vocat arteriæ motum tactui  
occurrentem; quare pulsus ex ictuum interuallo compo-  
situs est.

Aduerte tamen, quòd etiam si ictus generaliter, quan-  
dam distentionem significet, aut contractionem, proprie  
tamen ictus dicitur ea distentio, quæ cum ictu, aut vio-  
lencia quadam fit, ex Gal. *4. de dignosc. puls. c. 1.* Quia propter  
*post. medium illius capitis* concludit, ictum proprie solum esse  
pulsus vehementis: pulsus verò duri, si vehementes non  
sint, non poterunt hunc ictum efficere. Idcirco ille pul-  
sus, cui longum est quietis tempus, dicitur rarus; cui bre-  
ue, creber, cui medius, moderatus, vt potulit Paulus *lib. 2.*  
*cap. 11.*

Crebri pulsus causæ sunt facultatis imbecillitas, instru-  
mentorum durities, & vsum adauctus, docente Gal. *lib. 1.*  
*de caus. puls. cap. 9. & 11. in med.* Idem docuit Auic. *cit. loc.*  
*cap. 6. §. Quod si fuerit virtus debilis.* Rarus imminutum  
vsum significat, ex Galen. *loc. cit.* & Nicolo *serm. 2. tract. 5.*  
*dist. 1. cap. 9.* Sicut creber maximam fuliginem, & excre-  
mentorum copiam significat, est Gal. *2. de presag. expulsib.*  
*cap. 2.*

Octaua differentia efficit pulsus æqualem, & in æqua-  
lem, de quo, *in sequenti questione.* Nona reddit eum ordina-  
tum, & inordinatum, quam sub æquali, & inæquali com-  
prehendi *cit. loc.* refert Auicenna. Vltima differentia desu-  
mitur ex rythmo, consonantia, seu proportionē, id est, ex  
pondere temporis motus ad tempus quietis: nā omnibus  
pulsibus inest modulus, quē Græci rythmum vocant, La-  
tini proportionem, Arabes pondus appellant, alij vocant  
consonantiam, concentum, concinnitatem, aut numerum.

Est autem proportio duarum eiusdem generis quanti-  
tatum, vnius ad alteram habitudo, modò in his sit aliqua  
dissimilitudo: quare rythmus docente Galeno *de diff. puls.*  
*cap. 7. in fin. & lib. 3. de dignosc. pulsib. cap. 3.* est comparatio  
temporis motus ad tempus quietis, vel est motus contra-  
ctionis & distentionis ad inuicem proportio. Hæc autem  
proportio similis est proportionibus musicæ: & sic Auic.  
*loc. cit.* dicebat: *Et debes scire, quòd in pulsu reperitur natura*  
*musica: & parum infra dicebat: Et pondus, hoc est, in quo cadunt*  
*proportiones musicae, &c.* Idcirco ille pulsus, qui rythmum  
seruat, dicitur Eurythmus, qui est peculiaris, & naturis, &  
ætatibus, & sexui tempori, & regioni. Ille ergo pulsus  
qui propriū, & naturalem seruat rythmum, dicitur Euryth-  
mus, hoc est, æqualis, optimus & bonus, qui in rythmo,  
seu proportionē nullum habet vitium, etiam si iuxta sub-  
iectorum varietatem euariet, ex Gal. *lib. 1. de diff. puls. cap. 9.*  
Qui verò ipsum labefactat, & vitium habet, dicitur Aryth-  
mus, id est, sine rythmo. Cum verò rythmus duplex sit, al-  
ter naturalis, qui indiuisibilis est, alter non naturalis, de  
huius multiplici specie lege Galenum *lib. 1. de diff. puls. c. 9.*  
Quas omnes differentias accuratè explicuit Iacobus La-  
uellius in suo *eleganti de pulsibus libello.*

## QVÆSTIO XL.

*Verum nona differentia pulsus, æqualis & inæqualis,*  
*sit admittenda.*

**R**Ecè quidem Basilius *epist. 80.* dum Eustachium Me-  
dicum alloquitur, plurimum collaudat Medicinam,  
quia sanitatis princeps est, siquidem vira, omnium res  
preciosissima, circa eam dolorosa est, & plurimis miseriis



obstet. Nam, ut ipse inquit *quæst. 55. Quemadmodum singula aries in auxilium nobis ad naturæ debilitatē à Deo donata sunt veluti agricultura, textoria, & edificatoria, sic etiam medicina*. Nam cum corpus nostrum variis affectibus expositum, variis detrimentis affligatur, ars medica à gubernatē totā vitam nostram Deo concessa est, ut inter omnes variz lectionis vir, Iacobus Simanca, ex veterum, & Iuniorum mente confirmat eleganter *lib. 1. de collectan. de repulica, c. 12.* Hæc omnium præclarissima ars ad conseruandum sanitatem, morboſque depellendos, & viscerum morbos rimandos, nullo alio præstatori nititur signo, quā pulsu, cui ut maxime veridico, fidem esse adhibendam inculcat Gal. *lib. de curand. rat. per sang. mif. cap. 13.*

Huius ergo minime fallacis signi, aliæ differentiz sunt adamussim explanandæ, & præsertim nona, quæ circa æqualem, & inæquale pulsum versatur. Quamuis autem plurima de inæqualitate, eiusque differentiis *lib. 2. in com. hist. 12.* prædixerim, tamen modò dicendum, quòd pulsus vel est æqualis, vel inæqualis, ordinatus, vel inordinatus. Æqualis, vel seruat paritatem in omnibus differentiis dictis: ut in magnitudine, celeritate, & reliquis; & tunc absolute æqualis dicitur, & fit quando subsequētes pulsationes priori in omnibus similes existunt: Vel vnam tantum seruat paritatem, & dicitur æqualis secundum quid, quia tantum secundum eam æqualis dicitur, veluti quum subsequētes pulsationes, in sola magnitudine, vehementia, & celeritate, aut in aliquibus horum priori similes sunt, ex Gal. *lib. 3. & ex Paul. lib. 2. cap. 12.*

Pulsus inæqualis, vel est ordinatus, vel inordinatus. Inæqualis ordinatus ille est, qui seruat paritatem in circuitu: Inæqualis, qui nullum seruat circuitum, dicitur inæqualis inordinatus, ex Gal. & Paulo *citatis*. Aduerte tamen, ex supradictis auctoribus, & Gal. *2. de dif. puls. cap. 11.* quòd pulsus inæqualis ordinatus, vel est ita simpliciter dictus, quia seruat paritatem in circuitu, vel dicitur talis per circuitum, quia videlicet duos, vel plures circuitu impares habet, quos alij circuitus insequuntur ipsis respondentes, est enim circuitus, eiusdem ad idem reditus, ut Galenus docet *1. aph. 12.*

Sed dubium esse potest non exiguum, quomodo Galenus *cit. loc.* pulsum inæqualem vocet ordinatum, vel inordinatum: quoniam pulsus æqualis, ordinatus est: sicut enim æqualitas naturæ est familiaris, sic etiam & ordo, ut ait Galenus *2. de caus. puls. cap. 14. & 2. de prasag. ex pulso, cap. ult. & Galenus affirmat 3. cris. cap. 10.* quòd quando natura valet & suis legibus operatur, sepe motus illius est ordinatus & determinatus. Igitur cum in pulsu æquali facultas naturalis dominetur, neque plurimum irritetur, & instrumentum recte sit dispositum, & obediatur, tunc motus illius non solum æqualis, sed ordinatus erit. Accedit, quòd *lib. cit. cris. cap. 9.* ipse Galenus asseuerat, in declinatione vniuersali pulsum esse vehementiorem, magis æqualem & ordinatum, quia facultas valet, & vincit: contra autem in falsa declinatione pulsum esse inæqualem, languidum, & inordinatum.

Soluè dupliciter, & dic, ordinem dupliciter, sumi, vno modo communiter, & nihil aliud dicit, quā habitudinē posterioris ad prius, & tunc pulsus æqualis dicitur ordinatus; nam in prioribus pulsationibus considerantur priores, & posteriores, & quando seruant paritatem inter se, & proportionē, non solum æqualis, sed ordinatus potest appellari. Secundo modo sumitur proprie, pro habitudine, & dependentia posterioris à priori, quæ sunt diuersa, & inter se proportionem in circuitu habent, sicuti sumitur ab omnibus Medicis, quum de pulsu ordinato disceptant, & hoc modo solus pulsus inæqualis dicitur inordinatus, & ordinatus: nam in ipso paritas, & imparitas circuitus considerantur.

Non minor difficultas est: An pulsus ordinatus sit præstantior inordinato? quoniam Galenus *lib. de pulsib. ad tyron. cap. 11. sit. de pulsu lethargicorum*, pulsum inæqualem inordinatum maiorem noxam significare asseuerat quā pulsum inæqualem ordinatum: & *ib. 2. de prasag. ex pulsib. cap. ult. & 2. de caus. puls. 24.* ordinem, naturæ maxime familiarem esse asseuerat. Pro altera parte videtur, quòd pul-

sus inordinatus sit præstantior, ac minus malus: ordo enim causam fixam, perpetuam indicat, & constantem; ordinis autem perturbatio, causam variam, mutabilem, & quæ facile corrigitur, significat.

Galenus *lib. 2. de prasag. ex pulsib. c. ult.* soluit difficultatem, asserendo ordinem in pulsu non esse potiore ordinis perturbatione, nec simpliciter nec in eodem genere, sed distinctione adhibita: nam ordo ex natura sua nec indicat bonum, nec malum, sed certum euentum præostendit quum habeat causam fixam, & constantem, quare si cum bonis signis appareat, bonum significat; si cum prauis, periculum præagat. Ordinis autem perturbatio cum habeat causam variam, incertū iudicium præagat: quando enim fit ad melius mutatio, minuit periculum: quando ad peius, augere solet. Qua propter ordinatus non simpliciter ex melior, nec deterior, Lege Vallesium *3. com. cap. 5.*

Siquidem autem de pulsu æquali, & inæquali disceptauimus, tempus est ut nomina pulsum inæqualium in vnica, vel pluribus pulsationibus proponamus. Primus est, qui vel non habet nomē, vel dicitur inæqualis continuus, cuius motus cōtinuus est impar, in principio, medio, & fine, vel in magnitudine, vel in vehementia, vel in celeritate, ut quādo arteria pigre, vel tardē incipit distēdi, & velociter finitur, aut ē cōuersio: atque hi pulsus decurrati in vnico pulsu, & in vnica arteriæ parte etiā dici possūt.

Alius est qui dicitur intercūs, siue interruptus, seu interceptus, cuius motus continuus non est, sed media quiete interrumpitur: vocatur à Gal. *lib. de dif. pulsib. cap. 7.* intermittens in vno ictu, & bis feriens. De qua pulsus differentia proposuit scitū non indigna, Alexander Alexius in *epitome de pulsibus*.

Alius est qui vocatur caprizans, cuius motus media quiete interrumpitur: & appellatur interceptus caprizans, quia in medio distentionis cessat; verumtamen secunda pars intersectionis celerior, & vehementior est prima: qui motus cum in capris, & capreolis reperiatur, à similitudine sic nuncupatur docente Galeno *1. de dif. puls. 29.* à Græcis dicitur Dorkadizans; nam Dorkas à Græcis, à Latinis capra vocatur. Hæc tamen differentia solum in celeritate, & vehementia, non in reliquis generibus pulsum animaduertitur.

Dicrotus à Græcis etiam nuncupatur, quem Medici bispulsantem, seu recurrentem appellant. Fit hæc inæqualitas, quando motus cōtinuus est, & completus sine interruptione: verum post completam dilationē, sine quiete retrocedit arteria, & resiliere videtur, eo modo quo resilit malleus ad incude percussa, & ideo ab Auic. hic pulsus dicitur martellinus, ex Gal. *1. de dif. puls. 17.* Paulo *lib. 2. cap. 12.* Auerrhoë *4. collig. 17.* Sed quia durum videtur, arteriam instar mallei repelli, præsertim cum non sit dura, neque cutis solida, ideo Galenus *2. de prasag. ex pulsib. cap. 8. §.* itaque dicrotus pulsus quidem est vibrans, & c. hunc pulsum ac vibratum esse reducendum fatius esse duxit.

Pulsus inæqualis in variis arteriæ partibus, vel est secundum situm, ut quando vna arteriæ pars sursum, alia verò deorsum, dextrorsum, sinistrorsum, non antrosum, vel retrorsum mouetur. Quòd sic hoc cum magna distentione fiat, pulsus fit vibrans, qui ab Auerrhoë *cit. loco*, arcuatus vocatur ab Auicenna tremulus; si verò obscurius moueatur, fit pulsus conuulsus, quem Auicenna appellat retortum, chordosum, siue spasmusum, de quo agit Gal. *1. de dif. puls. cap. 28.*

Vel consideratur in motu, quando vna arteriæ pars, deinde alia, postea alia vsque in finem mouetur, & efficitur pulsus vndosus, qui in omnibus ferè generibus reperitur; & ferè semper cum mollitie arteriarum coniungitur, nequaquam autem duritie, quæ propter neque in hecticâ, neque pleuritide, sed in lethargo, aut febre admodum pituitosa conspicitur.

Vndosus ergo fit, quādo arteriæ ad similitudinem mouētur vndarū, cui immixto succedit vermicularis, qui ab illo nō distat qualitate motus, sed quantitate: Nam vndosus est magnus, vermicularis parvus, ex Gal. *1. de dif. feb. 26.*



Sic autem vocatur, quia grossi vennis similis existit. Hunc esse multæ spissitudinis Auicenna asseruit, id est, multæ frequentię; & licet illi multam frequentiam non tribuat Galenus, est tamen frequentior vndoso, quia cum non multum eleuetur, crebritate restatur, quod paruitate amittit.

Vermiculari succedit formicans, & est valde paruus, languidissimus, & creberrimus, cui plurimam frequentiam Galenus attribuit, *1. de diff. puls. cap. 27.* Ita ut ob hanc causam speciem falsam celeritatis habere videatur, quum tamen celeritate careat, quoniam hæc citra robur non fit, pulsus verò formicans imbecillis est; hinc fit ut formicans inæqualitas propter illius paruitatem obscuratur, & hoc modo vndosus, vermicularis, & formicans, inter se solum magnitudine differunt.

Est alius pulsus qui vocatur ferrinus, inæqualis & durus, qui in serræ modum tactam ferit, de quo agit Galenus *lib. de pulsib. ad tyrones, cit. de pulsu pluritudinis, & 4. de caus. puls. cap. 7. & 8.* Eius causa triplex, inflammatio partis principis, quæ suapte natura arteriam indurat; vel intemperantia cordis, in aliqua primarum qualitatem excedens; altera est varietas illius substantiæ quæ intra arterias continetur: de quibus omnibus fusè diximus *lib. 2. in com. hist. 65.*

His addere possumus decurtatos pulsus, quo suo modo in vnico pulsu in variis arteriæ partibus optimè considerari possunt. Decurtatus vocatur mutilus, à Græcis myurus, quæ inæqualitas non solum in pluribus pulsationibus animaduertitur, sed etiam in vna, in variis arteriæ partibus, & in vnica etiam parte, & hoc in magnitudine, celeritate, & vehementia, ex Gal. *lib. de pulsib. ad tyron. cap. 7. & Paulo lib. 2. cap. 12.*

Est alius qui dicitur intercidens in variis partibus, siue intermittens in ictu, qui ex inæqualitate raritatis, & paruitatis constat. Alius est qui appellatur intercurrentes in multis pulsationibus, qui ex inæqualitate crebritatis confurgit, ut docet Galenus *lib. 1. diff. puls. cap. 12.*

Reperitur etiam pulsus deficiens, intermittens, & abolitus. Quando facultas languet citra instrumentorum vitium, & neque distrahitur, neque aliqua humorum copia opprimitur, pulsus fit languidus, tardus, paruus. Ad quando vrget vsus, & mediocris est imbecillitas, fit frequens sine inæqualitate. Si autem virum iactura est maior, fit inæqualis pulsus. Si verò insignis si virium noxa, deficit pulsus, & si extremè vires sunt debiles, tunc fit pulsus abolitus, qui à deficiente distinguitur: nam hic solum priuationem mediæ actionis importat, ceterum abolitus integram, & totalem pulsus priuationem significat.

Quando simul languet facultas vitalis, & oppressa, aut impedita est, fit pulsus maximè inæqualis, & tunc observantur pulsus intermittens, deficiens, & ob maximam offensam, abolitus. Sed dubitabis: vtrum deficiens pulsus deterior sit, & periculosior intermittente? Pro vtraque parte adsunt rationes validæ: Galenus enim *2. de presag. ex pulsib. 4. post princip.* affirmat, inter pulsus inæquales, intermittentem esse maximè periculosum, in ipso enim facultas vitalis oritur, & ab opere cessat; in deficiente solum à dimidio actionis cessat: & *infra eodem capite*, cum pulsu intermittente neminem fuisse seruatum asseuerat, quando intermissio diurtuna est, duarum videlicet pulsationum. Et *in eodem capite, infra* affirmat, quod sicuti mors repentina comittatur apoplexiam, sic pulsus intermittens extincto, calore ob defectum ventilationis, mortem ex tempore prælagit.

Sed obstat eiusdem Galeni auctoritas, *2. de caus. puls. 3.* affirmantis intermittentem pulsus antecedere deficientem: igitur deficiens pulsus fit quando ingrauescit noxa; nam quando leuior est, fit pulsus intermittens. Quæ sententia est magis rationi consentanea. Ad eodem enim Galeno *loc. super cit.* docemur, quod natura plus claudicat in actione sua in pulsu deficiente, quam intermittente, & sic ille maiorem noxam, & maiorem defectum respirationis inducit. Quare etsi ex intermittente plura damna contingant, vehementiora, & periculosiora ex deficiente euenire patet aperte. Accedit, quod intermittens pulsus sæpe

Lib. V.

A est naturalis, ut historia celebri proposuit Gal. *lib. de præcognit. ad Posth. cap. 14* quam nos, descripsimus *lib. 2. in com. hist. 44.* Quo loco plura de pulsus intermittens causis perlegere, ne te pœniteat.

Est & alius pulsus qui dicitur hecticus, qui nec accessiones, nec intervalla habet, sed sibi similis semper existit, docente Galeno *lib. 4. de caus. puls. cap. 10.* & minquam soluitur, quia vniuersus habitus in morbum conuersus est, ut probant Paulus *lib. 2. cap. 12. ante med.* & prius prædixit Galenus *lib. de pulsib. ad tyrones, cap. 8.* Sunt & alij pulsus inæquales, ut palpitans, strepens, & tremens, quos tamen ut rarissimos hic omitimus. Legat qui velit Auicennam *loc. cit. cap. 6.* qui eorum causas, & præagia disertè assignat.

## QVÆSTIO XLI

Vtrum præter causas generantes pulsus, alia alterantes sint assignanda. Contra Menam, & Vallesium, doctissimos.

Phygmiam artem à priscorum plurimis acrius conuelli, non me latet, quod hæc ob difficultatem plerisque vel peritissimos Medicos deludat, & sic in prælagiis multa varicinatur, quæ cum Medicæ artis dedecore aliter eueniunt. At qui veteres, & præsertim Galenum diligentius animaduertit, inueniet ipsam esse omnium primariam, & quæ nobis rectè agendorum præsidiorum rationem commonstrat. Sed cum multæ sint quæ pulsus immutant, & alterant causæ, eas in calce huius tractatus numerasse satius duxi, ut earum cognitione Medici instituti, de pulsu rectius prædicere possint.

Ergo pulsuum causæ in duplici sunt differentia, ex Galeno *1. de clausis puls. cap. 1.* Aliæ sunt generationis, aliæ alterationis. Illæ tres sunt efficiens, id est, facultas à qua fit pulsus; finalis, id est, vsus, cuius gratia fit; & tertia, id est, instrumenta per quæ fit: quæ causæ, continentes vocantur à Galeno, qui nulla earum mutari potest, quin pulsus euariet, & è conuerso. Esse autem in multis continentes causas admittendas, fusè diximus *lib. 3. in com. hist. 26.*

Neque obstat, quod aliqui asserunt, ex animi affectibus corpus immutari absque aliqua alteratione; quod falsum est, quum semper in his facultas immutetur, cuius immutationem, vsus, & instrumenta sequuntur, ut eleganter docuit Thomas à Veiga *lib. art. med. in com. cap. 23. in fin.* Quare hæ causæ continentes, communes, necessariae, & essentielles ab Auic. *cit. loc.* vocantur. Communes, quoniam in quouis genere pulsus inueniuntur: necessariae, quia sine illis pulsus stare non potest: essentielles, quia ab illis pulsus immediatè dependet, & hæ illius constitutionem ingrediuntur.

Aduerte tamè, quod in immutatione pulsus, quæ est ab animi affectibus concitatur, aliquid multoties inuenitur, quod ad nullam causam continentem reducitur, ut eleganter docuit Vallesius *3. cont. 9.* & patet manifeste in pulsu vibrato ex repentino timore suborto, ut firmat Galenus *lib. 4. de caus. puls. cap. 5.* qui ad nullam causam continentem referri potest, siquidem pulsus vibrans (ut inquit Galenus *2. de caus. puls. cap. 6.*) sit constante virtute, adaucto vsu, & obediante instrumento.

E Licet autem ita hoc sit, non tamen colligas, huiusmodi causas non esse continentes pulsus: nam solum de ratione causæ continentis est, non posse ea ablata omnino effectum perseverare. Quare Galenus *lib. 1. de caus. puls. cap. 2. 3. & 4.* de huiusmodi causis seorsim disceptat, & *lib. 6. de vsu part. cap. 10. & 7. de anatomic. administ. cap. 5.* particulariùs agit de arteriis, pulsus instrumentis.

Causas alterationis diuidit Galenus in externas seu primitiuas, & internas, siue antecedentes vel præcedentes, & sunt omnes illæ, quæ intra corpus existèntes, pulsus immutare valent, quæ tamen immutatio fieri non potest, nisi illarum alteratio ad continentes deueniat, & hoc modo hæ præcipuæ dicuntur, reliquæ verò veluti harum genera; id est, quod quemadmodum genera suprema ad constitutionem speciei infimæ concurrunt mediantibus speciebus

subalremis, sic etiam cum causæ alterationis mediantibus continentibus immutationem pulsus efficiant, ideo veluti earum genera dicuntur.

Rursus hæc alterationis, siue mutationis causæ, in triplici sunt differentiæ, vel naturales, vel præter naturam, vel mediæ, id est, non naturales, vt docet Gal. 3. de caus. puls. in proximo, & lib. de pulsib. ad tyrones, cap. 9. Auicenna loc. cit. 5. appellans huiusmodi causas alterationis, causas non ingredientēs constitutionem pulsus, diuidit eas in inseparabiles, quales sunt naturales, vt ætas, sexus, temperamentum, &c. & inseparabiles, quales sunt causæ non naturales, & præter naturam: non naturales sunt sex, ætas, cibis & potus, motus & quies, somnus & vigilia, inanitio & repletio, animi pathemata: præternaturales verò tot sunt, quot sunt affectiones præter naturam. Immutatio quæ ab his causis oritur, differentias pulsus naturalis insequitur, vt docet Galenus lib. de pulsib. ad tyrones, cap. 9. Quæ cum multiplices sint, quia non in omnibus pariter, arteriæ mouentur, ideo solum per experientiam cognosci possunt.

Sexus mutat pulsus. Nam viri habent eum multo maiorem, & vehementiorem fœminis, ex Galen. lib. de pulsib. ad tyron. cap. 9. & 3. de caus. puls. 2. Fœminæ habent tardiolem, satisque rariorem: nam mares posita paritate in temperamento, ætate; anni tempore, regione, fœminis sunt calidiores, perfectiores, & robustiores, 3. de caus. puls. cap. 2. & latè à nobis demonstratum est, lib. 2. in com. hist. 144.

Neque obstat quod mollitiæ instrumentorum magnitudo pulsus propria sit, docente Galeno 1. de caus. puls. cap. 4. Sed fœminæ habent instrumenta molliora. Ergo illarum pulsus erunt maiores. Galenus respondet 3. de caus. puls. 6. cit. hoc contingere, quia superat causæ paruitatis in fœminis, scilicet minor caliditas, excrementorum copia, corporis habitus, & alia: quare fœminæ habent pulsus celerem, crebrum; cum enim illis paruitas distentionis non sufficiat refrigerationi, iccirco celeritate, & frequentia natura defectum magnitudinis supplet, vt notauit Gal. 1. de caus. puls. c. 5. Viri verò, cum sola magnitudo sufficiat ad refrigerandum, tardiolem & rariorem pulsus sortiuntur.

Puerorum pulsus est celerissimus, & creberrimus, & mollis, propter natiuam eorum humiditatem: iuuenum verò celer, ex Gal. lib. de pulsib. ad tyron. c. 9. In magnitudine etiam & in vehementia differunt, quoniā iuuenum pulsus maximus est, & vehementissimus; puerorum verò inter senes, & iuuenes medius. Causam reddit Gal. 3. de caus. puls. c. 5. quoniam in pueris vsus augetur; nam in illis est maxima necessitas refrigerij, quia calore abundant natiui, & pro generatione spiritus qui dissoluitur, & illius incremento, multo indigent aëre; & cum non solum pro nutritione, sed corporis augmento plura assumant & conficiant alimenta, fuliginosis scatent excrementis, quare distentionis, & contractionis intenditur vsus, vt docet Gal. 1. de crisib. 11.

Iuuenum verò pulsus maximus est, quia in illis virtus ad suum robur peruenit, & vsus vrget. Pueri etiam pro corporis mole pulsus habent magnum: si tamen cum iuuenibus comparatur, non est magnus. Etsi enim pueri facultate vitali valeant, 4. acut. 9. nondum tamen in illis hæc virtus vltimam perfectionem est assequuta, sicuti in iuuenibus, ex Auic. loc. cit. cap. 7. & Gal. 3. de caus. puls. cit. Nam virium robur modicam exiccationem expostulat, quia hac illud conseruatur, 3. de caus. sym. cap. 3.

Senum pulsus est tardus, rarus, paruus, languidus, ob facultatis imbecillitatem, si comparatur cum ætatibus præcedentibus, & à pulsu iuuenum plus distat raritate, quam celeritate; & quia senes natura sua sunt sicci, in senectute pulsus duritiem sibi comparat; licet ob diminutas concoctiones, & cruditates, quibus senes sunt obnoxij, (ob quas succis scatent crudis) aliquando pulsus mollitiem acquirat.

Temperamenta etiam immutant pulsus; ille enim qui natura sua calidi sunt, habent pulsus maiorem, & frequentiorelem, quam qui temperamento sunt frigidi, vt docet Galenus lib. de pulsib. ad tyron. cap. 9. & 3. de caus. puls. cap. 1. & hac ratione Auicenna loc. cit. cap. 8. dixit, pulsus virorum esse vehemētis necessitatis, id est, magnum, cele-

rem, & frequentem; quod intelligendum est, ad mentem Galeni loc. cit. ita vt non sit multum vehemens, sed satis fortis, quare pulsus sit magnus, celer, & frequens; nam incremento coloris hæc omnia sunt peculiariora. docente Gal. de caus. puls. cap. 4. in fin.

Aduerte tamen cum Galeno 3. de caus. puls. cit. quod per calidos natura intelligimus eos qui in passiuis mediocritatem seruant, excedunt tamen calore: qui in duplici sunt differentia, quidam enim ingenito calore abundant, & naturali, alij verò acris, & alcititio, ex Gal. 6. epid. sect. 4. com. 15. & 5. de sanit. tuend. cap. vlt. Illi pulsus habent non solum maiorem, & celeriorelem, sed & vehementiorem, quia viribus valent. Qui verò secundo modo calidi dicuntur, pulsus vehementem non habent, quia non constant viribus, ex Galeno 5. de sanit. tuend. cit. licet etiam in his ob magnitudinem, & celeritatem, pulsus referat speciem vehementiæ, ex Gal. 3. de sympt. caus. cit. Quemadmodum enim cum excessu caloris adscititij virtus non constat, sic cum excessu caloris natiui vires sunt robustæ, quia cum eo, & optima temperies, & vires fortes etiam inueniuntur, quinimodò earum causa existit, & quod calor natiuius magis exuperat, eò maiorem virtus firmitudinem acquirit, & pulsus vehementior fit.

Obiicies contra traditam doctrinam, primò. Omnium rerum natura constantium est certus terminus augmenti, & decrementi, vt Arist. docet 2. de anim. cap. 4. post. med. Sed calor est res naturalis, Ergo debet habere certum terminum, quem si excedat, iam fit præter naturam. Secundo. Mediocritas patitur duplicem corruptionem, excessum scilicet, & defectum, ex Gal. lib. de dif. sympt. cap. 4. Ergo si calor natiuius excedat, iam non erit mediocritas, sed immoderatus, & ex consequenti vires diminuet.

Tertiò. Virtus in temperamento consistit, 1. de presag. ex pulsib. cap. 4. Ergo quod calor natiuius abundantior fuerit eò amplius debilitati debet, quoniam temperamentum eueritur. Quartò. Eadem est ratio spiritus, sanguinis, & caloris. Sed sanguis mediocritatem requirit, quam si excefferit, animal ægrotat, vt Hip. fatetur lib. 1. de natur. human. text. 20. & 21. quoniā interdum ita accrescit, in virtutem premar, & offendat. Ergo eodem pacto calor natiuius mediocritatem requirit.

Sed hæc facillè dissoluantur. Si aduertras, quod calor natiuius potest dupliciter considerari: vno modo, quæ est calor, & hoc modo quod fuerit maior, eo erit debilior virtus; alio verò modo, quæ est naturalis, hoc est, in frigiditate & aliis qualitatibus commensuratus, vt firmat Galenus lib. de rigore c. 6. post. med. & earatione quod fuerit vehementior, eò virtus erit robustior, quia partes sunt magis attēperatæ. Quare hæc proportio, & hæc temperies est terminus caloris natiui, à quo si deficiat, vel eum excefferit, præternaturam efficitur. Ex quibus prima, & secunda ratio eorruit, pariter & tertia, quia caloris natiui temperies nunquam destruitur, etiamsi maior fiat. Ad vltimum dicendum, quod sanguinis incrementum cum proportionematuræ idonea, similitudinem habet cum calore natiui; copia tamen spirituum nunquam reprobatur, vt docet Auic. lib. de medic. cordial. tract. 1. c. 4. Nam quod plus in corpore abundant, eò vires fiunt vegetiores; illi enim ob tenuitatem suam citissime in opere resoluuntur.

Frigida & humida intemperies, ob facultatis debilitatem & caloris imminutionem, pulsus efficit paruos, raros, tardos. Quod si instrumentum, inquit Auic. loc. cit. fuerit molle, efficit pulsus latus; si verò durum, prædicta omnia imminuuntur. Humida verò intemperies efficit pulsus latus, & vndosum: sicca verò durum, & angustum, ex Auic. loc. cit. & ex Halyabbar. 7. theoric. cap. 4. ad init.

Aduerte tamen cum Galen. lib. 1. de præ. ag. ex pulsib. c. 4. ad init. 5. tam humiditates, &c. vsus non variari nisi ex calore, aut frigiditate, reliquas autem qualitates instrumentum, aut facultatem immutare: iccirco Galenus lib. art. medic. cap. 31. & 32. ex humiditate, aut siccitate solum duritiem, aut mollitiem in pulsu contemplandam esse asseuerat. Quando tamen facultas est robusta, & necessitas multa in temperamento sicco, consurget his pulsans (spasmosus

spasmus, seu tremulus, ob rationes plures, quas ex professo proposuit Iacobus de partibus in com. cap. 8. cit. loc. Auic.

Tempora anni diuersimodè immutant pulsum, ex Gal. de pulsib. ad tyron. cap. 9. & 3. de caus. puls. cap. 6. quibus locis docet, pulsus in medio cuiuslibet tempore esse considerandos, & non in principio, aut fine, quoniam tunc secundum vergentiā ad hoc, vel illud tempus immutatur: nam vere fit pulsus magnus, vehemens, moderatus in celeritate & frequentia.

Sed obstant plura: cum enim verè exactissimam habeat temperiem, non solum si cum corpore humano compareretur, sed etiam per seipsum, robustissima sit virtus, vltus non multum adauctus, instrumenta rectè disposita, videtur quod pulsus debeant esse maximus, & vehementissimus. Soluit difficultatem hanc Galenus, confirmans hoc esse verum, si cum pulsu reliquorum temporum comparatio fiat. Nec dicas, quod cum eo tempore adaugeatur vsus facultas non possit esse robusta: nam eo tempore adaugeatur vsus calido naturali, cuius ope facultates nostri corporis roborantur.

Ex iis discas, æstate, quia vsus ex calido natiuo non augetur pulsus non esse vehementes, sed paruos, & ob facultatis imbecillitatem, & caloris natiui resolutionem, languidos; sunt tamen celeres & crebri, tum propter augmentum vsus, tum quia cum parui sint, natura defectum magnitudinis celeritate & frequentia supplet.

Hyeme pulsus sunt parui, & debiles, ob facultatis imbecillitatem, & tardi, ob imminutionem vsus, ex Gal. loc. cit. Nec obstat celeberrima Hippocratis auctoritas, 3. aph. 15. dicentis, tempore hyemis facultates esse robustissimas, & sic copiosiora alimenta esse offerenda, sicut probat Galenus lib. 1. de nat. human. com. 36. nam Hippocratica sententia de robore facultatis naturalis est intelligenda, quæ à vitali longè est diuersa: alioqui vitalis facultas esset fortior in pueris, quàm iuuenibus, & hyeme, quàm vere, & autumnno. Hoc modo intelligendus est Galenus, 3. de causis puls. cap. 8. quum in principio somni facultatem vitalem debiliorem esse affirmat, quum naturæ nulli reddatur debiliior. Dic secundo, quod hyeme interdum frigiditas est tanta, vt quàm penitissime sese insinuet in viscera, ita vt innatus calor remittatur, & virtus debilis reddatur, & tunc fiunt pulsus parui, languidi, rari, tardis: si verò non solum frigiditas interiora non refrigeret, sed per antiperistasin calorem robustiorem reddat, tunc partibus internis calefcentibus, & alacrioribus factis, pulsus erunt magni, in reliquis verò generibus moderati; etsi eam non participant vehementiam, quemadmodum in medio veris, vt supra ex Galen. mente protulimus.

De autumnii pulsu illud pro certo affirmandum, hoc tempore pulsum esse inæqualem cum quadam debilitate, quia autumnus in calore & frigiditate, ab optima temperie recedit, & in actiuis inæqualis est, in passiuis siccitate excedit, & sic facultas hoc modo concussa, debilis est, & instrumentum non rectè dispositum.

Sed si hoc verum est, cur 3. de causis puls. cap. 6. Galenus scripsit, pulsus in initio autumnii esse vehementissimos? Dic, quod licet de hac contradictione plura præscripserim, lib. 1. in com. hist. 39. contra Vallesium, qui lib. 3. cont. cap. 14. Galenum temnit & damnat, placet nunc pro Galeni tutela, eius argumenta ad vnguem expendere.

Primo. Autumnus est tempus intemperatum, & intemperamentum illius varium, & inæquale, 1. de temp. c. 4. quod vires dissoluit, huc & illud agitando calorem. Ergo pulsus in eo non possunt esse vehementes, quia intemperies variæ multo magis dissoluunt facultatem, quàm mala intemperies, similis & æqualis, ex Auic. loc. cit. cap. 9. Dic, Intemperantia autumnii, & inæqualitas, non est tanta, vt vires dissoluat, nam eandem inæqualem habet, ver, etsi non ita intensam: nam matutino, & vespertino tempore frigus viget, & meridiano, æstus. Deinde excessus autumnii exiguus est; argumento sunt plantæ, quæ eo tempore solent germinare. Quare cum tempore autumnii facultas valeat, vsus sit moderatus, instrumentum re-

ctè dispositum, pulsus vehementes fieri possunt.

Secundo. Autumnus est tempus contrarium vitæ, quum in eo remittatur calor, & augeatur siccitas. Quare hoc tempore pulsus erit debilis, paruus, & rarus. Dic, quod illæ qualitates non multum excedunt; quare hoc tempus non erit valde contrarium vitæ.

Tertio. Autumnus sequitur æstatem, in qua vires debiles sunt, instrumentum durum, & non ita obediens, sicut in vere, ob quam virum debilitatem autumnno inter alia generantur morbi periculosi, prauis moris, & difficultis iudicationis, ex Galeno 3. aph. 9. & 2. epid. sect. 1. parum post princip. Dic. Potius autumnus aliquo modo reficit vires ex æstate languidas, nimiam illius distensionem prohibendo.

Quarto. Hip. & Galenus 1. aph. 15. & 18. docent, homines vere, & hyeme multo melius alimenta ferre; contrariæ verò rationes se habent in autumnno. Ergo si hæc tempora in his contraria sunt, non erunt in pulsibus similia. Dic, quod etiam si illa tempora in alimentis assumptione intemperata sint, nullum tamen est inconueniens, tempore autumnii facultatem vitalem melius se habere, quàm tempore hyemis, aut æstatis.

Vltimo. Galenus inæqualitatem pulsus omisisse videtur, quæ tamen illi maximè conuenit. Dic. Galenus omisit inæqualitatem autumnii, tanquam maximè notam: à magistro enim suo 3. aph. 9. & alibi, decantatum erat, hoc tempus esse varium & inæquale, in quo eadem hora modò calor, modò frigus vrget.

Sed magis admiror Ferdinandum Menam doctissimum in com. cap. 12. Galeni, lib. ad pulsib. ad tyrones, qui locum lib. de pulsib. ad tyrones, asserit esse supposititium: quum Galenus eandem sententiam lib. 3. de causis puls. cit. approbet, & confirmet.

Regiones etiam immutant pulsus, temporum instar: nam in temperatis adest pulsus vehemens, & temperatus; in frigidis paruus, & tardus; in calidis non sunt vehementes, sed parui, & languidi, vt scitè docuit Auic. loc. cit. cap. 10. & accepit à Gal. lib. de pulsib. ad tyrones, cap. 9. & 3. de caus. puls. cap. 7.

Cibus, & potus immutant pulsum sua qualitate, & quantitate. Cibus enim si modicus est, mutat pulsum in magnitudinem, vehementiam, celeritatem, & frequentiam; calorem enim, & robur virtutis adaugere, quod (vt rectè notauit Auerrhoës 4. collig. 2.) non est intelligendum, cum primò cibus assumitur: nam tunc apparet pulsus paruus, & languidus, cum raritate, & tarditate: Retrahitur enim calor ad coctionem, & cum eo sanguis & spiritus; & sic suffocatur calor post assumptum cibum, & pulsus fit paruus.

Deinde cibus in principio est dissimilis, & contrarius; & licet sit modicus, ex eo opprimitur virtus, veluti in igne experimur, qui in principio à lignis veluti obruitur, & suffocatur. Quando verò cibus iam est concoctus in ventriculo, & iecore, & incipit apponi, tunc propter spiritus & sanguinis generationem, partiumque refectionem, accrescit caliditas, & robur virtutis augetur, & pulsus magnitudinem, & vehementiam sibi comparat. Quare non immeritò dicebat Gal. lib. 2. aph. 18. signum nutritionis esse magnitudinem, & vehementiam pulsus.

Quando cibus exhibetur in quantitate parca, aut homo passus est inedia, tunc mutatur pulsus in magnitudinem, velocitatem & frequentiam; & quia exurit sanguinem, & spiritum, illumque ad biliosam naturam conuertit, caliditas accrescit, & intenditur. Quum verò diuturna, & immodica est inedia, quæ non solum sanguinem & spiritum imminuit, sed humidum radicale absorbet, tunc esoluta facultate, & exhaustis viribus, fit pulsus paruus, languidus, tardus. Ex iis patet solutio ad dubitationem, quam proposuit Galen. lib. de curand. rat. per sang. mis. cap. 5. in princip. dicens, inedia interdum caleface, aliquando refrigerare.

Potus immutat pulsum, sicut & cibus & præsertim vinum, nam ex eorum numero est, quæ corpus alunt docente Galen. 3. de alim. facult. cap. 40. Illius tamen alteratio velocior, siquidè celerius vires reficit, quum citissime



concoquatur, & distribuatur; liquida enim citissime nutriunt, maxime calida, quia facilius alterantur, 3. de temp. 1. & 2. aph. 11. & 18. Verum hæc immutatio non est ita diuturna, quam ea quæ oritur ex cibo: sicut enim facile potus alteratur, sic etiam citius absumitur, ex Gal. lib. de pulsib. ad tyron. 10. & 3. de caus. puls. 7.

Aqua, ex mente Auic. loc. cit. cap. 11. etiam virtutem roborat propterea, quod alimentum penetrare facit, & in hoc illius operatio similis est operationibus vini, vel ratione quantitatis, vel qualitatis, vel proprietatis illius; verum quia non calefacit, sed potius refrigerat, ideo non æquæ necessitatem auger. Hæc est causa, ob quam Galen. lib. de pulsib. ad tyron. cap. 10. dicebat, aquam minime omnium ciborum, & potuum mutationem inducere, quum hæc ut cibus immutare non valeat. Et licet non nutriat, ut tam multis argumentis ex plurium mente auctorum probauimus, lib. 2. in com. hist. § 4. Tamen ad symmetriam corporis reuocata, vires recreat, quemadmodum ab alimentis fieri consuevit; & ob id fortasse loc. cit. Galenus aquam, ciborum instar, in pulsu mutationem facere pronuntiavit.

A somno pulsus etiam immutatur, tum pro ratione temporis illius, videlicet in principio, medio, & fine, tum etiam secundum coctionis diuersitatem. Quare somnus in principio, facit pulsum languidum, tardum, raram, ex Gal. lib. de pulsib. ad tyron. cap. 9. Causam reddit Auic. loc. cit. cap. 12. & probat Galen. 3. de caus. puls. cap. 9. quoniam in principio somni, fit retrocessus caloris ad interiora, ex Gal. 6. epid. sect. 4. com. 14. & sect. 5. com. 10. & 2. aph. com. 1. ob quam causam somni tempore perfectiores sunt concoctiones, ut cit. loc. docuit Galenus, & probat 6. epid. sect. 5. com. 10. Quia cum calor sit opifex, & omnium operationum naturalium instrumentum, ex Galen. 1. aph. 15. & 2. de facult. natural. 9. & 6. epid. sect. 5. com. 5. post. med. eo amplius in visceribus adaucto, perfectiores sunt operationes. Tunc in initio somni, facultas coctioni alimentorum incumbens, minor ad singula opera efficitur, & calor natiuus copia alimentorum veluti consopitus, usum imminuit, & arteria est veluti detenta, & ob caloris retrocessum veluti ligata, nec multum, nec diu dilari potest: nam quemadmodum respiratione caliditas cordis conseruatur, sic etiam transpiratione, id est, pulsu, totius caliditas retinetur.

Deinde in principio somni ob dictam causam partes frigida sunt; ideo pulsus in paruitatem, & tarditatem immutatur, ex Gal. lib. de pulsib. ad tyron. & Auic. loc. nuper citatis. Ex iis colliges immerito Menam in com. cit. loc. reprehendere Auic. quia in somno semper calorem augeri sibi persuasit, quoniam licet hoc sit verum, in principio somni locum non habet: Nam ob retrocessum sanguinis, & spiritus ad partes internas calor innatus opprimitur, & redditur pusillus, quæ omnia de dilatione intelligenda sunt, ut firmat Galenus lib. 3. de caus. sympr. cap. 9. Contractio enim tempore somni maior semper est, & velocior: tunc enim ad est maior expurgandarum fuliginum necessitas, quæ ex halituosis vaporibus est coctione eleuatis emanant. Quare Galen. 3. de caus. cap. cit. dixit, in somno pulsum esse celerem, secundum contractionem, tardum secundum distentionem: quo pacto est etiam frequens, quoad quietem externam; rarus, quoad internam.

Medio somno fit pulsus maior, & vehementior; tunc enim calor iam alimenta concoxit, & regenerato sanguine est robustior, & amplius emicat, ignis instar, qui accensus lignis fulgidus splendescit. Si vero somnus excedat, & immoderatus sit, iterum pulsus ad pristinam paruitatem reuertitur, & raritatem, tarditatem, ac languorem sibi comparat, & veluti dissipatur ac resoluitur, immo præ copia fuliginum, quæ tempore vigiliæ erant expurganda, exstinguitur. Similiter quando somnus sequitur post inediam, quia calor plus iusto absumit & exiccat, tunc resolutis viribus, & imminuto calore natiuo, pulsus fit paruus & tardus.

Vigilia etiam immutat pulsum, quoniam in principio fit pulsus maior, vehementior, celerior, & frequentior,

A inæqualis tamen, & inordinatus, ex Gal. 3. de caus. puls. cit. & lib. de pulsib. ad tyron. cap. 9. Nam coctionis recrementa halituosa, in partibus intermediis usque ad curim colliguntur, & cum calor ex cibo roboratus iam expandi incipiat, & viæ non sunt patentes, sed impeditæ, contentione quadam mouetur, ut corpus transpirabile efficiat, quare pulsus vehemens est & maximus, sed ob vias impeditas, inæqualis, & inordinatus, & cum vibratione quadam. Quod præcipue fit in his, qui terrore & metu à somno expurgunt, ut cit. loc. cap. 12. docuit Auicenna: in iis vero qui lente, & paulatim à somno excitantur, fit pulsus æqualis, gratia expellendarum fuliginum, ut dictum est, sed breui temporis spatio ad pristinam mediocritatem reuertitur; expurgatis enim fuliginibus motus caloris moderatus est.

B Exercitium immutat pulsum: quando enim moderatum est, adauget usum; & sic roboratis viribus, fit pulsus magnus, vehemens, celer, & frequens. Quando tamen diuturnius est, & modum excedit, tunc viribus resolutis fit pulsus paruus, debilis, tardus, ut 3. de caus. puls. cit. Gal. admonuit.

Balneum pulsum immutat, exercitij instar, & maxime si ex dulci aqua, & tepida paretur. Nā si est aqua sulphurea, aluminosa, aut bituminosa, immodicè exiccat, & pulsum cum celeritate, & frequentia indurat. Balneum frigidum, quia remittit calorem, efficit pulsum paruum, languidum, tardum, & raram: sed ex hoc balneo varietas accedit; qui enim sunt excarnes, ac debiles, quum ex occurso gelidæ refrigerentur, in illis multo minor, tardior, & rarior redditur pulsus; in iis vero qui carnosissimi sunt, & robusti, cum calor colligatur & vniatur, pulsus magnitudinem & vehementiam sibi comparat, ex Gal. 3. de caus. puls. cap. 15. probat Hip. 5. aph. 21. & Galenus confirmat, in com.

C Vteri gestatio etiam immutat pulsum. Ego enim tempore, quo fœtus in utero continetur, nec nutritur per os, nec respirat, (quidquid auctor lib. de carnibus dicat) & alitur sanguine menstruo, quem mater per venam vmbilicalem suppeditat; & quando hic nutritioni non sufficit, fœtus commouetur, & calcitrat, rumpitque membranas quibus erat inuolutus, & iam maior redditus, & in angusto loco sese deuoluere non potens, aërem non per os, sed per vmbilicales arterias attrahit, qui si ad ipsius calorem temperandum non sit satis, commotione sua exitum querit, ut constat ex Auic. 2. 1. 3. tract. 1. cap. 2. Quare utero gerentes cum sibi, & fœtui aërem attrahant, sic pulsus in magnitudinem, celeritatem, & frequentiam immutatur; quare in mediis, & postremis mensibus vsus, & virtus immutantur. Et ideo ob molem, & pondus illius opprimitur virtus, & magnitudo minuitur, & celeritas ac frequentia adduntur; & in postremis mensibus inæqualitas cum ordinis perturbatione animaduertitur.

D Dolor immutat pulsum, quando partem principem exercet, & est diuturnus. Hoc modo quando recens est, efficit pulsum vehementem, & magnum, cum celeritate & frequentia coniunctum, ex Galeno lib. de pulsib. ad tyron. cap. 11. & 4. de caus. puls. cap. 6. Halyabbar. 4. theoric. c. 6. Nam cocitatur facultas cum natura, & maximo impetu noxam sensatam expellere tentat, ut docet Gal. 1. 3. meth. 13. in fin. & lib. 5. aph. com. 53. Hæc est causa ob quam dolor fluxiones commouet, lib. de curand. rat. per sang. mis. 8. & lib. art. med. 95. Quando ergo ex diuturno labore vires fatiscunt, fit pulsus paruus, est debilis, cum celeritate & frequentia. Dolorem autem vires dissoluere, nulli puto non manifestum, & probat Gal. 1. 1. meth. 1. & 4. de caus. puls. 3. 4. 5. & 6. subscribit Auc. 2. 1. doct. 2. cap. 22. & 4. 1. cap. 3. dicit Auic. Et omnis quidem dolor, si est fortis, interficit. In dolore enim spiritus incompressi huc & illuc mouentur, & in motu incallescunt, & attenuantur, quibus euanescentibus vires resoluuntur. Deinde natura præ doloris vehementia distracta, nec concoquit, nec distribuit alimentum sicut oportet, quare languet virtus, & sic pulsus fit paruus, & languidus.

E Inflammationes etiam immutant pulsum, quæcunque ex sint, & in quacunque parte generata: pars enim inflammata



flammatæ præ affluxu humoris magis distenditur, & ob caliditatem adauctam exiccando induratur, & sic fit pulsus durus, velox, & frequens, maxime si pars affecta est præstans, & inflammatio ingens. Interdum tamen accidit, ut pro varietate partis affectæ, & ratione causæ efficientis inflammationem, ut aliàs fiat durus, aliàs minus durus pulsus excitetur, ut *lib. de pulsib. ad tyron. cap. 11. & 4. de caus. puls. 7. & 20.* docuit Galenus.

Pariter etiam pro ratione affluentis humoris diuersimodè immutatur pulsus. Si enim fuerit sanguis pituitosus, fit pulsus vndosus, & mollis; si biliosus, fit durus. Sicut enim sanguinis pituitosus est, emollire & humectare: sic biliosus, exiccare & indurare, ex *Gal. de caus. puls. 12.* Ex iis dissolues repugnantiam apud Galenum docentem, 4. de caus. puls. 12. & 13. in peripneumonia, & lethargo, pulsus esse vndosum, & mollem: nam licet hæc affectiones suam essentiam habeant in inflammatione, 13. meth. 2. 1. & ab hac, utpote inflammata & tensa, durities abesse non possit: tamen in iis tumoribus mollities accidit, respectu pleuritidis, & conuulsionis, & hoc modo seipsum explicat, 5. de loc. post med. §. V. in affectibus pulmonis. Neque enim Galenus voluit significare, nullam in pulmonis inflammatione duritiem adesse, sed non esse tantam, qualis in pleuritide conspicitur.

Deinde pro varia ratione temporum inflammationum, pulsus fit diuersus: nam in principio fit maior iusto, vehementior, celerior, & frequentior: in augmento hæc omnia augentur, & pulsus sunt magis seruantes, vibrantes, & duriores: in statu omnia hæc, excepta vehementia, intenduntur. Pro ratione magnitudinis etiam pulsus varius existit: quoniam inflammatio magna reddit pulsus maiores, & diuturniores; parua, minores, & breuiiores. Partes neruosa & membranosa, duriores, & magis serrantem pulsus efficiunt. In partibus quæ magis venis, & arteriis præditæ sunt pulsus apparent maiores & vehementiores. Partes humidæ inflammatae molles efficiunt pulsus.

Auicenna *loc. cit. cap. 12.* propter rationem aliquorum symptomatum pulsus immutari asseuerat, & proposuit in huius rei confirmationem quatuor exempla: primum de suffocatione, & inflammatione pulmonis. Secundum de atrophia ex inflammatione iecoris concitata. Tertium de suppressione vrinæ in inflammatione regnum. Quartum de inflammatione in partibus acuti sensus, ut oris, ventriculi, & septi transversæ, in quibus fit pulsus spasmosus, & syncopizans; quo loco per spasmosum, conuulsius est intelligendus, & per syncopizantem, intelligendum esse deficientem, Gentilis, & Iacobus de partibus asseuerant in com.

Animi pathemata etiam immutant pulsus, ut sunt ira, gaudium, tristitia, timor. Et licet alia sint animæ accidentia tamen ex iis maxime, & propriè pulsus immutatur. Ita efficit pulsus magnum, altum, vehementem, celerem, & frequentem, ut docet Galenus *lib. de pulsib. ad tyron. cap. 11. & 4. de caus. puls. 2.* In eo tamen nulla inæqualitas adest, nisi fortè timor cum illa coniungatur, aut verecundia, aut alia quæpiam contraria affectio, ab intellectu profecta, quæ illius morum coercet. In illa enim augetur calor, & accrescit vsus, cum in iratis sanguis circa cor effervescat, & per totum corpus incompolito motu ebulliat, ex *Gal. lib. de caus. morbor. cap. 2. & 1. de dif. feb. 3. & lib. 1. de finit. tuend. cap. 9. & 2. de caus. sympt. cap. 5.*

Deinde impetus, & conatus cum vitium robore coniunguntur: nam est cum vitiorum appetentia, ex *Gal. 4. de caus. puls. cit. & 1. de presag. ex puls. 8.* Nec obstat, quod magnitudini propria sit profunditas, seu altitudo. Ergo non erat necessarium dicere, quod efficit pulsus altum. Dic, quod in ira est maior altitudo, quàm magnitudini conueniat; quare apparet in illa non solum pulsus magnus, sed altus. Nam ira concitat facultatem, & maiore cum impetu hæc suas operationes efficit. Hoc etiam constat in facultate naturali, & animali, quæ urgente vsu & necessitate, vehementer excitantur, ut omni conatu molestiam à se repellant, ut firmat Galenus 4. de caus. puls. cit. Cum enim facultas vis, & efficacia, in solidorum temperie, san-

A guine, & spiritu consistat, ut hæc seruetur feruore, & commotione furibunda, excitata contra causam morbificam insurgit, quæ cor vicus præstantissimum fatigat, & hac ratione variè in hoc pathemate immutatur pulsus.

Gaudium efficit pulsus magnum, raram, & tardum, ex *Gal. lib. de pulsib. ad tyron. cap. 12. & 4. de caus. puls. cap. 3.* Addit Auic. *loc. cit. cap. 18.* quod pulsus est mollis & lenis, quia leniter & lentè calor spargitur per vniuersum corpus: ob quem motum intentio quædam acquiritur, cuius ratione pulsus fit maior: & quia facultas non immutatur, nec vigorem acquirit, ideo in vehementia non recedit à moderatione: & quia vsus parum augetur, quantum magnitudini additum est, de celeritate detrahatur, & frequentia; & ideo pulsus tardus, & rarus efficitur. Quæ omnia de moderata lætitia sunt intelligenda; quoniam si immodica sit, in qua plurima spirituum copia dissipatur, & calor imminuitur, vires deiciuntur, virtus resoluitur, tunc pulsus sunt prædictis omnino contrarij, parui, debiles, rari, tardi, inæquales, inordinati, & formicantes. Nec mirum: nam in extremo gaudio, aded copiosum spirituum effluuium suboritur ad partes externas, ita ut innatus calor eorum ope destitutus pereat, & extinguatur; quare plures præ extremo gaudio præsertim debiles, & languidi subito perire, ut firmant Galenus *lib. 2. de causis symp. cap. 5. & 5. de loc. cap. 1.* Plinius *lib. 7. cap. 33.* & notauit Valentinus Polydamus in fine tract. de pulsibus.

Tristitia efficit pulsus paruum, tardum, rarum: nam in ea calor est imminutus, ex *Gal. lib. de pulsib. ad tyron. cit. & 4. de caus. puls. cap. 4.* Neque obstat, quod in hoc pathemate sanguis & spiritus ad viscera retrocedant: Nam in ira sicut in profundum remeat, sic reuertitur calor subito ad extra, ex quo motu inordinato intendi calorem, & vsus accrescere par est; in tristitia verò recurrens ad internas sedes, ibi stabulatur, & copia sua grauans, calorem suffocat, & vsus minuit, quare est tristitia mors contingit, ut fusi *lib. 2. in com. hist. 14.* explicuimus.

Timor in principio efficit pulsus celeres, inæquales, & inordinatos, & si vehemens sit, cum vibratione quadam, quia non solum animum, sed sensus perturbat. Quando verò diuturnus, & immodicus est, cum non toto genere, sed magnitudine à tristitia differat, auctore *Gal. 1. de caus. symp. 5. post med. & pariter vires omnes debilitat, pulsus sicut tristitia facit, & interdum tam ingens est, ut in debilibus mortem inferat, ex Gal. 1. de caus. puls. cit.* Quo etiam loco explicat, qua ratione verecundia differat à timore. Febres etiam immutant pulsus, quæcunque ex sint, de quo argumento satis plura legat qui velit *lib. 4.* Quo loco hæc omnia exactè perstrinximus, dum de cuiusque febris natura peculiarem fecimus commemorationem.

Amor maxime immutat pulsus, ut variis præcorum sententiis probat Ioan. Lamandus *lib. de amantium amenit. cura, in fin.* nam sicut reliqui animi affectus peculiarem habent pulsus differentiam, sic etiam amor, maxime cum Galenus, & Erasistratus se feminas amore flagrantibus per pulsus agnouisse gloriantur, ut testatur Galen. 1. prog. 5. & *lib. de præcog. ad Posthum. cap. 6.* Dic, quod amor non constituit peculiarem pulsus differentiam, sed alia signa, quæ descripsimus latè *lib. 1. in com. hist. 40. & in lib. 7. praxis historiarum, cap. 8. tit. de amore insano,* iterum describentur: licet non sit negandum, pulsus variè immutari, secundum diuersos affectus, quos in conspectu rei amatae, vel facta illius commemoratione, producit; tunc enim facultas vitalis solet perturbari: quibus, & non aliis signis, supra citatos auctores, feminas illas amore heroico laborasse deprehenderunt, ut ipsi ingenuè contestantur. Consultè Vallesium *lib. 3. com. cap. 14.* Gregorium Horstium, *dissertatione de pulsu amantium*, in qua de natura amoris pertellè disceptat.

Huic itaque argumento hic imponamus finem, in quo explicando etsi breues simus, & alij integros libros conscripserint, ut Mercatus, Saxonia, Ioseph, Struthius, Iacobus Lauellius, & Cornacchinus: tamen ex mea lectione non inutilem frugem accipies: nam (ut cum Varrone loquar) quis non è segete ad spicilegium reliquit stipulam?

## HISTORIA XXVIII AVIGEN.

## De opij veneno.

## Opium extrà appositum, interficit.

**E**t vidimus qui suppositis sibi collyrium ex opio, & mortuus est, &c. Avicenna 1.6.3. tract. 1. cap. 4.

## PARAPHRASIS.

**Q**uot damnat afferat opij, præsertim incorrecti vsus, satis ex prisq̃orum mente prædiximus, lib. 1. in com. hist. 61. de cuius temperamento affabrè dictauimus eo loco scitu non indigna. Cum enim frigidissimum medicamentum sit, vel extrà appositum, maximè in debilibus corporibus, summam perniciem infert: & licet ad epotum symptomata sequantur terroris plenissima, vt sensuum stupor, pallor corporis, singultus, præfocatio, vt retulit Auic. 6.4. tract. 1. cap. 1. tamen si auribus, oculis, ano, mitigandi doloris causa imponatur, verenda symptomata subsequuntur: quoniam ab eius impositione pars interdum morticinium patitur, & extinguitur.

Narrant Nicolus ferm. 2. tract. 2. cap. 2. & 15. & Gattinaria in com. 9. ad Almanf. cap. de sola cholera, se vidisse emortuos, quibus ano opium suppositorij forma fuerat appositum. Cum ergo hoc acciderit, antidota per os exhibenda sunt calida, attenuantia, & roborantia, quæ nimiam eius frigiditatem retundant, vt vinum, aromata generosa; & si fortè parti damnum intulerit, eam fouere oportet decoctis, fomentis, & aliis quæ natium calorem robustiorem efficiant, calefaciant, & attenuent, quorum omniam formam latè in com. ult. praxis hist. iii. de opio, proponemus. De opij natura, & medicamentis opiatīs ad omnes totius corporis affectus probatissimis, lege libellum singularem clarissimi Ioannis Freitagi, quæ de hoc argumento appositissime disseruit.

## HISTORIA XXIX. GALENI,

& Auenzoaris, de morbo Regio  
ex veneno suborto.Morus Regius ex vipere morfu, & alio  
veneno contractus, belzaarticiis  
medicamentis curatus.

**I**mperialium seruorum quidam, qui viperarum venationi deputatus erat quum a viperamorsus esset, aliquando tempore medicamenta, quibus uti consueuerat, potabat, quumque uniuersè corporis color mutaretur, adeo vt porri colorem referret, accedens singula nobis enarrauit, cui epota, theriaca, quam celeberrimè color secundum naturam restitutus est, &c. Galenus lib. 5. de loc. affect. cap. 7.

Et sit etiam isteriia ex potu rei malitiosa, sicut accidit Aziz filio Haly, qui erat Constabilis Regis, qui nisi prome, vt ad eum Sibilie ire deberem, & inueni eum glaucum in corpore toto, sicut est cortex citri, & amiserat appetitum comedendi extoto: & considerando cum omni solitudine super negotio, graue mihi videbatur inuigilare, & certificare me de causa huius agriundinis, & hac de causa non audebam ei curam adhibere; & considerando præcedentia infirmantis, non videbam quod ex ipsis istud accidens habere debuisset, eo quod in eodem instanti in quo habuit isteriā, habuit similiter & casum appetitus: cogitauit quod bibit, & comedit rem venenosam, de de natura cuius erat, conuertere, complexionem corporis totius in choleram; & dixi quod hac complexio erat ex proprietate rei dictæ, & non ex sua complexione. Quare conuersus ad Deum, confidens totaliter in eum negaui vi ei minimè plus nocimenti inferre possem, quam illud quod habere videbatur. Dedit ergo ei potandum, pondus trium granorum hõdei de Beze-

*A hard, cum vinciis quinque aqua cucurbita, & posui aquam cucurbita ad reprimendam furiositatem illius caliditatis acquiri, & Bezehard ad expellendum venenum; & sic posui complexionem cucurbita frigidam contra complexionem calidam patientis & proprietatem Bezehard contra proprietatem veneni, & sic inde perfectè fuit liberatus. Vnde ex hac cura fui mirabiliter commendatus, & qui viderunt, & audierunt venena pro nihilo reputabant, faciendo illud. Et nota, quod magis proprium Bezehard, & vtilius cæteris est illud, quod prope oculos certiorum in oritur in partibus orientis, &c. Auenzoar lib. 1. theizir, tract. 1.3. cap. 6.*

## PARAPHRASIS.

**A**lique iecoris vitio à causa externa, vt pote à veneno assumpto, aut morfu virulentorum animalium, morbum auriginosum concitari, his historiis Glenus, & Auenzoar confirmantur, cuius vi sanguis corruptione aliqua peregrina in bilem agitur, ex noxiarum bestiarum morfu venenato concitata, vt Paulus lib. 3. sui operis, cap. 50. & Aëtius tetrab. 3. ferm. 2. cap. 17. affirmant. Et licet deleteria qualitas hepatis comunicata illud ita conspurcet, vt bilis copiam progignat, eamque per totum corporis habitum expellat, & auriginis causa sit; tamen illi solum hoc morbo premuntur, qui biliosi sunt, & illius copiam in corpore coaceruant. Quare si viscera flauo humore sint turgida, icterus fit flauus, ita vt omnia excrementa flavescant; si nigro, & melancholico humore corpus sit refertum, icterus niger confurgit. Vtriusque icteri hæc sint exempla.

Primum proponit Brassauolus lib. 4. aph. in com. sent. 62. & est Sulpitij Tombesij, morbo regio & febre laborantis, cui ex vena iecoraria, incisa torus sanguis extractus exiuit luteus, excrementa lutea, lute sputa, vrina lutea, cuius totum bile erat refertum, adeo vt eius anima in bile viueret vel potius humore corrupto. Aliud exemplum affert Marcellus Donatus lib. 1. de hist. medic. mirabili, c. 9. cuiusdam Campegi, qui à scorpione ictus, totum postea habuit corpus maculis nigris respersum: & nos vidimus, & notauimus, lib. 3. de praxi admiranda, obs. 10.

Si autem hoc accidat, & à veneno aurigo oriatur, tutissimum erit in potum exhibere, quæ veneni malitiam retundant, simulque excedenti illius qualitati reluctentur, inter quæ theriaca primas tenet, cum inter antidota alexipharmacum sit præstantissimum. Narrat Bodinus lib. 3. theatri natur. pag. 316. Ambrosium Gallum Archiatrum in populi concione, Carolo IX. Rege spectante, à vi pera morsum, theriaca ore assumpta, & vulneri imposita fuisse perfanatum apud Montpelienfes, cum morte solemniter theriaca componeretur. Quod etiam sibi contigisse à vipera commorfo scribit Paræus lib. 20. cap. 16. Nam vulneri apposita theriaca conualuit.

Sed quid mirum? quando ipsa theriaca venenosis tumoribus pestilentibus admodum; ipsorum delereriā qualitatem infirnat euidenter, corpusque à tam venenoso humore perfanat: quare periti Medici ex cæpa assa contrusa cum theriaca, & luillo adipe emplastrum apponunt, domando veneno nulli secundum ex Galen. lib. de theriac. ad Pison. cap. 28. de cuius admiranda virtute pro quolibet coercendo veneno, & roborando calore innato, lege Marfilium Ficinium, in sua epidemia antidoto, cap. 6.

Accedamus deinde ad curationem Auenzoaris, quam ipse summa sagacitate compleuit, & solus inter omnes hoc arcanum pro præseruatione, & curatione veneni proposui. Cum enim sint plurima medicamenta alexiteria, quæ antidota solent appellari, nullum ex excellentius Bezehard. Sed hoc nomen est commune omni medicamento alexipharmacum: nam Bel apud Arabes significat dominum, & Zahard venenum; quare quodcunque vel simplex, vel compositum medicamentum, quod à veneno oppressos perfanat, vel ab eo immunes facit, dicitur Bezehard. Sed præsertim lapis Bezehard ex caprarum Indicarum, seu Peruanarum ventriculis extractus, hoc nomen per antonomasiam sibi vendicat, de cuius mirabili

mirabili virtute contra venenum, & venenatos morbos, tam multa dixere aromatum diligentissimi scriptores, ut Garcias ab Horro, Nicolaus Monardus, Christophorus à Costa, Iordanus, Bauhinus, Anselmus Boëtius, & alij, qui ex Arabum mente huic lapidi tot admirandas attribuant facultantes: de quibus, sicut de huius lapidis temperamento, egimus lib. 1. in com. hist. 36.

Sed quæres, num hic lapis cuius ope curatus hic fuit æger, sit ille quem describit Scaliger exercit. 15, num. 7. & ab eo vocatur *Pazar*? Minime quidem, quia ex huius auctoris mente hic lapis in capite cuiusdam animalis inpenitur, in regno Deli, quod Tartaris Carainis affine est, mollis, fusci coloris, amygdali magnitudine, quem certa utilitate, ad omnia venena, in prima commendatione apud incolas haberi, eo loco testatur Scaliger.

Sicne noster lapis Belzaar, seu theriacalis, cuius copia ex Orientali, & Occidentali plaga quotannis ad totam Europam conuehitur, hæsitant multi: nam Monardus tract. de lapide Belzaar, & Gesnerus lib. 2. de animalibus, fol. 111. hanc historiam citantes, hunc auctorem loquutum fuisse de lapide Belzaar Indico asseuerant: de quo negotio vide Matthiolum, lib. 5. in Dioscoridem, cap. 74. & Vlysses Aldrouandum lib. 1. de quadrupedibus, cap. 21. & 22. de hurco Bezaartico.

Ex altera parte facit Auenzoaris auctoritas, inf. à in capite, ubi est scripta historia hæc, cuius mente explanant celeberrimi auctores, qui lapidem huic ægro cum tanta utilitate oblatum, fuisse natum in angulo oculorum cerui contestantur. Extat imprimis Scaligeri summi Medici, & Philosophi non diluta auctoritas. lib. aduersus Cardanum, exercit. 112. dum sic ait: *Cerui lachrymam in nostris mæsarum thesauris habemus charissimam. Ante centesimum annum in cerua nulla est. Post eam ætatem accrescit ad oculi cantum ipsi ossibus, atque in eis prouerberans, concrescit ea duritie qua cornu superet. Qua parte prominet, rotunda est, insigni nore, coloris sului, non sine vestigiis arriorum venularum, tanta lauitate, ut penè tactum effugiat: ita enim sese subrahitis. ut propemodum seipsam mouere videatur. Aduersus venena remedium præstantissimum. Peste correptis datur cum vini momento: Unde tantus cietur sudor, ut penè totum solui corpus credas. Et Andreas Bellunensis Bezaar apertè firmat esse lapidem, qui vocatur Lachryma Cerui, generata in ceruis, quia comedunt viperas, maximè in Persia, ut Tiphali Arabs docuit, libello de gemmis, qui ex Arabico in Latinum est translatus.*

At multò clariùs Ioannes Langius sic huius lapidis historiam describit, lib. 2. epistol. 24. Theomnestus lib. 1. art. veterinariæ, grauis veterinariorum medicina auctor, scribit ceruos, vermes intestinarum inuolucris implicatos, serpentum usu enecare, quos ex cavernis narium spiritu eliciunt, & ne illorum virtus ipsis obsit, ad fontes aquarum accelerant, quibus ad labra usque se immergunt: rum oculis lachryma lentè distillant, qua viscedine sua coagulato, in angulis oculorum in lachrymas natus inglandis pondere coalescunt. Deinde cum sese veneno exoneratos senserint, aquam egressi, in latebras diuertunt, & ut lapis ille visus obstaculum decidat, caput arboribus affricant, quem inquit, ut Bezechard contra quoduis venenum, antidotum efficacissimum, venatores Sicilia, & Orientis magni vendunt: de quo Auenzoar Arabs pondus trium granorum hordei, in lacte, aut aqua cucurbitæ, vel rosarum dissolutum, filio Haly Regis Conestabulis potandum dedit, & eum à virulenta icteritia aurigine liberauit. Firmat Plinius lib. 8. cap. 27. Scribit quoque Scribonius Largus de lapide Bezeartico, cap. 16; Ceruis Sicilia in angulo oculi qui nares versus vergit, nasci fordes, qui venatores contra omne iebolorum virus, & pharmaca deleteria in tutarum volucris deferant. Has ergo fordes ex patulis infra ceruorum oculos foraminibus erui, & in solo papyri inuolucro bene olentes per septennium illitatas seruari. Et Renodus sic scribit lib. 3. de mater. medic. cap. 6. In maiore oculorum cantu ceruorum antiquiorum concrescit liquor quidam, gummi modo, quod mira proprietate sudorem mouet copiosum, & venenatam pestis, aliorumque malignorum affectuum qualitatem oppugnat. Firmat Lacuna lib. cit. in Dioscorid.

A Deinde apros, atque ceruos illachrymate, testis est Plutarchus lib. 7. sympol. cap. 2. quo loco ceruorum lachrymas salias, apros vero esse dulces asseuerat. Nam animal frigidum est ceruus, ardente vero calore constat aper; unde ille persequutores fugit, hic vero atroci sedente ira inflammatus vlciscitur: animal enim ferum est, & adeo natura calidum, teste Xenophonte lib. de venat. ad Cyrum, ut recenter occisi dentes ita ferueant, ut crines, aut setas si quis admouerit, exurant. De isto lapide lege Gesnerum, lib. 1. de animalibus; tit. de ceruo, fol. mihi 111. quem se vidisse ex India Orientali ad Lusitanos missum narrat Amatus lib. 2. in Dioscoridem, cap. 74. Lege Gulielmum Laurembergium, disput. de feb. Petechiali, in fin.

Ponzettus lib. suo de venenis, sic ait: Experimento cognitus est ad omnia venenorum genera pollens lapis, quem vocant Kemne, seu Bezar colore citri splendens, odore, uni, natus ex lachrymis ceruorum. Infirmi enim ætate flumen quotidie ingreduntur in Oriente, & stant in eo immersi usque ad caput donec emittant lachrymas, quæ si frigiditate aeris, & aqua coagulata, vertuntur in lapidem magnitudine anellana, qui ex eunibus è flumine decedit: quod etiam testatur Sennertus, lib. 5. natural. hist. cap. 4. de lapidibus, & gemmis.

## QVÆSTIO XLII.

Utrum ceruus, os ex eius corde, & alia partes habeant naturam proprietatem aduersus venenum. Contra Vesaltum, Anatomicum insignem.

## COMMENTARIUM.

C Oculos ceruorum.] Apex ille sublimis, & eorum qui prodigiosa, & abdita naturæ mysteria scrutantur, quasi quidam Deus merito appellandus, Plinius, obscuram nimis protulit sententiam, lib. 11. sua hist. cap. 53. Ceruorum anima serpentes vri. Exitio his (id est, serpentibus) esse ceruos, nemo ignorat, ut si qui sint, extractos cauernis mandant. Nec verò ipsi serpentes tantum aduersantur, sed membratim quoque fugari eos nidore cornu, si vratur, firmat Constantinus cap. 5. ex Xenoph. Ceruus ex hauriens, & attrahens spiritum, serpentis verriginem facit, & ad se pertrahit: & notauit in Plinium diligentissimus Isaacus Casaubonus.

Nicander in theriac. sic habet: neque sum in vllum serpentem incidas, cum ceruorum motus celeriter fugiens, vitam interimens venenum suum in hominem excusserit: supra modum enim prolizas spiras ducentibus serpentibus indignantes hinc inde leorum parentes & caprea inuestigant omnia aspera loca, sepes, & septia scrutantes, horrendo narium suarum halitu, & flatu accelerantes, latibulisque propinquantes: quam eorum pugnam egregiè describit Oppian. lib. 2. de venat. cap. 21. & Solinus in Polybist.

Hinc Plutarchus lib. de animal. prudentia, ceruos dici asseuerat, non à lauitate corporis, sed à tractu serpentum, quoniam hæc facile ab ipsis attrahuntur, quum enim latent, cornu saxo allisi, & affricati odore, cogunt è latibulis, velint, nolint, prodire. Alij quasi leuem, & curiu promptum ita nuncupant. Confirmatur hoc veteris Glosographi verbis, in lib. 3. Iliad. Homer. Dictus est à deprehendendis, vel capiendis serpentibus: nam eorum usu naturaliter purgatur. Quare Alianus lib. 8. de natur. animal. cap. 6. admirabili naturæ dono vinci ab eo serpentes narrat, neque vllam illis esse fugæ viam, tametsi in latebra abditis, quod ceruus admotis, & latibuli foramen naribus, flatuque emissio, quasi philtro quodam eos cogat exire, quos procumbens interimit, ac vorat, hyeme præsertim; quam vim celebrauit etiam Lucretius, lib. 6. de natura.

Naribus alipedes ut cerui saepe putantur.

Ducere de latebris serpencia sac'a ferarum.

Sed cur cornu cerui attrahit serpentes? Dubia, & difficilis solutio: Plures hanc causam ad occultas reducunt qualitates, quas non nego, immò potius defendo cum Galeno eas concedente, lib. 11. simpl. cap. 6. & 1. de natural. facult. 14. & 3. simpl. 3. & 5. cap. 2. 17. 18. 19. & 23. & 1. per gener.



gener. 16. & 8. sec. loc. cap. 8. & 13. meth. cap. 5. subscribunt A  
 Auic. 2. 1. doct. 2. cap. 15. Meuius, Arabes, & Aphrodisæus  
 in proœnio probl. explicant eleganter Fernelius libris duo-  
 bus de abdit. rerum causis. Inom. Eustus lib. de occult. med.  
 propriet. cap. 1. & 4. Ioannes Franc. Vlmus libris 4. de ocul-  
 is in re medica proprietatibus, Fracastorius, Ruellius, &  
 alij Medici præstantissimi, & Alianus lib. 3. de animalibus,  
 cap. 6. hanc cum philito comparat amatorio, quali trahatur  
 a cerui spiritum serpens, ut à magnetæ ferrum, à succi-  
 no palea, sic ut porius sympathia sit belluarum, quam  
 antipathia: Tamen contrarietas est: nam hæ animantes  
 hostes inter se nominantur, Non igitur illo animæ racia  
 to contenti, & quasi mutuo amore sunt præditi: odium  
 potius, & discordia intercedit: inuitum enim, ac quasi  
 nolentem trahi serpentem tradunt quare non affirman-  
 dum cerui spiritum gratum esse serpenti.

Deinde cûr anima, hoc est, spiritum serui utentur ser-  
 pentes, si serpens frigidissimum animal est, & timidum?  
 quare in prouertium abiit, vir ceruinus seu formidolo-  
 sus, & fugæ magis fidens, quam viribus. Hinc Antisthe-  
 nes, referente Plutarcho orat. 2. de fortitudine Alexand. di-  
 cebat: Hostibus nos omnia bona opta e debere, excepta forti-  
 tudine; ea enim sic fieri non possident, um sed vincuntur. At-  
 que ob hunc usum credi, n. turam ceruo gnanissimæ animalis,  
 cornua miranda magnitudinis, atque asperitatis, ad sui defen-  
 sionem dedisse, docentem, n. hil vires, & arma prodesse ei, qui  
 subsistere non audent. Hinc fit ut ceruorum, & præsertim  
 damarum sanguis sit ferosior, frigidior, ac dilucior, &  
 non densetur. Neque sitis vehementissima, & aquarum  
 desiderium ad quas continuò anhelantes accurrunt, aliud  
 ostendunt: ea insatiabiliter non premuntur, nisi post-  
 quam viperarum cibo satiantur; viperinam autem car-  
 nem sitim mouere incompensabilem tradit Galen. lib. 1. 1.  
 simpl. tit. de vipera, ita ut Lipsis, à sitiendo serpens appel-  
 letur de qua re lege quæ diximus lib. 1. in com. hist. 7. 2. &  
 plura reculerunt de causa sitis ingentis ceruorum, Baldus  
 Angelus Abbatius lib. 6. disquis. cap. 6. & Ioan. Amilianus  
 Synag. 6.

Gesnerus loc. cit. non tamen sibi esse confiteretur Plinij  
 dictum, quanti est ipsa ratio certis argumentis confirma-  
 ta, quamvis displicere non deberet, si quis uti diceret  
 etiam exhausto aere latebrarum, non quidem per se, sed  
 per accidens, quatenus illius aeris feruor calore destitu-  
 tus paulatim exanimatur, & quasi exiccatus vitur. Qua-  
 re ceruus attrahit vi peram, & eius pabulo reparatur, &  
 illius esu naturaliter purgatur, vel subductione alui, vel  
 vomitione, aliòque genere purgationis, ut mensium, vel  
 sudoris, vel expirationis, per totius corporis meatus, &  
 poros cutis. Sic enim singulis annis serpentes pellem  
 exuere, & renouare solent, quam senectam anguim vo-  
 camus, ita illarum eius facit ut mundificentur corpora, ut  
 lib. 1. in com. hist. 84 & lib. 6. in com. hist. 1. latius compro-  
 bamus.

Deinde minimè dubitandum est, cum inter hæc ani-  
 malia adsit mutua contrarietas, quæ d. natiua quædam re-  
 pugnantia, genuinaque, vi alexiteria, ceruus viperas halitu  
 suo interficiat. Nam hoc animal habet vim alexipharma-  
 cam, cuius ope ac beneficio veneni sœuitiem retundit,  
 & maleficientissimam qualitatem corrumpit. Si enim os  
 in eius corde enatum contempleris, admirandaque vir-  
 tutes exanimæ, inuenies id esse contra venenatos mor-  
 bos antidotum præstantissimum: reuatur licet Vesalius  
 lib. 1. de fab. 10. qui hoc os in corde ceruorum reperiri  
 fabulosum esse retur; cuius falsam opinionem redargui-  
 mus, lib. 1. in com. hist. 36. & conuellit doctissimus Reno-  
 dæus, lib. 3. de materia medic. cap. 19. dum sic ait: Maxime  
 autem celebratur illud ossiculum, quod ad b. sin. cordis ceruo-  
 rum annosorum habet adhaesum, quod à figura crucis, quam  
 non male refert venenatos crucem cerui nuncupant plurimum-  
 que ad cordis affectus valere, non solum ipsa experientia ducti  
 docuere, sed & Medici præter experimētum ratione docti con-  
 firmarunt, &c. & probat Ioan. Coitratus Thareus, lib. de  
 febris purpurea, & contagiosa, in fin. Quo loco pro huius  
 febris medela, hoc os valenter auxiliari affirmat. Qua-  
 propter in præstantissima venit antidota, & hoc tam ex-

cellenti, & pretioso medicamēto exornantur confectio-  
 nes, ex hilarans Nicolai, electuarium lætificans Galeni,  
 confectio hyacinthorum, cordialis ab Alexandro Bene-  
 dicto compolita, confectioes liberantes à veneno magi-  
 strales, diamargariton frigidum. Huius ossis est, quod  
 lætificat cor, & sic melancholicis morbis remedio est,  
 vitalem firmitudinem ruetur, & hoc modo cordis affecti-  
 bus mirabiliter succurrit, peste affectis strenuè auxiliatur,  
 & ab hac immani lue, pestiferoque aëre corpus tutatur,  
 humoresque à corruptione præseruat. Denique est me-  
 dicina contra venenum insignis, ut notauit Nicolaus  
 Fontanus, Medicus Amstelodamensis perdoctus, & cele-  
 bris, in suis institutionibus pharmaceuticis, sect. 5. cap. 7. de spe-  
 ciebus & aromaticis in genere.

Sed longè pro peste, & venenatis morbis curandis  
 præferendus est lapis ex ceruino corde exemptus, quem  
 extractum se vidisse gloriatur Vlysses Aldrouandus, lib. 1.  
 de quadripeibus, cap. cit. qui ea præditus erat forma, ut  
 laminis conflatus, cui columbini magnitudinem æqua-  
 ret; & quod iucundum fuit aspectu, (inquit ipse) post-  
 quam comminutus fuit lapis, repertum est ossiculum in  
 medicullio simile cæteris ossibus in corde prognatis, cir-  
 ca quod putamina hæc sese aggregando amplifiçauerant,  
 & in hanc molem, atque duritiem calore cordis extorren-  
 te lapillum produxerant: eum longè præstulerim cuius  
 Bezaar, quum non in capræ ventriculo, sed animalis ale-  
 xicaci corde repertum, maiorem affinitatem habere no-  
 biscum verisimile sit; nisi in pastum causam referas, quod  
 capræ illæ pabulo pollentiore yescantur, quam cerui  
 apud nos.

Accedamus ad reliquas huius animalis partes: Nam  
 præter plurima, quæ in vastis illis voluminibus referunt,  
 ex multorum mente Gesnerus, & Aldrouandus, illud  
 certum est quod genitale cerui tritum, ex vino potum, à  
 vipera demorsus auxiliatur, ut lib. 2. cap. 36. prodidit Dio-  
 scorides, & exemplificat Matthiæolus in com.

Cornu cerui ad plurimos morbos curandos mirabilem  
 potestatem obrinet, nam cinis eius elorus, binis scrupulis  
 epotus, prodest dysentericis, & excreantibus, sanguinem,  
 cœliaci, regio morbo, & vesicæ doloribus cum traga-  
 cantha, sceminis fluxione laborantibus cum liquore huius  
 rei accommodato; vlceribus oculorum, & defluxionibus  
 salutare est; infriatum dentes expurgat, ex Dioscoride  
 lib. 1. c. 50. & fluxis præ nimia humiditate gingiuis reme-  
 dio est, ex Gal. 1. 1. simpl. tit. de cornu ceruino, & Auic. lib. 2.  
 cap. 281. Paulo lib. 7. eodem titulo. Hydropem sanat, ver-  
 mes necat, ex Serapione cap. 468. Veneno resistit, adeo  
 ut eius fumo serpentes illico fugentur; quo pacto in ce-  
 lebratissimas supra nominatas ingreditur confectioes,  
 & plurimis aliis permiscetur antidotis, de cuius vi mira-  
 bili sat plura prædixit Plinius, lib. 8. cap. 22. & eius eximias  
 dores collegit in compendium Andreas Hildebrand, in  
 epistola de cornu ceruino.

Ob hanc causam firmant naturæ periti, ceruos cornua  
 decidua occultare, & præsertim sinistrum, ex Arist. 3. de  
 hist. animal. cap. 5. In quo maior est vis, quod eorum vtili-  
 tatem homini inuideant: sic enim Alianus lib. 3. de hist.  
 animal. cap. 17. & 19. Cum probè nescit ceruus, magno esse usui  
 mortalibus cornu suum dextrum, præuidentia, ne eo finantur,  
 defodit humi: & Plutarch. lib. 7. sympos. quest. 2. cornu indefi-  
 nitè profert. Et Solinus cap. 19. Polyhist. dextrum esse, quia  
 hoc efficacius ad medelam: & explicat clarissimus Sal-  
 masius in com. ut solet luculenter. Si iam cornuti castren-  
 tur, nec crescunt, nec decidunt, sed eandem magnitudi-  
 nem referunt. Cæterum hanc rem alij aliter interpretan-  
 tur, ut Oppianus sic canens:

Ast ubi pulcherridis sublimia cornua ramis  
 Vertice labuntur, præsertim sidere verno,  
 Effodit exemplo foueas, & humata recondit,  
 Nequis humi natus capiat sic fore relicta:  
 Tum profugus degens extremis abditur oris,  
 Denique iusta pudore graui suffusus oberrat,  
 Turperatus coram nuda ceruice videri,  
 Quam tanto fastu sublimem attolleret ante.

Alij sic ratiocinantur. Cornua ceruina temporis decursu  
 sunt



sunt ita solida, & dura, ut soliditate, duritiæque sua ad lapidum naturam accedant; quare decidua sunt utilitatis causa, ut onere leuentur, sunt enim ponderosa nimis: sic explicant Arist. 2. de partib. animal. cap. 2. Albert. Magnus lib. 3. de animalib. tract. 2. cap. 1. Bassianus Landus Placentinus lib. 1. de histor. human. in med. Vtrum verò soli cerui inter cetera animantia, cornua amittant, quoniam illorum cornua ex cranio non exoriuntur, ut reliquis cornigeris, sed cuti solummodò adhærent; quo pacto in Phrygia, aliisque locis boues illa perinde atque aures mouent, 3. de hist. animal. 9. An quia verno tempore noua cornicula suboriuntur, quo etiam serpentes, & aliæ quædam animantes ponunt aridum, duratūque exuium, cure noua nascente; & aues nidificantes, pennas, quadrupedes, pilos; & sic nouorum cornuum germina veteribus subnascencia, ea propellant & extrudant, agitat Gesnerus loco citato de quadrupedibus, solertissimè.

Certissimum tamen est, ceruos in plurimis partibus habere alexiteriam vim, & natura quadam forte veneno resistere, venenosisque serpentibus innoxie vesci, non solum propterea quòd vipera est familiare alimentum ceruis, ut asseruit Theophrastus lib. 4. de caus. plantar. cap. 10. §. Quod cum in multis palam est, tum omnium ferme consensu in ceruis patet, qui viperas edunt, quibus cetera moriuntur. tamen si multo maiora, robustioraque sunt, &c. Sed quia illi virtutē in se habent ingenitam domandi venena; nā auctore Lacuna loc. cit. in Dioscorid. sanguis ceruinus epotus cum vino contra venena auxiliatur strenuè, & præsertim os ex eius corde extractum. Hoc modo, pudendum ceruinum est contra venena antidotum, ex Amato 2. in Dioscor. 39. & firmat Franciscus Valescus lib. 1. de quadrupedibus, cap. 10. Sed omnium maximè præsentaneum est contra omnia venena, lapis in oculorum cantho enatus, de quo memorabilem obseruationem in hunc locum, ut commodiorem, describendam hæcenus referuo.

### Obseruatio.

*Lapis Belzaar ex cantho oculorum cerui extractus, contra venena, efficax antidotum*

Anno 1597. In Conimbricensi Collegio laborabat maleficientissima febre Pater Emmanuël; Aluares sexagenarius, excellens Philosophus, (qui commentaria in libros Arist. de generatione, & anima, quos Physici summa cum voluptate perlinstrant, conscripserit) & ad id venenatæ febris ferocitas insilierat, ut nullum non remedium adhibuit genus contempserit. Celebriores illius inclytæ Academiæ Professores, vñà mecum vocati, qui fortè exercendæ praxis gratia cum eis conueneram. Accessimus, exploramus pulsum, qui obscurus, paruus, debilis, & inæqualis erat. Aderat anxietas maxima, crebra vomitio æruginosa, inquietudo assidua, extremorum frigiditas, vigilia importuna, delirium ferox, lingua scabra, sicca, vrina pasica, aluus adusta, denique cum inaperens, & immorigerus esset, immò ad fauces mortis deductus, & à Medicis pro deplorato habitus, ecce in nono morbi die obuiam sese obtulit Pater Ioannes Correa, qui in Orientali India apud Iaponenses, & Magni Cosmi beneficiarios, in eadem societate triginta annorum spatium, Prouincialis munere functus fuerat: in quo terræ tractu sicut diuersa venenorum genera reperiuntur, sic Creator omnipotens benefica manu, humani generis misertus, tot contra ea innumera ferè creauit antidota: & capsulam auream paruulam in manu gerens, ex ea extraxit lapidem in oculo cerui enatum, rotundum, nucis iuglandis paræ magnitudinem habentem, colore cineritium, læuem. mediocriter ponderosum, cuius vi ac ope, tam dirum, malum eradicandum esse, sicut iam quater in venenatis, & commorisis à tigride, fuerat expertus, certò sperabat. His dictis, adstantibus Medicis, & præfente Patre Francisco Suaresio, Philosopho summo, & in illa Academia Theologiæ Professore primario emerito, illius Societatis alumno, cultello aureo acutissimo abrafit leuissimè lapidem, & pulueris tenuissimi, velut

Lib. V.

A minutissimæ scobis grana tria, cum vncijs duabus aquæ stillatitiæ scorcupereæ, ægro iam moribundo in porum propinat. Post haustrum ferocius reluctatur, & in varias figuras se iactans, tandem dimidiæ horæ spatio placidè obdormiuit, & expergefacto, tam copiosus ex vniuerso corpore, calidus per horam emanauit sudor, ut vix compesci posse assistentes dubitarent: quo cessante, paulatim æger ad mentem rediit, dormiit suauiter, edit alacriter, & citra febrim, à tanto malo in vndecimo die immunis euasit. Hic ergo lapis contra venena, & venenatos morbos, est antidotum pretiosis Regum thesauris anteponendum; & sic apud Proceres Indiæ in similes vsus maximè æstimatur, quem illi dedisse dono, Principem Iaponensem vocarum Micoronon dono, Prouincialis ipse affirmabat.

### B HISTOR. XXX. AVENZOAR. De dysenteria venenosa.

Dysenteria venenosa, smaragdo supra ventrem imposita, curatur.

Expertum est, quòd suspensio smaragdi in dysenteria, est mirabilis efficacia, & inuamenti. Cum autem liberatus fui, & euasi à manibus Haly, & suorum hominum, rediens Sibiham, vidi in via quandā herbam, quam putari esse addiō siluestre, & non dubitabam: Acceperum de illa comedi modicum, & inde habui dysenteriam magnam, cum dolore ventris, & cum perueni Sibiham, adhuc durauit dysenteria. Tunc suspensi super ventrem meum smaragdum vnam, & aliam posui in ore absque trituratione, & liberatus fui incontinen-  
C ti, &c. Auenzoar lib. 1. theizir, tract. 2. cap. 5.

### PARAPHRASIS.

Orti dysenteriam à veneno, ipsamque populariter grassantem pestis instar mortales corripere, nouum non est: si enim venenosa qualitas omnibus corporis nostri partibus est infesta, cur non intestinis? Deinde si humor dirus, & maligna, deleteriæque qualitate infectus, in intestina procumbat, cur non abradet, excitabitque in iis vlcus dolosum, & cacoëthicum?

Hoc asserunt Antonius Cathaginienfis lib. de febre pestilenti, tract. 3. rubric. 2. de fluxu venenoso; Gúainerius tract. de venenis, tir. de dysenteria venenosa: & noster auctor hoc morbo oppressus, præter plura med camenta, quæ par est illum pro salute sua fuisse machinatum, nullum præstantius se lapide smaragdo inuenisse refert. Cum enim à venenosa herba, quam ille non describit, nec nos quæ fuerit, diuinare possumus, acri forte, acuta, & vim venenosam sortita, abrata essent intestina, nullo alio potuit sibi opem ferre auxilio, quàm smaragdo super ventrem apoposita: cuius vis alexiteria per poros cutis simul cum aëre attracta, intestina firmavit, & prauam qualitatem ipsis insidentem correxit, & penitus extinxit.

Audi ipsum supra, in eodem capite, dum sic ait: Quoniam si in principio sciueris morbum esse ex veneno, citissime tunc dare debes infirmo, ex optima smaragdo pōdus nouè granorū, ex smaragdo trita, & cribellatā subtiliter cum aqua calida, ieiuno stomacho, & videbis in operatione huius rem mirabilem, &c. Et in præfatione sui operis sic habet: Et si aliqui: fluxum magnum patiaturs causa alicuius medicina acuta, vel ex aliquo humore venenoso, vel malo, curatur ex eo. Et qui habuit prædictum fluxum, si receperit pondus nouè granorum bordei ex smaragdo trita, & subtiliter cribellata cum aqua calida, ieiuno stomacho, curabitur ex ea. Et est necessarium ei, qui recipit theriacā, vel smaragdum, ut taret à potu, & cibo, usquequò transcant hora septem, vel parum plus, vel minus ab ipsorum receptione. Itē si smaragdus suspendatur vtri fluxum habenti, vel dysenteria, liberabitur inde. Cur verò tantā utilitatem præstet smaragdus pro hoc morbo. epilepsia, aliisque grauissimis ægitudinibus curādis, latè diximus lib. 1. in com hist. 22. De cuius utilitate eximia pro curanda  
GGGg dysenteria

dyſenteria epidemica, vide Ioan. de Lamoniete proprio li-  
bello, de huius affectus curatione, in fin.

In curatione dyſenteriz peſtilentis & venenofæ, loco ſmaragdi alia poſſunt offerri, quæ non ſolum veneni malitiam retundat, ſed adſtringant, & inreſtina, partēſque naturales firmare nata ſint, vt bolus Armenus, cornu cerui uſtum, os de corde cerui, margaritæ, raiſura choris, ſantalum, roſa corallum, ſemen rumicis, & cætera medicamenta, quæ venenis medentur: quorum uſu plures, anno 1583. conualuiſſe, dyſenteria epidemica maligna venenofa, narrat Gregor. Turonenſis, lib. 5. hiſt. ſue. Materiam verò remedium fuſe exaratam ſi legere concupiſcis, adi Ioannem Colle, Medicum Patavinum excellentiſſimum, qui in lib. 3. de morbis malignis, c. de dyſenteria venenofa, eā ex profeſſo deſcripſit. Lege plura de eius ratione, apud Ioan. Gadeſden, qui vocatur Roſa Anglica, tract. de morbo particularib. ſit. de dyſenteria, & Ioan. de Concoregio, lib. 9. ad Almanſ. eodem titulo: & pro domando veneno, in febris maligna cum dyſenteria complicata, vtiliſſima auxilia propoſuit Antonius Fonſeca Luſitanus, in ſuo de epidemia febrili non ineleganti libello. Et de eius mirabili virtute contra venena, pulchra conſcripſit Anſelmus Boërius lib. 2. de lapidibus, cap. 53. & eius Scholiaſtes Adrianus Toll. Medicus doctiſſimus.

## HISTOR. XXXI. GALENI, De theriacæ compositione.

Plurima experientia ad theriacæ compositionem eſt neceſſaria, quod egregio exemplo comprobatur.

Vnde quidam theriacā rhodio melle cum admixuiſſet, & eā ego conſpexiſſem, id quod eneuerat, ex melle quod impoſuerat, accidiffe dixi. Mirabatur autem ille. Tum ego ruſus eū interrogavi, nūquid & mel plurimum coxiſſet, ipſumque diuiniſſe deſpumiſſet. Qua ſe feciſſe cum fateretur, ob hoc etiam mirabatur, ac ſi reconditi quippiam ex me audiuiſſet. Hinc ipſe ſuam temeritatem damnare cepit, quod ex ſola librorum lectione conſicere theriacam auſus foret. Alius quoque theriacam mihi videndam obtulit, quam compoſuerat, acidam factam, cauſamque ſciſcitabatur. Cum ergo ex me cognouiſſet, ſe plus vini quam per fuerat, impoſuiſſe, nec defecati, nec antiqui, forſanque & plus panis, quam decebat, non ritē conſecti, viperinis carnibus admixuiſſe, ſicquerem ſe habere fateretur, vt temerarium à nobis obiurgatus diſceſſit, & c. Galenus lib. 1. de antidotis, cap. 7. & 8.

### PARAPHRASIS.

Plurima ſunt, quæ à Iuniorū Medicorum peritiſſimis præſertim Bononiensibus, Londinenſibus, & Auguſtanis, ad veram & exactam, tam nobilis & vtilis medicamenti compositionem, ſapienter, doctēque ſunt animaduverſa. Quorum primum eſt, vt ſimplicia quibus adornatur, ſint perfectæ, optima in ſui ſpecie, legitima, & non adulterata; ob quam cauſam noſtro æuo theriaca non rectē paratur, vt lib. 1. in com. hiſt. 27. protuliſimus, & omnia examinauit ad vium Rondeletius in tract. de theriaca: fecit etiam Bartholomæus Marantha, & graphicè, & accuratē correxit Nicolaus Fontanus, in ſuis inſtitutionibus pharmaceuticis, ſect. 8. cap. 3.

Secundum, vt pareretur cum eiſdem omnibus ponderibus, quibus à Michridate & Andromacho eſt compoſita. Tertium, vt mel ſit dulciſſimum, acerrimum, nullo externo ſapore conſtans, coloris flauo, relucentis, purum, odoratum, mediocriſ crassiſſiei, vniſormis, æqualis, tenacis, & vt ſilum ducat, viſci inſtar, tempore verno ſit collectum, ab apibus in loco thymis frequentibus, & aromaticis, ſiccisſque herbis conſito, & per duos annos ſit rectē ſeruatum, quod ad ignem minimè coquatur, ſufficit vt incaleſcat tantillum, donec eleuauerit ſpumam, illicōque

A coletur; aliter enim conſici theriaca non poſſet, cum quantitate ſola mellis in deſcriptione præmiſſa.

Hinc conſtat, qua temeritate fuerit ductus Medicus hic, qui mel plurimum concoxit, diatriſque deſpumauit, cuius cauſa diutiſſimè incorruptum ſeruatur, ex Gal. 1. alim. 10. immò quantitas minuitur: in parua autem quantitate theriacæ virtus, quæ longo tempore indiget ad ſui fermentationem, conſeruari haud poteſt.

Deinde vinum ſit vetus, vinoſum, dulce, non aſterum, non fumoſum, minimè corruptioni obnoxium, coloris flauo, lucido, transparentis, non craſſum, aut turbidum. Non ergo miremur, ſi theriaca ab illo compoſita eualeſcit acida, cum vinum eſſet turbulentum, nec antiſium. Quapropter ad huius antidoti, cæterarumque illuſtrium confectionum apparatus, vinum ne acceſcat, in cella vinaria calida reponi debet, ne frigiduſculum factum ab extraneo aëre occupetur magis, & ſic calidis herbis ob eandem cauſam eſt coōperiendum, vt Galeni pater miro ingenio faciēbat.

Licet enim vigente æſtu, & ſæuiente bruma vinum acceſcat: nam nimius ambientis calor, natium vini calorem attrahit ad extra; vehemens frigus humiditatem exprimit ſiccitate ſua: qua diminuta, naturalis rei calor non rectē obrinetur: Tamen moderato calore vinum conſeruatur. Quæ autem acorem vini impediunt, proponunt facundè Ruellius, lib. 1. de natur. ſtirp. cap. 143. & Leuius Leinius lib. 2. de occult. natur. miracul. cap. 52.

Vltimò adnertere licet, vt theriaca verno, aut ſaltem æſtuo tempore pareretur; quoniam cum ipſa non proſit, niſi poſt ſextum menſem tranſactum adminiſtrata, in his temporibus ob aëris caliditatem atque temperiem, perfectam fermentationem inter ſe ſimplicia nanciſcuntur; autumnali verò, & hyemali tempore, ob contrarias cauſas nequaquam: mel enim glaciem concipit, nec in ſe aptè recipere medicamenta poteſt. Cætera verò ad theriacæ præparationem neceſſaria, lege apud Angelum Buſtum, diſput. de mellis conueniente quantitate ad theriacā componendam. Conrad. Hofmannum in ſua analyſi compositionis theriac. Andromachi. Eliam Bonfinium lib. de theriac. deſcriptione, & ingredientiu delectu, quantitate, & præparatione. De quo argumento elegantiffimè inter omnes diſſeruit Daniel Becherus, Regiomontanæ Academiæ primarius Profeſſor inſignis, diſput. de theriaca.

## HISTOR. XXXII. GALENI, De ſaliua vi alexipharmaca.

Saliua humana, aduerſus mortiferos animalium ictus, præſentaneum eſt antidotum.

Saliua tota ſubſtantiā vel maximè aduerſa eſt beſtiis hominē interficientibus, ceu alicubi etiā Nicander Poëtarum liſt. Politeum autem mihi quidam incantationem ſeſe oſtenſurum qua ſcorpionem interficeret: ubi illam tertio dixiſſet, atque expuiſſet, mortuus eſt ſcorpionem. At poſtea ego abſque incantatione, à ſola ſaliua morientem vidi ſcorpionem; idque celeriter parietem à ſaliua eſurientium, aut ſitientium, tardè autem ab illis qui cibo, potūque fuerant impleti: in aliis autem proportionem, & c. Galenus lib. 10. ſimpl. cap. 16. de ſaliua.

### PARAPHRASIS.

Non inutile Galen. pro enecandis ſcorpionibus auxilium edocet, ſed facile, ac maximè ſalutare: nam ex horum morſu pars quæpiam, dolore, diſque cruciatibus afflicta, phlegmonem contrahēs, putredine citiſſimè morticinium ſentit, quoniam præ venenofa qualitate virulenti animantis, natius patris calor citò extinguitur. Vt ergo hæc fieri prohibeantur, ſi fortè fortuna ſcorpionem ictum inſligere velit, ſaliuam in eum expuere oportet, quam à proprietate, ſcorpionum, aliorumque animalium venenorum ictibus valenter reſiſtere, probat Gal. lib. de bonit.

& vit. succor. cap. 2. & lib. de inequal. intemper. c. 18. & post A  
eum firmarunt eleganter Plinius, lib. 28. cap. 8. Lacuna in  
prefat. lib. 6. in Dioscorid. in med. Arnald. supra quaestionem  
de mala complexionem diuersa. Cælius Calcagninus lib. 1.  
epist. Qui de saluæ humanæ aduersus venena potentia, &  
efficacia, mirabilia prædixerunt.

Salina ergo, liquor qui ori innatat, linguamque hume-  
stat, ac cibum irrigat, nihil aliud est, quam pituitosum  
quoddam excrementum, quod in ventriculo ex alimento-  
rum succo conceptum, ad cerebrum defertur, atque hinc  
ad linguam, faucibusque corruatur auctore Leuino Lemn.  
lib. 2. de occultis natur. miraculis, c. 44. de salina humana ef-  
fectu: de cuius significato, & usu diximus lib. 2. in comm.  
hist. 9.

Hæc cum sit ex pituitæ genere; ut notat Galen. lib. 3. de  
loc. cap. 7. Plurimas sortitur differentias, penes substantiam  
quam habet. Nam alia est crassa & viscida, alia tenuis, al-  
tera spumosa; aliquando est copiosa, interdum pauca, sæpe  
est insipida, falsa, amara, dulcis, acida; & à calore etiam  
alias differentias habet, quoniam est alba, nigra, pallida. De  
harum differentiarum causis pulchram fecit dissertationem  
Mercurialis, lib. 3. de excrementis, c. 3. de cuius etiam signi-  
ficatione, & superstitione apud antiquos Lipsius docet,  
non valde longè ab extremo 14. lib. annal. Taciti, in notis.

Accedamus ad eius effectus. Auicenna. 1. 1. doct. 4. cap. 2.  
multam saliuam adiumentum præstare ad perficiendam  
coctionem arbitratur; quod probat exemplo tritici masti-  
cati, quod tubercula concoquere potest, non ob aliud,  
nisi quia in masticatione, huiusmodi saliuæ vi coquendi  
prædita tritico permiscetur. Ob hanc rationem scribit  
Gal. 5. sec. loc. 1. Fabæ lomentum commansum summè  
discussorium euadere, ob facultatem à salina sibi commis-  
sam.

Hac de causa furunculos, lichenas, mentagram, impeti-  
ginem, variolas, serpiginem, omnemque alterius generis  
pustulas abstergit: lepræ ieiuno ipsius illitu assiduo arcentur;  
lippitudines matutina quotidie inunctione; carcinomata,  
& cæteræ deterrimæ inflammationes hoc auxilio  
curantur; & alij tumores inueterati solius saliuæ conta-  
ctu mitescunt.

A probatissimis Medicorum inculcatum, hoc præsi-  
dium contra ictus venenosorum animalium prodesse  
summè, & ieiunam saliuam contra serpentes auxilio esse;  
quod Lucretius lib. 4. cecinit.

*Est itaque ut serpens hominis contacta salinis,*

*Disperit, ac sese mandendo conficit ipsa.*

Maximum inter hominem, & serpentem est dissidium,  
temperamentisque repugnantia, ut scribit Martio Symy-  
næus, qui de simplicium effectibus disseruit, & rumpi Ico-  
lopendras marinas sputo tradit, rubetas, aliaque ranas.  
Plinius lib. 28. cap. 4. serpentes emori dixit, si quis in hia-  
tum earum expuat, ut probat Franciscus de Verulamio  
libel. de sympath. & antipath. in med. Argumentum huius  
rei hoc sit firmissimum, quod non modò animalcula no-  
xia interficiat, sed argenti viui malitiam extinguat atque  
eoerceat, atque mobilitatem illi eripiat, ut passim experi-  
mur in confectioe vnguentorum, quæ pro morbo Gal-  
lico, aliisque contagiosis morbis parari solent, in quæ in-  
greditur Mercurius, quem ut innocentior reddatur, extin-  
gui saliuæ humana Medici præcipiunt, maximè si sit esu-  
rientium, ac sitientium: Quoniam ut vrina, & bilis, sic  
etiam saliuæ sumptio cibo imbecillis est; valida autem &  
acris eorum, qui ingenti aut inedia, aut siti premuntur. In  
medio est, eorum qui probè concoxere, nondum tamen  
cibum, porumve ingesserunt, ut citato loco in quo est scri-  
pta historia hæc, Galen. affirmat. Ergo citra incantatio-  
nem saliuæ humana, mutua, quam cum serpentibus habet,  
repugnantia, scorpionum, & cætera animalia venenosa in-  
terficet. Vtrum autem verum sit, quod de præcantatio-  
nibus fertur, accuratè (nisi erro) ex mul-

torum mente auctorum dixi,

lib. 1. in comm. hist.

ultim.

## HISTHOR. VLT. AVENZOAR.

& Galeni, de veneno.

Venenum à Medico nullo modo propi-  
nandum, vel indicandum: quod illu-  
stri exemplo confirmatur.

**M**edicus si scit aliquid de venenis, non est nisi ut sciat  
eorum accidentia remouere, & suis nocuentis obuia-  
re, & nō ut sciat ipsa in se, & in suis effectibus alio modo, nisi  
fuerit infidelis, & suas fides proprias voluerit denegare; pro-  
pter hoc quilibet Medicus teneatur observare, præcepta Hippo-  
cratis in hoc casu, quæ sunt, quod quilibet doctor in medicina  
non debet aliquem discipulum docere, nisi prius iurare faciat  
ipsum, ne utatur medicinis mortiferis, vel venenosis ullo mo-  
do. Et pater meus, cum essem puer, & discipulus suus in medi-  
cina, me iurare fecit, ut nullatenus medicinis venenosis, vel  
mortiferis uti deberem. Et cum sic iuuenis essem, & novus in  
medicina, ibam de una ciuitate in aliam prædicando. Quadam  
vice sic cundo, sociatus sum uni proditori, qui à me occultè vo-  
lebat discere aliquam medicinam mortiferam. Et ego ab illo  
habueram in feudum periam unam terram quam mihi abstule-  
rat. Qui dixit mihi, habeam eam de cætero à me liberam, & se-  
curam, credens quod ego essem de illis, qui propter pecuniam  
perditionem facere deberem, & meam corrumpere legalitatē.  
Et idem adulator, quem Deus destruat & confundat, illud  
dixit mihi palam, scilicet quod ei dare debebam medicinam,  
qua velociter posset occidere; cui iuravi per Deum verum, &  
pro certa veritate, quod nihil de talibus cognoscebam: dicēdo  
ei quod Medicus (in quantum Medicus) de talibus scire non  
debet, nisi ut cognoscat, & sciat ex iis accidentia remouere.  
Qui dixit mihi, quomodo à me vis te occultare, & celare, post-  
quam tibi meū secretū volui pandere, & manifestare? Quare  
timui valde, & dixi ei Secretum tuum quod mihi aperuisti à  
me non manifestabitur alicui in perpetuū. Et postea dixi ei,  
expecta donec perquiram libros, & demum faciam tuam vo-  
luntatem, si Deo placuerit. Qui dixit, quātum vis ut expectē?  
respondi, da mihi spatium quindecim dierum: & illum termi-  
num quasui, quia affectabam fugere ab eo, & fui die illa in  
magna angustia, & tribulatione. Mane autem facto inssit pro  
me, & timui ne mitteret illa de causa; quare dolui ad mortem:  
& cum venissem ad eum, vidi quod iam Deus, cuius nomen sit  
benedictū in sacula, punierat eum, & inneni eum iacentem, &  
prostratum, absque sensu & intellectu, in tantum ut me non  
cognosceret, & c. Auenzoar lib. 1. thez. tract. 2. c. 5. in fin.

Accusatur Medicus, quod exitiale medicamentum dede-  
rit: Dedit autem illud puero cuiusdam mulieris, quæ illi, ut id  
emeret, mandauerat. Illa verò postquam venenum id habuit,  
iussit vi feruere, qui priuigno ministrabat, illud ipsi offerret;  
quo assumpto, ille mortuus est. Vnde omnes damnati sunt, no-  
uerca, & ille qui venenum obtulit, & ille qui emisit, & præterea  
Medicus qui venenum vendidit, & c. Galenus lib. de causis  
procacitatis, & cap. ult. in med.

## QVÆSTIO VLTIMA.

Vtrum toxicum, & venenum ad conuertentiam di-  
cantur. Contra Casalpiniū Medicum  
præstantissimum.

**F**ortissimus medicinæ choragus, in illo suo iureiurando,  
num. 2. In quo viger succus, & sanguis incorruptæ ve-  
ritatis, & splendet naturalis, & non adulterinus pietatis  
nitor, lege quadam sancta stabilivit, discipulosque suos  
arctissimo, & inuiolabili iuramento addixit, ne vlli vene-  
num propinarent. Sic enim habet Asclepiadarum ful-  
gentissimum iubar: Neque verò ullius preces apud me adeo  
valide erunt, ut cuius venenum sim propinaturus, neque etiā  
ad hanc rem consilium dabo. O sententia sempiternæ me-  
moriz commendanda! ô elogium oraculo Delphico ex-  
cellentius! ô præceptum Medico pio, vero, sincero, &  
quod plus est Deum timente, dignissimum!

Nam præterquam quod Medicus debet esse pietatis

cultor, & famæ, nominisque sui retinentissimus, aliisque debet esse optimis dotibus instructus, quas describunt Hip. lib. de medico. Explicant Valleriola, lib. 1. loc. com. c. 4. Roderic. à Castro lib. de medic. politic. Renodæus 1. in stit. pharmaceuticar. c. 1. Septalius in cautionibus, & alij: *amen turpis calamitas est, medicamento dato hominem occidere, ut Hip. dicebat lib. de medicam. purgantib. num. ult.*

Immo funestum, durum, execrabile scelus, mortem pro medicina propinare, ut notauit Heurnius doctissimus in com. inreiuandis Hip. Quoniam Medici sunt Dij tutelares, vel, ut cum Gal. loquar, lib. de medico, cap. 3. Deorum filij meritò esse censentur. Hinc medicamenta, Deorum manus, lib. 6. de compos. medic. Herophilus vocat. Quare Medicus, qui auaritia, egestate, temeritate, odio, venenum vel exhibet, vel propinat, meritis pœnis est condemnandus, immò grauioribus suppliciis ut proditor afficiendus; & sic iureconsulti hoc impio scelere commoti, venenandi crimen, præsertim in Medico, qui post Deum, humanæ vitæ debebat esse defensor acerrimus, grauisimum arbitrantur, quoniam homicidio grauius est, lib. 1. c. de malef. & mathem. probant Baldus in lib. nemo clericus. Farinaceus quest. 122. part. 1. n. 4. Caballus in tract. de omni genere homicidij, n. 583. Qui in hoc scelere ita sunt seueri, ut non distinguant nobilem ab ignobili, sed vtrumque patibulo suspendi iubent, quæ pœna ignobilibus solis solet irrogari, ut ex tam variis auctoribus confirmat celeberrimus nostri temporis Medicus, Paulus Zacchias lib. 2. quest. medico-legalium, tit. 2. quest. 1. num. 5. ad cuius amœnissimam, & vtilissimam lectionem te remitto.

Medico licitum est tractare de venenis, ut ea cuitet, & aliqua medicamenta ex iis componat, cum aliis cardiacis permixta, salutis humanæ valde proficua, ut probat Cardanus lib. 1. de venenis, cap. 1. Nam viperæ caro ingreditur in theriacam; opium, in philonium; cantharides, ad medicamenta peculiararia, & ad hydropem commendantur. Nappellus, ad lepram: & exterius ad pleraque vtilia sunt spuma argenti, ærugo, Mercurius, & alia metallica. Tamen necesse prius est, ut accuratè distinguat, quid in antiquorum monumentis sit toxicum; in hoc enim, auctores video esse discordes: quare operæpretium duxi, illius significatum, & essentiam indagare ad vnguem, ne postea aliqua hæsitandi occasio possit superesse.

Omne ergo siue pharmacum, siue medicamentum, quod licet exiguum, perimit, est toxicum, ut Arist. ex versione Gazæ tradit, 1. sect. probl. 48. Quare quodlibet venenum maximè exitiale, & perniciosum, per antonomasiam toxici nomine insignitur, ita Plautus in Mercat. act. 2. scèn. 4.

*Certum est, ibo ad Medicum, atque ibi me toxico morti dabo.*

Ita vniuersè accepit Martialis, lib. epigram. 5. epigram. 118.

*Effecit poro Mithridates sape veneno,*

*Toxica ne possent sana nocere sibi.*

Quare ad omne venedi genus explicandum, toxici nomen usurpatur. At toxicum propriè species est. Quid autem? Non est ad enucleandum facillè. Plures herbam esse sibi persuadent, & herbam certam, quam Arabes napellum appellant, quod eius succo sagittæ inficerentur; probat Cæsalpius lib. 3. sua medicin. cap. 20.

Sed hæc opinio reprobat à Matthiolo, lib. 4. in Dioscoridem, cap. 72. & lib. 6. c. 20. Quoniam adest diuersitas symptomatum, toxico attributorum à Dioscoride, & napello ab Auic. ut & remedium; & longè sunt deteriora toxici incommoda, quam napelli. Deinde si hoc verum esset, aliæ herbæ certæ dici toxicæ poterunt, aliique succi, quibus tingi sagittas non ignoramus, ut probat Bacchius in prolegomen. venenar. cap. 5. & cap. 14. art. 6. Hac ratione Ponzettus lib. 2. de venen. c. 24. Toxici non esse vnum genus affirmat, quia sagittas non modò napelli succo, sed etiam ellebori, aconiti, quinetiam felle Leopardi, immò sanguine humano cum viperina sanie commixto, Parthi, Scythæ, Egyptij inungebant, ut auctor est Plinius lib. 11. cap. 52. & firmat Nicandri interpres in alexiph. Lethale venenum, irremediabile scelus. Qui hoc potarunt, vel telis hoc veneno delibutis icti sunt, mente non constant,

A immò cum linguæ, & labiorum tumore, rabie efferati, instar luporum vociferantur. His autem passum cum oleo rosaceo potum, raporumque semen ex vino haustum, ac crebra vomitione redditum, auxilio est, ut auctor est Dioscorides, lib. 6. cap. 20.

Ex hoc loco Dioscoridis, toxicum esse putat omne venenum, quo arcus, siue iacula tinguntur, ut Aëtius refert, tetrab. 4. ferm. 1. cap. 70. Gellius lib. 17. cap. 15. Plin. lib. 25. cap. 5. Virgil. lib. 8. eleganti metaphora, ac translatione duplici, quam notauit Quintilianus lib. 8. cap. 16.

---- Quo non felicior alter

*Vngere tela manu, ferrumque armare veneno.*

Et rursus lib. 10.

*Calamisque armare veneno.*

Sil. Italicus lib. 3. de Mylis, qui Annibalem aduersus Romanos erant secuti:

---- Sceleratæque succis

*Spicula dirigere, & ferrum infamare veneno.*

Lucanus lib. 8. dissuadens profectionem in Parthos, sic ait:

*Nec puer, aut senior lethales tendere nervos*

*Seguis, & à nulla mors est incerta sagitta.*

Tum. *Spicula nec solo spargunt fidentia ferro*

*Stridula, sed multo saturantur tela veneno:*

*Vulnera parua nocet, satumque in sanguine sumo est.*

Et rursus Italicus lib. 1.

*Dacus ut armiferis Getica telluris in oris,*

*Spicula, qua patrio gaudens acuisse veneno,*

*Fudit apud ripas inopina binominis Istri.*

Et simplicius Poëta Ouid. lib. 4. de trist. eleg. 1. sic cecinit.

*Hostis habens arcus, imbuique tela veneno.*

C Vide, & 2. amorum, eleg. 2. & 4. de Ponto, eleg. 7. Alian. lib. 6. de animal. c. 16. Et Homerus in Pylæa lib. 1.

---- Iaculis lethalia pharmaca quarens,

*Queis queat in bellum iam Martis iturus Vlyssa,*

*Vngere tela manu, ferrumque armare veneno.*

Ita in Orientali plaga, & Occidentali Caribes, siue Cannibales Anthropophagi habitant, quibus mos est sagittas succo cuiusdam herbæ tingere, quæ intra paucas horas perniciem adferunt, nulla spe remedij, ut auctor est Martin. Egnatius cap. 2. nauigat. ad Sinas, & Franciscus Lopus de rebus Indicis sapissimè. De his lib. 2. nauigat. Christoph. Columb. Laurentius Gambarà, Poëta non ignobilis, metaphora vsus Virgilij, sic canit.

*Hæc sunt arma, quibus Caribes vtuntur in hostes*

*Finitimos, cum bellantur, saturata veneno*

*Spicula----*

D Et. *Quorum armare acies gens illa sua e veneno.*

*Torsere bos contra volitantia tela, veneno*

*Armata, antiquæ patrio de more*

De his plura vide apud Petrum Cecium, 1. part. hist. Peruanæ, cap. 6. & 7. & Christianum Becmannum lib. de originibus lingua Latine, litera A, tit. de acu.

Neque puto verum esse, à taxo animali somniculoso deducendum esse hoc vocabulum toxicum, licet taxi morsus lethalis sit, quod velcatur vermibus, scarabæis, serpentibus, & id genus bestiis perniciosus, ut Olaus Magnus refert lib. 6. hist. septem, cap. 20. quia taxi morsus non ita venenosus: Toxicum autem ita exitiale est, ut vel contactu vestis citissimè interficiat.

E Sequamur ergo doctrinam Plinij, lib. 6. cap. 10. qui toxica venena ex eo dicta esse scribit, quod ex arboribus taxeis exprimantur: & licet toxicum reciprocè dicatur cum veneno, tamen venenum quod fit ex succo taxi, vel per se, vel cum aliis perniciosis succis pexmixto, omnia venena enecandi celeritate antecellit. Taxus enim arbor est tristis, dira, nullo succo, ex omnibus sola baccifera, mas noxio fructu: lethale quippe baccis: in Hispania præcipuè venenum inest: vasa etiam viatoria ex ea vinis in Gallia facta, mortifera fuisse compertum est. Et adco est arbor præsentis veneni, ut auiculæ quæ taxi baccas deuorauerint, denigrentur, & qui ederint eadem homines, alui profluuium capiantur, & Narbone (ait Dioscorides lib. 4. cap. 68.) qui dormiunt sub ea, aut eius umbra subsident, lauduntur, & sæpenuerò moriuntur: & firmat Ruellius lib. 1. de natur. stirp. cap. 133. & cap. 136. eiusdem libri, sic ait:

Conuenit



Conuenit inter omnes taxum esse arborem venenatam umbra, nedum surculo, & fronde. Algorem uniuerso molitur, strangulaturque ac celeriter conficit, &c.

Denique (vt ait ex Aërio Vidus Vidiu lib. 2. de curat. generatim, tract. de venenis, c. 3. tit. de simillace arbore, quæ & taxus dicitur) hac arbor, & eius umbra adeo infesta est, non solum hominibus, sed quadrupedibus, præsertim cum floret, quia tunc magis pernicioso succo redundat, vt assistentes non solum frigore, & inæqualitate, sed à tota substantia interficiant, & strangulæ. Idem probat Iulius Cæsar Baricellus tit. de taxo.

Nec dubites, plurimas arbores esse venenatas. Nam flos daturæ est venenatus, & mentis facit emotionem, apud Garziam ab Horto, lib. 2. hist. aromat. c. 24. & probat plurimis arborum nominibus in medium adductis, quæ inter Peru, & Cannibales insulas reperiuntur, Theuerus lib. singular. cap. 61. & tract. 1. cosmogr. lib. 10. cap. 3. Buxi frondes noxiæ sunt, ac perniciosæ; corporique humano deleteriæ, vt proprio exemplo probauit Levinus Lemnius, lib. similitud. in Bibliis, de herb. atque arboribus, cap. de iuxo.

Deinde arborum quarundam vis est noxia, atque mortifera, vt nucis arboris, apud Greuinium lib. 1. de venen. & Marcel. Donat. lib. 1. de hist. mirab. cap. 1. Fernellium 2. de abdis, 14. Quare proximis stirpibus, & arboribus grauis est, & sata lædit, & sic in extremo fundi serenda, apud Ouidium, Et tamarindorum umbra noxia, ex Christoph. à Costa, lib. aromat. cap. de tamarindus. Hoc modo iuniperi umbra est grauissima, vt probat Virgilius Eclog. 10. vers. penult. & Lucret. lib. 6.

Arboribus primum certis grauis umbra tributa,

Vsq; adeo capitis faciant vt saepe dolores.

Si quis eas subter iacuit prostratus in herbis.

Hoc modo taxus baccas fert rubentes, aquifolij modo dulces; vinosasque, quas quandoque mandentes tum pastores, tum qui in syluis arbores cædunt, statim in febres incidunt, & dysenterici fiunt; sanguine, & spiritibus

A inde inflammatis, vt notat Matthiolus ad cit. cap. Dioscorid. & lib. 6. ad c. 12. Probat Pena in aduersariis, pag. 450. Dodonæus pempt. 6. lib. 1. cap. 10. edocti à Theophrasto, lib. 3. de hist. plantar. cap. 10. Cuius arboris historiam omnem collegit præter ceteros Barbarus, in corollario suo, ex Græcis, Latinisque scriptoribus eleganter. Taxo plurimas arbores in Brasiliensi prouincia inueniri simillimas, quarum umbra mortifera sit, refert Emmanuel de Morais, Lusitanus, historix Brasiliensis scriptor insignis lib. 1. hist. Bassiliens. cap. 24.

Maligna ergo est taxi natura, & toxicum ex hac arbore paratum, de qua intelligendus Lucretius lib. 6.

Est etiam magnis Heliconis montibus arbor,

Floris odore homines terro consuecta necare.

Ergo vt semel concludam: Toxicum pro omni veneno sumitur, sed præsertim pro illo quod ex taxo exprimitur, quo sagittæ tingi solent. Huc alludit Virgilius lib. 2. Georgic.

--- Ithyreos taxi torquentur in arcus.

Lege Lithyrcos, id est, Parthicos, vt Seruius notat in com. & Lucanus lib. 7. Phars.

--- Ithyreis cursus fuit inde sagittis.

Quare taxus pestilens est arbor, de qua monuit Virgilius lib. Georgic. 4. ne propinqua aluearibus plantaretur:

Neu propinqua telis taxum sine----

Amarissimo enim sapore mel inficit: & Ecl. 9.

Sic tua Cyrneas fugiunt examina taxos.

Si pulchra de taxi malitia, toxici significato, vario modo cum eo tingendi sagittas, scire aues, lege Langium lib. 1. epist. 68. Cælium Rhodig. lib. 23. left. antiq. cap. 10. Nam nos hoc genere scriptionis vago, & multiplici hætenus instructi, properamus ad librum sextum, in quo, varia etiam lectione, aliqua citra vitij aut ruinæ metum, contra Classicos obfirmabimus, quæ genium habeant, nec sint quætra Luna nata: quo loco accuratius seliger Lector suauia, quibus auctior sit, & cultior litteraria suppellex nostra.

FINIS LIBRI QUINTI.



# ZACVTI LVSTITANI DE MEDICORVM PRINCIPVM HISTORIA,

## LIBER VI.

*In quo medicinales omnes Medicorum principum historiae proponuntur, quae in superioribus  
libris certam sibi sedem non determinarunt. Accessit  
specilegium anatomicum.*

### PRINCIPIVM.



UPERIORIBVS libris, de omnibus propemodum morbis qui mortales infestant, sumus proloquuti. Super sunt tamen nonnulli, qui illis commodè non potuerunt inferi commentariis, cum de aliis agant argumentis; & cum per historias digerantur, hæque breviori numero sint comprehensæ, placuit in earum expositionem post textus interpretationem, alias grauissimas quæstiones saltuatim agitare, quæ tum eas, tum alias in aliis libris descriptas explanent luculenter, & sic ducente stilo, agemus de somno, historia anatomica, quam in compendium mirum graphicè redigemus, criticisque diebus: & alia scitu digna proponemus, quæ tuum animum varia, & utili lectione recreent affluentius, in quibus dirimendis dum laborarem, consului principum exemplaria varia, & præsertim Græca, ut ex eorum contentione, & instituto scriptoris, aut ex iudicio explanatorum, aut ex aliis præsidiiis recta scriptura approbetur, præpostera excludatur. Sed quoniam ex consuetudine peritissimorum Medicorum positum est in more, ut in primis, optimisque præceptoribus medicinæ innitamur semper, ideo in hoc libro ab illorum placitis, ut in aliis libris fecimus, ne latum quidem discedemus vnguem, ex quorum illustribus scriptis, succulenta doctrina hauritur, quam plures censoria severitate etsi despiciatui ducant, tamen ego eam referuo in corde meo, & moneo ut in tui ipsius centro illam reponas, qua munitus excelles inter alios Medicos, velut inter ignes Luna minores.

# HISTORIA I. GALENI, ET ARETÆI.

## De elephantiasi.

Ab elephantiasi, quidam fortuito, alij ob  
vipera-<sup>A</sup>rum, & remediorum vim,  
arte curati.



**V**idetur quidam homo egrotaret morbo, quem elephanta cognominat, cum sodalibus conuersabatur, donec ex ipsius consuetudine, conuersationeque quidam ipsorum morbi inficerentur contagione. & ille iam odoratu grauis, ac fœdus redderetur aspectu. Constructo igitur illi iugurio proximè vicum in iugo collis propter fontem, illic hominem collocant, tantum illi quotidie ciborum ferentes, quod visa sustinenda satis foret. Ceterum ad canis exorium, cum forte messoribus haud procul inde metentibus vinum esset allatum, in fictili sane quam fragrans, is quidem qui atulerat, deposito illo propè messoris, abiit. Verum ubi eius bibendi aduenisset tempus, sublato fictili adolescens, ut pro more impleto cratere, competente aqua vinum temperaret, in cratera vinum effudit, & unà excidit vipera emortua: quare assigniti messoris, veriti ne quòd si bibissent, inde sibi malum eveniret, suam quidem sitim aqua potione sedare maluerunt. Ceterum cum illinc discederent, pra humanitate videlicet, ac misericordia, homini illi elephanti obnoxio vinum largiuntur, rati expedire potius illi mori, quam in ea miseria vitam ducere. At ille ubi bibisset, admirandum in modum sanitati restitutus est. Nam tuberosum illud omne cutis totius, non aliter quam animalium à testa mollitudine nuncupatorum malacostrophon, tegmen decidit: quod autem reliquum erat, molle admodum apparuit, instar cutis cancrorum, ac locustarum, ubi extrema testa fuerit detracta.

Alterum verò huiusmodi nō dissimili casu in Mysia Asia, non procul ab urbe nostra accidit. Vir quidam elephante laborans, profectus est ad aquarum sponte nascentium usum, sperans inde nonnihil se commodi adepturum. Erat illi scortum cui ille fiderat. At cum locus esset squalidus, & vipera-<sup>B</sup>rum plenus, forte fortuna ex illis una in urcem vini incidit negligentius positum, extinctaque est. At scortum quidem in lucrum id respiciens quod forte evenisset, hero id vini propinat, atque ille ebibit: ceterum ad eum modum, quo ille qui degebat in iugurio, sanatus est.

At hac quidem duo sunt experientia monumēta, qua casus attulit, nunc verò tertium adiungā quod imitatio fecit. Philosopho cuidā multos ante annos hac ipsa agitudine afflicto, ut iam illi mors vita praeferenda videretur, geminos hosce evenus cum recitarem, idem etiā experiri cogitavit, ad quod obeundū angurio quoque confirmatus, protinus vinum medicatum, quod parare iusserat, hausit, nec multo inde postea leprosus factus est: ac postea lepram eius nos consuetis remediis sanavimus.

Quartum praeterea vinas capere viperas arte instituit, sed illius in illo morbi tantum erant principia: itaque cura nobis fuit, ut sanaretur quam celerrimè. Quocirca vena secta, atraque bile per medicamentum vacuata, viperis quas capiebat uti consulimus, preparatis in olla anquillarum in modum. Atque hic ita sanatus est. Igitur ista à nobis enarrata sunt, ut ostenderemus multa casu inveniri, & imitatione confirmari: \* obtulit enim fortuna, ut non incommoda tantum, sed commoda quoque, ex quibus ars confici posset, conspiciantur. Galenus lib. 11. simpl. cap. 1.

In altero elephantem inchoantem primum quidem per venesectionem, & purgationem sanavi, nunc autem singulis annis huic sufficit una purgatio, ea autem omissa statim passio immorescit, &c. Galenus lib. 6. Aph. com. 74.

## P A R A P H R A S I S.

**V**tilissima sunt historiae hae, & ad curandum difficilem, & rebellem morbum maximè necessariae: quoniam non solum periculosus est, & miserandis symptomatibus aegros conficit, sed contagione vicina corpora inquinat. In elephantiacis tumores exurgunt per totum corporis ambitum crassi, duri, acuti, & asperi, cum cutis crassitudine coniuncti, pili rarefcunt, adest in pube, & mento glabrities, pulsus sunt pusilli, graues, tardi, venae temporum & sub lingua sunt distentae, cuius caro grandine est respersa, deinde pugnante natura, & ad externas partes humorem melancholicum excernere properante, summi digiti impetigine tentantur, genua puriunt, impetigo in orbem mentum ambit, rubent cum magno tumore genae, oculi sunt caliginosi, supercilia crassa, glabra, tumescunt labia, faciei color liuescit, & ater fit, nares cum fœdis tumoribus salebrosae sunt, intumescit nasus, dentes nigricant, aures admixta fulcedine rubent, obstructae, patulae, consueto grandiores, alarum instar factae; elephantis modo, unde huic morbo Elephas nomen est; in quarum basi renascuntur ulcera, sanies defluit, totum corpus rugis asperis exaratur, oculi redduntur caliginosi. In plantis, & calcaneis usque ad medios digitos fissurae fiunt. Aucto malo, tumores malarum, menti, digitorum, ulcerosi fiunt, ulcera fœtida sunt, & insanabilia, & alia super alia renata ita excruciant, & membra conspurcant, quoad de corpore excedant, nasus, digiti, pedes, genitaria, atque manus tota, grauisque putredo omnia contaminat, ut scire scribit Aretaeus lib. 2. chron. cap. 13. firmit Paulus lib. 4. cap. 1. Plinius lib. 26. cap. 1. Aëtius tetrab. 4. serm. 1. cap. 21. Theodor. Priscianus lib. 1. c. 37. Beniuenius cap. 18. de abdit. Fernellius lib. 6. patholog. cap. 19. Octavius Horatianus lib. 1. cap. 32. Gariopontus, vetustissimus auctor tract. de lepra, Gordianus part. 1. de apostemat. calidis, c. 22. Vgo Senensis consil. 100. Fallopius tract. de tumorib. praeter naturam, cap. 9. Nam ut refert Gal. 2. de caus. morb. cap. 7. Elephantiacis rota immutatur forma, etenim nasus fimus, labra crassa, aures acuminatae videntur.

Hac est vera, succinctaque elephantiasis delineatio, de qua Galenus hoc loco. Recentiores vocant elephantiasim Graecorum, quam longè esse diuersam ab Arabum elephantia constanter tenent Marcellus Donatus lib. 1. de hist. mirabili. c. 4. Fuchsius lib. 2. paradox. cap. 16. Manardus 7. epist. 2. Mercurialis lib. 2. de morbis cutan. c. 5. & exemplo hoc patet ad sensum: Auicenna 22. 3. tract. 1. cap. 26. sic eam describit: Est additio in pedibus secundum modum qui accidit in venis varicum, quare incrassus pedem cum equalitate sua, & plerumque fit propter melancholicum humorem, & aliquando ob phlegma crassum, &c. Cui ceteri Arabicae familiae duces libenter subscribunt, ex Rasio lib. 9. ad Almanf. c. 93. cum Amato lib. 2. centur. 34. qui Arabum elephantiasim exactè describit.

Elephantiasia, morbum esse contagiosissimum, nullus Medicorum it inficias, docetque Sacra Pagina num. 5. Praeceptum filiis Israel ut eiiciant de castris omnem leprosum, & Levit. 13. Omni tempore quo leprosus est, & immundus, solus habitabit extra castra. Cur? quoniam monente Paulo loc. cit. hic morbus contagiosus est, non minus quam ipsissima pestis; arque ita hac tæbe fœdati procul ab urbibus, à mortalium cæterorum frequentia ablegandi sunt. Et prius dixit Aretaeus Cappadox, Medicus grauiissimus, Galeno

antiquior, lib. 2. *ardat. pas. cap. ult.* Itaque tales cum sint, quis A  
non aufugiat? aut quis non aueretur? Licet filius, aut pater, aut  
etiam germanus frater sit, quum metus est ne morbus commu-  
nicetur, propterea multi in solitudines, & montes, sibi charis-  
simos deduxerunt. Confirmant Fracastorius lib. 2. *de morbis*  
*contagiosis. c. 13.* Valleriola eleganter 6. *enarrat. 5.*

Sed videntur obstare plura contra hanc doctrinam. Pri-  
mum, quod Auic. 2. 1. *doct. 1. c. ult.* numerans morbos con-  
tagiosos, inter eos elephantiasin non reposuerit. 5. *Et est*  
*præterea ex agriundinibus quadam, quæ de uno ad alium tran-*  
*sit, sicut lepra, & scabies, & variola, & febris pestilentialis, &*  
*ulcera putrida, & præcipue cum domus stricta fuerint: simili-*  
*ter cum vicinus fuerit sub vento: & sicut ophthalmia, & præ-*  
*cipue ei qui oculis cum intuetur: & sicut congelatio, quum*  
*imaginatur aliquis quod acetosum illud operetur, & sicut*  
*Phthisis, & Albaras, & c.* Secundum, Quod vapor eleuatus  
ab humore existente in cute, cum terrenus sit, & melan-  
cholicus, vicino corpori adhærere nequit, & ita fuligo  
putrida eleuata, cum careat lentore, immorari non potest.  
Tertium, Quomodo potest elephantiasis esse contagiosus  
morbus, si hic est accidens, & hoc de subiecto in subie-  
ctum migrare non potest?

At hæc nullam habent probabilitatem: Nam si con-  
tagij cuiusque essentia in particulari quodam putredinis  
gradu consistit, Fracastorio Magistro lib. 1. *de contagione,*  
*cap. 9.* & nos lib. 1. *in com. hist. ult.* contra Valleriolam pro-  
bauimus, dubitare non possumus, eiusmodi putredinem,  
quæ contagium secum habeat, in humoribus hunc mor-  
bum facientibus esse, qui cum putrilagine fiat infecti,  
non solum contactu, & fomite, sed ad distans inficere pos-  
sunt: cum enim elephantiasis definiatur ab auctore defi-  
nitionum. Affectus, qui cutem crassam, atque inæquabi-  
lem reddit, liuor adest tum cuti, tum oculorum albis,  
exeduntur partes manuum, ac pedum summæ, ex quibus  
sanies liuida, ac foetida emanat, sit ut ex hac virulenta sa-  
nie exhalet halitus, terra eminentique conditione prædi-  
tus, vicina corpora foedaturus.

Auicenna verò hunc morbum inter contagiosos non  
reposuit, quoniam sub nomine Albaras (antiquus codex  
legit impetiginem) cætera cutanea vitia comprehendit:  
Nam sub vno exemplo reliqua intelliguntur, ex Gal. 3.  
*sect. com. 42.* maxime quod Arabes, ut constat ex Auic. 7. 4.  
*tract. 2. cap. 9.* sub nomine Albaræ nigre, elephantiasin in-  
telligant. Deinde causa huius morbi, solus melancholicus  
humor non est statuendus, sed pituita crassa, salsa, viscida,  
à qua exiens vapor vicino corpori pertinaciter adhæret:  
neque terrestris humor ab humiditate omni est exutus.  
Vltimò. Idem numero morbus non communicatur, sed  
absolutè seminarium quod à corpore emanat ægrotante,  
& alium morbum similem eiusdem speciei producit in  
corpore sano: accidens autem potest multiplicari de sub-  
iecto in subiectum; idem tamen numero migrare, est  
impossibile.

Igitur hic æger iam odoratu grauis erat effectus; nec  
enim solum in partibus extimis, facie præsertim extabant  
vulcerosa tubercula, crassa, aspera, nigra, dura, quæ extube-  
rantibus maculis totum corporis ambitum vitiabant, quæ  
illum foedum aspectu effecerant, sed viscera quoque in-  
terna, ardore, & putredine erant conspurcata, vnde grauis,  
& virosus foetor sentiebatur, qui putredinis est certissi-  
mum signum, ex Galeno 1. *prog. ult.* & 1. *cris. 11.* Nullo  
enim certiori signo putredo in interioribus, & exteriori-  
bus partibus deprehendi potest, quam foetore, atque ob id  
lib. *de dif. symp. cap. 4.* corruptelam putredinemve, excre-  
mentorum foetorem necessario sequi affirmauit.

Ecce messorum qui prope tugurium erant, vbi miser  
iacebat ægrotus, cum in vreo vinum haberent reposi-  
tum, in eo viperam emorruam innenerunt, quæ liquoris  
huius suauissimi fragrantia allecta, ad bibendum prope-  
rans, in vream se præcipitauit, & sic suffocata est. Na-  
turalium enim indagatores tradunt, quod sicut vino, potu  
sanè gratissimo, & vtilissimo homines delectantur, sic  
etiam animantes, bestię, feræ: nullum enim est animal,  
quod illius potione non recreetur. Immo serpentes, quum  
datur occasio, vinum audissimè appetunt, & hauriunt,

ut docet Plinius lib. 10. *cap. 72.* quin aliquando sunt ebrie  
animantes expertes rationis. Alij simias, & cæteras qua-  
drupedes vino assuetas vnguibus, & vngulis carere dicunt:  
cuius effectus querit causas Cæl. Calcagn. lib. *epist. quest.*  
2. Hinc orta videtur prima illa Plinij, aliorumque affirma-  
tio, vini potu calcitrosas desinere mulas esse, nec dissimile  
apud Columel. lib. 6. *cap. 2.* miraculum: iubet enim bru-  
bulco, ut amiciores, & magis familiares sibi habeat, & ob-  
sequentiores, in eorum domitura, ferocientium adhuc  
taurorum tergora inspergi mero. Est verò etiam simile,  
quod proditum ab Auic. 18. 3. *c. de comminuentibus lapidē*  
*medicinis,* & relatum à Magno Alberto lib. 5. *de animalib.*  
*tract. 2. cap. 1.* Hircum à proprietate suæ speciei frangere  
calculum, si pastus fuerit petroselino, & potatus vino.  
Dignum planè memoria, quod in memoriis suis Gallicè  
prudenter scriptis Philippus Cominæus narrat, quum  
primum bellum inter Ladou. X. I. Gallorum Regem, &  
Carolus Burgund. Ducis filium describit, se habuisse  
equum ætate prouectum, & eo fortè prælio confectum  
decertando, cum vini vas magnum bibisset, diu postea eo  
vsum robustissimo, & maxime habili ad iter, ad pugnam,  
ad cæteros omnes subeundos labores Volat. lib. *Philolog.*  
2. scribit OEnura herba coruos ebrios fieri, vino simias, &  
elephantes: & verò vsum ex Vrsinorum ædibus Romæ  
vagamtem exhaurire solitum, quæ poterat dolia vini. Po-  
terat adicere obseruationi suæ ex vetere auctore Athen.  
lib. 10. *cap. 9.* fues quoque ebrios fieri, si vix facibus pa-  
scentur: immò coruos, & canes, si ænutam edant, & idem  
asserit de simia, & elephanto, si vinum bibant: Sic & cor-  
uorum, & simiarum venatio per vinum fit, & per ænu-  
tam, aliarum bestiarum, ex Plin. lib. 21. *cap. 11.* & lib. 14.  
*cap. 17.* OEnura verò eadem videtur esse, quæ & ænan-  
the, & fortasse est ænagra Dioscoridis, cuius radix vinum  
olet, & malefacta potu mitigat, & cicurat feras, ut est apud  
eum, lib. 4. c. 103. & Theophrast. lib. 9. *de hist. plantar. c. 21.*  
de qua Rouillius lib. 7. *de hist. plantar. c. 37.* Ergo animan-  
tia reliqua, & præsertim viperæ, vini sunt audissimæ, & vi-  
num in quo illæ fuerint immersæ, elephanticeis, & aliis  
morbis curandis miro sunt auxilio, ut ex multorum sensu  
auctorum diximus, lib. 1. *in com. hist. ult.*

Magis verò fortunatus fuit secundus æger, qui eodem  
modo ac primus, hoc est, vini viperini potu sanatus est,  
antequam vires aquarum sponte nascentium (quas balnea  
naturalia vocant) expertus esset, ex quarum vsum morbum  
exasperandum cuiuslibet est in confesso: Cum enim hoc  
vitiū ex hepatis (qualore, hunc humorem acrem, & re-  
torridum gignentis, velut à primaria origine scatariar,  
sit ut balneo naturali applicito hepar ignescat, excande-  
scat corpus, acriorque reddatur humor, & magis ferox.  
Quapropter elephanticeis balnea thermalia nocentissima  
sunt, malumque exacerbant, idque multiplici de causa  
factum puta.

Prima, quoniam si sint ferrea, aluminosa, cutim densant,  
& facta constipatione pororum, humorem ad partes ece-  
ras excerni prohibent. Secunda, sulphurea, salsa, nitrosa,  
ex Auicenna *tract. 4. de remouendis nocementis, tract. 3. c. 1.*  
nocent oculis, lippitudinem, & sepsium turbationem ex-  
citant: quæ omnia in elephantiasin, in qua facies præsertim  
oblæditur, summè sunt formidanda. Nam hæc præter-  
quam quod etiam inflammant, adstrictione sua ad inte-  
riores sedes humorem repellunt, quare ferini morbi pro-  
pullulant. Hanc fuisse mortis causam cuiusdam Atheni-  
ensis, cuius historiam describit Hipp. lib. 5. *epid. num. 4.*  
mihi persuadeo, qui cum prurigne toto corpore vexaretur,  
maximè autem testibus, ac fronte; & cutis crassa esset  
per totum corpus, & velut leprosus aspectu & ex nulla  
parte apprehendere cutem præ crassitudine, illique nemo  
opitulari posset, transgressus ad Melum, vbi sunt calidæ  
balneæ, à pruritu quidem, & cutis crassitudine liberatus  
est, verum hydropicus factus, mortuus est. Et licet immo-  
deratum balnei vsum Vallesius *in com.* causam mortis at-  
tulisse affirmer, tamen non ex hac obisse ex eo conie-  
ctandum est, quia Hipp. in historia non refert; & ille cum  
diutino morbo esset implicatus, & sic imbecillis, immo-  
dico balneo non erat vsum. Si verò Auicenna propria  
balnea



tibus prurito testatur esse marina, & falsa, & iuniores in prurito & affectibus cutaneis, ea consulunt, quum corpus exquisitissime purgatum est, & solum humor impactus in cute superest resoluendus, ea est ratio, quoniam humor qui pruritus & alia vitia gignit, non ita est pericax, perniciosus, & malignus, qui si in viscera restagnet, morbos inseparabiles generat, & subitam mortem inducit.

Ad tertium ægrotum accedamus, qui superioribus argumentis edoctus, simile viperarum antidotum experiri maluit, quàm tanto victus malo miserabiliter, relicta omni salutis spe, occumbere, sicque vinum viperinum assumpsit. Paratur autem hoc ex mète Cælij lib. 4. *tardar. passion. cap. 10.* Si in vini albi libras octo, iniicias anethi, epithymi, & fennæ, an 3 iij. & post aliquot feruores proiciatur vipera, prius loca aqua vino albo, & sale, & deinde exemptis capite & cauda, ebulliat vinum quovisque pars tertia absumatur. Vel si viperinam carnem in mustum iniicias, similes effectus experieris. Ex hoc vino non solum manè, prandio, & cœna sufficientem quantitatem haurire poterunt ægri, ex quo utilitas sequatur non aspernabilis, ut docent Paulus lib. 4. c. 1. Aëtius tract. 4. *serm. 1. cap. 123.* explanat Laurentius tract. de lepra, cap. vli.

Sed dubitabis, quo pacto hic æger elephantiscus vini viperini ope in lepram potuit migrare, si Galenus 11. in libro, & capite, ubi est scripta historia hæc affirmat, & alibi, ab eodem humore oriri lepram, à quo elephantiasis, & utramque esse grauissimam affectionem? Dic periculosissimam esse elephantiasin, lepram mitiorem; quare transitus elephantiasis in lepram securior est, & magnam salutis spem pollicetur, nam humores in carne impacti, qui faciebant elephantiasin, ad curem, partem ignobilem conuertuntur, & generant lepram. Quare consumpta elephantiasis à viperina carne, lepra deinde consueta remediis, hoc est, sanguinis missione, & purgatione, aliisque curata est auxiliis, quæ melancholicum humorem natia sorte expurgant, & illius sæuitiam retundunt.

Cur verò vinum viperinum licet venenosum, morbum venenosum perfecte sanauerit: Dic, quod præterquam quod venenum, veneno remedium est, ut supra lib. 5. q. 2. prædiximus, vinum viperinum natia quadam contrarietate, venenum elephantiscum domat, ac refrænât, ut patet in argenteo viuo, sublimate, auripigmento, & aliis, quorum vsum, aduersus morbum Gallicum suapte natura contagiosum saluberrimum esse, nulli est non manifestum. Hoc modo plurimos à grauissimis morbis vino viperino casu assumptum fuisse curatos, appositis exemplis narrat Prosper Alpinus lib. 4. de medicina methodica, c. 4. Lege quæ diximus lib. 2. in com. hist. 72.

Quartus æger viperis præparatis sanitatem est consequutus. Quis verò sit viperarum in olla anguillarum instar parandarum modus, non ex Galeno solum, sed ex cæteris citatis auctoribus constat manifestè. Ille enim lib. 2. ad Glauco. c. 10. pro curandis elephantiscis, in olla esse præparandas dixit viperas ex albo iure, affusa copiosa aqua, pauco oleo, porro, anetho, condiendas verò Marforum more, qui feris venenatis, & aspidibus nutriuntur, capite quidem discisso, & cauda usque ad digitos quatuor abiecta, interaneis exemptis, cute abiecta, aqua abluto corpore. Hoc modo consueuisse veteres anguillis uti conuolutis cum betis, tradunt Achenæus lib. 7. *dipnosophist.* & Aristophanes. Plinius, Aristoteles, & alij.

Sed meritò inquires cur nostro æuo non tantam ex carne viperina, oleo, & vino persentiant elephantisci utilitatem, quod notat Erastus part. 4. *diff. cōtra Paracelsum*, Massaria, & Palmarius lib. de morb. contagiosis, c. de elephantiasis, ea est ratio, quoniam ægri non ita sunt obedientes, nec in victu, aut venere Medicis præceptis obtemperant. Deinde vipera non capiuntur tempore commodo: Nam venandæ sunt veris initio, quum latebris relictis foras in apricum prodeunt, quo tempore virus non ita exitiale retinent. Intus namque delitescunt, quum nulla ex parte diffentur, magis sunt perniciosæ: at egressæ, exuium, seu crassum tegumentum solent deponere, quare non statim ipsas capere oportet, sed permittere, ut aëre aliquandiu fruuantur, consuetoque vescantur cibo, hoc est, herbis,

A buprestibus, catharidibus, & ptyocampis. Insuper non eliguntur colore subflauæ, eximie mobiles, habentes ceruicem extensam, oculos ferinos, & inflammatos, has enim ad theriacæ compositionem, elephantiscorumque curationem plurimum prodesse, præter Galenum lib. de theriac. ad Pison. Rodelerius firmat in suo eleganti tractatu de iberiaca. Adde huius summi auxilij ope plures fuisse persanatos, qui graui elephantiasi laborabant, ut refert Vidus Vidius part. 2. sect. 2. lib. 5. cap. 8. de curatione membræ.

Quapropter priores ægri fuere casu curati, hunc sanauit, experientia, & imitatio, ex casu profecta. Morbos autè casu curari, nouum non est, ita quartanam casu fuisse curatam, narrat Beniuenc. c. 59. de abdit. Valleriola 2. obs. 4. Hoc modo curatum fuisse hydropicum, denotata arena cum multa aqua, superueniente alui fluxu, narrat Langius epist. 12. lib. 2. Petrus Messias part. 3. *varie lection. cap. 15.* se quendam vidisse testatur, qui cum in f. more vulnus suscepisset, sanatus claudicabat, at postmodum alia in rixa, eadem in parte fauciatus, sanatus, rectus in posterum incessit. Immo Beniuencius cap. 21. duorum meminit angina oppressorum, quorum vterque dum suffocaretur, gladio in gutture percussus, sanatus est.

Vltimus verò æger sanitatem recuperauit, quoniam venæ sectionis, & purgationis auxilio humor sæculentus, & crassus fuit exhaustus: Cum enim ab hoc, aut flauabile, vtrisque supra naturæ modum à calore immodico affaris, originem ducat elephantus, sit ut ea in vasis cummulata, naturæque negotium faciens, foras se se exerat, & per vniuersum corpus disseminata figuram immutet, atque deprauet. Quare in hoc sæuo, & truculento morbo graua auxilia non dubitauit tentare Galenus, ut abscisso huius morbi fonte, hæc lues postea in ægrotantis perniciem serpere non posset, quod nullo auxilio præter venæ sectionem, & purgationem celebrari posse, confirmant omnes edocti à Gal. 2. ad Glauco. cap. cit.

Si enim malum recens sit, & nihil ex summis deciderit, nullaque infestauerit exulceratio neque eminentiæ tuberosæ plurimum exurgant, sola aurem facies aspectu ingrator, deformiorque quodammodo sit, eaque non admodum indecora appareat, tunc commodissime exercetur inter initia phlebotomia, & maximè vere, quo tempore hæc passio amplius renascitur, & inualescit. Locum à quo sanguis mitti debet assignat Aëtius *tract. 4. serm. 1. cap. 121.* quo loco ex utroque cubito sanguinem vacuandum imperauit; nam sic ab liene, hepateque, visceribus in hoc morbo infectis, humor facili negotio solet vacuari.

Sanguinis missionem sequitur purgatio clemens, quando morbus in initio est, cum enim corpus vlcerebus conspurcatur, morbusque altas radices agit, & extrema decidunt, tunc nullum æger remedium habet, eoque elephantia confirmata incurabilis est; nullum enim ad hunc morbum potentior reperitur medicina. Si enim cancer, velut elephantiasis quædam, in vna subortus particula, inter morbos insanabiles numeratur, iure optimo elephantus, qui est cancer vniuersalis, omne medicamentorum genus respuet, atque contemnet.

Sed quo pacto incipientem elephantiasin curasse se gloriatur Galenus, si hic morbus rebellis est, contumax, & insuperabilis? Dic: Galenum sanasse, non absolutam, neque illam quæ altas iam radices in corpore egit, & in qua viscera habituali intemperie erant conspurcata, eo maximè quoniam aliis etiam fortasse fuit vsum auxiliis, ea autem tanquam particularia non commemorat. Quibus autem præsiidiis inchoantem elephantiasin curare oporteat, docent ex antiquorum monumentis Paræus lib. 19. à cap. 16. usque ad 18. Hollerius lib. 1. de morb. intern. c. 64.

Fallopianus loc. cit. Ioan. Varandæus tract. de elephantiasis, & plures alij grauissimi auctores quos citat Fumanellus lib. de lepra

curatione.

\*\*\*

## QVÆSTIO I.

*Utrum fortuna sit constituenda in rebus, & conferat aliquid in curandis morbis, ut sapientes veteres opinantur.*

## COMMENTARIUM.

**O**bulit enim fortuna.] Veteri, atque laudabili clarissimorum Medicorum consuetudine receptum est, ut qui grauissimorum auctorum monumenta sunt enarraturi, priusquam lectores ad medicæ facultatis penetralia admittant, eos antè, vtilissima quadam doctrina, varia, & necessaria multipliciter instruant, atque præmuniant. Quare cum in ore omnium nihil sit frequentius, quam Medicos appellare, benè, aut malè fortunatos, & fortunam hoc loco proferat Galenus offerre multoties, ut ille non incommoda solum, sed commoda, ex quibus ars cõficitur, venari possit, & plures fortunam in arte medica, tanquam diuinum aliquod numen dominari asseuerent, placuit de ea aliquid in lucem promere.

Tractatio hæc latissimè patet, & ad plures disciplinas pertinet. Medicus eam contemplatur, ut Galenus firmat. Rhetor quatenus in laudando, vituperando, suadendo, dissuadendo, accusando, & defendendo magnum momentum habet fortuna: permagni enim refert, an quid fortuito contingat, an potius consultò, & scienter dictum, factumque fuerit. Agit Logicus, tum ut doceat enuntiationes, quæ sunt de rebus futuris contingentibus, in quibus locum habet fortuna, & casus, non habere certam, definitamque veritatem, tum etiam ut ostendat excludi à scientiis, quæ casu, & fortuito contingunt, quum raro, indeterminatè, & per accidens eueniant, ut docuit Arist. in fin. lib. 1. periherm. cap. 8. & 1. poster. cap. 24. text. 43. Agit Physicus, ut redarguat illorum Philosophorum sententias, qui vel putabant omnes res naturales fortuito contingere, ut Democritus, & Leucipus; vel è contratio opinabantur omnes effectus naturales sempiterna quadam & immutabili serie, nexuque causarum euenire, quæ fuit postea Stoicorum opinio, docente Arist. 2. Physicor. cap. 4. § 6. Agit Metaphysicus, quia huius est omnes gradus entium, & causarum distinguere, in quibus sunt entia fortuita, & causæ per accidens; atque etiam demonstrare, non omnia fieri ex necessitate, ut docuit Arist. 6. Metaph. cap. 2. § 3. à text. 5. usque ad 8. Agit Philosophus moralis, ut declararet, an fortuna sit causa felicitatis humanæ, & quanti bona fortunæ æstimanda sint, & quomodo res fortuitæ, vel præmio, vel pœna dignæ habeantur, ut monuit Arist. 1. moralium ad Nicomachum, c. 9. & 2. lib. magn. moral. cap. 9. & lib. 7. moral. ad eundem, c. 17. & 18. Agit denique Theologus, demonstrans, neque diuinam prudentiam obstare quominus sit in rebus fortuna, & casus; neque tamen fortuito, aut casu posse quicquam contingere, respectu providentiæ diuinæ.

Fortuna ergo habet locum in naturalibus rebus: nam multa fortuito in rebus accidere, clarius est, quàm ut demonstrari debeat: Etenim præter sententiam communem omnium hominum, qui perinde ac si forent à natura edocti, ita de fortuna sentiunt, & loquuntur, eiusque vim, & nomen crebris sermonibus usurpant, accedit ratio quæ id nos cogit asserere: Si enim fortuita dicuntur ea, quæ accidunt præter cognitionem agentis, quis non videt multa huiusmodi esse in rebus humanis? Quis enim mortalium potest animo præuidere omnia, quæcunque possunt contingere? Timidæ enim sunt cogitationes mortalium, & incertæ providentiæ nostræ, Sapiencia. cap. 9.

Neque dicas agentia inferiora moueri, & gubernari à cælo: quare cum hoc necessariò, & semper agar, non patietur aliquid agi in his inferioribus, fortuito, & indeterminatè. Deinde fortuna repugnat præscientiæ, & providentiæ Dei. Ergo non debet poni: Antecedens patet, quia illud dicitur fieri fortuito, quod non fuerit præcognitum, & intentum ab agente. Sed nihil potest fieri in mundo, quod sit præter cognitionem, & voluntatem Dei. Ergo nihil fortuito fieri potest.

**A** Dic. Licet res naturales, & corporeæ, quæ complexu orbis Lunæ coërentur, per se pendent ex motu, & influxu cælesti, non tamen pendent ex eo res humanæ, in quibus fortuna versatur. Insuper fortuna non aduersatur providentiæ Dei; non enim ponimus fortunam respectu Dei, sed respectu agentium particularium. Nam quod à fortuna est respectu hominis, id respectu Dei, nequaquam à fortuna existimari debet: sed quia effectus assimilatur causæ particulari, & proximæ, & ab ea denominationem suam accipit: (dicitur enim effectus materialis, & corruptibilis, non propter causam primam, & vniuersalem, sed propter causas secundas, & particulares) idcirco dicitur simpliciter esse in rebus aliquid à fortuna.

Quod autem nihil sit fortuitum respectu Dei, pulchrè declarat Boëtius lib. 5. de consolat. nihil autem esse tam fortuito contingens, quod latere, ac fugere possit scientiam Dei, luculenter exponit his versibus:

*Huic ex alto cuncta tuenti  
Nulla terra motu resistunt.  
Vno mentis cernit in ictu  
Quæ sint, quæ fuerint, veniantque.  
Non nox atris nubibus obstat,  
Quem quia respicit omnia solus,  
Verum possis dicere Solem.*

An verò in rebus sublunaribus sit aliquis effectus naturalis, respectu cæli fortuito contingens, Theologis disputandum relinquo. Consultè Egidium quodlibeto 4. & Ochamum 1. quodlibet. quaest. 17. Gabrielem Naudæum, nostri sæculi phœnicem irati. de fato & fatali vita termino, ad clarissimum Beneronicum. Medicum celeberrimum.

**C** Sed tempus est ut ad definitionem fortunæ accedamus quæ colligitur ex Arist. 2. Physic. cap. 5. text. 52. Fortuna est causa per accidens in iis quæ operantur ob aliquem finem ex electione, neque semper, neque ut plurimum. In qua definitione continentur particulæ quinque, quæ sigillatim sunt exponendæ. Prima est causa, sed nomen fortunæ vulgò ferè usurpatur, non pro aliqua causa, sed pro fortuitis euentis, sed Arist. fortunam facit causam, non quidem ut materiam, & formam; nam hæc sunt partes essentielles ipsius effectus necessariò ei coniunctæ: At fortuna, v.g. thesauri inuenti à fodiente, neque est pars essentialis eius, neque cum eo necessariò coniuncta; potest enim thesaurus & fortuito, & non fortuito inueniri.

**D** Secunda particula est, per accidens: Nam dupliciter aliquid est causa per accidens, aut quia est accidens causæ per se, ut musicus est causa per accidens domus, quoniam esse musicum accidit ædificatori, qui est per se causa domus; aut quia est causa alicuius, quod accidit effectui illo per se intento, ut Medicus per accidens sanat musicum, quia ægroto, qui sanatur per se à Medico, accidit esse musicum. In priori genere causa per accidens est diuersa à causa per se, effectus autem vtriusque est idem; in posteriori autem, causa vtraque est eadem res, effectus verò sunt diuersi.

**E** Tertia particula est, ob aliquem finem: non quòd fortuna aliquem finem intendat, aut quòd effectus fortuitus sit quasi effectus intentus ab agente; id enim est contra rationem fortunæ: sed hoc debet reponi dupliciter, aut quia res fortuita eiusmodi est, ut si præuisa fuisset ab agente, procul dubio fuisset ab eo intenta, ad eam experendam vel fugiendam: & hoc voluit significare Aristotel. 2. Physicor. cap. 5. text. 51. aut quia effectus fortuitus est coniunctus cum alio effectui per se intento ab agente, ut inuentio thesauri cum plantatione vineæ, cuius gratia terra fodiebatur. Quamvis igitur fortuna, ea ratione ut fortuna est, non agit propter finem, necessariò tamen est in eo agente, quod vel agit, vel aprum est agere propter finem. Quare si esset aliquid agens, quod neque ageret, neque esset aprum agere propter finem, nihilque haberet sibi determinatè præfixum, ad quod eius operatio vel naturaliter, vel ex electione referretur, id profectò nunquam ageret fortuito: etenim fortuitum est quod accidit præter intentionem agentis; quemadmodum si non esset motus naturalis, non esset etiam violentus, quia hic præsupponit naturalem, cui est contrarius. Potest autem

entem aliqua actio tribus modis dici non fieri propter A finem: vel quia ipsa est propter se, & non propter aliud, ut actio in qua est felicitas; vel quia fit ab agente non intendente ipsam, ut si quis aliud attentè cogitans, vel vngues rodar; vel fricat barbam: huiusmodi enim actiones non sunt ex electione ob aliquem finem, sed ex sola imaginatione, vel quia talis actio est coniuncta, & accidit ei actioni, quæ per se intenditur, ut inuentio thesauri accidit fossioni terræ, & sic effectus fortunæ non fit ob aliquem finem.

Quare particula est, *ex electione*. Quoniam fortuna est tantum in iis quæ agunt ex electione, cuiusmodi est homo; nã in iis est fortuna, quos dicimus fortunatos, vel infortunatos; hi autem propriè sunt homines: quanquã hoc nomen transfertur etiam ad ea quæ carent ratione, sed impropriè, & methaphoricè; & sic Poëtæ vocant fortunatos eos lapides, qui sunt in oris templorum: cum scilicet ceteri conculcentur illi coluntur & honorantur. Arist. 2. *Physic. text. 58. & 59.* scribit, Fortunam esse in iis quæ agunt, agere autem proprium est hominis: nam is propriè agit, in cuius potestate est agere, & non agere: At talis est homo, qui suarum actionum est dominus; reliqua verò quæ rationem non habent potius dici debent agi, quàm agere. Quia particula, *neque semper, neque ut plurimum*, expeditur ab Auicenna *super Arist. cit. lib. Physicor.* dicente fortunam\* versari in iis quæ sunt ad vtrumlibet: eam probat Simplicius in 2. *Physic. text. 48.* pro cuius expositione, simulque obiectionibus variis contra definitionem fortunæ legat qui velit, apud Auerrhoem, Themistium, & Pomponatium in *com. cit. loc. Arist.* nostrum autem institutum aliud diuagandi tempus non concedit,

Illud notabo, vulgarem esse opinionem, existimantium fortunam esse numen aliquod diuinum, & occultum, quod 2. *Physic. c. 4. text. 47.* innuit Arist. Quinimodò Ethnici tantum tribuerunt fortunæ, ut à Romanis multa ei templa, & simulachra erecta fuerint variis nominibus consecrata, ex Livio in *multis locis*, & apud Plutarch. in *problemazib.* Sicque summo studio, & voto venerabatur ædes Fortunæ fortis in ripa Tiberina iuxta theatrum; malæ Fortunæ, & detestata in Exquilis. Erat etiam templum Fortunæ parvæ, & Virginis, & primigeniæ, obsequentis, priuatæ, publicæ, virilis, conuertentis, bene sperantis, auerentis, blandæ, dubiæ, mammosæ, barbata, muliebris: quibus omnibus principium dedit Seruius Tullus, cum quod ab ea ex seruo in regnum esset euectus; cum etiam prospiciens eam in occasionibus rerum plurimum habere in vtramque partem momenti, omniq; in re humana dominari. Quæ omnia nomina explicata lege apud Ludovicum Viuem, hominem sanè disertum, ac eruditum in *lib. 28. cap. 4. de civitate Dei.*

In hunc sensum famigeratissimus Poëta Iuvenalis sic cecinit:

*Te facimus Fortuna Deam, cæloque locamus.*

Hinc veterum doctissimi introducunt diuites hoc oprantes, qui malunt stillam fortunæ, quàm prudentiæ dolium. Immodò sapiens Orator Demosthenes in *orat. ad Phil.* sic ait: magnum habet momentum fortuna, quin totum est in rebus omnibus humanis: & Æschines in *Apol. de falsa lege*, omnium rerum dominam vocat fortunam: & Q. Ennius Heram appellat apud Cic. *lib. 1. de officiis*: & Plautus *Men. act. 3. sc. 4.* eam dicit esse Diuum, atque hominum heram. De Demosthene scribit Plutarchus, habuisse illū insigne etiam in scuto prosperam fortunam: & Pindarus illi attribuit omnia. Est verò in felicitate, seu fortuna, totius gloriæ summa, ita ut monente Euripide, fortunatus solus sapiat probè.

Fortuna omnia mortalibus præbet, quæ cum nec rationem, nec legem habeat, mortalibus tamen dominatur. Quare Cicero 5. *Tuscul.* scribit:

*Vitam regit fortuna, non sapientia.*

Lege Valerium Maximum *lib. 6. cap. 1. 1.* & elegantissimum Iustum Lipsium *lib. 5. Polytor. c. 5.* Quare Ennius 8. *an. lib.* ait:

*Fortuna arbitris tempus dispensat ubique.*

*Ille rapit iuvenes, sustulit illa senes.*

*Quæque ruit, furibunda ruit, totumque per orbem.*

*Fulminat, & cæcis, caca triumphat equis.*

*Regna Dea immitis porce irritare querendo,*

*Sollicitare animos parce potentis heræ.*

*Quæ tamen hoc uno tristis tibi tempore venit,*

*Sape eadem rebus fauet amica tuis.*

Pittacus sapiens plurima de hoc argumento appunxit sapienter. Huc alludit Plato *lib. 4. de lege* innuens humana omnia tribus gubernari, Deo, fortuna, arte. Ita prudenter Chilo, quid fortuna esset, rogatus, respondit: ignarus Medicus; nam multos excæcat. Quid mirum? nonne Plinius *lib. 2. c. 7.* scribit, toto mundo, locis omnibus, omnibusque horis, hominum vocibus fortunam solam inuocari; quippe quæ vna nominatur, vna colitur: & Iulius Cæsar *lib. 3. de bello civili*, fortunam plurimum posse in rebus reliquis, B quum præcipuè in bellis affirmat: & Hegesiaci apud Laërtium *lib. 2.* opinabantur non posse vitam beatam obtineri, tum maximè, quod plurima quæ speramus, fortuna impediatur. In hunc sensum Q. Curtius Alexandrum plus debuisse fortunæ, quàm virtuti contendit. Nam ut Manilius ait, *lib. 1. astronom.*

*Quod fortuna ratum faciat, quis dicere falsum*

*Audeat, & tanta suffragia vincere sortis?*

Et Iuvenalis *Satyra 7.*

*Si fortuna volet, fies de rhetore consul,*

*Si volet hac eadem, fies de consule rhetor.*

Si ergo omnibus rebus dominatur fortuna, cur in curandis morbis non habebit potestatem summam? quare Medici vocantur bene fortunati, qui auxilio fortunæ muniti in curandis ægris dexterissimi sunt, & fortunatissimi.

C Sed inanis est, & plenus incitiæ fortunæ cultus. Audiamus igitur Plinium *loc. cit.* insanam mortalium de numine fortunæ opinionem, elegantissimis, & lepidissimis verbis eludentem: *Inuenit sibi ipsi mortalitas numen quo minus tam plana esset de Deo coniectatio: toto quippe mundo, & locis omnibus, omnibusque horis, omnium vocibus vna arguitur Dea, vna cogitur, sola laudatur, sola arguitur, & cum cōiuriis colitur, volubilis à plerisque, etiam caca existimata, vana, inconstans, incerta, varia, indignorum faulx: huic omnia expensa, omnia feruntur accepta, & incerta ratione, mortaliū, sola vtramque paginam facit, adeoque obnoxia iunus sortis, ut fors ipsa pro Deo, sicque Deus probatur incertus.*

Denique de eius potestate in humanas res poëtice nugantur Poëtæ, quam ipsa sit inconstans, & mutabilis valde: odit quidem, ac deprimit sæpè quem meritò populus amat; contrà verò amat, atque extollit sapius, quem iure quodam populus odit. An fortè quia fortuna non solum rationi opposita est, sed etiam ab ipso initio mundi inimica est populo, vnde populus semper infortunatus & miser? Amplius est ambitiosa: Atque ut non virtuti, hominumve generi, sed ipsi soli maximam quodvis facinus adscribatur, quem homines quàm plurimi iure depressum volunt, miris modis extollit; quem verò sublimem, deprimit in profundum, ut eleganter probat Erasmus in *suo panegyrico ad Philippum, in med.* & notat solertissimus vir, Hugo Grotius in  *suis elegantissimis epigrammatis de Fortuna.*

E Quod si cæca sit, ut aiunt, æmulæque naturæ? Natura siquidem instituit, ut prius tanquam animal viuas, quàm tanquam homo; sentis enim antequam intelligas. Fortuna siquidem magnum affectat hominem facere, ingentem prius facit bestiam, venenoso fastigio turgidam. Vnde & ingenio, & vultu tyrannus nascitur priusquam tyrannide potiatur. Vbi medicæ sapientiæ plurimum est, minima opus est sorte. Medicus peritus non vult fortunam sibi ducem, cæca enim est, sæpèque casu cadit, non timet fortunæ minas, vana enim est. Quare qui puerilem fortunæ ludum cum Socrate calcit, sapiens, & diuinus ab Apolline indicatur. Qui ridiculum fortunæ fletum vnà cum Democrito rider, vel flebilem eiusdem risum cum Heraclito deflet, prudens ab Hippocrate censetur.

Fortuna ergo etsi detur in rebus, comodo quo explicuimus supra, tamen ad morborum curationem nihil confert: Nam, ut perdoctus, & politus notauit à Cæstro *lib. 2. de Medico Politico, c. 14.* Fortuna, in ægrotis nihil habet dominij, quia nunquam fit artis, aut naturæ pars. Quod si audiuerimus

audierimus, aliquando, (inquit ipse) fortunam sanitatem A facere, hoc sic accipiendum erit, ut sicut à natura per se item ab arte quandoque fieri sanitatem dicimus, ita fortunam id præstare possit concedamus, non tamen ut naturæ, aut artis ipsius pars facta sit, quoniam ut monebat Galenus lib. 17. de usu part. cap. 1. Fortuna raro, aut nunquam rectè operatur. Qui plura requirit de Fortunæ etymo dispersis nominibus, simulacro, eius apud veteres honore, plura ex variis auctoribus legat apud Cælium Rhodigin. lib. 18. lect. antiq. c. 13. Natal. Comit. l. 4. mytholog. cap. 9. Conimbricenses, & Francisc. Tolertum in lib. 2. Physicor. c. 5. quæst. 2. Suarezium lib. 21. meth. sect. 12. q. 19. Dionem Cassium lib. 58. & Leonardum Coquæum in suis doctissimis commentariis, de fortuna.

## HISTORIA II. ARETÆI, De elephantiasi.

Ab elephantiasi, musto viperino largissimè sumpto, quidam mirabiliter conualuit.

**A** Iterum præterea ferunt, viperam in musti dolium irrepsisse conspiciatam, quum mustum ad sanitatem ingurgitasset, vomuisse, multumque veneni simul cum musto reiecisse. Vt vero in musto fera extincta fuerat, iterum hominem mustu largissimè potasse, vitæ pariter, ac morbi finem querentem. Vt autem satiatus iuxta, ac inebriatus fuit, primum quidem prostratus instar morientis iacebat, posteaquam deinde à \*grani somno experrectus est, ebrietatemque discussit: in primis comæ defluerunt, præterea digiti, & ungues, deinceps omnia in ambitu corporis membra contabuerunt. Quoniam verò adhuc in semine facultas erat, iterum tamquam ab ortu hominem natura velut ex cera creauit, alios enim crines enutrit, ungues nouos, & nitidam carnem instaurauit, ac vetus corium, cetera senectam serpentum exiit, & tanquam alter homo ad vitæ munia reuocatus est, & c. Aretæum lib. 2. de signis, & causis diuturnor. morbor. cap. ult.

## PARAPHRASIS.

**I**N superioris historię explanatione, poetica miscuimus medicis, nam in hoc libro flores vndique delibantes, variam, & miscellaneam sectamur doctrinam. Modò ad elephantiasin reuertamur, de cuius curatione præter plurima auxilia à priscis tradita, alia proposuit illustris, & verus auctor Nicolaus Florentinus serm. 7. tract. 5. sum. 1. cap. 4. quæ addideret expositioni meæ, nisi in praxi historiarum, hæc omnia ex professo essent enucleanda, solummodò de vino viperino est habendus sermo. Nam Ishac lib. 7. viatici, c. 17. sic ait. Nunquam vidi in vita mea, hanc agilitudinem habentem plenariè sanatum, nisi vinum bibat, in quo Tyri inciderint, & in eo compuruerint, hunc enim scilicet bibentem dictum vinum, virum vidi expoliari & cute excoriari, quum illud vinum biberis: unde certificauit quod dixerunt antiqui de inuamento carnis, & pinguedinis Tyri in hac, & in omni alia passione melancholica; & proinde purgato corpore cum hieris magnis, & syrupo, vel decoctione, & Epithymo, & sero, cum eis demus theriacam magnam, factam cum pinguedine, & carne Tyri, & c. Explicat eleganter Auic. 3. 4. tract. 3. c. 3. Tantam enim vim, & potestatem habet caro viperina pro hoc Herculeo morbo debellando, ut herba viperina hac de causa hoc nomine insigniatur, quòd eius decoctum elephantiasin curandis mirè conducit, ut notauit Ioannes Iaraua in suo herbario in Dioscoridem, Hispano idiomate conscripto. Addunt recentiores, quòd viperæ possunt etiam coqui in succis, vel decocto, humori melancholico vacuando accommodatis, ut fumarie, buglossæ, borraginis, & endiuizæ, & deinde cum saccharo fiat syrupus, qui elephantiasin curandæ conferet eximie.

## QVÆSTIO II.

Vtrum vitæ humana conseruatio amplius collocanda sit in vigilia, quàm somno. Contra Plinium & Aristotelem.

### COMMENTARIUM.

**G** Ravi somno.] In vtilissimo argumento de somno, veterum, & Classicorum cultissimi insudarunt, nos in eodem sumus versati lib. 1. in com. hist. 14. At noua lectio auctorum multa suggerit, & ad huius instituti penetralia manuducit, maximè quòd Philosophorum eruditissimi, falsam, immò adulterinam monetam sæpe recidunt, quæ nescio plùsne deformitatis habeat, quàm sit venustatis habitura, si Hippocraticæ doctrinæ; & in integrum debeat restitui. Vt verò propius ad Philosophiam, & medicinam accedamus, excellentes Galeni sententias defloremus, qui pluribus in locis somni proponens vtilitates miras, in eo totum salutis humanæ, vitæque conseruandæ cardinem reponit.

At contra Aristoteles lib. 5. de generat. animal. c. 1. dum enim eo loco difficilem quæstionem agit, vtrum in prima generatione vigilia præcedat, an somnus, illa vitam consistere, proferre non dubitauit. §. Vinitur autem potissimum Vigilia. Vnde apud Plin. vitæ, est Vigilia. Cur autem? quia operatio, siue actio, ut Aristot. idem tradit, lib. 2. Eudem. cap. ult. & Lactant. lib. 6. c. 17. Vita actiuosa; mors, quies; & somnus vitæ est orium. Quare Plinius in proemio sue natural. histor. Cum somno, inquit, valetudinem copiamus, vel hoc solo premio contenti, quòd dum ista missitamus pluribus bonis viuimus, profectò enim vitæ, vigilia est. & c. l. 7. c. 50. quid quòd estimatione nocturna quies, dimidio quisque spatio vitæ sua viuit? parique morti similis exigitur, quia dum dormit, perinde est, ac si non viueret; quia ut lib. de Republic. 7. nemo dum dormit, alicuius est pretij, non magis, quàm si non viueret.

Hic sensus fuit Ducis illius Thebanorum sapientis, ac strenui Epaminondæ: Nam cum quendam in excubiis dormientem inuenisset, gladio transfixit, quòd factum cum ut crudele reprehenderetur, hac ratione excusauit, talem reliqui. qualem inueni; eodem videlicet loco dormiens ipsi erat, ac mortuus, Quid? nonne & qui fratrem mortis somnum appellarunt, idem planè sensisse videntur? ut Homerus sæpe, quem citat in consol. ad Apoll. Plat. ut & Gorgias Leontius apud Aelian lib. 2. varia histor. c. 38.

Hinc moribundus, rogatus quomodo se haberet, respondit, iam me somnus incipit fratri suo reddere. Sic & Diogenes moriturus, frater fratrem excipit, dicebat: & Senec. Herc. fur. act. 4. Fratrem duræ languidum mortis nominat: gelidæ mortis imaginem Ouidius lib. 2. amor. eleg. 9. Quare Stobæus serm. 3. ex multorum sensu Philosophorum sapienter præcipit dormituro, ut ex se prius exquirat, quid boni, malive egerit lecto decubiturus, ac si manè moriturus: id quòd viri boni, & pij, præsertim inter Ethnicos receperunt, & expressit his versibus Virg. epig. de viro bono.

Non prius in dulcem declinat lumina somnum,

Omnia quàm longi reputauerit acta dici,

Quæ prætergressus, quid gestum in corpore, quid non:

Cur isti facto decus absuit, aut ratio illi, & c.

**E** Hac ratione apud veteres somnus nihil aliud est, quàm mors temporaria, & vnius diei interitus. Sic morti in sacris literis somni vocabulum accommodatur, & verò etiam in poetarum scriptis; hinc illud Virgilij Æneid. 10.

Olli dura quies oculos, & ferreus urget

Somnus, in æternam clauduntur lumina noctem.

Argutè verò Thomas Morus, Britannicæ decus, & ornamentum, de hoc, suo quodam lusit carmine:

Non es, dum in somno es, dum nec te viuere sentis,

Felix, at somnus nū veniat, miser es.

Qui felix igitur sorte indulgente superstes,

Inflatusque leui prosperitate tumes?

Nam quoties venit, aut toties iam desinis esse

Felix, aut toties incipis esse miser.

Sic & Clemens Alexandrinus 2. pedag. cap. 9. parem, aut similem



similem esse morti somnum pronuntiavit. Sapienter hac de causa Ovidius lib. 1. *metamorph.* somnū in tenebris reponit, quo loco omnis tristitia adest abest omnis latititia.

*Est prope Cimmerias longo spelunca recessu,  
Mons caeuus, ignavis domus & penetralia somni,  
Quò nunquam radiis oriens, mediisque, cadensve  
Phœbus adire potest, nebula caligine mixta  
Exhalantur humo, dubiaque crepuscula lucis.  
Non vigil ales ibi cristati cantibus oris,  
Euocat auroram, nec voce silentia rumpunt  
Sollicitusve canes, canibusve sagacior anser:  
Non fera, non pecudes, non moti flamine rami,  
Humanæ sonum reddunt conuiuia lingua.  
Muta quies habitat, saxo tamen exit ab imo  
Riuus aqua Lethe: per quem cum murmure labens,  
Inuiat somnos crepitantibus unda lapillis.  
Ante fores antri fecunda papauera florent,  
Innumeraque herba, quarum de lacte soporem  
Nox legit, & spargit per opacas humida terras.  
Ianua ne verso stridorem cardine reddat,  
Nulla domo tota est, custos in limine nullus.  
At medio torus est hebeno sublimis in antro  
Plumens, unicolor, pullo velamine tectus,  
Quo cubat ipse Deus membris languore solutis.  
Hunc circa passim varias imitantia formas  
Somnia vana iacent: totidem, quot messis aristas,  
Sylua gerit frondes, eiectas litus arenas.*

Ob hæc mirari licet, quo pacto voluerit natura, ut animalia sensu, & motu definita, per dimidiam vitæ partem, sentiendi, & mouendi facultatibus, instar plantarum priuata dormirent, si ad vitam perfectam qualem animalia decebat, non modò variæ supra plantas, eadēque perfectiores, sed & magis continuæ requirebantur.

Dic, quòd cum natura semper alicuius boni gratia agere dicatur, nec in eo defecisse credendum est; sed propter aliquid melius voluisse, ne continuò sensuum, & motuum opera exercerent animalia, scilicet ut diutius, & incolumius viverent, maioremque vim in sensibus, & moribus obtinerent. Si enim interdiu, noctūque non interposita quiete sentirent, & mouerentur, viribus, præ nimio assiduoque labore dissolutis, citissime deficerent.

Rursus nisi interuentu somni vniuersum calorem in viscera & principia retraheret, ut noua fieret spirituum, & calidi regeneratio, sufficiens copia non suppetere ad motiones, & sensationes exequendas. Denique cum animalium vita vegetabilibus, & animalibus operationibus integretur, vnusque & idem calor omnibus illis inferniat, variis in locis, in quibus potissimum fiunt, nec possint magna opera peragi, nisi multi simul ministrantes conueniant, necessarium fuit vniuersum calorem vigilæ tempore, sensibus & moribus dicatum, ad exteriora mandare, noctu retrahere ad alitionis opera; atque ita somni, & vigilæ vicissitudinem machinari, & in ea vitæ tempus distribuere.

Hinc fit ut somni tantæ ab auctoribus utilitates proferrantur, quæ si non essent, vita nostra dispensari non posset: somnus enim est animi quies, malorum dormitor, pars humanæ vitæ melior, ut Seneca ait in *Hercule furente*: quare Claudianus sic cecinit in *præfat. 4. de Honor. consul.*

*Omnia qua sensu voluntur vota diurno,  
Tempore nocturno reddit amica quies.  
Venator defessa toro quum membra reponit,  
Mens tamen ad siluas, & sua lustra redit.  
Iudicibus lites, auriga somnia curris,  
Vanæque nocturnis meta cauetur equis.  
Furto gaudet amans, permutat nauita merces,  
Et vigil elapsas querit anarus opes.  
Blanda que largitur frustra sitientibus agris,  
Irriguus gelido pocula fonte sopor.  
Me quoque Musarum studium sub nocte silenti,  
Artibus assiduus sollicitare solet,  
Namque poli media stellantis in arce videbar,  
Ante pedes summi, carmina ferre Iouis.*

Ut enim scitè notauit Tertull. somnus est recreator corporum, redintegrator virium, probator valetudinum, pacator

Lib. VI.

operum, Medicus laborum, cui legitime fruendo dies cedit, nox legem facit, auferens rerum etiam colorem.

In schola autem Medicorum satis notum est, somnum ea de causa à natura fuisse institutum, ut animalium vires, quæ spirituum, sanguinis, solidarumque partium resolutione labefactantur, somni tempore reficerentur, ad pristinumque robur animal rediret; redit autem ea ratione, quoniam per somnum omnes illæ consumptæ partes regenerantur concoctione alimentorum, quorum est præcipuus auctor somnus, ita ut à multis dicatur coquus naturæ. Concoquit autem somnus, quia calorem naturalem intrò reuocat, ubi consistunt alimenta concoquenda. Hanc utilitatem maximè præstat, si post assumptum cibum fiat, iuxta illud Homeri *Odyss. vii.* relatum à Gal. 5. *de sanit. tuend. cap. 3.*

*Ut lauit, sumpsitque cibum, dat membra sopori,  
Namque hac iusta seni.*

Concoquit autem somnus, non alimenta solùm quæ in ventriculo hærent, verum & in iccore, & partibus omnibus, quo fit ut per ipsum partes omnes crescant solidæ, humidæ, & spirituosæ: cum enim spiritus omnes, & sanguis intrò reuocentur, nec ampliùs ad externa moueantur, euenit ut in somno eorum quoque copia crescat, & augeatur. Quare somnus distribuit, calorem robustiorem facit, omnes facultates recreat, & mirandum in modum robustiores facit. Quare somnus concoquit, 12. *meth. cap. 3.* & potentias vigilæ tempore defatigatas viuificat, & instaurat.

Hic est naturalis somni finis, quem natura per hanc spirituum, & caloris retractionem intendit, (qua mediante somnum, hoc est, sensuum & motuum impotentiam inducit) scilicet animalis quies, & collapsarum virium instauratio, quam molitur spirituum animalium quiete, & reparatione in loco ubi fit retractio, nempe in sensoriis, motorisque organis, aut in illo in quo fit alimenti ingesti confectio; vtrique autem vsui natura ipsa inseruit, calorem & spiritum ad sua principia reuocando. Cum enim varij illi vsus ad varias spectent facultates, scilicet alimenti confectio ad naturalem, spirituum quies, & reparatio ad animalem; pro maiori vel minori, huius vel alterius necessitate, ita vna aut altera initium facit, ut v. g. cerebri facultas, si spiritus in organis nimis absumpti sint, nec multa alimentum ingesta: Si verò è contra res habeat, ipsa naturalis concoctrix hepatis, vel ventriculi somnum mouet, & exorditur, calorem ad se reuocando; quam sequitur animalis spiritus suos etiam retrahendo.

Soluenda tamen celebris dubitatio est: si somnus sequitur post assumptum cibum, quomodo citra hunc, & somnum possint homines vitam producere, & diu perdurare? Narrant enim non contemnendi auctores, plures fuisse, qui per multos dies, nec annos cibum assumpserint, & sine eo vixerint diutissime; quod si miraculum non est, miraculo tamen par adscribi debet, De qua re si requiras testes, præter multos quos refert Marcellus Donatus lib. 4. *de medic. histor. mirabil. cap. 12.* sequitur Schenckius lib. 3. *observat. rar. de asitis.* Id confirmant Robertus Guaguinus lib. 3. *Hist. Francor.* Francisc. Petrarch. lib. 4. *de mirabilib. c. 22. tract. 7.* Simo Portius in *hist. de puella Germanica*, Abbas Vespergensis. in *Chronica*. Paulus Lentulus in *histor. admiranda, de prodigiosa Apollonia Schreiera virginis in agro Bernensi historia*. Barthol. Anulus in *pista Poësi, circa finem*, Augustinus Buccius libello *de viis nutritione*, Thomas Bozcius lib. 1. c. 3. *de signis Ecclesie*, Baptista Fulgosius lib. 1. cap. 6. Ioan. Lessæus lib. 9. *hist. Scotic.* Favorinus apud Gellium lib. 16. cap. 3. & alij.

Dic, Verum quidem esse, plurimos citra cibum exterum vixisse diu, non tamen internum: nam ij pituitosum, lentumque humorem coaceruant, qui cum glutinosus sit; ac tenax, difficulter concoquitur: & in sanguinem abir. Hoc modo viuunt animalia citra cibum, quibus corpus est hebes, & tardum, & ad quosuis motus & exercitia ineptum. Quare ex hoc mucoso humore eleuantur continuò vapores ad cerebrum, qui id irrigando & eius ventriculos obstruendo, somnum longissimum efficiunt.

HHH h

Nam

Nam quid dicemus de iis, & aliis qui diutissime dormiunt, & somno, non cibo externo pascuntur? de quo genere homines quidam esse censentur, qualem scribit Lærtius *lib. 1.* fuisse Epimenidem qui 57. annos perpetuo dormiuit. Marcus Damascenus in *Physic. Arist.* narrat, suo tempore Rusticum in Germania sub ingenti fœni cumulo per autumnum, & hyemem dormiisse & consumpto paulatim fœno, attonito similem, ac semimortuum extitisse. Hoc modo Lilius Giraldu *dialog. 17.* gentem esse supra Borysthenem, quæ tercio tantum die cibum semper capiat, & ex Boccacio probat Cornelius Agrippa Venetiis fuisse hominem, qui 40. dies vixit absque cibo. Hieronymus Benedictus Medicus nobilis, Venetiis fuisse quendam scribit, qui totus 46. ieiunus vixit, quum esset frigida corporis habitudine, crassaque pituita, & incocta, obstructaque corporis meatibus præditus, & retulit Nicander Ioliuss in *opusculo de somno & vigilia, prope finem.*

Sanè miraculosa est Historia puellæ illius Spirensis, descriptæ à Langio *lib. 2. epist. 27.* quæ tres annos famem tolerauit; quam apud se fuisse dies 12. Gerardus Bucoldianus Medicus testatur, iussus à Ferdinando Rom. Rege, quæ statura erat iusta, bona habitudine, oculis cæsis, vultu ac facie non illiberali, ingenio planè puellari ac simplici, ore semper arido; nunquam expuebat, nihil omnino admittebat potus, plorabat, nares emungebat, dormiebat, viscera nil videbantur habere vitij, non iecur, non lien; quem affectum existimabat ille, ex humore pituitoso, crudo ortum duxisse: certè puella scabie vrgebat pituitosa, quam historiam eleganter descripserunt etiam Gregorius Horstius *lib. 7. de medica hist. mirabil. apud Marcel. c. 1.* Franciscus Citefius in *lib. peculiari scripto, Abstinens Consoletanea:* & alias etiam admirandas enarrant Ioan. Matth. Hællus *quest. 6.* Prosper Aquitanus *lib. 7. predicamentis.*

Licet autem apud Medicos plures sint causæ, ob quas cibi rædium excitetur, ex omiſſa scilicet quotidiana exercitatione, nunc deiectione quadam naturali, nunc intermissa purgatione solita, interdum ex obstructione splenis aliquando repletionem, Fauorinus *loco cit.* esuritionem facere asseruit, inanes patentisque intestinorum fibras, & caua intus ventris, & stomachi vacua hiantia, quæ ubi cibo complentur, aut inanitate diutina contrahuntur, & conuiuent, tunc loco in quem cibus capitur, vel stipato vel adducto, voluntas capiendi eius, desiderandique restinguitur.

Neque nego multa esse, quæ natua proprietate à fame & siti præseruent: Nam Solinus *Polyhist.* Alimon herbam celebrat in Creta, quæ ad morsam diurnam famem prohibet, vnde illi nomen factum à depellenda fame, quod facile crediderim. Huius enim semine linguæ subdito sitim non sentiri, prodidit Plin. *lib. 8. cap. 22.* De eadem herba in *Dioscorid.* Matthioli. *lib. 1. cap. 103.* & Marcel. Virgil. *lib. 1. cap. 3.* varia scribunt: & variis appellari docent nominibus Paulus *lib. 1.* Theophrast. *lib. 4. de hist. plantar. cap. 20.* & *lib. 5. de caus. plantar. cap. 22.* Quapropter etsi non negem, à multis causis concitari omnimodum fastidium, & citra cibum diutissime homines posse vitam transigere: tamen frequentior, & magis communis est causa, quæ ex abundantia humori s pituitosi elicitur. Iccirco somnus ferè sequitur ad ingestum cibum, vel externum, vel internum, qui diu & importunè à calore debili elaboratus, in probum sanguinem conuertitur.

Insuper, vt cætera prosequamur, addendæ sunt commoditates somni, quibus ipse naturæ nostræ sit pergratus valde. Cum enim vita nostra sit permansio calidi in humido, sit vt somnus qui natura sua humectat, tantopere efferatur. Hanc in somno vtilitatem confirmat Galenus *lib. de marasmo, c. 2. & acur. vlt.* & ratio, experimentumque suadent. Nam per somnum excrementa retinentur, à quibus humectatur corpus: Somnus morbos sanat siccos, vt melancholiam, maniam, phrenitidem, immò sitim 5. *aph. 27.* Si verò aliquando aucto interno calore, & corpore inanito, per balneum, venæ sectionem, vel alia ratione exhausto, exiccet, id non per se, sed ex accidenti fieri existimandum est.

A Hæc autem intelligas velim, dummodò somnus sit tempestius, & moderatus: nocturnus enim est optimus; diurnus prauus: inter diei autem partes, minimum nocet matutinus, maximè vespertinus, mediocriter verò meridianus, Nam vt monuit Persius *Satyr. 3.*

*Qui satur irrisquo manuli turgescere somno.*

Caput vaporibus implet, & coctionem turbat: Quare vt Plutarchus docuit: Nocte quoque, non die dormiendum. Ita dicebat Seneca *epist. 122.* *Turpis qui alto sole semisomnis iacet, enim vigilia medio die incipit.* Nocte enim innatus calor ad interiores collectus sedes fœlicius concoquit alimentum; iuuant frigus nocturnum, & tenebræ, quascum spiritus animalis, suapte natura lucidus effugiat, retrocedens intrò, & sic vnitus promptius fit coctionis instrumentum. Hoc modo frigus circumstans calorem reuocat, exhalationem in cerebro congelat, & commeatum prohibet; ob hanc causam roboratus calor cibum liquat, & coquit.

Nocturnus iuuat, si horas noctis tres expectes, vt docuit Oribal. *lib. 6. collect. 4.* in hoc enim spatio refrigeratur caput, in eoque exhalationes concreſcunt. Diurnus somnus reprobus est, ex Gal. *2. acur. vlt.* Nam sicuti ratione somni retrahitur calor ad interiora; sic propter lucem, & calorem diei, reuocatur ad partes externas; ex qua motuum varietate natura perturbata ad suas actiones redire non potest. Adde diurnum somnum, minutum esse, & incompletum ex quo emanant cruditates, pandiculationes, oscitationes, ructus, pallor, faciei tumor, flatus, gurgulationes ventriculi, rugitus, nausea, ex Auic. *2. 3. tract. 1. c. 101. de regimine conualescentium, membrorum laxitas, capitis grauitas:* explicat Christoph. à Vega *lib. 2. prog. com. 40.* Quare legitur in *regimine salernitano, cap. 3. de somno:*

*Sit brevis, aut nullus tibi somnus meridianus,  
Febris, pigrutia, capitis dolor, atque catarrhus  
Hæc tibi proueniunt ex somno meridiano.*

Excipe matutinum, qui à Gal. laudatur *4. acur. 95.* & Celso *lib. 20. cap. 4.* maximè in illis, qui alimentum probè non concoxerunt.

Insuper somnus si immoderatus sit, conseruationi vitæ humanæ nocet eximie: Nam robur facultatum dissoluit, cruditates parit; sanitas enim mutua illa somni, & vigiliæ vicissitudine constat, vt partes in naturali symmetria constitutæ suas operationes perficiant, nutriantur, & earum excrementa extra corpus possint expelli. Quapropter somnus ad iuuandas concoctiones necessarius fuit, vigilia ad expurganda excrementa. Ex eo fit vt somnus immodicus quum plus iusto humectet, spiritum, & effluvia cohibeat, recrementorum exhalatione caput repleatur, animalis spiritus, turbidus & caliginosus reddatur, potentia omnes sensitiuæ internæ, & externæ torpescant, frigidi morbi propullulent, & ex nimia copia obrutus innatus calor, extinguitur.

Immodicus enim somnus, inquit Clemens Alexand. *lib. 2. pedag. c. 9.* nec corporibus, nec animis nostris vllam afferit vtilitatem. Est enim saluti humanæ nocentissimus, coctionem perturbat, cerebri vapores accumulât, debilitat præstat animali à Medicis vocatæ facultati, cuius opera sunt sentire, & mouere, denique mortem accersit. Sicut in moderato, nostræ vitæ duratio consistit, non verò in vigilia. Licet enim moderata vigilia, ac moderatus somnus non contemnendas afferant vtilitates; tamen vitam nostram magis esse collocandam in moderato somno, quàm vigilia, quum per illum calor noster amplius vnietur, & in vigilia contra expandatur, & euolet, ex suprâ dictis satis liquet aperte Consule eruditissimum Santorellum *lib. 17. antepraxis cap. 5. Valleriolam 2. loc. com. cap. 8.*

### QVÆSTIO III.

*Vtrum somnus ab alimenti vapore, an ab anima agente oriatur. Contra Aristotelem.*

EXcellens Philosophiæ parens, & doctrinæ monumentis illustris Aristoteles *lib. de somno, & vigilia, cap. 1. 3. & vlt.* nihil aliud dixit esse somnum, quàm

quàm nodum, vinculum, priuationem, impotentiam, denique quietem primæ partis sentientis, siue illa cor sit, quod ipse putauit, siue melius cerebrum cùm Medicis. Galenus 1. de caus. sympt. ult. definiuit animalis facultatis quietem, 2. aph. 3. primi sensorij refrigerationem. Auic. 1. 1. tract. 4. cap. 1. & Auerr. 2. collig. c. 2. 1. reditum spirituum ad cor, vel cerebrum, vel viscera; nec dissentire videtur auctor definitionum medicinalium describens remissionem animæ secundum naturam, à finibus ad principium.

Licet verò Aristoteles 6. Topicor. 3. logicum agens, prædictas definitiones reiiciat primò, quia cùm somnus, & vigilia in toto animantè sint, dici non possunt primi sensorij affectus; deinde quia impotentia illa, & vinculum ad somnum sequitur, sicut apertio, & solutio ad vigiliam; reditus spirituum antecedit; atque ita potius sunt causæ, vel effectus, quàm essentia definiti. Nihilominus tamen rectè admittuntur Medicis pariter, & Philosophis, quibus sufficit res per suas causas explicare, maxime quod nihil aliud videtur somnus, quàm illa primi sensorij impotentia, seu ineptitudo quædam sensuum & motuum, à primi sensorij dispositione dependens: eo enim ligato, & impedito, inhietur animalis facultas, sensuum & motuum effectrix, ne membris accedat; vigilia autem solutio, & apertio.

Logica verò, & exacta definitione rectè vtrumque explicabis, viuientis dispositionem ex primo sensorio dependentem, quum tamen somnum describimus per impotentiam, & priuationem; non omnimoda intelligenda est, sed exilitas quædam, & languiditas, prout admonuit Galenus lib. 1. de caus. sympt. c. ult. Agit siquidem, licet debiliter tempore somni, animalis facultas in sensuum organis languescens, à valido sensorio excitata, sicut nonnunquam & motiua à valida imaginatione impulsæ, ut patet in multis qui dormientes loquuntur, mouentur & gradiuntur.

Per reditum caloris ita intelligendum est, ut non modò antecedit, tanquam origo, & principium somni, sed detur semper toto somni tempore: magis siquidem quamdiu dormimus, calor ad interiora vergit, quam ad exteriora, ut colligitur ex Gal. 3. de caus. puls. cap. 9. quanquam in prima somni parte maior fiat ipsa retractio, quod indicat magna extremorum infrigidatio: multò minor in posteriori, in qua externa plus calent, magis iam reuocato calore.

Denique refrigeratio dicitur, quoniam ea frequenter seu somni causa antecedit, sequitur verò perpetuò; tum quia spirituum animalium priuatio, & facultatum otia refrigerant, tum quia alimenti halitus somni tempore intus cohibitus, & ad caput eleuatus, concreuit & congelatur à caluatiæ cerebrique frigiditate, quod salua ab ore dormientis profluens, & multus expergiscentis scretus satis confirmant.

Verum cùm in Apoplexia, & nonnullis aliis affectibus, detur sensuum ac motuum impotentia, etiam à primi sensorij dispositione proueniens, nec tamen apoplectici in accessionis hora dormiant, aliquid ad exactam somni definitionem necessariò addendum est, quo separeretur à reliquis affectibus, in quibus similis ineptitudo, vel priuatio reperitur.

Et secundum Aristotelem, integrè definiendus est somnus, vinculum primæ partis sentientis, seu impotentia sensuum & motuum, ab alimenti vapore conscendente proueniens; in quo putat distingui ab affectibus illis, in quibus sensu, & motu animal non dissimiliter priuatur, quique habent causam morbosam, & præternaturalem. Quoniam tamen accidit nonnunquam, fatigatos homines sine sumpto alimento in somnum profundum incidere, aliquando præ labore nequaquam posse dormire, adiecit, somnum quidem ab alimenti vapore, vel colliquationis alimento similis fieri: colliquatio enim, ut ipse putat, perpetua est laborantibus, & defatigatis, & si calida quidem fuerit, non aliter ac alimentum euaporando, inquit somnum inducere; minime autem si frigida, propterea quòd non exhalat.

Sed quòd ea differentia intrinseca non sit, nec per illam

Lib. VI.

A somni natura rectè explicetur, manifestè ostenditur: Nam dormiendi voluntas, plantarum titillatio, blandus aquarum decursus, mollis extremorum frictio, lenis, suauisque cantus, silentium & tenebræ, etiam nullo assumpto alimento, somnum mouent. Insuper lassitudo non ex colliquantur exercitio, sed ex meditatione, & sollicitudine; & tamen in illis nulla vel alimenti, vel colliquationis exhalatio continetur. Igitur.

Præterea quoties alimentum sumitur, non statim somnus obrepit, nec alimento denegato necessariò non inuadit. Quare, &c. Denique somnus naturalis, quemadmodum sapienter notauit Auerrhoës 2. collect. 2. 1. quomodoque reliqua varientur, suas periodos statutas obseruat, & vsque adeò inuariatas obseruari oportet, quod si deficiat, gracilitatem, pallorem, & multa alia nocumenta inducat: in illius demum simul & vigiliæ vicissitudine, animalium status, & duratio consistit.

Probabiliter igitur credendum est, non commisisse naturam vigilandi, dormiendique munus, tantopere animalium conseruationi necessarium, fortuitæ alimenti, aut colliquationis exhalationi; sed aliquam animæ facultatem huic muneri destinasse. Animæ igitur agenti referendum dicit Galenus lib. 1. de caus. sympt. c. ult. & 3. de caus. puls. 9. & Auic. 1. 3. tract. 4. cap. 1. & Auerr. ubi supra: nec putant ij voluisse Aristotelem, alimenti exhalationem causam esse nisi instrumentariam, & occasionariam, & hanc in lib. de somn. & vigilia explicasse: principalem verò ex lib. de anima esse petendam, ubi de animæ potentiis discessit. Illa igitur erit somni naturalis exacta definitio, & per differentiam à priori tradita, scilicet: impotentia sensuum & motuum, seu primi sensorij vinculum, propter naturam spiritus retrahentem: innaturalis verò, propter causam præternaturam, obstruentem, impediendentemque delationem facultatis animalis ad membra. Penes quas differentias, dicti somni inter se distinguuntur, & naturalis à morborum affectibus, in quibus, sensuum impotentia laboramus.

Nec contemnenda est illa, quam Auicenna tradidit, definiens, reditum spirituum ab organis sensuum, & motuum ad principium, præter instrumenta respirationis: quæ differentia à posteriori sumpta, somnum separat ab Apoplexia, in qua vniuersaliter membrorum motus simul cum sensu perit. Cùm ergo naturalis somnus fiat ab anima, pro temporis vicissitudine sponte sua agente, non coacta ab exhalatione materiæ, vel aliqua alia causa, licet aliquando allecta, dicendum planè est, illum actionem esse, hoc est, agente natura fieri, quantumvis dormiendo etiam patiantur animalia: morbosum verò simpliciter passionem; utpote à præternaturali causa obstruente, & vim naturæ inferente, subortum.

Sed quænam sit hæc animæ facultas somni auctor, cuius generis, & ubi sita, non est facile explicare. Auerrhoës ad sensitiuam refert, ex eo persuasus, quoniam cùm somnus, & vigilia solis sentientibus insint, sensitiuæ facultatis opera videntur esse, eo maxime, quia ipsa per somnum quiescendo roboratur, & per vigiliam agendo, viget, modò retrahendo, modò expandendo spiritus.

Quòd si obiciat, somni tempore otari sensitiuas potentias, nec modo aliquo operari. Respondetur, hæc, cui dormiendi, vigilandique vicissitudo commissæ est, in eo ab aliis distingui, quòd alia somni tempore quiescant, nec suis fungantur muneribus: sola autem hæc nunquam ab opere ferietur, sed in continuo sit, per vigiliam spiritus ad sensuum, & motuum organa demandando, per somnum retrahendo; quumque toti prouideat, regitiuam totius appellat. Prouider autem, quia non modò pro tempore, ut diximus, operum instrumentum mandat, quo animal fiat sensus & motus particeps, sed quia opportunè colligit, & retrahit, ut instar Ducis prouidi fufum exercitum repararet, ac reficiat. Insuper ut retractione caloris coctionem perficiat in tró suscepti alimenti; Ob id enim potissimum perfectiores fiunt somni tempore coctiones. Virtutem hanc idè Auerrhoës putat in corde contineri, & ad illud fieri retractionem

HHH h 2

spirituum



spirituum & caloris, somni tempore, quoniam, inquit, à A corde prodeunt per vigiliam, ad illud autem oportet reuer-  
 ti, à quo initium habuere.

Galenus verò licet expressè fateatur, vigiliam, & natu-  
 ralem somnum ab anima agente fieri, modò spiritus &  
 calorem ad interna retrahendo, modò ad exteriora pro  
 tempore mandando; quum tamen aliquando, vt *lib. de irre-  
 more, & palpiat. cap. 7.* animam ab innato calore non sepa-  
 ret, ità hanc motuum caloris vicissitudinem animæ agēti  
 tribuit, vt arbitretur fieri ab ipsomet calore seipsum mo-  
 uente prout tamen frigore contemperatus existit; ex cuius  
 permixtione temperari, componique oportuit, ne suapte  
 natura, ad exteriora, superioraque mobilis velocissimè dis-  
 siparetur: cum ergo, ait, insitus calor ex se sponte sua sur-  
 sum, ad extraque moueatur, deorsum autem, & ad ima,  
 (hoc est, ad proprium principium, explicante ipsomet Ga-  
 leno) ob frigus adiunctum, cuius est intrò compellere,  
 accidit illa motionum in spiritibus varietas, per somnum  
 ad intra, per vigiliam ad extra.

Cæterum quamuis calor & frigus, spiritibus quos com-  
 ponunt, propensionem quandam tribuant ad varios illos  
 motus; ita tamen certos & ordinatos, pro vsu & necessi-  
 tate respondentes efficere ex se non possunt. Quamuis  
 autem Galenus *vbi supra, & lib. de vilitat. respirat. cap. 5.*  
 animam appellauerit spiritum, aut temperamentum, aper-  
 tē tamen *7. de placit. 5.* illud negat, condens tantum esse  
 instrumentum.

Iam verò quòd hæc motuum vicissitudo in spiritibus  
 & calore, addicenda non sit cum Auerrhoë vni sensifica  
 facultati, quamuis negari non possit, ipsam dormiendi tē-  
 pore animales spiritus in cerebrum colligere, & esse po-  
 tissimum somni auctorem manifestum fiet, si per singulas  
 membrorum facultates discurremus. Omnibus siquidem  
 commune est, modò ad intra, modò ad extra calorem mo-  
 uere: nam cor horrido aliquo, aut noxio conspecto, confe-  
 stim ita edocente natura, sanguinem, & spiritus in se, tan-  
 quam in arcem retrahit; in latis, & familiaribus expandit,  
 quod satis confirmant metuentium, tristantiumque pallor,  
 & lætantium rubor. Sic animalis cerebri facultas, in sen-  
 suum, motionumque tempore, spiritus suos per organa  
 distribuit, retrahit, vbi vel reparandi, vel conficiendi ali-  
 menti virget necessitas.

Nec vis ipsa naturalis iecoris ab ea vicissitudine immu-  
 nis existit, nunc sanguinem membris per vasa largiendo,  
 nunc per eadem retrahendo, propter quod extimæ dor-  
 mientium partes, & maximè cuti vicinæ vsque ad eò infrig-  
 idantur. Venterculus verò vbi cibo repletur, calorem ad  
 se ex toto attrahit, idè post cibum, frigus & rigor non-  
 nunquam oritur, cocto & confecto alimento calorem pel-  
 lit, & sic de cæteris.

Cum igitur partes omnes ex innata doctrina nouerint  
 calorem innatum pro vsu colligere, ac dispergere, vel po-  
 tius anima ipsa: mediante quauis suarum facultatum, ve-  
 getabilis, sensifica, aut vitalis; non potest huiusmodi mu-  
 nus sensifica, aut vitali addici, licet ipsa animalis per som-  
 num spiritus suos ad cerebrum retrahendo potissimum  
 agat: vt diximus: quorum retractionem sequitur vitalium  
 retrocessus simul, & sanguinis ad sua principia, ob mu-  
 tuum facultatum consensum. Consule Andream Cæsalpi-  
 num in *quest. medicis, quest. 15.* & Ioannem Grammaticum  
 in *cap. 3. lib. de som. & vigilia Arist.*

#### QVÆSTIO IV.

*Utrum refrigeratio primi sensorij, perpetua somni  
 causa sit statuenda, vt voluit Galenus.*

**T**Ametsi per multa sint in Galeni monumentis perob-  
 scura, quæ Delio, vt aiunt, natatore egent; mihi præ  
 cæteris visa est semper obscurissima hæc antinomia, vix  
 vt credam certum quid à nobis constitui posse, tanta fuit  
 interpretum varietas in explicando: nam inter se dissen-  
 tiunt, qui commentariis huius auctoris libros illustrent.  
 Habet ergo vir facundissimus *lib. 2. aph. 1. com. 3.* hæc verba:  
*Fit autem somnus refrigerato primo sensitiuo, hoc est, cerebro.*

Hæc sententia multis persuadere poterat, Galenum  
 fuisse varium, sui immemorem, & obscurum: quippe qui  
 somnum viscera calefacere semper, pluribus locis assue-  
 ret, edoctus ab ipso Hip. *lib. 6. epid. sect. 4. text. 13.* *Euidēter  
 vigilans calidior exteriùs, interiùs autē frigidior: dormiens, è  
 contrario.* Hoc pluribus exemplis probat in *com.* dormien-  
 tes enim pluribus egemus indumentis. Maior inspiratio  
 plus caloris in penetralibus corporis collectum esse testa-  
 tur: proinde & concoctiones in dormientibus efficacius,  
 quàm in vigilantibus fiunt, non solum in ventriculo in-  
 gestorum ciborum, verum etiam humorum in iecore, &  
 venis. Quæ omnia corporis abditas sedes in dormientibus  
 calidiores effici, manifestè demonstrant, cum à nobis con-  
 cessum sit, ingenitum calorem omnium in corpore conco-  
 ctionum præcipuum esse opificem. Ita *1. aph. 15.* hyeme  
 ob somnos longissimos plura alimenta esse offerenda in-  
 culcat, siquidem insitus calor adauctus per somnū pluri  
 indiget esca. Probat in *com. text. 15, eiusdem loci. 5.* *Cæterum  
 sicut in somno, calido exteriorem superficiem deferente, inter-  
 na corporis magis calent, &c.*

Licet autem somni tempore, hyemæque præsertim,  
 vniuersus ferè calor ad cerebrum, & interiora recurrat,  
 ibique magis quàm æstate, & interdiu vigeat, & sic in  
 omni tempore partes internas calefaciat, hoc quantitatiuè  
 intelligendum est; qualitatiuè enim deficit, ob ambien-  
 tis sæuiciem, caput & vniuersum corpus vndique infrigi-  
 dantis; quod per hyemem satis confirmat pituitosorum  
 humorum generatio, frigida distillationes, aliisque fri-  
 gidi morbi tum capitis, tum aliorum membrorum, quo-  
 rum hyems ferax est, qui per somnum non minus etiam  
 C augentur.

Enimverò etsi illius temporis calor, intrò & ad cere-  
 brum moueatur, conculcatus tamen, imbecillior quodam-  
 modo, & diminutus redditur, *3. de caus. puls. 9.* Et saltem in  
 prima somni parte necessariò refrigeratur cerebrum, ma-  
 ximè ob conceptum intra se concretum humorem, spiri-  
 tum aditus obstruentem, infrigidantemque: vnde à fri-  
 gore, ceu à causa antecedente oritur somnus; non à calore  
 excitante, nec quiescere permittente.

Non minus ad frigus referendus est illorum somnus,  
 qui vbi legere aut meditari incipiunt, confestim dormiunt.  
 Cum enim lectio, & meditatio quosdam dormire, alios  
 vigilare faciant, non aliunde eueniunt ab vna, eademque  
 causa tam varij effectus, nisi quia in quibusdam caput fri-  
 gido humore refertum est; in aliquibus autem, minimè  
 D quibus igitur adest in capite multus, frigidusque vapor,  
 is ab exiguo lectionis conatu quodammodo agitarus, &  
 commotus, per cerebrum errat, & infrigidando somnum  
 inducit.

Deinde cum ipsius vaporis motus, maior fortiorque sit,  
 exiguum illum & debilem, quo mens vel intelligentia,  
 spiritus ad legendum, aut meditandum applicat, distrahit  
 & refringit; cogitque spiritus ipsos in cerebri ventricu-  
 los remeare, quibus collectis, obstructio, & somnus neces-  
 sariò consequuntur. Id verò potissimum accidit ignoran-  
 tibus, & studium parum voluntariè aggredientibus: illis,  
 quia cum non penetrant, figere non possunt intellectum,  
 atque adeò facilè ab intento diuertuntur, & à motu ven-  
 toso, ac infrigidante capti, obdormiunt: his, quia exiguus  
 legendi conatus, lenisque spirituum motus, infrigidantes  
 E status non discutit.

Adde, dormire ignorantes legendo, quia cum non  
 intelligant, tristantur; per tristitiam autem, calidum in-  
 trorsum vertitur ad ventriculos, & infrigidatur cerebri  
 corpus. Ob oppositam verò causam lectio intelligentes  
 excitat, quia ex voluptate quam capiunt, calor extrorsum  
 trahitur.

Vigilant autem qui sollicitè, & curiosè legunt: nempe  
 quoniam animus à lectionis studio nimis excitatus, spi-  
 ritus sollicitè mouens, quodammodo inflammat, atque  
 ita non modò statuum infrigidantium motum refringit,  
 sed & ipsos prorsus excutit, & dissoluit, ex *Arist. lib. 10.  
 probl. 1. & 7.* vbi adiungit, quòd si caput purum sit, &  
 ad intelligendum anima moueatur, somnus non obrepit,  
 immò potius expergiscitur homo, & ad lectionem cum  
 voluptate



voluptate excitatur, quia tunc maximè & potissimum viuit, nobiliorem vitæ actum exercendo. Meditata verò iam lectione quum spirituum motus cesseret, & anima ipsa, re intellecta quiescat, somnus inuadit, quem quies, & otium principaliter accersunt.

Aliter solui potest propositum problema, in hunc modum. Animi intentio, si multa, validaque sit, spiritus attrahit, & à toto, & à cerebri ventriculis ad ipsam cerebri substantiam, in qua cogitatio, & discursus fiunt: cum verò somnus à toto, & cerebro etiam ipso ad ventriculos trahatur, sit ut nonnunquam lectio, & meditatio vigiliam afferant, scilicet ubi nimis intensè, fixoque animo legimus, aut meditamur, vel si somnus præcessit: non enim expergetur dormier, si se tradat lectioni, quoniam non à toto trahitur, sed à ventriculis, in quibus spiritus ferè omnes continebantur: somnum verò aliquando conciliant, & magis illius tempore iam imminente, quoniam ad cerebrum conueniunt, unde facilè spiritus, nisi à valida imaginatione teneantur, ad ventriculos fluunt, in quibus collecti obstruunt, & dormire cogunt.

Ob eandem ferè causam, silentium, & tenebræ soporem accersunt: retrahi enim faciunt spiritus à sensoriis, & musculis, fugientes tenebras sibi aduersantes. Dormiendi autem voluptas, quia clausis sensibus spiritus ad principia aduocantur, & pulsus cogitationibus ad cerebri ventriculos: unde etiam plantarum titillatio, blandus aquarum decursus, & mollis extremorum frictio somnum inducunt: cum enim occupationem quandam in imaginationem inducant, sit etiam à sensoriis tractio, non à ventriculis, quia minor est quàm requiritur, ut ab illis trahatur: à cerebro autem ad ventriculos sensim labente spiritu somnus obrepit, non confestim, sed paulo post: ubi enim fastidium illorum suauum capit, (capere autem necesse est, quia non durat voluptas, sed omnis tanquam fluxa tempore languet, & minuitur) cessante attentione, recipit se spiritus in ventriculos, sequitur obstructio, & in cerebri corpore refrigeratio, denique & somnus.

Neque obstat, quòd aliquando à calidis oriatur, ut myrrha, lolio, styrace, aloë, & c. de quibus Gal. 2. sec. loc. cap. 11. Nam hoc non euenit ob illorum caliditatem, sed propter vim quandam quam habent, ad caput replendum, & grauandum, veluti inebriando, & quia habent partes quasdam præpingues insitas, quæ per actionem innati caloris ventriculi, in hiores versæ, sursum ad cerebrum protinus permeant, & humiditate sua somnum alliciunt.

Iam verò pueri senibus calidiores magis dormiunt, quia, magis abundant humiditate naturali ad somnum naturalem prouocante: somno autem præternaturali, qualis est lethargicorum, superant senes ipsi, propter frigiditatis abundantiam; naturali destituuntur, ob membrorum siccitatem, quæ potius vigilare facit.

Æthiopes natura aridi, somnolenti sunt, & maximè per æstatem, ob pituitam qua in capite abundant, ex natui caloris defectu, tum temporis liquefactam; liquata enim diffunditur per cerebrum, & humectando somnum conciliat. Qui verò caput pituitosum non habent, sed ab excrementis purum, propter paruum somnum nocturnum temporis æstiu, ad pomeridianum incitantur; quem etiam tunc temporis allicit conscendens ab assumpto alimento vapor: vel exhausto innato calore languent organa, unde otari coguntur; sensuum autem otium & quietem, somnum appellamus.

Hoc modo nonnunquam à siccitate somni naturalis occasio præstat, quatenus scilicet inanito per motum, sensumque animali spiritu, (quod per siccitatem intelligendum est) organa operari non valent, & necessitas, vsusque somni auctetur ad dissoluti spiritus reparationem; idque significare voluit Galenus, cum 3. de caus. puls. c. 10. naturalem somnum refert ad siccitatem. Alio enim nomine tantum abest ut somnum inueniat, ut potius impediatur, calorem auendo, attenuando, clarificandoque spiritus, & spirituum reditum ad interna remorando; immò potius foras pellendo.

Lib. VII.

A Non sic autem humiditas, immò verò ad festinam naturæ retractionem, vias, & spiritum disponit, illum insuper incrassans, meatus obstruens, caloremque obtundens, ne se efferat, promptissimè parat ad somnum naturalem, atque idè merito à Galeno lib. 3. de loc. cap. 5. ad impediendum, obstruentemve humiditatem. & prouidet. 19 ad vtilis vaporis concreti copiam (quod idem est) refertur, non tanquam ad principalem primariamque originem, (hec enim est animæ facultas, ut diximus) sed tanquam ad disponentem, parantemque causam; parat enim humiditas, natura inducit & perficit.

Quod verò ad frigiditatem attinet, sine errore dici posset, ab ea non fieri naturalem somnum, sed tantum innaturalem & morbosum inferri, & de eo loquutum fuisse Galenum, dum primi seniorij refrigerationem definiuit, ceu eam à qua magna ex parte oritur: ab excedente enim humiditate potest etiam provenire. Si autem maior etiam à modico frigore proficisci naturalem somnum, innaturalem à valido, & immodico: Dic, quòd licet immodicum frigus naturæ actiones impediatur, & destruat nonnunquam, moderatum tamen sæpenuerò adiuuat, calorem attemperando, & materiam aptè disponendo ad naturæ actiones: modicè verò obstruens, & condensans, animalis facultatis delationem impedit, spiritusque reprimat, ne ad exteriora moueantur; atque ita naturæ, illorum quietem, & reparationem per somnum intendenti, famulatur. Cum verò refrigeratio, non dicatur perpetua, sed frequens tantum causa somni, rectè etiam potest à simplici humiditate, sine frigore adiuncto oriri. Sicut autem frigus excedens, quædam qualitas est ad somnum morbosum potentior, ita senes immodicè frigidi somno præternaturali pueros superant, & comatosis affectibus magis sunt obnoxij; pueri ob natuam humiditatem quæ prævalent, naturali somno prolixius, & profundius capiuntur.

Nec dictis aduersatur Galenus, docens 3. de loc. cap. 5. frigus cum humiditate, carum; sine ea, obliuionem, stultitiamque inducere: nam non negat purum frigus per se solum, posse coma, & carum efficere; nec etiam solam humiditatem, si vehementer excedat, sed frigori cum humiditate addixit, quoniam frequenter, & promptè à duabus illis qualitatibus simul iunctis lethargicæ passionis, & reliquæ præternaturalis somni species, oriuntur, 2. aph. 3. in com. præter catalepsi, id est, deprehensionem congelationemve, quæ à frigore cum siccitate mixto efficitur.

## QVÆSTIO V.

*Vtrum somnus inter res non naturales sit reponendus.*

Inter ea quæ à Medicis solent agitari, hoc dubium laud postremum habet locum: id ergo, sicut & alia, hoc loco agitabimus, ut locupletiores dimittamus studiosorum aures: si quis tamen harum quæstionum stirior (ut ita dicam) est futurus, adiicimus quæ verus nobis lectio suggerit, & ab instituto non videntur aliena. Merito igitur querendum, si somnus res vna est ex sex non naturalibus, quomodo inter res naturales numeretur? Dic, præter septem illa naturalia quæ ab ortu contrahuntur, quæque nostrum corpus integrant, & perficiunt, elementa scilicet, humores, temperaturæ, membra, spiritus, facultates, & operationes, de quibus in præsentia non est sermo, multa alia nuncupantur naturalia, iuxta varias huius vocis [naturalis] significationes. Naturale enim dicitur lib. de mærasmo, cap. 2. id quòd à natura intenditur, vel quod sequitur ad opera naturæ, licet illa nihil minus conetur, aut intendat; in quo sensu mortem aliquam naturalem concedimus: agentibus namque vitæ principiis, calido, & humido, sequitur, vel repugnante natura, in vltima vitæ periodo finis caloris, & tandem mors, quam dicimus naturalem, in eo à violenta distinctam, quoniam ab interno principio originem habet; in quo sensu etiam quidpiam naturale dicitur.

HHH h 3

Galenus

Galenus 1.4. *meth. cap. 1.4.* secundum naturam seu naturale quoque appellat, quicquid utile est, & conueniens: in somno uere ac proprie naturali, omnia ferè illa naturalis significata conueniunt: intenditur enim à natura, ad animalis quietem, spirituumque reparationem, vel alimenti confectionem; ea agente fit, spiritus retrahendo; denique & corpori utilitatem affert: morbosus, ac præternaturalis, è contrà; à causa namque præternaturali fit, frigore scilicet condensante, aut obstruente humore, prohibenteque facultatis, & spiritus animalis exitum; non agente fit, sed patiente natura; denique noxius est, & grauis, 3. *de caus. puls.* 10. 2. *de sympt. caus. ult. 2. aph. 3.*

Nec obstat, quod 2. *prorrhet. sect. 2. com. 29. in com. naturalem* somnum ait oriri ab utilis humidi copia grauante, à qua pari uideretur, & cogi natura, non sponte sopiri. Nam etiam ad naturam ipsam referri potest, retrahentem calorem propter coctionem; ad utilis autem humidi copiam, tanquam ad allicientem, disponentemque causam, Quare naturalis appellatione dignatur somnum ex crapula euenientem, duplici nomine, & quia à natura fit, & non à morbo, sed ab utilis humidi copia; utilisque, & conueniens est.

Auicenna tamen 1.3. *tract. 4. cap. 1.* non patitur absolute naturalem vocari somnum, in quo mediocritatis termini exceduntur; quantitatis, ut quia prolixior fit; vel qualitatis, quia profundior; aut temporis, quia die. Denique si moderato fiat exercitio, nimiaque humiditate grauante, quantumuis alterutram causam habeat naturalem; atque idè somnum distribuit in naturalem, non naturalem, & morbosum, non aliter ac corpus diuiditur in sanum simpliciter, neutrum, & ægrum; & res circa quas Medica ars versatur, in naturales, non naturales, & contra naturam. Sed præterquam quod de nomine uideretur controuersia, Galenus 2. *prorrhet. cit.* ebriorum somnum dicit naturalem & 3. *de caus. sympt.* 10. eum qui ex fatigatione, & nimia siccitate oritur; demum & 1. *de caus. sympt. ult.* naturalem, inquit, somnum animali inducit cerebrum, ubi uult à multa actione requiescere,

Illud notabis, somnum, sicut res alias, non naturales dici, non quod in numero rerum naturalium non contineantur, (sunt enim ex naturalium ordine) sed ob id quia nostri corporis essentiam ac constitutionem minimè complent; cum hæc non ex illis, sed ex elementis, humoribus, facultatibus, & cæteris dictis integretur. Deinde non naturales vocantur, tum quia nobis à natura non insunt, sed forinsecus adueniunt, tum quod nisi opportunè adhibeantur, ita corpus alterant, ut sanitatem etiam sæpenumero destruant & peruertant.

His prælibaris, aliqua in medium vocanda, inquirendumque, quibus notis & indiciis, somnus naturalis, ab eo qui est præter naturam, sit dignoscendus? Dic, quod non solum per longitudinem, sed multò etiam magis per expurgiscendi difficultatem: non enim grauis, hoc est, noxius, & præternaturam, ait Galenus 2. *aph. 3.* nominatur somnus nisi difficilem habuerit expurgescationem, quantumuis tempore excesserit, & 2. *prorrhet. cit.* summa cum utilitate uidit ægros, qui diu per morbum uigilant, nocte dièque continuè, & profundè dormire. Insuper & nonnunquam pueris somnum per duos dies integros difficilem excelsu superuenientem magno commodo fuisse; nec tamen fuisset si præternaturam foret: atque idè innaturalem non dixeris ex sola proximitate, nì expurgiscendi simul habeat difficultatem, & hanc quidem à morbo, non ab utilis humidi copia, propter ebriorum somnum, quem earam appellare non licet, sed illum in quo usque adeò sensu, & motu priuatur æger, ut nec punctus, nec stimularus ullo pacto exciteretur, qualis fit temporalibus musculis percussis, 2. *prorrhet. cit.* aut cerebri ventriculis compressis, ex Galen. *lib. 4. de loc. affect. cap. 2.* aut prauarum accessionum initiis, ob vehementem refrigerationem factam à perniciosiis humoribus, ubi nondum edacredinis deueniunt, ut uigilias, deliria, & phrenitides possint excitare, 3. *epid. sect. 2. com. 34.* Barbaris *suberb* appellatur,

Alia præternaturalis somni species datur, coma scilicet,

& cataphora appellata, in qua ob morbificam causam difficultè expurgiscitur æger. Oritur à pituita humectante, refrigeranteque cerebrum, comitatur lethargicas affectiones, 3. *de caus. puls.* 1. Somnus itaque naturalis solus absolutam habet somni appellationem,

Quæro secundò. Si letitiaz, morboris, & febris, sedem dicimus esse cor, quia ab eo passiones illæ toti eueniunt, sic somnum non ineptè, aut impertinenter in corde fieri arbitramur? Dic, somni occasionem non esse vitalis caloris regressum ad cor, quod rentur Peripaterici, sed primò, & maxime animalis ad cerebrum, ut ex suo Magistro Galeno Medici arbitrantur. Pater veritas huius dogmatis aperte, ex eo, quod in syncope, & timore, multò maior fit caloris reuocatio, quam in somno quantumuis profundo; pallet enim magis facies, quam in dormiente: attamen syncopizans nec dormit, nec cogitatione destituitur, immò sæpe nec auditu; igitur non est auctor somni retractio caloris ad cor, Deinde remediis capiti, non cordi applicitis expurgiscitur, & alleuatur homo, qui somno profundo grauatur: ergo si per regressum caloris fit somnus, ad cerebrum, non ad cor regreditur, saltem potissimum, & maximè, secundariò enim & minùs principaliter non negamus. Nam sicut in deliquiis aliisque propriis passionibus, cor sanguinem arterialem, & vitales spiritus quibus præest, in uniuersum ad se contrahit & retrahit; propter mutuam autem membrorum, & facultatum sympathiam, animalis etiam spiritus licet minùs ad cerebri corpus recurrit: ita in animalium spirituum penuria per somnum, rapitur primò animalis spiritus in cerebrum, non modò ab externis organis, sed à cerebri corpore ad ventriculos; ob eundem uerò facultatum consensum sequitur etiam vitalis caloris, sed multò minor reuocatio ad cor, immò & uenosi sanguinis ad iecur.

Quæro tertio. An sit uera propositio Auic. 2. 1. *doct. 2. cap. 13.* dicentis, somnum omnes operationes naturales fortes efficere, propterea quod calorem coarctat innatum, & uirtutem laxat animalem? Dic, uerissimam esse: quum enim somnus calorem retineat, eumque colligat ad corporis profundum, qui unitus, robustior euadit, fit ut tempore somni uirtutes potentiùs, & perfectiùs operentur, quam ratione tradidit priùs Galenus 6. *epid. sect. 4. com. 14. & 1. aph. 15.* Auic. 1. 1. *doct. 3. c. 9. de puls. complexionum.* Laxat autem somnus facultatem animalem, non quod ipsam debilitet, sed cessare faciat ab operatione, qua roborata, naturalis etiam fit multò robustior, & ob hanc causam operationes naturales somni tempore non solum in uisceribus, 6. *epid. sect. 5. com. 10.* sed in uniuersa corporis mole fiunt robustiores, ex Gal. 1. *de caus. sympt. c. 8. & lib. 3. de caus. puls. cap. 9. in princip.*

Sed obstant plura. Primum, quomodo in partibus externis meliores fient coctiones somni tempore, si ex sunt frigida, & defectum caloris patiuntur. Secundò, cur tempore somni melior fiet coctio, quam in uigilia, si influxus caloris retrahitur à cerebro ad cor. Deinde in somno refrigeratur cerebrum, ex Arist. *lib. de somno, & uigilia, & 2. de partib. animal. c. 7.* Insuper non reprobaretur somnus in soporosis affectionibus, qui coctione indigent, cum tamen Galenus 1.3. *meth. 21.* & Auic. *tract. 4. c. 6. de curatione Lethargi eum interdicant.* Ultimò. Inter operationes naturales quædam perficiuntur motu locali, ut est attractio, & expulsio; coctio perficitur motu alterationis; sola retentio perficitur quiete, & mora. Igitur somnus cum sit quieti similis, ex Hippocrat. & Galen. 4. *aph. 14. & 15.* & Auic. *loc. nuper citato*, solam retentionem fortem efficit.

Hæc ita soluenda sunt. In somno calor non omnino retrocedit à partibus externis ad intimas, aliàs nec uiuerent, nec pulsarent; exigua tamen illa caliditas, condensata cute, & cohibito effluuio sic unitur, & colligitur, ut perfectè sufficiat coctioni. Licet autè hoc uerum sit, tamè dormiens exteriùs euidenter frigidior est, & indumentis eget, & sic incredibile uideretur, pusillam illam caliditatem extrà remanentem, etsi unitam, perfectam coctionem perficere posse. Quare alia potior solutio indaganda,

ex Gal. 3. de caus. puls. cap. 9. reddens enim causas, quare in principio somni pulius sint minores, deinde verò in medio, & in fine, maiores, & vehementiores, sic rem determinat: Nam etiam si calor retrahatur à partibus externis ad intimas, in principio opprimitur & imminuitur, deinde verò potentior redditus, incipit dispergi, & per totum corpus expandi. Sicut enim flamma quando lignorum copia obruitur, parua, & obscura in principio apparet, deinde verò lignis ea occupatis, fulget amplius, & splendet, & ad omnes partes dispergitur; sic accedit calori nativo. Cum enim hic tempore somni ad alimentorum coctionem retrahitur, in principio etiam vaiatur, maior non redditur, immò opprimitur, præsertim si alimenta sint frigidiore: quum verò superauit alimentum; illoque fruitur, validior factus, æqualiter per totum corpus incipit expandi, & sic calor in partibus externis roboratus facilius concoquit, quàm tempore vigiliæ, in qua apertis poris, & referatis cutis spiraculis calor euolat, qui tempore somni densato corporis habitu iunctus, coctioni perfectius opitulatur: ex qua solutione ad secundum argumentum responsio patet. Hoc modo in principio somni cerebrum refrigeratur, ob retractionem caloris ad cor, in medio autem, & in fine, communicato calore ex corde, & spiritu animali detento in cerebro, prohibita resolutione ipsius, & nouo aucto propter coctionem, ipsum incallescit.

In affectibus capitis, veluti phrenitide, cephalæa, hæmicrania, melancholiæ, maxime laudatur somnus: concoquit enim, humectat, attemperat. In lethargo, & affectibus soporosis solet reprobari, non absolute, si enim modicus est, & nocturnus, utilis est; nam huiusmodi affectus sicut indigent resolutione humoris, sic coctionem exoptant, quem procurat somnus; immodicus enim & diurnus nocet summopere, quoniam frigidam & humidam intemperiem adauget, humorisque prohibet resolutionem.

Ad vltimum argumentum dic, tempore somni omnes facultates naturales fieri fortiores, quia partes melius nutriuntur, & copiosorem calorem sortiuntur. Verum cum hæ potentia ordine quodam operentur, & tempore determinato, quia prius operatur attractrix, alteratrix, retentrix, & tandem expultrix: tempore somni alteratrix, & retentrix melius operantur; illa enim calore operatur, qui tunc abundantior est; hæ quiete, quæ in somno adest: reliquæ roborantur ex somno promptius perficiunt operationes suas. Et licet facultas animalis tempore somni ab opere cesset, ita tamen roboratur, ut post somnum vehementius operetur. Et de somno satis.

### HISTORIA III. CELSI, De morbo nouo.

#### Morbus nouus, caro ex naturalibus partibus prolapsa.

**R**arius, sed aliquando tamen morbus quoque, ipse nouus est, quem non incidere manifestè falsum est. Cum ætate nostra quadam ex naturalibus partibus carne prolapsa, & arente, intra paucas horas expirauerit, sic ut nobilissimi Medici, neque genus mali, neque remedium inuenerint, &c. Cornelius Celsus in præfatione, post medium.

#### P A R A P H R A S I S.

**M**ulta sunt morborum portenta, & monstra, in quibus, ut infrequentibus, & raris curandis, Medici vel peritissimi cæcutiunt, vacillant, & errant: temporum enim mutua vicissitudine, morbos quosdam indies nunquam visos, in homines grassari, fidissimo auctorum testimonio ratum est. Et præter varios, quos ex horum mente proposuimus, lib. 2. in com. histor. 89. ad est ranunculus, in occultissimis corporis partibus, præcipueque sub lingua enatus, varicis modo, nigricans, sine dolore,

A sine pruritu, quo grauatos triduo aufert, aliquando horrorem afferens, rarius febrem, stomachum, faucibusque cum inuaserit, oculis, & exanimans, ut Strabo auctor est, lib. 15. sua Geographia, & lib. 36. cap. 1.

Narrat Cornelius Gemma lib. 2. Cosmocritic. cap. 1. v. guisse populariter suo tempore catarrhi prodigiolum genus, magna serpens contagij vi neminem ferè præteriens: aderant maximi capitis dolores, fluxus vehemens, acer, mordax ad oculos, aures, fauces, nares, stomachum, pectus, obuias partes excorians, atque erodens, extrema appetitus deiectio, quam febris comitabatur.

Gregorius Turonicus lib. 5. histor. Francorum, tradit dysentericum morbum popularem Gallias penè rotas occupasse cum valida febre, enormi vomitu, cephalalgia, renum dolore, quorum multi, admissis in scapulis ventosis, procedentibus, erumpentibusque vesicis, excreta sanie liberabantur.

Scribit Thuanus lib. 76. hist. sue, foetum ætatis 38. annorum, adstantibus signis grauidationis, tricennio in lecto decubuisse, conquestam de vteri duritie, tumore, & alui torminibus, tandem post mortem, inuentum fuisse dissecto vtero, foetum bene conformatis membris penè lapideum, ita ut ossa capitis quasi cornea interlucere; partes autem internæ, viscera, cor, cerebrum naturalem habitum seruabant, nisi quod vltra modum induruerunt, non tamen ut externæ; De quo admirando, seu miraculoso exemplo, eius causis, duritie, concretionem, peritissime conscripserunt Ioannes Albosius tract. de Embryo in vtero materno in lapidem conuerso, & Simon Prouancherius doctissime, qui libelli extant cum eo, quem Franciscus Rousserus conscripsit. in quo de exectione foetus vini ex matre accuratissime disseruit.

Refert Blondus lib. 7. decad. 2. Romæ tabem diuagatam ex qua nullus intactus ab eadem superstes remansit. Confirmat Procopius lib. 2. de bello Gothorum, tabem ex fame ingenti suo tempore fuisse grassatam, quam comitabantur pallor cutis cum duritie, nigritie, extenuatione summa coniunctus, facies stupidiore, toruus, ac furens aspectus, insomnium importunum, sitis exhausta, alui suppressio omnimoda; quare malo præuicente, tandem viribus exanimis à vita migrabant.

Demum inter varios morbos nouos quos ex variis auctoribus describit Langius lib. 2. epist. 13. extat vnum genus morbi mirabile, descriptum à Thuano, hist. 72. quem inter nostrates nouissimus proposuit Ioan. Beueronicius, vir varia eruditione percelebris, part. 3. idea medicina veterum, cap. 5. & vocatur morbus veruicinus ab Italis, qui in Oriente primùm, postea septentrione peruagatus, apud nos incognita initio remediorum ratione multos afflixit. Erat ægritudinis genus non tam mortifera vi timendum, quàm progressu, & celeritate, qua proxima quæque loca serpente contagione complectebatur, admirabile. Primò inferiorē morbum spinam horrore plerumque occupabat, dein horrori grauedo capitis, & languor, mēbra eorum, quos corripuerat, resoluens succedebat, corpori inprimis graui. Quibus verò intra quartum, quintumue diem malum non decessisset, in febrem degenerans eos interimebat. Lethale fere iis, qui medicamentis purgantibus, aut venia sectione corpus macerabant, quæ viraque difficiliorē respirationem efficiebant: illa, quod humore omnem à capite ad pectus trahebat; hæ quia præterquam quod corpus refrigeraret, etiam vires debilitaret, quibus ad respirationem, & vim morbi superandam validis opus erat.

Carnem ex naturalibus partibus prolapsam esse morbum nouum, nulli dubium esse poterit, qui priscorum Medicorum, & recentiorum monumenta penset ad vnguem; in nullo enim auctore eum descriptum inuenies, præter Theopetum, qui com. 1. Cosmograph. lib. 3. cap. 2. illum vocari Borozail ab Indis memoriæ tradidit, dum sic ait: In viraq; ora flumini Senega multa sunt regna, in quibus periti sunt Medici multi, quos Bisraius appellant. Morbus qui illic frequenter grassatur, Borozail nominatur, & Zail Aethiopum lingua, qui ex immodica venere, cui multum obnoxij sunt, ortum habet. Genitales partes potissimum hic occupat. Ad huius morbi curationem decoctis multis videntur, sed potissimum

decocto herba qua Achenaca dicitur. Huius folia bifurcata, & acuminata sunt, brassica amplioris folio similima, sed non ita crassa. In horum medio fructus nascitur, cui magnitudine, colore luteo, quem Aliard nuncupant. Fructus is apud eos magno in precio est. Tota planta tibie hominis crassitudine. Ea in morbis curandis videntur, perinde ac nos Guajaco. Est ergo hic morbus nouus quoad nos, vetustissimus quoad Indos quibus immodica Venere ventibus, vespere præsertim, genitalibus incalcentibus partibus vlcera ita dira suboriuntur, ex quibus, cum non possint herbæ dictæ decocto sanari, effluit sanies aded virulenta, vt corroso pene eos breui ad mortem deducat, vt narrat Pater Franciscus Ximenes in suis libris plantarum, & animalium in nouo orbe inuentorum, elegantissimis.

Deinde hunc morbum reponendum esse cum Gallico non dubito. Esi enim hic Chronicus sit, & non ita celeriter ægros deducat ad interitum, tamen aliquando ita acris humor, & perniciofa qualitate infectus in naturales partes confluit, vt vterum excoriet, abradat, & vlceribus cacoëthicis & dolosis vitiet, & conspurcet, genitalæque ipsum breuissimo temporis spatio arrodât, & aliquando cum tam immani dolore, vt ægri hac ipsa de causa confecti vigilia, extenuati, serpentæ fœda putrilagine in pudendo ipso, citò è vita discedant, priusquam salutaria experiantur auxilia, quæ solatium miseris ægris afferre possent.

Nónne in Gallico morbo hæc vlcera ferina in his partibus propullulant, quum sint obnoxia putrefactioni, ita venenata, & dira, vt illæ extincto, ac resolato insito calore citissimum morticinium experiantur? Nónne narrat Galenus 3. de usu part. 4. fuisse suo tempore ita sanam pestem grassatam, vt spacio occupatis pedibus cum horum amputatione solum ægri vitam redimerent? Quare præ venenositate natiuum partis calorem debilitatum, ita vt depopulato humido caro areficeret, & à continuitate sua separaretur, iure optimo in hac ægra affirmabimus. Hoc frequenter experimur in pernicioso variolis, in quibus ab humoris venenosi putrilagine, & acrimonia decidunt extrema membra, & alia miseranda mala contingunt, quæ inter omnes eleganti stylo exarauit Paræus lib. 19. cap. 1. quæ omnia ex certa quadam, & occulta inimicitia huius fœdi humoris, & à tota substantia agentis, emanare, verum, est: nam huic diro morbo occulta ac malefica in est qualitas. Occultas autem in rebus esse assignandas qualitates, ex doctorum mente vitorum clarissimus confirmat Sennertus, in suis disput. Physicis, Hy-pomn. 2. de oculis qualitatibus.

## QVÆSTIO VI.

Vtrum morbus Gallicus sit appellandus Syphilis, vt censuit Fracastorius.

### COMMENTARIUM.

EX naturalibus partibus carne prolapsa.] Multra quidem de hoc leonino morbo agitauimus, lib. 1. in com. histor. 73. alia de eo exempla rara proposuimus, lib. 2. de praxi admiranda, ab obs. 127. usque ad obs. 139. & plura de eius curatione selecta referemus, in praxi historiarum, l. 7. cap. 1. Sed in iis vnum fortè mente excidit, cuius explanationem aggrediar, & est cur Fracastorius Medicus percelebris, libro de morbo Gallico, hunc, Syphilidem vocare ausus sit? Nam ingenia rursi quorundam Medicorum, etiam Græcè petitorum, in inuestiganda huius vocis Syphylis ratione, quoniam à multis annis medicinæ candidatus poemata legeram, nec potui inuenire causam, cur Syphilidis nomen indidisset, quæ inscriptio à morbo Gallico abest longissimè; sed iudicauim pro more poetarum fictum nomen, aut Nymphæ alicuius, aut loci, ab euentu, quoniam Syphilus montis est nomen: nec me coniectura fefellit. Nam sumptam esse hanc vocem ab homine, qui primus hac lue infectus fuit, ipse auctor exponit. Sed præstat audire quid præstantissimi Medici, in huius vocis explicatione Poetarum instar sint commenti.

Gabriel Fallopius nulli Neotericorum secundus, cap. 2. lib. de morbo Gallico, Syphila nominatam (Syphilida dicendum fuit) quia ex amore, & coniunctione Veneris inter hominem, & sceminam plerumque suboritur; quasi concordia, & amicitia veneræ sit partus: hinc fieri ex nonnullorum sententia, vt prima eius morbi semina sese in pudendis partibus, seu viri, seu mulieris, siue vtriusque exerant. Ita enim tradiderunt Nicolaus Leonicensis, Antonius Beniuenius, Calpar Torrella, quare pudendam tertius hic nominaui, tractatu de ea, & Augerius Ferrerius, Mentagram à Plinio vocatam lib. 26. cap. 1. putans ille ac si à mentula non à mento traxisset originem vt notarunt Georgius Dardanus, lib. 1. de morbo Gallico, cap. 4. Alexander Fontanus, Antonius Scanarolius, Aurelius Minadous, tract. de morbo Gallico, in principio. & alij plures, qui de hoc morbo disceptarunt.

Antonius Musa, multis à mentagra differre ostendit, & ab ore interdum, aliquando à mammis incipere, quum Fallopius doctissimè mali fontem hepar esse demonstrat, vt & Franciscus Frizimelica, & Bernardus Tomitanus ex magistro Ioan. Baptista Montano, eloquentia, & medicina laude clarissimo: quem tamen reprehendunt Gulielmus Rondeletius, & Leonardus Botallus: & alij, cum Alexandro Trajano aliud existimant.

Plures notiones huius vocis alias finxerunt, siue à philis, quæ canna est, seu fistula: quoniam hæc lues ab urina fistula incipit: siue à symphylos, quæ vox gentilem, familiarem, & vernaculum significat, dixeris etiam contribulem: nam phyle Græcè tribus est: quidam inquirunt, nomen accepere à gentibus iis, quibus adscribitur primus ortus: Ita Gallicus, Hispanicus, Neapolitanus, Indicus nominatur: siue à philia, id est, amore, aut potius amicitia, quoniam per amoris actus corripit.

Quod si pro cuiusque arbitratu fingendum omnino erit, varias acceptiones habebit hoc nomen Syphilis: Qui tamen nomen dedit poemati, se appellasse syphilidem in suis lusibus scribit, & in suo lib. 2. de morbo contagioso. Rursus in poemate dum causas morbi diuinitus immitti recenset, ac postremam idolorum cultum affirmat fuisse, ita canit, philomela sanè dulcius.

Syphyleu (vt fama est) ipsa hac ad flumina pastor,  
Mille boues niueas, mille hac per pabula Regi  
Alcihoopascebat oues: & fortè sub ipsum  
Solstitium, urebat sitientes Sirius agros,  
Vrebat nemora, & nullas pastoribus umbras  
Præbebant silua, nullum dabat aura leuamen.  
Ille gregem miseratus, & acri concitus aestu,  
Sublimem in solem vultus, & lumina tollens,  
Nam quid Sol, te, inquit, rerum patrèmq; Deumque  
Dicimus? & sacras vulgus rude ponimus aras?  
Mactasque boni, & pingui veneramur acerra?  
Si nostri, nec cura tibi est, nec regia tangunt  
Armenta? an potius superos vos arbitrer vri  
Inuidia? mibi mille niuis candore iuuenca,  
Mille mibi pascuntur oues: vix est tibi Taurus  
Vnus, vix Aries calo (si vera feruntur)  
Vnus, & armenti custos Canis arida tanti:  
Demens, quin potius Regi diuina facefso,  
Cui tot agri, tot sunt populi, cui lara ministrant  
Æquora, & est Superis, ac Sole potentia maior?  
Ille dabit facilèque auras, frigusque virentum  
Dulce feret nemorum armentis, æstusque leuabit.  
Sic fatus, mora nulla, sacras in montibus aras  
Instituit Regi Alcihoop, & diuina facefssit.  
Hoc manus agrestum, hoc Pastorum cetera turba  
Exequitur: dant thura focus incensa, libantque  
Sanguine taurorum, & fumantia viscera torrent.  
Que postquam Rex, in solio dum fortè sederet  
Subiectos inter populos, turbamque frequentem,  
Agnouit, Diuum exhibito gausus honore,  
Non vllum tellure coli se vindice numen  
Imperat, esse nihil terra se maius in ipsa:  
Cælo habitare Deos, nec eorum hoc esse quod infra est.  
Viderat hæc, qui cuncta videt, qui singula lustrat,  
Sol pater, atque animos secum indignatus, iniquos



Intorsit radios, & lumine fulsit acerbo:

Aspectu quo terra parens, correptaque ponti

Equora, quo iactus viro subcanduit aër.

Protinus illuies terris ignota profanis

Exoritur: primus Regi, qui sanguine fuso

Instituit diuina, sacraeque in montibus arvis

Syphilus, ostendit turpes per corpus achoris.

Insomnes primus noctes, conuulsaque membra

Sensit, & à primo traxit cognomina morbus,

Syphilidemque ab eo labem dixere coloni.

Et mala iam vulgò cunctas diffusa per urbes

Pestis erat, Regi nec sana pepercerat ipsi.

Ut videatur exprimere voluisse, quæ paulò senior doctissimus Philosophus, & Medicus Nicolaus Leonicensus hoc sermone describit, lib. suo de morb. Gallico. Illud satis constat, eo quo morbus Gallicus cœpit pullulare anno, magnam aquarum per vniuersam Italiam fuisse exuberantiam. Testis est Roma, quæ id malum prima sensit, in qua Tybris ita intumuit, ut tota sit facta nauigabilis, quam rem Pomponius illo tempore Poëta laudatissimus eleganti tetrasticho publica columna impresso designauit.

Tempore Alexandri sexti, nonisq; Decembris

Intumuit Tybris bis senas circiter undas:

Insula quæque domus facta est, mediisque repente

Circumducta viis aquabat cymba fenestras.

Leonicensus verò, ut eluuiorem complecteretur, quæ bonam Europæ partem oppressit, addidit duos versuculos

Deuocatione vix tantum tempore tellus

Dilunium passa est, latuit cum tota sub undis.

Quamquam anno 1534. maiorem fuisse in vrbe eluuiorem aquarum, tradat Antonius Musa eiusdem inscriptionis libro. Verùm hæc tempora non conueniunt cum huius morbi initiis, quæ fuerunt 1493. vel 1494. Neapolim infestante Gallorum exercitu sub Carolo V I I. Inde enim vniuersam occupauit Italiam, delatus à Christophoro Colombo ex Orientali India, ut cit. libro. cap. 1. Fallopius describit, tum Bernardinus Tomitanus lib. 1. cap. 5. & Alexand. Trajanus lib. 1. cap. 1. quam ab Indis vocari Bugam, notat cap. 4. Tu verò si huius nominis Syphilis, meliorem interpretationem fueris assequutus, laxiore otio pande libenter.

## HISTORIA VI. GALENI,

### De Sceleto.

Sceleti doctrina, Medico est valde necessaria.

**H**oc autem sit opus tuum, hoc studium, ut non librorum modo lectura, verum sedula etiam inspectio, fideque oculata, cuiusque ossis humani speciem accuratè perdisce: quod quidem in Alexandria multo facilius facies, ubi Medici ossium disciplinam auditoribus ante oculos exponunt. Enitendū itaque tibi censeo, ut Alexandria commoreris, si non alterius, at huius certè rei solius gratia. Quod si non assequaris, licebit vel in eum modum hominum ossa contemplari, quo ego quoque usus sum: siquidem inspexi subinde admodum, vel sepulchris quibusdam, vel monumentis dissolutis. Atque etiam fluminis aliquando sepulchrum pauculis mēsis ante negligentius extructū superans, ipsum ex facti dissoluit: totūque cadauer agminis impetu tractim ductum, carnibus quidem iā putrefactis, ceterum ossibus adhuc inter se strictim coherentibus, usque ad stadium prouoluit. At cum ipsum locus portuosus margine altius excepsisset, eodem cadauer appulsi, atque hoc tale nobis occurrit, quale Medicus ipsū ad adolescentis disciplinam preparasset. Ceterum visum est mihi quandoque etiam latronis cadauer exsiccatum paululum extra viam in monte procumbens: quem viator quidam se prius adorientem contra pugnando occidit. Nemo autem illius regionis inquilinus ipsum sepultura mandaturus erat, ut qui odio ipsum prosequuti à vulturibus deuorari gauderent: qui carnibus illius biduo ab-

A sumptis, cadauer exsiccatum, tanquam ad doctrinam cuiusque inspicere volenti, reliquerunt. Tu si ne huiusmodi quidem illius spectandi copiam nactus fueris, at in simia incisa, carnibus exactè ablatis, singula ossa consideres: ad quod delegeris simias hominis figure quam simillimas, &c. Galenus lib. 1. de anatomic. administrat. cap. 2.

## P A R A P H R A S I S,

### Seu spicilegium Anatomicum.

In quo partes omnes corporis humani breuiter & compendiosè, ac dilucidè describuntur.

**T**anta est auctorum, qui de re anatomica conscripserunt, copia, ut si omnes seriatim percurrere velis, & in tui vsum ex eorum doctrina aliquid frugiferum decerpere coneris, prius in ipso limine obruaris, quam optatum portum attingas, est necesse. Quo pacto in huius historiae quæ tota est anatomica, explanatione, rem arduam me præstitisse videbor, & negotium vtilissimum aggrediar, si vniuersam hanc artem in compendium redigam, ex quo facile quisque poterit vberimos fructus decerpere. Ut verò lectori omnia magis plana fiant, indicem eorum quæ agenda sunt, prius proponam.

#### Sectio prima.

De præstantia, & vtilitate artis Anatomicæ.

Qui fuerint huius artis inuentores, cultores, & illustratores.

De fabrica theatri Anatomici.

De sectione viuæ.

De definitione, & diuisione Anatomes.

De oris constitutione.

De lingua.

De labiis, & faucibus.

De œsophago.

De ventriculo.

De intestinis.

De intestino duodeno.

De intestino ieiuno.

De intestino ileo.

De intestino cæco.

De intestino colo.

De intestino recto.

De mesenterio.

De omento.

De peritonæo.

De Abdomine, & eius musculis.

De hepate.

De venis.

De ramis venæ portæ ingredientibus intestina.

De vena porta.

De folliculo fellis.

De liene.

**E** De renibus.

De vtericibus.

De vesica urinaria.

De valis præparantibus.

De pudendo.

De vtero.

#### Sectio secunda.

De regione thoracis, & aspera arteria.

De pulmonibus.

De corde.

De cordis ventriculis.

De pericardio.

De arteriis.

De thorace.

De pleura.

De mediastino.

De mammis.

De diaphragmate.

#### Sectio tertia.

De regione capitis.

De naso.

De capite.

De dura meninge.

De tenui meninge.

De cerebro.

De corpore calloso.

De ventriculis cerebri.

De plexu choroide.

De processibus mammillaribus.

De speculo lucido.

De cerebello.

De neruis.

De spinali medulla.

De oculi fabrica.

De auribus.

#### Sectio quarta.

De osteologia, & reliquis ad fabricam humani corporis pertinentibus.

De sceletro.

De ossibus capitis.

De dentibus.

De spina, seu dorso.

De thoracis ossibus, costis, scapulis.

De ossibus ilij, ischij, pubis, manus, carpi, extremitatis manus, tibiæ, & pedum.

De ligamentis.

De cartilaginibus.

De tendine.

De villis, seu fibris.

De musculis.

De vnguibus, & pilis.

De glandulis.

De cuticula.

De cute.

De adipe.

De membrana carnosâ.

De formatione fœtus, membranis cum inuoluentibus,

mentibus, sicut infantis in  
vtero, & eius exclusione  
foras,

De umbilico, & valis um- A  
bilicalibus.  
De superfœtatione.

### De præstantia, & utilitate artis Anatomica.

**P**urima sunt in vniuerso, quæ nostri Conditoris diuina, & admirabilem sapientiam prædicant, sed hæc in nulla re splendet magis, quam in homine, quum sit factus ad imaginem, & similitudinem Dei, ob quam causam Deus est in reliquis creaturis per modum vestigij, at verò in homine per modum imaginis. Et quamuis humano intellectui difficilimum sit hoc Dei vestigium assequi, curabo tamen rimari, quæ in homine à summo Creatore apparent producta, & sic verè, syncerè, solidè, simplici stilo, omnes humani corporis partes, earum usus, & consensus intimius explicabo, relictis ambagibus, questionibus, & controuersis, quæ in hoc argumento à veterum, & recentiorum Anatomicorum præstantissimis ventilantur.

Est ergo utilis humani corporis cognitio sectione comparata, non solum Medicis, sed Theologis, Philosophis, Iureconsultis, Historicis, Poëtis, & denique omnibus qui eruditionis, & prudentiæ laudem affectant. Theologis est utilis: nam inuisibilia Dei per ea quæ sunt visibilia cognoscuntur. Quis enim mirabilem, & nobilissimam hominis structuram contemplatus, tanti opificij auctorem non colet, & venerabitur? Utiles Philosophis, Poëtis, Historicis, & aliarum scientiarum cultoribus, quoniam apud illos passim humani corporis fabrica describitur.

Medicis verò utilior, & valde necessaria existit, ut singularum partium officia intelligant, actiones, & usus, quæ omnia ad rectam prænotionem, & affectuum curationem conferunt apprimè, quoniam sine huius artis cognitione nihil artifice dignum poterunt efficere, sic Galenus lib. 1. de loc. affect. cap. 1. hanc artem valde extollit: si enim curatio diuersa pro ægrorum varia natura administratur, quomodo eos curabit Medicus, si partium figuram, magnitudinem, numerum, usum, & mutuam inter se cognationem ignorauerit? neque enim poterit luxata ossa restituere, cauteria ministrare, abscessus aperire, & chirurgica officia exercere.

### Qui fuerint huius artis inuectores, cultores, illustratores.

**H**anc eximiam utilitatem perspicientes præci, illam Henicè excolere studuerunt; quare longa celebrium, & famæ illustrioris dignatione præstantium auctorum serie nobilitata incedit. Inter eos primas tenet diuinus ille Hippocrates, cultoris medicinæ parens, & vindex, qui balbutientis, & rudis medicæ facultatis principia anatomica, etsi obscurè proposuit, in lib. de corpor. dissect. fistulis, hamorrhoid. & alibi, omnia delineauit, quæ ad usum medicum conferre queunt.

Post eum, illa suos Professores habere cœpit, inter quos primum sibi vendicarunt locum Sosistratus, Hieron. Tryphon, Euelpistus, eruditissimus Meges, Alcmaeus Crotoniata, Lycus Macedo, Quintus Lyci Præceptor, Herophilus, Erasistratus, Herophilus, Pelops, Diogenes Apolloniata, Asclepiades, Endemus, Praxagoras, Philotinus, Alianus, Polybius, Calistus, Theophilus, & alij.

Hos sequuti sunt alij, qui tempore Cornelij Celsi floruerunt. Nam ut ipse Celsus lib. 1. sui operis in præfatione, in fin. iudicauit crudele, & supernacuum viuorum corpora incidere, sic mortuorum corpora disseccare, maximè necessarium esse sibi persuasit.

Aristoteles aliqua protulit in libris de generatione, partibus, & historia animalium, sed confusè satis.

Quantum verò Galenus in hac instauranda, & locupletanda medicinæ parte præstiterit, illustria illius opera manifestè demonstrant; sciens enim medicis vñibus summè esse necessariam, eam non firmissimis modo de-

monstrationibus, verum & arte secandi humana corpora satis peticè, in abditis de vñ partium libris, in quibus recondita naturæ mysteria explicantur, & libris de Anatomicis administrationib. stabilivit, auxit, polinit, ornauit. Freman licet iniqui tanti auctoris calumniatores, qui in simiarum dissectione positam passim ab ipso operam confirmarunt.

Post Hippocratem, & Galenum, Arabes hanc artem excoluerunt, sed impurus sermo, barbarie tyrannidem in literas eo tempore exercense, causa fuit, cur illis aliquando in hac re fides denegetur. Hoc horrido stilo opera anatomica conscripserunt Mundinus, Carpus, Berengarius, Gabriel de Zerbis, & Matthæus Curtius.

Hos sequuti sunt Vassæus, Carolus Stephanus, Andernacus, Vesalius, auctor in hac arte accuratissimus, Syluius, Fallopius, Fernelius, David Kinalochus, Gabriel Cuneus, Ioan. Baptista Corresius, Ioan. Bokelius, Ioan. Iessenius, Columbus, Valuerdius, Geuara, Eustachius, Bauhinus, Archangelus Piccolhominæus, Varolius, Arantius, Pigafeta, Volcherus, Coiter, Felix Platerus, Hieronymus Fabricius ab Aquapendente, Gulielmus Placentinus, Caspar Bartholinus, Tobias Knoblochius, Alexander Achillinus, Petrus Matthæus Pinus, Christoph. Meurerus, Renatus Hunerus, Henricus Petrus, Ioan. Dryander, Thomas Geminus, Hippolytus Boscus, Ioachimus Tanchius, Æmilius Campilongus, Iacobus Guillemæus Caspar Ansellius Bremonensis, Paræus, Cabrolus, Seuerinus, Pinæus, Andreas Laurentius, Pavius, Adrianus Spigelius, & vltimò Ioannes Riolanus Filius, qui licet iuniores, eosque probatæ fideli, & doctrinæ, Anatomicos calumniandi cœstro impellatur sæpe, tamen artem hanc nouissimis inuentis, sedulâque diligentia eleganter illustrat.

### De fabrica theatri Anatomici.

**L**ocus in quo extruendum est theatrum Anatomicum, debet esse saluberrimus, clarus, luminosus, & benè perflabilis, & totus circumcinctus debet habere fenestras apertas: cum enim è cadauere exhalet, præsertim æstate, fœtidus vapor, oportet ut assistentes tenuem auram inspirant. Theatrum debet esse amplum, & capax, ut plures spectatores recipiat: habeat formam quadratam, vel rotundam, sed hæc illa præstantior est. Sit contextum, ne fortè conspicientes, præsertim hyeme offendantur, & desuper sit fenestratum; lucis enim claritas summo opere commendatur. Caneat theatri claudatur conclauis ligneo, ut sic separet spectatores ab iis qui opus administrant. In medio caueæ constituatur tabula Anatomica ad repouendum cadauer crasso ligno suffulta. Sit versatilis, ut in gyrum verti possit, & si ab omnibus spectatoribus qui sedent in scalis rotundis rectè cadauer videatur, & contemplantur omnia quæ Anatomicus assignat, & ostendit. Hic debet habere manum promptam, & scalpellum in cute secanda tam leuiter adhibere debet, ut solam ipsam cutem, & partem quæ demonstrari debet, diuidat.

### De sectione viua.

**H**actenus diximus quantum necessaria sit Anatomie in cadauere celebrata; at licet impium, & crudele sit viro timentem Deum, viua corpora secare: tamen cum multa occurrant quandoque in Anatomie, quorum actionem aliter scire nullo pacto possumus, iccirco in viuo corpore eam exercere quandoque necesse est. Nam in animali viuo motus plurimum partium deprehenduntur, ut admirabilis pulmonis motus, diaphragmatis, cordis arteriarum, cerebri. Deprehenditur etiam viui animalis situs, & figura in vtero. Deprehenditur quomodo vox fiat, & amittatur, valis recurrentibus interceptis, & ligatis. Optimum etiam sit iudicium de sero pericardij, quod in viuente animali adesse quidam confirmant, & alij solum in demortua reperiri posse contendunt. Cognoscimus etiam quomodo abscindi possit eor ab animali, vira adhuc superstite. Has admirabiles utilitates contemplantur,

plantur, qui viuum anatomem exercent. Hanc approbat A. Celsus in prefatione sua, qui licet eam crudelem arbitretur, sic tamen concludit: *Ita ne succurrere quidem posse corruptis, apertis, & extrinsecus imponi remedia, compertis interiorum, & sedibus, & figuris, cognitaque eorum magnitudine. Neque esse crudele (sicut plerique proponunt) hominum nocerium, & horum quoque paucorum supplicium, remedia populis innocentibus seculorum omnium queri: quoniam (ut ipse inquit infra) nihil est stultius, quam quale quicquid viuo homine est, tale existimare esse moriente, immo iam mortuo.* Magna ergo est & efficacissima viuæ sectionis utilitas, & pro cognoscendis, curandisque morbis mira potestas. Meatus enim & canales in cadauete, extincto iam nativo præ frigiditate calore, sunt angusti nimis, vasa concidunt, aliæ cavitates occultantur, & plura vel peritos Anatomicos latent, quæ in viuâ sectione multò sunt manifestiora. Simiæ, & sues sunt homini, animalia similia, in iis optimum esset sectionem viuam celebrare, sed quoniam inter secandum grunniunt, idcirco spectatores nihil audire possunt, nec quidquam conspiciere disciplina dignum: quo pacto in cane felicius præstatur, non enim ita oblatrat, & vtrinque ligatus ex omnibus partibus quietus persistit, ut inter omnes peritissimus docuit Realdus Columbus, lib. 14. de sectione viuâ.

### De definitione, & diuisione Anatomies.

**D**efinitur Anatomie ab omnibus, quod sit artificiosa partium internarum, & externarum sectio. Non possunt autem partes artificiosè secari, nisi sectores, & ministri accommodata habeant instrumenta, ut sunt nouacula omnis generis, magnæ, paruæ, mediocres, acutæ, retusiores, rectæ, ancipites, vtrinque secantes, styli teretes, oblongi, ex ære, argento, plumbo, culter buxeus, eburneus hamuli, cannulæ, calami, tubuli ad inflandas partes, funiculi, serræ, serræ, terebræ, mallei, malleoli, modioli, & spongiæ. Diuiditur Anatomie in actiuam, & specularinam, illa manu perficitur, vsu, sectione, experimentoque comparatur: hæc animi habitu, actione, & viuâ voce doctorum acquiritur.

### De ordine dicendorum.

**V**idisti ob quàm varias causas historia Anatomica utilis sit, quæ partis cuiusque naturam, eiusdemque causas exquisitè rimatur, & inuestigat: & cum hæc sit duplex, alia quæ naturæ, & partium dignitatem, alia quæ necessitatem sequitur, & hanc vltimam omnes ferè qui scripserunt de Anatomie in vniuersum obseruauerunt, inchoantes diuisionem, & enarrationem à ventre magis ignobili, qualis est regio abdominis, nihilominus tamen nos alium seruabimus ordinem, ab ore ipso incipientes, Sicut enim cibus quantumuis diuersissimus paulatim conficitur, donec vltima, & magis propria elaboratio fiat, qualis apparet in spiritu animali, ita similiter in hoc compendio agendum est. Et cum tria sint quibus potissimum hominum vita conseruatur, cibus, potus, atque etiam spiritus: sic illa animalis particula sub naso à natura constituta est & fabricata, quæ communi appellatione ab omnibus os appellatur: per os enim cibus, & potus feruntur in ventriculum, ut ibi chylus generetur: Deinde per os ferrur aer in pulmones, ad fabricandam vocem, ad commodam attemperationem caloris naturalis cordis ad viralis spiritus generationem. Denique cum ad vitam conseruandam os plurimas præstet utilitates, ab hac parte exordium sumere consultius mihi visum est.

### De oris constitutione.

**O**ris constitutionem, & fabricam multa ingrediuntur, sed præcipua fundamenta existunt duæ mandibulæ, nempe superior, quæ immobilis est, & capiti affixa, & inferior, quæ perpetuò mouetur. Vtraque tamen mandibula vtplurimum sedecim dentibus est distincta.

Aperto ore hæ duæ mandibulæ cum suis dentibus occurrunt, & similiter gingiuarum, palatum, vuula, lingua, fauces, paristhmia. Gingiuarum dicuntur carnes illæ immobiles, quæ mandibulis inhaerent. Harum vsus est ut earum ope dentes in suis alucolis firmentur. Palatum est pars superior oris, alio nomine dicitur cælum oris, & præcipuè est illa pars supra quam firmatur nassus. In fine palati versus fauces duo adiunt foramina, crassius excrementis à cerebro descendentibus parata.

**V**uula, quæ ab aliis dicitur vua, diuersis nominibus insignitur, licet vua magis pertineat ad hanc partem morbo affectam, quàm vuula, quod est nomen proprium huius partis; quo pacto auctores quum loquuntur de inflammatione illius, semper insignant caput de vua, non de vuula: Nam hæc pars in morbooso statu ita corrugatur, ut vnam repræsentet. Appellatur etiam ab Anatomicis, gurgulio, gargareon, columna, columella, plectrum, seu tintinnabulum vocis. Ex his nominum differentiis intelligendi sunt auctores, quando sub diuersis nominibus, de huius partis morbis variè loquuti sunt. Est hæc particula fungosa, & carnea, à fine palati, vbi foramina narium fauces spectant, orta, in modum pyramidis, liberè descendens, venis, arteriis, & nervis constans. Fuit hæc particula à natura constituta, primò ut vocem moduleretur: Nam gurgulione per vlcerata gallicata, aut alia quavis ratione imminuto, & consumpto, turpis vox apparet. Secunda utilitas adhuc maxima fuit, ut frigidioris aeris ingredientis impetum detineat, & coercet, ne pulmonibus officiat, & miserè contabescat animal, refrigeratis viis spiritus ab ambiente aère, & sic excrementa ab aère crassiora facta, & præ mora acriora reddita, exulcerent pulmonem; quo pacto experimento cognitum est, & firmat Arist. in problemat. eos qui citra vuulam viuunt, tabidos hac de causa processu temporis euadere. Adde quod refrigeratus pulmo non bonum parat cordi refrigerium, & sic innatus ignis extinguitur.

### De lingua.

**I**n medio oris lingua consistit, ut quidam fidelis custos. Dicitur lingua, quia simul ligat, & detinet, aut quia dentibus, & maxillis quasi in quodam septo sit ligata, ab aliis vocatur sermonis nuntia. Eius substantia est carnea, mollis, rara, spongiosa, ut substantia eius in corpore alia similis non reperiatur. Habet plures venas, & arterias, sed maiores, quàm eius sit moles. Habet tunicas, siue membranas, vnam internam eius carni coniunctam, alteram externam, ori, palato, & ventriculo communem. Ad has membranas nervi sparguntur à tertia, & quarta conjugatione, pro sensu, & motu. Nervos alios habet pro motu, à septima conjugatione. Non est diuisa, ut aliquibus animalibus, aut per medium aliqua linea distincta, de quibus Arist. lib. 3. de animalibus. c. 17. eam enim bifidam habent serpentes, lacertæ, vituli marini, quamuis fuerit obseruatum, venas, & arterias vnius lateris reliquum non attingere, ex Gal. 1. de vsu part. cap. 10.

In parte inferiori linguæ adnascitur funiculus, qui vocatur frænulum, soli linguæ, & pudendo concessum, quod solum in his duobus organis voluit natura homines esse continentes.

**H**abet lingua decem musculos, quorum ope, sursum, deorsum, ante, retrò, & in latera mouetur. Figura, & magnitudine talis est, ut omni ex parte omnibus partibus oris commodè applicetur.

Huius partis mirabiles sunt vsus, & sic ab omnibus magnis præconiis laudatur. Primò, quod inferuiat ad vocem dearticulandam, & sic in homine nuntia voluntatis appellatur. Secundò, ut omnes differentias saporum agnoscat, cuius officij munere, organum gustus constituitur. Tertiò laudatur lingua, quia instar manus seruiat nobis, huc, & illuc cibos in ore transferens, & in oesophagum tradens.

Alia utilitas elicitur ex Hip. 6. epid. sect. 1. text. 14. Nam sicuti vrina humores peccantes ostendit, sic lotium lingua significat. Tanta denique est linguæ præstantia, ut iure

inre optimo diuinum organum appelletur

Ad ipsius radicem ad extremum palatum, quædam adnascuntur carunculae à Latinis tonsillae, à Græcis paristhymia, à Barbaris amygdalæ appellatae. Harum duplex est usus, primus, ut suscipiant saluam à cerebro distillantem: secundus, ut fauces, & linguam salua sua humectent.

### De labiis, & faucibus.

**F**Auces appellamus totam illam capacitatem, quæ toto ore aperto, & directo visui sese offert. Externa oris constitutio duobus labris finitur, quorum usus non solum ad vocem dearticulandam, & formandam; sed ad dentitionem etiam est necessarius: deinde ad ciborum retentionem fabricata sunt, habentia substantiam quasi fungosam. Hæc ex quatuor musculis simul cum cute vestiuntur; & hæc cutis est eadem quæ ventriculum vestit: ex quo apparet solum dubium ab auctoribus propositum, cur dum ventriculus nausea laborat, labra tremant, & aliud, cur laborum palpitatio, vomitum futurum prænunciet?

### De œsophago.

**I**N fine linguae, & loco faucium adest canalis quidam longus, & rotundus, deorsum tendens usque ad ventriculum, qui à Græcis appellatur œsophagus, à Latinis gula. Locatur hic canalis inter vertebrae spinæ, & asperam arteriam. Constat substantia membranosa, & nervea, ut facile extendi, & contrahi possit. Constat duabus tunicis propriis, ex quibus interna est durior, fibris rectis insignita: externa est carnosior, & solum transuersis fibris ornata: prioribus scilicet rectis trahit alimentum, posterioribus scilicet transuersis deorsum trudit; ea ratione ut utroque genere fibrarum perficiatur deglutitionis opus. In medio œsophagi secundum longitudinem adsunt duæ glandulae, quarum usus duplex est, primus: ut sua humiditate perpetuo œsophagum irrigent: secundus ut hac de causa melius contrahi possit, promptiusque labatur cibus. Usus gulæ primus est, ut sit via communis cibi, potusque: secundus, ut tempore necessitatis per eam vacuentur, quæ ventriculum molestant.

### De ventriculo.

**I**N fine œsophagi est ventriculus, cibi, portionisque commune receptaculum, non quod inter se diuidantur ventriculus, & œsophagus, continui enim sunt. Appellatur etiam venter. Collocatur ventriculus statim sub sepro transuerso inter lienem, & hepar, ea seruata lege, quod maior pars ventriculi inclinet ad latus sinistrum, sed ita est sub hypochondrio sinistro, ut cedat hepati. Figura est oblonga, & rotunda, cucurbitæ instar: fuit rotunda, quod hæc figura sphaerica omnium sit securissima, & capacissima. Est æqualiter oblongus, ob duo orificia quæ habet, scilicet supernum, & inferius; per supernum cibos admittit, per inferius iam confectos ad intestina detrudit, inferius enim deorsum recta via in intestinum tendit, sed versus superiora spectat.

Substantia ventriculi est membranosa, constat tribus tunicis, prima exteriore, mutuata ex peritonæo, in propugnaculum valorum, venarum scilicet, & arteriarum; & duabus propriis tunicis, ex quibus interior est nervosior, & durior, constat omni fibrarum genere, ut cum securitate extendi, attrahere, retinere, expellere possit. Externa tunica quæ magis est carnosior, solum habet fibras transuersas plures, & pauciores obliquas.

Obtinuit ventriculus (ut dictum est) orificia duo, supernum, & inferius: per illud suscipit, per hoc expellit: supernum nomine caret, sed est magis amplum, quod alimenta cruda, & dura suscipiat. Inferius vocatur à Græcis pylorus, à Latinis ianitor, quod non permittat labi alimenta ad intestina, priusquam sint concocta. Hoc ostiolum est angustius, & strictius superiore, sicuti quæ debent exire sunt liquidiora. In pylori interna parte quædam protuberant glandulosæ substantiæ, ianitoris

**A** angustiam adangentes. Hæc est causa quare ineptè Vesalius lib. 5. fabric. cap. 5. contra Galenum insurgit, existimans illum voluisse, has substantias glandulosas esse extra pylorum, immò 8. de usu part. cap. 1. in init. ipsum pylorum dicit esse glandulam, ut hinc pateat quàm turpiter labatur Vesalius, falsitatisque Galenum insimulet.

Ventriculus habet plurimas venas, mutuatas à sola vena portæ, & à vena caua, ut 6. de anatomic. administrat. cap. 5. & 4. de usu part. cap. 11. docuit Galenus. Per venas portæ, pars tenuior chyli velociter defertur ad hepar, absque eo quod pertingat intestina. Per venas à caua tributas, ministratur alimentum ventriculo, & sunt copiosi sanguinis fluxus. Arterias suscipit ventriculus ab arteria magna; nervos plures, & magnos, à sexta coniugatione deductos.

**B** Præter ista vasa, aliud vas venosum à liene exiliens, deducitur ad fundum ventriculi, non quidem ut excitet famem, ut communis Medicorum opinio tenet, & firmat Galenus lib. 4. de usu part. cap. 5. sed duntaxat ut ventriculum roboret, quod cibos retineat, donec optimè sint concocti. Præter hæc vasa, aliud ad fundum ventriculi aliquando est animaduersum, à vasis expurgantibus excrementum biliosum originem ducens: sed hæc conformatio miserabilis est, & vitiosa, quoniam ex naturæ lege hoc vas ad intestinum duodenum debebat implantari, quando enim ventriculum attingit, omnes sic affecti perpetuo euomunt bilem, quare vocantur infelices à natura, & picrocholi, de qua constitutione intelligendus Galenus lib. art. med. c. 79. & lib. 1. de temp. 3. & 1. acut. 29. de homine pituitoso quotidie vomente bilem, cuius historiae interpretationem vide lib. 2. in com. hist. 70.

**C** Factus est ventriculus à natura, primò, ut sit commune receptaculum cibi, & potus. Secundò, ut in eo celebretur coctio, seu generatio chyli. Tertiò, ut in eo resideat sensus suctionis, qui fames dicitur, qua admonita animalia, cibi potusque indigentia, ad cibum capiendum moueantur. Sicuti ergo præstat egregias utilitates toti composito necessarias, sic cum præcipuis partibus animalis magnam habet affinitatem. Consentit summè cum cerebro per plures nervos; cum hepate, per venas venæ portæ, & ex Gal. per venas venæ cauæ. Cum corde, per viciniam arteriarum. Cum œsophago, per supernum orificium. Cum intestinis, per pylorum. Cum reliquis partibus existentibus in regione abdominis, per consensum peritonæi.

### De intestinis.

**F**inito ventriculo suo ordine occurrunt intestina ventriculo continua. Hæc à Barbaris dicuntur chordæ, ab antiquis interanea, & sunt continua. Ille ductus ab inferiore ventriculi orificio usque podicem pertinens, vlnas Italicas habet 14. ut placuit Vesalio lib. 5. de fabrica, & Hip. lib. de hom. structur. n. 7. terdecim cubitos comprehendit secundum longitudinem. Sunt intestina corpora oblonga, rotunda, & concava, ab inferiore ventriculi orificio usque ad podicem extensa, coquendis, alterandis, distribuendis alimentis, nec non expurgandis facibus idonea: oriuntur à ventriculo, & in maiori abdominis parte collocantur.

**E** Intestinorum substantia est membranosa, constat duabus tunicis propriis, & tertia communi mutuata à peritonæo, pluribus nervis, venis, & arteriis constructa. Sunt membranosa, ut distenta minùs patiantur. Duas tunicas proprias obtinuerunt, primò ut facultas expultrix esset robustior in expellendo. Secundò, ut si aliquando vna tunica præ morbo dilaceretur, rodatur, & putrescat, reliquæ incolumes remanerent. Vtraque tunica distinguitur à tunicis ventriculi in duritie, & substantia minùs carnosior, quod nec substantiam ut ventriculus debuissent suscipere, & intestina sint magis organa distributionis. Acute sentiunt, ut acrimoniam excrementorum citissime persentirent.

Præter hæc omnia, obtinuerunt intestina in parte inferiore humorem quendam pinguem, & concretum, ad modum



modum pituitæ, qui à bilis acrimonia illa defendit; ne forte sua mordacitate bilis illa exulcerare posset. Vtraque intestinorum tunica habet fibras transuersas, ob validam expulsionem qua pollent: & solum in recto intestino reperitur omne fibrarum genus, ratione roboris, ac firmitudinis, quod sicciora excrementa debeat obtrahere.

Habent intestina venas à ramis venæ portæ; sed non omnia æqualem numerum venarum suscipiunt: nam quod intestina sunt ventriculo proximiora, plures venas habent, & sic ordine quodam gracilia intestina, plures venas; crassa, pauciores habent. Arterias etiam habent à ramis arteriæ magnæ descendentes: sicut nervos sortita sunt, à quibusdam partitionibus sextæ coniugationis. Licet intestinorum corpus à principio vsque ad finem sit vnum, & continuum, nihilominus tamen pro varietate substantiæ, figuræ, officij, & situs diuersas suscipit denominationes. Ratione substantiæ, alia dicuntur crassa, alia tenuia, seu gracilia. Ratione officij, alia suscipiunt; alia distribuunt. Ratione formæ alia dicuntur recta, alia habentia orbes, mæandros, & plexus. Ratione situs dicuntur intestina inferiora, & superiora. Sed iis omisissis, vt omnia simplici sermone complectar, sex sola in sectione obseruantur, tria tenuia, & tria crassa.

#### De intestino duodeno.

**P**rimum intestinum incipiens à ventriculo, dicitur à Græcis Dodecadactylon, à Latinis duodenum, sumpta similitudine duodecim digitorum, Hoc multis plexibus, siue plicis est implicatum. Oritur ab inferiori ventriculi parte, & descendit versus spinam, vt præbeat locum venæ portæ. Secundum propriam longitudinem, extensum habet corpus glandulosum, & in hoc intestinum implantatur via illa, siue canalis, per quem excrementum biliosum vtiliter à natura vacuatur, vt suo loco dicemus: & vt semel quod verum est determinemus, non solum hoc intestinum, sed & reliqua suscipiunt arterias ab arteria magna descendente. Statim infra septum transuersum tenuia intestina existunt & pluries multiplicata diuisione intestina crassa. Ne tamen confusa nostra euadat oratio, illud sit certum, non solum intestina, sed etiam ventriculorum, per easdem vias, & venas partem tenuem chyli hepatis tribuere tempore necessitatis, per quas pro sui nutritione sanguinem suscipiunt.

#### De intestino ieiuno.

**S**ecundo ordine procedit intestinum ieiunum; sic dictum, quod inter dissecandum appareat reliquis magis inane, & sic magis ieiunum repræsentetur: immoratur enim parum in hoc intestino chylus, primò ratione biliosi excrementi eius motum accelerantis. Secundò, ratione plurium venarum chylum ad hepar attrahentium. Hoc intestinum tenuius est duodeno, & satis longum. Collocatur ferè in tota regione vmbilicali, suis flexibus ad ilia vsque descendens.

#### De intestino ileo.

**T**ertio loco procedit intestinum Ileum, sic vocatum, quia frequentibus gyris, siue anfractibus constat, & vltimum gracilium est, omnium longissimum. Obtinuit situm infra vmbilicum ad ilia, ob quam causam ratione huius intestini illæ partes ilia vocantur. Difficiliter distinguitur à ieiuno, nisi quod in hoc venæ mæsaraicæ sunt plures, & maiores.

#### De intestino cæco.

**Q**uarto loco se prodit intestinum cæcum, siue monoculum. Constat vnico duntaxat foramine, quo diuersis temporibus, & suscipit, & expellit: licet non defuerint, qui huic intestino duo parua orificia concederent iuxta se posita, per quorum vnum suscipiatur, per aliud

**A** expellatur. Ego tamen hucusque vnicum obseruari in eo orificium. Ad finem huius intestini conspiciuntur appendices contexta ad modum lumbrici, cuius merito Vesalius non solum nomen huic intestino tribuit, sed testatur hanc appendiculam reuera esse intestinum cæcum, & reliquum corpus, aut esse ileon, aut colon. Locatur hoc intestinum in parte dextra. Vtus eius peculiaris est, vt in eo chylus detentus amplius concoquatur: ob quam causam bruta animalia quanto voraciora sunt, magis obtinuerunt amplum hoc intestinum, aut multoties sortita sunt duplicatum. Appendicis vtus (quæ in pueris est amplior) est, vt crassior pars chyli ibi ob viarum angustiam moretur, & perfectius coquatur.

#### De intestino colo.

**Q**uinto loco sequitur intestinum Colon, ab intestino cæco originem ducens, in dextro ilio tangens renem dextrum, & ab hoc loco adhærescens ventriculi fundo, extenditur ad sinistram renem, & ilium sinistram, ad modum cinguli ab hoc loco deorsum descendit. Hoc omnium est amplissimum, habens plures flexus, & mæandros. Hæc est causa ob quam colico dolore detenti, falsò imponunt Medicis quod sint nephritici, & è contra, vt accidit Galeno 2. de loc. cap. 5. existimanti calculum adesse in rene, quum excreta pituita ope clysteris ex oleo rutaceo parati, constiterit manifestè, nequaquam calculum, sed colicum dolorem huius acerbi doloris causam fuisse.

#### De intestino recto.

**S**exto, & vltimo loco est intestinum rectum, sic dictum ratione situs, quod à parte altera ossis sacri vsque in anum recta via feratur. In fine huius intestini existit quidam musculus transuersus, qui non permittit excrementa sine lege, & ordine exire.

Aduerte quod intestina quæ tenuia dicuntur, sunt locata in medio: crassa, ad latera, & circumcirca, vt quidam murus. Intestina tenuia, situ, & compositione inferiora sunt crassis: crassa verò superiora; licet tenuia in exortu à ventriculo, sint priora.

#### De mesenterio.

**D**NE tamen intestina assiduis animalium motionibus disrumpere, aut à sua naturali sede mouerentur deorsum; ea spinæ fortiter alligauit natura media illa membrana, quæ dicitur Mesenterium, siue Mesaræum, quoniam est in medio intestinorum versus partem posteriorem: quod membrum nihil aliud est quàm quoddam corpus membranoseum, duabus tunicis, pluribus venis, arteriis, quibusdam nervis, copioso adipe, & glandulis intertextum, intestina colligans.

Duæ hæ membranæ oriuntur à peritonæo, & à ligamentis vertebrae annectentibus, & os sacrum cum ossibus ilium; cuius membranæ interuentu, ratione propriæ originis, magnus ille reperitur consensus intestinorum cū dorso, & lumbis, & sic intelligetur Hip. quotiescunque in prænotionibus dixit: Qui lumbis sunt queruli, profusione alui liberantur. Arterias suscipit, & venas, à ramis mesentericis: nervos, à sexta coniugatione. Vtus copiosi adipis mesenterij simul cum glandulis à natura est constitutus, primò, ne vasa rumperentur. Secundò, ne cavitates vasorum sic faciliè comprimerentur. Tertio, vt glandulæ sua humiditate intestina irrorarent. Quarto, vt essent quasi vasorum ligamenta. Quintò, ne ventriculus ex spinæ contactu læderetur.

Hoc corpus glandosum in postrema ventriculi regione versus spinam repertum, duodeno intestino adhæret, quod quia quandam carnem, & diuersam naturam à mesenterio repræsentat, pancreas tam à Græcis, quàm Latinis appellatur; cuius utilitas est, vt ramos venæ portæ ventriculo, & lieni distribuendos securos reddat: deinde, vt ventriculo tanquam molle substerniculum subiiciatur.

## De omento.

**S**icuti ergo à parte posteriore mesenterium ponitur, ut teneatur intestina, sic à parte anteriore adest illud membrum, quod à Græcis dicitur Epiploon, à Latinis Omentum, & ventris mappa, à Barbaris zirbus. Est collocatum omentum in maiori parte abdominis, tangens peritonæum per propriam superficiem superiorem. Est alligatum ventriculi fundo, intestino colo, & lieni in parte inferiore. Ex naturæ lege nullo intestino alligatur; in hominibus tamen raro extenditur infra umbilicum.

Eius figura est similis sacco, propter duas tunicas quas habet, & ob istam causam marsupium dicitur. Cõstat substantia membranosa, venis, arteriis, nervis, & copioso adipis intertexta. Suscipit venas à vena portæ, arterias à ramo arteriæ magnæ, nervos à sexta coniugatione. Factum est omentum, primò, ut securè ramos venæ portæ, in ventriculū, lienem, duodenum, & colon distributos fulciar. Secundò, ut genuinum, & naturalem calorem ventriculi, intestinorum, & aliarum partium foueat; & ob hanc causam facetur Galenus 4. de usu part. 9. nonnullos quibus omenti pars fuit abscissa in posterum supervivisse, sed functiones infelicissimè fuisse assequutos: nam debiliter concoquebant, & tegumentis, culcitrisque ventriculū semper habebant involutum.

## De peritonæo.

**O**mento continguum est illud membrum, quod à Græcis, & Latinis dicitur Peritonæum, à Barbaris Siphac. Est ergo peritonæum, membrana tenuis, sed fortissima, araneorum telis similis, omnes partes in regione abdominis contentas amplectens, & vestiens. Est membranosum, ut facillè distendi, & comprimi possit. Factum est tenue, ne sit onus partibus subiectis; forte, ne in distentionibus facillè rumperetur. Oritur peritonæum à ligamenti vertebrarum ossis sacri, & ab amplexu quorundam nervorum.

Figuram obtinet sphæricam, sed oblongam, ad modum oui. In superficie externa, quæ tangitur à musculis, est asperum, in interna, per quam respicit omentum, & intestina, est planum, ac læve, quasi aqueo quodam humore irrigatum. Non est omni ex parte æquale secundum substantiam, quia in parte posteriore dorsi est magis crassum, quàm in anteriore; & in ista etiam conspicitur varietas, quum in viris crassius sit à mucronata cartilagine usque ad umbilicum; in fœminis opposito modo, ab umbilico usque ad ossa pubis crassius conspicitur. In hominibus ad ventriculi distentionem, ortam ex multa crapula, in fœminis ad fœtus gestationem, pondus, & incrementum.

In omni sua substantia membrana peritonæi conspicitur duplicata, quamvis Realdus Columbus lib. 11. cap. 11. solùm à musculis pubis usque ab umbilico conspici duplicatam affueret, ut inter tunicam, & tunicam, vasa umbilicalia deorsum distribuenda, & arteria umbilicalis, vrachos, & vasa reuersiva ascendentia, per musculos rectos abdominis securè progrediantur.

Perforatur in parte superiore in situ septi transversi, tribus in locis, pro œsophago, pro vena caua ascendente, & pro arteria magna descendente. In parte inferiori est perforatum pro ano, & pro vtero, pro venis, arteriisque descendentibus ad crura. Non est perforatum pro vasis spermaticis, & testibus, ut insinuavit Vesalius, quum potius ibi formetur quædam productio peritonæi, instar canalıs & digitorum chirothecæ. Perforatur vltimò in umbilico pro venis, pro arteriis, & vracho.

Vltus peritonæi à natura datus, primus fuit, ut omnes partes in regione abdominis contentas contineat. Secundus, ut omnibus peculiare tegumentum tribuat. Tertiò, ut subiectas partes defendat. Quartò, ut retineat intestina. Quintò, ut quasi manibus dura, & sicca intestinorum recreta pellantur. Inter istam tunicam, & aliam quæ omentum dicitur (& rariùs inter intestina)

A frequenter colligitur illa aqua, flatus, ac pituita, ex qua generatur hydrops.

## De abdomine, &amp; eius musculis.

**S**upra peritonæum est Abdomen, à Latinis sic dictum à Græcis Epigastrium, à Barbaris Mirach, quo etiam loco fit hydrops, licet rarissimè, ut sic intelligatur difficilis doctrina Arabum, asserentium hydropem fieri inter Siphac, & Mirach. Abdomen est illa regio, quæ inter costas & os pubis sita est.

Musculi abdominis sunt octo, duo recti, (in vnoquoque latere vnus) à mucronata cartilagine usque ad pubem extensi, portionibus albis ligamentosis insigniti, à Barbaris Latitudinales dicti, vnus ortus à dextro, alter à sinistro latere usque ad umbilicum. Quatuor sunt obliqui, duo superiores, & duo inferiores. Superiorum alter ab hypochondrio dextro, alter à sinistro deorsum oblique descendit. Inferiorum è conuerso ab osse pubis in parte dextra vnus, in parte sinistra alius: oblique ascendunt usque in eum locum, ubi superiores cum inferioribus in medio circa umbilicum suis ligamentis annectuntur.

Inseruiunt recti, & transversi expulsionem; obliqui, retentionem, dum seorsim agunt: si tamen omnes simul agant, æquali compressione fæces ab intestinis expellunt.

Abdomen sumitur strictè, pro tota illa mole musculorum super peritonæum existentium; magis tamen propriè sumitur pro ventre. Omnes hi abdominis musculi dura quadam teguntur membrana, quæ omnes colligit, & tuetur. Super ista membrana copiosus adeps conspicitur, & super pinguedine, crassa cutis, commune abdominis tegumentum, quemadmodum & omnium aliarum partium.

Sed mirum est quod conspiciamus, & obseruamus regionem abdominis ossibus carentem, & hoc pluribus titulis factum est à natura. Primò, quòd debeat dilatari per repletiones ciborum, & similiter in vtero gerentibus. Secundò, quòd debeat comprimi, conciderè in vacuatione, & ieiunio. Tertiò, propter Veneris congressum, ne mutua ossium collisione vitaretur generatio. Et quamvis hic venter inferior sit vnus, variè appellatur pro varietate particulari huius regionis, ut v. g. hypochondria dicuntur partes, quæ respondent spatiis cartilaginum, vel notharum costarum. Dicuntur similiter præcordia, quia ventriculus ab antiquis cor appellabatur. Illa dicuntur in parte sinistra & dextra, illæ regiones quæ respondent intestino ileo. Vltus illorum musculorum est, ut venter comprimatur ad expellendas fæces. Secundus, ut eorum ope distendatur, contrahaturque follium instar thorax, & fiat facilis respiratio.

## De hepate.

**H**epar est officina sanguinis, naturalis spiritus auctor, venarum principium, quibus velut tubis totam animalis Rempubliam irrigat, & Principis instar propriis sumptibus vniuersam corporis familiam sustentat: quare ab Anatomicis, fons, & origo gratiosi humoris nuncupatur, & inter præstantissima organa, perfecta, & necessaria reponitur.

Collocatur in dextro hypochondrio, statim infra septum transversum, & sub costis nothis propter securitatem: & quia nec extendi, nec dilatari debuit more ventriculi, non habet formam rotundam. Non est diuisus in partes, ut præcorum opinantur plures, saltem in homine, cuius hepar solum in medio habet scissuram, per quam vena umbilicalis in hepatis corpus se recondit.

Habet duas regiones, superiorem & inferiorem; illam vocamus gibbam, seu conuexam, est læuis, & tersa, ne motui septi transversi obstat. Inferiorem eius partem vocamus cauam. Hepatis magnitudo maior est in homine, quàm in reliquis animalibus, pro proportionem sui corporis: huius substantia crassissima est instar sanguinis concreti feruore costis,

Appellatur

Appellatur à Græcis patenchyma , à Latinis affusio: A duobus ligamentis ligatur, & firmatur in sua sede , vno existente circa venam , quo seprum transuersum ligatur; altero ex vena vmbilicali orto , quo mediante est suspensum. Per vniuersam hepatis substantiam innumeræ venæ disseminantur, & sparguntur, tenuissimam tunicam habentes: idque duplici titulo à natura factum puta, primò vt diutius retentus sanguis perfectius elaboretur; secundò, vt immediatius à carne hepatis tangeretur.

Venarum quæ sunt intra corpus hepatis, quædam oriuntur à vena caua, & quædam à vena portæ. Hæ chylum, futurum sanguinem attenuant, & præparant. Illæ verò sanguinem iam factum deducunt ad truncum venæ cauæ. Inter sese omnes hæ venæ seruant ordinem, (quicquid alij dicant) vt oscula osculis respondeant, & fiat anastomosis. Cum ergo tres maiores venæ, scilicet caua, portæ, & vmbilicalis oriantur ab hepate, consultò principium venarum dicitur, quia in eo vasa hæc radican-  
cantur.

Continet similiter hepar exiguas arterias, ad natini caloris attemperationem; & spiritus conseruationem; non tamen in omni eius regione, sed solum in caua parte, nam in gibba sufficit assidua ventilatio, quasi stabello facta, à sepro transuerso.

Deinde caro hepatis magis conseruatur diffilatione quæ repurgatis suæ coctionis excrementis perficitur. Hoc modo intelligitur Galenus 6. epid. sect. 5. com. 5. ad fin. dicens: *Calor cordis magis indiget expiratione.* (hoc est, infrigidatione) at verò calor hepatis attemperatione, qua perficitur expurgatione fuliginum.

Vniuersum iecoris corpus regitur membrana tenuissima, mutuata à peritonæo, ad quam duo implantantur nervi, & vterque à ramis sextæ coniugationis, vnus à ramo ventriculi, alius à ramo costarum; ambo exigui sunt, & non penetrantes corpus hepatis, & ob id iecur acutum non habet sensum.

Iecur idèò factum est à natura, vt quatuor humores animali necessarios generet, & in eo sanguifera vis splendeat, & secunda perficiatur concoctio, & ob hanc vtilitatem iure optimo princeps membrum appellatur, & sic nulla est particula animalis, quantumuis minima, cum qua, aliqua ratione non consentiat.

### De venis.

**V**ena definiri potest hoc modo; est vas oblongum, rotundum, fistulæ modo excauatum, simplici, & tenui tunica, omni villorum genere contexta constructum, ab hepate ortum, continendo, distribuendo, & concoquendo sanguini à natura dicatum.

Primus venarum vsus est vt deferant alimentum, nempe sanguinem partibus. Secundus, vt sanguinem contineant. Tertius, vt calorem, & spiritum deferant. Quartus, vt alterent sanguinem: nam sanguificant, ex Galeno 4. de usu part. 17. & alibi.

Vsus venarum particularium sunt hi. Emulgentes venæ serosum humorem deducunt. Spermatice semini rudimentum conferunt. Mesaraice chylum in hepar conuehant. Splenice, quæ à lienie in anum terminantur, sanguinem melancholicum per venas dictas hæmorrhoidales expurgant.

Vena distinguitur ab arteria, structura, motu, & vsu. Structura, quia vena tunicam habet tenuem; arteria, crassam, & duplicem, vt sanguis venalis crassiusculus arteriali melius transpiret. Secundò, vt aliturus venalis per poros tunicarum, toris instar, partibus apponeretur. Motu, quia vena non pullat; arteria reciproco contractionis, & dilationis motu est prædita. Vsù, quia arteria vitalem vnà cum subtili sanguine defert spiritum; Vena, venalem cum spiritu crassiore transportat.

In parte ergo iecoris gibba, vbi maior, crassiorque substantia conspicitur, vena enascitur, quæ venarum mater, radix, & origo appellatur; & quia maxima est, concaua, seu caua v. cari solet, quæ ramos per omnes corporis partes diffundit, & propagines insignes ad superas, & infimas

partes perreptantes, vel remotissimas transmittit. Hæc fluminis instar, decinatis riuulis in multas partes diuiditur, & sic in ascendentem, & descendentem partitur.

Descendens truncus ad offis sacri initium, & ilia vsque excurret, vbi in ramos diuincatur amplissimos iliacos dictos, & antequam in hos findatur, spargitur in quinque surculos, seu venas: Adiposam primum, quæ fertur in exteriorem renum tunicam: Renalem, quæ in intimam renum substantiam tendit, quæ & emulgens dicitur, quòd serosum humorem iugat, & in renes transporter spermatice, quæ seminis materiam ad testes defert: Lumbarem, quæ lumborum vertebrae, & spinalem medullam succo laudabili irrigat. Musculosam, quæ in lumborum, & abdominis musculos, plures mittens propagines, has partes sanguine optimo irrorat, quæ omnes in quamplurimos sparguntur surculos, donec in capillares abeant.

Deinde ramus iliacus in duos ramos insignes spargitur ab vtroque ramo quatuor venæ emanant, quarum prima dicitur sacra, quæ ita appellatur, quia in sacra, seu magnæ vertebræ medullam pro nutritione fertur. Secunda est hypogastrica, quæ partes hypogastri contentas alit, & multos dimittit stipites in vterum, eius ceruicem, vesicam, rectum intestinum, hæmorrhoidales venas. Tertia dicitur epigastrica, quæ in epigastrii musculos disseminatur. Postrema vocatur pudenda, & fertur ad virorum genitalia, & pudendi muliebris carnem.

Rursus ramus iliacus extra abdominis cauitatem delatus, ad inguina descendit, & per crura, & femur numerosas & varias propagines emittit, vnde scaturiunt venæ multæ. Primò emanat vena, quæ dicitur cruralis, quæ crura nutrit, ex qua varij, sed præcipuè sex surculi magis notabiles oriri conspiciuntur. Primus est ramus, qui dicitur vena Saphæna, quæ per internam cruris partem ad malleolum externum descendit. Secunda Ischias minor quæ malleoli musculos internos perreptat, & est sita è regione saphænæ. Tertia dicitur Muscula, quæ duplex est; vna maior, & fertur in musculos omnes femoris, altera minor, quæ tibiam perreptat. Quarta vocatur Poplitea, quæ in poplitem descendens, vsque in calcem terminatur. Quinta Suralis, quæ per suras disseminatur. Vltima dicitur vena Coxendica, seu Ischias maior, quia ad coxæ, seu Ischij musculos delata, deinde ad externum pedis malleolum extenditur, & illustris est, secaturque in Ischij, seu coxæ dolore cum vtilitate summa.

Venæ cauæ ascendentes historia elegans est, & eius cognitio necessaria, ad curandosque morbos vtilissima. Cum ergo venæ pro nutritione partium sint necessariae, quia alimentum deferunt per membra, iccirco natura prudens, & de fabrica animalis prouidentissima, ascendentem venam alligauit diaphragmati, membranisque intersipientibus per communes tunicas, cordi per auriculam dextram; & ita multos ramos diffundit ad iugulum, & thoracis cauitatem, ibique ad axillas fertur, & finditur in tres insignes surculos, seu venas, quæ dicuntur Basilica, Mediana, & Cephalica, quæ communiter in morbis secari solent. Basilica, quæ hepatica, iecoraria, interna, seu regia appellatur, per interiorem brachij partem fertur. Cephalica per exteriorem, & dicitur humeraria, quia per exteriorem humeri partem decurrit; vocatur etiam nigra, seu atra. Ex iis tanquam riuulis in cubiti coarticulatione emergit alia, quam medianam vocant, & est Cephalicæ, & Basilicæ ramus in flexura brachij propullulans, quæ communis etiam nuncupatur.

Basilicæ sectio utilis est, quando morbus occupat partes, quæ sunt positæ inter alas & inguina, hoc est, infra iugulum. Cephalicæ sectio tunc celebratur, quando affectus infestat partes, quæ supra iugulum sitæ sunt. Quando verò passio partibus inferioribus, & superioribus est communis, tunc communis vena, quam medianam appellant, est secanda, vt notat Galenus 4. de sanit. tuend. cap. 4. & 2. acut. 11. & lib. de curand. rat. per sang. mis. cap. 16.

Ex basilicæ ramo venula obliquè ad carpum excurrit, quæ per manum externam disseminatur, & desinit inter paruum digitum, & annularem, quam venam Arabes *saluatellam* vocant, quia saluat ægrotantes; & in diuturnis venosi græcis morbis, melancholicis affectibus, cutaneis, lienis vitiiis foelicissimè declinante iam morbo secari solet: & licet sit cephalicæ ramus, tamen experientia monstrat, in eisdem morbis summo esse ex usu, propter naturalem quem habet cum hepate, & liene contentum, ex Paulo lib. 3. cap. 49. Quare in lienis morbis, in manu sinistra in hepatis vitiiis, in manu dextra, securissimè eius sectio administrari solet.

Hæc ascendens postquam diuisa est in ramum subclauinum, etiam ex altera parte per internam partem diffunditur riuulos, & sic aliæ venæ scaturiunt, quarum prima est vena phrenica, quæ per vniuersum diaphragmatis corpus excurrit & ad pericardium ramos spargit. Altera dicitur coronaria, quæ vniuersam cordis basim instar coronæ cingit, & ad dextrum cordis sinum, & pulmones, pro nutritione ramos spargit. Tertia dicitur vena azigos, hoc est, coniugis expers, Medici vocant venam sine pari: nam nulla est vena quæ sibi coniugem non habeat arteriam, hæc excepta,

Hæc octo surculi ex se promit, in sinistram & dextram partem valde diffusos, qui octo inferiores costas, & earum spatia alunt, vt videas quàm malo fundamento nixa sit Vesalij opinio 3. fabrici. 1. § 7. qui in omni pleuritide tam dextra, quàm sinistra, semper in latere dextro tundendam esse venam sibi persuasit, quia hæc solitaria vena in latere dextro solum reperitur, nam si nutrit etiam costas sinistras, & par partem sinistram sese diffundit, videtur in pleuritide sinistra etiam secunda interna sinistra, quia tum ramos à dextra parte prodeunt, qui cum interna consensum habent, & sinistros ramos etiam exhaurit. Deinde licet fateamur solum hanc venam reperiri in latere dextro, non concludit semper in dextro latere secandam esse venam, quia melius est facere vacationem ex sinistra parte dolore oppressa, propter rectitudinem, quàm ex parte sana: rectitudo enim amplius est optanda, quàm vasorum communitas. Ita Galenus 13. meth. cap. 11. in hepatis inflammatione non apparente basilicam secat medianam, vel cephalicam eiusdem lateris, non basilicam alterius, quia rectitudo vasorum communitati semper est præferenda. De quo argumento satis doctè scripserunt, Manardus 12. epist. 5. Castrensis Lusitanus lib. 2. quæ ex quibus, cap. 17. & contra Vesalium Vallesius, Laurentius, & Duretus acriter insurgunt,

Quarta vena dicitur intercostalis, quæ in thoracis cavitatem sese insinuat, & in ramos multos per sterni partem internam diuiditur; & ab hac quinque oriuntur venæ: prima dicitur Mammaria, quia mammas nutrit. Secunda dicitur Thymica, quia glandosum corpus iuxta mammas positum nutrit, & occupat, quod thymum vocant; sic etiam penetrat sese in intersepientes membranas. Tertia dicitur Capsularis, quia in capsulam, siue inuolucrum cordis fertur. Quarta dicitur Cervicalis quia per musculos cervicis sese exerit in cerebrum. Vltima dicitur Muscula, quæ in cervicis musculos deferretur.

Insuper Axillaris ramus, quum diuisus est per internam partem in basilicam, cephalicam, & medianam, in duas iugulares diuiditur venas, quarum vna dicitur externa, altera interna, Externa per latera cervicis fauces attingens, in duas partes diuiditur: vna in musculos laryngis & linguæ absumitur; altera in labra, pinnas narium, frontem, faciem ferè totam, maiorem oculi angulum, & partes auzium posteriores penetrat.

Interna per latera cervicis ad cerebrum extollitur, & per cranij foramina, in duræ meningis sinus ascendit, (è quibus numerosi venarum surculi prodeunt totum cerebri corpus alituri qui per frontem etiam excurrunt) & suas propaggines licet tenues ad nasi leporem emittit.

In his partibus sunt duæ illæ venæ, nempe in fronte, & lepore nasi, quas in calidis, & inflammatoriis cerebri

affectibus communiter secamus, & in aliis periculosissimis morbis qui subitum exitium minantur, vt apoplexia, epilepsia, caro, catalepsi, &c.

Hæc tamen non sunt secandæ, nisi postquam exquisita corporis totius vacuatio sit celebrata, sicuti neque illæ venæ quæ sunt in maiori angulo oculi, & secantur in diuturnis oculorum morbis: neque illæ quæ dicuntur leonicæ, hoc est sublingues, quæ per fauces vsque ad radicem linguæ disseminantur, & oriuntur ab interna iugulari dicta. Sicutiam reperiuntur in ceruicæ venæ, quæ à iugulari interna oriuntur, & alium cephalicæ ramum perreptant, & dicuntur iugulares, apoplecticæ, sphagitides; quæ raro secari solent, ob copiosum quod ex his sequitur sanguinis effluuium, & si secantur, super eas debemus imponere agglutinantia, prout in arteriarum sectione iubet facere Galenus 5. meth. 3. Vnus sectionis earum, est in acutissimis cerebri morbis, & suffocante angina, teste Paulo, & aliis præcipuis Medicis.

#### De ramis venæ portæ ingredientibus intestina.

Diximus superius, omnia intestina venas suscipere à ramis venæ portæ, quod sic explico. Quemadmodum radices plantarum ex terra pabulum, & alimentum sugentes ipsis plantis ministrant; ita similiter venæ mesaraicæ disseminatæ in intestina, vt quod ex crebra coctione in ventriculo reperiunt bonum, & vile, per anastomosin recipiant, quæ venæ ad hepatis regionem perueniunt. Priusquam autem eius substantiam attingant, tanta venarum multitudo in vnam, eamque capacissimam venam degenerat, quam sumpta similitudine portarum ciuitatis, dicimus venam portæ; quod consulto à natura fuit fabricatum, ne tot venæ tanquam cribrum hepatis corpus perforarent.

Omnes aliæ venæ, quæ conspirant in hanc vnam quia sunt contentæ in illa membrana, quam appellamus mesenterium, dicuntur mesaraicæ: ante tamen quàm conspirent in venam portæ innumeræ illæ venæ, quinque, aut sex ramos constituunt, quorum primus tendit ad partem alteram ventriculi inferiorem, secundus ad omentum, tertius ad lienem, quartus ad mesenterium, & omnia intestina, quintus ad rectum intestinum recta via descendens, venas hæmorrhoidales constituit.

Alij plures diuisiones constituunt, sed hæc est communis, & ad quam reliquæ reduci possunt. Vtilitas harum venarum est, vt diuersis temporibus chylum à ventriculo, & intestinis in hepar, & ab illo sanguinem pro nutritione ventriculi, intestinorum, & aliarum partium deferant.

#### De venæ portæ.

Venæ portæ habet suum locum in parte caua iecoris & sicuti vt tangat intestina, multifariam diuiditur; ita postquam hepatis substantiam ingressa est, de nouo diuiditur in ramos duos, quorum quilibet diuiditur in duos alios, donec repetita diuisione venæ portæ innumeri surculi per totam hepatis substantiam diuagentur. Facta fuit hæc vena, vt per eam primò chylus ingrediatur in hepar, & iterum sanguis ad intestina, & ventriculum pro eorum nutritione descendat. Hæc vena partem cauam hepatis ingreditur, eo in loco umbilicalis, per quam nutritur fœtus, in hepate implantatur.

#### De folliculo fellis.

Cum ex secunda coctione, sanguificatione dicta, vnum resultet excrementum tenue, & spumosum quasi flos & spuma vini, vt sanguinis massa purior reddatur. illicò transmittitur ab hepate, & in aliud organum transfertur, quod in parte caua iecoris collocatur: hoc organum dicitur folliculus, vesica, aut bursa fellis. Constat figura rotunda in fundo, versus collum oblonga, ad modum pyri,



Substantia constat membranacea, vt faciliè dilatari, & A  
comprimi possit. Constat vna ac simplicissima tunica,  
sed robusta. Præter hanc habet aliam mutuatam à tunica  
iecoris, quæ non est in vniuerso suo corpore, sed in parte  
superiore quæ pender. Venas habet pro sui nutritione à  
ramis venæ portæ; arterias ab illa quæ hepatis tribuitur;  
nervulum etiam suscipit à sexta coniugatione, ab eo rā-  
mo qui per costas hepatis committitur.

Hic folliculus fellis, non suscipit excrementum per eas  
venas per quas admittit alimentum, sed per diuerfas, &  
per diuersa vasa, quæ ductus cholidochi nuncupantur.  
Oritur à parte caua iecoris, iuxta implantationem venæ  
portæ, quæ sententia ita explicanda est. In hac parte  
conspicitur quidam canalis flauo colore tinctus, per plu-  
res propagines in hepate radicans, & hic canalis via re-  
cta in intestinum duodenum descendit ex naturæ lege, B  
& vitiosè aliquando ad ventriculum, vt supra di-  
ctum est.

In medio huius canalis, conspicitur alius ad folliculum  
fellis sursum ascendens, per quas vias hepar ab excre-  
mento bilioso expurgatur: nec enim modò disputo, an  
prius suscipiat folliculus fellis excrementum biliosum,  
& deinde tribuat intestinis; an quavis ratione id fiat:  
nam nobis solùm cura est, relictis quæstionibus, verè &  
fidè naturalem partium constitutionem, & earum vsus ad  
vnguem ostendere. Meatus hic qua parte descendit ad  
intestinum duodenum, obliquè implantatur inter duas tu-  
nicas illius.

Vsus huius folliculi iam dictus est, nempe vt sanguis à  
bile expurgaretur, quæ amara cum sit, nutritioni inutilis  
est, & etiam erat necessariò bilis distribuenda in multas C  
partes, vt in intestina, vt sua acrimonia facultatem ex-  
pultricem irritando, fæces propelleret, ob cuius colorem  
et flauæ apparent.

## De liene.

**A**liud excrementum emanat ab hac secunda cōctio-  
ne crassum, & terrestre, quod assimilatur fæcibus  
quæ residunt in dolio, & appellatur excrementum me-  
lancholicum, quod expurgatur ab illo membro, quod di-  
citur splen, seu lien; & hic est vsus huius partis prima-  
rius: quare vulgari carmine dicitur: *splen ridere facit*,  
quia attracto nigro excremento ab hepate, quod tristitia-  
m facit, & spiritus conspurcat, hic cum sanguine  
clariore sunt, & pellucidiore, & sic lætatur anima. Col-  
locatur ex opposito hepatis sub hypochondrio sinistro. Sub  
costis alligatur septo transverso, & reni sinistro interuen-  
tu peritonæi, ventriculò per venas; & per omentum.  
Huius forma est oblonga ad modum formæ plantæ pe-  
dis, quamuis per partem superiorem eam formam non  
seruet.

Magnitudo, & color non sunt in omnibus æqualia.  
Constat substantia molli, rara, & spongiosa, venis pluri-  
bus, nervis, & arteriis in tenui membrana existentibus.  
Venas habet à vena portæ, per quas mittitur aliud vas  
ad ventriculi fundum, per quod ea portio excrementi  
melancholici, quæ vini, & superari non potest à natu-  
ra, euacuatur, non solùm vt famem naturalem excitet,  
sed etiam vt facultates sua adstrictione roboret, & rami-  
dualimenta in eo detineantur, quousque concoquan-  
tur. Suscipit arterias ab arteria magna descendente plu-  
res, & maiores, quàm sua moles requirit: primò, vt suo  
motu, & calore viuifico sanguinem crassum attenuent  
& expurgent. Secundò, vt sanguinem à venis suo mo-  
tu exire sollicitent. Tertiò, vt calorem lienis attempe-  
rent. Vltimò, vt propriæ carni lienis vitalem facultatem tri-  
buant.

## De renibus.

**V**ltimum excrementum, quod ex iecoris elabora-  
tione emanat, nec ita tenue est vt biliosum, nec  
ita crassum sicut melancholicum, sed inter vtrumque  
mediam seruat naturam, appellatur serosum excremen-  
tum. Lib. VI.

tum, cuius vna pars, vt alimenti vehiculum per totum  
corpus defertur, & materia sudoris est. Altera pars ex  
naturæ lege in renibus colligitur. Hi duplicati fuerunt  
constituti, vt si fortè vnus ab actione deficiat, reli-  
quus saluus, & incolumis remaneat: sunt etiam facti  
duplices; nam vnus non sufficiebat, quia serum est co-  
piosum.

Sunt locati parum infra iecur, in medio ferè spinæ.  
Alligantur venæ cauæ per emulgentes venas: dorso, &  
costis lumborum, per membranas peritonæi. Sed cum ro-  
busta polleant attrahendi facultate, ne inter ipsos aliqua  
inuidia esset, si in eadem regione ambo fuissent locati  
diuersum situm sunt assequuti, ita vt ren sinister sit in al-  
tiore loco, dexter verò in inferiore maiori ex parte: causa  
verò huius varietatis est magnitudo hepatis deorsum  
descendentis; quia magnum est in homine hepar, lien  
verò paruus.

Sed hoc loco non possum dissimulare, quomodo Gale-  
nus noster lib. 6. de anatom. administr. c. 13. & 6. de usu part.  
cap. 5. tantopere excrucietur, vt probeat renem dextrum  
esse elatiorem, seu superiorem, quum omnium Anato-  
micorum contrarium suadeat experimentum, & probant  
inter omnes Laurent. lib. 6. de re anatomic. cap. 23. Realdus  
lib. 11. cap. 9. qui ita in Galenum debacchantur, vt hoc  
loco commoti, proferant, nunquam ipsum humana  
corpora secuisse. Ego autem licet iuniorum Medico-  
rum sententiam de frequenti euentu amplectar, ali-  
quando (raro tamen) dextrum renem esse superiorem  
non nego.

Figura renum assimilatur mediæ Lunæ, quamuis in  
humano genere aliquando euariet. Ipsi versus spinam  
sunt caui, & in opposito latere gibbi, & rotundi. Magni-  
tudo est tanta, quanta conuenit proprio muneri. Eo-  
rum substantia est dura, crassa, densa, & rubra, parum di-  
uersa à substantia cordis, nisi quod fibris sit distincta.  
Habet ren tria genera valorum, venas, arterias, & vrete-  
ras. Venas, quas emulgentes dicunt ratione officij, à vena  
caua; arterias, ab arteria magna. Vtrique vasa sunt maio-  
ra, quàm requirat vtrique renis moles, quod non solùm  
nutritioni, & vitæ sint dicata, sed etiam expurgationi re-  
crementi serosi. Tam hæc arteria, quàm vena, quando in-  
grediuntur renis corpus, diuiduntur in duos ramos, &  
quilibet in alios duos.

Intra renis corpus duo obseruantur sinus, vnus ab ex-  
tremis venarum, & arteriarum ad modum sinus  
cerebri; alius est conspicuus, qui serum iam depuratum,  
& à sanguine secretum suscipit. Vniuersum renis corpus  
duplici tegitur membrana, vna cōmuni, & à peritonæo  
deducta; secunda propria immediatè renum substantiam  
tangente, quæ paruum neruum suscipit à sexta coniuga-  
tione, & ab ea portione quæ ad ventriculum tendit. Li-  
gantur renes cum lumbis mediante peritonæo: cum ve-  
fica urinaria per vterque: cum cerebro per nervos: cum  
torde per arterias: cum iecore per venas. Vterque ren  
factus est à natura, vt tam ab arteriis, quàm venis serum  
expurgaret.

## De vteribus.

**A** Secundo sinu renum oriuntur vasa, quæ vterque,  
siue vasa urinaria appellantur, quæ sunt concava,  
alba, crassa, instar arteriarum: à renibus vsque ad vesti-  
cam progredientia. Progrediuntur autem sub peritonæo,  
lumbis, & dorso adherentia. Constant vterque vnica tu-  
nica densa, fibris aliquibus texta. Implantantur in col-  
lum vesicæ, obliquè, & tortuosè: ea naturæ industria, vt  
urinæ pars quæ intra eam cavitatem vesicæ colligitur,  
non possit iterum ad renes retrocedere.

## De vesica urinaria.

**Q**uemadmodum renes, & vesica fellea commodum  
situm obtinuerunt in animantium corporibus,  
ita vesica urinaria sita est sub osse pubis, recto intesti-  
no innitens in viris; at verò in feminis, inter vterum, &

os pubis. Figura eius existit rotunda, aliquantulum oblonga, qua parte desinit in collum. Constat substantia membranacea, ut facile dilatarı, & coarctari possit. Constat duabus tunicis, vna communi mutua a peritonæo, per quam recto intestino, & ossibus coxarum annectitur; altera sibi propria, & genuina dura, ac solida, triplici fibrarum genere contexta: in cuius tunice interna parte adest veluti crusta quædam, defendens vesicam ab acrimonia vrinæ, nam est veluti caruncula, quæ sua mulcebri humiditate acrimoniam seri attemperat; quare si hæc præ febili calore, aut alia causa atteratur, vrinæ ardor suboritur immanis, ut cuidam viro accidisse propria historia enarrat Galenus *lib. 14. de usu part. 11.* cuius explanationem legat qui velit *lib. 2. hist. 144.*

A fundo vesicæ oritur quoddam vas sursum ascendens ad umbilicum, seruans eandem naturam cum vteribus, per quod vas quamdiu factus est in vtero, euacuatur vrina, & hoc ab officio dicitur vrachos; cuius vitilras nobis iam in lucem editis nulla alia est, quam ut ligamenti vicem gerat. In eius collo assistunt duæ carneæ portiones, dictæ parastatæ glandulæ, quæ etiam dilatationi, ac seminis eiaculationi deferuiunt. Hæ glandulæ in foeminis deficiunt. In fine colli vesicæ reperitur quidam musculus, ut fidelis ianitor, quemadmodum in ano, cuius officium est constringere vesicam, ne videlicet citra voluntatis imperium vrina fluat, & præter hoc admirabile naturæ artificium, in collo vesicæ aliud reperitur, quod meatus ille, per quem finit vrina sit tortuosus, ne scilicet facile vrina, non comprimente musculo recte, elabi possit. Varias habet venas pro sui nutritione a vena caua; arterias pro vitæ conseruatione ab arteria magna, & suscipit duas propagines neruorum, vnam a sexta coniugatione, aliam ab spinali medulla. Fuit vesica facta a natura, ut esset serosi excrementi receptaculum, ut existens in vesica commodè per eam expelleretur.

#### De vasīs preparantibus.

**A**bsoluta historia ferè omnium partium quæ nutritioni inserviunt, exoptulat tractationis ordo, ut antequam vterius progrediamur, agamus de partibus, & organis generationi inservientibus, tam in viris, quam in foeminis. Dicamus ergo quod vasa quæ generationi seminis inserviunt, & productioni foetus, sunt in duplici differentia.

Alia sunt quæ sanguinem, futurum semen præparant; alia quæ semen iam confectum, prolificum & fecundum factum deferunt, & emittunt. Priora dicuntur præparantia; posteriora vocantur deferentia. Vasa præparantia sunt quatuor, duæ venæ, & totidem arteriæ: Venæ in latere dextro oriuntur a vena caua sub emulgente, in latere sinistro ab ipsa emulgente, non quia abrupteretur in hoc latere vas spermaticum, assiduo motu arteriæ magnæ, quum aliqua via posset hoc opus natura emendare, sed ratione diuersitatis in vtroque sexu desumitur ex imperfectione lateris sinistri, ut ob hanc causam vera sit sententia Hippocratis dicentis, *quod maris in dextris, foemina vero in sinistris ex parte generantur.*

Arteria in vtroque latere oritur ab arteria magna super emulgentes. Hæc vasa, tam venæ, quam arteriæ non descendunt versus testes, sed aliquantulum distant, postea ita implantantur, ut vnam naturam constituere videantur, & fiat admirabilis anastomosis venæ cum arteria: quando tamen iam pertingunt, desinunt in plexum similem capreolis vitium, aut hederæ, & degenerant in corpus varicosum. Ideo præcipue in hunc usum hæc vasa sunt fabricata, ut sanguis, futurus semen, diutius detentus, genuinum robur paulatim acquirat, & elaboretur, & testium virtute semen fiat.

#### De vasīs deferentibus.

**A**B isto corpore varicoso sursum ascendit aliud vas, quod implantatur in corpore glanduloso dictæ partis, quæ in radice penis; & sinibus vesicæ collocatur; in

quibus vasis flexuosis, parastatæ semen iam integrè factum, & excoctum a testibus continent. Hæc dicuntur semen deferentia ab officio. Hæc est vasorum seminalium constitutio, & situs in homine tantum, quia in foeminis, nec desinunt in parastatas, nec attingunt vesicam, nec exeunt a regione abdominis, sed solum in eminentiam vteri terminantur, ut semen in eius cauitatem transmittant, ut *lib. 11. cap. 13.* notauit Realdus.

#### De testibus.

**V**asa seminalia, quæ ab aliis videbantur continua, distinguunt, & separat illud corpus, quod dicitur a Graecis didymus, a Latinis testes, eo quod ex naturæ ordine sint duo, vnus in latere dextro, qui est perfectior: alius vero in sinistro. Situs testiculorum in hominibus omnibus est notus; in foeminis vero ad latera vteri; in his ob frigiditatem latent; in illis ob calorem foras sese exerunt. Testium forma est rotunda instar oui. Quilibet eorum constat substantia alba, molli, laxa, glandulosa in viris; at vero in foeminis satis in omnibus euariant, ut referant similitudinem alarum vespertilionis.

Testes in hominibus, pluribus membranis circumuoluntur: prima vbeatut scroorum, & bursa, quæ nihil esse videtur, quam rugosa cutis, sub qua etiam comprehenditur cutis, & membrana carnosa, & hæc tunica est communis: propriæ vero sunt tres. Vna oritur a neruea tenuitate musculorum oblique descendencium, & ob hanc causam inflammatione testiculorum dolent, & consentiunt partes regionis abdominis. Secunda tunica est ipsum peritonæum, vasis affixum. Tertia est illa membrana, quæ immediatè testium substantiam tangit, & vocatur epididymis, quamuis Vesalius duas proprias membranas constituat, & variis nominibus eas appelleret. In foeminis vero solum epididymis inuenitur, quum sint intra regionem abdominis testes reconditi. Vtus testium in quouis genere sexus est ad seminis secundi generationem, & generis propagationem. Viæ, & canales per quos deferuntur semen, sunt vasa deferentia, de quibus dictum est, & ipsum pudendum, de quo modo agendum.

#### De pudendo.

**Q**uando animalia seminis copia turgentia, & stimulat, ad Venerem impelluntur, emittunt semen per viam quandam, & canalem excavatum. Hanc viam diuersis nominibus hætenus scribentes appellauerunt, ex quibus alij mentulam, virgam, pudendum, & membrum virile nuncupauerunt, alij penem, caudam, hastam, verpam, priapum dixerunt, in quibus nominibus explicandis Natalis Comes tam multus fuit. Figura eius omnibus notissima est.

Eius substantia est rara, & spongiosa. Vniuersa penis fabrica constat duobus ligamentis cauis, & vno meatu, semini & vrinæ communi. Quatuor muscoli in eius radice collocantur. Constat cure, venis, arteriis, neruis, membrana neruea. Ligamenta caua constituta sunt ex fungosa substantia, nigro sanguine plena, non aliter quam si ex multis portionibus venarum & arteriarum essent conflata, ut iuxta hanc doctrinam intelligatur Hip. *lib. de genitur.* dicens: *venas, & nervos totius corporis in pudendum terminari.*

Meatus inter ligamenta constitutus nihil aliud est, quam substantia vesicæ, aut eius colli dilatata, & extensa. Ex musculis duo inserviunt ad seminis emissionem, scilicet duo superiores, & duo laterales ad extensionem pudendi.

Venæ, & arteriæ oriuntur a ramis venæ cauæ, & arteriæ magnæ. Tam venæ, quam arteriæ fuerunt tributæ: non solum pro nutritione, & vitæ conseruatione membri virilis, sed ut tempore congressus veneri, ob copiam sanguinis, & spiritus attollatur. Nervos suscipit ab spinali medulla plures, etsi exiguos, ut in eo acuties sentiendi pro delectatione venerea vigere possit.

Oritur

Oritur membrum virile ab inferiori parte ossis, pubis, & ani. Ad suum extremum habet glandem, & est mollis, quam tangit pellis illa rugosa quæ vocatur præputium; & ita ad maiorem delectationem factum est, nam sursum, deorsumque tractum frictionem inducit.

Glans perpetuò alligatur per funiculum, qui frænum dicitur. Inferior huius membri pars ducta secundum longum ad testes, siue scrotum, dicitur regio perinæ, hoc est, spatium existens inter pudendi finem, & anum in viris. Hæc pars in feminis interformineum vocatur. Utilitas huius membri est, ut sit via, seu ductus, excernendo semini, & urinae communis, cuius substantia non est facta ossea, neque dura: nam ita, nec erigi, nec flaccescere ad eiandandum semen commodè posset, & instar baculi regidi multis negotiis impedimento esset, & dolore vterum afficeret concutiendo ipsum.

### De Vtero.

**S**emen quod per membrum virile descendit tanquam per canalem, deriuatur in eam muliebrem portuiculam, quam communi appellatione vocant vterum, matricem, seu vuluam. Collocatur vterus in parte abdominis inferiore, quæ dicitur hypogastrium, inter vesicam urinariam, & rectum intestinum, ne ossium duritie offenderetur, quum à parte anteriori habeat ossa pubis, & à posteriori, os sacrum, à lateribus ossa ilium, quibus firmiter alligatur.

Magnitudo est varia pro varietate ætatis, & tempore gestationis in vtero. Figuram obtinuit rotundam, & aliquantulum oblongam, ad similitudinem pyri mausculi. Loquor de vtero humano: quum in quadrupedibus diuersa figura ab hac obseruetur. Constat vterus substantia membranæ, ut pro constitutione facillè claudi posset: secundò, pro augmento fœtus: & tertio, dilatari pro expulsiõe fœtus, vel cuiusvis alterius rei causa constringi posset.

Vterus tribus fibrarum generibus est intertextus. Constat duabus tunicis, externa à peritonæo, interna sibi propria omnium crassissima, in qua triplex fibrarum genus reperitur. Habet duos processus, & veluti cornua. Habet interiùs cavitatem vnã, & non plures, (ut multi falsò opinantur) diuisam vnica linea in partem dextram, & sinistram.

Duas obtinuit venas, vnã à ramis venæ cavae, disseminatam per totum eius corpus, & ceruicem, & est illa vena per quam fluunt menstrua; alteram venam obtinuit, ut in viris pro seminis præparatione. Habet similiter arterias ab arteria magna. Extrema oscula in vteri interna superficie apparentia dicuntur acetabula. Habet duos nervos à sexta coniugatione, scilicet à ramo costarum, & ex his alios ab spinali medulla productos.

Totus vterus diuiditur in fundum, orificium, seu os, ceruicem seu collum vteri, & pudendum, seu orificium colli: Fundum vteri est tota cavitatis in qua concipitur semen, & generatur animal: at verò fundi processus qui apparent, cornua dicuntur, ut supra diximus. Os vteri est meatus angustus, à quò incipit fundi cavitatis, & est illa pars quæ post conceptionem clauditur, de qua intelligatur Hip. 5. aph.

51. Qua vtero gerunt, &c.

Cervix vteri, seu collum est tota illa via, seu canalis, quæ reperitur ab ore pudendi vsque ad os vteri, qui canalis est oblongus ad modum vaginæ. Tota hæc cervix apparet rugosa, ut meliùs membrum virile amplectatur; at verò quando distenditur, lubrica, & lævis apparet.

In medio colli vteri constituitur (licet fabulosè) illa membrana, quæ hymen vocatur, & signum virginittis esse dicitur: Nam virginittas non consistit, nisi in partium connexionem naturali, ut doctè probat Senerinus Pinxus inter omnes, libello de notis virginittis, cap. 5. explicat Horatius Augenius tract. singulari. de membrana vocata hymene ex quo accepit Laurentius, ferè iisdem verbis lib. 7. de re ana. mic. quæst. 13.

In fine huius colli circa partem anteriorem, constitui-

A tur foramen, seu via urinae. Collum hoc vteri terminatur in pudendum seu vuluam, & vocatur sinus, & claustrum pudoris; in cuius cavitare statim conspiciuntur illæ carunculae, quæ Nymphae vocantur; quibus tactis, vel fricatis, fœminæ miram amoris dulcedinem sentiunt. Vtus harum est, ut vterum ab aëre, & externis iniuriis defendant.

In orificio pudendi in parte alta, alia particula apparet, quæ vocatur clytoris, & assimilatur membro virili, quamvis huius ligamenta licet caua, seminis eiacularioni non sint parata. Vtus clytoridis est, ut consopitam appetentiam exciter ad Venerem.

B Annectitur vterus cum hepate, per venas; cum corde, per arterias; cum cerebro, per nervos sextæ coniugationis; cum vesica urinaria, & recto intestino, per ligamenta; cum osse sacro, ilium, & pubis, per tunicam à peritonæo mutuam. Est factus vterus magno naturæ artificio, ut in eo generetur animal, augeatur, nutriatur, conferretur, & post certum tempus, quasi è carcere solutum exeat in lucem.

## SECTIO II.

### De regione thoracis, & aspera arteria.

**D**iximus tria esse, quibus hominum vita conservatur scilicet cibus, potus, ac spiritus, & hæc tria per os animalibus administrari: ac cum dictum iam sit, per quas vias cibus, & potus ingrediatur, operæpretium erit explicare, per quam viam materia pro spiritu administratur. C Aër ergo per os ingreditur in pulmones, & cor, sed per aliam viam distinctam ab illa per quam ingreditur cibus, & potus. Via aëris in pulmones, & cor, est canalis cauus, oblongus, cartilagineus, supra oesophagum recta via deorsum tendens, & dicitur aspera arteria. Vocatur arteria, ab officio, quòd deferat aërem ad cor, & expurget fulgines. Dicitur aspera, à constitutione, ut distinguatur à reliquis arteriis totius corporis pulsantibus, quæ læues dicuntur.

Constat aspera arteria membranæ, cartilaginibus, venis, arteriis, nervis. Fuit cartilaginea, quia non solum erat futurum organum respirationis, sed etiam vocis, & quia in attrahendo aëre debuit dilatari, ac contrahi, cui muneri obstabat substantia cartilaginea, ob eam causam non est fabrica aspera arteria ex vna dumtaxat cartilagine sibi continua, sed ex pluribus formam anguli referentibus, quæ ea parte qua oesophago coniungitur, non constituunt integrum annulum, ut dicemus.

Ligantur hæc cartilagine inter se per membranulas tam in brutis, quam hominibus, quamvis aliquibus visum sit has membranulas in homine esse musculos exiguos, ut facile dilatari, & contrahi possent. Cartilagine non constituunt integrum annulum, primò, ne oesophagus à duritie cartilaginis lædi possit. Secundò, ratione securitatis ipsius asperæ arteriæ, quæ sub hac constitutione minùs ab extrinseco offenditur. Tertio, ratione deglutitionis, ut ligamenti duris meliùs cederet.

Figura eius assimilatur arbori à radice liberatæ, cuius minores rami diuiduntur in alios duos minores, quilibet horum in alios, & sic multiplicatur diuisio asperæ arteriæ per corpus pulmonis, ut statim dicemus. Habet duas superficies internam, & externam, illa est æqualis, hæc verò habet similiter duas tunicas, vnã externam à pleurâ, aliam internam & propriam, crassam, duram. Venas est consequta à vena cava, arterias ab arteria magna ascendentibus, nervos à sexta coniugatione.

### De Larynge, & Epiglottide.

**D**iximus asperam arteriam esse sicuti arborem sine radice: hæc habet duas extremitates, per inferiorem alligatur pulmonibus; per superiorem communicat cum ore: illa verò superior pars asperæ arteriæ appellatur à Græcis larynx, à Latinis caput arteriæ. Componitur larynx ex tribus cartilaginibus. Prima à figura dicitur scuti-

formis. Secunda appellatur annularis, quæ etiam basis, & fundamentum reliquarum existit. Tertia gemina vocatur, & habet orificium quoddam factum ex cartilaginea membrana, quod epiglottis dicitur, seu laryngis operculum. Reliquum asperæ arteriæ corpus ex multis perficitur cartilaginibus, quarum quælibet respondet circulo.

Ad latera laryngis existunt duæ glandulæ ut sua humiditate prædictas partes irrigent. Denique aspera arteria præcipue in loco laryngis collocata, habet plures musculos, quorum beneficio variè mouetur, de quorum etiam numero infra dicemus. Facta est aspera arteria à natura, ut sit via & canalis, per quem aer ingreditur, & egreditur. Secundò, ut sit præcipuum vocis organum, & maximè secundum caput, scilicet secundum laryngem; ob quam causam vox, & respiratio copulantur; sic animalia quæ respirant, habent vocem, pulmones, asperam arteriam, & dextrum ventriculum cordis; & è contra deficiente voce, hæc deficiunt.

### De Pulmonibus.

**A** Spera arteria in parte inferiori mediantibus suis ramis adiungitur illi organo, quod, flabellum cordis appellatur, & pulmo dicitur, qui componitur ex carne sibi propria, triplici vasorum genere, & tenui membrana. Eius substantia est caro mollis, rara, & spongiosa, ut instar folliis aerem suscipiat, & fuliginibus, ac vaporibus viam præbeat. Color carnis pulmonis in foetu intra uterum existente, est rubicundus, in adultis magis albicans: in his ratione motus, & copia spirituum; in illis verò defectu utriusque.

Collocatur pulmo in ampla thoracis regione, ea lege ut quando dilatatur, tam dexter, quam sinister totam cavitatem repleat. Quilibet pulmo habet scissuras, quas lobos, pinnas, seu alas dicimus. Patitur duas diuisiones, ad faciliorem motum, seu cordis amplexum. Nulli parti est alligatus pulmo, propter libertatem motus, sed solum suspenditur, vasorum & asperæ arteriæ interuentu, ne dilabatur; aliquando tamen visum est in hominibus thoracis lateribus ligari.

Pulmo est diuisus in duas partes, ut vna deficiente in vno latere, reliquus qui permanet, incolumis inferuiat animali. Obtinuit insignem molem, ut plurimum aerem susceperet, qui pluribus motionibus cordis sufficere posset.

Per corpus, & substantiam pulmonis tria vasorum genera disseminantur, ita ut sit dubitandum, an pulmo existat fundamento vasorum, an verò ab ipsis eius calor sustentetur. Vasa autem sunt, aspera arteria, initium sumens à faucibus, per vniuersum pulmonis corpus excurrentes, cuius utilitas est, ut non solum aerem intrò, forasque ferat, sed etiam vapores seu fuligines. Ut autem disseminetur per corpus pulmonis, iuxta quartam vertebra thoracis, diuiditur in duos truncos, quorum dexter tendit in dextrum pulmonem, sinister in sinistrum.

Quilibet istorum in duos ramos diuiditur, & rursus quilibet suo ordine in plures, donec multiplicata diuisione vniuersum pulmonis corpus intertextum appareat. Arteria autem venalis, quæ à sinistro cordis ventriculo procedit, & vena arterialis, quæ à dextro oritur, ab opposito loco sursum tendentia, pari lege sic ut aspera arteria diuiduntur, & disseminantur in pulmones, & intertexta tria hæc vasorum genera apparent intra pulmonis corpus; huncque seruant ordinem, ut rami asperæ arteriæ sint in medio, rami arteriæ venosæ sint in parte anteriori, at verò rami venæ arterialis in parte posteriori pulmonis.

Hæc vasa per oscula sese contingunt, & inuicem communicant, efficiunt admirabilem anastomosin intra pulmonis corpus. Reliqua verò extrema oscula tam asperæ arteriæ, & arteriæ venosæ, quam venæ arteriosæ, quæ manent soluta, in extremam pulmonis superficiem decidunt.

Vniuersa hæc pulmonis machina, non aliter quam hepatis, tenui quadam membrana obuoluitur, orta à pleura:

A in hanc tunicam parui disseminantur nervi à sexta coniugatione originem habentes, qui eius substantiam non penetrant, & ideo in affectibus pulmonis nunquam adest acutus dolor, quia pulmo ob hanc causam hebeti sensu præditus est.

Est factus pulmo à natura, primò, ut aerem cordi præpareret, pro spiritus vitalis regeneratione. Secundò, ut cordis calorem attemperet. Tertiò, ad formandam vocem. Quartò, ut esset sustentaculum cordis. Nec audiendi qui alium admittunt usum, quod scilicet spiritus vitales generet: hoc enim munus soli debetur cordi. Communicat pulmo cum corde per arteriam venosam, & venam arteriosam: per dorsum, cum aspera arteria: cum parte anteriore pectoris, per mediastinum, seu membranam intersepticam costas.

### De Corde.

**O**mnia quæ hactenus de pulmonis fabrica, & eius vasis adducta sunt, conspirant in præstantissimum animalis membrum, quod communi appellatione Cor nominatur, cuius figura est pyramidalis, similis nuci pineæ. Obtinuit hanc formam, quod ratione rotunditatis sit capacissima, & magis secunda; ratione verò longitudinis intense attrahat, si verum est quod omni attractionis genere insigniatur, à vacuo, à facultate, à calore.

Tota superficies externa cordis à basi usque ad mucronem est lævis: solum eam forritur inæqualitatem, quam arteriæ, & venæ constituunt. Est in media thoracis regione collocatum, non quomodocunque, sed secundum trinam dimensionem, respectu centri thoracis: quæ doctrina intelligatur secundum basim, quum certum sit, ratione mucronis ad sinistram inclinare, ne sua cuspide septum transversum impediret, dum mouetur. Eius magnitudo exigua est.

Cordis fabrica vniuersa consurgit ex carne sibi propria, adipe, venis, arteriis, atque etiam nervis, duabus auriculis, & duobus ventriculis. Caro eius est minus rubra musculorum carne; magis densa, dura, & solida, ratione contentorum, scilicet spiritus, & sanguinis arterialis, & perpetuitatis in motu, licet in mucrone sit durior, quam in basi, in quem scilicet mucronem definunt fibræ.

Durities, & soliditas substantiæ, non est æqualis in toto corde, quum maior reperiatur in sinistro cordis ventriculo, ratione contenti, quam in dextro. Propria hæc caro, & substantia cordis triplici fibrarum genere est contexta, scilicet rectarum, obliquarum, transversarum, quæ sic inter se coniuguntur, & associantur, ut nulla arte diuidi, nec separari queant.

Debentur hæc fibræ cordi, tum propter robur, & firmitudinem membri, tum quia mediantibus fibris rectis, cor sanguinem, & aerem attrahit; obliquis retinet, & aere fruitur attracto; at verò transversis, ut fiat sanguinis & fuliginum expulsio in pulmones, & ut spiritus vitalis, & sanguinis arterialis per arteriam magnam in vniuersum corpus transmissio fiat.

Vasa quæ reperiuntur in corde, sunt in duplici differentia, quædam propria, & quædam communia. Propria sunt vena vna coronalis pro nutritione; vna arteria coronalis, ambæ innatum calorem fouentes. Vasa communia sic sunt dicta, quæ non solum cordi, sed vniuerso corpori animalis inferuiunt, & sunt duæ venæ, duæque arteriæ. Venæ assistunt lateri, & ventriculo dextro; arteriæ lateri, & ventriculo sinistro.

Venæ sunt vena caua, à qua suscipit cor sanguinem elaborandum pro pulmone, & vena arteriosa, per quam tribuit alimentum pulmonibus. Dicitur vena ab officio, quia defert sanguinem, & continet, arteriosa verò à constitutione, quod magis crassam obtineat tunicam, quam omnes aliæ venæ. Arteriæ sunt arteria magna, per quam cor vniuerso corpori sanguinem arterialem, & spiritus vitales tribuit. Alia est arteria venosa, per quam aerem pro spirituum generatione accipit, & pulmonibus sanguinem arterialem, & spiritum vitalem præbet. Dicitur arteria



arteria ab officio; venosa verò, quia cum debuisset habere tunicas sextuplo crassiores, quam sit tunica venæ, assequuta est in compositione venarum naturam.

Vt autem non confunderetur naturæ ordo, quando suo motu agitur cor, in principio horum quatuor vasorum conspiciuntur quædam membranæ; siue valvulæ, siue ostiola, ea naturæ lege constructa, vt nihil exeat à ventriculis, aut sine ordine regrediatur. Hæc ostiola sunt vndecim, tria in vnoquoque vase, nisi in arteria venosa, in qua solum existunt duo, non tamen omnia ostiola æqualem habent implantationem, quia alia foris ad intra spectant, hoc est, foris sunt aperta, & intrus clausa, & sunt illa quibus materiæ introducuntur ad cor. Alia ostiola ab intrò foras spectant, & sicuti intrus sunt aperta, foris sunt clausa, & sunt illa per quæ cor materias effundit. Priora videntur fibrosa, triangulum referentia; posteriora referunt figuram semicirculi: nam quædam valvulæ motu cordis aperiuntur, aliæ clauduntur, solum in arteria venosa nunquam totum clauditur orificium.

### De cordis ventriculis.

**O**Mnia hæc vasa cum his cavitatibus cordis communicant, quas ventriculos appellamus, qui in humano corpore, & animalibus respirantibus sunt duo, vnus in parte dextra; alius in parte sinistra, ex quibus dexter maior est sinister. Hic dicitur arteriosus, quod aërem eliciat, & spiritum vitalem contineat; ille venosus, quod sanguinem venosum attrahat. Sinister ventriculus circumscribitur pariete multò crassiore, quam dexter: illud autem naturæ opus factum est duplici titulo; primò vt coreffet in æquilibrio, non magis ad vnâ, quam alteram partem inclinans. Secundò, ne sanguis arterialis, qui tenuissimus est, facile euanescat.

Hos ventriculos distinguit, ac separat substantia cordis, quendam parietem constituens, qui ab omnibus dicitur septum. Hic autem paries pluribus foraminibus est peruius; ea naturæ industria, vt à dextro in sinistrum ventriculum facilis sit transitus per hæc foramina, (quidquid alij velint) & sanguis venalis comunicetur sinistro, vt ex eo spiritus vitales generentur; licet non solum per hanc viam materia pro spiritu comunicetur, sed per arteriam venosam ex pulmonibus, vt ob hanc causam apertè à Galeno, pulmo spirituum promptuarium nuncupetur.

Ad latera vtriusque ventriculi, constituuntur duæ membranæ carneæ, quæ à similitudine dicuntur auriculæ, ex quibus dextra assistit venæ causæ, sinistra, arteriæ venosæ. Vtus harum auricularum sunt: primò, ne assiduis motionibus tunica tenues venæ causæ, & arteriæ venosæ rumperentur. Secundò, vt aëre suscepto, follis instar cor infrigidarent. Tertio, vt vis aëris attracti frangeretur, sanguisque detineretur.

Vniuerso cordi tenuis membrana obtenditur, instar illius quæ iecur inuoluit, in cuius suprema parte quæ respondet basi, ingens duri adipis copia secundum vasorum multitudinem apparet. Fuit creatus adeps à natura, ne assiduis motionibus cor comburi posset, quum sit flamma vrens, in cuius sinum si viuente animali digitum immitteras, vehementissimum senties calorem, prorsus igneum, auctore Galeno *lib. de inæqual. intemper. cap. 3.*

Ad hanc tunicam contegentem descendit exiguus nervus sextæ coniugationis, non ad motum, vt fasò plures confirmant, sed ob eam causam, vt quæ sibi molestiam inferrent, illicò sentiret. Cor fuit factum à natura, vt esset principium, & sedes facultatis vitalis, & caloris vitalis fons, & denique vt in eo sanguis arterialis, & spiritus producerentur: & ideo in medio corporis est creatum, vt tum inferioribus, tum superioribus partibus calorem vitalem largiatur.

### De pericardio.

**O**Mnes hæc partes, ex quibus constar cor, & vniuersa eius structura, reseruantur tanquam in arca, seu

**A** sacculo, nempe membrana quadam dicta pericardium, quæ à Latinis Medicis cordis inuolucrum, seu vagina nuncupatur. Hæc non adheret immediatè cordi, sed tantum distat quantum sufficit, vt sine noxa intra eius cavitatem possit moueri. In reliqua cavitare, quam non occupat cor, inuenitur quædam aqua similis humorum sero, & vrinæ: quidquid alij asserant, hoc serum in pericardio viuente animali non reperiri, sed solum in cadauere apparere; alij nec in hoc reperiri posse putant; quos omnes manifestè redarguit experientia peritorum, qui in sectione viuæ semper hoc serum inuenerunt.

Huius serii multiplex est vltus: primus, ne assiduis motionibus cor inflammaretur, & desiccaretur, & sic sanum in custodia efflorescat. vt Hip. ait *lib. de corde, in princip.* Secundus, vt cor quasi innatās minùs graue esset animali. Tertius, vt commodius debile cor moueretur; ab aqua enim reciproco motu agitur. Originem ducit pericardium, à membranæ quatuor vasorum cordis, scilicet venæ causæ, arteriæ magnæ, arteriæ venosæ, & venæ arteriosæ. Non habet pericardium alium situm, quàm eum quem habet cor. Constat substantia membranæ, dura, crassa, quæ inter pulmones, & ossæm eius substantiam media est. Suscipit venas à vena causâ, arterias ab arteria magna, & ramis venarum & arteriarum, quæ disseminantur per membranas intersepientes thoracem. Suscipit nervos exiles, & obscuros, à recurrente sinistro, sicut & cor.

### De arteriis.

**A**rteria dicitur vena pulsabilis, ab Auicenna vocatur vena audax; appellatur etiam arcula, & arteriosi sanguinis conceptaculum. Est vas rotundum, oblongum, fistulæ modo excavatum, duplici tunica fibris intertexta constans, deducendo sanguini spirituloso dicatum.

Earum vltus primus, vt spirituosum sanguinem in sinistro cordis ventriculo concoctum contineant, distribuunt, transmittant. Secundus, vt influentem cordis calorem cum vitali spiritu in corpus deferant. Tertius, vt calorem natium attemperent, dilatione attrahendo aërem cuius refrigerio innatus calor fouetur, & contractione fumidas fulgines expellendo, quarum excretionem insiti ignis suffocatio prohibetur, & iccirco venis multò sunt nobiliores.

Arteria ergo magna, quæ est aliarum omnium arteriarum mater, duplex est, ascendens, & descendens. Oritur à sinistro cordis ventriculo sursum ad iugulum, ibique in duos prægrandes ramos diuiditur, subclauos dictos. A subclauo dextro quinque scaturiunt arteriæ: prima, intercostalis superior, quæ ad superiores costas fertur. Secunda, mammaia, quæ per sterni regionem in mammas exiguos spargit surculos. Tertia, muscula, quæ in cervicis musculos diuiditur. Quarta, cervicalis, quæ in cervicem ascendens, perreptat deinde duram matrem, mediam cerebri basim, & per membranam tenuem sese spargens, in cerebri ventriculos sese insinuat. Quinta est carotis, sic dicta, quia his arteriis carotidibus interceptis, caros, & apoplexia excitantur. Nam denegato aditu vitali spiritui, qui animale fouet, sæni propullulant affectus, & sic ex iis ramis sparguntur multi alij per totam capitis superficiem, ex quibus temporales arteriæ oriuntur, & aliæ quæ ad frontem pertingunt.

**E**x ramo subclauo sinistro, emanant arteriæ, quæ in thoracis cavitatem sese insinuant. Prima dicitur axillaris, quia axillares occupat. Secunda, thoracica, quæ in thoracis musculos anticos, & posticos fertur. Altera dicitur Basilica, quæ iuxta Basilicæ venæ situm, tum profundè, tum superficialiter plurimos spargit ramos.

Descendens arteria magna diaphragma permeans, in ventrem inferiorem, mesenterium, & intestina excurrit. Eius truncus ad læuam paulum declinans, priusquam in ramos iliacos diuidatur, nouem fundit surculos. Primus dicitur intercostalis maior, qui octo inferiores costas penetrat. Secundus vocatur phrenicus magnus, qui per diaphragma fertur. Tertius appellatur celiacus, à quo plures sparguntur riuuli in ventriculum, pylorum omentum;

omentum, hepar, vesicam felleam, & multò maiores in A illo loco satis conspicuè duplicata apparet: verum inter il-  
lienem, quia hoc viscus maxima egebat expurgatione.  
Quartus dicitur Mesentericus superior, qui in superiorem  
mesenterij partem tendit. Quintus vocatur renalis, seu  
emulgens, qui in renes inseritur. Sextus est spermaticus,  
qui in testes derivatur. Septimus est Mesenterius inferior,  
qui in inferiorem partem mesenterij sese immergit, & co-  
lon, & rectum intestinum. Octauus dicitur lumbaris, qui  
in lumbares musculos fertur. Nonus, appellatur muscu-  
lus, qui ad lumbares musculos defertur.

Postquam truncus huius arteriæ in has nouem coniu-  
gationes, tanquam in riuulos est derivatus, in tres insignes  
ramos diffunditur, qui iliaci dicuntur. Primus est lacer  
qui ad ossis sacri medullam fertur. Secundus est hypoga-  
sticus, qui hypogastrij partes irrigat. Tertius umbilicalis  
qui ab umbilico emergit, & hoc viuit, & transpirat fœtus  
in vtero. Quartus epigastricus, qui per epigastrij musculos  
excurrit. Quintus est pudendus, qui in genitalia fertur.  
Idem ramus iliacus in crura delatus; cruralis vocatur, &  
in musculos, genu, poplitem, tibiam, pedes, digitosque  
diuicatur.

### De thorace.

**O**Mnes hæ partes, quæ hucusque sunt adductæ, sus-  
penduntur in ea parte thoracis, interuentu illarum  
membrarum, quæ intersepientes vocantur, quam histo-  
riam alius sumpto exordio aggredior. Nam regio illa,  
quæ à iugulo vsque ad mucronatam cartilaginem exen-  
ditur, in parte superiori, claviculis; in parte inferiori, septo  
transuerso; in parte anteriore, ossi sterni; in posteriore  
vertebris spinæ; in lateribus, viginti quatuor costis tan-  
quam terminis circumscribitur. Communi appellatione  
ab omnibus dicitur thorax, cuius figura est rotunda, quia  
capacissima, & pulcherrima.

Compositio thoracis partim fuit ossæ, partim carnea  
ossæ ad formandam cavitatem, & ad robur contentarum  
partium; carnea, vt commodius tam in contractione, quam  
dilatatione moueretur. Obtinuit medium firmum, vt suo  
calore viuifico partes superiores, & inferiores illustraret.  
In huius fabrica & compositione, post cutem, & mem-  
branam carnosam, plures occurrunt muscoli, tam qui in  
eo nascuntur, quam qui ibi implantantur, licet aliis parti-  
bus inseruiant. Repertur etiam os in parte anteriori, quæ  
propriè dicitur pectus, & est os sternum. In posteriore par-  
te, quæ tergum, aut dorsum dicitur, inuenitur spinæ cum  
suis vertebris. In lateribus costæ reperiuntur.

### De pleura.

**S**Tatim verò infra costas adest illa membrana, quæ di-  
scitur pleura, & succingens costas, quæ est in thorace,  
sicut peritonæum in abdomine. Est collocata in tota re-  
gione thoracis, ita vt tota ossa attingat, & sic obtinuit for-  
mam, & magnitudinem, qualis reperitur in thorace. Eius  
substantia constat membrana dura, tenui, alba: in parte  
posteriore spectante ad dorsum est durior, quam in ante-  
riori; ob istam causam dorsales pleuritides sunt deterio-  
res. Externa superficies, per quam adhæret ossibus, est  
inæqualis & aspera; interna læuis, quasi aqueo humore ir-  
rigata. Dependet hæc membrana à ligamentis, annecten-  
tibus vertebras spinæ. Est duplex, vna interna, altera ex-  
terna. Suscipit venas à vena sine coniuge, & ramis inter-  
costalibus; arterias ab arteria magna; plures nervos à sex-  
ta conjugatione. Facta fuit pleura primò, vt omnibus parti-  
bus contentis in regione thoracis firmiter inuolucrum. Secun-  
dò, vt omnes has partes colligeret, & firmer. Terriò, vt  
pulmonem tueretur, ne ab ossium, & costarum duritie lædi  
posset.

### De mediastino.

**H**æc membrana, quando secundum longitudinem di-  
uidit thoracem, mutat nomen pleuræ, & vocatur  
mediastinum, siue membrana intersepiciens thoracem. In

illo loco satis conspicuè duplicata apparet: verum inter il-  
las reduplicaciones euidenter conspicitur cavitatis.

Mediastinum diuidit thoracem ab osse sterni, vsque ad  
spinam, secundum profunditatem; & à iugulo, & cla-  
uicula, vsque in septum transuersum, secundum longitu-  
dinem. Inferuit mediastinum primò, ad viscerum suspen-  
sionem. Secundò, ad firmanda, & fulcienda vasa. Terriò, vt  
læsa vna parte thoracis, aut pulmonis, reliqua remaneat  
incolumis.

### De mammis.

**M**ammæ appellantur vbera, & mamillæ. Sunt con-  
stitutæ primò, ad ornamentum. Secundò, ad maius  
thoracis robur. Terriò, ad tutelam cordis. Quartò, in  
mulieribus ob necessitatem gignendi lac, & educationem  
fœtus. Describuntur, quod sint corpus dissimile, com-  
positum ex venis, arteriis, tunicis, adipe, carne glandulosa.  
Habent sensum ex nervis. Venæ, & arteriæ ducent san-  
guinem, & spiritum naturalem, & vitalem, qui spiritus  
cum glandoso corpore, lactis gignendi instrumenta exi-  
stunt. Adeps inuat calorem, & coctionem fouet. Sanguis  
est materia, ex qua lac conficitur. Caro propria est crassa,  
spongiosa, & alba, vt melius in eius anfractibus præ mora  
sanguis detentus abeat in lac.

Sunt duæ, quia ferè duo fœtus eduntur in lucem. In  
brutis tot sunt, quot fœtus gigni solent, & ita in fœtus  
commodum sagassima prouidit natura. Sunt circa pe-  
ctus fixæ, ob rationes dictas, maxime vt ob cordis vici-  
niam, melius coquatur lac, & elaboretur. Habent in  
parte postrema papillam, spongiosis foraminibus con-  
stantem, per quam infantes lac exugere solent. Commu-  
nicant valde cum toto corpore, ratione dictorum vaso-  
rum, sed præsertim cum vtero, vt latè docuit Galenus 1. 8.  
de usu part. 4. & 8.

### De diaphragmate.

**S**icut regio thoracis per superiora, posteriora, anteriora,  
& per latera suis finibus circumscribitur, ita etiam in  
parte inferiori finem, & terminum consequitur, per hanc  
animalium particulam, quæ ab antiquis vocabatur phre-  
nes; nam in illo loco prudentiam constituebant, & hæc  
pars magnum cum cerebro obrinet consensum, in quo fa-  
cultates principes sedem habent: & hoc ita verum est, &  
experimento confirmatum, vt inflammato septo trans-  
uerso statim sequatur paraphrenitis, aut delirium à phre-  
nitide parum distans. Communi etiam appellatione à  
Latinis septum transuersum vocatur: septum, quia velut  
paries quidam interpositus, pectoris & thoracis regionem  
à regione abdominis, & ventris inferioris diuidit: dicitur  
transuersum, ratione situs; cuius organi historia nunc est  
explicanda.

Septum transuersum quamuis sit musculus, & assimi-  
letur pisci qui torpedo dicitur, situm tamen obrinuit trans-  
uersum, in ordine ad longitudinem corporis, adhærens ex-  
tremitatibus notharum costarum vsque in dorsum ab osse  
pectoris incipiens.

Vniuersa eius constitutio ex duabus substantiis consur-  
git, scilicet carnea, & membranæ, constituentibus duos  
circulos; quorum vnum, membranofum; alium, carno-  
sum vocamus. Constat etiam ex duabus venis, & dua-  
bus arteriis, duobus nervis, & similiter duabus regitur  
tunicis. Prior circulus nervosus est, & minor in medio,  
& quasi in centro. Secundus circulus carnosus, & ma-  
ior, priorem comprehendens, per partem anteriorem, ossi  
pectoris, & costis nothis alligatur; per posteriorem, su-  
perioribus vertebris lumborum, mediantibus duobus ten-  
donibus.

Septum transuersum duæ membranæ vestiunt, vna per  
partem superiorem, alia per partem inferiorem; hæc vo-  
catur peritonæum: Suscipit duos nervos, vnum à latere  
dextro, alterum à sinistro, qui à spinali medulla inter  
quartam, & quintam cervicis vertebra. oriuntur; in  
vtrumque tamen circulum, membranofum, & carnosum implan-

implantantur, hacratione, vt quilibet horum neruorum A quando peruenit ad locum suæ implantationis, diuidatur in duos ramos minores, quorum vnus ad circulum nerueum alius ad carneum inseratur.

A qualibet partitione horum neruorum à centro ad circumferentiam, plures fibræ rectæ ducuntur, vsque in finem septi transuersi quæ simul cum eius carne verum circulum constituunt.

Aduertere tamen opus est, quòd licet omnes hæ fibræ sint rectæ à centro vsque circumferentiam, quando retrahuntur, & abbreviantur in motu respirationis, pro varia implantatione fibrarum id efficiunt, vt quando vnæ dilatantur, aliæ contrahantur: nam constat septum transuersum, morum respirationis, tam in dilatatione, quàm contractione posse efficere. Venas suscipit à vena caua ascendente, arterias ab arteria magna. Perforatur septum duobus locis, pro œsophago, & vena caua, non autem pro arteria magna, quum descendat adhærens vertebris dorsi, & spinæ, à quibus non perforatur.

Non est factum septum transuersum, vt cor à tetrivaporibus defenderet, qui ex vniuersa regione abdominis eleuantur, vt dixit Aristoteles, quum hoc non sit impedimentum, quum totum corpus sit fluxile, & transpirabile: sed idè à natura factum fuit, primò, vt tam ad inspirationem, quàm expirationem esset adæquatum liberæ respirationis organum. Secundò, fuit factum, vt partem gibbam hepatis, & vniuersam hypochondriorum regionem ventileret; quare illud, ventris inferioris respiratorium Medici appellare consueuerunt. Tertio, ad fæcalium recrementorum vacationem per inferiora iuuandam: nam suo corpore vicina comprimit intestina.

### SECTIO III.

#### De Regione capitis.

**I**N principio huius enarrationis, tria esse prædiximus, quibus animalium vita conseruatur, & vnum ex illis esse spiritum; at cum præstantior spiritus duplex sit, vitalis, & animalis, & de natura vitalis, & eius generatione actum sit, superest modò de spiritus animalis organis differere, & cum natura ex qua generatur sit duplex, vitalis spiritus, & aer per os attractus in nares, & cerebrum, circò narium fabricam describere oportet.

#### De Naso.

**A**Er attrahitur in cerebrum per os, & illam animalis particulam supra os, & infra oculos, in media facie collocatam, quæ communi appellatione dicitur Nasus, qui duas comprehendit nares, vt vna occlusa, aut deficiente, alia remaneat incolumis, naturæ operibus inuens.

Nasi constitutio conflatur ex ossibus, cartilaginibus, musculis, venis, neruis, arteriis, membrana, & cute. Ossa tria sunt, duo lateralia, & vnum in medio, quasi septum vtramque narem diuidens. Hæc ossa nasi medietatem attingunt, & ab hoc loco cartilagines prodeunt. Nasus non fuit factus totus osseus, ne facile à quauis re frangeretur. Cartilagines sunt quinque, tres tribus ossibus respondentes, quarum media septum dicitur. Duæ laterales altiori loco constitutæ, adnatæ vocatæ. Duæ autem laterales magis infimæ, quæ per respirationem mouentur, vocantur alæ, aut pinnæ.

Musculos obtinuit quatuor, vt aliquæ eius partes mouerentur. Duo inseruiunt in dilatatione nasi, alij in contractione. Venas suscipit à iugularibus, arterias à carotidibus, quæ sunt in iugulo. Accipit neruum à tertia coniugatione cerebri, non ad organum odoratus, sed ad peculiarem illius tactum constituendum.

Cutis in parte exteriori conspicitur adipe destituta, ne aliquando in molem accrescat. Duo foramina nasi multum ascendunt, & conueniunt cum osse cribroso. Fuit nasus factus, primò, vt esset organum deferens odores, Secundò, vt esset organum deferens aërem in pulmo-

nem pro spiritu vitali, in cerebrum pro animali. Tertio, vt esset organum expurgans recrementa descendencia à cerebro. Quarto, ad formandam vocem. Quintò, ad faciei ornatum.

In fine meatuum nasi consistit os quoddam, à multitudine foraminum cribrosum dictum: quod os à parte qua communicat cum ore, est magis spongiosum; at verò à parte qua communicat cum cerebro, est magis durum, in cuius medio conspicitur appendix, quæ ob similitudinem vocatur crista, & ob hanc causam in latebris ossis cribrosi respectu cristæ, adsunt duo parua foramina, ad quæ descendunt duæ propagines cerebri, quas à similitudine vocamus processus mammillares, in quibus ex communi opinione reponendum est odoratus organum, & ex his historia nasi tam interna, quàm externa illustrata remanet.

#### De Capite.

**A**Er ergo per narium foramina, & ossis cribrosi, ducitur ad ventriculos cerebri; vt ibi spiritus animalis non in cavitatibus solum ventriculorum, sed in plexu tam venarum, quàm artiarum generetur: & vt huius partis descriptionem assequamur hoc modo sumamus exordium. Pars suprema hominis dicitur Græcis Cephalos, Latinis caput, quod est verum cerebri propugnaculum: & licet caput sit pars organica, constans cute, ossibus, membranis, cerebro, neruis, venis, arteriis, & pluribus aliis: nihilominus tamen caput est illa animalis particula, quæ super primam ceruicis vertebrem collocatur. Eius figura est rotunda, leuiter compressa. Obtinuit hanc figuram ratione capacitatis, & commoditatis sensuum exteriorum, & ratione commoditatis morus. Magnitudo in homine maior, quàm in cæteris animalibus, proportionem ad corpus. Situm in sublimiori loco ratione oculorum obtinuit, non quòd propter ipsos fuerit fabricatum, sed vt ipsi in supremo loco constituti omnia rectè distinguerent.

Vniuersum caput in vtroque sexu diuiditur in partes duas, in illam quæ habet capillos, & in illam quæ pilis est destituta. Pars capitis capillata, vocatur caluaria: cuius anterior pars synciput dicitur; posterior, occiput; media, tempora. At verò pars sine capillis, dicitur facies, seu vultus; cuius superior pars, vocatur frons; at verò remanens pars à superciliis vsque ad collum prope, dicitur facies.

**D**In caluaria primò occurrunt capilli, qui primò, ad subiectarum partium tutelam facti sunt. Secundò, ad ornatum. Tertio, ad fuliginosi excrementi expurgationem. Secundo loco adest cuticula, cutis vera, & membrana carnosæ. Tertio, pericranium, sic dictum quòd ossa cranij cooperiat. Ducit originem pericranium à dura meninge, per suturas plura filamenta in caluariam distribuite, quæ in vnum conspirantia hanc membranam efficiunt, cuius interuentu dura mater manet suspensa cranio, quod est os inter pericranium, & duram membranam, de quo suo loco.

#### De capitis suturis.

**C**erebrum munitum, & contextum est caluaria, ne iniuriis externis esset obnoxium. In caluaria octo sunt ossa, sex propria, duo communia, quæ suturis distinguuntur. Harum in mare, & foemina est par numerus. Aliæ sunt propria, quæ ossa cranij à se inuicem secernunt; aliæ communes, quæ caluariam à maxilla sciungunt. Propriarum alæ sunt veræ, quæ pectinatim, aut more dentatæ ferræ connectuntur; aliæ spurie, quæ squammarum modo agglutinantur. Pro capitis figura varius est suturarum numerus. In figura naturali capitis, tres veræ suturæ reperiuntur: prima coronalis, quod ea capitis parte coronæ gestari soleant, hæc à temporibus in summum verticem transuersim tendit. Secunda dicitur sagittalis, quæ in capitis longitudinem porrigitur. Tertia, à figura literæ A lambdoïdes dicitur, & à capitis immo sursum tendit.

Suturarum multiplex est usus; primus, ut suturarum A dura mater à substantia cerebri, quantum sufficit, nemo-  
ope membrana dura cranio alligetur, & ne comprimatur, tum ipsius cerebri impediatur  
quæ cerebrum à cerebello, & partes dextras à sinistris distinguunt. Secundus, ut cerebrum emissis fuliginibus per suturarum raritatem melius transpiret. Tertius ne vnus oïlis fractura alteri communicetur. Quartus, ut medicamentorum externorum vis altius penetret: quare Galenus 13. meth. cap. 2. 2. iubet ut lyncipiti topica applicentur, quia ibi suturæ sunt laxiores. Vitimus, ut caluariæ capacitas amplior reddatur.

### De dura meninge.

A Perto cranio conspiciuntur quædam membranæ, quæ à Græcis dicuntur meninges, à Barbaris matres; ex quibus membranis, illa quæ magis immediata est cranio, dicitur dura, vel crassa mater: vocatur dura, ob insignem duritiem; crassa, quod reliquas totius corporis membranas crassitie sua superet. Huius figura, & magnitudo respondet ossibus caluariæ, ut nulla sit cavititas, aut sinus in cranio, in quem non sese insinuet hæc membrana quæ licet sit huius conditionis, nihilominus tamen est vnica, & omni ex parte sibi continua, ita ut iure possimus pronunciare, eandem commoditatem in regione capitis præstare, quam præstat pleura in regione thoracis, & peritonæum in abdomine. Hæc membrana omni ex parte adhæret caluariæ, alligatur cranio mediantibus pluribus filamentis, quæ ad ipsum mittit, & maximè ad futuras, quia in reliquis cavitatibus cranij sic firmiter inhæret, ut non ligari, sed potius innasci videatur.

Hæc membrana non est duplex, ut aliqui volunt, nisi eam diuidant in internam, & externam, ut quando verticem capitis attingit. Duplicatur secundum longitudinem à fronte vsque ad occiput, ita ut cerebrum diuidat in partes duas, scilicet dextram, & sinistram, ut læsa vna parte cerebri, reliqua incolumis permaneat.

Duplicatio hæc quæ cerebrum diuidit, secundum vniuersam eius profunditatem non progreditur, sed dumtaxat vsque ad callosum corpus, ea seruata lege, ut hæc duplicatio referat formam falcis. In parte verò posteriori hæc membrana quadruplicatur, & cerebrum à cerebello magna sui parte diuidit.

Hæc duræ membranæ coniunctiones, seu duplicationes efficiunt quatuor cavitates quas sinus Anatomici vocant, in quibus copiosus sanguis conspicitur, ut in lacuna quadam, quod amplissima moles cerebri alia ratione non posset nutrirî, nec sufficiens copia pro spirituum animalium generatione ministrari. Hunc sanguinem tribuunt iugulares venæ internæ, quæ in hos sinus ingrediuntur, & ibi sistant, nec ulterius progrediuntur.

Collocantur hi duræ matris sinus in lateribus occipitis, ea parte qua foramen conceditur internis venis iugularibus ascendentibus. Finiuntur autem ad principium futuræ lambdoïdis, vbi duo coniunguntur sinus, primus, & secundus; ex quorum coniunctione nascitur tertius, qui recta via extensus ab hoc loco, iuxta futuræ sagittalis longitudinem vsque in ossa narium constituitur, quem à similitudine sinum falcatum vocamus.

Ab hoc sinu plures venæ disseminantur in tenuem meningem, tam ad dextrum, quam sinistram latum; per quas venas, tanquam per riuos defluit sanguis pro nutritione cerebri; & quia hic sinus insignem sanguinis copiam continet, vocatur Torcular; quamuis hoc nomen commodius tribui possit concursui omnium sinuum duræ matris. Quartus verò sinus inter cerebrum, & cerebellum collocatur.

Fuit facta dura mater, primò, ut cerebrum, & spinalem medullam cooperiret, & ab externis iniuriis defenderet. Secundò, ut diuidat cerebrum in partem sinistram, & dextram. Tertio, ut cerebrum à cerebello secundum aliquam eius partem diuidat. Quarto, ut omnes venas in cranium ingredientibus accipiat. Quintò, ut sanguinem pro nutritione cerebri contineat. Sextò, ut ipsum cerebrum à duritie cranij defendat, & ob hanc causam tantum distat

### De tenui meninge.

S Tatim infra duram membranam occurrit alia, quam Spiam matrem, seu tenuem meningem ob eius molli-  
tiem appellamus, quæ cerebrum, & cerebellum immediate tangit, & regit. Hæc tenuis membrana, quemadmodum dura, est vnica, & sibi continua: deinde non est cavititas in ipso cerebro, in quam se non insinuet; iccirco est facta tenuis, ne pondere suo cerebri motum impediret. Habet plures venas, & arterias, pro nutritione cerebri, & ut caloris natui copia restauretur. Alligatur duræ membranæ per venas, & arterias, licet exiguas quæ non solum sanguinem venalem, sed arterialem ipsi tribuunt.

### De cerebro.

A Blatis duræ, & tenui membrana, statim occurrit admirabilis illa particula, quam cerebrum appellamus. Eius figura est circularis, ut capitis ossa ostendunt, quia hæc figura est magis capax, & secunda: hæc enim præstantissimo organo decens erat. Magnitudo est maior in homine, quam in reliquis animalibus, proportionem seruata ad sui corporis molem. Replet ferè totum cranium; si enim totum repleret, non posset tam liberè moueri, quando cerebrum contrahitur, vel dilaturatur.

Cerebri substantia est alba, mollis, & medullaris, ex purissima seminis portione constructa. Non tamen dicitur medullaris, quod sit eiusdem naturæ cum ossium medulla, quæ igne liquatur, per inediam, aut febriles ardores imminuitur; aut quia contineatur in cavitare, ut nutriat ossa: sed propter similitudinem dumtaxat, quia à suis ossibus continetur. Verè tamen est pars animata, & viuens, quod ossium medullæ non est concessum. Fuit alba substantia cerebri, ratione materiæ ex qua generatur, quale est semen, & ratione spiritus qui lucidus est, & splendidissimus; & nullus color magis eius naturæ assimilatur, quam albus, testimonio est morbus melancholicus, in quo niger color humoris, est causa timoris, & tristitiæ adeò ut actiones animales lædantur. Fuit mollis, ut species à sensibus externis communicatas melius suscipiat & ut promptius motui obediat.

Vniuersum cerebri corpus diuiditur in duas partes, anteriorem scilicet, & posteriorem. Anterior pars, quæ maior est, & præstantior, retinet nomen totius, ob quam causam vocatur cerebrum: Posterior, quæ minor est, & ignobilior, vocatur cerebellum. Distinguitur cerebrum à cerebello, duplicatione duræ membranæ, non ex omni parte, sed dumtaxat per superiorem. At verò ea pars quæ cerebrum dicitur, diuiditur in dextram, & sinistram per sinum falcatum duræ matris. Causa huius diuisionis fuit, facilitas ad motum, & commoditas nutritionis, ut si fortè vna pars ægrotaret, altera maneret intacta. Externa superficies cerebri non est integrè alba, sed subcineritia: habet quàm plures anfractus, & circumuolutiones, ad modum intestinorum, quando ab omento libera sunt. Hi anfractus in aliquas parres intimas penetrant. Obtrahit illos, ut venarum, & articularum cum tenui meninge, per magnam molem cerebri penetrationi, & faciliori motui inseruirent.

### De corpore calloso.

A Blata substantiæ cerebri superficie, inferius conspiciatur durior substantia, quæ vocatur corpus callosum in quo loco pars dextra, & sinistra cerebri de nouo coniunguntur, & continuantur.

### De ventriculis cerebri.

I N medio huius corporis callosi, apparent duo illi ventriculi cerebri, quos anteriores vocat Galenus, alij



alij verò superiores dicunt : qui ventriculi, figura, situ, & magnitudine differunt ab alijs, licet in usu reliquis sint similes. Hi duo ventriculi anteriores, & superiores si separari spectentur, quilibet eorum refert figuram semicirculi mediz Lunæ; si verò coniuncti, figuram, tortuosam representant.

Situs horum ventriculorum est in medio cerebri, distans æquali mensura secundum longitudinem, à fronte, & occipite; secundum profunditatem, à basi cerebri, & vertice. Idè fuerunt duo, ut vno læso alter incolumis remaneret, testimonio illius pueri in Smyrna, quem vulnere lethali in vno ventriculo illato, fuisse liberatum lib. 4. de usu part. cap. 5. retulit Galenus.

Hi anteriores ventriculi inter reliquos sunt maximi, & amplissimi, quod animale spiritum crassorem debeant obtinere. Sunt fabricati primò, ad animalium spirituum præparationem. Secundò, ad cerebri inspirationem, & respirationem. Tertiò, ex sententia multorum, ad percipiendos odores: quamvis in hoc non sint credendi, quum organum odoratus ante illos ventriculos sit collocatum.

### De plexu choroide.

**I**N medio horum ventriculorum reperiuntur plurimæ venulæ, & arteriæ, inter se complicatæ, & intertextæ, secundum longitudinem ventriculorum procedentes, quorum vasorum aggregatum dicitur plexus choroïdes, in quorum vasorum capacitatibus spiritus animales generantur.

### De processibus mammillaribus.

**A**B his ventriculis versus nares, oriuntur quædam portiones ipsius cerebri, in quibus ab omnibus ferè constituitur organum odoratus: & hæc portiones à similitudine vocantur processus mammillares, & à Galeno nervi, quamvis eos inter nervorum paria non connumeret.

### De speculo lucido.

**D**Vo hi ventriculi distinguuntur inter se tenui quadam, & pellucida portione cerebri, quæ ob luciditatem, & transparentiam; septum lucidum, & speculum lucidum vocatur, cuius usus est, ut spiritus luciditatem acquirant.

Tertius post hos se offert ventriculus, prius tamen super illum constituitur cameratum corpus, fornicis instar tribus quasi columnis stabilitum; toto suo ductu triangularem figuram referens, habens, in parte posteriori quasi duos artus, in anteriore vnum, cuius usus est cerebri molem sustinere, ne tertium ventriculum comprimat.

Sub hoc corpore tertius apparet ventriculus, qui dicitur constitui, ex duorum ventriculorum superiorum deorsum descendendum, in communi illa cavitare coherentium, concursu, & medius vocatur. Ab hoc ventriculo tertio, duo consurgunt ductus, siue viæ, quarum una quæ descendit deorsum ad basim cerebri, constituit pelvum, seu infundibulum, per quod crassa & mucosa cerebri excrementa, in nares, & palatum confluere solent.

In fine huius conspicitur glans pituitaria, sic dicta, quia ut spongiosa humorem excipit, & in palatum guttatim instillat. Secunda via, siue ductus tertij ventriculi, ad quartum tendit, & est illa cavitare formata inter cerebrum, & cerebellum, in exortu spinalis medullæ, similis cavitati quæ conspicitur in manibus, quando calamum digitis apprehendimus: & in hoc loco aliqui (etsi falsò) asseverant, rete mirat ile esse constituendum.

In via de tertio ad quartum ventriculum, exiguæ reperiuntur particule: prima conarium dicitur, quæ glandula in figura nucis pineæ non est dissimilis. Huic particule contigua sunt duo corpuscula rotunda, & duriuscula, quæ nates à forma dicuntur; sub quibus testes existunt, quorum omnium usus est, ut canalem tertij ventriculi in quartum forment, & ut animali spiritui à tertio in quartum

**A** ventriculum liber pateat aditus.

Ordo inter hos ventriculos observatur hoc modo, quod duo anteriores sunt maiores, secundo loco tertius, & ultimò quartus. Sunt continui omnes ventriculi inter se ductibus suis, ut animales spiritus ex duobus anterioribus ventriculis procedant in tertium, & ab hoc in quartum, & denique ad exortum spinalis medullæ, per continuum illum ductum ventriculorum.

Factum fuit cerebrum à natura, non ut sua frigiditate excedentem cordis calorem attemperaret, sed ut esset principium, & sedes facultatis animalis, tam moriæ quàm sensitivæ, tam internæ quàm externæ; deinde ut animales spiritus generaret.

### De cerebello.

**D**ictum est à nobis, caput in duas dividi partes, in anteriorem, & posteriorem; & eam quæ in occipite est, vocari cerebellum, cuius substantia est durior, & crassior. Substantia cerebelli habet anfractus, & circumvolutiones, quæ superficiales sunt: huius color est subcineritius: regitur tenui meninge, omni ferè ex parte; at verò dura matre, per maiorem sui partem. Factum fuit cerebellum ut spiritus animales necessarios, pro spinali medulla reseraret.

**C**um ergo cerebellum principium sit, tam sensus externi quàm interni, ab inferiori eius parte procedunt nervi obliquè descendentes in oculos. Hi nervi vocantur optici, qui in medio itineris coniunguntur, & non communicantur, ut aliqui volunt; licet statim dividantur, & attingant oculos: non sunt perforati sensibili cavitare, ut venæ, vel arteriæ, sed obscure, ea ratione, ut propter sui mollietatem cavitare facile obscureretur. Quilibet horum nervorum ad suum oculum implantatur, dexter nervus ad dextrum, sinister ad sinistram.

### De nervis.

**N**ervus sumitur à Medicis pro eo organo, à quo animalis facultas, & spiritus influit per univèrsum corpus: & definitur, quod sit pars spermatica, à cerebro, aut spinali medulla exorta, interiore parte medullaris, exteriori membrana, spiritus animalis ad sensum, & motum delator. Nervus caesus est, sed conspicuum non habet cavitatem, per quam spiritus animalis tenuissimus ad omnes partes pervadere possit. Alij sunt motorij, & duriores, alij sensitivi, & molliores. Usus nervorum communis est, animale facultatem simul cum spiritu, ad partes pro sensu, & motu deferre. Secundus, ut animalia mediante tactu, (qui magis residet in cute, quia membranarum, omnium tenuissima) noxia cuitate queant.

Oriuntur nervi à cerebro, sed præcipuè à posteriori eius parte, & spinali medulla: nam medulla extra calvariam plurimos, eosque veluti innumeros nervorum furculos emittit, quorum triginta observant Anatomici, septem cervicis, duodecim dorso, quinque lumborum, sex ossis sacri. Tamen intra calvariam septem coniugationes sunt insignes.

**E** Prima coniugatio nervorum est amplissima, & sunt nervi bini, satis crassi, mollesque, quorum exortus ab anteriore cerebri basi nonnihil distat, unus ad dextrum oculum, alter ad sinistram deferretur; & sunt nervi Optici, qui separantur in ortu, & deinde obliquè protensi in medio itineris coeunt, deinde separantur, & unusquisque ad quemlibet oculum deferretur. Fuit autem necessarium ut coirent, ne ob mollietatem longum iter perreptantes flaccescerent. Hi nervi vocantur visorii, seu visui, quorum substantia interior est medullosa, ac mollior, & dum ad crystallinum pervenit, dilatur, & per oculum visiles effundit spiritus. Hi visorii meatus cavitatem obtinent, licet non manifestam, sic enim necesse erat, ut visiles spiritus copiosissimi ad oculos deferretur; qui si obstructi, sit ille affectus, à Græcis vocatus Amaurosis, quem Arabes Guttam serenam appellant, in quo videndi actio aboleretur.

Secunda coniugatio deferretur ad oculos, nempe musculos, K K K K

los, palpebras, tunicas. Tertia fertur in linguae tunicam A pro gustu, & priusquam in linguae tunicam inseratur, varios promit surculos in musculos frontis, faciei temporum, narium, & dentium. Quarta huic proxima, sed minor, descendit in palatam, & linguae tunicam, & etiam gustui inseruit.

Quinta in musculos aurium pro auditu, & ad laryngem etiam reuertitur, de qua *infra* latè. Sexta, vaga est, amplissima, & per omnia viscera excurrit, & dum ad iugulum accedit, in tres maximos diuiditur ramos, quorum primus descendit in axillarem arteriam, numerosos ex se emittens surculos, qui ad laryngem, & nervos recurrentes finiuntur.

Dicuntur autem hi nervi, recurui, reuersui, recurrentes, vocales: nam iis intersectis statim animal mutum redditur, vt proprio exemplo ostendit Galenus *lib. 1. de loc. cap. 6.* posito exemplo in illo, qui cum curaretur à strumis in collo natis, incisis his nervis scalpello, mutus remansit. Sunt autem hi nervi albi, tenues instar fili: si eleues, non laeditur vox: si comprimas eos manu, mutum animal euadit: si manum detrahas, vox reuertitur: si vnum scindas, fit semimutum animal: si ambo seces, mutum redditur, vt bellè in viuo animali expertus est Columbus *lib. 1. 4. de sectione vinarum, in princip.* Quare in curandis ferro strumis maximè cautus sis oportet, vt notauit Auic. 3. 4. *tract. 2. cap. 10.* Secundus sextae coniugationis ramus per latera, & costas excurrit. Septima coniugatio in linguae, ac laryngis musculos, ad perficiendum motum deferretur.

### De spinali medulla.

Spinalis medulla, cerebri est caudex, & tenui membrana immediate regitur per quam excurrunt venulae, & arteriae, nutritionis causa. Haec à caluaria rotundo, & amplo foramine prodita amplissima, & crassissima; & sensum attenuata, ac medullarem substantiam paulatim amittens, non eandem molem vbique seruat: tandem cum ad dorsum fines peruenit, tota in funiculos, & filamenta caudam equinam referencia absumitur.

A sacra hac medulla nervi prodeuntes propemodum sunt infiniti, sed triginta paria observantur praecipue; ita vt extra cernicem septem paria sese ostendant, quorum primum ad musculos occipitis, & vertebrarum decurrit. Secundum in cutem totam faciei deferretur. Tertium in musculos collum flectentes, & extendentes. Quartum in anteriores brachij partes, scapulas, & diaphragma. Quintum posticos harum partium musculos diuiscatur. Sextum in easdem ferè partes excurrit. Septimum in brachia se extendit. Deinde à quinto, & sexto pari ceruicis, sex paria nervorum disseminantur in manum totam. Primum in deltoideum musculum, & cutim. Secundum in totam cubiti manum, & cutim absumitur. Tertium, ad cubiti coarticulationem. Quartum ad carpum tendit. Quintum ad pollicem, indicem, & digitos peruadit. Sextum in cubiti cutim desinit.

Rursus à spinali medulla in dorsum, duodecim excurrunt coniugationes. Prima in brachium, & thoracis musculos, Secunda etiam numerosa serie in eadem partes diuiditur. Reliquae decem ad costarum spatia decurrunt. Ex lumbis quinque prodeunt coniugationes, quae omnes in musculos abdominis, & femoris decurrunt. Ossis sacri paria sunt sex, quae partim in femur, partim in musculos vicinos, & cutim, partim in musculos ani, vesicae, penis diuiduntur. Ex his per totum pedem quatuor propagantur grandiores nervi. Primus in crurum musculos, genu & cutim absumitur. Secundus in femur, & pedem. Tertius in penem, & crura mittit surculos. Quartus in nates, calcaneum, pedem, tibiam, digitosque summos. Quare ex cerebri parte posteriori septem nervorum paria insignia repullulant, & ab spinali medulla triginta, quae illustra sunt, & sensibus magis conspicua.

### De oculi fabrica.

Oculus in animalibus perfectis, & praecipue in homine, est nobilitatis magnae, & excellentiae: ob quam causam antiqui visum, Deum vocarunt; alij hominis formam; quidam Solis portam nuncuparunt. Quapropter oculi in capite, & in sublimiori loco constituti sunt argumento, & testimonio horum animalium, quae capite destituuntur: nam habent oculos per longas ceruices supra eminentes. At verò in animalibus perfectis, vt in homine, non solum oculi fuerunt constituti in capite, sed in quadam cauitate tanquam in antro. Nec hoc solum construxit natura, quod est illorum tutela, sed in parte alta, os frontis, & supercilia; in parte inferiori, ossa mandibularia, sicut in lateribus, siue angulis, & nares collocavit. Ultra haec omnia, palpebras miro artificio constitutas tribuit, vt pro animalis necessitate clauderentur, & aperirentur. At quando sunt aperti oculi, pilis, vocatis ciliis, ab externis iniuriis se defendunt.

Oculus, solaris animalis particula, diuinam constitutionem fuit assequutus, & ob eam causam, formam obtinuit rotundam, & sphaericam: etsi versus implantationem nervi optici aliquantulum sit oblonga. Haec figura est tributa oculis, ratione capacitaris, roboris, agitationis in motu. Eius magnitudo est, quae ad suscipiendas rerum imagines satis sit.

Oculi fuerunt duo, ob necessitatem, vt si vnus laederetur, & periret, alius saluus & incolumis remaneret. Quilibet oculus ex varia substantia constat, sicut sunt variae partes componentes. Constat humanus oculus, variis, & C illisque apparentibus coloribus: at verò in reliquis animalibus vnus est determinatus color. Cum qualibet parte animalis habet oculus consensum magnum: cum cerebro per primam, & tertiam coniugationem. Ceterum vniuersum oculi corpus conflatur ex septem musculis, septem tunicis, tribus humoribus, duobus nervis tribus venis, & arteriis, copioso adipe, & corpusculis glandulosis.

Musculi sunt septem, (quidquid proferant alij) ex quibus omnibus musculi quatuor moribus rectis inseruiunt, & ideo recti dicuntur: vnus eleuat oculos; secundus deprimat; tertius mouet oculum ad angulum dextrum, siue maiorem; quartus ad angulum sinistram, siue minorem. Duo sunt obliqui, quorum primus sursum oblique oculum mouet; secundus verò deorsum.

Hunc musculorum numerum maior pars Anatomicorum concedit in animalibus perfectis, sed praeter hos musculos, Galenus, Vesalius, & alij obseruauerunt alium septimum musculum adhaerentem oculo, secundum longitudinem nervi optici, cuius vsus principalis est, non solum vt oculum intra cranium contineat, vt voluit Galenus, sed etiam vt motum tonicum efficiat oculorum, vt quando fixis oculis aliquid intuemur.

Statim post musculos occurrunt tunicae, siue membranae, & primo loco illa quae à Latinis Adnata, à Barbaris Coniunctiua dicitur, quia oculum coniungit, & alligat cum cranio, & reliquis partibus vicinis. Est tenuis, & candida, & à pericranio ortum ducit; non circumdat totum oculum, sed in parte anteriori fenestrat in loco iridis, & interius palpebras coniungit. Secunda oculi membrana vocatur Tendinosa, ducens originem à nerueis tenuitatibus musculorum oculi, & collocatur sub adnata prope iridem. Tertia dicitur Cornea, sumpta similitudine à perspicuitate, & duritie cornu. Haec à dura membrana nervi optici originem ducit, & omni ex parte totum oculum circumdat. Eius substantia est dura, densa, & multum crassa. Est pellucida, & destituta colore: non habet venas, arterias neque nervos.

Quarta à Graecis Rhagoïdes appellatur, à Latinis vasa, quod repraesentet granum vuae, à quo sit extractus pediculus. Appellatur etiam Choroïdes, ob plurima vasa quae comprehendit, ad modum illius membranae foetus, quae chorion nominatur. Oritur à tenui membrana nervi optici. Eius substantia est tenuis, licet crassior quam in cerebro

cerebro. Locatur sub cornea: ambit vniuersum oculum, & solum versus partem anteriorem perforatur, quod foramen vuez, oculi pupilla vocatur; alia oculi fenestram appellantur. In interna parte est variis coloribus depicta.

Quinta tunica dicitur Ciliaris, sumpta similitudine ciliarum. Oritur à tunica vuez: regit humorem vitreum, ne cum aqueo confundatur. Sexta nominatur Arachnoïdes, sumpta similitudine à telis aranearum, est tenuis, diaphana, humorem crystallinum solum per partem anteriorem ambiens. Septima & vltima vocatur Amphiblastroïdes, hoc est, reticularis, seu retina, quæ sic dicitur à similitudine retis. Oritur ab interna substantia nervi optici, immò nihil aliud est, quàm nervi optici substantia ad modum membranæ dilatata. Eius vsus est, vt per eam spiritus descendant.

Post omnes tunicas statim occurrunt humores, qui sunt tres. Primus dicitur albugineus, & aqueus, sumpta similitudine ab aqua emanante ab ouis. Collocatur in parte anteriore oculi inter corneam, & vuezam, & in loco pupillæ, qui est inter humorem crystallinum, & tunicam corneam.

Secundus humor est crystallinus, seu crystalloïdes, siue glacialis, sic dictus sumpta similitudine à glacie, seu crystallo. Figura eius est sphaerica, aliquantulum depressa versus humorem aqueum. Eius substantia est aquea, & densa, & magis dura quam in reliquis humoribus, est diaphana, & transparens, & coloris expers. Collocatur hic humor in medio centro oculi, habens à parte anteriore humorem aqueum, & à parte posteriore humorem vitreum, in cuius figura assistit, vt quidam lapis pretiosus in annulo.

Tertius, & vltimus oculi humor vocatur vitreus, sumpta similitudine à vitro liquato, cuius naturam imitatur. Collocatur hic humor à tergo humoris crystallini, vt dictum est, cuius substantia est minùs fluida, quàm substantia humoris aquei.

Tam tunicæ, quàm humores, excellentes, admirabilisque præstant oculo vtilitates. Tunica adnata facta est à natura, primùm vt tueretur oculum, ne duritie cranij læderetur. Secundò, vt oculum cranio alligaret, ne in maximis motionibus à propria sede dimoueretur. Tertio, vt musculos in propria sede firmaret.

Secunda tunica, Tendinosa dicta, vnicum vsum obtinuit, vt omnes musculos circa iridem colligaret. Tertia tunica Cornea; fuit primò facta, vt vniuersum oculum firmaret. Secundò, vt tenuiores tunicas, & humores amplecteretur. Tertio, vt crystallinum humorem ab aëris iniuriis, & cæteris externis calamitatibus defenderet.

Quarta est vuez, quæ idèò collocata est inter humorem crystallinum, & corneam, ne à duritie corneæ crystallinus humor offenderetur. Secundò, vt alimentum præstaret tunicæ corneæ. Tertio, vt suis variis coloribus spiritus recrearet, lucemque externam attemperaret, & refringeret.

Quinta Ciliaris inferuit, primò, vt humorem crystallinum cum vuez colligeret. Secundò, vt humorem aqueum à vitreo separaret, ne commisceantur ambo. Sexta Arachnoïdes, humorem crystallinum per partem anteriorem regit. Septima & vltima Retina, vtilis est, primò, vt per eam spiritus animales in humorem crystallinum, & reliquas partes oculi descendant. Secundò, vt dum humor crystallinus alteratur, id sentiat. Tertio, vt per eam alterationes factæ ab obiectis in oculo, deferantur ad cerebrum.

Humores etiam plurimum vsum præstant. Primus est Aqueus, qui idèò conducit, primò, ne in parte anteriori crystallinus læderetur à circumstantibus tunicis. Secundò, vt externi luminis vis in eo frangeretur. Tertio, vt in eo lumen externum cum interno vniretur. Quarto, vt iuo madore vicinas tunicas, & humorem crystallinum humectaret. Secundus humor est Crystallinus, cuius vnica est, eaque maxima vtilitas, vt sit principalissimum, & potissimum visionis organum. Tertius est Vitreus, cuius munus est primò, alimentum parare crystallino. Secundò, vt spi-

Lib. VI.

ritus animales descendentes in humorem crystallinum obseruet. Tertio, vt firmet humorem crystallinum in sede sua. Quarto, vt à duritie membranarum vicinarum, ne lædatur, defendat.

Diximus aliquas tunicas ad Iridem finiri. Vocatur enim in oculo Iris, circulus qui in anteriore parte est collocatus, variis coloribus refertus. Dicitur Iris, sumpta similitudine à cælesti Iride. At verò illud foramen, quod in medio huius circuli conspicitur, correspondens oculi centro, vt quoddam punctum, pupilla dicitur, & est foramen vuez. Illi verò colores qui in oculis apparent, partim sunt apparentes, ex varia luminis reflexione, partim ex coloribus vuez orti.

Præter hæc quæ dicta sunt, reperiuntur in oculis vuez, pro nutritione illorum, à venis iugularibus ortum ducentes. Reperiuntur etiam arteriæ, vitalem spiritum, & calorem influentem deferentes, quæ à carotidibus arteriis originem ducunt.

Reperitur etiam in vnoquoque oculo vnus nervus opticus, à prima coniugatione scaturiens, & reperitur alius à secunda. Nervus opticus inferuit ad visionem; at verò nervus secundæ coniugationis descendit ad musculos pro motu. Inuenitur etiam copiosus adeps, primò, ne assiduis motionibus oculus exiccaretur, & inflammaretur. Secundò, vt suo calore oculum à frigiditate defenderet, quo pacto oculi non rigent, ex Philolopho in *problematis*.

Inueniuntur etiam in oculis exiguæ carunculæ, seu glandulæ, quæ sunt collocatæ in angulo maiori cuiusque oculi, quarum vtilitas est, primò, vt excrementa à cerebro delapsa ad oculos suscipiant, ac si essent spongiæ, deinde per compressionem exprimerent, & sic lachrymæ fluunt. Secundò, vt sua humiditate oculum irrorarent, & hæc est verior oculi humani descriptio.

### De auribus.

Præter sensum visus, collocatur etiam in cerebro sensus auditus, qui ob suam præstantiam sensus disciplinæ appellatur; nam audita res omnes externæ percipiuntur; & sicuti sensus particulares certum, & determinatum locum sibi vindicant, in quo suam sedem certam habeant, ita & similiter sensus auditus. Hæc particula communiter vocatur auricula, siue auris, quia audit voces & sonos. Collocatur etiam organum hoc in parte sublimi, quale est caput, quum sonum, & eius differentias debeat percipere.

Organum auditus componitur ex offibus miro artificio connexis, & musculis, tunicis, nervis, venis, arteriis, & cartilaginibus. Hoc organum fuit duplicatum, ob magnam huius sensus necessitatem, vt vno organo deficiente aliud incolume remaneret.

Naturalis constitutio auris, clarioris doctrinæ gratia diuiditur in aurem internam, & externam. Vocatur externa auris, quæ exterius conspicua est, cuius substantia est cartilaginosa, ne faciliè, vt ossa, frangeretur, & ne contunderetur, vt caro.

Aurium magnitudo non est æqualis in omnibus animalibus & in homine, in quo aures omnino ob ornatum sunt exiguæ. Illarum figura est in modum semicirculi, habentis in medio cavitatem, instar antri obliqui, & tortuosi: verum iuxta varietatem compositionis, & particularum, varia auribus nomina sunt imposita.

Superior pars auriculæ vocatur *ala*, seu *pinna*: externus ambitus, *gibbosus*; & pars inferna carnosa ab ala dependens, *lobus*. Omne autem quod in aure superest, vocatur *auris interna*, in qua verum, & proprium organum auditus collocatur, cuius sedes est in osse petroso.

In hoc osse petroso statim conspicitur aditus patens, qui dicitur auditorius, tortuosus, & obliquus, rotundus, & angustus. Est tortuosus, ne aër externus subito pro varietate temporum lædat. Est obliquus, vt vehemens aëris percussus sonus in obliquo ductu vehementer refringatur. Est rotundus, vt bestiarum, & paruorum corpusculorum quæ molestant, ingressum prohibeat. Hic tortuosus meatus; paruus, obliquus, & angustus, non

K K K k 2

recta

recta via procedit, sed obliquè sursum ascendit, vt siquid A extraneum ingressum sit, facilius elabatur.

In huius cavitatis sine, quoddam conspicitur velut septum, à quo incipit secunda cavitatis. Hoc septum est membranosum, & quia ad modum tympani, huius septi membrana tenditur, vocatur in auribus membrana hæc tympanum. Est substantia tenuis, densa, sicca, & acuti sensus, vt medijs his qualitatibus commodius suum munus obiret.

Hæc membrana etiam obtinet situm obliquum, vt vis æris ingredientis, aut alterius rei, itineris obliquitate, diuturna contracta mora refringatur, & minùs noceat. Oritur hæc membrana à dura meninge, postquam procedit secundus meatus obliquus, in quo ær consistit complantatus, immobilis, qui est medium internum pro auditu.

In hac secunda cavitatis inueniuntur ossicula illa laudata à Vesalio, & vocantur stapes, incus, malleus, sic dicta non solum à figura, sed ab officio. Hæc ossicula non dearticulantur inter se, more aliorum ossium, sed alligantur cum membrana dicta tympano, chordæ cuiusdam tenuissimæ ope, quæ iuxta mensuram tympani extenditur.

Tria hæc ossicula tangit quidam nervus quintæ coniugationis, vt horum organorum naturalis contiguitas seruetur. Ideò hoc artificio sunt facta ossicula, vt sint organum auditus, hac ratione, vt ær externus membranam tympanum, & ærem sibi adiunctum percutiat. Ab his mouentur tria ossicula, ac denique per coniunctionem sentit nervus relatus. Sic intelligitur difficilis Galeni contextus, lib. 1. de sympt. caus. c. 6. §. Quam habet humor crystallinus in oculo rationem, hanc habet in auribus audiendi meatus externus, ubi nervo coniungitur.

In hac secunda cavitatis constituunt Anatomici duo exigua foramina, inter se diuisa paruo quodam tuberculo quæ foramina delationi æris inseruiunt. Præter hæc inuenitur quidam canaliculus, tendens in palatum ad æris vernaculi expurgationem. Hic ductus est cartilagineus, & à natura ea arte fabricatus, vt permittat excrementa descendere in palatum, non tamen vt in aurem retrocedant.

Tertia cavitatis reperitur, quam labyrinthum vocant, à similitudine, cuius utilitas est vt sonus transiens per angustum, fiat acutior. Quarta cavitatis denique est quæ à quibusdam vocatur cæcum foramen, & à Fallopio cochlea, quod testæ cochleæ similis sit. In radice auris duæ glandulæ conspiciuntur, ad quas cerebrum sua excrementa detrudit, quæ appellantur parotides: in quibus fiunt inflammationes, sic quoque dictæ, sumpta similitudine à natura partis. Aures fuerunt fabricatæ secundum partem tam externam, quam internam, vt in iis auditus organum locaretur. Reliquæ verò utilitates minùs principales sunt.

## SECTIO IV.

*De osteologia, & reliquis ad fabricam humani corporis pertinentibus.*

### *De scelecto.*

**S**Celeros à Caleno 1. de anatomic. administ. c. 2. & à cæsteris Græcis, dicitur ossium exiccatorum cadaver. Scelecti cognitio maximam præbet utilitatem, ex ossium enim figura, & magnitudine reliquarum partium figura æstimatur, præsertim cum ossium particulis ignoratis, nec musculorum exortus, nec insertiones, venarum ductus, arteriarum diuortia, nervorum diremptus agnoscere possimus.

### *De ossibus capitis.*

**O**ssa substantia sua sunt terrea, durissima, frigidissima, aridissima, ex seminis parte magis terrestri generata: & ita rōda facta sunt, vt essent aduersus omnes impetus

externorum corporum propugnaculum, & robur proprio corpori sustinendo præstarent. Secundus eorum vñs est ad corporis rectitudinem, quia sine ossibus animal rectum stare non posset, sed reperet vermicum instar. Tertius vñs est ad figuram corporis; quia ab ossibus corporis proceritas, & incrementi terminus dependet.

Ossa nutriuntur medulla, seu vt alibi diximos, parte medullæ magis terrestri, vt sic conciliemus auctores quorum quidam medulla nutriri, alij succo melancholico aduecant. Ossium differentiarum plures sunt: alia enim durissima sunt, & lapidosa, vt dentes, alia mollia; alia simpliciter dura: alia magna, parua, mediocria; alia medullosa, contra alia solida, sed aliquantulum spongiosa, & quæ in se concretum intus succum habent: quædam plana, alia rotunda: quædam longa, vt femoris; alia breuia: vt summorum digitorum; quædam læuia; alia aspera: superiora, inferiora: quædam mobilia sunt, alia immobilia; alia sentiunt vt dentes; reliqua omnia, sunt insensibilia.

In primis à cerebri ossibus incipiamus. Caluaria, seu cranium octo constat ossibus, sex propriis, duobus communibus. Propria sunt os frontis, occipitis, sincipitis duo, temporum duo. Communia, sphenoides, ethmoides. Hæc ossa sunt inter caluariam, & genam supernam, posita. Sphenoides, seu cuneale dicitur, quod inter omnia ferè capitis, & genæ supernæ ossa cunei modo sese insinuet: Barbari Basilare vocant, quod in basi capitis positum sit. Vñs primus, vt per eius foramina varia, nervorum, arteriarumque propaggines ferantur. Secundus, vt optico nervo exitum præbeat. Tertius, vt tertio, & quarto nervorum paribus sit destinatum, & in tutelam sit.

Ethmoides, quod vocatur etiam cribriforme, seu spongiosum, situm est in media frontis basi, & ad summam nasi radicem fertur. Eius vñs primus ad æris inspirationem, necessarii ad spiritus animalis generationem. Secundus, vt per eius foramina, tanquam per infundibulum, à muco expurgetur cerebrum. Caluaria in recens natis non est solida, vt in adultis, ad faciliorem partum, & vt in hac ætate humidissimum cerebrum expurgaretur, & ideo in sincipite cerebrum manifestè moueri videtur.

Sequitur Zigoma, quod os ingale appellatur. Est portio, seu coalitus ossis temporum, & maxillæ superioris, quarum altera nascitur, ab osse temporum, altera à maxillæ superioris osse, & faciunt os quod versus maiorem angulum oculi constituitur. Vñs ad temporalis musculi tutelam.

Maxillæ duæ sunt, superior, & inferior: illa est immobilis; quia si moueretur, nasibus odores excipientibus, & oculis maiore circulo inspecturis esset impedimento, & sic hominis formam deturparet. Ossium genæ superioris numerus est ambiguus, sed à peritis vñdecim numerantur: alij addunt duo spongiosa, in interno naso sita, vbi retinetur mucus. Inferior est intus caua, & medullosa ad dentium nutritionem, accretionem, & nouam generationem. Est solida, & dura ad comminuendum cibum. Alueolos habet, & foramina duo, per quæ nervi, venæ, & arteriæ immittuntur.

### *De dentibus.*

**D**entes sunt ossa, & sentiunt, ratione membranz internæ, & cauam partem vestientis; vel ratione nervi ad ipsos delati, orti à tertia coniugatione, qui spiritum animale in totum illorum corpus effundit: ad cætera ossa nulla nervorum portio pertingit. In cavitatem dentium etiam arteriæ, & venæ inferuntur; quare dentes pulsant per arteriam. Sunt durissimi, ne durarum rerum occursum attererentur.

Differunt dentes ab ossibus, quia dentes semper crescunt, ossa non item; quod scilicet illi perpetuò aluntur, & augentur, ossa vsque ad certum terminum. Deinde dentibus insunt sua vasa, venæ, arteriæ conspicuæ, vnde soli ad extremum senium crescunt, & auulsi renascuntur; & sic erat necesse, quia mutuo attritu, dum cibos mandunt,



dunt, attenuantur. Vfus illorum primus, vt minuant cibos, A  
præparentque ventriculo. Secundus, ad vocis articulationem. Tertius, ad ornatum. Quartus ad apprehendendum: nam illis sæpe animalia vtuntur ad pugnam.

Vt plurimum sunt triginta duo, sexdecim in vtraque maxilla. Quapropter primi anteriores dicuntur incisori, & acuti, quia alimentum oblatum cultri modo secant: canini frangunt cibum: molares ipsum lænigant. Os hyoides est ad linguæ radicem situm, ad firmamentum linguæ, & laryngis; nisi enim huic ossi tanquam basi hæret lingua, non posset tot motibus agitari. De ossibus nasi, & ossiculis aurium supra dictum est.

### De spina, seu dorso.

**S**pina dicitur totum illud, quod à prima cervicis vertebra ad coccygem vsque extenditur. Eius plurima est dignitas: nam per eam neruorum myriades excurrunt, vt diximus supra, quare eam vertebri vallauit natura. Diuiditur in quatuor partes, cervicem, dorsum, lumbos, os sacrum. Est caua, vnde dicitur sacra fistula, & habet processus extuberantes, vt eam ab iniuriis tuerentur externis. Constat pluribus ossibus, & iis validè ad motuum varietatem compacta est.

Constat pluribus vertebri, seu verticulis, sic dictis, quod earum opera in varias partes vertatur corpus. Sex itaque sunt vertebrarum coarticulationes, duæ per corpora, & quatuor per obliquas apophyses descendentes, & ascendentes, hoc est, extuberationes, seu eminentias: est enim apophysis Græcè, pars ossium legitima ex ipsomet osse prorumpens, & extra superficiem planam extuberans.

Symphysis vertebrarum non fit per cartilagineas, sed per vincula validissima, tum ab ossibus orta, tum à cartilaginibus, tum à membranis ossa vestientibus. Est enim symphysis, naturalis ossium vnio, per quam ossa continuantur, & vnium fiunt. Omnes vertebræ vnium habent inter se commune, vt habeant foramen amplissimum, medulla continendæ dicatum. Secundò in qualibet vertebra tria apophyseon genera obseruantur, nempe extuberationes, siue processus acuti, obliqui, transuersi. Tertiò in qualibet vertebra, quinque sunt epiphyses, seu appendices, aut annexus.

### De vertebri cervicis, dorsi, lumborum, & de osse sacro.

**C**ervicis vertebræ sunt septem. Dorsum duodecim constat, quibus duodecim costæ articulantur. Lumbi tertiam spinæ partem constituunt, & quinque vertebri constant, crebris foraminibus peruiis. Os sacrum, est eorum spinæ ossium maximum; & sic dicitur sacrum, quia magnum: dicitur etiam vertebra magna. Ad ossis sacri extremum, os apparet, quod à similitudine quam cum Cuculi rostro habet, dicitur coccyx: tribus constat ossiculis. Hoc collapsio, & eius glutine quo tenaciter adhæret, emollitò & luxato, sæui concitantur dolores: quare procidentia huius ossis tabem accersit, ex Thoma à Veiga, & nos lib. 1. de praxi admiranda, obs. 132. proprio exemplo notauimus.

### De thoracis ossibus, costis, scapulis.

**T**horax partim est osseus, partim carneus: ossibus namque ipsum ad visceris nobilissimi tutelam vallauit natura: sed quia respirationis gratia continuò distenditur, atque contrahitur, eum aliqua ex parte natura carneum construxit. In anteriore parte est os, quod vocatur sternum, cuius ossium numerus est incertus, nunc septem apparent, nunc quinque, nunc tria, & hoc accidit ex ætatum varietate. Horum ossium vsus est ad cordis, & ad viscerum in thorace contentorum tutelam. Clavicula est os, quod clauis modo. humerum, & brachium cum sterno firmat, ne scilicet brachium in motu præcipitetur.

Thoracis latera, costæ vocantur, & figura sua arcum

Lib. VI.

referunt: in exortu angustiores sunt, deinde paulatim latiores fiunt, postmodum fiunt angustiores. Partim sunt osses, partim cartilaginose, qua parte cum sterno committuntur. Costarum alie sunt veræ, & legitime, & hæ septem sunt; alie sunt spurie, mendose, adulterine, & hæ sunt quinque, minores, & breuiores, quarum postrema verè notha appellari debet, quia nulli adhæret. Vfus illarum est, vt viscera in thorace contenta defendant.

Sapula dicitur à Græcis omeplata, humeri latitudinem constituens, Latini Sceptulum opertum, Barbari Sparulam vocant. Illius vsus est, ad costarum robur. Secundus, ad musculorum brachium mouentium implantationem; ab ea enim omnes brachium mouentes oriuntur. Tertius, ad brachij, & claviculæ articulationem confirmandam.

### De ossibus Ilium, Ischij, pubis, manus, carpi, extrema manus, tibiæ, & pedum.

**O**s ilium dicitur, quia ileum intestinum continet. In pube adest etiam os ad vteri tutelam. Aliud nominatur Ischion, seu os coxendicis, in quo cauitas est profunda, & vocatur acetabulum coxæ. In manu adsunt tres partes, brachium, cubitus, & manus extrema. Brachium dicitur humerus, & vno constat ossi: valido. Cubitus duobus constat ossibus. Summa manus in tres partes diuiditur: prima dicitur brachiale, siue carpus, & in hac parte sunt duodecim ossa, vt manus expedire moueri possit. Altera manus pars, dicitur postbrachiale, seu palma, quatuor constat ossibus oblongis, gracilibus. Tertiam manuum partem constituunt digiti, qui ossibus quindecim constant, triplici ordine dispositis.

Pes in tres partes diuiditur, femur, tibiæ, extremum pedem. Femur est os omnium longissimum, & maximum: est totum cauum. Tibia duobus constat ossibus. Inferior tibiæ pars habet appendicem, quæ dicitur malleolus: Femori & tibiæ communem præstat operam os rotundum, quod dicitur rotula, cuius vsus est, vt tibiæ & femoris articulum laxiorem firmet. Pes extremus tres habet partes, vt manus; tarsum, metatarsum, & digitos. Tarsi septem sunt ossa. Metatarsus quinque ossibus constat. Digitorum ossa quatuordecim tantum sunt, triplici acie disposita, excepto pollice, qui duobus tantum constat ossiculis. Reliquis terni sunt articuli. In manibus, & pedibus ossicula reperiuntur, quæ sesamoidea dicuntur, quia sesamini seminis figuram exprimunt, solida sunt, & rotunda, quorum numerus est incertus: alij duodecim, alij sexdecim obseruant. Vfus eorum est, vt firmentur articuli, & luxatio prohibeatur.

### De ligamentis.

**C**um ossa perpetuò moveantur, ne motus agitatione diuelli possent, vinculis quibusdam firmissimis ipsa ligauit natura. Est autem ligamentum, pars frigida, sicca, mediam inter neruum, & cartilagineam naturam obtinens, ex seminis portione caloris vi genita, varios in colligando, & continendo partes, vsus præstans. Hæc non sentiunt, quia neruos non recipiunt, & quia aliàs ob perpetuos motus animalium vita semper plena esset tristitia, & dolore. Vfus eorum primus est, vt ossium, & cartilaginearum articulationes firmet, & luxationem impediunt. Secundus, vt ossa ipsa qua parte non dearticulantur, vinciant; sic radium cubito, & tibiæ calcaneo ligant. Tertius, vt indumenti instar extrinsecus apponantur. Quartus, vt tendines suis contineant locis. Quintus, vt mulculos dextros, & anticos à sinistris, & posticis distinguant. Sextus, vt viscera suspendant, ne nimio pondere decendant; vt sunt hepatis, vesicæ, vteri ligamenta.

In capite adsunt ligamenta tria, quia enim totum caput super primam vertebra mouetur, debuit vinculis colligari, ne tam nobile membrum periclitaretur laxæ articulationi commissum. Primum ligamentum est in basi occipitis, inter primam, secundamque vertebra vbi

KKKk 3 adhæret

adhæret validissime. Secundum est validum; quod denti secundæ vertebræ valde annectitur. Tertium ab anteriore primæ vertebræ parte exortum, secundæ vertebræ denti strictè adhæret. In lingua adest etiam ligamentum, quo connectitur, cuius auxilio fulta lingua facilius vibrari, produciq; potest.

In spina multa sunt ligamenta, quorum ope vertebræ ligantur. In costis plura sunt: nam eorum beneficio cum vertebris articulantur. In carpo etiam inveniuntur in eundem usum, & in digitis. Demum in pube, & tibia membranea adsunt ligamenta: sicut in tarlo ossa vinculis connectuntur.

### De cartilaginibus.

**C**artilago est pars similis, frigida, sicca, ex crassa seminis parte genita, & ad motuum varietatem, suavitatemque fabricata. Differt cartilago ab ossè secundum magis, aut minus, quia ossa sunt duriora, sicciora, frigidiora: cartilago est lævis, lucida, polita; ossa aspera, inæqualia. Earum primus usus, ut ossium motus laxa coarticulatione iunent. Secundus, ut ab exterioribus noxis partes defendant: exemplo sunt nares, aures, nec enim sunt duræ, ut frangi possint, nec molles, ut contundi queant. Tertius, ut ossium instar aliquas partes sustentent. Quartus, ut aliquas partes internas tueantur, ut sterni, costarumque cartilagines, ad cordis, pulmonisque tutelam sunt creatæ: sic cartilago ensiformis, ut defenderet ventriculum est creata. Quintus, ut per ea ossa glutinis modo coalescant. Sextus, ut ossa dura, & laxa cum raris iungantur. Sic in plurimos alios usus inditæ sunt partibus cartilagines, visioni, auditui, odorati, degluttoni, &c.

Differentiæ cartilaginum tres sunt potissimæ. Aliæ enim sunt in capite; aliæ in trunco corporis; aliæ in extremis partibus à natura creatæ. Capitis sunt cartilagines, aurium, nasi, palpebrarum, inferioris maxillæ. Hic truncus etiam diuiditur in spinam, thoracem, & os innominatum: Spinæ partes sunt, ceruix, dorsum, lumbi, os sacrum. Cervicis, seu colli cartilagines sunt aut posticæ, quæ vertebras connectunt; aut anticæ, larynx, aspera arteria, epiglottis. Thoracis cartilagines in extremis costarum, & sterni sunt conspicuæ. Partium extremarum cartilagines, aliæ sunt manus, aliæ pedum.

Nunc singularum partium cartilagines adamussim describendæ. Palpebræ oculi duæ sunt: alia est superior, alia inferior: utræque inferuiunt ad faciliorem motum, & oculos claudunt, & aperiunt, & sic palpebræ fuerunt factæ cartilagineæ: quia si essent molles, faciliè conciderent; si ossæ, tunicas interiores læderent.

In auribus sunt cartilagines, ut auditus organum, & aures exquisitissimo sensu præditas ab externis iniuriis tuerentur, & sic iuant ad auditum, & sic aer semel ingrediens non resilit. In naso sunt quinque cartilagines, ut inspirantibus nobis melius nares dilatarentur, & facilius excrementa emungere possemus. De epiglottide diximus supra: est cartilaginea, ut celeriter ad cibi, & potus ingressum comprimì possit.

Larynx tres habet cartilagines, ut dilatari, constringi, aperi, claudi faciliè possit. De aspera arteria, & eius usu, supra diximus, *titulo de pulmone*. Hæc magna ex parte cartilaginea constructa est, quum sit spirabile organum, & ærem in pulmones deducat, & voci inferuiat, ut melius extendi possit, iccirco hoc modo est fabricata.

Ossis sacri cartilagines duriores sunt, quia hoc os est immobile. Ossis autem extremum, quod coccyx dicitur, est cartilagineum, quo delapso, aut laxato putat vulgus homines tabescere posse: quorum opinio contemnenda non est; nam cum sit hæc pars fundamentum corporis, si doler, aut abicessus patitur, ex diuturno dolore, viribus flacciscentibus, ob vigiliis, & labores, extenuantur corpora.

Sequitur cartilago ensiformis, quam Galenus 7. *de usu part.* 21. vocat mucronatam, & xiphoidem, cuius usus est, ut ventriculum ab externis iniuriis tueatur: cum ergo

hæc pectori glutine quodam adhæreat, si laxetur & flaccescat, (decidentiam vulgus vocat) tabem corpori conciliat, quoniam tunc ventriculus externis iniuriis magis exponitur, debilitatus non rectè concoquit; & non celebrata rectè sanguificatione, & sanguine non ita puro genito, non tam commodè partes nutriuntur, & sic tabescunt homines: de quo argumento legat qui velit quæ diximus, *lib. 2. hist.* 59.

Ultimò in omni ferè coarticulatione, cartilagines reperiuntur ad faciliorem motum comparatæ. Sic in claviculis duæ adsunt: in scapulæ cavitare una adstat, ne violentis moribus luxetur articulus. In cubiti parte inferna, altera adest. In eundem usum in pube est alia crassa, & dura, ut ossa pubis vniantur, ne in partu disiungantur. In ischij cavitare alia adest, & in femore etiam. Denique nulla est articulatio, in quam non inferatur cartilago, ut partes facilius, securius, & diutius moucantur.

### De tendine.

**T**endo vocatur etiam chorda, & est membrum spermaticum, quod partim generatur ex filamentis nervorum, partim ex ligamentis simul mixtis. Sentit sensu tactus. Usus eius est iuuare musculos ad motus grauijores, & vehementes. Vbi verò natura non eger vehementi motu, sed exiguo, generat musculos absque tendine, ut sunt musculi labiorum, & narium; & firmat articulos, & ossa cum ossibus. Substantia constat dura, tenaci, frigida. Figura est rotunda. Connectitur semper cum ossè ab una parte, & ab alia cum carnosa substantia musculi. Colorem obtinuit album. Non habet cavitatem, sed potius poros. Tot sunt numero, quot musculi.

### De membranis.

**M**embrana est pars similis, frigida, sicca, lata, tenuis, densa, ex seminis portione genita, sensus tactorii organum, partes subiectas custodiens. Est lata, ut partem vestiat: densa, ad robur: tenuis, ne pondere sit molesta. Est minus frigida tendine, vnculis, cartilagine, ossè; sed frigidior venis, arteriis, & nervis. Usus eius est ut sit tactus organum, idè sensu exquisitissimo prædita, & immediatum organum tactus. Deinde ut vestiat partes; quare tunicæ sunt dictæ.

Membranæ aliæ sunt legitimæ & veræ, ut membrana cerebri, pleura, peritonæum, periostium; aliæ sunt lææ, aliæ longæ; aliæ externæ; aliæ internæ. In singulis partibus multæ adsunt. In oculis plures insunt. Linguam vestit tunica una, communis œsophago, palato, faucibus, ventriculo. Cor suam habet tunicam, nempe pericardium. Pulmo etiam habet intersepientes, quas vocamus mediastinum: Adsunt etiam membranæ, in hepate, epiploo, intestinis, vtero; de cuius membranis fœrum inuoluentibus, *infra* dicemus.

### De villis, seu fibris.

**V**illorum, seu fibrarum nomen etiam tendinibus, & nervis accommodari potest. Sunt partes similes, frigidæ, siccæ, albæ, solidæ, oblongæ, exilium filamentorum instar, ad motum, & carnis custodiam destinatæ. Vnus fibrarum præcipui sunt motus, & custodia carnis. Villi alij sunt transversij, alij obliqui, alij recti. Transversis partes expellunt; obliquorum opere retinent; rectorum opera attrahunt. Alij animalibus organis inferuiunt, musculis, nervis, ligamentis. Alij vitalibus, ut cordi, arteriis. Alij naturalibus, ut œsophago, ventriculo, intestinis, vesicæ, vtero, & nervis.

### De musculis.

**C**aro musculosa præcipuè ferè corporis molem constituit, & iccirco Galenus *lib. art. med. cap. 50.* temperaturam musculorum, appellat totius temperaturam.

Ab Arabibus dicitur lacertus. Definitor à Galeno *cit. loc.* A *Caro ex simplici carne, & villis nervosis contexta.* Musculus est immediatum voluntarij motus organum : cuius partes similes sunt nervi, fibræ, tendines, caro, vena, arteria.

Cáro illa fibrosa, præcipua est musculi pars : similem enim in corpore nullam inuenies. Ea deficiente, deficit motus : nam sine nervis qui in musculos variè diuiscuntur, motus fieri non potest, quia sunt spirituum animalium delatores. Ligamenta, & tendines perfectiorem reddunt motum. Tendo per se non est comparatus ad motum, sed ad valentiores, & vehementiores motus edendos : quoniam tendo est mediæ naturæ inter neruum, & vinculum, licet in multa crassitie tendo neruum excedat.

Non poterat ligamentum immobile motum voluntarium edere ; & nervus ob mollitiem validos motus efficere non poterat : quare mixtum aliquod ex ambobus creati debuit, quod nervo durius, vinculo mollius esset. Venæ, arteriæ, membranæ, actionem conseruant. Carnis huius fibrosæ vsus primus est, vt sit visceribus internis propugnaculum. Secundus, vt siccitas nervorum, & ligamentorum, à perpetuo motu contracta, permixtione carnis emendetur.

Musculorum differentia sunt plures. Alij sunt carnosi, vt linguæ, & sphincteres dicti ; alij nervosi, vt qui tibiam cingunt. Alij longi, lati : transuersi, recti, obliqui.

A peritiorebus Anatomicis numerantur 405. Frontis, duo. Palpebrarum, sex. Oculorum, duodecim. Aurium, sex. Narium, duo. Labiorum, nouem. Maxillæ inferioris, decem. Hyoidis, octo. Linguæ, decem. Faucium, octo. Laryngis, quatuordecim. Capitis, quatuordecim. Colli, octo. Brachiorum, sexdecim. Cubiti, octo. Radij, octo. Carpi, octo. Manuum, quinquaginta quatuor. Respirationi inseruietes, sexaginta quinque. Abdominis, decem. Dorsi, decem. Ani, quatuor. Vesicæ, vnus. Testium, duo. Penis, quatuor. Crurum, viginti octo. Tibiarum, viginti duo. Pedum, duodecim. Digitorum, viginti vnus : & sic certus musculorum numerus constituitur. Si plures, aut pauciores statuas, non errabis : nam sunt qui ex vnico plures faciunt, & ex pluribus, vnum.

In variis partibus adsunt musculi. In fronte duo sunt qui frontem, ac supercilium attollunt : nam licet cutis vniuersa sit immobilis, in fronte sola, & facie sponte mouetur ; & hoc propter oculos, quia eos multum aperiri oportebat. In palpebris, quæ sunt duo oculorum tegumenta, & necessariò debent moueri, vt oculus claudant, & aperiant : quo pacto superior sola mobilis ; aperit ergo hanc vnus musculus, & claudunt duo.

Oculi cum in omnem partem debeant moueri, vt exploratores, habent secundum aliquos auctores, sex musculos, & secundum peritiore, septem, vt *suprà* in fabrica oculi notauimus. Aures habent tres, primus in anteriore parte est situs : secundus ab occipitio emanat versus eas : tertius ex interna parte ad radices excurrit.

In naribus duo sunt dilatantes, duo constringentes. In labiis nouem, alij sursum, alij deorsum mouent. Adest & alius qui dicitur buccinator, qui buccam mouet. In maxilla inferiore, quia necessariò debet moueri, ad frangendos cibos, & articulandam vocem, adsunt sex : nam mouetur sursum, deorsum, dextrorsum, sinistrorsum, antrosum, retrorsum. Claudunt eam duo, quoniam superior immobilis est, ne naribus, & oculis impedimento esset. Os hyoides octo musculi nectunt, & firmant. In lingua decem adsunt, qui eam in varias partes mouent, iunguntque ad transmittendos cibos, & exprimendas literas. In faucibus ad deglutitionem adsunt sex, tres vtrinque.

In larynge, qui est asperæ arteriæ operculum, quia ad vocem modulandam, moueri debuit, dilatarì, constringi, aperiri, claudi, visuntur quatuordecim musculi. In capite plures assistunt, quia capitis motus varios, vni articulationi committere non erat tutum. Iccirco flectunt caput musculi duo, extendunt octo, & alij sex caput

obliquè, & circulariter mouent.

In cervice sunt octo, flectunt quatuor, extendunt totidem. In scapulis quatuor sunt, qui eam mouent sursum, deorsum, antrosum ; & retrorsum. Brachium sursum mouent duo, deorsum duo, antrosum mouet vnus fortis, qui dicitur pectoralis, retrorsum mouent tres. Cubitum flectunt duo, extendunt totidem. Radium mouent quatuor. Carpum laxant duo, extendunt etiam duo. Digittos flectunt musculi tres, extendunt quàm plures. Pollicem flectit vnus, extendunt duo, abducunt tres.

Respirationis musculi sunt sexaginta quinque, distendunt inspirationi inseruietes ; 2. contrahunt expirationi dicati ; 2. Accedit diaphragma inspirationi, & expirationi inseruiens, & sic perficitur numerus cum hoc musculo. Diaphragmatis historiam *suprà* retulimus. Abdominis musculi respirationi inseruietes sunt octo, oriuntur à superiore parte ossis pubis, & ilium. In dorso sunt octo, duo superiores, inferiores duo, quintus, & sextus à lumbis oriuntur ; septimus, & octauus à processibus primæ, secundæ, & tertiæ thoracis vertebræ.

In ano sunt quatuor, sphincteres duo, rectum intestinum occludentes ; leuatores duo, qui anum delapsum reuocant. In vesica est vnus, qui eius cervicem omni ex parte cingit, & exitum vrinæ intercludit. In testibus duo sunt musculi, Cremasteres dicti, id est, suspensorij, qui sustinent testes, ne suo pondere vasa extendant. In pene sunt quatuor. In mulieribus clitoris est loco pudendi in viris, & habet duos exiles musculos.

In femore flectentes duo sunt, extendentes tres, circumagentes tres, abducunt sex. Flectunt tibiam quatuor, extendunt quatuor, adducunt duo, abducit vnus. In pede sunt duo flectentes, extendentes quatuor. Digittos pedum flectunt duo, extendunt duo, adducunt quatuor, abducunt octo. In pollice sunt peculiare, vno flectitur, extenditur altero, adducitur vno, abducitur alio.

### De ungibus, & pilis.

Vngues mediam naturam obtinent inter ossa, & cartilagine, & sunt ex tertiæ coctionis crassioribus excrementis pronati, idèò continuò crescunt, & nutriuntur attracto alimento, non per assimilationem, sed per intus susceptionem. Eorum vsus primus est ad apprehensionem, Secundus, ne superficies digitorum suapte natura mollissima ab occurrentibus externis iniuriis laderetur. Pili generantur ex materia tertiæ coctionis, nempe vapore fuliginoso rariora cutis spiracula permeante. Causa efficiens est calor moderatus, qui fuliginosos vapores in cutis ambitum detrudat, siccet, & per moram indurat. Primus vsus est, vt subiectas partes tueantur. Secundus, ad ornatum. Tertius, ad fuliginosi excrementi expurgationem.

### De glandulis.

Glandula definitor pars simplex, rara, spongiæ similis, mollis, excrementis recipiendis, & humectandis partibus à natura fabricata. Vsus earum primus est, vt vasa firment : nam hæc cum sint dura, violentis motibus rumperentur, nisi haberent has molles carnes, quibus veluti stratis fulcirentur. Secundus, vt excrementa superfua absorbeant, & emungant, & illa præcipuè factæ sunt ad inguina, axillas, retrò aures, vt excrementitios humores ex iecore, corde, & cerebro in se imberent. Tertius vsus, vt partes irrigent ne facillè siccarentur. Hoc modo sub lingua sunt factæ, & iuxta maiorem angulum oculorum, ne hæc partes mutuis moribus siccarentur, & experimento compertum est in iis, qui ardore febrili sunt vexati : ij enim perpetuò illachrymant, quia hæc glandulæ præstiti, & incendio sunt exiecatæ, & humiditatem superflua à capite descendente nec emungere, nec retinere queunt. Ita glandulæ plures factæ sunt in cerebro, larynge, pancreate, mesenterio, vesicæ collo, in dictos vsus, vt in descriptione cuiusque partis *suprà* demonstrauimus.

*De cuticula.*

**C**uticulam Græci vocant epidermidem. Est tenuissima cutis, & veluti efflorescentia caparum pelliculis tenuioribus similis, insensibilis, & penè exanguis. Hæc nostrum vestit corpus, & superficiem summam. Vltimus est, vt sit medium tactus. Secundus, vt cutem veram, quæ sensu pollet eximio, tueatur. Tertius, vt cutem tegat, ne corpus perpetuò exudans, resoluatur. Quartus, vt vasorum ad cutem pertingentiam oscula occludat. Quintus, vt cutis crassiusculæ, asperæ, inæqualis, superficiem tegat, & corpori ornamento sit.

*De cute.*

**C**utis membrana est omnium amplissima, crassissima ex seminis, & sanguinis permixtione genita, temperiem moderatam obtinens, externi tactus organum, subiectarum partium tegumentum, & munimentum. Hæc est veluti extremorum medium, & tactus iudex. Nullam figuram habet, sed à subiectis partibus mutatur. Et licet sit candida, tamen ratione humoris affluentis, aliquando pallet in biliosis, nigricat in melancholicis, in sanguineis rubet, in pituitosis albet. Non est omni ex parte continua, quoniam habet foramina patentia, vt in oculis, auribus, naribus, ore, ano pudendo; sed tota habet foramina inconspicua, quæ oculorum aciem effugiunt: nam est cribiformis, ad sudorum & fuliginum expulsionem, & vt transpiraret corpus, neue insitus calor marcesceret. Est foraminulenta, & poris plena, quos Medici cutaneos vocant.

Primus vsus eius est, vt sit tactus organum. Secundus, vt tegat corpus, & partium calorem foueat. Tertius, vt corpus ab iniuriis tueatur. Quartus, vt corpus partium structura varium inter se continetur. Quintus, vt sit totius corporis emunctorium.

*De adipè.*

**T**ertium humani corporis tegumentum est adeps; vocatur etiam pinguedo, axungia, seuum; sed hæc differunt secundum magis, & minus: quoniam adeps est siccior, pinguedo mollior, seuum siccior. Huius materia est sanguinis portio magis aërea, & pinguis. Sub cute copiosus adeps colligitur, quia sanguinis portio, quæ ob tenuitatem rariorem musculorum carnes præterit, à densiore cute retinetur: quare animalia quæ corium habent densum, vt sues, & delphini, plurimo adipe abundant. Primus vsus est, vt tueatur corpus. Secundus, vt conseruet calorem: visciditate enim, & lentore suo effluxam eius prohibet. Tertius, vt sicca corpora oblinat, vt in corde. Quartus, vt ad faciliorem motum dura corpora humectet. Quintus, vt loca impleat vacua. Sextus, vt sit pabulum caloris; hic enim humidis gaudet, fugit à merè siccis: quare inedia tempore pinguedo in alimentum vertitur.

*De membrana carnosa*

**C**uti, & pinguedini subiicitur membrana quædam crassissima, vniuersum corpus à capite vsque ad pedes regens. Arabes vocant panniculum carnosum, Latini membra carnosa vocare consueuerunt. Primus vsus eius, vt propagines venarum, arteriarum, & neruorum, quæ feruntur ad cutem, eius ope suffulcian- tur. Secundus, vt musculorum carnes tegat, ne ab externis lædantur.

*De formatione fœtus, membranarum cum inuoluentibus, situ infantis in utero, & eius exclusione foras.*

**I**n congressu venereo mas, & femina semen ei- culantur, & vterus postquam in suam cavitatem semen virile recepit, statim sagacis naturæ industria, & motu os vteri coarctatur, ne semen excidat. Circa hoc conceptum

**A** semen, tum à vi formatrice, tum ab utroque semine membrana generatur, quæ Allantoides vocatur, vteri cavitati adhærens, cuius vsus est vt vniuersum semen inuoluat: nisi enim prius formarentur membrana, tendulus embryo, eiusque principes partes vteri duritie læderentur. Hæc cingit fœtum zonæ instar, & vrinam continere dicitur. Secunda dicitur Amnios, alij Amicolum vocant, fœtus velut sudorem excipiens. Tertia appellatur Chorion, quæ nihil est aliud, quàm vasorum multitudine membrana tenui connexorum, ex Gal. 1. 5. de vsu part. cap. 4. Hæc appellatur secunda, ab Hip. 5. aph. 49. alij nominant secundinam, vt Paulus lib. 5. cap. 75.

Sed in hac re video Anatomicos esse discordes. Quidam membranas solum Chorion, & Amnion in fœtu humano agnoscunt, licet in brutis tres membranas obseruent. Alij genita Allantoide, & Amnio, vt suffulciantur, affusionem orbicularis placentæ instar, quam Chorion appellant, generatam fuisse asseuerant; & sic hanc placentam, secundinam vocant. Sed (vt verum fatear) hæc in nobis minimè est membrana, sed crassa quædam materia, excrementorum instar, cuius vsus est dictus, vt fulciret vasa, & propugnaculi vicem gereret, & fœtum ab externis iniuriis tueretur, & sic Paulus vocat fœtus velamentum. Addunt Recentiores, vt sanguinem ad fœtus nutritionem præpararet.

Amnios dicta est sudoris, & vrinæ receptaculum, cuius aquæ, aut vrinæ, aut feri vsus, auctore Galeno 1. 5. de vsu part. cap. 5. est, vt ope huius humoris lubricus fiat vterus, & promptius dilatetur, vt sic per collum vteri molle, & humectum, puellus possit exire foras, aliàs difficilis sit partus; si amnios membrana ante exitum puellæ frangatur, & vacuetur aqua, & sic remanet periculum, ne ab aquæ copia possit fœtus suffocari.

Deinde in omnium partium delineatione laborat perpetuò vis formatrix, neque conquiescit, quousque omnium membrorum discretio fuerit absoluta, quæ in maribus perficitur trigésimo, fœminis quadragesimo die, aut quadragesimo secundo, vt diuinus Hippocrates prædixit, lib. illo aureo, de natur. puer. num. 14. & 20.

Postea ordine quodam ex sanguine, qui est alterum nostræ generationis principium, generantur parenchymata, & carnosæ partes. Parenchymatum secundum Medicos, & veriorém sententiam, primum est hepar; secundum, cor, deinde reliquorum viscerum carnes efformantur. Postea simul iaciuntur partium spermaticarum fundamenta, & partes spermaticæ generantur, sed primò nobiliores & magis necessariæ, vt tria principia, venæ, arteriæ, nerui. Venæ ab hepate ad chorion vsque propagantur, arteriæ à corde, nerui à cerebro.

Duriore, & solidiore partes simul figurantur, sed non simul perficiuntur: nam ex ossibus, alia celerius, alia tardius elaborantur, costæ, gena inferior, auricularum ossicula, os hyoides primis diebus osseam acquirunt naturam; deinde brachij, tibiæ, femoris, spinæ, vtriusque manus, sterni, quæ celerior conformatio ad vsus, & necessitatem est referenda, ita vt septimo die omnium spermaticarum partium rudimenta sint conspicua.

Totus itaque contractus, & conglomeratus sedet in utero puellus, manibus genua apprehendens, & in genua caput dimittit, vt oculi vtrinque manuum pollicibus velut affixi hæreant, nasus verò inter genua procumbat. Hæc figura est frequens, nec laboriosa fœtui, licet alij alios situs obseruarint, capite eleuato, & aliquando transuersim, sed hi sunt rari.

Excluditur foras fœtus, quando iam perfectus est, & tunc mole sua calcitrat, & rumpit membranas, & à natura extrà protruditur. Sed quæres an hæc excretio, vtero, an ipsi puello referenda sit? Perbellè tibi responder Galenus 5. aph. 37. dicens: *quum scilicet alimentum ab utero veniens non est infanti sufficiens, & infans adultus est, plus sibi requirens, quàm illud quod adest, calcitrat, & membranas dirumpit, initiumque partus matri affert, &c.* Quapropter puello principium motionis tribuendum.



## De umbilico, &amp; vasis umbilicalibus.

**V**mbilicus in medio corporis situs est quia dum in utero matris latemus, per eundem nutrimur, & per eundem excrementa reddimus. Nihil autem est umbilicus, nisi receptaculum quatuor vasorum, & vnius venæ quæ dicitur umbilicalis, quæ ab utero ortum sumens, per umbilicam sursum, partem quandam iccoris diuisam ingreditur, terminaturque in venam portæ: & duæ arteriæ umbilicales, vna utrinque à ramo iliaco ortæ; & per chorion variis furculis diuicatur, quæ tandem cum uterinis arteriis coeunt. Vena attrahit quod dulcissimum est ex venis uteri. Arteriæ maternum spiritum attrahunt, & arteriosum sanguinem: atque horum vasorum ope, nutritur, vivit, transpirat fœtus.

Ourachus est vas cauum, & membranofum, quod à vesicæ fundo ad umbilicum fertur, eo canali urinam effundit fœtus in allanthoidem membranam. Quatuor hæc vasa in umbilico coeuntia, fœtu in lucem edito, eo munere priuantur, & in ligamentum degenerant, quod dicitur ab omibus umbilicus.

## De superfætatione.

**S**uperfætatio duplex est, vera, & non vera. Illa definitur quod sit secunda conceptio, quum grauida iam mulieriterum cum viro coeans concipit, quasi sit noua quædam supra iam conceptum puellum fœtatio. Non vera dicitur, quando plures fœtus vno concubitu generantur. Mulier sæpius superfætatur, quia sola post conceptum, maris congressum appetit, ob plures causas, quas Medici, & Theologi proponunt.

Eam concedit Hip. *lib. de superfætatione in initio*, & licet non aperiatur os uteri, nisi in partu, quo tempore aperitur ad exitum fœtus, & occludatur grauidis, vt nec cupidem acus admittat, 3. *de nat. facult.* 3. tamen eam possibilem esse, & sæpe contingere omnes Anatomici admittunt, edocti ab Hip. 5. *epid. num.* 11. qui aperte fatetur Gorgiæ uxorem in Larissa superfætasse, & excreuisse fœtum alterum post sexaginta dies, postquam exclusit primum. Clamet ad rauim vsque Valuerda, doctus aliquin anatomicus, *lib. 3. de re anatomica, cap. 14.* qui vasum esse asseuerat, immò mendacio plenum asserere, dari superfætationem: cuius irrita tela repulimus *lib. 3. in com. hist.* 14. Neque Galenus ita claudi vterum affirmat, vt sponte, non hier: nam ipse ex innata doctrina descendit, veluti concupito semini occursurus, & in congressu veneteo illud recepturus. Quare dari superfætationem, certum est, & auctorum testimoniis confirmatum.

## QVÆSTIO VII.

*Vtrum anatomica scientia ad Medicum, vel Chirurgum spectet.*

## COMMENTARIUM.

**H**ominum ossa contemplari.] Tanta est anatomice artis præstantia, & vtilitas, vt coactus Galenus *lib. 1. de loc. c. 1.* illius cognitionem Medico curaturo, qui Physicus appellatur, non verò externa mala medicanti, qui Chirurgus dicitur, esse necessariam asseueret. Ille enim non solum viscera inspectione scrutatur, verum cadauerum ossa exiccata (Sceleron Græci vocant) esse perscrutanda arbitratur. Ossa enim fulcri instar vniuersam corporis molem sustentant; quare miras præbet vtilitates Sceleros, quas proposuit Realdus Columbus *l. 4. de re anatomica, de Scelero*, quo libro exactè edocuit, quo pacto parari debeat; quæ in eo expoliendo obseruanda; quomodo ossa coquenda; quibus deinde connectenda; qua industria fœtor auferendus, & odor bonus conciliandus.

Ob has commoditates mirabiles, in Alexandriæ scholis, peritissimi magistri rudioribus primum rescicata corpora, deinde integra proponere asseuerant. Quare Ga-

lenus huius vtilitatis causa permotus, & addiscendi summa auditate inflammatus, quum esse arcanorum naturalium scrutator vigilantissimus, illuc nauigauit; quo loco celeberrimi aderant Medici, qui hanc humani corporis compagem, se docere proficiebantur, eiusque cognitionem ad curandos morbos esse pernecessariam, immò vtilissimam discipulis inculcabant: vt tibi constet quàm temerè plures Galenum incusent, quod solum in simiarum, & non in humani corporis anatome fuerit versatus, quorum ignorantiam latè refutauimus *lib. 2. in com. hist.* 41.

Ergo, vt ad quæstionem explicandam accedamus, videtur difficile, quomodo Galenus multò magis necessariam arbitretur anatomicam cognitionem Physico, quàm Chirurgo, si enim hæc cum corporis dissectione compareretur, Chirurgica potius, quàm physica dicenda est, siquidem manualis operatio à physico est valde aliena, ex Hip. *in suo iureiurando, & lib. de flatib. in initio, & de decem ornau. Gal. lib. 6. epid. sect. 5. com. 1. & 6. meth. ult. Celso lib. 7. cap. 1.* Ergo perperam Galenus anatomicam disciplinam physico, non Chirurgo addixit.

Deinde cum Medicus in dialectica, physica, disciplina de pulsibus, crisis, morbo, & symptomate, & aliis, oporteat vt sit instructus, quibus partibus Chirurgum excedit, cur his prætermisissis solam memorat anatomen? Quare in hoc videtur fuisse diminutus.

Insuper immeritò Galenus physicum à Chirurgo separauit: nam hic, Medicus etiam ab Hip. appellatur, *lib. 1. de fractur. & lib. de vulnerib.* nam tria sunt instrumenta, quibus utrique vtuntur; nec enim à Medico aliena operatio manualis, vt nec à Chirurgo commoda victus, & medicamenti institutio: quare saltem instrumentis inter se non separantur. Ergo vel penès varia morborum genera curanda distinguuntur, vel penès diuersum situm eorumdem morborum. Primum dici non potest, quia non distant genere pleuritis, & phrenitis ab externa phlegmone; nec similiter externa vlcera ab internis, sed eiusdem appellationis, & essentiae sunt. Si verò ex situ distinguì dicantur, cum non minùs nec scissaria sit secanti, vrenti, scindentique Chirurgo, quàm physico, suarum partium cognitio; conuincitur sanè non rectè separasse Galenum, per dissectionis cognitionem, Medicum à Chirurgo.

Vt verò hæc omnia perpendas intimiùs, norabis, dupliciter posse considerari necessitatem anatomicæ cognitionis, vel prout necessaria est ad affectum, & affecti loci cognitionem, vel ad curationem. Quod ad primum attinet, summopere necessarium Medico est physico, ad internos affectus dignoscendos, in dissectione esse versatum, non sic autem Chirurgo. Cum enim externa mala præcipuè consideret, & hæc sensui sint manifesta, cum in ipsa sint superficiei, anatomica ambage non alia indiget, vt in curationem illorum deueniat.

Quod ad curationem verò attinet, è contra res se habet: nam physico ad affectum curandum sufficiens est quæcunque licet non exacta cognitio, compositionis corporis, aut membri curandi; Chirurgo verò exacta eiusdem notitia omnino requiritur, ac dissectionis, ad hoc vt commodè secare sciat, vtere, aut scindere, quæ sunt illius munera. Cum verò Galenus *in opere de loc. affectis*, quod theoreticum est, anatomicam disciplinam considerasset in ordine ad affectum, & affecti loci cognitionem, idè eam quidem physico necessariam esse, non autem Chirurgo pronunciauit.

His iactis, argumentum primum solue, negando anatomicam peritiam ad solum pertinere Chirurgum, quum magis ad physicum spectet, saltem ratione agnitionis affectuum, de quo *lib. 1. de loc.* negando rursus, eam solum comparari disseccando corpora; ex libri enim doctrina, simul & frequenti dissectorum conspectu, sufficienter acquiritur: disseccare autem ad Chirurgum, tanquam ad physici ministrum pertinet.

Vel aliter responderi potest: ad vtrumque scilicet artificem æqualiter pertinere partium structuram agnoscere; ad physicum, internarum, externarum ad Chirurgum:

rurgum : Verùm cùm Galenus de internis ageret, anatomem physico commendauit, non autem Chirurgus, quoniam de affectibus illi subiectis non proponebat agere. Vulnera interna, quæ Medicus tractat, & externa, quæ Chirurgus, nec ratione sui, nec ratione medijs differunt specie, nisi forte membri ratione in quo sunt: nam alia sunt intra, alia extra corpus.

Ad secundum. Non negat memoratas artis partes ad physicum requiri, & ipsum perficere, non minus quàm anatomicam contemplationem: de illis tamen non meminit, quoniam ad laborantis loci notitiam, de quo in præfenti erat sermo, non deducunt.

De tertio sciendum est, non esse facile diiudicare, per quid physicus, & Chirurgus inter se seiungantur, quæue sint propria cuiusque munera. Et non seiungi quidem per illud quod varia morborum genera vtriusque proponantur, (quemadmodum putarunt multi) aperte in hoc tertio argumento conuincitur.

Opinantur alij, separari inter se prædictos artifices, tantum ratione auxilij, instrumentique, quod unicuique proponitur diuersum ad operandum: existimant enim vtriusque simul munus, & officium esse, internos pariter & externos affectus curare; sed physici, victu & medicamentis; Chirurghi verò, manuali operatione. Primum ostenditur, Interna, & externa mala simili curandi methodo tractantur, remediisque similem facultatem habentibus. Ergo nulla videtur ratio, cur eorum curatio ad eundem physicum non pertineat.

Quod autem ad Chirurgum vtrumque morbi genus similiter spectet, in externis quidem cùm res frequentissima sit, satis constat, in internis verò, vt cùm hydropicum perforat, vel suppuratum, non posse transgredi vltra manuum operationem, colligitur ex Hip. in suo iureiurando, & ex eo quod scribit Galenus ad Thrasibul. cap. 23. & 24. & passim, vnam esse artem medendi, sed eius partes tres, & inter se diuersas, quarum vna Chirurgia dicitur, id est, manualiter operans, 1. de anatomic. administ. cap. 3. Cùm ergo Chirurgus à Chirurgia dicatur, non poterit vsum operandi manualiter transcendere, quod solum Chirurgiæ est: alioqui confunderentur medicinae partes inter se distinctæ, & Chirurgia non erit Chirurgia, hoc est, medicinae pars, cuius sola est manualis operatio.

Accedit in eiusdem confirmationem, quod idem Galenus testatur 6. meth. vlt. Physici esse, duplici vti artis instrumento, licet ipse fateatur, se in Græcia tertio etiam vsum fuisse. Alterius verò, nempe Chirurghi, manu operari, hoc non suo ductu, sed Medico tantum domino præcipiente. Quare solum manus instrumentum videtur relinqui Chirurgo; reliqua autem, victum, & medicamenta non posse attingere: atque ita existimat penès instrumenta separari inter se prædictos artifices,

Aliis magis placet, separari potius per morborum situs, quàm per auxilia; instrumentaque: existimant enim non minus esse Chirurghi externa mala victu, medicamentis, & manu curare, quàm Physici interna eisdem tribus auxilijs. Adiciunt tamen quòd quemadmodum in internis malis vbi requiritur manuale opus, Chirurgus aliquando à Physico accersitur; ita in externis, vbi graui fuerint, & magna requiruntur auxilia victus, & medicamentorum, Chirurgo Physicum consulere oportet, id quod ex Galeno colligi videtur 3. de compos. medic. sec. gener. cap. 2. dum ex multorum sententia, quam approbat, affirmat medicinae partes mutuam opem requirere, licet ex se diuersæ sint, tum quæ manu, tum quæ medicamentis & victu medetur; maxime illam quæ manu curat, reliquis duabus indigere.

Confirmatur huiusmodi sententia, ex eo quòd in scriptis de Chirurgia libris, etiam victus ratio, & medicamenta edocentur, de quibus interrogati Chirurghi respondent, antequam medendi facultatem consequantur. Deinde ad mala externa sananda, vltra manuum operationem, necessaria est victus, & medicamentorum institutio. Sed oppressio magna foret, grauèque Reipublicæ dispendium, si ad vlcus, aut externam phlegmo-

nen, tumoremve sanandum, duo essent vocandi, remunerandique artifices. Ergo satius fuerit internis morbis physicum, externis verò præfici Chirurgum, qui ex se, & victum possit instituere, & medicamenta; quemadmodum & constituta est obstetrix, quæ partibus præliet, & citra Medicorum præscriptum remedijs Medicis vtetur. Verùm Chirurghi medicamentorum vires, & alimentorum facultates satis non agnoscunt: vnde etiam medicamentorum modum, methodumve tractare non possunt, nec debent magna remedia sine dispendio, præsertim in grauioribus morbis præscribi.

Et retenta prima quidem ex enumeratis sententijs, ad tertium argumentum responderetur, sumpto nomine Medici latè, etiam comprehendi Chirurgum; & ita intelligenda sunt loca, vbi Medicus appellatur: non verò si pressè accipiat: atque sic primò ad Chirurgum non pertinent prima duo artis nostræ auxilia, neque abique Medici præscripto illis potest vri, sed ea à Medico Physico petenda sunt, cuius sunt principia.

Quòd si secunda magis placet, non distingui scilicet penès instrumenta, sed licere vtrique eisdem vi auxilijs, nec nisi penès varios morborum situs distingui, minus vrget argumentum: non enim negat Galenus necessariam etiam esse Chirurgo anatomiae cognitionem, sed cùm de internis dignoscendis affectibus ageret, qui solius Physici, & non Chirurghi sunt, iuxta secundam, sententiam physico solum anatomiam commendauit.

Nec huic secundæ obstant primæ fundamenta. Non primum, quoniam licet diuersa sit Chirurgia ab alijs medicinae partibus, & ab ea deductum nomen habeat Chirurgus, non ita tamen diuersæ sunt, vt quodammodo mutuo se non participant; mutuamque opem requirant, sed pars vna diætetica dicitur, quoniam præcipue versatur circa institutionem victus, & sic de reliquis. Minus obstat illa Romanorum Medicorum consuetudo, de qua Galenus 6. meth. cit. apud quos Chirurghi tanquam ministri sola manu operabantur, & hoc præcipientibus solum Medicis; nec enim illa apud nos obseruatur, immò vtilius quodammodo est Reipublicæ, exemptos esse à Medici imperio Chirurgos. De quo argumento lege Valleriolam, lib. 3. loc. com. cap. 17.

## HISTORIA V. ALBVCASIS, De flatu vago.

### Flatus furiosi historia mira.

**A**gritudo hac nominatur in terra nostra Nakir, & est dolor qui accedit in quibusdā membris, deinde permutatur de membro ad membrum. Huiusmodi exemplum vidi ego tale. Vocatus sum ad mulierem quandam infirmam in quadam villa, & detexi brachium suū, & vidi inflationem parua in vena brachij, & post horam vnam vidi inflationem illam ambulare cum focilli, sicut procedit vermis, ascendendo ad humerum celerius quàm credi potest, & mouebatur sicut argentum vinum, cùm currit de loco ad locum. Recessit ergo dolor ex loco, qui primum doluerat, & fixus est in humero: deinde (vt narrauit mihi) reualuebatur in toto corpore, quemadmodum & ego ipse facile deprehendere potui. Miratus sum ergo velocitatem discursus eius de membro ad membrum; & ego antea nunquam videram agritudinem qua esset, qualis hac in hac muliere. Multos quidem vidi, qui senserunt dolorem permutari de membro ad membrum, sed nō hoc modo, aut hac celeritate. Nec ego aliam causam conicere possim, quàm quod mulier fuit sole, & laboribus exhausta, sicuti sunt, quæ sunt ex villis, sicci corporis, desertarum venarum. Hinc ergo apparet sensui illa ventositas permutata, & est necesse vt non appareat secundum hunc modum, in illis qui sunt deliriosi, & coporibus humidis, occultarum venarum. Cùm ergo moliris curationem eius, & sensit patiens illum dolorem, tunc si est, apparet oculis, sicut diximus: tunc stringe super ipsum, & sub ipso velocius, & seca super ipsum donec egrediatur ventositas coarctata, & canterisa locum, Si autem non vides locum affectum, & dolentem, cura ipsum

ipsum cum excussione corporis, & quopiam remedio quod expellit ventositate, & extenuat eas. Commodè autem fit pilulis fœtidis, & pilulis de serapino, & similibus, &c. Albucasis lib. 2. cap. 93.

## PARAPHRASIS.

**I**N qualibet nostri corporis parte flatus adnasci, illamque distendendo, dolorem concitare, concors est Medicorum sententia, edocta ab ipso Galeno 14. meth. c. 7. & 2. ad Glau. cap. 6. Auic. 3. 4. tract. 2. cap. 16. quos à debilitate caloris innati generari demonstrauimus, lib. 3. in com. hist. 21. Signum flatulenti humoris esse permutationem de loco ad locum, ostendit Auic. 1. 3. tract. 2. cap. 7. In quibus autem partibus colligantur flatus, Galenus lib. cit. ad Glaucon. euidenter demonstrat.

Flatus ergo in ventriculo generantur, ex cibis, aut humoribus pituitosis à debili calore in vapores resolutis: nec temerè dicit Galenus 3. de sympt. caus. cap. 2. à debili calore ipsos generari, quia nec vehemens, seu absoluta frigiditas, nec summa caliditas flatum gignere possunt; id quod exemplis ab externis rebus desumptis Galenus confirmat: siquidem hyberno tempore, & flante Borea, frigidissime aëris constitutiones serenæ sunt, & vaporibus prorsus destitutæ: similiter æstatis tempore calidissimæ constitutiones purum aërem reddunt: initio autem veris, & autumnus, quibus temporibus calor debilis est & lenis, nebulas maximè generari experientia testatur. Quod similiter in animantibus fieri certum est.

Flatus appellationes sunt multiplices: si enim per os flatus excernitur, dicitur ructus; si per inferiora, appellatur flatus: hic verò vel cum strepitu, vel sine illo excernitur. Vbi verò per neutram partem, hoc est, nec per os, nec per aluum expellitur, inflatio à Latinis vocatur. Cum verò in intestinis continentur, & huc illucque refluunt, varios concitant strepitus: alij enim acuti sunt, tenuisque, sonori, & graues: obscuro plurimi redduntur, cuius discriminis causam Galenus in cit. loc. de caus. sympt. tam ad excrementi quantitatem, & qualitatem, quam etiam ad locum referre videtur.

Notabis deinde, quod per flatum Galenus intelligit inflationem, & solet etiam appellari spiritus, ut constat ex Galeno 4. acut. 20. & 14. meth. cit. inflationem vocat sequutam ad halituosos spiritus, scilicet crassos, tenues, medios. Ex hac appellatione cibos vocamus flatuosos; immò & hominem hypochondriacum, & melancholicum appellat flatuosum Galen. 6. epid. sect. 3. com. 12. Hoc modo faba est natura sua flatuosa, 1. acut. 18. & lib. de bonit. & vit. succor. cap. 13. quando cibus est flatuosus, & debilitas adest innati caloris, tunc flatus solent generari: de quibus egit Hip. cum Gal. 2. prog. 24. est enim in alimento pars persæpe humida, tam tenaciter cum aliis partibus coniuncta, à naturæque membrorum tam longe distans, ut per nullam coctionem in chylum possit transmutari; quæ vel in vaporem, qui insensibiliter expellitur; vel in parte in qua alteratur, in flatum vertitur, ex Galen. 2. ad Glau. cap. 7. Ex hoc oriuntur palpitatio, priapismus, & flatuosus tumor: de quibus affectibus lib. 5. de loc. affect. & loc. meth. cit. differuit ad plenum Galenus.

Sed dubitabis cur apud Arist. 10. sect. probl. 5. Solus homo inter cætera animantia magis flatuosus sit, quum inter omnia animalia sit calidissimum, 4. probl. 7. & 10. probl. 26 & minùs flatuosa sumat, quàm bruta, quæ fabis herbis, & aliis fruticibus crudis perpetuò vescuntur? Dic dupliciter flatuosum dici, per se, & per accidens: illo modo non est verum hominem esse flatuosum, quum sit calidissimus, per accidens verò frequentius tentari flatus dicimus. ob inrepestiuum, & varium alimentorum usum, quæ cum non coquantur, in cruditatem abeunt, & in flatum. Accedit quod animalia ob frequens exercitium minorem flatum copiam coacervant; is enim motu insensibiliter per cutaneos meatus euanesceat. Lege Silanum de Nigris, in 9. ad Almanf. cap. de colico dolore.

Dubitabis secundo. Cur venæ flatulenta materia rur-

gere possunt, si sanguine calidissimo sunt refertæ, cuius calore ea facillimè resolvitur? Dic in vasis furiorum flatum generari posse, qui huc & illuc refluens, & agitat, ea (præsertim in gracilibus, & extenuatis) in tumorem eleuet: nam si alia membra hoc spiritu turgida, ut colon, genitalia, guttur intumescunt, ex Auic. loc. cit. Rhasio tract. 3. cont. cap. 9. immò distenduntur, & rumpuntur, ex Beniuenio. lib. de abdit. c. 40. & 81. cur non venæ?

Turgere flatum concedit Galenus 1. cris. 9. in fin. & ratio dicitur: nam inordinato, & impetuoso motu per venas, & vniuersum corpus mouetur: nec credibile est hunc dolorem solum fuisse excitatum in venis, sed etiam in partibus eas contingentibus, aliqua flatus portione ad ambitum corporis transmissa, quemadmodum in intermittentibus fieri conspiciamus, ex qua distentæ dolent: hoc modo in vtero à flatuosa materia occupato vehemens dolor excitatur, ex Auic. 2. 1. 3. tract. 2. cap. ult. & plurimis exemplis probauit Adrianus Alemanus in com. lib. Hip. de flatribus, in med.

Cum ergo tumor, & ingens dolor ex furioso spiritu pronascitur, tunc stringe, hoc est, comprime, nam compressio est benefica parti dolenti. Si non prosit, cauteris locum, ut roboretur pars, & spiritus intus inclusus & retentus, vel egrediarur, vel à calore resolutus euanesceat. Si locus est occultus, & æger carnosus & pinguis, tunc exercitium optimum est; atque uat enim spiritum, eumque absumit: vel vtere iis medicamentis quæ calida sunt, & tenuium partium, vnaque pituitosos humores euacuare nata sunt: de quorum usu seorsim in praxi historiarum proponemus plura.

Sed superest explicandus usus pilularum fœtidarum, & de serapino, quarum utilitas pro frigidis humoribus vacuandis est maxima: quoniam foetidæ, præterquam quod pituitam crassam valentius per aluum expurgant, nebulosos flatus mire resoluunt, & fortiores vires exposcunt, quàm quæ de serapino, seu de sagapeno appellantur, quæ pituitam lentam, viscidam & alios tenaces humores ex ventriculo, intestinis, cerebro, neruis, pulmone, thorace, iuncturis euacuant; quibus etiam doctissimus Manardus se nunquam fuisse usum asseueret, in com. Mesue, tract. de pilulis de serapino: tamen si ne cessitas urgeat, illis uti optimum est, ut firmat Vigo, lib. 5. antidotary sum. 1. tract. 9. in fin. ut. de pilulis de serapino. Cætera quæ resoluunt flatus præsidia lege apud Nicolum serm. 7. tract. 3. sum. 2. cap. 45. Cardanum consil. 5. de dolore vago.

## HISTORIA VI. GALENI,

## De noxiis sequentis ad esum tritici elixi.

Ex nimio tritici cocti esu sæua symptomata sequuntur.

**N**isi ipse aliquando triticum in aqua elixum comedissem nunquam aliquè eius usum in cibo esse credidissem. Neque enim fame grassante ad hunc utendi modum quis accesserit, quum suppetente tritico, panem ex eo facere possit: in cæna verò quemadmodum elixum, fixumve cicer, & alia quædam semina similiter parata, pro tragematibus, quæ vocant, sumuntur, ita triticum elixum à nemine sumitur. Ob eas sanè causas nunquam credidissem, quempiam triticum elixum esitasse. Cum autem ipse aliquando rus procul ab urbe, cum duobus adolescentibus meis equalibus profectus, rusticos iam cœnatos deprehendissem, & mulieres sese, ut panem facerent, accingere: unusque ex ipsis repente triticum in ollam coniectum coxisset, deinde sale mediocriter conditum, ut ederemus, esset hortatus, abundè cerè comedimus, pondus tamen in ventriculo sensimus, ut lutum ipsi incumbere videretur. Et cum postero die non coxissemus, totum diem cibum ita fastidiuimus, ut nihil edere poruerimus: præterea flatulento spiritu eramus pleni, caputque dolebat, & oculi caligabant. Neque enim per alium quicquam excreueramus,

excreueramus, quod unicum in cruditatibus est remedium, A  
Et c. Galenus lib. 1. de aliment. facult. c. 7.

PARAPHRASIS.

**T**riticum licet inter frumentacea primum locum sibi vendicat, quia simillimum est naturæ humanæ, & magis nutrit, ut lib. diatar. pericul. probauit Ishac, titul. de pane triticeo, & Petrus Hispanus doctè explicuit in com. ex cuius farina, simila, similagine, multiplices panis differentiarum conficiuntur; tamen elixum, crassissimi succi est tenacis, & obstruentis valde, & ita stomacho graue, & onerosum, ut nec animalia id edentia concoquere queant: sed præ lentore & visciditate, in ventriculo remanens ingestum, obstruit, visceraque infarcit: quare præ obstructione, distributionis sequitur impedimentum, sanguis non ita transpirat, & partibus refrigerium deoegatur.

Ex iisiecoris, & renum meatus adstringuntur; quare grauitatis secundum prædictas partes sensus enascitur, & dolor nonnunquam suboritur. Hoc modo plenitudinis collectio in melaræi, simarumque visceris partium venis progignitur; ex qua periculum rursus est, ne aut phlegmone insequatur partium, in quibus facta collectio fuerit, aut redundantium humorum ipsorum putredo oriatur, ut lib. de succor. bonis, & vitio, cap. 2. confirmat Galenus.

Hoc euidenti ratione patet manifestè: nam si farina tritici, longo intervallo tritico tenuior, difficilis est concoctionis, nisi per salem, aut fermentum attenuetur, quid erit de non triturato tritico dicendum, quod suapte natura contumacissimum est ad concoquendum, & flatu ventriculum crasso perturbat, ipsiusque calorem innatum suffocat, & premit? Quare deicitur appetentia; flatulento spiritu ex infausta coctione generato stomachus subuertitur, qui in caput, & instrumenta sensuum conuolans, cerebrum concurrit visumque obrundit.

Sed quid respondebimus Paulo, qui lib. 7. tit. de tritico, hoc, nonnihil glutinosum, & obstructioni efficax habere affirmat? Dic, triticum non tanta obstruendi vi pollere, sicut quum tempore famis assumitur; rapitur enim intempestiuè crudum ad ipanitas venas. Solue secundò, triticum graue ac densum, viscidissimum succum gignere; rarum autem, leue, & intus candidum, minus obstruere, ex Oribasio lib. 4. synopsis. c. 4. Lege quæ de tritici, & panis electione diximus lib. 2. in com. histor. 3. 2. & plura de eius differentiis quære apud Hermolaum Barbarum, lib. 2. Corollarior. in Dioscoridem, cap. 309. & perdoctum Ludonic. Nonnium lib. 1. de re cibaria, cap. 2.

HISTORIA VII. GALENI,  
& Rhasij, de extenuando corpore crasso.

Corporis obesitas, victu extenuante, frictione, exercitio, & aliis auxiliis perfanata.

**I**pse namque iuuenem quendam quadraginta circiter annos natum, oppidoque obesum perfanauit, visum tum antidoto, quæ aduersus articularia vitia est composita, tum sale theriaco, ipsaque theriaca, ac reliquo extenuante victu, & pro exercitatione, cursu veloci. Porro præparauit hominè ad cursum, perfricando primum lineis asperis, quoad cutis ruberet; dein statim cum oleo quod in se digerens aliquod medicamentum habebat quo etiam post cursum rursus utebatur. Talia medicamenta sunt, rum syluestris cucumeris radix, rum althea, rum gentiana, rum aristolochia, rum panacis radix, rum polium, rum centaurium. Per hyemen verò etiam à balneo, iam dicto oleo hominem reuaxisse profuerit. Verum cibum exhibere non statim à balneo, sed interposito somno conueniet. Quod si velit etiam ante cibum lauare, permittes. Magis etiam ad rem pertinebit, si aqua ipsi digerendi facultas infusetur. Ac si quidem salem aliquam

sponse natam habemus, ipsa utemur: cuiusmodi in Lesbos visitur, à Mytilene stadiis quadraginta: sin minus similem aliquam moliemur, quæ hydropicis & tumefactus idonea est, vispo- te valèter desiccans: ita profectò ut præpinguibus, ac præcipuè si quis ipsos cogat in ea celerrimè natari, nec post longā lenationem protinus esse, sed somno interposito, aut omnino saltem quiete. Sanè illud est sciendum, & ab eo qui obesitatem curat predicendum, quòd febris ad rem propositam aliena non erit, utique si Medicus rectè omnia faciat, & c. Galenus lib. 2. 4. meth. cap. 15. repetit lib. 6. de sanit. tuend. cap. 8.

Ego quoque curauit quendam iuuenem, appropinquantem ætati quadraginta annorum, cuius corpus ingrossatum erat vltima ingrossatione, cum electuario quod datur in dolore iuncturarum, & cum sale confecto cum viperis, & cum theriaca ipsa. Sed fricabam eum imprimis cum pannis lineis grossis, dū rubrificaretur cutis eius; deinde cum oleo mixto cum medicinis dissolutis, utendo cum hoc, toto regimine attenuatio, & exercitio, cum frictione veloci vehementer facta plurie; & post frictionem ipsa unctione facta cum ipso oleo, & c. Rhasius lib. 1. 4. continent. tract. 3. c. 2. de cura ingrossationis.

PARAPHRASIS.

**D**E cura corporis crassi & obesi, agunt in his historiis Galenus, & Rhasius, quomodo nempe ipsum eliquandum sit, & extenuandum. Sed cur ita solliciti sint in persananda obesitate, meritò inquirentes, cum ipsa incurabilis sit; quare dicebat Galenus, lib. 1. 4. meth. c. 15. Nicomachum illum obessimum, ut curaretur indignisse Æsculapio? Dic, quòd obesitas ex Gal. 2. de temp. cap. 4. duplex est, altera naturalis, accidentalis alia: illa immedicabilis est; hæc cum sit aduentitia, & à multis causis profecta, curationem admittit.

Multa autem cogunt Medicos, ut obesis remedia applicent quoniam in plurima damna incidere sunt parati, quæ ex professo referunt Auic. 7. 4. tract. 4. cap. 6. in med. Rhasius lib. 9. ad Almanf. cap. 61. cum enim ob pinguedinis copiam, vasa angusta habeant, præ obstructionibus internis non rectè ventilatum corpus, & crudorum humorum saburra refertum, facillè incidit in apoplexiam, paralytim, asthma, syncopen, & mortem repentinam, quæ omnia in tenui corpore vix eueniunt, teste Celso lib. 2. cap. 1.

Accedit quòd obesi ob rationes dictas citius intereant, quàm qui graciles, ut 2. aph. 4. 4. confirmat Hip. cum enim alimentum vertatur in pinguedinem, sanguine orbantur, & calore nativo, & sic breviorē vitam agunt, ut doctè explanat Ambros. Nonnius in com. Quare citius capiuntur morbis, tristius ægrotant, & difficilius curantur, ut scitè aduertit Heurnius in com. quoniam nec per obstructa vasa medicamenta penetrare: nec ob virtutis imbecillitatem ad actum reduci queunt.

Adde aliam efficacissimam causam quoniam ab obesitate actiones vitiantur; violantur enim, quæ ad speciei conseruationem pertinent. In mulieribus nimis obesis læditur fecunditas: nam ab omenti pinguedine os vteri ita comprimitur, ut viri semen admittere nequeat. Quæcunque præter naturam crassa, non concipiunt vteroniis omētum os vteri comprimit, menstrua deficiunt, semen frigidius est, & liquidius: nam obesiora animalia sunt frigidiora, ex Arist. 2. de part. animal. 5. & sanguis in pinguedinem, non in semen conuertitur.

Obesi minùs appetunt, minùs concoquunt, minorem sanguinis quantitatem generant, vix ambulare possunt, torpent, non exercentur, & molestissimo veluti carcere sunt derenti, ingenio, & intellectu minùs valent: nam à pituitoso humore, & pinguedine multi eleuantur halitus, qui spiritus suapte natura tenuissimos diuersimodè deturpant.

Elegit autem Galenus victum extenuantem, exercitium, digerentia medicamenta, balnea naturalia, & alia quæ dissipandi vim habent. Sed in hac re est dubitatio non exigua, cur in corpore pleno, crudis succis repleto, obstructio, priùs hæc, citra rotius prouidentiam conuulere ausus sit? Nam si resolutentia & deobstruentia quin corpus



corpus euacues, administres, in deteriora vitia ægrum A tantoperè laudauit Hip. lib. de salubri dieta, num. 3. & lib. 2. de diet. num. 41.

conicies: hoc pacto Auic. loco. cit. vacuationes probat per alium, & vomitum: explanat per doctus Mercurialis lib. de decorat. cap. 6. Dic, quod Galenus in attenuantibus, & digerentibus auxiliis totam reposuit curationis spem, quoniam obesi sunt debiles, & ob natiui caloris penuriam, vacuationum inclementiam, & resolutionem persentiscunt, non negans aliquando in iis vacuationem per alium vtilem esse, & multi vsus, sed eam tanquam rem notissimam non apposuit.

Hoc modo liberandus est à calumnia multorum Galenus, quod sanguinis missionem in hoc affectu celebrandam non imperet, etsi Auicenna loco. cit. eam à parte opposita parti macrefaciendæ exequendam affirmet. Nam si obesorum, vires æstimaueris, eos vacuationibus, & præcipuè phlebotomiæ esse ineptos iudicabis, cum Auic. cen. 4. 1. cap. 20. qui in valde crassis venæsectionem tenuit, dum sic ait. *A minutione tibi quoque cauere debes, in corporibus fortis grossitie, &c.* cum enim hi frigidiores, & humidiores temperatara præditi sint, è sanguinis missione valde læduntur.

Hoc modo Galenus 1. ad Glauc. cap. 14. in iis, vel etiam acuto morbo correptis, cautè, & parcè sanguinem esse mittendum suadet: quia ob virium debilitatem venarum inoidere summè est periculosum, vt Cælius Aurelianus lib. 5. sardar. passion. in fin. confirmauit. Hi enim albi sunt, molles, pigri, inertes, & ad quasilibet obeundas functiones inepti: quare in crassis, qui paucum sanguinem habent, ex Galeno 6. epid. sect. 3. com. 29. summa cum præmeditatione vena secanda est: sic monent Nicolus serm. 7. tract. 6. sum. 1. cap. 3. Eustachius lib. 3. praxis, c. 36. Gentilis de Florentia, & Dinus in com. cit. loc. Auic. hoc consiliu summopere probant: firmat Iacobus Pons in suo tract. de licentiosa nostri temporis sanguinis missione.

Sed quid respondebimus Auicennæ loco. cit. asserenti, obesos iuuari misso sanguine? Sic enim ait. *Et in huiusmodi quidem dispositione qua est ante eam, accidit eis constrictio anhelitus, & pulsus cordis; quare succurritur tunc dispositioni eorum cum phlebotomia, &c.* Quod sensit Rhafius 4. consuet. tract. 1. c. 1. Dic: Auicenna vrgenti necessitati opitulatur, tunc enim venæsectio ratione obesitatis non administratur, sed ob superueniens symptoma suscipitur, quæ solutio ex Auic. contextu constat manifestè.

Approbat ergo Galenus extenuantia medicamenta, quæ humorem crassum incidunt, & absumunt; sicque virtur antidoto, quod aduersus articularia vitia est compositum, quod ad menstrui, & vrinæ prouocationem est efficacissimum; in cuius compositionem ingrediuntur cucumeris syluestris radix, gentiana, althæa, aristolochia, panacis radix, polium, centaurium, semen rutæ, petroselinum, & alia quæ crassos humores dissoluant, extenuant, sudorem, & vrinam mouent.

Hac ratione mirum in modum iuuat sal theriacus, & ipsa theriaca: ille enim lentos humores dissipat, inanitque corpus, ratione salis suapte natura calidi, ex Dioscoride lib. 5. c. 75. Gal. 1. 1. simpl. 50. & superfluum absumit humiditatem: & viperarum vi incidit, & attenuat vehementer, quum vipera, ex qua sal theriacus paratur, abstergat, calefaciat, & potenter exiccat, ex Gal. 1. 1. simpl. 1. Quare frigidis vitiis curandis apprimè est vtilis, & à Paulo in hoc affectu summopere commendatus, lib. 1. cap. 57. & lib. 7. cap. 11. quo loco illorum compositionem exactè describit: ut. *sales theriaci.*

Sic ad absumendam pinguedinem exercitium necessarium est, idque validum, vt docet Haly 1. pract. 16. nam hoc calorem viuificat, dilatat vias, membra calefacit, liberat ab infarctu, excrementitiam resoluit humiditatem, & quod plus est, sudorem mouet, corpusque leuius facit, ex Auic. 3. 1. doct. 2. c. 1. Gal. 1. de sanit. tuend. 14. & 2. huius operis, 2. & lib. de renum dignot. c. 7. & eò magis, quum exercitium sit species euacuationis, ex Galen. 4. aph. 2. & 2. aph. 17. explicat Fernelius l. 2. de ven. sect. c. 20. eo enim vires fiunt robustiores, & calor noster firmior euadit, ex Celso in præfat. cuius loco, cursu veloci possunt ægrotantes vri; quare cum ad absumendam pinguedinem

Lib. V 1.

Frictiones præparant corpus, attenuant crassos humores, & in halitum digerunt, quum habeant locum exercitij, ex Gal. lib. de puero epileptico, cap. 4. Immo si solæ fiant, aliarum motionum vicem suppleant: frictio enim multa, aspera corporis molem deprimat, vt lib. 1. cap. 18. Paulus edocuit. Inunctio per totum corporis ambitum celebrata, cui aliquod digerens medicamen sit admixtum, in hunc vsu est vtilissima.

B Balnea naturalia, ferri, nitri, sulphuris, maximas fortiuntur vires, nam hæc potenter exiccant, vt docuit Galenus 7. sec. loc. c. 5. de quorum facultate pro hoc curando affectu, plura lege apud Marthæum consil. 109. Si desint, artificialia sunt paranda, quæ similia possunt fieri naturalibus, ex Gal. 3. alim. 15. quorum materiam proposuit Ioan. Baptist. Theodosius epist. vlt. & descripsit etiam eruditissimus Fonseca lib. 1. consult. 32.

Cibus post balneum non statim exhibendus: sic enim denegata alimonia arefit corpus. Sed si hoc hoc ita est, cur Galenus 7. meth. 6. statim post balneum lac propinat? 6. Ab eiusmodi lanacro statim asinum exhibui lac. Dic, Dispar in vtroque exemplo est ratio: nam in obesis corporibus molem dissipare; in extenuatis, de quibus Galen. 7. meth. reficere, & corporis habitum crassefacere conamur. In hunc vsu somnum post balneum commendat, quoniam exiccat: calor enim ad interiores sedes redactus, & alimentum digerendum non inueniens, carnem colliquat & absumit, & sic rarefaciendo, corpus attenuat.

C Demum concludit, quod si ex medicamentis calidis tam intrus assumptis, quam extra apposis febris exciretur, ea ad extenuandum corpus erit vtilissima; nam caloris proprium est humidum resolvere: quod si sit extraneus, potentiùs id efficit. Vtrum autem febris pro hoc, & aliis curandis frigidis affectibus, sit à Medico excitanda, disciprauimus lib. 1. in com. hist. 34. Si autem pro extenuando corpore crasso selecta præsidia legere cupis, ea proponunt eleganter Fallopius tract. de decorat. cap. 5. Trincauellius lib. 1. consil. 19.

## HISTORIA VIII. GALENI, De manna.

### Mannæ, seu mellis aerei historia elegans.

M Emini aliquando cùm æstate super arborum, ac fruticum, herbarumque folia mel quàm plurimum fuisset repertum, agricolas velut ludentes cecinisse, Iuppiter mellepluit. Præcesserat autem nox, ut per æstatem, bene frigida pridieque calida & sicca fuerat aeris temperies. Peritis quidem nature interpretibus videbatur, halitus è terra, & aquis à solis calore sublatis, & deinde exactè tenuatos, ac coctos, à frigore secutæ noctis concretos coaluisse. Apud nos verò rarè id accidit, in monte autem Libano quotannis persape. Itaque coria super terram extendentes, & arbores excutientes, quod ab eis desinit, excipiunt, & ollas ac fistilia melle implent, vocantque id drosomeli, & æromeli, id est, mel roscidum, & æreum, &c. Galenus lib. 3. de alimentor. facult. cap. 39.

### PARAPHRASIS.

M Anna apud Græcos minutum thus significat, vt restatur Dioscorides lib. 1. cap. 17. & Galenus edocuit lib. 13. meth. cap. 5. qui mannâ, purgamentum esse thuris leui adstrictione prædictum asseuerat: de quo argumento lege Fuchsum 1. paradox. 6. Quare meritò Manardus lib. 1. epist. 4. eos coarguit, qui antiquiores Medicos ante Galeni tempus, de nostra manna purgatrice loquutos fuisse sibi persuadent.

Fallitur etiam Hermolaus Barbarus, meritò reprehensus à Musa in examine simplicium, & Mathiolo lib. 1. c. 29. qui

Dioscoridis Elzomeli, idem esse quod nostrum æromeli, A id est, mel æreum existimat, cum ex ipso Dioscoride constet, *cap. de Eleomelue*, & Plinio *lib. 15. cap. 7. & lib. 3. cap. 4.* Elzomeli, oleum esse ex caudice cuiusdam arboris in Syria nascentis emanans, molle crassius, & sapore dulcius.

Galenum ergo mannam cognouisse, & nomine mellis ærei, seu rosæidi appellasse, ex hac historia constat aperte, in qua generationis modum exactè describit. Quare Auerrhoës *lib. 5. colliger*, fortè quoniam non habuit Galeni codicem rectè correctum, accusandus est, quod dixerit mannam esse medicamentum, quod post Galeni tempora à Medicis cognitum est.

Manna, Hebræis Man, (Græcis dicitur Manna) nomen est Hebræicum, & Syriacum, quod apud Latinos, & Græcos significat rorem melleum maturinum, ut notat Cælius *lib. 13. cap. 56.* Man, idem est quod donum immissum gratiosè, sine vinculo aliquo obligationis, quo teneatur ille qui elargitur. Quare Man Hebræis idem est quod cibus, similæ, seu pollini farinæ cum melle permixtæ non dissimilis, *Exodi 16.* quare huius rei nouitate commoti Hebræi, accurrerunt ad Moysen sapientissimum & in naturæ arcanis diligenter instructum, ut quid de eo alimento sentiret, illis pronuntiaret, qui concinnè illis præbuit responsum dicens panem esse concessum hominibus, qui etsi valde dubij, utpote cibi nouitate, tempore, specie, & natura nunquam antea à patribus suis cogniti valde perterriti, Moysi explicatione contenti permanserunt.

De generatione manna varij varia protulere: vnum solum constat, Aristotelem naturæ arcanorum sagacissimum speculatorem, in duo capita reduxisse, *lib. 1. meteor. cap. 7.* omnia quæ ex hoc globo inferiori, Solis actione, in superiorem regionem exhalant, quæ sub nomine exhalationis, & vaporis comprehenduntur. Hoc verò modo ex visceribus terræ per illius poros, anfractus, & cauernas subeunt, in superioremque volant vniuersi partem, ærisque supremum, infimum, & medium; quæ plus minùsve, huius vel illius naturam referunt, prout plus accessit aquæ, & terræ, ærisque commixti, ut mixta illa, imperfecta generentur, atque consistant, quæ si plus aquæ contineant, vapores sunt; si plus terræ, exhalationes: est enim vapor aqua rarefacta; hæ verò calidæ, & siccæ, humiditate aquea immunes.

Exhalationes, vaporisque humidi, cum mixta sint, ut & illa ex quibus sunt elementa suborta, qualitates mixtorum participant, sapores, substantiæ modos, accidentia, & virtutes, ut modò vapores salii consendant, modò frigidi, humidi, tennes, acidi, dulces, viscosi, glutinosi, aliis atque aliis saporibus, & accidentibus variis præditi. Exhalationes verò calidæ, oleosæ, tennes, acres, dulces, siccæ, ob remissam salsedinem, oleoso æris temperamento, quo dulcedo exoritur, non secus ac pinguis salii permixta, quæ hunc sorem reddunt, si parum salii multæ pinguedini misceatur. Hæc ergo exhalatio ex terra spirans, triplicis mixti materia est, & subiectum, si recoquatur amplius, perficiaturque locis à natura destinatis. Ex hac fit saccharum, mel, & alij sapores dulces, quando arundines saccharifera eam attrahunt in alimentum, sugunt, alterant, commutant, perficiunt, & coquunt. Deinde hæc exhalatio, quum terram transcendit calida, & supremam aut mediam æris petit regionem, frigore noctis, Solis absentia, noctis decursu, tempore æstiuo, rotis in naturam conuersa, decidit concreta, pondere grauis, in eas ex quibus elata est partes, nocte serena, & quieta, ne ventorum attritu rareseat, misceaturque ventis, & abeat.

Ros verò dum ex tenui exhalatione ortum ducit, melli generando est aptus; dum ex crassiori, densiorque exhalatione, in ea proportionem quam expetit manna natura, manna generatur, & exoritur. Neque enim continuò, idem exhalationis genus ascendit, nec idem descendit mixtum dulce ex aère, sed diuersum pro diuersa agentis, & passî natura: nam vere, & autumno aptior est generando melli tum solis virtus, & potentia; æstate verò generando manna, quod coctam magis, & melius

permixtam, crassiorémque hoc mixtum expetat vim: non enim vapor frigidus, aqueus, insipidus materia est, subiectumque generando manna, sed est exhalatio crassa, terrea, ærea, temperata, parum calida, pinguis, dulcis, à qua miscella saporem dulce per coctionem fieri, docuere Arist. *lib. de sensu, & sensib. c. 3. & c. 1. meteor.* & Theophrastus *lib. de saporib. cap. 5.* quæ exhalatio dum substantiæ est æreæ, dulcem sorem reddit.

Exhalatio illa dulcis, & pinguis, quæ in rorem melleum, & dulce abit, varias habet partes ut rores diuersi ex eadem generentur, decidantque continuò, quæ pro diuersa agentis, & passî dispositione, in varios rores melleos permutantur; ita ut multoties manna decidat, cum rore aliquo aqueo, ex vaporibus genito; multoties sine illo. Quare fit ut aliquando decidat ros liquidus, modò dissectus in guttulas, modò concretus instar gummi, ut in puluerem redigi queat, sacchari instar.

Deinde sicut in diuersis partibus, ex varia dispositione coelesti lapides, metalla & alia mixta generantur; sic in diuersis partibus pro varia actione cœli, astrorum, climatum, frequentissimus est hic ros melleus, sicut terræ Palestinæ, & Syriæ, in Libano: terra enim illa salutiferis abundat plantis, & multiplici herbarum genere vndique est referta, quæ hac dulci exhalatione enutrita, dulcia generat alimenta, ex quibus omnibus dulcis eleuatur exhalatio, ex qua manna originem ducit.

Insuper non tota exhalatio in altum euolat, sed non exigua à plantis, & radicibus attrahitur, & paulatim ab ipsis fugitur in plantarum substantiam, & ibi alterata, & cocta, dulcior amplius, melleaque euadit, & quantitate exuperans, resudat per poros & meatus, hic mollis & melleus totius arboris liquor, & perramos, folia, & surculos, dulcissimum hoc manna in maxima copia erumpit, liquidum ob oleosam magis naturam, æreamque quàm ille liquor, qui postea solis actionem perpeffus, in concretum, & durum manna euadit. Hoc modo in fraxinis arboribus, ornis, quercubus annosis in Calabria, & ficibus exoritur, & aliis bene satis, & feliciter enutritis arboribus, quæ ob robustiorem calorem, fortiter & auidè hanc hauriunt exhalationem; perficiunt, & coquunt, ut non minùs doctè, quàm latè probat Altimarus *tract. prop. de differentiis & viribus manna*, qui mannam non esse solum rorem è cœlo cadentem, ut Arabes, & cum illis Medici opinantur, sed esse succum, humorem, seu lachrymam arborum, allatis plurimis auctorum testimoniis contendit. Hoc experimento patet manifesto: Nam si apud Brigantinos in Transalpina Gallia, aut in Neapolitano regno, has arbores, earumque ramos, & truncos cultro incidas, succus aliarum lacrymarum more distillabit. Denique sicut thuris manna ex thuriferis arboribus, non secus ac mastiche & mastichicis, & myrrha ex myrrhatis, per poros arborum, à quibus progignitur, resudat; sic in Libano, & his regionibus præcipuè, coalescit manna gummi modo.

Duæ manna species apud Arabes, & præsertim Aui-cennam inueniuntur *lib. 2. cap. 493. & 494.* quo loco alterum de manna, aliud de tereniabin scripsit, vbi hæc numerauit Tereniabin siracost, & mel de Cusuram. Nam Tereniabin idem est Arabicè, quod ros melleus: mel verò de Cusuram, & Siracost, regiones sunt, è quibus hæc duo manna genera adportantur: Sir enim idem est quod sur Arabicè; sur verò desertum est Arabiæ, à quo hic ros melleus copiosè adachitur. Cost verò mare, ut siracost idem sit quod medicina ex sur transmare adportata. Cusuram ex Cursaire; nomine Arabico mare rubrum notans: cur enim Arabicè est mare, suram rubrum; quasi ex regione illa adportatum.

Hic ergo melleus ros à cœlo in plantas, & terram descendens, vlex arboribus distillans, & resudans, varios sortitur usus, & virtutes miras, si Mesuæ, Serapioni, Auerrhoës, & aliis Mauritanæ familiæ proceribus fidem adhibemus, nec non Mathiolo, Brasauolo, Ruellio, & cæteris Iunioribus doctis, qui de Manna viribus scripserunt apprimè. Cum enim ex Mesuæ, & Serapionis auctoritate, in actiuis primo

primo o idine medicamen calidum sit, & in passiuus temperatum, in omni temperamento exhiberi potest: corpus enim impurum ab excrementis purificat vniuersum, præcipuè à bile, quæ animi, mentisque motus obscura magis, detergit pectus, lenit, & viscidos ex thorace humores, vnaque renues, citra capitis, aut spiritalium partium noxam expellit, viscera firmat, roborat ventriculum, sanguinem puriorem reddit, exhilarat cor, auget spiritus, sitim sedat, appetitum excitat, demum nulla est corporis pars, quæ ex eius usu, mirabile leuamen, vtilitatemque maximam non suscipiat.

Turò ergo hoc medicamentum exhiberi potest iis, qui certa ratione validius medicamentum aspernantur, pueris, & foeminis vterum gestantibus, quum & commoditas vocat, & necessitas urget: deinde quum febricitantis malacia reliquorum medicaminum vsus fastidit, vt Aëtius lib. de compos. medic. tit. de myrobalanis, conscripsit, & experimentum frequentissimum confirmat. Neque à medicamentorum purgantium albo est separandum, quoniam Plinius, Dioscorides, Galenus, de eius purgante facultate quicquam non meminerunt; nam plura Arabes inuenerunt, quorum vires Græci planè ignorarunt. Consule Bernardum Deffenium lib. 4. de compos. med. in Scholio confect. hamec, verbo Tereniabin.

Postquam de manna expurgatrice sumus loquuti, de eo manna, quod Filiis Israël diuinitus concessum est tantisper, Laconicè tamen differamus. Populus ergo ille amantissimus Deo, quem summo amore prosequabatur summus rerum omnium constructor, & Architectus, quod in iis imago, suæque ipsius similitudo elucesceret aliis magis, suumque conditorem multo plus reliquis, aliis omnibus nationibus veritate, & iustitia prædicarent, & sanctissimum illius nomen vehementius, & summa obseruantia venerarentur, postquam dura seruitute, & captiuitate molesta apud Ægyptios, quadringentis triginta annis expletis fuere oppressi, ob peccata commissa; deinde liberati per Moysen, & Aaron, iussu Domini in deserto Sinai, deficiente alimento, de prouidentia Dei diffidere cœperunt, & malignitate quadam murmurantes, sanctos Dei Prophetas lacessere, & increpare non cessarunt. Cur adduxistis nos de terra Ægypti? Vinam mortui essemus per manum Domini ibidem, quando sedebamus super ollas carniū, & comedebamus panem in saturitate! Cur adduxistis nos in desertum istud, vt occideritis omnem multitudinem fame?

Quare omnipotens Deus hæc lamenta, & querelas exaudiens, eorum miserrus, dedit illis cibum, quem ignorabant patres eorum, & fuit manna, vt ostenderet quod non in solo pane viuunt homo, sed in omni verbo quod egreditur ab ore Domini. Sed in explicanda natura mannæ cœlitus delapsi, ardua sunt dubia, ambigua, & à paucissimis medicorum explanata, quæ de illius generatione, & virtute in sacra pagina recensentur, quorum enucleationem iam aggredior.

Et primò sic. Si manna Hebræis cœlitus demissum erat album. Exodi 16. similèque pruinæ. cur eodem loco, & Numer. 11. cum semine coriandi confertur, quod fului, flauī, aurèique coloris esse censetur, vt docet Dioscorides lib. 3. cap. 69. cum Plinio lib. 20. cap. 20. Rursus si pruina squamarum more protensarum in terram decidit, non rotunda, orbiculariue, cur cum semine coriandri comparatur, quod rotundum est? Deinde cur eo loco manna, coloris bdellij fuisse narratur, si album erat, bdellium verò coloris sit glutinis tauri, flauī, & rufi coloris vt firmat Dioscorides lib. 1. cap. 80.

Secundò. Si Man saporis est, & gustus, quasi similis cum melle permixta, Exodi 16. hoc est saporis pultricula mellæ permixta; quæ ex purissima farina fieri solet, cur Numer. 11. narratur, Man esse saporis oleati, hoc est, placenta ex farina, & oleo parata: quæ quantum inter se diffideant, satis patere arbitror.

Tertiò. Si Man, Sapientia cap. 16. non vnius, aut alterius saporis fuisse dicitur, sed ad gustum vniuscuiusque, & oblectamentum se accommodabat, & omnem saporem cagnium, piscium, cucumerum, peponum, cæparum,

Lib. VI.

A alliorum, porrorum in se continebat, insipidum, vt fuerit necesse est, & ita nec gustum similis, cum melle, aut oleati panis repræsentare poterat.

Quartò. Si Sole liquecebat, & summo manè, vt legitur Exodi 16. colligebatur ante solis æstum, ne in halitus euanesceret, quomodo frangebatur, friabilèque esse potuit, vt in puluerem redigeretur, & mola, more tritici, teri, & in farinam ex qua panis, conuerteret posset, vt constat ex loco Numer. cap. 16. Quæ enim liquecunt sole, & calore remissiori, qualis existit manè summo, nimis sunt humida, quum calore debili soluantur; hæc verò cum non exiccantur, præcipuè à debili agente, non abeunt in puluerem. Hoc modo cera, mel, & alia oleosa & pinguis, quæ sole soluantur, in puluerem postea redigi nequeunt. Manna ergo quum sole incalcescente euanesceret totum, puluerizari qualiter posset, dictu difficile est; nostrum enim manna, siue ex Libano aduectum, siue ex Calabria, nulla ratione, et si conteratur millies, in puluerem redigi potest.

Vltimò. An manna illud simile aliquid habuerit cum nostro, quo modò vtimur, dubium est. Nec mins difficultatis habet, cur manna illud patribus, & populo Hebræorum fuerit incognitum, quum in Libano Syriæ frequentissimum sit à mundi initio, & ex eo loco ad portetur continuò, & in omnes mundi oras conueharur, & Libanus parum distet à deserto Sinai, vbi primò manna Hebræis est concessum.

Hæc etsi intricata; & perplexa satis, commodam habent explanationem. Dic ad primum. Manna cœlitus delapsum, citra hoc quod inferioris naturæ opere egebat, ad formam coriandri repræsentabatur, præcipuè quod huius virentis semina principio, nimirum dum virescit, & germinat, albissima sunt, & candida, perfectissimæ figuræ sphericæ, tersæ, & politæ, quo sensu potuit manna his assimilari. Non secus bdellium inuenitur purissimum, lucidum, perspicuum natura, diaphanum. Deinde nihil vetat diuersas fuisse mannæ partes, in figura, colore, & conditione, secundum varias eius formas, pro materiæ ratione differentes, quantum naturæ ordo potuit conseruari, & cum supernaturali ordine consentire. Diutius verò conseruabatur, quod erat rotundum, forma coriandri, succius, duriusculum, coctum, & magis solidum.

Ad secundum dic. Generosum illud alimentum simul cum melleo rore descendens, saporis erat similis cum melle: tritum verò & contusum, coctum & igne præparatum, panis oleati gustum reddebat, tenuiori parte; aërea, & magis dulci, igne exoluta, relicta crassiori substantia cum oleosa, & viscida; hos enim sapores se generari docuere Arist. lib. 4. de sens. & sensil. c. 4. Theophrast. lib. de sap. & Gal. lib. 4. simpl. 7. 15. & 20. & alibi sæpe.

Ad tertium dic. Quod hoc alimentum cœleste, supra limites, excessumve naturæ fuit concessum; nam in sapore, & gustu, & omnes gustus, & oblectamentum, voluptatemque rerum omnium explebat prout ipse rerum auctor moderabatur peculiare actiones, excedens actus, & opera naturæ, cohibensque illam proprios exercere gustus, quando opus erat miraculo supra omnem naturam, & super ordinariam legem.

Ad quartum dic. Plurima sunt in natura, quæ moderato calore, tepido & facili soluantur & liquecunt, fori verò & vrente, humidis partibus exolutis siccantur, induranturque, quæ in parua copia continebantur in tali genere mixtorum, quo solum supersunt sicca, & consistentes portiones, indurata & arefacta, vt in resina, & omni gummi genere conspicitur. Deinde variae partes mannæ occurrebant, quædam vt pistillo rusæ, instar pruinæ, quæ facile exolvebantur, & euanescebant in halitus, si summo manè ante Solis exortum non colligebantur; alia coriandri forma consistentes, & duræ, quæ etiam si ad auroram non legebantur, facile euolabant, aliter atque eorum ferebat natura, & quæ postea delectæ semel, diligenter teri, & frangi poterant mola, vt ex eorum polline igne emollito in vasis fictilibus, in massam redacta communem, & vnam, panes efformarentur, quos ex variis rebus, seminibus, frugibus, radicibus,

LLL 2

&c

& aliis parati docet Plinius lib. 18. cap. 11. & experientia A  
satis confirmat qui sub nomine panis tritici comprehen-  
duntur.

Ad ultimum dic. Patribus Hebræorum, & omni sæculo  
ignotum manna, est longè diuersum à manna, quod  
in Calabria, & aliis regionibus descendit, & roscidum  
appellatur, mellisumque, ac saccharum gustum præbet;  
nam fuit altioris conditionis, & naturæ, aliisque virtuti-  
bus, & dotibus præditum, vt probat Ioustonus in sua  
*Taumatographia*, tract. 3. de meteoris, art. 2. cap. 10. Quod  
verò manna Hebræorum diuersa sit naturæ à nostro, quo  
vrimur manna, & sit res miraculosa, & nonnaturalis,  
ostenditur primò, nam nostrum his in anno descendit,  
Vergiliarum exortu, vel sidere Sirio splendente, & à cælo  
cadens, opaco terræ halitū concrefcens in mellitos gru-  
mos coit. At verò Hebræorum manna singulis mensibus, B  
& diebus descendebat. Secundò. Nostrum si exponatur  
Soli, non liquefcit: contrà illud tantillo tempore relictum  
liquabatur. Tertiò. Hebræorum manna si ad noctem relin-  
quebatur, vermes generabat: nostrum diutissimè incorrup-  
tum persistit. Quartò. Illud ita erat solidum, vt teri posset:  
nostrum trititum non patitur. Quintò. Illud quadraginta  
annis numerosissimum populum nutruerat: nostrum pau-  
rum alit, nec eo solo vita conseruari potest. Sextò. He-  
bræorum manna die Veneris in dupla quantitate descen-  
debat, & Sabbathi die, nullum cadebat: nostrum omni-  
bus diebus descendit. Sèprimò. Illud in omnibus locis  
vbi filij Israël iter faciebant, descendebat: nostrum in  
certis locis. Octauò. Illud nutrebat: nostrum expurgat.  
Nonò. illud fuit incognitum patribus: nostrum à mundi  
initio cognoscitur. Denique si operantibus causis natu-  
ralibus, Hebræorum manna è cælo esset delapsum, cur  
summus rerum conditor voluit, vt hoc miraculum esset  
summè obseruatum in æternum, & lege quadam sancita  
imperauit, vt illud reseruaretur in arca fœderis, cum  
decem tabulis præceptorum legis, & virga Aaronis, vt  
recordarentur panis, quem quadraginta annis. Angelorum  
industria, ipse à cælo immisit. Ergo si manna illud esset  
naturaliter creatum, miraculum tam euident non erat,  
neque tanti à filiis Israël obseruandum. His argumentis  
Rabbinorum peritissimi confirmant, manna Hebræo-  
rum longè esse diuersum à nostro manna: de quorum  
numero sunt Ilacus Abrabanelius, Abrahamus Aben  
Elra, Ishac Arama in com. loc. suprà cit. Scriptura sacra,  
quicquid Vallesius lib. de sacr. Philosoph. cap. 57. contrà sen-  
tiat, & Picus Mirandulæ Comes hoc eleganti carmine.

-----Nubes

Sed placidum rorem verno liquefacta tepore.  
Gignit, si pulsus nebulis, mox ipsa refulsit,  
Hæc etiam semen coriandri imitata rotundum,  
Cogitur, & ramus frondose stirpis adhaeret,  
Flauam corporibus bilem eductura. Sed olim  
Dum Iudæa cohors sitientibus exul arenis  
Degere, in pastum cecidit diuinitus, inde  
Attoriti parues, Manhu dixere vetusti.

De quo argumento pulchra conscripsit accuratissimus  
nostri æui scriptor Claudius Salmasius in com. cap. 52.  
Solini polyhist.

## HISTORIA IX. GALENI, E De mortis certitudine.

### Vita in æternum propagari non potest.

N Am si intelligunt quo nunc dictum est modo, verum  
sanè est senectutem secundum naturam esse, ac inuita-  
bilem, siquidem necessariò ad naturæ opera consequitur. Quã-  
quam nostro hoc sæculo Philosophus quidam librum conscripsit  
in quo, quoniam quis modo possit senij experts permanere, osten-  
dit. Edidit porrò hunc librum, cum annum adhuc quadragesi-  
mum ageret, ætate verò usque ad octogesimum annum peruenit,  
atque gracilis adeò, siccusque enaserat, vt præclare illud Hip-  
pocratis dictum in prognosticis, in eum quadrare posset, Nares

acutæ, collapsa tempora, oculi concavi, frigida, contractæque  
aures, & imis partibus leniter versa, cutis circa frontem dura,  
intenta, ac arida. Cum igitur aspectu talis iam redditus irri-  
deretur, quãdo alios conabatur docere, vt quis senij experts per-  
manere posset: posteriorem de admirabili infenscencia edi-  
tionem irradidit, ostendens non quemlibet senij experiri per-  
manere posse, sed ad hoc natura opus esse accommoda, præci-  
puè si prima educatio proba iecerit fundamenta. Pollice-  
baturque se infantium, qui ad hoc idonei essent, corpora red-  
diturum immortalia, vbi ipse eorum cura statim ab initio præfi-  
ceretur; minimèque eius reprehendi poterat pollicitatio quum  
illi prius moriendum esset, quàm quos suscepisset pueros, viri  
euassissent. Summam igitur eius stultitiam ceteri omnes con-  
tempserunt, & c. Galenus lib. de Marcore, cap. 2.

### PARAPHRASIS.

P Artes solidas exiccitas verè humectari non posse, hu-  
midumque primigenium exhaustum, tale, qualem  
solutum est, restitui non posse, satis superque ex Philoso-  
phorum, & Medicorum mente probauimus lib. 4. in  
com. hist. 45. quo loco senium, & morrem euitari, & hoc  
modo vitam in æternum propagari non posse statuimus;  
quod enim habet ortum, habet etiam interitum. Deinde  
cum omnis potentia humana sit potentia finita, eam pe-  
ire aliquando est necesse. Quare mors, corruptio est,  
extinctio, aut marcor innati caloris; hæc in plantis aridi-  
tas dici solet: hoc modo Arist. lib. de vita & morte cap. 3. &  
lib. de respirat. cap. 10. senium marcescenti stirpi compara-  
uit: nam stirpes dum nouæ sunt, molles, humidæque cer-  
nuntur; senescentes siccescunt: ita senium via est ad in-  
teritum, imò tabes quædam: at mors, omnimoda natu-  
ræ prostratio est dicenda, ex Gal. 3. de crisib. cap. 5. calore  
enim extincto corpus omni functione priuatur; vita enim  
nihil est aliud, quàm facultatum vires, vt disertè fateatur  
Galenus lib. 9. meth. cap. 10.

In hunc modum ætatis decursu animalia senescunt,  
gracilia, rugosæque fiunt, quia siccantur. Huius siccita-  
tis, præter perpetuum totius substantiæ fluorem ab insi-  
to animalium calore factum, qui indefinenter humidum  
sibi subiectum absumit, & excrementum prouentum,  
quæ quotidie ex poru, ac cibo genita, copia sua innat-  
um calorem suffocant, aer potissima causa externa exi-  
stet, qui multipliciter nos alterat, calore, frigiditate, sic-  
citate, humiditateque corpora nostra afficiens, & sic plu-  
rimum immutans, vt doctissimè explicuit Matthias Fla-  
cius lib. 1. de vita & morte.

Hæc mors, quæ senij ratione, corpore iam marcescen-  
te, & arido aduenit, naturalis dici potest, quia consequi-  
tur ad opera naturæ, quæ quidem ob caloris marcorem  
temporis decursu aduenit, siccitate nimia, ætatis pro-  
gressu in tantum aucta, vt cum ea sustinere vita ne-  
queat, exiccatis præ vetustate pulmonibus, vt refrige-  
rando cordi sufficere nequeant. Quære vberiore huius  
historiæ explicationem, infra, in hoc libro, in com.  
hist. 17.

De morte, eius necessitate, ac causis, plura hic con-  
sultò prætermittò, legenda apud Valleriol. lib. 3. loc. com.  
cap. ult. Num autem temperatum corpus, quia causis mor-  
bificis vehementius resistit, & cæteris perfectiores ope-  
rationes habet, sit viuacius, & longæuius calido & hu-  
mido, firmant Conciliator diff. 21. in verbo, propter ierium,  
& Lupeus lib. 1. enchirid. cap. 3. fol. 23. Sed ego negantem  
partem sequor, cum doctissimo Thom. à Veiga in  
com. cap. 55. art. med. Gal. subscribunt Vallesius  
1. cont. 11. Mercatus tom. 1. lib. 1. part. 1. —

claf. 4. q. 5. in. 6. ex quorum doctrina  
Conciliatoris rationes facil-  
limè solui possunt.



HISTORIA X. GALENI,  
De ira.

## Hominis irati correctio.

**E**go autem cum adhuc puer hac audissem, & quodam tempore hominem vidissem, cui nimia festinatione conanti aperire ostium, res ex sententia non successerat, & ob eam rem iratus clauem mordebat, calcibusque fores percutiebat, atque in deos conuersa iactabat, oculis instar eorum efferatis, qui in furias enaserunt, ac propemodum ex ore spumam emittebat, ut apri solent, tum eiusmodi odium aduersus iracundiam concepi, ut nunquam postea quisquam me ob talem affectum tristorem videris. Sicuti & alius Roma redunti mihi factus est itineris comes amicus quidam, pairia Gortinensis ex Creta, vir ceteris quidem rebus non contemnendus, quippe qui & simplex moribus, & in amicitiam propensus, & frugi, & in iis qua ad quotidianos sumptus pertinent, liberalis esset, sed usque adeo iracundus, ut suis ipsius manibus aduersus suos viceretur, interdiuque etiam cruribus, loro, autem, ac ligno, quodcunque irascenti occurrisset, multo libentius. Cum ergo iam essemus Corinthi, omnia que secum veherat suppellectilia, una cum ipsis seruis, navi tradidit, vehenda à Cenchreis Athenas usque. Ipse mercede conducto vehiculo, terrestre iter megaris facere instituit. Itaque cum iam Eleusinem praterissemus, ac Thriasium attingeremus, seruos, quos secum habebat, interrogauit de quadam suppellectile; at illi casu, quid responderent, non habuerunt. Furor ergo percitus, ubi nihil aliud habuit, quo adolescentulos percuteret, gladium magnū qui intra vaginam conditus erat, una cum ipsa vagina arreptum in caput infligit: vagina illico dissecta est, atque ingens vulnus in capite viri usque effectum est duplex; bis enim utrumque percussit. Vbi verò plurimum sanguinis de vulneribus exire, animaduertit, nobis eo in loco relictis, ipse Athenas illico pedibus iter ingressus est, ne ipso adhuc presente, aliquis seruorum interires. Nos tamen postea seruatos illos Athenas perduximus. Amicus autem ille Cretensis, quum ipsum facti pœnitisset, me manu arreptam Megara introduxit in domum quandam: deinde lorum porrigens, ubi seipsum exiit, iubet verberare pro iis, quæ furore nefario coactus patrauerat. Cum autem ego, ut par est, in risum prorumperem, ille ad genua procumbens instabat, obsecrabatque ne aliter facerem. Hic porro haud obscurum est, me tanto maiori risu commotum fuisse, quanto illum diutius in eo perseuerantem viderim, ut caderetur. Ceterum postquam satis diu in hoc ipso perstitimus, recepi me illi facturum quod petebat, hoc est, verbera illaturum, si ipse quoque valde exiguum quiddam, quod ego peterem, mihi vicissim præstaret, qui ubi recepit, tum ego rogavi hominem, ut mihi sermonem quendam recensenti aures accommodaret: hocque esse illud ipsum, quod ego peterem. Quod ille cum se facturū recepisset, longiori sermone illū docui, quemadmodum id, quod in nobis est iracundia, ac furoris, coercere, erudireque oporteat, ratione videlicet. Quodenim non verberibus, sed alio quodammodo sit corrigendum, illi latius exposui. At ille cum ad seipsū redisset, sibi que prouidisset, longè posthac seipso melior effectus est, & c. Galenus lib. de cognoscendis & curandis animi morbis, cap. 4.

## PARAPHRASIS.

**D**e ira, eiusque causis plura diximus lib. 2. in com. hist. 13. quo loco eam esse breuem furorem determinauimus: nam in ea spiritus irrequieto motu agitati commouentur, humores ebulliunt, partes ignescunt; ex quo feruore ad cor, superasque partes eleuantur vapores, qui rationis sedem multis modis immutant, & à naturali statu auertunt ut probat Galenus lib. 4. de placit. c. 1. & in art. med. cap. 85. in ea enim facies inflatur, totum incalefacit corpus, & cor cum arteriis vehementer palpitat, & salit, ex Galen. 3. de placit. Hipp. & Platon. cap. 1. Insuper obliuionem inducit, abortum mouet, calorem innatum absumit, halitum fuliginosum auget, morbos parit.

**A** Dum hæc contemplaretur Galenus, nullum iræ relinquendum esse vestigium suadebat, ut firmar Plutarchus lib. 8. quest. c. 7. immo eam non verberibus, (ut homo hic iratus à Galeno postulabat) sed ratione exterminandum hoc periculosum animi pathema, à morbo non dissimile, arbitrabatur: cum enim animi morbus sit iracundia, fugiendus non minus quam corporis morbus; ille enim functiones lædit, hic mentem impedit. Vnde Euripides:

*Nemo iratus quicquam rectè deliberat.*

Immo deformitatem inducit: oculi enim iracundi rubent, impetuosè mouentur, facies inflatur, labia contorquentur, sic ut in homine in exandescencia posito nihil turpius conspici possit.

**B** Iram morbum coercere difficillimum est, ut Philemon dicebat: Nam se tenere in ira magni est laboris: & ut Menander inquit: O quàm cohibendi magnus est iram labor! Huic tamen summo est auxilio amici admonitio, qua nullum præstantius esse antidotum retulit Plutarchus in libro de non irascendo, dum sic ait: Ut aqua tepida inflammationes, sic ratio humanitatis plena iram extinguit.

Ira ergo repugnare laboriosum est, hoc firmabis ex sententia Sotionis apud Stobæum serm. 99. qui sic fatuit. Ut naues egregie sunt, non qua sereno cælo nauigant, sed qua tempestati resistunt: sic homines ira, & motui resistentes, magni sunt, & fortes. Cui si resistere nequeat iratus, speculum dum exandescit, properè inspiciat, summamque sui vulnus dissimilitudinē contemplatus, viri eum pœnitebit statim. Plura remedia lege apud Plutarch. loc. cit. Rhodiginum lib. 20. antiq. lect. c. 20. & 21. Senec. lib. de ira. Quæ omnia & alia pulcherrima, ex Philosophorum sententiis colligit Vvrius proprio tract. de ira morbo, & explicuit eleganter Aloysius Luifinus lib. 1. de compescendis animi affectibus per mendandi artem, serò per totum.

HISTORIA XI. GALENI,  
De agrorum versutia erga Medicos.Medicamenti clam assumpti  
præcognitio.

**D**Uit quidam homo diues, qui gaudebat medicamentis, eaque, assidue sumebat: & eo erat ingenio, ut libenter argueret familiares nullius certa scientia. Huius cum offendissem in magnitudinem pulsum increuisse, ab aliis que omnibus causis (tale pulsus incrementum facientibus) distinxissem, ac una mihi remaneret distinctio, verum à calfaciente medicamento, an accessionis febrilis ratione id accidisset. (circa tempus enim erat febrilis accessionis) inssi, ut linguam mihi ostenderet: quam cum à medicamento conspexissem infectam, iterum attingi eius pulsum, nihil suspicans etiam. Interea occurrat, me, quum ipse voluisset potare medicamentum pridie, interdixisse: dixique propterea statim homini, eū bibisse medicamentum. Quod ille cum animaduertisset, à lingua calore me coniecturam fecisse, alias iterum pilulas paruas medicamenti fecit, quas deuorauit, ne lingua tingeretur. Quod quoque eius commentum mox deprehendit, nam cum linguam inspexissem, atque tetigissem iterum pulsum, ac reliqua omnia, quæ ad pulsum in magnitudinem incrementum cognoscendum pertinent, discussissem, suspicionem ad medicamentum conuertit, retraxique manum, ac iterum paulò post. inieci pulsui, (non erat enim hominis peruersitatem) iraque deprehendi factum: nec dubitavi illi dicere. At tu quidem medicamentum mihi sumpsisse videris. Ille constantissime inficias ibat, simulque seruos, qui permanserant, appellabat testes. At ego eius manum tenens, & pulsum tangens, subiunxi. Ergo sustinebis conceptis verbis irare mihi, ut tibi dictabo? Ad hoc non promptè ille respondebat, ac arteriarum habebat, ut in angore, inaequalem pulsum. Profecto (inquam) tu medicamentum planè sumpsisti, caue iures, & c. Galen. lib. 1. de prælag. ex pulfib. cap. 1.

## P A R A P H R A S I S.

**E**legans est historia hæc, & utilis ad præfagium, ex pulsus in magnitudinem mutatione recte faciendâ, simulque gloriam, ex detectis insidiis ægrorum, Medico comparandam. Nam inueniri multos qui in plurimis data opera Medicos fallere conantur, res est certissima, quorum fallaciam, & peruersitatem ex multis coniectare licet: in hoc verò ex pulsus in magnitudine incremento, & ex colore linguæ à medicamento infectæ, ægrum assumpsisse medicamentum expurgans, summa cum festiuitate se deprehendisse gloriatur. Qui enim medicamentum assumpserunt, varias patiuntur in pulsu alterationes. Nam medicamentum inquam à calore natiuo ad actum reducatur, & in minimas partes secetur, ex eo eleuantur halitus per vniuersum corpus, cordique communicantur; quare aucto vsu pulsus in magnitudinem augetur. Deinde sicut in somno variè immutatur pulsus, & in principio illius fit paruus, retracto ad interiores sedes calore, postea verò cum calor foras sese exerit, pulsus fit magnus: sic quando medicamentum deuoratur, retrocedente ad viscera calore, illius concoquendi, & perficiendi causa, fit pulsus paruus; procedente verò tempore ob conatum innati caloris ad coquendum, & ebullitionem incrementum caloris, pulsus redditur magnus. Hoc ex magnitudine pulsus signum, simulque linguæ color à medicamento infectæ, & hominis consuetudo assumendi medicamenta, quibus gaudebat maximè, Galenum in suspicionem clam assumpti medicamenti deduxere. Medicus ergo, calliditatem, & astutias ægrorum callere debet, ne illis, & vulgaribus derisui esse possit, & contempui.

## HISTORIA. XII. GALENI,

## De calefaciendo corpore refrigerato.

## Extremè refrigeratus, vini potu seruatus.

**N**os itaque quandam extremè iam refrigeratum vini Libij porione seruauimus, &c. Galenus lib. 3. de simpl. medicam. facult. cap. 20.

## P A R A P H R A S I S.

**I**nter præstantissima alimenta, à summo Conditore hominibus data, nullum est tam excellens, tam præstans, tam generosum, quàm vinum, dummodò tempestiue, & cum modo assumatur: nam præterquam quod sanitatem conseruat, corpusque floridum, & in sua symmetria retinet, & citissime nutrit, etiam morbos frigidos arceret, & refrigeratum animal, ac iamiam demortuum, refocillat, si sit suauis, odorum, & clarum, ætate medium: hoc enim non inflat præcordia, imò si inflata sint subsidere facit; propter caloris mediocritatem, digestionis vias aperit; nutrimentum ob celeritatem deductionis, in corpus impellit; ad miscenda, concoquendaque ea, quæ in ventriculo & venis sunt, apprimè est idoneum, vrinas mouet, & excrementis expellendis viam faciliat; dummodò corpus arthritide non laboret: nam articulorum doloribus est nocentissimum, vt lib. 3. in com. hist. 47. latè probauimus, & firmat perdoctus Ioan. Lofelius tract. de Podagra, sect. 2. memb. 2. art. 5.

Aduersus morbos frigidos turissimum est alexipharmacum, vomitum sistit, stomachum recreat, appetentiam mouet, somnum conciliat, flatu resoluit, fortidos ructus emendat, senum valetudini summo est auxilio; fouet enim illorum membra, siccas eorum partes, & præ ariditate corrugatas emollit: quare est illis aptissimum, suauissimumque alimentum, vt latè probat Galen. lib. 3. de sanitat. 5. & 7. explicant eius mentem Mercatus tom. 1. lib. 2. de sanit. quest. 172. num. 9. Paulus Meghioratus cons. 71. de curanda frigida, & humida intemperie ventriculi. Et

**A** senes, aut imbecilles, quibus calor innatus est minimus valde, & ij qui ex diutino morbo conualescunt, penuriam caloris perentiscant, & extreme sint refrigerati, his vinum copiosè porrigendum. Nam emortuas facultates reuiuiscere facit; quoniam nutrit, concoquit, roborat, & intemperiem ex frigiditate, & humiditate contractam, citra molestiam, & securè persanat, ex Gal. 7. meth. cap. 6. vt lib. de vini natur. & artificio, in med. Gulielmus Gratarolus confirmat, & probat Hieronymus Confortus, lib. de vino mordaci eleganter.

**B** Ex his facile iudicabit quispiam, vel mediocriter in arte versatus, vinum esse remedium aduersus senectutis duritiem. Hinc factum est, vt Galenus senibus quantum ferre queant, concedat, quod aduentitium vino recalciscat frigus, vis bilis atræ redundans reprimatur, huiusque ætatis succumbat vniuersa lassitudo, vt refert Georgius Pictorius succif. lect. dialogo 9. debilem enim stomachum reficit, vires deficientes reparat, argentum frigore calefacit, languores omnes delet.

Deinde nullum præstantius remedium ad colligendas vires, corpusque refocillandum vino inuenitur; nam calor imbecillior cibo concoquendo non est satis: quare vinum citissime distribuitur, partibus nutriendis assimilatur, & nature est familiaris; multò enim maior percipitur voluptas in bibendo, quàm edendo, nam sitis longè grauius toleratur, quàm fames. Hac ratione senectutem mirum in modum sustentat, aduersus cuius duritiem vnicum est remedium, quod quidem Silenus senex, Bacchi comes, alumnus & nutritor denotat, qui & ab Ouidio, & Virgilio Eclog. 6. poculus deditus inducitur, iccicò copiosè vinum senibus extremè refrigeratis est offerendum.

**C** Valeſius negat, lib. de sacra Philosophia, in com. cap. 29. in fin. qui stultum arbitrat, senibus caloris augendi gratia, vinum, meracum præsertim, exhibere: quantò enim vinum calidius est, tantò maiori ventris, ac viscerum calore eget, vt superetur, alioqui à minori aceſcit, crudumque succum auget; quare calorem naturalem suffocat, morbos innumeros parit, ac mortem properat. Sed hic auctor intelligendus est de vinis patriis; Hispana enim sunt fortia: quæ verò non ita potentia sunt, senibus sunt aptissima, quia facile in sanguinem conuertuntur, minimaque alteratione egent, 2. Aph. 18. quo pacto vinum, senum sanguis appellandum est. Hoc ergo senes, & extremè refrigerati, bibere debent moderatè sumptum: nam, vt dicebat Plato lib. 2. de legibus, à Deo fuit hominibus datum, vt senes reiuueneſcant, & à rebus mæſtis fiant immunes. Deinde Aëtius retrab. 1. serm. 4. cap. 30. vinum senibus vtilissimum esse refert, præcipue substantia tenue, colore fuluum, aut flauum: eius enim potu omnes eius partes caleſcunt, & sanguinis serum purgatur per vrinam, vt latè, & doctè probat Vincentius Brugundus, 1. b. 1. specul. naturalis, cap. 14. tit. de vino.

**D** Quid plura? nonne senibus, & nimium deſeſſis, imò robustis militibus animum, & vires adauget, & conſtantes, audaces, fidòsque reddit? vt dicebat ille.

*At mihi ſit crater iuxta latum, atque Lyai*

*Plena, & ſint pingui dolia latuſia.*

*Mox ubi ſiccato vini cratera repletum,*

*Bella caniſtrigeris ſint mihi cum pueris.*

*Non mare turbatum timeo, non fulgura, fidum,*

*Audacem, intrepidum, me facit eſſe merum.*

Cum enim audacia, & animoſitas cordi tribuantur, dulcia vtrumque præſtant, vt vina generoſa: quare Principes prudentes, liquores parant ſuaues, militibus ante prælium dandos, vt ad bellum inflammentur, & corde confirmato valentiùs pugnent, vt doctè notat Laurentius Gryllus lib. 1. de ſapore dulci, & amaro, Cur ita? Quoniam vinum mouet ſanguinem, lætitiàm & alacritatem procurat; animum reddit robuſtiorẽ, vt tam multis exemplis probat perdoctus Iſidorus Barrerius lib. 1. de ſignificationibus plantar. fructuum, foliorum, contentorum in Scriptura ſacra, Luſitano idiomate conſcripto, tit. de vite.

Insuper vinum, vt alimentum, ſenes nutrit, eorum inualidas vires refocillat, & vt medicamentum corpora extremè

extremè refrigerata calfacit. Has vires in se vinum habere, cum sit nutrimentum, & medicamentum oratione illustrat Ioannes Liebautius in com. Aph. 56. Hip. lib. 7. Aph. 5. Vinum celeritè nutrit, facit in sanguinem vertitur, optimi succi est, solidas partes nutriendo humectat, suum exstinguit, spiritus citissimè reficit: sed suo calore, ac siccitate, suæque mira cernitate, & permeandi celeritate, plurimis corporis affectibus, potissimum frigidis, aut humidis medetur, idque non tantum purum & simplex, sed aqua mixtione perfusum, sumptum, aut admotum, &c.

Deinde senes, qui ex quolibet motu facillè enervantur, reficit & instaurat, eorumque labores leuat; regeneratis enim spiritibus, & sanguine, magnum robur illis addit, ut inquit Euripides in Bacchis.

— Mæroris ille nubila

Fugat, repletis vinea liquoribus:

Somnusque fit mali diebus singulis

Oblivione pharmachum malo aptius.

Et Tibullus:

Bacchus & agricola magno confecta labore

Pectora tristitia dissoluenda dedit.

Bacchus & afflictis requiem mortalibus affert,

Crura licet dura compede pulsa sonent.

Virum denique corpora senum emollit, nec mirum: Quoniam, ut inquit Plinius lib. 12. cap. 1. arbores vinum bibunt, earumque radices magis firmantur, & adolecunt vino irrigatæ: citius enim crescunt, frondes spargunt, ramisque ocyus extendunt, ut in Anthol. legitur.

Austro nuper huui nimium vexata procaci,

Succubui Platanus, fronde comata prius.

At superinfuso facies mihi pristina vino

Adfuit, hoc summi plus valet imbre Iouis.

Quumque propinqua suo iam robore deficit arbor,

Hauisto conspicior vinere læta mere.

Aded suauissima, & pretiosissima res est vinum, ut pars animæ nostræ esse credatur, ut poetice, quamvis non sine mysterio Petrus Paschasius fingit.

Dixerunt tignum, domus, & quo vinea constat,

Hinc tigni cunctis formula prisca fuit.

Quam pulchrè iuris verus id prudentia canit,

Cui ratio vini, non secus atque domus,

Multa domus nobis, sed profert vinea plura,

Namque domus vita est, vinea pars anima.

Et maximè si offeratur senibus, qui debiles sunt natura suapte, ut notat Hip. lib. praecept. num. 12. Vigor ætatis omnia habet gratiofa; decrepita vero ætas, vice versa. Vinum enim sanitatem, quæ ab omnibus summè expeditur, custodit, quoniam monente Ishaac lib. 3. dicitur. vinum bonum dat nutrimentum corpori, si accipitur ut oportet, & quantum natura sustinere valet: digestionem confortat stomachi, & etiam secundam, quæ est in hepate: calor eius est similis naturalis calori, citòque conueritur in naturalem, & mundissimum sanguinem; turbidum quoque sanguinem clarificat, & auditu totius corporis, maximèque, venarum aperit, & mundificat; hepatis mundificationem aperit, tenebrositatem auferit, fumositatem tristitia generatam à corde expellit, totiusque corporis membra corroborat: sed & animam ipsam facit obliuisci tristitiam, & angustiam, laborem, & dolorem; datque ei letitiam, & audaciam, ingeniumque subtilius reddit. Igitur conueniens est omnibus ætatibus, & omnibus regionibus, si autem sumatur secundum sui quantitatem, ac nature possibilitatem, calfacit corpora frigida, & infrigidat calida, sicca humectat, & humida extenuat: eius tamen calefactio & exiccatio est naturaliter; humectatio & infrigidatio, accidentaliter: quia cum sui subtilitate, & perforatione portat aquam ad membra, quæ necesse est, infrigidari, & humectari, &c. Explicat eloquenter Ioannes Philippus de Ligamine, tract. de vnoquoque cibo & potu, utili homini, & nocivo, tit. de potu vini.

Nulla enim res est corpori humano gratior, utilior, & palato iucundior, quàm vinum, nihilque in rebus naturalibus reperies, quod possit in gustu, vino comparari, ut firmat Laurentius Ruggius lib. 1. de gustu rerum. Quare vinum nobilissimum esse, re, usu, atque varietate prædixit Cardanus lib. 8. de varietat. rerum, cap. 23. indicibilem enim sympathiam habet cum corde, cuius vires mira qua-

dam celeritate reparat. Est etiam alimentum omnium optimè parabile, mortalibus omnibus maximè commune, & omnium citissimè nutrens; timoris pharmachum, senectutis refocillatio, spiritus ex puriori sanguine geniti formes, cuius calor est calori nostro maxima proprietate coniunctus: iccirco debiles efficit fortes, estque fortitudinis calcar, quum præbeat augmentum in substantia spiritibus; & velocissimè in sanguinem conuersum, naturæ humanæ mirabiliter succurrit, quum sit eius remedium & firmamentum, & languenti animo vigorem, & alacritatem addat; ob quam causam Albertus Musæus Patavinus, poeta celebris sic cecinit.

Rebus in humanis nimis o laudabile vinum,

Præcipue assuetis, visa pars maxima nostræ.

Conualecentibus autem & debilibus summum letamen affert: quoniam semicrudos concoquit humores, calorem excitat innatum, sudorem, urinamque mouet. Quæ vina sint præferenda, varij variis protulerunt inter quos non est infimus Dauid de Pomis, Medicus Hebræus eximius in suo lib. de senum affectibus præcauendus. Extant carmina in hunc modum.

Cretica vulgares extollunt vina taberna,

Et iactat Rhodium dalcia mustas solum.

Cacuba Fundanis celebrantur pocula terræ:

Mirantur calices Lesbya turba suos.

Massica Peligni venerantur vina coloni:

Commendant proprio Seria regna cados.

Fumoso precolit Campania terra Falernos,

Et sibi fecundo Resia monte placet.

Tollunt Massilios alij sua dona Lyaos:

Enebit Eugenium vinea culta merum.

Te colimus, Puccine Pater, Vendemia Bacchum

Dat tua, cælestes quam mernero Dy.

Hoc pacto Plato lib. 2. de legib. postquam pueros, & iuvenes à vini potu lege sancita interdixit, senibus id esse vtilissimum prædixit, ut reiuuenerescere videantur, & necessitæ eos obliuio capiat: Ita ex heroibus largissimè bibebat Nestor ter senex, ut refert Athen. lib. 10. dipnosoph. cap. 9. Si verò senes, & alij sint extremè refrigerati commodius est vinum, quod ex melle, vel fauis conficitur; cuius potus algidos calfacit, nec obstruit, & ita longæuos homines reddit, ut immortales fieri videantur: de cuius potus utilitate sat doctè scripsit Baptista Persona in suis noctibus solitariis, supra Odyssæam Homeri, versu 92.

Quæsitum est à Plutarcho, 1. sympos. 7. cur senes meracior potu magis gaudent? Respondet, quia refrigeratam eorum corporis habitudinem, & calefactu difficilem corrigit, & emendat. Quare vinum est illis obionum suauissimum, & medicamentum præstantissimum; eos enim reuiuiscere facit, & vitam præbet: Cum profectò vinum sit liquor omnium suauissimas, præsidium humanæ vitæ bonum, ac præstantissimum subsidium, vitalium spirituum regeneratores maximus, ac omnium corporis tum facultatum, tum functionum instauratores optimi; cor lætificet, tueaturque summopere: vnde nulli mirum esse debet, quod plantam quæ fructum fert, ex quo vinum exprimitur, vitam, quasi vitam appellauerint veteres; quoniam homini vitam ferat, ob suas facultates, quas corpori humano præstare medici vnanimiter affirmant; vel quia vitis à vita parum differat, iuxta illud Iuliani Vvauderii lib. 3. epigram. 68.

Vitæ parum vitis differt à nomine, iungas

Vitem cum vitæ gaudet utrumque simul.

## HISTORIA XIII. GALENI,

De vino voluptatis causa oblato.

Vinum seni cuidam ægrotanti in gratiam exhibitum.

Cum igitur seni cuidam ægrotanti quotidie vinum aquosum exhiberem, quidam ex huiusmodi Medicis presens, me



vinum minimum atque ipsi instillantem, contemplatus risit; A  
 ægrumque vinum non bibere, sed duntaxat videre, dixit: non  
 sanè intelligens mixtionis vini, quod voluptatis gratia datur,  
 ad aquam aliam esse symmetriam, & aliam esse eius quod ad  
 opem ferendam ministratur: nam vini omnino minimum veluti  
 excusationem quandam qua ad distributionem aquam irahat,  
 permiscemus, quo duntaxat aqua tollamus syncruatam, non  
 autem aquam vinum faciamus, &c. Galen. lib. 3. de rat. vict.  
 in morbis acutis, com. 20.

### PARAPHRASIS.

**A**liud est, vinum necessitatis causa exhibere, pro  
 curando aliquo affectu, qui pro sui curatione citissi-  
 mam opem efflagitat: aliud voluptatis gratia offerre. ut  
 sic recreata natura, tum morbum suapte natura rebellem  
 deuincat, tum eius ope roborata peccantem humorem  
 per aliquam regionem expellat, & alimenta facilius con-  
 coquat. De primo modo in superiori historia iam loquuti  
 sumus, quo extremè refrigeratum se sanasse gloriatur  
 Galenus.

De secundo est interpretanda Historia hæc; quum  
 enim quispiam acuto morbo laborat, vitanda sunt calida,  
 quo fuisse hunc senem oppressum verisimile est, quoniam  
 in libro eo agit Hippocrates de morbis acutis, quæ ferè  
 semper sibi habent sociam febrem, 2. Aphor. 18. & 7.  
 Aph. 1.

Duo ergo hoc oblato potu commoda consequutus est  
 Galenus, nempe voluptatem ægri, & vtilitatem. Ægris  
 autem aliquando esse præstandas gratias, tradit Hip. lib. 6.  
 epid. sect. 5. text. 8. Quare cum vinum sit suauissimum, &  
 præsertim senibus, qui eius potu mirificè recreantur, hoc  
 et si in pauca quantitate exhibuit, quoniam parum deterio-  
 ribus, aut potus suauior, tamen minus nocere solet, ut ait Hip.  
 2. Aph. 36. Quæcunque enim cum voluptate assumuntur, ista  
 ventriculus amplexatur, & facilius concoquit, sicuti illa que  
 displicent, refugit, ut in com. retulit Galenus. Quod enim  
 suauis est, et si reprobum, & auidè expetitur ab ægro, id  
 melius est, & in optimum conuertitur alimentum, ut no-  
 tabat Galenus 2. de alim. facult. cap. 20. & 6. de sanit. tuend.  
 cap. 28. In hunc sensum intelligendus Auic. 3. 1. doct. 2.  
 cap. 7 dum dicit: Oportet præterea te scire, quod nutriendus  
 melius est, quod melius sapit, propterea quod & virtus retenti-  
 tiua vehementer ipsi applicatur, &c. Hoc modo maligni  
 morbi exitiales, & chronici, in quibus ob debilitatem ven-  
 triculi, vis appetens est veluti emortua, exhibitio prauo  
 alimento perianantur. Ita salicorum piscium, & aliorum  
 pessimorum alimentorum esu tertianæ & quartanæ val-  
 de productæ soluuntur ut notantur Brudus lib. 3. de re-  
 gimine febricitantium, cap. 23. Mercatus lib. 1. indicat. cap.  
 1. in Consilio.

Vtilitas autem ex aqua vino permixta maxima com-  
 paratur, quoniam vinum aquæ noxas tollit, & tenuitate  
 sua eius per corpus iuuat distributionem: & quod magis  
 est, molestiam animi ipsius ægrotantis vinum appetentis  
 leniuit, eumque magis obedientem reddidit, maximè cum  
 senes esse quos vinum auidè appetere obseruamus.

Quoniam igitur febris aderat, & vino natura inest in-  
 flammandi calore suo viscera, iccirco illud cum aqua  
 permiscere oportet; quare vinum lymphâ diluendum,  
 venusto epigrammate docet Meleager lib. 1. Anthol.

*Igni nomen Bacchus saliens è fulmine, Nymphis  
 Abluitur liquidis pulnerulentus aquas.*

*Propterea innectus Nymphis est gratus Iacchus,  
 Hic sine, adhuc ardens, quod bibis, ignis erit.*

Quamobrem vinum aqua diluere oportet, nam vini ca-  
 liditas & siccitas, frigiditas & humiditas aquæ mire-  
 scunt, ac temperantur. Deinde aqua perducit ad partes  
 nutriendas alimentum, & attenuat, ac colliquat cibos  
 ipsos solidos, præparat, disponit, aptaque reddit corpo-  
 ra ad suscipiendum alimentum, ut possit adhærere; sitim  
 leuat, coctionem iuuat, alimenta elixat, deducit, lauat,  
 abstergit. At corpora calida, ex mero epoto quandoque  
 in profluuium sanguinis incidunt per aluum, ut contigit  
 Comiti cuidam, qui lymphato vino ab hoc affectu con-

ualuit, ut probat Petr. Philip. Melchiodus consil. 82. de  
 fluxu sanguinis ex aluo.

Quantum autem vino admiscendum, non potest cer-  
 ta, & definita methodo describi, cum nulla certa possit  
 dari mixtionis norma; ita enim metiendus est aquæ mo-  
 dus, ut vini, & aquæ nocumenta vitentur, & emolumen-  
 tum adferatur: plus nimirum, aut minus aquæ addatur,  
 pro vini viribus, sumentis ætate, consuetudine, vitæ ge-  
 nere, affectus morborum specie, ac magnitudine, anni tem-  
 pore, cœli statu; semper tamen vires vini, & sumentis  
 naturam respicere oportet, ut latè prosequitur Galenus  
 lib. 1. de sanit. tuenda, cap. 11.

Pro vini viribus aqua est permiscenda, quoniam po-  
 tentissimum plurima aquæ copia est temperandum, ut  
 Maroneum antiquorum, quod vigecuplam aquæ capie-  
 bat mensuram; & Falernum, quod ob sui potentiam in-  
 domitum appellabant. Omitto Cretica, Trebulaba, Græ-  
 ca, quæ generosa sunt, quibus aqua in magna quantitate  
 admiscenda est. Hoc modo contraria vina pauca aqua  
 sunt lymphanda.

Pro sumentis natura aqua est permiscenda cum vino;  
 quoniam pueri, mulieres, & serui dilutissimum bibere  
 debent. Matronæ Romanæ vinum non degustabant. Vir-  
 gines ab eo abstinere debent, idè quod præci virginalis  
 aures Veneris vocabulis imbui voluerunt: idè Ouidius  
 3. art. amand.

*Turpe iacens mulier multo madefacta Lyao,*

*Digna est concubitis quoslibet illa pati*

Pueris, & infantibus vinum interdicens, quoniam est  
 ignem igni addere, ex Gal. 5. de sanit. 7. Arist. lib. de somno,  
 cap. 3. & membra mollissima non tolerant vini vim; at  
 hoc mentem tentat, caput, & nervos, quæ omnia in pue-  
 ris debilissima sunt. Attendenda est etiam consuetudo;  
 vina enim diluenda sunt iis qui consueuerunt; inasuetis  
 verò nequaquam, ut probat Bruyerius lib. 17. cap. 9.

Pro anni tempore vario, diuerso modo variandum:  
 hyeme, quum corpus frigidum humidumque est, id ex-  
 calfaciendum plurimo cibo calido, sicco, potu parçissimo,  
 sed meracissimo. Vere dilutiori potu vtendum. Æstate,  
 quum corpus squalidum est, & exurit, potio sit multò  
 magis diluta, quàm vere: Autumno minus, sed mera-  
 cius bibatur.

Vtrum verò vinum sit diluendum antequam bibatur,  
 vel in stomacho? dubitatio est non parua. Illud probant  
 Balduinus Ronsseus, epist. 16. & Arnaldus Villanouanus  
 in tract. de vino. Nam vinum, & aqua inter se contraria  
 sunt, & in stomachum si ambo proiciantur, sentientur in  
 stomacho rugitus, aderit commotio, & perturbatio multa.  
 Ex altera parte videtur facere Hippocrates lib. 3. acut. 41.  
 dum sic ait: Cum in huiusmodi morbis timueris, ne caput ve-  
 hementer grauetur, aut mens tentetur, tùm à vino penitus ab-  
 stinendum; & aquam, aut vinum aquosum saluum, & non odo-  
 rum exhibere oportet; deinde potum aqua superbibere, sic enim  
 sua potentia non tam facile caput & mentem attinget, &c.  
 Suadet ratio, quoniam licet vinum calidum sit, & possit  
 agere in aquam, & hæc in vinum, indiget tamen calore  
 animalis, à quo in actum deducatur. Dic tu, quod melius  
 est, ut vna aut altera hora ante potionem, aqua permi-  
 sceatur: Neque neganda est murua inter aquam, & vi-  
 num actio; neque illæ qualitates virtuales ita sunt impe-  
 ditæ, ut citra caloris animalis opem agere nequeant:  
 nam simplicia illa, è quibus theriaca conficitur, ita  
 agunt, reaguntque, ut ex eorum actione temperies in  
 theriaca generetur. Hippocrates autem primò exhibuit  
 merum, in cit. acut. loco, quia æger ventriculi intemperie  
 frigida laborabat.

Si verò vltimo loco perconteris, cur in ratione huius  
 ægri adedè meticulosus fuerit Galenus, in propinando  
 vino ita diluto. Dic, quia acuto morbo laborabat. Et si  
 autem in febribus pituitosis concedatur à Tralliano lib. 12.  
 cap. 3. quia cruditiorem materiam extenuat; & in Epheme-  
 ra, ex curis densitate orta, quia mæatus deobstruit, ut  
 pluribus rationibus confirmat Bæchius lib. 3. de natur. vi-  
 ni, à cap. 10. vsque ad 16. & in continuis offerat Galenus  
 11. meth. 9. & tertianis, ac quartanis, præsertim si vires  
 sint



infinalitate, & coctionis notæ appareant, vt eleganter A  
probat Syluaticus, *cont. 1.2. & nos lib. 4. in com. hist. 1.8.* aliis  
adductis rationibus comprobauimus: tamen in præsentia  
febris, cantè vinum, quod suapte natura inflamat, &  
humores sæpe intempestiuè exagitat, est propinandum.  
Num verò præstantius sit vinum natura aquosum, an arte  
factum, acurè disceptat Augenius *tom. 2. epist. lib. 2. epist. 4.*

Cur verò exhibuit vinum lymphatum, & non imper-  
mixtum? si salubrius est vino vti, quàm aqua, quia illud,  
ex Galen. *1. de sanit. vlt. omnibus naturis magis confert,*  
quum nutriet celerimè, optimum corpori succum præ-  
stet, *2. Aphor. 18. & 3. de temp. cap. 3.* coctionem iunet,  
*4. acur. 106,* semicoctos humores ad integram coctionem  
perducatur, nullius excrementi coctionem remoretur: aqua  
autè non nutrit, *3. acur. 20.* & distributionem impedit, Dic-  
quia timuit ne merum febrilem calorem adangeret, &  
squalidum corpus inflammaret. Nam ipse *5. de sanit. cit.*  
naturis calidissimis illud denegat, cum iis aquæ potus sit  
vtilior, ex Hip. *6. epid. sect. 3. text. 15,* qua temperatura præ-  
dicti, aquæ potu vtentes, salubrius, & diutius viuunt,  
quia aqua conseruat humidum radicale, vt inquit Auic.  
*lib. 1. canonicorum. 130.* sua enim frigiditate caloris impe-  
dit resolutionem. Lege quæ diximus de vini vsu & vtili-  
tate, *lib. 2. in com. hist. 61. & c.*

## HISTORIA XIV. GALENI,

### De carnis suilla, cum carne humana, similitudine.

#### Caro suilla humanæ carni simillima.

**S**anguis suillus humidus est, & minùs calidus, humano ma-  
ximè temperie similis, siquidem & carnes suum humanis  
sunt similes. Comperi enim sunt hospites, & coqui complures,  
qui humanas carnes pro suillis venderent, tamen qui eas edis-  
sent, nullum omnino discrimen potuerint percipere. Quin &  
ipse narrantes audiui viros fide dignos, sese in diuersorio pu-  
blico ius esitasse deliciarum cum carnibus suauissimis: ceterum  
cum iam pene saturi essent inuenisse digiti partem anteriorem,  
qua ad unguem est: quo percussis, ac metuentes eos, qui agebant  
in diuersorio, ne se quoque vorarent, ceu ei rei assueti, protinus  
illinc exire, ac vomitu redditis qua ederant, ita iter denud  
ingressi sunt: sed in ipso facinore homines mactantes deprehen-  
sos non ita multo post referebant, & c. Galenus *lib. 10. simpl.*  
*tit. de sanguine suillo.*

#### PARAPHRASIS.

**H**anc historiam repetit Galenus *lib. 3. de aliment. fa-*  
*cult. cap. 2.* suillæ carnis cum humana similitudinem  
patefaciens; de cuius temperamento plura diximus, *lib. 1.*  
*in com. hist. 28.* Habet ergo caro hæc plurimam cum hu-  
mana natura, in sapore, & gustu affinitatem; & ob hanc  
causam, voluptatis præsertim gratia, à priscis pro variis cu-  
randis morbis offerebatur, vt ibi plurimis auctorum testi-  
moniiis confirmauimus, & probat Langius *lib. 1. epist. 61.*

Galenus *in locis ibi citatis* cum ad mutationem victus  
accedit, eligit ex omnibus pedestribus suillos pedes, de-  
inde crus, post externam carnem iuuenis porcelli. Vtrum  
verò præstantissima caro sit inter pedestres, suilla? Dic,  
quod Galenus *lib. 7. meth. cap. 6.* extollit eam super omnes  
in probitate sua, si modò debitè exerceatur sus, *lib. de at-*  
*tenuante vict. rat. cap. 6.* Eodem verò *lib. cap. 7.* adiungit,  
quod ex pedestribus soli hædi præstant. Possumus addere  
anniculos arietes, & vitulos, & paruos cuniculos. Si ta-  
men robur caloris adest, præstat omnibus suilla: quod  
ostendit familiaritas compositionis, & temperamenti.  
Consule quæ ingeniosissimus Ludouicus Nonnius, auctor  
sanè non vulgaris scripsit, *lib. 2. diæterici, cap. 4.*

Et vt hæc ampliùs innotescant, scito, quod homo pin-  
guissimus est, & sanguine abundat plurimo, sed tempera-  
tissimo, minimèque intensè calido, quæ omnia insunt

A sui. Adest præterea saporis similitudo, ita vt plures dece-  
pri, carot humana vincerentur pro suilla. Adde etiam  
fecunditatem eius significare, naturam genuisse illud  
animal maximè alendo homini peculiare: suuissima enim  
est eius caro, ita vt apud Plin. *lib. 8. cap. 5. 1.* ex hoc animali  
numerosa sit materia ganæ.

Accedit Celli auctoritas *lib. 2. cap. 18.* eam leuissimam  
esse pronuntiantis, *5. Inter domestica verò quadrupedes le-*  
*uissima suilla est.* Pedes verò optimi alimenti sunt, facilis  
coctionis, appetitum excitant, omnino vacant extremen-  
tis, ob multum scilicet motum; & sic sunt meliores, cum  
sint pars sicca animalis humidi. Idèò conceduntur in ter-  
tiana *lib. 1. ad Glanc. 10. & 7. meth. 6.* maximè prillana con-  
cocti: nam sic eorum crassities, & leniter amittitur, vt  
multis auctorum auctoritatibus probat Petrus Castella-  
nus *lib. 2. de esu carniū, cap. 1.*

Sed si caro suilla est leuissima, & tantopere à priscis  
commendata, cur lege Deuteronomij 14. promulgata hu-  
ius carnis vsus à Deo populo Israelitico est interdictus?  
multi multa referunt apud Plutarchum *4. sympo. 5.* Ve-  
rùm dicendum Moysen Hebræos suilla carne vesci prohi-  
buisse, quod eos admoneret, vt mundi essent neque car-  
ne tam spurca alerentur, & sobriè, non vt sues in crapula,  
& sagina, viuerent: sues enim, vt Columella inquit *lib. 8.*  
*cap. 9.* pessimo, & spurco alimento vtuntur: quoniam è  
terra radices scirporum, arundinum, & lumbricos rostro  
erunt; & tumultuariè collum, caputque conquassantes,  
luto, & cæno se oblectant; sordidum enim est animal, &  
spurcum vt reconditæ doctrinæ vir, Ioannes Beueroui-  
cius explicat vbertim, *part. 2. idea medic. veterum, cap. 3.*

**C** Si verò de suum alimento, conditura, vsu, seruandi mo-  
do, suauitate, huius carnis fermentatione: Porcello, eius  
vulua, sumine, perna, tomaculis, lucanicis, variis eius  
partibus, & vario apparatu præparandi has partes in men-  
sæ delicias, ex poetis, oratoribus, & diuersis auctori-  
bus legere concupiscis, adi Conradum Gesnerum *lib. 3. de*  
*quadrupedibus, cap. de sue,* & accuratissimæ diligentia, im-  
mensæque lectionis virum, Vlyssæ Aldrouandum *lib. 1.*  
*de quadrupedib. c. 36.* qui hæc omnia ad plenum describunt  
explicant, & emedullant.

## HISTORIA XV. AETII,

### De luto Ægyptiaco.

#### Lutum Ægyptiacum, plurimis morbis vtilissimum.

**A**grorum terra qua colitur, & pinguis est, vtilis est ad cu-  
rationem omnium partium resiccatione indigentium,  
quare, & in Alexandria, & Ægypto ipsa vtiuntur. In Ale-  
xandria itaque vidi hydrogicos, & lienosos terræ Ægyptiæ  
luto vti. Multi verò etiam furas, & femora, & cubitos, bra-  
chia dorsumque, ac latera, & pectus, eiuus terra luto illinen-  
tes, opem senserunt. Quin & veteres inflammationes, & laxos  
tumores hoc lutum sanauit. Et sanè noui quosdam, toto corpo-  
ris habitu aquosos, ex immodica hæmorrhoidum vacuatione  
redditos, inde manifestum auxilium sensisse. Quidam etiam  
diuturnos dolores iuxta partem aliquam firmos hoc luto per-  
fectè sanarunt, & c. Aetius *tetrab. 1. serm. 2. cap. 3.*

#### PARAPHRASIS.

**A**pod Philosophos indubitatum est, nuspiam aquæ  
elementum inueniri purum, sed vnique peregrini-  
nam aliquam qualitatem, vel substantiam misceri, ita vt  
vna ab altera, ob diuersas materias, differentes sortiat  
qualitates. Quo pacto aquæ è subterraneis locis scatu-  
rientes, calidæ plurimæ emanant: argumentum sanè eui-  
dens, quod ab aliqua substantia intus in terræ visceribus  
inclusa calefiant: id ostendunt earum sapes diuersi, &  
effectus quos ab ipsis fieri quotidiano experimento obser-  
uamus.

Adesse subterraneos ignes sensus indicat: nam in plurimis regionibus sese eructant Vulcani, & ardentes ignes ex intimis terræ penetralibus, qui magno excitato ardore, & vehementissimo terræ motu, ciuitates, imò & prouincias depopulantur, vt plurimis allatis historiis probant doctissimus Reinerus Solenander *lib. de calore fontium*, & Vitruuius *lib. 8. sue Architect. cap. 11.*

Solem autem esse huius ignis auctorem asserimus libenter: licet enim impossibile aliqui existiment, à sole calorem haberi, quo ferueant scaturientes aquæ, à quo depilentur porci, depilentur aues, oua indurentur: tamen materia quæ incenditur, vim igni attribuit: sic ex leuibus stipulis ingentia ligna accenduntur. Fit autem à sole ignis, non solum per radiorum coitionem, sed continuam actionem, perennemque reflexionem, ad ignem in materia accendendum.

Neque negandum est, non solum superiorem terræ plagam vehementer immutare posse Solem, sed inferiorem. Nonne in ipsis terræ penetralibus suam maximam efficaciam ostendit? Soli enim subest aurum, sicut Lunæ argentum, Ioui stannum, & electrum? Mercurio argentum viuum, vt affirmant Scorus in 2. *distinct. 14. ad fin.* imò grauissimorum auctorum hæc fuit opinio, singulis speciebus rerum intereuntium, respondere in cœlesti mundo virtutes peculiare, quibus foueantur, & conseruentur; & non solum ad conseruationem, magnam esse cœlis efficaciam rentur, sed etiam multa perfecta animalia à superioribus causis produci affirmant; de quorum numero sunt Capreolus in 2. *dist. 9. quest. unica* Durandus *distinct. 15. 2. part. distinct. quest. 1.* Ferrariensis 1. *contra gentes, c. 20.* Gabriel *super cantic. lect. 4. 1.* Iandunus 7. *Metaph. quest. 14.* Alensis *eodem lib. ad text. 23.* Auer. *lib. 1. 2. com. 13. & 18.* Soncinas *eodem lib. quest. 12.*

Quidni? Nonne præter Solem, plurima alia sidera in profundo maris ingentem calorem possunt efficere? Narrant Oppianus in *suo lib. de piscibus*, & Arist. 8. *de hist. anim. cap. 15.* piscem Asellum exoriente cane, nimium ardorem in intimis maris recessibus perferentem, abditos rupium anfractus quærere, & ibi occultari.

*Hos inter pisces segnis numeratur asellus,*

*Qui canis æstui motu concussus acerbo,*

*Ingreditur duras cantus, atque recessu*

*Occulitur, tali dum feruet sidere cœlum.*

Ergo Sol est genitor ignis, qui in remotissimis terræ cauernis lateret: nullum enim sublunare Solis virtute carere, neque sine eo constare potest, cum ipse sit princeps, & moderator luminum reliquorum. Sed quomodo in terræ visceribus huiusmodi ignis accendatur, explicatu difficile est. Dic Solem non tantum posse calorem sufficientem in intimis terræ plagis generare, sed etiam ipsum ignem secundariò, id est, quia generat vapores, & exhalationes tenues, & calidas, quæ in ipsa terra derelictæ adueniente hyemis, noctisque, vel quauis alia frigida constitutione, ob aëris frigiditatem in fugam compulsæ, per terræ ambitus sese insinuant, & ad intimos terræ meatus se detrahunt, ac recipiunt, antiperistasis modo, vbi non solum calorem, sed etiam ignem accendere queunt.

Hoc modo ignes subterranei acceduntur, qui è vaporibus per antiperistasin vnitis, motis, ac rarefactis, & postea ignitis generantur propterea aquæ puteales, & fontanæ per hyemem calfiunt quia terra dum frigore densatur, & coit, exhalationes quas intra se æstare collegerat, in caua, & apertiora loca traiecit, illæque in subterraneam aquam incidentes, ipsam calore, quo præditæ sunt, imbuunt, quibus alludit illud Lucretij *lib. 6.*

*Frigore dum premitur porro omnis terra, coitque,*

*Et quasi concrefcit, fit scilicet vt coeundo,*

*Exprimat in puteos, siquem gerit ipsa calorem.*

Cuius rei appositum exemplum sit, ex media aëris regione desumptum, in qua vapores per antiperistasin, siue alio quouis modo (hoc enim in præsentis non disputo) attenuati, & rarefacti vniuntur: sic etiam in terra contingit, quæ, cum frigida sit, vaporesque in se recipiat calidos, hoc modo ignem generat. Ex iis patet errasse Reinerum Solenandrum in *suo lib. de calore fontium*, qui illos vapores

à caliditate terræ esse generatos asseruerat nam si ita esset, vbi terra calidior apparet, ibi frequentius ignis generaretur, quod est falsum; in terra enim non admodum frigida, & vbi Sol semper æstuar, vt in India, rarò, aut nunquam ignis accenditur.

Deinde, quod sit ignis pabulum, inuestigandum: nam si eo careat, extinguitur. Alij alumen esse putant, sed non est aprum ignis alimentum, cum oleosa substantia careat. Alij bitumen liquidum esse rentur. Plures sulphur esse existimant, in aquis enim scaturientibus sulphur manifestè conspicitur. Alij terram esse sibi persuadent, quia sunt fontes multorum saporum; quorum causa referenda est ad terræ facultatem, de quo argumento fusè Fallopius, & Bacchius in *suis libris de thermis* disceptant.

Quapropter diuersa est ignis materia dummodò pinguis, & oleosa sit, sic terra sulphurea & bituminosa, quæ in Belgica prouincia inuenitur, qua pro lignis ad ignem accendendum incolæ vtuntur, est ignis pabulum peculiare. Hæc terra vocatur composita, quoniam cum aliquo fossili, aut re metallica est permixta, vt pore alumine, sale, nitro, chalcanto, bitumine, sulphure, ferro, ære. Quare pro varia eorum, quæ admiscuntur, qualitate, diuersas mutantur facultates terræ, & omnia sortiuntur partim à locis vbi effodiuntur, & adportantur; partim etiam à caloribus quibus inficiuntur, partim à facultatibus propriis. A locis denominantur Lemnia, quod ex Lemno Insula deferatur; Samia, quod ex Samio; Chia, quod ex Chio. A calore dicitur rubrica, & aliæ nonnullæ. Hac ratione dicitur terra Ægyptia, de qua habetur sermo in historia hac, quoniam ex Ægypto deferretur.

Hæc ergo cum aliquam calidam, desiccantemque substantiam in se habeat; à fossilli succo liquido, vel metallo, cum quibus est permixta, communicaram contra aquam intercutem, fungosisque tumores strenuè pollet, & lienem absumit, vt auctor est Paulus *lib. 7. tit. de terra*. Nam aquæ thermales omnes planè exiccant, quum bitumen, alumen, sulphur, aut aliud fossile in se retineant, vt pluribus in locis Galenus edocuit; & licet ferrum, alumen, aut æs, frigiditatem participant, tamen omne metallum igneam facultatem sortitur.

Et cum vsus thermarum sit quintuplex: Potus, lauatio, lutum illitum; gutta, seu instillatio; fumus, seu sudoris prouocatio: Lutum apponendum non est præcordiis, capiti, aut pectori, sed aliis partibus; cuius fori roborantur calefiunt, & earum excrementitia humiditas absumitur. Quo pacto morbis omnibus frigidis qui præsertim ambitum corporis infestant, remedio est, vt paralyti, stupori, tremori, frigiditati vteri, ventriculi, laxis tumoribus prodest, scabiem delet, tubercula comminuit; iecoris, & lienis durities resoluit, partium nervosarum doloribus à frigiditate ortis opitulatur quo pacto lutum, sub terra, in qua reperitur sal, nitrum, alumen, bitumen, hydragyrum, æs, calx, ferrum, gypsum, chalcantum, argentum, lythargyrum, plumbum, eadem facultates habet, quas sortiuntur res quæ cum ea sunt permixtæ vt perdoctè disseruit Antonius Maria Venustus, *Consilio 24. de Balneis, eleganti.*

Hac ratione patet, quod terra in qua est sal, & nitrum, confert capitis, & thoracis fluxionibus; tumoribus pituitosis, hydropicis, ventriculo humido auxilio est. Aluminosa, sanguinis reiectioni, vomitui, alui, profluvio diuturno, sudori immodico; roborat ventriculum, iuuat coctionem, appetitum exiccat. Sulphurea, nervos emolliat, articulorum fluxioni remedio est, lienem indurato obstructo, vtero resolutio, coxendicium doloribus medetur. Bituminosa, calefacit, emollit. Mercurialis, refrigerat, siccatur, confirmat. Ærea, confert hydropisi; ori, tonsillis, auribus, vix, oculis; calefacit, exiccat, attenuat. Quæ calcem in se continet, calefacit immodicè, exurit, putrilaginem absumit. Ferrea, infrigidat, adstringit; ventriculi, lienem commoda; sistit sanguinem, alui fluxum retinet. Gypseæ, valenter sanguinem retinet, sed ventriculo noxia, & spirandi facit difficultatem, Chalcanthosa, adstringit, exiccat. Argentea, refrigerat, exiccat. Lithargyro infecta, vlcerebus confert. Plumbea, adstringit, sistit

littig, & supra renes illita seminis fluxum retinet, gonorrhœæque diuturnæ est auxilio. Deum sicut, aquæ thermales, & sponte à terra nascentes, vires participant à fossilibus, cum quibus sunt permixtæ, ut latè docet Paulus lib. 1. cap. 52. sic terra, ex Paulo lib. 7. cap. cit. Si de variis luti, & terræ speciebus lectu digna scira aues, adi Andream Bertholdum, qui in suo tract. de terra sigillata, vires, atque virtutes variorum lutorum ingenue proposuit.

## HISTORIA XVI. GALENI, De melle.

### Mel quibusdam noxium, aliis salutare alimentum.

**A** Tque in eo certè permultos est inuenire, qui de iisdem cibis ex diametro pugnantiâ pronuntiant. Nuper enim duo inter se concertabant, quorū alter salubre, alter insalubre mel esse affirmabat, uterque ex illato sibi à melle affectu coniectans: nondum illud intelligentes, quod omnes homines non unum ab initio habuerunt temperamentum: neque si habuissent, immutabile ipsum, ætatis cursu, aut in temporum anni, ac locorum commutationibus, tueri potuissent: ut nunc emittam, quod iidem homines vita institutis, ac victus ratione, nativum corporis habitum immutant. Ne igitur longè abeam, eorum, qui de melle inter se disceptabāt, alter quidē erat ætate senex, & natura pituiosior, virūque otiosa, & cum ad alias omnes actiones, tum autem ad eas exercitationes, quæ balneum præcedunt, ignavus: ob eamque causam mel ei erat vile. Alter verò natura erat biliosus, & annos natus triginta, in quotidianisque operibus multum sese fatigabat. Non abs re igitur in eo mel celeriter in bilem vertebatur: eaque ratione sibi erat nocentius, &c. Galenus lib. 1. de alimentor. facult. cap. 1. post medium.

### PARAPHRASIS.

**C**um de generatione mannæ supra differuerimus, parum in mellis generatione hoc loco immorabimur. Decidit ergo ros ex alta vniuersi parte, ex media (inquam) æris regione, ubi concrevit frigore: & pars quæ terram attingit, in ipsa imbibitur, absumiturque; quæ verò in floribus, foliisque recipitur, saxi, rebulque aliis densis, & duris, seruat, & conrescit: non secus ac ros quilibet alter frequenter decedens, conrescit in rebus teris, densis, & limpidis, ubi imbibi nequit; à porosis verò, & siccis, puluerulentisque ebibitur, ut non ampliùs appareat.

Huius roris autumnalis, & vernalis, audissimæ sunt apes, quem deglutiunt, bibunt, linguntque ex floribus, cruribus inuersis flosculum eorundem abradentes, florumque mollem superficiem flosculosam complanantes; quo sine cura illis natura euerfa phalangiorum more concessit, ut melius id colligere, blandamque substantiam radere queant; ut nempe ros dulcis, ibi adhuc si est quispian contentus, exprimatur in alucis, ut mella adaugeantur, & conrescant; nihilque roris superfit imbibiti adhuc in flosculis florum, mollique substantia eorum: & ut ex reliquo, quod in cruribus ferunt, cera consistat, in qua mel recoquatur, & conseruetur; in ventriculo adspontantes succum linctum, roremque dulcem, coquendum magis ut mella efformentur; quem euomunt in aluearia, altæ & nutritæ illo priùs quantitate debita, reliquum verò abicientes continuo, quod sit stercosum, leue, supernatansque in ventre, ut nauseam moueat; qui semel emissus è ventriculo apum in ceræ cavitates, quas præparant priùs, fauosque in iis intra aluearia, spatio vicefimi diei crassescit, melque sit perfectum, & bene coctum, ut docent Dioscorides lib. 2. c. 74. Plinius lib. 11. cap. 12. Est ergo mel succus roris cœlestis ab apibus collectus, ut tradit Avic. lib. 2. tract. 2. cap. 496

Quod si antea aluearia examinemus, aquea quædam

A dulcis substantia, cruda inuenitur, non mel confectum non secus ac mustum antequam fiat vinum; postea coctum, & perfectum, calidis in eo partibus extrantibus igneis, tempore debito potentibus reliquas concoquere, aqueas & frigidas, perficeretque, ut coctum mel euadat. Consule eruditissimum Ludouicum Nonnium, Medicum Antuerpiensem percelebre, lib. 1. de re cibaria, cap. 40.

Hoc modo parantur mella: cera verò, fauicque in alueariis fiunt, apum csuribus materia adspontata, ceræ confingendæ apta, oleosa, pingui, glutinosa, viscida, quæ cocta deinceps abit in perfectam ceram. Fauos verò examina apum toto corpore efformant, cellulasque in eisdem efformatas adstruunt, gubernata republica rege iustissimo, scruiisque crabronibus in idem opificium operantibus. Apes autem cum pilosæ sint natura, hispidæ, & hirsutæ, si glutinosum afferant rorem, aut viscidam ceram, & florum floccilaginem, mortem sibi afferunt multoties, dum maximo conatu, toto corpore foramina in fauis formare contendunt, ut rorem euomant in cavitates præparatas priùs, ut mel recoquatur, glutino detentæ viscido, & tenaci cera, dum eius est naturæ viscidæ, & tenacis, pro diuersa florum ex quibus colligitur substantia, peruolare illis amplius ut non detur. Iplæ verò inutiles sese iudicantes, otiosas, operique ineptas, inedia, famèque se macerant, ut cellula sit melle plena, aridæ verò sint iplæ, famèque absumptæ, & tristissima macie confectæ, usque dum animam exhalent. Virgilius lib. 4. Georg. de apibus, ita:

Prima fauis ponunt fundamenta, deinde tenaces  
Suspendunt ceras.-----

**C** Arist. lib. 5. de hist. animal. cap. 22. sic: Fauos primum faciunt, mox foetum emittunt, sic autem ex floribus in fauis, cerationem fingunt ex lachrymis arborum: & lib. 9. c. 40. fabricant fauos, deferentes ex floribus, & arboribus, quæ lachrymas emittunt, salicis, vlmæ, & arborum glutinolarum. Plinius hoc modo loc. cit. Primum fauos construunt, ceram fingunt, (hoc est, domos, cellasque faciunt) deinde sobolem, postea mella. Ceram ex floribus, melliginem ex lachrymis arborum, quæ glutinum pariunt salicis, vlmæ.

**D** Figura loculorum, siue cellularum, quas ad mellificandum sibi apes construunt, descripsit Plinius loc. cit. & Varro lib. 3. de re rustica, cap. 16. dixit esse eas sexangulas, operarique fauos sexangulos, oppositas textentes lineolas, quoniam in fauo sexangules cellæ, totidem quot habet ipsa pedes. In circuitu fauorum fingunt maius, quam vulgò foramen, velut rubra sorde plenum, ex qua protinus alatus Rex figuratur, deinde, ut ait Columel. lib. 10. cap. 11. Imperatoribus futuris in vna parte aluci amplas cellas extruunt, magnificas, separatas, tuberculo eminentes, velut vberis papilla.

Huius ergo tam præstantissimi succi inuentionem, Plinius lib. 7. cap. 56. & Diodorus, Aristæo Atheniensi assignant; & Curetes populi omnium primi illius usum docuerunt: licet Bacchus illius perhibeatur auctor ab Ouido, dum ait:

Liber & inuenti præmia mellis habet.

**E** In quocunque terræ tractu terna sunt mellis genera. Verum ex floribus constructo fauo, quod idè vocatur Anthinum. Alterum genus est mellis æstiuæ, quod vocant horæum, quando scilicet ros colligitur splendescente Sirio, quando solis radiis ros tepescit. Tertium syluestre, minimè probatum, quod conuehitur post primos autumnus imbres, ericæum vocant.

Mellis magna inuenitur iuxta regiones varietas: Nam Varro Siculum præfert omnibus, quod ibi thymum bonum, frequensque sit, quo ad mellificium nihil est præstantius. Strabonè Cycladibus, inter Cyclades Calymnium antepone omnibus. Diophanes Attico palmam dedit, præsertim ex Hymetto monte. Secundam auctoritatem tribuit huic, quod ex insulis petitur Cycladibus, & Siciliæ, quod Simbium vocant.

Præstat pellucens, subrutilum, tactu læue, prætenuia fila mittens, atque validum; & cum trahitur, neque abruptentibus se, neque resilientibus guttulis, sed digitum versus

versus quasi reciprocantibus; odore suavi, dulcissimum, A quod spumæ parum egerat.

Melle utimur loco sacchari, in corporibus præsertim frigidioribus: Nam amygdalas, pineos nucleos, pistacia, citrium, cinnamomum, coriandrum, fœniculum, anisum, melle condiebat antiquitas, ut est apud Paulum. Inuentio enim extrahendi saccharum è sacchariferis canis præcis nota non erat: primus autem Actuarius, in compositionibus suis, mellis usum transtulit ad saccharum, ut voluptati laborantium hac in parte subscriberet, quando fastidiosum atque morosum ægrotantis palatum, nihil non ferè respuit, cui saccharum sua dulcedine grata lætiùs abblanderetur; quæ propter hic auctor permulta condidit medicamenta, quæ sacchari mixturam prima fronte fatentur, ut iofacchar nymphaosacchar, oxysacchar, quæ ex violis, quæ ex nymphaea, quæ ex aceto, & saccharo con-

struuntur. Utimur etiam in duos præcipuos, eosque maximè æstimandos vsus, quoniam interdum illud auxiliatur, ut medicamentum, sæpe ut alimentum. Medicamentosam enim vim, eamque excellentem obtinet mel: & primò exanimatum corpus hominis per annos plurimos innoxium conseruat, quoniam præter dulcedinem quam adfert, linguæ iucundissimam, tantam vim habet conseruandi, ut talis loco in multis vsurpetur, & Babylonij corpora mortuorum in melle sepelierint.

Mel calidum est & siccum in secundo gradu, teste Auicenna loco citato, & sic frigidis affectibus maximo remedio est; Faucibus, angina, tonsillis, omnibusque oris ægitudinibus vtilissimum: Peripneumonici, pleuriticis, vulneribus, à serpente percussis, contra venena fungorum, vel auribus instillatum cum rosaceo prodest: Lentes, & fœda capitis animalia necat, oculorum tenebras discutit, est aliud idoneum, spiritus transitum lenit, vocis asperitatem mitigat; contra venenum cerusæ salutare est, & contra frigida venena summè auxiliatur, fistulas, & vlcera abstergit, ora venarum aperit, humores euocat: quo pacto empyematicis remedio est, ut probat Dominicus Zonellus consil. 47. de expuitione purulenta.

Has admirandas vires Medici cum contemplantur, varia ex melle medicamina parant, plurimis curandis morbis valde proficua; ex quibus sunt Hydromel (quod mulsam, & melicratum præci nominabant) Apomel, Oenomel, Oxymel, quod ab Arabibus *secaniabin*, à Iunioribus acutum mulsam vocatur; quod multiplex est, simplex, compositum, scilliticum. Ex melle fiunt varij succi multi, quando ex plantis, vel infusis, vel earum succis cum melle, composita quædam seruant Officinæ, quæ à consistentia, & melle, nonnulli syrupos melleos nuncupant; de quorum numero sunt mel Violatum, Anthosatum, Mercuriale, Anacardinum: qui omnes succi mellei admirabiles ex se produnt vires, diuersis morborum generibus salutare; quorum compositionem, & vires inter omnes proposuit Ioannes Renodæus lib. 3. in *inst. pharmaceut.* & lib. 1. *antidotorij* elegantissimè.

Mel, ut alimentum, corpus mirificè nutrit, & instaurat; namque non vescentibus modo suaue sentitur, sed facilem, & nitidam vtentibus protrahit vitam, caducamque firmat senectam, Nam qui senes ad panem nihil adhibent præter mel, & viuunt diutissimè, & sensuum integritatem, vigoremque animi, & corporis custodiunt, ita ut merito longævam ætatem mellis nutritioni referre debeant acceptam. Democritus semel interrogatus, quo pacto & inoffensa valetudine homines, & longiori ætate vitam prorogarent, respondit, ut refert Galenus lib. de *atenuate viæ*, rat. cap. 11. si externa oleo, interna melle delinantur.

Mel enim cum sit dulcissimum, bellissimè nutrit; humidum enim habet pingue, & glutinosum, partibusque nutriendis tenaciter adhærens, iisque affigitur, nec diffluit. Hinc fit, ut notat Cælius lib. 21. *lect. antiq.* cap. 3. ex mente Athenæi Cynios qui Corsicam incolunt, idè esse mærobios, siue polychronios, hoc est, longæuos, quoniam mellis cibo vtuntur assidue. Quin Pythagoræ sectatorum mensa pane constabat, mellèque, sicuti prodit Aristoxe-

nus. Ille verò ipse Democritus, quum ingruerent Thesmophoria, ne domum funestaret, dies aliquot vitam produxisse dicitur, sola mellis anaphora, id est, euaporatione. Quare mel hominibus est alimentum gratissimum.

Deinde mel nutrire probat Galenus lib. 3. *acut. com.* 17. ita ferunt quibus mellis vsus frequentior fuerit, vitam diutius producere; contra verò qui cibis acidis delectantur, breuioris esse vitæ. Quare præstat in senecta ipsa plurimum pane, & melle uti; neque enim solùm viuacitatem adiuvat, sed sensus omnes sanos, & integros custodit, ut Pierius Valerianus lib. 26. confirmat in *aph.* quoniam mel iucundo sapore magnam cœlestis naturæ voluptatem affert: non alia suauitas, visque mortalium malis à morte vocandis, quàm diuini nectaris, ut ex Plinij sententia lib. 11. cap. 12. perpulchrè, ut solet, confirmat elegantissimus Benerouicius lib. 1. *idea medicina veterum*, part. 2. cap. 3.

Ita Ecclesiastic. cap. 11. dulcedo mellis laudatur: Breuis in volatilibus est apis, & habet initium dulcoris fructus illius. Quare in senibus, & corporibus frigidis, siue ex morbo, siue ex natura, in bonum sanguinem conuertitur, quia modicè concoquitur, ut ait Galenus 4. *simpl.* 17. & 2. de *facult. natural.* 8. In iuuenibus tamen, biliosis corporibus, ætatis tempore, facile in bilem vertitur; quod enim in eo dulce est, & pingue, in biliosum humorem mutatur, quia exurit, ut notat Actuarius cap. 8. lib. de *spirit. anim. nut.* biliosum autem generari ex pingui, dictauit Hip. lib. 6. *epid. sect. 5. text.* 14. pingue enim promptè inflammatur, ex Galen. lib. 3. de *temp.* cap. 5. & 4. de *usu part.* cap. 9.

Quare meritò horum Medicorum concertationem irridet Galenus, quorum alter mel salubre, alter insalubre affirmabat, uterque ex illato sibi à melle affectu coniectans, quum neuter intelligeret homines non vnum ab initio temperamentum habuisse, neque si habuissent, immutabile ipsum ætatis decursu tueri posse; alter enim erat senex, & pituitosus, alius verò iuuenis, & biliosus. Si tamen de mellis generatione, natura, & variis effectibus plura scire aues, Consule Michaëlem Zenardum Bergomensem, in *tertia disputatione de vniuerso elementariis*, de melle.

## HISTORIA XVII. GALENI De lactis utilitate & noxa.

Quidam lac perpetuò esicans, longævam vitam produxit, alius hunc imitatus, perpetuò grauabatur.

Si quis crassa edulia sumere sit assuetus, nec tamen offenda-  
Stur, latus habere prædictorum viscerum venas sit putandus  
sin facile offenditur, angustas. Nouimus enim senem quendam  
agricolam, qui amplius quam ceterum annos, ruri vitam egerat.  
Huic plurimi nutrimenti caprinum lac erat, quod alias cum  
mica panis in eo macerata statim sumpsit: alias mel immiscuit:  
alias coxit, etiam thymi cacumina una cum pane iniiciens.  
Hunc quidam imitatus, videlicet tam longa viua causam ratus  
in lacte subesse, perpetuò ladebatur, quocunque id modo sum-  
psisset. Nam primum illi grauabatur os ventriculi, mox ten-  
debantur in dextro latere præcordia. Aliud quoque simili modo  
cum lacte vii coepisset, de reliquis nihil est questus, quippe qui  
& probè id concoxit, nec acidum, aut fumidum ructum ex eo  
sensit, nec flatum, nec grauitatem in præcordiis: Septimo ta-  
men die postquam eo vii coepisset, iecur se sentire manifestè  
grauatum dixit: quippe videri sibi quiddam in dextris præ-  
cordiis, cen lapidem iacere, sic ut & deorsum traheretur,  
quæ supra essent, & tensio ad ingulum vsque peringeret. Cõ-  
stat itaque huic obstructum iecur fuisse, illi flatu intumuisse.  
Quinetiam noui, cui ex diuturno lactis usu calculus in  
renibus est natus: sicuti alium quendam, qui omnes den-  
tes amisit, laci, & Id, verò aliis quoque multis corrigi ex  
diuturno



diutino lactis usu. Alij rursus circa noxam lacte perpetuò sunt vsi, immò etiam cum maximo fructu, veluti agricola, quem \* supra centum annos vixisse diximus, &c. Gal. lib. 5. de sanit. tuend. cap. 7.

## PARAPHRASIS.

**D**E lactis efficacia in nutriendo, est in hac historia sermo: de cuius facultate mira pro reficiendis corporibus extenuatis, plura ex veterum, & Iuniorum mente diximus lib. 2. in com. hist. 34. & lib. 4. in com. histor. 44. quibus locis manifestè comprobauimus, id esse optimi succi, ex Gal. 5. aph. 64. & 3. de aliment. facult. cap. 14. Nam plurima non indiget elaboratione ad sui coctionem, & facile per venas distribuitur, & serosa parte alium expurgat, quo nihil melius in conseruatione sanitatis esse potest.

Caprinum temperatum est, cum non sit tenue, nec crassum, sed medium, ex Galeno lib. de bonit. & vitio succor. cap. 5. & Auic. lib. 2. tract. 2. cap. 442. cuius electionem ostendit Paulus lib. 1. cap. 3. Quòd si cum melle assumatur, præstantiàs nutrit: nam mel lactis frigiditatem corrigit, status resoluit, coctionem iuuat, & per corpus citò distribuit. Quòd licet in iuuenibus, calidis natura, ætateque florentibus, in bilem transire sit aptum, vt 4. aph. com. 16. notauit Galenus, & superiori historia palam fecit; in frigidioribus tamen temperaturis, siue ob ætatem naturam, siue ob morbum, facile in bonum, moderatùmque sanguinem conuertitur, vt lib. 3. de aliment. facult. cap. 38. probauit Galenus: quoniam in his corporibus non alteratur, bilefcit, aut amaritudinem contrahit, sed sua dulcedine, & lentore modicè coctum probè nutrit.

Lædit ergo, & nocet assumentibus lac, qui non rectè valent, & præ ventriculi debilitate non concoquunt: immò cum sit crassi succi, obstruit, aut in status vertitur, quod ex ructu colligere docet Galenus 7. meth. 6. & 5. aph. 64. Ob hanc causam, calculus ex eius usu progignitur, ex Gal. 6. epid. sect. 3. com. 15. Causam in historia assignauit Galenus, quia qualitas lactis, vtentis naturæ est aduersa; frigida enim temperatura facile à frigido alimento offenditur, & viarum transitus sunt angusti, per quos lac distribui commodè nequit, sed suo lentore hærens, obstruit, & à debili calore non concoctum, corrumpitur, ructus parit, prosternit viscera, alium mouet, nauicam concitat, dentes suo nidore inficit, & corruptis elatis ab ore ventriculi vaporibus dentium venas & arterias erodit. Qui verò fortes sunt, & venas latas habent, commodis lactis fruuntur, & obesi, ouantesque senectatem traducunt, & longæuiorem, & salubriorem, vt notat Ioannes Vischerus lib. de lactis usu, & eius natura.

Sed quæres, an lac plus nutriet, quàm vinum? hoc enim citissimè nutrit, collapsas vires velociter reparat, & sic rabidis conceditur à Galenò 7. meth. 6. & aliis qui hæctica febri, contrahescunt. Ex altera parte, quæ verior est, lacte impinguntur corpora, & crassescunt, multoque fiunt robustiora; immò & extenuati eius potu consanescunt, vt citatis locis veteres, & præci confirmant, & inter omnes appositis historiis probat Valleriola 3. obs. 6. & lib. 5. obs. 6. & lib. 6. obs. 9. Tanta enim est lactis vis, & in sanis, & ægris corporibus nutriendis summa potestas, vt hoc solum alimento pleraque gentes vixisse ab Homero, & aliis auctoribus sit confirmatum; & hodie pariter viuere Galactophagos referat Bruyerinus lib. 14. cap. 1. Si de lacte, eius generatione, noxis, & viribus, pulchra scire affectas, lege Iulium Alexandrinum,

lib. 10. salubrium; cap. 8.

& lib. 27. cap. 8.

\* \*

\*

## QVÆSTIO VIII.

Verum breuitatis, ac diuturnitatis hominum vitæ, variæ sint assignanda causa, vt Philosophi, Medici, & Astronomi sunt opinati.

## COMMENTARIUM.

**S**upra centum annos vixisse diximus. Antiquissimis illis, & primis orbis conditi sæculis, valde longam fuisse vitam mortalium, aded vt plerique ad mille ferè annos eam produserint, inuiolara sacrarum literarum prodiit auctoritas. Quare mirandum est, his temporibus hominum vitam esse breuem simul, & calamitosam: nec fabulosum est præscio illo tempore longissima fuisse vitæ spatia, vt variis auctorum testimoniis probat Iosephus Hebræus historicus celebris, lib. 1. antiquit. cap. 3.

At antequam varias de definitione vitæ, distributione, & diuturnitate causas proponam, quas varij variè persecuti sunt auctores, illud notandum primò, quod licet vitæ nostra dicatur longæua, tamen in se fluxa est, caduca, & velocissimè fluens, fluuij, aut vndæ instar. Hoc demonstrat Medicorum Coryphæus in Aphorismis suis: Is ergo lib. 1. sen. 3. hunc terrenorum fluxum in bono Athletarum habitu indicauit his verbis. *Habitus Athletarum, qui ad summum bonitatis attingunt, periculosi, si in extremo constiterint: quum verò non quiescant, neque possint proficere in melius, reliquum est vt decidant in deterius.*

Hoc prius patefacit sacra pagina, lib. 2. Reg. 14. 5. *Omnes morimur, & quasi aqua dilabimur in terram, quæ non reuertuntur*: Nam humor qui calore attrahitur, in flammam conuertitur, exultis in fumum, & fuliginem. Vita enim nostra continuè obnoxia mutationi, semper fluit, semper progreditur & mouetur; tum consistit, quum esse desierit, quoniam (vt optimè aduertit Christophorus Landinus in Ficinum, orat. 4. in Plat.) corpus iugiter fluit, crescendo, decrecendo, resolutione, liquefactione continua, calore, ac vicissim frigore permutatum.

Sed quomodo potest vocari vita diuturna, si tota mors est, vt epist. 24. vrbaniissimè retulit Seneca, quem politus Calaubonus interpretatur vbertim? quin, vt ipse inquit, epist. 12. *Tota quocunque me verro argumenta senectutis mea video: nemo est manè, qui fuit pridie: corpora nostra rapiuntur, fluminum more.* Quare Ouidius lib. 15. met. sic cecinit:

*Ipsa quoque assiduo labuntur tempora motu;  
Non secus ac flumen; neque enim consistere flumen;  
Nec levis hora potest: sed vt vnda impellitur vnda,  
Vigeturque eadem veniens, urgetque priorem;  
Tempora sic fugiunt pariter, pariterque sequuntur;  
Et nota sunt semper.*

Hoc disertissimè explicuit Philo Iudæus lib. de mundo, exponens, quàm volubilis, & fluxa sit vita nostra, & ex Euripidis maris, ac fluuiorum; ducit explicationem varietatis ipsius; vnde ortum prouerbum, *Euripus homo*; propter maris similem prodigio reciprocandi celeritatem. Id manifestè indicauit Plinius lib. 2. cap. 97. Strabo lib. 9. Geograph. Pomponius Mela lib. 2. cap. 1. Lege pulcherrimum Philonis locum lib. quod immutabile nomen Dei, cap. ult.

Ad viuum, vitæ nostræ fluxum, & breuitatem expressit apud Heraclidem Ponticum Alceus: quare naturalis partus, est interitus, vt copiose & doctè Ioannes Antonius Campanus in sua cineritia oratione. Ita Homeri versum Pyrrho Philosophus in ore semper habebat.

*Talis vita, atque hominum, quale est foliorum.*  
Merito: Nihil enim: (ait Lipsius 5. cent. miscellan. epist. 86.) potuit verius; aut euidentius dici in hanc sortem? Vides arborem illam, quæ primo vere folia induit? pulchra est, & viuet, & umbram; & speciem sui gratam præbet: quid tamen est? Mox ventus, & ictus folia pauca decutit; tum æstus; aut siccitas; denique hyems omnibus spoliatur, & nudat.

Si ergo vita nostra breuissima est, & bullæ instar aquatilis exit, cur primæni homines ita diuturnè vixerint? Dic cum eruditissimo Benedicto Perer lib. 1. in Genesim, huius

tam longæ vitæ septem extitisse causas. Prima, bonitas constitutionis, & temperationis humani corporis, quæ illi homines vigeant: tunc enim natura recens à Deo facta, integra erat; firma ad seipsam conseruandam; fortis ad resistendum contrariis, nondum tot morbis fracta, & vitata. Vigor igitur ille, & robur naturalis constitutionis longam præstabat vitam.

Secunda causa, fuit sobrietas, & continentia in victu, & potu, & omnis vitæ moderatio: erat naturalis, & simplex victus, ac potus: varietas autem, mixtura, & condimenta ciborum vitam debilitant, atque minuunt. Tertia causa, præstantia elementorum ob eximiam bonitatem, ac feracitatem terræ ante diluuium; post quod è terra nascentia multò sunt imbecilliora, & deteriora facta, propter aquas salvas Oceani, quæ inundantes terram, ipsam sterilem fecerunt.

Quarta, quia Adam perfectè nouerat naturales vires & facultates herbarum, fructuum, metallorum, lapidum, aliarumque rerum, quæ vitam humanam producant, quibus & vltus est ipse, & vti docuit posteros suos. Quinta, quia in illa prima ætate, Deo ita disponente, fuere valde benigni, & salutare siderum aspectus, cœlique influxus. Sexta, vt per longam hominum illorum vitam posset admodum multiplicari genus humanum, quod in exordio mundi necessarium erat. Septima, vt diu viuentes homines possent reperire artes, & scientias, ad necessitates, vtilitatesque vitæ humanæ, & ad perfectionem intellectus humani plurimum conferentes, quæ tamen nonnisi longissimi temporis experimentis, & obseruationibus reperiri possunt.

Alias causas ex Iosepho affert Zonaras tom. 1. pag. 3. Nostra post diluuium vita, est sicut nauis in mari, vestigium non relinquens, puluis, vapor, ros matutinus, flos temporaneus: *Homo sicut fœnum dies eius, tanquam flos agri sic efflorescit, Psalm. 102.* Huc spectat breue, & argutulum Ioan. Anton. Campani carmen, lib. epist. 9. de vita mortalium.

*Si quæcunque venit rebus mortalibus hora,  
Esse potest nobis vltima, vita fuga est.*

Sed nos pergamus vltra, & breuiter dicamus, quid sit vita, & quomodo distribuatur. Vita est animæ operatio. Suppositorum, inquit, sunt actiones, nec animæ magis quam corporis, sed corporis animati, vt est apud Arist. lib. 1. de anima, maximè verò nutritiua, vt est apud eundem lib. 2. de anima. At sanè nulli dubium, has actiones animato corpori per animam inesse, ex eiusdem Arist. sententia, cum anima ipsa rationem causæ, & à qua res est, & vnde motus, & cuius gratia habere dicatur. Bene igitur animæ operatio vita dicitur, si præsertim addatur in corpore. Quare immeritò argutissimus Scaliger exercit. 102. num. 5 Cardanum hoc modo definientem vitam, reprehendit, quum vita ex eius voto sit animæ vnio cum calore, quod modò non disputo.

Vel vita est prima nutritiua animæ in calido participatio, ac mora, ex Arist. lib. de vit. & mort. Nam tunc primum viuit animal, cum caloris particeps est. Vita vitalis facultatis propria est, quum ob continuos spirituum manantium motus, & influxus, natiuus in nobis calor producat, ac foueatur, quo ea ceu proprio fomite conseruatur; cuius extinctione perit animal: cum hic natiuus calor vitæ sit principium, ac fons, cuius pabulum, humidum est radicale. Est ergo vegetatricis in calido natiuo permanens, vt lib. 2. de anim. cap. 4. docuit Arist. Albert. Magnus lib. de iuuent. & senect. prope finem.

Variè, & multipliciter hominum vita ab auctoribus distribuitur, & in varias ætates partiiri solet. Nam homo diuersis ætatum gradibus vitam distinctam accepit, quibus vel inchoaret vitam, vel in ea consisteret, vel ab ea declinaret. Alijeam distribuiebant in iuuentutem, perfectam ætatem, & senectutem, vt Lacedæmonij. Pythagorici quatuor esse gradus confirmant, pro ratione quatuor anni temporum: prima erat iuuenum; secunda vigentium; tertia, mediorum; quarta, senum, vt probat Eratosthenes apud Stobæum serm. 115. Consule Valleriol. lib. 1. loc. com. cap. 10.

Inter Medicos Fernelius lib. 3. de temp. cap. 10. noua quadam via quinarium numerat ætatum: sequuntur Vallesius lib. 1. com. 8. Prosper Aquitanus part. 1. de promiss. & predict. Dei, cap. 7. Septem constituunt Astrologi, & ad septem referunt errantes stellas. Iurisperiti, qui non tam ipsum naturæ vltus, quam ciuilem considerant, aliter has ætates in alios valde minutulos gradus distribuunt; eos habes collectos fuse & latè, apud Tiraquellum lib. 6. leg. connubial. part. 6. glos. 1. num. 43. & breuius colligit Albericus in dictionario, verbo, ætas, quod locupletius edidit Decianus, illustris I. C. quos omnes, & alios citat, variè, & reconditæ lectionis vir, Paulus Zacchias, Medicus Romanus disertissimus, lib. 1. quæst. Medicolegalium, tit. 1. ad cuius facundam lectionem te remitto.

Ad diuturnitatis, & breuitatis vitæ causas accedamus, de quibus luculenter agunt Arist. lib. de longit. & breuit. vita, & vberimus interpretes Auerrhoës in com. Ac prima quidem causa ducitur ex Philosophia, & Medicina: Nam temperata complexio, quæ videlicet optima, & commensurata calidi humidi proportionem gaudet, longæuior esse solet; quo fit vt tum spacia vitæ sint longissima, quum seriùs calor extinguitur, & arefit humor, tametsi natura suapte potiùs humor deficiat, quam calor; immò nonnisi ex accidenti calor emoritur, humore nempe exsiccat, qui calori instar est materiæ subiectæ, & fomenti, quomodo subtractis lignis extinguitur ignis: in eo tamen est discrimen, quod animalis calor certam humoris portionem, & mensuram exigit, quam si excedas, certissimum calori pariter interitum, ac perniciem; Ignis autem calor magis augetur, ac crescit, quod plus ei subiectis materiæ: sicut prudenter lib. 2. de anim. cap. 4. enucleat Aristoteles.

Hic ergo natiuus humor, quum solidior est, ac temperatior, in eo diutius natiuus conseruatur calor. Hinc fit, vt animalia quæ constant humido aqueo, friabili, minùs constante, ac tenaci, vt aquatilia, sint breuioris vitæ: nam hoc humidum non est oleosum; pingue, instar adipis in quo calor noster perseuerantiam obtinet; sed aqueum, in quo ille tanquam in idonea materia conseruari non potest.

Breuem etiam, aut diuturnam vitam faciunt plura, quæ vel optimam corporis temperationem labefaciunt, vel conseruant; cuius generis sunt origo, tempus, ær, motus, vires astrorum, victus ratio, cibarium vis, natura locorum, regionum diuersitas, compago corporis firma, voluntatum, præsertim concubitus nimij detestatio, cuius vi corpus exoluitur, ex Cels. lib. 1. cap. 1. nam homo plurimum semen emittit, 4. prob. 6. 22. His enim rebus vel bona valetudo diutius consistit, aut celerius absumitur.

Secunda causa, est præstans alimenti proprietates, ac natura, congruentis humori calore consumpto restaurando, ac reponendo. Nam ante communem illam orbis terrarum eluionem sub Noë: nullæ præcesserant aquarum & pluuiarum scaturigines, nullæ concussiones terrarum, nullæ marium inundationes, nullis id genus afflictata fuerat detrimentis tellus, quæ vim eius ad stirpes, fruges, & cætera progignenda eximie debilitant.

Tertia causa, est victus ratio, & totius vitæ moderatio: quoniam luxus, intemperantia, gula, ebrietas, corpus morbis cruciare solent, & citam mortem afferre consueverunt. Probant variis exemplis, verissimisque testimoniis Varro lib. 1. de re rustica. cap. 1. Plin. lib. 7. cap. 56. & lib. 12. in præmio, Anicius Seuerus lib. 2. de consolatio. Philosoph. quod rectè monuit Ecclesiasticus, cap. 37. Non te effundas super omnem escam, in multis enim escis infirmitas. Et Seneca Rhetor lib. 10. controuers. sic ait: Quidquid animi voluit, quidquid piscium natat, quidquid ferarum discurret, nostris sepelitur ventribus. Quare nunc, cur subito moriamur, patet: moribus vinimus.

Quare causa propria Astronomorum est, nempe bona, commoda, fausta, felixque astrorum facies; & aspectus ei imminens regioni, in qua sani viuunt mortales. Hic verò siderum aspectus, non eo motu fit cælorum; qui raptus dicitur, hic enim aliquot diebus conficitur, neque peculiari, ac proprio singulorum planetarum, quum citissimè absoluitur, nam ipsorum maximus, Saturni scilicet

scilicet; motus, spatio 30. conuoluitur annorum: sed A  
 octaua sphaera, à qua vita, mors, ac duratio pendet rerum,  
 qui quidem completur tardissime. Quamobrem necesse  
 est, non exiguas in rebus humanis commutationes acce-  
 dere, ex varia huius aspectus mutatione.

Hinc fit vt ob faustos siderum aspectus regio sit prae-  
 stantissima, in qua homines diutissime viuunt. Tradit  
 enim Ludouicus Romanus lib. 2. *nauigat. 9. & lib. 4. cap. 8.*  
 in Taprobana insula, quam Sumatram hodie vocant, &  
 ea Indiae Insula, quam Onor appellant, ob regionis tem-  
 periem, perpetuamque coeli clementiam, longaeuos inibi  
 esse homines centesimum supra vigesimum quintum an-  
 num, vegeta adhuc senecta attingentes. Plinius lib. 7. c. 1.  
 & 48. scribit Indorum genus esse, qui annis centen-  
 is viuunt.

Quinta causa ex temperatione climatum petenda est. B  
 Si enim regiones percurramus, hoc esse vsquequaque ve-  
 rum comperiemus. Initium sumamus ab aequatore, sub  
 quo intemperatissime habitant homines; quum tamen  
 in Insula, quae vocatur Promontorium viride, quam no-  
 stri Lusitani frequentant, & est à nigris Aethiopibus cul-  
 ta, in qua regione nulla temporum vicissitudo, nulla  
 mutatio, eodem semper calore affecta, in ea tamen vix  
 sexagenarii viuunt homines: quod euenire credo, quod  
 modico sint humido radicali, & penè exusto; argumen-  
 tum, quia graciles, sicci, ac tanquam torrefacti.

Quintum clima, quo nullum esse temperatius tradit  
 Auerrhoës lib. 2. *collig. cap. ult.* sub quo Roma, & Olyssip-  
 po, dulcissima patria mea: Romae tamen non diuturna  
 incolis vita; nam pauci omnino sexagesimum excedunt  
 annum. Ita Olyssipponenses breuioris sunt vitae; at Oly-  
 sippo eleuationis polaris, vt Astrologi loquuntur, gradus  
 ferme quadraginta habet; Roma 41. licet illa sit occiden-  
 talis, hæc orientalis; & austrum magis, quam septen-  
 trionem spectet: quare temperiem calore, & humore su-  
 perat; vnde tot distillationes, & catarrhi.

Aethiopes ergo citius ob regionis caliditatem sene-  
 scunt, quum Anglorum, siue Britannorum plurimi supra  
 vigesimum centesimum annum producant vitam: causa  
 est, quod genuinus, atque innatus horum calor, cum  
 subiecto humido, frigore tamdiu conseruatur, quia ro-  
 boratur.

Quid de labore, atque opere dicam, tum mentis, tum  
 corporis? Quæ moderata, vitam producant, vt immi-  
 nuunt quæ immodica. Vis adiungatur aeris, & loci: ecce  
 tibi Aristoteles, qui *sect. 14. probl. 7.* querit, cur locis cali-  
 dis, atque apertis, tardiùs senescant mortales, quàm ca-  
 uis, ac palustribus? & id responderet euenire, ob aerem  
 flantem, ac resistentem, quo puriora redduntur ea loca.

Arist. 14. *sect. probl. 9.* diutius viuere affirmat, qui locis  
 calidis ætatem degunt, quod natura sint sicciore, atque  
 hinc firmiore. Adde causam alteram intrinsecam, nempe  
 excrementi copiam, siue naturalis, vt seminis; siue aduen-  
 titij, vt eius quod ex vario genere prouenit ciborum.  
 Nam effusa seminis copia, naturæ, ac cæteris membris  
 est perniciosa: hinc salacia animalia citius in senectutem  
 labuntur, quod sicciore sint, quo fit vt mulus asino vi-  
 uacior, & passeris mares breuioris vitæ sint foemellis.  
 Consule Cælium Rhodigin. lib. 20. *cap. ult.*

Habes causas longitudinis, & breuitatis vitæ: & licet  
 antiquissimi vitam longissime producerent; tamen nostro  
 æuo inclinatur, & declinabit in dies, ob causas dictas. Vnde  
 Lucretius lib. 2. *extremo:*

*Iamque adeo effæta est ætas, effætaque tellus  
 Vix animalia parua creat, quæ cuncta creauit  
 Secla, deditque ferarum ingenia corpora partu.*

Et Aratus:

*Omne æuum studiis decurrisis, hinc quoque rursum,  
 Proh pudor, atque dolor! nascetur vilior ætas,  
 Et lacerata genus ibit Bellona per vrbes.*

Putasne tu, tantam posse substantiam rei senescentis exi-  
 stere, quantum prius potuit, nouella adhuc, & vegeta  
 iuuenta pollere? Minuatur necesse est, quidquid sine iam  
 proximo, in occidua, & extrema deurgit. Sic Sol in oc-  
 casu suo radios minùs claro, & igneo splendore iaculatur.

Lib. VI.

Sic declinante iam cursu exoletis cornibus Luna tenua-  
 tur. Et arbor, quæ fuerat antè viridis & fertilis, arenti-  
 bus ramis, fit postmodum sterili senectute deformis. Et  
 fons, qui exundantibus priùs venis largiter proflebat,  
 senectute deficiens, vix modico sudore destillat. Hæc sen-  
 tentia mundo data est. Hæc Dei lex est, vt omnia orta  
 occidant, & aucta senescant, & infirmantur fortia, &  
 magna minuantur, & cum infirmata, ac diminuta fue-  
 rint, finiantur.

At ne videar nescire manum de tabula, (vt est in Pro-  
 uerbio) finis imponendus est quæstioni, si prius monue-  
 ro, non esse à diuinæ prouidentiae legibus alienum, existi-  
 mare, Deum iudicem æquissimum, voluisse improbita-  
 tem mortalium in dies magis crescentem, vitæ eorum  
 vlscisci breuitate: quæ ita brevis est, vt longissima brevis  
 sit, ac ferè punctum, vt Plutarchus asserit in oratione con-  
 sol. ad Apollonium.

Breuem ergo eam efficiunt, auctore Arist. lib. de longit.  
 & breuit. vit. excrementorum in nobis prouentus, & sub-  
 stantiæ nostræ ex contrariis constitutio. Cum enim con-  
 stitutio nostra ex calido, frigido, humido, sicco constet,  
 quæ inter se contraria sunt, ex horum assidua pugna dis-  
 solutio in nobis sequitur ingens.

Excrementa quæ ex potu, & cibo quotidie generantur,  
 hanc cladem etiam machinantur, quæ retenta, cum inu-  
 tilita sint, morbos generant, & vitæ cursum intercident.  
 Accedit perpetuus substantiæ nostræ fluor, ac humidi pri-  
 migenij, quo vita ceu pabulo congruo fulcitur, deficiens  
 vigor, quoniam natiuus calor instar flammæ humidum  
 depascitur. Hinc fit vt iter vitæ nostræ sit citatissimum, vt  
 Seneca dixit lib. de breuit. vitæ, in quem locum, nonnulla ex  
 Arist. Xenoph. Plat. congerit eruditus interpres Virgilij  
 in 9. Ecl. Germanus Valens. Elegans est epigramma, ac ar-  
 gutum, comparantis nescio cuius vitam cum rosa: quod  
 ita conuertit egregius poëta Franciscus Staterius.

*Dum rosa pubescit, modicum sine currere tempus,  
 Quare rosam, nulla est, spinæ relicta riger.*

## HIST. XVIII. GALENI,

### De vi consuetudinis.

Quidam morbo calido correptus, frigida  
 inassuetus, compellentibus Medicis,  
 epota ipsa, interiit.

A Rion igitur Miliuensis, vir in speculatione Peripate-  
 tica primatum tenens, cum in morbum quandam in-  
 cidisset, qui à frigida sanè potione lenari poterat, quia ta-  
 men calidum potum nunquam ingessisset, Medicis eum bibere  
 consulentibus repugnabat, manifestè se scire affirmans, se  
 frigida gustata spasmo correptum iri; nam & hoc ipsum asse-  
 rebat se vidisse in alio, qui sibi & corporis habitu, & tem-  
 peramento erat similis, \* calidaeque potioni erat assue-  
 tus: quod si tali potui, sicut alij nonnulli assueuisset, maxi-  
 mè quidem nec ipse ipsius oblationem timuisset. Tandem ta-  
 men Medicis eum omnino compellentibus, frigidam pota-  
 uit, atque ille quidem ira obiit, &c. Galenus lib. de consue-  
 tudine, cap. 1. in med.

### P A R A P H R A S I S.

M Axima est vis, & potestas consuetudininis, & in sa-  
 nitate conseruanda, morbisque curandis efficacia  
 summa, de cuius effectibus, in hac historia ad vsus Me-  
 dicos vtilissima, ad plenum disceptabimus. Homines  
 qui non sicuti animalia viuunt, & ea quæ iuuant, & no-  
 cent; mente consequuntur, consuetudinis potestatem  
 euidenter deprehendunt, vt lib. de consuetud. cap. 1. protu-  
 lit Galenus; in cuius rei testimonium historiam hanc in  
 medium protulit. Hoc manifestè docuit Hip. 2. lib. acut.  
 text. 20. & 21. quo loco posito exemplo in qualitate,



& numero cibationum, docet quantum repentina mutatio nocere soleat. Quare si hæc sanos summopere lædit, multò magis ægros, (vt in eodem lib. text. 50 ipse affirmat) præsertim quando morbo acuto laborant, debiliores cum sint: nam, vt dicebat Gal. 9. meth. 1. & 1. de dieb. decretor. 1. 1. Si sanis non est tutum delinquere, quanto magis ægris.

Sed si tanta est potentia consuetudinis, vt infra latè faciemus palam, dubitabis, vtrùm aliquando sit mutanda? Dic, quòd quemadmodum natura, quando est temperata, similitum vsu conseruatur, quia non habet salutem dubiam, sed firmam, & in habitu: intemperata verò & seruari, & mutari solet, licet tutius sit ipsam mutare, quàm conseruare, quia est recessui morbo propropinqua, & dubiam habet salutem, momentaneam, & in affectione, vt Galenus docuit 8. meth. cap. 3. Eodem modo consuetudo, quando est optima, seruari debet, etsi melius sit nullam consuetudinem priuatam efficere, sed omnia tentare, vt 2. aph. 50. monebat Hippocrates, & firmat Celsus lib. 1. cap. 1. Vitiosa verò mutari debet, quoniam iudies magis ac magis noxas inemendabiles facit.

Nonnulli præ dulcedine, aut dementia capti, in praua consuetudine persistunt, quàm mutare oportet, & hæc est causa, quare Galenus 2. de alim. facult. cap. 6. à cibis prauis succi abstinendum præcipit, etiam si ob consuetudinem facile concoquantur; nobis enim inscisi succi prauis generantur, qui febres malignas accendunt, ex leuissima occasione putredinem naeti; quam sententiam refert Auic. 3. 1. doct. 2. cap. 7. §. Et non decipiatur ille, &c.

Hæc consuetudo neque tempore neutra dispositionis, neque ægritudinis, mutari debet: quæ enim dissiuata sunt, facultatibus; quæ animal gubernant, sunt molesta, & natura gaudet conseruatis, 8. meth. cap. ult. post princip. Neque debet mutari tempore senectutis, quia nullus speratur fructus mutationis huius, vt monuit Galenus lib. 5. de sanit. tuend. cap. 10. in med. & senes ex leuissimis causis lædi solent, lib. 5. de sanit. tuend. cap. 4. Consule Mercatum tom. 1. lib. 1. part. 2. clas. 4. quæst. 18.

Hæc mutatio debet fieri, sensim contraria adhibendo, & interdum à contrariorum vsu quiescendo, vt natura ex insuetorum vsu recreetur, vt notabat Hip. 6. epid. sect. 2. text. 26. & debet mutari per otium, ne multitudine negotiorum quispiam impeditus, Medico imperanti non obtemperet: Sicut enim curatione, intemperantibus salutare consilium non est dandum, vt dicebat Gal. lib. de curand. rat. per sang. mis. cap. 7. & lib. de vsu theriac. ad Pampilian. cap. 3. §. Nullum tam efficax remedium, &c. Sic sanis inobedientibus nullum præsidium est consulendum, ex Hip. 1. epid. sect. 2. text. 51. Quæ conditiones desumptæ sunt ex Galeno lib. 5. de sanit. tuend. cap. 10. in fin. & cap. 11. in princip.

Amplius, si tanta est vis consuetudinis, ita vt sit altera natura, merito quæres, vtrùm indicatio naturæ, an consuetudinis præferri debeat: quia Magister lib. 8. meth. cap. 2. post med. ab ætate, & natura non esse sumendam indicationem asseuerat, nisi consentiente consuetudine, & præterea antea dixerat, quòd quando naturæ intemperatæ contrario victu longo tempore nutritæ, male se habent, similiter sunt alendæ: sin minus, præferenda est ea indicatio, quæ suadet similia temperamento. Igitur ex mente Galeni, indicatio consuetudinis præstantior est ea quæ sumitur ex natura.

Confirmatur, quia Galenus 1. 1. meth. cap. 3. ait consuetudinem, vel originale temperamentum seruare, vel adscititium inducere, & quòd tam ætas, quàm temperies quæ præsens est, & non quæ abiit, est quæ auxiliorum mensuram præscribit. Igitur cum temperies consuetudinis inducta sit, quæ præsens est, hæc potissimum curationem indicat. Deinde lib. 2. aph. 50. præfert Hip. consueta deteriora insuetis melioribus. Sed dicuntur meliora, aut deteriora respectu naturæ. Igitur consuetudo præstat naturæ.

Pro altera parte argumentum est non inualidum, quia consuetudo vim solum habet, quia similis naturæ est, aut est altera natura. Igitur maiorem vim habet natura: nam propter vnumquodque tale, & illud magis, ex Arist.

lib. 1. poster. cap. 2. Accedit, quòd natura intrinseca magis est, & à primordiis generationis contracta.

Hanc controuersiam hoc modo extrica. Consuetudo vel seruat originale temperamentum, & tunc indicatio consuetudinis, & naturæ eadem est; vel non seruat: si verò non seruat, sed adscititium temperamentum inducit, vel manet antiquum temperamentum, & hoc accidit quando partes non secundum substantiam, sed secundum qualitates solum immutantur; vel non manet, & est quando partes & secundum qualitates, & secundum substantiam sunt immutatæ; & tunc temperamentum inductum est iam in habitu, eademque est indicatio naturæ, & consuetudinis; nam præter temperiem consuetudine inductam non est alia natura. Si verò adhuc permaneat antiquum temperamentum, etiam si inductum solum sit in dispositione, quia tunc solent pugnare naturæ, & consuetudinis indicationes, præferenda est indicatio consuetudinis, quia est recenter inducta; & neque antiqua natura, neque vires conseruari queunt, nisi conseruetur consuetudo; quia insueta solent esse valde molesta, vt scitè notauit Stephanus Rodericus Castrensis tract. de complexu morbor. cap. 11.

Sed obiicies in hunc modum. Quomodo temperies consuetudine acquisita similitum vsu potest conseruari, si viis contrariis fuit inducta? si v. g. sit homo calidus tribus numeris, & frigidorum vsu vnum gradum caloris amiserit, & factus sit calidus duobus numeris: sit verò alter calidus vt vnum, & calidorum longo vsu acquisierit vnum gradum caloris, & factus sit calidus duobus numeris; vterque eandem temperiem consuetudine adquisitam, contrariis tamen rationibus tortitur: quomodo igitur seruabitur hæc temperies simul cum consuetudine?

Dic, quòd quando manet antiquum temperamentum, qui erat calidus tribus numeris, indiget calidis pro conseruatione naturæ, & frigidis pro conseruatione consuetudinis; vt qui erat calidus vt vnum, eget calidis pro conseruatione naturæ, & consuetudinis. Si verò non manet antiquum temperamentum, licet ratione mediæ dispositionis acquisitæ, similia requirant, tamen propter varias consuetudines quibus inducta est, alter frigidis, alter verò calidis gaudet.

Obiicies iterum. Quomodo simul natura, & consuetudo possunt seruari, si pugnant inter se: & quomodo potest conseruari consuetudo, si repugnat curationi morbi, vt si aliquis assuetus rebus calidis, incidat in morbum calidum? Dic cum Gal. 8. meth. cap. ult. quòd quando pugnant indicationes, præstantior est præferenda, & quæ magis vrget; & cum indicatio morbi sit dignior, faciendum est quod morbus insinuat, & ad eius curationem est necessarium. Et sicuti quando natura, & consuetudo consentiunt cum morbi curatione, sine cunctatione, & celeriter agendum est; sic quando repugnant, vt simul conseruentur, aliquid remediis est detrahendum, ita vt ratione naturæ, & consuetudinis sint remissiora auxilia, quàm morbus expostulat: vt si morbus fuerit calidus vt duo, præsidia morbi ratione debent esse frigida vt duos; si natura fuerit calida, & consuetudo calidis fuerit acquisita, auxilia sint temperata, aut frigida, vt simul morbus curari possit, & conseruari natura cum consuetudine.

E Lege Vallesium 8. cont. cap. 5. in fin.

Insuper ardua dubitatio ex dictis Hip. emanat, quomodo quis possit ad insueta permutari, & assuescere contrariis, vt Hip. docuit, lib. 2. aph. 50. notante Galeno in com. sine, idè Hip. particulam illā adiecit: Oportet igitur ad insueta permutare. Ratio dubij est, quia consuetudo in habitu consistit, ex frequenti vsu derelicto: si igitur assuescit calidis, contrahit habitum calidum; si frigidis, frigidum: extremæ verò qualitates, ita vt singulæ medium latitudinis excedant, non possunt simul comparari. Igitur non possunt contrariæ consuetudines simul acquiri.

Dic, quòd quando aliquis assuescit contrariis, contrarium habitum non acquirit, sed potius medium, qui nulli extremorum est similis, sed potestate extrema continet.



continet, & hac de causa à nullo læditur extremo. Neque A  
infectes, hoc concessio, idem esse victu mediocri vti, &  
contrariis assuescere: nam quemadmodum ex contrario-  
rum vñ habitus medius acquiritur, cuius interuentu  
minùs ab extremis lædimur; sic ex mediocri victu habi-  
tus medius comparatur: quod sanè falsum est; qui enim  
mediocri victu vtitur, si declinet ad calidum vel frigi-  
dum, lædi solet.

Solue, quòd quemadmodum corpora temperata con-  
seruari possunt in eodem statu, non solùm à temperatis,  
sed à calidis, aut frigidis, si successiue, & cum æqualitate  
adhibeantur, quia extrema tunc ad medium trahuntur:  
eodem modo corpora, vt minùs ab extremis lædantur,  
possunt vti & mediocri victu, & modò calidis, modò  
frigidis; quoniam quando ab vno ad alterum recedunt,  
non fit citra noxam, verùm semper exigua est, quam con- B  
temnit Hip. magnam solùm, & momentaneam pertime-  
scens; & idèd præcipit ad insueta permutare, ne magno-  
pere offendamur, vt notat Galenus in com. & explicat in-  
genue Ambrosius Nonnius ad hunc locum.

Solue secundò, quòd contrariorum vsus solet induce-  
re firmitudinem & robur: cutis enim quæ aëri calido, &  
frigido successiue occurrit, durior fit, & difficiliùs patitur,  
Lege Petrum de Peramato, Medicum clarissimum lib. de  
temperament. cap. 17. Christophor. à Vega lib. 2. art. med.  
sect. 2. in fin. Fortunium Licetum lib. 4. de his qui sine ali-  
mento viuunt in fin. de consuetudinis viribus in inedia. An-  
tonium Mariam Venustum consil. 26. in med.

## QUESTIO IX.

*Virum consuetudo sit adscititium temperamentum, an  
habitus. Contra Peramatum, Vallesium, Chri-  
stophorum à Vega, & Mercatum,  
Medicos doctissimos.*

### COMMENTARIUM.

**C**alida porioni erat assuetus. ] Quoniam historia hæc  
ad praxim summopere necessaria, & cuius veritas  
quotidiano firmatur experimento, efflagitat explicatio-  
nem satis amplam, idcirco in eius expositione paulisper  
immorari satius duxi. Ergo Galenus lib. 2. de motu muscu-  
lorum, cap. 7. & lib. 3. simpl. cap. 18. in fin. Consuetudinem  
vocat alteram naturam, aut adscititiam, & lib. 1. meth.  
cap. 33. dicit consuetudinem, aut originale temperamen-  
tum seruare, aut adscititiū inducere: & Arist. lib. 7. Ethic.  
cap. 10. vocat similem naturæ, & lib. de memor. & reminis-  
cent. asserit, consuetudinem temporis progressu in natu-  
ræ habitum conuerti. Iuxta quam doctrinam, non erit  
consuetudo frequens rerum vsus, & frequens rerum  
operatio, licet hæc sit causa efficiens, quæ consuetudinem  
inducit, sed erit potius qualitas, seu habitus ex frequenti  
actione, & passione in rebus impressa, ob quam prom-  
ptius, & diutius operantur, vt colligitur ex Arist. 2. 1.  
sect. probl. quest. 14.

Non esse autem adscititium temperamentum, patet,  
quia si duo hominès per contrarias alterationes ad idem  
intemperamentum perducantur, vt si v. g. homo calidus  
in primo gradu, per frequentem vñ calidorum perue-  
niat ad temperamentum calidum in secundo gradu, & al-  
ter calidus in tertio gradu, per vñ frigidorum perueniat  
ad temperamentum calidum in secundo gradu: tunc idem E  
est temperamentum in vtroque homine, vtpote calidum  
in secundo gradu; non tamen est eadem consuetudo, cum  
vtriusque hominis consuetudo iisdem rebus conseruari  
non possit, sed in altero conseruatur rebus calidis, & ma-  
ximè offenditur rebus frigidis; in altero verò, secus,

Secundò, Hip. 2. aph. 50. maximè reprobatur vniformem  
consuetudinem, vtpote periculosam, ob inopinatas re-  
rum occasiones, quibus homines subiiciuntur, idèd ad  
insueta permutare docet: hoc autem contingit, non  
semper iisdem inhærendo, sed contraria tentando, vt  
omnia sint consueta. Hortatur ergo Galenus, vt homi-  
nes assuescant contrariis, quod est impossibile, si consue-

Lib. V I.

tudo, natura, aut habitus est, aut adscititium tempera-  
mentum.

Tertiò, Consuetudo non solùm acquiritur circa pri-  
mas qualitates, sed circa alias contrahitur, quæ sunt  
valde à primis distinctæ, vt sunt virtutes intellectu-  
ales, & morales. Non ergo erit semper adscititium  
temperamentum, quod ad primas qualitates per-  
tinet.

Porro, quoniam primum argumentum magnam in se  
inuoluit difficultatem, notabis duplex esse temperamen-  
tum, alterum substantiale, quod attinet ad elementorum  
substantiam, & est eorum perfectio; & aliud quod perti-  
net ad qualitates, quod est symmetria vtriusque. Substan-  
tiale difficiliùs mutatur quàm qualitatiuum; qualitates  
enim faciliùs mutantur, quàm substantiæ: & tempera-  
mentum qualitatiuum interdum mutatur cum substan-  
tiali, vt quando omnino permutatur temperamentum:  
aliquando manente temperamento substantiali mutatur  
qualitatiuum, & inducitur contrarium, vt quando homo  
natura calidus rebus frigidis assuescit. Et sicut natu-  
ra habet inclinationem ad similia, quibus conserua-  
tur; eodem modo consuetudo habet propensionem  
ad res consuetas, quibus delectatur natura. Quare  
consuetudo non est temperamentum, in hoc, vel il-  
lo gradu, sed temperamentum impressum ad res con-  
suetas.

Ex hac doctrina solues primum argumentum. Nam  
quamuis in vtroque homine sit idem temperamentum in  
eodem gradu, non tamen in vtroque retinet eandem  
proportionem; nam in vno inclinatur ad frigida, in alio  
ad calida; quare retinent diuersas consuetudines. Secun-  
dum verò dilues, vt supra dictum est, quòd scilicet homi-  
nes sic assuescunt contrariis, quia robur acquirunt: nam  
partes adhibendo contraria alternatim, & duriores,  
& robustiores euadunt. Lege Valleriolam lib. 1. loc.  
com. cap. 6.

Pro solutione tertij argumenti, aliùs est inuestiganda  
causa, ob quam consuetudo in hac, vel in illa materia cō-  
tracta, tantum valeat. Materiæ enim in quibus contrahi-  
tur consuetudo, sunt cibi, & potus, medicamenta alte-  
rantia, purgantia, venena, alexipharmaca, insolatio, fri-  
giditas, caliditas aëris ambientis, cubile, molle aut durum,  
vita deliciosa, & laboriosa, omnes actiones omnium fa-  
cultatum animæ, somnus, vigilie, euacuationes: in sin-  
gulis causa est inquirenda, quam inuenire arduum &  
difficile est, vt notat Hermannus Labeus lib. 1. gynæcorum  
cap. 2. de menstrui suppressione.

In cibis, & potibus contrahitur consuetudo. Ita dixit  
Hip. lib. 2. de rat. viñt. in morb. acut. tex. 21. *Atqui quod sim-  
plex tum cibus, tum potus semper sibi similis, ad sanitatem  
tutior omnino sit, quàm si quis subito ad alterum, vel meliorem  
se transferat, facile discitur, intelligiturque: & in sententia  
sequenti sic profert: Nempe tum is qui bis die comedunt,  
tum is qui semel, noxas, & infirmitatem pariunt repentina  
mutationes: eos qui prædere non consueverunt, & prouident, sta-  
tim infirmos reddunt, toto item corpore graues, & imbecilles, &  
desides. Quòd si supercænauerint, acidum ructant: alios alui  
lauitas exercet. Nempe ventriculus præter consuetudinem  
grauatur, superficcescere consuevit; non bis tumescere,  
neque bis cibos coquere, &c.*

Causa in promptu est, quia in illis consuetudo, est si-  
gnum, & causa magni momenti, quia cibi consueti sunt  
iucundiores, & suauitas est familiaritatis signum, quò  
enim familiariores sunt, eò suauiores. Nam alimenta de-  
bent esse familiaria, & similia, sic enim sunt præstantio-  
ra, quum certum sit inter nutriendi, & nutritum semper  
reperiri cognitionem, & similitudinem, vt probat Ga-  
lenus lib. 3. de temp. cap. 2. in princ. & lib. 6. de sanit.  
tuend. cap. 3. in med.

Præterea potest plurimum consuetudo, vt causa, quò-  
niam alimenta quum in ventriculo, iecore, & aliis parti-  
bus transmutantur, has etiam transmutant insensibili al-  
teratione sibi simili, quæ temporis diuturnitate fit sensi-  
bilis, vt Galenus latissimè docet lib. 3. de caus. sympt. cap.  
2. in med. & lib. 3. de temp. cap. 4. Nec enim fieri potest,

MMM 3

quòd

quod agentia non repatiantur à patientibus. Si igitur A qualitas similis acquiritur in ventriculo, & iecore, ex cibis, & potibus consuetis; & inter ea quæ habent symbolum facilius est transitus, necessarii cibi, & potus consueti facilius debent concoqui, & molestare minùs.

Sed hoc loco occurrunt dubia duo grauissima, quorum primum est huiusmodi: Si cibi, & potus consueti sunt suauiores, & consuetudo acquiritur ex frequenti rerum usu, quare frequens usus cibi, & potus concitat tædium, nauseam, & molestat? Arist. 2. 1. *sect. probl. 1. 4.* sic soluit: dicit enim consuetudinem inducere habitum, & non satietatem; frequentem tamen usum implere desiderium affirmat: At consuetudo (inquit) efficit, ut operationes promptius fiant, facilius, & cum delectatione, & ut res in operatione diutius persistant; non tamen semper delectat: res enim assuetæ, si modum excedant, solent esse molestæ; quia omnis potentia, siue sit actiua, siue receptiua, in agendo, & recipiendo, frequentique operationum usu, solet perfici, & augeri, si non excedat modum in opere suo: tunc enim non solum defatigatur, sed dissoluitur, intensiue, si plus iusto vehementior est, vel extensiue, quia diutius durat, quàm par sit, & sic ob defectum organi, hoc est, caloris & spiritus, corrumpitur: quod etiam lib. de somno, & vigilia, in princip. ipse confirmat.

Secundum dubium. Quomodo cibi, & potus consueti, etiam si deteriores sint, dicuntur minùs nocere, si verum est quod Galenus affirmat 2. de alim. facult. cap. 6. *abstinendum esse à cibis prauis succi, etiam si aliquibus coctu sint faciles, quia nobis non aduertentibus post longum tempus succi prauis in venis generantur*: quam doctrinam confirmat Auicenna 3. 1. doct. 2. cap. 7. § Ille verò non decipiatur, in quo mala digeruntur cibaria, &c. Et Galenus lib. de bonis, & vit. succor. cap. penult. cum agit de potu aquæ frigidæ niue refrigeratæ, iuuenes validos, sanguineos, exercitatos, posse bibere hanc aquam, affirmat, quibus procedente ætate, & in senecta nerui, & articuli grauissimis, ac immedicabilibus vitiisprehenduntur: quam sententiam repetit Auic. 3. 1. doct. 2. cap. 8. Igitur potus, & cibi consueti, cum deteriores sunt, plurimum nocent, atque molestant.

Dic, consuetudinem prauam circa cibos, & potus, & circa alias materias semper esse perniciosam: licet enim in præsentia nihil mali habere videatur, tamen post tempus diuturnum grauissimas noxas inferre solet: idèò mutanda, cum cautela tamen, & religione, ita ut paulatim mutetur; quiescendum enim est ab iis quæ permutant, ut interim rebus consuetis natura recreetur, veluti docuit Hip. 6. epid. sect. 2. sext. 26. Magna tamen ex parte homines assuecunt iis, quæ conueniunt, & ea à quibus frequenter læduntur, repudiant; quia vel dementia tantum, aut dulcedine capti in reproba consuetudine perseverant, ut notabat Galenus 5. de sanit. tuend. 1. 1. & lib. 9. meth. cap. 16. Et quamuis consuetudo potus, & cibi deterioris, post longum tempus maximè noceat; si tamen vna, aut altera cibatio, comparetur cum cibatione cibi melioris insueti, minùs lædit, & hoc modo Hippocrates est intelligendus.

Solue secundò, & fortasse meliùs, si dicas, cibum aut esse absolute prauum, cuius malitia nec per consuetudinem potest cohiberi, cui non est assuefaciendum; aut non simpliciter reprobum, siue illud habeat ex natura sua, siue ex modo præparationis, cuius noxa per consuetudinem corrigi potest, cum non sit extrema, sed exigua: nam ob assuetudinem redditur & similior, & suauior, propter quas causas multo meliùs retinetur, concoquitur in ventriculo, & partibus assimilatur, quod ad succi præstantiam maximum habet momentum, ut firmat Gal. lib. de bonis, & vitio succor. cap. 5. Quantò enim cibus meliùs in ventriculo concoquitur, tantò dispositionem acquirit perfectiorem, ut in bonum sanguinem transmute- tur, auctore Galeno 5. aph. 26. Ex quibus patet, quo pacto parum deterior cibus & potus, suauior tamen, minùs nocere soleat, 2. aph. 38. & quomodo præcipiat lib. 6. epid. sect. 4. text. 8. ægotis in esculentis, & poculentis gratifi-

candum esse; & quomodo reprobam victus rationem sibi similem commendet, quæ non absolute, sed aliquo tantum modo vitiosa esse debet.

Circa quantitatem cibi, & potus acquiritur etiam consuetudo: qui enim multo cibo, & potui sunt assueti, facile tolerant, dissueti valde læduntur. Sed hoc difficile mihi videtur, quoniam inter partes, & quantitatem nulla adest familiaritas, & quantitas non est actiua, nec similem dispositionem inducere potest. Citati auctores causam huius euentus in robur ventriculi, & aliarum partium reiciunt, quod ex frequenti, & multo ciborum esu solet comparari; proprii enim officij exercitatio robur partis adaugere solet, ut ait Galenus 6. de loc. affect. cap. ult. at exercitatio ventriculi, coctio est, quantò enim magis concoquit, magis exercetur, & maius robur comparat.

At ij falluntur manifestè: primò, quia non attribuunt hoc consuetudini, sed naturæ, quæ aliquid perfectionis est consequuta, ob esum multorum ciborum, qua ratione facultates robustiores sunt redditæ. Secundò, sequeretur quod ventriculus robustus plurimam ciborum quantitatem rectè toleraret, etiam si non esset assuetus, quod est falsum: nam videmus ventriculum natura languidum, multitudini ciborum assuetum, facilius eam tolerare quàm robustum. Ea ergo huic euentui causa reddenda, quia cum ab assuetis non fiat passio, quantitas consueta minùs contristat; & idèò ventriculus illam amplius amplexatur, & concoquit facilius: contrà autem quantitas insueta, quia magis imprimit, magis irritat, & idèò ventriculus ipsam difficilius amplexatur, & minùs concoquit.

Contrahitur etiam consuetudo, circa virtutes animales tam externas, quàm internas; quoniam memoria excolendo augetur, & exercitatione ingenij fiunt homines ingeniosiores. Hoc constat in sensibus; qui enim assueti sunt graues odores percipere, minùs læduntur: & similiter in aliis sensibus res se habet.

Circa facultates naturales etiam acquiritur; quoniam instrumenta naturalia ob consuetudinem, cum delectatione, & explicatiùs suas actiones efficiunt. Quod videtur repugnare Aristoteli lib. 2. Ethic. cap. 1. asserenti naturalia non assuescere, quoniam lapis etiam si millies proiciatur, nunquam assuescet sursum ferri: maximè quum agentia naturalia semper agant usque ad vltimum potentie, iuxta proportionem actiuitatis agentis ad resistentiam passi. Igitur non assuescent aliter operari.

Dic. Agentia naturalia, quando ex frequenti actione aliquid acquirunt, assuescere possunt; veluti sunt instrumenta naturalia, in quibus facultates naturales resident, quæ ex frequenti alimentorum, & medicamentorum usu adscititiam dispositionem acquirunt, quæ causa est familiaritatis. Contrà autem quando ex frequenti actione nihil de nouo acquirunt, quod possit mutare actionem, non solent assuescere; ut sunt grauiora, quæ etsi sæpe sursum proiciantur, nunquam aliquid leuitatis acquirunt.

Verfatur etiam consuetudo circa medicamenta non solum alterantia, sed purgantia, ut docet Galenus 5. de sanit. tuenda, cap. 9. præcipiens non vnicum esse eligendum medicamentum, sed varia esse tentanda, ne illis assuescat natura, & eorum vires contemnat. Quam doctrinam sequutus est Auicenna 4. 1. cap. 1. ad finem, dicens, non esse standum secundum vnam medicationem cum vna medicina, nam minùs imprimit, cum ei assuescat natura, & ab assuetis non fiat passio; & quia inter medicamentum, & corpus in vna hora reperitur proprietas, quæ non in alia, neque in alio corpore.

Neque obstat doctrina eiusdem Auicennæ. in eodem loco, cum dicit: *Et caue ne à rectitudine recedas, etiam si non appareat inuamentum, neque in errore moreris, licet non appareat nocumentum*: quod priùs docuerat Hip. 2. aph. 5. 2. Hi enim non prohibent mutationem medicamentorum, sed solum secundum vires; non tamen in formam, & in speciem, quia medicamenta easdem vires sortita, diuersa specie, & sub variis formis applicari debent in diuturnis morbis, ne assuescat natura.

Rectissime ergo dixit Celsus lib. 1. cap. 3. prope fin. in hunc modum; *Purgationes quoque ut interdum necessaria sunt, sic ubi frequentes sunt, periculum afferunt; assuescit enim non ali corpus, & ob hoc infirmum erit, cum omnibus morbis obnoxia maxime infirmitas sit, &c.* Hoc modo explicatur etiam locus Auic. 4. 1. cap. 5. in fin. §. *Et non est facienda natura consuetudo, &c.* Exponitur etiam causa, quare frequens clysterum usus naturam adstringat.

Circa venena etiam acquiritur; ut patet ex Mithridate Rege, qui cum esset venenis assuetus, à nullo veneno potuit interfici: & ex anu illa Atheniensi, quæ fuit nutrita cicuta, de qua Galenus 3. simpl. 18. & ex puella illa quæ fuit alta veneno, quam describit Auic. 6. 4. tract. 1. c. 2. quarum historiarum expositionem in superiori libro proposuimus. Efficacit enim consuetudo, ut non solum salubria nobis vsui sint, sed & quæ alioqui (nisi assueti essent) deterrima essent futura, salubria euadant.

Hinc fit ut à pessimis quibusque cibis nonnulli nihil lædantur: unde alius fungos, tubera, crudos fructus, legumina, ouillas, bubulas carnes facillime; alius difficillime ferat. Tantæ scilicet potentie est consuetudo, ut non solum ciborum malignitatem superet, sed venenorum perniciem euincat, eaque à sua labe dira expoliet. Quare plures sensim, modiceque venenum deuorauerunt, quo in posterum in magna quantitate citra ullam noxam vsi sunt, ut variis exemplis eo loco confirmamus.

In exercitationibus maximam quoque vim habet consuetudo: ita ut asserat Hippocrates 2. aph. 49. quod assueti solitos labores ferre, et si fuerint imbecilles, & senes, fortibus, atque iuuenibus facilius ferant. Causam tradit Gal. in com. 2. de sanit. tuend. cap. 2. §. *Nam quoniam vehementior motus exercitatio est, &c.* Quia partes nervosæ exercitij frequentia robustiores redduntur. Sed videtur ob stare Hip. lib. 2. Aph. nuper citato, ubi comparat iuuenem robustum cum sene languido.

Quod si dicas, in exercitatis, etiam si appareant languidi, partes nervosas, & musculosas esse robustiores ad exercitia toleranda: Obstat, quod homo, qui ex natura validus est, & dissuertus exercitiis, non difficulter toleraret exercitium: quod est falsum. Causa ergo huius euentus, non solum ad robur partium, quod ex assidua, & copiosa spirituum communicatione ad partes exercitatas comparatur; sed (ut Argenterius rectè in com. cit. Aph. notauit) ad facilitatem flexionis, & distentionis partium est referenda. Quamto enim partes promptius flectuntur, & distenduntur, tanto facilius, & diutius tolerant exercitia, quia minus dolent. Probat enim Galenus 2. de motu musculorum, cap. 7. figuras medias esse iucundas, & doloris expertes, & diutius posse seruari, quia extrema flexione, & distensione carent: & quia in singulis exercitationibus, partes diuersimodè solent flecti, & distendi: qui assuetus est vni exercitationi, reliquas difficulter tolerat, etsi minus, quam qui nullus est assuetus.

In animi affectibus magnam etiam vim habet consuetudo: qui enim frequenter irascuntur, ex iracundia minus lædi solent, & facilius ea tentantur, quam magnas occasiones non expectent: nam spiritus, & cor ex frequenti ira accenduntur, promptèque inflammantur. Sicut qui assidue contristantur, succum melancholicum generant, qui tristitiam concitat, ut constat ex Hippoc. lib. 6. aph. 23.

In euacuationibus maximam similiter habet efficaciam consuetudo: sunt enim nonnulli, qui ex interuallis patiuntur diarrhoeam, cholicam passionem, vomitum; aut ex pluribus corporis partibus sanguinis fluxum, sibi venæ secant, purgantia assument, & quando has euacuationes prætermittunt, in grauissimos morbos incidere solent, ut docuit Galen. 7. meth. c. 11. in princip. & lib. de consuetud. cap. ult. Alij assueti sunt balneis, frictionibus, patiuntur fistulas, aut vlcera, ut aduertit Gal. 4. de sanit. tuend. cap. 4. quæ vacuationes ob assuetudinem maximo solent fieri cum ægrotantis commodo, quia omnem corporis redundantiam exhauriunt; & si hæc vacuationes cessent, summum periculum impendet, & timor est ne superfluous humor assuetus vacuari, in principes partes restaguet,

& subitam mortem afferat. Hoc modo dimissio consueti exercitij affert morbos, quia cum sit species vacuationis, 4. aph. 2. copiam euacuat. Hoc modo intelligendus est Auic. 3. 1. doct. 2. cap. 1. §. *Et dimittens exercitium incidit in hecticam*, Hoc est, in extenuationem. Sicut enim exercitatio roborat partes, sic otium dissoluit, ex Hip. lib. de officio med. text. 28. & Gal. 3. de articul. 82. Cello lib. 1. cap. 1.

Nihilominus ex hac doctrina quamprimum exurgit dubitandi occasio, ex Galeno desumpta, qui lib. de consuetudine, cap. ult. probare contendit contra Erasistratum, consuetudinem in euacuationibus necessitatem non inducere, sed solum tolerantiam facilem: quoniam euacuatio non indicatur à consuetudine, sed ab humoris copia; & euacuatio si est utilis ex interuallis, non alia ratione commodum affert, nisi quia humoris abundantia vacuatur. Quia si viuendi ratio intemperata, & vitiosa corporis constitutio, erant causa ut humor excreceret, corrigantur, & tunc illius copia non excrecet, neque opus erit vacuatione vlla, nec dimissa vacuatio nocebit.

Consuetudo ergo vacuandi solum facilem tolerantiam inducit, nam assueti facile possunt vacuari, pro ut morbi magnitudo expostulat. Illi verò qui euacuationibus assueti non sunt, non debent pro plenitudinis ratione vacuari, sed multò minus quam affectus, & copia desiderant. Sic intelligendus est Galenus 2. ad Glauc. cap. 14. quando in dissuertis venæ sectionem prohibet, etiam si reliqua consentiant. Si verò homo sit intemperans, & optimo viuendi genere non utatur, & hoc modo excrementorum copia in corpore ex interuallis accrescat, tunc consuetudo vacuationis, necessitatem vacuationis inducit.

In somno, & vigilia plurimum præualet consuetudo: ut Hip. docuit 2. progn. 10. Somnus enim diurnus consuetus non lædit, insuetus summopere molestat; quoniam recrementa, quæ tempore diurno ad cutem debent transmitti, somni ratione retinentur, & sursum ad caput elata, dolorem capitis, & totius corporis grauitatem concitant: inde lassitudo, & distillationum in subiectas partes frequentia generatur.

Circa morbos etiam contrahitur consuetudo: consueti enim minus habent periculi, quia minus irritant. Sic Auic. 16. 3. tract. 1. c. 2. affirmat, assuetos incidere in cholicam passionem minori periculo premi: nec dissimili ratione Hip. lib. de natur. pueri, n. 43. primiparas magis dolere, ob partus inassuetudinem: contra autem partu sæpius expertas, minore dolore tentari pronuntiat: de quo argumento lege Santorellum doctissimum lib. 10. Anteprexis, cap. 20. Iulium Alexandrinum lib. 22. salubr. cap. 6.

Ex his apparet, quomodo sit respondendum ad tertium propositum argumentum, in principio adductum, quia consuetudo non semper est adscititium temperamentum pertinens ad qualitates primas, sed habitus, seu qualitas, quæ potentias in latitudinem suarum operationum inclinat; & hæc qualitas interdum ad primas, sæpe ad secundas qualitates pertinet, aliquando alterius est nature.

## HISTOR. XIX. GALENI,

### De diebus decretoriis.

Septimus dies, omnium criticorum maximus.

Go in tota estate interim plures quam quadringentos homines acutè ægrotantes, vniuersos \* vel septimo, vel nono die crism habuisse conspexi. In alio rursus anno, quosdam decimo-quarto, quosdam vigesimo, plurimos post morbi reuersionem. In alio permultos sanguinis fluxum quinto habuisse, perfectè septimo, vel nono die iudicatos esse. Vidi etiam in autumno aliquando omnes undecimo iudicatos: sed hic quidem autumnus bonam crism attulit. In alio autem omnibus sexto die non bonum iudicium accidit. Quapropter etiam magis subit mihi mirari, eos qui planè nullum in diebus discrimen, ve-



riam eiusdem omnes dignitatis esse arbitrantur, &c. Galenus lib. 2. de diebus decretoriis, cap. 7.

# PARAPHRASIS.

**I**N postrema Medicorum Principum historia prosequemur argumentum satis utile, cuius doctrina est eximia, momenti magni, ad morborum curationem, solutionem, & præsagium præstantissima, nempe de Crisi, & diebus decretoriis: in quo explicando etiam plures insudarint strenuè, & Galenus eos, veluti fortissimus Antesignanus, sua facundia Asiatica, nitoreque scribendi fecundo, polito, & graui, prius longo intervallo superauerit; tamen ne in operibus nostris, aliquid desit, quo studiosos, & medicam rempublicam, pro recta medendi methodo exercenda demereamur, ea omnia succinctè, at solidè, & neruose in propatulum proponemus.

De Crisi etymologia satis actum est, lib. 4. in com. hist. 14 quo loco ex mente Galeni contra Langium lib. 1. epist. 37. probauimus, nomen crisis esse translatum à foro exteriori. Sicut enim in hoc, homines iudicium mortis expectant: sic in crisi, præsentibus diris symptomatis, quæ excruciant ægrum, de vita hominum iudicium agitur, 3. cris. 2. vt doctissimus aduertit Ioan. Lalamentius in proemio ad libros de diebus decretoriis. De die decretorio quid sit, explicuit Galenus lib. 3. prog. 1. quo loco ex Hip. sententia, eos dies decretorios vocat, in quibus fidè, & frequenter subitæ mutationes fiunt: quum enim crises in omnibus diebus accidunt, tamen non æquali fide contingunt; quoniam in 12. & 16. nunquam Galenus vllum iudicatum vidit, vt affirmat lib. 1. de dieb. decretor. c. 2. Plurimum enim interest inter dies, in quibus iudicia contingunt: solum enim illi qui frequenter decernunt, & fidè, decretorij sunt iudicandi: & lib. 1. de dieb. decretor. c. 7. in med. & 2. prog. 54. dies decretorios ad firmitudinem iudicij conducere asserit: quod verò bonum, vel malum sit, ex aliis iudiciis esse petendum. Est autem iudicium, subita mutatio ad salutem vel ad mortem, vel ad melius, vel ad peius. Solent enim sex mutationum differentiarum in morbis animaduerti, vt Galenus docet lib. 3. cris. cap. 1. ex quibus quæ repentinæ, & insignes sunt, crises dicuntur; reliquas verò paulatinas, solutiones vocamus, vt ait Gal. 2. aph. 23. & refert Hip. sententiam lib. 1. epid. sect. 3. com. 16. quo loco id perbellè confirmat.

Quando verò morbus crisi sit finiendus, vel paulatina solutione explicat Gal. 3. cris. 4. post med. dicens, morbos magnos iudicari, paruos solui. Ratio verò desumitur ex Gal. 2. cris. 1. quoniam crisis non fit sine certamine magno; hoc verò in morbis magnis, ob eorum vehementiam, & causæ magnitudinem obleruatur, quia fortia symptomata natura diu tolerare nequit, sed irritata ad pugnam se accingit; quare vel celeriter dissoluitur, vel vincens morbos iudicat, ex Gal. 2. aph. 23. & 5. eiusd. 6. In morbis verò leuibus, & exiguis parua symptomata excitantur, quæ natura alacriter sustinet.

Crisis raro accidit sine notabili euacuatione, aut insigni abscessu: qui verò morbus aliter quiescit, malignius retrocedit, ex Gal. 1. de dieb. decret. 1. & 3. de cris. 2. in princip. & Hip. prius docuit 2. aph. 27. & lib. 2. prorrh. 17. Quæ enim sine signis leuant, deterrima sunt, & perniciofa, & sunt decretoria non decernentia, quæ aut lethalia sunt, aut difficilis iudicationis, quæ summè damnauerat Hippocr. in epidem. 1.

Solum pueruli per altiore, & longiorem somnum, celerem in morbis solent suscipere mutationem, vt Galenus firmat 1. prorrh. com. 29. & 3. prog. 1. quod pluribus exemplis confirmat Christoph. à Vega in com. huius enim ope, à valida puerorum vi, crudi, pituitosique humores concoquantur, & per cutis spiracula resoluuntur. Somnum autem coquere dictauit Galenus 12. meth. 3. & alibi sæpe. An verò hæc mutatio, crisis vocari debeat, Galenus non definit, sed contrarias refert sententias: potest tamen crisis vocari, nam interdum paulatinas vacuationes, crises appellat Galenus 2. cris. cap. 11. in fin. Si verò quæras, an crisis hæc puerorum per somnum facta, ad dissolutionem

A referatur, an ad coctionem: Dic, ad vtramque referri posse: pueri enim maxima valent facultate coctrice, 1. de sanit. 8. & lib. 6. cap. 2. & 3. de caus. symp. 3. & 3. de præsag. ex puls. 3. & coctio præsertim fit tempore somni, 1. de caus. symp. 8. & 6. epidem. sect. 5. com. 10. & 3. de caus. puls. cap. 9. Refertur etiam ad resolutionem, quæ tempore somni maxima fit, tum ob substantiæ mollietatem, tum ob magnam euaporationem à coctione eleuatam: etenim licet somnus omnes vacuationes retineat, 2. 1. doct. 2. cap. 13. tamen quæ fit per cutem, tunc copiosior est.

An verò crisis futura sit per abscessum, vel excretionem, docet Galenus lib. 3. prog. 24. Quando enim morbus ex calidis humoribus concitatur, & vires constant, tunc speratur crisis per excretionem: Quando humores sunt crudi, crassi, & virtus languet, tunc vel paulatim morbus finitur, vel per abscessum. Quando humores sunt tenues, & calidi, & virtus est debilis, vel quando humores sunt crassi, & vires validæ, speratur crisis per abscessum, quæ mediam retinet naturam inter paulatinam solutionem, & crism per excretionem.

Crisis tres habet partes, perturbationem, vacuationem subitam, & insignem mutationem: nam auctore Gal. 2. aph. 16. & 4. eiusd. 22. Oportet præire coctionem, subsequi discretionem, deinde euacuationem, vt bona sit crisis, atque iudicium. Ideo in postrema parte status, post perfectam coctionem, incipit separatio utilis ab inutili. Dum hæc fit, agitatibus humoribus, & properante natura irritata noxios humores expellere, plurima symptomata apparent, dira, & terroris plenissima, quæ plurimum ægrotos excruciant, atque fatigant, quæ ex professo describit Hippocr. 2. aph. 13. Gal. 1. de dieb. decret. cap. 1. & 3. lib. de cris. cap. 2. Separante verò natura bona à malis, & noxium humorem superante, & morbi causa diminuta, vacuatio aliqua subsequitur in bona crisi: quando est praua, dissolutis viribus, causa peiori reddita, omnia contraria eueniunt. Quamuis autem quælibet pars, crisis vocari possit, Galenus tamen 1. cris. 4. ea symptomata quæ perturbationem comitantur, signa critica vocat; euacuationem verò, & abscessus, crism appellat.

Optima crisis est ea, in qua omnia rectè procedunt, aut cui nullus numerus iudicatorius deest: & debet habere conditiones sex, auctore Galeno 1. aph. 20. & 3. de cris. c. 3. Quarum prima est, vt potius fiat excretionem, quam abscessu; hæc enim robur naturæ, & materiæ obedientiam significat. Secunda, vt per eam humor peccans excernatur, hoc est, vt si morbus biliosus fuerit, biliosa excernantur, & si fuerit pituitosus, pituitosa excerni debent; conferentia enim, & tolerantia, optimæ vacuationis sunt notæ, siue ab arte, siue à natura celebretur, ex Galen. 1. aph. 20. & 23.

Tertia conditio est, vt fiat recto tramite, & per regionem conuenientem naturæ morbi. Quarta, vt perfecta concoctio præcedat, quia optima crisis accidit natura integrè superante; vincit autem per coctionem, quæ nihil est aliud, quam victoria naturæ, ex Galeno lib. 3. de crisib. cap. 5. & lib. 2. acut. 44. At quando natura valida est, & humori dominatur, illius motus determinatus est, & ideo expultrix, quæ crisis causa est efficiens, nonnisi absoluta coctione agere solet. Interdum verò ob conturbationis vehementiam irritata, ante tempus excernit, vt monuit Galenus lib. 3. cris. cap. 10. & 3. de dieb. decretor. cap. 8. quibus in locis adducit Hip. sententiam, quæ sic se habet: Quacumque crisis qua præuenit, mala est. Appellat enim crism præuenientem, quæ intempestiuè accidit ante statum, & coctionem: quæ enim contraria illi est, in statu, & apparente coctione fieri debet. Sola ergo crisis optima, & perfecta in statu fit, 4. aph. 36. in quo omnia sunt fortiora, 2. aph. 29. & 30. à quibus irritata natura ad eorum expulsionem validè insurgit: quod etiam firmat Auicenna 2. 4. tract. 1. cap. 2.

Verum dubitabis, an in morbi principio, augmento, & declinatione possit contingere crisis: Dic, in principio nunquam accidere crism nisi perniciosam, quæ debilitatem retentricis, & humorum copiam significat, qui naturam irritantes, eam cogunt vt ante tempus præfinitum excernat:



excernat: quare euacuatio hæc in principio contingens, A  
symptomata est, & præter ordinem naturæ concitata.  
In augmento crisis bona accidere non potest, ex Gal. 3.  
cris. 5. sed est incompleta, ex Gal. 3. cris. 6. & Auic. 2. 4. cit.  
In declinatione autem non contingit crisis, hæc enim sine  
pugna naturæ, & morbi non fit, quæ in declinatione  
non adest, quia symptomata cessant, quæ naturam irri-  
tant ad pugnam.

Nec obstat Auic. 2. 4. cit. dicens, quod completa crisis apud  
statum fit, & fortasse aduenit cum incipit declinare. Quare  
in ea potest accidere. Licet enim crisis declinationem ar-  
tingat, non est quod ex tempore fiat, quia ea non admittit  
crisim ex natura sua: per accidens tamen in ea contingere  
potest, quando tempore status adfuerit impedimentum;  
quod in praxi vidisse testatur Cardanus lib. 2. contradiet. B  
tract. 3. com. 2. in homine, cui futura erat crisis per sudorem  
status tempore, in frigido loco constituto, qui cum decli-  
nasset febris, accenso in domo igne, copiose sudauit, & à  
febre liberatus est.

Quinta conditio, ut fiat in die decretorio, & sit in die  
contemplabili indicata, cui iudicandi potentia est annexa.  
Ultima, ut sit fida, & nihil humoris relinquat, sitque  
tuta, neque accidat cum grauissimis symptomatis, & sit  
indicata, & conspicua, finiaturque excretionem notabili,  
vel abscessu.

De ordine, & differentia dierum criticorum nunc agen-  
dum, quorum magna est, sicut & iudiciorum, valeas,  
ut Galenus inquit, 1. de dieb. decretor. cap. 2. & 5. Sunt enim  
plurimi, qui lubriciter, & frequenter iudicant, & in  
quibus ex crisi, magna ex parte salutis spes habetur, quos C  
decretorios vocamus; inter quos primum locum sibi ven-  
dicat septimus, deinde 14. His proximi sunt 9. 11. & 20.  
post sequitur quartus, & 17. post quos est 5. 3. & 18. Alij  
sunt, qui tamen raro iudicant, at prauè & dolosè quæ de-  
cretorij non sunt, qualis est 8. 10. 12. 16. & 19.

Inter dies decretorios, & non decretorios mediam re-  
tinet naturam, 13. post 20. ex Gal. 1. de dieb. decretor. cap. 10.  
inter quos hunc ordinem statuit Galenus. Dies deceto-  
rij, qui vim momentaneam habent, sunt 27. 34. & 40.  
His proximi sunt 24. 31. Exiguam, & leuem vim habet  
in iudicando, & veluti medium retinet inter prædictos,  
dies 37. Post 40. censentur 60. 80. 100. & 120. post quem  
iam per mensem hebdomadas fit dierum computum.  
Sunt enim morbi, qui septem mensibus iudicantur; post  
quod tempus non per mensem hebdomadas, sed per  
hebdomadas annorum numerantur; sunt enim plurimi D  
qui septem annis solvuntur, alij qui 14. annis finiuntur.

Crisis vel velocior, vel tardior fit, ut docet Galenus  
lib. 1. de dieb. decretor. cap. 10. & ult. Nam usque ad 14. crises  
fiunt cum perturbatione magna, & vehementia summa.  
Deinde usque ad 20. cum minori. In morbis verò qui ad  
40. dies producantur, ea leuities symptomatum amittitur  
quoniam post hoc tempus morbi non iudicantur crisi, sed  
coctione: si enim aliter accidat, rarissimum est, & tunc  
quocumque modo solvatur, crisis fit sine perturbatione.  
Hoc in illis morbis observatur, qui in longum tempus  
protrahuntur, in quibus febris remittit, & repetit.

Aliquando, inquit Auic. 2. 4. tract. 2. cap. 2. in morbo diu-  
turno accidit crisis per excretionem, etiam si non muretur  
ad acutum, neque in eo accidat recidiva, neque complice-  
tur cum alio morbo; humore enim qui à natura est conco-  
ctus, subito deinde, & copiosè potest expelli.

Rufus. Dierum decretoriorum quidam numerantur  
per hebdomadas, quos radicales vocamus; seu magnos  
decretorios, quia potentissimi sunt in iudicando, velut est  
7. 14. 20. 27. 34. & 40. Vel numerantur per quaterniones  
qui minorem vim habent, incidunt tamen crisin futuram  
in sequenti radicali, & idè indices, & contemplabiles di-  
cuntur, etiam si verè iudicandi potentiam habeant, sicut  
est 4. qui est contemplabilis septimi; & 11. qui est con-  
templabilis decimi quarti; & 17. qui est contemplabilis  
viginti primi, ut monuit Hip. 2. aph. 24.

Sunt alij qui intercalares, intercedentes, aut coinciden-  
tes dicuntur, qui inter prædictos dies intercedunt, &  
erisim in die decretorio futuram intercedunt, & ab illo re-

cedere faciunt; cuius euentus causa est velox, aut tardus  
humoris motus, maior aut minor illius copia, ac imonia,  
venenositas, robur aut imbecillitas virtutis, quæ refert  
Auic. 2. 4. tract. 2. cap. 3. è quorum numeris o præcipui sunt  
3. 5. 9. & 13.

Instabis hoc modo. Quomodo Galenus lib. 3. cris. cap. 5.  
præfert diem nonum, tertio, & quinto. si oppositum existi-  
mat Auic. 2. 4. tract. 2. cap. 7. dicens, quod dies crisis sunt for-  
tiores iudicij: & fortiores dies cadetes: (intercalares intellige)  
& dies indicationis sunt illi, qui sunt in diebus antecedentibus,  
& quanto magis procedunt, debilitatur eorum iudicium. Ex  
quibus apparet dies, tertium, & quintum præferendos  
esse nono. Dic, Auicennam esse intelligendum de diebus  
merè decretorijs, aut indicatorijs, non verò de interca-  
laribus, è quorum numero sunt 3. 5. & 9. hic enim illis  
fortius decernit, quia ad perfectam cr. sim, coctio humo-  
ris absoluta requiritur. Quamuis autem tertius, primus  
impar sit, & fortior afferatur in iudicando; tamen ob alia  
quæ concurrunt in nono, hic fortior est appellandus: nam  
medius est inter 7. & 11: quorum primus insigni modo  
iudicat, alter valenter indicat.

Ex dictis inferes, dies impares esse fortiores in iudi-  
cando, quàm pares, quod docuit Hip. 4. aph. 29. ubi febr-  
icitantibus frigores sexto die adueniant, iudicium difficile sequi  
affirmat: Ita sudores si adueniant 7. 9. 11. 14. 17. 27. & 34.  
boni sunt, & morbos iudicant: qui verò non ita fiunt, la-  
borem significant, morbi longitudinem, & recidivam, 4.  
aph. 16. quod intelligendum est in morbis acutis, qui intra  
27. aut saltem 40. finiuntur.

Rogabis, qui dies decretorij sint pares, qui impares? in  
hoc enim dubio, dissidium inter Hip. & Gal. inuenio satis  
magnum. Ille enim 1. epid. sect. 3. text. 14. hos in parium  
catalogo numerat 4. 6. 8. 10. 14. 28. 30. 48. 60. 80. 100. inter  
impares recenset 5. 7. 9. 11. 13. 21. 27. 31: Galenus contrà,  
4. acut. 56. imparium dierum qui in morbis acutis decer-  
nunt, numerum faciens, hos recenset 3. 5. 7. 9. 11. 15. & eo-  
rum qui in diuturnis iudicant 60. 80. medios inter hos  
esse statuit 14. 20. 34. 60. 80. ubi non solum cum Hip. ve-  
rùm cum ratione pugnat. Quicumque enim numeri in  
æquales secantur, sunt pares, cuiusmodi sunt 14. 20. &  
reliqui omnes. At si ita est, non erit 14. dies criticus  
verè in acutis, quoniam iudicia fiunt in iisdem diebus,  
quibus exacerbationes; quum itaque hæc fiant in diebus  
imparibus, vel non erit 14. dies decretorius, vel erit D  
impar.

Dic, bifariam posse numerari dies usque ad 14. Potest  
enim primo fieri numeratio successivè omnium dierum:  
possumus secundò computare dies, & 14. potissimum, per  
septimanas. Si primo modo numeres, par erit 14. dies:  
at si per septimanas, erit eadem impar, quia 14. est septima  
secundæ septimanæ, 20. est pariter septima tertiæ septi-  
manæ. In secundo vigenario, 34. est pariter septima  
secundæ septimanæ, & 40. tertiæ. Tertij verò vigena-  
rij 60. septima est tertiæ illius septimanæ. Septima pa-  
riter 80. quartæ septimanæ. Quare hi dies omnes impa-  
res. Posteriori hoc modo numeravit Galenus, prior  
Hippocrates.

Galenus lib. 1. epid. sect. 3. com. 14. in fin. scribit, dies qui  
connumerantur per quaterniones, & hebdomadas, multò  
validiores esse: & in lib. 2. de dieb. decretor. cap. 6. dicit, eos  
perfectissimos esse, & magnam vim habere in iudicando.  
Differunt autem natura, & usu à diebus coincidentibus:  
quando enim omnia rectè fiunt, semper in his diebus  
crises fiunt, quos quaterniones, aut hebdomadæ comple-  
ctuntur: si verò errata adsint, in alijs diebus contingunt.  
Sic etiam differunt usu: nam ad præcognitionem futuræ  
crisis, soli contemplabiles per quaterniones sufficiunt ad  
cognoscendum iudicium factum, quod est optimum. Et  
cum iudicia coincidunt cum accessionibus, ut Galen. 4.  
aph. 36. 5. Didicimus autem quod in vehementioribus accessio-  
nibus iudicia fiunt, &c. probat 3. de cris. 4. doctus ab Hip-  
pocrate: 2. epid. sect. 3. text. 23. & cum accessiones diebus pa-  
ribus, & imparibus fiant, idè Hippocrati 1. epid. sect. 3.  
text. 14. dies decretorios, alios pares numerat; alios impa-  
res: in imparibus nullum est delictum, ut Galenus inquit;  
in

in com. in paribus verò erratum est, quoniam 10. & 28. A  
non sunt decretorij.

Hippocrat. 4. aph. 61. solùm impares videntur facere decretorios, cum inquit, *Nisi febris diebus imparibus reliquerit, solet recidiuare*: & lib. 4. de rat. viñt. 56. docet, numerum dierum impari magnopere esse obseruandum, quia in vtramque partem magnas solent efficere mutationes: quam sententiam confirmat Galenus in com. & 4. aph. 29. & 36. Quòd si paribus diebus acuti morbi iudicentur, vel æger patietur recidiuam, vel citò è vita decedet, ex Galen. 1. epid. sect. 2. com. 75. & 3. eiusd. sect. 3. text. 36. & 4. acut. 68. Explicat ipse Galenus fusè, & doctè 2. de natur. human. in com. text. 19 & 20.

Ad locum Hip. dic. sententiam illam non esse Hip. ex Gal. in com. nam sententia 36. antecedenti, in eadem sectione dixerat 14. & 34. esse iudicatorios, qui pares sunt, vel pro imparibus, dies iudicatorios accipiendos esse. Ad Galenum lib. 4. de rat. viñt. vbi 14. 20 & alios dies pares, impares esse dicit, dicendum est, quòd particula illa quæ ponitur à Galeno in acutis verò, & in chronicis, & in mediis, non refert impares, sed simpliciter dies, qui in vtramque partem mutationem efficiunt: at postrema illa particula, *impares autem & hi*, addita est: vel pro imparibus, iudicatorios debemus legere: vel est sensus, quòd dies pares, quos recenset Galenus ibi, sunt impares à principio hebdomadæ, & non à principio ægritudinis: vt 14. est impar, facta connumeratione ab octauo; & vigesimus est impar, facta numeratione à decimo quarto: vel potest esse sensus, quòd dies pares, quorum meminit ibi, habent intra se impares, videlicet 27. 31. & 37.

Tantam vim tribuunt diebus decretoriis Gal. lib. 1. de dieb. decret. cap. 8. & Auic. 2. 4. tract. 2. cap. penult. vt siue crisis incipiat in diebus præcedentibus diem decretoriam, & in hac finiatur; siue in hac tantum incipiat, & in aliis finiatur, tamen semper crisis ad dies decretorios, & non ad alios referri debeat. Nam ad crism tria concurrunt, accessio cum signis decretoriis inuadens, vacationes, & tandem morbi solutio. Quòd si hæc omnia in vno aliquo die reperiantur, ad eum referenda est crisis: si verò in diuersis diebus fiant, quouis illorum trium pertingente diem criticum, ad hunc debet referri crisis; ita vt si in septima die inuadat accessio cum signis criticis, & in eius fine incipiat sudor, & deinceps in tota die octaua æger copiosè sudet, & tandem in eadem octaua die à febre liberetur, crisis referri debet ad diem septimum decretorium, in quo incepit: & si in die 13. inuadat similiter accessio cum signis, & in 14. quæ decretoria est, fiat copiosus sudor, cum solutio morbi, seu crisis, non ad diem 13. in quo incepit, sed ad 14. in quo finita est, debet referri. Causa est, quia præstantia & fidelitas crisis, potissimum colligitur ex natura, siue perfectione diei critici, in quo contingit: quare quocumque modo crisis pertingat diem criticum, ei præcipuè fides erit adhibenda, siue in illo incipiat, siue finiatur, dummodò ab aliquo die iudicatorio præcedente prius indicata sit; hoc enim maximam potentiam habet.

Verum antequam cuiusque diei vim, & potestatem in iudicando explicandam aggrediamur, inuestiganda sunt difficilia aliquot dubia; quorum primum est: Vnde scilicet debeat numerari principium morbi, ad computum dierum decretoriorum? Dic, Galenum lib. 1. de dieb. decret. cap. 6. dies criticos non numerasse à primo recessu à sanitate, cum hic insensibilis sit: nec ab hora decubitus, hic enim pro varia hominum natura est varius; plurimi enim molles, & timidi, ob quamuis leuem causam decumbunt, adhuc non ægrotantes; alij verò robusti, & patientes, negotiisque occupati, etiam iam præsentæ ægritudine consueta munia obeunt, nec decumbunt. Nec etiam numerari debet ab ea hora, à qua primò cibum fastidiunt, sibi displicent, capite dolent, atque grauantur. Principium ergo sumendum est ab illo tempore, vel hora, in qua actiones primò, sensibilibus, & manifestè apparent læsæ: sequitur Auerrhoës 4. collig. 40.

Secundum dubium est grauissimum, quod licet ab omnibus ageretur, est adhuc penè insolutum. Vtrum sci-

licet in foeminis quæ pepererunt, & superuenit febris: computatio dierum criticorum sit facienda ab hora partus, an ab hora febris? Nam Galenus loc. cit. manifestè probare videtur, ab hora febris faciendam esse computationem, quia illud est principium decretoriorum, quando æger manifestè febricitare inceperit.

Hæc sententia confirmatur ex Hippocr. lib. 1. epid. sect. 3. com. 21. in historia vxoris Philini, quæ cum filiam peperisset, & esset purgata ex præscripto naturæ, 14 die à partu incidit in febrem, & iudicata fuit vigesimo, vbi Hip. non numerat dies ab hora partus, sed ab hora febris, quia numerat omnia symptomata quæ primis diebus, & 6. & 7. 11. 17. & quæ 20. superuenerunt, post inuasionem febris. Et sententia 22. sequenti, in historia vxoris Epicratis, quæ in die partus in febrem incidit acutam, ab hora febris dies connumerat, quoniam subiungit: *sexto die à quo febris corripuerat*. Et sententia 28. sequenti, in historia vxoris Dromeadæ idem confirmat, dum à partu febrem cum rigore inuasisse scribit.

Auicenna idem approbat 2. 4. tract. 2. c. 1. §. Et debes scire quòd cum mulier parit, & accidit illi febris, si computatio non fiat ex febre, & fiat à partu, error est: Et videtur hæc sententia rationi consentanea, quia à principio morbi, cuius crisis in aliquo die expectatur, facienda computatio est. Sed in partu nullus reperitur morbus, quia naturalis est. Igitur non à partu, sed à morbo superueniente dies critici sunt numerandi.

Nec contrarium cogunt asserere symptomata, quæ tempore partus infestant, nempe humoris agitatio: hoc enim modo, etiam numerabis dies criticos ab ea hora, à qua moueri incipiunt humores; quod falsum est, quoniam cibi fastidium, vigilia immodica, dolor capitis, & ventriculi, & alia symptomata quæ morbum antecedunt, sunt præuix dispositiones, & non merentur nomen morbi, quia insigni læsione corpus non alterant.

Ex altera parte est irrefragabilis Hippocrat. auctoritas, 3. prog. 10. cum inquit: *Pari modo indicationes sunt ex partu*. Galenus hoc placitum firmat, & defendit in com. *Principium numerationis erit, non quo die coeperint febricitare, sed quo pepererint*. In quibusdam igitur circa secundum, aut tertium incipiunt diem à partu: ex quo multi numerant futuram indicationem. Sed res non ita se habet, sed ex quo pepererint, numerationem fieri oportet dierum. Sequuntur Arabica familiarum proceres scientissimi, Haly lib. 10. theoric. cap. 8. Auerrhoës lib. 4. collect. 40. Rhasis 19. continent. Subscribunt docti Iuniores, Amatus 1. centur. 36. Moxius lib. 3. de curand. foeminar. morb. 26. Valle sius lib. 10. cont. 4. Andreas Laurentius lib. 1. de crisib. cap. 7. Ludouicus Lemosius lib. 5. de optima prædicend. ratione, cap. 6. et si hi posteriores statuunt, hanc computationem non à puncto enixus, dum foetus in lucem prodit, sed à puncto in quo coepit mulier parturire, seu iam partus doloribus vexari, esse faciendam.

Et confirmatur ex eodem Hip. lib. 3. epid. sect. 2. text. 7. in historia illius mulieris, quæ apud Pantimedem degebat: & sententia octaua sequenti, & 9. in quibus refert duas mulieres, quæ passæ fuerunt abortum, & alteram quæ laboriosè peperit, quibus febres superuenerunt, & in iis numerat Hip. dies à partu, & non à febre.

Has sententias inter se tam repugnantes quum cerne-  
ret Christophorus à Vega in com. cit. lib. 3. Aph. quem sequuntur alij Iuniores, Hippocratem intelligendum putat de febribus, quæ secundo, aut tertio die à partu sequuntur. Nam si sexta die à partu superueniat febris, quæ à natura sua sit septima die finienda, hæc septima non est à partu: esset enim secunda dies febris, in qua morbus ille non potuit ex natura sua finiri. Et licet eo loco Vega afferat alias rationes, hæc est præcipua, quia si humor peccans est pituitosus, secundo die superueniet febris, nam primo die ob grauiora symptomata quæ sequuntur partum, obscurari solet: si fuerit biliosus, superuenit tertio: si melancholicus, quarto accidit. Sed hæc responsio nulla est, & ex historia vxoris Epicratis, & vxoris Dromeadæ redarguitur manifestè, quibus febres superuenerunt tertio die à partu, in quibus Hippocrates dies decretorios non numerat à partu, sed à febre.

Moxius loco cit. summè extollit sententiam Amari, qui A relictis Epidemicis historiis, Prognosticum tantum amplectitur oraculum; nam in illis libris plurima sunt im-polita, adulterina, rudia, & ab alio interiecta, ideoque ab-icienda: contra in Prognosticis omnia sunt tersa, elabo-rata, culta ingenio multo, & subacta exercitatione, & multiplici experimento stabilita, cuius ope tantus vir di-minissima illa prælagia conscripsit. Ergo ad hos libros (inquit ipse) tanquam ad sacrum Delphicum fanum con-fugiendum est, ut diuina huius tantæ artis accipiamus responsa. Quapropter in hoc difficili labyrintho, expedi-tius multo erit per hanc irrefragabilem semitam progno-stici oraculi sensum incedere, quam obscurum, & ambi-guum Epidemicarum obseruationum iter proficui: sic-que à partu, & non à febre, in enixis dierum decretorio-rum facienda computatio est.

Hæc responsio etsi speciosa sit, admittenda non est: Primò, quoniam licet plura sint incerta in libro secundo, quarto, & sexto epidemion, tamen primus, & tertius, in quibus de logismo faciendo à febre, & non à partu, sen-tentiæ illæ sunt scriptæ, à magno Hippocrate sunt con-diti, ut aperiatur Galenus lib. 2. de difficult. respirat. cap. 8. & lib. 3. eiusd. cap. 1. & lib. 6. epid. in proæmio, & sect. 1. com. 2. & sect. 2. com. 44. Secundò peccat, quoniã existimat in libris epidemion, semper Hippocratem fecisse computa-tionem à febre, quum contrarium hic auctor proponat, & enixarum morbos in illis libris numeret à partu, veluti constat ex lib. 3. epid. sect. 2. in historia illius mulieris quæ apud Patimedem degebat, & in historia vxoris OEcetæ, & in historia mulieris quæ decumbebat in mendacium foro: & sect. 3. in historia alterius, quæ apud frigidam aquam in Thaso ægorabat; in quibus omnibus à partu numerat Hippocrat. dies veluti in prognosticis enume-rant.

Addunt, quòd partus habet suum iudicium, nimirum congruam, ac decentem purgationem, quæ si retineatur, non solum morbus, sed etiam mors contingit. Quare par-tus morbus est, & iudicatur per purgationem; multos enim concitat dolores: est præterea crisis. Sed falsæ hi assumunt, ut propriam sententiam tueantur: nam di-uerfa est morbi, & partus natura. est enim partus ex-clusio fœtus; quare motus: non itaque morbus. Deinde partus est actio naturalis, morbus quid præter naturam. Insuper partus non est crisis, quia nullus in ipso morbus; quoniam dolores, qui in partu naturali contingunt, non sunt usque adeò magni, præsertim in iis quæ peperere multoties, ut extra limites sanitatis patientem deducant.

Dicendum igitur est cum Conciliatore dif. 106. dupli-cem esse partum, alterum naturalem, præternaturalem alium. Naturalis ille est, qui non solum tempestiue fit, & debito modo, sed cum lenibus symptomatis, & in quo menstrua purgatio modum non excedit, neque deficit. Præternaturalis est contrarius. In partu naturali, quando febris, aut alius superuenit morbus, quia tunc non est sym-ptoma partus, sed morbus per se, tunc non à partu, sed à febre dies decretorij sunt numerandi, ut Hip. fecit in lib. epid. 1. sect. 3. Contra autem in partu præter naturam, quia febris est symptomata partus, tunc non à febre, sed à partu facienda computatio est, ut Hip. fecit, lib. 3. epid. sect. 2. Quo pacto hæc principum inter setam discordes sententiæ sunt interpretandæ: quando enim à partu nume-rant, de præternaturali intelligendi sunt; quando à febre, de naturali sunt explicandi. Magnum enim discrimen est inter partum naturalem, & præter naturam: in illo non contingit morbus, nisi ex errore, & non propter agita-tionem humoris, quia hic paulatim repurgatur: in partu verò præternaturali, citra errorem, ob validam humoris agitationem, qui nequit exactè expurgari, solet febris superuenire, & ideo ab illa horà dies decretorij sunt nu-merandi. Hanc sententiam sequuntur Interpretes in com. Auic. 2. 4. cit. Nicolaus ferm. 2. tract. 4. cap. 9. Ioan. Brauus in com. cit. loc. prog. Massaria cap. 13. gynacion, Alphonsus à Carranca in tract. accuratissimo de partu naturali, sit. de con-ditione partus.

Sed breuiter adnotabo vnum, grauius scilicet Christo-

phorum à Vega loc. cit. prog. in com. sent. 1. fuisse stomacha-tum in Conciliatore, & Latino-barbaros, immò Ara-bum duces primarios, ut ex illorum dedecore suam pos-set augere supellestillem, dum illos vocat barbaros, im-politos, confusos, qui hanc distinctionem in partum na-turalem, & præter naturam, circa computum dierum in-enixis, excogitarunt citra necessitatem ullam. Quis quæso, dic mihi, controuersias illo tempore melius excogitauit, in classes digessit, in quo balbutiens adhuc erat, & non bene elaborata medicina? Quot paginæ à Iunioribus ex illius opere in suos libros sunt translatae, & eloquentiæ phaleris, & calamistris exornatae, ut primum suum in-uentorem nec per somnium repræsentent? Cur ipse non vult fateri per quum profecerit, quum illius auspiciis, & veluti lacte nutritus, tantos in nostra arte fecerit progres-sus? Quis felicius, & fidelius priscorum doctrinam de-scripsit, quàm Nicolaus, quem qui habet, habet omnes libros? Quis subtilior Gentili? Quis in praxi faciliot Matthæo Perito, cuius commentaria in nonum Rhasis ad Almanforem, & consilia lemnisco sunt ornanda, quum ipsa sint dignissima cedro? Quis Methodum maiori cum diligentia explicuit, quàm Guainerius, & Arculanus? ausim dicere nos Medicis superioris æui, multo excessu esse inferiores, qui dum flosculos Classicorum attentè mente rimamur, illorum lenocinio deliniti, neglecta me-dulla corticem degustamus, & relictis fontibus riuiolos insectamur. Sed hæc per transennam dicta sunt, ad pensum accedamus.

Tertium dubium etiam ad praxim spectat. Vtrum sci-licet in recidua sint numerandi dies decretorij à recidua, an ab ipsa radice, hoc est, à morbo qui primò inuasit? In qua quæstione inter Principes Medicos adest contro-uerfia: nam Hippocrat. lib. 1. epid. sect. 3. sect. 20. in histo-ria Herophontis, & in historia vxoris Epicratis, & in historia Cleonactidis: veluti lib. 3. epid. sect. 3. sect. 79. in historia Anaxionis, semper dies decretorios à principio radice enumerat.

Ex altera parte videtur, quòd non à radice, sed à re-cidua computatio sit facienda: sunt enim morbi distincti, non solum numero, sed specie; ut si radix sit febris bi-liosa, & recidua sit febris pituitosa, aut melancholica, tunc non videatur rationi consentaneum, ut qui distinctas habent causas, & alterationes, eosdem dies decretorios habeant.

Dic. Quando recidua est idem morbus cum suâ radi-ce, ab hac computatio facienda est: Quando verò di-stinctus, à recidua numerandi sunt dies, ut Hip. præc ipit in epidemion. Sicut enim ut quando febris intermittit, & iterum recurrit, manet idem affectus secundum unitatem causæ, non coniunctæ, sed antecedentis; & penes uni-tatem affectus præter naturam, qui solet esse circuitus causa, cuius Galenus meminit 4. aph. 63. in fin. & est in-temperantia illa, quæ in iecore, & venis, & præsertim in foco putredinis relinquitur: qua ratione febris intermit-tens habens plures accessiones, vnicus morbus est, & à prima accessione dies decretorij numerantur: sic in radi-ce, & recidua sentiendum est.

Quando intermittit radix, quia non solum reliquæ humoris remanent, sed intemperantia illa prædicta, cuius signa sunt sitis, oris exiccatio, & inappetentia, quæ reci-diuam prænuntiant, tunc à radice facienda computatio est, ut Hip. & Gal. docent 6. epid. sect. 1. text. 20. & hoc modo intelligendus est Hip 2. aph. 12. Gal. 2. de dieb. de-cretor. cap. 5. iuxta fin. agens de reciduiis, quæ diebus de-cretoriis solent accidere, ubi videtur affirmare ex radice & recidua fieri vnum morbum diuturnum, separatiim tamen consideratos esse morbos acutos.

Quum morbo superuenit alius morbus, aut vnus mu-tatur in alium, tunc non à principio morbi inuadentis primò, sed à principio illius qui superuenit, aut in quem mutatur, computatio est facienda. Hac ratione Hippot. 2. lib. 2. prog. 57. & 58. agens de suppuratione, quæ origine ducit ex pleuritide, & peripneumonia, & docet terminos in quibus solent rumpi, non connumerat à principio in-flammationis, sed ab eo tempore in quo incipit suppu-



ratio fieri : signa verò suppurationis sunt maior febris, A rigor, dolor, grauitas, pondus, in illa parte quæ dolore afficiebatur.

Sed de febribus cum tumofibus, & vulneribus, quid dicendum? Si febris sequatur tumorem, vt in inflammationibus calidis frequenter contingit, ab ipsa inflammatione numerandum est. Sed si febris non sequatur tumorem, sed suppurationem, quod contingit in tumoribus frigidis, tunc à febre, & suppuratione, quæ coincidunt incipiendo, & non à tumore numerandum est. S. m. liter in vulneribus, si febris sequitur ob agitationem, à vulnere: si ob pus, siue suppurationem, ab hac, & à febre ipsa dierum decretoriorum computatio fieri debet, vt animaduertit Iulius Cæsar Arantius in fin. lib. Hip. de vulneribus.

His igitur constitutis, reliquum est vt dierum dignitatem vsque ad vigesimum, ex Hip. & Gal. mente describamus, quæ doctrina ad prælagendum, & curandum, est magni momenti: Ad prælagendum, primò quia apparentibus signis criticis, quæ appropinquantem crislis demonstrant, prælagemus hanc esse euenturam in die critico. Secundò, quia crislis iam factam, pro varietate diei in quo facta fuit, reprobamus, vel laudamus: si enim in die decretorio fiat, bonum est; è contra, malum, & recidiua spectanda. Tertiò, quia per quaternarios præcedentes præcognoscimus, quid futurum sit in diebus decretoriis sequentibus, 2. aph. 24. & 4. aph. 71. Quartò, quia signis bonis, & malis magis fidendum est, quando in diebus decretoriis apparent, 2. prog. 54.

Ad curationem autem etiam hæc tractatio est vtilissima: Primò, quia si crislis, id est, repentina mutatio ad salutem, contingat in die non decretorio, cautè cum ægroto, in victu, & in alijs, ob periculum recidiuæ agendum est, ex Gal. lib. 1. de dieb. decretor. cap. 3. cum tamen, crislis eueniente in die decretorio, citò ægrum reducamus ad victum sanorum. Præterea in die decretorio victus minuendus est, ne naturam à suo opere distrahamus quod potissimum intendit in diebus diebus, vt docuit Auic. 2. 4. tract. 2. cap. 9.

Secundò, quoniam in iis diebus nihil est mouendum, nec purgatio, aut sanguinis missio instituenda, etiam si in illis non expectetur crislis; sæpe enim in illis fit mutatio aliqua, licet occulta, quod in fracturis cranij frequenter experimur: In iis ergo à vacatione abstinendum, nisi aliqua vrgeat necessitas, quæ nos ad hoc perducatur. Quòd si indicata sit, & expectetur vacuatio, multò magis interdicienda vacuatio est, ob causas ab Auicenna assignatas, quas Gentilis, & Iacobus explanant luculenter in com. cap. 7. 1. 4. tract. 2. in §. Et caue ne moneas in die motus agitudinis, &c.

Prima, & secunda dies, ex Dioclis sententia, morbos decernunt, vt refert Galenus lib. 1. de dieb. decretor. cap. 9. Idèd quia diariæ febres in his sæpenumerò soluuntur. Sed fallitur manifestè, quamuis enim hæc febres primo, aut secundo die soluantur, vt docuit Gal. 9. meth. 1. in princip. & 4. aph. 55. id tamen sine certamine fit, aut perturbatione insigni; hæc enim simplicissimæ sunt, sine humorum putredine consistunt, & à sola spirituum calefactione emanant: at crislis sine pugna non fit.

Primus ergo, & secundus dies, in numero propriè decretoriorum reponendi non sunt; in illis enim præceps ac subita in ægrotantis corpore perturbatio, morbi solutionem antecedens, non datur, in qua præcipua ratio iudicij consistit. Si verò crislis nomen in ea significatione sumatur, vt morbi solutionem simpliciter significet, decretorij quoque dicendi sunt, quum febres illæ diariæ, quæ natura sua, vnica accessione constant, partim in primo die, aliquando in secundo solutionem nanciscantur: quanquam rarò hisce diebus iudicia optimè fiant, quinimò pessima, & lethalia. Nihil enim quidquam in initio ad bonum euacuari est possibile; omnia enim sunt casus præter naturam earum, quæ sunt in corpore dispositionum: oportet enim præire coctionem, subsequi verò discretionem, & tandem euacuationem, vt bona sit crislis, siue iudicium, vt notauit Gal. 4. aph. 22. coctiones autem in morborum statibus perpetuò eueniunt, sicut & crises.

Licet autem primus dies propriè decretorius non sit, potest tamen indicatorius nuncupari, contra Musam 2. Aph. com. 24. Si quis enim primo die acuta febre corripitur, & aliqua nota coctionis in vrina appareat, in die quarto, & non vltra, morbus ad bonum iudicabitur: si verò contrà primo statim die cum periculosis signis malum inuadat, morbus ad perniciem non vltra diem quartum finietur, quod monuit Hipp. 2. prog. 2. Simplicissima febris, ac signis firmata securissima, quarto die, aut citius finiantur: maleficientissima verò, ac signis firmata maleficientissima, quarto die, aut citius interficiunt.

Neque obstat huic doctrinæ Hip. historia lib. 1. epid. sect. 3. text. 25. vbi Erasinus quidam acutissimo morbo laborans cum signis grauissimis, quinto die obiit: nam primo die mediocriter habuit, & illum quierè transegit; quare quinto demum die est defunctus. Neque obstat secundò Hip. lib. 1. epid. sect. 3. text. 14. vbi inquit: Ex circuitibus verò indicantibus in imparibus, primus, tertius: quod idem est ac si dixisset, primus est tertius; ex imparibus enim diebus primus circuitus ad tertium diem peruenit: quare Hip. loquitur de primo circuitu, non de die.

Neque obstat Galeni auctoritas lib. 1. de crislis. cap. 17. dicentis, morbum aliquem prima die ad statum peruenire posse: In statu autem fit crislis. Igitur in prima die fiet crislis, proindeque prima dies decretoria erit. Dic, in qualunque die hominem mori posse, non tamen liberari: morbi igitur qui prima, & secunda die interficiunt, vt Angina, vel Apoplexia, indicatorij vocari non debent, quia iudicium non de malo, sed de bono absolute dicitur. Immo si propriè loquendum sit, in his diebus nec ad bonum, nec ad malum fit crislis, quia in illis non insurgit natura contra morbum: & idèd Hip. 1. epid. sect. 3. text. 14. comprehendens omnes dies, in quibus solet fieri crislis, siue ad bonum, siue ad malum, primi, nec secundi diei vllam prorsus fecit mentionem.

Tertius dies decretorius est, 4. lib. Aph. 36. & 1. lib. epid. sect. 3. text. 14. & lib. 3. prog. 2. Sed hic ex intercidentibus est & vim decernendi habet non fortem, sed ex accessionis violentia: iudicationem enim quarto die futuram præuenit, ex Gal. 3. de dieb. decretor. 8. in acutissimis morbis qui biliosissimi sunt, auctore Galeno 3. prog. 22. Si enim mouentur per impares, quia statim à principio vehementissimam habent accessionem, cui reliquæ ex proportionem per circuitus tertianos respondent, cur tertius dies non erit indicatorius? Hoc Hip. affirmat 1. epidem. sect. 3. text. 14. & Galen. 1. de dieb. decretor. cap. 5. & lib. 3. cap. 8. Si autem Galen. 4. aph. 36. assenerat, quartum diem esse primum iudicantium, intellige parium; nam tertius, primus est imparium.

Quartus dies decretorius est, & parium dierum primus, ex Hip. 1. epid. sect. 3. text. 14. & lib. 3. prog. 2. & lib. 4. aph. 36. & ex natura, ac quantum in se est, septimi iudex appellatur, 2. aph. 24. & 4. aph. 71. Est ergo hic dies inter primum, & septimum: si ille morbum discutere tenter, ei finem quartus imponet; si verò primus nihil aggrediat, sed quartus morbum iudicare velit, ei finem septimus imponet. In secunda autem septimana eadem ferè ratio habenda est, in qua si dies primus, qui octauus est, coctionis signa ostenderit, vndecimus de morbo decernere aggredietur: qui si non decreuerit perfectè, in 14. iudicium transferetur.

Hic dies morbos acutissimos indicat, ex quibus alij supersunt, intereunt alij: maximè si paribus accessiones contingant, in quo Caluus Larissæ, & Pericles Abderæ iudicati sunt, 3. epid. sect. 3. text. 76. & 77. sed ille ad mortem; hic verò ad salutem. Ad malum, & ad bonum iudicat quartus dies: si enim in primo die nullum perniciosum signum adfuerit, immò in vrina coctionis nota appareat, ad bonum finietur morbus; si contrà, morietur planè non extra quartum.

Obiicies sic. Quomodo quartus inter bonos decretorios numeratur, si in illo rarissimè crislis contingit, adeò vt Galenus 3. cris. 4. fateatur se tantum semel vidisse in quarta die crislis, Archigenem verò bis: maximè cum Medici concedant, dies decretorios non ratione, sed Hip.



Hip. auctoritate esse confirmatos, & Galenus lib. 2. de dieb. A  
decretor. cap. 2. originem, & firmitudinem illorum non rationi, sed experimento tribuat, ita ut ille dicatur criticus, in quo sæpe crises fiunt; constat autem morbos exacte peracutos quarta die iudicari?

Amatus in introitu ad tractatum de diebus decretoriis, respondet, locum citatum ex 3. cris. intelligendum esse de febribus biliosis, & non de synochis, quas asserit frequenter iudicari in quarto. Sed errat: hæc enim sententia simpliciter, & vniuersaliter intelligenda est in omni febre acuta, siue biliosa sit, siue synochus: Illa enim non per pares, qualis est dies quarta, sed per impares exacerbatur; quare cum crisis non fiat nisi in die exacerbationis, 3. cris. cit. & 1. epid. sect. 3. com. 13. patet in quarto febrem biliosam iudicari non posse, præsertim cum hic dies sit in iudicando debilissimus. Synochus vero imputris neque per pares, neque per impares exacerbatur, sed vniiformis est, licet nullo interueniente errore in quarto iudicetur. Quia tamen huiusmodi febris raro contingit, quia sanguis præ copia abundans, illico putredine tentatur, & rarum est quod in illa non interueniat aliquis error, ut 3. cris. cit. docuit Galenus: proinde simpliciter, & vniuersaliter asserit Galenus, quartam diem rarissime iudicare.

Porro si hoc verum est, cur 1. de dieb. decretor. 5. & 3. de prælag. ex pulsib. 2. inter bonos decretorios numeratur? Dic, quia ex natura sua criticus est: & licet synochus vniiformis raro contingat, quando tamen adest, sæpe in eo fit crisis bona in quarto, nisi aliquis error accadat, crism postponens. Cæterum quia simpliciter in eo rarissime crises fiunt, proinde inter bonos decretorios debilissimos numeratur: & licet Galenus semel tantum viderit in eo iudicium factum, alij sæpe eum iudicasse animaduertunt.

At si dies quartus ex natura sua criticus est, cur eius non meminit Hippocr. 4. aph. 36. quum tamen meminerit tertij, quem diximus inferiorem illo? Ultra rationes Galeni in com. respondet Philotheus, causam esse, quia Hippocrates ibi loquitur de crisi per sudorem, qualis non solet fieri in die quarto, ut accidit Pericli in Abdera. 3. epidem. sect. 3. text. 78. & notauit Auicenna. 2. 4. tract. 1. cap. 78. febres enim quæ in hac die iudicantur, sunt sanguineæ vniiformes, quarum crisis per sanguinis fluxum, & non per sudorem perfici solet. Licet igitur simpliciter dies quarta præferatur tertiæ, tamen collatione facta ad crism per sudorem, merito præfertur tertia dies, quoniam morbi qui per sudorem iudicantur, quum ferè biliosi sint, & proinde in tertio exacerbentur, potius in hoc, quam in quarto iudicantur, ut explicat Galenus in com. cit. Aph.

Quinta dies morbos peracutos iudicat, lib. 3. de dieb. decretoriis, cap. 8. In hac iudicatus est per sanguinis fluxum Metro. lib. 1. epid. sect. 3. text. 24. & plurimis contingit crisis lib. 4. aph. 36. & lib. 1. de dieb. decretor. cap. 5. & ex intercurrentium numero est, ut tertius, qui ut crism quarto die futuram præuertit, ita dum natura quarto die laxa, nec usque concitata quieuit, quinto die ad iudicationem promouetur. Habet autem vim iudicandi ob accessiones, quoniam accessio est de numero eorum quæ naturam stimulant, ac veluti prouocant, eam nec consistere, nec quiescere permittens: quare in acutis morbis, in imparibus iudicium fit, in his etenim accessiones fiunt.

Quæ tamen sit causa, ob quam in acutis tertio quoque die ut plurimum accessiones fiant; in diuturnis vero, vel quotidie, vel quarto quoque die, difficile est assignare. Quod vero ita accadat, coniiicitur ita: Si enim eo quo deprehenduntur ordine, ipsos collocauerimus, secunda ab initio accessio in tertium incidet, tertia in quintum, quarta in septimum, quinta in nonum, sexta in vndecimum, septima in decimum tertium. Cum igitur natura non semper rato, & stato tempore insurgat, & morbos iudicet, sed variis causis concitata plerumque, à quibus in acutis morbis accessio maximè continua efficitur, irritetur, merito in imparibus diebus quamplurimæ acutorum morborum crises contingunt.

Lib. VI.

Sextus dies decretorius est, non tamen simpliciter, & absolute, sed cum addito decretorius malus nuncupatur. Eius enim maximè proprium est, ut cum periculo, & obscurè iudicet. Quare Galenus lib. 1. de dieb. decretor. cap. 4. hunc malignitate sua septimum diem superare assuecit, quasi seprimo naturam habeat oppolitam: etenim plerique ex his qui quarto die mutationem accipiunt, sexto die moriuntur; & si aliqua bona spes in eo die contingat, mutatio septimum expectat. Quod si aliquando (quod raro fit) bonam transmutationem, quæ quarto die facta est, sextus dies excipiens iudicare conetur, difficile dictu est quantam hic perturbationem, periculum, & denique metum afferat, ac si homo iam morti esset propinquus. Nam cum prauè, dolosè, imperfectè, infidè iudicet, ægros in perniciem summam deducit, ita ut exeunte excretionem, pulsus concidant, ipsi linquntur animo, tremant, refrigerentur, calor euaneſcat, vires penè extinguantur; euomant acria, foetida, maligna; sudores erumpant, rari quidem æquales; parotides extuberent malignæ; vrinæ excernantur crudæ, decolores, tenues, nullum bonum sedimen habentes. Denique hic tyrannus dies plurimos excitata crisi in synopen derepente coniecit, sanguinis profluvio confecit, euacuationibus immodicis labefactauit; alios in manifestam perniciem deduxit, incurabilem marasimum excitauit; & aliis miserandis malis ægros excarnificauit.

Hoc modo Philiscus hac die miserè obiit, 1. epid. sect. 3. text. 18. & Dromeada vxor filiam enixa, rigore, febri, conuulsione periit, text. 28. sequenti: & si in sexto mutatio sit, in peius difficile iudicium sequitur. Sic Hermocrates cum sexto die capitis dolore premeretur, eodem obiit, 3. epid. sect. 1. text. 5. Ita Euryanactis filia cum sexto die iudicata esset, & circa sedem aliquid suppuratum erupisset, nihilominus seprimo die à delirio, periit, eodem lib. sect. 2. text. 2.

Verum contra traditam Galeni doctrinam plura sunt quæ obiecti possunt. Et primò Hip. videtur redarguere eam, lib. 3. epid. sect. 3. text. 85. referens historiam Virginis in Larissa, quæ febris ardenti correpta, sexto die hæmorrhagiâ & sudore liberata est, & non rediit febris. Igitur sextus dies perfectè, & fidè iudicat. Dic. Galenus in com. soluit obiectionem, dicens sexto die fuisse iudicatam, quia diebus paribus accessiones habuit: & iudicium fuisse fidum, quod nouum, & rarum fuit; nam hic dies infideliter iudicat; & idè in calce sententiæ, hunc euentum cum admittitur Hip. adiecit: & non rediit febris, cuius rei causa fuit, quia cum in virgine Larissæa nulla pars princeps esset affecta, neque esset maligna humorum putredo, sed solum humorum abundantia, vacuatio satis fuit, quam natura tentauit tertio die, perfecit sexto, quia post iudicationem, cum virgo esset, menstrua superuenerunt; & pluribus diebus perseverantia, iudicium sexti, ratum fecerunt, & firmum. Hoc modo ex duobus fratribus Epigenis, vnus fuit sexto die iudicatus, 1. epid. sect. 2. text. 83. probat Auicenna. 2. 1. tract. 1. cap. 6. Sed hoc accidebat quia febres paribus repetebant. Dic secundò, possibile esse ut in sexto ad bonum crisis fiat, sed cum timore, & labore, ita ut relictis humoribus crassioribus in corpore, æger postea patiatur recidiam, auctore Rhasio, 10. ad Almanf. cap. 29.

Obiicies secundò, cum Hippocr. 1. epid. sect. 2. text. 65. hic enim refert in constitutione Thasi plures laborasse febribus ardentibus, & sexto die morbo regio superueniente perfectè fuisse iudicatos: quo loco non solum huius doctrinæ, sed sibi ipsi aduersatur, 4. aph. 62. vbi morbum regionem ante septimum aduenientem, malum esse dicit. Dic cum Auicenna loc. cit. cap. 59. quod morbus febris ante septimum, id est, ante terminum coctionis adueniens, est malus, nisi fluxus alui superueniat. Nam si icterum nulla per aliquam regionem sequatur excretio, malum est: sic feruus ille apud Hippocr. cit. loc. morbum regionum passus, periit, quia nulla est vaeuatio subsequuta. Contra si aliqua contingat, cuius ope humores vitiosos, & corporis excrementa natura solet extrâ propellere, euadunt

NNNn

euadunt

eūadunt ægri: sic liberatus est Heraclides, qui apud Aristotelem decumbebat. Si igitur eueniat ante coctionem, & non sequatur excretio, symptoma est, & idē morbum non soluit. Sic distinguendum est de morbo regio ante septimum, & post septimum eueniente: recipit Galenus 4. *acut.* 8. 1. 3. *prog.* 24. & 3. *epid. sect.* 1. *com.* 5.

Obiicias tertio, cum Amato in tract. de dieb. decretoriis, Laurentio lib. 2. de *crisib.* cap. 19. qui asserunt sextum diem in febribus sanguineis esse maximē decretorium, sicuti septimus in biliosis, quia iudicia coincidunt cum accessionibus, & sicuti febris biliosa per impares, sic sanguinea per pares mouetur: in cuius rei confirmationem, adducunt Galenum lib. 1. de *crisib.* cap. 4. Qui sanē decipiuntur manifestē, quoniam Synochus non solet moueri per pares, neque per impares, quia solum est vnica accessio à principio vsque ad finem, 9. *meth.* 3. & 2. *cris.* 6. & 2. de *dis. feb.* cap. 10. sed solet finiri quarto die, qui est terminus morbi exactē peracuti, qualis est Synochus, & huius morbi insultus primo quaternione finitur, 3. *prog.* 2. & 3. Nec recipienda est Amati opinio, quod suæ sententiæ refert auctorem Gordonium tract. 5. de *signis prognosticis*, cap. 7. qui solum asserit, sexta die nunquam crīsim ad bonum fieri, & concedit febrem sanguineam, quæ æqualiter mouetur per pares, & impares, & vocatur vniformis, posse finiri ad bonum in die sexto, sed id esse de rarō contingentibus: quæ omnia vera sunt. Quare sextus dies rarō, hoc est, nunquam morbos ad bonum iudicat; quæ enim frequentia sunt, pro perpetuis habentur in medicina, lib. de *factus formatione*, cap. 2.

Cur autem dies sexta frequenter iudicet, & pessimē, cum nec inter decretorios dies numeretur, qui circuitu constant, id est, qui septenarij, aut quaternarij computum sequuntur, quales sunt radicales, nec impari numero adscribatur, cuiusmodi sunt intercalares? Dic ex Galeno lib. 3. de dieb. decretor. cap. 8. causam esse, quia intra peracutorum terminum continetur, in quibus post eorum principia, scilicet post primum diem, & secundum, omnes alij dies, à tertio incipiendo, vsque ad septimum, ob accessionum vehementiam, & morbi magnitudinem iudicant: in dictis enim morbis peracutis etiam in die intermissionis reperitur febris vehemens, & sæpe maior quàm in die exacerbationis aliarum febrium; ob quam causam fit, vt quemadmodum in aliis febribus acutis, in die exacerbationis fit crisis, irritata natura ob vehementiam febris, ita similiter in morbis peracutis possit fieri, in die remissionis.

Sed cur dies sexta perpetuō malē iudicat? Dic Galenum explicasse causam lib. 3. de dieb. decretor. cap. 8. *prope finem*: & est potissima, quia crisis in die sexta potissimum solet contingere in morbis acutis, qui per pares exacerbantur, qui valde periculosi sunt, lethaliter iudicant. Malignitatem acutorum morborum, qui per pares exacerbantur, significarunt Hippocr. & Galen. 1. *epid. sect.* 2. *text.* 25. & 75. & apertius *sect.* 3. *text.* 18. Altera causa est, quia si crisis fiat in sexto die, significat naturam adēd sui impotentem esse, vt vna die non possit expectare faustissimam diem, qualis est septima.

Septima dies omnium decretoriarum est fortissima, non solum numero, sed dignitate, & potentia, quia omnes decretoriarum notas in se occupat, vt Galenus ait lib. 1. de dieb. decret. 4. & 2. de dieb. decret. cap. 3. & idē Regi, & Principi benignissimo eam comparat: & sic plurimos iudicat integrē, cum manifesta excretionē, aut abscessu, sine periculo, crebrō, fidē, manifestē, perfectē, & salubriter. Deinde in ea ferē optimæ crises eueniunt, præsertim si indicata sit, cum bonis signis, de qua re plura in *com. infra* dicemus.

Septimus ergo dies, omnium decretoriorum est maximus, vt hac historia narrauit Galenus. Non ergo solum ob numerum septenarium, eiusque dignitatem, dies septimus est omnium maximus, sed quia fidē, & salubriter decernere experimento frequentissimo Medici obseruauerunt. Si verō de huius numeri excellentia, Medicos, Astrologos, Philosophos, & Poetas loquentes legere aues, con-

A fule Marcum Varronem apud Agellium lib. 3. cap. 10. qui librum de numero septenario scripsit, Plin. lib. 7. cap. 49. quem locum doctē illustrauit eruditissimus Annibal Codretus: Iulium Firmicum lib. 4. cap. 4. Macrobi. lib. 1. in *somn. Scipion.* cap. 6. Leon. Hebræum dialog. 3. de amore, Andreæ Laurentium lib. 2. de *crisib.* cap. 9. Santorel. lib. 12. *antepraxis*, cap. 8.

B Octauus dies similis est sexto, nec enim fidē, perfectē, aut integrē iudicat, sed obscurē, præuē, dolosē: quando enim crisis ad mortem sexto die erat futura, quia fuit indicata tertio, & quarto, si motus morbi non est valdē celer, & vires sunt robustæ, solet iudicium differri in octauum. Quando autem iudicium septimi sic solet protrahi, vt octauum attingat, tunc emergit dubium, cuius diei sit iudicium? Hoc Galenus egregiē dissoluit, lib. 1. de dieb. decretor. cap. 8. vbi docet, quod si die septima, hora tertia noctis incipiat accessio decretoria, deinde manē die octaua ex vniverſo corpore erumpat sudor, & vesperi æger leuetur à feбри, quia hæc crisis septimum, & octauum attingit, si velimus icire cuius diei sit, hoc modo distinguendum est: Si enim fuit in quarto indicata, procul dubio erit septimi; si non fuit indicata, & repentē aduenit, accessionum analogiam, dierum naturam, decernendi tempus, numerum contemplari oportet: nam quando accessiones fiunt diebus imparibus, septimo est tribuendum; si paribus, octauo: Deinde si iudicium est bonum, erit septimi, quia hic magna ex parte salubriter iudicat; si malum est, ad diem octauum pertinet. Hoc pacto principium accessionis decretoriæ, finis iudicij, aut initium motus decretorij est attendendum, hoc est, sanguinis fluxus, sudoris, aut alterius vacuationis: nam quando dies hæc tria occupat, sine dubio decretorius est; sic etiam quando duo ex his tribus occupauerit. Sic etiam tempus iudicij expendere oportet, id est, excitationis, quoniam in qua die fuerit longius, hæc erit decretoria.

C Nonus dies in medio est dierum decretoriorum, septimī nempe, & vndecimi, qui vel non factam in septimo die crīsim, vel vndecimo futuram sibi vendicat: sed rariū quidē septimī, frequenter verō vndecimi excipit; etenim peculiaris, & propria septimī diei crisis nunquam ad nonum tendit, nisi fortē errores multi sint commissi, quoniam vt septimus dies perfectione, & dignitate primus existit, ita huius bonæ crises præ cæteris peculiæres sunt, quare indicationes rarō perueniunt ad nonum: & hoc intelligendum est de iis morbis, qui neque maligni, neque adēd simplices sunt, sed qui medium obtinent locum. Hic dies est ex intercalaribus, inter quos est fortissimus, frequentius enim iudicat, quàm 4. 11. 20. & 27. auctore Galeno lib. 1. de dieb. decretor. cap. 5.

D Sed hæc doctrina à multis controuertitur, à quibusdam reiicitur: difficile enim est explicatu, quomodo Galenus 1. de dieb. decretor. cap. 5. præferat diem nonum, qui intercalaris est, quarto, qui est radicalis, si ipse lib. 1. *epid. sect.* 3. *com.* 14. affirmat, inter diēs decretorios validissimos esse, qui quaternario, & septeno circuitu fiunt, id est, decretorij radicales; moderatiores verō, qui intercalares? Dic, sententiam Galeni loc. cit. simpliciter veram esse: tamen in particulari ob alias causas, nempe quia dies quarta debilissima est, quia in ea non solet fieri exacerbatio, nihil obstare, quo min⁹ dies quarta, quæ radicalis est, superetur à quinta, & nona, quæ intercalares sunt.

E Secundō. Quomodo inter diēs intercalares nonus præfertur tertio, & quinto, si Auic. asserit 2. 4. tract. 2. cap. 6. diēs iudicatorios, indicatorios, & intercalares esse fortiores, atque præstantiores, quō magis appropinquant ad initium ægritudinis, & quāto magis procedunt, tantō ampli⁹ debilitari? Dic, præceptum illud Auicē. certissimum esse in diebus iudicatoriis, ac indicatoriis, non tamen in intercalaribus. Nam versus morbi initium virtus robustior est, quā procedente morbo: in his enim tertius, & quintus ignobiliores multō sunt, quā nonus: causa est, quia ob temporis breuitatem non solet adesse concoctio exquisita ad bonam crīsim; in die verō nona multō magis: ob quam rationem sit, vt licet natura robustior sit in tertio, & quinto, quā

quàm in nono, tamen in hoc die perfectiores crifes faciat quàm in illis; maxime cum hæc nona dies media sit inter duos decretorios, septimum, & vndecimum, quod etiam concessit Auic. *loc. cit. cap. 5.* inter dies intercalares concedens primum dignitatis locum nono, secundum quinto, tertium tertio.

Decima dies similis est sextæ, quia in illa rarò soluitur morbus, nec fidè, nec benè, nec perfectè; quapropter Galenus à numero parium excludendum rerur, *lib. 1. epid. sect. 5. com. 14.* Si autem Pythion decimo sudans, cum spuris concoctis iudicatus est, *3. epid. sect. 1. com. 4.* id raturum est; quoniam in libris morborum vulgariur non reperitur æger, qui hoc die sit iudicatus, vt Galenus refert *in com.*

Vndecimus dies decretorius est, & in morbis, & vulneribus capitis maximam mutationem efficere solet. Contemplabilis est: nam est index decimiquarti. Nunquam enim crisis in decimoquarto, si ad bonum declinare debet solet accidere, nisi vndecimo die fuerit indicata, hoc est, nisi manifestum coctionis signum appareat. Sicut enim *4. indicat 7.* sic *11. decimumquartum: & 17. vigesimum. 2. aph. 24.* Deinde si natura valida in decimo quarto incipit materiam vincere, in æquali tempore victoriam absoluet: ita de vndecimo, respectu decimiquarti dicendum.

Duodecima dies non est decretoria, in qua nullum iudicatum vidit Galenus *1. de dieb. decretor. cap. 2.* quod si aliquando in ea sit crisis, est infida, imperfecta, obscura, sine signis, periculosa. Ex qua doctrina elicies, non esse exiguum dierum differentiam; neque enim pares esse crifes, quæ in singulis diebus fiunt, neque æquè bonas, fidas, & perfectas: permulti enim morbi sunt, qui quibusdam diebus secure iudicantur, at verò in duodecimo, rarò.

Decimustertius dies omnium criticorum imbecillimus, sed omnium qui non decernunt, fortissimus est; nam inter hos qui subito morbos non solvunt, nempe *10. 12. 16. 19. & alios, nempe 3. 4. 5. 6. 7. 9. 11. 14. 17. 18. & 20.* est medius. Neque enim est ita abiectus, vt illi qui secundo ordine continentur: neque ita soluit morbos, vt illi qui primo adscribuntur. Auic. inter impares eum reponit, *2. 4. tract. 2. cap. 2.*

Decimaquarta dies potentissima est in iudicando, *lib. 2. de dieb. decretor. ca. 8.* & est finis secundæ septimanæ, & principium tertiæ, & est terminus morborum acutorum, vt Hippoc. inquit *lib. 2. aph. 23.* quam sententiam graphicè enarrat Galenus *lib. 2. de dieb. decretor. cap. ult.* Hæc die iudicata est mulier illa, quæ in litore habitabat, *1. epid. sect. 3. text. 30.* & alij ægri eo loco numerati: quoniam hic dies & numero, & dignitate inter verè decretorios locum obtinet. Vtrum autem hic dies, sit terminus dierum exactè peracutorum, an acutorum simpliciter, agit eleganter Laurentius *lib. 2. de crisib. cap. 11.*

Sed non exequimur interpretis partes, nisi huius doctrinæ veritas inquiratur. Primum, cur inter decretorios simpliciter, secundus dignitatis locus tribuatur decimoquarto, cum ex Auic. *2. 4. tract. 2. cap. 3.* constet, in morbis exacerbatis per pares, vndecimum fortiozem esse decimoquarto: quare cum plurimi acutorum biliosi sint, & proinde in imparibus exacerbentur, sequitur simpliciter, & absolutè vndecimum diem esse præferendum decimoquarto, contra omnes auctores, & ordinem Galeni *cit. loco.* Deinde si verum sit quod asserit Gal. *1. epid. sect. 3. com. 13. & 3. cris. 4.* crifim in idem tempus incidere cum accessione; & accessio non soleat fieri in 14. sed in imparibus, quomodo dies 14. inter præstantissimos decretorios refertur?

Dic: Febres inuadentes per paroxysmos, vel sunt intermittentes, vel continuæ: in illis sicut accessio non solet accidere decimaquarta die, ita dies hæc decretoria non est, decretorij enim dies in huiusmodi febribus intermittentibus per paroxysmos computandi sunt, & non per dies continuos, vt constat ex Galen. *4. aph. 59.* & quod licet vulgo incognitum sit, multis tamen experimentis confirmatum docet, *1. epid. sect. 3. com. 17.* In febribus autem continuis dies decretorij non per exacerbationes, sed per dies continuos numerantur, & sic dies 14. decre-

Lib. V I.

torius est: & quamvis in eo non adsit accessio, siue exacerbatio febris, quia tamen adest febris molestans naturam, & eam ad pugnam irritans, proinde fit vt 14. dies merito asseratur præstantissimus ad iudicandum. Quod igitur *3. cris. cit.* asseuerat, oportere crifim in idem tempus incidere cum accessione, ob causas traditas *1. epid. sect. 3. com. 13.* ea propter dictum est, quoniam in febribus intermittentibus crisis semper fit in die paroxysmi; in continuis vt plurimum fit in die exacerbationis. Cum hoc tamen stat, quosdam dies, quales sunt 14. & 20. cum quibus non coincidit febris exacerbatio, efficacissimos esse ad iudicandum.

Insuper agamus vlteriùs de quæstione hac, inquiremus quomodo dies 14. numeretur inter optimos decretorios, si par est, & numerus impar multi faciendus est, ex Hip. *4. aph. 61.* *Febricitans, nisi diebus imparibus febris reliquerit, solet recidinare: & lib. 4. acut. 56.* sic ait: *Maximè vero numerus impar est obseruandus, nempe hi dies in hanc vel illam declinantes partem reddunt laborantes.* Et Galenus *in com.* in hæc verba prorumpit: *Dies impares multa pollere virtute, non simpliciter, sed in acutis morbis, est intelligendum quod insignes in utramque, tum salutem, tum mortem mutationes efficiant.* Quare cum 14. dies par sit, & non impar, non erit exactè decretorius, vt aduertit Michael Angelus Blondus *tract. de dieb. decret. in med.*

Hanc, quæ maioris operis est, & negotij, controuersiam solvunt viri in palæstra literaria periti, Cardanus *lib. 1. cont. tract. 3. cont. 3.* Vallesius *10. cont. cap. 3.* Andreas Laurentius *lib. 2. de crisib. cap. 10.* Asserunt enim diem decimumquartum esse imparem, quia etsi à primo die incipiendo sint pares, tamen facta computatione à primo die suæ hebdomadæ, illorum vnusquisque impar est. Quod enim Galeni mens fuerit, diem decimumquartum connumerandum esse inter impares, patet ex eodem Galen. *4. acut. cit.* vbi postquam Hipp. dixit, maximè esse obseruandum numerum imparem, Galenus *in com.* numerans huiusmodi dies impares, inter eos refert 14. 20. 60. 80. 34. & 40.

Refellendi tamen sunt tripliciter. Primò, quia sic malè *loc. cit.* inter impares etiam numeraret nonum, & vndecimum; hi enim iuxta illam computationem pares sunt. Secundò, quia Hippocrat. *1. epidem. sect. 3. text. 14.* numerans dies indicatorios pares, & impares, inter pares enumerat 14. Tertiò, quia Galenus *4. aph. 61.* sententiam Aphorismi, quod scilicet febricitans, nisi diebus imparibus febris reliquerit, soleat recidinare, iudicat non esse Hip. eo potissimum argumento, quia Hippoc. *in epid.* in die 14. multos vidit indicatos, qui tamen impar non est.

Certiùs igitur dicendum videtur cum Galeno *in com. aph. cit.* illum Aphorismum non esse legitimum, immò Hippocrate indignum: plurima enim in operibus Hippocratis esse incerta, omnibus est manifestum; immò etiam Aphorismis nonnulli norbi sunt additi, vt notat Galenus *lib. 4. de rar. viet. in morb. acut. in proæmio,* & in eius libris aliqui fuere interiecti, vt ipse scribit *lib. 5. aph. 62. & 63. & lib. 6. aph. 26. & 44. & lib. 7. aph. 47. & 63.* Vel dic, illam sententiam esse corruptam, & pro diebus imparibus legendum esse indicatorijs: in diebus, enim non oportet intueri si fuerint pares, vel impares, sed si fuerint indicatorij, *4. acut. 86.* Itaque sententia aphorismi erit, si febris terminetur in diebus non imparibus, non decretorijs, recidiua expectanda est; quod concedendum est iuxta doctrinam Galeni *lib. 3. cris. cap. 4.* Cur igitur Hippocrat. *4. acut. cit.* asserit, numerum imparem maximè esse obseruandum? Dic ex Philotheo, locum illum intelligendum esse, de morbis acutis, qui cum ferè biliosi sint, & ita in diebus imparibus exacerbentur, in eiusmodi etiam solent iudicari; longi verò in paribus: cum quibus tamen stat, 14. diem, & 20. qui pares sunt, optimè, & frequenter iudicare, ob causas superius traditas.

Decimaquinta dies neque criticis, neque indicibus, neque prouocatorijs annumeratur, rarò enim admodum euenit, vt crisis præcedentium dierum in ipsum incidat

NNNN 2

incidat



incidat, ex Gal lib. 1. de dieb. decret. cap. 7. Deinde et si Galenus hoc nuper cit. loc. & cap. 5. numeret dies medios inter decretorios, & simpliciter non decretorios, qui inter hos medium locum tenent, de die decimoquinto nullam fecit mentionem, hinc tamen à Rhasi 10. ad Almanf. cap. 19. & 32. cont. tract. 2. cap. 1. medius adscribitur inter illos Auic. 2. 4. tract. 2. cap. 7. inter decretorios eum connumerat.

Decimasexta dies naturam sapit duodecimæ, nec est iudicatoria, ex Gal lib. 1. de dieb. decretor. cap. 5. Quod si aliquando in decimasextam labatur crisis, sine fide omnino erit, & si æger peccet, morbus denuò reuertetur, cap. 7. eiusd. lib. Quare cap. 4. dixerat, nunquam se duodecimam aut decimasextam iudicantes vidisse.

Decimusseptimus dies, bonus, & iudicatorius est, lib. 4. aph. 36. quare hoc die plures iudicari. Est medius inter 14. & 20 & sicut 4. dies septimum indicat, & 11. decimumquartum, ita 17. vigesimum, 2. aph. 24. validius tamen in hoc, quàm in 4. aut 11. decernuntur morbi: qui enim celerem motum obtinent decimoquarto iudicantur; sin minus in decimoséptimo crisis erit, lib. 1. de dieb. decretor. cap. 13. quia hic inter validos indicatorios primas tenet. Hunc decretorium esse Galenus plurimis testimoniis Hippocratis probat lib. 2. de dieb. decretor. cap. 3. quo in loco adducit librum primum de morb. vulgaribus, sect. 2. temp. 1. text. 18. & temp. 2. text. 89. vbi Hip. complures in vtraque aëris mutatione, fuisse die decimaséptima iudicatos, conceptis verbis enarrat.

Decimusoctauus dies non est decretorius, neque aliquem ea die superstitem remansisse, aut mortuum fuisse monet Galenus lib. 1. de dieb. decretor. cap. 4. sententia Hip. munitus, Quod si Hip. 1. epid. sect. 2. text. 84. iudicatos fuisse aliquos exactè 18. dicat, responder eo loco Galenus: *Et quid admirationis in varietate morborum insignes extitisse iudiciorum diuersitates? Nos hinc de constitutis iudiciorum temporibus loquimur.* Illud verò aduertendum est, quod si vigesimaprima est dies decretoria, vt vulgus cum multis Medicis existimat, decimaoctaua illius erit index; veluti decimaséptima vigesimi, vt cap. 3. lib. 2. de dieb. decretor. Galenus scribit.

Decimusnonus dies non iudicat, neque aliquem in eo vidit iudicatum Hip. Quod si tertiana exquisita aliquando nouem circuitibus terminatur, vt in Coacis prænotionibus docuit Hippocrat. qui sanè circuitus nouendecim diebus finitur: tamen non ita est dicendum, sed potius tertianam finiri nona die, nam intermittentes numerantur per accessiones, quæ vicem dierum subeunt: Quod enim in continuis est una dies, est in intermittentibus accessio, 4. aph. 59.

Vigesimus dies decretorius est, & radicalis, finisque tertie hebdomadæ, quod eleganter prædixit Hip. 2. aph. 24. & 4. aph. 71. & 3. prog. 1. & hoc habet proprium, & peculiare, quod ex eius reduplicatione, semper dies decretorij constituuntur, quod nulli alteri ex diebus decretoriis conuenit; siquidem duplicatus constituit 40. triplicatus 60. & sic de reliquis. Sic etiam à die 20. vsque ad 40. reperiuntur dies decretorij supra traditi, quos eleganter recensent Amatus proprio tractatu de diebus decretoriis. Christoph. à Vega 3. prog. com. 1. in fin. vbi docent, quod crises, quæ fiunt vsque in 14. diem, efficacissimæ sunt. Secundum locum habent, quæ sunt vsque in 20. Post 20. verò crises, vehementiam & efficaciam remittunt. Post 40. verò non solent morbi crisi finiri, sed potius coctione, & abscessu. Quod si aliquando crisis fiat per excretionem, ea sine vehementia contingit, & imperfecta est, & per plures dies durans, quemadmodum in illis morbis obseruatur, qui in longum tempus protrahuntur, & ferè semper ante crisim morbus vehementiam comparat acutorum instar, & hoc modo Auic. 2. 4. tract. 2. cap. 2. ad fin. §. *Et sunt quidam qui existimant, &c.* dicebat, aliquando in morbo diuturno accidere crisim per excretionem, etiamsi non mutetur ad acutum, nec in eo sit recidua, neque complicatio cum alio morbo, quoniam humorem, quem paulatim concoxit natura, subitò & repente expellere potest.

A Post 40. numerandi sunt dies vsque ad diem 120. Post quem per mensium hebdomadas computatio fieri debet. Nam 120. dies complent quatuor menses: quartus verò mensis est index septimi. Postea verò eo quoque ordine, per annorum hebdomadas computatio facienda est. Neque obstat quod Hippocrat. 1. epid. sect. 3. text. 14. non numeret 120. diem, quoniam sufficit quod Galenus eum numerarit 2. de dieb. decretor. cap. 6. quo loco illam sententiam enarrat. Porro Galenus lib. 1. de dieb. decretor. cap. 5. & lib. 2. cap. 8. horum dierum sex ordines secundum eorum potentiam collocat, & in primo ordine constituit septimum, qui omnium est fortissimus, & soluit frequenter, fidè, salubriter, & securè. In secundo ordine statuit 14. qui septimi naturam imitatur: in tertio, vigesimum. Deinde Hip. 2. aph. 24. & 1. epid. sect. 3. text. 14. quem sequitur Galenus 3. prog. cit. & in lib. de dieb. decretor. singulas septimanas in quaterniones diuidit. Hos, contemplabiles appellat, quod scilicet dies decretorios, iudicatoriosve indicent, & quod in iis, quales ij sint futuri. Medicus contemplari possit. Qui autem sint, facilè ex hac scheda cognoscentur.

4	7	11	14	17	20.
24	27	31	34	37	40.
44	47	51	54	57	60.
64	67	71	74	77	80.
84	87	91	94	97	100.

Ex quibus omnibus dierum decretoriorum natura satis intelligitur.

## QVÆSTIO X.

*Vtrum dies septimus præstantior sit decimoquarto, & vigesimus dignior sit vigesimoprimo. Contra Conciliatorem.*

## COMMENTARIUM.

V El septimo, alios decimoquarto, quosdam vigesimo. ] De dignitate dierum decretoriorum decertant Medici, & adhuc sub iudice lis est, vt rentur plures, cum eam multo antè tempore dissoluerit Galenus, Reipublicæ medicæ fortissimus antesignanus, quippe qui lib. 1. de dieb. decret. cap. 4. & 2. eiusd. cap. 3. septimum validissimum vocat decretorium, & Regi benigno eum comparat, qui inter omnes decretorios dignitate, & excellentia antecellit.

Contra hanc doctrinam videntur facere plurima auctorum testimonia: si quidem Auic. 2. 4. tract. 2. cap. 2. ad fin. maiorem dignitatem tribuit 14. dicens: *Et dies quartusdecimus est fortis valde, & de fortitudine eius est, quod nulla sit dies cui non proportionetur, scilicet & paribus, & imparibus, &c.* Suscribit Ishaac particul. 4. de febr. cap. 6. ad fin. dum sic præfatur: *Et dixerunt decimasquartam omnibus diebus indicatuis, & quartam omnibus indicatuis esse meliorem, &c.* Hoc multò antea præmeditauerat Hippocrat. lib. 2. aph. 23. dicens: *Acutos morbos quatuordecim diebus terminari.* Ergo si decimusquartus acutorum terminus est, videtur quod reliquos omnes dies ratione iudicandi excellat. Hæc sunt quæ pro 14. diei dignitate adducit Conciliator diff. 105.

E Licet autem septimus, & decimusquartus dies omnium decretoriorum sint maximi, tamen si inter se conferantur, non possumus non priorem, & digniorem locum tribuere septimo: quem præstantiorem esse affirmat Galenus loc. cit. cum dicebat: *Septimi naturam imitatur decimusquartus, ita tamen vt æqualem dignitatem non obtineat.* Quare loc. cit. in initio, dicebat: *Primus nãque omnium decretoriorum septimus est, non numero, & ordine, sed potentia, & dignitate: & in lib. 2. de dieb. decretor. cap. 8. affirmat septimum esse decretorium fortissimum: Quæ verba nullam calumniam patiuntur, præsertim cum Hippocrat. lib. de septimestri partu, n. 6. in hæc verba prorumpat: Dies quidem igitur maximè insignes in quàm plurimis, sunt primi, & septimi, multum potentes*



potentes in morbis; & multum etiam in febribus. Sic etiam Rhafius lib. 10. ad Almanf. cap. 10. dicit: Septimus dies ex omnibus diebus criticis, sua bonitate superior existit: est etiam decimus quartus decretorius, & a septimo secundus: & Auic. 2. 4. tract. 2. c. 6. inquit: Et scias, quod dies crisis fortioris iudicij, & fortiores dies cadentes, & dies indicationis sunt illi qui sunt in antecedentibus; & quanto magis procedunt, debilitatur eorum iudicium. Idem firmat Rabbi Moses particul. 6. Aph. Et dies septimus est superior indignitate, & laudabilitate. Explicat ex multorum mente Niculus ferm. 2. tract. 4. cap. 4.

Huius diei dignitas ratione demonstratur. Ex diebus magis decretorius est ille, in quo frequentiores, firmiores, & robustiores crises accidunt. Sed dies septimus est huiusmodi. Ergo erit magis criticus. Maior est nota. Minor probatur. Crisis non fit sine certamine, ex Gal. 2. cris. 11. & 2. de dieb. decretor. 8 & idem crises incidunt cum accessionibus, ex Galen. 4. aph. 36. & 3. de cris. cap. 4. in med. 5. Oportet enim crism semper, & c. & 1. epid. sect. 3. com. 13. Ergo ubi maius fuerit certamen, frequentiores erunt crises. Sed in septimo necessarii maius certamen est expectandum, quam in 14. quoniam humor est sauior, & virtus est fortior. Ergo septimus de victoria frequentius decertabit, & robustiores, & firmiores crises in eo fient, quia facultas nec ex vi symptomatum, nec morborum est dissoluta.

Explodenda ergo est opinio Conciliatoris loco cit. dicentis, Auicennam intelligendum esse de frequentia iudicandi, quia sibi habet aduersum Galenum 1. cris. 18. qui in septimo, valentiores, & potentiores fieri crises asseruerat; in longum autem iam protracta ægritudine, imbecilliores reddi: quod etiam docuit 2. de dieb. decretor. cap. 8. Et Auic. 2. 4. tract. 2. cap. 6. in septimo non solum frequentiores fieri crises, sed firmiores, & robustiores asseruerat. Quare Haly lib. 10. theoric. cap. 8. primum locum tribuit septimo, secundum robur iudicandi, & secundum bonitatem.

Deinde propter quod vnumquodque est tale, & illud magis. Sed propter septimum, dies 14. est decretorius, & reliqui omnes dies vsque ad quadragesimum. Ergo septimus dies magis decretorius erit. Hoc modo Arist. 5. lib. de hist. animal. c. 20 & lib. 6. c. 17. probat animalium formationes, in vtero gestationes; & in lucem editos partus; certis fieri septenariis; variis tamen iuxta variam animalium naturam, quinimmo & auium incubationes.

Ad Auicennam verò dic; decimum quartum esse fortem valde aliorum dierum respectu, sed non septimi. Ishac autem non ex propria, sed aliena loquitur sententia, quam capite sequenti erat reprobaturus. Ad Hip. 2. Aph. cit. dic, quod ibi recenseret alterum terminum morborum acutorum; solet enim Hip. ultimos terminos denotare, ut facit 4. aph. 59. quo loco dicit; quod tertiana exquisita septem periodis terminatur; non quod necessarii eas periodos debeat habere; quoniam antè deficere potest: quo etiam pacto intelligitur 5. aph. 6. & 7. aph. 50. vbiue videlicet intelligens; prius cessare posse: quod etiam demonstrabat Galenus 3. Aph. com. 7.

Ne tamen aliquis arbitretur, ob septimi dignitatem nunquam mortem contingere posse, operæpretium erit referre aliquos ægros; qui in septimo vitam cum morte commutarunt; quoniam adolescens qui in mendacium foro decumbebat, septimo mortuus est 3. epid. sect. 2. text. 5. & text. 3. antecedenti, Euryanactis filia virgo, septima die obiit: & text. 7. mulier ex abortu infantis hoc die occubuit: & text. 8. alia mulier ob eandem causam eodem die periit: & lib. 5. epidem. num. 1. & 35. extant duo adolescentes in septimo mortui. Quos tamen si conferas cum innumeris in illo die bene, & fidè iudicatis; paucissimos, & rarissimos esse comperies. Licet enim dies septimus in felicitate; & frequentia iudicandi reliquos omnes excedat, aliquando tamen malas in eo contingere iudicationes certum est. Eodem modo in 14. aliqui malè iudicantur, etsi æqualem ferè cum septimo dignitatem habeat, & sic quædam mulier profluente ex naribus sanguine, 14. obiit, 3. epidem. sect. 2. text. ult. & in sect. 3. sequenti text. 85. alterius mu-

Lib. VI.

lietis historiam describit, quæ 14. defuncta est, præcedente conuulsione: & lib. 5. epid. ante med. num. 14. refert aliam in 14. de medio sublatam, ex vulnere capiti inflicto. Hos omnes, non ob septimi diei malitiam, sed ob materię contumaciam, & malignitatem, ut in venenatis, pestiferisque febribus contingit; vel expultricis debilitatem; aut meatuum obstructionem, fuisse priuatos vitæ existimabis.

Non minoris negotij est perferuari, Vtrum dies vigesimus sit decretorius, an vigesimus primus? & non defunt rationes, quibus vtrique pars confirmetur. Diocles enim & Archigenes primum locum in iudicando concedunt vigesimoprimum: subscribit Celsus lib. 3. cap. 4. post med. 9. Hi erant dies tertius, 5. 7. 9. 11. 14. 21. ita ut summa potentia septimo, deinde 14. deinde vni & vigesimo daretur, & c. subscribit Hip. lib. 1. epid. sect. 3. text. 14. 9. Circuitum qui iudicantur diebus imparibus, primus est 3. 5. 7. 9. 11. 17. 21. & 4. aph. 36. sudores si inciperunt febricitantibus, boni, die 3. 7. 11. 14. 17. & 21. Nam est finis septimanæ tertiæ. Quare si septimus, & 14. ob hanc causam sunt critico- rum principes, erit etiam dies vigesimus primus.

Ex altera parte pro vigesimi præstantia strenuè depugnauit Hippoc. lib. enim 3. progn. text. 3. & 4. sic ait: Nam mirissima febris, & quatuorissimis signis incidunt, quarto die finiuntur, vel prius: pessima autem, grauissima signa præ se ferentes, quarto die intermunt, aut prius. Primus igitur earum insulzus ita terminatur, secundus verò ad septimum perducitur, tertius ad undecimum, quartus ad quartumdecimum, quintus ad decimumseptimum, sextus ad vigesimum per adfectionem finitur. Hæc verba ostendunt manifestè, quod tertiam septimanam per continuitatē secundæ annumerat, & quod decimamseptimam indicem facit vigesimæ.

Confirmat Hippoc. mentem ratio valida: quoniam si vigesimus primus criticus sit, ergo 18. index statuetur: & post 21. hi erunt critici 25. 28. 32. 35. 42. 63. 84. At in historiis suis nusquam eorū meminit Hipp. sed criticos omnes facit à 20. 24. 27. 34. 37. 40. 60. 80. 100. quibus diebus frequenter, & fidè crises contingere solent. Hoc quoque vbertim confirmant particulares Hip. Historiæ plurimum ægrorum qui hoc ordine sunt iudicati: Charion, Philini vxor, Euryanactis filia, vigesimo iudicati sunt; Abderitana virgo 24. Anaxion 34. Clazomenius; 40. ita qui in Dealcis horto iacebat. Vxor Iphicratis quadragesimo die pauca biliosa vomuit, 80. perfecte iudicata est. Cleanactides 80. rigit, multum sudauit, integrè iudicatus est. Heropytus 120. integrè iudicatus. Demum, ut rectè 2. de dieb. decretor. citat notauit Galenus; nullus in libro Epidemion numeratur æger, qui à 18. & 21. iudicatus sit, sed omnes à 17. & 20. ordinem sumunt.

Quo pacto ergo tam repugnantes tantorum virorum auctoritates conciliabimus? Responder Conciliator dif 135. quod quando humor est tenuis, calidus, exiguus, facultates coctrix; & pellens validæ, tunc 20. crisis fit. Si verò contraria adsint, & humor sit crassus, multus, & frigidior; tunc 21. die continget. Dupliciter peccat solutio. Primò, quoniam si humor est crassus, & frigidus, ad vteriores dies protogabitur crisis, nempe ad 24. 27. 34. & alios. Secundò, quoniam acuti morbi, qui 21. die definiri debent, à crassis, & frigidis humoribus ferè non fiunt, sed à calidis, ex Gal. 2. aph. 19. & 7. aph. 1 & alibi.

Vt tamen hæc omnia multo clariora euadant, exponendum est prius: Vtrum dies ad criticorum computum integri sint assumendi, vel cum fractione aliqua: Et videtur quod de singulis diebus naturalibus, qui 24. horis constituentur, aliquid sit detrahendum, ac proinde integros ad computationem non esse vsurpandos: & potest probari ex Hippocr. 3. prog. cit. & ratione pater. Quoniam vtrunque fiat supputatio, siue secundum mensilem medicinale, siue peragrationis, siue illuminationis, non possumus integros dies vsurpare, quoniam mensis medicinalis, docente Galenò 3. de dieb. decretor. constat 26. diebus & 21. horis: qui diuisus in quatuor septimanas, quælibet illarum habebit sex dies, & 17. horas cum dimidia.

N N N n 3

Mensis

Mensis peragratiōis constat 27. diebus, & horis 8. cuius quælibet septimana habet 6. dies, & 20. horas. Mensis illuminationis constituitur ex 26. diebus cum dimidio, ex quo, quælibet septimana constabit 6. diebus, & 15. horis; & sic ex prædictis septimanis non possunt septem dies constitui, nisi de singulis aliquid detrahatur, portio videlicet ex diebus mensis medicinalis, vna hora non completa, sed minus decima quarta parte, & ex reliquorum mensium diebus ad portionem. Quare non sine ratione singuli quique dies sunt præscindendi. Verumtamen hoc dogma est Galeno summè aduersum, & plurimorum errorum tam in præfagiendo, quàm curando potest esse occasio; idè decidenda à nobis hæc disputatio, exordio sumpto ab illius interpretatione, de quo orta controuersia est.

Diem Astrologi vocant illud temporis spatium siue eum circuitum, quo Sol raptu primi mobilis, vnica circa terram conuersione, ab vno puncto in id recurrit. Mensem, quando Luna lustrato suo cursu Solem consequuta est. Annam verò, quando Sol proprio motu totum suum confecit, & peragrauit orbem: & Galenus in lib. de septimestri partu, in med. annum dicit esse circuitum, reuolutionem, siue reditum Solis à solstitio in solstitium, siue à signo quodam in idem signum; quem in 12. menses diuidi docet, 1. epidem. in comment. tempestatis 1. ad init. Atqui omiſſa anni, & mensis disputatione, atque etiam diei, provt ad astrologiam pertinet, de qua Ptolemæus lib. 2. & 3. magnâ compositionis fusè satis differuit, de iis agendum est, provt Medico vtilis sunt, & necessarij.

Dies variis modis à Galeno vsurpatur: primo modo provt distinguitur contra noctem, pro eo videlicet tempore, quo Sol nostrum hemisphærium illustrat, vt ipse notauit, lib. 1. per genera, cap. 2. in med. & 6. de sanit. tuend. cap. 5. in med. vbi agit de dierum longitudine, & breuitate, pro solstitiorum, & locorum varietate. Aliquantum sumitur pro die simul, ac nocte, vt constat ex lib. 7. sect. loc. cap. 2. sub titulo, confectio ex capitibus papaueris Galen. Diesenim cum dicitur in infusionibus, & similibus, noctem etiam comprehendere certum est, vt idem docet lib. 10. meth. cap. 2. in med. & lib. ad eos qui de typis conscripserunt, cap. 7. ad init. & lib. 2. de crisib. cap. 2. sicuti cum dicimus mensem constare 30. diebus, & annum habere 365. dies.

Galenus lib. 6. epid. sect. 1. com. 15. in fin. totum tempus diei cum toto anno comparat: Nam matutinum tempus habet similitudinem cum vere; meridies cum æstate; vespertinum tempus, cum autumno; nox cum hyeme. Hoc spatium quod ex die, & nocte componitur, & à Galeno diem appellari diximus, ex 24. horis integris constituitur, ex Galen. 1. de crisib. cap. 16. post med. §. In primo quidem die, & c. & 9. meth. 1. post med. & in lib. de septimestri partu, in com. text. 1. & 2. & lib. ad eos qui de typis scripserunt, cap. 7.

Quibus omnibus locis constat manifestè ex Gal. doctrina, quòd 24. horæ verum diem absoluunt, maximeque errasse illos, qui existimant ad computationem criticorum dies non esse assumendos integros, sed cum aliqua fractione. Sed ij ignorabant, quod vbique proclamat Galenus, scilicet quaternarios, & septenarios non esse integrè numerandos, sed ex iis aliquid esse detrahendum, sic vt ex duobus quaternariis vnicus constitutatur septenarius, & viginti dies, tres septimanas componant; quod fit ex ipsis quaternariis, & septenariis, aliquibus coniunctis, & aliquibus separatis. Coniunguntur inuicem die vna, quæ vtrisque communis existit, veluti quarta dies primo, & secundo quaternario communis est; & secunda etiam, & tertia septimana, die 14. cohærent, quæ vtrisque communis existit, quoniam 14. dies finis est secundæ septimane, & principium tertiæ. Dilucidè ergo patet, quòd si dies præscindantur, necessariò fieret, vt dies 21. & non 20. morbos iudicaret; neque tres septimane vigesima concluderentur die, neque aliquis dies illis esset communis; sed dies 14. decretorius finiretur 13. diebus, & duabus horis, à quo tempore inciperet tertia septimana,

A & nullum tempus esset illis commune: quare contruerent omnia quæ ab Hip. & Galeno de diebus decretoriis literis sunt tradita.

Ad id verò pro contraria parte adductum Dic, Hippoc. haudquaquam velle, dies non esse integrè numerandos, sed potius quaternarios non posse integris diebus constare. Nam cum antea dixisset 3. prog. text. 3. quòd secundus quaternarius finitur die septimo, & quartus decimoquarto, & tres septimane viginti diebus absoluuntur; & cum de ratione quaternarij sit, vt habeat quatuor dies, sicut de ratione septimane septem, fieret vt secundus quaternarius extenderetur vsque ad octauum, & quartus vsque ad 16. & quòd tres septimane peruenirent ad 21. Cui obiectioni respondet text. 4. sequenti, dicens: Fieri verò non potest vt horum integris eximie dinumeretur diebus, & c. id est, quòd numerus dierum, quaternionum, & septimanarum integer esse non potest, nam secundus quaternarius tantum habet tres dies, & tertia septimana tantum habet sex dies & sic tres septimane viginti diebus finiuntur. Rursus si hebdomadæ integræ numerandæ essent, sequeretur quòd dies decima octaua esset contemplabilis vigesimæ primæ, ac proinde nullam haberent communionem decretoriam decima septima, & vigesima ex Gal. 2. de dieb. decret. c. 2. in in quod tamen falsum esse ex superioribus constat.

Ad vltimum argumentum dic, mensem ex quatuor septimanis componi. Secunda tamen, & tertia vnica die communicant, & sic ex 27. diebus, quatuor septimane consurgunt; in quarum hebdomadam prima licet septem dies integri non sint, integri tamen numerantur, quoniam quòd hic plus subripitur, postea in die 14. secundæ, & tertiæ communi imminuitur; siquidem illic integra dies submouetur pro omnibus septimanis. Quare euidenter constat, huiusmodi minutias non esse à Medico contemplandas: nam Galenus 1. de dieb. decretor. 6. illos Medicos irridet, qui existimabant dierum computum variari, propterea quòd, vna aut duabus horis principium lateat.

Porro vt argumentum hoc ad vmbilicum perducam, cum Galeno acriter contendo, vigesimum esse digniorem vigesimo primo, & post 7. & 14. esse collocandum. Eadem sententiam confirmat Paulus lib. 2. cap. 6. Haly 10. theoric. 8. quòd altè probat Galenus 2. de dieb. decretor. cap. 3. & 4. concludens, Hippocratem experimento, & vsu edoctum, diem 20. & non 21. decretorium constituisse, & 7. Aph. com. 3. semper Hippocratem, diem 20. & non 21. decretorium pronunciale asseuerat. Si verò in argumentis contrariis diem vigesimum primum decretorium esse refert, de principio 21. quod cum fine 20. coincidit, intelligendus est, quoniam finis vnus temporis est principium alterius, ex Gal. 4. acut. 1. & hæc est verior solutio, quàm interpretum ibi, Hugonis, Thadæi, & aliorum qui dissidentibus veterum sententiis perterriti, varios fingunt ad libitum soluendi modos.

Verum enimverò supersunt duo illustria dubia, quæ altiore indagine prærequirunt, quorum primum est huiusmodi. Contemplabiles dies eos Galenus vocari dicebat, in quibus aliquod futuræ crisis certum indicium apparet, 2. Aph. com. 24. qui solum ad 20. perdurant, ex Gal. ch. & 3. prog. 3. Quale ergo sit hoc signum, auctores variè proponunt. Auic. 2. 4. tract. 2. c. 8. tria profert indicia, ex quibus quid in sequentibus decretoriis fieri debeat, constare poterit: primum desumit ex coctione, & eius opposito; secundum ex robore, vel debilitate facultatum, naturalis videlicet, animalis, & vitalis; tertium ex signis ipsis criticis: quod prius docuerat Rhafius lib. 19. contract. de dieb. decret. c. 1. ad init. affirmans maximè referre ad cognitionem diei critici, vires, & cognitionem signorum, non solum criticorum, sed etiam prognosticorum contemplari, quoniam alterum sine altero sufficere minimè potest: quare opera Hip. frequenter esse perlegenda ad hanc doctrinam intelligendam concludit.

Præterea Galenus ibi docet, consideranda esse signa in quarto apparentia, & vltius accessionum exacerbationes, vt certò crisin futuram prælagire possimus. Nam si in quarto periculosissimum aliquod appareat symptoma,

& morbus per pares exacerbetur, primum in sexto iudicium expectandum est: quod si hunc excesserit, in octauo. Quod si in quarto signa optima appareant, & morbus per impares recurrat, optimum in septimo iudicium fit, ubi aptissime Galenus non solum coctionem, sed eius oppositi notas inuestigat, & praesertim alia; quae eodem lib. cap. 4. antecedenti prolequitur, dicens, quod septimus à quarto indicatur, si manifesta fuerit mutatio non solum coctionis, urinae, & aliorum excrementorum, sed etiam appetitus, mentis, sensus, vel alterius cuiusdam similis; quo pacto fieri potest, ut similis in septimo iudicatio non accidat; quod etiam confirmat lib. 1. epid. sect. 2. com. 75. in med. dicens, quod morbus qui celeriter mouetur, si in quarto habeat prauam accessionem, in sexto interficit. Idem etiam, licet aliis verbis, significare videtur 1. epid. sect. 3. com. 18. Quod si quartus, perinde ac tertius grauius symptomata induxit, breui mors expectanda est. Et sic perpetuo Galenus, ubi de significatione, vel indicatione dierum contemplabilium disceptat, non solum signa coctionis, sed alia considerat: quo pacto 2. de dieb. decretor. cap. 11. cir. in vniuersum dicebat, quantum cum bonis, septimum; cum malis, sextum indicare, habita semper accessionum ratione, quemadmodum idem concludit lib. 3. epid. sect. 2. com. 5. in med. Nam fieri potest, ut debiles in septimo moriantur, fortes in sexto liberentur; eius rei exemplum extat apud Hip. etsi rarissimum, 3. epid. sect. 3. text. 83. ubi refert, virginem quandam haemorrhagia in sexto fuisse liberatam, quae tamen in quarto suspensiones habuit elatas, hoc est, coctionis initium, cuius morbus per pares exacerbabatur; cuius rei ratio perpetua est, quoniam crises semper cum accessionibus coincidunt. Ergo ad contemplabilium indicationem non solum signa coctionis, & eruditatis, sed & critica, & prognostica sunt à Medico inspicienda.

Secundum dubium est, An dies contemplabiles, siue indices, possint etiam aliquando iudicare, & an dies radicales possint interdum indicare: Dic, indices posse esse iudicatorios, & vice versa iudicatorios posse esse indices; cum enim ab eadem causa vtrique procedant, vtramque etiam rationem habere possunt, & iudicandi, & indicandi, ac proinde in 11. & 17. plurimas fieri crises constat, ex Hip. in lib. epid. & latissime refert Galenus 2. de dieb. decretor. ferè per totum. Consule Michaëlem Angelum Blondum in tract. de dieb. decretoriis, & crisi, eorumque verissimis causis, prope fin.

## Q V A E S T I O X I.

Vtrum Galenus causam dierum criticorum ex sua, vel aliorum sententia ad astra reduxerit. Contra Picum Mirandulam, Cardanum, Fracastorium, Manardum, Amatum, Cartagenam, & communem ferè Medicorum sententiam.

Causam dierum decretoriorum, soli Deo cognitam, tam difficile est inuenire, quam esse Medicum; adeo ut doctissime Auicenna 2. 4. tract. 2. cap. 2. pronuntiauerit, hanc doctrinam de causa dierum criticorum ad Medicum minimè pertinere, qui solum debet esse contentus experimento: immò doctissimus Iacchinus in meth. pradicendi, cap. 23. eam adhuc neminem inuenire potuisse affirmat. Quæris causam? In promptu ea est: cum enim viderent Galenum ad astra confugisse, eiusque sententiam maximas pati difficultates, in varias distracti opiniones, eum multiplicibus telis oppugnant, & eius argumenta irrident, & temnunt, sed quoniam fusè, latèque plures illorum reprobas opiniones impugnarunt, de quorum numero sunt Laurentius toto lib. 3. de crisib. Manard. 15. epist. 5. Cardan. lib. cont. tract. 2. com. 2. Anton. Petitzus lib. crisimerologion, & alij; idcirco nos omnia hæc in compendium redigimus.

Primi fuere Pythagorici, qui cum viderent plurimos dies criticos impares esse, & morbos per septenarium moueri, eorum causam ad potentiam numeri septenarij

A referabant, quem asserunt pari multò esse potestiorum partim quia principium paris est, partim quia diuiditur in par, & impar. Licet enim numerus non sit substantia, habet tamen magnam vim ex causa nobis ignota: quod plurimis experimentis confirmant, potissimum quia & in morbis, & in vita ipsa terminandis, numeri dierum, mensium, & annorum magnam mutationem efficiunt, præcipue septimus, & nonus, ex quibus celebres climacterici, infausti dicti, scilicet ex ductione septimi in seipsum, annus quadragesimus nonus: ex ductione noni in seipsum, annus octogesimus primus: & omnium pessimus ex ductione septimi in nonum, annus sexagesimus tertius, qui plurimos interimere solet, climactericus dictus, mortalium vitæ maximè formidandus, de quo Aulus Gellius lib. 15. noct. Atticar. cap. 7. exemplis firmat Iulius Firmicus lib. 4. cap. 7.

B Cæterum hæc Pythagoricorum sententia latè refellitur à Gal. 3. de dieb. decretor. cap. 8. & 11. Adde quod si dies impares indicarent ob vim numeri imparis, eadem ratione sequeretur impares horas diei, criticas esse, & diem 21. magis decretorium esse quàm 20. contra Hip. & manifestum experimentum: nam per multiplicationem numeri septenarij, qui omnium præstantissimus est, oritur numerus vigesimus primus, nunquam autem vigesimus.

Amatus tract. de dieb. decretoriis, & Antonius Cartagenæ lib. 2. de signis dier. decreto. cap. 18. ad musicam, concentum, & numerorum proportionem confugere; & ut inter hos numeros quidam sunt dissoni, & alij consoni: ita (inquunt) contingit in diebus ægritudinis, & proinde dies dissonantes primo, ob causam dissidij quam cum hoc habent, naturam ad pugnam excitat; dies vero consoni primo, ob similitudinem quam cum hoc habent, quiescunt, & ita naturam ad certamen non prouocant, & ex consequenti crisin non concitant.

Sed hæc opinio merum commentum est, & sapit nugas; quia præterquam quod ridiculum est consonantiis vocum, articulos morbi, res adeo diuersas conferre, tamen neque illorum imaginationi effectus respondent: Nam, ut ipsi fatentur, 20. & 17. sunt consoni primo; & 16 & 18. sunt dissoni, cum tamen constet 20. & 17. inter optimos decretorios numerari, & 16. & 18. non esse decretorios. Quare patet numerum punctorum dissonantium primo, non respondere diebus decretoriis; neque numerum punctorum consonantium primo, respondere diebus non decretoriis.

D Astrologi alia via incedunt; Afferunt namque causam criticorum dierum ad motum Lunæ esse referendam, quod duodecim signa Zodiaci peragrat, qui appellatur mensis peragrationis, seu propriè impressionis, & continet 27. dies, & 8. horas; & hunc, propter mutationes quas efficit per suas quadras, dies decretorios constituere asserunt. At falluntur: nam sequeretur ex hoc computo diem 20. non esse decretorium, sed multò magis diem 21. quoniam tres quadre dicti mensis incidunt in duodecimam horam diei 21. ut numeranti patet. Sequeretur etiam eadem ratione diem 41 & 81. esse decretorios, non autem 40. & 80. contra experimentum, & Hip. 1. epid. sect. 3. text. 22. & 23. Quam opinionem conuellunt Picus Mirandula lib. 3. aduersus Astrologos. Conciliator dis. 114. Musa lib. 2. aph. 24. Manardus loc. cir. & alij.

E Asclepiades vanum esse putauit, causam criticorum inquirere, quia hoc, merum esse figmentum ratus est, deridebatque Hippocratem; quod aliquos dies fecit iudicatorios, alios indicatorios: Nam in nullo die (inquit ipse) quia par, imparve esset hic, vel maius, vel minus periculum est: quare improbabilem iudicat sententiam Hip. & nihil rationis sub illius dictis reperiri, asseuerat. Neque putes, Celsum, Hippocraticæ doctrinæ eximium interpretem, & studiosissimum imitatore, lib. 3. cap. 4. ita perfricta fronte tanti viri, quem summè semper prætulit, oracula peierasse, Celsus ergo non ex sua, sed ex Asclepiadis loquitur sententia, ut legenti caput facillimè patebit.

Sed audiamus Fracastorium, Philosophum, & Medicum insignem,



insignem, qui dum novum, & inauditum proficitur de causa criticorum inuentum, seipsum implicat, & à recto tramite discedens, in plurima incidit absurda, à quibus deinde sese extricare non potuit: & certè dolendum de tanto Medico est, qui postquam libros de morbis contagiosis (opus rarum, & à priscis vix per umbram cognitum) in lucem euulganit, ex quibus æternam famam meruit, & pro Phœnice medicinæ habitus est, edito de criticorum dierum causa libello, seum immortalitati nomen consecrandum non parum obscuravit.

Hic ergo causas dierum criticorum refert solum ad motum humoris melancholici, cuius cum hæc sit proprietas, ut quarto quoque die moueatur, quaternarios omnes idèò criticos esse, & ex hac origine emanarentur esse.

Hanc absconditam opinionem ut patefaciat, plurima supponit fundamenta, quorum primum est. Morbi rarè fiunt ex vno tantum humore, cum in vasis simul reperiuntur; & licet vix maxime putreat, contagium tamen reliquis communicat, ita ut & ipsi suis periodis moueantur, etsi nobis occultis, propter excellentiam periodi humoris dominantis. V.g. incipiente tertiana, etiam reliqui duo humores concepta à bile putredine mouentur, pituita quotidie, melancholia per quaterniones; sed in pituita, ob lentorem, & humiditatem suam, tanta fit cum bile putrente mixtio, ut non seorsim moueatur quotidie sua quotidiana periodo, sed tertiana bile permixta: melancholia verò propter crassitiam, & siccitatem non permiscetur, sed putrens ex bilis commercio motus quartanos conseruat.

His suppositis adstruit, febres ferè omnes esse compositas, ita ut non ex vno fiant humore, sed ex variis, & in variis; non in vnam formam reductis, sicut tertiana nōtha, sed ex variis sub variis formis, & periodis. Quare asserit ferè in febribus crises fieri per quartanos: iungitur etiam in diebus quartanæ, accessio melancholiæ cum accessione humoris morbifici, & ita duplicata accessio redditur vehementissima; cuius vehementia cogit ad frequentem crīsim.

Quoniam autem vidit illud fundamentum fauere primis quaternionibus, posteriores verò decretorios eo computo non includi; addidit aliud, nempe motum illum melancholiæ tunc incipere, quando putredo ab humore morbi manans, imprimitur melancholiæ. Imprimitur autem quandoque in primo die, interdum in secundo, nonnunquam in tertio, iuxta variam melancholiæ dispositionem: pauca enim, & tenuis in primo die consequitur putredinem, & mouetur: & mediocris in secundo: plurima autem, & crassa, nonnisi in tertio.

Ex his colligit causas criticorum omnium: Quando enim melancholia primo die mouetur, quaterniones euadunt sequentes, 1. 4. 7. 10. 16. 19. 22. 25. 28. 31. 34. 37. 40. Vbi melancholia secundo die morbi mouetur, critici sunt, 2. 5. 8. 11. 14. 17. 20. 23. 26. 29. 32. 36. Vbi verò melancholia tertio die morbi mouetur, euadunt critici sequentes, 3. 6. 9. 12. 15. 18. 21. 24. 27. 30. 33. 36. 39. 42.

Ex motu ergo melancholiæ, causæ criticorum colligendæ alij enim dies decretorii euadunt, ex motu eius in primo die; alij ex motu in secundo; alij ex motu in tertio. Colligit etiam vigesimum frequentius iudicare, quàm 21. quia frequentius putredo melancholiæ in secundo die morbi, quàm in primo aut tertio insolescit.

Verum quia adhuc ex motu fictitio melancholiæ, multi dies euadunt critici, ex tribus compositis præcedentibus, qui reuerà experimento & auctoritate maiorum critici non sunt; addit tertium fundamentum, scilicet quòd quando morbo iungitur motus melancholiæ in secundo die, est morbus peracutus, idèò non respondent in illis morbis critici posteriores, quia iam morbus in prioribus est iudicatus: In motu verò secundi diei, durant critici aliquantulum plus: In motu tertij, tanquàm in chronico morbo, multò plus.

Ostenditur falsitas opinionis huius, quæ imaginaria est, & tanto viro indigna. Primò, quia hæc causa debebat

æquè patere, & esse communis omnibus morbis humoralibus, ut vulneribus non febrilibus, & febrilibus, à simplici humore, vel mixto; sub vna forma, vel sub variis: causa autem auctoris solum conuenit humori mixto sub variis formis. Ergo non est vera, maxime quia Hip. 3. prog. 1. in quartanis etiam exquisitis, & 2. aph. 24. in exquisitis tertianis agnoscit frequentes criticos dies.

Secundò. Licet sit frequens plura mala pendere ab humore mixto, rarissimum tamen esse constat, pendere à mixtione sub variis formis, & moris in variis diebus.

Tertiò. Sequeretur esse criticos dies omnes, in quibus motus bilis, & melancholiæ concurrunt, nempe impares omnes, quum tamen inter illos paucissimi sint critici. Deindelicet sit probabile, melancholiam aliquando ad computrendum expectare secundam, aut tertiam accessionem, improbabilissimum tamen est putrare eam in secundo die tertianæ, quando æger & à febre, & symptomate omnino est immunis.

Quartò. Impossibile est melancholiam in omnibus febribus moueri, non bilem, quoniam in quauis motione, siue affectus sit, siue doloris, seu vulneris, citissime ob tenuitatem mouetur bilis, non melancholia.

Quintò. Motus melancholiæ licet summè irritet in periodis suis, rarissime crīsim inducit. Ergo multò minùs motus melancholiæ extra suas periodos.

Sextò. Motus ille occultus melancholiæ minùs irritat ad crīsim, quàm motus apertus in quartana. Sed motus quartanæ rarissime inducit crīsim. Ergo multò rariùs occultus motus melancholiæ.

Septimò. Oportebat quaterniones connumerari semper disiunctos, quia motus melancholiæ durat per quaterniones disiunctos.

Octauò. Quartana haberet criticos dies, sed omnes disiunctos, accessiones etiam essent æquè criticæ: non enim est imaginandum, ultra modum melancholiæ accedere alium ex melancholia mota.

Nonò. Motus ille commentitius, & ad libitum inuentus melancholiæ, non sufficit ad accessionem, quæ sentiat ab ægroto: quomodo ergo sufficiet ad crīsim quæ sentiat ab omnibus.

Decimò. Omnes dies iuxta hanc sententiam iudicant, & illi magis, qui sequuntur motum melancholiæ frequentiore; frequentior autem est qui incipit secundà die morbi, quia media extremis frequentiora sunt. Sed dies illi sequentes illud computum, critici ferè non sunt. Ergo aliter tentanda est propositi dubij solutio. Nam hanc Fracastorij absurdam, experimento, & rationi repugnantem sententiam valde aliis argumentis conuellit Andreas Laurentius lib. 3. de crīsis, cap. 10.

Pro cuius enodatione, præmittenda sunt aliqua, ante difficultatis explicationem.

Primum. Ex innata doctrina in naturalibus facultatibus reperitur, ut certæ operationes certo fiant tempore, non alio: coctrix enim expectat attractricis finem, expultrix finem coctricis per periodos. Sic natura periodicè mouet calidum innatum, per diem, extra; per noctem, intrò; & ultra alios circuitus seruat ex interuallis, nam per hyemem intrò, per æstatem, extrà.

Secundum. Ex ea innata doctrina, quæ firmat & gubernat corpus sanum, curat ægrum, ut per morbum otietur à nutritione, & augmento corporis, per interualla coctioni morbidi humoris intendens; & si eum ad benignum reducere nequit, expulsionem est intenta; simulque alia parte temporis, corpori alendo, ut vtrique muneri sufficiat. Seruat autem variam periodum in lucta morbi, iuxta quod variè lædit & infestat; & sic à causa morbifica lacescita, in morbo non febrili, aliquando tardiores periodos facit, aliquando breuiores, ut in epilepsia, cardiaca, podagra, vterino affectu; & eos aliquando ordinatos, interdum citra ordinem. In febribus autem ob maiorem molestiam, breuiores, & magis ordinatos consuetus efficit: & siquidem humor quietè molestat, ut in pituitosa, quotidie quietè confligit certis horis, reliquis autem corpori intendit; quia enim non fatigatur ex leui pugna, potest



potest quotidie pugnare. Si autem humor molestior est, ut bilis, tunc laboriosa est pugna, quam symptomata tertianæ apertè demonstrant; ideo interponit diem vnum, sufficientem ad reparandas vires, quia pugna brevis est. In melancholia autem, quia maior fuit fatigatio, ex longitudine, & vehementia tam rigoris, quam febris, duos dies interponit, & aliquando plus.

Tertium. Sicut in sanitate ultra illas periodos breues, quibus calidum mouet in actum, diem scilicet, & noctem, natura alias seruat diuturniores, nempe hyemem, & æstatem: ita in morbis ultra illas breues periodos, alias maiores obseruat ab eadem innata doctrina, nempe ut vigesimo quoque die morbi; iunctis copiis pugnet, ad dies 20. ultra enim hunc terminum, mensibus, & annis res agitur.

Obtrudes: Cur præfixit natura terminum vicenarium ad pugnam morbi, quam crifim vocant? Dic, quoniam intra eum fatigatio cessat, & robur comparatum est ad nouam pugnam: nec is terminus magis mouere debet admirationem, quam quod præfixit quietem nocturnam, & fecit retrocellum calidi innati introrsum per menses sex hyemales. Morbi verò intra 40. dies finiendi, quia symptomata sæpius urgent ad pugnam, etiam habent ex innata doctrina, diuisum vicenarium, in tres æquas partes, quas vocant septimanas. Morbi verò intra 20. iudicandi, etiam per dimidias septimanas, quia acrimonia, & violentia humoris breuiores adhuc pugnas exigebat.

Quapropter dicendum est, secundum mentem Galeni, decretoriorum dierum causam pendere ex innata doctrina naturalium facultatum: non à Luna, ut infra dicitur; non à numeris, aut musicæ consonantiis; non à casu; non à motu humoris melancholici; non à proprietate occulta humorum putrentium; nam in vulneribus sine humorum putredine, euidentius numerantur critici dies, & periodi, quam in febribus humoralibus.

Natura ergo crifes facit, ut toties prædixit Galenus. Mecum consentiunt strenui in arte medica viri, Ludouicus Lemosius lib. 6. de optima prædicend. rar. cap. 7. Mercatus tom. 1. quæst. 105. Vallerioli lib. 7. loc. com. cap. 7. Andreas Laurentius lib. 3. de crisib. cap. 13. Hanc ergo positionem ex præclara Galeni doctrina sic confirmo. Ille enim lib. 2. aph. 13. sic profatur: Crifis fit natura separante à bonis mala, & ad excernendum properante. Probat 2. de usu part. 17. Nam est docta sine doctore, ex Hip. lib. de aliment. n. 8. Et est morborum medicatrix, 6. epid. sect. 5. text. 1. Habet plures vias ac modos, quorum ope admiranda opera prius efficiens, per eos peccantem humorem eliminat, in ægotantis commodum, ex Gal. 15. de usu part. 5. Hæc per se, & primò iudicationes facit, 4. aph. 22. & 3. cris. 13. & lib. 3. de dieb. decretor. 8.

Quid plura? Nōne ipse lib. 2. de dieb. decret. cap. 2. in princip. dilucidè docet, ut Medicus decretorios dies experimento cognoscat, sitque naturalis qui hac iudicet, & persuasionem habeat, naturam prorsus sufficere, & summa quadam providentia corpori nostro prospicere; eamque motibus viri ordinatis in operibus suis. Hæc enim crifes molitur per sudorem, vrinas, deiectiones, sputa, vomitus, & hoc modo vitiosos humores per varias regiones propellit: & 1. aph. 20. in iudicatione, ubi integrè facta est, totum natura committendum, quæ si deficiat, tunc nulla præsidia iuuant: quoniam ea repugnante irrita sunt omnia, ex Hip. lib. de arte, num. 1. Hæc est quæ de omnibus partibus corporis providentiam habet, ut ait Gal. lib. 1. de fract. com. 1.

Hoc ipsum significauit Galenus lib. 2. de humor. com. 22. §. Facultas igitur quæ aliena expellit, ea est quæ iudicationes in nobis facit, & lib. 7. aph. 21. sic ait: Ostensum autem est in commentariis de potentiis naturalibus, quod est quadam in ipsis vis aliena excernens, quæ & sudores criticos (id est, iudicatorios) facit, & profusio sanguinis, & alui inferioris deiectiones. Idem scribit, 1. aph. 22.

Vis igitur expultrix est, quæ primò, & per se iudicationes facit, secundariò verò copia humorum, illa inquam, in qua elucet diuinitatis vestigia, quæ est operum naturalium effectrix, & corporis conseruatrix. Qui igitur

A Medicus felix voluerit esse in prædicendò, exactè facultatem cum morbi magnitudine metiatur, & prospiciat deinde, num ferat, aut feratur, ut inquit Galenus lib. 2. prog. com. 6.

Quis ergo tam inscium Galenum fuisse cogitabit, ut ipsum ex sua sententia ad astra confugisse assueueret? Quod si lib. 3. de diebus decretoriis, videns computationem dierum decretoriorum, quorum vis longo experimento constat, non quadrare cum mense peragrationis, nec cum mense illuminationis, ex his duobus confusis tertium mensem confecit, quem medicinalem appellat, cum quo omnia quæ ab Hip. dicta sunt de decretoriorum dierum numero, maximè conueniunt; ex aliorum loquitur sententia, ut scitè notauit Abrahamus Aben Ezre Hebræus, Mathematicus insignis, in suo tract. de luminariis, & diebus critic in med.

Mensis peragrationis continet dies 27. & 8. horas: & mensis illuminationis continet dies 26. & 12. horas: quibus confusis resultant dies 53. & 20. horæ, quorum dimidium est dies 26. & 22. horæ: ex quibus constat mensis medicinalis traditus à Galeno, qui in quatuor hebdomadas distributus, dierum decretoriorum terminos continet. Prima enim septimana continet dies 6. & horas 17. cum dimidia. Duæ septimanæ continent dies 13. & 11. horas. Tres septimanæ continent dies 20. & horas quatuor cum dimidia: unde iuxta has septimanas constat, diem 7. 14. & 20. esse decretorios.

Galenus enim, si ad Lunam refert causam dierum criticorum, quia ob loci viciniam magis suas vires imprimat in corpora nostra, inter planetas omnes, & facit in his periodis mutationes, ex aliorum loquitur sententia. Quia autem Luna non solum penes mensem illuminationis, sed etiam penes mensem peragrationis hæc inferiora immutat, proinde ut amicis iatisfaceret, in lib. 3. de dieb. decretoriis, quem non esse necessarium, nec legendum voluit, mensem medicinalem modo explanato composuit, qui virtutes, & mutationes vtriusque mensis complecteretur, & ita propter mutationes, quas per suas quadras, & illarum medietates facit, in humiditates nostri corporis, dies decretorios constitueret.

Ut verò attentè perspicias, omnia à Galeno in hoc libro tertio tradita, esse penes Ægyptiorum figmenta, & Astro-nomorum vanas nugas, ex aliorum mente prolata audi ipsū lib. 3. c. 10. Qui iam disputationis huius subtilitati succenset, ac difficilem eam existimat, hunc nemo ipsam addiscere cogit, verum primū huius operis liber ei sufficit. Quod si non laboris fugiā prior sit, secundum quoque adiiciat, à tertio autem abstinat. Nos siquidem hæc paucis planè, iisque inuicem scripsisse affirmamus. Vos, o Dy immortales, nouistis, vos in testimonium voco, hæc me amicorum quorundam precibus vehementer adactum scriptis mandasse. In primò enim libro numerantur dies iudicatorij, via quoque, & ratio ipsorum præcognoscendorum explicatur. In secundo, experimento, & ratione vim dierum iudicatoriorum explanat Galenus, illorumque ordinem, & proportionem indicat. Tertium non vult legi, quia plura eius excellenti ingenio indigna, amicorum precibus coactus enulgauit, & quoniam in duobus prioribus explicuerat omnia, quæ ad intelligendos dies decretorios satis erant.

Quare cum plura sint in eo libro, à scientia, & acutè Galeni valde remota, immò vana, falsa, & Astrologorum tenebris offusa; ea, præsertim potiora proponere satius duxi, præter alia quæ citati contra illum describere auctores, validissimis telis instructi. Patitur ergo doctrina illius libri, maximas difficultates, quæ Medicum cogere poterunt, ut credat illum non esse legitimum, immò tanto auctore indignum, quum pluribus scateat, quæ contradicentia sunt, & à doctrina Galeni prorsus aliena.

Primò. Si causa dierum decretoriorum ad mensem illuminationis, siue apparitionis Lunæ, effect referenda, qui constat 26. diebus, & 12. horis, & per mutationes quas facit per suas quadras in his inferioribus, constitueret dies decretorios, sequeretur solum dari dies criticos, in morbo incipiente in nouilunio. Secundò, quia cum Luna, quando coniungitur cum Sole, occultetur tribus diebus.

diebus, in quibus facultate illa est orbara, quam asserunt causam esse dierum criticorum, sequeretur etiam, quod quando morbus incideret in tres illos dies occultationis Lunæ, non fieret crisis in illis. Deinde sequeretur, quod quando morbus inciperet in principio dictorum trium dierum, in quibus Luna occultatur, dies septima morbi non esset critica, sed decima. Nam (ut asserunt) crisis fit propter mutationem factam per quadras mensis illuminationis. Sed prima quadra tunc non incidit in diem septimum, sed in nonum, & 15. horas; incipit enim post tres dies ægritudinis, in quibus Luna erat occultata, quibus addendo sex dies, & 15. horas (quod est tempus primæ quadraturæ mensis illuminationis) resultant dies 9. cum 15. horis. Igitur dies septimus non erit iudicatorius, sed decimus, contra Hip. ipsius Galeni, & auctorum communem sententiam. & experimentum.

Secundò. Si computatio iuxta mensem illuminationis rectè reprobata est: igitur etiam reprobanda erit computatio iuxta mensem medicinale Galeni; hic enim ex illo, tanquam ex altero fundamento constat. Deinde sequeretur, quod per illam mensuram temporis, in quo Luna occultata est, non esset mensis medicinalis, deficiente enim vno componentium necesse est compositum deficere; & per consequens in illa mensura temporis non fiet crisis, nec assignabitur dies criticus; si verum est quod asserit Galenus, dies criticos iuxta mensem medicinale constitui.

Nec obstat, Galenum ad computum dierum criticorum, non sumere mensem illuminationis, tanquam causam necessariò concurrentem, sed aliquando: Quia sequitur doctrinam traditam à Galeno, iuxta mensem medicinale, non esse veram de omnibus criticis, sed in solis morbis incipientibus in nouilunio, aut in alia quadratura mensis illuminationis, quod rarum est.

Tertiò. Mensis medicinalis fictitiu est, imaginarius, & non realis, in omni ægro, qui non ægrotat in secundo die Lunæ. Quod autem non est reale, non potest imprimere effectum realem. Nam semiplena Luna non efficit septimum diem, nisi in eo qui cœpit ægrotare in nouilunio; nec plena decimum quartum.

Quartò. Si mensis peragratiōis esset admittendus, ex motu Lunæ per quadras, non posset desumi causa ad septimanas criticas: quia Luna propter motum epicycli, quandoque accedit ad quadrām in sexto die, quandoque in octauo. Secunda ratio. In vna hora, & lecto ægrotant duo, quorum vnus ex influxu Lunæ perit, alter ex influxu opposito sanatur; & vnus in octauo perit, alter in septuagesimo sanatur: quod spatium nulum inter se seruat similitudinem. Tertia. Non quadrat circuitus ille 27. dierum, & 8. horarum cum septimanis criticis. Oportebat enim in termino totius circuitus fieri mutationem maximam: & in termino duorum circuituum, eandem: & oportebat diem 82 esse criticum, non 80, quia 27. dies ter numerati complent dies 82. Postrema. In morbis intermittentibus est vis iudicandi in septima accessione, & quarta, & tamen ille circuitus non pender ex quadris Lunæ. Ergo in diebus criticis alia radix querenda.

Quintò. Causa quare Luna per suas quadras mutat hæc inferiora, est aspectus inimicitiae, aut natura radiorum, qui per certos angulos, ex causa nobis ignota, communicant ipsis influxus suos per quadras peragratiōis Lunæ sub signis Zodiaci. Atqui quadræ mensis medicinalis non coincidunt cum quadris dictis, ut patet. Igitur quadræ mensis medicinalis, non constituunt dies criticos, propter mutationem aliquam magnam, quam in nostro corpore faciunt. Nec obstat si dixeris, licet quadræ mensis medicinalis non coincidunt cum quadris mensis illuminationis, & peragratiōis, eam tamen distantiam valde exiguam esse, & proinde parui faciendam: Nam illa varietas, licet exigua sit, efficit tamen ut dies 20. decretorius sit, & non 21. Quare venit in considerationem medicam.

Sextò. Et est ratio non solum contra ea, quæ dicit Galenus lib. 3. de dieb. decretor. sed etiam contra Astrologos, & omnes asserentes causam criticorum esse Lunam. Luna per suas quadras constituit dies criticos, quia in iis qua-

A dris facit mutationem fouentem, & adiuuantem naturam: eiusmodi autem mutatio facta in quadraturis Lunæ, fouet naturam in ægris, quia in illis adest contrarius aspectus ei, qui aderat in principio morbi. Quum igitur aspectus in principio ægritudinis, faueat ægritudini, quæ tunc temporis generatur; aspectus quadraturæ, cum sit illi contrarius, fauebit naturæ operanti aduersus morbum: & ita concurrente operatione naturæ, cum adiutorio dicti aspectus, à quo fouetur, faciet bonam crīsim in dictis quadraturis, & ex eo euadent ij dies decretorij.

Sed contrā. Aspectus cui subiacer principium ægritudinis, multoties est contrarius morbo; nam sub signis frigidis & humidis, sæpe fiunt febres: quod similiter intelligendum est de aspectu, quem asserunt per certas periodos ex causa nobis ignota communicare sibi influxus suos.

B. Quum igitur in quadraturis, perueniatur ad aspectus oppositos, peruenient huiusmodi ægritudines ad aspectus fouentes morbum. Quare malè iudicabunt. Et ita nulla apparet ratio, quare dies exactè decretorij nunquam, aut rarissimè malè iudicent.

Nec enim satisfacit, quod asserunt, causam quare critici dies bene soluant ægritudines, esse quia signum est, naturam non valde molestari ab ipso morbo, nec ab accessionibus, quum non excitetur ad pugnam ex se, antequam vi superiorum fiat commotio in humoribus. Nam hæc ratio non habet locum in morbis peracutis valde molestantibus naturam, & tandem recurrit in eandem difficultatem, cur scilicet illa pugna ad quam excitatur natura, quo tempore vi superiorum fit agitatio in humoribus, semper sit ad bonum. Præterea ex ea colligitur, dies intercalares semper prauè iudicare, quum natura in illis excitetur ad pugnam ex se, sine vi superiorum: quum tamen experimento constet, sæpissimè bene iudicare, quales sunt quintus, nonus, & alij. Denique si fides est adhibenda Astrologis, iudicandum est, sæpe dies decretorios esse infelices, quia scilicet Luna in illis accedit ad planetam, aut aspectum, infaustos, vel fauentes morbo.

Septimò. Sicut dies quidam optimi sunt ad iudicandum, ita alij valde prauī existunt, quales sunt sextus, & octauus, atque alij multi qui mali decretorij nuncupantur. Atqui malorum dierum causa uon potest referri ad Lunam, quia hæc in illis nullo agit aspectu, nec amicitiae, nec inimicitiae; hoc enim solum facit per suas quadras integras, aut dimidiatas. Igitur, ut ignorant horum dierum, quibus mala crisis fit, rationem reddere; sic etiam ratio quam assignant bonorum dierum, vana est & inutilis.

Nec obstat, quod quidam respondent, proinde sextum diem prauè iudicare, quoniam signum est adeò sui impotentem esse naturam, ut non possit expectare diem septimum, faustissimum ad iudicandum. Nam natura iudicat in sexto, quia tunc à morbo valde irritatur, quomodo etiam in bonis decretoriis iudicat. Nec existimandum est, naturam agnoscere vires, & dignitatem diei septimi, ut proinde quando sibi constat, debeat illum expectare ad bene iudicandum. Deinde ex eadem ratione sequeretur, dies intercalares malè iudicare, habent enim pro causa anticipationem diei critici radicalis, quæ anticipatio ortum habet ex eo, quod natura nimis molesteretur à morbo; quare coactè ad pugnam insurgit.

Octauò. In febribus intermittentibus decretorij dies sumuntur secundum numerum accessionum, non secundum numerum dierum, ita ut non dies septimus, & 14. sed accessio septima, & 14. asserantur decretoriæ, 3. prog. 8. & 4. aph. 59 & 1. epid. sect. 3. com. 17 Atqui causa quare hæc accessiones decretoriæ sint, non potest referri ad quadras mensis illuminationis; nec ad quadras mensis medicinalis, aut peragratiōis. Igitur, &c. Lege Iacobum Peletarium *contradict. ult.*

Nonò. Si dies critici haberent vim ex motu Lunæ, maximus criticus esset 27. dies, in quo Luna redit ad idem punctum, in quo erat in principio morbi. Nec obstat quod respondent, reditum ad idem punctum, non habere magnam vim ad mutandandum morbum: Nam saltem concedendum

concedendum est cum Luna in 27. die perueniat ad eundem aspectum, & ad idem punctum, in quo erat in morbi initio, quod debeat fauere morbo, & ita facere mutationem ad malum. Quare ex consequenti non recte enumerabitur dies 27. inter bonos decretorios.

Decimò. Vt constat ex Astrologis Luna quandoque velociter mouetur, & tunc peruenit ad quadraturam in die sexto; quandoque, mouetur tardè, & ita accedit ad quadraturam in octauo. Ex causa igitur Astrologorum, dies sextus, & octauus bene iudicabunt. Nec obstat, quod quidam de die sexto respondent, ob dictam causam etiam recte iudicare, sed id raro contingere; in cuius rei confirmationem, citant Hip. & Galenum 3. epid. sect. 3. text. 83. quo loco describitur exemplum sexti diei feliciter iudicantis. Sed oportet aduertere, crism illam valde imperfectam fuisse, vt ex Hip. historia constat. Nec obstat, quod Nicolus ferm. 2. tract. 4. c. 4. ad fin. de die octauo respondet, licet respectu quadraturæ, crisis debeat euenire in illo, respectu tamen motus humoris, qui fit in die exacerbationis, contingere in septimo, quia in hoc plus potest dictus motus humoris, qui est causa intrinseca, & fit per impares, quam aspectus cœlestis, qui est causa externa. Nam ex hac ratione sequitur, septimum diem decretorium radicalem non esse, cum à causa superiori non dependeat. Deinde, si plus posset motus humoris, qui fit in diebus imparibus, ad iudicandum, quam influxus cœlestis, sequeretur decimum tertium, 19. & 21. magis decretorios esse, quam decimum quartum, & 20. in illos enim incidit motus humoris per impares factus: in hos autem solus aspectus, siue influxus à causa superiori.

Vltimò. Astrologi asserunt, Lunam in oppositione, &

A quadratura, facere magnas mutationes in his inferioribus; quia in oppositione est in signo opposito vtraque qualitate; quare appellant *aspectum integra inimicitia*: in quadratura autem seruari oppositionem in altera qualitate; quare vocant *aspectum media inimicitia*. At ex eadem causa fauet naturæ operanti aduersus morbum. Refutandi igitur sunt euidenter, quia sic sequeretur diem vndecimum esse omnium pessimum, quia accedit Luna ad signum eiusdem temperiei cum signo initij morbi; quare tunc maximè fauebit morbo, & ita faciet mutationem ad malum.

Hæc sunt quæ doctrinam Astrologorum, de causa dierum criticorum, satis manifestè impugnant, præter alia quæ à Pico Mirandula, Fracastorio, Manardo, Cardano, Valleriolo, Lemosio, & aliis fusè, ac diligenter sunt conscripta: quæ cum Galenus, Astronomus eximius, à Nicone parente suo in hac scientia ingenue edoctus, & mirum in modum versatus, adamussim, diuino, quo præditus erat ingenio, calleter; verisimile est ipsum, in explicanda causa dierum criticorum, ad Astrologorum figmenta, ex aliorum sententia, & amicorum precibus, vt ipse refert, coactum, non ex sua confugisse. Quare redarguendi nimis sunt, qui illum in ea explananda, quæ solo experimento ab Hip. Gal. & Medicis est cognita, hostiliter insectantur. Cætera verò de crisi, diebus criticis, & eorum causis, lege apud Cæsarem Opatum, Carolum Romaterum, Cornelium Pleierum, Ioannem Zinckium, Tussanum Decretum, qui plura de hoc argumento in suis tractatibus, de diebus decretoriis luculenter proposuere.

Nam nos immensum spatium confecimus æquor.  
Et iam tempus equum fumantia seluere colla.

FINIS LIBRI SEXTI

ZACVTI

# ZACUTI LVSITANI, Ad Candidum Lectorem.

## P E R O R A T I O.

**T**V verò, Humanissime Lector, nostra hæc in Medicorum Principum Historias commentaria, benignè suscipe, & abique morfu, & insectatione tueror. Quod si aliqua inutilia, hiulca, nec satis fermentata, excusæ inueneris, (erunt autem plurima) ea tanquam malè natam prolem dele, & penitus refeca. Nam tibi, seu honorifico arbitro, ac æquissimo iudici, vitæ sit ac necis arbitrium, omnium, quæ in hoc opere minùs compta, delicatissimas aures tuas, altioribus disciplinis assuetas, lædere posse iudicaueris. Mea enim non tam vnicè probo, vt nolim aliquando vel emendari, vel castigari. A qua suspitione quantum abhorream, qui me propius agnouerunt, facillè liberabunt: qui nihil aliud à doctis requiram, quàm vt hæc minutias, sua reprehensione (in quibus erratum fuerit) aliquando dignentur, vt in iis recognoscendis, parem diligentiam, atque operam impertiam. Non enim nostros errores corrigi feram impatienter. Quod dum facio, videri nolim in publica literarum causa præuicari, & ea docere, quæ aliquando putem dedocenda. Quod tamen non sine exemplo, nec sine rationibus me præstiturum intelligunt, si modò adsit aliqua in iudicando æquitas. Deinde cum hæc videris rudia, exanguia, inermia, ne miferis. Nam Hebræus sum, & peregrinus, qui deferens Lusitaniam, & dulcissimam patriam Olyssipponem, crebrioribus ærumnarum, ætatisque longæ procellis, huc illucque, Euripi modo agitatus, vberiores fructus edere non potui. Et licet agellus ingenij nostri natura sua fertilis non sit, tamen in medicam artem semper pronus perseueraui, inconcussio animo inuictus, neque pertransiit (vt ait Seneca) dies sine linea, in quo Republicam Medicam, quam perenni, & genuino amore ex toto corde redamo, non illustrarim, & sic diu, importunè, vigilantia cura, sedulo labore, in exhausta diligentia, perfecto Medico, & arte Hippocratica digno decorum iudicauim, studio abrumperè vitam. Quare lenis ac sine sensu, clam, furtim veluti, ac pedetentim, plura scribendo sum rimatus, & vsque ad vltimum vitæ stadium (si fata velint) rimabor, quæ ad nostræ artis gloriam facere possint. Sed aduersus quæso, quod mihi, sicut nec doctis, placuit nūquam extemporalis scriptitandi ratio, & in conficiendis libris celeritas, veluti exprompti & in numero positi ingenij argumentum: Nam multò probatur impensius diligentia accurata, & longiore tempore, ac iudicio confirmatione expressa. Illic verba veluti primoribus in labris nata, aut superficialio ingenij æquore natantia eduntur. Hic lectionis multifariæ opes, tanquam è sanctiori quodam ærario reconditæ promuntur. Illic suspecta facit omnia, & cicatricosa, scribendi facilitas, & cursus: Hic habito delectu rerum, verborumque pondere, examinantur foelicius, & exhibentur; quia celeriter nata, celeriter intereunt. Nam operis facilitas, celeritasque non addit illi pondus solidum, aut duraturum, neque exactam pulchritudinem. At temporis longinquitas labori veluti scæneratò accedens, ei quod nascitur, robur firmitatēque addit. Pictori parum perito de celeritate glorianti, demonstratæque tabula, illam modò à se pictam dictanti, respondit nobilissimus pictor Apelles: Etiam te tacente res loquitur ex tempore pictam. Scriptorum itaque præcipitatio ista, & velut abortus, nunquam in laudis loco ponenda, quod multis clarorum virorum testimoniis comprobarem, nō tibi tædio esset. Solum certum sit, nullam rem posse esse eandem, festinaram simul, & examinaram; vel esse quicquam omnium, quod habeat vnā & laudem diligentiae & gratiam celeritatis. Quapropter in hac declinante ætate, tardigradò quodam genio ductus, seu tardo retardatus ingenio, hos factus luci exponere decreui, forsā à Cygno persua-

sus, qui senio confectus argutioribus organis effectis, suauiores simul, & vocaliores emittit vocem. Demum vt semel concludam, me tam vastum pelagus strenuissimè sulcantem, in quo omnia adamussim exarare, laboriosum est, & superne indiget auxilio, sustine, iuuas, fove: in quo tua cupimus, & expectamus pulchriora. Si inuenieris, pande libenter, nec sit in auctoritate scientiæ neminem docere: expertes enim sunt inuidiæ Musarum fores. Sic itur ad astra, viuit post funera virtus, & sola literarum monumenta non intereunt, vt eleganter, & doctè scripsit Martialis, lib. 10. epigram.

*Lector opes nostra, quem cum mihi Roma dedisset,  
Nil tibi quod demus maius habemus, ait.  
Pigra per hunc fugies ingrata flumina Lethes,  
Et meliore tui parte superstes eris.  
Marmora Messala findit caprificus, & andax  
Dimidios Crispi Medio ridet equos.  
At chartis nec fata nocent, nec secula præsumt,  
Solæque non norunt hæc monumenta mori.*

Quid enim homini potest dari maius, quàm gloria, laus, & æternitas?

Ita Ouidius extremo *Metam.* lib. ad calcem ingeniosè:  
*Iamque opus exegi, quod nec Iouis ira, nec ignis,  
Nec poterit ferrum, nec edax abolere vetustas.  
Parte tamen meliore mei super alta perennis  
Astra ferar, nomenque erit indelebile nostrum,  
Quæque patet domitis Romana potentia terris  
Ore legar populi, perque omnia secula fama,  
Si quid habent veri vatum præsentia, vitam.*

Et lib. *amor. eleg.* 15. cum exorditur in inuidos, sic canit:  
*Quid mihi linor edax -----*

Demonstrat interite memoriam, atque opera hominum militiæ, foroque seruientium:

*Mortale est, quod quaris, opus, mihi fama perennis  
Queritur, ut toto semper in orbe canar.*

Horatius breuiter, & argutè, *Oda* 30. lib. 3.

*Exegi monumentum ære perennius;  
Regalique situ Pyramidum altius,  
Quod non imber edax, non Aquilo impotens  
Possit diruere, aut innumerabilis  
Annorum series, & fuga temporum.*

Statius lib. 1. *suar. syl.* 1.

*Non hoc imbriferas hyemes opus, aut Iouis ignem  
Tergeminum, Eoli non agmina carceris horret,  
Annorumque moras. Stabit dum terra, polusque,  
Dum Romana dies. -----*

Denique beatos puto, quibus Dei Opt. Maximi munere datum est, aut facere scribenda, aut scribere legenda. Quare amantissime, & ingeniosissime Philiatre, his gloriæ stimulis agitatus, in hoc circo curre ad palmam. Nam nulli ad gloriam clausa est ianua: & ego Dauus sum, non Oedipus.

**HISTORIÆ MEDICÆ,  
Ex omnium Medicorum Principum  
fecundissima penu  
hausta, sunt 433.**

**E**As sola Principum doctrina munici, pro nostrarum vitium captu, permiscentes vtile dulci, variorum etiam doctissimorum virorum auctoritate firmamus, exponimus, illustramus, polimus, ornamus. Hi sunt numero 1711.





# INDEX RERVM, ET VERBORVM TOTIVS OPERIS.

*Prior numerus paginam, posterior utriusque columnæ partem assignat.*

## A

**ADOMINIS & musculorum eius descriptio.** 926.  
**C.2.a.**  
**Abortus frequens fontanellarum vsu impeditur.** 35.c.1.b  
**Abortus ex sanguinis missione non fit, nisi ratione quantitatatis.** 62.c.1.c  
**Abortus ex venæ sectione non semper oritur.** 470.c.1.c  
**Abortus in primis mensibus vnde oritur.** 496. c.2. d. quæ arte præcauendus. 497  
**Abortus ex nimio alui profluvio.** 498.c.1.a  
**Abortus quibus occasionibus concitatur.** 799.c.2.b  
**Abscessus nomine quid veniat.** 160.c.1.c  
**Abscessus in nervosis partibus, an cauterio, aut scalpello aperiendi.** 459  
**Absinthium bilem purgat.** 110.c.2.b  
**Absinthij ope vermis mirabilis interfectus.** 305.c.1.a  
**Absinthij vis.** 366.c.2.c  
**Absinthij Pontici vsus in iecoris inflammatione laudatur.** 722.c.2.b  
**Absinthium ventriculum roborat.** 285.c.2.c. vini eo permixti excellentia. *ibid.* Vide *Vinxm.*  
**Accessio febris ardentis succo peponum curata.** 701.c.1.a  
**Vide Febris.**  
**Accessionum initia.** 710. c. 1. c. earum anticipatio quid portendat. c. Duplicatio quare earum abbreviet durationem. c.2.c  
**Accessio tertianæ vnde?** 721.c.1.b  
**Accessionum plurimarum intermittentium repetitio vnde.** 721.c.1.d  
**Accessio quartanæ an aliquando purgationem postulet.** 723.724.  
**Accidentium forma & materia.** 27.c.2.c  
**Aceti vis ad humiditatem superfluum exiccandam.** 4.c.1.  
**Acetum nervis nocet.** 9.c.2.c  
**Acetum nervos offendit.** 56.c.2.b. Vtero officit, menstrua supprimit, &c. 56.c.2  
**Acetum omnium medicamentum vehiculum est.** 794. c.1.d  
**Acetum virulentis animalium moribus & morbis venenosus reluctatur.** 809.c.1.a  
**Cur aspidis veneno potius quàm ullius alterius animalis virulenti noxis resistat.** b  
**Eius natura & vires.** c  
**Quibus partibus partibus constet.** d  
**An frigidum.** e  
**Sitim compescit.** c.2.a  
**Saxa & lapillos frangit, ac diluit.** b  
**Appetitum acuit.** c  
**Siccum est & putredinis inimicum.** d  
**Tempore pestis perutile est.** d

**Et maximè rosaceum.** c  
**Quibus morbis utile.** 810.c.1.b.e  
**Achor capitis vlcus quibus curandus.** 4.c.1  
**Aconitum scorpionis morsus sanat.** 792.c.1.c  
**Aconitum inter alia venena ocysimè necat.** 795.c.2.a  
**Acontia serpentis volantis siue viperæ, species.** 796.c.2.e  
**Acria ignea sunt & vellicantia.** 160.c.2.c  
**Actio physica ab excessu agentis est, & qualitati tribuitur.** 48.c.2.c.  
**Actiones à forma sunt tanquam à præcipuo agente, & temperamento tanquam instrumento ad operandum videntur.** 41.c.1.e  
**Actiones vnde emanant.** 870.c.2.b  
**Actiones non impediuntur propter situm.** 877.c.1.e  
**Actiones formarum naturalium, & viventium in quo differunt.** 881.c.1.b  
**Adeps vrsinus alopeciæ curandæ aptissimus.** 3.c.2.e  
**Adipis natura, & vsus.** 944.c.1.c  
**Adolescens ob syncopen sudans in balneum ductus repente moritur.** 269.c.2.c  
**Astringentia in prima mensa sumpta aluum sistunt, in vltima prouocant.** 324.c.2.b  
**Adolescentia ætatem temperatissima.** 662.c.2.b  
**Adustio putrefactio est.** 641.c.2.d  
**Ægri habitatio qualis est debet.** 572.c.d. & seqq.  
**Ægri in accessione aliquando cibis reficiendi.** 661.661  
**Ægrotudines turgendas quæ?** 685.c.2.c  
**Ægrorum erga Medicos versutia.** 953.c.2.c  
**Ær spiritus nutrit.** 17.c.2.e. 18.c.1.a  
**Ær inspiratus vim suam in corde, pulmone & cerebro relinquit.** 164.c.1.c  
**Ær quid causetur in morbis.** 572.c.2.e. 573.c.1  
**Ær à præter labente flumine mutatur.** 574.c.1.d  
**Ex situ loci.** c.2.a  
**Ex bufonum & ranarum generatione nimia.** c  
**Ex decubitu.** d  
**Ær suspectus vitandus.** 575.c.1.e. Eius electio. c.2.a  
**Salubritas.** b  
**Bonitas in quo posita.** d  
**Ær putredinis causa.** 645.c.1.a. Inquinatur vel secundum qualitates, vel secundum substantiam. *ibid.*  
**Ær à cæli influxu corrumpitur.** 645.c.1.c  
**Ær elementaris non corrumpitur.** *ibid.*  
**Ær cur refrigerandi facultatem potiore habet quàm aqua.** 648.c.2.c  
**Æris ad cordis refrigerationem necessitas.** 764.c.2.c  
**Æris infima regio vnde alteratur.** *ibid.*  
**Media.** 765.c.1.b  
**Ær quibus inficitur.** c.2.e  
**Ær putredini & pesti paratissimus.** 773.c.2.c  
**Ær an frigidus, aut calidis, an tam in actiuis, quàm passivis**

# Index Rerum.

- suis temperatur. 768. 769. 770. An solus pestem gene-  
 ret. 771. & seqq.  
 Aer omnium morborum author. 775. c. 2. a  
 Aer qua arte ab animalium venenatorum halitibus tutus  
 reddi queat. 797. c. 1. c  
 Ereometel quid. 950. c. 1. a  
 Eiculapius cur vipera baculo implicata depictus. 689. c. 2  
 b. Aestas pituitosis sanandis destinata. 609. c. 1. c  
 Aetas calida morbos acutos parit. 310. c. 1. a  
 Aetas quilibet sibi peculiaribus morbis affligitur. 799.  
 800. c. 1. a  
 Aethiopes Hydaspis fluuij accolæ, scorpionibus vescentes.  
 874. c. 1. c  
 Aethiopes cur somnolenti. 917. c. 1. d  
 Agaricum pituitam crassam purgat. 582. c. 2. c  
 Agaricum opio permixtum somnum conciliat. 630. c. 2. c  
 Albaræ nigrae nomine an veniat Elephantiasis. 908. c. 1. c  
 Alces vngula epilepsiae resistit. 839. c. 2. e  
 Alemon herba Cretica famem prohibens. 914. c. 1. d  
 Alexipharmacorum vsus immodicus nocet. 48. c. 1. c  
 Alexipharmaca quo pacto nos à venenis defendant. 753.  
 c. 2. b  
 Alfaroch vox Arabica quid sonet. 823. c. 2. b  
 Alhu-zar siue Alhazar arbor saccatiferæ. 394. c. 2. d  
 Alica bilioso stomacho utilis. 661. c. 1. b  
 Alimentum debet esse compositum, vt & quod alitur. 17.  
 c. 1. d  
 Alimentum an suo, vel ventriculi calore coquatur. 295.  
 c. 2. d  
 Alimenta tenuia debent crassa præcedere. 325. c. 2. c  
 Alimentorum varietas iucunda commendatur. 326. c. 2. c  
 Alimentum non ad substantiæ deperditæ reparationem  
 solum, sed & ad corporis humectationem exhibetur.  
 618. c. 2. d  
 Alimentum cur in ventriculo putrescit. 646. c. 2. a  
 Alimentum vltimum sanguis. 750. c. 1. c  
 Alimenta & medicamenta in quo conueniunt, & diffe-  
 runt. 791. c. 1. b  
 Alimentorum vis ad corporum immutationem. c. d  
 Alimenti exhalatio an somnum efficiat. 915. c. 2. b  
 Allantoïdis membranæ vsus. 944. c. 2. a  
 Allevatio prope mortem an Medicos interdum deludat.  
 460. c. 2. e. & seqq.  
 Alliorum succus cui vsui. 181. c. 2. a  
 Allij esus in rustico colicum dolorem sana. 355. c. 2. d  
 Eius vis aduersus vermes & serpentum morsus. 356.  
 c. 1. e  
 Allij esus & meri porus in viperæ morsum. 789. c. 2. c  
 Allium epilepsia correptis remedio est. 839. c. 2. c  
 Aloës expurgandæ bilis vsus. 36. c. 1. e. Eius vis an ven-  
 trem transcendat. 37. c. 1  
 Aloes vsus graues morbos arceat. 37. c. 1. e. Partes roborat.  
 c. 2. a  
 Optimæ dignoscendæ ratio. b  
 Eius differentia triplex. c  
 Hepatica quæ dicatur. d  
 Succotrina probatur. e  
 Aloë arterias incarnat & sanguinem retinet. 259. c. 1. b  
 Aloë an somnum exciter. 871. c. 2. d. & seqq.  
 Alopecia vnde, & cur sic dicta. 2. c. 1. b  
 Eius causa, & signa. c  
 Colochintide purgatur. ibid. d  
 Succo Nicotianæ sanata. 3. c. 1. b  
 Item topicis medicamentis. ibid.  
 Alterationis naturalis, præter naturam, & mediæ in pul-  
 sibus differentia. 894. c. 1. a. Vide *Pulsus*.  
 Alteratio in coctione an sit mutatio secundum qualitates,  
 an substantiam. 675. c. 2. 676  
 P. Emman. Aluares periculose ægrotans lapidis in oculo  
 cerui enati ope curatur. 901. c. 1. c  
 Aluearia ex qua substantia conficiantur. 959. c. 1. e  
 Alui fluxus cerebri sinapismo in capite adhibito cura-  
 tur. 319. c. 2. d  
 Alui fluxus niger ab affato sanguine ortus non semper  
 pessimus. 321. c. 1. d  
 Alui fluxus à Galeno prædictus. 323. c. 2. d. an illius futuri  
 aliquod signum detur. 324. c. 1. c  
 Aluus adstringentibus in prima mensa sumptis sistitur, in  
 vltima provocatur. c. 2. b  
 Alui fluxus sanguinis missionem exigit. 327. c. 2. 328. c. 1  
 Non tentandus in febribus priusquam ventriculi læsio  
 & debilitas auferatur. c. 2. d  
 in Alui fluxu an torrefacta expurgantia sint ex vsu. 330.  
 c. 2. 331.  
 Alui fluxus an utilis in morbo diuturno. 460. c. 1. a  
 Alui fluxus in initio accessionum vnde. 698. c. 2. d  
 Alui fluxus ex brachij debilitate subortus, qua ope cura-  
 tus. 318. c. 2. e  
 Amarorum succus cui vsui? 181. c. 2. a  
 Ambarum suauissimum odoris genus, eius vsu, & pro-  
 prietates. 21. c. 1. c  
 Ambrosia. 682. c. 2. b  
 Ambuena quod medicamenti genus, hydropem sanat.  
 401. c. 2.  
 Amnios, siue amniculum cui vsui. 944. c. 2. a. Est vrinae &  
 sudoris receptaculum. b  
 Amoris sæuissimi affectus signa. 79. c. 2. c  
 Amoris æstus nimius multis necem intulit. 80. c. 2. a  
 Eius terribilia symptomata. b. Remedia, vnde remissi-  
 uè. c. d  
 Amurcæ calentis vapor per meatum auditorium receptus  
 earum ex frigidityte dolorem sanat. 100. c. 2. d  
 Amygdalarum amararum nuclei deobstruunt & abster-  
 gunt. 722. c. 2. c  
 Anacardina confectio pro roborando cerebro præstantissi-  
 ma. 46. c. 1. b  
 Anacardini mellis conficiendi ratio. ibid.  
 Ancham cauterisandi modum duplex. 560. c. 1. d  
 Anchæ dolor clystere ex muria parato curatus. 562. c. 2. b  
 Ancha quæ dicatur. c  
 Anacreontis lepidum carmen de vino mœstitiæ dissol-  
 uente. 313. c. 2. b  
 Anasarca à principiis internis orta lethalis. 399. c. 2. d  
 Anatomes inuectores, cultores, & illustratores. 922. c. 1. d  
 Anatomici theatri fabrica. 922. c. 2. c  
 Anatomes diuisio. 923. c. 1. c. Ordo. d  
 Anatomes scientia an ad Medicum vel chirurgum spe-  
 ctet. 945. c. 1. d  
 Anatomicæ artis vtilitas & præstantia. 922. c. 1. a  
 Angina leonicis, & cephalica sectis, & dato forti medica-  
 mento eodem die intra paucas horas ægrum enecat.  
 132. c. 1.  
 Angina canina cucurbitula sub mento scarificata curatur.  
 c. 2. a. Non in omni Angina vena secanda. b. An in ea  
 vsque ad animi deliquium sanguis mittendus. c  
 Angina sæua cephalicis sectis, & forti eodem die cathar-  
 tico propinato curata. 133. c. 2. c. An in eius initio vali-  
 da expurgantia sint ex vsu. d. & seqq.  
 Angina periculosa iugularibus venis sectis curata. 134.  
 c. 1. a. c. 2. b  
 Angina ex suppressis mensibus orta, tali sectione sanata. e  
 Aliquando cubiti sectione curanda. 137. 138  
 Angina oppressa mulier à partu recens qua ope euasit.  
 139. Qua item puer trimus. 141. c. 1. a. Aduersus Angi-  
 nam stercoreis humani facultas. 143. c. 2. d. Canini. 144.  
 c. 2. d  
 Anatomicum spicilegium omnes corporis humani partes  
 breuiter complectens. 921. c. 2. & seqq.  
 Angina hirudinum applicatione sanatur. 5. c. 1. d  
 Anguilla cum vino cocta minus noxia. 603. c. 2. d  
 Anguim vsus strumam sanat. 148. c. 2  
 Anguriarum siue melonum cucumerinorum facultates.  
 53. c. 2. 54. c. 1. a. Earum succus omnib. febribus calidis  
 proprius. b. Animæ in corpus imperium. 28. c. 2. a  
 Animæ humanæ nobilitas & excellentia. 798. c. 2. a. b. Eius  
 in corpus infusio. d. e. Animæ facultas princeps in qua  
 corporis parte resideat. 811. c. 1. Animæ potentia an à  
 facultate à cerebro influente. 814  
 Anima vegetatiua virtualiter in sensitiua continetur, &  
 ista continentia virtualis duplex. 881. c. 1. e  
 Anima

# Index Rerum.

Anima nullius mediæ animalis potentia adminiculo vitam præstat. 882.c.2.c  
 Animalia sola somni capacia. 25.c.2.c. Conueniunt cum plantis in potentiis naturalibus. ibid.  
 Animalium vira ventilatione & refrigerio conseruatur. 648.c.1.e.c.2.a.b  
 Animalia venenis in pastum vrentia. 792.c.1.c  
 Animalia ex quibus venena enumerantur. 794.c.2.b  
 Animalia palpebris destituta. 829.c.2.a  
 Animalia cur vitali facultate indigeant. 877.c.1.a  
 Animantia multa rabiei obnoxia. 846.c.2  
 Cur Aristoteles hominem excipiat. ibid.d  
 Animi deliquium an inter proprios animi affectus. 270.c.2.d. Vide *Syncope*.  
 in Animi deliquio cur pallefcimus. 802.c.1.e  
 Animi affectus mortem inducunt. 819.c.2.b  
 Animi affectus oculorum sensu apertuntur. 834.c.2  
 Animi affectus pulsam immutant. 897.c.1.d  
 Anisi in epilepsiam facultas. 839.c.1.d  
 Anna Maria à Schurman omnium scientiarum & linguarum duodecim perita. 11.c.2.c  
 Anticipatio accessionum quando augmentum vel declinationem denotet. 710.c.2. Vide *Accessio*, *Febris*.  
 Antimonij vsus exitialibus morbis commendatus, etsi non à veteribus. 41.c.2.a  
 Antimonij mira in pestem vis & efficacia. 876.c.1.c  
 Antidorus non improbanda, cum ab omnibus noxiis portionibus seruet. 47.c.1.e  
 Antiochus Stratonices noueræ tanto amore correptus, vt de vita periclitaretur, hanc Medici consilio, à Seleuco patre obtinet. 80.c.1.b. & seqq. 218  
 Aspidis & Ichneumoni pugna & naturale inter se odium. 880.c.2.  
 Antipater Poëta singulis annis ipso die natali febris correptus. 57.c.2.c  
 Antipatri Medici ex læuium arteriarum pulmonis obstructione interitus. 187.c.1.c  
 Antipathia quid? 843.c.1.c  
 Anus nutrita cicuta. 873.c.1.c  
 Ani muscoli tres, eorumque officium. 433.c.1.e  
 Apum aculeus qua arte extrahendus. 836.c.1.e  
 Apum ictus cinere superposito curatus. 836.c.1  
 Apes in ore venenum portantes cur non moriuntur. 864.c.2.c.  
 Apum in melle conficiendo industria. 959.c.1. & 2  
 Aphonia cephalicæ sectione curatur. 64.c.1.b  
 Aphoniæ causa vnde. 733.c.2.a  
 Aphoniæ ex allisione dorsi in terram curatio. 200  
 Aphoni cur fiant qui à lupo prius inspiciuntur. 195.e  
 Apoplecticæ affectiones quæ? 63.c.2.e  
 Apoplecticus desperatus cucurbitulâ bis in occipite scarificatâ sanatur. 64.c.1.e  
 Apoplectici intratres dies non sunt sepeliendi, ne pro mortuis habitui reuiuiscant. 64.c.2.d. Imbecilliores & frigidiori corde cur potius euadant. 65.c.1.a. Cur trium dierum spatium assignatur. c.  
 Apoplecticus post duos dies è pheretro rediuius. 65.c.2.a  
 Apoplexia ab odore vini orta. 10.c.1.b  
 Apoplexia cephalicæ sectione sanata. 64.c.1.a  
 Apoplexia à sanguine orta cucurbitulæ collo impositæ beneficio curatur. 63.c.1.c  
 Apoplexia periodica an detur. ibid.e. & c.2  
 An à sanguine orta c.2.c. Et quomodo fiat. d  
 in Apoplexia an reprimenda sint ex vsu. 64.c.2.a  
 Apoplexia fortis an curari possit. 65.c.2.c  
 veræ Apoplexiæ dignoscendæ rationes. ibid.d. Fortis vix curatur. 66.c.b  
 Apoplexiâ cur dicatur morbus hyemalis. 565.c.2.e  
 Apoplexia frequenti sanguinis missione generatur. 8.c.2.e  
 Apparitiones, visus, imaginationes ante oculos quomodo definiuntur, & vnde sint? 831.c.1.e.c.2. & seqq.  
 Appia mala siue Camusia, eorumque vis in melancholicum humorem. 68.c.2.c.d.  
 Aprorum lacrymæ dulces. 899.c.1.a

Anriû dolor à frigiditate, calidis auxiliis curatur. 100.c.2  
 Aquæ fontanæ prodrictates. 12.c.1.e  
 Aqua pluuiialis medicamentis componendis cæteris præstantior, eius proprietates describuntur. 12. Facile putrescit ob substantiarum mixtionem. ibid.c.2.d  
 Aqua procellosa facile corrumpitur & graueoler. 13.c.1.a  
 Temporaria tardissimè. ibid. Putrealis aqua an citò putrescat. ibid.b  
 Aqua fluuiialis cocta & colata, putredini minimè obnoxia 13.c.1.c. Cur coquenda. d. Cur non pura. e. Insignes eius proprietates. 13.c.2.a  
 Aqua an coqui possit. ibid. Cur non crassescat. e.  
 Aqua pluuialis per plumbeos canales deriuata, improbat, & dysenteriam gignit. 13.c.2. Item multa alia incommoda. 14.c.1.b  
 Aquæ vitiosæ incommoda. 67.c.2.a  
 Aquæ rosacæ vsus commendatur. 68.c.1.d. & c.2.a  
 Aquæ distillatæ vim plantarum suarum non seruant. 68.c.2.a  
 Aquæ auro chalybeatæ proprietates. 69.c.2.b.c  
 Aqua hordei qua arte paranda. 225.c.2.c  
 Aquæ potatores longæui. 279.c.1.a  
 Aquæ nutrientes quæ. c.2.e  
 Aquæ Nili præstantia. 280.c.1.a. Vide *Nilus*.  
 Aqua quomodo dicatur dulcis, cum insipida. 280.c.1.e  
 Appetitum sedat. ibid.c  
 Aqua naturalis est necessarius potus. 598.c.1.d  
 Aqua ieiuno ventriculo assumpta venenum. 666.c.1.b  
 Aqua quomodo biliosa dici possit, & an in febribus biliosis concedenda. 664.c.2. 665. Quid obseruandum vt tempestiuè propinetur. ibid. d. & c.2. Ad satietatem propinenda est. 666.c.1.d. & c.2  
 Aquæ inter cutem malignitas. 732.c.1.c  
 Aqua putredini obnoxia. 774.c.1.a. Nulla pura datur. e. & c.2. Aqua calida inter lenientia probatur. 824.c.1.a  
 Aquæ timor rabioforû inseparabile symptoma. 842.c.1.c  
 An ab intensa siccitate, imaginatione deprauata, aut antipathia oriatur. 842.c.2. & 845  
 Aquæ potus ad satietatem ante coctionem an concedendus. 277.c.2. 278.c.1  
 Aqua nutrire non potest. 17.c.1.d. 278.c.2.c. Est nutrimenti vehiculum. 279.c.2.b  
 Aquilonis temperamentum. 573.c.1.e  
 Arbores venenatæ. 905.c.1  
 Area. 645.c.1  
 Arenæ in qualibet corporis nostri parte an gigni possint. 122.c.1. & 2.  
 Argentum cor à veneno seruat. 776.c.1.e  
 Aristolochiarum vis calefactiua. 582.c.2.b  
 Aristolochia cum vino sumpta in aspidis ictum 808.c.1.e  
 Armeniæ terræ ad pestem vis mirabilis. 775. 776. Vide *Terra*.  
 Ars ratione ducta naturæ opitulatur. 15.c.2.e.  
 Arsenici citrini vsus. 332.c.2.e  
 Artemisia Cariz Regina, Medica, à qua artemisia herba inuenta. 11.c.2.a  
 Arteriæ asperæ vlcere post pestem relecti sanatio. 162.c.1.  
 c. Item alia. 163.c.2.b  
 Arteriarum læuium pulmonis obstructione Antipater. Medicus moritur. 187.c.1  
 Arteriarum læuium obstructio, à tuberculo facta difficilis. 191.c.2.d.  
 Arteria vulnerata medicamentis conglutinata. 258.c.1.a  
 Arteriarum saturatio an sit ex vsu. 259.c.2.e  
 Arteriæ sensus expertes. 686.c.2.d  
 Arteriæ an dilatato & constricto corde dilatentur & constringantur. 886.c.1.b. & seqq.  
 Arteriæ asperæ substantia, figura, & vsus. 931.c.2.b. 932  
 Arteria quid? 933.c.2.c  
 Arteriarum vsus. ibid. Diuisio. d. e  
 Arteriarum mollities tam in statu secundum naturam, quam præter naturam quid significet. 891.c.1.c  
 Arteriotomia multis morbis remedio est. 260.c.1.e. Cur in temporibus frequentius fiat. 260.c.2.c. Mala quæ ex Arteriotomia eueniant. d. Non nisi urgente necessitate celebranda. 261.c.1.b. Vsque ad animi deliquium celebrari potest. c.2.c. & 262.c.1  
 Arthritici

# Index Rerum.

Arthritici dolores hirudinū applicatione leniuntur. 578.c.1.d  
 Arthritidis causa coniuncta & efficiens eadem. 561.c.2  
 Arthritis hermodactylorum ope sanata. 584.c.2.c  
 Arthritis aluminis lactis usu cauetur. 590.c.2  
 Item abstinencia vini & veneris. 591.c.1.d  
 in Articulorum doloribus partes cauterio roborantur. 34.c.2.a  
 Articulorum dolor ossium humanorum puluere curatur. 578.c.2. Eorum topi caseo acri in cruris suilli salis decocto macerato discussi. 579.c.1.b. Aliud ad topicos illos curandos presens remedium. 582.c.1.a  
 Articulorum dolores mira Galeni industria curati. 583.c.1.d  
 Ascarides Latine tipula bestiarum corpus instantium genus. 360.c.2.b. Qua arte fuganda.e.  
 Ascite laborans perforato naturæ vi umbilico integrè curatus. 406.c.1.b  
 Asini Indici vnicornes. 73.c.1.e  
 Asini cerebrum in epilepsiam. 839.c.2.d  
 Asinum lac ad arthritidis præseruationem vtilissimum. 590.c.2. Vide Lac.  
 Asipasia Medicinæ perita. 11.c.2.a  
 Aspidis ictu percussus aceto superbibito liberatur. 807.c.2.e  
 Aspidis ictus insanabilis ex Scriptura, explicatur. 808.c.1.a. Nomen habet ab insula sic dicta. ibid. Quæ dicantur Cherisæ. b. Quæ Chelidonisæ, Pryades. ibid. Quæ communes.d.  
 Aspidis venenum celeriter interfecit. 810.c.1.d.e  
 Aspidis ictus virulentia. 808.c.1.d. Curatio.e.  
 Asistio coctionis species explicatur. 677.c.1.e  
 Asthmatis & cuilibet sperandi difficultati cauterium perutile. 33.c.1.e  
 Astomi Indiæ Orientalis populi, halitu & odoribus solum viuentes. 18.c.2.e  
 Astrorum fausta felixque facies in quo ponitur. 962.c.2.e  
 Athanasia. 681.c.2.b  
 Athletarum siue palestrarum victus. 628.c.1.  
 Attractio medicamentorum à proprietate purgantium, quæ? 667.c.2.d  
 Attractionum plura genera à facultate, vacuo, calore, dolore, & siccitate in admittenda. 667.668. & seqq.  
 Attractio non fit à similitudine. 668.c.2  
 Attractionis proprietas, & causa. 669.c.1.b  
 Auditus veneno inficitur. 796.c.2.a  
 Auditus an visu præstantior. 833.c.2. & seqq. Est felicitatis instrumentum, c.2.d  
 Auditus excellentia commendatur. 834.c.1.e  
 Auditus organi compositio. 939.c.2.c  
 Augmentum morborum in quo consistit. 782.c.1.e  
 Auium palpebrarum varietas. 830.c.1.e  
 Aurigo citra iecoris vitium in omni critico die eueniens salubris. 822.c.2.a. Vide *Icterus, Morbus Regius*.  
 Auripigmentum quid. 332.c.2.e  
 Aurium inflammatio oleo ex vitellis ouorum in aurem injecto, sanatur. 98.c.2.c. Quem habeant cum cerebro consensum. 99.c.1.b  
 Aurium dolore laborans quidam opio in aurem injecto, & vocem & sensum amittit. 100.c.2.e. Alter mortuus est. 101.c.1.d.  
 Auris externæ & internæ partes explicantur. 939.c.2.d  
 Aurum melancholiam muleet. 68.c.2. e. Cor tuetur. 69.c.1.a. Eius vis in magnos & contagiosos affectus. c. Eius scobs epora Hydrargyri malitiam frænât. ibid. Vitam producit. e. Cauterium ex eo factum probatissimum. c.2.b. Aqua eo chalybeata ventrem soluit. c. De-coquitur à ventriculi calore. d  
 Aurum porabile melancholiam sanat. 70.c.1.b  
 Auri quinta essentia Alexandri Quintilij explicatur. 70.c.1.c. Quibus morbis remedio fit. d.e  
 Aurum umbilico illitum leniter soluit. 70.c.2.b  
 Aureæ confectionis efficacia. 69.c.2.e  
 Austerum quid. 179.c.1.b  
 Austerum idem est ac stypticum. 302.c.1.e  
 Amara lumbricis necandis aprissima. 304.c.2.c  
 Austri temperamentum. 573.c.1.e

Autumnus an præcautionibus vacationibus aptus? 78.c.2.d  
 79.c.1.  
 Autumni intemperantia. 895.c.1.e  
 Auxilia communia priusquam morbi cognoscantur, vsurpanda. 629.c.1.e  
 Axillarum foetor in Medico execrandus. 201.c.1.c. Hircinus dicitur. 202.c.1.a  
 Azimus panis an fermentato melior. 238.c.1.b

## B

**B**accharis radix quædam Dæmones fugans. 39.c.2.b. Eam euellere cupientibus resistit, & mortem infert. c.  
 Baccho cur nutrices plures assignata. 661.c.1.a  
 Baccho cur olim Delphinus appictus. 661.c.1.e  
 Baldus I.C. catuli rabidi salua infectus oecubuit. 841.c.1.d  
 Balneum noctambulis curandis vtile. 28.c.2.d  
 Balneum an pro letargi curatione sit vtile. 29.c.2.c. Humores in crudat. ibid. Bonnum excitat. d. Quando timendum.e. Declinante morbo iuuat. ibid.  
 Balneum plethoricis oculorum inflammatione laborantibus vitandum. 96.c.1.a. Quando conceditur. c.d  
 Balneum cruentæ excretioni medetur. 178.c.1.e. & c.a.b  
 Balneum immoderatum syncopen causatur. 266.268.c.2.e.  
 Balneum hecticis substantificum humidum reparat. 279.c.1.a.280.c.1.d  
 Balnea naturalia multiplicia. 319.c.1.d. Cur artificialia minus prosint. c.2.a  
 Balneum in dysenteria an sit ex usu. 335.c.2.d.336.c.1  
 Balnea frigidi vsus hecticis saluberrimus. 589.c.1.e  
 Balnea quæ arthriticis doloribus commoda. 593.c.1.e  
 Balneum aluminosum febrem concitat & ad putredinem perducit. 602.c.2.b  
 à Balneo protinus nec cibis, nec potus sumendus. 603.c.2.a  
 Balneum post coctionem omnimodam, & infirmis viribus inutile. 674.c.2.b.c  
 Balneum an in putridis febribus possit esse ex usu. 699.c.2  
 Balneum aquæ dulcis quibus morbis vtile. d. Ad delicias & sanitatis tutelam institutum. ibid.  
 Balneorum quatuor partes.e  
 Balneum aquæ tepidæ in omni febris specie prodesse potest. 700.c.1.a. Inter vniuersales vacationes numeratur. b. Ante vacationem & in incipiente melancholia vtile. c. Item in inflammationibus thoracis. e  
 Balnea Romanorum magnifica. 746.c.2. e. An tepidum, vel frigidum pro hectica febre curanda sit ex usu. 747.748.c.1. Aquæ balnei quæ téperatura adhibenda. 748.c.1.b  
 Balneum cum frigidæ potu vnicum rabiosis remedium. 844.c.2.e.845.c.1  
 Balnea naturalia ferri, nitri, sulphuris exsiccant & corporis molem extenuant. 949.c.2.a  
 Balsamum celebratissimum vnde? 412.c.1.d. Eius præparatio.e. Eius mira efficacia. c.2.a  
 Balsamum foetui excernendo optimum. 514.c.2.c  
 Barbarus quidam seruus, cohibita sponte respiratione, moritur. 192.c.2.d  
 Basilicæ sectio quando exercenda? 93.c.2.b  
 Basilisci venenum perniciosum. 804.c.2.e. Quibus præstidii arceatur. 805.c.1.b.c  
 Basiliscum existere ex Scripturis sacris probatur. 805.c.2.c. Vnde nomen habet. ibid. Idem est qui Regulus. e  
 Basiliscus in Cyrenaica prouincia nascitur, erectus incedit medio. 806.c.2.a. Etiam mortuus inficit. b  
 Basiliscus solo Galli gallinacei cantu exanimatur & desinit. 806.c.1.e  
 Basiliscus visu & sibilo ad distans enecat. 807.c.1.c. & c.2. Qua industria capiatur & perimatur. ibid.c  
 Bdella. Vide *Hirudo*.  
 Bdellium lentore suo medicamentorum acrimoniam retundit, alopecie curandæ confert. 2.c.2.b.  
 Bezahard lapis & Indicarum seu Peruanarum caprarum ventriculis extractus, eiusque proprietas. 898.c.2.e  
 An



**An idem sit ac noster.** 899.c.1.b  
**Belzaar lapis melancholicis affectibus medetur.** Venenorum antidorus vniuersalis. Vires collapsas reparat, vitam prorahit, &c. 71.c.1.b.c  
 dicitur *Bel Zaar* quod idem est ac venenorum dominus. c. col.2. In maiori quantitate assumptus potentius venenum extinguit. ibid.d.72.col.1.a  
**Belzaar an frigidus?** Intra ventriculum animalis genitus. b. Inspidus. c. Ventrem retinet. ibid. Prouocat ludorem, & modicè calidus est. d. Deobstruit. e. Vesicæ calculos imminuit. c.2.a.b  
**Belzaar vomitum coërcet,** alui fluxum, naturam roborat, diarrhœæ, & bilioso affectui medetur. Venenum extirpat. 73.c.1.a  
**Belzaar lapis ex cerui oculorum cantho extractus contra venena efficax antidotum.** 901.c.1.c  
**Belzaaricorum antidotorum vis.** 342.c.1  
**Betæ facultas ad ventrem commouendum.** 291.c.1.c  
**Bilis an epilepsiæ causa.** 36.c.2.d. 37.c.1.a  
**Bilis æruginea veneni naturam redolet.** 89.c.2.e  
**Bilis ebullitio sanguinis missionem non exigit.** 108.c.1.d & seqq.  
**Bilis ex corporibus intemperie maior quàm melancholiæ abundantia generatur.** 186.c.2  
**Bilis calidissimæ fluxio solius gelidæ affusione sanata.** 89.c.1.c.d.e.  
**Bilis rubra quæ?** 857.c.1.c  
**Biliosi exeunte vere, aut æstatis initio præcautione purgandi.** 51.c.2.e  
**Biliosi tertiana febris facillè corripuntur.** 701.c.2.e  
**Bolus Armenus duplex explicatur.** 776.c.1.b  
**Boues in Æthiopia vnicornes.** 73.c.2.e  
**Brassicæ & vitis discordia.** 99.c.1.d. Crapulam discutit. d. cruda ante cibos sumpta eam imoedit. e.  
**Bryoniæ, seu vitis albæ proprietates.** 76.c.2.d. 77.c.2.a  
**Bubo pestilens, & bubo Gallicus in grauidis, secta è talo vena curatur.** 60.c.2.d  
**Bubo Gallicus quibus in locis apparere possit.** 128  
 In eius initio è talo & brachio mittendus sanguis. c.2.  
**Buena insulæ nomen.** 401.c.2.a  
**Bufonis vsti puluis prouocat vrinam.** 395.c.2.b  
**Bufones tetra suo vapore homines stupefaciunt.** 796.c.2.b  
**Buxi frondes noxiæ.** 905.c.1.b

**C**

**Cabal animantis cuiusdam mira facultas ad sanguinem retinendum.** 39.c.2.c  
**Cachunde vis mira, cuius compositio describitur.** 74.c.1.c  
**Quibus affectibus medetur.** ibid.e  
**Catoëthis appellatione quid veniat.** 146.c.d  
**Cadavera peste eneata valde contagiosa.** 340.c.1. & seqq.  
**Cadavera quomodo sub terra putrescant.** 644.c.1.b  
**Cæparum vtilitas disenterici curandæ.** 334.c.1.e  
**Cæpæ hæmorrhoidibus appositæ, ea aperiunt.** 606.c.1.d  
 Aceto imbibitæ. ibid. Pilos tritæ restitunt. e.  
**Calculus vesicæ Belzaartici lapidis vsus curatus.** 63.c.1.b  
**Calculus pectoris rufi proiectus.** 248.c.2.d  
 Eius causa materialis quæ. 249.c.2.a  
**Calculus renū Balsami ope excrētus.** 411.c.2. Vide *Lapis*.  
**Calculi causæ.** 412.c.2.c  
 Cur solus homo huic obnoxius. 413.c.1.b  
**Calculi puerorum cur in vesica, potius quàm in renibus.** d.e. & c.2.  
**Calculus renū passerulus Troglodytes sanat.** 414.c.1.d  
**Calefacientia & humectantia coctione iuuant.** 676.c.2.d  
**Calefactio & refrigeratio quomodo in humano corpore consideranda.** 282.c.2.e. & 283  
**Caliditas prædominans non semper siccitatis excessum arguit.** 617.c.2.b  
**Calidum in omni mixto cætera elementa retinet.** 202.col.2.c.  
**Calidi, & sicci febribus recipiendis paratiores.** 662.col.1.e

**Calidi natura in duplici sunt differentia.** 894.c.2.a  
**Caligo oculorum in ophthalmia hæmorrhagiam indicat.** 91.c.1.c  
**Calor naturalis qui apud Aristotelem.** 42.c.2.e  
**Caloris natini effectus mirabiles.** 65.c.1.e  
**Calor natiuus ante sudorifica auxilia attemperandus.** 127.c.1.b. & seqq.  
**Caloris causæ sex.** 161.c.1.e  
**Calor naturalis non elementaris est, sed cælestis, æthereus, ac diuinus.** 297.c.2  
**Calor ad generationem mixtorem moderatus esse debet.** 298.c.2.a  
**Caloris solis præstantia, & benignitas.** d  
**Caloris naturalis ex calore & frigiditate componitur.** 299.c.2.d. Sanguine & spiritu conseruatur. e  
 Medicamentis calidis augetur & roboratur. ibid.  
**Calor quo pacto dolorem facit!** 556.c.2.e  
**Callisthenis sapiens Alexandro responsum, cum eius mensæ accumbens grandi populo meracum sibi offerretur.** 598.c.2.a  
**Caloris naturalis intensio an ad febrem necessaria.** 604  
**Caloris intensio ad febris essentiam necessaria, an ad aliud quod ex quatuor temperamentis sit referenda.** 606. 607. & seqq.  
**Caloris febrilis intensio quò referenda.** 608.c.2.e. 609.col.1.a  
**Caloris naturalis, & præter naturam opera.** 611.c.2.e  
**Caloris febrilis & naturalis diuersa principia.** 612.c.1.c  
**Calor solaris, & elementalis differunt.** ibid.d.  
**Calor naturalis & præter naturam se inuicem corrumpunt.** ibid.c.1.e  
**Calor febrilis an idem sit naturalis multiplicem versum patitur.** 612.c.2.b  
**Calor febrilis & naturalis planè idem.** 913. 614  
**Caloris causæ quinque numerantur.** 615.c.2.a  
**Caloris proprium munus resolutio, & exiccatio.** 616.c.2.c  
 In quo subiecto operari possit. d  
**Calor febrilis an aliunde quàm à corde proficisci possit.** 624. 625  
**Calor paternaturalis totius corporis an ad febrem requiratur, an cordis solum.** 626. 627  
**Calor ambientis siue continentis qui?** 643.c.2.b  
 An sit perpetua putredinis causa. d  
**Calor attractionis causa.** 669.c.1.e  
 An trahat, vel suscipiat. ibid.  
**Calor natiuus duplex, est coctionis causa.** 676.c.2.c.d  
**Calor naturæ suæ rarefacit corpora simplicia, non incrassat, & per accidens siccit & densat mixta.** 680.c.1.b  
**Calor nutritiuus, & sensificus idem.** 811.c.2.c  
**Calor non quilibet est actionum instrumentum.** 819.c.2.a  
**Calor immodicus excrementi viridis causa.** 858.c.1.d  
**Calorifica quæ nervis applicanda.** 196.c.2.c  
**Caluaria, siue cranium quor constet ossibus.** 940.c.2.b  
**Cambium quid.** 750.c.1.e. Vide *Caput*.  
**Camphoræ temperamentum.** 522.c.1.b. Immodicum Veneris vsum cohibet. 521.c.2.d  
 An frigida an calida. 523.c.1  
**Camphur cornu vis in venena.** 342.c.1.d  
**Camusia, siue Appia mala, & eorum proprietates.** 68.c.2.c.d  
**Cancrī cur frequentēs in Alexandria generatur.** 218.c.1.e  
**Cancer in omnibus corporis partibus generari potest.** 231.col.1.a. Vnde ortum habet. b. Purgatione curari potest. c. Cancer vlceratus non est morbus contagiosus ad distans. 233.c.1.c  
 Est lepra vnius membri. d. cur contactu inficiat. d  
**Cancer in mammilla annua purgatione curatus.** 231.c.1.e  
**Cancer elleboro assumpto curatur.** 235.c.2. & 234.c.2  
**Cancrorum fluminiatiliū vsus in rabiem præstantissimus.** 847.c.1.c  
 Quare arte parandi. c.2.d  
**Canicula, & canis sidera differunt.** 663.c.2.b  
**Canis sidus, & canicula quid sublunaribus corporibus nocumentis inferant.** ibid.c.2  
**Caniculares dies vnde dicti.** 603.c.1.a  
 Canis.

# Index Rerum.

- Canis maior** 29. stellis constans. Minor duabus tantum.  
Vnde canicula, & caniculares dies dicti. Quæ eo tem-  
pore rerum sublunarium mutationes. 602.c.2.d.e
- Canis rabidus** emortuus alios canes inficit. 341.c.1.b
- Canes** Sirij tempore rabiem concipiunt. ibid.c.1.c
- Canis rabidi** venenum cæteris perniciosius. 841.c.1.d.e
- Canis rabidus** quibus signis agnoscitur. 842.c.2.a
- Canis necessitas** & fidelitas commendatur. 840.c.1
- Canis sagaciter** domini necem vlciscitur. 840.c.1.e
- Canes** Scoti cæteris præstant. c.2.b
- Eorum fortitudo & docilitas.c
- Canes** quo tempore rabie facilius corripiantur. 845.c.2.d.e
- Canina** fames. Vide *Fames*.
- Cantharides** urinam mirè prouocant. 395.c.2.e
- Quibus medicamentis miscentur. 390.c.1.b
- Earum præparatio.c. An toto corpore venenosa. d.e
- Sudores excitant. 397.c.1.a. Iecur roborant.b
- Cantharides** ad rabidi canis, & Salamandræ morsum præ-  
sens remedium. 796.c.1.a
- Cantharidum** vis noxia, ex quarum sumptione mortui  
plures. 835.c.1.e. Correctæ hydropem sanant. c.2.b
- Quarto gradu calidæ & siccæ. ibid.
- Eporæ quid causentur.c
- Capræ** cur epilepsiæ obnoxie. 839.c.1.c
- Caprarum** respiratio non naribus, sed auribus. ibid.c.1.c.
- Capræ** simus aceto decoctus venenosis moribus reme-  
dio est. 794.c.1.b
- Caput** rationis domicilium, omnium ægritudinum radix,  
& origo. 1
- Capitis** dolor vehementissimus in quinquagenario san-  
guinis missione sedatus. 8.c.2
- Vini odore adauctus. 9.c.2.a
- Caput** citissime depellit, & recipit. 173.c.2.e
- Capitis** descriptio. 935.c.2.b
- Caraffa** Cardinalis solo rosarum odore extinctus. 796.c.2.b
- Cardui** benedicti venena. 342.c.1.d
- Caribes**, siue Cannibales Anthropophagi. 904.c.2.c
- Cartilaginis** ex mucronatæ decidentia ventriculi non so-  
lùm debilitas, sed & rabies oriri potest. 286.c.2.287
- Cartilago** quid, in quo ab osse differat. Eius vsus. 942.  
c.1.b. Eius tres differentiæ explicantur.c
- Cartilago** ensiformis, mucronata. Xiphoidis, eiusque vsus.  
942.c.1.e
- Caro** ex naturalibus partibus prolapsa noui morbi genus  
919.c.2.e. Carunculæ per urinas excretæ. 425.c.2.d.e
- Carunculæ** siue glandulæ oculorum, cui vsui. 939.c.2.c
- Cassei** facultas adstringens. 579.c.2.c
- Castorei** potus lethargiam curat. 29.c.1.a
- Miræ eius proprietates.b.c.d
- Castoreum** opij frigiditatem emendat. 48.c.2.e
- Eius actiuitas. ibid.
- Castrari** ad coitum inepti, & quid sit Castrare. 518.c.1.d
- Cataleptis** quis affectus. Eius nomina. 81.b. Causa.c. In  
quo à vigilante sopore discrepat. ibid. Duplex est.c.
- Catalepticus** hæmorrhagia sanatus. 80.c.2.d
- Cataphora** præternaturalis somni species. 918.c.1.c
- Catapodium** quid à quo inuentum. 3.c.2.a
- Cataputia** arbuti genus, cuius facultates & vtilitates va-  
riæ. 87.c.2.c
- Catharrus** cauteriis expellitur. 33.c.1.e
- Catharrus** febre succedente non recidit. 161.c.2.c
- Catharri** prodigiosum genus. 919.c.2.a
- Catoblepas** fera iuxta fontem Nigrum. Basilisco serpenti  
virulentia similis. 805.c.2.e. 806.c.1.b
- Catochus** & cataleptis synonyma. Vide *Cataleptis*.
- Catonis** exercitus in Africa serpentum morsu magna ex  
parte extinctus. 797.c.1.b
- Catubuch**, siue capra aquæ vomitione expulsa. 182.c.2.d
- Caudæ**, siue caudata ægritudo, muliebris affectus vnde  
oritur, & qua arte curandus. 466.c.2.b
- Causa** continens quid, & an in morbis constituenda. 541.  
c.1.d
- Causæ** per accidens acceptio duplex. 910.c.1.d
- Caustica** in oris affectibus imponentis Medici imperitia.  
139.c.1.b
- Caustica** an per sedem infundenda in periculosa dysente-  
ria. 332.c.1.d. & seq.
- Causus** in corpore calido, sicco, assumpto in accessione  
cibo curatus. 659.c.1.c
- Cauteriorum** actualium vtilitas. 32.c.2
- Cauterium** ad bregma inditum cerebri morbos exitiales  
sanat. 33.c.1.b. Epilepsiam.c. Conuulsiones affectus.d.  
Pulmonum, &c. c.2. & 34
- Cauterium** ex auro probatissimum. 69.c.2.b
- Cauterij** vsus in frigidis cerebri affectibus. 174.c.1.e
- Cauteria** in brachijs, cruribus hæcticam intemperiem  
vacuant. 404.c.1.d
- Caymantæ** lacertorum genus apud Indos Orientales.  
875.c.2.d
- Celæ** vini vsus respuunt. 598.c.1.d
- Cenchris** viperæ species, alio nomine Iaculus, & Acon-  
tia dicta. 796.c.2.d
- Cephalicæ** sectio intempestiua cerebrum, & oculos lædit.  
92.c.1.c
- Cerebrum** membrum ditinissimum. Ex cuius constitu-  
tione totius corporis figura pender. Eius præstantia vn-  
de petenda? Huic omnia membra famulantur. 1
- Cerebri** qualitates. Et cur ipsi futuræ fabricatæ. 14.c.1.d
- Cerebrum** ex nimia & diuturna vigilia exsiccatur, & de-  
bilitatur. 24.c.1
- Cerebri** affectus mortiferi cauteriis ad bregma impositis  
curantur. 33.c.1
- Cerebrum** pituitoso humore scarens quibus affectibus  
obnoxium. 45.c.2.c
- Cerebri** frigidi quæ incommoda. 174.c.1.b.c
- Et qua arte occurrendum.d.e
- Cerebri** cum septo transuerso quæ connexio. 228.c.1.c
- Cerebrum** præternaturaliter calefactum non potest in alia  
membra vitiosum calorem diffundere. 626.c.1.d
- Cerebrum** in principis animi facultatis domicilium. 812.
- An vis ab eo influens sit potentia animæ. 814
- Cerebri** substantia. 936.c.2.b. Diuisio.d
- Cerebrum** ad quid factum. 937.c.2.a
- Cerebelli** partes, substantia, vsus. ibid.c.2.b
- Ceruicæ** fortissimæ temperamentum, 142.c.2.b
- Cerusa** vnde generetur. 14.c.1.a
- Ceruo** fel deesse constat. 509.c.1.e
- Cerui** lacryma, eius vis & figura explicantur. 899.c.1.c.d
- Ceruus**, & os ex eius corde an in venenum valeat. 899.c.2.
900. Eius cornu serpentes attrahit. ibid.c.2.e Eius ani-  
ma, siue spiritus eos vrit. 900.c.b. Lapis in corde pestem  
& venenatos morbos sanat. c.2.b. Eius genitalis, cineris,  
cornuum, sanguinis proprietates.c. & seqq. Cornua oc-  
cultat.d
- Chalybs** præparatus an ad curandos morbos sit ex vsu.  
145.c.1.c. & seqq.
- Charta** exusta aceto diluta tinea curandæ comoda. 4.c.1.b
- Chelidonie** aspides. 808.c.1.b
- Cherise** aspides quæ? ibid.
- Chirurgi** munus, & an ad eum spectet anatomica descri-  
ptio magis quam ad Chirurgum. 445.446
- Chœnix** duorum sextariorum mensura. 861.c.1.d
- Chondrus** quid, & an alica differat. 347.c.1.d
- Chryfocollæ**, quam Boracem vulgus appellat, mira effica-  
cia. 514.c.2.c
- Chus** sextariorum quatuor mensura. 661.c.1.d
- Cibus** ab ægris cum voluptate & moderatione sumptus  
plus iuuat quam noceat. 50.c.2.e
- Ciborum** varietas an ad sanitatis tutelam conferat. 326  
c.1.d. & seq. Cibi cur putredinem generent etiam pro-  
bi succi. 671.c.2.c.d Quid obseruandum ne noceant.  
ibid.e. & 672.c.1 Vide *Alimentum*.
- Cibus** & potus pulsum immutant. 895.c.1.c.d.e
- sine Cibo quomodo quidam diutissime vixerunt. 913.c.1.e
- Cibi** cur dicti flauosi. 947.c.1.d
- Cicuta** homines necat, & sturnos alit. 873.c.1.c
- Cineris** ficulnei vis in apum aculeum. 636.c.1.d. Circe  
Medicinæ, & venenorum perita, à qua & Circeæ herba.  
11.c.2. a. Circuitus in febribus causæ an ad corpora  
cælestia, occultas proprietates, &c. referendi sint. 718.c
- Citri

# Index Rerum.

Citri cortex coctionem inuat.	676.c.2.d	Cogitatio sedes.	23.c.1.a
Cleopatra Regina Medicinæ perita.	11.c.1.e	Coitus quid. § 17.c.1.b. Vnde eius impotentia, c. & seq.	
Cleopatræ mors aspidis mori.	810.c.1.e	in Coitu semine quidam destitutus ob eius fluxum in somno.	§ 18.c.2.a
Eius cœna adicialis Antonio.	809.c.2.b	in Coitu quid voluptatis causa.	§ 19.c.2.b
Clibanus, siue Cribanus, & furnus an distinguantur. 238.	c.1.d	Coitu immoderato videntes sanguinem, non semen effundunt.	§ 20.c.1.b
Climatum temperies ad vitæ diuturnitatem plurimum confert.	963.c.1.b	Coitus assiduus camphoræ vsu minuitur.	§ 21.c.2.c
Quod temperatus. c.		Quæ mala ab immodico Coitu. d	
Clitoridis vsus.	931.c.2.a	Colicus dolor in paralyfim transit. idque exemplis patet.	83.c.1.d
Clysterium nutritiuorum vsus celebratur.	20.c.1.d	Colicus dolor pestilens ac contagiosus ac frigidis curatus.	33.c.2.a. Est morbus nouus. c. In epilepsiam, & resolutionem inducens. 337.c.2.d. Frigidis per sanatus. 338.c.1.d
Clyster nobile, medicamentum, Siconiæ industriæ hunc debemus acceptum.	563.c.1.a	Colicus dolor ex viriosis humoribus curatus.	343.c.2.c
Eius commoda. c. d		An in eo purgatio sit necessaria.	344.c.1.d
An phlebotomiam præcedere debeat. c. 2. b		Colicus dolor à mordacibus succis pronatus, hiera assumpra curatus.	344.c.2.e
Ex muria paratus anchæ dolorem sedat. d		Colicus dolor à bile, frigida portione curatus.	351.c.1.b
Cochlearis capacitas non multum drachmæ dimidium excedit.	56.c.2.c	Colici doloris rara species ex vitrea pituita, quomodo cognita.	351.c.2.c
Cocci Maldiuensis vis in venena. c. 1. d		Colicus dolor à nephritico rectè distinguitur.	352.c.1.d. & seqq.
Coctionis alimentorum necessitas somnum caufatur. 27.	c.2.c	Colicus dolor allij esu sanatus.	355.c.2.c
Coctio exquisita necessaria est ad sanguinis fluxum. 115.	c.2.c	Ad eius curationem, & præseruationem stercus lupinum vtile.	356.c.2.b
Coctione vigente tam in pleuritide, quam in vasorum morbis, turò sanguis mitti potest.	211.c.2.212	Colis palpitatio carminantibus auxiliis curata.	523.c.2.c
Coctio duplex est. 295.c.1. Vnde procedit. e. Cruditati aduersatur. c. 2. b		Collyrium molle, & collyrium ex vino quo in vsu apud veteres.	91.c.2.b
A calore insito rei coquentis perficitur. d		Collyriorum stupefacientium in oculorum morbis cautè admittendus.	96.c.2.e
An duplex in ventriculo.	296.c.1.e	Colocynthis alopeciam purgat.	c.1.d
Quæ Coctioni maximè opitulatur.	297.c.1.a	Colocynthis quæ probatior, & qua arte parâda.	565.c.1.d
Coctio fit à calore vaporoso & humido.	616.c.1.e	Corpora impura faciliè in pestem incidunt.	565.c.2.d
Coctio ex pulsu significatur.	629.c.2.e	Colon intestinum omnium amplissimum, eius situs. 925.	c.2.b
Coctionis definitio Aristotelica an probanda.	675.c.1.e	Coma præternaturalis somnus.	918.c.1.e
in Coctione an mutatio fiat secundum qualitates, an secundum substantiam.	675.c.1.b. 676	Comitialis morbus Vide <i>Epilepsia</i> .	
Coctionis causa formalis est transmutatio ad perfectius esse. 676.c.1. Efficiens verò calor narius.	c.2.b	Complexio naturalis excessum pati qui dicatur. 607.c.1.e	
Materialis. 677.c.1.b. Fipalis. c		Conarium quid?	937.c.1.e
Coctionis species tres, maturatio, elixatio, & assatio. 677.	c.1.d	Conceptionis an aliquod detur certum, & infallibile signum.	499.c.1.d. & seqq.
Coctio in quo à separatione differat.	ibid.c.2.c	Concubitus nimij mala. § 21.c.2.e. Vide <i>Coitus</i> .	
Non est humoris præparatio. d		Congius sextariorum sex mensura.	666.c.1.d
Coctionis in iuuatio, & nocituo modo quomodo procedunt.	679.c.1.e	Consensus corporis partium cognitio quantum ad curationem eius conferat.	85.c.2.b
Coctionis in omnibus quæ coquuntur. vnica ratio statuenda.	678.c.1.a.b	Consuetudo an sit adscititium temperamentum, an habitus.	965.c.1. & seqq.
Coctio à Galeno variè definita.	ibid.c.d	Contagiones diuersimodè se habent.	340.c.2.a
Coctio an omnia efficiat crassiora, calidiora, suauiora. 679.	680	Contagium an necessariò putredinem inducat.	150.c.2.b
Coctio naturâ suâ cocta calidiora. efficit.	680.c.1.e	Contagium sine putredine fieri nequit.	232.c.2.d
Per accidens frigidiora.	c.2.a	Contagij cuiusque essentia.	908.c.1.b
Coctionis definitio. 683.c.1.b. Cur expectatur ante vacationem in omnibus febribus. e		Contactus rei putris vim putrefaciendi habet.	647.c.1.a
Coctione omnia cur suauiora, ac magis odora fiant. 680.	c.2.b. Cur dulciora. c	Contentum lamineum, foliatum vnde sic dictum. 426.c.1.d	
Cœliaca commoda purgatione curata. 330.c.1.e. Eius causa. c. 2. b		Furfuraceum an deterius squamoso.	c.2.c
Cœna debet esse copiosior prandio.	618.c.2.a	Vide, <i>Sedimentum</i> .	
Cœnæ vocis acceptio. 619.c.1.e. Tripartitò diuiditur. c. 2. a		Contentorum differentiar tres explicantur.	859.c.1.e
Cœnationi, & cœnaculi acceptio.	619.c.2.a	Continere actualiter & virtualiter quid.	881.c.1.e
Cœnarum multiplex varietas, alia enim est acceptitia, aduentoria, siue exceptitia.	619.c.2.d	Continuitatis in febre signa. 716.c.2. Vide <i>Febris continua</i> .	
Cœna ambulatoria. adicialis, adipalis. c. Vitelliana d. Centenaria.	ibid.	Cotinui solutio causa immediata doloris. 655.c.2.d. & seqq.	
Cœna Cerealis. e. Exequalis.	ibid.	Continui solutio ad partes organicas spectat.	868.c.2.d
Cœna popularis quæ?	620.c.1.b	Continuum triplex.	869.c.1.a
Cœna recta.	ibid.	Contractionis celeritas febrium putridarum inseparabile signum.	650.c.1.b
Cœna saliaris.	ibid.	Contrariorum contraria sunt remedia.	197.c.1.e
Cœna terrestris.	ibid.	Contrariorum eadem est scientia.	609.c.2.b
Cœna ferina.	ibid.	Contrariis assuescere, & ad insueta permutari quomodo quis possit.	964.c.2.e. 965.c.1.a.b
Cœna Deorum. c		Conuulsio canina cataputiâ curata.	87.c.1.d
Cœna pura cur sic dicta.	ibid.	Conuulsio gelidæ perfusione curata.	87.c.2.e
Cœna Iudæorum pura. ibid. Cœna canina.	ibid.	Conuulsio ex æruginoso humore orta, vomitu prouocato curatur.	89.c.1.b
Cogitatio illæsa imaginatione & sensibus externis lædi potest.	23.c.1	Conuulsio	

# Index Rerum.

- Convulsio vnde oritur.** 473.c.1.e  
**Ioannes Coqueranus rabidi canis in os manus immisso-**  
**ne inficitur.** 641.c.1.e  
**Coqui ex odoribus saginantur.** 19.c.1.c  
**Cordis palpitatio hirudinum applicatione curata.** 6.c.1.e  
**Cordis muliebris affectus ab utero luboriuntur.** 34.c.2.c  
**Cordi occupato nulla medicina.** 73.c.1.c  
**Cordis substantia putrere potest.** 152.c.2.c.d  
**Cordis situs.** 215.c.2.e  
**Cor per transennam pus admittit.** 229.c.2.c  
**Cor duplex in gallo repertum.** 250.c.2.a  
**Cor omnium viscerum & membrorum radix.** 250.c.2.b  
**Cordis palpitazione quidam quotannis laborans venæ se-**  
**ctione curatus.** 251.c.1.c  
**Cor vera & legitima palpitazione laborat.** 252.c.1.& seq.  
*Vide. palpiatio.*  
**Cor tabescere potest.** 256.c.2.b  
**Cor calidam hepatis intemperiem corrigit.** 626.c.1.a  
**Cordis calor excedens ad febris integram essentiam suf-**  
**ficit.** 626.c.2.b  
**Cordis ventilatio inspiratione perficitur.** 648.c.2.e  
**Cor an venena attrahat.** 793.c.1.c  
**Cor cur in medio corpore constitutum.** 811.c.2.a  
**Cor per singulos annos in homine augetur.** 814.c.2.e  
*Est in animali velut Sol in æthere.* 815.c.1.d  
**Cor an caloris innati fons & vitæ principium.** 816.817  
*Eius dignitas.* b  
*Cur viscerum omnium calidissimum.* c.2  
*An mors sit eius passio.* ibid. e  
**Cor quibus lesionibus obnoxium.** 818  
**Cordis sinus duo dissimiles.** 820.c.2.a.b  
*Vter præstantior.* d.& 821. Non dantur tres, vt voluit  
*Arist.* c.2.b  
**Cor an vita superstita abscessus patiatur, & alios affectus.**  
821.c.2.d.& seqq.  
*Eius imbecillitas mortem imminentem iudicat.* 823.  
c.1.d  
**Cor in medio thoracis quatuor ob causas collocatum.**  
877.c.1.d  
**Cor an alibi quàm in thorace operari possit.** 877.c.1.e  
*In eo tres resident facultates.* c.2.b  
**Cordis motus naturalis est, non animalis.** 879.c.1.c  
*In Corde omnes motus species reperiuntur.* 880.c.1.d  
**Cordis motus naturales esse triplici ex causarum genere**  
**probat.** 881.c.2.d  
*Destinatur ad caloris naturalis conseruationem.* 882.  
c.1.b  
*Fit à forma tanquam à principio particulari.* c  
**Cordis ventriculus duplex, & vtriusque officium.** 882.  
c.1.d  
**Cordis substantia.** 883.c.2.c.884.c.1.a  
**Cordis dilatatio an vt nouum aërem attrahat.** ibid.c.2.e  
**Cordis filigines an plures per aortam, quam per arteriam**  
**venalem excernantur.** 885.c.1.b  
**Cordis ad dilatationem & constrictionem an venæ dila-**  
**tentur, & constringantur.** 886.c.1.b.& seq.  
**Cor lætitiæ, mœroris, & febris sedes, an etiam somni.** 918.  
c.1.a  
**Cordis figura.** 932.c.2.b. substantia. c. fibræ. d. vasa. venæ. e.  
ostiola vndecim. 933.c.1.a  
*Ventriculi.* b.  
**Corallus stomachi dolorem lenit.** 39.c.2.a  
**Cornu cerui, Asini Indici, Camphurch, Pyraffouppi feræ**  
**vis contra venena.** 342.c.1.c  
**Cornu cerui mirè in pestem valet.** 777.c.1.b  
**Cornu cerui cur serpentes attrahit.** 899.c.2.e  
*Cur decidat.* 901.c.1.a  
**Corpori ægro an sanitas sani hominis communicetur.**  
301.c.2.d  
**Corpus veneno affuetum pestifero aëre minus læditur.**  
339.c.1.d  
**Corpus vnum & idem sub eodem numero temperamento**  
**potest simul dici temperatum & intemperatum.** 610.  
c.2.c  
**Corpora animata quo motu calefiant.** 616.c.2.a  
**Corpora quo humidiora eo putredini magis obnoxia.**  
644.c.2.c  
**Corpora simplicia calore rarefiunt, non incrassantur.** 680.  
c.1.b  
**Corpus post cibum ignescit, & præcipuè in hecticis febri-**  
**bus.** 740.c.2.b  
**Copora cælestia motu circulari influunt.** 880.c.2.b  
**Corporis animalis tria morionum genera** 883.c.1.b  
**Corporis obesitas qua arte curata.** 948.c.1.e  
**Corporis humani cognitio anatomica Medicis peneceffi-**  
**caria.** 622.c.1.b.c  
**Corporis callosi descriptio.** 936.c.2.c  
**Corruptionis genus duplex.** 346.c.1.a  
**Corruptio quænam ciborum adiectionem exigit.** b  
*Non indiget contemperamento.* c  
**Corui ænura herba inebriantur.** 908.c.2.b  
**Costarum descriptio, & vsus.** 941.c.1.c.2.a  
**Cotonea.** *Vide Mala.*  
**Coturnices vnde conuulsionibus corripiuntur.** 234.  
c.1.b  
**Coturnicum esus conuulsionem inducit.** 237.c.2.c  
*Spasmus, tremorem, &c.* ibid.  
**Coturnices solæ præter hominem an epilepsia tententur.**  
839  
*Ellebori pastu delectantur.* c.2.a  
*Omnibus volatilibus peiores.* c  
**Coryla vnciarum septem mensura.** 62.c.1.d  
**Coxendicis dolor colocytridis vsu cura.** 564.565.c.1  
**Coxendicis dolor à sanguine, venæ sectione sanatur.** 569  
**Cranium.** *Vide Caluaria.*  
**Crapula in quo ab ebrietate discrepat.** 598.c.2.d. aquæ ge-  
lidæ potu curatur. *Vide Ebrietas.*  
**Crapula vino aqua marina diluto impeditur.** 661.c.1.e  
**Crassum, & crassarum partium non idem.** 680.c.1.b  
**Crepitus ventris in coitu vnde.** 516.c.1.d  
**Cries cur non tam frequentes quàm Galeni & Hippocra-**  
**tis tempore.** 113.c.1.b  
**ad Crisim per sanguinis fluxum semper necessaria est con-**  
**coctio.** 115.c.2.c  
**Crisis vox ambigua.** 673.c.1.e  
*Eius propria acceptio.* c.2.a  
*Quid sonet.* b  
**in Crisi tria conueniunt turbatio excretio, & solutio, & à**  
**qua ex tribus nomen sumat.** c  
**Crisis in in morbis ad iudicij externi similitudinem sic di-**  
**cta.** 674.c.1.b  
**Crisis quando per abscessum, vel excretionem fieri debet.**  
968.c.2.a  
*Eius partes tres.* b  
*Quæ optima dicenda.* c  
**An in morbi principio, augmento, vel declinatione**  
**contingere possit.** e  
**Criticorum dierum causa ad lunam referenda.** 674.c.1.c  
**Criticorum dierum maximus, septimus.** 967.c.2.c  
**Critici dies qui pares, qui impares.** 969.c.2.b  
*Impares fortiores.* ibid.  
*Paritas illa quomodo obseruanda.* c  
*Impares solum decretorij.* 970.c.1.a  
**ad Crisim tria concurrunt.** ibid.c.1.c  
**vnde Criticorum dierum principium numerandum.** d  
*Vnde in feminis quæ pepererunt.* c.2.a  
**Critici dies in recidua vnde numerandi.** 971.c.2.c  
*vnde in morborum aliorum aduentu, aut immutatio-*  
*ne.* e.  
**in recidua vnde Critici dies numerandi.** 971.c.2.d  
**Critici dies vnde numerandi in febribus, tumoribus, &**  
**vulneribus.** 972.c.1.a  
*Vsq; ad vigesimum eorum dignitas expenditur.* b.  
*Quartus, parium primus.* c.2.d  
*Quomodo inter bonos numeratur.* e. & 973.c.1.a.b  
*Quintus paracutos morbos indicat.* d.  
*Sextus quando malus nuncupatur.* e  
*Septimus omnium decretoriorum fortissimus.* 974.c.1.e  
*Octauus sexto similis.* c.2.a  
*Noni dignitas excutitur.* c.d  
Decimi



# Index Rerum.

Decimi vsque ad quartum decimum. 975. Item aliorum. 976.c.1  
 Criticorum dierum causam an ex sua, vel aliorum sententia ad astra reduxerit Galenus. 979. & seqq.  
 Crudum propriè in pituita quid dicendum? 678.c.2.b  
 Crura frigore resoluta cur prius quàm brachia consanescant. 86.c.1.d  
 Cubito ob retentum menstruum aliquando sanguis mittendus. 137.c.2. 138.c.1  
 Cubiti descriptio. 941.c.2.b  
 Cucurbitulæ cui auxilio succedunt. 7.c.2.b  
 Cucurbitularum utilitas. 5.c.2.c  
 Cucurbitulæ humidæ cur siccis validiores. 7.c.2.c. Scarificatæ plenitudinem extenuant, etiam nulla præmissa phlebotomia. 8.c.1.a  
 Cucurbitulæ vsus venenosis moribus maximè commendatur. 793.c.2.b  
 Cucumeris asinini radix hemicranie curandæ idonea. 11.c.2.d  
 Curatio tentatina multis in morbis celebratur. 96.c.2  
 Curatio an per æqualia contraria facienda. 198.c.1.e. 199  
 Cuticulæ descriptio. 944.c.1.a  
 Vsus. ibid.  
 Cutis quid, & cui vsui. ibid. b  
 Curatio per epicrasin an fieri possit per frequentem ciborum adiectionem. 345.c.2.c. & 346.c.1  
 Cyathus drachmarum duodecim mensura. 661. col. 1. d  
 Cydoniorum succi facultas. 44.c.1.a

## D

**D**acorum & Dalmatarum, elleboro tela venenantium sagacitas. 874.c.1.d  
 Deiectio nigra ab assato sanguine orta non semper pessima, 311.c.1.d  
 Vnde hæc nigredo. c.2  
 Deiectio cruenta, critica. 425.c.1.e  
 Vide, *Sedimentum*.  
 Delirij triplex genus. 23.c.1.e  
 Deliria à vaporibus è ventriculo ad cerebrum oriuntur. 67.c.2.c  
 Delirantes, cur dolores non sentiunt? 26.c.2.a  
 Delphinus cur Baccho à veteribus appictus. 661.c.1.e  
 Democritus septuagenariis triduo panis odore vitam protrahit. 18.c.2.b  
 Dentium dolore quidam correptus niuis in ore detentæ beneficio sanatus, 117.c.2.c. & 118.c.1.e  
 Dentes fluxionibus & doloribus paratissimi. 117.c.2.d  
 Eorum doloris causæ aperiuntur. ibid. c. 118.c.1  
 Dentes sentiunt. 119.c.2.a  
 Quid hunc sensum causetur. c  
 Dentium dolor applicitis remediis calidis & inflammata mandibula sanatus. d  
 Dentium peculiare affectus. e  
 Dentes quibus affectibus obnoxij. 836.c.2.b  
 An hæmodia sit eorum affectus. ibid. & seqq.  
 An sensu destituantur. ibid. & 837  
 Dentes apri recens occisi feruent & exurunt. 899.c.2.a  
 Dentium descriptio. 940.c.2.e  
 In quo ab ossibus differant. ibid.  
 Eorum numerus. 941.c.1.a  
 Densitas oculorum quid? 98.c.1.e. Eius curatio. c.2.a.b  
 Diabetes rarus affectus, vnde oritur. 420.c.2.d  
 Admodum periculosus. 421.c.2.e. 422.c.1.a. 856.c.1.e  
 in Diabete an intensior sitis quàm in hydrope & causo concitetur. 422.c.1.b  
 Infrigidantibus super dorsum adhibitis mitigatur. c.2.c  
 An ad eius curationem mitia expurgantia sint ex vsu. 423.c.1.c  
 Diaboli astutia sanctis verbis hominum fidem fallentis. 157.c.2.a  
 Eius potestas in morborum curationibus quæ, b. Ista curatio falla & captiosa. ibid.

Diacaryon in oris affectibus celeberrimum auxilium. 139.c.2  
 Diacastorium quod compositionis genus. 29.c.1.d  
 Diacurcumæ electuarij species miræ efficaciz. 399.c.2.c  
 Diaphragma liberæ respirationis primum instrumentum. 287.c.1.d  
 Diaphragmatis constitutio, substantia. 934.c.2.c  
 Et vsus. 935.c.1.b  
 Diaria febris putrida pestilens & contagiosa datur. 151  
 c.2.e. 132.c.1  
 Diariæ febres magna diligentia curandæ, ne in putridas & hecticas transeant. 598.c.2.c  
 Diaria febris ob spirituum tenuitatem veluti immateria- lis. 600.c.1.b  
 Diaria, siue Ephemera ab Ephemeris animalis similitudine dicta. c  
 Item similis ventro calido vtri incluso. d  
 Diariæ ex mentuum constipatione cura. 601.c.2.c  
 Diaria febris ex moru & exercitio balnei ope curata. 615.  
 c.1.c  
 Diariæ febris signa discutiuntur. 620.621. & seqq.  
 Diaria febris ex lassitudine. 624.c.1  
 Diarrhœa biliosa sola saluatellæ sectione curatur. 328.  
 c.1.d  
 Diarrhœa venenosa smaragdo assumpta sanata. 40.c.2.d  
 Diarrhœæ biliosæ præsentē febri salubres. 334.c.1.a  
 Diatriariorum Medicorum incertiam arguit Galenus. 601.602.  
 Dies decretorius septimus an decimo quarto præstantior, & vigesimus vicesimo primo. 976. & seqq.  
 Dierum criticorum ordo & differentia. 969.c.1.b  
 Vide *Crisis*, *Criticus*.  
 Differentiæ essentialis & accidentalis expositio. 612.  
 c.2.a  
 Dioscorides summè à Galeno commendatur. 794.c.2.a  
 Diplacon corpus vnde sic dictum. 421.c.2.b  
 Distentio in respiratione, & pulsu priorem locum occupat. 885.c.2.a  
 Distillationes quæ malignæ appellantur. 146.c.2.b  
 Diuus Antonius Brigantinus fasciculi florum veneno delibuti odore necatur. 796.c.2  
 Dolor quomodo vires dissoluat. 99.c.1.d  
 Dolori celerrimè occurrendum. 335.c.1.d. Neglectus deicit vires. c  
 Dolor an sensatio tristis, an sensibile. 549.c.2.d  
 Eius essentia excutitur. 550.c.1.b  
 Est quædam sensus species, non est alteratio, sed alterationis perceptio. c.2.e  
 Est sensus externi actio. 551.c.1.b  
 An in motione consistat. 552.c.1.d  
 Eius immediata causa an solutio continuitatis. 555.  
 c.2.d  
 Dolor an ab omnium qualitatuum intemperie concitari possit. 559.c.1.b. & seqq.  
 Dolor attractionis causa. 670.c.1.e  
 Cur per eum humores in affectam partem confluant. ibid.  
 Dolor partium principum pulsus mutat. 896.c.2.d  
 Dorsi appellatione quid veniat. 170.c.1.a  
 Dorsum quidam terræ allidens aphonus factus. 200.  
 c.1.b  
 Dorsum quot vertebis constet. 941.c.1.d  
 Drusus ellebori vsu à comitiali morbo liberatus. 839.  
 c.2.b  
 Dryinus Basilisci species. 806.c.b  
 Dulcia ad curationem, & præseruationem lumbricorum reproba. 385.c.1.c  
 Sunt crassi succi. c.2.a  
 Modicè calida humida & temperata. 306.c.1.e  
 Dulcia immodicè cocta bilescunt. 680.c.2.c  
 Duodeni intestini nomina & officium. 925.c.1.b  
 Dysenteria laborantes pueri, hirudinibus brachiis affixis leuantur. 6.c.1.c  
 Dysenteria aquæ pluuiæ per plumbeos tubos deductæ vsu generatur. 13.c.2.c  
 P P P P Dysenteria

# Index Rerum.

Dysenteria à suppressis membris orta an sanguinis è talo missione curanda. 136.c.2.c  
 Dysenteria curatio lactis ferrati ope. 146.c.1.a  
 Cæpe esu & muria per sedem iniecta curata in quibusdam, in aliis verò lethalis. c  
 Dysenteria ab intermissa vacuatione, aut ab annuli denotari aiperitate concitata. 331.c.2.b  
 Alia ex lordido ulcere, concitata clystere ex causticis medicamentis parato sanata. 332.c.1.d  
 Dysenteria in conclamata an per sedem caustica infundenda. 332.333  
 Dysenteria in biliosa, præsentē febri lac salubre. 334.c.1.a  
 Dysenteria doloribus nullis applicitis auxiliis quidam mortui. 335.c.2.c  
 Dysenteria cum tabe balneis, & refrigeriis curata. c.2.c  
 Dysenteria à veneno ortum habet. 901.c.2.c  
 Smaragdo supra ventrem imposita curatur. d. & Aliis auxiliis. 902.c.1.a  
 Dysenteria prodigiosa. 919.c.2.a

## E

**E**boris vis cardiaca. 41.c.2.d. Necandis vermibus uti-  
 lis foeminas foecundat, spiritus viuificos cogit, ver-  
 mes necat, obstructionibus opitulatur. c. Ventriculum  
 firmat, &c. 42.c.1.a  
 Ebrietas nulli curando morbo ex usu. 313.c.1.c  
 Ebrietas morborum farrago. 598.c.1.a  
 Quæ ex ea mala. c  
 Fatuos reddit & insanos. d  
 Ebrietas à crapula differt, & duplex est. 598.c.2.c  
 Diariam parit. d  
 Qua arte curatur. ibid. & 599.c.1  
 Ebrietatis indicia. 599.c.2.c  
 Cur ea vix tententur mulieres. d  
 Ebrii vnde omnia duplicia cernant. 826.c.2.c  
 Ebullitio sanguinis & spiritus non est pulsus causa. 879  
 Elæomeli, quid. 950.c.1.a  
 Electri vis occulta. 39.c.2.a  
 Elementorum mixtiones variae, idè eorum proprietates  
 innumeræ. 43.c.1.a  
 Elementa quomodo corrumpantur? 642.c.1.c  
 Elementorum in corporis humani compositione concer-  
 ratio. 799.c.1.c  
 Elephantis femina Medica, à qua & emplastrum Elephan-  
 tium. 11.c.2.a  
 Elephantiasis curandæ auxilium salubre cauterium. 34.  
 c.1.b  
 ab Elephantiasis quidam fortuito, quidam ob viperarum,  
 & remediorum vim arte curati. 907.c.1  
 Eius morbi symptomata. c.2.a. b  
 Elephantiasis Græcorum & Arabum quid differat. c  
 Contagiosissimus est morbus. d  
 Elephantiasis & lepræ discrimen. 909.c.1.b. Eius curatio.  
 c.2.c  
 Elephantiasis musto viperino largè sumpto mirabiliter  
 curatur. 912.c.1.b  
 Elixatio in ventriculo explicatur. 677.c.1.c  
 Ellebori vis vrens & caustica, præparatus vlcus cancro-  
 sum sanat. 233.c.2  
 Elleboro sagittæ illitæ citissime necant. 874.c.2.a. Qua  
 arte occurrendum. c  
 Elleborus insaniam curat. 792.c.1.6  
 Elleborus venenum est & nervis infensum. 838.  
 c.2.c  
 Ellychnium quid igni conseruando confert. 948. col.  
 1. d  
 Emplastra umbilico aut stomacho quibus affectibus ap-  
 ponenda. 19.c.2.b  
 Emplastra nutrientia enumerantur. 19.c.2.d.c  
 Emunctorium est solum partium principum, pars igno-  
 bilis est, debet esse propinquum membri quod emun-  
 git. 94.c.1.a  
 Et habere compositionem regendis fluxionibus ido-

neam. d. Vtile ad respicendum, non ad vacuandum hu-  
 morem ibid.  
 Enzorema appendiculum, & suspensum. 859.c.1.c  
 Epaminonde dictum cum quendam in excubiis dormien-  
 tem occidisset. 912.c.2  
 Ephemeris animantis genus volatile & quadrupes. 600.  
 c.2.c  
 Ephemeræ febris signa an recte descripserit Galenus. 620.  
 c.1.c. Vide Diaria.  
 Epidermis quid. 944.c.1.a. Eius usus. ibid.  
 Epiglottidis descriptio. 932.c.2.c  
 Epilepsia ex tibia orta. 30.c.1.c  
 An possit à nuda qualitate concitari. c  
 Eius causæ. c.2.  
 Epilepsia an in paraly sin in aliquando finiat. 30.c.2.c  
 Epilepsia mixtæ species seminis profluvio sanata. 31.  
 c.1.b. A Testibus oriri potest. c  
 Epilepsia signa prognostica. 31.c.2.a  
 Eius cura. b  
 Epilepsia ex pede suscitata caustico medicamento parti  
 affectæ imposito curata. 31.c.2.c  
 Epilepsia è brachio labro superiore digito minimo sinistrae  
 manus, dextro brachio, articulo humeri, è summo verti-  
 ce, pollice, causticis impositis sanata. 32.c.1  
 Epilepsia cauteriis curata. 33.c.1.c  
 Epilepsia ex ore ventriculi orta, eo roborato sanata 35.c.2.  
 d.36.c.1  
 Epilepsia causa an biliosus humor. 36.c.2.d  
 Ex variis rebus efficitur. c  
 Epilepsia Pæoniæ collo appensa sanatur. 38.c.1.c  
 Item smaragdo. c.2.c  
 Epilepsia melanagogo medicamento curata. 42.c.1.b  
 Epilepsia frequens ex sanguinis copia, venæ sectione cu-  
 rata. 45.c.1.c  
 Epilepticis præsens auxilium. 47.c.1.b  
 Item peste venenòque affectis. c  
 Epilepsia à calido humore orta frigidis alimentis indiget.  
 50.c.2.c  
 in Epilepsia Oxynthodina an capiti apponenda. 51.1.d  
 Epileptici à quadrupedum esu arcendi. 54.c.1.d  
 Epilepsia ad præseruationem mel scilliticum præstantis-  
 simum. 56.c.1.d  
 Epilepsia Nicotianæ syrupo per sanata. 57.c.1.a  
 Item quartanâ. c  
 Epilepsia causa. ibid.  
 Epilepsia rutæ odore sanata. 58.c.1.c  
 Variæ eius propellationes. c.2.a  
 Epilepsia grauidarum post partum euanesceit. 58.c.2.c  
 Ab utero concitatur. 59.c.1.a  
 Epilepsia à vermibus orta, theriaca curata. 361.c.2.d  
 Epilepsia varia remedia. 839.c.2.c.d  
 Epileptici curandi victus ratio. 36.c.2.b  
 Epileptici Pæoniam colo appendant. 58.c.1.c  
 Epilepticus sanguinis humani potu curatus. 40.c.2.c  
 Epilepticus frequenter concussus secta ex interuallis sa-  
 phani seruatus. 45.c.2  
 Epileptica mulier anæcardina confectioe sanata. 45.  
 c.2.d  
 Epilepticus puer variis auxiliis præseruatus. 49.c.2  
 Epimenides septem & quinquaginta annis somno corre-  
 ptus. 914.c.1.a  
 Epiploi descriptio. 926.c.1.a  
 Epithemata cur. mammillæ sinistrae imponuntur. 877.  
 col.2.a  
 Eques adolescens gladio quo rabidus pridem confossus  
 canis fuerat sibi vulnusculum infligens rabie corripi-  
 tur. 841.c.2.a  
 Equus epilepsia correptus. 839.c.1.b  
 Errhina ex quibus medicamentis consistit? 87.c.2.b  
 Ethmoidis siue cribriformis, seu spongiosi ossis utilitas.  
 940.c.2.c  
 Erymologia nominum à comuni hominum assensu aucto-  
 ritatem sumit. 604.c.2.c  
 Exanthematum causa expenditur. 167.c.2.b  
 Excessus naturalis quid? quid morbosus. 607.c.2.b  
 Excessus

**Excessus naturalium complexionum duplex.** 607.c.2.d  
**Excrementa alui cur grauius fortent, quàm vrinæ.** 647.c.2.a  
**Excrementi viridis causa, calor immodicus.** 858.c.1.d  
**Excrementa vitæ breuitatem causantur.** 963.c.1.d  
**Exercitatio sanitati necessaria.** 52.c.1.a  
**Eius commoda.** b.c.&c.2  
**Exercitationes quo pacto Epilepticis adhibendæ?** 52.c.2.a. Qua mensura & quibus conditionibus. c  
**Earum differentia obseruandæ. d. Et tempus. e**  
**Exercitia consuetæ relicta morbos pariunt.** 52.c.1.e  
**Exercitium humidis, frigidis, voracibus, gulosis, pernecessarium.** 911.c.1.a.b  
**Est vacuationis species. c**  
**Exercitium pulsum immutat.** 896.c.2.b  
**Vide Pulsus.**  
**Exhalationes mixtorum naturam & qualitates participant.** 950.c.1.d. & c.2.  
**Exstasis quid?** 26.c.2.2

**F**

**F**acultas vitalis cæterarum norma. 619.c.2.e  
**Facultas vitalis & animalis an per neruos qualitate diffundantur, an cum substantia spiritus.** 801.c.2 & seq.  
**Facultas animalis, sensum, & facultatū auctor, spiritibus tanquam suarum actionum instrumentis vtens.** 802.c.1.b.c  
**Facultatum omnium principium an in corde constitutum.** 811.812.813  
**Facultas sensilis & alitrix separari nequeunt.** 811.  
**Facultas à cerebro & corde influens an sit animæ potentia, temperamentum, aut modus operandi.** 814  
**Facultas vitalis cur necessaria.** 877.c.1.a  
**Facultas pulsantis an à vitali differat.** 877.c.2.b  
**Facultates cordis tres.** ibid.  
**Facultas pulsantis cordis est, deinde arteriarum. d**  
**Quid sit illa facultas. e**  
**Duplex.** ibid.  
**Facultatis vitalis & pulsantis coniunctio.** 878.c.1.c  
**Facultas vitalis pulsifica an animæ sentientis pars, an vegetantis, vel ex vtraque composita.** 882.c.2.883  
**Famelici odoribus reficiuntur.** 17.c.1.d  
**Fames ubi, non laborandum est.** 718.c.2.d  
**Fascinatio an sterilitatem inducere possit.** 510.c.1.b  
**Fascinatio morbus est. 510.c.1.e. Datur naturalis. c.2.c.**  
**Vnde oritur. e. Duplex in Fascinatione qualitas. 511.c.1.d. Antidota in Fascinationem.** 512.c.1  
**Fascinatores à natiuitate dantur.** 521.c.1.d  
**Faucium nomine quid venia.** 924.c.1  
**Febre æqualiter duo homines possunt.** 607.c.2.d  
**Febres à crassis humoribus, ortas hirudinum suctus discutit.** 6.c.1.e  
**Item pestiferas, malignasque.** ibid.c.2.a  
**Febres putridæ sanguinis ad deliquium vsque missione curantur.** 16.c.2.c  
**Febres pestifera & malignæ cauteriorum vsu sanantur.** 35.c.2.c  
**de Febri quartana, quintana, sextana, septimana, siue hebdomadaria, octonana, nonana, decimana decima quintana, menstrua, annua. Vide. pag. 57.**  
**Febri pro morborum curatione aliquando excitanda. 66.c.1.c. & c.2.**  
**Febri per parotidas an tuto solui possit.** 104.c.2.c  
**Febri ardentis ob parotidem criticam suppuratam solutio.** 104.c.1.b  
**Febribus adueniens surditas, an semper ad bonum iudicet** 107.c.1.108  
**Febres biliosæ sanguinis remissionem non exigunt.** 108.109.  
**Febres acutæ an purgatione curandæ.** 110.111  
**Febres acutæ quæ incommoda post euasione relinquant.** 82.c.2.d  
**Febri maligna aut pestilens, an intermittens est possit** 153.c.1.b

**Febri omnium affectionum frequentissimus. 597. cui veluti numini honores habiti, & hostiæ immolata. ibid.**  
**Est natiui caloris in igneam naturam conuersio. ibid.**  
**Febri diaria ex ebrietate, aquæ potu sanata. 598.c.1.a**  
**Febri non à calore solum præter naturam, sed ab vnione calori innati oritur.** 161.162.c.1  
**Febri punctularis à Græcis, priscisque cognita. 66.c.2**  
**Febri ad essentiam an necessaria sit naturalis caloris intensio.** 604.605  
**Dicitur à feruore, vt pyretos ab igne.** 604.c.2.d  
**Febri diaria ex prohibito in curis densitate effluuiū concitatur.** 606.c.1.b  
**Febri cur in spiritibus accenditur cum non viuant. 600.c.1.d**  
**Rectè definitur per calorem.** c.2.e  
**Huius caloris species variæ.** 601.c.1.e  
**Febriilis intensio an ad aliquod ex quatuor temperamentis referenda. 606.607. Ab hominis tactu percipitur. d**  
**Febri in calidis naturis exercitij intermissione accenditur.** 710.c.2.d  
**Febri duplex materialis & formalis, quid vtraque. 611.c.2.a. b**  
**Iuxta materialem laborat Medicus. c**  
**Febri essentia in quo consistit?** 612.c.2.c  
**Febri cur ex motu & labore concitata.** 615.c.2.a  
**Febres animi affectionibus concitatur.** 616.c.1.b.c  
**Febri an intemperantia simplex calida, an composita ex calore, & siccitate.** 616.c.1.d  
**Febri est ignis, siue conuersio caloris in igneam naturam.** 616.c.1.e  
**Febri causæ siccitatem simul & calorem inducunt. 616.c.2.e**  
**Eius curatio humiditate inchoatur.** 617.c.1.b  
**In corpore generari potest absque siccitatis excessu. ibid. & c. 2**  
**Febres humorales ob humiditatis excessum generantur.** 617.c.e  
**Febri ex copiosa cæna.** 618.c.1.d  
**Febri putridæ principium in quo ab aliis affectibus consimilibus distinctum.** 622.c.2.a  
**Febri fundamentum caloris est in corde residentis excessus.** 626.c.2.c  
**Febri ad essentiam an requiratur immodicus totius corporis calor, an sufficiat qui in corde? 626.627**  
**Febri vniuersalis est corporis affectus, cuius essentia ram in corde, quam corpore reponenda. 627.c.1.d.col. 2.a. b**  
**Febri sanguinæ curandæ ratio.** 630.c.1.b  
**Febrium putridarum varietas ex parte humoris putrescentis desumitur.** 645.c.2.b  
**Febres intermittentes quibus de causis putredinem recipiant.** 645.c.2.a  
**Febrium putridarum signa an à Galeno rectè proposita. 649.c.2. & seqq.**  
**Febri putrida intermittens vel continua, vtraque differentia exponitur.** 651  
**Febri sanguinea à pituitosa, biliosa & melancholia distincta, an à sanguine putrescente generetur. 652.653. & seqq.**  
**Febri non curanda nisi prius cognoscatur.** 629.b  
**Febri epacmaistica, anabatica, paracmaistica, acmaistica, siue homotoma explicatur.** 635.c.2.a  
**Febri putridæ indicationes duæ.** 636.c.1.e  
**Febrium simplicium putridarum tria genera. 654.c.1.b**  
**Febri biliosæ citra putredinem causæ assignantur. 661.c.2.e**  
**ad Febres paraciores temperaturæ assignantur. 662.c.1.c.d**  
**Febri ardens frigidæ potu sanata.** 663.c.1.c  
**Febres biliosæ an frigidæ potu curandæ. 664.c.2. & 665.**  
**Febri ardens purgatione curata.** 667.c.1  
**Febri putrida ex fugacium fructuum vsu, venæ sectione curata.** 670.671.c.1  
**Febri valida transmissa ad artus materia noxia curatur.** 672.c.2.b

**Febris ardens** brumæ tempore, citra coctionem & valentes vires, lethalis. 674  
**Febris acutæ & diuturnæ** quibus indicantur. 675. c. 1. a  
**Febris syncopalis** vnde sic dicta. 734. c. 2. An sanguinis missione & frictionibus curanda. 735. c. 1. c  
**Febris hectica** ex inflammationibus internis generatur. vnde sic dicta. 736. c. 1. d. & seq. An calor eius sit à causa conseruante independens. 737. 738. Ex balneis intempestiuis concitata. 718. c. 2. e. An eius inieparabile signum sit incalescentia à cibo. 739. c. 1. Eius cum putrida complicatio possibilis. 739. c. 1. c. An in principio nulla alia præcedente feбри inuadere possit. 742. c. 1  
**Febris ardens hyemali tempore** quàm æstiuo periculiosior. 675. c. 1. a  
**Fellis folliculi figura.** 928. c. 2. e. Substantia. 929. a. Vfus. c  
**Femoris scirrhus** ex Erysipelate quomodo resolutus. 585. c. 1. b  
**Fibrarum substantia & vsus.** 942. c. 2. d  
**Ficus autumnaliū fructuum** probatissimi. 672. c. 2. a  
**Fistula** quid & fisticalis color. 858. c. 1. a  
**Flamma** quibus mixtis nutritur. 648. c. 1. b  
**Flatuosum dupliciter** accipitur. 947. c. 1. c  
**Flatuum generatio** vnde oriatur. 525  
**Flatus vagi** historia prodigiola. 946. c. 2. d  
**Flatus in qualibet corporis nostri parte** adnascuntur. 947. c. 1. a. In ventriculo generantur. b. Eorum appellatio multiplex. c  
**Fœminæ Medicæ.** 11  
**Fœminis prudentibus ars medica** ab Atheniensibus præcipiebatur. 11. c. 2. b  
**Fœtida** qui epilepsiam sanent, & eandem accersant. 58. c. 2  
**Fœtor** quid apud Platonem. 58. c. 2. b  
**Fœtoris & graueolentiæ incommoda.** 68. c. 1. a. d  
**Fœtoris causa immediata** putredo est. 202. c. 1. d  
**Fœtor à prohibita transpiratione** oritur. 645. c. 2. c  
**Fœtoris causa** quæ? 652. c. 1. a  
**Fœtus trimestris** an iniuriis vteri resistat. 496. c. 1. b  
**Fœtus in vtero materno formatio.** 799. c. 1. b. Eius nutritio. d. Quibus casibus obnoxius. c. 2. b  
**Fœtu ex retento** quot mala. 799. c. 2. d  
**Fœtus mortui causæ.** 513. c. 1. c  
**Fœtus prodigiosus.** 919. c. 2. b  
**Fœtus in vtero formatio, situs & exclusio.** 944. c. 1. c. & seqq.  
**Fontanella** in vtroque inguine sponte apertæ, Gallico morbo diè cruciatum liberant. 34. c. 1. d  
**Fontanellarum apertione** hydrops curatur. 401. c. 1. d  
**Fonticulorum vsus** vacuandis noxiis humoribus percommodus. 32. c. 2. Vide *Cauterium*.  
**Forma sensitiva** virtute vegetatiuam continet. 25. c. 2. d  
**Forma ex cœli formis** quæ? 44. c. 1. b  
**Formatum naturalium & viuientium actiones** quæ differant. 881. c. 1. b  
**Forma vnius rei vnica.** 666. c. 1. d  
**Fortuna** ab omnibus suo modo consideratur. 910. c. 1. b. c.  
**Datur in rerum natura.** d. Non aduersatur diuinæ prouidentię. c. 2. a  
**Fortunæ definitio** explicatur. c. 2. d. & 911. *Templa Fortunæ* dicata. c.  
**Fortunæ cultus** respuitur. 911. c. 2. b. Eiusque potestas in homines nulla. c. In morbis siue ægris nihil potest. e  
**Fossilia** ex quibus præsentia venena desumuntur. 794. c. 2. c  
**Fraxini succus** in viperam antidotus. 789. c. 2. b  
**Frictionum utilitas** in corporibus debilibus. 53. c. 1. b  
**Frictionum vsus corporis molem** deprimat. 949. c. 2. a  
**Frigidæ potus** quibus temperamentis noxiis. 665. c. 1. c & seq. Vide *Aqua*.  
**Frigidi** qui dicantur. 518. c. 1. a  
**Frigus cerebro inimicum.** 5. c. 1. c  
**Frigus an alicui functioni** utile. 577. c. 1. d  
**Frigus extremum** extinguit & corrumpit corporis partes. 86. c. 1.  
**Fructuum vsus immodicus** quos affectus ingeneret. 672. c. 1. a. b  
**Fructus mali succi ægris** sunt prohibendi. 701. c. 1. a

**Fructus fugaces** qui? 672. c. 1. & c. 2. a  
**Fulmen** quid. 301. c. 1. c  
**Fungorum ex esu syncopæ, & alia grauissima symptomata.** 872. c. 1  
**Fungus à funere dictus.** ibid. c. Vnde nascatur. d. Varia fungorum genera. c. Signa eorum qui ab vsu fungorum læsi sunt. c. 2. a. Quæ arte curandi. b

**G**

**G** Agatis lapidis suffusus epilepsiam accersit. 58. c. 2. c  
**Galenus noctambulus.** 281. c. 1. c  
**Galenus quanti Hippocratis doctrinam** fecerit. 97. c. 2. d  
**Galenus temperantia** laudatur. 624. c. c  
**Galia odoramenti genus,** vnde, & cui vsui. 15. c. 1. d  
**Gallico morbo** perpurgando fontanellam in crure aperire perutile 34. c. 1. c. Vide *Morbus*.  
**Galli gallinacii vis** mira in basiliscum. 806. c. 1. c  
**Gaudium febrem aliquando** excitat. 616. c. 1. b. Pulsus immutat. 897. c. 2. a  
**Gens tumor antiquus** quæ arte curatus. 570. c. 1. d. Cur huic parti tumores accidunt. c. 2. b  
**Genua à frigidityte & flatu dolorifica** quibus curanda. 572. c. 1  
**Genu rigor caustico** curatus. 576. c. 2. c  
**Generatio simplex iuxta Aristotelem** quæ? 643. c. 1. d  
**Generationis impedimenta** enumerantur. 517. c. 1  
**Gingiuarum vsus.** 923. c. 2. a  
**Glandularum definitio.** 943. c. 2. e. Vfus. ibid.  
**Glandis substantia & vsus,** 931. c. 1. a  
**Glands pituitaria** quæ, & vnde sic dicta. 937. c. 1. c  
**Globus crystalliformis tussi** proiectus, 249. c. 1  
**Gonorrhœa nocturna** quibus curata. 530. c. 1  
**Græci pilularum inuectores** quas multis nominibus nominantur. 3. c. 1. c  
**Grauidarum comitialis morbus,** à parte cessat. 58. c. 2. c  
**Ab earum vteri prauis vaporibus** oritur. 59. c. 1. b.  
**Quid si vehemens, & fœtus periclitetur.** d. Sanguis è talo mittendus. c. 2. b. Debiliores in cruribus scarificandæ. d  
**Grauidæ in omni gestationis mense phlebotomiæ** feliciter pepererunt. 62. c. 1. c  
**Grauidæ epilepsiâ ab vtero correptæ,** secta è brachio vena periere. 60. c. 1. d  
**Grauida pseudohydrops toto corpore** scarificata curatur. 60. c. 2. b  
**Grauidæ bubonem pestiferum in inguine habentes,** secta è talo vena curantur. 60. c. 2. d  
**Grauidæ variolis correptæ.** 168. c. 1. c  
**In Grauidis, sanguis aliquando è talo** mittendus. 470. & seq. Vtrum in iis venæ sectio periculiosior in primis mediis aut vltimis mensibus. 494. 495  
**Grumus suppressionis vrinæ causa.** Vide *Vrina suppressio*. 431. c. 2  
**An Grauidis ad abortus præcautionem** vena secanda. 496. 497. Et an periculiosior purgatione. 498.  
**Gustus veneno facile** inficitur. 967. c. 2. a  
**Gulæ abscessus** curatio. 160. c. 1. a  
**Gulæ nomine** quid veniat. c. Eius vlcera statim curanda. c. 2. d

**H**

**H** Abitus cuiusque à Medico in eius cura ritè obseruandus. 609. c. 1. a. b  
**Hæmagoga herba** lethalis, sanguinis vomitum excitat 184. c. 1. b.  
**Hæmathitis** ad cōpescēdū sanguinē mira facultas. 172. c. 1  
**Hæmatites lapis** calefacit & abstergit. 72. c. 2. d  
**Hæmodia siue stuper dentium** an propria dentium passio. 836. & seqq.  
**Hæmodia quibus** ex causis. 838. c. 1. b  
**In quo à stupore** differt. ibid.  
**Hæmorrhagiâ febres ardentes** soluantur. 115. c. 2. d  
**Hæmorrhagiæ miræ** descriptio. 183. c. 2. c  
**Hæmorrhagiâ vniuersum corpus** expurgatur. 447. c. 2  
**Hæmorrhagia menstrui** suppressione febricitantem, neglectâ phlebotomiâ sanat. 447. c. 1  
**Hæmorrhagiæ criticæ** præsensio. 112. c. d. Eius signa quætor



tuor præcipua. c.2.d.e  
 Hæmorrhoidum suppressionis incommoda. 393.c.2.b  
 Hæmorrhoidum & varicum tumores hirudinum succus discutit. 6.c.1.e  
 Hæmorrhoidibus tam suppressis quàm importunè fluentibus, fontanellæ præfens remedium. 34.c.1.e  
 ex Hæmorrhoidibus suppressis melancholia orta, annua vacatione curatur. 77.c.2.c. Ex iisdem suppressis melancholicus quidam hæmorrhoidalibus venis scalpello apertis moritur. 78.c.1.e  
 Halo. 645.c.1.b  
 Hebræi cur suilla abstinerent. 957.c.2.b  
 Hecateris herba venenata vnde nomen habet. 864.c.1.e  
 Est in expugnabile venenum. c.2.a  
 Hæctica febre laborantes & senio exesos sanat ac reficit. ibid.c. Elephantiasis, Epilepsiæ medetur. c  
 Hemina nouem vnciarum mensura. 41.c.2.c  
 Hemina Artica quid Arabibus. 664.c.2.b  
 Hemicrania experimento muliebri sanata. 11.c.1.d  
 Hepatis muliebris cum vtero consensus & proprietas. 34.c.2.d  
 Hepatis infirmati signa. 362.c.2.c  
 Hepatis inflammatio pro pleuritide falsò cura. 363. Alia inflammatio relaxantibus medicamentis curata Theagenem Cynicum interficit. c.2.364  
 Hepatis inflammatio topicis roborantibus indiget. 366. 367.c.1. Alia pro colico dolore habita venæ copiosa sectione, & refrigerantibus curata. 367  
 Hepatis in phlegmone sanguis è talo hauriendus. 368. c.1.d. & seqq.  
 Hepate affecto an plures quàm à cerebro morbi. 369. c.2. Enumerantur. 370  
 Hepatis scyrrihus exquisitus lethalis, 371. An ab eius inflammatione oriri possit. 372.c.2.b  
 Hepatis debilitas ex vrinæ tenuitate & albedine cognita. c.2.c  
 Hepatis dolor vnguento curatur. 374.c.2  
 Hepatis affectibus saluatellæ sectione in initio curandi. 92. c.2.c  
 Hepar caliditatē præter naturam generare nequit quamuis calidissimum. 615.c.2.e  
 Hepar venenatorum animalium vulnere impositum, alexipharmacum. 824.c.1.b  
 Hepatis sedes. 926.c.2.d. Eius regiones duę. e. Appellationes, venæ, arteriæ, caro, officiumque describuntur. 927. c.1.a.b.c  
 Herbæ cuiusdā succi in vrbe *Posto* mira facultas. 39.c.2.b  
 Herpetis in malleolo curatio. 535.c.1.d  
 Hippocratis scripta obscura & ænigmatica. 620.c.2.a  
 Hirci cur epilepsiam faciliè corripiant. 839.c.1.c  
 Hirudinum vsus scarificationū vsu commendatior. 5.c.1.d  
 Hirudinum summa vtilitas. ibid.c. & seqq.  
 Hirudines arthriticis doloribus applicatæ eos curant. pag. 5  
 Hirudines non cutaneum solum sanguinem, sed & peccantes corporis humores educunt. 5. & 6  
 Hirudinum succu phrenesius curatur. 6.c.2.c.  
 Hirudines hæmorrhoidalibus venis antiquis impositæ. 7. c.1.b  
 Hirudo per anum in intestinum rectum ingrediens qua arte extracta. 7.c.1.d. Alia per nasum ingrediens hominem necat. ibid.c.2.a  
 Hirudines qua arte cruorem expuere possunt? ibid. Profundiùs agunt quàm cucurbitulæ. 8.c.1.b  
 Hirudines anno applicitæ grauidam nonimestrem epilepsia liberant. 60.c.1.c  
 Hispani in nouo orbe subigendo canibus vsi. 840.c.2.c  
 Homo animalium omnium princeps: ob mirabilem struaturam suam maiorem subit compositionis varietatem quàm cætera omnia. 1  
 Homo an solus inter animantia calculo laboret. 412.c.2  
 Homo omnium animalium calidissimus. 608.c.1.b  
 Homo animalium medium, à principiis internis morbis corripitur. 971.c.1.b  
 Homo temperatus frequentius ægrotat, & citius conualefcit. ibid. Omnium animalium sanguine refertissimus,

calidissimus & hæmorrhagiæ obnoxius. d  
 Hominum status tres. Primi, pauperes & pauperissimi, suis quique morbis obnoxij. 671.c.1.d.e. & c.2.a  
 Homo cur in venena dominium non habuit. 792.c.1.a.b  
 Homo an inter cætera animantia venenis & morbis magis obnoxius. 797.c.2.a. Eius nobilitas à diuinis dotibus commendatur. b. c. Solus inter cæteras animantes cur erecta facie. d. & 797.c.1  
 Homines ieiuni & insomnes diutissimè viuentes. 913.c.2. 914.c.1  
 Hominis in vtero materno formatio. 798.c.2.d. 799  
 Homo quibus ex principiis constat. 799. & c. Est planta cælestis, & animal propè diuinum. 800.c.2  
 Homo cælestis planta, cuius radix in capite. 812.c.1.d  
 Homo cur rabiei cæteris animantibus minus obnoxius. 846.c.2  
 Hominis inter serpentem diffidium ex salua humana constat. 903.c.1.c  
 Homo an cæteris animantibus magis flatuosus. 947.c.1.e  
 Hordeum quale ad pristinæ vsus requiritur. 225.c.2  
 Hospites carnis rabidi porci excepti, muris se moribus lacerant. 841.c.2.a  
 Humeralia in affectibus supra ingulum secanda. 91.c.2.c  
 Humiditates quatuor absumptæ an Medici arte reparari possint. 749.c.2. & seqq.  
 Humidum est pabulum caloris. 616.c.2.d  
 Humores peccantes hirudinum applicatione euacuantur. 5. & 6  
 Humores crassi an epilepsiæ causa. 30.c.2  
 Humores. pro medicamentorum varietate vario modoeducti. 44.c.2  
 Humor pituitosus in diuersis cerebri partibus congestus quos affectus ingeneret? 45.c.2.c  
 Homorum omnium commotio trium dierum spatio perficitur, ex Apoplecticorum reuiuiscantium experimento. 65.c.1.e  
 Humor eruginosus vomitu concitatio citò expellendus, & quo pacto. 89.c.1.d.e  
 Humor veneno similis in corpore innascitur, quod experientia firmatur. 89.c.2  
 Humores extra venas in corporis habitu ad venas remigrant. 95.c.1.d  
 Humores ad suppurationē lenientiū ope veniūt. 106.c.2.e  
 Humores cur per dolorem in affectas partes confluunt. 670.c.1.c  
 Humoris crudi correptio duplex. 678.c.2.a  
 Humores crassi, & pingues coctione attenuantur. 679.c.1.d  
 Humor in corpore canū rabidorū veneno similis. 848.c.2  
 Humorum affluentia pulsus mutat. 897.c.1.a  
 Humores oculorum albugineus, crystallinus, crystalloides, siue glacialis, & vitreus explicantur. 839.c.1.b. Eorum vtilitas. c  
 Hydrargyri vsus mirabilis etsi à Galeno non laudatur. 47. c.1.e  
 Hydrelæum ex quo constat? 11.c.2.e. Ex qua aqua sit parandum. 12.c.1.b  
 Hydrophobia rabiosorum inseparabile symptoma. 842. c.1.b  
 Hydrophobiæ vera causa. 843.c.2.c  
 Hydrophobia alij moriuntur, alij euadunt. 845. 846  
 Hydrops ex menstrui & hæmorrhoidalis fluxus suppressione sæpe oritur. 392.c.1.c. 393  
 Hydrops cur hepatis propria affecto? 626.c.1.b  
 Hyems biliosorum curationi constituta. 609.c.1.c  
 Hypnale aspidis species cuius ictus soporem grauissimum infert. 810.c.2.a. Hoc ictu Cleopatra obiit. c  
 Hypochondriaci. Vide *Melancholia*.  
 Hypostasis, sedimentum & subsidentia contentorum prima differentia. 859.c.1.e  
 I  
**I**culus viperæ species sic dicta. 706.c.2. viperâ deterior veneno. 797.c.1.a  
 Iberis vinum prohibitum. 598.c.1.d  
 Ichneumon mus Indicus, aspidi serpenti infensissimus. 808.c.2.b

# Index Rerum.

Hermaphroditus est. c  
Eius pugna in Pryam serpentem. d  
Ichor quid. 849.c.2.c  
Icteri species triplex. 387.c.2.e. A Veneno ortus non  
semper est flauus 388.c.1.b. Vide *Morbus Regius*.  
Iecur inter principes corporis partes numerandum. 815.  
c.1.c  
Venarum est & nutritionis principium. c  
Iecur sedes est & radix virtutis naturalis altricis. 816.c.2.a  
Iecur an maiorem habeat potestatem, in corporis tempe-  
ramentis immutatione quam cor. 877.c.2.d  
Iecur & venæ cur non pullent. 885.c.1.b  
Ieiunij intestini descriptio. 925.c.1.d  
Ignauia marcescit corpus, & labore firmatur. 52.c.1.b  
Ignis ad Lunæ concuam non datur. 300.301.c.1  
Igni conseruando quæ conferunt. 647.c.2.b.c.d  
Ignes subterranei Solis ope generantur. 958.c.1.a  
Ignis pabulum, materia substantia. 958.c.2.a  
Iliaci doloris causa. b. Et curatio. 357. à Gelidæ poru sub-  
ortus calidis sanatur. 358. 359  
Ileum intestinum vnde sic dictum, eiusque officium. 925.  
c.1.c  
Ileum os vnde sic dictum. 941.c.b  
Imaginatio illæsa cogitatione lædi potest. 23.c.1.d  
Imaginatio sola in melancholia cur lædatur. 73.74.c.1  
Imaginationes ob oculos vnde, & quomodo definitæ.  
631.c.2.c. & seqq.  
Imaginationis vis ex rabidi canis morsu maximè conspici-  
tur. 844  
Imaginatiz sedes. 23.c.1.a  
Inæqualitatis continuæ & collectiuz differentiz. 188.c.2.  
189  
Inappetentia quibus auxillis curata. 302.c.2  
Incantationes sanandi vim nullam habent. 157.c.1.c  
Incubus epilepsiæ affectui similis. 31.c.2.b  
Indicationes curatrices, à morbo, aëre, & naturali tem-  
peramento desumendæ. 609.c.1.a  
Infans recens natus quibus morbis obnoxius. 799.c.2.c  
Infantulus rabie correptus matris vbera horret. 844.c.1.b  
Inflammatio est de pleuritidis essentia. 224.c.1.c  
Inflammationes mutationem pullus causantur. 896.c.2.c.  
897.c.1.c  
Inguinum dolor saluatellæ dextræ sectione sanatus. 94.  
c.2.c  
Insomnia ad sensum communem pertinent. 26.c.2.c  
Insomnia turbulenta epilepsiam proximam indicant. 31.  
c.2.a.b  
Insulæ fortunatæ cur lacertorum diætæ. 875.c.2.c  
Intemperamentum simplex an vrinæ colores mutare pos-  
sit. 855.c.1.c. Vide *Vrina*.  
Intemperantiæ calidæ & frigidæ an facilius & citius aliis  
curentur. 282.283.c.1  
Intestinorum & ventriculi eadem est substantia. 20.c.2.a  
Intestinorum sedes. 924.c.2.d. Substantia. c. officium. 925.  
c.1.b  
Intemperamentum à Medicis quid vocatur. 607.c.1.c  
Et vnde fiat. ibid.  
Intemperies quæuis ad simplicem moderantiam referen-  
da. 607.c.1.a  
Interpretis officium, circa res obscuras versatur. 3.c.1.c  
Inuidus quæ Basilisco assimilatur. 807.c.2.c  
Iniunctiones cur māmilla sinistræ imponuntur. 877.c.2.a  
Ira an in sanguinis in corde feruore consistat. 193.c.2.b  
An quædam furoris species. c  
Ira percitus sibi necem intulit. 192.c.2.a  
Ira pulsus mutat. 897.c.1.c  
Ira morbus est deformitatem inducens & curatu diffi-  
cilis. 953.c.1.c  
Irati hominis correctio. 953.c.1  
Iris in oculo quid. 939.c.2.a  
Iris. 645.c.1.b  
Ichiadis dolor quibus curatus. 548.c.2.d. Huic vltio vri-  
lissima. 560.c.1  
Ichiadis dolor à sanguine venæ sectione sanatus. 569.c.1  
Iscuria. Vide *Suppressio*.

Iudicium in morbis quid? 968.c.1.b  
Iulius Cæsar epilepsiæ obnoxius. 839.c.2.c  
Iuniperi vmbra noxia. 905.c.1.b  
Ius album quid? eius præparatio, & vsus. 613  
Iuuenes cur difficulter in ediam feruant. 39.c.1.c  
Ex eorum ventriculo inanito & exsiccato, epilepsia. ibid.

## L

Abiorum descriptio. 924.c.1.a  
Labor corpus firmat. 52.c.1.b  
Labyrinthus auris quid. 940.c.1.c  
Lac recens ex vbere extractum oculorum inflammatio-  
nem lenit. 97.c.2.a  
Lac pro educandis infantibus quomodo eligendum. 235.  
c.1. & seqq.  
Lac animalis nigri an suauius & calidius. 245.c.2  
Quomodo eo vtendum. 244.c.1  
Lachomogeneum est. 163.c.1.d. Eius partes. ibid.  
Lac asininum intestina abluit & expurgat. 639.c.2.b  
Lactis salubritas & noxa. 960.c.2.d. 961  
Caprinum temperamentum. b  
Hoc solo alimento sustentari possumus. c  
Lacertæ in venenum Theriaca admirabilis. 875.c.2.a  
Lacertæ siue lacerta, Latine venabulum, siue nasturtium,  
multiplex. b. c. c  
Lactuca elus infomniæ alexipharmacum. 24.c.2.c  
Eius proprietates enumerantur. ibid.d  
Lactuca semen sanguinis profusum sedat, & libidinis  
æstum. e  
Lactucæ succus modicè refrigerat, & adstringit. 121.c.1.a  
Lapides in ventre pullorum hirundinis reperti, collo ap-  
pensi epilepsiam sanant. 39.c.2.  
Lapidi de porquo spino, in histricis felle facultas. 72  
Lapinis in animantium corporibus geniti quæ a commu-  
nibus differant? 72.c.2.c  
Lapis in lingua pronatus sermonis vsus impediens. 122.  
col. 1. a  
Lapides an in qualibet corporis nostri parte gigni possint.  
d. & seqq. Et quænam sit eorum materia. c.2.c  
Lapides & reliqua solida corpora quo pacto respirent.  
649.c.1.d  
Lapis ex corde ceruino in pestem & venena præsens an-  
tidotus. 900.c.2.b  
Laryngis descriptio. 931.c.2.c  
Laryngis cartilagine. 942.c.1.c  
Lassitudinis species triplex explicatur. 624.c.2.a  
Lassitudinis definitio. b  
Laureolæ mira facultas. 440.c.1.c  
Lectio cur somnum concitet. 916.c.2.c  
Legumina terrena, & melancholica sunt. 53.c.1.d  
Lentes an frigidæ. 61.c.b.  
Earum proprietates. ibid.  
Lentes quale temperamentum sortiuntur. 218.c.1  
Quomodo in biliosa pleuritide concedit possunt. c.2.c  
Lepidium herba, aliàs nasturtium syluestre qua attrahendi  
facultate polleat. 32.c.1.d  
Leporina melancholiam auget. 54.c.1.d  
Leporis sale macerari pulmo in epilepsiâ valet. 838.c.2.d  
Lethargus castorei poru curatur. 28.c.2.c  
Lethargici quibus expergeant. 29.c.1.c. In iis venæ se-  
ctio fugienda. ibid. quidam balneo curatus. c.2.b  
Lienis morbis fontanellarum ope curantur. 33.c.2.a  
Lieni laboranti saluatella sinistra, hepatis verò dextra se-  
canda. 94.c.1.a  
Lienis scirrhus quibus curatus. 379.c.2.d  
Lien an aliquando vtendus. 380.c.2  
Lienis descriptio. 929.c.1.c  
Ligamentum quid. 941.c.2.d. Quot in capite ligamenta. c  
Quot in spina. 942.c.1.a  
Lingua nimium intumescens hirudinum applicatione  
curatur. 5.c.1.c  
Linguz motus inordinatus epilepsiæ signum. 31.c.1.c  
Linguz portentosus rumor in senæ qua arte curatus. 120.  
c.1.c. hirudinum succu. 121.c.1.c  
Linguz

# Index Rerum.

Lingua abscissa sine valetudinis noxa.	123.c.1
Linguae nobilitas.	c.2.a.b
Linguae paralysis ex scarificatione male administrata. d	
Linguae mortis vnde?	124.c.1.a
Linguae descriptio. 923.c.2.d. Vfus. c	
Lipothymia pro syncope vsurpatur.	17.c.1.a
Lippitudini commoda purgatio?	95.c.1
Balnei vsu curata. c.2	
Lippitudo poru meraciori curata.	97.c.2.b
Lipyria Arabum in quo distet à Lipyria Græcorum. 216.	
c.2.e.217. Vide Febris.	
Literati homines quibus ægritudinibus obnoxij. 81.	
col. 2. b	
Liuidus color duplex.	858.c.2.e
Liuior à frigiditate duplici modo oritur. 858.c.1.d.c.2.b	
Lolij vis malefica.	871.c.1.a.d
Lolium quid. b	
Lolium vnde somnum prouocet.	871.c.2.a
Lorij ab vrina distinctio.	849.c.2.d
Lumborum dolor à melancholio dolore, vrinae nigrae excretionem sanatus.	407.c.2
Lumborum in morbis venae ex talo sectio celebranda. 407.	
c.2.c	
Lumbi quot vertebriis consent.	941.c.1.d
Lumbricus 12. cubitorum caninam famem inducens. 303.	
col. 1	
Lumbricorum ad curationem dulcia reprobantur. 305.	
col. 1. c	
Lumbricorum differentiae tres.	360.c.2.b
à Lumbricis exesi quadam, & conuulsi interierunt. 361.	
c.1.e	
Luna ad motum an decretorij dies referendi. 981.c.2.c	
Quare per suas quadras hæc inferiora mutat. 982.d	
Lutum Aegyptiacum plurimis morbis vtilissimum. 957.	
col.2. d	
Luxationis differentiae.	418.c.1.d

## M

<b>M</b> Agistratum avaritia carpitur, qui incantatores & pythoniissas, fatuosque, & deliros Medicos artem exercere patiantur.	113.c.2.c
Magnetis vis occulta.	39.c.2.a
Magnes Aethiopicus alium magnetem attrahit. 45.c.1.a	
Magnetis motus naturalis est.	880.c.2.a
Malæ punica cruentæ excretioni an accommoda. 172.c.2.c	
Maleficia ad curandos morbos irrita.	157.c.2.b
Malua epilepticis contraria.	50.c.1.c
Mammarum cum vtero societas, & consensus.	34.c.2.c
Mammillarum cancer annua purgatione sanatus. 231.c.1.c	
Mammarum substantia & vsus.	934.c.2.a
Mandibularum inflammatio in dentium dolore quibus curanda.	120.c.1.b
Mania quid!	840.c.2.d
Manna quod purgamenti genus.	618.c.2.b
Mannæ generatio vnde	950.c.1.c
Mannæ apud Arabes duplex genus.	950.c.2.d
Manna Græcis quid? 949.c.2.c. Quid Hebræis. 950.c.1.a	
Mannæ expurgatricis facultates. 950.c.2.c. 951.c.1.a	
Mannæ Israëlitis coelitus dimissi natura explicatur. d.e. & col. 2.	
Manus dextra emunctorium iecoris, & sinistra lienis. 93.	
c.2.e	
Manus inflammatio ex pondere, alio in altera manu pondere gestato curata.	274.c.2
Manuum cum visceribus consensus.	94.c.1.d
Marasmus quibus curatur. 743.c.1. Duplex est. c.2	
Marasmus tenebræ quid, & quibus auxilium in iuvene eo laborante curatus.	748.c.1
Margaritarum vsus commendatur.	73.c.1.d
Mastiche alopeciam sanat.	2.c.2.b
duræ Matris descriptio, & vsus.	936.c.1
Tenuis, siue pia.	c.2.a
Matrona triginta quinque annorum spatio insomnis, & citra noxam.	25.c.1.c
Maturatio quid.	299.c.1.c
Maturatio est coctio quæ circa inutilia versatur. 678.c.1.e	

Maxillarum descriptio.	940.c.2.d
Mecenas triennio in somnis.	25.c.1.b
Mechoacaradix insipida, & ordine tertio calida. 72.c.2.e	
Mediastini inflammatio venæ copiosæ sectione curata. 223.c.1.	
In eo vera pleuritis generatur.	c.2.e
Mediastini descriptio.	934.c.1.c
Medica ars commendatur.	891.c.2.e
Medicamenta rubificantia pilis generandis apusissima. 3.	
c.2.c. Quare sic dicta. ibid. d	
Medicamenta purgantia similitudine substantiæ suæ humores attrahant. 42.col.2.a. Quæ similitudo in modo mixtionis elementorum consistit. c	
Medicamenta purgantia à creatione humores sibi similes attrahendi proprietate. acceperunt.	44.c.1.d.e
In quatuor classes diuiduntur.	c.1.b
Medicamenta ex sapore dignoscuntur.	72.c.2.d
Medicamenta frigida oculis, auribus calida applicanda. 97.c.1.e	
Medicamenta purgantia febrem accendant.	109.c.1.e
Medicamenta vrentia pro curanda distillatione an capiti admouenda. 177.c.2. Periculosa sunt. ibid.	
Medicamenta purgantia certos, & determinatos humores attrahunt.	388.c.2. & seqq.
Integros humores quantitate peccantes euacuant. 390.	
c.1.c. 391	
Medicamentorum vires ad temperatum hominem commensurandæ.	606.c.2.e
Medicamenta per quid operantur.	666.c.2.a
Medicamenta consueta non purgant.	668.c.1
Medicamenta calida somnum prouocantia.	871.c.2
Medicamenti clam assumpti præcognitio.	953.c.2.d
Medicina à Legislatoribus, scæminis non interdicta. 11.	
c.2. b	
Medicinæ ars cur impræsentiarum vilescit.	114.c.1.a
Medicina ad mediam hominis temperiem referenda. 606.	
col.2. e	
Medicus vinum redolens ægro capitis dolorem adauget.	9.c.2
Medici prudentia in rimandis occultis ægrorum affectibus.	67.c.1.d. 68.c.1.c
Medicus circa desperatos morbos generosus esse debet.	111.c.2.c. 112.c.1.b
Medicus inscius ægroranti altera fera.	113.c.2.a
Medici garruli, & nugaces à cõsiliis explodendi. 113.c.2.c	
Medicus naturæ operum gnarus & minister esse debet.	114.c.1.c
Medicus an pulsus omnes parres percipere possit. 887.	
col.1. c	
Medicus venenum nec propinare, nec indicare debet, quod illustri exemplo comprobatur.	903.c.2
Medici Dij tutelares, & Deorum filij dicti.	904.c.1.a
Humanæ vitæ defensores. b	
Medicamenta Deorum manus.	904.c.1.a
Medicis ars anatomica per necessaria.	922.c.1.a
Medice cura te ipsum, Prouerbiū explicatur. 624.c.1.c	
Medicos ex intemperantia, gula, ingluuie, concessationibus, ægrotare vitiosum. d	
Medico an anatomica cognitio magis necessaria, quàm Chirurgo.	945.c.1. & 2
Medicus ægrorum calliditates, & versutias callere debet.	954.c.1.a
Medimnus trium modiorum mensura.	661.c.1.d
Meditatio cur somnum concitet.	916.c.1.c
Medulla est ossium alimentum.	171.c.1.c
Medullæ dorsalis vnde oritur.	816.c.1.b.c
Mel Scilliticum ad epilepsiæ præseruationem præstantissimum.	56.c.1.d
Mellis venenati esu quidam emortui.	864.c.1.a
Mel venenatum vnde b. Qua arte cognoscitur. c	
Mel ex Rhododendri flore venenatum. d	
Mel apud Trapezuntem in Ponto ex buxo defluens. ibid.	
Mel quibusdam noxiū, aliis salutare alimentum. 969.c.1.b	
Eius generatio. d. Qua arte parandum. c.2.a.	
Mellis varietas.	959.c.2.c
Quod	

# Index Rerum.

Quod præstantius.	ibid.	Mesenterij, sine Mesarzi descriptio.	825.c.2.d
Eius vius.	960	Metallorum natura, & communia principia.	13.c.2.d
Melancholia hirudinum ano impositarum sucu curatur.		Metallorum impuritas medicamentorum virtuti efficit.	
7.c.1.2		40.c.2.2	
Melancholia tabescens, industriâ liberatur.	66.c.2.e	Metalla igneam substantiam habent.	70.c.1.2
Melancholiæ causa, & quæ secum mala inducat.	67.c.1.b	Metalla qua ratione corrumpantur.	642.c.1.e
Melancholia ex vitioz aquæ potu, cardiacis curata. ibid.		Metatarsus quid.	941.c.2.c
col.1.e		Martera, vel cadus vini quid?	661.c.1.d
Melancholia auri porabilis vsu curata.	70.c.1.b	Mithridates nullis venenatis potionibus obnoxius.	47.
Melancholiæ quæ medicamenta conferunt.	74.c.2.2	c.1.e	
Bryoniæ radice curatur.	76.c.2.b	Mithridaticæ compositionis vsus, & excellentia.	875.
Melancholia ex suppressis hæmorrhoidibus orta, annua		c.1.b.c	
vacatione curata.	77.c.2.c.	Mixtionibus naturalibus formæ ab initio à Deo concessæ.	
Melancholia ex amore mirabilis.	79.c.1.e	43.c.2.b	
Melancholicorum historiæ variæ.	74.c.2.75.c.1	Item & proprietates. c	
Melancholicus se algidum putans, artificiosè curatus.	75.	Amicitia, siue sympathia.	ibid.
c.1.c		Mixtio quomodo, & a quo fiat?	643.c.1.a.b
Alter de peccatorum suorum remissione desperans,		Moderatum duplex.	889.c.1.c
Angeli fictitij industriâ, euasit. d		Modius decem sextariorum mensura.	661.c.1.d
Melancholici affectus hirudinum applicatione curantur.		Morbili in omni ætate, sed pueritia præcipuè inuadunt.	
6.c.2.2		800.c.1.b	
Mellapia quasi mala Appia, eorum proprietas.	68.c.2.d	Morbi pertinaces an remediorum immutationem exi-	
Membranarum substantia, & vsus.	942.c.2.c	gant.	4.c.2.c
Membrana carnosa, eiusque vsus.	944.c.1.e	Morbi vernaes omnium mirissimi.	78.c.2.b
Membra solida solidis alimentis, non odoribus nutrir		Morbi licèt conclamati à Medico non desperandi.	111.
possunt.	18.c.1.e	col.2.e	
Membra inexercitata inualida sunt.	52.c.1.d	Morbus cuiuslibet generis ad quem scopum referendus.	
Membrum præ frigore mortuum quâ à paralytico distin-		606.c.2.d	
guatur.	86.c.2	Morbus ab excessu quâ differat.	607.c.2.b
Membra principalia quæ?	812.c.1.a	Morbus quilibet à naturali ægotantis habitu metiendus.	
Membri virilis descriptio.	931.c.1.a	609.c.1.d	
Memoriæ sedes.	23.c.1.a	Morbus inde petendus vnde sanitas expectatur.	609.
Memoria ex nimio labore, & inedia amitti potest.	82.	col.2.a	
col.1.c		Morbus quid?	617.c.1.a
Qua arte restauratur?	c.2.a	Morbus ad sui curationem contrarium requirit.	619.
Ex leua peste lædi potest.	83.c.1.a	col.1.d	
Mendici cuiusdam Mercurio vtentis malitia.	129.c.2.e	Morborum priusquam innotescant curatio auxiliis com-	
Meningum inflammatio phrenitidis causa.	15.c.a.b	munibus inchoanda.	629.c.1.e
Meningis duræ descriptio.	936.c.1.b	Morborum tempora quomodo consideranda.	655.c.1.e
Vsas. e. Tennis.	c.2.a	& seqq.	
Mensis octauus grauidarum infelicissimus, & vacuatio-		Morbi salubres, & lethales, secundum magis, & minus.	
nibus ineptus.	60.c.1.c	656.c.2.c	
Mensis medicinalis qui.	981.c.2.c	in Morbis quomodo duo æqualiter concurrant.	ibid.d.e
Ficticius est.	982.c.1.c	Morborum symptomata alia vniuersalia, alia particularia,	
Menstruorum retentioni quid conferat hirudinum su-		utriusque explicantur.	567.c.2.a.b
ctus.	c.6.c.2.b	Morbus similis quid? quid organicus.	824.c.2.c.d
Menstrui suppressio diuturna, copiosa venæ sectione cu-		Morbus calidus, & frigidus ratione materiæ, & formæ	
rata.	440.c.1	considerandus.	866.c.1.a
Menstruorum antiqua suppressio an incurabilis.	441.c.2.	Morbi definitio excutitur.	866.c.2. & 867
An recenti periculosior.	442	Morborum diuisiones examinantur.	c.2.2
Menstrui suppressio, neglecta venæ sectione mortem intru-		Morborum genera quatuor explicantur.	868.c.1.e
lit.	444.c.2	Morbi formæ qui.	869.c.2.c
Menstrui suppressioni superueniens è naribus sanguinis		An dentur morbi materiæ.	870.c.1
profluium, an vtile.	447.c.2	Morbi corruptelæ dicti explicantur.	870.c.2.c
Menstruo, retento laborantes aquæ nini haustu & venæ		Morbi venenati an ad aliquod morborum simplicium ge-	
sectione curata.	449.c.2.d	nus reducendi. An ad morbos formæ, & materiæ.	864.
An in eo morbo à medicamento purganti inchoan-		c.2.d. & seqq.	
dum.	431.c.2.b	Morbus, & sanitas quæ pacto inter se contraria.	864.
Menstrui ad prouocationem an vnguentum de chalybe sit		c.2.d	
ex vsu.	453	Morbus Regius ex veneno contractus belzaarticus medi-	
Menstrua violenter retenta in quæ pericula inducunt.		camentis curatus.	898.c.1.d
454.455		Eius origo.	c.2.b.c
Menstruo ex suppresso orta symptomata an ritè Galenus		Curatio. e	
descripserit.	461.c.2.462	Morbus nouus, caro ex naturalibus partibus prolapsa.	919.
Menstrui sanguinis conditio pessima, & virulenta, ex cui-		c.1.e. & seqq.	
us prauitate foetus inficitur.	799.c.1.e.c.2.2	Cum Gallico reponitur.	920.c.1.b
Mercurialium vnguentorum vis & malignitas.	129.c.1.c	Morbi Gallici variæ appellationes.	124.c.2.2
Mercurij ex vsu mors subsecuta.	129.c.2.a	Cur dictu variola magna. b	
Non est venenum à tota substantia. d		Quæ secum inuoluat mala. c. d. e	
Gallico morbo curando, & aliis multis vtile.	130.c.1	Vetustissimum morbi genus.	125.c.1
In potum assumendum.	c.2.d	A Galeno cognitum. d	
Salina humanâ præparatur.	131.c.2.2	Qua arte antiquitus curatum.	c.2.c
Meri incommoda	97.c.2.e	An ab immodica venere possit.	126.c.1.d
Merum in oculorum inflammatione quâ possit esse ex		Omnis generis febres experitur.	127.c.1.c
vsu.	98.c.1.a.b	Mercurialibus vnguentis curatur.	129.c.1
		in	



in Morbo Gallico vnguentum Mercuriale applicandum.

131.c.1.b

Recens probatus. d

Morbus Gallicus est contagiosus ad distans. c.2.b

Morbus Gallicus an syphilidis nomine sit nuncupandus.

920.c.1.d

in Morbis frigidis vini vsus commendatur. 954.c.1.d

Morbus veruecinus qui? 529.c.1.d

Morbili à principibus Medicis Græcisque cognitæ. 165.

c.1.d

Vide *Varicela*.

Mors naturalis non est putrefactio. 643.c.2.a

Mors an cordis passio. 817.c.2.e.818

Mors an ad quamvis cordis intemperiem sequatur? 819.

col.2.

Mors naturalis quæ dicatur. 952.c.2.d

Morsus venenosi insectu, cucurbitulis, & scarificatione curantur. 793.c.2.b.g

Item hirudinibus, vitione. d.e

Et aliis auxiliis.

794.c.1.b

Morsus rabidis quibus experimentis probetur. 84

Mortificationis membrorum origo. 86.c.1.e

A paralyti ex colore distinguitur. c.2.b.d

Mortificationis à frigore curatio. e

Moris siue consuetudinis vis & efficacia explicatur. 963.

c.2.c

An aliquando mutandus.

964.c.1.a

Quando mutandus. c

An naturæ indicationi præferendus. d

Moschus in Indici animalis umbilico generatur, & qua arte paratur. 20.c.2.d.e

Vis eius cardiacis affectibus curandis, cerebro muniendo hepatis & ventriculo firmandis mirabilis. 21.

c.1.a

Contagiosis venenatisque morbis arcendis percommodus. b

Motus voluntarij præcipuum & immediatum instrumentum assignatur. 546.c.2. & seqq.

Motus caloris & combustionis causæ, 615.c.2.b

Huius rationes inuestigantur. c.d

Fit ex extenuatione & rarefactione aëris. 615.c.2

Motus animi febrem excitant. 616.c.1.b

Motus animalis & vitalis dissimilitudo. 634.c.1.c

Motus à calore ambientis excitatus minor est illo qui est in re quæ mouetur. 647.c.1.c

*Mota minus putrescunt, quàm quæ quiescunt.* Problema explicatur. ibid.

Motus localis & alterationis explicatur. 647.c.1.e

Motus grauium iusum a vacuo vnde, & à quo principio. 669.c.2.d

Motus voluntarij organa duo. 804.c.1.e

Motus & sensus simul operantur. ibid.

Motus cordis naturalis est. 879.c.1.c

Vide *Pulsus*.

Motus omnes species in corde reperiuntur. 880.c.1.d

Motus naturales corporum, ipsorum formas sequuntur. 880.c.1.e

Motus nostrorum corporum triplex, naturalis, animalis & ex utroque mixtus. 880.c.2.c

Motus naturalis duplex. d.

Motus animales à voluntate pendent, naturales necessarii. 883.c.2.b

Motus cordis ex naturali & animali componitur. ibid.c

Mulæ vini potu calcitrosæ esse desinunt. 908.c.2.a

Mulier an viro calidior. 429.430

Mulieres an in viros verti possint. 467

Quædam barbaræ. c.2.a

Mulieres menstruata solo intuitu pueros lædunt. 510.c.1

Mulieres cur ebrietate vix tententur. 599.c.2.c

Mulsa oculorum densitatem curat. 98.c.2.b

Mundus inferior superior continuus est. 880.c.2.b

Musculus an præcipuum motus voluntarij instrumentum. 547.c.1.e. & seqq.

Musculi voluntarij motus auctores. 825.c.2.e

Sex in vno quoque oculo, & eorum officium. ibid. &

*Lib. VI.*

826.a

Septimus visorium neruum continens. ibid.

Musculi palpebrarum quot. 830.c.2.a. & seqq.

Musculorum temperatura. 942.c.2.e

Quinque & quadringenti recensentur. 943.c.1.c

Eorum vsus. d. & seqq.

Musculi conuulsio an visui incommodet. 828.c.2

Musculi oculorum describuntur. 938.c.2.c

Musica melancholiæ & viperarum moribus præsidium. 789.c.2.d

Item Tarantulæ. 790.c.1.a.b

Musicæ vis ad cerebri dispositionem. ibid.d

Et morborum curam. e

Mustellæ cineres epilepsiæ medentur. 839.c.2.d

Mutationum in morbis differentia. 968.c.2.d

## N

**N**Apellus venenum præsentissimum. 873

An eo nutriris quis possit. c.1.b.c.2.c

Napellus Arabum quis? d.e

Narcotica an tutius in causa calida, quàm frigida assumenda. 103.c.2

Nasturtij sylvestris maxima attrahendi facultas. 32. c.1.d

Nasi constitutio, musculi, cartilagine, cutis. 935. col.1.d.e

Nationes à vino temperantes. 598.c.1.d

Natta, siue Napta apostematis species. 170.c.2.a

Natura præcipua morborum curatrix, quæ artem solum ministrant habet. 65.c.1.d.98.c.1.a.672.c.2.c

Naturæ in expugnandis morbis vis & efficacia. 154. c.1.e

Naturæ ordo à facilioribus ad difficiliora procedere. 633. c.1.d

Naturæ indicatio, an consuetudini præferenda. 964. c.1.d

Naturalis acceptione quid veniat? 917.c.1.e

Quid secundum naturam. 918.c.1.a

Quid non naturale. ibid.c

Naufimenis Atheniensis vxor viso liberorum suorum stupro aphona facta. 195.c.2.e

Nenupharinum oleum, lactucarumque esus somni restorationi profunt. 23.c.2.e.24.c.1.e

Nephele quid? 859.c.1.e

Nephritici doloris à colico distinctio. 352.c.1.d. & seqq.

Huic fonticulus in crure vtilissimus. 354.c.2.e

Neruum contusio sine cutis vlcere quo pacto curanda. 85.c.2.e

Nervi pedum & brachiorum temperamento diuersi. 86. c.1.d

Nervus auditorius à quinta coniugatione exoritur. 99

Nervi vocales qui, eorumque munus. 195.c.1.b.c

Cur reuersui dicti. e

Nervi reuersui in frigiditate vocem lædunt. 196.c.1.c

Nervi quibus medicamentis curandi. d.e

An eorum vulneribus oleum applicandum. c.2. c. &

197.c.1.

in Neruis sunt meatus per quos spiritus distribuuntur. 802.c.2.b

Neruum origo. 803.c.2.a.804.c.1.a

Eorum triginta paria. b

Neruum sensoriorum munus. 803.c.2.d

Ad motum inepti. e

Neruum motoriorum officium. ibid.

Nervi omnes ad tactum conferunt. ibid.

Ideo sunt terreæ substantiæ. ibid.

Eorum distributio. ibid. & 804.c.1.b

Nervi omnes à cerebro oriuntur. 812.c.1.b

Nervi optici vnde sic dicti. 826.c.1.c

Vnde oriuntur. 937.c.2.a

Nervi appellatione quid veniat. ibid.

Eorum variz coniugationes assignantur. d.e

A spiali medulla qui oriantur. 938.c

Nervi

QQQ

# Index Rerum.

- Nervi recurui, reuerſui ſive recurrentes qui? 938.  
c.1.b
- Nervorum optiſcorum utilitas. 939.c.2.b
- Nicotianæ iuccus alopeciam curat. 3.1.c.b
- Nicotianæ ſyrupus epilepſiam. 57.c.1.a
- Noctambulorum affectus ex imaginatione eſt. 28.c.2.b  
Quam periculoſus. ibid.  
Eius curatio. c. d
- Nominum diuinorum vis ad morborum curationem, &  
Dæmonum fugam. 157.c.2.c
- Qui ea mendacio aut periuriis inquinant ſacrilegi  
ſunt. ibid.
- Nonimeſtris mulier epileptica hirudinum ſedi applicita-  
rum ope liberatur. 60.c.1.e
- Nutritio corporeis rebus perficitur, non odoribus. 17.  
c.2.a
- Nutritio per pororum contactum quæ poſſit fieri. 19.  
c.2.b
- Nutritio non ex iis fit quæ bibuntur aut eduntur, ſed ex  
iis quæ in ventriculo concoquuntur. 310.c.1.c
- Nutrix quo pacto eligenda. 235.c.1.d & c.2
- Quibus eam viuere, exerceri, &c. conueniat. d. 306
- Menſtruatam eligere pernicioſum. 236.c.1.e
- Nutrix an pro infantium curatione purganda. 110.c.2.c
- Quibus purganda. c. & 239.c.1.
- Nucum olei facultas.  
Vide *oleum*.
- Nympharum vteri uſus. 931.c.2.a
- O**
- Obeſitas corporis qua arte curanda. 949.c.1.d
- Obeſi cur citius moriantur, quàm graciles. 948.  
c.2.c
- Obluio epilepſiæ ſignum. 31.c.2.a
- Oboius pondus eſt medi j ſcrupuli. 101.c.2.e
- Obſtructio vnde oritur. 190.c.2.d
- Obſtructionis cauſa multiplex. 357.c.d
- Obſtructiones ex plenitudine, ſanguinis miſſione, & ex  
crassis & viſcidis ſuccis, attenuantibus remediis curan-  
tur. 636.c.2.d e
- Obſtructio putredinis cauſa. 644.c.2.e
- Obſtructionis cauſa triplex. 645.c.1.c
- Obſtructio læuium arteriarum. Vide *Arteria*.
- Occiput an cauſticis, aut candentibus ferramentis inuren-  
dum, aut traiciendum. 35.c.1.e
- Aſſi. matur. c.2.
- Oculorum morbi hirudinum ſuctu leuantur. 6.c.1.c
- Oculorum affectus cauteriis curantur. 33.c.1.e
- Oculorum inflammatio ipſos aliquando à ſede deiicit.  
90.c.1.d
- Venæ ſeſtione ſanatur. c.2.b
- Oculorum dolores & inflammationes à calido humore  
oriuntur. 92.c.2.a
- Curatu difficiles. ibid.
- Saluatellæ ſeſtione leniuntur. b
- Oculis affectis medicamenta frigida congruunt. 97.c.1.e
- Oculi excellentiæ. 96.c.1.b
- Oculi denſitas muſcæ ope curata. 98.c.1.d
- Oculi quot morborum generibus obnoxij. 98.c.1.e
- Oculorum rubedo vnde. 106.c.1.a
- Oculus dexter cur ſiniſtro obtuſior. 216.c.1.e
- Oculi color vitioſus an morbus, vel ſymptoma. 384.c.2.  
385.c.1.
- Oculorum ex qualibet peruerſione an læſio in viſu con-  
tingat. 825.826. & ſeqq.
- Oculorum muſculi & eorum officia. 826.c.2.e.826
- Oculi cur palpebris recti, & inferior palpebra non mouea-  
tur. 829.c.1.e. & ſeqq.
- Oculorum cum corpore & ſtomacho communicatio. 833.  
c.1.e
- Oculorum ſenſus excellentia. 833.c.2.e
- Omnium eſt acutiſſimus & eius vis ignea. 834
- Oculorum conſpectus corporis & animi affectiones in-  
dicat. 834.c.2.a
- Oculi ad Dei contemplationem nos eleuant. b
- Oculus in corpore eſt, quod mens in anima. 834.c.2.d
- Quod ſol & luna in cælo. ibid.
- Oculi fabrica. 938.c.2.939
- Odor quo pacto nutrit, & ſpiritus inſtaurat. 10.c.1.c
- Omnium morborum potiſſimum medicamentum. ibid.
- Odor non nutrit iuxta Ariſtotelem. 17.c.1.d
- Fumus eſt caligo. ibid.
- Odor quæ dicitur corporeus & quo pacto nutriat. 17.c.2.a
- Et famoſa euaporatio. b
- Quomodo ad Odoratus organum deferatur. c
- Odor eſt ſpirituum alimentum. 18.c.1
- Odoris tetri incommoda. 68.c.1.a
- Odoratus venenum communicatur. 796.c.2.a
- Odorifera vniuerſo copori admora quid iuuent. 17.c.1.c
- OEnura herba corui inebriantur. 908.c.2.b
- Eadem eſt quæ ænanthe, & ænagra. c
- Oeſophagi deſcriptio, & uſus. 924.c.1.c
- Olei olacei omphacini, ſiue incompleti uſus & proprie-  
tates. 14.c.2.b
- Item completi, ſeu maturi utilitas. c
- Oleum omphacinum nervorum vulneribus accommo-  
dum. 197.c.1.c
- Oleum ſanguinis humani comitiali morbo & aliis exi-  
tioſis medetur. 41.c.1.d
- Oleum ex vitellis ouorum in aurem iniectum dolorem  
ſedat. 99.c.1.e
- Oleum de ſemine cannalis aurium ex frigidityte dolorem  
ſedat. 100.c.2.c
- Olei ex vitellis ouorum ad hepatis dolorem ſedandum  
facultas. 375.c.1.c
- Item olei nucum. d
- Olei proprietates. 357.c.2.b
- Oliuæ proprietates in extrema menſa. 51.c.1.a
- Omentum quid, & ad quem uſum à natura deſtinatum.  
286.c.1.c
- Omenti deſcriptio. 926.c.1.a
- Omorichus viperarum morſibus opitulatur. 796.  
c.1.c
- Onor Indiæ inſulæ temperies. 963.c.1.a
- Opij ab aliis medicamentis non tollitur efficacia, ſed cor-  
rigitur. 49.c.1.a
- Opium abſque aliis medicinis necat. 48.c.2.d
- Eius ſubſtantia, & actiuitas. ibid.
- Opium amarum & frigidum. 72.c.2.e
- Opij uſus periculoſus & præcipuè incorrecti. 101.c.1
- Eius vis quomodo retundenda. c
- Opium incorrectum in potu aliquando exhiberi poſſe.  
101.c.2
- Opium febribus ardentibus ſalubre. 102.c.1.a
- Eius temperamentum. b. c
- Opium incorrectum quando tuto exhiberi poſſit. 103.  
c.2.a
- Opium extra appoſitum necat. 898.c.1.b
- Quibus præſidiis occurrendum. c
- Ophthalmia dira copioſa ſanguinis miſſione curanda. 90.  
c.1.b.c.2.91.c.1.c
- Niſi vlcus aſſeſſer. ibid.
- Ophthalmia ex ſquallido hepate dextræ ſaluatellæ ſeſtio-  
ne curata. 94.c.1.e
- Oppoſita paſſiua quæ, & cur ſic dicta. 677.c.1.b
- Ordo in pulſu quid & quomodo obſeruandus. 892.c.2.a
- Vide *pulſum*.
- Orthopnœa curatu difficilis. 191.c.2.d
- Oris medicamenta qualia eſſe debent. 139.c.1.d
- Oris conſtitutio. 923.c.1.e
- Oris fautor vnde. 201.c.2.a
- Vide *fautor*.
- Oris tortura.  
Vide *Tortura*.
- Os in dorſo pronatum purgatione eximitur. 169.  
c.2.c
- Oſſa medulla nutriuntur. 171.c.1.c
- Oſſa ſenſu eſſi craſſo & obruſo non deſtituuntur. 837.  
c.1.b

# Index Rerum.

Os in corde cerui quibus affectibus vitale. 73.c.2.c.d  
 Os in corde cerui præstantissima in venenatos morbos antidorus. 900.c.1.d.e  
 Item aliz eius proprietates. c.2.a  
 Ossis cribrosi vsus. 935.c.2.a  
 Ossium capitis descriptio. 940.c.1.e  
 Ossis sacri descriptio. 942.c.1.d  
 Ossis sacri cartilagine. 942.c.1.e  
 Ostrum quid? 284.c.2.d  
 Ouorum crudorum medicamenti vires. 416.c.1.c  
 Ourachus quid? 945.c.1.b  
 Oxalidis vsus in rabiem 647.c.1.c  
 Oxiratum cur crassis humoribus attenuandis proffit. 872.c.2.d  
 Oximelitis facultas viscosorum humorum tenuatiua. 56.c.1.e  
 Oximel quomodo vomitum conciter. 276.c.1.b

## P

**P**æoniæ collo appensæ facultas in epilepsiam. 38.c.1  
 Palatum siue oris cælum. 923.c.2.a  
 Palpebræ inferiores immobiles creatæ an ad oculi custodiam. 829.830  
 Cur iis destituta animalia. 829.c.2.a  
 Palpebrarum officium. 829.c.2.b.942.c.1.d  
 Aues inferiorem palpebram mobilem habent. ibid.e  
 Palpebrarum muscoli. 830.c.2  
 Palpitatio cordis,eiusque curatio. 251.252  
 Quomodo definitur. c.2.a  
 Eius causa. b  
 Est verus cordis affectus. 253.c.1.c.& seqq.  
 Palpitatio vnde oriatur. 254.c.1.e  
 Panis azymus an melior fermentato. 238.c.1.b  
 Qua arte parandus, coquendus. c. d.  
 Qui probatur. c.2.b  
 Panis recentis odor tabidis vires, & spiritibus alimoniam præstat. c  
 Panis crusta reproba & mali succi. 239.c.1.a  
 Panis fermentatio quid vbi fermenti natura explicatur. b. c  
 Panis simillacei differentia quadruplex. 242.c.1.e  
 Panniculum carnosum ad quem vium. 944.c.1.e  
 Papaueris semen in vsu, & præcipue cremor seminis in febribus ardentibus. 101.c.2.e  
 Papularum magnarum nomine quid veniat. 165.c.2.a  
 Quid papularum paruarum. 167.c.1.a  
 Papyrus exusta exiccandis vlceribus apta. 4.c.1.e  
 Paralysis an aliquando ex epilepsia. 30.c.2.e  
 Paralysis ex colico dolore fieri potest. 83.c.1.c  
 Id exemplis comprobatur. d.  
 Qua ratione curanda. c.2.b  
 An intemperie calida & sicca immediate oriri possit. d.& pag.84.c.1.  
 Paralysis ex frigore contracta, vntione curata. 84.col.2.a  
 Eius causa à frigido intemperamento. c  
 Quibus auxiliis sanetur? 85  
 Paralysis qui à mortificatione distinguatur. 86.c.2  
 Paralyticus frigidis medicamentis persanatus. 83.c.2.c  
 Pardalianches venenum vnde sic dictum. 144.c.2.b  
 Parotidum differentiarum tres. 104.c.1.c  
 Earum curatio. d. e  
 Parotidum curatio an per resoluentia, repellentia aut suppurantia facienda. 106.c.2.c  
 Partes supra iugulum affectæ, humerariæ sectione leuandæ. 91.c.2.d.92.c.1  
 Partes dextræ sinistris præstantiores. 215.c.1  
 Acutius sentiunt. c.2.b  
 Partes internæ an extimis calentibus frigeant. 217.col.2.  
 Partium corporis humani in vtero materno conformatio. 799.  
 Pars corporis omnium aliarum princeps quæ dicenda. 811.c.2.a

ex Partu violento quæ incommoda. 799.c.2.d  
 Partus iudicium quale. 971.c.1.c  
 Duplex est, naturalis & præternaturalis. d  
 Inter vtrumque differentia. ibid.  
 Paruuli propriè qui dicendi, & an in iis ægrotantes sanguinis missione curandi sint. 141.c.2.e  
 Passiones animi diurnarum febres & alia symptomata pariunt. 616.c.1.e  
 Pauperum siue laboriosorum hominum habitus & affectus. 671.c.1.e  
 Item Pauperum morum. c.2.a  
 Pausanias Sophista qua industria à paralyfi conualuit. 85.c.1.e  
 Pectoris calculus tussi proiectus. 248.c.2.d  
 Pedum oedema salis fomento curatum. 587.c.b  
 Pedes pituitosis tumoribus obnoxij. e.  
 Pedis in partes diuisio. 941.c.2.c  
 Pepones, biliosos morbos generant, & in bilem conuertuntur. 53.c.2.b  
 Pericardij inflammatio periculosa. 255.c.2.c.256.c.2.b  
 Pericardij substantia, & vsus. 932.c.1.e  
 Perinæum quid, eius inflammatio quibus curanda. 434.c.1.c  
 Peritonæi descriptio. 926.c.1.c  
 Substantia. d  
 Vsus. c  
 Peritia rerum visu & auditu comparatur. 833.c.2.d  
 Pestilens putridum & contagiosum an conuertantur. 150.c.2.c  
 Pestilentiarum omnis causa præcipua, putredo est. 151.c.1.d  
 Pestis quibus incommodis obnoxios relinquit quibus pericit. 82.c.2.d  
 in Peste pulsus & vrina cur, & quando secundum naturam videantur. 154.c.2.e  
 Pestis citra perniciem. 338.c.1.d  
 Venena super cor gestare an ad eius præcautionem & curationem conueniat. 339.  
 in Peste an venæ sectio celebranda. 342.c.2.  
 An è cubito mittendus sanguis. 343.c.1.b  
 Pestis horribilis historia. 753.c.2.e  
 Pestis quid? 754.c.1.c  
 Eius varia & horrenda symptomata. d.& seqq.  
 Pestis sæua Galeni, cruris scarificatione curata. 756.c.2  
 an in Peste ex inferioribus partibus sit aliquando mittendus sanguis. 756.c.2.& seqq.  
 Pestis in initio purgatio requiritur. 761.c.1.d  
 Ad eius tum seruationem, tum curationem theriacamirabilis. 763.c.2  
 Armenia terra. 775.c.2.c  
 Phantasiæ ex humore aut vapore cerebri occupante ortum habent. 843.c.2.c.844.  
 Pharmacorum vires in assuetis deperduntur. 873.c.1.d  
 Philonis Iudæi de liberiore vini potu sententia. 315.c.1.d  
 Philosophus à rabido cane commorsus aquæ potu liberatur. 843.c.2.a.844.c.2.d  
 Philosophus immortalitatem pollicens à Galeno ridetur. 952.c.1.e  
 Phlebotomia multa apoplexiam parit. 8.c.2.e  
 Phlebotomia capitis dolorem sedat in quinquagenario. 8.c.2  
 Ab ea cauendum est in senili ætate. 9.c.1  
 Phlebotomia è talo grauidis epilepticis admodum proficua. 59.c.2  
 Eius ope abortum procurans mulier feliciter parit. e  
 Phlebotomia è talo in grauidis epilepticis & bubonibus siue pestilentibus, siue Gallicis affectis, celebratur. 60.c.1.& 2.  
 A Galeno omnium primo. 61.c.1  
 Tum ab aliis principibus Medicis. c.2.& seqq.  
 Phlebotomia intempestiua abortum causatur. 62.c.2.b  
 Item immodica. e  
 Phlebotomia ad oculorum inflammationes summè necessaria

# Index Rerum.

- ria. 90. Qualibet hora diei exerceri potest. 91.C.1.a  
Phlebotomia prodigiosa Monachi cuiusdam ad oculo-  
rum inflammationem curandam. 91.C.1.C  
Phlebotomia non semper refrigerat. 109.C.2.C  
Phlebotomia è talo in menstrui suppressione celebranda.  
135.C.1.136.C.1.137.C.2.  
E cubito aliquando necessaria. ibid.  
Phlebotomia vsque ad animi deliquium quidam interiere.  
270.C.2.a  
Phlebotomia è talo an plus debilitet quàm basilicæ. 409  
Phlebotomia fluidum reddit corpus. 637.C.1.a  
Phlebotomia Sirij tempore nocua. 664.C.1.C  
Phlebotomiæ in fronte utilitas & quibus leuandis affe-  
ctibus proffit. 21.C.2.  
Phlegmone in pestifero vacuatio requiritur. 719.C.2.d  
Phrenitis ex puerperio retento hirudinibus internæ parti  
uteri applicatis, curatur. 6.C.2.C  
Phrenitis phlebotomiâ vsque ad animi deliquium, cura-  
tur. 14.C.2.e & 15  
A tenui meninge quæ originem ducit, periculosior.  
15.C.1.a  
Phrenitis confirmata, cucurbitulâ in syncipite scarificatâ  
curatur. 15.C.2.a  
Phrenitis sectâ in fronte venâ curata. 21.C.2.a  
Phrenitidis magnæ origo. ibid.  
in Phrenitide cautè purgatio assumenda. 21.C.2.e  
Phrenitis sæua artificiosè curata. 22.C.1.a  
Phrenitidi curandæ sanguinis missio necessaria. 22.C.1.e  
Phrenitis biliosa an purgantibus curanda. 111.C.2.  
Phrenitis cerebri inflammatio est. 224.C.2.d  
Phrenitis in lethargum quando mutatur. 666.C.2.d  
Phreniticus imaginatione non læsa, à iudicio tamen aberrans.  
23.C.1.a  
Alius contra sano iudicio, & læsa imaginatione. ibid.C  
Phrenitici cur vehementer moueantur cum obrusè sen-  
tiant. 26.C.2.C  
Phthifica solo sacchari rosacei vsu perfanata. 239.C.1.C  
Phthifici lacte alendi. 242.C.1.C.C.2.d  
Phthisis fontanellis brachij impositis alleuatur. 33.C.1.C  
Phthisis qua arte sanata. 237.C.2.d  
Est vlcerosa in pulmone dispositio. 237.C.2.C  
Phthisis an aliquando curabilis. 239.C.2.b  
Ebeni decocto sanata. 239.C.2  
Pica vterogentium affectus, eiusque descriptio. 507.  
C.1.C  
Pila foraminulenta ad æris putredinû arcendam. 10.C.1.C  
Pilæ paræ ludus à veteribus commendatus. 53.C.1.b  
Epilepticis obnoxius. C.1.C  
Pilularum vsus à Græcis, non ab Arabibus inuentus. 3.  
C.1.C  
Pilularum fœtidarum vsus. 947.C.2  
Piri quibus medicamentis generantur. 3.C.2.C  
Pilus ebibitus mammarum inflammationes facit. 234.  
C.2.a  
Huius rei falsitas ostenditur. C.d  
Pilorum in vrina generatio vnde. 418.C.2  
Pilorum generatio, & vsus. 943.C.2.d  
Pili leporis frigidissimi & siccissimi. 259.C.1.d  
Pisces taxatiles frigidiores. 55.C.1.d  
Eorum vsus commendatur. C. & C.2  
Epilepticis concedi possunt. 56.C.1.a  
Pisces non aqua, sed luto, arena, aliis piscibus, &c. nu-  
triantur. 55.C.2.d  
Pisces dextro cordis ventriculo destituuntur. 8.5.C.2.a  
Pituita vitrea vnde, & an putredini resistat. 155.C.1.d  
Pituita gypsea an putrescere possit. 150.C.2.b  
Pituita vitrea an in corpore gigni possit. 355.C.1.b  
Pituitæ species quæ in sanguinem verti possunt. 678.  
C.2.b  
Pituita superflua qua ope à ventriculo abstergenda. 275.  
C.1.  
Pituita falsa quomodo fiat. 316.C.1.C  
Pituitosa in plenitudine parcius sanguis mittendus. 323.  
C. d.C.2.a  
in Plantis quem locum habeat respiratio. 649.C.1.C.d  
Planta Persica in natali solo lethalis in Ægyptum trans-  
lata fractus optimos producit. 791.C.1.C  
Plantæ cur quædam longioris, quædam breuioris vitæ.  
865.C.1.d  
Plenitudo corporis scarificationum vsu tenuatur. 8.  
C.1.a  
Pleuræ situs substantia, & vsus. 934.C.1.d  
Pleuriticus lentium esu mortuus. 218.C.1.d  
Alius ab adstringentibus. 219.1.b  
Pleuritis notha tumore extrinsecus orto, & suppurato, in-  
cisione curata. 203.C.1.  
Eius à vera pleuritide differentia. C.2.a  
Pleuritis sæuissima cum febre intra quattuor diem inser-  
ficiens. 203.C.2.C  
Pleuritis ascendens descendente deterior. 205.C.1.C  
Pleuritis quid. 204.C.2.C  
Pleuritidis exquisitæ febris, vel diaria, vel intermittens,  
aut nulla. 205.C.2.205.C.1.  
in Pleuritide à parte affecta sanguis mittendus. 609.  
C.2.a  
Pleuritis sæua cum magna debilitate lethalis. 213.C.1.C  
Pleuritidis cognitio an scientifica, an naturalis. 213.  
C.1.b  
Pleuritidis fraudulentæ exemplum. C.2.a  
Pleuritis lateris sinistri periculosior, quàm dextri. C  
Pleuritis citra venæ sectionem sanata. 219.C.1.d  
Quomodo venæ sectionis impedimentum sit. 219.  
C.2.  
Pleuritidis in descendens initio qua ratione purgatio  
celebranda. 220.C.2.C.221.222  
Pleuritis ex menstruo retento an periculosa. 446.C.1.C  
Plinius in extrahendo à venis hæmorrhoidalibus sangui-  
ne, hirudinum vsu primus aperuit. 7.C.1.C  
Plumbum quid nocumtenti pluuiæ aquæ in generet. 13.  
C.2.d.C  
Quid eius limatura corpori humano. 14.C.1.a  
Plumbum Saturno assimilatur, & melancholicum est.  
13.C.1.a  
Lethalia symptomata parit. b  
Plumbarij artifices cur pallidi? 14.C.1.b  
Plexus choroidis nomine quid veniat. 937.C.1.b  
Podagram vinum causatur. 9.C.2.d  
Podagricus Medici imperitia sine motu relictus. 584.  
C.1.b  
Podagricus frigido balneo leuatus. 389.C.1.C  
Alius opiatu applicitis curatus. C.2.C  
Alij iteratis vacuationibus & victus tenuitate sanati.  
592.C.1.C  
Poetæ cur vinosi crediti. 315.C.1.d  
Poma Appiana an eadem quæ Camusia? 68.C.2.C  
Cardiaca sunt, & melancholicum humorem contem-  
perant.  
Portus ad crassos humores incidendos aptissimus. 291.  
C.1.d  
Portulacæ succus hæmodiam sanat. 838.C.1.b  
Posca, Græcis phusca, vulgò oxycratum ebrietatem sanat.  
599.C.1.C  
Posca siue oxycratum cur crassos humores attenuat. 872.  
C.2.d  
Potentiæ rectrices seorsim lædi possunt, illæ aliis. 23.  
C.1.d  
Potentiæ animales cur fatigentur, naturales, verò mini-  
mè. 26.C.1.a  
Potentia sensitiua quid differat à motiua. 26.C.2.C  
Potatio nimia.  
Vide Ebrietas.  
Potio frigida quid & quibus paranda. 351.C.2.a  
Potus frigida an ante coctionem ad satietatem conce-  
dendus. 277.C.2.  
Eius commoda. d  
Potus frigida intempestius an nocere possit. 359.  
C.2.d  
Vide aqua.  
Potus necessarius, è naturalis, aqua. 598.C.1.d  
Potus immutat pulsum. 891.C.2.C  
Præpara



# Index Rerum.

Præparatio in coctione quid.	667.c.1.d	Pulsus ferrinus qui dicatur. An perceptibilis.	294.c.2.b
Prandium quibus lautius sumendum.	618.c.2.e	Eius tres causæ explicantur.	c.1.b
Priapismus quid?	526.c.1	Pulsus durities siccitatis in corpore excessum arguit.	617.c.1.c
Eius à Saryriasi discrimen. d		Pulsus mutationes in diariis.	622.c.1.a.b
Eius causæ.	e.& c.2.b	Pulsus æqualitas in diariis febribus.	621.c.2.a
Curatio.	d.& 527	Eius inæqualitas duplex. b. c	
Priapismus in senē prodigiosus.	518.c.1.c	Pulsus caloris febrilis, & cuiusvis cordis affectus indicium.	626.c.2.b
Primigenes Mitylenæus à balneo abstinens febri corripiebatur.	605.c.2.d	Pulsus magni, & parui in febribus vnde.	628.c.2.c.d
Principes viri, siue diuites quibus affectibus obnoxij.	671.c.1.d	Pulsus facultatis vitalis signum.	629.c.2.e
Parce purgandi.	ibid.	Item coctionis.	ibid.
Priuario quid.	27.c.2.d	Pulsuum in vsu mutatione facta, an etiam fiat in differentijs.	631.632.633.634
Eius forma nulla.	ibid.	Pulsuum differentiarum quo ordine comparentur.	632.633
Processus mammillares in quibus odoratus organum constituitur.	937.c.1.c	Pulsus coarctatio febrium putridarum signum infallibile.	650.c.2.d
Proprietates attractrices quæ?	43.c.2.e	Eius inæqualitas explicatur.	ibid. & seqq.
Proprietates occultæ experientiis astruendæ.	38.c.1.d	Pulsus paruus & inæqualis quomodo distinguuntur?	651.col.1.b
Pseudohydrops vteri, in grauida pronatus, profunda scarificatione curatus.	60.c.2.a	Pulsus durus quid?	ibid.c.2.b.c
Ptisanæ, eiusque cremoris vsus.	225.c.2.c	Quis fortis.	ibid.d
Quæ probatur. d		Pulsus dexter sinistro præstantior.	820.c.2.e
Ptisanæ suavis, lubrica, & ventrem molliens.	618.c.2.b	Pulsus an rectè à Galeno definitus.	876.c.1.b
Ptyadis serpentis vis.	807.c.1.a	Pulsus an morus sit naturalis, an animalis, vel immediate ab anima aut potentia aliqua emanet.	878.c.2.879. & seqq.
Puella napello præsentī veneno nutrita, cuius concubitu homines, & saluā animantia necabantur.	47.c.2.a	Pulsus causæ naturales, finalis triplex.	879.c.1.e
873.c.1.b		Pulsus motus & quies an in respiratione sibi proportionē respondeant, & an in illis distentio præcedat.	884.c.1.d. & seq.
Pueros repentino pauore terrere periculosum.	51.c.2.b	Pulsus & respiratio an ad vitam æquē necessaria.	ibid.c.2.d
Pueri raro purgandi.	ibid.c	Pulsus partes omnes an à Medico percipi possint.	887.col.1.e
Pueri an ante 14. ætatis annum phlebotomandi.	141.143.c.1.d	Pulsus contractio quando percipiatur.	ibid.c.2.d
Pueri cur vesicæ calculo magis laborent quàm senes.	513.c.1.e	Eius distentio. e	
Puer mero epoto febri violenta, delirio, & vigilia correptus interiit.	687.c.2.e	Ex quibus partibus pulsus componitur.	888.c.1.a
Pueri cur senibus magis dormiant.	917.c.1.d	An in omni pulsu detur duplex quies. c	
Pulegium in epilepsiam valet.	839.c.2.c	Pulsuum differentiarum decem. Prima ex quantitate distentionis arteriarum.	888.c.1.e
Nutricibus ac pueris nocuum.	c.2.a	Secunda ex qualitate percussionis arteriarum.	c.2.a
Pulli columbini an in bonis cibis censendi sint.	265.c.2.	Tertia ex tempore morus. Quarta ex essentia instrumenti. Quinta ex quantitate repletionis, vel vacationis arteriarum. Sexta ex qualitate arteriarum. b	
Pulmonis ægrotudines fonticulorum ope sanatæ.	33.c.1.e	Septima ex iduum intervallo. Octaua, & Nona ex consequentibus. Decima ex consentanea & differentia.	ibid.
Pulmonis vomica aliquando per vrinam purgatur.	229.c.1.a	Pulsus combinatio quæ?	889.c.1.a
Pulmonis vlcus qua ope curandum.	240.c.1.b	Pulsus longus qui?	
Pulmonis vlcus lactis & panis similæ vsu curatus.	242.c.1.d	Duplex eius differentia. d	
Pulmonis vlcus lacte, & præsertim muliebri curandum.	243.c.1.b	Pulsus dupliciter moderatus. c	
Pulmonis hydrops thoracis sectione curanda.	402.403	Pulsus longus quid præfagiat.	889.c.1.d
Pulmonis inflammatio pulsū mutat.	897.c.1.c	Pulsus latus quis, & eius causa. e. Quid indicet.	c.2.a
Pulmonum substantia, situs, diuisio & officium.	932.col.1	Pulsus altus, & humilis.	ibid.
Pulsatio an omnibus animantibus communis.	878.c.1.d	Pulsus magnus, exquisitus, & minus exquisitus. b.	
In plantis & ostreis nulla.	ibid. & 883.c.1.c	Vtriusque causæ. c	
Pulsus verno tempore vehementissimi.	78.c.2.b	Pulsus maximus à virtute forti. d	
An etiam autumnali	d. & 79.c.1	Pulsus parum & eius causa. e. Quid denotet.	ibid.
Pulsus variis modis agitatus perturbati animi indicium.	79.c.2.a	Pulsus paruus & mollis periculosus.	890.c.1.a
Pulsus durities inflammationibus omnibus communis.	148.c.1.b	Pulsus robustus, seu vehemens qui?	b. Eius causæ. ibid.
Pulsus in graui peste cur secundum naturam videatur.	154.c.2.c	Pulsus debilis vnde?	c
Pulsuum notitiam perfectam an assecutus sit Galen.	188.col.1	Pulsus vehementis causæ non naturales. d	
Pulsus inæqualitas duplex.	189.c.1.b	Pulsus naturalis qui dicatur. d. e	
A sanguinis copia oritur.	190.c.1.d	Pulsus vehemens an semper sit naturalis.	c.2.a
Pulsuum tangentibus quid obseruandum.	190.col.2.b. & seq.	Pulsus celeris, & tardi causa. b. c	
Pulsus intermittens, sed naturalis cognitio.	261.col.2.c	Pulsus mollis, mediocris, & accidentalis differentia.	890.c.2.d.e
Eius causæ lethales.	263.c.1.	Pulsus durus in quo à vehemēti distinctus.	891.c.1.a
Intermittentia vnde originem ducit. c		Tripliciter fit. b. Quid portendit. c	
In iuuenibus lethalis.	ibid.	Pulsus pleni & vacui differentia. d.	
A natura, & à morbo progignitur. d		Pulsus crebri, rari, & mediocris differentia. c. 2.a. Causæ. b	
Pulsus naturalis consideratio duplex.	284.c.1.c	Pulsus Eurythmus, & Arithmus. d	
		Pulsus æqualis, & inæqualis differentia.	892.c.1.b

# Index Rerum.

- Pulsus ordinati, & inordinati discrimen.** 892.c.1.d  
**Vter sit præstantior. c**  
**Pulsus inæqualis continuus qui.** c.2.b  
**Pulsus intercutis, siue interruptus. Dicrotus, siue bipulsans, aut recurrens c. d**  
**Pulsus vibrans; siue arcuatus.** ibid.  
**Conuulsivus, siue retortus, chordosus, siue spasmodicus, c**  
**Pulsus vndosus vnde sit.** ibid.  
**Pulsus vermicularis.** ibid.  
**Pulsus ferrinus.** 893.c.1.b  
**Pulsus decurratus, mutilus myurus.** ibid.  
**Intercidentis, deficientis; aboliti differentia. c.d.e.**  
**Pulsus hæcticus qui?** c.2.a  
**Pulsus generationis, & alterationis causæ.** 893.c.2.c  
**Caulæ continentes.** ibid.  
**Pulsus alterationis causarum diuissio.** 893.c.2.c.894  
**Pulsus femineæ temperamentum. b**  
**Puerorum. c**  
**Iuuenum. d**  
**Senum. e**  
**Pulsus ratione anni tempestatum mutatur.** 895.c.1  
**Pulsus ab exercitio mutatur.** 896.c.2.b  
**A balneo.** ibid.  
**Ab vteri gestatione. c**  
**A dolore. d**  
**Inflammatione. e**  
**Humoris affluentia.** 897.c.1.a  
**Ab animi affectibus. d**  
**A virium impetu, & conatu. c**  
**A gaudio. c.2.a**  
**Tristitia. b**  
**Timore. c. Amore. d**  
**Pulsus à regionibus immutatio.** 881.c.2.c  
**A cibo, & potu. d. e. Ab aqua.** 892.c.1.a  
**A somno. b. A vigilia. e**  
**Purgatio præcautoria ineunte vere celebranda. 51.c.2.d.e**  
**Purgatio in febribus celebranda.** 110.111  
**Quod tempore.** ibid.c.1.c  
**Purgatio reuulsiva in initio inflammationes cerebri celebranda.** 111.c.2.c  
**Purgationes caniculæ tempore intempestivæ. 664. col. 1. c. d**  
**Cur tunc laboriosæ. c**  
**Purgationes quibus in febribus concedendæ. 667.c.1**  
**Purgatio humores vacuat, non vi pharmaci, sed ob vasorum dilationem.** 668.c.1  
**Purpura quid.** 284.c.2.c  
**Pus in cavitate thoracis contentum per aluum, & urinam eodem modo expurgatur.** 229  
**Pus lipidum, rubrum, nigrum an aliquando ad bonum indicet.** 456  
**Puris incipientis signa.** 457.c.1.c  
**Puris generatio opus est medium inter calorem naturalem & præternaturam.** 611.c.2.d  
**Pus, quid, & vnde?** 655.c.2.c  
**Pustulæ vlcerosæ in facie fontanellâ in crure aperta, & aliis auxiliis curatæ.** 346.c.1.a  
**Pustulæ in facie inueteratæ, hirudinibus curantur.** 51.c.2.b  
**Putredo est de essentia contagij.** 150.c.2.b  
**Eiusque præcipua, communis causa.** 151.c.1.a  
**putredo omnis pestilentia causa. d**  
**Putredo non semper in corporibus manifesta, sitque citra febrem.** 151.c.2.b  
**Putredini omnia, excepto igne subiiciuntur. 152. col. 1.**  
**Putredo calor non est, sed caloris causa. 155. col. 2. 156.c.1**  
**Putredo an causa immediata febris.** 202.c.1.d  
**Putredo non sola sanguinis missione curatur. 208. col. 2. b**  
**Putredo tumorum, & vasorum similis.** 212.c.1.c  
**Putredo an ab Aristotele, & Galeno rectè definita? 641.c.1. e, & c.2**  
**Putredo mixtis solum perfectis conuenit.** 642.c.1.d  
**Putredo an per corruptionem aut potius alterationem definienda?** 642.643  
**Putredo an à caliditate ambientis oriatur.** 643.c.2.a.b  
**Eius essentia in quo consistit?** 644.c.1.b.c.d  
**Putredo an à prohibita transpiratione perpetuo oriatur.** 644.645  
**Putredinis causa efficiens calor extraneus.** 644.c.2.a  
**Materialis, humiditas. b**  
**Formalis, corruptio ipsa. c**  
**Finalis, incineratio.** ibid.  
**Putredinis varietas vnde?** 645.c.1.d.e  
**Putredo quibus ex causis in febribus intermittentibus, & remoribus accedit.** c.2.a  
**Putredo, an possit circa prohibitam transpirationem generari.** 645.c.2.c.646.c.1.c  
**Putrefactio generalis & violenta, & quid utraque? 643. c.1.c**  
**Cur dicta finis omnium naturæ constantium.** ibid.  
**Putrefactio in febre vnde emanat?** 640.c.1.a  
**Putrescentia omnia calorem concipiunt.** 155.c.2.c  
**Putridum, pestilens, & contagiosum differunt. 150.c.2.c**  
**Putridum quomodo potest saluum euadere.** 317.c.1.a  
**Pylori officium.** 29.c.1.b  
**Pythagorici primi dierum criticorum inuectores. 979. c.1.c**  
**Quorum, & aliorum sententia refellitur.** c.2
- Q**
- Q** Vadrapedum esus epilepticis prohibitus. 54.c.1.d  
**Qualitas nuda an epilepsiam causari possit. 30.c.1.e**  
**Qualitatum primarum temperamento nulla tribuitur similitudo.** 43.c.2.b  
**Qualitatum omnium intemperies an dolorem concitare possit.** 559  
**Qualitas vnica nullis in substantiis inferioribus reperitur.** 616.c.2. a  
**Quartana febris superueniens epilepsiam sanat. 57.c.1.d**  
**Item frigidos omnes & humidos affectus. e**  
**Quartana purgatione curatur.** 722.c.1.a  
**Theriaca.** 724.c.1.b  
**Admirandum Galeni circa duplicem quartanam præfagium.** 727.c.2.e  
**Quomodo ex pulsu dignoscit possit.** 728.c.1.d  
**Quartana ex liene ferè lethalis.** 731.c.2.d  
**Quintana febris omnium securissima.** 57.c.2.a  
**Quies calidis & siccis naturis utilis.** 611.c.1.c  
**Quies quomodo coctionem iuuat.** 297.c.1.a  
**Quinque Itali quinta essentia auri commendatur. 70.c.1. c. d. e**  
**Quotidiana calidos & siccus nunquam corripit. 718. c.1.d**
- R**
- R** Abies quid? 840.c.2.d  
**Furorem concitat. e**  
**Rabies an morbus contactu, an ad distans contagiosus.** 841  
**An laceratio cutis ad eam necessaria. c**  
**Rabiei signa fusè describuntur.** 842.c.1.c.d.c.2.a.b  
**Rabie non canes soli, sed & alia animantia corripuntur.** 846.c.2  
**Rabiei præstantissimum auxilium.** 847.c.1.b  
**Rabiosorum stupendæ historiæ.** 841  
**Rabiosi cur tantopere aquam, & alia humida paueant. 842. c.2.d.e. & 843**  
**In eorum urina corpuscula catulis similia conspiciuntur.** 844.c.1.c  
**Rabiosi inter maniacos numerantur.** 845.c.1.c  
**Balneo, & aquæ potu curantur.** 844.c.2.c  
**Non omnes incurabiles.** 845.c.2.b  
**Raphani semen, cortex, radix vomitorij lenissimum genus.** 275.c.2  
**Eius**

## Index Rerum.

Eius proprietates.	ibid.	Romani sui homicidae sapientes habiti.	194.c.2
Raphanus digerit, & non digeritur, prouerbum Arabicum explicatur.	275.c.2.e	Res melli generando aptus.	950.c.1.e
Raucedo fonticulis alleuatur.	35.c.1.e	Rosarum persicarum succus cum aqua saccharata eporus abstergit, roborat, &c.	242.c.1.c
Reccidia peior sua radice,	107.c.1	Rotulus idem ac libra.	90.c.1.d
Quando futura cognoscitur. c		Ructus est ventriculi affectio, unde fit.	276.c.1.a
Recti intestini descriptio.	925.c.2.c	Cur iumenta cornigera, nec aues ructent.	ibid.
Reductio fit per æqualia contraria, quid in ea mutatur.	198.c.2.e	Rumex acidus in rabidi morsus & scorpionem virulentiam præsens remedium.	847.c.2.a
Refectionis tempus apud vterque.	619.c.1.b.c	Quatuor eius species.	ibid.
Apud Romanos d		Rusticus rabie percussus, mortis proxima liberos de- osculans eos inficit.	841.c.2.a
Apud Hebræos. e		Rustici prano alimento vtentes, sanius viuunt quam no- biles probato.	52.c.1.d
Referigeratio in corpore humano quomodo consideran- da.	282.c.2.e	Ruta aduersus venena antidotum.	48.c.2.d
Vide Calefactio.		Rutæ odor epilepsiam sanat.	58.c.1.e
Refrigeratis an vena secanda.	181.c.2	Rutæ præferrim syluestris, vis & efficacia statim, & ve- nenatos affectus, eiusque à domestica differentia.	357. c.2.c
Refrigerij vsus omnibus corporibus viuifico calore præ- ditis necessarius.	885.c.2.c	Rutæ & centaureæ puluis cum mero eporus in aspidis ictum præiens remedium.	808.c.1.e
Non minuit cordis calorem, sed in officio retinet. d		Rythmus duplex. quid pulsus eurythmus, quid arhythmus.	891.c.2.d. Vide Pulsus.
Regionum diuersitas puluum motus variat.	885.c.2.c		
Vide Pulsus.			
Regulus, & Basiliscus synonyma.	805.c.2.e		
Vide Basiliscus.			
Remediorum immutatio an in morborum curatione fit in vsu.	4.c.2.c		
Oprima est dummodo virtute sit eadem.	5.c.1.a		
Remora pisciculus nauem currentem cohibens.	39. c.2.d		
Renum dolor cum vrina nigra à frigiditate subortus, ca- lidis curatus.	410.c.1.d		
Renum calculus Balsamo curatus.	411.c.2.e		
Item troglodytica auis ope.	414.c.1.c		
Renum trichiasis explicatur.	419.c.1.d		
Renum sedes, & figura.	929.c.2.a		
Resistentia triplex acceptio. c			
Resolutio partium exquisita quæ dicatur, quæ non ex- quisita.	85.c.2.c		
Respiratio sponte cohibita mortem Barbaro seruo intulit.	192.c.2.c		
Respiratio calor excessum indicat.	626.c.2.b		
Respirationis necessitas.	648.c.1.c.c.2.d		
Non semper utilis cordi.	649.c.1.b		
Quomodo locum habet in plantis. c			
In lapidibus & duris corporibus. d			
Respiratio & pulsus an sibi proportionate respondeant.	884.c.1.& seqq.		
Respiratio & pulsus an ab vna & eadem causa immuten- tur.	884.c.2.c		
An eo modo se habeant in præfagiendo. d			
An sint ad vitam ex æquo necessaria. c			
In Respiratione & pulsu quæ prior antecedit distentio. an constrictio.	885.c.1.c		
Reuulsio venæ sectione promptè celebratur.	22.c.2.a		
Reuulsio commodissima quæ?	210.c.1.c		
Reuulsio ad contraria triplex est.	211.c.1.b		
Rhabbarum quomodo bilem attrahit.	668.c.2.e. 669. c.1.c.d		
Rhodofaccarum phthisicis inutile.	242.c.1.a		
Vide Saccharum.			
Rhu proprietas adstringens & corrugans.	148.c.1.c		
Rigor an febri initium?	601.c.2.a		
Contingit aliquando sine febre. b			
Rigori febri somnus triplici ex causa nocius.	630		
Rigoris fine curatio.	693.c.1.e		
Cur aliquando febrem inducat, aliquando non. ibid.			
vnde Rigor sine febri.	694.c.1.a		
In Rigore an moueatur humor per partes internas, vel externas.	694.c.2		
Rigoris differentiæ. c			
Quomodo definiendus;	695.c.1.b		
An sit motus voluntarius. e			
Eius causæ.	696.c.1.b.& seqq.		
Romanorum exercitium ad vires, & corporis sanitatem conciliandam.	148.c.1.a		
Romanis climatis temperamentum.	164.c.1.b		
		S	
		Sacchari vis cardiaca explicatur.	240.c.2.b
		Sacchari temperamentum. d. c	
		Nostrium ab antiquo non discrepat.	241.c.1.d
		Sacchari rosati artificium.	240.c.2.b
		An sit ex vsu phthisi, febribusque curandis.	241.c.2.e
		Sacerdotes Romani cur canis, & capræ tactu abstinerent.	839.c.1.b
		Saligni admotus cur crepitum mouet.	315.c.2.e
		Salua quid eiusque vsus.	206.c.2.d
		Eius differentiæ. b. Effectus eius mirabilis. c	
		Salua ieiuni hominis in viperæ venenū.	43.c.1.c.903.c.1
		Salua humana aduersus mortiferos animalium ictus presentaneum est antidotum.	902.c.2.d
		Vide Sputum.	
		Salomon an incantationibus, & coniurationibus ad Dæ- mones fugandos, morboque curandos vsus sit.	156.c.2. b.158.c.2
		Salsedo maris unde oritur.	315.c.2.d
		Salsedo cur magis pituitam afficit quam alios humores.	317.c.1.b
		Salsa cur non odora.	315.c.2.e
		Humorem salinum abstergunt.	316.c.1.a
		Saluatellæ sectio in oculorum affectibus commendatur.	91.c.2.a.b
		In hepatis inflammatione.	ibid. & 93
		cur Saluatellæ dictæ, & ubi sitæ. c	
		Saluatellæ sectio quibus leuandis affectibus inuet.	94. c.2.a
		Saluatorēs, siue alexicaci Hispani an strumas aliōsve mor- bos curare possint.	156.c.1.a.158.c.1
		Pessimi sunt.	157.c.1.a
		Sanguis ad syncopen usque an aliquando mittendus.	15. c.2.c. & 16.
		Vide Phlebotomia.	
		Sanguis humanus ad curandos mobos utilis.	41.c.1
		Sanguis copiosus epilepsiæ, & aliorum affectuum causa.	45.c.1.c
		Sanguis est nectar viuificum ad animantis conserva- tionem.	8.c.2.e
		Sanguine ex corruptio sanguinis missio indicatur.	208.c.1
		Sanguis in initio morborum mittendus.	211.c.2.b

# Index Rerum.

Sanguis naturæ thesaurus, & filius eius dilectus. 635.	Eius causa humor crassus. e
col. 1. d	In initio curationem admittit. 372. c. 1. b
Sanguinis missio quibus in febribus necessaria. 636.	Ad hepatis scirrhum hydrops necessaria, e
col. 1. c	Vide Hepar.
Vide Phlebotomia.	Scirrhi lienis causa. 279. c. 2. e
Sanguis dum putrefit, fit bilis, quomodo intelligendum? 652. c. 1. d. & seqq.	Curatio. 380. c. 2
Sanguis putrescens non facit febrem putridam, sed tantum dispositionem ad illam. 654. c. 1	Scorpenæ marinæ ictus virulentus, eiusque curatio. 823. col. 2.
Sanguis humanus in epilepsiam præstantissimus. 839. col. 1. e	Scorpiones alati. 797. c. 1. b
Sanguinis menstrui causa. 135. c. 1. a	à Scorpione ictus frigidum exudans multo labore sanatus. 800. c. 2. c
Eius malignitas unde. d	Scorpius cœlestis. 800. c. 2. e
Suppressus quibus morbis obnoxias mulieres efficiat. c. 2. a	Scorpius piscis. ibid.
Nulla corporis pars ab eius læsione libera. b	Scorpij mares nocentissimi, fœminæ minus. 801. c. 1. a
Sanguinis missio ab Hippopotamo animante hominibus tradita. 138. c. 1. a	Eorum genera nouem numerantur. ibid.
Sanguis arterialis putrescere potest. 152. c. 2	Scorpius infectibile animal viuiparum. b
Sanguinis spumosi expositio pulmonem affectum indicat. 164. c. 1. d	Eius virulentia vis. ibid.
Pluribus ex partibus excinitur. c. 2. a	Symptoma. c
Sanguinis vomitus qua arte sanatus. 183. c. 1	Eius morsus curatio. d. e
Hæmagogæ herbæ vi excitatus. 184. c. 1	Scori Doctori mors prodigiosa. 65. c. 2. b
Sanguis à liene profluens à ventriculo vacuari potest. 183. c. 2. c	Scrophulis curandis vtilissimum medicamentum. 148. c. 2. c
Sanguis per accidens medicamento purgari & euacuari potest. 184. 185	Scrophularum malignitas. 156. c. 1. e
Sanguinei cur diutissime viuunt. 186. c. 1. c	An verbis, incantationibus, characteribusque curari possint. c. 2. & seqq.
Sanguinis generatio ubi fiat. 186. c. 1. d	Scythæ vinum abhorrentes. 598. c. 1. d
Qua proportionem cum aliis humoribus in corpore abundet. c. 2	sectio emortui membri an à parte sana exequenda. 87. col. 1
Sanguisuga. Vide Hirudo.	sectio corporis vini aliquando necessaria. 922. c. 2. d
Sanitas hominis sani an ægro corpori communicetur. 301. c. 2. d	Vide Anatome.
Sanitatis tutela an ex ciborum varietate petenda. 326. c. 1. d	Secundinæ torrefactæ pulueris mira facultas. 379. c. 2. c
Sanitas in actionum perfectione consistit. 609. c. 2. a	Sedimentum nigrum ab affato sanguine ortum non semper pessimum. 321. c. 1. d
Sanitas & morbus quomodo inter se opponuntur. 864. c. 2. e	Sedimenti materia in sanis, an portio chyli incoacta, & diuersa à materia sedimenti ægrotum. 859. 860. & seqq.
Sanitatis descriptio Galenica. 865. c. 1. a	Sedimentum in ægris quid? 860. c. 2. e
Definitio. ibid.	Sedimenti albedo an à calore naturali an præter naturam. 862. c. 1. e & seq.
Sanitas optima an diutissimæ vitæ. b	Sedimenti optimi conditiones. ibid. & 863
Sanitatis species, & differentiæ. 865. c. 1. c. c. 2. a	Cur redditur album. 862. c. 2. b
Sanitas an species infima. b	Cur minus albet quàm pus. d
Multiplex constituitur. c	Cur minus fœteat. 863. c. 1. d
An ægitudini contraria. e. & 866.	Cur ad pyramidis figuram declinet. c. 2. a
Sani an in cibis assumendis varium ordinem obseruare debeant. 532. 533. 534	Semen retentum, & corruptum in naturam veneno finitimam abit. 31. c. d
Sanus triplici ex causa ægrotare potest. 865. c. 1. d	Seminis in vtero retenti incommoda. 267. c. 1. b
Sapor dulcis in quo positus. 306. c. 1. a	Cur in viris castitatem seruantibus non contingant. c.
Sapphirus ictos à scorpione iuuat. 39. c. 2. a	An liceat semen extra vasa frictionibus elicere summa urgente necessitate, c
Satiricis cuiusdam rabie correptæ memorabile exemplum. 846. c. 1. a	Semen corruptum plus nocet quàm menstruum. 474. col. 1. e
Satietas post transactam famem nocentissima. 310. c. 1	Semen fœcundum an generent fœminæ. 475. c. 1. 476. & seqq.
Satyriasis siue Satyriasmus quid? 170. c. 1. d	Seminis motus non est pulsatio, sed palpitatio à substantia flatuosa. 880. c. 1. d
Scabies crustola in volis manuum à squallido hepate manat. 93. c. 2. e	Senectutis marasmus in iuuenē curatur. 748. 749
Scammonium qua arte præparandum. 348. c. 1. a	Senum curatio maximè obseruanda. 8. c. 2
Scammonij vis fraudulenta, an pituitam prius quàm bilem attrahat. 667. c. 2. a. b	An phlebotomari debeant. 9. c. 1
Scapulæ omoplata, scoptulum opertum ad quid institutum. 941. c. 2. a	Senes cur ieiunium facile ferant? 19. c. 1. b
Scarificatio in mensium suppressione quando phlebotomia præferatur. 7. c. 2. c	Senes quid vtilitatis ex somno referant. 27. c. 1. e
Menses hæmorrhoidalesque accelerat. ibid.	Senes cur renum lapillis frequentius laborent quàm vesica. 443
In pleuritidis, & hepatis inflammatione dolorem discutit. ibid.	Senes noctu parcius cibis vtantur. 618. c. 2. c
Scarificationis triplex species explicatur. ibid. d	Senes cur ebrietate cito rententur. 59. c. 2. d
pestilentia Scarificationis auxilio vitata. 7. c. 2. d	Senes tertiana laborans, frigidus, & humido victu persanatus. 705. c. 1
Scarificationes in cruribus grauidis epilepticis debilioribus faciendæ. 59. c. 2. d. 940. c. 1. e	Seni & iuueni æqualiter febrientibus an eadem, vel minus frigida remedia præstanda. 705
Sceleri doctrina Medico valde necessaria. 921. c. 1. d	Sedibus generosi vini vsus perutilis. 954. 955
Scillæ quibus morbis remedio est. 56. c. 2. a	Senforij primi refrigeratio an somnum efficiat. 916. col. 2
Scirrhi differentia duplex. 371. c. 2. c	Sensus communis externorum sensuum origo 26. c. 1. e
	Sensus in passione fit. 216. c. 1. e
	Sensus circa proprium sensibile non errat. 610. c. 1. d
	Sensus



# Index Rerum.

- Sensus an aboleri possit motu seruat. 803.c.1.c.& seqq.  
Sensus & motus separari non operantur. 804.c.1.c.& c.2.  
Sensus ad quid animantibus datus. 837.c.1.a  
Separatio in coctione quid? 677.c.2.c  
Septimestris nutrientibus emplastris vmbilico admodis  
septem diebus nutrita. 20.c.1.a  
Septimestris femina abortum procurans,secta è talo vena,  
feliciter peperit. 59.c.2.c.60.c.1.d  
Septuagenarius phlebotomatus repente moritur. 9.c.1.c  
Septi transuersi munus vnde transuersum dicitur, cur à  
veteribus phrenes. 226.c.1.c.c.2  
Eius inflammatio delirium perpetuum inducit. 227  
Eius cum cerebro consensus. 228.c.1.c  
Septi transuersi descriptio. 934.c.2.d  
Vide *speculum lucidum*.  
Serpentum quorundam perniciosum venenum. 796.  
c.1.d  
Serpentis alati in India. 797.c.1.b  
Serpentibus fugandis & aëre tuto reddendo varia reme-  
dia. 797.c.1.c.d  
Serpentes anima, hoc est spiritu cerui vruntur. 900.  
c.1.b  
Serpentis inter hominem dissidium ex humana salua ma-  
nifestatur. 903.c.1  
Serpentes auarissime vinum sitiunt. 908.c.1  
Serum lactis quibus affectibus medeatur, & qua arte pa-  
randum, & exhibendum. 376.c.2.377.c.1  
Seri ab vrina distinctio. 849.c.2.b  
Serones quando applicandi. 35.c.1.d  
Serum caprinum cum taurino felle permixtum in Epi-  
lepsiam. 839.c.2.d  
Sextarius vini quid? 661.c.1.c  
Sextans quid? ibid.  
Siccitas est lima caloris. 616.c.2.c  
Siccitas à proprietate sua non attrahit. 670.c.2.b.c  
Siderum coniunctiones quas rerum mutationes ingene-  
rent. 44.c.1.b  
Sies, puluis albus, collirium album, oculorum inflam-  
mationis remedium. 90.c.1.c  
Signa morborum lethalia quæ? 659.c.1.b  
Signa lethalia non semper mortem afferunt. 675.c.1.b  
Silentium cur somnum accersit. 917.c.1.b  
Silicernium, funebris conuiuij veterum appellatio. 620.  
c.1.b  
Siliquæ Egyptiæ liquoris facultas. 106.c.1.c  
Simiæ omnium animantium homini simillimæ. 257.col.  
1.c  
An eas, non humana cadauera secuerit Galenus. 256.c.  
2.c.257  
Vinum appetunt. 908.c.2.a  
Simila quid ex eaque confecti panis facultas. 242.c.2.a  
Sepermatia membra quæ dicantur. 476.c.1.c  
Similia quænam se inuicem trahant? 44.c.2.c  
Similia vni tertio sunt similia inter se, Geometricum princi-  
pium explicatur. 668.c.1.c  
Similitudo alia in specie & non in gradu, & alia in spe-  
cie & gradu. 49.c.1.c  
Singultus ex caliditate ortus frigidis curatus. 317.c.2.2  
An sit pulmonis passio. c.& 318.c.1  
In febribus ab acris & venenosis halitibus adue-  
niens, periculosus. d  
Singultui ex calore suborto qua arte opitulandum. 318.  
c.2.c  
Siphac barbara vox, aliàs peritonæum. 926.c.1.c  
Siracost vox Arabica manna significans. 638.c.2.a  
Sir-sen vox Persica, quid sonet. 105.c.1.d  
Sini enectorum historia. 310.c.2.c  
Sitis immediata causa an siccitas in ore ventriculi. 311  
Cur non semper tamen præcedit. c.2.a  
Sitis morbofa & præter naturam vnde oritur. 311.  
c.1.d  
Sitis ex phlegmate salso orta, salis cibis curata. 315.c.2.  
316.c.1.b  
Sitis meti potu augetur non sedatur. 317. col.  
1. d  
Sitis an intensior concitetur in diabete, quàm in causo.  
422.c.1. b  
Sitis origo. 651.c.2.a  
Smaragdi vis in epilepsiam. 38.c.2.c  
Cerebrum iuuat. 39.c.1.c  
Smaragdus occulta sua qualitate cæteris lapillis præstat.  
40.c.1. d  
Pollex contra venena, & pestem. c.c.2  
Smaragdus ventri imposita dysenteriam venenosum cu-  
rat. 901.c.2.b.& seqq.  
Sobrietas & continentia vitam protrahunt. 962.c.1.a  
Sol an ignem producere possit. 297.c.2.d  
Eius calor ab igneo non differt. c  
Eius vis in plantas, & fructus. 298.c.1.a  
Et omnia hæc inferiora. b  
Eius vis penetratiua. c.& c.2  
Sol ignis genitor, eius efficacia in superiora & inferiora  
corpora. 958.c.1  
Solutio continui partibus similaribus & organicis non  
est communis morbus. 867.c.2.d. Vide *Continuum*.  
Somnus corpori quando accidit. 24.c.1.a  
Eius causa. d  
Quomodo amissus reparatur. ibid.& c.2.c  
Somnus quid. 25.c.1.b  
An ligamentum primi sensorij. d  
Quomodo definiatur ab Auicenna. e  
Vera eius definitio. c.2.a  
Natura. b  
Cur non inest plantis. c  
Somni necessitas vnde? 26.c.1.b  
Quomodo dicatur affectus. 27.c.1.c  
Vtilis senibus. c  
Eius causæ. c.2  
Necessitas. ibid.  
Somni causa communis. 28.c.1.a  
Differentiæ. c  
Effectus. d  
Somnus an vacationes omnes cohibeat. 321.c.2.c  
Vrinam mouet. 321.c.1.a  
Sudores prouocat. c  
Somnus in rigore febrili triplici ex capite nocuus. 630.  
c.2.a. b  
Naturales operationes roborat. 630.c  
Quando naturalis. d  
Somnus quo pacto pulsus mutationem faciat. 896.c.1  
Dide *Pulsu*.  
Somnus mortis frater. 912.c.2.d  
Mors temporaria. e  
Eius descriptio poetica. 913.c.1.a  
Somnus ad quid destinatus. 913.c.1.c.c.2.a  
Eius officium, & finis. b. c  
sine somno quidam diu vixerunt. d  
Somni commoda & quibus medeatur morbis. 914. col.  
1. c  
Somni diurni incommoda. c.2. b  
Somni immoderati. c  
Somnus an ab alimenti corpore, an ab anima agente oria-  
tur. 914.& seqq.  
Non est primi sensorij affectus. 915.c.1.a.b  
Est refrigeratio. d  
Quomodo ab Aristotele definitur. e  
Somnus naturalis statutas periodes seruat. 915.c.2.a  
Vera eius definitio. c  
Somni causa perpetua an primi sensorij refrigeratio. 916.  
c.1. c  
Somnus an inter res naturales reponendus. 917.c.2. d  
& seqq.  
Somni occasio non est caloris vitalis ad cor regressus, sed  
naturalis. 918.c.2.a  
Quibus in affectibus laudatur. 919.c.1.b  
Sopor vigilans in quo à catalepsi dissidet, 81.c.1.c  
Speculi lucidi substantia, partes, vsus. 937.c.1.d  
Sphincteris resolutio ob quam alui excrementa inuicè  
fluebant, clystere ex euphorbio parato curatur. 544.  
545.

# Index Rerum.

- Spinæ sinuatio siue luxatio an vrinam supprimat & quid sit illa sinuatio. 435.c.1.a
- Spinæ dorsî eiusque vertebrarum descriptio. 941.c.1.b
- Spinalis medullæ descriptio, & qui ab ea nerui oriantur. 938.c.1.c.d
- Spiritus vini odore recreantur. 10.c.1.e
- Spiritus odoribus reparantur. 17.c.1.c. Et nutriuntur. c.2.e
- Spirituum imminutio & remissio, somni causa. 27.c.2.c
- Spiritus turbidus quid. 528.c.2.b. An detur. d. Eius malignitas. 529.c.1.b
- Spirituum ex suffocatione vires deiciuntur. 273.c.1.c
- Eriam sine sui destructione. d
- Spiritus non viuunt, sed subiectum sunt inhæssiones. 600.c.1.d
- Spiritus animalis cur vitali tenuior. 679.c.2.d
- Spiritus animalis & vitalis generatio. 679.c.1.c
- Spiritus sunt facultatem delatores. 802.c.1.b
- Spiritus animales extra cerebrum in neruos commeant & vitales in arterias. ibid.
- Splenerici qui dicantur. 378.c.2. Quidam vrina sua epota sanantur. c
- Spongia vlcerebus curandis commoda. 259.c.1.c
- Spumæ causa duplex. 164.c.1.e
- Spuere Persis indecorum. 206.c.2.e
- Sputum aliud sanorum aliud ægrotorum. 207.c.1.a. Ægrotorum iterum duplex assignatur & quid ex utroque portendatur. c. d.
- Sputum coctum quid, & quomodo, vt sit salutis signum, obseruari debet. 207.c.2.b
- Sputi non boni species variz. c
- Sputa periculosa, nigra sunt. d
- Sputum sanguinis ex hausta hirudine sanatum. 182.c.1.b
- Sputum cruentum pleuritidis mitissimæ signum. 220.c.1.d
- Sputum sanguinis hæmorrhoidis lapidis ope perlanatum. 172.c.1.c. An mala punica huic sint accommoda. c. 2. & 173.
- Sputum cruentum ex frigida distillatione ortum candenti ferro curantem. 173.c.2.d. Curatio mulieris quæ sanguinem expuerat. 174.c.2
- Sputum sanguinis an venæ sectionem exigit. 176.c.2.c
- An balneum, & quod accommodatius. 178.c.2.b
- A spiritu instrumentis refrigeratis oritur. 179.c.2
- Sputorum crassorum materia quæ. 245.c.2.c
- Stapes, incus, malleus auris explicatur. 940.c.1.b
- Stercoris canini efficacia. 144.c.2.c.c. Qua arte parandum, & quibus morbis vtile. ibid. & 145.c.1
- Stereus caprinum ad viperæ morsum auxilium celebre. 793.c.1.e 794.c.1.b. Ad genuum tumores. 570.c.1.e
- Stercoris columbini retro ex vapore domus conflagrata. 155.c.2.e
- Stercoris columbini efficacias. 571.c.2.a. 173.c.1.e. Qua arte ex eo paratur medicamentum. c.2.a
- Stercoris humani aduersus anginam mira facultas. 143.c.2.d. Eius proprietates. 144.c.1.a. 571.c.1.d. Et aduersus venena celebre alexipharmacum. c
- Stercoris humani distillati mira facultas. 379.c.2.c
- Stercus lupinum ad colici doloris curationem vtilissimum. 39.c.2.a. 356.c.2. 571.c.1
- Sterilitas præ calore, frigidorum vsu sanata. 508.c.2.b
- Sterilitatis causæ. 509.c.1.c. An fascinatione induci possit. c.2.e. & seqq. Vide. fascinatio.
- Stilla sanguinis, febribus, ardentibus præcipue, praua, signum est decretorium, non decernens. 449.c.1.a.b
- Vide sanguis.
- Stirpes venenum producentes. 794.c.2.d
- Stomachica medicamenta quæ, & quomodo applicanda. 289.c.1.b
- Strabosi cur quidam appareant oculos mouentes, quiescentibus minime. 829.c.1.d
- Struma anguis esu sanata. 148.c.2.b
- Strumarum causa quæ, d
- Strumæ vnde oriantur. 155.c.1.e
- Strumæ tam vlcera quàm non vlcera contagiosæ sunt, illiusque contagij condiciones. 150.col. 1. 156.c.1.e
- Struthiocamelus cur ferrum concoquit. 676.c.2.b
- Studio ex nimio qui affectus oriantur? 81.c.2.b
- Studium assiduum spiritibus cerebrum exhaurit, & quæ arte reparentur. 24.c.1.a. & seqq. 873.c.1.c
- Strurni cicura aluntur. 70.c.2.c
- Stybij in melancholicis & pestilentibus affectibus vis mira. 70.c.2.c
- Strybij sanguis cancris & malignis vlcerebus remedium præsens. ibid.
- Sublimari aqua tineam curat. 4.c.2.b
- Substantia quod nobilior, eodeterior eius putredo. 654.c.2
- Substantia nulla in inferioribus corporibus, etiam in elementis, vnica constat qualitate. 616.c.2.a
- Succi multi & viscosi paulatim vacuandi. 2.c.2.a
- Succi ex impostis vmbilico emplastris nutriunt. 20.c.1.b
- Succus crudus pituitæ species, vbi residet. 678.c.2.a
- Suctus venenosarum animantium moribus præsens remedium. 793.c.1.c
- Sudor triplici ratione monetur. 640.c.1.d. c.2.b.c
- Sudorifica medicamenta cur vrinam prouocantibus fortiora. 640.c.2.b. Alia intus exhibentur, alia extra cuti admouentur. c. Quibus præmissis modicamentis propinanda. e. Exempla sudoris beneficio liberatorum. e
- Sudoris deterfio an sudorem prouocet. 263.c.2
- Sudoris diaphoretici, & syncoptici natura & effectus explicantur. 269.c.2.d.e
- Suffusiones in oculis vnde? 832.c.1.a
- Suilla caro frigida. 54.c.1.c. Quibus morbis obnoxios reddat. c.2.b. qua arte coquenda vt optima efficiatur. c. Humanæ simillima. d. Probatur quod calida & humida 55.c.1.a
- Suilla caro copiose nutrit, hac Pugiles & Athletæ vtebantur. 628.c.2.c
- Suillæ & humanæ carnis similitudo. 957.c.1.c. In quo posita. d. e. Cur Hebræis à Deo prohibita. c.2.b
- Superfluitates in perfectè sanis debent insensibiliter expelli. 860.c.1.e
- Superfoetatio quid, & an detur. 515.c.1.d. 945.c.1.b
- Suppressionis mensium causæ octo enumerantur. 447.c.2.e. Vide menstruum, sanguis.
- Suppressio mensium an medicamentum purgans in initio exigit. 451.c.2. 452. Vide menstruum.
- Suppressio seminis quot secum mala inducat. 468. Vide semen.
- Suppressio vrinæ. Vide vrina.
- Suppurantia qua ratione coquunt. 640.c.1.b. 642.c.1.b
- Suppuratio quid? eius triplex acceptio, & differentia explicantur. 228.c.2
- Suppuratio citra febrim possibilis. 230.c.1.c. Ex quo humore fiat. c.2.a. Eius appellatione quid veniat. b. c. e
- Suppuratio non est curatio fallax. 457.c.2.a. Resolutioni tamen inferior est. ibid.
- Suppuratio sub putredinis natura continetur. 642.c.1.a
- Coquit. b. Ad eam solum calor extraneus & putredinalis requiritur. c
- Sur Arabiæ desertum. 950.c.2.e
- Surditas febribus malignis & ardentibus adueniens optima. 107.c.2.c.d
- Sus animal audax, ideoque calidum. 55.c.1.a
- Vide Suilla caro.
- Sues vix facibus inebriantur. 908.c.2.b
- Suturarum in capite numerus & vtilitas. 14.c.1.d. 935.c.2
- Sympathiæ & dispathiæ inter mixta & non mixta. 43.c.2.e. d
- Symphysis vertebrarum explicatur. 941.c.1.c
- Symptomata horrida crisi antecedentia. 448.c.1.d
- Vide Crisis.
- Symptomata ex suppressis mensibus orta an recte Galenus descripserit. 460. 461
- Symptomata morborum vniuersalia & particularia, eorumque differentia explicantur. 657.c.2
- Syncipiti capitis medicamenta applicanda. 14
- Syncipitis cum vtero consensus. 464.c.1.a.b
- Syneipiti cur in cerebri affectibus præsidia adhibeantur. 877.c.2.a

- Syncope correpti odoribus reficiuntur.** 17.c.1.c  
**Syncope, ex nimia vacuatione suborta alimentis vires recreantibus curata.** 64.c.1.b. à Galeno definitur *præceptum virium lapsus* d. Eius causæ. *ibid.* c. Eius venturæ signa. c. 2. a. Valida immedicabilis est. b. Quid ea præsentem Medico peragendum. d. Vini potus illi præsens auxilium. 265.c.1.b  
**Syncope, ex longa in balneo mora.** 266.c.1.b  
 Ex vteri affectu. c.2.b  
**Syncope ex diutina ante balneum inedia.** 268.c.2.c  
**Syncope ex cardiaca ob vitalis facultatis imbecillitate.** 269.c.1.c. Alia ob sudorem. c.2.c  
**Syncope est propria cordis affectio.** 270.c.2.d. Non ex imminutione spirituum, sed ex repentina aggregatione in corde tanquam à causa perpetua & immediata oritur. 271.272.273  
**Synochus imputris sola venæsectione vsque ad animi deliquium sanatur.** 627.c.2.c  
**Synochus quid?** 628.c.1.c. Febris continens, vel inflariua quæ? 628.c.1.c  
**Synochus putris venæ vsque ad animi defectum sectione curatur.** 635.c.1.b  
**Synochus cum putredine secunda febrium differentia, humoralis dicta.** 635.c.2.a  
 Eius differentia triplex assignatur. *ibid.* b  
**Syphillidis appellatione an morbus Gallicus veniat.** 920.c.1.d. & seqq.  
**Syrupus ex chalybe compositio an ferri scoriam recipiat.** 145.c.1.c. Item ferri & chalybis differentia. 146.c.1.a  
**Syrupi omnes humoribus concoquendis vriles.** 677.c.1.a  
**Syrupi violacei vis refrigerariua, & leniens.** 618.c.2.b

## T

- T**Abes ob distillationem à capite suborta cauteriis curatur. 33.c.1.c  
**Tabis species triplex.** 237.c.2.c  
**Tabæ consumptorum exempla quædam.** 244.c.2  
**Tabes ex pericardio, an periculosus & ferè insanibilis.** 255.c.2. & 256  
**Tabes prodigiola ex fame contracta.** 919.c.2.c  
**Tabidorum in curatione an errauerit Galenus.** 247.248  
**Tactus an detur in ore ventriculi.** 311.c.1.c  
 ad Tactum magis aut minus incallescere ac magis & minus febrile quid? & an detur in vno eodemque temperamento. 607.c.2.c  
**Tactus iudicium duplex.** 608.c.2.b. Solus temperatus potest perfecte circa quacumque qualitates vera sensatione iudicare. d.  
**Tactu venenum potest inficere.** 796.c.1.c  
**Tænia admiranda.** 303.c.2.d  
**Tarantula aranei genus, cuius morsus solo tibiarum ac musicæ sono demulceri ac curari solet.** 789.c.2.c. 790.c.1.a  
**Taxus animal somnulosum cuius morsus venenosus.** 904.c.2.d. n ab eo deriuetur Toxicum. *ibid.*  
**Taxus arbor dira, à qua & Toxicum dictum.** 904.c.1.c. Eius bacce rubentes & pestilentes. 905  
**Telephi Grammatici victus ratio.** 618.c.2.c  
**Telorum venenatorum ictibus qua arte succurratur.** 874.c.2  
**Temperamentum est actionem instrumentum.** 43.c.1.c  
**Temperamentum corporis humani triplex.** 608.c.1.c  
**Temperamentum naturale quid.** *ibid.* d  
**Temperamenta corporis humani, & cuiusvis eius membri varia iuxta varias, cōplexiones ætates, &c.** 609.c.1.d  
**Temperamentum naturale quid apud Medicos.** 625.c.1.b  
**Temperamentum ad febres magis paratum statuitur.** 662.c.1.d  
**Temperamenti proprietas non est substantialis forma; sed accidentalis.** 666.c.1.d  
**Temperamentum quid? & in quo consistit.** 814  
**Temperamenta pulsus immutat.** 894.c.1.c. Vide *Pulsus*.  
**Temperamentum adicitium an detur.** 965.c.1.d  
**Temperamentum duplex.** c.2.a  
 Lib. VI.

- in Temperamento consuetudo vniformis periculosa. 965.c.1.c.  
 In cibo & potu contrahitur. c.2.d. & 966  
 Circa virtutes animales. c.2.c. Circa facultates naturales. *ibid.* d. Circa medicamenta. d. Circa venena. 967.c.1.a. Circa exercitationes. b. In animi affectibus. d. Euacuationibus. c. In somno & vigilia. c. 2. c  
 In morbis. *ibid.*  
**Temperatura media est temperati hominis** 606.c.2.d  
**Temperies simpliciter à Medicis quæ dicatur.** 608.c.1.c  
**Temperies consuetudine acquisita quomodo similium vsu conseruari potest.** 964.c.2.b  
**Temporum dolor hirudinum applicatione curatur.** 6.c.1.d  
**Tempora morborum an penes essentiam, symptomata, & coctionem perpetuò simul concurrant.** 655. 656. & seqq. Quomodo concurrunt. 658.659.c.1  
**Tempora morborum an variis signis distinguenda.** 782.c.1.c. & seqq.  
**Tempora anni pulsus mutationem causantur.** 895.c.1  
 Vide *Pulsus*.  
**Temulentia cum venere consensus.** 592.c.1.a  
**Tendo quid, & ad quem vsus?** 942.c.2.b  
**Tenebræ cur soporem concitent.** 917.c.1.b  
 esse Tenue & tenuium partitum, non idem est. 680.c.1.b  
**Tereni abim siracosi, Arabicè qui sonet.** 950.c.2.c  
**Terra an corruptionis & pestis infortunis obnoxia.** 772.c.2.c. Eius beneficia. 773.c.1.a. Ipsi quondam ab antiquis sacrificatum. *ibid.* Nullibi pura datur. 774.c.2.c  
**Terræ Armeniæ vis in pestem mirabilis.** 775.c.2.c  
**Terræ in qua sal, nitrum, & mineralia reperiuntur qualitates variæ.** 58.c.2.d. 5  
**Tertiana æstiuo tempore quibus purganda.** 110.c.2.c  
 Vide *Febris*.  
**Tertium cum cerebro consensus.** 31.c.1.d  
**Testis vrini, & caprini in epilepsiam.** 859.c.2.d  
**Testium situs, substantia, & vsus.** 930.c.2.a  
**Testiculorum inflammatio vomitu curata.** 536.c.2.d. Eorum nobilitas, & officium e. 537.c.1. Ex eorum abiectione quæ incommoda. c. Qua arte curandi. c.2  
**Terani curatio aquæ gelidæ perfusione.** 88.c.2.a. De eaque principum Medicorum dissensio. *ibid.*  
**Thapsiæ ad epilepsiam curandâ facultas maxima.** 32.c.1.c  
**Theriaca in aragdorū proprietates.** 35.c.2.d  
**Theriaca præstantia & vtilitates.** 46.c.1.c. Non potest nostro tempore suis numeris absoluta componi, ob medicamentorum penuriam. c.2  
**Theriaca post fermentationem non venenosa.** 47.c.2.c  
 Corpus, maxime puerile immutat, & alterat. 48.c.1.b  
 Recens stupefacit & incrassat. c. & c.2.  
**Theriacam recentem quæ componant.** 48.c.2.b  
**Therica ad vermes necandos aprissima.** 361.c.2.d  
**Theriaca fermentata an diuersam habeat virtutem ab actione simplicium quibus constat.** 766.c.2.c  
**Theriaca in viperæ morsum mirabilis.** 789.c.2.c  
**Theriaca vlcibus rabiosis tam foris illita, quam intus suscepta admodum iuuat.** 848  
**Theriace compositio maximam prudentiam requirit, quod exemplo firmatur.** 902.c.1.c. quo melle, & vino opus sit. c.2.c  
**Thermarum vsus quoduplex** 958.c. Vide *Balneum*.  
**Thomæ Mauri de somno elegans dictum.** 912.c.2.c  
**Thoracis vulnera statim ab initio sanguinis missione curanda.** 180.c.2  
**Thoracis pars sinistra robustior & nobilior est.** 215.c.2.c  
**Thoracis tactus suavis & mordax caloris acrimoniam ex fuliginosis recrementis contractam denotat.** 606.c.1.c  
**Thoracis substantia, & situs.** 934.c.1.b  
**Thoracis descriptio & vsus.** 941.c.1.c  
**Thoraces vinum abhorrent.** 598.c.1.c  
**Thunni piscis caro à vipera commoris remedio est.** 796.c.1.a  
 in Timore cur pallefcimus? 802.c.1.c  
**Timor pulsus mutat.** 897.c.2.c  
**Tineat unde manat.** 4.c.1.c  
 Eius species, signa, & prognosis. *ibid.*  
 R R R r 2 Tinca.



# Index Rerum.

Tinea, aquâ sublimati curantur. 4.c.2.b  
Tinea, hirudine super partem affectam imposita curata. 5.c.1.b  
Tinnitus vel sibilus aurium unde? 868.c.2.a  
Tophi articularum quibus curandi. 579.c.1.c. 582.c.1.a  
Toranij versuti mangonis delusio in puerorum egregiæ & similis formæ venditione. 43.c.1.b  
Torpedo piscatoris manum stupefaciens. 39.c.2.d  
Torrefacta expurgantia an ex usu sint in alui fluxionibus. 330.c.2  
Tortura oris causa, & curatio. 87.c.1.e  
Toxicum, & venenum an conuertantur. 904.c.1.d  
Toxici genus multiplex. e. A Taxo arbore. c.2.e  
Trimestres scænis curaliis magis resistunt iniuriis vteri. 496.c.2.a. 505.c.2.b  
Tristitia quam pulsus mutationem causetur. 897.c.2.b  
Triticum cur cibis hominibus magis familiaris & com-  
modus? 18.c.2.e  
Tritici cocti esus quæ pariat symptomata. 947.c.2.d  
Elixum iecoris & renum meatus obstringit. 948.c.1.b  
Troglodytes unde nomen sortitur. 414.c.2.a  
Sasserulus est calculum sanans. ibid.  
Tubercula secundum aures à luctu concitata. 148.c.1.a  
Tumoris signa quæ? 160.c.1.d  
Tumores ichirrhodes in simiæ, & galli pericardio visi. 255.c.2.b  
Tumores crudi ante perfectam suppurationem aperiendi. 458.c.2.a.c  
Tumor in vtero non certum grauidationis signum. 499.  
c.2.e  
Tumores genuum unde orti. 570.c.2.b  
Et qua ratione curandi. c.771.c.2  
Tumores præter naturam quomodo putrescant. 645.c.2.a  
Tunicæ oculorum explicantur. 938.c.2.d  
Earum vsus. 939.c.1.c  
Tunicæ oculorum adnata, tendinosa, vuca, ciliaris, ara-  
chnoïdes, retina explicantur. ibid.  
Turca vidua à coniugata muliere mutuo coïtu grauida  
facta. 475.c.2.d  
Tussis cauterij ope sedatur. 33.c.1.e  
Tympanitici qui dicantur. 404.c.2.d  
Typhodes quid. 404.c.2.e  
**V**  
Vacuatio omnis nimia periculosa. 16.c.1.b  
Nisi maxima necessitas urgeat. c.2.b  
Vacuatio per epicrasin utilis. 76.c.2.d  
Quomodo & quando exercenda. 77.c.1  
Vacuatio præcautoria an vere celebranda. 78.c.2.b. 594.  
col. 1.  
Vacuatio in principiis morborum probatur. 211.c.2.b  
In statu pacis & caute exercenda. d  
Vacuationum solemnium suppressio vel nimia vacuatio  
an hydropem & alia vitia concitet. 392. 393.  
Vacuum, an attractionis, vel vilius actionis causa, cum  
non derur. 669.c.1.d  
An ad illud implendum res moveantur. e  
Vaporatio alimentorum cerebrum humectans somni cau-  
sa. 27.c.2.c  
Vapores è ventriculo ad cerebrum, deprauatas imagina-  
tiones & deliria causantur. 67.c.2.c  
Variolæ, etiam in paruulis, sanguinis missione curandæ. 142.c.1.e  
Variolæ non recens morbus. 165.c.1.e. Dictæ olim *Papula*  
*magna*. c.2.a. In pestilenti statu eueniunt. d  
Variolæ grauidis euenire possunt. 168.c.1.e. Antiquissi-  
mum morbi genus & priscis notum. c.2.b. Ab æris vi-  
tio ortum. e. Sed immediate à menstrui impuritate. 169.  
col. 1. c  
Variolæ morbillis pelosiores. e  
Variolæ assumpto melle & exacerbato morbo curatæ. 780.c.1.b. Licet in initio non malignæ, sæpè tamen in  
declinatione interimunt. c.2.a. 784. & seqq.  
Variolarum symptomatibus oppressus quidam in decli-  
natione, leni purgatione curatur. 785.c.2.e. 786  
Variolæ omni ætati, sed pueritiæ potissimum communis.

800.c.1.b  
Vasa præparantia quæ? 930.c.1.d  
Vasa deferentia. e  
Vberum descriptio. 934.c.2.a  
Venæ sectio an in extenuatis celebranda. 444.c.1.c  
Venæ sectionis insensibilissimi hostes Erasistratæi. 445.c.1.b  
Venæ menstruam purgationem ad vterum deferentes  
quibus causis comprimantur. 447.c.2.e  
Venæ sectio an ab abortu præseruet. 496.c.2.d. & seqq.  
An in grauidis purgatione periculosior. 498.c.1.e  
Vide *Phlebotomia*.  
Venæ exiccata quo pacto attrahunt. 670.c.2.d  
Venæ causa à iecore, non à corde ortum ducit. 815.c.2.a  
Venæ arterialis, non vena. 815.c.2.e. à Corde oritur. ibid.  
Venæ an à iecore & corde oriantur. 815.816  
Venæ cur non pulsant. 885.c.1.b  
Venæ definitio. 927.c.1.d. Vfus, distinctio ab arteriis. e  
Venæ causæ sedes. ibid.  
Venarum diuisio. c.2. & 928.c.1  
Venæ portæ rami intestina ingredientibus. 928.c.2.b  
Eius sedes. d  
Venæ cur flatulenta materia turgeant. 947.c.1.e  
Veneno assuescitur & nutriri quidpiam potest. 47.c.2.a  
Venena in corporibus quatuordecim, & viginti annis citra  
noxam latentia. 168.c.1.b  
Venena super cor gestata an ad pestis curationem & præ-  
cautionem aliquid conferant. 339  
Veneno enecta aut nutrita an esui esse possint. 341.c.1.e  
Antidota venena repellentia. 342.c.1  
Venenorum scientia perobscura. 787  
Veneni definitio Galeni, & Auicennæ an recipienda. 791.  
c.1.a  
Venenum ab alimento quid differat. c.2.a  
Venena sit antopere calori nostro aduersantur, cur ab ip-  
somet calore ad actum reducuntur, vt nocere possint.  
791.c.2.b. & seqq.  
Venena tribus de causis à Deo producta. 792.c.1.c  
Venena in corpore nostro generantur. 792.c.1.e. & c.2  
Cur tandiu sine noxa occultetur. ibid. e. & 793.c.1.a  
Venenorum diuisio triplex, alia ex animantibus. 794.c.1.b  
Ex stirpibus. c. Ex fossilibus. e  
Venenorum diuisio à Dioscoride an perfecta. 794.795  
Venenorum diuisio in ea quæ tota substantia, viribus &  
genere necant. 795.c.1.a. Et in ea quæ qualitate ma-  
nifesta. b. c  
Venena secundum totum, & secundum partem. e  
Venena ex modo administrationis. ibid.  
Venena præsentanea, & temporanea. 795.c.2.b.c  
Venena an venenorum sint remedia. d. e  
Venenorum per omnes sensus inferri potest. 796.c.1.e  
Veneni vis penetrauiua. 806.c.2.e  
Veneni rabidi vis ad nocendum. 841.c.1.d.e  
Venenum rabidum contagiosum ad distans. 841.c.2.c  
Venena frigida parua quantitate sumpta non necant, imò  
nutriunt. 873.c.1.e  
Venenum calidum an nutrire possit. 874.c.1.b  
Venenum à Medico nullo modo propinandum vel indi-  
candum. 903.c.2.b  
Venenum & toxicum an conuertantur. 904.905  
Ventræ suppressio, quæ secum inferat mala. 50.c.2.b  
Ventilatio cur à putredine seruat. 646.c.1. b. An idem  
quod diffusio. c.2.c  
Ventilationis necessitas quadruplex. 647.c.2.a  
Ventilatio igni conseruando quinque ob causas necessa-  
ria. ibid. c  
Ventriculorum cerebri obstructio epilepsiæ causa imme-  
diata. 30.c.2  
in Ventriculi oris vitiis fontanellæ in cruribus quid iu-  
uent. 33.c.2.a  
Ventriculi renum, Vesicæ, & recti intestini in muliere  
cum vtero consensus. 34.c.2.e  
Ventriculi cum cerebro consensus, & sympathia. 36.c.1.a  
Ex eo famelico & in anito, epilepsia. b  
Ventriculus cordis sinister cur dextro debilior. 215.c.2.d  
Ventriculus syncopen inferre potest. 268.c.2.c  
Ventriculi



# Index Rerum.

- Ventriculi ex debilitate, & gulæ refrigerio mors subsequuta.** 276.c.1.
- Ventriculi morbi curari difficiles.** 275.c.1.c
- Ventriculi debilitas ex calida siccaque intemperie suborta frigidis medicamentis perlanatur.** 280.c.2.d
- Ventriculi debilitas ex inæquali temperie orta qua arte curanda.** 281.c.1
- Ventriculi laborantis ab inuassione febris dignotio, eiusque curatio.** 283.c.2.b
- Ventriculi languor vini absinthitis potu curatus.** 285.c.1.c c.2.e
- Ventriculi debilitas ex abscissione omenti quomodo curata.** 286.c.1.a
- Ex decidentia mucronatæ cartilaginis.** 286.c.2.d
- Ventriculi dolor ex bile, & melancholia quibus curatus.** 288.c.1.a
- Ventriculi necessitas. e**
- Ventriculi dolor ex frigore vini generosi potu curatus.** 289.c.1.d
- Ventriculi dolor à pituitæ copia, remediis eam incidentibus curatus, & ab acribus succis, exacerbatus.** 290.c.2.d. inflammatio periculosa, eius origo, & curatio. 291.c.2.d
- Ventriculi tumore mali punici magnitudine ægrum interficiens.** 292.c.1.c
- Ventriculus omnium morborum seminarium.** 292.c.2.c
- Ventriculi verruca cum virium debilitate, & diuturna sanguinis profusione ægrum interficiens.** 293.c.1.e
- Ventriculi debilis coctio quibus iuuatur.** 295.c.1.b. 296
- Ventriculus suo calore alimenta coquit.** 296.c.1.b
- An in eo duplex coctio. e**
- Ventriculus an solus famefcatur.** 306.c.2. 307.c.1
- Ventriculi ad fundum an aliquando vas cholidochum implantetur.** 309.c.1.c
- Ventriculus cordis sinister an præstantior dextro.** 820.c.2 & seq. Eo pisces destituuntur. 815.c.2.a
- Ventriculi sedes.** 924.c.1.d. Substantia. e. Vfus. c.2.c
- Ventriculorum cordis diuisio, substantia, & vſus.** 933.c.1.b
- Ventriculorum cerebri figura, situs, & vſus.** 937.c.1.a
- Ventorum temperamentum.** 573.c.1.e
- Veneris vſus quibus potissimum temperamentis infectus.** 469.c.1.a
- Immodica ex venere quot mala.** d. & 592.c.1.a
- Veneris vſus quibus conferat.** 469.c.2.a.b. Salubris est si modus seruetur. 470.c.1.a. Quæ incommoda ex eius abstinentia tam in viris, quàm in fœminis. 470. 471.c.1
- Veneris immodicus vſus qua arte minuendus.** 521.c.2.d
- Veneris vſus parua epilepsia.** 839.c.2.b
- Ver & autumnus sibi in temperamento respondent.** 533
- Veratri albi vſus tempore Hippocratis.** 630.c.1.d
- Verba, siue scripta, siue ore prolata ex se sunt ad curandos morbos inefficacia.** 137.c.1.c
- Vide Incantatio, Fascinatio..**
- Vermes in ventriculo nasci possunt.** 304.c.1.b
- In omnibus corpori partibus. e**
- Quibus enecandi.** 304. ibid.
- Vermis admirandus absinthij ope interfectus.** 305.c.1.a
- Vide Lumbricus.**
- Vernum tempus, purgationi præcautoria commodum.** 51.c.2.d. 78.c.2
- Verruca ventriculi.** 293.c.1.e. Vide *Ventriculus*.
- Vertebrarum descriptio, & vſus.** 941.c.1.c.d
- Vertigo tenebricosa, cauterio ad bregma imposito curata.** 333.c.1.b
- Vesicæ collo quò coporis situ lapides dimouentur.** 433.c.2.c. Eius dolor opiatu lenitus. 414.c.2.e. Quibus de causis vlcerentur. 415.c.1. A quibus remediis curatur. c.2.b
- Vesicæ facultatis expultricis torpor unde?** c
- Vesicæ vlcus onis crudis recentibus mitigatur.** 416.c.1.a
- Vesicæ vlcus mirabile lacte curatum.** 425.c.1.c
- Vesicæ nervi torpentes vrina suppressionem faciunt.** 432.c.2.b. Vesicæ vrinariæ descriptio. 929.c.2.c
- Veterum semel in die cibum sumendi pro varietate temporum, ratio.** 53.c.1.a
- Vitæ ratio in morbis an attenuando, vel crassando procedat.** 248. 249
- Vitæ salubris ratio medicamentis præstantior est.** 483.c.2.e
- Vitæ tenuitas, præceptum morbis omnibus commune.** 929.c.1.c
- Vidua cur hystericos affectus eoque grauissimos pariantur.** 471.c.2.d. & frequentius quàm virgines. 474.c.1.d
- Vigilia superflua qua arte perlanata.** 25.c.2.e
- Vigilia nimia cerebro obnoxia.** 24.c.1.a. Modica vtilis, b Narcoticis curatur. c.2.b
- Vigiliæ causa cogitatio vehemens spirituum animalem à sensuum organis retrahens.** 27.c.2.b
- Vigilia cur febres accendit.** 691.c.2.b
- Villorum vſus.** 942.c.2.d
- Vini odor capitis in febriente dolorem auget.** 9.c.2.a
- Vinum cerebro, & nervis inimicum.** ibid. d
- Vini odor spiritus refocillat, nervos corroborat.** 10.c.1.d
- Contagia arcer.** ibid.
- Et pestem c.2.a. Calefacit, & humectat. b**
- Vinum celerimè nutrit ad instar odorum.** 19.c.1.e
- Vinum in frigidis nervorum affectionibus vtile, item cerebri frigidis ægritudinibus.** 50.c.1.d
- Vinum viperinum strumosis, & Gallicis præsentissimum auxilium.** 148.c.2.e. Qua arte parandum. 149.c.1.a. 290 c.1.a
- Vini cum absinthio parati vis ad ventriculum roborandum.** 285.c.2.c
- Vinum à vi dictum.** 289.c.2.a. Quas vires corpori præstet. b. Eius temperamentum. c. Proprietates. e. Eius potestas, tam in calidis, quàm frigidis morbis. 290.c.1.b
- Vinum Maluaticum unde sic dictum.** 308.c.1.b
- Idem quod Cretense.** ibid.
- Eius differentia triplex.** c. & seqq.
- Vinum viperinum an venenosum.** 312.c.2
- Vinum potentia exsiccat.** 327.c.2.a. Vlcera vino exiccanda. 317.c.2.a
- Vino temperato vtendum.** 598.c.1.d. Iudicibus apud Chinas prohibitum prius quàm causas audierant. c.2.a
- Vita animalium quibus potissimum conseruatur.** 648.c.1 e. & c.2
- Vinum febrientibus concedi potest.** 661.c.1.c
- Eius mensuræ variae.** ibid.
- Vini diluti commoda.** 661.c.1.d.e. & c.2
- Vinum aqua marina dilatum crapulam impedit.** 290.c.2.c 661.c.1.e
- Quibus de causis diluendum.** c.2.b
- Vina recentia cur calidos affectus pariant.** 680.c.1.e
- Vini pestiferis, & venenatis morbis fugandis efficacia.** 688.c.1.d. 796.c.1.c
- Vinorum differentia.** 688.c.1.a. Sapor. d. Consistentia. c.2.a
- Odor. ibid. Facultates. d. Aetas & tempus.** 690.c.1.a.c
- Vini boni proprietates. d. An calidum sit.** c.2.b.c
- Vinum exterius adhibitur epilepsiam leuat interius, verò sumptum eam inducit.** 839.c.1.e
- Vinum viperinum epilepsiam sanat.** 907. 908
- Vinum avidissime sitiunt serpentes.** 908.c.1.e. Simia, & alia quadrupedes vnguibus & vngulis carentes. c.2.a
- Vini præstantia aduersus morbos frigidos.** 954.c.1.d
- Vinum Hispanum senibus perutile.** 954.c.2.c
- Vinum voluptatis causa ægris conferri potest.** 955.c.2.e
- Aqua diluendum.** 956.d.e. & seqq. An diluendum priusquam bibatur, an in stomacho. c.2.c
- Vipera linis, & purpura marina suffocata quibus affectibus medeatur.** 39.c.2.a
- Vipera homini insensibilissima, vt è conuerso homo viperæ.** 43.c.2.c
- Viperæ cauda an ad Theriacæ, & medicamentorum compositionem semper amputanda.** 149.c.2.a
- Viperarum esus sitim ardentissimam affert.** 321.c.1.a
- Vipera an calida.** ibid.
- In Viperæ morsum antidota varia.** 789.c.2.b.c
- Viperæ ictus si partem commorſam absciderit, aut ligauerit curabitur.** 788.c.1
- Vipera quasi vi pariens.** ibid. b



# Index Rerum.

- Vipera** quasi viui para, quod vinum animal pariat, cum reliqui serpentes oua. c. Falsum quod viperillis erumpentibus intereat. *ibid.*  
Falsum item capite cum mare congredi. d  
**Viperarum** longitudo. c. 2. a  
Vulua duplicatur. *ibid.*  
Earum partus mirabilis. b. Iis vulua septo transuerso nequitur, *ibid.* quatuor frigidissimis mensibus sub saxis conditur, c  
**Vipera** salax, & veneri procliuus. e  
**Viperæ** murenas ad coitum mira arte sollicitant, & maritis reuerentiam præstat. 789. c. 1. a. Earum coloris, caudæ, rostri descriptio. b. Vis eius venenosa. c  
Statim post ictum siti inextinguibili premuntur. d  
Ex earum capite, & cauda venena, ex medio verò corpore alexipharmaca præsidia. e  
**Viperas** volantes dari ex Isaia confirmatur. 796. c. 2. c. d  
**Viperinum** vinum quomodo elephantiasim sanat. 909. c. 1. d  
Vide *Vinum*.  
**Viperæ** quo tempore venandæ sunt. e  
**Viri** in fœminas verti nequeunt, contrarium verò aliquando contigit. 467  
**Virga**. 645. c. 1. b  
**Virgines** nobiles quos ab vtero affectus patiantur. 266. c. 2. c  
**Virgines** nobiles cur vteri cruciatibus infestentur. 471. c. 2. d  
**Virtus** an victum indicet. 482. c. 2. d  
Triplex est, tenuis, mediocris, & plenus. e  
**Vis** expultrix per se morborum indicationes facit. 98. c. 1. b  
**Visa** ob vapores, & humores in oculis orta, an per se videri possint. 833  
**Visile** vnde duplex apparer. 826. c. 2. b. 827. 828  
**Visio** quæ sit per imagines, & visa, illusoria an vera, & an ea intra oculum contenta per propriam speciem videri possint. 831. 832  
**Vilorum** species quibus in morbis occurrat. 831. c. 2. d  
Delirantium visa vnde? 832. c. 1. c  
**Vilus** veneno infici potest. 796. c. 1. e  
**Vilus** triplici ex causa deperditur. 824. c. 2. a. 815  
**Vilus** an auditu præstantior. 833. c. 2. & seqq.  
**Vilus** & auditus felicitatis instrumenta. 833. c. 2  
Membra diuina. 834. b  
**Vilus** & auditus per portam eburneam & corneam exprimuntur. 834. c. 2. b  
**Vilus** organum præstantius organo auditus. *ibid.*  
Omnium aliorum sensuum nobilissimum. 835. c. 1. c  
**Vita** in viribus & earum actionibus posita est. 674. c. 2. e  
**Vita** est permanentia caloris in humido. 608. c. 1. b  
**Vita** nostra fabula, ludus, globus siue rota miseriis plena. 800. c. 1. d  
**Vitæ** diurnitas in quo consistit. 865. c. 1. b  
**Vita** in æternum propagari nequit. 952. c. 1. e  
**Vitæ** breuitatis ac longitudinis causæ variæ assignantur. 961. c. 2. 962. 963  
**Vitæ** humanæ multiplex distributio. 962. c. 1. e  
**Vitelli** oui mitigandis neruorum doloribus facultas. 99. c. 2. b. Eius temperamentum. d. e  
**Vitellus** oui citò in sanguinem conuertitur. 120. c. 1. a  
Pinguis est. b. Suppurat. *ibid.*  
Anodinum est medicamentum. c. Celerrimè nutrit. d  
**Vitis** albæ radicis decoctum in epilepsiam exhibendum. 839. c. 2. c  
**Vlcera** Gallicata viperini vini vsu curantur. 149. c. 1. a  
**Viperæ** facultas elephantiasim curandæ. 149. c. 1. b  
Item diuturnis morbis. d  
Quo tempore capiendæ, & qua arte parandæ. e  
**Vlcera** gulæ maturæ, & quibus curanda. 160. c. 2. d  
**Vlceris** post pestem in aspera arteria relictæ curatio. 162. c. 1. d  
Vlceris item in trachea arteria. 163. c. 2. c  
**Vlcera** trachæ arteriæ cur sanabilia. 165. c. 1. a  
**Vlcus** cancrorum elleboro assumpto curatum. 233. c. 2  
Vide *Cancer*.  
**Vlcera** vesicæ curatu difficilia. 425. c. 2. a
- Vlcera** Nomæ dicta quæ? 456. c. 2. a  
**Vlceri** pus generanti nihil mali accidere potest. 457. c. 1. e  
**Vlcera** cancrora, & cacoethica flunianilium cancrorum puluere curantur. 847. c. 2. d  
**Vmbilici** dolor cum valida febre opio curatur. 103. c. 1. c  
**Vmbilicus** naturæ vi perforatus ascite laborantem sanat. 406. c. 1. a  
**Vmbilici** & vasorum vmbilicalium descriptio. 945. c. 1. a  
**Vnguentum** ad gignendos pilos per commodum. 3. c. 2. e  
**Vnguentum** de chabyle an ad prouocanda menstrua sit ex vsu. 453. c. 1  
Qua arte parandum. c. 2. d  
**Vnguenti** nardini vis ad animi lapsum. 480. c. 2. d  
**Vnguini** natura. 943. c. 2. c  
**Vnicornu** melancholicis affectibus vtile. 73. c. 1. d  
An idem sit ac asinus Indicus. e  
**Vniones** in ostreis generantur. 72. c. 2. d  
**Volucres** cur lac non generent quo pullos nutrant. 463. col. 1  
**Voluptatis** in coitu causæ. 519. c. 2. b. 520  
**Voluptas** an in motione consistat. 552. c. 1. d. & seqq.  
**Voluulum** ad desperatum, optimum enema. 358. c. 1  
**Vomitoria** varia. 182. c. 1. e  
**Vomit** sanguinis in splenetico curatus. 183. c. 1  
**Vomit** diuturnos morbos curandos vis & facultas. 538. c. 1. b. Eius parandi ars multiplex, c. A forti abstinendum est. c. 2. a  
Ad vomitum qui inepti. 539. c. 1. b  
**Vomit** an salubris, & an sit motus naturalis, animalis, an præter naturam. c. 2. e. 540  
**Vomitoria** triplicia sunt à quibus inchoandum. 275. c. 2. d  
**Vocis** læsio ex strumarum incisione. 194. c. 2. e  
Vide *Aphonia*.  
**Vox** tripliciter læditur. 195. c. 1. b. c  
**Vreterum** seu vrinariorum vasorum situs, & officium. 415. c. 1. b  
**Vrina** in grauissima peste cur secundum naturam videatur. 154. c. 2. c. 155. c. 1. a  
**Vrina** signum est præstantius, quàm pulsus. 373. c. 2. d  
In venenosis affectibus cæteris signis præferendum. e. 374. c. 1. d  
**Vrinæ** potus an morborum curationi prodesse possit. 378. c. 2. Quibus affectibus medeatur. 379. c. 1  
**Vrina** passæ morbi auriginosi indicium. 385. c. 1. d  
Cur sic dicta. 387. c. 1. a  
**Vrinæ** nigredo à frigidityte oriri potest. 410. c. 2. c  
**Vrinæ** nigra interdum mortifera, interdum salubres. 416. c. 2. Quando ad bonum iudicet. 417. c. 1  
**Vrina** alba in delirantibus lethalis. 417. c. 2  
**Vrina** glauca quæ? *ibid.* d  
Quæ lactea, purulenta, spermatis similis aquosa. e  
Vnde pili in ea generantur. 418. c. 2  
**Vrina** oleosa quæ? in quo à pingui distincta. 420. c. 1  
Interdum crisis ratione excernitur. *ibid.*  
**Vrina** purulenta adstringentibus curata. 424. c. 2. a  
**Vrinæ** carunculæ renum exulcerationem indicant. 425. c. 2. e  
**Vrinæ** incontinentia adstringentibus curata. 426. c. 1. b  
Eius causæ. d. Vnde noctu in pueris, & humidioribus inuitus fluat. *ibid.* Aliquando ex vertebrarum luxatione oritur. 427. c. 2. 428  
**Vrinæ** difficultas ex glandularum vesicæ adiacentium siccitate nata quibus personata. 428. c. 2  
Illius difficultatis causæ. 429. c. 1. b  
**Vrinæ** difficultas ex glandularum vesicæ adiacentium siccitate, qua arte sanata. 428. c. 2. d  
Huius difficultatis causæ. 429. c. 1. b  
Curatio. c  
**Vrinæ** ex grumo suppressio, & curatio. 431. c. 1. d  
Alia ex torpido vesicæ sensu. 432. c. 2. b  
**Vrinæ** & alui excrementis inuitè fluentibus calidis medicamentis occurrunt. 433. c. 1. b  
**Vrina** ex concreto pure aut lapide suppressa. 433. c. 2. c  
**Vrinæ** suppressio ea grumo, quo extracta sanata. 431. c. 1. c  
**Vrinæ**



# Index Rerum.

- Vrinæ suppressio** tribus modis contingit. *ibid.* Quibus curanda. 432. c. 1. Ex torpido vesicæ sensu oritur. c. 2. b
- Vrinæ ex perinæ inflammatione suppressio** qua arte curanda. 434. c. 1. Item ex vesicæ inflammatione. c. 2. d
- Vrinæ ex pure concreto, aut lapide, suppressio.** 433. c. 2. c
- Eiusque curatio.** 434. c. 1
- Ex vesicæ inflammatione, & spinæ sinuatione.** 435. c. 1
- Vrinam prouocantia nocua.** *ibid.* c. 2. d
- Vrinæ suppressio ex lapide in extremitate virgæ, glandis incisione curata.** 436. c. 1. b
- Vrinæ retentio an actio animalis. Excretio verò naturalis.** 436. c. 1. e
- Vrina rubra, aut subrubra an à sanguine in corpore redundante oriatur.** 455. c. 1
- Vrina nigra non semper lethalis.** 456. c. 2. d
- Vrina calida, & viridis biliosorum ieiunorum est.** 603. c. 1. a
- Vrinam prouocantium differentia triplex.** 640. c. 1. d
- Vrinæ cruditas vnde?** 651. c. 2. e
- Vrina cruda, & crassa, & tenuis dici potest.** 679. c. 1. d
- in Vrina rabientium corpuscula catulis similia conspiciuntur.** 844. c. 1. e
- Vrinæ portentosæ.** c. 2. b
- Vrina nigra quid indicet.** 848. c. 2. e
- Vrina an sit mixtum de nouo genitum, formâ ab humore ebibito distinctum, an alteratus porus.** 849. c. 1. d
- Vrinæ definitio. e. Eius causæ. c. 2. a. Eius à lolio, & sero distinctio. b**
- Vrinæ substantia duplex.** 850. c. 1. a. d
- Vrinæ Medico maxima diligentia obseruandæ. d. A. rebus extrinsecis mutari possunt. 850. c. 2. b. Quando est mixtum de nouo genitum. *ibid.* Ex icore conficitur. 851. c. 1. b. Ex venis & arteriis decedit. d**
- Vrina subrufa, subflaua, vel citrina an omnium probatissima. *ibid.* e. Eius color in bene temperato vnicius esse debet. c. 2. a. An color ille cum substantiæ mediocritate dari possit. *ibid.* d. Bonus vrinæ color per solam bilis ipsam tingentis mixtionem generari potest. 852. c. 1. b**
- Vrina citrina an optima.** *ibid.* e
- Vrinarum turbidarum differentia triplex expenditur. 853. 854.**
- Vrina in febre pestilenti cur sana appareat.** 854. c. 1. b
- Vrina perturbata quid denotet. c. 2. a. Cur turbida exiens, postea clarescat. b**
- Vrina crassa à tenui quadrupliciter differt. d**
- Vrinæ turbulentæ causæ.** e. & 855. c. 1. a
- Vrina aquosa, & alba an inter tenues princeps, & malum portendat.** 855. 856
- Vrinarum colores, an simplicis intemperamenti causa mutari possint.** 855. c. 1. e
- Vrinæ tenuis differentia.** 855. c. 2. b. 856
- Vrina tenuis quibus modis crassa redditur. c**
- Vrinæ aquosæ in phrenitide lethales.** 856. c. 1. e
- Vrinæ color albus duplex.** 856. c. 2. c. d
- Illius albedinis causæ septem. e**
- Vrina rubra, viridis, liuida, nigra, an à calore semper oriatur.** 857. c. 1. b
- Vrinæ rubæ tria genera. c**
- Vrinæ rubæ causa. 857. c. 2. a. Non illico sanguinis missionem exigit. b. Cur morbi longitudinem portendat. d**
- Vrina vinea, & passæa quæ, & vnde.** *ibid.* e
- Vrina viridis duplex, porracea, & æruginosa, an à calore orjatur.** 858. c. 1. a & seqq.
- Vrina lucida quibus in morbis constituitur.** 858. c. 2
- Vrina nigra vnde? 859. c. 1. a. Non semper pessima. b. c**
- Vrinæ suppressio pulsus mutat.** 897. c. 1. c
- Visionis utilitas. 560. c. 1. a. Dupliciter fit. c**
- Quando exercenda. c. 2. a**
- Vteri & ani ob viciniam consensus.** 6. c. 2. b
- Vteri strangulatus titillationibus, & frictionibus soluitur.** 31. c. 1. d
- Vterus omnium muliebrium morborum causa.** 34. c. 2. b
- In eius affectibus fontanellarum vsus efficax remedium. *ibid.* Eins mirabilis cum omnibus corporis partibus sympathia.** *ibid.* c. d
- Vtero suffocata, & in tabula anatomica secta, post secundam sectionem ad se redit.** 65. c. 2. b
- Vteri affectus quinam ex retento menstruo conciscuntur.** 266. c. 2. c
- Vterus odoribus delectatur. 267. c. 2. c. Ad superas partes substantiâ sua ascendere non potest.** 268. c. 1
- Vteri omnium muliebrium morborum causæ.** 442. c. a
- Vteri cum capite consensus. 449. c. 1. e. Quibus constet eius compositio.** 450. c. 2. e
- A frigidis leditur.** *ibid.* & 451. c. 1. a
- Vteri clausura in grauidis, quid, & quomodo accipienda.** 463. c. 2
- Vteri in affectibus cur caput doleat.** 463. c. 2. e
- Vterus extra prolapsus putrefactus, citra periculum abscissus.** 464. c. 2. a
- Vterus vndique alligatus. b**
- Vteri prolapsus quid. Eius causæ, signa, & qui ex eo affectus oriantur. 464. c. 2. d. c. Curatio.** 465. c. 2
- Vteri cum corde consensus per arterias.** 465. c. 1. b
- Mulier sine vtero diu vixit.** 465. c. 2. d
- Vterus non est pars princeps. e. Nec in visceribus numeranda.** 466. c. 1. a
- Neque ad indiuidui conseruationem necessaria. c**
- Vteri strangulatio ex veneris, abstinencia, & quæ inde oriantur incommoda. 468. 469. & seqq. Strangulatus symptomata an ab vna radice oriantur.** 471. c. 1. d
- Vterus non est animal, vt voluit Plato.** 472. c. 1. e. c. 2. a
- Cur odoribus recreatur.** c. 2. b
- Vnde eius ascensus, & retractio. d**
- Vteri vlcera cur curatu difficilia. 478. c. 2. Varia sunt, & quibus dignoscantur. b. c. Si cancrofa inenarrabilia. d**
- Qua arte curanda.** 479. c. 1
- Vteri à desperato profluuiio mulier Galeni ope liberata.** 947. c. 2
- Vteri fluxus definitio.** 480. c. 1. b
- Vterus in muliebri profluuiio an lædatur, vel corpus vniuersum.** 484. 485
- An grauidæ hoc affectu tententur.** 485. c. 2. d
- Vteri gestatio pulsus immutat.** 896. c. 2. c
- Vteri substantia 631. c. 1. b. Magnitudo. c. Febra, venæ, diuisio, ceruix, hymen. d. e**
- Caruncula, siue Nymphæ.** c. 2. a
- Vuæ inflammatio, & alijoris affectus quibus remediis curandi.** 139. c. 2
- Vuæ an imperfectæ visionis, & apparitionū causa. 832. 2**
- Vulturis ventriculus ad debilem coctionem iuuandam præsens auxilium.** 295
- Vuulæ siue vuæ appellationes & descriptio. 923. c. 2. a**
- Vfus. b. c**
- X**
- Xiphoïdes cartilago.** 286. c. 2. d
- Vide Carrilago.**
- Z**
- Zahard Arabica vox quid sonet.** 898. c. 2. e
- Zibertum animantis species, è cuius genitalibus odorata sordes eruitur, & quo pacto purganda. 15. c. 1. e**
- Vis eius ad vteri affectus.** 468. c. 2. e
- Zirbus Latine Omentum. Græcè epiploon, describitur.** 926. c. 1. a
- Zizania quid. 871. c. 1. b. Eius vis malefica, d**
- Zuccharum. Vide Saccharum.**
- Zygoma quid?** 940. c. 2. e